



Bound by  
Thomas Burn,  
37, Kirby Street,  
Hatton Garden.






NF. 719. 2. 14

12/6

Digitized by the Internet Archive  
in 2014



LEABHRAICHEAN  
AN  
T-SEANN TIOMNAIDH  
AIR AN TARRUING  
O'N CHEUD CHANAIN CHUM  
*GAELIC ALBANAICH.*

Air iarrtus na Cuideachd urramaich, a ta chum Eòlas CRÌOSDAIDH  
a sgaoileadh air feadh Gàeltachd agus Eileana na h-ALBA.



LONDON :  
*PRINTED BY A. APPEGATH,*  
Stamford-street,  
FOR THE BRITISH AND FOREIGN BIBLE SOCIETY,  
From the last printed Edition of the Society in Scotland for propagating  
Christian Knowledge ;  
*And Sold, to Subscribers only, at the Society's House,*  
*10, Earl-street, Blackfriars.*  
MDCCCXIII.

THE NATIONAL LIBRARY OF SCOTLAND

THE NATIONAL LIBRARY OF SCOTLAND

THE NATIONAL LIBRARY OF SCOTLAND

THE NATIONAL LIBRARY OF SCOTLAND



## LEABHRAICHEAN AN T-SEANN TIOMNAIDH.

---

	Caib.
Genesis; <i>anns am bheil</i> .....	59
Ecsodus .....	40
Lebhiticus .....	27
Aireamh .....	36
Deuteronomi.....	34
Iosua .....	24
Breitheamhna .....	21
Rut .....	4
I. Samuel .....	31
II. Samuel.....	24
I. Righ.....	22
II. Righ .....	25
I. Eachdraidh .....	29
II. Eachdraidh.....	36
Esra .....	10
Nehemiah .....	13
Ester.....	10
Iob .....	42
Salm .....	150
Gnath-fhocail .....	31
Eclesiastes .....	12
Dan Sholaimh .....	8
Isaiah .....	66
Jeremiah.....	52
Tuireadh.....	5
Eseciel.....	48
Daniel.....	12
Hosea ....	14
Ioel .....	3
Amos .....	9
Obadiah .....	1
Ionah .....	4
Micah .....	7
Nahem .....	3
Habacuc.....	3
Sephaniah .....	3
Hagai .....	2
Sechariah .....	14
Malachi .....	4





# GENESIS.

## CAIB. I.

**S**AN toiseach chruthaich Dia <sup>a</sup> na neamhan agus an talamh.

2 Agus bha'n talamh gun dealbhadh agus salamh; agus bha dorchadas air d aghaidh na doimhne: agus bha Spiorad Dé a' gluasad air aghaidh nan uisgeacha.

3 Agus thubhairt Dia, Biodh solus ann: agus bha solus ann.

4 Agus chunnaich Dia an solus, gu' n robh e math: agus chuir Dia dealachadh eadar an solus agus an dorchadas.

5 Agus dh'ainmich Dia an solus Là, agus an dorchadas dh'ainmich e Oidhche: agus b'iad am feasgar agus a' mhadainn an-ceud là.

6 Agus thubhairt Dia, Biodh athar o' am meadhon nan uisgeacha, agus cuirteadh e dealachadh eadar uisgeachan agus uisgeacha.

7 Agus rinn Dia an t-athar, agus chuir e dealachadh eadar na h-uisgeachan, a bha fuaidh'n athar, agus na h-uisgeachan, a bha os cionn an athair: agus bha e mar sin.

8 Agus dh'ainmich Dia an t-athar Nèamh: agus b'iad am feasgar agus a' mhadainn an dara là.

9 Agus thubhairt Dia, Cruinnichear na h-uisgeachan, a tu fuaidh nèamh a dh'aon àite, agus leigear ris am fearann tioram: agus bha e mar sin.

10 Agus dh'ainmich Dia am fearann tioram Talamh, agus cruinnicheadh nan uisgeacha dh'ainmich

e Fairgeachan u: agus chuunaic Dia gu' n robh e math.

11 Agus thubhairt Dia, Thugadh an talamh amach feur, luibh a ghineas siol, craobh-mheas a bheir amach meas a réir a gnè, aig am bheil a siol c imite féin air an talamh: agus bha e mar sin.

12 Agus thug an talamh amach feur, luibh a ghineas siol a réir a gnè, agus craobh a bheir amach meas, aig am bheil a siol innte féin a réir a gnè: agus chuunaic Dia gu' n robh e math.

13 Agus b'iad am feasgar agus a' mhadainn an treas là.

14 Agus thubhairt Dia, Biodh solus ann an speuraibh nèimh, a chur dealachaidh eadar an là agus an oidhche, agus bitheadh iad air son chomharan, agus air son aimsir-ean, agus air son làis, agus bhliadhnacha.

15 Agus biodh iad mar sholusan ann an speuraibh nèimh, a thoirt soluis air an talamh: agus bha e mar sin.

16 Agus rinn Dia dà sholus mhòr, an solus a's mò a riaghladh an latha, agus an solus a's lugha a riaghladh na h-oidhche; agus na reulta.

17 Agus shuidhich Dia iad ann an speuraibh nèimh, a thoirt soluis air an talamh,

18 Agus a riaghladh 'san là, agus 'san oidhche, agus a chur dealachaidh eadar an solus agus an dorchadas: agus chuunaic Dia gu' n robh e math.

19 Agus b'iad am feasgar agus a' mhadainn an ceathramh là.

u maranna, cuanta. a a thilgeas meas, air am fùs meas. b cineil, seòrta. c fras, ros. d lochraim. e mar chomharthan. f làithe. g air son sholusan, 'nan lòchran-aibh. h a shoilleachadh na talmhainn. i là, lo. l rean-naga, rionnagan. m a thubhairt. n a riaghladh an latha agus na h-oidhche.

a an t-Uile-chumhachdach. b gun chumadh, gun dreach. c fùs; folamh. Eir. d er. e an aigein. f a' gur gu caomh. g thuir; a dubhairt. Eir. h chonnaire. Eir. i go. Eir. l ro; raibh. Eir. m maith. n ghoir Dia do'n t-solus Latha. o aidhear, iormoilt, speuran. p os ceann. r do budh e an ndin agus an mhaidean. Eir. s darna. t an talamh tioram, an ùir thioram.

20 Agus thubhairt Dia, Thugadh na h-uisgeachan a mach gu pailt an creutair gluasadach, anns am bheil beatha<sup>a</sup>, agus biodh eunlaith ag itealach<sup>b</sup> os cionn na talmhainn air aghaidh speura néimh<sup>c</sup>.

21 Agus chruthaich Dia muamara<sup>d</sup> móra, agus gach uile chreutair beo a ghluaiseas, a thug<sup>e</sup> na h-uisgeachan amach gu pailt a réir an gné, agus gach eun iteagach<sup>f</sup> a réir a ghné: agus chunnaic Dia gu'n robh<sup>e</sup> math.

22 Agus bheannaich Dia iad, ag rádh, Siolaichibh, agus fásaibh lionmhor, agus lionaibh na h-uisgeachan anns na fairgibh, agus fasadh an eunlaith lionmhor air an talamh.

23 Agus b'iad am feasgar agus a mhadainn an cùigeadh là.

24 Agus thubhairt Dia, Thugadh an talamh amach an creutair beo a réir a ghné, spréidh, agus gach<sup>g</sup> ni a shnáigeas<sup>g</sup>, agus beathaiche<sup>h</sup> na talmhainn a réir an gné: agus bha<sup>e</sup> mar sin.

25 Agus rinn Dia beathaiche na talmhainn a réir an gné, agus an spréidh a réir an gné, agus gach<sup>i</sup> ni a shnáigeas air an talamh a réir a ghné: agus chunnaic Dia gu'n robh<sup>e</sup> math.

26 Agus thubhairt Dia, Deanamaid duine 'nar dealbh féini, a réir ar coslais féin, agus biodh uachdranachd aca os cionn éisg na mara, agus os cionn eunlaith nan speur<sup>l</sup> agus os cionn na spréidhe, agus os cionn na talmhainn uile, agus os cionn gach<sup>m</sup> ni a shnáigeas ata snáigeadh air an talamh.

27 Agus chruthaich Dia an duine 'na dhealbh féin; ann an dealbh Dhé chruthaich se<sup>e</sup>: frionnach agus bainionach<sup>m</sup> chruthaich e iad.

28 Agus bheannaich Dia iad, agus thubhairt Dia riu, Siolaichibh agus fásaibh lionmhor, agus lionaibh an talamh, agus ceannsaichibh<sup>e</sup>; agus biodh uachdranachd agaibh os cionn éisg na mara, agus os cionn eunlaith nan speur, agus os cionn gach<sup>n</sup> ni beo, a ghluaiseas air an talamh.

29 Agus thubhairt Dia, Feuch, thug mi dhuibh gach luibh a ghineas siol, a ta air aghaidh na talmhainn uile,

agus gach craobh anns am bheil meas craoibh a ghineas siol; dhuibhse bithidh e mar bhiadh<sup>n</sup>.

30 Agus do uile bheathaichibh<sup>o</sup> na talmhainn, agus do uile eunlaith nan speur, agus do gach<sup>p</sup> ni a shnáigeas air an talamh, anns am bheil beathap, thug mi gach luibh ghorm<sup>r</sup> mar bhiadh: agus bha<sup>e</sup> mar sin.

31 Agus chunnaic Dia gach<sup>q</sup> ni a rinn e, agus feuch, bha<sup>e</sup> ro mhaith. Agus b'iad am feasgar agus a mhadainn an seathadh<sup>s</sup> là.

## CAIB. II.

**A**GUS chríochnaiceadh na neamhan agus an talamh, agus an sluagh uile.

2 Agus chríochnaich Dia air an t-seachdamh là an obair a rinne: agus ghabh<sup>t</sup> e foist air a t-seachdamh là o obair uile, a rinn e.

3 Agus bheannaich Dia an seachdamh là, agus naomhaich se<sup>e</sup>: do bhri' gur ann air a ghabh<sup>e</sup> fois o obair uile, a chruthaich Dia agus a rinn e.

4 'Siad so ginealaich nan neamh agus na talmhainn, 'nuair a chruthaiceadh iad, 'san là 'n d'riinn an Tighearna<sup>u</sup> Dia an talamh agus na neamha.

5 Agus cha robh uile phreas na machrach fathast anns an talamh, agus cha d'fhàs fathast uile lus na machrach<sup>a</sup>; do bhri' nach d'thug an Tighearna Dia air uisge frasadh<sup>b</sup> air an talamh, agus cha robh duine ann a shaoithreachadh na talmhainn.

6 Ach chaidh ceò suas o'n talamh, agus dh'uisgich e aghaidh na talmhainn uile.

7 Agus dhealbh an Tighearna Dia an duine do dhùslach na talmhainn: agus shéid e ann an cuineinibh<sup>c</sup> a shroine anail na beatha; agus dh'fhàs an duine 'na anam beo.

8 Agus shuidhich<sup>d</sup> an Tighearna Dia gàradh<sup>e</sup> ann Eden 'san airde 'n ear, agus chuir e ann an sin an duine a dhealbh e.

9 Agus thug an Tighearna Dia air gach uile chraoibh fàs as an talamh ata taitneach do'n t-sealladh, agus math a chum bidh: craobh na beatha mar an ceudna, ann am meadhon a'

n air son bldh.

o gach uile

bheathach.

p anam beo. Eabh.

r ghlas.

s seiseadh. Eir.

t rinn e tamh.

u Jehobhah. Eabh.

a Agus gach uile phreas na machrach mu'n robh e anns an talamh, agus gach uile lus na machrach mun' d'fhàs e.

b sileadh.

c pollaibh, pollaraibh, coir lionaibh.

d phlanndaich, dheasaich.

e lios.

a anam beo. Eabh.

b agus

eunlaith a dh'itealtaicheas.

c ann an speuraibh néimh.

d mèola. Eir. e noch thugadar. Eir.

f sgiathach, sgiathanach.

g chrùbas; shnáigheas, shnámhas. Eir.

h fiadh bheathaiche.

i lomhaigh,

cruth. l néimh, an athair. m fear

agus bean, frionn agus boirionn.

ghàraidh, agus craobh an eòlais mhaith agus uile.

10 Agus chaidh abhainn a mach a h-Eden a dh'uisgeachadh a' ghàraidh; agus as sin roinneadh i, agus dh'fhàs i 'na ceithir cheannaibh.

11 'Se ainm na ceud aibhne Pison; so i ata cuartachadh tire Chabhalaih uile, far am bheil òr.

12 Agus a ta òr na tire sin math: 'an sin a ta bdellium agus a' chlach onics.

13 Agus 'se ainm na daradh aibhne Gihon: 'si sin ata cuartachadh tire Chuisd uile.

14 Agus 'se ainm na treas aibhne Hiddecel: 'si sin a tha dol do'n taoibh an ear do Assiria. Agus 'si 'n ceathramh abhainn Euphrates.

15 Agus ghabh an Tighearna Dia an duine, agus chuir se e ann an gàradh Edein, g'a shaoithreachadh e agus g'a ghleidheadh.

16 Agus dh'àithn an Tighearna Dia do'n duine, ag ràdh, Do gach uile chraoibh 'sa ghàradh feudaidh tu itheadh gu saor:

17 Ach do chraoibh an eolais mhaith agus uile, cha'n ith thu dh'i sin; oir anns an là dh'itheas tu dh'it, gu cinnteach bàsachidh tu.

18 Agus thubhairt an Tighearna Dia, Cha z 'n'eil e math gu'm biodh an duine 'na aonar: Ni mi dha còmhnaidh d'a réir féin i.

19 Agus dhealbh an Tighearna Dia as an talamh uile bheathaiche na machrach, agus uile eunlaith nan speur, agus thug e iad a chum Adhaimh, a dh'fhaicsinn cionnas a dh'ainmicheadh e iad: agus ge b'e ainm a thug Adhamh air gach creut-air beò, b'e sin a b'ainm dha.

20 Agus thug Adhamh ainmeana do'n spréidh uile, agus do eunlaith nan speur, agus do uile bheathaicheibh na machrach: ach do Adhamh cha d'fhuaradh còmhnaidh d'a réir féin.

21 Agus thug an Tighearna Dia air codal trom tuiteam air Adhamh, agus cheidil e: agus ghabh e h-aon d'a aiseibh, agus dhuine e 'n fheoil suas 'na h-àite.

a umhainn. b as sin sgaoil i, agus dh'fhàs i 'na ceithir meuraibh. c ann an sin. d Arabia;

Ethiopia, Sasg. e dheasachadh. f fhios. s Cho.

h cunghnamh. Eir. i a bhios ionchuidh dha, cosmhuil ris féin.

l thug e iad a dh'ionnsuidh Adhaimh, a dh'fhaicsinn ciod e ghoireadh e dhiubh; agus ge b'e air bith a ghoir Adhamh do gach uile chreutair beò.

22 Agus thog m an Tighearna Dia an aisean a thug e o'n duine, suas 'na mnaoi, agus thug e i chum aa duine.

23 Agus thubhairt Adhamh, So a nis n cnàimh do m'chnàmhaibh, agus feoil do m' fheoil-sa: goirear beano dith, do bhri' gur ann as an duine p thugadh i.

24 Air an aobhar sin r fàgaidh fear athair agus a mhàthair, agus dlù-leanaidh se r'a mhnai; agus bithidh iad 'nan aon fheoil.

25 Agus bha iad le chéile lom-nochd, an duine agus a bhean; agus cha robh nàir orra.

### CAIB. III.

A NIS bha 'n nathairs ni bu sheoltat na h-aon do bheathaicheibh na machrach a rinn an Tighearna Dia; agus thubhairt i ris a' mhnai, Seadh, an dubhairt Dia, Cha 'n ith sibh do gach craoibh 'sa' ghàradh?

2 Agus thubhairt a' bhean ris an nathair, Do mheascraobhan a' ghàraidh feudaidh sinn itheadh:

3 Ach do mheas na craoibh a ta ann am meadhon a' ghàraidh, thubhairt Dia, Cha'n ith sibh dheth, agus cha bhean sibh ris, a chum nach fuigh sibh bas.

4 Agus thubhairt an nathair ris a' mhnai, Gu cinnteach cha 'n fhuigh sibh bas.

5 Oir ata fios aig Dia, 'san là a dh'itheas sibh dheth, gu'm fosgailear blur a sùilean, agus gu'm bi sibh mar dhée, fiosrach air math agus air olc.

6 Agus chunnaic a' bhean gu'n robh a' chraobh math a chum bith agus gu'n robh i taitneach do 'n t sùil b, agus 'na craoibh r'a miannachadh a dheanamh neachglic; agus ghabh i d'a meas agus dh'it i, agus thug i mar an ceudna d'a fear maille ria, agus dh'ith e.

7 Agus dh'fhosglaidh an sùile le chéile, agus dh'àithnich iad gu'n robh iad lomnochd; agus dh'fhuair iad duilleach croinn-fhigis r'a chéile, agus rinn iad dhoibh féin aprainc.

8 Agus chual' iad guth an Tighearna Dé ag imeachd d's a' ghàradh am fionn-shuaireachd an là: agus dh'fholaich Adhamh agus a bhean

m rinn. n a nois. Eir. o isha. Eabh. p ish. Eabh. r àdhbhar.

s aithir. t innnteachdaiche, raideile, shiteile, charaiche, chuil-bheartaiche. u ant-eagal gu'm fuigh. a ar. b na sùilb.

c criosan. Eabh. d a' spaisdeireachd, a' sràid-imeachd.

iad féin o ghnúis an Tighearna Dé am measg chraobh a' ghàraidh.

9 Agus dh'èigh<sup>a</sup> an Tighearna Dia air Adhamh, agus thubhairt e ris, C'ait am bheil thu?

10 Agus thubhairt e, Chuala mi do ghuth 'sa' ghàradh, agus bha eagal orm a chionn gu'n robh mi lomnochd<sup>b</sup>, agus dh'fholaich mi mi féin.

11 Agus thubhairt e, Cò dh'innis dhuit gu'n robh thu lomnochd? An d'ith thu do'n chraoibh, a dh'àithn mise dhuit gun itheadh dhith?

12 Agus thubhairt an duine, A' bhean a thug thu gu bhi maille rium, thug ise dhamh do'n chraoibh, agus dh'ith mi.

13 Agus thubhairt an Tighearna Dia ris a' mhnaoi, Ciod e so a rinn thu? agus thubhairt a' bhean, Mheall an nathair mi, agus dh'ith mi.

14 Agus thubhairt an Tighearna Dia ris an nathair, A chionn gu'n d'rinn thu so, tha thu malaichte thar gach ainmibh<sup>d</sup>, agus thar uile bheathaiche na machrach: air do bhroinn imichidh tu, agus duslach e ithidh tu uile lài<sup>f</sup> do bheatha.

15 Agus cuiridh mi naimhdeas eadar thus' agus a bhean, agus eadar do shìol<sup>s</sup> agus a sìol-sa: bruthaidh esan<sup>g</sup> do cheann, agus bruthaidh tusa a shàil-san.

16 Ris a' mhnaoi thabhairt e, Meudaichidh mi gu mòr do dhoilgheas agus do thoircneas; am péin beiridh tu clann, agus re t'fhear bithidh do thogradh<sup>h</sup>, agus bithidh uachdranachd aige ort<sup>i</sup>.

17 Agus re h-Adhamh thubhairt e, Do bhri' gu'n d'èisd thu re guth do mhnà, agus gu'n d'ith thu do'n chraoibh a dh'àithn mise dhuit, ag ràdh, Cha'n ith thu dhith, tha'n talamb, mallacht' air do shon; ann an doilgheas ithidh tu dheth uile lài' do bheatha.

18 Agus droighionn agus cluarain<sup>l</sup> bheir e' mach dhuit, agus ithidh tu luibh na machrach.

19 Am fallus<sup>m</sup> do ghnúis ithidh tu aran, agus am pill thu dh' ionnsuidh na talmhainn<sup>n</sup>; oir aisde thugadh thu: oir is duslach thu, agus gu duslach pillidh tu.

20 Agus thug Adhamh Eubha mar ainm air a mhnaoi, do bhri' gu'm bi màtnair nan uile bheo i.

21 Agus rinn an Tighearna Dia do Adhamh agus d'a mhnaoi, còtaichean croicinn, agus chòmhaich e iado.

22 Agus thubhairt an Tighearna Dia, Feuch, ata'n duine air fàs mar aon dhinn<sup>féin</sup>, fiosrach air math agus olc. Agus a nis an t-eagal gu'n sineadh e mach a làmh, agus gu'n gabhadh e, mar an ceudna, do chraoibh na beatha, agus gu'n itheadh e, agus gu'm biodh e beo gu sìorruidh:

23 Air an aobhar sin chuir an Tighearna Dia a mach e a gàradh Edein a shaoithreachadh na talmhainn, as an d'thugadh e.

24 Agus d'fhògair e mach an duine; agus shuidhich e 'san taobh an ear do ghàradh Edein Cheruban<sup>p</sup>, agus cloidheamh lasrach<sup>q</sup>, a bha tionndadh air gach làmh, a ghleidheadh r slighe craoibh na beatha.

#### CAIB IV.

**A** GUS dh'aithnich Adhamh a bhean Eubha, agus dh'fhàs i torrach<sup>s</sup>, agus rug i Cain agus thubhairt i, Fhuair m<sup>t</sup> duine o'n Tighearna.

2 Agus a ris, rug i a bhràthair Abel: agus bha Abel 'na bhuachaill chaorach, ach bha Cain 'na threabhaiche fearainnt.

3 Agus tharladh<sup>u</sup> an ceann lài' àraidh<sup>a</sup>, gu'n d' thug Cain do thoradh an fhearainn tabhartas<sup>b</sup> do'n Tighearna.

4 Agus thug Abel mar an ceudna do chend-ghinibh a thréid, agus d'an saill: agus bha meas aig an Tighearna air Abel, agus air a thabhartas:

5 Ach air Cain, agus air a thabhartas, cha robh meas aige. Agus bha Cain suidh throm fheirg<sup>c</sup>, agus thuit a ghnúis<sup>d</sup>.

6 Agus thubhairt an Tighearna re Cain, C'ar son a tha fearg ort? agus c'ar son a thuit do ghnúis?

7 Ma ni thu gu math, nach gabhar riut? agus mur dean thu gu math, aig an dorus<sup>thu</sup> peacadh 'na luidhe. Agus riutsa bithidh<sup>a</sup> a thogradh, agus bithidh uachdranachd agad air.

8 Agus labhair Cain re h-Abel e

o dh'eudaich e iad, chuir e trusgan orra. p Cherubim. Eabh.

q lasartha. r choimhead.

s thorraicheadh i, dh' fhàs i leatromach. t taluhainn.

u thachair; bha e. Eabh. a àraid.

b tiodhlac, ofrail. c làn feirge.

d luidh gruain air. e bha focail eadar Cain agus Abel.

<sup>a</sup> ghoir, ghairm, ghlaodh.

<sup>b</sup> a chionn mi bhi ruisgte.

<sup>c</sup> Go de so a riun thu? <sup>d</sup> spréidh.

<sup>e</sup> àir. <sup>f</sup> làethe, luthachan.

<sup>g</sup> esan, eisean. <sup>h</sup> iartus.

<sup>i</sup> os do chionn. <sup>l</sup> oighionnach:

<sup>m</sup> follus.

<sup>n</sup> àire.



a bhràthair: agus 'nuair a bha iad 'sa mhachair', dh'èirich Cain suas an aghaidh Abeil a bhràthar, agus mharbh se e.

9 Agus thubhairt an Tighearna re Cain, C'ait' am bheil Abel do bhràthair? Agus thubhairt esan, Cha'n 'eil fhios agam b. Am mise fear-gleidhidh mo bhràthar?

10 Agus thubhairt esan, Ciod a rinn thu? Tha guth fola do bhràthar ag éigheach riunsa o'n talamh.

11 Agus a nis tha thu mallaichte o'n talamh, a dh'fhosgail a bheul a ghabhail fola do bhràthar o d'làimh.

12 'Nuair a shaoithricheas tu'n talamh, cha toir e dhuit a so suas a neart. A't'fhògarach agus a' t'fhear-fuadain bithidh d tu air an talamh.

13 Agus thubhairt Cain ris an Tighearna, Is mò mo pheanas na gur urrainn mi ghiùlan e.

14 Feuch, dh'fhògair thu mi mach an diugh bhàrr aghaidh na talmhainn: agus o d'ghnuis-sa folaichear mi, agus bithidh mi m'fhògarach agus a'm' fhear-fuadain air an talamh; agus tarlaidh gach neach a gheibh mi f'gu marbh e mi.

15 Agus thubhairt an Tighearna ris, Uime sin ge b'e air bith a mharbhas Cain, nithear a sheachd uiread do dhioghaltas air e. Agus chuir an Tighearna comhar' air Cain, a chum ge b'e neach a gheibheadh e, nach marbhadh se e.

16 Agus chaidh Cain amach a làthair an Tighearna, agus ghabh e comhnuidh ann an tìr Nod an taobh an ear do Eden b.

17 Agus dh'aithnich Cain a bhean, agus dh'fhàs i torrach, agus rug i Enoch: agus thog e baile i, agus ghoir e ainm a bhaile a réir ainme a mhic, Enoch.

18 Agus rugadh do Enoch Irad; agus ghin Irad Mehuiael; agus ghin Mehuiael Metusael; agus ghin Metusael Lamech.

19 Agus ghabh Lamech dha féin dà mhnaoi: b'e ainm a h-aon diubh Adah, agus ainm na mna eile Sillah.

20 Agus ghin Adah Iabal: b'esan athair na droinge<sup>l</sup>, a ta gabhail

comhnuidh 'am bùthaibh m, agus na droinge aig am bheil spréidh.

21 Agus b'e ainm a bhràthar Iubal: b' esan athair nan uile a laimbsicheas clàrsach agus organ.

22 Agus Sillah, rug ise mar an ceudna Tubal-cain, fear-teagaisg gach uile fir-ceird ann an ùmhadh n agus 'an iarnn: agus b'i piuthar Thubal-cain, Naamah.

23 Agus thubhairt Lamech r'a mhnaibh, Adah agus Sillah, Cluinnibh mo gluth, a mhnai Lameich, éisidibh re m' chainnt: oir mharbh mi duine chum mo lotaidh, agus òganach a chum mo chiurraidh o.

24 Ma dhiolar Cain a sheachd uiread, gu deimhin diolar Lamech a sheachd-deug agus a thri fichead uiread.

25 Agus dh'aithnich Adhamh a ris a bhean, agus rug i mac, agus thug i Set p mar ainm air; oir dh'orduich Dia, thubhairt i, dhomhsa, sliochd eile 'n àite Abeil, a mharbh Cain.

26 Agus do Shet féin mar an ceudna rugadh mac, agus thug e Enos mar ainm air: 'an sin thòisich daoine re gairm air ainm an Tigh-earna.

# CAIB. V.

**S**E so leabhar ghinealach Adhaimh: 'san là'n do chruthaich Dia an duine, ann an coslas Dé rinn se e.

2 Firionnach agus bainionnach chruthaich e iad; agus bheannaich e iad, agus thug e Adhamh r mar ainm orra, 'san là'n do chruthaich eadh iad.

3 Agus bha Adhamh beò ceud agus deich bliadhna fichead, agus ghin e mac 'na choslas féin, a réir ionmhaigh féin s: agus thug e Set mar ainm air.

4 Agus b'iad lài' Adhaimh 'an déigh dha Set a ghintinn<sup>t</sup>, ochd ceud bliadhna: agus ghin e mic agus nigheana.

5 Agus b'iad uile lài' Adhaimh a bha e beo, naoi ceud agus deich bliadhna fichead; agus fhuair e bàs.

6 Agus bha Set beo ceud agus cùig bliadhna, agus ghin e Enos.

7 Agus bha Set beo, 'n déigh dha Enos a ghintinn, ochd ceud agus seachd bliadhna, agus ghin e mic agus nigheana.

8 Agus b'iad uile lài' Shet naoi

a 'san fhaiche, 'sa' mhaigh.

b Cha'n aithne dhamh, cha'n fhiosrach mi.

c cha doir, cho tabhair.

d biaidh. Eir.

e 'Smd mo choire

na gu'm feudar a laghadh dhamh.

f dh'amaiseas orm.

g dh'athair a' bhean.

h 'san aird an ear o Eden.

i cathair.

l muinntir, dream.

m bothagaibh, pàillionnaibh.

n prais.

o dhochair.

p Seth. Eab'.

q duine.

r 'na dhealbh, 'na chruth fein.

t ghineamhain. Eir.

ceud agus dà-bhliadhna-dheug ; agus fhuair e bàs.

9 Agus bha Enos beo ceithir fichead bliadhna 'sa deich, agus ghin e Cainan.

10 Agus bha Enos beo, 'n déigh dha Cainan a ghintinn, ochd ceud agus cùig-bliadhna-deug, agus ghin e mic agus nigheana.

11 Agus b' iad uile lài' Enois naoi' ceud agus cùig bliadhna; agus fhuair e bàs.

12 Agus bha Cainan beo deich bliadhna 's tri' fichead, agus ghin e Mahalaleel.

13 Agus bha Cainan beo, 'n déigh dha Mahalaleel a ghintinn, ochd ceud agus da fhichead bliadhna, agus ghin e mic agus nigheana.

14 Agus b' iad uile lài' Chairain naoi' ceud agus deich bliadhna; agus fhuair e bàs.

15 Agus bha Mahalaleel beo cùig bliadhna 's tri fichead, agus ghin e Iared.

16 Agus bha Mahalaleel beo, 'n déigh dha Iared a ghintinn, ochd ceud agus deich bliadhna fichead, agus ghin e mic agus nigheana.

17 Agus b' iad uile lài' Mahalaleil ochd ceud, ceithir fichead, agus cùig-bliadhna-deug ; agus fhuair e bàs.

18 Agus bha Iared beo ceud agus tri' fichead agus dà bhliadhna, agus ghin e Enoch.

19 Agus bha Iared beo, 'n déigh dha Enoch a ghintinn, ochd ceud bliadhna, agus ghin e mic agus nigheana.

20 Agus b' iad uile lài' Iareid naoi' ceud, tri' fichead, agus da bliadhna agus fhuair e bàs.

21 Agus bha Enoch beo tri' fichead agus cùig bliadhna, agus ghin e Metuselah.

22 Agus ghluais Enoch maille re Dia, 'n déigh dha Metuselah a ghintinn, tri' cheud bliadhna, agus ghin e mic agus nigheana.

23 Agus b' iad uile lài' Enoich tri' cheud, agus tri' fichead, agus cùig bliadhna.

24 Agus ghluais Enoch maille re Dia, agus cha robh e ann, oir thug Dia leis e.

25 Agus bha Metuselah beo ceud, agus ceithir fichead, agus seachd bliadhna, agus ghin e Lamech.

26 Agus bha Metuselah beo, 'n déigh dha Lamech a ghintinn, seachd ceud, ceithir fichead agus dà bhliadhna, agus ghin e mic agus nigheana.

27 Agus b' iad uile lài' Mhetuselah naoi' ceud agus tri' fichead agus naoi' bliadhna ; agus fhuair e bàs.

28 Agus bha Lamech beo ceud agus ceithir fichead agus dà bhliadhna, agus ghin e mac.

29 Agus thug e Noah mar ainm air, ag ràdh, Bheir an tì so *fein* sòlas dhuinne thaobh ar n-oibre agus soithreach ar làmh, a thaobh na talmhainn a mhallaich an Tigh-eam'.

30 Agus bha Lamech beo, 'n déigh dha Noah a ghintinn, cùig ceud, ceithir fichead, agus cùig-bliadhna-deug ; agus ghin e mic agus nigheana.

31 Agus b' iad uile lài' Lameich, seachd ceud agus tri' fichead agus seachd-bliadhna-deug ; agus fhuair e bàs.

32 Agus bha Noah cùig ceud bliadhna dh'aois : agus ghin Noah Sem, Ham, agus Iaphet.

# CAIB. VI.

**A**GUS 'nuair a thòisich daoine re fàs lionmhor air aghaidh na talmhainn, agus a rugadh nigheana dhoibh,

2 Agus a chunnaic mic Dhé nigheana dhaoine<sup>a</sup>, gu'n robh iad sgiamhach, ghabh iad dhoibh *fein* mnàì do gach uile a ròghnaich iad.

3 Agus thubhairt an Tighearna, Cha bhi mo Spiorad a'stri'ris an duine a ghnà<sup>b</sup>, do bhrì' gur feoil amhàin c<sup>c</sup>: gidheadh, bithidh a lathan ceud agus fichead bliadhna.

4 Bha fannhaireand air an talamh 'sna laithibh sin ; agus mar an ceudna 'na dhéigh sin, 'nuair a thàinig mic Dhé a steach a chum nigheana dhaoire, agus a rug iad clann dhoibh, dh'fhàs iad sin 'nan daoineibh treuna, a bha o shean 'nan daoineibh ainmeil.

5 Agus chunnaic an Tighearna gu'n *tu* mhor aingidheachd an duine air an talamh, agus gu'n robh uile bhreithneachadh smuaintean a chridhe a mhaìn olc gach aon làe.

6 Agus b' aithreach leis an Tighearna gu'n d' rinn e 'n duine air an talamh, agus thog e doilgheas f da 'na ebridhe.

7 Agus thubhairt an Tighearna, Sgrìosaidh mi 'n duine, a chruthaich mi, bhàrr aghaidh na talmhainn, aràon duine agus ainmhidh, agus an *crentair* a shnàigeas, agus eunlaith nan speur ; oir is aithreach leam gu'n d' rinn mi iad.

<sup>a</sup> chunnaic mic nan daoine cumhachdach nigheana dhaoine' isle.

<sup>b</sup> ghnàth. <sup>c</sup> gur feoil esan mar an ceudna.

<sup>d</sup> fuanh-  
airean, curaidhean, athaich.

<sup>e</sup> 'an còmhnuidh, daonan.  
<sup>f</sup> cràdh, mulad.

8 Ach fhuair Noah deagh-gheana ann an suilibh an Tighearna.

9 'S iad so ginealaich Noah; Bha Noah 'na dhuine cothromach<sup>b</sup>, agus iomlan 'na linn<sup>c</sup>; agus ghluais Noah maille re<sup>d</sup> Dia.

10 Agus ghlin Noah triuir mhac, Sem, Ham, agus Iaphet.

11 Agus bha 'n talamh truailidh am fànaid Dé, agus lionadh an talamh le foirneart.

12 Agus dh'amhairc Dia air an talamh, agus feuch, bha e truailidh; oir thruaill gach uile fheoil a slighe air an talamh,

13 Agus thubhairt Dia re Noah, Thàinig crìoch gach uile fheòla a'm fhianuis; oir tha'n talamh air a lionadh le foirneart d'an trid-sane: agus feuch, sgriasaidh mise iad maille ris an talamh.

14 Dean dhuit féin àirc do fhiodh ghophher; seòmraichean ni thu 'san àirc<sup>f</sup>, agus comhdaichidh tu i stigh agus a muigh le pic.

15 Agus so a' chumachd air an dean thu i: Tri cheud làmh-choille g fad na h-àirce, leth-cheud làmh-choille a leud, agus deich 'ar fhichead<sup>h</sup> làmh-choille a h-àirde.

16 Uinneag i ni thu do'n àirc, agus 'an làmh-choille crìochnaichidh tu i 'na mullach<sup>k</sup>; agus dorus na h-àirce cuiridh tu 'na taobh: le lobhtaibh iochdrach, meadhonach<sup>l</sup>, agus uachdrach<sup>m</sup> ni thu i.

17 Agus feuch, bheir mise, eadhon mise, dìle uisgeachan air an talamh, a sgrios gach uile fheòla, anns am bheil anail na beatha fuidh<sup>n</sup> nèamh: agus gheibh gach ni a ta air an talamh bàs.

18 Ach daingnichidh mi mo choi'-cheangal<sup>o</sup> riutsa: agus thèid thu a steach do'n àirc, thu féin, agus do mhic, agus do bhean, agus mnaid do mhic maille riut.

19 Agus do gach uile ni beo do'n uile fheoil, dithis do gach seòrta<sup>r</sup> bheir thu steach do'n àirc, gu'n gleidheadh beò maille riut: firionn agus bainionn<sup>s</sup> bithidh siad.

20 Do'n eunlaith a réir an gnè, agus do'n spréidh a réir an gnè, agus do gach ni a shnáigeas air an talamh a réir a ghnè: thèid dithis do gach

seòrta steach a't' ionnsuidh, gu'n gleidheadh beo.

21 Agus gabh thusa dhuit do gach uile bhiadh a dh'ithear, agus cruinnichidh tu a't' ionnsuidh<sup>e</sup>; agus bithidh e dhuitse agus dhoibhsan air son beathachaidh t.

22 Mar so rinn Noah; a réir gach ni a dh'àithn Dia dha, mar sinn rinn e.

## CAIB. VII.

**A**GUS thubhairt an Tighearna ri Noah, Rach thusa<sup>u</sup>, agus do thigh uile, a steach do'n àirc; oir thusa chumaidh mi cothromach a'm' fhianuis 'sa' ghiùealach so<sup>a</sup>.

2 Do gach uile ainmhidh glan gabhaidh tu dhuit 'nan seachdaibh, am firionn agus a bhainionn; agus do ainmhidhibh nach 'eil glan, 'nan dithisibh<sup>b</sup>, am firionn agus a bhainionn.

3 Mar an ceudna do eunlaith nan speur' nan seachdaibh, firionn agus bainionn, a gheidheadh sil beò air aghaidh na talmhainn uile:

4 Oir fathast seachd lathan, agus bheir mise air uisge teachd air an talamh dà fhichead là, agus dà fhichead oidhe; agus sgriosaidh mi gach dùil bheo, a rinn mi, bhàrr, aghaidh na talmhainn.

5 Agus rinn Noah a réir gach ni a dh'àithn an Tighearna dha.

6 Agus bha Noah sè ceud bliadhna dh'aois, 'nuair a bha 'n dìle<sup>d</sup> uisge, eachan air an talamh.

7 Agus chaidh Noah steach, agus a mhic, agus a bhean, agus mnaid a mhic maille ris, do'n àirc, air son uisgeacha na dìle.

8 Do ainmhidhibh glan, agus do ainmhidhibh nach 'eil glan, agus do eunlaith, agus do gach ni a shnáigeas air an talamh.

9 Chaidh dithis agus dithise<sup>e</sup> a steach a dh'ionnsuidh Noah do'n àirc, firionn agus bainionn, a réir mar a dh'àithn Dia do Noah.

10 Agus 'an déigh sheachd lài' bha uisgeacha na dìle air an talamh.

11 Anns an t-seathadh ceud bliadhna dh'aois Noah, 'san dara mìos, 'san t-seachdamh latha deug do'n mhìos, 'san là sin féin bhriseadh suas uile thobraiche na doimhne mòire, agus bha tuil-dhorsa<sup>f</sup> nan neamh air am fosgladh.

12 Agus bha'n t-uisg' air an talamh

a fàbhor. b ceart, ionruic.

e 'na ghinealàchaibh. d ri.

e le h-urchoid leo-san. f 'na

seòmraichibh beaga ni thu an àirc.

g bann-lamh. h deich thar fhichead.

i Fuinneog. Eir. k os cionn.

l dara. m treas. n fo.

mo chunradh, mo chumhant.

p mrathan. r seòrsa. s boirionn.

t air son bìdh, mar lòn. u Theirig thusa, gabh thusa. a 'san linn so.

b 'nan càraidibh.

c dubhaidh mi as.

d dèlinn, tuil.

e a lìon dithis agus dithis.

f uinneaga.

dà fhichead là agus dà fhichead oidhche.

13 'Sà' cheart là sin féina chaidh Noah, agus Sem, agus Ham, agus Iaphet, mic Noaib, agus bean Noaib, agus triuir bhan a mhic maille riu, a steach do'n àirc;

14 Iad féin, agus gach uile bheathach a réir a ghnè, agus an spréidh uile a réir an gnè, agus gach creutair a shnáigeas a ta snaigeadh air an talamh a réir a ghnè, agus an eunlaith uile a réir an gnè, gach eun do gach seòrta.

15 Agus chaidh iad a steach a chum Noaib do'n àirc, a lion dithis agus dithis, do gach uile fheoil, anns an bheil anail na beatha.

16 Agus iadsan a chaidh a steach, fionn agus baininn chaidh iad steach do gach uile fheoil, mar a dh'aitlin Dia dha: agus dhruid an Tighearna stigh e.

17 Agus bha 'n dile dà fhichead là air an talamh, agus mheudaicheadh na h-uisgeachan, agus ghiùlain iad an àirc, agus thogadh suas i os cionn na talmhainn.

18 Agus bhuadhaich na h-uisgeachan, agus mheudaicheadh iad gu h-anbarrach air an talamh; agus shiubhail e an àirc air aghaidh nan uisgeacha.

19 Agus bhuadhaich na h-uisgeacha gu ro-anbarrach air an talamh; agus chòmhdaicheadh na beanntan àrda uile, a bha fuidh na neamhaibh gu léir.

20 Cùig làmh-choille deug air àrde bhuadhaich na h-uisgeachan; agus chòmhdaicheadh na beanntan.

21 Agus dh'eug d gach uile fheoil, a bha gluasad air an talamh, araon do eunlaith, agus do spréidh, agus do bheathaichibh, agus do gach ni a shnáigeas a ta snáigeadh air an talamh, agus gach uile dhuine.

22 Gach ni aig an robh anail na beatha ann an cuicinibh a shroine, do na h-uile a bha air an talamh thioram, dh'eug iad.

23 Agus sgriosadh gach uile dhùil a bha air aghaidh na talmhainn, araon duine agus ainmhidh, agus an creutair a shnáigeas, agus eunlaith nan speur; agus sgriosadh iad bhàrr na talmhainn, agus dh'fhàgadh amhàin Noah, agus na bha maille ris 'san àirc.

24 Agus bhuadhaich na h-uis-

geachan os cionn na talmhainn ceud agus leth cheud là.

CAIB. VIII.

**A** GUS chuimhnich Dia air Noah, agus gach ni beo, agus gach uile spréidh a bha maille ris 'san àirc, agus thug Dia air gaoith dol thairis air an talamh, agus thraogh na h-uisgeacha.

2 Agus dhruideadh suas tobraiche na doimhne, agus tuil-dhorsa nan neamh; agus choisgeadh an t-uisge o na nèamhaibh f.

3 Agus phill na h-uisgeachan a ghnàs bhàrr na talmhainn; agus thraogh na h-uisgeachan 'an deigh cend agus leth-cheud là.

4 Agus stad an airc anns an t-seachdamh mìos, air an t-seachdamh là deug do'n mhìos, air beanntaibh Ararat.

5 Agus thraogh na h-uisgeachan a ghnàs gus an deicheamh mìos: Anns an deicheamh mìos, air a' cheud là do'n mhìos, chunncas mullaiche nam beann.

6 Agus an ceann dhà fhichead là, dh'fhosgail Noah uinneag na h-àirce a rinn e.

7 Agus chuir e mach fitheach, a chaidh mach a' dol air ais agus air aghaidh, gus an do thiormaicheadh na h-uisgeacha bhàrr na talmhainn.

8 Mar an ceudna chuir e mach columan uaithe, a dh'fhaicinn h an do thraogh na h-uisgeacha bhàrr aghaidh na talmhainn.

9 Ach cha d'fhuair an columan fois do bhonn a chois, agus phill e d'a ionnsuidh do'n àirc, do bhri' gu'n robh na h-uisgeachan air aghaidh na talmhainn uile. An sin chuir e mach a làmh, agus rug e air, agus thug e stigh e d'a ionnsuidh do'n àirc.

10 Agus dh'fhan e fathast seachd lathan eile, agus a ris chuir e mach an columan o'n àirc.

11 Agus thàinig an columan d'a ionnsuidh 'san fheasgar, agus feuch, duilleag craoibh ola, a spionadh leis, aige 'na ghoba: agus dh'aithnich Noah gu'n do thraogh na h-uisgeacha bhàrr na talmhainn.

12 Agus dh'fhan e fathast seachd lathan eile, agus chuir e mach an columan: agus cha do phill e ris d'a ionnsuidh ni's mò.

13 Agus ams an t-séathadh ceud bliadhna agus a h-aon, ams a' cheud

<sup>a</sup> Ann an corp an là sin féin. Eabh.

<sup>b</sup> chuaidh. Eir.

<sup>c</sup> dh'fhalbh, dh'imich.

<sup>d</sup> bhàsaich.

<sup>e</sup> eadar dhuine agus ainmhidh.

<sup>f</sup> bha'n t-uisge o na nèamhaibh air a chosgadh.

<sup>g</sup> gun stad, a' dol air ais agus air aghaidh. Eabh.

<sup>h</sup> dh'fhaicsinn.

<sup>i</sup> lài, lathachan.



*mhìos*, anns a' cheud là do'n mhìos, thiormaicheadh na h-uisgeacha suas bhàrr na talmhainn: agus bhuin Noah air falbh còmhdaichadh na h-àirce, agus dh'amhairc e, agus feuch, bhà aghaidh na talmhainn tìoram.

14 Agus 'san dara mìos, 'san t-seachdamh là 'ar fhlichead do'n mhìos, bha'n talamh air tiormachadh.

15 Agus labhair Dia re Noah, ag ràdh,

16 Rach amach as an àirc, thu *fèin*, agus do bhean, agus do mhic, agus mnà do mhic maille riut.

17 Thoir amach leat gach ni beo *a ta* maille riut, do gach uile fheoil, do eunlaith, agus do spréidh, agus do gach uile ni a shnàigeas *a ta* snàigeadh air an talamh, chum as gu'n siolaich iad<sup>b</sup> air an talamh, agus gu'm bi iad torrach, agus gu'm fàs iad lìonmhor air an talamh.

18 Agus chaidh Noah 'mach, agus a mhic, agus a bhean, agus mnà a mhic maille ris:

19 Chaidh gach uile bheathach, gach ni a shnàigeas, agus gach eun, gach ni ghluaiseas air an talamh, a rèir an cineil<sup>c</sup>, a mach as an àirc.

20 Agus thog Noah altair do'n Tighearna, agus ghabh e do gach ainmhidh glan, agus do gach eun glan, agus thug e suas<sup>d</sup> tabhartais loisgte air an altair.

21 Agus dh'fhairich an Tighearna fàile cùbhraidhe; agus thubhairt an Tighearna 'na chridhe, Cha mhall- aich mi ris an talamh ni's mo air son an duine; oir *ata* smuainte cridhe<sup>f</sup> an duine olc o òige; ni mò sgriosas mi tuille gach ni beo, mar a rinn mi.

22 Am feadh a mhaireas an talamh<sup>g</sup>, cha sguir àm au t-sil-chur agus foghar, agus fuachd agus teas, agus samhradh agus geamhradh, agus là agus oidheche.

CAIB IX.

**A** GUS bheannaich Dia Noah agus a mhic, agus thubhairt e rin, Siolaichibh, agus fàsaibh lìonmhor, agus lìonaibh an talamh.

2 Agus bithidh bhur n-cagal agus bhur fiamh-sa air uile bheathaichibh na talmhainn, agus air uile eunlaith nan speur, air gach ni a ghluaiseas air an talamh, agus air uile iasgaibh

<sup>a</sup> *shnàgas.* <sup>b</sup> *gluais iad,* <sup>c</sup> *a rèir an seòrtan.*

<sup>d</sup> *dh'ofrail, thairg e.*

<sup>e</sup> *bhol an Tighearna boladh cùbh-raidh.* <sup>f</sup> *croidhe.* Eir.

<sup>g</sup> *Rè uile lài' na talmhainn.* Eabh.

na mara; d'ar làimh-sa tha iad air an tabhairt.

3 Bithidh gach ni gluesadach *a ta* beo dhuibh mar' bhiadh<sup>h</sup>; amhuil mar an luibh ghorm thug' mi dhuibh na h-uile nithe.

4 Ach feoil maille r'a h-anam<sup>i</sup>, eadhon a fuil, cha'n ith sibh.

5 Agus gu deimhin fuil bhur n-anma-sa iarraidh mise; air làimh gach beathaich iarraidh mi i, agus air làimh an duine; air làimh bràthar *gach* duine iarraidh mi anam an duine.

6 Ge b'e dhòirteas fuil duine, le duine dòirtear fhuil-san; oir ann an dealbh<sup>l</sup> Dhé rinn e an duine.

7 Agus bithibh-sa siolmhar, agus fàsaibh lìonmhor, ginibh air an talamh, agus fàsaibh lìonmhor ann.

8 Agus labhair Dia re Noah, agus r'a mhic maille ris, ag ràdh,

9 Agus mise, feuch, daingnichidh mi mo choi'-cheangal ribhse, agus r'ar sliochd 'nar déigh;

10 Agus ris gach uile chreutair beo *ata* maille ribh, do eunlaith, do spréidh, agus do uile bheathaichibh na talmhainn maille ribh, o gach uile ata dol amach as an àirc, gu uile bheathaichibh na talmhainn.

11 Agus daingnichidh mi mo choi'-cheangal ribh, agus chasgriosar gach uile fheoil tuille le h-uisgibh na dile: agus cha bhi dille ann ni's mò a sgrios na talmhainn.

12 Agus thubhairt Dia, So comhar' a' choi'-cheangail a *tha* mi toirt eadar mise agus sibhse, agus gach creutair beo *a ta* maille ribh, feadh ghinealach a siorruidh<sup>m</sup>:

13 Mo bhogha cuiridh mi<sup>n</sup> anns an neul, agus bithidh e 'na chomhara coi'-cheangail eadar mise agus an talamh.

14 Agus tarlaidh, 'nuair a bheir mi neul os cionn na talmhainn, gu'm faicear am bogha anns an neul.

15 Agus cuimhnichidh mi mo choi'-cheangal *a ta* eadar mise agus sibhse, agus gach creutair beo do'n uile fheoil; agus cha'n fhàs ni's mò na h-uisgeacha 'nan dile a sgrios gach uile fheòla.

16 Agus bithidh am bogha anns an neul, amhaircidh mi air, chum as gu'n cuimhnich mi 'n coi'-cheangal siorruidh eadar Dia agus gach creutair beo do'n uile fheoil, *ata* air an talamh.

17 Agus thubhairt Dia re Noah, So comhar' a' choi'-cheangail, a

<sup>h</sup> *chum bidh.*

<sup>l</sup> *iomhaigh, coslas.*

<sup>m</sup> *gu linn.*

<sup>n</sup> *chuir mi.*

<sup>i</sup> *bea*

<sup>m</sup> *o linn*

<sup>n</sup> *Ea*

dhaingnich mi eadar mi féin agus gach nile fheoil *ata* air an talamh.

18 Agus b'iad mic Noaih a chaidh mach as an áire, Sem, agus Ham, agus Iaphet : agus 'se Ham athair Chanaain.

19 *Is iad* sin triuir mhic Noaih : agus leo sin líonadh an talamh uile.

20 Agus thóisich Noah air a *bhi* 'na fhear-*saoithreach* na talmhainn, agus shuidhich e fion-gharadh b.

21 Agus dh'ól e do'n fhíon, agus bha e air mhisg c, agus bha e lomnochd a stigh 'na bhúth.

22 Agus chunnaic Ham, athair Chanaain, lomnochd d athar, agus dh'innis e d'a dhà bhráthair a muigh.

23 Agus ghabh Sem agus Iaphet brat, agus chuir iad le cléile air an guailimbh e, agus chaidh iad 'n combair a' cuil, agus chomhdaich iad lomnochd an athar; agus bha'n aghaidhean air an ais, agus cha'n fhac iad lomnochd an athar.

24 Agus dhéing Noah o fhíon, agus thuig e ciod a rinn a mhac a b'óige air.

25 Agus thubhairt e, Mallaichte *gu'n roth* Canaan; 'nasheirbhiseach nan seirbhiseach bithidh se d'a bhráithribh.

26 Agus thubhairt e, Beannaichte *gu'n roth* Tighearna Dia Sheim; agus bithidh Canaan 'na sheirbhiseach dháe.

27 Ni Dia Iaphet farsaing f, agus comhnuichidh se ann am búthaibh Sheim; agus bithidh Canaan 'na sheirbhiseach chag.

28 Agus bha Noah beo 'n déigh na dile trí cheud agus leth-cheud bliadhna.

29 Agus b'iad lathacha Noaih uile naoi' ceud agus leth-cheud bliadhna : agus fhuair e bás.

CAIB. X.

**A**NIS *is iad* sin ginealaich mhic Noaih; Sem, Ham, agus Iaphet : agus rugadh dhoibh mic 'an déigh na dile.

2 Mic Iapheit; Gomer, agus Magog, agus Madai, agus Iabhan, agus Tubal, agus Mesech, agus Iras.

3 Agus mic Ghomeir; Ascenas, agus Riphath, agus Togarmah.

4 Agus mic Iabhain; Elisa, agus Tarsis, Cittim, agus Dodanim.

5 Leo sin roinneadh eileana nan cinncach 'ran tírribh féin, gach aon a réir a theangaidh, a réir an teaghláichean; 'nan cinnreachaibh h.

6 Agus mic Ham; Cus, agus Misraim, agus Phut, agus Canaan.

7 Agus mic Chuis; Seba, agus Habhilah, agus Sabtah, agus Raamah, agus Sabtecha : agus mic Raamah; Seba, agus Dedan.

8 Agus ghin Cus Nimrod : thóisich esan air a bhi cumhachdach 'san talamh.

9 Bha e 'nashealgair cumhachdach 'an láthair an Tighearna : Uime sin theitear, Amhuil mar Nimrod an sealgair cumhachdach 'an láthair an Tighearna.

10 Agus b'e toiseach a ríoghachd Babel, agus Erech, agus Acad, agus Calneh, ann an tír Shinair.

11 As an tír sin chaidh amach Asur; agus thog e Ninebheh, agus baile Rehobot agus Calah.

12 Agus Resen eadar Ninebheh agus Calah : is baile mór sin.

13 Agus ghin Misraim Ludim, agus Anamim, agus Lehabim, agus Naphtukim,

14 Agus Patrusim, agus Casluchim, (o 'n d'thainig a mach Philistim) agus Caphtorim,

15 Agus ghin Canaan Sidon a cheud ghin, agus Het,

16 Agus an Iebusach, agus an t-Amorach, agus an Girgasach.

17 Agus an t-Ibheach, agus an t-Hareach, agus an Sineach.

18 Agus an t-Arbhadach, agus an Semarach, agus an t-Hamatach : agus 'na dhéigh sin sgaoileadh amach teaghláichean nan Canaanach.

19 Agus bha críoch nan Canaanach a Shidon, mar a thig thu gu Gerar gu nuig Gadsa, mar a théid thu gu Sodóm agus Gomorrah, agus Admah, agus Sebeim, gu nuig Lasa.

20 *Is iad* sin mic Ham, a réir an teaghláichean, a réir an teanganna, 'nan tírribh, agus nan cinnreachaibh.

21 Agus do Sheim féin mar an ceudna, athair chloinn Ebeir uile, bráthair Iapheit bu shine, rugadh clann.

22 Clann Sheim; Elam, agus Asur, agus Arphacsad, agus Lud, agus Aram.

23 Agus clann Aram; Uds, agus Hul, agus Geter, agus Mas.

24 Agus ghin Arphacsad Salah, agus ghin Salah Eber.

25 Agus do h-Eber rugadh dithis mhac : b'e ainm a h-aon diubh Peleg, oir 'na láithibh-san roinneadh an talamh; agus ainm a bhráthar, Iectan.

26 Agus ghin Iectan Almodad, agus Seleph, agus Hadsarmabhet, agus Ierah,

a *threabhaiche*.

c *mheisg*.

e *dhoibh*. Eabh.

g *dhoibh*. Eabh.

b *fíon-líos*.

d *lomnochduigh*.

f *leuduichidh*.

h *duchannaibh*.

27 Agus Hadoram, agus Udsal, agus Diclach,

28 Agus Obal, agus Abimael, agus Seba,

29 Agus Ophir, agus Habbilah, agus Iobab: *b'iad* sin uile mic Ioctain.

30 Agus bha'n àite-còmhnuidh o Mhesa, mar a théid thu gu Sephar, beinn 'san àird an ear.

31 *Is iad* sin mic Sheim, a réir an teaghlaicean, a réir an teanganna, 'nan tìrìbh, a réir an cinneacha.

32 *Is iad* sin teaghlaicean mhic Noaih, a réir an ginealach, 'nan cinneachaibh: agus leo sin roinneadh na cinnich anns an talamh 'an déigh na dìle.

CAIB. XI.

**A**GUS bha'n talamh uile *dh'aon* teangaidh, agus na h-aon fhocail *aig gach neach*.

2 Agus 'nuair a bha iad air an turas o'n àird an ear, fhuair iad còmhnaid ann an talamh Shinair, agus ghabh iad còmhnuidh an sin.

3 Agus thubhairt iad gach aon re chéile, Thigibh, deanamaid clacha creadhaib, agus làn-loisgeamaid c iad: Agus bha chlach chreadha aca air son cloiche, agus bha làthach d aca air son moirteir c.

4 Agus thubhairt iad, Thigibh, togamaid dhuinn féin baile, agus túr, aig am bi mhullach a' *ruigh-eachd* gu nèamh f, agus deanamaid dhuinn féin ainm, an t-eagal gu'n sgaoilear s o chéile sinn air aghaidh na talmhainn uile.

5 Agus thàinig an Tighearn' a nua a db'fhaicinn a' bhaile, agus an túr, a thog clann nan daoine.

6 Agus thubhairt an Tighearna, Feuch, is aon sluagh a t' *ann*, agus aon teanga ac' uile; agus thòisich iad air so a dheanamh: agus a nis cha bhacar dhiubh ni air bith, a smuainich h iad a dheanamh.

7 Thigibh, rachamaid sìos, agus cuireamaid an cainnt ann an sin thar a chéile i, chum as nach tuig iad cainnt a chéile.

8 Mar sin sgaoil an Tighearn' iad uaithe sin air aghaidh na talmhainn uile: agus sguir iad do thogail a' bhaile.

9 Uime sin thugadh Babel mar ainm air, do bhrìgh ann an sin gu'n do chuir an Tighearna thar a' chéile cainnt na talmhainn uile: agus

a chainnt.

b bricks. Sasg.

c deagh-loisgeamaid. d làthach

cosmhuil re pic, pic-talmhainn.

e ceangail. f aig am bi mhulach

àrd anns 'n athar. g sgapar.

h bhacachdaich. i air ainm-reidh.

uaithe sin sgaoil an Tighearn' iad air aghaidh na talmhainn uile.

10 *Is iad* sin ginealaich Sheim: Bha Sem ceud bliadhna dh'aois, agus ghin e Arphacsad da bhliadhna 'n déigh na dìle.

11 Agus bha Sem beo, an déigh dha Arphacsad a ghintinn, cùig ceud bliadhna; agus ghin e mic agus nigheana.

12 Agus bha Arphacsad beo, cùig bliadhna deug 'ar fhichead l, agus ghin e Salah.

13 Agus bha Arphacsad beo, 'an déigh dha Salah a ghintinn, ceithir cheud agus trì' bliadhna; agus ghin e mic agus nigheana.

14 Agus bha Salah beo deich bliadhna fichead, agus ghin e Eber.

15 Agus bha Salah beo 'an deigh dha Eber a ghintinn, ceithir cheud agus trì' bliadhna; agus ghin e mic agus nigheana.

16 Agus bha Eber beo ceithir bliadhna deug 'ar fhichead, agus ghin e Peleg.

17 Agus bha Eber beo, 'an deigh dha Peleg a ghintinn, ceithir cheud agus deich bliadhna fichead; agus ghin e mic agus nigheana.

18 Agus bha Peleg beo deich bliadhna fichead; agus ghin e Reu.

19 Agus bha Peleg beo an déigh dha Reu a ghintinn, dà cheud agus naoi' bliadhna; agus ghin e mic agus nigheana.

20 Agus bha Reu beo dà bhliadhna dheug 'ar fhichead; agus ghin e Serug.

21 Agus bha Reu beo an déigh dha Serug a ghintinn, dà cheud agus seachd bliadhna; agus ghin e mic agus nigheana.

22 Agus bha Serug beo deich bliadhna fichead; agus ghin e Nahor.

23 Agus bha Serug beo an déigh dha Nahor a ghintinn, dà cheud bliadhna: agus ghin e mic agus nigheana.

24 Agus bha Nahor beo naoi' bliadhna fichead; agus ghin e Terah.

25 Agus bha Nahor beo an déigh dha Terah a ghintinn, ceud agus naoi' bliadhna deug, agus ghin e mic agus nigheana.

26 Agus bha Terah beo deich is trì' fichead bliadhna; agus ghin e Abram, Nahor, agus Haran.

27 A nis *is iad* sin ginealaich Therah: ghin Terah Abram, Nahor, agus Haran; agus ghin Haran Lot.

28 Agus fhuair Haran bàs roimh Therah athair, 'san tìr anns an d' rugadh e, ann an Ur nan Caldeanach.

l thar a fichead.

29 Agus ghabh Abram agus Nahor mnàì dhoibh fèin: *B<sup>e</sup>* ainm mnà Abram, Sarai; agus ainm mnà Nahoir, Milcah, nighean Harain athar Mhìlcaih, agus athar Iscaih.

30 Ach bha Sarai neo-thorrach *a*; cha robh duine cloinne aice.

31 Agus ghabh Terah Abram a mhac, agus Lot mac Harain mac a mhic, agus Sarai a bhan-chliamhuinn, bean Abram a mhac; agus chaidh iad amach maille ri u a h-Ur nan Caldeanach, gu dol do thìr Chanaain: agus thàinig iad gu Haran, agus ghabh iad còmhnuidh ann an sin.

32 Agus b' iad lathan Theraih dà cheud agus cùig bliadhna: agus fhuair Terah bàs ann an Haran.

CAIB. XII.

**A** GUS thubhairt an Tighearna re h-Abram, Rach *b* amach a d' dhùthaich, agus o d' dhislibh, agus a tigh t'athar, do'n tìr a nochdas *c* mise dhuit.

2 Agus ni mi thu a' d' chinneach mòr *d*, agus beannaichidh mi thu, agus ni mi t'ainm mòr: agus bithidh tu a' d' bheannachadh.

3 Agus beannaichidh mi iad-san, a bheannaicheas thu, agus iadsan a mhallicheas thu mallaichidh mi, agus annad-sa beannaichear uile theaghlache na talmhainn.

4 Agus dh'imich Abram, mar a labhair an Tighearna ris, agus chaidh Lot maille ris: agus bha Abram cùig bliadhna deug is trì fichead a dh'aois nuair a chaidh e mach a Haran.

5 Agus ghabh Abram Sarai a bhean, agus Lot mac a bhràthar, agus am maoin uile a chruinnich iad e, agus na h-anmanna fhuair iad ann an Haran, agus chaidh iad amach gu dol do thìr Chanaain, agus thàinig iad do thìr Chanaain.

6 Agus chaidh Abram air aghaidh 'san fhearann gu àite Shicheim, gu còmhnaidh *f* Mhoreih. Agus bha 'n Canaanach an sin 'san tìr.

7 Agus dh'fhoillsich an Tighearna' e fèin *g* do Abram, agus thubhairt e, Do d' shliochda bheir mise am fearann so: agus thog e'n sin altair do'n Tighearna', a dh'fhoillsicheadh dha.

8 Agus chaidh e as sin gu sliabh air an taobh an ear do Bhetel, agus sheidh e bhùth, agus Betel aige air an taobh an iar, agus Hai air an

taobh an ear: agus thog e 'n sin altair do'n Tighearna', agus ghairm e air ainm an Tighearna.

9 Agus dh'imich Abram, a' sir-dhol air aghaidh mu dheas *h*.

10 Agus bha gorta 'san tìr: agus chaidh Abram sìos do'n Eiphit, gu bhi air chuairt ann an sin, do bhrìgh gu'n robh a' ghorta mòr 'san tìr.

11 Agus 'nuair a bha e dlùth do dhol a stigh do'n Eiphit thubhairt e re Sarai a bhean, Feuch a nis, tha fios agam gur bean mhaiseach *i* thusa re amharc ort:

12 Uime sin, 'nuair a chi na h-Eiphitich thu, their iad, So a bhean: agus marblaidh iad mise, ach gleidhidh iad thusa beo.

13 Abair, guidheam ort, gur tu mo phiuthar, chum gu'n éirich gu math dhomh air do sgàth-sa; agus bithidh m' anam beo air do shon-sa.

14 Agus 'nuair a thàinig Abram do'n Eiphit, chunnaic na h-Eiphitich a bhean, gu'n robh i ro-mhaiseach.

15 Chunnaic mar an ceudna ceannardan<sup>1</sup> Pharaoh i, agus mhol iad i do Pharaoh: agus thugadh a steach *a* bhean do thigh Pharaoh.

16 Agus bhuin e gu math re h-Abram air a sgàth-sa: agus bha aige caoraich, agus dainn, agus asail fhìrionn, agus òglaich, agus ban-òglaich, agus asail bhainionn, agus càmhail.

17 Agus bhuail an Tighearna Pharaoh agus a thigh le plàighibh mòra, air son Sharai mnà Abram.

18 Agus ghairm *m* Pharaoh air Abram agus thubhairt e, Ciod so a rinn thu orm? c'ar son nacl d'innis thu dhomh gu'm b'i so do bhean?

19 C'ar son a thubhairt thu, 'Si mo phiuthar i? Mar sin dh'fheudainn a gabhail a'm' ionnsuidh mar mhuaio; a nis ma ta feuch do bhean, gabh i, agus bi'g imeachd *n*.

20 Agus thug Pharaoh àithne d' a dhaoibh m'a thimchioll; agus chuir iad air falbh e fèin, agus a bhean, agus gach ni a bh' aige.

CAIB. XIII.

**A** GUS chaidh Abram suas as an Eiphit, e fèin, agus a bhean, agus gach ni a bh' aige, agus Lot maille ris, do'n taobh mu dheas.

2 Agus bha Abram ro-shaibhir<sup>o</sup> ann an spréidh, ann an airgiod, agus ann an òr.

<sup>a</sup> seasg; aimrid. Eir. <sup>b</sup> Imich, falbh. <sup>c</sup> dh'fheuchas. <sup>d</sup> ni mise fine mhòr dh'ot. <sup>e</sup> chomhaich iad. <sup>f</sup> derag. Eabh. <sup>g</sup> thaisbean an Tighearna' e fèin; chuncas an Tighearna. Eabh.

<sup>h</sup> fa dheas, 'san àird deas. <sup>i</sup> sgiamhach. <sup>l</sup> maithean, prionnsuidh. <sup>m</sup> ghoir, ghluadh. <sup>n</sup> imich romhad. <sup>o</sup> ro shaidhbhir, ro-bheartach.



3 Agus dh'imich e 'na thurasuibh o'n taobh mn dheas eadhon gu Betel, gu nuig an t-àite, anns an robh a bhùth an toiscach, eadar Betel agus Hai;

4 Gu àite na h-altarach a rinn e'n sin air tùs: agus ghairm Abram ann an sin air ainm an Tighearna.

5 Agus bha mar an ceudna aig Lot, a dh'imich maille re h-Abram, caoraich, agus crobh, agus bùthan a.

6 Agus cha robh ann fearann comasach air an giùlan b gu comhnuidh a ghabhail cuideachd; oir bha'm maoin mòr, agus cha b'urrainne iad comhnuidh ghabhail cuideachd.

7 Agus bha comh-stri eadar buachaillean e sprèidh Abrahaim, agus buachaillean sprèidh Lot: agus bha n' Canaanach agns an Periseach 'san àm sin a chomhnuidh 'san tìr.

8 Agus thubhairt Abram re Lot, Na bitheadh, guidheam ort, comhstri' eadar mise agus thusa, agus eadar mo bhuachaillean agus do bhuachaillean-sa; oir is bràitkre siun.

9 Nach 'eil an tìr uile romhad? Dealach, guidheam ort, riumsa: ma ghabhas tu dh'ionnsuidh na làimhe cli, an sin théid mise dh'ionnsuidh na làimhe deise; agus ma thèid thu dh'ionnsuidh na làimhe deise, an sin gabhaidh mise dh'ionnsuidh na làimhe cli.

10 Agus thog Lot suas a shùilean, agus chunnaic e còmhuard Iordain uile, gu'n robh e guléir air uisgeachadh gu math, nu'n do sgrios an Tighearna Sodom agus Gomorrah, eadhon mar ghàradh an Tighearna, cosmhuit re talamh na h-Eiphit, mar a thig thu gu Soar.

11 Agus thagh Lot dha féin comh-nard Iordain uile; agus ghabh Lot a thurus o'n àird an ear, agus dhealach na càirdean re chéile f.

12 Ghabh Abram còmhnuidh ann an tìr Chanaan, agus ghabh Lot còmhnuidh 'am bailtibh a chòmh-naird, agus shuidhich e bhùth aig Sodom.

13 Ach bha daoine Shodoim aingidh, 'nam peacaich am fanaid an Tighearna gu ro-mhor.

14 Agus thubhairt an Tighearna re h-Abram, an déigh do Lot dealachadh ris, Tog a nis suas do shùilean, agus amhairc o'n ait' anns am

bheil thu, gu tuath, agus gu deas, agus gus an àird an ear, agus an iar:

15 Oir am fearann nile ata thu a' faicinn, dhuitse bheir mi e, agus do d' shliochd gu bràth.

16 Agus ni mise do shliochd-sa mar dhùslach na talmhainn; ionnas ma bhios e'n comas do dhuine dùslach na talmhainn àireamh, an sin gu'n àirmhear do shliochd-sa mar an ceudna.

17 Eirich, imich air feadh an fhearainn 'na fhad agns 'na leud, oir dhuitse bheir mi e.

18 Agus dh' atharaich Abram a bhùth, agus thàinig e, agus ghabh e còmhnuidh ann an còmhuard Mhamrè, a tha ann an Hebron; agus thog e'n sin altair do'n Tighearna.

#### CAIB. XIV.

**A** GUS tharladh ann an laithibh Amrapheil rìgh Shinair, Arioich rìgh Elaisair, Chedorlaomeir rìgh Elaim, agus Thidail rìgh nan cinn-each h;

2 Gu'n d' rinn iad sin cogadh re Bera rìgh Shodoim, agus re Birsair rìgh Ghomorrah, Sinair rìgh Admair, agus Semeber rìgh Sheboim, agus rìgh Bhela eadhon Shoir.

3 Chaidh iad sin uil' ann an co'-bhoinn re chéile ann an gleann Shidim, a tha nis 'na fhainge shalainn.

4 Dà bhliadhna dheug rinn iad seirbhis do Chedorlaomer, agus anns an trcas bliadhna deug rinn iad ceannairc i.

5 Agus anns a' cheathramh bliadhna deug thàinig Cedorlaomer, agus na rìghrean a bha maille ris, agus bhuaill iad na Rephaimich ann an Asterot Carnaim, agus na Susimich ann an Ham, agus na h-Emimich ann an Sabbeh Ciriatim,

6 Agus na Horich 'nan sliabh Seir, gu nuig El-paran<sup>1</sup>, a tha laimh ris an fhàsach.

7 Agus phill iad, agus thàinig iad gu Hen-mispas, eadhon Cades, agus bhuaill iad dùthaich nan Amaleceach uile, agus mar an ceudna na h-Amoraich, a bha còmhnuidh ann an Hasenon Tamar.

8 Agus chaidh rìgh Shodoim amach agus rìgh Ghomorrah agus rìgh Admair, agus rìgh Sheboim, agus rìgh Bhela (eadhon Shoir, agus chuir iad cath m riu, ann an gleann Shidim:

a bùithean. b an iomchar.  
c ionnas nach b'urradh. d an aon àite.  
e aodhairean.  
f dhealaicheadh iad gach fear o bhràthair. Eabh.

g aig daragaibh Mhamre. Eabh.  
h fineacha, dùchanna. i ar a mach.  
l còmhuard Pharaon. m blàr.

9 Re Cedorlaomer righ Eliam, agus re Tidal righ nan cinneach, agus re h-Armaphel righ Shinair, agus re h-Arioch righ Elaisair; ceithir righridh re cùig.

10 Agus bha gleann Shidim làn do shlochdaibh làthaich<sup>a</sup>, agus theich righ Shodoim, agus righ Ghomorrah, agus thuit iad an sin; agus iad sau a mhair<sup>b</sup>, theich iad do'n t-sliabh.

11 Agus thug iad leo uile mhaoin Shodoim agus Ghomorrah, agus am biadh uile, agus dh'innich iad rompa.

12 Agus thug iad leo Lot, mac bráthar Abram (a bha còmhnuidh ann an Sodom) agus a mhaoin, agus dh'innich iad.

13 Agus thainig a h-aon a chaidh as, agus dh'innis e do Abram an t-Eabhruidheach, a bha còmhnuidh ann an còmhnaidh Mhamre an Amoir-aich, bráthar Escoil, agus bráthar Aheir: agus bha iad sin ann an co'-bhoinn re h-Abram.

14 Agus 'nuair a chual<sup>c</sup> Abram gu'n do ghlacadh a bhráthair 'na phrìosanach, dh'armaich e sheirbhiseach iunnsaichte<sup>c</sup>, a rugadh 'na thigh fein, tri cheud agus ochd-deug; agus lean e iad gu Dan.

15 Agus roinn se e féin 'nan aghaidh 'san oidheche, e féin agus a sheirbhiseach, agus bhual e iad, agus lean e iad<sup>d</sup> gu Hoba, a ta air an làmh chli do Dhamascus.

16 Agus thug e air ais a mhaoin uile, agus mar an ceudna thug e air ais a bhráthair Lot, agus a mhaoin; agus mar an ceudna na mnàir<sup>e</sup> agus an sluagh.

17 Agus chaidh, righ Shodoim amach 'na choinneamh, an déigh dha pillinn omharbhaidh Chedorlaomeir, agus nan righ a tha maille ris, aig gleann Shabbeh, eadhon gleann an righ.

18 Agus thug Melchisedec righ Shaleim amach aran agus fìoh: agus b' esan sagart an Dè a's ro àirde.

19 Agus bheannaich se e, agus thubhairt e, Beannaichte gu'n robh Abram o'n Dia a's ro-àirde, sealbhadair nèimh agus na talmhainn.

20 Agus beannaichte gu'n robh an Dia a's ro-àirde, a thug thairis do naimhde do d'làimh. Agus thug e dha deachamh do gach ni.

21 Agus thubhairt righ Shodoim re h-Abram, Thoir dhomh-sa na

daoine e, agus gabh a mhaoin dhuit fein.

22 Agus thubhairt Abram re righ Shodoim, Thog mi mo làmh suas ris an Tighearn', an Dia a's ro-àirde, Sealbhadair nèimh agus na talmhainn.

23 Nach gabh mi o shnáthainn eadhon gu h-éill bròige, agus nach gabh mi bheag a dh'aon ni a's leatsa, chum as nach abair thu, Rinn mi Abram beartach?

24 Saor amhàin o na dh'ith<sup>f</sup> na h-ògavaich, agus o chuibhrionn<sup>g</sup> nan daoin', a chaidh maille rium, Aner, Escol, agus Mamre; gabhadh iadsan an cuibhrionn<sup>h</sup>.

CAIB. XV.

9 AN déigh nan nithe sin thainig a focal an Tighearna gu h-Abram ann an taisbeanadh<sup>i</sup>, ag radh, Na biodh eagal ort Abram: Is mise do sgiath, agus do dhuais ro-mhor.

2 Agus thubhairt Abram, A Thighearna Dhé, ciod a bheir thu dhomh, is mi 'g imeachd<sup>l</sup> gun chloim, agus gur e Elieser so o Dhamascus fear-riaghlaidh<sup>m</sup> mo thighe?

3 Agus thubhairt Abram, Feuch, dhomhsa chad' thug thu sliochd<sup>n</sup> air bith: agus feuch, 's e neach a rugadh a'm' thigh a's oighre orm.

4 Agus feuch, thainig focal an Tighearna d'a ionnsuidh, ag radh, Cha bhi e so 'na oighre ort; ach esan a thig amach a t'innib<sup>o</sup> féin, bithidh se 'na oighre ort.

5 Agus thug e leis amach e, agus thubhairt e, Amhaire a nis suas gu neamh, agus àireamh na reulta, ma's urrainn thu'n aireamh: Agus thubhairt e ris, Mar so bithidh do shliochd.

6 Agus chreid e anns an Tighearna; agus mheas e sin dha mar ionracas<sup>p</sup>.

7 Agus thubhairt e ris, Is mise an Tighearn a thug amach thusa a h-Ur nan Caldeanach, a thoirt dhuit an fhearainn so, chum a shealbhadh mar oighre.

8 Agus thubhairt esan, A Thighearna Dhé, cia leis a bhios fios agam gu'n sealbhaich mi e?

9 Agus thubhairt e ris, Gabh dhomh-sa agh thrì' bliadhna dh'aois, agus gabhar thrì' bliadhna dh'aois, agus reithe thrì' bliadhna dh'aois, agus turtuir, agus cùman og.

e na h-anmanna. Eabh.

f Ach a mhàin na dh'ith. g chuid. h an roinn fein. i foilseachadh.

sealladh. l siubhal. m stiùbhard. n siol, gineal. o a d'leasraich.

p fhreantachd, r gabhar bhainneap.

a pic-thalmhainn. b iadsan a dh'fhàgadh. c fhòghlumtu.

d ruaig e, chaidh e'n tòir orra.

10 Agus ghabh e dha féin iad sin uile, agus roinn e iad 'sa' mheadhon, agus chuir e gach aon do na miribh fa chomhair a leth-bhreac, ach, cha do roinn e na h-eoin.

11 Agus nuair a thainig na eun-laith a nuas air na cairbhlibh<sup>a</sup>, dh'fhuadaich Abram air falbh iad.

12 Agus 'nuair a bha ghrian a' dol fuidh<sup>b</sup>, thuit codal trom air Abram; agus feuch, thuit uamhann derchadais mhóir air.

13 Agus thubhairt e re h-Abram, Biodh fios gu cinnteach agad, gu'm bi do shliochd 'nan coigrich ann an dùthaich nach leo féin; agus ní iad seirbhís doibh, agus buinidh iad gu cruaidh e ri u ceithir cheud bliadhna.

14 Agus mar an ceudna air a' chinneach sin d'an dean iad seirbhís, bheir mise breth: agus 'na dhéigh sin thig iad amach le maoin mhóir.

15 Agus théid thusa dh'ionnsuidh t'athreachan<sup>c</sup> an sith; adhlacair d'thu 'n deagh shean aois.

16 Ach anns a cheathramh linn thig iad an so air an ais, oir cha'n 'eil aingidheachd nan Amorach fathast ionlanc.

17 Agus 'nuair a bha ghrian air dol fuidh, bha dorchadas ann; agus feuch, abhuinn<sup>f</sup> dheataich agus leus teine g, a chaidh eadar na miribh sin.

18 Air an là sin féin rinn an Tighearna coi'-cheangal re h-Abram, ag ràdh, Do d' shliochda thug mi am fearann so, o abhuinn na h-Eiphit, gu nuig an abhuan mhór, abhuinn Euphrates:

19 Na Cenich, agus na Cenidsich, agus na Cadmonaich.

20 Agus na Hitich, agus na Peridsich, agus na Rephaimich.

21 Agus na h-Amorich, agus na Canaanich, agus na Girsaisich, agus na Iebusaich.

#### CAIB. XVI.

**A**NIS cha d'rug Sarai, bean Abram, clann da; agus bha ban-oglach Eiphiteach aice, d'am b'ainm Hagar.

2 Agus thubhairt Sarai re h-Abram, Feuch a nis, chum an Tighearna mi o chlann a bhreith: rach a steach, guidheam ort, a dh'ionnsuidh mo bhan-oglaich; theagamh h gu'm fuigh mi clann leatha-sa. Agus dh'éisd Abram re guth Sharai.

<sup>a</sup> ciosaichibh.

<sup>b</sup> dol fodha.

<sup>c</sup> buinidh iad gu h-olc, sàraichidh, pianaidh.

<sup>d</sup> tlodhlacair.

<sup>e</sup> fathast làn, air teachd fathast gu h-àrd.

<sup>f</sup> fuirnis.

<sup>g</sup> becran

loisg: ach, no teinteach.

<sup>h</sup> feudaich e bhi.

3 Agus ghabh Sarai bean Abram, Hagar a' bhan-Eiphiteach, a ban-oglach féin, an déigh do Abram comhnuidh ghabhail déich bliadhn' ann an t'ir Chanaan, agus thug si i d'a fear Abram, gu bhi aige mar mhnaoi.

4 Agus chaidh esan a steach gu Hagar, agus dh'fhàs i torrach: agus 'nuair a chunnaic i gu'n d'fhàs i torrach, bha a ban-mhaighstir tàireil 'na sùilibh.

5 Agus thubhairt Sarai re h-Abram, Biodh m'ea-coir ortsa: thug mi mo bhan-oglach do d'uchd<sup>i</sup>; agus 'nuair a chunnaic i gu'n d'fhàs i torrach, bha mise tàireil 'na sùilibh: Gu'n d' thugadh an Tighearna breth eadar mis' agus thusa.

6 Ach thubhairt Abram re Sarai, Feuch, ata do bhan-oglach a' d'làimh féin, dean ria mar is àill leat<sup>l</sup>. Agus an uair a bhuin Sarai gu cruaidh ria, theich i o gnùis.

7 Agus fhuair aingeal an Tighearna<sup>j</sup> i làmh re tobar uisge'san fhàsach, làmh ris an tobar 'san t slighe gu Sur.

8 Agus thubhairt e, A Hagair, a bhan-oglaich Sharai, cia as a thainig thu, agus càite tha thu dol? Agus thubhairt ise, Tha mi teicheadh o ghnùis Sharai mo bhan-mhaighstir.

9 Agus thubhairt aingeal an Tighearna ria, Pill a dh'ionnsuidh do bhan-mhaighstir, agus àmhlaich thu féin f'a làmh.

10 Agus thubhairt aingeal an Tighearna ria, Meudaichidh mise gu mòr do shliochd, agus cha'n ainmhear e thaobh lìonmhoireachd.

11 Agus thubhairt aingeal an Tighearna ria, Feuch, tha thu torrach, agus beiridh tu mac, agus bheir thu Ismael mar ainm air, do bhri' gu'n d'eisd an Tighearna re t'an-shocair m.

12 Agus bithidh e 'na dhuine fiadhaich; bithidh a làmh an aghaidh gach duine, agus làmh gach duine 'na aghaidh-san; agus an fìanais a bhràithrean uile gabhaidh se comhnuidh.

13 Agus ghoir i ainm an Tighearna<sup>j</sup> a labhair ria, Thusa Dhe a ta 'g am fhaicinn; oir thubhairt i, An e gu'n robh agams' ann an so mar an ceudna sùil ris an Ti sin, a ta 'gam fhaicinn?

14 Uime sin ghoir i do'n tobar, Beer-la-hai roi; feuch, a ta e eadar Cades agus Bered.

<sup>i</sup> asgail.

<sup>l</sup> mar is math leat,

mar a chùltear dhuit.

<sup>m</sup> re d' thrioblaid.

15 Agus rug Hagar mac do Abram : agus thug Abram Ismael mar ainm air a mhac, a rug Hagar.

16 Agus bha Abram ceithir fichead agus sè' bliadhna' dh'aois, 'nuair a rug Hagar Ismael do Abram.

CAIB. XVII.

**A**GUS 'nuair a bha Abram ceithir fichead agus naoi' bliadhna' deug a dh'aois; dh'fhoillsich an Tighearn e féin da, agus thubhairt e ris, *Is mise 'n Dia uile-chumhachdach*; gluais thusa a'm' fhianais, agus bi' iomlan <sup>a</sup>.

2 Agus ni mi mo choi'-cheangal eadar mise agus thusa, agus meudaichidh mi thu gu h-anbarrach.

3 Agus thuit Abram air eudanb<sup>1</sup>; agus labhair an Tighearna ris, ag radh,

4 Do m' thaobh-sac, feuch a ta mo choi'-cheangal riut-sa, agus bithidh tu a' t' athair mhòrain chinn-eachd:

5 Agus ni'n toirear a so amach Abram mar ainm ort, ach bithidh Abraham agad mar ainm; oir rinn mi thu a't' athair mhòrain chinn-each.

6 Agus ni mi thu ro-shìolmhar, agus ni mi dhìot cinnich, agus thig rìghrean amach asad.

7 Agus daingnichidh mi mo choi'-cheangal eadar mis' agus thusa, agus do shliochd a'd' dhéigh, 'nan ginealachaidh, mar choi'-cheangal sìorruidh gu bhi m' Dhia dhuitse, agus do d' shliochd a'd' dhéigh.

8 Agus bheir mi dhuitse, agus do d' shliochd a'd' dhéigh, am fearann, anns am bheil thu a'd' choigreach e, tìr Chanaain uile, mar sheilbh shìorruidh; agus bithidh mise a'm' Dhia d'aoibh.

9 Agus thubhairt Dia re h-Abram, Coimhididh tu uime sin mo choi'-cheangal, thu féin, agus do shliochd a'd' dhéigh, 'nan ginealachaidh.

10 *So mo choi'-cheangal a chiomh-eadas<sup>t</sup> sibh eadar mise agus sibhse, agus do shliochd a'd' dhéigh*; Gu'n timchioll-ghearrar gach leanabh mic 'nar measg.

11 Agus timchioll-ghearraidh sibh feoil bhuir roimh-chroicinn, agus bithidh e 'na clomhar' a' choi'-cheangail eadar mise agus sibhse.

12 Agus am mac 'nar measg, a

<sup>a</sup> foirfe, dìongmhaltu.

<sup>b</sup> aodainn; aghaidh.

<sup>c</sup> air mo

shon-sa. <sup>d</sup> fhineacha.

<sup>e</sup> fearann do chuairt. <sup>f</sup> ghleidheas.

<sup>g</sup> roi'-chraicinn.

bhios ochd lathan a dh'aois, timchioll-ghearrar e, gach leanabh mic' nar ginealachaidh, esan a bheirear 'san tìgh, no cheannchar le h-airgiod o choigreach air bith, nach 'eil do d'shliochd-sa.

13 Timchioll-ghearrar gu cinn-teach esan, a bheirear a'd' thigh, agus esan a cheannchar le t'airgiod: agus bithidh mo choi'-cheangal 'nar feoil-sa mar choi'-cheangal sìorruidh.

14 Agus an leanabh mic neo-thimchioll-ghearrta, aig nach timchioll-ghearrar feoil a roimh-chroicinn, gearrar an t-anam sin amach o shluagh: bbris e mo choi'-cheangal.

15 Agus thubhairt Dia re h-Abram, A thaobh Sarah do mhnà, cha toir thu Sarai mar ainm oirre<sup>h</sup>, oir is e Sarah a h-ainm.

16 Agus beannaichidh mis' i, agus bheir mi dhuit mar an ceudna mac uaithe: seadh, beannaichidh mi i, agus bithidh i 'na màthair chinn-each; thig<sup>l</sup> rìghrean phoibleach<sup>m</sup> uaithe.

17 An sin thuit Abraham air aghaidh, agus rinn e gàire; agus thubhairt e 'na chridhe, Am beirear mac dha-san ata ceud bliadhna dh'aois? Agus am beir Sarah, ata deich agus ceithir fichead bliadhna' dh'aois, mac?

18 Agus thubhairt Abraham re Dia, O gu maireadh Ismael beo a't' fhianais!

19 Agus thubhairt Dia, Gu cinn-teach beiridh do bhean Sarah mac dhuit; agus bheir thu Isaac mar ainm air: agus daingnichidh mise mo choi'-cheangal ris, mar choi'-cheangal sìorruidh, agus t'a shliochd 'na dhéigh.

20 Agus a thaobh Ismael chuala mi thu: Feuch, bheannaich mi e, agus ni mi sìolmhar, e, agus cuiridh mi 'n lìonmhoireachd e gu h-anbarrach. Dà cheannard deug ginidh se, agus ni mi e 'na chinneach mor.

21 Ach mo choi'-cheangal daingnichidh mi re h-Isaac, a bheireas Sarah dhuit 'san àm so anns an ath-bhliadhna.

22 Agus sguir e bhi labhairt ris<sup>n</sup>, agus chaidh Dia suas o Abraham.

23 Agus ghabh Abraham Ismael a mhac, agus iadsan uile a rugadh 'na thigh, agus iadsan uile a cheannchadh le airgoid-san, gach sìrionnach a measg dhaoine tìghe Abraham;

<sup>h</sup> orra: uire. Eir. <sup>i</sup> uaipe.

<sup>l</sup> bithidh.

<sup>m</sup> shlogh.

<sup>n</sup> bhi cainnt ris, còmhradh.



agus thimchioll-ghearr e feoil an roimh-chroicinn anns a' cheart là sin féin, inar a thubhairt Dia ris.

24 Agus *bha* Abraham ceithir fichead agus naoi' bliadhna' deug a dh'aois, 'nuair a thimchioll ghearradh dha feoil a roimh-chroicinn.

25 Agus *bha* Ismael a mhac tri' bliadhna' deug a dh'aois, 'nuair a thimchioll-ghearradh dha feoil a roimh-chroicinn.

26 Anns a' cheart là sin féin thimchioll-ghearradh Abraham, agus Ismael a mhac.

27 Agus thimchioll-ghearradh maille ris uile dhaoine a thighe, a rugadh 'na thigh, agus iadsan a cheannchadh le h-airgiod o mhac coigrich a.

## CAIB. XVIII.

**A** GUS dh'fhoillsich an Tighearn' e féin da ann an còmhnaid Mhamre<sup>b</sup>, agus e 'na shuidhe an dorus a' bhùtha ann an teas an là.

2 Agus thog e suas a shùilean, agus dh'amhairc e, agus feuch, *bha* triuir dhaoine a' seasamh làimh ris; agus 'nuair a chunnaic e *iad*, ruidh e 'nan coinneamh o dhorus a bhùtha, agus chrom se e féin gu làr.

3 Agus thubhairt e, Mo thighearna, ma fhuair mi nis deagh-ghean a'd' shùilibh e, guidheam ort, na rach seachad air do sheirbhiseach.

4 Thugar an so guidheam oirbh, beagan uisge, agus ionnailibh d'bhur casane, agus leigibh bhur n-anail fuidh 'n chraoibh.

5 Agus bheir mise 'n so greim arain, agus neartaichibh bhur cridhe; an déigh sin imichidh sibh romh-aibh, oir is ann uime sin a thàinig sibh a dh'ionnsuidh bhur seirbhisich. Agus thubhairt iadsan, Dean eadhon mar a thubhairt thu.

6 Agus ghreas Abraham f do'n bhùth a dh'ionnsuidh Sharaibh, agus thubhairt e, Dean cabhag, taoisinnh tri' miosairean do mhla phlùr, agus dean arain air leachd an teinteinn<sup>l</sup>.

7 Agus ruidh Abraham a dh'ionnsuidh a chruaidh<sup>m</sup>, agus ghabh e laogh maoth agus math, agus thug e dh'oganaich e, agus rinn e deisir<sup>n</sup> g'a dheasachadh.

8 Agus ghabh e im agus bainne, agus an laogh a dheasaich e, agus chuir e air am beulaobh *iad*; agus

sheas e làimh riu fuidh 'n chraoibh, agus dh'ith iad.

9 Agus thubhairt iad ris, C'ait' *am bheil* Sarah do bhean? Agus thubhairt esan, Feuch, anns a' bhùth.

10 Agus thubhairt e, Gu cinnteach pillidh mi t'ionnsuidh a réir àm o na beatha; agus feuch, *bithidh* mac aig Sarah do bhean. Agus chuala Sarah sin ann an dorus a' bhùtha, a *bha* air a chùl.

11 A nis *bha* Abraham agus Sarah sean, agus air dol air an aghaidh gu math ann an aois: agus sguir Sarah a bhi réir dòigh nam ban.

12 Uime sinn rinn Sarah gàire innte féin, ag ràdh, 'An déigh dhomhsa fàs aosda, am bi subhachas p agam, agus gu bheil mo thigh-earna aosda mar an ceudna?

13 Agus thubhairt an Tighearna re h-Abraham, C'ar son a rinn Sarah gàire, ag ràdh, 'N e gu'm beir mise gu cinnteach *leanabh*, agus mi aosmhar?

14 Am bheil ni air bith do-dheantar do 'n Tighearna? 'San am *shuidhichte* pillidh mi a't' ionnsuidh, a réir àm na beatha, agus *bithidh* mac aig Sarah.

15 'An sin dh'aicheun<sup>s</sup> Sarah, ag radh, Cha d'rinn mi gàire: oir *bha* eagal oirre. Agus thubhairt esan, Ni h-eadh, oir rinn thu gàire.

16 Agus dh'éirich na daoine as sin, agus dh'amhairc iad ratha<sup>d</sup> Shodoim<sup>t</sup> agus chaidh Abraham maille riu g'an cur air an t-slighe<sup>v</sup>.

17 Agus thubhairt an Tighearna, An ceil mi air Abraham an ni sinn, ata mi gus a dheanamh;

18 Agus gu'm fàs Abraham gu cinnteach 'na chinneach mòr agus cumhachdach, agus gu'm beannaichear annsan uile chinnich na talmhainn?

19 Oir is aithne dhomh e, gu'n d'thoir e<sup>a</sup> aithne d'a chloinn, agus d'a theaghlach 'na dhéigh, agus gleidhidh iadsan slighe an Tighearna, a' deanamh<sup>b</sup> ceartais agus breitheanais; chum as gu'n d'thoir an Tighearn' air Abraham an ni sin a labhair e m'a thimchioll.

20 Agus thubhairt an Tighearna, Do bhri' gu bheil glaoch Shodoim agus Ghomorrah mòr, agus do bhri, gu bheil am peacadh air an-tromachadh gu h-anbarrach c;

a o choigreach. b aig ùragaidh Mhamre.

d nighibh. e a't'fhianais. f rinn Abraham cabhag. g deifrich.

h fuin. i breacagan.

l leachd an teallaich.

m do'n bhuar. n cabhag.

o aimsir.

r cruaidh.

s dh'aicheadh, dh'ob-

sheun. Eir.

u a thoirt coimhreachd dhoibh.

a gu'n toir.

p toil-inntinn.

q dh'aicheadh, dh'ob-

sheun. Eir.

r gu Sodom.

s a thoirt coimhreachd dhoibh.

t gu mór.

21 Théid mi sìos a nis, agus chi mi, ma rinn iad gu léir a reir a ghlaoidh, a thàinig a'm ionnsuidh; agus mar do rinn, bithidh fios agam.

22 Agus thionndaidh na daoine an aghaidh as sir, agus ghabh iad an t-slighe gu Sodom: ach sheas Abraham sathast an làthair an Tighearna.

23 Agus thàinig Abraham am fagus, agus thubhairt e, An sgrios thusa mar an ceudna an t-ionracan maille ris an aingidh d.

24 Ma's e's gu bheil leth-cheud ionracan air taobh a stigh do'n bhaile, an sgrios thu mar an ceudna, agus nach caomhain thu'n t-àit' air son an leth-cheud ionracan ata ann?

25 Gu ma fada robh e uats' a dheanamh air an dòigh so, an t-ionracan a mharbhadh maille ris an aingidh, ionnasgu'm bi'n t-ionracan mar an t-aingidh: Gu ma fada robh sin uatsa. Nach dean Breitheamh na talmhainn uile ceartas?

26 Agus thubhairt an Tighearna, Ma gheibh mi ann an Sodem leth-cheud ionracan 'an taobh a stigh do'n bhaile, 'an sin caomhaidh mi 'n t-àit' uile air an sgàth-sane.

27 Agus fhreagair Abraham, agus thubhairt e, Feuch a nis, ghabh mi orm féin labhairt re m' Tighearna f, agus gun annam ach duslach agus luathreg.

28 Ma's e's gu'm bi cùigearh a dh'uireasbhuidh air an leth-cheud ionracan, an sgrios thu'm baile uile air son easbhuidh chùigir? Agus thubhairt e, Cha sgrios mi e, ma gheibh mi'n sin cùig' agus dà fhichead.

29 Agus labhair e ris a ris, agus thubhairt e, Ma's e's gu'm faighear m an sin dà fhichead? Agus thubhairt e, Cha dean mi e air sgàth dhà fhichead.

30 Agus thubhairt e ris, Oh! na biodh fearg air mo Thighearna, agus labhraidh mi: Ma's e's gu'm faighear ann an sin deich'ar fhichead? Agus thubhairt e, Cha dean mi e, ma gheibh mi'n sin deich'ar fhichead.

31 Agus thubhairt e, Feuch a nis, ghabh mi orm féin labhairt re m' Tighearna: Ma's e's gu'm faighear fichead 'an sin? Agus thubhairt e, Cha sgrios mi e air son fhichead.

32 Agus thubhairt e, Oh! na biodh

fearg air mo Thighearna, agus labhraidh mi 'mhàin an aon uair so: Ma's e's gu'm faighear deichnear an sin? Agus thubhairt e, Cha sgrios mi e air sgàth dheichnear.

33 Agus dh'imich an Tighearna roimhe, 'nuair a sguir e do labhairt re h-Abraham: agus phill Abraham g'a àite féin.

CAIB. XIX.

A GUS thàinig dà aingeal do Shodom 'san fheasgar, agus bha Lot 'na' shuidhe ann an geata Shodoim: agus 'nuair a chunnaic Lot iad, dh'èirich e suas nan coimheamh agus chrom se e féin air aghaidh gu làr n.

2 Agus thubhairt e, Feuch a nis, mo thighearnan, tionndadhaibh a steach o, guidheam oirbh, do thigh bhur seirbhisich, agus fanaibh re na h-oidhche, agus ionnailibh bhur casan, agus éiridh sibh gu moch, agus théid sibh air bhur turasp. Agus thubhairt iad, Ni h-eadh, ach fanaidh sinn air an t-fraid ré na h-oidhche.

3 Agus choi'-éignich e iad, agus thionndaidh iad d'a ionnsuidh, agus chaidh iad a steach d'a thigh: agus rinn e cuirm r dhoibh, agus dheasaich e aran neo-ghoirtichte: agus dh'ith iad.

4 Ach mu'n deachaidh iad a luidhe, chuairtich t daoine a' bhaile an tigh, eadhon daoine Shodoim, araon sean agus òg, an sluagh uile o gach cearna.

5 Agus ghairm iad air Lot, agus thubhairt iad ris, C'ait' am bheil na daoine a thàinig a't' ionnsuidh an nochd? Thoir amach iad d'ar n-ionnsuidh, chum as gu'n aithnich sinn iad.

6 Agus chaidh Lot amach d'an ionnsuidh air an doras, agus dhruid e 'n doras 'na dhèigh.

7 Agus thubhairt e, Na dean-aibh, guidheam oirbh, mo bhràithre, gnìomh cho òle.

8 Feuch a nis, tha agam dithis nigheana do nach b'aithne fear; leigibh leam, guidheam oirbh, an toirt amach d'ar n-ionnsuidh, agus deanaibh riu mar is àill leibh u: amhàin air na daoineibh so na dean-aibh a' bheag, oir is ann a chum na crìche so a thàinig iad fuidh sgàile mo thighe-se.

a d'ar rìreadh.

b am fogus.

n le aghaidh ris an làr.

c am firean.

d maille ris a'

o teannaidh a steach.

chiontach.

e air an son-san.

p slighe. Eabh.

r cuirm, fèisd.

f ris an Tighearna.

g luath.

s neo-ghèuraichte, gun bhèirm, gun

h cùigear, cùigear.

i dìth.

laibhin.

t dh'iadh.

l coig.

m fuighear.

u mar is math leibh.

9 Agus thubhairt iadsan, Seas air t'ais. Agus thubhairt iad a rìs, Thàinig am fear so 'na aonar air chuairt, agus is àill leis a bhi 'na bhreitheamh: A nis buinidh sinne riutsa ni's miosa na riu-san. Agus rionn iad éigin a mhòir air an duine, eadhon air Lot, agus thàinig iad am fagus a bhriseadh an doruis.

10 Ach chuir na daoine 'a mach an làmh, agus thug iad Lot a steach d'an ionnsuidh do'n tigh, agus dhùin b iad an doruis.

11 Agus bhuail iad na daoine, a bha aig doruis an tighe, le doille, eadar bheag agus mhòr: ionnas d gu'n do sgithich iad iad féin ag iarradh an doruis.

12 Agus thubhairt na daoine re Lot, Co tuilleadh a th'agad an so? Do chliamhuin, agus do mhic, agus do nigheana, agus ge b'e ni a ta agad 'sa' bhaile, thoir amach iad as an àite so:

13 Oir tha sinne gus an t-àite so a sgrios, do bliri' gu bheil an glaoth air fàs mòr 'an làthair an Tighearna; agus chuir an Tighearna sinne g'a sgrios e.

14 Agus chaidh Lot a mach, agus labhair e r'a chleamhnaibh, a phòs a nigheanan, agus thubhairt e, Eiribh, rachaibh amach as an àite so, oir tha'n Tighearna gus am baile so a sgrios: Ach bha e mar neach a bha re fanoid ann an sùilbha a chleamhna.

15 Agus 'nuair a dh'éirich a mhadainn, ann an sin ghreas na h-aingil Lot, ag ràdh, Eirich, gabh do bhean, agus do dhithis nighean ata'n so, an t-eagal gu'n sgriosar thu ann an aingidheachd a bhaile.

16 Agus, 'nuair a bha e deanamh mòile, 'an sin rug na daoine air làimh air, agus air làimh air a mhnaoi, agus air làimh air a dhithis nighean; air do'n Tighearna bhi trèaireach dha: agus thug iad amach e, agus chuir iad e'n taobh a muigh do'n bhaile.

17 Agus 'nuair a thug iad amach iad, thubhairt e, Teich air son t'anma; na seall a'd' dhéigh, agus na stad 'sa' chòmhnaidh uile: teich do'n t-sliabh, an t-eagal gu millear thu.

18 Agus thubhairt Lot riu, Oh! ni h-ann mar sin, mo thighearna.

19 Feuch a nis, fhuair do sheir-

bliseach deagh ghean a'd' shùilbha, agus mheudaich thu do throcair, a nochd thu dhomsa le m'anam a theasairginn: agus cha'n urrainn mise dol as do'n t-sliabh, an t-eagal gu'n d'thig olc eigin orm, agus gu'm faigh mi bas.

20 Feuch a nis, tha 'm baile ud am fagus gu teicheadh d'a ionnsuidh, agus e beag; leigear dhomha nis teicheadh 'an sud, (nach beag e?) agus bithidh m'anam beo.

21 Agus thubhairt e ris, Feuch, ghabh mi re t'athchuinge 'san ni so mar an ceudna, nach sgrios mi'm baile so, mu'n do labhair thu.

22 Greas ort, teich 'an sud, oir cha'n urrainn mi ni air bith a dheanamh gus an d'théid thu'n sud; uime sin thugadh Soar mar ainm air a bhaile.

23 Bha ghrian air éirigh 'air an talamh, 'nuair a chaidh Lot a steach do Shoar.

24 'An sin thug an Tighearna air pronnasc agus teinne fasadh air Sodom agus air Gomorrah a nuas o'n Tighearna as na néamhan.

25 Agus sgrios e na bailte sin, agus an còmhnaidh uile, agus uile luchd-àiteachaidh nam bailtean, agus na dh'fhàs air an talamh.

26 Ach sheall a bhean 'na déigh o chùlaobh, agus dh'fhàs i 'na carradh i salainn.

27 Agus chaidh Abraham suas moch 'sa' mhadainn do'n àite, anns an do sheas e 'n làthair an Tighearna.

28 Agus sheall e air Sodom agus Gomorrah, agus air fearann a' chòmhnaidh uile, agus chunnaic e, agus feuch, chaidh deatach na tire suas mar dheatach àmbainn m.

29 Agus 'nuair a sgrios Dia bailtean a' chòmhnaidh, 'an sin chuinnich Dia air Abraham, agus chuir e mach Lot a meadhan an léir-sgrios, 'nuair a sgrios e na bailtean, anns an robh Lot 'na chòmhnaidh.

30 Agus chaidh Lot suas a Soar, agus ghabh e còmhnaidh 'san t-sliabh, agus a dhithis nighean maille ris; oir bha eagal air còmhnaidh ghabhail ann an Soar: agus ghabh e còmhnaidh ann an uaimh, e féin agus a dhithis nighean.

31 Agus thubhairt an té bu shine ris an té a b' òige, Tha ar n-athair sean, agus cha'n 'eil fear air an talamh gu teachd a steach d'ar

a spairn.

b dhruid.

c d'n bheag gus a' mhòr. Eabh.

d air chor agus.

e g'an sgrios.

f a ghabh a nigheana. z na fan 'sa

chòrnard idir.

h gu'm beir.

i pillar. sazg.

l aghaidh Shodoim agus Ghomorrah,

agus air aghaidh fearain a' chòrn-

aird uile.

m fuirnis.

n-ionnsuidh, a réir gnátha a na talmhainn uile.

32 Thig, thugamaid air ar n-athair fíon ól, agus luidheamaid maille ris, chum as gu'n gléidh siun sliochd b o ar n-athair.

33 Agus thug iad air an athair fíon ól air an oidhche sin: agus chaidh an té bu shine steach, agus luidh e i maille r'a h-athair; agus cha do mhothaich e 'nuair a luidh i síos, no 'nuair a dh'éirich i.

34 Agus air an la-maireach d thubhairt an té bu shine ris an té a b'óige, Feuch, luidh mise 'n reidhre maille re m' athair; thugamaid air fíon ol an nochd mar an ceudna, agus rachsa steach, agus luidh maille ris, chum as gu'n gléidh sinn sliochd o ar n-athair.

35 Agus thug iad air an athair fíon ól air an oidhche sin mar an ceudna: agus dh'éirich an té b'óige, agus luidh i maille ris, agus cha do mhothaich e 'nuair a luidh i síos, no 'nuair a dh'éirich i.

36 Mar so bha dithis nighean Lot torrach aig an athair.

37 Agus rug an té bu shine mac, agus thug i Moab mar ainm air: 's esan athair nam Moabach gus an lán diugh.

38 Agus an té b'óige, rug ise mar an ceudna mac, agus thug i Ben-ammi mar ainm air: 's esan athair chloinn Ammoin gus an lán diugh.

CAIB. XX.

**A**GUS dh'imich Abraham as sin do'n tír mu dheas, agus ghabh e comhnuidh eadar Cades agus Sur; agus bha e air chuairt ann an Gerar.

2 Agus thubhairt Abraham mu 'S'arah a bhean, 'Si mo phiuthar i: Agus chuir Abimelech righ Gheair teachdaire uaithe, agus ghabh e Sarah.

3 Agus tháinig Dia gu Abimelech ann an aisling<sup>1</sup> 'san oidhche, agus thubhairt e ris, Feuch, is duine marbh thu, air sòn na mná a ghabh thu; oir is bean duin<sup>2</sup> eil<sup>3</sup> i.

4 Ach cha d'tháinig Abimelech am fagus d'ís, agus thubhairt e, A thighearna, am marbh thu mar an ceudna cinneach ionuic?

5 Nach d' thubhairt esan riumsa, 'Si mo phiuthar i? agus thubhairt ise, eadhon ise féin, 'Se mo bhráthair e: ann an treibhdhíreas mo chridhe, agus ann an neo-chionta mo lámh rinn mi so.

<sup>a</sup> cláckda, cor, modh. <sup>b</sup> síol.

<sup>c</sup> luidh. <sup>d</sup> air a' nháireach.

<sup>e</sup> an réir, an raoir. <sup>f</sup> brúadar.

<sup>g</sup> na còir.

6 Agus thubhairt Dia ris ann an aisling, Seadh, tha fios agam gur ann an treibhdhíreas do chridhe a rinn thu so, agus chum mise mar an ceudna thu o pheacachadh a'm' aghaidh: uime sin cha do leig mi leat beantainn ria.

7 A nis ma'ta thoir air a h-ais do'n duine a bhean, oir is fàidh e, agus ní e ùrnuigh air do shon, agus bithidh tu beo: ach mur d'thoir thu air a h-ais i, biodh fios agad gu'm faigh thu bás gu cinnteach, thu féin agus gach uile a's leat.

8 Uime sin, dh'éirich Abimelech moch 'sa mhadainn, agus ghairm e a sheirbhisich uile, agus dh'aithris i e na nithe sin uile 'nan éisdeachd; agus bha eagal mòr air na daoine<sup>1</sup>.

9 'An sin ghairm Abimelech air Abraham, agus thubhairt e ris, Ciod so a rinn thu oirn? agus ciod an eucoirm a rinn mis' ort, gu'n d'thug thu ormsa, agus air mo rìoghachd peacadh mòr? rinn thu gnìomharan ormsa, nach bu chòir a dheanamh.

10 Agus thubhairt Abimelech re h-Abraham, Ciod a chunnaic thu, gu'n d'rinn thu an ni so?

11 Agus thubhairt Abraham, A chionn gu'n d' thubhairt mi<sup>2</sup> annam féin, Gu cinnteach cha 'n'eil eagal an Tighearna 'san ionad so; agus marbhaidh iad mi air son mo mhná.

12 Agus gidheadh 'si gu deimhin mo phiuthar i, nighean m'athar i, ach cha'n i nighean mo mhàthar: agus bha i agam mar mhnáoi.

13 Agus 'nuair a thug Dia orm do' air m'aineòl o thigh m'athar, 'an sin thubhairt mi riap, 'Se so do chaoimhneas a nochdas tu dhomhsa; Anns gach àite d'an d'thig sinn, abair mu m' thimchioll, 'Se mo bhráthair e.

14 Agus ghabh Abimelech caor-aich, agus buar<sup>3</sup>, agus òglaich agus ban-òglaich<sup>4</sup>, agus thug e iad a dh'Abraham, agus thug e air a h-ais dha Sarah a bhean.

15 Agus thubhairt Abimelech, Feuch, tha m'fhearann fa d' chomhair: gabh comhnuidh far an taitneach leat.

16 Agus re Sarah thubhairt e, Feuch, thug mi mìle bonn airgid do d' bhráthair: feuch, tha e dhuitse<sup>5</sup> na chomhdachadh sùl do gach uile

<sup>h</sup> aisig. <sup>i</sup> dh'innis.

<sup>1</sup> dh'oilltich na daoine. <sup>m</sup> a'

choire, an cron. <sup>n</sup> gu'n do smuairich, gu'n do shòil mi. <sup>o</sup> air

choigrich. <sup>p</sup> rithe. <sup>r</sup> d'an tig.

<sup>s</sup> crodh, daimh. <sup>t</sup> seirbhisich.

<sup>u</sup> bithidh so dhuitse.



*ata* maille riut, agus maille ris gach uile: mar so fhuaire i achmhasan<sup>a</sup>.

17 Agus rinn Abraham ùrnuigh re Dia; agus leighis Dia Abimelech, agus a bhean, agus a bhan-oglaich, agus rugiad *clann*.

18 Oir dhruid<sup>b</sup> an Tighearna suas gach boig ann an teaghlach Abimelech, air son Sharaih mnà Abraham.

## CAIB. XXI.

**A** GUS dh'amhaire an Tighearn<sup>c</sup> air Sarah<sup>c</sup> mar a thubhairt e; agus rinn an Tighearna do Sharaih mar a labhair e.

2 Oir dh'fhàs Sarah<sup>c</sup> torrach, agus rug i mac do Abraham 'na shean aois, 'san àm shuidhichte, mu'n do labhair Dia ris.

3 Agus thug Abraham Isaac mar ainm air a mhac a rugadh dha, a rug Sarah dha.

4 Agus thimchioll-ghearr Abraham Isaac a mhac, 'nuair a bha e ochd lathan a dh'aois, mar a dh'àithn Dia dha.

5 Agus bha Abraham ceud bliadhna dh'aois, 'nuair a rugadh a mhac Isaac dha.

6 Agus thubhairt Sarah, Thug Dia orm gàire dheanamh: agus gach neach a chluineas, ni e gàire maille riom.

7 Agus thubhairt i, Co a theireadh re h-Abraham, gu'n d'thugadh Sarah cìoch do chloinn, oir rug mi mac dha 'na shean-aois?

8 Agus dh'fhàs an leanabh, agus chuireadh bhàrr na cìche<sup>d</sup>: Agus rinn Abraham cuirm mhòr 'san là an do chuireadh Isaac bhàrr na cìche.

9 Agus chunnaic Sarah mac Hagair na ban-Eiphitich, a rug i dh'Abraham, re fanoid.

10 Uime sin thubhairt i re h-Abraham, Tilg amach, a' bhan-tràille<sup>e</sup> so, agus a mac; oir cha bhi mac na ban-tràille so 'na oighre maille re m' mhac-sa, *eadhou* re h-Isaac.

11 Agus bha'n nì ro-dhoilgheasach ann an sùilbh Abraham, air son a mhic.

12 Agus thubhairt Dia re h-Abraham, Na biodh e doilgheasach a'd' shuilbh air son an òganaich, agus air son do bhan-tràille: a thaobh gach nì a thubhairt Sarah riut, eisid<sup>f</sup> r' a guth: oir is ann an Isaac a dh'ainmichear f dhuitse sliochd.

a *chronaicheadh* i. b *dhruid*  
gu daingean. c *dh'fhiosraich*,  
chuimhnich an Tighearn<sup>c</sup> air Sarah.  
d *chuireadh* air dìol e. e *a' bhann-*  
tràill bhean dhaor. f *ghoirear*,

13 Agus mar an ceudna do mhac na ban-tràille ni mise cinneach, do bhrìgh gur e do sliochds<sup>g</sup> e.

14 Agus dh'éirich Abraham suas gu moch 'sa' mhadainn, agus ghabh e aran, agus searrag<sup>g</sup> uisge, agus thug e *sin* do Hagar, agus chuir e air a gualainn e, agus an leanabh; agus chuir e air falbh i: agus dh'imich i, agus chaidh i air seacharan, 'am fàsach Bheer-seba.

15 Agus chaitheadh<sup>h</sup> an t-uisge o'n t-searrag; agus thilg<sup>i</sup> n leanabh fuidh h-aon do na preasaibh i.

16 Agus dh'fhalbh i, agus shuidh i sìos f'a chomhair, tamull math uaith, mu thimchioll urchuirsaighde: oir thubhairt i, Na faiceam bàs an leinibh. Agus shuidh i f'a chomhair, agus thog i suas a guth, agus ghuil i.

17 Agus chuala Dia guth an òganaich: agus ghairm aingeal Dé air Hagar o nèamh, agus thubhairt e ria, Ciod a tha teachd riut, a Hagar? Na biodh eagal ort; oir chuala Dia guth an òganaich far am bheil e.

18 Eirich, tog suas an t-òganach, agus gabh greim<sup>a</sup> a'd' làimh dheth, oir ni mise 'na chinneach mòr e.

19 Agus dh'fhosgail Dia a sùilean, agus chunnaic i tobar uisge: agus chaidh i, agus lion i 'n t-searrag le h-nisge, agus thug i deoch do'n òganach.

20 Agus bha Dia leis an òganach, agus dh'fhàs e suas: agus ghabh e comhnuidh 'san fhàsach, agus bha 'e na fhear-bogha.

21 Agus ghabh e comhnuidh 'am fàsach Pharaon: agus ghabh a mhàthair bean da a tulamh na h-Eiphit.

22 Agus 'san àm sin féin labhair Abimelech, agus Phichòlard cheannard a shluaigh, re h-Abraham, ag ràdh, Tha Dia leat 'sgach nì *ata* thu deanamh.

23 A nis nime sin mionnaich dhomhsa air Dia, nach buin thu gù fealltach riumsa<sup>m</sup>, no re 'm mhac, no re mac mo mhic; ach a réir a' chaoimheis a rinn mi riut, ni thusa riumsa, agus ris an tìr anns an robh thu air chuairt.

24 Agus thubhairt Abraham, Bheir mi mo mhiannan.

25 Agus thug Abraham achmhasan do Abimelech air son tobair uisge, a thug a seirbhisich Abimelech amach le h-ainneart<sup>n</sup>.

g *soirre, buideal.* h *theirig.*  
i *craobhaibh.* i *glac.*  
m *nach dean thu feall ormsa.*  
n *le foirneart, leis an làimh ladair.*

26 Agus thubhairt Abimelech, Cha b'fhiosrach mise co rinn an gnìomh so: cha d'innis thu féin domh, agus cha mhò a chuala mi bheag m'a *thimchìoll* ach an diugh a.

27 Agus ghabh Abraham caoraich agus crodh, agus thug e iad do Abimelech: agus rinn iad le chèile coi'-cheangal.

28 Agus thuir Abraham seachd uain bhainiunn do'n treud air leth leo féin.

29 Agus thubhairt Abimelech re h-Abraham, Ciod iad na seachd uain bhainiunn sin, a chuir thu air leth leo féin?

30 Agus thubhairt e, Oir gabhadh tu na seachd uain bhainiunn sin o m' làimh; chum gu'm bi iad 'nam fianais domhsa, gu'n do chladhaich mi 'n tobar so.

31 Uime sin thug e Beer-seba mar ainm air an àite sin, do bhrìgh ann an sin gu'n d'thug iad am mionnan le chèile.

32 Mar so rinn iad coi'-cheangal aig Beer-seba: 'an sin dh'éirich Abimelech suas, agus Phichol, ard cheannard a shluaigh, agus phill iad do thir nam Philistineach.

33 Agus shuidhich Abraham doire b chraobh aig Beer-seba, agus ghairm e 'h sin air ainm an Tighearna, an Dé shiorruidh.

34 Agus bha Abraham air chuairt ann an tìr nam Philistineach mòran do laithibh.

CAIB. XXII.

**A** GUS 'an déigh nan nithe sin dhearbha c Dia Abraham, agus thubhairt e ris, Abraham. Agus thubhairt e, Feuch, *tha mi 'n so*.

2 Agus thubhairt esan, Gabh a nis do mhac, t'aon mhac Isaac, a's ionmhuinn leat, agus rach do thir Mhoriath, agus thoir suas 'an sin e mar thabhartas-loisgt'e, air aon do na beanntaibh e dh'inneas mise dhuit.

3 Agus dh'éirich Abraham gu moch 'sa' mhadainn, agus dh'ùghimich e asal, agus ghabh e dìthis d'a òganaich maille ris, agus a mhac Isaac; agus sgoilt e sìodh air son an tabhartais-loisgte, agus dh'éirich e suas, agus chaidh e do 'n àit' a dh'innis Dia dha.

4 A nis air an treas là thog Abraham suas a shùilean, agus chunnaic e 'n t-àite fada uaithe.

a *agus an diugh.* b *badan coille.*  
c *dh'fheuch.* d *thoir ort tìr Mhoriath.*  
e *ofraile loisgte.*  
f *chuir e diollaid air asal.*  
g *a dhà òganach.*

5 Agus thubhairt Abraham r'a òganaich, Fanaibhs' ann an so maille ris an asal, agus thèid mis' agus an gille h gu nuige sud, agus ni sinn aoradh, agus thig sinn aris m d'ar n-ionmsuidh.

6 Agus ghabh Abraham sìodh an tabhartais-loisgte, agus chuir se e air muin a mhic Isaac; agus ghabh e 'na làimh an teine, agus an sgian: agus dh'imich iad cuideachd le chèile.

7 Agus labhair Isaac r'a athair Abraham, agus thubhairt e, Athair: agus thubhairt esan, Feuch *tha mi 'n so*, a mhic. Agus thubhairt e, Feuch an teine, 's am sìodh; ach e' àit, *am bheil an t-uain air son tabhartais-loisgte?*

8 Agus thubhairt Abraham, Gheibh Dia, a mhic, uan dha féin air son tabhartais-loisgte: Mar sin dh'imich iad cuideachd le chèile.

9 Agus thàinig iad do'n àit' a dh'innis Dia dha, agus thog Abraham altair 'an sin, agus chuir p e 'm sìodh 'an òrdugh; agus cheangail e mhac Isaac, agus chuir e air an altair e air uachdar an fhiodha.

10 Agus shìn Abraham amach a làmh, agus ghabh e 'n sgian a mharbhadh a mhic.

11 Agus ghlaodh aingeal an Tighearna ris o neamh, agus thubhairt e, Abraham, Abraham. Agus thubhairt esan, Feuch, *tha mi 'n so*.

12 Agus thubhairt e, Na leag do làmh air a' ghille, agus na dean ni sam bith air: oir a nis tha mi fiosrach gu bheil eagal Dé ort, do bhrì, nach do chum thu do mhac, *eadhon t'aon mhac uamsa.*

13 Agus thog Abraham suas a shùilean, agus dh'amhairc e, agus feuch, reithe air a chùlaobhs 'an sàs ann am preast air adhaircean: agus chaidh Abraham, agus ghabh e 'n reithe, agus thug e suas e mar thabhartas-loisgte 'n àit' a mhic.

14 Agus thug Abraham Iehobhab-Ireth mar ainm air an àite sin: mar a theirear *gus an là'n diugh*, Ann an sliabh an Tighearna chith-ear e u.

15 Agus ghlaodh aingeal an Tighearna re h-Abraham an dara uair o neamh.

16 Agus thubhairt e, Oim féin

h *an leanabh-gille.* i *gu ruig.*  
1 *àdhradh.* m *pillidh sinn.*  
n *connadh.* o *Chi Dia, a mhic,*  
*air son uain dha féin.* Eabh.  
p *leag.* r *ghairm.* s *a*  
chùl-thaobh. t *an caoir-dhris.*  
u *San t-sliabh chi an Tighearna.*

mbionnaich mi, ars' an Tighearn' a chionn gu'n d'rinn thu an nì so, agus nach do chum thu uam do mhac, eadhon t'aon mhac;

17 Gu'm beannaich mi thu gu mòr<sup>a</sup>, agus gu'n dean mi do shliochd ro liomh<sup>b</sup> eadhon mar reultan èimh, agus mar an gaineamh<sup>b</sup>, ata air tràigh na faire: agus sealbhaichidh do shliochd geatadh an naimhde;

18 Agus beannaichear ann ad' shliochd-sa uile chinnich na talmhainn, a chionn gu'n d' éisd thu re m' ghuth.

19 Mar sin phill Abraham dh'ionnsuidh òganacha; agus dh'éirich iad suas, agus chaidh iad cuideachd gu Beer-seba; agus ghabh Abraham còmhnuidh aig Beer-seba.

20 Agus 'an déigh nan nithe sin dh'innseadh do Abraham, ag ràdh, Feuch, rug Milcah mar an ceudna mic do d' bhràthair Nahor:

21 Hus a cheud-ghin, agus Buds a bhràthair, agus Cemuel athair Aram,

22 Agus Chesus, agus Hadso, agus Pildas, agus Idlaph, agus Betuel.

23 Agus ghin Betuel Rebecah: an ochdnar sin rug Milcah do Nahor, bràthair Abraham.

24 Agus a leannan<sup>d</sup>, d'am b'ainm Reumah, rug ise mar an ceudna Tebah, agus Gaham: agus Tahas, agus Maachah.

## CAIB. XXIII.

**A**GUS bha Sarah beo ceud agus seachd bliadhna fichead<sup>e</sup>; b'iad so bliadhnacha beatha Sharaìh.

2 Agus fhuaire Sarah bàs ann an Ciria-tarba; 'se sin Hebron ann an tìr Chanaain: Agus thàinig Abraham a dheanamh tuiridh<sup>f</sup> air son Sharaìh, agus a chaoi<sup>g</sup>dh air a son.

3 Agus dh'éirich Abraham suas ò lathair a mhairbh, agus labhair e re mic Het, ag ràdh,

4 Is coigreach agus fear-cuairt mise maille ribh: thugaibh dhomh sealbh àit<sup>h</sup> adhlaidh maille ribh, agus gu'n adhlaidh mi mo mharbh as mò shealladh i.

5 Agus fhreagair mic Het Abraham, ag ràdh ris,

6 Eisd ruinne, mo thighearna: is uachdaran<sup>i</sup> cumbachdach thusa, 'nar measg; ann an roghainn<sup>j</sup> mi

ar n-àiteachan-adhlaidh, adhlaidh do mharbh: cha chum duine 'nar measg-ne àit<sup>h</sup> adhlaidh uait, gu d' mharbh adhlaidh ann<sup>n</sup>.

7 Agus dh'éirich Abraham suas, agus chrom se e féin do mhuinntir na tìre, eadhon do mhic Het.

8 Agus labhair e riu, ag ràdh, Ma's àill leibh o gu'n adhlaidhinn mo mharbh as mo shealladh, éisdibh rium, agus labhraibh air mo shon re h-Ephron mac Shohair;

9 Chum as gu'n d'thoir<sup>r</sup> e dhomh uaimh Mhachpelai<sup>s</sup>h ata aige, ata ann an crìoch achaidh<sup>s</sup> air son uiread airgid 's is fiu<sup>t</sup> i, thugadh e dhomh i mar sheilbh àit<sup>h</sup>-adhlaidh 'nar measg-sa.

10 Agus bha Ephron 'na còmhnuidh am measg chloinne Het. Agus fhreagair Ephron an t-Hiteach Abraham ann an éisdeachd cloinne Het, eadhon gach neach a chaidh steach air geatadh a bhaile-san, ag ràdh,

11 Na biodh e mar sin u, mo thighearna, éisd rium: an t-achadh bheir mi dhuit, agus an uaimh a ta ann, bheir mi dhuit i: adhlaidh do mharbh.

12 Agus chrom Abraham e féin sìos 'an làthair muinntir na tìre.

13 Agus labhair e re h-Ephron, ann an éisdeachd muinntir na tìre, ag ràdh, Ach ma bheir thu seachad i, guidheam ort, éisd rium: bheir mi dhuit airgid air son an achaidh, gabh uam e, agus adhlaidh mi mo mharbh 'an sin.

14 Agus fhreagair Ephron Abraham, ag ràdh ris,

15 Mo thighearna, éisd rium: is fiu<sup>t</sup> an t-achadh ceithir cheud secel airgid; ciod sin eadar mis' agus thusa? uime sin adhlaidh do mharbh.

16 Agus dh'éisd Abraham re h-Ephron, agus thombais Abraham do Ephron an t-airgid, a dh'ainmich e ann an éisdeachd mhac Het, ceithir cheud secel airgid, a ghabhas an ceannaiche<sup>a</sup>.

17 Agus rinneadh achadh Eproin, a bha ann am Machpelai<sup>s</sup>h, a bha fa chomhair Mhamre, an t-achadh, agus an uaimh a bh' ann, agus gach craobh bha 'san achadh, a bha na chrìch uile mu'n cuairt.

18 Daingean do Abraham mar sheilbh, ann an làthair cloinne Het,

<sup>a</sup> Le beannaichadh gu'm beannaich mi thu. Eabh.

<sup>b</sup> a' ghaineamh, a' ghainmheach.

<sup>c</sup> clann.

<sup>d</sup> a choi'leabach.

<sup>e</sup> bha Sarah

ceud agus seachd bliadhna fichead a dh'aois.

<sup>f</sup> bròin.

<sup>g</sup> a ghul,

a chaoineadh.

<sup>h</sup> tuama.

<sup>i</sup> a m' làthair.

<sup>j</sup> prionnsadh.

<sup>m</sup> roghadh.

<sup>n</sup> cha bhac duine 'nar measg-ne dhìot do mharbh adhlaidh 'na àit'-adhlaidh.

<sup>o</sup> ma's e ar toil.

<sup>p</sup> guidhibh, deanaibh maoidhean as mo leth.

<sup>r</sup> gu'n toir.

<sup>s</sup> fhearainn, a raoin.

<sup>t</sup> iach.

<sup>u</sup> Ni h-eadh.

<sup>v</sup> a marsant.

am fianuis gach neach a chaidh steach air geatadh a bhaile-san.

19 Agus 'an déigh sin dh'adhlac Abraham Sarah a bhean, ann an uaimh achaidh Mhachpelaibh, fa chomhair Mhamre : is e sin Hebron ann an tìr Chanaan.

20 Agus rinneadh an t-achadh, agus an uaimh *ata* ann, daingean do Abraham, mar sheilbh àit'-adhlac, le mic Het.

CAIB. XXIV.

**A**GUS bha Abraham sean, agus air teachd gu h-aois mhòir<sup>a</sup>, agus bheannaich an Tighearn, Abraham 'sna h-uile nithibh.

2 Agus thubhairt Abraham r'a sheirbhiseach bu shìne 'na thigh, aig an robh riaghladh gach nì bh'aige, Cuir, guidheam ort, do làmh fuidh<sup>b</sup> shliasaid.

3 Agus bheir mi ort mionnachadh air an Tighearna, Dia nèimh, agus Dia na talmhainn<sup>b</sup>, nach gabh thu bean do m' mhac do nigheanaibh nan Canaanach, am measg *am bheil* mis a m' chòmhnuidh :

4 Ach théid thu do m' dhùthaich féin, agus a chum mo luchd-dàimhe, agus gabhaidh tu bean do m' mhac Isaac.

5 Agus thubhairt an seirbhiseach ris, Ma's e 's nach bi bhean toileach air mis' a leantuinn do'n tìr so, an éigin domh do mhac a thoirt air ais aris' do'n tìr as an d' thainig thu ?

6 Agus thubhairt Abraham ris, Thoir an ro-aire<sup>d</sup> nach d' thoir thu mo mhac 'an sin arise.

7 An Tighearna, Dia nèimh, a thug mise o thigh m'athar, agus o thìr mo dhilsean, agus a labhair rium, agus a mhionnaich dhomh, ag radh, Do d' shliochd bheir mi am fearann so; cuiridh esan aingeal féin romhad, agus gabhaidh tu bean do m' mhac as sin.

8 Agus mur bi bhean toileach air thus' a leantuinn, 'an sin bithidh tu saor o m' mhionnaibh so: amhàin na d' thoir mo mhac 'an sin aris.

9 Agus chuir an seirbhiseach a làmh fuidh shliasaid Abraham, a mhaighstir, agus mhionnaich e dha thaobh an nì sin.

10 Agus ghabh an seirbhiseach deich càmhail do chàmhalan a mhaighstir, agus dh'fhalbh e; oir *bha* maoin a mhaighstir uile aige f'a làimh<sup>f</sup>: Agus dh'èirich e, agus

chaidh e gu Mesopotamia, gu baile Nahoir.

11 Agus thug e air na càmhail an glùn a lùbadh an taobh a muigh do'n bhaile, làimh re tobar uisge, mu thràth seasgair, *cadhò* mu'n àm an d' théid h muai ainach a tharruing uisge.

12 Agus thubhairt e, O Thighearna Dhé mo mhaighstir Abraham, deònaich gu'n soirbhich leams' an diugh i, agus nochd caomhneas do m' mhaighstir Abraham.

13 Feuch, *tha* m' m' sheasamh 'an so làimh ris an tobar uisge, agus thig nigheana muinntir<sup>l</sup> a' bhaile, mach a tharruing uisge.

14 Agus tachaieadh e m, a' mhaighdean ris an abair mise, Leig sìos, guidheam ort, do shoitheach chum's gu'n òl mi; agus their ise, Ol, agus bheir mise deoch do d' chàmhal mar an ceudna: *gu ma* h-in sin féin a dh'òrduich thu do d' sheirbhiseach Isaac; agus le sin bithidh fios again gu'n do nochd thu coimhneas do m' mhaighstir.

15 Agus munn do sguir e do labhairt, feuch, thainig Rebekah amach, a rugadh do Bhetuel, mac Mhilech, mnà Nahoir, bràthar Abraham; agus a soitheach air a gualainn.

16 Agus *bha* chailin ro mhaiseach re amhaire oirre, òigh; agus cha b'aithne do fhear riamh i: agus chaidh i sìos do'n tobar, agus lion i a soitheach, agus thainig i nìos.

17 Agus ruidh an seirbhiseach 'na coinneamh o, agus thubhairt e, Leig dhomh, guidheam ort, beagan uisg' òl as do shoitheach p.

18 Agus thubhairt i, Ol, mo thighearna: agus ghreas i oirre r, agus leig i sìos a soitheach air a làimh, agus thug i dha deoch.

19 Agus 'an déigh dh'i deoch a thoirt da, thubhairt i, 'Tairngidh mi uisg' air son do chàmhal mar an ceudna, gus an sguir iad a dh'òl.

20 Agus ghreas i oirre, agus dh'fhalbh muich s i a soitheach 'saa amar, agus ruidh i ris do'n tobar, a tharruing uisge: agus tharruing i air son a chàmhal uile.

21 Agus *bha'n* duin 'ag amharce le h-iongantas oirre, agus a' fant-

s a mach. h an téid. i cum, guidheam ort, coinneamh rium-sa 'n diugh. l dhaoine.

m tarladh e, thigeadh e gu crìch; bitheadh e. Eabh. n gum bu h-i. o 'na cò'-dhal. p Cairg m' zòtadh, guidheam ort, le beagan uisg' as do shoitheach. r rinn i deifr, no cabhag. s dh'fholamhuich.

<sup>a</sup> air dol air aghaidh gu math am bliadhnaibh. b an talmhain.

c mo dhilsean. d Bi air do ro-fhaicill. e a rist.

f agus thug e leis cuid do uile mhaoin a mhaighstir 'na làimh.



uinn 'na thosd<sup>a</sup>, a dh' feuchainn an d'thug no nach d'thug an Tighearn' air a thurus<sup>b</sup> soirbheachadh leis.

22 Agus 'nuair a sguir na càmhail a dh'òl, 'an sin ghabh an duine cluas-fhainne òir, 'san robh leth seceil a chudthrom, agus dà lamh-fhail<sup>c</sup> air son a làmh, 'san robh deich seceil òir a chudthrom.

23 Agus thubhairt e, Co d'an nighean thu? innis dhomh, guidheam ort: am bheil ann an tigh t'-athar àite dhuinn gu tàmh<sup>d</sup> a ghabhail ann?

24 Agus thubhairt i ris, 'S mise nighean Bhetueil, mbic Mhilcah, a rug i do Nahor.

25 Thubhairt i ris mar an ceudna, Tha againne araon connlach<sup>e</sup>, agus innlinn<sup>f</sup> gu leòr, agus àite gu tàmh a gabhail ann.

26 Agus chrom an duine e féin sìos, agus rinn e aoradh do'n Tighearna.

27 Agus thubhairt e, Beannaichte gu robh an Tighearna, Dia mo mhaighstir Abrahaim, nach do bhuin a thròcair agus fhirinn o m' mhaighstir, air dhòmhsa bhi 'san t-slighe, stiuirh an Tighearna mi gu tigh bhràithre mo mhaighstir.

28 Agus ruidh a' mhaighdean, agus dh'innis i na nithe-sa do mhuinntir tìghe a màthar.

29 Agus bha bràthair aig Rebecah, d'am b'ainn Laban: agus ruidh Laban a dh' ionnsuidh an duine amach chum an tobar.

30 Agus 'nuair a chunnaic e a' chluas-fhainne, agus na làmh-fhailean air làmhnan a pheathar, agus 'nuair a chual' e briathra Rebecah a pheathar, ag ràdh, Mar so labhair an duine rium; 'an sin thàinig e dh'ionnsuidh an duine, agus feuch, sheas e làmh ris na càmhail aig an tobar.

31 Agus thubhairt e, Thig a steach, thusa 'ta beannaichte o'n Tighearna; c'uime sheasas tu a muigh? oir dh'ulluich i mis' an tigh, agus àite do na càmhail.

32 Agus thàinig an duine do'n tigh, agus dh'fhuasgail e na càmhail, agus thug e seachad connlach agus innlinn air son nan càmhail, agus uisg<sup>g</sup> a dh'ionnla a chasan, agus casan nan daoine a bha maille ris.

a bha'n duine 'na thosd, ag amharc oirre le h-ìongantas. b a shlighe. c bracelets. Sasg. d aoidheachd. e fodar. f biadh spréidh. g nach d' fhàg mo mhaighstir as eugmhais a thròcair agus fhirinn. h thròdaich. i dh'ullamhuich, dheasaich.

33 Agus chuireadh biadh air a bheulaobh gu itheadh: ach thubhairt e, Cha 'n ith mi, gus an innis mi mo ghnothuch. Agus thubhairt esan, Labhair romhad.

34 Agus thubhairt e, Is mise seirbhiseach Abrahaim.

35 Agus bheannaich an Tighearna mo mhaighstir gu mòr, agus tha e air fàs cumhachdach: agus thug e dha caoraich, agus crodh, agus airgiod, agus òr, agus òglaich agus ban-òglaich, agus camhail agus asail.

36 Agus rug Sarah, bean mo mhaighstir, mac do m' mhaighstir 'na sheanaois; agus thug e dha-san gach ñi a bh' aige<sup>l</sup>.

37 Agus thug mo mhaighstir ormsa mo mhionnan a thoirt, ag ràdh, Cha ghabh thu bean do m' mhac do nigheanaibh nan Canaanach, muinntir a tha mis 'a chòmhnuidh 'nam fearann.

38 Ach théid thu dh'ionnsuidh tìghe m'athar, agus a dh'ionnsuidh mo dhilsean, agus gabhaidh tu bean do m' mhac.

39 Agus thubhairt mi re m' mhaighstir, Theagamh nach lean a bhean mi:

40 Agus thubhairt esan rium, Cuiridh an Tighearn, 'an làthair do dh'ghluais mise, aingeal féin leat, agus soirbhichidh e do thurus: agus gabhaidh tu bean do m' mhac do m' dhilsibh, agus do thigh m'athar.

41 'An sin bithidh tu saor o m' mhionnaibh-sa, 'nuair a thig thu chum mo dhilse; agus mur d'hoir iad dhuith bean, 'an sin bithidh tu saor o m' mhionnaibh.

42 Agus thàinig mi'n diugh chum an tobar, agus thubhairt mi, O Thighearna, Dhé mo mhaighstir Abrahaim, ma shoirbhicheas tu nis mo thurus, air am bheil mi 'g imeachd;

43 Feuch, tha mi m'sheasamh làmh ris an tobar uisge; agus 'nuair a thig a' mhaighdean<sup>m</sup> amach a tharruing uisge, agus a their mi ria, Thoir dhomh, guidheam ort, beagan uisge re òl as do shoitheach;

44 Agus a their ise rium, Ol thu féin, agus tairngidh mise mar an ceudna do d'chàmhill: gu ma h-i sin féin a' bhean a dh'òrduich<sup>n</sup> an Tighearna do mhac mo mhaighstir.

45 Agus mun do sguir<sup>o</sup> mi labhairt a'm' chridhe, feuch thàinig Rebecah a mach, agus a soitheach air a gualainn; agus chaidh i sìos

<sup>l</sup> gach ñi ata aige. <sup>m</sup> a' chailin. <sup>n</sup> a chomharaich amach. <sup>o</sup> suil do sguir. Eir.

do'n tobar, agus tharruing i uisge; Agus thubhairt mi rìa, Thoir dhomh deoch, guidheam ort:

46 Agus ghreas i oirre, agus leig i sìos a soitheach o *gualainn*, agus thubhairt i, Ol, agus bheir mi deoch do d' chamhail mar an ceudna: agus dh' ol mi, agus thug i air na camhail ol mar an ceudna.

47 Agus dh'fhiosraich a mi dhith, agus thubhairt mi, Co d'an nighean thusa? Agus thubhairt ise, 'S mi nighean Bhietueil, mhic Nahoir, a rug Milcah dha: Agus chuir mi chluas-fhàinne air a h-aghaidh, agus na làmh-fhailean air a làmhan.

48 Agus chrom mi sìos mo cheann, agus rinn mi aoradh do'n Tighearna, agus bheannaich mi 'n Tighearna, Dia mo mhaighstir Abraham, a threòraich mi 'san t-slighe cheart<sup>b</sup>, a ghabhail nighinn bràthar mo mhaighstir d'a mhac.

49 Agus a nis, ma bhuineas sibh gu caoimhneil agus gu fìrinneach re m' mhaighstir, innsibh dhomh; agus mur *buin*, innsibh dhomh; chum as gu'n tionndaidh mi dh'ionnsuidh na làmh deise, no na làmh cli.

50 'An sin fhreagair Laban agus Betuel, agus thubhairt iad, 'S ann o 'n Tighearna thàinig an nì so: cha'n urrain sinne olc no math a ràdh riut.

51 Feuch, *tha* Rebecah a'd làthair, gabh i, agus imich: agus biodh i' na mnaoi aig mac do mhaighstir, mar a labhair an Tighearna.

52 Agus 'nuair a chuala seirbhiseach Abraham am briathra, chrom se e féin gu lár do'n Tighearna.

53 Agus thug an seirbhiseach a làthair seudan<sup>d</sup> airgid agus seudan òir, agus eudach, agus thug e iad do Rebecah: thug e mar an ceudna nithe luachmhor e d'a bràthair, agus d'a màthair.

54 Agus dh'ith iad, agus dh'òl iad, e féin agus na daoine *bha* maille ris, agus dh'fhan iad rè na h-oidhe: agus dh'éirich iad 'sa' mhadainn; agus thubhairt esan, Cuiribh air falbh mi dh'ionnsuidh mo mhaighstir.

55 Agus thubhairt a bràthair agus a màthair, Fanadh a' mhaighdean maille ruinne air a'chuid a's lugha deich lathan; 'na dhéigh sin falbhaidh i.

56 Agus thubhairt e ri u, Na cuiribh moille orm, oir shoirbhich an Tighearna mo thurus: cuiribh air falbh

mi, 's gu'n d'theid mi dh'ionnsuidh mo mhaighstir.

57 Agus thubhairt iad, Gairmidh sinn a' mhaighdinn, agus fiosraichidh sinn d'a beul féin.

58 Agus ghairm iad air Rebecah, agus thubhairt iad rìa, An d'theid thu leis an duine so? Agus thubhairt i, Théid.

59 Agus chuir iad air falbh Rebecah am piuthar, agus a banaltrum, agus seirbhiseach Abraham, agus a dhaoine.

60 Agus bheannaich iad Rebecah, agus thubhairt iad rìa, 'S tu ar piuthar, bio-s a' d' mhàthair mhilte do mhuillionaibh; agus sealbhaich-eadh do shliochd geata na muinntir sin, le 'm fuathach iad.

61 Agus dh'éirich Rebecah, agus a maighdeanan, agus mharcaich iad air na camhail, agus lean iad an duine: agus ghabh an seirbhiseach Rebecah, agus dh'fhalbh e roimhe.

62 Agus bha Isaac a' teachd o shlighe an tobair Lahai-roi; oir bha e chomhnuidh 'san tìr fa dheas.

63 Agus chaidh Isaac amach a bheachd - smuaineachadh 'san fhaiche f air seasgar: agus thog e suas a shùilean, agus chunnaic e, agus feuch, *bha* na camhail a' tighinn.

64 Agus thog Rebecah suas a shùilean, agus 'nuair a chunnaic i Isaac, theiring i h bhàrr a' chamhail.

65 Agus thubhairt i ris an t-seirbhiseach, Co e'n duine so 'ta sràid-imeachd 'san fhaiche g'ar coinn-eachadh? Agus thubhairt an seirbhiseach, 'S e mo mhaighstir a th'ann: 'an singhabh i gnùis-bhrat<sup>i</sup>, agus chomhdaich si i féin.

66 Agus dh'innis an seirbhiseach do Isaac na h-uile nithe, a rinn e.

67 Agus thug Isaac i do bhùth Sharaib a mhàthar, agus ghabh e Rebecah, agus bha i aige 'na mnaoi; agus ghràdhaich e i: agus fhuair Isaac sòlas 'an déigh bàis a mhàthar.

CAIB. XXV.

**A**NN sin ghabh Abraham bean a risd, d'am b' ainm Ceturah.

2 Agus rug i dha Simran, agus Iocsan, agus Medan, agus Midian, agus Isbac, agus Suah.

3 Agus ghin Iocsan Seba, agus Dedan. Agus b' iad mic Dhedain Asurim, agus Letusim, agus Leunim.

4 Agus mic Mhidaiu; Ephah, agus Ephher, agus Hanoeh, agus

<sup>a</sup> dh'fhedraich, dh'fhaoinneachd, dh'fharraid.

<sup>b</sup> air slighe na fìrinne. Eabh.

<sup>c</sup> soithichean. Eabh.

<sup>d</sup> air slighe na fìrinne. Eabh.

<sup>e</sup> rinn e aoradh.

<sup>f</sup> prìseil.

<sup>g</sup> 'sa' mhagh, 'sa' mhachair.

<sup>h</sup> a' teachd.

<sup>i</sup> tha'nig i nuas.

<sup>j</sup> sgaile air son a h-eudainn.

Abidah, agus Eldaah: b' iad sin uile mic Cheturah.

5 Agus thug Abraham gach *ni bh'* aige do Isaac.

6 Ach do mhic nan leannan a *bh'* aig Abraham, thug Abraham tiodhlaca; agus chuir e air falbh iad o mhac Isaac, 'nuair a bha e fèin fathast beo, do'n taobh an ear<sup>b</sup>, do thìr na h-àirde 'u ear.

7 Agus 's iad so lathan bhliadh-nacha beatha Abraham a bha e beo; ceud agus trì fichead, agus cùig bliadhna deug.

8 'An sin thug Abraham suas an deo<sup>c</sup>, agus fhuair e bàs ann an deagh shean aois, 'na sheann-duine agus làn do bhliadhnaibh; agus chruinn-icheadh e chum a mhuinntir.

9 Agus dh'adhlaic a mhic Isaac agus Ismael e ann an uaimh Mhachpelai, ann an achadh Ephroin, mac Shoir an Hiteich, *ata* fa chomhair Mhamre.

10 An t-achadh a cheannaich Abraham o mhic Het: ann an sin dh'adhlaiceadh Abraham, agus Saràh a bhean.

11 Agus 'an déigh bàis Abraham, bheannaich Dia Isaac a mhac: agus ghabh Isaac còmhnuidh làimh re tobar Lahai-roi.

12 A nis is iad sin ginealaich Ismaeil, mac Abraham, a rug Hagar a' bhan-Eiphiteach, ban-oglach Sharaib do Abraham.

13 Agus is iad sin ainmeana mhic Ismaeil 'nan ainmeanaibh, a réir an ginealach: ceud-ghin Ismaeil, Nebaiot; agus Cedar, agus Adbeel, agus Mibsam.

14 Agus Misma, agus Dumah, agus Masa,

15 Hadar, agus Tema, Ietur, Naphis, agus Cedemah.

16 Is iad sin mic Ismaeil, agus is iad sin an ainmeana 'nam bailtibh, agus 'nan daingneachaibh<sup>d</sup>; dà cheannard deug a reir an fìneacha.

17 Agus is iad sin bliadhnaacha beatha Ismaeil, ceud agus seachd bliadhna deug 'ar fhichead: agus thug e suas an deo, agus dh'eug e, agus chruinnicheadh e chum a mhuinntir.

18 Agus ghabh iad còmhnuidh o Habbilah gu nuig Sur, *ata* fa chomhair na h-Eiphit, mar a théid thu gu h-Asiria. An làthair a bhràithrean uile fhuair e bàs.

19 Agus is iad sin ginealaich Isaac mac Abraham: Ghin Abraham Isaac.

20 Agus bha Isaac dà fhichead bliadhna dh'aois 'nuair a ghabh e Rebecah, nighean Bhetueil, an t-Sirian- aich o Phadan-aram, piuthar Labain an t-Sirianaich, dha féin 'na mnaoi.

21 Agus ghuidh e Isaac an Tighearna air son a mhnà, chionn gu'n robh i neo-thorrach: agus dh'éisd an Tighearna ris, agus dh'fhàs Rebecah, a bhean, terrach.

22 Agus bha chlann a' coimh-ghleacadh<sup>f</sup> 'an taobh a stigh dh'i; agus thubhairt ise, *Ma ta chàis* mar sin, c'ar son a *tha* mi mar so? Agus chaidh i dh'fhiosrachadh do'n Tighearna.

23 Agus thubhairt an Tighearna ria, *Tha* dà chinneach a'd' bholg, agus bithidh dà shluagh air an sgaradh o t'innibh: agus bithidh aon sluagh dhiubh so ni's treise nà 'n sluagh eile; agus ni esan a's sineh seirbhis dha-san a's òige i.

24 Agus 'nuair a choi' lionadh a lathan gu bi air a h-aisead<sup>l</sup>, feuch, *bha* leth-aona<sup>m</sup> 'na bolg.

25 Agus thàinig an ceud-ghin amach dearg, is e uile mar fhalluinn mholaich: agus thug iad Esau mar ainm air.

26 Agus 'na dhéigh sin thàinig a bhràthair amach, agus greim aig a làimh do shàil Esau; agus thugadh Iacob mar ainm air: agus bha Isaac trì fichead bliadhna dh'aois, 'nuair a rugadh iad.

27 Agus dh'fhàs na gilleann; agus bha Esau 'na shealgair seòlta, na fhear machrach; agus bha Iacob 'na dhuine coi'-lìonta<sup>o</sup>, a gabhail còmhnuidh 'am bùthaibh.

28 Agus ghràdhaich Isaac Esau p, a chionn gu'n d'ith e d'a shithinn<sup>r</sup>; ach ghràdhaich Rebecah Iacob.

29 Agus bhruidh Iacob brochan; agus thàinig Esau o'n mhachair, agus e fann<sup>s</sup>.

30 Agus thubhairt Esau re Iacob, Leig dhomh itheadh, guidheam ort, do'n bhròchan dearg sin fèin; oir *tha* mi fann; uimesia thugadh Edom mar ainm air.

31 Agus thubhairt Iacob, Reic rium an diugh dò chòir-bhreith<sup>t</sup>.

c dh'athchuingich. f a' gleach-  
dadh no strì re chèile. g dh'fhèdr-  
aich. h a's mo. i a's lugha.

l lathan a tuislidh; làethe a tuis-  
midhe. Eir. m dithis naoidheana.  
n na h-dganaich. o dìreach,

gu'n lùb. p lu tòigh le  
h-Isaac Esau, b'ionnmhuinn le  
h Isaac Esau. r d'a sheilg.

s agus e air a chur, e fàilingeach.  
t do choir ceud-bhreith.

a gibhtean.  
c an anail.

b an oir,  
d caistenlaibh.

32 Agus thubhairt Esau, Feuch, *tha* mi dlù<sup>a</sup> don bhàs; agus ciod an tairbh<sup>a</sup> a tha 'sa' chòir-bhreith so dhomhsa?

33 Agus thubhairt Iacob, Mionnaich dhomhsa<sup>a</sup> n diugh; agus mhionnaich e dha: agus reic e chòir-bhreith re Iacob.

34 'An sin thug Iacob do Esau aran, agus brochan do ghall-pheas-airb; agus dh'ith e agus dh'òl e, agus dh'èirich e, agus dh'fhalbh e roimhe: mar so rinn Esau di-meas air a chòir-bhreith.

CAIB. XXVI.

**A**GUS bha gorta 'san tìr a bharrachd air a 'cheud ghorta bha ann an laithibh Abraham: agus chaidh Isaac gu Abimelech rìgh nam Philistineach, do Gherar.

2 Agus dh'fhoillsich an Tighearn<sup>a</sup> e fèin dha, agus thubhairt e, Na rach sios do'n Eiphit: gabh comhnuidh anns an tìr, a dh'innseas mise dhuit.

3 Bi air chuairt 'san tìr so, agus bithidh mise maille riut, agus beannaichidh mi thu: oir dhuitse agus do d' shliochd bheir mise na dùthchanna sin uile: agus coi<sup>a</sup>-lìonaidh mi na mionnan, a mhionnaich mi do t'athair Abraham.

4 Agus bheir mi air dò shliochd fàs lionmhor mar reulta nèimh, agus bheir mi do d' shliochd na dùthchanna sin uile: agus beannaichear ann ad' shliochd-sa uile chinnich na talmhainn.

5 Do bhrìgh gu'n d'éisd Abraham re m' ghuth, agus gu'n do ghléidh e m'iarrtas<sup>d</sup>, m'aitheanta, m'orduigh-ean, agus mo laghanna<sup>e</sup>.

6 Agus ghabh Isaac comhnuidh ann an Gerar.

7 Agus dh'fhiosraich dadin' an aite dheth<sup>a</sup> m'a mhnai; agus thubhairt e, 'Si mo phiuthar i: oir bha eagal air a radh, 'Si mo bhean i; an t-eagal, *ars' esan*, gu'm marbhadh daoine' an aite mi air son Rebecah, do bhrìgh gu'n robh i maiseach re amharc oirre.

8 Agus 'nuair a bha e aimsir fhada 'n sin, sheall Abimelech rìgh nam Philistineach amach air uinneig, agus chunnaic e, agus feuch, *bha* Isaac a'sùgradh r'a mhnai Rebecah.

9 Agus ghairm Abimelech air Isaac, agus thubhairt e, Feuch, gu cinnteach s'i do bhean i: agus cionnas a thubhairt thu, 'Si mo phiuthar i? agus thubhairt Isaac

ris, A chionn gu'n d' thubhairt mi, An t-eagal gu'm bàsaich mi air a son.

10 Agus thubhairt Abimelech, Ciod e so a rinn thu oirn? dh'fheudadh a h-aon do'n t'-sluagh luidhe le d' mhnai, agus bheireadh tu cionta oirne.

11 Agus thug Abimelech áithne d'a shluagh uile, ag ràdh, Esan a bheanas ris an duine so, no r'a mhnai, gu cinnteach cuirear gu bàs e.

12 'An sin shìol-chuir Isaac 'san tìr sin, agus fhuair e 'sa' bhliadhna sin fèin a' cheud uiread 's a chuir e, agus bheannaich an Tighearn<sup>a</sup> e.

13 Agus dh'fhàs an duine mòr, agus chaidh e air aghaidh, agus dh'fhàs e, gus an robh e ro mhòr:

14 Oir bha aige sealbh chaorach, agus seabh cruith, agus mòran sheirbhiseach f. Agus ghabh na Philistinich farnad ris.

15 Agus dhùin na Philistinich suas na tobair uile a chladhaich seirbhisich athar, ann an laithibh Abraham athar, agus lìon iad le h-ùir iad.

16 Agus thubhairt Abimelech re h-Isaac, Imich uainne; oir is cumhachdaiche thu gu mòr nà sinne.

17 Agus dh'imich Isaac as sin, agus shuidhich e bhùth ann an gleann Gherair, agus ghabh e comhnuidh an sin.

18 Agus chladhaich Isaac a risd na tobair uisge, a chladhaicheadh ann an laithibh Abraham athar; oir dhùin na Philistinich suas iad 'an déigh bàis Abraham: agus thug e ainmeanan orra, a réir nan ainmeana thug athair orra.

19 Agus chladhaich seirbhisich Isaac 'sa ghleann, agus fhuair iad an sin tobar fìor-uisge.

20 Agus rinn buachailleann Gherair consachadh re buachailleann Isaac, ag radh, *Is* leinne 'n t-uisge: agus thug e Esec mar ainm air an tobar, a chionn gu'n d'rinn iad consachadh ris.

21 Agus chladhaich iad tobar eile, agus rinn iad consachadh uime sin cuideachd: agus thug e Sitnah mar ainm air.

22 Agus chaidh e iomraich as sin, agus chladhaich e tobar eile; agus cha d'rinn iad consachadh uime sin: agus thug e Rehobot mar ainm air; agus thubhairt e, Oir thug an Tighearna nis farsaingeachd dhuinn; agus fàsaidh sinn lionmhor<sup>h</sup> 'san tìr.

23 Agus chaidh e suas as sin gu Beer-seba.

<sup>a</sup> dlùth.

<sup>b</sup> lentiles. Sasg.

<sup>c</sup> a thuille.

<sup>d</sup> m'earail.

<sup>e</sup> mo reachda.

<sup>f</sup> mor mhuinntir.

<sup>g</sup> comhstri<sup>h</sup>.

<sup>h</sup> sòl-mhor.



24 Agus dh'fhoillsich an Tighearn' e féin da 'san oidhche sin féin, agus thubhairt e, *Is mise Dia Abraham t-athar; na biodh eagal ort, oir ata mise maille riut, agus beannaichidh mi thu, agus ní mí do shliochd lionmhor, air sgáth mo sheirbhísich Abraham.*

25 Agus thog e altair 'an sin, agus ghairm e air ainm an Tighearna, agus shuidh e 'n sin a bhúth: agus chladbaich seirbhísich Isaac tobar 'an sin.

26 'An sin chaidh Ahimelech d'a ionnsuidh o Gherar, agus a charaid Ahudsat, agus Phichol ard cheannard a shluaigh<sup>a</sup>.

27 Agus thubhairt Isaac riu, C'ar son a tháinig sibh a m'ionnsuidh, agus gu bheil fuath agaibh dhomh, agus gu'n do chuir sibh uaibh mi?

28 Agus thubhairt iadsan, Chunnaic sinn gu cinnteach gu'n robh an Tighearnaleat; agus thubhairt sinn, Biodh a nis mionnan eadaruin, eadhon eadar sinne agus thusa, agus deanamaid coi'-cheangal riut.

29 Nach dean thu oirne cron 'sam bith, mar nach do bhean sinne riutsa, agus mar nach do rinn sinn ní sam bith ort acb math, agus a chuir sinn uainn thu 'n sith: Tha thusa nis air do bheannachadh leis an Tighearna.

30 Agus rinn e dhoibh cuir, agus dh'ith agus dh'ól iad,

31 Agus dh'éirich iad gu moch 'sa' mhadaoinn, agus mhionnaich iad d'a chéile: agus chuir Isaac air falbh iad, agus dh'imich iad uaith 'an sith.

32 Agus air an là sin féin tháinig seirbhísich Isaac, agus dh'innis iad dha m'a thimchioll an tobair, a chladbaich iad, agus thubhairt iad ris, Fhuair sinn uisge.

33 Agus thug e Sebah mar ainm air: uime sin 'se Beer-sebah ainm a bhaile sin gus an an la'n diugh.

34 Agus bha Esau dà fhichead bliadhna dh'aois; agus ghabh e mar mhnaoi Iudit, nighean Bheeri an Hitich, agus Basemat nighean Eloi an Hitich.

35 Agus bha iad sin 'nam briseadh-criidhe<sup>b</sup> do Isaac agus do Rebecah.

## CAIB. XXVII.

**A**GUS 'nuair a bha Isaac air fás sean, agus a bha shùilean dall air chor as nach faicadh e, ghairm e air Esau a mhac bu shine, agus thubhairt e ris, Amhic: agus thubhairt esan ris, Feuch, *tha mi 'n so.*

2 Agus thubhairt esan, Feuch a nis, tha mise sean; cha 'n'eil fios agam air latha mo bhàis.

3 Agus a nis, guidheam ort, gabh t'airm, do bholg-saighead agus do bhogha, agus falbh amach do'n mhachair, agus sealg dhomh sithionn;

4 Agus dean dhomh biadh blasda, mar is ionmhuinn<sup>c</sup> leam, agus thoir a m' ionnsuidh e, agus gu'n ith mi; chum as gu'm beannaich m'anam thu, mum faigh mi bàs.

5 Agus chuala Rebecah, 'nuair a labhair Isaac r'a mhac Esau: agus chaidh Esau do'n mhachair a shealg sibinn, gu toirt d' a ionnsuidh.

6 Agus labhair Rebecah r'a mac Jacob, ag ràdh, Feuch, chuala mi t'athair, a' labhairt re h-Esau do bhràthair, ag ràdh,

7 Thoir a m' ionnsuidh sithionn, agus dean biadh blasda dhomh, agus gu'n ith mi, agus gu'm beannaich mi thu 'n làtair an Tighearna, roimh m' bhàs.

8 Nis uime sin, a mhic, éisd re m' ghuth, a réir an ni *ata mi 'g àithneadh* dhuit.

9 Falbh a nis a dh'ionnsuidh an treud, agus thoir a m'ionnsuidh o sin dà dheagh mheann do na gabhraibh; agus ní mis' iad 'nam biadh blasda air son t' athar, mar is ionmhuinn leis.

10 Agus bheir thu dh'ionnsuidh t'athar e, agus gu'n ith e, chum as gu'm beannaich e thu roimh bhas.

11 Agus thubhairt Jacob re Rebecah a mhàthair, Feuch, *tha Esau mo bhràthair 'na dhuine molach*, agus mis' a'm' dhuine lom.

12 Ma 's e's d gu'n laimbsich m'athair mi, 'an sin measar mi leis e mar neach leis am b'aill a mhealladh<sup>f</sup>; agus bheir mi mallachadh orm féin, agus cha bheannachadh.

13 Agus thubhairt a mhàthair ris, Ormsa *bitheadh* do mhallachadh, a mhic: amhàin éisd re m'ghuth, agus falbh, thoir a m' ionnsuidh iad.

14 Agus dh'fhalbh e, agus gblac e iad, agus thug e iad a dh'ionnsuidh mhàthar: agus rinn a mhàthair biadh blasda, mar a b'ionmhuinn le athair.

15 Agus ghabh Rebecah eudach taitneach Esau a mac bu shine, a bh'aice 'sau tigh; agus chuir i e air Jacob a mac a b'oige.

16 Agus chuir i croicinn mheann nan gabhar air a làmhan, agus air luime a mhuineil.

17 Agus thug i'm biadh blasda,

<sup>c</sup> toigh. <sup>d</sup> Feudaidh e bi.

<sup>e</sup> bithidh mi 'na shùilibh. Eabh.

<sup>f</sup> mar mhealltair.

<sup>a</sup> armailt.

<sup>b</sup> mulad-inntin.

agus an t-aran a dheasaich i, do laimh a mac Iacob.

18 Agus thàinig e dh'ionnsuidh athar, agus thubhairt e, Athair; agus thubhairt esan, Feuch, *tha mi 'n so*; co thusa, a mhic?

19 Agus thubhairt Iacob r'a athair, *Is mise* Esau do cheud-ghin; rinn mi mar a dh'iarr thu orm<sup>a</sup>: éirich, guidheam ort, suidh agus ith do m' shithinn, chum as gu'm beannaich t'anam mi.

20 Agus thubhairt Isaac r'a mhac, Cionnas a' fhuair thu i cho luath, a mhic? agus thubhairt esan, A chionn gu'n do chuir an Tighearna do Dhia a'm<sup>a</sup> rathad i.

21 Agus thubhairt Isaac re Iacob, Thig am fagus anis, agus gu'n laimhsich mi thu, a mhic, an tusa féin mo mhac Esau, no nach tu.

22 Agus chaidh Iacob am fagus d'a athair Isaac, agus laimhsich se e; agus thubhairt e, 'Se 'n guth, guth Iacoib, ach 's *iad* na làmhnan, làmhnan Esau.

23 Agus chad'aithnich se e, chionn gu'n robh a làmhna molach, mar làmhnan Esau a bhràthar: mar sin bheannaich se e.

24 Agus thubhairt e, An tusa féin mo mhac Esau? agus thubhairt esan, *Is mi*.

25 Agus thubhairt e, Thoir am fagus domh e, agus ithidh mi do shithinn mo mhic, chum as gu'm beannaich m'anam thu. Agus thug e'm fagus da e, agus dh'ith e; agus thug e d' a ionnsuidh fion, agus dh'òl e.

26 Agus thubhairt athair Isaac ris, Thig am fagus a nis, agus pog mi, a mhic.

27 Agus thàinig e'm fagus, agus phòg se e; agus dh'fhairich b e boladh eudaich; agus bheannaich se e, agus thubhairt e, Feuch, *tha* fàile mo mhic mar fhàile fearainn e, a bheannaich an Tighearna.

28 Uime sin gu'n d'thugadh Dia dhuit do dh'rùchd nèimh, agus do reamhrachd e na talmhainn, agus pailteas arbhair agus fionna.

29 Deanadh slòigh seirbhis dhuit, agus strìochdadh cinnich f dhuit; bi d'uachderan air do bhràithribh, agus cromadh mic do mhàthar sìos dhuit; mallaichte gu'n robh gach neach a mhallaicheas thu, agus beannaichte gu'n robh gach neach a bheannaicheas thu.

a mar a thubhairt thu rium. Eabh.  
b bhol, bholtruich. c achaidh.  
d do dhealt. e da skaill, do skult.  
f fineachan.

30 Agus co luath agus a sguir Isaac do bheannachadh Iacoib, 'nuair bu ghann a bha Iacob air dol amach fathast a lathair Isaac athar, thàinig a bhrathair Esau o sheilg.

31 Agus rinn esan mar an ceudna biadh blada, agus thug e dh'ionnsuidh athar e; agus thubhairt e r'a athair, Eireadh m'athair, agus itheadh e do shithinn a mhic, chum gu'm beannaich t'anam mi.

32 Agus thubhairt Isaac athair ris, Co thusa? agus thubhairt esan, *Is mi* do mhac, do cheud-ghin, Esau.

33 Agus chrìochnaich Isaac le ball-chrith an-barraich, agus thubhairt e, Co, c'àite 'm bheil esan a ghlac sithionn, agus a thug i m'ionnsuidh, agus dh'ith mi do'n iomlan mun d'thàinig thusa? agus bheannaich mi e, seadh agus beannaichte bithidh se.

34 'Nuair a chual' Esau briathran athar, ghlaodh e le glaoth mòr, agus ro shearbh; agus thubhairt e r'a athair, Beannaich mise, *eadhon* mise mar an ceudna, O athair.

35 Agus thubhairt e, Thàinig do bhràthair le ceilg, agus thug e leis do bheannachadh.

36 Agus thubhairt esan, Nach ceart a thugadh Iacob mar ainm air? oir thàinig e fodham h an dà uair so: thug e leis mo chòir-bhreith; agus feuch, a nis thug e leis mo bheannachadh. Agus thubhairt e, Nach do ghleidh thu dhomhsa beannachadh?

37 Agus fhreagair Isaac, agus thubhairt e re h-Esau, Feuch, rinn mi e 'na uachderan ort, agus a bhràithrean uile thug mi dha mar sheirbhisich; agus le h-arbhar agus le fion chum mi suas e: agus dhuitse ciod a nis a ni mi, a mhic?

38 Agus thubhairt Esau r'a athair, Nach 'eil agad ach ao: bheannachadh, athair? beannaich mise, *eadhon* mise mar an ceudna, O athair. Agus thog Esau suas a ghuth, agus ghul e.

39 Agus fhreagair Isaac athair, agus thubhairt e ris, Feuch, ann an reamhrachd na talmhainn bithidh do chòmhnuidh, agus ann an drùchd nèimh o'n àirde.

40 Agus le d' chladheamh i thig thu beo, agus do d' bhràthair ni thu seirbhis: agus 'nuair a blios an uachdranachd agad, 'an sin brisidh tu a chuing o d' mhuineal.

41 Agus dh'fhuathaich Esau Iacob air son a' bheannachaidh, leis an do bheannaich athair e: agus thubhairt

g shealg. h fudham, fo m' làimh.  
i le d' chloidheamh.



Esau 'na chridhe, Tha lài' a bhròin air son m'athar am fagus, agus 'an sin marbhaidh mi mo bhrathair Iacob.

42 Agus dh'innseadh do Rebecah briathran Esau a mic bu shine, agus chuir i teachdaire uaithe, agus ghairm i air Iacob a mac a b'òige, agus thubhairt i ris, Feuch tha do bhrathair Esau toirt co'-shurtachd dha féin a d' thaobh-sa, a cur roimhe do mharbhadh.

43 A nis uime sin, a mhic, éisd re m' ghuth, agus éirich, teich-sa dh'ionnsuidh mo bhrathar Labain do Haran.

44 Agus fanaidh tu maille ris beagan do laithibh, gus an tionndaidh b' fracch feirge c do bhrathair.

45 Gus an tionndaidh corruich do bhrathair uait, agus gu'n di-chiumh-nich e na rinn thu air: 'an sin cuiridh mise fios, agus bheir mi a sin thu. C'ar son a chaillin le chéile sibh ann an aon là?

46 Agus thubhairt Rebecah re h-Isaac, Tha mi sgith do m' bheatha air son nigheana Het: ma ghabhas Iacob bean do nigheanaibh Het, mar iadsan ata do nigheanaibh nà dùthcha, ciod am math a ni mo bheatha dhomhsa?

## CAIB. XXVIII.

**A** GUS ghairm Isaac air Iacob, agus bheannaich se e, agus dh'áithn e dha, agus thubhairt e ris, Cha ghabh thu bean do nigheanaibh Chanaain.

2 Eirich, imich do Phadan-aram, do thigh Bhetueil athar do mhàthar, agus gabh dhuit féin as sin bean do nigheanaibh Labain, bràthar do mhàthar.

3 Agus gu beannaicheadh Dia uile-chumhachdach thu, agus gu deanadh e sìolmhor thu, agus gu d'thugadh e ort fàs lionmhor, air chor as gu'm bi thu a'd' cho'-chruinneachadh chinneach d'.

4 Agus gu d'thugadh e dhuit beannachadh Abraham, dhuitse, agus do d' shliochd maille riut; chum gu'n sealbhaich thu 'm fearann 'sam bheil thu a'd' choigreach, a thug Dia do Abraham.

5 Agus chuir Isaac air falbh Iacob, agus chaidh e do Phadan-aram, gu Laban, mac Bhetueil an t-Sirian-ach, bràthair Rebecah, màthar Iacob agus Esau.

6 'Nuair a chunnaic Esau gu'n do bheannaich Isaac Iacob, agus gu'n do chuir e air falbh e do Phadan-

aram, a ghabhail mnà dha féin as sin; agus 'nuair a bheannaich se e, gu'n d'thug e áithne dha, ag ràdh, Cha ghabh thu bean do nigheanaibh Chanaain;

7 Agus gu'n d'éisd Iacob e r'a athair, agus r'a mhàthair, agus gu'n deachaidh e do Phadan-aram;

8 Agus 'nuair a chunnaic Esau nach do thaitinn nigheana Chanaain r'a athair Isaac.

9 An sin chaidh Esau dh'ionnsuidh Ismaeil, agus ghabh e Mahalat, nighean Ismaeil, mhic Abraham, piuthar Nebaiot, dha féin mar mhnai a thuill' air na mnaibh a bh'aige.

10 Agus chaidh Iacob amach o Bheerseba, agus chaidh e gu Haran.

11 Agus thachair f e air àite araidh, agus dh'fhan e 'n sin an oidliche sin, a chionn gu'n robh a' ghrian air luidhe: agus ghabh e h-aon do chlachaibh an àite sin, agus chuir e fuidh cheann e i, agus luidh e sìos 'san àite sin a chodal.

12 Agus bhruadair e; agus feuch, fàradh air a chur suas air an talamh, agus a bhàrrh a' ruigheadh gu nèamh: agus feuch, aingil De a' dol suas, agus a teachd a nuas air.

13 Agus feuch, shèas an Tighearna os a cheann, agus thubhairt e, 'S mis' an Tighearna Dia Abraham t'athar, agus Dia Isaac: am fearann air am bheil thu d' luidhe, bheir mise dhuit e, agus do d' shliochd.

14 Agus bithidh do shliochd mar dhustlach na talmhainn; agus sgaoilidh tu 'mach a dh'ionnsuidh na h-àird' an iar, agus na h-àird' an ear, agus a dh'ionnsuidh na h-àirde tuath, agus na h-àirde deas: agus beannaichear annadsan uile theaghlache na talmhainn, agus ann ad shliochd-sa.

15 Agus feuch, tha mise maille riut, agus gleidhidh mi thu anns gach àit' an d'théid thu, agus bheir mi risd thu dh'ionnsuidh na tire so; oir cha tréig mi thu, gus an dean mi an ni sin a labhair mi riut.

16 Agus dhùisg Iacob as o chodal, agus thubhairt e, Gu cinnteach tha 'n Tighearna 'san àite so, agus cha robh fios agam air.

17 Agus bha eagal air, agus thubhairt e, Cia h-uathbhasach i an tionad! so! cha 'n àit' air bith so acli tigh Dhe, agus 'se so geata nèimh.

18 Agus dh'éirich Iacob gu moch 'sa' mhadainn, agus ghabh e chlach

a chuir i fios uaipe.

b traogh. c lasan feirge.

d a'd' iomadaigh phoibleach.

e gu'n d'thug Iacob géill.

f thàinig, theiring.

g 'na cluasaig. h cheann. Eabh.

i eagalach, oilteil. l àite.

a chuir e fuidh cheann, agus chuir e suas 'na carradh <sup>a</sup> i, agus dhòirt e oladh air a mulach.

19 Agus thug e Bet-el mar ainm air an àite sin: ach *b'* è Luds ainm a' bhaile sin air tùs.

20 Agus mhòidich Iacob mòid b, ag ràdh, Ma bhios Dia leam, agus ma ghleidheas e mi air an t-slighe sin, air am bheil mi 'g imeachd e, agus ma bheir e dhomh aran r'a itheadh, agus eudach r'a chur umam;

21 Agus gu'n d'thig mi 'risd 'an sìth a dh'ionnsuidh tighe m'athar: 'an sin bithidh n' Tighearn' agam 'na Dhia.

22 Agus bithidh a' chlach <sup>d</sup> so, a chuir mi suas 'na carradh, 'na tigh aig Dia: agus do gach *ni* a bheir thu dhomh, bheir mi gu cinnteach an deachamh dhuit.

CAIB. XXIX.

**A**N sin dh'imich Iacob air a thurus, agus chaidh e do dhùthaich dhaoine na h-àirde 'n ear.

2 Agus dh'amhairc e, agus feuch tobar 'sa' mhachair, agus feuch, *bha* 'n sin trì treuda chaorach 'nan luidhe làimh ris; oir as an tobar sin thug iad uisge do na treudaibh: agus *bha* clach mhòr air beul an tobair.

3 Agus chruinnicheadh a dh'ionnsuidh sin na treudan uile; agus charuich e iad a' chlach bhàrr beoil f an tobair, agus thug iad uisge do na caoraich, agus chuir iad a' chlach a ris air beul an tobair, 'na h-àite féin.

4 Agus thubhairt Iacob riu, Mo bhràithre, cia as *a* thàinig sibh? Agus thubhairt iadsan, O Haran thàinig sinne.

5 Agus thubhairt e riu, An aithne dhuibh Laban mac Nahor? Agus thubhairt iadsan 'S aithne dhuinn.

6 Agus thubhairt e riu, Am *bheil* e gu math? Agus thubhairt iadsan, *Tha* e gu math: agus feuch, *ata* Rachel a nighean a' tighinn leis na caoraich.

7 Agus thubhairt e, Feuch, 'se fathast àird' an latha *a t' ann*, agus cha d' thàinig idir am chruinneachadh na spréidh: thugaibh uisge do na caoraich, agus rachaibh agus inealtraibh iad.

8 Agus thubhairt iad, Cha'n urradh sinn, gu an cruinnichear na treudan uile 'n ceann a chèile, agus *gu* an caruichear a' chlach bhàrr beoil an

tobair; 'an sin bheir sinn uisge do na caoraich.

9 Agus am feadh a bha e fathast a' labhairt riu, thàinig Rachel le caoraich a h-athar; oir b'i *bha* 'gan gleidheadhs.

10 Agus 'nuair a chunnaic Iacob Rachel nighean Labain bràthair a mhàthar, agus caoraich Labain bràthar a mhàthar, 'an sin chaidh Iacob am fagus, agus charuich e chlach bhàrr beoil an tobair, agus thug e uisge do chaoraich Labain, bràthar a mhàthar.

11 Agus phòg Iacob Rachel, agus thog e suas a ghuth, agus ghuil e.

12 Agus dh'innis Iacob do Rachel gu'm *b'e* bràthair a h-athar e, agus gu'm *b'e* mac Rebekah e: agus ruidh i, agus dh'innis i d'a h-athair.

13 Agus 'nuair a chuala Laban sgeula Iacob, mac a pleathar, 'an sin ruidh e 'na choinneamh, agus ghabh e 'na ghlacaibh e, agus phòg se e, agus thug e d'a thigh e: agus dh'innis e do Laban na nithe sin uile.

14 Agus thubhairt Laban ris, Gu cinnteach 's tu mo chnàimh agus m' fheoil: agus dh'fhan e maille ris rè mìos.

15 Agus thubhairt Laban re Iacob, A chionn gur tu mo bhràthair, am buin e dhuit seirbhis a dheanamh dhomh a nasgaidh? innis domh ciod e do thuarasdal h.

16 Agus *bha* aig Laban dithis nigheana: *b'e* ainm na té bu shine Leah, agus ainm na té bu shine Leah, agus ainm na té a b'òige Rachel.

17 Agus *bha* sùilean Leah anfhann, ach *bha* Rachel maiseach 'na dealbh agus sgiamhach 'na gnùis i.

18 Agus *bha* gràdh aig Iacob air Rachel, agus thubhairt e, Ni mi seirbhis dhuit seachd bliadhnan air son Racheil do nighinn a's òige.

19 Agus thubhairt Laban, 'S fearr dhomh a toirt duitse na gu'n d'thugainn i do dhuine 'sam bith eile: fan maille rium.

20 Agus rinn Iacob seirbhis air son Racheil seachd bliadhna: agus *bha* iad 'na shùilibh mar bheagan do laithibh i, a thaobh a ghràidh a bh'aige oirre.

21 Agus thubhairt Iacob re Laban, Thoir *dhomh* mo bhean (oir choi'-lionadh mo lài,) a chum gu'n d'théid mi steach d'a h-ionnsuidh.

<sup>a</sup> post, prop. Sasg.

<sup>b</sup> bhòidich Iacob bòid.

<sup>c</sup> triall. <sup>d</sup> a chlock.

<sup>e</sup> choruich. Eir. <sup>f</sup> beil.

<sup>g</sup> 'g am biadhadh.

<sup>h</sup> ciod an tuarasdál a bhios duit.

<sup>i</sup> maiseach re amharc orra.

<sup>l</sup> mar a' choi'-lion latha.

22 Agus chruinnich Laban cuid-eachd daoia' an áit' uile, agus rinn e cuirm.

23 Agus 'san fheasgar ghàbh e Leah a nighean, agus thug e d'a ionnsuidh i; agus chaidh e seachd d'a h-ionnsuidh.

24 Agus thug Laban d'a nighina Leah Silpah a bhan-oglach féin, mar bhan-oglach.

25 Agus 'sa' mhadainn, feuch, *b' i* Leah *bh' ann*: agus thubhairt e re Laban, Ciod e so a rinn thu orm? Nach ann air son Racheil a rinn mi seirbhis dhuit? agus c'ar son a mheall thu mi?

26 Agus thubhairt Laban, Cha 'n fheud e bhi mar sin 'nar dùthaichne a, an té a's oige thoirt seachad roimh 'n té a's sine b.

27 Coimh-lion a seachduinsa, agus bheir sinn dhuit ise mar an ceudna, air son na seirbhis, a ni thu maille rium fathast ré sheachd bliadhn' eile.

28 Agus rinn Iacob mar sin, agus choi'-lion e a seachduin, agus thug e dha Rachel a nighean mar an ceudna 'na mnaoi.

29 Agus thug Laban do Rachel a nighean Bilhah a bhan-oglach féin, dh'ise mar bhan-oglach.

30 Agus chaidh e seach cuid-eachd a dh'ionnsuidh Racheil, agus ghràdhaich e mar an ceudna Rachel ni's mò na Leah, agus rinn e seirbhis maille ris fathast seachd bliadhn' eile.

31 Agus 'nuair a chunnaic an Tighearna gu'r d' thugadh fuath do Leah, dh'fhosgail e a bolg: ach *bha* Rachel gun chlann c.

32 Agus dh'fhàs Leah torrach, agus rug i mac, agus thug i Reuben mar ainm air: oir thubhairt i, Gu deimhin dh'amhairc an Tighearn' air m' àmhghard; a nis uime sin gràdhaichidh m'fhear mi.

33 Agus dh'fhàs i torrach a ris, agus rug i mac, agus thubhairt i, A chionn gu'n cuala 'u Tighearna gu'n *robh* mi air m'fhuathachadh, uime sin thug e domh *am mac* so cuid-eachd: agus thug i Simeon mar ainm air.

34 Agus dh'fhàs i torrach a ris, agus rug i mac: agus thubhairt i, A nis ann an uair so dlù'-leanaidh m'fhear rium, do bhri' gu'n d'rug mi dha triuir mhic: uime sin thug i Lebhi mar ainm air.

35 Agus dh'fhàs i torrach a ris agus rug i mac; agus thubhairt i, A

nis molaidh mi 'n Tighearna: uime sin, thug i Iudah mar ainm air. Agus sguir i bhreith *cloinne*.

## CAIB. XXX.

**A**GUS 'nuair a chunnaic Rachel nach d'rug i *clann* do Iacob, bha farmad aig Rachel r'a piuthair, agus thubhairt i re Iacob, Thoir dhomh clann, no gheibh mi bàs.

2 Agus las corruich Iacoib re Rachel, agus thubhairt e, Am bheil mise 'n aite Dhé, a chum uait toradh na bronn?

3 Agus thubhairt i, Feuch, mo bhan-oglach Bilhah, theirige a seachd d'a h-ionnsuidh, agus beiridh si air mo ghlùinibh, agus bithidh agam-sa mar an ceudna clann d'a trid-sa.

4 Agus thug i dha Bilhah a ban-oglach mar mhnaoi; agus chaidh Iacob a seachd d'a h-ionnsuidh.

5 Agus dh'fhàs Bilhah torrach, agus rug i mac do Iacob.

6 Agus thubhairt Rachel, Thug Dia breth orm, agus dh'éisd e mar an ceudna re m' ghuth, agus thug e dhomh mac: uime sin thug i Dan mar ainm air.

7 Agus dh'fhàs Bilhah ban-oglach Racheil torrach a ris, agus rug i do Iacob an dara mac f.

8 Agus thubhairt Rachel, Le mòr ghleachda gheachd mi re m' phiuthair, agus thug mi buaidh: agus thug i Naphtali mar ainm air.

9 'Nuair a chunnaic Leah gu'n do sguir i bhreith *cloinne*, ghabh i Silpah a ban-oglach, agus thug i do Iacob mar mhnaoi i.

10 Agus rug Silpah ban-oglach Leah mac do Iacob.

11 Agus thubhairt Leah, Tha sonas s, air teachd: agus thug i Gad mar ainm air.

12 Agus rug Silpah, ban-oglach Leah, an dara mac do Iacob.

13 Agus thubhairt Leah, Is sona mi, oir goiridh na nigheana mise beannaichte: agus thug i Aser mar ainm air.

14 Agus chaidh Reuben *amach* ann an laithibh fogharaidh a' chruithneachd, agus fhuair e mandragah 'sa' mhachair, agus thug e iad a chum a mhàthar Leah. 'Au sin thubhairt Rachel re Leah, Thoir dhomh, guidheam ort *cuid* do mhan-dragaibh do mhic.

15 Agus thubhairt i ria, Am beag a' chùis gu'n d' thug thu m'fhear uam, agus am b' àill leat mandraga

*e rach, gabh.*

*f mac eile.*

*g buidheann, cuideachd.* *h àbhla beaga cùbhraidh agus blasda, bha fàs ann an Siria agus Iudea.*

*a 'nar n dìte-ne.* *b roimh'n cheud ghin.* *c neo-thorrach.* *d mo thrioblaid, m' an-shocair.*

momhac a thòirt leat mar an ceudna? Agus thubhairt Rachel, Uime sin luidhidh e leats' an nochd air son mandraga do mhic.

16 Agus thainig Iacob o'n mhach-air 'san fheasgar, agus chaidh Leah mach na choinneamh, agus thubhairt i, Thig thu steach a m'ionnsuidhs', oir gu deimhin cheannaich a mi thu le mandragaibh mo mhic: Agus luidhe leatha air an oidhche sin.

17 Agus dh'éisd Dia re Leah, agus dh'fhàs i torrach, agus rug i do Iacob an cùgeadh mac.

18 Agus thubhairt Leah, Thug Dia dhomh mo dhuais, a chionn gu'n d'thug mi mo bhan-oghlach do m'fhear: agus thug i Isachar mar ainm air.

19 Agus dh'fhàs Leah torrach a ris, agus rug i do Iacob an seathadh mac.

20 Agus thubhairt Leah, Dheònaich Dia dhomh deagh chuibhrionn: a nis gabhaidh m'fhear comhnuidh maille rium, a chionn gu'n d'rug mi dha seathnar mhac; agus thug i Sebulun mar ainm air.

21 Agus 'na dhéigh sin rug i nighean, agus thug i Dinah mar ainm oirre.

22 Agus chuimhnich Dia air Rachel, agus dh'éisd Dia rìa, agus dh'fhiosgail e a bolg.

23 Agus dh'fhàs i torrach, agus rug i mac; agus thubhairt i, Thug Dia air falbh mo mhi-chliu.

24 Agus thug i Ioseph mar ainm air, ag radh. Bheir an Tighearna dhomh fathast mac eile.

25 Agus 'nuair a rug Rachel Ioseph, an sin thubhairt Iacob re Laban, Leig air falbh mi, chum gu'n d'théid mi do m'àite, agus do m'dhùthaich féin.

26 Thoir dhomh mo mhnai agus mo chlann, air son an d'rinn mi seirbhis duit, agus gu'm falbh mi: oir is aithne dhuit mo sheirbhis a rinn mi dhuit.

27 Agus thubhairt Laban ris, Guidheam ort, ma fhuair mi deagh-ghean a'd' shùilibh, fuirich: oir dh'fhoghlaim mi o m'fhiosrachadh féin, gu'n do bheannaich an Tighearna mi air do sgàth-sa.

28 Agus thubhairt e, Ainmich do thuarasdal dhomh, agus bheir mi dhuit e.

29 Agus thubhairt e ris, Tha fios agad cionnus a rinn mi seirbhis dhuit, agus cionnus a bha do spréidh agam.

30 Oir is beag a bh'agad mur d' thàinig mi, agus a nis tha e air fàs 'na mhòran; agus bheannaich Dia thu 'an lorg mo theachdsa: agus a nis c'uin a ni mi mar an ceudna air son mo thighe féin?

31 Agus thubhairt e, Cìod a bheir mi dhuit? Agus thubhairt Iacob, Cha d'thoir thu ni sam bith dhomh: ma ni thu'n ni so rium, ionaltraidh mi ris, agus gleidhidh mi do threud.

32 Théid mise tre' do threud uile 'n diugh, ag atharrachadh as sin gach spréidh, ata breac agus ballach, agus gach spréidh ata dubh-dhonn a' measg nan caorach, agus ballach, agus breac a' measg nan gabhar: agus 'se so mo thuarasdal.

33 Agus freagraidh air mo shonsa m'ionracas 'san àm re teachd e, 'nuair a thig e mar mo thuarasdal a'd' làthair-sa: gach aon nach bi breac agus ballach a' measg nan gabhar, agus dubh-dhonn a' measg nan caorach, measar e mar ni bradach agam-sa.

34 Agus thubhairt Laban, Feuch, b'fhearr leam gu'm bitheadh e réir t'fhocail.

35 Agus dh'atharraich e air an là sin féin na gabhair fhirionn, a bha stiallach agus ballach, agus na gabhair bhaimionn uile, a bha breac agus ballach, agus gach aon air an robh gile, agus gach aon a bha dubh-dhonn a' measg nan caorach, agus thug e iad do làmhnan a mhac.

36 Agus chuir e astar thri lathan eadar e féin agus Iacob: agus bheathaich Iacob a'chuid eile do threudaibh Labain.

37 Agus ghabh Iacob dha féin slatan glasa do'n chritheach, agus do'n chailldaimn, agus do chraoibh nan geannm-chnò; agus rùisg e annta stialla gealà, agus leig e ris an geal, a bha 'sna slataibh.

38 Agus chuir e na slatan a rùisg e annas na claisibh, anns na h-amair uisge, fars an d'thànaig na treudan a dh'òl, fa chomhair nan treud, chum as gu'm fàsadh iad torrach, 'nuair a thigeadh iad a dh'òl.

39 Agus dh'fhàs na treudan torrach fa chomhair nan slat; agus rug iad spréidh stiallach, bhreac agus bhallach.

40 Agus thearbaidh Iacob na h-uain, agus chuir e aghaidh nan treud rìusan a bha stiallach, agus gach beathach a bha dubh-dhonn

e air an là màireach, Eabh.

d'nuair a thig thu air mo thuarasdal. e ciar. f dh'ionaltair.

g 'nuair a thainig.

a thuarasdaluich. b Dheònaich Dia dhomh asatd shona'.



ann an treudaibh Labain, agus chuir e threudan féin air leth, agus cha do chuir e iad lùimh re treudaibh Labain.

41 Agus ge b'e uair a dh'fhàs an spréidh bu treise torrach, chuir Iacob na slatan fa chomhair sùl na spréidh anns na claisibh, chum gu'm fàsadh iad torrach a réir nan slatan a.

42 Ach 'nuair a bha'n spréidh anfhann, cha do chuir e ann iad: mar sin bu le Laban iadsan a b'anhainne, agus le Iacob iadsan bu treise.

43 Agus dh' fhàs an duine ro shaibhir agus bha mòran spréidh aige, agus ban-oglaich, agus òglaich, agus càmbail, agus asail.

## CAIB. XXXI.

**A**GUS chual e briathra mhac Labain, ag ràdh, Thug Iacob leis gach ni bh' aig ar-n-athair, agus o'n ni sin bu le ar-n-athairne, fhuair e dha féin a'mhòrachd so uile.

2 Agus chunnaic Iacob gnùis Labain, agus feuch, cha robh i leis, mar a bha i roimhe sin b.

3 Agus thubhairt an Tighearna re Iacob, Pill gu dùthaich t'athracha, agus a dh'ionnsuidh do dhilsean, agus bithidh mise maille riut.

4 Agus chuir Iacob teachdaire uaith, agus ghairm e Rachel agus Leah do'n mhachair a dh'ionnsuidh a thréud.

5 Agus thubhairt e riu, Tha mi faicinn gnùis bhur n-athar, nach eil i leam mar a bha i roimhe: ach bha Dia m'athar maille rium-sa.

6 Agus tha fios agaibh féin le m'uile dhìchìoll, gu'n d'rinn mi seirbhis d'ar n-athair.

7 Gidheadh mheall bhur n-athair mi, agus mhùth e mo thuarsadal deich uairean: ach cha do leig Dia leis cron a dheanamh orm.

8 Ma thubhairt e mar so, Bithidh an spréidh bhreac 'nan tuarsadal agad, 'an sin rug an spréidh uile òl breac: agus ma thubhairt e mar so, Bithidh an spréidh stiallach 'nan tuarsadal agad, an sin rug an spréidh uile òl stiallach.

9 Mar so thug Dia air falbh spréidh bhur n-athar, agus thug e dhomhs' iad.

10 Agus 'nuair a dh'fhàs an spréidh torrach, thog mi suas mo shùilean, agus chunnaic mi ann an aisling, agus feuch, bha na reithean,

a bha reitheadh na spréidhe d, stiallach, breac agus gris-fhionn.

11 Agus thubhairt aingeal an Tighearna rium ann an aisling, O Iacob: agus thubhairt mise, Tha mi 'n so.

12 Agus thubhairt esan, Tog suas a nis do shùilean, agus faic na reithean uile, tha reitheadh na spréidhe gu bheil iad stiallach, breac agus gris-fhionn: oir chunnaic mise gach ni a rinn Laban ort.

13 'S mise Dia Bheteil, far an d'ung thu 'n carragh, far an do bhòidich thu dhomh-sa bòid: a nis éirich, imich a mach as an tir so, agus pill gu tir do dhilsean.

14 Agus fhreagair Rachel agus Leah, agus thubhairt iad ris, Am bheil fathast cuibhrionn, no oighreachd air bith, againne ann an tigh ar n-athar?

15 Nach 'eil sinn air ar meas leis mar choigrich? oir reic e sinn, agus struidh e mar an ceudna gu tur ar n-airgid:

16 Oir an saibhreas sin uile a thug Dia o'r n-athair 's leinn féin, agus le'r cloinn e: nis, uime sin, gach ni thubhairt Dia riutsa, dean e.

17 'An sin dh'éirich Iacob suas agus chuir e mhic, agus a mhnai air càmhalaibh.

18 Agus thug e leis a spréidh uile, agus a mhaoin uile a fhuair e, spréidh a chosnadh, a fhuair e'm. Padan-aram, gu dol a dh'ionnsuidh Isaac athair gu tir Chanaain.

19 Agus chaidh Laban a lomairte a chacrach: agus ghoid Rachel na dealbhan f bu le h-athair.

20 Agus ghoid Iacob air falbh gu fhios do Laban an Sirianach, a chionn nach d'innis e dha gu'n robh e gu teicheadh.

21 Agus theich e leis gach ni bh'aige; agus dh'éirich e suas, agus chaidh e thar an abhainn, agus chuir e aghaidh re sliabh Ghilead.

22 Agus dh'innseadh do Laban, air an treas là, gu'n do theich Iacob.

23 Agus thug e bhràithre leis, agus lean se e astar sheachd laithean, agus rug e air ann an sliabh Ghilead.

24 Agus thàinig Dia gu Laban an Sirianach ann an aisling 'san oidheche, agus thubhairt e ris, Thoir an aire nach labhair thu re Iacob aon chuid math no olc.

25 'An sin rug Laban air Iacob. A nis shuidhich Iacob a bhùth 'san t'sliabh, agus shuidhich Laban maille r'a bhràithribh ann an sliabh Ghilead.

a am measg nan slat.

b 'n dé's air bhò 'n dé. Eabh.

c dh'atharaich.

d leum air an spreidh.

e a rùsgadh. f iomhaighean.



26 Agus thubhairt Laban re Iacob, Ciod so rinn thu, gu'n do ghoid thu air falbh gun fhios domh, agus gu'n d'thug thu leat mo nigheana, mar bhràighdean <sup>a</sup> a thugadh a mach leis a chlaidheamh?

27 C'ar son a theich thu air falbh gu h-uaigneach, agus a ghoid thu uam, agus nach d'innis thu dhomh, agus gu'n cuirinn air falbh thu le subhachas, agus le h-òranuibh, le tiompan, agus le clàrsaich?

28 Agus nach dò leig leam mo mhic agus mo nigheana phògadh: a nis is amaideach a fhuara' tu le so a dheanamh.

29 Tha e 'n comas mo laimhsa cron a dheanamh ort: ach labhair Dia t'athar rium an reidhr, ag ràdh, Thoir an aire, nach labhair thu re Iacob aon chuid math no olc.

30 Agus a nis, ge do b'éigin duit falbh, a chionn gu'n robh thu gu ro mhòr 'an geall air tigh t'athar, *gidheadh* c'ar son a ghoid thu mo dhée?

31 Agus fhreagair Iacob agus thubhairt e re Laban, A chionn gu'n robh eagal orm: oir thubhairt mi, Theagamh gu'n d'thugadh tu uam do nigheana le h-ainneart.

32 Ge b'e neach aig am faigh thu do dhée, na maireadh e beo: 'an làthair ar bràithre faic, ciod a th' agam a *bhuineas* duit agus gabh thugadh <sup>b</sup> e: oir cha robh fios aig Iacob gu'n do ghoid Rachel iad.

33 Agus chaidh Laban a steach do bhùth Iacob, agus do bhùth Leah, agus do bhùth an dà bhan-oglaich; ach cha d'fhuair e iad. An sin chaidh e 'mach a bùth Leah, agus chaidh e steach do bhùth Rachel.

34 A nis ghoid Rachel na dealbhan, agus chuir i iad ann an acfuinne <sup>c</sup> a' chàmhail, agus shuidh i orra: agus rannsaich Laban am bùth uile, ach cha d'fhuair e iad.

35 Agus thubhairt i r'a h-athair, Na cuireadh e corruich air mo thighearna nach urradh mi éirigh suas a't' fhianais, oir *tha* orm a réir gnàth nam ban: agus rannsaich e, ach cha d'fhuair e na dealbhan.

36 Agus bha fearg air Iacob, agus throid e re Laban: agus fhreagair Iacob, agus thubhairt e re Laban, Ciod i mo choire, agus ciod e mo pheacadh, gu'n robh thu cho-dian air mo thoir.

37 'An déigh dhuit m'airneas uile a rannsachadh, ciod a fhuair thu dh'uile airneis do thighe? cuir 'an

<sup>a</sup> *chiomaich.* <sup>b</sup> *chugad.*  
<sup>c</sup> *fasair, uigheam.*

so e 'n làthair mo bhràithre-sa, agus do bhràithre féin, agus gu'n d'thoir iad breth eadarunn 'nar dithis.

38 A nis fichead bliadhna *bha* mi maille riut; cha do thilg do chaor-aich an uain, no do ghabhair am minn, agus reitheachan do threud cha d'ith mi.

39 An ni sin a reubadh *le fìadh-bheathaichibh* cha d'thug mi a't' ionnsuidh; ghiùlain mi féin a chall: o m' làmh-sa dh'iarr thu e, *co ac'* a ghoideadh e 'san latha, no ghoideadh e san oidhche.

40 Mar so bha mi, san là chlaoidh an teas mi, agus an reotha 'san oidhche; agus dhealaich mo chodal re m'shùilibh.

41 Mar so *bha* mi fichead bliadhna a'd thigh: ceithir bliadhna deug rinn mi seirblis duit air son do dhithis nigheana, agus se bliadhna air son do spréidhe: agus mhùth thu mo thuarasdal deich uairean.

42 Mur bhitheadh gu'n robh Dia m'athar, Dia Abraham, agus eagal Isaac maille rium, gu cinnteach chuireadh tu nis air falbh mi falamh: chunnaic Dia m'àmghar agus saothair mo làmh, agus chron-aich e thu 'n reidhr.

43 Agus fhreagair Laban, agus thubhairt e re Iacob, Na h-ingheanan so 's iad mo nigheana-sa iad, agus a' chlann so mo chlannsa, agus an spréidh so mo spréidh-sa, agus gach ni *tha* thu faicinn is leamsa e: agus ciod a dh'fheudas mi dheanamh an diugh re m'nigheanaibh so, no r'an cloinn a rug iad?

44 A nis uime sin thig-sa, dean-amaid co' cheangal, mise agus thusa; agus bitheadh e mar fhianuis eadar mise agus thusa.

45 Agus ghabh Iacob clach, agus chuir e suas i mi mar charragh.

46 Agus thubhairt Iacob r'a bhràithribh, Cruinnichibh clachan: agus ghabh iad clachan, agus rinn iad carn, agus dh'ith iad an sin air a' charn.

47 Agus thug Laban mar ainm air Iegar-Sahaduta: ach thug Iacob mar ainm air Galeed.

48 Agus thubhairt Laban, *Tha* 'n carn so 'na fhianuis eadar mise agus thusa 'n diugh. Uime sin thugadh Galeed mar ainm air.

49 Agus Midspah; oir thubhairt e, Deanadh an Tighearna faire eadar mise agus thusa, 'nuair a bhitheas sinn as làthair a chéile.

50 Ma bhuineas tu gu cruaidh re m'nigheanaibh, no ma ghabhas tu mnà *eile* thuilleadh air mo nigh-eana-sa, cha'n 'eil duine sam bith

maille ruinn; feuch, tha Dia 'na fhianuis eadar mis' agus thusa.

51 Agus thubhairt Laban re Iacob, Faic an carn so, agus faic an carragh so, a shuidhlich mi eadar mis' agus thusa.

52 *Bitheadh* an carn so 'na fhianuis, agus *bitheadh* an carragh so 'na fhianuis, nach d'théid mise a t'ionnsuidh-sa thar a' charn so, agus nach d'thig thus' a m' ionnsuidh-sa thar a' charn so, agus a charragh so, gu cròn.

53 Gu'n d'thugadh Dia Abraham, agus Dia Nahoir, Dia an athar, breth eadarunn. Agus mbionnaich Iacob air eagal athar Isaac.

54 An sin thug Iacob suas iobairtean 'san t-sliabh, agus ghairm e air a bhràthribh a dh'itheadh arain: agus dh'ith iad aran, agus dh'fhan iad rè na h-oidhche 'san t-sliabh.

55 Agus dh'éirich Laban suas moch 'sa' mhadainn agus phog e mhic agus a nigheanan, agus bheannaich e iad, agus dh'fhalbh e: agus phill Laban gu àite féin.

#### CAIB. XXXII.

**A** GUS dh'imich Iacob air a shlighe, agus choinnich aingil Dhé e.

2 Agus thubhairt Iacob, 'nuair a chunnaic e iad, *Se* so feachd Dhé: agus thug e Mahanaim mar ainm air an àite sin.

3 Agus chuir Iacob teachdairean roimhe gu h-Esau a bhràthar, gu fearann Sheir, dùthaich Edoim.

4 Agus dh'àithn e dhoibh, ag ràdh, Mar so their sibh re m' thighearn' Esau, Mar so thubhairt do sheirbhisich Iacob, Bha mi air chuairt maille re Laban, agus dh'fhan mi maille ris gus a nis.

5 Agus tha agam buar, agus asail, treudan, agus oclaich, agus bangoilaich: agus chuir mi dh'innseadh do m' thighearna chum gu'm faighinn deagh-glèan a'd' shùilibh.

6 Agus phill na teachdairean gu Iacob, ag ràdh, Thàinig sinn a dh'ionnsuidh do bhràthar Esau, agus mar an ceudna tha e teachd a'd' chòdhail, agus ceithir cheud fear maille ris.

7 Agus bha Iacob fa' eagal mòr, agus ann an airc; agus roinn e'n sluagh a bha maille ris, agus na treudan, agus an crodh, agus na càmhail 'nan dà bhuidhinn;

8 Agus thubhairt e, Ma thig Esau gu h-aon do na buidhneibh, agus gu'm buail e i, an sin théid a bhuidheann a dh'fhanas as uath.

9 Agus thubhairt Iacob, O Dhé m'athar Abraham, agus a Dhé

m'athar Isaac, a Thighearn a thubhairt rium, Pill gu d' dhùthaich, agus gu d' dhilsean, agus ni mi math dhuit:

10 Cha 'n airidh mi air a' chuid a's lugha do na tròcairibh sin uile, no do'n fhirinn sin uile, a nochd thu do d'sheirbhisich: oir le m' luirg thàinig mi thar an Iordan so, agus tha mi nis a'm' dhà bhuidhinn.

11 Saor mi, guidheam ort, o làimh mò bhràthar, o làimh Esau: oir tha eagal orm roimhe, gu'n d'thig e, agus gu'm buail e mi, agus a' mhàthair maille ris a chloinn.

12 Agus thubhairt thu, Gu cinn-teach ni mi math dhuit, agus ni mi do shliochd mar ghaineamh na faire, nach feudar aireamh a thaobh lion-mhoireachd.

13 Agus dh'fhan e 'n sin 'san oidhche sin féin, agus ghabh e do na thàinig g'a làimh tiodhlac air son Esau a bhràthar;

14 Dà cheud gabhar agus fichead boc, dà cheud caora agus fichead reithe;

15 Deich càmhail fhichead bhainne le 'n searraich, dà fhichead bò agus deich tairbh, fichead asal bhainionn agus deich searraich.

16 Agus thug e iad do làimh a sheirbhisich, gach iomain leatha féin; agus thubhairt e r'a sheirbhisich, Imickibh romham, agus cuiribh dealachadh eadar iomain agus iomain.

17 Agus dh'àithn e dhà-san a bha air thoiseach, ag ràdh, 'Nuair a choinnicheas mo bhràthair Esau thu, agus a dh'fheoraicheas e dhìot, ag ràdh, Co leis thu, agus c'àite tha thu dól, agus co leis iad sin a tha romhad?

18 An sin their thusa *Buinidh iad* do d'sheirbhisich Iacob; is tiodhlac a th'ann, a chuireadh a dh'ionnsuidh mo thighearn' Esau: agus feuch, mar an ceudna tha e féin 'nar déigh.

19 Agus dh'àithn e mar sin do'n dara *seirbhisich*, agus do'n treas, agus dhoibhsan uile bha leantninn nan iomain, ag ràdh, Air an dòigh so labhraidh sibh re h-Esau, 'nuair a gheibh sibh e.

20 Agus their sibh cuideachd, Fench, Tha do sheirbhisich Iacob 'nar déigh-ne: oir thubhairt e, Ni mi réidh a e leis an tiodhlac a théid romham, agus 'an déigh sin chi mi ghnùis, theagamh gu'n gabh e rium.

21 Mar sin chaidh an tiodhlac thairis roimhe: agus dh'fhan e féin an oidhche sin 'sa' chuideachd.

22 Agus dh'éirich e suas 'san

oidhche sin, agus ghabh e dhà mhnaoi, agus a dhà bhan-oglaich, agus aon mhac deug, agus chaidh e thairis air àth Iaboic.

23 Agus ghabh e iad, agus chuir é thairis air an t-sruth iad, agus chuir e thairis na bh'aige.

24 Agus dh'fhan Iacob 'na aonar; agus ghleachd duine ris, gu nuig briseadh na faire.

25 Agus 'nuair a chunnaic e nach do bhuadhaich e air, an sin bhean e re lag a shléide: agus chaidh lag sléide Iacoib as an alt, 'nuair a bha e gleachdadh a ris.

26 Agus thubhairt e, Leig air falbh mi, oir tha'n fhàir a' briseadh: agus thubhairt esan, Cha leig mi air falbh thu, mur beannaich thu mi.

27 Agus thubhairt e ris, Ciod a's ainm dhuit? agus thubhairt e, Iacob.

28 Agus thubhairt esan, Chaghoir-earb Iacob ni's mò riut mar ainm, ach Israel: oir blia cumhadh agad mar uachdaran re Dia, agus re daoine, agus thug thu buaidh.

29 Agus dh'fhiosraich Iacob dheth, agus thubhairt e, Innis dhomh, guidheam ort, t'ainm: agus thubhairt esan, C'ar son a tha thu farraid m'ainme. Agus bheannaich e 'n sin e.

30 Agus thug Iacob Peniel mar ainm air an àite: oir chunnaic mi Dia aghaidh re h-aghaidh, agus thearnadh m' anam.

31 Agus dh'èirich a' ghrian air, 'nuair a chaidh e seach Penuel, agus bha e bacach air a shliasaid.

32 Uime sin cha'n ith clann Israel do'n fhéith a chrup, a ta air lag na sléide, gus an la'n diugh: a chionn gu'n do bhean e re lag sléide Iacoib 'san fhéith a chrup.

CAIB. XXXIII.

**A** GUS thog Iacob suas a shùilean, agus dh'amhairc e, agus feuch, bha Esau teachd, agus maille ris ceithir cheud fear. Agus roinn e a' chlann do Leah, agus do Rachel, agus do'n dà bhan-oglaich.

2 Agus chuir e na ban-oglaich agus an clann air thoiseach, agus Leah agus a clann 'nan déigh, agus Rachel agus Ioseph air dheireadh.

3 Agus chaidh e féin air aghaidh rompa, agus chrom se e féin gu làr seachd uaire, gus an d'thàinig e dlùth d'a bhràthair.

4 Agus ruith Esau 'na choimneamh, agus ghabh e 'na ghlacaibh e, agus thuit é air a mhuineal, agus phòg se e; agus ghuil iad.

5 Agus thog e suas a shùilean, agus chunnaic e na mnà agus a' chlann; agus thubhairt e, Co iad sin a ta maille riut? agus thubhairt esan, A' chlann a thug Dia gu gràsmhor do d'sheirbhiseach.

6 'An sin thàinig na ban-oglaich am fagus, iad féin agus an clann, agus chrom siad iad féin.

7 Agus thàinig Leah cuideachd am fagus maille r'a cloinn, agus chrom siad iad féin; agus 'an déigh sin thàinig Ioseph am fagus agus Rachel, agus chrom siad iad féin.

8 Agus thubhairt e, Ciod a's ciail duit leis an iomain so uile a choinnich mi? Agus thubhairt esan, Gu deagh-ghean fhaghail am an sùilibh mo thighearna.

9 Agus thubhairt Esau, Tha agamsa pailteas, a bhrathair; gléidh dhuit fein na bheil agad.

10 Agus thubhairt Iacob, Ni h-eadh, guidheam ort, ma fhuair mi nis deagh-ghean a'd' shùilibh, 'an sin gabh mo thiodhlac o m' làimh: oir uime sin chunnaic mi do ghnòis, mar gu'm faicinn gnòis Dé, agus thaitinn mi riut.

11 Gabh, guidheam ort, mo bheannachadh a thugadh a d' ionnsuidh, do bhrìgh gu'n do bhuin Dia gu toirbheartach rium, agus gu bheil agam mòr phailteas: agus rinn e ro-eairail air, agus ghabh se e.

12 Agus thubhairt e, Gabhamaid ar turas, agus biomaid ag imeachd, agus théid mise maille riut e.

13 Agus thubhairt e ris, Tha fios aig mo thighearna gu bheil a' chlann maoth, agus na treudan agus an fheadail a ta maille rium, trom le h-àl; agus mu dh'ionnaisidh mi dian aon latha, gheibh an treud uile bàs.

14 Rachadh, guidheam ort, mo thighearna seachad roimh a sheirbhiseach: agus gabhaidh mise an t-slighe gu socrach, a réir mar a bhios an spréidh a ta romham, agus a' chlann, comasach air fhulang, gus an d'thig mi dh'ionnsuidh mo thighearna gu Seir.

15 Agus thubhairt Esau, Leig leam a nis cuid do'n mhuinntir a ta maille rium fhàgail marriut d? Agus thubhairt esan, C'ar son sin? faigheam-sa deagh-ghean 'an sùilibh mo thighearna.

16 Mar sin phill Esau 'san là sin féin air a shlighe gu Seir

17 Agus dh'imich Iacob gu Sucot, agus thog e dha féin tigh; agus rinn e bothain d'a spréidh: air an aobhar

sin thugadh Sucot mar ainm air an àite.

18 Agus thàinig Iacob do Shalem, baile Shechem a ta ann tìr Chanaain, nuair a thàinig e o Phadanaram; agus shuidhich e bhùth fa chomhair a<sup>5</sup> bhaile.

19 Agus cheannaich e mìr fearainn, far an do shuidhich<sup>a</sup> e a bhùth, o làimh chloinne Hamoir, athair Shrech-eim, air cheud bonn airgid<sup>b</sup>.

20 Agus chuir e suas altair 'an sin, agus thug e El-Elohe-Israel mar ainm oirre.

#### CAIB. XXXIV.

**A**GUS chaidh Dinah nighean Leah, a rug i do Iacob, a mach a dh'fhaicinn nigheana na tìre.

2 Agus nuair a chunnaic Sechem, mac Hamoir an lhbhich, uachdaran na tìre i, ghabh e i, agus luidh e leatha, agus thruaill e i c.

3 Agus dhlù-lean anam re Dinah nighean Iacoib, agus ghràdhaich e a' ghruagach<sup>d</sup>, agus labhair e gu caomh ris a' ghruagaich.

4 Agus labhair Sechem re Hamor athair, ag ràdh, Faigh dhomhs' a' ghruagach so mar mhnaoi.

5 Agus chuala Iacob, gu'n do thruaill e Dinah a nighean, (Nis bha mhic maille r'a sprèidh 'sa' mhach-air) agus bha Iacob 'na thosd gus an d'thàinig iad.

6 Agus chaidh Hamor, athair Shechem, a mach a dh'ionnsuidh Iacoib, a labhairt ris.

7 Agus thàinig mic Iacoib o'n mhachair nuair a chual' iad e, agus bha na daoine doilich, agus bha fearg mhòr orra; chionn gu'n d'rinn e amaideachd ann an Israel, ann an luidhe le nighean Iacoib, ni nach bu chòir a dheanamh.

8 Agus labhair Hamor ri, ag ràdh, Tha anam mo mhic Shechem 'an ro-gheall air blur nighinn: thugaibh i, guidheam oirbh, dha mar mhnaoi.

9 Agus deanaibh ceanglaiche-pòsaidhe ruinne; bhur nigheana-sa thugaibh dhuinne, agus ar nigheana-ne gabhaidh sibh dhuibhsa.

10 Agus maille ruinne gabhaidh sibh còmhuidh: agus bithidh an tìr romhaibh; gabhaibh còmhuidh, agus deanaibh reic agus ceannachd innte, agus faighibh sealbh innte.

11 Agus thubhairt Sechem r'a h-athair, agus r'a bràithribh, Faigheam deagh-ghean 'nar sùilbh; agus ge b'e ni a their sibh rium, bheir mi dhuibh.

12 Air mheud's gu'n dean sibh an dubharaidh<sup>f</sup> orm, agus an tiodh-lac, bheir mi dhuibh eadhon mar a their sibh rium: a mhàin thugaibh dhomh a' ghruagach mar mhnaoi.

13 Agus fhreagair mic Iacoib Sechem agus Hamor athair le ceilg, agus labhair iad, (a chionn gu'n do thruaill e Dinah am piuthar.)

14 Agus thubhairt iad ri, Cha'n fheud sinne an ni so dheanamh, ar piuthara thoirt do dhuine neo-thimchioll-ghearrt': oir bhiodh sin 'na mhasladh dhuinne.

15 Ach 'an so aontaichidh sinn leibh; ma bhios sibhse mar a ta sinne, gu'n timchioll-ghearrar gach firionnach 'nar measg;

16 'An sin bheir sinne ar nigheana dhuibhsa, agus bhur nigheana-sa gabhaidh sinn dhuinne, agus gabhaidh sinn còmhuidh maille ribh, agus bithidh sinn 'nar n-aon sluagh.

17 Ach mur éisd sibh ruinne, sibh a bhi air bhur timchioll-ghearradh; 'an sin gabhaidh sinn ar nighean, agus falbhaidh sinn.

18 Agus thaitinn am briathra re Hamor, agus re Sechem, mac Hamoir.

19 Agus cha do chuir an t-òganach dàil anns na ni a dheanamh, a chionn gu'n robh tlachd aige ann an nighinn Iacoib: agus bha e ni b'urrmaiche na tigh athar uile.

20 Agus thainig Hamor, agus Sechem, a mhac, gu geatadh am baile, agus labhair iad re daoineibh am baile, ag ràdh,

21 Tha na daoine so stochail maille ruinn, air an aobhar sin gabhadh iad còmhuidh 'san tìr, agus deanadh iad reic agus ceannachd innte; thaobh an fhearain, feuch, tha e farsaing ni's leòr dhoibh: an nigheana-sa gabhaidh sinne dhuinne mar mhnaoi, agus ar nigheana-ne bheir sinne dhoibhsan.

22 A mhàin anns an ni so aontaichidh na daoine leinn, gu còmhuidh ghabhail maille ruinn, gu bhi 'nar n-aon sluagh, ma thimchioll-ghearrar gach firionnach againne, mar a ta iadsan air an timchioll-ghearradh.

23 Nach leinne an sprèidh, agus am maoin, agus an ainmhidhean uile? a mhàin aontaicheamaid leo, agus gabhaidh iad còmhuidh maille ruinn.

24 Agus dh'éisd gach neach a chaidh mach air geatadh a bhaile re Hamor, agus re Sechem a mhac; agus thimchioll-ghearradh gach

<sup>a</sup> sgaoil.

<sup>b</sup> cheud uan.

<sup>c</sup> dh'èstlich se i.

<sup>d</sup> an nigheanag.

<sup>e</sup> cleamhnas.

<sup>f</sup> dowry. Sasg.



firionnach, iadsan uil' a chaidh mach air geatadh a bhaile.

25 Agus air an treas là, 'nuair a bha iad air an cràdh, 'an sin ghabh dìthis do mhic Iacoib, Simeon agus Lebhi, bràithre Dhinah, gach fear ac' a chloidheamh, agus thàinig iad air a' bhaile gu dàna; agus mharbh iad gach firionnach.

26 Agus mharbh iad Hamor agus Sechem, a mhac, le faobhar a' chloidhheimh, agus thug iad Dinah a tigh Shechem, agus chaidh iad a mach.

27 Thàinig mic Iacoib air na mairbh, agus chreach iad am baile, a chionn gu'n do thruaill iad am piuthar.

28 An caoraich, agus am buar, agus an asail, agus na *bha* 'sa' bhaile, agus na *bha* 'san fhearann, thog iad.

29 Agus am maoin uile, agus an clann bheag uile, agus am mnàì thug iad leo 'an daorsadh<sup>a</sup>, agus thog iad 'sa' chreich eadhon gach ni a *bha* stigh.

30 Agus thubhairt Iacob re Simeon agus re Lebhi, Chuir sibh trioblaid borm le m' dheanamh gràineil<sup>c</sup> a' measg luchd-àiteachadh na tire, a' measg nan Canaanach, agus nam Peridseach; agus air dhomhsa bhi gann d' an àireamh, cruinnichidh siad iad féin cuideachd a' m' aghaidh, agus marbhaidh iad mi; agus cuirear as domh, agus do m' thigh.

31 Agus thubhairt iad, Am bu chòir dha buntainn re 'r piuthair-ne mar re striopaich?

CAIB. XXXV.

**A**GUS thubhairt Dia re Iacob, Eirich, imich suas gu Betel, agus ghabh còmhnuidh<sup>a</sup> 'an sin; agus dean 'an sin altair do Dhia, a dh'fhoillsich e féin duit 'nuair a theich thu o ghnùis Esau do bhràthar.

2 Agus thubhairt Iacob r'a theaghlach agus riu-san uile, a *bha* maille ris, Cuiribh naibh na dée coimheach a *ta* 'nar measg, agus bithibh glan, agus mùthaibh e bhur n-eudach:

3 Agus éireamaid, agus rachamaid suas gu Betel; agus ni mise 'n sin altair do Dhia, a dh'éisd rium ann an là mo chruaidh-chais, agus a bha maille rium 'san t-slighe air an deachadh mi.

4 Agus thug iad do Iacob na dée coimheach uile, a *bha* 'nan làimh, agus an cluas-fhàinnean, a *bha* 'nan cluasaibh; agus dh'fholaich Iacob

iad fuidh 'n daraig 'a *bha* làimh re Sechem.

5 Agus dh'imich iad: agus bha eagall<sup>f</sup> Dhé air na bailtibh, a *bha* m'an cuairt orra, agus cha d'rinn iad tòireachd air mic Iacoib.

6 Mar sin thàinig Iacob gu Luds, a *ta* 'n tìr Chanaain, eadhon Betel, e fein agus an sluagh uile, a *bha* maille ris.

7 Agus thog e 'n sin altair, agus thug e El-betel mar ainm air an àite: do bhrìgh ann an sin gu'n d'fhoillsich Dia e féin dha, 'nuair a theich e o ghnùis a bhràthar.

8 Ach fhuair Deborah ban-altrum<sup>g</sup> Rebecah bàs; agus dh'adhlaiceadh i fuidh Bhetel, fuidh dharaig: agus thugadh Alonbacut mar ainm air.

9 Agus dh'fhoillsich Dia e féin do Iacob a ris, 'nuair a thàinig e a Padan-aram; agus bheannaich se e.

10 Agus thubhairt Dia ris, 'Se Iacob a's ainm dhuit: Cha'n ainmichear thu Iacob ni's mo, ach 'se Israel a bhios 'na ainm ort; agus thug e Israel mar ainm air.

11 Agus thubhairt Dia ris, 'S mise Dia uile-chumhachdach, bi sìolmhor agus fàs lionmhor; thig cinneach agus coi'-thional chinneach uait, agus thig rìghre mach a d'leasuidh.

12 Agus am fearann a thug mi dh' Abraham, agus a dh' Isaac, dhuitse bheir mi e; agus do d' shliochd a'd' dhéigh bheir mi am fearann.

13 Agus chaidh Dia suas uaith 'san àit' an do labhair e ris.

14 Agus chuir Iacob suas carragh<sup>h</sup> 'san àit' an do labhair e ris, carragh cloiche, agus dhòirt e tabhartas-dìbhe air, agus dhòirt e oladh air.

15 Agus thug Iacob Betel mar ainm air an àite, far an do labhair Dia ris.

16 Agus dh'imich iad o Bhetel, agus cha robh ach astar beag aca re teachd gu h-Ephrat: agus thàinig tinneas cloinne air Rachel, agus bha saothair chruaidh oirre.

17 Agus 'nuair a bha i 'n cruaidh shaothair, 'an sin thubhairt a bhean-ghlùine ria, Na biodh eagall ort, oir bithidh am mac so agad cuideachd.

18 Agus 'nuair a bha h-anam a' dealachadh ria, oir fhuair i bàs, thug i Ben-oni mar ainm air: ach dh'ainmich athair e Benjamin.

19 Agus fhuair Rachel bàs, agus dh'adhlaiceadh i 'san t-slighe gu h-Ephrat, eadhon Betlehem.

20 Agus chuir Iacob suas carragh

<sup>a</sup> am braigheanas.

<sup>b</sup> aimlisg.

<sup>c</sup> fuathach.

<sup>d</sup> tearc, beag.

<sup>e</sup> atharraichibh.

<sup>f</sup> uamhann, oilt.

<sup>g</sup> muime.

<sup>h</sup> pillar. Sasg.



air a h-uaigh: 'se so carragh uaigh Racheil gus an là'n diugh.

21 Agus ghabh Israel a thurus, agus shuidhich e a bhùth an taobh thall do thùr Edeir.

22 Agus 'nuair a bha Israel a chòmhnuidh 'san tìr sin, chaidh Reuben, agus luidh e le Bilhah leannan a athar: agus chual' Israel sin. A nis bha dà mhac deug aig Iacob.

23 Mic Leah; Reuben ceud-ghin Iacob, agus Simeon, agus Lebhi, agus Iudah, agus Isachar, agus Sebulun.

24 Mic Racheil; Ioseph, agus Benjamin.

25 Agus mic Bhilhah, thànoglaich Racheil, Dan, agus Naphtali.

26 Agus mic Shilpah, bhanoglaich Leah; Gad agus Aser. 'S iad sin mic Iacob, a rugadh dha am Padan-aram.

27 Agus thàinig Iacob chum Isaac athar do Mhamre, gu baile Arbah, eadhon Hebron, faran robh Abraham agus Isaac air chuairt.

28 Agus b'iad làithean Isaac ceud bliadhna 's ceithir fichead.

29 Agus thug Isaac suas an deò, agus dh'eug e, agus chruinnicheadh e chum a mhuinntir féin, agus e 'na sheann-duine, agus làn do làithibh. Agus dh'adhlac a mhic Esau agus Iacob e.

#### CAIB. XXXVI.

**A** GUS is iad sin ginealaich Esau, eadhon Edoim.

2 Ghabh Esau a mhnà do nigh-eanaibh Chanaain; Adah nighean Eloin an Hitich, agus Aholibamah nighean Anah, nighinn Shibeoin an Hibhich:

3 Agus Basemat nighean Ismaeil, piuthar Nebaiot.

4 Agus rug Adah do Esau Eliphads, agus rug Basemat Reuel.

5 Agus rug Aholibamah Ieus, agus Iaalam, agus Corah: 'S iad sin mic Esau a rugadh dha ann an tìr Chanaain.

6 Agus gabh Esau a mhnà, agus a mhic agus a nigheana agus uile mhuinntir a thighe, agus a spréidh, agus ainmhidhean uile, agus a mhaoin uile, a fhair e ann an tìr Chanaain; agus chaidh e do thìr eile o ghnòis a bhràthair Iacob.

7 Oir bha 'n saibhreas ni bu mho na gu'm feudadh iad còmhnuidh ghabhail cuideachd; agus cha b'urradh an tìr anns an robh iad 'nan coigich an giùlan air son an spréidhe.

a coi'-leabach.

8 Mar so ghabh Esau còmhnuidh ann an sliabh Sheir: 's e Esau Edom.

9 Agus 's iad sin ginealaich Esau, athar nan Edomach, ann an sliabh Sheir.

10 'S iad sin ainmeanna mfiac Esau; Eliphads mac Adah mhnà Esau, Reuel mac Bhasemat mhnà Esau.

11 Agus b'iad mic Eliphads, Teman, Omar, Sepho, agus Gatam, agus Cenads.

12 Agus bha Timna 'na leannan aig Eliphads mac Esau; agus rug i do Eliphads Amalec: b'iad sin mic Adah mhnà Esau.

13 Agus 's iad sin mic Reueil; Nahat agus Serah, Samah agus Midsah: b'iad sin mic Bhasemait mhnà Esau.

14 Agus b' iad sin mic Aholibamah, nighinn Anah, nighinn Shibeoin mhnà Esau: agus rug i do Esau Ieus, agus Iaalam, agus Corah.

15 B'iad sin cinn-fheadhna mhac Esau: mic Eliphads ceud-ghin Esau, ceann-fheadhna Teman, ceann-fheadhna Omar, ceann-fheadhna Sepho, ceann-fheadhna Cenads.

16 Ceann-feudhna Corah, ceann-fheadhna Gatam, agus ceann-fheadhna Amalec: 's iad sin na cinn-fheadhna a thàinig o Eliphads, ann an tìr Edoim: b'iad sin mic Adah.

17 Agus 's iad sin mic Reueil mhic Esau; ceann-fheadhna Nahat, ceann-fheadhna Serah, ceann-fheadhna Samah: ceann-fheadhna Midsah. 'S iad sin na cinn-fheadhna a thàinig o Reuel, ann an tìr Edoim: 's iad sin mic Bhasemait mhnà Esau.

18 Agus 's iad sin mic Aholibamah mhnà Esau; ceann-fheadhna Ieus, ceann-fheadhna Iaalam: ceann-fheadhna Corah: b' iad sin na cinn-fheadhna a thàinig o Aholibamah nighinn Anah mhnà Esau.

19 'S iad sin mic Esau, eadhon Edoim; agus 's iad sin an cinn-fheadhna.

20 'S iad sin mic Sheir an Horich, luchd-àiteachadh na tìre; Lotan, agus Sobal, agus Sibeon, agus Anah,

21 Agus Dison, agus Edser, agus Disan: 's iad sin cinn-fheadhna nan Horach, cloinne Sheir, ann an tìr Edoim.

22 Agus b' iad clann Lotain; Hori, agus Heman: agus b'i Timna piuthar Lotain.

23 Agus b' iad sinn clann Shobail; Albhan, agus Manahat, agus Ebal, Sepho, agus Onam

24 Agus b' iad sin clann Shibeoin; araon Aiah, agus Anah: b'e so an

t-Anah, a fhuair a mach na muileid-ean a 'san fhàsach, 'nuair a bha e 'g ionaltradh asal Shibeoin athar.

25 Agus b'iad sin clann Anah: Dison, agus Aholibamah nighean Anah.

26 Agus b'iad sin clann Dhisoin; Hemdan, agus Esban agus Itran, agus Cheran.

27 B' iad sin clann Eseir; Bilhan, agus Saabhan, agus Achan.

28 B' iad sin clann Dhisain; Uds, agus Aran.

29 B' iad sin cinn-fheadhna nan Horach; ceann-fheadhna Lotan, ceann-fheadhna Sobal, ceann-fheadhna Sibeon, ceann-fheadhna Anah,

30 Ceann-fheadhna Dison, ceann-fheadhna Eser, ceann-fheadhna Disan: 's iad sinn na cinn-fheadhna, a thàinig o Hori, ann measg an ceann-fheadhnasan ann 'an tir Sheir.

31 Agus 's iad sin na rìghrean a rìoghaich ann tir Edoim, mun do rìoghaich rìgh 'sam bith air cloinn Israeil.

32 Agus rìoghaich ann an Edom Belah mac Bheoir; agus b'e ainm a bhaile Dinhabah.

33 Agus dh'eug Belah, agus rìoghaich 'na àite Iobab mac Sherah o Bhosrah.

34 Agus dh'eug Iobab, agus rìoghaich 'na àite Husam o thalamh Themani.

35 Agus dh'eug Husam, agus rìoghaich 'na àite Hadad mac Bheda, a bhuail Midian 'am fearann Mhoab: agus b'e ainm a bhaile Abhit.

36 Agus dh'eug Hadad, agus rìoghaich 'na àite Samlah o Mhasrecab.

37 Agus dh'eug Samlah, agus rìoghaich 'na àite Saul o Rehobot, làimh ris an abhainn.

38 Agus dh'eug Saul, agus rìoghaich 'na àite Baal-hanan, mac Achboir.

39 Agus dh'eug Baal-hanan mac Achboir, agus rìoghaich 'na àite Hadar: agus b'e ainm a bhaile Pau; agus ainm a mhnà Mehetabel, nighean Mhatreid, nighinn Mhedsahaib.

40 Agus 's iad sin ainmeanna nan ceann-fheadhna a thàinig o Esau, a réir an teaghlaichéan, a réir an àiteacha, 'nan ainmibh; ceann-fheadhna Temna, ceann-fheadhna Albhab, ceann-fheadhna Ietef,

41 Ceann-fheadhna Aholibamah, ceann-fheadhna Elah, ceann-fheadhna Pinon,

42 Ceann-fheadhna Cenads, ceann-fheadhna Teman, ceann-fheadhna Mibsar,

a mules. Sasg.

43 Ceann-fheadhna Magdiel, ceann-fheadhna Iram: 's iad sin cinn-fheadhna Edoim, a réir an àiteacha-còmhnuidh, ann an tir an seilbh: 's esan Esau, athair nan Edomach.

CAIB. XXXVII.

A GUS ghabh Iacob còmhnuidh 'san tìr anns an robh athair 'na choigreach, ann an tìr Chanaain.

2 'S iad so ginealaich Iacoib: 'Nuair a bha Ioseph seachd bliadhna deug a dh'aois, bha e buachailleachd an treud maille r'a bhràithribh, agus bha 'n t-òganach maille re mic Bhilbah, agus maille re mic Shilpah, mnà athar; agus thug Ioseph an droch thuairesgeul-san a dh'ionnsuidh athar.

3 Agus bu docha le h-Israel Ioseph na mhic uile, chionn gu'm b'e mac a shean-aois e: agus rinn e dha còta dh'iomadh dath b.

4 Agus 'nuair a chunnaic a bhràithre gu'm bu docha le athair e na bhràithrean uile, dh'fhuathaich iad e, agus cha b'urradh iad labhairt ris gu sìochail.

5 Agus chunnaic Ioseph aisling e, agus dh'innis e d'a bhràithribh i, agus dh'fhuathaich iad e fathast nì's mò.

6 Agus thubhairt e riu, Eisdibh, guidheam oirbh, ris an aisling so a chunnaic mi:

7 Oir feuch, bha sinn a' ceangal sguab 'san achadh agus feuch, dh'èirich mo sguabsa suas, agus sheas i gu dìreach; agus feuch, sheas bhur sguaba-sa m'an cuairt oirre, agus rinn iad ùmlachd do m' sguab-sa.

8 Agus thubhairt a bhràithre ris, Am bi thesa gun amharus a'd' rìgh oirne? am bi agad d'a rìreadh tigh-earnas oirne? Agus dh'fhuathaich iad e fathast nì's mo air son aislingean, agus air son a bhriathra.

9 Agus chunnaic e fathast aisling eile, agus dh'innis e d'a bhràithribh i, agus thubhairt e, Feuch, chunnaic mi aisling eile; agus feuch, rinn a' ghrian agus a' ghealach, agus an aon reul deug, ùmlachd dhomhsa.

10 Agus dh'innis e d'a athair i, agus d'a bhràithribh: agus thug athair achmhasan da, agus thubhairt e ris, Ciod i an aisling so a chunnaic thu? An e gu'n d'thig d'a rìreadh mise agus do mhàthair agus do bhràithre, chum sinn féin a chromadh sìos dhuitse gu làr?

11 Agus bha farmad aig a bhràithribh ris: ach thug athair fa'near a' chainnt.

b dh'iomad mìr.

c bhruadair Ioseph bruadar.

12 Agus chaidh a bhràithrean a dh'ionaltradh treud an athar do Shechem.

13 Agus thubhairt Israel re Ioseph, Nach 'eil do bhràithrean ag ionaltradh an treud ann an Sechem? Thig, agus cuiridh mi thu d'an ionnsuidh. Agus thubhairt e ris, Tha mise 'n so.

14 Agus thubhairt e ris, Imich, guidheam ort, faic am bheil do bhràithrean gu math, agus am bheil an treud gu math; agus thoir fios a a m' ionnsuidhs' a ris. Mar sin chuir e mach e a gleann Hebroin, agus thàinig e gu Sechem.

15 Agus fhuair duin' àraidh e, agus feuch, bha e air seacharan 'sa' mhachair: agus dh'fhebraich an duine dheth, ag ràdh, Ciod a tha thu 'g iarraidh?

16 Agus thubhairt e, Tha mi 'g iarraidh mo bhràithre: innis dhomh, guidheam ort, c'ait' am bheil iad ag ionaltradh an treuda.

17 Agus thubhairt an duine, Dh'fhalbh iad a so: oir chuala mi iad ag ràdh Rachamaid gu Dotan. Agus chaidh Ioseph 'an dèigh a bhràithrean, agus fhuair e iad ann an Dotan.

18 Agus 'nuair a chunnaic iad e fada uatha, eadhon mun d'thàinig e 'm fagus doibh, chuir iad an comhairle re chèile 'na agbaidh, gus a mharbhadh..

19 Agus thubhairt iad r'a chèile, Feuch, tha 'n t-aislingiche so a' teachd.

20 Thigibh a nis ma ta, agus marbhamaid e, agus tilgeamaid e ann an slochd éigin; agus their sinn, Chuir droch bheist éigin as da: agus chisinn ciod gus an d'thig aislingean.

21 Agus chuala Reuben so, agus shaor e as an làmh e, agus thubhairt e, Na cuireamaid gu bàs e.

22 Agus thubhairt Reuben riu, Na dòirtibh fuil: tilgibh e 'san t-slochd so, a ta 'san fhàsach, agus làmh na cuiribh ann: a chum 's gu'n saoradh e as an làmh e, agus gu'n aisgeadh e ris d'a athair è.

23 Agus 'nuair a thàinig Ioseph a dh'ionnsuidh a bhràithre, 'an sin bhuin iad do Ioseph a chòta, a chòta nan iomadh dath, a bha air.

24 Agus ghabh iad e, agus thilg iad e ann an slochd, agus bha 'n slochd falamh, gun uisge ann.

25 Agus shuidh iad sìos a dh'ith-eadh arain, agus thog iad suas an sùilean agus dh'amhairc iad, agus feuch, bha cuideachd do chloinn Ismaeil a' teachd o Ghilead le'n càmhalan a' giùlan spìosraidh, agus

iocshlainta, agus mirr, a dol gus an toirt sìos do'n Eiphit.

26 Agus thubhairt Iudah r'a bhràithribh, Ciod an tairbh a bhios dhuinn ann ma mharbhas sinn ar bràthair, agus macheileas sinn fhuil.

27 Thigibh, agus reiceamaid e ris na h-Ismaelich, agus na cuireamaid làmh ann: oir is e ar dearbh-bhrathair e, agus ar feoil: agus dh'éisd a bhràithre ris.

28 'An sin chaidh Midianaich seachad, ceannaichean; agus tharruing iad agus thog iad suas Ioseph as an t-slochd: agus reic iad Ioseph ris na h-Ismaelich air fhichead bonn airgid. Agus thug iadsan Ioseph do'n Eiphit.

29 Agus phill Reuben a dh'ionnsuidh an t-sluichd; agus feuch, cha robh Ioseph 'san t-slochd; agus reub e eudach.

30 Agus phill e dh'ionnsuidh a bhràithrean, agus thubhairt e, Cha'n 'eil an leanabh ann; agus mise, c'ait' an d' thèid mi?

31 Agus ghabh iad còta Ioseph, agus mharbh iad meann do na gabh-raibh, agus thum iad an còta 'san fhuil.

32 Agus chuir iad uatha còta nan iomadh dath, agus thug iad e dh'ionnsuidh an athar; agus thubhairt iad, Fhuair sinne so: aithnich a nis an e so còta do mhic, no nach e.

33 Agus dh'aithnich se e, agus thubhairt e, Còta mo mhic; chuir droch bheist as da: tha Ioseph gun teagamh air a reubadh as a chèile.

34 Agus reub Jacob eudach, agus chuir e eudach-saic air a leasruidh, agus rinn e bròn air son a mhic ré mòrain lài.

35 Agus dh'éirich a mhic uile, agus a nigheanan uile suas, a thòirt solais da; ach dhiùlt esan solas a ghabhail; agus thubhairt e, Oir thèid mi sìos do 'n uaigh a chum mo mhic re bròn. Mar sin athair caoidh air a shon.

36 Agus reic na Midianaich e 'san Eiphit re Potiphar, oifigeach le Pharaoh, ceannard an fhriceadain c.

## CAIB. XXXVIII.

**A**GUS 'san àm sin féin chaidh Iudah sìos o bhràithribh, agus thionndaidh e steach a dh'ionnsuidh Adulamaich àraidh, d'am b'ainm Hirah.

2 Agus chunnaic Iudah 'n sin nighean Canaanaich àraidh, d'am b'ainm Suah: agus ghabh e i, agus chaidh e steach d'a h-ionnsuidh.

a balm. Sasg. b rachd. c ceannard a shaighdearan; captein a' gheard.

3 Agus dh'fhàs i torrach, agus rug i mac; agus thug e Er mar ainm air.

4 Agus dh'fhàs i torrach a ris, agus rug i mac; agus thug i Onan mar ainm air.

5 Agus dh'fhàs i torrach fathast, agus rug i mac; agus thug i Selah mar ainm air: agus bha esan ann an Chedsib 'nuair a rug i e.

6 Agus ghabh Iudah bean do Er a cheud-ghin, d' am b'ainm Tamar.

7 Agus bha Er, ceud-ghin Iudaih, aingidh ann an sealladh an Tighearna; agus mharbh an Tighearna e.

8 Agus thubhairt Iudah re h-Onan, Falbh a steach a dh'ionnsuidh mnà do bhràthar, agus pòs i, agus tog suas sliochd do d' bhràthair.

9 Agus bha fhios aig Onan nach b'ann leis féin a bhiodh an sliochd; agus 'nuair a chaidh e steach a dh'ionnsuidh mnà a bhràthar, dhòirt e air a' bhlàr e, chum nach d'thugadh e sliochd d'a bhràthair.

10 Agus bha 'n nì a rinn e olc ann an sealladh an Tighearna: uime sin mharbh e esan mar an ceudna.

11 'An sin thubhairt Iudah re Tamar mnaoi a mhic, Fan a' d' bhantraich ann an tigh t'athar, gus am fàs mo mhac Selah suas: oir thubhairt e, An t-eagal gu'm faigheadh esan bàs mar an ceudna, mar a fhuair a bhràithre. Agus dh'fhalbh Tamar, agus dh'fhan i 'n tigh a h-athair.

12 Agus ùine fhada 'n déigh sin fhuair nighean Shuaih, bean Iudah, bàs: agus thog Iudah a mhisneach, agus chaidh e suas a dh'ionnsuidh luchd-lomairt a chaorach, e féin agus a charaid Hirah an t-Adulamach, gu Timnat.

13 Agus dh'innseadh do Thamar, ag radh, Feuch, tha t'athair-céile a' dol suas gu Timnat a lomairt a chaorach.

14 Agus chuir i a culaidh-bantraich dhith, agus chòmdaich si i féin le gnùis-bhrat, agus phaisg si i féin, agus shuidh i ann an ionad follais-each a ta làimh ris an t-slighe gu Timnat: oir chunnaic i gu'n d'fhàs Selah suas, agus nach d'thugadh i dha mar mnaoi.

15 'Nuair a chunnaic Iudah i, shaoile gu'm bu striopach i, a chionn gu'a do chòmdaich i h-eudan.

16 Agus thionndaidh e 'dah h-ionnsuidh air an t-slighe, agus thubhairt e, Leig leam, guidheam ort, teachd a steach a't' ionnsuidh; oir cha robh fhios aige gu'm b'i bean a mhic i:

agus thubhairt i, Ciod a bheir thu dhomh a chum as gu'n d'thig thu steach a'm' ionnsuidh?

17 Agus thubhairt esan, Cuiridh mi meann<sup>b</sup> a't' ionnsuidh o'n treud: agus thubhairt ise, An d'thoir thu geall domh gus an cuir thu m' ionnsuidh e?

18 Agus thubhairt e, Ciod an geall a bheir mi dhuit? Agus thubhairt ise, Do sheula, agus do làmh-fhailean, agus do lorg a ta ann ad làimh: agus thug e dh'i iad, agus chaidh e steach d'a h-ionnsuidh, agus rinneadh i torrach leis.

19 Agus dh'éirich i, agus dh'fhalbh i roimpe, agus chuir i seachad a gnùis-bhrat uaithe<sup>c</sup>, agus chuir i a culaidh bantraich oirre.

20 Agus ckuir Iudah am meann le làimh a charaid an Adulamaich, chum as gu'm faigheadh e 'n geall o làimh ma mnà: ach cha d'fhuair e i.

21 'An sin dh'fheoraich e do dhaoineibh an àite sin, ag ràdh, C'ait' am bheil an striopach a bha gu follaiseach re taobh na slighe<sup>d</sup>? Agus thubhairt iadsan, Cha robh striopach<sup>e</sup> sam bith an so.

22 Agus phill e dh'ionnsuidh Iudaih, agus thubhairt e, Cha d'fhuair mi i: agus mar an' ceudna thubhairt daoin' an àite, Cha robh striopach<sup>f</sup> sam bith an so.

23 Agus thubhairt Iudah, Gabhadh i dh'i féin e, an t-eagal gu maslaichear sinn: feuch, chuir mi am meann so d'a h-ionnsuidh, agus cha d'fhuair thu i.

24 Agus beul re trì mìosa 'n déigh sin, dh'innseadh do Iudah, ag ràdh, Rinn Tamar bean do mhic striopachas; agus feuch cuideachd, tha i torrach le striopachas. Agus thubhairt Iudah, Thugaibh a mach i, agus loisgear i.

25 'Nuair a thugadh a mach i, chuir i fios a dh'ionnsuidh a h-athar céile, ag ràdh, Aig an fhear d'am buin iad sin tha mise lethtromach: agus thubhairt i, Faic, guidheam ort, cia leis an seula, agus na làmh-fhailean, agus an lorg so.

26 Agus ghabh Iudah riu, agus thubhairt e, Bha i nì bu cheirte na mise, a chionn nach d'thug mi i do Shelah mo mhac; agus cha robh aithne aige oirre nì's mo.

27 Agus 'nuair a bha i re saothair chloinne, feuch, bha leth-aona 'na bolg.

28 Agus 'nusair a bha i re saothair,

<sup>b</sup> meann do na gabhraibh, Eabh.  
<sup>c</sup> uaipe, uiche. <sup>d</sup> an ròid.



chuir a *h-aon diubh* mach a làmh : agus rug a bhean-ghlùn air a làimh, agus cheangail i snàthainn scarlaid oirre, ag ràdh, Thàinig e so a mach 'an toiseach.

29 Agus 'nuair a tharuing e a làmh air ais, feuch, thàinig a bhràthair a mach; agus thubhairt ise, Cionnus a bhris thu mach? *bitheadh* am briseadh so ortsa: Uime sin thugadh Phareds mar ainm air.

30 Agus 'an déigh sin thàinig a bhràthair a mach, aig an robh an snàthainn scarlaid air a làimh: agus thugadh Sarah mar ainm air.

## CAIB. XXXIX.

**A** GUS thugadh Ioseph sìos do'n Eipht: agus cheannaich Potiphar oifigeach le Pharaoh, ceannard an fhreiceadain, Eiphteach, e o làimh nan Ismaelach, a thug sìos 'an sin e.

2 Agus bha 'n Tighearna maille re Ioseph, agus bha e 'na dhuine leis an do shoirbhlich gach ni; agus bha e'n tigh a mhaighstir an Eiphtich.

3 Agus chunnaic a mhaighstir gu 'n robh an Tighearna maille ris, agus gu'n d'thug an Tighearna air gach ni a rinn e soirbheachadh 'na làimh.

4 Agus fhuair Ioseph deagh-ghlean 'na shealladh, agus rinn e seirbhis da: agus rinn se e 'na fhear-riaghlaidh air a thigh, agus gach ni a bh'aige chuir e fuidh làimh.

5 Agus o'n àm sin féin 'san d' rinn se e 'na fhear-riaghlaidh air a thigh, agus air gach ni a bh'aige, bheannaich an Tighearna tigh an Eiphtich air sgath Ioseph; agus bha bean-nachadh an Tighearna air gach ni bh'aige, anns an tigh, agus anns a 'mhachair.

6 Agus dh'fhàg e gach ni a bh'aige an làimh Ioseph, agus cha b'fhios da aon ni bh'aige, saor o'n aran a bha e 'g itheadh: agus bha Ioseph 'na dhuine maiseach, agus sgiamhach 'san aghaidh.

7 Agus 'an déigh nan nithe sin leag bean a mhaighstir a sùilean air Ioseph, agus thubhairt i, Luidh leamsa.

8 Agus dhiùlt esan, agus thubhairt e re mnaoi a mhaighstir, Feuch, cha 'n 'eil fios aig mo mhaighstir ciod a tha maille rium san tigh, agus gach ni a th'aige chuir e fuidh m'làimh-sa.

9 Cha 'n 'eil neach 'san tigh so a's mò na mi e; agus cha do chum e uam ni 'sam bith ach thus', a chionn gur tu a bhean: cionnus uime sin a ni mise 'n t-olc mòr so,

agus a pheacaicheas mi 'n aghaidh Dhé?

10 Agus thachair e, nuair a labh-air i re Ioseph o là gu là, nach éis-deadh esan ria, gu luidhe leatha, no bhi maille ria.

11 Agus thachair e air latha àraidh, gu'n deachaidh esan a steach do'n tigh a dheanamh oibre féin, agus cha robh a h-aon do dhaoibh an tighe 'an sin a stigh.

12 Agus rug i air air eudach-uachdair<sup>a</sup>, ag ràdh, Luidh leam-sa: agus dh'fhàg e eudach-uachdair 'na làimh, agus theich e, agus thàr e mach.

13 Agus 'nuair a chunnaic ise gu 'n d'fhàg e eudach-uachdair 'na làimh, agus gu 'n do theich e mach,

14 'An sin ghairm i air daoibh a tìghe, agus labhair i riu, ag ràdh, Faicibh, thug e steach d'ar n-ionnsuidh Eabhruidheach g'ar maslachadh<sup>b</sup>: thàinig e steach a m' ionnsuidhs' a luidhe leam, agus ghlaodh mise le guth ard:

15 Agus 'nuair a chual' e gu'n do thog mi suas mo ghuth, agus gu'n do ghlaodh mi, 'an sin dh'fhàg e eudach-uachdair maille rium, agus theich e, agus chaidh e mach.

16 Agus thaisg i eudach-uachdair làimh ria, gus an d'thàinig a thigh-earna dhachaidh.

17 Agus labhair i ris a réir nam briathra so, ag ràdh, Thàinig an seirbhiseach Eabhruidheach, a thug thu d'ar n-ionnsuidh, a steach a m' ionnsuidhsa gu m' mhaslachadh:

18 Agus 'nuair a thog mise suas mo ghuth, agus a ghlaodh mi, 'an sin dh'fhàg e eudach-uachdair maille rium, agus theich e mach.

19 Agus 'nuair a chual' a mhaighstir briathran a mhna, a labhair i ris, ag ràdh, Air an dòigh so rinn do sheirbhiseach orm; 'an sin las fhèarg suas.

20 Agus ghabh mhaighstir Ioseph e, agus chuir e 'sa' phrìosan e, far an robh prìosanaich an rìgh ceangailte: agus bha e'n sin 'sa' phrìosan.

21 Ach bha 'n Tighearna maille re Ioseph, agus nochd e tròcair dha, agus thug e dha deagh-ghlean ann an sùilibh fhir-gleidhidh a' phrìosain.

22 Agus chuir fear-gleidhidh a' phrìosain fuidh làimh Ioseph na prìosanaich uile, a bha 'sa' phrìosan; agus gach ni a rinn iad 'an sin, b' esan a rinn e.

23 Cha d'amhairc fear-gleidhidh a' phrìosain air ni 'sam bith, a bha fuidh làimh, a chionn gu'n robh an <sup>a</sup> *fhalluing*, a <sup>b</sup> *chòta*. <sup>c</sup> *mhaighstir oirn*.



Tighearna maille ris; agus an *ni sin* a rinn e, thug an Tighearn air soirbheachadh leis.

CAIB. XL.

**A**GUS 'n déigh nan nithe sin chuir buidealair rìgh na h-Eiphit, agus fhuineadair, fearg air an tigh-earna, rìgh na h-Eiphit.

2 Agus bha corruich mhòr air Pharaoh re dithis d'a sheirbhisich, ris an àrd-bhuidealair, agus ris an àrd-fhuineadair.

3 Agus chuir e 'n làimh<sup>a</sup> iad ann an tigh ceannaird an fhreiceadain 'sa' phrìosan, far an robh Ioseph ceangailte.

4 Agus chuir ceannard an fhreiceadain an cùram air Ioseph, agus fhrithheil e dhoibh; agus dh'fhan iad tamull<sup>b</sup> ann an làimh.

5 Agus chunnaic iad aisling le chéile, gach fear *ac'* aisling féin 'san aon oidhche, gach fear an réir eadar-mhìneachaidh aislinge; am buidealair agus fuineadair rìgh na h-Eiphit, a bha ceangailte 'sa' phrìosan.

6 Agus thàinig Ioseph a steach d'an ionnsuidh 'sa' mhadainn, agus dh'amhairc e orra, agus feuch, bha iad dubhach.

7 Agus dh'fhedraich e do sheirbhisich Pharaoh, a bha 'n làimh maille ris ann an tigh a thighearna, ag ràdh, C'ar son a tha bhur gnùis cho mhuladach an diugh?

8 Agus thubhairt iad ris, Chunnaic sin aisling, agus cha 'n 'eil neach againn a dh'eadar-mhìnichas i. Agus thubhairt Ioseph riu, Nach ann o Dhia tha gach eadair-mhìneachadh? innsibh dhomhs' iad, guidheam oirbh.

9 Agus dh'innis an t-àrd-bhuidealair aisling do Ioseph, agus thubhairt e ris, A'm aisling-sa feuch, bha fineamhainn fa m' chomhair.

10 Agus air an fhìneamhainn bha trì meanglain c; agus bha i mar gu'm biodh i a' briseadh a mach, agus thàinig i fuidh làn-bhlàth, agus thug a багаidean dearcan abuich uatha.

11 Agus bha cupan Pharaoh a'm' làimh; agus ghabh mi na fion-dhearcan, agus dh'fhàisg mi iad 'an cupan Pharaoh, agus thug mi 'n cupan ann an làimh Pharaoh.

12 Agus thubhairt Ioseph ris, 'Se so a h-eadar-mhìneachadh: Na trì meanglain, is trì lài iad.

13 Eadhon 'an ceann thri lài togaidh Pharaoh suas do cheann, agus bheir e ris gu t-àite féin thu; agus bheir thu cupan Pharaoh 'na

làimh, mar a b'abhuist duit roimhe, 'nuair a bha thu d'bhuidealair aige.

14 Ach cuimhnich thusa ormsa 'nuair a dh'éireas gu math dhuit, agus dean, guidheam ort, caoimhneas domh: agus thoir iomradh orm re Pharaoh, agus thoir a mach mi as an tigh so:

15 Oir gu deimhin ghoideadh air falbh mi a tìr nan Eabhruideach, agus mar an ceudna 'n so cha d'rinn mi ni sam bith gu 'n cuirte 'san t-slochd mi.

16 'Nuair a chunnaic an t-àrd-fhuineadair gu'n d'eadair-mhìnich e gu math, thubhairt e re Ioseph, Bha mise mar an ceudna 'm' aisling agus feuch, bha trì bascaide geala air mo cheann:

17 Agus anns a' bhascaid a b'airde bha do gach seòrta bìdh air son Pharaoh do dheasachadh an fhuineadair: agus dh'ith an eunlaith iad a mach as a' bhascaid air mo cheann.

18 Agus fhreagair Ioseph, agus thubhairt e, 'S e so a h-eadar-mhìneachadh: Na trì bascaide, 's trì lài iad.

19 'An ceann thri lài togaidh Pharaoh suas do cheann dhìot, agus crochaidh e thu air crann, agus ithidh an eunlaith t-fheoil dhìot.

20 Agus air an treas là, co'-ainm latha-breithe Pharaoh, rinn e cuirm d'a sheirbhisich uile: agus thog e suas ceann an àrd-bhuidealair, agus ceann an àrd-fhuineadair am measg a sheirbhisich.

21 Agus thug e 'n t-àrd-bhuidealair a chum a bhuidealair eachd a ris; agus thug e 'n cupan 'an làimh Pharaoh.

22 Ach chroch e 'n t-àrd-fhuineadair, mar a dh'eadar-mhìnich Ioseph dhoibh.

23 Gidheadh cha do chuimhnich an t-àrd-bhuidealair air Ioseph, ach dhì-chuimhnich se e.

CAIB. XLI.

**A**GUS 'an ceann dà bhliadhna a' iomlan, chunnaic Pharaoh aisling; agus feuch, sheas e làimh ris an abhainn:

2 Agus feuch, thàinig a nìos as an abhainn seachd bà, sgiamhach r'am faicinn, agus reamhar 'am feoil; agus bha iad ag ionaltadh ann am mìn-fheur c.

3 Agus feuch, thàinig seachd bà eile nìos 'nan déigh as an abhainn, granda re 'm faicinn, agus caol 'nam feoil; agus sheas iad làimh ris na bà eile, air bruaich na h-aibhne.

4 Agus dh'ith na bà, bha granda

<sup>a</sup> ann an daingneach.

<sup>b</sup> seal.

geuga.

<sup>d</sup> brigh.

<sup>e</sup> lian, làn, miadan.

r'am faicinn agus caol 'nam feoil, suas na seachd bà sgiamhacha agus reamlra. Mar sin dhùisg Pharaoh.

5 Agus choidil agus chunnaic e aisling an dara uair: Agus feuch, dh'éirich suas seachd diasan air aon choinlin, reachdmhor agus math.

6 Agus feuch, dh'fhàs suas 'nan déigh seachd diasa caola, agus air an seargadh leis a' ghaoith 'n ear.

7 Agus shluig na seachd diasa caola sìos na seachd diasa reachdmhor agus làn: agus dhùisg Pharaoh, agus feuch, b' aisling a bh' ann.

8 Agus 'sa' mhadainn bha a spiorad air a bhuaireadh a; agus chuir e fios uaith agus ghairm e uile dhruidhean na h-Eiphit, agus a dhaoine glic uile: agus dh'innis Pharaoh aisling dhoibh; ach cha robh neach ann a dh'eadar-mhìnicheadh iad do Pharaoh.

9 'An sin labhair an t-ardbhuid-ealair re Pharaoh, ag ràdh, An diugh tha mis' a' cuimhneachadh mo lochdan b.

10 Bha fearg air Pharaoh r'a sheirbhisich, agus chuir e mise 'n làimh ann an tigh cheannaird an fhreiceadain, *araon* mise, agus an t-àrd-fhuineadair.

11 Agus chunnaic sin aisling 'san aon oidhche, mis' agus esan: chunnaic *gach* fear *againn* aisling a réir eadar-mhìneachaidh aislinge.

12 Agus bha 'n sin maille ruinne òganach Eabhruidheach, seirbhis-each do cheannard an fhreiceadain; agus dh'innis sinn da, agus dh'eadar-mhìnich e dhuinn ar n-aislingean: do *gach* fear *againn* a' réir aislinge dh'eadar-mhìnich e.

13 Agus mar a dh'eadar-mhìnich e dhuinn, mar sin bha e: mise chuir e ris ann am àite, agus esan chroch e.

14 Agus chuir Pharaoh *teachdoire* uaith, agus ghairm e Ioseph, agus thug iad le cabhaig a mach as an t-slochd e: agus bhearr se e *fein*, agus mhùth e eudach, agus thàinig e steach a dh'ionnsuidh Pharaoh.

15 Agus thubhairt Pharaoh re Ioseph, Chunnaic mi aisling, agus cha 'n'eil neach ann a dh'eadar-mhìnich e: agus chuala mi air a ràdh mu d'fhìnechd 'nuair a chluinneas tu aisling, gur aithne dhuit a h-eadar-mhìneachadh.

16 Agus fhreagair Ioseph Pharaoh, ag ràdh, Cha 'n'eil e annamsa: bheir Dia freagradh sìth do Pharaoh.

17 Agus thubhairt Pharaoh re Ioseph, A'm' aisling, feuch, sheas mi air bruaich na h-aibhne:

18 Agus feuch, thàinig a nìos as an abhainn seachd bà, reamhar 'am feoil, agus sgiamhach ann an cruth; agus bha iad ag ionaltradh 'am min-fheur:

19 Agus feuch, thàinig seachd bà eile nìos 'nan déigh, bochd agus roghranda, agus caol 'am feoil: cha 'n fhaca mi 'n samhail *riamh* ann an uile thìr na h-Eiphit air olcas.

20 Agus dh'ith na bà caol' agus granda suas na ceud seachd bà reamlra.

21 Agus 'nuair a dh'ith iad suas iad, cha'n aithnichte *orra* gu'n d'ith siad iad; ach bha iad granda 'am faicinn mar 'an toiseach. 'An sin dhùisg mi.

22 Agus chunnaic mi a'm' aisling: agus feuch, thàinig a nìos seachd diasan air aon choinlin, làn agus math:

23 Agus feuch, dh'fhàs suas, 'nan déigh seachd diasan, air an crìonadh, caol agus seargta leis a' ghaoith 'n ear.

24 Agus shluig na diasa caola sìos na seachd diasa matha: agus dh'innis mi so do na druidhibh; ach cha robh neach ann a b'urradh a chùis fhoill-seachadh dhomh.

25 Agus thubhairt Ioseph re Pharaoh, Aisling Pharaoh, is aon i: an nì sin a ta Dia gus a dheanamh, dh'fhoillsich e do Pharaoh.

26 Na seachd bà matha, is seachd bliadhnan iad; agus na seachd diasa matha, is seachd bliadhnan iad: is aon an aisling.

27 Agus na seachd bà caol' agus grand' a thàinig a nìos 'nan déigh, is seachd bliadhnan iad; agus na seachd diasa fàs' seargta leis a' ghaoith 'n ear, bithidh 'iad 'nan seachd bliadhnan gortaidh.

28 So an nì a thubhairt mi re Pharaoh: An nì ta Diagus a dheanamh, nochd e do Pharaoh.

29 Feuch, *tha* seachd bliadhnan mòr phailteis a' teachd feadh thìr na h-Eiphit uile:

30 Agus éiridh seachd bliadhnan gortaidh suas 'nan déigh, agus dì-chuimhnichear am pailteas uile 'n tìr na h-Eiphit, agus claidhidh a' ghorta 'n tìr.

31 Agus cha'n aithnichear am pailteas anns an tìr air son na gortaidh a leanas: oir bithidh i ro-throm.

32 Agus a thaobh gu'n do dhùb-laicheadh an aisling do Pharaoh dà uair, *tha sin* a chionn gu bheil an nì air a shuidheachadh le Dia; agus bheir Dia ann an aithghearradh gu crìch e.

a air a chràdh.

b mo choire.

c falamh, caocha.

33 A nis uime sin amhairceadh Pharaoh a mach air son duine thuig-sich agus ghlic, agus cuireadh e os cionn tìr na h-Eiphit e.

34 Deanadh Pharaoh so, agus orduicheadh e luchd-riaghlaidh os cionn na tìre, agus togadh iad an cùigeadh cuid *do thoradh* tìr na h-Eiphit 'sna seachd bliadhnaibh pailteis.

35 Agus cruinnicheadh iad uile bhiadh nam bliadhna matha *sin* re teachd, agus taisgeadh iad suas arbhar fuidh làimh Pharaoh, agus gleidheadh iad biadb 'sna bailtibh.

36 Agus bithidh am biadh *sin* 'na thaisgeach do'n tìr, fa chomhair nan seachd bliadhna gortaidh a bhitheas ann an tìr na h-Eiphit; chum as nach d'théid as do'n tìr leis a' ghorta.

37 Agus bha chomhairle math a ann an sùilbhi Pharaoh, agus ann an sùilibh a sheirbhiseach uile.

38 Agus thubhairt Pharaoh r'a sheirbhisich, Am bheil e 'n comas duinn a leithid so do dhuine fhaotainn, anns *am bheil* spiorad Dhé?

39 Agus thubhairt Pharaoh re Ioseph, A thaobh gu'n d'fhoillsich Dia so uile dhuit, cha *n'eil* neach ann cho tuigseach agus cho ghlic riut féin.

40 Bithidh tu os cionn mo thighe-sa, agus a réir t'fhocail bithidh mo shluagh uile air an riaghladh: a mhàin 'san rìgh chathair bithidh mise ni's mò na thu.

41 Agus thubhairt Pharaoh re Ioseph, Faic, chuir mi thu os cionn uile thir na 'h-Eiphit.

42 Agus thug Pharaoh fhàinne bhàrr a làimh, agus chuir e air làimh Ioseph e; agus sgeadaich se e ann an trusgan do lion-eudach<sup>b</sup> grinn, agus chuir e slabhruidh m'a mhuineal.

43 Agus thug e air marcachd 'san dara carbad a *bh'aige* féin; agus ghlaodh iad roimhe, Lùbaibh an glùn c: agus rinn se e 'na *uachduran* air tìr na h-Eiphit uile.

44 Agus thubhairt Pharaoh re Ioseph, Is mise Pharaoh, agus as t'eugmhais-sa cha tog duine suas a làmh, no a chos, ann an tìr na h-Eiphit uile.

45 Agus thug Pharaoh Saphnat-paaneah mar ainm air Ioseph; agus thug e dha Asenat nighean Photipheraih, shagairt Oin, mar mhnaoi: agus chaidh Ioseph a mach air feadh *uile* thir na h-Eiphit.

46 Agus bha Ioseph deich bliadhna

fichead a dh'aois an uair a sheas e 'm fianuis Pharaoh, rìgh na h-Eiphit: agus chaidh Ioseph a mach o làthair Pharaoh, agus chaidh e troimh d thir na h-Eiphit uile.

47 Agus thug an talamh a mach anns na seachd bliadhnaibh pailteis 'na ghlacaidibh.

48 Agus chruinnich e r'a chéile uile bhiadh nan seachd bliadhna, a bha 'n tìr na h-Eiphit; agus thaisg e suas biadh 'sna bailtibh: biadh fearainn gach baile, a *bha* mu'n cuairt air, thaisg e suas ann.

49 Agus chuir Ioseph r'a chéile sìol mar ghaineamh na fairge, romhòran, gus an do sguir e d'a àir-eamh; oir *bha* e gun àireamh.

50 Agus do Ioseph rugadh dithis mhac mun d'thàinig bliadha-sa na gortaidh, a rug Asenat dha, nighean Photipheraih shagairt Oin.

51 Agus thug Ioseph Manaseh mar ainm air a' cheud-ghin; oir thug Dia orm, *ars' esan*, mo shaothair uile dh-chuimhneachadh, agus tigh m'athar uile.

52 Agus air an dara *mac* thug e Ephraim mar ainm; oir thug Dia orm, *ars' esan*, a bhi sìolmhor ann an tìr m'amhghair.

53 Agus chrìochnuicheadh seachd bliadhnan a' phailteis, a bha ann an tìr na h-Eiphit.

54 Agus thòisich seachd bliadhnan na gortaidh re teachd, mar a thubhairt Ioseph; agus bha ghorta anns na dùthchannaibh uile: ach ann an uile thir na h-Eiphit bha aran.

55 Agus an uair a bha tìr na h-Eiphit uile ann an uireasbhuidh, 'an sin ghlaodh an sluagh re Pharaoh air son arain: agus thubhairt Pharaoh ris na h-Eiphitich uile, Ruigibh Ioseph: *an nì sin* a their e ruibh, deanaibh.

56 Agus bha ghorta air aghaidh na talmhain uile: agus dh'fhosgail Ioseph na taisgeachan e uile, agus reic e ris na h-Eiphitich: agus bhuadhaich a' ghort' *f* ann an tìr na Eiphit.

57 Agus thàinig gach dùthaich do'n Eiphit a dh'ionnsuidh Ioseph a cheannach *bìdh*; oir bhuadhaich a' ghorta 'sgach dùthaich.

#### CAIB. XLII.

**A** NIS an uair a chunnaic Iacob gu'n robh sìol e 'san Eiphit, thubhairt e r'a mhic, C'ar son a ta sibh ag amharc air a chéile?

2 Agus thubhairt e, Feuch, chuala

d romh; trìd. Eir. e tighean-  
stèir. f dh'fhàs a ghorta geur.  
g gràn, arbhar.

a bha an nì math.

b anart.

c Athair-chaoimh.

mi gu bheil sìol 'san Eiphit: rach-aibh sìos 'an sin, agus ceannaichibh dhuinn as sin, chum as gu'm bi sinn beò, agus nach faigh sinn bàs.

3 Agus chaidh deichnear bhràithrean Ioseph sìos a cheannach sìl 'san Eiphit.

4 Ach cha do chuir Iacob Benjamin bràthair Ioseph maille r'a bhràithribh: oir thubhairt e, An t-eagal gu'n éirich ole dha?

5 Agus thàinig mic Israeil a cheannach sìl 'am measg na muinntir a thàinig: oir bha ghort ann an tìr Chanaain.

6 Agus bha Ioseph 'na nachdaran air an tìr: B'esan a bha a' reiceadh re sluagh na tìre uile. Agus thàinig bràithrean Ioseph, agus chrom siad iad féin sìos da, le 'n aghaidh gu làr.

7 Agus chunnaic Ioseph a bhràithrean, agus dh'aithnich e iad, ach rinn se e fein 'na choigreach dhoibh, agus labhair e gu coimheach riu; agus thubhairt e riu, Cia as a thàinig sibhse? Agus thubhairt iadsan ris, A tìr Chanaain a cheannach bidh.

8 Agus dh'aithnich Ioseph a bhràithrean, ach cha d'aithnich iadsan esan.

9 Agus chuimhnich Ioseph air na h-aislingean, a chunnaic e mu'n timcheall, agus thubhairt e riu, Is luchd-brathaidh sibh; a dh'fhaicinn lomnochdaidh na tìre thàinig sibh.

10 Agus thubhairt iad ris, Cha sinn, mo thighearna, ach is ann a thàinig do sheirbhisich a cheannach bidh:

11 Is mic aon duine sinne uile, is daoine firinneach sinn; cha luchd-brathaidh do sheirbhisich.

12 Agus thubhairt esan riu, Ni h-eadh, ach is ann a dh'fhaicinn lomnochdaidh na tìre thàinig sibh.

13 Agus thubhairt iad, Is dà bràthair dheug do sheirbhisich, mic aon duine ann an tìr Chanaain; agus feuch, *tha'm fear* a's òig' an diugh maille r'ar n-athair, agus *tha* h-aon nach maireann.

14 Agus thubhairt Ioseph rin, So an ni a thubhairt mi ribh, ag ràdh, Is luchd-brathaidh sibh.

15 Mar so dearbhar sibh; mar is beo Pharaoh, cha d'fhéid sibh a mach as so, mur d'fhig bhuir bràthair a's òige 'n so.

16 Cuiribh uaibh fear agaibh, agus thugadh e leis bhuir bràthair, agus gleidhear sibhs' am prìosan<sup>d</sup>, chum

as gu'n dearbhar bhuir bràthran, am *bheil no nach* 'eil firinn annaibh: no mar is beo Pharaoh, gu cinnteach is luchd-brathaidh sibh.

17 Agus chuir e 'm prìosan iad uile rè thrì lài.

18 Agus thubhairt Ioseph riu air an treas là, Deanaibh so, agus sibhithibh beo: *oir* tha eagal Dé ormsa.

19 Ma's daoine firinneach sibh, fàgar aon d'ar bràithribh ceangailte 'n tigh bhuir prìosa'n: agus imichibhsa, thugaibh leibh sìol air son gortaidh bhuir teaghlacha.

20 Ach thugaibh bhuir bràthair a's òig' a m' ionnsuidh; mar sin dearbhar bhuir bràthran e, agus cha 'n fhaigh sibh bàs. Agus rinn iad mar sin.

21 Agus thubhairt iad r'a chéile, *Tha* sinn gu deimhin ciontach a thaobh ar bràthar, do bhrìgh gu'm faca sinn cràdh anna, 'nuair a ghluidh e oirn, agus nach d'éisd sinn ris: uime sin thàinig an airc<sup>f</sup> so oirn.

22 Agus fhreagair Reuben iad, ag ràdh, Nach do labhar mise ribh, ag ràdh, Na peacaichibh 'an aghaidh an leinibh? agus cha d'éisd sibh: Uime sin feuch mar 'an ceudna tha fhuil air a h-iarraidh oirn.

23 Agus cha robh fhios aca-san gu'n robh Ioseph 'gan tuigsinn; oir *bha* eadar-theangair eatorra.

24 Agus thionndaidh se e féin uatha, agus ghluic e; agus phill e ris d'an ionnsuidh, agus labhair e riu, agus thug e Simeon uatha, agus cheangail se e fa chomhair an sùl.

25 'An sin dh'aithn Ioseph an saic a lionadh le sìol, agus airgid gach duine chur air ais 'na shac, agus biadh a thoirt doibh air son na slighe: agus is ann mar so a rinn e riu.

26 Agus thog iad an sìol air an asalaibh, agus dh'imich iad a sin.

27 Agus an uair a dh'fhosgail fear ac' a shac, a thoirt bidh d'a asal 'san tigh-òsda, chunnaic e airgid; oir feuch *bha* e 'm beul a shaic.

28 Agus thubhairt e r'a bhràithribh, Thugadh air ais m'airgid-sa; agus feuch, *tha* e eadhon a'm shac. Agus dh'fhàilingich an cridhe, agus b'ea eagal orra, ag ràdh gach fear r'a chéile, Ciod é so rinn Dia oirn?

29 Agus thàinig iad a chum Iacob an athar, do thìr Chanaain, agus dh'innis iad dha gach ni thachair dhoibh, ag ràdh.

30 Labhair an duine, ta 'na uachd-

<sup>a</sup> dosgaich, sgiorradh, tubaist.

<sup>b</sup> luchd-rannsachaidh.

<sup>c</sup> nach

'eil ann. <sup>d</sup> ceanglar sibhse. Eabh.

<sup>e</sup> firinnichear bhuir bràthra.

<sup>f</sup> cruaidh-chas.



aran air an tìr, ruinn gu coimheach, agus ghabh e sinn mar luchd-brathaidh air an dùthaich.

31 Agus thubhairt sinn ris, *Is daoine fìrinneach sinne*: cha luchd-brathaidh idir sinn:

32 Is dà bhràthair dheug sinn, mic ar n-athar; *tha aon mhac nach maireann*, agus *tha 'm mac a's òige 'n diugh maille r'ar n-athair ann an tìr Chanasin*.

33 Agus thubhairt an duine, uachd-aranna tire ruinn, Mar so aithnichidh mi gur daoine fìrinneach sibh; fàgaibh aon d'ar bràithribh maille riumsa, agus gabhaibh biadh air son gortaibh bhur teaghlaichean, agus bithibh ag imeachd:

34 Agus thugaibh bhur bràthair a's òige a m' ionnsuidh; 'an sin bithidh fios agam nach luchd-brathaidh sibh, *ach gur daoine fìrinneach sibh*: mar sin bbeir mise bhur bràthair dhuibh, agus ni sibh ceannachd 'san tìr.

35 Agus an nair a thaomaich iad an saic, feuch, *bha ceanglachan airgid gach duine 'na shac féin*, agus an uair a chunnaic iad féin agus an athair na ceanglachain airgid, bha eagal orra.

36 Agus thubhairt Iacòb an athair riu, Thug sibh uamsa *mo chlann*: Ioseph cha *mhàireann*, agus Simeon cha *mhàireann*, agus Benjamin bheir sibh *air falbh*: m'agaidh-sa tha na nithe sin uile.

37 Agus labhair Reuben r'a athair, ag ràdh, Cuir gu bàs mo dhithis mhac, mur d'thoir mi t'ionnsuidh e: thoir thairis do m' làimhs' e, agus bbeir mis' a t'ionnsuidh a ris e.

38 Agus thubhairt e, Cha d'théid mo mhac slos maille ribh; oir tha bhràthair marbh, agus dh'fhàgadh esan 'na aonar: ma thachras olc dha 'san t'slighe air an d'théid sibh, 'an sin bbeir sibh sìos m'fhalt liath le bròn d'on uaigh.

CAIB. XLIII.

**A**GUS *bha ghorta ro-mhòr 'san tìr*.

2 Agus an uair a dh'ith iad suas an sìol a thug iad as an Eiphit, thubhairt an athair riu, Rachaidh a ris, ceannaichibh dhuinn beagan bidh.

3 Agus labhair Iudah ris, ag ràdh, Thug an duine dearbh-chinntè dhuinn, ag ràdh, Cha'n fhaic sibh mo ghnùis-sa, mur bi bhur bràthair maille ribh.

4 Ma chuireas tu ar bràthair maille ruinn, théid sinn sìos agus agus ceannaichidh sinn biadh dhuit;

5 Ach mur cuir thu leinn e, cha d' théid sinn sìos: oir thubhairt an

duine rinn, Cha'n fhaic sibh mo ghnùis, mur bi bhur bràthair maille ribh.

6 Agus thubhairt Israel, C'ar son a bhuin sibh *cho olc rium*, agus gu'n d'innis sibh do'n duine gu'n robh bràthair tuilleadh agaibh?

7 Agus thubhairt iad, Dh'fhiosraich an duine dhinn gu teann m'ar timchioll féin, agus mu thimchioll ar càirdean, ag ràdh, Am bheil bhur n-athair fathast beò? am bheil bràthair eile agaibh? Agus dh'innis sinne dha a réir bri' nam briathra sin: Am b'urradh sinne fios a bhi againn gu cinnteach gu'n abradh e, Thugaibh bhur bràthair a nuas?

8 Agus thubhairt Iudah re h-Israel athair, Cuir an t-òganach maille riumsa, agus éiridh sinn, agus imichidh sinn, a chum as gu'm bi sinn beò agus nach faigh sinn bàs, araon sinne, agus thu féin, agus mar an ceudna ar clann bheag.

9 Bithidh mis' a'm' urras air a shon; o m' làimh-sa iarraidh tu e: mur d'thoir mis' a t'ionnsuidh, agus mur cuir mi a'd' làthair e, 'an sin biodh a' choire gu bràth orm<sup>a</sup>.

10 Oir mur bitheamaid air deanamh moille, gu cinnteach bha sinn a nis air pilltinn air ar n-ais an dara uair so.

11 Agus thubhairt Israel an athair riu, *Ma dh'fheumas a' chàis a bhi mar sin a nis*, deanaibh so; gabhaibh do'n toradh<sup>b</sup> a's fearr 'san tìr 'nar soithichibh<sup>c</sup>, agus thugaibh sìos tiodhlac do'n duine; beagan iocshlaint, agus beagan meala, spiorsaidh, agus mirr, cnothan<sup>d</sup>, agus almoine:

12 Agus thugaibh leibh airgid dubailte<sup>e</sup> 'nar làimh, agus an t-airgid a thugadh air ais 'am beulbhur sac, thugaibh air ais e 'nar làimh; theagamh gur mearachd a bh'ann.

13 Gabhaibh mar an ceudna bhur bràthair; agus éiribh, rachaibh a ris a dh'ionnsuidh an duise.

14 Agus gu'n d'thugadh Dia uile-chumbachdach trocair dhuibh 'an làthair an duine, chum as gu'n leig e air falbh leibh bhur bràthair eile, agus Benjamin: ach ma chaill mise *mo chlann*, chaill mi iad.

15 Agus ghabh na daoine an tiodhlac sin, agus thug iad leo airgid dubailte 'nan làimh, agus Benjamin; agus dh'éirich iad, agus chaidh iad sìos do'n Eiphit, agus sheas iad 'an làthair Ioseph.

<sup>a</sup> bitheamsa fuidh 'n ehoir-ionchar gu bràth. <sup>b</sup> do'n mheas. <sup>c</sup> soirrichibh. <sup>d</sup> cnuthan. <sup>e</sup> dà-fhillte.



16 Agus an uair a chunnaic Ioseph Benjamin maille riu, thubhairt e re fear-riaghlaidh a thighe, Thoir na daoine *sin* dachaidh, agus marbh, agus deasaich; oir maille riumsa ithidh na daoine *sin* air mheadhon-là.

17 Agus rinn an duine mar a dh'iarr Ioseph; agus thug e na daoine do thigh Ioseph.

18 Agus bha eagal air na daoine, chionn gu'n d'thugadh iad do thigh Ioseph, agus thubhairt iad, 'S ann air son an airgid, a chuireadh air ais 'nar sacaibh a' cheud uair a thugadh a stigh sinn; chu'm gu faigh e cion-fath 'nar n-aghaidh, agus gu'n tuit e oirn<sup>a</sup>, agus gu'n gabh e sinn mar thràillean<sup>b</sup>, agus ar n-asail.

19 Agus thàinig iad am fagus do fhear-riaghlaidh tìghe Ioseph, agus labhair iad ris aig dorus an tìghe.

20 Agus thubhairt iad, O mo thighearna, thàinig sinn da rìreadh a nas 'an toiseach a cheannach bidh.

21 Agus an uair a thàinig sinn do'n tigh-dsda, agus a dh'fhosgail sinn ar saic, feuch, *bha* airgid gach fir am beul a shaic, ar n-airgid 'na làn chothrom: agus thug sinn air ais leinn e 'nar làimh.

22 Agus airgid eile thug sinn a nas leinn 'nar làimh a cheannach bidhe: cha 'n'eil fhios againn cò chuir ar n-airgid 'nar sacaibh.

23 Agus thubhairt e, Sith *gu robh* dhuibh, na biodh eagal oirbh: thug bhur Dia féin, agus Dia bhur n-athar ionmhas duibh 'nar sacaibh: fhuair mise bhur n-airgid. Agus thug e Simeon a mach d'an ionnsuidh.

24 Agus thug an duine na daoine steach do thigh Ioseph, agus thug e uisge *dhoibh*, agus nigh iad an cosac, agus thug e biadh d'an asal-aibh.

25 Agus dh'ulluich iad an tiodhlac 'an coinneamh do Ioseph teachd aig meadhon-là; oir chual' iad gu'n robh iad gu aran itheadh 'an sin.

26 Agus an uair a thàinig Ioseph dhachaidh<sup>d</sup>, thug iad d'a ionnsuidh an tiodhlac, a bha 'nan làimh, do'n tigh; agus chrom siad iad féin dha ga làr.

27 Agus dh'fhedraich e 'n robh iad gu math, agus thubhairt e, Am bheil bhur n-athair, an seann duine mu'n do labhair sibh, gu math? Am bheil e fathast beo?

28 Agus thubhairt iadsan, *Tha* do

sheirbhiseach ar n-athair-ne gu math; *tha* e fathast beo: agus chrom siad iad féin sìos, agus rinn iad ùmhlachd.

29 Agus thog e suas a siùilean, agus chunnaic e Benjamin d'bhraith-air, mac a mhàthar, agus thubhairt e, An e so blur bràthair a's òige, mu'n do labhair sibh rium? Agus thubhairt e, Gu'n robh Dia gràsmhor dhuit, a mhic.

30 Agus rinn Ioseph cablag, oir bhachridhe a' tiomachadh r'abhraith-air; agus dh'iarr e *ait'* anns an guileadh e: agus chaidh e steach d'a sheòmar, agus ghui e 'n sin.

31 Agus nigh e eudan, agus chaidh e mach, agus chum e air féin, agus thubhairt e, Cuiribh sìos aran.

32 Agus chuir iad sìos dhasan leis féin, agus dhoibhsan leo féin, agus do na h-Eiphitich, a dh'ith maille ris, leo féin; a chionn nach feudadh na h-Eiphitich aran itheadh maille ris na h-Eabhruidhich; oir is gràin-eileachd sin do na h-Eiphitich.

33 Agus shuidh iad sìos 'na làth-air, an ceud-ghin a réir a chòir-breithe, agus am fear a b'òige a réir òige: agus ghabh na daoine iongantais *gach* fear r'a chàile.

34 Agus gabh esan agus chuir e cuibhrionna o làthair féin d'an ionnsuidh: ach rinn e cuibhrionn Bheniamin cùig uaire ni bu mhò na cuid a h-aonaca-san. Agus dh'òl iad, agus bha iad subhach<sup>f</sup> maille ris.

## CAIB. XLIV.

**A** GUS dh'aitin e do fhear-riaghlaidh a thighe, ag ràdh, Lion saic nan daoine le sìol, 'a mheadh 's is urradh iad a ghiùlan, agus cuir airgid *gach* duine 'am beul a shaic.

2 Agus cuir mo chupans<sup>g</sup>, an cupan airgid, 'am beul saic an fhir a's òige, agus airgid a sbil: agus rinn e réir an fhocail a labhair Ioseph.

3 Co luath 's a bha mhadainn soilleir, chuireadh na daoine<sup>h</sup> air falbh, iad féin agus an asail.

4 Agus an uair a chaidh iad a mach as a' bhaile, agus gun iad fathast iad<sup>i</sup> o làimh, thubhairt Ioseph re fear-riaghlaidh a thighe, Eirich, lean na daoine; agus an uair a bheireas tu orra, abair riu, C'ar son a dhiol sibh olc 'an éiric maith<sup>h</sup>?

5 Nach e so an cupan as am bheil mo thighearn ag òl? agus leis am bheil e da rìreadh a' deanamh fiosachd? is olc a fhuara sibh so a dheanamh.

<sup>a</sup> gu'n leum, buail e oirn.

<sup>b</sup> mar dhaoine daor.

<sup>d</sup> dhathigh.

<sup>c</sup> casan.

<sup>e</sup> a cheirt-beirthe. Eir.

<sup>f</sup> criodhail.

<sup>h</sup> olc air son maith.

<sup>g</sup> stiùbhard.

# G E N E S I S.

6 Agus rug e orra, agus labhair e riu na briathra ceudna.

7 Agus thubhairt iad ris, C'ar son a labhras mo thighearna na briathra so? nar leigeadh D'a gu'n deanadh do sheirbhisich a réir an nì so.

8 Feuch, an t-airgiod a fhuair sinn 'am beul ar sac, thug sinn a ris a t'ionnsuidh a tìr Chanaain; cionnas uime sin a ghoideamaid airgiod no òr a tigh do thighearna?

9 Cia b'e air bith do d'sheirbhisich aig am faighear e, cuirear gu bàs esan, agus bithidh sinne mar an ceudna 'nar tràillean aig mo thighearna.

10 Agus thubhairt e, A nis ma ta *bitheadh* e réir bhur briathra: bithidh esan aig am faighear e 'na seirbhis-each agamsa; agus bithidh sibhse meo-choireach.

11 'An sin thug iad a nuas gu grad *gach* duine a shac féin gu lár, agus dh'fhosgail *gach* duine a shac.

12 Agus rannsaich esan, agus thòisich a e aig an fhear bu shine, agus sguir e aig an fhear a b'òige: agus fhuaradh an cupan ann an sac Bheniamin.

13 'An sin reub iad an eudach, agus chuir *gach* duine a shac air asail, agus phill iad do'n bhaile.

14 Agus thàinig Iudah, agus a bhràithre do thigh Ioseph (oir *bha* e fathast 'an sin) agus thuit iad sìos 'na fhianuis air an lár.

15 Agus thubhairt Ioseph riu Ciod é 'n gnìomh so a rinn sibh? nach robh fhios agaibh gur aithne do m' leithidse do dhuine da rìreadh fios-achd a dheanamaid?

16 Agus thubhairt Iudah, Ciod a their sinn re m' thighearna? cionnas a labhras sinn? no cionnas a ghlanas sinn sin féin? fhuair Dia a mach aingidheachd do sheirbhiseach: feuch, *tha* sinne 'nar seirbhisich do m' thighearna, faraon sinne, agus esan mar an ceudna aig b an d'fhuaradh an cupan.

17 Agus thubhairt e, Nar leigeadh Dia gu'n deanainnse so: ach an duire aig an d'fhuaradh an cupan, bithidh esan 'na sheirbhiseach agamsa; agus d'ar taobhsa rachaibh suas 'an sìth a dh'ionnsuidh bhur n-athar.

18 'An sin thàinig Iudah am fagus da, agus thubhairt e, Och mo thighearna, leig le d' sheirbhiseach, guidheam ort, focal a labhairt ann an clasaibh mo thighearna, agus na lasadh t'fhearg 'an aghaidh do sheirbhisich: oir is amhuil thusa agus Pharaoh.

19 Dh'fheòraich mo thighearna d'a sheirbhisich, ag ràdh, Am bheil athair agaibh, no bràthair?

20 Agus thubhairt sinn re 'm thighearna, Tha athair againn, seann duine, agus leanabh a shean aois, maothran: agus tha bhràthair marbh, agus dh'fhàgadh esan 'na aonar do *chloinn* a mhàthar, agus tha gràdh aig athair air.

21 Agus thubhairt thu re d' sheirbhisich, Thugaibh a nuas e do m' ionnsuidhs, a chum as gu'n socruidh mi mo shùilean air.

22 Agus thubhairt sinne re m' thighearna, Cha'n fheud an leanabh athair fhàgail: oir nam fàgadh e athair, gheibheadh *athair* bàs.

23 Agus thubhairt thusa re d' sheirbhisich, Mur d'thig bhur bràthair a's òige 'nuas maille ribh, cha'n fhaic sibh m'aghaidhsa nì's mo.

24 Agus an uair a chaidh sinne suas a dh'ionnsuidh do sheirbhisich m'athar, dh'innis sinn da focail mo thighearna.

25 Agus thubhairt ar n-athair, Rachaibh a ris, ceannaichibh dhuinn beagan bidh.

26 Agus thubhairt sinne, Cha'n fheud sinn dol sìos: ma bhios ar bràthair as òige maille ruinn, 'an sin thèid sinn sìos; oir cha'n fheud sinn aghaidh an duine fhaicinn, mar b' ar bràthair a's òige maille ruinn.

27 Agus thubhairt do sheirbhisich m'athair ruinn, Tha fhios agaibh gu'n do rug mo bhean dithis *mhaic* dhomh.

28 Agus chaidh aon *diubh* a mach uam, agus thubhairt mi, Gu cinnteach reubadh 'na bhloighdibh e; agus cha'n fhaca mi o sin e.

29 Agus ma bheir sibh *am mac* so uam, mar an ceudna, agus gu'n d'thig tubaist air, bheir sibh sìos m'fhalt liath le bròn do'n uagha.

30 A nis uime sin, an uair a thig mis' a dh'ionnsuidh do sheirbhisich m'athair, gun an leanabh maille ruinn; (do bhrì' gu bheil anam-sa ceangailt ann an anam an leinibh);

31 Tarlaidh, 'nuair a chi e nach 'eil an leanabh *maille rium*, gu'm faigh e bàs: agus bheir do sheirbhiseach sìos falt liath do sheirbhisich ar n-athar le bròn do'n uagha.

32 O'r chaidh do sheirbhiseach 'an urras air son an leinibh do m'athair, ag ràdh, Mur d'thoir mi a' t' ionnsuidh e, 'an sin bithidh mi fuid' choire aig m'athair gu bràth.

33 A nis uime sin guidheam ort, leig le d' sheirbhiseach fantuinn 'an àit 'an leinibh, a'm thràill do m' thighearna; agus leig leis an

leanabh dol suas mail'e r'a bhràithribh.

34 Oir cionnas a théid mise suas a dh'ionnsuidh m'athar, agus gun an leanabh maille rium? an t-eagal gu faic mi 'n t'ole a thig air m'athair.

## CAIB. XLV.

**A**GUS cha b'urraim Joseph cumail air féin 'nan láthair-san uile a sheas lámh ris; agus ghlaodh e. Cuiribh gach duine mach uam: agus cha do sheas duine sam bith maille ris, an uair a rinn Joseph e féin aithnichte d'a bhràithribh.

2 Agus ghuil e gu h-àrd; agus chuala na h-Eiphitich, agus tigh Pharaoh e.

3 Agus thubhairt Joseph r'a bhràithribh, *Is* mise Joseph; am bheil m'athair fathast beo? agus cha b'urraim a bhràithrean a fhreagairt; oir bha eagal orra roimh a làthair-san.

4 Agus thubhairt Joseph r'a bhràithribh, Thigibh am fagus domh, guidheam oirbh; agus thàinig iad am fagus: Agus thubhairt esan, *Is* mise Joseph bhur bràthar, a reic sibhse do'n Eiphit.

5 Agus a nis na biodh doilgheas oirbh, no corruich agaibh ribh féin, a chionn gu'n do reic sibh mise 'n so a; oir chuir Dia romhaibh mi gu sibhs' a ghlaidheadh beo:

6 Oir rè an dà bhliadhna-sa bha ghorta 'san tìr, agus tha fathast cùig bliadhna *re teachd*, anns nach bi aon chuid treabhadh no foghar.

7 Agus chuir Dia mise rombaibh, a ghlaidheadh dhuibhse iarmaid air thalamh, agus a thearnadh bhur beatha le suasgladh mòr.

8 A nis uime sin, cha sibhs' a chuir mis' 'an so, ach Dia; agus rinn e mi a'm' athair do Pharaoh, agus a'm' thighearna es cionn a thighe uile, agus a'm uachdaran ann an tìr na h-Eiphit nìle.

9 Deanaibh cabhag, agus rach-aibh suas a chum m'athar, agus abraibh ris, Mar so thubhairt do mhac Joseph, Rinn Dia mis' a'm' uachdaran air an Eiphit uile; thig a nuas a'm' ionnsuidh, na dean moille:

10 Agus gabhaidh tu còmhnuidh 'am fearann Ghosein, agus bithidh tu'm fagus dhomhsa, thu féin, agus do chlan, agus clann do chloinne, agus do threudan, agus do bhuarb, agus gach ni a ta agad.

11 Agus beathaichidh mise thu 'n sin (oir fathast *bithidh* cùig bliadhna gorta ann) an t-eagal gu'n d'thig thu féin, agus do theaghlach, agus gach ni a ta agad, gu bochdainn.

12 Agus feuch, tha bhur sùilean a' faicinn, agus sùilean mo bhràthar Bheniamin, gu't e mò bheul féin a tha labhairt ribh.

13 Agus innsidh sibh do m'athair mo ghloir-sa uile 'san Eiphit, agus gach ni a chunnaic sibh; agus ni sibh cabhag, agus bheir sibh a nuas m'athair 'an so.

14 Agus thuit e air muineal e a bhràthar Beniamin, agus ghuil e; agus ghuil Beniamin air a mhuinealsan.

15 Phòg e mar an ceudna a bhràithrean uile, agus ghuil e es an ceann: agus 'na dhéigh sin rinn a bhràithrean cainnt ris.

16 Agus chuaidh iomradh so ann an tigh Pharaoh, ag ràdh, Tha bràithrean Joseph air teachd: agus thaitinn e gu math re Pharaoh, agus r'a sheirbhisich.

17 Agus thubhairt Pharaoh re Joseph, Abair re d'bhàithribh, Deanaibh so, sacaibh bhur n-ainmhidhean agus imichibh, rachaidh do thir Chanaain.

18 Agus thugaibh leibh bhur n-athair, agus bhur teaghlach, agus thigibh a m' ionnsuidhs', agus bheir mise dhuibh math tìre na h-Eiphit; ithidh sibh reamhrachd na tìre.

19 A nis thugadh àithne dhuit; deanaidhse mar so: thugaibh leibh a tìr na h-Eiphit carbadan air son bhur cloinne bige, agus bhur ban, agus thugaibh bhur n-athair leibh, agus thigibh.

20 Agus na biodh suim agaibh d'ar n-airneis-tighe; oir is leibhsa math tìre na h-Eiphit uile.

21 Agus rinn clann Israeil mar sin: agus thug Joseph dhoibh carbadan a rèir ordugh Pharaoh; agus thug e dhoibh lòn d'air son na slighe.

22 Thug e dhoibh uile do gach aon diubh fa leth culaidhean eudaiche; ach do Bheniamin thug e trì cheud *bonn* airgid, agus cùig culaidhean eudaich.

23 Agus chuir e dh'ionnsuidh athar mar so: deich asail a' giùlan do nithibh matha na h-Eiphit, agus deich asail bhaininn a' giùlan sil, agus arain, agus loin d'an athair air son na slighe.

24 Mar sin chuir e bhràithrean air falbh, agus dh'imich iad: agus thubhairt e riu, Fencbaibh nach cuir sibh a mach air a' chéile air an t-slighe.

*c leum e mu mhuineal. d biadh. e atharrachadh culaidh. Eabb.*

a do'n dùthaich so. b chrodh.

25 Agus chaidh iad suas as an Eiphit, agus thàinig iad gu tìr Chan-  
aain a dh'ionnsuidh Iacoib an athar.

26 Agus dh'innis iad da, ag ràdh, *Tha* Ioseph fathast beo, agus *tha* e na uachdaran air tìr na h-Eiphit uile. Agus dh'fhannaich a cridhe Iacoib, oir chadò chreid e iad.

27 Agus dh'innis iad da uile bhriathran Ioseph, a labhair e riu: Agus an uair a chunnaic e na carb-  
adan a chuir Ioseph g'a ghiùlan, dh'a'h-bheothaich spiorad Iacoib an athar.

28 Agus thubhairt Israel, *Is* leòr e; *tha* Ioseph mo mhac fathast beo: thèid mi agus chi mi e mum faigh mi bàs.

CAIB. XLVI.

**A**GUS dh'imich Israel maille ris gach ni a bh'aige, agus thàinig e gu Bèer-seba, agus thug e suas iobairtean do Dhia athar Isaac.

2 Agus labhair Dia re h-Israel ann an taisbeanaihbh na h-oidhche, agus thubhairt e, A Iacoib, a Iacoib: Agus thubhairt esan, *Tha* mi 'n so.

3 Agus thubhairt e, *Is* mise Dia, Dia t'-athar: na biodh eagal ort dol sìos do'n Eiphit; oir 'n mis' a'd' chinneach mòr thu 'an sin.

4 Thèid mise maille riut sìos do'n Eiphit; agus bheir mi mar an ceudna gu cinnteach a nìos thu ris: agus cuiridh Ioseph a làmh air do shùilbh.

5 Agus dh'éirich Iacob suas o Bheer-seba; agus thug mic Israeil leo Iacob an athair, agus an clann bheag, agus am mnai, anns na carb-  
adaibh a chuir Pharaoh g'a ghiùlan.

6 Agus ghabh iad an spréidh, agus am macin, a fhuair iad ann an tìr Chanaain, agus thàinig iad do'n Eiphit, Iacob, agus a shliochd uile maille ris;

7 A mhic, agus mic a mhac maille ris, a nigheana, agus nigheanan a mhac, agus a shliochd uile thug e maille ris do'n Eiphit.

8 Agus *is* iad so ainmeanna chloinn Israel, a thàinig do'n Eiphit, Iacob agus a mhic: Reuben, ceud-  
ghlin Iacob.

9 Agus mic Reuben; Hanoch, agus Phallu, agus Hesron, agus Carmi.

10 Agus mic Shimeoin; Iemuel, agus Iamin, agus Ohad, agus Iachin, agus Sohar, agus Saul mac Ban-  
chanaanaich.

11 Agus mic Lebhi; Gerson, Cohat, agus Merari.

12 Agus mic Iudaib; Er, agus

Onan, agus Selah, agus Phareds, agus Serah: ach fhuair Er agus Onan bàs ann an tìr Chanaain. Agus b'iad mic Phareds, Hesron, agus Hamul.

13 Agus mic Isachair; Tola, agus Phubhab, agus Iob, agus Simron.

14 Agus mic Shebuluin; Sered, agus Elon, agus Iahleel.

15 *Is* iad sin mic Leaib, a rug i do Iacob 'am Padan-aram, maille r'a nighinn Dinah: *b'iad* uile anman a mhac agus a nigheana tri-deug 'ar fhichead.

16 Agus mic Ghaid; Siphion, agus Hagai, Suni, agus Esbon, Heri agus Arodi, agus Arelì.

17 Agus mic Aseir; Imnah, agus Isuah, agus Isui, agus Beriah, agus Serah am piuthar. Agus mic Bher-  
iaih; Heber, agus Malchiel.

18 *Is* iad sin mic Shilpaih, a thug Laban d'a nighinn Lech; agus rug i iad sin do Iacob, *eadhon* sè anmanna deug.

19 Mic Racheil mnà Iacoib; Ioseph, agus Benjamin.

20 Agus rugadh do Ioseph ann an tìr na h-Eiphit, Manaseh agus Ephraim, a rug Asenat nighean Photipheraih sagairt Oin dha.

21 Agus *b'iad* mic Bheniamin; Belah, agus Becher, agus Asbel, Gera, agus Naaman, Eli agus Ros, Mupim, agus Hupim, agus Ard.

22 *Is* iad sin mic Racheil, a rugadh do Iacob: na h-anman uile, ceithir-deug.

23 Agus mic Dhain; Husim.

24 Agus mic Naphtali; Iahseel, agus Guni, agus Iodser, agus Sillem.

25 *Is* iad sin mic Bhilpaih, a thug Laban d'a nighinn Rachel, a rug i do Iacob: na h-anman uile, seachdnar.

26 Na h-anman uile a thàinig le Iacob do'n Eiphit, a thàinig a mach as a leasruidh, a thuilleadh air mnaibh mhac Iacoib: *b'iad* na h-anmanna so uile trì fichead 's a sè.

27 Agus mic Ioseph a rugadh dha 'san Eiphit, *bu* dhà anam iad: uile anmanna thighe Iacoib, a thàinig do'n Eiphit, *bu* trì fichead 's a deich iad.

28 Agus chuir e Iudah roimhe gu Ioseph, chum as gu'n d'fhugadh e fios dha *teachd* 'na làthair ann an Gosen; agus thàinig iad gu fearann Ghosein.

29 Agus bheartaich Ioseph a charbad, agus chaidh e suas 'an coinneamh Israeil athar gu Gosen; agus nochd se e féin da, agus thuit

a lagadh, lagaich.

b sealluibh, aisingibh.

c chum gu'n seòladh e air, aghaidh e gu Gosen.



e air a mhuineal, agus ghuil e air a mhuineal rè tamuill.

30 Agus thubhairt Israel re Ioseph, 'Faigheams' a nis bàs, o chunnaic mi do ghabais, do bhrìgh gu bheil thu fathast beo.

31 Agus thubhairt Ioseph r'a bhràithribh, agus re teaghlach athar, Théid mise suas, agus cuiridh mi 'n céill do Pharaoh, agus their mi ris, Tha mo bhràithrean, agus teaghlach m' athar, a bha ann an tìr Chanaain, air teachd a'm' ionnsuidh:

32 Agus is buachaillean a na daoine, oir bu luchd-spréidhe b' iad; agus thug iad leo an treudan, agus am feudail e agus gach ni bh' aca.

33 Agus tarlaidh 'nuair a ghairmeas Pharaoh oirbh, agus a their e, Ciod is ceird duibh?

34 Gu'n abair sibhse, Bu luchd-spréidhe do sheirbhisich o'r n'òige eadhon gus a nis, sinn féin agus mar an ceudna ar n-aithreacha; chum as gu'n gabh sibh còmhnuidh ann am fearann Ghosein, oir 's gràineileachd do na h-Eiphitich gach buachaille spréidhe.

## CAIB. XLVII.

'AN sin thàinig Ioseph agus dh'innis e do Pharaoh, agus thubhairt e, Thàinig m'athair agus mo bhràithrean, agus an treudhan, agus am feudail, agus gach ni a bh' aca, a mach a tìr Chanaain; agus feuch, tha iad ann am fearann Ghosein.

2 Agus ghabh e cùignear d'a bhràithribh, agus chuir e 'n lathair Pharaoh iad.

3 Agus thubhairt Pharaoh r'a bhràithribh, Ciod is ceird duibh? Agus thubhairt iadsan re Pharaoh, Is buachaillean do sheirbhisich, sinn féin agus ar n-aithreacha.

4 Thubhairt iad mar an ceudna re Pharaoh 'S ann gu bhì air chuairt anns an tìr a thàinig sinn; oir cha 'n'eil fear aig do sheirbhisich d'an spréidh, do bhrìgh gu bheil a' ghorta mòr ann an tìr Chanaain: a nis uime sin, guidheamaid ort leig le d'sheirbhisich còmhnuidh ghabhail 'am fearann Ghosein.

5 Agus labhair Pharaoh re Ioseph, ag ràdh, Thàinig t'athair agus do bhràithrean a't' ionnsuidh:

6 Tha tìr na h-Eiphit romhad; anns a' chuid a's fearr do'n fhearann thoir air t'athair agus do bhràithribh còmhnuidh a ghabhail; gabhadh iad còmhnuidh 'am fearann Ghosein agus ma's aithne dhuit gubheil 'nam

measg daoine comasach d, ni thu iad 'nan ard-bhuachaillibh air mo spréidh-sa.

7 Agus thug Ioseph Iacob athair a stigh, agus chuir e 'n lathair Pharaoh e: agus bheannaich Iacob Pharaoh.

8 Agus thubhairt Pharaoh re Iacob, Ciod is aois dhuit?

9 Agus thubhairt Iacob re Pharaoh, 'S iad lài bliadhna mo chuairte e ceud agus deich bliadhna fichead: bu tearc agus olc lài bliadhna mo bheatha, agus cha d'ràinig iad lài bliadhna beatha m' aithreacha ann an laithibh an cuairte-san.

10 Agus bheannaich Iacob Pharaoh, agus chaidh e mach as lathair Pharaoh.

11 Agus shuidhich Ioseph athair, agus a bhràithrean, agus thug e dhoibh sealbh ann an tìr na h-Eiphit, anns a' chuid a's fearr do'n fhearann, ann am fearann Rameseis, mar a dh'aitin Pharaoh.

12 Agus bheathaich Ioseph athair, agus a bhràithrean, agus uile theaghlach athar le h-aran, a réir an cloinne.

13 Agus cha robh aran anns an tìr uile; oir bha ghorta ro mhòr, air choras gu'n robh talamh na h-Eiphit, agus tìr Chanaain uile fann f leis a' ghorta.

14 Agus chrùinnich Ioseph an t-airgid uile a fhuaradh ann an tìr na h-Eiphit, agus ann an tìr Chanaain, air son a' bhidh a cheannaich iad: agus thug Ioseph an t-airgid do thigh Pharaoh.

15 Agus an uair a theirig airgid ann an tìr na h-Eiphit, agus ann an tìr Chanaain, thàinig na h-Eiphitich uile gu Ioseph, ag ràdh, Thoir dhuinn aran; c'ar son a' gheibheamaid bàs a'd' lathair? oir theirig ar n' airgid.

16 Agus thubhairt Ioseph, Thugaibh seachad bhuir spréidh, agus bheir mise dhuibh air son bhuir spréidhe, ma theirig airgid dhuibh.

17 Agus thug iad an spréidhe gu Ioseph: agus thug Ioseph dhoibh aran air son each, agus air son nan caorach, agus air son a' chruidh, agus air son nan asal; agus bheathaich e iad le h-aran, air son an spréidhe uile, air a bhliadhna sin.

18 'Nuair a chrìochnaicheadh a' bhliadhna sin, thàinig iad d'a ionnsuidh air an dara bliadhna, agus thubhairt iad ris, Cha cheil sinne

a aodhairean.

b àirich.

d tapaidh.

e m'eiltire.

c am buar, an tàin.

f lag, anfhann.



air mo thighearna gu'n do chaith-eadh ar n-airgiod; tha mar an ceudna ar treudan spréidh aig mo thighearna: cha d'fhágadh ann an sealladh mo thighearna ach ar cuirp agus ar fearann.

19 C'ar son a gheibh sinn bas fa chomhair do shùl, araon sinne agus ar fearann? Ceannaich sinne agus ar fearann air son arain, agus bithidh sinne agus ar fearann 'nar seirbhiseach do Pharaoh: agus thoir *dhuinn* siol, chum as gu'm bi sinn beo, agus nach faigh sinn bàs, agus nach bi am fearann 'na fhàsach.

20 Agus cheannaich Ioseph fearann na h-Eiphit uile do Pharaoh; oir reic na h-Eiphitich gach duine fhearann féin, a chionn gu'n do bhuaidh a' ghorta orra: mar sin bu le Pharaoh an talamh.

21 Agus a thaobh an t-sluaigh, chuir e imrich iad do bhailtibh o aon cheann chriocha na h-Eiphit, eadhon gu nuig an ceann *eile* dhith:

22 A mhàin fearann nan sagart cha do cheannaich e; oir *dh'orduicheadh* cuibhrionn do na sagartaibh le Pharaoh, agus dh'ith iad an cuibhrionn a thug Pharaoh dhoibh; uime sin cha do reic iad am fearann.

23 Agus thubhairt Ioseph ris an t-sluaigh, Feuch, cheannaich mi sibh an diugh, agus bhuir fearann do Pharaoh: feuch, so siol duibh, agus cuiribh am fearann.

24 Agus tarlaidh *b*, do nachinneas gu'n d'thoir sibh an cùigeadh *cuid* do Pharaoh, agus bithidh agaibh féin ceithir earrannan *c*, air son sìl an fhearainn, agus air son bhuir bidh, agus air son muinntir bhuir teaghlacha, agus air son bidh d'ar cloinn bhig.

25 Agus thubhairt iadsan, Gbleidh thu beo sinn: faigheamaid deagh-ghean ann an sealladh mo thighearna, agus bithidh sinn 'nar seirbhiseach do Pharaoh.

26 Agus rinn Ioseph sin 'na lagh agus an là 'n diugh air feadh fhearainn na h-Eiphit, gu'm bithheadh aig Pharaoh an cùigeadh *cuid*: saor a mhàin o fhearann nan sagart, nach bu le Pharaoh.

27 Agus ghabh Israel comhnuidh ann an tìr na h-Eiphit, ann an talamh Ghosein; agus bha seilbh aca ann, agus shìolaich iad, agus dh'fhàs iad ro lionmhor.

28 Agus bha Iacoib beo ann an tìr na h-Eiphit seachd bliadhna deug:

agus b'iad bliadhnacha beatha Iacoib uile, ceud agus dà fhichead agus seachd bliadhna.

29 Agus dh'lùthaich an t-àm anns am b'èiginn do Israel bàs fhaghail: agus ghairm e air a mhac Ioseph, agus thubhairt e ris, Ma thuair mi nis deagh-ghean a' d' shealladh, cuir, guidheam ort, do làmh fuidh m'leis d, agus buin gu caoimhneil agus gu fìrinneach rium; na h-adhlaic mi, guidheam ort, 'san Eiphit.

30 Ach luidhidh mi maille re m'-aithreachaibh: agus giùlainaidh tu mi mach as 'an Eiphit, agus adhlaicidh tu mi 'nan àit'adhlaic-san. Agus thubhairt esan, Ni mi mar a thubhairt thu.

31 Agus thubhairt e, Mionnaich dhomh: agus mhionnaich e dha. Agus chrom Israel e féin air ceann-adhairt na leapach.

CAIB. XLVIII.

**A** GUS 'an dèigh nan nithe sin, dh'innis *neach* do Ioseph, Feuch, tha t'athair tinn: agus thug e leis a dhà mhac, Manaseh agus Ephraim.

2 Agus dh'innis *neach* do Iacob, agus thubhairt e, Feuch, tha do mhac Ioseph a' teachd a' t' ionnsuidh: agus ncartaich Israel e féin, agus shuidh e air an leabaidh.

3 Agus thubhairt Iacob re Ioseph, Dh'fhoillsich Dia uile-chumhachdach e féin dhomhsa aig Luds ann an tìr Chanaain, agus bheannaich e mi,

4 Agus thubhairt e rium, Feuch, ni mise sìolmhar agus lionmhor thu, agus ni mi thu a'd' choi'-thional chinneach *f*, agus bheir mi am fearann so do d'shliochd a'd' dhèigh, mar sheilbh shiorruidh.

5 Agus a nis do dhithis mhac, Ephraim agus Manaseh, a rugadh dhuit ann an tìr na h-Eiphit, mun d'fhàinig mis' a't' ionnsuidh do'n Eiphit, is leamsa iad; mar Reuben agus Shimeon, bithidh iad leamsa.

6 Agus bithidh do shliochd, a ghineas tu 'nan dèigh, leat féin: a reir ainm am bràithre goirear iad 'nan seilbh féin.

7 Agus air mo shon-sa dheth, 'nuair a thàinig mi o Phadan, thuair Rachel bàs agam ann an tìr Chanaain, air an t-slighe, 'nuair nach robh fathast ach astar goirid re teachd gu h-Ephrat: agus dh'adhlaic mi 'n sin i air an t-slighe gu h-Ephrat: 's e sin Betlehem.

8 Agus chummaic Israel mic Ioseph, agus thubhairt e, Cò iad sin?

*a dh'atharraich e iad.*

*b tachairidh.*

*c codacha.*

*d shliasaid.*

*e sluaigh.*

9 Agus thubhairt Ioseph r'a athair, 'S iad mo mhic-sà iad, a thug Dia dhomh 'an so: agus thubhairt e, Thoir a'm' iounsuidh iad, guidheam ort, agus beannaichidh mi iad.

10 Agus bha sùilean Israeil trom le h-aois, air chor nach bu léir dha gu math: agus thug e 'm fagus da iad, agus phòg e iad, agus ghabh e 'na ghlacaibh iad.

11 Agus thubhairt Israel re Ioseph, Cha do shaoil mi gu'm faicinn do ghnùis: agus feuch, nochd Dia dhomh mar an cendna do shliochd.

12 Agus thug Ioseph a mach iad o eadar a ghlùnean, agus chrom se e féin le aghaidh gu làr.

13 Agus ghabh Ioseph iad le chéile, Ephraim 'na làimh dheis o làimh chli Israeil, agus Manaseh 'na làimh chli o làimh dheis Israeil; agus thug e 'm fagus da iad.

14 Agus shìn Israel a mach a làmh dheas, agus chuir e i air ceann Ephraim, ag mac a b'òige, agus a làmh chli air ceann Mhanaseih: stiuir e a làmba gu sèolta: oir b'e Manaseh an cend-ghin.

15 Agus bheannaich e Ioseph, agus thubhairt e, Gu'n deanadh Dia, 'an làthair an do ghluais m'aithreacha Abraham agus Isaac, an Dia a bheathaich mi re mo bheatha uile agus an là'n diugh,

16 An t-aingeal a shaor mi o gach olc, na leinibh a bheannachadh; agus ainmichear m'ainmsa orra, agus ainm m'aithreacha Abraham agus Isaac: agus mar iasg na mara fàsadh iad lionmhor 'am meadhon na talmhainn.

17 Agus an nair a chunnaic Ioseph gu'n do chuir athair a làmh dheas air ceann Ephraim, cha do thaitinn e ris: agus chum e suas làmh athar, a chum a h-atharrachadh o cheann Ephraim gu ceann Mhanaseih.

18 Agus thubhairt Ioseph r'a athair, Nì h-ann mar sin, athair: oir is e so an cend-ghin; cuir do làmh dheas air a cheann.

19 Agus dhiùlt athair, agus thubhairt e, Ta fhios agam, a mhic, ta fhios agam; bithidh esan cuideachd 'na shluagh, agus fàsaidh e mar an cendna mòr: ach gu de'mhin bithidh a bhràthair a's òige nì's mo na e, agus bithidh a shliochd 'nan iomadaidh a chinneach.

20 Agus bheannaich e iad air an là sin, ag ràdh, Ionnad-sa beannaichidh Israel, ag ràdh, Gu deanadh Dia thu mar Ephraim, agus mar

Mhanaseh: agus chuir e Ephraim roimh Mhanaseh.

21 Agus thubhairt Israel re Ioseph, Feuch a tams' a' faghail a' bhàis; ach bithidh Dia maille ribhsè, agus bheir e ris sibh gu dùthaich bhur n-aithreacha.

22 Agus thug mise dhuif aon chuid-roinne thar do bhràithrean, a bhuin mi mach a làimh an Amoraich le m' chlaidheamh agus le m' bhogha.

## CAIB. XLIX.

**A**GUS ghairm Iacob air a mhic, agus thubhairt e, Cruinnichibh sibh féin 'an ceann a chéile, chum as gu'n innis mi dhuibh ciod a tharlas dhuibh 'sna laithibh deir-eannach.

2 Cruinnichibh sibh féin 'an ceann a chéile, agus cluinnibh, a mhaca Iacoib; agus éisdibh re Israel bhur n-athair.

3 A Reubcin, is tu mo cheud-ghin, mo threise, agus toiseach mo neirt, òirdheirceas<sup>b</sup> àrd-inbhe c, agus òirdheirceas cumhachd.

4 Neo-sheasmach<sup>d</sup> mar uisge, cha d'thoir thu barrachd, do bhri' gu'n deachaidh tu suas do leabaidh t' athar: 'an sin thruaill thu i; chaidh e suas do m' uirigh.

5 Is bràithre Simeon agus Lebbi: tha innil aingidheachd 'nan àitibh-comhnuidhe.

6 'Nan diomhaireachd<sup>f</sup> na d'thigendh m'anamsa; r'an coit'hional na bitheadh m'onoirs' air a h-aonadh: oir 'nan corruich mharbh iad duine, agus 'nam féin-thoil leag iad sìos balla.

7 Mal'aichte gu'n robh an corruich, oir bha i garg; agus am fearg, oir bha i ain-ìochdmhar: roinnidh mi iad ann an Iacob, agus sgaoilidh e mi iad ann an Israel.

8 A Iudah, molaidh do bhràithrean thusa; bithidh do làmh 'am muineal do naaimhde: cromaidh clann t'athar iad féin sìos a'd làthair.

9 Is cuilean leòmhain Iudah; o'n chobhartaich h, a mhic, chaidh tu suas: chrom se e féin sìos, chrùb e mar leòmhán, agus mar sheann leòmhán; co dhùisgeas suas e?

10 Cha dealaich an t-slat-rioghail re Iudah, no lagh-thabhartair o eadar a chosa, gus an d'thig Sìloh, agus dha-san gèillidh na slòighi:

<sup>b</sup> barrachd.

<sup>c</sup> mìdrachd.

<sup>d</sup> Àmhor, Eabh.

<sup>e</sup> is innit

foirneirt an comhairlean aingidh r'a

chéile. <sup>i</sup> diubhras. <sup>g</sup> sgapaidd.

<sup>h</sup> o'n chreic. <sup>i</sup> d'a ionnsuidh-san

bithidh cruinneachadh nam pobul.

11 A' ceangal a shearraich ris an fhineamhain, agus lach asail ris an fhineamhain thaghta; nigh e eudach 'am fion, agus a thrusgan 'am fuil nam fion-dhearc.

12 Bithidh a shùilean ni's deirge na fion, agus fhiacla ni's gile na bainne a.

13 Gabhaidh Sebulun còmhnuidh aig caladh a' chuain, agus bithidh e air son calaidh long; agus bithidh eir-thir<sup>b</sup> gu nuig Sidon.

14 Is asal làdair Isachar, a' crù-badh sìos eadar dhà eallaich c.

15 Agus chu naic e gu'm bu mhath an ni fois, agus gu'n robh am fearann taitneach; agus chrom e ghuala gu iomchar, agus rinneadh e 'na sheir-bhiseach do chis.

16 Bheir Dan breth air a shluagh, mar aon do threubhaibh Israeil.

17 Bithidh Dan 'na nathair air an ròd, 'na nathair-nimhe air an t-slighe, a theumas sàiltean an eich, air chor as gu'n tuit a mharcach 'an coinn-eamh a chùil.

18 Re d' shlàinte dh'fheith mise, O Thighearna.

19 Gad, bheir buidheann buaidh air: ach bheir esan buaidh fa dheir-eadh.

20 A mach a h-Aser bithidh aran-san reamhar, agus bheir e uaith sògh rioghail.

21 Is eilid air a leigeadh suasgailte Naphtali; bheir e focail thaitneach uaith.

22 Is geug thorrach Ioseph, geug thorrach làmh re tobar, aig am bheil a meanglain a' sgaoileadh thar a bhalladh.

23 Chràidh na fir-bhògha gu geur e, agus thilg iad air, agus dh'fhuath-aidh iad e.

24 Ach dh'fhan a bhògha 'n a neart, agus rinneadh-gairdeanad a làmh làdair le làmbaibh Dé chumh-achdaich Iacoib; (uaithe sin tha 'm buachaille, cloch Israeil.)

25 Eadhon le Dia t-athar, a ni còmhnaidh leat, agus leis an Uile-chumhachdach, a bheannaicheas thu le beannachdaibh néimh o'n àirde, beannachdaibh na doimhne shìos, beannachdaibh nan cìoch, agus na bronn.

26 Thug beannachda t-athar bar-rachd air beannachdaibh m' shinn-seara, gu nuig fòir-iomall nan sliabh sìorruidh; bithidh iad air ceann Ioseph, agus air mullach a

a Bithidh a shuilean dearg le fion, agus fhiacla geal le bainne. b iom-all. c uallaich. d righeach. e miann, deigh, Eabh.

chinn-san a sgaradh o bhràith-rihb.

27 Ni Benjamin fiadhach mar mhadaidh-alluidh: sa'-mhadaidh ith-idh e chobhartach f, agus 'san fheas-gar roinnidh e chreach.

28 Is iad sin uile dà threubh dheug Israeil: agus 's e sa an ni a labhair an athair riu, agus bheannaich e iad: gach aon ac' a réir a bheannachaidh, bheannaich e iad.

29 Agus dh'àithn e dhoimh, agus thubhairt e riu, Cruinnichear mise chum mo dhaoine: adhlacibh mi maille re m'athreachaibh 'san uaimh a ta ann an achadh Ephroin an Hitich,

30 'San uaimh a ta ann an ach-adh Mhachpelaih, a ta fa chomhair Mhamre, ann an tìr Chanaain, a cheannaich Abraham maille ris an achadh o Ephron an t-Hiteach, mar sheilbh àit'-adhlac.

31 ('An sin dh'adhlac iad Abraham agus Sarah a bhean; 'an sin dh'adhlac iad Isaac agus Rebecah a bhean; agus 'an sin dh'adhlac mise Leah.)

32 Cheannaicheadh an t-achadh, agus an uaimh ta an, o chloinn Het.

33 Agus an uair a chrìochnaich Iacob àitheanta thoirt d'a mhic, chruinnich e chosan suas do'n leabaibh, agus chaochail e, agus chruinnicheadh e chum a dhaoine.

CAIB. I.

A GUS thuit Ioseph air aghaidh athar, agus ghuil e air, agus phòg se e.

2 Agus dh'àithn Ioseph d'a sheir-bhisich na léighean<sup>h</sup> spìosraidh chur i air corp athar: agus chuir na léighean spìosraidh air Israel.

3 Agus choi'-lionadh air a shon dà-fhichead là, (oir mar so coi'-lionar lài na muinntir sin air an cuirear spìosraidh;) agus rinn na h-Eiphitich bròn air a shon deich is trì fìchead là.

4 Agus an uair a chaidh lài a bhròin thairis, labhair Ioseph re teaghlach Pharaoh, ag ràdh, A nis ma fhuair mi deagh-ghean 'nar sùilbh, labhraibh, guidheam oirbh, ann an cluasaibh Pharaoh, ag ràdh,

5 Ghabh m'athair mìonnan diom, ag ràdh, Feuch, a ta mis' a' faghail a' bhaish<sup>l</sup>: a'm' uaigh a chladhaich mi dhomh féin ann an tìr Chanaain, 'an sin adhlacaidh tu mi. A nis uime sin leig dhomh dol suas, guidh-

f am fiadhach. g dh' eug. h tighichean. i emhalm. Sasg. l ta mise dlù do'n bhaish.

eam ort, agus m' athair adhlac, agus thig mi ris.

6 Agus thubhairt Pharaoh, Falbh suas, agus adhlaic t-athair, a réir mar a ghabh e mionnan diot.

7 Agus chaidh Ioseph suas a dh' adhlac athar: agus maille ris chaidh seirbhisich Pharaoh suas uile, sean-airean a thighe, agus uile shean-airean tire na h-Eiphit,

8 Agus teaghlach Ioseph uile, agus a bhràithrean, agus teaghlach athar: a mbàin dh'fhàg iad an clann bheag, agus an caoraich, agus am buar a, 'am fearann Ghosein.

9 Agus chaidh suas maille ris, araon carhadan agus marc-shluadh: agus bha chuideachd ro mhòr.

10 Agus thàinig iad gu h-ur-lar-bualaidh Ataid, a tha 'n taobh thall do Iordan; agus rinn iad bròn 'an sin le caoidh mhòir agus ro-chràitich: agus rinn e bròn air son athar seachd lài.

11 Agus an uair a chunnaic luchd-àiteachaidh na tire, na Canaanaich, am bròn ann an urlar Ataid, thubhairt iad, Is doilgheasach am bròn so do na h-Eiphitich: uime sin thugadh Abel-misraim mar ainm air, a tha 'n taobh thall do Iordan.

12 Agus rinn a mhic dha mar a dh' àithn e dhoibh.

13 Oir ghiùlain a mhic e do thir Chanaain, agus dh' adhlaic iad e ann an uaimh achaidh Mhachpelaib, a cheannaich Abraham maille ris an achadh mar sheilbh àit'-adhlaic, o Ephron an t-Hiteach, fa chomhair Mhamre.

14 Agus phill Ioseph do 'n Eiphit, e féin agus a bhràithrean, agus iad-san uil' a chaidh suas maille ris a dh'adhlac athar, 'an déigh dha athair adhlac.

15 Agus an uair a chunnaic bràithrean Ioseph gu'n d'fhuair an athair bàs, thubhairt iad, Theag, amh gu 'n d' thoir Ioseph fuath dhuinn, agus gu 'n diol e gu cinnteach oirnn an t-olc sin uile, a rinn sinn air.

16 Agus chuir iad teachdairean gu Ioseph, ag ràdh, Dh' àithn t-athair mun d' fhuair e bàs, ag ràdh,

a croch.

b ro ghoirt.

17 Màr so their sibh re Ioseph. Math, c guidheam ort a nis, eucoir d do bhràithrean, agus am peacadh, do bhrìgh gu'n d' rinn iad olc ort: agus a nis, guidheam ort, math eucoir sheirbhiseach Dhé t-athar. Agus ghuil Ioseph an uair a labhair iad ris.

18 Agus chaidh a bhràithre mar an ceudna, agus thuit iad sìos 'na làthair, agus thubhairt iad, Feuch, is seirbhisich dhuit sinne.

19 Agus thubhairt Ioseph riu', Na biodh eagal oirbh; oir am bheil mise 'n àite Dhé?

20 Agus d' ar taobh-sa, shunraich e sibh olc a'm' aghaidh; ach shunraich Dia sin a chum maith, a chum, mar air an là 'n diugh, gu'n tearnadh e mòr shluagh beo.

21 A nis uime 'sin na biodh eagal oirbh: altrumaidh f mise sibh, agus bhur clann bheag. Agus thug e co'-fhurtachd dhoibh, agus lahair e gu caoimhneil riu.

22 Agus ghabh Ioseph còmhnuidh 'san Eiphit, e féin agus teaghlach athar: agus bha Ioseph beo ceud agus deich bliadhna.

23 Agus chunnaic Ioseph clann Ephraim, do'n treas ginealach - thogadh suas mar an ceudna clann Mhachir mhic Mhanaseih air giùlainibh Ioseph.

24 Agus thubhairt Ioseph r'a bhràithribh, A ta mis' a' faghail a' bhàis: ach amhaircidh Dia gu cinnteach oirbhse g, agus bheir e mach sibh as an fhearann so do'n fhearann amhionnaich e do Abraham, do Isaac, agus do Iacob.

25 Agus ghabh Ioseph mionnan do chloinn Israeil, ag ràdh, Amhaircidh Dia gu cinnteach oirbhse, agus giùlainidh sibh mo chnàmhan-sa suas as so.

26 Agus fhuair Ioseph bas, agus e ceud agus deich bliadhna dh' aois: agus chuir iad spioraidh air, agus chuireadh ann an ciste-mhairbh e 'san Eiphit.

c Maith, lagh.

e dhealbh, smuainich.

idh.

d ea-coir. f araichidh. g fiosaichidh. Dia gu cinnteach sibhse.



# E C S O D U S.

## CAIB. I.

**A** NIS is iad so ainneanna chloinn Israeil, a thàinig do'n Eiphit; thàinig gach duine agus a theaghlach maille re Iacob.

2 Reuben, Simeon, Lebhi, agus Iudah,

3 Isachar, Sebulun, agus Benjamin,

4 Dan, agus Naphtali, Gad, agus Aser.

5 Agus na h-anman uile a thàinig a mach a leasraidh Iacoib, bu deich agus trì fichead anam iad; oir bha Ioseph 'san Eiphit a *cheana*.

6 Agus fhuair Ioseph bàs, agus a bhràithrean uile, agus an ginealach<sup>a</sup> sin uile.

7 Agus bha clann Israeil sìolmhor, agus dh'fhàs iad gu mòr, agus rinneadh lìonmhor iad, agus chinn iad ro chumhachdach; agus lìonadh an tìr leo.

8 A nis dh'éirich rìgh ùr air an Eiphit, do nach b'aithne Ioseph.

9 Agus thubhairt e r'a shluagh, Feuch, tha sluagh chloinn Israeil nì's lìonmhoire agus nì's cumhachdaiche, nà sinne.

10 Thigibh, buineamaid gu seòlta c: an t-eagal gu'm fàs iad lìonmhor, agus gu'n tachair e, 'nuair a dh'éireas cogadh, gu'n gabh iadsan mar an ceudna le'r naimhdebhe, agus gu'n cog iad<sup>d</sup> nar n'aghaidh, agus gu'n d'théid iad a mach as an tìr.

11 Uime sin chuir iad maighstirean-oibre e orra, chum an sàrachadh le'n eallachaibh f. Agus thog iad bailtean-ionmhais g do Pharaoh, Pitom agus Raamses.

12 Ach mar is mò a shàrach siad iad, 's ann is mò a rinneadh iadsan lìonmhor agus a dh'fhàs iad. Agus bha iad fuidh dhoilgheas h air son chloinn Israeil.

13 Agus thug na h-Eiphitich air cloinn Israeil seirbhis a dheanamh le cruadhas. i

14 Agus rinn iad am beatha searbh dhoibh le daorsa chruidh, ann am moirtear, agus ann an clach-aibh-creadha, agus anns gach gnè oibre 'sa' mhachair: bha an obair

uile, anns an d'thug iad orra obair a dheanamh, le cruadhas.

15 Agus labhair rìgh na h-Eiphit re mnaibh-gluine nan Eabhruidheach (b'e ainm a h-aon dinbh Siphrah, agus ainm na té eile Puah;)

16 Agus thubhairt e, 'Nuair a nì sibh gnìomh mnà-glùine do na mnaibh Eabhruidheach, agus a chi sibh iad air na stòlaibh<sup>l</sup>; ma's mac a bhios ann, 'an sin marbhaidh sibh e, ach ma's nighean a bhios ann, bithidh si beo.

17 Ach bha eagal Dé air na mnaibh-glùine, agus cha d'rinn iad mar a dh'aithn rìgh na h-Eiphit dhoibh, ach ghleidh iad a' chlann mhac beo.

18 Agus ghairm rìgh na h-Eiphit air na mnaibh-glùine, agus thubhairt e riù, C'ar son a rinn sibh an nì so, agus ghleidh sibh a' chlann mhac beo?

19 Agus thubhairt na mnaigh-glùine re Pharaoh, A chionn nach 'eil na mnaì Eabhruidheach mar na mnaì Eiphiteach: oir tha iad féin beothail m, agus air an aisead mu'n d'thig na mnaì-glùine a steach d'an ionnsuidh.

20 Uime sin bhuin Dia gu math ris na mnaibh-glùine: agus rinneadh an sluagh lìonmhor, agus dh'fhàs iad ro chumhachdach.

21 Agus a chionn gu'n robh eagal Dé air na mnaibh-glùine, rinn e tighean dhoibh.

22 Agus thug Pharaoh ùithne a d'a shluagh uile, ag ràdh, Gach mac a bheirear tilgidh sibh 'san abhainn, agus gach nighean gleidhidh sibh beo.

## CAIB. II.

**A** GUS chaich duine do thigh Lebhi, agus ghabh e nighean do Lebhi 'na mnaoi.

2 Agus dh'fhàs a' bhean torrach, agus rug i mac: agus an uair a chunnaic i gu'n robh e 'na leanabb tlachd-mhor, dh'fhòlaich i e rè thri mìosa.

3 Agus annair nach b'urrainn i fholach nì b'fhaide, ghabh i dha cobhan cuilce o, agus chuir i thairis p e le làthaich agus le pic r, agus

<sup>a</sup> àl. <sup>b</sup> dh'fhàs. <sup>c</sup> glic. <sup>d</sup> gu'n dean iad cogadh. <sup>e</sup> cinn-oibre. <sup>f</sup> uallachaibh, eiribh. <sup>g</sup> bailte-stòir. <sup>h</sup> im-cheist. <sup>i</sup> an-ìochd, peingilteachd.

<sup>l</sup> suidheuchanaibh, cathraichibh. <sup>m</sup> teuma. <sup>n</sup> sparradh. <sup>o</sup> ciste luacharach. <sup>p</sup> chòmhaich, eòllob, spairt i. <sup>r</sup> ligh.



chuir i 'n leanabh ann; agus chuir i e 'sa' chuile aig bruaich na h-aibhne.

4 Agus sheas a phiuthar am fad *uath*, a dh'fhaicinn ciod a dheanta ris.

5 Agus thàinig nighean Pharaoidh a nuas g'a nigheadh féin 'san abhainn, agus bha a maighdeana 'g imeachd re taobh na h-aibhne: agus an uair a chunnaic i 'n cobhan 'am measg na cuilce, chuir i a bano-glach g'a thoirt d'a h-ionnsuidh.

6 Agus an uair a dh'fhosgail i e, chunnaic i 'n leanabh: agus feuch, ghuil an naoidhean. Agus ghabh i truas ris, agus thubhairt i, *Is aon* so do chloinn nan Eabhruidheach.

7 'An sin thubhairt a phiuthar re nighean Pharaoidh, An d'-théid mis', agus an gairm mi dhuit ban-altrum do na mnaibh Eabhruidheach, a chum as gu'n altrum i 'n leanabh dhuit?

8 Agus thubhairt nighean Pharaoidh ria. Falbh. Agus chaidh a' mkaighdean, agus ghairm i màthair an leinibh.

9 Agus thubhairt nighean Pharaoidh 'ria, Thoir an leanabh so leat, agus altrum dh'orsa e, agus bheir mi dhuit do thuarsadal. Agus ghabh a' bhean an leanabh, agus dh'altrum i e.

10 Agus dh'fhàs an leanabh, agus thug i e dh'ionnsuidh nighinn Pharaoidh, agus bha e 'na mhac dh'i. Agus thug i Maois mar ainm air: agus thubhairt i, A chionn as an uisge gu'n do tharruing mi mach e.

11 Agus tharladh anns na laithibh sin, an uair a dh'fhàs Maois suas, gu'n deachaidh e mach a dh'ionnsuidh a bhràithrean, agus gu'n d'amhaire e air an eallachaibh: agus chunnaic e Eiphiteach a' bualadh Eabhruidhich aon d'a bhràithribh.

12 Agus dh'amhaire e 'n taobh so agus an taobh ud, agus an uair a chunnaic e nach *robh aon* duine ann, mharbh e 'n t-Eiphiteach, agus dh'fholaich e 'sa' ghaineamh e.

13 Agus an uair a chaidh e mach an dara là, feuch, bha dithis do na h-Eabhruidhich a' strì r'a chèile: agus thubhairt e ris-san a rinn an eucoir, C'ar son a bhuailas tu do choimhearsnach b'?

14 Agus thubhairt e, Cò rinn thusa a'd' uachdaran agus a'd' bhreitheamh oirne? an miann leat mis' a mharbhadh, mar a mharbh thu 'n t-Eiphiteach? agus

ghabh Maois eagal, agus thubhairt e, Gu cinnteach tha 'ni so aithnichte.

15 Anis an uair a chuala Pharaoidh an ni so, dh'iarr e Maois a mharbhadh. Ach theich Maois o aghaidh Pharaoidh, agus ghabh e còmhnuidh ann an tìr Mhidiaìn; agus shuidh e sìos làimh re tobar.

16 Anis bha aig sagart Mhidiaìn seachdnar nighean: agus thàinig iad agus tharruing iad *uisge*, agus lion iad na h-amair a thoirt uisge do threud an athar.

17 Agus thàinig na buachaillean agus dh'fhuadaich iad air falbh iad; ach sheas Maois suas agus chuidich e leo, agus thug e uisge d'an treud.

18 Agus an uair a thàinig iad gu Reuel an athair, thubhairt e, Cionnus a thàinig sibh co luath an diugh?

19 Agus thubhairt iad, Shaor Eiphiteach sinn a làimh nam buachaillean, agus mar an ceudna tharruing e uisge gu leòr dhuinn, agus thug e uisge do'n treud.

20 Agus thubhairt esan r'a nigh-eanaibh, Agus c' àit *am bheil e*? C'ar son a dh'fhàg sibh an duine? Gairmibh air, a chum's gu'n ith e aran.

21 Agus bha Maois toileach còmhnuidh gabhail maille ris an duine; agus thug e Siporah a nigh-ean do Mhaois mar *mhnai*.

22 Agus rug i mac *dha*, agus thug e Gersom mar ainm air: oir thubhairt e, Bha mi 'm choigreach ann an tìr aineoil e.

23 Agus tharladh 'n ceann mòrain laithean, gu'n d'fhuair rìgh na h-Eiphit bàs, agus bha clann Israeil ag osnaich air son na daorsa, agus ghlaodh iad; agus thàinig an glaoib suas gu Dia, air son na daorsa.

24 Agus chuala Dia an osnaich, agus chumhnich Dia a choi'-cheangal re h-Abraham, re h-Isaac, agus re Iacob.

25 Agus dh'amhaire Dia air cloinn Israeil, agus dh'fhiosraich se iad.

## CAIB. III.

**A**NIS bha Maois a' gleidheadh treud Ietro athar-céile, sagairt Mhidiaìn: agus thug e 'n treud gu taobh cùil an fhàsaich, agus thàinig e gu sliabh Dhé, gu Horeb.

2 Agus dh'fhoillsicheadh aingeal an Tighearna dha ann an lasair theine a meadhon pris: agus dh'amhaire e, agus feuch, bha 'm preas a'

tasadh le teine, ach cha robh am preas air a losgadh.

3 Agus thubhairt Maois, Tionndaidh<sup>a</sup> mi nis a leth-taobh, agus chi mi 'n sealladh mòr so, e'ar son nach 'eil am preas air a losgadh.

4 Agus an uair a chunnaic an Tighearna gu'n do thionndaidh e a leth-taobh a dh'fhaicinn sin, ghairm Dia air a meadhon a' phris, agus thubhairt e, A Mhaois, a Mhaois. Agus thubhairt esan, *T'ha mi 'n so.*

5 Agus thubhairt e, Na d'thig am fagus 'an so; cuir dh'iot do bhròga bhàrr do chos, oir an t-àit<sup>a</sup> am bheil thu d' sheasamh, is talamh naomh e.

6 Thubhairt e mar an ceudna, Is mise Dia t-athar, Dia Abraham, Dia Isaac, agus Dia Iacoib. Agus dh'fholaic Maois aghaidh: oir bhla eagat air amharc air Dia.

7 Agus thubhairt an Tighearna, Chunnaic mi gu cinnteach àmhghar mo shluaigh a ta 'san Eiphit, agus chuala mi 'n glaoth air son am maighstirean-oibre: oir is aithne dhomh an doilgheas.

8 Agus thàinig mi nuas g'an saoradh a làmh nan Eiphiteach, agus g'an toirt suas a mach as an fhearann sin, gu fearann math agus farsuing, gu fearann a ta sruthadh le bainne agus mil; gu àite nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach.

9 A nis uime sin, feuch, tha glaoth chloinn Israeil air teachd a'm ionnsuidhsa: agus mar an ceudna chunnaic mi am-fòireigin<sup>a</sup>, leis am bheil na h-Eiphitich 'g am fòireigeadh.

10 Agus a nis thig, agus cuiridh mi thu dh'ionnsuidh Pharaoidh, a chum as gu'n d'thoir thu mach mo shluagh clann Israeil as an Eiphit.

11 Agus thubhairt Maois re Dia, Cò mise, gu'n rachainn a dh'ionnsuidh Pharaoidh, agus gu'n d'thugainn a mach clann Israeil as an Eiphit?

12 Agus thubhairt e, Bithidh mise gu cinnteach leat; agus bithidh so 'na chomhara dhuit, gu'n do chuir mise nam thu: 'nuair a bheir thu mach an sluagh as an Eiphit, ni sibh aoradh do Dhia air an t-slabh so.

13 Agus thubhairt Maois re Dia, Feuch, an uair a thig mi dh'ionnsuidh cloinn Israeil, agus a their mi ri u, Chair Dia bhur n-aithreacha mise d'ar n-ionnsuidh; agus a their

iad rium, Ciod is ainm dha? Ciod a their mi ri u.

14 Agus thubhairt Dia re Maois, IS MI 'AN TI A'S MI: Agus thubhairt e, Mar so their thu re cloinn Israeil, Chuir IS MI mise d'ar n-ionnsuidh.

15 Agus thubhairt Dia thuill<sup>a</sup> air so re Maois, Mar so their thu re cloinn Israeil, Chuir an Tighearna Dia bhur n-aithreacha, Dia Abraham, Dia Isaac, agus Dia Iacoib, mise d'ar n-ionnsuidh: 's e so m' ainm a chaidh<sup>a</sup>, agus 's e so mo chuimhneachan do gach uile ghinealach.

16 Imich agus cruinnich r'a chèile seanairean Israeil, agus abair ri u, Dh'fhoillsich an Tighearna Dia bhur n-aithreacha e féin dhomhsa, Dia Abraham, Isaac, agus Iacoib, ag ràdh, Gu cinnteach dh'amhaire mi oirbh, agus chunnaic mi an ni a rinneadh oirbh 'san Eiphit.

17 Agus thubhairt mi, Bheir mi suas sibh a h-àmghar na Eiphit, gu fearann nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach, gu fearann a ta sruthadh le bainne agus mil.

18 Agus éisdidh iadsan re d'ghuth: agus théid thu féin agus seanairean Israeil, gu rìgh na h-Eiphit, agus their sibh ris, Choinnich an Tighearna Dia nan Eabhruidheach sinne: agus a nis leig dhuinn, guidheamaid ort, dol astar thri láthan do'n fhàsach, chum as gu'n ìobair sinn do'n Tighearna ar Dia.

19 Agus is deimhin leam nach leig rìgh na h-Eiphit leibh imeachd, cha leig, eadhon le làmh làdair e.

20 Agus sinidh mis<sup>a</sup> a mach mo làmh, agus buailidh mi 'n Eiphit le m' iongantasan uile, a ni mi 'n a meadhon: agus 'an déigh sin leigidh e dhuibh imeachd.

21 Agus bheir mise do'n t-sluagh so deagh-gheand ann an sealladh nan Eiphiteach: agus tarlaidh, 'nuair a dh'fhalbhas sibh, nach falbh sibh falamh;

22 Ach iarraidh gach beane o ban-choimhearsnaich, agus o'n mhnai a bhios air aoidheachd na tigh, seudan f'airgid, agus seudan

b gun d'thoir sinn lohairt. e ach le làmh làdair. d fàbhor. e iarraidh gach bean 'n iasachd, no'n coingheal. f soithichean. Eabli.

oir, agus eudach: agus cuiridh sibh iad air bhur mic, agus air bhur nigheanaibh; agus creachaidh sibh na h-Eiphitich<sup>a</sup>.

CAIB. IV.

**A** GUS fhreagair Maois, agus thubhairt e, Ach feuch, cha chreid iad mi, ni mò dh'éisdeas iad re m'ghuth: oir their iad, Cha do thaisbein<sup>b</sup> an Tighearn e féin dhuit.

2 Agus thubhairt an Tighearna ris, Ciod sin ann do làmh? Agus thubhairt esan, Slat.

3 Agus thubhairt e, Tilg air an làr i; agus thilg e air an làr i, agus rinneadh i 'na nathair: agus theich Maois roimpe.

4 Agus thubhairt an Tighearna re Maois, Cuir a mach do làmh, agus glac air a h-earr<sup>c</sup>i. Agus chuir e mach a làmh, agus rug e oirre, agus rinneadh slat dh'i na làmh.

5 Chum as gu'n creid iad gu'n d'fhoillsich an Tighearna Dia an aithreacha, Dia Abraham, Dia Isaac, agus Dia Iacoib, e féin dhuit.

6 Agus thubhairt an Tighearn a thuill air so ris, Cuir a nis do làmh a'd' bhroilleach; agus chuir e a làmh 'na bhroilleach: agus an uair a thug e mach i, feuch, bha a làmh lobhrach mar sùneachda.

7 Agus thubhairt e, Cuir do làmh a ris a'd' bhroilleach: agus chuir e làmh a ris 'na bhroilleach, agus thug e mach a bhroilleach i, agus feuch, dh'iompaicheadh<sup>d</sup> i mar a' chuid eile d'a fheoil.

8 Agus tarlaidh, mur creid iad thu, agus mur éisd iad re guth a' cheud chomharaidh, gu'n creid iad guth a' chomharaidh dheireanaich.

9 Agus tarlaidh, mur creid iad mar an ceudna an dà chomhara sin, agus mur éisd iad re d'ghuth, gu'n gabh thu cuid a dh' uisge na h-aibhne, agus gu'n dbirt thu air an *talamh* thioram e: agus fàsaidh 'n t-uisg' a bheir thu as an abhainn, 'na fhuil air an *talamh* thioram.

10 Agus thubhairt Maois ris an Tighearna, O mo Thighearna, cha duine deas-chainnteach mi aon chuid roimhe so c, no o'n àm 'san do labhair thusa re d' sheirbhis-each; do bhri' gu'm bheil mi mall ann an cainnt, agus mall ann an teagaidh.

11 Agus thubhairt an Tighearna ris, Cò a rinn beul an duine? no cò

a rinn am balbh, no'm bodhar, no'n ti a chi, no'n dall? Nach mise an Tighearna?

12 A nis uime sin imich, agus bithidh mise le d' bheal, agus teagaisgidh mi dhuit ciod a their thu.

13 Agus thubhairt e, O mo Thighearna, cuir, guidheam ort, le làmh an ti a chuireas tu f.

14 Agus las corruich an Tighearna 'n aghaidh Mhaois, agus thubhairt e, Nach e Aaron an Lebhitheach do bhràthair? tha fhios agam gu'n labhair esan gu math. Agus mar an ceudna, feuch, tha e teachd a mach a'd' choinneamh: agus an uair a chi e thu, bithidh e subhach 'na chridhe.

15 Agus labhraidh tusa ris, agus cuiridh tu focail 'na bheul: agus bithidh mise le 'd bheul, agus le bheul-san, agus teagaisgidh mi dhuibh ciod a ni sibh.

16 Agus labhraidh esan air do shon-sa ris an t-sluagh: agus bithidh esan, bithidh eadhon esan dhuit 'an àite beoil, agus bithidh tusa dhasan 'an àite Dhé.

17 Agus gabhaidh tu 'n t-slat so ann do làmh, leis an dean thu comharan.

18 Agus dh'imich Maois agus phill e gu Ietro athair-céile, agus thubhairt e ris, Théid mi nis, agus pillidh mi chum mo bhràithrean a ta 'san Eiphit, agus chi mi 'm bheil iad fathast beo. Agus thubhairt Ietro re Maois, Imich 'an sith.

19 Agus thubhairt an Tighearna re Maois ann am Midian, Imich, pill do'n Eiphit: oir tha na daoine sin uile marbh a bha 'g iarraidh t'anma.

20 Agus ghabh Maois a bhean, agus a mhic, agus chuir e iad air asal, agus phill e do thalamh na h-Eiphit. Agus ghabh Maois slat Dhé 'na làmh.

21 Agus thubhairt an Tighearna re Maois, An uair a dh'imicheas tu chum piltinn do'n Eiphit, their an aire e gu'n dean thu na h-iongantais sin uile, a chuir mis' ann ad làmh, 'an fianuis Pharaoh: ach cruadh-aichidh mis' a chridhe, agus cha leig e leis an t-sluagh imeachd.

22 Agus their thu re Pharaoh, Mar so tha'n Tighearn ag ràdh, 'S e Israel mo mhac, mo cheud-ghin.

23 Agus tha mi 'g ràdh riut, Leig, le m' mhac imeachd, a chum as gu'n dean e seirbhis dhomh: agus ma dhiùltas tu leigeadh leis

<sup>a</sup> an Eiphit. <sup>b</sup> Cha d'fhoillsich. <sup>c</sup> earrball. <sup>d</sup> thionndadh. <sup>e</sup> o'n dc, no 'n là roimhe sin.

<sup>f</sup> a chi thu iomchuidh a chur. <sup>g</sup> faic. <sup>h</sup> leigeil.

imeachd, feuch, marbhadh mise do mhac-sa, *eadhon* do cheud-ghin.

24 Agus tharladh air an t-slighe 'san tigh-tàimha, gu'n do choinnich an Tighearn e, agus gu'n d'iarr e mharbhadh.

25 'An sin ghiabh Siporah clach *gheur*, agus thimchioll-ghearr i roimh-chroicinn a mic, agus thilg i aig a chasaibh e, agus thubhairt i, Gu cinnteach is fear-pòsda fuileachdach dhomsa thu.

26 Agus leig e uaithe e: an sin thubhairt i, *Is* fear-pòsda fuileachdach *thu* air son an timchioll-ghearraidh.

27 Agus thubhairt an Tighearna re h-Aaron, Imich 'an cionneamh Mhaois do'n fhàsach. Agus dh'i-mich e, agus choinnich se e ann an sliabh Dhé, agus phòg se e.

28 Agus dh'innis Maois do Aaron uile bhriathran an Tighearn, a chuir uaithe e, agus na comharan uile, a dh'àithn e dha.

29 Agus chaidh Maois agus Aaron, agus cruinnich iad seanair-ean chloinn Israeil uile.

30 Agus labhair Aaron na briathran uile a labhair an Tighearna re Maois, agus rinn e na comharan ann an sealladh an t-sluaigh.

31 Agus chreid an sluagh: agus an uair a chual' iad gu'n d'amhaire an Tighearn air cloinn Israeil, agus gu 'm fàc e an àmhghar, 'an sin chrom iad an cinn, agus rinn iad aoradh.

#### CAIB. V.

**A** GUS 'na dhéigh sin chaidh Maois agus Aaron a steach, agus thubhairt iad re Pharaoh, Mar so tha'n Tighearna Dia Israeil ag ràdh, Leig le m' shluagh imeachd, a chum as gu'n cum<sup>b</sup> iad féisd dhomhsa 'san fhàsach.

2 Agus thubhairt Pharaoh, Cò e an Tighearna, gu'n éisdinn-sa r'a ghuth a leigeadh le h-Israel imeachd? Cha'n aithne dhomhs' an Tighearn, agus mar an ceudna cha leig mi le h-Israel imeachd.

3 Agus thubhairt iad, Dh'fhoillsich Dia nan Eabhruidheach e féin dhuinne<sup>d</sup>: leig leinn, guidheamaid ort, dol astar thrì lài do'n fhàsach, a chum as gu'n iobramaid do'n Tighearn ar Dia, an t-eagal gu'm buail e sinn<sup>e</sup> le plàigh, no leis a' chlaidheamh.

4 Agus thubhairt righ na h-Eiphit riu, C'ar son a ta sibhs', a Mhaois agus Aaron, a' toirt air an t-sluagh sgur o'n oibribh? Rachaidh a chum bhur n-eallacha.

5 Agus thubhairt Pharaoh, Feuch, a ta sluagh na tir' a nis lionmhor, agus tha sibhs' a' toirt orra bhì 'nan tàmh o'n eallachaidh.

6 Agus dh'àithn Pharaoh air an là sin féin do mhaighstribh-bìbre an t-sluaigh, agus d'au luchd-riaghlaidh<sup>f</sup>, ag ràdh,

7 Cha d'fhoir sibh conlach tuille do'n t-sluagh a dheanamh chlacha-creadha mar roimhe so: rachadh iad agus cruinnicheadh iad conlach dhoibh féin.

8 Agus cuiribh sibh orra àireamh nan clacha-creadha a rinn iad roimhe: cha leig sibh sìos a' bheag dheth, oir tha iad diomhanach; uime sin tha iad aig éigheach, ag ràdh, Rachamaid agus iobramaid d'ar Dia.

9 Cuirear an obair ni's truime air na daoine, chum as gu'n saoraich iad innte; agus na h-earbadh iad a briathraibh dìomhain.

10 Agus chaidh maighstirean-oibre an t-sluaigh a mach, agus an luchd-riaghlaidh, agus labhair iad ris an t-sluagh, ag ràdh, Mar so tha Pharaoh, ag ràdh, Cha d'fhoir mi dhuibh conlach.

11 Rachaidh, gabhaidh dhuibh féin conlach far am feud sibh a faghail: gidheadh cha leigear sìos a' bheag do'r n-obair.

12 Uime sin sgaoileadh<sup>s</sup> an sluagh air feadh tìre na h-Eiphit uile, a chruinneachadh asbhuaibh<sup>h</sup> 'an àite conlaich.

13 Agus chuir na maighstirean-oibre thuige<sup>i</sup> iad, ag ràdh, Coi'lionaibh bhur n-oibre chumta lathail<sup>l</sup> mar an nair a thugadh conlach dhuibh.

14 Agus bhuaileadh<sup>m</sup> luchd-riaghlaidh chloinn Israeil a chuir maighstirean-oibre Pharaoh os an ceann, agus dh'fhoisraicheadh dhuibh, C'ar son nach do choi'lion sibh bhur n-obair chumta ann an deanamh chlacha-creadha araon an dé agus an diugh, mar a rinn sibh roimhe?

15 'An sin thainig luchd-riaghlaidh chloinn Israeil, agus ghlaodh iad re Pharaoh, ag ràdh, C'ar son

<sup>a</sup> tigh-dsda.

<sup>b</sup> gleidh, dean.

<sup>c</sup> an luchd-stiùbhradh, au

<sup>e</sup> feadh, féill, cùirm.

<sup>d</sup> ghairm

grìobhan, am macair.

<sup>s</sup> sgapadh.

Dia nan Eabhruidheach oirne.

<sup>h</sup> buain, stailenich.

<sup>i</sup> chuine.

Eabh.

<sup>e</sup> tuit e oirnn; coinnich

<sup>l</sup> gnothuch an là 'na là.

<sup>m</sup> ghabh-

e sin.

adh air.



bhuineas tu air an dòigh so re d' sheirbhisich ?

16 Cha 'n'eil conlach air a toirt do d' sheirbhisich, agus 'se their iad ruinn, Deanaibh clacha-creadha: agus feuch, a ta do sheirbhisich air am bualadh, ach is ann aig do shluagh féin a ta choire.

17 Ach thubhairt esan, *Tha sibh diomhanach, tha sibh diomhanach*: nime sin their sibh, Rachamaid agus iobramaid do'n Tighearna.

18 Uime sin imichibh a nis, dean-aibh obair; oir cha d' thoir ear conlach dhuibh, agus bheir sibh uaibh làn àireamh nan clacha-creadha.

19 Agus chunnaic luchd-riaghlaidh cloinn Israeil gu'm bu chruidh an càs anns an robh iad, agus e air a ràdh riu, Cha bheagàich sibh dad d'ar clachaibh-creadha, do'n obair dhligeach lathail.

20 Agus choinnich iad Maois agus Aaron, a sheas air an t-slighe a, nuair a thàinig iad a mach o Pharaoh:

21 Agus thubhairt iad riu, Gu'n amhairceadh Dia oirbh, agus gu'n d'thugadh e breth, do bhrìgh gu'n d'rinn sibh ar boladh gràineil 'an làthair Pharaoh<sup>b</sup>, agus 'an làthair a sheirbhiseach, a' cur claidheimh 'nan làimh a chum sinne a mharbhadh.

22 Agus phill Maois a dh'ionnsuidh an Tighearna, agus thubhairt e, A Thighearna, c'ar son a bhuin thu cho olc ris an t-sluagh so? ca'r son a chuir thu uait mi?

23 Oir o'n àm a thàinig mi gu Pharaoh a labhairt ann ad ainm, rinn e olc do'n t-sluagh so; agus cha do shaor thu idir do shluagh.

CAIB. VI.

'A N sin thubhairt an Tighearna re Maois, A nis chì thu ciod a nì mi re Pharaoh: oir le làimh làdair leigidh e leo imeachd, agus le làimh làdair fuadaichidh e mach as a dhùthaich iad.

2 Agus labhair Dia re Maois, agus thubhairt e ris, *Is mise an Tighearna*.

3 Agus dh'fhoillsich mi mi féin do Abraham, do Isaac, agus do Iacob, le ainm an Dé uile-chumhachdaich, ach le m'ainm Iehobha<sup>b</sup> cha robh mi aithnichte dhoibh.

4 Agus mar an ceudna dhaingnich mi mo choi'cheangal riu, gu'n d'thugainn dhoibh talamh Cha-

naain, talamh an cuairte, anns an robh iad 'nan coigrich.

5 Agus mar an ceudna chuala mi osnaich chloinn Israeil, a ta na h-Eiphitich a' cumail ann an daorsa: agus chuimhnich mi mo choi'cheangal.

6 Uime sin abair re cloinn Israeil, *Is mise an Tighearna*, agus bheir mi sibh a mach o bhi fuidh eallachaibh nan Eiphiteach: agus saoraidh mi sibh o'n daorsa: agus fuisglaidh mi sibh le gairdean sint' a mach, agus le breitheanasuibh mòra.

7 Agus gabhaidh mi sibh dhomh féin mar shluagh, agus bithidh mi dhuibh a'm' Dhia: agus bithidh fios agaibh gur mise an Tighearna bhur Dia, a ta 'gar toirt-sa d mach o bhi fuidh eallachaibh nan Eiphiteach.

8 Agus bheir mi steach sibh a dh'ionnsuidh an fhearainn, a mhionnaich mi gu'n d'thugainn e do Abraham, do Isaac, agus do Iacob; agus bheir mi e dhuibhse mar oighreachd: *Is mise an Tighearna*.

9 Agus labhair Maois mar sin re cloinn Israeil: ach cha d'éisd iad re Maois, tre chràdh spioraid, agus tre dhaorsa chraaidh.

10 Agus labhair an Tighearna re Maois, ag ràdh,

11 Imich a steach, labhair re Pharaoh righ na h-Eiphit, e a leigeadh do chloinn Israeil dol a mach as a dhùthaich.

12 Agus labhair Maois 'an làthair an Tighearn, ag ràdh, Feuch, cha d'éisd clann Israeil rium; cionnus ma ta dh'éisdeas Pharaoh riumsa, aig am bheil mo bhilean neo-thimchioll-gheartha?

13 Agus labhair an Tighearna re Maois, agus re h-Aaron, agus thug e dhoibh àithne e a chum cloinn Israeil, agus a chum Pharaoh, righ na h-Eiphit, clann Israeil a thoirt a mach a talamh na h-Eiphit.

14 'S iad sin ceannardan thighean an aithreacha: mic Reubein ceudghin Israeil; Hanoth, agus Pallu, Hesron, agus Carmi: 's iad sin teaghlachean Reubein.

15 Agus mic Shimeoin; Gemuel, agus Iamin, agus Onad, agus Iachin, agus Saul mac Ban-chanaan-ach: 's iad sin teaghlachean Shimeoin.

16 Agus 's iad sin ainmeanna mhac Lebhi, a réir an ginealach: Gerson, agus Cohat, agus Merari; agus b'iad bliadhnacha beatha Le-

a 'nan coinneamh. Eabh. b ann an sùilibh Pharaoh. Eabh. c mo chumhnant.

d 'gar tabhairt. e ordugh.

bhi ceud agus seachd bliadhna deug 'ar fhichead.

17 Mic Ghersoin; Libni, agus Simi, a réir an teaghlaichean.

18 Agus mic Chohait; Amram, agus Idshar, agus Hebion, agus Udsiel: agus *b'iad* bliadhnacha beatha Chohait ceud agus tri bliadhna deug 'ar fhichead.

19 Agus mic Mherari; Mahali agus Musi: 's iad sin teaghlaichean Lebhi, a réir an ginealach.

20 Agus ghabh Amram fochebed piuthar-athar dha féin 'na mnaoi; agus rug i dha Aaron agus Maois: agus *b'iad* bliadhnacha beatha Amram ceud agus seachd bliadhna deug 'ar fhichead.

21 Agus mic Idshair; Corah, agus Nepheg, agus Sichri.

22 Agus mic Udsiel; Misael, agus Elsaphan, agus Sitri.

23 Agus ghabh Aaron Eliseba, nighean Aminadaib, piuthar Naasoin, dha féin 'na mnaoi; agus rug i dha Nadab agus Abihu, Eleasar agus Itamar.

24 Agus mic Choraih; Asir, agus Elcanah, agus Abiasaph: 's iad sin teaghlaichean nan Corhach.

25 Agus ghabh Eleasar mac Aaroin *aon* do nigheanaibh Phutiel dha féin 'na mnaoi; agus rug i dha Phinehas: 's iad sin ceannardan aithreacha nan Lebhitheach, a réir an teaghlaichean.

26 'S iad so an t-Aaron agus am Maois ud, ris an d'thubhairt an Tighearna, Thugaibh a mach clann Israeil a talamh na h-Eiphit, a réir an slògh a.

27 'S iad so iadsan a labhair re Pharaoh righ na h-Eiphit, a chum clann Israeil a thoirt a mach as an Eiphit: 's iad so am Maois agus an t-Aaron ud.

28 Agus tharladh 'san là air an do labhair an Tighearna re Maois ann an tìr na h-Eiphit,

29 Gu'n do labhair an Tighearna re Maois ag ràdh, Is mise an Tighearna, labhair thusa re Pharaoh righ na h-Eiphit gach *ni* a their mi riut.

30 Agus thubhairt Maois 'an làthair an Tighearna, Feuch, a ta mise neo-thimchioll-ghearrt' a'm' bhlàibh, agus cionnus a dh'éisdeas Pharaoh rium?

#### CAIB. VII.

**A**GUS thubhairt an Tighearna re Maois, Feuch, rinn mi thu a'd dhia do Pharaoh; agus bithidh do bhràthair Aaron 'na fhàidh agad.

<sup>a</sup> a réir an armailtean.

2 Làbhraidh tusa gach *ni* a dh'àithneas mise dhuit; agus làbhraidh Aaron do bhràthair re Pharaoh, esan a chur cloinn Israeil a mach as a thìr.

3 Agus cruadhaichidh mise cridhe Pharaoh, agus *ni* mi mo chomharan agus m'iongantasan <sup>b</sup> lionmhor ann an tìr na h-Eiphit.

4 Ach cha 'n éisd Pharaoh ribh, agus leagaidh mise mo làmh air an Eiphit, agus bheir mi mach m'armailtean, agus mo shluagh clann Israeil, a tìr na h-Eiphit, le breitheanasuibh mòra.

5 Agus bithidh fios aig na h-Eiphitich gur mise an Tighearna, 'nuair a shineas mi mach mo làmh air an Eiphit, agus a bheir mi mach clann Israeil o *bhi* 'nam measg.

6 Agus rinn Maois agus Aaron mar a dh'àithn an Tighearna dhoibh, mar sin rinn iad.

7 Agus *bha* Maois ceithir fichead bliadhna dh'aois, agus Aaron ceithir fichead agus tri bliadhna dh'aois, an uair a labhair iad re Pharaoh.

8 Agus labhair an Tighearna re Maois, agus re h-Aaron, ag ràdh,

9 'Nuair a làbhras Pharaoh ribh, ag ràdh, Nochdaibh iongantas <sup>c</sup> air bbur son féin: 'an sin their thu re h-Aaron, Gabh do shlat, agus tilg sìos i 'an làthair Pharaoh, agus fàsaidh i 'na nathair.

10 Agus chaidh Maois agus Aaron, a steach a dh'ionnsuidh Pharaoh, agus rinn iad mar sin, mar a dh'àithn an Tighearna: agus thilg Aaron sìos a shlat 'an làthair Pharaoh, agus 'an làthair a sheirbhisich, agus rinneadh i 'na nathair.

11 'An sin ghairm Pharaoh mar an ceudnà air na daoine glíce, agus air an luchd-fiosachd: agus rinn mar an ceudna druidhean <sup>d</sup> na h-Eiphit mar sin le'n druidheachdaibh:

12 Oir thilg iad sìos gach duine a shlat, agus rinneadh iad 'nan nathraichibh: ach shluig slat Aaroin suas an slatan-sa.

13 Agus chruadhaicheadh cridhe Pharaoh, air chor as nach d'éisd e riu; mar a thubhairt an Tighearna.

14 Agus thubhairt an Tighearna re Maois, Chruadhaicheadh cridhe Pharaoh, tha e diùltadh leigeadh leis an t-sluagh falbh.

15 Imich-sa dh'ionnsuidh Pharaoh 'sa' mhadainn, feuch, tha e dol a mach a dh'ionnsuidh an uisge, agus seasaidh tu 'na choinneamh

<sup>b</sup> mo mhìorbhuilean.

<sup>c</sup> Tais-

beinibh mìorbhuil.

<sup>d</sup> draoidhean.

air bruaich na h-aibhne <sup>a</sup>; agus an t-slat a thionndadh na nathair gabhaidh tu a'd' làmh.

16 Agus their thu ris, Choir an Tighearna Dia nan Eabhruidheach mise a' t'ionnsuidh, ag ràdh, Leig le m' shluagh imeachd, a chum as gu'n dean iad seirbhis dhomhsa 'san fhàsach: agus feuch, gus a so cha b' àill leat èisdeachd.

17 Mar so tha'n Tighearna ag ràdh, Ann an so aithnichidh tu gur mise an Tighearna: feuch, buailidh mi leis an t-slat a *ta* m' làmh, na h-uisgeachan a *ta* 'san abhainn, agus tionndadh iad gu fuil.

18 Agus gheibh an t-iasg a *ta* 'san abhainn bàs, agus lobhaidh an abhainn; agus bithidh gràin air na h-Eiphitich uisge ol as an abhainn.

19 Agus labhair an Tighearna re Maois, Abair re h-Aaron, Gabh do shlat, agus sin a mach do làmh air uisgibh na h-Eiphit, air an aibh-nibh, air an sruthaibh, agus air an lochanaibh, agus air uile cho'-chruinneachadh an uisgeacha, chum as gu'm fàs iad 'nam fuil; agus bithidh fuil air feadh tìre na h-Eiphit uile, araon ann an *soithichibh* fiodha, agus ann an *soithichibh* cloiche.

20 Agus rinn Maois agus Aaron mar sin, a réir mar a dh'àithn an Tighearna, agus thog e suas an t-slat, agus bhual e na h-uisgeachan, a *bha* 'san abhainn, ann an sealladh Pharaoh, agus an ann an sealladh a sheirbhiseach: agus thionndadh na h-uisgeachan uile a *bha* 'san abhainn, gu fuil.

21 Agus fhuair an t-iasg, a *bha* 'san abhainn, bàs: agus lobh an abhainn, agus cha b'urradh na h-Eiphitich uisge ol as an abhainn: agus bha'n fhuil ann an tìr na h-Eiphit uile.

22 Agus rinn druidhean na h-Eiphit mar sin le'n druidheachdaibh: agus chruadhaicheadh cridhe Pharaoh, agus cha d'èisd e riu, mar a thubhairt an Tighearna.

23 Agus phill Pharaoh, agus chaidh e d'a thigh; agus cha do shocraich e chridhe air so cuid-eachd.

24 Agus chladhaich na h-Eiphitich uile timcheall na h-aibhne air son uisge r'a ol: oir cha b'urrainn iad ol a dh'uisge na h-aibhne.

25 Agus choi'-lionadh seachd laithean 'an dèigh do'n Tighearna an abhainn a bhualadh.

## CAIB. VIII.

**A** GUS thubhairt an Tighearna re Maois, Falbh a dh'ionnsuidh Pharaoh, agus abair ris, Mar so tha 'n Tighearna, 'g ràdh Leig le m' shluagh imeachd, a chum as gu'n dean iad seirbhis dhomh.

2 Agus ma dhiùltas tu 'n leigeadh air falbh, feuch, buailidh mi do chriocean uile le losgannaibh:

3 Agus brùchdaidh an abhainn a mach losgainn, agus théid iad suas, agus thig iad a steach do d' thigh, agus do d'sheòmar-leapach, agus air uachdar do leapach, agus do thigh do sheirbhiseach, agus air do shluagh, agus do d' àmhuinnibh, agus do d' amaraibh-fuinidh d:

4 Agus théid na losgainn suas òrt féin, agus air do shluagh, agus air do sheirbhisich uile.

5 Agus thubhairt an Tighearna re Maois, Abair re h-Aaron, Sia a mach do làmh le d' shlaith os cionn nan aibhnichean, os cionn nan allt, agus os cionn nan lochan; agus thoir air na losgannaibh dol suas air talamh na h-Eiphit.

6 Agus shìn Aaron a mach a làmh os cionn uisgeacha na h-Eiphit; agus chaidh na losgainn suas, agus chòmhdaich e iad talamh na h-Eiphit.

7 Agus rinn na druidhean mar sin le 'n druidheachdaibh, agus thug iad suas losgainn air talamh na h-Eiphit.

8 'An sin ghairm Pharaoh air Maois agus air Aaron, agus thubhairt e, Guidhibh air an Tighearna gu'n d' thoir e air falbh na losgainn uam féin, agus o m' shluagh; agus leigidh mise leis an t-sluagh imeachd, a chum as gu'n lobair iad do'n Tighearna.

9 Agus thubhairt Maois re Pharaoh, Dean uail tharum: c'uin a ghuidheas mi air do shon, agus air son do sheirbhiseach, agus air son do shluaigh, gu'n cuirear as do na losgannaibh uait féin, agus o d' thighibh; air chor agus gu mairf iad a mhàin 'san abhainn?

10 Agus thubhairt esan, Am màir-each. Agus thubhairt e, *Bilheadh e* a réir t'fhocail; a chum as gu'm b' fìos agad nach 'eil neach ann cos-mhuil ris an Tighearna ar Dia.

11 Agus falbhaidh na losgainn uait féin, agus o d' thighibh, agus o d' sheirbhisich, agus o d' shluagh; a mhàin 'san abhainn mairidh iad.

<sup>a</sup> seasaidh tus' air bruaich na h-aibhn' air cheann dha teachd.  
<sup>b</sup> cha b'urradh.

<sup>c</sup> do leapa. <sup>d</sup> do d' scùlaibh-fuinidh. <sup>e</sup> chuibhrig, dh'fhòlaich.  
<sup>f</sup> gu'm fan, gu'm fàgar iad.

12 Agus chaidh Maois agus Aaron a mach o Pharaoh; agus dh'èigh a Maois ris an Tighearn a thaobh nan losgann, a thug e 'n aghaidh Pharaoh.

13 Agus rinn an Tighearn a r' r focail Mhaois: agus bhàsaich na losgann as na tighibh, as na bailtibh, agus as na machraichibh.

14 Agus chruinnich iad r'a chéile 'nan dùnaibh iad; agus lobb an tìrb.

15 Ach an uair a chunnaic Pharaoh gu'n robh fois ànn, chruadhach e chridhe, agus cha d'éisid e riu, mar a thubhairt an Tighearna.

16 Agus thubhairt an Tighearna re Maois, Abair re h-Aaron. Sin a mach do shlait, agus buail duslach e na talmhainn, a chum gu'm fàs e 'na mhialaibh air feadh tire na h-Eiphit eile.

17 Agus rinn iad mar sin; oir shìn Aaron a mach a làmh le shlait, agus bhual e duslach na talmhainn, agus rinneadh e 'na mhialan air duin' agus air ainmhidh d: rinneadh uile dhuslach na talmhainn 'na mhialaibh air feadh tire na h-Eiphit uile.

18 Agus rinn na druidhean mar sin le'n druidheachdaibh a thoirt a mach mhial, ach cha b'urrainn iad: agus bha mialan air duine agus air ainmhidh.

19 'An sin thubhairt na druidhean re Pharaoh, 'S e meur Dhé a th'ann: agus chruadhacheadh cridhe Pharaoh, agus cha d'éisid e riu; mar a thubhairt an Tighearna.

20 Agus thubhairt an Tighearna re Maois, Eirich suas gu moch 'sa mhadainn, agus seas 'an làthair Pharaoh, (feuch, tha e teachd a mach a dh'ionnsuidh an uisge) agus abair ris, Mar so tha'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

21 Ach mur leig thu le m' shluagh imeachd, feuch, cuiridh mi sgaoth chuileag e ort féin, agus air do sheirbhisich, agus air do shluagh, agus ann do thighibh; agus lionar tighean nan Eiphiteach leis an sgaoth chuileag, agus mar an ceudna 'n talamh air am bheil iad.

22 Agus cuiridh mi air leth air an là sin féin fearann Ghosein, anns am bheil mo shluagh a chòmhnuidh,

a ghlaodh.

fhàile do'n tìr.

d ann an duine agus ann an ainmhidh. Eabh.

chuileag.

b dh'fhàs droch

c luathre.

c iomadh gnè

air chor as nach bi cuileagan sam bith an sin; a chum as gu'm bi fios agad gur mise an Tighearn 'am meadhon na talmhainn.

23 Agus cuiridh mi dealachadh eadar mo shluagh-sa agus do shluagh-sa: air an là màireach bithidh an comharas o.

24 Agus rinn an Tighearna mar sin: agus thàinig sgaoth an-barrachf chuileag do thigh Pharaoh, agus do thigh a sheirbhisich, agus do thir na h-Eiphit uile: thruaillleadh an talamh a thaobh nan cuileag.

25 Agus ghairm Pharaoh air Maois agus air Aaron, agus thubhairt e, Rachaibh, iobraibh d'ar Dia 'san tìr.

26 Agus thubhairt Maois, Cha 'n'eil e iomchuidh e sinn a dheanamh mar sin; oir iobairidh sinn gràineileachd nan Eiphiteach do'n Tighearn ar Dia. Feuch, an iobair sinne gràineileachd nan Eiphiteach fa chomhair an sùl, agus nach gabh iad do chlachaibh oirn?

27 Théid sinn astar thri laithean do'n fhàsach, agus iobraidh sinn do'n Tighearn ar Dia, mar a dh'àithneas e dhuinn.

28 Agus thubhairt Pharaoh, Leigidh mi dhuibh imeachd, a chum as gu'n iobair sibh do'n Tighearna bhur Dia 'san fhàsach; ach na rachaibh ro fhad' air astar: guidhibh air mo shonsa.

29 Agus thubhairt Maois, Feuch, théid mise mach uait, agus guidhidh mi air an Tighearna gu'm falbh na cuileagan o Pharaoh, o sheirbhisich, agus o shluagh, am màireach: ach na buineadh Pharaoh ga cealgach tuilleadh, ann an diùltadh leigeadh do'n t-sluagh dol a dh'ìobradh do'n Tighearna.

30 Agus chaidh Maois a mach o Pharaoh, agus ghuidh e air an Tighearna.

31 Agus rinn an Tighearn a réir focail Mhaois: agus chuir e air falbh na cuileagan o Pharaoh, o sheirbhisich, agus o shluagh: cha d'fhan a h-aon.

32 Agus chruadhach Pharaoh a chridhe air an àm so mar an ceudna, agus cha do leig e leis an t-sluagh imeachd.

#### CAIB. IX.

A GUS thubhairt an Tighearna re Maois, Falbh a steach a dh'ionnsuidh Pharaoh, agus innis da, Mar so tha'n Tighearna Dia nan Eabhruidheach ag ràdh, Leig le m'

dhòlasach.

e iomchubhaidh.



shluagh imeachd, a chum as gu'n dean iad seirbhis dhomh:

2 Oir ma dhiùltas tu leigeadh *leo* imeachd, agus gu'n cum thu iad fathast.

3 Feuch, bithidh làmh an Tighearn air do spréidh a *ta* 'sa' mbachair, air na h-eich, air na h-asail, air na càmhail, air a' chrodh, agus air na caoraich: *bithidh* plàigh<sup>a</sup> ro mhòr ann.

4 Agus cuiridh an Tighearna dealachadh eadar spréidh Israeil, agus spreidh na h-Eiphit; agus cha'n fhaigh a' bheag bàs a dh'aon *ni a's* le cloinn Israeil.

5 Agus shuidhich an Tighearn àm, ag ràdh, Am màireach ni an Tighearn an ni so 'san tìr.

6 Agus rinn an Tighearn an ni sin air an là màireach, agus fhuair spréidh na h-Eiphit uile bàs: ach do spréidh chloinn Israeil cha d'fhuair a h-aon bàs.

7 Agus chuir Pharaoh *teachdaire* uaith agus feuch cha robh eadhon a h-aon do spréidh nan Israeleach marbh. Agus chruadhaicheadh cridhe Pharaoh, agus cha do leig e an sluagh air falbh.

8 Agus thubhairt an Tighearna re Maois, agus re h-Aaron, Gabhaibh dhuibh féin làn bhur glac<sup>b</sup> do luaithe teallaich<sup>c</sup>, agus crathadh Maois i re nèamh ann an sealladh Pharaoh:

9 Agus bithidh i 'na duslach min air feadh tìre na h-Eiphit uile, agus bithidh i 'na neasgaid a' briseadh a mach 'na bolgaibh air duine, agus air ainmhidh, air feadh tìre na h-Eiphit uile.

10 Agus ghabh iad luath na teallaich, agus sheas iad 'an làthair Pharaoh, agus chrath Maois i re nèamh; agus rinneadh i 'na neasgaid a' briseadh a mach 'na bolgaibh air duine agus air ainmhidh.

11 Agus cha b'urradh na druidhean seasamh 'an làthair Mhaois air son na neasgaid; oir bha an neasgaid air na druidhibh, agus air na h-Eiphitich uile.

12 Agus chruadhaich an Tighearna cridhe Pharaoh, agus cha d'éisd e riu; mar a labhair an Tighearna re Maois.

13 Agus thubhairt an Tighearn re Maois, Eirich suas gu moch 'sa' mhadainn, agus seas 'an làthair Pharaoh, agus abair ris, Mar so tha'n Tighearna Dia nan Eabh-

ruidheach ag ràdh, Leig le m' shluagh imeachd, a chum as gu'n dean iad seirbhis dhomh.

14 Oir air an àm so cuiridh mise mo phlàighean uile air do cridhe-sa, agus air do sheirbhisich, agus air do shluagh; a chum as gu'm bi fios agad nach *'eil* neach ann cosmhuil riumsa 'san talamh uile.

15 Oir a nis sinidh mi mach mo làmh, agus buailidh mi thu féin agus do shluagh le plàigh; agus gearrar as thu o 'n talamh.

16 Agus gu deimhin air son so thog mi suas thu, a chum as gu'n nochdainn annad mo chumhaehd, agus gu'm biodh m'ainm iomraideach<sup>d</sup> 'san domhan uile.

17 Am bheil thu fathast 'gad ardachadh féin 'an aghaidh mo shluaigh, air chor as nach leig thu leo imeachd?

18 Feuch, mu'n àm so màireach bheir mis' air cloich-mheallain ro mhòir<sup>e</sup> frasadh a nuas, nach robh a samhail 'san Eiphit, o'n là 'san do leagadh a bunachur<sup>f</sup> eadhon gus a nis.

19 Uime sin a nis cuir *fios* uait, agus cruinnich do spréidh, agus gach ni a *ta* agad 'sa' mbachair: *oir* air gach duine agus ainmhidh a gheibhear 'sa' mbachair, agus nach cruinnichear dhachaidh, thig a' chlach-mheallain a nuas, agus gheibh iad bàs.

20 An ti a ghabh eagal ròi<sup>g</sup> fhocal an Tighearna measg sheirbhisich Pharaoh, thug e air a sheirbhisich agus a spréidh teicheadh do na tighibh:

21 Agus esan nach do ghabh suim do fhocal an Tighearna, dh'fhàg e a sheirbhisich agus a spréidh 'sa' mbachair.

22 Agus thubhairt an Tighearna re Maois, Sin a mach do làmh gu nèamh, chum as gu'm bi clach-mheallain ann an talamh na h-Eiphit uile, air duine, agus air ainmhidh, agus air uile luibh na machrach ann an tìr na h-Eiphit.

23 Agus shìn Maois a mach a shlat gu nèamh; agus rinn an Tighearna tairneanach agus clach-mheallain, agus ruith tein-aidheir air uachdar na talmhainn; agus fhras an Tighearna clach-mheallain air tìr na h-Eiphit.

24 Mar so bha clach-mheallain ann, agus teine measgta leis a' chloich-mheallain ro mhòir, aig

<sup>a</sup> eucail. <sup>b</sup> bhur dorn. <sup>c</sup> fuirneis, àmhuinn.

<sup>d</sup> air fhoillseachadh, air a chraobh-sgaoileadh. <sup>e</sup> ro chràitich, ro mhilltich. <sup>f</sup> bunadh, stéidh.

nach robh a samhail ann an tìr na h-Eiphit uile, o rinneadh dùthaich dhith.

25 Agus bhuail a' chlach-mheallain air feadh tìre na h-Eiphit uile gach *ni* a *bha* 'sa' mhachair, araon duine agus ainmhidh: agus bhuail a' chlach-mheallain uile luibh na machrach, agus bhris i uile chraobha na machrach.

26 A mhàin ann an talamh Gho-sein, far an robh clann Israeil, cha robh clach-mheallain.

27 Agus chuir Pharaoh *teachdaire* uath, agus ghairm e air Maois agus air Aaron, agus thubhairt e riu, Pheacaich mi an uair so: *tha'n* Tighearna ceart, agus mise agus mo shluagh aingidh.

28 Guidhibhs' air an Tighearn (oir is leòr e) nach bi tairneanach an barrach a, agus clach-mheallain ann *ni's mò*; agus leigidh mise leibh fàlbh, agus cha'n fhan sibh *ni's faide*.

29 Agus thubhairt Maois ris, Co luath 's a théid mise mach as a' bhaile, sinidh mi mo làmhnan a mach a chum an 'Tighearna; agus sguiridh an tairneanach, agus cha bhì a' chlach-mheallain ann *ni's mò*; chum as gu'm bi fios agad gur leis an 'Tighearn an talamh.

30 Ach air do shon-sa, agus air son do sheirbhiseach, a ta fhios agam nach bi eagal oirbh fathast roimh an Tighearna Dia.

31 Agus bhuaileadh an lion agus an t-eòrna; oir *bha* 'n t-eòrna fa dhéis, agus an lion fa shras b.

32 Ach cha do bhuaileadh an cruithneachd agus an seagal; oir cha robh iad air fàs suas.

33 Agus chaidh Maois a mach o Pharaoh as a' bhaile, agus shin e mach a làmba chum an 'Tighearna; agus sguir an tairneanach agus a' chlach-mheallain, agus cha do dhòirteadh an t-uisge air an talamh.

34 Agus an uair a chunnaic Pharaoh gu'n do sguir an t-uisge, agus a' chlach-mheallain, agus an tairneanach, pheacaich e fathast mar an ceudna, agus chruadhaich e cridhe, e féin agus a sheirbhisich.

35 Agus chruadhaicheadh cridhe Pharaoh, agus cha do leig e clann Israeil air falbh, mar a labhair an Tighearna le Maois.

CAIB. X.

**A**GUS thubhairt an Tighearna re Maois, Imich a steach gu Pharaoh; oir chruadhaich mi a chridhe,

agus cridhe a sheirbhiseach; a chum gu nochdainn iad sin mo chomharan 'na làthair:

2 Agus gu'n innseadh tu ann an cluasibh do mhic, agus mhic do mhic, na nithean a dh'òibrich mi 'san Eiphit, agus mo chomharan a rinn mi 'nam measg; agus gu'm bi fios agaibh gur mise an Tighearna.

3 Agus chaidh Maois agus Aaron a steach gu Pharaoh, agus thubhairt iad ris, Mar so tha'n Tighearna Dia nan Eabhruidheach ag ràdh, Cia fhada dhiùltas tu thu féin isleachadh a'm' làthair-sa? Leig le m' shluagh imeachd, agus gu'n dean iad seirbhis dhomh:

4 Ach ma dhiùltas tu leigeadh le m' shluagh imeachd, feuch, bheir mise a màireach na locuist a steach do d' chrìochaibh:

5 Agus còmhdaichidh iad aghaidh na talmhainn, air chor as nach urradh neach an talamh fhaicinn: agus ithidh iad fuigheal an *ni* sin a théid as, a dh'fhanas agaibh o'n chloich-mheallain, agus ithidh iad gach craobh a ta fàs dhuibh as a' mhachair.

6 Agus lionaidh iad do thighean, agus tighean do sheirbhiseach uile, agus tighean nan Eiphiteach uile; *ni* nach faca aon chuid t'aithreacha, no aithreacha t'aithreacha, o'n là a bha iad air an talamh gus an là'n diugh. Agus phill se e féin, agus chaidh e mach o Pharaoh.

7 Agus thubhairt seirbhisich Pharaoh ris, Cia fhada bhios an duine so 'na ribe dhuinne? Leig leis na daoine falbh, chum gu'n dean iad seirbhis do'n Tighearn an Dia: nach 'eil fhios agad fathast gu bheil an Eiphit air a milleadh?

8 Agus thugadh Maois agus Aaron, a ris gu Pharaoh: agus thubhairt e riu, Rachaibh, deanaibh seirbhis do'n Tighearna bhur Dia: *ach* cò iad a théid?

9 Agus thubhairt Maois, Le'r n-digridh agus le'r daoine aosmhar théid sinne; le'r mic agus le'r nigheanaibh, le'r treudaibh agus le'r buar théid sinn; oir is éigin duinn féisd a chumail do'n Tighearna.

10 Agus thubhairt e riu, Gu robh an Tighearna mar sin maille ribh, mar a leigeas mise leibh féin agus le'r cloinn bhì 'g imeachd: amhaircibh, oir *tha* ole romhaibh.

11 *Ni* h-ann mar sin: imichibh a nis, sibhs' a ta 'nar daoineibh, agus deanaibh seirbhis do'n Tighearna,

oir is e so an ni a dh'iarr sibh: Agus dh'fhuadaicheadh a mach iad as làthair Pharaoh.

12 Agus thubhairt an Tighearna re Maois, Sin a mach do làmh thar talamh na h-Eiphit air son nan locust, a chum as gu'n d'thig iad suas air talamh na h-Eiphit, agus gu'n ith iad uile luibh na talmhainn, eadhon gach ni a dh'fhàg a' chlach-mheallain.

13 Agus shin Maois a mach a slat thar talamh na h-Eiphit, agus thug an Tighearna gaoth an ear air an talamh rè an là sin uile, agus rè na h-oidhche uile: agus 'sa' mhadainn thug à' ghaoth an ear a steach na locuist.

14 Agus chaidh na locuist suas thar talamh na h-Eiphit uile, agus dh'fhan iad ann an crìochaibh na Eiphit uile, gu ro dhiùbhalach<sup>a</sup>; rompa cha robh riamh an leithide do locuist, agus 'nan déigh cha bhi an leithide:

15 Oir chomhdaich iad aghaidh na talmhainn uile, air chor as gu'n do dhorchaidheadh an talamh; agus dh'ith iad uile luibh na talmhainn, agus uile mheas nan craobh a dh'fhàg a' chlach-mheallain: agus cha d'fhàgadh ni sam bith glas 'sna craobhaibh, no ann an luibh na machrach ann an tìr na h-Eiphit uile.

16 'An sin ghairm Pharaoh air Maois agus air Aaron le cabhaig, agus thubhairt e, Pheacaich mi 'n aghaidh an Tighearna bhur Dé, agus 'nar n-aghaidhsa.

17 A nis uime sin math, guidheam ort, mo pheacadh a mhàin an uair so, agus guidhibh air an Tighearna bhur Dia, gu'n d'thoir e air falbh uam a mhàin am bàs so.

18 Agus chaidh e mach o Pharaoh, agus ghuidh e air an Tighearna.

19 Agus thionndaidh an Tighearna gaoth an iar ro làdair, a thug air falbh na locuist, agus a thilg iad 'san' fhaige ruaidh: cha d'fhan aon locust ann an crìochaibh na h-Eiphit uile.

20 Ach chruadhaich an Tighearna cridhe Pharaoh, agus cha do leig e air falbh clann Israil.

21 Agus thubhairt an Tighearna re Maois, Sin a mach do làmh gu nèamh, agus bithidh dorchadas air feadh tìre na h-Eiphit, eadhon dorchadas a dh'fheadar, a laimh-seachadh.

22 Agus shin Maois a mach a làmh gu nèamh: agus bha tiugh-dhorchadas<sup>b</sup> ann an tìr na h-Eiphit uile rè trì laithean.

23 Cha'n fhaca h-aon duibh a chèile, ni mò a dh'éirich neach o àite rè trì laithean: ach bha aig cloinn Israeil uile solus 'nan àitibh-còmhnuidh.

24 Agus ghairm Pharaoh air Maois, agus thubhairt e, Rachaidh-se, deanaibh seirbhis do'n Tighearna; a mhàin fanadh bhur treudan agus bhur buar: rachadh bhur clann bheag mar an ceudna maille ribh.

25 Agus thubhairt Maois, Feumaidh tu mar an ceudna iobairtean a thoirt duinn, agus tabhartais-loisgte, chum as gu'n iobair sinn do'n Tighearna ar Dia.

26 Agus mar an ceudna théid ar spréidh maille ruinn; cha'n fhàgar ionga nar déigh e, oir is éigir duinn gabhail diubh gu seirbhis a dheanamh do 'n Tighearna ar Dia; agus cha 'n'eil fhios againn cia leis a ni sinn seirbhis do'n Tighearna gus an d'thig sinn 'an sin.

27 Ach chruadhaich an Tighearna cridhe Pharaoh, agus cha leigeadh e leo imeachd.

28 Agus thubhairt Pharaoh ris, Imich a mach uam; thoir an aire dhuist féin, na faic mi aghaidh ni's mò: oir 'san là sin anns am faic thu m'aghaidh, gheibh thu bàs.

29 Agus thubhairt Maois, Labhair thu gu math; cha 'n fhaic mi t'aghaidh ni's mò.

#### CAIB. XI.

**A** GUS thubhairt an Tighearna re Maois, Bheir mi aon phlàigh fathast air Pharaoh, agus air an Eiphit; an déigh sin leigidh e leibh imeachd as so: an uair a leigeas e leibh imeachd, gu cinnteach fuadaichidh e mach as so sibh gu h-iomlan.

2 Labhair a nis ann an cluasaibh an t-stuaigh, agus iarradh gach duine o choimhearsnach, agus gach bean o ban-choimhearsnach, seudan airgid, agus seudan òir.

3 Agus thug an Tighearna deagh-ghéan do'n t-stuagh ann an sùilibh nan Eiphiteach: Mar an ceudna, bha 'n duine Maois ro mbòr 'an tìr na h-Eiphit, ann an sùilibh sheirbhiseach Pharaoh, agus ann an sùilibh an t-stuaigh.

4 Agus thubhairt Maois, Mar so tha'n Tighearna ag ràdh, Mu

<sup>b</sup> dall-dhorchadas.

<sup>c</sup> cha'n

fhàgar speir'nar déigh.

<sup>a</sup> ro mhillteach.

mheadhon-oidhche théid mi mach do mheadhon na h-Eiphit :

5 Agus gheibh gach ceud-ghin ann an tìr na h-Eiphit bàs, o chend-ghin Pharaoh, à ta 'na shuidhe air a rìgh-chathair, eadhon gu ceud-ghin na ban-tràille<sup>a</sup> a ta air cùl a' mhuilinn, agus uile chend-ghin nan ainmhidhean.

6 Agus bithidh éigheach<sup>b</sup> mhòr ann an tìr na h-Eiphit uile, nach robh riaghailt a leithid ann, ni mò bhithreas a leithid ann tuilleadh.

7 Ach 'an aghaidh a h-aon do chloinn Israeil cha charuich<sup>c</sup> madadh a theanga, aon chuid 'an aghaidh duine no ainmhidh; chum as gu'm bi fios agaibh cionnus a chuir-eas an Tighearna dealachadh eadar na h-Eiphitich agus Israel.

8 Agus thig iad sin do sheirbhisich uile siosa<sup>m</sup> 'ionnsuidhsa, agus cromaidh siad iad féin domh, ag ràdh, Imich a mach, agus an sluagh uile a ta 'gad leantuinn; agus 'an deigh sin théid mi mach. Agus chaith e mach o Pharaoh ann an corruich mhòir.

9 Agus thubhairt an Tighearna re Maois, Cha'n éisd Pharaoh ribh, a chum as gu meudaichear m'iongan-tais<sup>d</sup> ann an tìr na h-Eiphit.

10 Agus rinn Maois agus Aaron na h-iongantais sin uile 'am fianuis Pharaoh: agus chruadhaich an Tighearna cridhe Pharaoh, agus cha do leig e le cloinn Israeil imeachd as a dhùthaich.

#### CAIB. XII.

**A** GUS labhair an Tighearna re Maois agus re h-Aaron ann an talamh na h-Eiphit, ag ràdh,

2 *Bithidh* am mìos so dhuibh 'na thoiseach nan mìos: *bithidh* e dhuibh 'na cheud mhìos na bliadhna.

3 Labhraibh-sa re coi<sup>2</sup>-thional Israeil uile, ag ràdh, Air an deich-eamh là do'n mhìos so gabhaidh iad dhoibh féin gach duine uan, a réir tìghe an aithreacha, uan air son tìghe.

4 Agus ma bhios an teaghlach ro bheag air son uain, 'an sin gabhaidh esan agus a choimhearsnach a's faigse d'a thigh e, a réir àireimh nan anmanna; gach duine, a réir itheannaich àirmhear leibh air son an uain.

5 *Bithidh* bhur n-uan gun ghaoid e, fìrionn, bliadhna dh'aois<sup>f</sup>:

<sup>a</sup> na ban-seirbhisich.

<sup>b</sup> éigh,

<sup>c</sup> eabha, glaothaich.

<sup>c</sup> cha ghluais.

<sup>d</sup> mo mhiorbhuilean.

<sup>e</sup> gun ain-eamh fallain.

<sup>f</sup> bliadhnach.

as na caoiribh, no as na gabhraibh, gabhaidh sibh e.

6 Agus gleidhidh sibh a stigh e gu nuig an ceathramh là deug do'n mhìos so: agus marbhadh co<sup>2</sup>-chruinneachadh iomlan chloinn Israeil e 'san fheasgar s.

7 Agus gabhaidh iad do'n fhuil, agus cuiridh iad i air an dà ursainn, agus air ard-dorus nan tighean, anns an ith iad e.

8 Agus ithidh iad 'an fheoil 'san oidhche sin féin ròiste le teine, agus aran neo-ghoirtichte<sup>h</sup>; maille re *luibhibh* searbhha ithidh iad e.

9 Na ithibh a' bheag dheth amh, no idir air a' bhrùic<sup>i</sup> eadh i ann an uisge, ach ròiste le teine: a cheann maille r'a chasaibh, agus maille r'a ghrealaich<sup>l</sup>.

10 Agus cha'n fhàg sibh a' bheag dheth gu madainn: agus na dh'fhàgarr dheth gu madainn, loisgidh sibh le teine.

11 Agus mar so ithidh sibh e; le'r leasraidh criosraichte, bhur brògan air bhur casaibh, agus bhur lorg<sup>m</sup> 'nar làimh: agus ithidh sibh e le cabhaig; 'se càisg<sup>n</sup> an Tighearna a th'ann.

12 Oir théid mise troi<sup>o</sup> 'o thir na h-Eiphit air an oidhche so, agus buailidh mi gach ceud-ghin ann an tìr na h-Eiphit, araon dnuin' agus ainmhidh; agus 'an aghaidh dhée nan Eiphiteach uile cuiridh mi breitheanas 'an gnìomh; is mise an Tighearna.

13 Agus bithidh an fhuil dhuibh mar chomhar' air na tighibh anns an *bheil* sibh: agus an uair a chi mis' an fhuil, théid mi thairis oirbh, agus cha bhi phlàigh oirbh a chum *bhur* millidh, 'nuair a bhuailas mi tìr na h-Eiphit p.

14 Agus bithidh an là so dhuibh mar chuimhneachan; agus gleidhidh sibh e 'na là-féill<sup>r</sup> do'n Tighearna air feadh bhur ginealach; le h-ordugh sìorruidh gleidhidh sibh e.

15 Seachd laithean ithidh sibh aran neo-ghoirtichte; air a' cheud là féin cuiridh sibh a mach taois ghoirt as bhur tighibh: oir gach neach a dh'itheas aran goirtichte, o'n cheud là gus an t-seachdamh là, gearrar an t-anam sin as o Israel.

16 Agus air a' cheud là *bithidh*

<sup>z</sup> eadar an dà fheasgar. Eabh. <sup>h</sup> gun laibhin. <sup>i</sup> bhrùitheadh.

<sup>l</sup> innibh. <sup>m</sup> bata. <sup>n</sup> dol

thairis. Eabh. <sup>o</sup> air feadh;

tre. Eir. <sup>p</sup> 'nuair a bhuailas

mi ann an tìr na h-Eiphit. Eabh.

<sup>r</sup> là-fisde.



*agaibh* co'-ghairm naomha, agus air an t-seachdamh bithidh *agaibh* co'-ghairm naomha: obair 'sam bith cha deanar orra, saor o na dh'ithear leis gach neach; sin a mhàin nìth-eair leibh.

17 Agus cumaidh sibh *fèisd* an arain neo-ghoirtichte; oir air an là sin féin a thug mise mach bhur sloigh a tìr na h-Eiphit; uime sin coimhididh sibh an là so 'nar ginealachaidh, le h-ordugh sìorruidh.

18 'Sa' cheud *mhos*, air a' cheathramh là deug do'n mhios 'san fheasgar, ithidh sibh aran neo-ghoirtichte, gu nuig an ceud là 'ar fhichead do'n mhios 'san fheasgar.

19 Rè sheachd laithean cha'n fhaighear taois ghoirt 'nar tighibh; oir ge b'e neach a dh'itheas aran goirtichte, gearrar an t-anam sin féin as o cho'-thional Israeil, co dhiubh e is coigreach e, no neach a rugadh 'san tìr.

20 Ni air bith goitichte cha'n ith sibh: 'nar n-àitibh-còmhnuidh uile ithidh sibh aran neo-ghoirtichte.

21 'An sin ghairm Maois air sean-airean Israeil uile, agus thubhairt e riù, Tairngibh a mach, agus gabhaidh dhuibh féin uan, a réir bhur teaghlach, agus marbhaibh a' chàisg.

22 Agus gabhaidh sibh bad hio-soip, agus tumaidh sibh e 'san fhuil a ta 'san t-soitheach, agus beanaidh sibh do'n ard-dorus, agus do'n dà ursainn, leis an fhuil a ta 'san t-soitheach: agus cha d' théid a h-aon agaibh a mach air dorus a thighe gu nuig a' mhadainn.

23 Agus théid an Tighearna thairis a bhualadh nan Eiphiteach; agus an uair a chi e 'n fhuil air an ard-dorus, agus an dà ursainn, théid an Tighearna thairis air an dorus, agus cha leig e leis a' mhillteir teachd a steach d'ar tighibh gu' bualadh.

24 Agus gleidhidh sibh an nì so mar ordugh dhuibh féin, agus d'ar mic, gu sìorruidh.

25 Agus tarlaidh 'nuair a théid sibh a steach do'n fhearann a bheir an Tighearna dhuibh, a réir mar a gheall e, gu'n gleidh sibh an t-seirbhis so.

26 Agus tarlaidh, 'nuair a their bhur clann ruibh, Ciod is *ciall* duibh leis an t-seirbhis so?

27 Gu'n abair sibh, So iobairt

a ann an corp an là sin. Eabh.  
b armailtean. c co ac'. d dhuit  
fèin agus do d' mhac. Eabh.

càisg an Tighearna, a chaidh thairis air tighibh cloinn Israeil 'san Eiphit, 'nuair a bhuail e na h-Eiphitich, agus a shaor e ar tighean-ne. Agus chrom an sluagh iad féin, agus rinn iad aoradh.

28 Agus dh'fhalbh clann Israeil, agus rinn iad *mar so*; mar a dh'àithn an Tighearna do Mhaois agus do Aaron, mar sin rinn iad.

29 Agus air meadhon na h-oidhche sin féin bhuail an Tighearna gach ceud-ghin ann an tìr na h-Eiphit, o cheud-ghin Pharaoh, a shuidh air a rìgh-chathair, gu ceud-ghin a' chiomaiche, a bha ann an slèchd a' phriosain; agus gach ceud-ghin ainmhidh.

30 Agus dh'éirich Pharaoh 'san oidhche, e féin agus a sheirbhisich uile, agus na h-Eiphitich uile; agus bha éigheach mhòr 'sa Eiphit, oir cha robh tigh anns nach robh neach marbh.

31 Agus ghairm e air Maois agus air Aaron 'san oidhche, agus thubhairt e, Eiribh, rachaidh a mach a meadhon mo shluaigh, araon sibhse agus clann Israeil: agus rachaidh, deanaibh seirbhis do'n Tighearna, mar a thubhairt sibh.

32 Thugaibh leibh mar an ceudna bhur treudan, agus bhur buar, mar a thubhairt sibh, agus imichibh: agus beannaichibh mise mar an ceudna.

33 Agus thug na h-Eiphitich dian-sparradh do'n t-sluaigh, a chum gu'n cuireadh iad le cabhaig a mach as an tìr iad: oir thubhairt iad, *Is daoine* marbha sinn gu léir.

34 Agus ghabh an sluagh an taois mun do ghoirticheadh i; an amaran-fuinidh ceangailte 'nan eudach air an guaillibh.

35 Agus rinn clann Israeil a réir focail Mhaois: agus dh'iarr iad o na h-Eiphitich seudan airgid, agus seudan òir, agus eudach.

36 Agus thug an Tighearna deagh-ghean do'n t-sluaigh ann an sùilibh nan Eiphiteach, agus thug iad 'an coingheallh dhoibh: agus chreach iad na h-Eiphitich.

37 Agus dh'imich clann Israeil o Rameses gu Sucot, mu thimchioll sè ceud mìle fear d'an cois, a thuilleadh air cloinn.

38 Agus mar an ceudna chaidh iomadaidh do shluaigh eile i suas

e a' bhraighde; the captive. Sasg.  
f na gain-tìre. g geur-impidh.  
h iasad. i cumasg mòr  
sluaigh.

maille riù, agus treudan, agus buar, ro-mhòran spréidhe a.

39 Agus dh'fhuin iad do'n taois, a thugadh a mach as an Eiphit, breacaga neo-ghoirtichte, oir cha do ghoirticheadh i; do bhrìgh gu 'n d'fhuadaicheadh iad a mach as an Eiphit, agus nach b'urradh iad fair-each, agus mar an ceudna nach do dheasaich iad biadh dhoibh féin.

40 A nis b'i aimsir cuairte chloinn Israeil, a bha iad a chòmhnuidh 'san Eiphit, ceithir cheud agus deich bliadhna tichead.

41 Agus aig ceann nan ceithir cheud agus nan deich bliadhn' 'ar fhichead, air an là sin féin, chaidh slòigh an Tighearn uile mach a tir na h-Eiphit.

42 Is oidhche so gu bhi air a coimhead<sup>b</sup> gu h-àraidh do'n Tighearna, air son an toirt-san a mach a tir na h-Eiphit: so an oidhche sin gu bhi air a coimhead do'n Tighearna le cloinn Israeil uile 'nan ginealachaihbh.

43 Agus thubhairt an Tighearna re Maois agus re .h-Aaron, So ordugh na càisge: cha'n ith coigreach<sup>c</sup> sam bith dhith.

44 Agus gach seirbhiseach duine, a cheannaicheadh le h-airgiod, an uair a thimchioll-ghearras tu e, 'an sin ithidh e dhith.

45 Cha'n ith coigreach no seirbhiseach tuarasdail dhith.

46 Ann an aon tigh ithear i: cha ghiùlain thu bleag do'n fheoil a mach as an tigh; ni mò a bhriseas sibh cnàimh dhith.

47 Ni coi'-thional Israeil uile sin.

48 Agus an uair a bhios coigreach air chuairt maille riut, agus a chumas e chàisg do'n Tighearna, timchioll-ghearras gach firionnach aige, agus 'an sin thigeadh e am fagus g'a cumail, agus bithidh e mar neach a rugadh 'san tir: ach cha'n ith neach sam bith neo-thimchioll-ghearrta dhith.

49 Bithidh an t-aon lagh aige-san a rugadh 'san tir, agus aig a' choigreach a ta air chuairt 'nar measg.

50 Mar so rinn clann Israeil uile: mar a dh'àithn an Tighearna do Mhaois agus do Aaron, mar sin rinn iad.

51 Agus air an là sinn féin thug an Tighearna mach clann Israeil a tir na h-Eiphit a réir an slògh<sup>d</sup>.

## CAIB. XIII.

AGUS labhair an Tighearna re Maois, ag ràdh,

2 Naomhaich dhomhsa gach ceudghin, ge b'e air bith a dh'fhosgail-eas a' bhrùe a' measg cloinn Israeil, eadar duine agus ainmhidh: is leamsa e.

3 Agus thubhairt Maois ris an t-sluagh, Cuimhnichibh an là so, air an d'thàinig sibh a mach as an Eiphit, a tigh na daorsa; oir le làimh thréin thug an Tighearna a mach sibh as sin: agus cha'n ith-ea<sup>f</sup> aran goirtichte.

4 Air an là 'n diugh thàinig sibh a mach 'am mìos Abib.

5 Agus an uair a bheir an Tighearna steach thu do thìr nan Canaanach, agus nan Hiteach, agus nan Amorach, agus nan Hibheach, agus nan Iebusach, a mhionnaich e do d' aithreachaibh gu'n d' thugadh e dhuit, fearann a' sruthadh le bainne agus le mil, 'an sin coimhididh tu an t-seirbhis so anns a' mhìos so.

6 Seachd laithean ithidh tu aran neo-ghoirtichte, agus air an t-seachdamh là bithidh<sup>g</sup> féisd do 'n Tighearna.

7 Ithear aran neo-ghoirtichte seachd laithean; agus cha'n fhaicear aran goirtichte agad, agus ni mò a chithear taois ghoirt agad ann ad chriochaibh uile.

8 Agus innsidh tu do d' mhac 'san là sin, ag ràdh, Nithear so air sgàth an ni sin a rinn an Tighearna dhomhsa, 'nuair a thàinig mi mach as an Eiphit.

9 Agus bithidh e dhuit mar chomhar<sup>h</sup> air do làimh, agus mar chumhneachan eadar do shùilibh, a chum gu'm bi lagh an Tighearna ann do bheul; oir le làimh thréin thug an Tighearna mach thu as an Eiphit.

10 Air an aobhar sin coimhididh<sup>g</sup> tu an t-ordugh so 'na thrà<sup>h</sup> féin o bhliadhna gu bliadhna.

11 Agus an uair a bheir an Tighearna steach thu do thìr nan Canaanach, mar a mhionnaich e dhuitse, agus do d' aithreachaibh, agus a bheir e dhuit e,

12 'An sin cuiridh tu air leth do'n Tighearna gach ni a dh'fhosgaileas a' bhrù, agus gach ceudghin, a thig o ainmhidh a's leat-sa, buinidh iad<sup>i</sup> san a ta firionn 'nam measg do'n Tighearna.

<sup>a</sup> mhòran ni.

<sup>d</sup> an armailtan.

<sup>b</sup> cumail, gleidh-

<sup>c</sup> mac coigrich. Eabh.

<sup>e</sup> a mhaehlag,

<sup>f</sup> cha'n ichear.

<sup>h</sup> thràth, am.

<sup>g</sup> Sasg.

<sup>i</sup> gleidhidh.

13 Agus gach ceud-ghin asail fuasgailidh tu le h-uain; agus mur fuasgail thu e, 'an sin brisidh tu amhach: agus gach ceud-ghin duine a' measg do chloinne fuasgailidh tu.

14 Agus an uair a dh'fheòraicheas do mhac dhìot 'san aimsir re teachd, ag ràdh, Cìod e so? 'an sin their thu ris, Le làimh thréin thug an Tighearna mach sinn as an Eiphit, a tigh na daorsa:

15 Agus an uair a chruadhaich Pharaoh e féin, agus nach b'áill leis an leigeadh air falbh, 'an sin mharbh an Tighearna gach ceud-ghin ann an tìr na h-Eiphit, araon ceud-ghin duine, agus ceud-ghin ainmhidh; air an aobhar sin iobraidh mi do'n Tighearna gach nì a dh'fhosgaileas a' bhrù, *ma's* frìdnuaich iad, ach uile cheud-ghin mo chloinne fuasgailidh mi.

16 Agus bithidh e mar chomhar' air do làimh, agus mar eudanan eadar do shùilibh; oir le làimh thréin thug an Tighearna mach sinn as an Eiphit.

17 Agus eadhon an uair a leig Pharaoh do'n t-sluaigh imeachd, cha do threòraich <sup>a</sup> Dia iad *air* slighe tire nam Philisteach, ge do *bha* sin aithghearr: oir thubhairt Dia, An t-eagal gu'm bi aithreachas air an t-sluaigh an uair a chi iad cogadh, agus gu'm pill iad do'n Eiphit.

18 Ach threòraich Dia an sluaigh m'an cuairt, *air* slighe fàsaich na mara ruaidhe: agus chaidh clann Israeil suas 'an ordugh catha a tìr na h-Eiphit.

19 Agus thug Maois cnàmhan Ioseiph leis; oir ghabh e mionnan teann do chloinn Israeil, ag ràdh, Gu cinnteach amhaircidh Dia oirbhe, agus bheir sibh suas mo chnàmha leibh as so.

20 Agus dh'imich iad o Shucot, agus champaich iad ann an Etam, ann an iomall an fhàsaich.

21 Agus chaidh an Tighearna rompa 'san là ann am meall <sup>b</sup> neoil, a chum an treòrachadh air an t-slighe, agus 'san oidhche ann am meall teine, a thoirt soluis doibh; gu imeachd a là agus a dh'oidhche.

22 Cha d' thug e air falbh am' meall neoil 'san là, no 'm meall teine 'san oidhche, as làthair an t-sluaigh.

## CAIB. XIV.

**A**GUS labhair an Tighearna re Maois, ag ràdh,

2 Labhair re cloinn Israeil, gu

<sup>a</sup> cha d'thug. <sup>b</sup> stac, baideal; pillar. Sasg.

'm pill iad, agus gu 'n campaich iad fa chomhair Phihahirof eadar Migdol agus an fhaire, fa chomhair Bhaal-sephoin: fa choinneamh-san campaichidh sibh làimh ris an fhaire.

3 Oir their Pharaoh mu chloinn Israeil, *Tha* iad air seachran <sup>c</sup> 'san tìr, dh'iadh am fàsach mu'n timchioll.

4 Agus cruadhaichidh mise cridhe Pharaoh, agus theid e air an tòir, agus gheibh mise glòir a thaobh Pharaoh agus a shloigh uile; agus bithidh fios aig na h-Eiphitich gur mise an Tighearna. Agus rinn iad mar sin.

5 Agus dh'innseadh do rìgh na h-Eiphit gu'n do theich an sluaigh: agus thionndaidh cridhe Pharaoh, agus a sheirbhiseach 'an aghaidh an t-sluaigh, agus thubhairt iad, Cìod e so a rinn sinn, gu'n do leig sinn le h-Israel imeachd as ar seirbhis?

6 Agus bheartaich <sup>d</sup> e a charbad, agus thug e a shluagh maille ris;

7 Agus thug e leis sè ceud carbad taghta, agus uile charbada na h-Eiphit, agus ceannardan orra uile.

8 Agus chruadhaich an Tighearna cridhe Pharaoh rìgh na h-Eiphit, agus lean e air tòir chloinn Israeil: agus chaidh clann Israeil a mach le làimh ard.

9 Ach chaidh na h-Eiphitich air an tòir (eich *agus* carbadan Pharaoh, agus a mharc-shluaigh, agus armaidh uile) agus rug iad orra, *agus iad* a' campachadh làimh ris an fhaire, làimh re Pihahirof, fa chomhair Bhaal-sephoin.

10 Agus an uair a thàinig Pharaoh am fagus, thog clann Israeil suas an sùilean, agus feuch, bha na h-Eiphitich air an tòir, agus bha eagal mòr orra: agus dh'éigh clann Israeil ris an Tighearna.

11 Agus thubhairt iad re Maois, An ann a chionn nach *robh* uaigh-ean 'san Eiphit a thug thu leat sinn gu bàs f'aghail 'san fhàsach? C'ar son a rinn thu so oirnn, ar tabhairt a mach as an Eiphit?

12 Nach e so am focal a labhair sinn riut 'san Eiphit, ag ràdh, Leig leinn seirbhis a dheanamh do na h-Eiphitich? Oir *b'*fhearr dhuinn seirbhis a dheanamh do na h-Eiphitich na bàs fhaghail 'san fhàsach.

13 Agus thubhairt Maois ris an t-sluaigh, Na biodh eagal oirbh, seasaibh, agus faicibh slàint' an Tighearna, a dh'oibricheas e dhuibh

<sup>c</sup> an amaladh. <sup>d</sup> dh'ulluich.

an diugh; oir na h-Eiphitich a chunnaic sibh an diugh, cha'n fhaic sibh iad a chaoidlh' tuilleadh.

14 Cogaidh an Tighearna air bhar son, agus fanaidh sibhse 'nar tosd.

15 Agus thubhairt an Tighearna re Maois, C'ar son a ta thu 'g eigh-each riumsa? Abair re cloinn Israeil dol air an aghaidh.

16 Ach togsa suas do shlat, agus sin a mach do làmh os cionn na fairge, agus sgoilt i; agus théid clann Israeil a steach 'am meadhon na fairge air *talamh* tioram.

17 Agus cruadhaichidh mise, eadhon mise, cridhe nan Eiphiteach, agus théid iad a steach 'nan déigh: agus gheibh mise glóir a thaobh Pharaioih, agus a thaobh a shlòigh uile, a thaobh a charbadan, agus a thaobh a mharc-shluaigh.

18 Agus bithidh fios aig na h-Eiphitich gur mise an Tighearna, 'nuair a gheibh mi glóir a thaobh Pharaioih, a thaobh a charbadan, agus a thaobh a mharc-shluaigh.

19 Agus dh'fhalbh aingeal an Tighearna, a chaidh roimh champa Israeil, agus dh'imich e 'nan déigh; agus dh'fhalbh am meal neoil o'm beulaobh, agus sheas e air an cùlaobh.

20 Agus thàinig e eadar campa nan Eiphiteach agus campa Israeil, agus bha e 'na neul, agus 'na dhorchadas *dhoibh sud*, ach shoillsich e 'n oidhche *dhoibh so*, air chor as nach d'thàinig a h-aon diubh am fagus d'a chéile rè na h-oidhche.

21 Agus shin Maois a mach a làmh os cionn na fairge, agus thug an Tighearna air an fhairge dol air a h-ais le gaoith làdair o 'n ear rè na h-oidhche sin, agus rinn e 'n fhairge *na talamh* tioram, agus roinneadh na h-uisgeacha.

22 Agus chaidh clann Israeil a steach 'am meadhon na fairge air *talamh* tioram, agus bha na h-uisgeacha 'nam balla dhoibh air an làimh dheis, agus air an làimh chli.

23 Agus lean na h-Eiphitich, agus chaidh iad a steach 'nan déigh gu meadhon na fairge, eadhon eich Pharaioih uile, a charbadan, agus a mharc-shluaigh.

24 Agus ann am faire na maidne dh'amhairc an Tighearna air sluagh nan Eiphiteach troimh 'n mheall theine, agus neoil; agus chlaoidh e armailt nan Eiphiteach.

a Ni an Tighearna cogadh.  
b trid. Eir.

25 Agus thug e air-falbh rothan an carbad, air chor as gu'n do tharuingeadh iad gu trom. Agus thubhairt na h-Eiphitich, Teicheamaid as làthair Israeil, oir tha 'n Tighearna cogadh leosan 'an aghaidh nan Eiphiteach.

26 Agus thubhairt an Tighearna re Maois, Sin a mach do làmh os cionn na fairge, chum gu'n d'thig na h-uisgeachan air an ais air na h-Eiphitich, air an carbadaibh, agus air am marc-shluaigh.

27 Agus shin Maois a mach a làmh os cionn na fairge, agus phill an fhairge g'a neart an uair a shoillsich a' mhadainn; agus theich na h-Eiphitich, 'na h-aghaidh: agus chuir an Tighearna na h-Eiphitich fodha e am meadhon na fairge.

28 Agus phill na h-uisgeachan, agus dh'fholaich iad na carbaid, agus am marc-shluaigh, agus armailt Pharaioih uile, a thàinig 'san fhairge 'nan déigh: cha d'fhagadh uiread 's a h-aon diubh.

29 Ach dh'imich clann Israeil air *talamh* tioram 'am meadhon na fairge, agus bha na h-uisgeacha 'nam balla dhoibh air an làimh dheis, agus air an làimh chli.

30 Mar so shaor an Tighearna Israeil, air an là sin, a làimh nan Eiphiteach: agus chunnaic Israel na h-Eiphitich marbh air tràigh na fairge.

31 Agus chunnaic Israel an obair e mhor sin a rinn an Tighearna air na h-Eiphitich, agus bha eagal an Tighearna air an t-sluaigh, agus chreid iad an Tighearna, agus Maois a sheirbhiseach.

## CAIB. XV.

A N sin chan f Maois agus clann Israeil an laoidh so do'n Tighearna, agus labhair iad, ag ràdh, Canaidh mise do 'n Tighearna, oir thug e buaidh gu glormhor; an t-each agus a mharcach thilg e 'san fhairge.

2 'S e 'n Tighearna mo neart, agus mo dhàhn, agus tha e 'na shlaointe dhomh: 's esan mo Dhia-sa, agus ni mi àite comhnuidh dha; Dia m' athar, agus ardaichidh mi e.

3 Is fear cogaidh an Tighearna; 'se 'n Tighearna a's ainm dha.

4 Carbadan Pharaioih agus armailt thilg e 'san fhairge; agus tha

c thilg e iad bun os cionn. d do  
armailt Pharaioih. Eabh. e lamh.  
Eabh. f sheinn. g òran.  
h m'dran, mo chliu.



rogha a cheannardan air am bàth-adh 'san fhaierge ruaidh<sup>a</sup>.

5 Dh'fholaich na doimhneachdan iad; chaidh iad sìos do'n aigean mar chloich.

6 Rinneadh do dheas làmh, O Thighearna, glòrìohor ann an cumhachd: bhris do dheas làmh, O Thighearna, an nàmhaid 'na bhloighdibh.

7 Agus ann an meud t'òirdheirc-eis chlaoidh thu iadsan, a dh'èirich suas a'd' aghaidh; chuir thu t-fhearg a mach, loisg i suas b iad mar asbhuaìn.

8 Agus le anail do shròine chruinneachadh na h-uisgeacha; sheas na tuithe suas mar thorrc, chruadhachd na doimhneachdan 'am meadhon na fairge.

9 Thubhairt an nàmhaid, Leanaidh mi, beiridh mi orra, roinnidh mi a' chreuch: sàsuichear mo mhiann orra; rùisgidh mi mo chlaidheamh, sgriosaidh mo làmh iade.

10 Shéid thu le d' ghaoith, chòmhdaich an fhaierge iad, chaidh iad fodha mar luaidh anns na h-uisgeachaibh làdair.

11 Co 's cosmhuil riuts' am measg nan Déf, a Tighearna? Co tha cosmhuil riut, glòrmhor ann an naomhachd, àghmhor ann am moladh<sup>h</sup> a' deanamh *nithe* iongantach?

12 Shìn thu mach do dheas làmh; shluig an talamh suas iad.

13 Threòraich thu ann ad thròc-air an sluagh so a shaor thu; thug thu iad ann ad neart a chum àite comhnuidh do naomhachd.

14 'Nuair a chluinneas na cinich, bithidh eagal orra: thig doilgheas air luchd-àiteachaidh Phalestina.

15 'An sin bithidh uamhann air cinn-fheadhna<sup>i</sup> Edoim, thig geilt-chrith air daoine treuna Mhoib; leagaidh air falbh luchd-àiteachaidh Chanaain uile.

16 Tuitidh uamhann agus eagal orra, le meud do ghairdein bithidh iad tosdach mar chloich gus an d'théid do shluagh thairis, a Thigh-

earna, gus an d' théid an sluagh so thairis, a cheannaich thu.

17 Bheir thu steach iad, agus suidhichidh tu iad ann an sliabh<sup>l</sup> t' oighreachd-sa anns an àit' a rinn thu dhuit féin, a Thighearna, chum comhnuidh a ghabhail ann 'san ionad-naomba, a Thighearna, a dhaingnich do làmha-sa.

18 Rioghaichidh an Tighearna gu saoghal nan saoghal.

19 Oir chaidh eich Pharaoidh a steach le charbadaibh, agus le mharc-shluagh, 'san fhaierge, agus thug an Tighearna uisgeacha na fairge air an ais orra; ach dh'imich clann Israeil air *talamh* tioram 'am meadhon na fairge.

20 Agus ghlac Mirjam a' bhan-fhàidh, piuthar Aaroin, tiompan 'na làmh: agus chaidh na mnà uile mach 'na dèigh le tiompanaibh agus le dannsa<sup>m</sup>.

21 Agus fhreagair Miriam iad, Canaibh do'n Tighearna, oir thug e buaidh gu glòrmhor; an t-each agus a mharcach thilg e 'san fhaierge.

22 Mar sin thug Maois Israel o'n mhuir ruaidh, agus chaidh iad a mach gu fàsach Shuir, agus dh'imich iad trì laithean 'san fàsach, agus cha d'fhuair iad uisge.

23 Agus an uair a thàinig iad gu Marah, cha b' urradh iad uisgeacha Mharaib òl, oir bha iad searbh; uime sin thugadh Marah mar ainm air.

24 Agus rinn an sluagh gearan<sup>n</sup> an aghaidh Mhaois, ag ràdh, Ciod a dh'òlas sinn?

25 Agus dh'èigh esan ris an Tighearna agus nochd an Tighearna fiodh<sup>o</sup> dha, agus thilg e 'sua h-uisgeachaibh<sup>e</sup>, agus rinneadh na h-uisgeacha milis: ann an sinn rinn e lagh agus ordugh dhoibh, agus ann an sin dhearbha<sup>e</sup> iad;

26 Agus thubhairt e, Ma dh'èisdeas tu gu dùrachdach re guth an Tighearna do Dhé, agus ma ni thu an ni sin a ta ceart 'na shealladh, agus ma bheir thu 'n aire d'a àith-eantaibh, agus ma ghleidheas tu a reachdan<sup>p</sup> uile, h-aon do na h-eucailibh<sup>r</sup>, a chuir mi air na h-Eiphitich, cha chuir mi ortsa: oir is mise an Tighearna a shlànuicheas thu.

27 Agus thàinig iad gu h-Elìm far an robh dà thobar dheug uisge, agus deich agus trì fichead crann<sup>s</sup>

<sup>a</sup> 'san fhaierge skeamuìnich. <sup>b</sup> dh'ith i suas, chuir i as doibh. Eabh. <sup>c</sup> mar chruaich, mar mheall. <sup>d</sup> dhaingnicheadh. <sup>e</sup> scallbaichidh mo làmh iad mar oighreachd, bithidh tighearnas aig mo làmh orra. Eabh. <sup>f</sup> measg nan cumhachdach. <sup>g</sup> a'd' chùis eagal, urramach. <sup>h</sup> 'am mollaibh. <sup>i</sup> ceannardan.

<sup>l</sup> ann am beinn. <sup>m</sup> le feadag-aibh. <sup>n</sup> monnhor. <sup>o</sup> craobh. <sup>p</sup> orduighean, àitheantan. <sup>r</sup> euslaintibh. <sup>s</sup> craobh.

pailme; agus champaich iad a 'an sin làimh ris na h-uisgeachaibh.

## CAIB. XVI.

**A** GUS dh'fhalbh iad o Elim, agus thàinig coi'-thional chloinn Israeil uile gu fasach Shin, a ta eadar Elim agus Sinai, air a' chùig-eadh la deug do'n dara mìos 'an déigh dhoibh teachd a mach a tìr na h-Eiphit.

2 Agus rinn coi'-thional chloinn Israeil uile gearan 'an aghaidh Mhaois agus Aaron 'san fhàsach.

3 Agus thubhairt clann Israeil riu. B'fhearr gu'm faigheamaid bàs le làimh an Tighearna ann an tìr na h-Eiphit, an uair a bha sinn 'nar suidhe làimh ris na poitibh feòla, agus an uair a dh'ith sinn aran gu'r sàth; oir thug sibh a mach sinn do'n fhàsach so, a mharbhadh a' choi'-thionail so uile le h-ocras.

4 'An sin thubhairt an Tighearna re Maois, Feuch, frasaidd mise dhuibh aran o nèamb, agus théid a'n sluagh a mach, agus cruinnichidh iad cuibhrionn *gach* là air an là sin féin, a chum as gu'n dearbh mi iad, co ac' a ghluaiseas iad ann am b'lagh, no nach gluais.

5 Agus, air an t-seathadh là, ulluichidh iad an *ni sin* a bheir iad a steach, agus bithidh e dhà uibhir agus a chruinnicheas iad *gach* là eile.

6 Agus thubhairt Maois agus Aaron re cloinn Israeil uile, Mu fheasgar, 'an sin bithidh fios agaibh gu'n d'thug an Tighearna a mach sibh a tìr na h-Eiphit:

7 Agus 'sa' mhadainn, an sin chi sibh glòir an Tighearna; do bhrì gu bheil e a' cluinntinn bhur gearain 'an aghaidh an Tighearna: Agus ciod sinne, gu bheil sibh a deanamh gearain 'nar n-aghaidh?

8 Agus thubhairt Maois *Bithidh a' chùis mar so* 'nuair a bheir an Tighearna dhuibh 'san fheasgar feoil r'a h-ithheadh, agus aran 'sa mhadainn gu'r sàth; do bhrì gu bheil an Tighearna a' cluinntinn bhur gearain a ta sibh a' deanamh 'na aghaidh: Agus ciod sinne? cha'n ann 'nar n-aghaidh-ne *tha* bhur gearan, ach 'an aghaidh an Tighearna.

9 Agus thubhairt Maois re h-Aaron, Abair re coi'-thional chloinn Israeil uile, Thigibh am fagus 'an làthair an Tighearna, oir chual' e bhur gearan.

10 Agus an uair a labhair Aaron

re coi'-thional chloinn Israeil uile, dh'amhairc iad a dh'ionnsuidh an fhàsaich, agus feuch, dh'fhoillsich-eadh glòir an Tighearna ann an neul.

11 Agus labhair an Tighearna re Maois, ag ràdh,

12 Chuala mi gearan chloinn Israeil; labhair riu, ag ràdh, Mu fheasgar ithidh sibh feoil, agus 'sa' mhadainn sàsuichear sibh le h-aran: agus bithidh fios agaibh gur mise an Tighearna bhur Dia.

13 Agus an uair a bha 'm feasgar ann, 'an sin thàinig na gearra-goirt a nìos, agus chòmhdaich iad an campa; agus anns a mhadainn bha 'n drùchd 'na luidhe ma thim-chioll a' champa.

14 Agus an uair a' dh'éirich an drùchd, a bha 'na luidhe suas, feuch, *bha* air aghaidh an fhàsaich ni beag cruinn, beag mar an liath-reodh air an talamh.

15 Agus an uair a channaic clann Israeil e, thubhairt iad gach aon r'a chéile, Manad: oir cha robh fhios aca ciod e. Agus thubhairt Maois riu, So an t-aran a thug an Tighearna dhuibh r'a itheadh.

16 So an ni a dh'aithean an Tighearna; Cruinnichibh dheth *gach* duine a réir itheannaich, omer do gach neach a réir àireimh bhur n-anmanna, gabhadh *gach* duine agaibh air an son-san a ta 'na bhùth.

17 Agus rinn clann Israeil mar sin, agus chruinnich iad, cuid ni bu mhò, agus cuid ni bu lughae.

18 Agus an uair a thomhais iad e le h-cmer, cha robh a' bheag thairis aige-san a chruinnich ni bu mhò, agus air-san a chruinnich ni bu lugha, cha robh uireasbhuidh: chruinnich *gach* duine a réir itheannaich.

19 Agus thubhairt Maois riu, Na fàgadh duine 'sam bith dheth gu madainn.

20 Gidheadh cha d'éisd iad re Maois, ach dh'fhàg cuid dheth gu madainn, agus ghin e cnuimhean agus lobh e: Agus bha corruich air Maois riu.

21 Agus chruinnich iad e air gach madainn, gach duine a réir itheannaich: agus an uair a dh'fhàs a' ghrian teth, leaghadh e.

22 Agus air an t-seathadh là chruinnich iad a dhà uiread arain, dà omer air son *gach* aon: agus thàinig uachdarain a choi'-thion-

<sup>a</sup> *shuidhich iad am pubuill, thàmh iad.* <sup>b</sup> *ann mo.*

<sup>c</sup> *quails.* Sasg. <sup>d</sup> *Ciod e sa?*  
Eabh. <sup>c</sup> *bu lagha.*

ail uile, agus dh'innis iad *sin* do Mhaois.

23 Agus thubhairt e riu, *So an nì a labhair an Tighearna, Bithidh* fois na sabaide naomha d'on Tighearn am màireach: *a' mheud 's a tha sibh gu fhuineadh, fuinibh an diugh agus a' mheud 's a tha sibh gu bhrùicheadh, bruichibh*; agus gach nì a bhios thairis, taisgibh suas dhuibh féin gu madainn.

24 Agus thaisg iad suas e gu madainn, mar a dh'àithn Maois; agus cha do lobb e, nì mò a bha cnuimh 'sam bith ann.

25 Agus thubhairt Maois, *Ithibh sin an diugh, oir tha sabaid ann an diugh do'n Tighearna: an diugh cha'n fhaigh sibh e 'sa' mhachair.*

26 Sè laithean cruinnichidh sibh e, ach air an t-seachdamh là *bithidh* an t-sàbaid; cha bhi e ann air an là sin.

27 Agus tharladh air an t-seachdamh là gu'n deachaidh *cuid* do'n t-sluagh a mach *g'a* chruinneachadh, agus cha d'fhuair iad *a' bheag*.

28 Agus thubhairt an Tighearna re Maois, *Cia fhad' a dhiùltas sibh m'aitheanta-san a choimhead a, agus mo reachdan.*

29 Faicibh, do bhri' gu'n d'thug an Tighearna dhuibh an t-sàbaid, air an aobhar sin tha e a' tabhairt b dhuibh air an t-seachdamh là aran dhà là: fanaibh, *gach* duine 'na àite féin; na rachadh duine 'sam bith a mach as àite air an t-seachdamh là.

30 Mar sin ghabh an sluagh fois air an t-seachdamh là.

31 Agus thug tigh Israeil Mana mar ainm air: agus *bha e* mar fhras coriandeir, geal, agus a bhlas mar abhlainc *air an deanamh* le mil.

32 Agus thubhairt Maois, *So an nì a dh'àithn an Tighearna. Lìon omer dheth gu bhì air a ghleidheadh* air son bhur ginealacha, chum gu faic iad an t-aran leis an do bheathaich mi sibh 'san fhàsach, an uair a thug mi mach sibh a tìr na h-Eiphit.

33 Agus thubhairt Maois re h-Aaron, Gabh soitheach d, agus cuir ann lan omeir do Mhanac, agus taisg e 'an làthair an Tighearna gu bhì air a ghleidheadh air son bhur ginealacha.

24 Mar a dh'àithn an Tighearna do Mhaois, mar sin thaisg Aaron e 'an làthair na fianuis, gu bhì air a ghleidheadh.

35 Agus dh'ith clann Israeil am

Mana dà fhichead bliadhna, gus an d'thàinig iad gu tìr àitichte: dh'ith iad am Mana gus an d'thàinig iad gu crìch tìre Chanaain.

36 A nis is e omer an deicheamh *cuid* do ephah.

## CAIB. XVII.

**A**GUS dh'imich coi'-thional chloinn Israeil uile o fhàsach Shin, aréir an turusan, mara dh'àithn an Tighearn, agus champaich iad ann an Rephidim; agus cha robh uisge ann do'n t-sluagh re òl.

2 Uime sin, rinn an sluagh consachadh f re Maois, agus thubhairt iad, *Thoirs dhuinn uisge chum as gu'n òl sinn.* Agus thubhairt Maois riu, C'ar son a ta sibh a' consachadh rium-sa? C'ar son a bhrosnaicheas sibh h an Tighearna?

3 Agus mhiannaich an sluagh uisge i ann an sin; agus rinn an sluagh gearan 'an aghaibh Mhaois, agus thubhairt iad, C'ar son so a thug thu nìs sinn as an Eiphit, a chum sinn féin a mharbhadh, agus ar clann, agus ar spréidh le tart?

4 Agus dh'éigh Maois ris an Tighearn, ag ràdh, Cìod a nì mi ris an t-sluagh so? is beag nach 'eil iad 'g am chlochadh.

5 Agus thubhairt an Tighearna re Maois, Imich roimh 'n t-sluagh, agus thoir leat *cuid* do sheanairibh Israeil: agus do shlat, leis an do bhuail thu an abhainn, gabh a' d' làimh, agus bi 'g imeachd:

6 Feuch, seasaidh mise romhad 'an sin air a' charraig ann an Horeb, agus buailidh tusa a' charraig, agus thig uisg' a mach aisde, a chum gu'n òl an sluagh. Agus rinn Maois mar sinn ann an sealladh sheanairean Israeil.

7 Agus thug e mar ainm air an àite Masah agus Meribah, air son consachaidh l chloinn Israeil, agus do bhri' gu'n do bhrosnaich iad an Tighearn, ag ràdh, Am bheil Tighearna 'nar measg, no nach 'eil?

8 'An sin thàinig Amalec, agus chog e re h-Israel ann an Rephidim.

9 Agus thubhairt Maois re Iosua, Tagh a mach dhuinn daoine, agus falbh a mach, cog re h-Amalec: am màireach seasaidh mise air mullach an t-sléibh, agus slat Dhé a'm làimh.

10 Agus rinn Iosua mar a thubh-

f throid an sluagh. g Tabhair.

h dhearbhas sibh, bhuaireas sibh, chuireas sibh cathachadh air.

i bha tart uisge air an t-sluagh.

l geur-chainnt, comh-stribh.

m gu'n d'fheuch, gu'n do dhearbha. Eabh.

a a ghleidheadh.

b a' toirt.

c bhreacagan,

d poit.

e Man. Eabh.

airt Maois ris, agus chog e re h-Amalec. Agus chaidh Maois, Aaron agus Hur, suas gu mullach an t-sléibh.

11 Agus an uair a thog Maois suas a làmh, 'an sin bhuadhaich Israeil, agus an uair a leag e sìos a làmh, bhuadhaich Amalec.

12 Ach bha làmhnan Mhaois trom, agus ghabh iad clach, agus chuir iad fuidhe i, agus shuidh e oirre: agus chum Aaron agus Hur suas a làmhnan, fear dhiubh air aon taobh, agus fear air an taobh eile; agus bha a làmhnan seasmhach gu dol fuidhe a na gréine.

13 Agus chlaoidh Iosua Amalec agus a dhaoine le faobhar a' chlaoidheimh.

14 Agus thubhairt an Tighearna re Maois, Sgriobh so mar chuimhneachan ann an leabhar, agus aithris e ann an cluasaibh Iosua: oir dubhaidh mise as gu tur cuimhne Amaleic o bhi fuidh n'eamh.

15 Agus thog Maois altair, agus thug e Iehobhah-Nisi mar ainm oirre:

16 Oir thubhairt e, Do bhrì' gu'n do mhionnaich an Tighearna, gu'm bi cogadh aig an Tighearna re h-Amalec o linn gu linn.

#### CAIB. XVIII.

**N**UAIR a chuala Ietro, sagart Mhidian, athair-céile Mhaois, gach ni a rinn Dia air son Mhaois, agus air son Israeil a shluaigh, gu'n d'thug an Tighearna a mach Israel as an Eiphit;

2 'An sin thug Ietro, athair-céile Mhaois, leis Siporah bean Mhaois, 'an déigh dha a cur air a h-ais,

3 Agus a dithis mhac, d'am b' ainm do h-aon diubh Gersom, (oir thubhairt e, A'm' choigreach bha mi ann an tìr choimhich.)

4 Agus b'e ainm an fhir eile Elieser, (oir rinn Dia m'athar, thubhairt e, còmhnaidh rium, agus shaor e mi o chlaidheamh Pharaoh.)

5 Agus thàinig Ietro, athair-céile Mhaois, agus a mhic, agus a bhean, a dh'ionnsuidh Mhaois do'n fhàsach, far an do champaich e aig sliabh Dhé.

6 Agus thubhairt e re Maois, Tha mise d'athair-céile Ietro, air teachd a'd' ionnsuidh, agus do bhean, agus a dithis mhac maille ria.

7 Agus chaidh Maois a mach 'an coinneamh athar-céile, agus rinn e ùmhlaich dha, agus phog se e,

agus dh'altaich iad beatha a' chéile e, agus thàinig iad a steach do'n bhùth.

8 Agus dh'innis Maois d'a athair-céile gach ni a rinn an Tighearna air Pharaoh, agus air na h-Eiphitich air sgàth Israeil, gach saothair f a thàinig orra air an t-slighe, agus cionnus a shaor an Tighearna iad.

9 Agus rinn Ietro gairdeachas a leth a' mhaith sin uile, a rinn an Tighearna do Israeil, a shaor e a làimh nan Eiphiteach.

10 Agus thubhairt Ietro, Bean-naichte gu robh an Tighearna, a shaor sibh a làimh nan Eiphiteach, agus a làimh Pharaoh, a shaor an sluagh o bhi fuidh làimh nan Eiphiteach.

11 A nis tha fios agam gur mò an Tighearna na na h-uile dhée; oir anns an ni sin anns an do rinn iad gu h-uabhair, bha esan os an ceann.

12 Agus ghabh Ietro, athair-céile Mhaois, tabhartas-loisgte agus iobairte do Dhia: Agus thàinig Aaron, agus uile sheanairean Israeil a dh'itheadh arain maille re athair-céile Mhaois 'an làthair Dhé.

13 A nis air an là maireach shuidh Maois gu breth a thoirt air an t-sluagh; agus sheas an sluagh làimh re Maois o mhadainn gu feasgar.

14 Agus an uair a chunnaic athair-céile Mhaois gach ni a rinn e ris an t-sluagh, thubhairt e, Ciod e an nì so a tha thu deanamh ris an t-sluagh? C'ar son a ta thusa a'd' shuidhe a'd' aonar, agus a ta 'n sluagh uile a' seasamh làimh riut o mhadainn gu feasgar?

15 Agus thubhairt Maois r'a athair-céile, Do bhrì' gu'n d'thig an sluagh a'm' ionnsuidh a dh'fhiosrachadh o Dhia.

16 'Nuair a bhios cùis aca, thig iad a m' ionnsuidh, agus bheir mi breth eadar duine agus duine, agus nochdaidh mi dhoibh orduighean Dhé, agus a laghanna.

17 Agus thubhairt athair-céile Mhaois ris, Cha mhath an ni a ta thu deanamh.

18 Caithidh tu as gu tur, aaron thu féin, agus an sluagh so a ta maille-riut, oir a ta an nì so ro throm air do shon; cha'n 'eil e 'n comas duit a dheanamh a'd' aonar.

19 A nis ma ta éisd re m' ghuth, bheir mi comhairl' ort, agus bithidh

a dol fodha, luidhe.

c gu'n cathaich.

fìn. Eabh.

b fo.

d chrom se e

e dh'fhèdrach iad mu leas a chéile, ghabh iad sgeula mu shlàint' a chéile.

f dragh.

g Seargaidh.



Dia maille riut: bi-sa air son an t-sluaigh 'an làthair Dhé, agus bheir thu na cùisean a dh'ionnsuidh Dhé:

20 Agus teagaisgidh tu dhoibh na h-orduighean agus na laghanna; agus nochdaidh tu dhoibh an t-slighe air an còir dhoibh imeachd, agus an obair a's còir dhoibh a dheanamh.

21 Agus taghaidh tu a mach as an t-sluaigh uile, daoine foghainteach a, air am bi eagal Dé, daoine fìrinneach, a dh'fhuathaicheas sannt; agus cuiridh tu iad os an cionn 'nan uachdaranaibh b mhillte, 'nan uachdaranaibh cheuda, 'nan uachdaranaibh leth-cheuda, agus 'nan uachdaranaibh dheichnear.

22 Agus bheir iad breth air an t-sluaigh anns gach àm; ach gach cùis mhòr bheir iad a' d' ionnsuidh-sa, agus air gach cùis bhig bheir iad féin breth; mar sin bithidh e nì's eutruime dhuisthe, agus iomcharaidh iadsan an eallach maille riut.

23 Ma nì thu an nì so, agus gu'n àithn Dia sin dhuist, 'an sin is urrainn thu seasamh ris, agus mar an ceudna théid an sluagh so uile d'an àite féin 'an sìth.

24 A nis dh'éisd Maois re guth athar-céile, agus riun e gach nì a thubhairt e.

25 Agus thagh Maois daoine foghainteach a mach a h-Israel uile, agus rinn e iad 'nan ceannardaibh air an t-sluaigh; 'nan uachdaranaibh mhillte, 'nan uachdaranaibh cheuda, 'nan uachdaranaibh leth-cheuda, agus 'nan uachdaranaibh dheichnear.

26 Agus thug iad breth air an t-sluaigh anns gach àm: na cùisean cruaidh thug iad a dh'ionnsuidh Mhàois, ach air gach cùis bhig thug iad féin breth.

27 Agus leig Maois le athair-céile imeachd; agus dh'fhalbh e roimhe d'a thìr féin.

#### CAIB. XIX.

**A**NNS an treas mìos 'an déigh do chloinn Israeil teachd a mach a tìr na h-Eiphit, 'san là sin féin thàinig iad gu fàsach Shinai.

2 Oir dh'imich iad o Rephidim, agus thàinig iad gu fàsach Shinai, agus champaich iad 'san fhàsach; agus champaich Israel ann an sin fa chomhair an t-sléibh e.

3 Agus chaidh Maois suas a dh'ionnsuidh Dhé, agus ghairm an Tighearn air as an t-sliabh, ag ràdh, Mar so their thu re rìgh Iacoib,

agus innsidh tu do chloinn Israeil:

4 Chunnaic sibh na rinn mi ris na h-Eiphitich, agus cionnus a ghiùlan mi sibhse mar air sgiath-aibh iolairéan, agus a thug mi a m'ionnsuidh féin sibh.

5 A nis ma ta, ma dh'éisdeas sibh da rìreadh re m' ghuth, agus ma ghleidheas sibh mo choi'-cheangal, an sin bithidh sibh dhomhsa 'nar n-ionmhas sonraichte d os cionn nan uile shluaigh: oir is leams' an talamh uile.

6 Agus bithidh sibh dhomhsa 'nar rìoghachd shagart, agus 'nar cinneach naomha. Is iad sin na briathran, a labhras tu re cloinn Israeil.

7 Agus thàinig Maois, agus ghairm e air seanairean an t-sluaigh, agus chuir e rompa na briathra sin uile, a dh'àithn an Tighearna dha.

8 Agus fhreagair an sluagh uile le h-aon ghuth, agus thubhairt iad, Gach nì a labhair an Tighearna, nì sinne. Agus thug Maois air ais briathran an t-sluaigh a dh'ionnsuidh an Tighearna.

9 Agus thubhairt an Tighearna re Maois, Feuch, thig mis' a'd' ionnsuidh ann an neul tiugh, a chum gu'n cluinn an sluagh an uair a labhras nì riut, agus mar an ceudna gu'n creid iad thu gu sìorruidh. Agus dh'innis Maois briathran an t-sluaigh do'n Tighearna.

10 Agus thubhairt an Tighearna re Maois, Imich a dh'ionnsuidh an t-sluaigh, agus naomhaich iad an diugh, agus am màireach, agus nigheadh iad an eudach,

11 Agus bitheadh iad deas air cheann an treas làc: oir air an treas là thig an Tighearn a nuas ann an sealladh an t-sluaigh uile air sliabh Shinai.

12 Agus suidhichidh tu crìocha do'n t-sluaigh m' an cuairt, ag ràdh, Thugaibh an aire dhuibh féin, nach d'théid sibh suas do'n t-sliabh agus nach bean sibh r'a iomall: gach neach a bheanas ris an t-sliabh, gu cinnteach cuirear gu bàs e.

13 Cha bhean làmh ris; oir gu deimhin clochar e, no sàthar sleagh troimhe f: ma's ainmhidh no duine e, cha mhair e beo. 'Nuair a shéideas an trompaid r'è ùin 'fhada, thig iadsan a nìos do'n t-sliabh.

14 Agus chaidh Maois sìos o'n t-sliabh a dh'ionnsuidh an t-sluaigh, agus naomhaich e 'n sluagh, agus nigh iad an eudach.

d sealbh àraid. e 'an coinn-  
eamh an treas là. f trid. Eir.  
z an uaharc; stoc. Eir.

a comasach. b 'nan riagh-  
ladairibh. c fà chomhair na beinne.

15 Agus thubhairt e ris an t-sluagh, Bithibh deas air cheann an treas là: na d'thigibh am fagus d'ar mnaibh.

16 Agus an uair a thàinig an treas là, anns a' mhadaoin bha tairneanaich agus dealanaich ann, agus neul tugh air an t-sliabh, agus fuaim na trompaid ro ard: agus chrìochnaich an sluagh uile a bha 'sa champa.

17 Agus thug Maois an sluagh a mach as a' champa 'an coinneamh Dhé, agus sheas iad aig ìochdar an t-sléibh<sup>a</sup>.

18 Agus bha sliabh Shinai uile fa dheataich, do bhri' gu'n d'thàinig an Tighearna a nuas air ann an teine; agus dh'éirich a dheatach suas mar dheataich àmhuinn<sup>b</sup>, agus chrìochnaich an sliabh uile gu mòr.

19 Agus an uair a bha fuaim na trompaid a' dol a mach, agus a' fàs ro làdair, 'an sin labhair Maois, agus fhreagair Dia e le guth.

20 Agus thàinig an Tighearna a nuas air sliabh Shinai, air mullach an t-sléibh: agus ghairm an Tighearna Maois suas gu mullach an t-sléibh, agus chaidh Maois suas.

21 Agus thubhairt an Tighearna re Maois, Imich sìos, thoir àithne do'n t-sluagh<sup>c</sup>, an t-eagal gu'm bris iad a steach a dh'ionnsuidh an Tighearna a dh'amharc, agus gu'n tuit mòran diubh.

22 Agus mar an ceudna na sagairt a thig am fagus do'n Tighearna, naomhaicheadh iad iad féin, an t-eagal gu'm bris an Tighearna a mach orra<sup>d</sup>.

23 Agus thubhairt Maois ris an Tighearna, Cha 'n'eil e 'n comas do'n t-sluagh teachd a nìos do shliabh Shinai; oir thug thu àithne dhuinn, ag ràdh, Cuir crìocha mu'n t-sliabh, agus naomhaich e.

24 Agus thubhairt an Tighearna ris, Imich romhad, falbh sìos, agus thig a nìos thu féin, agus Aaron maille riut; ach na briseadh na sagartan agus an sluagh a steach, gu teachd a nìos a dh'ionnsuidh an Tighearna, an t-eagal gu'm bris e mach orra.

25 Agus chaidh Maois sìos a dh'ionnsuidh an t-sluaigh, agus labhair e riu.

#### CAIB. XX.

**A** GUS labhair Dia na briathra so uile, ag ràdh,

2 Is mis an Tighearna do Dhia,

<sup>a</sup> aig bun na beinne. <sup>b</sup> fuirneis, tealtaich. <sup>c</sup> earail do'n t-sluagh. <sup>d</sup> gu'n sgrios an Tighearna iad.

a thug a mach thu a tir na h-Eiphit, a tigh na daorsa.

3 Na biodh dèe 'sam bith eile agad a'm' làthair-sa.

4 Na dean dhuit féin *dealbh* snaidhte<sup>e</sup>, no coslas 'sam bith a dh' aon ni, a ta 'sna nèamhaibh shuas, no air an talamh shios<sup>f</sup>, no 'sna h-uisgeachaibh fuidh 'n talamh.

5 Na crom thu féin sìos doibh, agus na dean seirbhis doibh: oir mis 'an Tighearna do Dhia, is Dia eudmhor mi, a' leantuinn aingidheachd nan aithreacha air a' chloinn, air an treas g, agus air a' cheathramh *ginealach* dhiubhsan, a dh'fhuathaicheas mi;

6 Agus a' nochdadh tròcair do mhiltibh dhiubhsan, a ghràdhaicheas mi, agus a choimhideas m' àith-eanta.

7 Na tabhair<sup>h</sup> ainm an Tighearna do Dhé 'an diomhanas; oir cha mheas an Tighearna neo-chiontach *esan* a bheir ainm an diomhanas.

8 Cuimhnich là na sàbaid a naomhachadh.

9 Sè laithean saothraichidh tu, agus nì thu t'obair uile.

10 Ach air an t-seachdamh là *tha* sàbaid an Tighearna<sup>i</sup> do Dhé; air an là sin na dean obair 'sam bith, thu féin, no do mhac, no do nighean, d'òglach, no do bhanoglach, no d'ainmhidh, no do choigreach, a ta 'n taobh a stigh do d' gheataibh<sup>l</sup>:

11 Oir ann an sè laithibh rinn an Tighearna na nèamhan agus an talamh, an fhaire, agus gach nì a ta anna; agus ghabh e fois air an t-seachdamh là: air an aobhar sin bheannaich an Tighearna là na sàbaid, agus naomhaich se e.

12 Tabhair onoir do t'athair, agus do d' mhàthair; a chum as gu'm bi do làithean buan air an fhearann, a *tha* 'n Tighearna do Dhia a' toirt dhuit.

13 Na dean mortadh.

14 Na dean adhaltrannas.

15 Na dean gaduigheachd.

16 Na tabhair fianuis bhréige 'n aghaidh do choimhearsnaich.

17 Na sanntaich tigh do choimhearsnaich; na sanntaich bean do choimhearsnaich, no òglach, no bhan-oglach, no dhamh<sup>m</sup>, no asal, no aon nì a's le do choimhearsnach.

<sup>e</sup> e iomhaigh *shnoigte*, *ghràbh-alta*. <sup>f</sup> a bhos. <sup>g</sup> gus an treas. <sup>h</sup> Na d'thoir. <sup>i</sup> do'n Tighearna. Eabh. <sup>l</sup> dhorsaibh. <sup>m</sup> tharbh, Eabh.

18 Agus mhothaich<sup>a</sup> an sluagh uile na tairneanaich, agus na deal-anaich, agus fuaim na trompaid, agus an sliabh fa dheataich<sup>b</sup>; agus an uair a chunnaic an sluagh sin, ghluais iad, agus sheas iad fad' o làimh<sup>c</sup>.

19 Agus thubhairt iad re Maois, Labhair thusa ruinn, agus éisdidh sinn: ach na labhradh Dia ruinn, an t-eagal gu'm faigh sinn bàs.

20 Agus thubhairt Maois ris an t-sluagh, Na biodh eagal oirbh, oir is ann a chum bhur dearbhadh a thainig Dia, agus a chum gu'm bi eagal-san oirbh<sup>d</sup>, air chor as nach peacaich sibh.

21 Agus sheas an s'luagh fad' o làimh, agus thainig Maois am fagus do'n dorchadas, far an robh Dia.

22 Agus thubhairt an Tighearna re Maois, Mar so their thu re cloinn Israeil, Chunnaic sibh gu'n do labhair mi ribh o na nèamhaibh.

23 Cha dean sibh maille riumsa dée airgid, agus dée òir cha dean sibh dhuibh féin.

24 Altair do thalamh ni thu dhomhsa, agus iobraidh tu oirre do thabhartais-loisgte, agus do thabhartais-sith, do chaoraich, agus do dhaimhe: anns gach àite 'san d'thoir mise fa'near gu'n cuimhnichear m'ainm, thig mi a d'ionnsuidh, agus beannaichidh mi thu.

25 Agus ma ni thu altair chloiche dhomh, cha tog thu i le cloich shnaidhte; oir ma thogas tu d'inneal-snaidhidh suas oirre, truaillidh tu i.

26 Ni mò théid thu suas air ceum-aibh a dh'ionnsuidh m' altarach, a chum nach leigear ris do lomnoch-duigh f oirre.

## CAIB. XXI.

**A**NIS is iad so na breitheanais, a chuireas tu rompa.

2 Ma cheannaicheas tu òglach<sup>g</sup> Eabhruidheach, sè bliadhna ní e seirbhis; agus 'san t-seachdamh théid e mach saor a nasgaidh.

3 Ma's ann a mhàin leis féin a thainig e steach, leis féin théid e mach; ma bha bean aige, théid mar an ceudna a bhean a mach maille ris.

4 Ma thug a mhaighstir dha bean, agus gu'n d'rug i dha mic, no nigh-eana; bithidh a' bhean agus a clann

a chunnaic. Eabh. b ag smùid-  
rich. c fad' as, fad' air astar. d air  
bhur gnais. Eabh. e do bhuar.  
f do dhìomhaireachd. g seirbis-  
each, tràill, daorsanach.

aig a mhaighstir, agus théid esan a mach leis féin.

5 Ach ma their an t-òglach gu cinnteach, Is toigh leam mo mhaighstir<sup>h</sup>, mó bhean, agus mo chlann, cha d'théid mi mach saor:

6 'An sin bheir a mhaighstir e chum nam breitheamhna: bheir e mar an ceudna chum an doruis e, no chum ursainn an doruis, agus tollaidh a mhaighstir a chluas le minidh, agus ní e seirbhis dha gu bràthl.

7 Agus ma reiceas i duine a nigh-ean gu bhí 'na ban-oglaich<sup>i</sup>, cha d'théid i mach mar a théid na h-òglaich.

8 Mur taitinn i r'a mhaighstir, a rinn ceangal-pòsaidh ria, 'an sin bheir e fa'near gu'm fuasgailear i: re cinnteach coimbeach cha bhí comas aige a reiceadh, do bhri' gun do bhuin e gu cealgach ria.

9 Agus ma cheangail e r'a mhac i, a réir modh nan nighean ní e ria.

10 Ma ghabhas e beun eile dha féin, a biadh, a h-eudach, agus a dlighe-pòsaidh<sup>j</sup> cha lughdaich e n.

11 Agus mur dean e na trì nithe sin ria 'an sin théid i mach saor gun airgid.

12 Esan a bhuaileas duine air chor as gu'm bàsaich e, gu cinnteach cuirear gu bàs e.

13 Agus mur do luidh duine 'am plaid<sup>k</sup>, ach gu'n d'thug Dia thairis g'a làimh<sup>l</sup> e, 'an sin sònruichidh<sup>m</sup> mis' àite dhuit d'an teich e.

14 Ach ma thig duine gu dàna air a choimhearsnach, gu mharbhadh le ceilg, o m' altair bheir thu e, a chum gu'm bàsaich e.

15 Agus esan a bhuaileas athair, no a mhàthair, gu cinnteach cuirear gu bàs e.

16 Agus esan a ghoideas duine, agus a reiceas e, no ma gheibhear 'na làimh e, gu cinnteach cuirear gu bàs e.

17 Agus esan a mhallaicheas ath-air no mhàthair, gu cinnteach cuir-e ar gu bàs e.

18 Agus ma ni daoine comhstri<sup>n</sup>, agus gu'm buail duine a choimhearsnach le cloich, no le dhorn, agus nach faigh e bàs, ach gu'n gabh e a leaba:

19 Ma dh'eireas, e, agus gu'n

h Tha gràdh agam air mo mhaighstir. i chreiceas. l ban-tràill. m dubharaidh; dowry. Sasg. n chu chuir e 'n laghad. o mur robh duine a' feitheamh fàth. p dh'ionnsuidh a làimh. r sunruichidh, suidhichidh, orduichidh.

siubhail e mach air a luirg, 'an sin saorair esan a bhual e; a mhàin diolaidh e air son call ùine, agus bheir e fa'near a leigheas gu h-iomlan.

20 Agus ma bhuaileas duine òglach, no bhan-òglach le slait, agus gu'm bàsaich e fa làimh, diolar air gu deimhin:

21 Ach ma mhaireas e beo<sup>a</sup> là no dà là, cha diolar air; oir is e air-gìod e.

22 Agus ma ni daoine comhstri', agus gu'm buail iad bean thorrach, agus gu'n dealaich i r'a cloinn, ach nach faigh i bàs<sup>b</sup>; cuirear gu cinnteach ùbhla air, a réir mar a chuireas fear na mnà air, agus bheir e seachad mar a dh'orduicheas na breitheamhna c.

23 Ach ma gheibh i bàs, 'an sin bheir thu anam air son anma,

24 Sùil air son sula, fiacail air son fiacla, làmh air son làimhe, cos air son coise.

25 Losgadh air son losgaidh, lot d air son lotaidh, buille air son buille.

26 Agus ma bhuaileas duine sùil òglaich, no suil a bhan-oglaich, agus gu mill e i, leigidh se as saor e air son a shùla.

27 Agus ma chuireas e fiacail a òglach, no fiacail as a bhan-oglaich, leigidh se as saor e air son fhiacla.

28 Agus ma reubas damhe duine no bean le adhairc, agus gu'm faigh e bàs, gu cinnteach clochar an damh, agus cha'n ithear fheoil; ach bithidh sealbhadair an daimh neo-chiontach.

29 Ach ma ghnàthaich an damh sàthadh<sup>f</sup> le adhaircibh 'san aimsir roimhe sin, agus gu'n do dhearbhadh sin d'a shealbhadair, agus nach do ghleidh e stigh e, agus gu'n do mharbh e duine no bean, clochar an damh, agus cuirear mar an ceudna a shealbhadair gu bàs.

30 Ma chuirear airgiod-réitich air, 'an sin bheir e mar éiric anma ge b'e ni a chuirear air.

31 Ma's mac a reub e le adhairc, no ma's nighean a reub e, a réir a' bhreitheanais so nithear ris.

32 Ma reubas an damh òglach no ban-oglach, bheir e deich secel 'ar fhichead airgid d'am maighstir, agus clochar an damh.

33 Agus ma dh'fhosglaas duine slochd, no ma chladhaicheas duine slochd, agus nach còmhdaich se e, agus gu'n tuit damh no asal ann;

34 Ni esan d' am buin an slochd suas an calldach, bheir e airgid d'an sealbhadair, agus is leis féin am beathach marbh.

35 Agus ma reubas damh neach air bith damh neach eile, agus gu'm faigh e bàs, 'an sin reicidh iad an damh beo, agus roinnidh iad an t-airgid a fhuaradh air a shon, agus roinnidh iad mar an ceudna an damh marbh.

36 No ma bha fhios gu'n do ghnàthaich an damh sàthadh le adhaircibh 'san aimsir roimhe sin, agus nach do ghleidh a shealbhadair a stigh e, gu cinnteach iocaidh e damh air son daimh, agus is leis féin am marbh.

## CAIB. XXII.

MA ghoideas duine damh no caora, agus gu marbh se e, no gu'n reic se e, diolaidh e g cuig daimh air son an daimh, agus ceithir caoraich air son na caorach.

2 Ma gheibhear gaduiche a' briseadh a stigh, agus gu'm buailear e, agus gu'm faigh e bàs, cha dòir-tear fuil air a shon:

3 Ma bhios a' ghrian air éirigh air, dòir-tear fuil air a shon. Ni esan a ghoideas dioladh iomlan<sup>h</sup>: mur bi ni 'sam bith aige, 'n sin reicear e air son a ghaduigheachd.

4 Ma gheibhear gu cinnteach a' mheirle<sup>i</sup> 'na làimh beo, ma's damh e, no asal, no caora; diolaidh se dùbailt<sup>j</sup> le.

5 Ma bheir duine fa'near gu'n ithear suas fearann no fion-lios<sup>m</sup>, agus gu'n cuir e ainmhidh ann, agus gu'm biadhar e ann am fearann duin' eile; do'n chuid a's fearr d'a fhearann féin, agus do'n chuid a's fearr d'a fhion-lios féin, ni e dioladh<sup>n</sup>.

6 Ma bhriseas teine a mach, agus gu'n tachair e air droighinn<sup>o</sup>, agus gu'n loisgear na cruachan arbhair, no 'n t-arbhair 'na sheasamh, no 'n t-achadh<sup>p</sup>; ni esan a rinn an losgadh gu cinnteach dioladh.

7 Ma bheir duine d'a choimhearsnach airgid, no airneas, g'a

g bheir e uaith, aisigidh e, cui'-tichidh e. <sup>h</sup> oir bu chòir dha dioladh iomlan a dheanamh.

ni sin a ghoid e. <sup>i</sup> an dà-fhillte.

m fion-ghàradh. <sup>n</sup> coi'-leasachadh. <sup>o</sup> gu'm faigh e droighinn.

Eabh.

pan raon.

<sup>a</sup> masheasas e ris.

<sup>b</sup> nach

d'thig beud 'na long.

<sup>c</sup> breith-

eachan. <sup>d</sup> cneadh.

<sup>e</sup> tarbh.

Eabh.

<sup>f</sup> ma bha'n damh gun-aideach, ma b'abhuis da puradh.



ghleidheadh, agus gu'n goidear a tigh an duine e; ma gheibhear an gaduiche, diolaidh se dùbailt' e.

8 Mur faighear an gaduiche, 'an sin theid maighstir an tìge a dh'ionnsuidh nam breitheamhna, a dh' fheuchainn co ac' a shin emach a làmh gu cuid a choimhearsnaich.

9 Air son gach gnè choire, air son daimh, air son asail, air son caorach, air son eudaich, air son gach ni a chaidh chall, a their *neach eile* gur leis féin; an lathair nam breitheamhna thig cùis gach aon diubh: *esan* a dhiteas na breitheamhna, diolaidh e dùbailte d'a choimhearsnach.

10 Ma bheir duine d'a choimhearsnach asal, no damh, uo caora, no ainmhidh 'sam bith g'a ghleidheadh, agus gu'm faigh e bàs, no gu'n ciurrar e, no gu'n iomainear air falbh e, gun neach air bith 'ga fhaicinn:

11 An sin bithidh mionnan an Tighearn eatorra le chéile, nach do shin e a làmh gu cuid a choimhearsnaich: agus gabhaidh a shealbhadair sin uaith, agus cha dean *esan* dioladh.

12 Agus ma ghoideadh uaith e, diolaidh e d'a shealbhadair.

13 Ma reubadh as a chéile e, thugadh e leis mar fhianuis e; air son an ni sin a chaidh reubadh, cha diol e.

14 Agus ma dh'iarras a duine *ni* 'an coingheall<sup>b</sup> o choimhearsnach, agus gu'n ciurrar e, no gu'm faigh e bàs, gun a shealbhadair a *bhi* maille ris; gu cinnteach diolaidh e.

15 Ach ma *bhios* a shealbhadair maille ris, cha diol e: ma's *ni* air son tuarasdail<sup>c</sup> e, thàinig e air son a tuarasdail.

16 Agus ma mheallas duine maighdean, nach 'eil fuidh cheangal-pòsaidh, agus gu'n luidh e leatha, gu cinnteach gabhaidh se i dha féin mar mhnai.

17 Ma dhiùltas a h-athair gu tur a tabhairt da, diolaidh e airgid a réir tochraidh nam maighdean d.

18 Cha leig thu le ban-fhiosaiche e bhi beo.

19 Ge b'e neach a luidheas le h-ainmhidh, gu cinnteach cuirear gu bàs e.

20 Esan a dh'ìobras do dhéibh

'sam bith, ach do'n Tighearna a mhàin, gearras e.

21 Air coigreach cha chuir thu doilgheas, ni mo a ni thu foirneart air; oir bha sibh féin 'nar coigrich ann an tìr na h-Eiphit.

22 Re bantraich<sup>f</sup> 'sam bith, no dileachdan<sup>g</sup>, cha bhuin sibh gu crnaidh.

23 Ma bhuineas tu air chor sam bith gun cruaidh riu, agus g'un glaoth iad idir riumsa, éisdidh mise gu cinnteach r'an glaoth.

24 Agus lasaidh snas mo chorruich, agus marbhaidh mi sibh leis a' chlaidheamh; agus bithidh bhur mnai 'nam bantraichibh, agus bhur clann 'nan dileachdain.

25 Ma bheir thu airgid 'an coingheall do *neach air bith* do m' shluaghsa a ta bochd làimh riut, cha bhi thu dha mar neach a chuireas airgid air riadh<sup>i</sup>; cha chum thu riadh air.

26 Ma ghabhas tu idir eudach do choimhearsnaich ann an geall, mu dhol fodha na gréine bheir thu air ais dha e:

27 Oir is e sin a chòmhach a mhàin, is e eudach d'a chroiciunn e: ciod anns an coidil e? agus an uair a dh'éigheas e rium, éisdidh mise; oir a ta mi tròcaireach.

28 Air breitheamhnaibh<sup>i</sup> cha labhair thu ole, agus uachdaran do shluaigh cha chàin<sup>i</sup> thu.

29 Ceud thoradh d'fhearainn, agus d'fhion-lios, gun dàil bheir thu seachad: ceud-ghin do mhac bheir thu dhomhsa.

30 Mar sin ni thu re d' chrodh, agus re d' chaoraich: seachd laithean bithidh e maille r'a mhàthair, air an ochdamh là bheir thu dhomhs' e.

31 Agus bithidh sibh 'nar daoine naomha dhomhsa, agus feoil 'sam bith a reubadh le fadhbheathaichidh<sup>i</sup> 'sa' mhachair, cha'n ith sibh: chum uan con tilgidh sibh i.

## CAIB. XXIII.

CHA tog thu tuairsgeul<sup>m</sup> bréige: na cuir do làmh maille ris an aingidh gu bhi d'fhianuis air an eucoir.

2 Cha lean thu a' mhòr chuideachd a dh'ionnsuidh an uile, agus cha labhair<sup>n</sup> thu ann an cùis, gu clonadh 'an déigh a' mhòrain, chum breth fhiaradh.

a maghabhas. b air iasachd. c luach-saithreach. d a réir crodh nan òigh. e buidsich, ban-bhusdraich.

f bain-treabhaich. g leanabh gun athair. h acar. i déibh. Eabh. l cha mhallach. m iomradh. n fhreagair. Eabh.

3 Agus re *duine* bochd chabhi thu bàigheil <sup>a</sup> 'na chùis.

4 Ma thachairas tu air damh do nàmhaid, no asal <sup>a</sup> dol air seacharan <sup>b</sup>, bheir thu gu cinnteach air ais e d'a ionnsuidh.

5 Ma chi thu asal duine aig am bheil fuath dhuit a luidhe fa h-eal-laich, agus gu'n *smuainich* thu air fantuinn o chomhnadh dheanamh rìa, ni thu gu cinnteach comhnadh rìa.

6 Cha chlaon <sup>c</sup> thu breth do bhochd 'na chùis.

7 O chùis-bhréige cum thu féin am fad; agus an neo-chiontach agus an t-ionraic na marbh: oir cha 'n fhìreanaich mise an t-aingidh.

8 Agus tiodhlac <sup>d</sup> cha ghabh thu; oir dallaidh tiodhlac na daoine glice, agus claonaidh e briathra nan daoine ionraic.

9 Agus air coigreach na dean foirneart: oir is aithne dhuibh ann-tinn <sup>e</sup> coigrich, do bhri' gu'n robh sibh féin 'nar coigrich ann an tìr na h-Eiphit.

10 Agus sè bliadhnan cuiridh tu t'fhearann, agus cruinnichidh tu stigh a thoradh <sup>f</sup>.

11 Ach air an t-seachdamh fàgaidh tu *mach* <sup>g</sup> e, agus leigidh tu fèis luidhe 'na thàmh, a chum gu'n ith bochdan do shluaigh, agus na dh'fhàgas iadsan, gu'n ith beathaiche na machrach <sup>e</sup>. Air a' mbodh cheudna ni thu re d'fhion-lios, agus re d' lios-olaidh.

12 Sè laithean ni thu t'obair, agus air an t-seachdamh là gabhaidh tu fois; a chum gu faigh do dhamh agus d'asal fois, agus gu faigh mac do bhan-oglaich agus an coigreach anail.

13 Agus a thaobh nan uile nithe a labhair mi ribh, bithibh faicilleach; agus air ainm dee eile na luaidhibh <sup>h</sup>: na cluinnear as bhrur beul <sup>e</sup>.

14 Tri uaire cumaidh tu féisd dhomsa 'sa bhliadhna.

15 Féisd an *aran* neo-ghoirtichte cumaidh tu: seachd laithean ithidh tu *aran* neo-ghoirtichte, mar a dh'àithn mi dhuit, 'san àm *shuidhichte* do'n mhìos Abib; oir anns a' mhìos sin thàinig thu mach as an Eiphit: agus cha d'thig neach air bith a'm' làthair-sa falamh:

16 Agus féisd an fhogharaidh, ceud-thoraidh do shaoithreach, a

chuir thu 'san fhearann: agus féisd a' chruinneachaidh <sup>i</sup> aig deireadh na bliadhna, 'nuair a chruinnicheas tu stigh *toradh* do shaoithreach as an fhearann.

17 Tri uairean 'sa' bhliadhna nochdar gach fìrionn agad 'an làthair an Tighearna Dé.

18 Cha d'thoir thu seachad <sup>l</sup> fail m' iobairt-sa le 'h-aran goirtichte, ni mò dh'fhanas <sup>m</sup> saill m' iobairt gu madainn.

19 Toiseach ceud-thoraidh d'fhearainn bheir thu do thigh an Tighearna do Dhé. Cha bhruidh thu meann ann am bainne a mbàthar.

20 Feuch, cuiridh mis' aingeal romhad, gu d' choimhead 'san t-slighe, agus gu d' thabhairt a steach do'n àit' a dh'ulluich mi.

21 Bi faicilleach <sup>n</sup> 'na làthair, agus éisd r'a ghuth; na cuir 'na aghaidh <sup>o</sup>: oir cha lagh e bhrur cionta; oir a ta m'ainm annsan.

22 Ach ma dh'eisdeas tu da rìreadh r'a ghuth, agus ma ni thu gach ni a labhras mise, 'an sin bithidh mi a'm' nàmhaid do d' nàmhaid-sa <sup>p</sup>, agus claidhidh mi iadsan a chlaoidheas thu:

23 Oir théid m' aingeal romhad, agus bheir e steach thu chum nan Amorach, agus nan Hiteach, agus nam Peridseach, agus nan Canaanach, nan Hibheach agus nan Iebusach; agus gearraidh mi as iad.

24 Cha chom thu thu féin sìos d'an déibh, agus cha dean thu seirbhis doibh, ni mò a ni thu a réir an oibre: ach sgriosaidh tu gu tur iad, agus brisidh tu an dealbhan 'nam bloighdibh.

25 Agus ni sibh seirbhis do'n Tighearna bhrur Dia, agus bean-naichidh esan t'aran, agus t'uisge, agus cuiridh mi euslaint air falbh o'r measg.

26 Cha tig <sup>q</sup> 'sam bith àl, ni mò a bhios e seag <sup>a</sup> d' thir: àireamh do làithean coi'-lionaidh mise.

27 Cuiridh mi m' eagal romhad, agus sgriosaidh mi an sluagh uile dh'ionnsuidh an d'théid thu, agus bheir mi air do naimhaidibh gu léir an cùl a thionndadh riut.

28 Agus cuiridh mise cearnabh-ain <sup>r</sup> romhad, agus fograidh iad a

<sup>i</sup> an tarraigh, a' chròdhaidh.  
<sup>l</sup> cha tairg thu. <sup>m</sup> dh'fhàgar.  
<sup>n</sup> Thoir an àire dhuit féin. <sup>o</sup> na  
brosnuich e, na cuir corruich air.  
<sup>p</sup> bithidh mi m' eas-caraid do d'  
eas-cairdibh. <sup>r</sup> conuichean,  
beachan-cach mòra; hornets. Sàsg.

<sup>a</sup> cha nochd thu iochd, cha 'n àidh  
thu leis, cha ghabh thu leis. <sup>b</sup> air  
faontradh. <sup>c</sup> Cha'n fhiar.  
<sup>d</sup> tiodhlacadh, gibht. <sup>e</sup> cridhe.  
<sup>f</sup> bhàrr. <sup>g</sup> fàs. <sup>h</sup> na deanaibh  
iomradh.

mach an t-Hibheach, an Canaanach, agus an t-Hiteach, as do làthair.

29 Cha tilg mi mach iad as do làthair ann an aon bhliadhna, an t-eagal gu'm bi 'm fearann air fhàsachadh, agus gu'm fàs tiadh-bheathaiche na machrach lionmhor a'd' aghaidh.

30 A lion beag is beag a tilgidh mi mach iad as do làthair, gus an sìolaich thu, agus gu'n sealbhaich thu am fearann.

31 Agus suidhichidh mi do chriochan o'n mhuir ruaidh eadhon gu nuig fairge nam Philisteach<sup>b</sup>, agus o'n fhàsach gu nuig an abhainn<sup>c</sup>: oir bheir mi thairis 'nar làimh luchd-àiteachaidh na tìre; agus tilgidh tu mach iad as do làthair.

32 Cha dean thu riu-san, no r'an déibh coi'-cheangal 'sam bith.

33 Cha ghabh iad combnuidh a'd' thir, an t-eagal gu'n d'thoir iad ort peacachadh a'm' aghaidh-sa le seirbhìs a dheanamh d'an déibh; agus gu'm bi sin 'na ribe dhuit.

#### CAIB. XXIV.

**A** GUS thubhairt e re Maois, Thig a nìos a dh'ionnsuidh an Tighearna, thu féin agus Aaron, Nadab agus Abihu, agus tri fichead 'sa deich do sheanairibh Israeil: agus ni sibh aoradh fad' o làmh d'.

2 Agus thig Maois 'na àonar am fagus do'n Tighearna, ach cha d' thig iadsan am fagus, ni mò théid an sluagh suas maille ris.

3 Agus thàinig Maois agus dh'in-nis e do'n t-sluagh briathran an Tighearna uile, agus na breitheanais uile: agus fhreagair an sluagh gu léir le h-aon ghuth, agus thubhairt iad, Gach ni a labhair an Tighearna, ni sinne.

4 Agus sgrìobh Maois 'briathran an Tighearna uile, agus dh'éirich e gu moch 'sa' mhadainn, agus thog e altair fuidh 'n t-sliabh, agus dà charraghe dheug a réir dhà thréibh dheug Israeil.

5 Agus chuir e uaith òganaich do chloinn Israeil, agus thug iad suas tabhartais-loisgte, agus dh'ìobair iad iobairte-sìth do dhaimh do'n Tighearna.

6 Agus ghabh Maois leth na fòla, agus chuir e ann an cuachaibh i; agus leth na fòla chrath e air an altair.

7 Agus ghabh e leabhar a' choi'-cheangail, agus leugh e ann an

<sup>a</sup> A' chuid, a' chuid; <sup>a'</sup> bheagan, a' bheagan.

<sup>b</sup> Philistineach.

<sup>c</sup> Euphrates. <sup>d</sup> fad' as <sup>e</sup> stac.

éisdeachd ant-sluaigh; agus thubhairt iadsan, Gach ni a labhair an Tighearna, ni sinne, agus bheir sinn géill.

8 Agus ghabh Maois an fhuil, agus chrath e i air an t-sluagh, agus thubhairt e, Feuch, fuil a' choi'-cheangail a rinn an Tighearna ribh a thaobh nam briathra sin uile.

9 Agus chaidh Maois suas agus Aaron, Nadab agus Abihu, agus tri fichead 's a deich do sheanairibh Israeil.

10 Agus chunnaic iad Dia Israeil: agus fuidh chosaibh bha mar gu'm biodh obair<sup>f</sup> do chloich shaphir, agus mar na nèamha féin g ann an soillse.

11 Agus air maithibh<sup>h</sup> chloinn Israeil cha do chuir e a làmh: agus chunnaic iad Dia, agus dh'ith iad agus dh'òl iad.

12 Agus thubhairt an Tighearna re Maois, Thig a nìos a m' ionnsuidhsa do'n t-sliabh, agus bi 'n sin: agus bheir mise dhuit clàir chloiche, agus lagh, agus na h-àith-eantan a sgrìobh mi, chum iadsan a theagasg,

13 Agus dh'éirich Maois suas, agus Iosua òglach: agus chaidh Maois suas do shliabh Dae.

14 Agus thubhairt e ris na sean-airibh, Fanaibh-sa ruinn 'an so gus am pill sinn d'ar n-ionnsuidh: Agus feuch, a ta Aaron agus Hur maille ribh: esan aig am bi cùis 'sam bith, thigeadh e d'an ionnsuidhsan.

15 Agus chaidh Maois suas do'n t-sliabh, agus chòmhdaich neul an sliabh.

16 Agus chòmhnuich gloir an Tighearna<sup>i</sup> air sliabh Shìnai, agus chòmhdaich an neul e sè-laithean: Agus dh'éigh e re Maois air an t-seachdamh là a meadhan an neoil.

17 Agus bha foillseachadh<sup>l</sup> gloir an Tighearna mar theine dian-loisgeach air mullach an t-sléibh ann an sùilb chloinn Israeil.

18 Agus chaidh Maois a steach 'am meadhan an neoil; agus chaidh e suas do'n t-sliabh: agus bha Maois 'san t-sliabh dà fhichead là agus dà fhichead oidhche.

#### CAIB. XXV.

**A** GUS labhair an Tighearna re Maois, ag ràdh,

2 Labhair re cloinn Israeil, gu'n d' thoir iad a'm' ionnsuidh tabhar-

<sup>f</sup> obair làir, obair shnaidhte. <sup>g</sup> mar chorp nan nèamh. Eabh. <sup>h</sup> air uaislibh, daoine mòra. <sup>i</sup> ghabh gloir an Tighearna còmhnuidh. <sup>l</sup> sealladh, cosamhlachd.

tas: o gach duine a bheir seachad gu toileach e le chridhe, gabhaidh sibh mo thabhartas.

3 Agus is e so an tabhartas a ghabhas sibh uatha; òr, agus airgid, agus ùmha<sup>a</sup>,

4 Agus gorm, agus coren<sup>b</sup>, agus scarlaid, agus anart<sup>c</sup> grinn, agus fionnadh ghabhar,

5 Agus croicinne reitheachan air an dath dearg, agus croicinne bhroc, agus fiodh sitim,

6 Ola chum soluis, spìosraidh chum ola-ungaidh, agus a chum tùise deadh-bholaigh,

7 Clachan onics, agus clachan re'n cur anns an ephod, agus 'san uchd-éididh.

8 Agus ni iad dhomh *iorad* naomha, agus gabhaidh mise còmh-nuidh 'nam measg.

9 A réir gach ni a leigeas mise dhuit fhaicinn, a réir samhlaigh<sup>d</sup> a' phàilliuin, agus samhlaigh airneis uile, eadhon mar sin ni sibh.

10 Agus ni iad àirce do fhiodh sitim: dà làmh-choille gu leth<sup>e</sup> a fad, agus làmh-choille gu leth a leud, agus làmh-choille gu leth a h-àirde.

11 Agus còmhdaichidh tu thairis i le h-òr fìor ghlan, a stigh agus a muigh còmhdaichidh tu thairis i; agus ni thu oirre coron<sup>s</sup> òir m'an cuairt.

12 Agus ni h thu air a son ceithir fail-bheagan òir, agus cuiridh tu *iad* air a ceithir oisinnibh; agus bithidh dà fhailbheig air aon taobh dh'i, agus dà fhailbheig air an taobh eile dh'i.

13 Agus ni thu bataichean<sup>i</sup> do fhiodh sitim, agus còmhdaichidh tu thairis iad le h-òr.

14 Agus cuiridh tu na bataichean anns na failbheagaibh air taobhan na h-àirce, chum an àirc a ghiùlan leo.

15 Ann am failbheagaibh na h-àirce bithidh na bataichean: cha ghluaisear uaithe<sup>l</sup> iad.

16 Agus cuiridh tu 'san àirc an fhianuis<sup>m</sup>, a bheir mise dhuit.

17 Agus ni thu cathair-thròcair<sup>n</sup> a dh'òr fìor-ghlan; dà làmh-choille

gu leth a fad, agus làmh-choille gu leth a leud.

18 Agus ni thu dà cherub òir: a dh'obair bhualite ni thu iad aig dà cheann na cathair-thròcair.

19 Agus ni thu aon cherub aig aon cheann, agus cerub eile aig a' cheann eile do'n chathair-thròcair: ni sibh na ceruban aig a dà cheann.

20 Agus bithidh na ceruban a' sìneadh a mach an sgiath gu h-àrd, a' còmhdaichidh na cathair-thròcair le'n sgiathaibh, agus an aghaidhean<sup>o</sup> r'a chéile: re cathair-na-tròcair bithidh aghaidhean nam cerub.

21 Agus cuiridh tu a' chathair-thròcair suas air an àirc, agus anns an àirc cuiridh tu an fhianuis a bheir mise dhuit.

22 Agus coinnichidh mise thu 'n sin, agus labhraidh mi riuto uachdar na cathair-thròcair, o eadar an dà cherub a ta air àirc na fianuis, a thaobh gach ni a dh'àithneas mi dhuit do chloinn Israeil.

23 Agus ni thu bòrd do fhiodh sitim; dà làmh-choille fhad, agus làmh-choille a leud, agus làmh-choille gu leth àirde.

24 Agus còmhdaichidh tu thairis e le h-òr fìor-ghlan, agus ni thu dha coron òir m'an cuairt.

25 Agus ni thu dha iomall<sup>p</sup> do leud boise m'an cuairt, agus ni thu coron òir d'a iomall m'an cuairt.

26 Agus ni thu dha ceithir fail-bheagan òir, agus cuiridh tu na failbheagan air na ceithir oisinnibh a ta aig a cheithir chosaibh.

27 Fa chomhair an iomaill bithidh na failbheagan, chum àitean do na bataichibh, gus am bòrd a ghiùlan.

28 Agus ni thu na baitaichean do fhiodh sitim, agus còmhdaichidh tu thairis iad le h-òr, agus giùlainear am bòrd leo.

29 Agus ni thu a mhiasan<sup>r</sup>, agus a thùiseirean<sup>s</sup>, agus a chuachan<sup>t</sup>, agus a chopain, leis an d'thoir ear seachad<sup>u</sup> iobairt-dìbhe; a dh'òr fìor-ghlan ni thu iad.

30 Agus cuiridh tu air a' bhord aran taisbeanta romhams<sup>v</sup> 'an còmh-nuidh:

31 Agus ni thu coinnleir a dh'òr fìorghlan; a dh' obair bhualite nithear an coinnleir. Bithidh a chos, agus a mheoir<sup>aa</sup>, a chopain, u

o an eudanan. p imeall, foir.  
r shoithichean. s liaghan, lahair.  
spàinean. t a sgàlan. u an  
taomar a mach; an còmhdaichear.  
aa a mheaglain.

<sup>a</sup> unga, prais. <sup>b</sup> purpur.  
<sup>c</sup> lion-eudach. <sup>d</sup> deilbh, cumaidh,  
saimpleir, coslais. <sup>e</sup> cobhan,  
ciste. <sup>f</sup> dà làmh-choille agus leth  
làmh-choille. <sup>g</sup> crùn, fleasg.  
<sup>h</sup> tilgidh, leaghaidh. <sup>i</sup> linnan,  
maidean. <sup>l</sup> uaipe.  
<sup>m</sup> an teisteas. <sup>n</sup> uachdar,  
còmhdach na h-àirce; suidhe-  
tròcair.



chnapan<sup>a</sup>, agus a bhlàtha, do'n obair cheudna.

32 Agus thig se meoir a mach as a thaobhan; tri meoir a' choinnleir a h-aon taobh dheth, agus tri meoir a' choinnleir as an taobh eile dheth:

33 Tri copain air an deanamh cosmhui re almonaibh ann an aon mheur, *maille re* cnap agus blàth; agus tri copain air an deanamh cosmhui re almonaibh anns a' mheur eile, *maille re* cnap agus blàth: mar sin anns na sè meoir a thig a mach as a' choinnleir.

34 Agus anns a' choinnleir *bithidh* ceithir copain air an deanamh cosmhui re almonaibh, *maille re* 'n cnapaibh agus am blàthaibh.

35 Agus *bithidh* cnap fuidh dhà mheur dheth, agus cnap fuidh dhà mheur dheth, agus cnap fuidh dhà mheur dheth; *mar sin* do na sè meoir a thig a mach as a' choinnleir.

36 Bithidh an cnaip agus am meoir do'n obair cheudna: *bithidh* e uile 'na aon obair bhualte do òr fìor-ghlan.

37 Agus ni thu dha seachd lòch-rainn: agus cuirear suas b a lòch-rain, a chum gu'n d'thoir iad solus thall fa chomhair.

38 Agus *bithidh* a chlobhachan, agus a smàl-shoithichean a dh'òr fìor-ghlan.

39 Do thalann a dh'òr fìor-ghlan nithear e, maille ris na soithichibh sin uile.

40 Agus feuch gu'n dean thu iad a réiran t-samhlaidh, a chaidh leigeadh dhuit fhaicinn 'san t-sliabh.

## CAIB. XXVI.

**A** GUS ni thu 'm pàilliuin *le* deich cùirteinibh a dh' anart grinn toinnte, agus do ghorm, agus do choreur, agus do scarlaid; *maille re* cerubaibh a dh' obair ealanta<sup>c</sup> ni thu iad:

2 Fad aon chùirtein ochd làmha-coille thar fhichead, agus leud aon chùirtein, ceithir làmha-coille: an t-aon tomhas do na cùirteinibh uile.

3 Bithidh cùig cùirteinean air an ceangal gach aon r'a chéile; agus na cùig cùirteinean eile air an ceangal gach aon r'a chéile.

4 Agus ni thu lùban do ghorm air foir aon chùirtein, o'n iomall anns a' choi'cheangal: agus air a' mhodh cheudna ni thu 'am foir a' chùirtean a's fhaid' a mach, ann an coi'cheangal an dara h-aon.

5 Leth-cheud lùb ni thu ann an aon chùirtein, agus leth-cheud lùb ni thu 'am foir a' chùirtein a *tu* ann an coi'cheangal an dara h-aon; a chum's gu'n gabh na lùban greim d'a chéile.

6 Agus ni thu leth-cheud cromag<sup>d</sup> òir, agus ceanglaidh tu na cùirteinean r'a chéile leis na cromagaibh: agus bithidh e 'na aon phàilliuin.

7 Agus ni thu cùirteine do fhionna ghabhar *gu bhì* 'nan còmh-dach air a' phàilliuin: aon chùirtein deug ni thu dhiubh.

8 Fad aon chùirtein deich làmha-coille thar fhichead, agus leud aon chùirtein ceithir làmha-coille: *bithidh* an t-aon chùirtein deug uile dh'aon tomhas.

9 Agus cuiridh tu re chéile cùig cùirteine leo féin, agus sè cùirteine leo féin, agus dùblaichidh tu 'n seathadh cùirtein air taobh beoil a' bhùtha.

10 Agus ni thu leth-cheud lùb air foir an aon chùirtein a's fhaid' a mach 'sa' choi'cheangal, agus leth-cheud lùb air foir a' chùirtein, a tha coi'cheangal an dara h-aon.

11 Agus ni thu leth-cheud cromag a dh'ùmha, agus cuiridh tu na cromagan anns na lùbaibh, agus cuiridh tu 'm bùth re chéile, air chor as gu'm bi e 'na aon.

12 Agus am fuigheal a dh'fhàgar do chùirteinibh a' bhùtha, leth a' chùirtein a dh'fhàgar, crochar e thar taoibh cùil a' phàilliuin.

13 Agus làmh-choille air an taobh so, agus làmh-choille air an taobh eile do na dh'fhàgadh air am fad do chùirteinibh a' bhùtha, crochar e thar taobhan a' phàilliuin, air an taobh so, agus air an taobh eile, g'a chòmhdachadh.

14 Agus ni thu còmh-dach air son a' bhùtha do chroicnibh e reith-eachan air an dath' dearg, agus còmh-dach do chroicnibh bhroc os a cheann.

15 Agus ni thu buird air son a' phàilliuin do fhiodh sitim, 'nan seasamh:

16 Deich làmha-choille fad buird, agus làmh-choille gu leth leud aon buird.

17 *Bithidh* dà làmh aig aon bhord, air an cùr 'an ordugh fa chomhair a' chéile; mar so ni thu do uile bhòrdaibh a' phàilliuin.

18 Agus ni thu na buird air son a' phàilliuin, fichead bord air an taobh deas, ris an airde deas.

<sup>d</sup> claspa.

<sup>e</sup> chraic-

<sup>a</sup> a mhill. <sup>b</sup> lasar. <sup>c</sup> innleachdaich. <sup>nibh</sup>.

19 Agus ni thu dà fhichead casa airgid, fuidh 'n fhichead bord: da chois fuidh aon bhord a réir a dhà làimh, agus dà chois fuidh bhord eile a réir a dhà làimh.

20 Agus air son an dara taoibh do'n phàilliuin air an taobh tuath, fichead bord;

21 Agus an dà fhichead casa dh'airgid, dà chois fuidh aon bhord, agus dà chois fuidh bhord eile.

22 Agus air son thaoibh a' phàilliuin air an làimh an iar, ni thu sè buird.

23 Agus dà bhord ni thu air son oisinn a' phàilliuin 'san dà thaobh.

24 Agus bithidh iad air an coir-cheangal fuidhe, agus mar an ceudna bithidh iad air an coir-cheangal os a cheann re aon fhailbheig; mar so nithear dhoibh le chéile; bithidh iad air son an dà oisinn.

25 Agus bithidh ochd buird ann, agus an casan a dh'airgid, sé casa deug; dà chois fuidh aon bhord, agus dà chois fuidh bhord eile.

26 Agus ni thu croinn do fhiodh sitim; cùig air son nam bord air aon taobh do'n phàilliuin,

27 Agus cùig croinn air son nam bord air an taobh eile do'n phàilliuin, agus cùig croinn air son bhord taoibh a phàilliuin air son an dà thaobh an iar.

28 Agus ruigidh an crann meadhonach ann am meadhon nam bord o cheann gu ceann.

29 Agus còmhdaichidh tu thairis na buird le h-òr, agus ni thu 'm failbheagan a dh'òr mar àiteachan do na crannaibh: agus còmhdaichidh tu thairis na croinn le h-òr.

30 Agus togaidh tu suas am pàilliuin a réir a shamhlaidh, a nochdadh dhuit 'san t-sliabh.

31 Agus ni thu brat do ghorm, agus do choreur, agus do scarlaid, agus a dh'anart grinn d toinnte: a dh'obair ealanta nithear e, le cerubaibh.

32 Agus crochaidh tu e air ceithir postaibh do fhiodh sitim, air an còmhdaichidh thairis le h-òr: agus bithidh an cromagan a dh'òr, air na ceithir bonnaibh e airgid.

33 Agus crochaidh tu suas am brat fuidh na cromagaibh, agus bheir thu steach ann an sin àir na fianuis, an taobh a stigh do'n bhrat: agus roinnidh am brat dhuibhsan eadar

an t-ionad naomha agus an t-ionad ro naomha.

34 Agus cuiridh tu cathair-natròcair air àir na fianuis, 'san ionad ro naomha.

35 Agus cuiridh tu 'm bord an leth muigh do'n bhrat, agus an coinnleir fa chomhair a' bhuird air taobh deas a' phàilliuin: agus cuiridh tu 'm bord air an taobh tuath.

36 Agus ni thu còmhdaich f air son doruis a' bhùtha, do ghorm, agus do choreur, agus do scarlaid, agus do anart grinn toinnte, oibrichte le h-obair gréisg.

37 Agus ni thu air son a' chòmhdaich cùig postan do fhiodh sitim, agus còmhdaichidh tu thairis iad le h-òr, agus bithidh an cromagan a dh'òr, agus tilgidh tu air an son cùig buinn ùmha.

### CAIB. XXVII.

**A**GUS ni thu altair do fhiodh sitim; cùig làmh-coille air fad, agus cùig làmh-coille air leud: bithidh an altair ceithir-chearnach, agus a h-àirde trì làmh-coille.

2 Agus ni thu a h-adhaircean i air a ceithir oisinnibh: bithidh a h-adhaircean do'n ni cheudna: agus còmhdaichidh tu thairis i le h-ùmha.

3 Agus ni thu a h-aigheannan a ghabhail a luaithe, agus a sluas-aidean, agus a cuachan, agus a greimichean, agus a h-aigheannainteine: a soithichean uile ni thu a dh'ùmha.

4 Agus ni thu dh'i cliath do lion-obair ùmha: agus ni thu air an lion ceithir failbheagan ùmha air a cheithir oisinnibh.

5 Agus cuiridh tu e fuidh chuairt na h-altarach gu h-ìosal, agus bithidh an lion gu nuig meadhon na h-altarach.

6 Agus ni thu bataichean do'n altair, bataichean do fhiodh sitim, agus còmhdaichidh tu thairis iad le h-ùmha.

7 Agus cuirear na bataichean anns na failbheagaibh, agus bithidh na bataichean air dà thaobh na h-altarach g'a giùlan.

8 Fàs le bordaibh ni thu i: mar a nochdadh dhuit 'san t-sliabh, mar sin nithear i.

9 Agus ni thu cùirt a phàilliuin air an taobh deas, re deas: bithidh cùirteinean air son na cùirte do anart grinn toinnte; ceud làmh-choille am fad, air aon taobh.

f brat.

g obair snàthaide.

a bonn, pulag, socait.

b cuiridh

h trostain.

i praise.

tu thairis.

c a chomachd.

l aoircean.

m soithichean-

d cool, mìn, flinealta.

e bunaitibh.

crathaidh.

n lunnan.

10 Agus *bithidh* a fichead post, agus am fichead bonn *a dh'ùmh'a*: *bithidh* cromagan nam post, agus an cuairteagan *a dh'airgiod*.

11 Agus mar an ceudna air an taobh tuath air fad, *bithidh* cuirteine ceud *làmh-choille* air fad, agus a fichead post, agus am fichead bonn *a dh'ùmh'a*: cromagan nam post, agus an cuairteagan, *a dh'airgiod*.

12 Agus air leud na cùirte air an taobh an iar, *bithidh* cùirteine do leth-cheud *làmh-choille*: am puist deich, agus am buinn deich.

13 Agus *bithidh* leud na cùirte air an taobh an ear, ris an aird an ear, leth-cheud *làmh-choille*.

14 Agus *bithidh* na cùirteine air aon taobh cùig *làmh-choille* deug: am puist trì, agus am buinn trì.

15 Agus air an taobh eile *bithidh* a cùirteine cùig *làmh-choille* deug: am puist trì, agus am buinn trì.

16 Agus air son geataidh na cùirte *bithidh* brat a dh'fhichead *làmh-choille*, do ghorm, agus do chorcur, agus do scarlaid, agus *a dh'anart* grunn toinnte, oibrichte le h-obair snàthaide: am puist ceithir, agus am buinn ceithir.

17 *Bithidh* na puist uile timchioll na cùirte air an ceangal m'an cuairt a le h-airgiod: *bithidh* an cromagan a dh'airgiod, agus am buinn *a dh'ùmh'a*:

18 Fad na cùirte ceud *làmh-choille*, agus a leud leth-cheud *làmh-choille* sgach àite, agus *a' h-airde* cùig *làmh-choille a dh'anart* grunn toinnte; agus am buinn *a dh'ùmh'a*.

19 *Bithidh* uile shoithichean *a' phàilliuin*, 'na sheirbhis uile, agus a phinneachan uile, agus pinneachan na cùirte uile do ùmh'a.

20 Agus àithnidh tu do chloinn Israeil, gu'n d'fhoir iad a t'ionnsuidh oladh fhuir-ghlan *a' chroinn-olaidh*, brùite air son an t-soluis, a thoirt air an lòchran<sup>b</sup> lasadh 'an còmh-nuidh.

21 Ann am bùth *a' choi'-thionail* an taobh a muigh do'n bhrat, a *ta fa chomhair* na fianuis, orduichidh Aaron e, agus a mhic, o fheasgar gu madainn 'an làthair an Tighearna: *bithidh e* 'na reachd sìorruidh d'an ginealachaidh, a leth chloinn Israeil.

CAIB. XXVIII.

**A**GUS gabh a t'ionnsuidh Aaron do bhràthair, agus a mhic maille ris, o mheasg chloinn Israeil, a chum gu fritheil e dhomhsa ann an dreuchd an t-sagairt, *eadhon*

<sup>a</sup> cuairtiche. <sup>c</sup> eudaichean.

<sup>b</sup> lampa.

Aaron, Nadab agus Abihu, Eleasar agus Itamar, mic Aaron.

2 Agus ni thu éididh<sup>c</sup> naomha do d' bhràthair Aaron, air son glòir, agus air son maise.

3 Agus labhraidh tu riu-san uile *a ta glic* 'an cridhe, a lion mise le spiorad *a' ghliocais*; agus ni iad éididh Aaron, g'a choisrigedh, a chum gu fritheil e dhomhs' ann an dreuchd an t-sagairt.

4 Agus so an éididh a ni iad: uchd-éididh, agus ephod, agus fall-uing, agus còta iomadh-dathach<sup>d</sup>, crùn-sagairt, agus crios: agus ni iad éididh naomha air son Aaron do bhràthair, agus air son a mhac, a chum gu fritheil e dhomhs' ann an dreuchd an t-sagairt.

5 Agus gabhaidh iad òr, agus gorm, agus corcur, agus scarlaid, agus anart grunn.

6 Agus ni iad an ephod do òr, do ghorm, agus do chorcur, agus do scarlaid, agus do anart grunn toinnte, le h-obair ealanta.

7 Bithidh an dà mhir-guailne<sup>e</sup> aice ceangailte r'a chéile aig a dà fhoir; agus mar sin cuirear re chéile i.

8 Agus bithidh crios riomhach<sup>f</sup> na h-ephod a ta air a h-uachdar, a réir a h-oibre féin, do'n *ni* cheudna<sup>g</sup>, *eadhon do òr, do ghorm, agus do chorcur, agus do scarlaid, agus do anart grunn toinnte*.

9 Agus gabhaidh tu dà chloich onics, agus gearraidh tu orra ainmeanna chloinn Israeil.

10 Se d'an ainmibh air aon chloich, agus sè ainmeanna chàich air a' chloich eile<sup>h</sup>, a réir an sinead<sup>i</sup>.

11 Le h-obair gearradair 'an cloich<sup>l</sup>, le gearradh seulaidh, gearraidh tu an dà chloich, le ainmibh chloinn Israeil: bheir thu fa'near an ceangal<sup>m</sup> ann am failibh òir<sup>n</sup>.

12 Agus cuiridh tu an dà chloich air guailnibh na h-ephod, mar chlocha cuimhneachain do chloinn Israeil. Agus giùlainidh Aaron an ainmean ann an làthair an Tighearna air a dhà ghualainn, mar chuimhneachan.

13 Agus ni thu failean òir;

<sup>d</sup> do obair gréis, riomhach, ainmeamh. <sup>e</sup> dà ghuailleachan, dà chlàr-guailne.

<sup>f</sup> crios ainneamh; obair ealanta, Eabh.

<sup>g</sup> do'n stubh cheudna. <sup>h</sup> air an dàrna cloich. <sup>i</sup> a réir am breith; a réir an ginealach. Eabh.

<sup>l</sup> clach-shnaidheadair. <sup>m</sup> an cur, an sùidheachadh. <sup>n</sup> fàinnean, foirean òir.

14 Agus dà shlabhruidh, *a dh'òr* fìor-ghlan aig na cinn: nì thu iad *a dh'obair* fhighte, agus ceanglaidh tu na slabhruidhean fìgte ris na failean:

15 Agus nì thu uchd-éididh a' bhreitheanais le h-obair ealanta; a réir oibre na h-ephoid nì thu i: *do òr, do ghorm*, agus *do chorcur*, agus *do scarlaid*, agus *do anart grinn* toinnte uì thu i.

16 Ceithir-chearnach bithidh i, *agus dà-fhillte*<sup>a</sup>; réis a fad, agus réis a leud.

17 Agus cuiridh tu innte suidheachadh chlach<sup>b</sup>, *eadhon* ceithir sreath<sup>c</sup> chlach; *a' cheud* sreath, sardius, topas, agus carbuncle: *so a' cheud* sreath.

18 Agus an dara sreath; emerald, saphir, agus daoimeind.

19 Agus an treas sreath; lignr, agat, agus ametist.

20 Agus an ceathramh sreath; beril, agus onics, agus iasper: ceanglar iad le h-òr 'nan suidheachadh.

21 Agus bithidh na clochan le ainmibh chloinn Israeil, a dhà dheug, a réir an ainmeanna: *le gearradh* seulaidh, bithidh gach aon aca le h-ainm féin a réir an dà thréibh dheug.

22 Agus nì thu air an uchd-éididh slabhruidhean aig na cinn, *a dh'obair* fhighte *a dh'òr* fìor-ghlan.

23 Agus nì thu air an uchd-éididh dà fhàinne òir, agus cuiridh tu'n dà fhàinne air dà cheann na h-uchd-éididh.

24 Agus cuiridh tu 'n dà shlabhruidh fhighte òir 'san dà fhàinne, *a ta* air cinn na h-uchd-éididh.

25 Agus dà cheann *eile* na dà shlabhruidh fhighte daingnichidh tu anns an dà fhàil, agus cuiridh tu iad air mìribh-guailne na h-ephoid air a beulaobh.

26 Agus nì thu dà fhàinne òir, agus cuiridh tu iad air dà cheann na h-uchd-éididh, 'san fhoir sin dith, *a ta* aig taobh na h-ephoid a stigh.

27 Agus nì thu dà fhàinne *eile* do òr, agus cuiridh tu iad air dà thaobh na h-ephoid, fuipe, làimh r'a cuid-toisich, fa chomhair a coi'-cheangal *eile*, os cionn crios riomhach na h-ephoid.

28 Agus ceanglaidh iad an uchd-éididh leis a fàinnibh, re fàinnibh na h-ephoid le h-éill f'ghuirm, chum as gu'm bi i os cionn crios riomhach

na h-ephoid, agus nach fuasglar an uchd-éididh o'n ephoid.

29 Agus giùlainidh Aaron ainmeanna chloinn Israeil ann an uchd-éididh a' bhreitheanais, air a chridhe, 'nuair a théid e steach do'n *ionad* naomha, mar chuimhneachan ann an làthair an Tighearna a ghnà.

30 Agus cuiridh tu ann an uchd-éididh a' bhreitheanais, an Urim agus an Tummim; agus bithidh iad air cridhe Aaroin, an uair a théid e steach 'an làthair an Tighearna: agus giùlainidh Aaron breitheanas chloinn Israeil air a chridhe ann an làthair an Tighearna 'an còmhuidh.

31 Agus nì thu falluing na h-ephoid uile *do ghorm*.

32 Agus bithidh toll 'na mullach, 'na meadhon<sup>e</sup>: bithidh foir h aice timchioll a tuill a dh'obair fhighte, mar tholl lùriche-màillich, a chura as nach reubar i.

33 Agus *gu h-ìosal* air a h-iomall nì thu pomgranata *do ghorm*, agus *do chorcur*, agus *do scarlaid*, air a h-iomall m'an cuairt; agus cluig òir eatorra m'an cuairt:

34 Clag òir agus pomgranat, clag òir agus pomgranat, air iomall na falluinge m'an cuairt.

35 Agus bithidh i air Aaron *gu* frithealadh: agus cluinnear a fuaim, an uair a théid e steach do'n *ionad* naomh 'an làthair an Tighearna, agus an uair a thig e mach; a chum nach bàsaich e.

36 Agus nì thu leachd i *a dh'òr* fìor-ghlan, agus gearraidh tu oirre *cosmhuil re* gearradh seulaidh. NAOMHACHD DO'N TIGHEARNA.

37 Agus cuiridh tu i air éill ghuirm, agus bithidh i air a' chrùn-sagairt: air taobh beoil a' chrùn-sagairt bithidh i.

38 Agus bithidh i air clàr eudain Aaroin, agus giùlainidh Aaron cionta nan nithe naomha, a choisrigeas clann Israeil 'nan tiodhlacaibh naomha uile: agus bithidh i air clàr eudain 'an còmhuidh, a chum as gu'm bi iad taitneach 'an làthair an Tighearna.

39 Agus nì thu 'n còta le h-obair gréis a dh'anart grinn, agus nì thu'n crùn-sagairt a dh'anart grinn, agus nì thu'n crios a dh'obair snàthaide.

40 Agus do mhic Aaroin nì thu còtaichean, agus nì thu dhoibh criosan, agus boineidean nì thu dhoibh, air son glòir agus air son maise.

a air a dùblachadh. b àlach chloch. c sreudan.

d diamond. Sasg. e thoinate. f cordail; lace. Sasg.

g toll a mullaich 'na meadhon. h oir. i clàr, bonn; blàth. Eabhl.



41 Agus cuiridh tu iad air Aaron do bhràthair, agus air a mhic maille ris; agus ungaidh tu iad, agus coisrigidh tu iad, agus naombaichidh tu iad; agus frithealaidh iad dhomhs' ann an dreuchd an t-sagairt.

42 Agus ni thu dhoibh briogais anairt a dh'fholach 'an nochd<sup>1</sup>: o'n leasruidh eadhon gus an sléisdean ruigidh iad.

43 Agus bithidh iad air Aaron, agus air a mhic, an uair a thig iad a-stigh do phàilliuin a' choi'-thionail, no 'nuair a thig iad am fagus do'n altair, a fhrithealadh 'san ionad naomha; chum as nach giùlain iad aingidheachd, agus nach faigh iad bàs: *bithidh e* 'na reachd sìorruidh dha féin, agus d'a shliochd 'na dhéigh.

## CAIB. XXIX.

**A**GUS so an ni a ni thu riu chum an coisrigeadh, gu frithealadh dhomhs' ann an dreuchd an t-sagairt: Gabh aon tarbh òg, agus dà reithe gun ghaoidh,

2 Agus aran neo-ghoirtichte, agus breacagan neo-ghoirtichte, coi'-measgte le h-oladh, agus gearragan neo-ghoirtichte, ungta le h-ola: do phlùrd a' chruthneachd ni thu iad.

3 Agus cuiridh tu iad ann an aon bhascaid, agus bheir thu iad leat 'sa' bhascaid, maille ris an tarbh òg agus an dà reithe.

4 Agus bheir thu Aaron agus a mhic gu dorus pàilliuin a' choi'-thionail, agus ionnailidhe tu iad le h-uise.

5 Agus gabhaidh tu an éididh, agus cuiridh tu 'n còta air Aaron, agus falluing na h-ephoid, agus an ephod, agus an uchd-éididh, agus criosraichidh tu e le crios riomhach na h-ephoid.

6 Agus cuiridh tu 'n crùn-sagairt air a cheann, agus an crùn naomh air a' chrùn-sagairt.

7 Agus gabhaidh tu 'n oladh-ungaidh, agus doirtidh tu air a cheann i, agus ungaidh tu e.

8 Agus bheir thu leat a mhic, agus cuiridh tu còtaichean orra.

9 Agus criosraichidh tu iad le criosaibh (Aaron agus a mhic) agus cuiridh tu na boineidean orra: agus is leosan dreuchd an t-sagairt le reachd bith-bhuan: agus coisrigidh tu Aaron agus a mhic.

10 Agus bheir thu sa'near an tarbh a thoirt gu beulaobh pàilliuin a' choi'-thionail: agus cuiridh Aaron

agus a mhic an làmhan air ceann an tairbh.

11 Agus marbhaidh tu 'n tarbh 'an làthair an Tighearna, làimh re dorus pàilliuin a' choi'-thionail.

12 Agus gabhaidh tu do fhuil an tairbh, agus cuiridh tu i air adhaireibh na h-altarach le d'mheur, agus doirtidh tu 'n fhuil uile aig bun na h-altarach.

13 Agus gabhaidh tu 'n t-saill uile ta còmhachadh a' mhionaich, agus an scairt a ta os cionn nan àinean<sup>f</sup>, agus an dà àra<sup>g</sup>, agus an t-saill a ta orra, agus loisgidh tu iad air an altair.

14 Ach feoil an tairbh agus a sheiche<sup>h</sup>, agus aolach loisgidh tu le teine 'n taobh a muigh do'n champa: *is tabhartas-peacaidh e*.

15 Gabhaidh tu mar an ceudna aon reithe, agus cuiridh Aaron agus a mhic an làmhan air ceann an reithe.

16 Agus marbhaidh tu 'n reithe, agus gabhaidh tu fhuil, agus crathaidh tu i m'an cuairt air an altair.

17 Agus gearraidh tu 'n reithe 'na mhiribh, agus nighidh tu mhionach, agus a chasan, agus cuiridh tu iad air a mhiribh, agus air a cheann.

18 Agus loisgidh tu 'n reithe uile air an altair; *is tabhartas-loisgte e* do'n Tighearna; fàile cùbhraidh, tabhartas air a thoirt suas le teine do'n Tighearna.

19 Agus gabhaidh tu 'n reithe eile, agus cuiridh Aaron agus a mhic an làmhan air ceann an reithe.

20 'An sin marbhaidh tu 'n reithe, agus gabhaidh tu d'a fhuil, agus cuiridh tu i air bàrr cluaise deis a Aroin, agus air bàrr cluaise deis a mhaic, agus air ordaig an làimhe deise, agus air ordaig an coise deise; agus crathaidh tu 'n fhuil air an altair m'an cuairt.

21 Agus gabhaidh tu do'n fhuil a ta air an altair, agus do'n oladh-ungaidh, agus crathaidh tu iad air Aaron, agus air éididh, agus air a mhic, agus air éididh a mhaic maille ris: agus coisrigear e féin, agus éididh, agus a mhic, agus éididh a mhaic maille ris.

22 Mar an ceudna gabhaidh tu do'n reithe an t-saill, agus bun an earbuill, agus an t-saill a ta còmhachadh a' mhionaich, agus scairt nan àinean, agus an dà àra, agus an t-saill a ta orra, agus an slianear deas; oir is reithe coisrigidh e:

23 Agus aon bhuillion<sup>1</sup> arain, f àe, grùan. g àrainn. h a sheiche. i ardoig. l mhuillion.

a an lomnochduidh. b gun ghò, gun àineamh. c abhlain; wafers. Sasg. d mhin.

agus aon bhreacag arain le h-ola, agus aon ghearrag a bascaid an arain neo-ghoirtichte a *ta* 'n làthair an Tighearna.

24 Agus cuiridh tu *iad* uile ann an làmh an Aaroin, agus ann an làmh an mhac: agus luaisgidh tu *a* iad mar thabhartas-luaisgte 'an làthair an Tighearna.

25 Agus gabhaidh tu iad bhàrr an làmh, agus loisgidh tu *iad* air an altair mar thabhartas-loisgte, chum faile cùbhraidh 'an làthair an Tighearna: *is* tabhartas e air a thoirt suas le teine do' n Tighearna.

26 Agus gabhaidh tu 'n t-uchd o reithe coisrigidh Aaroin, agus luaisgidh tu e *mar* thabhartas-luaisgte 'an làthair an Tighearna: agus bithidh sin agadsa mar chuibhrionn.

27 Agus naomhaichidh tu uchd an tabhartais-luaisgte, agus slinnean an tabhartais-thogta, a chaidh luasgadh, agus a thogail suas do reithe a' choisrigidh, *eadhon* do' n *ni* sin a's le h-Aaron, agus do' n *ni* sin a *bhuineas* d'a mhic.

28 Agus bithidh e le h-Aaron agus le mhic le reachd bith-bhuan, o chloinn Israeil; oir *is* tabhartas-togta e: agus bithidh e 'na thabhartas-togta o chloinn Israeil do iobairtibh an tabhartasan-sith, *eadhon* an tabhartas-togta do' n Tighearna.

29 Agus is le mic Aaroin éididh naomha-san 'na dhéigh, gu bhí air an ungadh innte, agus gu bhí air an coisrigeadh innte.

30 Seachd laithean cuiridh esan d'a mhic air i, a bhios 'na shagart 'na àite, a théid a stigh do phàillium a' choi'-thionail, a fhrithealadh 'san ionad naomha.

31 Agus gabhaidh tu reithe a' choisrigidh, agus bruichidh tu fheoil 'san ionad naomha.

32 Agus ithidh Aaron agus a mhic feoil an reithe, agus an t-aran a *ta* 'sa' bhascaid, aig doras pàillium a' choi'-thionail.

33 Agus ithidh iad na nithe sin leis an d'rinneadh an réite c, chum an coisrigeadh agus an naomhachadh: ach cha 'n ith coigreach *dhiubh*, do bhri' gu *bheil* iad naomha.

34 Agus ma dh'fhàgar a' bheag a dh'fheoil a' choisrigidh, no bheag do' n aran, agus a' mhadainn; 'an sin loisgidh tu 'm fuigheall<sup>d</sup> le teine: cha 'n ithear e, do bhri, gu *bheil* e naomha.

35 Agus nì thu mar so re h-Aaron, agus r'a mhic, a réir nan uile *nithe* a dh'áithn mise dhuit: seachd laithean coisrigidh tu iad.

36 Agus bheir thu seachad gach là tarbh og *mar* thabhartas-peacaidh, chum réite c: agus glanaidh tu 'n altair an uair a nì thu réite air a son, agus ungaidh tu i chum a naomhachadh.

37 Seachd laithean nì thu réite air son na h-altarach, agus naomhaichidh tu i; agus bithidh i 'aa h-altair ro naomha: gach nì a bheanas ris an altair, naomhaichear e.

38 Agus so an nì a bheir thu seachad air an altair; dà uan a dh'aois bliadhna, o là gu là 'an còmhnuidh.

39 Aon uan bheir thu seachad 'sa' mhadainn; agus an t-uan eile bheir thu seachad mu fheasgar.

40 Agus maille ris an aon uan an deiceamh cuid do phlùr minf measgta leis a' cheathramh cuid do hin a dh'ola bhrùite; agus an ceathramh cuid do hin a dh'fhion, *mar* thabhartas-dìbhe.

41 Agus an t-uan eile bheir thu seachad mu fheasgar, agus nì thu ris a réir tabhartais-bidhe na maidne, agus a réir a tabhartais-dìbhe, mar fhàile cùbhraidh, tabhartas air a thoirt suas le teine do' n Tighearna.

42 *Bithidh* so 'na thabhartas-loisgte bith-bhuan air feadh bhur ginealach, aig doras pàillium a' choi'-thionail 'an làthair an Tighearna, far an coinnich mise sibh, a labhairt riut-sa 'n sin.

43 Agus 'an sin coinnichidh mise clann Israeil, agus naomhaichear am pàillium le m' ghloir.

44 Agus naomhaichidh mi pàillium a' choi'-thionail, agus an altair: naomhaichidh mi mar an ceudna Aaron agus a mhic, gu frithealadh dhomh ann an dreuchd an t-sagairt.

45 Agus gabhaidh mi còmhnuidh 'am measg chloinn Israeil, agus bithidh mi'm Dha aca.

46 Agus bithidh fios aca gur mise an Tighearn an Dia, a thug a mach iad a talamh na h-Eiphit, a chum 's gu'n gabh mi còmhnuidh 'nam measg: *Is* mise an Tighearn an Dia.

CAIB. XXX.

**A** GUS nì thu altair a losgadh tùis oirre; do fhiodh sitim nì thu i:

2 Làmh-choille a fad, agus làmh-

<sup>a</sup> crathaidh tu a nunn agus a nall.  
<sup>b</sup> buinidh e dh' Aaron. <sup>c</sup> réidhte,  
sith. <sup>d</sup> fuighleach.

<sup>e</sup> g' s'lothachadh. <sup>f</sup> do mhin  
mhìn a' chruinneachd. <sup>g</sup> 'na gna-  
ofrail loisgte.

choille a leud (ceithir-chearnach bithidh i) agus dà làmh-choille a h-àirde: *bithidh* a h-adhaircean do'n *ni* cheudna.

3 Agus còmhdaichidh tu thairis i le h-òr fìor-ghlan, a mullach, agus a taobhana m'an cuairt, agus a h-adhaircean: agus ni thu dh'i coron òir m'an cuairt.

4 Agus dà fhailbheig òir ni thu dh'i fuidh a coron; aig a dà oisinn ni thu *iad*, air a dà thaobh: agus bithidh iad air son àiteachan do na bataibh chum a giùlan leò.

5 Agus ni thu na bataichean do fhiodh sitim, agus còmhdaichidh tu thairis iad le h-òr.

6 Agus cuiridh tu i fa chomhair an roinn-bhrat, a ta làimh re àire na fianuis, air beulaobh cathair na tròcair, a *ta* os cionn na fianuis, far an coinnich mise thu.

7 Agus loisgidh Aaron tùis chùbhraidh oirre gach madainn; an uair a dheasaicheas e na lòchrain, loisgidh e tùis oirre.

8 Agus an nair a lasas Aaron na lòchrain mu fheasgar, loisgidh e tùis oirre; tùis bhith-bhuan 'an làthair an Tighearn, air feadh bhur ginealacha.

9 Cha loisg sibh tùis choimheach 'sam bith oirre, no iobairt-loisgte, no tabhartas-bidhe; ni mò dhòirteas sibh tabhartas-dibhe oirre.

10 Agus ni Aaron réite air a h-adhaircibh aon uair 'sa' bhliadhna le fuil iobairt-pheacaidh na réite: aon uair 'sa' bhliadhna ni e réite oirre, air feadh bhur ginealacha: tha i ro naomha do'n Tighearna.

11 Agus labhair an Tighearna re Maois, ag ràdh,

12 'Nuair a ghabhas tu cunntas chloinn Israeil a réir an àireimh; 'an sin bheir gach duine dhiubh éiric air son anama do'n Tighearna, 'nuair a dh'àirmheas tu iad; a chum nach 'bi plàigh 'nam measg, an nair a dh'àirmheas tu iad.

13 So bheir iad uatha, gach aon a théid seachad nam measg-san a dh'àirmhear; leth seceil a réir seceil an *ionaid* naomha ('*se* seceil fichead gerah) leth seceil mar thabhartas do'n Tighearna.

14 Bheir gach aon a théid seachad 'nam measg-san a dh'àirmhear, o fhichead bliadhn' a dh'aois agus os a cheann, tabhartas do'n Tighearna.

15 Cha d'thoir an saibhir tuilleadh, agus cha d'thoir am bochd ni's lugha na leth seceil, an uair a bheir *iad*

tabhartas do'n Tighearna, a dheanamh réite air son bhur-n-anmanna.

16 Agus gabhaidh tu airgid na réite o chloinn Israeil, agus cuiridh tu air leth<sup>b</sup> e fa chomhair seirbhis pàilliuin a' choi'thionail; agus bithidh e 'na chuimhneachan do chloinn Israeil 'an làthair an Tighearn, a dheanamh réite air son bhur-n-anmanna.

17 Agus labhair an Tighearna re Maois, ag ràdh,

18 Ni thu mar an ceudna soith-each-ionnlaid a *dh'ùmha*, agus a chas a *dh'ùmha*, chum ionnlaid: agus cuiridh tu e eadar pàilliuin a' choi'thionail agus an altair, agus cuiridh tu uisge ann.

19 Agus ionnailidh Aaron agus a mhic an làmhan as, agus an cosan.

20 'Nuair a théid iad a steach do phàilliuin a choi'thionail, ionnailidh siad iad féin le h-uisge, chum as nach bàsaich iad: no 'nuair a thig iad am fagus do'n altair a fhrith-ealadh, a losgadh tabhartais a bheir ear suas le teine do'n Tighearna.

21 Agus ionnailidh iad an làmhan agus an cosan, a chum nach bàsaich iad: agus bithidh e 'na ordugh bith-bhuan dhoibh *eadhon* dha féin agus d'a shliochd air feadh an ginealacha.

22 Agus labhair an Tighearna re Maois, ag ràdh,

23 Gabh-sa dhuit féin mar an ceudna spiosraidh thaghta do mhirr fìor-ghlan, cùig ceud *secel*, agus do chanal cùbhraidh a leth uiread, *eadhon* dà cheud agus leth-cheud *secel*, agus do chalamus cùbhraidh dà cheud agus leth-cheud *secel*.

24 Agus do chasia cùig ceud *secel* a réir seceil an *ionaid* naomha, agus hin do oladh a' chroinn-olaidh.

25 Agus ni thu dheth oladh-ungaidh naomha, oladh-ungaidh coi'measgta réir ealadhain an léigh<sup>c</sup>: bithidh i 'na h-oladh-ungaidh naomha.

26 Agus ungaidh tu pàilliuin a' choi'thionail leatha, agus àire na fianuis.

27 Agus am bord agus a shoithichean uile, agus an coinnleir agus a shoithichean, agus altair na tùise.

28 Agus altair na h-iobairt-loisgte agus a soithichean uile, agus an soitheach-ionnlaid agus a chas.

29 Agus naomhaichidh tu iad, a chum as gu'm bi iad ro-naomha: ge b'e ni a bheanas riu, bithidh e naomha.

30 Agus ungaidh tu Aaron agus a

<sup>b</sup> orduichidh tu, builichidh tu.

<sup>c</sup> sedltachd an lusragain.

<sup>a</sup> a h-uachd r' agus a sliosan.

mhic, agus coisrigidh tu iad, gu frithealadh dhomhs' ann an dreuchd an t-sagairt.

31 Agus labhraidh tu re cloinn Israeil, ag ràdh, Bithidh so 'na oladh-ungaidh naomha dhomhsa, air feadh bhur ginealach.

32 Air feoil duine cha dòirtear i, ni mò a ni-sibh a leithid a réir a measgaidh; <sup>a</sup> *ta* i naomha, agus naomha bithidh i dhuibh.

33 Ge b'e neach a mheasgas *ni* cosmhuil ria, agus ge b'e neach a chuireas a' bheag dhith air coigreach, gu deimhin gearrar as e o shluagh.

34 Agus thubhairt an Tighearna ri Maois, Gabh dhuit spiosraidh chubhlraidh, stacte, agus onicha, agus galbanum: spiosraidh chùbhraidh maille ri tùis fhior-ghloin: do gach aon diubh bithidh an t-aon òmhas.

35 Agus ni thu boltrachan deth, air a dheanamh suas a réir ealadhain an léigh, coimh-measgta, fìor ghlan, naomha.

36 Agus bruthaidh tu *cuid* deth ro-mhin, agus cuiridh tu *cuid* deth fa chomhair na fianuis ann am pàill-iun a' choimhthionail, faran coinnich mise thu: ro naomha bithidh e dhuibh.

37 Agus am boltrachan a ni thu, cha: dean sibh a *leithid* duibh féin a réir a mheasgaidh: bithidh e dhuitse naomha do'n Tighearna.

38 Ge b'e neach a ni a choslas, a ghabhail fàile uaith, gearrar as e o shluagh.

## CAIB. XXXI.

**A** GUS labhair an Tighearna ri Maois, ag ràdh,

2 Feuch, ghairm mi air ainm, Besaleel mac Uri, mhic Hur, do thréibh Iudaih;

3 Agus lion mi e le spiorad Dhé, ann an gliocas, agus ann an tuigse, agus ann an eòlas, agus anns gach uile ghné oibre,

4 A dhealbhadh a oibre ealanta, a dh'òibreachadh ann an òr, agus ann an airgid, agus ann an ùmha,

5 Agus ann an gearradh chloch a chum an ceangal, agus ann an gearradh fiodha, a dh'òibreachadh anns gach uile ghné oibre.

6 Agus mise, feuch, thug mi seachad maille ris Aholiab mac Ahisamaich do thréibh Dhan; agus ann an cridhe gach neach a ta glic-chridheach chuir mi gliocas, agus ni iad gach ni a dh'aitb'n mi dhuit:

7 Pàillun a' choimhthionail, agus

àirc na fianuis, agus cathair na trócair a *ta* oirre, agus uile uidheam a' phàilliuin,

8 Agus am bord agus uidheam, agus an coinnleir fìor-ghlan le uidheam uile, agus altair na tùise,

9 Agus altair na h-ìobairt-loisgte lè h-uidheam uile, agus an soitheach-ionnlaid agus a chas,

10 Agus éididh <sup>c</sup> na seirbhis, agus éididh naomha air son Aaroin an t-sagairt, agus éididh a chuid mac, gu frithealadh ann an dreuchd an t-sagairt,

11 Agus an oladh-ungaidh, agus tùis chùbhraidh air son an *ionaid* naomha; a réir nan uile *nithe* dh'aitb'n mi dhuit, ni iad.

12 Agus labhair an Tighearna ri Maois, ag ràdh,

13 Labhair thusa mar an ceudna ri cloinn Israeil, ag ràdh, Gu deimhin coimhididh <sup>d</sup> sibh mo shàbaidean-sa: oir *is* comhara sin eadar mise agus sibhse, air feadh bhur ginealach; chum as gu'm bi fios agaibh gur mise an Tighearna, a naomhaicheas sibh.

14 Coimhididh sibh, uime sin, an t-sàbaid, oir *a tu* i naomha dhuibh. Esan a thruailleas e i, cuirear gu cinnteach gu bàs e: oir gach neach a ni obair oirre, gearrar an t-anam sin as o mheasg a shluagh.

15 Sè laithean feudar obair a dheanamh; ach san t-seachdamh *ta* sàbaid fhois, naomha do'n Tighearna: gach neach a ni obair air là na sàbaid, cuirear gu cinnteach gu bàs e.

16 Uime sin, coimhididh clann Israeil an t-sàbaid, a ghleidheadh na sàbaid air feadh an ginealach, *mar* choimhcheangal <sup>f</sup> sìorruidh.

17 Eadar mise agus clann Israeil *is* comhar' i a chaoidh'; oir ann an sé laithibh rinn an Tighearna na neamhan agus an talamh, agus air t-seachdamh là sguir e, agus ghabh e fois.

18 Agus thug e do Mhaois, an uair a sguir e do labhairt ris air sliabh Shinai, dà chlàr na fianuis, clàir chloiche, sgriobhta le meur Dhé.

## CAIB. XXXII.

**A** GUS an uair a chunnaic an sluagh gu'n d'rinn Maois moille ann an teachd a nuas as an t-sliabh, chruinnich iad iad féin gu h-Aaron, agus thubhairt iad ris, Eirich suas, dean dhuinne dée a théid romhainn, oir *a thaobh* a' Mhaois so, an duine a thug a nios sinn a talamh na

b airneis. c eudach.  
d gleidhidh. e mhi-naomhaicheas.  
f chunnradh, chùmhnannt.



h-Eiphit, cha 'n'eil fhios againn ciod a thàinig air a.

2 Agus thubhairt Aaron riu, Brisibh dhihb na cluas-fhailean oir a ta ann an cluasaibh bhur ban, bhur mac, agus bhur nigheana, agus thugaibh a m' iounsuidhs' iad.

3 Agus bhris an sluagh uile dhiubh na cluas-fhailean oir a bha 'nan cluasaibh, agus thug iad gu h-Aaron iad.

4 Agus ghabh e iad as an làimh; agus chum se e le inneal-gearraidh e, 'n deigh dha laogh leaghta dheanamh dheth, agus thubhairt iad, Sin do dhée, o Israel, a thug a nios thu a talamh na h-Eiphit.

5 Agus an uair a chunnaic Aaron e, theg e altair fa 'chomhair, agus thug Aaron gairm, agus thubhairt e, Is là feisid am màireach do'n Tighearna.

6 Agus dh'éirich iad suas gu moch air an là màireache, agus thug iad suas tabhartais-loisgte, agus thug iad leo tabhartais-sith: agus shuidh an sluagh sìos a dh'itheadh agus a dh'òl, agus dh'éirich iad suas gu sùgradh.

7 Agus thubhairt an Tighearna ri Maois, Imich, falbh sìos; oir thruaill do shluagh, a thug thu mach a talamh na h-Eiphit, iad féin.

8 Chlaon iad gu grad o'n t-slighe a dh'àithn mise dhoibh: rinn iad dhoibh féin laogh leaghta; agus rinn iad aoradh dha, agus thug iad suas iobairtean dha, agus thubhairt iad, Sin do dhée, o Israel, a thug a nios thu a talamh na h-Eiphit.

9 Agus thubhairt an Tighearna ri Maois, Chunnaic mis' an sluagh so, agus feuch, is sluagh rag-mhuinealach e iad.

10 A nis, uime sin, leig leam, agus lasaidh mo chorruih 'nan aghaidh, agus claidhidh mi iad: agus ni mi dhiotsa cinneach mòr.

11 Agus ghuidh Maois air an Tighearna a Dhia, agus thubhairt e, C'ar son, a Thighearna, a ta do chorruih a' lasadh an aghaidh do shluaigh, a thug thu mach a talamh na h-Eiphit, le cumhadh mòr, agus le làimh thréin?

12 C'ar son a labhradh na h-Eiphitich, ag ràdh, Le droch rùn thug e mach iad, a chum am marbhadh sna beanntaibh, agus an claidh bhàr aghaidh na talmhainn? Pill o d'

a ciod is cor dha.

b Bristibh.

c inneal-breacaidh, inneal-dualuidh.

d f'ill, cuirm.

e an la'r na

màireach.

f mireadh, cluiche,

cleasachd.

g cruaidh-mhuineulach,

chorruih gbaire, agus gabh aithreachas do'n olc so an aghaidh do shluaigh.

13 Cuimhnich air Abraham, Isaac, agus Israel, do sheirbhisich, d'an d'thug thu mionnan ort féin, agus r'an d'thubhairt thu, Ni mi bhur sliochd lionmhor mar reulta néimh, agus am fearann so uile, m'an do labhair mi, bheir mi d'ar sliochd-sa, agus sealbhaichidh iad e gu sìorruidh.

14 Agus ghabh an Tighearna aithreachas do'n olc a thubhairt e gu'n deanadh e air a shluaigh.

15 Agus thionndaidh Maois, agus chaidh e sìos as an t-sliabh, agus dà chlár na fianuis na làimh: bha na clàir sgrìobhta air an dà thaobh; air an taobh so, agus air an taobh ud eile bha iad sgrìobhta.

16 Agus b'iad na clàir obair Dhé, agus b'e 'n sgrìobhadh sgrìobhadh Dhé, gearra air na clàraibh.

17 Agus chuala Iosua toirm an t-sluaigh an uair a rinn iad gairh, agus thubhairt e ri Maois, Tha toirm chogaidh sa' champ.

18 Agus thubhairt e, Cha'n e guth dhaoine a' deanamh gair air son na buadha, cha mho is e guth dhaoine ag éigheach a chionn gu'n d'thugadh buaidh orra, ach toirm luchd-gabhail ciuil a ta mi a' cluinntinn.

19 Agus co luath 'sa thàinig e 'm sagus do'n champ, chunnaic e'n laogh, agus an dannta: agus las corruih Mhaois, agus thilg e na clàir as a làimh, agus bbris e iad aig bun an t-sléibh.

20 Agus ghabh e 'n laogh a rinn iad, agus loisg e san teine e, agus mheil e gu smùr e, agus chrath e air an uisge e, agus thug e air cloinn Israeil òl dheth.

21 Agus thubhairt Maois ri h-Aaron, Ciod a rinn an sluagh so ort, gu'n d'thug thu peacadh co mòr orra?

22 Agus thubhairt Aaron, Na lasadh fearg mo thighearna: is aithne dhuit an sluagh, gu'm bheil iad so-aomaidh a dh'ionnsuidh an uile.

23 Oir thubhairt iad rium, Dean dhuinn dée, a théid romhainn; oir a thaobh a' Mhaois so, an duine a thug a mach sinn a talamh na h-Eiphit, cha 'n fhios duinn ciod a thàinig air.

24 Agus thubhairt mi riu, Gach neach aig am bheil a' bheag a dh'or, briseadh e dheth e: agus thug iad dhomh e, agus thilg mi san teine e, agus thàinig a mach an laogh so.

h iolach,

F

i fàdgar.

97

25 Agus an uair a chunnaic Maois gu'n robh an sluagh rùisgte<sup>a</sup>, (oir rùisg Aaron iad a chum an nàire am measg an naimhde.)

26 An sin sheas Maois ann an geatadh<sup>b</sup> a' chaimp, agus thubhairt e, Cò tha leis an Tighearna? *thig-eadh em'ionnsuidhsa.* Agus chrùinich mic Lebhi uile d'a ionnsuidh.

27 Agus thubhairt e riu, Mar so tha 'n Tighearna Dia Israeil ag ràdh, Cuireadh gach duine agaibh a chlaidheamh air a leis<sup>c</sup>, agus rachaibh a steach agus a mach o gheata gu geatadh air feadh a' chaimp, agus marbhadh gach duine agaibh a bhràthair, agus gach duine a chompanach, agus gach duine a choimhearsnach.

28 Agus rinn clann Lebhi a réir focail Mhaois: agus thuit do'n t-sluagh san là sin mu thimchioll thri mìle fear.

29 Oir thubhairt Maois, Coisrigibh sibh féin an diugh do'n Tighearna, eadhon gach duine air a mbac, agus air a bhràthair; a chum as gu'm builich<sup>d</sup> e oirbh beannachadh air an là 'n diugh.

30 Agus air an là màireach, thubhairt Maois ris an t-sluagh, Pheacaich sibh peacadh mòr: agus a nis théid mise suas a dh'ionnsuidh an Tighearna, a dh'fheuchainn an dean mi reite air son bhur peacaidh.

31 Agus phill Maois a dh'ionnsuidh an Tighearna, agus thubhairt e, Och! pheacaich an sluagh so peacadh mòr, agus rinn iad dhoibh féin dèe oir!

32 Gidheadh a nis, ma's toil leat, math dhoibh am peacadh; ach mur math, dubh mise, guidheam ort, a mach as do leabhar a sgrìobh thu.

33 Agus thubhairt an Tighearna ri Maois, Ge b'e a pheacaich a'm' agbaidh, esan dubhaidh mi mach as mo leabhar.

34 Uime sin a nis imich, trebraiche an sluagh a chum an ionaid mu'n do labhair mi riut; feuch, théid m'aingeal romhad: gidheadh, san là am fiosaich mi, leanaidh mi am peacadh orra.

35 Agus chlaoidhf an Tighearna an sluagh, a chionn gu'n d'rinn iad an laoghs, a rinn Aaron.

## CAIB. XXXIII.

**A** GUS thubhairt an Tighearna ri Maois, Imich, falbh suas as so,

a lannochd.

b dorus.

c a leth-taobh.

d gu'm bàruig.

e thoir leat.

f bhuail. Eabh.

g air son an aoraidh, a rinn iad do'n laogh.

thu féin agus an sluagh, a thug thu mach a talamh na h-Eiphit, a dh'ionnsuidh na tìre a mhionnaich mi do Abraham, do Isaac, agus do Jacob, ag ràdh, Do d' shliochd sa bheir mi e:

2 Agus cuiridh mi aingeal romhad; agus fuadaichidh mi mach an Canaanach, an t-Amorach, agus an t-Hiteach, agus am Peridseach, agus an t-Hibheach, agus an Iebusach:

3 A dh'ionnsuidh fearainn a ta sruthadh le bainne agus mil: oir cha d'théid mi suas a'd' mheasg<sup>h</sup>, oir is sluagh rag-mhuinealach thu; an t-eagal gu'n claidh mi thu san t-slighe.

4 Agus an uair a chual' an sluagh an droch sgeul so, rinn iad bròn; agus cha do chuir duine sam bith air a bhrèaghachd.

5 Oir thubhairt an Tighearna ri Maois, Abair ri cloinn Israeil, Is sluagh rag-mhuinealach sibh: ann am platha<sup>i</sup> théid mi suas 'nar measg, agus claidhidh mi sibh: a nis uime sin cuiribh dhìbh bhur brèaghachd, a chum as gu'm bi fios agam ciod a ni mi ribh.

6 Agus rùisg clann Israeil am brèaghachd dhiubh làimh ri sliabh Horeb.

7 Agus ghabh Maois am pàillium<sup>m</sup>, agus shuidhich e 'n taobh a mach do'n champ e, fad' o'n champ, agus thug e pàillium a' choimhthionail mar ainm air. Agus na lorg sin, chaidh gach neach a bha 'g iarraidh an Tighearna a mach do phàillium a' choimhthionail, a bha 'n taobh a muigh do'n champ.

8 Agus an uair a chaidh Maois a mach do'n phàillium, dh'éirich an sluagh gu léir suas, agus sheas gach duine aig dorus a bhùtha, agus dh'amhairc iad an déigh Mhaois gus an deachaidh e stigh do'n phàillium.

9 Agus an uair a chaidh Maois a stigh do'n phàillium, thàinig am meall<sup>n</sup> neoil a nuas, agus sheas e aig dorus a' phàillium, agus labhair an Tighearna ri Maois.

10 Agus chunnaic an sluagh uile am meall neoil na sheasamh aig dorus a' phàillium: agus dh'éirich an sluagh uile suas, agus rinn iad aoradh, gach duine ann an dorus a bhùtha.

11 Agus labhair an Tighearna ri Maois aghaidh re h-aghaidh, mar a

h a'd' mheadhon.

i eudach

rlomhach.

l mionaid, tiotà,

athghaoraid.

m bùth. Eabh

n column, pillar, Sasg.

labhras duine r'a charaid. Agus phill e ris do'n champ; ach cha deachaidh a sheirbhiseach Iósua, mac Nun, duine òg, a mach as a' phlàillinn.

12 Agus thubhairt Maois ris an Tighearna, Feuch, a ta thu 'g ràdh rium, Thoir suas an sluagh so: agus cha d'thug thu fios domh cochuireas tu maille rium. Gidheadh thubhairt thu, 'S aithne dhomh thu air t'ainm, agus mar an ceudna fhuair thu deagh-ghean a'm' shùilibh.

13 A nis uime sin, guidheam ort, ma fhuair mi deagh-ghean a'd' shùilibh, nochd dhomh do shlighe, a chum as gu'm bi aithne agam ort, agus gu'm faigh mi deagh-gheana a'd' shùilibh, agus meas b' gur e 'n cinn-each so do shluagh-sa.

14 Agus thubhairt e, Thèid mo làthaireachd leat, agus bheir mi fois dhuit.

15 Agus thubhairt e ris, Mur d'thèid do làthaireachd maille ruinn, na d'thoir suas sinn a so:

16 Oir ciod e leis an aithnìcheam ann an so, gu'n d'fhuair mise agus do shluagh deagh-ghean a'd' shùilibh? Nach ann le d' dhoi maille ruinn? Mar so dealaicheam sinn, mise agus do shluagh, o gach uile shluagh a ta air aghaidh na tal-mhainn.

17 Agus thubhairt an Tighearna ri Maois, An ni so mar an ceudna a thubhairt thu, ni mise; oir fhuair thu deagh-ghean a'm' shùilibh, agus is aithne dhomh thu air t'ainm.

18 Agus thubhairt esan, Foillsich dhomh, guidheam ort, do ghlòir.

19 Agus thubhairt e, Bheir mi air mo mbaitheas uile dol seach a'd' làthair d, agus gairmidh mi ainm an TIGHEARN a'd' fhianuis; agus bithidh mi gràsmhor dhasan d'am bi mi gràsmhor, agus nochdaidh mi tròcair dha-san d'an nochd mi tròcair.

20 Agus thubhairt e, Cha'n fheud thu m'aghaidh' fhaicinn; oir cha'n fhaic duine air bith mise, agus e beo e.

21 Agus thubhairt an Tighearna, Feuch, tha àite làimh rium, agus séasaidh tusa air carraig f:

22 Agus an uair a bhios mo ghlòir a' dol seachad, an sin cuiridh mi thu ann an sgoltadh do'n charraig,

a taitneachd a'm' shealladh.

b faic. Eabh. c m'aghaidh. Eabh. d gabhail seach romhad. e cha'n urrain duin' air bith mise fhaicsinn, agus a bhi beo. f air a' chreig sin.

agus còmhdaichidh mi le m' làimh thu agus an d'thèid mi seachad.

23 Agus bheir mi air falbh mo làmh, agus chì thu mo chùlaobh; ach cha'n fhaicear m'aghaidh.

## CAIB. XXXIV.

A GUS thubhairt an Tighearna ri Maois, Snaidh dhuit féin dà chlàr chloiche cosmhuil ris na ceud chlàir; agus sgrìobhaidh mis' air na clàir sin na focail, a bha air na ceud chlàir a bbris thu.

2 Agus bi deas sa' mhaduinn, agus thig a nìos sa' mhaduinn do shliabh Shìnai, agus nochd thu féin an sin dhomhs' air mullach an t-slàibh.

3 Agus na d' thigeadh duine sam bith a nìos maille riut, agus na faicear duine san t-sliabh uile, agus na h-ionaltradh na treudan no'm buarh fa chomhair an t-slàibh sin.

4 Agus snaidh e dà chlàr chloiche cosmhuil ris na ceud chlàir; agus dh'éirich Maois suas, gu moch sa' mhaduinn, agus chaidh e agus do shliabh Shìnai, mar a dh'àithn an Tighearna dha, agus thug e leis na làimh an dà chlàr chloiche.

5 Agus thàinig an Tighearna nuas ann an neul, agus sheas e maille ris an sin; agus ghairm e air ainm an Tighearna.

6 Agus chaidh an Tighearna seachad fa' chomhair, agus ghairm e, AN TIGHEARN. AN TIGHEARN DIA, iochdmhor agus grasmhor, fad-fhulangach, agus pailt' ann an caoimhneas<sup>1</sup> agus am fùinn,

7 A' gleidheadh tròcair do mhàitibh, a' mathadh m aingidheachd agus eusaontais, agus peacaidh, agus nach saor air aon deigh an ciontach; a' leantuinn aingidheachd nan aithreachan air a' chloinn, agus air cloinn na cloinne, air an treas<sup>n</sup> agus air a' cheathramh ginealach.

8 Agus rinn Maois deisro agus chrom e 'cheann ri lar, agus rinn e aoradh.

9 Agus thubhairt e, Ma fhuair mi nis deagh-ghean a'd' shùilibh, O Thighearna, rachadh mo Thighearna, guidheam ort, 'nar measg, (oir is sluagh rag-mhuinealach iad,) agus math dhuinn ar n-aingidheachd agus ar peacadh, agus gabh sinn mar t'oighreachd féin.

10 Agus thubhairt e, Feuch, ni

g ullamh.

h na caoraich no

'n crodh.

i seach.

l tròcair.

m a' maitheamh: a'

toirt air falbh aingidheachd. Eabh.

n gu nùig an treas.

o cabhag.

mise coimhcheangal : ann an làthair do shluaigh uile nì mi nithe iongantach, nithe nach d'rinneadh an leithid air an talamh uile, no ann an aon chinneach : agus chi an sluagh uile, am measg *am bheil* thu, obair an Tighearna: oir is nì uambasach a nì mise riut.

11 Coimhid thusa an nì a *tha* mi 'g àitbneadh dhuit an d'ùgh: Feuch, fuadaichidh mi mach<sup>a</sup> romhad an t-Amorach, agus an Canaanach, agus an t-Hiteach, agus am Peridseach, agus an t-Hibheach, agus an Iebusach.

12 Thoir an aire dhuit féin, an t-eagal gu'n dean thu coimhcheangal ri luchd-àiteachaidh na tire, d'am bheil thu dol, an t-eagal gum bi e na ribeadh a'd' inheadhon.

13 Ach sgrìosaidd sibh an altair-ean, agus brisidh sibh an dealbhan, agus gearraidh sibh sìes an doir-eachan b.

14 Oir cha dean thu aoradh do dhia sam bith eile: oir an Tighearna, d'an ainm Eudmhor, is Dia eudmhor e:

15 An t-eagal gu'n dean thu coimh-cheangal ri luchd-àiteachaidh na tire, agus gu'n d' théid iad le striopachas an déigh an diathan, agus gu'n d' thoir iad iobairt d'an déibh, agus gu'n d' thoir *neach* cuireadh dhuit, agus gu'n ith thu d'a iobairt;

16 Agus gu'n gabh thu d'an nìgheanaibh do d' mhic, agus gu'n d' théid an nìgheana le striopachas an déigh an diathan, agus gu'n d' thoir iad air do mhic dol le striopachas an déigh an diathanna.

17 Cha dean thu dhuit féin dèe leaghta.

18 Féisd<sup>d</sup> an arain neo-ghoirtichte cumaidh tu: seachd laithean ithidh tu arain neo-ghoirtichte, mar a dh'àithn mi dhuit, ann an àm a' mhìos Abibe; oir anns a' mhìos Abib thàinig thu mach as an Eiphit.

19 Gach nì a dh'fhosgla a' bhruf is leams' e; agus gach ceud-ghin an measg do spréidhe, *m'as ann* do'n bhuar, no do na caoraich e a *bhios firionn*.

20 Ach ceud-ghin asail fuasglaidh tu le h-uain; agus mur fuasgail thu e, an sin brisidh tu 'amhachh. Uile chend-ghin do mhac fuasglaidh tu:

<sup>a</sup> tilgidh mi mach.  
coille.

<sup>c</sup> dèe.

<sup>f</sup>leadh, cuirm.

<sup>e</sup>cheud thoraidh.

<sup>g</sup>chrodh.

<sup>b</sup> badan-  
coille.

<sup>d</sup> féill,

<sup>e</sup> mìos a'

<sup>f</sup> a' mhachlag.

<sup>h</sup> mhuincal.

agus cha nochdair a h-acn a'm' làthair-sa salamh.

21 Sè laithean nì thu obair, ach air an t-seachdamh là gabhaidh tu fois: ann an àm an treabhaidh, agus anns an fhoghar gabhaidh tu fois.

22 Agus cumaidh tu féisd nan seachduine, a' cheud toraidh do fhoghar a' chrùithneachd, agus féisd a' chròdhaidh ann an deireadh na bliadhna.

23 Tri uaire sa' bhliadhna nochdar do mhic uile an làthair an Tighearna Iehobhab, Dé Israeil.

24 Oir tilgidh mi mach na cinnich romhad, agus nì mi do chrìocha nì's farsuinge; agus cha nì annaich duine sam bith t'fhearann, an nair a théid thu suas g'ad nochdadh féin an fianais an Tighearna do Dhé, tri uaire sa' bhliadhna.

25 Cha 'n iobair thu fuil m'ìob-airtsa le taois ghort, cha mò a dh'fhàgar gu maduinn iobairt féisd na càisge.

26 Toiseach ceud thoraidh t'fhearainn bheil thu do thigh an Tighearna do Dhé. Cha bhrùich thu meann am bainne a mhàthar.

27 Agus thubhairt an Tighearna ri Maois, Sgrìobh thusa na focail so: oir a rèir brìgh nam focal so rian mise coimhcheangal riut féin, agus ri h-Israel.

28 Agus bha e 'n sin maille ris an Tighearna dà fhichead là agus dà fhichead oidhche: cha d'ith e aran, nì mò dh'ol e uisge: agus sgrìobh e air na clàir focail a' choimhcheangail, na deich àitheanta.

29 Agus an uair a thàinig Maois a nuas o' shliabh Shinaì, (le dà chlàr na tanaise ann an làmh Mhaois, an uair a thàinig e 'nuas o'n t-sliabh) cha robh fios aig Maois gu'n do dhealraich croicionn 'aghaidh, am feadh 'sa bha e comradh ris.

30 Agus dh'amhaire Aaron agus clann Israeil uile air Maois; agus feuch, dhealraich croicionn 'aghaidh, agus bha eagal orra teachd am fagus da.

31 Agus ghairm Maois orra, agus phill Aaron agus uachdarain a' choimhthionail uile d'a ionnsuidh: agus rinn Maois comradh riu.

32 Agus na dh'éigh sin thàinig clann Israeil uile am fagus da; agus dh'àithn e dhoibh na h-uile *nithe* a labhair an Tighearna ris ann an sliabh Shinaì.

33 Agus sguir Maois a labhairt i taisbeanar. 1 féisd, a' chrùithneachaidh, cuirm an deire-tharruing.



riu; agus chuir e gnùis-bhrat air aghaidh.

34 Ach an nair a chaidh Maois a steach an làthair an Tighearna a labhairt ris, thug e 'n gnùis-bhrat deth, gus an d'fhàinig e mach. Agus thàinig e mach, agus labhair e ri cloinn Israeil an *ni sin* a dh'àithn-eadh dha.

35 Agus chunnaic clann Israeil aghaidh Mhaois, gu'n do dhealraich croicinn aghaidh Mhaois: agus chuir Maois an gnùis-bhrat air aghaidh a ris gus an deachaidh e stigh a labhairt ris.

## CAIB. XXXV.

**A** GUS chruinnich Maois coimh-thional chloinn Israeil uile r'a chéile, agus thubhairt e riu, Sin na nithe a dh'àithn an Tighearna gu'n deanadh sibh iad.

2 Sè laithean nithear obair, ach bithidh an seachdamh là dluibh na là naomha, na shàbaid thàimh do'n Tighearna: ge b'e neach a ni obair air, cuirear gu bàs e.

3 Cha'n fhadaidh sibh teine sam bith air feadh bhur n-àiteacha-còmhuidh air là na sàbaid.

4 Agus labhair Maois ri coimh-thional chloinn Israeil uile, ag ràdh, So an ni a dh'àithn an Tighearna, ag radd,

5 Togaibh 'nar measg tabhartas do'n Tighearna: gach neach aig am bheil cridhe toileach, thugadh e leis e, tabhartas do'n Tighearna; òr, agus airgiod, agus ùmha,

6 Agus gorm, agus corcur, agus scarlaid, agus anart grinn, agus *fionna* ghabhar,

7 Agus croicne reitheachan air an dath' dearg, agus croicne bhroc, agus fiodh sitim,

8 Agus oladh air son soluis, agus spioraidh air son oladh-ungaidh, agus air son tùis chùbhraidh.

9 Agus clachan onics, agus clachan a chum an ceangal, air son na h-ephoid, agus air son na h-ùchd-éididh.

10 Agus thigeadh gach duine glic-chridheach 'nar measg, agus deanadh e gach *ni*, a dh'àithn an Tighearna;

11 Am pàillion, a bhùth, agus a chòmhdach, a chromagan, agus a bhuid, a chroinn, a phostan, agus a bhuiinn;

12 An àire agus a bataichean, cathair-na-tròcair agus roinn-bhrat a' chòmhdach;

13 Am bord agus a bhataichean,

a còmhdach: *ve'l*. Sa 3.

b briathra.

agus a shoithichean uile, agus an t-aran taisbeantac;

14 Agus an coimleir a chum an t-soluis, agus uidhean, agus a lòchrain, maille ri ola chum an t-soluis;

15 Agus altair na tùisé, agus a bataichean, agus an oladh ungaidh, agus an tùis chùbhraidh, agus an cùrtean air son doruis a' phàilliuin;

16 Altair na h-ìobairt-loisgte agus a cliath ùmhac, a bataichean, agus a soithichean uile, an soitheach-ionmlaid agus a chas;

17 Cùrteinean na cùrte, a puist agus a buinn, agus cùrtean air son doruis na cùrte;

18 Pinneachan a' phàilliuin; agus pinneachan na cùrte, agus an cuid;

19 Eaidh an fhrithealaidh, a fhrithealadh san *ionad* naomha; an éididh naomha air son Aaron an t-sagairt, agus éididh air son a chuid mac, a fhrithealadh ann an dreuchd an t-sagairt.

20 Agus dh'fhalbh coimhthionail chloinn Israeil uile a làthair Mhaois.

21 Agus thàinig iad, gach aon duine a dhùisg a chridhe suas, agus gach duine a rinn a chridhe toileach, agus thug iad leo tabhartas an Tighearna air son oibre pàilliuin a' choimhthionail, agus air son a sheirbhis uile, agus air son na h-éididh naomba.

22 Agus thàinig iad, aaron z fir agus muai, a' mhead's aig an robh cridhe toileach, agus thug iad leo bràisteanh agus cluas-ìbailean, agus fàinneachan, agus criosa-muineil, gach uidheam òir: agus gach fear a thug seachad, thug e seachad tabhartas òir do'n Tighearna.

23 Agus gach fear aig an d'fhuaradh gorm, agus corcur, agus scarlaid, agus anart grinn, agus *fionna* ghabhar, agus croicne dhearg reitheachan, agus croicne bhroc, thug iad leo iad.

24 Gach duine a thug seachad tabhartas airgid agus umha, thug e leis tabhartas an Tighearna: agus gach duine aig an d'fhuaradh fiodh sitim chum oibre sam bith do'n t-seirbhis thug e leis e.

25 Agus shnuimh na muai uile, a bha glic-chridheach, le'n làmban, agus thug iad leo an ni a shnuimh

c aran na fianuis. d brat an doruis air son doruis a' phàilliuin.  
Eabh. c criathar praise.  
f tairncean, seamanan. g an dà chuid. h d'algan.  
i paideirein. l seudan òir nu leir.

iad, an gorm, agus an corcur, an scarlaid, agus an t-anart grinn.

26 Agus na mnàì uile, a dhùisg an cridhe suas ann an gliocas, shníomh iad *fionna* ghabhar.

27 Agus thug na h-uachdarain leo clachan onics, agus clacha chum an ceangal, air son na h-ephoid, agus air son na h-uehd-éididh;

28 Agus spìosraidh, agus oladh air son an t-soluis, agus air son na h-oladh-ungaidh, agus air son na tùis chùthraidh.

29 Thug clann Israeil tabhartas toileach a dh'ionnsuidh an Tighearna, gach fear agus bean a rinn an cridhe toileach a thoirt a chum gach gnè oibre, a dh'àithn an Tighearna dheanamh le làimh Mhaois.

30 Agus thubhairt Maois ri cloinn Israeil, Faicibh, ghairm an Tighearn air ainm Besaleel mac Uri, mhic Hur, do thréibh Iudaih;

31 Agus lion se e le spiorad Dhé, ann an gliocas, ann an tuigse, ann an eolas, agus anns gach gnè oibre;

32 Agus a dhealbhadh a oibre ealanta, a dh'oibreachadh ann an òr, agus ann an airgiod, agus ann an umha,

33 Agus ann an gearradh chlach chum an ceangal, agus ann an snaidheadh fiodha, a dheanamh gnè sam bith a dh'obair ealanta.

34 Agus chuir e na chridhe gu'n teagaisgeadh e, e féin, agus Aholiab, mac Ahisamaich do thréibh Dhan.

35 Lion e iadsan le gliocas cridhe, a dh'oibreachadh gach gnè oibre, oibre a' ghearradair, agus an oibriche ealanta, agus an oibriche le snàthaid ann an gorm, agus ann an corcur, ann an scarlaid, agus ann an anart grinn, agus an fhigheadair, a ni obair sam bith, agus a dhealbhas obair ealanta.

CAIB. XXXVI.

**A** GUS dh'oibrich Besaleel agus Aholiab, agus gach duine glic-chridheach d'an d'thug an Tighearna gliocas agus tùr<sup>b</sup>, a thuigsinn cionnus a dheanadh iad gach gnè oibre air son seirbhis an *ionaid* naomha, réir gach ni a dh'àithn an Tighearna.

2 Agus ghairm Maois air Besaleel, agus air Aholiab, agus air gach duine glic-chridheach, d'an d'thug an Tighearna gliocas na chridhe, eadhon gach aon a dhùisg a chridhe suas, gu teachd a chum na h-oibre g'a deanamh.

3 Agus ghabh iad o Mhaois na tabhartasan uile, a thug clann Is-

rael leo chum oibre seirbhis an *ionaid* naomha, g'a deanamh. Agus thug iad fathast d'a ionnsuidh saor thabhartasan gach aon mhaduinn.

4 Agus thàinig na daoine glic uile, a rinn uil' obair an *ionaid* naomha, gach duine ac' o obair féin, a *bha* iad a' deanamh;

5 Agus labhair iad ri Maois, ag ràdh, 'Tha 'n sluagh a' toirt leo tuille mornani's leòr, achum seirbhis na h-oibre dh'àithn an Tighearna a dheanamh.

6 Agus dh'àithn Maois, agus thugadh gairm air feadh a' chainp, ag ràdh, Na deanadh fear no bean sam bith tuilleadh oibre air son tabhartais an *ionaid* naomha. Mar sin thoir misgeadh c' d'on t-sluagh *ni sam bith* a thoirt leo.

7 Oir bu leòr an t-uidheam d a bh'aca air son na h-oibre uile, g'a deanamh, agus hu tuille 's ni bu leòr e.

8 Agus rinn gach duine glic-chridheach nam measg-san, a dh'oibrich obair a phàilliun<sup>e</sup>, deich cùirteine do anart grinn toinnte, agus do ghorm, agus do chorcur, agus do scarlaid; le cerubaibh a dh'obair ealanta rinn e iad:

9 Fad aon chùirtein ochd làmh-coille thar fhichead, agus leud aon chùirtein ceithir làmh-coille; na cùirteinean uile dh'aon tomhas.

10 Agus cheangail e cùig cùirteine gach aon r'a chéile: agus na cùig cùirteinean eile cheangail e gach aon r'a chéile.

11 Agus rinn e lùban do ghorm air soir aon chùirtein o'n iomall sa' choimhcheangal: air a'mhodh cheudna rinn e ann am soir a' chùirtein eile 's faide mach, ann an coimhcheangal an dara h-aon.

12 Leth-cheud lùb rinn e ann an aon chùirtein, agus leth-cheud lùb rinn e ann an iomall a' chùirtein, a *bha* ann an coimhcheangal an dara h-aon: cheangail na lùban aon chùirtein ri cùirtein eile f.

13 Agus rinn e leth-cheud cromag òir, agus choimhcheangail e na cùirteinean aon ri h-aon leis na cromag-aibh. Mar sin rinneadh e na aon phàillium.

14 Agus rinn e cùirteine do *fhionna* ghabhar, air son a' bhùtha os cionn a' phàilliun<sup>s</sup>: aon chùirtein deug rinn e dhiubh:

c *bhacadh*. d *stubb*: obair. Eabh.

e a' phubhuill. f *bha na lùban*

fa chomhair a' chéile. Eabh.

s gu bhi 'nan còmhach air a' phàillium.

a a thumadh.

b tuisge.

15 *B'e* fad aon chùirtein deich làmbha-coille thar fhichead, agus ceithir làmbha-coille leud aon chùirtein: *bha'n* t-aon chùirtein deug a dh'aon tomhas.

16 Agus choimhcheangail e cùig cùirteine leo féin, agus sè cùirteine leo féin.

17 Agus rinn e leth-cheud lùb air an fhoir a b'fhaide mach do'n chùirtein sa' choimhcheangal, agus leth-cheud lùb rinn e air foir a' chùirtein, a tha coimhcheangal an dara h-aon.

18 Agus rinn e leth-cheud cromag a dh'umha, a cheangal a' bhùtha r'a chéile, chum as gu'm biodh e na aon.

19 Agus rinn e còmh-dach do'n bhùth, do chroicnibh reitbeachan air an dath' dearg, agus còmh-dach do chroicnibh bhroc os a cheann.

20 Agus rinn e buird do'n phàilliuin do fhiodh sitim, nan seasamh:

21 Deich làmbha-coille fad buird, agus làmh-choille gu leth leud aon bhuid.

22 *Bha* dà làimh a aig aon bhord, air an cur an ordugh aon fa chomh-air a h-aonb: mar so rinn e ri bùird a' phàilliuin uile.

23 Agus rinn e buird do'n phàilliuin: fichead bord air son an taoibh dheas, ris an airde deas.

24 Agus dà fhichead cas e airgid rinn e fuidh 'n fhichead bord: dà chois fuidh aon bhord a réir d a dhà làimh, agus dà chois fuidh bhord eile a réir a dhà làimh.

25 Agus air son taoibh eile a' phàilliuin a ta ris an airde tuath, rinn e fichead bord.

26 Agus an dà fhichead cas a dh'airgid; dà chois fuidh aon bhord, agus dà chois fuidh bhord eile.

27 Agus air son thaobh a' phàilliuin ris an aird' an iar, rinn e sè buird.

28 Agus rinn e dà bhord air son òisinnan a' phàilliuin san dà thaobh.

29 Agus bha iad air an ceangal ri chéile fuidhe, agus mar an ceudna bha iad air an coimhcheangal aig a cheann ri h-aon fhailbheig: mar so rinn e ri u le chéile san dà oisinn.

30 Agus bha oehd buird ann, agus an casan a dh'airgid, eadhon sè casa deug; dà chois fuidh gach bord.

31 Agus rinn e croinn do fhiodh

sitim, cùig air son bhord aon taoibh do'n phàilliuin.

32 Agus cùig croinn air son bhord an taoibh eile do'n phàilliuin, agus cùig croinn air son bhord a' phàilliuin a chum nan taobh a ta ris an aird an iar.

33 Agus thug e air a' chrann mheadhonach dol troimhe na buird o cheann gu ceann.

34 Agus chòmhdaich e thairis na buird le h-òr, agus rinn e'm failbheagan a dh'òr gu bhì nan àitibh do na croinn, agus chòmhdaich e thairis na croinn le h-òr.

35 Agus rinn e roinn-bhrat do ghorm, agus do choreur, agus do scarlaid, agus do anart grinn toinn-te: a dh'obair ealanta rinn se e, le cerubaibh.

36 Agus rinn e dha ceithir puist do fhiodh sitim, agus chòmhdaich e thairis iad le h-òr: *bha* 'n cromagan a dh'òr, agus thilg e dhoibh ceithir buinn airgid.

37 Agus rinn e air son doruis a' bhùtha g, brat h do ghorm, agus do choreur, agus do scarlaid, agus do anart grinn toinn-te, dh'obair snàth-aide:

38 Agus a chùig postan le 'n cromagaibh: agus chòmhdaich e thairis an cinn, agus an cuairteagan le h-òr: ach *bha* 'n cùig buinn a dh'umha.

#### CAIB. XXXVII.

**A** GUS rinn Besaleel an àire do fhiodh sitim; dà làimh-choille gu leth a fad, agus làmh-choille gu leth a leud, agus làmh-choille gu leth a h-airde:

2 Agus chòmhdaich e thairis i le h-òr fìor-ghlan a stigh agus a muigh; agus rinn e coron òir dh'i m'an cuairt.

3 Agus thilg e dh'i ceithir failbheagan òir, gu bhì air a ceithir oisinnibh; eadhon dà fhailbheig air aon taobh dh'i, agus dà fhailbheig air an taobh eile dh'i.

4 Agus rinn e bataichean do fhiodh sitim, agus chòmhdaich e thairis iad le h-òr.

5 Agus chuir e na bataichean sna failbheagaibh air taobhan na h-àirce, chum an àire a ghiùlan.

6 Agus rinn e cathair-na-tròcair a dh'òr, fìor-ghlan, dà làimh-choille gu leth a fad, agus làmh-choille gu leth a leud.

7 Agus rinn e dà cherub a dh'òr, buailte mach a h-aon mhìr rinn e

<sup>a</sup> tarsannain; tenons. Sasg.  
<sup>b</sup> gach aon co fhad o chéile. c cos,  
<sup>d</sup> air son.

<sup>e</sup> roimh; tre, trid. Eir. frinn.  
<sup>g</sup> a' phàilliuin, a' phubhuill. h còmh-dach cùirtein.

iad, aig dà cheann cathair-na-tròcair;

8 Aon cherub aig a' cheann air an taobh so, agus cerub eile aig a' cheann air an taobh ud: a mach a cathair-na-tròcair rinn e na ceruban aig a dà cheann.

9 Agus bha na ceruban a' sgaoil-eadh an sgiathan gu h-ard, a' comhdachadh le 'n sgiathaibh os cionn cathair-na-tròcair, agus an aghaidhean a' r'a chéile; ri cathair-na-tròcair bha aghaidhean nan cerub.

10 Agus rinn e 'm bord do fhiodh sitim: dà làmh-choille 'fhad, agus làmh-choille a leud, agus làmh-choille gu leth 'airde.

11 Agus chomhdaich e thairis e le h-òr fìor-ghlan, agus rinn e dha coron òir m'an cuairt.

12 Mar an ceudna rinn e dha iomall do leud boise m'an cuairt: agus rinn e coron òir d'a iomall m'an cuairt.

13 Agus thilg e dha ceithir failbheagan òir, agus chuir e na failbheagan air na ceithir oisinnibh, a bha aig a cheithir chasaibh.

14 Thall fa chomhair aa iomaill bha na failbheagan, na h-àiteachan do na bataichibh, agus am bord a ghiùlan.

15 Agus rinn e na bataichean do fhiodh sitim, agus chomhdaich e thairis iad le h-òr, agus am bord a ghiùlan.

16 Agus rinne e na soithichean, a bha air a' bhord, a mhasan, agus a thùiseirean, agus a chopain, agus a chuachan leis an d' thoir seachad tabhartas-dìbhe, a dh'òr fìor-ghlan.

17 Agus rinn e 'n coinnleir a dh'òr fìor-ghlan; a dh'obair bhuailte rinn e 'n coinnleir: bha 'chas agus a mheur b, a chopain, a chnapan, agus a bhlathan, do'n nì cheudna.

18 Agus sè meoir a' dol a mach as a thaobhan: trì meoir a' choinnleir a h-aon taobh dheth, agus trì meoir a' choinnleir as an taobh eile dheth.

19 Tri copain àir an deanamh cosmhuil ri almonaibh ann an aon mheur, maille ri cnap agus blàth; agus tri copain air an deanamh cosmhuil ri almonaibh, ann am meur eile, maille ri cnap agus blàth: mar sin anns na sè meoir a' dol a mach as a' choinnleir.

20 Agus anns a' choinnleir bha ceithir copan air an deanamh cosmhuil ri almonaibh, maille r' a chnap agus a bhlathan.

21 Agus cnap fuidh dhà mheur dheth, agus cnap fuidh dhà mheur dheth, agus cnap fuidh dhà mheur dheth, a réir nan sè meur a' dol a mach as.

22 Bha 'n cnaip agus am meoir do'n nì cheudna: b'aon obair bhuailte a dh'òr fìor-ghlan an t-iomlan dheth.

23 Agus rinn e a sheachd lèch-rain, agus a smàladairean, agus a smàl-shoithichean, a dh'òr fìor-ghlan.

24 Do thàlann òir fhìor-ghloin rinn se e, agus a shoithichean uile.

25 Agus rinn e altair na tùise do fhiodh sitim: làmh-choille a fad, agus làmh-choille a leud, (bha i ceithir-chearnach,) agus dà làmh-choille a h-àirde; bha a h-adhaircean do'n nì cheudna.

26 Agus chomhdaich e thairis i le h-òr fìor-ghlan, a mullach, agus a thaobhan m'an cuairt, agus a h-adhaircean; agus rinn e coron òir dh'i m'an cuairt.

27 Agus rinn e dà fhailbheig òir dh'i fuidh a coron, aig a dà oisinn, air a dà thaobh, gu lhi nan àitibh do na bataichibh chum a ghiùlan leo.

28 Agus rinn e na bataichean do fhiodh sitim, agus chomhdaich e thairis iad le h-òr.

29 Agus rinn e an oladh-ungaidh naomha, agus an tùis thior ghlan do spioraidh chùbhraidh, a réit oibre an léighe.

#### CAIB. XXXVIII.

A GUS rinn e altair na h-iobairt-loisgte do fhiodh sitim: cùg làmh-choille a fad, agus cùg làmh-choille a leud, (bha i ceithir-chearnach,) agus trì làmh-choille a h-àirde.

2 Agus rinn e a h-adhaircean air a ceithir oisinnibh: bha a h-adhaircean do'n nì cheudna; agus chomhdaich e thairis i le h-umha.

3 Agus rinn e uile shoithichean na h-altarach, ra h-aigheannan f, agus na sluasaidean, agus na cuachan, agus na greimichean, agus na h-aigheannan-teine: a soithichean uile rinn e a dh'umha.

4 Agus rinn e do'n altair cliath do lion-obair umha, f'a cuairt gu h-ìosal, gu nuig a meadhon.

5 Agus thilg e ceithir failbheagan do cheithir oisinnibh na cléith umha, gu lhi nan àitibh do na bataichibh.

6 Agus rinn e na bataichean do

c a chlobhachan. d a j. e an ollaidh, an lusragan. f coireachan, poitean. g chinn.



fhiodh sitim, agus chòmhdach e thairis iad le h-umha.

7 Agus chuir e na bataichean sna failbheagaibh air taobhan na h-altarach, chum a giùlan leo; fàs le bordaibh rinne i.

8 Agus rinn e an soitheach-ionnlaid *a dh'umha*, agus a chas a *dh'umha*, do sgàthanaibh *nam ban*, a chruinnich 'nam buidhneibh aig dorus pàilliuin a' choimh-thionail a.

9 Agus rinn e chùirt air an taobh mu dheas, ris an airde deas: *bha* cùirteinean na cùirte do anart grinn toinnte, ceud làmh-choille *air fad*;

10 Am puist fichead, agus am buinn umha, fichead; *bha* cromagan nam post agus an cuairteagan *a dh'airgiod*.

11 Agus air an taobh mu thuath, *bha* na cùirteine do cheud làmh-choille; am puist fichead, agus am buinn umha fichead: cromagan nam post, agus an cuairteagan *b a dh'airgiod*.

12 Agus air an taobh an iar *bha* cùirteine do leth-cheud làmh-choille; am puist deich, agus am buinn deich: cromagan nam post agus an cuairteagan *a dh'airgiod*.

13 Agus air an taobh an ear ris an aird an ear, leth cheud làmh-choille.

14 *Bha* cùirteinean aon taoibh do'n gheata cùig làmha-coille deug; am puist tri, agus am buinn tri.

15 Agus air son an taoibh eile do gheata na cùirte, air an làmh so agus air an làmh ud, *bha* cùirteine do chùig làmha-coille deug; am puist tri, agus am buinn tri.

16 *Bha* cùirteinean na cùirte uile m'an cuairt *a dh'anart grinn toinnte*.

17 Agus *bha* buinn nam post *a dh'umha*; cromagan nam post, agus an cuairteagan *a dh'airgiod*, agus còmhdach an ceann *a dh'airgiod*; agus *bha* uile phuist na cùirte air an ceangal m'an cuairt le h-airgiod.

18 Agus *bha* 'm hrat air son geataidh na cùirte na obair shnàthaid do ghorm, agus do chorcur, agus do scaraid, agus do anart grinn toinnte: agus *b'e* fichead làmh-choille 'fhad, agus *b'e* 'airde san leud cùig làmha-coille, a' coimh-fhreagairt do chùirteinibh na cùirte:

19 Agus am puist ceithir, agus am buinn umha ceithir; an cromagan

*a a bha cruinneachadh, a chruinnich aig dorus bùtha a' choimh-thionail. Eabh. b stìoman.*

*c cuairtiche, stìomaichte.*

gan *a dh'airgiod*, agus còmhdach an ceann, agus an cuairteagan *a dh'airgiod*.

20 Agus *bha* uile plinneachan a' phàilliuin agus na cùirte m'an cuairt, a *dh'umha*.

21 *Is e sin àireamh nithe a' phàilliuin, pàilliuin na fianuis, mar a dh' àirmheadh iad, a réir àithne Mhaois, air son seirbhis nan Lebh-each, le làimh Itamair, mhic Aaroin an t-sagairt.*

22 Agus rinn Besaleel mac Uri, mhic Shur, do thréibh Iudaibh, gach *ni a dh'àithn an Tighearna do Mhaois*;

23 Agus maille ris Aholiab, mac Abisamaich, do thréibh Dhan, gearradair, agus oibriche ealanta, agus fear oibre gréis ann an gorm, agus ann an corcur, agus ann an scaraid, agus ann an anart grinn.

24 *B'e 'n t-òr uile a chuireadh am feum e san obair, ann an u' obair an ionaid naomha, eadhon òr an tabhartais, naoi tàlanna fichead, agus seachd ceud agus deich secel 'ar fhichead, a réir seceil an ionaid naomha.*

25 Agus *b'e* airgid na muinntir a *dh' àirmheadh do'n choimhthionail*, ceud tàlann, agus mìle agus seachd ceud agus cùig secel deng agus tri fichead, a réir seceil an ionaid naomha:

26 Becah air son gach òr, *'s e sin leth seceil, a réir seceil an ionaid naomha, air son gach aon a chaidh gu bhì air an àireamh, o fhichead bliadhn' a dh'aois agus os a cheann, air son shè ceud mìle agus trì mìle agus chùig ceud, agus leth-cheud fear.*

27 Agus do'n cheud tàlann airgid thilgeadh buinn an ionaid naomha, agus buinn an roinn-bhrait; ceud bonn do'n cheud tàlann, tàlann do gach bonn.

28 Agus do'n mhìle agus sheachd ceud agus a' chùig secel deug agus tri fichead, rinn e cromagan do na puist, agus chomhdaich e'n cinn, agus chuir e cuairteagan m'an tim-chioll f.

29 Agus *b'e* um'a an tabhartais deich agus tri fichead tàlann, agus dà mhìle agus ceithir cheud secel.

30 Agus rinn e le sin na buinn do dhorus pàilliuin a' choimhthionail, agus an altair umha, agus a' chliath umha aice, agus soitheichean na h-altarach uile,

31 Agus buinn na cùirte m'an *d grèisear; embroiderer. Sasg-e a chaitheadh. f stìnich e iad.*

cùirt, agus buinn geataidh na cùirte, agus uile phinneachan a' phàilliuin, agus uile phinneacha na cùirte m'an enairt.

## CAIB. XXXIX.

**A**GUS do'n ghorm, agus do'n chorcur, agus do'n scarlaid, rinn iad éididh a' frithealaidh, gu frithealadh san ionad naomha, agus rinn iad éididh naomha do Aaron; mar a dh'àithn an Tighearna do Mhaois.

2 Agus rinn e'n ephod do òr, do ghorm, agus do chorcur, agus do scarlaid, agus do anart grunn toinnte.

3 Agus bhual iad a mach an t-òr na leachdaibh b' tana, agus ghearr iad e na shnàinnibh c, a chum oibreachadh am measg a' ghuirm, agus am measg a' chorcur, agus am measg na scarlaid, agus am measg an anairt ghrinn le h-obair ealanta.

4 Rinn iad mirean-guailne dh'i, ceangailte ri chéile d air a dà fhoir: mar sin chuireadh ri chéile i.

5 Agus bha crìos riomhach na h-ephoid, a bha air a h-uachdar, do'n nì cheudna, a réir a h-oibre féin; eadhon do òr, do ghorm, agus do chorcur, agus do scarlaid, agus do anart grunn toinnte; mar a dh'àithn an Tighearna do Mhaois.

6 Agus dh'oibrich iad clachan onics ceangailte ann am failibh òir, air an gearradh le gearradh seulaidh, le ainmibh chloinn Israeil orra.

7 Agus chuire iad air guailnibh na h-ephoid, gu bhì nan clacha cuimhneachain do chloinn Israeil; mar a dh'àithn an Tighearna do Mhaois.

8 Agus rinn e 'n uchd-éididh le h-obair ealanta, a réir oibre e na h-ephoid, do òr, do ghorm, agus do chorcur, agus do scarlaid, agus do anart grunn toinnte.

9 Bha i ceithir-chearnach; rinn iad an uchd-éididh dà-fhillte: réir a fad agus réir a leud; bha i dà-fhillte.

10 Agus chuir iad innte ceithir sreathan chlach: a' cheud sreath, sardius, topas, agus carbuncle: so a' chend sreath.

11 Agus an dara sreath, emerald, saphir, agus daoimein.

12 Agus an treas sreath, ligur, agat, agus ametist.

13 Agus an ceathramh sreath, beril, onics, agus iasper: bha iad

a truscan, aodaichean.

naibh. c theudaibh.

ceangal ri chéile.

obair.

b lan-

d g'a

c cosmhuil ri

air an ceangal ann am sailibh òir 'nan suidheachadh f.

14 Agus bha na clachan a réir ainmeanna chloinn Israeil, a dhà-dheug a réir an ainmeanna, le gearradh seulaidh, gach aon aca le h-ainm féin, a réir an dà thréibh dheug.

15 Agus rinn iad air an uchd-éididh slabhruidhean aig na cinn, a dh'obair shnìomhta dh'or fìor-ghlan.

16 Agus rinn iad dà fhail òir, agus dà fhàinne òir: agus chuir iad na dà fhàinne air dà cheann na h-uchd-éididh.

17 Agus chuir iad an dà shlabhruidh shnìomhta san dà fhàinne air cinn na h-uchd-éididh.

18 Agus dhaingnich iad dà cheann na dà shlabhruidh shnìomhta san dà fhail, agus chuir siad iad air mìribh-guailne na h-ephoid air a beulaobh.

19 Agus rinn iad dà fhàinne òir, agus chuir siad iad air dà cheann na h-uchd-éididh, air an iomall dith, a bha air taobh na h-ephoid a stigh.

20 Agus rinn iad dà fhàinne òir eile, agus chuir siad iad air dà thaobh na h-ephoid gu h-ìosal, leth ris a' chuid bheoil dith, fa chomh-air a' coimhcheangail eile, os ceann crìos riomhach na h-ephoid.

21 Agus cheangail iad an uchd-éididh leis a fàinnibh ri fàinnibh na h-ephoid le h-éill ghuirm, a chum gu'm bitheadh i os ceann crìos riomhach na h-ephoid, agus nach biodh an uchd-éididh air a snasgladh o'n ephoid. mar a dh'àithn an Tighearna do Mhaois.

22 Agus rinn e falluing na h-ephoid a dh'obair fhìghe, uile do ghòrna.

23 Agus bha toll am meadhon na falluinge, mar tholl lùiriche-màillich, agus foir e timchioll a tuill, a chum nach reubtadh i.

24 Agus rinn iad air iomall na falluinge pomgranata do ghorm, agus do chorcur, agus do scarlaid, agus do anart toinnte.

25 Agus rinn iad cluig a dh'òr fìor-ghlan, agus chuir iad na cluig eadar na pomgranatan, air iomall na falluinge m'an cuairt eadar na pomgranata:

26 Clag agus pomgranat, clag agus pomgranat, air iomall na falluinge m'an cuairt, a fhrithealadh innte, mar a dh'àithn an Tighearna do Mhaois.

f dùnadh, cur. s iomall, bann.

27 Agus rinn iad còtaichean a dh'anart grinn, a dh'obair fhighte, air son Aaroin agus a chuid mac,

28 Agus crùn-sagairt a dh'anart grinn, agus bonaidean sgianhach a dh'anart grinn, agus briogais anairt a dh'anart grinn toinnte.

29 Agus crios do anart grinn toinnte, agus do ghorm, agus do chorcur, agus do scarlaid, a dh'obair shuàthaide, mar a dh'àithn an Tighearna do Mhaois.

30 Agus rinn iad leachda a chrùn naomha dh'or fìor-ghlan, agus sgrìobh iad oirre sgrìobhadh, *cosmhùil ri gearradh seulaidh*, **NAOMHACHD DO'N TIGHEARNA.**

31 Agus cheangail iad rithe iall do ghorm g'a daingneachadh air a' chrùn gu h-ard, mar a dh'àithn an Tighearna do Mhaois.

32 Mar so chrìochnaich eadhail uil' obair pàilliun bùtha a' choimhthionail b: agus rinn clann Israeil a réir gach nì a dh'àithn an Tighearna do Mhaois; mar sin rinn iad.

33 Agus thug iad am pàilliun gu Maois, am bùth, agus 'airneis uile, a chromagan, a bhuird, a chroinn, agus a phuist, agus a bhuinn;

34 Agus an còmhach do chroicnibh reitheachan air an dath' dearg, agus an còmhach do chroicnibh bhroc, agus brat a' chòmhdach;

35 Àirc na fianuis, agus a bataichean, agus cathair-na-tròcair;

36 Am bord agus a shoithichean uile, agus an t-aran taisbeanta;

37 An coinnleir fìor ghlan agus a lochrain, eadhon a lochrain gu bhì air an cur ann an ordugh, agus a shoithichean uile, agus an oladh a chum soluis;

38 Agus an altair òir, agus an oladh-ungaidh, agus an tùis chùbhraidh, agus am brat air son doruis a' pàilliun;

39 An altair umha, agus a cliath umha, a bataichean, agus a soithichean uile, an soitheach-ionnlaid agus a chas;

40 Cùirteinean na cùirte, a puist, agus a buinn, agus am brat c air son geataidh na cùirte, a cuird, agus a pinneachand, agus uile shoithiche seirbhis a' pàilliun, air son bùtha a' choimhthionail;

41 Eudach an fhritheilidhe gu

a *fleasg, blath.* b *uil' obair pàilliun, eadhon bùtha a' choimhchruinnich.* c *croch-bhrat.* d *tairngean.* e *Truscan na seirbhis.*

frithealadh san ionad naomha, an t-eudach naomha air son Aaroin an t-sagairt, agus eudach a chuid mac, a fhrithealadh ann an dreuchd an t-sagairt.

42 A réir gach nì a dh'àithn an Tighearna do Mhaois, mar sin rinn clann Israeil an obair uile.

43 Agus dh'amhairc Maois air an obair uile, agus feuch, rinn iad i mar a dh'àithn an Tighearna, eadhon mar sin rinn iad i: agus bheannaich Maois iad.

#### CAIB. XL.

**A** GUS labhair an Tighearna ri Maois, ag ràdh,

2 Air a' cheud là do'n cheud mhios cuiridh tu suas pàilliun bùtha a' choimhthionail;

3 Agus cuiridh tu ann àirc na fianuis, agus folaichidh tu 'n àirc leis an roian-bhrat.

4 Agus bheir thu stigh am bord, agus cuiridh tu 'n ordugh na nithe, a ta gu bhì air an cur an ordugh air; agus bheir thu stigh an coinnleir, agus lasaidh tu a lochrain.

5 Agus suidhichidh tu 'n altair òir, a ta chum na tùise, fa chomhair àirc na fianuis, agus cuiridh tu brat an doruis ris a' pàilliun.

6 Agus suidhichidh tu altair na h-lobairt-loisgte fa chomhair doruis pàilliun bùtha a' choimhthionail.

7 Agus suidhichidh tu 'n soitheach-ionnlaid eadar bùth a' choimhthionail agus an altair, agus cuiridh tu uisge ann.

8 Agus cuiridh tu suas a' chùirt m'an cuairt, agus crochaidh tu suas am brat aig geata na cùirte.

9 Agus gabhaidh tu an oladh-ungaidh, agus ungaidh tu 'm pàilliun, agus gach nì a ta ann, agus naomhaichidh tu e, agus a shoithichean uile: agus bithidh e naomha.

10 Agus ungaidh tu altair na h-lobairt-loisgte, agus a soitheach-ean uile, agus naomhaichidh tu an altair: agus bithidh an altair fo naomha.

11 Agus ungaidh tu an soitheach-ionnlaid agus a chas, agus naomhaichidh tu e.

12 Agus bheir thu Aaron agus a mhic gu doruis bùtha a' choimhthionail f, agus ionnailidh tu iad le h-uisge.

13 Agus cuiridh tu air Aaron an t-eudach naomha g, agus ungaidh tu e, agus naomhaichidh tu e; agus

f *pàilliun a' choimhthionail.* g *an truscan, a' chulaidh naomha.*

fritheilidh e dhombsa ann an dreuchd an t-sagairt.

14 Agus bheir thu leat a mhic, agus cuiridh tu còtaichean orra,

15 Agus ungaidh tu iad, mar a dh'ung thu 'n athair, agus fritheilidh a iad dhombsa ann an dreuchd an t-sagairt; oir bithidh gu deimhin an ungadh-sa dhoibh a chum sagartachd sìorruidh air feadh an ginealach.

16 Agus rinn Maois a réir gach nì a dh'àithn an Tighearna dha: mar sin rinn e.

17 Agus b'anns a' cheud mhìos, san dara bliadhna, air a cheud là do'n mhìos, a chuireadh suas am pàilliuin.

18 Agus chuir Maois suas am pàilliuin agus dhaingnich e 'bhuinn, agus chuir e suas a bhuird, agus chuir e stigh a chroinn, agus thog e suas a phuist.

19 Agus sgaroil e mach am bùth os cionn a' phàilliuin, agus chuir e còmhdach a' bhùtha air os a cheann, mar a dh'àithn an Tighearna do Mhaois.

20 Agus ghabh e agus chuir e an fhianuis e anns an àire, agus chuir e na bataichean air an àire, agus chuir e cathair-na-tròcair air an àire os a ceann.

21 Agus thug e 'n àire a stigh do'n phàilliuin, agus chuir e suas brat a' chòmhdach agus chòmhdach e àire na fianuis, mar a dh'àithn an Tighearna do Mhaois.

22 Agus chuir e 'm bord ann am bùth a' choimhthionail air taobh a' phàilliuin mu thuath, an taobh a muigh do'n roinn-bhrat.

23 Agus chuir e 'n t-aran ann an ordugh air, ann an làthair an Tighearna, mar a dh'àithn an Tighearna do Mhaois.

24 Agus chuir e 'n coinnleir ann am bùth a' choimhthionail thall fa chomhair a' bhuird, air taobh a phàilliuin ris an airde deas.

25 Agus las e na lòchrain ann an

làthair an Tighearna, mar a dh'àithn an Tighearna do Mhaois.

26 Agus chuir e 'n altair òir ann am bùth a' choimhthionail air beulaobh an roinn-bhrat.

27 Agus loisg e tùis chùbhraidh òirre, mar a dh'àithn an Tighearna do Mhaois.

28 Agus chuir e suas am brat d aig doras a' phàilliuin.

29 Agus chuir e altair na h-ìobairt-loisgte làimh ri doras pàilliuin bùtha a' choimhthionail, agus thug e suas oirre an ìobairt-loisgte, agus an tabhartas-bith, mar a dh'àithn an Tighearna do Mhaois.

30 Agus chuir e 'n soitheach-ionnlaid eadar bùth a' choimhthionail agus an altair, agus chuir e uisge ann, a dh'ionnlad leis.

31 Agus dh'ionnail Maois, agus Aaron, agus a mhic, an làmhan agus an cosan aige.

32 An uair a bha iad gu dol a stigh do bhùth a' choimhthionail, agus gu teachd am fagus do'n altair, dh'ionnail siad iad féin, mar a dh'àithn an Tighearna do Mhaois.

33 Agus chuir e suas a' chùirt timchioll a' phàilliuin agus na h-altarach, agus chuir e suas brat geataidh na cùirte: mar sin chrìochnaich Maois an obair.

34 An sin chòmhdach neul bùth a' choimhthionail, agus lion glòir an Tighearn am pàilliuin.

35 Agus cha b'urradh Maois dol a stigh do bhùth a' choimhthionail, a chionn gu'n do ghabh an neul còmhnuidh air, agus gu'n do lion glòir an Tighearn am pàilliuin.

36 Agus an uair a dh'éirich an neul suas o mbullach a' phàilliuin, chaidh clann Israeil air an aghaidh nan uile thurusaidh.

37 Ach mar d'éirich an neul suas, an sin cha do thriall iad gus an là san d'éirich e suas:

38 Oir bha neul an Tighearn air a' phàilliuin san là, agus bha teine air san oidheche, ann an sealladh thighe Israeil uile, air feadh an uile thurusa.

<sup>a</sup> chum gu fritheil. <sup>b</sup> an teis-  
teas. <sup>c</sup> an teisteas.

<sup>d</sup> an còmhdach.



# LEBHITICUS.

## CAIB. I.

**A**GUS ghairm an Tighearn air Masis, agus labhair e ris a pàillium a' choimhthionail a, ag ràdh,

2 Labhair ri cloinn Israeil, agus abair riu, Ma bheir duine *sam bith* agaibh tabhartas a dh'-ionnsuidh an Tighearna, bheir sibh bhuir tabhartas do'n spréidh, *eadhon* do'n bhuir agus d'on treud.

3 Ma *bhios* a thabhartas do'n bhuir na iobairt-loisgte<sup>b</sup>, thugadh e seachad *beathach* firionn gun ghaoid: aig dorus pàillium a' choimhthionail bheir e seachad e d'a shaor thoil féin, an làthair an Tighearna.

4 Agus cuiridh e a làmh air ceann na h-iobairt-loisgte: agus gabhar air a shon i, a dheanamh réite air a shon.

5 Agus marbhaidh e 'n tarbh ògc an làthair an Tighearna: agus bheir na sagairt mic Aaroin leò an fhuil, agus crathaidh iad an fhuil m'an cuairt air an altair, a *ta* aig dorus pàillium a' choimhthionail.

6 Agus fionnaidh e 'n iobairt-loisgte, agus gearraidh e i na mhiribh d.

7 Agus cuiridh mic Aaroin an t-sagairt teine air an altair, agus leagaidh iad fiodh e ann an ordugh air an teine.

8 Agus leagaidh na sagairt mic Aaroin na mirean, an ceann, agus an t-saill, ann an ordugh air an fhiodh, a *ta* air an teine, a *tha* air an altair.

9 Ach a mhionach f agus a chasan nighidh e ann an uisge: agus loisgidh a sagart an t-ìomlan air an altair, mar iobairt-loisgte, tabhartas a bheirear suas le teine, a dh'fhàile cùbhraidh h do'n Tighearna.

10 Agus ma's ann do na treudaibh a *bhios* a thabhartas, *eadhon* do na caoraich, no do na gabhraibh, chum iobairt-loisgte; na *bheathach* firionn gun ghaoid bheir e leis e.

11 Agus marbhaidh se e aig taobh na h-altarach nu thuath ann an lathair an Tighearna: agus

a *bùth* a' choimhthionail. b chum iobairt-loisgte. c *gamhuin*: mac bòtha. Eabh. d na bloighdibh. e connadh. f a ghrealach. g na h-uile. h do bholadh cùbhraidh.

crathaidh na sagairt mic Aaroin 'fhuil air an altair m'an cuairt.

12 Agus gearraidh e na mhiribh e, maille r'a cheann agus r'a shaill; agus cuiridh an sagart iad ann an ordugh air an fhiodh, a *ta* air an teine, a *tha* air an altair.

13 Ach nighidh e am mionach agus na casan le h-uisge; agus bheir an sagart leis an t-ìomlan, agus loisgidh e air an altair e, mar iobairt-loisgte, tabhartas a bheirear suas le teine, a dh'fhàile cùbhraidh do'n Tighearna.

14 Agus ma's ann do eunaibh a *bhios* a thabhartas do'n Tighearna chum iobairt-loisgte, an sin bheir e a thabhartas do tharturaibh, no do cholumanaibh òga.

15 Agus bheir an sagart e chum na h-altarach, agus snìomhaidh i e 'cheann deth, agus loisgidh e air an altair e; agus fàisgear a mach 'fhuil air taobh na h-altarach.

16 Agus spionaidh<sup>i</sup> e 'gheuban as maille r'a chloimhm, agus tilgidh e làmh ris an altair e, air an taobh an ear, a dh'aithe na luatha.

17 Agus sgoiltidh e maille r'a sgiathaibh e, *ach* cha roinn e o cheile e: agus loisgidh an sagart e air an altair, air an fhiodh a *ta* air an teine, mar iobairt-loisgte, tabhartas a bheirear suas le teine, a dh'fhàile cùbhraidh do'n Tighearna.

## CAIB. II.

**A**GUS an uair a bheir neach air a bith tabhartas-bidh do'n Tighearna, bithidh a thabhartas do phlùr min: agus doirtidh e oladh air, agus cuiridh e tùis air:

2 Agus bheir se e gu mic Aaroin na sagairt, agus gabhaidh e as làn a dhuirn d'a phlùr, agus d'a ola, maille r'a thùis uile; agus loisgidh an sagart a chuimhneachan air an altair, *gu bhì* na thabhartas air a thoirt suas le teine, a dh'fhàile cùbhraidh do'n Tighearna.

3 Agus fuigheall an tabhartais-bhidh, *is* le Aaron agus le 'mhic e: *is* ni ro naomha e do thabhartas-aibh an Tighearn air an toirt suas le teine.

4 Agus ma bheir thu seachad tabhartas bidh air a dheasachadh n san àmhuinn, *is* breacagan neo-

i spionaidh. m iteagan.

l reubaidh. n brùichte.

ghoirtichte do phlùr mìn measgta le h-oladh a *bhios ann*, no dearnagan<sup>a</sup> neo-ghoirtichte ungta le h-ola.

5 Agus ma's tabhartas-bidh air a *dheasachadh* ann an aghann a *bhios a'd'* tabhartas, bithidh e do phlùr mìn neo-ghoirtichte, measgta le h-ola.

6 Roinnidh tu e na mhìribh, agus doirtidh tu oladh air: *is* tabhartas-bidh a t'ann.

7 Agus ma *bhios* do tabhartas na tabhartas bidh o'n aghann-ròstaidh, nithear e do phlùr mìn le h-ola.

8 Agus bheir thu 'n tabhartas-bidh, a nithear do na nithibh so; chum an Tighearna: agus an uair a thaisbeanar<sup>b</sup> do'n t-sagart e, bheir se e chum na h-altarach.

9 Agus gabhaidh an sagart as an tabhartas-bidh cuimhneachan dheth, agus loisgidh se e air an altair: *is* tabhartas a *th'ann* air a thoirt suas le teine, a dh'fhàile cùbhraidh do'n Tighearna.

10 Agus an ni a dh'fhàgar do'n tabhartas-bidh, *is* le Aaron agus le 'nhiic e: *tha e* na ni ro naomha do thabhartais an Tighearna air an toirt suas le teine.

11 Cha deanar tabhartas-bidh sam bith, a bheir sibh a dh'ionnsuidh an Tighearna, le taois ghoirt; oir cha loisg sibh a' bheag do thaois ghoirt, no do mhil, ann an tabhartais an Tighearna, a bheirear suas le teine.

12 A thaobh tabhartais a' cheud tòraidh, bheir sibh seachad e do'n Tighearna: ach cha loisgear air an altair e chum fàile cùbhraidh.

13 Agus gach tabhartas-bidh a bheir thu leat, ni thu blasda le salann: cha mhò a leigeas tu le salann coimh-cheangail do Dhè bhi d'èasbhuidh air do thabhartais-bidh: le d' tabhartais uile bheir thu seachad salann.

14 Agus ma bheir thu seachad tabhartas-bidh do d' cheud thoradh do'n Tighearna, bheir thu seachad mar an tabhartas-bidh do d' cheud thoradh, diasa glasa do arbhar cruaidhichte leis an teine, *eadhon* siol buailte as na diasabh ura<sup>c</sup>.

15 Agus cuiridh tu oladh air, agus leagaidh tu tùis air: *is* tabhartas-bidh e.

16 Agus loisgidh an sagart a chuimhneachan; cuid d'a arbhar buailte, agus cuid d'a ola, maille r'a thùis uile: *is* tabhartas e a bheirear suas le teine do'n Tighearna.

**A** GUS ma *bhios* a thabhartas, a *chum* iobairt tabhartasan-sith, ma's ann do'n bhuar a bheir e seachad e, ma's fìrionn no bainionn e; bheir e seachad e gun ghaoid an làthair an Tighearna.

2 Agus cuiridh e a làmh air ceann a thabhartais, agus marbhaidh se e aig doras pàilliuin a' cheimhthionail: agus crathaidh mic Aaroin na sagairt an fhuil air an altair m'an cuairt.

3 Agus bheir e seachad do iobairt nan tabhartas-sith, tabhartas a bheirear suas le teine do'n Tighearna; an t-saill a *ta* comhdachadh a' mhìonaich, agus an t-saill uile, a *th'* air a' mhìonach.

4 Agus an dà àra, agus an t-saill a *ta* orra, a *ta* air an lochléin, agus an sgairt a *ta* os cionn nan àinean; maille ris na h-àirnibh, bheir e air falbh i.

5 Agus loisgidh mic Aaroin e air an altair, air an iobairt-loisgte, a *ta* air an fhiodh, a *th'* air an teine: *is* tabhartas e a bheirear suas le teine, a dh'fhàile cùbhraidh do'n Tighearna.

6 Agus ma's ann do'n treud a *bhios* a thabhartas, chum iobairt tabhartasan-sith do'n Tighearna, fìrionn no bainionn; bheir e seachad e gun ghaoid.

7 Ma bheir e seachad uan mar a thabhartas, bheir e seachad e an làthair an Tighearna.

8 Agus cuiridh e a làmh air ceann a thabhartais, agus marbhaidh se e fa chomhair pàilliuin a' cheimhthionail: agus crathaidh mic Aaroin 'fhuil air an altair m'an cuairt.

9 Agus bheir e seachad *cuid* do iobairt nan tabhartas-sith, mar thabhartas a bheirear suas le teine do'n Tighearna: a shaill agus an t-carball uile, teann air a' chnàimhdhroma bheir e air falbh e: agus an t-saill a *ta* comhdachadh a' mhìonaich, agus an t-saill uile a *ta* air a' mhìonach.

10 Agus an dà àra, agus an t-saill a *ta* orra, a *ta* làmh ris an lochléin, agus an sgairt os cionn nan àinean, maille ris na h-àirnibh, bheir e air falbh i.

11 Agus loisgidh an sagart e air an altair; 'se biadh an tabhartais a bheirear suas le teine do'n Tighearna e.

12 Agus ma's gabhar a *bhios* na thabhartas, bheir e seachad i an làthair an Tighearna.

13 Agus cuiridh e a làmh air a ceann, agus marbhaidh e i fa chomh-

<sup>a</sup> *yearragan; wafers.* Sasg.  
<sup>b</sup> *nochdar.* <sup>c</sup> *làna.*

air pàilliuin a' choimhthionail: agus crathaidh mic Aaroin a fuil air an altair m'an cuairt.

14 Agus bheir e seachad dhitha thabhartas, *eadhon* tabhartas a bheirear suas le teine do'n Tighearna; an t-saill a tha còmh-dach-adh a' mhìonaich, agus an t-saill uile, a *ta* air a' mhìonaich.

15 Agus an dà àra, agus an t-saill a *ta* orra, a *tha* làimh ris an lochléin, agus an sgairt os cionn nan àinean, maille ris na h-àirnibh, bheir e air falbh i;

16 Agus loisgidh an sagart iad air an altair: *is iad* biadh an tabhartais a bheirear suas le teine, chum fàile cùbhraidh. An t-saill uile *is leis* an Tighearna.

17 *Bithidh e* na reachda bith-bhuan do'r ginealachadh air feadh bhur n-àiteacha-còmhnuidh uile, nach ith sibh saill no fuil sam bith.

## CAIB. IV.

**A**GUS labhair an Tighearna ri Maais, ag ràdh,

2 Labhair ri cloinn Israeil, ag ràdh, Ma pheacaicheas anam tre aineolas<sup>b</sup> an aghaidh h-aon sam bith do àitheantaibh an Tighearna (thaobh nithe nach bu choir a dheanamh) agus gu'n dean e *ni* an aghaidh a h-aon diubh;

3 Ma pheacaicheas an sagart a chaidh ungadh, a réir peacaidh an t-sluaigh; an sin thugadh e air son a pheacaidh a pheacaich e, tarbh òg gun ghaoid a dh'ionnsuidh an Tighearna chum ìobairt-pheacaidh.

4 Agus bheir e an tarbh gu dorus pàilliuin a' choimhthionail an làthair an Tighearna; agus cuiridh e a làmh air ceann an tairbh, agus marbhaidh e 'n tarbh an làthair an Tighearna.

5 Agus gabhaidh an sagart, a chaidh ungadh, *cuid* do fhuil an tairbh, agus bheir e i gu pàilliuin a' choimhthionail.

6 Agus tumaidh an sagart a mheur san fhuil, agus crathaidh e *cuid* do'n fhuil seachd uairean an làthair an Tighearna, fa chomhair roinn-bhrait an *ionaid* naomha.

7 Agus cuiridh an sagart *cuid* do'n fhuil air adhaireibh altarach na tùis chùbhraidh am fianuis an Tighearna, a *ta* ann am pàilliuin a' choimhthionail; agus dòrtidh e fuil an tairbh uile aig bun altarach na h-ìobairt-loisgte, a *ta* aig dorus pàilliuin a' choimhthionail.

8 Agus uile shaill tairbh na h-ìobairt-pheacaidh bheir e air falbh uath; an t-saill a ta còmh-dachadh a' mhìonaich, agus an t-saill uile a *ta* air a' mhìonaich,

9 Agus an dà àra, agus an t-saill a *ta* orra, a *tha* làimh ris an lochléin<sup>c</sup>, agus an sgairt os cionn nan àinean, maille ris na h-àirnibh, bheir e air falbh i,

10 Mar a thugadh air falbh i o tharbh ìobairt nan tabhartas-sith: agus loisgidh an sagart iad air altair na h-ìobairt loisgte.

11 Agus seiche<sup>d</sup> an tairbh, agus 'fheoil uile, maille r'a cheann, agus maille r'a chasan, agus a mhìonaich, agus a ghaorr e,

12 Eadhon an tarbh gu h-ìomlan giùlainidh e mach an taobh a muigh do'n champ gu h-ionad glan, far an doirtear<sup>f</sup> a mach an luath, agus loisgidh e air an fhiodh e le teine: far an doirtear a mach an luath, loisgear e.

13 Agus ma pheacaicheas coimhthionail Israeil uile tre aineolas, agus gu bheil an nì folaichte o shùilibh a' choimhechrùinnich, agus gu'n d'rinniad *ni-eigin* an aghaidh a h-aon sam bith a dh'àithcantaidh an Tighearna, a *thaobh nithe* nach bu choir a dheanamh, agus gu bheil iad ciontach:

14 An uair a bhios am peacadh a pheacaich iad na aghaidh aithnichite, an sin bheir an coimhechrùinneach seachad tarbh òg air son a' pheacaidh, agus bheir iad e fa chomhair pàilliuin a' choimhthionail.

15 Agus cuiridh seanairean a' choimhthionail an làmh air ceann an tairbh an làthair an Tighearna: agus marbhar an tarbh an làthair an Tighearna.

16 Agus bheir an sagart, a chaidh ungadh, *cuid* do fhuil an tairbh gu pàilliuin a' choimhthionail.

17 Agus tumaidh an sagart a mheur ann an *cuid* do'n fhuil, agus crathaidh e i seachd uairean an làthair an Tighearna, fa chomhair an roinn-bhrait.

18 Agus cuiridh e *cuid* do'n fhuil air adhaireibh na h-altarach a *ta* am fianuis an Tighearna, a *ta* ann am pàilliuin a' choimhthionail, agus dòrtidh e mach an fhuil uile aig bun altarach na h-ìobairt-loisgte, a *ta* aig dorus pàilliuin a' choimhthionail.

<sup>c</sup> a' bhlian.

<sup>d</sup> seice, craic-

<sup>a</sup> ordugh, lagh.  
aineolas. Eabh.

<sup>b</sup> ann an

ionn.

<sup>e</sup> aolach. <sup>f</sup> tilgear.

<sup>g</sup> ni-'gin.

19 Agus bheir e a' r falbh a shaill uile naith, agus loisgidh e i air an altair.

20 Agus ni e ris an tarbh, mar a rinn e ri tarbh na h-iobairt-pheacaidh, mar sin ni e ris : agus ni an sagart réite air an son, agus bheirear maitheanas dhoibh.

21 Agus bheir e mach an tarbh an taobh a muigh do'n champ, agus loisgidh se e mar a loisg e 'n ceud tarbh : is iobairt-pheacaidh e air son a choimhchrúinnich.

22 'Nuair a pheacaicheas uachdaran, agus a ni e *ni-eigin* tre aineolas an aghaidh a h-aon sam bith a dh'aitheantaibh an Tighearna a Dhé, *a thaobh nithe* nach bu choir a dheanamh, agus gu bheil e ciontach :

23 Ma thig a pheacadh, a pheacaich e, g'a fhios ; bheir e leis *mar* a thabhartas, meann do na gabhraiseibh, *beathach* firionn gun ghaoid.

24 Agus cuiridh e a lámh air ceann a' mhinn, agus marbhaidh se e san ionad anns am marbh iad an iobairt-loisgteb ann an láthair an Tighearna : is iobairt-pheacaidh e.

25 Agus gabhaidh an sagart *cuid* do fhuil na h-iobairt-pheacaidh le 'mheur, agus cuiridh e i air adhaircibh altarach na h-iobairt-loisgte, agus doirtidh e mach a fuil aig bun altarach na h-iobairt-loisgte.

26 Agus loisgidh e a saill uile air an altair, mar *a loisgear* saill iobairt nan tabhartas-sith : agus ni an sagart réite air a shon a thaobh a pheacaidh, agus mathar dha e.

27 Agus ma pheacaicheas aon neach do shluagh na dùthach tre aineolas, an uair a ta e deanamh *ni eigin an ughaidh* a h-aon sam bith a dh'aitheantaibh an Tighearna, *a thaobh nithe* nach bu choir a dheanamh, agus gu'm bheil e ciontach :

28 Ma thig a pheacadh, a pheacaich e, g'a fhios ; an sin bheir e leis *mar* a thabhartas, meann do na gabhraiseibh, *beathach* bainionn gun ghaoid, air son a pheacaidh, a pheacaich e.

29 Agus cuiridh e a lámh air ceann na h-iobairt-pheacaidh, agus marbhaidh e 'n iobairt-pheacaidh, ann an ionad na h-iobairt-loisgte.

30 Agus gabhaidh an sagart *cuid* d'a fuil le 'mheur, agus cuiridh e i air adhaircibh altarach na h-iobairt-loisgte, agus doirtidh e mach a fuil uile aig bun na h-altarach.

a leisgidh.

b tabhartas-loisgte, ofrail-loisgte. c do'n tua'-cheatharn, do'n phobul chumanta.

31 Agus bheir e aisle a saill uile, mar a bheirear an t-saill a h-iobairt nan tabhartas-sith ; agus loisgidh an sagart i air an altair, a chum faile cùbhraidh do'n Tighearna : agus ni an sagart réite air a shon, agus bheirear maitheanas dha.

32 Agus ma bheir e leis uan mar a thabhartas air son peacaidh, bheir e leis *uan* bainionn gun ghaoid.

33 Agus cuiridh e a lámh air ceann an tabhartas-pheacaidh d, agus marbhaidh se e mar iobairt-pheacaidh san ionad anns am marbh iad an iobairt-loisgte.

34 Agus gabhaidh an sagart *cuid* do fhuil na h-iobairt-pheacaidh le 'mheur, agus cuiridh e i air adhaircibh altarach na h-iobairt-loisgte, agus doirtidh e mach a fuil uile aig bun na h-altarach.

35 Agus bheir e aisle a saill uile, mar a bheirear air falbh saill an uain o iobairt nan tabhartas-sith ; agus loisgidh an sagart iad air an altair, aréir nan tabhartas a bheirear suas le teine do'n Tighearna : agus ni 'n sagart réite air a shon a thaobh a pheacaidh a rinn e, agus mathar e dha.

#### CAIB. V.

**A** GUS ma pheacaicheas anam, agus gu'n cluinn e guth mionnachaidhe, agus *gur* fianuis e, a chunnaic, no is fiosrach air a' *chuis*, mur cuir e 'n céill i, an sin giúlainidh e a chionta :

2 No ma bheanas anam ri ni sam bith neo-ghlan, ma's cairbh t siadh-bheathaich neo-ghloin e, no cairbh spréidh neo-ghloin, no cairbh ni neo-ghloin a shnáigeasg, agus e an-fhiosrach air ; bithidh esan mar an ceudna neo-ghlan, agus ciontach :

3 No ma bheanas e ríneo-ghloine duine, ge b'e air bith an neo-ghloine leis an salaichear duine, agus gu'm bheil e an-fhiosrach air ; an uair is fios da e, an sin bithidh e ciontach :

4 No ma mhionnaicheas anam, ag radh le 'bhiibh gu'n dean e oic, no gu'n dean e math, ge b'e air bith e a labhras duine le mionnaibh, agus gu bheil e an-fhiosrach air ; an uair is fios da e, an sin bithidh e ciontach ann an aon diubh sin.

5 Agus tachairidh 'nuair a bhios e ciontach do aon do na *nithibh* sin, gu'n aidich e gu'n do pheacaich e san *ni* sin.

6 Agus bheir e leis iobairt-eus-

d an tabhartais air son peacaidh.

e guth mionnan. t ciosach.

g a shnágas, a chrúbas.

h ma bheir neach mionnan. i aidmhiich.



aontais a dh'ionnsuidh an Tighearn air son a pheacaidh a pheacaidh, e *beathach* bainioan o'n treud, uan no meann o na gabhraibh, mar iobairt-pheacaidh: agus ni an sagart réite air a shon a thaobh a pheacaidh.

7 Agus mur urrain e uan a thoirt leis, an sin bheir e leis air son a choire a rinn e, dà thurtur, no dà choluman òga dh'ionnsuidh an Tighearna; fear a chum iobairt-pheacaidh, agus am fear eile chum iobairt-loisgte.

8 Agus bheir e iad a dh'ionnsuidh an t-sagairt, agus bheir esan seachad *am fear a ta* chum na h-iobairt-pheacaidh air tùs, agus sniomhaidh e 'cheann o 'amhaich<sup>a</sup>; ach cha sgar e o chéile iad.

9 Agus crathaidh e *cuid* do fhuil na h-iobairt-pheacaidh air taobh na h-altarach, agus a' chuid eile do'n fhuil fàisgear a mach aig bun na h-altarach: is iobairt-pheacaidh e.

10 Agus bheir e seachad an dara eun mar iobairt-loisgte, a réir a' ghnàtha: agus ni an sagart réite air a shon a thaobh a pheacaidh, a pheacaidh e, agus mathar e dha.

11 Ach mur urrainn e dà thurtur, no dà choluman òga a thoirt leis; an sin bheir esan a pheacaidh leis mar a thabhartas an deicheamh cuid do ephab do phlùr min, mar thabhartas-peacaidh: cha chuir e oladh air, ni mò a chuireas e tùis air, oir is tabhartas-peacaidh e.

12 An sin bheir e chum an t-sagairt e, agus gabhaidh an sagart làn a dhuirn deth, *eadhon* cuimhneachan deth, agus loisgidh e air an altair e, a réir nan tabhartas a bheirear suas le teine do'n Tighearna: is tabhartas-peacaidh e.

13 Agus ni an sagart réite air a shon a thaobh a pheacaidh, a pheacaidh e ann an aon diubh sin, agus mathar e dha: agus bithich *am fuigheall* leis an t-sagart, mar thabhartas-bidh.

14 Agus labhair an Tighearna ri Maois, ag ràdh,

15 Ma ni anam coire, agus gu'm peacaidh e tre aineolas ann an nithibh naomha an Tighearna; an sin bheir e air son a choire dh'ionnsuidh an Tighearna, reithe gun ghaoid o na treudaibh, a réir do mheas le secelibh airgid, a réir séceil an *ionaid* naomha, chum iobairt-eusaontais.

16 Agus air son an lochd, a rinn e san ni naomha, ni e coimhleasachadh, agus cuiridh e ris an cùigeadh cuid, agus bheir e do 'n t-sagart e: agus

ni an sagart réite air a shon le reithe na h-iobairt-eusaontais, agus mathar dha e.

17 Agus ma pheacaicheas anam, agus gu'n dean e h-aon do na nithibh sin a thoirmisgeadh le àitheantaibh an Tighearna bhi air an deanamh; ge nach b'fhios da e, gidheadh a ta e ciontach, agus giùlainidh e 'aingidheachd b.

18 Agus bheir e leis reithe gun ghaoid o'n treud, a réir do mheas, chum iobairt-eusaontais, a dh'ionnsuidh an t-sagairt: agus ni an sagart réite air a shon a thaobh aineolais, leis an deachaidh e air seacharan e agus gun fhios aig air; agus mathar dha e.

19 Is iobairt-eusaontais a th'ann: chiontach e gu deimhin an aghaidh an Tighearna.

## CAIB. VI.

**A** GUS labhair an Tighearna ri Maois, ag ràdh,

2 Ma pheacaicheas anam, agus gu'n dean e eusaontas an aghaidh an Tighearna, agus gu'n dean e breug d'a choimhearsnach a thaobh an ni a thugadh dha r'a ghleidheadh, no ann an companas, no thaobh an ni a thugadh air falbh le h-ainneart, no ma mheall e choimhearsnach,

3 No ma fhuair e an ni sin a chailleadh, agus gu'n d'rinn e breug uime, agus gu'n d'thug e miannan eithich<sup>d</sup>; ann an aon ni dhiubh sin uile a ni duine, a' peacachadh anna:

4 An sin tachairidh, a chionn gu'n do pheacaidh e, agus gu bheil e ciontach, gu'n d'thoir e air aise an ni sin, a thug e air falbh le h-ainneart, no an ni sin, a fhuair e gu mealtach no an ni sin a thugadh dha r'a ghleidheadh, no chailleadh agus a fhuair e,

5 No ni sam bith m'an d'thug e miannan eithich; bheir e air aise an iomlan, agus cuiridh e 'n cùigeadh cuid a thuille ris, agus bheir e dhasan e d'am buin e, ann an là iobairt-eusaontais.

6 Agus bheir e leis iobairt-eusaontais chum an Tighearna, reithe gun ghaoid o'n treud a réir do mheas, mar iobairt-eusaontais, a dh'ionnsuidh an t-sagairt.

7 Agus ni an sagart réite air a shon an làthair an Tighearna: agus gheibh e maitheanas a thaobh gach ni dhiubh sin uile a rinn e, a' ciontachadh anna f.

<sup>b</sup> a chionta, a choire. <sup>c</sup> am mearachd. <sup>d</sup> miannan gu breugach.

<sup>e</sup> aisig e. <sup>f</sup> air an d'fhuaradh ciontach e.

<sup>a</sup> mhuineal.

8 Agus labhair an Tighearna ri Maois, ag ràdh,

9 Thoir àithne do Aaron agus d'a mhic, ag ràdh, *Is e* so lagh na h-ìobairt-loisgte: (*Is i 'n* ìobairt-loisgte i, air son an losgaidh air an altair air feadh na h-oidhche uile gu maduinn, agus bithidh teine na h-altarach a' losgadh innte.)

10 Agus cuiridh ansagairt truscan a anairt uime, agus cuiridh e briogais anairt air 'fheoil, agus togaidh e suas an luath, a loisg an teine leis an ìobairt-loisgte air an altair, agus cuiridh e i laimh ris an altair.

11 Agus cuiridh e a thruscan dheth, agus cuiridh e truscan eile ùime, agus giùlainidh e 'n luath a mach an taobh a muigh do'n champ, gu h-ionad glan.

12 Agus bithidh an teine air an altair a' losgadh innte, cha chuirear as e: agus loisgidh an sagart fiodh oirre gach maduinn, agus cuiridh e an ìobairt-loisgte ann an ordugh oirre, agus loisgidh e oirre saill nan ìobairt-sith.

13 Bithidh an teine, a' lasadh air an altair an còmhnuidh: cha d' théid e idir as.

14 Agus *is e* so lagh an tabhartais-bhidh: bheir maic Aaron e an làthair an Tighearna fa chomhair na h-altarach.

15 Agus gabhaidh e làn a dhuirn deth, do phlùr an tabhartais-bhidh, agus d'a oladh, agus an tùs uile a ta air an tabhartais-bhidh, agus loisgidh e air an altair e, *chum* fàile cùbhraidh, *eadhon* cuimhneachan dheth do'n Tighearna.

16 Agus ithidh Aaron agus a mhic am fuigheall: maille ri aran neo-ghoirtichte ithear e san ionad naomha; ann an cùirt pàilliuin a' choimhthionail ithidh iad e.

17 Cha'n fhuinear e le taois ghoirt: thug mi *dhoibh e mar* an cuibhriòn do m' thabhartasaibh air an toirt suas le teine: tha e ro naomha, mar an ìobairt-pheacaidh, agus mar an ìobairt-eusaontais.

18 Ithidh gach firionnach am measg chloinn Aaron dheth: *bithidh e* na reachd sìorruidh air feadh bhur ginealach a thaobh tabhartasan an Tighearna air an toirt suas le teine: bithidh gach neach a bheanas riu naomha.

19 Agus labhair an Tighearna ri Maois, ag ràdh,

20 *Is e* tabhartas Aaron, agus a chuid mac, a bheir iad seachad do'n Tighearna, san là a dh'ungar e; an

deicheamh cuid do ephah do phlùr min mar thabhartas-bidh an còmhnuidh b, a leth sa' mhaduinn, agus a leth san fheasgar.

21 Ann an aghamc nithear e le h-oladh, agus an uair a bhios e fuinte, bheir thu stigh e: agus na mirean fuinte do'n tabhartas-bidh bheir thu seachad a chum fàile cùbhraidh do'n Tighearna.

22 Agus bheir an sagart d'a mhic, a dh'ungadh na àite, seachad e: *is* reachd sìorruidh e do'n Tighearna: loisgear gu h-ionlan e:

23 Oir loisgear gach tabhartas-bidh air son an t-sagairt gu h-ionlan: cha'n ithear e,

24 Agus labhair an Tighearna ri Maois, ag ràdh,

25 Labhair ri h-Aaron agus r'a mhic, ag ràdh, *Is e* so lagh na h-ìobairt-pheacaidh: san ionad anns am marbhar an ìobairt-loisgte, bithidh an ìobairt-pheacaidh air a marbhadh am fianuis an Tighearna: *tha i* ro naomha.

26 Ithidh an sagart i, a bheir seachad i air son peacaidh: anns an ionad naomha ithear i, ann an cùirt pàilliuin a' choimhthionail.

27 Ge b'e ni a bheanas r'a feoil bithidh e naomha; agus an uair a chrathar a' bheag d'a fuil air eudach sam bith, nighidh tu an ni, air an do chrathadh i, anns an ionad naomha.

28 Agus bithidh an soitheach creadh, anns an do bhruicheadh i, air a bhriseadh; ach ma bhruicheadh i ann an coireadh nmhad glanar agus nigheare e ann an uisge.

29 Ithidh na firionnaich uile am measg nan sagart dhith: *tha i* ro naomha.

30 Ach cha'n ithear ìobairt pheacaidh sam bith, d'an d'thugadh a' bheag do'n fhuil a steach do phàilliuin a' choimhthionail a dheanamh réite san ionad naomha: loisgear san teine i.

#### CAIR. VII.

**A** GUS *is e* lagh na h-ìobairt-eusaontais: *tha i* ro naomha.

2 Anns an ionad sam marbh iad an ìobairt-loisgte, marbhadh iad an ìobairt-eusaontais: agus crathaidh e a fuil air an altair n'an cuairt.

3 Agus bheir e seachad dhith a saill uile; an t-earball f agus an t-saill, a ta còmhachadh a' mbion-aich.

b bith-bhuan, daonan.

c aigheann.

d preis unga.

e scùrar agus glan-nigheasr.

f bun an earbaill.

a éididh, eudach, culaidh.

4 Agus an dà àra, agus an t-saill a ta orra, a ta làimh ris an loch-léin, agus an scairt a ta os cionn nan àinean a; maille ris na h-airnibh, bheir e air falbh i.

5 Agus loisgidh an sagairt iad air an altair; mar thabhartas a bheirear suas le teine do'n Tighearna: is iobairt-eusaontais i.

6 Ithidh gach firionnach am measg nan sagart dhith: san ionad naomha ithear i: tha i ro-naomha.

7 Mar an iobairt-pheacaidh, is ambuil sin an iobairt-eusaontais: is aon lagh dhoibh: leis an t-sagart a ni réite leath, bithidh i.

8 Agus an sagart a bheir seachad iobairt-loisgte duine sam bith, is leis an t-sagart so croicionn na h-iobairt-loisgte, a thug e seachad.

9 Agus buidh an tabhartas-bidh uile, a dh'fhuinear ann an àmhuinn, agus gach ni a dheasaichear ann an aigheann-ròstaidh, agus ann am méis b, do'n t-sagart a bheir seachad e.

10 Agus bithidh gach tabhartas-bidh measgta le h-oladh agus tioram, le mic Aaroin uile, leis gach aon *uiread* r'a chéile.

11 Agus is e so lagh iobairt nan tabhartas-sith a bheir e seachad do'n Tighearna:

12 Ma's ann mar bhreith-buidh-eachais a bheir e seachad i, an sin bheir e seachad maille ris an iobairt-bhuidheachais breacagan neo-ghoir-tichte measgta le h-oladh, agus dearnagan neo-ghoir-tichte ungta le h-oladh, agus breacagan measgta le h-oladh, do phlùr min, air a ròst-adh.

13 A thuilleadh air na breacag-aibh, bheir e seachad mar a thabhartas, aran goirtichte, maille ri iobairt-buidheachais a thabhartas-an-sith.

14 Agus dh'i sin bheir e seachad aon as an tabhartas iomlan, mar thabhartas-togta do'n Tighearna, agus bithidh e leis an t-sagart a chrathas fuil nan tabhartas-sith.

15 Agus ithear feoil iobairt a thabhartas-an-sith air son breith buidheachais, san là sin féin anns ann d' thoir seachad i: cha 'n fhàg e bheag dhith gu maduinn.

16 Ach ma's boid no tabhartas deònach iobairt a thabhartais, san là sin féin anns ann d' thoir e seachad iobairt, ithear i: agus air an là maireach, mar an ceadna, ithear a fuigheall.

17 Ach loisgear le teine fuigheall feòla na h-iobairt air an treas là.

18 Agus ma dh'ithear idir a' bheag do fheoil iobairt a thabhartasan-sith air an treas là, cha ghabhar i, ni mò a mheasar i dha-san a bheir seachad i: bithidh i na gràine-ealachd, agus an t-anam a dh'itheas dhith giùlainidh e 'aingidheachd.

19 Agus an fheoil a bheanas ri ni sam bith neo-ghlan, cha'n ithear i, loisgear i le teine: agus a thaobh na feola, gach neach a bhios glan, ithidh e dhith:

20 Ach an t-anam a dh'itheas do fheoil iobairt nan tabhartas-sith, a *bhuineas* do'n Tighearna, agus a neo-ghloine air, gearrar eadhon an t-anam sin as o 'shluagh.

21 Agus an t-anam a bheanas ri ni sam bith neo-ghlan, ri neo-ghloine duine, no ri ainmhidh neo-ghlan, no ri gràinealachd neo-ghloin sam bith, agus a dh'itheas do fheoil iobairt nantabhartas-sith a *bhuineas* do'n Tighearna, sgarthar eadhon an t-anam sin as o 'shluagh c.

22 Agus labhair an Tighearna ri Maois, ag ràdh,

23 Labhair ri cloinn Israeil, ag ràdh, Saill sam bith daimh, no caorach, no gaibhre, cha 'n ith sibh.

24 Agus feudar saill ainmhidh a gheibh bàs leis féin d, agus saill an ainmhidh sin, a reubar le fiadh-bheathaichibh, a ghnàthachadh gu feum sam bith eile; ach cha'n ith sibh idir dhith;

25 Oir ge b'e dh'itheas saill o'n ainmhidh sin d'an d' thoir daoine seachad iobairt a loisgear le teine do'n Tighearna, gearrar eadhon an t-anam sin, a dh'itheas *dhith*, as o 'shluagh.

26 Agus cha'n ith sibh gnè sam bith fola, ma's ann do eunaibh no do ainmhidh, ann an aon air bith d'ar n-àiteachaibh-còmhnuidh.

27 Gach anam a dh'itheas gnè sam bith fola, gearrar eadhon an t-anam sin as o 'shluagh.

28 Agus labhair an Tighearna ri Maois, ag ràdh,

29 Labhair ri cloinn Israeil, ag ràdh, Esan a bheir seachad iobairt a thabhartasan-sith do'n Tighearna, bheir e leis a thabhartas a dh'ionnsuidh an Tighearna, do iobairt a thabhartasan-sith.

30 Bheir a làmban féin leo tabhartasan an Tighearna a bheirear suas le teine, an t-saill-màille ris an uchd, so bheir e leis, a chum gu'n luaisg-

a os cionn a' ghrùtha'n.

b aigheann.

c bho na phobul.

d cairbh.

ear an t-uchd mar thabhartas-luaisgte an làthair an Tighcarna.

31 Agus loisgidh an sagart an t-saill air an altair: ach bithidh an t-uchd le Aaron agus le 'mhic.

32 Agus an slinnean deas bheir sibh do'n t-sagart mar thabhartas-togta, do iobairtibh bhur tabhartasan-sith.

33 Aige-san do mhic Aaroin, a bheir suas fuil nan tabhartas-sith, agus an t-saill, bithidh an slinnean deas mar a chuibhrionn.

34 Oir ghabh mi an t-uchd luaisgte agus an slinnean togta o chloinn Israeil, do iobairtibh an tabhartasan-sith, agus thug mi iad do Aaron an sagart, agus d'a mhic. le reachd sìorruidh o mheasg chloinn Israeil.

35 *Is e so cuibhrionn* ungaidh a chuid mac, do thabhartasaibh an Tighearn a bheir suas le teine, san là anns an d'thug e a làthair iad a fhrithealadh do'n Tighearn ann an dreuchd an t-sagairt:

36 A dh'àithn an Tighearn a thoirt dhoibh o chloinn Israeil, san là anns an d'ung e iad, le reachd sìorruidh, air feadh an ginealach.

37 *Is e so lagh na h-iobairt-loisgte*, an tabhartas-bhidh, agus na h-iobairt-pheacaidh, agus na h-iobairt-eusaontais, agus nan coisreagadh, agus iobairte nan tabhartas-sith:

38 A dh'àithn an Tighearn do Mhaois ann an sliabh Shinai, san là anns an d'àithn e do chloinn Israeil an tabhartasan a thoirt seachad do'n Tighearn ann am fàsach Shinai.

CAIB. VIII.

**A** GUS labhair an Tighearn ri A Maois, ag ràdh,

2 Thoir leat Aaron agus a mhic maille ris, agus an truscan a naomha, agus an oladh-ungaidh, agus tarbh mar an iobairt-pheacaidh, agus dà reithe, agus bascaid do aran neo-ghoirtichte;

3 Agus cruinnich an coimhthional uile an ceann a' chéile gu dorus pàillium a' choimhthionail.

4 Agus rinn Maois mar a dh'àithn an Tighearn dha, agus chruinnich eadh an coimhthional r'a chéile gu dorus pàillium a' choimhthionail.

5 Agus thubhairt Maois ris a' choimhthional, *Is e so an ni a dh'àithn an Tighearn a dheanamh.*

6 Agus thug Maois Aaron agus a mhic leis, agus dh'ionnail e iad le h-uisge.

7 Agus chuir e air an còta, agus chrìoslaich se e leis a' chrìos, agus dh'eudaich se e leis an fballuing,

agus chuir e 'n ephod air, agus chrìoslaich se e le crìos rìomhach na h-ephoid, agus cheangail e ris i leis.

8 Agus chuir e 'n uchd-éididh air; agus chuir e anns an uchd-éididh an Urim, agus an Tummim.

9 Agus chuir e 'a crùn-sagairt air a cheann: mar an ceudna air a' chrùn-sagairt, eadhon air a' chuid beoil déth chuir e 'n leachd òir, an crùn naomha, mar a dh'àithn an Tighearn do Mhaois.

10 Agus ghabh Maois an oladh-ungaidh, agus dh'ung e 'm pàillium agus gach *ni a bha* ann, agus naomhaich e iad.

11 Agus chrath e euid dhith air an altair seachd uairean; agus dh'unge 'n altair, agus a soithichean uile, araon an soitheach-ionnlaid agus a chas, a chum an naomhachadh.

12 Agus dhòirt e do'n oladh-ungaidh air ceann Aaroin, agus dh'ung se e, chum a naomhachadh.

13 Agus thug Maois nic Aaroin leis, agus chuir e còtaichean orra, agus chrìoslaich e iad le crìosaibh; agus chuir e boineidean orra, mar a dh'àithn an Tighearn do Mhaois.

14 Agus thug e leis an tarbh air son na h-iobairt-pheacaidh, agus chuir Aaron agus a mhic an làmhan air ceann an tairbh air son na h-iobairt-pheacaidh.

15 Agus mharbh se e; agus ghabh Maois an fhuil, agus chuir e i air adhaircibh na h-altarach m'an cuairt le 'mheur agus gh'an e 'n altair; agus dhòirt e 'n fhuil aig bun na h-altarach, agus naomhaich e i, a dheanamh réite oirre.

16 Agus ghabh e 'n ìgh uile, a bha air a' mhìonach, agus an scairt os cionn nan àinean, agus an dà àra, agus an ìgh: agus loisg Maois iad air an altair.

17 Ach an tarbh agus a sheiche, agus 'fheoil, agus 'aolach e, loisg e le teine an taobh a muigh do'n champ, mar a dh'àithn an Tighearn do Mhaois.

18 Agus thug e leis an reithe air son na h-iobairt-loisgte: agus chuir Aaron agus a mhic an làmhan air ceann an reithe.

19 Agus mharbh se e; agus chrath Maois an fhuil air an altair m'an cuairt.

20 Agus ghearr e 'n reithe na mhiribh, agus loisg Maois an ceann, agus na mirean, agus an t-saill.

b an dà chuid.  
ghaorr.

c inneir, a

a éididh.



21 Agus nigh e am mionach agus na casan ann an nise; agus loisg Maois an reithe uile air an altair: b' iobairt-loisgte e, chum fàile cùbhraidh: tabhartas air a thoirt suas le teine do'n Tighearna, mar a dh' àithn an Tighearna do Mhaois.

22 Agus thug e leis an reithe eile, reithe a' choisreagaidh: agus chuir Aaron agus a mhic an làmh an ceann an reithe.

23 Agus mharbhse e; agus ghabh Maois cuid d'a fhuil, agus chuir e i air bàrr cluaise deise Aaron, agus air ordaig a làimhe deise, agus air ordaig a chois deise.

24 Agus thug e leis mic Aaron agus chuir Maois cuid do'n fhuil air bàrr an cluaise deise, agus air ordaig an làimhe deise, agus air ordaig an coise deise: agus chrath Maois an fhuil air an altair m'an cuairt.

25 Agus ghabh e 'n t-saill, agus an t-earball, agus an igh uile, a bha air a' mbionach, agus an scairt os cionn nan àinean, agus an dà èrab agus an igh, agus an slinnean deas.

26 Agus a bascaid an arain neoghointichte, a bha an làthair an Tighearna, ghabh e aon bhreacag neoghointichte, agus aon bhreacag do arain le h-oladh, agus aon dearnag, agus chuir e iad air an t-saill, agus air an t-slinnean deas:

27 Agus chuir e 'n t-ìomlan air làmh an Aaron, agus air làmh an chuid mac d, agus luaisg e iad mar thabhartas-luaisgte an làthair an Tighearna.

28 Agus ghabh Maois iad bhàrr an làmh, agus loisg e iad air an altair os cionn na h-iobairt-loisgte; bu tabhartas-choisreagaidh iad a chum fàile cùbhraidh; tabhartas air a thoirt suas le teine do'n Tighearna.

29 Agus ghabh Maois an t-uchd, agus luaisg se e mar thabhartas-luaisgte an làthair an Tighearna: b'e cuibhricinn Mhaois e do reithe a' choisreagaidh: mar a dh' àithn an Tighearna do Mhaois.

30 Agus ghabh Maois cuid do'n oladh-ungaidh, agus do'n fhuil, a bha air an altair, agus chrath e air Aaron i; air 'eudach, agus air a mhic, agus air eudach a mhic maille ris: agus naomhaich e Aaron, agus 'eudach, agus a mhic, agus eudach a mhac maille ris.

31 Agus thubhairt Maois ri h-Aaron, agus r'a mhic, Bruichibh an fheoil aig dorus pàilliuin a' choimhthionail; agus ann an sin ithibh i leis an aran a ta ann am bascaid a' choisreagaidhe, mar a dh' àithn mise, ag ràdh, Ithidh Aaron agus a mhic i.

32 Agus an ni sin, a dh'fhàgar do'n fheoil agus do'n aran, loisgidh sibh le teine.

33 Agus air dorus pàilliuin a' choimhthionail cha d' theid sibh a mach rè sheachd laithean, gus am bi laithean bhur coisreagaidh air an crìochnachadh; oir rè sheachd laithean coisrigidh e sibh.

34 Mar a rinn e 'n diugh, mar sin dh' àithn an Tighearna bhi deanta, dheanamh reite air bhur son.

35 Uime sin, aig dorus pàilliuin a' choimhthionail fanaidh sibh a là agus a dh'oidheche, rè sheachd laithean agus coimhidh sibh freasdal h an Tighearna, chum nach faigh sibh bàs: oir is ann mar sin a thugadh àithne dhomhsa.

36 Agus rinn Aaron agus a mhic na h-uile nithe dh' àithn an Tighearna le làimh Mhaois.

#### CAIB. IX.

A GUS air an ochdamh là ghairm Maois air Aaron, agus air a mhic, agus air seanairean Israeil;

2 Agus thubhairt a ri h-Aaron, Gabh dhuit féin laogh og chum iobairt-pheacaidh, agus reithe chum iobairt-loisgte, gun ghaoid, agus thoir seachad iad an làthair an Tighearna.

3 Agus làbhraidh tu ri cloinn Israeil, ag ràdh, Gabhaibhsa meann do na gabaraibh chum iobairt-pheacaidh; agus laogh, agus uan, le chéile do'n cheud bhliadhna, gun ghaoid, a chum iobairt-loisgte:

4 Mar an ceudna tarbh agus reithe, mar thabhartas-sith, a chum an iobradh an làthair an Tighearna: agus tabhartas-bidh measgta le h-oladh: oir an diugh foillsichidh an Tighearn e féin dhuibh.

5 Agus thug iad an ni sin a dh' àithn Maois gu beulaobh pàilliuin a' choimhthionail: agus thainig an coimhthionail uile 'm fagus, agus sheas iad an làthair an Tighearna.

6 Agus thubhairt Maois, Is e so an ni a dh' àithn an Tighearna gu'n

a air ordagaibh an làmh deasa, agus air ordagaibh an cosa deasa. b an dà àrainn. c abhlan; d air làmh an a mhac.

e nan nithe coisrigte. f gus an là anns an crìochnach laithean bhur coisreagaidh. Eabh. g gleidhidh. h curam, ord' gh. i bliadhna dh' aois.

deanadh sibh : agus foillsichear glòir an Tighearna dhuibh.

7 Agus thubhairt Maois ri h-Aaron, Imich a dh'ionnsuidh na h-altarach, agus iobair t'ìobairt pheacaidh, agus t'ìobairt-loisgte, agus dean rèite air do shon féin, agus air son an t-sluaigh : agus thoir suas tabhartas an t-sluaigh, agus dean rèite air an son, mar a dh'àithn an Tighearna.

8 Chaidh Aaron, uime sin, a dh'ionnsuidh na h-altarach; agus mharbh e laogh na h-iobairt-pheacaidh, a *bha* air a shon féin.

9 Agus thug mic Aaroin an fhuil d'a ionnsuidh : agus thum a e m'heur san fhuil, agus chuir e air adhaircibh na h-altarach i, agus dhoirt e mach an fhuil aig bun na h-altarach.

10 Ach an t-saill agus na h-airnean, agus an scairt os cionn àinean na h-iobairt-pheacaidh, loisg e air an altair, mar a dh'àithn an Tighearna do Mhaois.

11 Agus an fheoil agus an t-seiche loisg e le teine, an taobh a muigh do'n champ.

12 Agus mharbh e 'n iobairt-loisgte; agus thug mic Aaroin an fhuil d'a ionnsuidh, agus chrath e i air an altair m'an cuairt.

13 Agus thug iad an iobairt-loisgte d'a ionnsuidh, maille r'a mìribh, agus an ceann : agus loisg e iad air an altair.

14 Agus nìg e am mionach agus na casan, agus loisg e iad air an iobairt-loisgte air an altair.

15 Agus thug e leis tabhartas an t-sluaigh, agus ghabh e meann na h-iobairt-pheacaidh a *hha* air son an t-sluaigh, agus mharbh se e, agus thug e suas e air son peacaidh, mar a' cheud iobairt.

16 Agus thug e leis an iobairt-loisgte, agus dh'ìobair e i do réir a' ghnàthac.

17 Agus thug e leis an tabhartas-bidh, agus lion e 'dhorn as, agus loisg e air an altair e, thuilleadh air iobairt-loisgte na maidne.

18 Mharbh e mar an ceudna an tarbh, agus an reithe, mar iobairt nan tabhartasan-sìth a *bha* air son an t-sluaigh; agus thug mic Aaroin d'a ionnsuidh an fhuil, agus chrath e i air an altair m'an cuairt.

19 Agus saill an tairbh, agus earball an reithe, agus an *ni* sin a ta còmh-dachadh a *mhìonaich*, agus na h-airnean, agus an scairt os cionn nan àinean.

20 Agus chuir iad an t-saill air na h-uchdaibh, agus loisg, e 'n t-saill air an altair:

21 Agus na h-uchdan agus an slinnean deas luaig Aaron mar thabhartas-luaisgte an làthair an Tighearna, mar a dh'àithn Maois.

22 Agus thog Aaron suas a làmha chum an t-sluaigh, agus bheannaich e iad; agus thàinig e nuas o iobradh na h-iobairt pheacaidh, agus na h-iobairt-loisgte, agus nan iobairt-ean-sìth.

23 Agus chaidh Maois agus Aaron a steach do phàillion a' choimh-thionail, agus thàinig iad a mach; agus bheannaich iad an sluagh: agus dh'fhoillsicheadh glòir an Tighearna do'n t-sluaigh uile.

24 Agus thàinig teine a mach o làthair an Tighearna, agus loisg e air an altair an iobairt-loisgte, agus an t-saill: agus chunnaic an sluagh uile e, agus rinn iad gair, agus thuit iad air an aghaidh.

#### CAIB. X.

**A** GUS ghabh Nadah agus Abihu, mic Aaroin, gach fear diubh a thùiseir, agus chuir iad teine ann; agus chuir iad tùis air, agus thug iad suas am fianuis an Tighearna teine coimheach, nach d'àithn e dhoibh.

2 Agus chaidh teine mach o làthair an Tighearna, agus loisg e suas e iad, agus fhuair iad bàs an làthair an Tighearna.

3 An sin thubhairt Maois ri h-Aaron, *Is e so an ni* a labhair an Tighearn, ag ràdh, Annta-san a thig am fagus dhomh naomhaichear mise, agus ann làthair an t-sluaigh uile glòraichear mi. Agus dh'fhan Aaron na thosd.

4 Agus ghairm Maois air Misael agus air Elsaphan, mic Udsiel bràthar athar Aaroin, agus thubhairt e riu, Thigibh am fagus, giùlainibh bhur braithre o fhianuis an *ionaid* naomha mach as a' champ.

5 Agus chaidh iad am fagus, agus giùlain iad nan cotaichibh iad a mach as a' champ, mar a thubhairt Maois.

6 Agus thubhairt Maois ri h-Aaron, agus ri h-Eleazar, agus ri h-Itamar a mhic, Na rùisgibh bhur cinn, agus na reubaibh bhur 'n eudach, an t-eagal gu'm faigh sibh bàs, agus an t-eagal gu'n d' thig fearg air an t-sluaigh uile; ach deanadh bhur bràithre, tigh Israeil uile, tuireadh air son an losgaidh a las an Tighearna.

a thom, bhog. b a' ghabhar a bha 'na h-iobairt-pheacaidh.  
c a réir an orduigh, mar bu chòir.

d a shoitheach-tùis. e dh'ith e suas. Eabh. f caoidh.

7 Agus cha d'théid sibh a mach air dorus páilliuin a choimhthionail, an t-eagal g'um faigh sibh bás : oir a ta oladh-ungaidh an Tighearn oirbh. Agus rinn iad a réir focail Mhaois.

8 Agus labhair an Tighearna ri h-Aaron, ag rádh,

9 Na h-ól fion no deoch láidir a, thu féin, no do mhic maille riut, an uair a théid sibh a steach do pháiliun a' choimhthionail, an t-eagal gu-m faigh sibh bás : *bithidh e* na reachd bith-bhuan air feadh bhur ginealach-a:

10 Agus a chum gu'n cuir sibh eadar-dhealachadh eadar naomha agus mi-naomha, agus eadar neo-ghlan agus glan :

11 Agus a chum gu'n teagaisg sibh do chloinn Israeil na h-orduigh-ean<sup>b</sup> uile, a labhair an Tighearna ri u le lãimh Mhaois.

12 Agus labhair Mhaois ri h-Aaron, agus ri h-Eleasar, agus ri h-Itamar, a mhic a dh'fhan *beo*, Gabhaidh an tabhartas-bidh a dh'fhágadh do thabhartasaibh an Tighearn air an toirt suas le teine, agus ithibh e gun ghoirteachadh lãimh ris an alt-air : oir a tu e ro naomha.

13 Agus ithidh sibh e san ionad naomha, a chionn *gur* e do dhlighe e c, agus dlige do mhac, do thabhartasaibh an Tighearn air an toirt suas le teine : oir is ann mar sin a dh'áithneadh dhomhsa.

14 Agus an t-uchd luaisgte agus an slinnean togta ithidh sibh ann an ionad glan; thu féin, agus do mhic, agus do nigheana maille riut : oir is iad do dhlighe iad, agus dlige do mhac, a thugadh dhoibh a iobairtibh tabhartasan-sith chloinn Israeil.

15 An slinnean togta, agus an t-uchd-luaisgte, maille ris na tabhartasaibh air an toirt suas le teine do 'n t-saill, bheir iad leo gus a luasgadh *mar* thabhartas-luaisgte ann láthair an Tighearna; agus is leats<sup>e</sup>, e, agus le d' mhic maille riut, le reachd bith-bhuan, mar a dh'áithn an Tighearna.

16 Agus dh'iarr Mhaois gu dichollach meann na h-iobairt-pheacaidh, agus feuch, loisgeadh e : agus bha fearg aige ri h-Eleasar agus ri h-Itamar, mic Aaroin, a dh'fhágadh *beo*, ag rádh,

17 C'ar son nach d'ith sibh an iobairt-pheacaidh san ionad naomha, do bhrigh gu *bheil* i ro naomha, agus thug *Dia* dhuibh i a ghiúlan aingidh-eachd a' choimhthionail, a dhean-

amh réite air an son am fianuis an Tighearna?

18 Feuch, cha d'thugadh a fuil a steach an taobh a stigh do'n ionad naomha : bu chóir dhuibh gu deimhin a h-iththeadh san ionad naomha, mar a dh'áithn mise.

19 Agus thubhairt Aaron ri Maois, Feuch, an diugh thug iad suas an iobairt-pheacaidh, agus an iobairt-loisgte, ann láthair an Tighearna : agus thachair an leithidean sin do nithibh dhomhsa : agus nam bithinn air itheadh na h-iobairt-pheacaidh an diugh, an gabhta rithe ann láthair an Tighearna?

20 Agus an uair a chuala Macis sin, bha e toilichte.

#### CAIB. XI.

**A** GUS labhair an Tighearna ri Mhaois, agus ri h-Aaron, ag rádh ri u,

2 Labhraibh ri cloinn Israeil, ag rádh, *Is iad* so na beathaichean, a dh'itheas sibh do na h-uile ainmhidhibh, a ta air an talamh.

3 Gach aon a roinneas an ionga<sup>d</sup>, agus a sgoilteas an ladhar<sup>e</sup>, agus a chnámhas<sup>f</sup> a' chùir, am measg nan ainmhidhean, sin ithidh sibh.

4 Ach iad so cha'n ith sibh dhinbhsan a chnámhasa' chùir, no dhiubhsan a roinneas an ionga : *mar* an càmhail, a chionn ge do chnámh e a' chùir, nach roinn e an ionga<sup>g</sup>; neo-ghlan *tha* e dhuibh.

5 Agus an coinean, a chionn ge do chnámh e a' chùir, nach roinn e an ionga : neo-ghlan *tha* e dhuibh.

6 Agus a mhaigheach<sup>h</sup>, a chionn ge do chnámh i a' chùir, nach roinn i an ionga : neo-ghlan *tha* i dhuibh.

7 Agus a' mhuc, a chionn ge do roinn i an ionga, agus ge do sgóilt i an ladhar, gidheadh nach cnámh i a' chùir; neo-ghlan *tha* i dhuibh.

8 D'am feoil cha'n ith sibh, agus r'an cairbh<sup>i</sup> cha bhean sibh; neo-ghlan *tha* iad dhuibh.

9 Iad so ithidh sibh, dhiubhsan uile a ta 'sna h-uisgeachaibh : gach *ni* air am bheil itean<sup>l</sup> agus lannan anns na h-uisgeachaibh, anns ua cuantaibh<sup>m</sup>, agus anns na h-aibh-nichibh, iad sin ithidh sibh.

10 Agus gach *ni* air nach 'eil itean

<sup>d</sup> crodhan, <sup>e</sup> a sgoilteas sgoltadh nan iongan. Eabh.

<sup>f</sup> chagnas. Eir. <sup>g</sup> a chionn gu'n cnámh e a' chùir, ach nach roinn e'n ionga.

<sup>h</sup> a' mhaigheach, ann gearr-fhiadh. <sup>i</sup> closach, conabhlach, corp marbh.

<sup>l</sup> sgiathan : eiteach. Eir.

<sup>m</sup> faingibh.

a lùdair. b stàtuais. c chòir.

no lannan anns na cuantaibh, agus anns na h-aibhnicheibh, do gach *ni* a ghluaisceas *'sna* h-uisgeachaibh, agus do gach *ni* beò, a *tu* *'sua* h-uisgeachaibh; nan gràineileachd *bithidh* iad dhuibh:

11 Eadhon nan gràineileachd bithidh iad dhuibh: d'am feoil cha'n ith sibh, agus d'an cairbh gabhaidh sibh gràin.

12 Gach *ni* air nach 'eil itean no lannan anns na h-uisgeachaibh, na ghràineileachd *bithidh* sin dhuibh.

13 Agus dhiubh so gabhaidh sibh gràin am measg nan eun<sup>b</sup>, cha'n ithear iad, nan gràineileachd *tha* iad: an iolair<sup>c</sup> agus an cnàmh-bristeach<sup>d</sup>, agus an iolair-uisge<sup>e</sup>,

14 Agus am fang<sup>f</sup>, agus an clamhan<sup>g</sup> a réir a ghnè,

15 Gach fithich<sup>h</sup> a réir a ghnè;

16 Agus a' chailleach-oidhche<sup>h</sup>, agus an t-seabhag-oidhche<sup>i</sup>, agus a' chuach<sup>l</sup>, agus an t-seabhag<sup>m</sup> a réir a gnè,

17 Agus a' chailleach-oidhche bhca<sup>n</sup>, agus an scarbh<sup>o</sup>, agus a' chailleach-oidhche mhòr<sup>p</sup>,

18 Agus an eal<sup>r</sup>, agus am pelican, agus an iolair-fhionn<sup>s</sup>,

19 Agus a' chorra-bhàn, agus a' chorraghlast a réir a gnè, agus an t-adharcan-luachrach<sup>u</sup>, agus an ialtag<sup>v</sup>.

20 *Bithidh* gach *ni* snàigeach a dh'itealaicheas<sup>a</sup> agus a dh'imicheas air cheithir *chasan*, na ghràineileachd dhuibh.

21 Ach iad so feudaidd sibh itheadh, do gach *ni* snàigeach<sup>b</sup> a dh'itealaicheas, agus a dh'imicheas air cheithir *chasan*, aig am bheil iuirgeannan os cionn a throidhean<sup>c</sup>, gu leum leo air an talamh.

22 Eadhon iad so dhiubh feudaidd sibh itheadh: an locust a réir a

ghnè, agus an locust maol a réir a ghnè, agus an daoird<sup>d</sup> a réir a ghnè, agus an leumnach-uaine<sup>e</sup> a réir a ghnè.

23 Ach *bithidh* gach *ni* eile snàigeach a dh'itealaicheas, aig am bheil ceithir chasan, na ghràineileachd dhuibh.

24 Agus air an son sin bithidh sibh neo-ghlan: gach neach a bheanas r'an cairbh, bithidh e neo-ghlan gu feasgar.

25 Agus ge b'e air bith a ghiùlain-eas<sup>a'</sup> *bheag* d'an cairbh, nighidh e eudach, agus bithidh e neo-ghlan gu feasgar.

26 Bithidh *cairbh* gach ainmhidh, a roinneas an ionga, agus nach sgoilt an ladhar, agus nach cnàmh a' chuir, neo-ghlan dhuibh: gach neach a bheanas riu, bithidh e neo-ghlan.

27 Agus ge b'e air bith a dh'imicheas air a mhàgaibh am measg nan uile bheathaichean, a dh'imicheas air cheithir *chasan*, *bithidh* e neo-ghlan dhuibh; gach neach a bheanas ra'n cairbh, bithidh e neo-ghlan gu feasgar.

28 Agus esan a ghiùlain-eas an cairbh, nighidh e eudach agus bithidh e neo-ghlan gu feasgar; neo-ghlan *tha* iad dhuibh.

29 Agus *bithidh* iad so neo-ghlan dhuibh am measg nan nithe snàigeach, a shnàigeas air an talamh: an eas<sup>f</sup> agus an luch, agus an crocodile<sup>g</sup> a réir a ghnè.

30 Agus am firead<sup>h</sup> agus an camelion<sup>i</sup>, agus an arc-luachrach<sup>l</sup>, agus an t-seilcheag<sup>m</sup> agus am famh<sup>n</sup>.

31 *Tha* iad sin neo-ghlan dhuibh nam measg-san uile a shnàigeas: gach neach a bheanas riu 'nuair a bhios iad marbh, bithidh e neo-ghlan gu feasgar.

32 Agus gach *ni* air an tuit a h-aon diubh, 'nuair a bhios e marbh, bithidh e neo-ghlan; co dhiubh is soitheach fiodha sam bith e, no eudach, no croicinn, no sac: feumaidh gach soitheach anns an deanar obair sam bith, a bhi air a chur ann an uisge<sup>o</sup> agus bithidh e neo-ghlan gu feasgar: an sin bithidh e glan.

33 Agus a thaobh gach soitheich creadha anns an tuit h-aon diubh,

d *salegham*. Eabh. e *am fionnan fcoir*; *chagab*. Eabh. f *an*

*nas*, an easog: choled Eabh.

g uilebheist an fhàsaich; land-crocodile. Sasg. *tzab*. Eabh.

h ferret. Sasg. *anakah*. Eabh.

i coach. Eabh. l *ictaah*. Eabh.

m chomet. Eabh. n *tinshameth*. Eabh.

a *anam beò*. Eabh. b *eunlaith*.

c *am fireun*. d *iolair mhòr na mair*; *ossifrage*. Sasg. *peres*. Eabh.

e *an t-iasgair cairnneach*; *ghadsniach*. Eabh.

f *preachan ingneach*, *preachan criosach*. Eir. *vulture*.

Sasg. *doah*. Eabh. g *kite*. Sasg.

ah. Eabh. h a' *chomhachag*.

i *tachmas*. Eabh. l a *chuthag*;

shachaph. Eabh. m an *seobhag*.

n *coos*. Eabh. o *shalach*. Eabh.

p *ianshuph*. Eabh. r *tinshemeth*.

Eabh. s *iolair-thimchiollach*;

gier-eagle. Sasg. *racham*. Eabh.

t a *churr*; *anapah*. Eabh.

u *upupa*; *ducipath*. Eabh.

a gach creutair sgiathach a ghluais-

eas. b snàigeach. Eir.

c throighean, spàgan.



b' thidh gach ni a ta ann neo-ghlan; agus brisidh sibh e.

34 Do gach uile bhiadh a dh'ithear, bithidh am biadh sin, air an d' thig uisge, neo-ghlan; agus bithidh gach deoch, a dh'òlar ann an soitheach sam bith, neo-ghlan.

35 Agus bithidh gach ni, air an tuit a' bheag d'an cairbh, neo-ghlan; ma's àmhuinn e, no coireacha a brisear sios iad: neo-ghlan tha iad, agus neo-ghlan bithidh iad dhuibh.

36 Gidheadh bithidh fuaran no tobar b, anns am bi pailteas uisge, glan: ach bithidh an ni sin, a bheanas r'an cairbh, neo-ghlan.

37 Agus ma thuiteas a' bheag d'an cairbh air siol cuir sam bith, a bhios ri chur, bithidh e glan.

38 Ach ma chuirear uisge sam bith air an t-siol, agus gu'n tuit a' bheag d'an cairbh air, neo-ghlan bithidh e dhuibh.

39 Agus ma bhàsaicheas ainmhidh sam bith d'am feud sibh itheadh, bithidh esan a bheanas r'a chairbh neo-ghlan gu feasgar.

40 Agus esan a dh'itheas d'a chairbh, nighidh e 'eudach, agus bithidh e neo-ghlan gu feasgar: esan mar an ceudna a ghiùlaineas a chairbh, nighidh e eudach, agus bithidh e neo-ghlan gu feasgar.

41 Agus bithidh gach ni snàigeach, a shnàigeas air an talamh, na gràine-eileachd: cha'n ithear e.

42 Gach ni a dh'imicheas air a' bhroinn, agus gach ni a dh'imicheas air cheithir chasan, no ge b'e air bith aig am bheil tuille chasan am measg nan uile nithe snàigeach, a shnàigeas air an talamh: cha'n ith sibh iad, oir is gràineileachd iad.

43 Cha dean sibh sibh féin gràineil le ni snàigeach sam bith, a shnàigeas, cha mho ni sibh sibh féin neo-ghlan leo, air chor is gu'n truaillear sibh leo.

44 Oir is mise an Tighearna bhur Dia: naomhaichidh sibh air an aobhar sin sibh féin, agus bithidh sibh naomha; oir a ta mise naomha: agus cha truail sibh sibh féin le ni snàigeach sam bith, a shnàigeas air an talamh.

45 Oir is mise an Tighearna, a thug sibhse a mach a talamh na h-Eiphit, gu bhi am Dhia agaibh: bithidh sibhse, uime sin, naomha, oir a ta mise naomha.

46 Is e so lagh nan ainmhidhean,

a dìtean air son phoitean no phreisean.

b tiobar, slochd.

c bhur n-unmanna. Eabh.

d sreutair.

agus nan eun, agus gach dùil d' bheo, aghluaiseas anns na h-uisgeachaibh, agus gach dùil, a shnàigeas air an talamh:

47 A chur dealachaidh eadar an neo-ghlan agus an glan, agus eadar am beathach a dh'fheudar itheadh, agus am beathach nach feudar itheadh.

### CAIB. XII.

A GUS labhair an Tighearna ri Maois, ag ràdh,

2 Labhair ri cloinn Israeil, ag ràdh, Ma dh'fhàsas bean torrach, agus gu'm beir i mac; an sin, bithidh i neo-ghlan seachd laithean: a réir laithean a dealachaidh air son a h-anf'hainneachd e bithidh i neo-ghlan.

3 Agus air an ochdamh là, tìmhchioll-ghearrarfeoil a roimh-chroicinn.

4 Agus fanaidh i an sin tri laithe deug 'ar fhichead ann am fuil a glanaidh: cha bhean i ri ni naomha sam bith, agus cha d' thig i steach do'n ionad naomha, gus an coimh-lionar laithean a glanaidh.

5 Ach ma bheireas i leanabh nighinn, an sin bithidh i neo-ghlan dà sheachduin, mar na dealachadh: agus fanaidh i ann am fuil a glanaidh tri fichead agus sè laithean.

6 Agus an uair a chòimh-lionar laithean a glanaidh air son mic, no air son nighinn; bheir i uan do'n cheud bhliadhna chum iobairt-loisgte, agus columan òg, no eun turtuir chum iobairt-pheacaidh, gu doras pàilliuin a' choimhthionail, dh'ionnsuidh an t-sagart:

7 Agus bheir e seachad e an làthair an Tighearna, agus ni e réite air a son, agus glanar i ò ruidh e a fola. Is e so an lagh air a sen-sa, a bheireas mac, no nighean.

8 Agus mur urrainn i uan a thoirt leatha, an sin bheir i leatha dà thurtur, no dà choluman òga; fear dhiubh chum iobairt-loisgte, agus am fear eile chum iobairt-pheacaidh; agus ni an sagart réite air a son, agus bithidh i glan.

### CAIB. XIII.

A GUS labhair an Tighearna ri Maois agus ri h-Aaron, ag ràdh,

2 'Nuair a bhios aig duine ann an croicionn 'fheòla, atadh, no guireins, no ballh soilleir, agus gu'm bi e ann an croicionn 'fheòla cosmhail ri plàigh luibhre; an sin bheirear e gu h-Aaron an sagart, no gu h-aon d'a mhic nan sagartan.

e laigse.

g scab.

G

f ruith, dhòrtad

h leus.

8 Agus amhaircidh an sagart air a' phlàigh ann an croicinn 'fheòla : agus an uair a bhios am fionnadh sa' phlàigh air tionndadh a gu bàn, agus a bhios a' phlàigh r'a faicinn ni's doimhne na croicinn 'fheòla ; is plàigh luibhre a th' ann : agus amhaircidh an sagart air, agus gairmidh e b neo-ghlan e.

4 Ach ma tha am ball soilleir ann an croicinn 'fheòla bàn, agus gun e bhi r'a fhaicinn ni's doimhne na 'n croicinn, agus gun 'fhionnadh bhi air tionndadh gu ban; an sin druididh an sagart a stigh *esan air am bheil* a' phlàigh seachd laithean.

5 Agus amhaircidh an sagart air, air an t-seachdamh là: agus feuch, ma tha phlàigh na shealladh air stad, agus gun a phlàigh bhi sgaoileadh sa' chroicinn; an sin druididh an sagart a stigh e seachd laithean eile.

6 Agus amhaircidh an sagart air a ris air an t-seachdamh là, agus feuch, ma bhios a' phlàigh càil-eigin dorch, agus nach 'eil a' phlàigh air sgaoileadh sa' chroicinn, gairmidh an sagart glan e: *cha 'n 'eil ann ach* guirein; agus nighidh e 'eudach, agus bithidh e glan.

7 Ach ma sgaoil an guirein gu mòr a mach sa' chroicinn, an dèigh dha bhi air 'fhaicinn leis an t-sagart a chum a ghlanaidh; chithear e ris leis an t-sagart.

8 Agus amhaircidh an sagart air, agus feuch, ma tha 'n guirein air sgaoileadh sa' chroicinn, an sin gairmidh an sagart e neo-ghlan: is luibhre a th' ann.

9 An uair a bhios plàigh luibhre air duine, an sin bheirear e chum an t-sagart:

10 Agus amhaircidh an sagart air: agus feuch, ma tha atadh bàn sa' chroicinn, agus gu'n do thionndaidh e am fionnadh gu ban, agus gu'm bheil feoil bheo dhearg san atadh:

11 Is seann luibhre a th'ann, ann an croicinn 'fheòla, agus gairmidh an sagart e neo-ghlan, agus cha druid e stigh e, oir tha e neo-ghlan.

12 Agus ma bhriseas luibhre gu mòr a mach sa' chroicinn, agus gu'n còmhdaich an luibhre croicinn an neuch air am bheil a' phlàigh uile o 'cheann gu 'throidh, ge b'e ball air an amhairc an sagart;

13 An sin bheir an sagart fa'near; agus feuch, ma chòmhdaich an

luibhre 'fheoil uile, gairmidh e *esan*, glan air am bheil a' phlàigh: thionndadh e uile gu bàn: *tha e glan*.

14 Ach an uair a bhios feoil dhearg r'a faicinn air, bithidh e neo-ghlan.

15 Agus amhaircidh an sagart air an fheoil dhearg, agus gairmidh e neo-ghlan e; oir tha 'n fheoil dhearg neo-ghlan: is luibhre a th' ann.

16 Ach ma thig an fheoil dhearg air ais a ris, agus gu'n tionndadh gu bàn i, thig e chum an t-sagart;

17 Agus amhaircidh an sagart air: agus feuch, ma tha phlàigh air tionndadh gu bàn, an sin gairmidh an sagart *esan glan air am bheil* a' phlàigh: *tha e glan*.

18 An fheoil mar an ceudna anns an robh, *eadhon* na croicinn, neascaid agus a leighiseadh,

19 Agus aig am bheil ann an àite na neascaid atadh bàn, no ball soilleir bàn, càil-eigin dearg, nochdare do'n t-sagart e;

20 Agus ma 'se 'nuair a chi an sagart e, feuch, gu'm bheil e r'a fhaicinn ni's doimhne na'n croicinn, agus 'fhionnadh air a thionndadh gu bàn; gairmidh an sagart neo-ghlan e: is plàigh luibhre a th' ann air briseadh a mach anns an neascaid.

21 Ach ma dh'amhairceas an sagart air, agus feuch, nach 'eil fionnadh bàn air bith ann, agus gun e ni's doimhne na'n croicinn, ach càil-eigin dorch; an sin druididh an sagart stigh e seachd laithean.

22 Agus ma tha e air sgaoileadh a mach gu mòr sa' chroicinn, an sin gairmidh an sagart e neo-ghlan; is plàigh a th'ann.

23 Ach ma tha 'm ball soilleir air stad na 'àite, gun e air sgaoileadh, is neascaid loisgeach a th'ann; agus gairmidh an sagart glan e.

24 No ma bhios feoil air bith ann, aig am bheil na croicinn losgadh teth, agus gu'm bi anns an fheoil bheo, a ta losgadh, ball bàn soilleir, càil-eigin dearg, no bàn;

25 An sin amhaircidh an sagart air; agus feuch, ma tha 'm fionnadh anns a' bhall shoilleir air tionndadh gu bàn, agus e r'a fhaicinn ni's doimhne na 'n croicinn; is luibhre a th'ann air briseadh a mach anns an losgadh: uime sin, gairmidh an sagart neo-ghlan e; is plàigh luibhre a th'ann.

26 Ach ma dh'amhairceas an sagart air, agus feuch nach 'eil fionnadh bàn air bith air a' bhall shoilleir, agus nach 'eil e ni's doimhne na'n croicinn eile, ach gu

a iompachadh, atharrachadh, eaochladh. b cuiridh e 'n cèill. c ni-eigin, raod-eigin. d cuibhrig, folaidh.

e feuchar, taisbeanar.

bheil e càil-eigin dorch; an sin druididh an sagart a stigh e seachd laithean.

27 Agus amhaircidh an sagart air air an t-seachdamh là, agus ma tha e air sgaoileadh a mach gu mòr sa' chroicinn, an sin gairmidh an sagart neo-ghlan e; is plàigh luibhre a th'ann.

28 Agus ma tha 'm ball soilleir air stad na 'àite, gun e air sgaoileadh sa' chroicinn, ach e càil-eigin dorch; is atadh o'n losgadh a th'ann, agus gairmidh an sagart glan e; oir is leannachadh a th'ann o'n losgadh.

29 Ma tha aig duine, no mnaoi plàigh air a' cheann, no air an fheusaig;

30 An sin amhaircidh an sagart air a' phlàigh; agus feuch, ma tha i r'a faicinn ni's doimhne na 'n croicinn, agus fionnadh tana buidhe innte; an sin gairmidh an sagart neo-ghlan e: is càrr thioram a th'ann, eadhon luibhre air a' cheann, no air an fheusaig.

31 Agus ma dh'amhairceas an sagart air plàigh na carra, agus feuch, nach 'eil i r'a faicinn ni's doimhne na 'n croicinn, agus nach 'eil fionnadh dubh sam bith innte; an sin druididh an sagart a stigh esan, air am bheil plàigh na carra, seachd laithean.

32 Agus amhaircidh an sagart air a' phlàigh air an t-seachdamh là, agus feuch, mur 'eil a' chàrr air sgaoileadh, agus nach 'eil fionnadh buidhe sam bith innte, agus nach 'eil a' chàrr r'a faicinn ni's doimhne na'n croicinn;

33 An sin bearrar e, ach a chàrr cha bhearr e: agus druididh an sagart a stigh esan, air am bheil a' chàrr, seachd laithean eile.

34 Agus air an t-seachdamh là amhaircidh an sagart air a' chàrr: agus feuch, mur 'eil a' chàrr air sgaoileadh sa' chroicinn, no r'a faicinn ni's doimhne na'n croicinn; an sin gairmidh an sagart glan e: agus nighidh e eudach, agus bithidh e glan.

35 Ach ma tha chàrr air sgaoileadh gu mòr sa' chroicinn an dèigh e aghlanaidh;

36 An sin amhaircidh an sagart air, agus feuch, ma tha chàrr air sgaoileadh sa' chroicinn, cha 'n iarr an sagart fionnadh buidhe: tha e neo-ghlan.

37 Ach ma tha chàrr na shealladh

<sup>2</sup> feargachadh, lasadh, teas.

<sup>3</sup> lomar. <sup>c</sup> an dèis.

air stad, agus ma tha fionnadh dubh air fàs suas innte; leighis-eadh a' chàrr, tha e glan: agus gairmidh an sagart glan e.

38 Ma bhios mar an ceudna aig duine, no aig mnaoi ann an croicinn am feòla buill shoilleir, eadhon buill bhàna shoilleir;

39 An sin amhaircidh an sagart: agus feuch, ma tha na buill shoilleir ann an croicinn nam feòla odhar-bhàn e, is leus<sup>f</sup> teas e air fàs sa' chroicinn: tha e glan.

40 Agus an duine aig am bheil a cheann air faileadh, tha e maol: gidheadh tha e glan.

41 Agus esan aig am bheil 'fhalt air faileadh do'n chuid sin d'a cheann tha leth r'a eudan, tha e maol-bhathaiseach: gidheadh tha e glan.

42 Agus ma tha na cheann maol, no na bhathais mhaol creuchd bhàn càil-eigin dearg; is luibhre a th'ann air fàs suas na cheann maol, no na bhathais mhaol.

43 An sin amhaircidh an sagart air; agus feuch ma tha atadh no creuchda bàn dearg na mhaol-cheann, no na mhaol-bhathais, mar a nochdar an luibhre ann an croicinn na feòla;

44 Is duine lobhrach e, tha e neo-ghlan: gairmidh an sagart e neo-ghlan gu h-iomlan; tha a' phlàigh na cheann.

45 Agus an lobhar air am bheil a phlàigh, reubar eudach, agus bithidh a cheann lomnochd, agus cuiridh e folach air a bhilg uachdraich: agus glao dhaidh e, Neo-ghlan, neo-ghlan.

46 Rè nan uile laithean a bhios a' phlàigh air, bithidh e salach; tha e neo-ghlan: gabhaidh e còmhuidh na aonar; an taobh a muigh do'n champ bithidh 'ionad tàimh.

47 An t-eudach mar an ceudna anns am bheil plàigh na luibhre, ma's eudach olla e, no ma's eudach lin e,

48 Ma's ann a tha i san dlùth, no san inneach, do lion, no dh'olainn, ma's ann an croicinn, no ann an ni sam bith deanta do chroicinn:

49 Agus ma tha phlàigh uaine no dearg i san eudach, no sa' chroicinn, aon chuid san dlùth no san inneach, no ann an ni sam bith deanta do chroicinn; is plàigh

<sup>d</sup> do leighiseadh. <sup>c</sup> dorch-bhàn.  
<sup>f</sup> pucoid. <sup>g</sup> lip. <sup>h</sup> 'sa'  
chur. <sup>i</sup> ro-uaine, no ro-dhearg.  
Eabh.

luibhre a th'ann, agus feuchara i do'n t-sagart.

50 Agus amhaircidh an sagart air a' phlàigh, agus druididh e stigh an ni anns a' bheil a' phlàigh, seachd laithean.

51 Agus amhaircidh e air a' phlàigh air an t-seachdamh là: ma tha phlàigh air sgaoileadh san eudach, aon chuid san dlùth no san inneach, no ann an croicinn, no ann an obair sam bith deanta do chroicinn; is luibhre chnàmhanach a' phlàigh: tha e neo-ghlan.

52 Loisgidh e, uime sin, an t-eudach, ma's dlùth no inneach, ann an olainn, no ann an lìon, no ni air bith deanta do chroicinn, anns a' bheil a' phlàigh: oir is luibhre chnàmhanach a th'ann; loisgear e san teine.

53 Agus ma dh'amhairceas an sagart, agus feuch, nach 'eil a' phlàigh air sgaoileadh san eudach, aon chuid san dlùth, no san inneach, no ann an ni sam bith deanta do chroicinn;

54 An sin àithnidh an sagart dhoibh an ni anns a' bheil a' phlàigh a nigheadh, agus druididh e stigh e seachd laithean eile.

55 Agus amhaircidh an sagart air a phlàigh an dèigh a nigheadh: agus feuch, mur do mhùth a' phlàigh a dath, agus mur do sgaoil a' phlàigh, tha e neo-ghlan; loisgidh tu san teine e: is cnàmhan an leth stigh e, ma's lom a stigh no muigh e.

56 Agus ma dh'amhairceas an sagart, agus feuch, gu bheil a' phlàigh càil-eigin dorcha an dèigh a nigheadh: an sin reubaidh e as an eudach i, no as a' chroicinn, no as an dlùth, no as an inneach.

57 Agus ma tha i r'a faicinn fathast san eudach, aon chuid san dlùth, no san inneach, no ann an ni air bith deanta do chroicinn; is plàigh sgaoilteach a th'ann: loisgidh tu le teine an ni anns a' bheil a' phlàigh.

58 Agus an t-eudach, ma's dlùth, no inneach e, no ni air bith deanta do chroicinn, a nigheas tu, ma chaidh a' phlàigh asda, an sin nigh-ear e an dara uair, agus bithidh e glan.

59 Is e so lagh plàigh na luibhre ann an eudach olla no lìn, anns an dlùth, no anns an inneach, no ann an ni sam bith deanta do chroicinnibh, cham a ghairm glan, no 'ghairm neo-ghlan.

a nochdar.

CAIB. XIV.

AGUS labhair an Tighearna ri Maois, ag ràdh,

2 Bithidh so na lagh do'n lobhar, ann an là a ghlanaidh: Bheirear e chum an t-sagairt;

3 Agus thèid an sagart a mach as a' champ; agus amhaircidh an sagart, agus feuch, ma leighiseadh plàigh na luibhre anns an lobhar;

4 An sin àithnidh an sagart gu'n gabhar air a shon-san, a tha gu bhi air a ghlanadh, dà eun bheo glan, agus fiodh seudair, agus scarlaid, agus hiosop.

5 Agus àithnidh an sagart gu marbhar aon do na h-eunaibh ann an soitheach creadha, os cionn uisge ruidh b.

6 A thaobh an eoin bheo, gabhaidh se e, agus am fiodh seudair, agus an scarlaid, agus an hiosop, agus tumaidh e iad agus an t-eun beo, ann am fuil an eoin a mbarbhadh os cionn an uisge ruidh,

7 Agus crathaidh e air-san a ta gu bhi air a ghlanadh o'n luibhre, seachd uairean, agus gairmidh e glan e, agus leigidh e as an t-eun beo air agtaidh na machrach.

8 Agus nighidh esan, a ta gu bhi air a ghlanadh 'eudach, agus bearraidh e dheth 'fhionnadh uile, agus nighidh se e féin ann an uisge, chum gu'm bi e glan: agus na dhéigh sin thig e steach do'n champ, agus fanaidh e mach as a' bhùth seachd laithean.

9 Ach air an t-seachdamh là, bearraidh e falt a chinn uile agus 'fheusag, agus mailghean a shùl, eadhon 'fhionnadh uile bearraidh e dheth: agus nighidh e 'eudach; nighidh e mar an ceudna 'fheoil ann an uisge, agus bithidh e glan.

10 Agus air an ochdamh là gabhaidh e dà uan fhirionn gun ghaoid, agus aon uan bainionn do'n cheud bhliadhna gun ghaoid, agus tri deich earannan c do phlùr min mar thabhartas-bidh, measgta le h-oladh, agus aon log d' ola.

11 Agus nochdaidhe an sagart, a ni glan e, an duine a ta r'a ghlanadh, agus na nithe sin an làthair an Tighearna, aig doras pàilliuin a' choimhthionail:

12 Agus gabhaidh an sagart aon uan firionn, agus bheir e seachad e mar lobairt-ensaontais, agus an log ola, agus luaisgidh e iad mar thabh-

b ruidh uisge, fìor uisge; uisge beo. Eabh. c codacha. d tomhas tri ckeithreanna plànte Shasgonaich. e tuisbeanaidh.



artas luaisgte, am fianuis an Tigh-earna.

13 Agus marbhaidh e 'n t-uan anns an aite, sam marbh e 'n iobairt-pheacaidh agus an iobairt-loisgte, anns an ionad naomha: oir mar is leis an t-sagart an iobairt-pheacaidh, is amhuil sin an iobairt-eusaontais: *tha i ro naomha.*

14 Agus gabhaidh an sagart *cuid* do fhuil na h-iobairt-eusaontais, agus cuiridh an sagart *i* air bàrr cluaise deise an neach a ta r'a ghlanadh, agus air ordaig a làimhe deise, agus air ordaig a chois deise.

15 Agus gabhaidh an sagart *cuid* do'n log ola, agus dòirtidh e i ann an glaic a làimhe clithe féin.

16 Agus tumaidh an sagart a mheur deas san oladh, *a ta* na làimh chli, agus crathaidh e *cuid* do'n ola le 'mheur, seachd uairean an làthair an Tighearna.

17 Agus do'n chuid eile do'n oladh *a ta* na làimh, cuiridh an sagart air bàrr cluaise deise an neach a ta r'a ghlanadh, agus air ordaig a làimhe deise, agus air ordaig a chois deise, air fuil na h-iobairt-eusaontais.

18 Agus fuigheall na h-ola, *a ta* an làimh an t-sagairt, dòirtidh e air ceann an neach a ta r'a ghlanadh; agus ni an sagart réite air a shon am fianuis an Tighearna.

19 Agus iobraidh an sagart an iobairt-pheacaidh, agus ni e réite air a shonsan, *a ta* r'a ghlanadh o 'neo-ghloine, agus na dhéigh sin marbhaidh e'n iobairt-loisgte.

20 Agus bheir an sagart seachad an iobairt-loisgte, agus an tabhartas-bidh air an altair: agus ni an sagart réite air a shon, agus bithidh e glan.

21 Agus ma *tha* e bochd, agus nach urrainn e na h-uiread fhaghail a; an sin gabhaidh e aon uan *chum* iobairt-eusaontais gu bhi air a luasgadh, a dheanamh réite air a shon, agus aon deicheadh earrann b do phlùr min measga le h-ola, mar thabhartas-bidh, agus log ola:

22 Agus dà thurtur, no dà choluman òga, mar is urrainn e c fhaghail; agus bithidh fear dhiubh na iobairt-pheacaidh, agus am fear eile na iobairt-loisgte.

23 Agus bheir e iad air an ochdamh là, air sòn a ghlanaidh, *chum* an t-sagairt, gu dorus pàilluin a'

*a fhaigheil, fhaotainn.* b *cuid.* c *mar a thig leis; ni air an ruig a làmh.* Eabh.

choimhthionail, an làthair an Tighearna.

24 Agus gabhaidh an sagart uan na h-iobairt-eusaontais, agus an log ola, agus luaisgidh an sagart iad mar thabhartas-luaisgte an làthair an Tighearna.

25 Agus marbhaidh e uan na h-iobairt-eusaontais, agus gabhaidh an sagart *cuid* do fhuil na h-iobairt-eusaontais, agus cuiridh e i air bàrr cluaise deise an fhir, a ta r'a ghlanadh, agus air ordaig a làimhe deise, agus air ordaig a chois deise.

26 Agus dòirtidh an sagart *cuid* do'n oladh ann an glaic a làimhe clithe féin.

27 Agus crathaidh an sagart le 'mheur deas *cuid* do'n oladh, *a ta* na làimh chli, seachd uairean am fianuis an Tighearna.

28 Agus cuiridh an sagart *cuid* do'n oladh *a ta* na làimh, air bàrr cluaise deise an fhir, a ta r'a ghlanadh, agus air ordaig a làimhe deise, agus air ordaig a chois deise, air ionad fola na h-iobairt-eusaontais.

29 Agus a' chuid eile do'n oladh, *a ta* an làimh an t-sagairt, cuiridh e air ceann an fhir, a ta r'a ghlanadh, a dheanamh réite air a shon am fianuis an Tighearna.

30 Agus iobraidh e fear do na turtuir, no do na columain òga, mar is urrainn e fhaghail.

31 *Eadhon* an ni is urrainn e fhaghail, fear mar iobairt-pheacaidh, agus am fear eile mar iobairt-loisgte, maille ris an tabhartas-bidh. Agus ni an sagart réite air a shon-san, *a ta* r'a ghlanadh, am fianuis an Tighearna.

32 So lagh an *fhir* anns a' *bheil* plàigh na luibhre, neach nach ruig a làmh air an *ni sin a bhuineas d'a* ghlanadh.

33 Agus labhair an Tighearna ri Maois, agus ri h-Aaron, ag ràdh,

34 An uair a thig sibh do thir Chanaain, a bheir mise dhuibh mar sheilbh, agus a chuireas mi plàigh luibhre ann an tigh fearainn bhur seilbh;

35 Agus gu'n d' thig esan d' am buin an tigh agus gu'n innis e do'n t-sagart, ag ràdh, A réir mo bharaisa, tha mar gu'm bu plàigh luibhre san tigh:

36 Agus sin àithnidh an sagart dhoibh an tigh fhalmhachadh d mun d' théid an sagart *a stigh ann a* dh'fhaicinn na plàigh; *chum* nach deanar gach ni *a tha* san tigh neo-ghlan; agus na dhéigh sin théid an

d *fhàgail falamh.*

sagart a steach a dh'fhaicinn an tighe.

37 Agus amhaircidh e air a' phlàigh, agus feuch, *ma bhios a' phlàigh* ann am ballaibh an tighe, le stiallaibh doimhne <sup>a</sup>, càil-eigin uaine no dearga, a *tha* r'am faicinn <sup>b</sup> ni's isle na 'm balla;

38 An sin thèid an sagart a mach as an tigh gu dorus an tighe, agus bheir e fanear an tigh a dhùnadh suas seachd laithean.

39 Agus thig an sagart a ris air an t-seachdamh là, agus amhaircidh e: agus feuch, *ma bhios a' phlàigh* air sgaoileadh ann am ballaibh an tighe;

40 An sin àithnidh an sagart iad a thoirt air falbh nan clach, anns a' *bheil* a' phlàigh, agus tilgidh iad ann an àite neo-ghlan iad an taobh a mach do'n bhaile.

41 Agus bheir e fanear an tigh a sgriobadh air an taobh a stigh m'an cuairt, agus tilgidh e iad a mach an dusbhach a sgriobas iad deth, an taobh a muigh do'n bhaile gu àite neo-ghlan.

42 Agus gabhaidh iad clachan eile, agus cuiridh iad ann an àite nan clach ud *iad*; agus gabhaidh e criadh <sup>d</sup> eile, agus còmhdaichidh e thairis e an tigh *leatha*.

43 Agus ma thig a' phlàigh a ris, agus *ma* bhriseas i mach san tigh, an déigh dha na clachan a thoirt air falbh, agus an déigh dha 'n tigh a sgriobadh, agus an déigh dha a chòmhdachadh thairis *le criadh*;

44 An sin thig an sagart agus amhaircidh e, agus feuch, ma tha phlàigh air sgaoileadh san tigh, *is* luibhre chnàmhain i san tigh; *tha* e neo-ghlan.

45 Agus brisidh e sìos an tigh, a ehlachan, agus 'fhiodh, agus criadh an tighe uile: agus bheir e fanear an giùlan a mach as a' bhaile gu h-ionad neo-ghlan.

46 Agus bithidh esan, a thèid a stigh do'n tigh rè na h-ùine a dhruidear suas e, neo-ghlan gu feasgar.

47 Agus nighidh esan a luidheas anns an tigh 'eudach: agus nighidh esan, a dh'itheas san tigh, 'eudach.

48 Agus ma thèid an sagart a stigh, agus gu'n amhairc e *air*, agus feuch, cha do sgaoil a' phlàigh san tigh, an déigh an tigh a chòmhdachadh thairis;

an sin gairmidh an sagart an tigh glau, a chionn gu'n do leighiseadh a' phlàigh.

49 Agus gabhaidh e chum an tigh a ghlanadh dà eun, agus fiodh seud-air, agus scarlaid, agus hiosop.

50 Agus marbhaidh e fear do na h-eunaibh ann an soitheach creadha, os cionn uisge ruidh.

51 Agus gabhaidh e am fiodh seudair, agus an hiosop; agus an scarlaid, agus an t-eun beo, agus tumaidh e iad ann am fuil an eoin, a chaidh mharbhadh, agus anns an uisge ruidh; agus crathaidh e air an tigh seachd uaire.

52 Agus glanaidh e an tigh le fuil an eoin, agus leis an uisge ruidh, agus leis an eun bheo, agus leis an fhiodh sheudair, agus leis an hiosop, agus leis an scarlaid.

53 Ach leigidh e as an t-eun beo an taobh a mach do'n bhaile, air aghaidh na machrach, agus ni e réite air son an tighe: agus bithidh e glan.

54 So an lagh air son gach gnè do phlàigh luibhre, agus do chàrr,

55 Agus air son luibhre eudaich, agus air son tighe,

56 Agus air son ataidh, agus air son guirein, agus air son buill shoilleir:

57 A theagasg c'uin a *bhios e* neo-ghlan, agus c'uin a *bhios e* glan: *is e so* lagh na luibhre.

#### CAIB. XV.

**A** GUS labhair an Tighearna ri Maois, agus ri h-Aaron, ag ràdh,

2 Labhraibh ri cloinn Israell, agus abraibh riu, 'Nuair a bhios aig duine sam bith silteach o 'fheoil, air son a shiltich *bithidh e* neo-ghlan.

3 Agus is e so a neo-ghloine na shilteach: ma shilcas 'fheoil a mach a sileadh, no ma dhùinear 'fheoil suas o shilteach, *is e so* a neo-ghloine.

4 Gach leabhadh air an luidh esan air am bheil silteach, bithidh i neo-ghlan: agus gach ni air an suidh e, bithidh e neo-ghlan.

5 Agus gach neach a bheanas r'a leabaidh, nighidh e 'eudach, agus ionnailidh se *e fèin* ann an uisge, agus bithidh e neo-ghlan gu feasgar.

6 Agus esan a shuidheas air ni sam bith, air an do shuidh neach air am bheil silteach, nighidh e 'eudach, agus ionnailidh se *e fèin* ann an uisge, agus bithidh e neo-ghlan gu feasgar.

7 Agus esan a bheanas ri feoi

<sup>a</sup> claisichte.

<sup>b</sup> 'san amharc.

<sup>c</sup> dòirtidh. Eabh.

<sup>d</sup> làthach,

<sup>e</sup> creuch; mortar. Sasg.

<sup>e</sup> spair-

tidh; plaister. Sasg.

neach air am bheil silteach, nigheadh e 'eudach, agus ionnailidh se *e féin* ann an uisge, agus bithidh e neo-ghlan gu feasgar.

8 Agus ma thilgeas esan, air am bheil silteach, smugaidh a' ta glan, an sin nighidh e 'eudach agus ionnailidh se *e féin* ann an uisge, agus bithidh e neo-ghlan gu feasgar.

9 Agus gach dìollaid, air am marcaich esan air am bheil silteach, bithidh i neo-ghlan.

10 Agus gach neach a bheanas ri ni sam bith a bha fuidhe, bithidh e neo-ghlan gu feasgar: agus esan a ghiùlaineas a *h-aon air bith do* na nithibh sin, nighidh e 'eudach, agus ionnailidh se *e féin* ann an uisge, agus bithidh e neo-ghlan gu feasgar.

11 Agus gach neach ris am bean esan air am bheil silteach, agus nach d'ionnail a làmban ann an uisge, nighidh e 'eudach agus ionnailidh se *e féin* ann an uisge, agus bithidh e neo-ghlan gu feasgar.

12 Agus an soitheach creada, ris am bean esan air am bheil silteach, brisear e: agus gach soitheach fiodha, nighear ann an uisge e.

13 Agus an uair a ghlanar esan, air am bheil silteach, o 'shilteach; an sin àirmhidh e dha féin seachd laithean air son a ghlanaidh, agus nighidh e 'eudach, agus ionnailidh e 'fheoil ann an uisge ruidh, agus bithidh e glan.

14 Agus air an ochdamh là gabhaidh e dha féin dà thurtur, no dà choluman òga, agus thig e an làthair an Tighearna, gu dorus pailliuin a' choimhthionail, agus bheir e iad do'n t-sagart.

15 Agus iobraidh a' an sagart iad, a h-aon diubh mar iobairt-pheacaidh, agus an t-aon eile mar iobairt-loisgte; agus ni an sagart réite air a shon an làthair an Tighearna a thaobh a shiltich.

16 Agus ma dh'fhalbhas a shìol-ginidh o dhuine air bith, an sin nighidh e 'fheoil uile ann an uisge, agus bithidh e neo-ghlan gu feasgar.

17 Agus gach eudach, agus gach eroiceionn air am bi an sìol-ginidh, nighear e ann an uisge, agus bithidh e neo-ghlan gu feasgar.

18 Mar an ceudna a' bhean leis an luidh fear le sìol-ginidh, nighidh iad *araon iad féin* ann an uisge, agus bithidh iad neo-ghlan gu feasgar.

19 Agus an uair a bhios silteach air mnaoi, agus gur fuil a bhios na

silteach na feoil, seachd laithean cuirear air leth i: agus gach neach a bheanas rithe, bithidh e neo-ghlan gu feasgar.

20 Agus gach ni air an luidh 'nuair a chuirear air leth i, bithidh e neo-ghlan: gach ni mar an ceudna air an suidh i, bithidh e neo-ghlan.

21 Agus gach neach a bheanas r'a leabaidh, nighidh e eudach, agus ionnailidh se *e féin* ann an uisge, agus bithidh e neo-ghlan gu feasgar.

22 Agus gach neach a bheanas ri ni sam bith air an do shuidh i, nighidh e eudach, agus ionnailidh se *e féin* ann an uisge, agus bithidh e neo-ghlan gu feasgar.

23 Agus ma bhios e air a leabaidh, no air ni sam bith air an suidh i, 'nuair a bheanas e ris, bithidh e neo-ghlan gu feasgar.

24 Agus ma luidheas fear sam bith maille rithe, agus gu'm bi a fuil-mìos air, bithidh e neo-ghlan seachd laithean, agus bithidh gach leabadh air an luidh e, neo-ghlan.

25 Agus an uair a bhios a silteach fola air mnaoi mòran do laithibh, cha 'n ann an àm a dealachaidh, no ma shileas e an déigh *am* a dealachaidh, bithidh uile laithean silidh a neo-ghloine, mar laithean a dealachaidh: bithidh i neo-ghlan.

26 Gach leabadh air an luidh i rè uile laithean a siltich, bithidh i dh'i mar leabaidh a dealachaidh: agus gach ni air an suidh i, bithidh e neo-ghlan, a réir neo-ghloine a dealachaidh.

27 Agus gach neach a bheanas ris na nithibh sin, bithidh e neo-ghlan; agus nighidh e eudach, agus ionnailidh se *e féin* ann an uisge, agus bithidh e neo-ghlan gu feasgar.

28 Ach ma ghlanar i o 'silteach, an sin àirmhidh i dh'i féin seachd laithean, agus an déigh sin bithidh i glan:

29 Agus air an ochdamh là gabhaidh i dh'i féin dà thurtur, no dà choluman òga, agus bheir i iad a dh'ionnsuidh an t-sagart, gu dorus pailliuin a' choimhthionail:

30 Agus iobraidh an sagart a h-aon *diubh* mar iobairt-pheacaidh, agus an t-aon *eile* mar iobairt-loisgte; agus ni an sagart réite air a son an làthair an Tighearna, air son siltich a neo-ghloine.

31 Mar so dealachidh sibh clann Israeil o'n neo-ghloine, eum as nach bàsaich iad nan neo-ghloine,

'nuair a thruailleas<sup>a</sup> iad mo phàill-  
liun-sa, a *ta* nam measg.

32 Is e so lagh an *fhir* air am  
bheil silteach, agus an *fhir* sin aig  
an d' théid a shìol uaithe, agus a  
shalàichear leis;

33 Agus na mnà a bhios gu tinn  
ann an àm a dealachaidh, agus an  
neach sin air am bi silteach, an  
*fhir*, agus na mnà, agus an duine  
sin a luidheas leatha-sa ta neo-  
ghlan.

CAIB. XVI.

**A** GUS labhair an Tighearna ri  
Maois an deigh bàis dhithis  
mhac Aaroin, an uair a thug iad  
seachad tabhartas ann làthair an  
Tighearna, agus a bhàsaich iad:

2 Agus thubhairt an Tighearna ri  
Maois, Labhair ri h-Aaron do  
bhràthair, a chum nach d' théid e  
anns gach àm a steach do'n *ionad*  
naomha an taobh a stigh do'n roinn-  
bhrat, ann làthair cathair-na-tròcair,  
a *ta* air an àirc; a chum nach  
bàsaich e: oir foillsichidh<sup>b</sup> mise  
mi féin ann an neul air cathair-na-  
tròcair.

3 Mar so. théid Aaron a steach  
do'n *ionad* naomha: le tarbh òg  
chum iobairt-pheacaidh, agus reithe  
chum iobairt-loisgte.

4 An còta anairt naomha cuiridh  
e air, agus bithidh na brigisean  
anairt aige air 'fheoil, agus leis a'  
chrios anairt criosraichidh se e féin,  
agus an crùn-anairt cuiridh e air:  
is éididh naomha iad sin; air an  
aobhar sin ionnailidh e 'fheoil ann  
an uisge, agus cuiridh e air iad.

5 Agus o choimhthionail chloinn  
Israeil gabhaidh e dà bhoc o na  
gabhràidh chum iobairt-pheacaidh,  
agus aon reithe chum iobairt-  
loisgte.

6 Agus bheir Aaron seachad tarbh  
na h-iobairt-pheacaidh a *bhios* air a  
shon féin: agus ni e réite air a shon  
féin, agus air son a thighe.

7 Agus gabhaidh e an dà bhoc-  
gaibhre, agus nochdaidh e iad an  
làthair an Tighearna, aig doras  
pàilliuin a' choimhthionail.

8 Agus tilgidh Aaron croinn<sup>d</sup> air  
an dà bhoc; aon chrann air son an  
Tighearna, agus crann eile air son  
a' bhuic, a théid as.

9 Agus bheir Aaron leis am boc,  
air an do thuit an crann air son an  
Tighearna, agus iobraidh se e mar  
iobairt-pheacaidh.

10 Ach am boc, air an do thuit an

crann gu'n leigte as e, nochdar beo  
e an làthair an Tighearna, gu réite  
a dheanamh leis, chum a leigeadh  
as saor do'n fhasach.

11 Agus bheir Aaron leis tarbh  
na h-iobairt-pheacaidh, a *bhios* air  
a shon féin, agus ni e réite air a  
shon féin, agus air son a thighe:  
agus marbhaidh e tarbh na h-iobairt-  
pheacaidh, a *bhios* air a shon  
féin.

12 Agus gabhaidh e tùisear làn a  
dh'eibhligh teine o'n altair ann  
làthair an Tighearna, agus làn a  
ghlac do thùis dheagh-bholaidh  
prònnta gu min, agus bheir e 'n  
taobh a stigh do'n roinn-bhrat e.

13 Agus cuiridh e an tùis air an  
teine ann làthair an Tighearna,  
chum gu'n comhdaich neul na tùise  
cathair-na-tròcair, a *ta* air an  
fhianuis, agus nach faigh e bàs.

14 Agus gabhaidh e do fhuil an  
tairbh, agus crathaidh e i le 'mheur  
air cathair-na-tròcair chum na  
h-àird an ear: agus fa chomhair  
cathair-na-tròcair crathaidh e do'n  
fhuil seachd uairean le 'mheur.

15 An sin marbhaidh e boc-  
gaibhre na h-iobairt-pheacaidh, a  
*bhios* air son an t-sluaigh, agus  
bheir e 'fhuil an taobh a stigh do'n  
roinn-bhrat, agus ni e r'a fhuilsan  
mar a rinn e ri fuil an tairbh, agus  
crathaidh e i air cathair-na-tròcair,  
agus fa chomhair cathair-na-tròc-  
air.

16 Agus ni e réite air son an  
*ionaid* naomha, thaobh neo-ghloine  
chloinn Israeil, agus a thaobh an  
seachranac nam peacannaibh gu  
léir: agus mar so ni e air son pàil-  
liuin a' choimhthionail, a ta chomh-  
nuidh maille riu, ann am meadhon  
an neo-ghloine.

17 Agus duine sam bith cha bhi  
ann am pàilliuin a' choimhthionail,  
an uair a théid e dheanamh réite  
san *ionad* naomha, agus an d' thig e  
mach, agus gu bheil e air deanamh  
réite air a shon féin, agus air son  
a thighe f, agus air son uile  
choimhthionail Israeil.

18 Agus théid e mach a dh'ionn-  
suidh na h-altarach, a *ta* am fianuis  
an Tighearna, agus ni e réite air a  
son; agus gabhaidh e do fhuil an  
tairbh, agus do fhuil a' bhuic, agus  
cuiridh e i air adhaircibh na h-altar-  
ach m'an cuairt.

19 Agus crathaidh e oirre do'n  
fhuil le 'mheur seachd uairean,  
agus glanaidh e i, agus naomhaich-

<sup>a</sup> mhi-naomhaicheas. <sup>b</sup> tais-  
beanaidh. <sup>c</sup> dà mheann.  
<sup>d</sup> crannchur.

<sup>e</sup> eusaontais. <sup>f</sup> a theagh-  
laich.



idh e i o neo-ghloine chloinn Israeil.

20 Agus an uair a bhios e air deanamh réite<sup>a</sup> air son an ionaid naomha, agus air son páilliúin a' choimhthionail, agus air son na h-altarach, bheir e leis am bocgaibhre beo:

21 Agus cuiridh Aaron a dhà làimh air ceann a' bhuic bheo, agus aidichidh e os a chionn uile lochda chloinn Israeil, agus an uile sheach-rana<sup>b</sup> nam peacannaibh gu léir, agus cuiridh e iad air ceann a' bhuic, agus cuiridh e air falbh e le làimh duine iomchuidh do'n fhásach.

22 Agus giùlainibh am bocgaibhre air féin an lochda gu léir gu fearann air leth<sup>c</sup>: agus leigidh e air falbh am boc san fhásach.

23 Agus théid Aaron a steach do pháilliun a' choimhthionail, agus cuiridh e dheth an éididh anairt, a ehuir e air an uair a chaidh e steach do'n ionad naomha, agus fágaidh e 'n sin i.

24 Agus ionnailidh e 'fhéoil ann an uisge san ionad naomha, agus cuiridh e air 'éididh, agus thig e mach, agus iobraidh e 'lobairt-uisgte féin, agus iobairt-loisgte an t-sluaigh; agus ni e réite air a shon féin agus air son an t-sluaigh.

25 Agus saill na h-iobairt-pheacaidh loisgidh e air an altair.

26 Agus esan a leig as am bocgaibhre mar bhoc saor, nighidh e eudach, agus ionnailidh e 'fhéoil ann an uisge; agus na dhéigh sin théid e do'n champ.

27 Agus an tarbh air son na h-iobairt-pheacaidh, agus am bocgaibhre air son na h-iobairt-pheacaidh, d'an d'fhugadh am fuil a steach a chum réite a dheanamh san ionad naomha, bheirear a mach iad an taobh a muigh do'n champ; agus loisgidh iad san teine an croicinn, agus am feoil, agus an aolach.

28 Agus esan a loisgeas iad, nighidh e 'eudach, agus ionnailidh e 'fhéoil ann an uisge, agus na dhéigh sin théid e do'n champ.

29 Agus bithidh so dhuibh na ordugh gu siorruidh: Anns an t-seachdamh mhios, air an deicheamh lá do'n mhios, irioslaichidh sibh bhur n-anaman, agus obair sam bith cha dean sibh, aon ckuid

a' nuair a chuireas e críoch air réite dheanamh. Eabh. <sup>b</sup> eucarta. <sup>c</sup> gu fearann neo-ditichte. <sup>d</sup> crádhaidh. Eabh.

esan, a tha do mhuinntir bhur dúthcha féin, no 'n coigreach, a ta air cluairt nar measg:

30 Oir air an lá sin ni an sagart réite air bhur son, chum bhur glanadh o bhur peacannaibh gu léir ann láthair an Tighearna glanar sibh.

31 Bithidh e na shábaid támh dhuibh, agus irioslaichidh sibh bhur n-anaman, le ordugh siorruidh.

32 Agus ni an sagart, a dh'nnagas e, agus a choisrigeas e gu frithealadh ann an áite athar, an réite: agus cuiridh e air an éididh anairt, eadhon an truscan naomha.

33 Agus ni e réite air son an ionaid ro naomha, agus air son páilliúin a' choimhthionail, agus air son na h-altarach ni e réite; mar an ceudna air son nan sagart, agus air son uile shluaigh a' choimhthionail ni e réite.

34 Agus bithidh so dhuibh na ordugh siorruidh, chum réite a dheanamh air son chloinn Israeil, as leth am peacanna gu léir aon uair sa' bhliadhna. Agus rinn e mar a dh'áithn an Tighearna do Mhaois.

#### CAIB. XVII.

**A**GUS labhair an Tighearna r Maois, ag rãdh,

2 Labhair ri h-Aaron, agus r'a mhic, agus ri cloinn Israeil uile, agus abair riu, So an ni a dh'áithn an Tighearna, ag rãdh,

3 Ge b'e duine air bith do thigh Israeil, a mharbhas tarbh no uan, no gabhar anns a' champ, no mharbhas e mach as a' champ,

4 Agus nach d' thoir e gu doras páilliúin a' choimhthionail, gu tabhartas a thoirt seachad do'n Tighearna air beulaobhe páilliúin an Tighearna, cuirear fuil as leth an duine sin, dhoirt e fuil; agus gearrar as an duine sin o mheasg a shluaigh:

5 Chum as gu'n d' thoir clann Israeil an iobairtean, a dh'obras iad a muigh sa' mhachair f, eadhon gu'n d' thoir iad a chum an Tighearna iad, gu doras páilliúin a' choimhthionail a dh'ionnsuidh an t-sagart, agus gu'n iobair iad mar iobairtean-sith iad do'n Tighearna.

6 Agus crathaidh an sagart an fhuil air altair an Tighearna, aig doras páilliúin a' choimhthionail, agus loisgidh e 'n t-saill a chum fáile cùbhraidh do'n Tighearna.

7 Agus cha 'n iobair iad ni's me e fa chomhair. f air aghaidh an fhearainn. Eabh.

An lobairtean do dhiabholaibh, as dèigh an deachaidh iad le striopachas: Bithidh son na reachd dhoibh gu slorruidh air feadh an ginealach.

8 Agus their thu riu, Ge b'e duine air bith do thigh Israeil, no do na coigrich, a bhios air chuairt 'nar measg, a bheir seachad tabhartas-loisgte no lobairt,

9 Agus nach d' thoir e gu dorus pàilliuin a' choimhthionail, a chum 'lobradh do'n Tighearna: gearrar eadhon an duine sin as o mheasg a shluaigh.

10 Agus ge b'e duine do thigh Israeil, no do na coigrich, a ta air chuairt 'nar measg, a dh'itheas gnè sam bith fola; cuiridh mise mo ghnùis an aghaidh an anama sin a dh'itheas fuil, agus gearraidh mi as e o mheasg a shluaigh.

11 Oir tha beatha na feòla san fhuil, agus thug mi dhuibh i air an altair, a dheanamh réite air son bhur n-anamanna: oir is i an fhuil a ni réite air son an anama.

12 Uime sin thubhairt mi ri cloinn Israeil, Cha 'n ith anam sam bith agaibh fuil, ni mò a dh'itheas an coigreach fuil, a bhios air chuairt 'nar measg.

13 Agus ge b'e duine air bith do chloinn Israeil, no do na coigrich, a bhios air chuairt 'nar measg, a ni sealg agus a ghlacas beathach, no eun a dh'fheudar itheadh; dòirtidh e mach 'fhuil, agus còmhdaichidh a e le duslach i.

14 Oir is i beatha gach uile fheòla a fuil; tha i air son beatha dh'i: uime sin thubhairt mi ri cloinn Israeil, Cha 'n ith sibh fuil feòla sam bith; oir is i beatha gach feòla a fuil: gach neach a dh'itheas i, gearrar as e.

15 Agus gach anam a dh'itheas an ni a bhàsaicheas *dheth féin*, no a reubadh *le fiadh-bheathaichibh*, (ma's neach e a rugadh 'nar tìr féin, no coigreach) nighidh e eudach, agus ionnailidh se *e féin* ann an uisge, agus bithidh e neo-ghlan gu feasgar: an sin bithidh e glan.

16 Ach mur nigh se e, agus mur ionnail e 'fheoil; an sin giùlainidh e 'aingidheachd.

#### CAIB. XVIII.

**A**GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, Is mise an Tighearna bhur Dia.

3 A réir gnìomhara tìr na h-Eiphit,

a folaichaidh.

anns an robh sibh a chòmhnuidh, cha dean sibh: agus a réir gnìomhara tìr Chanaain gus am bheir mise 'gar tabhairt, cha dean sibh: ni mo a ghluaiseas sibh nan orduighibh.

4 Ni sibh mo bhreitheanais, agus gleidhidh sibh m'orduighean, gu gluasad annta: Is mise an Tighearna bhur Dia.

5 Uime sin, gleidhidh sibh mo reachdan agus mo bhreitheanais; nìthe ma ni duine, bithidh e beo annta: Is mise an Tighearna.

6 Cha d' thig a h-aon agaibh am fagus a dh'aon neach a ta d'òth dha ann an dàimh, a chum a nàire a leigeadh ris: Is mise an Tighearna.

7 Nochd b' t'athar, no nochd do mhàthar, cha leig thu ris: is i do mhàthair i, cha leig thu ris a nochd.

8 Nochd mnà t'athar, cha leig thu ris: is e nochd t'athar e.

9 Nochd do peathar, nighinn t'athar, no nighinn do mhàthar, co dhiubh a rugadh i aig an tigh, no rugadh a mach i, eadhon an nochd-san, cha leig thu ris.

10 Nochd nighinn do mhic, no nighinn do nighinn, eadhon an nochd-san, cha leig thu ris: oir is e an nochd-san do nochd féin.

11 Nochd nighinn mnà t'athar, a ghineadh le t'athair, (is i do phiuthar i) cha leig thu ris a nochd-sa.

12 Cha leig thu ris nochd peathar t'athar: is i ban-charaid ro dhìleas t'athar i.

13 Cha leig thu ris nochd peathar do mhàthar: oir is i ban-charaid ro dhìleas do mhàthar i.

14 Cha leig thu ris nochd bràthar t'athar, cha d' thig thu 'm fagus d'a mhnaoi: is i bean bhràthar t'athar i.

15 Cha leig thu ris nochd do bhan-chleamhna; is i bean do mhic i, cha leig thu ris a nochd.

16 Cha leig thu ris nochd mnà do bhràthar: is e nochd do bhràthar e.

17 Cha leig thu ris nochd mnà agus a h-ighinn, ni mò a ghabhas tu nigean a mic, no nigean a h-ighinn, a chum a nochd a leigeadh ris; oir is iad a ban-chairde dilse iad: is aingidheachd e.

18 Ni mò a ghabhas tu bean maille r'a phiuthair, a chum a buaireadh d, a leigeadh ris a nochd, a thuilleadh air an té eile, am feadh is beo i.

19 Mar an ceudna cha d' thig thu 'm fagus do mhnaoi a leigeadh

b lomnochduidh, nàire. c in-ghinn. d brosnuchadh, cràdh.

ris a nochd, an uair a chuirear air leth i air son a neo-ghloine.

20 Agus cha luidh thu gu collaidh le mnaoi do choimhearsnaich, a chum thu féin a thruaillleadh leatha.

21 Agus cha leig thu le neach air bith do d' shliochd dol tre 'n teine do Mholech, ni mò a mhi-naomhaicheas tu ainm do Dhé: *Is mise an Tighearna.*

22 Cha luidh thu le firionnach mar le bainionnach: is gràineil-eachd e.

23 Ni mò a luidheas tu le h-ainmhidh sam bith gu d' thruaillleadh féin leis: ni mò a sheasas bean sam bith roimh ainmhidh gu luidhe slos da: is amhluaadh<sup>a</sup> e.

24 Na truailibh sibh féin ann an aon sam bith do na nithibh sin; oir anns na nithibh sin uile thruaill na cinnich sin iad féin, a thilgeas mise mach romhaibh.

25 Agus shalacheadh am fearann: uime sin leanaidh mi aingidheachd air, agus sgeithidh am fearann féin a mach a luchd-àiteachaidh.

26 Uime sin, gleidhidh sibh mo reachdan agus mo bhreitheanas, agus cha dean sibh a h-aon air bith do na gràinealachdaibh sin; aon chuid neach sam bith d'ar cinneach féin, no coigreach a bhios air chuairt 'nar measg:

27 (Oir na gràinealachda sin uile rinn daoine na duthcha, à bha romhaibh, agus tha 'm fearann air a thruaillleadh.)

28 Chum nach sgeith am fearann sibhse mach mar an ceudna, 'nuair a thruaillleas sibh e, mar a sgeith e mach na cinnich a bha romhaibh.

29 Oir ge b'e neach a ni h-aon air bith do na gràinealachdaibh ud, eadhon na h-anaman, a ni iad, gearrar as iad o mheasg an sluaigh.

30 Uime sin, gleidhidh sibh m'orduighean, a chum nach dean sibh a h-aon air bith do na gnàthannaibh gràineil ud, a rinneadh romhaibh, agus nach truail sibh sibh féin anna: *Is mise an Tighearna bhur Dia.*

## CAIB. XIX.

**A** GUS labhair an Tighearna ri Maois, ag ràdh,

2 Labhair ri coimhthional chloinn Israeil uile, agus abair riu, Bithibh naomha: oir a ta mise an Tighearna bhur Dia naomha.

3 Bitheadh eagal bhur màthar agus bhur n-athar air gach duine agaibh, agus gleidhibh mo shà-

baidean: *Is mise an Tighearna bhur Dia.*

4 Na rachaibh a thaobh gu h-iodholaibh, agus na deanaibh diathan<sup>b</sup> leaghta dhuibh féin: *Is mise an Tighearna bhur Dia.*

5 Agus ma dh'ìobras sibh ìobairt-thabhartasan-sith do'n Tighearna, iobraidh sibh i d'ar toil féin.

6 San là sin féin, anns an ìobair sibh i, ithear i, agus air an là màir-each: agus ma mhaireas a' bheag dh'i gus an treas là, loisgear san teine e.

7 Agus ma dh'ithear e idir air an treas là, is gràineil e; cha ghabhar e.

8 Uime sin, gach neach a dh'ith-eas e, giùlainidh e 'aingidheachd, a chionn gu'n do mhi-naomhaich e ni coisrigte an Tighearna: agus gearrar an t-anam sin as o 'shluagh.

9 Agus an uair a bhuaineas sibh foghar bhur fearainn, cha bhuain thu gu buileach oisinnan t-achaidh, ni mò a chruinnicheas tu dioghluim<sup>c</sup> t-fhogharaidh.

10 Agus cha tur-lom thu t'fhionlios<sup>d</sup>, ni mò a chruinnicheas tu uile fhion-dhearca t'fhionlios; do'n bkoched agus do'n choigreach fàgaidh tu iad: *Is mise an Tighearna bhur Dia.*

11 Cha ghoid sibh, ni mò a ni sibh breuge, no mheallas aon agaibh a chèile.

12 Agus cha mhionnaich sibh air m'ainm-sa gu breugach, ni mò a mhi-naomhaicheas tu ainm do Dhé: *Is mise an Tighearna.*

13 Cha dean thu foirneart fair do choimhearsnach, ni mò a ni thu reubainn air: cha'n fhan duais an fhir-thuasadail maille riut rè na h-oidhche gu maduinn.

14 Cha mhallaich thu 'm bodhar, agus roimh 'n dall cha chuir thu ceap-tuislidh, ach bithidh eagal do Dhé ort: *Is mise an Tighearna.*

15 Cha dean sibh eucoir sam bith ann am breitheanas; cha bhi suim agad do ghnùis an duine bhoched, ni mò a bheir thu onoir do ghnùis an duine chumhachdaich: ann an ceartas bheir thu breth air do choimhearsnach.

16 Cha d'théid thu m'an cuairt mar fhear-tuailish am measg do shluaigh; ni mo a sheasas tu an

<sup>b</sup> dèe.

<sup>c</sup> seasgana.

<sup>d</sup> lom

thu gu buileach t'-fhlon-ghàradh.

<sup>e</sup> a dh'àicheadhas. Eabh.

<sup>f</sup> eu-

coir, feall, cealg.

<sup>g</sup> phearsa.

<sup>h</sup> fhear cùl-chàineadh, fhear inn-seadh sgeoil.

<sup>a</sup> aimplisg; confusion. Sasg.

aghaidh fola do choimhearsnaich :  
*Is mise an Tighearna.*

17 Cha bhi fuath agad do d' bhràthair ann ad chridhe : air gach aon chor cronaichidh tu do choimhearsnach, agus cha'n fhuiling thu peacadh air.

18 Cha dean thu dioghaltas, ni mo bhios falachd agad ri cloinn do shluaigh, ach gràdhaidh tu do choimhearsnach mar thu féin : *Is mise an Tighearna.*

19 Gleidhidh sibh mo reachda : Cha leig thu le d' spréidh siolach adh le gné eile : Cha chuir thu t'fhearann le siol measgta : ni mò a chuirear umad eudach measgta do olaínn agus do lion.

20 Agus ge b'e neach a luidheas gu collaidh le mnaoi, a ta na bantairí fuidh cheangal-pòsaidh aig fear, agus nach d'fhuasgladh idir, ni mò a thugadh saorsa dh'i ; sgiùrsar i : cha chuirear gu bas iad, a chionn nach robh i saor.

21 Agus bheir e lobairt-eusaontais do'n Tighearna, gu doras pàilliuin a' choimhthionail, *eadhon* reithe mar lobairt-eusaontais.

22 Agus ni an sagart réite air a shon le reithe na h-iobairt-eusaontais ann làthair an Tighearna, air son a pheacaidh a rinn e : agus mathar dha a pheacadh a rinn e.

23 Agus an uair a thig sibh do'n fhearann, agus a shuidhicheas sibh gach gné chraobh air son bith ; an sin measaidh sibh an toradh mar ni neo-thimchioll-gbearrta : tri bliadhnan bithidh e dhuibh mar ni neo-thimchioll-gbearrta : cha'n ithear dheth.

24 Ach air a' cheathramh bliadhna bithidh a thoradh uile naomha ehum clia do'n Tighearna.

25 Agus air a' chùigeadh bliadhna ithidh sibh d'a thoradh, chum as gu'n d' thoir e a chinneas d'uibh : *Is mise an Tighearna bhur Dia.*

26 Cha'n ith sibh *ni sam bith* leis an fhuil : ni mò a ghnáthaicheas sibh druaidheachd, no sheallas sibh air amannaibh e.

27 Cha bhearr sibh m'an cuairt oisinnean bhur ceann, ni mo a mhillas tu oisinnean t'fheusaig.

28 Cha dean sibh gearradh sam bith 'nar seoil air son nam marbh ; ni mò a chaireas sibh comhara sam bith oirbh : *Is mise an Tighearna.*

29 Na truail do nighean a thoirt air bhi na striopaich : a chum as

nach d' thoir am fearann gu striopachas, agus nach lìonar an dùthaich le h-aingidheachd.

30 Gleidhidh sibh mo shàbaidean, agus bheir sibh urram do m'ionaid naomha : *Is mise an Tighearna.*

31 Na biodh suim agaibh dhiabhsan aig am bheil leannain-sith, agus na iarraibh a dh'ionnsuidh luchd-fiosachd, gu bhi air bhuir truailleadh leo : *Is mise an Tighearna bhur Dia.*

32 An làthair a' chiann léith éiridh tu suas, agus bheir thu urram do ghnùis an duine aosda, agus bithidh eagal do Dhé ort : *Is mise an Tighearna.*

33 Agus ma bhios eogreach air chuairt maille riut 'nar tìr, cha bhuir sibh gu cruaidh ris.

34 Mar neach a rugadh 'nar measg bithidh dhuibhse ancoigreach, a ta air chuairt maille ribh, agus gràdhaidh tu e mar thu féin ; oir bha sibh féin 'nar coigrich ann an tìr na h-Eiphit : *Is mise an Tighearna bhur Dia.*

35 Cha dean sibh eucoir sam bith ann am breitheanas, ann an slait-thombais, ann an cudthrom, no ann an tomhas.

36 Meidhean ceartas, clachatombais cearta, ephah cheart, agus hin cheart bithidh agaibh : *Is mise an Tighearna bhur Dia a thug sibhse mach a tìr na h-Eiphit.*

37 Uime sin, gleidhidh sibh mo reachdan uile, agus mo bheitheanasais uile, agus ni sibh iad : *Is mise an Tighearna.*

#### CAIB. XX.

**A**GUS labhair an Tighearna ri Maois, ag ràdh,

2 A ris their thu ri cloinn Israeil, Ge b'e air bith e do chloinn Israeil, no do na coigrich, a ta air chuairt ann an Israeil, a bheir a' bheag d'a shliochd do Mholech ; enirear gu cinnteach gu bàs e, clachaidh sluagh na dùthcha e le clachaibh.

3 Agus cuiridh mise mo ghnùis an aghaidh an duine sin, agus gearraidh mi as e o mbeasga shluaigh : a chionn gu'n d' thug e d'a shliochd do Mholech a shalachadh m'ionaid naomha-sa, agus a thruailleadh m'ainm naomha.

4 Agus ma dh'fholaicheas sluagh na dùthcha air chor sam bith an sùilean o'n duine sin, an uair a bheir e d'a shliochd do Mholech, agus nach marbh iad e ;

5 An sin cuiridh mise mo ghnùis

a mlo-run. b le seòrsaibh  
eugsamkuil. c 'fhas. d fìorachd.  
e manailh.

f spiorada fàistineachd.  
g Toimhean fìrinneach.



an aghaidh an duine sin, agus an aghaidh a theaghlach, agus gearraidh mi as e, agus iadsan uile, a théid le striopachas na dhéigh, a dheanamh striopachais le Molech, o mheasg an sluaigh.

6 Agus an t-anam a théid a thaobh a dh'ionnsuidh minnútir aig am bheil leannain-sith, agus a dh'ionnsuidh luchd-fiosachd, gu dol le striopachas nan déigh, cuiridh mise moghnúis an aghaidh an anama sin, agus gearraidh mi as e o mheasg a shluaigh.

7 Naomhaichibh sibh féin uime sin, agus bithibh naomha: oir is mise an Tighearna bhur Dia.

8 Agus gleidhibh sibh mo reachdan, agus ní sibh iad: *Is* mise an Tighearna a naomhaicheas sibh.

9 Oir gach neach a mhallaicheas 'athair no 'mhàthair, cuirear gu cinnteach gu bás e: mhallaich e 'athair no 'mhàthair; *bithidh* 'fhuil air féin.

10 Agus an duine a ní adhaltrannas re mnaoi fir *eile*, *eadhon esan* a ní adhaltrannas re mnaoi a choimhearsnaich, cuirear an t-adhaltrannach agus a' bhan-adhaltrannach gu cinnteach gu bás.

11 Agus an duine a luidheas le mnaoi 'athar, leig e ris nochd 'athar: cuirear gu cinnteach le chéile gu bás iad; *bithidh* am fuil orra féin.

12 Agus ma luidheas duine le mnaoi a mhic, cuirear gu deimhin le chéile gu bás iad: dh'oibrich iad amhluaidh: *bithidh* am fuil orra féin.

13 Mar an ceudna ma luidheas duine le fear, mar a luidheas e le mnaoi, rinn iad le chéile gràinealachd: cuirear gu cinnteach gu bás iad; *bithidh* am fuil orra féin.

14 Agus ma ghabhas duine *d'a ionnsuidh* bean agus a màthair, is aingidheachd e: loisgear le teine iad, eadhon esan agus iadsan; a chum as nach bi aingidheachd 'nar measg.

15 Agus ma luidheas duine le h-ainmhidh, cuirear gu cinnteach gu bás e: agus marbhaidh sibh an t-ainmhidh.

16 Agus ma thig bean am fagus a dh'ainmhidh sam bith, agus gu'n luidh i sìos da, marbhaidh tu a' bhean agus an t-ainmhidh: cuirear gu cinnteach gu bás iad; *bithidh* am fuil orra féin.

17 Agus ma ghabhas duine a phiuthar, nighean 'athar no nigh-eán a màthair, agus gu'm faic e a

nochd, agus gu'm faic ise a nochd-san; is ní maslach b e; agus gearrar as iad ann an sealladh an sluaigh e: leig e ris nochd a pheathar, giùlainidh e 'aingidheachd.

18 Agus ma luidheas duine le mnaoi agus a tinneas oirre, agus gu'n leig e ris a nochd: leig e ris a tobar, agus leig ise ris tobar a fola; agus gearrar as le chéile iad o mheasg an sluaigh.

19 Agus cha leig thu ris nochd peathar do mhàthar, no peathar t'athar: oir tha e rùsgadh fheòla féin: giùlainidh iad an aingidheachd.

20 Agus ma luidheas duine le mnaoi bhràthar 'athar, leig e ris nochd bhràthar 'athar; giùlainidh iad am peacadh, gheibh iad bàs gun chloinn.

21 Agus ma ghabhas duine bean a bhràthar, is ní neo-ghlan e: leig e ris nochd a bhràthar, bithidh iad gun chloinn.

22 Uime sin, gleidhibh sibh mo reachdan uile, agus mo bhreitheanas uile, agus ní sibh iad; a chum as nach dean am fearann, g'am bheil mi 'gar tabhairt gu còmhuidh a ghabhail ann, bhur sgeith a mach.

23 Agus cha ghluais sibh ann an gnàthannaibh nan cinneach, a *ta* mise tilgeadh a mach romhaibh: oir rinn iadsan na nithe sin uile, agus, uime sin, ghabh mi gràin diubh.

24 Ach thubhairt mi ribhse, Sealbhaichidh sibh am fearann, agus bheir mi dhuibh e chum a shealbhadh, fearann a ta sruthadh le bainne agus le mil: *Is* mise an Tighearna bhur Dia, a dhealaich sibhse o gach sluagh *eile*.

25 Cuiridh sibh, uime sin, eadar-dhealachadh eadar bheathaichibh glana agus neo-ghlana, agus eadar eunlaith neo-ghlan agus ghlán; agus cha dean sibh bhur n-anmanna gràineil le beathach no le h-eun, no le gné air bith *do ní beo*, a shnáigeas air an talamh, a sgar mise uaibh mar neo-ghlan.

26 Agus bithidh sibh naomha dhomhsa: oir a *ta* mise an Tighearna naomha, agus dhealaich mi sibhse o gach sluagh *eile*, chum as gu'm bu leam *féin* sibh.

27 Bean no duine mar an ceudna, aig am bheil leannan-sith, no bhios re fiosachd, cuirear gu deimhin gu

b aingidh. c ann an suimibh  
nithac an sluaigh. Eabh. d reach-  
daibh, orduighibh. Eabh.

a aingisg, eas-ordugh.

bàs iad: clachaidh iad le clachaibh iad; *bithidh* am fuil orra féin.

CAIB. XXI.

**A**GUS thubhairt an Tighearna ri Maois, Labhair ris na sagairt, mic Aaroin, agus abair riu, Air son nam marbh cha salaichear neach sam bith *dhibh* am measg a shluaigh.

2 Ach air son a dhilseana, a ta 'm fagus da, *eadhon* air son a mhàthar, agus air son 'athar, agus air son a mhic, agus air son a nighinn, agus air son a bhràthar,

3 Agus air son a pheathar, a ta 'na h-òigh, a ta 'm fagus da, aig nach robh fear-pòsda; air a sonsa feudaidh e bhi air a shalachadh.

4 *Ach* cha salaich se e féin, *air bhi dha* 'na dhuine urramach<sup>b</sup> am measg a shluaigh, gu thruaillleadh féin.

5 Cha dean iad maoile air an ceann<sup>c</sup>, agus oisinn am feusaig cha bhearr iad, ni mò a ni iad gearradh 'nam feoil;

6 Bithidh iad naomha d'an Dia, agus cha truail iad ainm an Dé: oir tha iad a' toirt seachad tabhartais an Tighearna, a bheirear suas le teine, agus arain an Dé; uime sin, bithidh iad naomha.

7 Cha ghabh iad bean a ta na striopaich, no mi-naomhad; ni mò a ghabhas iad bean a chuireadh air falbh o'fear: oir *tha* e naomha d'a Dhia.

8 Uime sin, naomhaichidh tu e, oir tha e toirt seachad arain do Dhé, bithidh e naomha dhuit: oir *tha* mise an Tighearna naomha, a ta 'gar naomhachadh.

9 Agus ma thruaillleas nighean sagairt air bith i féin le striopachas a dheanamh, tha i truailleadh a h-athar: loisgear le teine i.

10 Agus esan a tha 'na ard shagart o mheasg a bhràithrean, neach a dhoirteadh an ola naomha air a cheann, agus a choisrigeadh a chur na h-éididhe uime, cha rùisg e cheann, ni mò a reubas e 'eudach.

11 Ni mò théide steach a dh'ionn-suidh cuirp mhairbh sam bith: air son 'athar no air son a mhàthar cha salaich se e féin.

12 Agus as an ionad naomha cha d' théid e mach, ni mò a thruaillleas e onad naomha Dhé; oir *a ta* crùn

<sup>a</sup> *shedla féin*. Eabh. <sup>b</sup> 'na ard dhuine. <sup>c</sup> *Cha mhaolaich iad an ceann le spionadh an gruaige.* <sup>d</sup> *air a truailleadh.* <sup>e</sup> *an truscain naomha.*

oladh-ungaidh a Dhé air: *Is* mise an Tighearna.

13 Agus gabhaidh e bean na maighdeanas.

14 Bantrach no bean a chuireadh air falbh o 'fear, no bean mhi-naomha, no striopach; iad sin cha ghabh e: ach òigh d'a shluaigh féin gabhaidh e mar mhnai.

15 Agus cha truail e a shliochd am measg a shluaigh: oir *a ta* mise an Tighearna ga naomhachadh.

16 Agus labhair an Tighearna ri Maois, ag ràdh,

17 Labhair ri h-Aaron, ag ràdh, Ge b'e air bith e do d' shliochd nan ginealachaidh, anns am bi gaoid<sup>f</sup> sam bith, na d' thigeadh e 'm fagus a thoirt seachad arain a Dhé:

18 Oir ge b'e air bith duine anns am bi gaoid, cha d' thig e 'm fagus: duine dall, no bacach, no aig am bheil sròn leachdach, no ni sam bith a thuilleadh air a' chòir.

19 No duine aig am bi cos bhriste no làmh bhriste,

20 No crotach, no na throich, no aig am bheil leus<sup>g</sup> air a shùil, no air am bheil càrrh, no cloimh<sup>h</sup>, no aig am bheil a chlochan brùite:

21 Cha d' thig duine sam bith do shliochd Aaroin an t-sagairt, anns am bheil gaoid, am fagus a thoirt seachad tabhartasan an Tighearna, a bheirear suas le teine: *tha* gaoid ann, cha d' thig e 'm fagus a thoirt seachad arain a Dhé

22 Ithidh e aran a Dhé, *araon* do'n *aran* ro naomha, agus naomha.

23 Ach an taobh a steach do'n roinn-bhrat cha d' théid e, ni mò thig e 'm fagus do'n altair, a chionn gu *bheil* gaoid ann; a chum nach truail e m'ionad naomha: oir *a ta* mise an Tighearna 'gan naomhachadh.

24 Agus dh'innis Maois so do Aaron agus d'a mhic, agus do chloinn Israeil uile.

CAIB. XXII.

**A**GUS labhair an Tighearna ri Maois, ag ràdh,

2 Labhair ri h-Aaron, agus r'a mhic, iad 'gan sgaradh féin o nithibh naomha chloinn Israeil, agus gun iad a thoirt easonoir do m'ainm naomhasa, anns na *nithibh sin* a naomhaicheas iad dhomh; *Is* mise an Tighearna.

3 Abair riu, Ge b'e air bith e d'ar sliochd uile am measg bhar gineal-

<sup>f</sup> *ciurram*, aineamh. <sup>g</sup> *ball geal*. <sup>h</sup> *tachas tioram; scurvey*. Sasg. <sup>i</sup> *sgriobach; am fealan.* <sup>l</sup> *a thruaillleadh.*

ach, a théid a dh'ionnsuidh nan nithe naomha, a naomhaicheas clann Israeil do'n Tighearna, agus a neo-ghloine air, gearrar as an t-anam sin as mo làthair: *Is mise an Tighearna.*

4 Ge b'e air bith an duine do shliochd Aaroin, a ta na lobhar, no air am bheil siltcach a, cha 'n ith e do na nithibh naomha gus am bi e glan. Agus ge b'e bheanas ri ni air bith a ta neo-ghlan leis a' mharbh, no duine aig am bheil a shiol a' dol uath:

5 No ge b'e bheanas ri ni air bith a shnáigeas, leis an deanar neo-ghlan c, no ri duine o'm faigh e neo-ghloine, ge b'e air bith neo-ghloine a bhios air.

6 An t-anam a bheanas ri h-aon air bith d'an leithidibh sin, bithidh e neo-ghlan gn feasgar, agus cha 'n ith e do na nithibh naomha, mur nigh e 'fheoil le h-uise.

7 Agus an uair a théid a' ghrian sìos, bithidh e glan, agus an déigh sin ithidh e do na nithibh naomha, a chionn gur e a bhiadh e.

8 An ni sin a bhàsaicheas leis féin, no a reubar le *fiadh-bheath-aichibh*, cha 'n ith e 'ga shalchadh féin leis: *Is mise an Tighearna.*

9 Gleidhidh iad uime sin m'ordugh, an t-eagal gu'n giùlain iad peacadh air a shon, agus uime sin gu'm faigh iad bàs, ma thruailleas iad e: Tha mise an Tighearna 'gan naomhachadh.

10 Cha 'n ith coigreach sam bith do'n ni naomha: cha 'n ith fear-cuairt c an t-sagairt, no seirbhis-each tuarasdail do'n ni naomha.

11 Ach ma cheannaicheas an sagart duine le 'airgiod, ithidh e deth, agus esan a rugadh na thigh: ithidh iad d'a bhiadh.

12 Agus ma bhios nighean an t-sagairt *pòsda* ri coigreach, cha 'n fheadh i thead do thabhartas nan nithe naomha.

13 Ach ma bhios nighean an t-sagairt na bantraich, no dealaichte *ra fear*, agus gun sliochd aice, agus i air pilltin gu tigh a h-athar, mar na h-òige, ithidh i do bhiadh a h-athar; ach cha 'n ith coigreach sam bith dheth.

14 Agus ma dh'itheas duine do'n ni naomha gun fhios da, an sin cuiridh e an cuigeadh *cuid* deth ris, agus bheir e do'n t-sagart e, *maille ris* an ni naomha.

15 Agus cha truaill iad nithe

a *creuchd shilteach.* b *m'fhaire.*  
eil-thireach, aoidhe, aithnichinn.

naomha chloinn Israeil, a bheir iad suas do'n Tighearna.

16 Ni mò a leigeas iad leo cionta an eusaontais a ghiùlan an uair a dh'itheas iad an nithe naomha; oir a ta mise an Tighearna 'gan naomhachadh.

17 Agus labhair an Tighearna ri Maois, ag ràdh,

18 Labhair ri h-Aaron agus r'a mhic, agus ri cloinn Israeil uile, agus abair riu, Ge b'e air bith e do thigh Israeil, no do na coigreach-aibh ann an Israel, a bheir seachad a thabhartas air son a bhòidean uile, no air son a shaor thabhartas-an uile a bheir iad seachad do'n Tighearna chum iobairt-loisgte:

19 *Bheir sibh seachad* d'ar toil féin *beathach* firionn gun ghaoid o'n bhuar, do na caoraich, no do na gabhraibh.

20 *Ach* ge b'e air bith ni anns am bi gaoid, *sin* cha d' thoir sibh seachad: oir cha ghabhar air bhur son e.

21 Agus ge b'e air bith e a bheir seachad iobairt thabhartasan-sith do'n Tighearna, a choimblionadh a bhòid, mar thabhartas saor-thoil, do'n bhuar, no do na caoraich d, bithidh e iomlan, a chum as gu'n gabhar ris: cha bhi gaoid sam bith ann.

22 Dall, no briste, no ciurramach, no air am bi fiodhe, no càrrf, no cloimh, cha d' thoir sibh seachad iad sin do'n Tighearna, ni mò a bheir sibh tabhartas dhiubh a bheir-eas suas le teine air an altair do'n Tighearna.

23 Aon chuid tarbh, no uan aig am bi ni sam bith thar a' chòir, no dh'uireasbhuidh na bhallaibh: sin feudaidh tu thoirt seachad *mar* shaor - thabhartas; ach air son bòide g cha ghabhar ris.

24 Ni sam bith a ta brùite, no pronnta, no reubta h, no gearrta, cha d' thoir sibh seachad do'n Tighearna; agus cha 'n iobairt sibh e 'nar tir.

25 Agus o làimh coigrich cha d' thoir sibh seachad aran bhur Dé do h-aon diubh sin; a chionn *gu'm bheil* an truailidheachd anna, *agus gu'm bheil* gaoidean anna: cha ghabhar riu air bhur son.

26 Agus labhair an Tighearna ri Maois, ag ràdh,

27 'Nuair a bheir tarbh, no caora, no gabhar, an sin bithidh e

d do'n mheanbh spreidh. e ven.  
Sasg. f *scurvy.* Sasg. g mòide.  
h briste. cha dean. Eabh.

seachd laithean fuidh 'mhàthair, agus o'n ochdamh là agus a sin suas, gabhar ris mar thabhartas a bheirear suas le teine do'n Tighearna.

28 Agus ma's-bò, no caora bhios ann, cha mharbh sibh i féin agus a h-òg san aon là.

29 Agus an uair a dh'ìobras sibh iobairt-bhuidheachais do'n Tighearna, iobraidh sibh i d'ar toil féin.

30 Air an là sin féin ithear suas i, cha 'n fhàg sibh a' bheag dhith gu maduinn: Is mise an Tighearna.

31 Air an aobhar sin gleidhidh sibh m'aitheanta, agus ni sibh iad: Is mise an Tighearna.

32 Agus cha trèail sibh m'ainm naomha-sa, agus bithidh mi air mo naomhachadh am measg chloinn Israeil. Is mise an Tighearna, a ta 'gar naomhachadh,

33 A thug a mach sibh a tìr na h-Eiphit gu bhi a'm' Dhia agaibh: Is mise an Tighearna.

CAIB. XXIII.

**A**GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, A thaobh fèisdean an Tighearna, a ghairmeas sibh a bhi nan coimhghairmibh naomha, is iad eadhon sin m'fheisdean-sa.

3 Sè laithean nithear obair, ach san t-seachdamh là bithidh sàbaid fois, coimhghairm naomha: obair sam bith cha dean sibh air: is e sàbaid an Tighearna e 'nar n-àitibh-còmhnuidh uile.

4 Is iad sin fèisdean an Tighearna, eadhon coimhghairmean naomha, a ghairmeas sibh nan amannaibh féin:

5 Anns a' cheud mhìos, air a' cheathramh là deug do'n mhìos air feasgar, bithidh càisg an Tighearna.

6 Agus air a chùigeadh là deug do'n mhìos sin féin bithidh fèisdean arain neo-ghoirtichte do'n Tighearna: seachd laithean ithidh sibh aran neo-ghoirtichte.

7 Air a' cheud là bithidh coimhghairm naomha agaibh: obair thràilleil sam bith cha dean sibh air.

8 Ach bheir sibh seachad tabhartas a bheirear suas le teine do'n Tighearna seachd laithean: air an t-seachdamh là bithidh coimhghairm naomha: obair thràilleil sam bith cha dean sibh air.

9 Agus labhair an Tighearna ri Maois, ag ràdh,

10 Labhair ri cloinn Israeil, agus abair riu, 'Nuair a thig sibh a dh'ionnsuidh an fhearainn, a bheir mise dhuibh, agus a bhuaineas sibh 'Thoghar, an sin bheir sibh sguab do cheud thoradh bhur fogharaidh dh'ionnsuidh an t-sagairt:

11 Agus luaisgidh e 'n sguab an làthair an Tighearna, chum gu'n gabhar rithe air bhur son: air an là màireach an déigh na sàbaid luaisgidh an sagart i.

12 Agus iobraidh sibh air an là sin an uair a luaisgeas sibh an sguab, uan fìrionn gun ghaid, do'n cheud bhliadhna, mar iobairt-loisgte do'n Tighearna.

13 Agus is e a thabhartas-bidh dà dheicheamh earrann do phlùr min measgta le h-ola, tabhartas a bheirear suas le teine do'n Tighearna chum fàile cùbhraidh: agus bithidh a thabhartas-dibhe do fhion, an ceathramh cuid do hia.

14 Agus cha 'n ith sibh aran, no gràn cruadhaichte, no diasa glasa, gus an là sin féin anns an d' thoir sibh tabhartas a chum bhur Dé: bithidh e na reachd bith-bhuan air feadh bhur ginealach, 'nar n-àitibh-còmhnuidh uile.

15 Agus àirmhidh sibh dhuibh féin o'n là màireach an déigh na sàbaid, o'n là san d' thug sibh leibh sguab an tabhartais-luaisgte: bithidh seachd sàbaidean iomlan ann:

16 Eadhon gus an là màireach an déigh na seachdamh sàbaide, àirmhidh sibh leth-cheud là, agus bheir sibh seachd nuadh thabhartas-bidh do'n Tighearna.

17 Bheir sibh leibh as bhur n-àitibh-còmhnuidh dà bhuillionn luaisgte, do dhà dheicheamh earrann; bithidh iad do phlùr min, fuinear iad le taois ghoirt, bithidh iad nan ceud thoradh do'n Tighearna.

18 Agus bheir sibh seachad maille ris an aran seachd uan gun ghaid, do'n cheud bhliadhna, agus aon tarbh òg, agus dà reithe: bithidh iad nan iobairt-loisgte do'n Tighearna, maille r'an tabhartas-bidh, agus an tabhartais-dibhe, eadhon tabhartas a bheirear suas le teine dh'fhàile cùbhraidh do'n Tighearna.

19 An sin iobraidh sibh aon mheann do na gabhraibh mar iobairt-pheacaidh, agus dà uan do'n cheud bhliadhna mar iobairt-thabhartasan-sith.

a fèillean, laithean fèille.

b shaoithreachail.



20 Agus luaisgidh an sagart iad maille ri aran a' cheud toraidh, *mar* thabhartas-luaisgte an làthair an Tighearna, maille ris an dà uan: bithidh iad naomha do'n Tighearna chum an t-sagairt.

21 Agus gairmidh sibh air an là sin féin, *a chum as gu'm bi e na* choimhghairm naomha dhuibh: obair thràilleil sam bith cha dean sibh air: *Bithidh e na* reachd slorruidh 'nar n-àitibh-còmhnuidh uile air feadh bhur ginealach.

22 Agus an uair a bhuaineas sibh foghara bhur fearainn, cha ghearr thu gu buileach oisinnean t'achaidh, 'nuair a bhuaineas tu, ni mò a thionailas tu dioghluim t-fhogharaidh: fàgaidh tu iad do'n bhoichd agus do'n choigreach: *Is mise an* Tighearna bhur Dia.

23 Agus labhair an Tighearna ri Maois, ag ràdh,

24 Labhair ri cloinn Israeil, ag ràdh, San t-seachdamh mios, air a' cheud là do'n mhios, bithidh sàbaid agaibh, cuimhneachan shéideadh thrompaideanb, coimhghairm naomha.

25 Obair thràilleil sam bith cha dean sibh air; ach bheir sibh seachad tabhartas, a bheirear suas le teine do'n Tighearna.

26 Agus labhair an Tighearna ri Maois, ag ràdh,

27 Mar an ceudna air an deich-eamh là do'n t-seachdamh mios so, *bithidh là* réite; bithidh e na choimhghairm naomha dhuibh, agus cràdhaidh sibh bhur n-anmanna e, agus bheir sibh seachad tabhartas a bheirear suas le teine do'n Tighearna.

28 Agus obair sam bith cha dean sibh air an là cheudna; air is là réite e dheanamh réite air bhur son an làthair an Tighearna bhur Dé.

29 Oir ge b'e anam nach bi fa chràdh san là sin féin, gearrar as e o mheasg a shluaigh.

30 Agus gach anam a ni obair sam bith air an là cheudna, an t-anam sin féin sgriosaidh mise o mheasg a shluaigh.

31 Obair sam bith cha dean sibh: *bithidh e na* reachd slorruidh air feadh bhur ginealach a 'nar n-àitibh-còmhnuidh uile.

32 *Bithidh e* dhuibh na shàbaid fois, agus cràdhaidh sibh bhur n-anmanna air an naothadh là do'n mhios air feasgar: o fheasgar gu

feasgar cumaidh sibh bhur sàbaid.

33 Agus labhair an Tighearna ri Maois, ag ràdh,

34 Labhair ri cloinn Israeil, ag ràdh, Air a' chùigeadh là deug do'n t-seachdamh mios so *bithidh féisd* nam pàilliond rè sheachd laithean do'n Tighearna.

35 Air a' cheud là *bithidh* coimhghairm naomha: obair thràilleil sam bith cha dean sibh air.

36 Seachd laithean bheir sibh seachad tabhartas, a bheirear suas le teine do'n Tighearna: air an ochdamh là bithidh coimhghairm naomha agaibh, agus bheir sibh seachad tabhartas a bheirear suas le teine do'n Tighearna; is ard choimhthional e; obair thràilleil sam bith cha dean sibh air.

37 Is iad sin féisdean an Tighearna, a ghairmeas sibh *gu bhi* nan coimhghairmibh naomha, a thoirt seachad tabhartais a bheirear suas le teine do'n Tighearna tabhartas-loisgte, agus tabhartas-bidh, iobairt, agus tabhartasan-dibhe, gach ni air a là féin;

38 A thuilleadh air sàbaidibh an Tighearna, agus a thuilleadh air bhur tiodhlacaibh, agus a thuilleadh air bhur bòidibh uile, agus a thuilleadh air bhur saor-thabhartais uile, a bheir sibh do'n Tighearna.

39 Mar an ceudna air a chùigeadh là deug do'n t-seachdamh mios, an uair a chruinnicheas sibh a stigh toradh an fhearainn, cumaidh sibh féisd do'n Tighearna seachd laithean: air a' cheud là *bithidh sàbaid e*, agus air an ochdamh là *bithidh sàbaid*.

40 Agus gabhaidh sibh dhuibh féin, air a' cheud là, measg chraobh àluinn, gengan chrann pailm, agus gengan chraobh tiugh, agus seil-each an t-sruthain; agus ni sibh gairdeachas an làthair an Tighearna bhur Dé seachd laithean.

41 Agus cumaidh sibh e na fhéisd do'n Tighearna seachd laithean sa bhliadhna: *bithidh e na* reachd slorruidh air feadh bhur ginealach; cumaidh sibh e san t-seachdamh mios.

42 Ann am pàillionaibh gabhaidh sibh còmhnuidh seachd laithean: gabhaidh gach gon, a rugadh na Israelach, còmhnuidh ann am pàillionaibh;

a foghara. b stoc, adharc. c cuiridh sibh bhur 'n anmanna fa àmhghar,

d féill nam bùth. e fois, tàmh. Eabh. f meanglain. g bùth-aibh.

43 A chum as gu'ma bi fios aig bhur ginealaich gu'n d'thug mise air cloinn Israeil còmhnuidh ghabhail ann am pàillionaibh, 'nuair a thug mi mach iad a tìr na h-Eiphit: *Is mise an Tighearna bhur Dia.*

44 Agus chuir Maois an cèill do chloinn Israeil fèisdean an Tighearna.

CAIB. XXIV.

**A** GUS labhair an Tighearna ri Maois, ag ràdh,

2 Aithn do chloinn Israeil iad a thoirt a' t'ionnsuidh oladh fìor-ghlan a' chroinn-olaidh, brùite air son an t-soluis, a thoirt air na lòchrair lasadh an còmhnuidh.

3 An taobh a muigh do bhrat na fianuis, ann am pàillion a' choimhthionail, orduichidh Aaron e o fheasgar gu maduinn, an làthair an Tighearna an còmhnuidh: *bithidh e na reachd sìorruidh air feadh bhur ginealacha.*

4 Orduichidh e na lòchrair air a' choinnleir fìor-ghlan an làthair an Tighearna an còmhnuidh.

5 Agus gabhaidh tu plùr min, agus fuinidh tu dà bhreacaig dheug dheth: dà dheicheamh earrann bithidh ann an aon bhreacaig.

6 Agus suidhichidh tu iad ann an dà shreath, se ann an sreath, air a' bhòrd fìor-ghlan an làthair an Tighearna.

7 Agus cuiridh tu tùis fìor-ghlan air *gach* sreath, a chum as gu'm bi i air an aran mar chuimhneachan, *eadhon* tabhartas a bheirear suas le teine do'n Tighearna.

8 Gach aon là sàbaid cuiridh e 'n ordugh e an làthair an Tighearna an còmhnuidh, *air a ghabhail* o chloinn Israeil le coimheangal sìorruidh.

9 Agus is le Aaron agus a mhic e, agus ithidh iad e san ionad naomha; oir *a ta* e ro naomha dha, do thabhartasaibh an Tighearna a bheirear suas le teine, le reachda bithbhuan.

10 Agus chaidh mac ban-Israelich, aig an *robh* Eiphiteach na athair, a mach am measg chloinn Israeil: agus bha mac na ban-Israelich agus duine do Israel a comhstri' sa' champ.

11 Agus mhaslaich<sup>b</sup> mac na ban-Israelich ainm an *Tighearna*, agus mhallach e: agus thug iad gu Maois e, (agus *b'e* ainm a mhàthar Selomit, nighean Dhibri, do thréibh Dhan;)

<sup>a</sup> *lagh, ordugh.*  
Eabh.

<sup>b</sup> *dh'ainmich.*

12 Agus chuir iad an làmh e, chum gu'n nochdtadh dhoibh inn-tinn an Tighearna.

13 Agus labhair an Tighearna ri Maois, ag ràdh,

14 'Hoir a mach esan a mhallach an taobh a muigh do'n champ, agus cuireadh iadsan uile a chual<sup>e</sup> e an làmh air a cheann, agus clachadh an coimhechruinneach uile e.

15 Agus labhraidh tu ri cloinn Israeil, ag ràdh, Ge b'e neach a mhallachas a Dhia, giùlainidh e a pheacadh.

16 Agus esan a mhaslaicheas ainm an Tighearna, cuirear gu cinn-teach gu bas e: clachaidh gu deimhin an coimhechruinneach uile e: an coigreach co math agus esan a rugadh san dùthaich, 'nuair a mhaslaicheas e ainm an *Tighearna*, cuirear gu bàs e.

17 Agus esan a mharbhas duine sam bith, cuirear gun teagamh gu bàs e.

18 Agus esan a mharbhas ainmhidh, ni e dioladh air a shon: ainmhidh air son ainmhidh.

19 Agus ma bheir duine ciurram air a choimhearsnach, mar a rinn e, mar sin nìhear air:

20 Briseadh<sup>d</sup> air son brisidh, sùil air son sùla, fiacail air son fiacal: mar a thug e ciurram air duine, mar sin nìhear air.

21 Agus esan a mharbhas ainmhidh, diolaidh se e; agus an neach a mharbhas duine, cuirear gu bàs e.

22 Bithidh an t-aon ghnè *lagha* agaibh co math air son a' choigrich, agus air son neach do mhuinntir bhur dùthcha féin: oir is mise an Tighearna bhur Dia.

23 Agus labhair Maois ri cloinn Israeil, iad a thoirt leo esan a mhallach, an taobh a muigh do'n champ, agus a chlachadh le clachaibh<sup>f</sup>; agus rinn clann Israeil mar a dh'àithn an Tighearna do Mhaois.

CAIB. XXV.

**A** GUS labhair an Tighearna ri Maois ann an sliabh Shinai, ag ràdh,

2 Labhair ri cloinn Israeil, agus abair riu, 'Nuair a thig sibh chum na tìre a bheir mise dhuibh, an sin gleidhidh an tìr sàbaid do'n Tighearna.

3 Sè bliadhnan cuiridh tu t-fhear-

<sup>e</sup> *ann an gaintir, 'am prìosun.*  
<sup>d</sup> *Bristeadh. e bheir e air ais. Eabh.*  
<sup>f</sup> *a chlochadh le clochaibh.*

ann a, agus sè bliadhnan bearr-aidh b tu t'fhion-lios, agus cruinnichidh tu stigh a thoradh.

4 Ach anns an t-seachdamh bliadhna bithidh sàbaid fois do'n tìr, sàbaid do'n Tighearna: t'fhearann cha chuir thu, agus t'fhion-lios cha bhearr thu.

5 An ni sin a dh'fhàsas dheth féin do t-fhoghar, cha bhuaibh thu, agus fion-dhearca t'fhionain neo-dheasaichte cha chruinnich thu: na bliadhna fois bithidh i do'n tìr.

6 Agus bithidh sàbaid na tìre d na biadh dhuibh: dhuit féin, agus do d'òglach agus do d' bhan-oglaich, agus do d'fhear tuarasdail, agus do d'choigreach, a ta air chuairt maille riut;

7 Agus do d' spréidh, agus do'n fhiadh-bheathach a ta ann ad fhearann; bithidh a cinneas uile chum bidh.

8 Agus àirmhidh tu dhuit féin seachd sàbaidean do bhliadhnaibh, seachd uairean seachd bliadhna: agus bithidh ùine nan seachd sàbaidean do bhliadhnaibh dhuit na naoi bliadhnaibh 's dà fhichead.

9 An sin bheir thu sanear trompaid na Iubile a shéideadh san t-seachdamh mìos, air an deicheamh là do'n mhìos: ann an là na réite bheir sibh sanear an trompaid a skéideadh air feadh bhur tìre uile.

10 Agus naomhaichidh sibh an deicheamh bliadhna 's dà fhichead, agus gairmidh sibh saorsa air feadh na dùthcha, d'a luchd-àiteachaidh uile: bithidh i na Iubile dhuibh, agus pillidh sibh gach duine chum a sheilbhe féin, agus pillidh gach duine agaibh g'a theaghlach féin.

11 Bithidh an deicheamh bliadhna sin agus dà fhichead na Iubile dhuibh; cha chuir sibh stòl, ni mò a bhuaibh sibh an ni a dh'fhàsas dheth féin innte, ni mò a thionailleas sibh *dearc-an-fìona* innte do d'fhionain neo-dheasaichte:

12 Oir is Iubile i, bithidh i naoimha dhuibh; ithidh sibh a cinneas as an fhearann.

13 Ann am bliadhna na Iubile so, pillidh gach duine agaibh a dh'ionnsuidh a sheilbhe féin.

14 Agus ma reiceas tu bheag ri d' choimhearsnach, no ma cheannaicheas tu bheag o làimh do choimhearsnaich: cha dean sibh eucoir air a' chéile.

a stòl-chuiridh tu t'achadh.

b deasaichidh. c do chraoibh-fìona; t'fhìneamhain. Eir.

d toradh sàbaid na tìre. e fòirneart.

15 A réir àireimh nam bliadhna an deigh na Iubile ceannaichidh tu o d' choimhearsnach, agus a réir àireimh bliadhna nan toraidh reicidh e riut.

16 A réir lìonmhoireachd nam bliadhna meudaichidh tu a luach, agus a réir teicrid nam bliadhna beagaichidh tu a luach: oir a réir àireimh bhliadhna nan toraidh tha e a' reiceadh riut.

17 Agus cha dean sibh eucoir air a' chéile: ach bithidh eagal do Dhé ort; oir is mise an Tighearna bhur Dia.

18 Uime sin, ni sibh mo reachdan, agus gleidhidh sibh mo bhreitheanas, agus ni sibh iad; agus gabhaidh sibh còmhnuidh san tìr ann an tèaruinteachd f.

19 Agus bheir am fearann a mach a thoradh, agus ithidh sibh bhur sàth, agus gabhaidh sibh còmhnuidh ann gu tèaruinte.

20 Agus ma their sibh, Ciod a dh'itheas sinn air an t-seachdamh bliadhna? feuch, cha chuir sinn stòl, ni mò a chruinnicheas sinn ar toradh:

21 An sin àithnidh mise mo bheannachadh oirbh san t-seathadh bliadhna, agus bheir i mach toradh air son trì bliadhna.

22 Agus cuiridh sibh air an ochdamh bliadhna, agus ithidh sibh fathast do'n t-seann toradh gus an naothadh bliadhna: gus an d' thig a toradh a stigh, ithidh sibh do'n t-seann toradh.

23 Cha reicear am fearann gu bràth; oir is leamsa am fearann: oir is coigrich agus luchd-cuairt sibhse maille riom.

24 Agus ann am fearann bhur seilbh uile, bheir sibh saorsa do'n fhearann.

25 Ma dh'fhàs do bhràthair bochd, agus gu'n do reic e cuid d'a sheilbh, agus ma thig a h-aon air bith d'a dhillsibh g'a fhuasgladh, an sin fhuasglaidh e an ni a reic a bhràthair.

26 Agus mur 'eil aig an duine neach g'a fhuasgladh, agus gur urrainn e féin 'fhuasgladh:

27 An sin àirmheadh e bliadhnan a reicidh, agus thugadh e air ais an ni a ta thàiris do'n duine, ris an do reic se e: a chum's gu'm pill e dh'ionnsuidh a sheilbhe féin.

28 Agus mur urrain e sin a thoirt air ais da, an sin fanaidh an ni sin a reiceadh ann an làimh an neach,

f tèaruntachd.

g fhuasgladh.

h till.

a cheannaich e, gu bliadhna na Iubile: agus anns an<sup>a</sup> Iubile theid e mach, agus pillidh e chum a sheilbhe.

29 Agus ma reiceas duine tigh-còmhnuidh ann am baile cuartaichte le balladh, an sin feudaidh e fhuasgladh an taobh a stigh do bhliadhn' iomlain an déigh a reiceadh: *an taobh a stigh do bhliadhn' iomlain feudaidh e fhuasgladh.*

30 Agus mur fuasglar e gus an coimhlionar bliadhn' iomlan; an sin daingnichear an tigh a *tha* 'n taobh a stigh do'n bhaile cuartaichte le balla, gu bráth dhasan a cheannaich e, air feadh a ghinealach: cha d' théid e mach san Iubile.

31 Ach measar tighean nam bailtean nach 'eil cuartaichte le balla, mar fhearann na tire: feudar am fuasgladh, agus théid iad a mach san Iubile.

32 Gidheadh, bailtean nan Lebhitheach, agus tighean bhailtean an seilbh, feudaidh na Lebhithich am fuasgladh uair sam bith.

33 Agus ma cheannaicheas duine o na Lebhithich, an sin théid an tigh a reiceadh, agus baile a sheilbh, a mach san Iubile: oir *is iad* tighean bhailtean nan Lebhitheach an sealbh am measg chloinn Israeil.

34 Ach cha'n fheudar am fearann a tha'n taobh a muigh d'am bailtibh a reiceadh, oir *is e* sin an sealbh mhairtheanach b.

35 Agus ma dh'fhàsas do bhràthair bochd, agus gu'n d' théid e dhéigh-làimh agad, an sin fuasglaidh e tu air: *seadh, ged' is* coigreach no fear-cuairt e; agus bithidh e beo maille riut:

36 Na gabh riadh uath, no tuille 's a thug thu dhad: ach biodh eagal do Dhé ort, a chum's gu'm feud do bhràthair a bhi beo maille riut.

37 T'airgiod cha d'thoir thu dha air riadh, agus air son buannachd cha d'thoir thu dha do bhiadh.

38 *Is* mise an Tighearna bhur Dia, a thug a mach sibh a talamh na h-Eiphit, a thoirt dhuibh tìr Chanaain, agus a bhi 'm Dhia agaibh.

39 Agus ma dh'fhàs do bhràthair, a ta làimh riut, bochd, agus gu'n do reiceadh riut e: cha d' thoir thu air seirbhis a dheanamh dhuit mar thràill:

40 Mar sheirbhiseach tuarasdail, agus mar fhear-cuairt, bithidh e maille riut; gu bliadhna na Iubile ni e seirbhis dhuit.

41 Agus an sin imichidh e uait, e féin agus a chlann maille ris, agus pillidh e chum a theaghlach féin, agus a chum seilbh 'aithreacha pillidh e:

42 Oir *is* iadsan mo sheirbhisich, a thug mi mach a tìr na h-Eiphit: cha reiceair iad mar thràillibh.

43 Cha ghnàthaich thu uachdranachd e os a cheann le h-an-ìochd, ach bithidh eagal do Dhé ort.

44 Agus do thràillean, agus do bhan-tràillean, a bhios agad, do na cinnich, a ta m'ar timchioll *bithidh iad*; uatha-san ceannaichidh sibh tràillean agus ban-tràillean.

45 Agus a thuilleadh air so, o chloinn nan coigreach, a ta air chuairt 'nar measg, uathasan ceannaichidh sibh, agus o'n teaghlachibh a ta maille ruibh, a ghin iad 'nar fearann: agus bithidh iad nan seilbh dhuibh.

46 Agus gabhaidh sibh iad mar oighreachd d'ar cloinn 'nar déigh, a chum *an* sealbhachadh mar oighreachd, bithidh iad dhuibh nan tràillibh a chaoidh: ach os cionn bhur bràithre cloinn Israeil, *eadhon* os cionn a chéile cha ghnàthaich sibh uachdranachd f le h-an-ìochd.

47 Agus ma dh'fhàsas fear-cuairt no coigreach saibhir làimh riut, agus ma dh'fhàsas do bhràthair làimh ris bochd, agus gu'n reic se e féin ris a' coigreach, ris an fhear-chuairt a tha maille riut, no ri gineal teaghlach a' choigrich:

48 An déigh a reiceadh, feudar fhuasgladh a ris; feudaidh aon d'a bhràithribh fhuasgladh:

49 Feudaidh aon chuid bràthair 'athar, no mac bhràthar 'athar fhuasgladh, no feudaidh aon neach, a tha dlù an dàimh dha d'a theaghlach féin, fhuasgladh; no ma's urrainn e, feudaidh se e féin fhuasgladh.

50 Agus ni e cunntas ris-san a cheannaich e o'n bhliadhna anns an do reiceadh ris e, gu bliadhna na Iubile: agus bithidh luach a reicidh a réir àireimh nam bliadhna, a réir aimsir seirbhisich tuarasdail bithidh e dha.

51 Ma bhios fathast mòran bhliadhnacha ri teachd, d'an réir sin bheir e a rìsh luach fhuasglaidh,

<sup>a</sup> ann san.      b bhuan, shlor-reidh.      c cabhairidh, fòiridh.      d teachd a mach, fàs.

e Cha riaghlaich thu.      f riagh-ladh, tighearnas, maighstireachd.      g beartach.      h aisigidh e.



as an airgid air son an dò cheannaicheadh e.

52 Agus mur 'eil ri teachd ach beagan bhliadhnacha gu hliadhna na Iubile, an sin ni e cunnas ris, agus a réir a bhliadhnacha bheir e dha a ris luach 'fhuasglaidh.

53 Mar sheirbhiseach a ta air thuarasdal o bhliadhna gu bliadhna bithidh e maille ris: cha ghnàthaichear uachdranachd os a cheann le h-an-ìochd ann do shealladh-sa.

54 Agus mur fuasglar e anns na bhliadhnaihb sin, an sin théid e mach ann am hliadhna na Iuhile, e féin agus a chlann maille ris.

55 Oir dhomhsa tha clann Israeil nan seirbhisich; is iadsan mo sheirbhisich, a thug mi mach a tir na h-Eiphit: Is mise an 'Tighearna bhur Dia.

## CAIB. XXVI.

CHA dean sibh dhuibh féin ìodholan<sup>a</sup>, no *coslas* snaidhte, agus cha chuir sibh suas ìomhaigh<sup>b</sup> dhuibh féin, ni mò shuidhicheas sibh cloch-dhealbhb 'nar fearann, gu cromadh sìos d'i: oir is mise an Tighearna bhur Dia.

2 Gleidhidh sibh mo shàbaidean, agus bheir sibh urram do m'ionad naomha: Is mise an Tighearna.

3 Ma ghluaiseas sibh a'm' reachdaibh, agus ma ghleidheas sibh m'aitheanta; agus ma ni sibh iad;

4 An sin bheir mise dhuibh uisge c na àm féin, agus bheir am fearann a mach a thoradh, agus bheir craobhan na machrach am meas uatha.

5 Agus ruigidh bhur hualadh am fion-fhoghar, agus ruigidh bhur fion-fhoghar àm an t-sil-chur, agus ithidh sibh bhur n-aran gu'r sàth, agus gabhaidh sibh còmhnuidh gu téaruinte 'nar tir.

6 Agus bheir mise sìth san tir, agus luidhidh sibh sìos, agus cha chuir neach sam bith eagal oirbh: agus sgriosaidh<sup>d</sup> mi droch bheathaichean as an dùthaich agus cha d' théid an claidheamh tre bhur fearann.

7 Agus ruaigidh sibh bhur naimhdean, agus tuitidh iad rombaibh leis a' chlaidheamh.

8 Agus cuiridh cùigear dhibh an ruaig air ceud, agus cuiridh ceud dhibh an ruaig air deich mìle: agus tuitidh bhur naimhdean romhaibh leis a' chlaidheamh.

<sup>a</sup> dealbhan, <sup>c</sup> cuspairean-aoraidh faoin. <sup>b</sup> standing image, statue. Sasg. <sup>c</sup> fràsachd. <sup>d</sup> fàsaichidh, dìthickidh, fuadaichidh.

9 Oir ambaircidh mise oirbh e, agus ni mi sìolmhor sibh, agus bheir mi oirbh fàs lionmhor, agus daingnichidh mi mo choimhcheangal rihh.

10 Agus ithidh sibh an seann lòn, agus hheir sibh a mach an seann lòn air son an lòin nomha f.

11 Agus suidhichidh mi mo phàill-lìon 'nar measg: agus cha hhi gràin aig m'anam dhibh.

12 Agus imichidh mi 'nar measg, agus bithidh mi a'm' Dhia dhuibh, agus bithidh sibhse 'nar sluagh dhomhsa.

13 Is mise an Tighearna bhur Dia, a thug sibhse a mach a tir na h-Eiphit, a chum as nach hitheadh sibh 'nar tràillibh aca; agus hhris mi cuibhreachg bhur cuinge, agus thug mi oirbh imeachd dìreach.

14 Ach mur éisd sibh rium, agus mur dean sibh na h-aitheanta sin uile:

15 Agus ma ni sibh tàir air mo reachdaibh, no ma ghabhas bhur n-anam gràin do m'bhreitheanais, air chor as nach dean sibh m'aitheantan uile, ach gu'm hris sibh mo choimh-cheangal;

16 Ni mise mar an ceudna so rihhse, orduichidh mi oirbh uamhas, caitheamh, agus fiahhrus loisgeach, a chaitheas na sùilean, agus a bheir cràdh do'n chridhe: agus cuiridh sibh bhur sìol ann an dìomhanas, oir ithidh bhur naimhdean e.

17 Agus cuiridh mise mo ghnùis 'nar n-aghaidh, agus marbhar sibh an làthair bhur naimhdean: agus rioghaichidh a' mhuinntir, air am beag sibh, oirbh, agus teichidh sibh an uair nach bi neach an tòir oirbh.

18 Agus mur éisd sibh rium fathast air a shon so uile, an sin ni mi peanas oirbh seachd uaire ni's mò air son bhur peacanna.

19 Agus brisidh mi uabhar bhur cumhachd; agus ni mi bhur neamha mar iarann, agus bhur talamh mar unga:

20 Agus caithear bhur spionnadh ann an dìomhanas; oir cha d' thoir bhur fearann 'fhàs uaith, ni mò a bheir craobhan na tire am meas uatha.

21 Agus ma théid sibh a'm' aghaidh, agus nach eisid sibh rium; bheir mi seachd uaire tuille phlàighean oirbh a réir bhur peacanna.

22 Cuiridh mi, mar an ceudna,

<sup>e</sup> bithidh spéis agamsa dhuibh. <sup>f</sup> nuadha. <sup>b</sup> bannan.

fadh-bheathaichean na machrach 'nar measg, a bheir uaibh bhur olann, agus a chuireas as d'a spréidh, agus a ni sibh tearc ann an àireamh, agus bithidh bhur rathaide a m'òra fàs.

23 Agus mur leasaichear leamsa sibh leis na nithibh sin, ach gu'n d' théid sibh a'm' aghaidh:

24 An sin théid mise mar an ceudna 'nar n-aghaidh-sa, agus ni mi peanas oirbh seachd uairean fathast air son bhur peacanna.

25 Agus bheir mi claidheamh oirbh, a dhìolas cùis-gheairn mo ehoimh-cheangail; agus an uair a chruinnichear sibh an ceann a chèile an taobh a stigh d'ar bailtibh, cuiridh mi a' phlàigh 'nar measg: agus bheirear thairis sibh do làimh naimhdean.

26 An uair a bhriseas lorg bhur n-aran, fuinidh deich muàl bhur n-aran ann an aon àmhuinn, agus bheir iad air ais dhuibh bhur n-aran air a thomhas, agus ithidh sibh, agus cha bhi sibh sàthach.

27 Agus mur éisd sibh air son so uile rium, ach gu'n d' théid sibh a'm' aghaidh:

28 An sin theid mise 'nar n-aghaidh-sa mar an ceudna ann am fraoch feirge; agus smachdaichidh mise, eadhon mise, seachd uaire sibh air son bhur peacanna.

29 Agus ithidh sibh feoil bhur mac, agus feoil bhur nigheana ithidh sibh.

30 Agus cuiridh mise as d'ar n-ionadaibh arda, agus gearraidh mi sìos bhur dealbhan, agus tilgidh mi bhur colannan air colannaibh bhur n-iodhol, agus gabhaidh m'anam gràin d'ibh.

31 Agus cuiridh mi bhur bailtean fàs, agus bheir mi lom-sgrìob air c'bhur n-ionada naomha, agus cha ghabh mi fàile bhur boltrach cùbhraidh.

32 Agus bheir mi lom-sgrìob air an fhearann: agus bithidh iogh-nadhe air bhur naimhdeibh, a ghabhas còmhnuidh ann mu'n nì sin.

33 Agus sgapaiddh mi sibh am measg nan cinneach, agus tàirngidh mi claidheamh 'nar déigh: agus bithidh bhur fearann creachta, agus bhur bailtean fàs.

34 An sin mealaidh am fearann a shàbaidean, am fad sa luidheas e fàs, agus a bhios sibhse ann am fearann bhur naimhdean; eadhon

an sin gabhaidh am fearann fois, agus mealaidh e a shàbaidean.

35 Am fad 's a luidheas am fearann fàs, bithidh fois aige, do bhrìgh nach robh fois aige 'nar sàbaidibh-sa, 'nuair a ghabh sibh còmhnuidh ann.

36 Agus orra-san, a dh'fhàgar beo dhibh, cuiridh mise laigse h nan cridheachaibh ann an dùthchaibh an naimhdean; agus cuiridh fuaim duilleig air chrith iad air theich-eadh; agus teichidh iad mar gu'm biodh iad a' teicheadh o'n chlaidheamh: agus tuitidh iad an uair nach bi neach an tòir orra.

37 Agus tuitidh iad air muin a chèile, mar gu'm b'ann roimh 'n chlaidheamh, 'nuair nach bi neach an tòir orra; agus cha bhi neart agaibh gu seasamh roimh bhur naimhdeibh.

38 Agus théid as duibh am measg nan cinneach, agus ithidh talamh bhur naimhdean suas sibh.

39 Agus seargaidh iadsan, a dh'fhàgar dhibh, as nan aingidheachd ann an dùthchaibh bhur naimhdean, agus mar an ceudna ann an eu-ceartaibh an aithreacha seargaidh iad as maille riu.

40 Ma dh'aidicheas iad an aingidheachd féin, agus aingidheachd an aithreacha, a réir an eusaontais, a rinn iad a'm' aghaidh, agus mar an ceudna gu'n do ghluais iad a'm' aghaidh:

41 Agus gu'n do ghluais mise mar an ceudna nan aghaidhsan, agus gu'n d' thug mi iad do dhùthach an naimhdean; ma bhios an sin an cridhe neo-thimchioll-ghearrt' air irioslachadh, air chor as gu'n gabh iad ri peanas an aingidheachd:

42 An sin cuimhnichidh mise mo choimhcheangal ri Iacob, agus mar an ceudna mo choimhcheangal ri h-Isaac, agus mar an ceudna mo choimhcheangal ri h-Abraham cuimhnichidh mi, agus cuimhnichidh mi am fearann.

43 Tréigear mar an ceudna am fearann leo, agus mealaidh e a shàbaidean, am feadh 's a ta e na luidhe fàs as an eugmhais; agus gabhaidh iad ri peanas an aingidheachd; a chionn, eadhon a chionn gu'n d'rinn iad tàir air mo bhreitheanais, agus a chionn gu'n do ghabh an anam gràin do m' reachdaibh.

44 Agus gidheadh air a shon so

a ròide, slighean.

b cuir.

c sgriosaidh mi, fàsaichidh mi.

z air. Eabh.

h laige.

i iris-

d blasta. e namhann. fàisgidh.

leachadh.

uile, 'nuair a bhios iad ann an tìr an naimhdean, cha tilg mi uam iad, ni mò a ghabhas mi gràin diubh, g'an sgrios gu tur, agus a bhriseadh mo choimhcheangail riu : oir is mise an Tighearn an Dia.

45 Ach air an sgath-san cuimhnichidh mi coimhcheangal an sinn-sirean, a thug mi mach a tìr na h-Eiphit, ann an sealladh nan cinn-each, a chum as gu'm bithinn a'm' Dhia aca : Is mise an Tighearn.

46 Is iad sin na h-orduighean, agus na breitheanaidh, agus na reachdan, a rinn an Tighearn eadar e féin agus clann Israeil, ann an sliabh Shínai, le làimh Mhaois.

## CAIB. XXVII.

**A**GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'Nuair a bheir duine boid àraidh, *buinidh* na h-anmarna <sup>b</sup> do'n Tighearn, a réir do mheas :

3 Agus bithidh do mheas, air an fhirionnach, o fhichead bliadhna dh'aois eadhon gu trì fichead bliadhna dh'aois ; bithidh eadhon do mheas leth-cheud secel airgid, a réir seceil an ionaid naomha.

4 Agus ma's bainionnach a bhios ann, an sin bithidh do mheas deich seceil 'ar fhichead.

5 Agus ma's gille o chùig bliadhna dh'aois, eadhon gu fhichead bliadhna dh'aois, a bhios ann, an sin bithidh do mheas air son an fhirionnach fichead secel, agus air son na bainionnach deich seceil.

6 Agus ma's ann o mhios a dh'aois, eadhon gu cùig bliadhna dh'aois ; an sin bithidh do mheas air son an fhirionnach cùig seceil airgid, agus air son na bainionnach *bithidh* do mheas trì seceil airgid.

7 Agus ma's ann a bhios e o thri fichead bliadhna dh'aois agus os a chionn, *ma's* firionnach e, an sin bithidh do mheas cùig seceil deug, agus air son bainionnach deich seceil.

8 Ach ma bhios e ni's bochda na do mheas, an sin nochdaidh se e féin an làthair an t-sagairt, agus measaidh an sagart e : a réir a chomais-san a thug a' bhòid, measaidh an sagart e.

9 Agus ma's ainmhidh e d'an d' thoir daoine tabhartas a dh'ionnsuidh an Tighearn ; bithidh gach ni, a bheir *duine* d'an leithidibh sin do'n Tighearn, naomha.

10 Cha mhùth se e, ni mò mha-

larticheas se e, math air son uile, no olc air son maith : ach ma mhalarticheas e air chor sam bith ainmhidh air son ainmhidh ; an sin bithidh e féin, agus *ann na fhuaradh* na mhalairt, naomha.

11 Agus ma's ainmhidh reo-ghlan sam bith e, do nach d' thoir iad seachad tabhartas do'n Tighearn ; an sin nochdaidh e 'n t-ainmhidh an làthair an t-sagairt :

12 Agus measaidh an sagart e, ma's math no olc e ; mar a mheasas tusa a bhios a'd' shagart e, mar sin bithidh e.

13 Ach ma dh'fhuasglas e air chor sam bith e, an sin cuiridh e an cùigeadh cuid deth ri d' mheas-sa.

14 Agus an uair a choisrigeas duine a thigh, *gu bhi* naomha do'n Tighearn, an sin measaidh an sagart e ma's math no olc e : mar a mheasas an sagart e, mar sin seasaidh e.

15 Agus ma dh'fhuasglas esan, a choisrig e, a thigh, an sin cuiridh e an cùigeadh *cuid* a dh'airgiod do mheas-sa ris, agus bithidh e leis.

16 Agus ma choisrigeas duine d'on Tighearn *cuid* do fhearann a sheilbh, an sin bithidh do mheas a réir a shìld : *measar* homer do shìol eorna aig leth-cheud secel airgid.

17 Ma choisrigeas e fhearann o bhliadhna na Iubile, a réir do mheas seasaidh e.

18 Ach ma choisrigeas e 'fhearann an déigh na Iubile, an sin àirmhidh e an sagart an t-airgiod da a réir nam bliadhna a ta ri teachd, eadhon gu bliadhna na Iubile, agus leigear sin sìos do d' mheas.

19 Agus ma dh'fhuasglas am fear a choisrig am fearann e air chor sam bith ; an sin cuiridh e an cùigeadh *cuid* a dh'airgiod do mheas-sa ris, agus daingnichear dha e.

20 Agus mur fuasgail e 'm fearann, no mur reic e 'm fearann ri duin' eile, cha 'n fhuasglar ni's mò e.

21 Ach bithidh am fearann, an uair a théid e mach san Iubile, naomha do'n Tighearn, mar fhearann coisrigte : buinidh a shealbh do'n t-sagart.

22 Ach ma choisrigeas *duine* do'n Tighearn fearann a cheannaich e, nach an do fhearann a sheilbh ;

23 An sin àirmhidh an sagart dha luach do mheas, *eadhon* gu bliadhna na Iubile, agus bheir e seachad

d churachd. e cunntaidh. f a mhaireas. e air a chur air leth.

a shònraichte. b pearsanna. c Cha'n atharraich, cha chaochail.

do mheas *féin* san là sin, *mar* ni naomha do'n Tighearna.

24 Ann am bliadhna na Iubile pillidh am fearann d'a iomsuidh-san o'n do cheannaicheadh e, *eadhon* d'a ionnsuidh-san, d'am buineadh sealbh an fhearainn.

25 Agus bithidh do mheas-sa uile a réir seceil an ionaid naomha; bithidh fíthead *gerah* san t-secel.

26 Ach ceud-ghin nan ainmhidhean, bu chòir a bhi na cheud-ghin do'n Tighearna, cha choisrig duine air bith sin, co dhiubh is tarbh, no caora e: is leis an Tighearn e.

27 Ach ma's ann do bheathach neo-ghlan e, an sin fuasglaidh se e a réir do mheas-sa, agus cuiridh e an cùigeadh *cuid* deth ris; no mar fuasglar e, an sin reicear e a réir do mheas.

28 Gidheadh cha reicear, agus cha'n fhuasglar ni sam bith coisrigte a choisrigeas duine do'n Tighearna, do gach ni a ta aige, arson do dhuine agus do ainmhidh, agus do fhearann a sheilbh: tha gach ni

coisrigte ro naomha do'n Tighearna.

29 Cha'n fhuasglar ni sam bith coisrigte, a choisrigear le daoineibh: ach cuirear gu cinnteach gu bàs e.

30 Agus uile dheachamh an fhearainn, ma's ann do shìol an fhearainn, no do mheas na craoibhe, is leis an Tighearn e; *tha* e naomha do'n Tighearna.

31 Agus ma dh'fhuasglas duine idir a' bheag d'a dheachamh, cuiridh e an cùigeadh *cuid* deth ris.

32 Agus a thaobh uile dheachaimh a' chruidh, no an treud, *eadhon* gach ni air bith a dh'imicheas fa'n t-slaith; bithidh an deachamh dheth naomha do'n Tighearna.

33 Cha rannsaich e am bi e math no olc, ni mò a mhalairticheas se e: agus ma mhalairticheas e idir e, an sin bithidh an dà chuid e féin agus a mhalairt naomha; cha'n fhuasglar e.

34 Is iad sin na h-àitheanta a dh'àithn an Tighearna do Mhaois air son chloinn Israeil, ann an sliabh Shinai.

## A I R E A M H.

## CAIB. I.

**A**GUS labhair an Tighearna ri Maois ann am fàsach Shinai, ann am pàillion a' choimhthionail, air a' cheud là do'n dara mìos, san dara bliadhna, an déigh dhoibh teachd a mach a tìr na h-Eiphit, ag ràdh,

2 Gabhaibh *àireamh* a cheann coimh-chruinnich chloinn Israeil uile, a réir<sup>b</sup> an teaghlachian, a réir tìge an aithreacha, maille ri *àireamh* an ainmeanna, gach fìrionnach a réir an ceann:

3 O fhichead bliadhna dh'aois, agus os a cheann, gach aon a's urrainn dol a mach gu cogadh ann an Israel: àirmhidh tusa agus Aaron iad a réir am buidhnean<sup>c</sup>.

4 Agus maille ribhse bithidh duine do gach uile thréibh: gach aon diubh na cheann tìge 'aithreacha.

5 Agus is iad so ainmeanna nan daoine a sheasas maille ribh: Do *thréibh* Reubein; Elisur mac She-deuir.

6 Do Shimeon; Selumiel mac Shurisadai.

7 Do Iudah; Nahson mac Aminadaib.

8 Do Isachar; Nataneel mac Shuaír.

9 Do Shebulon; Eliab mac He-loin.

10 Do chloinn Ioseiph; do Ephraim, Elisama mac Amihuid; do Mhanaseh, Gamaliel mac Phadah-suir.

11 Do Bheniamin; Abidan mac Ghideoni.

12 Do Dhan; Abieser mac Amisadai.

13 Do Aser; Pagiel mac Ocrain.

14 Do Ghad; Eliasaph mac Dheueil.

15 Do Naphtali; Abira mac Enain.

16 B'iad sin *daoine*<sup>d</sup> ainmeil<sup>d</sup> a' choimhchruinnich, cinn-fheadbna threubhan an aithreacha, ceannardan mhillte ann an Israel.

17 Agus ghabh Maois agus Aaron na daoine sin, a ghairmeadh air an ainmibh.

18 Agus thionail iad an coimh-

<sup>a</sup> cunntas. <sup>b</sup> do réir. <sup>c</sup> slòigh armailtean.

<sup>d</sup> daom' altoil.



chruinneach uile an ceann a chéile air a' cheud là do'n dara mìos, agus chuir iad an céill an ginealach a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus thairis, a réir an ceann.

19 Mar a dh'àithn an Tighearna do Mhaois, mar sin dh'àireamh e iad ann am fásach Shinai.

20 Agns bha clann Reubein a' mhic bu shine bh'aig Israeil, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, a réir an ceann, gach firionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

21 Iadsan a dh'àirmheadh dhinbh, *eadhon* do thréibh Reubein, *bha* iad ann dà fhichead agus sè mìle agus cùig ceud.

22 Do chloinn Shimeoin, a réir an ginealach, a réir an teaghlaichean, a réir tighe an aithreacha, iadsan a chaidh àireamh dhiubh, a réir àireimh *nan ainmean*, a réir an ceann, gach firionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

23 Iadsan a chaidh àireamh dhiubh, *eadhon* do thréibh Shimeoin, b'iad leth-cheud agus naoi mìle agus trì cheud.

24 Do chloinn Gbad, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

25 Iadsan a chaidh àireamh dhinbh, *eadhon* do thréibh Gbad, b'iad dà fhichead agus cùig mìle agus sè ceud agus leth-cheud.

26 Do chloinn Iudaih a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

27 Iadsan a chaidh àireamh dhiubh, *eadhon* do thréibh Indaih, b'iad trì fichead agus ceithir mìle deug agus sè ceud.

28 Do chloinn Isachair, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois, agus os a cheann,

a ann an àireamh. Eabh.

gach aon a b'urrainn dol a mach gu cogadh;

29 Iadsan a chaidh àireamh dhiubh, *eadhon* do thréibh Isachair, b'iad leth-cheud agus ceithir mìle agus ceithir cheud.

30 Do chloinn Shebuluin, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

31 Iadsan a chaidh àireamh dhinbh, *eadhon* do thréibh Shebuluin, b'iad leth-cheud agus seachd mìle agus ceithir cheud.

32 Do chloinn Ioseiph, *eadhon* do chloinn Ephraim, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

33 Iadsan a chaidh àireamh dhinbh, *eadhon* do thréibh Ephraim, b'iad dà fhichead mìle agus cùig cend.

34 Do chloinn Mhanaseh, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

35 Iadsan a chaidh àireamh dhiubh, *eadhon* do thréibh Mhanaseh, b'iad dà mhìle dheug 'ar fhichead agus dà cheud.

36 Do chloinn Bheniamin, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

37 Iadsan a chaidh àireamh dhiubh, *eadhon* do thréibh Bheniamin, b'iad cùig mìle deug 'ar fhichead agus ceithir cheud.

38 Do chloinn Dhan, a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann, gach aon a b'urrainn dol a mach gu cogadh;

39 Iadsan a chaidh àireamh dhiubh, *eadhon* do thréibh Dhan, b'iad trì fichead agus dà mhìle agus seachd ceud.

40 Do chloinn Aseir a réir an ginealach, a réir an teaghlaichean, a réir tighe an aithreacha, a réir àireimh *nan ainmean*, o fhichead bliadhna dh'aois agus os a cheann,

gach aon a b'urrainn dol a mach gu cogadh;

41 Iadsan a chaidh àireamh dhiubh, *eadhon* do thréibh Aseir, *b'i*ad aon mhíle agus dà fhichead agus cúig cheud.

42 Do chloinn Naphtali a réir an ginealach, a réir an teaghlaichean, a réir tighe an aithreacha, a réir aireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

43 Iadsan a chaidh àireamh dhiubh, *eadhon* do thréibh Naphtali, *b'i*ad trì míle deug agus dà fhichead agus ceithir cheud.

44 Sin iadsan a chaidh àireamh, a dh'àireamh Maois agus Aaron, agus ceannardan Israeil, *eadhon* dà fhear dheug; bha gach fear diubh air son tighe aithreacha.

45 Mar sin bha iadsan uile a chaidh àireamh do chloinn Israeil, a réir tighe an aithreacha, o fhichead bliadhna dh'aois agus os a cheann, gach aon a b'urrainn dol a mach gu cogadh ann an Israeil;

46 Eadhon iadsan uile a chaidh àireamh, *b'i*ad se ceud míle agus trì míle agus cúig cheud agus leth-cheud.

47 Ach cha deachaidh na Lebhithich, a réir tréibh an aithreacha, àireamh nam measg:

48 Oir labhair an Tighearna ri Maois, ag ràdh,

49 A mhàin treubh Lebhi cha 'n àireamh thu, ni mò a ghabhas tu an *ceannas* cheann am measg chloinn Israeil:

50 Ach orduichidh tu na Lebhithich os ceann pàilliuin na fianuis, agus os ceann a shoithichean uile, agus os ceann nan uile nithe a *bh'vineas* da: giùlainidh iad am pàilliuin, agus a shoithichean uile, agus fithchealaibh iad da. agus camp-aichidh iad m'an cuairt air a' pàilliuin.

51 Agus an uair a bhios am pàilliuin gu dol air 'aghaidh, leagaidh na Lebhithich a nuas e: agus an uair a bhios am pàilliuin r'a shuidheachadh, togaidh na Lebhithich suas e: agus an coigreach a thig am fagus, cuirear gu bàs e.

52 Agus suidhichidh clann Israeil am bùthan gach duine làimh r'a chuideachd a féin, agus gach duine làimh r'a bhrataich féin, air feadh an armailtean b.

53 Ach suidhichidh na Lebhithich am bùthan m'an cuairt air pàilliuin

na fianuis; a chum's nach bi corruich air coimhecrinneach chloinn Israeil, agus gleidhidh na Lebhithich cùram pàilliuin na fianuis.

54 Agus rinn clann Israeil a réir nan uile nithe a dh'àithn an Tighearna do Mhaois; mar sin rinn iad.

## CAIB. II.

**A** GU8 labhair an Tighearna ri Maois, agus ri h-Aaron, ag ràdh,

2 Suidhichidh gach duine do chloinn Israeil làimh r'a bhrataich féin, maille ri suaichiontas<sup>d</sup> tighe an aithreacha: sad as m'an cuairt air pàilliuin a' choimhthionail suidhichidh iad.

3 Agus air taobh na h-airde 'n ear leth ri éirigh na gréine, suidhichidh luchd-brataich chaimp Iudaih a réir an armailtean: agus *bithidh* Nahson mac Aminadaib na cheannard e air cloinn Iudaih.

4 Agus 'armailt-san, *eadhon* iadsan a chaidh àireamh dhiubh, *b'i*ad trì fichead agus ceithir míle deug agus sè ceud.

5 Agus am fagus da suidhichidh treubh Isachair: agus *bithidh* Nataneel mac Shuair na cheannard air cloinn Isachair.

6 Agus 'armailt-san, agus iadsan a chaidh àireamh dhith, *b'i*ad leth-cheud agus ceithir míle agus ceithir cheud.

7 An sin treubh Shebuluin: agus *bithidh* Eliab mac Heloin na cheannard air cloinn Shebuluin.

8 Agus 'armailt-san, agus iadsan a chaidh àireamh dhith, *b'i*ad leth-cheud agus seachd míle agus ceithir cheud.

9 Na h-uile chaidh àireamh ana an camp Iudaih, *b'i*ad ceud míle agus ceithir fichead míle agus sè míle agus ceithir cheud, a réir an armailtean: is iad so a théid a mach air thùs.

10 Air taobh na h-airde deas *bithidh* bratach chaimp Reubein, a reir an armailtean: agus na cheannard air cloinn Reubein, *bithidh* Elisur mac Shedeuir.

11 Agus 'armailt-san agus iadsan a chaidh àireamh dhith, *b'i*ad dà fhichead agus sè míle agus cúig cheud.

12 Agus làimh ris suidhichidh treubh Shimeoin; agus *bithidh* Selumiel mac Shurisadai na cheannard air cloinn Shimeoin.

13 Agus 'armailt-san, agus iad-

c coimhichidh d suaicheantas.  
e chasptain.

sa a chaidh àireamh dhith, *b'iad* leth-cheud agus naoi mìle agus trì cheud

14 An sin treubh Ghad: agus na cheannard air mic Ghad, *bithidh* Eliasaph mac Reueil.

15 Agus 'armailt-san, agus iadsan a chaidh àireamh dhiubh, *b'iad* dà fhichead agus cùig mìle agus sè ceud agus leth cheud.

16 Na h-uile a chaidh àireamh ann an camp Reubein, *b'iad* ceud mìle agus leth-cheud, agus aon mhìle agus ceithir cheud agus leth-cheud, a réir an armailtean: agus theid iadsan a mach san dara ordugh.

17 An sin théid pàilliu a' choimhthionail air 'aghaidh maille ri camp nan Lebbitheach am meadhon a' chaimp: mar a champaicheas iad, mar sin théid iad air an aghaidh, gach duine na àite féin làimh r'am brataichibh.

18 Air taobh na h-àirde 'n iar *bithidh* bratach chaimp Ephraim, a réir an armailtean; agus *bithidh* Elisama mac' Amihuid, na cheannard air mic Ephraim.

19 Agus 'armailt-san, agus iadsan a chaidh àireamh dhiubh, *b'iad* dà fhichead mìle agus cùig ceud.

20 Agus làimh ris-san *bithidh* treubh Mhanaseh: agus *bithidh* Gamaliel mac Phedabsnir, na cheannard air cloinn Mhanaseh.

21 Agus 'armailt-san, agus iadsan a chaidh àireamh dhiubh, *b'iad* dà mhìle dheug 'ar fhichead agus dà cheud.

22 An sin treubh Bheniamin: agus *bithidh* Abidan mac Ghideoni, na cheannard air mic Bheniamin.

23 Agus 'armailt-san, agus iadsan a chaidh àireamh dhiubh, *b'iad* cùig mìle deug 'ar fhichead agus ceithir cheud.

24 Iadsan uile a dh'àirmheadh do champ Ephraim, *b'iad* ceud mìle agus ochd mìle agus ceud, a réir an armailtean: agus théid iadsan air an aghaidh san treas ordugh.

25 *Bithidh* bratach chaimp Dhan air taobh na h-àirde tuath a réir an armailtean: agus *bithidh* Ahieser mac Amisadai na cheannard air cloinn Dhan.

26 Agus 'armailt-san, agus iadsan a chaidh àireamh dhiubh, *b'iad* trì fhichead agus dà mhìle agus seachd ceud.

27 Agus làimh ris campachidh

a 'san' dara h-àite.

treubh Aseir: agus *bithidh* Pagiel mac Ocrain, na cheannard air cloinn Aseir.

28 Agus 'armailt-san, agus iadsan a chaidh àireamh dhiubh, *b'iad* dà fhichead agus aon mhìle agus cùig ceud.

29 An sin treubh Naphtali: agus *bithidh* Ahira mac Enain na cheannard air cloinn Naphtali.

30 Agus 'armailt-san, agus iadsan a chaidh àireamh dhiubh, *b'iad* leth-cheud agus trì mìle agus ceithir cheud.

31 Iadsan uile a chaidh àireamh ann an camp Dhan, *b'iad* ceud mìle agus leth-cheud agus seachd mìle agus sè ceud: Imichidh iadsan fa dheireadh le'm brataichibh.

32 *Is* iad sin iadsan a' dh'àirmheadh do chloinn Israeil, a réir tighe an aithreacha, iadsan uile a chaidh àireamh do na campaibh a réir an armailtean, *b'iad* se ceud mìle agus trì mìle agus cùig ceud agus leth-cheud

33 Ach cha d'àirmheadh na Lebhitheach am measg chloinn Israeil, mar a dh'àithn an Tighearna do Mhaois.

34 Agus rinn clann Israeil, a réir gach nì a dh'àithn an Tighearna do Mhaois: mar sin champaich iad làimh r'am brataichibh, agus mar sin chaidh iad air an aghaidh, gach aon a réir an teaghlachan, a réir tighe an aithreacha.

### CAIB. III.

*IS* iad so mar an ceudna ginealach Aaroin agus Mhaois, san là anns do labhair an Tighearna ri Maois ann an sliabh Shinai.

2 Agus *is* iad so ainmean mhac Aaroin; Nadab an ceud-ghin, agus Abihu, Eleasar, agus Itamar.

3 *Is* iad sin ainmeanna mhac Aaroin, na sagairt a dh'ungadh, a choisrig e gu frithealadh ann an dreuchd an t-sagairt.

4 Agus fhuair Nadab agus Abihu bàs an làthair an Tighearna, 'nuair a thug iad suas teine coimheach an làthair an Tighearna, ann am fàsach Shinai, agus cha robh clann aca: agus fhrithheil Eleasar agus Itamar ann an dreuchd an t-sagairt, ann an sealladh Aaroin an athar.

5 Agus labhair an Tighearna ri Maois, ag ràdh,

6 Thoir treubh Lebhi am fagus, agus taisbein iad an làthair Aaroin an t-sagairt, a chum's gu'm fritheil iad dha.

7 Agus gleidhidh iad a chùramsan, agus cùram a' choimhthionail uile air beulaobh pàilliu a' choimh-

thionail, a dheanamh seirbhis a' phàilliuin.

8 Agus gleidhidh iad uile shoithichean<sup>b</sup> pàilliuin a' choimhthionail, agus cùram chloinn Israeil, a dheanamh seirbhis a' phàilliuin.

9 Agus bheir thu na Lebhithich do Aaron agus d'a mhic: *tha* iad air an tabhairt da gu h-ìomlan a mach a cloinn Israeil.

10 Agus orduichidh tu Aaron agus a mhic, agus feithidh iadsan air dreuchd an t-sagairt: agus an coigreach, a thig am fagus, cuirear gu bàs e.

11 Agus labhair an Tighearna ri Maois, ag ràdh,

12 Agus mise, feuch, ghabh mi na Lebhithich o mheasg chloinn Israeil, an àite a' cheud-ghin uile a dh'fhosgail eas a' bhrù am measg chloinn Israeil: agus is leamsa na Lebhithich;

13 A chionn gur leamsa gach uile cheud-ghin; *oir* air an là anns an do bhua' mi gach ceud-ghin ann an tìr na h-Eiphit. naomhaich mi dhomh féin gach ceud-ghin ann an Israeil, eadar dhuine agus ainmhidh; is leamsa iad: *Is* mise an Tighearna.

14 Agus labhair an Tighearna ri Maois ann am fàsach Shinai, ag ràdh,

15 Aireamh clann Lebhi a réir tighe an aithreacha, a réir an teaghlach: gach firionnach o mhios a dh'aois agus os a cheann, àirnidh tu iad.

16 Agus dh'àireamh Maois iad a réir focail an Tighearna, mar a thugadh àithne dha.

17 Agus b'iad so mic Lebhi a réir an ainmean; Gerson, agus Cohat, agus Merari.

18 Agus is iad so ainmean mhac Ghersein a réir an teaghlach; Libni agus Simeì.

19 Agus mic Chohait a réir an teaghlach; Amram agus Idsar, Hebron agus Udsiel.

20 Agus mic Mherari a réir an teaghlach: Mabil, agus Musi: is iad sin teaghlach nan Lebhithich, a réir tighe an aithreacha.

21 O Ghersein *bha* teaghlach Libni, agus teaghlach Shimeì: is iad sin teaghlach nan Gersonach.

22 Iadsan a chaidh àireamh dhiubh, a réir àireimh nam firionnach uile o mhios a dh'aois agus os a cheann, *eudhon* iadsan a chaidh

àireamh dhiubh, b'iad seachd mìle agus cùig ceud.

23 Suidhichidh teaghlach nan Gersonach air cùlaobh a' phàilliuin air taobh na h-airde n' iar.

24 Agus *bithidh* Eliasaph mac Laeil, na cheann tighe athar nan Gersonach.

25 Agus air cùram c' mhac Ghersein, ann am pàilliuin d' a' choimhthionail, *bithidh* am pàilliuin féin, agus am bùth, a chòmhdach, agus am brat air son doruis pàilliuin a' choimhthionail,

26 Agus cùrteine na cùirte, agus am brat air son dorais na cùirte, a ta làimh ris a' phàilliuin, agus làimh ris an altair m'an cuairt, agus a cuird, air son a seirbhis uile.

27 Agus o Chohat *bha* teaghlach nan Amramach, agus teaghlach nan Idseharach, agus teaghlach nan Hebronach, agus teaghlach nan Udsielach: is iad sin teaghlach nan Cohatach.

28 Ann an àireamh nam firionnach uile o mhios a dh'aois agus os a cheann, *bha* ochd mìle agus sè ceud, a bha gleidheadh cùraim an ionaid naomha.

29 Suidhichidh teaghlach nan mhac Chohait air taobh a' phàilliuin mu dheas.

30 Agus *bithidh* Elisaphan mac Udsiel na cheann tighe athar teaghlach nan Cohatach.

31 Agus air an cùram-san *bithidh* an àire, agus am bord, agus an coinnleir, agus na h-altairean, agus soithichean an ionaid naomha, leis am fritheil iad, agus am brat, agus a seirbhis uile.

32 Agus *bithidh* Eleasar mac Aaron an t-sagairt na cheannard air ceannardaibh nan Lebhithich, agus *bithidh* suil aig orra-san, a bhios a' gleidheadh cùraim an ionaid naomha.

33 O Mherari *bha* teaghlach nam Mahlach, agus teaghlach nam Musitheach: is iad sin teaghlach nan Mherari.

34 Agus iadsan a chaidh àireamh dhiubh, a réir àireimh nam firionnach uile o mhios a dh'aois agus os a cheann, b'iad sè mìle agus dà cheud.

35 Agus b'e Suriel mac Abihail ceann tighe athar theaghlach nan Mherari: suidhichidh iadsan air taobh a' phàilliuin mu thuath.

36 Agus *fa* choimhead agus

*c'fa* choimhead. *d' bùth.* Eabh.  
*e' a' gleidheadh faire.* *f' uaislibh.*  
daoine urramach.



chùram mhac Mherari bithidh buird a' phàilliuin, agus a chroinn, agus a phuist, agus a bhuinn, agus a shoithichean uile, agus gach ni a fhrith-ealas da,

37 Agus puist na cùirte m'an cuairt, agus am buinn, agus am pinneachan, agus an cuird.

38 Ach iadsan a champaicheas air beulaobh a' phàilliuin air taobh na h-airde 'near, eadhon air beulaobh pàilliuin a' choimhthionail leth ri eirigh na grèine, is iad Maois agus Aaron, agus a mhic, a' gleidheadh cùraim an ionaid naomha, air son cùraim chloinn Israeil; agus an coigreach, a thig am fagus, cuirear gu bàs e.

39 Iadsan uile a chaidh àireamh do na Lebhithich, a dh'àireamh Maois agus Aaron a réir àithne an Tighearna, a réir an teaghlachian, na fhirionnaich uile o mhios a dh'aois agus os a cheann, b'iad dà mhìle thar fhichead.

40 Agus thubhairt an Tighearna ri Maois, Àireamh gach ceud-ghin a ta na fhirionnach do chloinn Israeil o mhios a dh'aois agus os a cheann, agus gabh àireamh an ainmean.

41 Agus gabhaidh tu na Lebhithich dhomhsa (*Is mise an Tighearna*) an àite nan ceud-ghin uile am measg chloinn Israeil; agus spréidh nan Lebhithich an àite nan ceud-ghin uile, am measg spréidhe chloinn Israeil.

42 Agus dh'àireamh Maois, mar a dh'àithn an Tighearna dha, gach ceud-ghin am measg chloinn Israeil.

43 Agus gach ceud-ghin a bha na fhirionnach, a réir àireimh nan ainmean, o mhios a dh'aois agus os a cheann, dhiubhsan a chaidh àireamh diubh, b'iad dà mhìle thar fhichead dà cheud agus tri fichead agus tri deug.

44 Agus labhair an Tighearna ri Maois, ag ràdh,

45 Gabh na Lebhithich an àite nan ceud-ghin uile am measg chloinn Israeil, agus spréidh nan Lebhithich an àite an spréidhe-san, agus bithidh na Lebhithich leamsa: *Is mise an Tighearna*.

46 Agus air an son-san a ta gu bli air am fuasgladh do'n dà cheud agus an tri fichead agus an tri-deug, do cheud-ghin chloinn Israeil, a tha ni's lionmhoire na na Lebhithich;

47 Gabhaidh tu eadhon cùig seceil am fear, air an ceann; a réir seceil an ionaid naomha gabhaidh

tu iad: is e 'n secel fichead gerah.

48 Agus bheir thu an t-airgiod, leis am fuasglar an àireamh chòrr diubh, do Aaron agus d'a mhic.

49 Agus ghabh Maois an t-airgiod fuasglaidh uatha-san a bha thuilleadh òrra-san, a dh'fhuasgladh leis na Lebhithich.

50 O cheud-ghin chloinn Israeil ghabh e an t-airgiod: mìle tri cheud agus tri fichead agus cùig seceil, a réir seceil an ionaid naomha.

51 Agus thug Maois airgiod na muinntir sin, a dh'fhuasgladh, do Aaron, agus d'a mhic, a réir focal an Tighearna, mar a dh'àithn an Tighearna do Mhaois.

## CAIB. IV.

**A**GUS labhair an Tighearna ri Maois, agus ri h-Aaron ag ràdh,

2 Gabh àireamh mhac Chohait o mheasg mac Lebbi, a réir an teaghlachian, a réir tighe an aithreacha;

3 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach neach a théid a steach do'n armailt, a dheanamh na h-oibre ann am pàilliuin a' choimhthionail.

4 So an t-seirbhis a bhios aig m'è Chohait ann am pàilliuin a' choimhthionail mu thimchioll nan nithe ro naomha.

5 Agus an uair a bhios an camp gu dol air 'aghaidh a, thig Aaron agus a mhic, agus bheir iad a nuas brat a' còmhdaich, agus còmhdaichidh iad àire na fianuis leis.

6 Agus cuiridh iad oirre an còmh-dachadh do chroicnibh bhroc, agus sgaoilidh iad os a ceann eudach uile do ghorm, agus cuiridh iad a bataichean innte.

7 Agus air bord arain na fianuis sgaoilidh iad eudach do ghorm, agus cuiridh iad air na miasan<sup>b</sup>, agus na tùiseirean<sup>c</sup> agus na copain<sup>d</sup>, agus na cuachan, leis an d' thoir ear seachad tabhartas-dibhe: agus bithidh an t-aran an còmhdaich air.

8 Agus sgaoilidh iad orra eudach scarlaid, agus còmhdaichidh iad sin le còmh-dachadh do chroicnibh bhroc, agus cuiridh iad a bhataichean ann.

9 Agus gabhaidh iad eudach do ghorm, agus còmhdaichidh iad coinnleir an t-soluis, agus a lòch-

a re atherrachadh. b soithichean.  
c liughan, spàinean.  
d cupain. e na còmhdaichean g'a còmh-dachadh.

rain, agus a chlobhachan<sup>a</sup>; agus a smàl-shoithichean, agus a shoithichean-olaidh uile, leis am fritheil iad da.

10 Agus cuiridh iad e *féin* agus a shoithichean uile ann an còmh-dachadh do chroicnibh bhroc, agus cuiridh iad air lunn e.

11 Agus air an altair òir sgaoilidh iad eudach do ghorm, agus còmh-daichidh iad i le còmh-dachadh do chroicnibh bhroc, agus cuiridh iad *rithe* a bataichean.

12 Agus gabhaidh iad na h-innill frithealaidh uile, leis am fritheil iad san ionad naomha, agus cuiridh iad ann an eudach do ghorm *iad*, agus còmh-daichidh iad le còmh-dachadh do chroicnibh bhroc iad, agus cuiridh iad air lunn iad.

13 Agus bheir iad air falbh an luath o'n altair, agus sgaoilidh iad eudach corcuir<sup>b</sup> oirre;

14 Agus cuiridh iad oirre a soithichean uile, leis am fritheil iad m'a timchioll, *cadhon* na tùiseiran<sup>c</sup>, na greimichean-feòla, agus na sluasaidhean, agus na cuachan<sup>d</sup>, soithichean na h-altarach uile; agus sgaoilidh iad oirre còmh-dachadh do chroicnibh bhroc, agus cuiridh iad *rithe* a bataichean.

15 Agus crìochnaichidh Aaron agus a mhic còmh-dachadh an ionaid naomha, agus uile shoithichean an ionaid naomha, nuair a bhios an camp gu dol air 'aghaidh; agus an deigh sin thig mic Chohait g'an giùlan: ach cha bhean iad ri ni naomha *sam bith*, an t-eagal gu'm bàsaich iad. *Is iad na nithe* sin eallach mhac Chohait ann am pàillion a' choimhthionail.

16 Agus do dhreuchd Eleasair mhic Aaron an t-sagairt, *buinidh* an oladh chum an t-soluis, agus an tùis chùbhraidh, agus an tabhartas-bidh lathail, agus an oladh-ungaidh, agus cùram<sup>e</sup> a' phàilliuin uile, agus nan uile nithe a *ta* ann, san ionad naomha, agus na shoithicheibh.

17 Agus labhair an Tighearna ri Maois, agus ri h-Aaron, ag ràdh,

18 Na gearraibh as treubh theaghlaichean nan Còhatach o mheasg nan Lebhitheach.

19 Ach so ni sibh riu, chum as gu'm bi iad beo agus nach bàsaich iad, an uair a thig iad am fagus do na nithibh ro naomha; thèid Aaron agus a mhic a steach, agus orduich-

idh siad iad gach aon d'a sheirbhis *féin*, agus d'a eallaich.

20 Ach cha d' thèid iad a steach a dh'fhaiciun an uair a chòmh-daichear na nithe naomha, an t-eagal gu'm faigh iad bàs.

21 Agus labhair an Tighearna ri Maois, ag ràdh,

22 Gabh mar an ceudna àireamh mhac Ghersein, a réir tighe an aithreacha, a réir an teaghlaichean.

23 O dheich bliadhna fichead a dh'aois agus os a cheann, gu leth-cheud bliadhna dh'aois àirmhidh tu iad; gach neach a thèid a steach a dheanamh na seirbhis, a dheanamh na h-oibre ann am pàillion a' choimhthionail.

24 *Is i* so seirbhis theaghlaichean nan Gersonach, seirbhis a dheanamh, agus eallach a ghiùlan<sup>f</sup>.

25 Agus giùlainidh iad cùrteinean a' phàilliuin, agus pàillion a' choimhthionail, a chòmh-dach, agus an còmh-dach do chroicnibh bhroc, a ta shuas thairis air, agus brat doruis pàilliuin a' choimhthionail.

26 Agus cùrteine na cùrte, agus brat doruis geataidh na cùrte, a ta làimh ris a' phàillion, agus ris an altair m'an cuairt, agus an cuird, agus innil am frithealaidh uile, agus gach ni a rinneadh air an son: mar so ni iad seirbhis.

27 A réir focail Aaron agus a mhac bithidh uile sheirbhis mhac nan Gersonach, nan eallachaibh uile, agus nan seirbhis uile: agus orduichidh sibh choibh mar an cùram an eallachan uile.

28 *Is i* so seirbhis theaghlaichean mhac Ghersein, ann am pàillion a' choimhthionail; agus *bithidh* an cùram fuidh làimh Itamair mhic Aaron an t-sagairt.

29 A thaobh mhac Mherari, àirmhidh tu iad a réir an teaghlaichean, a réir tighe an aithreacha:

30 O dheich bliadhna fichead a dh'aois agus os a cheann, eadhon gu leth-cheud bliadhna dh'aois àirmhidh tu iad, gach aon a thèid a steach do'n t-seirbhis, a dheanamh oibre pàilliuin a' choimhthionail.

31 Agus *is e* so cùram an eallaich, a réir an seirbhis uile ann am pàillion a' choimhthionail; buird a' phàilliuin, agus a chroinn, agus a phuist, agus a bhuinn,

32 Agus puist na cùrte m'an cuairt, agus am buinn, agus am piinneacha<sup>g</sup>, agus an cuird, maille r'an innealaibh uile, agus maille r'an

<sup>a</sup> a theanchairean. <sup>b</sup> purpur.  
<sup>c</sup> tùis-shoithichean. <sup>d</sup> soithichean-erathaidh. <sup>e</sup> sùil bheackd.

<sup>f</sup> air son uallaich.  
<sup>g</sup> gearan.

<sup>h</sup> tairn-

seirbhis uile; agus air an ainm àirmhaidh sibh iunil cùraim an eallaich.

33 Is i so seirbhis theaghlaicean mhac Mherari, a réir an seirbhis uile ann am pàillion a' choimhthionail, fuidh làimh Itamair, mhic Aaron an t-sagairt.

34 Agus dh'àireamh Maois agus Aaron agus ceannardan a' choimhchruinnich mic nan Cohatach, a réir an teaghlaicean, agus a réir tighe an aithreacha;

35 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, chum oibre ann am pàillion a' choimhthionail.

36 Agus iadsan a chaidh àireamh dhiubh a réir an teaghlaicean, b'iad dà mhile seachd ceud agus leth cheud.

37 B'iad so iadsan a chaidh àireamh do theaghlaihibh nan Cohatach, gach neach a dh'fheudadh seirbhis a dheanamh ann am pàillion a' choimhthionail; a dh'àireamh Maois agus Aaron, a réir àithne an Tighearna le làimh Mhaois.

38 Agus iadsan a chaidh àireamh do mhic Ghersoin, a réir an teaghlaicean, agus a réir tighe an aithreacha;

39 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, a chum oibre ann am pàillion a' choimhthionail;

40 Eadhon iadsan a chaidh àireamh dhiubh, a réir an teaghlaicean, a réir tighe an aithreacha, b'iad dà mhile agus sè ceud agus deich ar fhichead.

41 So iadsan a chaidh àireamh do theaghlaihibh mhac Ghersoin, do gach neach a dh'fheudadh seirbhis a dheanamh ann am pàillion a' choimhthionail, a dh'àireamh Maois agus Aaron a réir àithne an Tighearna.

42 Agus iadsan a chaidh àireamh do theaghlaihibh mhac Mherari, a réir an teaghlaicean, a réir tighe an aithreacha;

43 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a stigh do'n t-seirbhis, chum oibre ann am pàillion a' choimhthionail;

44 Eadhon iadsan a chaidh àireamh dhiubh a réir an teaghlaicean, b'iad trì mìle agus dà cheud.

45 So iadsan a chaidh àireamh do

theaghlaihibh mhac Mherari, a dh'àireamh Maois agus Aaron, a réir fòcail an Tighearna le làimh Mhaois.

46 Iadsan uile a chaidh àireamh do na Lebhitich, a dh'àireamh Maois agus Aaron agus ceannardan Israeil, a réir an teaghlaicean, agus a réir tighe an aithreacha;

47 O dheich bliadhna ar fhichead agus os a cheann, eadhon gu leth-cheud bliadhna dh'aois, gach aon a thàinig a dheanamh seirbhis an fhrithealaidh, agus seirbhis na h-eallaich ann am pàillion a' choimhthionail;

48 Eadhon iadsan a chaidh àireamh dhiubh, b'iad ochd mìle agus cùig ceud agus ceithir fichead.

49 A réir àithne an Tighearna dh'àirmheadh iad le làimh Mhaois, gach aon a réir a sheirbhis, agus a réir 'eallaich: mar so dh'àirmheadh iad leis, mar a dh'àithn an Tighearna do Mhaois.

#### CAIB. V.

**A** GUS labhair an Tighearna ri Maois, ag ràdh,

2 Aithn do chloinn Israeil, iad a chur a mach as a' champ gach lohhar, agus gach neach air an bheil silteach, agus gach neach a ta air a shalchadh leis a' mharbhadh.

3 Araon firionnach agus bainionnach cuiridh sibh a mach, an taobh a muigh do'n champ cuiridh sibh iad; a chum as nach truail iad an campan, anns am bheil mise gabhail còmhnuidh.

4 Agus rinn clann Israeil mar so, agus chuir iad a mach iad an taobh a muigh do'n champ: mar a labhair an Tighearna ri Maois, mar sin rinn clann Israeil.

5 Agus labhair an Tighearna ri Maois, ag ràdh,

6 Abair ri cloinn Israeil, An uair a ni fear no bean peacadh air bith a ni daoine, a dheanamh eusaontais a an aghaidh an Tighearna, agus gu'm bheil an t-anam sin ciontach;

7 An sin aidichidh iad an peacadh, a rinn iad: agus ni e coimhleasachadh air son 'eucorach san ionlan agus cuiridh e an cùigeadh cuid deth ris, agus bheir e sin dhasan, air an d'rinn e 'n eucoir.

8 Ach mur bi aig an duine caraid sam bith gu coimhleasachadh a thoirt da san eucoir, thugar an coimhleasachadh, a nithear do'n

a' euceirt.

c chiontaidh.

Eabh.

b dloladh, éiric.

d dioghaltair.

Tighearn air son na h-eucorach, do'n t-sagart; a thuilleadh air reithe na réite, leis an deanar an réite air a shon.

9 Agus gach tabhartas do nithibh naomha chloinn Israeil uile, a bheir iad chum an t-sagairt, is leis-san iad.

10 Agus nithe coisrigte gach duine, is leis-san iad; ge b'e ni a bheir duine sam bith do'n t-sagart, is leis e.

11 Agus labhair an Tighearna ri Maois, ag ràdh,

12 Labhair ri cloinn Israeil, agus abair riu, Ma théid bean fir sam bith a thaobh, agus gu'n ciontaich i na aghaidh,

13 Agus gu'n luidh fear gu col-laidh leatha, agus gu'm bi sin fo-laichte o shùilibh a fir-pòsda, agus gu'm bi e ceilte a, agus gu'm bi i air a thruaileadh, agus nach bi fian-uis sam bith na h-aghaidh, agus gun i air a glacadh *sa' chùis*.

14 Agus gu'n d' thig spiorad eud air, agus gu'm bheil e 'g eudach air a mhnaoi, agus gu'n do thruaileadh i; no ma thàinig spiorad eud air, agus gu'm bheil e eudmhor m'a mhnaoi, agus nach do thruaill-cadh i:

15 An sin bheir an duine a bhean a dh'ionnsuidh an t-sagairt, agus bheir e leis a tabhartas air a son, an deicheamh *cuid* a dh'ephah do mhin eorna; cha dòirt e oladh air, ni mò a chuireas e tùis air, oir is tabhartas eudaich a t'ann, tabhartas cuimhneachain, a' toirt aingidh-cachd ann an cuimhne.

16 Agus bheir an sagart am fagus i, agus cuiridh e i an làthair an Tighearna.

17 Agus gabhaidh an sagart uisge naomha ann an soitheach creadha, agus gabhaidh an sagart *cuid* do'n duslach, a bhios air urlar a' phàill-luin, agus cuiridh e san uisge e.

18 Agus cuiridh an sagart a' bhean ann an làthair an Tighearna, agus rùisgidh e ceann na mnà, agus cuiridh e 'n tabhartas cuimhneachain na làmhaidh, eadhon an tabhartas eudaich; agus bithidh aig an t-sagart na làmh an t-uisge searbh, a mhallaicheas.

19 Agus gabhaidh an sagart mionnan dhith, agus their e ris a' mhnaoi. Mur do luidh fear sam bith leat, agus mur deachaidh tu thaobh gu neo-ghloine *maille ri neach eile* an àite t'fhir-pòsda, bi-sa

saor o 'n uisge shearbh so, a mhal-laicheas:

20 Ach ma chaidh tu thaobh *gu neach eile* an àite t'fhir-pòsda, agus gu'n do thruaileadh thu, agus gu'n do luidh fear eile leat a thuilleadh air t-fhear-pòsda;

21 An sin gabhaidh an sagart do'n mhnaoi mionnan mallachaidh, agus their an sagart ris a' mhnaoi, Gu'n deanadh an Tighearn a'd' mhallachadh agus a'd' mhionnan thu am measg do shluaigh, 'nuair a bheir an Tighearn air do shliasaidh lobh-adh, agus air do bhroinn atadh:

22 Agus théid an t-uisge so a mhallaicheas a stigh a'd' innibh e, a thoirt air do bhroinn atadh, agus air do shliasaidh lobh-adh: Agus their a' bhean, Amen, amen.

23 Agus sgrìobhaidh an sagart na mallachdan sin ann an leabhar, agus dubhaidh e mach iad leis an uisge shearbh;

24 Agus bheir e air a' mhnaoi an t-uisge searbh, a bheir am mallachadh. òl: agus théid an t-uisge a mhallaicheas a steach innte, agus *fàsaidh e* searbh.

25 An sin gabhaidh an sagart an tabhartas eudaich a làmh na mnà, agus luaisgidh e 'n tabhartas an làthair an Tighearna, agus bheir e seachad e air an altair.

26 Agus gabhaidh an sagart làn glaise do'n tabhartas, eadhon a chuimhneachan, agus loisgidh e air an altair e, agus an deigh sin bheir e air a' mhnaoi an t-uisge òl.

27 Agus an uair a bheir e oirre an t-uisge òl, an sin tarlaidh, ma thruaileadh i, agus mar rinn i coire an aghaidh a fir-pòsda, gu'n d' théid an t-uisge a mhallaicheas a steach innte, agus *fàsaidh e* searbh, agus ataidh a brù, agus lobhaidh a shlasaid: agus bithidh a' bhean na mallachadh am measg a sluaigh.

28 Agus mur do thruaileadh a' bhean, ach gu'm bheil i glan; an sin bithidh i saor, agus *fàsaidh i* torrach.

29 Is e so lagh nan eud, an uair a théid bean a thaobh *gu fear eile* an àite a fir-pòsda, agus a thruaill-eir i;

30 No 'nuair a thig spiorad eud air fear, agus a tha e eud-mhor m'a mhnaoi, agus a chuireas e a' bhean an làthair an Tighearna, agus a chuireas an sagart an guionh oirre an lagh so uile;

31 An sin bithidh an duine saor

<sup>a</sup> am folach.  
jealousy. Sasg.

<sup>b</sup> an offering of

<sup>c</sup> luathre.  
ack.

<sup>d</sup> leas.

<sup>e</sup> mhion-



o'n chionta, agus giùlainidh a' bhean so a cionta.

## CAIB. VI.

**A** GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, 'Nuair a dhealaicheas aon chuid bean no fear *iad féin* a bhòideachadh bòid Nasaraich a chum *iad féin* a dhealachadh a do'n Tighearna;

3 O fhion, agus o dhìbh làidir sgaraidh se e féin; fion-geur fiona, no fion-geur dìbhe laidir cha'n òl e, ni mò a dh'òlas e bheag do shùgh nam fion-dhearcan, ni mò a dh'ith-eas e fion-dhearcan ùr no tioram.

4 Uile laithean a dhealachaidh cha'n ith e bheag a nithear do'n chraoibh-fhiona, o na h-eiteanaibh gus am plaosg.

5 Uile laithean bòid a dhealachaidh, cha d' thig ealtainn air a cheann: gus an coimhlionar na laithean anns an dealaich se e *féin* do'n Tighearna, bithidh e naomha; agus leigidh e le ciabhaibh gruaige a chinn fàs.

6 Sna laithibh sin uile anns an dealaich se e *féin* do'n Tighearna, cha d' thig e 'm fagus do chorp b' marbh sam bith.

7 Cha dean se e féin neo-ghlan air son 'athar, no air son a mhàthar, air son a bhàthar, no air son a pheathar, an uair a gheibh iad bàs; do bhrìgh gu *bheil* coisreagadh a Dhé air a cheann.

8 Uile laithean a dhealachaidh *tha* e naomha do'n Tighearna.

9 Agus ma gheibh duine gu h-obann bàs làmh ris, agus gu'n do shalaich e ceann a choisreagaidh; an sin bearraidh e e 'cheann ann an là a ghlanaidh, air an t-seachdamh là bearraidh se e.

10 Agus air an ochdamh là bheir e dà thurtur<sup>d</sup>, no dà choluman òg; a dh'ionnsuidh an t-sagairt, gu dorus pàilluin a' choimhthionail.

11 Agus iobraidh an sagart fear diubb mar iobairt-pheacaidh, agus am fear eile mar iobairt-loisgte, agus ni e réite air a shon, do bhrìgh gu'n do pheacaidh e thaobh a' mhairbh, agus naomhaichidh e 'cheann san là sin féin.

12 Agus coisrigidh e do'n Tighearna laithean a dhealachaidh, agus bheir e leis nan do'n cheud bhliadhna chum iobairt-eusaontais: ach bithidh na laithean a chaidh seachad

cailte, do bhrìgh gu'n do shalaich-eadh a dhealachadh.

13 Agus is e so lagh an Nasaraich: 'Nuair a chieimhlionar laithean a dhealachaidh, bheirear e e gu dorus pàilluin a' choimhthionail:

14 Agus bheir e seachad a thabhartas do'n Tighearna, aon uan fionn do'n cheud bhliadhna gun ghaoid a chum iobairt-loisgte, agus aon uan bainionn do'n cheud bhliadhna gun ghaoid a chum iobairt-pheacaidh, agus aon reithe gun ghaoid a chum iobairt-shith;

15 Agus bascaid do aran neo-ghoirtichte, breacagan do phlùr mìr measgta le h-oladh, agus dearna gana do aran neo-ghoirtichte ungta le h-oladh, agus an tabhartas-bìdh, agus an tabhartasan-dìbhe;

16 Agus bheir an sagart *iad* an làthair an Tighearna, agus iobraidh e 'iobairt-pheacaidh, agus 'iobairt-loisgte.

17 Agus iobraidh e 'n reithé mar iobairt thabhartasan-sith do'n Tighearna, maille ris a' bhascaid do aran neo-ghoirtichte: bheir an sagart seachad mar an ceudna a thabhartas-bìdh, agus a thabhartas-dìbhe.

18 Agus bearraidh an Nasarach ceann a dhealachaidh, aig dorus pàilluin a' choimhthionail; agus gabhaidh e gruag cinn a dhealachaidh, agus cuiridh e i san teine, a *ta* fuidh iobairt nan tabhartasan-sith.

19 Agus gabhaidh an sagart slinnein bruich an reithe, agus aon bhreacag neo-ghoirtichte as a' bhascaid, agus aon dearnagan neo-ghoirtichte; agus cuiridh e *iad* air làmhaidh an Nasaraich, an déigh do *ghruag* a dhealachaidh bhi air a bearradh.

20 Agus luaisgidh an sagart *iad* mar thabhartas-luaisgte an làthair an Tighearna; *tha* so naomha do'n t-sagart maille ris an uchd luaisgte, agus *maille ris* an t-slinnean thogta: agus an déigh sin feudaidh an Nasarach fion òl.

21 Is e so lagh an Nasaraich, a thug bòid, *agus lagh* a thabhartais do'n Tighearna air son a dhealachaidh, a thuilleadh air na gheibh a làmh; a réir a bhòid a bhòidich e, mar sin is éigin da dheanamh, a réir lagh a dhealachaidh.

22 Agus labhair an Tighearna ri Maois, ag ràdh,

23 Labhair ri h-Aaron agus ri a mhic, ag ràdh, Air a' mhodh so

beannuichidh sibh clann Israeil, ag ràdh riu,

24 Gu'm beannuicheadh an Tighearn thu, agus gu'n gleidheadh e thu:

25 Gu'n d' thugadh an Tighearn air 'aghaidh dealrachadh ort, agus litheadh e gràs mhor dhuit:

26 Gu'n togadh an Tighearna suas a ghuais ort, agus gu'n d' thugadh e sìth dhuit.

27 Agus cuiridh iad m'ainm air cloinn Israeil, agus beannuichidh mise iad.

CAIB. VII.

**A** GUS tharladh air an là anns an do chuir Maois suas am pàill-eun gu h-ìomlan, agus san d'ung se e, agus san do nàomhaich se e, agus 'uidheam a uile, araon b' an altair agus a soithichean uile, agus san d'ung e iad, agus san do naomhaich e iad;

2 Gu'n d' thug ceannardan e Israeil, cinu tighe an aithreacha (eadhon ceannardan nan treubh, a bha os cionn na muinntir a chaidh air eamh) seachad tabhartas:

3 Agus thug iad an tabhartas an làthair an Tighearna, sè feunan comhdaichte, agus dà dhàmh dheng: feund air son dithis do na ceannardanib, agus damh air son gach fear dhiubh, agus thug iad air beulaobh a' phàilliuin iad.

4 Agus labhair an Tighearna ri Maois, ag ràdh,

5 Gabh uatha iad, a chum as gu'm bi iad a dhéanamh seirbhìs pàilliuin a' choimhthionail; agus bheir thu iad do na Lebhithich, do gach fear a réir a sheirbhìs.

6 Agus ghabh Maois na feunan agus na daimh, agus thug e do na Lebhithich iad.

7 Dà fheun agus ceithir daimh thug e do mhic Gheroin, a réir an seirbhìse.

8 Agus ceithir feunan agus ochd daimh thug e do mhic Mherari, a réir an seirbhìs, fuidh làimh lta-mair mhic Aaroin an t-sagairt.

9 Ach do mhic Chohait cha d' thug e h-aon air bith; a chionn gu'm b'e seirbhìs an ionaid naomha a bhuineadh dhoibhsan, gu'n gèillaineadh iad air an gvaillibh.

10 Agus thug na ceannardan seachad tabhartas a chum coisreagaidh na h-altarach, air an là anns an d'ungadh i; thug eadhon na

ceannardan seachad an tabhartas air beulaobh na h-altarach.

11 Agus thubhairt an Tighearna ri Maois, Bheir gach ceannard seachad a tabhartas air a là féin, chum coisreagaidh na h-altarach.

12 Agus esan a thug seachad a tabhartas air a' cheud là, b'e Nahson mac Amminadaib do thréibh Iudaih.

13 Agus b'e a tabhartas aon mhias airgid, d'am bu chudthrom ceud agus deich seceil 'ar fhichead, aon chuach airgid do dheich agus trì fichead seceil, a réir seceil an ionaid naomha, iad le chéile làn do phlùr min measgta le h-oladh, chum tabhartais-bidh:

14 Aon spàin do dheich seceil oir, làn do thùis:

15 Aon tarbh òg, aon reithe, aon uan do'n cheud bhliadna, chum lobairt-loisgte:

16 Aon mheann do na gabhraibh chum lobairt pheacaidh;

17 Agus a chum lobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadna. B'e so tabhartas Nahsoin mhic Amminadaib.

18 Air an dara là thug Nataneel, mac Shair, ceannard Isachair, seachad tabhartas.

19 Thug e seachad mar a tabhartas aon mhias airgid, d'am bu chudthrom ceud agus deich seceil 'ar fhichead, aon chuach airgid do dheich agus trì fichead seceil, a réir seceil an ionaid naomha, iad le chéile làn do phlùr min measgta le h-oladh, chum tabhartais-bidh:

20 Aon spàin oir do dheich seceil, làn do thùis:

21 Aon tarbh òg, aon reithe, aon uan do'n cheud bhliadna, chum lobairt-loisgte:

22 Aon mheann do na gabhraibh chum lobairt-pheacaidh:

23 Agus a chum lobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadna. B'e so tabhartas Nataneil, Mh'c Shuair.

24 Air an treas là thug Eliab, mac Helo'n ceannard chloinn Shebuluin, seachad tabhartas.

25 B'e a tabhartas-san aon mhias airgid, d'am bu chudthrom ceud agus deich seceil 'ar fhichead, aon chuach airgid do dheich agus trì fichead seceil a réir seceil an ionaid naomha, iad le chéile làn do

a innil, a shoithichean. b agus.  
Eabh. c cinn-feadhna, maithean.  
d feanaidh. e am frithealaidh,  
am foghnaidh.

f chlùr. g cho'p'an, soitheack-crathaidh.

phlùr min measgta le h-oladh, chum tabhartais-bidh;

26 Aon spàin òir do dheich *seceil*, làn do thùis:

27 Aon tarbh òg, aon reithe, aon uan do'n cheud bhliadhna, chum iobairt-loisgte:

28 Aon mheann do na gabhraibh chum iobairt-pheacaidh:

29 Agus a chum iobairt nan tabhartas-sith, dà tharbh, cùig reith-eachan, cùig buic-gaibhre, cùig uain do'n cheud bhliadhna. *B'e* so tabhartas *Eliaib* mhic *Heloin*.

30 Air a' cheathramh là *thug* *Elisur* mac *Shedeuir*, ceannard chloinn *Reubein*, *seachad tabhartas*.

31 *B'e* a thabhartas aon mhias airgid do cheud agus deich *seceil* 'ar fhichead, aon chuach airgid do dheich agus tri fichead *seceil* a réir *seceil* an ionaid naomha, iad le chéile làn do phlùr min measgta le h-oladh, chum tabhartais-bidh:

32 Aon spàin òir do dheich *seceil*, làn do thùis:

33 Aon tarbh òg, aon reithe, aon uan do'n cheud bhliadhna, chum iobairt-loisgte:

34 Aon mheann do na gabhraibh chum iobairt-pheacaidh:

35 Agus a chum iobairt nan tabhartas-sith, dà tharbh, cùig reith-eachan, cùig buic-gaibhre, cùig uain do'n cheud bhliadhna. *E'e* so tabhartas *Elisuir* mhic *Shedeuir*.

36 Air a' chùigeadh là *thug* *Selumiel* mac *Shurisa-dai*, ceannard chloinn *Shimeoin*, *seachad tabhartas*.

37 *E'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead *seceil*, a réir *seceil* an ionaid naomha, iad le chéile làn do phlùr min measgta le h-oladh, chum tabhartais-bidh.

38 Aon spàin òir do dheich *seceil*, làn do thùis:

39 Aon tarbh òg, aon reithe, aon uan do'n cheud bhliadhna, chum iobairt-loisgte:

40 Aon mheann do na gabhraibh chum iobairt-pheacaidh:

41 Agus a chum iobairt nan tabhartas-sith, dà tharbh, cùig reith-eachan, cùig buic-gaibhre, cùig uain do'n cheud bhliadhna. *B'e* so tabhartas *Shelumiel* mhic *Shurisa-dai*.

42 Air an t-seathadh là *thug* *Elisaph* mac *Dheueil*, ceannard chloinn *Ghad*, *seachad tabhartas*.

43 *B'e* a thabhartas-san aon mhias

airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead *seceil*, a réir *seceil* an ionaid naomha, iad le chéile làn do phlùr min measgta le h-oladh, chum tabhartais-bidh:

44 Aon spàin òir do dheich *seceil*, làn do thùis:

45 Aon tarbh òg, aon reithe, aon uan do'n cheud bhliadhna, chum iobairt-loisgte:

46 Aon mheann do na gabhraibh chum iobairt-pheacaidh:

47 Agus a chum iobairt nan tabhartas-sith, dà tharbh, cùig reith-eachan, cùig buic-gaibhre, cùig uain do'n cheud bhliadhna. *B'e* so tabhartas as *Eliasaiph* mhic *Dheueil*.

48 Air an t-seachdamh là *thug* *Elisama* mac *Amihuid*, ceannard chloinn *Ephraim*, *seachad tabhartas*.

49 *E'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead *seceil*, a réir *seceil* an ionaid naomha, iad le chéile làn do phlùr min measgta le h-oladh, chum tabhartais-bidh:

50 Aon spàin òir do dheich *seceil*, làn do thùis:

51 Aon tarbh òg, aon reithe, aon uan do'n cheud bhliadhna, chum iobairt-loisgte:

52 Aon mheann do na gabhraibh chum iobairt-pheacaidh:

53 Agus a chum iobairt nan tabhartas-sith, dà tharbh, cùig reith-eachan, cùig buic-gaibhre, cùig uain do'n cheud bhliadhna. *B'e* so tabhartas *Elisama* mhic *Amihuid*.

54 Air an ochdamh là *thug* *Gama-riel* mac *Phedahsuir*, ceannard chloinn *Mhanaseih*, *seachad tabhartas*.

55 *B'e* a thabhartas-san aon mhias airgid do cheud agus deich *seceil* 'ar fhichead, aon chuach airgid do dheich agus tri fichead *seceil* a réir *seceil* an ionaid naomha, iad le chéile làn do phlùr min measgta le h-oladh, chum tabhartais-bidh:

56 Aon spàin òir do dheich *seceil*, làn do thùis:

57 Aon tarbh òg, aon reithe, aon uan do'n cheud bhliadhna, chum iobairt-loisgte:

58 Aon mheann do na gabhraibh chum iobairt-pheacaidh:

59 Agus a chum iobairt nan tabhartas-sith, dà tharbh, cùig reith-

eachan, cùig buic-gaibhre, cùig uan do'n chend bhliadhna, chum wain do'n cheud bhliadhna. *B'e* iobairt loisgte:

60 Air an naothadh là, *thug* Ahidan mac Ghideoni, ceannard chloinn Bheniamin *seachad tabhartas*.

61 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead seceil, a réir seceil an ionaid naomha, iad le chéile làn do phlùr min measgta le h-oladh, chum tabhartais-bidh:

62 Aon spàin òir do dheich *seceil*, làn do thùis:

63 Aon tarbh òg, aon reithe, aon uan do'n chend bhliadhna, chum iobairt-loisgte:

64 Aon mheann do na gabhraibh chum iobairt-pheacaidh:

65 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uan do'n cheud bhliadhna. *B'e* so tabhartas Abidain mhic Ghi-deoni.

66 Air an deicheamh là *thug* Ahieser mac Amisadai, ceannard chloinn Dhan, *seachad tabhartas*.

67 *B'e* a thabhartas-san aon mhias airgid, d'ambu chudthrom ceud agus deich *seceil* 'ar fhichead, aon chuach airgid do dheich agus tri fichead seceil, a réir seceil an ionaid naomha, iad le chéile làn do phlùr min measgta le h-oladh, chum tabhartais-bidh:

68 Aon spàin òir do dheich *seceil*, làn do thùis:

69 Aon tarbh òg, aon reithe, aon uan do'n chend bhliadhna, chum iobairt-loisgte:

70 Aon-mheann do na gabhraibh chum iobairt-pheacaidh:

71 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uan do'n cheud bhliadhna. *B'e* so tabhartas Ahieser mhic Amisadai.

72 Air an aon là deng *thug* Paget mac Ocrain, ceannard chloinn Aseir, *seachad tabhartas*.

73 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead seceil a réir seceil an ionaid naomha, iad le chéile làn do phlùr min measgta le h-oladh, chum tabhartais-bidh:

74 Aon spàin òir do dheich *seceil*, làn do thùis:

75 Aon tarbh òg, aon reithe, aon

uan do'n chend bhliadhna, chum iobairt loisgte:

76 Aon mheann do na gabhraibh chum iobairt-pheacaidh:

77 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uan do'n cheud bhliadhna. *B'e* so tabhartas Phagieil mhic Ocrain.

78 Air an dara là deng, *thug* Ahira mac Enain, ceannard chloinn Naphtali, *seachad tabhartas*.

79 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead seceil, a réir seceil an ionaid naomha, iad le chéile làn do phlùr min measgta le h-oladh, chum tabhartais-bidh:

80 Aon spàin òir do dheich *seceil*, làn do thùis:

81 Aon tarbh òg, aon reithe, aon uan do'n cheud bhliadhna, chum iobairt-loisgte.

82 Aon mheann do na gabhraibh chum iobairt-pheacaidh:

83 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uan do'n cheud bhliadhna. *B'e* so tabhartas Ahira mhic Enain.

84 *B'e* so coisreagadh na h-altarach (san là anns an d'ungadh i) le ceannardaibh Israeil: dà mhias dheug airgid, dà chuach dheug airgid, dà spàin dheug òir:

85 *Bu chudthrom* do gach mèis airgid ceud agus deich *seceil* 'ar fhichead, agus do gach cuach deich agus tri fichead: *B'e cudthrom* nan soithichean airgid uile, dà mhile agus ceithir cheud *seceil*, a réir seceil an ionaid naomha.

86 *Bha* dà spàin dheug òir ann, làn do thùis, cudthrom each aon fa leth deich seceil a réir seceil an ionaid naomha: *b'e* òr nan spàinean uile ceud agus fichead seceil.

87 *B'iad* na tairbh uile chum iobairt-loisgte dà tharbh dheug, na reitheachan a dhà-dheug, na h-uain do'n cheud bhliadhna dhà-dheug, maille r'an tabhartas-bidh: agus na minn do na gabhraibh chum iobairt-pheacaidh dhà-dheug.

88 Agus *b'iad* na tairbh nile chum iobairt nan tabhartas-sith, ceithir tairbh 'ar fhichead, na reitheachan tri fichead, na buic-gaibhre tri fichead, na h-uain do'n cheud bhliadhna tri fichead. *B'e* so coisreagadh na h-altarach an deigh dh'i bhí air a h-ungadh.

89 Agus an uair a chaidh Maois a steach do phàillion a' choinntion-



ail, a labhairt ris: an sin chual e guth *aon* a' labhairt ris o uachdar cathair-na-tròcair, a *bha* os cionn àire na fianuis, o eadar an dà cherub: agus labhair e ris.

## CAIB. VIII.

**A** GUS labhair an Tighearna ri Maois, ag ràdh,

2 Labhair ri h-Aaron, agus abair ris, 'Nuair a lasas tu na lochrain, bheir na seachd lochrain solus untha thall fa chomhair a' choinnleir.

3 Agus rinn Aaron mar sin; las e a lochrain thall fa chomhair a' choinnleir; mar a dh'àithn an Tighearna do Mhaois.

4 Agus b'e so obair a' choinnleir: *bha* e dh'òr buailte gu nuig a chas, gu nuig a bhlàthan *bha* e dh'obair bhuaite: a réir an t-samhlaidh a nochd an Tighearna do Mhaois, mar sin rinn e 'n coinnleir.

5 Agus labhair an Tighearna ri Maois, ag ràdh,

6 Gabh na Lebhithich o mheasg chloinn Israeil, agus glan iad.

7 Agus mar so ni thu riu, chum an glanadh: crath uisge glanaidh orra, agus thugadh iad ealtainn thar b am feoil uile, agus nigheadh iad an eudach, agus *mar sin* deanadh iad glan iad féin.

8 An sin gabhadh iad tarbh òg maille r'a thabhartas-bidh, *eadhon* plùr min measgta le h-oladh, agus tarbh òg eile gabhaidh tu chum iobairt-pheacaidh.

9 Agus bheir thu na Lebhithich air beulaobh pàilliuin a' choimhthionail: agus crùinnichidh tu coimhthional chloinn Israeil uile an ceann a' chéile:

10 Agus bheir thu na Lebhithich an lathair an Tighearna, agus cuiridh clann Israeil an làmhan air na Lebhithich:

11 Agus luaisgidh Aaron na Lebhithich ann an làthair an Tighearna, *mar* thabhartas luaisgte o chloinn Israeil; a chum as gu'n dean iad seirbhis an Tighearna.

12 Agus cuiridh na Lebhithich an làmhan air cinn nan tarbh; agus iobraidh tu h-aon *drubh mar* iobairt-pheacaidh, agus am fear eile *mar* iobairt-loisgte do'n Tighearna, a dheanamh réite air son nan Lebhithich.

13 Agus cuiridh tu na Lebhithich an làthair Aaron, agus an làthair a mhac, agus luaisgidh tu iad *mar* thabhartas-luaisgte do'n Tighearna.

14 Mar so sgaraidh tu na Lebhithich o mheasg chloinn Israeil; agus bithidh na Lebhithich leamsa,

15 Agus na dhéigh sin théid na Lebhithich a steach a dheanamh seirbhis pàilliuin a' choimhthionail; agus glanaidh tu iad, agus luaisgidh tu iad *mar* thabhartas-luaisgte:

16 Oir thugadh dhomhsa' gu h-iomlan iad o mheasg chloinn Israeil; an àite gach aon a dh'fhosglas a' bhrù, *eadhon an àite* ceudghin chloinn Israeil uile, ghabh mi dhomh iad.

17 Oir is leamsa uile cheud-ghl chloinn Israeil, *araon* duine agus ainmhidh: san là air an do bhual mi gach ceud-ghin ann an tìr na h-Eiphit, naomhaich mi iad dhomh féin.

18 Agus ghabh mi na Lebhithich an àite uile cheud-ghin chloinn Israeil.

19 Agus thug mi na Lebhithich mar thiodhlac do Aaron, agus d'a mhic, o mheasg chloinn Israeil, a dheanamh seirbhis chloinn Israeil ann am pàilliuin a' choimhthionail, agus a dheanamh réite air son chloinn Israeil; a chum as nach bi plàigh sam bith am measg chloinn Israeil, an-uair a thig clann Israeil am fagus do'n ionad naomha.

20 Agus rinn Maois agus Aaron, agus coimhechruinneach chloinn Israeil uile ris na Lebhithich a réir gach ni a dh'àithn an Tighearna do Mhaois, a thaobh nan Lebhithich, mar sin rinn clann Israeil riu.

21 Agus ghlanadh na Lebhithich, agus nigh iad an eudach; agus thug Aaron suas e iad *mar* thabhartas an làthair an Tighearna; agus rinn Aaron réite air an son a chum an glanadh.

22 Agus an déigh sin chaidh na Lebhithich, a steach a dheanamh an seirbhis ann an pàilliuin a' choimhthionail an làthair Aaron agus an làthair a mhac: *mar* a dh'àithn an Tighearna do Mhaois a thaobh nan Lebhithich, mar sin rinn iad riu.

23 Agus labhair an Tighearna ri Maois, ag ràdh,

24 *Is e so an ni a bhuineas* do na Lebhithich: o chùig bliadhna fichead a dh'aois, agus os a cheann, théid iad a steach a dh'fheithiamh a' seirbhis pàilliuin a' choimhthionail.

25 Agus o aois leth-cheud bliadhna sguridh iad a dh'fheithiamh air

a sheirbhis, agus cha dean iad seirbhis ni 's mo:

26 Ach fritheilidh iad maille r'am bràithribh ann am pàillion a' choimhthionail a ghleidheadh a chùraim, agus cha dean iad seirbhis sam bith eile. Mar so ni thu ris na Lebbithich a thaobh an cùraim.

# CAIB. IX.

**A**GUS labhair an Tighearna ri Maois ann am fàsach Shinai, sa' cheud mhios do'n dara bliadhna, an deigh dhoibh teachd a mach a' tir na h-Eiphit, ag ràdh,

2 Cumadh mar an ceudna clann Israeil a' chàisg na h-àm suidhichte féin.

3 Sa' cheathramh là deug do'n mhios so air feasgar a, cumaidh sibh i na h-àm suidhichte féin, a réir a h-orduighéan uile, agus a réir a deas-ghnàthan uile cumaidh sibh i.

4 Agus labhair Maois ri cloinn Israeil, iad a chumail na càisge.

5 Agus chum iad a' chàisg air a' cheathramh là deug do'n cheud mhios air feasgar, ann am fàsach Shinai: a réir gach ni a dh'àithn an Tighearna do Mhaois, mar sin rinn clann Israeil.

6 Agus bha daoine àraidh a shalacheadh le corp duine mhairbh, air chor as nach b'ùrrainn iad a' chàisg a chumail air an là sin: agus thàinig iad an làthair Mhaois, agus an làthair Aaron air an là sin.

7 Agus thubhairt na daoine sin ris, *Tha sinne air ar salachadh le corp duine mhairbh: c'ar son a chumar air ar n-ais sinn, a chum as nach feud sinn tabhartas an Tighearna thoirt seachad na àm suidhichte féin am measg chloinn Israeil?*

8 Agus thubhairt Maois riu, Seasaidh an sin, agus cluinnidh mise ciod a dh'àithneas an Tighearna d'ar taobh.

9 Agus labhair an Tighearna ri Maois, ag ràdh,

10 Labhair ri cloinn Israeil, ag ràdh, Ma bhios duine sam bith dhibh, no d'ar sliochd air a shalacheadh le corp marbh, no ma bhios e air thurus fad air astar, gidheadh cumaidh e chàisg do'n Tighearna.

11 Sa' cheathramh là deug do'n dara mios air feasgar cumaidh iad i: le h-aran neo-ghoirtichte, agus le *lusaibh* searbh aithidh iad i.

12 Cha'n fhàg iad a' bheag dhith gu maduinn, ni mò bhriseas iad enàimh dhith: a réir uile orduighéan na càisge cumaidh iad i.

a eadur an dà fheasgar. Eabh.

13 Ach an duine a taglan, agus nach 'eil air thurus, agus a dhearmadas a' chàisg a chumail; gearrar eadhon an t-anam sin féin as o 'shluagh, a chionn nach d'thug e seachad tabhartas an Tighearna na àm suidhichte: giùlainidh an duine sin a pheacadh.

14 Agus ma bhios coigreach air chuairt 'nar measg, agus gu'n cum e chàisg do'n Tighearna, a réir orduigh na càisge, agus a réir a gnàtha, mar sin ni e: bithidh aon ordugh agaibh araon air son a' choigrich, agus air a shon-san, a rugadh san tir.

15 Agus air an là anns an do thogadh suas am pàillion, choinn-daich an neul am pàillion, eadhon bùth na fianuis; agus air feasgar bha air a' phàillion mar gu'm bu choslas b teine gus a' mhaduinn.

16 Mar sin bha e ghnàth: choinn-daich an neul e san là, agus coslas teine san oidhche.

17 Agus an uair a thogadh an neul suas o'n phàillion, an sin gun dàil ghabh clann Israeil an turas: agus san ionad anns an do stad an neul, ann an sin champaich clann Israeil.

18 Air àithne an Tighearna ghabh clann Israeil an turas, agus air àithne an Tighearna champaich iad: am feadh 's a dh'fhan an neul air a' phàillion, dh'fhan iad nam bùthaibh.

19 Agus an uair a dh'fhan an neul air a' phàillion mòran do laithibh, an sin ghleidh clann Israeil freasdal e an Tighearna, agus cha d'imich iad.

20 Agus an uair a bha an neul beagan do laithibh air a' phàillion, a réir àithne an Tighearna dh'fhan iad nam bùthaibh, agus a réir àithne an Tighearna ghabh iad an turas.

21 Agus an uair a dh'fhan an neul o dheasgar gu maduinn, agus a thogadh an neul suas sa' mhaduinn, an sin ghabh iad an turas: ma b'ann san là no san oidhche a thogadh an neul suas, ghabh iad an turas.

22 No co dhiubh a b'ann dà là, no mios, no bliadhna dh'fhan an neul air a' phàillion, a' fuireach air, dh'fhan clann Israeil nam bùthaibh, agus cha d'imich iad: ach an uair a thogadh suas e, ghabh iad an turas.

23 A réir àithne an Tighearna dh'fhan iad nam bùthaibh, agus a

b chosamhlas. c cùram, earb-sadh. d thriall iad.

réir àithne an Tighearna ghabh iad an turus; ghléidh iad freasdal an Tighearna a réir àithne an Tighearna le làimh Mhaois.

## CAIB. X.

**A**GUS labhair an Tighearna ri Maois, ag ràdh,

2 Dean dhuit féin dà thrompaid airgid; a dh'aon mhìr nì thu iad; agus gnàthaichidh tu iad a ghairm a' choimhthionail, agus a chum turuis a nan camp.

3 Agus an uair a shéideas iad leo, cruinnichidh na coimhthional uile iad féin a't' ionnsuidh aig doras pàilluin a' choimhthionail.

4 Agus mur séid iad ach le h-aon trompaid, an sin cruinnichidh na ceannardan, a ta nan cinn-fheadhna air mhìlthibh Israeil, iad féin a't' ionnsuidh.

5 'Nuair a shéideas sibh caismeachd, an sin théid na campan a ta nan luidh air taobh na h-airde 'n ear air an aghaidh.

6 'Nuair a shéideas sibh caismeachd an dara uair, an sin théid na campan a ta nan luidh air taobh na h-airde deas air an aghaidh: séididh iad caismeachd a chum an turusan.

7 Ach an uair a tha 'n coimhthional gu bhì air a chruinneachadh an ceanna chéile, séididh sibh, ach cha séid sibh caismeachd.

8 Agus séididh mic Aaroin na sagartan leis na trompaidibh; agus bithidh iad dhuibh e mar reachd sìorruidh air feadh bhur ginealach.

9 Agus ma théid sibh gu cogadh nar dùthaich an aghaidh an nàmhaid, a ta deanamh foirneart oirbh, an sin séididh sibh caismeachd leis na trompaidibh; agus cuimhnichear sibh an làthair an Tighearna bhur Dé, agus saorar sibh o bhur nàmhaidibh.

10 Mar an ceudna ann an là bhur sabhachais, agus nar n-ard laithibh féille, agus ann an toiseach bhur mìos, séididh sibh leis na trompaidibh os cionn bhur n-iobairte-loisgte, agus os cionn iobairte bhur tabhartasan-sith; agus bithidh iad dhuibh mar chuimhneachan an làthair bhur Dé: Is mise an Tighearna bhur Dia.

11 Agus tharladh air an fhicheadamh là do'n dara mìos, san dara bliadhna, gu'n do thogadh suas an neul o uachdar pàilluin na fianuis.

12 Agus ghabh clann Israeil an

turusan a fàsach Shinai; agus stad an neul ann am fàsach Pharam.

13 Agus ghabh iad air tús an turus, a réir àithne an Tighearna le làimh Mhaois.

14 Sa' cheud àite dh'imich bratach chaimp chloinn Iudaih, a réir an armailtean; agus air ceann a shloigh bha Nahson mac Aminadaih.

15 Agus air ceann sloigh thréibh chloinn Isachair bha Nataneel mac Shuair.

16 Agus air ceann sloigh thréibh chloinn Shebuluin bha Eliab mac Heloim.

17 Agus thugadh a nuas am pàilluin; agus chaidh mic Ghersein, agus mic Mherari air an aghaidh, a' giùlan a' phàilluin.

18 Agus ghluais bratach chaimp Reubein air a h-aghaidh a réir an armailtean; agus air ceann a shloigh bha Elisur mac Shedenir.

19 Agus air ceann sloigh thréibh chloinn Shimeoin bha Selumiel mac Shurisadai.

20 Agus air ceann sloigh thréibh chloinn Ghad, bha Eliasaph mac Dheuil.

21 Agus chaidh na Cohataich air an aghaidh, a' giùlan an ionaid naomha, agus chuireadh suas am pàilluin air cheann doibh teachd.

22 Agus ghluais bratach chaimp chloinn Ephraim air a h-aghaidh a réir an armailtean: agus air ceann a shloigh bha Elisama mac Amihuid.

23 Agus air ceann sloigh thréibh chloinn Mhanaseh bha Gamaliel mac Phedahsuir.

24 Agus air ceann sloigh thréibh chloinn Bheniamin bha Abidan mac Ghideoni.

25 Agus chaidh bratach thréibh chloinn Dhan air a h-aghaidh, a bha air deireadh nan campan uile air feadh an sloigh: agus air ceann a shloigh bha Ahieser mac Amisadai.

26 Agus air ceann sloigh thréibh chloinn Aseir, bha Pagiel mac Ocrain.

27 Agus air ceann sloigh thréibh chloinn Naphtali, bha Ahira mac Eain.

28 B' iad sin turusan chloinn Israeil, a réir an armailtean, 'nuair a ghluais iad air an aghaidh.

29 Agus thubhairt Maois ri Hobab mac Ragueil a' Mhidianaich, athar céile Mhaois, Tha sinn air ar turus a chum an àite m'an dubhairt Dia. Bheir mi dhuibh e: thig thusa maille ruinn, agus nì sinn math

a gluasad.

b cath-jhuaim.

c bithidh e dhuibh.

dhuit; oir labhair an Tighearna math a thaobh Israeil.

30 Agus thubhairt e ris, Cha d' théid mi maille ribh: ach imichidh mi chum mo dhùthcha féin, agus a chum mo dhilseana féin.

31 Agus thubhairt e. Na fàg siun, guidheam ort, oir tha fhios agad cionnus a champaicheas sinn anns an fhàsach, agus bithidh tu dhuinn an àite shùil b.

32 Agus tarlaidh, ma théid thu maille rinn, seadh, tarlaidh, ge b'e math a nì Dia dhuinne, gu'n dean sinne am math ceudna dhuitse.

33 Agus dh'imich iad o shliabh c an Tighearna astar thri laithean: agus chaidh àir coimhcheangail an Tighearna rompa astar thri laithean, a rannsachadh a mach àite tàimh dhoibh.

34 Agus bha neul an Tighearna orra san là, 'nuair a chaidh iad a mach as a' champ.

35 Agus tharla 'nuair a bha 'n àir gu dol air a h-aghaidh, gu'n dubhairt Maois, Eirich suas, a Thighearna, agus biodh do naimhdean air en sgapaah, agus teicheadh a' mhuinntir leis am fuathach thu romhad.

36 Agus an uair a stad i, thubhairt e, Pill, a Thighearna, a chum nam milte d' domhlitibh Israeil.

CAIB. XI.

**A** GUS an uair a rinn an sluagh gearan, mhi-thait'n e ris an Tighearna: agus chual'an Tighearna e; agus las 'thearg; agus loisg teine an Tighearna nam measg, agus chuir e as doibhsan, a bha 'n iomall a' chaimp.

2 Agus ghlacdh an sluagh ri Maois: agus an uair a rinn Maois ùrnuigh ris an Tighearna, choisg-eadh e an teine.

3 Agus thug e Taberah mar ainm air an àite sin; a chionn gu'n do loisg teine an Tighearna nam measg.

4 Agus ghlac ciocras f an cumasg sluaigh: a bha nam measg: agus ghuil mar an ceudna clann Israeil a ris, agus thubhairt iad, Co bheir dhuinn feoil r'a h-theadh?

5 Is cuimhne leinn an t-iasg a dh'ith sinn san Eiphit gu saorh; na cularain, agus na mealbhu-

a mo chinnich.

b cionnus a

champaich sinn anns an fhàsach, agus bha thu dhuinne an àite shùil.

c bheinn. d nan deich milte. Eabh.

e mhùchadh, f miann. g an

sluagh measgta. h a nasguidh.

i cucumbers. Sasg.

cainl, agus na léicis, agus na h-uinneinean, agus an creamh m.

6 Ach a nis tha ar n-anam air tior-machadh: cha 'n'eil ni air bith againn ach am mana so nar seal-ladh.

7 Agus bha am mana co-smluil ri fras coriandeir, agus a dhath mar dhath bdellium.

8 Chaidh an sluagh m'an cuairt, agus thionail iad e, agus mheil n iad e ann am muilnibh, no phronn iad e ann am mortair o, agus bhruidh iad e ann an aighnibh, agus rinn iad breacagan deith: agus bha 'bhlas mar bhlas olaich ùir.

9 Agus an uair a thuit an drùchd p air a' champ san oidhche, thuit am mana air.

10 An sin chuala Maois an sluagh a' gul tre 'n teaghlachibh, gach duine ann an doras a bhùtha: agus lasadh fearg an Tighearna gu mor; bha Maois nar an ceudna dic-mach r.

11 Agus thubhairt Maois ris an Tighearna, C'ar son a bhuin thu gu h-olc ri d' sheirbhiseach? agus c'ar son nach d'fhuair mi deagh-ghean a'd' shealladh, gu'n do leag thu eireadh an t-sluaigh so uile orm?

12 Am mise a ghin an sluagh so uile? an ann domh a rogadh iad, gu'n abradh tu rium, Giùlain a'd' uchd iad (mar a ghiùlainneas oid'altruim leanabh na cìche) chum an fhearainn a mhuonnaich thu d'an aithreachaibh?

13 Cia as a gheibhinn-sa feoil gu tabhairt do'n t-sluaigh so uile? oir tha iad a' gul rium, ag ràdh, Thoir dhuinn feoil, a chum as gu'n ith sinn?

14 Cha'n urrainn mise cudthrom an t-sluaigh so uile a ghiùlan a'm' aonar, a chionn gu bheil e ro throm air mo shon.

15 Agus ma bhuineas tu rium mar so, marbh mi, guidheam ort, as an làinab, ma fhuair mi deagh-ghean a'd' shealladh; agus na faiceam mo thruaghe.

16 Agus thubhairt an Tighearna ri Maois, Cruinnich dhomhsa deich agus trì fichead fear do sheanairibh Israeil, muinntir a's aithne dhuit a bhi nan seanairibh an t-sluaigh, agus nan luchd-riaghlaidh os an ceann; agus thoir iad gu pàillion a' choimhthionail, a

1 melons. Sasg.

m garlic.

Sasg.

n bhleath.

o brath-

splosraidh.

p drùchd.

r diom-

buidheach.

s jabkor.

t eallach,

cudthrom.



chum as gu'n seas iad an sin maille riut.

17 Agus thig mise nuas agus labhairaidh mi riut an sin: agus gabhaidh mi do'n spiorad a *ta* ortsa, agus cuiridh mi orra-san e: agus giùlainidh iad eallach an t-sluaigh maille riut, a chum as nach giùlain thu féin e a'd' aonar.

18 Agus abair ris an t-sluaigh, Naomhaichibh sibh féin air cheann an là maireach, agus ithidh sibh feoil; (oir ghuil sibh ann an éisd-eachda an Tighearna, ag ràdh, Cò bheir dhuinn feoil r'a h-ithheadh? oir *bu* mbath ar cor san Eiphit) uime sin, bheir an Tighearna feoil dhuibh, agus ithidh sibh.

19 Cha'n ith sibh aon là, no dà là, no cùig laithean, no deich laithean, no fichead là;

20 Ach eadhon mìos iomlan, gus an d' thig i mach a cuinneibh bhur sròn, agus gu'm bi i gràineil duibh: a chionn gu'n d'rinn sibh tàir air an Tighearn, a *ta* nar measg, agus gu'n do ghuil sibh na lathair, ag ràdh, C'ar son a thàinig sinn a mach as an Eiphit?

21 Agus thubhairt Maois, Tha'n sluagh am measg am bheil mise, nan sè ceud mìle coisiche: agus thubhairt thu, Bheir mi dhoibh feoil, a chum as gu'n ith iad rè mìos iomlain.

22 Am marbhar na caoraich agus am buar dhoibh, chum an sàsachadh? no an cruinnichear iasg i a mara uile r'a chéile dhoibh, chum an sàsachadh?

23 Agus thubhairt an Tighearna ri Maois, Am bheil làmh an Tighearn air fàs goirid? chi thus? a nis an d' thig no nach d' thig m'fhocal gu crìch dhuit.

24 Agus chaidh Maois a mach, agus dh'innis e do'n t-sluaigh focail an Tighearna, agus chruinnich e an deich agus an trì fichead do sheana-airibh an t-sluaigh, agus thug e orra seasamh mu thimchioll a' phàill-lu'n.

25 Agus thàinig an Tighearn a nuas ann an neol, agus labhair e ris, agus ghabh e do'n spiorad a *bha* air, agus thug se e do'n deich agus an trì fichead seanair: agus tharla, 'nuair a ghabh an spiorad comhnuidh orra, gu'n d'rinn iad fàidheadoireachd, agus nach do sguir iad b.

26 Ach dh'fhan dithis do na daoineibh sa' champ; b'e ainm a b-aon diubh Eldad, agus ainm an

fhìr eile Medad: agus ghabh an spiorad comhnuidh orra, (agus *bha* iad dhiubhsan a chaidh sgriobhadh, ach cha deachaidh iad a mach do'n phàillium) agus rinn iad fàidheadoireachd sa' champ.

27 Agus ruith òganach, agus dh'innis e do Mhaois, agus thubhairt e, *Tha* Eldad agus Medad ri fàidheadoireachd sa' champ.

28 Agus fhreagair Iosua mac Nun, seirbhiseach Mhaois, aon d'a òganachaibh, agus thubhairt e, Mo thighearn, a Mhaois, b'ac iad.

29 Agus thubhairt Maois ris, Am bheil fàrmad ort *do* mo shon-sa? Is e mo ghuidhe ri Dia gu'm biodh sluagh an Tighearn uile nam fàidhibh, agus gu'n cuireadh an Tighearn a spiorad orra.

30 Agus chaidh Maois do'n champ, e féin agus seanairgan Israeil.

31 Agus chaidh gaoth a mach o'n Tighearna, agus thug i gearra-goirt a o'n fhaige, agus leig i leo tuiteam làimh ris a' champ, mar astar là air an taobh so, agus mar astar là air an taobh eile, m'an cuairt air a' champ, agus mar dhà làimh-choille air *àirde*, air aghaidh natalmhainn.

32 Agus sheas an sluagh suas air an là sin uile, agus air an oidhche sin uile, agus air an là a b'fhaighe uile, agus thionail iad na gearra-goirt: esan bu lugha a thionail, thionail e deich homeir, agus sgaoil iad gu farsaing doibh féin iad mu thimchioll a' chaìmp.

33 'Nuair a *bha* 'n fheoil fathast eadar am fiac a, mun do chagnadh i, lasadh searg an Tighearn an aghaidh an t-sluaigh, agus bhual an Tighearn an sluagh le plàigh-ro-mhoir.

34 Agus thug e Cibrot-hataabhah mar ainm air au à te sin; a chionn ann an sin gu'n d'adhlac iad an sluagh a mhiannaich.

35 Agus dh'imich an sluagh o Chibrot - hataabhah gu Haserot: agus dh'fhan iad ann an Haserot.

#### CAIB. XII.

**A**GUS labhair Miriam agus Aaron an aghaidh Mhaois air son na mnà o Etiopia, a phos e: oir b'la e air pòsadh mnà o Etiopia.

2 Agus thubhairt iad, An do labhair an Tighearna da rìreadh le Maois a mhàin? nach do labhair e mar an ceudna leinne? agus chual' an Tighearn e.

3 (A nis *bha* 'n duine Maois ro chluinb, thar nan uile dhaoine a *bha* air aghaidh na talmhainn)

4 Agus labhair an Tighearna gu

<sup>a</sup> ann an cluasanibh. Eabh.

<sup>b</sup> nach d'rinn ni b'fhaide.

<sup>a</sup> quails. Sasg. <sup>b</sup> ro shìmh.

grad ri Maois, agus ri h-Aaron, agus ri Miriam, Thigibh a mach sibhse nar triuir gu pàilliu a' choimhthionail. Agus thàinig iad nan triuir a mach

5 Agus thàinig an Tighearna nuas ann am meall neoil, agus sheas e ann an doras a' phàilliuin, agus ghairm e air Aaron agus Miriam: agus thàinig iad le chèile a mach

6 Agus thubhairt e, Eisdibh a nis ri m' bhrìathraibh-sa: Ma tha fàidh nar measg, ni mise an Tighearna mi féin aithnichte dha ann an taisbeanadh, agus labhraidh mi ris ann am brúdar.

7 Cha 'n 'eil mo sheirbhisich Maois mar sin, a tha fìrinneach ann am thigh uile.

8 Beul ri beul labhraidh mi risan, eadhon gu soilleir, agus cha 'n ann am briathraibh dorcha, agus coslas an Tighearna chi e: c'ar son ma ta nach robh eagal oirbh labhairt an aghaidh mo sheirbhisich Mhaois?

9 Agus las fearg an Tighearna nan aghaidh, agus dh'fhalbh e.

10 Agus dh'fhaibh an uel bhàrr a' phàilliuin, agus feuch, rinneadh Miriam na lobhar, *yeal* mar shneachda: agus dh'amhaire Aaron air Miriam, agus feuch, *bha i* na lobhar.

11 Agus thubhairt Aaron ri Maois, Och! mo Thighearna, guidheam ort, na cuir am peacadh as ar leth, leis an d'rinn sinn gu h-amaideach, agus leis an do pheacaidh sinn.

12 Na biodh i mar aon marbh, d'am bheil an fheoil air a leth-chaitheamh, 'nuair a thig e mach a broinn a mhàthar.

13 Agus ghlaodh Maois ris an Tighearna, ag ràdh, Leighis i nis, O Dhé, guidheam ort.

14 Agus thubhairt an Tighearna ri Maois, Nan tilgeadh a h-athair ach smugaid na h-eudan, nach bu choir dh' bhi fa nàire seachd laithean? druidear a mach o'n clamp i ré sheachd laithean, agus na dhéigh sin gabhar a steach i ris.

15 Agus dhruideadh Miriam a mach o'n clamp seachd laithean: agus cha do ghabh an sluagh an turas, gus an d'thugadh Miriam a steach a ris.

16 Agus na dhéigh sin dh'imich an sluagh o Haseret, agus champaich iad ann am fàsach Pharain.

## CAIB. XIII.

**A** GUS labhair an Tighearna ri Maois, ag ràdh,

2 Cuir daoine uait, a chum as gu'n rannsaich iad tìr Chanaain, a bheir mise do chloinn Israeil; as gach uile thréibh d'an aithreachaibh cuiridh sibh daoine, gach aon *diubh* na cheannard nam measg.

3 Agus chuir Maois iad o fhàsach Pharain, a réir aithne an Tighearna: bu cheannardan na daoine sin uile air cloinn Israeil.

4 Agus is iad so an ainmeanna: Do thréibh Reubein, Samua mac Shacuir.

5 Do thréibh Shimeoin, Saphat mac Hori.

6 Do thréibh Iudaih, Caleb mac Iephuneh.

7 Do thréibh Isachair, Igal mac Ioseiph.

8 Do thréibh Ephraim, Osea mac Nun.

9 Do thréibh Bheniamin, Palti mac Raphu.

10 Do thréibh Shebuluin, Gadiel mac Shodi.

11 Do thréibh Ioseph, eadhon, do thréibh Mhanaseh, Gadi mac Shusi.

12 Do thréibh Dhan, Amiel mac Ghemali.

13 Do thréibh Aseir, Setur mac Mhichael.

14 Do thréibh Naphtali, Nabbi mac Uopsi.

15 Do thréibh Ghad, Geuel mac Mhachi.

16 Is iad sin ainmeanna nan daoine a chuir Maois a ghabhail beachd air an fhearann: Agus thug Maois Iehosua mar ainm air Osea mac Nun.

17 Agus chuir Maois iad a ghabhail beachd air talamh Chanaain, agus thubhairt e riu, Rachaibh suas *sas t-slighe* so mu dheas, agus gabhaibh suas a chum na beirne:

18 Agus faicibh am fearann ciod e, agus an sluagh a ta nan còmhnuidh ann, am *bheil* iad làidir no an fhaon, tearc no lionmhor:

19 Agus ciod e am fearann anns am bheil iad a chomhnuidh, am *bheil* e math no olc: agus ciod iad na bailte anns am *bheil* iad nan còmhnuidh, an ann am bùthaibh, no ann an daingneachaibh a làidir;

20 Agus ciod e an talamh, am *bheil* e reamhar no caole, am bheil coille ann no nach 'eil. Agus biodh agaibh deagh mhisneach, agus thugaibh leibh do thoradh an fhearann

<sup>a</sup> foillseachadh, <sup>a</sup> bhse. <sup>b</sup> teiris, dèilas. <sup>c</sup> a leig, na cuirich am peacadh oirnn.

<sup>a</sup> àitibh daingnichte. <sup>b</sup> fonn, fearann. <sup>c</sup> truagh, bochd.

(a nis b'è 'n t-àm àn nan ceud dhearca-fìona abuich.)

21 Mar sin chaidh iad suas, agus rannsaich iad am fearann o fhàsach Shin, gu Rehob, mar a thèid daoine gu Hamat.

22 Agus chaidh iad suas mu dheas, agus thàinig iad gu Hebron, far an robh Ahiman, Sesai, agus Talmai, mic Anaic, (a nis thogadh Hebron seachd bliadhnan roimh Shoan san Eiphit.)

23 Agus thàinig iad gu sruth a Escoil, agus ghearr iad sìos as sin geug le aon bhagaide fhìon-dhearc, agus ghiùlain iad i eadar dbithis air luirg: agus thug iad leo do na pom-granadaibh, agus do na figisibh.

24 Thugadh sruth Escoil mar ainm air an àite sin, air son a' bhagaide fhìon-dhearc, a ghearr clann Israeil sìos as sin.

25 Agus phill iad o rannsachadh an fhearainn an dèigh dhà fhichead là.

26 Agus dh'im'ch iad, agus thàinig iad gu Maois agus gu h-Aaron, agus gu coimh-chruinneach chloinn Israeil uile, gu fàsach Pharaìn, gu Cades; agus thug iad leo fios d'an ionnsuidh, agus a dh'ionnsuidh a' choimhchruinnich uile, agus dh'fheuch iad dhoibh toradh na tìre.

27 Agus dh'innis iad dha, agus thubhairt iad, Thàinig sinne a dh'ionnsuidh an fhearainn gus an do chuir thu sinn, agus gu deimhin tha e sruthadh le bainne agus mìl; agus is e so a thoradh.

28 Gidheadh tha 'n sluagh làidir a tha nan còmhnuidh san fhearann, agus tha na bailte air an cuartachadh le ballaibh, agus ro-mhòr: agus os-bàrr chunnaic sinn clann Anaic an sin.

29 Tha na h-Amaleich nan còmhnuidh am fearann na h-airde deas: agus tha na Hitich agus na Iebusaich, agus na h-Amoraich nan còmhnuidh sna beanntaibh: agus tha na Canaanich nan còmhnuidh làimh ris an fhainge, agus ri taobh Iordain.

30 Agus chiùiniche Caleb an sinuagh an làthair Mhaois, agus thubhairt e, Rachamaid suas a dh'aon fheachd, agus sealbhaicheamaid e; oir is urrainn sinn gu cinnteach a cheannsachadh.

31 Ach thubhairt na daoine, a chaidh suas maile ris, Cha 'n

urrainn sinn dol suas an aghaidh an t-sluaigh, oir is treise iad na sinne.

32 Agus thug iad droch sgeul air an fhearann a rannsaich iad gu cloinn Israeil, ag ràdh, Am fearann tre 'n deachaidh sinne 'garannsaich-adh, is fearann e a tha 'g itheadh suas a luchd-àitich, agus an sluagh uile a chunnaic sinn ann, is daoine iad do mheadachd mhòir f.

33 Agus chunnaic sinn na famhairean an sin, mic Anaic, a thàinig o na famhairean: agus bha sinne 'n ar sealladh féin mar fhionnain-feòirh, agus bha sinn mar sin nan sealladh-san.

## CAIB. XIV.

**A**GUS thog an coimhchruinneach uile suas an guth, agus ghlaodh iad; agus ghul an sluagh air an oidhche sin.

2 Agus rinn clann Israeil uile gearan an aghaidh Mhaois, agus an aghaidh Aaron: agus thubhairt an coimhchruinneach uile riu, Och nach d'fhuair sinn bàs ann an tìr na h-Eiphit, no nach d'fhuair sinn bàs anns an fhàsach so!

3 Agus c'ar son a thug an Tighearna sinn do'n fhearann so, a thuiteam leis a chlaideamh, a chum gu'm biodh ar mnà agus ar clann bheag nan cobhartaich? b'fheair dhuinn pilleadh do'n Eiphit?

4 Agus thubhairt iad gach fear ri chèile<sup>1</sup>, Deanamaid dhuinn féin ceannard, agus pilleamaid do'n Eiphit.

5 An sinn thuit Maois agus Aaron air an aghaidh an làthair coimhthionail coimhchruinnich chloinn Israeil uile.

6 Agus reub Iosua mac Nun, agus Caleb mac Iephuneh, a bha dhiubhsan, a rannsaich am fearann, an eudach.

7 Agus labhair iad ri cuideachd chloinn Israeil uile, ag ràdh, Ain fearann a chaidh sinne troimbe g'a rannsachadh, is fearann ro-mhath e.

8 Ma tha tlachd aig an Tighearna annainn, an sinn bheir e sinn a dh'ionnsuidh an fhearann so, agus bheir e dhuinn e, fearann a tha sruthadh le mìl agus bainne.

9 A mhàin na deanaibh ceannaire<sup>m</sup> an aghaidh an Tighearna, agus na biodh eagal sluaigh an fhearainn oirbh; oir is aran duinn iad: dh'fhalbh an dìon uatha, agus

<sup>a</sup> srath, gleann.

<sup>b</sup> nochd.

<sup>c</sup> shithich, chaisg.

<sup>d</sup> oir gu cinnteach

buadhaichidh sinn air,

<sup>e</sup> tuairesgeul.

<sup>f</sup> daoine gurbha,

mòr nam pearsa.

<sup>g</sup> athach.

<sup>h</sup> leumnaich uaine.

<sup>i</sup> nan creich.

<sup>l</sup> r'a bhràthair. Eabh. m'ar' amach.

*tha 'n Tighearna maille ruinne ; na biodh eagal oirbh rompa.*

10 Ach dh'iarr an coimhchrúinneach uile an clachadh le clach-aibh : agus dh'fhoillsicheadh glóir an Tighearna ann am páillíun a' choimhthionail, an láthair chloinn Israeil uile.

11 Agus thubhairt an Tighearna ri Maois, *Cia fhad a bhrosnaicheas an sluagh so mi? agus cia fhad a bhitheas e mun creid iad mi, airson nan cemarhan uile a nochda mi nam measg?*

12 Buailidh mi iad leis a' phlàigh, agus fograidh mi iad, agus ni mi thusa a'd' ch'neach a' s mò, agus a's cumhachdaiche na iadsan.

13 Agus thubhairt Maois ris an Tighearna, *An sin cluinnidh na h-Eiphitiche, (oir thug thusa nìos an sluagh so le d'chumbachd o bhi nam measg)*

14 Agus innsidh iad e do luchd-àiteachaidh an fhearainn so; *oir chual' iad gu bheil thusa, a Thighearn, am measg an t-sluaigh so, gu bheil thusa, a Thighearn, air t'fhaicinn aglaidh ri h-aghaidh, agus gu bheil do neul a' seasamh os an ceann, agus gu bheil thu ag imeachd rompa ann am meall teine san oidheche.*

15 A nis *ma mharbhas tu an sluagh so uile mar aon duine, an sin labhraidh na cinnich a chual' iomradh ort, ag ràdh,*

16 A chionn nach b'urrainn an Tighearn an sluagh so thoirt do'n fhearann, a mhionnaich e dhoibh, uime sin, mharbh e iad san fhàsach.

17 Agus a nis, guidheam ort, biodh cumhachd mo Thighearna mòr, a réir mar a labhair thu, ag ràdh,

18 *Tha 'n Tighearna fad-fhulangach, agus mòr-thròcaireach, a' toirt maitheanas ann an aingidheachd, agus ann an eusaontas, agus air chor sam bith nach saor d'an ciontach. a' leantuinn aingidheachd nan aithreacha air a' chleinn, air an treas agus air a' cheathramh ginealach.*

19 Math, guidheam ort, aingidheachd an t-sluaigh so, a réir meud do thròcair, agus a réir mar a thug thu maitheanas do'n t-sluaigh so o'n Eiphitius a nis.

20 Agus thubhairt an Tighearna, *Mhath mi a réir t'fhocail:*

*a rinn. Fabh. b arsuntaichidh mi iad, bheir mi an oighreachd dhiubh. Eabh. c asmeadhan an d'thug thu nìos an sluagh so le d' chumbachd. d glan.*

21 Agus co fhìor 's a ta mi beo, lìonar an talamh uile le glóir an Tighearna.

22 Oir na daoine sin uile a chur-na'e mo ghloir, agus mo chomharan a rinn mi san Eiphit, agus anns an fhàsach, agus a bhuair mi nis na deich uairean so, agus nach d'éisid ri m' ghuth;

23 Gu cinnteach cha 'n fhaic iadsan am fearann a mhionnaich mi d'an aithreachaibh, ni mò a chi neach air bith dhiubhsan, a bhrosnaich mi e:

24 Ach mo sheirbhiseach Caleb, a chionn gu'n robh aige-san spiorad eile maille ris, agus gu'n do lean e mi gu h-iomlan; esan bheir mi do'n fhearann, d'an deachaidh e: agus sealbhaichidh a shlichd e.

25 (A nis bha na h-Amalecich, agus na Canaanaich nan comhuidh sa' ghleann) Am màireach pillibh, agus rachaibh do'n fhàsach, air slighe na mara ruaidhe,

26 Agus labhair an Tighearna ri Maois, agus ri h-Aaron, ag ràdh,

27 *Cia fhad a ghiùlainneas mi leis an droch choimhchrúinneach so, a tha ri gearan a'm' aghaidh? chuala mi gearan chloinn Israeil, leis an bheil iad ri gearan a'm' aglaidh.*

28 Abair riu, Co fhìor 's a ta mi beo, ars' an Tighearna, mar a labhair sibh a'm' éisdeachd, mar sin ni mi rìbh.

29 San fhàsach so tuitidh bheur colanna: agus a' mheud 's a chaidh àireamh dhiubh a réir bheur n-àineimh iomlain, o fhichead bliadhna dh'aois agus os a cheann, a rinn gearan a'm' aghaidh.

30 Gun amharus sam bith cha d' thig sibh a steach do'n fhearann a mhionnaich mise gu'n d' thugainn oirbh comhuidh a ghabhail ann, saor o Chaleb mac Iephuneh, agus Iosua mac Nun.

31 Ach bheur clann bheag, a thubhairt sibh a bhiodh nan cobhar-taich, iadsan bheir mi steach, agus gabhaidh iad eolas air an fhearann air an d'rinn sibhse tàir.

32 Agus air bheur son-sa dheth, tuitidh bheur colannas anns an fhàsach so.

33 Agus b'ithidh bheur clann air seacharan san fhàsach dà fhichead bliadhna, agus giùlainidh iad bheur striopackais, gus an caithear bheur colanna san fhàsach.

34 A réir àireimh nan laithean e mo mhìorbhuilean. f a'm chluasaibh. Eabh. g cuirp mhairbh, closaichean.



anns an do rannsaich sibh am fear-  
ann, *eadhon* dà fhichead là (gach là  
air son bliadhna) giùlainidh sibh  
bhuir n-eucearta, *eadhon* dà fhic-  
head bhliadhna, agus bithidh fios  
agaibh air mo bhriseadh-geallaidh-  
sa.

35 Thubhairt mise an Tighearn *e*,  
agus gu cinnteach ni mi e do'n  
choimhchrùnneach olc so uile, a  
chruinnich a'm' aghaidh: anns an  
fhàsach so claidhear iad, agus an  
sin gheibh iad bàs.

36 Agus na daoine a chuir Maois  
a rannsachadh an fhearainn, a phill,  
agus a thug air a' choimhchrùn-  
neach uile gearan a dheanamh na  
aghaidh, le droch sgeul a thoirt  
seachad a' an fhearainn,

37 Fhuair *eadhon* na daoine sin,  
a thug seachad droch sgeul air an  
fhearainn, bàs leis a' phlaigh an  
làthair an Tighearna.

38 Ach mhair Iosua mac Nun,  
agus Caleb mac Iephuneh, beo do  
na daoineibh sin, a chaidh a rann-  
sachadh an fhearainn.

39 Agus dh'innis Maois na bri-  
athra sin do chloinn Israeil uile:  
agus rinn an sluagh caoidh mhòr.

40 Agus dh'èirich iad gu moch  
sa' mhaduinn, agus chaidh iadsuas  
gu mullach an t-sléibh, ag ràdh,  
feuch, *tha* sinne *an so*, agus théid  
sinn suas do'n àit a gheall an Tigh-  
earna: oir pheacaidh sinn.

41 Agus thubhairt Maois, C'ar  
son a nis a tha sibh a' briseadh  
àithne an Tighearna? ach cha  
suirbhich an nì so leibh.

42 Na rachaibh suas, oir *cha*  
*'n eil* an Tighearna nar measg; a  
chum as nach buailear sibh an làth-  
air bhuir naimhde.

43 Oir *tha* na h-Amalecich agus  
na Canaanaich an sin romhaibh,  
agus tuitidh sibh leis a' chlaidh-  
eamh, a chionn gu'n do chlaon sibh  
o'n Tighearna: uime sin, cha bhi  
'n Tighearna maille ribh.

44 Ach ghabh iad do dhànadas  
orra dol suas gu mullach an  
t-sléibh: gidheadh cha deachaidh  
àire coimhcheangail an Tighearna,  
no Maois, a mach as a' champ.

45 An sin thàinig na h-Amalecich  
a nuas, agus na Canaanaich, a bha  
nan còmhnuigh san t-slabh sin,  
agus bhuail siad iad, agus chuir iad  
an ruaig orra, *eadhon* gu Hormah.

CAIB. XV.

**A** GUS labhair an Tighearna ri  
Maois, ag ràdh,

2 Labhair ri cloinn Israeil, agus

a tuailcas. b b'ail leo dol suas.

abair riu, 'Nuair a thig sibh a chum  
fearainn bhuir n-àiteacha - còmh-  
nuidh, a *tha* mise a' tabhairt  
dhuibh,

3 Agus a bheir sibh suas tabh-  
artas le teine do'n Tighearna, tabh-  
artas-loisgte no iobairt, gu b'òid a  
choimhlonadh, no mar thabhartas  
saor-thoile, no mar n-ard fhéill-  
ibhe, a dheanamh faile cùbhraidh  
do'n Tighearna, do'n spréidh no  
do'n treud:

4 An sin bheir esan a bheir  
seachad a thabhartas do'n Tigh-  
earna, seachad tabhartas-bidh do'n  
deicheamh cuid do phlùr measgta  
maille ris a' cheathramb cuid do  
hin oladh.

5 Agus bheir thu seachad an  
ceathramb cuid do hin fiona mar  
thabhartas-dibhe, maille ris an  
tabhartas-loisgte no'n iobairt, air  
son aon uain.

6 No air son reithe, bheir thu  
seachad mar thabhartas-bidh, dà  
dheicheamh cuid do phlùr measgta  
leis an treas cuid do hin oladh.

7 Agus a chum tabhartais dibhe,  
bheir thu seachad an treas cuid do  
hin fiona, *chum* faile cùbhraidh  
do'n Tighearna.

8 Agus an uair a bheir thu  
seachad tarbh òg mar iobairt loisg-  
te, no mar iobairt gu b'òid a choimh-  
lionadh, no mar iobairt shith do'n  
Tighearna,

9 An sin bheirear maille ris an  
tarbh òg, tabhartas-bidh do thri  
deich codaichibh do phlùr measgta  
le leth hin oladh.

10 Agus bheir thu seachad a  
chum tabhartais-dibhe leth hin  
fiona, *chum* tabhartais a bheirear  
suas le teine dh'fhàile cùbhraidh  
do'n Tighearna.

11 Mar so nithear air son aon  
tairbh, no air son aon reithe, no air  
son uain, no minn.

12 A réir an àireimh a bheir sibh  
seachad, mar sin ni sibh do gach  
aon, a réir an àireimh.

13 Gach neach a rugadh san  
dùthaich, ni e na nithe sin air a'  
mhodh so, ann an tabhartas a thoirt  
seachad a bheirear suas le teine  
dh'fhàile cùbhraidh do'n Tigh-  
earna.

14 Agus ma bhios coigreach air  
chuart maille ribh, no co air bith e  
bhios nar measg nar ginealachaidh,  
agus gu'n d' thoir e seachad tabh-  
artas a bheirear suas le teine

e féisdibh sonruichte.

ichidh tu, ni thu. Eabh.

e. Eabh.

d ullu-

c bheir

dh'fhàile cùbhraidh do'n Tighearna: mar a ni sibhse, mar sin ni esan.

15 *Bithidh* uon reachd dhuibhse, a te do'n choimhchrinneach, agus mar an ceudna do'n choigreach, a ta air chuairt *maille ribh*, reachd sìorruidh nar ginealachaidh: mar a ta sibhse, mar sin bithidh an coigreach an làthair an Tighearna.

16 Aon lagh, agus aon mhodh bithidh agaibhse, agus aig a' choigreach a ta air chuairt maille ribh.

17 Agus labhair an Tighearna ri Maois, ag ràdh,

18 Labhair ri cloinn Israeil, agus abair riu, 'Nuair a thèid sibh a steach do'n fheaiann d'am bheil mise 'gar tabhairt,

19 An sin tarlaidh, 'nuair a dh'ith-eas sibh a dh'aran an fhearainn, gu'n d' thoir sibh suas tabhartas-togta do'n Tighearna.

20 Bheir sibh suas breacag do'n cheud chuid d'ar taois, *mar thabh-artas-togta*; mar a *thogas sibh* tabhartas-togta an urlair-bhualaidh, mar sin togaibh sibh i.

21 Do'n cheud chuid d'ar taois bheir sibh do'n Tighearna tabhartas-togta, nar ginealachaidh.

22 Agus ma rinn sibh mearachd, agus nach do ghleidh sibh na h-àitheanta sin uile, a labhair an Tighearna ri Maois,

23 *Eadhon gach ni* a dh'àithn an Tighearna dhuibh le làimh Mhaois, o'n là sin anns an d'thug an Tighearna àithne do Mhaois, agus o sin suas air feadh bhur ginealacha:

24 An sin tarlaidh, ma rinneadh *ni sam bith* ann an aineolas gun fhìcs do'n choimhchrinneach, gu'n d'thoir an coimhchrinneach uile seachad aon tarbh òg a chum iobairt-loisgte, chum fhàile cùbhraidh do'n Tighearna, maille r'a thabhartas-bidh agus a thabhartas-dìbhe, a réir a' ghnàtha, agus aon mheann do na gabhraibh chum iobairt-pheacaidh.

25 Agus ni an sagart réite air son coimhchrinnich chloinn Israeil uile, agus mathar dhoibh e, oir is aineolas a t'ann: agus bheir iad leo an tabhartas, iobairt a bheirar suas le teine do'n Tighearna, agus an iobairt-pheacaidh an làthair an Tighearna, air son an aineolais.

26 Agus mathar e do choimhchrinneach chloinn Israeil uile, agus do'n choig each a ta air chuairt nam measg; do bhrìgh gu'n robh an sluagh uile ann an aineolas.

27 Agus ma pheacaicheas anam

sam bith tre aineolas, an sin bheir e leis gabhar do'n cheud bhliadhna chum iobairt pheacaidh.

28 Agus ni 'n sagart réite air son an anma a pheacaicheas gu h-aineolach, an uair a pheacaicheas e le h-aineolas an làthair an Tighearna, dheanamh réite air a shon; agus mathar dha e.

29 Bithidh aon lagh agaibh air a shonsan a pheacaicheas tre aineolas, *araon air* a shonsan a rugadh an measg chloinn Israeil, agus air son a' choigrich, a ta air chuairt nam measg.

30 Ach an t-anam a ni bheag gu h-andana b, (*co dhiubh* a rugadh e san tìr, no 's coigreach e) tha esan a' toirt eas-urraim do'n Tighearna; agus gearrar an t-anam sin as o mheasg a shluaigh.

31 Do bhrìgh gu'n d'rinn e tàir air focal an Tighearna, agus gu'n do bhris e 'àithne; gearrar an t-anam sin as gu tur: *bithidh* 'a'ngidh-eachd air féin.

32 Agus an uair a bha clann Israel san fhàsach, fhuair iad duine a' tional mhaidean air là na sàbaid.

33 Agus thug iadsan a fhuair e tional mhaidean a dh'ionnsuidh Mhaois e, agus a dh'ionnsuidh Aaroin, agus a dh'ionnsuidh a' choimhchrinnich uile.

34 Agus chuir iad an làimh e, a chionn nach d'innseadh ciod bu chòir a dheanamh ris.

35 Agus thubhairt an Tighearna ri Maois, Cuirear an duine gu cinnteach gu bàs; clachaidh an coimhchrinneach uile e le clachaibh an taobh a muigh do'n champ.

36 Agus thug an coimhchrinneach uile mach e as a' champ, agus chlach iad e le clachaibh, agus fhuair e bàs; mar a dh'àithn an Tighearna do Mhaois.

37 Agus labhair an Tighearna ri Maois, ag ràdh,

38 Labhair ri cloinn Israeil, agus abair riu, iad a dheanamh fàbhradh dhoibh féin air iomallaibh an eudich air feadh an ginealach, agus iad a chur air fàbhradh nan iomall iall e do ghorm.

39 Agus bithidh e dhuibh mar fhàbhradh; agus amhaircidh sibh air, a chum gu'n cuimhnich sibh uile àitheanta an Tighearna, agus gu'n dean sibh iad; agus nach iarr sibh an deigh bhur cridhe agus bhur

b le làimh aird. Eabh. e fiodha, connaidh. d frìnge. Sasg e riobainn, snàthainn.

a rinn. Eabh.

sùl féin, nìthe 's àbhaist duibh dol nan déigh le h-anmiann :

40 A chum as gu'n cuimhnich, agus gu'n dean sibh m'aitheantan uile, agus gu'm bi sibh naomha d'ar Dia.

41 Is mise an Tighearna bhur Dia, a thug a mach sibh a tìr na h-Eiphit, gu bhì'm Dhiadhuidh : Is mise an Tighearna bhur Dia.

## CAIB. XVI.

**A**GUS ghabh Corah mac Idshair, mhic Cohait, mhic Lebhi, agus Datan agus Abiram mic Eliaib, agus On mac Pheleith, mic Reubein, daoine.

2 Agus dh'éirich iad suas an làthair Mhaois b, maille ri daoine 'àraidh do chloinn Israeil, dà cheud agus leth-cheud ceannard do'n choimhchrinneach, inbheach sa' choimhchrinneach, daoine iomraidheach d

3 Agus chruinnich siad iad féin an ceann a chéile an aghaidh Mhaois agus an aghaidh Aaron, agus thubhairt iad riu, *Tha sibh a' gabhail tuille 's a' chòir oirbh féin*, do bhrìgh gu'm bheil an coimhechrinneach uile naomha gach aon diubh, agus tha 'n Tighearna nam measg : c'ar son uime sin, tha sibh 'gar togail féin suas os cionn coimhchrinnich an Tighearna?

4 Agus an uair a chuala Maois e, thuit e air 'aghaidh,

5 Agus labhair e ri Corah, agus 'r'a chuideachd uile, ag ràdh, Eadhon an màireach nochdaidh an Tighearna cò iad a's leis, agus cò a ta naomha, agus bheir e air teachd an fagus da: bheir e eadhon air-san a roghnaich e, teachd an fagus da.

6 Deanaibhse so; gabhaidh dhuibh féin tùiseirean, Corah, agus a chuideachd uile;

7 Agus cuiribh teine annta, agus cuiribh tùis orra an làthair an Tighearna air an là màireach; agus an duine sin a roghnaicheas an Tighearna, *bithidh* esan naomha; *tha sibh a' gabhail* tuille 's a chòir oirbh féin, sibhse a mhic Lebhi.

8 Agus thubhairt Maois ri Corah, Eisdibh, guidheam oirbh sibhse a mhic Lebhi:

9 An ni beag e nar *barail-sa*, gu'n do sgar Dia Israeil sibh o choimhchrinneach Israeil, gu'r toirt am fagus da féin, a dheanamh seirbhis pàilliun an Tighearna, agus a

sheasamh am fannis a' choimhchrinnich, a frithealadh dhoibh?

10 Agus thug e thus' am fagus da féin, agus do bhràithrean uile, mic Lebhi maille riut: agus am bheil sibh ag iarraidh na sagartachd mar an ceudna?

11 Air an aobhar sin *tha* thusa, agus do chuideachd uile, air bhur cruinneachadh an ceann a chéile an aghaidh an Tighearna: agus a *thaobh* Aaron, ciod e, gu'm bheil sibh ri gearan na aghaidhsan?

12 Agus chuir Maois *teachdaire uaithe* a ghairm Dhatain agus Abiraim mhac Eliaib, muinntira thubhairt, Cha d' théid sinn suas.

13 An ni beag e gu'n d'thug thu nios sinn a talamh a tha sruthadh le bainne agus mil, gu'r marbhadh san fhàsach, mur deau thu thu féin gu h-iomlan a'd' uachdaran os ar ceann?

14 A thuilleadh air so, cha d'thug thu sinn gu fearann a ta sruthadh le mil agus le bainne, ni mò thug thu dhinn oighreachd mhachrach agus fhion-liosan: an cuir thu mach sùilean nan daoine sin? cha d' théid sinne suas.

15 Agus bha Maois ro-dhiomach, agus thubhairt e ris an Tighearna, Na biodh meas agad d'an tabhartas; cha do ghabh mise aon asal uatha, ni mò rinn mi cron air a h-aon diubh.

16 Agus thubhairt Maois ri Corah, Bi thusa agus do chuideachd uile an làthair an Tighearna, thusa, agus iadsan, agus Aaron am màireach;

17 Agus gabhaidh gach duine a thùiseir, agus cuiribh tùis annta, agus thugaibh an làthair an Tighearna gach duine a thùiseir, dà cheud agus leth-cheud tùiseir; thusa mar an ceudna agus Aaron, gach aon *dhith* a thùiseir.

18 Agus gabh gach duine *dhith* a thùiseir, agus chuir iad teine annta, agus chuir iad tùis orra, agus sheas iad ann an doras pàilliun a' choimhchrinnich maille ri Maois agus ri h-Aaron.

19 Agus chruinnich Corah an coimhechrinneach uile nan aghaidh gu doras pàilliun a' choimhchrinnich: agus thaisbeineadh glòir an Tighearna do'n choimhechrinneach uile.

20 Agus labhair an Tighearna ri Maois, agus ri h-Aaron, ag ràdh,

21 Sgaraidh sibh féin o mbeasg a' choimhechrinnich so, agus sgrios-

\* *striopachas.*

b *an aghaidh*

*Mha is.*

c *gairme.* Eabh.

d *unneil, alloil.*

aìdh mi iad mar ann am priobadh na sùla<sup>a</sup>.

22 Agus thuit iad air an aghaidh, agus thubhairt iad, O Dhé, Diaspiorad gach uile fheòla, am peacaich aon duine, agus am bi fearg agad ris a' choimhchrinneach uile?

23 Agus labhair an Tighearna ri Maois, ag ràdh,

24 Labhair ris a' choimhchrinneach, ag ràdh, Rachaidh suas o thimchioll pàilliuin Choraih, Dhat-ain, agus Abiraim.

25 Agus dh'èirich Maois suas, agus chaidh e dh'ionnsuidh Dhat-ain agus Abiraim; agus lean sean-airean Israeil e.

26 Agus labhair e ris a' choimhchrinneach, ag ràdh, Sgaraibh sibh féin, guidheam oirhh, o hùthaibh nan daoine aingidh ud, agus na bean-aibh ri ni sam hith a' s leo, an t-eagal gu'n sgriosar sibh nam peacannaibh uile.

27 Mar sin chaidh iad suas o phàilliuin Choraih, Dhatain, agus Abiraim, air gach taohh: agus thàinig Datax agus Abiram a mach, agus sheas iad ann an dorus am hùthan, agus am mnaì, agus am mic, agus an clann bheag.

28 Agus thubhairt Maois, Le so bithidh fios agaibh gu'n do chuir an Tighearna mise a dheanamh nan oihre sin uile; oir cha d'rinne mi iad as mo cheann féin b.

29 Ma gheibh na daoine sin bàs mar na h-uile dhaoim' eile, no ma dh'fhiosraichear iad a réir fiosraichaidh nan uile dhaoine; an sin cha do chuir an Tighearn mise uaith.

30 Ach ma ni'n Tighearna gnìomh ruadh, agus gu'm fosgail an talamh a bheul, agus gu'n sluig e suas iad maille ris gach ni a's leo, agus gu'n d' théid iad sìos beò do'n t-slochd; an sin tuigidh sibh gu'n do bhrosnach na daoine sin an Tighearna.

31 Agus tharla 'nuair a sguir e do labhairt nam briathra sin uile, gu'n do sgoilt an talamh, a bha fodhac, o chéile:

32 Agus dh'fhosgail an talamh a bheul, agus shluig e suas iad, agus an tighean, agus na daoim' uile, a bhuin do Chorah, agus am maoim uile.

33 Chaidh iad féin, agus gach ni a bhuin dhoibh, beò sìos do'n t-slochd, agus dhruid an talamh orra: agus chaidh as doibh o mheasg a' choimhchrinnich.

34 Agus theich Israel uile a bha

<sup>a</sup> ann am platha.  
chridhe féin Eabh.

<sup>b</sup> o m'  
c fodhpa.

m'an timchioll, r'an glaoth; oir thubhairt iad, An t-eagal gu'n sluig an talamh sinne suas mar an ceudna.

35 Agus thàinig teige a mach o'n Tighearna, agus loisg e'n dà cheud agus an leth-cheud fear, a thug seachad tùis,

36 Agus labhair an Tighearna ri Maois, ag ràdh,

37 Labhair ri h-Eleasar mac Aaroin an sagart, e thogail suas nan tùiseirean a meadhon an losgaidh, agus sgap thusa an teine an sud; oir tha iad coisrigte.

38 Tù seirean nam peacach ud an aghaidh an arma féin; agus deanadh iad dhiuhh leachdan leathan mar chòmhdach do'n altair; oir thug iad seachad iad an làthair an Tighearna, air an aohhar sin tha iad coisrigte; agus bithidh iad nan comhara do chloinn Israeil.

39 Agus ghabh Eleasar an sagart na tùiseirean umha, leis an d'thug iadsan a chaidh losgadh seachad tabhartas; agus rinneadh iad nan leachdaibh leathan mar chòmhdach do'n altair:

40 Gu bhi nan cuimhneachan do chloinn Israeil, air chor as nach d' thig coigreach, nach 'eil do shliochd Aaroin, am fagus a losgadh tùis an làthair an Tighearna; chum as nach bi e mar Chorah, agus mar a chuideachd: mar a thubhairt an Tighearna ris le làimh Mhaois.

41 Ach air an là màireach, rinn coimhchrinneach cloinn Israeil uile gearan an aghaidh Mhaois agus an aghaidh Aaroin, ag ràdh, Mharbh sibh sluagh an Tighearna.

42 Agus tharla 'nuair a chruinnicheadh an coimhchrinneach an aghaidh Mhaois agus an aghaidh Aaroin, gu'n do sheall iad air pàilliuin a' choimhthionail: agus feuch, chòmhdach an neul e, agus dh'fhoillsicheadh glòir an Tighearna.

43 Agus thàinig Maois agus Aaron gu heulaobh pàilliuin a' choimhthionail.

44 Agus labhair an Tighearna ri Maois, ag ràdh,

45 Rachaidh suas o mheasg a' choimhchrinnich so, agus sgriosaidh mi iad mar ann am priobadh na sùla: agus thuit iad air an eudannaibh.

46 Agus thubhairt Maois ri h-Aaron, Glac tùseir, agus cuir teine ann bhàrr na h-altarach, agus cuir tùis air, agus imich gu grad a dh'ionnsuidh a' choimhchrinnich, agus dean réite air an son; oir



chaidh fearg a mach o'n Tighearna: a thòisich a' phlàigh.

47 Agus ghlac Aaron e, mar a dh'aithn Maois, agus ruidh e gu meadhon a' choimhchruinnich; agus feuch, bha phlàigh air tòiseachadh am measg an t-sluaigh: agus chuir e tùis air, agus rinn e réite air son an t-sluaigh.

48 Agus sheas e eadar na mairbh agus na beotha, agus choisgeadh a' phlàigh.

49 Agus bhàsaich sa' phlàigh ceithir mìle deug agus seachd ceud, a thuilleadh orra-san a bhàsaich an aobhar Choraih.

50 Agus phill Aaron a dh'ionnsuidh Mhaois, gu doras pàilliun a' choimhthionail: agus choisgeadh a' phlàigh.

## CAIB. XVII.

**A**GUS labhair an Tighearna ri Maois, ag ràdh,

2 Labhair ri cloinn Israeil, agus gabh slat o gach aon aca, a réir tighe an aithreacha, o'n ceannard-aibh uile, a réir tighe an aithreacha, dà shlat deug: sgrìobh ainm gach duine air a shlat féin.

3 Agus sgrìobhaidh tu ainm Aaroin air slat Lebhi: oir *bithidh* aon slat air son cinn tighe an aithreacha.

4 Agus cuiridh tu suas iad ann am pàilliun a' choimhthionail, an làthair na fianuis, far an coinnich mis' thu.

5 Agus tarlaidh, *gu'n d'* thig slat an duine a thaghas mise fuidh bhlàth; agus bheir mi air gearain chloinn Israeil sgar uam, leis am bheil iad ri gearan nar n-aghaidh-sa.

6 Agus labhair Maois ri cloinn Israeil, agus thug gach aon d'an ceannardaibh dha slat am fear, aon air son gach ceannard, a réir tighe an aithreacha, *eadhon* dà shlat deug: agus bha slat Aaroin am measg an slat.

7 Agus chuir Maois suas na slatain an làthair an Tighearna, ann am pàilliun na fianuis.

8 Agus air an là maireach chaidh Maois a steach do phàilliun na fianuis; agus feuch, bha slat Aaroin, air son tighe Lebhi, air briseadh a mach, agus air cur maoth dhuille aisde, agus air teachd fuidh bhlàth, agus air giùlan almona.

9 Agus thug Maois a mach na slatan uile o làthair an Tighearna

gu cloinn Israeil uile; agus dh'amhairc iad orra, agus ghabh gach duine a shlat féin.

10 Agus thubhairt an Tighearna ri Maois, Thoir slat Aaroin a ris an làthair na fianuis, gu bhi air a gleidheadh mar chomhara an aghaidh nan ceannairceach; agus bheir thu air falbh gu tur an gearain ùamsa, chum as nach bàsaich iad.

11 Agus rinn Maois *mar sin*: mar a dh'aithn an Tighearna dha, mar sin rinn e.

12 Agus labhair clann Israeil ri Maois, ag ràdh, Feuch, tha sinn a' bàsachadh, thèid as duinn, thèid as duinn uile.

13 Ge b'e air bith a tbig am fagus do phàilliun an Tighearna, gheibh e bàs; an claidhear sinn le basachadh?

## CAIB. XVIII.

**A**GUS thubhairt an Tighearna ri h-Aaron, Giùlainidh tusa agus do mhic, agus tigh t'athar maille riut, eu-ceart an ionaid naomha; agus giùlainidh tusa agus do mhic maille riut eu-ceart bhur sagartachd.

2 Agus do bhràithre mar an ceudna do thréibh Lebhi, tréibh t'athar, bheir thu leat maille riut, a chum as gu'n ceanglar riut iad, agus gu'm fritheil iad dhuit: ach *fritheilidh* tusa agus do mhic maille riut air beulaobh pàilliun na fianuis.

3 Agus gleidhidh iad do chùramsa, agus cùram a' phàilliun uile: a mhàin cha d' thig iad am fagus do shoithichibh an ionaid naomha agus do'n altair, a chum as nach faigh aon chuid iadsan no sìhse bàs.

4 Agus ceanglar riut iad, agus gleidhidh iad cùram pàilliun a' choimhthionail, air son uile sheirbhis a' phàilliun: agus cha d' thig coigreach am fagus duibh.

5 Agus gleidhidh sibh cùram an ionaid naomha, agus cùram na h-altarach; a chum as nach bi fearg nì's mò air cloinn Israeil.

6 Agus mise, feuch thug mi bhur bràithre na Lebhithich o mheasg chloinn Israeil: dhuibhse thugadh iad *mar* thabhartas do'n Tighearna, a dheanamh seirbhis pàilliun a' choimhthionail.

7 Uime sin, gleidhidh tusa, agus do mhic maille riut, bhur sagartachd anns gach nì a *bhuineas* do'n altair, agus an taobh a sìgh do'n roinn-bbrat, agus nì sibh seirbhis; thug mi dhuibh bhur sagartachd,

a o ghnùis an Tighearna. Eabh. b gu'm bris slat an duine, a thaghas mise, a mach.

c peacanna.

mar sheirbhis tabhartais: agus an coigreach a thig am fagus, cuirear gu bàs e.

8 Agus labhair an Tighearna ri h-Aaron, Feuch, thug mi dhuit mar an ceudna cùram mo thabhartasan-togta, do uile nithibh coisrigte chloinn Israeil; dhuitse thug mi iad, air son an ungaidh, agus do d' mhic le reachd sìorruidh.

9 Bithidh so leatsa do na nithibh ro-naomha, a *ghleidheadh* o'n teine: gach tabhartas leo-san, gach tabhartas-bidh leo, agus gach ìobairt-pheacaidh leo, agus gach ìobairt-eusaontais leo, a bheir iad dhomhsa, bithidh e ro-naomha dhuitse, agus do d' mhic.

10 San ionad ro-naomha ithidh tu e, ithidh gach firionnach e: bithidh e naomha dhuitse.

11 Agus is leat so: tabhartas-togta an tabhartais, maille ri uile thabhartasan-luaisgte chloinn Israeil: thug mi dhuitse iad, agus do d' mhic, agus do d' nigheanaibh maille riut, le reachd sìorruidh: gach neach a tha glan a' d' thigh, ithidh e dheth.

12 A' chuid a's fearr uile do'n oladh, agus a' chuid a's fearr uile do'n fhion, agus do'n chruthneachd, an ceud thoradh leo-san a bheir iad seachad do'n Tighearna, iad sin thug mi dhuit.

13 Gach ni a's luaithe bhios abuich nam fearann, a bheir iad chum an Tighearna, bithidh e leatsa: gach aon a ta glan a' d' thigh, ithidh e dheth.

14 Gach ni a choisrigear ann an Israel, bithidh e leatsa.

15 Gach ni a dh'fhosgla a' bhrù do gach feoil, a bheir iad a dh'ionnsuidh an Tighearna *ma's ann* do dhuine, no dh'ainmhidh, bithidh e leatsa: gidheadh gu cinnteach fuasglaidh tu cend-ghin duine, agus ceud-ghin an ainmhidh neo-ghloin fuasglaidh tu.

16 Agus iadsan a dh'fhuasglar, o mhios a dh'aois fuasglaidh tu iad a réir do mheas, air son airgid chùig seceilean, a réir seceil an ionaid naomha: *is e 'n seceil* fichead gerah.

17 Ach ceud-ghin bòtha, no ceud-ghin caorach, no ceud-ghin gaibhre, cha'n fhuasgail thu; *tha* iad naomha: crathaidh tu 'm fuil air an altair, agus loisgidh tu 'n saill mar thabhartas a bheirear suas le teine chum fàile cùbhraidh do'n Tighearna.

18 Agus bithidh am feoil leatsa, mar a bhitheas an t-uchd luaisgte agus an slinnean deas leat.

19 Uile thabhartasan-togta nan nithe naomha, a bheir clann Israeil seachad do'n Tighearna, thug mi dhuitse, agus do d' mhic, agus do d' nigheanaibh maille riut, le reachd sìorruidh: *is coimhcheangal* falainn e gu bràth an làthair an Tighearna, dhuitse agus do d' shliochd maille riut.

20 Agus labhair an Tighearna ri h-Aaron, Nam fearann cha bhi oighreachd agad, ni mò bhios roinn agad nam measg: *is mise* do roinn-sa agus t'oighreachd am measg chloinn Israeil.

21 Agus feuch, do chloinn Lebhi thug mi an deachamh uile ann an Israel mar oighreachd, air son an seirbhis a ni iad *eadhon* seirbhis pàilliun a' choimhthionail.

22 Agus cha'n fheud clann Israeil o so suas teachd am fagus do phàilliun a' choimhthionail, an t-eagal gu'n giùlain iad peacadh, agus gu'm faigh iad bàs.

23 Ach ni na Lebhitich seirbhis pàilliun a' choimhthionail, agus giùlainidh iad an cionta; *bithidh e* na reachd sìorruidh air feadh bhuir ginealach, nach bi oighreachd sam bith aca am measg chloinn Israeil.

24 Ach deachamh chloinn Israeil, a bheir iad seachad *mar* thabhartas-togta do'n Tighearna, thug mi do na Lebhitich mar oighreachd: uime sin thubhairt mi riu, Am measg chloinn Israeil cha bhi oighreachd aca.

25 Agus labhair an Tighearna ri Maois, agràdh,

26 Mar so labhair ris na Lebhitich, agus abair riu, 'Nuair a thogas sibh o chloinn Israeil an deachamh, a thug mise dhuibh uatha mar bhuir n-oighreachd, an sin bheir sibh suas tabhartas-togta dheth do'n Tighearna, *eadhon* an deicheamh cuid do'n deachamh.

27 Agus measar an tabhartas-togta so dhuibh, mar *gu'm b'e* arbhar an urlair-bhualaidh, agus mar làine amar-bruthaidh an fhìona.

28 Mar so mar an ceudna bheir sibh seachad tabhartas-togta do'n Tighearna, d'ar n-uile dheachamh, a thogas sibh o chloinn Israeil; agus bheir sibh dheth tabhartas-togta an Tighearna do Aaron an sagart.

29 As bhuir n-uile thiodhlaicibh, bheir sibh seachad uile thabhartas-togta an Tighearna do'n chuid a's fearr dheth uile, *eadhon* a' chuid sin dheth, a tha coisrigte.

30 Uime sin, their thu riu, 'Nuair a thogas sibh suas uaith a' chuid a's fearr dheth, an sin measar e do na

Lebhithich mar thoradh<sup>a</sup> an urlair-bhualaidh, agus mar thoradh amar-bruthaidh an fhìona.

31 Agus ithidh sibh e anns gach àite, sibh féin agus bhur teaghlach-eam; oir is e bhur duais air son bhur seirbhìs ann am pàilliuin a' choimhthionail.

32 Agus chaghiùlain sibh peacadh sam bith air a shon, an uair a thogas sibh suas as a' chuid a's fearr dheth: ni mò a thruailleas sibh nithe naomha chloinn Israeil, an t-eagal gu'm faigh sibh bàs.

## CAIB. XIX.

**A** GUS labhair an Tighearna ri Maois, agus ri h-Aaron, ag ràdh,

2 Is e so ordugh an lagha, a dh'aitbhn an Tighearna, ag ràdh, Labhair ri cloinn Israeil, iad a thoirt a' d' ionnsuidh agh ruagh gun ghaidh, air nach 'eil smal, agus nach robh riamh fuidh chuing.

3 Agus bheir sibh i dh'ionnsuidh Eleasair an t-sagairt; agus bheir i c' n' taobh a muigh do'n champ, agus marbhar i na fhianuis.

4 Agus gabhaidh Eleasair an sagart cuid d'a fuil le 'mheur, agus crathaidh e cuid d'a fuil dìreach fa chomhair pàilliuin a' choimhthionail seachd uairean.

5 Agus loisgidh neach an t-agh na shealladh; a seiche, agus a feoil, agus a fuil, maille r'a h-aolach, loisgidh e.

6 Agus gabhaidh an sagart fiodh seudair, agus hiosop, agus scarlaid, agus tilgidh e sin am meadhon losgaidh an aighe.

7 An sin nighidh an sagart 'eudach, agus ionnailidh e 'fheoil ann an uisge, agus an déigh sin thig e steach do'n champ, agus bithidh an sagart neo-ghlan gu feasgar.

8 Agus nighidh esan a loisg i 'eudach ann an uisge, agus ionnailidh e 'fheoil ann an uisge, agus bithidh e neo-ghlan gu feasgar.

9 Agus cruinnichidh duine, a ta glan, luath an aighe, agus taisgidh e i'n taobh a muigh do'n champ ann an àite glan, agus gleidhear i air son coimhchrùinnich chloinn Israeil, mar uisge dealachaidh; is glanadh air son peacaidh i.

10 Agus nighidh esan a thionailleas luath an aighe 'eudach, agus bithidh e neo-ghlan gu feasgar: agus bithidh e do chloinn Israeil agus do'n choigreach a th'air chuairt nam measg, na reachd sìorruidh.

11 Esan a bheanas ri corp duine mhairbh sam bith, bithidh e neo-ghlan seachd laithean.

12 Glanaidh se e féin leis air an treas là, agus air an t-seachdamh là bithidh e glan: ach mur glan se e féin air an treas là, an sin air an t-seachdamh là cha bhi e glan.

13 Ge b'e neach a bheanas ri corp duine sam bith a ta marbh, agus nach glan e féin, tha e truailleadh pàilliuin an Tighearna; agus gearrar an t-anam sin as o Israel; a chionn nach do chrathadh an t-uisge dealachaidh air, bithidh e neo-ghlan; tha a neo-ghloine fathast air.

14 Is e so an lagh, an uair a bhàsaicheas duine ann am bùth: Gach neach a thig a stigh do'n bhùth, agus gach neach a tha sa' bhùth, bithidh iad neo-ghlan seachd laithean.

15 Agus gach soitheach fosgailte aig nach 'eil comhdach ceangailte air, tha e neo-ghlan.

16 Agus ge b'e bheanas ri neach a mharbhadh le claidheamh sa' mhachair e, no ri corp marbh, no ri cnàimh duine, no ri h-uagh, bithidh e neo-ghlan seachd laithean.

17 Agus air son an duine neo-ghloin gabhaidh iad do luaith an aighe, a loisgeadh air son glanaidh peacaidh, agus cuiridh iad uisge ruith oirre ann an soitheach;

18 Agus gabhaidh duine glan hiosop, agus tumaidh e san uisge e, agus crathaidh e air a' bhùth e, agus air na soitheichibh uile, agus air a' mhuinntir, a bha 'n sin; agus airsan a bhean ri cnàimh, no ri neach a mharbhadh, no ri aon marbh, no ri h-uagh:

19 Agus crathaidh an duine glan air an neo-ghlan air an treas là, agus air an t-seachdamh là: agus glanaidh se e féin air an t-seachdamh là, agus nighidh e 'eudach, agus ionnailidh se e féin ann an uisge, agus bithidh e glan air feasgar f.

20 Ach an duine a bhios neo-ghlan, agus nach glan e féin, gearrar an t-anam sin as o mheasg a' choimhchrùinnich, a chionn gu'n do thruaill e ionad naomh an Tighearna: cha do chrathadh uisge dealachaidh air; tha e neo-ghlan.

21 Agus bithidh e na reachd sìorruidh dhoibh, gu'n nigh esan, a chrathas an t-uisge dealachaidh, 'eudach, agus bithidh esan, a bheanas ris an uisge dealachaidh, neo-ghlan gu feasgar.

<sup>a</sup> fhàs, phiseach.  
<sup>c</sup> bheir e i. Eabh.

<sup>b</sup> fallain.  
<sup>d</sup> ionnladaidh.

<sup>e</sup> air aghaidh na machrach.  
<sup>f</sup> san fheasgar.

22 Agus ge b'e ni ris am bean an *duine* neo-ghlan, bithidh e neo-ghlan : agus an t-anam a bheanas ris, bithidh e neo-ghlan gu feasgar.

## CAIB. XX.

**A**N sin thàinig clann Israeil, *eadhon* an coimhchruinneach uile, gu fàsach Shin, anns a' cheud mhìos : agus dh'fhan a' an sluagh ann an Cades ; agus fhuair Miriam bàs an sin, agus dh'adhlaiceadh an sin i.

2 Agus cha robh uisge ann do'n choimhthional ; agus chruinnich siad iad féin an aghaidh Mhaois agus an aghaidh Aaron.

3 Agus throid an sluagh ri Maois, agus labhair iad, ag ràdh ; B'fhearr gu'm bitheamaid air faghail bàis, an uair a bhàsaich ar bràithrean an làthair an Tighearna !

4 Agus c'ar son a thug sibh a nìos coimhchruinneach an Tighearna do'n fhàsach so, gu bàs fhagail an sin, sinn féin agus ar spréidh ?

5 Agus c'ar son a thug sibh oirne teachd a nìos as an Eiphit g'ar toirt a steach do'n droch àite so ? cha'n àite sil e, no fhigis, no chrann-fiona, no phomgranata, ni mò *ta* uisge ann r'a òl.

6 Agus chaidh Maois agus Aaron o làthair a' choimhchruinnich gu dorus pàilliuin a' choimhthionail, agus thuit iad air an aghaidh ; agus dh'fhoillsicheadh glòir an Tighearna dhoibh.

7 Agus labhair an Tighearna ri Maois, ag ràdh,

8 Gabh an t-slat, agus cruinnich thus' an coimhthional an ceann a chèile, thu féin agus Aaron do bhràthair, agus labhraibh ris a' charraig fa chomhair an sùl, agus bheir i seachad a h-uisge ; agus bheir thusa mach uisge dhoibh as a' charraig, agus bheir thu deoch d'on choimhthional, agus d'an spréidh.

9 Agus ghabh Maois an t-slat o làthair an Tighearna, mar a dh'àithn e dha.

10 Agus chruinnich Maois agus Aaron an coimhchruinneach an ceann a' chèile fa chomhair na carraige, agus thubhairt e riu, Eisdibh a nis, a luchd-ceannairc ; as a' charraig so am feum sinne uisge thoirt duibh ?

11 Agus thog Maois suas a làmh, agus bhuail e charraig le 'shlaid dà uair : agus thàinig an t-uisge mach gu pailt, agus dh'òl an coimhchruinneach, agus an spréidh.

12 Agus labhair an Tighearna ri

a chòmhnuidh.

Maois agus ri h-Aaron, A chionn nach do chreid sibh mi, chum mo naomhachadh ann an sùilibh chloinn Israeil, uime sin cha d' thoir sibh a steach an coimhchruinneach so do'n fhearann, a thug mise dhoibh.

13 Is e do uisge Mheribah, a chionn gu'n d'rinn clann Israeil strì ris an Tighearna ; agus naomhaicheadh e annta.

14 Agus chuir Maois teachdairean o Chades gu rìgh Edoim, Mar so tha do' bhràthair Israel ag ràdh, Tha fios agad air an t-saothair sin uile a thàinig oirne ;

15 Mar a chaidh ar n-aithreacha sìos do'n Eiphit, agus a ghabh sinn còmhnuidh san Eiphit aimsir shadab, agus bhuin na h-Eiphitich gu h-òlc ruinne, agus r'arn-àithreachaibh.

16 Agus an uair a ghlaodh sinn ris an Tighearna, chual' e ar guth, agus chuir e aingeal uaith, agus thug e mach sinn as an Eiphit : agus feuch, tha sinn ann an Cades, baile sa' chuid a's iomallaiche do d' chrich.

17 Leig leinn, guidheam ort, dol tre d' dhùthaich : cha d' théid sinn tre achadh sam bith, no tre fhionlies, ni mò dh'òlas sinn uisge na tobar : imichidh sinn air rathad mòr an rìgh, cha tionndaidh sinn a dh'ionnsuidh na làimhe deise, no na làimhe clithe, gus an d' théid sinn seach do chricochan.

18 Agus thubhairt Edom ris, Cha d' théid thu seachad orm, an t-eagal leis a' chlaidheamh gu'n d' thig mi mach a't' aghaidh.

19 Agus thubhairt clann Israeil ris, Imichidh sinn air an rathad mòr : agus ma dh'òlas mi féin agus mo spréidh do d' uisge, bheir mi luach air a shon : amhàin gun tuille *dheanamh*, théid mi troimhe do m' chois.

20 Agus thubhairt e, Cha d' théid thu troimhe. Agus thàinig Edom a mach na aghaidh le mòr shluagh, agus le làmh thréin.

21 Mar so dhiult Edom do Israeil comas dol troimh a chrich : uime sin thionndaidh Israel uaith.

22 Agus ghabh clann Israeil, *eadhon* an coimhchruinneach uile, an turas o Chades, agus thàinig iad gu sliabh Hor.

23 Agus labhair an Tighearna ri Maois agus ri h-Aaron ann an sliabh Hor, làmh ri crìch fearainn Edoim, ag ràdh,

24 Crùnnichear Aaron a chum a

b iomadh là. Eabh.

c'troimh m' chrich.



shluaigh : oir cha d' théid e steach do'n fhearanna thug mise do chloinn Israeil, a chionn gu'n robh sibh ceannairceach an aghaidh m'fhocail-sa aig uisge Mheribab.

25 Gabh Aaron agus Eleasar a mhac, agus thoir suas iad gu sliabh Hor :

26 Agus buin 'eudach do Aaron, agus cuir air a mhac Eleasar e : agus cruinnich car Aaron a chum a mhuinntir, agus gheibh e bàs an sin.

27 Agus rinn Maois mar a dh'àithn an Tighearna : agus chaidh iad suas gu sliabh Hor, ann an seailadh a' choimhechruinnich uile.

28 Agus bhuin Maois 'eudach do Aaron, agus chuir e air Eleasar a mhac e ; agus fhuair Aaron bàs an sin air mullach an t-sléibh ; agus thàinig Maois agus Eleasar a nuas o'n t-sliabh.

29 Agus an uair a chunnaic an coimhechruinneach uile gu'n d'fhuair Aaron bàs, rinn iad bròn air son Aaroin deich laithcan 'ar fhìchead, eadhon tigh Israeil uile.

## CAIB XXI.

**A**GUS an uair a chuala rìgh Arad an Canaanach, a bha chòmh-nuidh san airde deas, gu'n d'fhàinig Israeil air slighe an luchd-brathaidh ; an sin chog e 'n aghaidh Israeil, agus rinn e cuid diubh nan ciomaich.<sup>a</sup>

2 Agus bhòidich Israeil bòid<sup>b</sup> do'n Tighearna, agus thubhairt iad, Ma bheir thu da rìreadh an sluagh so thairis d'ar làimh, an sin sgriosaidh sinn gu tur am bailtean c.

3 Agus dh'éisd an Tighearna ri guth Israeil, agus thug e na Canaanach suas doibh : agus sgrios iad gu tur iad agus am bailtean : agus thug iad Horma mar ainm air an àite.

4 Agus ghabh iad an turns o shliabh Hor, air slighe na mara ruaidhe, a dhol m'an cuairt air tìr Edoim ; agus bha anam an t-sluaigh fuidh mhi-mhisaich san t-slighe<sup>d</sup>.

5 Agus labhair an sluagh an aghaidh Dhé, agus an aghaidh Mhaois, C'ar son a thug sibh a nìos sinn as an Eiphit, gu bàs fhàghail san fhàsach ? oir cha'n 'eil aran, no uisge ann, agus tha ar n-anam a' gabhail gràin do'n aran eutrom so.

6 Agus chuir an Tighearna nathraichean loisgeache am measg an t-sluaigh ; agus lot<sup>f</sup> iad an sluagh,

agus fhuair mòr-shluaigh de Israel bàs.

7 Uime sin, thàinig an sluagh a dh'ionnsuidh Mhaois, agus thubhairt iad, Pheacaich sinn, oir labhair sinn an aghaidh an Tighearna, agus a t' aghaidh-sa ; guidh air an Tighearna gu'n d' thoir e air falbh uainn na nathraiche : agus ghuidh Maois air son an t-sluaigh.

8 Agus thubhairt an Tighearna ri Maois, Dean dhuit féin nathair loisgeach, agus cuir i air crann : agus tarlaidh, gach neach a lotar, an uair a dh'amhairceas e oirre, gu mair e beo.

9 Agus rinn Maois nathair umha, agus chuir e air crann i : agus tharladh, ma lot nathair duine sam bith, agus gu'n d'amhairc e air an nathair umha, gu'n d'fhan e beo.

10 Agus chaidh clann Israeil air an aghaidh, agus champaich iad ann an Obot.

11 Agus ghabh iad an turus, o Obot, agus champaich iad aig Iieabarim san fhàsach a ta fa chomhair Mhoib, leth ri éirigh na gréine.

12 Uaith sin dh'imich iad, agus champaich iad ann an gleann Shareid.

13 O sin dh'imich iad, agus champaich iad air an taobh eile do Arnon, a ta san fhàsach, a tha teachd a mach a crìochaibh nan Amoraich : oir is e Arnon crìoch Mhoib, eadar Moab agus na h-Amoraich.

14 Uime sin innsear ann an leabhar coganna an Tighearna, Cìod a rinn e sa' mhuir ruaidh, agus ann an sruthaibh Arnoin ;

15 Agus aig ruidh nan sruth a tha dol sìos gu aite-còmhnuidh Ar, agus a' luidhe air crìch Mhoib.

16 Agus o sin chaidh iad gu Beer : is e sin an tobar m'an do labhair an Tighearna ri Maois, Cruinnich an sluagh r'a chéile, agus bheir mise uisge dhoibh.

17 An sin chanh Israel an laoidh so, Sruth a nìos, o thobair, canaibhse dha :

18 Chladhaich na h-uchdarain an tobar, chladhaich uaislean an t-sluaigh e, le seòladh fhir-tabhairt-an-lagha, le 'n lorgaibh. Agus o'n fhàsach chaidh iad gu Matana :

19 Agus o Mhatana gu Nahaliel : agus o Nahaliel gu Bamot :

20 Agus o Bhamot sa' ghleann a ta ann an dùthaich Mhoib, gu mulach Phisgaib, a ta 'g amharc ri Iesimon.

21 Agus chuir Israel teachdairean

<sup>a</sup> prìosanaich.

<sup>b</sup> mòid.

<sup>c</sup> an cathraichean.

<sup>d</sup> air son

na slighe.

<sup>e</sup> nathraiche teine.

<sup>f</sup> theum.

<sup>g</sup> Vaheb. Eabh.

<sup>h</sup> sheinn.

gu Sihon rìgh nan Amorach, ag ràdh,

22 Leig dhomb dol tre d'fhearann; cha tionndaidh sin a dh'ionnsuidh raoin, no dh'ionnsuidh fionlios sam bith a; cha'n òl sinn uisgeachan an tobair: rathad an rìgh gabhaidh sinn, gus an d' théid sinn seachad air do chrìch.

23 Agus cha leigeadh Sihon le Israel dol troimh a chrìch: agus chruinnich Sihon a shluagh uile r'a chéile, agus chaidh e mach an aghaidh Israeil do'n fhàsach: agus thàinig e gu Iahas, agus chog e 'n aghaidh Israeil.

24 Agus bhuail Israel e le faobhar a' chlàidheimh, agus ghabh e sealbh air 'fhearann o Arnon gu Iaboc, eadhon gu cloinn Amoin: oir bha crìoch chloinn Amoin làidir.

25 Agus ghlac Israel na bailte mòra sin uile: agus ghabh Israel còmhnuidh ann am bailtibh mòra nan Amorach uile ann an Hesbon, agus na bhailtibh beaga uile:

26 Oir b'e Hesbon baile mòr Shihoin rìgh nan Amorach, a chog an aghaidh rìgh Mhoab, a bh'ann roimhe sin, agus a bhuin 'fhearann uile as a làimh, eadhon gu h-Arnon.

27 Uime sin their iadsan, a labhras ann an gnàth-fhoclaibh, Thigibh do Hesbon; biodh baile mòr Shihoin air a thogail agus air a dheasachadh:

28 Oir chaidh teine mach a Hesbon, lasair o bhaile mòr Shihoin; loisg e Ar Mhoab, agus tighearnan ionadan arda Arnoin.

29 Mo thruaigh thu, a Mhoab! thàinig sgrios ort, O shluagh Che-mois! thug e 'mhic a chaidh as, agus a nigheanan am braighdeanas do Shihon rìgh nan Amorach.

30 'Thig sinn saighdean orra; chaidh as do Hesbon eadhon gu Dibon, agus dh'fhàsaich sinn iad eadhon gu Nopha, a tha ruigh-eachd gu Medeba.

31 Mar so ghabh Israel còmhnuidh ann am fearann nan Amorach.

32 Agus chuir Maois daoine uaith a ghabhail beachd air Iaser, agus ghlac iad a bhailte, agus dh'fhògair iad a mach na h-Amoraich a bha 'n sin.

33 Agus phill iad, agus chaidh iad suas air slighe Bhasain: agus chaidh Ogrìgh Bhasain a mach nan aghaidh, e féin, agus a shluagh uile, gu cath aig Edrei.

34 Agus thubhairt an Tighearna ri Maois, Na gabh eagail roimhe; oir do d' làimh-sa thug mi thairis e féin, agus a shluagh uile agus 'fhearann: agus ni thu air mar a rinn thu air Sihon rìgh nan Amoraich, a bha còmhnuidh aig Hesbon.

35 Mar sin bhuail iad e féin agus a mhic, agus a shluagh uile, gus nach d'fhàgadh aon beo aige: agus ghabh iad sealbh air 'fhearann.

## CAIB. XXII.

AGUS chaidh clann Israeil air an aghaidh, agus champaich iad ann an còmhnairdaibh Mhoab, air an taobh so do Iordan làimh ri Iericho.

2 Agus chunnaic Balac mac Shipoir gach nì a rinn Israel air na h-Amoraich.

3 Agus bha eagail ro-mhòr air Moab roimh 'n t-sluagh, a chionn gu'n robh iad lìonmhor: agus bha Moab ann an teinn a thaobh chloinn Israeil.

4 Agus thubhairt Moab ri sean-airibh Mhidiain, A nis imlichidh a' chuideachd so suas gach nì a ta m'ar timchioll, mar a dh'imlicheas an damh suas fear na machrach. Agus bha Balac mac Shipoir na rìgh air na Moabaich san àm sin.

5 Chuir e teachdairean, uime sin, gu Balaam mac Bheoir, gu Petor, a ta làimh ri abhainn dùthcha cloinne a shluaigh, g'a ghairm, ag ràdh, Feuch, tha sluagh air teachd a mach as an Eiphit: feuch, tha iad a' còmhachadh aghaidhe na tal-mhainn, agus tha iad nan còmhnuidh thall fa m' chomhair.

6 Thig a nis uime sin, guidheam ort, mallach dhomhs' an sluagh so, oir, tha iad tuille 's cùmhdach air mo shon: theagamh gur urrainn mi am bualadh, agus gu'm fuadaich mi iad a mach as an dùthaich; oir tha fios agam gu'm bheil esan, a bheannaicheas tusa, beannaichte, agus esan, a mhallaicheas tu, mal-laichte.

7 Agus dh'imich seanairean Mhoab agus seanairean Mhidiain, le duais na druideachd f'ann làimh; agus thàinig iad gu Balaam, agus dh'innis iad dha briathra Bhalac.

8 Agus thubhairt e riu, Fanaibh an so an nochd, agus bheir mise fios duibh a ris a réir mar a labhras an Tighearna rium, agus dh'fhan ceannardan Mhoab maille ri Balaam.

a chum nam machairean, no chum nam fion-ghàradh. b cathraiche. c ann an daorsadh, nan ciomaich.

d an coimh-chruinneach. e suil. Eabh. f fiosachd. g freagrachd.

9 Agus thàinig an Tighearna gu Balaam, agus thubhairt e, Cò iad na daoine so maille riut?

10 Agus thubhairt Balaam ri Dia, Chuir Balac mac Shipoir, rìgh Mhoaih, *teachdaire* a'm' ionnsuidh, *ag ràdh*,

11 Feuch, *tha* sluagh air teachd a mach as an Eiphit, a ta còmhachadh aghaidh na talmhainn: Thig a nis, mallaich dhomh iad; theagamh gur urrainn mi buaidh thoirt orra, agus gu'm fuadaich mi mach iad.

12 Agus thubhairt Dia ri Balaam, Cha d'fhéid thu maille riu, cha mhallach thu 'n sluagh; oir *tha* iad beannaichte.

13 Agus dh'éirich Balaam sa' mhaduinn, agus thubhairt e ri ceannardaibh Bhalaic, Imichibh d'ar dùthaich féin; oir tha 'n Tighearna diùltadh cead a thoirt domhsa dol maille ribh.

14 Agus dh'éirich ceannardan Mhoaih suas, agus chaidh iad a dh'ionnsuidh Bhalaic, agus thubhairt iad, Tha Balaam a diùltadh teachd maille ruinn.

15 Agus chuir Balac uaith a ris ceannardan bu lìonmhore, agus a b'urrmaiche na iadsan.

16 Agus thàinig iad gu Balaam, agus thubhairt iad ris, Mar so tha Balac, mac Shipoir, ag ràdh, Na bacadh ni sam bith thu, guidheam ort, o theachd a'm' ionnsuidh:

17 Oir ardaichidh mi thu gu h-inbhe ro-mhòir, agus ge b'e ni a their thu rium, ni mi e: Thig uime sin, guidheam ort, mallaich dhomh an sluagh so.

18 Agus fheargair Balaam, agus thubhairt e ri seirbhisich Bhalaic, Ge do bheireadh Balac dhomhsa làn a thighe dh'airgid, agus a dh'òr, cha 'n fheudainn dol thar focal an Tighearna mo Dhé, a dheanamh bheag no mhòr.

19 Anis uime sin, guidheam oirbh, fanaibhse mar an ceudna an so an nochd, a chum as gu'm bi fios agam ciod tuilleadh a their an Tighearna rium.

20 Agus thàinig Dia dh'ionnsuidh Bhalaam san oidhche, agus thubhairt e ris, Ma thig b na daoine ga d' ghairm, éirich suas, agus imich maille riu; gidheadh am focal a their mise riut, sin ni thu.

21 Agus dh'éirich Balaam suas sa' mhaduinn, agus chuir e diollaid air 'asal, agus chaidh e maille ri ceannardaibh Mhoaih.

22 Agus las corruich Dhé, a chionn gu'n d'imich e: agus sheas aingeal an Tighearna san t-slighe mar eas-caraid e na aghaidh: a nis bha e marcachd air 'asal féin, agus a dhà òglach maille ris.

23 Agus chunnaic an asal aingeal an Tighearna na sheasamh san t-slighe, agus a chlaidheamh tairngte na làimh: agus thionndaidh an asal a leth-taobh as an t-slighe agus chaidh i air feadh an fhearainn: agus bhuail Balaam an asal g'a tionndadh dh'ionnsuidh na slighe.

24 Agus sheas aingeal an Tigh-earn ann an cos-cheum nam fionlios: *bha* balladh àir an taobh so, agus balladh air an taobh ud.

25 Agus an uair a chunnaic an asal aingeal an Tighearna, theannaich si i féin ris a' bhalla, agus bhrùth i cos Bhaalam ris a' bhalla: agus bhuail e ris i.

26 Agus a ris chaidh aingeal an Tighearna seachad, agus sheas e ann an àite cumhann, far nach robh slighe gu tionndadh aon chuid a chum na làimhe deise no clithe.

27 Agus an uair a chunnaic an asal aingeal an Tighearna, luidh i sìos fuidh Bhalaam: agus las corruich Bhalaam, agus bhuail e 'n asal le batadh.

28 Agus dh'fhosgail an Tighearna beul na h-asail, agus thubhairt i ri Balaam, Ciod a rinn mise ort, gu'n do bhuail thu mi na tri uairean so?

29 Agus thubhairt Balaam ris an asal, A chionn gu'n d'rinn thu fanaid orm; b'fhearr leam gu'm biodh claidheamh a'm' làimh, oir a nis mharbhainn thu.

30 Agus thubhairt an asal ri Balaam, Nach mise t'asal féin, air an do mharcaich thu riamh o bu leat mi, gus an là 'n diugh? am b'abhaist domh riamh a dheanamh mar so ruit? Agus thubhairt e, Cha b'abh-aist.

31 An sin dh'fhosgail an Tigh-earna sùilean Bhalaam, agus chunnaic e aingeal an Tighearna na sheasamh san t-slighe, agus a chlaidheamh tairngte na làimh: agus chrom e sìos a cheann, agus thuit e sìos air 'aghaidh.

32 Agus thubhairt aingeal an Tighearna ris, C'ar son a bhuail thu t'asal na tri uairean so? Feuch, chaidh mi mach gu bhi m' eas-caraid duit, a chionn gu'm bheil do shlighe fìar a'm' fhianuis.

33 Agus chunnaic an asal mi,

a maithean bu liutha.

b O thàinig.

c gu cur na aghaidh.

d thuit.

agus thionndaidh i uam na tri uairean so: mur bitheadh i air tionndadh uam, gu cinnteach bha mi nis eadhon air do mharbhadh-sa, agus air a gleidheadh-sa beo.

34 Agus thubhairt Balaam ri aingeal an Tighearna, Pheacaich mi; oir cha robh fios agam gu'n do sheas thu san t-slighe a'm' aghaidh: a nis uime sin ma's mi-thaitneach leat e a, pillidh mi air m'ais a ris.

35 Agus thubhairt aingeal an Tighearna ri Balaam, Imich leis na daoineibh: ach a mhàin am focal a labhras mise riut, sin labhraidh tusa: mar sin chaidh Balaam le ceannardaibh Bhalaic.

36 Agus an uair a chuala Balac gu'n d'thàinig Balaam, chaidh e mach na choinneamh gu baile do Mhoab, a ta làimh ri coimhchrigh Arnoin, a tha sa chrìch a's faide mach.

37 Agus thubhairt Balac ri Balaam, Nach do chuir mise gu cinnteach fios a' tionnsuidh g'ad ghairm? C'ar son nach d'thàinig thu m'ionnsuidh? Nach 'eil mise gu deimhin comasach air d'ardachadh gu h-inbhe?

38 Agus thubhairt Balaam ri Balac, Feuch, tha mi air teachd a' tionnsuidh: am bheil agam a nis cumhachd idir ni sam bith a ràdh? Am focal a chuireas Dia a'm' bheul, sin labhraidh mi.

39 Agus chaidh Balaam maille ri Balac, agus thàinig iad gu Ciriathusot.

40 Agus dh'ìobair Balac daimh agus caoraich, agus chuir e fios a dh'ionnsuidh Bhalaaim, agus a dh'ionnsuidh nan ceannard, a bha maille ris.

41 Agus air an là màireach, ghabh Balac Balaam, agus thug e suas e gu àitibh arda Bhaail, a chum as gu faiceadh e o sin a' chuid a b'iomallaiche do'n t-sluagh.

CAIB. XXIII.

**A** GUS thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga agus seachd reitheachan.

2 Agus rinn Balac mar a thubhairt Balaam; agus dh'ìobair Balac agus Balaam air gach altair tarbh òg agus reithe.

3 Agus thubhairt Balaam ri Balac, Seas làimh ri d'ìobair-loisgte, agus imichidh mise: theagamh gu'n d' thig an Tighearn a'm' choinneamh:

a ma's olc ann do shùilibh e. Eabh.

agus ge b'e ni a nochdas a e dhomh, innisidh mi dhuit: Agus chaidh e gu h-ionad ard.

4 Agus choinnich Dia Balaam, agus thubhairt Balaam ris, Dheasaich mi seachd altairean, agus dh'ìobair mi air gach altair tarbh òg agus reithe.

5 Agus chuir an Tighearna focal ann am beul Bhalaaim, agus thubhairt e, Pill a dh'ionnsuidh Bhalaic, agus mar so labhraidh tu.

6 Agus phill e d'a ionnsuidh agus feuch, sheas e làimh r'a ìobair-loisgte, e féin, agus ceannardan Mhoab uile.

7 Agus thog e suas a chosamhlachd b, agus thubhairt e, Thug Balac rìgh Mhoab mise a h-Aram, o bheanntaibh na h-aird' an ear, ag ràdh, Thig, mallaich dhomhsa Iacob, agus thig, thoir dùbhlàn do Israel c.

8 Cionnus a mhallaicheas mi esan, nach do mhallach Dia? agus cionnus a bheir mi dùbhlàn dhasan, do nach d'thug an Tighearna dùbhlàn?

9 Oir o mhullach nan creag tha mi 'ga fhaicinn, agus o na sléibhtibh tha mi 'g amharc air: feuch gabhaidh an sluagh comhnuidh air leth, agus cha mbeasar iad am measg nan cinneach.

10 Cò dh'àirmheas duslach Iacoib, no àireamh na ceathramh cuid do Israel? Faigheam-sa bàs an ionracain d, agus bitheadh mo chrìoch dheireannach cosmhuil r'a chrìch-san!

11 Agus thubhairt Balac ri Balaam, Ciod e so a rinn thu orm? a mhallachadh mo naimhdean thug mi thu, agus feuch, da rìreadh bheannaich thu iade.

12 Agus fhreagair agus thubhairt e, An ni sin a chuir an Tighearn a'm' bheul, nach feum mis' an aire thoirt a labhairt?

13 Agus thubhairt Balac ris, Thig, guidheam ort, maille rium gu h-àit eile, o'm faic thu iad: cha 'n fhaic thu ach a' chuid a's iomallaiche dhiubh, agus cha'n fhaic thu iad uile, agus mallaich dhomh as a sin iad.

14 Agus thug e gu fearann Shophim e, gu mullach Phisgail f, agus thog e seachd altairean, agus dh'ìobair e tarbh òg agus reithe air gach altair.

a dh'fhoillsicheas. b parable. Sasg. c càin Israel. d nan ionnacan. Eabh. e le beannachadh bheannaich thu iad. Eabh. f beinne.



15 Agus thubhairt e ri Balac, Seas an so làimh ri d'ìobairt-loisgte, agus an coinnich mis' an Tighearn an sud.

16 Agus choinnich an Tighearna Balaam, agus chuir e focal na bheul, agus thubhairt e, Imich a ris a dh'ionnsuidh Bhalaic, agus abair mar so.

17 Agus an uair a thainig e d'a ionnsuidh, feuch, sheas e làimh r'a iobairt-loisgte, agus ceannardan Mhoib maille ris. Agus thubhairt Balac ris, Ciod a labhair an Tighearna?

18 Agus thog e suas a chosamhlachd, agus thubhairt e, Eirich suas, a Bhalaic, agus cluinn: éisd riumsa, thus' a mhic Shipoir:

19 Cha duine Dia, gu'n deanadh e breug, no mac duine, gu'n gabhadh e aithreachas: an dubhairt e, agus nach dean e? agus an do labhair e, agus nach coimhlion se e?

20 Fench, fhuair mi àithne beannachadh; agus bheannaich esan, agus cha 'n urrainn mise 'atharrachadh.

21 Cha d'thug e fanear euceart ann an Iacob, agus cha 'n fhac' e cealg ann an Israel: tha 'n Tighearna a Dhia leis, agus caithream righ nam measg.

22 Thug Dia mach iad as an Eiphit; tha aige amhuil neart an aon-adharcaich<sup>a</sup>.

23 Gu cinnteach cha 'n 'eil druidheachd an aghaidh Iacoib, ni mò ta fiosachd an aghaidh Israeil: a réir na h-aimsir so theirear mu Iacob, agus mu Israel, Ciod a dh'oirich Dia?

24 Feuch, éiridh an sluagh suas mar leòmhann mòr, agus mar leòmhann òg, togaidh e suas e féin: cha luidh e sìos gus an ith e chreach, agus gus an òl e fuil nam marbh.

25 Agus thubhairt Balac ri Balaam, Na dean aon chuid am mallachadh idir, no'm beannachadh idir.

26 Ach fhreagair Balaam agus thubhairt e ri Balac, Nach d'innis mi dhuit, ag ràdh, Gach ni a labhras an Tighearn, sin is éigin domhs' a dheanamh?

27 Agus thubhairt Balac ri Balaam, Thig, guidheam ort, bheir mi thu gu h-ionad eile; theagamh gur toil le Diab thu 'g am mallachadh dhomh as a sin.

28 Agus thug Balac Balaam gu

mullach Phëoir, a tha 'g amharc ri Iesimon.

29 Agus thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga, agus seachd reitheachan.

30 Agus rinn Balac mar a thubhairt Balaam, agus dh'ìobair e tarbh agus reithe air gach altair.

## CAIB. XXIV.

**A**GUS an uair a chunnaic Balaam gu'm bu toil leis an Tighearn Israel a bheannachadh, cha deachaidh e mar air uairibh eile a dh'iarraidh manaidean, ach chuir e 'aghaidh ris an fhàsach.

2 Agus thog Balaam suas a shùilean, agus chunnaic e Israel a' fantuinn nam bùthaibh a réir an treubhan, agus thainig spiorad Dhé air.

3 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùile dùinte;

4 Thubhairt esan, a chuala briathra. Dhé, a chunnaic taisbeanadh an Uile-chumhachdaich, a' tuiteam agus a shùilean air am fosgladh e.

5 Cia àluinn do bhùthan, O Iacob; do phàilliuana, O Israel!

6 Mar na gleannta tha iad sinnte mach, mar liosan f ri taobh aibhne, mar chraobha fiodh-alois: a shuidhich an Tighearna, mar chraobha seudair làimh ris na h-nisgeachaibh.

7 Sruthaidh an t-uisge mach as a shoithichibh, agus bithidh a shliochd ann am mòran uisgeacha, agus bithidh a righ ni's airde na Agag, agus ardaichear a rioghachd.

8 Thug Dia mach as an Eiphit e, tha aige amhuil neart an aon-adharcaich: ithidh e suas na cinnich a naimhdean, agus brisidh e 'n cnàmhan, agus le 'shaighdibh troimhlotaidd se iad.

9 Chrùb e, luidh e sìos mar leòmhann, agus mar leòmhann mòr; cò dhùisgeas suas e? Is beannaichte gach neach a bheannaicheas thusa, agus is mallaichte gach neach a mhallacheas thu.

10 Agus las corruich Bhalaic an aghaidh Balaam, agus bhual e 'bhasan air a chéile: agus thubhairt Balac ri Balaam, A mhallachadh mo naimhdean ghairm mi thu, agus feuch, da rìreadh bheannaich thu iad na trì uairean so.

11 Uime sin, teich a nise do d' àite féin: shaoil mi t'ardachadh gu

<sup>a</sup> reem. Eabh. unicorn. Sasg.

<sup>b</sup> gu'm bi e ceart ann an sùilibh Dhé. Eabh.

<sup>c</sup> chum fiosachd, druidheachd.

<sup>d</sup> sealladh.

<sup>e</sup> a shùilean dùinte.

<sup>f</sup> ghàraichean.

<sup>g</sup> phàilliuana.

h-inbhe mhoir, ach feuch, chum an Tighearn air t'ais thu o inbhe.

12 Agus thubhairt Balaam ri Balac, Nach do labhair mi eadhon ri d' theachdairibh, a chuir thu a'm' ionnsuidh, ag ràdh,

13 Ge do bheireadh Balac dhomh-sa làn a thighe dh'airgiod, agus a dh'or, cha b'urrainn mi dol thar àithne an Tighearna, a dheanamh maith no uile o m'inntinn féin: ach ge b'e ní their an Tighearna, sin labhraidh mise?

14 Agus a nis feuch, tha mi dol a dh'ionnsuidh mo dhaoine féin: thig uime sin bheir mi rabbadh a dhuit, eiod a ni 'n sluagh so air do shluagh-sa anns na laithibh deireannach.

15 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean duinte.

16 Thubhairtesan a chuala briathra Dhé, agus d'an aithne eolas an Ti's ro-airde, a chunnaic taisbeanadh an Uile-chumhachdaich, a' tuiteam agus a shùilean air am fosgladh.

17 Chi mi e, ach ni h-ann a nis: amhaircidh mi air, ach ni h-ann am fagus: thig reulb a mach a Iacob, agus éiridh slat rioghail a h-Israel, agus buailidh i oisinn Mhoibh, agus cuiridh i as do chloinn Shet uile.

18 Agus bithidh Edom na sheilbh, bithidh Seir mar an ceudna na sheilbh aig a naimhdbh, agus ni Israel gaisge.

19 A mach a Iacob thig esan, a bhios na uachdaran, agus sgriosaidh e 'n ti a mhaireas do'n bhaile mhòr.

20 Agus an uair a dh'amhaire e air Amalec, thog e suas a chosamhlachd, agus thubhairt e, Tùs nan cinneach Amalec, ach is e 'dheire bhi air a sgrios gu sìorruidh.

21 Agus dh'amhaire e air na Cenich: agus thog e suas a chosamhlachd, agus thubhairt e, Is làidir t'àite-còmhnuidh, agus tha thu cur do aid ann an carraig:

22 Gidheadh, fàsaichear na Cenich agus an d' thoir Asur leis thu ann am braigheanas.

23 Agus thog e suas a chosamhlachd, agus thubhairt e, Mo thruaigh! cò bhios beo 'nuair a ni Dia so?

24 Agus thig longan o iomall Chittim, agus ni iad olc air Asur, agus ni iad olc air Eber, agus sgriosar esan mar an ceudna gu bràth.

25 Agus dh'éirich Balaam suas,

agus dh'fhalbh e, agus phill e d'a àite féin; agus dh'fhalbh Balac mar an ceudna air a shlighe féin.

CAIB. XXV.

A GUS dh'fhan Israel ann a Sitim, agus thòisich an sluagh air striopachas a dheanamh le nigh-eanaibh Mhoibh.

2 Agus ghairm iad an sluagh gu iobairtibh an dée: agus dh'ith an sluagh, agus chrom iad sìos d'an déibh.

3 Agus cheangail Israeil e féin ri Baal-peor: agus las corruich an Tighearna an aghaidh Israeil.

4 Agus thubhairt an Tighearna ri Maois, Glac cinn-fheadhna an t-sluaigh uile, agus croch suas iad an làthair an Tighearna fa chomhair na gréine, chum as gu'm pill corruich gharb an Tighearn O Israel.

5 Agus thubhairt Maois ri breith-eamhnaibh Israeil, Marbhaibh gach aon agaibh a dhaoine, a cheangail iad féin ri Baal-peor.

6 Agus feuch, thàinig fear do chloinn Israeil, agus thug e chum a bhràithre Ban-mhidianach ann an sealladh Mhaois, agus ann an sealladh coimhechruinnich chloinn Israeil uile, agus iad a' gulaig dorus pàilliuin a choimhthionail.

7 Agus an uair a chunnaic Phinehas mac Eleasair, mhic Aaroin an t-sagairt e, dh'éirich e suas o mheasg a' choimh-chruinnich, agus ghabh e sleagh na làimh:

8 Agus chaidh e 'n déigh an duine do Israel a steach do'n bhùth, agus throimhlòt e iad d le chéile, an duine do Israel, agus a' bhean tre 'broinn: mar sin choisgeadh a' phlàigh o chloinn Israeil.

9 Agus bhàsaich sa' phlàigh ceithir mìle thar fhichead.

10 Agus labhair an Tighearna ri Maois, ag ràdh,

11 Phill Phinehas mac Eleasair, mhic Aaroin an t-sagairt, mo chorr- uich air falbh o chloinn Israeil, an uair a bha e eudmhore as mo leth nam measg, air chor as nach do chuir mi as do chloinn Israeil a'm' eud.

12 Air an aobhar sin abair, Feuch, bheir mise dha mo choimhcheangal f sith;

13 Agus bithidh e aige, agus aig a shliochd na dhéigh, eadhon coimhcheangal sagartachd shìorruidh; a chionn gu'n robh e eudmhor as leth a Dhé, agus gu'n d'rinn e réite air son chloinn Israeil.

14 A nis b'e ainm an Israelich, a mharbhadh, *eadhon* a mharbhadh maille ris a' Bhan-mhidianach, Simri mac Shalu, ceannard prìomh a thighe am measg nan Simeonach.

15 Agus b'e ainm na Ban-mhidianach, a mharbhadh, Cosbi nighean Shur: *bu cheann cinnich e*, agus do phrìomh thigh ann am Midian.

16 Agus labhair an Tighearna ri Maois, ag ràdh,

17 Buin gu naimhdeil ris<sup>b</sup> na Midianaich, agus buailibh iad:

18 Oir tha iadsan a' buntuinn gu naimhdeil ribhse le'n as-innleachdaibh, leis an do mheall iad sibh, ann an aobharc Pheoir, agus ann an aobhar Chosbi, nighinn ceannaird do Mhidian am peàthar, a mharbhadh ann an là na plàigh, ann an aobhar Pheoir.

## CAIB. XXVI.

**A**GUS tharladh an déigh na plàigh, gu'n do labhair an Tighearna ri Maois, agus ri Eleasar, mac Aaroin an t-sagairt, ag ràdh,

2 Gabhaibh àireamh coimhchruinnich chloinn Israeil uile, o fhichead bliadhna dh'aois agus os a chionn, tre thigh an aithreacha, iadsan uile a's urrainn dol a mach gu cogadh ann an Israel.

3 Agus labhair Maois agus Eleasar an sagart riu ann an còmhnradaibh e Mhoais làimh ri Iordan *am fagus do Iericho*, ag ràdh,

4 Gabhaibh àireamh an t-sluaigh, o fhichead bliadhna dh'aois agus os a chionn; mar a dh'àithn an Tighearna do Mhaois agus do chloinn Israeil, a chaidh a mach a talamh na h-Eiphit:

5 Reuben am mac bu shine aig Israel: clann Reubein; Hanoach, o'm bheil teaghlach nan Hanoach; o Phalu, teaghlach nam Paluthach:

6 O Hesron, teaghlach nan Hesronach: o Charmi, teaghlach nan Carmach.

7 Is iad sin teaghlach nan Reubeneach: agus iadsan a chaidh àireamh dhuibh, b'iad dà fhichead agus trì mìle agus seachd ceud agus deich 'ar fhichead.

8 Agus mic Phalu, Eliab.

9 Agus mic Eliaib; Nemuel, agus Datan, agus Abiram. Is e so an Datan agus an t-Abiram, a bha ainmeil sa' choimhchruinneach, a rinn strì an aghaidh Mhaois agus an aghaidh Aaroin ann an cuideachd

Choraih, 'nuair a rinn iad strì an aghaidh an Tighearna.

10 Agus dh'fhosgail an talamh a bheul, agus shluig e suas iad maille ri Corah, 'nuair a bhàsaich a' chuideachd sin, an uair a loisg an teine suas dà cheud agus leth-cheud fear: agus rinneadh iad nan comhara<sup>f</sup>.

11 Gidheadh cha do bhàsaich clann Choraih.

12 Mic Shimeoin a réir an teaghlach: o Nemuel, teaghlach nan Nemueleach: o Iamin, teaghlach nan Iamineach: o Iachin, teaghlach nan Iachineach:

13 O Sherah, teaghlach nan Sarlach: o Shaul, teaghlach nan Saulach.

14 Is iad sin teaghlach nan Simeonach, fichead agus dà mhìle agus dà cheud.

15 Clann Ghad a réir an teaghlach: o Shephon, teaghlach nan Sephonach: o Hagi, teaghlach nan Hagitheach: o Shuni, teaghlach nan Sunitheach:

16 O Osnì, teaghlach nan Osnitheach: o Eri, teaghlach nan Erith-each:

17 O Arod, teaghlach nan Arodach: o Areli, teaghlach nan Arelith-each.

18 Is iad sin teaghlach chloinn Ghad, a réir na dh'àirmheadh dhiubh, dà fhichead mìle agus cùig ceud.

19 B'iad mic Iudaibh Er agus Onan: agus fhuair Er agus Onan bàs ann an tìr Chanaain.

20 Agus b'iad mic Iudaih a réir an teaghlach, o Shelah, teaghlach nan Selanach: o Pharets; teaghlach nan Pharetsach: o Sherah, teaghlach nan Sarlach:

21 Agus b'iad mic Pharets; o Hesron, teaghlach nan Hesronach: o Hamul, teaghlach nan Hamulach.

22 Is iad sin teaghlach Iudaih a réir na dh'àirmheadh dhiubh, trì fichead agus sè mìle deug agus cùig ceud.

23 Do mhic Isachair a réir an teaghlach: o Tholah, teaghlach nan Tolahach: o Phua, teaghlach nam Punach:

24 O Iasub, teaghlach nan Iasubach: o Shimron, teaghlach nan Simronach.

25 Is iad sin teaghlach Iasachair, a réir na chaidh àireamh dhiubh, trì fichead agus ceithir mìle agus trì cheud.

26 Do mhic Shebuluin a réir an teaghlach: o Shered, teaghlach

<sup>a</sup> ceud, àrd. <sup>b</sup> Teannaich. Eabh.

<sup>c</sup> cùis. <sup>d</sup> air son Pheoir.

<sup>e</sup> réileanaibh.

<sup>f</sup> ball-samhuill.

nan Sardach: o Elon, teaghlach nan Elonach: o Iahleel, teaghlach nan Iahleelach.

27 *Is* iad sin teaghlach nan Sebulunach, a réir na chaidh àireamh dhiubh, tri fichead agus mìle agus cùig ceud.

28 *B'iad* mic Joseph a réir an teaghlach, Manase agus Ephraim.

29 Do mhic Mhanaseh: o Mhachir, teaghlach nam Machireach: agus ghin Machir Gilead; o Ghilead, *thàinig* teaghlach nan Gileadach.

30 *Is* iad so mic Ghilead: o Ieser, teaghlach nan Iesereach: o Helec, teaghlach nan Heleceach;

31 Agus o Asriel, teaghlach nan Asrieleach: agus o Shechem, teaghlach nan Sechemeach:

32 Agus o Shemida, teaghlach nan Semideach; agus o Hephher, teaghlach nan Hephereach:

33 Agus cha robh aig Selophehad mac Shephir mic sam bith, ach nigheanan: agus *b'iad* ainmean nigheana Shelophehaid, Mahla, agus Noab, Hoglah, Milcah, agus Tirsah.

34 *Is* iad sin teaghlach nan Mhanaseh, agus iadsan a chaidh àireamh dhiubh, leth-cheud agus dà mhìle agus seachd ceud.

35 *Is* iad so mic Ephraim, a réir an teaghlach nan Shutelach, teaghlach nan Suteleach: o Bhecher, teaghlach nan Bechereach: o Thahan, teaghlach nan Tahanach.

36 Agus *is* iad so mic Shutelach: o Eran, teaghlach nan Eranach.

37 *Is* iad sin teaghlach nan Ebraim, a réir na chaidh àireamh dhiubh, dà mhìle dheug 'ar fhichead agus cùig ceud. *Is* iad sin mic Ioseph a réir an teaghlach nan

38 Mic Bheniamina réir an teaghlach nan Bhelach, teaghlach nam Belachach: o Asbel, teaghlach nan Asbeleach: o Ahiram, teaghlach nan Ahiramach.

39 O Shupham, teaghlach nan Suphamach: o Hupham, teaghlach nan Huphamach.

40 Agus *b'iad* mic Bhelach Ard agus Naaman: o Ard, teaghlach nan Ardach; agus o Naaman, teaghlach nan Naamach.

41 *Is* iad sin mic Bheniamin a réir an teaghlach nan agus iadsan a chaidh àireamh dhiubh, *b'iad* dà fhichead agus cùig mìle agus sè ceud.

42 *Is* iad so mic Dhan a réir an teaghlach nan Shuham, teaghlach nan Suhmach. *Is* iad so teaghlach nan Dhan a réir an teaghlach nan

43 *B'iad* teaghlach nan Suh-

amach uile a réir na chaidh àireamh dhiubh, tri fichead agus ceithir mìle agus ceithir cheud.

44 Do chloinn Aseir a réir an teaghlach nan: o Iimna, teaghlach nan Iimnathach: o Iesui, teaghlach nan Iesuiteach: o Bheriah, teaghlach nam Beritheach.

45 Do mhic Bheriah: o Heber, teaghlach nan Hebereach: o Mhalchiel, teaghlach nam Malchiel-each.

46 Agus *b'e* ainm nighinn Aseir, Sarah.

47 *Is* iad sin teaghlach nan Aseir, a réir na chaidh àireamh dhiubh; leth-cheud agus tri mìle agus ceithir cheud.

48 Do mhic Naphtali a réir an teaghlach nan: o Iahseel, teaghlach nan Iahseeleach: o Ghuni, teaghlach nan Gunitheach:

49 O Ieser, teaghlach nan Iesereach: o Shillem, teaghlach nan Sillemeach.

50 *Is* iad sin teaghlach nan Naphtali a réir an teaghlach nan: agus iadsan a dh'àirmheadh dhiubh, *b'iad* dà fhichead agus cùig mìle agus ceithir cheud.

51 *B'iad* sin iadsan a dh'àirmheadh do chloinn Israeil, sè ceud mìle agus mìle seachd ceud agus deich 'ar fhichead.

52 Agus labhair an Tighearna ri Maois, ag ràdh,

53 Dhoibh sin roinneam fearann mar oighreachd, a réir àireimh nan ainmeanna.

54 Do mhòran bheir thu ni's mò dh'oighreachd, agus do bheagan bheir thu ni's lugha dh'oighreachd: bheir a oighreachd fèin do gach aon, a réir an àireimh.

55 Gidheadh roinneam am fearann le crannchur: a réir ainmeanna threubhan an aithreacha gheibh iad an oighreachd.

56 A réir a' chrannchuir roinneam a shealbh eadar mhòran agus bhacagan.

57 Agus *is* iad so iadsan a dh'àirmheadh do na Lebhitich, a réir an teaghlach nan: o Gherson, teaghlach nan Gersonach: o Chohat, teaghlach nan Cohatach: o Mherari, teaghlach nam Meraritheach.

58 *Is* iad so teaghlach nan Lebhitheach; teaghlach nan Libnitheach, teaghlach nan Hebronach, teaghlach nam Mahlach, teaghlach nam Muisitheach, teaghlach nan Corahach: agus ghin Cohat Amram.

59 Agus *b'e* ainm mnà Amram, Iochebed, nighean Lebhi, a rug a màthair do Lebhi san Eiphit: agus



rug i do Amram, Aaron, agus Maois, agus Miriam am piuthar.

60 Agus do Aaron rugadh Nadab agus Abihu, Eleasar agus Itamar.

61 Agus fhuair Nadab agus Abihu bàs, an uair a thug iad suas teine coimbeach an làthair an Tighearna.

62 Agus b'iadsan, a chaidh àir-eamh dhiubh, fichead agus trì mìle, fìrionnaich uile o mhìos a dh'aois agus os a chionn; oir cha d'àirmh-eadh iad am measg chloinn Israeil, a chionn nach d'thugadh oighreachd dhoibh ann measg chloinn Israeil.

63 Is iad sin iadsan a chaidh àir-eamh le Maois agus Eleasar an sagart, a dh'àireamh clann Israeil ann an còmhnradaibh Mhoib, làimh ri Iordan *am fagus do Iericho*.

64 Ach nam measg sin cha robh aon duine dhiubhsan a dh'àireamh Maois agus Aaron an sagart, an uair a dh'àireamh iad clann Israeil ann am fàsach Shinai:

65 Oir thubhairt an Tighearn umpasan, Gheibh iad gu deimhin bàs anns an fhàsach, agus cha d'fhàgadh duine dhiubh, saor o Chaleb mac Iephuneh, agus Iosua mac Nun.

#### CAIB. XXVII.

**A**N sin thàinig nigheana She-lophehaid mhic Hepheir, mhic Ghilead, mhic Mhachir, mhic Mhanaseh, do theaghlachibh Mhanaseh mhic Ioseiph: agus is iad so ainmean a nigheana, Mahlah agus Noah, agus Hoglah, agus Milcah, agus Tirsah.

2 Agus sheas iad an làthair Mhaois, agus an làthair Eleasair an t-sagairt, agus an làthair nan ceannard, agus a' choimh-chruinnich uile làimh ri dorus pàilliuin a' choimhthionail, ag ràdh.

3 Dh'eug ar n-athair anns an fhàsach, agus cha robh e ann an cuideachd na muinntir a chruinnich iad féin r'a chéile an aghaidh an Tighearn ann an cuideachd Choraih, ach dh'eug e na pheacadh féin; agus cha robh mic sam bith aige.

4 C'ar son a chaillear ainm ar n-athar o mheasg a theaghlach, a chionn nach 'eil mac aige? Thug-aibh dhuinn *uime sin* sealbh am measg bhràithrean ar n-athar.

5 Agus thug Maois an cùis an làthair an Tighearna.

6 Agus labhair an Tighearna ri Maois, ag ràdh,

7 Labhair nigheana Shelophehaid gu ceart: bheir thu dhoibh gu cinnteach sealbh oighreachd am measg bhràithrean an athar: agus bheir

thu fanear gu'n d'thig oighreachd an athar d'an ionnsuidh.

8 Agus labhraidh tu ri cloinn Israeil, ag ràdh, Ma gheibh duine bàs, agus gun mhac aige, an sin bheir sibh fanear gu'n d' thig 'oighreachd-san chum a nighinn.

9 Agus mur bi nighean aige, an sin bheir sibh 'oighreachd d'a bhràithribh.

10 Agus mur bi bràithrean aige, an sin bheir sibh 'oighreachd do bhràithribh 'athar.

11 Agus mur bi bràithrean aig 'athair, an sin bheir sibh 'oighreachd d'a fhear-dàimh<sup>a</sup> a's faigse dha d'a theaghlach, agus sealbhaichidh e i: agus bithidh e do chloinn Israeil na reachd<sup>b</sup> bhreitheanais, mar a dh'àithn an Tighearna do Mhaois.

12 Agus thubhairt an Tighearna ri Maois, Imich suas do'n t-sliabh so Aharim, agus gabh sealladh do'n fhearann a thug mise do chloinn Israeil.

13 Agus an uair a chi thu e, cruinnichear thusa mar an ceudna chum do dhaoine, mar a chruinnicheadh Aaron do bhràithair:

14 A chionn gu'n d'rinn sibh ceannairc an aghaidh m'aithe-sa ann am fàsach Shin, ann an co'-stri<sup>a</sup> a' choimhchruinnich, agus nach do naomhaich sibh mi<sup>c</sup> aig an uisge, ann an sealladh an sùl: is e sin uisge Mheribah ann an Cades, ann am fàsach Shin.

15 Agus labhair Maois, ris an Tighearn, ag ràdh,

16 Cuireadh an Tighearna d, Dia spiorad na h-uile fheòla, duine os cionn a' choimhchruinnich,

17 A théid a mach rompa, agus a thig a steach rompa, agus a threòraicheas a muigh iad, agus a bheir a stigh iad; a chum nach bi comh-chruinneach an Tighearna mar chaoraich aig nach 'eil buachaille.

18 Agus thubhairt an Tighearna ri Maois, Gabh a t'ionnsuidh Iosua mac Nun, duine anns a' bheil an spiorad, agus cuir do làmh air.

19 Agus cuir e an làthair Eleasair an t-sagairt, agus an làthair a' choimhchruinnich uile: agus thoir àithne dha nam fianuis.

20 Agus cuiridh tu cuid do t'urram air, a chum as gu'm bi coimhchruinneach chloinn Israeil uile ùmhál *dha e*.

<sup>a</sup> d'a fheoil. Eabh. <sup>b</sup> lagh, ordugh. <sup>c</sup> chum mo naomhachadh.

<sup>d</sup> Iehobhak. Eabh. <sup>e</sup> cuiridh tu do t' onoir air, chum gu'n éisd coimh-chruinneach chloinn Israeil uile ris.

21 Agus seasaidh e 'n làthair Eleasair an t-sagairt, a dh'iarras combairl' air a shon, a réir bhlreith-eanaís na h-Urim an làthair an Tighearna: air 'fhocal-san théid iad a mach, agus air 'fhocal thig iad a steach, e féin agus clann Israeil uile maille ris, eadhon an coimh-chruinneach uile.

22 Agus rinn Maois mar a dh'áithn an Tighearna dha: agus ghabh e Iosua agus chuir e 'n làthair Eleasair an t-sagairt e, agus an làthair a' choimhchruinnich uile.

23 Agus chuir e a lámhan air, agus thug e áithne dha, mar a labhair an Tighearna le lámh Mhaois.

## CAIB. XXVIII.

**A**GUS labhair an Tighearna ri Maois, ag ràdh,

2 Aithn do chloinn Israeil, agus abairriu, Mo thabhartas, agus m'aran air son m'ìobairtean a bheirear suas le teine *chum* fàile cùbhraidh dhomh, bheir sibh an aire gu'n d' thoir sibh seachad dhomhsa nan àm iomchuidh féin.

3 Agus their thu rin, Is e so an tabhartas, a bheirear suas le teine, a bheir sibh seachad do'n Tighearna; dà uan do'n cheud bhliadhna gun ghaoid gach là, *chum* ìobairt-loisgte ghnàthaichte.

4 Aon uan bheir thu seachad sa' mhaduinn, agus an t-uan eile bheir thu seachad air feasgar;

5 Agus an deiceamh earrann do ephrah phlùir mar thabhartas-bidh, measgta leis a' cheathramh earrann do hin a dh'oladh bhrùite.

6 Is ìobairt-loisgte ghnàthaichte a t'ann, a dh'orduicheadh ann an sliabh Shinaì *chum* fàile cùbhraidh, ìobairt a bheirear suas le teine do'n Tighearna.

7 Agus is i a tabhartas-dibhe an ceathramh earrann do hin air son aon uain: anns an ionad naomha bheir thu fanear fion làidir a dhòrtadh do'n Tighearna mar thabhartas-dibhe.

8 Agus an t-uan eile bheir thu seachad airfeasgar: mar thabhartas-bidh na maidne, agus mar a tabhartas-dibhe bheir thu seachad e, mar ìobairt a bheirear suas le teine dh'fhàile cùbhraidh do'n Tighearna.

9 Agus air là na sàbaid, dà uan do'n cheud bhliadhna gun ghaoid, agus dà dheiceamh earrann phlùir measgta le h-oladh mar thabhartas-bidh, agus a tabhartas-dibhe a.

10 Is e so ìobairt-loisgte gach sàbaid, a thuilleadh air an ìobairt-

loisgte ghnàthaichte, agus a tabhartas-dibhe.

11 Agus ann an toiseach bhur mìos bheir sibh seachad *chum* ìobairt-loisgte do'n Tighearna, dà tharbh òg, agus aon reithe, seachd uain do'n cheud bhliadhna gun ghaoid.

12 Agus tri deiceamh earrann phlùir measgta le h-oladh mar thabhartas-bidh air son gach tairbh, agus dà dheiceamh earrann phlùir measgta le h-oladh mar thabhartas-bidh air son gach reithe.

13 Agus aon deiceamh earrann phlùir air leth measgta le h-oladh mar thabhartas-bidh air son gach uain, *chum* ìobairt-loisgte deagh bholaigh, ìobairt a bheirear suas le teine do'n Tighearna.

14 Agus mar an tabhartas-dibhe bithidh leth hin do fhion air son tairbh, agus an treas earrann do hin air son reithe, agus an ceathramh earrann do hin air son uain: is i so ìobairt-loisgte gach mìos air feadh mhìosa na bliadhna.

15 Agus iobrar aon mheann do na gabhraibh mar ìobairt-pheacaidh do'n Tighearna, a thuilleadh air an ìobairt-loisgte ghnàthaichte, agus a tabhartas-dibhe.

16 Agus air a' cheathramh là deug do'n cheud mhìos *tha* càisg<sup>b</sup> an Tighearna.

17 Agus air a' chùigeadh là deug do'n mhìos so *tha* 'n fhéisd: seachd laithean ithear aran neo-ghoirtichte.

18 Air a' cheud là bithidh coimhghairm naomha; obair thràilleil<sup>c</sup> sam bith cha dean sibh air.

19 Ach bheir sibh seachad a *chum* ìobairt a bheirear suas le teine, mar ìobairt-loisgte do'n Tighearna, dà tharbh òg, agus aon reithe, agus seachd uain do'n cheud bhliadhna: gun ghaoid bithidh iad duibh.

20 Agus bithidh an tabhartas-bidh do phlùir measgta le h-oladh: tri deiceamh earrann bheir sibh seachad air son tairbh, agus dà dheiceamh earrann air son reithe.

21 Deiceamh earrann air leth bheir thu seachad air son gach uain, air feadh nan seachd uan:

22 Agus aon bhoc-gaibhre *chum* ìobairt-pheacaidh, a dheanamb réite air bhur son.

23 Iobraidh sibh iad sin a thuilleadh air an ìobairt-loisgte sa' mhaduinn, a *tha* mar ìobairt-loisgte ghnàthaichte.

24 Mar so bheir sibh seachad<sup>d</sup>

<sup>b</sup> gabhail-thairis.

<sup>c</sup> shaoith-

reachail.

<sup>d</sup> ni sibh. Eabh.

<sup>a</sup> deoch ofrail.

gach là air feadh nan seachd laithean, biadh na li-iobairt a bheirear suas le teine, *chum* fàile cùbhraidh do'n Tighearna: bheirear seachad e thuilleadh air an iobairt-loisgte ghnàthaichte, agus a tabhartas-dibhe.

25 Agus air an t-seachdamh là bithidh coimhghairm naomha agaibh: obair thràilleil sam bith cha dean sibh air.

26 Mar an ceudna air là nan ceud thoradh, 'nuair a bheir sibh seachad tabhartas-bidh nuadh do'n Tighearna, aig ceann bhuir seachduinean, bithidh coimhghairm naomh agaibh: obair thràilleil sam bith cha dean sibh.

27 Ach bheir sibh seachad mar iobairt-loisgte, *chum* fàile cùbhraidh do'n Tighearna, dà tharbh òg, aon reithe, seachd uain do'n cheud bhliadhna;

28 Agus an tabhartas-bidh do phlùr measgta le h-oladh, tri deicheamh earrannan air son gach tairbh, dà dheicheamh earrann air son gach reithe.

29 Deicheamh earrann air leth air son gach uain, air feadh nan seachd uan:

30 Agus aon mheann do na gabh-raibh, a dheannamh réite air bhuir son.

31 Iobraidh sibh *iad* a thuilleadh air an iobairt-loisgte ghnàthaichte, agus a tabhartas-bidh (gun ghaoid bithidh iad duibh) agus an tabhartasan-dibhe.

## CAIB. XXIX.

**A**GUS anns an t-seachdamh mìos, air a' cheud là do'n mhìos, bithidh coimhghairm naomha agaibh; obair thràilleil sam bith cha dean sibh: is là sheideadh nan trompaid dhuibh e.

2 Agus bheir sibh seachad mar iobairt-loisgte *chum* fàile cùbhraidh do'n Tighearna, aon tarbh òg, aon reithe, agus seachd uain do'n cheud bhliadhna gun ghaoid:

3 Agus *bithidh* an tabhartas-bidh do phlùr measgta le h-oladh, tri deicheamh earrannan air son tairbh, agus dà dheicheamh earrann air son reithe,

4 Agus aon deicheamh earrann air son gach uain, air feadh nan seachd uan.

5 Agus aon mheann do na gabh-raibh *chum* iobairt-pheacaidh, a dheannamh réite air bhuir son:

6 A thuilleadh air iobairt-loisgte a' mhìos, agus a tabhartas-bidh agus

an iobairt-loisgte ghnàthaichte, agus a tabhartas-bidh, agus an tabhartasan-dibhe, a réir an gnàtha, *chum* fàile cùbhraidh, iobairt a bheirear suas le teine do'n Tighearna.

7 Agus bithidh agaibh air an deicheamh là do'n t-seachdamh mìos so coimhghairm naomha: agus cràdhaidh sibh bhuir n-anaman: obair sam bith cha dean sibh air.

8 Ach bheir sibh seachad *chum* iobairt-loisgte do'n Tighearna dh'fhàile cùbhraidh, aon tarbh òg, aon reithe, agus seachd uain do'n cheud bhliadhna; gun ghaoid bithidh iad duibh.

9 Agus *bithidh* an tabhartas-bidh do phlùr measgta le h-oladh, tri deicheamh earrannan air son gach tairbh, agus dà dheicheamh earrann air son gach reithe;

10 Deicheamh earrann air leth air son gach uain, air feadh nan seachd uan:

11 Aon mheann do na gabh-raibh *chum* iobairt-pheacaidh, a thuilleadh air iobairt-pheacaidh na réite, agus an iobairt-loisgte ghnàthaichte, agus a tabhartas-bidh, agus an tabhartasan-dibhe.

12 Agus air a' chùigeadh là deug do'n t-seachdamh mìos, bithidh coimhghairm naomh agaibh; obair thràilleil, sam bith cha dean sibh; agus gleidhidh sibh féisd do'n Tighearna seachd laithean.

13 Agus bheir sibh seachad *chum* iobairt-loisgte, iobairt a bheirear suas le teine, dh'fhàile cùbhraidh do'n Tighearna, tri tairbh dheug òga, dà reithe, agus ceithir uain deug do'n cheud bhliadhna; gun ghaoid bithidh iad.

14 Agus *bithidh* an tabhartas-bidh do phlùr measgta le h-oladh, tri deicheamh earrannan air son gach tairbh do na tri tairbh dheug, dà dheicheamh earrann air son gach reithe do'n dà reithe,

15 Agus deicheamh earrann air leth air son gach uain do na ceithir uain deug:

16 Agus aon mheann do na gabh-raibh *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartas-dibhe.

17 Agus air an dara là bheir sibh seachad dà tharbh dheug òg, dà reithe, ceithir uain deug do'n cheud bhliadhna gun ghaoid:

18 Agus *bithidh* an tabhartas-bidh, agus an tabhartasan-dibhe air son nan tarbh, air son nan reitheachan,

a naomha.

b bhoc òg.

c cùmhraidh.

agus air son nan uan, a réir an àireimh, a réir a' ghnàtha :

19 Agus aon mheann do na gabh-raibh *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus an tabhartasan-dibhe.

20 Agus air an treas là aon tarbh deug, dà reithe, ceitbir uain deug do'n cheud bhliadhna gun ghaoid :

21 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha :

22 Agus aon bhoc-gaibhre *chum* iobairt-pheacaidh a thuilleadh air an iobairt-loisgte ghnàthaichte, agus a tabhartas-bidh, agus a tabhartas-dibhe.

23 Agus air a cheathramh là deich tairbh, dà réithe, agus ceithir uain deug do'n cheud bhliadhna gun ghaoid :

24 *Bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha :

25 Agus aon mheann do na gabh-raibh *chum* iobairt-pheacaidh, a' thuilleadh air an iobairt-loisgte ghnàthaichte, a tabhartas-bidh, agus a tabhartas-dibhe.

26 Agus air a' chùigeadh la naoi tairbh, dà reithe, agus ceithir uain deug do'n cheud bhliadhna gun ghaoid :

27 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha :

28 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus a tabhartas-dibhe.

29 Agus air an t-seathadh là ochd tairbh, dà reithe, agus ceithir uain deug do'n cheud bhliadhna gun ghaoid :

30 Agus *bithidh* an tabhartas bidh agus an tabhartasan-dibhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha :

31 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartas-dibhe.

32 Agus air an t-seachdamh là seachd tairbh, dà reithe, agus ceithir uain deug do'n cheud bhliadhna gun ghaoid :

33 Agus *bithidh* an tabhartas-bidh,

agus an tabhartasan-dibhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha :

34 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartas-dibhe.

35 Agus air an ochdamh là bithidh ard choimhthional agaibh : obair thràilleil sam bith cha dean sibh air.

36 Ach bheir sibh seachad *chum* iobairt-loisgte, iobairt a bheir suas le teine dh'fhàile cùbhraidh do'n Tighearna, aon tarbh, aon reitbe, seachd uain do'n cheud bhliadhna gun ghaoid :

37 *Bithidh* an tabhartas-bidh agus an tabhartasan-dibhe, air son an tairbh, air son an reithe, agus air son nan uan, a réir an àireimh, a réir a' ghnàtha :

38 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus a tabhartas-dibhe.

39 Nanithe sin ni sibh do'n Tighearna 'nar féisdibh suidhichte<sup>a</sup>, thuilleadh air bhur bòidibh, agus bhur tabhartasan saor-thoile, air son bhur n-iobairtean-loisgte, agus air son bhur tabhartasan-bidh, agus air son bhur tabhartasan-dibhe, agus air son bhur tabhartasan-sith.

40 Agus dh'innis Maois doehloinn Israeil a réir gach ni a dh'àithn an Tighearna do Mhaois.

#### CAIB. XXX.

**A**GUS labhair Maois ri ceannardan an nan treubh a thaobh chloinn Israeil<sup>b</sup>, ag ràdh, *Is e so an ni a dh'àithn an Tighearna.*

2 Ma bhòidicheas duine bòid do'n Tighearna, no ma mhionnaicheas e mionnan a cheangal<sup>c</sup> anma le ceangal<sup>c</sup>, cha bhris e' fhocal; a réir gach ni, a thig a mach as a bheul, ni e.

3 Mar an ceudna ma bhòidicheas bean bòid do'n Tighearna, agus gu'n ceangail si i féin le ceangal, agus i ann an tigh a h-athar na h-dige;

4 Agus gu'n cluinn a h-athair a bòid, agus a ceangal leis an do cheangail i h-anam, agus gu'm fan a h-athair na thosd rithe, an sin seasaidh a bòidean uile, agus seasaidh gach ceangal, leis an do cheangail i h-anam.

5 Ach ma chuireas a h-athair na

<sup>a</sup> orduichte. <sup>b</sup> cinn-fheadhna  
threabh chloinn Israeil. <sup>c</sup> le  
cuibhreach, boinn. <sup>d</sup> truail.



h-aghaidh san là anns an cluinn e ; cha seas aon d'a bòidibh, no d'a ceanglaichibh leis an do cheangail i h-anam ; agus mathaidh an Tighearna dh'i, a chionn gu'n do chuir a h-athair na h-aghaidh a.

6 Agus ma bha idir fear-pòsda aice, nuair a bha bòidean oirre, no nuair a labhair i ni as a beul, leis an do cheangail i h-anam,

7 Agus gu'n cual' a fear e, agus gu'n d'fhan e na thosd rithe san là anns an cual' e i : an sin seasaidh à bòidean, agus seasaidh a ceanglaichean, leis an do cheangail i h-anam.

8 Ach ma chuireas a fear-pòsda na h-aghaidh san là anns an cluinn e i, an sin bheir e gu neo-brìgh a bòid, a bhòidich i, agus an ni a labhair i le 'bilibh, leis an do cheangail i h-anam : agus bheir an Tighearna maithanas dh'i.

9 Ach gach bòid bantraich, agus mnà dealaichte, leis an do cheangail i a h-anam, seasaidh i na h-aghaidh.

10 Agus ma bhòidich i ann an tigh a fir, no ma cheangail i h-anam le ceangal maille ri mionnaibh,

11 Agus gu'n cual' a fear e, agus gu'n d'fhan e na thosd rithe, agus nach do chuir e na h-aghaidh ; an sin seasaidh a bòidean uile, agus seasaidh gach ceangal, leis an do cheangail i h-anam.

12 Ach ma chuir a fear gu tur air chùl iad<sup>b</sup> san là anns an cual' e iad, an sin ge b'e ni thàinig a mach as a beul a thaobh a bòidean, no thaobh ceangail a h-anma, cha seas e : chuir a fear air chùl iad, agus bheir an Tighearna maithanas dh'i.

13 Na bòidean, agus na mionnan sin uile a cheanglas a chum an t-anam a chràdh, feudaidh a fear an daingneachadh, no feudaidh a fear an cur air chùl.

14 Ach ma dh'fhanas a fear gu tur na thosd rithe, o là gu là ; an sin tha e daingneachadh a bòidean uile, no a ceanglaichean uile, a ta oirre : tha e g'an deanamh seasmhach, a chionn gu'n d'fhan e na thosd rithe san là anns an cual' e iad.

15 Ach ma chuireas e, air chor sam bith, air chùl iad an déigh dha 'n cluinntin ; an sin giùlainidh e a h-aingidheachd-san.

16 Is iad sin na reachdan a dh'àithn an Tighearna do Mhaois eadar duine agus a bhean, eadar athair agus a nighean, agus i fathast na h-òige ann an tigh a h-athar.

## CAIB. XXXI.

**A** GUS labhair an Tighearna ri Maois, ag ràdh,

2 Diol clann Israeil<sup>c</sup> air na Midianaich : na dhéigh sin cruinnichear chum do dhaoine thu.

3 Agus labhair Maois ris an t-sluagh, ag ràdh, Rachadh cnid dibh fo'n armaibh chum a' chogaidh, agus imicheadh iad a chogadh an aghaidh nam Midianach agus dioladh iad an Tighearna air Midian.

4 Do gach tréibh mìle, air feadh uile threubhan Israeil, cuiridh sibh chum a' chogaidh.

5 Mar sin thugadh a mach a mìl-tibh Israeil, mìle do gach tréibh, dà mhìle dheug armaichte chum cogaidh.

6 Agus chuir Maois iad a chum a' chogaidh, mìle do gach tréibh, iadsan agus Phinehas mac Eleasair an t-sagairt, a chum a' chogaidh, leis na h-innealaibh naomha na làimh, agus na trompaidean gu séideadh.

7 Agus chog iad an aghaidh nam Midianach, mar a dh'àithn an Tighearna do Mhaois ; agus mharbh iad na fìrionnaich uile.

8 Agus mharbh iad rìghrean Mhidiain, a thuilleadh air a' chuid eile dhiubh a mharbhadh ; eadhon Ebhi, agus Recem, agus Snr, agus Hur, agus Reba, cùig rìghrean Mhidiain : Balaam mar an ceudna mac Bheoir mharbh iad leis a' chlaidheamh.

9 Agus thug clann Israeil leo mnà Mhidiain nam braighdibh, agus an clann bheag, agus thug iad leo creach an spréidh uile, agus an treudan uile, agus am maoin uile.

10 Agus loisg iad am bailtean uile anns an robh iad a chòmhnuidh, agus an dùin<sup>d</sup> uile le teine.

11 Agus thug iad leo a' chreach uile, agus an cobhartach<sup>e</sup> uile eadar dhaoine agus ainmhidhean.

12 Agus thug iad na braighdean f, agus a' chreach, agus an cobhartach gu Maois agus Eleasar an sagart, agus gu coimh-chruinneach chloinn Israeil, a chum a' chaimp aig còmh-nardaibh Mhaoib, a ta<sup>g</sup> làimh ri Iordan am fagus do Iericho.

13 Agus chaidh Maois agus Eleasar an sagart, agus ceannardan a' choimhchruinnich uile mach nan coinneamh, an taobh a muigh do'n champ.

<sup>a</sup> gu'n d' thug a h-athair a bòid gu neo-bhrìgh. <sup>b</sup> rinn a fear faoin iad, thug e gu neo-bhrìgh iad. <sup>c</sup> Thoir aicheabhail chloinn Israeil a mach. <sup>d</sup> an caistealan, an daingnichean. <sup>e</sup> a' chobhartach. <sup>f</sup> ciomaich, prìosanaich.

14 Agus hha corruich air Maois ri luchd-riaghluidh an t-sluaigh, ris na ceannardaibh air mhiltihh, agus na ceannardaibh air cheudaibh, a thàinig o'n chogadh.

15 Agus thubhairt Maois riu, An do ghlèidh sibh na mnàil uile heo?

16 Feuch, thug iad sin air cloinn Israeil, le comhairle Bhalaaim, peacachadh an aghaidh an Tighearna ann an aobhar Pheoir; agus hha plàigh air seadh coimhchruinnich an Tighearna.

17 A nis uime sin marbhaibh gach firionnach am measg na cloinne bige, agus marbhaibh gach hean, d'am b'aithne fear le luidheadh leis.

18 Ach a' chlann bhàn uile do nach h'aithne fear le luidhe leis, gleidhibh heo dhuibh féin.

19 Agus fanaibhse an taobh a muigh do'n champ seachd laithean: ge h'e mharbh neach air bith, agus ge h'e bhean ri neach a mharbhadh, glanaibh sibh féin, agus hhur braighdean air an treas là, agus air an t-seachdamh là;

20 Agus glanaibh *bhur* n-eudach uile, agus gach ni a rinneadh do chroicnibh, agus gach obair do *fhionnadh* ghabhar, agus gach ni a rinneadh do fhiodh.

21 Agus thubhairt Eleasar an sagart ris na fir-chogaidh, a chaidh a mach a dh'ionnsuidh a' chatha, *Is* e so ordugh an lagha a dh'àithn an Tighearna do Mhaois:

22 A mhàin an t-òr, agus an t-airgid, an t-umha, an t-iarunn, an staoin, agus an luaidh.

23 Gach ni a dh'fhuilgeas an teine, hheir sibh fanear e dhol tre 'n teine, agus glanar e: gidheadh le uisge an sgaraidh glanar e: agus gach ni nach fulaing an teine, hheir sibh fanear e dhol tre 'n uisge.

24 Agus nighidh sibh hbur n-eudach air an t-seachdamh là, agus bithidh sibh glan, agus na dhéigh sin thig sibh a stigh do'n champ.

25 Agus labhair an Tighearna ri Maois, ag ràdh,

26 Gabh àireamh na creich a thogadh, eadar dhuine agus ainmhidh, thu féin, agus Eleasar an sagart, agus prìomh-aithreacha a' choimhchruinnich:

27 Agus roinn a' chreach na dà earrainn; eadar a' mhuinntir a ghabh an cogadh orra féin, a chaidh mach do'n chath, agus eadar an coimh-chruinneach uile:

28 Agus tog cis a do'n Tighearna

o na fir-chogaidh, a chaidh mach do'n chath: aon anam a cùig ceud, *araon* do na daoineibh, agus do'n bhuar, agus do na h-asail, agus do na caoraich.

29 Gabh e as an leth-san, agus thoir e do Eleasar an sagart, *mar* tabhartas-togta do'n Tighearna.

30 Agus a leth chloinn Israeil, gabhaidh tu aon chuibhrionn a leth-cheud, do na daoineibh, do'n bhuar, do na h-asail, agus do na treudaibh, do gach ainmhidh, agus bheir thu iad do na Lebhithich, a tha gleidheadh cùraim pàilliuin an Tighearna.

31 Agus rinn Maois agus Eleasar an sagart mar a dh'àithn an Tighearna do Mhaois.

32 Agus b'e an cobhartach, *eadhon* a' chuid eile do'n chreich, a ghlac na fir-chogaidh, se ceud mìle agus deich is trì fichead mìle agus cuig mìle caora,

33 Agus trì fichead agus dà mhìle dheug bò.

34 Agus trì fichead agus aon mhìle asal,

35 Agus dà mhìle dheug 'ar fhichead anam san iomlan, do mhnaihb do nach h'aithne fear le luidhe leis.

36 Agus bha 'n leth hu chuibhrionn doihhsan, a chaidh mach a chum a' chogaidh, ann an àireamh trì cheud mìle agus seachd mìle deug 'ar fhichead agus cuig ceud caora;

37 Agus h'i cis an Tighearna do na caoraich sè ceud agus trì fichead agus cuig deug.

38 Agus *b'iad* am buar sè mìle deug 'ar fhichead: dhiubh so *b'i* cis an Tighearna trì fichead 's a dhà-dheug.

39 Agus *b'iad* na h-asail deich mìle thar fhichead agus cùig ceud: dhiubh so *b'i* cis an Tighearna trì fichead agus a h-aon.

40 Agus *b'iad* anaman nan daoine b sè mìle deug: dhiubh so *b'i* cis an Tighearna dà anam dheug 'ar fhichead.

41 Agus thug Maois a' chis, *eadhon* tabhartas-togta an Tighearna, do Eleasar an sagart, mar a dh'àithn an Tighearna do Mhaois.

42 Agus do leth chloinn Israeil, a roinn Maois o'n luchd-cogaidh,

43 (A nis *b'i* 'n leth a *bhuineadh* do'n choimhchruinneach, trì cheud mìle agus seachd mìle deug 'ar fhichead agus cùig ceud caora,

44 Agus sè mìle deug 'ar fhichead bò,

b nam pearsanna.

a cuibhrionn.

45 Agus deich mìle thar fhichead asal agus cùig ceud,

46 Agus sè mìle deug anam a)

47 Eadhon do'n leth a *bhuineadh* do chloinn Israeil, ghabh Maois aon chuibhrionn a leth cheud eadar dhuine agus ainmhidh, agus thug e iad do na Lebhithich, a bha gleidheadh cùraim pàilliun an Tighearna, mar a dh'àithn an Tighearna do Mhaois.

48 Agus thàinig an luchd-riaghluidh a *bha* os cionn mhiltean an t-sluaigh, na ceannardan air mhiltibh, agus na ceannardan air cheudaibh, am fagus do Mhaois :

49 Agus thubhairt iad ri Maois, Ghabh do sheirbhiseach àireamh nam fear-cogaidh, a *tha* fo'r làimh, agus cha 'n'eil duine dhinn air chall.

50 Uime sin thug sinn tabhartas a chum an Tighearna, gach fear na fhuaire do sheudaibh b' òir, *eadhon* slabhraidhean, agus usgraichean, fàinnean, cluas - fhailean, agus criosan, a dheanamh réite air son ar n-anaman an làthair an Tighearna.

51 Agus ghabh Maois agus Eleasar an sagart an t-òr uatha, uile na sheudaibh oibrichte.

52 Agus b'e òr an tabhartais uile a thug iad seachd do'n Tighearna, o na ceannardaibh air mhiltibh, agus o na ceannardaibh air cheudaibh, sè mìle deug, seachd ceud agus leth-cheud secel.

53 (Oir ghabh na fir-chogaidh cobhartach, gach duine dha féin.)

54 Agus ghabh Maois agus Eleasar an sagart an t-òr o na ceannardaibh air mhiltibh, agus air cheudaibh, agus thug iad e gu pàilliun a' choimhthionail, mar chuimhneachan do chloinn Israeil an làthair an Tighearna.

### CAIB. XXXII.

**A**NIS bha aig cloinn Reubein agus cloinn Ghad ro-mhòran spréidhe : agus an uair a chunnaic iad fearann Iaseir, agus fearann Ghilead, feuch, *bha* 'n t-àite na àite spréidhe :

2 Agus thàinig clann Ghad, agus clann Reubein, agus labhair iad ri Maois, agus ri Eleasar an sagart, agus ri uachdaranabha a' choimhchruinnich, ag ràdh,

3 Ataroth, agus Dibon, agus Iaser, agus Nimrah, agus Hesbon, agus Elealeh, agus Sebam, agus Nebo, agus Beon ;

a anmanna dhaoine. Eabh. persons. Sasg. b innil, uidheam. c làmh-fhailean ; bracelets. Sasg.

4 Eadhon an dùthaich a bhuail an Tighearna roimh choimhchruinneach Israeil, is fearann e air son spréidhe, agus tha spréidh aig do sheirbhiseich.

5 Uime sin, ars' iadsan, ma fhuaire sinn deagh-gheand' a'd' shealladh, thugar am fearann so do d' sheirbhiseich mar sheilbh, agus na d' thoir sinn a nunn thar Iordan.

6 Agus thubhairt Maois ri cloinn Ghad, agus ri cloinn Reubein, An d' théid blur bràithre gu cogadh, agus an suidh sibhse an so ?

7 Agus c'ar son a bheir sibh mibhiseach do chridhe chloinn Israeil, a dhol a nunn do'n fhearann a thug an Tighearna dhoibh ?

8 Mar so rinn bhur n-aithreacha, 'nuair a chuir mi iad o Chades-barnea a dh'amharc na tire :

9 'Nuair a chaidh iad suas gu gleann Escoil, agus a chunnaic iad am fearann, thug iad mi-mhiseach do chridhe chloinn Israeil, a chum nach rachadh iad a steach do'n fhearann a thug an Tighearna dhoibh.

10 Agus las corruich an Tighearna san àm sin féin, agus mhionnaich e, ag ràdh,

11 Gu cinnteach cha 'n fhaic a h-aon do na daoineibh a thàinig a nìosan an Eiphit, o fhichead bliadhna dh'aois agus os a cheann, am fearann a bhionnaich mi do Abraham, do Isaac, agus do Iacob, a chionn nach do lean iad mi gu h-iomlan ;

12 Saor o Chaleb mac Iephuneh an Cenisearch, agus Iosua mac Nun : oir lean iadsan an Tighearna gu h-iomlan.

13 Agus las corruich an Tighearna an aghaidh Israeil, agus chuir e air seacharan e iad san fhàsach dà fhichead bliadhna, agus an deachaidh as do'n ghinealach sin uile, a rinn olc an sealladh an Tighearna.

14 Agus feuch, tha sibhse air éirigh suas an àite bhurn-aithreacha, gineal dhroch dhaoine, a mheudachadh fathast mòr chorruch an Tighearna ri h-Israel.

15 Oir ma thionndas sibh air falbh o 'leantuinn-san, fàgaidh e fathast uair eile san fhàsach iad, agus sgriosaidh sibh an sluagh so uile.

16 Agus thàinig iad an fagus da, agus thubhairt iad, Togaidh sinn mainnnean chaorach an so d'ar spréidh, agus bailte d'ar cloinn bhig.

17 Ach théid sinn féin deas-armichte roimh chloinn Israeil, agus an d' thoir sinn iad d'an àite : agus ni

d'fàbhor. c iomroll, allaban. caithriche.

ar clann bheag còmhnuidh sna bailtibh daingnichte air sgàth a luchd-àiteachaidh na tire.

18 Cha phill sinn d'ar tighibh gus an sealbhaich clann Israeil, gach duine dhiubh, 'oighreachd féin :

19 Oir cha sealbhaich sinne maille rìusan an taobh eile do Iordan, no thall o sin; a chionn gu'n do thuit ar n' oighreachd dhuinne air an taobh so do Iordan a làimh na h-aird' an ear.

20 Agus thubhairt Maois riu, Ma ni sibh an ni so, ma théid sibh fo'rb n-armaibh roimh an Tighearna gu cogadh,

21 Agus gu'n d' théid sibh uile armaichte thar Iordan roimh an Tighearna, gus am fuadaich e mach a naimhdean as a làthair,

22 Agus gu'n ceannsaichear e am fearann am fianuis an Tighearna; na dhéigh sin pillidh sibh, agus bithidh sibh neo-choireach an làthair an Tighearna, agus an làthair Israeil, agus bithidh am fearann so na sheilbh agaibh am fianuis an Tighearna.

23 Ach mur dean sibh mar so, feuch, pheacaich sibh an aghaidh an Tighearna: agus bithibh cinnteach gu'm faigh bhur peacadh a mach sibh.

24 Togaibh bailte d'ar cloinn bhig, agus mainnrean d'ar caoraich; agus deanaibh an ni a chaidh mach as bhur beul.

25 Agus labhair clann Ghad agus clann Reubein ri Maois, ag ràdh, Ni do sheirbhisich mar a ta mo thighearn ag àithneadh.

26 Bithidh ar clann bheag, ar mnà, ar treudan, agus ar sprèidh uile, an sin ann am bailtibh Ghilead.

27 Ach théid do sheirbhisich thairis, gach fear dhiubh armaichte chum cogaidh, roimh an Tighearna gu cath, mar a tha mo thighearn ag ràdh.

28 Agus thug Maois àithne d'an taobh do Eleasar an sagart, agus do Iosua mac Nun, agus do phrìomh-àithreachaibh d' threubha chloinn Israeil.

29 Agus thubhairt Maois riu, Ma théid clann Ghad, agus clann Reubein a nunn maille ribh thar Iordan, gach fear *dhiubh* armaichte chum cath an làthair an Tighearna, agus gu'n ceannsaichear an tìr romhaibh e, an sin bheir sibh dhoibh fearann Ghilead mar sheilbh :

30 Ach mur d' théid iad thairis maille ribh armaichte, bithidh seilbh aca 'nar measg *féin* ann an tìr Chanaain.

31 Agus fhreagair clann Ghad agus clann Reubein, ag ràdh, Mar a thubhairt an Tighearna ri d' sheirbhisich, mar sin ni sinne.

32 Théid sinn a nunn armaichte roimh an Tighearna do thir Chanaain, a chum as gu'm bi sealbh ar n-oighreachd againn air an taobh so do Iordan.

33 Agus thug Maois dhoibh, *eadhon* do chloinn Ghad, agus do chloinn Reubein, agus do leth thréibh Mhanaseh, mhic Ioseiph, rioghachd Shihoin rìgh nan Amorach, agus rioghachd Og rìgh Bhasain, an tìr maille r'a bailtibh, anns na crìochaibh, *eadhon* bailte na dùthcha m'an cuairt.

34 Agus thog clann Ghad Dibon, agus Atarot, agus Aroer,

35 Agus Atrot, Sophan, agus Iaaser, agus Iogbehah,

36 Agus Bet-nimrah, agus Betharan, bailte daingnichte: agus mainnrean air son chaorach :

37 Agus thog clann Reubein Hesbon, agus Elealeh, agus Ciriataim,

38 Agus Nebo, agus Baalmeon, (air d'an ainme bhi air an atharrachadh,) agus Sibmah: agus thug iad ainmeanna eile do na bailtibh a thog iad.

39 Agus chaidh clann Mhachir, mhic Mhanaseh, do Ghilead, agus ghlac iad e, agus chuir iad a seilbh an t-Amorach a bha ann.

40 Agus thug Maois Gilead do Mhachir, mac Mhanaseh; agus ghabh e còmhnuidh ann.

41 Agus chaidh Iair, mac Mhanaseh, agus ghlac e a bhailte beaga, agus thug e Habhot-Iair mar ainm orra.

42 Agus chaidh Nobah agus ghlac e Cenat, agus a bhailte beaga, agus thug e Nobah mar ainm air, a réir 'ainme féin.

#### CAIB. XXXIII.

**I**S iad so turusan chloinn Israeil, a chaidh mach a tìr na h-Eiphit, a réir an armailtéan f, fuidh làimh Mhaois agus Aaroin.

2 Agus sgrìobh Maois an dol a mach a réir an turusan, air àithne an Tighearna: agus *is* iad so an turusan, a réir an dol a mach.

3 Agus dh'imich iad o Rameses anns a' cheud mhìos, air a' chùig-eadh là deug do'n cheud mhìos: air

a o aghaidh. Eabh.      b fuidh ar.  
c còsnaichear.      d aithriclibh.  
e roimhith.

f le'n armailtibh.



an là maireach an déigh na càisge, chaidh clann Israeil a mach le làimh aird ann an sealladh nan Eiphiteach uile.

4 Oir dh'adhlaic na h-Eiphitich an ceud-ghin uile, a bhuail an Tighearna nam measg: air an déibh mar an ceudna chuir an Tighearna breitheanas an gnìomh.

5 Agus dh'imich clann Israeil<sup>a</sup> o Rameses, agus champaich iad ann an Sucot.

6 Agus dh'imich iad o Shucot, agus champaich iad ann an Etam, a tha ann an iomall an fhàsaich.

7 Agus dh'imich iad o Etam, agus phill iad a ris gu Pihahiroth, a ta fa chomhair Bhaal-sephoin: agus champaich iad fa chomhair Mhigdol.

8 Agus dh'imich iad o chomhair Pihahiroth, agus chaidh iad tre mheadhon na fàirge do'n fhàsach, agus dh'imich iad astar thrilaithean ann am fàsach Etaim, agus champaich iad ann am Màrah.

9 Agus dh'imich iad o Mhàrah, agus thàinig iad gu h-Elìm: agus ann an Elìm bha dà thobar<sup>b</sup> dheug uisge, agus deich agus trì fichead craobh pailm; agus champaich iad an sin.

10 Agus dh'imich iad o Elìm, agus champaich iad làimh ris a' mhuir ruaidh.

11 Agus dh'imich iad o'n mhuir ruaidh, agus champaich iad ann an fàsach Shin.

12 Agus dh'imich iad a fàsach Shin, agus champaich iad ann an Dophcah.

13 Agus dh'imich iad o Dhophcah, agus champaich iad ann an Alus.

14 Agus dh'imich iad o Alus, agus champaich iad ann an Rephidim, far nach robh uisge aig an t-sluagh r'a òl.

15 Agus dh'imich iad o Rephidim, agus champaich iad ann am fàsach Shinai.

16 Agus dh'imich iad o fhàsach Shinai, agus champaich iad ann an Cibrot-hataabhah.

17 Agus dh'imich iad o Chibrot-hataabhah, agus champaich iad ann an Haserot.

18 Agus dh'imich iad o Haserot, agus champaich iad ann an Ritmah.

19 Agus dh'imich iad o Ritmah, agus champaich iad ann an Rimon-pares.

20 Agus dh'imich iad o Rimon-pares, agus champaich iad ann an Libnah.

21 Agus dh'imich iad o Libnah, agus champaich iad ann an Risah.

22 Agus dh'imich iad o Risah, agus champaich iad ann an Cehe latab.

23 Agus dh'imich iad o Chehelatab, agus champaich iad ann an sliabh Shapher.

24 Agus dh'imich iad o shliabh Shapher, agus champaich iad ann an Haradah.

25 Agus dh'imich iad o Haradah, agus champaich iad ann am Machelot.

26 Agus dh'imich iad o Machelot, agus champaich iad ann an Tahat.

27 Agus dh'imich iad o Thabat, agus champaich iad ann an Tarah.

28 Agus dh'imich iad o Tharab, agus champaich iad ann am Mitcah.

29 Agus dh'imich iad o Mhitcah, agus champaich iad ann an Hasmonah.

30 Agus dh'imich iad o Hasmonah, agus champaich iad ann am Moserot.

31 Agus dh'imich iad o Mhoserot, agus champaich iad ann am Ben-eiaacan.

32 Agus dh'imich iad o Bheneiaacan, agus champaich iad ann an Hor-hagidgad.

33 Agus dh'imich iad o Horhagidgad, agus champaich iad ann an Iot-batah.

34 Agus dh'imich iad o Iot-batah, agus champaich iad ann an Ebronah.

35 Agus dh'imich iad o Ebronah, agus champaich iad ann an Esion-gaber.

36 Agus dh'imich iad o Esion-gaber, agus champaich iad ann am fàsach Shin: is e so Cades.

37 Agus dh'imich iad o Chades, agus champaich iad ann an sliabh Hor, ann an iomall fearainn Edoim.

38 Agus chaidh Aaron an sagart suas gu sliabh Hor air àithne an Tighearna, agus fhuair e bàs an sin, anns an dà fhicheadamh bliadhna an déigh do chloinn Israeil teachd a mach a tìr na h-Eiphit, air a' cheud là do'n chùigeadh mìos.

39 Agus bha Aaron ceud agus fichead agus trì bliadhna dh'aois, an uair a dh'eug e ann an sliabh Hor.

40 Agus chuala rìgh Arad an Canaanach (a bha chomhnuidh san airde deas ann an tìr Chanaan) mu theachd chloinn Israeil.

41 Agus dh'imich iad o shliabh Hor, agus champaich iad ann an Salmonah.

42 Agus dh'imich iad o Shalmonah, agus champaich iad ann am Punon.

43 Agus dh'imich iad o Phunon, agus champaich iad ann an Obot.

44 Agus dh'imich iad o Obot, agus

<sup>a</sup> thriall, ghabh clann Israeil an turus.

<sup>b</sup> shùil. Eabh.

champaich iad ann an Iicabarim, ann an crìch Mhoab.

45 Agus dh'imich iad o Iim, agus champaich iad ann an Dibongad.

46 Agus dh'imich iad o Dhibongad, agus champaich iad ann an Almon-diblataim.

47 Agus dh'imich iad o Almon-diblataim, agus champaich iad ann an sléibhtibh Abarim, fa chomhair Nebo.

48 Agus dh'imich iad o shléibhtibh Abarim, agus champaich iad ann an còmhnrdaibh Mhoab, làimh ri Iordan *am fagus do Iericho*.

49 Agus champaich iad làimh ri Iordan, o Bheth-iesimot *eadhon* gu Abel-sitim, ann an còmhnrdaibh Mhoab.

50 Agus labhair an Tighearna ri Maois ann an còmhnrdaibh Mhoab, làimh ri Iordan *am fagus do Iericho*, ag ràdh,

51 Labhair ri cloinn Israeil, agus abair riu, 'Nuair a théid sibh a nunn thar Iordan, do thir Chanaain;

52 An sin fograidh sibh a mach uile luchd-àiteachaidh na tìre as bhur fianuis, agus cuiridh sibh as d'an dealbhan uile, agus sgrìosaich sibh an coslais a leaghta uile, agus fàsaichidh sibh an ionadan arda uile.

53 Agus cuiridh sibh a seilbh *luchd-àiteachaidh* an fhearainn, agus ni sibh còmhnuidh ann: oir thug mise dhuibh am fearann r'a shealbhadh.

54 Agus roinnidh sibh am fearann le crannchur mar oighreachd am measg bhur teaghlachan: dhoibhsan a's lìon-mhoire bheir sibh an oighreachd a's mò, agus dhoibhsan a's teirce bheir sibh an oighreachd a's lugha: bithidh *oighreachd* gach duine san àite anns an tuit a chranncur; a réir treubha bhur n-aithreacha sealbhaichidh sibh.

55 Ach mur fogair sibh a mach *luchd-àiteachaidh* an fhearainn as bhur fianuis, an sin bithidh iadsan diubh, d'an leig sibh fuireach, nan scolbaibh c' nar sùilean, agus nam bioraibh nar taobhan, agus cuiridh iad campar oirbh d' san fhearann, anns am bi sibh a chòmhnuidh.

56 Os-bàrr tarlaidh, mar a smuainich mi a dheanamh riu-san, gu'n dean mi ribhse.

## CAIB. XXXIV.

**A** Gus labhair an Tighearna ri Maois, ag ràdh,

2 Aithn do chloinn Israeil, agus abair riu, 'Nuair a thig sibh do thalamh Chanaain, (is e so am fearann a thuiteas oirbh mar oighreachd, *eadhon* fearann Chanaain maille r'a chrìochaibh,)

3 An sin bithidh bhur cearn e deas o fhàsach Shin, leth ri crìch Edoim, agus is i bhur crìoch mu dheas fìor iomall na fairge saillte a làimh na h-aird' an ear.

4 Agus pillidh bhur crìoch o dheas gu dìreadh Acrabim, agus théid i air a h-aghaidh gu Sin: agus bithidh a dol a mach o'n taobh dheas gu Cades-barnea, agus gabhaidh i roimpe gu Hasar-adar, agus théid i air a h-aghaidh gu h-Asmon.

5 Agus bheir a' chrìoch cuairt o Asmongu abhuinn na h-Eiphit, agus bithidh a dol a mach aig an fhairge.

6 Agus a thaobh na crìch an iar bithidh agaibh *eadhon* an fhairge mhòr mar chrich: bithidh a' *chrìoch* so na crìch dhuibh air an làimh an iar.

7 Agus is i so bhur crìoch air an làimh mu thuath: o'n fhairge mhòir comharaichidh sibh dhuibh féin gu sliabh Hor.

8 O shliabh Hor comharaichidh sibh *bhur crìoch* gu dol a stigh Hamat: agus bithidh dol a mach na crìche gu Sedad.

9 Agus gabhaidh *bhur* crìoch roimpe gu Siphron, agus bithidh a dol a mach aig Hasar-enan; is i so bhur crìoch mu thuath.

10 Agus comharaichidh sibh bhur crìoch air an taobh an ear o Hasar-enan gu Sepham.

11 Agus théid a' chrìoch sìos o Shepham gu Kiblah, air an taobh an ear do Ain; agus théid a' chrìoch sìos, agus ruigidh i gu taobh fairge Chineret a làimh na h-aird' an ear.

12 Agus théid a' chrìoch sìos gu Iordan, agus bithidh a dol a mach aig a' mhuir shailte: is e so bhur fearann le 'chrìochaibh m'an cuairt.

13 Agus dh'aithn Maois do chloinn Israeil, ag ràdh, Is e so am fearann a shealbhaicheas sibh le crannchur, a dh'aithn an Tighearna thoirt do na naoi treubhan agus do'n leth-thrèibh.

14 Oir fhuair treubh chloinn Reubein an oighreachd a réir tighe an aithreacha, agus treubh chloinn Ghad a réir tighe an aithreacha; agus fhuair leth thrèibh Mhanaseli an oighreachd.

a *lòmhaghean, dreachan, riochdan*.  
b *tilgidh sibh sìos*. c *dealgaibh, gathaibh*.  
d *bithidh iad nan naimhdean dhuibh*.

15 Fhuair an dà threubh agus an leth thréibh an oighreachd air an taobh so do Iordan *am fagus do Iericho*, a lámh na h-aird' an ear, leth ri éirigh na gréine.

16 Agus labhair an Tighearna ri Maois, ag ràdh,

17 Isiad so ainmeannan daoine, a roinneas am fearann duibh: Eleasar an sagart, agus Iosua mac Nua.

18 Agus gabhaidh sibh aon cheannard do gach tréibh, a roinn an fhearainn mar oighreachd.

19 Agus is iad so ainmeanna nan daoine: Do thréibh Iudaib, Caleh mac Iephuneh.

20 Agus do thréibh chloinn Shimoin, Semuel mac Amihud.

21 Do thréibh Bheniamin, Elidad mac Chisloin.

22 Agus ceannard tréibh chloinn Dhan, Buci mac Iogli.

23 Ceannard chloinn Ioseiph, air son thréibh chloinn Mhanaseh, Haniel mac Ephoid.

24 Agus ceannard tréibh chloinn Ephraim, Cemuel mac Shiphtain.

25 Agus ceannard tréibh chloinn Shebuluin, Elisaphan mac Pharnaich.

26 Agus ceannard tréibh chloinn Isachair, Paltiel mac Asain.

27 Agus ceannard tréibh chloinn Aseir, Alihud mac Shelomi.

28 Agus ceannard tréibh chloinn Naphtali, Podahel mac Amihud.

29 Is iad sin iadsan d'an d'aitlín an Tighearna an oighreachd a roinn do chloinn Israeil ann an tìr Chanaain.

## CAIB. XXXV.

**A** GUS labhair an Tighearna ri Maois, ann an còmhnardaihbh Mhoaih, lámh ri Iordan *am fagus do Iericho*, ag ràdh,

2 Aithn do chloinn Israeil, iad a thabhairt do na Lebhithich do oighreachd an seilbh, hailte<sup>a</sup> gu còmhnuidh ghahhail annta: agus bheir sibh mar an ceudna do na Lebhithich fearann comh-roinn<sup>b</sup> d'am hailtibh m'an cuairt orra.

3 Agus bithidh na bailtean aca gu còmhnuidh ghahhail annta, agus bithidh am fearann comh-roinn air son an spréidhe, agus air son am maoin, agus air son an ainmhidhean uile.

4 Agus ruigidh fearann comhroinn nam hailtean, a bheir sibh do na Lebhithich, a mach o bhalladh a' bhaile, mìle lámh-choille m'an cuairt.

5 Agus tomhaisidh sibh o'n leth a muigh do'n bhaile air an taobh an ear dà mhìle lámh-choille, agus air an taobh dheas dà mhìle lámh-choille, agus air an taobh an iar dà mhìle lámh-choille, agus air an taobh thuath dà mhìle lámh-choille: agus bithidh am baile sa'mheadhon: bithidh so dhoibh na fhearann coimh-roinn d'am bailtibh.

6 Agus am measg nam bailtean, a bheir sibh do na Lebhithich, bithidh sè bailte chum didein<sup>c</sup>, a dh'orduicheas sibh air a shon-san a mharbhas duine, eam as gu'n teich e'n sin: agus riu-san cuiridh sibh dà bhaile's dà fhichead.

7 Mar so is iad na bailte sin uile, a bheir sibh da na Lebhithich, ochd agus dà-fhichead baile: iad sin bheir sibh seachad agus am fearann comh-roinn.

8 Agus bithidh na bailtean a bheir sibh seachad do sheilbh chloinn Israeil; uathasan aig am-bheil mòran, bheir sibh mòran; ach uatha-san aig am bheil beagan, bheir sibh heagan: bheir gach aon d'a bhailtibh do na Lebhithich, a réir 'oighreachd a ta e sealbhadh.

9 Agus labhair an Tighearna ri Maois, ag ràdh,

10 Labhair ri cloinn Israeil, agus abair rin, 'Nuair a bhios sibh air teachd thar Iordan do thìr Chanaain,

11 An sin orduichidh sibh dhuibh féin bàilte, gu bhli nam bailtibh didein dhuibh, a chum gu'n teich am marbhaich an sin, a mharbhas neach an ain-fhiosd.

12 Agus bithidh iad duibh nam bailtibh a chum didein o'n dioghaltair<sup>c</sup>; a chum nach bàsaich esan, a mharbhas duine, gus an seas e an làthair a' choimhchrinnich ann am breitheanas.

13 Agus do na bailtibh sin, a bheir sibh seachad, bithidh sè bailtean agaibh a chum didein.

14 Bheir sibh seachad trì bailtean air an taobh so do Iordan, agus trì bailte bheir sibh seachad ann an tìr Chanaain, a bhios nam bailtibh didein.

15 Bithidh na sè bailte sin nan didein, *araon* do chloinn Israeil, agus do'n choigreach, agus dha-san, a bhios air chuairt nam measg: a chum gu'n teich gach neach an sin, a mharbhas duine gun fhios.

16 Agus ma bhuaileas se e le h-inneal iaruin (air chor as gu'm

<sup>a</sup> cathraiche.      <sup>b</sup> iomallan fearainn, bailt'-chroibhtean.

<sup>c</sup> comraich, girt. mearachd.

<sup>d</sup> am o'fhear na folachd.

bàsaich e) is mortair e : cuirear gu cinnteach am mortair gu bàs.

17 Agus ma bhuaileas se e le clach a thilgeadh, (a dh'fheudas a bhàs a thoirt) agus gu'm bàsaich e, is mortair e : cuirear gu cinnteach am mortair gu bàs.

18 No ma bhuaileas se e la làmh-bhall a fiodha, (a dh'fheudas a bhàs a thoirt) agus gu'm faigh e bàs, is mortair e : cuirear gu cinnteach am mortair gu bàs.

19 Marbhaidh dìoghaltair na fola e féin am mortair : an uair a choinnicheas se e b, marbhaidh se e.

20 Ach ma bheir e urchuir dha tre fhuathc, no ma thilgeas e *ni sam bith* air am plaid-luidhe<sup>d</sup>, air chor as gu'm faigh e bàs ;

21 No ma bhuaileas se e le a làimh ann an naimhdeas, air chor as gu'm faigh e bàs ; cuirear esan a bhuaile gun teagamh gu bàs ; *oir is mortair e* : marbhaidh dìoghaltair na fola am mortair, an uair a choinnicheas se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun phlaid-luidhe ;

23 No le cloich sam bith a dh'fheudas bàs duine a thabhairt, gun e 'g a fhaicinn, agus gu'n do thilg e air i, air chor as gu'm faigh e bàs, agus gun a chroin iarraidh,

24 An sin bheir an coimhchruinneach breth eadar am marbhaich agus dìoghaltair na fola, a réir nam breitheanas sin.

25 Agus saoraidh an coimhchruinneach am marbhaiche a làimh dìoghaltair na fola, agus cuiridh an coimhchruinneach air 'aice e do bhaile a dhèidin, gus an do theich e : agus fanaidh e ann gu bàs an ard-shagairt, a dh'ungadh leis an ola naomha.

26 Ach ma thig am marbhaiche uair air bith an taobh a mach do chrìch baile a dhèidin, gus an do theich e,

27 Agus gu'm faigh dìoghaltair na fola e an taobh a mach do chrìoch-aibh baile a dhèidin, agus gu'm marbh dìoghaltair na fola a'm marbhaiche : cha bhi e ciontach do fhuil :

28 A clionn gu'm bu chòir dha fuireach ann am baile a dhèidin gu bàs an ard-shagairt : ach an déigh bàis an ard-shagairt, pillidh am marbhaiche gu fearann a sheilbhe féin.

a làmh-arm. b thachaireas  
e air. c o ghalltanas.  
d le fàth-fheitheamh, le rùn mealltach. e aisiocaidh an coimhchruinneach.

29 Agus bithidh na *nithe* sin nan reachd breitheanas dhuibh, air feadh bhur ginealach na n-àitibh còmh-nuidh uile.

30 Ge b'e mharbhas neach sam bith, cuirear am mortair gu bàs le beul f'fhianuisean : ach cha d'thoir aon fhianuis teistean an aghaidh neach sam bith a *chum a chur* gu bàs.

31 Agus cha ghabh sibh éiric sam bith air aon anma mortair, a tha ciontach do bhàs ; ach cuirear gu cinnteach gu bàs e.

32 Agus cha ghabh sibh éiric sam bith air a shon-san, a theich do bhaile a dhèidin, a chum as gu'n d'thigeadh e ris a ghabhail còmh-nuidh san fhearann, gu bàs an t-sagairt.

33 Mar sin cha truail sibh am fearann anns am bheil sibh : oir truailidh fuil am fearann, agus cha 'n'eil e 'n comas am fearann a ghlanadh do'n fhuil a dhoirteadh ann, ach le fuil an ti a dhòirt i.

34 Na salaichibh, uime sin, am fearann anns am bi sibh a chòmh-nuidh, anns am bheil mise a'm' chòmh-nuidh : a clionn gu bheil mise an Tighearn a'm' chòmh-nuidh am meadhan chloinn Israeil.

## CAIB. XXXVI.

A GUS thàinig prìomh aithreacha theaghlacha chloinn Ghilead, mhic Mhachir, mhic Mhanaseh, do theaghlachibh mhac Ioseiph, am fagus, agus labhair iad an làthair Mhaois, agus an làthair nan ceannard, eadhon phrìomh aithreacha chloinn Israeil :

2 Agus thubhairt iad, Dh'àithn an Tighearna do m' thighearn am fearann a thoirt mar oighreachd le crannchur do chloinn Israeil, agus dh'àithneadh do m' thighearna leis an Tighearn, oighreachd ar bràthar Shelopheaid a thoirt d'a nigheanaibh.

3 Agus ma phòsar iad ri h-aon do mhic nan treubh *eile* do chloinn Israeil, an sin bheirear an oighreachd-san o oighreachd ar n-aithreacha, agus cuirear i ri oighreachd na tréibh d'an gabhar iad : mar sin bheirear i o chranncur ar n-oighreachd-ne.

4 Agus an uair a bhios an iubile z ann do chloinn Israeil, an sin cuirear an oighreachd ri oighreachd na tréibh gus an do ghabhadh iad : mar sin bheirear an oighreachd-san air

f o bhriathraibh.

z bliadhna

mhaitheanas.



falbh o oighreachd thréibh ar n-aithreacha.

5 Agus dh'àithn Maois do chloinn Israeil, a réir focail an Tighearna, ag ràdh, Is ceart a labhair treubh mhac Ioseiph.

6 Is e so an ni a dh'àithn an Tighearna thaobh nigheana Shelophehaid, ag ràdh, Pòsadh iad an neach a's àill leo; a mhàin ri teaghlach thréibh an aithreacha pòsadh iad:

7 Mar sin cha'n atharraich oighreachd chloinn Israeil o thréibh gu thréibh: oir dlùth-leanaidh gach duine do chloinn Israeil ri oighreachd thréibh aithreacha.

8 Agus bithidh gach nighean a shealbhaicheas oighreachd ann an thréibh sam bith do chloinn Israeil, na mnaoi aig aon do theaghlach thréibh a h-athar, a chum gu meal clann Israeil gach duine dhiubh oighreachd aithreacha.

9 Ni mò dh'atharraicheas an oighreachd o aon thréibh gu thréibh eile; ach dlùth-leanaidh gach duine do theubhaibh chloinn Israeil r'a oighreachd féin.

10 Eadhon mar a dh'àithn an Tighearna do Mhaois, mar sin rinn nigheana Shelophehaid:

11 Oir phòsadh Mahlah, Tirsah, agus Hoglah, agus Milcah, agus Noah, nigheana Shelophehaid, ri mic bhràthar an athar.

12 Phòsadh iad ri fir do theaghlachibh mhac Mhanaseh mhic Ioseiph, agus dh'fhan an oighreachd ann an treubh teaghlach an athar.

13 Is iad sin na h-àitheantan, agus na breitheanais, a dh'àithn an Tighearna le làimh Mhaois, do chloinn Israeil ann an còmhnrdaibh Mhoab, làimh ri Iordan am fagus do Iericho.

## DEUTERONOMI.

### CAIB. I.

**I**S iad so na briathran a labhair Maois ri Israel uile, air an taobh so do Iordan san fhàsach, anns a' chòmhnard fa chomhair na mara ruaidhe, eadar Paran, agus Tophel, agus Laban, agus Haserot, agus Disahab.

2 (*Tha asdar aon là deug o Horeb rathad sléibh Sheir, gu Cadesbarnea*)

3 Agus anns an dà fhicheadamh bliadhna, anns an aon mhìos deug, air a' cheud là do'n mhìos, labhair Maois ri cloinn Israeil, a réir nan uile nithe a dh'àithn an Tighearna dha d'an taobh;

4 An déigh dha Sihon rìgh nan Amorach a mharbhadh, a bha chòmhnuidh ann an Hesbon, agus Og rìgh Bhasain, a bha chòmhnuidh aig Astarot ann an Edrei,

5 Air an taobh so do Iordan, ann an tìr Mhoab, thòisich Maois air an lagh so chur an céill, ag ràdh,

6 Labhair an Tighearn ar Dia ruin ann an Horeb, ag ràdh, Ghabh sibh còmhnuidh fada gu leòr san t-sliabh so:

7 Pillibh agus gabhaibh bhur turus, agus rachaibh a chum sléibh nan Amorach, agus a chum nan ionadan uile am fagus da anns a'

chòmhnard<sup>a</sup>, anns a' mhonadh, agus anns an t-srath, agus mu dheas, agus ri taobh na fairge, gu fearann nan Canaanach, agus gu Lebanon, a dh'ionnsuidh na h-aibhne mòire, aibhne Euphrates.

8 Feuch, chuir mi 'n tìr romh-aibh; rachaibh a steach, agus sealbhaichibh am fearann a mhiounaich an Tighearna d'ar n-aithreachaibh, Abraham, Isaac, agus Iacob, gu'n dthugadh e dhoibh e, agus d'an sliochd nan déigh.

9 Agus labhair mi ribh san àm sin, ag ràdh, Cha 'n urrainn mise bhur giùlan a'm' aonar:

10 Rinn an Tighearna bhur Dia ònmhor sibh, agus feuch, *tha sibh an diugh mar reulta nèimh a thaobh ònmhoireachd.*

11 (Gu deanadh an Tighearna, Dia bhur n-aithreacha, sibh mìle uair ni's ònmhoire na *tha sibh*, agus gu'm beannaicheadh e sibh mar a gheall e dhuibh.)

12 Cionnus is urrainn mise leam féin bhur dragh a ghiùlan, agus bhur n-eallach, agus bhur comh-stri.

13 Gabhaibhse dhuibh féin daoine glic agus tuigseach<sup>b</sup>, agus aith-

<sup>a</sup> anns an fhàsach.

<sup>b</sup> maithean, ard-dhaoine.

nichte 'nar treubhaibh, agus nì mise iad nan ceannardan oirbh.

14 Agus fhreagair sibh mi, agus thubhairt sibh, *Tha an nì a tabhairt thu math dhuinne r'a dheanamh.*

15 Agus ghabh mi cinn bhur treubh, daoine glic, agus aithnichte, agus rinn mi iad nan ceannardaibh oirbh, nan uachdaranaibh mhìlte, agus nan uachdaranaibh cheuda, agus nan uachdaranaibh leth-cheuda, agus nan uachdaranaibh dheichnear, agus nan luchd-riaghlaidh am measg bhur treubhan.

16 Agus dh'àithn mi d'ar breith-eamhnaibh san àm sin, ag ràdh, Eisdibh ris na *cùisean a bhios eadar bhur bràithre*, agus thugaibh breith cheart eadar *gach* duine agus a bhràthair, agus an coigreach *a ta* maille ris.

17 Cha bhi suim agaibh do neach seach a' chéile ann am breitheanas; ris a' bheag éisdidh sibh co mhath is ris a' mhòr; cha bhi athadh a oirbh roimh ghndis duine, oir is le Dia a' bhreth: agus a' chùis a bhios ro-chruaidh oirbh, bheir sibh a'm' ionnsuidh, agus éisdidh mise rithe.

18 Agus dh'àithn mi dhuibh san àm sin na h-uile nithe bu chòir dhuibh a dheanamh.

19 Agus an uair a dh'fhalbh sinn o Horeb, chaidh sinn tre 'n fhàsach mhòr agus uamhasach sin uile, a chunnaic sibh air slighe sléibh nan Amorach, a réir mar a dh'àithn an Tighearn ar Diadhuiun; agus thàinig sinn gu Cades-barnea.

20 Agus thubhairt mi ribh, *Tha sibh air teachd gu sliabh nan Amorach, a tha 'n Tighearn ar Dia a' toirt duinn.*

21 Feuch, chuir an Tighearn a do Dhia am fearann romhad, imich suas, sealbhaich e, a réir mar a thubhairt an Tighearn a Dia t-aithreacha riut; na biodh eagal ort, agus na biodh faitcheas<sup>b</sup> ort.

22 Agus thàinig sibh am fagus domhsa gach aon agaibh, agus thubhairt sibh, Cuireamaid daoine romhainn, agus rannsaicheadh iad a mach dhuinn am fearann, agus thugadh iad fios d'ar n-ionnsuidh a ris ciod an t-slighe air an dthéid sinn suas, agus ciod na bailte gus an d'thig sinn.

23 Agus thaitinn a' chainnt rium gu math; agus ghabh mi dà fhear dheug dhibh, aon fhear as *gach* tréibh.

24 Agus thionndaidh iad agus chaidh iad suas do'n t-sliabh, agus thàinig iad gu gleann Escoil, agus rannsaich iad a mach e.

25 Agus ghabh iad nan làimh do

thoradh an fhearainn, agus thug iad a nuas e d'ar n-ionnsuidhne, agus thug iad fios duinn a ris, agus thubhairt iad, *Is math am fearann a tha 'n Tighearn ar Dia a' tabhairt dhuinn.*

26 Gidheadh, cha b'àill leibh e dol suas, ach chuir sibh<sup>d</sup> an aghaidh àithne an Tighearna bhur Dé.

27 Agus rinn sibh gearan 'nar bùthaibh, agus thubhairt sibh, *A chionn gu'm b'fhuathach leis an Tighearna sinn*, thug e mach sinn a tìr na h-Eiphit, gu'r toirt thairis an làimh nan Amorach, a chur as duinn.

28 C'àit' an dthéid sinn suas? Chuir ar bràithrean ar cridhe fuidh mhi-mhisnich, ag ràdh, *Tha 'n sluagh nì's mò agus nì's airde na sinne, tha na bailtean mòra*, agus daingnichte suas gu nèamh, agus os-barr<sup>e</sup>, chunnaic sinn mic nan Anacim an sin.

29 An sin thubhairt mi ribh, Na biodh geilt oirbh, no eagal rompa.

30 An Tighearn a bhur Dia a tha dol romhaibh, cogaidh esan air bhur son, a réir nan uile nithe a rinn e air bhur son san Eiphit fa chomhair bhur sùl,

31 Agus anns an fhàsach, far am faca tu cionnus a ghiùlain an Tighearna do Dhia thu, mar a ghiùlaineas duine a mhac, san t-slighe sin uile air an deachaidh sibh, gus an d'thàinig sibh do'n àite so.

32 Gidheadh san nì so cha do chreid sibh an Tighearn a bhur Dia,

33 A dh'imich romhaibh san t-slighe a rannsachadh a mach àite dhuibh gus ar bùthan a shuidheachadh ann, ann an teine san oidheche a nochdadh dhuibh ciod an t-slighe air an imicheadh sibh, agus ann an neul san là.

34 Agus chual' an Tighearn a fuaim bhur briathra, agus bha corruich air, agus mhionnaich e, ag ràdh,

35 Gu cinnteach cha'n fhaic a h-aon do dhaoineibh<sup>f</sup> a' ghinealaich uile so am fearann math sin, a mhionnaich mise gu'n d'thugainn d'ar n-aithreachaibh;

36 Saor o Chaleb mac Iephuneh; chli esan e, agus dhasan bheir mi am fearann air an do shaltair e, agus d'a chloinn, a chionn gu'n do lean e 'n Tighearn a gu h-iomlan.

37 Mar an ceudna bha fearg aig an Tighearn a riumsa air bhur sgàth, ag ràdh, Cha d'théid thusa féin a steach an sin.

38 Ach Iosua mac Nun, a tha na

<sup>e</sup> cha bu toil leibh. <sup>d</sup> sheas sibh a mach, rinn sibh ar' a mach. <sup>e</sup> a bhàrr air sin. <sup>f</sup> do dhaoineibh sin. Eabh.

<sup>a</sup> eagal.

<sup>b</sup> mi-mhisneach.

sheasamh a'd' làthair, théid esan a steach an sin. Thoir misneach dha: oir bheir e air Israel a shealbhachadh.

39 Agus bhuir leanbana<sup>a</sup>, a thubhairt sibh gu'm biodh iad nan creich, agus bhuir clann<sup>b</sup> aig nach robh san là ud eolas air math seach olc, théid iadsan a steach an sin, agus dhoibhsan bheir mi e, agus sealbhaichidh iad e.

40 Ach air bhuir sonsa, pillibh, agus gabhaibh bhuir turus do'n fhàsach, air slighe na mara ruaidhe.

41 An sin fhreagair sibh agus thubhairt sibh rium, Pheacaich sinn an aghaidh an Tighearna, théid sinn suas agus cogaidh sinn a réir nan nìle *nìthe* a dh'àithn an Tighearn ar Dia dhuinn. Agus chrìosraich sibh oirbh gach fear agaibh 'airm chogaidh, agus bha sibh ullamh gu dol suas do'n t-sliabh.

42 Agus thubhairt an Tighearna rium, Abair riu, Na rachaibh suas, agus na cogaibh, oir cha 'n'èil mise 'nar measg; an t-eagal gu'm buairear sibh an làthair bhuir naimhdean.

43 Mar so labhair mi ribh, agus cha'n éisdeadh sibh, ach rinn sibh ceannairc an aghaidh àithne an Tighearna, agus chaidh sibh gu h-andana suas do'n t-sliabh.

44 Agus thàinig na h-Amoraich, a bha chòmhnuidh san t-sliabh sin, a mach 'nar n-aghaidh, agus ruag iad sibh mar a ni beachan, agus chuir iad as duibh ann an Seir, *eadhon* gu Hormah.

45 Agus phillsibh, agus ghuil sibh an làthair an Tighearna, ach cha 'n éisdeadh an Tighearna r'ar guth, agus cha dthugadh e cluas duibh.

46 Mar sin dh'fhan sibh ann an Cades mòran laithean, a réir nan laithean a dh'fhan sibh an sin.

## CAIB. II.

**A**N sin phill sinn, agus ghabh sinn ar turus do'n fhàsach, air slighe na mara ruaidhe, mar a labhair an Tighearna riumsa; agus chuairtich sinn sliabh Sheir mòran laithean.

2 Agus labhair an Tighearna rium, ag ràdh,

3 Chuairtich sibh an sliabh so fada gu leòr: pillibh ri tuath.

4 Agus àithn thusa do'n t-sluagh, ag ràdh, *Tha* sibh gu dol tre chuic bhuir bràithre cloinn Esau, a ta chòmhnuidh ann an Seir, agus bithidh eagal orra romhaibh: ach thugaibh aire mhath dhuibh féin.

5 Na beanaibh riu<sup>d</sup>; oir cha d'thoir mi *bheag* d'am fearann duibh, cha d'thoir uiread leud troidhe, a

chionn gu'n d'thug mi sliabh Sheir a dh'Esau mar sheilbh.

6 Ceannachaidh sibh biadh uatha le h-airgiod, a chum gu'n ith sibh; agus mar an ceudna ceannachaidh sibh uisge uatha le h-airgiod, a chum gu'n òl sibh.

7 Oir bheannaich an Tighearna do Dhia thu ann an uile oibribh do làimh: is aithne dha do thriall tre 'n fhàsach mhòr so: rè an dà-fhichead bhliadhna so *bha* 'n Tighearna do Dhia maille riut, cha robh uireasbhuidh ni sam bith ort.

8 Agus an nair a chaidh sinn seachad o'r bràithribh cloinn Esau, a bha chòmhnuidh ann an Seir tre shlighe a' chòmhnaird o Elat, agus o Esiongaber, phill sinn agus chaidh sinn seachad air slighe fasaich Mhoab.

9 Agus thubhairt an Tighearna rium, Na buin gu naimhdeil ris na Moabaich<sup>e</sup>, agus na dean strì' riu ann an cath: oir cha d'thoir mi dhuit a' *bheag* d'am fearann mar sheilbh, a chionn gu'n d'thug mi Ar do chloinn Lot mar sheilbh.

10 Bha na h-Emich roimhe a chòmhnuidh ann, sluagh mòr, agus ìonmhor, agus ard mar na h-Anacim;

11 A mkeasadh mar an ceudna nam fámheirean<sup>f</sup> mar na h-Anacim, ach thug na Moabaich Emich mar ainm orra.

12 Bha mar an ceudna na Horaich a chòmhnuidh roimhe sin ann an Seir, ach thàinig clann Esau nan déigh, agus chuir iad as doibh as an sealladh, agus ghabh iad còmhnuidh nan àite, mar a rinn Israel ri fearann a sheilbh-san, a thug an Tighearna dhoibh.

13 A nis éiribh suas, *thubhairt mise*, agus rachaibh thar sruth Shered; agus chaidh sinn thar sruth Shered.

14 Agus b'i 'n ùin anns an d'thàinig sinn o Chades-barnea, gus an deachaidhsinn thar sruth Shered, ochd bliadhna deug thar fhichead; gus an robh ginealach an t-sluaigh-chogaidh uile air an caitheamh a mach o mheasg an t-slàigh<sup>g</sup>, mar a mhionnaich an Tighearna dhoibh.

15 Oir da ùireadh bha làmh an Tighearna nan aghaidh, gu'n sgrios o mheasg an t-slàigh, gus an do claidheadh iad.

16 Agus tharla, 'nuair a bha na fir-chogaidh uile air an claidh agus air bàsachadh o mheasg an t-sluaigh,

17 Gu'n do labhair an Tighearna rium, ag ràdh,

<sup>a</sup> clann bheag.

<sup>b</sup> mic. Eabh.

<sup>c</sup> gu'n leagar.

<sup>d</sup> nacogaibh riu.

<sup>e</sup> Na dean tuair-eigneadh air na Moabaich.

<sup>f</sup> athaich, curaidhean.

<sup>g</sup> a' chaimp. Eabh.

18 Tha thu gu dol thairis an diugh tre Ar, crìoch Mhoaidh.

19 Agus an uair a thig thu 'm fagus thall fa chomhair chloinn Amoin, na buin gu naimhdeil riu, nì mò a bheanas tu riu: oir cha d'thoir mi dhuit sealbh sam bith do fhearann chloinn Amoin, a chionn gu'n d'thug mi e do chloinn Lot mar sheilbh.

20 (Mheasadh sin mar an ceudna na fhearann fhamhairean; ghabh fhamhairean còmhnuidh ann san t-sean aimsir, agus thug na h-Amo-naich Samsumaich mar ainm orra;

21 Sluagh mòr agus lìonmhor, agus ard mar na h-Anacim; ach sgrios an Tighearna iad rompa, agus thàinig iad nan déigh, agus ghabh iad còmhnuidh nan àite:

22 Mar a rinn e ri cloinn Esau, a bha còmhnuidh ann an Seir, an uair a sgrios e na Horaich rompa; agus thàinig iad nan déigh, agus ghabh iad còmhnuidh nan àite, eadhon gus an à 'n diugh:

23 Agus na Habhaich a bha còmh-nuidh ann an Haserim eadhon gu Hadsah, sgrios na Caphtoraich a thàinig a mach a Capltor iad, agus ghabh iad còmhnuidh nan àite.)

24 Eiribh suas, gabhaibh bhur turus, agus rachaibh thar sruth<sup>a</sup> Arnoin: feuch, thug mi do d' làimh Sihon an t-Amorach rìgh Hesboin, agus 'fhearann: tòisich air a shealbhachadh, agus dear strì<sup>b</sup> ris an cath.

25 Air an là 'n diugh tòisichidh mi air t'uamhann-sa agus t'eagal a chur air na cinnich a ta fuidh nèamh uile, a chluinneas iomradh ort; agus crìothnaichidh iad, agus bithidh cràdh<sup>b</sup> orra a'd' làthair.

26 Agus chuir mi teachdairean a fàsach Chedemot gu Sihon rìgh Hesboin, le briathraibh sìth, ag ràdh,

27 Leig dhomh gabhail troimh t'fhearann: imichidh mi romham air an rathad mhòr, cha tionndaidh mi aon chuid a chum na làimhe deise, no chum na làimhe clìthe.

28 Biadh air son airgid reicidh tu rium, a chum as gu'n ith mi, agus uisge air son airgid bheir thu dhomh, a chum as gu'n òl mi; a mhàin imichidh mi romham do m' chois:

29 (Mara rinn clann Esau rium, a tha còmhnuidh ann an Seir, agus na Moabaich a tha còmhnuidh ann an Ar) gusan d'théid mi thar Iordan, do'n fhearann a tha 'n Tighearn ar Dia toirt duinn.

30 Ach cha leigeadh Sihon rìgh Hesboin leinn dol troimh 'fhearann: oir chruadaich an Tighearna do Dhia a spiorad, agus rinn e 'chridhe rag<sup>c</sup>, a chum gu'n d'thugadh e

thairis e do d' làimh, mar a chùthear air an là 'n diugh.

31 Agus thubhairt an Tighearna rium, Feuch, thòisich mi air Sihon agus 'fhearann a thoirt thairis a'd' fhianuis: gabh sealbh<sup>d</sup>, a chum as gu'm bi 'fhearaun agad mar oigh-reachd.

32 An sin thàinig Sihon a mach 'nar n-aghaidh, e féin, agus a shluagh uile, a chogadh aig Iahas.

33 Agus thug an Tighearna ar Dia thairis e romhainn, agus bhuail sinn e féin, agus a mhic, agus a shluagh uile.

34 Agus ghlac sinn a bhailtean<sup>e</sup> uile san àm sin, agus sgrios sinn gu tur fir, agus mnà, agus clann bheag gach baile; cha d'fhag sinn a h-aon a làthair<sup>f</sup>:

35 A mhàin ghabh sinn duinn féin an spréidh mar chobhartach, agus creach nam bailtean a ghlac sinn.

36 O Aroer, a ta air bruaich shruth Arinon, agus o'n bhaile a ta làimh ris an t-sruth, eadhon gu Gilead, cha robh aon bhaile tuille 's làidir air ar son: thug an Tighearn ar Dia iad uile thairis duinn.

37 A mhàin gu fearann chloinn Amoin cha d'thàinig thu, no gu àite sam bith am fagus do shruths laboic, uo gus na bailtibh am measg nam beann, no gu àite sam bith a thoir-misg an Tighearn ar Dia dhuinn.

### CAIB. III.

**A**N sin phill sinn, agus chaidh sinn suas air an t-slighe gu Basan: agus thàinig Og rìgh Bhasain a mach nar n-aghaidh, e féin agus a shluagh uile, gu cath aig Edrei.

2 Agus thubhairt an Tighearna riumsa, Na biodh eagal ort roimhe: oir do d' làimh-sa bheir mise thairis e féin, agus a shluagh uile, agus 'fhearann, agus nì thu ris mar a rinn thu ri Sihon rìgh nan Amorach, a bha còmhnuidh aig Hesbon.

3 Mar sin thug an Tighearn ar Dia thairis d'ar làimh-ne mar an ceudna Og rìgh Bhasain, agus a shluagh uile: agus bhuail sinn e gus nach d'fhàgadh a h-aon beo aige.

4 Agus ghlac sinn a bhailtean uile san àm sin, cha robh baile nach d'thug sinn uatha, tri fichead baile, dùthaich Argoib uile, rìoghachd Og ann am Basan.

5 Bha na bailte sin uile air an daingneachadh le balladh ard, le geataibh agus le crannaibh, a thuilleadh air bailtibh gun bhalla, romhòran.

6 Agus sgrios sinn gu tur iad, mar

<sup>d</sup> tòisich, sealbhaich. Eabh.

<sup>e</sup> a mhòr-bhailtean, a chaithrichean.

<sup>f</sup> beò.

<sup>g</sup> abhainn.

<sup>a</sup> abhainn. <sup>b</sup> àmhghar, iomghuin.

<sup>c</sup> reasgach, do-lubaidh.



a rinn sinn air Sihon rìgh Hesboin, a' léir - sgrios fhear, bhan, agus cloinne gach baile.

7 Ach ghabh sinn an spréidh uile, agus creach nam bailte mar chobh-artach dhuinn féin.

8 Agus thug sinn san àm sin a làimh dà rìgh nan Amorach, am fearann a *ta* air an taobh so do Iordan, o shruthl Arnoin gu sliabh Her-moin:

9 (Thug na Sidonaich Sirion mar ainm air Hermon: agus thug na h-Amoraich Senir mar ainm air.)

10 Bailtean a' chòmhnaird<sup>a</sup> uile, agus Gilead uile, agus Basan uile, gu Salcha agus Edrei, bailtibh rìoghachd Og ann am Basan:

11 Oir bha Og rìgh Bhasain a mhàin a làthair do fluigheall nam fahairean; feuch, a leaba, *bu* leab-adh iarunn i: nach *'eil* i ann an Rabat chloinn Amoin? *b'iad* naoi làmh-choille a fad, agus ceithir làmh-choille a leud, a réir làimh-choille duine.

12 Agus am fearann so a shealbhaich sinn san àm sin, o Aroer a *ta* làimh ri sruth Arnoin, agus leth sléibh Ghilead, agus a bhailte thug mi do na Reubenich, agus do na Gadaich.

13 Agus a' chuid eile do Ghilead, agus Basan uile, eadhon rìoghachd Og, thug mi do leth-thréibh Mhanaseh; dùthaich Argoib uile, maille ri Basan uile, d'an ainm<sup>b</sup> fearann nam fahairean.

14 Ghabh Iair mac Mhanaseh dùthaich Argoib uile gu crìochaibh Ghesuri, agus Mhaachati; agus thug a Basan - Habhot - Iair mar ainm oirre a réir 'ainme féin, gus an la'n diugh.

15 Agus thug mi Gilead do Mhachir.

16 Agus do na Reubenich, agus do na Gadaich, thug mi o Ghilead eadhon gu sruth Arnoin, leth a' ghlinne, agus an t-ìomall, eadhon gus an sruth Iaboc, crìoch chloinn Amoin:

17 An còmhnard mar an ceudna, agus Iordan, agus a chrìocha, o Chineret eadhon gu muir a' chòmhnaird, a' mhuir shailhte, fuidh Asdot-pisgah a làimh na h-aird' an ear.

18 Agus dh'àithn mi dhuibh san àm sin, ag ràdh, Thug an Tighearna bhur Dia dhuibh am fearann so r'a shealbhadh: théid sibh a nunn fo'r n-armuibh roimh bhur bràithre clann Israeil, gach neach a *ta* fogh-ainteach a chum cogaidh.

19 Ach fanaidh bhur mnà, agus bhur clann bheag, agus bhur spréidh,

(oir is aithne dhomh gu *'m bheil* mòran spréidh agaibh,) 'nar bailtibh a thug mi dhuibh,

20 Gus an dthoir an Tighearna fois d'ar bràithribh co mhath agus dhuibhse, agus *gus* an sealbhaich iadsan mar an ceudna am fearann, a thug an Tighearna bhur Dia dhuibh an taobh thall do Iordan: agus an sin pillidh gach duine agaibh g'a sheilbh a thug mi dhuibh.

21 Agus dh'àithn mi do Iosua san àm sin, ag ràdh, Chunnaic do shùile na h-uile nithe a rinn an Tighearna bhur Dia ris an dà rìgh sin: mar sin ni an Tighearna ris na rìoghachdaibh uile gus am *bheil* thu dol.

22 Cha bhi eagal oirbh rompa: oir cogaidh an Tighearna bhur Dia e féin air bhur son.

23 Agus ghuidh mi air an Tighearna san àm sin, ag ràdh,

24 O Thighearna Dhé, thòisich thu air do mhòrachd, agus do làmh chumhachdach a nochdadh do d'òglach: oir cò an Dia air nèamh no air talamh, a's urrainn a dheanamh a réir t'òibre-sa, agus a réir du chumhachd-sa?

25 Guidheam ort, leig dhomh dol thairis, agus am fearann math sin fhaicinn a *tha* 'n taobh thall do Iordan, an sliabh math sin, agus Lebanon.

26 Ach bha fearg air an Tighearna rium air bhur son-sa, agus cha d'éisd e rium: agus thubhairt an Tighearna rium, Gu ma leòr leat e, na labhair ni's mò rium mu'n chùis so.

27 Falbh suas gu mullach Phisgaih, agus tog suas do shùile ris an aird' an iar agus ris an airde tuath, agus ris an airde deas, agus ris an aird' an ear, agus amhairc le d' shùilibh<sup>c</sup>; oir cha d'théid thu thar Iordan so.

28 Ach thoir àithne do Iosua, agus thoir misneach dha, agus near-taich e: oir théid esan thairis roimh an t-sluagh so, agus bheir e orra am fearann sin a chi thusa, a shealbhadh mar oighreachd.

29 Mar sin ghabh sinn còmhnuidh sa' ghleann thall fa chomhair Bhet-peoir.

## CAIB. IV.

**A**NIS uime sin éisd, O Israel, ris na reachdaibh, agus ris na breith-eanais a *tha* mise a' teagasg dhuibh a dheanamh, a chum as gu'm bi sibh beo, agus gu'n dthéid sibh a steach agus gu'n sealbhaich sibh am fearann, a bheir an Tighearna Dia bhur n-aithreacha dhuibh.

2 Cha chuir sibh a' bheag ris an fhocal a *tha* mise ag àithneadh dhuibh, ni mò a bheir sibh ni sam

<sup>a</sup> a' chènaird.

<sup>b</sup> d'an goirear.

<sup>c</sup> seall, beachdaich air.

bith uaidh, a chum as gu'n gléidh sibh àitheantan an Tighearna bhur Dé, a *tha* mise ag àithneadh dhuibh. 3 Chunnaic bhur sùile ciod a rinn an Tighearna thiaobh Bhaal-peoir: oir na daoine sin uile a lean Baal-peor, sgrios an Tighearna bhur Dia iad as bhur measg.

4 Ach *tha* sibhse a lean ris an Tighearna bhur Dia, beo gach aon gaibh air an là'n diugh.

5 Feuch, theagaisg mi dhuibh reachdan agus breitheanais, eadhon mar a dh'àithn an Tighearna mo Dhia dhomh a chum as gu'n deanadh sibhse mar sin anns an fhearann gus am bheil sibh a' dol g'a shealbhachadh.

6 Uime sin gleidhibh agus dean-aibh iad, oir is e so bhur gliocas agus bhur tuigse ann an sealladh nan cinneach, a chluinneas na reachda sin uile, agus a their, Gu cinnteach is sluagh glic agus tuigseach an cinneach mòr so.

7 Oir cia e an cinneach co mhòr, aig *am bheil* Dia an fagus doibh, mar a *ta* 'n Tighearna ar Dia-ne 'sna h-uile *nìthibh* air son am bheil sinne a' gairm air?

8 Agus cia an cinneach co mhòr, aig am bheil reachdan agus breitheanais co cheart ris an lagh so uile, a *tha* mise a' cur romhaibh air an là 'n diugh?

9 A mhàin thoir an aire dhuit féin, agus gléidh t'anam gu d'chiollach, air eagal<sup>a</sup> gu'n dichuimhnich thu na nithe sin a chunnaic do shùilean, agus air eagal gu'n dealaich iad ri d' chridhe uile laithean do bheatha: ach teagaisg iad do d' mhic, agus do mhic do mhac:

10 Gu h-àraidh an là a sheas thu an làthair an Tighearna do Dhé ann an Horeb, an uair a thubhairt an Tighearna riumsa, Tionail thugam<sup>b</sup> an sluagh r'a chéile, agus bheir mi orra mo bhriathran a chluinntinn, a chum gu fòghlum iad eagal a ghabhail romham rè nan uile laithean a *bhios* iad beo air an talamh, agus gu'n teagaisg iad an clann.

11 Agus thàinig sibh am fagus, agus sheas sibh fuidh 'n t-sliabh<sup>c</sup>; agus bha 'n sliabh a' losgadh le teine gu meadhon nèimh, maille ri dubhre, neoil, agus dubh dhorchadas.

12 Agus labhair an Tighearna ribh a meadhon an teine: chuala sibh guth nam briathra, ach coslas sam bith cha 'n fhaca sibh, a mhàin *chuala* sibh guth.

13 Agus chuir e 'n céill duibh a

choimhcheangal, a dh'àithn e dhuibh a choimhlionadh, eadhon deich àitheanta, agus sgrìobh e iad air là chlàr chloiche.

14 Agus dh'àithn an Thighearna dhomhsa san àm sin, reachdan agus breitheanais a theagasd dhuibh, a chum gu'n deanadh sibh iad anns an fhearann a théid sibh a nunn g'a shealbhachadh.

15 Thugaibh uime sin an aire mhath dhuibh féin; (oir cha 'n fhaca sibh gnè coslais sam bith anns an là *air* an do labhair an Tighearna ribh ann an Horeb, a meadhon an teine;)

16 Air eagal gu'n truaill sibh sibh féin, agus gu'n dean sibh dhuibh féin dealbh snaidhte, coslas riochd air bith, coslas fir no mnà,

17 Coslas ainmhidh sam bith a *tha* air an talamh, coslas eoin sgiathaich air bith a dh'itealaicheas san athar,

18 Coslas ni sam bith a shnàigeas air an làr, coslas éisg air bith a *tha* 'sna h-uisgibh fuidh 'n talamh;

19 Agus air eagal gu'n tog thu suas do shùile ri nèamh, agus an uair a chi thu ghrian, agus a' ghealach, agus na reulta, eadhon sìdigh nèimh uile gu'n tairngear thu gu cromadh sìos dhoibh, agus gu aoradh a dheanamh dhoibh, a roinn<sup>d</sup> an Tighearna do Dhia ris gach cinneach a ta fuidh nèamh uile.

20 Ach ghabh an Tighearna sibhse, agus thug e mach sibh as an àmhuinn iaruin, as an Eiphit, gu bli 'nar sluagh air son oighreachd dha féin, mar air an là 'n diugh.

21 Agus bha fearg aig an Tighearna riumsa air bhur sonsa<sup>e</sup>, agus mhionnaich e nach rachainn thar Iordan, agus nach rachainn a steach do'n fhearann mhath sin, a *tha* 'n Tighearna do Dhia a' toirt duit mar oighreachd.

22 Ach is éigin domh bàs fhaghail san fhearann so, chà d'théid mi thar Iordan; ach théid sibhse nunn, agus sealbhaichidh sibh am fearann math sin.

23 Thugaibh an aire dhuibh féin, air eagal gu'n di-chuimhnich sibh coimhcheangal an Tighearna bhur Dé, a rinn e ribh, agus gu'n dean sibh dhuibh féin dealbh snaidhte, coslas ni air bith a thoirmisg an Tighearna do Dhia dhuit:

24 Oir is teine dian-loisgeach an Tighearna do Dhia; is Dia eudmhor<sup>e</sup>.

25 'Nuair a ghineas tu clann, agus clann cloinne, agus a dh'fhanas sibh fada san fhearann, agus a thruaillias

<sup>a</sup> an t-eagal.

<sup>b</sup> chugam.

<sup>d</sup> a phàirtich, a thug.

<sup>e</sup> air son bhur briathrasa.

<sup>c</sup> fuidh 'n bheinn.

sibh *sibh féin*, agus a ni sibh dealbh snaidhte, coslas *ni sam bith*, agus a ni sibh oic ann an sealladh an Tighearna do Dhé, agus a bhrosnaicheas sibh e gu feirg:

26 Gairmeam nèamh agus talamh mar fhianuis 'nar n-aghaidh air an là 'n diugh, gu'n d'thig léir-sgrìos oirbh gu h-aithghearr as an fhearann a chum am bheil sibh dol thar Iordan g' a shealbhaichadh: cha bhunaich sibh bhuir làithean air, ach sgrìosar sibh gu tur.

27 Agus sgapaidh an Tighearna sibh am measg nan cinneach agus fàgar sibh tearc an àireamh am measg nan cinneach, far an d'thoir an Tighearna sibh.

28 Agus an sin ni sibh seirbhis do dhéibh, obair làmhha dhaoine, fiodh agus clach, nach faic, agus nach cluinn, agus nach ith, agus nach gabh faile.

29 Ach ma dh'iarras tu 'n Tighearna do Dhia as sin, amaisidh tu air, ma dh'iarras tu e le d' uile chridhe agus le d'uile anam.

30 'Nuair a bhios tu ann an àmhghar, agus a thig na nithe sin uile ort 'sna làithibh deireannach, ma philleas tu chum an Tighearna do Dhé, agus ma bhios tu àmhghal d'a ghuth;

31 (Oir is Dia tròcaireach an Tighearna do Dhia-sa) cha tréig e thu, ni mò a sgrìosas e thu, no dhi-chuimhnichas e coimhcheangal t'aithreacha, a mhionnaich e dhoibh.

32 Oir fiosraich a nis do na làithibh a chaidh seachad, a bha romhad, o'n là air an do chruthaich Dia an duine air an talamh, agus fiosraich o aon iomall do nèamh gus an t-iomall eile, an robh riamh *ni sam bith* ann mar an ni mòr so, no'n cualas ni cosmhuil ris?

33 An cuala sluagh *sam bith* guth Dhé a' labhairt a meadhon an teine, mar a chuala tusa, agus an do mhair iad beo?

34 No 'n d'fheuch Dia<sup>a</sup> ri dol gu cinneach a ghabhail da féin o mheasg cinnich *eile*, le deuchainnibh<sup>b</sup>, le comharaibh, agus le h-iongantaisibh, agus le cogadh, agus le làimh chumhachdaich, agus le gairdean sìnte mach, agus le h-uamhasaibh mòra, a réir nan uile nithe a rinn an Tighearna bhuir Dia air bhuir son san Eiphit fa chomhair bhuir sùl?

35 Dhuitse nochdadh e, chum gu'm biodh fios agad gur e 'n Tighearna a's Dia ann; cha 'n'eil ann ach e.

36 A nèamh thug e ort a ghuth a chluinntinn, a chum gu'n teagaisg-

eadh e thu: agus air talamh nochd e dhuit a theine mòr, agus chuala tu a bhriathran a meadhon an teine.

37 Agus a chionn gu'n do ghràdh-aich e t'aithreacha, uime sin thagh e an sliochd nan déigh, agus thug e thusa mach na shealladh, le' chumhachd mòr, as an Eiphit:

38 A dh'fhuadachadh a mach chinneach romhad, a's mò agus a's cumhachdaiche na thusa, g'ad thoirta stigh a thabhairt dhuit am fearainn na oighreachd, mar air an là 'n diugh.

39 Biodh agad fios uime sin an diugh, agus thoir fa'near ann do chridhe, gur e 'n Tighearna a's Dia ann air nèamh shuas, agus air an talamh a bhos<sup>c</sup>; cha 'n'eil ann ach e.

40 Gleidhidh tu uime sin a reachdan, agus 'aitheantan a tha mise ag àithneadh dhuit an diugh, a chum gu'n éirich gu math dhuit, agus do d' chloinn a'd' dhéigh, agus a chum gu'm bhunaich thu do làithean air an fhearann, a bheir an Tighearna do Dhia dhuit gu bràth.

41 An sin chur Maois air leth trì bailtean air an taobh so do Iordan, leth ri éirigh na gréine:

42 A chum as gu'n teicheadh am marbhaiche an sin, a mharbh a choimhearsnach gun fhios da, agus gun fhuath aige dha san aimsir a chaidh seachad; agus gu'n teicheadh e gu h-aon do na bailtibh sin, agus gu maireadh e beo;

43 Eadhon Baser san fhàsach, ann an dùthaich a' chòmhnaird<sup>d</sup>, do na Reubenich; agus Ramot ann an Gilead, do na Gadaich; agus Golan ann am Basan, do na Manasaich.

44 Agus is e so an lagh a chuir Maois roimh chloinn Israeil.

45 Is iad so na teisteis<sup>e</sup>, agus na reachdan, agus na breitheanais, a labhair Maois ri cloinn Israeil, an uair a thàinig iad a mach as an Eiphit,

46 Air an taobh so do Iordan, sa' ghleann thail fa chomhair Bhet-peoir, ann am fearann Shioin rìgh nan Amorach, a bha chòmhnuidh ann an Hesbon, a bhuail Maois agus clann Israeil, an déigh d'hoibh teachd a mach as an Eiphit:

47 Agus shealbhaich iad'fhearann agus fearann Og rìgh Bhasain, dà rìgh nan Amorach, a bha air an taobh so do Iordan, leth ri éirigh na gréine;

48 O Aroer, a ta làimh ri bruaich sruth Arnoin, eadhon gu sliabh Shihoin, a's e Hermon,

49 Agus an còmhnard uile air an taobh so do Iordan a làimh na h-

<sup>a</sup> Dia sam bith.

<sup>b</sup> buairibh.

<sup>c</sup> shìos.

<sup>d</sup> anns an tìr réidh.

<sup>e</sup> fianuisean.

aird' an ear, eadhon gu muir a' chòmhnaird, fuidh thobraichibh Phisgailh.

CAIB. V.

**A** GUS ghairm Maois air Israel uile, agus thubhairt e riu, Eisd, O Israel, ris na reachdaibh agus na breitheanais a labhras mi 'nar cluas-aibh air an là'n diugh, a chum gu fòghlum<sup>a</sup> sibh iad, agus gu'n gleidh agus gu'n dean sibh iad.

2 Rinn an Tighearna ar Dia coimh-cheangal<sup>b</sup> ruinn ann an Horeb.

3 Cha d' rinn an Tighearn an coimhcheangal so r'ar n-aithreachaibh, ach ruinne, eadhon ruinne a tha uile beo an so airan là'n diugh.

4 Aghaidh ri h-aghaidh labhair an Tighearna ribh san t-sliabh, a meadhon an teine,

5 (Sneas mise eadar an Tighearn agus sibhse san àin sin, a nochdadh dhuibh fòcail an Tighearna: oir bha eagal oirbh roimh an teine, agus cha deachaidh sibh suas do'n t-sliabh,) ag ràdh,

6 Is mise an Tighearna do Dhia, a thug a mach thusa a tìr na h-Eiphit, a tigh na daorsa<sup>c</sup>.

7 Na biodh dée sam bith eile agad a'm' fhianuis.

8 Na dean dhuit féin dealbh snaidhte<sup>d</sup> no coslas air bith *ni sam bith* a ta shuas air nèamh, no a ta shìos air an talamh, no a ta 'sua h-uisgeachaibh fuidh 'n talamh.

9 Na crom thu féin sìos doibh, agus na dean seirbhis<sup>e</sup> doibh: oir mise an Tighearna do Dhia, is Dia eudmhor mi, a' leantuinn aingidheachd nan aithreacha air a' chloinn, agus air an treas agus air a' cheathramh *ginealach* dhiubhsan a dh'fhuathaicheas mi,

10 Agus 'a deanamh<sup>f</sup> tròcair air mhìltibh dhiubhsan a ghràdhaicheas mi agus a ghlèidheas m'aitheanta.

11 Na tabhair ainm an Tighearna do Dhé an diomhanas: oir cha mheas an Tighearna neo-chiontach *esan* a bheir 'ainm an diomhanas.

12 Thoir an aire là na sàbaid a naomhachadh<sup>g</sup>, mar a dh'aithn an Tighearna do Dhia dhuit.

13 Sè làithean saothraichidh tu, agus ni thu t'obair uile:

14 Ach air an t-seachdamh là tha sàbaid an Tighearna do Dhé: *air an là so* cha dean thu obair sam bith, thu féin no do mhac, no do nighean, no t'òglach, no do bhan-oglach, no do dhamh, no t'asal, no aon air bith do d' spréidh, no do choigreach a

tha 'n taobh a stigh do d'gheataibh; a chum as gu'n gabh t'òglach agus do bhan-oglach fois co mhath riut féin.

15 Agus cuimhnich gu'n robh thu *féin* a d' sheirbhiseach ann an tìr na h Eiphit, agus gu'n d'thug an Tighearna do Dhia mach as sin thu, le làimh chumhachdaich agus le gairdean sìnte mach: uime sin dh'aithean an Tighearna do Dhia dhuit an t-sàbaid a choimhead<sup>h</sup>.

16 Tabhair onoir<sup>i</sup> do t' athair agus do d' mhàthair, mar a dh'aithean an Tighearna do Dhia dhuit; a chum gu'm buanaichear do làithean, agus gu'n éirich gu math dhuit san fhearran a bheir an Tighearna do Dhia dhuit.

17 Na dean mortadh.

18 Ni mò a ni thu adhaltrannas.

19 Ni mò a ghoideas tu.

20 Ni mò a bheir thu fianuis bhréige an aghaidh do choimhearsnaich.

21 Ni mò a mhiannaicheas tu bean do choimhearsnaich, ni mò a shanntaicheas tu tigh do choimhearsnaich, 'fhearann, no 'òglach no 'bhan-oglach, no 'dhamh, no 'asal no *ni* air bith a's le do choimhearsnach.

22 Na briathra sin labhair an Tighearna r'ar coimhthional uile san t-sliabh, a meadhon an teine, an neoil agus an dubh dhorchadais, le guth mòr; agus cha do chuir e tuille ris: agus sgriobh e iad air dà chlàr chloiche, agus thug e dhomhs' iad.

23 Agus an uair a chuala sibh an guth a meadhon an dorchadais, agus an t-sléibh a' losgadh le teine<sup>k</sup>, an sin thàinig sibh am fagus domhsa, eadhon uile cheannardan bhur treubha, agus bhur seanairean,

24 Agus thubhairt sibh, Feuch, dh' fhoillsich an Tighearn ar Dia dhuinn a ghlòir, agus a mhòrachd, agus chuala sinn a ghuth a meadhon an teine: chunnaic sinn an diugh gu'n labhair Dia ri duine, agus gu mair e beo.

25 A nis uime sin c'ar son a gheibheamaid bàs? oir loisgidh an teine mòr so sinn. Ma chluinneas sinn guth an Tighearn ar Dia tuilleadh, an sin bàsaichidh sinn.

26 Oir cò do'n uile fheoil a chuala guth an Dé bheo a' labhairt a meadhon an teine (mar a rinn sinne) agus a mhair beo?

27 Thig-sa am fagus, agus éisd ris na h-uile nithibh a their an Tighearn ar Dia; agus labhair thusa ruinne gach *ni* a their an Tighearn

<sup>a</sup> gu'n ionnsuich. <sup>b</sup> cunradh,

cùmhnant. <sup>c</sup> tigh nan tràillean.

<sup>d</sup> gearrta, gràbhalta. <sup>e</sup> aoradh.

<sup>f</sup> a' nochdadh. <sup>g</sup> Coimhid là na

sàbaid chum a naomhachadh.

<sup>h</sup> a dheanamh. Eabh.

<sup>i</sup> urram.

<sup>k</sup> oir bha bheinn a'

losgadh le teine.



ar Dia riut, agus éisdidh sinne *ris* agus ní sinn e.

28 Agus chual' an Tighearna guth bhur briathra, 'nuair a labhair sibh rium: agus thubhairt an Tighearna rium, Chuala mi guth briathran an t-sluaigh so, a labhair iad riut: *is* math a thubhairt iad gach ní a labhair iad.

29 O gu'm biodh an gnè cridhe so anna, gu'm biodh m'eagals' orra, agus gu'n gleidheadh iad m'áith-eantán uile a ghnàth, a chum gu'n éireadh gu math dhoibh agus d'an cloinn gu bràth!

30 Imich, abair riu, Rachaibh d'ar bùthaibh a ris.

31 Ach do d' thaobhsa, seas an so làimh riunsa, agus labhraidh mi riut na h-àitheantan uile, agus na reachdan, agus na breitheanais a theagaisgeas tu dhoibh; a chum as gu'n dean siad *iad* anns an fhearann a *tha* mise a' tabhairt dhoibh r'a shealbhachadh.

32 Bheir sibh an aire uime sin gu'n dean sibh mar a dh'àithn an Tighearna bhur Dia dhuibh: cha chlaon sibh a thaobh a chum na làimhe deise no clithe.

33 Anns gach slighe a dh'àithn an Tighearna bhur Dia dhuibh gluaisidh sibh, a chum gu'm bi sibh beo, agus *gu'n éirich* gu math dhuibh, agus *gu'm* buanaich sibh bhur làithean anns an fhearann a shealbhaicheas sibh.

## CAIB. VI.

**A**NIS is iad so na h-àitheantan, na reachdan, agus na breitheanais, a dh'àithn an Tighearna bhur Dia a theagasg dhuibh, a chum gu'n deanadh sibh *iad* san fhearann d'*am bheil* sibh a' dol g'a shealbhachadh:

2 A chum gu'm biodh eagal an Tighearna do Dhé ort, gu'n gleidheadh tu a reachdan uile, agus 'àitheantan, a *tha* mise ag àithneadh dhuit, thu féin, agus do mhac, agus mac do mhic, uile làithean do bheatha, agus a chum gu'm buanaichear do làithean.

3 Eisd uime sin, O Israel, agus thoir an aire gu'n dean thu so, a chum gu'n éirich gu math dhuit, agus gu'm fàssibh ro-fhionmhor, mar a gheall an Tighearna Dia t'aithreacha dhuit, ann am fearann a *tha* sruthadh le bainne agus mil.

4 Eisd, O Israel, An Tighearn ar Dia-ne, *is* aon Tighearna e.

5 Agus gràdhaidh tu an Tighearna do Dhia le d'uile chridhe, agus le d' uile anam, agus le d' uile neart.

6 Agus bithidh na briathra so, a *tha* mi 'g àithneadh dhuit an diugh, ann do chridhe.

7 Agus teagaisgidh tu iad<sup>a</sup> do d'

<sup>a</sup> cuiridh tu 'n céill iad gu minic.

chloinn, agus labhraidh tu orra 'nuair a shuidheas tu a'd' thigh, agus an uair a dh'imicheas tu air an t-slighe, agus an uair a luidheas tu sìos, agus an uair a dh'éireas tu suas.

8 Agus ceanglaidh tu iad mar chomhar air do làimh, agus bithidh iad mar eudanain eadar do shùilibh.

9 Agus sgrìobhaidh tu iad air ursainnibh do thighe, agus air do gheataibh.

10 Agus an uair a bheir an Tighearna do Dhia thu do'n fhearann a mhionnaich e do d' aithreachaibh, do Abraham, do Isaac, agus do Iacob, gu'n d'thugadh e dhuit bailtean mòra agus matha nach do thog thu féin,

11 Agus tighean làn do gach ní math nach do fhon thu, agus tob-raiche cladhaidhte nach do chladhaich thu, fhon-liosan agus liosan-olaidh nach do shuidhich<sup>b</sup> thu, 'nuair a dh'itheas tu agus a bhios tu air do shàsachadh;

12 An sin thoir an aire air eagal gu'n di-chuimhnich thu an Tighearn a thug a mach thu a tìr na h-Eiphit, a tigh na daorsa.

13 Bithidh eagal an Tighearna do Dhé ort, agus ní thu seirbhis dha, agus mionnaichidh tu air 'ainm.

14 Cha d'théid sibh an déigh dhiathan<sup>c</sup> eile, do dhéibh an t-sluaigh a *tha* m'an cuairt oirbh:

15 (Oir *tha* 'n Tighearna do Dhia na Dhia eudmhor 'nar measg) an t-eagal gu'n las fearg an Tighearna do Dhé a'd' aghaidh, agus gu'n sgrios e thu o aghaidh na talmhainn.

16 Cha bhrosnaich<sup>d</sup> sibh an Tighearna bhur Dia, mar a bhrosnaich sibh e ann am Masah.

17 Gleidhidh sibh gu dìchiollach àitheantan an Tighearna bhur Dé, agus a theisteis, agus a reachdan a a dh'àithn e dhuit.

18 Agus ní thu an ní sin a ta ceart agus math ann an sealladh an Tighearna; a chum as gu'n éirich gu math dhuit, agus gu'n d'théid thu steach, agus gu'n sealbhaich thu am fearann math a mhionnaich an Tighearna do t'aithreachaibh;

19 Á thigeadh a mach do naimhdean uile romhad, mar a labhair an Tighearna.

20 'Nuair a dh'fhiosraicheas do mhac dhìot san aimsir ri teachd, ag ràdh, Cìod *is ciall* do na teisteasaibh, agus do na reachdaibh, agus do na breitheanasaibh, a dh'àithn an Tighearna ar Dia dhuibh?

21 An sin thoir thu ri d' mhac, Bha sinn 'nar tràillibh aig Pharaoh

<sup>b</sup> phlanndaich.

<sup>c</sup> dhée.

<sup>d</sup> bhuair.

san Eiphit, agus thug an Tighearn a mach sinn as an Eiphit le làimh, chumliachdaich.

22 Agus nochd an Tighearna comharan agus iongantasan mora agus doilgheasach san Eiphit, air Pharaoh, agus air a theaghlach uile, fa chomhair ar sùl;

23 Agus thug e mach sinn as sin, a chum gu'n d'thugadh e sinn a stigh, a thoirt dhuinn an fhearainn a mhionnaich e d'ar n-aithreachaibh.

24 Agus dh'aithn an Tighearna dhuinn na reachda sin uile a dheanamh, eagal an Tighearn ar Dé bhi oirnn a chum ar maith a ghnàth, a chum gu'n gleidheadh e beo sinn, mar air an là'n diugh.

25 Agus bithidh e na fhèantachd dhuinn, ma bhéir sinn fa'near na h-àitheanta so uile dheanamh, an làthair an Tighearn ar Dé, mar a dh'aithn e dhuinn.

CAIB. VII.

**N**UAIR a bheir an Tighearna do Dhia thu stigh do'n fhearann a chum am bheil thu dol g'a shealbhadh, agus a thilgeas e mach romhad mòran chinneach, na Hìtich, agus na Girsasach, agus na h-Amoraich, agus na Canaanaich, agus na Peridsich, agus na Hìbhich, agus na Iebusaich, seachd cinnich a's mò agus a's cumhachdaiche na thusa;

2 Agus an uair a bheir an Tighearna do Dhia iad thairis a'd' làthair; buailidh tu iad, agus cuiridh tu gu tur as doibh; cha dean thu coimhcheangal sam bith riu, ni mò a nochdas tu trècair dhoibh:

3 Ni mò a ri thu cleamhnas a riu; do nighean cha d'thoir thu d'a mhac-san, ni mò a ghabhas tu a nighean-san do d' mhacsa.

4 Oir toinndaidh iad do mhac o mise a leantuinn, a chum gu'n dean iad seirbhis do dhéibh eile: mar sin lasaidh fearg an Tighearna 'nar n-aghaidh, agus sgriosaidh e thu gu h-obann.

5 Ach mar so buinidh sibh riu: sgriosaidh sibh an altairean, agus brisidh sibh an dealbhan, agus gearraidh sibh sìos an doireachan, agus loisgidh sibh an coslais shnaidhte le teine.

6 Oir is sluagh naomha do'n Tighearna do Dhia thusa: thagh an Tighearna do Dhia thu gu bhi d' shluagh àraidh<sup>a</sup> dha fèin, os cionn gach sluaigh a ta air aghaidh na talmhainn.

7 Cha do ghràdhaich an Tighearna sibh, ni mò a thagh e sibh a

chionn gu'n robh sibh ni bu lìon-mhoire na sluagh sam bith eile; (oir is sibh bu tìrce do gach uile shluagh;)

8 Ach a chionn gu'n do ghràdhaich an Tighearna sibh, agus a chum gu'n gleidheadh e na mionnan a mhionnaich e d'ar n-aithreachaibh, thug an Tighearna mach sibh le làimh chumliachdaich, agus shaor e thu a tigh nan tràille, a làimh Pharaoh righ na h-Eiphit.

9 Biodh fios agad uime sin an Tighearna do Dhia, gur esan Dia, an Dia fìrinneach, a chumas coimhcheangal agus trècair riu-san a ghràdhaicheas e, agus a ghleidheas àitheanta, gu mìle ginealach;

10 Agus a dhìolas orra-san<sup>c</sup> a dh' fhuathaicheas, r'an eudan, a chum an sgrios: cha dean e moille d'a thaobh-san aig am bheil fuath dha; diolaidh e air r'a eudain.

11 Gleidhidh tu uime sin na h-àitheantan, agus na reachdan, agus na breitheanas, a tha mi'gàithneadh dhuit an diugh a dheanamh.

12 Uime sin, ma dh'éisdeas sibh ris na breitheanas sin, agus ma chloimhideas agus ma ni sibh iad; cumaidh an Tighearna do Dhia riutsa an coimhcheangal agus an trècair a mhionnaich e do d' aithreachaibh.

13 Agus gràdhaichidh e thu, agus beannaichidh e thu, agus ni e lìon-mhor thu: mar an ceudna beannaichidh e toradh do bhronn, agus toradh t'fhearainn, t'arbhar, agus t'fhìon, agus t'oladh, fàs do chruidh, agus treuda do chaorach, san fhearann a mhionnaich e do d' aithreachaibh a thabhairt duit.

14 Bithidh tu beannaichte os cionn gach sluaigh; cha bhi fìrionnach no bainionnach neo-thorrach 'nar measg, no measg bhuir sprèidhe.

15 Agus bheir an Tighearna uait gach eucail, agus cha chuir e ort a h-aon air bith do dhroch ghalaraidh na h-Eiphit (a's aithne dhuit) ach cuiridh e iad orra-san uile le'm fuathach thu.

16 Agus sgriosaidh tu an sluagh sin uile a bheir an Tighearna do Dhia thairis dhuit; cha ghabh do shùil truas riu: ni mò a ni thu seirbhis d'an déibh, oir bithidh sin na ribe dhuit.

17 Ma their thu ann ad chridhe, Is mò na cinnich sin na mise, cionnas is urrainn mise an cur a seilbh?

18 Cha bhi eagal ort rompa: ach cuimhnichidh tu gu math ciod a rinn an Tighearna do Dhia ri

<sup>a</sup> ceanglaiche-pòsaidh.

<sup>b</sup> sònruichte.

<sup>c</sup> a chui' ticheas, a dh'ais-iocas dhoibh-san.

Pharaon agus ris na h-Eiphitich uile;

19 Nadeuchainnean mòra a chunnaic do shùilean, agus na comharan, agus na h-iongantais, agus an làmh chumhachdach, agus an gairdean sìnte mach, leis an d'thug an Tighearna do Dhia mach thu: mar sin ni an Tighearna do Dhia ris an t-sluagh uile roimh am bheil eagal ort.

20 Os-bàrr, cuiridh an Tighearna do Dhia an consbeach<sup>a</sup> nam measg, gus am bi iadsan a dh'fhàgar, agus a dh'fhèlaicheas iad féin o d' ghnùis, air an sgrios.

21 Cha bhi uamhann ort rompa; oir tha 'n Tighearna do Dhia 'nar measg, Dia mòr, agus uamhasach.

22 Agus cuiridh an Tighearna do Dhia a mach na cinnich sin romhad a lòn beagan is beagan: cha 'n fheud thu an sgrios a dh'aon bheum, air eagal gu'm fàs fiadh-bheathaiche na machrach lòn-mhor ort.

23 Ach bheir an Tighearna do Dhia iad thairis duit, agus sgriosaidh e iad le sgrios mòr, gus an cuirear as doibh.

24 Agus bheir e an rìghre thairis do d' làimh, agus sgriosaidh tu an ainm o bhi fuidh ncamh: cha seas duine sam bith a' d' aghaidh, gus an cuir thu as doibh.

25 Dealbhan snaidhte an dèe loisgidh sibh le teine: cha mhiannaich thu 'n t-airgiod no 'n t-dr a ta orra<sup>b</sup>, ni mò ghabhas tu e dhuit féin, an t-eagal gu'n ribear thu leis: oir is gràineileachd e do'n Tighearna do Dhia.

26 Ni mò bheir thu gràinealachd do d' thigh, an t-eagal gu'm bi thu a' d' ni mallaichte còmhail ris: ach bheir thu fuath iomlan da, agus gabhaidh tu gràin deth gu tur, oir is ni mallaichte e.

#### CAIB. VIII.

**N**A h-àitheantan uile a tha mi ag àithneadh dhuit an diugh, bheir sibh an aire gu'n dean sibh iad, a chum gu'm bi sibh beo, agus gu'm fàs sibh lòn-mhor, agus gu'n d'fhéid sibh a stigh, agus gu'n sealbhaich sibh am fearann, a mhionnaich an Tighearna d'ar n-aithreachaibh.

2 Agus cuimhnichidh tu an t-slighe sin uile air an do thedraich an Tighearna do Dhia thu rè an dà fhichead bhliadhna so anns an fhàsach, gu d' irioslachadh, gu d' dhearbhadh, a chum gu'm biodh fios<sup>c</sup> ciod a bh' ann ad chridhe, an gleidheadh tu 'àitheanta no nach gleidheadh.

<sup>a</sup> cearnabhan, eirc-bheach; hornet. Sasg. <sup>b</sup> anna. <sup>c</sup> a dheanamh aithnichte, a leigeadh ris.

3 Agus dh'irioslaich e thu, agus thug e ort, ocras fhulang, agus bheathaich e thu le mana (ni nach b'aithne dhuit féin, ni mò a b'aithne do d'aithreachaibh e) a chum gu'n d'thugadh e ort fios a bhi agad nach ann le h-aran a mhàin a bheathaichear duine, ach leis gach focal a thig a mach a beul an Tighearna bithidh duine beo.

4 Cha do chaitheadh t'eudach dhìot le h-aois<sup>d</sup>, ni mò a dh'at do chos rè an dà fhichead bhliadhna-sa.

5 Bheir thu mar an ceudna fa'near ann ad chridhe, mar a smachdaicheas duine a mhac, gur ann mar sin a tha 'n Tighearna do Dhia 'g ad smachdachadh-sa.

6 Uime sin gleidhidh tu àitheantan an Tighearna do Dhé, a chum gu'n gluais thu na shligheibh, agus gu'm bi 'eagalsan ort.

7 Oir tha 'n Tighearna do Dhia 'g ad thabhairt gu fearann math, fearann shruthan uisgeacha, thobraichean, agus dhoimhneachdan a tha 'g éirigh suas air feadh ghleann agus air feadh bheann.

8 Fearann cruithneachd, agus eorna, agus fhìonaineann, agus chraobhan figis, agus phomgranat<sup>e</sup>, fearann oladli na craoibh-olaidh agus meala,

9 Fearann anus an ith thu aran gun ghoinne, cha bhi uireasbhuidh ni sam bith ort ann, fearann aig am bheil a chlachan nan iarunn<sup>f</sup>, agus as a bheanntaibh cladhaichear umha.

10 'Nuair a dh'itheas tu agus a shàsuichear thu, an sin beannaichidh tu 'n Tighearna do Dhia air son an fhearainn mhaith a thug e dhuit.

11 Thoir an aire nach di-chuimhnich thu 'n Tighearna do Dhia, air chor as nach gleidh thu 'àitheantan, agus a bhreitheanaidh, agus a reachdan, a tha mise ag àithneadh dhuit an diugh:

12 Air eagal an uair a dh'itheas tu, agus a shàsuichear thu, agus a thogas tu tighean matha, agus a chòmhnuicheas tu anna;

13 Agus a dh'fhàsas do bhuar<sup>g</sup> agus do chaoraich, agus a mheudaichear t'airgiod agus t'òr, agus a mheudaichear gach ni a ta agad;

14 Gu'm bi an sin do chridhe air a thogail suas, agus gu'n di-chuimhnich thu 'n Tighearna do Dhia a thug a mach thu a tìr na h-Eiphit, agus a tigh na daorsa;

15 A thedraich thu tre 'n fhàsach mhòr agus uamhasach sin, far an

<sup>d</sup> cha d'fhàs t-eudach sean ort.

<sup>e</sup> ghran-abhal.

<sup>f</sup> aig an tairngear iarunn a 'chlachaibh.

<sup>g</sup> chrodh.

*robh* naithreacha loisgeach, agus scorpiona, agus ionada tartmhor, far nach *robh* uisge; a thug a mach dhuit uisge as a' charraig aibhinn;

16 A bheathaich thu san fhàsach le mana, nach b'aithne do t'aithreachaibh, a chum gu'n irioslaicheadh e thu, agus gu'n dearbhadh e thu, a dheanamh maith dhuit ann ad laithibh deireannach;

17 Agus gu'n abair thu ann ad chridhe, Fluair mo chumhachd agus neart mo làimhe an saibhreas so dhomh.

18 Ach cuimhnichidh tu 'n Tighearna do Dhia: oir is esan a bheir comas dhuit beartas fhagail, a chum as gu'n daingnich e a choimhcheangal a mhionnaich e do t-aithreachaibh, mar air an là'n diugh.

19 Agus tarlaidh, ma dhi-chuimhnichas tu air chor sam bith an Tighearna do Dhia, agus gu'n gluais thu an déigh dhiathan eile, agus gu'n dean thu seirbhis doibh, agus gu'n dean thu aoradh dhoibh, tha mi toirt fianuis 'nar n-aghaidh an diugh, gu'n sgriosar gu tur sibh.

20 Mar na cinnich a tha 'n Tighearna a' sgrios roimh bhur gnùis, is amhuil sin a théid as duibhse; a chionn nach b'aill leibh bhi ùmhal do ghuth an Tighearna bhur Dé.

CAIB. IX.

**E**ISD, O Israel: *tha* thu gu gabhail thar Iordan an diugh, gu dol a steach a shealbhachadh chinneach a's mò agus a's treise na thu féin, bailtean mòra agus daingnichte suas gu nèamh,

2 Sluagh mòr agus arda, clann nan Anacim, a's aithne dhuit, agus m'an cual' thu air a ràdh, Cò is urrainn seasamh roimh chloinn Anaic?

3 Uime sin tuig thusa an diugh, gur e 'n Tighearna do Dhia an ti a théid thairis romhad na theine caiteach<sup>b</sup>: cuiridh esan as doibh, agus cuiridh e sìos iad a'd'fhiannuis: mar sin fògraidh tu mach iad, agus sgriosaidh tu iad gu grad, mar a thubhairt an Tighearna riut.

4 Na labhair ann do chridhe, an déigh do'n Tighearna do Dhia an t-ailgeadh a mach romhad, ag ràdh, Air sou m'fhìreantachd féin thug an Tighearna steach mi a shealbhachadh an fhearainn so: ach air son aingidheachd nan cinneach sin tha 'n Tighearna 'g am fògradh a mach o'd' làthair.

5 Cha'n ann air son t'fhìreantachd, no air son ionracais do chridhe tha thu dol a shealbhachadh an fearainn; ach air son aingidheachd nan cinneach sin tha 'n Tighearna do

Dhia 'g am fògradh a mach o'd' làthair-sa, agus a chum gu'n coimhlion e 'm focal a mhionnaich an Tighearna do t'aithreachaibh, Abraham, Isaac, agus Iacob.

6 Tuig uime sin nach ann air son t'fhìreantachd sa a tha'n Tighearna do Dhia a' toirt duit an fhearainn mhaith so r'a shealbhachadh; oir is sluagh rag-mhuinealach thu.

7 Cuimhnich, na di-chuimnich cionnus a bhrosnaich thu 'n Tighearna do Dhia gu feirg san fhàsach: o'n là san deachaidh tu mach a tìr na h-Eiphit, gus an d'thàinig sibh do'n àite so bha sibh ceannairceach an aghaidh an Tighearna.

8 Mar an ceudna ann an Horeb bhrosnaich sibh an Tighearna gu feirg, air chor as gu'n robh corruich air an Tighearna ribh a chum bhur sgrios.

9 'Nuair a chaidh mise suas do'n t-sliabh a ghabhail nan clàr chloiche, eadhon chlàr a' choimhcheangail a rinn an Tighearna ribh, an sin dh'fhan mi san t-sliabh dà fhichead là agus dà fhichead oidhche; cha d'i'h mi aran, ni mò a dh'òl mi uisge:

10 Agus thug an Tighearna dhomh dà chlàr chloiche sgrìobhta le meur Dhé; agus orra bha sgrìobhta réir nan uile bhriathran a labhair an Tighearna ribh san t-sliabh, a meadhon an teine, ann an là a' choimhchrinnich.

11 Agus tharladh an ceann dhà fhichead là agus dhà fhichead oidhche, gu'n d'thug an Tighearna dhomhs' an dà chlàr chloiche, eadhon clàir a' choimhcheangail.

12 Agus thubhairt an Tighearna rium, Éirich, imich sìos gu luath as so; oir thruaill do shluagh a thug thu mach as an Eiplit iad féin: chlaon iad gu grad o'n t-slighe a dh'àithn mise dhoibh; rinn iad dhoibh féin dealbh leaghta.

13 A bhàrr air so, labhair an Tighearna rium, ag ràdh, Chunnaic mi an sluagh so, agus feuch, is sluagh rag-mhuinealach iad.

14 Leig dhomh, a chum as gu'n sgrios mi iad, agus gu'n dubh mi mach an ainm o bli fuidh nèamh: agus ni mi dhìotsa cinneach a's cumhachdaiche agus a's mò na iadsan.

15 Mar sin phill mi, agus thàinig mi nuas o'n t-sliabh, agus bha 'n sliabh a' losgadh le teine: agus bha dà chlàr a' choimhcheangail a'm' dha làimh.

16 Agus dh'amhairc mi, agus feuch, bha sibh air peacachadh<sup>c</sup> an aghaidh an Tighearna bhur Dé, rinn

<sup>a</sup> barrachdail,  
204

<sup>b</sup> dian-loisgeach.

<sup>c</sup> bha sibh 'an déigh peacachaidh.



sibh laogh leaghta dhuibh féin : bha sibh air tionndadh a thaobh gu grad as an t-slighe a dh'àithn an Tighearna dhuibh.

17 Agus ghlac mi an dà chlàr agus thilg mi as mo dhà làimh iad, agus bhris mi iad fa chomhair bhur sùil.

18 Agus thuit mi sìos<sup>a</sup> am fianuis an Tighearna, mar air tùs, dà fhichead là agus dà fhichead oidhche ; cha d'ith mi aran, ni mò dh'òl mi uisge, air son bhur peacannan uile a pheacaich sibh le olc a dheanamh ann an sealladh an Tighearna, 'ga bhrosnachadh gu feirg.

19 (Oir bha eagal na feirg orm, agus na ro-chorruich leis an robh an Tighearna feargach 'nar n-aghaidh-sa chum bhur sgrios.) Ach dh'éisd an Tighearna rium san àm sin mar an ceudna.

20 Agus bha ro-fhearg air an Tighearna ri h-Aaron a chum a sgrios : agus rinn mi urnuigh mar an ceudna air son Aaron san àm sin féin.

21 Agus ghabh mi bhur peacadh, an laogh a rinn sibh, agus loisg mi e le teine, agus phronn mi e, agus mheil mi gu min e, *eadhon* gus an d'rinneadh min e mar dhuslach : agus thilg mi a dhuslach<sup>b</sup> san t-sruth a thàinig a nuas o'n t-sliabh.

22 Agus aig Taberah, agus aig Masah, agus aig Cibrot-Hataabhah, bhrosnaich sibh an Tighearna gu feirg.

23 Mar an ceudna 'nuair a chuir an Tighearna sibh o Chades-barnea, ag ràdh, Rachaibh suas, agus sealbhaichibh am fearann a thug mise dhuibh ; an sin rinn sibh ceannairc an aghaidh àithne an Tighearna bhur Dé, agus cha do chreid sibh e, ni mò a dh'éisd sibh r'a ghuth.

24 Bha sibh ceannairceach an aghaidh an Tighearna, o'n là a b'aithe dhomhsa sibh.

25 Mar so thuit mi sìos am fianuis an Tighearna dà fhichead là agus dà fhichead oidhche, mar a thuit mi sìos *air tùs*<sup>c</sup> ; a chionn gu'n dubhairt an Tighearna gu'n sgriosadh e sibh.

26 Uime sin rinn mi urnuigh ris an Tighearna, agus thubhairt mi, O Thighearna Dhé, na sgrios do shluagh féin, agus t'oghreachd, a shaor thu tre do mhòrachd a thug thu mach as an Eiphit le làimh chumhachdaich.

27 Cuimhnicidh do sheirbhisich, Abraham, Isaac, agus Jacob ; na h-anbhairc air reasgachd an t-sluaigh so, no air an aingidheachd, no air am peacadh :

28 Air eagal gu'n abair am fear-

ann as an d'thug thu mach sin, A choinn nach b'urrainn an Tighearna an toirt a steach do'n fhearann a gheall e dhoibh, agus a choinn gu'n robh fuath aige dhoibh, thug e mach iad g'am marbhadh 'san fhàsach.

29 Gidheadh is iad do shluagh iad, agus t'oghreachd, thug thu mach le d' thréin neart, agus le d' ghairdean sìnte mach.

## CAIB. X.

SAN àm sin thubhairt an Tighearna rium, Snaidh dhuit féin dà chlàr chloiche cosmhuil ris na ceud chlàir, agus thig a nìos a'm' ionnsuidhsa do'n t-sliabh<sup>d</sup>, agus dean dhuit àirc fhiodha.

2 Agus sgrìobhaidh mise air na clàir na focail a bh'air na ceud chlàir a bhris thu, agus cuiridh tu iad san àirc.

3 Agus rinn mi àirc do fhiodh sitim, agus shnaidh mi da chlàr chloiche cosmhuil ris na ceud chlàir, agus chaidh mi suas do'n t-sliabh, agus an dà chlàr a'm' làimh.

4 Agus sgrìobh e air na clàir a réir a' cheud sgrìobhaidh, na deich àirheantan, a labhair an Tighearna ribh san t-sliabh, a meadhan an teine, ann an là a' choimhchrui-nich : agus thug an Tighearna iad dhomhsa.

5 Agus phill mise, agus thàinig mi nuas o'n t-sliabh, agus chuir mi na clàir san àirc a rinn mi, agus an sin thàiad, mar a dh'àithn an Tighearna dhomh.

6 Agus dh'imich clann Israeil o Bherot chloinn Iaacain gu Mosera : an sin fhuair Aaron bàs, agus dh'adhlacaidh e 'n sin ; agus fhrithheil Eleasar a mhac ann an dreuchd an t-sagairt na àite.

7 As sin dh'imich iad gu Guldodah, agus o Ghuldodah gu Iotbat, fearann shruthan<sup>e</sup> uisge.

8 San àm sin chuir an Tighearna air leth treubh Lebhi, a ghiùlan àirc coimhcheangail<sup>f</sup> an Tighearna a sheasamh an làthair an Tighearna gu frithealadh dha, agus a bheannachadh na ainm, gus an là'n diugh.

9 Uime sin cha 'n'eil aig Lebhi roinn no oighreachd maille r'a bhràithribh : is e 'n Tighearna a's oighreachd dha, a réir mar a gheall an Tighearna do Dhia dha.

10 Agus dh'fhan mi san t-sliabh, a réir na ceud ùineg, dà fhichead là agus dà fhichead oidhche, agus dh'éisd an Tighearna rium mar an ceudna san àm sin, agus cha bu toil leis an Tighearna thusa a sgrios.

11 Agus thubhairt an Tighearna

<sup>a</sup> dh'islich mi mi féin, rinn mi aoradh.  
<sup>b</sup> smùr, <sup>c</sup> anns an d'islich mi mi féin.

<sup>d</sup> do'n bheinn. <sup>e</sup> aibhnichean.  
<sup>f</sup> cunraidh. <sup>g</sup> laithean. Eabh.

trium, Eirich, imich roimh 'n t-sluagh, a chum gu'n d'théid iad a steach, agus gu'n sealbhaich iad am fearann, a mhionnaich mid'an aithreachaibh gu'n d'thugainn doibh.

12 Agus a nis, Israel, ciod a *tha* 'n Tighearna do Dhia ag iarraidh ort, ach eagal an Tighearna do Dhé a blii ort, gluasad na uile shlighibh, agus a ghrádhachadh, agus seirbhis a dheanamh do'n Tighearna do Dhia le d' uile chridhe agus le d' uile anam;

13 Aitheantan an Tighearna a ghleidheadh, agus a reachdan a *tha* mise ag àithneadh dhuit an diugh air son do leas?

14 Feuch, is leis an Tighearna do Dhia nèamh, agus nèamh nan nèamh, an talamh *mar an ceudna* agus gach *ni* a ta ann.

15 A mhàin bha tlachd aig<sup>a</sup> an Tighearn a' t' aithreachaibh g'an grádhachadh, agus thagh e 'n sliochd nan déigh, *eadhon* sibhse os cionn gach sluagh, mar air an là'n diugh.

16 Timchioll-ghearraibh uime sin roimh-chroicinn bhur cridhe, agus na bithibh rag-mhuinealach nì's mò.

17 Oir an Tighearna bhur Dia, is esan Dia nan Dia, agus Tighearna nan Tighearna, Dia mòr, cumhachdach, agus uamhasach, aig nach 'eil bàigh ri neach *seach a chéile*, agus nach gabh duais<sup>b</sup>.

18 Tha e cur an gnìomh breith-eanais an dilleachdain agus na bantairich, agus is toigh leis an coigreach, a toirt dha bìdh agus endaich.

19 Uime sin gràdhaidhidh sibh an coigreach; oir bha sibh féin 'nar coigrich ann an tìr na h-Eiphit.

20 Bithidh eagal an Tighearna do Dhé ort; dhasan ni thu seirbhis, agus ris-san dlùth-leanaidh tu, agus air 'ainm mionnaichidh tu.

21 Is esan do chliu, agus is esan do Dhia, a rinn air do shon na nithe mòr agus uamhasach ud a chunnaic do shùilean.

22 Le trì fichead agus deich anmanna<sup>c</sup> chaidh t'aitheachia sìos do'n Eiphit; agus a nis rinn an Tighearna do Dhia thu mar reulta nèimh a thaobh lìonmhoireachd.

#### CALB. XI.

**A**IR an aobhar sin gràdhaidhidh tu 'n Tighearna do Dhia, agus gleidhidh tu a cliu<sup>d</sup>, agus a reachdan, agus a bhreith-eanais, agus 'aitheantan a ghnàth.

2 Agus biodh fios agaibhse an diugh: oir ni 'n *labhram* r'ar cloinn do nach b'aithne, agus nach faca

smachdachadh an Tighearna bhur Dé, a mhòrachd, a làmh chumhachdach, agus a ghàirdean sìnte mach,

3 Agus a chomharan, agus a ghlòimharan, a rinn e ann am meadhon na h-Eiphit, ri Pharaoh rìgh na h-Eiphit, agus r'a fhearann uile;

4 Agus ciod a rinn e ri armaill nan Eiphiteach, r'an eich, agus r'an carbadaibh, cionnus a thug e air uisge na mara ruaidhe dol tharta 'nuair a bha iad an tòir oirbh, agus cionnus a sgrios an Tighearna iad gus an là'n diugh;

5 Agus ciod a rinn e dhuibhse san fhàsach, gus an d'thàinig sibh do'n àite so;

6 Agus ciod a rinn e ri Datan agus Abiram mic Eliaib, mhic Reubein; cionnus a dh'fhosgail an talamh a bheil, agus a shluig e sìos iad, agus an teaghlaichean, agus am bùthan, agus a' mhaoin uile a *bha* nan seilbh, am meadhon Israeil uile.

7 Ach chunnaic bhur sùileansa gnìomhara mòra an Tighearn uile, a rinn e.

8 Uime sin gleidhidh sibh na h-aitheanta sin uile, a *tha* mi ag àithneadh dhuibh air an là'n diugh, a chum gu'm bi sibh làidir, agus gu'n d'théid sibh a stigh agus gu'n sealbhaich sibh am fearann gus am bheil sibh a' dol g'a shealbhachadh;

9 Agus gu'm buanaich sibh *bhur* làithean anns an fhearann a mhionnaich an Tighearna d'ar n-aithreachaibh gu'n d'thugadh e dhoibh e, agus d'an sliochd, fearann a tha sruthadh le bainne agus mil.

10 Oir cha 'n'eil am fearann d'am bheil thu dol a stigh g'a shealbhachadh, mar fhearann na h-Eiphit o'n d'thàinig sibh a mach, far an robh thu cur do shìl, agus 'g a uisgeachadh le d' chois, mar lios lus<sup>e</sup>:

11 Ach am fearann gus am bheil sibh a' dol g'a shealbhachadh, is fearann bheann agus ghleann e: do fhrasachd<sup>f</sup> nèimh òlaidh e uisge:

12 Fearann d'am bheil an Tighearna do Dhia a' gabhail cùrain: *tha* sùilean an Tighearna do Dhé air a ghnàth, o thoiseach na bliadhna eadhon gu deires na bliadhna.

13 Agus tarlaidh, ma dh'éisdeas sibh gu dùrachdach ri m' àitheantaibh<sup>g</sup> a *tha* mi ag àithneadh dhuibh air an là'n diugh, an Tighearna bhur Dia a ghrádhachadh, agus seirbhis a dheanamh dha le'r n-uile chridhe, agus le'r n-uile anam;

14 Gu'n d'thoir mise *dhuibh* uisge, bhur fearainn na àm féin, an ceud

<sup>a</sup> ròghnuich.

<sup>b</sup> ceannach.

<sup>c</sup> pearsanna.  
na dh'earb e riut.

<sup>d</sup> a thaisgeach,

<sup>e</sup> mar ghàradh lus.

<sup>f</sup> fheurtuian.

<sup>g</sup> deireadh.

uisge agus an t-uisge deireannach, agus cruinnichidh tu stigh t'arbhar, agus t'fhìon, agus t'oladh.

15 Agus cuiridh mi fear a'd' mhachair do d' spréidh, agus ithidh tu agus sàsaichear thu.

16 Thugaibh an aire dhuibh féin, air eagal gu meallar bhur cridhe, agus gu'n claoibh sibh a leth-taobh, agus gu'n dean sibh seirbhis do dhéibh eile, agus gu'n dean sibh aoradh dhoibh:

17 Agus gu'n las fearg an Tighearna 'nar n-aghaidh, agus gu'n druid e suas n-éamh air chor as nach bi uisge sam bith ann, agus nach d'thoir am fearann a thoradh uaithe, agus gu'n sgriosar gu grad sibh as an fhearann mhath a tha 'n Tighearna a' tabhairt duibh.

18 Uime sin taisgidh sibh suas iad so mo bhriathra 'nar cridhe agus 'nar n-anam, agus ceanglaidh sibh iad mar chomhar air bhur làimh; agus bithidh iad mar eudanain eadar bhur sùilibh.

19 Agus teagaisgidh sibh iad d'ar cloinn, a labhairt orra 'nuair a shuidheas tu a'd' thigh, agus an uair a dh' imicheas tu air an t-slighe, agus an uair a luidheas tu sìos, agus an uair a dh'éireas tu suas.

20 Agus sgrìobhaidh tu iad air ursainnean doruis do thighe, agus air do gheataibh:

21 A chum as gu'm bi bhur laithean fionnhor, agus laithean bhur cloinne, san fhearann a mhionnaich an Tighearna d'ar n-aithreachaibh a thoirt doibh, mar laithean n-éimh air an talamh.

22 Oir ma ghleidheas sibh gu dùrachadh na h-àitheanta so uile a tha mise ag àithneadh dhuibh a dheanamh, an Tighearna bhur Dia a ghiadhachadh, gluasad na uile shligheibh, agus dlùth-leantuinn ris;

23 An sin tilgidh an Tighearna a mach na cinuich sin uile romhaibh, agus sealbhaichidh sibh cinnich a's mò agus a's cumbachdaiche na sibh féin.

24 Gach àit air an saltair buinn bhur cos, is libhse: o'n fhàsach, agus Lebanon, o'n abhuinn, an abhuinn Euphrates, eadhon gus an fhaireg a's faide mach, bithidh bhur crìoch.

25 Cha seas duine 'nar n-aghaidh: eagal agus geilt-chrith romhaibh cuiridh an Tighearna bhur Dia air gach fearann air an sal'air sibh, a réir mar a thubhairt e ribh.

26 Feuch, tha mise a' cur fa' comhair air an là'n diugh beannachadh agus mallachadh:

27 Beannachadh, ma bheir sibh géill a dh'aitheantaibh an Tigh-

a bhios sibh umhal.

earna bhur Dé, a tha mi ag àithneadh dhuibh air an là'n diugh;

28 Agus mallachadh, mur d'thoir sibh géill a dh'aitheantaibh an Tighearna bhur Dé, ach gu'n claoibh sibh o'n t-slighe a tha mi ag àithneadh dhuibh an diugh, a dhol an déigh dhiathan eile nach b'aithe dhuibh.

29 Agus tarlaidh, 'nuair a bheir an Tighearna do Dhia thu stigh do'n fhearann d'am bheil thu dol g'a shealbhachadh, gu'n cuir thu am beannachadh air sliabh Gheridim, agus am mallachadh air sliabh Ebal.

30 Nach 'eil iad air an taobh eile do Iordan, leth ri slighe dol fuidhe na gréine, ann an tìr nan Canaanach, a tha 'g àiteachadh a' chòmhnaird fa chomhair Ghilgail, làimh ri còmhnardaibh<sup>c</sup> Mhoreh?

31 Oir théid sibh thar Iordan a dhol a stigh a shealbhachadh an fhearainn a tha 'n Tighearna bhur Dia a' toirt duibh, agus sealbhaichidh sibh e, agus gabhaidh sibh còmhnuidh ann.

32 Agus bheir sibh an aire gu'n dean sibh na reacldan uile agus na breitheanais, a tha mi cur romhaibh air an là'n diugh.

#### C A I B. XII.

**I**S iad so na reachdan agus na breitheanais a bheir sibh<sup>e</sup> fa'near gu'n dean sibh san fhearann a tha 'n Tighearna, Dia t'aithreacha, a' toirt duit g'a shealbhachadh, uile laithean bhur beatha air an talamh.

2 Léir - sgriosaidh sibh na h-àiteachan uile anns an d'rinn na cinnich a shealbhaicheas sibh seirbhis d'an déibh, air na beanntaibh arda, agus air na cnocaibh, agus fuidh gach craoibh ghlais.

3 Agus leagaidh sibh sìos an altair-eàn, agus brisidh sibh an caraigh-eàn<sup>d</sup>, agus loisgidh sibh an doir-eachan le teine, agus gearraidh sibh sìos dealbhan snaidhte an dée, agus sgriosaidh sibh an ainm a mach as an àite sin.

4 Cha dean sibh mar sin ris an Tighearna bhur Dia.

5 Ach a dh'ionnsuidh an àite a ràghnaicheas an Tighearna bhur Dia as bhur treubhaibh uile, chum 'ainm a chur an sin, eadhon a dh'ionnsuidh àite-còmhnuidh-san iarraidh sibh, agus gus sin thig thu:

6 Agus bheir sibh gu sìu bhur tabhartais-loisgte<sup>e</sup>, agus bhur n-ìobairtean, agus bhur deachamh, agus tabhartais thogta bhur làinibh, agus bhur bòidean, agus bhur saor-

<sup>b</sup> éisd sibh ri. Eabh. <sup>c</sup> réidh-leanaibh; daragaibh. <sup>d</sup> dealbhan-cloiche. <sup>e</sup> ofrailean-loisgte.

thabhartais, agus cend-ghin bhur cruaidh agus bhur caorach.

7 Agus ithidh sibh an sin an là-thair an Tighearna bhur Dé, agus ni sibh gairdeachas anns gach ni ris an cuir sibh bhur làmh, sibh féin agus bhur teaghlach, anns an do bheannaich an Tighearna do Dhia thu.

8 Cha dean sibh a réir nan uile *nithe* a tha sinn a' deanamh an so an diugh, gach duine an ni a *tha* ceart na shùilibh féin.

9 Oir cha d'fhàinig sibh fathast a dh'ionnsuidh na fois, agus a dh'ionnsuidh na h-oighreachd, a *tha* 'n Tighearna bhur Dia a' tabhairt duibh.

10 Ach an *uair* a théid sibh thar Iordan, agus a ghabhas sibh còmh-nuidh san fhearann a bheir an Tighearna bhur Dia dhuibh r'a shealbhadh, agus an *uair* a bheir e fois dhuibh o'r naimhidibh uile mu'n cuairt, agus a ghabhas sibh còmh-nuidh gu tèaruinte,

11 An sin bithidh àit ann a thaghas an Tighearna bhur Dia, a thoirt air 'ainm còmh-nuidh a ghabhail ann; gu sin bheir sibh na h-uile *nithe* a *tha* mise ag àithneadh dhuibh; bhur tabhartais-loisgte, agus bhur n-ìobairte, bhur deachamh, agus tabhartais-thogta bhur làimh, agus taghadh bhur bùidean uile a bhòidicheas sibh do'n Tighearna.

12 Agus ni sibh gairdeachas an làthair an Tighearna bhur Dé, sibh féin, agus bhur mic, agus bhur nigh-eana, agus bhur n-òglaich, agus bhur ban-òglaich, agus an Lebhithreach a *tha* 'n taobh a stigh d'ar geataibh; do bhrìgh nach 'eil roinn no oighreachd aige maille ribh.

13 Thoir an aire dhuit féin nach ìobair<sup>a</sup> thu t'ìobairtean loisgte anns gach àit a chì sibh,

14 Ach anns an àit a thaghas an Tighearna as aon do d'fhreubhaibh, an sin ìobraidh tu t'ìobairtean-loisgte, agus an sin ni thu na h-uile *nithe* a *tha* mise ag àithneadh dhuit.

15 Gidheadh, feudaidd tu feoil a mharbhadh agus itheadh a' d'gheataibh uile, ge b'e ni air am bheil miann aig t'anam, a réir beannachaidh an Tighearna do Dhé a thug e dhuit: feudaidd an neo-ghlan agus an glan itheadh dheth; mar do'n bhoc earba, agus do'n fhiadh.

16 A mhàin cha 'n ith sibh an fhuil; air an talamh dòirtidh sibh i mar uisge:

17 Cha 'n fheud thu deachamh t'arbhair itheadh an taobh a stigh do d' gheataibh, no t'fhìona, no

t'olaidh, no ceud-ghin do chruidh no do chaorach, no h-aon air bith do d' bhòidibh a bhòidicheas tu, no do shaor-thabhartais, no tabhartais-thogta do làimh:

18 Ach an làthair an Tighearna do Dhé ithidh tu iad anns an àit a thaghas an Tighearna do Dhia, thu féin, agus do mhac, agus do nigean, agus t'òglach, agus do bhan-òglach, agus an Lebhithreach a *tha* 'n taobh a stigh do d' gheataibh: agus ni thu gairdeachas 'an làthair an Tighearna do Dhé anns gach ni ris an cuir thu do làmh.

19 Thoir an aire dhuit féin, nach tréig thu an Lebhithreach am feadh is beo thu air t'fhearann<sup>b</sup>.

20 'Nuair a leudaicheas an Tighearna do Dhia do chrìoch, mar a gheall e dhuit, agus a their thu, Ithidh mi feoil (a chionn gu bheil t'anam a' miannachadh feoil itheadh) a réir uile mhiann t'anma feudaidd tu feoil itheadh.

21 Ma bhios an t-àit, a thaghas an Tighearna do Dhia a chur 'ainme an sin, ro-fhada uait; an sin marbhaidh tu do d'bhuar, agus do d' threud, a thug an Tighearna dhuit, mar a dh'àithn mise dhuit, agus ithidh tu an taobh a stigh do d' gheataibh gach ni is miannach le t'anam.

22 Eadhon mar a dh'ithear an ruadh-bhoc, agus am fiadh, mar sin ithidh tu e: ithidh an neo-ghlan agus an glan deth air an aon dòigh:

23 A mhàin thoir an ro-aire nach ith thu 'n fhuil: oir is i'n fhuil a' bheatha; agus cha 'n fheud thu a' bheatha itheadh maille ris an fheoil.

24 Cha 'n ith thu i; air an talamh dòirtidh tu i mar uisge.

25 Cha 'n ith thu i, chum gu'n éirich gu math dhuit, agus do d' chloinn a'd' dhéigh, 'nuair a ni thu an ni a *ta* ceart ann an sùilibh an Tighearna.

26 A mhàin gabhaidh tu do nithe naomha a tha agad, agus do bhòidean, agus théid thu do'n àit a thaghas an Tighearna:

27 Agus ìobraidh tu t'ìobairtean-loisgte, an fheoil agus an fhuil, air altair an Tighearna do Dhé; agus dòirtear a mach fuil t'ìobairtean air altair an Tighearna do Dhé, agus ithidh tu 'n fheoil.

28 Thoir an aire, agus éisd ris na briathraibh sin uile a *tha* mi ag àithneadh dhuit, a chum gu'n éirich gu math dhuit féin, agus do d' chloinn a'd' dhéigh gu bràth, au uair a ni thu an ni a *tha* math agus

<sup>b</sup> rè do làithean uile air an talamh.

<sup>c</sup> Gleidh.

<sup>a</sup> ofrail, tiodhlaic, tairg.



cèart ann an sùilibh an Tighearna do Dhé.

29 'Nuair a ghearras an Tighearna do Dhia as na cinnich romhad, a tha thu dol a steach an sud a chum an sealbhadh, agus a thig thu nan àite, agus a ghabhas tu còmhnuidh nam fearann:

30 Thoir an aire dhuit féin nach ribear thu le'n leantuinn, an déigh dhoibh bhí air an sgrios as do làthair, agus nach fiosraich thu mu thimchioll an dée, ag ràdh, Cionnus a rinn na cinnich sin seirbhis d'an déibh? ní mise nár sin mar an ceudna.

31 Cha dean thusa mar sin ris an Tighearna do Dhia: oir gach gràin-ealachd do'n Tighearna a's fuathach leis, rinn iadsan d'an déibh; oir eadhon am mic agus an nigheana loisg iad san teine d'an déibh.

32 Gach nì a tha mise ag àithneadh dhuibh, thugaibh an aire gu'n dean sibh e: cha chuir thu ris, ní mò bheir thu nì sam bith uaith.

## CAIB. XIII.

**M**A dh'éireas suas 'nar measg fàidh, no fear a chi aisling<sup>a</sup>, agus, gu'n d'thoir e dhuit comhara<sup>b</sup> no iongantas,

2 Agus gu'n d'thig an comhara no'n t-iongantas gu crìch, air an do labhair e riut, ag ràdh, Rachamaid an déigh dhiathan eile (nach b'aithne dhuit) agus deanamaid seirbhis doibh:

3 Cha 'n éisd thu ri briathraibh an fhàidh sin, no ris an fhear sin a chi aisling: oir tha 'n Tighearna bhur Dia 'gar dearbhadh, a dh'fheuch-ainn am bheil sibh a' gràdhachadh an Tighearna bhur Dé le'r n-uile chridhe, agus le'r n-uile anam.

4 An déigh an Tighearna bhur Dé gluaisidh sibh, agus bithidh 'eagal-san oirbh, agus gleidhidh sibh 'aithneant, agus éisdidh sibh r'a ghuth, agus nì sibh seirbhis da, agus dlùth-leanaidh sibh ris.

5 Agus cuirear am fàidh sin, no am fear sin a chi aisling, gu bàs, (a chionn gu'n do labhair e chum sibhse chur air seacharan o'n Tighearna bhur Dia, a thug a mach sibh a tìr na h-Eiphit, agus a dh'fhuasgail sibh a tigh na daorsa, chum t'iomain a mach<sup>c</sup> as an t-slighe anns an d'aithn an Tighearna do Dhia dhuit imeachd,) mar sin cuiridh tu air falbh an t-olc as do mheadhon<sup>d</sup>.

6 Ma chuireas do bhràthair, mac do mhàthar, no do mhac féin, no do nighean, no bean phòsda t'uchd, no do charaid, a tha dhuit mar t'anam,

impidh ort ann an uaigneas, ag ràdh, Rachamaid agus deanamaid seirbhis do dhéibh eile, (nach b'aithne dhuit féin, no do t'aithreachaibh;

7 Eadhon do dhéibh nan cinneach a tha mu'n cuairt oirbh, am fagus duit, no fada uait, o'n dara ceann do'n talamh eadhon gus an ceana eile do'n talamh,)

8 Cha 'n aontaich thu leis, ní mò a dh'éisdeas tu ris; ní mò a ghabhas do shùil truas ris, ní mò a chaomhnas, no cheileas tu e.

9 Ach cuiridh tu gu cinnteach gu bàs e; bithidh do làmh féin an tús air g'a mharbhadh, agus an déigh sin làmh an t-sluaigh uile.

10 Agus clachaidh tu e le clach-aibh, a chum gu'm bàsaich e: a chionn gu'n d'iarr e do tharruinge o'n Tighearna do Dhia, a thug a mach thu a tìr na h-Eiphit, a tigh na daorsa.

11 Agus cluinidh Israel uile, agus bithidh eagal orra, agus cha dean iad nì's mò a leithid so do ghnìomh aingidh 'nar measg.

12 Ma chluinneas tu ann an aon do d' bhailtibh, a thug an Tighearna do Dhia dhuit gu còmhnuidh a ghabhail ann, *neach air bith* ag ràdh,

13 Chaidh daoine àraidh, clann Bheilial, a mach as bhur measg, agus bhuair<sup>f</sup> iad luchd-aiteachaidh am baile, ag ràdh, Rachamaid agus deanamaid seirbhis do dhéibh eile, (nach b'aithne dhuibh,)

14 An sin fiosraichidh tu agus rannsaichidh tu, agus feòraichidh tu gu dùrachdach: agus feuch, *mais* fìrinn e, agus gu'm bheil a' chùis deirbhte, gu'n do rinneadh a' ghràin-eileachd sin 'nar measg;

15 Gu cinnteach buailidh tu luchd-aiteachaidh a' bhaile sin le faobhar a' chlaidheimh, 'ga sgrios gu tur, agus gach nì a ta ann, agus a spréidh le faobhar a' chlaidheimh.

16 Agus cruinnichidh tu a' chreacha uile gu meadhon a shràide, agus loisgidh tu le teine am baile, agus a chreach uile gu h-iomlan, air son an Tighearna do Dhé: agus bithidh e na therr<sup>h</sup> a chaoidh; cha togar suas e nì's mò.

17 Agus cha lean ri d' làimhsa a' bheag do'n nì mhallaichte; a chum gu'm pill an Tighearna o lasair 'fheirge, agus gu nochd e tròcair dhuit, agus gu'n dean e iochd riut, agus gu'n d'thoir e ort fàs lìonmhor, mar a mhionnaich e do t'aithreachaibh:

18 'Nuair a dh'éisdeas tu ri guth

<sup>a</sup> a bhruadaireas brудар.

<sup>b</sup> sain-fhios.

<sup>c</sup> do chur air

seacharan.

<sup>d</sup> as bhur measg.

<sup>e</sup> do sgaradh, t'fhuadach.

<sup>f</sup> tharruing, mheall.

<sup>g</sup> spùinneadh.

<sup>h</sup> na charn.

an Tighearna do Dhé, a ghleidheadh  
‘aitheantán uile a *tha* mi ag àithn-  
eadh dhuit an diugh, a dheanamh  
an *ni a ta* ceart ann an sùilibh an  
Tighearna do Dhé.

CAIB. XIV.

**I**S sibhse clann an Tighearna bhur  
Dé: cha ghearr sibh sibh féin, ni  
mò a ni sibh lomadh air *bith* eadar  
bhur sùilean air son mairbh:

2 Oir is sluagh naomba thu do’n  
Tighearna do Dhia, agus thagh an  
Tighearn thu gu bhí a’d’ shluagh  
sònraichte dha féin, thar gach uile  
chinneach a *tha* air aghaidh na  
talmhainn.

3 Cha ’n ith thu ni gràineil sam  
bith.

4 Is iad so na beathaichean a dh’  
itheas sibh: an damh, a’ chaora,  
agus a’ ghabhar,

5 Am fiadh, agus an ruadh-bhoc,  
agus an dathais<sup>a</sup>, agus a’ ghabhar  
fhiahaich, agus an t-earr-gheal<sup>b</sup>,  
agus an damh fiadhaich, agus an  
somer<sup>c</sup>.

6 Agus gach beathach a roinneas  
an ionga, agus a sgoilteas sgoltadh  
an dà ionga, agus a chnàmhas a’  
chìr am measg nan ainmhidhean,  
sin ithidh sibh.

7 Gidheadh, iad so cha’n ith sibh,  
dhiubhsan a chnàmhas a’ chìr, no  
dhiubhsan a roinneas an ionga  
sgoilte, mar an càmhail, agus a’  
mhaigheach, agus an coinean; oir  
cnàmhaidh iad a’ chìr, ach cha  
roinn iad an ionga: neo-ghlan *tha*  
iad dhuibh.

8 Agus a’ mhuc, a chionn ge do  
roinn i’n ionga, nach cnàmh i a’  
chìr, *tha* i neo-ghlan dhuibh: d’am  
feoil cha ’n ith sibh, agus r’an  
cairbh chabhean sibh.

9 Iad so ithidh sibh dhiubhsan  
uile a *ta* sna h-uisgibh: gach ni air  
am bheil itean agus lannan, ithidh  
sibh;

10 Agus gach ni air nach ’eil  
itean agus lannan, cha’n ith sibh:  
*tha* e neo-ghlan dhuibh.

11 Gach eun glan ithidh sibh.

12 Ach is iad so *iadsan* do nach ith  
sibh: an iolair, agus an cnaimh-  
bhristeach, agus an iolar-uisge,

13 Agus an croman-gabhlaich<sup>d</sup>  
agus an clamhan, agus am faug<sup>e</sup> a  
réir a ghné,

14 Agus gach fitheach a réir a  
ghné,

15 Agus a’ chailleach-oidhche,  
agus an t-seabhaig-oidhche, agus a’  
chuach, agus an t-seabhag a réir a  
gné,

16 Agus a’ chailleach-oidhche  
bheag, agus a’ chailleach-oidhche  
mhòr, agus an eala,

17 Agus am pelican, agus an iolair  
fhionn, agus an sgarbh,

18 Agus a’ chorra-bhàn, agus a’  
chorra-ghlas a réir a gné, agus  
an t-adharcan-luachrach, agus an  
ialtag.

19 Agus *tha* gach ni snàigeach a  
dh’itealaicheas, neo-ghlan dhuibh:  
cha’n ithear iad.

20 Gach eun glan ithidh sibh.

21 Cha’n ith sibh ni sam bith a  
bhàsaicheas dheth féin<sup>f</sup>; bheir thu  
e do’n choigreach a *tha* ’n taobh a  
stigh do d’ gheataibh<sup>g</sup>, chum gu’n  
ith se e, no reic e ris an eilthireach<sup>h</sup>:  
oir is sluagh naomba thu do’n Ti-  
ghearna do Dhia. Cha bhruidh thu  
mean ann am bainne a mhàthar.

22 Bheir thu seachad gu ceart  
deachamh uile chinnis do shìl, a  
bheir am fearann uaith o bhliadhna  
gu bliadhna.

23 Agus ithidh tu ’m fianuis an  
Tighearna do Dhé, san àit a thaghas  
e chum ’ainm a chur an sin, deach-  
amh t’arbhair, t’fhìona, agus t’ol-  
aidh, agus ceud-ghin do chruidh,  
agus do chaorach; a chum gu  
fòghlum thu eagal an Tighearna do  
Dhé a bhí ort a ghnàth.

24 Agus ma bhios an t-slighe ro-  
fhada dhuit, air choras nach urrainn  
thu a ghiùlan, a choinn an t-àite bhì  
fada uait, a thaghas an Tighearna do  
Dhia a chur ’ainme an sin, an uair a  
bheannaicheas an Tighearna do Dhia  
thu:

25 An sin ni thu airgiod *deth*, agus  
ceanglaidh tu suas an t-airgiod a’d’  
làimh, agus thèid thu chum an àit a  
thaghas an Tighearna do Dhia.

26 Agus bheir thu an t-airgiod sin  
air son gach ni a mhiannaicheas  
t’anam, air son buair<sup>i</sup>, no air son  
chaorach, no air son fìona, no air  
son dibhe làidir, no air son gach ni  
a mhiannaicheas t’anam: agus ith-  
idh tu an sin an làthair an Tigh-  
earna do Dhé, agus ni thu gaird-  
eachas, thu féin, agus do theaghlach.

27 Agus an Lebhithiach a *tha* ’n-  
taobh a stigh do d’ gheataibh, cha  
tréig thu e: oir cha ’n ’eil roinn no  
oighreachd aige maille riut.

28 Aig crìoch thrì bliadhna bheir  
thu mach uile dheachamh do chinnis  
air a’ bhliadhna sin féin, agus taisg-  
idh tu suas e an taobh a stigh do d’  
gheataibh.

29 Agus thig an Lebhithiach, (a  
chionn nach ’eil roinn no oighreachd  
aige maille riut,) agus an coigreach,

<sup>a</sup> buabhul; iackmur. Eabh.

<sup>b</sup> pigarg; dishon. Eabh.

<sup>c</sup> Ierassa; chamois. Sasg.

<sup>d</sup> raah. Eabh. <sup>e</sup> daiah. Eabh.

<sup>f</sup> cairbh sam bith.

<sup>g</sup> a tha ann

do gheataibh. <sup>h</sup> fear dùthcha eile,

allmharach, atharrach. <sup>i</sup> cruidh.

agus an dilleachdan, agus a' bhan-trach, a *tha* 'n taobh a stigh do d' gheataibh, agus ithidh iad, agus sàsuichear iad; a chum gu'm beannaich an Tighearna do Dhia thu ann an uile oibribh do làmh a ni thu.

## CAIB. XV.

**A**N ceann *gach* seachd bliadhna ni thu fuasgladh.

2 Agus *is e* so modh an fluasglaidh: Gach fear fiacha a bheir *ni sam bith* air iasachd<sup>a</sup> d'a choimhearsnach, fuasglaidh<sup>b</sup> se *e*, cha 'n iarr e air 'ais *e* o 'choimhearsnach, no o 'bhràthair, a chionn gu'n gearr fuasglaidh an Tighearna dheth<sup>c</sup>.

3 O eilthireach feudaidd tu 'iarraidh air 'ais; ach *an ni* a's leat féin, a ta aig do bhràthair, fuasglaidh do làmh e.

4 Ach a mhàin an uair nach bi d'uireasbhuidheach sam bith 'nar measg: oir beannaichidh an Tighearna gu mòr thu san fhearann, a *tha* 'n Tighearna do Dhia a' toirt dhuit *mar* oighreachd, r'a shealbhadh:

5 A mhàin ma dh'éisdeas tu gu dùrachdach ri guth an Tighearna do Dhé, a thoirt an aire gu'n dean thu na h-àitheanta so uile, a *tha* mi 'g àithneadh dhuit air an là'n diugh.

6 Oir beannaichidh an Tighearna do Dhia thu, mar a gheall e dhuit; agus bheir thu air iasachd do mhòran chinneach, ach cha ghabh thu air iasachd; agus bithidh uachdranachd agad air mòran chinneach, ach cha bhi uachdranachd aca-san ort-sa.

7 Ma bhios 'nar measg duine bochd, aon do d' bhràithribh, an taobh a stigh aon do d' gheataibh, ann ad fhearann a *tha* 'n Tighearna do Dhia a' toirt duit, cha chruadhach thu do chridhe, ni mò a dhruideas tu do làmh o d' bràthair bochd:

8 Ach fosglaidh tu do làmh gu farsaing dha, agus gu cinnteach bheir thu air iasachd dha nì's leòr airson 'fheum, *do'n ni* a *tha* dh'easbhuidh air.

9 Thoir an aire nach bi smuain a'd' chridhe aingidh, ag ràdh, Tha 'n t-seachdamh bliadhna, bliadhna an fluasglaidh, am fagus; agus gu'm bi do shùil olc an aghaidh do bhràthar bhochd, agus nach d'thoir thu bheag dha, agus gu'n glaodh e ris an Tighearn a't' aghaidh, agus gu'm bi e na pheacadh dhuit.

10 Bheir thu dha gu deimhin, agus cha bhi doilgheas air do chridhe

'nuair a bheir thu dha: a choinn air son an ni so gu'm beannaich an Tighearn do Dhia thu a' t' oibribh uile, agus anns gach ni ris an cuir thu do làmh.

11 Oir cha bhi 'n tìr a chaoidh gun bhochd<sup>c</sup>: uime sin tha mi 'g àithneadh dhuit, ag ràdh, Fosglaidh tu do làmh gu farsaing do d' bhràthair, do d' bhochd, agus do d' uireasbhuidheach a'd' dhùthaich.

12 Ma reicear riut do bhràthair Eabhruidheach, no Ban-eabhruidheach, agus gu'n dean e seirbhis duit sè bliadhnan; an sin anns an t-seachdamh bliadhna leigidh tu leis dol saor uait.

13 Agus an uair a chuireas tu e mach saor uait, cha chuir thu air falbh e falamh:

14 Bheir thu dha gu pailt as do threud, agus as t'urrlar, agus a t'fhòn-amar: *as na nithibh sin* leis an do bheannaich an Tighearna do Dhia thu, bheir thu dha.

15 Agus cuimhnichidh tu gu'n robh thu féin a'd' thràill ann an tìr na h-Eiphit; agus shaor an Tighearna do Dhia thu: uime sin *tha* mi ag àithneadh so dhuit ann diugh.

16 Ach ma their e riut, Cha'n fhalbh mi uait; (a chionn gur toigh leis thu agus do thigh, do bhrìgh gu bheil e gu math agad;)

17 An sin gabhaidh tu minidh, agus cuiridh tu tre 'chluais e anns an doras, agus bithidh e na sheirbhiseach dhuit gu bràth: agus mar an ceudna ri d' bhan-oglaich nì thu mar sin.

18 Na measar e cruaidh leat, an uair a chuireas tu uait saor e; oir bha e dà uair co-math *dhuitse* ri seirbhiseach tuarasdail, le seirbhis a dheanamh dhuit sè bliadhnan: agus beannaichidh an Tighearna do Dhia thu anns gach nì a ni thu.

19 Gach ceud-ghin fìrionn a bheir ear am measg do chruidh<sup>f</sup>, agus am measg do threud, naomhaichidh tu do'n Tighearna do Dhia: cha dean thu obair sam bith le ceud-ghin do bhothas, ni mò a lomas tu ceud-ghin do chaorach.

20 Am fianuis an Tighearna do Dhé ithidh tu e o bhliadhna gu bliadhna, san ionad a thaghas an Tighearna, thu féin agus do theaghlach.

21 Agus ma bhios gaoid sam bith ann, crùbaiche, no doille, no droch ghaid sam bith, cha 'n lobair thu e do'n Tighearna do Dhia.

22 An taobh a stigh do d' gheataibh ithidh tu e; *ithidh* an glan agus

<sup>a</sup> an coingheall. <sup>b</sup> mathaidh, saoraidh. <sup>c</sup> chionn gu'n abrar fuasgladh an Tighearna ris.

<sup>d</sup> A chum nach bi.

<sup>e</sup> cha teirig, cha'n fhàilingich am bochd a chaoidh as an tìr.

<sup>f</sup> a thigh a'd' chrobh. <sup>g</sup> mhairt.

an neo-ghlan comh-ionann *deth*, mar do'n ruadh-bhoc, agus mar do'n fhiadh.

23 A mhàin 'fhuil cha 'n ith thu: air an talamh d'òrtidh tu i mar uisge.

CAIB. XVI.

**C**OIMHID m'ios Abib, agus cumaidh tu a' chàisg do'n Tighearna do Dhia: oir sa' mhìos Abib thug an Tighearna do Dhia thu mach as an Eiphit san oidhche.

2 Uime sin ìobraidh tu chàisg do'n Tighearna do Dhia, do'n treud agus do'n bhuar, san ionad a thaghas an Tighearna chum 'ainm a chur an sin.

3 Cha'n ith thu aran goirtichte<sup>a</sup> sam bith leatha: seachd laith an ithidh tu aran neo-ghoirtichte leatha, *eadhon* aran àmhghair, (oir le cabhaig thàinig thu mach a tìr na h-Eiphit,) a chum gu cuimhnich thu 'n là air an d'thàinig thu mach a tìr na h-Eiphit, uile laithean do bheatha.

4 Agus cha 'n fhaicear agad *aran* goirtichte a'd' chrìochaibh uile rè sheachd laithean: nì mò a mhaireas a' *bheag* do'n fheoil a dh'ìobras tu air feasgar sa' cheud là, re na h-oidhche gu maduinn.

5 Cha 'n fheud thu chàisg ìobradh an taobh a stigh aon air bith do'd' gheataibh, a bheir an Tighearna do Dhia dhuit.

6 Ach aig an àit a thaghas an Tighearna do Dhia a chur 'ainme ann, an sin ìobraidh tu chàisg air feasgar, aig dol fuidhe na gréine, san àm an d'thàinig thu mach as an Eiphit.

7 Agus ròistidh agus ithidh tu i san àit a thaghas an Tighearna do Dhia: agus pillidh tu sa' mhaduinn, agus thèid thu do d' bhùthaibh.

8 Sè laithean ithidh tu *aran* gun ghoirteachadh; agus air an t-seachdamh la *bithidh* ard choimhchruinn-each do'n Tighearna do Dhia: cha dean thu obair sam bith *air*.

9 Seachd seachduinean àirmhidh tu dhuit féin: o'n àm san tòisich thu air a' chorrán a chur san arbhar, tòisichidh tu air na seachd seachduinean àireamh.

10 Agus cumaidh tu féisd<sup>b</sup> nan seachduine do'n Tighearna do Dhia, le tiodhlac saor-thoil thabhartais do làimh, a bheir thu *seachd* a réir mar a bheannaich an Tighearna do Dhia thu.

11 Agus nì thu gairdeachas an làthair an Tighearna do Dhé, thu féin, agus do mhac, agus do nighean, agus t'òglach, agus do bhan-oglach, agus an Lebhitheach a *tha* 'n taobh a stigh do d' gheataibh, agus an coig-

reach, agus an dilleachdan, agus a' bhantrach a *tha* 'nar measg, san ionad a thàgh an Tighearna do Dhia a chur 'ainme ann.

12 Agus cuimhnichidh tu gu'n robh thu féin a'd' thràill san Eiphit: agus coimhididh tu, agus nì thu na reachda so.

13 Cumaidh tu féisd<sup>c</sup> nam pàilluna seachd laithean an déigh dhuit t'arbhar a chruinneachadh a stigh, agus t'fhion.

14 Agus nì thu gairdeachas a'd' fhéisd, thu féin, agus do mhac, agus do nighean, agus t'òglach, agus do bhan-oglach, agus an Lebhitheach, agus an coigreach, agus an dilleachdan, agus a' bhantrach, a *tha* 'n taobh a stigh do d' gheataibh.

15 Seachd laithean cumaidh tu féisd àraidh<sup>d</sup> do'n Tighearna do Dhia, san ionad a thaghas an Tighearna: a chionn gu'm beannaich an Tighearna do Dhia thu a't' chineas uile, agus ann an oibribh do làmh uile, uime sin nì thu gu deimhin gairdeachas.

16 Tri uaire sa' bhliadhna taisbeinear<sup>e</sup> t'fhirionnaich uile an làthair an Tighearna do Dhé, san ionad a thaghas e; ann an féisd an arain neo-ghoirtichte, agus ann am féisd nan seachduine, agus ann am féisd nam pàilluna: agus cha taisbeinear iad an làthair an Tighearna falamh.

17 Bheir gach duine seachad mar is urrainn e, a réir beannachaidh an Tighearna do Dhé, a thug e dhuit.

18 Breitheamhnan, agus uachdarain nì thu dhuit féin an taobh a stigh do d' gheataibh uile, a bheir an Tighearna do Dhia dhuit air feadh do threubh: agus bheir iad breth air an t-sluagh le ceart breitheanas.

19 Cha dean thu breitheanas fhiaradh; cha bhì bàigh agad ri neach seach a chéile, nì mò a ghabhas tu tiodhlac<sup>f</sup>: oir dallaidh an tiodhlac sùile nan daoine glic, agus fiaraidh<sup>g</sup> e briathra nan ionracan.

20 An nì sin a ta uile-cheart leanaidh tu, a chum gu'm bì thu beo, agus gu'n sealbhaich thu 'm fearann, a *tha* an Tighearna do Dhia a' tabhairt dhuit.

21 Cha suidhich thu dhuit féin doire<sup>h</sup> chraobhan sam bith làimh ri altair an Tighearna do Dhé, a nì thu dhuit féin.

22 Nì mò a chuireas tu suas dhuit féin dealbh<sup>i</sup> sam bith, nì a's fuathach leis an Tighearna do Dhia.

CAIB. XVII.

**C**HA 'n ìobair thu do'n Tighearna do Dhia tarbh, no caora anns

<sup>c</sup> féill.

<sup>d</sup> ard, shònruichte.

<sup>e</sup> nochdar.

<sup>f</sup> gibht.

<sup>g</sup> truaidhidh.

<sup>h</sup> bad.

<sup>i</sup> ìomhaigh, coslas.

<sup>a</sup> laibhinte.

<sup>b</sup> feill, cuirm.



am bheil gaoid, no mi-mhaise sam bith: oir is gràineileachd sin do'n Tighearna do Dhia.

2 Ma gheibhear 'nar measg, an taobh a stigh aon do d' gheataibh a bheir an Tighearna do Dhia dhuit, fear no bean, a rinn aingidheachd ann an sùilbh an Tighearna do Dhé, le 'choimhcheangal a bhriseadh,

3 Agus gu'n deachaidh e agus gu'n d'rinn e seirbhis do dhéibh eile, agus gu'n d'rinn e aoradh dhoibh, aon chuid do'n ghréin, no do'n ghealaich, no do uile armait néimh<sup>a</sup> nach d' àithn mise;

4 Agus gu'n d'innseadh dhuit e, agus gu'n cuala tu e, agus gu'n do rannsaich thu gu math, agus feuch gur fìor e, agus gu bheil a' chuis deirbhidh, gu'n do rinneadh a' ghràineileachd sin ann an Israel;

5 An sin bheir thu mach am fear sin, no a' bhean sin (a rinn an nì aingidh sin) chum do gheatacha, eadhon, am fear sin, no a' bhean sin, agus clachaidh tu iad le clachaibh gus am bàsaich iad.

6 Aig beul dà fhianuis, no thri fianuisean, cuirear gu bàs esan a tha toillteanach air bàs: cha chuirear gu bàs e aig beul aon fhianuis.

7 Bithidh làmhna nam fianuisean air an toiseach, g'a chur gu bàs; agus na dheigh sin làmhnan an t-sluaigh uile: mar sin cuiridh tu 'n t-olc air falbh o bhuir measg.

8 Ma dh'éiricas cùis a bhios ro-chruaidh ort ann am breitheanas eadar fuil agus fuil, eadar breth<sup>b</sup> agus breth, agus eadar buille agus buille, eadhon cùisean conspoid an taobh a stigh do d' gheataibh; an sin éiridh tu, agus théid thu suas do'n ionad a thaghas an Tighearna do Dhia,

9 Agus thig thu chum nan sagart nan Lebhithiach, agus a chum a' bhreitheimh a bhios anns na laithibh sin, agus fiosraichidh tu; agus nochdaidh iad dhuit focal<sup>c</sup> a' bhreitheanais.

10 Agus ni thu a réir na breithe a nochdas muinntir an àite sin (a thaghas an Tighearna) dhuit, agus bheir thu 'n aire gu'n dean thu a réir gach nì a theagaisgeas iad duit:

11 A réir breith an lagha a theagaisgeas iad dhuit, agus a réir a bhreitheanais a dh'innseas iad duit, ni thu: cha chlaon thu o'n bhreth a nochdas iad duit, a chum na làimhe deise no na làimhe clìthe.

12 Agus an duine a ni<sup>d</sup> gu h-an-dàna<sup>e</sup>, agus nach éisd ris an t-

sagart, (a sheasas gu frithealadh an sin an làthair an Tighearna do Dhé,) no ris a' bhreitheamh, bàsaichidh eadhon an duine sin, agus cuiridh tu 'n t-olc air falbh o Israel.

13 Agus cluinidh an sluagh uile, agus bithidh eagal orra, agus cha dean iad gu h-an-dàna ni's mò.

14 'Nuair a thig thu chum an fhearainn a bheir an Tighearna do Dhia dhuit, agus a shealbhaicheas tu' e, agus a ghabhas tu còmhnuidh ann, agus a their thu, Cuiridh mi rìgh os mo cheann, mar na cinnich uile ta m'an cuairt orm:

15 Cuiridh tu air gach aon chor esan na rìgh os do cheann a thaghas an Tighearna do Dhia: aon omheasg do bhràithre cuiridh tu na rìgh os do cheann: cha 'n fheud thu coigreach a chur os do cheann, nach 'eil na bhràthair dhuit.

16 Ach cha chuir e eich an lìonmhoireachd dha féin, ni mò a bheir e air na t-sluagh pilleadh do'n Eiphit, a chum as gu'n cuir e eich an lìonmhoireachd: do bhrìgh gu'n dubhairt an Tighearna ribh, Cha phill sibh a so a mach ni's mò air an t-slighe sin.

17 Ni mò chuireas e mnàin an lìonmhoireachd dha féin, a chum nach claon a chridhe air falbh: ni mò a mheudaicheas e gu mòr dha féin airgid agus òr.

18 Agus an uair a shuidheas e air rìgh-chaitheir a rioghachd, an sin ath-sgrìobhaidh e dha féin an lagh so<sup>f</sup> ann an leabhar, as an leabhar sin a tha 'n làthair nan sagart nan Lebhithiach.

19 Agus bithidh e aige, agus leughaidh e ann, uile làithean a bheatha; chum gu fòghlum e eagal an Tighearn a Dhé a bhi air, uile bhriathran an lagha so a ghleidheadh, agus na reachd so, chum an deanamh:

20 A chum nach bi 'chridhe air a thogail suas os ceann a bhràithre, agus nach claon e o'n àithne chum na làimhe deise, no na làimhe clìthe: air chor as gu'm buanaiche a laith-ean na rioghachd, e féin agus a chlaon am meadhon Israeil.

## CAIB. XVIII.

CHA bhi aig na sagartaibh na Lebhithich, eadhon uile thréibh Lebhi, roinn sam bith no oighreachd maille ri h-Israel: ithidh iad tabhartais an Tighearna bheirear suas le teine, agus 'oighreachd-san.

2 Uime sin cha bhi oighreachd sam bith aca am measg am bràithre: is e 'n Tighearna féin an oighreachd, mar a thubhairt e riu.

<sup>a</sup> do h-aon do shlògh néimh.

<sup>b</sup> tagartas, cùis-lagha.

<sup>c</sup> binn.

<sup>d</sup> ghiùlainneas e féin.

<sup>e</sup> dalma.

<sup>f</sup> sgrìobhaidh e dha féin dùblachadh an lagha so.

3 Agus is e so dlighe nan sagart o'n t-sluagh, uatha-san a dh'ìobras lobairt, ma's tarbh no caora e; agus bheir iad do'n t-sagart an slinnean, agus na gialan, agus a' mhaodal.

4 Ceud thoradh *mar an ceudna* t'arbhair, t'fhìona, agus t'olaidh, agus ceud lomradh<sup>a</sup> do chaorach bheir thu dha:

5 Oir thagh an Tighearna do Dhia e mach as do threubhaidh uile, gu seasamh chum frithealaidh ann an ainm an Tighearn, e féin agus a mhic gu bràth.

6 Agus ma thig Lebhitheach o h-aon do d' gheataibh a mach a h-Israel uile, far am bheil e air chuairt, agus ma thig e le uile thogradh<sup>b</sup> inntinn do'n ionad a thaghas an Tighearna;

7 An sin frithealaidh e ann an ainm an Tighearn a Dhé, mar a bhràithrean uile na Lebhithich, a tha nan seasamh an sin an làthair an Tighearna.

8 Bithidh ac' uiread ri chèile r'a itheadh, a bhàrr air na thig air o reiceadh a chuid duine-cloinne.

9 'Nuair a thig thu do'n fhearann a tha 'n Tighearna do Dhia a' toirt duit, cha 'n fhìoghlum thu dheanamh a réir gràinealachd nan cinn-each sin.

10 Cha'n fhaighear 'nar mcasg *neach air bith* a bheir air a mhac, no air a nigheann dol tre'n teine, no ghnàthaicheas fiosachd, no speurad-air<sup>b</sup>, no fear-fàistineachd, no ghnàthaicheas droch innleachda<sup>c</sup>.

11 No seumadair<sup>d</sup>, no neach a dh'fhiosraicheas do leannan-sith<sup>e</sup>, no druidd, no neach a dh'iarras eòlas o na mairbh.

12 Oir is gràinealachd do'n Tighearn iadsan uile a nì na nithe sin; agus air son nan gràinealachd sin, tha'n Tighearna do Dhia gam fuadachadh a mach romhad.

13 Bithidh tusa coimhlionta maille ris an Tighearna do Dhia.

14 Oir dh'èisd na cinnich sin a shealbhaicheas tusa ri speuradairean, agus ri fiosaichibh: ach air do shon-sa, cha do leig an Tighearna do Dhia leat mar sin a dheanamh.

15 Togaidh an Tighearna do Dhia suas fàidh dhuit o d' mheadhon féin, o d' bhràithribh, cosmhuil riumsa; ris-san èisdidh sibh.

16 A réir nan uile nithe a dh'iarr thu o'n Tighearna do Dhia ann an Horeb, ann an là a' choimhchruinnich, ag ràdh, Na cluinneamsa ris guth an Tighearna mo Dhé, agus na

faiceam an teine mòr so nì's mò, a chum nach bàsaich mi.

17 Agus thubhairt an Tighearna riumsa, Is math a labhair iad an nì a labhair iad.

18 Togaidh mise suas fàidh dhoibh o mheasg am bràithre, cosmhuil riutsa, agus cuiridh mi mo briathra na bheul, agus labhairidh e riu gach nì a dh'athneas mi dha.

19 Agus tarlaidh, an duine nach èisd ri m' bhriathraibhse a labhras e a'm' ainm, iarraidh mi uaith e:

20 Ach am fàidh aig am bì dhànadas focal a labhairt a'm' ainm, nach d'athn mise dha a labhairt, no labhras ann an ainm dhiathan eile, gu cinnteach bàsaichidh am fàidh sin.

21 Agus ma their thu ann do chridhe, Cionnus a dh'athnìcheas sinn am focal nach do labhair an Tighearna?

22 'Nuair a labhras fàidh ann an ainm an Tighearna, mur tachair an nì, agus mur d'thig e gu crìch, is e sin an nì nach do labhair an Tighearna; gu h-an-dàna labhair am fàidh e cha bhì eagal ort roimhe.

#### CAIB. XIX.

'NUAIR a ghearras an Tighearna do Dhia as na cinnich, aig an robh am fearann a tha 'n Tighearna do Dhia a' tabhairt duit, agus a thig thu nan àite, agus a ghabhas tu còmhnuidh nam bailtibh<sup>f</sup>, agus nan tighibh;

2 Cuiridh tu air leth dhuit féin trì bailtean am meadhon t'fhearainn a bheir an Tighearna do Dhia dhuit r'a shealbhachadh.

3 Deasaichidh tu dhuit féin slighe, agus roinnidh tu crìochas t'fhearainn (a bheir an Tighearna do Dhia dhuit r'a shealbhachadh) nan trì earrannaibh, a chum gu feud gach marbhaiche teicheadh an sin.

4 Agus is e so cor<sup>h</sup> a' mharbhaiche, a theicheas an sin, a chum gu'm bì e beò: Ge b'e a mharbhas a choimhearsnach gun fhios da, do nach robh fuath aige roimhe<sup>i</sup>:

5 Mar a ta 'nuair a thèid duine maille r'a choimhearsnach do'n choille ghearradh fiodha, agus a bheir a làmh buille leis an tuidh a ghearradh sìos na craoibh, agus a leumas an ceann bhàrr na coise<sup>k</sup>, agus a thuiteas e air a choimhearsnach, air chor as gu'm bàsaich e; teichidh e chum aon do na bailtibh sin, agus bithidh e beo:

6 Air eagal gu'n lean dioghaltair na fola am marbhaiche, am feadh<sup>j</sup> 's a ta 'chridhe teth, agus gu'm beir e

<sup>a</sup> rùsgadh.

<sup>b</sup> mheasas aimsire

nì's àmhartanaiche na chèile.

<sup>c</sup> buitseachas.

<sup>d</sup> charmer. Sasg.

<sup>e</sup> spiorad fiosachd.

<sup>f</sup> caithreachaibh.

<sup>g</sup> iomall.

<sup>h</sup> cùis.

<sup>i</sup> an dé, no air a' bhònde.

Eabh.

<sup>k</sup> samkacha.

air, a chionn gu bheil an t-slighe fada, agus gu marbh se e, ge d' nach robh e toilteanach air bàs, do bhrìgh nach robh fuath aige dha san àm a chaidh seachad.

7 Uime sin thia mi ag àithneadh dhuit, ag ràdh, Cuiridh tu air leth dhuit féin tri bailte.

8 Agus ma leudaicheas an Tighearna do Dhia do chrìoch; (mar a mhlionnaich e do t'athreachaibh,) agus ma bheir e dhuit am fearann uile a gheall e thoirt do t'athreachaibh;

9 (Ma bheir thu an aire na h-àitheanta sin uile a dheanamh, a tha mise ag àithneadh dhuit an diugh, an Tighearna do Dhia a ghràdhachadh, agus gluasad a ghnàth na shligheibh,) an sin cuiridh tu air leth dhuit féin tri bailtean eile thuilleadh air an tri sin:

10 A chum nach dèirtear fuil neo-chiontach a't' fhearann, a bheir an Tighearna do Dhia dhuit mar oighreachd, agus nach bi mar sin fuil ort.

11 Ach ma tha aig duine sam bith fuath d'a choimhearsnach, agus gu'n luidh e 'm plaid air a shon,<sup>a</sup> agus gu'n éirich e suas na aghaidh, agus gu'm buail e gu marbhtach e, air chor as gu'm faigh e bàs, agus gu'n teich e gu h-aon do na bailtibh sin;

12 An sin cuiridh seanairean a bhaile féin fios uatha, agus bheir iad as sin e, agus bheir iad thairis e do làimh dìoghaltair na fola, a chum gu'm bàsaich e.

13 Cha ghabh do shùil truas ris, ach cuiridh tu air falbh cionta fola neo-chiontaich o Israel, a chum as gu'n éirich gu math dhuit.

14 Cha 'n atharraich thu crìoch fearainn do choimhearsnaich, a shuidhich na sinnsir a't' oighreachd a shealbhaicheas tu, anns an fhearann a bheir an Tighearna do Dhia dhuit r'a shealbhadh.

15 Cha 'n éirich aon fhianuis a mhaìn suas an aghaidh duine air son eucorach sam bith, no air son peacaidh sam bith, ann am peacadh sam bith a pheacaicheas e: aig beul dà fhianuis, no aig beul tri fianuisean daingnichear a' chùis.

16 Ma dh'èireas fianuis bhréige suas an aghaidh duine sam bith, a thoirt fianuis na aghaidh air an eucart;

17 An sin seasaidh an dithis dhaoine, aig am bheil an connasachadh, am fianuis an Tighearna, an làthair nan sagart, agus nam breith-eamhna a bhios anns na laithibh sin.

18 Agus ni na breitheamhna rann-

sachadh geur: agus feuch, ma's fianuis bhréige an fhianuis agus gu'n d'thug e fianuis bhréige an aghaidh a bràthar,

19 An sin ni sibh ris, mar a shaoil esan a dheanamh r'a bhràthair: mar sin cuiridh tu air falbh an t-olc as bhur measg.

20 Agus cluinnidh iadsan a mhair-eas, agus bithidh eagal orra, agus cha dean iad o sin a mach a shamhuil so do olc 'nar measg.

21 Agus cha gliabh do shùil truas; ach theid anam air son anma, sùil air son sùla, fiacail air son fiacra, làmh air son làimhe, cos air son coise.

## CAIB. XX.

'NUAIR a théid thu mach gu cath<sup>b</sup> an aghaidh do naimhdean, agus a chi thu eich agus carbaid, agus sluagh a's lìonnhòire na thu féin, na biodh eagal ort rompa: oir tha 'n Tighearna do Dhia maille riut, a thug a mach thu a tìr na h-Eiphit.

2 Agus an uair a dhlùthaicheas sibh ris a' chath, an sin thigh an sagart am fagus, agus labhraidh e ris an t-sluagh,

3 Agus their e riu, Eisd, O Israel, tha sibh an diugh a' dol gu cath an aghaidh bhur naimhde: na biodh bhur cridhe fann, na biodh eagal oirbh, agus na criotlaichibh, agus na biodh uamhann oirbh air an son;

4 Oir tha 'n Tighearna bhur Dia a' dol maille ribh, a chogadh air bhur son an aghaidh bhur naimhde, a chum bhur tearnadh.

5 Agus labhraidh an luchd-riaghlaidh ris an t-sluagh, ag ràdh, Cia am fear a thog tigh nomha<sup>c</sup>, agus nach do choisrig e? rachadh e agus pilleadh e chum a thighe, an t-eagal gu'm bàsaich e sa' chath, agus gu'n coisrig fear eile e.

6 Agus cia an duine a shuidhich fion-lìos, agus nach d'ith fathast dheth? rachadh esan mar an ceudna, agus pilleadh e g'a thigh, air eagal gu'm bàsaich e sa' chath, agus gu'n ith neach eile dheth.

7 Agus cia an duine a rinn ceangal-pòsaidh ri mnaoi, agus nach do ghabh d'a ionnsuidh i? rachadh e agus pilleadh e d'a thigh, air eagal gu'm bàsaich e sa' chath, agus gu'n gabh neach eile i d'a ionnsuidh.

8 Agus labhraidh an luchd-riaghlaidh a bhàrr air sin ris an t-sluagh, agus their iad, Cia an duine a ta gealtach, agus lag-chridheach? rachadh e agus pilleadh e d'a thigh, a chum nach dean e cridhe a bhràithre lag mar a chridhe féin.

9 Agus tarlaidh 'nuair a chuireas an luchd-riaghlaidh crìoch air labh-

<sup>a</sup> gu caith e feall air.

<sup>b</sup> cogadh.

<sup>c</sup> nuadh.

airt ris an t-sluagh, gu'n cuir iad ceannardan air na h-armailtibh gus an sluagh a thoirt air an aghaidh<sup>a</sup>.

10 'Nuair a thig thu 'm fagus do bhaile<sup>b</sup> gu cogadh na aghaidh, an sin gairmidh tu sìth dha.

11 Agus tarlaidh, ma bheir e freagradh na sìth dhuit, agus ma dh'fhosglaas e dhuit, an sin tarlaidh gu'm bi 'n sluagh uile a gheibhear ann fuidh chis dhuit, agus gu'n dean iad seirbhis dhuit.

12 Agus mnr dean e sìth riut, ach gu'n cog e riut, an sin cuiridh tu gu cruaidh na aghaidh<sup>c</sup>.

13 Agus an uair a bheir an Tighearna do Dhia thairis do d'làimh e, buailidh tu gach firionnach ann le faobhar a' chlaideimh.

14 Ach na mnàì, agus a' chlann bheag, agus an spréidh, agus na h-uile nithe a tha sa' bhaile, eadhon a' chreach uile, gabhaidh tu dhuit féin; agus ithidh tu creach do naimhdean, a thug an Tighearna do Dhia dhuit.

15 Mar so ni thu ris na bailtibh sin uile a tha ro-fhada uait, nach 'eil do bhailtibh nan cinneach sin.

16 Ach do bhailtibh an t-sluaigh sin a tha 'n Tighearna do Dhia a' toirt duit mar oighreachd, cha ghleidh thu ni sam bith beò anns am bheil anail:

17 Ach sgriosaidh tu gu tur iad, eadhon na Hitich, agus na h-Amoraich, na Canaanaich, agus na Peridich, na Hibhich, agus na Iebusaich, a réir mar a dh'áithn an Tighearna do Dhia dhuit:

18 A chum nach teagaisg iad duit a dheanamh a réir an uile ghràinealachd, a rinn iad d'an déibh; mar sin pheacaicheadh sibh an aghaidh an Tighearna bhur Dé.

19 'Nuair a chuireas tu gu cruaidh an aghaidh<sup>d</sup> baile rè uine fhada, a' deanamh cogaidh na aghaidh chum a ghlacadh, cha chuir thu as d'a chraobhaibh le tuadh a bhualadh orra: oir feudaidh tu itheadh dhiubh, agus cha ghearr thu sìos iad, (oir is i craobh na machrach beatha duine,) chum an gnàthachadh ann an cur an aghaidh a' bhaile.

20 A mhàin na craobhan a's aithne dhuit féin nach craobhan bìdh iad, sgriosaidh agus gearraidh tu sìos iad; agus togaidh tu daingnichean<sup>e</sup> an aghaidh a' bhaile a chogas riut gus an ceannsaich thu e<sup>f</sup>.

<sup>a</sup> gu'n àireamh ceannardan nan armailtean an sluagh fa leth.

<sup>b</sup> chathair. <sup>c</sup> cuiridh tu seisde ris, dubhaidh is teannaidh tu e.

<sup>d</sup> seisde-ri. <sup>e</sup> dùin chatha.

gus an glacar e.

MA gheibhear neach air a mharbhadh san fhearann a bheir an Tighearna do Dhia dhuit r'a shealbhadh, na luidhe sa' mhachair, agus gun fhios cò mharbh e;

2 An sin thig do sheanairean agus do bhreitheamhnan a mach, agus tomhaisidh iad a chum nam bailtean a tha mu'n cuairt a' mharbhadh.

3 Agus tarlaidh gu'n gabh am baile a's faigse do'n duine a mharbhadh, eadhon seanairean a' bhaile sin agh leis nach d'rinnadh obair, nach do tharruing riamh ann an cuing;

4 Agus bheir seanairean a' bhaile sin an t-agh sìos do ghleann garbh nach do threabhadh agus nach do shìol-chuireadh, agus gearraidh iad an sin amhach<sup>g</sup> an aighe dheth sa' ghleann;

5 Agus thig na sagairt mic Lebhi am fagus, (oir iadsan thagh an Tighearna do Dhia gu frithealadh dha féin, agus gu beannachadh ann an ainm an Tighearna,) agus a réir am focail-san crìochnaichear<sup>h</sup> gach uile chonnsachadh, agus gach uile bhuille.

6 Agus nighidh uile sheanairean a' bhaile sin a's faigse do'n duine a mharbhadh, an làmhan os ceann an aighe d'an do ghearradh an amhach sa' ghleann:

7 Agus freagraidh iad agus their iad, Cha do dhòirt ar làmhan an fhuil so, ni mò a' chunnaic ar sùilean i.

8 Bi tròcaireach, O Thighearna, do d' shluagh Israel, a shaor thu, agus na cuir fuil neo-chiontach a leth do shluaigh Israel. Agus mathar an fhuil dhoibh

9 Mar sin cuiridh tu air falbh cionta na fola neo-chiontaich o bhur measg, do bhrì<sup>i</sup> gu'n dean thu an ni a ta ceart ann an sùilibh an Tighearna.

10 'Nuair a thèid thu mach gu cogadh an aghaidh do naimhdean, agus gu'n d'thoir an Tighearna do Dhia thairis iad do d'làimh, agus gu'n dean thu braighde dhiubh,

11 Agus gu'm faic thu measg nam braighde bean sgiamhach, agus gu bheil déigh agad oirre, agus gu'm bu mhatl leat agad i na mnaoi;

12 An sin bheir thu dhachaidh i do d' thigh, agus bearraidh i a ceann, agus bheir i dhith a h-inean.

13 Agus cuiridh i dhith a h-eudach braighdeanais, agus fanaidh i a'd' thigh, agus ni i caoidh<sup>j</sup> air son a h-athar agus a màthar mìos iomlan: agus an déigh sin thèid thu steach

<sup>g</sup> muineal. <sup>h</sup> bithidh. Eabh. <sup>i</sup> caoinidh i.



d'a h-ionnsuidh, agus bithidh tu a't' fhear-pòsda<sup>a</sup> aice, agus bithidh ise na mnaoi agad.

14 Ach mur bi tlachd agad innte, an sin leigidh tu leatha dol far an àill leatha, ach cha reic thu idir air airgid i, ni mò a ni thu ain-tigh-earnas oirre<sup>b</sup>, a chionn gu'n d'islich thu i.

15 Ma bhios aig duine dà mhnaoi, aon diubh gràdhaichte agus an aon eile fuathaichte, agus ma rug iad clann da, *araon* a' bhean ghràdh-aichte agus a' bhean fhuathaichte; agus ma's leis a' mhnaoi fhuathaichte an ceud-ghin mic,

16 An sin tarlaidh, 'nuair a bheir e sealbh d'a mhic air an ni a ta aige, nach fheud e ceud-ghin a dheanamh do mhac na mnà gràdhaichte roimh mhac na mnà fuathaichte, a's e da rìreadh an ceud-ghin:

17 Ach gabhaidh e ri e mac na mnà fuathaichte mar an ceud-ghin le roinn dhùbailte a thoirt da do gach ni a ta aige; oir is esan toiseach a neirt, is leis còir a' cheud-ghin.

18 Ma bhios aig duine mac reasgach<sup>d</sup> agus ceannairceach, nach géill do ghuth 'athar, no do ghuth a mhàthar, agus an uair a smachdaicheas iad e, nach éisd riu:

19 An sin beiridh 'athair agus a mhàthair air, agus bheir iad a mach e gu seanairean a bhaile, agus gu geatadh 'aite féin;

20 Agus their iad ri seanairibh a' bhaile, *Tha ar mac so reasgach agus ceannairceach, cha d'thoire géill d'ar guth; tha e na gheòcair agus na mhisgeir.*

21 Agus clachaidh uile dhaoine a bhaile e le clachaibh a chum as gu'm bàsaich e: mar sin cuiridh tu òc air falbh as bhur measg, agus cluinnidh Israel uile, agus bithidh eagal orra.

22 Agus ma rinn duine peacadh a tha toillteanach air bàs, agus gu'm bi e r'a chur gu bàs, agus gu'n croch thu ri craoibh e:

23 Cha 'n fhan a chorp rè na h-oidhche air a' chraoibh, ach air gach aon chor adhaicidh tu e air an là sin féin (oir mallaichte le Dia *tha* esan a chrochadh:) agus cha salaich thu t'fhearann, a *tha* 'n Tighearna do Dhia a' toirt duit mar oighreachd.

CAIB. XXII.

'NUAIR a chi thu damh do bhràthar, no a chaora dol air seacharan, cha'n fholaich thu thu féin uatha: bheir thu air gach aon chor air an ais iad a ris a dh'ionnsuidh do bhràthar.

2 Agus mur bi do bhràthair làimh riut, no mur aithne dhuit e, an sin bheir thu e dh'ionnsuidh do thighe féin, agus bithidh e maille riut gus an iarr do bhràthair e, agus bheir thu air 'ais dha e.

3 Air a' mhodh cheudna ni thu r'a asal, agus mar so ni thu r'a eudach, agus mar so ni thu ris na h-uile nithibh caillte le d' bhràthair, a chaill e, agus a fhuair thusa: cha 'n fheud thu thu féin fholaich.

4 'Nuair a chi thu asal do bhràthar, no a dhamh a' tuiteam sìos air an t-slighe, cha'n fholaich thu thu féin uatha: gu cinnteach togaidh tu suas iad maille ris a ris.

5 Cha chaith bean an ni sin a's le fear ni mò a chuireas fear uime eudach mnà: oir is gràinealachd do'n Tighearna do Dhia iadsan uile a ni so.

6 Ma tharlas do nead eoin a bhi romhad san t-slighe ann an craoibh sam bith, no air làr, *ma's* eoin òg iad, no uibhean, agus a' mhàthair na suidheadh air an àlach<sup>e</sup>, no air na h-uibhibh, cha ghlac thu a' mhàthair maille ris an àlach:

7 Air gach aon chor leigidh tu leis a' mhàthair dol as, agus an t-àlach gabhaidh tu dhuit féin; a chum gu'n éirich gu math dhuit, agus gu'm buanaich thu do làithean.

8 'Nuair a thogas tu tigh nomha, an sin togaidh tu barr-bhalla d'a mhullach, a chum nach d'thoir thu fuil air do thigh, ma thuiteas duine sam bith o sin.

9 Cha chuir thu t'fhòn-lios le h-ìomadh gnè *sìl*, an t-eagal gu'n truailllear toradh do shìl a chuir thu, agus meas t'fhòn-lios.

10 Cha dean thu ar<sup>f</sup> le damh agus le h-asal maille ri chèile.

11 Cha chuir thu umad eudach measgta, *mar* do olann agus do lìon le chèile.

12 Ni thu dhuit féin fàbhras air ceithir cheithreanaibh t'eudaich leis an còmhdaich thu *thu féin*.

13 Ma ghabhas duine bean, agus gu'n d'fhéid e steach d'a h-ionnsuidh, agus gu'm fuathaich e i,

14 Agus gu'n d'thoir e aobhar cainnte na h-aghaidh, agus gu'n tog e suas droch ainm oirre, agus gu'n abair e, *Ghabh mi a' bhean so*, agus an uair a thàinig mi d'a h-ionnsuidh, cha d'fhuair mi na maighdinn i:

15 An sin gabhaidh athair na h-ighinn<sup>h</sup>, agus a màthair, agus bheir iad a mach *comharan* maighdeanaibh na h-ighinn gu seanairibh a' bhaile anns a' gheata.

<sup>a</sup> na t' fhear-pòsda.

<sup>b</sup> marsant-

achd leatha. <sup>c</sup> aoidhmichidh e gur e.

<sup>d</sup> eas-ùmhail.

<sup>e</sup> na h-eunaibh òga, iseanabhb.

<sup>f</sup> treabhadh. <sup>g</sup> faimean, oirean.

<sup>h</sup> na nighinn; na h-inghin. Eir.

16 Agus their athair na h-ighinn ris na seanairibh, Thug mi mo nigh-ean, do'n duine so na mnaoi, agus tha fuath aige oirre :

17 Agus feuch, thug e aobhar cainnte na h-aghaidh, ag ràdh, Cha d'fhuair mi do nighean na maighdinn ; agus gidheadh is iad sin comharan maighdeanaism nighinn : agus sgaoilidh iad an t-eudach an làthair sheanairean a' bhaile.

18 Agus gabhaidh seanairean a' bhaile sin an duine, agus smachdaichidh iad e :

19 Agus cuiridh iad ùbhla cheud *secel* airgid air, agus bheir iad do athair na h-ighinn iad, a chionn gu'n do thog e droch ainm air òigh do chloinn Israeil ; agus bithidh i na mnaoi aige, cha 'n fheud e a cur uaith r'a bhed.

20 Ach ma tha an ni so fìor, agus nach 'eil comharan maighdeanaism r'am faghail do'n nighinn ;

21 An sin bheir iad a mach an nighcan gu dorus tighe a h-athar, agus clachaidh daoine a baile i le clachaibh gus am bàsaich i ; a chionn gu'n d'oibrich i amaideachd ann an Israel le strìopachas a dheanamh ann an tigh a h-athar : mar sin cuiridh tu air falbh olc as bhur measg.

22 Ma gheibhear duine a' luidhe le mnaoi a tha pòda ri fear, an sin cuirear gu bàs iad le chéile, an duine a luidh leis a' mhnai, agus a' bhean : mar sin cuiridh tu olc air falbh o Israel.

23 Ma tha nighean, agus i na h-òigh, fuidh cheangal-pòsaidh aig fear, agus gu'm faigh duine i sa' bhaile, agus gu'n luidh e leatha :

24 An sin bheir sibh a mach iad le chéile gu geatadh a' bhaile sin, agus clachaidh sibh iad le clachaibh gus am bàsaich iad ; an nighean, a chionn nach do ghlaodh i, agus i bhi sa' bhaile ; agus am fear, a chionn gu'n d'islich e bean a choimhearsnaich ; mar sin cuiridh tu air falbh olc as bhur measg.

25 Ach ma gheibh fear sa' mhach-air nighean a tha fuidh cheangal-pòsaidh, agus gu'n éignich an duine i, agus gu'n luidh e leatha, an sin cuirear a mhàin an duine a luidh leatha gu bàs.

26 Ach air an nighinn cha dean thu bheag sam bith, cha 'n'eil san nighinn coire bàis : oir mar an uair a dh'éireas duine suas an aghaidh a choimhearsnaich, agus a mharbhas se e, mar sin a ta chùis so :

27 Oir fhuair e sa' mhachair i, agus dh'éigh an nighean a bha fuidh cheangal-pòsaidh, agus cha robh neach ann g'a teasairginn.

28 Ma gheibh duine nighean a tha

na h-òigh, nach 'eil fuidh cheangal-pòsaidh, agus gu'n dean e greim oirre, agus gu'n luidh e leatha, agus gu'm faighear iad ;

29 An sin bheir am fear a luidh leatha do athair na h-ighinn leth-cheud *secel* airgid, agus bithidh i na mnaoi aige, a chionn gu'n d'islich e i, cha 'n fheud e a cur uaith r'a bhed.

30 Cha ghabh duine d'a ionnsuidh bean 'athar, ni mò a leigeas e ris còmhdachadh 'athar.

# CAIB. XXIII.

CHA d'théid esan aig am bheil a chlochan air am bruthadh, no 'bhall dìomhair air a ghearradh dheth, a steach do choimhchrinneach an Tighearna.

2 Cha d'théid fear dìolain a steach do choimhchrinneach an Tighearna ; eadhon gu nuig an deicheamh ginealach cha d'théid e steach do choimhchrinneach an Tighearna.

3 Cha d'théid Amonach no Moabach a steach do choimhchrinneach an Tighearna ; eadhon gus an deicheamh ginealach cha d'théid iad a steach do choimhchrinneach an Tighearna a chaoidh.

4 A chionn nach do choinnich iad sibh le h-aran agus le h-uisge air an t-slighe, 'nuair a thàinig sibh a mach as an Eiphit, agus a chionn gu'n do thuarasdalaich iad a'd' aghaidh Balaam mac Bheoir o Phetor na Mesopotamia, chum do mhallachadh.

5 Gidheadh, cha 'n éisdeadh an Tighearn do Dhia ri Balaam ; ach thionndaidh an Tighearna do Dhia dhuit am mallachadh gu beannachadh, a chionn gu'm bu toigh leis an Tighearna do Dhia thu.

6 Cha 'n iarr thu an sìth, no an sonas rè t'uille làithean gu bràth.

7 Cha ghabh thu gràin do Edomach, oir is e do bhràthair e : cha ghabh thu gràin do Eiphiteach, a chionn gu'n robh thu a'd' choigreach na fhearann.

8 Théid a' chlann, a ghinear leosan, a steach do choimhchrinneach an Tighearna, nan treas ginealach.

9 'Nuair a théid t'fheachd<sup>b</sup> a mach an aghaidh do naimhdean, an sin gleidh thu féin o gach droch ni.

10 Ma bhios 'nar meas duine sam bith nach 'eil glan, a thaobh neoghloine a tharlas da san oidliche, an sin théid e mach as a' champ, cha d'thig e steach do mheadhon a' chaimp.

11 Ach an uair a bhios e dlùth do'n fheasgar, an sin nighidh se e féin le h-uisge, agus an uair a théid

<sup>a</sup> air an lotadh.

<sup>b</sup> t'armailt, do champa.

a' ghrian fodha<sup>a</sup>, thig e steach do mheadhon a chaimp.

12 Bithidh agad àite mar an ceudna an taobh a muigh do'n champ, far an d'théid thu mach.

13 Agus bithidh pleadhag<sup>b</sup> agad air do chrìos<sup>c</sup>, agus an uair a shuidheas tu a muigh, cladhaichidh tu leatha, agus tionndaidh tu air t'ais, agus folaichidh tu an nì a thig uait.

14 Oir tha 'n Tighearna do Dhia ag imeachd an meadhon do chaimp, chum do shaoradh, agus a chum do naimhdean a thoirt thairis romhad: uime sin bithidh do champ naomha, chum nach faic e nì sam bith neo-ghlan annad, agus nach pill e air falbh uait.

15 Cha d'thoir thu suas d'a mhaighsdir an seirbhiseach a chaidh as<sup>d</sup> a t' ionnsuidh o' mhaighsdir.

16 Maille riut gabhaidh e còmh-nuidh 'nar measg, anns an àit a thaghas e, an taobh a stigh aon do d' gheataibh far an taitniche leis: cha dean thu foirneart air.

17 Cha bhi strìopach air bith do nigheanaibh Israeil, nì mò bhios Sodomach do mhacaibh Israeil.

18 Cha d'thoir thu tuarasdal strìopaich, nò luach coin do thigh an Tighearna do Dhé air son bòid sam bith: oir tha iad sin eadhon le chéile nan gràinealachd do'n Tighearna do Dhia.

19 Cha d'thoir thu nì sam bith an coingheall<sup>e</sup> do d' bhràthair air riadh<sup>f</sup>; riadh airgid, riadh bidh, riadh nì sam bith a bheirear an coingheall air riadh.

20 Do choigreach feudaidd tu nì a thoirt an coingheall air riadh, ach do d' bhràthair cha d'thoir thu nì sam bith an coingheall air riadh; a chum gu'm beannaich an Tighearna do Dhia thu anns gach nì ris an cuir thu do làmh, san fhearann d'am bheil thu dol g'a shealbhachadh.

21 'Nuair a bheir thu bòid do'n Tighearna do Dhia, cha dean thu moille na h-ìocadh: oir gu cinnteach iarraidh an Tighearna do Dhia uait i; agus bhiodh e na pheacadh dhuit.

22 Ach ma dh'fhanas tu gun bhòid a thoirt, cha bhi e na pheacadh dhuit<sup>g</sup>.

23 An nì sin a chaidh mach as do bhilibh, coimhididh agus coimhlionaidh tu; a réir mar a bhòidich thu do'n Tighearna do Dhia, eadhon tabhartas saor-thoile, a gheall thu le d' bheul.

<sup>a</sup> fuidhe. <sup>b</sup> sluasaid. <sup>c</sup> air do  
bhall-airm. <sup>d</sup> theich. <sup>e</sup> iasachd.  
<sup>f</sup> ann-riadh, ocar. <sup>g</sup> annad.  
Eabh.

24 'Nuair a théid thu steach do fhìon-lios do choinhearsnaich, an sin feudaidd tu fìon-dhearc an itheadh mar is miann leat, eadhon do shàth; ach cha chuir thu bheag a'd' shoitheach.

25 'Nuair a théid thu steach a dh' arbhar do choinhearsnaich, an sin feudaidd tu na diasan a spionadh le d' làimh, ach corran cha chuir thu ann an arbhar do choinhearsnaich.

## CAIB. XXIV.

'NUAIR a ghabhas fear bean, agus a phòsas e i, agus gu'n tachair nach faigh i deagh-ghean na shùilb, a chionn gu'n d'fhuair e neo-ghloine éigin innte; an sin sgrìobhadh e litir-dhealachaidh<sup>h</sup> dh'i, agus thugadh e na làimh i, agus cuireadh e mach as a thigh i.

2 Agus an uair a dh'fhalbhas i mach as a thigh, feudaidd i dol agus a bhi na mnaoi aig fear eile.

3 Agus m<sup>i</sup> dh'fhuathaicheas am fear pòsda ma dheireadh so i, agus gu'n sgrìobh e litir-dhealachaidh dh'i, agus gu'n d'thoir e na làimh i, agus gu'n cuir e mach as a thigh i; no ma gheibh am fear ma dheireadh bàs, a ghabh i na mnaoi dha féin;

4 Cha 'n fheud a ceud fhear pòsda a chuir uaith i, a gabhail a ris gu bi na mnaoi dha, an deigh dh'i bhi air a truailleadh: oir is gràinealachd sin an làthair an Tighearna, agus cha d'thoir thu air an fhearann<sup>i</sup> peacachadh, a tha'n Tighearna do Dhia a' toirt duit mar oighreachd.

5 'Nuair a ghabhas duine bean nuadh, cha d'théid e mach gu cogadh, nì mò a chuirear cùram gnothuich sam bith air: fanaidh e saor aig a thigh féin aon bhliadhna, agus bheir e subhachas d'a mnaoi a ghabh e.

6 Cha ghabh duine sam bith a' chlach-mhuilinn lochdrach no uachdrach mar gheall: oir tha e gabhail anna duine mar gheall.

7 Ma gheibhear duine a' goideadh aon neach d'a bhràithribh do chloinn Israeil, agus ma nì e ain-tighearnas air<sup>k</sup>, no ma reiceas se e; an sin cuirear gu bàs an gaduiche sin, agus cuiridh tu olc air falbh as bhur measg.

8 Thoir an aire, ann am plàigh na luibhre, gu'n d'thoir thu fa'near gu dùrachdach, agus gu'n dean thu a réir nan uile nithe a theagaisgeas na sagarta na Lebhithich dhuibh: a réir mar a dh'àithn mi dhoibh, bheir sibh fa'near gu'n dean sibh.

<sup>h</sup> litir-dhealach. <sup>i</sup> sluagh an  
fhearainn. <sup>k</sup> ma nì e marsant-  
achd leis.

9 Cuimhnich ciod a rinn an Tighearna do Dhia ri Miriam air an t-slighe, an déigh dhuibh teachd a mach as an Eiphit.

10 'Nuair a bheir thu do d' choimhearsnach ni sam bith an coingheall, cha d'théid thu steach d'a thigh a ghabhail a ghill.

11 A mach seasaidh tu, agus bheir an duine d'am bheil thu toirt an coingheall, an geall a mach dhuit.

12 Agus ma bhios an duine bochd, cha choidil thu le 'gheall.

13 Air gach aon chor bheir thu air ais<sup>a</sup> dha 'n geall a ris, 'nuair a théid a' ghrian fodha, chum gu'n coidil e na eudach féin, agus gu'm beannaich c thu: agus bithidh so na ionracas dhuit an làthair an Tighearna do Dhé.

14 Cha dean thu foirneart air seirbhisach tuarasdail, a tha bochd agus uireasbhuidheach, *co dhiubh a tha e do d' bhràithribh*, no do d' choigrich, a tha ann a t' fhearann an taobh a stigh do d' gheataibh.

15 Air a là bheir thu dha a thuarsadal, agus cha d'théid a' ghrian sìos air, oir *tha e bochd*, agus a' suidheachadh a chridhe air: air eagal gu'n glaoth e a't' aghaidh ris an Tighearna, agus gu'm bi e na pheacadh dhuit.

16 Cha chuirear na h-aithreacha gu bàs air son na cloinne, ni mò a chuirear a' chlann gu bàs air son nan aithreacha: cuirear gach duine gu bàs air son a pleacaidh féin.

17 Cha chlaon<sup>b</sup> thu breitheanas a' choigrich, no an dilleachdain, ni mò a ghabhas tu eudach bantraich mar gheall.

18 Ach cuimhnichidh tu gu'n robh thu féin a'd' thràill san Eiphit, agus gu'n do shaor an Tighearna do Dhia thu as sin: uime sin *tha mi ag àithneadh dhuit an ni so a dheanamh*.

19 'Nuair a bhuaineas tu<sup>c</sup> t'fhoghar a'd' achadh, agus a dhi-chuimhnichas tu sguab san achadh, cha phill thu g'a togail: air son a' choigrich, air son an dilleachdain, agus air son na bantraich bithidh i: a chum gu'm beannaich an Tighearna do Dhia thu ann an uile oibribh do làmh.

20 'Nuair a chrathas tu do chroinnoladh, cha d'théid thu thairis air na geugaibh a ris: air son a' choigrich, air son an dilleachdain, agus air son na bantraich bithidh e.

21 'Nuair a chruinnichas tu fiondhearcan t'fhion-lios, cha ghlan thu gu buileach a'd' dhéigh e: air son a' choigrich, air son an dilleachdain,

agus air son na bantraich bithidh e.

22 Agus cuimhnichidh tu gu'n robh thu a'd' thràill<sup>d</sup> ann an tìr na h-Eiphit: uime sin *tha mi ag àithneadh dhuit an ni so a dheanamh*.

CAIB. XXV.

**M**A bhios connsachadh eadar dhaoine, agus gu'n d'thig iad gu breitheanas, a chum as gu'n d'thoir na breitheamhna breth<sup>e</sup>, an sin saoraidh iad an t-ionracan, agus dèidh iad<sup>f</sup> an ciontach.

2 Agus tarlaidh, ma 's airidh an duine aingidh bhi air a bhualadh, gu'n d'thoir am breitheamh air luidhe sìos, agus a bhi air a bhualadh na làthair, a réir a choire, ann an àireamh àraidh do bhuillibh.

3 Dà fhichead buille bheir e dha: cha d'théid e thairis, air eagal nan rachadh e thairis, agus gu'm buail-eadh se e os an ceann sin le mòran bhuillibh, an sin gu'm biodh do bhràthair tàireil a'd' shùilibh.

4 Cha chuir thu ceangal air beul an daimh an uair a tha e saltairt<sup>g</sup> an arbhair.

5 'Nuair a ghabhas bràithrean còmhnuidh maille ri chéile, agus gu'm faigh aon diubh bàs, agus gun duine cloinne aige, cha phòs bean a' mhairbh a mach ri coigreach: théid a bràthair-céile steach d'a h-ionnsuidh, agus gabhaidh e dha féin i na mnaoi, agus ni e dlìghe<sup>h</sup> bràthar-céile rithe<sup>i</sup>.

6 Agus éiridh an ceud-ghin mic a bheireas i, suas ann an ainm a bhràthar a ta marbh, a chum nach dubhar a mach 'ainm a h-Israel.

7 Agus mur toil leis an duine bean a bhràthar a ghabhail, an sin théid bean a bhrathar suas do'n gheata chum nan seanairean, agus their i, Tha mo bhràthair-céile a' diùltadh ainm a thogail suas d'a bhràthair ann an Israel, cha 'n àill leis dlìghe bràthar-céile dheanamh rium.

8 An sin gairmidh seanairean a bhaile air, agus labhraidh iad ris: agus *ma sheasas e mach*, agus gu'n abair e, Cha 'n àill leam a ghabhail;

9 An sin thig bean a bhràthar d'a ionnsuidh an làthair nan seanairean, agus fuasglaidh i a bhròg bhàrr a choise, agus tilgidh i smugaid na eudain, agus freagraidh agus their i, Mar so nithear ris an duine nach tog suas tigh a bhràthar.

10 Agus goirear 'ainm ann an Israel, Tigh an fhir aig am bheil a bhròg fuasgailte.

11 'Nuair a bhios daoine ri comh-

<sup>a</sup> ais-iocaidh tu.

<sup>b</sup> Cha'n fhiar.

<sup>c</sup> ghearras tu sìos.

<sup>d</sup> a'd' dhuine daor.

<sup>e</sup> eatorra.

<sup>f</sup> fàgaidh iad shìos.

<sup>g</sup> bualadh,

<sup>h</sup> dleasdanas.

<sup>i</sup> ria.



stri' cuideachd, neach ri neach eile, agus gu'n d'thig bean a h-aon diubh am fagus a dh'fhuasgladh a fir-pòsda a làimh an fhir a tha 'ga bhualadh, agus gu'n sin i mach a làmh, agus gu'n gabh i greim air a bhuill dìomhair:

12 An sin gearraidh tu dhith a làmh; cha ghabh do shùil truas dith.

13 Cha bhi agad ann ad mhàla<sup>a</sup> aon chothrom<sup>b</sup> agus cothrom eile; cothrom mòr agus beag.

14 Cha bhi agad ann ad thigh aon soitheach<sup>c</sup>, agus soitheach eile tomhais: soitheach mòr agus beag.

15 Cothrom iomlan agus ceart bithidh agad; soitheach - tomhais iomlan agus ceart bithidh agad: a chum gu'm buanaichear do làithean anns an fhearann a tha 'n Tighearna do Dhia a' tabhairt duit.

16 Oir tha iadsan uile a ni na nithe sin, iadsan uile a ni gu h-eucorach, nan gràineileachd do'n Tighearna do Dhia.

17 Cuimhnich ciod a rinn Amalec ort san t-slighe, 'nuair a thàinig sibh a mach as an Eiphit:

18 Cionnus a choinnich e thu san t-slighe, agus a bhuail e chuid bu deireanaiche dhìot, eadhon iadsan uile a bha lag a'd' dhéigh, an uair a bha thu fann agus sgith, agus nach robh eagal Dé air.

19 Uime sin an uair a bheir an Tighearna do Dhia fois duit o d' naimhdebh uile mu'n cuairt, anns an fhearann a bheir an Tighearna do Dhia dhuit mar oighreachd r'a shealbhadh, dubhaidh tu as cuimhne Amaleic o bhi fuidh nèamh; cha dì-chuimhnich thu e.

#### CAIB. XXVI.

**A** GUS an uair a théid thu stigh do'n fhearann a tha 'n Tighearna do Dhia a' toirt dhuit mar oighreachd, agus a shealbhaicheas tu e, agus a ghabhas tu còmhnuidh ann;

2 An sin gabhaidh tu do'n cheud chuid do uile thoradh na talmhainn, a bheir thu leat do t'fhearann a tha 'n Tighearna do Dhia a' tabhairt duit, agus cuiridh tu ann am bascaid e, agus théid thu chum an àite a thaghas an Tighearna do Dhia, a chur 'ainme an sin.

3 Agus théid thu dh'ionnsuidh an t-sagairt a bhios anns na laithibh sin, agus their thu ris, Tha mi ag aideachadh air an là 'n diugh do'n Tighearna do Dhia, gu'n d'thàinig mi do'n dùthaich, a mhionnaich an Tighearna d'ar n-aithreachaibh gu'n d'thugadh e dhuinn.

4 Agus gabhaidh an sagart a' bhascaid as do làimh, agus cuiridh e sìos i air beulaobh altarach an Tigh-earna do Dhé.

5 Agus freagraidh tu agus their thu an làthair an Tighearna do Dhé, Bu Shirianach air sheòl a bhi caillte m' athair, agus chaidh e sìos do'n Eiphit, agus bha e air chuairt an sin le beagan cuideachd, agus dh'fhàs e 'n sin na chinneach mòr, cumhachdach agus lìonmhor.

6 Agus bhuin na h-Eiphitich gu h-olc ruinn<sup>d</sup>, agus shàraich iad sinn, agus chuir iad daorsa chruaidh oirnn.

7 Agus ghlaodh sinn ris an Tigh-earna, Dia ar n-aithreacha; agus dh'èisd an Tighearna r'ar guth, agus dh'amhairc e air ar n-àmlghar agus ar saothair, agus ar foirneart.

8 Agus thug an Tighearna mach sinn as an Eiphit le làimh chumhachdaich, agus le gairdean sìnte mach, agus le h-uamhann mòr, agus le comharaibh, agus le h-iongantasaibh.

9 Agus thug e sinn do'n àite so, agus thug e dhuinn am fearann so, fearann a tha sruthadh le bainne agus mil.

10 Agus a nis feuch, thug mi leam ceud thoradh an fhearainn, a thug thusa, a Tighearna, dhomh: agus cuiridh tu e am fianuis an Tighearna do Dhé, agus ni thu aoradh<sup>e</sup> am fianuis an Tighearna do Dhé.

11 Agus ni thu gairdeachas anns gach ni math a thug an Tighearna do Dhia dhuit, agus do d' thigh, thu féin, agus an Lebhitheach, agus an coigreach a bhios 'nar measg.

12 'Nuair a chuireas tu crìoch air deachamh a thoirt seachd, eadhon uile dheachamh do chinneis<sup>f</sup> air an treas bliadhna, bliadhna an deachaimh, agus a bheir thu e do'n Lebhitheach, do'n choigreach, do'n dilleachdan, agus do'n bhantraich, a chum gu'n ith iad an taobh a stigh do d' gheataibh, agus gu'n sàsuichear iad;

13 An sin their thu am fianuis an Tighearna do Dhé, Thug mi leam na nithe naomha as mo thigh, agus mar an ceudna thug mi iad do'n Lebhitheach, agus do'n choigreach, do'n dilleachdan, agus do'n bhantraich, a réir t'àithcantan uile a dh'àithn thu dhomh: cha do bhris mi h-aon do t'àitheantaibh, ni mò a dhi-chuimhnich mi iad.

14 Cha d'ith mi bheag dhiubh a'm' bhròn, ni mò a ghabh mi bheag dhiubh gu feum neo-ghlan sam bith, ni mò a thug mi bheag dhiubh air

<sup>a</sup> bhalg. <sup>b</sup> chlach. Eabh.

<sup>c</sup> eutkar-tomhais; ephah. Eabh.

<sup>d</sup> reinn.

<sup>e</sup> àdhradh.

<sup>f</sup> phisich, fhàs.

son a' mhairbh : dh'éisd mi ri guth an Tighearna mo Dhé; rinn mi a réir nan uile nithe a dh'àithn thu dhomh.

15 Mhairbh a nuas o ionad-còmh-nuidh do naomhachd, o nèamh, agus beannaich do shluagh Israel, agus am fearann a thug thu dhuinn, mar a mhionnaich thu d'ar n-aithreachaibh, fearann a tha sruthadh le bainne agus mil.

16 Air an là'n diugh dh'àithn an Tighearna do Dhia dhuit na reachdan agus na breitheanas sin a dheanamh : uime sin coimhididh agus ni thu iad le d' uile chridhe agus le d' uile anam.

17 Rinn thu roghainn<sup>a</sup> an diugh do'n Tighearna gu bhi na Dhia dhuit, agus gu gluasad na shligheibh, agus gu 'reachdan a ghleidheadh, agus 'àitheanta, agus a bhreithcanais, agus gu éisdeachd r'a ghuth.

18 Agus thagh<sup>b</sup> an Tighearna thusa an diugh gu bhi a'd' shluagh sònraichte dha féin, mar a gheall<sup>c</sup> e dhuit, agus a chum gu'n gleidheadh tu 'àitheantan uile;

19 Agus a chum gu'n deanadh e ard thu os cionn nan uile chinneach a rinn e, ann an cliu, agus ann an ainm, agus ann an urram, agus a chum gu'm bitheadh tu a'd' shluagh naomba do'n Tighearna do Dhia, mar a labhair e.

CAIB. XXVII.

**A** GUS dh'àithn Maois agus sean-airean Israeil do'n t-sluagh, ag ràdh, Gleidhibh na h-àitheantan uile, a tha mi ag àithneadh dhuibh an diugh.

2 Agus tarlaidh air an là anns an d'théid sibh thar Iordan do'n fhearann a bheir an Tighearna do Dhia dhuit, gu'n cuir thu suas dhuit féin clacha mòra, agus còmhdaichidh tu thairis le h-aol iad.

3 Agus sgrìobhaidh tu orra uile bhriathran an lagha so, 'nuair a théid thu thairis, a chum as gu'n d'théid thu steach do'n fhearann a bheir an Tighearna do Dhia dhuit, fearann a tha sruthadh le bainne agus le mil; mar a gheall an Tighearna Dia t'aithreacha dhuit.

4 Uime sin an uair a théid sibh thar Iordan, cuiridh sibh suas na clachan sin, a tha mi ag àithneadh dhuibh air an là'n diugh, ann an sliabh Ebail, agus còmhdaichidh tu thairis le h-aol iad.

5 Agus an sin togaidh tu suas altair do'n Tighearna do Dhia, altair do chlachaidh: cha tog thu suas inneal iarainn sam bith orra.

6 Do chlachaidh slàna togaidh tu

altair an Tighearna do Dhé, agus bheir thu suas oirre iobairte-loisgte do'n Tighearna do Dhia.

7 Agus iobraidh tu iobairte-sith, agus ithidh tu 'n sin, agus ni thu gairdeachas an làthair an Tighearna do Dhé.

8 Agus sgrìobhaidh tu air na clachaidh uile bhriathran an lagha so gu ro shoilleir.

9 Agus labhair Maois, agus na sagairt na Lebhitich, ri h-Israel uile, ag ràdh, Thoir an aire, agus éisd, O Israel; air an là'n diugh rinneadh thu a'd' shluagh<sup>d</sup> do'n Tighearna do Dhia.

10 Uime sin éisdidh tu ri guth an Tighearna do Dhé, agus ni thu 'àitheanta, agus a reachdan a tha mi ag àithneadh dhuit air an là'n diugh.

11 Agus dh'àithn Maois do'n t-sluagh air an là sin féin, ag ràdh,

12 Seasaidh iad so air sliabh Gheridsim a bheannachadh an t-sluaigh, 'nuair a théid sibh thar Iordan; Simeon, agus Lebhi, agus Iudah, agus Isachar, agus Ioseph, agus Benjamin.

13 Agus seasaidh iad so air sliabh Ebail a mhallachadh: Reuben, Gad, agus Aser, agus Sebulun, Dan, agus Naphtali.

14 Agus labhraidh na Lebhitich, agus their iad ri daoineibh Israeil uile le guth ard;

15 Mallaichte gu robh an duine a ni dealbh snaidhte<sup>e</sup> no leaghta, gràineileachd do'n Tighearna, obair làmh an fhir-cheird, agus a chuireas e ann an ionad diomhair: agus freagraidh an sluagh uile, agus their iad, Amen.

16 Mallaichte gu robh esan a nì tàir air 'athair no air a mhàthair: agus their an sluagh uile, Amen.

17 Mallaichte gu robh esan a dh'atharraicheas crìoch<sup>f</sup> fearainn a choimhearsnaich<sup>g</sup>: agus their an sluagh uile, Amen.

18 Mallaichte gu robh esan a chuireas an dall air seacharan san t-slighe: agus their an sluagh uile, Amen.

19 Mallaichte gu robh esan a chlaonas breitheanas a' choigrich, an dilleachdai, agus na bantraich: agus their an sluagh uile, Amen.

20 Mallaichte gu robh esan a luidheas le mnaoi 'athar, a chionn gu bheil e leigeadh ris còmhdaich 'athar: agus their an sluagh uile, Amen.

21 Mallaichte gu robh esan a luidheas le h-ainmhidh sam bith: agus their an sluagh uile, Amen.

<sup>d</sup> nad phobull. <sup>e</sup> ìomhaigh ghrà-bhalta. <sup>f</sup> comhara; tèran. Eir. <sup>g</sup> a nàbuidh.

<sup>a</sup> dh'aidich thu. <sup>b</sup> ròghnuich.

<sup>c</sup> labhair. Eabh.

22 Mallaichte *gu robh* esan a luidheas le 'phiuthair, nighean 'athar, no nighean a mhàthar: agus their an sluagh uile, Amen.

23 Mallaichte *gu robh* esan a luidheas le 'mhàthair-chéile: agus their an sluagh uile, Amen.

24 Mallaichte *gu robh* esan a bhuailas a choimhearsnaich gu h-uaigneach<sup>a</sup>; agus their an sluagh uile, Amen.

25 Mallaichte *gu robh* esan a ghabhas duais<sup>b</sup> air son duine neo-chiontach a mharbhadh<sup>c</sup>: agus their an sluagh uile, Amen.

26 Mallaichte *gu robh* esan nach daingnich uile bhriathran an lagha so chum an deanamh: agus their an sluagh uile, Amen.

## CALB. XXVIII.

**A** GUS tarlaidh, ma dh'éisdeas tu gu dùrachdach ri guth an Tighearna do Dhé, a choimhead agus a dheanamh 'àitheantan uile, a *tha* mi ag àithneadh dhuit air an là'n diugh, gu'n cuir an Tighearna do Dhia suas thu os cionn uile chinneachia na talmhainn.

2 Agus thig na beannachda so uile ort, agus beiridh iad ort, ma dh'éisdeas tu ri guth an Tighearna do Dhé.

3 Beannaichte *bithidh* tu sa' bhaile, agus beannaichte *bithidh* tu sa' mhachair.

4 Beannaichte *bithidh* toradh do chuirp, agus toradh t'fhearainn, agus toradh do spréidhe, fàs do chruaidh<sup>d</sup>, agus treuda do chaorach.

5 Beannaichte *bithidh* do bhascaid agus do chuibhrionn<sup>e</sup>.

6 Beannaichte *bithidh* tu 'nuair a thig thu stigh, agus beannaichte *bithidh* tu 'nuair a théid thu muigh.

7 Bheir an Tighearna fa'near gu'm bi do naimhdean, a dh'éireas suas a't' aghaidh, air am bualadh roimh do ghndis: thig iad a mach a't' aghaidh air aon slighe, agus teichidh iad romhad air seachd slighibh.

8 Aithnidh an Tighearn am beannachd ort a'd' thighibh-tasgaidh<sup>f</sup>, agus anns gach nì ris an cuir thu do làmh: agus beannaichidh e thu san fhearann a bheir an Tighearna do Dhia dhuit.

9 Daingnichidh an Tighearn thu a'd' shluagh naomha dha féin mar a mhionnaich e dhuit, ma ghleidheas tu àitheantan an Tighearna do Dhé, agus *ma* ghluaiseas tu na shlighibh.

10 Agus chi uile chinnich na talmhainn gu'n goirear ainm an

Tighearn ort, agus bithidh eagal orra romhad.

11 Agus nì an Tighearna saibhirg thu ann am maoin, ann an toradh do chuirp, agus ann an toradh do spréidhe, agus ann an toradh do thalmhainn anns an talamh a mhionnaich an Tighearna do t' aithreachaibh a thabhairt duit.

12 Fosglaidh an Tighearna dhuit a dheagh ionmhas<sup>h</sup>, na nèamhan a thoirt uisge do t'fhearann na àm, agus a bheannachadh uile oibre do làimh; agus bheir thu 'n iasachd<sup>i</sup> do mhòran chinneach, agus cha ghabh thu 'n iasachd.

13 Agus nì an Tighearn an ceann dhìot, agus nì h-e an t-earball<sup>k</sup>; agus bithidh tu mhàin an uachdar, agus cha bhi thu 'n lochdar: ma dh'éisdeas tu ri aitheantaibh an Tighearna do Dhé, a *tha* mi ag àithneadh dhuit air an là'n diugh gu'n coimhead agus gu'n dean thu iad.

14 Agus cha d'théid thu thaobh o aon air bith do na briathraibh a *tha* mi ag àithneadh dhuit an diugh, a chum na làimhe deise no chum na làimhe clithe, a dhol an déigh dhiathan eile dheanamh seirbhis doibh.

15 Ach tarlaidh, mur éisd thu ri guth an Tighearna do Dhé, a thoirt fa'near gu'n dean<sup>l</sup> thu 'àitheantan agus a reachdan uile a *tha* mi ag àithneadh dhuit an diugh, gu'n d'thig na mallachda so uile ort, agus gu'm beir iad ort.

16 Mallaichte *bithidh* tu sa' bhaile, agus mallaichte *bithidh* tu sa' mhachair.

17 Mallaichte *bithidh* do bhascaid agus do chuibhrionn.

18 Mallaichte *bithidh* toradh do chuirp, agus toradh t'fhearainn, fàs do chruaidh<sup>m</sup>, agus treudan do chaorach.

19 Mallaichte *bithidh* tu 'nuair a thig thu stigh, agus mallaichte *bithidh* tu 'nuair a théid thu mach.

20 Cuiridh an Tighearn ort mallachadh, mi-shuaimhneas<sup>n</sup>, agus achmhasan, anns gach nì ris an cuir thu do làmh gu 'dheanamh, gus an sgriosar thu, agus gus an d'théid as duit gu h-obann, air son aingidh-eachd do ghníomhara leis an do thréig thu mise.

21 Bheir an Tighearn air a' plàigh leantuinn riut gus an claidh e thu bhàrr an fhearainn, d'am bheil thu dol a steach g'a shealbhachadh.

22 Buailidh an Tighearn thu le

<sup>a</sup> am féill. <sup>b</sup> ceannach. <sup>c</sup> air son fuil neo-chiontach a dhòrtadh.

<sup>d</sup> do bhò. <sup>e</sup> stòr. <sup>f</sup> thighibh-stòir, shaibhlibh.

<sup>g</sup> pailt. <sup>h</sup> thaisgeach. <sup>i</sup> coingheall. <sup>k</sup> iorball. <sup>l</sup> gu'n coimhlon. <sup>m</sup> àl do bhò.

<sup>n</sup> carraid.

caitheamh<sup>a</sup>, agus le fiabhrus<sup>b</sup>, agus le h-ain-teas, agus le h-ardlosgadh, agus leis a' chlaideamh, agus le seargadh<sup>c</sup>, agus le fuar-dhealt<sup>d</sup>; agus leanaidh iad thu gus an d'théid as duit.

23 Agus bithidh do speuran a *ta* os do cheann nan umha<sup>e</sup>, agus an talmh a *ta* fodhad na iarunn.

24 Ni an Tighearn uisge t'fhearainn na luaithre agus na dhùslach: o nèamh thig e nuas ort, gus an sgriosar thu.

25 Bheir an Tighearna fa'near gu'm buailear thu air beulaobh do naimhdean: théid thu mach air aon slighe<sup>f</sup> nan aghaidh, agus teichidh tu rompa air seachd slighibh; agus atharraichear thu chum uile rioghachda na talmhainn.

26 Agus bithidh do chlosach<sup>g</sup> na biadh aig uile eunlaith an athair, agus aig beathaichibh na talmhainn, agus cha 'n fhuadaich duine sam bith air falbh iad.

27 Buailidh an Tighearn thu le neasgaid na h-Eiphit, agus le ruidh folah<sup>h</sup>, agus le càrr, agus le cloimh<sup>i</sup>, do nach bi e'n comas do leigheas.

28 Buailidh an Tighearn thu le cuthach, agus le doille, agus le h'umhann cridhe.

29 Agus smeuraichidh tu<sup>k</sup> mu mheadhon-là, mar a smeuraicheas an dall san dorchadas, agus cha soirbhich leat a'd' shlighibh: agus bithidh tu mhàin fuidh fhoirneart, agus air do chreachadh a ghnàth, agus cha teasairg duine sam bith *thu*.

30 Ni thu ceangal-pòsaidh<sup>l</sup> ri mnaoi, agus luidhidh fear eile leatha: togaidd tu tigh, agus cha ghabh thu còmhnuidh ann: suidhichidh tu sìon-lios agus cha tionail thu 'fhìon-dhearcan.

31 Marbhar do dhamh fa chomhair do shùl, agus cha 'n ith thu dheth: bheirear air falbh t'asal a dh'aindeoin as do làthair, agus cha d'thoirear air a h-ais<sup>m</sup> dhuit i: bheirear do chaoirich do d'naimhdeibh, agus cha bhi neach agad a bheir uatha iad.

32 Bheirear do mhic agus do nigheana do shluagh eile, agus chi do shùileau, agus fàilnichidh iad le fadal air an son<sup>n</sup> iè an là: agus cha bhi neart sam bith a'd' làimh.

<sup>a</sup> éitich. <sup>b</sup> teasaidh, cuartaich.

<sup>c</sup> gaiseadh, losgadh-dealanaich.

<sup>d</sup> crith-reodh. <sup>e</sup> prais. <sup>f</sup> ròd, rathad.

<sup>g</sup> do chairbh, do chorp marbh. <sup>h</sup> hemmorrhoids. Sasg.

<sup>i</sup> claimh. Eir. <sup>k</sup> iarraidh tu fo-làimh. <sup>l</sup> réiteachadh-pòsaidh.

<sup>m</sup> cha 'n ais-iocar.

<sup>n</sup> le déigh orra.

33 Toradh t-fhearainn, agus do shaothair uile, ithidh cinneach suas, nach b'aitline dhuit; agus bithidh tu mhàin fuidh fhoirneart agus air do bhruthadh an còmhnuidh:

34 Air chor as gu'm bi thu air mhi-chéill, air son seallaidh do shùl a chi thu.

35 Buailidh an Tighearn thu sna glùinibh agus anns na casaibh, le neasgaid chràitich nach gabh leigh-eas, o bhonn do chois gu mullach do chinn.

36 Bheir an Tighearn thu féin, agus do rìgh a chuireas tu os do cheann, gu cinneach nach b'aithe aon chuid duit féin no do t'aithe-reachaibh; agus an sin nì thu seirbhis do dhéibh eile, do fhiodh agus do chloich.

37 Agus bithidh tu a't' uamhas<sup>o</sup>, a'd' shamhladh<sup>p</sup>, agus a'd' leth-fhocal<sup>q</sup>, am measg nan uile chinneach gus an treoraich an Tighearn thu.

38 Bheir thu mòran sìl a mach do'n fhearann, ach is beag a chruinnicheas tu stigh: oir ithidh an locust suas e.

39 Suidhichidh tu sìon-liosan agus deasaichidh tu iad; ach cha'n òl thu do'n fhìon, nì mò a chruinnicheas tu na dearcan: oir ithidh a' chnuimh iad.

40 Bithidh croinn-oladh agad air feadh do chrìochan uile, ach cha 'n ung thu thu féin leis an oladh: oir tilgidh do chrann-oladh a thoradh.

41 Ginidh tu mic agus nigheana, ach cha mheal thu iad; oir théid iad am braighdeanas.

42 Do chraobhan uile agus toradh t'fhearainn millidh<sup>r</sup> an locust.

43 Eiridh an coigreach a tha 'nar measg suas gu ro-ard os do cheann; agus thig thusa nuas gu ro-ìosal.

44 Bheir e 'n iasachd dhuit, agus cha d'thoir thusa an iasachd dha: bithidh esan na cheann, agus bithidh tusa a'd' earball.

45 Agus thig na mallachda sin uile ort, agus leanaidh<sup>s</sup> iad thu, agus beiridh iad ort, gus an sgriosar thu; a chionn nach d'éisid thu ri guth an Tighearna do Dhé, a ghleidheadh 'àitheantan agus a reachdan a dh'aithean e dhuit.

46 Agus bithidh iad ort mar chomhar agus mar iongantas, agus air do shliochd a chaoidh.

47 A chionn nach d'rinn thu seirbhis do'n Tighearna do Dhia le gairdeachas, agus le subhachas cridhe, air son pailteis nan uile nithe:

<sup>o</sup> uamhann. <sup>p</sup> ghnàth-fhocal.

<sup>q</sup> fhor-fhocal, ath-dhàn, fhrith-ainm.

<sup>r</sup> sealtchaichidh. <sup>s</sup> ruagaidh.



48 Uime-sin ni thu seirbhis do d' naimhdibh a chuireas an Tighearna a' t' aghaidh, ann an ocras, agus ann an tart, agus ann an lomnochdaidh, agus ann an uireasbhuidh nan uile *nithe*: agus cuiridh e cuing iaruin air do mhuineal, gus an cuir e as duit.

49 Bheir an Tighearna cinneach a' t' aghaidh o *ionad* fad o *làimh*, c iomall na talumhainn, mar an iolair air iteig; cinneach nach tuig thu 'n cainnt:

50 Cinneach aig am bheil aghaidh bhorb<sup>a</sup>, nach d'thoir urram do ghnùis an aosmhoir, agus nach dean iochd ris an òg.

51 Agus ithidh e toradh do spréidhe, agus toradh t'fhearainn, gus an sgriosar thu: neach nach fàg agad arbhar, fion, no oladh, fàs do chruidh, no treudan do chaorach, gus an cuir e as duit.

52 Agus teannaichidh e thu<sup>b</sup> ann ad gheataibh uile, gus am brisear sìos<sup>c</sup> do bhallachan arda agus daingnichte, anns an robh do dhòigh, air feadh t'fhearainn uile; agus teannaichidh e thu ann ad gheataibh air feadh t'fhearainn uile, a thug an Tighearna do Dhia dhuit.

53 Agus ithidh tu toradh do chuirp féin, feoil do mhac agus do nigheana, (a thug an Tighearna do Dhia dhuit,) anns a' chogadh agus anns an teinn<sup>d</sup> leis an teannaich do naimhdean thu:

54 Air chor as an duine a ta maoth 'nar measg, agus ro-shòghar<sup>e</sup>, gu'm bi a shùil olc a thaobh a bhràthar, agus a thaobh mna 'uchd féin, agus a thaobh iarmaid<sup>f</sup> a chloinne a dh'fhàgas e:

55 Air chor as nach d'thoir e do h-aon diubh a' bheag do fheoil a chloinne a dh'itheas e: a chionn nach fàgar a' bheag aige sa' chogadh<sup>g</sup>, agus anns an teinn leis an teannaich do naimhdean thu a' d' gheataibh uile.

56 A' bhean mhaoth agus shòghar 'nar measg, nach dùraigeadh bonn a coise a chur air an talamh a thaobh muirn<sup>h</sup> agus maothalachd<sup>i</sup>, bithidh a sùil olc a thaobh fir-pòsda a h-uchd, agus a thaobh a mic, agus a thaobh a h-ighinn,

57 Agus a thaobh a maothrain a thig a mach o eadar a cosaibh, agus a thaobh a chloinne a bheireas i: oir ithidh i iad a dh'uireasbhuidh nan

uile *nithe* an diomhaireachd anns a' chogadh, agus anns an teinn, leis an teannaich do naimhdean thu a' d' gheataibh.

58 Mur d'thoir thu an aire uile bhriathran an lagha so a dheanamh a tha sgrìobhta san leabhar so, a chum gu'm bi eagal an 'aunm ghlòrmhoir agus uamhasaich so ort, AN TIGHEARNA DO DHIA:

59 An sin ni an Tighearna do phlàighean iongantach, agus plàighean do shliochd, eadhon plàighean mòra agus maireannach, agus eucaillean cràiteach agus fadalach.

60 A bhàrr air so bheir e ort uile ghalaran na h-Eiphit, roimh an robh eagal ort; agus leanaidh iad riut.

61 Mar an ceudna gach tinneas, agus gach plaigh, nach 'eil sgrìobhta ann an leabhar an lagha so, iad sin bheir an Tighearna ort, gus an sgriosar thu.

62 Agus fàgar sibh tearc ann an àireamh, an àite gu'n robh sibh mar reulta nèimh an lion-mhoireachd; a chionn nach d'éisd thu ri guth an Tighearna do Dhé.

63 Agus tarlaidh, mar a rinn an Tighearna gairdeachas os bhur ceann a dheanamh maith dhuibh, agus gu'r deanamh lìonmhor, mar sin gu'n dean an Tighearna gairdeachas os bhur ceann gu'r sgrios, agus gu'r toirt gu neo-ni; agus splonar sibh as an fhearann d'am bheil sibh a' dol g'a shealbhaohadh.

64 Agus sgapaidh an Tighearna thu am measg nan uile chinneach, o'n dara ceann do'n talamh eadhon gus an ceann eile do'n talamh; agus an sin ni thu seirbhis do dhéibh eile, nach b'aithne aon *chuid* duit féin no do t'aithreachaibh, eadhon do fhiodh agus do chloich.

65 Agus am measg nan cinneach sin cha'n fhaigh thu suaimhneas sam bith, ni mò bhios fois aig bonn do choise: ach bheir an Tighearna dhuit an sin cridhe gealtach, agus fàilneachadh shùl, agus doilgheas<sup>k</sup> inntinn.

66 Agus bithidh do bheatha crochta ann an amharus<sup>l</sup> fa d' chomhair; agus bithidh eagal ort a là sa dh'oidhche, agus cha bhi cinnte air bith agad do d' bheatha.

67 Sa' mhaduinn their thu, Och! nach b'e 'm feasgar e; agus san fheasgar their thu, Och! nach b'i mhaduinn e; air son eagail do chridhe le'm bi eagal ort, agus air son seallaidh do shùl a chi thu.

68 Agus bheir an Tighearna ris thu do'n Eiphit ann an longaibh, air an t-slighe mu'n dubhairt mi riut,

<sup>a</sup> gharg. <sup>b</sup> cuiridh e *séisd* riut, *suidhidh e umad*, cuairtichidh e thu.

<sup>c</sup> an tuit sìos. <sup>d</sup> teannadachd,

*chumhainge.* <sup>e</sup> delicate, *luxurious.*

Sasg. <sup>f</sup> fuigheall. <sup>g</sup> san t-séisd.

<sup>h</sup> grinneis, sògh. <sup>i</sup> maothachd.

<sup>k</sup> bròn, *dubhachas.* <sup>l</sup> an teagamh.

Cha 'n fhaic thu ris i tuilleadh: agus an sin reicear sibh ri'r naimh-dibh mar thràillean agus mar bhan-tràillean, agus cha bhi neach ann gu'r ceannach.

CAIB. XXIX.

**I**S iad sin briathran a choimh-cheangail a dh'àithn an Tighearna do Mhaois a dheanamh ri cloinn Israeil, ann an tìr Mhoais, a thuilleadh air a' choimhcheangal a rinn e riu ann an Horeb.

2 Agus thug Maois gairm do Israel uile, agus thubhairt e riu, Chunnaic sibh gach ni a rinn an Tighearna fa chomhair bhur sùl ann an tìr na h-Eiphit, ri Pharaoh, agus r'a sheirbhisich uile, agus r'a fhearann uile;

3 Na deuchainnean<sup>a</sup> mòra a chunnaic do shùilean, na comharan agus na h-iongantasan mòra sin:

4 Gidheadh cha d'thug an Tighearna dhuibh cridhe a thuigsinn<sup>b</sup>, agus sùilean a dh'fhaicinn, agus cluasan a chluinntinn, gus an là'n diugh.

5 Agus thredraich mise sibh dà fhichead bliadhna san fhàsach; cha do chaitheadh bhur n-eudach dhibh le h-aois<sup>c</sup>, agus cha do chaitheadh do bhròg le h-aois bhàrr do chois.

6 Cha d'ith sibh aran, ni mò dh'òl sibh fion, no deoch làidir; a chum gu'm biodh fios agaibh gur mise an Tighearna bhur Dia.

7 Agus an uair a thàinig sibh do'n àite so, thàinig Sihon rìgh Hesboin, agus Og rìgh Bhasain, a mach 'nar n-aghaidh chum catha, agus bhuaill sinn iad;

8 Agus ghlac sinn am fearann, agus thug sinn e mar oighreachd do na Reubenich, agus do na Gadaich, agus do leth thrèibh Mhanaseh.

9 Gleidhibh uime sin briathran a' choimhcheangail so, agus deanaibh iad, a chum gu soibhlich leibh anns gach ni a ni sibh.

10 Tha sibh uile 'nar seasamh an diugh an làthair an Tighearna bhur Dé; ceannardan bhur treubha<sup>d</sup>, bhur seanairean, agus bhur luchd-riaghlaidh, fir Israeil uile,

11 Bhur clann bheag, bhur mnàì, agus do choigreach a tha ann ad champ, o fhear-geirraidh t'fhiodha gu fear tarruing t'uisge:

12 A chum gu'n rachadh tu ann an coimhcheangal ris an Tighearna do Dhia, agus na mlionnaibh-san, a tha'n Tighearna do Dhia a' deanamh riut air an là'n diugh:

13 A chum gu'n daingnich e thu an diugh mar shluagh dha féin, agus gu'm bi esan dhuitse na Dhia, mar a thubhairt e riut, agus mar a mhionnaich e do t'aithreachaibh, do Abraham, do Isaac, agus do Iacob.

14 Agus cha'n ann ribhse mhàin a tha mise a' deanamh a' choimhcheangail so, agus nam mionna so:

15 Ach ris-san a tha 'n so maille ruinn na sheasamh an diugh an làthair an Tighearna ar Dé, agus mar an ceudna ris-san nach 'eil an so maille riunn an diugh;

16 (Oir is aithne dhuibh coinnus a bha sinn a chòmhnuidh ann an tìr na h-Eiphit, agus cionnus a thàinig sinn tre mheadhon nan cinneach air an deachaidh sibh seachad;

17 Agus chunnaic sibh an gràin-ealachdan, agus an iodholan<sup>e</sup>, fiodh agus clach, airgiod agus òr, a bha nam measg;)

18 Air eagal gu'm biodh 'nar measg fear, no bean, no teaghlach, no treubh, a chlaonas a chridhe air falbh an dingh o'n Tighearna ar Dia, a dhol a dheanamh seirbhis do dhéibh nan cinneach sin; air eagal gu'm biodh 'nar measg freumh a bheir uaithe mar thoradh nimh<sup>f</sup> agus searbhas<sup>g</sup>.

19 Agus an uair a chluinneas e briathran a' mhallachaidh so, an sin gu'm beannaich se e féin na chridhe, ag ràdh, Bithidh sìth agam, ge do ghluais mi ann an an-miann<sup>h</sup> mo chridhe féin, a chur misge ri path-adh:

20 Cha chaomhain an Tighearna e, ach an siu cuiridh fearg an Tighearna, agus 'eud, smùid diubh an aghaidh an duine sin, agus luidhidh gach mallachadh air, a tha sgrìobhta san leabhar so, agus dubhaidh an Tighearna mach 'ainm o bhi fuidh nèamh.

21 Agus sgaraidh an Tighearna e chum uile, a mach a treubhaibh Israeil uile, a réir uile mhallachdan a' choimhcheangail, a tha sgrìobhta ann an leabhar an lagha so.

22 Air chor as gu'n abair an gin-ealach ri teachd, bhur clann a dh'éireas suas 'nar déigh, agus an coigreach a thig o thìr iad o làimh, 'nuair a chi iad plàighean an fheairainn sin, agus 'eucailean a leag an Tighearna air;

23 Agus gu bheil a thalamh uile na phronnasg, agus na shalann, agus na losgadh; nach 'eil e air a chur, no toirt toraidh<sup>i</sup> uaithe, agus nach 'eil

<sup>a</sup> dearbhan, buaireanna.

<sup>b</sup> a mhothachadh.

<sup>c</sup> cha d'fhàs bhur n-eudach sean umaibh.

<sup>d</sup> bhur cinn-fheadhna agus bhur treubha.

<sup>e</sup> diathan-bréige.

<sup>f</sup> neimh, puin-sion, domblas.

<sup>g</sup> burmaid.

<sup>h</sup> aingidheachd, smuaintibh.

<sup>i</sup> cinneis.

feur sam bith a' fàs ann, cosmhuil ri sgrìos Shodoim agus Ghomorrah, Admaih agus Sheboim, a sgrìos an Tighearna na fheirg agus na chorruich:

24 Their eadhon na h-uile chinich, C'ar son a bhuin an Tighearna mar so ris an fhearann so? Cìod is ciall do theas na corruiche mòire so?

25 An sin their daoine, A chionn gu'n do thréig iad coimhcheangal an Tighearna Dé an aithreacha, a rinn e ri u' nuair a thug e mach iad a tìr na h-Eiphit.

26 Oir chaidh iad agus rinn iad seirbhis do dhèibh eile, agus rinn iad aoradh<sup>a</sup> dhoibh, dée nach b'aithne dhoibh, agus nach d'thug esan doibh<sup>b</sup>.

27 Agus las corruich an Tighearn an aghaidh an fhearainn so, a thoirt nam mallachdan sin uile air, a tha sgrìobhta san leabhar so.

28 Agus spìon an Tighearn a mach iad as am fearann ann am feirg, agus ann an corruich, agus ann an lasan<sup>c</sup> ro-mhòr, agus thilg e iad do dhùthaich eile mar air an là'n diugh.

29 Buinidh na nithe dìomhair do'n Tighearn ar Dia, ach na nithe a ta foillsichte dhuinne, agus d'ar cloinn a chaoidh, a chum as gu'n dean sinn uile bhriathran an lagha so.

## CAIB. XXX.

**A** GUS an uair a thig na nithe so uile ort, am beannachadh agus am mallachadh, a chuir mise romhad, agus a chuimhniceas tu orra am measg nan cinneach uile chum an d'fhògair an Tighearna do Dhia thu,

2 Agus a philleas tu dh'ionnsuidh an Tighearna do Dhé, agus a bheir thu géill d'a ghuth a réir nan uile nithe a tha mise ag àithneadh dhuit air an là'n diugh, thu féin agus do chlann, le t'uile chridhe, agus le t'uile anam:

3 An sin bheir an Tighearna do Dhia air ais do bhraighdéanas, agus ni e iochd riut, agus pillidh e agus cruinnichidh e thu as na h-uile chinnich a chum an do sgap an Tighearna do Dhia thu.

4 Ma dh'fhògradh neach agad gus a' chuid a's iomallaiche do nèamh, as sin cruinnichidh an Tighearna do Dhia thu, agus as sin bheir e thu:

5 Agus bheir an Tighearna do Dhia thu do'n fhearann a shealbhaich t'aithreacha, agus sealbhaichidh tu e: agus ni e math

dhuit, agus bheir e ort fàs lìonmho<sup>r</sup> os cionn t'aithreacha.

6 Agus timchioll-ghearraidh an Tighearna do Dhia do chridhe, agus cridhe do shliochd, a ghràdhachadh an Tighearna do Dhé le t'uile chridhe, agus le t'uile anam, a chum gu'm bi thu beo.

7 Agus cuiridh an Tighearna do Dhia na mallachdan sin uile air do naimhdeibh, agus orra-san aig am bheil fuath dhuit, a rinn geur-leanmhuinn ort.

8 Agus pillidh tu agus bheir thu géill do ghuth an Tighearna, agus ni thu 'aithteantan uile a tha mise ag àithneadh dhuit an diugh.

9 Agus ni an Tighearna do Dhia pailt thu ann an uile obair do làimhe, ann an toradh do chuirp, agus ann an toradh do spréidhe, agus ann an toradh t'fhearainn, a chum maith: oir ni an Tighearna ris gairdeachas os do cheann chum maith, mar a rinn e gairdeachas os cionn t'aithreacha:

10 Ma dh'éisdeas tu ri guth an Tighearna do Dhé, a ghleidheadh 'aithteantan, agus a reachdan, a tha sgrìobhta ann an leabhar an lagha so, agus ma philleas tu chum an Tighearna do Dhé le t'uile chridhe agus le t'uile anam.

11 Oir an àithne so a tha mise ag àithneadh dhuit an diugh, cha'n'eil i 'm folach ort, ni mò a ta i fada uair.

12 Cha'n'eil i 'sna nèamhaibh, air chor as gu'n abradh tu, Cò thèid suas air ar son do na nèamhaibh, agus a bheir i d'ar n-ionnsuidh, a chum as gu'n cluinn sinn i, agus gu'n dean sinn i?

13 Ni mò a tha i 'n taobh thall do'n fhaire, air chor as gu'n abradh tu, Cò thèid a nunn air ar son thar an fhaire, agus a bheir i d'ar n-ionnsuidh a chum gu'n cluinn sinn i, agus gu'n dean sinn i?

14 Ach tha 'm focal ro fhagus duit, ann do bheul, agus ann do chridhe, chum gu'n dean thu e.

15 Fench, chuir mi romhad an diugh beatha agus math, agus bàs agus olc:

16 A mheud gu bheil mi ag àithneadh dhuit an diugh an Tighearna do Dhia a ghràdhachadh, gluasad na shligheibh, agus 'aithteantan a ghleidheadh, agus a reachdan, agus a bhreitheanais, a chum gu'm bi thu beo, agus gu'm fàs thu lìonmhor, agus gu'm beannaich an Tighearna do Dhia thu sau fhearann, d'am bheil thu dol g'a shealbhadh.

17 Ach ma thionndadhas cò chridhe air falbh, agus nach éisd thu, ach gu'n tairngear air falbh thu, agus gu'n dean thu aoradh do

<sup>a</sup> shleuchd iad.  
bhuitich a' bheag orra.  
feirge.

<sup>b</sup> nach do  
<sup>c</sup> fracach

dhéibh eile, agus gu'n dean thu seirbhis dhoibh;

18 Tha mi ag innseadh dhuibh air an là'n diugh, gu'n sgriosar gu cinnteach sibh, agus nach buanaich sibh bhur làithean air an fhearann, d'am bheil thu dol thar Iordan, gu gabhail a steach g'a shealbhachadh.

19 Tha mi gairm nan nèamha agus na talmhainn mar fhianuisean 'nar n-aghaidh air an là'n diugh, gu'n do chuir mi beatha agus bàs f'ar comhair, beannachadh agus mallachadh: uime sin ròghnuich beatha, chum gu'm bi thu féin agus do shliochd beo:

20 A chum gu'n gràdhaich thu 'n Tighearna do Dhia, agus gu'n d'thoir thu géill d'a ghuth, agus gu'n lean thu ris, (oir is esan do bheatha, agus fad do làithean,) a chum gu'n gabh thu còmhnuidh san fhearann a mhionnaich an Tighearna do t'aithreachaibh, do Abraham, do Isaac, agus do Iacob, gu'n d'thugadh e dhoibh.

CAIB. XXXI.

**A** GUS chaidh Maois agus labhair e na briathra so ri h-Israel uile.

2 Agus thubhairt e riu, *Tha* mise ceud agus fichead bliadhna dh'aois air an là'n diugh; cha 'n urrainn mi tuilleadh dol a mach agus teachd a steach: agus thubhairt an Tighearna rium, Cha d'théid thu thar an Iordan so.

3 Théid an Tighearna do Dhia e féin a nunn romhad; sgriosaidh esan na cinnich sin o d' làthair, agus sealbhaichidh tu iad: agus théid Iosua nunn romhad, mar a thubhairt an Tighearna.

4 Agus ni an Tighearna riu mar a rinn e ri Sihon, agus ri h-Og, rìghre nan Amorach, agus ri fearann na muinntir sin a sgrios e.

5 Agus bheir an Tighearna thairis iad roimh blur gnùis, a chum gu'n dean sibh riu a réir gach àithne a dh'àithn mise dhuibh.

6 Bithibh làidir agus biodh deagh mhisneach agaibh; na biodh eagail oirbh, agus na gabhaibh geilt rompa, oir is e 'n Tighearna do Dhia e féin a théid leat; cha dèir e thu, ni mò a thréigeas e thu.

7 Agus ghairm Maois air Iosua, agus thubhairt e ris ann an sealladh Israel uile, Bi làidir, agus biodh deagh mhisneach agad: oir is tusa a théid a stigh leis an t-sluagh so do'n fhearann a mhionnaich an Tighearna d'an aithreachaibh gu'n d'thugadh e dhoibh; agus bheir thu orra 'shealbhachadh mar oighreachd.

8 Agus théid an Tighearna e féin

romhad, bithidh esan maille riut, cha dèir e thu, ni mò a thréigeas e thu: na gabh eagail, agus na biodh geilt ort.

9 Agus sgriobh Maois an lagh so, agus thug se e do na sagartaibh, mic Lebhi, a tha giùlan airc coimhcheangail an Tighearna, agus do sheanairibh Israel uile.

10 Agus dh'àithn Maois doibh, ag ràdh, Aig ceann gach seachd bliadhna, ann an àm orduichte bliadhna an fhuasglaidh, aig féisd nam pàillium,

11 'Nuair a thig Israel uile g'an taisbeanadh féin an làthair an Tighearna do Dhé, 'san ionad a thaghas e; leughaidh tu 'n lagh so an làthair Israel uile, nan éisdeachd.

12 Cruinnich an sluagh r'a chéile, fir, agus mnà, agus clann, agus do choigreach a tha 'n taobh stigh do d' gheataibh; a chum gu'n cluinn iad, agus gu'm fòghlum iad, agus gu'm bi eagail an Tighearna bhur Dé orra, agus gu'n d'thoir iad fa'near uile bhriathran an lagha so a dheanamh:

13 Agus gu'n cluinn an clann do nach b'aithne bheag, agus gu fòghlum iad eagail an Tighearna bhur Dé a bhi orra am fad's is beo dhuibh san fhearann d'am bheil thu dol thar Iordan g'a shealbhachadh.

14 Agus thubhairt an Tighearna ri Maois, Feuch, tha do làithean a' dlùthachadh anns am feum thu bàs fhaghail: gairm air Iosua, agus nochdaibh sibh féin ann am pàillium a' choimhthionail, a chum as gu'n d'thoir mise àithne dha. Agus chaidh Maois agus Iosua, agus nochd siad iad féin ann an pàillium a' choimhthionail.

15 Agus dh'fhoillsich an Tighearna e féin sa' phàillium ann am meall<sup>a</sup> neoil: agus sheas am meall neoil os-cionn dornis 'a phàillium.

16 Agus thubhairt an Tighearna ri Maois, Feuch, coidlidh tusa maille ri t'aithreachaibh; agus éiridh an sluagh so suas, agus théid iad le strìopachas an déigh dhiathan na tìre coimhich sin, d'am bheil iad a' dol a steach gu fantuinn na meadhon, agus tréigidh iad mise, agus brisidh iad mo choimhcheangal a rinn mi riu.

17 Agus lasaidh mo chorruidh nan aghaidh san là sin, agus tréigidh mi iad, agus folaichidh mi mo ghnùis uatha, agus ithear suas iad, agus thig mòran olc agus àmhghar<sup>b</sup> orra, air chor as gu'n abair iad san là sin, Nach ann a chionn nach 'eil ar

<sup>a</sup> stuadh.

<sup>b</sup> thriobloidean, theanntachdan.



Dia 'nar measg a thàinig na h-uile so oirnn?

18 Agus gu cinnteach folaichidh mise mo ghluais 'san là sin, air son gach olc a dh'òibrich iad, a chionn gu'n do thionndaidh iad an déigh dhiathan eile.

19 A nis uime sin sgrìobhaibhse dhuibh féin an laoidh<sup>a</sup> so, agus teagaisibh i do chloinn Israeil: cuir i nam beul, a chum gu'm bi 'n laoidh so mar fhianuis dhomhsa an aghaidh chloinn Israeil.

20 Oir an uair a bheir mi stigh iad do'n fhearann a mhionnaich mi d'an aithreachaibh, a tha sruthadh le bainne agus mil, agus a dh'itheas iad agus a shasuichear iad, agus a dh'fhàsas iad reamhar; an sin tionndaidh iad gu déibh eile, agus ni iad seirbhis doibh, agus brosnuichidh iad mi, agus brisidh iad mo choimlicheangal.

21 Agus tarlaidh an uair a thig mòran olc agus àmhghar orra, gu'n labhair<sup>b</sup> an laoidh so mar fhianuis nan aghaidh; oir cha di-chuimlnichear i as beul an sliochd: oir is aithne dhomh an smuaintean a tha iad a' dealbh an diugh féin, mun d'thug mi steach iad do'n fhearann a mhionnaich mi.

22 Sgrìobh uime sin Maois an laoidh so air an là sin féin, agus theagaisg e i do chloinn Israeil.

23 Agus dh'àithn e do Iosua mac Nun, agus thubhairte, Bi làidir, agus biodh deagh mhisneach agad: oir bheir thu clann Israeil do'n fhearann a mhionnaich mi dhoibh; agus bithidh mise maille riut.

24 Agus an uair a chuir Maois crìoch air sgrìobhadh bhriathran an lagha so ann an leabhar gus an do chrìochnaiceadh iad;

25 An sin dh'àithn Maois do na Lebhithich a tha giùlan àirc coimhcheangail an Tighearna, ag ràdh,

26 Gabhaibh leabhar an lagha so, agus cuiribh e aig taobh àirc coimhcheangail an Tighearna bhur Dé, chum gu'm bi e 'n sin mar fhianuis a't' aghaidh.

27 Oir is aithne dhomh do cheann-airc, agus do mhuineal rag: feuch, am feadh 's a ta mi fathast beo maille ri bh an diugh, bha sibh ceannairceach an aghaidh an Tighearna; agus cia's mò na sin a bhitheas sibh an deigh mo bhàis?

28 Cruinnichibh a'm' ionnsuidh seanaire bhur treubhan uile, agus bhur luchd-riaghluidh, a chum as gu'n labhair mi nan cluasaibh na briathra so, agus gu'n gairm mi na nèamhan agus an talamh mar fhianuisean nan aghaidh.

29 Oir tha fhios agam, an déigh mo bhàis gu'n truaill sibh sibh féin gu tur, agus gu'n d'théid sibh a thaobh o'n t-slighe a dh'àithn mi dhuibh: agus thig olc oirbh anns na laithibh deireannach, a chionn gu'n dean sibh olc ann an sealladh an Tighearna, 'ga bhrosnachadh gu feirg le h-obair bhur làmh.

30 Agus labhair Maois ann an cluasaibh uile choimhchruinnich Israeil briathra na laoidhe so, gus an do chrìochnaiceadh iad.

### CAIB. XXXII.

CLUINNIBH, O nèamha, agus labhaird mi; agus éisdeadh an talamh ri briathraibh e mo bheoil.

2 Silidh mar an t-uisge mo theag-asg, tuitidh mar an drùchd mo chainnt; mar mhin-uisge air an lus mhaoth, agus mar fhrasan air an fheur.

3 A chionn gu'm foillsich mi d'ainm an Tighearna: thugaibhse mòrachd d'ar Dia-ne.

4 Is esan a' charraig, tha 'obair iomlan: oir is breitheanas a shligh-ean uile: Dia na firinn, agus gun eucoir, cothromach agus ceart tha esan.

5 Thruaill siad iad féin, cha 'n e an smal smal a chloinne-san: is ginealach coirbte agus fiar iad.

6 An ann mar so a dh'òcas sibh f' an Tighearna, O shluagh amaideach agus gun chéill? nach esan t'athair a cheannaich thu? nach d'rinn e thu, agus nach do dhaingnich e thu?

7 Cuimhnich na làithean o chian, thoir fa'near bliadhnacha nan iom-adh ginealach: fiosraich do t'athair, agus nochdaidh e dhuit; do d' sheanairibh, agus innsidh iad dhuit.

8 'Nuair a roinn an Ti a's ro-airde do na cinnich an oighreachd, an uair a sgar e mic Adhaimh o chéile, shuidhich e crìochan nan sluagh a réir aireimh chloinn Israeil.

9 Oir is e 'shluagh cuibhrionn an Tighearna, is e Iacob crannchur 'oighreachd-san.

10 Fhuair e ann am fearann fàs e, eadhon ann am fàsach falamh làn ulfhartaich<sup>b</sup>: threòraich e mu'n cuairt e, theagaisg se e, ghleidh e mar ubhal a shùla e.

11 Mar a charaicheas<sup>i</sup> iolar suas a nead, a dh'itealaicheas i os-cionn<sup>k</sup>

<sup>c</sup> éisd, O thalaimh, ri briathraibh.

<sup>d</sup> cuir mi an céill, gairm mi air.

<sup>e</sup> aingidh.

<sup>f</sup> An e so an éirig a

bheir sibh do? <sup>g</sup> taisbeanaidh.

<sup>h</sup> fàsach uamhora gun àiteach.

<sup>i</sup> ghleidheas, ghabhas iolar cùram d'a nead.

<sup>k</sup> a tuidheas i gu caomh air.

a h-àil, a sgaoileas i mach a sgiathan, a ghabhas i iad, a ghiùlaineas i iad air a sgiathaibh;

12 *Mar sin* thredraich an Tighearna na aonar esan, agus cha robh Dia coigreach maille ris.

13 Thug e air marcachd air àitibh arda na talmhainn, a chum gu'n itheadh e toradh an fhearainn, agus thug e air mil a dheothal<sup>a</sup> as a' charraig, agus oladh as a' charraig àilbhinn;

14 Im cruiddh, agus bainne chaorach maille ri saill uan agus reitheachan do shìol<sup>b</sup> Bhasain, agus ghabhar, maille ri reamhrachd airnean a' chruinneachd; agus dh'èil thu fuil fhìor-ghlan nam fion-dhearc.

15 Ach dh'fhàs Iesurun reamhar, agus bhreab e: tha thu air cinntinn reamhar, tha thu air fàs tiugh, tha thu cùmhdachte le saill: an sin thréig e an Dia a rinn e, agus rinn e dimeas air carraig a shlàinte.

16 Bhrosnaich iad e gu h-eud le déibh eile<sup>c</sup>, le gràineileachdaibh chuir iad corruich air.

17 Dh'ìobair iad do dheamhan-aibh, cha 'n ann do Dhia; do dhéibh nach b'aithne dhoibh, do dhéibh nuadh a dh'ùr-éirich suas, roimh nach robh eagal air bhur n-aithreachaibh.

18 Air a' charraig a' ghin thu tha thu mi-chuimhneachail, agus tha thu dearmadach air an Dia a dhealbha thu.

19 Agus an uair a chunnaic an Tighearna e, ghabh e gràin diubh<sup>d</sup>, air son brosnachaidh a mhac agus a nigheana.

20 Agus thubhairt e, Folaichidh mi mo ghnùis uatha, chi mi ciod is crìoch dhoibh: oir is ginealach ro choirbte<sup>e</sup> iad, clann anns nach 'eil creidimh.

21 Rinn iad eudmhor mise<sup>f</sup> leis an nì nach Dia, bhrosnaich<sup>g</sup> iad mi gu feirg le 'n diomhanais: agus nì mise eudmhor iadsan leo-san nach 'eil nan sluagh, brosnachidh mi iad gu feirg ri cinneach amaideach.

22 Oir tha teine air 'fhadadh a'm' fheirg, agus loisgidh e gu h-ifrinn ìochdrach<sup>h</sup>, agus cuiridh e as do 'n talamh le 'thoradh, agus cuiridh e ri theine bunaite nam beann.

23 Carnaidh m<sup>i</sup> suas uile<sup>k</sup> orra, mo shaighdean caithidh mi orra.

24 Claoidhear<sup>l</sup> iad le h-ocras<sup>m</sup>,

<sup>a</sup> shùghadh.

<sup>b</sup> shliochd.

<sup>c</sup> coimheach.

<sup>d</sup> rinn e tàir orra.

<sup>e</sup> ro chrosta.

<sup>f</sup> Dhùisg iad gu

h-eud mise. <sup>g</sup> phrosnaich. <sup>h</sup> gus

an doimhne a's ìochdrache.

<sup>i</sup> ithidh e suas. <sup>k</sup> dòrainnean.

<sup>l</sup> Loisgear. <sup>m</sup> gortadh;

agus cuirear as doibh le teas loisgeach, agus le sgrios searbh: fìaclan fhiadh-bheathaiche mar an ceudna cuiridh mi orra, maille ri nimh nathraichean an duslaich.

25 O'n leth a muigh sgriosaidh an claidheamh, agus o'n leth a stigh uamhann, aràon an t-ùig-fhear agus an òigh, an clòchran agus fear na gruaige léithe.

26 Thubhairt mi, Sgapaidh mi iad gu càitibh, bheir mi air an cuimhne sgru o mheasg dhaoine:

27 Mur bhitheadh gu'n robh eagal orm roimh chorruch an nàmhaid, air eagal gu'n giùlaineadh an eas-cairdean iad fèin gu mi-chubhaidh, air eagal gu'n abradh iad, Is i ar làmh airdne<sup>n</sup>, agus cha 'ne an Tighearna a rinn so uile.

28 Oir is cinneach gun chomhairle iad, nì mò tha tuigse anntha.

29 O gu'm biodh iad glic, gu'n tuigeadh iad so, gu'n d'thugadh iad fa'near an crìoch dheireannach!

30 Cionnus a chuireadh a h-aon ruaig air mìle, agus a chuireadh dithis deich mìle air theicheadh, mur biodh an carraig air an reiceadh, agus mur biodh an Tighearna air an druidealh suas?

31 Oir mar ar carraig-ne cha 'n'eil an carraig-san, air bhi d'ar naimh-dibh fèin nam breitheamhnaibh.

32 Oir do fhìonain Shodoim tha'm fìonain-san, agus do mhachairibh Ghomorraibh: is fìon-dhearcan mar-bhtach<sup>o</sup> am fìon-dhearcan, tha 'm bagaidean searbh:

33 Is e nimh nan dràgon am fìon, agus puinsion<sup>p</sup> an-ìochdar nan nathraichean<sup>q</sup> nimhe.

34 Nach 'eil so air a thasgaidh suas agam, air a sheulachadh a'm' ionmhasaibh?

35 Dhomhsa buinidh dìoghaltas, agus luaigneachd; ri h-uine sleamhnaichidh an cos: oir tha là an sgrios am fagus, agus tha na nithe a thig orra a' deanamh deifir.

36 Oir bheir an Tighearna breth air a shluagh, agus gabhaidh e aithreachas a thaobh a sheirbhiseacha; 'nuair a chi gu'n d'fhalbh an neart, agus nach 'eil neach dhiubh air a dhruidealh suas, no air 'fhàgail.

37 Agus their e, C'ait am bheil an diathan, a' charraig as an d'earb iad,

38 A dh'ith saill an ìobairtean, a dh'òl fìon an tabhartais-dibhe? éir-eadh iad suas, agus cuidicheadh iad leibh; bitheadh iad dhuibh nan dìdean.

39 Faicibh a nis gur mise, cadhon

<sup>n</sup> Tha ar làmh ard.

<sup>o</sup> nimhe,

domblais. <sup>p</sup> ninnh, gath.

<sup>q</sup> asp.

<sup>r</sup> a làthair,

mise<sup>e</sup>, agus nach <sup>'eil</sup> Dia sam bith maille rium: marbhaidh mi, agus beothaichidh mi; lotaidh mi, agus leighisidh mi; agus cha <sup>n'eil</sup> neach ann a shaoras as mo làimh.

40 Oir togaidh mi suas mo làmh gu nèamh, agus their mi, *Is beò mise gu slorruidh.*

41 Ma gheuraicheas mi mo chlàidheamh lasrach<sup>a</sup>, agus ma ni mo làmh greim air breitheanas; locaidh mi dìoghaltas do m' naimhdibh, agus bheir mi luaigh-eachd dhoibhsan aig am bheil fuath orm.

42 Cuiridh mi air mhisg mo shaighdean le fuil (agus ithidh mo chlàidheamh suas feoil) *eadhon* le fuil nam marbh, agus nam braighdean, o thòiseach nan dìoghaltas air an nàmhaid.

43 Deanaibh gairdeachas, O chinn-each, *maille r'a* shluagh-san: oir diolaidh e fuil a sheirbhiseach, agus ni e dìoghaltas air <sup>'eascairidh</sup>, agus bithidh e tràcaireach d'a thìr agus d'a shluagh féin.

44 Agus thàinig Maois, agus labhair e uile bhriathra na laoidh so ann an éisdeachd an t-sluaigh, e féin agus Hosea mac Nun.

45 Agus chuir Maois crìoch air na briathra sin uile a labhairt ri h-Israel uile.

46 Agus thubhairt e riu, Socraichibh bhur cridhe air na focail uile air am bheil mise a' toirt fianuis 'nar measg air an là'n diugh, a dh'àithneas sibh d'ar cloinn a choimhead, a chum gu'n dean iad uile bhriathran an lagha so.

47 Oir cha ni dìomhain e dhuibh, a chionn gur e bhur beatha e; agus leis an ni so buanaichidh sibh *bhur* làithean 'san fhearann a tha sibh a' dol a nunn thar Iordan g'a shealbhachadh.

48 Agus labhair an Tighearna ri Maois san lasin féin, ag ràdh,

49 Imich suas do'n bheinn so Abarim, do shliabh Nebo, a tha ann an tìr Mhoab, a tha fa chomhair Iericho, agus gabh sealladh do thìr Chanaain, a tha mi a' toirt do chloinn Israeil mar sheilbh:

50 Agus gheibh thu bàs 'san t-sliabh d'an d'théid thu suas, agus cruinnichear thu chum do dhaoine; mar a fhuair Aaron do bhràthair bàs ann an sliabh Hor, agus a chruinnicheadh e chum a dhaoine:

51 A chionn gu'n do chiontaich sibh a'm' aghaidh-sa am measg chloinn Israeil, aig uisgeachaibh Mheribah-Cades, ann am fàsach Shin; do bhrìgh nach do naomhaich sibh mi am meadhon chloinn Israeil.

<sup>a</sup> dealrach, òbhta.

52 Gidheadh chi thu am fearann a'd' chomhair, ach cha d'théid thu steach do'n fhearann a tha mi tabhairt do chloinn Israeil.

CAIB. XXXIII.

**A** GUS is e so am beannachadh leis an do bheannaich Maois òglach<sup>b</sup> Dhé clann Israeil roimh a bhàs.

2 Agus thubhairt e, Thàinig an Tighearn o Shinai, agus dh'éirich e suas dhoibh o Sheir; dheatraich e mach o shliabh Pharain, agus thàinig e le deich mìle do naoimh: o 'dheas làimh *chaidh* lagh teine mach dhoibh.

3 Seadh, ghràdhaich e 'n sluagh; tha 'naoimh uile a'd' làimh: agus shuidh iad sìos aig do chosaibh; gheibh *gach neach* do d' briathraibh.

4 Dh'àithn Maois lagh dhuinn, mar oighreachd do choimhchruinneach Iacoib.

5 Agus bha e na rìgh ann an Iesurun, an uair a chruinnich ceannardan<sup>c</sup> an t-sluaigh agus treubhan Israeil an ceann a chéile.

6 Biodh Reuben beò, agus na faigheadh e bàs; agus bitheadh a dhaoine *lionmhor* an aireamh.

7 Agus is e so beannachadh Iudaih: agus thubhairt e, Eisd, a Thighearna, guth Iudaih, agus thoir e chum a shluaigh: biodh a làmhan foghlainteach dha, agus bi-sa a'd' chomhnadh<sup>d</sup> aige o 'naimhdibh.

8 Agus mu Lebhi thubhairt e, Biodh do Thummin agus t'Urim aig t'aon naomha, a dhearbhu thu aig Masah, ris an d'rinn thu stri<sup>e</sup> aig uisgeachaibh Mheribah;

9 A thubhairt r'a athair agus r'a mhàthair, Cha 'n fhaca mi e; agus cha do ghabh e<sup>e</sup> r'a bhràithribh, agus cha d'aithnich e a chlann féin: oir choimhid iad t'fhocail, agus ghleidh iad do choimhcheangal.

10 Teagaisgidh iad do bhreitheanais do Iacob, agus do lagh do Israeil: cuiridh iad tùis fa d' chomhair, agus làn òbairt-loisgte an t'altair.

11 Beannaich, O Thighearna, a mhaoin<sup>f</sup>, agus gabh ri obair a làmh: buail tre leasraidh na muinntir a dh'éireas na aghaidh, agus na muinntir le'm fuathach e, chum nach éirich iad a ris.

12 Mu Bheniamin thubhairt e, Gabhaidh aon gradhach an Tighearna còmhnuidh ann an tèaruinteachd làimh ris; agus còmhdaichidh an Tighearna e rè an là uile, agus gabhaidh e còmhnuidh eadar a ghuaillibh.

<sup>b</sup> duine. Eabh. <sup>c</sup> cinn. Eabh.

<sup>d</sup> chongnamh. Eir. <sup>e</sup> cha d' aidich e 'bhràithrean. <sup>f</sup> a neart, a shluagh.

13 Agus mu Ioseph thubhairt e, Beannaichte o'n Tighearna *gu robh* 'fhearann, a thaobh nithe luachmhor nèimh, a thaobh an drùchd, agus a thaobh na doimhne tha na luidhe shìos,

14 Agus a thaobh nan toradh luachmhor a *bheirear a mach* leis a' ghréin, agus a thaobh nan nithe luachmhor a chuirear a mach leis gach mìos<sup>a</sup>,

15 Agus a thaobh prìomh<sup>b</sup> nithe nam beann sean<sup>c</sup>, agus a thaobh nithe luachmhor nan sliabh sìorruidh.

16 Agus a thaobh nithe luachmhor na talmhainn, agus a làn, agus deagh-ghean an Tì sin, a bha chòmhnuidh sa' phreas: thigeadh *am beannachd* air ceann Ioseph, agus air mullach a chinn-san a sgaradh o 'bhràithribh.

17 Mar cheud-ghin a thairbh *tha* a sgèimh<sup>d</sup>, agus mar adhaircean an aonadharcaich<sup>e</sup> *tha* adhaircean-sa: leo so purraidh<sup>f</sup> e 'u sluagh le chéile, gu h-ìomallaibh na talmhainn: agus is iad so deich mìlte Ephraim, agus is iad so mìlte Mhanaseh.

18 Agus mu Shebulun thubhairt e, Dean gairdeachas, a Shebuluin, a'd' dhol a mach; agus Isachair, a'd' bhùthaibh.

19 Gairmidh iad an sluagh a chum na beinne, an sin ìobraidh iad ìobairtean ionracais: oir pailteas nan cuan sùgaidh iad suas, agus ionmhais fholaichte na gaineimh.

20 Agus mu Ghad thubhairt e, Beannaichte *gu robh* esan a leudaicheas<sup>h</sup> Gad: mar leòmhnan *tha* e gabhail còmhnuidh, agus reubaidh e 'n gairdean maille ri mullach a' chinn.

21 Agus dheasaich e cheud chuid dha féin, a chionn an sin, *ann an* cuibhrionn an lagh-thabhartair, gu'n do shuidhicheadh e; agus thàinig e *maille ri* ceannardaibh an t-sluaigh; ceartas an Tighearna chuir e 'u gnìomh, agus a bhreitheanais ri h-Israel.

22 Agus mu Dhan thubhairt e, *Is* cuilean leòmhain Dan: leumaidh e o Bhasan.

23 Agus mu Naphtali thubhairt e, O Naphtali, sàsaichte le deagh-ghean, agus làn do bheannachadh an Tighearna, sealhaich thusa an aird' an iar agus an airde deas.

24 Agus mu Aser thubhairt e,

*Biodh* Aser beannaichte le cloinn; biodh e taitneach d'a bhràithribh, agus tumadh<sup>i</sup> e a chos ann an oladh.

25 *Bithidh* do bhrògan nan iarunn agus nan umha<sup>k</sup>; agus mar do laith-ean *is amhluidh bhios* do neart<sup>l</sup>.

26 Cha 'n'eil neach cosmhuil ri Dia Iesuruin, a *tha* marcachd air nèamh a'd' chòmhnadh, agus na mhòrachd<sup>m</sup> air na speuraibh.

27 *Is e 'n* Dia bith-bhuan do thearmunn, agus fuidh *tha* na gairdeana sìorruidh: agus fuadaichidh e mach an nàmhaid romhad, agus their e, Cuir as da.

28 An sin gabhaidh Israel còmhnuidh gu tèaruinte na aonar: *bithidh* tobar Iacoib air fearann arbhair agus fìona; mar an ceudna silidh a nèamha nuas drùchd.

29 *Is* sonadh thu, O Israel; cò *tha* cosmhuil riut, O shluagh a shaoradh leis an Tighearna, sgiath do chòmhnadh, agus neach is e claidheamh do mhòrachd<sup>n</sup>; agus gheibhear do naimhde nam breugairibh dhuit, agus saltraidh tu air an àitibh arda.

#### CAIB. XXXIV.

**A**GUS chaidh Maois suas o chòmhnardaibh Mhoais gu sliabh Nebo, gu mullach Phisgaih<sup>n</sup>, a *tha* thall fa chomhair Iericho: agus nochd an Tighearna dha fearann Ghilead uile gu Dan,

2 Agus Naphtali uile, agus tìr Ephraim, agus Mhanaseh, agus tìr Iudaih uile, gu nuig an fhairge a's faide mach,

3 Agus an taobh deas, agus còmhnard glinne Iericho, baile nan craobh pailm, gu nuig Soar.

4 Agus thubhairt an Tighearna ris, *Is e* so am fearann a mhionnaich mi do Abraham, do Isaac, agus do Iacob, ag ràdh, Do d' shliochd-sa bheir mi e: thug mi ortsa 'fhaicinn le d' shùilibh, ach d'a ionnsuidh cha d'théid thu thairis.

5 Agus fhuair Maois, òglach an Tighearna, bàs an sin, ann am fearann Mhoais, a réir focail an Tighearna.

6 Agus dh'adhlaic e ann an gleann e, ann am fearann Mhoais, thall fa chomhair Bhet-peoir: ach cha 'n aithne do dhuine sam bith 'uaigh gus an là'n diugh.

7 Agus *bha* Maois ceud agus fich-ead bliadhna dh'aois an uair a fhuair

<sup>a</sup> leis a' ghealaich. <sup>b</sup> ceud, ard.

<sup>c</sup> bheanntan an airde 'n ear. Eabh.

<sup>d</sup> a ghloir, a mhaise. <sup>e</sup> an t-

sròn-adharcaich; Rhinoceros.

<sup>f</sup> sàthaidh. <sup>g</sup> sùghaidh, deothal-

aidh. <sup>h</sup> dh'fharsaingicheas.

<sup>i</sup> tomadh, bogadh.

<sup>k</sup> Bithidh iarunn agus umha fo a' chosaibh;

bithidh do chroinn no do ghlasan a dh'iarunn agus a dh'umha.

<sup>l</sup> do shìth. <sup>m</sup> oirdheirceas.

<sup>n</sup> na beinne. Eabh.



e bàs : cha d'fhàilnich a shùil<sup>a</sup>, ni mò a thréig a neart e<sup>b</sup>.

8 Agus ghuil clann Israeil air son Mhaois ann an còmhnaidhean Mhoib deich laithean, air fhichead : mar so chrìochnaicheadh làithean a' ghuil agus a' bhròin air son Mhaois.

9 Agus bha Iosua mac Nuin làn do spiorad a' ghliocais ; oir chuir Maois a làmhnan air : agus dh'éisd clann Israeil ris, agus rinn iad mar a dh'àithn an Tighearna do Mhaois.

<sup>a</sup> robh a shùil dall.

<sup>b</sup> lùghdaich-

eadh a chàil.

10 Agus cha d'éirich fàidh o sin ann an Israel cosmhuil ri Maois, neach a b'aithne do'n Tighearna aghaidh ri h-aghaidh ;

11 Anns na h-uile chomharaibh, agus iongantasaibh a chuir an Tighearna e dheanamh ann an tìr na h-Eiphit, air Pharaoh<sup>c</sup> agus air a sheirbhisich uile, agus air fhearann uile,

12 Agus anns an làimh chumhachdaich sin uile, agus anns an uamhas mhòr uile, a dh'oibrich Maois ann an sealladh Israeil uile.

<sup>c</sup> an aghaidh Pharaoh.

## I O S U A.

### CAIB. I.

**A**NIS an déigh bàis Mhaois, òg-laich an Tighearna, labhair an Tighearna ri Iosua, mac Nuin, fear-frithealaidh Mhaois, ag ràdh,

2 Tha m'òglach Maois marbh : a nis uime sin éirich, gabh thairis air Iordan so, thu féin, agus an sluagh so uile, dh'ionnsuidh na tìre a tha mise a' tabhairt dhoibh, eadhon do chloinn Israeil.

3 Gach ionad air an saltair bonn bhur coise, sin thug mi dhuibh, mar a thubhairt mi ri Maois.

4 O'n fhàsach, agus Lebanon so, eadhon gus an abhainn mhòir, abhainn Euphrates, tìr nan Hiteach uile, agus gus an fhairste mhòir, leth ri dol fuidhe na gréine, bithidh na chrìch dhuibh.

5 Cha'n urrainn duine sam bith seasamh a'd' aghaidh uile laithean do bheatha : mar a bha mìle Maois, mar sin bithidh mi leatsa : cha d'èir mi thu, agus cha tréig mi thu.

6 Bi làidir, agus ro-mhisneachail. oir do'n t-sluagh so roinnidh tu mar oighreachd an tìr a mhionnaich mi d'an aithrichibh<sup>a</sup> a thabhairt doibh.

7 A mhàin bi-sa làidir agus ro-mhisneachail, a chum as gu'n d'thoir thu 'u aire gu'n dean thu a réir an lagha uile a dh'àithn m'òglach Maois dhuit : na tionndaidh uaidh dh'ionnsuidh na làimhe deise no dh'ionnsuidh na làimhe clìthe, a

chum gu'n soirbhich leat anns gach àite d'an d'théid thu.

8 Cha d'théid leabhar an lagha so as do bheul, ach beachd-smuainichidh tu air a là agus a dh'oidhche, chum as gu'n d'thoir thu 'n aire gu'n dean thu a réir gach ni a ta scrìobhte ann : oir an sin bheir thu air do shlighe soirbheachadh leat, agus an sin ni thu gu glic<sup>b</sup>.

9 Nach d'àithn mise dhuit ? Bi làidir agus ro-mhisneachail, na bi fa eagal, agus na biodh faitcheas ort : oir tha 'n Tighearna do Dhia leat anns gach ionad d'an d'théid thu.

10 An sin dh'àithn Iosua do luchd-riaghlaidh an t-sluaigh, ag ràdh,

11 Rachaidh tre'n champ, agus àithnibh do'n t-sluagh, ag ràdh, Deasaichibh dhuibh féin lòn ; oir an ceann thri laithean théid sibh thar Iordan so, a dhol a stigh a shealbhachadh na tìre a tha 'n Tighearna bhur Dia a' toirt duibh r'a sealbhachadh.

12 Agus ris na Reubenich, agus ris na Gadaich, agus ri leth thréibh Mhanaseh, labhair Iosua, ag ràdh,

13 Cuimhnichibh am focal a dh'àithn Maois, òglach an Tighearna, dhuibh, ag ràdh, Thug an Tighearna bhur Dia fois duibh, agus thug e dhuibh an tìr so :

14 Fanaidh bhur mnà, bhur clann bheag, agus bhur spréidh, 'san tìr a thug Maois duibh air an taobh

<sup>a</sup> aithreachaibh.

<sup>b</sup> éiridh gu maith dhuit.

so do Iordan; ach théid sibh féin thairis fo'r n-armaibh roimh bhur bráithrean, sibhse uile tha treun ann an neart, agus cuidichidh sibh leo;

15 Gus an d'thoir an Tighearna fois d'ar bráithribh, mar a thug e dhuibhse, agus gu'n sealbhaich iad-san mar an ceudna an tír a tha'n Tighearna bhur Dia a' tabhairt doibh: an sin pillidh sibh gu tír bhur seilbhe, agus sealbhaichidh sibh i, eadhon an tír a thug Maois, òglach an Tighearna, dhuibh air an taobh so do Iordan, leth ri éirigh na gréine.

16 Agus fhreagair iad Iosua, ag ràdh, Na h-uile nìthe a dh'àithn thu dhuinne, ni sinn; agus ge b'e taobh a chuireas tu sinn, théid sinn.

17 A réir mar a dh'éisd sinn ri Maois anns na h-uile nìthibh, mar sin éisdidh sinn riutsa: a mhàin biodh an Tighearna do Dhia maille riut, mar a bha e maille ri Maois.

18 Gach duine a chuireas an aghaidh t'àithne, agus nach éisd ri d' bhríathraibh, anns na h-uile nìthibh a dh'àithneas tu dha, cuirear gu bàs e: a mhàin bi làidir, agus ro-mhisneachail.

#### CAIB. II.

AGUS chuir Iosua mac Nuin a mach a Sitim dithis dhaoine a rannsachadh a mach gu h-uaigneach, ag ràdh, Imichibh, rannsaichibh a mach an tìr, agus Iericho: agus dh'imich iad, agus chaidh iad a steach do thigh strìopaiche, d'am b'ainm Rahab, agus luidh iad an sin.

2 Agus dh'innseadh do rìgh Iericho, ag ràdh, Feuch, thàinig daoine an so an nochd, do chloinn Israeil, a rannsachadh a mach na tìre.

3 Agus chuir rìgh Iericho teachdaire gu Rahab, ag ràdh, Thoir a mach na daoine a thàinig a t'ionnsuidh, a chaidh steach do d' thigh: oir is ann a rannsachadh a mach na tìre uile a thàinig iad.

4 Agus ghabh a' bhean an dithis dhaoine, agus dh'fhòlaich i iad, agus thubhairt i mar so, Thàinig, gun amharus, daoine do m' ionnsuidh; ach cha robh fhios agam cia as a thàinig iad:

5 Agus thachair mu àm druididh a' gheataidh, nuair a bha e dorcha, gu'n deachaidh na daoine mach: c'àit a ghabh na daoine, cha'n fhios domh: leanaibh gu luath air an tòir, oir beiridh sibh orra.

6 Ach bha i air an toirt suas gu mullach an tighe, agus air am folach le cuiseagaibh an lìn, a leag i an ordugh air mullach an tighe.

7 Agus lean na daoine air an tòir 'san t slighe gu Iordan, gu ruig<sup>a</sup> na h-àthanna: agus co luath as a chaidh a' mhuinntir a bh'air an tòir a mach, dhruid iad an geatadh.

8 Agus mun robh iad air luidhe sìos, chaidh i suas d'an ionnsuidh air mullach an tighe;

9 Agus thubhairt i ris na daoineibh, Tha fios agam gu bheil an Tighearn air toirt duibh na tìre, agus gu bheil bhur n-uamhas air tuiteam oirne, agus gu'm bheil luchd-àiteachaidh na tìre uile air leaghadh as le h-eagal<sup>b</sup> roimhibh:

10 Oir chuala sinne cionnus a thiormaich an Tighearna suas uisge na mara ruaidhe roimhibh, nuair a thàinig sibh a mach as an Eiphit; agus ciod a rinn sibh air dà rìgh nan Amorach, a bh'air an taobh eile do Iordan, Sihon agus Og, a sgrios sibh gu tur.

11 Agus co luath as a chuala sinne na nìthe sin, leagh ar cridheacha, agus cha d'fhan tuilleadh a' bheag do mhisnich ann an duine sam bith air bhur sonsa: oir an Tighearna bhur Dia is esan Dia anns na nèamhaibh shuas, agus air an talamh bhos<sup>c</sup>.

12 A nis uime sin guidheam oirbh, mionnaichibh dhomh air an Tighearna, a chionn gu'n do nochd m' caoimhneas dhuibh, gu'n nochd sibhse mar an ceudna caoimhneas do thigh m'atharsa, agus gu'n d'thoir sibh dhomh comhara cinnteach<sup>d</sup>;

13 Agus gu'n gleidh sibh beo m'athair, agus mo mhàthair, agus mo bhráithrean, agus mo pheathraichean, agus na h-uile a ta aca, agus gu'n saor sibh ar n-anmanna<sup>e</sup> o'n bhàs.

14 Agus fhreagair na daoine i, Ar n-anam-ne air bhur son-sa gu bàs, mur foillsich sibh an gnothuch so againne. Agus tarlaidh nuair a bheir an Tighearna dhuinn an tìr, gu'm buin sinn gu caoimhneil agus gu firinneach riut-sa.

15 An sin leig i sìos iad air cord tré<sup>f</sup> 'n uinneig; oir bha a tigh air balladh a' bhaile<sup>g</sup>, agus bha i chòmhnuidh air a' bhalladh.

16 Agus thubhairt i riu, Thugaibh am monadh<sup>h</sup> oirbh, air eagal gu'n coinnich an luchd-tòrachd sibh; agus fòlaichibh sibh féin an sin trì laithean, gus am bi'n luchd-tòrachd air pilleadh, agus an déigh sin fendaidd sibh imeachd air bhur slighe.

<sup>a</sup> gu nuig.

<sup>c</sup> shìos.

<sup>e</sup> beatha.

<sup>g</sup> na cathrach.

<sup>b</sup> air fannachadh.

<sup>d</sup> firinn. Eabh.

<sup>f</sup> trid, troimh.

<sup>h</sup> a' bheinn.

17 Agus thubhairt na daoine rithe<sup>a</sup>, *Bithidh sinne neo-chiontach a thaobh iad so do mhionnan a thug thu oirnn a mhionnachadh.*

18 Feuch, *'nuair a thig sinn do'n tìr, ceanglaidh tu an stiomb<sup>b</sup> so do shnàth scarlait anns an uinneig tre'n do leig thu sìos sinn: agus bheir thu t'athair, agus do mhàthair, agus do bhràithrean, agus teaghlach t'athar uile dhachaidh a t' ionnsuidh.*

19 Agus tarlaidh, ge b'e neach a thèid a mach air dorsaibh do thighe do'n t-sràid, *gu'm bi 'fhuil air a cheann féin, agus bithidh sinne neo-chiontach: agus ge b'e neach a bhios maille riut anns an tigh, bithidh 'fhuil air ar ceann-ne, ma bheanas làmh ris.*

20 Agus ma dh'fhoillsicheas tu an gnothuch so againn, an sin bithidh sinne saor o d' mhionnaibh a thug thu oirnn a mhionnachadh.

21 Agus thubhairt ise, *A réir bhur briathra, mar sin bitheadh e.* Agus chuir i air falbh iad, agus dh'imich iad: agus cheangail i an stiomb scarlait anns an uinneig.

22 Agus dh'fhalbh iad, agus thàinig iad do'n mhonadh, agus dh'fhan iad an sin trì laithean, gus an do phill an luchd-tòrachd. Agus dh'iarra an luchd-tòrachd iad air feadh na slighe uile, *'ach cha d'fhuair siad iad.*

23 Mar sin phill an dithis dhaoine, agus chaidh iad sìos o'n mhonadh, agus chaidh iad thairis, agus thàinig iad gu Iosua mac Nuin, agus dh'innis iad da gach *ni a thachair dhoibh.*

24 Agus thubhairt iad ri Iosua, *Gu frinneach thug an Tighearna thairis d'ar làimh am fearann uile; oir tha eadhon luchd-àiteachaidh na tìre uile air leaghadh as fa'r comhair.*

## CAIB. III.

**A** GUS dh'éirich Iosua gu moch sa' mhaduinn, agus dh'imich iad o Shitim, agus thàinig iad gu Iordan, e féin agus clann Israeil uile, agus ghabh iad tàmh an sin mun deachaidh iad thairis.

2 Agus an ceann thrì laithean chaidh an luchd-riaghlaidh tre'n champ<sup>c</sup>;

3 Agus dh'àithn iad do'n t-sluagh, ag ràdh, *'Nuair a chi sibh àirc coimhcheangail an Tighearna bhur Dé, agus na sagairt na Lebhitich 'ga giùlan, an sin gluaisidh sibh o'r n-àite, agus thèid sibh na déigh.*

4 Gidheadh bithidh astar eadar sibh agus i, mu thimchioll dà mhìle 'àmh-choille do thomhas: na d'thig-

ibh am fagus di, a chum gu'm bi fios na slighe agaibh air am feum sibh imeachd; oir cha do ghabh sibh riamh roimhe an rathad so.

5 Agus thubhairt Iosua ris an t-sluagh, *Naomhaichibh sibh féin; oir am màireach ni 'n Tighearna nithe iongantach 'nar measg.*

6 Agus labhair Iosua ris na sagartaibh, ag ràdh, *Togaibh suas àirc a' choimhcheangail, agus rachaibh thairis roimh 'n t-sluagh. Agus thog iad suas àirc a' choimhcheangail, agus chaidh iad roimh 'n t-sluagh.*

7 Agus thubhairt an Tighearna ri Iosua, *An diugh tòisichidh mi air thusa dheanamh mòr ann an sealladh Israeil uile, a chum as gu'm bi fios aca, mar a bha mi le Maois, gu'm bi mi leat-sa.*

8 Agus bheir thu àithne do na sagartaibh a tha giùlan àirc a' choimhcheangail, ag ràdh, *'Nuair a bhios sibh air teachd gu oir uisge Iordan, ann an Iordan seasaidh sibh.*

9 Agus thubhairt Iosua ri cloinn Israeil, *Thigibh an so, agus éisdibh ri briathraibh an Tighearna bhur Dé.*

10 Agus thubhairt Iosua, *Le so bithidh fios agaibh gu'm bheil an Dia beo 'nar measg, agus gu'm fuadaich e gun teagamh a mach roimhibh na Canaanach, agus na' Hitich, agus na Hibhich, agus na Peridsich, agus na Girgasaich, agus na h-Amoraich, agus na Iebusaich.*

11 Feuch, tha àirc coimhcheangail Tighearna na talmhainn uile a' dol thairis roimhibh do Iordan.

12 A nis uime sin gabhaibh dà fhear dheug a treubhaibh Israeil, fear as gach tréibh.

13 Agus co luath sa shocraicheas na sagairt a ta giùlan àirc an Tighearna, Tighearna na talmhainn uile, buinn an cos ann an uisgeachaibh Iordain, bithidh uisgeacha Iordain air an sgaradh o na h-uisgeachaibh a thig a nuas o'n airde: agus seasaidh iad nan torr.

14 Agus an uair a dh'fhalbh an sluagh o'm bùthaibh, gu dol thar Iordan, agus na sagairt a' giùlan àirc a' choimhcheangail roimh 'n t-sluagh;

15 Agus an uair a bha iadsan a ghiùlain an àirc air teachd gu Iordan, agus a bha cosa nan sagart a ghiùlain an àirc air an tumadh ann an òir an uisge; (oir tha Iordan a' sruthadh thar 'uile bhrucha rè an fhogharaidh uile.)

16 An sin sheas na h-uisgeachan a thàinig a nuas o'n airde, agus

<sup>a</sup> ria.<sup>b</sup> cordan.<sup>c</sup> tre'n fheachd.

dh'èirich iad suas nan torr ro-fhad o'n bhaile Adam, a *ta* làimh ri Saretan: agus theirig iadsan a chaidh sìos rathad mara a' chòmhnaird, *eadhon* na mara salainn, agus ghearradh as iad: agus chaidh an sluagh thairis dìreach fa chomhair Iericho.

17 Agus sheas na sagairt a ghiùlain àirc coimhcheangail an Tighearna gu daingean<sup>a</sup> air talamh tioram am meadhon Iordain, agus chaidh na h-Israelich uile thairis air talamh tioram, gus an robh an sluagh uile air dol thar Iordan<sup>b</sup>.

#### CAIB. IV.

**A** GUS an uair a bha 'n sluagh uile air dol thar Iordan, an sin labhair an Tighearna ri Iosua, ag ràdh,

2 Gabhaibh dhuibh féin dà fhear dheug as an t-sluagh, duine as gach trìb,

3 Agus àithnibh dhoibh, ag ràdh, Thugaibh leibh o so a meadhon Iordain, as an àite anns an do sheas cosa nan sagart gu daingean, dà chloich dheug, agus bheir sibh iad thairis leibh, agus cuiridh sibh iad anns an àite-tàimh anns an gabh sibh fois an nochd.

4 An sin ghairm Iosua air an dà fhear dheug, a dheasaich e a cloinn Israeil, fear as gach trìb,

5 Agus thubhairt Iosua riu, Rachaidh thairis roimh àirc an Tighearna bhur Dé gu meadhon Iordain, agus togadh gach fear dliubh clach air a ghalainn, a réir àireimh threubha chloinn Israeil:

6 A chum as gu'm bi so na chomh-ara 'nar measg, a *chum* 'nuair a dh'fhiosraicheas bhur clann 'san àm ri teachd, ag ràdh, Ciod is *ciall* duibh leis na clachaibh so?

7 An sin gu'm freagair sibh iad, Gu'n robh uisgeacha Iordain air an sgaradh o chéile roimh àirc coimhcheangail an Tighearna, 'nuair a chaidh i thar Iordan, gu'n robh uisgeacha Iordain air an sgaradh o chéile: agus bithidh na clachan so nan cuimhneachan do chloinn Israeil gu bràth.

8 Agus rinn clann Israeil amhuil mar a dh'àithn Iosua, agus thog iad suas dà chloich dheug a meadhon Iordain, mar a labhair an Tighearna ri Iosua, a réir àireimh threubha chloinn Israeil, agus ghiùlain iad leo thairis iad do'n àit anns an do ghabh iad tàmh, agus chuir iad sìos an sin iad.

9 Agus chuir Iosua suas dà chloich

dheug am meadhon Iordain, 'san ionad anns an do sheas cosa nan sagart a ghiùlain àirc a' choimhcheangail; agus tha iad an sin gus an la'n diugh.

10 Oir sheas na sagairt a ghiùlain an àirc am meadhon Iordain, gus an do chrìochnaicheadh gach nì a dh'àithn an Tighearna do Iosua a labhairt ris an t-sluagh, a réir nan uile nithe a dh'àithn Maois do Iosua: agus rinn an sluagh cabhag, agus chaidh iad thairis.

11 Agus an uair a bha 'n sluagh uile air dol thairis, an sin chaidh àirc an Tighearna thairis, agus na sagairt an làthair an t-sluaigh.

12 Agus chaidh clann Reubein, agus clann Ghad, agus leth thréibh Mhanaseh, thairis fo'n àrmaibh roimh chloinn Israeil, mar a labhair Maois riu:

13 Chaidh thairis mu thimchioll dà fhichead mìle, deas air son cogaidh, an làthair an Tighearna gu cath do chòmhnardaibh Iericho.

14 Air an là sin dh'ardaich an Tighearna Iosua ann an sealladh Israeil uile, agus bha eagal orra roimhe, mar a bha eagal orra roimh Mhaois, uile laithean a bheatha.

15 Agus labhair an Tighearna ri Iosua, ag ràdh,

16 Aithn do na sagartaibh a tha giùlan àirc na fianuis, iad a theachd a nìos a Iordan.

17 Agus dh'àithn Iosua do na sagartaibh, ag ràdh, Thugibh a nìos a Iordan.

18 Agus an uair a bha na sagairt a ghiùlain àirc coimhcheangail an Tighearna air teachd a nìos a meadhon Iordain, agus a bha buinn chos nan sagart air an togail suas air an talamh tioram, an sin phill uisgeacha Iordain d'an àite féin, agus chaidh iad thar a bhruchan uile, mar a *rinn iad* roimhe.

19 Agus thàinig an sluagh a nìos a Iordan air an deicheamh là do'n cheud mhìos, agus champaich iad ann an Gilgal, 'san iomall a làimh na h-airde 'n ear do Iericho.

20 Agus an dà chloich dheug sin, a thug iad a mach a Iordan, chuir Iosua suas ann an Gilgal.

21 Agus labhair e ri cloinn Israeil, ag ràdh, 'Nuair a dh'fhiosraicheas bhur clann d'an aithrichibh 'san àm ri teachd, ag ràdh, Ciod is *ciall* do na clachaibh so?

22 An sin bheir sibh fios d'ar cloinn, ag ràdh, Thàinig Israel thar Iordan so air talamh tioram.

23 Oir thormaich an Tighearna bhur Dia suas uisgeacha Iordain roimhibhse, gus an deachaidh sibh thairis, mar a rinn an Tighearna bhur Dia air a' mhuir ruaidh, a

<sup>a</sup> deas.

<sup>b</sup> gus an do chuir an sluagh uile crìoch air dol thar Iordan.

Eabh.

<sup>c</sup> am màireach. Eabh.



thiormaich e suas romhainn, gus an robh sinn air dol thairis :

24 A chum as gu'n aithnich sluagh na talmhainn uile làmh an Tighearna, gu *bheil* i cumhachdach : a chum gu'm bi eagal an Tighearna bhuir Dé oirbh am feasd<sup>a</sup>.

C A I B. V.

**A**GUS an uair a chual<sup>a</sup> uile rìghre nan Amorach a *bh'*air an taobh thall do Iordan a làimh na h-airde 'n iar, agus uile rìghre nan Canaanach a *bha* làimh ris an fhairge, gu'n do thiormaich an Tighearna suas uisgeacha Iordain roimh chloinn Israeil, gus an deachaidh sinn thairis, leagh an cridhe, agus cha robh spiorad tuilleadh anna, air son chloinn Israeil.

2 Anns an àm sin thubhairt an Tighearna ri Iosua, Dean duit féin sgeanan geura<sup>b</sup>, agus timchiollghearr clann Israeil a rìs an daradh uair.

3 Agus rinn Iosua dha féin sgeanan geura, agus timchiollghearr e clann Israeil aig cnoc nan roimh-chraicinn.

4 Agus is e an t-aobhar mu'n do timchiollghearr Iosua : Fhuair an sluagh uile a thàinig a mach as an Eiphit a *bha* nam fìrionnaich, *eadhon* na fìr-chogaidh uile, bàs anns an fhàsach air an t-slighe, and deigh dhoibh teachd a mach as an Eiphit.

5 A nis *bha* 'n sluagh uile a thàinig a mach, air an timchiollghearradh ; ach an sluagh uile a rugadh 'san fhàsach air an t-slighe, 'nuair a thàinig iad a mach as an Eiphit, *iadsan* cha do timchiollghearr iad.

6 Oir dh'imich clann Israeil anns an fhàsach dà fhichead bliadhna, gus an deachaidh as<sup>c</sup> do'n luchd-cogaidh uile a thàinig a mach as an Eiphit, a chionn nach d'thug iad géill do ghuth an Tighearna : d'an do mhionnaich an Tighearna nach nochdadh e dhoibh am fearann, a mhionnaich an Tighearna d'an aithrichibh gu'n d'thugadh e dhuinn, fearann a tha sruthadh le bainne agus mil.

7 Agus an clann-san a thog e suas nan àite, iadsan timchiollghearr Iosua : oir *bha* iad neo-timchiollghearrta, a chionn nach do timchiollghearradh iad air an t-slighe.

8 Agus an uair a *bha* 'n sluagh uile air an timchiollghearradh, dh'fhan iad nan àitibh anns a' champ, gus an robh iad slàn.

9 Agus thubhairt an Tighearna ri Iosua, Air an la 'n diugh bhuin mi

air falbh uaibh masladh na h-Eiphit : uime sin thugadh Gilgal mar ainm air an àite sin gus an la 'n diugh.

10 Agus champaich clann Israeil ann an Gilgal, agus chum iad a' chàisg, air a' cheathramh la deug do'n mhìos anns an fheasgar, ann an còmhnrdaibh Iericho.

11 Agus dh'ith iad do shean bhàrr<sup>d</sup> an fhearainn air an la màireach an deigh na càisge, breacagan neo-ghoirtichte, agus *siol* cruaidhichte air an la sin féin.

12 Agus sguir am mana air an la màireach an deigh dhoibh itheadh do shean bhàrr an fhearainn, ni mò a *bha* mana tuilleadh aig cloinn Israeil, ach dh'ith iad do thoradh fearainn Chanaain air a' bhliadhna sin.

13 Agus an uair a *bha* Iosua làimh ri Iericho, thog e suas a shùilean agus dh'amhairc e, agus feuch, sheas duine thall fa chomhair, agus a chlaidheamh rùisgte na làimh : agus chaidh Iosua d'a ionnsuidh, agus thubhairt e ris, An ann leinne a *tha* thu, no le'r n-eascairdibh ?

14 Agus thubhairt e, Cha 'n ann : ach mar cheannard sùigh an Tighearna tha mi a nis air teachd. Agus thuit Iosua air 'aghaidh air an talamh, agus rinn e aoradh, agus thubhairt e ris, Ciod a *tha* mo thighearn ag ràdh r'a sheirbhliseach ?

15 Agus thubhairt ceannard sùigh an Tighearna ri Iosua, Fuasgail do bhròg bhàrr do choise, oir *tha* 'n t-ionad air am bheil thu a'd' sheasamh, naomha. Agus rinn Iosua mar sin.

C A I B. VI.

**A**NIS *bha* Iericho air a dhruideadh suas gu teann, roimh chloinn Israeil : cha deachaidh neach air bith a mach, agus cha d'thàinig neach air bith a stigh.

2 Agus thubhairt an Tighearna ri Iosua, Feuch, thug mi do d' làimh Iericho, agus a rìgh, agus na daoine treun ann an neart.

3 Agus cuairtichidh sibh am baile, *sibhse* fheara-cogaidh uile, agus thèid sibh mu timchioll a' bhaile aon uair : mar so ni thu air sè laithibh.

4 Agus giùlainidh seachd sagairt roimh an àirc seachd trompaidean a dh'adhaircibh reitheachan : agus air an t-seachdamh la thèid sibh mu timchioll a' bhaile seachd uairean, agus séididh na sagairt leis na trompaideibh.

5 Agus an uair a ni iad *fuaim* fhada le adhaircibh nan reitheachan, agus an uair a chluinneas sibh *fuaim* na trompaide, an sin èighidh an sluagh uile le h-iolaich mhòir,

<sup>d</sup> arbhar, siol, toradh.

<sup>a</sup> gach la. Eabh. <sup>b</sup> sgeanan do chlochaibh cruaidh. Eabh. <sup>c</sup> do chaitheadh, do bhàsaich.

agus tuitidh balladh a' bhaile sìos o' bhunadh, agus théid an sluagh suas gach duine dìreach roimhe.

6 Agus ghairm Iosua, mac Nuin, air na sagartaibh, agus thubhairt e riu, Togaibh suas àirc a' choimhcheangail, agus giùlaineadh seachd sagairt seachd trompaidean a dh'adhaircibh reitheachan roimh àirc an Tighearna.

7 Agus thubhairt e ris an t-sluagh, Gabhaibh air bhur n-aghaidh, agus cuairtichibh am baile, agus gabhadh esan a tha fo armaibh air 'aghaidh roimh àirc an Tighearna.

8 Agus an uair a labhair Iosua ris an t-sluagh, ghabh na seachd sagairt a' giùlan sheachd trompaidean a dh'adhaircibh reitheachan air an aghaidh roimh 'n Tighearna, agus shéid iad leis na trompaidibh: agus lean àirc coimhcheangail an Tighearna iad.

9 Agus chaidh na daoine armaichte roimh na sagartaibh a shéid leis na trompaidibh: agus thàinig a' chuid eile do'n t-sluagh a an déigh na h-àirce, na sagartan a' gabhail air an aghaidh, agus a' séideadh leis na trompaidibh.

10 Agus dh'àithn Iosua do'n t-sluagh, ag ràdh, Cha dean sibh iolach, agus cha dean sibh fuaim sam bith le'r guth, ni mò théid focal sam bith a mach as bhur beul, gus an là anns an abair mise ribh, Deanaibh iolach; an sin ni sibh iolach.

11 Mar sin chuairtich àirc an Tighearna am baile, a' dol m' a thimchioll aon uair: agus thàinig iad do'n champ, agus ghabh iad tàmh anns a' champ.

12 Agus dh'éirich Iosua gu moch sa' mhaduinn, agus thog na sagairt suas àirc an Tighearna.

13 Agus dh'imich air an aghaidh a ghnàth seachd sagairt a' giùlan sheachd trompaidean a dh'adhaircibh reitheachan roimh àirc an Tighearna, agus shéid iad leis na trompaidibh: agus dh'imich an sluagh armaichte rompa, ach thàinig a' chuid eile do'n t-sluagh an déigh àirc an Tighearna, na sagairt a' gabhail air an aghaidh, agus a' séideadh leis na trompaidibh.

14 Agus air an dara là chuairtich iad am baile aon uair, agus phill iad do'n champ: mar so rinn iad air sè laithibh.

15 Agus air an t-seachdamh là dh'éirich iad gu moch mu bhriseadh na fàire<sup>b</sup>, agus chuairtich iad am baile air an dòigh cheudna, seachd uairean: a mhàin air an là sin

chuairtich iad am baile seachd uairean.

16 Agus air an t-seachdamh nair, shéid na sagairt leis na trompaidibh, agus thubhairt Iosua ris an t-sluagh, Deanaibh iolach, oir thug an Tighearna dhuibh am baile.

17 Agus bithidh am baile mallaichte, e féin, agus gach *ni* a th'ann, do'n Tighearna: a mhàin bithidh Rahab an striopach beo, i féin agus iadsan uile a tha maille rithe 'san tigh, a chionn gu'n d'fholaich i na teachdairean, a chuir sinn uainn.

18 Agus sibhse, air gach aon chor gleidhibh *sibh féin* o'n ni mhall- aichte, air eagal gu'n dean sibh *sibh féin* mallaichte, 'nuair a ghabhas sibh do'n ni mhall- aichte, agus gu'n dean sibh camp Israeil na mhall- achadh, agus gu'n cuir sibh e fuidh bhuaireas<sup>c</sup>.

19 Ach *tha* 'n t-airgiod uile, agus an t-òr, agus na soithichean umha agus iarunn, coisrigte do'n Tighearna: thig iad a steach do ionmhas<sup>d</sup> an Tighearna.

20 Agus rinn an sluagh iolach an uair a shéid na sagairt leis na trompaidibh: agus an uair a chual' an sluagh fuaim na trompaide, agus a dh'éigh an sluagh le h-iolaich mhòir, an sin thuit am balladh sìos gu làr; agus chaidh an sluagh suas do'n bhaile, gach duine dìreach roimhe, agus ghlac iad am baile.

21 Agus léir-sgrìos iad gach *ni* a bha *aa*' bhaile, eadar fhear agus bhean, òg agus shean, agus dhamh, agus chaora, agus asal, le faobhar a' chladheimh.

22 Ach ris an dithis fhear a rann- saich a mach an tìr thubhairt Iosua, Rachaibh a steach do thigh na striop- aiche, agus thugaibh a mach as sin a' bhean, agus gach *ni* a th'aice, mar a mhionnaich sibh dhi.

23 Agus chaidh na h-òganaich a bha nan luchd-rannsachaidh<sup>e</sup> a stigh, agus thug iad a mach Rahab, agus a h-athair, agus a màthair, agus a bràithre, agus gach *ni* a bh'aice<sup>e</sup> agus thug iad a mach a dilsean uile, agus chuir iad an taobh a muigh do champ Israeil iad.

24 Agus loisg iad am baile le teine, agus gach *ni* a bh'ann: a mhàin an t-airgiod, agus an t-òr, agus na soithichean umha agus iarunn, chur iad ann an ionmhas tighe an Tighearna.

25 Agus ghléidh Iosua Rahab, an striopach, beo, agus teaghlach a h-athar, agus gach *ni* a bh'aice; agus tha i na comhnuidh ann an Is- rael gus an là 'n diugh, a chionn

<sup>a</sup> iadsan a bh'air dheireadh.

<sup>b</sup> chamhanaich, scarthanaich an là,

<sup>c</sup> mhi-shuaimehnas.

<sup>e</sup> luchd-brathaidh.

<sup>d</sup> thaisgeach.

gu'n d'fholaich i na teachdairean, a chuir Iosua a rannsachadh a mach Iericho.

26 Agus chuir Iosua fuidh mhionnaibh iad 'san àm sin, ag ràdh, Mall-aichte gu robh an duine an làthair an Tighearna, a dh'éireas agus a thogas an baile so Iericho: na cheud-ghin leagaidh e a bhunait, agus na mhac a's òige cuiridh e suas a gheatacha.

27 Mar so bha'n Tighearna maille ri Iosua, agus sgaioleadh 'iomradh-san air feadh na tìre uile.

## CAIB. VII.

**A**CH rinn clann Israeil cionta san ni mhallaichte: oir ghabh Achan mac Charmi, mhic Shabdi, mhic Sherah, do thréibh Iudah, cuid do'n ni mhallaichte: agus las fearg an Tighearn an aghaidh chloinn Israeil.

2 Agus chuir Iosua daoine o Iericho gu h-Ai, a tha làimh ri Bet-abhen, air an taobh an ear do Bhetel, agus labhair e ri u, ag ràdh, Rach-aibh suas, agus rannsaichibh a mach an tìr. Agus chaidh na daoine suas, agus rannsaich iad a mach Ai.

3 Agus phill iad gu Iosua, agus thubhairt iad ris, Na rachadh an sluagh uile suas; ach rachadh mu thimchioll dà mhìle no trì mìle fear suas, agus buaileadh iad Ai: na d'thoir air an t-sluagh uile saothreachadh an sin; oir cha 'n'eil ann diubh ach beagan.

4 Agus chaidh suas an sin do'n t-sluagh mu thimchioll trì mìle fear, agus theich iad roimh fheara Ai.

5 Agus bhuail fir Ai dhiubh mu thimchioll sè fir dheug thar fhichead: oir chuir iad an ruaig orra o chomhair a' gheataidh eadhon gu Sebarim, agus bhuail iad 'san dol sìos iad: uime sin leagh cridhe an t-sluaigh, agus dh'fhàs e mar uisge.

6 Agus reub Iosua 'eudach, agus thuit e gu làr air 'aghaidh roimh àirc an Tighearna, gu tràth feasgair, e féin agus seanairean Israeil, agus chuir iad duslach air an cinn.

7 Agus thubhairt Iosua, Och! a Thighearna Dhé, c'ar son a thug thu idir an sluagh so thar Iordau, g'ar toirt thairis do làimh nan Amorach, a chum ar sgrios? O b'fhearr gu'm biomaid toilichte, agus gu'm biomaid air gabhail còmhnuidh air an taobh eile do Iordau?

8 O Thighearna, ciod a their mi 'nuair a thionndaidheas Israeil an cùl r'a naimhdibh?

9 Oir cluinnidh na Canaanaich, agus uile luchd-àiteachaidh na tìre, agus iadhaidh iad mu'n cuairt oirnn,

agus gearraidh iad as ar n-ainm o'n talamh: agus ciod a ni thu ri d'ainm mór?

10 Agus thubhairt an Tighearna ri Iosua, Eirich suas; c'arson a luidheas tu mar so air t'aghaidh?

11 Pheacaich Israeil, agus bhris iad mar an ceudna mo choimhcheangal a dh'àithn mi dhoibh; oir ghabh iad eadhon do'n ni mhallaichte, agus mar an ceudna ghoid iad, agus mar an ceudna cheil<sup>a</sup> iad, agus chuir iad eadhon an measg an airneis féin e.

12 Uime sin cha b'urrainn clann Israeil seasamh roimh an naimhdean, ach thionndaidh iad an cùl r'an naimhdibh, a chionn gu'n robh iad mallaichte. Cha bhi mise maille ribh tuille, mur sgrios sibh an ti mhallaichte as bhur measg.

13 Eirich suas, naomhaich an sluagh, agus abair, Naomhaichibh sibh féin air son an la màireach: oir mar so tha'n Tighearna Dia Israeil ag ràdh, Tha ni mallaichte a'd' mheadhon, O Israel: cha'n urrainn thu seasamh roimh do naimhdibh, gus an cuir sibh air falbh an ni mallaichte as bhur measg.

14 Anns a' mhaduinn uime sin bheirear cuideachd sibh a réir bhur treubha: agus an treubh a ghabhas an Tighearna, thig i a réir a teaghlachan; agus thig an teaghlach a ghabhas an Tighearn, a réir a thighean; agus thig an tigh a ghabhas an Tighearn, a lion fear is fear.

15 Agus esan a ghlac leis an ni mhallaichte, loisgear le teine e féin agus gach ni a th'aige; a chionn gu'n d' bhris e coimhcheangal an Tighearna, agus gu'n d'rinn e amaid-eachd<sup>b</sup> ann an Israel.

16 Uime sin dh'éirich Iosua gu moch sa' mhaduinn, agus thug e leis Israel a réir an treubha, agus ghabhadh treubh Iudah.

17 Agus thug e leis teaghlach Iudah, agus ghabh e teaghlach nan Sarhitheach: agus thug e leis teaghlach nan Sarhitheach a lion fear is fear; agus ghabhadh Sabdi.

18 Agus thug e leis a thigh, a lion fear agus fear; agus ghabhadh Achan mac Charmi, mhic Shabdi, mhic Sherah, do thréibh Iudah.

19 Agus thubhairt Iosua ri Achan, A mhic, thoir, guidheam ort, glòir do'n Tighearna Dia Israeil, agus dean aidmheil da; agus innis domh a nis ciod a rinn thu, na folaich uam e.

20 Agus fhreagair Achan Iosua, agus thubhairt e, Gu deimhin, pheacaich mi an aghaidh an Tigh-

<sup>a</sup> dh'àicheadh iad.

<sup>b</sup> lochd.

earna Dé Israeil, agus mar so agus mar so rinn mi.

21 'Nuair a chunnaic mi am measg na creiche earradh<sup>a</sup> bhréagha Bhabilonach, agus dà cheud secel airgid, agus geinn òir anns an robh leth-cheud secel do chudthrom, an sin shanntaich mi iad, agus ghabh mi iad; agus feuch, *tha* iad folaichte 'san talamh am meadhon mo bhùtha, agus an t-airgiod fuidhe.

22 Mar sin chur Iosua teachdair-ean uaih, agus ruith iad do'n bhùth, agus feuch *bha e* folaichte na bhùth, agus an t-airgiod fuidhe.

23 Agus thug iad *leo* iad a meadhon a' bhùtha, agus thug iad gu Iosua iad, agus gu clann Israeil uile, agus sgaoil<sup>b</sup> iad a mach iad am fianuis an Tighearna.

24 Agus ghabh Iosua agus Israel nile maille ris, Achan mac Sherah, agus an t-airgiod, agus an earradh, agus an geinn òir, agus a mhic, agus a nigheana, agus a dhaimh, agus 'asail, agus a chaoraich, agus a bhùth, agus gach *ni a bh'*aige; agus thug iad do ghleann Achoir iad.

25 Agus thubhairt Iosua, C'ar son a chuir thu dragh oirn? cuiridh an Tighearna dragh ortsa an diugh. Agus chlach clann Israeil uile e le clachaibh, agus loisg iad le teine iad, an deigh dhoibh an clachadh le clachaibh.

26 Agus thog iad suas carn mòr chlach air a mhuin gus an la'n diugh: Agus phill an Tighearna o ghairge a chorruch. Uime sin thugadh gleann Achoir mar ainm air an àite sin gus an la 'n diugh.

### CAIB. VIII.

**A** GUS thubhairt an Tighearna, ri Iosua, Na gabh eagal, agus na bi fa gheilt: gabh an sluagh cogaidh uile maille riut, agus éirich, imich suas gu h-Ai: feuch, thug mi thairis do d' làimh rìgh Ai, agus a shluagh, agus a bhaile, agus 'fhearann.

2 Agus ni thu ri h-Ai agus r'a rìgh, mar a rinn thu ri Iericho, agus r'a rìgh: a mhàin a chreach, agus a spréidh, gabhaidh sibh mar chobh-artach dhuibh féin: cuir *daoine* ann ann feall-fholach<sup>c</sup> an aghaidh a' bhaile air a chùlaobh.

3 Agus dh'éirich Iosua agus an sluagh cogaidh uile, a dhòl suas an aghaidh Ai: agus thagh Iosua mach deich mìle fichead a dh'fhearaibh treun ann an neart, agus chuir e air falbh iad 'san oidliche.

4 Agus dh'àithn e dhoibh, ag ràdh, Feuch, ni sibh feall-fholach an aghaidh a' bhaile, *eadhon* air cùl

a' bhaile: na rachaibh ro-fhad o'n bhaile, ach bithibh uile deas:

5 Agus théid mise, agus an sluagh uile, a *tha* maille riud, dlùth do'n bhaile: agus an uair a thig iad a mach 'nar coinneamh, mar air tùs, teichidh sinne rompa;

6 (Oir thig iad a mach 'nar deigh) gus an tarruing sinn iad o'n bhaile; oir their iad, *Tha* iad a' teicheadh romhainn, mar air tùs: uime sin teichidh sinne rompa.

7 An sin éiridh sibhse o'n fheall-fholach, agus glacadh sibh am baile: oir bheir an Tighearna blur Dia 'nar làimh e.

8 Agus an uair a ghlacas sibh am baile, cuiridh sibh am baile ri theine: a réir àithne an Tighearna ni sibh, Feuch, dh'àithn mise dhuibh.

9 Uime sin chuir Iosua mach iad; agus dh'fhalbh iad a dheanamh feall-fholach, agus dh'fhan iad eadar Betel agus Ai, air an taobh an iar a dh'Ai: ach dh'fhan Iosua an oidhche sin am measg an t-sluagh.

10 Agus dh'éirich Iosua gu moch sa' mhaduinn, agus dh'àireamh e'n sluagh<sup>d</sup>, agus chaidh e suas, e féin agus seanairean Israeil, roimh 'n t-sluagh gu h-Ai.

11 Agus chaidh an sluagh cogaidh uile suas, a *bha* maille ris, agus chaidh iad am fagus, agus thàinig iad fa chomhair a' bhaile, agus champaich iad air an taobh mu thuath do Ai: a nis *bha* gleann eadar iad agus Ai.

12 Agus ghabh e mu thimchioll chùig mìle fear, agus chuir e iad a dheanamh feall-fholach eadar Betel agus Ai, air an taobh an iar do'n bhaile.

13 Agus an uair a shuidhich iad an sluagh, *eadhon* am feachd uile a *bh'*air an taobh mu thuath do'n bhuaile, agus an luchd-feall-fholach air an taobh an iar do'n bhaile, chaidh Iosua 'san oidhche sin do mheadhon a' ghlinne.

14 Agus an uair a chunnaic rìgh Ai sin, rinn iad cablag agus dh'éirich iad gu moch, agus chaidh fir a' bhaile a mach gu cath an aghaidh Israeil, e féin agus a shluagh uile, ann an àm suidhichte, fa chomhair a' chòmhnaidh; ach cha robh fhios aige gu'n robh luchd-feall-fholach na aghaidh air cùl a' bhaile.

15 Agus rinn Iosua agus Israel uile mar gu'm buailte iad rompa, agus theich iad rathad an fhàsaich.

16 Agus ghairmeadh an sluagh uile a *bha* ann an Ai<sup>e</sup> an ceann a' chéile

<sup>a</sup> truscan, culaidh, falluing.

<sup>b</sup> chuir.

<sup>c</sup> plaid-luidhe.

<sup>d</sup> ghabh e beachd do'n t-sluagh.

<sup>e</sup> anns a' bhaile.



gu dol air an tòir, agus chaidh iad air tòir Iosua, agus thairngedh o'n bhaile iad.

17 Agus cha d'fhàgadh duine ann an Ai, no ann am Betel, nach deachaidh a mach an dèigh Israeil: agus dh'fhàg iad am baile fosgailte, agus chaidh iad air tòir Israeil.

18 Agus thubhairt an Tighearna ri Iosua, Sin a mach an t-sleagh a tha d'làimh rathad Ai; oir bheir mise a'd<sup>a</sup> làimh e. Agus shìn Iosua mach an t-sleagh a bh'aige na làimh, a dh'ionnsuidh a' bhaile.

19 Agus dh'éirich na daoine a bha ris an fheall-fholach gu grad as an àite, agus ruith iad co luath 'sa shìn e mach a làmh: agus chaidh iad a stigh do'n bhaile, agus ghlac iad e, agus rinn iad cabhag, agus chuir iad am baile ri theine.

20 Agus an uair a sheall fir Ai nan dèigh, chunnaic iad, agus feuch, chaidh deatach a' bhaile suas gu nèamh, agus cha robh comas aca teicheadh an taobh so no'n taobh ud: agus thionndaidh an sluagh a theich do'n fhàsach, air an ais air an luchd-tòrachd.

21 Agus an uair a chunnaic Iosua agus Israel uile gu'n do ghlac luchd-na-feall-fholach am baile, agus gu'n deachaidh deatach a' bhaile suas, an sin phill iad, agus bhuail iad fir Ai.

22 Agus chaidh iadsan a mach as a' bhaile nan aghaidh; mar sin bha iad am meadhon Israeil, cuid air an taobh so, agus cuid air an taobh ud: agus bhuail siad iad, gus nach d'fhàgadh aon diubh beo, no aon gu dol as.

23 Agus ghlac iad rìgh Ai beo, agus thug iad e gu Iosua.

24 Agus an uair a chuir Israel crìoch air uile luchd-àiteachaidh<sup>b</sup> a' bhaile, anns a' mhachair, anns an fhàsach d'an do chuir iad an ruaig orra, agus an uair a thuit iad uile air faobhar a' chlàidheimh, gus an do chuireadh as doibh, an sin phill na h-Israelich uile gu h-Ai, agus bhuail iad e le faobhar a' chlàidheimh.

25 Agus bha ann dhiubhsan uile a thuit air an là sin, eadar fheara agus mhnà, dà mhìle dheug, eadhon muinntir Ai uile:

26 Oir cha do tharruing Iosua a làmh air a h-ais, a shìn e mach leis an t-sleagh, gus an do léir-sgrìos e luchd-àiteachaidh Ai uile.

27 A mhàin spréidh agus creach a' bhaile sin, ghabh Israel mar chobh-artach dhoibh féin, a réir focail an Tighearna a dh'àithn e do Iosua.

28 Agus loisg Iosua Ai, agus rinn

e na charn e gu bràth, na fhàsach gus an la 'n diugh.

29 Agus rìgh Ai chroch e air crann gu àm an fheasgair: agus mu dhol fuidhe na grèine dh'àithn Iosua, agus thug iad a nuas a chorp o'n chrann, agus thilg iad e aig dol a stigh geataidh a' bhaile, agus thog iad air carn mòr chlach a tha làthair gus an la 'n diugh.

30 An sin thog Iosua altair do'n Tighearna Dia Israeil air sliabh Ebail,

31 Mar a dh'àithn Maois òglach an Tighearna do chloinn Israeil, a réir mar a ta e sgrìobhta ann an leabhar lagha Mhaois, altair do chlachaidh slàna, air nach do thog duine sam bith suas iarunn; agus thug iad suas oirre lobairtean-loisgte do'n Tighearna, agus dh'lobair iad tabhartais-sìth.

32 Agus sgrìobh e 'n sin air na clachaidh dùblachadh lagha Mhaois, a sgrìobh e an làthair chloinn Israeil.

33 Agus sheas Israel uile, agus an seanairean, agus an luchd-riaghlaidh, agus am breitheamhna, air an taobh so do'n àirc, agus air an taobh ud, an làthair nan sagart nan Lebhitheach, a ghiùlain àirc coimh-cheangail an Tighearna, an coigreach eo maith ris-san a rugadh nam measg; leth dhiubh thall fa chomhair sléibh Gherisim, agus leth dhiubh thall fa chomhair sléibh Ebail: mar a dh'àithn Maois òglach an Tighearna, chum sluagh Israeil a bheannachadh air tùs e.

34 Agus an dèigh sin leugh<sup>d</sup> e uile bhriathran an lagha, na bean-nachdan agus na mallachdan, a réir nan uile nithe ta sgrìobhta ann an leabhar an lagha.

35 Cha robh focal do na h-uile nithibh a dh'àithn Maois, nach do leugh Iosua an làthair coimhchruinnich Israeil uile, agus nam ban, agus na cloinne bige, agus nan coigreach a bha fiantuinn nam measg.

#### CAIB. IX.

**A**GUS an uair a chuala na rìgh-rean uile a bh'air an taobh so do Iordan, anns na beanntaibh, agus anns a' chòmhnard, agus ann an uile oirthir<sup>e</sup> na fairge mòire thall fa chomhair Lebanoin, an Hiteach, agus an t-Aimorach, an Canaanach, am Periseach, an Hibheach, agus an Iebusach so;

2 Chruinnich iad an ceann a chèile a chogadh ri Iosua, agus ri h-Israel, le aon rùn.

<sup>e</sup> mar a dh'àithn Maois roimhe, a chum gu'm beannaicheadh iad sluagh Israeil.

<sup>d</sup> dh'èigh. Eabh.

<sup>e</sup> shlios.

M

3 Agus an uair a chuala luchd-àiteachaidh Ghibecoin ciod a rinn Iosua ri Iericho, agus ri h-Ai;

4 Rinn iadsan mar an cèudna gu seòlta, agus chaidh iad agus leig iad orra gu'm bu teachdairean iad, agus ghabh iad seann saic air an asalaibh, agus fion-shearragan<sup>a</sup>, a bha sean agus reubta, agus ceangailte suas.

5 Agus brògan a bha sean agus càirichte air an cosaibh, agus sean eudach orra, agus bha aran an lòn uile tioram agus liath.

6 Agus chaidh iad a dh'ionnsuidh Iosua do'n champ gu Gilgal, agus thubhairt iad ris, agus ri fir Israeil, Thàinig sinne o dhùthaich fad as: a nis uime sin deanaibh coimh-cheangal ruinn.

7 Agus thubhairt fir Israeil ris na Hibhich, Theagamh gu bheil sibh a chòmhnuidh nar measg, agus cionnus a dh'fheudas sinne coimhcheangal a dheanamh ribh?

8 Agus thubhairt iad ri Iosua, Is sinne do sheirbhisich. Agus thubhairt Iosua riu, Cò sibh? agus cia as a thàinig sibh?

9 Agus thubhairt iad ris, O dhùthaich ro-fhad air astar thàinig do sheirbhisich air sgàth ainm an Tighearna do Dhé: oir chuala sinn 'iomradh-san, agus gach ni a rinne e 'san Eiphit,

10 Agus gach ni a rinn e ri dà rìgh nan Amorach, a bha 'n taobh thall do Iordan, ri Sihon rìgh Hesboin, agus ri h-Og ri Bhasain, a bha aig Astarot;

11 Uime sin labhair ar seanairean agus uile luchd-àiteachaidh ar dùthcha ruinn, ag ràdh, Gabhaibh lòn 'nar làimh air son an turuis, agus rachaibh nan coinneamh, agus abraibh riu, Is sinne bhuir seirbhisich; agus a nis deanaibh coimhcheangal ruinn.

12 An t-aran so againn ghabh sinn teth air son ar lòn a mach as ar tighibh, 'san là-anns an d'fhàinig sinn a mach gu dol d'ar n-ionnsuidh-sa; ach a nis feuch, tha e tioram, agus liath:

13 Agus na searragan fiona so a lòn sinn, bha iad nuadh<sup>b</sup>, agus feuch, tha iad reubta: agus tha ar n-eudach so agus ar brògan air fàs sean, le ro-fhad na slighe.

14 Agus ghabh na daoine d'am biadh, agus cha d'iarr iad comhairle o bheul an Tighearna.

15 Agus rinn Iosua sìth riu, agus rinn e coimhcheangal riu, a leigeil leo bhi beo: agus mhionnaich uachdarain a' choimhchruinnich dhoibh.

16 Agus thachair an ceann thri

fion-bhuideil.

<sup>b</sup> nomha.

laithean, an déigh dhoibh coimhcheangal a dheanamh riu, gu'n cual' iad gu'm b'iad an coimhearsnaich iad, agus gu'n robh iad a chòmhnuidh nam measg.

17 Agus chaidh clann Israeil air an aghaidh, agus thàinig iad a dh'ionnsuidh am bailtean<sup>c</sup> air an treas là: a nis b'iad am bailte Gibeon, agus Chephirah, agus Be-crot, agus Ciriath-earim.

18 Agus cha do bhuail clann Israeil iad, a chionn gu'n do mhionnaich uachdarain a' choimhchruinnich dhoibh air an Tighearna Dia Israeil: Agus rinn an coimhchruinneach uile gearan<sup>d</sup> an aghaidh nan uachdaran.

19 Ach thubhairt na h-uachdarain uile ris a' choimhchruinneach uile, Mhionnaich sinn dhoibh air an Tighearna Dia Israeil; agus uime sin cha 'n fhead sinn beantuinn riu.

20 So ni sinn riu; leigidh sinn eadhon leo a bhi beo, a chum as nach bi fearg Dhé 'nar n-aghaidh, air son nam mionnan a mhionnaich sinn dhoibh.

21 Agus thubhairt na h-uachdarain riu, Leigibh leo bhi beo, ach biodh iad nan luchd-gearraidh fiodha, agus nan luchd-tarruing uisge do'n choimhchruinneach uile, mar a gheall na h-uachdarain dhoibh.

22 Agus ghairm Iosua orra, agus labhair e riu, ag ràdh, C'ar son a mheall sibh sinn, ag ràdh, Tha sinn ro-fhada uaibh, an uair a tha sibh a chòmhnuidh 'nar measg?

23 A nis uime sin tha sibh mall-aichte, agus cha saorar neach air bith dhibh o bhi 'nar tràillibh, agus 'nar luchd-gearraidh fiodha, agus 'nar luchd-tarruing uisge air son tighe mo Dhé.

24 Agus fhreagair iad Iosua, agus thubhairt iad, Do bhrìgh gu'n d'innseadh gu cinnteach do d' sheirbhisich cionnus a dh'àithn an Tighearna do Dhia d'a èglach Maois am fearann uile a thoirt duibh, agus luchd-àiteachaidh na tìre uile a sgrios roimhibh, uime sin bha eagal mòr ar n-anna oirnn roimhibh, agus rinn sinn an ni so.

25 Agus a nis feuch, tha sinn a' d'làimh: mar a mheasair maith agus ceart leatsa a dheanamh ruinn, dean.

26 Agus mar so rinn e riu, agus shaor e iad as làimh chloinn Israeil: agus cha do mharbhadh siad iad.

27 Agus rinn Iosua iad san là sin

<sup>c</sup> caithrichean, bailte cuairtiche le balladh. <sup>d</sup> duarman, monmhor; murmur. Sasg.

féin nan luchd-gearraidh fiodha, agus nan luchd-tarruing uisge do'n choimhchrinneach, agus do altair an Tighearna, eadhon gus an la 'n diugh, anns an ionad a rìgh-naicheadh e.

## CAIB. X.

**A** GUS an uair a chual' Adonisedec rìgh Ierusalem gu'n do ghlac Iosua Ai, agus gu'n do léir-sgrìos se e (mar a rinn e ri Iericho agus r'a rìgh, mar sin gu'n d'rinn e ri h-Ai agus r'a rìgh) agus gu'n d'rinn luchd-àiteachaidh Ghibeoin sìth ri h-Israel, agus gu'n robh iad nam measg,

2 Ghabh iad eagal mòr, do bhrìgh gu'm bu bhaile mòr Gibeon, mar aon do na bailtibh rìoghail, agus do bhrìgh gu'm bu mhò e na Ai, agus gu'n robh a dhaoine uile treun.

3 Uime sin chuir Adonisedec, rìgh Ierusalem, fìos gu Hoham rìgh Hebroin, agus gu Piram rìgh Iarmuit, agus gu Iaphia rìgh Lachis, agus gu Debir rìgh Egloin, ag ràdh,

4 Thigibh a nìos a m'ionusuidhsa, agus cuidichibh leam, a chum as gu'm buail sinn Gibeon: oir rinn e sìth ri Iosua, agus ri cloinn Israeil.

5 Uime sin chruinnich cùig rìghre nan Amorach, rìgh Ierusalem, rìgh Hebroin, rìgh Iarmuit, rìgh Lachis, rìgh Egloin, iad féin an ceann a chéile, agus chaidh iad suas, iad féin agus an slòigh uile, agus champ-aich iad fa chomhair Ghibeoin, agus chog iad na aghaidh.

6 Agus chuir ri Ghibeoin fìos gu Iosua, do'n champ gu Gilgal, ag ràdh, Na deanadh do làmh moille o d' sheirbhisich; thig a nìos d'ar n-ionnsuidh gu grad, agus saor sinn, agus cuidich leinn: oir tha rìghre nan Amorach uile a tha nan còmhluaidh 'sna beanntaibh, air cruinneachadh ri chéile 'nar n-aghaidh.

7 Agus chaidh Iosua suas a Ghilgal, e féin agus an sluagh cogaidh uile maille ris, agus na fir threun a uile.

8 Agus thubhairt an Tighearna ri Iosua, Na gabh eagal rompa; oir thug mise thairis do d' làimh iad: cha seas duine dhiubh romhad.

9 Uime sin thàinig Iosua orra gu h-obann: rè na h-oidhe chaidh e suas o Ghilgal.

10 Agus chlaoidh an Tighearna iad roimh Israel, agus mharbh e iad le h-àr<sup>b</sup> mòr aig Gibeon, agus chuir e'n ruaig orra rathad uchdaich Bhethoroin, agus bhual e iad gu Hasecah, agus gu Macedah.

11 Agus an uair a bha iad a' teicheadh roimh. Israel, agus iad air

leathad Bheth-horoin, thilg an Tighearna clacha mòra orra nuas o nèamh gu Hasecah, agus fhuair iad bàs: bu lionmhoire iadsan a bhàsaich leis na clacha-meallainn, na iadsan a mharbh clann Israeil leis a' chlaidheamh.

12 An sin labhair Iosua ris an Tighearna 'san là anns an d'thug an Tighearna suas na h-Amoraich roimh chloinn Israeil, agus thubhairt e 'm fianuis Israeil, A ghrian, air Gibeon stad, agus thusa a ghealach, air gleann Aialoin.

13 Agus stad a' ghrian, agus sheas a' ghealach, gus an do dh'ìol an sluagh iad féin air an naimhdeibh. Nach 'eil so sgrìobhta ann an leabhar laseir? Agus stad a' ghrian an meadhon nèimh, agus cha d'rinn i cablag gu dol fuidhe mu thimchioll la iomlain.

14 Agus cha robh la sam bith cosmhail ris an la sin, roimhe no na dhéigh, anns an d'éisd an Tighearna ri guth duine: oir chog an Tighearna air son Israeil.

15 Agus phill Iosua, agus Israel uile maille ris, do'n champ gu Gilgal.]

16 Ach theich na cùig rìghrean ud, agus dh'fholaich siad iad féin ann an uaimh ann am Macedah.

17 Agus dh'innseadh do Iosua, ag ràdh, Fhuaradh na cùig rìghre folachte ann an uaimh ann am Macedah.

18 Agus thubhairt Iosua, Caruichibh clachamòra air beul na h-uamha, agus cuiribh daoine làimh rithe g'an gleidheadh.

19 Agus na stadaibhse, ach rach-aibh air tòir bhur naimhde, agus buailibh iadsan a's deireannaiche dhiubh, na leigibh leo dol a stigh d'am bailtibh; oir thug an Tighearna bhur Dia iad thairis d'ar làimh.

20 Agus an uair a chuir Iosua agus clann Israeil crìoch air am marbhadh le h-àr ro mhòr gus an do chuireadh as doibh, chaidh a' chuid a mhair dhiubh a steach do na bailtibh daingichte.

21 Agus phill an sluagh uile do'n champ gu Iosua aig Macedah ann an sìth: cha do ghluais neach a theanga an aghaidh duine sam bith do chloinn Israeil.

22 An sin thubhairt Iosua, Fosglaidh beul na h-uamha, agus thug-aibh a mach a m' ionnsuidh na cùig rìghrean ud as an uaimh.

23 Agus rinn iad mar sin, agus thug iad a mach na cùig rìghrean ud d'a ionnsuidh as an uaimh, rìgh Ierusalem, rìgh Hebroin, rìgh Iarmuit, rìgh Lachis, agus rìgh Egloin.

a bhual.

b marbhadh.

24 Agus an uair a thug iad a mach na rìghre sin gu Iosua, ghairm Iosua air fearaibh Israeil uile, agus thubhairt e ri ceannardaibh nam fear-cogaidh a chaidh maille ris, Thigibh am fagus, cuiribh bhur cosan air muinealaibh nan rìgh sin. Agus thàinig iad am fagus, agus chuir iad an cosan air am muinealaibh.

25 Agus thubhairt Iosua rin, Na biodh eagal oirbh agus na bithibh fuidh gheilt, bithibh làidir agus biodh deagh mhisneach agaibh; oir mar so ni 'n Tighearna r'ar naimhdeibh uile, ris am bheil sibh a' cogadh.

26 Agus an dèigh sin bhuail Iosua iad, agus mharbh e iad, agus chroch e iad air cùig crannaibh: agus bha iad an crochadh air na crannaibh gu feasgar.

27 Agus an àm dol fuidhe<sup>a</sup> na gréine dh'àithn Iosua, agus thug iad a nuas iad o na crannaibh, agus thilg siad iad 'san uaimh anns an d'fholaich siad iad féin, agus chuir iad clacha mòra am beul na li-namha, a tha làthair gus a' cheart la so.

28 Agus air an là sin féin ghlac Iosua Macedah, agus bhuail se e le faobhar a' chlaidheimh, agus a rìgh sgrios e gu tur, iadsan agus gach anam a bh' ann; cha d'fhàg e neach air bith beo: agus rinn e ri rìgh Mhacedah mar a rinn e ri rìgh Iericho.

29 An sin chaidh Iosua, agus Israel uile maille ris, thairis o Mhacedah gu Libnah, agus chog e 'n aghaidh Libnah.

30 Agus thug an Tighearna thairis e mar an cendna, agus a rìgh, do làimh Israeil, agus bhuail se e le faobhar a' chlaidheimh, agus na h-anman uile a bha ann: cha d'fhàg e neach air bith beo ann, ach rinn e r'a rìgh, mar a rinn e ri rìgh Iericho.

31 Agus chaidh Iosua, agus Israel uile maille ris, thairis o Libnah gu Lachis, agus champaich e na aghaidh, agus chog e na aghaidh.

32 Agus thug an Tighearna thairis Lachis do làimh Israeil, agus ghlac se e air an dara là, agus bhuail se e le faobhar a' chlaidheimh, agus gach anam a bha ann, a réir nan uile *nithe* a rinn e air Libnah.

33 An sin thàinig Horam rìgh Gheseir a nìos a chuideachadh Lachis; agus bhuail Iosua e agus a shluagh, gus nach d'fhàg e h-aon air bith beo aige.

34 Agus chaidh Iosua agus Israel uile maille ris, o Lachis gu h-Eglon,

agus champaich iad na aghaidh, agus chog iad na aghaidh.

35 Agus ghlac iad e air an là sin féin, agus bhuail iad e le faobhar a' chlaidheimh, agus gach anam a bha ann sgrios e gu tur 'san là sin, a réir nan uile *nithe* a rinn e ri Lachis.

36 Agus chaidh Iosua, agus Israel uile maille ris, suas o Eglon gu Hebron, agus chog iad na aghaidh.

37 Agus ghlac iad e, agus bhuail iad e le faobhar a' chlaidheimh, agus a rìgh, agus a bhailtean uile, agus gach anam a bha ann: cha d'fhàg e h-aon air bith beo, (a réir nan uile *nithe* a rinn e ri h-Eglon) ach sgrios e gu tur e, agus gach anam a bha ann.

38 Agus phill Iosua, agus Israel uile maille ris, gu Debir, agus chog e na aghaidh.

39 Agus ghlac se e, agus a rìgh, agus a bhailtean uile, agus bhuail siad iad le faobhar a' chlaidheimh, agus léir-sgrios iad gach anam a bha ann; cha d'fhàg e h-aon air bith beo: mar a rinn e ri Hebron, mar sin rinn e ri Debir, agus r'a rìgh; agus mar a rinn e ri Libnah, agus r'a rìgh.

40 Agus bhuail Iosua tìr nam beann uile, agus na h-airde deas, agus a' chòmhnaidh, agus nan tobar, agus an rìghrean uile: cha d'fhàg e h-aon air bith beo, ach léir-sgrios e gach neach anns an robh anail, mar a dh'àithn an Tighearna Dia Israeil.

41 Agus bhuail Iosua iad o Chades-barnea gu ruig Gasa, agus tìr Ghosein uile gu ruig Gibeon.

42 Agus na rìghre sin uile, agus am fearann ghlac Iosua dh'aon tar-ruing<sup>b</sup>, do bhrìgh gu'n do chog an Tighearna Dia Israeil air son Israeil.

43 Agus phill Iosua, agus Israel uile maille ris, do'u champ gu Gilgal.

CAIB. XI.

**A** GUS an nair a chuala Iabin rìgh Hasoir na *nithe* sin, chuir e fios gu Iobab rìgh Mhadoin, agus gu rìgh Shimroin, agus gu rìgh Achsaiph,

2 Agus a dh'ionnsuidh nan rìgh, a bha mu thuath anns na beanntaibh, agus anns a' chòmhnaidh mu dheas do Chinerot, agus anns a' ghleann, agus an an crìochaibh Dhoir, air an làimh an iar;

3 Agus a dh'ionnsuidh a' Chanaan-ach air an làimh an ear, agus an làimh an iar, agus a dh'ionnsuidh an Amoraich, agus an Hitich, agus a' Pheridsich, agus an Iebusaich anns na beanntaibh, agus a dh'ionn-

<sup>a</sup> fodha.

<sup>b</sup> 'san aon àm.



*suidh* an Hibhich fuidh Hermon, ann an tìr Mhispeh.

4 Agus chaidh iad a mach, iad féin agus am feachd uile maille riu, sluagh lìonmhor, eadhon mar an gaineamh a *ta* air tràigh na fairge thaobh lìonmhoireachd, le h-each-*aibh* agus earbadaibh ro-lìonmhor.

5 Agus an uair a bha na rìghre sin uile air coinneachadh a chèile, thàinig iad agus champaich iad cuideachd aig uisgeachaibh Mheroim, a chogadh an aghaidh Israeil.

6 Agus thubhairt an Tighearna ri Iosua, Na biodh eagal ort rompa: oir an màireach mu'n àm so bheir mise suas iad uile marbh am fianuis Israeil: gearraidh tu iosgaidean<sup>a</sup> an each, agus loisgidh tu an carbadan le teine.

7 Agus thàinig Iosua, agus an sluagh cogaidh uile maille ris, orra aig uisgeachaibh Mheroim gu h-obann, agus bhuail iad orra.

8 Agus thug an Tighearna thairis iad do làimh Israeil, a bhuail iad, agus a chuir an ruaig orra gu Sidon mòr, agus gu Misrephot-maim, agus gu comhnard Mhispeh air an làimh an ear, agus bhuail siad iad, gus nach d'fhàg iad aon diubh beo.

9 Agus rinn Iosua riu mar a dh'iarr an Tighearna air: ghearr e iosgaidean an each, agus loisg e'n carbadan le teine.

10 Agus phill Iosua 'san àm sin air ais, agus ghlac e Hasor, agus bhuail e a rìgh leis a' chlàidheamh: oir b'e Hasor roimhe sin ceann nan rìoghachda sin uile.

11 Agus bhuail iad na h-anman uile a *bha* ann le faobhar a' chlàidheimh, 'g an léir-sgrìos: cha d'fhàgadh aon anns an robh anail; agus loisg e Hasor le teine.

12 Agus uile bhalte nan rìgh sin, agus an rìghrean nìle ghlac Iosua, agus bhuail e iad le faobhar a' chlàidheimh, agus sgrìos e gu tur iad, mar a dh'àithn Maois òglach an Tighearna.

13 Ach a thaobh nam bailte sin uile a sheas a ghnàth nan neart<sup>b</sup>, cha do loisg Israel aon diubh sin, saor o Hasor a mhàin; sin loisg Iosua.

14 Agus uile chreach nam bailte sin, agus an spréidh, ghabh clann Israeil mar chobhartach dhoibh féin: ach bhuail iad gach duine le faobhar a' chlàidheimh, gus an do chuir iad as doibh; cha d'fhàg iad neach air bith anns an robh anail.

15 Mar a dh'àithn an Tighearna d'a òglach Maois, mar sin dh'àithn

Maois do Iosua, agus mar sin rinn Iosua: cha d'fhàg e ni gun deanamh do na h-uile a dh'àithn an Tighearna do Mhaois.

16 Mar sin ghlac Iosua am fearann sin uile, na sléibhte, agus an tìr mu dheas uile, agus fearann Ghosein uile, agus an gleann, agus an còmh-nard, agus shìabh Israeil, agus a ghleann:

17 O shliabh Halaic, a tha dol suas gu Seir, eadhon gu Baal-gad ann an gleann Lebanon, fuidh shliabh Her-moin: agus an rìghrean uile ghlac e, agus bhàil e iad, agus mharbh e iad.

18 Rè ùine fhada<sup>c</sup> rinn Iosua cogadh ris na rìghribh sin uile.

19 Cha robh baile mòr<sup>d</sup> air bith a rinn sìth ri cloinn Israeil, saor o na Hibhich luchd-àiteachaidh Ghibeoin; càch uile ghlac iad ann an cath.

20 Oir b'ann o'n Tighearna a bha e an cridheachan a chruadhachadh, chum gu'n d'fhigeadh iad an aghaidh Israeil ann an cath, a chum gu'n sgrìosadh e iad gu tur, agus nach biodh iochd sam bith air a nochdadh dhoibh, ach gu'n cuireadh e as doibh, mar a dh'àithn an Tighearna do Mhaois.

21 Agus anns an àm sin thàinig Iosua, agus ghearr e as na h-Anacaich<sup>e</sup> o na sléibhtibh, o Hebron, o Dhebir, o Anab, agus o bheanntaibh Iudah uile, agus o bheanntaibh Israeil uile: sgrìos Iosua gu tur iad le'm bailtibh.

22 Cha d'fhàgadh aon do na h-Anacaich ann am fearann chloinn Israeil: a mhàin ann an Gasak, ann an Gat, agus ann an Asdod, dh'fhàgadh iad.

23 Mar sin ghlac Iosua an tìr uile, a réir nan uile a thubhairt an Tighearna ri Maois, agus thug Iosua i mar oighreachd do chloinn Israeil, ann an earranaibh a réir an treubha. Agus fhuair an tìr fois o chogadh.

## CAIB. XII.

**A**NIS is iad so rìghrean an fhear-  
ainn, a bhuail clann Israeil;  
agus shealbhaich iad ann fearann air  
taobh eile Iordain leth ri éirigh na  
gréine, o sliruth<sup>f</sup> Arnoin gu shìabh  
Her-moin, agus an còmh-nard uile air  
an làimh an ear.

2 Sihon rìgh nan Amorach, a bha  
chòmhnuidh ann an Hesbon, agus a  
riaghlaich o Aroer, a tha air bruaich  
sruth Arnoin, agus o mheadhon an  
t-srutha, agus leth Ghilead eadhon  
gus an sruth Iaboc, crìoch chloinn  
Amoin:

<sup>c</sup> iomadh là. Eabh.

<sup>d</sup> cathair,

baile cuairtiche le balladh.

<sup>e</sup> clann Anaic.

<sup>f</sup> abhuinn.

<sup>a</sup> easgaidean.

<sup>b</sup> a sheas air an dùn, air an cnéc. Eabh.

3 Agus an còmhnaid gu muir Chineròit a làimh na h-airde 'n ear, agus gu muir a' chòmhnaird, eadhon a' mhuirshalainn a làimh na h-airde 'n ear, an t-slighe gu Bet-iesimot; agus o'n airde deas, fuidh Asdot-pisgah.

4 Agus crìoch Og rìgh Bhasain, a bha dh' iarmad nam fainhairean<sup>a</sup> a bha chòmhnuidh ann an Astarot, agus ann an Edrei,

5 Agus a rìghaich ann an sliabh Hermoin, agus ann an Salcah, agus ann am Basan uile, gu crìch nan Gesurach agus nam Maachatach, agus leth Ghilead, crìoch Shihoin rìgh Hesboin.

6 Iadsan bhuail Maois òglach an Tighearn agus clann Israeil, agus thug Maois òglach an Tighearn e mar sheilbh do na Reubenich, agus do na Gadaich, agus do leth thréibh Mhanaseh.

7 Agus is iad so rìghre na tìre a bhuail Iosua agus clann Israeil air an taobh so do Iordan air an làimh an iar, o Bhaal-gad ann an gleann Lebanoin, eadhon gu sliabh Halaic, a tha dol suas gu Seir, a thug Iosua do threnbhaibh Israeil mar sheilbh, a iéir an roinnean:

8 Anns na beanntaibh, agus anns na gleanntaibh, agus anns na còmh-nardaibh, agus anns na tobraichibh, agus anns an fhàsach, agus anns an tìr mu dheas: na Hitich, na h-Amoraich, agus na Canaanaich, na Perisich, na Hibhich, agus na Iebusaich.

9 Rìgh Iericho, aon: rìgh Ai, a tha làimh ri Betel, aon:

10 Rìgh Ierusalem, aon: rìgh Hebroin, aon:

11 Rìgh Iarmuit, aon: rìgh Lachis, aon:

12 Rìgh Egloin, aon: rìgh Gheser, aon:

13 Rìgh Dhebir, aon: rìgh Ghed-eir, aon:

14 Rìgh Hormah, aon: rìgh Araid, aon:

15 Rìgh Libnah, aon: rìgh Adulaim, aon:

16 Rìgh Mhacedah, aon: rìgh Bhet-eil, aon:

17 Rìgh Thapuah, aon: rìgh He-phair, aon:

18 Rìgh Apheic, aon: rìgh Lasaroin, aon:

19 Rìgh Mhadoin, aon: rìgh Hasoir, aon:

20 Rìgh Shimron-meroin, aon: rìgh Achsaiph, aon:

21 Rìgh Thaanaich, aon: rìgh Mhagedo, aon:

22 Rìgh Chedeis, aon: rìgh loc-neaim o Charmel, aon:

23 Rìgh Dhoir ann an crìch Dhoir, aon: rìgh chiuncacha Ghilgail, aon:

24 Rìgh Thirsah, aon: na rìgh-rean uile, deich thar fhichead agus aon.

# CAIB. XIII.

**A**NIS bha Iosua sean agus air teachd air aghaidh ann am bliadhnaibh<sup>b</sup>; agus thubhairt an Tighearna ris, Tha thusa sean agus air teachd air t'aghaidh am bliadhnaibh, agus tha fathast ro-mhòran fearainn r'a shealbhadh.

2 Is e so am fearann a tha fathast a làthair: uile chrìocha nam Philisteach, agus Gesuri uile,

3 O Shihor, a ta fa chomhair na h-Eiphit, eadhon gu crìch Ecroin mu thuath, a mheasar do'n Chanaanach: cùig tighearnan nam Philisteach; na Gasataich, agus na h-Asdodaich, na h-Escalonaich, na Gitich, agus na h-Ecronaich, agus na Habhaich.

4 O'n taobh mu dheas, uile fhearann nan Canaanach, agus Mearah a ta làimh ris na Sidonaich gu Apliec, gu crìch nan Amorach:

5 Agus fearann nan Gibleach, agus Lebanon uile leth ri éirigh na gréine, o Bhaal-gad fuaidh shliabh Hermoin, gu ruig an dol a stigh do Hamat.

6 Uile luchd-àiteachaidh nam beann o Lebanon gu Misrephot-maim, agus na Sidonaich uile, iadsan fògraidh mi mach roimh chloinn Israeil: a mhàin roinn e le crann-chur do na h-Israelich mar oighreachd, mar a dh'àithn mise dhuit.

7 A nis uime sin, roinn am fearann so mar oighreachd do na naoi treubhan, agus do leth-thréibh Mhanaseh.

8 Maille ris an leth-thréibh eile fhuair na Reubenich agus na Gadaich an oighreachd-san, a thug Maois doibh, an taobh thall do Iordan a làimh na h-airde 'n ear, eadhon mar a thug Maois òglach an Tighearna dhoibh:

9 O Aroer a ta air bruaich sruth<sup>c</sup> Arnoin, agus am baile<sup>d</sup> a tha ann am meadhon an t-srutha, agus còmhnaid Mhedebah uile gu Dibon:

10 Agus uile bhailte Shihoin, rìgh nan Amorach, a rìghaich ann an Hesbon, gn crìch chloinn Amoin:

11 Agus Gilead, agus crìoch nan Gesurach, agus nam Maachatach, agus sliabh Hermoin uile, agus Basan uile gu Salcah:

12 Uile rìghachd Og ann am Basan, a rìghaich ann an Astarot agus ann an Edrei, a mhair do

<sup>b</sup> laithibh. Eabh.

<sup>d</sup> a' chathair.

<sup>c</sup> aibhne.

<sup>a</sup> fomhairean, athach.

iarmaid<sup>a</sup> nam fámhairean: oir iad sin bhuail Maois, agus dh'fhògair e mach iad.

13 Gidheadh, cha d'fhògair clann Israeil a mach na Gesurach, no na Maachataich. ach tha na Gesurich agus na Maachataich nan còmh-nuidh am measg nan Israeleach gu an la'n diugh.

14 A mhàin do thréibh Lebhi cha d'thug e oighreachd sam bith; is iad iobairtean an Tighearna Dé Israeil a bheirar suas le teine, an oighreachd-san, mar a thubhairt e riu.

15 Agus thug Maois do thréibh chloinn Reubein oighreachd a réir an teaghlachan:

16 Agus bha 'n crìoch o Aroer a ta air bruaich sruth Arnoin, agus am baile a tha ann am meadhon an t-srutha, agus an còmh-nard uile gu<sup>b</sup> Medebah:

17 Hesbon agus a bhailtean uile a tha sa' chòmh-nard: Dibon, agus Bamot-baal, agus Bet-baalmeon,

18 Agus Iahasa, agus Cedemot, agus Mephaat,

19 Agus Ciriataim, agus Sibmah, agus Saret-sahar ann an sliabh a' ghlinne.

20 Agus Bet-peor, agus Asdod-pisgah, agus Bet-iesimot,

21 Agus uile bhailtean a' chòmh-naird, agus uile rìoghachd Shihoin rìgh nan Amorach, a rìoghaich ann an Hesbon, a bhuail Maois maille ri ceannardaibh Mhidiain, Ebhi, agus Recem, agus Sur, agus Hur, agus Rebah, cinn-fheadhna Shihoin, a bha chòmh-nuidh 'san tìr.

22 Balaam mar an ceudna, mac Bheoir, am fiosaiche<sup>c</sup> mharbh clann Israeil leis a chlaidheamh nam measgsan a mharbhadh leo.

23 Agus b'i crìoch chloinn Rheubein, Iordan agus a crìochsan. B'i sin oighreachd chloinn Reubein a réir an teaghlachan, na bailte mòra<sup>d</sup> agus am bailte beaga<sup>e</sup>.

24 Agus thug Maois oighreachd do thréibh Ghad, eadhon do chloinn Ghad a réir an teaghlachan.

25 Agus b'i an crìoch Iaser, agus uile bhailte Ghilead, agus leth fearainn chloinn Amoin, gu Aroer a ta fa chomhair Rabah:

26 Agus o Hesbon gu Ramat-mispeh, agus Betonim: agus o Mhahanaim gu crìch Dhebir:

27 Agus anns a' ghleann, Betaram, agus Bet-nimrah, agus Sucot, agus Saphon, a' chuid eile do rìoghachd Shihoin rìgh Hesboin, Iordan agus a crìoch, eadhon gu oir<sup>f</sup> fairge Chi-

neret, air taobh eile Iordain a làimh na h-airde 'n ear.

28 B'i sin oighreachd chloinn Ghad a réir an teaghlachan, na bailte mòra agus am bailte beaga.

29 Agus thug Maois oighreachd do leth thréibh Mhanaseh: agus b'i so sealbh leth-thréibh chloinn Mhanaseh, a réir an teaghlachan:

30 Agus bha 'n crìoch o Mhahanaim; Basan uile, uile rìoghachd Og rìgh Bhasain, agus uile bhailte Iair, a ta ann am Basan, tri fichead baile mòr:

31 Agus leth Ghilead, agus Astarot, agus Edrei, bailte rìoghachd Og ann am Basan, bhuin iad do chloinn Mhachir mhic Mhanaseh, eadhon do leth chloinn Mhachir, a réir an teaghlachan.

32 Is iad sin na dùchanna a roinn Maois mar oighreachd ann an còmh-nardaibh Mhoais, air an taobh eile do Iordan làimh ri Iericho, air an taobh an ear.

33 Ach do thréibh Lebhi cha d'thug Maois oighreachd: b'e 'n Tighearna Dia Israeil e féin an oighreachd-san, mar a thubhairt e riu.

## CAIB. XIV.

AGUS is iad so na dùchanna a fhuair clann Israeil mar oighreachd ann an tìr Chanaain, a roinn Eleasar an sagart, agus Iosua mac Nuin, agus cinn-fheadhna aithriche threubha chloinn Israeil mar oighreachd dhoibh.

2 Le crannchur bha an oighreachd, mar a dh'àithn an Tighearna le làimh Mhaois, do na naoi treubhaibh agus an leth-thréibh.

3 Oir bha Maois air tabhairt oighreachd do dhà thréibh, agus do leth-thréibh, air an taobh eile do Iordan: ach do na Lebhitich cha d'thug e oighreachd sam bith nam measg.

4 Oir bha clann Ioseph nan dà thréibh, Manaseh agus Ephraim: uime sin cha d'thug iad roinn sam bith do na Lebhitich 'san fhearann, saor o bhaitibh gu còmh-nuidh ghabhail anna, maille r'am fearann comhroinn d'ar spréidh, agus d'am maoin.

5 Mara dh'àithn an Tighearna do Mhaois, mar sin rinn clann Israeil, agus roinn iad am fearann.

6 An sin thàinig clann Iudah gu Iosua ann an Gilgal; agus thubhairt Caleb, mac Iephuneh an Ceniseach, ris, Tha fios agad air an nì a thubhairt an Tighearna ri Maois òglach Dhé, a m' thaobhs' agus a d' thaobh féin, ann an Cades-barnea.

7 Dà fhichead bliadhna dh'aois bha mise 'nuair a chuir Maois òglach Dhé mi o Chadés-barnea, a rannsaichadh a mach an fhearainn; agus thug mi air ais fios d'a ionnsuidh, mar a bha e ann am chridhe.

<sup>a</sup> fhuigheall.<sup>b</sup> làimh ri.<sup>c</sup> fear-fàistineachd.<sup>d</sup> caithriche,

bailte daingnichte.

<sup>e</sup> frith-bhailte.<sup>f</sup> foir.

8 Gidheadh, thug mo bhràithrean a chaidh suas maille rium, air cridhe an t-sluaigh leaghadh: ach lean mise gu h-ìomlan an Tighearna mo Dhia.

9 Agus mhionnaich Maois air an là sin, agràdh, Gu cinnteach bithidh am fearann air an do shaltair do chos, agad féin mar oighreachd, agus aig do chloinn gu bràth; a cheann gu'n do lean thu gu h-ìomlan an Tighearna mo Dhia.

10 Agus a nis feuch, glhèidh an Tighearna mi beo, mar a thubhairt e, na cùig agus an dà fhlichead bliadhna so, eadhon o labhair an Tighearn am focal so ri Maois, am feadh a dh'imich clann Israeil anns an fhàsach: agus a nis feuch, *tha* mi 'n diugh ceithir fichead agus cùig bliadhna dh'aois.

11 Fathast *tha* mi co làidir an diugh as a *bha* mi 'san là anns an do chuir Maois uaith mi: mar a *bha* mo neart an sin, mar sin *tha* mo neart a nis, chuim cogaidh, agus a dhol a mach, agus a theachd a steach.

12 A nis uime sin thoir dhomh a' bheinn so, mu'n do labhair an Tighearna 'san là ud, (oir chuala tu san là ud cionnus a *bha* na Hanacaich an sin, agus *gu'n robh* na bailte mòr agus daingnichte) ma tharlas *gu'm bi* 'n Tighearna leam, an sin fògraidh mi mach iad, mar a thubhairt an Tighearna.

13 Agus bheannaich Iosua e, agus thug e do Chaleb mac Iephuneh, Hebron mar oighreachd.

14 Rinneadh uime sin Hebron na oighreachd do Chaleb, mac Iephuneh, an Ceniseach, gus an la 'n diugh; a cheann gu'n do lean e gu h-ìomlan an Tighearna Dia Israeil.

15 Agus *b'e ainm* Hebroin roimhe Cariat-arba: *bha'n t-Arba* sò na dhuine mòr am measg nan Anacach. Agus *bha* fois aig an tìr o chogadh.

CAIB. XV.

**B'E** so uime sin crannchur tréibhe chloinn Iudah a réir an teaghlachlean, eadhon gu crìch Edoim, gu fàsach Shin ri deas o'n chuid a's fhaide mach do'n iomall dheas.

2 Agus *bha* 'n crìoch mu dheas o thràigh na mara salainn, o'n chamus a tha 'g amharc ri deas.

3 Agus chaidh i mach a dh'ionnsuidh an taobh mu dheas gu h-uchdach<sup>b</sup> Acrabim, agus ghabh i air a h-aghaidh gu Sin, agus chaidh i suas air an taobh mu dheas gu Cadesbarnea, agus chaidh i air a h-aghaidh gu Hesron, agus chaidh i suas gu

h-Adar, agus ghabh i mu'n cuairt gu Carcaa.

4 *Uaith sin* ghabh i dh'ionnsuidh Asmoin, agus chaidh i mach gu abhainn na h-Eiphit, agus *bha* dol a mach na crìche sin aig a' mhuir: bithidh so agaibh na crìche mu dheas.

5 Agus *b'i* a' chrìoch an ear a' mhuir shalainn, eadhon gu ceann Iordain: agus *bha* 'n crìoch air an taobh mu thuath o chamus na mara, aig a' chuid a b'fhaide mach do Iordan.

6 Agus chaidh a' chrìoch suas gu Bet-hogla, agus ghabh i air a h-aghaidh air an taobh mu thuath do Bhetarabah, agus chaidh a' chrìoch suas gu cloich Bhohain mhic Reubein.

7 Agus chaidh a' chrìoch suas gu Debir o ghleann Achoir, agus ri tuath ag amharc ri Gilgal, a *ta* fa chomhair uchdaich Adumim, a *ta* air taobh deas na h-aibhne: agus chaidh a' chrìoch thairis gu uisgeachaibh Ensèmeis, agus *bha* a dol a mach aig Eu-rogel:

8 Agus chaidh a' chrìoch suas gu gleann mhic Hinoim, gu taobh deas an Iebusaich; (*is e* sin Ierusalem:) agus chaidh a' chrìoch suas gu mullach na beinne, a *tha* roimh ghleann Hinoim, air an làimh an iar, a *ta* aig ceann glinne nam fahairean ri tuath.

9 Agus thairngeadh e a' chrìoch o mhullach an t-sléibh gu tobar uisge Nephthoah, agus chaidh i mach gu bailtibh sléibh Ephroin, agus thairngeadh a' chrìoch gu Baalah; (*is e* sin Cariat-earim;)

10 Agus chaidh a' chrìoch mu 'n cuairt o Bhaalah air an làimh an iar gu sliabh Sheir, agus ghabh i thairis gu taobh sléibh Iearim (*is e* sin Chesalon) air an taobh mu thuath, agus chaidh i slos gu Bet-semes, agus ghabh i air a h-aghaidh gu Timnah:

11 Agus chaidh a' chrìoch a mach gu taobh Ecroin ri tuath; agus thairngeadh a' chrìoch gu Sicron, agus ghabh i thairis air sliabh Bhaalah, agus chaidh i mach gu Iabneel; agus *bha* dol a mach na crìche aig a' mhuir.

12 Agus *bha* a' chrìoch an iar gus an fhairge mhòir, agus a h-oirthir: *b'i* sin crìoch chloinn Iudah mu'n cuairt, a réir an teaghlachlean.

13 Agus do Chaleb mac Iephuneh, thug e roinn am measg chloinn Iudah, a réir àitline an Tighearna do Iosua, eadhon baile Arabah athar Anaic: (*is e* sin Hebron.)

14 Agus dh'fhògair Caleb a mach

<sup>a</sup> teanga. Eabh.  
<sup>b</sup> Maaleh. Eabh.

<sup>b</sup> àireadh;

<sup>c</sup> b'i so bu chrìoch dhoibh.

<sup>d</sup> chomharaicheadh. <sup>e</sup> eirthir.



as sin triùr mhac Anaic, Sesai, agus Ahiman, agus Talmai, clann Anaic.

15 Agus chaidh e suas o sin gu luchd-àiteachaidh Dhebir: agus b'e ainm Dhebir roimhe Cariat-sepher.

16 Agus thubhairt Caleb, Eisan a bhuaileas Cariat-sepher, agus a ghlacas e, dhasan bheir mi Achsa mo nighean na mnaoi.

17 Agus ghlac Otniel, mac Chenais, bràthar Chaleib e; agus thug e dha Achsa a nighean na mnaoi.

18 Agus tharladh, 'nuair a thàinig i d'a ionnsuidh, gu'n do bhròsnuich i e gu achadh iarraidh air a li-athair: agus theirinn i bhàrr a h-asail; agus thubhairt Caleb rithe, Ciod a b'àill leat?

19 Agus fhreagair ise, Thoir dhomh beannachadh; oir thug thu dhomh fearann mu dheas, thoir dhomh mar an ceudna tobair uisge: agus thug e dhi na tobair uachdarach, agus na tobair ìochdarach.

20 B'i sin oighreachd tréibhe chloinn Iudah, a réir an teaghlach-ean.

21 Agus b'iad na bailtean a b'fhaide mach le tréibh chloinn Iudah, leth ri crìch Edoim mu dheas, Cabseel, agus Eder, agus Iagur,

22 Agus Cinah, agus Dimonah, agus Adadah,

23 Agus Cedec, agus Hasor, agus Itnan,

24 Siph, agus Telem, agus Bealot,

25 Agus Hasor, Hadatah, agus Cariat, agus Hesron, (is e sin Hasor,)

26 Amam, agus Sema, agus Moladah,

27 Agus Hasar-gadah, agus Hesmon, agus Bet-palet,

28 Agus Hasar-sual, agus Beerseba, agus Bis-iotiah,

29 Baalah, agus Iim, agus Asem,

30 Agus Eltolad, agus Chesil, agus Hormah,

31 Agus Siclag, agus Madmanah, agus Sansanah,

32 Agus Lebaot, agus Silhim, agus Ain, agus Rimon: b'iad na mor-bhailtean<sup>a</sup> uile naoi thar fhichead, maille r'am bailtibh beaga.

33 Agus anns a' chòmhnard, Estaol, agus Soreah, agus Asnah,

34 Agus Sanoah, agus Enganim, Tapuah, agus Enam,

35 Iarmut, agus Adulam, Sochoh, agus Asecah,

36 Agus Saraim, agus Aditaim, agus Gederah, agus Gederotaim; ceithir mor-bhailte deng le'm bailtibh beaga.

37 Senan, agus Hadasah, agus Migdal-gad,

38 Agus Dilean, agus Mispheh, agus Iocteel,

39 Lachis, agus Boscath, agus Eglon,

40 Agus Cabon, agus Lahmas, agus Citlis,

41 Agus Gederot, Bet-dagon, agus Naamah, agus Macedah; sè mòr-bhailte deng le'm bailtibh beaga.

42 Libnah, agus Eter, agus Asan,

43 Agus Iiphtah, agus Asnah, agus Nesib,

44 Agus Ceilah, agus Achsib, agus Maresah; naoi bailte mòra le'm bailtibh beaga.

45 Ecron le 'bhailtibh a's mo<sup>b</sup>, agus a 'bhailtibh beaga.

46 O Ecron, eadhon gus an fhairge, iadsan uile a bha làimh ri Asdod, le'm bailtibh beaga.

47 Asdod le 'bhailtibh a's mò agus a bhailtibh beaga, Gasah le 'bhailtibh a's mo agus a bhailtibh beaga, gu abhainn na h-Eiphit, agus an fhairge mhòir, eadhon a crìoch.

48 Agus anns na beanntaibh, Samir, agus Iatir, agus Socoh,

49 Agus Danah, agus Ciriatsanah, (eadhon Debir,)

50 Agus Anab, agus Estemoh, agus Anim,

51 Agus Gosen, agus Holon, agus Giloh; aon mhòr bhaile deng, le'm bailtibh beaga.

52 Arab, agus Dumah, agus Eshan,

53 Agus Iamum, agus Bet-tapuah, agus Aphecah,

54 Agus Humtah, agus Cariat-arbah, (is e sin Hebron) agus Sior; naoi bailte mòra le'm bailtibh beaga.

55 Maon, Carmel, agus Siph, agus Iutah,

56 Agus Iesreel, agus Iocdeam, agus Sanoah,

57 Cain, Gibeah, agus Timnah; deich bailte mòra le'm bailtibh beaga.

58 Halhul, Bet-sur, agus Gedor,

59 Agus Maarat, agus Betanot, agus Eltecon; sè bailte mòra le'm bailtibh beaga.

60 Cariat-baal, (is e sin Cariat-icairim) agus Rabah; dà bhaile mòr le'm bailtibh beaga.

61 'San fhàsah, Bet-arabah, Midin, agus Secacah,

62 Agus Nibsan, agus baile an t-salainn<sup>c</sup>, agus En-gedi; sè bailte mòra le'm bailtibh beaga.

63 A thaobh nan Iebusach luchd-àiteachaidh Ierusalem, cha b'urra-ainn clann Iudah am fògradh a mach: ach tha na Iebusaich nan còmhnuidh maille ri cloinn Iudah ann an Ierusalem gus an la 'n diugh.

<sup>a</sup> caithriche, bailte daingnichte.

<sup>b</sup> a nigheana. Eabh.

<sup>c</sup> Air-mele. Eabh.

CAIB. XVI.

**A**GUS chaidh<sup>a</sup> crannchur chloinn Ioseph a mach o Iordan làimh ri Iericho gu uisgeachaibh Iericho air an làimh an ear, dh'ionnsuidh an fhàsaich a' dol suas o Iericho gu sliabh Bheteil.

2 Agus tha e dol a mach o Bhetel gu Lus, agus a' gabhail seachad gu crìochaibh Archi gu Atarot,

3 Agus a' gabhail sìos a làimh na h-airde 'n iar gu crìch Iaphleti, gu crìch Bhet-horoin lochdaraich, agus gu Geser: agus tha a dlol a mach aig an fhairege.

4 Mar sin ghabh clann Ioseph, Manaseh agus Ephraim, an oighreachd.

5 Agus bha crìoch chloinn Ephraim, a réir an teaghlaichean, mar so: b'i eadhon crìoch an oighreachd air an làimh an ear Atarot-adar, gu Bet-horon uachdarach.

6 Agus chaidh a' chrìoch a mach a dh'ionnsuidh na fairege, gu Michmetah air an taobh mu thuath, agus chaidh a' chrìoch mu 'n cuairt a làimh na h-airde 'n ear gu Taanotsiloh, agus ghabh i seachd air an taobh an ear gu Ianoah:

7 Agus chaidh i sìos o Ianoah gu Atarot, agus gu Naarat, agus thàinig i gu Iericho, agus chaidh i mach aig Iordan.

8 Chaidh a' chrìoch a mach o Thapuah a làimh na h-airde 'n iar gu sruth<sup>b</sup> Chanah: agus bha a dol a mach aig an fhairege. B'i sin oighreachd tréibhe chloinn Ephraim, a réir an teaghlaichean.

9 Agus bha na bailtean mòra a chuireadh air leth do chloinn Ephraim, am measg oighreachd chloinn Mhanaseh, na bailtean mòra uile le'm bailtibh beaga.

10 Agus cha d'fhògair iad a mach na Cananaich a bha còmhnuidh ann an Geser: ach tha na Cananaich nan còmhnuidh am measg nan Ephraimeach gus an la 'n diugh; agus tha iad a' deanamh seirbhis dhoibh fuidh chis.

CAIB. XVII.

**B**HA mar an ceudna crannchur aig tréibh Mhanaseh, (oir b'esan cend-ghin Ioseph) eadhon aig Machir ceud-ghin Mhanaseh, athair Ghilead; a chionn gu'm b'fhear cogaidh e: uime sin bha Gilead agus Basan aige.

2 Bha mar an ceudna crannchur aig a' chuid eile do chloinn Mhanaseh an réir an teaghlaichean; aig cloinn Abiseir, agus aig cloinn Heleic, agus aig cloinn Asriel, agus aig cloinn Shechein, agus aig cloinn Hephair, agus aig cloinn Shemida:

b'iad sin clann-mhac Mhanaseh, mhic Ioseph, a réir an teaghlaichean.

3 Ach aig Selophehad mac Hephair, mhic Ghilead, mhic Machir, mhic Mhanaseh, cha robh mic, ach nigheana: agus is iad so ainmeanna a nigheana, Mahlah, agus Noah, Hoglah, Milcah, agus Tirsah.

4 Agus thàinig iad am fagus an làthair Eleasair an t-sagairt, agus an làthair Iosua mhic Nuin, agus an làthair nan uachdaran, ag ràdh, Dh'àithn an Tighearna do Mhaois oighreachd a thoirt duinne am measg ar bràithrean: uime sin a réir àithne an Tighearna, thug e dhoibh oighreachd am measg bràithrean an athar.

5 Agus thuit air Manaseh deich cuibhriouna, thuilleadh air fearann Ghilead, agus Bhasain, a bh'air an taobh eile do Iordan;

6 A chionn gu'n robh aig nigheana Mhanaseh oighreachd am measg a chuid mac; agus bha fearann Ghilead aig a' chuid eile do mhacaibh Mhanaseh.

7 Agus bha crìoch Mhanaseh o Aser gu Michmetah, a tha fa chomhair Shechein, agus chaidh a' chrìoch air a h-aghaidh air an làimh dheis gu luchd-àiteachaidh Entapuah.

8 A nis bha aig Manaseh fearann Thapuah: ach Tapuah air crìch Mhanaseh bu le cloinn Ephraim.

9 Agus chaidh a' chrìoch sìos gu sruth<sup>c</sup> Chanah mu dheas do'n t-sruth: bha bailte sin Ephraim am measg bhailte Mhanaseh: bha mar an ceudna crìoch Mhanaseh air an taobh mu thuath do'n t-sruth, agus bha a dol a mach aig an fhairege.

10 An taobh mu dheas bu le Ephraim, agus an taobh mu thuath bu le Manaseh, agus b'i an fhairege a chrìoch, agus choinnich iad a chéile ann an Aser air an taobh mu thuath, agus ann an Isachar air an taobh an ear.

11 Agus bha aig Manaseh ann an Isachar agus ann an Aser, Bet-sean agus a bhailtean, agus Ibleam agus a bhailtean, agus luchd-àiteachaidh Dhoir agus a bhailtean, agus luchd-àiteachaidh Endoir agus a bhailtean, agus luchd-àiteachaidh Thanaich agus a bhailtean, agus luchd-àiteachaidh Mhegido agus a bhailtean; eadhon trì dùchanna.

12 Gidheadh cha b'urrainn clann Mhanaseh luchd-àiteachaidh nam bailte sin fhògradh a mach, ach b'àill leis na Cananaich còmhnuidh ghabhail san tìr sin.

13 Gidheadh tharladh 'nuair a dh'fhàs clann Israeil làidir, gu'n do

<sup>a</sup> thuit.

<sup>b</sup> abhainn.

<sup>c</sup> abhainn.

chuir iad na Cananaich fuidh chùs; ach cha d'fhògair iad gu tur a mach iad.

14 Agus labhair clann Ioseph ri Iosua, ag ràdh, C'ar son nach d'thug thu dhomhsa ach aon chrannchur agus aon chuibhrionn r'an seal-bhachadh, agus gur sluagh mòr mi, agus gu'n do bheannaich an Tighearna mi gus a so.

15 Agus fhreagair Iosua iad, Ma's sluagh mòr thu, imich suas do'n choilltich, agus gearr sìos<sup>a</sup> dhuith féin àit an sin ann am fearann nam Periseach, agus nam famhairean, ma tha sliabh Ephraim ro-chumh-aing duit.

16 Agus thubhairt clann Ioseph, Cha leòr an sliabh dhuinne: agus tha aig na Cananaich uile a tha chòmlinuidh ann am fearann a' ghlinne, carbadan iarunn, an dà chuid aca-san a tha ann am Bet-sean agus na bhailtibh, agus aca-san a tha ann an gleann Iesreel.

17 Agus labhair Iosua ri tigh Ioseph, ri h-Ephraim, agus ri Manaseh, ag ràdh, Is sluagh mòr thu, agus tha cumhachd mòr agad; cha bhí agad aon chrannchur a mhàin.

18 Ach bithidh an sliabh agadsa, oir is coille e; agus gearraidh tu sìos i: agus bithidh a dhol a mach agad: oir fògraidh tu mach na Cananaich, ge do tha carbadan iarunn aca, agus ge do tha iad làidir.

## CAIB. XVIII.

**A** GUS chruinnich coimhthional chloinn Israeil uile an ceann a chèile aig Siloh, agus chuir iad suas pàillion a' choimhthionail an sin, agus cheannsaicheadh an tìr rompa.

2 Agus bha fathast am measg chloinn Israeil seachd treubha, nach d'fhuair an oighreachd.

3 Agus thubhairt Iosua ri cloinn Israeil, Cia fhad a tha sibh mall a dhol a shealbhachadh an fhearainn, a thug an Tighearna Dia bhuir n-aithriche dhuibh?

4 Thugaibh a mach dhomhsa as bhuir measg triùr dhaoine as gach tréibh: agus cuiridh mi uam iad, agus éiridh iad, agus théid iad tre'n fhearann, agus tairngidh<sup>b</sup> iad e a réir an oighreachd-san, agus thig iad a m' ionnsuidhs<sup>a</sup> a ris.

5 Agus roinnidh iad e na sheachd earrannaibh: fanaidh Iudah na chrìch féin air an taobh mu dheas, agus fanaidh tigh Joseph na chrìch féin air an taobh mu thuath.

6 Uime sin tairngidh sibh am fearann na sheachd earrannaibh, agus bheir sibh an tarruing<sup>c</sup> an so a

'm ionnsuidhs, chum gu'n tilg mi croinn air bhuir son an so an làthair an Tighearn ar Dé.

7 Ach cha'n'eil aig na Lebhithich roinn sam bith 'nar measg, oir is i sagartachd an Tighearn an oighreachd-san: agus fhuair Gad, agus Reuben, agus leth thréibh Mhanaseh, an oighreachd-san an taobh thall do Iordan air an làimh an ear, a thug Maois ùglach an Tighearna dhoibh.

8 Agus dh'éirich na daoine, agus dh'fhalbh iad: agus dh'àithn Iosua dhoibhsan a chaidh a tharruing an fhearainn, ag ràdh, Imichibh, agus rachaibh tre'n fhearann, agus tairngibh e, agus thigibh a ris a m' ionnsuidhs, chum gu'n tilg mi an so croinn air bhuir son an làthair an Tighearn ann an Siloh.

9 Agus dh'imich na daoine, agus chaidh iad tre'n fhearann, agus tharruing iad e a réir a bhailte, na sheachd earrannaibh, ann an leabhar, agus thàinig iad gu Iosua do'n champ aig Siloh.

10 Agus thilg Iosua croinn air an son ann an Siloh, an làthair an Tighearna: agus an sin roinn Iosua am fearann do chloinn Israeil a réir an roinnean.

11 Agus thàinig crannchur tréibhe chloinn Bheniamin a mach a réir an teaghlaichean: agus chaidh crìoch an crannchuir a mach eadar clann Iudah agus clann Ioseph.

12 Agus bha 'n crìoch air an taobh mu thuath o Iordan, agus chaidh a' chrìoch suas gu taobh Iericho air an taobh mu thuath, agus chaidh i suas tre'n mhonadh a làimh na h-àirde 'n iar, agus bha a dol a mach aig fàsach Bhet-abhen.

13 Agus chaidh a' chrìoch thairis o sin gu Lus, gu taobh Luis (is e sin Betel) ri deas, agus chaidh a' chrìoch sìos gu Atarot-adar, am fagus do'n t-sliabh a tha air an taobh dheas do Bhet-horon ìochdarach.

14 Agus thairngeadh a' chrìoch o sin, agus chuairtich i oisinn na mara ri deas, o'n t-sliabh a tha fa chomhair Bhet-horin ri deas: agus bha a dol a mach aig Cariat-baal, (is e sin Cariat-earim) baile le cloinn Iudah: b'i sin a' chearna an iar.

15 Agus bha a' chearna mu dheas o cheann Chariat-earim, agus chaidh a' chrìoch a mach air an làimh an iar, agus ghabh i mach gu tobar uisgeacha Nephtoah.

16 Agus chaidh a' chrìoch sìos gu ceann na beinne, a tha fa chomhair glinne mhic Hinoim, a tha ann an gleann nam famhairean air an taobh mu thuath, agus chaidh i sìos gu gleann Hinoim, gu taobh Iebusi air

<sup>a</sup> réitich. <sup>b</sup> scriobhaidh no comharaichidh iad sìos. <sup>c</sup> an samhladh, an coslas.

an làimh dheis, agus ghabh i sìos gu En-rogel.

17 Agus thairngeadh i o'n taobh mu thuath, agus ghabh i air a h-aghaidh gu En-semes, agus chaidh i mach a dh'ionnsuidh Ghelilot, a ta thall fa chomhair uchdaich Adu-mim, agus ghabh i sìos gu cloich Bhohain mhic Reubein.

18 Agus ghabh i air a h-aghaidh chum na taoibh thall fa chomhair Arabah mu thuath, agus chaidh i sìos gu Arabah.

19 Agus ghabh a' chrìoch thairis gu taobh Bhet-hoglah mu thuath: agus bha dol a mach na crìche aig a' chamus mu thuath do'n mhuir shalainn, aig ceann Iordain mu dheas: b'i sin a' chrìoch mu dheas.

20 Agus b'e Iordan a chrìoch air an làimh an ear. B'i sin oighreachd chloinn Bheniamin, le a crìochaibh mu'n cuairt, a réir an teaghlaichean.

21 A nis b'iad bailtean mora a tréibhe chloinn Bheniamin a réir an teaghlaichean, Iericho, agus Bet-hoglah, agus gleann Chesis,

22 Agus Bet-arabah, agus Sema-ram, agus Betel,

23 Agus Abhim, agus Parah, agus Ophrah,

24 Agus Chephar-haamonai, agus Ophni, agus Gabah; dà mhòr-bhaile dheug le'm bailtibh beaga.

25 Gibeon, agus Ramah, agus Beerot,

26 Agus Mispheh, agus Chephirah, agus Mosah,

27 Agus Rechem, agus Irpeel, agus Taralah,

28 Agus Selah, Eleph, agus Iebus, (is e sin Iernusalem:) Gibeat, agus Ciriath; ceithir mòr-bhailte deug le'm bailtibh beaga. B'i sin oighreachd chloinn Bheniamin a réir an teaghlaichean.

### CAIB. XIX.

**A** GUS thàinig an dara crannchur a mach do Shimeon, eadhon do thréibh chloinn Shimeoin, a réir an teaghlaichean: agus bha 'n oighreachd-san am meadhon oighreachd chloinn Iudah.

2 Agus bha aca nan oighreachd, Beer-sebah, agus Sebah, agus Moladah,

3 Agus Hasar-sual, agus Balah, agus Asem,

4 Agus Eltolad, agus Betul, agus Hormah,

5 Agus Siclag, agus Betmarcabot, agus Hasar-susah,

6 Agus Bet-lebaot, agus Saruhen; trì mòr-bhailte deug agus am bailte beaga.

7 Ain, Remon, agus Eter, agus

Asan; ceithir bailte mòra le'm bailtibh beaga.

8 Agus na bailtean beaga uile a bha mu thimchìoll nam bailte mòra sin, gu Balat-beer, Ramat mu dheas: B'i sin oighreachd tréibhe chloinn Shimeoin a réir an teaghlaichean.

9 A mach a crannchur chloinn Iudah bha oighreachd chloinn Shimeoin: oir bha cuibhrioun chloinn Iudah ro-mhòr dhoibh: uime sin bha aig chloinn Shimeoin an oighreachd ann am meadhon an oighreachd-san.

10 Agus thàinig an treas crannchur a mach air son chloinn Shebuluin, a réir an teaghlaichean: agus bha crìoch an oighreachd-san gu Sarid.

11 Agus chaidh an crìoch suas a dh'ionnsuidh na fairge, agus Maralah, agus ràinig i gu Dabaset, agus ràinig i gu ruig an sruth, a tha fa chomhair Iocneaim,

12 Agus phill i o Shared a làimh na h-airde 'n ear, leth ri éirigh na gréine, gu crìch Chislot-taboir: agus an sin tha i dol a mach gu Dabarat, agus a' dol suas gu Iaphia,

13 Agus o sin a' gabhail thairis air an làimh an ear gu Gitah-hepher, gu Itah-casin, agus a' dol a mach gu Remon-metoar gu Neah.

14 Agus tha a' chrìoch a' dol mu'n cuairt mu thuath gu Hanaton: agus tha a dol a mach ann an gleann Iiptah-el,

15 Agus Catat, agus Nahalal, agus Simron, agus Idalah, agus Betlehem; dà mhòr-bhaile dheug le'm bailtibh beaga.

16 B'i sin oighreachd chloinn Shebuluin, a réir an teaghlaichean, na bailte mòra sin le'm bailtibh beaga.

17 Thàinig an ceathramh crannchur a mach do Isachar, air son chloinn Isachair, a réir an teaghlaichean.

18 Agus b'i an crìoch Iesrael, agus Chesulot, agus Sunem,

19 Agus Hapharaim, agus Sihon, agus Anaharat,

20 Agus Rabit, agus Cision, agus Abes,

21 Agus Remet, agus Enganim, agus En-hadah, agus Bet-pases;

22 Agus tha a' chrìoch a ruigheachd gu Tabor, agus Sahasimah, agus Bet-semes, agus bha dol a mach an crìche aig Iordan; sè mòr-bhailte deug le'm bailtibh beaga.

23 B'i sin oighreachd tréibhe chloinn Isachair a réir an teaghlaiche, na bailte mòra agus am bailte beaga.

24 Agus thàinig an cùigeamh crannchur a mach do thréibh chloinn Aseir, a réir an teaghlaiche.

\* caithriche.



25 Agus b'i an crìoch Helcat, agus Hali, agus Beten, agus Achsaph,

26 Agus Alamelech, agus Amad, agus Miseal; agus tha i a' ruigh-eachd gu Carmel air an làimh an iar, agus gu Sihor-libnat,

27 Agus a' pilltinn leth ri éirigh na gréine gu Bet-dagon, agus a' ruigheachd gu Sebulun, agus gu gleann Iiphtah-el, leth ris an taobh mu thuath do Bhetemec, agus Neiel, agus a' dol a mach gu Cabul air an làimh chli,

28 Agus Hebron, agus Rehob, agus Hamon, agus Canah, eadhon gu Sidon mòr:

29 Agus an sin tha chrìoch a' pilltinn gu Ramah, agus gus am mòr-bhaile daingnichte a Tirus, agus tha a' chrìoch a' pilltinn gu Hosah: agus tha a dol a mach aig an fhairge o'n oirthir<sup>b</sup> gu Achsib.

30 Umah mar an ceudna, agus Aphec, agus Rehob; dà mhòr-bhaile thar fhichead le 'm bailtibh beaga.

31 Is i sin oighreachd tréibhe chloinn Aseir, a réir an teaghlaiche, na bailte mòra sin le 'm bailtibh beaga.

32 Thàinig an seathadh crannchur a mach do chloinn Naphtali, eadhon do chloinn Naphtali, a reir an teaghlaiche.

33 Agus bha 'n crìoch o Heleph, o Alon gu Sahananim, agus Adami, Neceb, agus Iabneel, gu Lacum: agus bha a dol a mach gu Iordan.

34 Agus an sin tha a' chrìoch a' pilltinn an iar gu Asnot-tabor, agus a' dol a mach o sin gu Hucoc, agus tha i a' ruigheachd gu Sebulun air an taobh mu dheas, agus a' ruigheachd gu Aser air an taobh an iar, agus gu bruachaibh Iordain<sup>c</sup> leth ri éirigh na gréine.

35 Agus is iad na mòr-bhailte daingnichte Sidim, Ser, agus Hamat, Racat, agus Cineret,

36 Agus Adamah, agus Ramah, agus Hasor,

37 Agus Cedes, agus Edrei, agus En-hasor,

38 Agus Iron, agus Migdalel, Horem, agus Bet-hanat, agus Bet-semes; naoi mòr-bhailte deug le'm bailtibh beaga.

39 Is i sin oighreachd tréibhe chloinn Naphtali a réir an teaghlaichean, na bailte mòra agus am bailte beaga.

40 Agus thàinig an seachdamh crannchur a mach do thréibh chloinn Dhain, a réir an teaghlaichean.

<sup>a</sup> a' chathair làidir. <sup>b</sup> eirthir.

<sup>c</sup> gu Iudah air Iordan.

41 Agus b'i crìoch an oighreachd Sorah, agus Estaol, agus Ir-semes,

42 Agus Saalabin, agus Aialon, agus Ietlah,

43 Agus Elon, agus Timnatah, agus Ecron,

44 Agus Elteceh, agus Gibeton, agus Baalat,

45 Agus Iehud, agus Beneberac, agus Gat-rimon,

46 Agus Me-iarcon, agus Racon, maille ris a' chrìch fa chomhair Iapho.

47 Agus chaidh crìoch chloinn Dhain a mach ro-ghann doibh: uime sin chaidh clann Dhain suas agus chog iad an aghaidh Leseim, agus ghlac iad e, agus bhuail iad e le faobhar a' chlaidheimh, agus shealbhaich iad e, agus ghabh iad còmhnuidh ann, agus thug iad Dan a dh'ainm air Lesem, a réir ainme an athar Dan.

48 Is i sin oighreachd tréibhe chloinn Dhain a réir an teaghlaichean, na bailte mòra sin le'm bailtibh beaga.

49 'Nuair a chuir iad crìoch air an fhearann a roinn mar oighreachd a réir an crìocha, thug clann Israeil oighreachd do Iosua mac Nuin, nam measg:

50 A réir focail an Tighearna, thug iad da am baile a dh'iarr e, eadhon Timnat-serah ann an sliabh Ephraim, agus thog e am baile, agus ghabh e còmhnuidh ann.

51 Is iad sin na h-oighreachdan a roinn Eleasar an sagart, agus Iosua mac Nuin, agus cinn aithriche threubha chloinn Israeil, mar oighreachd le crannchur, ann an Siloh an làthair an Tighearna, aig dorus pàilliuin a' choimhthionail: mar sin chuir iad crìoch air an fhearann a roinn.

#### CAIB. XX.

AGUS labhair an Tighearna ri Iosua, ag ràdh,

2 Labhair ri cloinn Israeil, ag ràdh, Sònraichibh dhuibh féin bailte didein, mu'n do labhair mi ribh le làimh Mhaois:

3 A chum as gu'n teich am marbhaiche, a mharblas neach ann an aineolas agus gun fhios da, an sin: agus bithidh iad nan didein duibh o dhioghaltair na fola.

4 Agus an uair a sheasas esan a theicheas a dh'ionnsuidh aoin do na bailtibh sin, aig dol a stigh geataidh a' bhaile, agus a chuireas e a chèis an céill ann an cluasibh sheanairean a' bhaile sin; gabhaidh iad a steach e do'n bhaile d'an ionnsuidh, agus bheir iad àite dha chum gu'n gabh e còmhnuidh nam measg.

5 Agus an uair a thèid dìoghaltair

na fola an tòir air, an sin cha d'fhoir iad suas am marbhaiche d'a làimh; a' cheann gu'n do bhuail e 'choimhearsnach gun fhios da, agus gun fhuath aige dha san àimsir roimhe sin.

6 Agus gabhaidh e còmhnuidh sa' bhaile sin, gus an seas e an làthair a' choimhchruinnich chum breitheanais, agus gu bàs an ard-shagairt a bhios anns na laithibh sin: an sin pillidh am marbhaiche, agus thig e d'a bhaile féin, agus d'a thigh féin, do'n bhaile o'n do theich e.

7 Agus chuir iad air leth Cedès ann an Galilee ann an sliabh Naph-tali, agus Sechem ann an sliabh Eph-raim, agus Cariat-arba (eadhon Hebron) ann an sliabh Iudah.

8 Agus air taobh eile Iordain làimh ri Iericho air an làimh an ear, shònruidh iad Beser anns an fhàsach air a' chòmhnard a tréibh Reubein, agus Ramot ann an Gilead a tréibh Ghad, agus Golan ann am Basan a tréibh Mhanaseh.

9 B'iad sin na bailtean a shòn-raiceadh air son chloinn Israeil uile, agus air son a' choigrich a tha air chuairt nam measg, a chum as ge b'e mharbhadh neach ann an aineolas, gu'n teicheadh e an sin, agus nach bàsaicheadh e le làimh dìoghaltair na fola, gus an seazadh e an làthair a' choimhchruinnich.

# CAIB. XXI.

**A**N sin thàinig cinn aithriche nan Lebhitheach am fagus do Eleasar an sagart, agus do Iosua mac Nuin, agus do cheannaibh aithreacha threubha chloinn Israeil.

2 Agus labhair iad ri aig Siloh ann an tìr Chanaain, ag ràdh, Dh'àithn an Tighearna le làimh Mhaois, bailtean a thoirt duinn gu còmhnuidh ghabhail annta, le'm fearann comh-roinn d'ar spréidh.

3 Agus thug clann Israeil do na Lebhithich as an oighreachd air àithne an Tighearna, na bailte so agus am fearann comh-roinn.

4 Agus thàinig an crannchur a mach air son theaghlachan nan Cohatach; agus bha aig cloinn Aaroin an t-sagairt, a bha do na Lebhithich, le crannchur a tréibh Iudah, agus a tréibh Shimeoin, agus a tréibh Bheniamin, tri bailte deug.

5 Agus bha aig a' chuid eile do chloinn Chohait le crannchur, a teaghlachibh thréibh Ephraim, agus a tréibh Dhain, agus a leth-thréibh Mhanaseh, deich bailte.

6 Agus bha aig cloinn Ghersein le crannchur a teaghlachibh thréibh Isachair, agus a tréibh Aseir, agus a tréibh Naphtali, agus a leth-

thréibh Mhanaseh ann am Basan, tri bailte deug.

7 Bha aig cloinn Mherari a réir an teaghlachan, a tréibh Reubein, agus a tréibh Ghad, agus a tréibh Shebuluin, dà bhaile dheug.

8 Agus thug clann Israeil le crann-chur do na Lebhithich na bailte sin le'm fearann comh-roinn, mar a dh'àithn an Tighearna le làimh Mhaois.

9 Agus thug iad a mach a tréibh chloinn Iudah, agus a tréibh chloinn Shimeoin, na bailte so a tha air an ainmeachadh,

10 A bha aig cloinn Aaroin do theaghlachibh nan Cohatach, muinntir a bha do chloinn Lebli: (oir bu leo-san an ceud chrannchur.)

11 Agus thug iad dhoibh mòr-bhaile Arba, athar Anaic, (eadhon Hebron) ann an sliabh Iudah, maille. r'a fhearann comh-roinn mu'n cuairt air.

12 Ach fearann a' mhòr-bhaile, agus a bhailte beaga, thug iad do Chaleb mac Iephunch mar a sheilbh.

13 Mar so thug iad do chloinn Aaroin an t-sagairt, Hebron maille r'a fhearann comh-roinn, gu bhi na bhaile dèidin do'n mharbhaiche, agus Libnah le 'fhearann comh-roinn,

14 Agus Iatir le 'fhearann comh-roinn, agus Estemoah le 'fhearann comh-roinn,

15 Agus Holon le 'fhearann comh-roinn, agus Debir le 'fhearann comh-roinn,

16 Agus Ain le 'fhearann comh-roinn, agus Iutah le 'fhearann comh-roinn, agus Betsemes le 'fhearann comh-roinn: naoi bailte as an dà thréibh sin.

17 Agus a tréibh Bheniamin, Gibeon le 'fhearann comh-roinn, Gebah le 'fhearann comh-roinn,

18 Anatot le 'fhearann comh-roinn, agus Almon le 'fhearann comh-roinn; ceithir bailte.

19 B'iad uile bhailte chloinn Aaroin nan sagart, tri bailte deug le'm fearann comh-roinn.

20 Agus bha aig teaghlachibh chloinn Chohait, na Lebhithich, a mhair do chloinn Chohait, eadhon aca-san, bailtean an crannchur a tréibh Ephraim.

21 Oir thug iad dhoibh Sechem le 'fhearann comh-roinn ann an sliabh Ephraim, gu bhi na bhaile dèidin do'n mharbhaiche; agus Geser le 'fhearann comh-roinn,

22 Agus Cibsaim le 'fhearann comh-roinn, agus Bet-horon le 'fhearann comh-roinn: ceithir bailte.

23 Agus a tréibh Dhain, Eltecel

le 'fhearann comh-roinn, Gibeton le 'fhearann comh-roinn,

24 Aialon le 'fhearann comh-roinn, Gat-rimon le 'fhearann comh-roinn: ceithir bailte.

25 Agus a leth-thréibh Mhanaseh, Taanach le 'fhearann comh-roinn, agus Gat-rimon le 'fhearann comh-roinn: dà bhaile.

26 *B'iad* na bailtean uile le'm fearann comh-roinn deich air son theaghlaichean chloinn Chohait a mhair *gun an oighreachd fhaghail*<sup>a</sup>.

27 Agus do chloinn Gheroin do theaghlaichibh nan Lebhitheach, a leth eile thréibh Mhanaseh, *thug iad* Golan ann am Basan le 'fhearann comh-roinn, *gu bhi* na bhaile dèidin do'n mharbhaiche, agus Bees-terah le 'fhearann comh-roinn: dà bhaile.

28 Agus a tréibh Isachair, Cison le 'fhearann comh-roinn, Dabareh le 'fhearann comh-roinn,

29 Iarmut le 'fhearann comh-roinn, En-ganim le 'fhearann comh-roinn: ceithir bailte.

30 Agus a tréibh Aseir, Misal le 'fhearann comh-roinn, Abdon le 'fhearann comh-roinn,

31 Helcat le 'fhearann comh-roinn, agus Rehob le 'fhearann comh-roinn: ceithir bailte.

32 Agus a tréibh Naphtali, Cedes ann an Galilee le 'fhearann comh-roinn, *gu bhi* na bhaile dèidin do'n mharbhaiche: agus Hamot-dor le 'fhearann comh-roinn, agus Cartan le 'fhearann comh-roinn: trì bailte.

33 *B'iad* uile bhailte nan Gersonach, a réir an teaghlaichean, trì bailte deug le'm fearann comh-roinn.

34 Agus do theaghlaichibh chloinn Mherari a' chuid eile do na Lebhithich, a tréibh Shebuluin, Iocneam le 'fhearann comh-roinn, agus Cartah le 'fhearann comh-roinn,

35 Dimnah le 'fhearann comh-roinn, Nahalal le 'fhearann comh-roinn: ceithir bailte.

36 Agus a tréibh Reubein, Beser le 'fhearann comh-roinn, agus Iahasah le 'fhearann comh-roinn,

37 Cedemot le 'fhearann comh-roinn, agus Mephaat le 'fhearann comh-roinn: ceithir bailte.

38 Agus a tréibh Ghad, Ramot ann an Gilead le 'fhearann comh-roinn, *gu bhi* na bhaile dèidin do'n mharbhaiche: agus Mahanaim le 'fhearann comh-roinn,

39 Hesbon le 'fhearann comh-roinn, Iaser le 'fhearann comh-roinn: ceithir bailte 'san iomlan.

40 Mar sin b'iad na bailtean uile air son chloinn Mherari, a réir an teaghlaichean, a mhair do theagh-

laichibh nan Lebhitheach, a réir an crannchuir dà bhaile dheug.

41 *B'iad* uile bhailtean nan Lebhitheach, an taobh a stigh do sheilbh chloinn Israeil, ochd bailte agus dà fhichead le'm fearann comh-roinn.

42 Bha na bailte sin gach aon le'm fearann comh-roinn mu'n timchioll: mar so *bha* na bailte sin uile.

43 Agus thug an Tighearna do Israel am fearann uile a mhionnaich e thoir d'an aithrichibh: agus shealbhaich iad e, agus ghabh iad còmhnuidh ann.

44 Agus thug an Tighearna dhoibh fois mu'n cuairt, a réir nan uile *nithe* a mhionnaich e d'an aithrichibh: agus cha do sheas duine d'an naimhaidibh uile rompa; an naimhdean uile thug an Tighearna thairis d'an làimh.

45 Cha d'fhàilnich<sup>b</sup> a' bheag do gach ni maith a labhair an Tighearna ri tigh Israeil: thàinig an t-iomlan gu crìch.

## CAIB. XXII.

**A**N sin ghairm Iosua na Reubenich, agus na Gadaich, agus leth-thréibh Mhanaseh,

2 Agus thubhairt e riu, Ghléidh sibh na h-uile *nithe* a dh'àithn Maois òglach an Tighearna dhuibh, agus thug sibh géill do m' ghuth-sa anns na h-uile *nithibh* a dh'àithn mi dhuibh.

3 Cha d'fhàg sibh bhur bràithre rè mhòrain do laithibh gus an la'n diugh, ach ghléidh sibh cùram àithne an Tighearna bhur Dé.

4 Agus a nis thug an Tighearna bhur Dia fois d'ar bràithribh, mar a gheall e dhoibh: a nis uime sin pillibh, agus rachaibh d'ar pàilliunaibh, agus gu fearann bhur seilbhe, a thug Maois òglach an Tighearna dhuibh air an taobh thall do Iordan.

5 Ach thugaibh ro-aire gu'n coimh-lion<sup>c</sup> sibh an àithne agus an lagh, a dh'àithn Maois òglach an Tighearna dhuibh, gràdh a thoirt do'n Tighearna bhur Dia, agus gluasad na uile shlighibh, agus àitheantan a ghléidheadh, agus dlùthleantuin ris, agus seirbhis a dheanamh dha le'r n-uile chridhe, agus le'r n-uile anam.

6 Mar sin bheannaich Iosua *iad*, agus chuir e air falbh iad: agus chaidh iad d'am pàilliunaibh.

7 A nis do *aon* leth-thréibh Mhanaseh thug Maois *sealbh* ann am Basan: ach do'n leth-thréibh *eile* dhuibh thug Iosua *sealbh* am measg am bràithrean air an taobh so do

<sup>a</sup> fhaotainn.<sup>b</sup> du thuit. Eabh.<sup>c</sup> dean.

Iordan air an làimh an iar. Agus cuideachd, an uair a chuir Iosua air falbh iad d'am pàillunaibh, an sin bheannaich e iad,

8 Agus labhair e riu, ag ràdh, Le mòrshaibhreas pillibh d'ar pàillunaibh, agus le ro-mhòran spréidhe, le h-airgid, agus le h-òr, agus le h-umha, agus le h-iarunn, agus le ro-mhòran eudaich; roinnibh creach bhur naimhde r'ar bràithribh.

9 Agus phill clann Reubein, agus clann Ghad, agus leth-thréibh Mhanaseh, agus dh'fhalbh iad o chloinn Israeil a Siloh, a tha ann an tìr Chanaan, gu dol do thìr Ghilead, gu fearann an seilbhe, a shealbhaich iad, a réir focail an Tighearna le làimh Mhaois.

10 Agus an uair a thàinig iad gu crìochaibh Iordain, a tha ann an tìr Chanaan, thog clann Reubein, agus clann Ghad, agus leth-thréibh Mhanaseh altair an sin làimh ri Iordan, altair mhòr ri amharc oirre.

11 Agus chuala clann Israeil air a ràdh, Feuch, thog clann Reubein, agus clann Ghad, agus leth-thréibh Mhanaseh, altair thall fa chomhair tìre Chanaan, ann an crìochaibh Iordain, far an d'thàinig clann Israeil thairis.

12 Agus an uair a chuala clann Israeil so, chruinnich coimhthional chloinn Israeil uile iad féin an ceann a chéile aig Siloh, gu dol suas a chogadh nan aghaidh.

13 Agus chuir clann Israeil a dh'ionnsuidh cloinn Reubein, agus a dh'ionnsuidh cloinn Ghad, agus gu leth-thréibh Mhanaseh, do thìr Ghilead, Phinehas mac Eleasair an t-sagairt,

14 Agus deich ceannardan a maille ris, ceannard do gach prìomh thigh b, air feadh uile threubhan Israeil, agus b'e gach fear dhuibh ceann tìge an aithriche, air feadh mhìltean Israeil.

15 Agus thàinig iad gu cloinn Reubein, agus gu cloinn Ghad, agus gu leth-thréibh Mhanaseh, gu tìr Ghilead, agus labhair iad riu, ag ràdh,

16 Mar so tha coimhchrinneach an Tighearn uile ag ràdh, Ciod e an cionta so a rinn sibh an aghaidh Dé Israeil, pillleadh air falbh an diugh o leantuinn an Tighearna, le altair a thogail dhuibh féin, chum ceannairc a dheanamh an diugh an aghaidh an Tighearna?

17 An ro-bheag dhuinn cionta Pheoir, o nach eil sinn air arglanadh gus an la'n diugh, (agus air son an robh plàigh ann an coimhchrinneach an Tighearna.)

18 Ach gu'm pillleadh sibh air falbh an diugh o'n Tighearn a leantuinn? agus tarlaidh, do bhrìgh gu bheil sibh a' deanamh ceannairc an diugh an aghaidh an Tighearna, am màireach gu'n las 'fhearg an aghaidh uile choimhchrinnich Israeil.

19 Gidheadh ma tha fearann bhur seilbhe neo-ghlan, rachaibh thairis a dh'fhearann seilbhe an Tighearna, far am bheil pàillun an Tighearn a chòmhnuidh, agus gabhaibh sealbh nar measg-ne: ach na deanaibh ceannairc an aghaidh an Tighearna, no ceannairc nar n-aghaidh-ne, le altair a thogail dhuibh féin, a thuilleadh air altair an Tighearna ar Dé.

20 Nach d'rinn Achian mac Sherah cionta 'san ni mhallaichte, agus thuit fearg air uile choimhchrinneach Israeil? agus cha b'e 'n duine sin na aonar a bhàsaich na chionta.

21 An sin fhreagair clann Reubein, agus clann Ghad, agus leth-thréibh Mhanaseh, agus thubhairt iad ri ceannardaibh mhìltean Israeil,

22 Aig an Tighearna Dia nan dée, aig an Tighearna Dia nan dée e féin a ta fios, agus aig Israeil bithidh fios, ma's ann an ceannairc, no ann an eusaontas an aghaidh an Tighearna, (ma's ann, na saor sinn an diugh)

23 A thog sinne dhuinn féin altair, gu pillleadh air falbh o'n Tighearn a leantuinn, no ma's ann a thoirt suas oirre ìobairt-loisgte, no tabhartais-bidh, no ma's ann a thoirt suas oirre ìobairte thabhartasa-sith, an sin agradh an Tighearna féin e:

24 Agus mur ann air eagal an ni so a rinn sinn e, ag ràdh, Anns an àm ri teachd dh'fheudadh bhur clannsa labhairt ri 'r cloinn-ne, ag ràdh, Ciod bhur gnothuch-sa ris an Tighearna Dia Israeil?

25 Oir rinn an Tighearna Iordan na crìch eadar sinne agus sibhse; a chlann Reubein, agus a chlann Ghad, cha'n'eil agaibhse cuibhrionn air bith 'san Tighearna: mar so bheir bhur clannsa air ar cloinn-ne sgar o eagal an Tighearn a bhi orra.

26 Uime sin thubhairt sinn, Gabhamaid a nis mu altair a thogail dhuinn féin, cha'n ann air son tabhartais-loisgte no air son ìobairt;

27 Ach a chum gu'm bi i na fianuis eadar sinne agus sibhse, agus ar sliochd nar déigh, a chum as gu'n dean sinn seirbhis an Tighearna na làthair le'r tabhartais-loisgte, agus le'r n-ìobairtibh, agus le'r tabhartais-sith, a chum as nach abair bhur clann-sa r'ar cloinn-ne 'san àm ri teachd, Cha'n'eil cuibhrionn agaibh 'san Tighearna.

28 Uime sin thubhairt sinn, gu'n

<sup>a</sup> uachdarain.  
ard athar.

<sup>b</sup> as gach tigh



tachair e, 'nuair a theiriad so ruinne, no r'ar sliochd 'san àm ri teachd, gu'm bi againn ri ràdh a rìs, Faicibh samhladh altair an Tighearna, a rinn ar n-aithriche, cha'n ann air son thabhartasa-loisgte, no air son iobairtean, ach <sup>a</sup> is fianuis i eadar sinne agus sibhlise.

29 Gu ma fada robh e uainne ceannairc a dheanamh an aghaidh an Tighearna, agus pilltiun an diugh o leantuinn an Tighearua, le altair a thogail air son thabhartasa-loisgte, air son thabhartasa-bidh, no air son iobairtean, seach altair an Tighearn ar Dé a tha air beulaobh a phailliuin.

30 Agus an nair a chuala Phinehas an sagart, agus ceannardan a' choimhchruiinnich, agus cinn mhìltean Israeil a bha maille ris, na briathran a labhair clann Reubein, agus clann Ghad, agus clann Mhanaseh, thaitinn e riu.

31 Agus thubhairt Phinehas mac Eleasair an t-sagairt ri cloinn Reubein, agus ri cloinn Ghad, agus ri cloinn Mhanaseh, An diugh tha fios againn gu'm bheil an Tighearna nar measg, a cheann nach d'rinn sibh an cionta so an aghaidh an Tighearna: a nis shaor sibh clann Israeil a làimh an Tighearna.

32 Agus phill Phinehas mac Eleasair an t-sagairt, agus na ceannardan o chloinn Reubein, agus o chloinn Ghad, a tìr Ghilead gu tìr Chanàain, gu cloinn Israeil, agus thug iad fios d'an ionnsuidh a rìs.

33 Agus thaitinn a' chùis ri cloinn Israeil, agus bheannaich clann Israeil Dia, agus cha robh rùn aca dol<sup>b</sup> suas nan aghaidh gu cath, a sgrios na tìre anns an robh clann Reubein agus Ghad nan còmhnuidh.

34 Agus thug clann Reubein, agus clann Ghad Ed mar ainm air an altair: oir *bithidh* i na fianuis eadaruinn, gur e'n Tighearn a's Dia ann.

## CAIB. XXIII.

**A** GUS an ceann ùine fhada, an déigh do'n Tighearna fois a thoirt do Israel o'n naimhdibh uile mu'n cuairt, dh'fhàs Iosua sean, agus thàinig e air 'aghaidh ann am bliadhnaibh.

2 Agus ghairm Iosua d'a ionnsuidh Israel uile, an seanairean, agus an ceannardan, agus am breitheamhna, agus an luchd-riaghlùidh, agus thubhairt e riu, Tha mise sean, agus air teachd air m'aghaidh ann am bliadhnaibh.

3 Agus chunnaic sibh gach nì a rinn an Tighearna bhur Dia ris na

<sup>a</sup> oir. <sup>b</sup> cha dubhairt iad gu'n rachadh iad. Eabh.

cinnich sin uile air bhur sonsa; oir is e'n Tighearna bhur Dia e féin a chog air bhur son.

4 Faicibh, roinn mi dhuibh le crannchur na cinuich sin a mhaireas, gu bhi nan oighreachd d'ar treubhaibh, o Iordan, maille ris na cinnich uile a ghearr mi as, eadhon gus an fhaighe mhidir air an taobh an iar.

5 Agus an Tighearna bhur Dia, fuadaichidh esan iad as bhur fianuis, agus iomainidh e iad a mach as bhur sealladh, agus sealbhaichidh sibh am fearann, mar a gheall an Tighearna bhur Dia dhuibh.

6 Bithibhse uime sin ro-mhisneachail a ghleidheadh agus a dheanamh nan uile nithe, a ta scriobhta ann an leabhar lagha Mhaois, a chum nach pill sibh a leth-taobh uath, a dh'ionnsuidh na làimhe deise no dh'ionnsuidh na làimhe clithe;

7 A chum nach d'thig sibh air feadh nan cinneach sin, nan cinneach sin a mhaireas nar measg, agus nach luadh sibh ainm an dée, agus nach mionnaich sibh orra, agus nach dean sibh seirbhis dhoibh, agus nach crom sibh sibh féin doibh:

8 Ach dlùth-leanaibh ris an Tighearna bhur Dia, mar a rinn sibh gus an la'n diugh.

9 Oir dh'fhuadaich an Tighearna bhur Dia a mach as bhur fianuis cinnich mhidir agus threun: ach d'ar taobhsa, cha b'urrainn duine sam bith seasamh roimhibh gus an la'n diugh.

10 Cuiridh aon fhear dhibh an teicheadh air mìle; oir is e'n Tighearna bhur Dia e féin a chogas air bhur son, mar a gheall e dhuibh.

11 Thugaibh uime sin aire mhaith dhuibh féin, gu'n gràdhaich sibh an Tighearna bhur Dia.

12 No ma théid sibh air chorsam bith air bkur n-ais, agus ma leanas sibh ri fuigheall nan cinneach sin, eadhon nan cinneach sin a mhaireas nar measg, agus ma ni sibh cleamhnas riu, agus ma théid sibh a steach d'an ionnsuidh, agus iadsan d'ar n-ionnsuidh-sa:

13 Biodh fios cinnteach agaibh nach fuadaich an Tighearna bhur Dia tuilleadh a h-aon air bith do na cinnich sin a mach roimhibh: ach bithidh iad dhuibh nan ribe, agus nan ceap-tuislidh, agus nan sgiursadh nar taobhaibh, agus nam bioraibh nar sùilibh, gus an d'théid as duibh bhàrr an fhearainn mhaith so, a thug an Tighearna bhur Dia dhuibh.

14 Agus feuch, a ta mise an diugh a' dol air slighe na talmhainn uile, agus tha fios agaibh féin nar n-uile chridhe agus nar n-uile anam, nach

d'fhàilnich aon ni do na nithibh maithe sin uile a labhair an Tighearna bhur Dia d'ar taobh; thàinig iad gu léir gu crìch dhuibhse, cha d'fhàilnich aon ni dhiubh.

15 Uime sin tarlaidh, mara thàinig na h-uile nithe maithe oirbh, a gheall an Tighearna bhur Dia dhuibh, mar sin gu'n d'thoir an Tighearn oirbh na h-uile nithe olc, agus an sgrios e sibh bhàrr an fhearainn mhaith so a thug an Tighearna bhur Dia dhuibh.

16 'Nuair a bhriseas sibh coimhcheangal an Tighearna bhur Dé, a dh'àithn e dhuibh, agus a théid sibh, agus a ni sibh seirbhis do dhéibh eile, agus a chromas sibh sibh féin doibh; an sin lasaidh fearg an Tighearna nar n-aghaidh, agus théid as duibh gu grad bhàrr an fhearainn mhaith a thug e dhuibh.

CAIB. XXIV.

**A**GUS chruinnich Iosua treubhan Israeil uile gu Sechem, agus ghairm e air seana-riobh Israeil, agus air an ceannardaibh, agus air am breitheamhnaibh, agus air an luchd-riaghlaidh, agus nochd siad iad féin am fianuis Dé.

2 Agus thubhairt Iosua ris an t-sluagh uile, Mar so tha 'n Tighearna Dia Israeil ag ràdh, Air taobh thall an t-srutha<sup>a</sup>, anns an t-sean aimsir, chòmhnuich bhur n-aithriche, eadhon Terah athar Abraham, agus athair Nachoir: agus rinn iad seirbhis do dhéibh eile.

3 Agus thug mi bhur n-athair Abraham o thaobh thall an t-srutha, agus thredraich mi e tre thàr Chanain uile, agus rinn mi a shliochd Ìonmhòr, agus thug mi dha Isaac.

4 Agus thug mi do Isaac, Jacob agus Esau: agus thug mi do Esau sliabh Sheir r'a shealbhachadh; ach chaidh Jacob agus a chlann sìos do'n Eiphit.

5 Chuir mi Maois mar an ceudna agus Aaron a mach, agus bhuail mi an Eiphit a réir an ni sin a rinn mi na meadhon: agus an déigh sin thug mi sibhse mach.

6 Agus thug mi bhur n-aithriche as an Eiphit: agus thàinig sibh a dh'ionnsuidh na fairge, agus lean na h-Eiphitich bhur n-aithriche le carbadaibh agus marc-shluagh gus a' mhuir ruaidh.

7 Agus an uair a ghlaodh iad ris an Tighearna, chuir e dorchadas eadar sibhse agus na h-Eiphitich, agus thug e a' mhuir orra-san, agus dh'fholaich e iad; agus chunnaic bhur sùile ciod a rinn mi 'san Eiphit: agus ghabh sibh còmhnuidh 'san fhàsach ùine fhada.

8 Agus thug mi sibh do fhearann nan Amorach, a bha chòmhnuidh air an taobh thall do Iordan: agus chog iad ribh: agus thug mi thairis iad d'ar làimh, agus shealbhaich sibh am fearann: oir sgrios mise iad as bhur fianuis.

9 An sin dh'éirich Balac mac Shipoir, rìgh Mhoab, agus chog e'n aghaidh Israeil, agus chuir e fios, agus ghairm e Balaam mac Bheoir chum sibhse a mhallachadh:

10 Ach cha'n éisdinn-sa ri Balaam; uime sin da rìreadh bheannaich e sibh: mar sin shaor mi sibh as a làimh.

11 Agus chaidh sibh thar Iordan, agus thàinig sibh gu Iericho: agus chog fir Iericho nar n-aghaidh, na h-Amorach, agus na Perisich, agus na Cananaich, agus na Hitich, agus na Girsasach, na Hibhich, agus na Iebusach; agus thug mi thairis iad d'ar làimh.

12 Agus chuir mi a' chonnsbeach<sup>b</sup> roimhibh, a dh'fhuadaich iad a mach as bhur fianuis, eadhon dà rìgh nan Amorach; ach cha'n ann le d' chlaidheamh, no le d' bhlogha.

13 Agus thug mi dhuibh fearann anns nach do shaothraich sibh, agus bailte nach do thog sibh, agus ghabh sibh còmhnuidh anna: do fhion-liosaibh agus do liosaibh-olaidh nach do shuidhich sibh, tha sibh ag itheadh.

14 A nis uime sin biodh eagal an Tighearn oirbh; agus deanaibh seirbhis dha ann an treibhdhireas agus am firinn, agus cuiribh uaibh na dée d'an d'rinn bhur n-aithriche seirbhis air taobh thall an t-srutha, agus anns an Eiphit; agus deanaibh seirbhis do'n Tighearna.

15 Agus ma mheasar e olc leibh seirbhis a dheanamh do'n Tighearna, roghnaichibh an diugh cò d'an dean sibh seirbhis, an ann do na déibh d'an d'rinn bhur n-aithriche seirbhis, a bh'air taobh thall an t-srutha, no do dhéibh nan Amorach, muinntir a tha sibh a chòmhnuidh nan tìr: ach air mo shon-sa; agus air son mo thighe, ni sinne seirbhis do'n Tighearna.

16 Agus fhreagair an sluagh, agus thubhairt iad, Gu ma fada robh e uainne an Tighearn a thréigsinn, gu seirbhis a dheanamh do dhéibh eile.

17 Oir an Tighearna ar Dia, is esan a thug a nìos sinne, agus ar n-aithrichean a tìr na h-Eiphit, a tigh na daorsa, agus a rinn na comharan mòra sin nar sealladh, agus a ghléidh sinn anns an uile shlighe air an d'imich sinn, agus am

<sup>a</sup> na h-aibhne.

<sup>b</sup> an cearnabhan; hornet. Sasg.

measg nan uile shlògh tre'n deachaidh sinn.

18 Agus dh'fhogair an Tighearn a mach romhainn na slòigh uile, eadhon na h-Amoraich a bha chòmhnuidh san tìr: *uime sin* ni sinne mar an ceudna seirbhis do'n Tighearna, oir is ean ar Dia.

19 Agus thubhairt Iosua ris an t-sluagh, Cha'n urrainn sibh seirbhis a dheanamh do'n Tighearna; oir is Diaro-naomh e: is Dia eudmhor e; cha lagh e bhur n-eusaontais, no bhur peacanna.

20 Ma thréigeas sibh an Tighearna, agus ma ni sibh seirbhis do dhéibh coimheach<sup>a</sup>, an sin pillidhe agus ni e olc oirbh, agus claidhidh e sibh, an déigh dha maith a dheanamh dhuibh.

21 Agus thubhairt an sluagh ri Iosua, Ni h-eadh, ach ni sinne seirbhis do'n Tighearna.

22 Agus thubhairt Iosua ris an t-sluagh, *Is fianuiscan sibh nar n-aghaidh féin*, gu'n do thagh sibh dhuibh féin an Tighearna, gu seirbhis a dheanamh dha. Agus thubhairt iad, *Is fianuiscan sinn*.

23 A nis uime sin cuiribh air falbh (*ars'esan*) na diathan coimheach a ta nar measg, agus aomaibh bhur cridhe ris an Tighearna Dia Israeil.

24 Agus thubhairt an sluagh ri Iosua, Do'n Tighearn ar Dia ni sinn seirbhis, agus r'a ghuthsan éisdidh sinn.

25 Mar sin rinn Iosua coimheangal ris an t-sluagh air an la sin; agus shuidhiche dhoibh reachd, agus riaghailt ann an Sechem.

26 Agus scrìobh Iosua na briathra

<sup>a</sup> *do dhiathaibh dùcha eile, do dhiathaibh choigreach.*

so ann an leabhar lagha Dhé, agus ghabh e clach mhòr, agus chuir e suas i an sin fuidh dharaig, a bha làimh ri ionad naomha an Tigh-earna.

27 Agus thubhairt Iosua ris an t-sluagh uile, Feuch, bithidh a' chlach so na fianuis duinn; oir chual' i uile bhriathran an Tigh-earn a labhair e ruinn: bithidh i uime sin na fianuis nar n-aghaidh-sa, air eagal gu'n àicheadh sibh bhur Dia.

28 Agus leig Iosua leis an t-sluagh imeachd, gach duine d'a oighreachd féin.

29 Agus an déigh nan nithe sin, fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

30 Agus dh'adhlaic iad e ann an crìch' oighreachd féin ann an Timnat-serah, a tha ann an sliabh Ephraim, air an taobh mu thuath do shliabh Ghaais.

31 Agus rinn Israel seirbhis do'n Tighearn uile laithean Iosua, agus uile laithean nan seanair a mhair beo an déigh Iosua, agus d'am b'aithne uile oibre an Tighearna, a rinn e air son Israeil.

32 Agus cnàmhan Ioseph, a thug clann Israeil a nìos as an Eiphit, dh'adhlaic iad ann an Sechem, ann am mìr fearainn a cheannaich Iacob o mhacaibh Hamoir athar Shechem, air son ceud bonn airgid; agus bha e na oighreachd aig cloinn Ioseph.

33 Agus fhuair Eleasar mac Aaron bàs, agus dh'adhlaic iad e ann an sliabh le Phinehas a mhac, a thugadh dha ann an sliabh Ephraim.

## BREITHEAMHNA.

### CAIB. I.

**A** NIS an déigh bàis Iosua, dh'fhiosraich<sup>a</sup> clann Israeil do'n Tighearn, ag ràdh, Cò a théid suas air ar son an aghaidh nan Canaanach air tùs, a chogadh nan aghaidh?

2 Agus thubhairt an Tighearna, Théid Iudah suas: feuch thug mi'n tìr thairis d'a làimh.

<sup>a</sup> *dh'fhedraich.*

3 Agus thubhairt Iudah ri Simeon a bhràthair, Thig a nìos maille riumsa do m' chrannchur, a chum as gu'n cog sinn an aghaidh nan Canaanach, agus théid mise mar an ceudna maille riutsa do d' chrannchur-sa. Agus chaidh Simeon maille ris.

4 Agus chaidh Iudah suas, agus thug an Tighearna na Canaanach, agus na Ferisich, thairis d'an làimh:

agus mharbh iad diubh ann am Besec deich mìle fear.

5 Agus fhuair iad Adoni-besec ann am Besec; agus chog iad na aghaidh, agus bhuail iad na Canaan- aich agus na Perisich.

6 Ach theich Adoni-besec, agus lean iad e, agus ghlac iad e, agus ghearr iad dhieth ordagan a làmh agus a chos.

7 Agus thubhairt Adoni-besec, Thionail tri fichead agus deich rìgh- rean, aig an robh ordagan a làmh agus an cos air an gearradh dhiubh, am biadh fuidh m' bhord-sa: mar a rinn mi, mar sin dhìol Dia orm. Agus thug iad e gu h-Ierusalem, agus fhuair e bàs an sin.

8 (A nis chog clann Iudah an agh- aidh Ierusalem, agus ghlac iad e, agus bhuail iad e le faobhar a' chlaidheimh, agus chuir iad am baile ri theine.)

9 Agus an dèigh sin chaidh clann Iudah sìos a chogadh an aghaidh nan Canaanach, a bha chòmhnuidh sa' mhonadh, agus anns an airde deas, agus anns a' chòmhnard.

10 Agus chaidh Iudah an aghaidh nan Canaanach, a bha chòmhnuidh ann an Hebron; (a nis b'e ainm Hebroin roimhe Ciri-at-arba:) agus mharbh iad Sesai, agus Ahiman, agus Talmai.

11 Agus a sin chaidh e an aghaidh luchd-àiteachaidh Dhebir: (agus b'e ainm Dhebir roimhe Ciri-at-sepher.)

12 Agus thubhairt Caleb, Esan a bhuail eas Ciri-at-sepher, agus a ghlacas e, dha-san bheir mi Achsah mo nighean na mnaoi.

13 Agus ghlac Otniel mac Chenais bràthar a b'òige Chaleib e: agus thug e dha Achsah a nighean na mnaoi.

14 Agus an uair a thàinig i d'a ionnsuidh, bhrosnaich i e gu achadh iarraidh o h-athair: agus theirinn i bhàrr a h-asail; agus thubhairt Caleb rithe, Ciod is àill leat?

15 Agus thubhairt i ris, Thoir dhomh beannachadh, oir thug thu dhomh fearann ri deas a, thoir dhomh mar an ceudna tobair uisge. Agus thug Caleb dh'i na tobair uachdarach, agus na tobair ìoch- darach.

16 Agus chaidh clann a' Chenich, athar-cèile Mhaois, suas a baile uan craobha-pailme, maille ri cloinn Iud- ah, do fhàsach Iudah, a tha air an taobh mu dheas do Arad; agus chaidh iad agus ghabh iad còmhn- uidh am measg an t-sluaigh.

17 Agus chaidh Iudah maille ri Simeon a bhràthair, agus bhuail iad

na Canaanach, a bha nan còmhn- uidh ann an Sephat, agus sgrìos iad gu tur e: (agus thugadh Hormah mar ainm air a' bhaile.)

18 Agus ghlac Iudah Gasa agus a chrìochan, agus Ascelon, agus a chrìochan, agus Ecron, agus a chrìochan.

19 Agus bha'n Tighearna maille ri Iudah, agus ghabh e sealbh air a' mhonadh, ach cha b'urrainn e luchd-àiteachaidh an t-sratha fhòg- radh a mach, a chionn gu'n robh carbaid iarunn aca.

20 Agus thug iad Hebron do Chaleb, mar a thubhairt Maois: agus dh'fhuadaich e as a sin triuir<sup>b</sup> mhiac Anaic.

21 Agus cha do chuir clann Bhe- niamin a mach na Iebusaich, a bha nan còmhnuidh ann an Ierusalem: ach tha na Iebusaich nan còmhn- uidh maille ri cloinn Bheniamin ann an Ierusalem gus an là'n diugh.

22 Agus tigh Ioseph, chaidh iad- san mar an ceudna suas an aghaidh Bheteil: agus bha'n Tighearna maille riu.

23 Agus chuir tigh Ioseph daoine a rannsachadh a mach Bheteil: (a nis b'e ainm a' bhaile roimhe Lus.)

24 Agus chunnaic an luchd-brath- aidh duine a' teachd a mach as a' bhaile, agus thubhairt iad ris, Feuch dhuinn, guidheamaid ort, an rathad a stigh do'n bhaile, agus nochdaidh sinn tròcair dhuit.

25 Agus an uair a dh'fheuch e dhoibh an rathad a stigh do'n bhaile, bhuail iad am baile le faobhar a' chlaidheimh: ach leig iad air falbh an duine agus a theagh- lach uile.

26 Agus chaidh an duine do fhearann nan Hiteach, agus thog e baile, agus thug e Lus mar ainm air: is e so 'ainm gus an là'n diugh.

27 Cha mhò a dh'fhògair Ma- naseh a mach luchd-àiteachaidh Bhet- seain agus a bhailte, no Thaanach agus a bhailte, no luchd-àiteach- aidh Dhoir agus a bhailte, no luchd- àiteachaidh Ibleaim agus a bhailte, no luchd-àiteachaidh Mhegido agus a bhailte: ach b'àill leis na Canaan- aich còmhnuidh a ghabhail 'san fhearann sin.

28 Agus tharladh an uair a dh'fhàs Israel làidir, gu'n do chuir iad na Canaanach fuidh chis: ach cha dh'fhuadaich iad gu buileach a mach iad.

29 Cha mhò a dh'fhuadaich Eph- raim a mach na Canaanach, a bha chòmhnuidh ann an Geser: ach ghabh na Canaanach còmhnuidh nam measg ann an Geser.

<sup>a</sup> fearann tioram, teth.

<sup>b</sup> triùir.



30 Cha mhò a dh'fhuadaich Sebulun a mach luchd-àiteachaidh Chit-roin, no luchd-àiteachaidh Nahai-loil: ach ghabh na Canaanach còmhnuidh nam measg, agus bha iad fuidh chis doibh.

31 Cha mhò a dh'fhuadaich Aser a mach luchd-àiteachaidh Acho, no luchd-àiteachaidh Shidoin, no Ach-laib, no Ahsib, no Helbah, no Aphic, no Rehob:

32 Ach ghabh na h-Aserich còmhnuidh am measg nan Canaanach, luchd-àiteachaidh na tìre; oir cha d'fhuadaich iad a mach iad.

33 Cha mhò a dh'fhuadaich Naph-tali a mach luchd-àiteachaidh Bhet-semeis, no luchd-àiteachaidh Bhet-anait; ach ghabh e còmhnuidh am measg nan Canaanach, luchd-àiteachaidh na tìre: gidheadh bha luchd-àiteachaidh Bhet-semeis agus Bhetanait fuidh chis doibh.

34 Agus dh'èignich na h-Amoraich clann Dhain do'n t-sliabh: oir cha leigeadh iad leo teachd a nuas do'n ghleann.

35 Ach b'ail leis na h-Amoraich còmhnuidh a ghabhail ann an sliabh Hereis ann an Aialon, agus ann an Saalbin: gidheadh bhuadhaich làmh tighe Ioseiph, agus bha iad fuidh chis doibh.

36 Agus bha crìoch nan Amorach o uchdaich Acrabim, o'n charraig, agus suas o sin.

## CAIB. II.

**A** GUS thàinig aingeal an Tighearna nìos o Ghilgal gu Bochim, agus thubhairt e, Thug mi nìos sibh as an Eiphit, agus thug mi steach sibh do'n fhearann a mhionnaich mi d'ar n-aithrichibh; agus thubhairt mi, Cha bhris mi mo choimhcheangal ribh gu bràth.

2 Agus cha dean sibh coimhcheangal sam bith ri luchd-àiteachaidh na tìre so, tilgidh sibh sìos an altairean: ach cha d'thug sibh géill do m' ghuth; c'ar son a rinn sibh so?

3 Uime sin mar an ceudna thubhairt mi, Cha'n fhuadaich mi mach iad roimhibh; ach bithidh iad mar bhiora nar taobhaibh, agus bithidh an dèe nan ribe dhuibh.

4 Agus an uair a labhair aingeal an Tighearna na briathra sin ri cloinn Israeil uile, thog an sluagh suas an guth, agus ghuil iad.

5 Agus ghairm iad àinm an àite sin Bochim: agus dh'ìobair iad an sin do'n Tighearna.

6 Agus an uair a leig Iosua leis an t-sluagh imeachd, chaidh clann Israeil gach duine d'a oighreachd a ghabhail seilbh air an fhearann.

7 Agus rinn an sluagh seirbhis do'n Tighearna rè uile làithean Io-

sua, agus uile làithean nan sean-airean a mhair beo an déigh Iosua, a chunnaic uile oibre mòra an Tighearna, a rinn e air son Israeil.

8 Agus fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

9 Agus dh'adhlaic iad e ann an crìch 'oighreachd féin ann an Tim-nat-heres, ann an sliabh Ephraim, air an taobh mu thuath do shliabh Ghaais.

10 Agus chruinnicheadh mar an ceudna an ginealach sin uile chum an aithriche: agus dh'érich ginealach eile suas nan déigh, do nach b'aithneadh an Tighearna, no na h-oibre a rinn e air son Israeil.

11 Agus rinn clann Israeil olc ann an sealladh an Tighearna, agus rinn iad seirbhis do Bhaalim:

12 Agus thréig iad an Tighearna Dia an aithriche, a thug a mach iad a tìr na h-Eiphit, agus lean iad diathan eile, do dhéibh an t-sluaigh a bha mu'n cuairt orra, agus chrom siad iad féin sìos doibh, agus bhros-naich iad an Tighearna gu corruich.

13 Agus thréig iad an Tighearna, agus rinn iad seirbhis do Bhaal agus do Astarot.

14 Agus las corruich an Tighearn an aghaidh Israeil, agus thug e thairis iad do làimh chreachadairean a chreach iad, agus reic e iad do làimh an naimhdean mu'n cuairt, air chor as nach b'urrainn iad ni b'fhaide seasamh an làthair an naimhde.

15 Ge b'e taobh a chaidh iad a mach, bha làmh an Tighearna nan aghaidh chum uilc, mar a thubhairt an Tighearna, agus mar a mhionnaich an Tighearna dhoibh: agus bha iad ann an teinn ro-mhòir.

16 Gidheadh thog an Tighearna suas breitheamhna, a shaor iad a làimh na muinntir sin a chreach iad.

17 Gidheadh cha'n éisdeadh iad r'am breitheamhnaibh, ach chaidh iad le strìopachas an déigh dhiathan eile, agus chrom siad iad féin doibh: phill iad gu grad as an t-slighe anns an d'imich an aithriche, a toirt géill a dh'aitheantaibh an Tighearna: cha d'rinn iadsan mar sin.

18 Agus an uair a thog an Tighearna suas doibh breitheamhna, an sin bha'n Tighearna leis a' bhreith-eamh, agus shaor e iad a làimh an naimhde, rè uile làithean a' bhreith-eamh: (oir ghabh an Tighearna truas *diubh* air son an osnaich o làthair<sup>a</sup> na muinntir sin a rinn ainneart orra, agus a shàraich iad<sup>b</sup>.)

<sup>a</sup> air son.  
iad. Eabh.

<sup>b</sup> a theannaich

19 Agus an uair a bha'm breith-eamh marbh, phill iad, agus thruaill siad iad féin nì's mò na'n aithriche, ann an leantoinn dhiathan eile, gu seirbhis a dheanamh dhoibh, agus gu cromadh sìos doibh: cha do sguir iad o'n gnìomharaibh féin, no o'n slighe eas-ùmhail.

20 Agus las fearg an Tighearn an aghaidh Israeil, agus thubhairt e, A chionn gu'n do bhris an sluagh so mo choimhcheangal a dh'àithn mi d'an aithrichibh, agus nach d'éisd iad ri 'm ghuth:

21 Cha chuir mise mar an ceudna a so suas duine sam bith a mach rompa, do na cinnich a dh'fhàg Iosua 'nuair a fhuair e bàs:

22 Chum leo-san gu'n dearbh mi Israel, an gléidh iad slighe an Tighearna a dh'imeachd innte, mar a ghléidh an aithrichean i, no nach gléidh.

23 Uime sin dh'fhàg an Tighearna na cinnich sin, gun am fuadachadh a mach gu grad; agus cha d'thug e thairis iad do làimh Iosua.

## CAIB. III.

**A** NIS is iad so na cinnich a dh'fhàg an Tighearn a dhearbhadh Israeil leo, (*eadhon a' mheud do Israel do nach b'aithne cogaidh Chanaain uile;*

2 A mhàin a chum gu'm b'aithne do ghinealaich chloinn Israeil cogadh iunnsachadh dhoibh, air bheag sam bith dhoibhsan do nach b'aithne a' bheag dheth roimhe:)

3 *Eadhon* cùig tighearnan nam Philisteach, agus na Canaanaich uile, agus na Sidonaich, agus na Hibhich a bha chòmhnuidh ann an sliabh Lebanon; o shliabh Bhaalhermoin, gu dol a stigh Hamait.

4 Agus bha iad gu Israel a dhearbhadh leo, a dh'aitheachadh an éisd-eadh iad ri àitheantaibh an Tighearna, a dh'àithn e d'an aithrichibh le làimh Mhaois.

5 Agus ghabh clann Israeil còmh-nuidh am measg nan Canaanach, nan Hiteach, agus nan Amorach, agus nam Poriseach, agus nan Hibheach, agus nan Iebusach:

6 Agus ghabh iad an nigheana gu bhi nam moaibh aca, agus thug iad an nigheana féin d'am macaibhsan; agus rinn iad seirbhis d'an déibh.

7 Agus rinn clann Israeil olc ann an sùilb an Tighearna, agus dhichuimhnich iad an Tighearn an Dia, agus rinn iad seirbhis do Bhaalim, agus do Astarot\*.

8 Uime sin las fearg an Tighearn an aghaidh Israeil, agus reic e iad

do làimh Chusan-risataim rìgh Mhesopotamia: agus rinn clann Israeil seirbhis do Chusan-risataim ochd bliadhna.

9 Agus an uair a ghlaodh clann Israeil ris an Tighearna, thog an Tighearna suas fear-saoraidh do chloinn Israeil, a shaor iad, *eadhon* Otniel mac Chenais, bràthara b'òige Chaleib.

10 Agus bha spiorad an Tighearn air, agus thug e breth air Israel, agus chaidh e mach a chogadh; agus thug an Tighearna thairis d'a làimh Cusan-risataim rìgh Mhesopotamia: agus bhuadhaich a làmh an aghaidh Chusan-risataim.

11 Agus bha fois aig an tìr rè dhà fhichead bliadhna: agus fhuair Otniel mac Chenais bàs.

12 Agus rinn clann Israeil olc a rìs ann an sùilb an Tighearna: agus neartaich an Tighearn Eglon rìgh Mhoib an aghaidh Israeil, a chionn gu'n d'rinn iad olc ann an sùilb an Tighearna.

13 Agus chruinnich e d'a ionn-suidh clann Amoin, agus Amalec, agus chaidh e agus bhuail e Israel, agus shealbhaich iad baile<sup>b</sup> nan craobha-pailne.

14 Agus rinn clann Israeil seirbhis do Eglon rìgh Mhoib ochd bliadhna deug.

15 Ach an uair a ghlaodh clann Israeil ris an Tighearna, thog an Tighearna suas doibh fear-saoraidh, Ehud mac Ghera, Beniamineach, duine ciotach<sup>c</sup>: agus leis-san chuir clann Israeil tiodhlacadh gu h-Eglon rìgh Mhoib.

16 Ach rinn Ehud dha féin claidheamh, aig an robh dà fhaobhar, làmh-choille air fad; agus cheangail se e fuidh 'eudach, air a shliasaid dheis.

17 Agus thug e'n tiodhlacadh gu h-Eglon rìgh Mhoib: agus bha Eglon na dhuine ro-reamhar.

18 Agus an uair a chuir e crìoch air an tiodhlacadh a thoirt seachad, chuir e air falbh an sluagh a ghiùlain an tiodhlacadh.

19 Ach phill e féin a rìs o na clach-shlocaibh<sup>d</sup> a bha làimh ri Gilgal, agus thubhairt e, Tha gnothuch uaigneach agam riut, O a rìgh. Agus thubhairt esan, Bi d'thosd. Agus chaidh iadsan uile a sheas làimh ris a mach uaith.

20 Agus chaidh Ehud a steach d'a ionnsuidh, agus bha e na shuidhe ann an seòmar-samhraidh<sup>e</sup>, a bh'aige dha féin a mhàin: agus thubhairt Ehud, Tha teachdaireachd agam o

<sup>b</sup> cathair.<sup>c</sup> cli-làmhach.<sup>d</sup> quarries. Sasg.<sup>e</sup> fionn-

fhuairachd.

<sup>a</sup> do na doireachaibh.

Dhia a'd' ionnsuidh. Agus dh'èirich e suas as a chathair.

21 Agus chuir Ehud a mach a làmh chli, agus thug e 'n claidh-eamh o 'shlisaaid dheis, agus shàth e na bhroinn e.

22 Agus chaidh an dornchur a stigh an dèigh na loinne, agus dhùin an t-saill air an loinn; oir cha do tharruing e'n claidheamh<sup>a</sup> as a bhroinn: agus thàinig an salchar a mach.

23 An sin chaidh Ehud a mach tre'n fhor-dhorus<sup>b</sup>, agus dhùin e dorsan an t-seòmair air, agus ghlaiss e iad.

24 'Nuair a chaidh e mach, thàinig a sheirbhisich; agus an uair a chunnaic iad, feuch, gu'n robh dorsan an t-seòmair glaiste, thubhairt iad, Gu cinnteach *tha* e còmh-dachadh a chos na sheòmar-sàmhraidh.

25 Agus dh'fheith iad gus an robh naire orra: agus feuch, cha d'fhosgail e dorsan an t-seòmair; uime sin ghabh iad iuchair, agus dh'fhosgail siad iad: agus feuch, *bha'n* tigh-earn air tuiteam sìos marbh air an talamh.

26 Agus chaidh Ehud as an uair a bha iadsan fuidh amhladh<sup>c</sup>: agus chaidh e seachad air na clach-shloc-aibh, agus chaidh e as gu Seirat.

27 Agus an uair a bha e air teachd, shéid e trompaid ann an sliabh Ephraim, agus chaidh clann Israeil sìos maille ris o'n t-sliabh, agus esan rompa.

28 Agus thubhairt e riu, Leanaibh mise; oir thug an Tighearna bhuir naimhde na Moabaich thairis d'ar làimh. Agus chaidh iad sìos na dhéigh, agus ghlac iad àthana Iordain leth ri Moab, agus cha do leig iad duine thairis.

29 Agus mharbh iad do Mhoab 'san àm sin mu thimchioll deich mìle fear, sultmhor<sup>d</sup> uile, agus nan daoineibh gaisgeil uile; agus cha deachaidh duine air bith as.

30 Mar sin cheannsaicheadh Moab air an la sin fuidh làimh Israeil: agus bha fois aig an tìr ceithir fhichead bliadhna.

31 Agus na dhéigh-san bha Samgar mac Anait, a mharbh do na Philistich sè ceud fear le luirg-iomain<sup>e</sup> dhamh, agus shaor esan Israel mar an ceudna.

## CAIB. IV.

**A** GUS rinn clann Israeil olc a ris ann an sùilibh an Tighearna, 'nuair a bha Ehud marbh.

<sup>a</sup> air chor as nach b'urrainn e'n claidheamh a tharruing. <sup>b</sup> porch.

Sasg. <sup>c</sup> a fuireach. <sup>d</sup> saibhir.

<sup>e</sup> slait-iomain, bior-greasaiddh.

2 Agus reic an Tighearna iad do làimh Iabin righ Chanaain, a rìogh-aich ann an Hasor; agus b'e ceannard a shluaigh Sisera, a bha chòmhnuidh ann an Haroset nan cinneach.

3 Agus ghlaodh clann Israeil ris an Tighearna: oir bha naoi ceud carbad iarunn aige; agus rinn e ainneart air cloinn Israeil gu romhòr rè fhichead bliadhna.

4 Agus Deborah ban-fhàidh, bean Lapidoit, thug ise breth air Israel 'san àm sin.

5 Agus *bha* i chòmhnuidh fuidh chraoibh-phailme Dheborah, eadar Ramah agus Betel, ann an sliabh Ephraim: agus chaidh clann Israeil suas d'a h-ionnsuidh air son breitheanais.

6 Agus chuir i *fios*, agus ghairm i Barac, mac Abinoaim, a mach a Cedès-naphtali, agus thubhairt i ris, Nach d'àithn an Tighearna Dia Israeil, *ag radh*, Imich, agus tarruing gu sliabh Thaboar, agus thoir leat deich mìle fear do chloinn Naphtali, agus do chloinn Shebulun?

7 Agus tairngidh mis a t'ionnsuidh gu sruth Chisoin, Sisera ceannard armailte Iabin, le 'charbadaibh, agus a mhòr shluagh; agus bheir mi thairis e do d'làimh.

8 Agus thubhairt Barac rithe, Ma théid thusa leam, an sin théid mi: ach mur d'théid thu leam, cha d'théid.

9 Agus thubhairt i, Gu cinnteach théid mi leat; gidheadh cha bhi'n turas a ghabhas tu chum do chliu; oir do làimh mnà reicidh an Tighearna Sisera. Agus dh'èirich Deborah, agus chaidh i maille ri Barac gu Cedès.

10 Agus ghairm Barac Sebulun agus Naphtali gu Cedès, agus chaidh e suas d'a chois *le* deich mìle fear<sup>f</sup>: agus chaidh Deborah suas maille ris.

11 A nis sgar Heber an Ceneach, a bha do chloinn Hobaib, athar-céile Mhaois, e féin o na Cenich, agus shuidhich e a bhùth gu ruig còmhnaidh Shanoaim, a *tha* làimh ri Cedès.

12 Agus dh'innis iad do Shisera gu'n deachaidh Barac mac Abinoaim suas gu sliabh Thaboar.

13 Agus chruinnich Sisera r'a chéile a charbaid uile, *eadhon* naoi ceud carbad iarunn, agus an sluagh uile a *bha* maille ris, o Haroset nan cinneach, gu sruth Chisoin.

14 Agus thubhairt Deborah ri Barac, Eirich; oir *is e* so an là 'san d'thug an Tighearna Sisera thairis

<sup>f</sup> chaidh e suas *le* deich mìle fear aig a chois. <sup>g</sup> shìn, sgaoil. Eabh.

do d' làimh; nach 'eil an Tighearn air dol a mach romhad? Agus chaidh Barac sìos o shliabh Thaboir, agus deich mìle fear na dhéigh.

15 Agus sgrios an Tighearna Sisera, agus a charbadan uile, agus a shluagh uile le faobhar a' chlaidheimh roimh Bharac: agus theirinn Sisera sìos o 'chàbad, agus theich e as d'a chois.

16 Ach lean Barac an déigh nan carbad, agus an déigh an t-sluaigh gu Haroset nan cinneach: agus thuit sluagh Shisera uile le faobhar a' chlaidheimh: cha d'fhàgadh nìread as a h-aon *diubh*.

17 Gidheadh theich Sisera d'a chois gu bùth Iael, mnà Hebeir a' Chenich; oir bha sìth eadar Iabin rìgh Hasoir, agus tigh Hebeir a' Chenich.

18 Agus chaidh Iael a mach an coinneamh Shisera, agus thubhairt i ris, Tionndaidh a steach, mo thighearna, tionndaidh a steach a m'ionnsuidh-sa, na biodh eagal ort: agus an uair a thionndaidh e steach d'a h-ionnsuidh do'n bhùth, chòmhdaich i e le brat<sup>a</sup>.

19 Agus thubhairt e rithe, Thoir dhomh, guidheam ort, beagan uisge r'a òl, oir tha tart<sup>b</sup> orm: agus dh'fhosgail i searrag bhainne, agus thug i deoch dha, agus chòmhdaich i e.

20 A ris thubhairt e rithe, Seas ann an dorus a' bhùtha, agus ma thig duine agus gu'm feòraich e dh'iot, agus gu'n abair e, Am bheil duine sam bith an so? an sin their thusa, Cha'n 'eil.

21 An sin ghabh Iael, bean Hebeir, tarrang<sup>c</sup> do'n phàilliu, agus ghlac i ord na làimh, agus chaidh i gu sàmhach a steach d'a ionnsuidh, agus bhuail i'n tarrang na leth-cheann, agus shàth i 'san talamh i; (oir bha e trom na chodal agus sgith:) agus fhuair e bàs.

22 Agus feuch, an uair a bha Barac an tòir air Sisera, thàinig Iael a mach na choinneamh, agus thubhairt i ris, Thig, agus feuchaidh mi dhuit am fear a tha thu 'g iarraidh. Agus an uair a chaidh e steach d'a bùth, feuch, bha Sisera na luidhe marbh, agus an tarrang na leth-cheann.

23 Mar sin cheannsaich Dia air an là sin Iabin rìgh Chanaain am fianuis chloinn Israeil.

24 Agus shoirbhich le làimh chloinn Israeil, agus bha i trom<sup>d</sup> air Iabin, rìgh Chanaain, gus an do chuir iad as do Iabin rìgh Chanaain.

CAIB. V.

**A** GUS chan Deborah, agus Barac, mac Abinoaim, air an là sin, ag ràdh;

2 A chionn gu'n do ghabh Israel dioghaltas, a chionn gu'n do thairg an sluagh iad féin gu toileach, mol-aibhse an Tighearna.

3 Eisdibh, a rìghre; thugaibh aire, a cheannarda; canaidh mise, mise féin, do'n Tighearna, canaidh mi do'n Tighearna Dia Israeil.

4 A Tighearna, 'nuair a chaidh thu mach a Seir, 'nuair a shiubhail thu mach a tìr Edoim, chrìothnaich an talamh, agus shìl na nèamha; shìl na neol mar an ceudna uisge.

5 Leagh nasléibhte an o làthair an Tighearna, Sìnai sin féin o làthair an Tighearna Dé Israeil.

6 Ann an laithibh Shamgair mhic Anait, ann an laithibh Iael, bha na rathaide mòra gun tathuich, agus dh'imich an luchd-turuis air rathaidibh seachranach.

7 Sguir *luchd-àiteachaidh* nam bailtean ann an Israel, sguir iad gus an d'éirich mise Deborah, gus an d'éirich mise a'm' mhlàthair ann an Israel.

8 Thagh iad dée nuadha; an sin bha cogadh anns na geataibh: an robh sgiath no sleagh ri'm faicinn am measg dhà fhichead mhìle ann an Israel?

9 Tha mo chridhe le uachdaran-aibh Israeil, a thairg iad féin gu toileach am measg an t-sluaigh. Beannaichibh an Tighearna.

10 Sibhse a ta marcachd air asal-aibh geala, sibhse a ta 'nar suidhe am breitheanas, agus a sinbhal an ròid, labhraibh.

11 *Iadsan a tha air an saoradh* o fhuaim nam fear-bogha ann an ionadaibh tarruing an uisge, an sin airisidh iad gnìomhara cothromach an Tighearna, *eadhon* na gnìomhara cothromach a thaobh *luchd-àiteachaidh*, a bhailtean ann an Israel: an sin thèid sluagh an Tighearna sìos a dh'ionnsuidh nan geatacha.

12 Dùisg, dùisg, a Dheborah: dùisg, dùisg, can oran: éirich, a Bharaic, agus thoir do bhruid<sup>e</sup> am braighdeanas, thusa a mhic Abinoaim.

13 An sin thug e air-san a mhair-eas tighearnas a bhi aige air na h-uaislibh am measg an t-sluaigh: thug an Tighearn ormsa tighearnas-a bha agam os cionn nan cumhachdach.

14 A h-Ephraim bha freumh dhiubh an aghaidh Amaleic; 'a'd dhéigh-sa Benjamin am measg do shluaigh; a Machir thàinig a nuas

<sup>a</sup> falluing.

<sup>b</sup> pathadh.

<sup>c</sup> tarrann. <sup>d</sup> bha i cruaidh. Eabh.

<sup>e</sup> do bhraighdeanas.



lagh-thabhartairean, agus a Sebulun iadsan a laimhsicheas peann an scriobhair.

15 Agus *bha* ceannardan Isachair le Deborah, eadhon Isachar, agus mar an ceudna Barac; do'n ghleann chuireadh esan sìos d'a chois: air son roinnean Reubein *bha* smuaintean mòra cridhe.

16 C'ar son a dh'fhuirich thu am measg chrò nan caorach, a chluinntinn mèilich nan treud? air son roinnean Reubein *bha* smuaintean mòra cridhe.

17 Dh'fhan Gilead an taobh thall do Iordan; agus c'ar son a dh'fhuirich Dan ann an longaibh? dh'fhan Aser air tràigh<sup>b</sup> na fairge, agus na bhearnaibh ghabh e còmhnuidh.

18 *Bu* shluagh Sebulun agus Naph-tali, a chuir an anma ann an cunart gu bàs ann an àitibh ard an fhearainn.

19 Thàinig na righrean agus chog iad, an sin chog righre Chanaain ann an Taanach làimh ri uisgibh Mhegido; cha do ghabh iad buannachd air bith airgid.

20 O nèamh chog na reulta; o'n sligheannaibh arda chog iad an aghaidh Shisera.

21 Sguab sruth Chisoin air falbh iad, an seann sruth sin, sruth Chisoin: O m'anam! shaltair thu sìos neart.

22 An sin bhruthadh iongana nan each le leumnaich, leumnaich an aona cumhachdach.

23 Mallaichibhse Merós, (thubhairt aingeal an Tighearna,) mallaichibh gu mòr a luchd-àiteachaidh: a chionn nach d'thàinig iad gu còmhnaidh<sup>c</sup> an Tighearna, gu còmhnaidh an Tighearna an aghaidh nan cumhachdach.

24 Beannaicht' os cionn bhan bithidh Iael bean Hebeir a' Che-nich, beannaichte bithidh i os cionn bhan anns a' bhùth.

25 Dh'iarr e uisge, thug i *dha* bainne; ann an soitheach uasal thug i làthair im.

26 Chuir i a làmh<sup>d</sup> ris an tar-raing, a làmh dheas ri ord nan oib-richean: agus leis an ord bhuail<sup>e</sup> i Sisera; bhuail i a cheann, agus lot i, agus shàth i troimh a leth-cheann.

27 Aig a cosaibh chrom e, thuit e, luidh e sìos: aig a cosaibh chrom e, thuit e; far an do chrom e, an sin thuit e sìos marbh.

28 A mach air uinneig dh'amhairc màthair Shisera, agus ghlaodh i tre'n chléith<sup>f</sup>, C'ar son a ta 'charbad

co fhad a' teachd? c'ar son a ta rothan a charbaid a' deanamh moille?

29 Fhreagair a bain-tighearnan glic i, seadh, thug i freagradh dhi féin.

30 Nach d'fhuair iad, *nach* 'eil iad a' roinn na creiche? maighdean no dhà do gach fear? creach iomadh-dathach do Shisera, creach iomadh-dathach a dh'obair-snàthaide, iomadh dathach a dh'obair snàthaide air gach taobh, air son mhuinealan na muinntir sin a ghlacas a' chreach?

31 Mar sin rachadh as do d' nàimhdibh uile, a Thighearna: ach biodh iadsan leis an ionmhuinn e mar a' ghrian an uair a théid i mach 'na neart. Agus *bha* fois aig an tìr rè dhà fhichead bliadhna.

## CAIB. VI.

AUGUS rinn clann Israeil olc ann an sùilbhan an Tighearna: agus thug an Tighearna thairis iad do làimh Mhidiain rè sheachd bliadhna.

2 Agus bhuadhaich làmh Mhidiain an aghaidh Israeil: agus air sgàth nam Midianach rinn clann Israeil dhoibh féin na sluic a tha 'sna beanntaibh, agus na h-uamhan, agus na daingnichean làidir.

3 Agus thachair, an uair a chuir clann Israeil sìol, gu'n d'thàinig na Midianaich a nìos, agus na h-Amalecich, agus clann na h-aird an ear; thàinig eadhon iadsan a nìos nan aghaidh:

4 Agus thugadh iad nan aghaidh, agus mhill iad toradh na talmhainn, gus an d'thig thu gu Gasa, agus cha d'fhàg iad teachd an-tìr sam bith do Israel, aon chuid caora, no bò, no asal.

5 Oir thàinig iad a nìos le'n spréidh, agus am bùthaibh, agus thàinig iad mar na locuist air lìon-mhoireachd; oir bha 'n dà chuid iad féin agus an càmhail gun àireamh: agus chaidh iad a steach do'n tìr a chum a milleadh.

6 Agus thugadh Israel gu bochdainn ro-mhòir leis na Midianaich; agus ghlaodh clann Israeil ris an Tighearna.

7 Agus an uair a ghlaodh clann Israeil ris an Tighearna air son nam Midianach,

8 Chuir an Tighearna fàidh dh'ionnsuidh chloinn Israeil, agus thubhairt e riu, Mar so tha'n Tighearna Dia Israeil ag ràdh, Thug mi nìos sibh o'n Eiphit, agus thug mi mach sibh a tigh na daorsa;

9 Agus shaor mi sibh a làimh nan Eiphiteach, agus a làimh nan uile a rinn foirneart oirbh; agus dh'fhuad- aich mi mach iad roimhibh, agus thug mi dhuibh am fearann.

<sup>a</sup> rannsachadh. <sup>b</sup> ann an caladh.  
<sup>c</sup> congnamh. Eir. <sup>d</sup> a làmh chli.  
<sup>e</sup> bkruth. <sup>f</sup> lattice. Sasg.

10 Agus thubhairt mi ribh, *Is* mise an Tighearna bhur Dia, na biodh eagal dhée nan Amorach oirbh, muinntir *a tha* sibh a chòmh-nuidh 'nam fearann: ach cha d'èisd sibh ri m' ghuth.

11 Agus thàinig aingeal an Tigh-earna, agus shuidh e fuidh dharaig a *bha* ann an Ophrah, a *bhuin* do Ioas an t-Abiesrach: agus *bha* a mhac Gideon a' bualadh arbhair ann an <sup>a</sup> amar bruthaidh an fhìona, gu 'fhol-ach o na Midianaich.

12 Agus dh'fhoillsich aingeal an Tighearn e fèin da, agus thubhairt e ris, *Tha'n* Tighearna maille riut, a dhuine thréin ann an neart.

13 Agus thubhairt Gideon ris, Och mo thighearna ma tha 'n Tighearna maille ruinn, c'ar son a thàinig so uile oirnn? agus c'àit am bheil a mhlòrbhuilean uile a dh'innis ar n-aithriche dhuinn, ag ràdh, Nach d'thug an Tighearna sinn a nìos o'n Eiphit? ach a nìs thréig an Tighearna sinn, agus thug e thairis sinn do làimh nam Midianach.

14 Agus dh'amhairc an Tighearn air, agus thubhairt e, Imich ann do neart so, agus saoraidh tu Israel o làimh nam Midianach: nach do chuir mise *uam* thu?

15 Agus thubhairt e ris, Och mo Thighearna, cia leis a shaoras mise Israel? feuch, *tha* mo theaghlach bochd ann am Manasèh, agus *is* mise a's lugha ann an tigh m'athar.

16 Agus thubhairt an Tighearna ris, Gu cinnteach bithidh mise maille riut, agus buailidh tu na Midianaich mar aon duine.

17 Agus thubhairt e ris, Ma fhuair mi nìs deagh-ghean a'd' shùilibh, an sin nochd comhara dhomh gur tusa a *ta* labhairt rium.

18 Na falbh a so, guidheam ort gus an d'thig mi a'd' ionnsuidh, agus gun d'thoir mi mach mo thiodhlac-adh, agus gu'n cuir mi a'd' làthair e. Agus thubhairt e, Fanaidh mi gus an d'thig thu a ris.

19 Agus chaidh Gideon a stigh, agus dheasaich e meann do na gabh-raibh, agus ephah phlùir na bhreacagaibh neo-ghoirtichte: an fheoil chuir e ann am bascaid, agus an sùgh chuir e ann am poit, agus thug e mach *iad* d'a ionnsuidh fuidh 'n daraig, agus chuir e na làth-air *iad* e.

20 Agus thubhairt aingeal Dé ris, Gabh an fheoil, agus na breacaga neo-ghoirtichte, agus cuir *iad* air a' charraig so, agus taom a mach an sùgh. Agus rinn e mar sin.

21 An sin chuir aingeal an Tigh-

earna mach bàrr a' bhataidh a *bha* na làimh, agus bhean e ris an fheoil, agus ris na breacagaibh neo-ghoirtichte: agus dh'èirich teine suas as a' charraig, agus loisg e 'n fheoil, agus na breacagan neo-ghoirtichte: an sin chaidh aingeal an Tighearn as a shealladh.

22 Agus an uair a thuig Gideon gu'm b'e aingeal an Tighearna a bh'ann, thubhairt Gideon, Och, a Tighearna Dhe! a chionn gu'm faca mi aingeal an Tighearn aghaidh ri h-aghaidh.

23 Agus thubhairt an Tighearna ris, Sìth dhuit; na biodh eagal ort, cha 'n fhaigh thu bàs.

24 Agus thog Gideon altair an sin do'n Tighearna, agus thug e Iehobhah-salom mar ainm oirre: gus an la'n diugh *tha* i fathast ann an Ophrah nan Abiesrach.

25 Agus air an oidhche sin fèin thubhairt an Tighearna ris, Gabh an tarbh òg aig t'athair, agus an dara tarbh *a tha* seachd bliadhna dh'aois, agus tilg sìos altair Bhaail a *th'aig* t'athair, agus gearr sìos an doire a *tha* làimh rithe;

26 Agus tog altair do'n Tighearna do Dhia air mullach na carraige so, ann an ordugh <sup>d</sup>, agus gabh an dara tarbh, agus thoir suas ìobairt-loisgte le fiodh an doire a ghearras tu sìos.

27 An sin ghabh Gideon deichnear dhaoine d'a sheirbhisich, agus rinn e mar a thubhairt an Tighearna ris: agus tharladh, a chionn gu'n robh eagal teaghlaiche 'athar air, agus dhaoine a' bhaile, air chor as nach b'urrainn e 'dheanamh 'san là, gu'n d'rinn e 'san oidhche e.

28 Agus an uair a dh'èirich daoine a' bhaile gu moch anns a' mhaduinn, feuch, bha altair Bhaail air a tilgeadh sìos, agus bha'n doire a *bha* làimh rithe air a ghearradh sìos, agus bha'n dara tarbh air ìobradh air an altair a thogadh.

29 Agus thubhairt iad gach aon r'a chéile, Co a rinn an nì so? agus an uair a dh'fhiosraich iad, thubhairt iad, Is e Gideon mac Ioais a rinn an nì so.

30 An sin thubhairt daoine a' bhaile ri Ioas, Thoir a mach do mhac, a chum as gu'm bàsaich e; a chionn gu'n do thilg e sìos altair Bhaail, agus gu'n do ghearr e sìos an doire, a *bha* làimh rithe.

31 Agus thubhairt Ioas rìusan uile a sheas na aghaidh, An tagair sibh air son Bhaail? an saor sibh e? esan a thagras air a shon, cuir fear gu bàs e, am feadh is i mhaduinn a *tha* fathast ann: ma's dia e, tagradh e

<sup>a</sup> làimh ri.    <sup>b</sup> mine.    <sup>c</sup> thairg e dha iad.

<sup>d</sup> anns an ionad shònraichte.

air a shon féin, a chionn gu'n do thilgeadh sìos 'altair.

32 Uime sin air an là sin féin thug e Ierubaal mar ainm air, ag ràdh, Tagradh Baal na aghaidh, a chionn gu'n do thilg e sìos 'altair.

33 An sin bha na Midianaich uile, agus na h-Amaleich, agus clann na h-airde 'n ear air cruinneachadh r'a chéile, agus chaidh iad a nuu, agus champaich iad ann an gleann Iesreeil.

34 Ach thàinig spiorad an Tighearn air Gideon agus shéid e trompaid, agus ghairm e Abieser na dheigh.

35 Agus chuir e teachdairean air feadh Mhanaseh uile, a chruinnich eadh mar an ceudna na dheigh: agus chuir e teachdairean gu h-Aser, agus gu Sebulun, agus gu Naphtali, agus thàinig iad a nìos nan coinn-eamh.

36 Agus thubhairt Gideon ri Dia, Ma shaoras tu Israel le m' làimh-sa, mar a thubhairt thu,

37 Feuch, cuiridh mi lomradh olla air an urlar-bhualaidh, agus ma bhios an drùchd air an lomradh a mhàin, agus tiormachd air an talamh uile, an sin bithidh fios agam gu'n saor thu Israel le'm làimh, mar a thubhairt thu.

38 Agus bha e mar sin: oir dh'éirich e gu moch air an là màireach, agus theann e 'n lomradh cuideachd, agus dh'fhàisg e 'n drùchd as an lomradh, làn cuaich a dh'uisge.

39 Agus thubhairt Gideon ri Dia, Na biodh do chorrach teth a'm' aghaidh, agus labhraidh mi a mhàin an aon uair so: leig dhomh dearbhadh, guidheam ort, an uair so a mhàin leis an lomradh; bithheadh a nis tiormachd air an lomradh a mhàin, agus air an talamh uile bithheadh drùchd.

40 Agus rinn Dia mar sin air an oidhche sin: agus bha tiormachd air an lomradh a mhàin, agus air an talamh uile bha drùchd.

#### CAIB. VII.

**A**N sin dh'éirich Ierubaal, (eadhon Gideon) agus an sluagh uile a bha maille ris, suas gu moch, agus champaich iad làimh ri tobar Haróid: agus bha feachd nan Midianach air an taobh mu thuath dhiubh, làimh ri sliabh Mhoreh anns a' ghleann.

2 Agus thubhairt an Tighearna ri Gideon, *Tha'n* sluagh a tha maille riut tuille's lìonmhor gu mise a thoirt nam Midianach nan làimh, air eagal gu'n deanadh Israel uail a'm' aghaidh, ag ràdh, Shaor mo làmh féin mi.

3 Agus a nis uime sin gairm ann

an cluasaibh an t-sluaigh, ag ràdh, Ge b'e neach air am bheil eagal agus geilt, pilleadh e; agus imicheadh e gu moch o shliabh Ghilead: agus phill do'n t-sluaigh dà mhìle thar fhichead, agus dh'fhan deich mìle.

4 Agus thubhairt an Tighearna ri Gideon, *Tha'n* sluagh fathast tuille's lìonmhor; thoir sìos iad a dh'ionnsuidh an uisge, agus dearbhaidh mise dhuit iad an sin: agus tarlaidh, ge b'e fear mu'n abair mise riut, Théid am fear so maille riut, gu'n d'théid esan maille riut; agus ge b'e fear mu'n abair mi riut, Cha d'théid am fear so maille riut, nach d'théid esan ann.

5 Mar sin thug e sìos an sluagh a dh'ionnsuidh an uisge: agus thubhairt an Tighearna ri Gideon, Gach aon a dh'imlicheas a t-uisge le 'theangaidh, mar a dh'imlicheas cù, cuiridh tu esan air leth; mar an ceudna gach aon a chromas sìos air a ghluinibh a' dh'òl.

6 Agus b'e àireamh na muinntir a dh'imlich, a' cur an làimhe r'am beul, tri cheud fear: ach chrom a' chuid eile uile do'n t-sluaigh sìos air an ghluinibh a dh'òl uisge.

7 Agus thubhairt an Tighearna ri Gideon, Leis an tri cheud fear so a dh'imlich, saoraidh mise sibh, agus bheir mi na Midianaich thairis do d' làimh: agus rachadh am mòr shluagh uile, gach duine d'a àite féin.

8 Agus ghabh an sluagh lòn nan làimh, agus an trompaidan: agus gach fear eile do Israel chuir e air falbh, gach aon d'a bhùth, agus ghléidh e an tri cheud fear so: agus bha sluagh Mhidiaian fuidhe anns a' ghleann.

9 Agus air an oidhche sin féin thubhairt an Tighearna ris, Eirich, falbh sìos a dh'ionnsuidh an fheachd, oir thug mise thairis e do d' làimh.

10 Ach ma ta eagal ort dol sìos, falbh-sa agus Phurah t'òglach sìos a dh'ionnsuidh an fheachd:

11 Agus cluinnidh tu ciod a their iad, agus na dheigh sin neartaichear do làmhan, agus théid thu sìos a dh'ionnsuidh an fheachd. An sin chaidh e sìos maille ri Phurah 'òglach, gu taobh a muigh nan daoine armaichte a bha 'san fheachd.

12 Agus bha na Midianaich, agus na h-Amaleich, agus clann na h-aird' an ear uile nan luidhe sa' ghleann mar na locuist air lìon-mhoireachd; agus bha an càmhail gun àireamh, mar an gaineamh a tha air tràigh na fairge air lìon-mhoireachd.

a ligheas. Eir.

13 Agus an uair a thàinig Gideon, feuch, *bha* duine ag innseadh aislinge d'a chompanach, agus thubhairt e, Fench, Chunnaic mi aisling, agus feuch, thàinig breacag a dh'aran eorna car air char a stigh do champ Mhidiaín, agus thàinig i gu bùth, agus bhuail i e, agus thuit e, agus thilg i bun os ceann e, agus thuit am bùth sìos.

14 Agus fhreagair a chompanach, agus thubhairt e, Cha nì sam bith so ach claidheamh Ghideoin mhic Ioais, duine do Israel: thug Dia thairis d'a làimh-san Midian, agus an sluagh uile.

15 Agus an uair a chuala Gideon aithris na h-aislinge, agus a h-cadarmhèineachadh, rinn e aoradh: agus phill e gu feachd Israeil, agus thubhairt e, Eiribh, oir thug an Tighearna thairis d'ar làimh feachd Mhidiaín.

16 Agus roinn e 'n trì cheud fear nan trì chuideachdaibh, agus chuir e trompaid ann an làimh gach aoin diubh, maille ri soithichibh falamh, agus lòchranuibh anns na soithichibh.

17 Agus thubhairt e riu, Amh-aircibh ormsa, agus deanaibhse mar an ceudna: agus feuch, an uair a thig mi gu taobh a mach a' chaimp, tarlaidh mar a nì mise, mar sin gu'n dean sibhse.

18 'Nuair a shéideas mise le trompaid, mi féin agus iadsan uile a *tha* maille rium, an sin séidibhse na trompaidean mar an ceudna mu thimchioil a' chaimp uile, agus abraibh, *Claidheamh an Tighearna*, agus Glideoin.

19 Mar sin thàinig Gideon agus an ceud fear a *bha* maille ris, gu taobh a mach a' chaimp, ann an toiseach na faire meadhonaich; agus chla robh iadach air ùr-shuidheachadh na faire; agus bhris iad na soithichean, a *bha* nan làimh.

20 Agus shéid na trì chuideachdan na trompaidean, agus bhris iad na soithichean, agus chum iad na lòchrain nan làimh chli, agus na trompaidean nan làimh dheis gu séideadh *leo*: agus ghlaodh iad, *Claidheamh an Tighearna*, agus Ghideoin.

21 Agus sheas iad gach duine na àite féin mu thimchioil a' chaimp: agus bhriseadh a am feachd uile, agus ghlaodh iad, agus theich iad.

22 Agus shéid an trì cheud na trompaidean, agus chuir an Tighearna claidheamh gach duine an aghaidh a chompanaich, eadhon air feadh an fheachd uile: agus theich an sluagh gu Bet-sitah ann an

Sererat, agus gu crìch Abeil-mheholah, làimh ri Tabat.

23 Agus chruinnicheadh fir Israeil r'a chéile a Naphtali, agus a h-Aser, agus a Manaseh uile, agus chaidh iad air tòir nam Midianach.

24 Agus chuir Gideon teachdairean air feadh sléibh Ephraim uile, ag ràdh, Thigibh a nuas an aghaidh nam Midianach, agus glacialh rompa na h-uisgeacha gu Bet-barah agus Iordan. An sin chruinnicheadh fir Ephraim uile re chéile, agus ghlac iad na h-uisgeacha gu Bet-barah agus Iordan.

25 Agus ghlac iad dà cheannard nam Midianach, Oreb agus Seeb; agus mharbh iad Oreb air carraig Oreib, agus Seeb mharbh iad aig amar-bruthaidh fiona Sheeib, agus chaidh iad air tòir Mhidiaín, agus thug iad cinn Oreib agus Sheeib gu Gideon air an taobh eile do Iordan.

#### CAIB. VIII.

**A**GUS thubhairt fir Ephraim ris, Ciod é an nì so a rinn thu oirnn, nach do ghairm thu oirnn an uair a chaidh thu a chogadh an aghaidh nam Midianach? agus throid iad ris gu geur.

2 Agus thubhairt e riu, Ciod a nis a rinn mise mar a rinn sibhse? Nach fearr dìoghlaim<sup>b</sup> fhòndhearcan Ephraim na fion-fhoghara Abieser?

3 Thug Dia thairis d'ar làimh ceannardan Mhidiaín, Oreb agus Seeb: agus ciod a b'urrainn mis' a dheanamh mar a rinn sibhse? An sin through am fearg ris, an uair a thubhairt e sin.

4 Agus thàinig Gideon gu Iordan, agus chaidh e thairis, e féin, agus an trì cheud fear a *bha* maille ris, sgìth, gidheadh air an tòir.

5 Agus thubhairt e ri fir Shucoit, Thugaibh, guidheam oirbh, builinnean arain do'n t-sluagh a *tha* 'gam leantuinn<sup>c</sup>, oir *tha* iad sgìth, agus *tha* mi air tòir Sheba agus Shalmuna, rìghre Mhidiaín.

6 Agus thubhairt ceannardan Shucoit, Am *bheil* làmhan Sheba agus Shalmuna nis ann a'd' làimh, gu'n d'thugamaid aran do d' armait?

7 Agus thubhairt Gideon, Uime sin an uair a bheir an Tighearna Seba agus Salmuna thairis do m' làimh, an sin reubaidh mi bhur feoil le sgiothach an fhàsaich, agus le drisibh.

8 Agus chaidh e suas a sin gu Penuel, agus labhair e riu-san air a' mhodh cheudna: agus fhreagair

<sup>b</sup> *gleaning*. Sasg.  
*chois*. Eabh.

<sup>c</sup> *aig mo*

<sup>a</sup> *ruith*.



daoine Phenueil e, mar a fhreagair daoine Shucoit.

9 Agus labhair e cuideachd ri daoineibh Phenueil, ag ràdh, 'Nuair a thig mi a ris ann an sìth, brisidh mi sìos an tùr so.

10 A nis bha Seba agus Salmuna ann an Carcor, agus an slòigh maille riu, nu thimchioll cùig mìle deug fear, an t-ìomlan a dh'fhàgadh do shlòigh cloinne na h-àird' an ear uile: oir thuit ceud agus fichead mìle fear a tharruing claidheamh.

11 Agus chaidh Gideon suas air slighe na muinntir a tha nan còmh-nuidh ann am bùthaibh, air an làimh an ear do Nobah, agus do Iogbehah, agus bhuail e 'n sluagh: oir bha 'n sluagh gun umhaill.

12 Agus an uair a theich Seba a gus Salmuna, chaidh e air an tòir, agus ghlac e dà rìgh Mhidiain, Seba agus Salmuna, agus chuir e geilt air an t-sluagh uile.

13 Agus phill Gideon mac Ioais o' n chath roimh *éirigh* na gréine<sup>a</sup>.

14 Agus ghlac e òig-thear do dhaoineibh Shucoit, agus dh'fhios-raich e dheth: agus sgrìobh e dha *ainmean* cheannardan Shucoit, agus a sheanairean, trì fichead agus seachd fir dheug.

15 Agus thàinig e gu fir Shucoit, agus thubhairt e, Feuchaibh, Seba agus Salmuna a thuil sibh suas orm, ag ràdh, Am bheil làmhnan Sheba agus Shalmuna nis a'd' làimh, gu'n d'thugamaid aran do d' dhaoineibh a tha sgìth?

16 Agus ghlac e seanairean a' bhaile, agus ghabh e sgiòthach an fhàsaich, agus drisean, agu leo so reub e fir Shucoit.

17 Agus leag e sìos tùr Phenueil, agus mharbh e fir a' bhaile.

18 An sin thubhairt e ri Seba agus ri Salmuna, Ciod a' ghnè dhaoine a mharbh sibh ann an Tabor? Agus fhreagair iad, Mar a ta thusa, is amhuil a bha iadsan, gach aon cosmhuil ri cloinn rìgh.

19 Agus thubhairt e, B'iad sin mo bhràithrean-sa, mic mo mhàthar: mar is beo an Tighearna, nan gleidheadh sibh beo iadsan, clia mharbh-ainn sibhse.

20 Agus thubhairt e ri Ieter a cheud-ghin, Eirich, marbh iad: ach cha do tharruing an t-òganach a chladheamh; oir bha eagal air, a chionn gu'n robh e fathast na òganach.

21 An sin thubhairt Seba agus Salmuna, Eirich féin agus buail oirnn: oir mar an duine, tha a neart. Agus dh'éirich Gideon, agus

mharbh e Seba agus Salmuna, agus thug e leis na h-usgraichean, a bh'air amhaichibh an càmhàlan.

22 An sin thubhairt fir Israeil ri Gideon, Bi-sa a'd' uachdaran oirnn, thu féin, agus do mhac, agus mac do mhic mar an ceudna; oir shaor thu sinn a làimh Mhidiain.

23 Agus thubhairt Gideon riu, Cha bhi mis' a'm' uachdaran oirbh, ni mò a bhios mo mhac na uachdaran oirbh: bithidh an Tighearna na uachdaran oirbh.

24 Agus thubhairt Gideon riu, Dh'iarrauin aon athchuinge oirbh, gu'n d'thugadh gach duine dhibh cluas-fhàinnean a chreiche dhomh; (oir bha cluas-fhàinnean oir aca, a chionn gu'm b' Ismaelich iad.)

25 Agus fhreagair iad, Bheir sinne gu toileach *dhuit* iad. Agus sgaoil iad eudach, agus thilg iad an sin, gach duine cluas-fhàinnean a chreiche.

26 Agus b'e cothrom nan cluas-fhàinnean òir a dh'iarr e mìle agus seachd ceud *secel* òir, a thuilleadh air usgraichibh, agus cluigeinibh, agus eudach corcuir, a bh'air rìgh-rìbh Mhidiain, agus a thuilleadh air na slabhraidhibh, a bh'air amhaichibh an càmhàlan.

27 Agus rinn Gideon ephod dheth, agus chuir e i na bhaile féin, *eadhon* ann an Ophrah; agus chaidh Israeil uile an sin le strìopachas na déigh; agus rinneadh sin na ribe do Ghideon agus d'a thigh.

28 Mar so chìosnaicheadh Midian roimh chloinn Israeil, agus cha do thog iad an ceann tuilleadh: agus bha fois aig an tùr rè dhà fhichead bliadhna ann an laithibh Ghi-deoin.

29 Agus chaidh Ierubaal mac Ioais, agus ghabh e còmh-nuidh na thigh féin.

30 Agus bha aig Gideon deichnear agus trì fichead mac a thàinig o 'leasraidh féin; oir bha mòran bhan aige.

31 Agus a choimh-leabach e a bha ann an Sechem, rug ise mar an ceudna mac dha, air an d'thug e Abimelech mar ainm.

32 Agus fhuair Gideon mac Ioais bàs ann an deagh shean aois, agus dh'adhlaicheadh e ann an uaigh Ioais 'athar, ann an Ophrah nan Abiesrach.

33 Agus co' luath 'sa fhuair Gideon bàs, phill clann Israeil a ris, agus chaidh iad le strìopachas an déigh Bhaalim, agus rinn iad Baal-berit na dhia dhoibh féin.

34 Agus cha do chuimhnich clann Israeil an Tighearna an Dia, a shaor

<sup>a</sup> Hares. Eabh. <sup>b</sup> smachdaich, theagaig.

<sup>c</sup> leannan.

iad a làimh an naimhdean uile air gach taobh :

35 Ni mò a nochd iad caoimhneas do thigh Ierubaaill, *eadhon* Ghideoin, a réir a' mhaithéis sin uile a nochd e do Israel.

## CAIB.-IX.

**A**GUS chaidh Abimelech mac Ierubaaill do Shechem, gu bràithribh a mhàthar, agus labhair e riu, agus ri teaghlach tighe 'athar a mhàthar uile, ag ràdh,

2 Labhraibh, guidheam oirbh, ann an clusaibh mhaithéan<sup>a</sup> Shechem uile, Cia dhiubh is fear dhuibh tri fichead agus deichnearfhear (*eadhon* mic Ierubaaill uile) a bhi nan uachdaran oirbh, no aon fhear a bhi na uachdaran oirbh? cuimhnichibh mar an ceudna gur mise bhur cnàimh agus bhur feoil.

3 Agus labhair braithrean a mhàthar uime ann an clusaibh mhaithéan Shechem uile na briathra sin uile: agus dh'aom an cridheachan an déigh Abimelech; oir thubhairt iad, *Is e ar bràthair e.*

4 Agus thug iad da tri fichead agus deich *buinn* airgid, a rìgh Bhaail-bherit; leis an do thuaras-dalaich Abimelech daoine faoin<sup>b</sup> agus eutrom, a lean e.

5 Agus chaidh e gu tigh 'athar ann an Ophrah, agus mharbh e a bhràithre mic Ierubaaill, *eadhon* deichnear agus tri fichead fear, air aon chloich: gidheadh, dh'fhàgadh Iotam am mac a b' òige aig Ierubaaill; oir dh'fhòlaich se e féin.

6 Agus chruinnich maithean Shechem uile r'a chéile, agus tigh Mhilo uile, agus chaidh iad agus rinn iad Abimelech na rìgh làimh ri còmhnaidh<sup>c</sup> a' charraigh<sup>d</sup> a bha ann an Sechem.

7 Agus an uair a dh'innis iad do Iotam, chaidh e agus sheas e air mullach sléibh Gherisim, agus thog e suas a ghuth, agus ghlaodh e, agus thubhairt e riu, Eisdibh rium-sa, sibhse a mhaithéan Shechem, a chum as gu'n éisd Dia ribhse.

8 Chaidh na craobhan a mach air àm àraidh a dh'ungadh rìgh os an cionn féin, agus thubhairt iad ris a' chrann-olaidh, Bi-sa a'd' rìgh oirnn.

9 Ach thubhairt an crann-olaidh riu, Am fàgainnse mo reamhrachd, leis am bheil iad leam-sa toirt urraim do Dhia agus do dhuine, agus an rachainn gu bhi air m'ardachadh<sup>e</sup> os cionn nan craobh?

10 Agus thubhairt na craobhan

ris a' chrann-fhìge, Thig-sa' agus bi d' rìgh oirnn.

11 Ach thubhairt an crann-fìge riu, Am fàgainnse mo mhillseachd, agus mo dheagh mheas, agus an rachainn gu bhi air m'ardachadh os cionn nan craobh?

12 Agus thubhairt na craobhan ris an fhìonain<sup>f</sup>, Thig-sa, agus bi d' rìgh oirnn.

13 Agus thubhairt an fhìonain riu, Am fàgainnse m'fhìon, a tha toirt subhachais do Dhia agus do dhuine, agus an rachainn gu bhi air m'ardachadh os cionn nan craobh?

14 An sin thubhairt na craobhan uile ris an dris<sup>g</sup>, Thig-sa, agus bi d' rìgh oirnn.

15 Agus thubhairt an dris ris na craobhan, Ma's e is da rìreadh gu'n ung sibh mise a'm' rìgh oirbh, thigibh, cuiribh bhur dòchas<sup>h</sup> a'm' sgàile-sa: agus mur dean sibh sin, thigeadh teine mach as an dris, agus loisgeadh e seudair<sup>i</sup> Lebanoin.

16 A nis uime sin, ma rinn sibh gu firinneach agus gu tréibh-dhireach an uair a rinn sibh Abimelech na rìgh, agus ma bhuin sibh gu maith ri Ierubaaill agus r'a thigh, agus ma rinn sibh ris a réir toillteanais a làimh.

17 (Oir chog m'athair-sa air bhur son, agus chuir e 'anam ann an cunart mòr, agus shaor e sibh a làimh Mhidiain.)

18 Agus tha sibh air éirigh suas an aghaidh tighe m'atharsa an diugh, agus mharbh sibh a mhic, tri fichead agus deichnear fhear, air aon chloich, agus rinn sibh Abimelech mac a bhan-oglaich na rìgh os cionn mhaithéan Shechem, a chionn gur e bhur bràthair e.)

19 Uime sin ma bhuin sibh gu firinneach agus gu tréibh-dhireach ri Ierubaaill agus r'a thigh an diugh, deanaibh gairdeachas ann an Abimelech, agus deanadh esan mar an ceudna gairdeachas annaibhse:

20 Ach mur do rinn sibh mar sin, thigeadh teine a mach o Abimelech, agus loisgeadh e maithean Shechem agus tigh Mhilo: agus thigeadh teine a mach o mhaithibh Shechem, agus o thigh Mhilo, agus loisgeadh e Abimelech.

21 Agus ruith Iotam air falbh, agus theich e, agus chaidh e gu Beer, agus ghabh e còmhnuidh an sin, air eagal Abimelech a bhràthar.

22 Agus rìoghaich Abimelech tri bliadhna air Israel.

23 Agus chuir Dia droch spiorad

<sup>a</sup> dhaoine, luchd-àiteachaidh.

<sup>b</sup> folamh. Eabh. <sup>c</sup> daraig, doire. <sup>d</sup> an fhreiceadain.

<sup>e</sup> gu mì féin a chrathadh. Eabh.

<sup>f</sup> ris a' chrann-fhìona.

<sup>g</sup> droighinn; atad. Eabh.

<sup>h</sup> earbsadh, muinghin. <sup>i</sup> ceudair.

eadar Abimelech agus maithean Shechem; agus bhuin maithean Shechem gu fealltach ri Abimelech:

24 A chum gu'n d'thigeadh an ainneart<sup>a</sup> a rinneadh air deichnear agus tri fichead mac Ierubaail, agus gu'n luidheadh am fuil air Abimelech am bràthair a mharbh iad, agus air maithibh Shechem a neartaich a làmhann ann am marbhadh a bhràithrean.

25 Agus chuir maithean Shechem luchd feall-fholach air a shon air mullaichibh nam beann, agus rinn iad reubainn air gach neach a chaidh seachad orra 'san t-slighe sin: agus dh'innseadh sin do Abimelech.

26 Agus thàinig Gaal mac Ebeid agus a bhràithrean, agus chaidh iad thairis gu Sechem: agus chuir maithean Shechem an dòchas ann.

27 Agus chaidh iad a mach do'n fhearann, agus chruinnich iad toradh an fion-liosan, agus bhrùth iad na fion-dhearcan, agus rinn iad gairdeachas<sup>b</sup>, agus chaidh iad a steach do thigh an dé, agus dh'ith agus dh'òl iad, agus mhallaich iad Abimelech.

28 Agus thubhairt Gaal mac Ebeid, Cò e Abimelech, agus, cò e Sechem, gu'n deanamaid-ne seirbhis da? nach e mac Ierubaail e, agus Sebul ceannard a shloigh? deanaibh seirbhis do dhaoineibh Hamoir athar Shechem: oir c'arson a dheanamaid seirbhis dhasan?

29 Agus b'e mo ghiuidhe gu'n d'thugta an sluagh so do m' làimhsa, an sin dh'atharraichinn Abimelech. Agus thubhairt e ri Abimelech, Meudaich t'armailt, agus thig a mach.

30 Agus an uair a chuala Sebul uachdaran a' bhaile briathra Ghaail, nìic Ebeid, làs a chorruih.

31 Agus chuir e teachdairean gu Abimelech os ìosal, ag ràdh, Feuch thàinig Gaal mac Ebeid agus a bhràithre do Shechem; agus feuch, *tha* iad a' teannachadh a' bhaile a'd' aghaidh.

32 A nis uime sin éirich suas 'san oidhche, thu féin agus an sluagh a *ta* maille riut, agus dean feall-fholach anns an fhearann.

33 Agus anns a' mhaduinn mu éirigh na gréine, éiridh tu gu moch, agus bheir thu ionnsuidh air a' bhaile: agus feuch, 'nuair a thig e féin agus an sluagh a *tha* maille ris a mach a'd' aghaidh, an sin ni thu orra mar a bhios a'd' chomas c.

34 Agus dh'éirich Abimelech suas,

agus an sluagh uile a *bha* maille ris, 'san oidhche, agus rinn iad feall-fholach an aghaidh Shechem, nan ceithir chuideachdaibh.

35 Agus chaidh Gaal mac Ebeid a mach, agus sheas e ann an dol a stigh geataidh a' bhaile. Agus dh'éirich Abimelech, agus an sluagh a *bha* maille ris, o'n fheall-fholach.

36 Agus an uair a chunnaic Gaal an sluagh, thubhairt e ri Sebul, Feuch, *tha* sluagh a' teachd a nuas o mhullach nam beann. Agus thubhairt Sebul ris, *Tha* thu faicinn sgàile nam beann mar dhaoine.

37 Agus labhair Gaal a ris, agus thubhairt e, Feuch, *tha* sluagh a' teachd a nuas o mheadhon na tìre, agus *tha* cuideachd eile a' teachd air an aghaidh rathad còmhnaird<sup>d</sup> Mhehonenim.

38 An sin thubhairt Sebul ris, C'àite nis am *bheil* do bhenl, leis an dubhairt thu, Cò e Abimelech, gu'n deanamaid seirbhis da? nach e so an sluagh air an d'rinn thu tàir? falbh a mach, guidheam ort a nis, agus cog ri u.

39 Agus chaidh Gaal a mach roimh mhaithéan Shechem, agus chog e ri Abimelech.

40 Agus chuir Abimelech an ruaig air, agus theich e roimhe, agus thuit mòran a chaidh leònach, *eadhon* gu ruig dol a stigh a' gheataidh.

41 Agus ghabh Abimelech còmhnuidh ann an Arumah; agus dh'fhuadaich Sebul a mach Gaal agus a bhràithrean, a chum nach gabhadh iad còmhnuidh ann an Sechem.

42 Agus air an là maireach chaidh an sluagh a mach do'n mhachair, agus dh'innis iad sin do Abimelech.

43 Agus ghabh e'n sluagh, agus roinn e iad nan tri chuideachdaibh, agus rinn e feall-fholach sa' mhaicclair, agus dh'amhairc e, agus feuch, *bha'n* sluagh air dol a mach as a' bhaile, agus dh'éirich e nan aghaidh, agus bhuail e iad.

44 Agus thug Abimelech agus a' chuideachd a *bha* maille ris ionnsuidh, agus sheas iad ann an dol a stigh geataidh a' bhaile: agus thug an dà chuideachd eile ionnsuidh orra-san uile a *bha* sa' mhachair, agus bhuail siad iad.

45 Agus chog Abimelech an aghaidh a' bhaile rè an là sin, agus ghlac e'm baile, agus mharbh e'n sluagh a bh'ann, agus leag e sìos am baile, agus chuir e le salann e.

46 Agus an uair a chual' uile mhuinntir e tùir Shechem, sin, chaidh iad a steach do dhaingneach tighe an dé Bherit.

<sup>a</sup> an t-ain-ìochd. <sup>b</sup> cantaireachd; elulim. Eabh. <sup>c</sup> mar a gheibh do làmh. Eabh.

<sup>d</sup> daraige.

<sup>e</sup> dhaoine.

47 Agus dh'innseadh do Abimelech, gu'n robh uile mhuinntir tùir Shecheim air cruinneachadh r'a chéile.

48 Agus chaidh Abimelech suas gu sliabh Shalmoin, e féin agus an sluagh uile a bha maille ris; agus ghlac Abimelech tuagh 'na làimh, agus gheair e sìos geug o na craobhan, agus ghabh e i, agus chuir e air a ghalainn é, agus thubhairt e ris an t-sluagh a bha maille ris, An nì a chunnaic sibh mise a' deanamh, greasaibh, deanaibh mar a rinn mise.

49 Agus ghearr mar an ceudna an sluagh uile sìos gach duine a gheug, agus lean iad Abimelech, agus chuir iad ris an daingneach iad, agus chuir iad an daingneach ri theine orra: mar sin fhuair daoine tùir Shecheim bàs uile mar an ceudna, mu thimchioll mìle fear agus bean.

50 An sin chaidh Abimelech gu Tebes, agus champaich e 'n aghaidh Thebeis, agus ghlac se e.

51 Ach bha tùr làidir ann am meadhon a' bhaile, agus gu sin theich na fir agus na mnà uile, agus muinutir a' bhaile uile, agus dhùin iad orra féin e, agus chaidh iad suas air mullach an tùir.

52 Agus thàinig Abimelech gu ruig an tùr, agus chog e na aghaidh, agus dhùthaich e ri dorus an tùir a chum a losgadh le teine.

53 Agus thilg bean àraidh mìr do chloich-mhuilinn air ceann Abimelech, agus bhris i a chlaigionn.

54 An sin ghairm e gu luath air an òganach a bha 'g iomchar 'arm, agus thubhairt e ris, Tarruing do chlaidheamh, agus marbh mi, air eagal gu'n abair iad umam, Mharbh bean e. Agus shàth an t-òganach aige troimhe e, agus fhuair e bàs.

55 Agus an uair a chunnaic fir Israeil gu'n d'fhuair Abimelech bàs, dh'imich iad gach fear d'a àite féin.

56 Agus dh'iol Dia olc Abimelech, a rinn e air 'athair, le 'thri fhichead agus a dheichnear bhràithrean a mharbhadh.

57 Agus uile olc dhaoine Shecheim dh'iol Dia air an ceann féin: agus thàinig orra mallachadh Iotaim mhic Ierubaail.

#### CAIB. X.

**A** GUS dh'éirich an déigh Abimelech, a shaoradh Israeil, Tola mac Phuah, mhic Dhodo, duine do Isachar; agus bha e chomhnuidh ann an Samir, ann an sliabh Ephraim.

2 Agus thug e breth air Israel tri bliadhna fichead: agus fhuair e bàs, agus dh'adhlaiceadh e ann an Samir.

3 Agus dh'éirich na dhéigh-san

Iair, Gileadach, agus thug e breth air Israel dà bliadhna thar fhichead.

4 Agus bha deich thar fhichead mac aige, a mharcaich air deich thar fhichead asal òg; agus bha deich thar fhichead baile aca, air an d'thugadh Habhot-iair mar ainm gu ruig an la'n diugh, a tha ann an tìr Ghilead.

5 Agus fhuair Iair bàs, agus dh'adhlaiceadh e ann an Camon.

6 Agus rinn clann Israeil a ris olc ann an sùilibh an Tighearna, agus rinn iad seirbhis do Bhaalim, agus do Astarot, agus do dhéibh Shiria, agus do dhéibh Shidoin, agus do dhéibh Mhoab, agus do dhéibh chloinn Amoin, agus do dhéibh nam Philisteach: agus thréig iad an Tighearna, agus cha d'rinn iad seirbhis dha.

7 Agus las fearg an Tighearna an aghaidh Israeil, agus thug e thairis a iad do làimh nam Philisteach, agus do làimh chloinn Amoin.

8 Agus chlaoidh agus rinn iad b' foirneart air cloinn Israeil anns an àm sin rè ochd bliadhna deug, air cloinn Israeil uile a bh' air an taobh eile do Iordan, ann an tìr nan Amoraich, a tha ann an Gilead.

9 Agus chaidh clann Amoin thar Iordan a chogadh mar an ceudna 'n aghaidh Iudah, agus an aghaidh Bheniamin, agus an aghaidh tighe Ephraim: agus bha Israel ann an teanndachd ro-mhòir.

10 Agus ghlaodh clann Israeil ris an Tighearna, ag ràdh, Pheacaich sinn a't' aghaidh, an dà chuid a chionn gu'n do thréig sinn ar Dia, agus gu'n d'rinn sinn seirbhis do Bhaalim.

11 Agus thubhairt an Tighearna ri cloinn Israeil, Nach do shaor mise sibh o na h-Eiphitich, agus o na h-Amoraich, o chloinn Amoin, agus o na Philistich?

12 Rinn mar an ceudna na Sidonaich, agus na h-Amalecich, agus na Maonaich o foirneart oirbh, agus ghlaodh sibh riumsa, agus shaor mi sibh as an làimh.

13 Gidheadh thréig sibh mi, agus rinn sibh seirbhis do dhéibh eile: uime sin cha saor mi sibh nì's mò.

14 Rachaibh agus gairmibh air na déibh a ràghnuich sibh: saoradh iad sibh ann an àm bhur teanndachd.

15 Agus thubhairt clann Israeil ris an Tighearna, Pheacaich sinn; deansa ruinn a réir gach nì a ta maith a'd' shùilibh: a mhàin saor sinn, guidheamaid ort, air an la'n diugh.

<sup>a</sup> reic e. Eabh.

<sup>b</sup> clann Amoin.

<sup>c</sup> Cananaich.



16 Agus chuir iad air falbh na diathan coimheach as am measg, agus rinn iad seirbhis do'n Tighearna: agus bhà doilgheas air 'anam air son truaighe Israeil.

17 An sin ghairmeadh clann Amoin cuideachd, agus champaich iad ann an Gilead: agus chruinnich clann Israeil iad féin an ceann a chéile agus champaich iad ann am Mispheh.

18 Agus thubhairt an coimh-chruinneach<sup>a</sup>, uachdarain Ghilead, gach aon ri chéile, Cia am fear sin a thòisicheas ri cogadh an aghaidh chloinn Amoin? bithidh esan na cheann air uile luchd-àiteachaidh Ghilead.

### C A I B. XI.

**A** NIS bha Iephtah an Gileadach treun ann an neart, agus bu mhac strìopaiche e: agus ghin Gilead Iephtah.

2 Agus rug bean Ghilead mic dha; agus dh'fhàs mic a mhà suas, agus thilg iad a mach Iephtah, agus thubhairt iad ris, Cha'n fhaigh thu oighreachd ann an tigh ar n-atharne, oir is mac mnà coimhich<sup>b</sup> thu.

3 An sin theich Iephtah o' bhràithribh<sup>c</sup>, agus ghabh e còmhnuidh ann an tìr Thoib: agus chruinnicheadh daoine faoin gu Iephtah, agus chaidh iad a mach maille ris.

4 Agus an ceann laithean àraidh, chog clann Amoin ri h-Israel.

5 Agus an uair a chog clann Amoin ri h-Israel, chaidh seanairean Ghilead a thoirt Iephtah a tìr Thoib.

6 Agus thubhairt iad ri Iephtah, Thig agus bi a'd' cheannard oirnn, agus cogaidh sinn an aghaidh chloinn Amoin.

7 Agus thubhairt Iephtah ri seana-iribh Ghilead, Nach d'fhuathaich sibh mi, agus nach do thilg sibh a mach mi a tigh m'athar? agus c'ar son a thàinig sibh a'm' ionnsuidh a nis, an uair a tha sibh ann an teanntachd?

8 Agus thubhairt seannairean Ghilead ri Iephtah, Uime sin phill sinn a nis a'd' ionnsuidh, a chum as gu'n d'fhéid thu maille ruinn, agus gu'n cog thu 'n aghaidh chloinn Amoin, agus gu'm bi thu a'd' cheann oirnn, eadhon air uile luchd-àiteachaidh Ghilead.

9 Agus thubhairt Iephtah ri seana-iribh Ghilead, Ma bheir sibh air m'ais mi a chogadh an aghaidh chloinn Amoin, agus gu'n d'thoir an Tighearna thairis iad a'm' fhianuis, am bi mise a'm' cheann oirbh?

10 Agus thubhairt seanairean Ghilead ri Iephtah, Bitheadh an Tighearna na fhianuis eadarunn, gu'n dean sinne mar sin, a réir t'fhocail.

11 Agus chaidh Iephtah maille ri seana-iribh Ghilead, agus rinn an sluagh<sup>d</sup> e na cheann orra, agus na cheannard. Agus labhair Iephtah a bhriathran uile an làthair an Tighearn ann am Mispheh.

12 Agus chuir Iephtah teachdairean a dh'ionnsuidh rìgh chloinn Amoin, ag ràdh, Ciod e do gnothuch-sa rium-sa, gu'n d'thàinig thu a'm' aghaidh a chogadh ann am thìr?

13 Agus thubhairt rìgh chloinn Amoin ri teachdaireibh Iephtah, A chionn gu'n do ghlac Israeil m'fhearann an uair a thàinig iad a nìos as an Eiphit, o Arnon gu ruig Iaboc, agus gu ruig Iordan; a nis uime sin thoir thusa air ais e<sup>e</sup> ann an sìth.

14 Agus chuir Iephtah a rìs teachdairean a dh'ionnsuidh rìgh chloinn Amoin;

15 Agus thubhairt e ris, Mar so tha Iephtah ag ràdh, Cha do ghlac Israeil fearann Mhoab, no fearann chloinn Amoin:

16 Ach an uair a thàinig Israel a nìos as an Eiphit, agus a ghluais iad troimh 'n fhàsach gu ruig a' mhuir ruadh, agus a thàinig iad gu Cades;

17 An sin chuir Israel teachdairean gu rìgh Edoim, ag ràdh, Leig dhuinn, guidheamaid ort, dol troimh t'fhearann: ach cha'n éisdeadh rìgh Edoim. Agus mar an ceudna chuir iad teachdairean gu rìgh Mhoab; ach cha d'aontaich e: agus dh'fhan Israel ann an Cades.

18 An sin ghluais iad troimh 'n fhàsach, agus chuairtich iad tìr Edoim, agus tìr Mhoab, agus thàinig iad o thaobh na h-airde 'n ear do thìr Mhoab, agus champaich iad air an taobh eile do Arnon ach cha d'fhàinig iad an taobh a stigh do chrìch Mhoab: oir b'e Arnon crìoch Mhoab.

19 Agus chuir Israel teachdairean gu Sihon rìgh nan Amorach, rìgh Hesboin; agus thubhairt Israel ris, Leig dhuinn, guidheamaid ort, gabhail troimh t'fhearann do'r na àite féin.

20 Ach cha d'earb Sihon ri h-Israel gabhail tre'chrìch: ach chruinnich Sihon a shlugh uile cuideachd, agus champaich iad ann an Iahas: agus chog e ri h-Israel.

21 Agus thug an Tighearna Dia Israeil Sihon agus a shlugh uile

<sup>a</sup> sluagh. Eabh. <sup>b</sup> mac m'athar eile. <sup>c</sup> o ghnàs a bhràithre. Eabh.

<sup>d</sup> an co'-chruinneach. Eabh.

<sup>e</sup> iad.

thairis do làimh Israeil, agus bhuail siad ad: agus shealbhaich Israel uile fhearann nan Amorach, luchd-àiteachaidh na tìre sin.

22 Agus shealbhaich iad uile chrìocha nan Amorach; o Arnon gu ruig Iaboc, agus o'n fhàsach gu ruig Iordan.

23 Agus a nis thilg an Tighearna Dia Israel a mach na h-Amoraich a fianuis a shluaigh Israeil, agus am bu chòir dhuitse dol nan seilbh-san?

24 An ni sin a bheir do dhia Chemos dhuit r'a shealbhachadh, nach sealbhaich thusa e? agus ge b'e neach a thilg an Tighearna ar Dia-ne mach romhainn, na sheilbh-san thèid sinne.

25 Agus a nis am bheil thusa ni's fearr na Balac, mac Shipoir, rìgh Mhoab? an do rinn esan riamh strì ri h-Israel, agus an do chog e riamh nan aghaidh?

26 Nuair a ghabh Israel còmh-nuidh ann an Hesbon agus na bhailtibh, agus ann an Aroer agus na bhailtibh, agus anns an bailtibh uile a tha làimh ri Arnon, rè thrì ceud bliadhna; c'ar son nach do bhuin sibh air an ais iad anns an àm sin.

27 Uime sin cha do pheacaich mise a'd' aghaidh, ach tha thusa a deanamh eucoir ormsa le cogadh a'm' aghaidh: thugadh an Tighearna am Breitheamh breth an diugh eadar clann Israeil agus clann Amoin.

28 Gidheadh cha d'éisd rìgh chloinn Amoin ri briathraibh Iephtah, a chuir e d'a ionnsuidh.

29 Agus thàinig spiorad an Tighearna air Iephtah, agus chaidh e thairis gu Gilead agus Manaseh, agus a sin chaidh e thairis gu Misphe Ghilead, agus o Mhisphe Ghilead chaidh e thairis gu cloinn Amoin.

30 Agus bhòidich Iephtah bòidh do'n Tighearna, agus thubhairt e, Ma bheir thu gu cinnteach clann Amoin thairis do m' làimh,

31 An sin tarlaidh, ge b'e ni a thig a mach a dorsaibh mo thighe a'm' choinneamh, nuair a philleas mi ann an sìth o chloinn Amoin, gu cinnteach gur leis an Tighearna e, agus iobraidh mi dha iobairt-loisgte<sup>d</sup>.

32 Agus chaidh Iephtah thairis gu cloinn Amoin a chogadh nan aghaidh, agus thug an Tighearna thairis iad d' a làimh.

33 Agus bhuail e iad o Aroer, eadhon-gus an d'thig thu gu Minit,

fichead baile, agus gu còmhuard nam fion-lios, le ar<sup>f</sup> ro-mhòr. Mar so dh'irioslaicheadh clann Amoin am fianuis chloinn Israeil.

34 Agus thàinig Iephtah gu Misphe d'a thigh, agus feuch, thàinig a nighean a mach na choinneamh le tiompanaibh agus le dannsaibh, agus b' i 'aon leanabh cloinne i: cha robh aige mac no nighean ach i.

35 Agus an uair a chunnaic e i, reub e 'endach, agus thubhairt e, Och, mo nighean! is ro-ìosal a leag thu mi, agus is aon thu dhiubh-san a ta 'gam chlaoidh; oir dh'fhosgail mi mo bheul do'n Tighearna, agus cha'n fheud mi dol air m'ais.

36 Agus thubhairt ise ris, Athair, ma dh'fhosgail thu do bheul do'n Tighearna, dean rium-sa a réir an ni a thàinig a mach as do bheul, o rinn an Tighearna dìoghaltas air do shon-sa air do naimhdeibh, air cloinn Amoin.

37 Agus thubhairt i r'a h-athair, Deana an nì so air mo shon-sa, Leigear leam dà mhìos, a chum gu'n imich mi suas agus sìos air na beanntaibh, agus gu'n dean mi caoidh air son m'òigheachd, mi féin agus mo bhan-chompanacha.

38 Agus thubhairt e, Imich. Agus leig e air fàbhl i rè dà mhìos: agus chaidh i maille r'a ban-chompanachaibh, agus rinn i caoidh air son a h-òigheachd air na beanntaibh.

39 Agus an ceann dà mhìos, phill i dh'ionnsuidh a h-athar, agus rinn e rithe a réir a bhòid a bhòidich e: agus cha robh aithne aice air fear. Agus bha e na ghnàth ann an Israel,

40 Gu'n rachadh nigheana Israeil o bhliadhna gu bliadhna a thoirt co'-fhurtachd do'g nighinn Iephtah a' Ghileadaich, ceithir laithean sa' bhliadhna.

#### CAIB. XII.

AGUS chrùinnicheadh fir Ephraim an ceann a chèile, agus chaidh iad thairis mu thuath<sup>h</sup>, agus thubhairt iad ri Iephtah, C'ar son a chaidh thu thairis a chogadh an aghaidh chloinn Amoin, agus nach do ghairm thu oirne gu dol maille riut? loisgidh sinn do thigh ort le teine.

2 Agus thubhairt Iephtah riu, Bha agam-sa agus aig mo shluaigh comhstri mhòr ri cloinn Amoin; agus an uair a ghairm mi oirbh, cha do shaor sibh mi as an làimh.

3 Agus an uair a chunnaic mi nach do shaor sibh<sup>i</sup> mi, chuir mi

<sup>e</sup> cathair, baile cuairtiche le balladh. <sup>f</sup> marbhadh. <sup>g</sup> dheanamh caoidh air son. <sup>h</sup> gu Sephon. <sup>i</sup> thu. Eabh.

<sup>a</sup> a' buntainn gu h-olc rium-sa, Eabh,  
<sup>b</sup> mòid. <sup>c</sup> no. <sup>d</sup> bheir mi suas e mar iobairt-loisgte.

m'anam a'm' làimh, agus chaidh mi a runn<sup>a</sup> an aghaidh chloinn Amoin, agus thug an Tighearna thairis iad do m' làimh: c'ar son ma ta a tha sibh air teachd a n'os a m' ionnsuidhs' an diugh a chogadh a'm' aghaidh?

4 An sin chruinnich Iephtah cuid-eachd fir Ghilead uile, agus chog e ri h-Ephraim: agus bhuail fir Ghilead Ephraim a chionn gn'n dubhairt iad, *Is luchd-fuadain do Ephraim, sibh-se a Ghileadacha, am measg Ephraim, agus am measg Mhanasheh.*

5 Agus ghlac na Gileadaich àthanna Iordain air na h-Ephraimich: agus an uair a thubhairt na h-Ephraimich sin a chaidh as, Leig dhomh dol thairis, thubhairt fir Ghilead ris, An Ephraimeach thu? Ma thubhairt esan, Cha'n eadh;

6 An sin thubhairt iadsan ris, Abair a nis Schiboleth; agus thubhairt esan Sibolet: oir cha b'urrainn e a ràdh mar sin<sup>b</sup>. An sin ghabh iad e, agus mharbh iad e aig àthannaibh Iordain: agus thuit anns an àm sin do na h-Ephraimich a dhà agus dà fhichead mìle.

7 Agus thug Iephtah breth air Israel sè bliadhna: an sin fhuair Iephtah an Gileadach bàs, agus dh'adhlacadh e ann an aon do bhailtibh<sup>c</sup> Ghilead.

8 Agus na dhéigh-san thug Ibsan o Bhetlehem breth air Israel.

9 Agus bha deich thar fhichead mac aige, agus deich thar fhichead nighean, a chuir e mach uath, agus ghabh e deich thar fhichead nighean a stigh d'a ionnsuidh air son a mhac. Agus thug e breth air Israel seachd bliadhna.

10 Agus fhuair Ibsan bàs, agus dh'adhlacadh e ann am Betlehem.

11 Agus na dhéigh-san thug Elon an Sebulonach breth air Israel deich bliadhna.

12 Agus fhuair Elon an Sebulonach bàs, agus dh'adhlacadh e ann an Aialon ann an tìr Shebuloin.

13 Agus na dhéigh-san thug Abdon mac Hileil, Piratonach, breth air Israel.

14 Agus bha dà fhichead mac aige, agus deich thar fhichead mac a mhac, a mharcaich air deich agus trì fichead asal òg: agus thug e breth air Israel ochd bliadhna.

15 Agus fhuair Abdon mac Hileil am Piratonach bàs, agus dh'adhlacadh e ann an tìr Piraton, ann an tìr Ephraim, ann an sliabh nan Amaleceach.

AGUS rinn clann Israel olc a ris ann an sùilbh an Tighearna, agus thug an Tighearna thairis iad do làimh nam Philisteach dà fhichead bliadhna.

2 Agus bha duine àraidh do Shorah, do theaghlach nan Danach, d'am b'ainm Manoah, agus bha a bhean neo-thorach, agus cha d'rug i clann.

3 Agus dh'fhoillsich aingeal an Tighearn e féin do'n mhnaoi<sup>d</sup>, agus thubhairt e rithe, Feuch a nis, tha thu neo-thorach, agus cha d'rug thu fathast clann; ach ginidh tu agus beiridh tu mac.

4 A nis ma ta thoir an aire, guidheam ort, agus na h-òl fion no deoch làidir, agus na h-ith ni air bith neo-ghlan;

5 Oir fench, ginidh tu agus beiridh tu mac, agus cha d'thig ealtainn sam bith air a cheann; oir bithidh an leanabh na Nasarach do Dhia o'n bhroinn: agus tòisichidh e air Israel a shaoradh à làimh nam Philisteach.

6 Agus thàinig a' bhean agus dh'innis i d'a fear, ag ràdh, Thàinig òglach<sup>e</sup> Dhé a m'ionnsuidh, agus a glinùis mar ghnùis aingil Dé, ro-uamhasacl<sup>f</sup>: ach cha d'fhèdraich mi dheth cia as a bha e, agus cha d'innis e dhomh a'ainm.

7 Ach thubhairt e rium, Feuch ginidh tu, agus beiridh tu mac: agus a nis na h-òl fion no deoch làidir, agus na h-ith ni air bith neo-ghlan: oir bithidh an leanabh na Nasarach do Dhia o'n bhroinn gu là a bhàis.

8 An sin ghuidh Manoah air an Tighearna, agus thubhairt e, O mo Tighearna, thigeadh, guidheam ort, òglach Dhé a chuir thu uait a ris d'ar n-ionnsuidh, agus teagaisgeadh e dhuinn ciod a ni sinn ris an leanabh a bheirear.

9 Agus dh'éisd Dia ri guth Mhanoh, agus thàinig aingeal Dhé a ris a dh'ionnsuidh na mna, agus i na suidhe anns an achadh: ach cha robh Manoah a fear maille rithe.

10 Agus rinn a' bhean cabhag, agus ruith i, agus dh'innis i d'a fear, agus thubhairt i ris, Feuch, chunnaic mi an duine a thàinig a m' ionnsuidh air an là roimhe.

11 Agus dh'éirich Manoah, agus chaidh e 'n déigh a mhuà, agus thàinig e dh'ionnsuidh an duine, agus thubhairt e ris, An tusa an duine a labhair ris a' mhnaoi? Agus thubhairt esan, Is mi.

<sup>a</sup> a null; a nonn. Eir.  
ceart.

<sup>c</sup> ann am baile.

<sup>b</sup> gu

<sup>d</sup> chunncas aingeal an Tighearna leis a' mhnaoi. Eabh.  
<sup>e</sup> duine.

12 Agus thubhairt Manoah, A nis thigeadh do bhriathra gu crìch: cionnus a dh'orduicheas sinn mu'n leanabh, agus ciod a ni sinn ris?

13 Agus thubhairt aingeal an Tighearna ri Manoah, O gach ni a thubhairt mise ris a' mhnaoi coimheadadh<sup>a</sup> si i féin.

14 Do ni sam bith a thig o'n chrann-fhiona na h-ithheadh i, agus fion no deoch làidir na h-òladh i, agus ni sam bith neq-ghlan na h-ithheadh i: gach ni a dh'àithn mise dh'i coimheadadh i.

15 Agus thubhairt Manoah ri aingeal an Tighearna, Leig dhuinn, guidheamaid ort, do ghleidheadh, agus deasaichidh sinn fa d' chomhair meann do na gabhraibh.

16 Agus thubhairt aingeal an Tighearna ri Manoah, Ge do ghléidh thu mi, cha'n ith mi do t'aran: agus ma bheir thu suas iobairt-loisgte, do'n Tighearna bheir thu suas i: oir cha robh fios aig Manoah gu'm b'e aingeal an Tighearn e.

17 Agus thubhairt Manoah ri aingeal an Tighearna, Ciod is ainm dhuit; a chum as, 'nuair a thig do bhriathra, gu crìch, gu'n d'thoir sinn urram dhuit?

18 Agus thubhairt aingeal an Tighearna ris, C'ar son a tha thu mar so a' fiosrachadh a thaobh m'ainme-sa, agus gu bheil e diomhair<sup>b</sup>?

19 Agus ghabh Manoah meann do na gabhraibh, maille ri tabhartas-bidh, agus dh'ìobair se e air carraig do'n Tighearna: agus b'iongantach an ni a rinn an t-aingeal, agus Manoah, agus a bhean ag amharc air:

20 Oir an uair a dh'èirich an lasair bhàrr na h-altarach suas gu nèamh, chaidh aingeal an Tighearna suas ann an lasair na h-altarach; agus an uair a chunnaic Manoah agus a bhean sin, thuit iad air an aghaidh a dh'ionnsuidh na talmhainn.

21 (Ach cha d'fhoillsich aingeal an Tighearn e féin tuilleadh do Mhanoah agus d'a mhnaoi.) An sin bha fios aig Manoah gu'm b'e aingeal an Tighearn e.

22 Agus thubhairt Manoah r'a mhnaoi, Gu cinnteach gheibh sinn bàs, oir chunnaic sinn Dia.

23 Ach thubhairt a bhean ris, Nam bu toil leis an Tighearn ar marbhadh, cha ghabhadh e o'r làimh iobairt-loisgte agus tabhartas-bidh, agus cha nochdadh e dhuinn na nithe so uile, agus mar air an àm so cha chuireadh e n'céill duinn a leithid so do nithibh.

24 Agus rug a' bhean leanabh, agus thug i Samson mar ainm air: agus dh'fhàs an leanabh, agus bheannaich an Tighearn e.

25 Agus thòisich spiorad an Tighearna r'a bhrosnachadh air uairibh ann an camp Dhain, eadar Sorah agus Estaol.

## CAIB. XIV.

**A**GUS chaidh Samson sìos gu Timnat: agus chunnaic e bean ann an Timnat do nigheanaibh nam Philisteach.

2 Agus thàinig e nìos, agus dh'in-nis e d'a athair agus d'a mhàthair, agus thubhairt e, Chunnaic mi bean ann an Timnat do nigheanaibh nam Philisteach: agus a nis faighibh i dhomhsa mar mhnaoi.

3 An sin thubhairt 'athair agus a mhàthair ris, Nach 'eil bean air bith am measg nigheana do bhraithre, no am measg mo shluaigh uile, gu'n rachadh tu a ghabhail mnà do na Philistich neo-thimchiollghearra? Agus thubhairt Samson r'a athair, Faigh dhomh i, oir tha i taitneach<sup>c</sup> a'm<sup>d</sup> shùilibh.

4 Ach cha robh fhios aig 'athair agus a mhàthair gu'm b'ann o'n Tighearna bha e, gu'n d'iarr e fàth an aghaidh nam Philisteach; oir anns an àm sin bha uachdranachd aig na Philistich os cionn Israeil.

5 Uime sin chaidh Samson sìos, agus 'athair agus a mhàthair, gu Timnat, agus thàinig iad gu fionliosaidh Thimnat; agus feuch, bha leòmhann òg a' beuchdaich na aghaidh;

6 Agus thàinig spiorad an Tighearn air gu treun, agus reub se e mar a reubadh e meann, agus cha robh ni air bith na làimh: ach cha d'innis e d'a athair no d'a mhàthair ciod a rinne.

7 Agus chaidh e sìos, agus labhair e ris a' mhnaoi; agus bha i taitneach ann an sùilibh Shamsain.

8 Agus an déigh laithean *draidh*, phill e chum a gabhail, agus chaidh e a leth-taobh a dh'fhaicinn ciosaich an leòmhain, agus feuch, bha sgaoth bheach ann an ciosaich an leòmhain, agus mìl.

9 Agus ghabh e dhith na làmh-aibh, agus chaidh e air aghaidh ag ithheadh, agus thàinig e dh'ionnsuidh 'athar agus a mhàthar, agus thug e dhoibh, agus dh'ith iad: ach cha d'innis e dhoibh gu'm b'ann a ciosaich an leòmhain a thug e a' mhill.

10 Agus chaidh 'athair sìos a dh'ionnsuidh na mnà, agus rinn Samson an sin cuirm<sup>d</sup>: oir mar sin

<sup>a</sup> gleidheadh.  
Eabh.

<sup>b</sup> iongantach.

<sup>c</sup> dìreach, ceart. Eabh.

<sup>d</sup> rè sheachd làithean.



bu ghàth leis na daoineibh òga a dheanamh.

11 Agus an uair a chunnaic iad e, thug iad deich thar fhichead companach gu bhì maille ris.

12 Agus thubhairt Samson riu, Cuiridh mi nis toimhseachan a mach dhuibh: ma chuireas sibh gu cinnteach an céill domh e an taobh a stigh do sheachd laithibh na cuirme, agus gu'm faigh sibh a mach e, an sin bheir mise dhuibh deich thar fhichead brat-lin<sup>a</sup>, agus deich thar fhichead culaidh eudaich.

13 Ach mur urrainn sibh a chur an céill domh, an sin bheir sibhse dliomh-sa deich thar fhichead brat-lin, agus deich thar fhichead culaidh eudaich. Agus thubhairt iad ris, Cuir a mach do thoimhseachan, agus gu'n cluinn sinn e.

14 Agus thubhairt esan riu, As an fhear a dh'itheas thàinig a mach biadh, agus as an fhear gharg<sup>b</sup> thàinig a mach millsead. Agus cha b'urrainn iad an toimhseachan fhuasgladh ann an trì laithibh.

15 Agus air an t-seachdamh là thubhairt iad ri mnaoi Shamsoin, Meall t'fhear, a chum as gu'n innis e dhuinn<sup>c</sup> an toimhseachan, air eagal gu'n loisg sinn thu féin agus tigh t'athar le teine: an ann gu sealbh a ghabhail anns na bheil againn a ghairm thu oirnn? nach ann?

16 Agus ghuil bean Shamsoin na fhianuis, agus thubhairt i, Tha mhàin fuath agad orm, agus cha 'n'eil gràdh agad domh: chuir thu mach toimhseachan do chloinn mo shluaigh<sup>d</sup>, agus cha d'innis thu dhomh-sa e. Agus thubhairt esan rithe, Feuch, cha d'innis mi e do m' athair no do m' mhàthair, agus an innis mi dhuit-se e?

17 Agus ghuil i na làthair rè nan seachd laithean a bha chuirme aca: agus air an t-seachdamh là dh'innis e dh'i, a chionn gu'n dō chuir i gu teann ris: agus dh'innis ise an toimhseachan do chloinn a sluaigh.

18 Agus thubhairt daoine a' bhaile ris air an t-seachdamh là, roimh luidhe na gréine, Ciod is milse na mil, agus ciod is gairge<sup>e</sup> na leòmhann? Agus thubhairt esan riu, Mur bith-eadh sibh air treabhadh<sup>f</sup> le m' agh-sa<sup>g</sup>, cha'n fhaigheadh sibh a mach mo thoimhseachan.

19 Agus thàinig spiorad an Tigh-earn air gu treun, agus chaidh e sìos gu Ascelon, agus mharbh e dhiubh

deich thar fhichead fear, agus ghabh e am faobh<sup>h</sup>, agus thug e culaidhean eudaich dhoibhsan, a dh'fhuasgail an toimhseachan: agus las 'fhearg, agus chaidh e suas gu tigh 'athar.

20 Ach thugadh<sup>i</sup> bean Shamsoin d'a chompanach, a bha mar charaid aige.

## CAIB. XV.

**A** GUS an dèigh laithean àraidh, ann an àm fogharaidh a' chruithneachd, chaidh Samson a dh'fhaicinn a mhàin le meann do na gabhraibh, agus thubhairt e, Théid mi stigh a dh'ionnsuidh mo mhàin do'n t-seòmar. Ach cha leigeadh a h-athair leis dol a stigh.

2 Agus thubhairt a h-athair, Gu deimhin shaoil mi gu'n d'fhuath-aich thu gu tur i, agus thug mi i do d' chompanach: nach 'eil a piuthar a's òige nì's maisiche na i? bith-eadh i nis agad na h-àite.

3 Agus thubhairt Samson mu'n timchioll, A nis bithidh mi nì's neo-chiontaiche nà na Philistich, ge do nì mi olc orra.

4 Agus chaidh Samson, agus ghlac e trì cheud sionnach, agus ghabh e leusan-teine, agus thionndaidh e earball ri h-earball, agus chuir e leus-teine anns a' mheadhon eadar dà earball.

5 Agus an uair a chuir e na leusan ri theine, leig e air falbh iad am measg arbhair nam Philisteach, agus loisge 'n dà chuid na h-adagan agus mar an ceudna an t-arbhar a bha na sheasamh, maille ris na fion-liosaibh agus ris na liosaibh-olaidh.

6 An sin thubhairt na Philistich, Cò rinn so? Agus dh'innseadh dhoibh, Samson chàmhuinn a' Timnataich a chionn gu'n do ghabh esan a bhean, agus gu'n d'thug e i d'a chompanach. Agus chaidh na Philistich suas, agus loisg iad i féin agus a h-athair le teine.

7 Agus thubhairt Samson riu, Ge do rinn sibh mar so, gidheadh dholaidh mise mi féin oirbh, agus na dhéigh sin sguiridh mi.

8 Agus bhuail e iad cos gu léis<sup>k</sup> le h-àr mòr; agus chaidh e sìos agus ghabh e còmhnuidh ann an uaimh<sup>l</sup> carraige Etain.

9 Agus chaidh na Philistich suas, agus champaich iad ann an Iudah, agus sgaoil siad iad féin ann an Lehi.

10 Agus thubhairt fir Iudah, C'ar son a thàinig sibh a nìos' nar n-aghaidh-ne? Agus thubhairt iadsan, A cheangal Shamsoin thàinig sinn a nìos, a dheanamh air mar a rinn esan oirne.

<sup>a</sup> léine-lìn, carradh-lìn. <sup>b</sup> làidir.

<sup>c</sup> dhuit. <sup>d</sup> mo dhaoine.

<sup>e</sup> làidire. <sup>f</sup> air ar. <sup>g</sup> le m'

cholpaich-sa.

<sup>h</sup> an éidigh, an creach.

<sup>i</sup> bha.

Eabh. <sup>k</sup> cos air leis. <sup>l</sup> air mullach.

11 Uime sin chaidh trì mìle fear do Iudah sìos gu uaimh carraig Etais, agus thubhairt iad ri Samson, Nach 'eil fhios agad gu bheil na Philistich nan uachdarain oirne? agus ciod é so a rinn thu oirn? agus thubhairt esan riu, Mar a rinn iadsan ormsa, mar sin rinn mise orra-san.

12 Agus thubhairt iad ris, A chum thusa a cheangal tha sinn air teachd a nuas, a chum as gu'n d'thoir sinn thairis thu do làimh nam Philisteach. Agus thubhairt Samson riu, Thugaibh bhuir mionnan dhomh, nach buail sibh féin orm.

13 Agus fhreagair iad e, ag ràdh, Cha bhuail: ach ceanglaidh sinn thu gu teann, agus bheir sinn thairis thu d'an làimh, ach gu cinnteach cha mharbh sinn thu. Agus cheangail iad e le dà chòrd nomha, agus thug iad a nìos e o'n charraig.

14 Agus an uair a thàinig e gu Lehi, rinn na Philistich iolach a' dol na choinneamh: agus thàinig spiorad an Tighearn air gu treun, agus dh'fhàs na cuird a bha air a ghairdeanaibh mar lìon a loisgeadh le teine, agus dh'fhuasgladh a cheanglaichean bhàrr a làmh.

15 Agus fhuair e cnàimh-peircill<sup>a</sup> àr asail, agus chuir e mach a làmh, agus ghlac se e, agus bhuail e leis mìle fear.

16 Agus thubhairt Samson, Le cnàimh-peircill asail dùn air dhùn<sup>b</sup>, le cnàimh-peircill asail mharbh mi mìle fear.

17 Agus an uair a sguir e do labhairt, thilg e 'n cnàimh-peircill as a làimh, agus dh'ainmich e 'n t-àite sin Ramat-lehi.

18 Agus bha tart mòr air, agus ghairm e air an Tighearna, agus thubhairt e, Thug thu an t-saorsa mhòr so do làimh do sheirbhisich: agus a nis am faigh mi bàs le tart, agus an tuit mi ann an làimh nan neo-thimchiollgheartha?

19 Agus sgoilt Dia lag<sup>c</sup> a bha ann an Lehi<sup>d</sup>, agus thàinig uisge as; agus dh'òl e, agus thàinig a spiorad a ris, agus dh'ath-bheothaicheadh e: uime sin thug e En-hacore mar ainm air, a tha ann an Lehi gu ruig an la 'n diugh.

20 Agus thug e breth air Israel ann an laithibh nam Philisteach fichead bliadhna.

## CAIB. XVI.

AGUS chaidh Samson gu Gasa, agus chunnaic e an sin strìopach, agus chaidh e stigh d'a li-ionnsuidh.

2 Agus dh'innseadh do na Gasaich, ag ràdh, Thàinig Samson an so. Agus chuairtich iad e, agus rinn iad feall-fholach air a shon rè na h-oidhche ann an geatadh a' bhaile, agus bha iad tosdach<sup>e</sup> re na h-oidhche, ag ràdh, 'Nuair a thig solus na maidne, marbhaidh sinn e.

3 Agus luidh Samson gu meadhon-oidhche, agus dh'éirich e mu mheadhon-oidhche, agus ghabh e comhlaichean geataidh a' bhaile, agus an dà phost, agus thug e leis iad maille ris na crannaibh, agus chuir e air a ghuailibh iad, agus thug e suas iad gu mullach sléibhe, a tha fa chomhair Hebroin.

4 Agus na dh'éigh sin ghràdhaich e bean ann an gleann Shoreic, d'am b'ainm Delilah.

5 Agus chaidh tighearnan nam Philisteach suas d'a h-ionnsuidh, agus thubhairt iad rithe, Meall e, agus feuch c'ait am bheil a neart mòr a' luidhe, agus cionnus a bhuadhaicheas sinn air, air chor as gu'n cheangail sinn e chum a cheann-sachadh<sup>f</sup>: agus bheir sinn dhuìt gach aon againn mìle agus ceud bonn airgid.

6 Agus thubhairt Delilah ri Samson, Innis dhomh, guidheam ort, c'ait am bheil do neart mòr a' luidhe, agus cionnus a dh'fheudas tu bhi air do cheangal chum do cheann-sachadh.

7 Agus thubhairt Samson rithe, Ma cheanglas iad mi le seachd goid ùra, nach do thiormaicheadh, an sin bithidh mi anmhuun, agus bithidh mi mar dhuine eile.

8 An sin thug tighearnan nam Philisteach suas d'a h-ionnsuidh seachd goid ùra nach do thiormaicheadh, agus cheangail i e leo.

9 (A nis bha daoine ri feall-fholach, a' fantuinn maille rithe anns an t-seòmar.) Agus thubhairt i ris, Na Philistich ort, a Shamsoin. Agus bhris e na goid, mar a bhrisear snàthainn ascaird<sup>g</sup> an uair a bheanas e ri teine<sup>h</sup>: agus cha d'fhuaras fios a neart.

10 Agus thubhairt Delilah ri Samson, Feuch, mheall thu mi, agus dh'innis thu dhomh breugan: a nis innis dhomh, guidheam ort, cionnus a dh'fheudas tu bhi air do cheangal.

11 Agus thubhairt esan rithe, Ma cheanglas iad mi gu teann le cordaibh ùra nach do ghnàthaicheadh riamh, an sin bithidh mi anmhuun, agus bithidh mi mar dhuine eile.

12 Agus ghabh Delilah cuird ùra, agus cheangail i e leo, agus thu-

<sup>a</sup> cnàimh-géil. <sup>b</sup> le cnàimh-peircill asail chlaoidh mi iad.

<sup>c</sup> àite folamh. <sup>d</sup> anns a' ghiail.

<sup>e</sup> sàmhach. <sup>f</sup> phianadh, a chlaoidh.

<sup>g</sup> barraiche. <sup>h</sup> a ghabhas e fàile an teine. Eabh.

bhairt i ris, Na Philistich ort, a Shamsoin. (Agus *bha* luchd-feall-fholach a' fantuinn anns an t-seòmar.) Agus bhris e iad bhàrr a ghairdeana mar shnàthainn.

13 Agus thubhairt Delilah ri Samson, Gu ruige so mheall thu mi, agus dh'innis thu dhomh breugan : innis dhomh cionnus a dh'fheudas tu bhì air do cheangal. Agus thubhairt esan rithe, Ma dh'fheigas tu seachd duail<sup>a</sup> mo chinn maille ris an eige.

14 Agus dhaingnich i iad leis a' phinne<sup>b</sup>, agus thubhairt i ris, Na Philistich ort, a Shamsoin. Agus mhosgail e as a chodal, agus thug e air falbh leis pinne na garmainn agus an eige.

15 Agus thubhairt ise ris, Cionnus is urrainn thu a ràdh, Tha gràdh agam dhuit, an uair nach 'eil do chridhe leam ? na tri uaire so mheall thu mi, agus cha d'innis thu dhomh c'ait am bheil do neart mor a' luidhe.

16 Agus an uair a chuir i gu teann ris gach aon là le a briathraibh, agus a choi'-éignich i e, bha 'anam air a chràdh gu bàs.

17 An sin dh'innis e dh'i a chridhe uile, agus thubhairt e rithe, Ealtainn cha d'thàinig riamh air mo cheann ; oir bu Nàsarach do Dhia mi o bhroinn mo mhàthar : ma bhearrar mi, an sin falbhaidh mo neart uam, agus fàsaidh mi anmhunn, agus bithidh mi mar gach duine eile.

18 Agus an uair a chunnaic Delilah gu'n d'innis e dh'i a chridhe uile, chuir i fios, agus ghairm i air tigh-earnaibh nam Philisteach, ag ràdh, Thigibh a nìos an aon uair so, o'r dh'innis e dhomh a chridhe uile. An sin thàinig tighearnan nam Philisteach a nìos d'a h-ionnsuidh, agus thug iad airgiod a nìos nan làimh.

19 Agus thug i air codal air a glùinibh, agus ghairm i air fear, agus thug i air seachd duail a chinn a bhearradh dheth, agus thòisich i air a cheannsachadh, agus dh'fhalbh a neart uaith.

20 Agus thubhairt i, Na Philistich ort, a Shamsoin. Agus mhosgail e as a chodal, agus thubhairt e, Thèid mi mach, mar air uairibh eile, agus crathaidh mi mi féin : oir cha robh fhios aige gu'n d'imich an Tighearn uaith.

21 Ach ghlac na Philistich e, agus chuir iad a mach a shùilean ; agus thug iad sìos e gu Gasa, agus cheangail iad e le geimhlibh umha, agus bha e a' bleth ann an tigh a' phrìosain<sup>c</sup>.

<sup>a</sup> ciabhan. <sup>b</sup> tarraing. <sup>c</sup> ann an tigh nan daoine ceangailte. Eabh.

22 Gidheadh thòisich folt a chinn air fàs a ris, an déigh dha bhì air a bhearradh.

23 Agus chruinnich tighearnan nam Philisteach iad féin an ceann a chéile a dh'ìobradh lobairte mòire d'an dia Dagon, agus a dheanamh gairdeachais : oir thubhairt iad, Thug ar dia thairis Samson ar nàmhaid d'ar làimh.

24 Agus an uair a chunnaic an sluagh e, mhòliad an dia : oir thubhairt iad, Thug ar dia thairis d'ar làimh ar nàmhaid, agus fear-millidh ar dùcha, a mharbh mòran dhinn.

25 Agus an uair a bha 'n cridheacha subhach, thubhairt iad, Gairmibh air Samson, a chum as gu'n dean e fearas-chuideachd<sup>d</sup> dhuinn. Agus ghairm iad air Samson a tigh a' phrìosain, agus rinn e fearas-chuideachd nan làthair : agus chuir iad e eadar na puist.

26 Agus thubhairt Samson ris an òganach a ghabh greim d' a làimh, Leig dhomh na puist a laimhseachadh air am bheil an tigh na sheasamh, a chum as gu'n leig mi mo thaic riu.

27 A nis bha'n tigh làn dhaoine agus bhan : agus *bha* uile thigh-earnan nam Philisteach an sin, agus *bha* air mullach an tighe mu thimchioll trì mìle fear agus bean, a bha 'g amharc an uair a rinn Samson fearas-chuideachd.

28 Agus ghairm Samson air an Tighearn, agus thubhairt e, O Thighearna Dhé, cuimhnich orm, guidheam ort, agus neartaich mi, guidheam ort, a mhàin an aon uair so, O Dhé, a chum as gu'm bi mi dìolta d'raon tarraing air na Philistich air son mo dhà shùil.

29 Agus ghabh Samson greim do'n dà phost mheadhonach air an robh an tigh na sheasamh, agus ris an robh e 'n taic, do h-aon diubh le a làimh dheis, agus do 'n fhear eile le a làimh chli.

30 Agus thubhairt Samson, Faigheam bàs<sup>e</sup> maille ris na Philistich ; agus chrom se e féin<sup>f</sup> le 'uile neart : agus thuit an tigh air na tighearnaibh, agus air an t-sluagh uile a *bha* ann : agus bha na mairbh a mharbh e aig a bhàs ni bu lìonmhoire nà iadsan a mharbh e na bheathla.

31 Agus chaidh a bhràithrean agus tigh 'athar uile sìos, agus ghabh iad e, agus thug iad suas e, agus dh'adhlaic iad e eadar Sorah agus Estaol, ann an àit-adhlaic Mha-

<sup>d</sup> spòrs, sùgradh. eadh m'anam. Eabh.  
e sìos na puist.

<sup>e</sup> Bàsaich-  
<sup>f</sup> tharruing

noah 'athar, agus thug e breth air Israel fichead bliadhna.

## CAIB. XVII.

**A**GUS bha duine do shliabh Ephraim, d'am b'ainm Micah.

2 Agus thubhairt e r'a mhàthair, Am mìle agus an ceud *secel* airgid, a thugadh air falbh uait, mu'n do mhallach thu, agus mu'n do labhair thu cuideachd ann am chluasaibh-sa; feuch, *tha* 'n t-airgiod agam-sa, ghabh mise e. Agus thubhairt a mhàthair, Gu ma beannaichte thusa o'n Tighearna, a mhic.

3 Agus an uair a thug e air ais am mìle agus an ceud *secel* airgid d'a mhàthair, thubhairt a mhàthair, Naomhaich mi gu h-iomlan \* an t-airgiod do'n Tighearna o m' làimh, air son mo mhic, a dheanamh deilbh snaidhte, agus deilbh leaghta: a nis ma ta bheir mi air ais dhuit e.

4 Agus thug e air ais an t-airgiod d'a mhàthair, agus ghabh a mhàthair d'a cheud *secel* airgid, agus thug i iad do'n òr-cheard, agus rinn esan dhiubh dealbh snaidhte agus dealbh leaghta: agus bha iad ann an tigh Mhicah.

5 Agus *bha* aig an duine Micah tigh dhiathan<sup>b</sup>, agus rinn e ephod, agus teraphim, agus choisrig<sup>c</sup> e aon d'a mhic, agus bha e aige na shagart.

6 Anns na laithibh sin cha robh rìgh air bith ann an Israel: rinn gach fear an *ni sin a bha* ceart na shùilibh féin.

7 Agus bha òganach o Bhethlehem Iudah, do theaghlach Iudah, a *bha* 'na Lebhitheach, agus bha e air chuairt an sin.

8 Agus dh'imich an duine as a' bhaile o Bhethlehem Iudah, a dhol air chuairt far am faigheadh e àit; agus thàinig e gu sliabh Ephraim, gu tigh Mhicah, a' dol air aghaidh air a thurus.

9 Agus thubhairt Micah ris, Cia as a tha thu air teachd? Agus thubhairt esan ris, *Is* Lebhitheach mise o Bhethlehem Iudah, agus *tha* mi a' triall air chuairt far am faigh mi àite.

10 Agus thubhairt Micah ris, Fan maille rium-sa, agus bi dhomh-sa a'd' athair agus a'd' shagart, agus bheir mi dhuit deich *secel* airgid sa' bhliadhna<sup>d</sup>, agus culaidh eudaich, agus do bhiadh. Agus chaidh an Lebhitheach a stigh.

11 Agus bha'n Lebhitheach toilichte còmhnuidh ghabhail maille

ris an duine, agus bha'n t-òganach dha maraon d'a mhacaibh.

12 Agus choisrig Micah an Lebhitheach, agus bha 'n t-òganach aige na shagart; agus bha e ann an tigh Mhicah.

13 Agus thubhairt Micah, A nis tha fios agam gu'n dean an Tighearna maith dhomh, a chionn gu bheil Lebhitheach agam na shagart.

## CAIB. XVIII.

**A**NNS na laithibh sin cha robh rìgh air bith ann an Israel: agus anns na laithibh sin dh'iarr treubh<sup>e</sup> nan Danach dhoibh féin oighreachd anns an gabhadh iad còmhnuidh; oir gu ruig an là sin cha do thuit an oighreachd uile orra am measg threubhan Israeil.

2 Agus chuir clann Dhain cùgear d' an teaghlach o 'n crìochaibh, daoine treun o Shorah agus o Estaol, a ghabhail beachd air an tìr, agus g'a rannsachadh a mach; agus thubhairt iad riu, Imichibh, rannsaichibh a mach an tìr. Agus thàinig iad gu sliabh Ephraim, gu tigh Mhicah, agus dh'fhan iad an sin rè na h-oidhche.

3 An uair a *bha* iad aig tigh Mhicah, dh'aithnich iad guth an òganach, an Lebhithich, agus thionndaidh iad a stigh an sin, agus thubhairt iad ris, Cò thug an so thu? agus ciod a *tha* thu deanamh an so? agus ciod a *th'*agad an so?

4 Agus thubhairt esan riu, Mar so agus mar so rinu Micah rium, agus thuarasdalaich e mi, agus tha mi aige a'm' shagart.

5 Agus thubhairt iad ris, Iarr comhairle, guidheamaid ort, air Dia, chum as gu'm bi fios againn an soirbhich leinn 'n ar slighe, air am bheil sinn ag imeachd.

6 Agus thubhairt an sagart riu, Imichibh an sìth: an làthair an Tighearna *tha* bhur slighe, air am bheil sibh ag imeachd.

7 Agus dh'imich an cùgear fhear, agus thàinig iad gu Lais, agus chunnaic iad an sluagh a *bha* ann, a' ghabhail còmhnuidh gun umhaill, a réir gnàth nan Sidonach, sàmhach agus neo-umhailleach<sup>f</sup>; agus cha robh uachdaran air bith anns an tìr, a chuireadh gu nàire *iad* ann an *ni air bith*: agus *bha* iad fada o na Sidonaich, agus cha robh guothuch aca ri duine *air bith*.

8 Agus thàinig iad a dh'ionnsuidh am bràithrean gu Sorah agus Estaol: agus thubhairt am bràithrean riu, Ciod a *tha* sibh ag ràdh?

<sup>a</sup> Le naomhachadh naomhaich mi. Eabh. <sup>b</sup> tigh do Dhia. <sup>c</sup> Ìon e làmh. Eabh. <sup>d</sup> an ceann laith-ean. Eabh.

<sup>e</sup> fine. <sup>f</sup> an sluagh a bha ann, baile, a bha fantuinn neo-umhailleach a réir gnàth nan Sidonach, sàmhach agus neo-umhailleach.



9 Agus thubhairt iad, Eiribh agus rachamaid suas nan aghaidh; oir chunnaic sinne an tìr, agus feuch, *tha i ro-mhaith*: agus *am bheil sibhse nar tàmh?* na bithibh leasg gu imeachd agus go dol a steach a shealbhachadh na tìre.

10 'Nuair a thig sibh, thèid sibh a steach a dh'ionnsuidh sluaigh neo-umhaillich, agus do thìr ro-fhar-saing; oir thug Dia thairis d'ar làimh i; àit anns nach 'eil uir-easbhuidh ni air bith a *th'air* an talamh.

11 Agus chaidh as sin do theaghlach nan Danach, a Sorah agus a Estaol, sè ceud fear, crioslaichte le innealaibh cogaidh.

12 Agus chaidh iad suas, agus champaich iad ann an Cariat-earim, ann an Iudah: uime sin thugadh Mahaneh-dan mar ainm air an àite sin gu ruig an la'n diugh: feuch, *tha e air cùlaobh Chariat-earim*.

13 Agus chaidh iad seachad o sin gu sliabh Ephraim, agus thàinig iad gu tigh Mhìcah.

14 An sin fhreagair an cùigear fhear, a chaidh a ghabhail beachd air tìr Lais, agus thubhairt iad r'am bràithribh, Am bheil fhios agaibh gu bheil anns na tighibh sin ephod, agus teraphim, agus dealbh snaidhte, agus dealbh leaghta? a nis ma ta smuainichibh ciod a ni sibh.

15 Agus thionndaidh iad gus a sin, agus thàinig iad gu tigh an ògan-aich, an Lebhitich, *eadhon* gu tigh Mhìcah, agus chuir iad fàilte air.

16 Agus sheas an sè ceud fear crioslaichte le innealaibh cogaidh, a bha do chloinn Dhain, aig dol a steach a' gheataidh.

17 Agus chaidh an cùigear fhear suas a chaidh ghabhail beachd air an tìr, agus thàinig iad a stigh an sin, agus ghabh iad an dealbh snaidhte, agus an ephod, agus an teraphim, agus an dealbh leaghta: (agus sheas an sagart aig dol a stigh a' gheataidh, agus an sè ceud fear a bha crioslaichte le innealaibh cogaidh.)

18 Agus an uair a chaidh iad sin a steach do thigh Mhìcah, agus a ghabh iad an dealbh snaidhte, an ephod, agus an teraphim, agus an dealbh leaghta, an sin thubhairt an sagart riu, Ciod a tha sibh a deanamh?

19 Agus thubhairt iadsan ris, Bi d' thosd, cuir do làmh air do bheul, agus falbh maille ruinne, agus bi dhuinne a't'athair agus a'd'shagart: am fearr dhuìt a bhi d' shagart do thigh aon duine, na thu bhi d' shagart do thréibh agus do theaghlach ann an Israel?

<sup>a</sup> 'nar tosd. Eabh.

20 Agus bha cridhe an t-sagairt subhach, agus ghabh e'n ephod, agus an teraphim, agus an dealbh snaidhte, agus chaidh e ann am meadhon an t-sluaigh.

21 Agus thionndaidh iad, agus dh'imich iad, agus chuir iad a' chlann bheag, agus an spréidh, agus gach ni trom<sup>b</sup> rompa.

22 Agus an uair a bha iad astar fada o thigh Mhìcah, chruinnich na fir a bh'anns na tighibh a bha làimh ri tigh Mhìcah iad féin an ceann a' chéile, agus chaidh iad air tòir<sup>c</sup> chloinn Dhain.

23 Agus ghlaodh iad ri cloinn Dhain; agus thionndaidh iadsan an aghaidh, agus thubhairt iad ri Mìcah, Ciod a tha teachd riut, gu bheil thu teachd le leithid so do chuid-eachd<sup>d</sup>?

24 Agus thubhairt esan, Mo dhiathan a rinn mi thug sibh leibh, agus an sagart, agus dh'fhalbh sibh roimhibh: agus ciod a th'agamsa tuilleadh? agus ciod e so a tha sibh ag ràdh rium, Ciod a tha teachd riut?

25 Agus thubhairt clann Dhain ris, Na cluinnear do ghuth 'nar measg, air eagal gu'm buail daoine feargach nan spiorad ort, agus gu'n caill thu t'anam féin, agus anma do theaghlach.

26 Agus dh'imich clann Dhain air an slighe: agus an uair a chunnaic Mìcah gu'n robh iad tuilleadh 's làidir air a shon, thionndaidh e agus phill e d'a thigh.

27 Agus ghabh iad na nithe a rinn Mìcah, agus an sagart a bh'aige, agus thàinig iad gu Lais, a dh'ionnsuidh sluaigh a bha sàmhach agus neo-umhaillich: agus bhuail siad iad le faobhar a' chlàidheimh, agus loisg iad am baile le teine.

28 Agus cha robh fear-saoraidh ann, a chionn gu'n robh e fada o Shidon, agus nach robh gnothuch aca ri duine sam bith; agus bha e anns a' ghleann a tha làimh ri Bet-rehob: agus thog iad baile, agus ghabh iad còmhnuidh ann;

29 Agus thug iad Dan mar ainm air a' bhaile, a réir ainme Dhain an athar, a rugadh do Israel; gidheadh b'e Lais ainm a' bhaile an toiseach.

30 Agus chuir clann Dhain suas dhoibh féin an dealbh snaidhte: agus bha Ionatan mac Iersom, mhic Mhanaseh, e féin agus a mhic, nan sagartaibh do thréibh Dhain, gu ruig la braighdeanais na tìre.

31 Agus chuir iad suas dhoibh féin dealbh snaidhte Mhìcah a rinn e, rè

<sup>b</sup> luachmhor. <sup>c</sup> rug iad air.

<sup>d</sup> gu bheil thu air do chruinneachadh. Eabh.

na h-àine a bha tigh Dhé ann an Siloh.

## CAIB. XIX.

**A**GUS anns na laithibh sin, an uair nach robh rìgh air bith ann an Israel, bha Lebhithreach àraidh air chuairt air taobh sléibh Ephraim, a ghabh d'a ionnsuidh coimhleabach o Bhetlehem Iudah.

2 Agus rinn a choimh-leabach siùrtachd na aghaidh, agus dh'fhalbh i uaith gu tigh a h-athar gu Bhetlehem Iudah, agus bha i 'n sin ceithir mìosan iomlan.

3 Agus dh'èirich a fear, agus chaidh e na déigh, a chum gu'n làblairadh e r'a cridhe, agus gu'n d'thugadh e air a h-ais i, agus 'òganach<sup>a</sup> maille ris, agus dà asal: agus thug i steach e do thigh a h-athar, agus an uair a chunnaic athair na h-ighinn<sup>b</sup> e, chaidh e le gairdeachas<sup>c</sup> na choinneamh.

4 Agus ghléidh 'athair-céile, athair na h-ighinn e, agus dh'fhan e maille ris trì laithean: agus dh'ith agus dh'òl iad, agus dh'fhan iad rè na h-oidhche an sin.

5 Agus air a' cheathramh là, 'nuair a dh'èirich iad gu moch anns a' mhaduinn, dh'èirich esan suas gu imeachd: agus thubhairt athair na h-ighinn r'a chliamhuin, Neartaich do chridhe le greim arain, agus na dhéigh sin imichidh sibh.

6 Agus shuidh iad sìos le chéile, agus dh'ith iad cuideachd, agus dh'òl iad: oir thubhairt athair na h-ighinn ris an duine, Bi toilichte, guidheam ort, agus fan rè na h-oidhche, agus bitheadh do chridhe subhach.

7 Agus an uair a dh'èirich an duine suas gu imeachd, rinn 'athair-céile dian earail air: uime sin dh'fhan e 'n sin an oidhche sin a ris.

8 Agus dh'èirich e gu moch anns a' mhaduinn air a' chuigeadh là gu imeachd: agus thubhairt athair na h-ighinn, Neartaich do chridhe, guidheam ort. Agus dh'fhan iad gu déigh mheadhon-là<sup>d</sup>, agus dh'ith iad le chéile.

9 Agus an uair a dh'èirich an duine suas gu imeachd, e féin agus a choimh-leabach, agus 'òganach, thubhairt 'athair-céile, athair na h-ighinn ris, Feuch, a nis tha'n là a' tarruing gu feasgar, fanaibh, guidheam ort, rè na h-oidhche: feuch, tha'n là a' diùthachadh r'a chrìch, fan an so rè na h-oidhche,

agus bitheadh do chridhe subhach, agus am màireach éiridh sibh gu moch a chum bhur turuis<sup>e</sup>, agus théid thu dhachaidh.

10 Ach cha b' àill leis an duine fantuinn an oidhche sin, ach dh'èirich e suas agus dh'imich e, agus thàinig e air aghaidh fa chomhair Iebuis, (is e sin Ierusalem) agus bha maille ris dà asal le'n diallaidibh; bha mar an ceudna a choimhleabach maille ris.

11 Agus an uair a bha iad làimh ri Iebus, chaitheadh an là gu mòr, agus thubhairt an t-òganach r'a mhaighstir, Thig, guidheam ort, agus tionndaidhmid a stigh do bhaile so nan Iebusach, agus fanamaid rè na li-oidhche ann.

12 Agus thubhairt a mhaighstir ris, Cha tionndaidh sinn a stigh an so gu baile coigrich, nach 'eil do chloinn Israeil, ach gabhaidh sinn thairis gu Gibeah.

13 Agus thubhairt e r'a òganach, Thig agus tairngeamaid am fagus do aon do na h-àitibh sin gu fantuinn rè na h-oidhche, ann an Gibeah, no ann an Ramah.

14 Agus ghabh iad thairis agus dh'imich iad; agus chaidh a' ghrian sìos orra làimh ri Gibeah, a bhuineas do Bheniamin.

15 Agus thionndaidh iad e lethtaobh an sin, gu dol a stigh a dh'fantuinn rè na h-oidhche ann an Gibeah: agus an uair a chaidh e stigh, shuidh e sìos ann an sràid a' bhaile; oir cha robh duine sam bith a ghabh iad d'a thigh gu fantuinn rè na h-oidhche.

16 Agus feuch, thàinig seann duine o'obair a mach as an fhearann mu fheasgar, a bha mar an ceudna o shliabh Ephraim, agus bha e air chuairt ann an Gibeah, ach bu Bheniaminich daoine an àite.

17 Agus an uair a thog e suas a shùilean, chunnaic e duine a bha air thurus ann an sràid a' bhaile: agus thubhairt an seann duine, C'ait a tha thu dol? agus cia as a tha thu air teachd?

18 Agus thubhairt e ris, Tha sinn a' gabhail thairis o Bhetlehem Iudah dh'ionnsuidh taobh sléibh Ephraim, as am bheil mise: agus chaidh mi do Bhetlehem Iudah, ach tha mi nis a' dol gu tigh an Tighearna, agus cha 'n'eil duine air bith ann a ghabhas mi d'a thigh.

19 Gidheadh tha'n dà chuid fodar, agus innlinn ann air son ar n-asal, agus tha mar an ceudna aran agus fion ann air mo shon-sa, agus air son an òganaich, a tha maille ri d'

<sup>a</sup> a òganach. <sup>b</sup> h-ighinn, cailin.

<sup>c</sup> rinn e gairdeachas. Eabh.

<sup>d</sup> agus an do thionndaidh an là. Eabh.

<sup>e</sup> slighe.

sheirblisich: cha 'n'eil easbhuidh<sup>a</sup> ni air bith oimn.

20 Agus thubhairt an seann duine, *Sith gu robh maille riut: gidheadh, biodh t'easbhuidh gu léir orm-sa, a mhàin na fan anns an t-sràid rè na h-oidhche.*

21 Agus thug e steach e d'a thigh, agus thug e innlunn do na h-asal-aibh: agus nigh iad an cosan, agus dh'ith agus dh'òl iad.

22 Ach an uair a bha iad a' dean-amh an cridhe subhach, feuch, chuairtich daoine a' bhaile, daoine bu mhiic do Bhelial, an tigh mu'n cuairt, agus bhual iad aig an dorus, agus labhair iad ri maighstir an tighe, an seann duine, ag ràdh, Thoir a mach an duine a thàinig a dh'ionnsuidh do thighe, a chum as gu'n aithnich sinn e.

23 Agus chaidh an duine, maighstir an tighe, mach d'an ionnsuidh, agus thubhairt e riu, Na deanaibh, mo bhràithre, na deanaibh, guidheam oirbh, cho olc; an dèigh do'n duine so teachd a dh'ionnsuidh mo thighe-sa, na deanaibh an ni gràineil<sup>b</sup> so.

24 Feuch, mo nighean, maighdean, agus a choimh-leabach, iadsan bheir mi mach a nis, agus islichibh-se iad, agus deanaibh riu an *ni sin a ta* maith 'nar sùilbh: ach air an duine so na deanaibh ni cho ghràineil.

25 Ach cha'n éisdeadh na daoine ris: agus rugan duine air a choimh-leabach, agus thug e mach i d'an ionnsuidh; agus dh'aithnich iad i, agus mhi-ghnàthaich iad i rè na h-oidhche gu maduinn: agus aig bris-eadh na faire leig iad air falbh i.

26 Agus thàinig a' bhean ann an scarthanaich<sup>c</sup> an là, agus thuit i sìos aig dorus tighe an duine, far an robh a tighearna, gus an robh solus ann.

27 Agus dh'éirich a tighearna anns a' mhaduinn, agus dh'fhosgail e dorus an tighe, agus chaidh e mach gu imeachd air a shlighe: agus feuch, bha a' bhean a choimh-leabach air tuiteam sìos aig dorus an tighe, agus a làmhan air an stairsnich.

28 Agus thubhairt e rithe, Eirich, agus imicheamaid; ach cha d'thug i freagradh air bith. Agus ghabh e i air asail, agus dh'éirich an duine suas, agus chaidh e d'a àite féin.

29 Agus an uair a thàinig e d'a thigh, ghabh e sgian, agus rug e air a choimh-leabach, agus roinn e i maille r'a cnaimhibh na dà mhir dheug, agus chuir e i gu uile chrìochaibh Israeil.

<sup>a</sup> uireasbhuidh, dìth.

<sup>b</sup> aingidh,

amaideach.

<sup>c</sup> camhanaich; dawn.

Sasg.

30 Agus thubhairt gach neach a chunnaic e, Cha d'rinneadh agus cha'n fhacas *ni air bith* cosmhuil ri so o'n là anns an d'thàinig clann Israeil a nìos a tìr na h-Eiphit gus an la'n diugh: beachdaichibh<sup>d</sup> air, gabhaibh comhairle, agus labhraibh.

## CAIB. XX.

**A**N sin chaidh clann Israeil uile mach, agus chruinnicheadh an coimhthional ri chéile, mar aon duine, o Dhan gu Beerseba, agus o thìr Ghilead, a dh'ionnsuidh an Tighearna gu Mispheh.

2 Agus nochd prìomh-dhaoine<sup>e</sup> an t-sluaighe uile, eadhon threubhan Israeil uile, iad féin ann an coimhthional sluaigh Dhé, ceithir cheud mìle coisiche a tharruing claidheamh.

3 (A nis chuala clann Bheniamin gu'n deachaidh clann Israeil suas gu Mispheh.) Agus thubhairt clann Israeil, Innsibh cionnus a bha 'n t-òlc so.

4 Agus fhreagair an Lebhitheach, fear na mnà a mharbhadh, agus thubhairt e, Gu Gibeah a *bhuineas* do Bheniamin thàinig mise agus mo choimh-leabach gu fantuinn ann rè na h-oidhche.

5 Agus dh'éirich fir Ghibeah a'm' aghaidh, agus chuairtich iad an tigh mi an cuairt orm agus an oidhche: mi féin b'àill leo a mharbhadh, agus air mo choimh-leabach rinn iad éigin, agus tha i marbh.

6 Agus rug mi air mo choimh-leabach, agus ghearr mi i na mìribh, agus chuir mi i air feadh uile fhearainn oighreachd Israeil: oir rinn iad cionta agus gràineileachd ann an Israel.

7 Feuch, is clann Israeil sibh uile: thugaibh seachad an so bhur focal agus bhur comhairle.

8 Agus dh'éirich an sluagh uile maraon duine, ag ràdh, Cha d'théid neach air bith dhinn d'a bhùth, agus cha tionndaidh neach air bith dhinn a steach d'a thigh;

9 Ach a nis so an nì a ni sinn ri Gibeah: *théid sinn suas* le crannchur na aghaidh.

10 Agus gabhaidh sinn deich fir as a' cheud air feadh uile treubhan Israeil, agus ceud as a' mhìle, agus mìle as na deich mìle, a thoirt lòn a dh'ionnsuidh an t-sluaigh; a chum as gu'n dean iad, an uair a thig iad gu Gibeah Bheniamin, a réir na gràineileachd uile a rinn iad ann an Israel.

11 Mar sin chruinnicheadh fir Israeil uile an aghaidh a' bhaile,

<sup>d</sup> cuiribh bhur cridhe air.

<sup>e</sup> maithean; uaislean.

ceangailte ri chéile mar aon duine.

12 Agus chuir treubhan Israeil daoine air feadh uile thréibh Bheniamin, ag ràdh, Ciod e an t-olc so a rinneadh 'nar measg?

13 A nis ma ta thugaibh thairis dhuihn na daoine, clann Bhelial, a tha ann an Gibeah, a chum as gu'n cuir sinn gu bàs iad, agus gu'n cuir sinn air falbh olc o Israel. Ach cha 'n éisdeadh clann Bheniamin ri guth am bràithre cloinn Israeil.

14 Ach chruinnich clann Bheniamin iad féin an ceann a chéile as na bailtibh gu Gibeah, chum dol a mach gu cath an aghaidh chloinn Israeil.

15 Agus dh'àirmheadh clann Bheniamin anns an àm<sup>a</sup> sin as na bailtibh, sè mìle fichead fear a tharruing claidheamh, a bhàrr air luchd-àit-eachaidh Ghibeah.

16 Dh'àirmheadh seachd ceud fear taghta am measg an t-sluaigh so uile, seachd ceud fear taghta cli-làmhach<sup>b</sup>: thilgeadh gach aon diubh so clach a crann tabhuill air leud ròineige, agus cha mhearachdaicheadh e.

17 Agus dh'àirmheadh clann Israeil air leth o Bheniamin, ceithir cheud mìle fear a tharruing claidheamh; b'fhir chogaidh iad so uile.

18 Agus dh'éirich clann Israeil, agus chaidh iad suas gu tigh Dhé<sup>c</sup>, agus dh'fhiosraich iad do<sup>d</sup> Dhia, agus thubhairt iad, Cò dhinn a théid suas air tùs gu cath an aghaidh chloinn Bheniamin? agus thubhairt an Tighearna, *Théid Iudah suas* air tùs.

19 Agus dh'éirich clann Israeil anns a' mhaduinn, agus champaich iad an aghaidh Ghibeah.

20 Agus chaidh fir Israeil a mach gu cath an aghaidh Bheniamin, agus chuir fir Israeil iad féin ann an ordugh catha nan aghaidh aig Gibeah.

21 Agus thàinig clann Bheniamin a mach a Gibeah, agus sgrios iad sìos gu làr do chloinn Israeil air an là sin, dà mhìle thar fhichead fear.

22 Agus ghabh an sluagh, fir Israeil, misneach dhoibh féin, agus chuir iad a ris an cath ann an ordugh far an do chuir siad iad féin an ordugh air a' cheud là.

23 (Agus chaidh clann Israeil suas, agus ghuil iad am fianuis an Tighearna gu feasgar, agus dh'fhiosraich iad do'n Tighearna, ag ràdh, An d'théid mi suas a ris gu cath an

aghaidh chloinn Bheniamin mo bhràthar? Agus thubhairt an Tighearna, *Rachaibh suas na aghaidh.*)

24 Agus thàinig clann Israeil am fagus an aghaidh chloinn Bheniamin an dara là.

25 Agus chaidh Benjamin a mach nan aghaidh a Gibeah an dara là, agus sgrios iad do chloinn Israeil a ris ochd mìle deug fear sìos gu làr: tharruing iad so uile claidheamh.

26 Agus chaidh clann Israeil uile agus an sluagh uile suas, agus thàinig iad gu tigh Dhé, agus ghuil iad, agus shuidh iad an sin am fianuis an Tighearna, agus throisg iad air an là sin gu feasgar, agus dh'ìobair iad ìobairte-loisgte agus ìobairte-sìth<sup>e</sup> am fianuis an Tighearna.

27 Agus dh'fhiosraich clann Israeil do'n Tighearna, (oir bha àire coimhcheangail Dé an sin anns na laithibh sin:

28 Agus sheas Phinehas, mac Eleasair, mhic Aaroin, na làthair anns na laithibh sin) ag ràdh, An d'théid mi fathast a ris a mach gu cath an aghaidh chloinn Bheniamin mo bhràthar, no an sguir mi? Agus thubhairt an Tighearna, *Rachaibh suas: oir am maireach bheir mise thairis iad do d' làimh.*

29 Agus chuir Israel luchd-feall-fholach mu'n cuairt air Gibeah.

30 Agus chaidh clann Israeil suas an aghaidh chloinn Bheniamin air an treas là, agus chuir siad iad féin ann an ordugh catha an aghaidh Ghibeah, mar air uairibh eile.

31 Agus chaidh clann Bheniamin a mach an aghaidh an t-sluaigh, agus thairngeadh air falbh iad o'n bhaile, agus thòisich iad air cuid do'n t-sluaigh a bhualadh agus a mharbhadh, mar air uairibh eile, anns na rathaidibh mòra, d'am bheil aon a' dol suas gu tigh Dhé, agus aon gu Gibeah anns an fhearann, mu thimchioll deich fir fhichead do Israel.

32 Agus thubhairt clann Bheniamin, *Tha iad air am bualadh sìos romhainn, mar air tùs.* Ach thubhairt clann Israeil, *Teicheamaid, agus tairngeamaid iad o'n bhaile gu ruig na rathaidibh mòra.*

33 Agus dh'éirich clann Israeil uile suas as an àite, agus chuir siad iad féin ann an ordugh catha ann am Baal-tamar: agus thàinig an luchd-feall-fholach do Israel a mach as an àitibh, eadhon o uchdaich<sup>f</sup> Ghibeah.

34 Agus thàinig an aghaidh Ghibeah deich mìle fear taghta mach a h-Israel uile, agus bha'n cath

<sup>a</sup> là. Eabh. <sup>b</sup> cearr-làmhach.

<sup>c</sup> Bet-el. Eabh. <sup>d</sup> dh'iarr iad comhairle air.

<sup>e</sup> tabhartasa-sìth.

<sup>f</sup> a lòintibh; maaleh no maareh. Eabh.



cruaidh: ach cha robh fhios aca gu'n robh olc am fagus doibh.

35 Agus bhuail an Tighearna Benjamin am fianuis Israeil: agus sgrìos clann Israeil do Bheniamin air an là sin, cùig mìle fichead agus ceud fear: tharruing iad so uile claidheamh.

36 Agus chunnaic clann Bheniamin gu'n do bhuailleadh iad: oir thug fir Israeil àite do na Beniaminich, a chionn gu'n d'earb iad ris an luchd-feall-fholach a shuidhich iad làimh ri Gibeah.

37 Agus rinn an luchd feall-fholach cabhag, agus ruith iad a stigh air Gibeah, agus tharruing an luchd-feall-fholach air an aghaidh, agus bhuail iad am baile uile le faobhar a' chlaidheimh.

38 A nis bha comhartha a suidhichte eadar fir Israeil agus an luchd-feall-fholach, gu'n d'thugadh iad air lasair mhòir le deataich éirigh suas as a' bhaile.

39 Agus an uair a chaidh fir Israeil air an ais anns a' chath, thòisich Benjamin air fir Israeil a bhualadh, agus mharbh iad diubh mu thimchioll deich thar fhichead fear: oir thubhairt iad, Gu cinnteach tha iad air am bualadh sìos romhainn, mar anns a' cheud chath.

40 Agus an uair a thòisich an lasair air éirigh suas as a' bhaile, maille ri meall<sup>b</sup> deataich, dh'amhairc na Beniaminich air an cùlaobh, agus feuch, dh'éirich deatach a' bhaile suas gu nèamh.

41 Agus an uair a phill fir Israeil a ris, bha uamhas air fir Bheniamin; eir chunnaic iad gu'n robh olc air teachd orra.

42 Uime sin thionndaidh iad an aghaidh am fianuis chloinn Israeil ri slighe an fhàsaich; ach rug an cath orra: agus iadsan a thàinig a mach as na bailtibh sgrìos iad nam meadhon.

43 Chuairtich iad na Beniaminich air gach taobh, ruaig siad iad, shalt-air iad orra gun sbairn thall fa chomhair Ghibeah, leth ri éirigh na grèine.

44 Agus thuit do Bheniamin ochd mìle deug fear; iad uile nan daoineibh treuna.

45 Agus phill iad agus theich iad a dh'ionnsuidh an fhàsaich gu carraig Rimoin: agus dh'òghluim iad diubh air na rathaidibh mòra cùig mìle fear; agus lean iad gu cruaidh iad gu ruig Gidom, agus mharbh iad dhiubh dà mhìle fear.

46 Agus b'iadsan uile a thuit do Bheniamin air an là sin, cùig mìle

fichead fear a tharruing claidheamh; iad uile nan daoineibh treuna.

47 Ach phill sè ceud fear, agus theich iad do'n fhàsach gu carraig Rimoin, agus dh'fhan iad ann an carraig Rimoin ceithir mìosan.

48 Agus phill clann Israeil air an ais air cloinn Bheniamin, agus bhuail siad iad le faobhar a' claidheimh, araon daoine gach baile, agus an spréidh, agus gach ni air bith a fhuaradh ann: mar an ceudna chuir iad ri theine na bailtean uile d'an d'thàinig iad.

# CAIB. XXI.

**A** NIS mhionnaich fir Israeil ann am Misphe, ag ràdh, Cha d'thoir fear air bith againn a nighean do Bheniamin na mnaoi.

2 Agus thàinig an sluagh gu tigh Dhé, agus dh'fhan iad an sin gu feasgar am fianuis Dhé, agus thog iad suas an guth, agus ghuil iad gu goirt:

3 Agus thubhairt iad, C'ar son, O Thighearna Dhé Israeil, a thàinig an ni so gu crìch ann an Israel, gu'm biodh an diugh aon treubh a dh'easbhuidh air Israel?

4 Agus air an là màireach dh'éirich an sluagh gu moch, agus thog iad an sin altair, agus dh'ìobair iad ìobairte-loisgte agus ìobairte-sith.

5 Agus thubhairt clann Israeil, Cò am measg uile threubhan Israeil, nach d'thàinig a mìos maille ris a' choimhthional a dh'ionnsuidh an Tighearna? oir rinn iad mionnan mòra mu 'thimchioll-san nach d'thigeadh a mìos a dh'ionnsuidh an Tighearna gu Misphe, ag ràdh, Cuirear gu cinnteach gu bàs e.

6 Agus ghabh clann Israeil aithreachas a thaobh Bheniamin an bràthar, agus thubhairt iad, Ghearradh air falbh an diugh aon treubh o Israel.

7 Cionnus a ni sinn air son bhan dhoibhsan a mhair, agus gu'n do mhionnaich sinn air an Tighearna, nach d'thoir sinn dhoibh d'ar nigh-eanaibh mar mhnaibh?

8 Agus thubhairt iad, Cia an aon do threubhaibh Israeil, nach d'thàinig a mìos a dh'ionnsuidh an Tighearna gu Misphe? agus feuch, clia d'thàinig duine do'n champ o Iabes-gilead a dh'ionnsuidh a' choimhthional.

9 Oir dh'àirmheadh an sluagh, agus feuch, cha robh neach air bith an sin do luchd-àiteachaidh Iabes-gilead.

10 Agus chuir an coimhthional an sin dà mhìle dheug fear dhiubhsan bu tréine, agus dh'àithn iad dhoibh, ag ràdh, Falbhaibh agus buailibh luchd-àiteachaidh Iabes-gilead le

<sup>a</sup> àm.

<sup>b</sup> pillar. Sasg.

faobhar a' chladheimh, maille ris na mnaibh agus ris a' chloinn.

11 Agus so an nì a nì sibh, Sgriosaidh sibh gu tur gach firionnach, agus gach bean a luidh le firionnach,

12 Agus fhuair iad am measg luchd-àiteachaidh Iabeis-ghilead ceithir cheud maighdean òg aig nach robh aithne air fear le luidhe le firionnach sam bith: agus thug iad do'n champ iad gu Siloh, a tha ann an tìr Chanaain.

13 Agus chuir an coimhthional uile daoine uatha, agus labhair iad ri cloinn Bheniamin a bha ann an carraig Rimoin, agus ghairm iad orra ann an sìth.

14 Agus thàinig Benjamin a ris anns an àm sin; agus thug iad dhoibh mnà a ghléidh iad beo do mhnaibh Iabeis-ghilead: gidheadh cha d'fhuair iad na bu leòr mar sin.

15 Agus ghabh an sluagh aithreachas a thaobh Bheniamin, a chionn gu'n d'rinn an Tighearna briseadh ann an treubhaibh Israeil.

16 Agus thubhairt seanairean a' choimhthionail, Cionnus a nì sinn air son bhan dhoibh-san a mhair, oir sgriosadh na mnà mach a Bheniamin?

17 Agus thubhairt iad, *Tha* oighreachd ann air an son-san a chaidh as do Bheniamin: agus cha sgriosar treubh a h-Israel.

18 Gidheadh, cha'n fheud sinn mnà a thoirt doibh d'ar nigheanaibh féin; oir mhionnaich clann Israeil, ag ràdh, Mallaichte gu robh esan a bheir bean do Bheniamin.

19 An sin thubhairt iad, Feuch, *tha* féill<sup>a</sup> an Tighearn ann an Siloh gach bliadhna, anns an àit a tha air

an taobh mu thuath do Bhetel, air an taobh an ear do'n rathad mhòr, a tha dol suas o Bhetel gu Sechem, agus air an taobh mu dheas do Lebonah.

20 Uime sin dh'àithn iad do chloinn Bheniamin, ag ràdh, Falbh-aibh, agus deanaibh feall-fholach anns na fion-liosaibh;

21 Agus seallaibh, agus feuch, ma thig nigheana Shiloh a mach a dhannsadh ann an dannsaibh, an sin thigibh-sa mach as na fion-liosaibh, agus glacaibh gach fear dhibh a bhean do nigheanaibh Shiloh, agus rachaibh gu tìr Bheniamin.

22 Agus tarlaidh, 'nuair a thig an aithriche no am bràithre d'ar n-ionnsuidh-nè a dheanamh gear-ain, gu'n abair sinne riu, Bithibh bàigheil riu air ar soinne, a chionn nach do ghléidh<sup>b</sup> sinn do gach fear a bhean anns a' chogadh; oir cha d'fhug sibhse dhoibh anns an àm so, air chor as gu'm biodh sibh ciontach.

23 Agus rinn clann Bheniamin mar sin, agus ghabh iad mnà dhoibh féin a réir an àireimh, dhiubh-san a bha dannsadh, a ghlac iad, agus chaidh iad agus phill iad a dh'ionnsuidh an oighreachd, agus thog iad suas na bailte, agus ghabh iad còmhnuidh anna.

24 Agus dh'imich clann Israeil as sin 'san àm sin, gach duine a dh'ionnsuidh a thréibh, agus a dh'ionnsuidh a theaghlach, agus chaidh iad a mach as sin gach duine a dh'ionnsuidh 'oighreachd féin.

25 Anns na laithibh sin cha robh rìgh air bith ann an Israel: rinn gach duine an nì sin a bha ceart na shùilibh féin.

<sup>b</sup> ghabh. Eabh.

<sup>a</sup> féisd.

## R U T.

## CAIB. I.

**A** NIS ri linn nam breitheamhna<sup>a</sup>, bha gorta 'san tìr: agus chaidh duine àraidh do Bhetlehem Iudah gu bhi air chuairt ann am fearann Mhoaid, e féin agus a bhean, agus a dhithis mhac.

2 Agus b'e ainm an duine Elimelech, agus ainm a mhnà Naomi, agus ainm a dhithis mhac Mahlon agus Chilion, Ephrataich do Bhetlehem Iudah: agus thàinig iad gu fearann Mhoaid, agus dh'fhan<sup>b</sup> iad an sin.

3 Agus fhuair Elimelech fear Naomi bàs, agus dh'fhàgadh ise, agus a dithis mhac.

4 Agus ghabh iad dhoibh féin mnàid do na Bàh-mhoabaich: b'e ainm aoin *diubh* Orpah, agus ainm na mnà eile Rut: agus ghabh iad còmhnuidh an sin mu thimchioll deich bliadhna.

5 Agus fhuair mar an ceudna Mahlon agus Chilion le chéile bàs; agus dh'fhàgadh a' bhean as eugmhais a dithis mhiac, agus as eugmhais a fir.

6 Agus dh'éirich i suas maille r'a ban-chliamhuinibh<sup>c</sup>, a chum gu'm pilleadh i o fhearann Mhoaid: oir chual' i ann am fearann Mhoaid, gu'n d'amhairc an Tighearna air a shluagh le aran a thabhairt doibh.

7 Uime sin chaidh i mach as an àite 'san robh i, agus a dà bhan-chliamhuin maille rithe; agus dh'imich iad air an t-slighe gu dol air an ais do thìr Iudah.

8 Agus thubhairt Naomi r'a dà bhan-chliamhuin, Falbhaibh, pilleadh gach aon agaibh do thìgh a màthar: gu'm buineadh an Tighearna gu caoimhneil ribh, mar a bhuin sibhse riutha-san nach mair-eann<sup>d</sup>, agus riumsa.

9 Gu'n d'thugadh an Tighearna dhuibh gu'm faigh sibh fois, gach aon dhibh ann an tìgh a fir. An sin phòg i iad: agus thog iad suas an guth, agus ghuil iad.

10 Agus thubhairt iad rithe, Gu cinnteach maille riutsa pillidh sinne dh'ionnsuidh do shluaigh.

11 Agus thubhairt Naomi, Pillibh

mo nigheana; c'ar son a théid sibh maille riumsa? am bheil fathast mic agamsa a'm' innibh<sup>e</sup>, gu bhi agaibh nam fir?

12 Pillibh, mo nigheana, imichibh, oir tha mise tuille's sean gu fear a bhi agam: nan abrainn, Tha dòchas agam, nam biodh fear agam eadhon an nochd, agus mar an ceudna gu'm beirinn mic,

13 Am feitheadh sibh riu gus an cinneadh iad? am fanadh sibh air an son gun fhir a bhi agaibh? na *deanaibh sin*, mo nigheana; oir tha nì ro-dhoilich air bhur son-sa, gu'n deachaidh làmh an Tighearna a mach a'm' aghaidh-sa.

14 Agus thog iad suas an guth, agus ghuil iad a ris: agus phòg Orpah a màthair-chéile, ach dhlùthlean Rut rithe.

15 Agus thubhairt i, Feuch, tha do phiuthar-chéile air pilltinn a dh'ionnsuidh a sluaigh, agus a dh'ionnsuidh a diathan<sup>f</sup>; pill thusa 'n déigh do pheathar-chéile.

16 Agus thubhairt Rut, Na h-iarr orm t'fhàgail, no pilltinn o bhi 'gad leantuinn; oir ge b'e taobh a théid thusa, théid mise; agus far an gabh thusa tàmh, gabhaidh mise tàmh: is e do shluagh-sa mo shluagh-sa, agus do Dhia-sa mo Dhia-sa.

17 Far am faigh thusa bàs, gheibh mise bàs, agus an sin adhlacair mi. Gu'n deanadh an Tighearna mar sin orm-sa, agus tuille inar an ceudna, ma chuireas ach am bàs dealachadh eadar mise agus thusa.

18 'Nuair a chunnaic i gu'n robh i suidhichte air dol maille rithe, an sin sguir i do labhairt rithe.

19 Agus dh'imich iad le chéile gus an d'thàinig iad gu Betlehem. Agus an uair a bha iad air teachd gu Betlehem, ghluaiseadh am baile uile m'an timchioll, agus thubhairt iad, An i so Naomi?

20 Agus thubhairt ise riu, Na h-abraibh Naomi rium: abraibh Mara rium; oir bhuin an t-Uile-chumhachdach gu ro-gheur rium.

21 Chaidh mi mach làn, agus thug an Tighearna air m'ais mi folamh. C'arson mata their sibh Naomi rium, agus gu'n d'thug an Tighearna fianuis a'm' aghaidh,

<sup>a</sup> anns na laithibh anns an d'thug na breitheamhna breth. Eabh.

<sup>b</sup> bha. Eabh. <sup>c</sup> mnàid a dà mhac. <sup>d</sup> ris na mairbh. Eabh.

<sup>e</sup> a'm' bhroinn. <sup>f</sup> dée. <sup>g</sup> leagta.

agus gu'n do chuir an t-Uile-chumhachdach fa àmhghar mi?

22 Mar sin phill Naomi, agus Rut a' Bhan-mhoabach, bean a mic, maille rithe, a phill a fearann Mhoib: agus thàinig iad gu Betelehem ann an toiseach na buain eorna<sup>a</sup>.

CAIB. II.

**A** GUS bha aig Naomi caraid a thaobh a fir, duine cumhachdach aig an robh mòr bheartas, do theaghlach Elimelech, agus b'e ainm Boas.

2 Agus thubhairt Rut a' Bhan-mhoabach ri Naomi, Leig dhomh a nis dol do'n achadh, agus diasan arbhair a dh'òglalum<sup>b</sup> an déigh an ti sin, aig am faigh mi deagh-ghean<sup>c</sup> na shùilb. Agus thubhairt i rithe, Falbh, mo nighean.

3 Agus dh'fhalbh i, agus thàinig i, agus dh'ògluim i 'san achadh an déigh nam buanaichean, agus thachair dhi dol air earrann do'n achadh bu le Boas, a bha do theaghlach Elimelech.

4 Agus feuch, thàinig Boas o Bhetlehem, agus thubhairt e ris na buanaichibh, Gu robh an Tighearna maille ribh: agus thubhairt iadsan ris, Gu'm beannaicheadh an Tighearn thusa.

5 An sin thubhairt Boas r'a òglach a chuireadh os cionn nam buanaichean, Co leis an òg-bhean<sup>d</sup> so?

6 Agus fhreagair an t-òglach a chuireadh os cionn nam buanaichean, agus thubhairt e, Is i so an òg-bhean Mhoabach, a thàinig air a h-ais maille ri Naomi a fearann Mhoib:

7 Agus thubhairt ise, Guidheam ort, leig dhomh dìoghlum, agus tional am measg nan sguab an déigh nam buanaichean: agus thàinig i, agus dh'fhuirich i eadhon o'n mhaduinn gus a nis, gu'n d'fhan i tamull beag a stigh.

8 An sin thubhairt Boas ri Rut, Nach cluinn thu, mo nighean? Na gabh a dh'òglalum ann an achadh eile, agus na falbh as so, ach fan an so làimh ri m' ghruagaichibh-sa.

9 Bitheadh do shùilean air an achadh a bhuaineas iad, agus falbh thusa nan déigh. Nach d'àithm mise do na h-òganaich gun bheantuinn riut? agus an uair a bhios iotadh<sup>e</sup> ort, falbh a dh'ionnsuidh nan soithichean, agus òl do'n uisge a tharuing na h-òganaich.

10 An sin thuit i air a h-aghaidh, agus chom si i féin gu làr, agus

thubhairt i ris, C'ar son a fhuair mi deagh-ghean a'd' shùilb, gu'n cuir-eadh tu eòlas orm, agus mi a'm' choigreach?

11 Agus fhreagair Boas, agus thubhairt e rithe, Dh'innsadh gu h-ìomlan dhomh-sa gach ni a rinn thu do d' mhàthair-chéile an déigh bàis t'fhir, agus mar a dh'fhàg thu t'athair agus do mhàthair, agus an tìr anns an d'rugadh tu, agus a tha thu air teachd a dh'ionnsuidh sluaigh nach b'aithne dhuit roimhe so.

12 Gu'n dìoladh an Tighearna do shaothair, agus gu robh do dhuais ìomlan o'n Tighearna Dia Israeil, fuidh a sgiathaibh an d'thàinig thu a chur do dhochais f.

13 Agus thubhairt ise, Faigheam deagh-ghean a'd' shùilb, mo thighearna, do bhrìgh gu'n d'thug thu sòlas dhomh, agus gu'n do labhair thu gu caoimhneil ri d' bhan-oglaich g, ge nach 'eil mi cosmhuil ri h-aon do d' ghruagaichibh-sa.

14 Agus thubhairt Boas rithe, Aig àm bìdh thig thusa an so, agus ith do'n aran, agus tum do ghreim anns an fhion-gheur. Agus shuidh i ri taobh nam buanaichean: agus shìn e dh'i siol cruaidhichte, agus dh'ith i, agus shàsuicheadh i, agus dh'fhàg i fuigheall.

15 Agus an uair a dh'éirich i suas gu dìoghlum, dh'àithm Boas d'a òganachaibh, ag ràdh, Eadhon am measg nan sguab dìoghlumeadh i, agus na cuiribh nàire oirre<sup>h</sup>.

16 Agus cuideachd leigibh d'ar dedin le cuid do na dlagaibh<sup>i</sup> tuiteam air a son, agus fàgaibh iad a chum gu'n dìoghlum i iad, agus na d'thugaibh achmhasan dhi.

17 Marsin dh'ògluim i 'san achadh gu feasgar, agus bhuail i as na dh'ògluim i; agus bha ann mu thimchioll ephal eorna.

18 Agus thog i suas e, agus chaidh i do'n bhaile, agus chunnaic a màthair-chéile na dh'ògluim i: agus chuir i a làthair, agus thug i dhi na dh'fhàg i, an déigh dhi bhi sàsuichte.

19 Agus thubhairt a màthair-chéile rithe, C'ait an do dh'ògluim thu'n diugh? agus c'ait an do shaothraich thu? beannuichte gu robh an ti a chuir eòlas ort. Agus dh'innis i d'a màthair-chéile cia aig a shaothraich i, agus thubhairt i, Is e ainm an duine aig an do shaothraich mi'n diugh, Boas.

20 Agus thubhairt Naomi r'a ban-chliamhuin, Beannuichte gu robh

<sup>a</sup> fogharaidh an eorna.  
<sup>c</sup> caoimhneas.  
<sup>e</sup> tart, pathadh.

<sup>b</sup> a  
<sup>d</sup> cailin.

<sup>f</sup> t'earbsaidh.  
<sup>g</sup> gu'n do labhair thu ri cridhe do bhan-oglaich.  
<sup>h</sup> na maslaichibh i.  
<sup>i</sup> glacaidibh.



esan o'n Tighearna, nach do leig dheth a chaoimhneas do na beothaibh, agus do na marbhaibh. Agus thubhairt Naomi rithe, *Tha 'n duine dlùth an dàimh dhuinn; is aon e d'ar dilsibh a's faigse*.

21 Agus thubhairt Rut a' Bhan-mhoabach, Mar an ceudna thubhairt e riumsa, Làimh ri m'òganach-sa fanaidh tu, gus an crìochaich iad m'fhoghara uile.

22 Agus thubhairt Naomi ri Rut a ban-chliamhuin, *Is fearr dhuit, mo nighean, dol a mach maille r'a ghruagaichibh, a chum as nach coinnich iad thu ann an achadh sam bith eile.*

23 Dh'fhan i uime sin làimh ri gruagaichibh Bhoais a dh'òghlum, gus an do chrìochnuicheadh foghara<sup>b</sup> an eorna, agus foghara a' cluithneachd: agus ghabh i còmh-nuidh maille r'a màthair-chéile.

## CAIB. III.

**A**N sin thubhairt Naomi a màthair-chéile rithe, Mo nighean, nach iarr mise snaimhneas dhuitse, chum gu'n éirich gu maith dhuit?

2 Agus a nis nach 'eil Boas d'ar dilsibh, maille r'a ghruagaichibh an robh thu? Fench, *bithidh e a' fasnadh eorna an nochd air an urlar-bhualaidh.*

3 Uime sin nigh thu féin, agus ung thu féin, agus cuir do thrusgan ort, agus gabh sìos do'n urlar-bhualaidh: *ach na dean thu féin aithnichte do'n duine, gus an sguir e dh'itheadh agus a dh'òl.*

4 Agus an uair a luidheas e sìos, bheir thu fa'near an t-àit anns an luidh e, agus théid thu agus rùisgidh tu a chosan, agus luidhidh tu sìos; agus innsidh e dhuit ciod a ni thu.

5 Agus thubhairt i rithe, Gach *ni* a tha thu ag ràdh rium, *ni* mise.

6 Agus chaidh i sìos do'n urlar-bhualaidh, agus rinn i a réir gach *ni* a dh'àithn a màthair-chéile dhi.

7 Agus an uair a dh'ith agus a dh'òl Boas, agus a bha a chridhe subhach, chaidh e a luidhe sìos aig ceann an dùin arbhair: agus thàinig i gu sàmhach, agus rùisg i a chosan, agus luidh i sìos.

8 Agus an uair a bha e mu mheadhon-oidhche, bha eagal air an duine, agus thionndaidh se e féin; agus feuch, bean na luidhe aig a chosaibh.

9 Agus thubhairt e, Cò thusa? Agus fhreagair i, *Is mise Rut do bhan-oglach: sgaoil uime sin iomall*

t'eudaich air do bhan-oglaich, oir is fear-dàimh<sup>d</sup> thu.

10 Agus thubhairt e, Beannaichte gu robh thusa o'n Tighearna, mo nighean; nochd thu tuille caoimhneis mu dheireadh na an toiseach, do bhrìgh nach deachaidh tu 'n déigh òig-fheara, bochd no beartach.

11 Agus a nis, mo nighean, na biodh eagal ort; gach *ni* a tha thu ag iarraidh, ni mi dhuit: oir tha fios aig uile bhaile mo shluaigh gur bean shubhailceach<sup>e</sup> thu.

12 Agus a nis tha e fìor gur fear-dàimh *dhuit* mise, gidheadh tha fear-dàimh a's faigse *dhuit* na mi.

13 Fan an nochd, agus anns a' mhaduinn ma ni e riut dlìghe fìr-dàimh<sup>f</sup>, *tha sin* gu maith, deanadh e dlìghe fìr-dàimh; ach mur bi e toileach dlìghe fìr-dàimh a dheanamh riut, an sin ni mise dlìghe fìr-dàimh riut, *mar is beo an Tighearna: luidh sìos gu maduinn.*

14 Agus luidh i sìos aig a chosaibh gu maduinn: agus dh'éirich i mu'n robh e 'n comas do dhuine duin' eile aithneachadh. Agus thubhairt e, Na biodh fios aig *neach air bith* gu'n d'thàinig bean a steach do'n urlar-bhualaidh.

15 Mar an ceudna thubhairt e, Thoir *an so* am brat a *tha agad* umad, agus cum e. Agus chum i e, agus thomhais e sè *toimhsen* eorna, agus chuir e oirre iad; agus chaidh i a steach do'n bhaile.

16 Agus an uair a thàinig i dh'ionnsuidh a màthair-chéile, thubhairt i, Co thusa, mo nighean? agus dh'innis i dhi gach *ni* a rinn an duine dhi.

17 Agus thubhairt i, Na sè *toimhsen* eorna so thug e dhomh; oir thubhairt e rium, Na imich falamh a dh'ionnsuidh do mhàthair-chéile.

18 Agus thubhairt ise, Fuirich, mo nighean, gus am bi fios agad cionnus a dh'éireas do'n chùis: oir cha bhi an duine aig fois gus an crìochnuich e 'n gnothuch an diugh.

## CAIB. IV.

**A**N sin chaidh Boas suas a dh'ionnsuidh a' gheataidh, agus shuidh e sìos an sin: agus feuch, bha 'm fear-dàimh a' dol seachad mu'n do labhair Boas, agus thubhairt e ris, Ho, a leithid so a dh'fhear, thig a leth-taobh, suidh sìos an so. Agus thàinig e a leth-taobh, agus shuidh e sìos.

2 Agus ghabh e deichnear dhaoine do sheanairibh a' bhaile, agus thu-

<sup>a</sup> d'ar luchd-fuasglaidh. Eabh.

<sup>b</sup> foghmhar. Eir. <sup>c</sup> na nochd, na feuch, na leig ris thu féin.

<sup>d</sup> aon d'ar dilsibh; fear-fuasglaidh. Eabh.

<sup>e</sup> aig am bheil deagh bheusan.

<sup>f</sup> ma dh'fhuasgaileas e thu. Eabh.

bhairt e, Suidhibh sìos an so. Agus shuidh iad sìos.

3 Agus thubhairt e ris an fhear-dàimh, Tha Naomi, a thàinig air a h-ais a fearann Mhoib, gu earrann do'n achadh bu le ar bràthair Elimelech, a reiceadh.

4 Agus smuainich mi air fios a thoirt duit, ag ràdh, Ceannuich e'm fianuis an luchd-àiteachaidh, agus am fianuis sheanairean mo shluaigh: ma dh'fhuasgaileas tu e, fuasgail e; ach mur fuasgail thu e, innis dhomh, a chum as gu'm bi fios agam: oir cha 'n'eil neach air bith ann gu'fhuasgladh ach thusa, agus mise a'd' dhéigh-sa. Agus thubhairt esan, Fuasgailidh mise e.

5 An sin thubhairt Boas, San là auns an ceannaich thu 'n t-achadh o làimh Naomi, feumaidh tu cuid-eachd a cheannach o Rut a' Bhan-mhoabach, bean a' mhairbh, a thogail suas ainme a' mhairbh air 'oighreachd-san.

6 Agus thubhairt am fear-dàimh, Cha 'n fheud mi 'fhuasgladh dhomh féin, air eagal gu mill mi m' oighreachd féin: fuasgail thusa mo chòir dhuit féin, oir cha 'n fheud mise a fuasgladh.

7 A nis b'e so o shean<sup>a</sup> an gnàth ann an Israel a thaobh fuasglaidh, agus a thaobh iomlaid<sup>b</sup>, a dhaingneachadh gach ni: chuireadh duine dheth a bhròg, agus bheireadh e d'a choimhearsuach: agus bhaso mar fhianuis ann an Israel.

8 Uime sin thubhairt am fear-dàimh ri Boas, Ceannuich air do shon féin e: agus chuir e dheth a bhròg.

9 Agus thubhairt Boas ris na seanairibh, agus ris an t-sluaigh uile, Is fianuisean sibhse an diugh, gu'n do cheannuich mise gach ni bu le Elimelech, agus gach ni bu le Chilion, agus le Mahlon, o làimh Naomi.

10 Agus mar an ceudna Rut a Bhan-mhoabach, bean Mhahloin, cheannuich mi dhomh féin gu bhi na mnaoi agam, a thogail suas ainme a' mhairbh air 'oighreachd, a chum nach gearrar as ainm a'

mhairbh a meadhon a blràithrean, agus o gheatadh 'àite féin: is fianuisean sibhse an diugh.

11 Agus thubhairt an sluagh uile, a bha sa' gheatadh, agus na sean-airean, Is fianuisean sinn: gu'n deanadh an Tighearna a' bhean a tha teachd a dh'ionnsuidh do thighe, mar Rachel agus mar Leah, a thog suas le chéile tigh Israeil: agus dean thusa gu cubhaidh<sup>c</sup> ann an Ephrath, agus bi cliuiteach ann am Betlehem.

12 Agus bitheadh do thigh mar thigh Phareis, (a rug Tamar do Iudah) do'n t sliochd a bheir an Tighearna dhuit o'n mhaoi òig so.

13 Agus ghabh Boas Rut, agus bha i aige na mnaoi: agus chaidh e stigh d'a h-ionnsuidh, agus thug an Tighearna toirrchas dhi, agus rug i mac.

14 Agus thubhairt na mnàir ri Naomi, Beannuichte gu robh an Tighearna nach d'fhàg thusa 'n diugh gun fhear-dàimh, a chum gu'm bi 'ainm cliuiteach<sup>d</sup> ann an Israel.

15 Agus bithidh e dhuit na fhearath-nuadhachaidh do bheatha<sup>e</sup>, agus na fhear-altrum do shean-aois: oir is i do bhan-chliamhuin aig am bheil gràdh dhuit a's fearr dhuit na seachd mic, a rug e.

16 Agus ghabh Naomi an leanabh, agus chuir i na h-uchd e, agus bha i na ban-altrum aige.

17 Agus thug na mnàir na coimhearsnachd ainm air, ag ràdh, Rugadh mac do Naomi, agus thug iad Obed mar ainm air: Is esan athair Iese, athar Dhaibhidh.

18 A nis is iad so ginealaich Phareis: Ghin Phares Hesron,

19 Agus ghin Hesron Ram, agus ghin Ram Aminadab.

20 Agus ghin Aminadab Nahson, agus ghin Nahson Salmon,

21 Agus ghin Salmon Boas, agus ghin Boas Obed,

22 Agus ghin Obed Iese, agus ghin Iese Daibhidh.

<sup>c</sup> feartail, buadhar.  
goirear 'ainm. Eabh.  
aisig t'anma. Eabh.

<sup>d</sup> gu'n  
<sup>e</sup> na fhear-

<sup>a</sup> roimhe.

<sup>b</sup> malairt.

# CEUD LEABHAR SHAMUEIL,

D'AN AINM AIR MHODH EILE,

## CEUD LEABHAR NAN RIGH.

### CAIB. I.

**A**NIS bha duine àraidh o Ram-ataim-sophim, o shliabh Ephraim, agus *b'e* ainm Elcanah, mac Ierohaim, mhic Elihu, mhic Thohu, mhic Shuph, Ephrataich.

2 Agus bha dithis bhan aige: ainm mnà dhiubh Hanah, agus ainm na mnà eile Peninah. Agus aig Peninah bha clann, ach aig Hanah cha robh clann.

3 Agus thàinig an duine so nìos as a' bhaile gach bliadhna<sup>a</sup>, a dheanamh aoraidh agus a dh'ìobradh do Thighearna nan sluagh ann an Siloh; agus bha dà mhac Eli, Hophni agus Phinehas, sagartan an Tighearna, an sin.

4 Agus an uair a thàinig an t-àm anns an d'ìobair Elcanah, thug e d'a mhnaoi Peninah, agus d'a mic uile agus d'a nigheanaibh, cuibh-rionnan.

5 Ach do Hanah thug e cuibh-rionn dhubailte<sup>b</sup>; oir glhràdhaich e Hanah, ach dhruid an Tighearna a brù.

6 Agus bhrosnaich a h-eascaraid i mar an ceudna gu fèirg, a thoirt oirre gearan a dheanamh<sup>c</sup>, a chionn gu'n do dhruid an Tighearna a brù.

7 Agus mar sin rinn e gach bliadhna, 'nuair a thàinig i nìos do thigh an Tighearna: mar sin bhrosnaich si i. Uime sin ghuil i, agus cha 'n itheadh i.

8 An sin thubhairt Elcanah a fear rithe, A Hanah, c'ar son a tha thu a' gul<sup>d</sup>? agus c'ar son nach 'eil thu ag itheadh? agus c'ar son a tha do chridhe air a chràdh? nach fearr mise dhuit na deich mic?

9 Agus dh'èirich Hanah suas an déigh dhoibh itheadh ann an Siloh, agus an déigh dhoibh òl: (a nìs bha Eli an sagart na shuidhe air cathair làimh ri ursainn ann an teampull an Tighearna.)

10 Agus bha i air a cràdh na h-anam, agus rinn i urnuigh ris an Tighearna, agus ghuil i gu goirt.

11 Agus bhòidich i bòid, agus thubhairt i, O Thighearna nan sluagh, ma dh'amhairceas tu da rìr-eadh air àmhghar do bhan-oglaich, agus gu'n cuimhnich thu orm, agus nach dì-chuimhnich thu do bhan-oglaich, ach gu'n d'thoir thu do d' bhan-oglaich leanabh gille, an sin bheir mi e do'n Tighearna rè uile làithean a bheatha, agus cha d'théid ealtainn air a cheann.

12 Agus an uair a bhvanaich i ri h-urnuigh an làthair an Tighearna, thug Eli fa'near a beul.

13 A nis bha Hanah a' labhairt na cridhe; bha a bilean a mhàin a' gluasad, ach cha chualas a guth: uime sin shaoil Eli gu'n robh i air mhisg.

14 Agus thubhairt Eli rithe, Cia fad a bhios tu air mhisg? cuir air falbh d'fhìon uait.

15 Agus fhreagair Hanah agus thubhairt i, Nì h-eadh, mo thighearna; is bean mise a tha tuirseach a'm spiorad: aon chuid fion no deoch làidir cha d'òl mi, ach dhòirt mi mach m'anam an làthair an Tighearna.

16 Na meas do bhan-oglach mar nighean do Bhelial: oir is ann a ro-mheud mo ghearain agus mo dhoilgheis a labhair mi gus a nis.

17 An sin fhreagair Eli agus thubhairt e, Imich an sìth: agus gu'n d'thugadh Dia Israeil dhuit t'iarrtas a dh'iarr thu air.

18 Agus thubhairt ise, Faigheadh do bhan-oglach deagh-ghean a'd' shùilibh. Agus dh'imich a' bhean roimpe, agus dh'ith i, agus cha robh a gnùis nì b'fhaide dubhach.

19 Agus dh'èirich iad gu moch anns a' mhaduinn, agus rinn iad aoradh an làthair an Tighearna, agus phill iad, agus thàinig iad a dh'ionnsuidh an tighe gu Ramah: agus dh'aithnich Elcanah a bhean Hanah, agus chuimhnich an Tighearna oirre.

20 Uime sin tharladh, an uair a thàinig an t-àm m'an cuairt, an déigh do Hanah fàs torrach, gu'n d'rug i mac; agus thug i Samuel mar ainm air, ag ràdh, Do

<sup>a</sup> o laithibh gu laithibh. Eabh.

<sup>b</sup> thaitneach.

<sup>c</sup> ga cur fa

champar. <sup>d</sup> a' gal.

bhrìgh gu'n d'iarr mi e air an Tigh-earna.

21 Agus chaidh an duine Elcanah agus a thigh uile suas, a dh'ìobradh do'n Tighearna na h-ìobairt bliadhnail, agus a choimhlionadh a bhòide.

22 Agus cha deachaidh Hanah suas: oir thubhairt i r'a fear, *Cha d'thèid mise suas gus an cuirear an leanabh bhàrr na cìche*, agus an sin bheir mi leam e, chum gu'n taisbeanar e am fianuis an Tighearna, agus gu'm fan e 'n singu bràth.

23 Agus thubhairt Elcanah a fear rithe, Dean mar is maith leat; fan gus an cuir thu bhàrr na cìche e; a mhàin daingnicheadh an Tighearn fhocal. Agus dh'fhan a' bhean, agus thug i cìoch d'a leanabh gus an do chuir i bhàrr na cìche e.

24 Agus an uair a chuir i bhàrr na cìche e, thug i suas leatha e, maille ri trì-bliadhnach tairbh<sup>a</sup>, agus aon ephah do mhin mhìn<sup>b</sup>, agus searrag fhìona, agus thug i e do thigh an Tighearna ann an Siloh: agus bha 'n leanabh òg.

25 Agus mharbh iad an tarbh, agus thug iad an leanabh a dh'ionnsuidh Eli.

26 Agus thubhairt i, Mo thigh-earna, mar is beo t'anam, mo thigh-earna, is mis' a' bhean a sheas làimh riut an so, a deanamh urnuigh ris an Tighearna.

27 Air son an leinibh so rinn mi urnuigh; agus thug an Tighearna dhomh m'iarrtus a dh'iarr mi air.

28 Agus uime sin thug mi seachad gu saor e<sup>c</sup> do'n Tighearna: rè uile làithean a bheatha thugadh seachad e<sup>d</sup> do'n Tighearna. Agus rinn e aoradh do'n Tighearna an sin.

#### CAIB. II.

**A** GUS rinn Hanah urnuigh, agus thubhairt i, Tha mo chridhe a' deanamh gàirdeachais anns an Tighearna, dh'ardaicheadh m'adharc anns an Tighearna, rinneadh mo bheul farsaing os cionn mo naimhde, do bhrìgh gu bheil mi aoibhneach ann do shlàinte-sa.

2 Cha'n'eil neach air bith naomha mar an Tighearna; oir cha 'n'eil neach ann ach thu, agus cha 'n'eil carraig ann mar ar Dia-ne.

3 Na labhraibh ni's mò cho ro-uaibhreach, na d'thigeadh ardan<sup>e</sup> a mach as bhur beul; oir is Dia eòlais an Tighearna, agus leisean tha gnìomharan air an cothromachadh<sup>f</sup>.

4 Tha boghanna nan daoine treun

<sup>a</sup> maille ri trì tairbh òga.

<sup>b</sup> do phlùr, do mhin chruihneachd.

<sup>c</sup> thug mi 'n coingheall e.

<sup>d</sup> dh'iarradh e, bheir an coingheall e. <sup>e</sup> seann nithe. <sup>f</sup> cha stiùrar gnìomhara as 'eugmhais-san.

air am briseadh, agus tha iadsan a thuislich air an crìoslachadh le neart.

5 *Iadsan a bha làn*, air son arain thuarasdalaich siad iad fèin; agus *iadsan a bha ocrach*, sguir iad do bhi mar sin: is e a bha roimhe neo-thorach, rug i seachdmar; agus is e aig an robh mòran cloinne, dh'fhàs i fann.

6 'Se 'n Tighearna a mharbhas agus a bheothaicheas: bheir e sìos a dh'ionnsuidh na h-uaghe, agus bheir e nìos.

7 'Se 'n Tighearna a ni bochd, agus a ni beartach: leagaidh e sìos, agus togaidh e suas.

8 Togaidh e 'm bochd o'n duslach; o'n òtrach togaidh e suas am feumach, g'an cur nan suidhe maille ri uachdranaibh, agus a thoirt orra cathair glòire a shealbhadh: oir is leis an Tighearna bunaite na talmhainn, agus shuidhich e an domhan orra.

9 Cosan a naomh gleidhidh e, agus bithidh na h-aingidh tosdach ann an dorchadas; oir le neart cha bhuadhaich duine sam bith.

10 Brisear nam bloighdibh eas-cairdean an Tighearna: as na nèamhaibh ni e tairneanach orra: bheir an Tighearna breth air crìochaibh na talmhainn, agus bheir e neart d'a rìgh, agus ardaichidh e adharc 'Aoin ungta fèin.

11 Agus dh'imich Elcanah gu Ramah d'a thigh; agus fhritheil an leanabh do'n Tighearna am fianuis Eli, an t-sagairt.

12 A nis bu mhic do Bhelial mic Eli; cha b'aithne dhoibh an Tighearna.

13 Agus b'e gnàth nan sagart leis an t-sluagh, an uair a dh'ìobradh duine sam bith ìobairt, gu'n d'thigeadh òglach an t-sagairt, an uair a bha'n fheoil 'ga bruicheadh, agus greimiche-fèda thri meur na làimh:

14 Agus bhuailleadh e san aigh-eann e, no sa' choire bheag, no sa' choire mhòr, no sa' phoit; gach ni a bheireadh an greimiche-fèda suas, ghabhadh an sagart air a shon fèin: mar sin rinn iad ann an Siloh, ris na h-Israelich uile a thàinig an sin.

15 Mar an ceudna mun loisgeadh iad an t-saill, thigeadh òglach an t-sagairt, agus thigeadh e ris an duine a dh'ìobair, Thoir feoil g'a rùstadh do'n t-sagart; oir cha ghabh e uait feoil bhruich, ach amh.

16 Agus nan abradh duine sam bith ris, Na dearmadadh iad an t-saill a losgadh air ball, agus an sin



gabhadh dhuit féin mar is mianu le t'anam: an sin shreagradh e, Ni h-eadh, ach bheir thu *dhomh* a nis; agus mur tabhair, gabhaidh mi a dh'aindeoin.

17 Uime sin bha peacadh nan òganach ro-mhòr am fianuis an Tighearna; oir rinn daoine tarcuais air lobairt an Tighearna.

18 Ach shritheil Samuel an làthair an Tighearna, agus e na leanabh, air a chrìoslachadh le ephod do lion-eudach.

19 Agus rinn a mhàthair dha còta beag, agus thug i d'a ionnsuidh e o bhliadhna gu bliadhna, 'nuair a chaidh i suas maille r'a fear a dh'ìobradh na h-ìobairt bhliadhnail.

20 Agus bheannuich Eli Elcanah, agus a bhean, agus thubhairt e, Gu'n d'thugadh an Tighearna dhuit sliochd o'n mhnaoi so, air son an tiodhlaic a thug i seachad<sup>a</sup> do'n Tighearna. Agus chaidh iad d'an àite féin.

21 Agus dh'amhairc an Tighearn air Hanah, agus dh'fhàs i torrach, agus rug i trì mic, agus dà nighinn: agus dh'fhàs an leanabh Samuel suas am fianuis an Tighearna.

22 A nis bha Eli ro-shean, agus chual' e gach *ni* a rinn a mhic ri h-Israel uile, agus cionnus a luidh iad leis na mnaibh a chruinnich aig dorus pàilliuin a' choimhthionail.

23 Agus thubhairt e riu, C'ar son a tha sibh a' deanamh a leithid so do nithibh? oir tha mi cluinntinn a thaobh bhur droch ghnìomhara o'n t-sluagh so uile.

24 Na *deanaibh mar so*, mo mhic: oir cha sgeul maith a tha mi a' cluinntinn, gu bheil sibh a' toirt air sluagh an Tighearna dol air seacharan<sup>b</sup>.

25 Ma pheacaicheas duine an aghaidh duin' eile, bheir am breith-eamh<sup>c</sup> breth air<sup>d</sup>: ach ma pheacaicheas duine an aghaidh an Tighearna, cò a ghuidheas air a shon? gidheadh cha d'èisd iadsan ri guth an athar, do bhrìgh gu'm bu toil leis an Tighearn am marbhadh.

26 (Agus dh'fhàs an leanabh Samuel suas, agus bha e taitneach araon do'n Tighearna, agus do dhaoinibh.)

27 Agus thàinig duine<sup>e</sup> le Dia dh'ionnsuidh Eli, agus thubhairt e ris, Mar so tha 'n Tighearn ag ràdh, An d'fhoillsich mise gu soilleir mi

féin do thigh t'athar, an uair a bha iad san Eiphit, ann an tigh Pharaioih?

28 Agus an do thagh mi e a treubhaibh Israeil nile *gu bhi* na shagart agam, a dh'ìobradh<sup>f</sup> air m'altair, a losgadh tùis, a dh'iomchar ephoid a'm'fhianuis? agus an d'thug mi do thigh t'athar na tabhartasan uile a bheirear suas le teine le cloinn Israeil?

29 C'ar son a tha sibh a deanamh tàir air s m'ìobairt, agus air mo thabhartas a dh'àithn mi *ann am* àite-còmhnuidh, agus a tha thu a' toirt urraim do d'mhic os mo chionn<sup>g</sup>-sa, gu sibh féin a dheanamh reamhar le roghadh<sup>h</sup> uile thabhartasa mo shluaigh Israeil?

30 Uime sin tha 'n Tighearna Dia Israeil ag ràdh, Thubhairt mi gu deimhin, *gu'n* gluaiscadh do thigh-sa agus tigh t'athar a'm' fhianuis gu bràth: ach a nis tha 'n Tighearn ag ràdh, Gu ma fada sin uamsa; oir dhoiblis an, a bheir urram dhomhsa, bheir mise urram, agus iadsan a ni tàir ormsa, is beag am meas a bhith-eas dhiubh.

31 Feuch, *tha* na làithean a' teachd anns an gearr mi dhìot do ghàirdean, agus gàirdean tighe t'athar, air chor as nach bi seann duine a'd' thigh.

32 Agus chi thu nàmhaid<sup>i</sup> *ann am* àite-còmhnuidh-sa anns an uile shaibhreas a bheir *Dia* do Israel: agus cha bhi seann duine a'd' thigh-sa gu bràth.

33 Agus an duine sin agad nach gearr mi as o m' altair, *bithidh e* a chlaoidh do shùl, agus a chràdh do chridhe: agus bàsaichidh uile ghineal<sup>k</sup> do thighe ann an tréin' an neirt<sup>l</sup>.

34 Agus *bithidh* so na chomhara dhuit, a thig air do dhithis mac air Hophni agus Phinehas: ann an aon là bàsaichidh iad le chéile.

35 Agus togaidh mi suas dhomh féin sagart dileas, a ni mar *a tha e* ann am chridhe, agus ann am inn-tinn; agus togaidh mi dha tigh seasmhach<sup>m</sup>, agus imichidh e am fianuis m' Acin ungta gu bràth.

36 Agus tarlaidh gu'n d'thig gach neach a dh'fhàgar a'd' thigh a chromadh sìos da air son mìr airgid, agus greim arain; agus their e, Cuir mi, guidheam ort, ann an aon do dhreuchdaibh nan sagart, a chum as gu'n ith mi greim arain.

<sup>a</sup> air son an iarrtais a dh'iarr i, air son a' choinghill a thugadh no thug thu.

<sup>b</sup> clonadh, dol a leth-taobh, peacachadh.

<sup>c</sup> Dia; Elohim.

<sup>d</sup> guidhidh daoine ri Dia as a leth.

<sup>e</sup> òglach.

<sup>f</sup> gu dol suas.

<sup>g</sup> a' breabadh an aghaidh. Eabh.

<sup>h</sup> toiseach.

<sup>i</sup> chi thu le doilgheas agus farmad neach eile.

<sup>k</sup> shliochd, fhàs.

<sup>l</sup> nan daoinibh.

<sup>m</sup> cinnteach.

## CAIB. III.

**A**GUS fhritheil an leanabh Samuel do'n Tighearna am fianuis Eli: agus bha focal an Tighearna luachmhor anns na laithibh sin; cha robh taisbeanadh tollaiseach ann.

2 Agus tharladh anns an àm sin, an uair a bha Eli na luidhe na àite; (agus thòisich a shùilean air fàilneachadh<sup>a</sup>: cha b'urrainn e faicinn gu maith.)

3 Agus mun deachaidh lèchran Dhé as, an uair a bha Samuel na luidhe ann an teampull an Tighearna, far an robh àirc Dhé;

4 Gu'n do ghairm an Tighearna air Samuel, agus fhreagair esan, *Tha mi 'n so.*

5 Agus ruith e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus thubhairt esan, Cha do ghairm mise ort; pill, luidh sìos. Agus dh'fhalbh e agus luidh e sìos.

6 Agus ghairm an Tighearna a ris air Samuel. Agus dh'èirich Samuel, agus chaidh e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus fhreagair esan, Cha do ghairm mise ort, a mhic; pill, luidh sìos.

7 A nis cha b'aithne do Shamuel fathast an Tighearna, agus cha d'fhoillsicheadh focal an Tighearna fathast da.

8 Agus ghairm an Tighearna fathast air Samuel an treas uair. Agus dh'èirich e, agus chaidh e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus thuig Eli gu'm b'e'n Tighearna a ghairm air an leanabh.

9 Uime sin thubhairt Eli ri Samuel, Falbh, luidh sìos: agus ma ghairmeas e ort, an sin their thu, Labhair, a Thighearna, oir *tha* do sheirbhiseach a' cluinntinn. Agus dh'fhalbh Samuel, agus luidh e sìos na àite féin.

10 Agus thàinig an Tighearna, agus sheas e, agus ghairm e mar air na h-uairibh eile, A Shamueil, a Shamueil, An sin fhreagair Samuel, Labhair, oir *tha* do sheirbhiseach a' cluinntinn.

11 Agus thubhairt an Tighearna ri Samuel, Feuch, ni mi nà ann an Israel, a ni gaoir<sup>b</sup> ann an dà chluais gach neach a chluinneas e.

12 Anns an là sin, coimhlionaidh<sup>c</sup> mi an aghaidh Eli na nithe sin uile a labhair mi mu thìomechioll a thighe: tòisichidh mi agus crìochnaichidh mi.

13 Oir dh'innis mi dha gu'n d'thoir mi breth air a thligh gu

bràth, air son na h-aingidheachd air am bheil e nosrach; a chionn gu 'n d'thug a mhic masladh dhomhsa<sup>d</sup>, agus nach do chaisg<sup>e</sup> esan iad.

14 Agus uime sin mhionnaich mi do thigh Eli, nach glanar as aingidheachd tighhe Eli le h-iobairt, no le tabhartas gu bràth.

15 Agus luidh Samuel gu ma-duinn, agus dh'fhosgail e dorsan tighhe an Tighearna: agus bha eagal air Samuel an taisbeanadh innseadh do Eli.

16 An sin ghairm Eli air Samuel, agus thubhairt e, A Shamueil a mhic. Agus thubhairt esan, *Tha mi 'n so.*

17 Agus thubhairt e, Ciod an ni a chaidh ràdh<sup>f</sup> riut? na ceil ormsa e, guidheam ort: gu'n deanadh Dia mar sin riut, agus tuilleadh mar an ceudna, ma cheileas tu ni air bith orm, do gach ni a chaidh ràdh<sup>g</sup> riut.

18 Agus dh'innis Samuel dha na h-uile nithe, agus cha do cheil e ni sam bith air. Agus thubhairt esan, *Is e 'n Tighearna a th'ann*: an ni sin a ta maith na shùilibh ni e.

19 Agus dh'fhàs Samuel suas, agus bha 'n Tighearna maille ris, agus cha do leig e do h-aon air bith d'a fhoclaidh tuiteam a dh'ionnsuidh an làir.

20 Agus bha fios aig Israel uile o Dhan gu ruig Beer-seba gu'n d'orduicheadh<sup>g</sup> Samuel na fhàidh do'n Tighearna.

21 Agus thaisbeineadh an Tighearna a ris ann an Siloh; oir dh'fhoillsich an Tighearna e féin do Shamuel ann an Siloh, le focal an Tighearna.

## CAIB. IV.

**A**GUS thàinig focal Shamueil a dh'ionnsuidh Israeil uile. A nis chaidh Israel a mach an aghaidh nam Philisteach gu cath, agus champaich iad làimh ri Ebeneser: agus champaich na Philistich ann an Aphec.

2 Agus tharruing na Philistich iad féin suas an ordugh blàir an aghaidh Israeil: agus chuireadh an cath, agus bhuaileadh Israel roimh na Philistich: agus mharbh iad anns a' chath sa' mhachair mu thimchioll ceithir mìle fear.

3 Agus an uair a thàinig an sluagh do'n champ, thubhairt seanairean Israeil, C'ar son a bhuail an Tighearna sinn an diugh an làthair nam Philisteach? Thugamaid d' ar n-

<sup>d</sup> gu'n d' rinn a mhic iad féin mall-  
aichte. <sup>e</sup> choisg, thoir misg.

<sup>f</sup> a thubhairt an Tighearna.

<sup>g</sup> do dhaingnicheadh.

<sup>a</sup> chaidh air a léirsinn.

<sup>b</sup> faaim.

<sup>c</sup> dùisgidh.

ionnsuidh a Siloh àirc coimhcheangail an Tighearna, chum 'nuair a thig i 'nar measg gu'n saor i sinn a làimh ar naimhde.

4 Agus chuir an sluagh daoine gu Siloh, a chum gu'n d'thugadh iad as sin àirc coimhcheangail Tighearna nan sluagh, a tha chòmhnuidh eadar na Cheruban : agus bha dithis mhac Eli, Hophni agus Phinehas, an sin maille ri àirc coimhcheangail Dé.

5 Agus an uair a thàinig àirc coimhcheangail an Tighearna do'n champ, dh'èigh Israel uile le h-iolaich<sup>a</sup> mhèir, agus fhreagair an talamh do'n fhuaim.

6 Agus chuala na Philistich fuaim na h-iolaich, agus thubhairt iad, Ciod is ciall do fhuaim na h-iolaiche mòire so ann an camp nan Eabhruidheach? Agus thuig iad gu'n robh àirc an Tighearna air teachd do'n champ.

7 Agus bha eagal air na Philistich, oir thubhairt iad, Tha diathan<sup>b</sup> air teachd do'n champ : agus thubhairt iad, Mo thruaighe sinne ! oir cha robh a leithid so do ni riamh roimhe ann :

8 Mo thruaighe sinne ! cò a shaoras sinn a làimh nan diatha cumhachdacha sin ? is iad sin na diathan a bhuail na h-Eiphitich leis gach plàigh, agus a rinn nithe iongantach anns an fhàsach.

9 Bithibh làidir, agus bithibh fearail, O sibhse Philisteacha, a chum nach bi sibh 'nar tràillibh aig na h-Eabhruidhich, mar a bha iadsan nan tràillean agaibhse : bithibh ma ta fearail, agus cogaibh.

10 Agus chog na Philistich ; agus bhuaileadh Israel, agus theich gach duine dhiubh a dh'ionnsuidh a bhùtha : agus bha àir ro-mhòr ann ; oir thuit do Israel deich mìle fichead coisiche.

11 Agus ghlacadh àirc Dhé ; agus fhuair dithis mhac Eli, Hophni agus Phinehas, bàs.

12 Agus ruith duine do Bheniamin a mach as an armailt<sup>c</sup>, agus thàinig e gu Siloh air an là sin féin, agus 'eudach air a reubadh<sup>d</sup>, agus duslach air a cheann.

13 Agus an uair a thàinig e, feuch, bha Eli na shuidhe air cathair làimh ris an t-slighe, a' coimhead<sup>e</sup> : oir bha a chridhe air chrith air son àirc Dhé. Agus an uair a thàinig an duine do'n bhaile, agus a dh'innis se e, dh'èigh am baile uile.

14 Agus an uair a chual' Eli fuaim na h-èighich, thubhairt e, Ciod is ciall do fhuaim na conghair so ? agus

rinn an duine cabhag, agus thàinig e, agus dh'innis e do Eli.

15 A nis bha Eli ochd bliadhna deug agus ceithir fichead a dh'aois : agus bha a shùilean mall<sup>f</sup>, air chor as nach faiceadh e gu maith.

16 Agus thubhairt an duine ri Eli, Is mise esan a thàinig a mach as an armailt, agus theich mise 'n diugh as an armailt. Agus thubhairt esan, Ciod a thachair, a mhic ?

17 Agus fhreagair an teachdaire agus thubhairt e, Theich Israel roimh na Philistich, agus mar an ceudna bha àr mòr am measg an t-sluaigh, agus mar an ceudna tha do dhithis mhac Hophni agus Phinehas marbh, agus ghlacadh àirc Dhé.

18 Agus an uair a dh'ainmich e àirc Dhé, thuit e bhàrr na cathrach an comhair a chùil làimh ris a' gheatadh, agus bhriseadh 'amhach, agus fhuair e bàs ; oir bha e na sheann duine, agus trom. Agus thug e breth air Israel dà fhichead bliadhna.

19 Agus bha a bhan-chliamhuin, bean Phinehas, torrach, dlùth do bhi air a h-aisead<sup>g</sup> : agus an uair a chual' i 'n sgeul gu'n do ghlacadh àirc Dhé, agus gu'n robh a h-athair-céile marbh, agus a fear, chrom si i féin, agus rug i mac ; oir thàinig a saothair-chloinne oirre.

20 Agus mu àm a bàis, thubhairt na mnà, a bha seasamh làimh rithe, Na biodh eagal ort, oir rug thu mac. Ach cha do fhreagair ise, ni mò a thug i fa'near e.

21 Agus thug i Ichabod mar ainm air an leanabh, ag ràdh, Dh'fhalbh a' ghàir o Israel : (do bhrìgh gu'n do ghlacadh àirc Dhé, agus air son a h-athair-céile agus a fir.)

22 Agus thubhairt i, Dh'fhalbh a' ghàir o Israel ; oir ghlacadh àirc Dhé.

## CAIB. V.

AGUS ghabh na Philistich àirc Dhé, agus thug iad leo i o Ebeneser gu Asdod.

2 An sin ghabh na Philistich àirc Dhé, agus thug iad i do thigh Dhagoin, agus shuidhich iad i làimh ri Dagon.

3 Agus an uair a dh'éirich muinntir Asdoid gu moch air an là màireach, feuch, bha Dagon air tuèteam air 'aghaidh dh'ionnsuidh an làir fa chomhair àirc an Tighearna : agus ghabh iad Dagon, agus chuir iad a ris e na àite féin.

4 Agus an uair a dh'éirich iad gu moch sa' mhadainn air an là màireach, feuch, bha Dagon air tuèteam

<sup>a</sup> gàir.<sup>b</sup> Dia.<sup>c</sup> as a' chath.<sup>d</sup> shrachdadh.<sup>e</sup> a' faire.<sup>f</sup> rag, tròm ; sheas a shùilean. Eabh.<sup>g</sup> asaid.

air 'aghaidh dh'ionnsuidh an làir fa chomhair àirc an Tighearna: agus bha ceann Dhagoin, agus da bhois a làmh air an gearradh dheth aig an stairnich: dh'fhàgadh a mhàin com Dhagoin aige.

5 Uime sin cha saltair sagairt Dhagoin, no neach air bith a théid a steach do thigh Dhagoin, air stairnich Dhagoin ann an Asdod, gus an la 'n diugh.

6 Ach bha làmh an Tighearna trom air muinntir Asdoid, agus sgrios<sup>a</sup> e iad, agus bhuail e iad le neasgaidean fola<sup>b</sup>, eadhon Asdod agus a chrìocha.

7 Agus an uair a chunnaic daoine Asdoid gu'n robh e mar sin, thubhairt iad, Cha 'n fhan àirc Dhé Israeil maille ruinne; oir tha a làmh trom<sup>c</sup> oirnn, agus air Dagon ar Dia.

8 Uime sin chuir iad fios uatha, agus chruinnich iad uile thighearnan<sup>d</sup> nam Philisteach d'an ionnsuidh, agus thubhairt iad, Ciod a ni sinn ri àirc Dhé Israeil? Agus fhreagair iadsan, Thugar àirc Dhé Israeil m'an cuairt gu Gat. Agus thug iad m'an cuairt àirc Dhé Israeil gu Gat.

9 Agus an uair a thug iad m'an cuairt i, bha làmh an Tighearna an aghaidh a' bhaile le sgrios ro-mhòr, agus bhuail e daoine a' bhaile eadar bheag agus mhòr; agus bha neasgaidean fola aca nan àitibh dìomhair.

10 Uime sin chuir iad air falbh àirc Dhé gu Hecron; agus an uair a bha àirc Dhé air teachd gu Hecron, dh'éigh na Hecronaich, ag ràdh, Thug iad m'an cuairt d'an n-ionnsuidh-ne àirc Dhé Israeil, gu sinn féin a mharbhadh, agus ar sluagh.

11 Uime sin chuir iad fios uatha, agus chruinnich iad uile thighearnan nam Philisteach, agus thubhairt iad, Cuiribh air falbh àirc Dhé Israeil, agus rachadh i air a h-ais d'a h-àite féin, a chum as nach marbh i sinn féin agus ar sluagh: oir bha sgrios bàis anns a' bhaile uile; bha làmh Dhé ro throm an sin.

12 Agus na daoine nach do bhàsaich, bhuailleadh iad le neasgaidean fola; agus chaidh eighreach<sup>e</sup> a' bhaile suas gu nèamh.

CAIB. VI.

**A**GUS bha àirc an Tighearn ann am fearann nam Philisteach seachd mìosan.

2 Agus ghairm na Philistich air na sagartaibh, agus air na fiosaichibh, ag ràdh, Ciod a ni sinn ri àirc

an Tighearna? thugaibh fios duinn cionnus a chuireas sinn air falbh i d'a h-àite féin.

3 Agus thubhairt iadsan, Ma chuireas sibh air falbh àirc Dhé Israeil, na cuiribh uaibh falamh i; ach air gach uile chor ìocaibh<sup>f</sup> dha tabhartas-eusaontais: an sin slàn-uchéar sibh, agus bithidh fios agaibh c'ar son nach do phill a làmh uaibh.

4 An sin thubhairt iad, Ciod an tabhartas eusaontais a dh'ìocas sinn da? Agus fhreagair iadsan, Cùig neasgaidean òir, agus cuig luchaidh òir, a réir àireimh thighearnan nam Philisteach; oir bha aon philàigh oirbh uile, agus air bhur tighearnaibh.

5 Uime sin ni sibh dealbhan bhur neasgaidean, agus dealbhan bhur luchaidh, a tha milleadh na tìre; agus bheir sibh glòir do Dhia Israeil: theagamh gu'n eutromaich e a làmh dhìbh, agus do bhur déibh, agus do bhur tìr.

6 C'ar son uime sin a chruaidhicheas sibh bhur cridhe, mar a chruaidhich na h-Eiphitich agus Pharaoh an cridhe? an uair a rinn e gu h-iongantach nam measg, nach do leig iad an sluagh air falbh, agus dh'imich iad?

7 A nis uime sin deanaibh feun nomhas, agus gabhaibh dà mhart-bhainne, air nach deachaidh cuing; agus ceanglaidh sibh na mairt ris an fheun, agus bheir sibh an laoigh dhachaidh uatha.

8 Agus gabhaidh sibh àirc an Tighearna, agus cuiridh sibh i air an fheun; agus cuiridh sibh na feudan òir, a dh'ìocas sibh dha mar thabhartas-eusaontais, ann an cobhan<sup>h</sup> r'a taobh, agus cuiridh sibh air falbh i, a chum as gu'n imich i.

9 Agus chi sibh, ma théid i suas rathad a crìche féin gu Bet-emes, an sin rinn e an t-òlc mòr so oirnn: ach mur d'théid, an sin bithidh fios againn nach i a làmh-san a bhuail sinn; is tuiteamas a thàinig oirnn.

10 Agus rinn na daoine mar sin: agus ghabh iad dà mhart-bhainne, agus cheangail iad ris an fheun iad, agus dhruid<sup>i</sup> iad an laoigh a stigh.

11 Agus chuir iad àirc an Tighearna air an fheun, agus an cobhan leis na luchaidh òir, agus dealbhan an neasgaidean fola.

12 Agus ghabh na mairt an rathad dìreach gu slighe Bhet-semeis; air an rathad mhòr dh'imich iad, a 'geumnaich mar a dh'imich iad, agus cha do thionndaidh iad a leth-taobh a

<sup>a</sup> dh'fhàsaich.

<sup>c</sup> cruaidh.

<sup>e</sup> glaoth.

<sup>b</sup> hemorrhoids.

<sup>d</sup> uachdarana.

<sup>f</sup> thugaibh air ais.

<sup>h</sup> ciste.

<sup>i</sup> ghléidh.

<sup>g</sup> cairt nuadh.



dh'ionnsuidh na làimhe deise, no na làimhe clìthe; agus chaidh tigh-earnan nam Philisteach nan déigh gu crìch Bhet-semeis.

13 Agus bha muinntir Bhet-semeis a buain an cruithneachd anns a' ghleann; agus thog iad suas an sùilean, agus chunnaic iad an àirc, agus rinn iad gairdeachas 'nuair a chunnaic iad i.

14 Agus thàinig am feun gu achadh Iosua a' Bhet-semesich, agus sheas e 'n sin, far an robh clach mhòr; agus sgoilt iad fiodh an fheuma, agus thug iad suas na mairt nan ìobairt-loisgte do'n Tighearna.

15 Agus thug na Lebhithich sìos àirc an Tighearna, agus an cobhan a bha maille rithe, anns an robh na seudan òir, agus chuir iad air a' chloich mhòr iad: agus thug daoine Bhet-semeis suas tabhartais-loisgte, agus dh'ìobair iad ìobairte san la sin féin do'n Tighearna.

16 Agus an uair a chunnaic cùig tighearnan nam Philisteach e, phill iad gu Hecron 'san là sin féin.

17 Agus is iad so na ceasgaidean òir, a dh'ìoc na Philistich mar thabh-artas-eusaontais do'n Tighearna; air son Asdoid aon, air son Ghasa aon, air son Asceloin aon, air son Ghat aon, air son Hecroin aon:

18 Agus na luchaidh òir, a rèir àireimh uile bhailte nam Philisteach, a bhuineadh do na cùig tighearnan, araon bhailte daingnichite agus bhailte gun bhalladh, eadhon gu ruig a' chlach mhòr, air an do chuir iad sìos àirc an Tighearna, clach a tha làthair gus an la 'n diugh ann an achadh Iosua a' Bhet-semesich.

19 Ach bhuail e daoine Bhet-semeis, a chionn gu'n do sheall iad air àirc an Tighearna; bhuail e eadhon do'n t-sluagh trì fichead agus deichnear fhear<sup>a</sup>: agus rinn an sluagh caoidh, do bhrìgh gu'n do bhuail an Tighearna cuid<sup>b</sup> do'n t-sluagh le plàigh<sup>b</sup> mhòir.

20 Agus thubhairt daoine Bhet-semeis, Cò is urrainn seasamh an làthair an Tighearna Dé naomha so? agus cia dh'ionnsuidh a théid i<sup>c</sup> suas uainne?

21 Agus chuir iad teachdairean a dh'ionnsuidh luchd - àiteachaidh Chiriat-iearim, ag ràdh, Thug na Philistich air a h-ais àirc an Tighearna; thigibh a nuas, thugaibh suas i d'ar n-ionnsuidh.

#### CAIB. VII.

AGUS thàinig daoine Chiriat-iearim, agus thug iad suas àirc

<sup>a</sup> tri fichead agus deichnear fhear, agus leth-cheud mìle fear.

<sup>b</sup> àr, sgrios.

an Tighearna, agus thug iad a steach i do thigh Abinadaib ann an Gibeah<sup>d</sup>, agus naomhaich iad a mhac Eliasar, a ghleidheadh àirc an Tighearna.

2 Agus tharladh, o'n là a dh'fhan an àirc ann an Chiriat-iearim, gu'n robh an aimsir fad, (oir bha fichead bliadhna ann) agus rinn tigh Israeil uile caoidh an déigh an Tighearna.

3 Agus labhair Samuel ri uile thigh Israeil, ag ràdh, Ma philleas sibh a dh'ionnsuidh an Tighearna le'r n-uile chridhe, an sin cuiribh air falbh na diathan coimheach as bhur measg, Baalim agus Astarot; agus ulluichibh bhur cridhe a chum an Tighearna, agus deanaibh seirbhis dhasan a mhàin, agus saoraidh e sibh a làimh nam Philisteach.

4 An sin chuir clann Israeil air falbh Baalim agus Astarot, agus rinn iad seirbhis do'n Tighearna a mhàin.

5 Agus thubhairt Samuel, Cruinn-ichibh Israel uile gu Misphe, agus ni mise urnuigh air bhur son ris an Tighearna.

6 Agus chruinnich iad an ceann a chèile gu Misphe, agus tharruing iad uisge, agus dhòirt iad a mach e an làthair an Tighearna, agus throisg iad air an la sin, agus thubhairt iad an sin, Pheacaich sinn an aghaidh an Tighearna. Agus thug Samuel breth air cloinn Israeil ann am Misphe.

7 Agus chuala na Philistich gu'n robh clann Israeil air cruinneachadh an ceann a chèile gu Misphe, agus chaidh tighearnan nam Philisteach suas an aghaidh Israeil: agus an uair a chuala clann Israeil e, bha eagal orra roimh na Philistich.

8 Agus thubhairt clann Israeil ri Samuel Na sguir do ghlaodhaich ris an Tighearna ar Dia air ar son, a chum as gu'n saor e sinn a làimh nam Philisteach.

9 Agus ghabh Samuel uan deothail<sup>e</sup>, agus thug e suas e uile mar ìobairt-loisgte do'n Tighearna; agus ghlaodh Samuel ris an Tighearna air son Israeil, agus chual' an Tighearna e.

10 Agus an uair a bha Samuel a' toirt suas na h-ìobairt-loisgte, tharruing na Philistich am fagus gu cath an aghaidh Israeil: ach rinn an Tighearna tairneanach le fuaim<sup>f</sup> mhòir 'san là sin air na Philistich, agus chlaoidh e iad, agus bhuail eadh iad roimh Israel.

11 Agus chaidh fir Israeil a mach

<sup>c</sup> i. e. an àirc.

<sup>d</sup> anns a' chnoc.

<sup>e</sup> bainne. Eabh,

<sup>f</sup> torainn.

a Misphe, agus ruaig<sup>a</sup> iad na Philistich, agus bhuail siad iad, gus an d'fhàinig iad fuidh Bheth-car.

12 An sin ghabh Samuel clach, agus shuidhich e i eadar Misphe agus Sen; agus thug e Ebeneser<sup>b</sup> mar ainm oibre, agus thubhairt e, Gu ruige so chuidich an Tighearna leinn.

13 Agus dh'irioslaicheadh<sup>c</sup> na Philistich, agus cha d'fhàinig iad tuille gu crìch Israeil: agus bha làmh an Tighearna an aghaidh nam Philisteach uile làithean Shamueil.

14 Agus thugadh na bailtean a ghlac na Philistich o Israel, air an ais do Israel, o Hecron eadhon gu Gat; agus shaor Israel an crìochan a làimh nam Philisteach; agus bha sìth eadar Israel agus na h-Amorach.

15 Agus thug Samuel breth air Israel re uile làithean a bheatha.

16 Agus chaidh e o bhliadhna gu bliadhna m'an cuairt gu Betel, agus Gilgal, agus Misphe, agus thug e breth air Israel anns na h-àitibh sin uile.

17 Agus bha 'theachd air ais gu Ramah; oir an sin bha a thigh: agus an sin thug e breth air Israel, agus an sin thog e altair do'n Tighearna.

#### CAIB. VIII.

**A** NIS an uair a bha Samuel aosda, chuir e a mhic nam breith-eamhnaibh os cionn Israeil.

2 Agus b'e ainm a cheud-ghin mic Ioel, agus ainm a dhara mic Abiah: bha iad nam breitheamhnaibh ann am Beer-seba.

3 Agus cha do ghluais a mhic na shligheibh-san, ach chlaon iad an déigh tairbhe<sup>d</sup>, agus ghabh iad duais<sup>e</sup>, agus dh'fhiar iad breitheanas.

4 An sin chruinnich uile shean-airean Israeil iad féin an ceann a chéile, agus thàinig iad a dh'ionnsuidh Shamueil gu Ramah.

5 Agus thubhairt iad ris, Feuch, tha thusa air fàs aosda, agus cha 'n'eil do mhic a' gluasad ann do shligheibh: a nis ma ta dean dhuinne rìgh gu breth a thoirt oirnn, mar na cinnich uile.

6 Ach mhi-thaitinn an ni ri Samuel<sup>f</sup>, an uair a thubhairt iad, Thoir dhuinn rìgh gu breth a thoirt oirnn: agus rinn Samuel urnuigh ris an Tighearna.

7 Agus thubhairt an Tighearna ri Samuel, Eisd ri guth an t-sluaigh

anns gach ni a their iad riut: oir riut-sa cha do chuir iad cùl, ach riun-sa chuir iad cùl, a chum nach rìoghaichinn os an ceann.

8 A réir nan uile oibre a rinn iad o'n là anns an d'thug mi nìos iad as an Eiphit, gu ruig an là 'n diugh, leis an do thréig iad mi, agus an d'rinn iad seirbhis do dhiathaibh eile, mar so tha iad a' deanamh mar an ceudna riut-sa.

9 A nis uime sin éisd r'an guth: gidheadh bheir thu gu cinnteach fianuis nan aghaidh, agus cuiridh tu 'n céill dhoibh lagh<sup>g</sup> an rìgh a rìoghaicheas os an cionn.

10 Agus dh'innis Samuel uile bhriathran an Tighearna do'n t-sluaigh, a bha 'g iarraidh rìgh air.

11 Agus thubhairt e, So mar a bhitheas lagh an rìgh a rìoghaicheas os bhur cionn: Gabhaidh e bhur mic, agus orduichidh e dha féin iad a chum a charbadan, agus gu bhi nam marcaich aige, agus gu ruith roimh a charbadaibh;

12 Agus gu'n cur nan ceannardaibh dha féin air mhìltibh, agus nan ceannardaibh air leth-cheudaibh, agus a dh'ar 'fhearainn<sup>h</sup>, agus a bhuaibh 'fhogharaidh, agus a dheanamh innil cogaidh air a shon, agus innil air son a charbada.

13 Agus gabhaidh e bhurnigheana a dheanamh oladh ungaidh cùbha-raidh, agus gu bhi nam ban-chòca-airibh, agus nam ban-fhuinead-airibh.

14 Agus gabhaidh e bhur n-achaidh, agus bhur fion-liosan, agus bhur liosan-olaidh, eadhon a' chuid a's fearr dhiubh, agus bheir e iad d'a òglachaibh.

15 Agus gabhaidh e an deachamh d'ar sìol, agus d'ar fion-liosaibh, agus bheir e d'a luchd-dreuchd e, agus d'a òglachaibh.

16 Agus gabhaidh e bhur n-òg-laich-sa agus bhur ban-òglaich, agus na h-òganaich a's fearr agaibh, agus bhur n-asail, agus cuiridh e chum 'oibre féin iad.

17 Gabhaidh e an deachamh d'ar caoraich: agus bithidh sibh 'nar seirbhisich aige.

18 Agus glaothaidh sibh a mach 'san là sin o làthair bhur rìgh a thagh sibh dhuibh féin; agus cha 'n éisd an Tighearna ribh 'san là sin.

19 Gidheadh dhiùlt an sluaigh éisdeachd ri guth Shamueil, agus thubhairt iad, Ni h-eadh; ach bithidh rìgh againne os ar cionn:

20 Agus bithidh sinne mar an ceudna mar na cinnich uile, agus bheir ar rìgh breth oirnn, agus thèid

<sup>a</sup> lean.

<sup>b</sup> i. c. clach a' chuid-

eachaidh. <sup>c</sup> cheannsaicheadh.

<sup>d</sup> sannt.

<sup>e</sup> tiodhlacan.

<sup>f</sup> bha an ni olc ann an sùilibh Shamueil.

<sup>g</sup> riaghailt, seòl.

<sup>h</sup> chum a

threabheadh a threabhadh.

e mach romhainn, agus cuiridh <sup>a</sup> e ar cathan.

21 Agus chuala Samuel uile bhriathran an t-sluaigh, agus dh'aithris e iad ann an cluasaibh an Tighearna.

22 Agus thubhairt an Tighearna ri Samuel, Eisd r'an guth, agus dean righ dhoibh. Agus thubhairt Samuel ri fir Israeil, Rachaidh gach duine dhibh d'a bhaile féin.

## CAIB. IX.

**A** NIS bha duine do Bheniamin, d'am b'ainm Cis, mac Abieil, mhic Sheroir, mhic Bhechorait, mhic Aphiah, Benjaminich, duine treun ann an neart.

2 Agus bha mac aige, d'am b'ainm Saul, roghadh òig-fhir, agus e tlachdmhor <sup>b</sup>; agus cha robh am measg chloinn Israeil fear bu tlachdmhoire na e: o 'ghuaillibh agus o sin suas b'airde e na 'n sluagh uile.

3 Agus chailleadh asail Chis, athar Shaul: agus thubhairt Cis r'a mhac Saul, Thoir leat a nis aon do na h-òganaich, agus éirich, falbh, iarr na h-asail.

4 Agus chaidh e troimh mhonadh Ephraim, agus chaidh e troimh thir Shalisa, ach cha d'fhuair siad iad: an sin chaidh e troimh thir Shalim, agus cha robh iad an sin: agus chaidh e troimh thir nam Beniamineach, ach cha d'fhuair siad iad.

5 Agus an uair a thàinig iad gu tìr Shuph, thubhairt Saul r'a òganach a bha maille ris, Thig agus pilleamaid, air eagal gu'n leig m'athair dheth a chùram mu na h-asail, agus gu'm bi smuaircan air m'ar timchioll-ne.

6 Agus thubhairt esan ris, Feuch a nis, tha duine le Dia anns a' bhaile so, agus is duine urramach e; thig gach ni a their e gu cinnteach gu crìch: a nis ma ta rachamaid an sin; theagamh gu'n innis e dhuinn ar slighe, air an còir dhuinn gluasad.

7 An sin thubhairt Saul r'a òganach, Ach feuch, ma théid sinn, ciod a bheir sinn a dh'ionnsuidh òglaich <sup>d</sup> Dhé? oir chaitheadh an t-aran 'nar soithichibh, agus cha 'n'eil tiodhlac ann ri thoirt a dh'ionnsuidh òglaich Dhé: ciod ma ta a ni sinn?

8 Agus fhreagair an t-òganach Saul a ris, agus thubhairt e, Feuch, tha agam an so a'm làimh an ceathramh cuid do shecel airgid: sin bheir mi do òglach Dhé, agus innsidh e dhuinn ar slighe.

9 (O shean e ann an Israel, an uair a rachadh duine a dh'fhiòsrachadh

do Dhia, mar so labhradh e, Thigibh, agus rachamaid a dh'ionnsuidh an fhir-sheallaidh <sup>f</sup>: oir esan ris an abrar a nis fàidh, o shean theirte fear-seallaidh ris.)

10 An sin thubhairt Saul r'a òganach, Is maith a labhair thu, thig, imicheamaid: agus dh'imich iad do'n bhaile, far an robh òglach Dhé.

11 Agus an uair a chaidh iad suas uchdach a' bhaile, fhuair iad gruag-aichean a' dol a mach a tharruing uisge, agus thubhairt iad riu, Am bheil am fear-seallaidh an so?

12 Agus fhreagair iadsan iad, agus thubhairt iad, Tha; feuch tha e roimhibh: deanaibh cabhag <sup>h</sup> a nis, oir an diugh tha e air teachd do'n bhaile: oir tha lobairt aig an t-sluagh an diugh anns an ionad ard.

13 An uair a théid sibh a steach do'n bhaile, air ball gheibh sibh e, mun d'théid e suas do'n ionad ard a dh'itheadh: oir cha 'n ith an sluagh gus an d'thig e, a chionn gu'm beannaich e an lobairt, agus an déigh sin ithidh iadsan a chuireadh. A nis uime sin rachaibh suas, oir mu'n àm so gheibh sibh e.

14 Agus chaidh iad suas do'n bhaile: agus an uair a bha iad a' dol a steach gu meadhon a' bhaile, feuch, thàinig Samuel a mach nan coinncamh, gu dol suas do'n ionad ard.

15 A nis dh'innis <sup>i</sup> an Tighearna ann an cluais Shamueil, la mun d'thàinig Saul, ag ràdh,

16 Mu'n àm so an màireach cuiridh mi a'd' ionnsuidh duine a tìr Bheniamin, agus ungaidh tu e na cheannard air mo shluagh Israel, agus saoraidh e mo shluagh a làimh nam Philisteach; oir dh'amhairc mi air mo shluagh, a chionn gu'n d'thàinig an glaoth a m' ionnsuidh.

17 Agus an uair a chunnaic Samuel Saul, thubhairt an Tighearna ris, Feuch an duine mu'n do labhair mi riut: rìoghaichidh esan os cionn mo shluagh.

18 An sin thàinig Saul am fagus do Shamuel anns a' gheatadh <sup>k</sup>, agus thubhairt e, Innis dhomh, guidheam ort, c'àit an bheil tigh an fhir-sheallaidh?

19 Agus fhreagair Samuel Saul, agus thubhairt e, Is mise am fear-seallaidh: gabh suas romham do'n ionad ard, agus ithidh sibh <sup>l</sup> maille rium-sa an diugh; agus leigidh mi leat falbh sa' mhaduinn, agus gach

<sup>f</sup> an fheuchadoir.

<sup>g</sup> romhad.

Eabh. <sup>h</sup> dean cabhag. Eabh.

<sup>i</sup> thaisbein, dh'fhoillsich. Eabh.

<sup>k</sup> am meadhon a' bhaile.

<sup>l</sup> tu.

<sup>a</sup> cogaidh. <sup>b</sup> maith, <sup>c</sup> luinn.

<sup>d</sup> iad. <sup>e</sup> duine. Eabh.

<sup>f</sup> Roimhe.

ni a ta ann do chridhe innsidh mi dhuit.

20 Agus a thaobh nan asal agad a chailleadh o cheann tri laithean, na suidhich t'inntinn orra, oir fhuaradh iad: agus cò air *am bheil* uile dhéigh Israeil<sup>a</sup>? nach ann ortsa, agus air uile thigh t'athar?

21 Agus fhreagair Saul agus thubhairt e, Nach Beniamineach mise do'n treubh a's lugha ann an Israel? agus *nach e* mo theaghlach a's lugha do uile theaghlachibh tréibhe Bheniamin? c'ar son uime sin a tha thu labhairt rium-sa air an dòigh so?

22 Agus ghabh Samuel Saul agus 'dganach, agus thug e steach iad do'n t-seòmar-chuirm, agus thug e àite-*suidhe* dhoibh aig ceann-toisich nan daoine a chaidh chuireadh, agus iad mu thimchioll deich fir fhichead.

23 Agus thubhairt Samuel ris a' chòcaire, Thoir *dhomh* a' chuibh-rionn a thug mi dhuit, mu'n dubhairt mi riut, Cuir làimh riut i.

24 Agus thog an còcaire an slinnein, agus an *ni* a *bha* air, agus chuir e fa chomhair Shaul e, agus thubhairt Samuel, Feuch, cuir an *ni* sin a dh'fhàgadh air do bheul-aobh, agus ith; oir dh'ionnsuidh an àm so ghleidheadh dhuit e, o thubhairt mi, Thug mi cuireadh do'n t-sluagh. Agus dh'ith Saul maille ri Samuel air an là sin.

25 Agus an uair a thàinig iad a nuas o'n ionad ard do'n bhaile, labhair Samuel ri Saul air mullach an tighe.

26 Agus dh'éirich iad gu moch: agus mu bhriseadh na fàire, ghairm Samuel air Saul gu mullach an tighe, ag ràdh, Eirich, a chum gu'n leig mi air falbh thu. Agus dh'éirich Saul, agus chaidh iad a mach le chéile, e fén agus Samuel.

27 Agus an uair a bha iad a' dol sìos gu iomall a' bhaile, thubhairt Samuel ri Saul, Abair ris an 'dganach dol air aghaidh romhainn, (agus chaidh e air aghaidh :) ach seas thusa tamull, agus cuiridh mi 'n céill dhuit focal Dé.

# CAIB. X.

**A**N sin ghabh Samuel corn<sup>b</sup> ola, agus dhoirt e air a cheann e, agus phòg se e, agus thubhairt e, Nach ann a chionn gu'n d'ung an Tighearn thu *gu bhi* d'cheannard air 'oighreachd fén?

2 Nuair a dh'imicheas tu 'n diugh uam-sa, an sin gheibh thu dithis dhaoine làimh ri uaigh Racheil, ann an crìch Bheniamin ann an Selsah:

<sup>a</sup> d'am buine uile nithe taitneach Isracil.

<sup>b</sup> gloin.

agus their iad riut, Fhuaradh na h-asail a chaidh thu a dh'iarraidh; agus feuch, leig t'athair dheth cùram nan asal, agus tha smuairin air m'ar timchioll-sa, ag ràdh, Ciod a ni mi air son mo mhic?

3 An sin théid thu air t'aghaidh as sin, agus thig thu dh'ionnsuidh còmhnaire<sup>c</sup> Thaboir, agus coinnichidh thu 'n sin triuir dhaoine a' dol suas a dh'ionnsuidh Dhé gu Betel, aon *diubh* a' giùlan thri meann, agus aon *eile* a' giùlan thri builinnean arain, agus aon *eile* a' giùlan searraig fhiona.

4 Agus cuiridh iad fàilte ort, agus bheir iad dhuit dà *bhuilinn* arain, agus gabhaidh tu as an làimh iad.

5 Na dhéigh sin thig thu gu cnoc Dhé, far *am bheil* freiceadan nam Philisteach: agus tarlaidh 'nuair a thig thu an sin do'n btaile, gu'n coinnich thu cuideachd fhàidhean a' teachd a nuas o'n ionad ard, le saltair, agus tiompan, agus plob, agus clàrsach rompa, agus iad ri fàidheadoireachd.

6 Agus tuirlingidh<sup>d</sup> spiorad an Tighearn ort, agus ni thu fàidheadoireachd maille riu-san, agus tionndaidhear<sup>e</sup> thu a'd' dhuine eile.

7 Agus an uair a thig na comharan sin ort, ni thu mar a fhreagras a' chùis dhuit<sup>f</sup>, oir *bithidh* Dia maille riut.

8 Agus théid thu sìos romham-sa gu Gilgal, agus feuch, théid mise sìos a'd' ionnsuidh a thoirt suas thabhartasa-loisgte, agus a dh'ìobradh ìobairtean thabhartasa-sith; seachd laithean fanaidh tu, agus an d'thig mise a'd' ionnsuidh, agus gu'n d'thoir mi fios dhuit ciod a ni thu.

9 Agus an uair a thionndaidh e a chùl gu falbh o Sh Samuel, thug Dia dha cridhe eile; agus thàinig na comharan sin uile gu crìch air an là sin fén.

10 Agus thàinig e o sin<sup>g</sup> do'n chnoc; agus feuch, choinnich cuideachd fhàidhean e, agus thuirling spiorad Dhé air, agus rinn e fàidheadoireachd nam measg.

11 A nis an uair a chunnaic iad-san uile a ghabh eòlas air roimhe, feuch, gu'n d'rinn e fàidheadoireachd maille ris na fàidhibh, an sin thubhairt an sluagh gach aon ri chéile, Ciod e so thàinig air mac Chis? Am *bheil* Saul cuideachd am measg nam fàidhean?

12 Agus fhreagair duine as an àite

<sup>c</sup> doire.

<sup>d</sup> thig.

<sup>e</sup> iompoichear.

<sup>f</sup> an *ni* sin a

gheibh do làmh. Eabh.

<sup>g</sup> iad

an sin.



sin, agus thubhairt e, Ach cò e an athair<sup>a</sup>? uime sin bha e na ghnàth-fhocal, Am *bheil* Saul cuideachd am measg nam fàidhean?

13 Agus an uair a chuir e crìoch air fàidheadoireachd a dheanamh, thàinig e do'n ionad aid.

14 Agus thubhairt bràthair-athar Shaul ris, agus r'a òganach, C'aithe chaidh sibh? agus thubhairt esan<sup>b</sup>, A dh'iarraidh nan asal: agus an uair a chunnaic sinn nach robh iad r'am faghail, thàinig sinn gu Samuel.

15 Agus thubhairt bràthair-athar Shaul, Innis dhomh, guidheam ort, ciod a thubhairt Samuel ribh.

16 Agus thubhairt Saul ri bhràthair-athar, Dh'innis e dhuinn gu cinnteach gu'n d'fhuaradh na h-asail; ach a thaobh na rìoghachd, cha d'innis e dha ciod a thubhairt Samuel.

17 Agus ghairm Samuel an sluagh r'a chèile a dh'ionnsuidh an Tighearna gu Mispeli;

18 Agus thubhairt e ri cloinn Israeil, Mar so tha'n Tighearna Dia Israeil ag ràdh, Thug mi nìos Israel as an Eiphit, agus shaor mi sibh as làimh nan Eiphiteach, agus as làimh nan rìoghachdan uile, a bha deanamh ainneart oirbh.

19 Gidheadh chuir sibhse an diugh cùl ri'r Dia, esan a shaor sibh o bhur n-uile agus bhur teanntachdaibh gu léir: agus thubhairt sibh, Nì h-eadh, ach cuiridh tu rìgh os ar cioun. A nis uime sin nochdaibh sibh féin am fianuis an Tighearna a réir bhur treubhan, agus a réir bhur mìlte.

20 Agus an uair a thug Samuel air uile threubhan Israeil teachd am fagus, ghabhadh<sup>c</sup> treubh Bheniamin.

21 Agus an uair a thug e air tréibh Bheniamin teachd am fagus a réir an teaghlachian, ghabhadh teaghlach Mhatri: agus an uair a thug e air teaghlach Mhatri teachd am fagus a lìon fear agus fear, ghabhadh Saul mac Chis: agus an uair a dh'iarr iad e, cha d'fhuaradh e.

22 Uime sin dh'fhiosraich iad fathast do'n Tighearna, an d'thigeadh an duine fathast an sin; agus fhreagair an Tighearna, Feuch, dh'fholaich se e féin am measg na h-airneis.

23 Agus ruith iad, agus thug iad as sin e: agus an uair a sheas e am meadhon an t-sluaigh, bha e ni b'airde na'n sluagh uile, o 'ghuaillibh agus o sin suas.

24 Agus thubhairt Samuel ris an t-sluagh uile, Am faic sibh esan a thagh an Tighearna, nach 'eil neach

cosmhuil ris am measg an t-sluaigh uile? agus rinn an sluagh uile iolach<sup>d</sup>, agus thubhairt iad, Gu ma fada beo an rìgh.

25 An sin dh'innis Samuel do'n t-sluagh lagh<sup>e</sup> na rìoghachd, agus scriobh e ann an leabhar e, agus thaisg e suas am fianuis an Tighearna e: agus leig Samuel an sluagh uile air falbh, gach duine d'a thigh.

26 Agus chaidh Saul mar an ceudna dhachaidh gu Gibeah, agus chaidh maille ris daoine trèun, aig an dò bhean Dia r'an cridhe.

27 Ach thubhairt mic Bhelial, Cionnus a shaoras am fear so sinn? agus rinn iad dìmeas air, agus cha d'thug iad tiodhlac sam bith d'a ionnsuidh: ach dh'fhan esan na thosd.

# CAIB. XI.

**A**N sin chaidh Nahas an t-Amonach suas agus champaich e an aghaidh Iabeis ghilead: agus thubhairt uile dhaoine Iabeis ri Nahas, Dean còmhcheangal ruinn, agus nì sinne seirbhis dhuit.

2 Agus fhreagair Nahas an t-Amonach iad, Air a' chumha so nì mi còmhcheangal ribh, gu'n spìon mi mach gach sùil dheas agaibh, agus gu'n cuir mi am masladh<sup>f</sup> so air Israel uile.

3 Agus thubhairt seanairean Iabeis ris, Thoir dhuinn dàil sheachd laithean, a chum as gu'n cuir sinn teachdairean gu uile chrìochaibh Israeil; agus mur bi neach sam bith gu'r saoradh, an sin théid sinn a mach a'd' ionnsuidh.

4 An sin thàinig na teachdairean gu Gibeah Shaul, agus dh'innis iad an sgeul ann an cluasaibh an t-sluaigh: agus thog an sluagh uile suas an guth, agus ghuil iad.

5 Agus feuch, thàinig Saul an déigh a' bhuir as a' mhachair, agus thubhairt Saul, Ciod a thàinig air an t-sluagh, gu'm bheil iad a' gul? agus dh'innis iad da sgeul dhaoine Iabeis.

6 Agus thuirling spiorad Dhé air Saul an uair a chual' e an sgeul sin, agus lasadh 'fhearg gu mòr.

7 Agus ghabh e cuing dhamh, agus gheart e sòs nam mìribh iad, agus chuir e iad air feadhl uile chrìochan Israeil le làimh theachdairean, ag ràdh, Ge b'e nach d'thig a mach an déigh Shaul, agus an déigh Shamueil, mar so nithear r'a dhaimh: agus thuit eagal an Tighearna air an t-sluagh, agus thàinig iad a mach mar aon duine g.

8 Agus an uair a dh'àireamh e iad ann am Besec, bha ann do chloinn

<sup>a</sup> cò e'athair?

<sup>b</sup> iadsan.

<sup>d</sup> gair.

<sup>e</sup> riaghailt, seòl.

<sup>c</sup> i. e. le crannchur.

<sup>f</sup> spid.

<sup>g</sup> le aon rùn.

Ysraeil tri cheud mìle, agus do fhir Iudah deich mìle fichead.

9 Agus thubhairt iad ris na teachd-airibh a thàinig, Mar so their sibh ri fir Iabeis-ghilead, Am màireach, an uair a dh'fhàsas a' ghrian teth, bithidh cabhair a' agaibh. Agus thàinig na teachdairean, agus dh'innis iad sin do fhir Iabeis; agus bha aòibhneas orra.

10 Uime sin thubhairt fir Iabeis<sup>b</sup>, Am màireach thèid sinn a mach d'ar n-ionnsuidh, agus ni sibh ruinn a réir gach *ni* a's àill leibh<sup>c</sup>.

11 Agus air an la màireach chuir Saul an sluagh nan tri buidhneibh, agus thàinig iad gu meadhon an fheachd ann am faire na maidne, agus bhuail iad na h-Amonaich-gus an d'fhàs an latha teth: agus sgapadh iadsan a mhair, air chor as nach d'fhàgadh dithis diubh cuid-eachd.

12 Agus thubhairt an sluagh ri Samuel, Cò a thubhairt, Cha<sup>d</sup> rìogh-aich Saul os ar ceann? thugaibh an so na daoine a chum as gu'n cuir sinn gu bàs iad.

13 Agus thubhairt Saul, Cha chuirear duine gu bàs air an là so: oir an diugh dh'oibrich an Tighearna saorsa ann an Israel.

14 An sin thubhairt Samuel ris an t-sluagh, Thigibh, agus rachamaid do Ghilgal, agus ath-nuadhaich-eamaid an sin an rìoghachd.

15 Agus chaidh an sluagh uile gu Gilgal, agus rinn iad Saul an sin na rìgh am fianuis an Tighearna ann an Gilgal; agus dh'òbair iad an sin òbairtean thabhartasa-sìth am fianuis an Tighearna: agus rinn Saul an sin agus fir Israeil uile gairdeachas mòr.

# CAIB. XII.

**A** GUS thubhairt Samuel ri h-Israel uile, Feuch, dh'éisd mi ri' r guth anns gach ni a thubhairt sibh rium, agus rinn mi rìgh os bhur cionn.

2 Agus a nis feuch, tha'n rìgh ag imeachd roimhibh<sup>e</sup>: agus tha mise aosmhor agus ceann-liath, agus feuch, tha mo mhic maille ribh: agus ghluais mise<sup>f</sup> 'nar fianuis o m'òige gus an la 'n diugh.

3 Feuch, tha mi 'n so; thugaibh fianuis a'm' aghaidh an làthair an Tighearna, agus an làthair 'Aoin ungta: cò esan o'n d'thug mi a dhamh? agus cò esan o'n d'thug mi 'asal? agus cò esan air an d'rinn mi feall? cò esan air an d'rinn mi

ainneart? agus cò esan o a làimh an do ghabh mi duais a chum mo shùilean a dhalladh leatha? agus aisgidh mi g dhuibh.

4 Agus thubhairt iadsan, Cha d'rinn thu feall oirne, ni mò a rinn thu ainneart oirnn, ni mò a ghabh thu ni air bith o làimh aon duine.

5 Agus thubhairt e riu, Tha 'n Tighearna na fhianuis 'nar n-aghlaidh, agus tha 'Aon ungta na fhianuis an diugh, nach d'fhuair sibh a'm' làimh-sa ni sam bith. Agus fhreagair iadsan, Tha e na fhianuis.

6 Agus thubhairt Samuel ris an t-sluagh, Is e 'n Tighearna a rinn<sup>h</sup> Maois agus Aaron, agus a thug bhur n-aithriche nìos a tìr na h-Eiphit.

7 A nis uime sin seasaibh, a chum as gu'n d'their mi breth oirbh<sup>i</sup> an làthair an Tighearna, a thaobh uile ghnìomhara ceart an Tighearna, a rinn e dhuibhse agus do bhur n-aithrichibh.

8 An uair a thàinig Jacob a stèach do'n Eiphit, agus a ghlaodh bhur n-aithriche ris an Tighearna, an sin chuir an Tighearna d'an ionnsuidh Maois agus Aaron, a thug blur n-aithriche mach as an Eiphit, agus a thug orra còmhnuidh ghabhail anns an àite so.

9 Agus an uair a dhi-chuimhnich iad an Tighearna an Dia, thug e thairis iad do làimh Shisera, ceann-aird armailte Hasoir, agus do làimh nam Philisteach, agus do làimh rìgh Mhoab, agus chog iad nan aghaidh.

10 Agus ghlaodh iad ris an Tighearna, agus thubhairt iad, Pheacaich sinn, do bhrìgh gu'n do thréig sinn an Tighearna, agus gu'n d'rinn sinn seirbhis do Bhaalim agus Astarot; ach a nis saor sinn as làimh ar naimhde, agus ni sinn seirbhis dhuit.

11 Agus chuir an Tighearna uaith Ierubaal, agus Barac<sup>k</sup>, agus Iephtah, agus Samuèl<sup>l</sup>, agus shaor e sibh as làimh bhur naimhdean air gach taobh, agus ghabh sibh còmhnuidh gu tèarainte.

12 Agus an uair a chuinnic sibh gu'n d'thàinig Nahas rìgh chloinn Amoin 'nar n-aghaidh, thubhairt sibh rium-sa, Ni h-eadh, ach rìogh-aichidh rìgh os ar cionn: an uair a b'e an Tighearna bhur Dia bhur rìgh.

13 A nis uime sin feuch an rìgh, a

<sup>a</sup> còmhmadh, saorsa. <sup>b</sup> fir Iabeis  
<sup>c</sup> ri Nahas rìgh nan Amonach.

<sup>d</sup> a bhios maith nar sùilibh.

<sup>e</sup> An. <sup>f</sup> na cheannard oirbh.

<sup>g</sup> chaith mi mo bheatha.

302

<sup>h</sup> bheir mi air ais.

<sup>i</sup> a chruith-

aich, a thog suas.

<sup>j</sup> gu'n tagair,

<sup>k</sup> gu'n reusaich mi ribh.

<sup>l</sup> Bedan.

<sup>m</sup> Samson.

thagh sibh, agus a dh'iarr sibh : agus feuch, chuir an Tighearna rìgh os bhur cionn.

14 Ma bhios eagal an Tighearn oirbh, agus ma ni sibh seirbhis dha, agus ma dh'éisdeas sibh r'a ghuth, agus nach dean sibh ceannairc an aghaidh àithne an Tighearna<sup>a</sup>, an sin bithidh sibh féin tèaruinte<sup>b</sup>, agus mar an ceudna an rìgh a rìgh-aicheas os bhur cionn an déigh an Tighearna bhur Dé<sup>c</sup>.

15 Ach mur éisd sibh ri guth an Tighearna, agus gu'n dean sibh ceannairc an aghaidh àithne an Tighearna, an sin bithidh làmh an Tighearna 'nar n-aghaidh-sa, mar a bha i 'n aghaidh bhur n-aithriche.

16 A nis uime sin seasaibh agus faicibh an ni mòr so a ni an Tighearna fa chomhair bhur sùl.

17 Nach 'eil foghara a chruithneachd ann an diugh? gairmidh mise air an Tighearna, agus cuiridh e nuas tairneanach agus uisge; a chum as gu'n tuig agus gu'm faic sibh gu'm bheil bhur n-olc mòr, a rinn sibh ann an sealladh an Tighearna, le rìgh iarraidh dhuibh féin.

18 Agus ghairm Samuel air an Tighearna, agus chuir an Tighearn a nuas tairneanach agus uisge air an là sin, agus ghabh an sluagh uile eagal mòr roimh 'n Tighearna, agus roimh Shamuel.

19 Agus thubhairt an sluagh uile ri Samuel, Dean urnuigh air son do sheirbhiseacha ris an Tighearna do Dhia, a chum as nach bàsaich sinn : oir chuir sinn r'ar peacannaibh uile an t-olc so, rìgh iarraidh dhuinn féin.

20 Agus thubhairt Samuel ris an t-sluagh, Na biodh eagal oirbh : (rinn sibh an t-olc so uile : gidheadh na tionndaidhibh a thaobh o'n Tighearn a leantuinn, ach deanaibh seirbhis do'n Tighearn le'r n-uile chridhe;

21 Agus na tionndaidhibh a thaobh an déigh nithe faoin<sup>d</sup>, nach bi chum tairbhe dhuibh, agus nach saor sibh; oir is faoineas<sup>e</sup> iad.)

22 Oir cha tréig an Tighearn a shluagh, air sgàth a mhòr ainme féin; do bhrìgh gu'm bu toil leis an Tighearna bhur deanamh 'nar sluagh dha féin.

23 Ach air mo shon-sa, nar leigeadh Dia gu'm peacaichinn an aghaidh an Tighearna, le sgur do urnuigh a dheanamh air bhur son : ach

<sup>a</sup> nach broснаich sibh an Tighearna gu feirg. <sup>b</sup> beo. Eabh. <sup>c</sup> an déigh do'n Tighearna bhur Dia bhi na rìgh agaibh. <sup>d</sup> dhiathan bréige. <sup>e</sup> neo-ni.

teagaisgidh mi dhuibh an t-slighe mhaith agus cheart.

24 A mhàin biodh eagal an Tighearn oirbh, agus deanaibh seirbhis dha ann am fìrinn le bhur n-uile chridhe : oir faicibh cia mòr na nithe a rinn e air bhur son.

25 Ach ma bhuaicheas sibh ann an droch dheanadas, sgriosar araon sibh féin agus bhur rìgh.

#### CAIB. XIII.

\* **BHA** Saul deich bliadhna fichead a dh'aois an uair a thòisich e air rìoghachadh; agus rìghaich e dà bhliadhna os-cionn Israeil.

2 An sin thagh Saul dha féin trì mìle fear do Israeil; d'an robh dà mhìle maille ri Saul ann an Michmas, agus ann an sliabh Bhetteil, agus bha mìle maille ri Ionatan ann an Gibeah Bheniamin : agus a' chuid eile do'n t-sluagh chuir e gach duine dhiubh dh'ionnsuidh a bhùtha.

3 Agus bhuail Ionatan freiceadan nam Philisteach a bha ann an Geba<sup>f</sup>, agus chuala na Philistich sin : agus shéid Saul an trompaid air feadh na tìre uile; ag ràdh, Cluinneadh na h-Eabhruidhich.

4 Agus chual' Israel uile iomradh gu'n do bhuail Saul freiceadan nam Philisteach, agus mar an ceudna gu'n robh Israel air am meas gràineil leis na Philistich : agus ghairmeadh an sluagh an ceann a chéile an déigh Shaul gu Gilgal.

5 Agus chruinnicheadh na Philistich an ceann a chéile gu cogadh ri h-Israel, deich mìle fichead carbad<sup>g</sup>, agus sè mìle marcach, agus sluagh mar an gaineamh a ta air tràigh na fairge thaobh lìonmhoireachd : agus thàinig iad a nìos, agus champaich iad ann am Michmas, a làimh na h-airde 'n ear o Bhet-abhen.

6 An uair a chunnaic fir Israeil gu'n robh iad ann an teamutachd, a chionn gu'n do dhlùthaich an armaillte<sup>h</sup> riu, an sin dh'fholaich an sluagh iad féin ann an uamhaibh, agus ann an droighnich<sup>i</sup>, agus ann an creagaibh, agus ann an daingneachaibh<sup>k</sup>, agus ann an slochdaibh.

7 Agus chaidh cuid do na h-Eabhruidhich thar<sup>l</sup> Iordan gu tìr Ghad, agus Ghilead : ach bha Saul fathast ann an Gilgal, agus bha'n sluagh na dhéigh uile air chrith.

8 Agus dh'fneith e seachd laith-ean, gu ruig an t-àm àraidh a

<sup>f</sup> Gibeah. <sup>g</sup> trì mìle carbad.

<sup>h</sup> sluagh an naimhdean.

<sup>i</sup> dùslainnibh.

<sup>j</sup> ionadaibh arda.

<sup>k</sup> thairis air.

<sup>l</sup> tùraibh, <sup>m</sup> thair.

\* 1 Samuel caib. xiii. rann. 1. Rìghaich Saul aon bhliadhna, agus an uair rìghaich e dà bhliadhna os-cionn Israeil.

shuidhich <sup>a</sup>Samuel: ach cha d'thàinig Samuel gu Gilgal, agus sgapadh an sluagh uath.

9 Agus thubhairt Saul, Thugaibh a'm' ionnsuidh an so ìobairt-loisgte, agus tabhartasan-sìth. Agus thug e suas an ìobairt-loisgte.

10 Agus co luath as a chuir e crìoch air an ìobairt-loisgte a thoirt suas, feuch, thàinig Samuel, agus chaidh Saul a mach na choinneamh a chum gu'm beannaicheadh e dha.

11 Agus thubhairt Samuel, Ciod a rinn thu? Agus fhreagair Saul, A chionn gu'm faca mi gu'n robh an sluagh air an sgapadh uam, agus nach d'thàinig thu 'n taobh a stigh do'n àm shuidhichte, agus gu'n do chrùinnich na Philistich iad féin an ceann a chéile gu Michmas;

12 Uime sin thubhairt mi, A nis thig na Philistich a nuas orm gu Gilgal, agus cha do chuir mi athchuinge dh'ionnsuidh an Tighearna: rinn mi éigin uime sin orm féin<sup>b</sup>, agus thug mi suas an ìobairt-loisgte.

13 Agus thubhairt Samuel ri Saul, Rinn thu gu h-amaideach; cha do ghléidh thu àithne an Tighearna do Dhé, a dh'àithn e dhuit: oir a nis dhaingnicheadh an Tighearna do rìoghachd air Israel gu bràth.

14 Ach a nis cha seas do rìoghachd: dh'ìarr an Tighearna dha féin duine a réir a chridhe féin, agus dh'àithn an Tighearna dha bhi na cheannard air a shluagh, a chionn nach do ghléidh thusa an nì a dh'àithn an Tighearna dhuit.

15 Agus dh'éirich Samuel<sup>c</sup>, agus chaidh e suas o Ghilgal gu Gibeah Bheniamin: agus dh'àireamh Saul an sluagh a bha làthair<sup>d</sup> maille ris, mu thimchioll sè ceud fear.

16 Agus dh'fhan Saul, agus a mhac Ionatan, agus an sluagh a bha làthair maille riu, ann an Gibeah Bheniamin; ach champaich na Philistich ann am Michmas.

17 Agus thàinig an luchd-millidh<sup>e</sup> a mach a camp nam Philisteach nan trì chuideachdaibh: thionndaidh aon chuideachd dhiubh do 'n t-slighe dh'ionnsuidh Ophrah, gu tìr Shaul:

18 Agus thionndaidh cuideachd eile do'n t-slighe dh'ionnsuidh Bhet-horoin: agus thionndaidh cuideachd eile do shlighe na crìche, a tha 'g amharc ri gleann Sheboim a dh'ionnsuidh an fhàsaich.

19 A nis cha d'fhuaradh gobha ann an tìr Israel uile: (oir thubhairt na Philistich, Air eagal gu'n dean

na h-Eabhruidhich dhoibh féin cloidhean no sleaghan:)

20 Uime sin chaidh na h-Israelich uile sìos a dh'ionnsuidh nam Philisteach, gach duine a gheurachadh a shuic, agus a chaibe, agus a thu-aighe, agus a phicoid.

21 Gidheadh bha eighe<sup>f</sup> aca air son nan picoidean, agus air son nan soc, agus air son nan trimheurach<sup>g</sup>, agus air son nan tuaghan, agus a gheurachadh nam bior.

22 Mar sin thachair e ann an la a' chatha, nach d'fhuaradh aon chuid claidheamh no sleagh ann an làimh neach sam bith do'n t-sluagh, a bha maille ri Saul agus Ionatan: ach fhuaradh aig Saul agus aig a mhac Ionatan.

23 Agus chaidh freiceadan nam Philisteach a mach gu bealach<sup>h</sup> Mhichmais.

#### CAIB. XIV.

**A** NIS air la àraidh thubhairt Ionatan mac Shaul ris an òganach a dh'iomchair<sup>i</sup> 'airm, Thig, agus rachamaid thairis gu freiceadan nam Philisteach, a tha air an taobh thall: ach cha d'innis e d'a athair.

2 Agus dh'fhan Saul anns a' chuid a b'fhaide mach do Ghibeah, fuidh chraobh pomgranait, a tha ann am Migron: agus bha<sup>j</sup> an sluagh a bha maille ris mu thimchioll sè ceud fear.

3 Agus bha Ahiah mac Ahituib, bhràthar Ichaboid, mhic Phinehais, mhic Eli sagairt an Tighearna ann an Siloh, ag ìomchar ephoid. Ach cha robh fios aig an t-sluagh gu'n d'fhalbh Ionatan.

4 Agus eadar na bealaichean, air an d'ìarr Ionatan dol thairis a dh'ionnsuidh freiceadain nam Philisteach, bha creag gheur<sup>k</sup> air aon taobh, agus creag gheur air an taobh eile: agus b'e ainm creige dhiubh Boses, agus ainm na creige eile Seneh.

5 Bha suidheachadh creige dhiubh o thuath<sup>l</sup> fa chomhair Mhichmais, agus suidheachadh na creige eile o dheas fa chomhair Ghibeah.

6 Agus thubhairt Ionatan ris an òganach a dh'iomchair<sup>i</sup> 'airm, Thig, agus rachamaid thairis a dh'ionnsuidh freiceadain nan daoine neo-thimchioll-ghearra ud: theagamh gu'n oibrich an Tighearna air ar

<sup>f</sup> lìobhàn; file. Sasg. <sup>g</sup> nan gabhal; forks, tridents. Sasg.

<sup>h</sup> slighe chumhaing; dol thairis. Eabh. <sup>i</sup> ghiùlain. <sup>k</sup> scor

chreige; facail chreige. Eabh. <sup>l</sup> bha aghaidh aon charraige ri tuath.

<sup>a</sup> thubhairt. Eabh. <sup>b</sup> ghabh mi misneach. <sup>c</sup> Saul. <sup>d</sup> a'fhuaradh. Eabh. <sup>e</sup> luchd-creiche.



son; oir cha 'n'eil bacadh air an Tighearna saoradh le mòran no le beagan.

7 Agus thubhairt fear iomchair 'arm ris, Dean gach *ni* a th'ann ad chridhe: tionndaidh thu féin<sup>a</sup>; feuch, *tha* mise maille riut a réir do chridhe.

8 An sin thubhairt Ionatan, Feuch, théid sinn thairis a dh'ionnsuidh nan daoine *ud*, agus nochdaidh sinn sinn féin doibh.

9 Ma their iad mar so ruinn, Fanaibh gus an d'thig sinn d'ar n-ionnsuidh; an sin seasaidh sinne 'nar n-àite, agus cha d'théid sinn suas d'an ionnsuidh.

10 Agus ma their iad mar so, Thigibh a nìos d'ar n-ionnsuidh-ne; an sin théid sinn suas, oir thug an Tighearna thairis iad d'ar làimh: agus *bithidh* so na chomhara dhuinn.

11 Agus nochd iad le chéile iad féin do fhreiceadan nam Philisteach: agus thubhairt na Philistich, Feuch, *tha* na h-Eabhruidhich a' teacla a mach as na tollaibh<sup>b</sup>, anns an d'fholaich siad iad féin.

12 Agus fhreagair fir an fhreiceadain Ionatan agus fear iomchair 'arm, agus thubhairt iad, Thigibh a nìos d'ar n-ionnsuidh-ne, agus nochdaidh sinne dhuibh *ni*. Agus thubhairt Ionatan ri fear iomchair 'arm, Thig a nìos a'm<sup>c</sup> dhéigh; oir thug an Tighearna thairis iad do làimh Israeil.

13 Agus chaidh<sup>e</sup> Ionatan suas air a làmh an agus air a chosan, agus fear iomchair 'arm na dhéigh: agus thuit iad roimh Ionatan; agus mharbh fear iomchair 'arm na dhéigh.

14 Agus bha an ceud àr sin a riun Ionatan agus fear iomchair 'arm, mu thimchioll fichead fear, an taobh a stigh mar gu'm b'ann do leth-acair fhearrainn, a dh'fheudadh cuing *dhamh ar ann an là*.

15 Agus bha ball-chrith anns an fheachd sa' mhachair, agus am measg an t-sluaigh uile: bha crith mar an ceudna air an fhreiceadan agus air an luchd-millidh féin, agus chrìochnuich an talamh; agus bha i na crith ro-mhòir<sup>d</sup>.

16 Agus dh'amhairc luchd-faire Shaul ann an Gibeah Bheniamin; agus feuch, leagh am mòr shluagh as, agus dh'fhalbh iad a' bualadh sìos<sup>e</sup> a chéile.

17 An sin thubhairt Saul ris an t-sluagh a bha maille ris, Gabhaibh

àireamh a nis, agus faicibh cò a dh'fhalbh uainn. Agus an uair a dh'àireamh iad, feuch, cha robh Ionatan agus fear iomchair 'arm an sin.

18 Agus thubhairt Saul ri Ahiah, Thoir an so àirc Dhé; oir bha àirc Dhé 'san àm sin maille ri cloinn Israeil.

19 Agus an uair a bha Saul a' labhairt ris an t-sagart, chaidh a' chonghair a bha ann am feachd nam Philisteach air a h-aghaidh, agus mheudaich i: Agus thubhairt Saul ris an t-sagart, Tarruing air a h-ais do làmh.

20 Agus chruinnich Saul agus an sluagh uile a bha maille ris iad féin an ceann a chéile, agus thàinig iad a dh'ionnsuidh a' chatha; agus feuch, bha claidheamh gach fir an aghaidh a choimhearsnaich, agus bha amhlua<sup>f</sup> ro-mhòir ann.

21 Agus na h-Eabhruidhich a bha maille ris na Philistich roimhe sin, a chaidh suas maille riu do'n champ o'n tìr m'an cuairt, thionndaidh iadsan mar an ceudna gu bhli leis na h-Israelich, a bha maille ri Saul agus Ionatan.

22 Agus an uair a chuala na fir sin uile do Israel, a dh'fholaidh iad féin ann an sliabh Ephraim, gu'n do theich na Philistich, dhlùth-lean iadsan mar an ceudna nan déigh anns a' chath.

23 Mar sin shaor an Tighearn Israeil air an là sin: agus chaidh an cath thairis gu Bet-àbhen.

24 Agus thàinig fir Israeil am fagus<sup>g</sup> air an là sin, agus chuir Saul an sluagh fa mhionnaibh, ag ràdh, Mallaichte gu robh am fear a dh'ith-eas biadh<sup>h</sup> gu feasgar, a chum gu'n d'ìolar mi air mo naimhdeibh: agus cha do bhlaiss neach air bith do'n t-sluagh biadh.

25 Agus thàinig an sluagh uile<sup>i</sup> gu coille, agus bha mil air aghaidh na machrach.

26 Agus an uair a thàinig an sluagh do'n choille, feuch shìl a' mhill sìos, ach cha do chuir duine sam bith a làmh a dh'ionnsuidh a bheoil; oir bha eagal nam mìonnan air an t-sluagh.

27 Ach cha chuala Ionatan an uair a chuir 'athair an sluagh fuidh na mìonnaibh: uime sin shìn e mach bàrr na slait a bha na làimh, agus thum e i ann an cìr mheala, agus chuir<sup>k</sup> e a làmh gu 'bheul, agus shoillsicheadh<sup>l</sup> a shùilean.

28 An sin fhreagair fear do'n

<sup>a</sup> imich ge b'e taobh is miann leat.

<sup>b</sup> còsaibh, frògaibh. <sup>c</sup> streap, dhir. <sup>d</sup> na crith Dhé. Eabh.

<sup>e</sup> an so agus an sin.

<sup>f</sup> dioghbhail, sgrios.

Israeil ann an àirc. <sup>h</sup> aran. Eabh.

<sup>i</sup> uile shluagh na tìre. <sup>k</sup> phill,

thionndaidh. Eabh. <sup>l</sup> chunnaic.

t-sluagh, agus thubhairt e, Chuir t'athair an sluagh fuidh mhion-naibh teann, ag ràdh, Mallaichte gu robh an duine a dh'itheas biadh an diugh. Agus bha'n sluagh air fannachadh.

29 An sin thubhairt Ionatan, Chuir m'athair an tìr fa bhuaireas. faicibh, guidheam oirbh, cionnus a ta mo shùilean air an soillseachadh, do bhrìgh gu'n do bhlais mi beagan do'n mhill so.

30 Cia mò gu mòr, nam biodh an sluagh air itheadh gu saor an diugh do chreic an naimhdean, a fhuair iad? oir nach bitheadh a nis àr ni bu mhò am measg nam Philisteach?

31 Agus bhuail iad air an là sin na Philistich o Mhichmas gu Aialon: agus bha 'n sluagh air fannachadh gu mòr.

32 Agus leum an sluagh air a' chreich, agus ghabh iad caoraich agus buar, agus laoiigh, agus mharbh iad air an talamh iad: agus dh'ith an sluagh iad leis an fhuil.

33 Agus dh'innis iad do Shaul, ag ràdh, Feuch, tha'n sluagh a' peacachadh an aghaidh an Tighearna, le itheadh maille ris an fhuil<sup>a</sup>. Agus thubhairt esan, Pheacaich sibh: caruichibh a'm' ionnsuidh an diugh clach mhòr<sup>b</sup>.

34 Agus thubhairt Saul, Sgaoilibh sibh féin am measg an t-sluaigh, agus abraibh riu, Thugaibh a'm' ionnsuidh an so gach duine a mhart<sup>c</sup>, agus gach duine a chaora, agus marbhaibh iad an so agus ithibh; agus na peacaichibh an aghaidh an Tighearna le itheadh maille ris an fhuil. Agus thug an sluagh uile gach duine a mhart leis<sup>d</sup> air an oidhche sin, agus mharbh iad an sin iad.

35 Agus thog Saul altair do'n Tighearna, B'i sin a' cheud altair a thog e<sup>e</sup> do'n Tighearna.

36 Agus thubhairt Saul, Rachamaid sìos an déigh nam Philisteach 'san oidhche, agus creachamaid iad gu solus na maidne, agus na fagamaid fear dhiubh. Agus thubhairt iadsan, Dean gach ni a's maith leat<sup>f</sup>. An sin thubhairt an sagart, Thigeamaid am fagus an so dh'ionnsuidh Dhé.

37 Agus dh'iarr Saul comhairle air Dia, An d'théid mi sìos an déigh nam Philisteach? an d'thoir thu thairis iad do làimh Israeil? ach cha do fhreagair se e air an là sin.

38 Agus thubhairt Saul, Thigibh am fagus an so, sibhse uile mhaith-ean<sup>g</sup> an t-sluaigh, agus biodh fios agaibh, agus faicibh, c'ait an robh am peacadh so an diugh.

39 Oir mar is beo an Tighearna, a shaor Israel, ge do robh e ann mo mhac Ionatan, gu cinnteach gheibh e bàs. Ach cha do fhreagair duine e do'n t-sluagh uile.

40 An sin thubhairt e ri h-Israel uile, Bithibhse air aon taobh, agus bithidh mise agus mo mhac Ionatan air an taobh eile. Agus thubhairt an sluagh ri Saul, Dean an ni a's maith leat.

41 Uime sin thubhairt Saul ris an Tighearna Dia Israeil, Thoir seachad crannchur cothromach<sup>h</sup>. Agus ghabhadh Saul agus Ionatan; ach chaidh an sluagh as.

42 Agus thubhairt Saul, Tilgibh crannchur eadar mise agus mo mhac Ionatan. Agus ghabhadh Ionatan.

43 An sin thubhairt Saul ri Ionatan, Innis dhomh ciod a rinn thu. Agus dh'innis Ionatan da, agus thubhairt e, Gu deimhin le bàrr na slait a bha a'm' làimh, bhlais mi beagan meala; agus feuch, am faigh mi bàs?

44 Agus thubhairt Saul, Gu'n deanadh Dia mar sin, agus tuille mar an ceudna: oir gu cinnteach gheibh thu bàs, a Ionatain<sup>i</sup>.

45 Agus thubhairt an sluagh ri Saul, Am faigh Ionatan bàs, a dh'oibrich an t-saorsa mhòr so ann an Israel? Nar leigeadh Dia: mar is beo an Tighearna, cha tuit aon ròineag<sup>k</sup> do fholt a chinn gu làr; oir maille ri Dia dh'oibrich e an diugh. Uime sin shaor an sluagh Ionatan, agus cha d'fhuair e bàs.

46 An sin chaidh Saul suas o leantuinn nam Philisteach: agus dh'fhalbh na Philistich d'an àite féin.

47 Agus ghabh Saul an ròghachd os cionn Israeil, agus chog e air gach làimh an aghaidh a naimhde gu léir, an aghaidh Mhoib, agus an aghaidh chloinn Amoin, agus an aghaidh Edoim, agus an aghaidh rìghre Shobah, agus an aghaidh nam Philisteach: agus ge b'e taobh a thionndaidh e, chlaoidh e iad<sup>l</sup>.

48 Agus thog e sluagh, agus bhuail e na h-Amalecich, agus shaor e Israel as làimh na muinntir a bha 'gam milleadh<sup>m</sup>.

49 A nis b'iad mic Shaul Ionatan,

<sup>a</sup> air an fhuil. Eabh.

chum altarach.

<sup>c</sup> a tharbh.

<sup>d</sup> na làimh. Eabh.

<sup>e</sup> a' d' shùil. Eabh.

<sup>f</sup> a' d' shùil. Eabh.

<sup>b</sup> i. e.

<sup>g</sup> oisinn.

<sup>i</sup> bàsaichidh Ionatan.

<sup>k</sup> fhuiltean.

<sup>l</sup> dhaoine ciontach.

<sup>m</sup> 'gam fàsachadh, 'gan dùtheachadh.

<sup>h</sup> Tumim. Eabh.

<sup>i</sup> bhuin e riu mar

<sup>m</sup> 'gam fàsachadh.

agus Isui, agus Melchisua: agus *b'iad* so ainmean a dhiithis nighean; ainm na ceud-ghin Merab, agus ainm na *h-ighinn* a b'òige Michal.

50 Agus *b'e* ainm mnà Shaul Ahi-noam, nighean Ahimahais: agus *b'e* ainm ceannaird a shluaigh Abner mac Ner, bràthair-athair Shaul.

51 Agus *b'e* Cis athair Shaul: agus *b'e* Ner athair Abneir, mac Abieil.

52 Agus bha cogadh dian an aghaidh nam Philisteach rè uile laith-ean Shaul: agus an uair a chith-eadh Saul fear làidir sam bith, no fear treun sam bith, ghabhadh<sup>a</sup> e d'a ionnsuidh e.

## CAIB. XV.

**A**GUS thubhairt Samuel ri Saul, Chuir an Tighearna mi gu thusa ungadh a'd' rìgh os cionn a shluaigh, os cionn Israeil: a nis uime sin éisd ri briathraibh<sup>b</sup> an Tighearna.

2 Mar so tha Tighearna nan sluagh ag ràdh, Is cuimhne leam<sup>c</sup> ciod a rinn na h-Amalecich air na h-Israelich, cionnus a chuir iad nan aghaidh 'san t-slighe 'nuair a thàinig iad a nìos as an Eiphit.

3 A nis falbh, agus buail na h-Amalecich, agus sgrios<sup>d</sup> gu tur gach *ni* a th'aca, agus na caomhain iad; ach marbh araon fear agus bean, leanabh agus cìochran<sup>e</sup>, damh agus caora, càmhail agus asal.

4 Agus chruinnich Saul an sluagh an ceann a chéile, agus dh'àireamh e iad ann an Telaim, dà cheud mìle coisiche, agus deich mìle fear do Iudah.

5 Agus thàinig Saul gu baile le Amalec, agus rinn e feall-fholach agus a' ghleann<sup>f</sup>.

6 Agus thubhairt Saul ris na Cenich, Falbhaibh, imichibh as so, rachaibh sìos o mheasg nan Amaleceach, air eagal gu'n sgrios mi sibh maille ri u; oir nochd sibhise coirh-neas do chloinn Israeil uile 'nuair a thàinig iad a nìos as an Eiphit. Uime sin dh'imich na Cenich o mheasg nan Amaleceach.

7 Agus bhuail Saul na h-Amalecich o Habbilah, agus an d'thug thu gu Sur, a tha fa chomhair na h-Eiphit.

8 Agus ghlac e Agag rìgh nan Amaleceach beo, agus sgrios e 'n sluagh uile le faobhar a' chlàidh-eimh.

9 Ach chaomhain Saul agus an

<sup>a</sup> chruinnicheadh. Eabh. <sup>b</sup> guth bhriathran. Eabh. <sup>c</sup> Tha e ann am bheachd. <sup>d</sup> sgriosaidh. Eabh. <sup>e</sup> naoidhean na cìche. <sup>f</sup> agus chaidh e sìos do'n ghleann.

sluagh Agag, agus a' chuid a b'fhearr do na caoraich, agus do'n bhuar, agus do na beathaichibh reamhra, agus do na h-uanaibh, agus do gach *ni* a bha maith, agus cha b'àill leo an sgrios gu tur; ach gach *ni* a bha taireil agus suarrach<sup>g</sup>, sin sgrios iad gu tur.

10 An sin thàinig focal an Tigh-earna dh'ionnsuidh Shamueil, ag ràdh,

11 Is aithreach leam gu'n d'rinn mi Saul na rìgh, oir thionndaidh e air ais o m' leantuinne, agus cha do choimhlion e m'aitheanta<sup>h</sup>. Agus chuir sin doilgheas air Samuel, agus ghlaodh e ris an Tighearna rè na h-oidhche.

12 Agus an uair a dh'éirich Samuel gu moch a choinneachadh Shaul sa' mhaduinn, dh'innseadh do Samuel, ag ràdh, Thàinig Saul gu Carmel, agus feuch, chuir e suas dha féin clach-chuimhneachain<sup>i</sup>, agus dh'imich e m'an cuairt, agus ghabh e air aghaidh, agus chaidh e sìos gu Gilgal.

13 Agus thàinig Samuel gu Saul: agus thubhairt Saul ris, Beannaichte gu'n robh thusa o'n Tighearna; choimhlion mis' àithne an Tigh-earna.

14 Agus thubhairt Samuel, Ciod is ciall ma ta do mhèidhlich nan caorach so ann a'm' chluasaibh, agus do gheumnaich a' chruaidh a tha mi a' chuinntinn?

15 Agus thubhairt Saul, o na h-Amalecich thug siad iad; oir chaomhain an sluagh a' chuid a b'fhearr do na caoraich, agus do'n bhuar, a chum an lobradh do'n Tighearna do Dhia; agus a' chuid eile sgrios sinn gu tur.

16 An sin thubhairt Samuel ri Saul, Fuirich<sup>k</sup>, agus innsidh mi dhuit ciod a thubhairt an Tighearna riums' an nochd. Agus thubhairt e ris, Abair romhad.

17 Agus thubhairt Samuel, An uair a bha thu beag a'd' shùilibh féin nach d'rinnadh thu a'd' cheann air treubhaibh Israeil? agus dh'ung an Tighearn thu a'd' rìgh os cionn Israeil.

18 Agus chuir an Tighearn thu air thurus, agus thubhairt e, Falbh, agus sgrios gu tur na peacaich na h-Amalecich, agus cog nan aghaidh agus an cuir thu ias doibh.

19 C'ar son ma ta nach d'éisd thu ri guth an Tighearna, ach a leum thu air a' chreich<sup>m</sup>, agus a rinn thu olc ann an sùilibh an Tighearna?

<sup>g</sup> seargta. <sup>h</sup> mo bhriathra. Eabh. <sup>i</sup> àite; làmh. Eabh. <sup>k</sup> Leig dhomh. <sup>l</sup> sibh. <sup>m</sup> a thionndaidh thu dh'ionnsuidh na creiche.

20 Agus thubhairt Saul ri Samuel, Seadh, dh'éisd mi ri guth an Tighearna, agus dh'imich mi air an t-slighe air an do chuir an Tighearna mi, agus thug mi leam Agag rìgh Amaleic, agus sgrios mi gu tur na h-Amaleicich.

21 Ach ghabh an sluagh do'n chreich, caoraich agus buar, toiseach<sup>a</sup> nan nithe bu chòir a bhi air an sgrios gu tur, a chum an ìobradh do'n Tighearna do Dhia ann an Gilgal.

22 Agus thubhairt Samuel, Am beil tlachd aig an Tighearn ann an tabhartasaibh-loisgte agus an ìobairtibh, mar ann an ùmhlachd do ghuth an Tighearna? Feuch, is fearr ùmhlachd nà ìobairt, agus aire a thabhairt nà saill reitheacha.

23 Oir mar pheacadh na druidheachd tha ceannairc, agus mar aingidheachd ìodhol-aoraidh<sup>b</sup> tha rag-mhuineileachd<sup>c</sup>: a chionn gu'n do chuir thu-sa cùl ri<sup>d</sup> focal an Tighearna, chuir esan mar an ceudna cùl riut-sa o bhi d' rìgh.

24 Agus thubhairt Saul ri Samuel, Pheacaich mi, oir bhris mi àithne an Tighearna, agus do bhrìathra-sa; a chionn gu'n robh eagal orm roimh 'n t-sluagh, agus gu'n dh'éisd mi r'an guth.

25 A nis nìme sin, guidheam ort, lagh mo pheacadh, agus pill maille rium, a chum as gu'n dean mi aoradh do'n Tighearna.

26 Agus thubhairt Samuel ri Saul, Cha phill mi maille riut; oir chuir thu cùl ri focal an Tighearna, agus chuir an Tighearna cùl riut-sa o bhi d' rìgh air Israel.

27 Agus an uair a thionndaidh Samuel m'an cuairt gu falbh, rug e air oir fhalluinne, agus reubadh i.

28 Agus thubhairt Samuel ris, Reub an Tighearna rìoghachd Israeil dhìot-sa an diugh, agus thug e i do d' choimhearsnach, a's fearr na thu-sa.

29 Agus mar an ceudna cha dean Neart<sup>e</sup> Israeil breug, agus cha ghabh e aithreachas; oir cha duine e gu'n gabhadh e aithreachas.

30 An sin thubhairt e, Pheacaich mi; gidheadh a nis thoir nrram dhomh, guidheam ort, am fianuis sheanairean mo shluaigh, agus am fianuis Israeil, agus pill maille rium, a chum as gu'n dean mi aoradh do'n Tighearna do Dhia.

31 Agus phill Samuel an déigh Shaul, agus rinn Saul aoradh do'n Tighearna.

<sup>a</sup> roghadh. <sup>b</sup> aingidheachd agus ìodhol-aoradh. <sup>c</sup> reasgachd, diùrea.

<sup>d</sup> gu'n d'rinn thu d'mcas air. <sup>e</sup> Baaidh, Aon siorruidh,

32 An sin thubhairt Samuel, Thug-aibh an so a'm ionusuidh-sa Agag rìgh nan Amaleceach: agus thàinig Agag d'a ionnsuidh gu suilbhir<sup>f</sup>. Agus thubhairt Agag, Gu cinnteach chaidh searbhas a' bhàis seachad.

33 Agus thubhairt Samuel, Mar a rinn do chlaidheamh-sa mnàì gu'n chlànn<sup>h</sup>, mar sin bitlidh do mlià-thair gun chlànn am measg bhan. Agus thug Samuel fa'near Agag a ghearradh sìos na mhàiribh am fianuis an Tighearn ann an Gilgal.

34 An sin dh'imich Samuel gu Ramah, agus chaidh Saul suas d'a thigh gu Gibeah Shaul.

35 Agus cha d' thàinig Samuel tuilleadh a dh'fhaicinn Shaul gu latha a bhàis; gidheadh, rinn Samuel bròn air son Shaul: agus b'aithreach leis an Tighearna gu'n d'rinn e Saul na rìgh air Israel.

# CAIB. XVI.

**A**GUS thubhairt an Tighearna ri Samuel, Cia fhad a nì thu bròn air son Shaul, agus gu'n do chuir mise cùl ris o rìoghachadh os cionn Israeil? Ion do chorn<sup>i</sup> le h-oladh, agus falbh, cuiridh mise thu gu Iese am Betlehemeach; oir fhuair mi mach<sup>k</sup> am measg a chuid mac rìgh dhomh féin.

2 Agus thubhairt Samuel, Cionnus a dh'fhalbhas mi? oir cluinnidh Saul, agus mharbhaidh e mi. Agus thubhairt an Tighearna, Thoir agh leat, agus abair, A dh'ìobradh do'n Tighearna thàinig mi.

3 Agus gairm air Iese dh'ionnsuidh na h-ìobairt, agus bheir mise fios dhuit ciod a nì thu: agus ungaidh tu dhomh-sa esan a dh'ainmicheas mi dhuit.

4 Agus rinn Samuel an nì sin a labhair an Tighearna, agus thàinig e gu Betlehem: agus chrìochnaich seannairean a' bhaile r'a theachd, agus thubhairt iad, An ann an sìth a tha thu teachd?

5 Agus thubhairt esan, Ann an sìth: a dh'ìobradh do'n Tighearna thàinig mi: naomhaichibh sibh féin, agus thigibh maille rium a dh'ionnsuidh na h-ìobairte. Agus naomhaich e Iese agus a mhic, agus ghairm e iad a dh'ionnsuidh na h-ìobairte.

6 Agus an uair a thàinig iad, dh'amhairc e air Eliab, agus thubhairt e, Gu cinnteach am fianuis an Tighearna tha 'aon ungta-san.

7 Ach thubhairt an Tighearna ri Samuel, Na h-amhairc air a ghnùis, no air airde a phearsa, a chionn

<sup>f</sup> o gheimhlibh. <sup>g</sup> searbhadas, seirbhe. <sup>h</sup> chloinn. <sup>i</sup> t'adharc.

<sup>k</sup> chunnaic mi. Eabh.



gu'n do chuir mise cùl ris; oir cha'n fhaic an Tighearna<sup>a</sup> mar a chi duine: oir amhaircidh an duine air coslas an taobh a muigh<sup>b</sup>, ach amhaircidh an Tighearna steach air a' chridhe.

8 An sin ghairm Iese air Abinadab, agus thug e air gabhail seachad fa chomhair Shamueil: agus thubhairt e, Ni mò a thagh an Tighearn e so.

9 An sin thug Iese air Samah dol seachad: agus thubhairt e, Ni mo a thagh an Tighearn e so.

10 An sin thug Iese air seachdnar d'a mhic dol seachad fa chomhair Shamueil: agus thubhairt Samuel ri Iese, Cha do thagh an Tighearn iad so.

11 Agus thubhairt Samuel ri Iese, Am bheil do mhic uile an so? Agus thubhairt esan, Dh'fhàgadh fathast am mac a's òige, agus feuch, tha e ag ionatrach<sup>c</sup> nan caorach. Agus thubhairt Samuel ri Iese, Cuir fìos air, agus thoir an so e; oir cha suidh sinn sìos<sup>d</sup> gus an d'thig e 'n so.

12 Agus chuir e fìos air, agus thug e steach e: a nis bha e ruiteach, agus sgiamhach na ghnùis<sup>e</sup> agus maiseach ri amharc air. Agus thubhairt an Tighearna, Eirich, ung e; oir is e so esan.

13 Agus ghabh Samuel an corn oladh, agus dh'ung se e am measg a bhràithrean: agus thuirling spiorad an Tighearn air Daibhidh, o'n la sin a mach. Agus dh'èirich Samuel, agus chaidh e gu Ramah.

14 Ach dh'fhalbh spiorad an Tighearna o Shaul, agus chuir droch spiorad o'n Tighearna buaireas<sup>f</sup> air.

15 Agus thubhairt seirbhìsich Shaul ris, Feuch a nis, tha droch spiorad o Dhia a' cur buaireis ort.

16 Thugadh a nis ar tighearn àithne do d' sheirbhìsich a tha ann ad<sup>g</sup> fhianuis, gu'n iarr iad a mach duine a chluicheas<sup>h</sup> gu h-ealanta air clàrsaich: agus an uair a bhios an droch spiorad o Dhia ort, an sin chluichidh esan le a làimh, agus bithidh tusa gu maith.

17 Agus thubhairt Saul r'a sheirbhìsich, Faighibh a nis dhomh duine a chluicheas gu maith, agus thugaibh a'm' ionnsuidh e.

18 An sin fhreagair aon do na h-òglaich, agus thubhairt e, Feuch chunnaic mi mac le Iese am Betle-

hemeach, a chluicheas gu h-ealanta<sup>h</sup>, agus a tha treun ann an neart, agus na fhear cogaidh, agus glic ann an gnothuichibh<sup>i</sup>, agus na dhuine maiseach; agus tha 'n Tighearna maille ris.

19 Uime sin chuir Saul teachdairean a dh'ionnsuidh Iese, agus thubhairt e, Cuir a'm' ionnsuidh Daibhidh do mhac, a tha maille ris na caoraich.

20 Agus ghabh Iese asal luchdaichte le h-aran<sup>k</sup>, agus searrag fhiona, agus meann do na gabhraibh, agus chuir e iad le làimh Dhaibhidh a mhic a dh'ionnsuidh Shaul.

21 Agus thàinig Daibhidh a dh'ionnsuidh Shaul, agus sheas e' na fhianuis; agus ghràdhaich e gu mòr e, agus bha e aige na fhear iomchair arm.

22 Agus chuir Saul teachdaire dh'ionnsuidh Iese, ag ràdh, Seasadh, guidheam ort, Daibhidh a'm' fhianuis; oir fhuair e deagh-ghean a'm' shùilibh<sup>l</sup>.

23 Agus an uair a bha'n droch spiorad o Dhia air Saul, an sin ghabh Daibhidh clàrsach, agus chluich e le a làimh: agus bha fois<sup>m</sup> aig Saul, agus bha e gu maith; oir dh'fhalbh an droch spiorad uath.

## CAIB. XVII.

**A**NIS chruinnich na Philistich an slòigh an ceann a chèile gu cath, agus chruinnicheadh iad aig Sochoh, a bhuineas do Iudah; agus champaich iad eadar Sochoh agus Asecah, ann an Ephesdamin<sup>n</sup>.

2 Agus chruinnicheadh Saul agus fìr Israeil an ceann a chèile, agus champaich iad ann an gleann Elah<sup>o</sup>, agus chuir iad an cath an ordugh<sup>p</sup>, an aghaidh nam Philisteach.

3 Agus sheas na Philistich air sliabh air aon taobh, agus sheas Israeil air sliabh air an taobh eile: agus bha gleann eatorra.

4 Agus thàinig curaidh<sup>q</sup> a mach a camp nam Philisteach, d'am b'ainm Goliath o Ghat, anns an robh se<sup>r</sup> làmhan-coille agus réis air airde.

5 Agus bha clogaid<sup>s</sup> umha air a cheann, agus bha e air 'éideadh le lùirich mhàilich<sup>t</sup>: agus b'e cothrom na lùiriche cùig mìle secl umha.

6 Agus bha coisbheirt<sup>u</sup> umha air a

<sup>h</sup> a tha èdlach air cluicheadh.

<sup>i</sup> am focal, an comhairle.

<sup>k</sup> homer arain.

<sup>l</sup> is taitneach leam e. <sup>m</sup> fèith, anail, lasachadh.

<sup>n</sup> ann an crìch Dhamin.

<sup>o</sup> gleann an daraich. <sup>p</sup> eagar.

<sup>q</sup> fear-còmhraig.

<sup>r</sup> ceithir.

<sup>s</sup> ceann-bheirt.

<sup>t</sup> lùirich lann-

<sup>u</sup> Eabh.

<sup>v</sup> eudanain.

<sup>a</sup> oir cha'n fhaic mise. <sup>b</sup> air a ghnùis; air na sùilibh. Eabh.

<sup>c</sup> a' biadhadh, a' gleidheadh.

<sup>d</sup> i. e. mu'n cuairt air a' bhord.

<sup>e</sup> sùilean àluinn aige. Eabh.

<sup>f</sup> dragh, uamhann.

<sup>g</sup> sheinneas.

chosaibh, agus targaid <sup>a</sup> umha eadar a ghuaillibh.

7 Agus *bha* crann a shleagha mar gharmain <sup>b</sup> figheadair, agus *bha ann* an ceann a shleagha sè ceud secel iaruin: agus *bha fear* a' giùlan sgéithe ag imeachd roimhe.

8 Agus sheas e, agus ghlaodh e ri slòigh <sup>c</sup> Israeil, agus thubhairt e riu, C'ar son a tha sibh a' teachd a mach gu'r cath a chur an ordugh? Nach Philisteach mise, agus nach seirbhisich sibhse do Shaul? taghaibh dhuibh féin fear, agus thigeadh e nuas a'm' ionnsuidh-sa.

9 Ma's urrainn e còmhrag riumsa, agus *ma* mharbhas e mi, an sin bithidhsinne 'narseirbhisich agaibhse; ach ma bheir mise buaidh air-san, agus gu marbh mi e, an sin bithidh sibhse 'nar seirbhisich agaiune, agus ni sibh seirbhis dhuinn.

10 Agus thubhairt am Philisteach, Tha mi toirt dùbhlain do shlòigh Israeil an diugh; faighibh dhomh-sa fear, a chum gu'n dean sinn còmhrag ri chèile.

11 An uair a chuala Saul agus Israel uile briathra sin an Philistich, bha iad fa uamhas, agus fa eagal mòr.

12 [A nis *b'e* Daibhidh mac an Ephrataich sin o Bhetlehem-Iudah, d'am b'ainm Iese; agus *bha* ochdnar mhac aige: agus *bha* an duine ann an laithibh Shaul na sheann duine, air teachd air aghaidh ann an aois <sup>d</sup>,

13 Agus dh'imich an triuir mhac bu shine aig Iese, agus chaidh iad an déigh Shaul a chum a' chogaidh; agus *b'iad* ainmean a thriuir mhac a chaidh dh'ionnsuidh a' chogaidh, Eliab an ceud-ghin, agus na dhéighsan Abinadab, agus an treas mac Samah.

14 Agus *b'e* Daibhidh am mac a b'òige: agus chaidh an triuir bu shine an déigh Shaul.

15 Ach dh'fhalbh Daibhidh agus phill e o Shaul, a dh'ionaltradh chaorach 'athar ann am Bethlehem.

16 Agus tharruing am Philisteach an fagas sa' mhaduinn agus mu fheasgar, agus nochd se e féin dà fhichead là.

17 Agus thubhairt Iese ri Daibhidh a mhac, Gabh a nis air son do bhràithrean ephai do'n t-sìol chruaidhichte so, agus na deich buillean so, agus ruith do'n clamp a dh'ionnsuidh do bhràithre;

18 Agus giùlain na deich mulchagan càise so dh'ionnsuidh ceannaird am mìle-san, agus seall

cionnus a tha do bhràithrean, agus gabh an geall.

19 A nis *bha* Saul, agus iadsan, agus fir Israeil uile ann an gleann Elai, a' cogadh ris na Philistich.

20 Agus dh'éirich Daibhidh gu moch sa' mhaduinn, agus dh'fhàg e na caoraich aig fear-gleidhidh, agus thug e leis, agus dh'imich e, mar a dh'àithn Iese dha; agus thàinig e do'n chlais-bhlàir <sup>e</sup> an uair a bha'n armailt a dol a mach a dh'ionnsuidh a' chatha, agus a rinn iad iolach a chum a' chatha:

21 Oir chuir Israel agus na Philistich iad féin an ordugh catha, armailt an aghaidh armailt.

22 Agus dh'fhàg Daibhidh an t-uidheam <sup>f</sup> a chuir e dheth ann an làimh fir gleidhidh an uidheam, agus ruith e dh'ionnsuidh na h-armailt, agus thàinig e, agus chuir e fàilt air a bhràithribh.

23 Agus an uair a bha e a' labhairt riu, feuch, thàinig an curaidh d'am b'ainm Goliath, am Philisteach o Ghat, a nìos a armailt: nam Philisteach, agus labhair e a réir nam briathra ceudna: agus chuala Daibhidh iad.

24 Agus an uair a chunnaic fir Israeil uile an duine, theich iad roimhe, agus bha eagal mòr orra.

25 Agus thubhairt fir Israeilh, Am faca sibh am fear so a tha air teachd a nìos? gu cinnteach is ann a thoirt dùbhlain do Israel <sup>i</sup> a tha e air teachd a nìos: agus ge b'e fear a mharbhas e, ni an rìgh saibhir e le mòr shlaibhreas, agus bheir e dha a nighean, agus ni e tigh 'athar saor ann an Israel.

26 Agus thubhairt Daibhidh ris na daoineibh a sheas làimh ris, ag ràdh, Ciod a nìthear do'n duine a mharbhas am Philisteach so, agus a bheir air falbh am masladh o Israel? oir cò e am Philisteach neo-thimchiollgheartha so, gu'n d'thugadh e dùbhlain do armailtibh an Dé bhed?

27 Agus fhreagair an sluagh e air an dòigh so, ag ràdh, Mar so nìthear do'n duine a mharbhas e.

28 Agus chuala Eliab a bhràthair bu shine, 'nuair a labhair e ris na daoineibh: agus las fearg Eliab an aghaidh Dhaibhidh, agus thubhairt e, C'ar son a thàinig thu nuas an so: agus cò aig a dh'fhàg thu am beagan chaorach sin ann an fhàsach? tha mi fiosrach air t-uabhar agus olcas do chridhe, oir is ann a dh'fhaicinn a' chatha a thàinig thu nuas.

29 Agus thubhairt Daibhidh, Ciod

<sup>e</sup> chlais - dh'ionaidh, daingneach; trench: Sasg. <sup>f</sup> na thug e leis. <sup>g</sup> slòigh. <sup>h</sup> duine do Israel. <sup>i</sup> a mhaslachadh Israeil.

<sup>a</sup> sgiath. <sup>b</sup> shail. <sup>c</sup> armailtibh; sreathaibh. Eabh. <sup>d</sup> am measg dhaoine.

a riun mi a nis? nach briathran iad?<sup>a</sup>

30 Agus thionndaidh e uaith-san a dh'ionnsuidh *fir* eile, agus labhair e air an dòigh cheudna: agus fhreagair an sluagh e a ris a réir na ceud dòigh.

31 Agus an uair a chualas na briathran a labhair Daibhidh, dh'aithris iad am fianuis Shaul iad: agus chuir e fios air<sup>b</sup>.

32 Agus thubhairt Daibhidh ri Saul, Na fannaicheadh cridhe duine sam bith air a shon-san: théid do sheirbhiseach agus cogaidh e ris an Philisteach so.

33 Agus thubhairt Saul ri Daibhidh, Cha'n urrainn thu-sa dol an aghaidh an Philistich so a chogadh ris: oir *cha 'n'eil* annad-sa *ach* òganach, agus *tha* esan na fhear cogaidh o 'òige.

34 Agus thubhairt Daibhidh ri Saul, Bha do sheirbhiseach ag ionaltadh chaoarach 'athar, agus thàinig leòmhán, agus math-ghamhuin, agus thug e uan as an treud:

35 Agus chaidh mi mach na dhéigh, agus bhuail mi e, agus shaor mi as a bheil e. Agus an uair a dh'éirich e a'm' aghaidh, rug mi air fheusaig air, agus bhuail mi e, agus mharbh mi e.

36 Araon an leòmhán agus am math-ghamhuin mharbh do sheirbhiseach: agus bithidh am Philisteach neo-thimchioll-ghearrta so mar aon diubh-san, do bhrìgh gu'n d'thug e dùbhlán do armaitibh an Dé bhead.

37 Mar an ceudna thubhairt Daibhidh, An Tighearn a shaor mise a màg<sup>c</sup> an leòmhain, agus a màg a' mhath-ghamhuin, saoraidh esan mi a làimh an Philistich so. Agus thubhairt Saul ri Daibhidh, Falbh, agus gu robh an Tighearna maille riut.

38 Agus chuir Saul 'éididh féin air Daibhidh, agus chuir e clogaid umha air a cheann; mar an ceudna chuir e lùireach air.

39 Agus chrioslaich Daibhidh a chlaidheamh air uachdar 'éididh, agus b'aill leis<sup>d</sup> imeachd, oir cha do chleachd e iad: agus thubhairt Daibhidh ri Saul, Cha'n urrainn mi imeachd leòso, oir cha do chleachd mi iad. Agus chuir Daibhidh dheth iad.

40 Agus ghabh e a bhata na làimh, agus thagh e dha féin cùig clacha mine o'n t-sruth, agus chuir e iad ann am màla buachaille<sup>e</sup> a

<sup>a</sup> nach 'eil aobhar ann? <sup>b</sup> ghabh se e. Eabh. <sup>c</sup> cròdh; làimh. Eabh. <sup>d</sup> dh'fheuck e ri. <sup>e</sup> aodhaire.

bha aige, eadhon ann an spòrran, agus bha a chrann-tàbhuill na làimh: agus tharruing e 'm fagus do'n Philisteach.

41 Agus thàinig am Philisteach air aghaidh, agus tharruing e 'm fagus do Dhaibhidh; agus fear iom-chair a sgéithe roimhe.

42 Agus an uair a dh'amhairc am Philisteach agus a chunnaic e Daibhidh, rinn e dìmeas air, a chionn gu'n robh e na òganach, agus ruiteach, agus sgiamhach na ghnùis.

43 Agus thubhairt am Philisteach ri Daibhidh, An cù mise, gu'n d'thigeadh tu a m' ionnsuidh le bataibh: agus mhallaich am Philisteach Daibhidh ann an ainm a dhé<sup>f</sup>.

44 Agus thubhairt am Philisteach ri Daibhidh, Thig a m' ionnsuidh-sa, agus bheir mi t'fhoil do eunlaith an athair, agus do bheathaichibh na macharach.

45 An sin thubhairt Daibhidh ris an Philisteach, *Tha* thu-sa a' teachd a m' ionnsuidh-sa le claidheamh, agus le sleagh, agus le sgéith; ach *tha* mise a' teachd a'd' ionnsuidh-sa ann an ainm Thighearna nan sluagh. Dhé armailtean Israeil, d'an d'thug thu-sa dùbhlán.

46 Air an la 'n diugh bheir an Tighearna thairis thu do m' làimh-sa, agus buailidh mi thu, agus buinidh mi dhòt do cheann, agus bheir mi ciosaichean fheachd nam Philisteach air an la 'n diugh do eunlaith an athair, agus do fhiadh-bheathaichibh na talmhainn; a chum gu'm bi fios aig an talamh uile gu bheil Dia ann an Israel g.

47 Agus bithidh fios aig a' choimhthional so uile, nach ann le claidheamh, no le sleagh a shaoras an Tighearna; oir is leis an Tighearn an cath, agus bheir e sibh-se d'ar làimh-ne.

48 Agus an uair a dh'éirich am Philisteach, agus a thàinig e agus a tharruing e 'm fagus an coinneamh Dhaibhidh, an sin rinn Daibhidh cabhag, agus ruith e dh'ionnsuidh na h-armailt an coinneamh an Philistich.

49 Agus chuir Daibhidh a làmh na mhàla, agus ghabh e as sin clach, agus thig e as a chrann-tàbhuill, agus bhuail e 'm Philisteach an clàr 'eudain: agus chaidh a' chlach a stigh<sup>h</sup> ann an clàr 'eudain, agus thuit e air 'aghaidh dh'ionnsuidh an làir.

50 Mar sin thug Daibhidh bnaidh air an Philisteach le crann-tàbhuill agus le cloich; agus bhuail e 'm Philisteach, agus mharbh se e: ach

<sup>f</sup> le 'dhéibh. <sup>g</sup> aig Israel. <sup>h</sup> an sàs.

cha robh claidheamh ann an làimh Dhaibhidh.

51 Uime sin ruith Daibhidh agus sheas e air an Philisteach, agus ghlac e a chladheamh, agus tharruing e as a thruaill e, agus mharbh se e, agus ghearr e dhèth a cheann leis. Agus an uair a chunnaic na Philistich gu'n robh an gaisgeach marbh, theich iad.

52 Agus dh'éirich fir Isracil agus Iudah, agus rinn iad iolach, agus chaidh iad air tòir nam Philisteach, agus an d'thig thu gu gleann, agus gu geataichibh Ecroin: agus thuit iadsan a bha leònta do na Philistich air an t-slighe gu Saraim, eadhon gu ruig Gat, agus gu ruig Ecron.

53 Agus phill clann Israeil o ruagadh nam Philisteach, agus chreach iad an camp<sup>a</sup>.

54 Agus ghabh Daibhidh ceann an Philistich, agus thug e leis e gu h-Ierusalem: ach chuir e 'armachd na bhùth.

55 Agus an uair a chunnaic Saul Daibhidh a' dol a mach an aghaidh an Philistich, thubhairt e ri Abner ceannard an t-sluaigh, Abneir, cò d'am mac an t-òganach so? Agus thubhairt Abner, Maris beo t'anam, O a rìgh, cha 'n'eil fhiosagam.

56 Agus thubhairt an rìgh, Fedraich<sup>b</sup> thu-sa cò d'am mac an t-òganach so.

57 Agus an uair a phill Daibhidh o mharbhadh an Philistich, ghabh Abner e, agus thug e 'm fianuis Shaul e, le ceann an Philistich na làimh.

58 Agus thubhairt Saul ris, Cò d'am mac thu, òganaich? Agus fhreagair Daibhidh, is mi mac do sheirbhisich Iese, a' Bhethlehemich.

#### CAIB. XVIII.

**A** GUS tharladh an uair a chuir e crìoch air labhairt ri Saul, gu'n do cheangladh anam Ionatain ri anam Dhaibhidh, agus ghràdhaich Ionatan e mar 'anam féin.

2 Agus ghabh Saul d'a ionnsuidh e air an là sin, agus cha do leig e leis pilltinn ni's mò gu tigh 'athar.

3 An sin rinn Ionatan agus Daibhidh coimheangal, do bhrìgh gu'n do ghràdhaich se e mar 'anam féin.

4 Agus chuir Ionatan dheth féin an fhalluinn<sup>c</sup>, a bh'air, agus thug e do Dhaibhidh i, agus 'éididh eadhon gu 'chladheamh, agus gu 'bhogha, agus gu 'chrìos.

5 Agus chaidh Daibhidh mach gach taobh a chuir Saul e, agus ghiùlain se e féin gu glic: agus chuir Saul e os cionn nam fear cog-

aith; agus bha e taitneach ann an sùilibh an t-sluaigh uile, agus mar an ceudna ann an sùilibh sheirbhis-each Shaul.

6 Agus an uair a bha iad a' teachd, an dèigh do Dhaibhidh pilltinn o mharbhadh an Philistich, thàinig na mnà a' mach a uile bhailtibh Isracil, a' seinn agus a' dannsadh an coineamh rìgh Shaul, le tiompanaibh, le gairdeachas, agus le h-innealaibh ciuil tri-theudach.

7 Agus fhreagair na mnà a chéile an uair a bha iad a' seinn, agus thubhairt iad, Mharbh Saul a mhiltean, agus Daibhidh a dheich miltean.

8 Agus bha Saul ro-fheargach, agus mhi-thaitinn an ràdh sin ris<sup>d</sup>, agus thubhairt e, Thug iad do Dhaibhidh deich mìlte, agus dhomh-sa cha d'thug iad ach mìlte: agus ciod tuille dh'fheadas bhi aige ach an rìoghachd?

9 Agus chum Saul sùil<sup>e</sup> air Daibhidh o'n là sin, agus o sin a mach.

10 Agus air an là màireach thàinig an droch spiorad o Dhia air Saul, agus rinn e fàidheadoireachd<sup>f</sup> ann am meadhan an tighe: agus chluich Daibhidh le a làimh, mar air uairibh<sup>h</sup> eile; agus bha sleagh ann an làimh Shaul.

11 Agus thilg Saul an t-sleagh, agus thubhairt e, Buailidh mi Daibhidh leatha gu ruig am balla: ach tharruing Daibhidh as a làthair dà uair.

12 Agus bha eagal air Saul roimh Dhaibhidh<sup>i</sup>, do bhrìgh gu'n robh an Tighearna maille ris, agus gu'n d'imich e o Shaul.

13 Uime sin chuir Saul air falbh uaith e, agus rinn e na cheannard dha féin os cionn mìle e; agus chaidh e mach, agus thàinig e stigh roimh 'n t-sluaigh<sup>k</sup>.

14 Agus ghiùlain Daibhidh e féin gu glic na shligibh uile; agus bha 'n Tighearna maille ris.

15 Agus an uair a chunnaic Saul gu'n do ghiùlain se e féin gu roghlic, bha eagal air roimhe.

16 Ach ghràdhaich Israel uile agus Iudah Daibhidh, do bhrìgh gu'n deachaidh e mach agus gu'n d'thàinig e stigh rompa.

17 Agus thubhairt Saul ri Daibhidh, Feuch, mo nighean a's sine Merab, ise bheir mi dhuit na mnaoi: a mhàin bi thusa gaisgeil air mo shon-sa, agus cuir cathan an Tighearna: oir thubhairt Saul, Na biodh

<sup>d</sup> bha 'n ràdh sin olc na shùilibh. Eabh. <sup>e</sup> sheall Saul gu mi-runach. <sup>f</sup> bha e air boile. <sup>g</sup> bhuail. <sup>h</sup> laithibh. <sup>i</sup> roimh ghnùis Dhaibhidh. Eabh. <sup>k</sup> air ceann-t-sluaigh.

<sup>a</sup> am bùthan. <sup>b</sup> Fiosraich.

<sup>c</sup> truscan.



mo làmh-sa air, ach biodh làmh nam Philisteach air.

18 Agus thubhairt Daibhidh ri Saul, Cò mise? agus ciod i mo bheathla, no teaghlach m'athar<sup>a</sup> ann an Israel, gu'm bithinn a'm' chliamhuin aig an righ?

19 Ach anns an àm sam bu chòir do Mherab nighean Shaul a bhì air a tabhairt do Dhaibhidh, thugadh i do Adriel am Meholatach na mnaoi.

20 Agus ghràdhaich Michal, nighean Shaul, Daibhidh; agus dh'innis iad sin do Shaul, agus thaitinn an ni ris<sup>b</sup>.

21 Agus thubhairt Saul, Bheir mi dha i, a chum gu'm bi i dha na ribeadh, agus gu'm bi làmh nam Philisteach na aghaidh. Uime sin thubhairt Saul ri Daibhidh, Le aon do'n dìthis bithidh tu a'd' chliamhuin agams' an diugh.

22 Agus dh'àithn Saul d'a sheirbhisich, *agràdh*, Labhraibh ri Daibhidh an uaigneas, ag ràdh, Feuch, tha tlachd aig an righ annad, agus tha gràdh aig a sheirbhisich uile dhuit: a nis uime sin bi-sa a'd' chliamhuin aig an righ.

23 Agus labhair seirbhisich Shaul na briathra so ann an cluasaibh Dhaibhidh: agus thubhairt Daibhidh, An ni faoin 'nar sùilbh-sa bhì ann an cleamhnas ri righ, agus nach 'eil annamsa ach duine bochd, agus fa dhìmeas?

24 Agus dh'innis seirbhisich Shaul dha, ag ràdh, Air an dòigh so labhair Daibhidh.

25 Agus thubhairt Saul, Mar so their sibh ri Daibhidh, Cha 'n'eil an righ ag iarraidh dubharaidh<sup>c</sup> sam bith, ach ceud roimh-chroicinn do na Philistich, gu bhì dìolta air naimhdibh an righ. Ach shaoil Saul gu'n d'thugadh e air Daibhidh tuit-eam le làimh nam Philisteach.

26 Agus an uair a dh'innis a sheirbhisich do Dhaibhidh na briathra sin, thaitinn e ri Daibhidh a bhì na chliamhuin aig an righ: agus cha do chrìochnaicheadh<sup>d</sup> na laithean.

27 Uime sin dh'éirich Daibhidh, agus dh'imich e féin agus a dhaoine, agus mharbh e do na Philistich dà cheud fear, agus thug Daibhidh leis an roimh-chroicinn, agus thug iad nan làn àireamh iad do'n righ, a chum gu'm biodh e na chliamhuin aig an righ: agus thug Saul dha Michal a nighean na mnaoi.

28 Agus chunnaic Saul, agus bha fios aige gu'n robh an Tighearna

maille ri Daibhidh, agus gu'n do ghràdhaich Michal nighean Shaul e.

29 Agus bha fathast an tuilleadh eagail air Saul roimh Dhaibhidh; agus bha Saul na nàghaid do Dhaibhidh an còmhnuidh.

30 An sin chaidh ceannardan nam Philisteach a mach: agus an déigh dhoibh dol a mach, ghiùlain Daibhidh e féin ni bu ghlice nà uile sheirbhisich Shaul: agus bha 'ainm ro-urramach.

## CAIB. XIX.

**A** GUS labhair Saul r'a mhac Ionatan, agus r'a sheirbhisich uile, iad a mharbhadh Dhaibhidh.

2 Ach bha tlachd mòr aig Ionatan mac Shaul ann an Daibhidh: agus dh'innis Ionatan do Dhaibhidh, ag ràdh, Tha m'athair Saul ag iarraidh do mharbhadh; a nis uime sin, guidheam ort, thoir an aire dhuit féin sa' mhaduinn, agus fan ann an àite dìomhair, agus folaich thu féin.

3 Agus théid mise mach, agus seasaidh mi làimh ri m'athair sa' mhachair anns am bi thu, agus labhairidh mi mu d' thimchioll ri m'athair; agus an ni a cli mi, sin innsidh mi dhuit<sup>e</sup>.

4 Agus labhair Ionatan maith mu Dhaibhidh r'a athair Saul, agus thubhairt e ris, Na peacaicheadh an righ an aghaidh a sheirbhisich, an aghaidh Dhaibhidh; do bhrìgh nach do pheacaich esan a'd' aghaidh-sa, agus do bhrìgh gu'n robh<sup>f</sup> 'oibre do d' thaobh-sa ro-mhathl:

5 Oir chuir e 'anam<sup>f</sup> na làimh, agus mharbh e am Philisteach; agus dh'oibrich an Tighearna saorsa mhòr air son Israeil uile: chunnaic thu e agus rinn thu gairdeachas: c'ar son ma ta a pheacaicheas tu an aghaidh fola neo-chiontaich, le Daibhidh a mharbhadh gun aobhar?

6 Agus dh'éisd Saul ri guth Ionatan; agus mhionnaich Saul, Mar is beo an Tighearna, cha mharbhar e.

7 Agus ghairm Ionatan air Daibhidh, agus chuir Ionatan an céill dha na briathra sin uile: agus thug Ionatan Daibhidh a dh'ionnsuidh Shaul, agus bha e na fhianuis mar a bha e roimhe.

8 Agus bha cogadh a ris ann: agus chaidh Daibhidh a mach, agus chog e ris na Philistich, agus bhuail e iad le h-àr mòir; agus theich iad roimhe.

9 Agus bha'n droch spiorad o'n Tighearna air Saul, an uair a shuidh e na thigh, agus a shleagh na

<sup>a</sup> ciod i beatha teaghlach m'athar.

<sup>b</sup> bha an ni ceart na shùilbh. Eabh,

<sup>c</sup> crodh, <sup>d</sup> choimhlionadh.

<sup>e</sup> chi mi ciod a tha na chridhe, no their e, agus innsidh mi dhuit. Eabh.

<sup>f</sup> a bheatha,

làimh : agus chluich Daibhidh le a làimh.

10 Agus dh'iarr Saul Daibhidh a bhualadh gu ruig am balladh leis an t-sleagh ; ach tharruing e air falbh a làthair Shaul, agus bhuail e 'n t-sleagh a stigh sa' bhalladh : agus theich Daibhidh, agus chaidh e as air an oidhche sin.

11 Agus chuir Saul teachdairean a dh'ionnsuidh tighe Dhaibhidh, g'a choimhead <sup>b</sup>, agus g'a mharbhadh sa' mhaduinn. agus dh'innis Michal a bhean do Dhaibhidh e, ag ràdh, Mur teasairg thu t'anam an nochd, am màireach cuirear gu bàs thu.

12 Agus leig Michal sìos Daibhidh tre uinneig : agus dh'fhalbh e, agus theich e, agus chaidh e as.

13 Agus ghabh Michal dealbh, agus chuir i san leabaidh e, agus chuir i adhartan <sup>c</sup> do fhionnadh ghabhar f'a cheann, agus cliùmh-daich i le eudach e.

14 Agus an uair a chuir Saul teachdairean aghlacadh Dhaibhidh, thubhairt i, Tha e tinn.

15 Agus chuir Saul na teachdairean a ris a dh'fhaicinn Dhaibhidh, ag ràdh, Thugaibh a nìos san leabaidh a'm' ionnsuidhs' e, a chum gu marbh mi e.

16 Agus an uair a thàinig na teachdairean a stigh, feuch, bha dealbh anns an leabaidh, agus adhartan do fhionnadh ghabhar f'a cheann.

17 Agus thubhairt Saul ri Michal, C'ar son a mheall thu mi mar so, agus a chuir thu air falbh mo nàmhaid, air chor as gu'n deachaidh e as ? Agus fhreagair Michal Saul, Thubhairt e rium, Leig dhomh imeachd ; c'ar son a mharbhainn thu ?

18 Agus theich Daibhidh, agus chaidh e as, agus thàinig e dh'ionnsuidh Shamueil gu Ramah, agus dh'innis e dha gach nì a rinn Saul ris : agus dh'imich esan agus Samuel, agus ghabh iad còmhnuidh ann an Naiot.

19 Agus dh'innseadh do Shaul, ag ràdh, Feuch, tha Daibhidh aig Naiot ann an Ramah.

20 Agus chuir Saul teachdairean aghlacadh Dhaibhidh : agus an uair a chunnaic iad : cuideachd <sup>d</sup> nam fàidhean ri fàidheadoireachd, agus Samuel na sheasamh mar air a shuidheachadh os an cionn, bha spiorad Dhé air teachdairibh Shaul, agus rinn iadsan fàidheadoireachd mar an ceudna.

21 Agus an uair a dh'innseadh sin

do Shaul, chuir e uaith mar an ceudna teachdairean eile ; agus rinn iadsan cuideachd <sup>e</sup> fàidheadoireachd. Agus chuir Saul teachdairean a ris an treas uair, agus rinn iadsan cuideachd fàidheadoireachd.

22 An sin chaidh e féin mar an ceudna gu Ramah, agus thàinig e gu tobar mòr a tha ann an Sechu, agus dh'fhèdraich e, agus thubhairt e, C'ait am bheil Samuel agus Daibhidh ? agus thubhairt aon, Feuch, tha iad aig Naiot ann an Ramah.

23 Agus chaidh e 'n sin gu Naiot ann an Ramah : agus bha spiorad Dhé air-san mar an ceudna, agus chaidh e air aghaidh agus rinn e fàidheadoireachd, gus an d'fhàinig e gu Naiot ann an Ramah.

24 Agus chuir esan cuideachd <sup>f</sup> eudach dheth, agus rinn e fàidheadoireachd am fianuis Shamueil air an dòigh cheudna : agus luidh <sup>f</sup> e sìos lomnochd rè an là sin agus rè na h-oidhche. Uime sin their iad, Am bheil Saul mar an ceudna am measg nam fàidhean ?

## CAIB. XX.

**A** GUS theich Daibhidh o Naiot ann an Ramah, agus thàinig e ; agus thubhairt e am fianuis Ionatan, Ciod a rinn mi ? ciod i m'eu-ceart <sup>g</sup>, agus ciod e mo pheacadh am fianuis t'athar, gu bheil e 'g iarraidh m'anais ?

2 Agus thubhairt esan ris, Nar leigeadh Dia, cha'n fhaigh thu bàs : feuch, cha dean m'athair nì air bith mòr no beag, nach foillsich e dhomhsa : agus c'ar son a dh'fhòlaicheadh m'athair uamsa an nì so ? cha bhi e mar sin.

3 Agus mhionnaich Daibhidh cuideachd, agus thubhairt e, Tha gu cinnteach fios aig t'athair gu'n d'fhuair mise deagh-ghean a'd' shùilibh, agus their e, Na biodh fios aig Ionatan air so, air eagal gu'm bi doilgheas air : ach gu deimhin mar is beò an Tighearna, agus mar is beò t'anam, cha 'n'eil ach ceum eadar mise agus am bàs.

4 An sin thubhairt Ionatan ri Daibhidh, Ge b'e nì a dh'iarras t'anam, eadhon sin nì mise dhuith.

5 Agus thubhairt Daibhidh ri Ionatan, Feuch, tha a' ghealach nuadh ann am màireach, agus bu chòir dhomhsa suidhe maille ris an rìgh gu biadh ; ach leig air falbh mi, a chum as gu'm folaich mi mi féin anns a' mliachair gu feasgar an treas là.

6 Ma dh'ionndraineas t'athair idir

<sup>a</sup> maoir. <sup>b</sup> fhàireadh.

<sup>c</sup> cluasag ; cebir. Eabh.

<sup>d</sup> coimhchruinneachadh.

<sup>e</sup> mar an ceudna. <sup>f</sup> thuit, Eabh.

<sup>g</sup> lochd.

mi<sup>a</sup>, an sin their thu, Dh'iarr Daibhidh gu dùrachdach *cead* orm-sa gu ruith do Bhetlehem a bhaile féin; oir *tha* lobairt bhliadhnail<sup>b</sup> an sin airson an teaghlaich uile.

7 Ma their e mar so, *Ro-mhaith, bithidh* sìth aig do sheirbhiseach: ach ma bhios fearg ro-mhòr air, *an sin* bi cinnteach gu bheil olc air a shonrachadh leis<sup>c</sup>.

8 Uime sin buinidh tu gu caoimhneil ri d' sheirbhiseach; oir thug thu air do sheirbhiseach coimhcheangal an Tighearna dheanamh riut: gidheadh, ma ta olc annamsa, marbh féin mi; oir c'ar son a bheireadh tu mi dh'ionnsuidh t'athar?

9 Agus thubhairt Ionatan, Gu ma fada sin uait; oir ma bhitheas fios gu cinnteach agamsa gu bheil olc air a shonrachadh le m'athair gu teachd ortsa, an sin nach innis mise dhuit e?

10 An sin thubhairt Daibhidh ri Ionatan, Cò dh'innseas dhomh, ma fhreagras t'athair thu gu garg?

11 Agus thubhairt Ionatan ri Daibhidh, Thig, agus rachamaid a mach do'n mhachair. Agus chaidh iad a mach le chéile do'n mhachair.

12 Agus thubhairt Ionatan ri Daibhidh, *Gu'n deanadh* an Tighearna Dia Israeil<sup>d</sup>, an uair a dh'fhidireas mi m'athair<sup>e</sup> mu'n àm so am màireach, *no* air an treas là, agus feuch, *ma bhios* maith ann a thaobh Dhaibhidh, agus nach cuir mi an sin *fios* a'd' ionnsuidh-sa, agus nach foillsich mi dhuit e;

13 Gu'n deanadh an Tighearna mar sin, agus ni's ro-mhò ri Ionatan: ach ma's toil le m'athair olc a dheanamh ort, an sin foillsichidh mi dhuit e, agus cuiridh mi air falbh thu, agus imichidh tu an sìth; agus gu robh an Tighearna maille riut, mar a bha e maille ri m'athair-sa.

14 Agus cha'n e mhàin, ma bhios<sup>f</sup> mi fathast beo, gu'n nochd thu dhomh caoimhneas an Tighearna, chum as nach faigh mi bàs:

15 Ach *cuideachd* cha ghearr thu as do chaoimhneas o'm' thigh gu bràth: cha ghearr, eadhon an uair a ghearras an Tighearna as naimhdean Dhaibhidh, gach aon diubh bhàrr aghaidh na talmhainn.

<sup>a</sup> Ma mhothaicheas t'athair mi air falbh. <sup>b</sup> laithean. Eabh.

<sup>c</sup> gu bheil e cur roimhe an uilc: gu bheil olc air a choimhlionadh leis. Eabh.

<sup>d</sup> O Tighearna Dhé Israeil! Tha'n Tighearna Dia Israeil na shianuis.

<sup>e</sup> rannsaicheas mi m'athair, ni mi dìchioll air inntinn m'athar fhaotainn a mach. <sup>f</sup> am feadh a ta.

16 Mar sin rinn Ionatan coimhcheangal ri tigh Dhaibhidh, *ag ràdh*, Gu'n agradh an Tighearn e eadhon o làimh naimhde Dhaibhidh.

17 Agus thug Ionatan air Daibhidh mionnachadh a ris, a chionn gu'n do ghràdhaich se e: oir ghràdhaich se e mar a ghràdhaich e 'anam féin.

18 An sin thubhairt Ionatan ris, Am màireach *tha* ghealach nuadh ann; agus ionndrainear thu, a' chionn gu'm bi d'àite-suidhe falamh.

19 Agus *an uair* a dh'fhanas tu gus an treas là, théid thu sìos gu grad, agus thig thu dh'ionnsuidh an àite anns an d'fholaich thu thu féin, an uair a bha'n gnothuch *an làimh*, agus fanaidh tu aig a' chloich Esel.

20 Agus tilgidh mise tri saighdean r'a taobh, mar gu'n tilginn air comhara.

21 Agus feuch, cuiridh mi òganach uam, *ag ràdh*, Falbh, faigh a mach na saighdean. Ma their mi gu cinnteach ris an òganach, Feuch, *tha* na saighdean air an taobh so dhìot, gabh iad<sup>h</sup>; an sin thig thusa: oir *tha* sìth ann dhuit, agus cha 'n'eil olc sam bith, *mar* is beo an Tighearna.

22 Ach ma their mi mar so ris an òganach, Feuch, *tha* na saighdean air an taobh thall dìot; imich thusa, oir chuir an Tighearn air falbh thu.

23 Agus a thaobh a' ghnòthuich mu'n do labhair mise agus thusa, feuch, gu robh an Tighearn eadar mise agus thusa gu bràth.

24 Uime sin dh'fholaich Daibhidh e féin anns a' mhachair: agus an uair a thàinig a' ghealach nuadh, shuidh an rìgh sìos gu biadh ith-eadh.

25 Agus shuidh an rìgh air a chathair féin, mar air uairibh eile, eadhon air cathair làimh ris a' bhalladh: agus dh'èirich Ionatan, agus shuidh Abner ri taobh Shaul: agus bha àite Dhaibhidh falamh.

26 Gidheadh, cha do labhair Saul a' bheag sam bith air an là sin: oir thubhairt e leis féin<sup>i</sup>, Thàinig nì-eigin air, cha 'n'eil e glan; gu cinnteach cha 'n'eil e glan.

27 Agus thachair air an là màireach, an dara là do 'n mhìos, gu'n robh àite Dhaibhidh falamh: agus thubhairt Saul r'a mhac Ionatan, C'ar son nach d'thàinig mac lese gu biadh, aon chuid an dé no'n diugh?

28 Agus fhreagair Ionatan Saul,

<sup>g</sup> ann an la a' ghnòthuich. Eabh.

<sup>h</sup> gabh e. Eabh.

<sup>i</sup> shaoil e.

Dh'iarr Daibhidh gu dùrachdach cead ormsa *dol* do Bhethlehem :

29 Agus thubhairt e, Leig air falbh mi, guidheam ort, oir *tha* òbairt aig ar teaghlach anns a' bhaile, agus dh'àithn mo bhràthair dhomh a *bhi 'n sin* : agus a nis na shuair mi deagh-ghean a'd' shùilibh, leig dhomh imeachd, guidheam ort, agus mo bhràithrean fhaicinn. Uime sin cha d'fhàinig e gu bord an rìgh.

30 An sin las fearg Shaul an aghaidh Ionatain, agus thubhairt e ris, A mhic na *mnà* crosta ceannairciche <sup>a</sup>, nach 'eil fhios agamsa gu'n do thagh thu mac Iese chum do mhas-laidh <sup>b</sup> féin, agus a chum maslaidh Ìomnochduigh do mhàthar?

31 Oir co fhad 'sa bhios mac Iese beo air an talamh, cha daingnichear thusa, no do rìoghachd : uime sin a nis cuir *fios* air, agus thoir a'm' ionnsuidh e, oir gu cinnteach gheibh e bàs <sup>c</sup>.

32 Agus fhreagair Ionatan 'athair Saul, agus thubhairt e, C'ar son a chuirear gu bàs e? ciod a rinn e?

33 Agus thilg Saul sleagh air, chum a bhualadh : le sin bha fios aig Ionatan gu'n robh e suidhichte le 'athair Daibhidh a chur gu bàs.

34 Uime sin dh'éirich Ionatan o'n bhord ann am feirg ro-mhòir, agus cha d'ith e biadh sam bith air an dara la do'n mhìos : oir bha e fa dhoilgheas air son Dhaibhidh, a chionn gu'n d'thug 'athair masladh dha.

35 Agus anns a' mhaduinn chaidh Ionatan a mach do'n mhachair aig an àm a shuidhicheadh ri Daibhidh, agus òganach beag maille ris.

36 Agus thubhairt e r'a òganach, Ruith, faigh a nis a mach na saighdean a thilg mi. Agus an uair a ruith an t-òganach, thilg e saighid thairis air.

37 Agus an uair a thàinig an t-òganach gu àite na saighde a thilg Ionatan, ghlaodh Ionatan an déigh an òganaich, agus thubhairt e, Nach 'eil an t-saighid air do thaobh thall?

38 Ghlaodh Ionatan mar an ceudna an déigh an òganaich, Luathaich, dean cabhag, na stad. Agus thionail òganach Ionatain suas na saighdean, agus thàinig e dh'ionnsuidh a mhaighstir.

39 Ach cha robh fios aig an òganach air ni sam bith; bha fios a mhaighstir aig Daibhidh agus Ionatan air a' chùis.

40 Agus thug Ionatan 'armachd

d'a òganach, agus thubhairt e ris, Falbh, thoir do'n bhaile iad.

41 Agus co-luath 'sa dh'fhalbh an t-òganach, dh'éirich Daibhidh a *àite* mu dheas, agus thuit e air 'aghaidh dh'ionnsuidh na talmhainn, agus chrom se e féin tri uairean : agus phòg iad a chéile, agus ghuil iad le chéile; ach *ghuil* <sup>d</sup> Daibhidh ni bu mhò.

42 Agus thubhairt Ionatan ri Daibhidh, Imich an sìth, do bhrìgh gu'n do mhionnaich sinn le chéile ann an ainm an Tighearn, ag ràdh, Gu robh an Tighearn eadar mise agus thusa, agus eadar mo shliochd-sa agus do shliochd-sa gu bràth. Agus dh'éirich e agus dh'imich e : agus chaidh Ionatan do'n bhaile.

CAIB. XXI.

**A**N sin thàinig Daibhidh gu Nob, a dh'ionnsuidh Ahimelech an t-sagairt : agus bha eagal air Ahimelech ag coinneachadh Dhaibhidh, agus thubhairt e ris, C'ar son a *tha* thu a'd' aonar, agus nach 'eil duine sam bith maille riut?

2 Agus thubhairt Daibhidh ri Ahimelech an sagart, Dh'àithn an rìgh gnothuch dhomhsa, agus thubhairt e rium, Na biodh fios aig duine sam bith a thaobh a' ghnòthuich mu'm bheil mise 'gad chur uam, agus a dh'àithn mi dhuit : agus dh'orduich mi <sup>e</sup> do m' òganachaibh *dol* a dh'ionnsuidh a leithid so agus a leithid sud a dh'àite.

3 A nis uime sin ciod a tha fa d' làimh? thoir *dhomh* cuig *builinnean* arain a'm' làimh, no ge b'e ni a tha làthair.

4 Agus fhreagair an sagart Daibhidh, agus thubhairt e, Cha 'n'eil aran coitcheann <sup>f</sup> sam bith fa m' làimh, ach tha aran coisrigte <sup>g</sup> ann; ma ghléidh na h-òganaich iad féin air bheag sam bith o mhaibh.

5 Agus fhreagair Daibhidh an sagart, agus thubhairt e ris, Gu deimhin chumadh mnà uainne na trì laithe so, o thàinig mise mach, agus tha <sup>h</sup> soithiche nan òganach naomha; agus tha 'n t-aran coitcheann air chor, eadhon ge do naomhaicheadh e an diugh anns an t-soitheach <sup>i</sup>.

6 Uime sin thug an sagart dha aran naomha; oir cha robh aran sam bith an sin ach aran na fianuis <sup>b</sup> a thugadh a fianuis an Tighearna,

<sup>d</sup> *agus* an do ghuil. Eabh.

<sup>e</sup> *thug mi fios*. Eabh.

<sup>f</sup> *cumanta*. <sup>g</sup> *naomhaichte*.

<sup>h</sup> *bha*. <sup>i</sup> *agus* ma bha neo-ghloine sam bith air an t-slighe, gidheadh gu cinnteach an diugh bithidh na soithichean glan. <sup>k</sup> *aran taisbeanta*.

<sup>a</sup> *A mhic chrosda na ceannairce*.

<sup>b</sup> *t'amhlua dh*. <sup>c</sup> *is mac do'n bhàs*

<sup>e</sup>. Eabh.



gu aran teth a chur sìos anns an là san d'thugadh air falbh e.

7 A nis *bha* duine àraidh do sheirbhisich Shaul an sin air an là sin, air a chumail an làthair an Tigh-earna: agus *b'e* ainm Doeg, Edomach, am fear a b'airde do na buachaillibh a *bhuineadh* do Shaul.

8 Agus thubhairt Daibhidh ri Ahimelech, Agus nach 'eil an so fa d' làimh sleagh no claidheamh? oir cha d'thug mi aon chuid mo chlaidheamh no m'airm *eile* leam, a chionn gu'n robh gnothuch an rìgh cabhagach.

9 Agus thubhairt an sagart, Claidheamh Gholiath an Philistich, a mharbh thu ann an gleann Elah, feuch, *tha e 'n so* paisgte ann an eudach air cùlaobh na h-Ephoid: ma ghabhas tu sin dhuit féin, gabh e; oir cha 'n *eil claidheamh sam bith eile* ach e an so. Agus thubhairt Daibhidh, Cha 'n *eil a leithid eile* ann, thoir dhomh e.

10 Agus dh'éirich Daibhidh, agus theich e air an là sin a fianuis Shaul, agus chaidh e gu Achis rìgh Ghat.

11 Agus thubhairt seirbhisich Achis ris, Nach e so Daibhidh rìgh na tìre? nach ann m'a thimchiollsan a chan iad le chéile<sup>a</sup> ann an danusaibh, ag ràdh, Mharbh Saul a mhàlta, agus Daibhidh a dheich mìlte?

12 Agus thaisg Daibhidh suas na briathra sin na chridhe, agus bha eagal mòr air roimh Achis rìgh Ghat.

13 Agus dh'atharraich e a ghiùlan nam fianuis, agus leig e air féin a bhi air a' chuthach nan làmhaidh, agus scrìob e air comhlaidh<sup>b</sup> a' gheataidh, agus leig e le 'shileadh tuiteam sìos air 'fheusaig.

14 An sin thubhairt Achis r'a sheirbhisich, Feuch, chi sibh gu bheil an duine air a' chuthach: c'ar son *ma ta* thug sibh a'm' ionnsuidhs e?

15 Am bheil feum agamsa air daoineibh air a' chuthach, gu'n d'thugadh sibh am fear so gu bhi air a' chuthach a'm' làthair? an d'thig am fear so a steach do m' thigh-sa?

## CALB. XXII.

**D**H'IMICH Daibhidh air an aobhar sin as sin, agus chaidh e as gu uaimh Adulaim: agus an uair a chual' a bhraithrean agus tigh 'athar uile e, chaidh iad sìos an sin d'a ionnsuidh.

2 Agus chruinnich d'a ionnsuidh

<sup>a</sup> fhreagair iad a chéile.

<sup>b</sup> dorsaibh.

gach duine a *bha'n* teanntachd, agus gach duine a *bha* fa fhiachaibh, agus gach duine a *bha* fuidh smuairin<sup>c</sup> na inntinn; agus bha e na cheannard orra: agus bha maille ris mu thimchioll ceithir cheud fear.

3 Agus chaidh Daibhidh as sin gu Misphe Mhoab, agus thubhairt e ri rìgh Mhoab, Thigeadh, guidheam ort, m'athair agus mo mhàthair a mach, agus *bitheadh iad* maille ribh, agus am bi fios agam ciod a ni Dia air mo shon.

4 Agus thug e iad am fianuis rìgh Mhoab; agus dh'fhan iad maille ris rè nan làithean uile a bha Daibhidh anns an daingneach.

5 Agus thubhairt am fàidh Gad ri Daibhidh, Na fan anns an daingneach; falbh, agus imich romhad gu tìr Iudah. An sin dh'fhalbh Daibhidh, agus thàinig e gu coillteach Hareit.

6 Agus chuala Saul gu'm facas<sup>d</sup> Daibhidh, agus na daoine a *bha* maille ris: (a uis dh'fhan Saul ann an Gibeah fuidh chraoibh ann an Ramah, agus a shleagh na làimh, agus a sheirbhisich uile nan seasamh làimh ris.)

7 Agus thubhairt Saul r'a sheirbhisich a sheas làimh ris, Eisdibh a nis, a Bheniamineacha: eadhon dhuibhse uile an d'thoir mac Iese achanna agus fion-liosan, agus an dean e sibh uile nar ceannardaibh air mhàltibh, agus nar ceannardaibh air chudaibh;

8 Gu'n deachaidh sibh uile ann an comh-bhoinn<sup>e</sup> a'm' aghaidh-sa, agus nach 'eil neach ann a chuireas an céill domh gu bheil mo mhac air deanamh coimhcheangail ri mac Iese, agus nach 'eil neach agaibh a tha doilich air mo shon, no chuireas an céill domh gu'n do dhùisg mo mhac mo sheirbhiseach a'm' aghaidh, a dheanamh feall-fholach, mar air an là *an d'thug*?

9 An sin fhreagair Doeg an t-Edomach (a bha na sheasamh maille ri seirbhisich Shaul<sup>f</sup>) agus thubhairt e, Chunnaic mi mac Iese a' teachd gu Nob, a dh'ionnsuidh Ahimelech mhic Ahituib.

10 Agus dh'fhiosraich e air a shon do'n Tighearna, agus thug e biadh dha, agus thug e dha claidheamh Gholiath an Philistich.

11 An sin chuir an rìgh fios air Ahimelech an sagart, mac Ahituib, agus tigh 'athar uile, na sagairt a *bha*

<sup>c</sup> neo-thoilichte; searbh. Eabh.

<sup>d</sup> gu'n d'aithnicheadh. Eabh.

<sup>e</sup> Gu'n d'rin sibh uile ceannairc, chuir sibh uile bhuir comhairle ri chéile.

<sup>f</sup> a chuireadh os cionn sheirbhiseacha Shaul.

ann an Nob : agus thàinig iad uile dh'ionnsuidh an rìgh.

12 Agus thubhairt Saul, Eisd a nis, a mhic Ahituib. Agus fhreagair esan, *Tha mi 'n so, mo thigh-earna.*

13 Agus thubhairt Saul ris, C'ar son a chaidh sibh ann an comhbhoinn a'm' aghaidh-sa, thusa agus mac Iese, do bhrìgh gu'n d'thug thu dha aran agus claidheamh, agus gu'n d'fhiosraich thu do Dhia air a shon, a chum gu'n éireadh e suas a'm' aghaidh, a dheanamh feall-fholach, mar air an là 'n diugh?

14 An sin fhreagair Ahimelech an rìgh, agus thubhairt e, Agus cò am measg do sheirbhiseach uile a tha co frinneach ri Daibhidh, a tha na chliamhuin aig an rìgh, agus a dh'imicheas air t'iarus, agus a *tha* urramach ann ad thigh?

15 An do thòisich mi air an là sin<sup>a</sup> air Dia fhiosrachadh air a shon? gu ma fada sin uam: na cuireadh an rìgh ni *sam bith* as leth a sheirbhisich, *no* as leth tighe m'athar uile; oir cha robh fios aig do sheirbhiseach air ni *sam bith* dheth so uile, beag no mòr.

16 Agus thubhairt an rìgh, Gu cinnteach gheibh thu bàs, Ahimelech, thu féin agus uile thigh t'athar.

17 Agus thubhairt an rìgh ris na gillibh ruith a sheas làimh ris, Tionndaidhibh agus marbhaidh sagartan an Tighearna; a chionn gu bheil mar an ceudna an làmh-san maille ri Daibhidh, agus a chionn gu'n robh fios aca gu'n do theich e, agus nach do chuir iad an céill domhla e. Ach cha b'àill le seirbhisich an rìgh an làmh a shineadh a mach gu bualadh air sagartaibh an Tighearna.

18 Agus thubhairt an rìgh ri Doeg, Tionndaidh thusa, agus buail air na sagartaibh. Agus thionndaidh Doeg an t-Edomach, agus bhuail e air na sagartaibh; agus mharbh e air an là sin ceithir fichead agus cùg fir a dh'iomchair ephod do Ìon-endach<sup>b</sup>.

19 Agus bhuail e Nob baile nan sagart le faobhar a' chlaidheimh, eadar fhear agus bhean, leanabh agus chlochan, agus dhamh, agus asal, agus chaora, le faobhar a' chlaidheimh.

20 Agus chaidh aon do mhic Ahimelech mhic Ahituib as, d'am b'ainm Abiatar, agus theich e 'n déigh Daibhidh.

21 Agus dh'innis Abiatar do Dhaibhidh gu'n do mharbh Saul sagartan an Tighearna.

22 Agus thubhairt Daibhidh ri Abiatar, Bha fios agam air an là anns an robh Doeg an t-Edomach an sin, gu cinnteach gu'n innseadh e do Shaul: is mise b'aobhar bàis gach neach do thigh t'athar.

23 Fan thusa maille riumsa: na biodh eagal ort; oir esan a dh'iarras m'anam-sa, iarraidh e t'anam-sa: ach maille riumsa *bithidh* tu fuidh dlùdean.

CAIB. XXIII.

**A**N sin dh'innis iad do Dhaibhidh, ag ràdh, Feuch, *tha* na Philistich a' cogadh an aghaidh Cheilah, agus *tha* iad a' creachadh nan urlar-bualaidh.

2 Uime sin dh'fhiosraich Daibhidh do'n Tighearna, ag ràdh, An d'théid mise, agus am buail mi na Philistich sin? Agus thubhairt an Tighearna ri Daibhidh, Falbh, agus buail na Philistich, agus saor Ceilah.

3 Agus thubhairt daoine Dhaibhidh ris, Feuch, *tha* eagal oirne an so ann an Iudah: cia mò gu mòr ma ta ma théid sinn gu Ceilah an aghaidh armailtean nam Philisteach?

4 An sin dh'fhiosraich Daibhidh a ris do'n Tighearna. Agus fhreagair an Tighearna e, agus thubhairt e, Eirich, falbh sìos gu Ceilah; oir bheir mise na Philistich thairis do d' làimh.

5 Agus chaidh Daibhidh agus a dhaoine gu Ceilah, agus chog e 'n aghaidh nam Philisteach, agus thug e leis an spréidh, agus bhuail e iad le li-àr mor; mar sin shaor Daibhidh luchd-àiteachaidh Cheilah.

6 (A nis an uair a theich Abiatar mac Ahimelech a dh'ionnsuidh Daibhidh gu Ceilah, chaidh e sìos le ephod na làimh.)

7 Agus dh'innseadh do Shaul gu'n d'thàinig Daibhidh gu Ceilah, agus thubhairt Saul, Thug Dia thairis do m' làimh e: oir dhruideadh a stigh e le dol a steach do bhaile gheat-achan agus chrann.

8 Agus ghairm Saul an sluagh uile chum cogaidh, a dhol sìos gu Ceilah a chuartaich Dhaibhidh agus a dhaoine.

9 Agus bha fios aig Daibhidh gu robh Saul gu dìomhair a' dealbhadh uile na aghaidh; agus thubhairt e ri Abiatar an sagart, Thoir an so an ephod.

10 Agus thubhairt Daibhidh, A Thighearna Dhé Israeil, chuala do sheirbhiseach gu cinnteach gu bheil Saul ag iarraidh teachd gu Ceilah, a sgrios a' bhaile air mò shon-sa.

<sup>a</sup> an diugh.

<sup>b</sup> anart.

<sup>c</sup> a theannachadh. Eabh.

11 An d'thoir luchd àiteachaidh<sup>a</sup> Cheilah mise thairis d'a làimh? an d'thig Saul a nuas mar a chuala do sheirbhiseach? A Thighearna Dhé Israel, guidheam ort, innis do d' sheirbhiseach. Agus thubhairt an Tighearna, Thig e nuas.

12 An sin thubhairt Daibhidh, An d'thoir luchd-àiteachaidh Cheilah mise agus mo dhaoine thairis do làimh Shaul? Agus thubhairt an Tighearna, Bheir iad thairis thu.

13 An sin dh'éirich Daibhidh agus a dhaoine, a bha mu thimchioll sè ceud, agus chaidh iad a mach a Ceilah, agus dh'imich iad an taobh a dh'fheudadh iad imeachd<sup>b</sup>. Agus dh'innseadh do Shaul gu'n deachaidh Daibhidh as a Ceilah, agus leig e dheth dol a mach.

14 Agus dh'fhan Daibhidh anns an fhàsach ann an daingneachaibh làidir, agus dh'fhan e ann an sliabh am fàsach Shiph: agus dh'iarr Saul e gach aon là, ach cha d'thug Dia thairis d'a làimh e.

15 Agus chunnaic Daibhidh gu robh Saul air dol a mach a dh'iarraidh 'anma; agus bha Daibhidh ann am fàsach Shiph ann an coille.

16 Agus dh'éirich Ionatan mac Shaul, agus chaidh e dh'ionnsuidh Dhaibhidh do'n choille, agus neartaich e a làmh ann an Dia.

17 Agus thubhairt e ris, Na biodh eagal ort: oir cha'n fhaigh làmh Shaul m'athar-sa thu, agus rìogh-aichidh tu os cionn Israel, agus is mise a's faigse bhios dhuit; agus cuideachd tha fios aig m'athair Saul air sin.

18 Agus rinn iadsan nan dithis coimhcheangal am fianuis an Tighearna: agus dh'fhan Daibhidh anns a' choille, agus dh'imich Ionatan d'a thigh féin.

19 An sin chaidh na Siphich suas a dh'ionnsuidh Shaul gu Gibeah, ag ràdh, Nach 'eil Daibhidh 'ga fholach féin maille ruinne ann an daingneachaibh sa' choille, ann an cnoc Hachilah, a tha air an taobh deas do Iesimon?

20 A nis uime sin, a réir uile mhiann t'anma, O a rìgh, thig da rìreadh a nuas, agus is i ar cuid-ne a thoirt thairis do làimh an rìgh.

21 Agus thubhairt Saul, Beannaichte gu robh sibhe o'n Tighearna, oir ghabh sibh truas rium.

22 Imichibh, guidheam oirbh, ulluichibh fathast, agus biodh fios agaibh, agus faicibh 'ait anns an gnàth leis a bhi e, agus cò a chunnaic an sin e: oir dh'innseadh dhomh gu bheil e deanamh gu ro-sheòlta.

<sup>a</sup> daoine. <sup>b</sup> dh'imich iad an taobh a dh'imich iad. Eabh. <sup>c</sup> anns am bheil a chos. Eabh.

23 Faicibh ma ta, agus biodh fios agaibh air gach àite-folaich anns am bheil e 'ga fholach féin, agus thigibh a m' ionnsuidh a ris le fios cinnteach, agus théid mise maille ribh: agus an sin, ma bliitheas e anns an tìr, rannsachidh mise mach e air feadh uile mhùltean Iudah.

24 Agus dh'éirich iad, agus chaidh iad gu Siph roimh Shaul: ach bha Daibhidh agus a dhaoine ann am fàsach Mhaoin, anns a' chòmhnard air an taobh deas do Iesimon.

25 Agus chaidh Saul agus a dhaoine g'a iarraidh, agus dh'innis iad sin do Daibhidh: uime sin thàinig e nuas gu carraig, agus dh'fhan e ann am fàsach Mhaoin. Agus an uair a chuala Saul sin, chaidh e air tòir Dhaibhidh ann am fàsach Mhaoin.

26 Agus chaidh Saul air an taobh so do'n t-sliabh, agus Daibhidh agus a dhaoine air an taobh eile do'n t-sliabh: agus rinn Daibhidh cabhag gu imeachd air falbh roimhe Shaul<sup>d</sup>; oir chuairtich Saul agus a dhaoine Daibhidh agus a dhaoine, chum an glacadh.

27 Ach thàinig teachdaire dh'ionnsuidh Shaul, ag ràdh, Dean cabhag agus thig; oir bhris na Philistich a stigh air an tìr.

28 Uime sin phill Saul o dhol air tòir Dhaibhidh, agus chaidh e 'n aghaidh nam Philisteach: air an aobhar sin thug iad Selah-hamalecot<sup>e</sup> mar ainm air an àite sin.

29 Agus chaidh Daibhidh suas as sin, agus ghabh e còmhnuidh ann an daingneachaibh làidir Engedi.

## CAIB. XXIV.

**A** GUS an uair a bha Saul air pilltinn o leantuinn nam Philisteach, dh'innseadh dha, ag ràdh, Feuch, tha Daibhidh ann am fàsach Engedi.

2 An sin ghabh Saul trì mìle fear taghta a h-Israel uile, agus chaidh e dh'iarraidh Dhaibhidh agus a dhaoine air aghaidh chreag nam fiadh-ghabhar.

3 Agus thàinig e dh'ionnsuidh mainnnean<sup>f</sup> nan caorach làimh ris an t-slighe, far an robh uaimh; agus chaidh Saul a steach a chòmhdachadh a chos: agus dh'fhan Daibhidh agus a dhaoine ann an taobhaibh na h-uamha.

4 Agus thubhairt daoine Dhaibhidh ris, Feuch an là mu'n d'thubhairt an Tighearna riut, Feuch, bheir mi thairis do nàmhaid do d' làimh, a chum as gu'n dean thu ris mar is àill leat. An sin dh'éirich Daibhidh,

<sup>d</sup> air eagal Shaul. <sup>e</sup> i. e. ereag nan sgaradh. <sup>f</sup> chrò.

agus ghearr e air falbh iomall falluinne Shauil os iosal.

5 Agus na dhéigh sin bhuail cridhe Dhaibhidh e; a chionn gu'n do ghearr e air falbh iomall falluinne Shauil.

6 Agus thubhairt e r'a dhaoibh, Nar leigeadh Dia gu'n deanainnse an nì so ri m' thighearna aon ungta an Tighearna, mo làmh a shineadh a mach na aghaidh, o's e aon ungta an Tighearn e.

7 Agus choisg Daibhidh a dhaoine leis na briathraibh sin, agus cha do leig e leo éirigh an aghaidh Shauil. Ach dh'éirich Saul suas an uaimh, agus dh'imich e air a shlighe.

8 Agus dh'éirich Daibhidh suas an déigh sin, agus chaidh e mach as an uaimh, agus ghlaodh e 'n déigh Shauil, ag ràdh, Mo thighearn, a rìgh. Agus an uair a dh'amhairc Saul na dhéigh, chrom Daibhidh e féin air aghaidh dh'ionnsuidh na talmhainn, agus rinn e ùmhlaich<sup>a</sup>.

9 Agus thubhairt Daibhidh ri Saul, C'ar son a tha thu ag éisd-eachd ri briathraibh dhaoine, ag ràdh, Feuch, tha Daibhidh ag iarraidh do chron.

10 Feuch, air an la 'n diugh chunnaic do shùilean cionnus a thug an Tighearna thairis thu an diugh do m' làmh anns an uaimh: agus dh'iarr *cuid* orm do mharbhadh, ach chaomhain mo shùil thu, agus thubhairt mi, Cha chuir mi mo làmh a mach an aghaidh mo thighearna; oir is e aon ungta an Tighearn e.

11 Agus faic, O athair, eadhon faic iomall t'fhalluinne a'm' làimh: do bhrìgh an uair a ghearr mi air falbh iomall t'fhalluinne, nach do mharbh mi thu, biodh fios agad agus faic nach 'eil aon chuid olc no eusaontas<sup>b</sup> a'm' làimh, agus nach do pheacaich mi a't' aghaidh; gidheadh tha thu a' sealg air m'anam, a chum a ghlacadh.

12 Gu'n d'thugadh an Tighearna breth eadar mise agus thusa, agus gu'n dìoladh an Tighearna mise ort: ach cha bhí mo làmh-sa ort.

13 Mar a their gnàth-fhocal nan sean-fhear, O na h-àinigidh thig aingidheachd: ach cha bhí mo làmh-sa ort.

14 Cò an déigh an d'thàinig rìgh Israel a mach? cò air am bheil thu 'n toir? an déigh coin mhairbh, an déigh deargainne.

15 Uime sin bitheadh an Tighearna na bhreitheamh, agus thugadh e breth eadar mise agus thusa, agus faiceadh e, agus tagradh e

mo chùis, agus saoradh e mi as do làimh.

16 Agus an uair a chuir Daibhidh crìoch air na briathra sin a labhairt ri Saul, an sin thubhairt Saul, An e so do ghuth, a mhic, a Dhaibhidh? Agus thog Saul suas a ghuth, agus ghuil e.

17 Agus thubhairt e ri Daibhidh, Is tusa a's frinniche nà mise: oir dhìol thusa maith dhomhsa, ach dhìol mise olc dhuitse.

18 Agus nochd thu an diugh cionnus a bhuin thu gu maith rium; do bhrìgh, an uair a thug an Tighearna thairis mi do d' làimh, nach do mharbh thu mi.

19 Oir an uair a gheibh duine a nàmhaid, an leig e as gu maith e? uime sin gu'n dìoladh an Tighearna maith dhuitse air son na rinn thu dhomhsa an diugh.

20 Agus a nis feuch, tha fios agam gu'm bì thu gu cinnteach a'd' rìgh, agus gu'n daingnichear rìoghachd Israel a'd' làimh.

21 Uime sin mionnaich dhomhsa air an Tighearna, nach gearr thu as mo shliochd a'n' dhéigh, agus nach sgries thu m'ainm a tigh m'athar.

22 Agus mhionnaich Daibhidh do Shaul: agus chaidh Saul dhachaidh; ach chaidh Daibhidh agus a dhaoine suas do'n daingneach.

# CAIB. XXV.

**A** GUS fhuair Samuel bàs; agus chruinnich na h-Israelich uile an ceann a chéile, agus rinn iad caoidh air a shon, agus dh'adhlaic iad e na thigh ann an Ramah. Agus dh'éirich Daibhidh, agus chaidh e sìos gu fàsach Pharain.

2 Agus bha duine ann am Maon, aig an robh a shealbh<sup>d</sup> ann an Carmel, agus bha 'n duine ro-mhòr, agus bha trì mìle caora aige, agus mìle gabhar: agus bha e a' lomaire<sup>e</sup> a chaorach ann an Carmel.

3 A nis b'e ainm an duine Nabal, agus ainm a mhnà Abigail: agus bha i na mnaoi aig an robh deagh thuigse, agus maiseach na dealbh; ach bha 'n duine iargalta<sup>f</sup>, agus olc na ghnìomharaibh, agus bha e do thigh Chaleib<sup>g</sup>.

4 Agus chuala Daibhidh san fhàsach gu'n robh Nabal a' lomaire a chaorach.

5 Agus chuir Daibhidh uaith deichnear òganach, agus thubhairt Daibhidh ris na h-òganaich, Gabhaibh suas gu Carmel, agus rachaibh

<sup>e</sup> air slighe mhaith. Eabh. <sup>d</sup> a ni, a spréidh; 'obair. Eabh.  
<sup>e</sup> rùsgadh. <sup>f</sup> ainmeineach; cruaidh. Eabh. <sup>g</sup> bu Chalebeach e. Eabh.

<sup>a</sup> chrom se e féin.

<sup>b</sup> eu-ceart, aingidheachd.



a dh'ionnsuidh Nabail, agus cuiribh fàilte air a'm' ainm-sa.

6 Agus mar so their sibh, Slàn gu robh thu<sup>a</sup>; agus sìth gu robh dhuit féin, agus sìth do d' thigh, agus sìth do gach nì a th'agad.

7 Agus a nis chuala mi gu bheil luchd-lomairt chaorach agad: a nis do bhuachaillean-sa, a bha maille ruinn, cha d'rinn sinn cron orra, nì mò a dh'ionndraineadh<sup>b</sup> nì sam bith leo rè na h-aimsir a bha iad ann an Carmel.

8 Fèdraich do d' òganachaibh, agus innsidh iad dhuit: faigheadh ma ta na h-òganaich deagh-ghean a'd' shùilibh, oir air la maith<sup>c</sup> thàinig sinn: thoir, guidheam ort, do d' sheirbhisich, agus do d' mhac Daibhidh, ge b'è nì a thig a dh'ionnsuidh do làimhe<sup>d</sup>.

9 Agus an uair a thàinig òganach Dhaibhidh, labhair iad ri Nabal a réir nam briathra sin uile ann an ainm Dhaibhidh, agus bha iad nan tosd<sup>e</sup>.

10 Agus fhreagair Nabal seirbhisich Dhaibhidh, agus thubhairt e, Cò e Daibhidh, agus cò e mac Iese? is lìonmhor seirbhisich 'sna laithibh so a tha briseadh air falbh gach duine dhiubh o' mhaighstir.

11 An gabh mise ma ta m'aran, agus m'uisge, agus m'fheoil a mharbh mi air son mo luchd-lomairt, agus an tabhair mi e do dhaoineibh nach àithne dhomh cia as a tha iad?

12 Uime sin thionndaidh òganach Dhaibhidh air an slighe, agus phill iad, agus thàinig iad agus dh'innis iad dha do réir nam briathra sin uile.

13 Agus thubhairt Daibhidh r'a dhaoineibh, Cuiribh gach duine a chlaidheamh air. Agus chuir gach duine dhiubh a chlaidheamh air, agus chuir Daibhidh mar an ceudna a chlaidheamh air: agus chaidh suas an déigh Dhaibhidh mu thimchioll ceithir cheud fear, agus dh'fhan dà cheud maille ris an airneis.

14 Ach dh'innis fear do na h-òganachaibh do Abigail bean Nabail, ag ràdh, Feuch, chuir Daibhidh teachdairean as an fhàsach a chur fàilte air ar maighstir, agus thug e ana-cainnt dhoibh.

15 Ach bha na daoine ro-mhaith ruinn, agus cha d'rinneadh cron oirnn, nì mò a dh'ionndrain<sup>f</sup> sinn nì sam bith rè na h-aimsir a bha

sinn maille riu, 'nuair a bha sinn san fhearann.

16 Bha iad nam balladh dhuinn araon a dh'oidhche agus a là, rè na h-aimsir a bha sinn maille riu ag ionaltradh nan caorach.

17 A nis air an aobhar sin biodh fios agad agus smuainich ciod a nì thu; oir shonruicheadh olc an aghaidh ar maighstir, agus an aghaidh a thighe uile: agus is mac do Bhe-lial esan, air chor as nach feud neach labhairt ris.

18 An sin rinn Abigail cabhag, agus ghabh i dà cheud builinn arain, agus dà shearrag fhìona, agus cùig caoraich air an deasachadh, agus cùig toimhsean do shìol cruaidhichte<sup>h</sup>, agus ceud bagaie<sup>i</sup> do fhìon-dhearcaibh tiormaichte, agus dà cheud meall do fhìgibh; agus chuir i air asalaibh iad.

19 Agus thubhairt i r'a h-òganachaibh, Rachaidh air bhur n aghaidh romham: feuch, tha miteachd<sup>j</sup> 'nar déigh: ach cha d'innis i sin d'a fear Nabal.

20 Agus an uair a bha i a' marcachd air an asail, agus a' teachd a nuas ann am fàsach an t-sléibh, feuch thàinig Daibhidh agus a dhaoine a nuas an còdhail, agus choinnich i iad.

21 A nis thubhairt Daibhidh, Gu cinnteach is ann gu dìomhaoin a ghléidh mise gach nì a bh'aig an fhear so san fhàsach, air chor as nach d'ionndraineadh nì air bith do gach nì a bhuineadh dha; oir dhiol esan olc dhomhsa an éiric maith.

22 Gu'n deanadh Dia mar sin ri naimhdeibh Dhaibhidh, agus tuille mar an ceudna, ma dh'fhàgas mise dhiubhsan uile a tha aige gu ruig a' mhaduinn, aon air bith a nì uisge ri balladh.

23 Agus an uair a chunnaic Abigail Daibhidh, rinn i cabhag agus theirinn i bhàrr na h-asail, agus thuit i sìos air a h-aghaidh an fianuis Dhaibhidh, agus chrom si i féin gu làr,

24 Agus thuit i aig a chosaibh, agus thubhairt i, Òrmsa, eadhon òrmsa mo thighearna, bitheadh an cionta so, agus labhradh, guidheam ort, do bhan-oglach ann ad éisd-eachd, agus cluinn briathra do bhan-oglaich.

25 Na d'thugadh mo thighearna, guidheam ort, fa'near an duine so<sup>k</sup> le Belial, eadhon Nabal; oir a réir 'ainme, mar sin tha e: is e Nabal<sup>l</sup>

<sup>a</sup> mar so their sibh ris-san a tha beò ann an saibhreas. <sup>b</sup> chailleadh.

<sup>c</sup> subhach. <sup>d</sup> gheibh do làmh. Eabh. <sup>e</sup> sguir iad, stad iad.

<sup>f</sup> chail. <sup>g</sup> a ghluais, Eabh.

<sup>h</sup> do gkràn gradain. <sup>i</sup> badan; triopall. Eir. clusters. Sasg.

<sup>k</sup> Na cuireadh mo thighearna a chridhe air an duine so. Eabh.

<sup>l</sup> i. e. amadan.

'ainm, agus *tha* amaideachd maille ris: ach cha'n fhaca mise, do bhan-oglach, òganaich mo thighearna, a chuir thu uait.

26 A nis uime sin, mo thighearna, *mar* is beò an Tighearna, agus *mar* is beo t'anam, a chionn gu'n do chum an Tighearn thusa o theachd a dhòrtadh fola, agus o thu féin a dhìoladh le d' làimh féin; a nis uime sin *mar* Nabal bitheadh do naimhdean, agus iadsan a dh'iarraas olc do m' thighearna:

27 Agus a nis am beannachadh a so, a thug do bhan-oglach a dh'ionnsuidh mo thighearna, thugar e eadhon do na h-òganaich a tha siubhal an cois<sup>b</sup> mo thighearna.

28 Maith, guidheam ort, cionta do bhan-oglach; oir ni an Tighearna gu cinnteach tigh seasmhach do m' thighearna do bhrìgh gu bheil mo thighearn a' cur cathan an Tighearna, agus nach d'fhuaradh olc annad o thùs do làithean.

29 Gidheadh dh'èirich duine gu dol air do thòir, agus a dh'iarraidh t'anma: ach bithidh anam mo thighearna air a cheangal suas ann an ceanglachan na beatha aig an Tighearna do Dhia; agus anmanna do naimhdean, iadsan tilgidh e mach, *mar a* meadhon croinn-tàbhuill<sup>c</sup>.

30 Agus an uair a ni an Tighearna do m' thighearn a réir gach maith a labhair e mu d' thimchioll, agus a dh'orduicheas e thu a'd' uachdaran os cionn Israeil;

31 Cha bhi so chum doilgheis<sup>d</sup> dhuit, no chum oilbheim cridhe do m' thighearna, gu'n do dhèirt thu fuil gun aobhar, agus gu'n do dhìol mo thighearna e féin: ach an uair a bhuineas an Tighearna gu maith ri m' thighearna, an sin cuimhnich air do bhan-oglach.

32 Agus thubhairt Daibhidh ri Abigail, Beannaichte *gu robh* an Tighearna Dia Israeil, a chuir thusa an diugh a'm' chionneamh-sa;

33 Agus beannaichte *gu robh* do chomhairle, agus beannaichte *gu robh* thu féin, a chum mise an diugh o theachd a dhòrtadh fola, agus o mi féin a dhìoladh le m' làimh féin.

34 Oir gu deimhin, *mar* is beo an Tighearna Dia Israeil, a chum mis' o chion a dheanamh ort, *mar* bith-eadh tu air deanamh cabhaig, agus air teachd a'm' choinneamh, gu cinnteach cha'n fhàgta do Nabal gu solus na maidne neach sam bith, a ni uisge ri balladh.

35 Uime sin ghabh Daibhidh as a làimh na thug i d'a ionnsuidh, agus thubhairt e rithe, Gabh suas ann an sìth a dh'ionnsuidh do thighe; faic, dh'èisd mi ri d' ghuth, agus ghabh mi ri d' glùnais.

36 Agus thàinig Abigail a dh'ionnsuidh Nabal, agus feuch, *bha* cuirm aige na thigh *mar* chuir m' rìgh; agus *bha* cridhe Nabal subhach an taobh a stigh dheth, oir *bha* e gu m' air mhisg: uime sin cha d'innis i dha a bheag no mhòr, gu solus na maidne.

37 Ach anns a' mhaduinn, an uair a chaidh am fion a Nabal<sup>e</sup>, agus a dh'innis a bhean dha na nithe sin, bhàsaich a cridhe an taobh a stigh dheth, agus *bha* e *mar* chloich.

38 Agus mu thimchioll deich làithean na dhéigh sin bhuail an Tighearna Nabal, agus fhuair e bàs.

39 Agus an uair a chuala Daibhidh gu'n d'fhuair Nabal bàs, thubhairt e, Beannaichte *gu robh* an Tighearn a thagair cùis mo mhaslaidh o làimh Nabal, agus a chum a sheirbhiseach o olc: oir thionndaidh an Tighearn aingidheachd Nabal air a cheann féin. Agus chuir Daibhidh teachdaire uaith, agus labhair e ri Abigail, a chum a gabhail dha féin na mnaoi.

40 Agus an uair a thàinig seirbhiseich Daibhidh a dh'ionnsuidh Abigail gu Carmel, labhair iad rithe, ag ràdh, Chuir Daibhidh sinn a'd' ionnsuidh a chum do ghabhail thuige<sup>f</sup> a'd' mnaoi.

41 Agus dh'èirich i agus chrom si i féin air a h-aghaidh dh'ionnsuidh na talmhainn, agus thubhairt i, Feuch, bitheadh do bhan-oglach na h-innilt<sup>g</sup> a nigheadh chos sheirbhiseach mo thighearna.

42 Agus rinn Abigail cabhag, agus dh'èirich i, agus mharcaich i air asail, agus cùgear ghruagach aice ag imeachd na déigh; agus lean i teachdairean Daibhidh, agus *bha* i na mnaoi aige.

43 Ghabh Daibhidh cuideachd Ahinoam o Iesreel, agus *bha* iad *mar* an ceudna le chéile nam mnaibh aige.

44 Oir thug Saul a nighean Michal, bean Daibhidh, do Phalti mac Lais, a *bha* do Ghalim.

CAIB. XXVI.

AGUS thàinig na Siphich a dh'ionnsuidh Shaul gu Gibeah, ag ràdh, Nach 'eil Daibhidh 'ga fhòlach féin ann an slabh Hachilah fa chomhair Iesimoin?

2 An sin dh'èirich Saul, agus

<sup>e</sup> an uair a thàinig Nabal gu 'chéill.  
<sup>f</sup> chuige. Eir. <sup>g</sup> na seirbhiseich.

<sup>a</sup> an tiodhlac. <sup>b</sup> a' leantuinn.

<sup>c</sup> meadhon glaise croinn-tàbhuill.  
Eabh. <sup>d</sup> tuistidh.

chaidh e sìos gu fàsach Shiph, agus maille ris trì mìle fear taghta do Israel, a dh'iarraidh Dhaibhidh ann am fàsach Shiph.

3 Agus champaich Saul ann an sliabh Hachilah, a *tha* fa chomhair Iesimoin air an t-slighe: ach dh'fhan Daibhidh anns an fhàsach, agus chuunnaic e gu'n d'thàinig Saul na dhéigh do'n fhàsach.

4 Uime sin chuir Daibhidh mach luchd-rannsachaidh, agus thuig e gu'n d'thàinig Saul da rìreadh.

5 Agus dh'èirich Daibhidh, agus thàinig e dh'ionnsuidh an àite anns an do champaich Saul: agus chuunnaic Daibhidh an t-àit anns an robh Saul na luidhe, agus Abner mac Ner, ceannard 'armailte: agus luidh Saul an taobh a stigh do'n chlais-bhlàir<sup>a</sup>, agus champaich an sluagh m'a thimchioll.

6 An sin fhreagair Daibhidh, agus thubhairt e ri Ahimelech an Hiteach, agus ri Abisai, mac Sheruah, bràthair Ioab, ag ràdh, Cò thèid sìos maille rium-sa dh'ionnsuidh Shaul do'n champ? Agus thubhairt Abisai, Thèid mise sìos maille riut.

7 Uime sin thàinig Daibhidh agus Abisai dh'ionnsuidh an t-sluaigh 'san oidhche; agus feuch, luidh Saul na chodal an taobh a stigh do'n chlais-bhlàir, agus a shleagh sàthta 'san talamh aig a cheann-adhairt; ach luidh Abner agus an sluagh mu'n cuairt air.

8 An sin thubhairt Abisai ri Daibhidh, Thug Dia thairis do nàmhaid an diugh do d' làimh: a nis uime sin, leig leam a bhualadh, guidheam ort, leis an t-sleagh a dh'ionnsuidh na talmhainn aon uair, agus cha bhual mi e an dara uair.

9 Agus thubhairt Daibhidh ri Abisai, Na marbh e; oir cò a shìneas a mach a làmh an aghaidh aoin ungta an Tighearna, agus a bhios neo-chiontach?

10 Thubhairt Daibhidh mar an ceudna, *Mar* is beo an Tighearna, buailidh an Tighearna e, no thig a là anns am faigh e bàs, no thèid e sìos do'n chath agus tuitidh e.

11 Nar leigeadh an Tighearna gu'n sininn-se mach mo làmh an aghaidh aoin ungta an Tighearna: ach a nis gabh, guidheam ort, an t-sleagh a *tha* aig a cheann-adhairt, agus an soitheach uisge, agus biomaid ag imeachd.

12 Agus ghabh Daibhidh an t-sleagh agus an soitheach uisge o cheann-adhairt Shaul, agus dh'umich iad rompa, agus cha robh neach ann a chuunnaic sin, no aig

an robh fios air, no a mhosgail; oir *bha* iad uile nan codal, do bhrìgh gu'n do thuit codal trom o'n Tigh-earn orra.

13 An sin chaidh Daibhidh thairis do'n taobh eile, agus sheas e air mullach sléibhe fad as, *le* astar mòr eatorra.

14 Agus ghlaodh Daibhidh ris an t-sluagh, agus ri Abner mac Ner, ag ràdh, Nach freagair thu, Abneir? Agus fhreagair Abner, agus thubhairt e, Cò thusa, a *tha* glaothaich ris an rìgh?

15 Agus thubhairt Daibhidh ri Abner, Nach fear *treun* thu-sa? agus cò a's cosmhuil riut ann an Israel? C'ar son ma ta nach do choimhid thu do thighearn an rìgh? oir thàinig aon do'n t-sluagh a steach a mharbhadh an rìgh do thighearna.

16 Cha 'n'eil an ni so maith a rinn thu: *mar* is beo an Tighearna, *tha* sibh a' toilltinn a' bhàis<sup>b</sup>, do bhrìgh nach do ghlèidh sibh bhur maighstir, aon ungta an Tighearna: agus a nis faic c'ait am bheil sleagh an rìgh, agus an soitheach uisge, a *bha* aig a cheann-adhairt?

17 Agus dh'aithnich Saul guth Dhaibhidh, agus thubhairt e, An e so do ghuth-sa, a mhic, a Dhaibhidh? agus thubhairt Daibhidh, *Is e* mo ghuth-sa a *th'ann*, mo thighearn, a rìgh.

18 Agus thubhairt e, C'ar son a *tha* mo thighearn air tòir a sheirbhisich? oir ciod a rinn mi? no ciod an t-olc a th'ann am làimh?

19 A nis uime sin, guidheam ort, éisdeadh mo thighearna an rìgh ri briathraibh a sheirbhisich: ma's e an Tighearn a bhrosnuich thu a'm<sup>c</sup> aghaidh, gabhaidh e tabhartas<sup>c</sup>: ach ma's iad clann nan daoine, mall-aichte *tha* iad am fianuis an Tighearna, oir dh'fhuadaich iad mise mach an diugh o fhanuinn ann an oighreachd an Tighearna, ag ràdh, Falbh, dean seirbhis do dhiathaibh eile.

20 A nis ma ta, na tuiteadh m' fhuil a dh'ionnsuidh na talmhainn ann am fianuis an Tighearna; oir thàinig rìgh Israel a mach a dh'iarraidh deargainne, mar a ruaigear fear cearc choille<sup>d</sup> anns na beannaibh.

21 An sin thubhairt Saul, Pheac-aich mi. pill, a mhic, a Dhaibhidh, oir cha dean mi cron ort tuilleadh, a chionn gu'n robh m'anam luach-mhor a'd' shùilibh an diugh: feuch, rinn mi gu h-amaideach, agus

<sup>b</sup> is mic do'n bhàs sibh. Eabh.

<sup>c</sup> gabhaidh e fàile tabhartais. Eabh.

<sup>d</sup> cearc-thomain; core. Eabh.

<sup>a</sup> an taobh a stigh do chuairt nan carbad.

chaidh mi air seacharan gu ro-mhor.

22 Agus fhreagair Daibhidh agus thubhairt e, Feuch sleagh an rìgh; agus thigeadh aon do na h-òganaich a nall agus gabhadh e i.

23 Agus iocadh an Tighearna do gach neach a réir 'ionracais agus fhìreantachd: oir thug an Tighearna thairis thu an diugh do m' làimh-sa, ach cha b' àill leam mo làmh a shìneadh a mach an aghaidh aoin ungta an Tighearna.

24 Agus feuch, mar a mheasadh t'anam-sa gu mòr leamsa an diugh, mar sin bitheadh m'anam-sa air a mheas gu mòr leis an Tighearna, agus saoradh e mi as gach gabhadh.

25 Agus thubhairt Saul ri Daibhidh, Beannaichte gu robh thu-sa, a mhic, a Dhaibhidh: an dà chuid ni thu *nìthe* mòra, agus mar an ceudna bheir thu gu cinnteach buaidh. Agus dh'imich Daibhidh air a shlighe, agus phill Saul do 'àite féin.

CAIB. XXVII.

**A**GUS thubhairt Daibhidh na chridhe, A nis tuitidh mi la éigin an làimh Shaul<sup>a</sup>; cha 'n' eil ni air bith a's fearr dhomh na mi dhol as gu luath do dhùthaich nam Philisteach, a chum gu'n leig Saul dheth<sup>b</sup> mise iarraidh ni's mò ann an crìch air bith do Israel, agus gu'n d'théid mi as o 'làimh.

2 Agus dh'éirich Daibhidh, agus chaidh e thairis agus an sè ceud fear a bha maille ris, a dh'ionnsuidh Achis mhic Mhaoich, rìgh Ghat.

3 Agus ghabh Daibhidh còmh-nuidh maille ri Achis ann an Gat, e féin agus a dhaoine, gach fear le 'theaghlach, Daibhidh agus a dhà mhnaoi, Ahinoam a' Bhan-iesreel-each, agus Abigail a' Bhan-charmel-each bean Nabail.

4 Agus dh'innseadh d' Shaul gu'n do theich Daibhidh gu Gat, agus cha d'iarr e ni's mò air a shon.

5 Agus thubhairt Daibhidh ri Achis, Ma fhuair mi nis deagh-ghean a'd' shùilibh, thugar dhomh àit ann am baile éigin 'san dùthaich, a chum as gu'n gabh mi còmh-nuidh an sin: oir c'ar son a ghabhadh do sheirbhiseach còmh-nuidh anns a' bhaile rìoghail maille riut-sa?

6 An sin thug Achis dha Siclag air an là sin: uime sin buinidh Siclag do rìghribh Iudah gus an la 'n diugh.

7 Agus b'e fad na h-aimsir e a dh'fhan Daibhidh ann an dùthaich

<sup>a</sup> cuirear gu bàs mi la éigin le làimh Shaul.

<sup>b</sup> gu'n caill Saul a dhòchas a'm thaobh-sa.

<sup>c</sup> àireamh nan

laithean. Eabh.

nam Philisteach, bliadhna iomlan<sup>d</sup> agus ceithir mìosan.

8 Agus chaidh Daibhidh agus a dhaoine suas, agus bhris iad a stigh air na Gesuraich<sup>e</sup>, agus na Gesirich, agus na h-Amaleich; oir b'iadsan o shean luchd-àiteachaidh na tìre, mar a théid thu gu Sur, eadhon gu tìr na h-Eiphit.

9 Agus bhuail Daibhidh an tìr, agus cha d'fhàg e fear no bean beo: agus thug e leis na caoràich, agus ann buar, agus na h-asail, agus na càmhail, agus an t-eudach; agus phill e, agus thàinig e gu Achis.

10 Agus thubhairt Achis, C'ait an do bhris sibh a stigh an diugh? Agus thubhairt Daibhidh, Air an taobh deas do Iudah, agus air an taobh deas do na Ierahmeelich, agus air an taobh deas do na Cenich.

11 Agus fear no bean cha do leig Daibhidh as beo, a thoirt *sgeula* gu Gat, ag ràdh, Air eagal gu'n innseadh iad oirnn, ag ràdh, Mar so rinn Daibhidh. Agus mar so bha a sheòl rè na h-aimsir a dh'fhan e ann an dùthaich nam Philisteach.

12 Agus chreid Achis Daibhidh, ag ràdh, Thug e air a shluagh Israel gràin mhòr a ghabhail deth: uime sin bithidh e na sheirbhiseach agam-sa gu bràth.

CAIB. XXVIII.

**A**GUS anns na laithibh sin chruinnich na Philistich an armailtean an ceann a chéile chum cogaidh, a chur catha ri h-Israel: agus thubhairt Achis ri Daibhidh, Biodh fios gu cinnteach agad gu'n d'théid thu mach maille rium-sa chum catha, thu féin agus do dhaoine.

2 Agus thubhairt Daibhidh ri Achis, Gu deimhin bithidh fios agad ciód a ni do sheirbhiseach. Agus thubhairt Achis ri Daibhidh, Uime sin ni mi fear-gleidhidh mo chinn-dìot gu bràth.

3 A nis fhuair Samuel bàs, agus rinn Israel uile caoidh air a shon, agus dh'adhlac iad e ann an Ramah na bhaile féin: agus chuir Saul air falbh iadsan aig an robh leann-ain-sith, agus na fiosaichean, as an tìr.

4 Agus chruinnicheadh na Philistich an ceann a chéile, agus thàinig iad agus champaich iad ann an Sunem: agus chruinnich Saul Israel uile an ceann a chéile, agus champaich iad ann an Gilboa.

5 Agus an uair a chunnaic Saul feachd nam Philisteach, bha eagal air, agus chrìochnuich a chridhe gu mòr.

<sup>d</sup> laithean. Eabh.

<sup>e</sup> chaidh iad a chreachadh nan Gesurach.



6 Agus an uair a dh'fhiosraich Saul do'n Tighearna, cha do fhreagair an Tighearn e, aon chuid le aislingibh, no le Urim, no le fàidhibh.

7 An sin thubhairt Saul r'a sheirbhisich, Iarraibh dhomh-sa bean aig am bheil leannan-sìth, agus thèid mi d'a h-ionnsuidh, agus fiosraichidh mi dhith. Agus thubhairt a sheirbhisich ris, Feuch, tha bean aig am bheil leannan-sìth ann an Endor.

8 Agus chuir Saul e féin ann an riochd eile, agus chuir e air eudach eile, agus dh'imich e, agus dithis dhaoine maille ris, agus thàinig iad a dh'ionnsuidh na mnà anns an oidhche, agus thubhairt e, Dean fiosachd a dhomh-sa, guidheam ort, leis an leannan-shìth, agus tog suas dhomh esan a dh'ainmicheas mi dhuit.

9 Agus thubhairt a' bhean ris, Feuch, tha fios agad ciod a rinn Saul, cionnus a ghearr e as iadsan aig an robh leannan sìth, agus na fiosaichean, as an tìr: c'ar son ma ta a tha thu a' leagadh ribidh air son m'anma, chum mo chur gu bàs?

10 Agus mhionnaich Saul dh'i air an Tighearn, ag ràdh, Mar is beo an Tighearna, cha tachair olc sam bith dhuit air son an nìso.

11 An sin thubhairt a' bhean, Cò thogas mi nìos dhuit? Agus thubhairt esan, Tog a nìos dhomh Samuel.

12 Agus an uair a chunnaic a' bhean Samuel, ghlaodh i le guth ard, agus labhair a' bhan ri Saul, ag ràdh, C'ar son a mheall thu mi? oir is tu Saul?

13 Agus thubhairt an rìgh rithe, Na biodh eagal ort: oir ciod a chunnaic thu? Agus thubhairt a' bhean ri Saul, Chunnaic mi diathan a' teachd a nìos as an talamh.

14 Agus thubhairt e rithe, Ciod e a choslas? Agus thubhairt ise, Tha seann duine air teachd a nìos, agus e còmhdaichte le falluinn<sup>b</sup>. Agus dh'aithnich Saul gu'm b'e Samuel a bh'ann, agus chrom se e féin air aghaidh dh'ionnsuidh na talmhainn, agus rinn e ùmhlaichd dha.

15 Agus thubhairt Samuel ri Saul, C'ar son a chuir thu dragh orm, le m' thoirt a nìos? Agus fhreagair Saul, Tha mi ann an teanntachd mhòir; oir tha na Philistich a' cogadh a'm' aghaidh, agus dhealaich Dia rium, agus cha 'n'eil e toirt freagraidh dhomh ni's mò, aon chuid le fàidhibh no le aislingibh:

uime sin ghairm mi ort-sa gu fios a thoirt domh ciod a ni mi.

16 An sin thubhairt Samuel, C'ar son ma ta a tha thu a' fiosrachadh dhìom-sa, agus gu'n do dhealaich an Tighearna riut, agus gu bheil e nis air fàs na nàmhaid duit<sup>c</sup>?

17 Agus rinn an Tighearna dha, mar a labhair e tromham-sa<sup>d</sup>; oir reub an Tighearn an rioghachd as do làimh, agus thug e i do d' choimhearsnach, do Dhaibhidh.

18 Do bhrìgh nach d'éisd thu ri guth an Tighearna, agus nach do chuir thu an gnìomh a chorroich gharg an aghaidh Amaleic; uime sin rinn an Tighearn an ni so riut air an la 'n diugh.

19 Agus bheir an Tighearna mar an ceudna Israel maille riut-sa thairis do làimh nam Philisteach: agus am nàireach bithidh tu-sa agus do mhic maille rium-sa; bheir an Tighearna mar an ceudna feachd Israeil thairis do làimh nam Philisteach.

20 An sin air ball thuit Saul sìnte air an talamh, agus bha e fa eagal ro-mhòr air son bhriathra Shamueil, agus cha robh neart air bith ann; oir cha d'ith e aran rè an latha, no rè na h-oidhche sin.

21 Agus thàinig a' bhean a dh'ionnsuidh Shaul, agus chunnaic i gu'a robh e fa uamhann mòr, agus thubhairt i ris, Feuch, thug do bhan-oglach géill<sup>e</sup> do d' ghuth, agus chuir mi m'anam a'm' làimh, agus dh'éisd mi ri d' bhriathraibh a labhair thu rium.

22 A nis uime sin, guidheam ort, éisd thu-sa mar an ceudna ri guth do bhan-oglaich, agus cuiream greim arain fa d' chomhair, agus ith e, agus bithidh neart agad, an uair a dh'imicheas tu air do shlighe.

23 Ach dhiùlt esan, agus thubhairt e, Cha'n ith mi: ach choimh-éignich a sheirbhisich agus mar an ceudna a' bhean e, agus dh'éisd e r'an guth: agus dh'éirich e o'n talamh, agus shuidh e air an leabaidh.

24 Agus bha aig a' mhnaoi laogh biadh<sup>f</sup> a' santigh, agus rinn i cabhag, agus mharbh i e; agus ghabh i min mhin<sup>g</sup>, agus dh'fhuin si i, agus rinn i aran neo-ghoirtichte dhith.

25 Agus chuir i iad fa chomhair Shaul, agus fa chomhair a sheirbhiseacha, agus dh'ith iad: an sin dh'éirich iad suas, agus dh'imich iad air an oidhche sin féin.

<sup>c</sup> gu bheil e nis maille ri d' choimhearsnach.

<sup>d</sup> le m' làimh-sa. Eabh.

<sup>e</sup> dh'éisd do bhan-oglach ri. Eabh.

<sup>f</sup> plùr; flour. Sasg.

<sup>a</sup> fàistineachd.

<sup>b</sup> agus falluinn uime.

## CAIB. XXIX.

**A** NIS chruinnich na Philistich am feachd uile gu Aphéc : agus champaich na h-Israelach làimh ri tobar, a th'ann an Iesreel.

2 Agus chaidh tighearnan nam Philisteach air an aghaidh nan ceudaibh agus nam mìltibh : ach chaidh Daibhidh agus a dhaoine air an aghaidh nan deireadh maille ri Achis.

3 An sin thubhairt ceannardan nam Philisteach, Ciod a tha na h-Eabhruidhich sin a deanadh an so ? Agus thubhairt Achis ri ceannardaibh nam Philisteach, Nach e so Daibhidh seirbhiseach Shuail righ Israel, a bha maille rium-sa na laithean so, no na bliadhnan so, agus cha d'fhuair mi cron sam bith ann o'n là anns an d'thàinig e a m' ionnsuidh gus an la 'n diugh ?

4 Agus bha fearg air ceannardaibh nam Philisteach ris, agus thubhairt ceannardan nam Philisteach ris, Thoir air an fhear so pilltinn, a chum as gu'n d'théid e ris d'a àit a dh'orduich thu dha, agus na rachadh e sìos maille ruinne do'n chath, air eagal gu'm bi e na nàmhaid againn sa' chath : oir cia leis a dheanadh e a réite 'a mhaighstir ? nach ann le cinn nan daoine sin ?

5 Nach e so Daibhidh, mu'n do chan iad le chéile<sup>a</sup> ann an dannsaibh, ag ràdh, Mharbh Saul a mhiltean, agus Daibhidh a dheich mìltean ?

6 An sin ghairm Achis air Daibhidh, agus thubhairt e ris, Gu deimhin, mar is beo an Tighearna, bha thu dìreach, agus is taitneach a'm' shùilibhse do dhol a mach agus do theachd a steach maille rium anns a' champ, oir cha d'fhuair mi olc annad, o'u là anns an d'thàinig thu a'm' ionnsuidh gus an la 'n diugh : gidheadh, ann an suilibh nan tighearnan cha'n 'eil thu taitneach.

7 A nis ma ta pill, agus imich ann an sìth, a chum as nach dean thu ni a ta olc ann an suilibh thighearnan nam Philisteach.

8 Agus thubhairt Daibhidh ri Achis, Ach ciod a rinn mi, agus ciod a fhuair thu ann do sheirbhiseach o'n cheud là a bha mi maille riut gu ruig an la 'n diugh, nach feud mi dol a chogadh an aghaidh naimhdean mo thighearnan an righ ?

9 Agus fhreagair Achis agus thubhairt e ri Daibhidh, Tha fios agam gu bheil thu maith ; ann am shùilibh-sa tha thu mar aingeal Dé ; gidheadh, thubhairt tighearnan nam

Philisteach, Cha d'théid e suas maille ruinne do'n chath.

10 A nis ma ta éirich gu moch sa' mhaduinn maille ri seirbhiseach do mhaighstir, a thàinig maille riut ; agus co' luath sa dh'éireas sibh sa' mhaduinn, agus a bhios solus ag-aibh, imichibh.

11 Uime sin rinn Daibhidh agus a dhaoine moch-eirigh chum gu'm falbhadh iad anns a' mhaduinn, agus gu'm pilleadh iad gu tìr nam Philisteach ; agus chaidh na Philistich suas gu Iesreel.

## CAIB. XXX.

**A** GUS an uair a bha Daibhidh agus a dhaoine air teachd gu Siclag air an treas là bhris na h-A-malecich a stigh air an taobh deas, agus air Siclag ; agus bhuail iad Siclag, agus loisg iad e le teine.

2 Agus thug iad leo nam braighdibh na mnà a bha ann ; cha do mharbh iad neach air bith, aon chuid beag no mòr, ach thug iad leo iad, agus dh'imich iad air an slighe.

3 Agus thàinig Daibhidh agus a dhaoine do'n bhaile, agus feuch, bha e loisgte le teine ; agus thugadh am mnà, agus am mic, agus an nigh-eana air falbh ann am braighdeanas.

4 An sin thog Daibhidh agus an sluagh a bha maille ris an guth, agus ghuil iad, gus nach robh neart anna gu gul ni b' fhaide.

5 Agus thugadh dà mhnai Dhaibhidh air falbh nam braighdibh, Ahinoam a' Bhan-iesreeleach, agus Abigail bean Nabail a' Char-melich.

6 Agus bha Daibhidh ann an teanntachd mhòir ; oir labhair an sluagh mu a chlachadh, do bhrìgh gu'n robh anam an t-sluaigh uile air a chràdh, gach duine air son a chuid mac, agus air son a nigh-eana : ach ghabh Daibhidh misneach dha féin anns an Tighearna a Dhia.

7 Agus thubhairt Daibhidh ri Abiatar an sagart, mac Abimeleich, Thoir a'm' ionnsuidh an so, guidheam ort, an ephod : agus thug Abiatar an ephod an sin a dh'ionnsuidh Dhaibhidh.

8 Agus dh'fhiosraich Daibhidh do'n Tighearna, ag ràdh, An d'théid mi air tòir na buidhne so ? am beir mi orra ? Agus fhreagair esan e, Falbh air an tòir ; oir gu cinnteach beiridh tu orra, agus saoraidh tu an t-iomlan.

9 Agus dh'imich Daibhidh, e féin agus an sè ceud fear a bha maille ris, agus thàinig iad gu ruig an sruth Besor, far an d'fhan iadsan a dh'fhàgadh nan déigh.

10 Agus chaidh Daibhidh air an

<sup>a</sup> fhreagair iad a chéile.

tòir, e féin agus ceithir cheud fear: acli dh'fhan dà cheud fear nan deigh, a bha cho sgèth as nach b'urrainn iad dol thar an t-sruth Besor.

11 Agus fhuair iad Eiphiteach anns a' mhachair, agus thug iad e dh'ionnsuidh Dhaibhidh, agus thug iad dha aran, agus dh'ith e; agus thug iad air uisge ùl.

12 Agus thug iad dha mìr do mheall<sup>a</sup> fhìgean, agus dà bhagaide *dofhion-dhearcaibh* tiorraichte; agus an uair a dh'ith e, thàinig a spiorad a ris d'a ionnsuidh: oir cha d'ith e aran, agus cha d'òl e uisge rè thrì laithean agus thrì oidhchean.

13 Agus thubhairt Daibhidh ris, Co leis thu, agus cia as a thàinig thu? Agus thubhairt esan, *Is òganach Eiphiteach mi*, seirbhiseach do Amaleceach, agus dh'fhàg mo mhaighistir mi, do bhrìgh gu'n robh mi tinn o cheann trì laithean.

14 Bhريس sinn a steach air taobh deas nan Cereteach, agus air a' chrìch a bhuineas do Iudah, agus air taobh deas Chaleib, agus loisg sinn Siclag le teine.

15 Agus thubhairt Daibhidh ris, An d'thoir thu sìos mi dh'ionnsuidh na buidhne sin? Agus thubhairt esan, Mionnaich dhomh air Dia, nach marbh thu mi, agus nach d'thoir thu thairis mi do làimh mo mhaighistir, agus bheir mi sìos thu dh'ionnsuidh na buidhne sin. *Agus mhionnaich Daibhidh dha.*

16 Agus an uair a thug e sìos e, feuch, sgaoileadh iad air aghaidh na tìre uile, ag itheadh agus ag òl, agus a' dannsadh, air son na creiche mòire uile a thug iad leo a tìr nam Philisteach, agus a tìr Iudah.

17 Agus bhuail Daibhidh iad o bhriseadh na faire gu ruig feasgar an là màireach<sup>b</sup>; agus cha deachaidh duine dhiubh as, ach ceithir cheud òganach a mharcaich air càmhalaibh, agus a theich.

18 Agus shaor Daibhidh gach *ni* a thug na h-Amaleich leo: agus shaor Daibhidh a dhà mhnaoi.

19 Agus cha robh *ni* air bith a dhith orra<sup>c</sup>, aon chuid beag no mòr, mic no nigheana, no creach, no *ni* air bith a thug iad leo: bhuin Daibhidh gach *ni* air ais.

20 Agus ghabh Daibhidh an treud uile, agus am buar: agus dh'imich iad<sup>d</sup> roimh an spréidh so, agus thubhairt iad, *Is i so creach Dhaibhidh.*

21 Agus thàinig Daibhidh a

dh'ionnsuidh an dà cheud fear, a bha cho sgèth as nach b'urrainn iad Daibhidh a leantuinn, agus air an d'thug iad fantuinn aig an t-sruth Besor: agus chaidh iad a mach an coinneamh Dhaibhidh, agus an coinneamh an t-sluaigh a bha maille ris: agus an uair a thàinig Daibhidh am fagus do'n t-sluaigh, chuir e fàilt' orra<sup>e</sup>.

22 An sin fhreagair na droch dhaoine uile, agus daoine Bhelial, dhiubhsan a chaidh maille ri Daibhidh, agus thubhairt iad, Do bhrìgh nach deachaidh iad maille ruinne, cha d'thoir sinn dhoibh a' bheag do'n chreich a shaor sinn, ach a mhàin do gach duine a bhean, agus a chlann, a chum gu'n d'thoir iad leo iad, agus gu'n imich iad.

23 An sin thubhairt Daibhidh, Cha dean sibh mar sin, mo bhràithre, ris na thug an Tighearna dhuinn, a ghléidh<sup>f</sup> sinn, agus a thug a' bhuidheann a thàinig 'nar n-aghaidh thairis d'ar làimh.

24 Agus cò a dh'éisdeas ribh sa' chùis so? ach mar chuibhrionn an ti a théid sìos do'n chath, mar sin bithidh cuibhrionn an ti a dh'fhanas maille ris an airneis: roinnidh iad air an aon dòigh.

25 Agus bha e mar sin o'n là sin a mach gu'n d'rinn e na lagh e agus na riaghailt aig Israel gus an la 'n diugh.

26 Agus an uair a thàinig Daibhidh gu Siclag, chuir e cuid do'n chreich a dh'ionnsuidh sheanair-ean Iudah, eadhon a dh'ionnsuidh a chairdean, ag ràdh, Feuch, tiodhlacs dhuibh do chreich naimhdean an Tighearna:

27 Dhoibhsan a bh'ann am Betel, agus dhoibhsan a bh'ann an Ramot, mu dheas, agus dhoibhsan a bh'ann an later,

28 Agus dhoibhsan a bh'ann an Aroer, agus dhoibhsan a bh'ann an Siphmot, agus dhoibhsan a bh'ann an Estemoa,

29 Agus dhoibhsan a bh'ann an Rachal, agus dhoibhsan a bh'ann am bailtibh nan Ierahmeeleach, agus dhoibhsan a bh'ann am bailtibh nan Ceneach.

30 Agus dhoibhsan a bh'ann an Hormah, agus dhoibhsan a bh'ann an Cor-asan, agus dhoibhsan a bh'ann an Atach,

31 Agus dhoibhsan a bh'ann an Hebron, agus do na h-àitibh sin uile anns am bu ghnàth le Daibhidh agus a dhaoine tathuich<sup>h</sup>.

<sup>a</sup> bhreacaig. <sup>b</sup> an la 'r na mhàireach. <sup>c</sup> cha d'ionndraineadh *ni* air bith leo. <sup>d</sup> an treud uile agus am buar, a dh'iomain iad.

<sup>e</sup> ghuidh e sìth dhoibh. Eabh.

<sup>f</sup> dhìon, dhìdin.

<sup>g</sup> tiodhlacadh; beannachadh. Eabh.

<sup>h</sup> taothall.

CAIB. XXXI.

**A** NIS chog na Philistich an aghaidh Israeil, agus theich fir Israeil o fhlanuis nam Philisteach, agus thuit iad sìos mafbh ann an sliabh Ghilboa.

2 Agus lean na Philistich Saul agus a mhic gu teann; agus bhuail<sup>a</sup> na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus bhuail na fir-bhogha air<sup>b</sup>, agus lotadh gu mòr e leis na fir-bhogha.

4 An sin thubhairt Saul ri fear iomchair 'arm, Rùisg do chlaidheamh, agus sàth tromham e, air eagal gu'n d'thig na daoine neo-thuimchioll-ghearrta sin, agus gu'n sàth iad tromham, agus gu'n d'thoir iad masladh dhomh<sup>c</sup>. Ach cha b'àill le fear iomchair 'arm sin a dheanamh, oir bha eagal mòr air: uime sin ghabh Saul claidheamh, agus thuit e air.

5 Agus an uair a chunnaic fear iomchair 'arm gu'n robh Saul marbh, thuit esan mar an ceudna air a chlaidheamh, agus fhuair e bàs maille ris.

6 Mar sin fhuair Saul bàs, agus a thriuir mac, agus fear iomchair

<sup>a</sup> mharbh.  
bhogha e. Eabh.  
iad fanoid orm.

<sup>b</sup> fhuair na fir-  
<sup>c</sup> gu'n dean

'arm, agus a dhaoine uile air an là sin féin maille ri chéile.

7 Agus an uair a chunnaic fir Israeil, a bha air taobh a' ghlinne, agus iadsan a bh'air an taobh so do Iordan, gu'n do theich fir Israeil, agus gu'n robh Saul agus a mhic mharbh, thréig iad na bailtean, agus theich iad; agus thàinig na Philistich, agus ghabh iad còmh-nuidh anna.

8 Agus air an la màireach, an uair a thàinig na Philistich, a dh'fhaobh-achadh nam marbh, fhuair iad Saul agus a thriuir mac air tuiteam ann an sliabh Ghilboa.

9 Agus ghearr iad dheth a cheann, agus rùisg iad 'armachd dheth, agus chuir iad fios gu tìr nam Philisteach m'an cuairt, g'a chur an céill ann an tigh an diathan-bréige, agus am measg an t-sluaigh.

10 Agus chuir iad 'armachd ann an tigh Astaroit: agus sparr iad a chorp ri balladh Bhetsain.

11 Agus an uair a chuala luchd-àiteachaidh Iabeis-ghilead an ni sin a rinn na Philistich ri Saul,

12 Dh'éirich na daoine treun uile, agus dh'imich iad rè na h-oidhche, agus thug iad corp Shaul, agus cuirp a chuid mac, o bhalladh Bhetsain, agus thàinig iad gu Iabes, agus loisg iad an sin iad.

13 Agus ghabh iad an cnaimh-eàn, agus dh'adhlaic siad iad fuidh chraoibh ann an Iabes, agus throisg iad seachd laithean.



# DARA LEABHAR SHAMUEIL,

D'AN AINM AIR MHODH EILE,

## DARA LEABHAR NAN RIGH.

### CAIB. I.

**A**NIS an déigh bàis Shauil, phill Daibhidh o àr nan Amaleceach, agus dh'fhan Daibhidh ann an Siclag dà latha.

2 Agus air an treas là, feuch, thàinig duine as a' champ o Shaul, agus 'eudach reubta, agus ùir air a cheann: agus an uair a thàinig e dh'ionnsuidh Dhaibhidh, thuit e air an talamh, agus rinn e ùmhlachd.

3 Agus thubhairt Daibhidh ris, Cia as a tha thu air teachd? Agus thubhairt esan ris, A camp Israeil theich mi.

4 Agus thubhairt Daibhidh ris, Ciod a thachair? innis dhomh, guidheam ort. Agus fhreagair e, Theich an sluagh o'n chath, agus cuideachd tha moran do'n t-sluagh air tuiteam agus marbh; agus mar an ceudna tha Saul agus a mhac Ionatan marbh.

5 Agus thubhairt Daibhidh ris an òganach a dh'innis dha, Cionnus a tha fios agad gu bheil Saul agus a mhac Ionatan marbh?

6 Agus thubhairt an t-òganach a dh'innis dha, Thachair dhomh-sa bhi air sliabh Ghilboa, agus feuch, bha Saul a' leigeil a thaice r'a shleagh, agus feuch, lean na carbadan agus am marc-shluagh gu dian na dhéigh.

7 Agus an uair a dh'amhairc e na dhéigh, chunnaic e mise, agus ghairm e orm: agus fhreagair mi, Tha mi 'n so.

8 Agus thubhairt e rium, Cò thu-sa? Agus fhreagair mise e, Is Amaleceach mi.

9 Thubhairt e rium a ris, Seas orm, guidheam ort, agus marbh mi: oir ghlac teanntachd mi, do bhrìgh gu bheil mo bheatha fathast gu h-ìomlan annam.

10 Agus sheas mi air, agus mharbh mi e, a chionn gu'n robh fios agam nach biodh e beo an déigh dha tuiteam; agus ghabh mi 'n crùn a bha air a cheann, agus an làmh-fhail a bha air a ghairdean, agus thug mi 'n so iad a dh'ionnsuidh mo thighearna.

11 An sin rug Daibhidh air

'eudach, agus reub se e, agus mar an ceudna na daoine uile a bha maille ris.

12 Agus rinn iad caoidh, agus ghuil iad, agus throisg iad gu feagar, air son Shauil agus air son a mhic Ionatain, agus air son sluagh an Tighearna, agus air son tighe Israeil, do bhrìgh gu'n do thuit iad leis a chladheamh.

13 Agus thubhairt Daibhidh ris an òganach a dh'innis dha, Cia as duit-se? Agus fhreagair esan, Is mac coigrich Amalecich mi.

14 Agus thubhairt Daibhidh ris, Cionnus nach robh eagal ort do làmh a shìneadh a mach a mharbhadh a aoin ungta an Tighearna?

15 Agus ghairm Daibhidh air aon do na h-òganaich, agus thubhairt e, Thig am fagus, agus leum air. Agus bhuail se e, agus fhuair e bàs.

16 Agus thubhairt Daibhidh ris, Biodh t'fhuil air do cheann féin, oir thug do bheul fianuis a'd' aghaidh, ag ràdh, Mharbh mi aon ungta an Tighearna.

17 Agus rinn Daibhidh caoidh leis a' chumhadh<sup>b</sup> so os cionn Shauil, agus os cionn a mhic Ionatain;

18 (Agus dh'àithn e gu'n iunn-saicheadh iad do chloinn Iudah tilgeadh le bogha<sup>c</sup>; feuch, tha e srìobhta ann an leabhar Iaseir;)

19 O mhaise Israeil, air do lotadh air t'àitibh arda! cionnus a thuit na cumhachdaich?

20 Na h-innsibh e ann an Gat, na cuiribh an céill e ann an sràidibh Asceloin; air eagal gu'm bi nigh-eana nam Philisteach aoiabhneach, air eagal gu'n dean nigheana nan neo - thimchioll - ghearrta luathghaire.

21 A shléibhte Ghilboa, na biodh drùchd no uisge oirbh; no oirbhse, achanna thabhartasa<sup>d</sup>: oir an sin thilgeadh gu tàireil air falbh

<sup>a</sup> a mhilleadh, a sgrios. <sup>b</sup> tuir-eadh.

<sup>c</sup> gu'n teagaisgeadh iad do chloinn Iudah an cumhadh so d'an ainm am bogha.

<sup>d</sup> achanna

tarbhach.

sgiaith nan cumhachdach, sgiath Shauil, *mar nach bitheadh e* ungta le h-oladh.

22 O fhuil nam marbh, o shaill nan cumhachdach, cha do thionndaidh bogha Ionatain air ais; agus cha do phill claidheamh Shauil gu faoin<sup>a</sup>.

23 Bha Saul agus Ionatan gràdhach agus taitneach nam beatha, agus nam bàs cha do sgaradh iad: bu luaithe iad nà iolairean, bu treise iad nà leòmhain.

24 A nigheana Israeil, guilibh air son Shauil, a dh'èudaich sibh ann an scarlaid le aoibhneas<sup>b</sup>, a chuir òir-ghreus air bhur n-eudach.

25 Cionnus a thuit na cumhachdaich an meadhon a' chatha! O a Ionatain, air t'aitibh arda mharbhadh *thu!*

26 Tha cràdh orm air do shon, mo bhràthair a Ionatain: ro-thaitneach bha thu dhomh-sa: b'iongantach do ghràdh dhomh-sa, a' toirt barrachd air gràdh nam ban.

27 Cionnus a thuit na cumhachdaich, agus a chaidh as do airm a' chogaidh?

CAIB. II.

**A**GUS na dhéigh so dh'fhiosraich Daibhidh do'n Tighearn, ag ràdh, An d'théid mi suas gu aon do bhailtibh Iudah? Agus thubhairt an Tighearna ris, Falbh suas. Agus thubhairt Daibhidh, C'ait a théid mi suas? Agus thubhairt esan, Gu Hebron.

2 Agus chaidh Daibhidh suas an sin, agus mar an cendna a dhà mhnaoi, Ahinoam a' Bhan-iesreel-each, agus Abigail bean Nabail a' Charmelich.

3 Agus a dhaoine a bha maille ris thug Daibhidh suas leis, gach fear le 'theaghlach; agus ghabh iad còmh-nuidh ann am bailtibh Hebroin.

4 Agus thàinig daoine Iudah, agus dh'ung iad an sin Daibhidh na rìgh os cionn tighe Iudah: agus dh'innis iad do Dhaibhidh, ag ràdh, *B' iad* daoine Iabais-ghilead a dh'adhlaic Saul.

5 Agus chuir Daibhidh teachdairean a dh'ionnsuidh dhaoine Iabais-ghilead, agus thubhairt e riu, Beannaichte gu robh sibh o'n Tighearna, a thaobh gu'n do nochd sibh an caomhneas so do'r tighearna, do Shaul, agus gu'n d'adhlaic sibh e.

6 Agus a nis gu nochdadh an Tighearna caomhneas dhuibh-se, agus firinn: agus dlòlaidh mise mar an cendna am maitheas so dhuibh,

do bhrìgh gu'n d'rinn sibh an ni so.

7 A nis uime sin biodh bhur làmhnan air an neartachadh, agus bithibh gaisgeal; oir tha bhur tigh-earna Saul marbh, agus mar an cendna dh'ung tigh Iudah mise a'm' rìgh os an cionn.

8 Ach ghabh Abner mac Ner, ceannard armailte Shauil, Isboset mac Shauil, agus thug e thairis e gu Mahanaim.

9 Agus rinn se e na rìgh air Gilead, agus air na h-Asuraich, agus air Iesreel, agus air Ephraim, agus air Beniamin, agus air Israel uile.

10 Dà fhichead bliadhna dh'aois bha Isboset mac Shauil an uair a thòisich e air rìoghachadh os cionn Israeil, agus rìoghaich e dà bliadhna: ach lean tigh Iudah Daibhidh.

11 Agus b'e àireamh nan laithean a bha Daibhidh na rìgh ann an Hebron air tigh Iudah, seachd bliadhna agus sè mìosa.

12 Agus chaidh Abner mac Ner, agus seirbhìsich Isboset mhic Shauil, a mach o Mahanaim gu Gibeon.

13 Agus chaidh Ioab mac She-ruiah, agus seirbhìsich Dhaibhidh a mach, agus choinnich iad a chèile aig lochan Ghibeoin: agus shuidh iad sìos, iad so air aon taobh do'n lochan, agus iad sud air an taobh eile do'n lochan.

14 Agus thubhairt Abner ri Ioab, Eireadh na h-òganaich a nis, agus deanadh iad là-chleas<sup>c</sup> 'nar fianuis: Agus thubhairt Ioab, Eireadh iad.

15 An sin dh'èirich suas agus chaidh thairis dà fhear dheug an àireamh do Bheniamin a bhuineadh do Isboset mac Shauil, agus dà fhear dheug do sheirbhìsich Dhaibhidh.

16 Agus rug gach fear dhiubh air ceann a chompanaich<sup>d</sup>, agus shàth e a chladheamh ann an leth-taobh a chompanaich, agus thuit iad sìos cuideachd: uime sin thugadh mar ainm air an àite sin Helcat-hasurim, a tha ann an Gibeon.

17 Agus bha cath ro-chruaidh ann air an là sin: agus bhuailleadh Abner agus fir Israeil fa chomhair sheirbhìseacha Dhaibhidh.

18 Agus bha trì mic Sheruah an sin, Ioab, agus Abisai, agus Asahel: agus bha Asahel co luath d'a chois ri boc-earba na machrach.

19 Agus chaidh Asahel air tòir Abneir, agus cha do chlaon e na shuibhal a dh'ionnsuidh na laimhe deise no na laimhe clìthe, o dhol an déigh Abneir.

<sup>a</sup> *falammh.*  
*taitneach.*

<sup>b</sup> *maille ri nithibh*

<sup>c</sup> *cluicheadh iad.*  
*ghleacair.*

<sup>d</sup> *choimh-*

20 An sin dh'amhairc Abner na dhéigh, agus thubhairt e, An tusa Asabel? Agus fhreagair esan, *Is mi.*

21 Agus thubhairt Abner ris, Tionndaidh a dh'ionnsuidh do laimhe deise, no dh'ionnsuidh do laimhe clìthe, agus glac aon do na h-òganachaibh, agus gabh a d'ionnsuidh 'fhaobha. Ach cha b'aill le Asabel tionndadh o esan a lean-tuinn.

22 Agus thubhairt Abner a ris ri Asahel, Tionndaidh o mise a leantuinn: c'ar son a bhuailinn thu gu làr? cionnus an sin a thogainn suas m'aghaidh ri Ioab do bhràthair?

23 Gidheadh dhiùlt esan tionndadh: uime sin bhuail Abner e le earr na sleagha fuidh 'n chùigeadh *aisne*, agus thàinig an t-sleagh a mach air a chùlaobh; agus thuit e 'n sin, agus fhuair e bàs 'san àite sin féin: agus iadsan uile a thàinig a dh'ionnsuidh an àite anns an do thuit Asahel sìos agus anns an d'fhuair e bàs, dh'fhan iad nan seasamh.

24 Chaidh Ioab mar an ceudna agus Abisai air tòir Abneir: agus luidh a' glhrian an uair a thàinig iad gu sliabh Amah, a *tha* fa chomhair Ghiah, air slighe fàsaich Ghibeoin.

25 Agus chruinnich clann Bheniamin iad féin an ceann a chéile *gu dol* an déigh Abneir, agus bha iad nan aon bhuidhinn, agus sheas iad air mullach cnoic.

26 An sin ghlaodh Abner ri Ioab, agus thubhairt e, An sgrios an chlaidheamh gu bràth? nach 'eil fios agad gu'm bi searbhas ann fa dheireadh? cia fad a bhitheas e ma ta mu'n abair thu ris an t-sluagh pilltinn o leantuinn am bràithre?

27 Agus thubhairt Ioab, *Mar* is beo Dia, mur <sup>b</sup> bitheadh tu air labhairt, gu deimhin an sin anns a' mhaduinn <sup>c</sup> rachadh an sluagh suas, gach fear o leantuinn a bhràthair.

28 Uime sin shéid Ioab trompaid, agus stad an sluagh uile, agus cha deachaidh iad ni's mò air tòir Israeil, agus cha do chog iad ni's mò.

29 Agus dh'imich Abner agus a dhaoine air feadh a' chòmhnaird rè na h-oidhche sin, agus chaidh iad thar Iordan, agus chaidh iad troimh Bhitron uile, agus thàinig iad gu Mahanaim.

30 Agus phill Ioab o *dhol* an déigh Abneir, agus an uair a chruinnich e 'n sluagh uile an ceann a chéile, dh'ionndraineadh do sheirbhisich

Dhaibhidh naoi fir dheug agus Asahel:

31 Ach bhuail seirbhisich Dhaibhidh do Bheniamin, agus do dhaoineibh Abneir, trì cheud agus trì fichead fear, a fhuair bàs.

32 Agus thog iad leo Asahel, agus dh'adhlac iad e ann an àit-adhlacaidh 'athar, a *bha* ann am Betlehem: agus dh'imich Ioab agus a dhaoine rè na h-oidhche, agus thàinig iad gu Hebron mu bhriseadh na faire.

## CAIB. III.

**A** NIS bha cogadh fada eadar tigh Shauil agus tigh Dhaibhidh: ach *bha* Dhaibhidh a' sìr-dhol air aghaidh ann an neart, agus tigh Shauil a' sìr-dhol an laige.

2 Agus rugadh do Dhaibhidh mic ann an Hebron: agus b'e a cheudghin Amnon, ri Ahinoam a' Bhan-iesreelach:

3 Agus a dhara *mac* Chiliab, ri Abigail bean Nabail a' Charmelich: agus an treas *mac* Absalom, mac Mhaacah, nighinn Thalmal, righ Ghesuir:

4 Agus an ceathramh *mac* Adoniah, mac Hagit: agus an cùigeadh *mac* Sephatiah, mac Abitail:

5 Agus an seathadh *mac* Itream, ri Eglah bean Dhaibhidh: Rugadh iad sin do. Dhaibhidh ann an Hebron.

6 A nis an uair a bha cogadh eadar tigh Shauil agus tigh Dhaibhidh, rinn Abner e féin làidir ann an tigh Shauil.

7 Agus *bha* coimh-leabach aig Saul, d'am b'ainm Rispah, nighean Ahiah: agus thubhairt Isboset ri Abner, C'ar son a chaidh thu stigh a dh'ionnsuidh coimh-leabaich m'athar?

8 An sin bha fearg mhòr air Abner air son bhriathran Isboseit, agus thubhairt e, An ceann coin mise, a *bhuineas* do Iudah? tha mi a' nochdadh caoimhneis an diugh <sup>d</sup> do thigh Shauil t'athar, d'a bhràithribh, agus d'a chairdibh, agus cha d'thug mi thairis thu-sa do làimh Dhaibhidh; gidheadh tha thu-sa a' cur coire as mo leth an diugh a thaobh na mnà so?

9 Mar sin gu'n deanadh Dia ri Abner, agus tuille mar an ceudna, mar a mhoionnaich an Tighearna do Dhaibhidh, mur dean mise eadhon mar sin ris-san,

10 An rìoghachd atharrachadh o thigh Shauil, agus righ chatlaire Dhaibhidh, a chur suas os cionn Israeil, agus os cionn Iudah, o Dhan eadhon gu Beerseba.

11 Agus cha b'urrainn e Abner a

<sup>a</sup> 'éideadh, 'armachd.

<sup>b</sup> nam.

<sup>c</sup> o'n mhaduinn. Eabh.

<sup>d</sup> a nochdas caoimhneas an diugh an aghaidh Iudah.

fhreagairt aon fhocal a rìs, a chionn gu'n robh eagal air roimhe.

12 Agus chuir Abner teachdairean a dh'ionnsuidh Dhaibhidh na àite féin<sup>a</sup>, ag ràdh, Cia leis an tìr? ag ràdh *mar an ceudna*, Dean do choimhcheangal rium - sa, agus feuch, *bithidh* mo làmh leat, gu Israel uile a thionndadh a t'ionnsuidh.

13 Agus thubhairt esan, *Romhaith*, ni mise coimhcheangal riut: ach aon ni *tha* mi ag iarraidh ort, eadhon, Nach faic thu mo ghenùis, mur d'thoir thu leat air tùs Michal nighean Shaul, an uair a thig thu g'am fhaicinn.

14 Agus chuir Daibhidh teachdairean gu Isboset mac Shaul, ag ràdh, Tabhair *dhomh* mo bhean Michal, a cheangail mi rium féin am pòsadh air son ceud roimh-chroicioun do na Philistich.

15 Agus chuir Isboset *fios oirre*, agus thug e o a fear i, eadhon, o Phaltiel mac Lais.

16 Agus dh'imich a fear maille rithe, a' gul na déigh gu Bahurim: an sin thubhairt Abner ris, Falbh, pill. Agus phill e.

17 Agus rinn Abner còmhradh ri seanairibh Israel, ag ràdh, Anns an aimsir roimhe so dh'iarr sibh Daibhidh a *bhi* na rìgh os bhur cionn.

18 A nis ma ta deanaibh e; oir labhair an Tighearna mu Dhaibhidh, ag ràdh, Le làimh mo sheirbhisich Dhaibhidh sàoraidh mi mo shluagh Israel a làimh nam Philisteach, agus a làimh an naimhdean uile.

19 Agus labhair Abner mar an ceudna ann an cluasaibh Bheniamin: agus chaidh Abner mar an ceudna a labhairt ann an cluasaibh Dhaibhidh ann an Hebron, gach ni a *bha* taitneach ann an sùilbhih Israel, agus ann an sùilbhih tighe Bheniamin uile.

20 Agus thàinig Abner a dh'ionnsuidh Dhaibhidh gu Hebron, agus fichead fear maille ris: agus rinn Daibhidh cuirm do Abner agus do na daoineibh a *bha* maille ris.

21 Agus thubhairt Abner ri Daibhidh, Eiridh mi, agus falbhaidh mi, agus cruinnichidh mi Israel uile dh'ionnsuidh mo thighearn an rìgh, a chum as gu'n dean iad coimhcheangal riut, agus gu'n rìoghaich thu os cionn gach ni a's miann le t'anam: agus chuir Daibhidh Abner air falbh, agus dh'imich e ann an sìth.

22 Agus feuch, thàinig seirbhisich Dhaibhidh agus Ioab o *ruag-*

*adh* buidhne, agus thug iad creach mhòr leo: (ach cha robh Abner maille ri Daibhidh ann an Hebron, oir chuir e air falbh e, agus dh'imich e ann an sìth.)

23 Agus an uair a thàinig Ioab agus an armailt uile a *bha* maille ris, dh'innis iad do Ioab, ag ràdh, Thàinig Abner mac Ner a dh'ionnsuidh an rìgh, agus chuir e air falbh e, agus dh'imich e ann an sìth.

24 An sin thàinig Ioab a dh'ionnsuidh an rìgh, agus thubhairt e, Ciod e a rinn thu? feuch, thàinig Abner a t'ionnsuidh; c'ar son so a chuir thu air falbh e, agus gun amharus dh'imich e?

25 Isaithne dhuit Abner mac Ner, gur ann gu d' mhealladh a thàinig e, agus gu fios fhaghail air do dhòl a mach agus do theachd a steach, agus gu fios fhaghail air gach ni a *tha* thu a' deanamh.

26 Agus an uair a thàinig Ioab a mach o Dhaibhidh, chuir e teachdairean an déigh Abneir, a thug air ais e thobar Shirah; ach cha robh fios aig Daibhidh air.

27 Agus an uair a phill Abner gu Hebron, thug Ioab e a leth-taobh anns a' gheatadh a labhairt ris ann an sìth<sup>b</sup>, agus bhuail e 'n sin e fuidh 'n chùigeadh *aisne*, agus fhuair e bàs air son fola a bhràthar Asahel.

28 Agus na dhéigh sin an uair a chuala Daibhidh e, thubhairt e, *Tha* mise agus mo rìoghachd neo-chiontach an làthair an Tighearna gu bràth o fhuil Abneir mhic Ner.

29 Fanadh i air ceann Ioab, agus air tigh 'athar uile, agus na bith-eadh a dh'ith air tigh Ioab neach air am bi silteach, no *bhios* na lobhar, no d'an éigin siubhal le batadh, no thuiteas air chlaidheamh, no air am bi easbhuidh arain.

30 Mar sin mharbh Ioab agus a bràthair Abisai Abner, a chionn gu'n do chuir esan gu bàs am bràthair Asahel aig Gibeon anns a' chath.

31 Agus thubhairt Daibhidh ri Ioab, agus ris an t-sluagh uile a *bha* maille ris, Reubaibh bhur n-eudach, agus cuiribh saic-eudach umaibh, agus deanaibh caoidh roimh Abner. Agus lean rìgh Daibhidh *féin* an giùlan.

32 Agus dh'adhlaic iad Abner ann an Hebron: agus thog an rìgh suas a ghuth, agus ghuil e aig uaigh Abneir; agus ghuil an sluagh uile.

33 Agus rinn an rìgh caoidh os cionn Abneir, agus thubhairt e, An

<sup>a</sup> as a leth féin, air ball.

<sup>b</sup> gu h-uaignidheach.



ann mar a bhàsaicheas amadan<sup>a</sup>, a bhàsaich Abner?

34 Cha do cheangladh do làmhnan, agus cha do chuireadh do chosan ann an geimhlìbh: mar a thuiteas duine roimh dhaoine aingidh, *mar sin* thuit thu-sa. Agus ghuil an sluagh uile a ris os a chionn.

35 Agus an uair a thàinig an sluagh uile a thoirt air Daibhidh biadh itheadh, am feadh 'sa b'è 'n là fathast a bh'ann, mhionnaich Daibhidh, ag ràdh, Marsin gu deanadh Dia rium-sa, agus tuille mar an ceudna, ma bhlaiseas mi aran no nì air bith eile, gus an d'théid a' ghrian fuidhe.

36 Agus thug an sluagh uile fa'near<sup>e</sup>, agus bha e taitneach nan sùilibh; mar a bha gach nì a rinn an rìgh taitneach ann an sùilbh an t-sluaigh uile:

37 Oir thug an sluagh uile agus Israel uile air an là sin, nach ann o'n rìgh a bha e Abner mac Ner a chur gu bàs.

38 Agus thubhairt an rìgh r'a sheirbhisich, Nach 'eil fhios agaibh gu'n do thuit uachdaran agus duine mòr an diugh ann an Israel?

39 Agus tha mise an diugh an-mhunn<sup>b</sup>, ge<sup>c</sup> do tha mi ungta a'm' rìgh; agus tha na daoine sin mic Sheruah ro-chruaidh<sup>d</sup> air mo shon: dìolaidd an Tighearna do fhear deanamh an uile a réir 'aingidh-eachd.

#### CAIB. IV.

**A**GUS an uair a chuala mac Shaul gu'n d'fhuair Abner bàs ann an Hebron, dh'fhàs a làmhnan fann, agus bha Israel uile fa bhuairesas.

2 Agus bha aig mac Shaul dithis fhear a bha nan ceannardaibh air buidhnibh: b'è ainm aoin diubh Baanah, agus ainm an fhir eile Rechab, mic Rimoin a' Bheerotaich, do chloinn Bheniamin: (oir mheasadh Beerot mar an ceudna do Bheniamin:

3 Agus theich na Beerotaich gu Gitaim, agus tha iad nan luchd-cuairt an sin gu ruig an la 'u diugh.)

4 Agus bha aig Ionatan mac Shaul mac a bha bacach<sup>d</sup>, agus a bha cùig bliadhna dh'aois an uair a thàinig an sgeul mu Shaul agus Ionatan a Iesreel; agus thog a bhan-altrum leatha e, agus theich i: agus an uair a rinn i cabhag gu teicheadh, thuit esan, agus rinneadh bacach e; agus b'è ainm Mephiboseth.

5 Agus dh'imich mic Rimoin a' Bheerotaich, Rechab agus Baanah,

<sup>a</sup> duine aingidh.

<sup>b</sup> maoth. Eabh.

<sup>c</sup> agus. Eabh.

<sup>d</sup> ciurramach na

chosaibh. Eabh.

agus thàinig iad mu theas an là gu tigh Isboseit, a bha na luidhe air leabaidh mu mheadhon-là.

6 Agus feuch, thàinig iad air an aghaidh gu meadhon an tighe *mar gu'm biodh iad* gu cruithneachd a thoirt leo, agus bhuaill iad e fuidh 'n chùigeadh aise: agus chaidh Rechab agus a bhràthair Baanah as:

7 Oir an uair a thàinig iad a steach do'n tigh, bha esan na luidhe air a leabaidh na sheòmar-codail, agus bhuaill iad e, agus mharbh iad e, agus chuir iad an ceann deth, agus thug iad leo a cheann, agus dh'imich iad rompa air slighe an fhàsaich<sup>e</sup> rè na h-oidhche.

8 Agus thug iad ceann Isboseit a dh'ionnsuidh Dhaibhidh gu Hebron, agus thubhairt iad ris an rìgh, Feuch, ceann Isboseit mbic Shaul do nàmhaid, a dh'iarr t'anam: agus thug an Tighearna do m' thighearn an rìgh dìoghaltas air an la 'n diugh air Saul agus air a shliochd.

9 Agus fhreagair Daibhidh Rechab agus Baanah a bhràthair, mic Rimoin a' Bheerotaich, agus thubhairt e riu, *Mar is beo an Tighearn*, a shaor m'anam as gach uile airc;

10 An uair a dh'innis neach dhomh, ag ràdh, Feuch, tha Saul marbh (agus e a' meas gu'n robh e toirt deagh sgeoil leis) rug mi air, agus mharbh mi e ann an Siclag, an uair a *shaoil* e gu'n d'thugainn luigheachd dha air son a sgeoil:

11 Nach mo gu mòr, an uair a mharbh daoine aingidh duine ionraic na thigh féin air a leabaidh? agus a nis nach iarr mi 'fhuil-san air bhur làimh-sa, agus nach d'thoir mi bhàrr na talmhainn sibh?

12 Agus dh'àithn Daibhidh d'a òganaich, agus mharbh siad iad, agus ghearr iad dhiubh an làmhnan agus an cosan, agus chroch iad suas iad os cionn an tobair ann an Hebron: acli ghabh iad ceann Isboseit, agus dh'adhlaic iad e ann an àit-adhlacaidh Abneir ann an Hebron.

#### CAIB. V.

**A**N SIN thàinig uile threubhan Israeil a dh'ionnsuidh Dhaibhidh gu Hebron, agus labhair iad, ag ràdh, Feuch, is sinne do chnàimh agus t'fheoil.

2 Mar an ceudna roimhe so, 'nuair a bha Saul na rìgh os ar cionn, bu tusa an ti a thredraich a mach agus a thug a steach Israel: agus thubhairt an Tighearna riut, Beathaichidh tu mo shluagh Israel, agus bithidh tu a'd' cheannard air Israel.

<sup>e</sup> a' chòmhnaird.

3 Agus thàinig uile sheanairean Israeil a dh'ionnsuidh an rìgh gu Hebron, agus rinn rìgh Daibhidh coimhcheangal ri uann an Hebron am fianuis an Tighearna: agus dh'ung iad Daibhidh na rìgh air Israeil.

4 Bha Daibhidh deich bliadhna fichead a dh'aois an uair a thòisich e air rìoghachadh; agus rìoghaich e dà fhichead bliadhna.

5 Ann an Hebron rìoghaich e os cionn Iudah seachd bliadhna agus sè mìosan: agus ann an Ierusalem rìoghaich e trì bliadhna deug thar fhichead os cionn Israeil uile agus Iudah.

6 Agus dh'imich an rìgh agus a dhaoine gu h-Ierusalem, a dh'ionnsuidh nan Iebusach, luchd-àiteachaidh na tìre; a labhair ri Daibhidh, ag ràdh, Cha d'thig thu a steach an so mur d'thoir thu air falbh na doill agus na bacadh, ag ràdh, Cha d'thig Daibhidh a steach an so.

7 Gidheadh, ghlac Daibhidh daingneach Shìoin: is e sin baile Dhaibhidh.

8 Agus thubhairt Daibhidh air an là sin, Ge b'e neach a ruigeas a' chlais-uisge<sup>a</sup>, agus a bhuail na Iebusaich, agus na bacadh, agus na doill, aig am bheil fuath air anam Dhaibhidh, bithidh ean na cheannard: uime sin thubhairt iad, Cha d'thig an dall agus am bacach a steach do'n tigh.

9 Agus ghabh Daibhidh comhnuidh anns an daingneach, agus dh'ainmich se e, Baile Dhaibhidh; agus thog Daibhidh aitreabh mu'n cuairt, o Mhìlo agus air an taobh a stigh.

10 Agus chaidh Daibhidh air aghaidh, a' fàs mòr; agus bha'n Tighearna Dia nan sluagh maille ris.

11 Agus chuir Hiram rìgh Thiruis teachdairean a dh'ionnsuidh Dhaibhidh, agus fiodh seudair, agus saoir, agus clachairean: agus thog iad tigh do Dhaibhidh.

12 Agus thuig Daibhidh gu'n do dhaingnich an Tighearna e na rìgh air Israel, agus gu'n d'ardaich e a rìoghachd air son a shluaigh Israeil.

13 Agus ghabh Daibhidh dha féin tuille choimh-leabach agus bhan a h-Ierusalem, an déigh dha teachd a Hebron: agus rugadh fathast mic agus nigheana do Dhaibhidh.

14 Agus is iad so an ainmean-san, a rugadh dha ann an Ierusalem; Samuah, agus Sobab, agus Natan, agus Solamh,

15 Agus Ibhar, agus Elisua, agus Nepheg, agus Iaphia,

16 Agus Elisama, agus Eliada, agus Eliphalet.

17 Ach an uair a chuala na Philistich gu'n d'ung iad Daibhidh na rìgh air Israel, thàinig na Philistich uile nìos a dh'iarraidh Dhaibhidh; agus chuala Daibhidh sin, agus chaidh e sìos do'n daingneach.

18 Agus thàinig na Philistich, agus sgaoil siad iad féin ann an gleann Rephaim.

19 Agus dh'fhiosraich Daibhidh do'n Tighearna, ag ràdh, An d'théid mi suas a dh'ionnsuidh nam Philistich? an d'thoir thu thairis iad a m' làimh? Agus thubhairt an Tighearna ri Daibhidh, Gabh suas; oir gu cinnteach bheir mi thairis na Philistich a'd' làimh.

20 Agus thàinig Daibhidh gu Baal-perasim, agus bhuail Daibhidh iad an sin, agus thubhairt e, Bhriis an Tighearna o chéile mo naimhdean a'm' fhianuis, mar bhriseadh uisgeacha. Uime sin thug e Baal-perasim mar ainm air an àite sin.

21 Agus dh'fhàg iad an sin an dealbhan<sup>b</sup>, agus loisge Daibhidh agus a dhaoine iad.

22 Agus thàinig na Philistich a nìos a rìs; agus sgaoil siad iad féin ann an gleann Rephaim.

23 Agus an uair a dh'fhiosraich Daibhidh do'n Tighearna, thubhairt e, Cha d'théid thu suas: ach gabh m'an cuairt air an cùlaobh, agus thig orra fa chomhair chraobh nan smeur<sup>d</sup>.

24 Agus an uair a chluinneas tu fuaim siubhail ann am mullach<sup>e</sup> chraobh uan smeur, an sin gluaidh tu thu féin; oiran sin théid an Tighearna mach romhad, a bhualadh feachd nam Philistich.

25 Agus rinn Daibhidh mar sin, mar a dh'àithn an Tighearna dha; agus bhuail e na Philistich o Gheba, agus an d'thig thu gu Gaser.

CAIB. VI.

AGUS chruinnich Daibhidh fathast an ceann a chéile fir thaghta Israeil uile, deich mìle fichead.

2 Agus dh'éirich Daibhidh, agus chaidh e, agus an sluagh uile a bha maille ris, o Bhaal Iudah, a thubhairt suas a sin àirc Dhé, air an gairmear ainm Thighearna nan sluagh, a ghabhas comhnuidh eadar na Cheruban.

3 Agus chuir iad àirc Dhé air feun<sup>f</sup> nomha, agus thug iad i a tigh Abinadaib a bha ann an Gibeah: agus dh'iomain Usah agus Ahio,

<sup>b</sup> an òdholan. <sup>c</sup> ghabh.

<sup>d</sup> chraobh nam peur; bacadh. Eabh.

<sup>e</sup> ann an tòiseach. <sup>f</sup> cairt,

carbaid.

<sup>a</sup> am feadan-uisge.

mic Abinadaib, am feun nomha maille ri àirc Dhé.

4 Agus dh'imich Ahio roimh 'n àirc.

5 Agus chluich Daibhidh agus tigh Israeil uile am fianuis an Tighearn air gach inneal-ciuil do fhiodh gumhais, eadhon air clàrsaichibh, agus air saltairibh, agus air nabal-aibh<sup>a</sup>, agus air tiompanaibh, agus air ciombalaibh.

6 Agus an uair a thàinig iad gu urlar-bualaidh Nachoin, chuir Usa a mach a làmh a dh'ionnsuidh àirc Dhé, agus ghabh e greim dhith; oir chuir na daimh air chrith i.

7 Agus las corruich an Tighearn an aghaidh Usa, agus bhuail Dia an sin e air son a dhànadais<sup>b</sup>; agus fhuair e bàs an sin làmh ri àirc Dhé.

8 Agus bha doilgheas air Daibhidh<sup>c</sup>, do bhrìgh gu'n d'rinn an Tighearna briseadh air Usa; agus dh'ainmich e an t-àite sin Peres-usah gu ruig an la 'n diugh.

9 Agus bha eagal air Daibhidh roimh 'n Tighearn air an là sin, agus thubhairt e, Cionnus a thig àirc an Tighearn a m' ionnsuidhsa?

10 Agus cha b'àill le Daibhidh àirc an Tighearn a thionndadh d'a ionnsuidh féin gu baile Dhaibhidh; ach thug Daibhidh a leth-taobh i gu tigh Obed-edoim a' Ghitich.

11 Agus dh'fhan àirc an Tighearn ann an tigh Obed-edoim a' Ghitich tri mìosan; agus bheannaich an Tighearn Obed-edom, agus a thigh uile.

12 Agus dh'innseadh do rìgh Daibhidh, ag ràdh, Bheannaich an Tighearna tigh Obed-edoim, agus gach nì a bhuineas da, air son àirc Dhé. Uime sin dh'fhalbh Daibhidh, agus thug e nìos àirc Dhé a tigh Obed-edoim gu baile Dhaibhidh, le gaideachas.

13 Agus an uair a dh'imich iadsan a ghluiaidh àirc an Tighearna se ceuman, dh'obair e tairbh agus beathaichean reamhra.

14 Agus dhanns Daibhidh le 'uile neart am fianuis an Tighearna, agus bha Daibhidh crioslaichte le ephod lìn-eudaich.

15 Agus thug Daibhidh agus uile thigh Israeil a nìos àirc an Tighearna le h-iolaich, agus le fuaim trompaide.

16 Agus an uair a bha àirc an Tighearn a teachd a steach gu baile Dhaibhidh, dh'amhairc Michal nighean Shaul tre uinneig, agus

chunnaic i rìgh Daibhidh a' leum-naich agus a' dannsadh am fianuis an Tighearna, agus rinn i tàir air na cridhe.

17 Agus thug iad a steach àirc an Tighearna, agus chuir iad suas i na h-àit ann am meadhon a' phàilliuin, a shuidhich Daibhidh air a son; agus thug Daibhidh suas iobairtean-loisgte am fianuis an Tighearna, agus iobairtean-sith.

18 Agus an uair a chuir Daibhidh crìoch air iobairtean-loisgte a thoirt suas, agus iobairtean-sith, bheannaich e an sluagh ann an ainm Thighearna nan sluagh.

19 Agus roinn e air an t-sluagh uile, eadhon air uile choimhchrùinn-eachadh Israeil, eadar fheara agus mhnà, do gach neach breacag arain, agus mir maith fèda, agus copan<sup>d</sup> Jiona: agus dh'fhalbh an sluagh uile, gach neach d'a thigh féin.

20 Agus phill Daibhidh a bheannachadh a theaghlach: agus thàinig Michal nighean Shaul a mach an coinneamh Dhaibhidh, agus thubhairt i, Cia urramach<sup>e</sup> a bha rìgh Israeil an diugh, a rùisg e féin an diugh ann an sùilibh bhan-oglach a sheirbhisich, mar a rùisgeas aon do na daoineibh eutrom e féin<sup>f</sup>!

21 Agus thubhairt Daibhidh ri Michal, Is ann a bha e am fianuis an Tighearna, a thagh mise roimh t'athair, agus roinn a thigh uile, chum m'orduchadh a'm' cheannard air sluagh an Tighearna, air Israel: uime sin chluich mise<sup>g</sup> am fianuis an Tighearna.

22 Agus bithidh mi fathast nì's tàireile nà so, agus bithidh mi òsal a'm' shùilibh féin; agus aig na ban-oglaich mu'n do labhair thu, aca-san gheibh mi urram.

23 Agus cha robh duine-cloinne aig Michal nighean Shaul gu là a bàis.

## CAIB. VII.

**A**GUS an uair a shuidh an rìgh na thigh, agus a thug an Tighearna fois dha o a naimhdbh uile m'an cuairt,

2 Thubhairt an rìgh ri Natan am fàidh, Feuch a nis, tha mise a'm' chòmhnuidh ann an tigh seudair, ach tha àirc Dhé na còmhnuidh an taobh a stigh do chùrteinibh.

3 Agus thubhairt Natan ris an rìgh, Fabh, 'dean gach nì a ta ann ad chridhe; oir tha'n Tighearna maille riut.

4 Agus air an oidhche sin féin

<sup>a</sup> nebalim. Eabh. tìmbrels. Sasg.

<sup>b</sup> a chionn gu'n do chuir e mach a làmh. <sup>c</sup> bha Daibhidh diomhach.

<sup>d</sup> soitheach.

<sup>e</sup> glòrmhor.

<sup>f</sup>

<sup>g</sup> e féin gu beag-narach.

<sup>h</sup> rinn

mi aobhneas.

thàinig focal an Tighearna gu Natan, ag ràdh,

5 Falbh agus innis do m' òglach Daibhidh, Mar so tha'n Tighearn ag ràdh, An tog thu-sa tigh dhomh-sa, a chum gu'n gabhainn còmhnuidh ann?

6 Oir cha do ghabh mise còmhnuidh ann an tigh o'n là anns an d'thug mi nìos clann Israeil as an Eiphit eadhon gus an la'n diugh, ach bha mi ag imeachd ann am bùth agus ann am pàillion.

7 Anns gach àit d'an d'innich mi maille ri cloinn Israeil uile, an do labhair mi focal ri h-aon air bith do bhreitheamhnaibh<sup>a</sup> Israeil d'an d'àithn mi mo shluagh Israel a bheathachadh, ag ràdh, C'ar son nach tog sibh dhomh-sa tigh seud-air?

8 A nis uime sin mar so their thu ri m' sheirbhiseach Daibhidh, Mar so tha Tighearna nan sluagh ag ràdh, Thug mise thu o mhainnir nan caorach, o bhi leantuinn nan caorach, gu bhi d' cheannard air mo shluagh, air Israel.

9 Agus bha mi maille riut anns gach àite d'an deachaidh tu, agus ghearr mi as do naimhdean uile o t'fhianuis, agus rinn mi dhuit ainm mòr, mar ainm nan daoine mòra a tha air an talamh.

10 (Agus orduichidh<sup>b</sup> mi àit air son mo shluaigh Israeil, agus suidh-ichidh mi iad, agus gabhaidh iad còmhnuidh nan àite féin, agus cha ghluaisear iad nìs mò; agus cha saraich clann na h-aingidheachd iad tuille mar air tùs<sup>c</sup>,

11 Agus o'n àm anns an d'àithn mi breitheamhna bhi os cionn mo shluaigh Israeil: agus bheir mi dhuit fois o' naimhidh gu léir.) Mar an ceudna tha'n Tighearn ag innseadh dhuit, gu'n dean an Tighearna tigh dhuit.

12 Agus an uair a choimhlionar do làithean, agus a choidileas tu maille ri t'aithriclibh, togaidh mi suas do shliochd a'd' dhéigh, a thig a mach a t'innibh; agus daingnichidh mi a rìoghachd.

13 Togaidh esan tigh do m'ainm-sa, agus daingnichidh mise rìgh-chathair a rìoghachd gu bràth.

14 Bithidh mi a'm<sup>a</sup> athair aige-san, agus bithidh esan na mhac agam-sa: ma ni e aingidheachd, smachdaichidh mi e le slait dhaoine, agus le buillibh chloinn nan daoine:

15 Ach cha 'n imich mo thròcair air falbh uaith, mar a thug mi air

falbh i o Shaul, a chuir mi air falbh o t'fhianuis-sa.

16 Agus bithidh do thigh seas-mhach, agus do rìoghachd gu brath a'm<sup>a</sup> fhianuis-sa<sup>d</sup>: bithidh do rìgh-chathair daingean gu bràth.

17 A réir nam briathra so uile, agus a réir an taisbeanaidh<sup>e</sup> so uile, mar sin labhair Natan ri Daibhidh.

18 An sin chaidh rìgh Daibhidh a stigh, agus shuidh e am fianuis an Tighearna, agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

19 Agus bu bheag an nì so fathast a'd' shùilbha-sa, a Thighearna Dhé; ach labhair thu mar an ceudna thaobh tighe do sheirbhisich rè aimsir fhada ri teachd: agus an e so gnàth duine, a Thighearna Dhé?

20 Agus ciod tuilleadh a dh'fheudas Daibhidh a ràdh riut? oir is aithne dhuit do sheirbhiseach, a Thighearna Dhé.

21 Air son t'fhocail, agus a réir do chridhe féin, rinn thu na nithe mòra so uile, a thoirt air do sheirbhiseach eòlas a ghabhail orra.

22 Uime sin a ta thu mòr, a Thighearna Dhé: oir cha 'n'eil neach ann cosmhuil riut, agus cha 'n'eil Dia ann ach thu-sa, a réir gach nì a chuala sinn le'r cluas-aibh.

23 Agus cia an cinneach air thalamh cosmhuil ri d' shluagh-sa, cosmhuil ri h-Israel, a chaidh Dia a shaoradh mar shluagh dha féin, agus a dheanamh ainme dha féin, agus a dheanamh air<sup>f</sup> son nithe mòra, agus uamhasach, air son do thìre, am fianuis do shluaigh a shaor thu dhuit féin as an Eiphit, o na cinneachaibh agus o'n déibh?

24 Oir dhaingnich thu dhuit féin do shluagh Israel gu bhi nan sluagh dhuit gu bràth; agus tha thu-sa, a Thighearna, a'd' Dhia aca.

25 Agus a nis, a Thighearna Dhé, am focal a labhair thu a thaobh do sheirbhisich, agus a thaobh a thighe, dean seasmhach e gu bràth; agus dean mar a thubhairt thu.

26 Agus ardaichear<sup>g</sup> t'ainm gu bràth, ag ràdh, Is e Tighearna nan sluagh a's Dia os cionn Israeil: agus bitheadh tigh do sheirbhisich Daibhidh daingean a'd' fhianuis:

27 Oir dh'fhoillsich thu-sa, a Thighearna nan sluagh, a Dhé Israeil, do d' sheirbhisich, ag ràdh, Togaidh mi tigh dhuit: uime sin fhàir do sheirbhiseach na chridhe an urnuigh so a dheanamh riut.

<sup>a</sup> a threubhaibh. <sup>b</sup> dh'orduich.

<sup>c</sup> mar a rinn iad roimhe.

<sup>d</sup> a t'fhianuis. <sup>e</sup> an t-seallaidh, an fhoillseachaidh.

<sup>f</sup> bhar.

<sup>g</sup> mòraichear, deanar mòr. Eabh.



28 Agus a nis, a Thighearna Dhé, is tu féin Dia<sup>a</sup>, agus is iad do bhriathran an fhirinn; agus gheall thu am maitheas so do d' sheirbhis-each.

29 A nis uime sin<sup>g</sup> gu ma toil leat tigh do sheirbhisich a bheannachadh, a chuim gu mair e gu bráth a'd' fhianuis: oir labhair thu-sa e, a Thighearna Dhé, agus le d' bheannachadh beannaichear tigh do sheirbhisich gu bráth.

## CAIB. VIII.

**A**GUS an déigh so bhuail Daibhidh na Philistich, agus cheanna-saich<sup>b</sup> e iad: agus ghlac Daibhidh Meteg-amah<sup>c</sup> a làimh nam Philisteach.

2 Agus bhuail e na Moabaich, agus thomhais e iad le cord<sup>d</sup>, 'gan tilgeadh sìos gu làr: eadhon le dà chord thomhais e a thabhairt bàis, agus le aon chord iomlan a ghlèidh-eadh beo. Agus bha na Moabaich nan seirbhisich aig Daibhidh, agus thug iad tiodhlaca leo.

3 Bhuail Daibhidh mar an ceudna Hadadeser mac Rehoib, righ Shobah, 'nuair a chaidh e a chosnadh a chrìche air a h-ais<sup>e</sup> aig abhuinn Euphrateis.

4 Agus thug Daibhidh uaith mìle carbad, agus seachd ceud<sup>f</sup> marcach, agus fichead mìle coisiche: agus ghearr Daibhidh speireacha each nan carbad uile, ach dh'fhàg e dhiubh d'ìol cheud carbad.

5 Agus an uair a thàinig Sirianaich Dhamascuis a chuideachadh le Hadadeser righ Shobah, bhuail Daibhidh do na Sirianaich dà mhìle thar fhichead fear.

6 An sin chuir Daibhidh freiceadain ann an Siria Dhamascuis: agus bha na Sirianaich nan seirbhisich aig Daibhidh, agus thug iad leo tiodhlacan: agus ghlèidh an Tighearna Daibhidh gach taobh a chaidh e.

7 Agus ghabh Daibhidh na sgiathan<sup>g</sup> òir a bh'aig seirbhisich Hadadeser, agus thug e iad gu h-Ierusalem.

8 Agus o Bhethah, agus o Bherotai, bailtibh Hadadeser, thug righ Daibhidh ro-mhòran umha.

9 An uair a chuala Toi, righ Hamait, gu'n do bhuail Daibhidh sluagh Hadadeser uile,

10 An sin chuir Toi a mhac Ioram gu righ Daibhidh, a chur fàilte air, agus g'a bheannachadh, a chionn gu'n do chog e ri Hadadeser agus

gu'n do bhuail se e, (oir bha cogadh aig Hadadeser ri Toi<sup>h</sup>;) agus na làimh bha soithichean airgid, agus soithichean òir, agus soithichean umha.

11 Iad sin mar an ceudna choisrig<sup>i</sup> righ Daibhidh do'n Tighearna, maille ris an airgid agus ris an òr a choisrig e o na h-uile chinneach-aibh a cheannsaich e;

12 O Shiria, agus o Mhoab, agus o chloinn Amoin, agus o na Philistich, agus o Amalec, agus o chreich Hadadeser, mhic Rehoib, righ Shobah.

13 Agus fhuair<sup>k</sup> Daibhidh ainm dha féin, an uair a phill e o bhualadh nan Edomach<sup>l</sup> ann an gleann an t-salainn, ochd mìle deug fear.

14 Agus chuir e freiceadain ann an Edom: air feadh Edoim uile chuir e freiceadain; agus bha na h-Edomach uile nan seirbhisich aig Daibhidh: agus ghlèidh an Tighearna Daibhidh gach taobh a chaidh e.

15 Agus rìoghaich Daibhidh air Israel uile, agus rinn Daibhidh breitheamhnas agus ceartas d'a shluagh uile.

16 Agus bha Ioab mac Sheruah os cionn na h-armailte; agus bha Ichosaphat mac Ahiluid na sheanachaidh<sup>m</sup>;

17 Agus bha Sadoc mac Ahituib, agus Ahimelech mac Abiatair nan sagartaibh, agus Seraiah na scrìobh-uiche;

18 Agus bha Benaiah mac Iehoiada os cionn nan Cereteach agus nam Peleteach; agus bha mic Dhaibhidh nan ard uachdaranaibh.

## CAIB. IX.

**A**GUS thubhairt Daibhidh, Am bheil fathast neach air bith a dh'fhàgadh do thigh Shaul, a chum gu nochd mi dha caoimhneas air son Ionatain?

2 Agus bha aig tigh Shaul seirbhisich, d'am b'ainm Siba: agus an uair a ghairm iad e chum Dhaibhidh, thubhairt an righ ris, An tusa Siba? Agus thubhairt esan, Is e do sheirbhisich a th'ann.

3 Agus thubhairt an righ, Nach 'eil fathast neach air bith do thigh Shaul, a chum gu nochd mi dha caoimhneas Dhé? Agus thubhairt Siba ris an righ, Tha fathast mac aig Ionatan, a tha bacach<sup>n</sup>.

4 Agus thubhairt an righ ris, C'àit am bheil e? Agus thubhairt Siba ris an righ, Feuch, tha e ann an tigh

<sup>a</sup> Is tusa an Dia sin. <sup>b</sup> dh'islich.

<sup>c</sup> Gat agus a bhailte beaga.

<sup>d</sup> snàithne-tomhais. <sup>e</sup> a shuidh.

eachadh a làimhe. Eabh. <sup>f</sup> mìle.

<sup>g</sup> targaidean.

<sup>h</sup> b'fhear cogaidh Hadadeser an aghaidh Thoi. Eabh. <sup>i</sup> naomhaich.

<sup>k</sup> rinn. Eabh. <sup>l</sup> nan Sirianach.

<sup>m</sup> eachdraiche. <sup>n</sup> ciurramach na

chosuibh. Eabh.

Mhachir, mhic Amieil, ann an Lodebar.

5 Agus chuir rìgh Daibhidh *fios air*, agus thug se e a tigh Mhachir, mhic Amieil, o Lodebar.

6 A nis an uair a thàinig Mephiboset<sup>a</sup>, mac Ionatain, mhic Shaul, a dh'ionnsuidh Dhaibhidh, thuit e air aghaidh, agus rinn e ùmhlachd. Agus thubhairt Daibhidh, A Mhephiboset. Agus fhreagair esan, Feuch, do sheirbhiseach.

7 Agus thubhairt Daibhidh ris, Na biodh eagal ort; oir gu cinnteach nochdaidh mise dhuit caoimhneas air son t'athar Ionatain, agus aisgidh mi dhuit uile fhearann t'athar Shaul, agus ithidh tu aran aig mo bhòrd-sa an còmhnuidh.

8 Agus chrom se e féin, agus thubhairt e, Cò e do sheirbhiseach, gu'n amhairceadh tu-sa air cù marbh, cosmhuil rium-sa?

9 An sin ghairm an rìgh air Siba òglach Shaul, agus thubhairt e ris, Gach ni a bhuineadh do Shaul, agus d'a thigh uile, thug mi do mhac do mhaighstir.

10 Agus treabhaidh tu-sa am fearann air a shon, thu féin, agus do mhic, agus do sheirbhisich, agus bheir thu a stigh *an toradh*, a chum gu'm bi biadh aig mac do mhaighstir a dh'itheas e: ach ithidh Mephiboset mac do mhaighstir aran an còmhnuidh aig mo bhòrd-sa. A nis bha aig Siba cùig mic dheug agus fichead seirbhiseach.

11 An sin thubhairt Siba ris an rìgh, A réir gach ni a dh'àithn mo thighearn an rìgh d'a sheirbhiseach, mar sin ni do sheirbhiseach: a thaobh Mephiboset, ithidh esan aig a<sup>b</sup> bhòrd-sa, mar aon do mhic an rìgh.

12 Agus *bha* aig Mephiboset mac òg, d'am b'ainm Michà: agus *bha* iadsan uile a ghabh còmhnuidh ann an tigh Shiba nan seirbhisich do Mephiboset.

13 Agus chòmhnuich Mephiboset ann an Ierusalem, oir dh'ith e an còmhnuidh aig bord an rìgh: agus *bha* e bacach air a dhà chois.

CAIB. X.

**A** GUS na dh'éigh so fhuair rìgh chloinn Amoin bàs, agus rioghach a mhac Hanun na àit.

2 An sin thubhairt Daibhidh, Nochdaidh mi caoimhneas do Hanun mac Nahais, mar a nochd t'athair-sar caoimhneas dhomh-sa. Agus chuir Daibhidh uath a sheirbhisich, a thoirt sòlais da air son t'athar. Agus thàinig seirbhisich Dhaibhidh a steach do thìr chloinn Amoin.

3 Agus thubhairt ceannardar chloinn Amoin ri Hanun an tighearna, An saoil thu gur ann a chum urram a thubhairt do t'athair, a chuir Daibhidh a t' ionnsuidh luchd-sòlais? nach ann a rannsachadh a' bhaile, agus a ghabhail beachd air, agus g'a sgrios, a chuir Daibhidh a sheirbhisich a t' ionnsuidh?

4 Uime sin ghlac Hanun seirbhisich Dhaibhidh, agus bhicarr e *dhiubh* leth am feusaig, agus ghearr e an eudach sa<sup>a</sup> mheadhon, gu ruig am màsan; agus chuir e air falbh iad.

5 Agus an uair a dh'innseadh sin do Dhaibhidh, chuir e *daoine* nan coinneamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fàs bhur feusag, agus an sin pillibh.

6 Agus an uair a chunnaic clann Amoin gu'n robh iad gràineil e am fianuis Dhaibhidh, chuir clann Amoin *teachdairean* uatha, agus thuarasdalaich iad Sirianaich Bhet-rehoib, agus Sirianaich Shoba, fichead mìle coisiche<sup>d</sup>, agus o rìgh Mhaacah mìle fear, agus o Istob dà mhìle dheug fear.

7 Agus an uair a chuala Daibhidh sin, chuir e mach Ioab, agus uile shluagh nan daoine treuna.

8 Agus thàinig clann Amoin a mach, agus chuir iad an cath an ordugh aig dol a stigh a' gheata<sup>e</sup>: agus *bha* Sirianaich Shoba, agus Rehob, agus Istoib, agus Maacah, leo féin anns a' mhachair.

9 Agus an uair a chunnaic Ioab gu'n robh aghaidh a' chatha ris air a bheulaobh agus air a chùlaobh, thagh e mach *cuid* do uile *dhaoinibh* taghta Israeil, agus chuir e ann an ordugh catha iad an aghaidh nan Sirianach.

10 Agus a' chuid eile do'n t-sluagh thug e thairis do làmh a bhràthar Abisai, a chum gu'n cuireadh e an ordugh iad an aghaidh chloinn Amoin.

11 Agus thubhairt e, Ma bhios na Sirianaich nì's treise na mise, an sin ni thu-sa còmhnaidh rium-sa: ach ma bhios clann Amoin nì's treise na thu-sa, an sin thig mise a dheanamh còmhnaidh riut-sa.

12 Bi misneachail, agus biomaid gaisgeil air son ar sluagh, agus air son bhailtean ar Dé: agus deanadh an Tighearn an nì a ta maith na shùilibh.

13 Agus thàinig Ioab am fagus, agus an sluagh a *bha* maille ris, gu cath an aghaidh nan Sirianach: agus theich iad roimhe.

<sup>c</sup> breun.

<sup>d</sup> fear-coise.

<sup>e</sup> geata

Mhedeaba.

<sup>a</sup> Merib-baal.

<sup>b</sup> mo.

14 Agus an uair a chunnaic clann Amoin gu'n do theich na Sirianaich, an sin theich iadsan mar an ceudna roimh Abisai, agus chaidh iad a steach do'n bhaile: agus phill Ioab o chloinn Amoin, agus thàinig e gu h-Ierusalem.

15 Agus an uair a chunnaic na Sirianaich gu'n do bhuaileadh iad roimh Israel, chruinnich siad iad féin an ceann a chéile.

16 Agus chuir Hadadeser <sup>a</sup> *fios* uath, agus thug e mach na Sirianaich a bh'air an taobh thall do'n abhuinn, agus thàinig iad gu Helam; agus chaidh Sobach ceannard armailte Hadareseir rompa.

17 Agus an uair a dh'ionnsuidh sin do Dhaibhidh, chruinnich e Israel uile an ceann a chéile, agus chaidh e thar Iordan, agus thàinig e gu Helam; agus chuir na Sirianaich iad féin an ordugh catha an aghaidh Dhaibhidh, agus chog iad ris.

18 Agus theich na Sirianaich roimh Israel, agus mharbh Daibhidh do na Sirianaich *fir* sheachd ceud carbad, agus dà fhichead mìle marcach; agus bhuail e Sobach ceannard an armailte, a fhuaire bàs an sin.

19 Agus an uair a chunnaic na rìghrean uile, a bha nan seirbhisich aig Hadadeser, gu'n do bhuaileadh iad roimh Israel, rinn iad sìth ri h-Israel, agus rinn iad seirbhis dhoibh. Agus bha eagal air na Sirianaich còmhnaidh a dheanamh tuille ri cloinn Amoin.

## CAIB. XI.

**A**GUS aig teachd mu'n cuairt <sup>b</sup> na bliadna, mu'n àm anus an d'théid rìghrean a mach gu cath, chuir Daibhidh uath Ioab, agus a sheirbhisich maille ris, agus Israel uile, agus sgrios iad clann Amoin, agus theannaich iad <sup>c</sup> Rabah: ach dh'fhan Daibhidh ann an Ierusalem.

2 Agus thachair e mu fheasgar, gu'n d'éirich Daibhidh bhàrr a leapach, agus gu'n robh e a' spaisdearachd air inullach tighe an rìgh: agus o'n mhullach chunnaic e bean 'ga nigheadh féin, agus bha a' bhean ro-mhaiseach ri sealltuinn oirre.

3 Agus chuir Daibhidh *fios*, agus dh'fhèdraich e mu thimchioll na mnà: agus thubhairt *neach*, Nach i so Bateba nighean Eliam, bean Uriah an Hitich?

4 Agus chuir Daibhidh uath teachdairean, agus ghabh e i; agus thàinig i stigh d'a ionnsuidh, agus luidh e leatha, (oir bha i air a

glanadh o a neo-ghloine;) agus phill i d'a tigh féin.

5 Agus dh'fhàs a' bhean torrach, agus chuir i *fios* uath <sup>d</sup>, agus dh'innis i do Dhaibhidh, agus thubhairt i, *Tha mi torrach.*

6 Agus chuir Daibhidh *fios* uath gu Ioab, ag ràdh, Cuir a m' ionnsuidh Uriah an Hiteach. Agus chuir Ioab Uriah a dh'ionnsuidh Dhaibhidh.

7 Agus an uair a thàinig Uriah d'a ionnsuidh, dh'fhèdraich Daibhidh *dheth* cionnus a bha Ioab, agus cionnus a bha 'n sluagh, agus cionnus a chaidh an cogadh air aghaidh.

8 Agus thubhairt Daibhidh ri Uriah, Imich sìos do d' thigh, agus nigh do chosan. Agus chaidh Uriah a mach a tigh an rìgh, agus chuireadh na dhéigh lòn *béidh* o'n rìgh.

9 Ach luidh <sup>e</sup> Uriah aig dorus tigh an rìgh, maille ri uile sheirbhis-eachaibh a thighearna, agus cha deachaidh e sìos d'a thigh.

10 Agus an uair a dh'innis iad do Dhaibhidh, ag ràdh, Cha deachaidh Uriah sìos d'a thigh, thubhairt Daibhidh ri Uriah, Nach ann o d' thurus a thàinig thu? c'ar son *ma ta* nach deachaidh tu sìos do d' thigh?

11 Agus thubhairt Uriah ri Daibhidh, *Tha'n àirc*, agus Israel, agus Iudah a' fantuinn am pàilliuibh, agus *tha* mo thighearna Ioab, agus seirbhisich mo thighearna air campachadh air aghaidh na macharach; an d'théid mise *ma ta* a stigh do m' thigh, a dh'itheadh, agus a dh'òl, agus a luidhe le m' mhnaoi? *mar* is beo thu-sa, agus *mar* is beo t'anam, cha dean mi an ni so.

12 Agus thubhairt Daibhidh ri Uriah, Fan an so mar an ceudna an diugh, agus am màireach leigidh mi leat imeachd. Agus dh'fhan Uriah ann an Ierusalem an là sin, agus an là màireach.

13 Agus ghairm Daibhidh air, agus dh'ith agus dh'ól e na fhianuis, agus chuir e air mhisg e: ach chaidh e mach mu fheasgar a luidhe na leabaidh maille ri seirbhisich a thighearna, agus d'a thigh féin cha deachaidh e sìos.

14 Agus anns a' mhaduinn scrìobh Daibhidh litir a dh'ionnsuidh Ioab, agus chuir e i le làimh Uriah.

15 Agus scrìobh e anns an litir, ag ràdh, Cuiribh Uriah mu c'oinneamh a' chatha a's déine, agus pillibh féin o 'chùlaobh, a chum gu'm buairear e, agus gu'm faigh e bàs.

16 Agus an uair a ghabh Ioab

<sup>a</sup> Hadareseir. <sup>b</sup> ath-philleadh.

<sup>c</sup> chog iad an aghaidh.

<sup>d</sup> uaipe.

<sup>e</sup> choidil.

beachd air a' bhaile, dh'orduich e Uriah a dh'ionnsuidh àite anns an robh fios aige gu'n robh daoine gaisgil.

17 Agus chaidh fir a' bhaile a mach, agus chog iad ri Ioab; agus thuit cuid do'n t-sluagh, do sheirbhisich Dhaibhidh, agus fhuair Uriah an Hiteach bàs mar an ceudna.

18 An sin chuir Ioab fios uaith, agus dh'innis e do Dhaibhidh gach ni a thachairsa' chath<sup>a</sup>:

19 Agus dh'aithean e do'n teachdaire, ag ràdh, An uair a chuireas tu crìoch air gach ni a thachair sa' chath innseadh do'n rìgh,

20 Agus ma thachaireas gu'n éirigh fearg an rìgh, agus gu'n abair e riut, C'ar son a chaidh sibh teann air a' bhaile a chathachadh? nach robh fios agaibh gu'n tilgeadh iad o'n bhalladh?

21 Cò a bhuail Abimelech mac Ierubeseit<sup>b</sup>? nach do thilg bean mìr do chloich-mhuilinn air o'n bhalladh, air chor as gu'n d'fhuair e bàs ann an Tebes? c'ar son a chaidh sibh teann air a' bhalladh? an sin their thu-sa, Tha do sheirbhisich Uriah an Hiteach marbh mar an ceudna.

22 Agus dh'imich an teachdaire, agus thàinig agus dh'innis e do Dhaibhidh gach ni mu'n do chuir Ioab air falbh e.

23 Agus thubhairt an teachdaire ri Daibhidh, Gu deimhin bhuadhach na daoine oirnn, agus thàinig iad a mach d'ar n-ionnsuidh sa' mhachair, agus chuir sinn an ruaig orra<sup>c</sup> eachon gu dol a stigh a' gheataidh.

24 Agus thilg na fir-bhogha air do sheirbhisich o'n bhalladh, agus tha cuid do sheirbhisich an rìgh marbh, agus tha do sheirbhisich Uriah an Hiteach marbh mar an ceudna.

25 An sin thubhairt Daibhidh ris an teachdaire, Mar so their thu ri Ioab, Na biodh an nì so olc a'd' shùilibh: oir cuiridh an claidheamh as do aon duine co maith as do dhuin' eile: dean do chath nì's treise an aghaidh a' bhaile, agus sgrios e; agus thoir misneach dha.

26 Agus an uair a chuala bean Uriah gu'n d'fhuair a fear Uriah bàs, rinn i caoidh air son a fir.

27 Agus an uair a bha 'm bròn thairis, chuir Daibhidh fios oirre, agus thug e i dh'ionnsuidh a thighe, agus bha i na mnaoi aige, agus rug i mac dha: ach bha an nì a rinn

Daibhidh olc ann an sùilibh an Tighearna.

CAIB. XII.

**A** GUS chuir an Tighearna Natan a dh'ionnsuidh Dhaibhidh; agus an nair a thàinig e d'a ionnsuidh, thubhairt e ris, Bha dithis fhear ann an aon bhaile, fear dhiubh beartach, agus am fear eile bochd.

2 Aig an duine bheartach bha' romhòran chaorach agus cruidh:

3 Ach aig an duine bhochd cha robh nì sam bith ach aon uan beag bainionn, a cheannaich e, agus a bheathaich e: agus dh'fhàs e suas maille ris féin, agus maille r'a chloinn; dh'ith e d'a ghreim<sup>d</sup> féin, agus dh'òl e as a chopan féin, agus luidh e na uchd, agus bha e dha mar nighinn.

4 Agus thàinig fear-turuis<sup>e</sup> a dh'ionnsuidh an duine bheartaich, agus chaomhain e gabhail d'a chaorach féin, agus d'a chrodh féin, a dheasachadh air son an fhir-turuis a thàinig d'a ionnsuidh, ach ghabh e uan an duine bhochd, agus dheasach se e do'n fhear a thàinig d'a ionnsuidh.

5 Agus las fearg Dhaibhidh an aghaidh an duine gu mòr; agus thubhairt e ri Natan, Mar is beo an Tighearna, gu cinnteach cuirear gu bàs<sup>f</sup> am fear a rinn an nì so.

6 Agus dìolaidh e<sup>g</sup> 'n t-uan ceithir uairean<sup>h</sup>, do bhrìgh gu'n d'rinn e an nì so, agus a chionn nach do chaomhain e<sup>i</sup>.

7 Agus thubhairt Natan ri Daibhidh, Is tu-sa an duine. Mar so tha 'n Tighearna Dia Israeil ag ràdh, Dh'ung mise thu a'd' rìgh os cionn Israeil, agus shaor mi thu a làimh Shaul:

8 Agus thug mi dhuit tigh do mhaighstir, agus mnàì do mhaighstir ann ad uchd, agus thug mi dhuit tigh Israeil agus Iudah; agus nam bu bheag sin, bheirinn dhuit cuideachd an leithide so agus an leithide sud do nithibh.

9 C'ar son a rinn thu tàir air àithne au Tighearna, le olc a dheanadh na fhiannais? Uriah an Hiteach bhuail thu leis a' chladheamh, agus a bhean ghabh thu na mnaoi dhuit féin, agus esan mharbh thu le claidheamh chloinn Amoin.

10 A nis uime sin cha dealaich an claidheamh ri d'thìgh gu bràth, do bhrìgh gu'n d'rinn thu tàir orm, agus gu'n do ghabh thu bean Uriah,

<sup>a</sup> aran, bhiadh.

<sup>e</sup> aoidhe.

<sup>f</sup> tha e toiltinn a' bhàis; is mac do'n bhàs e. Eabh.

<sup>g</sup> aigisidh e,

bheir e air ais. <sup>h</sup> ceithir-fillte.

<sup>i</sup> nach robh iochd aige.

<sup>a</sup> uile bhriathra, no uile nithe a' chatha. Eabh.

<sup>b</sup> Ierubaaìl.

<sup>c</sup> chuir sinn nan aghaidh; bha sinn orra. Eabh.



an Hitich, gu bì na mnaoi dhuit féin.

11 Mar so tha'n Tighearn ag ràdh, Feuch, togaidh mise suas olcann ad aghaidh as do thigh féin, agus gabhaidh mi do mhnàil fa chomhair do shùil, agus bheir mi iad do d' choimhearsnach, agus luidhidh e le d' mhnàibh ann an sealladh na grèine so :

12 Oir riun thu-sa e gu dìomhair; ach nì mise an nì so am fianuis Israeil uile, agus am fianuis na grèine.

13 Agus thubhairt Daibhidh ri Natan, Pheacaich mi an aghaidh an Tighearna. Agus thubhairt Natan ri Daibhidh, Mar an ceudna chuir an Tighearn air falbh do pheacadh\*; cha'n fhaigh thu bàs.

14 Gidheadh, a chionn leis a' ghnìomh so gu'n d'thug thu air naimhdeibh an Tighearna mòr thàir a dheanamh air, gheibh mar an ceudna am mac a rugadh dhuit gu cinnteach bàs.

15 Agus dh'fhalbh Natan d'a thigh féin: agus bhuail an Tighearn an leanabh a rug bean Uria do Dhaibhidh, agus bha e ro-thinn.

16 Uime sin ghuidh Daibhidh air Dia air son an leinibh, agus throisg Daibhidh, agus chaidh e stigh, agus luidh e rè na h-oidhche air an talamh.

17 Agus thàinig<sup>b</sup> seanairean a thighe d'a ionnsuidh, g'a thogail suas o'n talamh: ach cha b' àill leis, nì mò a dh'ith e aran maille riu.

18 Agus air an t-seachdamh là fhuair an leanabh bàs; agus bha eagal air seirbhisich Dhaibhidh inn-seadh dha gu'n robh an leanabh marbh: oir thubhairt iad, Feuch, an uair a bha 'n leanabh fathast beo, labhair sinn ris, agus cha'n éisdeadh e r'ar guth: cionnus ma ta, ma dh'innseas sinn dha gu bheil an leanabh marbh, a chràidheas se e féin c?

19 Ach an uair a churraic Daibhidh gu'n robh a sheirbhisich ri cogarsaich, thuig Daibhidh gu'n robh an leanabh marbh: uime sin thubhairt Daibhidh r'a sheirbhisich, Am bheil an leanabh marbh? Agus thubhairt iadsan, Tha e marbh.

20 An sin dh'éirich Daibhidh o'n talamh, agus dh'ionnail agus dh'ung se e féin, agus mhùth<sup>d</sup> e 'eudach, agus chaidh e steach do thigh an Tighearna, agus rinu e aoradh: an sin thàinig e d'a thigh féin, agus an

uair a dh'iarr e, chuir iad aran fa chomhair, agus dh'ith e.

21 An sin thubhairt a sheirbhisich ris, Ciod e an nì so a rinn thu? air son an leinibh, an uair a bha e beo, throisg thu agus ghuil thu; ach an uair a dh'eug an leanabh, dh'éirich thu agus dh'ith thu aran.

22 Agus thubhairt esan, An uair a bha'n leanabh fathast beo, throisg mi agus ghuil mi: oir thubhairt mi, Cò aig am bheil fios nach gabh Dia truas rium, agus nach mair an leanabh beo?

23 Ach a nis o fhair e bàs, c'ar son a throisginn? an urrainn mi a thubhairt air ais tuilleadh? théid mise d'a ionnsuidh-san, ach cha phill esan a m' ionnsuidh-sa.

24 Agus thug Daibhidh sòlas d'a mhnàil Batseba, agus chaidh e steach d'a h-ionnsuidh, agus luidh e leatha: agus rug i mac, agus thug e Solamh mar ainm air; agus ghràdhaich an Tighearn e.

25 Agus chuir e fios le làimh an fhàidh Natan, agus thug e Iedidiah mar ainm air, air son an Tighearna.

26 Agus chog Ioab an aghaidh Rabah chloinn Amoin, agus ghlac e am baile rioghail.

27 Agus chuir Ioab teachdairean a dh'ionnsuidh Dhaibhidh, agus thubhairt e, Chog mi an aghaidh Rabah, agus ghlac mi baile nan uisgeacha.

28 A nis uime sin cruinnich a' chuid eile do'n t-sluagh, agus camp-aich an aghaidh a' bhaile, agus glac e, air eagal gu'n glac mise am baile, agus gu'n d'hoirear m'ainm féin air.

29 Agus chruinnich Daibhidh an sluagh uile cuideachd, agus chaidh e gu Rabah, agus chog e na aghaidh, agus ghlac se e.

30 Agus thug e crùn an rìgh bhàrr a chinn (agus b'e a chothrom<sup>e</sup> talann òir, maille ris na clachaibh luachmhor<sup>f</sup>) agus chuireadh e air ceann Dhaibhidh: agus thug e mach creach a' bhaile ann am mòr phailteas.

31 Agus thug e mach an sluagh a bha ann, agus chuir e iad fuidh shàbhan, agus fuidh innealan-bualaidh<sup>g</sup> iarunn, agus fuidh thuaghan iarunn, agus thug e orra dol tre àth nan clacha-creadha; agus mar so rinn e ri uile bhaitibh chloinn Amoin. Agus phill Daibhidh agus an sluagh uile gu h-Ierusalem.

CAIB. XIII.

A GUS thachair an déigh so, gu'n robh aig Absalom mac Dhaibh-

<sup>a</sup> thug an Tighearn air do pheacadh dol thairis. Eabh.

<sup>b</sup> dh'éirich. Eabh. <sup>c</sup> a nì e olc. Eabh. <sup>d</sup> dh'atharraich.

<sup>e</sup> a luach, 'fhiach. <sup>f</sup> priseil. <sup>g</sup> chluathan.

mhnai, Imich a dh'ionnsuidh do thighe, agus bheir mise àithne mu d' thimchioll.

9 Agus thubhairt a' bhean o Thecoah ris an rìgh, Orm-sa, a thighearn, a rìgh, *bithheadh* am peacadh, agus air tigh m'athar; agus *bithheadh* an rìgh agus a rìgh-chathair neo-chiontach.

10 Agus thubhairt an rìgh, Ge b'e neach a their *ni sam bith* riut, thoir a'm' ionnsuidhs' e, agus cha bhean e riut ni's mò.

11 An sin thubhairt ise, Cuimh-nicheadh, guidheam ort, an rìgh an Tighearna do Dhia, a chum as nach bi dioghaltairean na fola lìonmhor gu sgrios, agus nach marbh iad mo mhac. Agus thubhairt esan, *Mar is beo an Tighearna*, cha tuit *aon ròinneag* do fholt do mhic gu làr.

12 An sin thubhairt a' bhean, Labhradh, guidheam ort, do bhan-oghlach *aon fhocal* ri m' thighearn an rìgh. Agus thubhairt esan, Abair romhad.

13 Agus thubhairt a' bhean, C'ar son ma ta a smuainich thu a leithid so *do ni* an aghaidh sluaigh Dhé? oir tha'n rìgh a' labhairt au ni so mar neach a tha ciontach, a chionn nach 'eil an rìgh a' toirt 'fhògaraidh air ais.

14 Oir bàsaichidh sìn gu deimh-inn, agus *tha sìn* mar uisge a dhòirteadh air an talamh, agus nach cruinnichear a ris; gidheadh cha'n àill le Dia beatha<sup>b</sup> a thoirt air falbh, ach smuainichidh e air meadhon-aibh a chum nach fògair e 'fhògarach gu tur uaith.

15 Agus a nis gu bheil mi air teachd a labhairt ri m' thighearn an rìgh mu'n ni so, *is ann* a chionn gu'n do chuir an sluagh eagal orm: agus thubhairt do bhan-oghlach, Labhraidh mi nis ris an rìgh; theagamh gu'n dean an rìgh iarrtus a bhan-oglaich.

16 Oir éisdidh an rìgh, a shaoradh a bhan-oglaich a làimh an duine, *leis am b'àill* mi féin agus mo mhac a sgrios le chéile a mach a oighreachd Dhé.

17 An sin thubhairt do bhan-oghlach, Bithidh focal mo thighearn an rìgh a nis sòlasach: oir mar ain-geal Dé, mar sin *tha* mo thighearn an rìgh, a thuigsinn maithi agus uilc: agus bithidh an Tighearna do Dhia maille riut.

18 Agus fhreagair an rìgh, agus thubhairt e ris a' mhnai, Na ceil orm, guidheam ort, an ni a dh'fheòraicheas mi dhìot. Agus thubhairt a' bhean, Labhradh a nis mo thighearn an rìgh.

19 Agus thubhairt an rìgh, *Nach 'eil*, làmh Ioaib maille riut anns an ni so uile? Agus fhreagair a' bhean agus thubhairt i, *Mar is beo t'anam*, a thighearn, a rìgh, cha 'n'eil claonadh sam bith a dh'ionnsuidh na làimhe deise, uo dh'ionnsuidh na làimhe clìthe, ann an ni air bith<sup>c</sup> a labhair mo thighearn an rìgh; oir do sheirbhiseach Ioaib, *is esan a dh'iarr* orm-sa, agus *is esan a chuir* ann am beul do bhan-oglaich na briathras so uile:

20 A thoirt m'ann cuairt a leithid so do chainnt, riun do sheirbhiseach Ioaib an ni so: agus *tha* mo thighearna glic, a réir gliocais aingil Dé, a thuigsinn gach *ni* a *ta* air an talamh.

21 Agus thubhairt an rìgh ri Ioaib, Feuch a nis, rinn mi an ni so: imich ma ta, thoir air ais an t-òganach Absalom.

22 Agus thuit Ioaib air 'aghaidh gu làr, agus chrom se e féin, agus bheannaich e<sup>d</sup> do'n rìgh: agus thubhairt Ioaib, an diugh tha fios aig do sheirbhiseach gu'n d'fhuair mi deagh-ghean a'd' shùilibh, mo thighearn, a rìgh; oir rinn an rìgh iarrtus a sheirbhlisich.

23 Agus dh'eirich Ioaib agus chaidh e gu Gesur, agus thug e Absalom gu h-Ierusalem.

24 Agus thubhairt an rìgh, Pill-eadh e dh'ionnsuidh a thighe féin, agus na faicheadh e mo ghnùis-sa. Agus phill Absalom a dh'ionnsuidh a thighe féin, agus cha 'n fhac' e gnùis an rìgh.

25 Ach ann an Israel uile cha robh duine cho mliaiseach ri Absalom: *bha e* ri mholadh gu mòr: o bhonn a choisge gu ruig mullach a chinn cha robh smal air bith air.

26 Agus an uair a bhearr e *folt* a chinn, (oir b'ann aig ceann gach bliadhna<sup>e</sup> a bhearr se e; a chionn gu'n robh e trom air, uime sin bhearr se e) chothromaich e *folt* a chinn aig dà cheud secel, a réir tomhais<sup>f</sup> an rìgh.

27 Agus rugadh do Absalom trì mic, agus aon nighean, d'am b'ainm Tanar; bha i na mnaoi sgiamhaich na gnùis.

28 Agus ghabh Absalom còmh-nuidh ann an Ierusalem dà bliadhna iomlan, agus cha'n fhac' e gnùis an rìgh.

29 Uime sin chuir Absalom *fios* air Ioaib, a chum a chur a dh'ionn-

<sup>c</sup> cha'n fheud duine sam bith tionndadh a dh'ionnsuidh na làimhe deise, no na làimhe clìthe, o ni air bith.

<sup>d</sup> thug e buidheachas. <sup>e</sup> a cheann laithean gu laithibh. Eabh.

<sup>f</sup> cloich. Eabh.

suidh an rìgh; ach cha b' àill leis teachd d'a ionnsuidh: agus an uair a chuir e *fios* a ris an daradh uair, cha b' àill leis teachd.

30 Uime sin thubhairt e r'a sheirbhisich, Faicibh achadh Ioaib làimh ri m'achadh-sa<sup>a</sup>, agus eorna aig an sin; rachaibh, agus cuiribh ri theine e. Agus chuir seirbhisich Absalom an t-achadh ri theine.

31 An sin dh'érich Ioaib, agus thàinig e dh'ionnsuidh Absalom d'a thigh, agus thubhairt e ris, C'ar son a chuir do sheirbhisich m'achadh ri theine?

32 Agus fhreagair Absalom Ioaib, Feuch, chuir mi *fios* a t'ionnsuidh, ag ràdh, Thig an so, agus cuiridh mi thu dh'ionnsuidh an rìgh, a ràdh, C'ar son a thàinig mi o Ghesur? bu mhaith dhomh-sa gu'm bithinn fathast an sin: a nis ma ta faiceam gnùis an rìgh; agus ma tha eu-ceart sam bith annam, thugadh e fa'near mo mharbhadh.

33 Uime sin thàinig Ioaib a dh'ionnsuidh an rìgh, agus dh'innis e sin da: agus ghairm e air Absalom, agus thàinig e dh'ionnsuidh an rìgh, agus chrom se e féin air 'aghaidh gu làr am fianuis an rìgh; agus phòg an rìgh Absalom.

#### C A I B. XV.

**A**GUS an déigh so dh'ulluich b Absalom dha féin carbadan, agus eich, agus leth-cheud fear gu ruith roimhe.

2 Agus dh'érich Absalom gu moch, agus sheas e làimh ri slighe a' gheataidh: agus an uair a thigeadh neach air bith aig an robh comhstri<sup>c</sup> a' dh'ionnsuidh an rìgh chum breitheanais, an sin ghairmeadh Absalom air, agus theireadh e, Ciod am baile as am bheil thu? Agus theireadh esan, O aon do threubhaibh Israeil tha do sheirbhiseach.

3 Agus theireadh Absalom ris, Feuch, tha t'fhocail maith agus ceart, ach cha'n eil neach air bith ann air ordachadh leis an rìgh gu éisdeachd riut:

4 Theireadh Absalom cuideachd, O nach robh mise air mo shuidheachadh a'm'bhreitheamh anns an tìr, a chum a m' ionnsuidh-sa gu'n d'thigeadh gach duine aig am bheil comh-stri no cùis-lagha, agus dheanainn ceartas dha!

5 Agus an uair a thigeadh duine sam bith am fagus da a dheanamh ùmhlaicid dha, chuireadh e mach a làmh, agus bheireadh e air, agus phògadh se e.

6 Agus air an dòigh so rinn Absa-

<sup>a</sup> Faicibh cuibhrionn Ioaib aig mo làimh-sa. Eabh. <sup>b</sup> rinn. Eabh. <sup>c</sup> connsachadh, cùis-lagha,

lom ri Israel uile a thàinig a chum breitheanais a dh'ionnsuidh an rìgh: agus ghoid Absalom cridheacha dhaoine Israeil.

7 Agus an ceann cheithir<sup>d</sup> bliadhna thubhairt Absalom ris an rìgh, Leig dhomh imeachd, guidheam ort, agus mo bhòid a dhìoladh a bhòidich mi do'n Tighearn ann an Hebron.

8 Oir bhòidich do sheirbhiseach bòid an uair a bha mi a'm' chòmhnuidh ann an Gesur ann an Siria, ag ràdh, Ma bheir an Tighearna mi gu dearbh a ris gu h-Ierusalem, an sin ni mi seirbhis do'n Tighearna.

9 Agus thubhairt an rìgh ris, Imich ann an sìth. Agus dh'érich e, agus chaidh e gu Hebron.

10 Ach chuir Absalom luchd-bratha air feadh uile threubhan Israeil, ag ràdh, Cho luath as a chluinneas sibh fuaim na trompaide, an sin their sibh, Tha Absalom na rìgh ann an Hebron.

11 Agus maille ri Absalom chaidh dà cheud fear a mach a h-Ierusalem, a ghairmeadh, agus dh'imich iad ann an treibhdhreas an cridhe, agus cha robh fios ni sam bith aca.

12 Agus chuir Absalom *fios* air Ahitophel an Gilonach, comhairliche Dhaibhidh, o a bhaile, eadhon o Ghiloh, an uair a bha e ag ìobradh ìobairtean: agus bha a' cheannairc làidir; oir bha 'n sluagh a' sìr dhol an lìonmhoireachd maille ri Absalom.

13 Agus thàinig teachdaire dh'ionnsuidh Dhaibhidh, ag ràdh, Tha cridheacha fhear Israeil an déigh Absalom.

14 Agus thubhairt Daibhidh r'a sheirbhisich uile a bha maille ris ann an Ierusalem, Eiribh, agus teicheamaid; oir mur dean sinn sin, cha bhi dol as againn o aghaidh Absalom; luathaichibh agus imichibh, air eagal gu'n dean e cabhag, agus gu'm beir e oirnn, agus gu'n taruing e olc oirnn, agus gu'm buail e m'baile le faobhar a' chlaidheimh.

15 Agus thubhairt seirbhisich an rìgh ris an rìgh, A réir gach ni a's àill le m' thighearn<sup>e</sup> an rìgh, feuch, ni do sheirbhisich.

16 Agus chaidh an rìgh a mach, agus a theaghlach uile na dhéigh<sup>f</sup>: a mhàin dh'fhàg an rìgh deichnear bhan a bha nan coimh-leabachaibh aige, a ghleidheadh an tighe.

17 Agus chaidh an rìgh a mach, agus an sluagh uile na dhéigh:

<sup>d</sup> dhà fhichead bliadhna, dhà fhichead là. <sup>e</sup> a ròghnaicheas, a dh'ord-uicheas mo thighearn. <sup>f</sup> d'an cois.

mhnaoi, Imich a dh'ionnsuidh do thighe, agus bheir mise àithne mu d' thimchioll.

9 Agus thubhairt a' bhean o Thecoah ris an rìgh, Orm-sa, a thighearn, a rìgh, *bithheadh* am peacadh, agus air tigh m'athar; agus *bithheadh* an rìgh agus a rìgh-chathair neo-chiontach.

10 Agus thubhairt an rìgh, Ge b'e neach a their *ni sam bith* riut, thoir a'm' ionnsuidhs' e, agus cha bhean e riut ni's mò.

11 An sin thubhairt ise, Cuimh-nicheadh, guidheam ort, an rìgh an Tighearna do Dhia, a chum as nach bi dioghaltairean na fola lionmhor gu sgrios, agus nach marbh iad mo mhac. Agus thubhairt esan, Mar is beo an Tighearna, cha tuit *aon ròinneag* do fholt do mhic gu làr.

12 An sin thubhairt a' bhean, Labhradh, guidheam ort, do bhan-oglaich *aon fhocal* ri m' thighearn an rìgh. Agus thubhairt esan, Abair romhad.

13 Agus thubhairt a' bhean, C'ar son ma ta a smuainich thu a leithid so do *ni* an aghaidh sluaigh Dhé? oir tha'n rìgh a' labhairt an ni so mar neach a tha ciontach, a chionn nach 'eil an rìgh a' toirt fhògaraich air ais.

14 Oir bàsaichidh sifin gu deimhin, agus *tha* sinf mar uisge a dhòirteadh air an talamh, agus nach cruinnichear a ris: gidheadh cha'n àill le Dia beatha a thoirt air falbh, ach smuainichidh e air meadhon-aibh a chum nach fògair e fhògarach gu tur uaith.

15 Agus a nis gu bheil mi air teachd a labhairt ri m' thighearn an rìgh mu'n ni so, *is ann* a chionn gu'n do chuir an sluagh eagail orm: agus thubhairt do bhan-oglaich, Labhraidh mi nis ris an rìgh; theagamh gu'n dean an rìgh iarrtus a bhan-oglaich.

16 Oir èisdidh an rìgh, a shaoradh a bhan-oglaich a làimh an duine, *leis am b'àill* mi féin agus mo mhac a sgrios le chéile a mach a oighreachd Dhé.

17 An sin thubhairt do bhan-oglaich, Bithidh focal mo thighearn an rìgh a nis sòlasach: oir mar ain-geal Dé, mar sin *tha* mo thighearn an rìgh, a thuigsinn maith agus uile: agus bithidh an Tighearna do Dhia maille riut.

18 Agus fhreagair an rìgh, agus thubhairt e ris a' mhnaoi, Na ceil orm, guidheam ort, an nia dh'fheòraicheas mi dhòt. Agus thubhairt a' bhean, Labhradh a nis mo thighearn an rìgh.

19 Agus thubhairt an rìgh, *Nach 'eil*, làmh loab maille riut anns an ni so uile? Agus fhreagair a' bhean agus thubhairt i, Mar is beo t'anam, a thighearn, a rìgh, cha 'n'eil claonadh sam bith a dh'ionnsuidh na làimhe deise, no dh'ionnsuidh na làimhe clìthe, ann an ni air bith a labhair mo thighearn an rìgh; oir do sheirbhiseach loab, *is esan* a dh'iarr orm-sa, agus *is esan* a chuir ann am beul do bhan-oglaich na briathra so uile:

20 A thoirt m'an cuairt a leithid so do chainnt, rinn do sheirbhiseach loab an ni so: agus *tha* mo thighearna glic, a réir gliocais aingil Dé, a thuigsinn gach *ni* a *ta* air an talamh.

21 Agus thubhairt an rìgh ri loab, Feuch a nis, rinn mi an ni so: imich ma ta, thoir air ais an t-òganach Absalom.

22 Agus thuit loab air 'aghaidh gu làr, agus chrom se e féin, agus bheannaich e<sup>d</sup> do'n rìgh: agus thubhairt loab, an diugh tha fios aig do sheirbhiseach gu'n d'fhuair mi deagh-ghean a'd' shùilibh, mo thighearn, a rìgh; oir rinn an rìgh iarrtus a sheirbhiseach.

23 Agus dh'eirich loab agus chaidh e gu Gesur, agus thug e Absalom gu h-Ierusalem.

24 Agus thubhairt an rìgh, Pilleadh e dh'ionnsuidh a thighe féin, agus na faicheadh e mo ghnùis-sa. Agus phill Absalom a dh'ionnsuidh a thighe féin, agus cha 'n fhac' e gnùis an rìgh.

25 Ach ann an Israel uile cha robh duine cho mhaiseach ri Absalom: *bha e* ri mholadh gu mòr: o bhonn a chois gu ruig mullach a chinn cha robh smal air bith air.

26 Agus an uair a bhearr e *folt* a chinn, (oir b'ann aig ceann gach bliadhna<sup>e</sup> a bhearr se e; a chionn gu'n robh e trom air, uime sin bhearr se e) chothromaich e *folt* a chinn aig dà cheud secel, a réir tomhais<sup>f</sup> an rìgh.

27 Agus rugadh do Absalom trì mic, agus aon nighean, d'am b'ainm Tamar; bha i na mnaoi sgiamhaich na gnùis.

28 Agus ghabh Absalom còmh-nuidh ann an Ierusalem dà bliadhna iomlan, agus cha'n fhac' e gnùis an rìgh.

29 Uime sin chuir Absalom *fios* air loab, a chum a chur a dh'ionn-

<sup>e</sup> cha'n fheud duine sam bith tionndadh a dh'ionnsuidh na làimhe deise, no na làimhe clìthe, o ni air bith.

<sup>d</sup> thug e buidheachas. <sup>e</sup> a cheann laithean gu laithibh. Eabh.

<sup>f</sup> cloich. Eabh.

<sup>a</sup> fhuiltean. <sup>b</sup> anam.



suidh an rìgh; ach cha b' àill leis teachd d'a ionnsuidh: agus an uair a chuir e *fios* a ris an daradh uair, cha b' àill leis teachd.

30 Uime sin thubhairt e r'a sheirbhisich, Faicibh achadh Ioaib làimh ri m'achadh-sa<sup>a</sup>, agus eorna aig an sin; rachaibh, agus cuiribh ri theine e. Agus chuir seirbhisich Absaloim an t-achadh ri theine.

31 An sin dh'éirich Ioaib, agus thàinig e dh'ionnsuidh Absaloim d'a thigh, agus thubhairt e ris, C'ar son a chuir do sheirbhisich m'achadh ri theine?

32 Agus fhreagair Absalom Ioaib, Feuch, chuir mi *fios* a t'ionnsuidh, ag ràdh, Thig an so, agus cuiridh mi thu dh'ionnsuidh an rìgh, a ràdh, C'ar son a thàinig mi o Ghesur? bu mhaith dhomh-sa gu'm bithinn fathast an sin: a nis ma ta faiceam gnùis an rìgh; agus ma tha eu-ceart sam bith annam, thugadh e fa'near mo mharbhadh.

33 Uime sin thàinig Ioaib a dh'ionnsuidh an rìgh, agus dh'innis e sin da: agus ghairm e air Absalom, agus thàinig e dh'ionnsuidh an rìgh, agus chrom se e féin air aghaidh gu làr am fianuis an rìgh; agus phòg an rìgh Absalom.

## CAIB. XV.

**A**GUS an dèigh so dh'ulluich<sup>b</sup> Absalom dha féin carbadan, agus eich, agus leth-cheud fear gu ruith roimhe.

2 Agus dh'éirich Absalom gu moch, agus sheas e làimh ri slighe a' gheataidh: agus an uair a thigeadh neach air bith aig an robh comhstri<sup>c</sup> a' dh'ionnsuidh an rìgh chum breitheanais, an sin ghairmeadh Absalom air, agus theireadh e, Ciod am baile as am bheil thu? Agus theireadh esan, O aon do threubhaibh Israeil tha do sheirbhiseach.

3 Agus theireadh Absalom ris, Feuch, tha t'fhocail maith agus ceart, ach cha'n'eil neach air bith ann air orduchadh leis an rìgh gu éisdeachd riut:

4 Theireadh Absalom cuideachd, O nach robh mise air mo shuidh-eachadh a'm'bhreitheamh anns an tìr, a chum a m' ionnsuidh-sa gu'n d'thigeadh gach duine aig am bheil comh-stri no cùis-lagha, agus dheanainn ceartas dha!

5 Agus an uair a thigeadh duine sam bith am fagus da a dheanamh ùmhlachd dha, chuireadh e mach a làmh, agus bheireadh e air, agus phògadh se e.

6 Agus air an dòigh so rinn Absa-

lom ri Israel uile a thàinig a chum breitheanais a dh'ionnsuidh an rìgh: agus ghoid Absalom cridheacha dhaoine Israeil.

7 Agus an ceann cheithir<sup>d</sup> bliadhna thubhairt Absalom ris an rìgh, Leig dhomh imeachd, guidheam ort, agus mo bhòid a dhìoladh a bhòidich mi do'n Tighearn ann an Hebron.

8 Oir bhòidich do sheirbhiseach bòid an uair a bha mi a'm' chòmh-nuidh ann an Gesur ann an Siria, ag ràdh, Ma bheir an Tighearn mi gu dearbh a ris gu h-Ierusalem, an sin ni mi seirbhis do'n Tighearn.

9 Agus thubhairt an rìgh ris, Inich ann an sìth. Agus dh'éirich e, agus chaidh e gu Hebron.

10 Ach chuir Absalom luchd-bratha air feadh uile threubhan Israeil, ag ràdh, Cho luath as a chluinneas sibh fuaim na tromp-aide, an sin their sibh, Tha Absalom na rìgh ann an Hebron.

11 Agus maille ri Absalom chaidh dà cheud fear a mach a h-Ierusalem, a ghairmeadh, agus dh'imich iad ann an treibhdhireas an *crìdhe*, agus cha robh fios ni sam bith aca.

12 Agus chuir Absalom *fios* air Ahitophel an Gilonach, comhairliche Dhaibhidh, o a bhaile, *eadhon* o Ghiloh, an uair a bha e ag òbradh iobairtean: agus bha a' cheannairc làidir; oir bha 'n sluagh a' sìr dhol an ìomhoireachd maille ri Absalom.

13 Agus thàinig teachdaire dh'ionnsuidh Dhaibhidh, ag ràdh, Tha cridheacha fhear Israeil an dèigh Absaloim.

14 Agus thubhairt Daibhidh r'a sheirbhisich uile a bha maille ris ann an Ierusalem, Eiribh, agus teicheamaid; oir mur dean sinn sin, cha bhi dol as againn o aghaidh Absaloim; luathaichibh agus imichibh, air eagal gu'n dean e cabhag, agus gu'm beir e oirnn, agus gu'n tarruing e olc oirnn, agus gu'm buail e 'm baile le faobhar a' chlaidheimh.

15 Agus thubhairt seirbhisich an rìgh ris an rìgh, A réir gach ni a's àill le m' thighearn<sup>e</sup> an rìgh, feuch, ni do sheirbhisich.

16 Agus chaidh an rìgh a mach, agus a theaghlach uile na dhéigh<sup>f</sup>: a mhàin dh'fhàg an rìgh deichnear bhan a bha nan coimh-leabachaibh aige, a ghleidheadh an tighe.

17 Agus chaidh an rìgh a mach, agus an sluagh uile na dhéigh:

<sup>d</sup> dhà fhichead bliadhna, dhà fhichead là. <sup>e</sup> u ròghnaicheas, a dh'ord-uicheas mo thighearn. <sup>f</sup> d'an cois.

<sup>a</sup> Faicibh cuibhrionn Ioaib aig mo làimh-sa. Eabh. <sup>b</sup> rinn. Eabh. <sup>c</sup> connsachadh, cùis-lagha.

agus dh'fhan iad ann an àit a bha fad as<sup>a</sup>.

18 Agus chaidh a sheirbhisich uile thairis làimh ris; agus chaidh na Ceretich uile, agus na Peletich uile, agus na Gitich uile, sè ceud fear a thàinig na dhéigh o Ghat thairis roimh an rìgh.

19 Agus thubhairt an rìgh ri Itai an Giteach, C'ar son a tha thu-sa mar an ceudna dol maille ruinne; pill gu d'ait, agus fan maille ris an rìgh; oir is coigreach thu, agus mar an ceudna fògarach o d'àite féin<sup>b</sup>.

20 An dé a mhàin thàinig thu, agus an diugh an d'thoir mise ort dol air faontradh<sup>c</sup> maille ruinne? oir théid mise an taobh a tha mi gu dol: pill thu-sa, agus thoir air an ais do bhràithrean leat; agus gu nochdadh an Tighearna dhuit tròcair agus firinn.

21 Agus fhreagair Itai an rìgh, agus thubhairt e, Mar is beo an Tighearn, agus mar is beo mo thighearn an rìgh, gu cinnteach ge b'e àit anns am bi mo thighearn an rìgh, ma's ann a chluim bàis, no chum beatha, eadhon an sin bithidh do sheirbhisich.

22 An sin thubhairt Daibhidh ri Itai, Imich, agus gabh thairis. Agus chaidh Itai an Giteach thairis, agus a dhaoine uile, agus a' chlann bheag uile a bha maille ris.

23 Agus ghuil an tìr uile le guth ard, agus chaidh an sluagh uile thairis; chaidh an rìgh cuideachd thairis air sruth Chidroin, agus chaidh an sluagh uile thairis a làimh na slighe do'n fhàsach.

24 Agus feuch, bha Sadoc mar an ceudna, agus na Lebhithich uile maille ris, a' giùlan àirc coimh-cheangail Dé, agus shuidhich iad<sup>d</sup> àirc Dhé; agus chaidh Abiatar snas gus an do sguir an sluagh uile do dhol a mach as a' bhaile.

25 Agus thubhairt an rìgh ri Sadoc, Thoir air a h-ais àirc Dhé do'n bhaile: ma gheibh mi deagh-ghean ann an sùilibh an Tighearna, bheir e air m'ais mi, agus nochdaidh e dhomh e féin, agus 'àite còmh-nuidh.

26 Ach ma their e mar so, Cha 'n 'eil tlachd agam annad; feuch, tha mise an so, deanadh e rium mar is maith leis.

27 Thubhairt an rìgh mar an ceudna ri Sadoc an sagart, Nach fear-seallaidh thu-sa<sup>e</sup>? pill do'n bhaile ann an sìth, agus Ahimaas do mhac

féin, agus Ionatan mac Abiatar, bhuir dithis mac maille ribh.

28 Faicibh, fanaidh mise ann an comhnardaibh<sup>f</sup> an fhàsaich, gus an d'thig focal uaibhse a thoirt fios domh.

29 Uime sin thug Sadoc agus Abiatar àirc Dhé a ris gu h-Ierusalem; agus dh'fhan iad an sin.

30 Agus chaidh Daibhidh suas ri uchdaich<sup>g</sup> sléibh nan oladh, a' dol suas agus a' gul, agus a cheann còmhdaichte, agus e 'g imeachd cosruisgte: agus chòmhdaich an sluagh uile a bha maille ris, gach fear dhiubh a cheann, agus chaidh iad suas, ag imeachd agus a' gul.

31 Agus dh'innis neach do Dhaibhidh, ag ràdh, Tha Ahitophel am measg an luchd-ceannairc maille ri Absalom. Agus thubhairt Daibhidh, Tionndaidh, a Thighearna, guidheam ort, comhairle Ahitopheil gu h-amaideachd.

32 Agus an uair a thàinig Daibhidh gu mullach an t-sléibh, far an d'rinn e aoradh do Dhia, feuch, thàinig Husai an t-Arcach na choinneamh, le 'chòta reubta, agus ùir air a cheann.

33 Agus thubhairt Daibhidh ris, Ma théid thu thairis maille rium-sa, an sin bithidh tu a' d'eallaich orm.

34 Ach ma philleas tu do'n bhaile, agus ma their thu ri Absalom, Bithidh mise a'm' sheirbhisich dhuit, a rìgh; bu sheirbhisich do t'athair mi gu ruige so<sup>h</sup>, agus a nis bithidh mi mar an ceudna a'm' sheirbhisich dhuit-se; an sin bheir thu air mo shon-sa comhairle Ahitopheil gu neo-ni:

35 Agus nach 'eil maille riut an sin Sadoc agus Abiatar na sagairt? agus gach focal a chluinneas tu a tigh an rìgh, innsidh tu e do Shadoc agus do Abiatar na sagairt.

36 Feuch, tha 'n sin maille riu an dithis mac, Ahimaas mac Shadoic, agus Ionatan mac Abiatar: agus le'n làimh-san cuiridh sibh a'm' ionn-suidh-sa gach focal a chluinneas sibh.

37 Uime sin thàinig Husai caraid Dhaibhidh do'n bhaile, agus thàinig Absalom gu h-Ierusalem.

## CAIB. XVI.

AGUS an uair a chaidh Daibhidh a beagan thar mullach an t-sléibh, feuch, thàinig Siba ìglach Mhephiboset na choinneamh le dà asail air an diollaideachadh<sup>i</sup>, agus dà cheud buillion arain orra agus ceud bag-aide do fhìon-dhearcaibh tiorm-

<sup>a</sup> Betmerek. Eabh. <sup>b</sup> agus pillidh tu do d' àite féin. <sup>c</sup> dol sìos agus suas. <sup>d</sup> leig iad sìos.

<sup>e</sup> Nach 'eil thu a' faicinn?

<sup>f</sup> ann am bealaichibh. <sup>g</sup> bruthach, dìreadh. <sup>h</sup> cheann fada.

<sup>i</sup> le'n acfuinn orra.

aichte, agus ceud do mheas samhraidh, agus searrag fhìona.

2 Agus thubhairt an rìgh ri Siba, Cìod is ciall duit leo sin? Agus thubhairt Siba, Tha na h-asail air son teaghlach an rìgh chum marcachd; agus an t-aran agus am meas samhraidh air son nan dganach chum an itheadh; agus am fhìon, a chum as gu'n òl esan a bhios sgith<sup>a</sup> anns an fhàsach.

3 Agus thubhairt an rìgh, Agus c'ait am bheil mac do mhaighstir? Agus thubhairt Siba ris an rìgh, Feuch, tha e fantuinn ann an Ierusalem; oir thubhairt e, An diugh aisgidh tigh Israeil dhomh-sa rìoghachd m'athar.

4 An sin thubhairt an rìgh ri Siba, Feuch, is leat-sa gach *ni* a bha aig Mephiboset. Agus thubhairt Siba, Tha mi le mòr-ùmhlaichd a' guidhe ort gu'm faigh mi deagh-ghean a'd' shùilibh, a thighearn, a rìgh.

5 Agus an uair a thàinig rìgh Daibhidh gu Bahurim, feuch, a sin thàinig a mach duine do theaghlach tìghe Shaul, d'am b'ainm Simeì, mac Ghera: thàinig e mach, a teachd air aghaidh agus a' mallachadh.

6 Agus thilg e clachan air Daibhidh, agus air seirbhisich rìgh Daibhidh uile; agus bha 'n sluagh uile, agus na daoine treuna uile, air a làimh dheis agus air a làimh chlì.

7 Agus mar so thubhairt Simeì an uair a mhallach se e, Thig a mach, thig a mach, thus' a dhuine fhuilcachdaich, agus a dhuine le Belial.

8 Dh'òl an Tighearn ort-sa uile fhuil tìghe Shaul, an àit an do rìoghaich thu; agus thug au Tighearn an rìoghachd do làimh do mhic Absalom: agus feuch, *ghlacadh* thu ann ad òlc féin, a chionn gur duine fàilteachdach thu.

9 An sin thubhairt Abisai mac Sheruah ris an rìgh, C'ar son a mhallachd an cù marbh so mo thighearn an rìgh? leig dhomh dol a nunn, guidheam ort, agus a cheann a thoirt deth.

10 Agus thubhairt an rìgh, Cìod e mo ghnothuch-sa ribhse<sup>b</sup>, a mhaca Sheruah? leigibh leis mallachadh, a chionn gu'n d'thubhairt an Tighearna ris, Mallaich Daibhidh: agus cò a thèir, C'ar son a rinn thu anar so?

11 Agus thubhairt Daibhidh ri Abisai, agus r'a sheirbhisich uile, Feuch, mo mhac, a thàinig a mach a m'innibh, ag iarraidh m'auma; agus cia mòr is mòr a nis a dh'fheudas am Beniamineach so? Leigibh leis,

agus mallaicheadh e, oir dh'iarr an Tighearn air.

12 Theagamh gu'n amhairc an Tighearn air m'amhghar, agus gu'n diòl an Tighearna dhomh maith air-son a mhallachaidh air an la 'n diugh.

13 Agus an uair a dh'imich Daibhidh agus a dhaoine air an t-slighe, dh'imich Simeì air slios e an t-sleibh làimh ris<sup>d</sup>, a' dol air aghaidh agus a' mallachadh, agus thilg e clachan agus ùir air.

14 Agus thàinig an rìgh agus an sluagh uile a bha maille ris, sgith; agus leig iad an anail au sin.

15 Agus thàinig Absalom agus uile shluagh fhear Israeil, gu h-Ierusalem, agus Ahitophel maille ris.

16 Agus an uair a thàinig Husai an t-Arcach, caraid Dhaibhidh, a dh'ionnsuidh Absalom, thubhairt Husai ri Absalom, Gu ma fada beo an rìgh, gu ma fada beo an rìgh.

17 Agus thubhairt Absalom ri Husai, An e so do choimhneas ri d' charaid? c'ar son nach deachaidh tu maille ri d' charaid?

18 Agus thubhairt Husai ri Absalom, Nì h-eadh; ach ge b'e neach a thaghas an Tighearna, agus an sluagh so, agus fir Israeil uile, leis-san bithidh mise, agus maille ris fanaidh mi.

19 Agus 'san daradh àite, cia dha a dheanainn seirbhis? nach ann an làthair a mhic? mar a rinn mi seirbhis ann an làthair t'athar, mar sin bithidh mi a'd' lathair-sa.

20 An sin thubhairt Absalom ri Ahitophel, Thugaibh comhairle 'nar measg cìod a nì sinn.

21 Agus thubhairt Ahitophel ri Absalom, Gabh a stigh a dh'ionnsuidh choimh-leabach t'athar, a dh'fhàg e a ghleidheadh an tìghe; agus cluinnidh Israel uile gu bheil thu air fàs graineil do t'athair, agus neartaichear làmhnan gach neach a tha maille riut.

22 Agus sgaoil iad bùth do Absalom air mullach an tìghe; agus chaidh Absalom a steach a dh'ionnsuidh choimh-leabach t'athar ann an sealladh Israeil uile.

23 Agus bha comhairle Ahitophel a thug e seachad anns na laithibh sin, mar gu'm fiosraicheadh duine do fhocal Dhé: mar sin bha uile chomhairle Ahitophel, araon aig Daibhidh agus aig Absalom.

CALB. XVII.

A GUS thubhairt Ahitophel ri Absalom, Leig dhomh a nis dà mhìle dheug fear a thaghadh a mach, agus éiridh mi, agus théid mi air tòir Dhaibhidh an nochd.

<sup>a</sup> lag, fann. <sup>b</sup> Cìod e dhomh-sa agus dhùibhse. Eabh.

<sup>c</sup> taoibh.

<sup>d</sup> fa chomhair.

2 Agus thig mi air an uair a tha e agith agus lag-làmhach, agus cuiridh mi eagal air: agus teichidh an sluagh uile a tha maille ris, agus buailidh mi an rìgh a mhàin.

3 Agus bheir mi air an ais an sluagh uile a t'ionnsuidh-sa: *tha* 'n duine a *tha* thu ag iarraidh mar gu'm pilleadh an t-ìomlan: agus bithidh an sluagh uile ann an sìth.

4 Agus thaitinn a' chainnt ri Absalom<sup>a</sup>, agus ri seanairibh Israeil uile.

5 Agus thubhairt Absalom, Gairm a nis mar an ceudna air Husai an t-Arcach, agus cluinneamaid mar an ceudna cìod a their esan<sup>b</sup>.

6 Agus thàinig Husai a dh'ionnsuidh Absaloim, agus labhair Absalom ris, ag ràdh, Air an dòigh so labhair Ahitophel: an dean sinn a *reir* 'fhocail, no nach dean<sup>c</sup> labhair thu-sa.

7 Agus thubhairt Husai ri Absalom, Cha 'n'eil a' chomhairle, a thug Ahitophel, maith air an uair so.

8 Oir, arsa Husai, is aithne dhuit t'athair agus a dhaoine, gur daoine treun iad agus air am feargachadh nan spiorad<sup>e</sup>, mar mhath-ghamluin o'n d'thugadh a cuileana anns a' mhachair: agus is fear-cogaidh<sup>d</sup> t'athair, agus cha ghabh e tàmh maille ris an t-sluagh.

9 Feuch, tha e nis am folach ann an slochd éigin, no ann an àit éigin eile: agus tachairidh, an uair a thuiteas cuid diubh an toiseach, ge b'e neach a chluinneas e, gu'n abair e, Tha àr am measg an t-sluaigh a tha leantuinn Absaloim.

10 Agus esan mar an ceudna a tha na dhuine treun; aig am bheil a chridhe mar chridhe leòmhain, leaghaidh e gu tur: oir tha fios aig Israel uile gur duine treun t'athair, agus gur daoine treun iadsan a tha maille ris.

11 Air an aobhar sin is i mo chomhairle-sa, Gu'n cruinnichear Israel uile a t'ionnsuidh, o Dhan eadhon gu Beer-seba, mar an gain-eamh a tha làimh ris an fhairge air Ìonmhoireachd, agus gu'n d'fhéid thu féin<sup>e</sup> maille riu do'n chath.

12 Agus thig sinn air ge b'e àit am faighear e, agus tuitidh sinn air mar a thuiteas an drùchd air an talamh: agus cha'n fhàgar dheth féin, agus do na fir uile a tha maille ris, eadhon aon.

13 Agus ma théid e a steach do bhaile, an sin bheir fir Israeil uile

cuid leò a dh'ionnsuidh a' bhaile sin, agus tairngidh sinn e do'n abhuinn<sup>f</sup>, gus nach fàgaran sin aon chlach bheag.

14 Agus thubhairt Absalom agus fir Israeil uile, Is fearr comhairle Husai an Arcaich nà comhairle Ahitophel: oir dh'orduich an Tighearna comhairle mhaith Ahitophel a thoirt gu neo-ni, a chum gu'n d'thugadh an Tighearna olc air Absalom.

15 An sin thubhairt Husai ri Sadoc agus ri Abiatar na sagairt, Mar so agus mar so chomhairlich Ahitophel Absalom agus seanairean Israeil; agus mar so agus mar so chomhairlich mise.

16 A nis uime sin cuiribh fios gu grad, agus innsibh do Dhaibhidh, ag ràdh, Na fan an nochd ann an còmhnradaibh an fhàsaich, ach gabh thairis gu luath, air eagal gu'n sluigear suas an rìgh, agus an sluagh uile a tha maille ris.

17 Agus dh'fhan Ionatan agus Ahimaas làimh ri Eu-rogel, (oir cha'n fheudadh iad a bhi air am faicinn a' dol a stigh do'n bhaile,) agus chaidh cailin agus dh'innis i dhoibh; agus chaidh iadsan agus dh'innis iad do rìgh Daibhidh.

18 Gidheadh chunnaic òganach iad, agus dh'innis e do Absalom: ach dh'imich iadsan le chéile gu luath, agus thàinig iad gu tigh duine ann am Bahurim, aig an robh tobar na chùirt<sup>g</sup>, agus chaidh iad sìos an sin.

19 Agus ghabh a' bhean còmh-dach agus sgaoil i e air beul an tobair, agus chuir i gràn meilte<sup>h</sup> air; agus cha d'aithnicheadh an ni.

20 Agus an uair a thàinig seirbhishich Absaloim a dh'ionnsuidh na mnà do'n tigh, thubhairt iad, C'ait am bheil Ahimaas agus Ionatan? Agus thubhairt a' bhean riu, Chaidh iad thairis air an t-sruthan uisge. Agus an uair a dh'iarr iad, agus nach d'fhuair iad, phill iad gu h-Ierusalem.

21 Agus an uair a dh'fhalbh iad, thàinig iadsan a nìos as an tobar, agus chaidh iad agus dh'innis iad do rìgh Daibhidh, agus thubhairt iad ri Daibhidh, Eiribh, agus rach-aibh gu grad thar an uisge; oir mar so chomhairlich Ahitophel 'nar n-aghaidh-sa.

22 Agus dh'éirich Daibhidh, agus an sluagh uile a bha maille ris, agus chaidh iad thar Iordan gu solus na maidne, gus nach robh aon diubh nach deachaidh thar Iordan.

<sup>a</sup> bha am focal ceart ann an sùilibh Absaloim. Eabh.

<sup>b</sup> cìod a tha na

bheul-san. Eabh.

<sup>c</sup> garg, nan inn-

tinn. <sup>d</sup> fear deanta ri cogadh.

<sup>e</sup> do ghnàis féin. Eabh.

<sup>f</sup> do'n t-sruth.

<sup>g</sup> loinn; court.

Sasg. <sup>h</sup> bleithe.



23 Agus an uair a chunnaic Ahitophel nach do ghabhadh a chomhairle, chuir e dìollaid air 'asail, agus dh'èirich e, agus dh'imich e dh'ionn-suidh a thighe, d'a bhaile féin, agus thug e àitheanta d'a theaghlach<sup>a</sup> agus chroch se e féin, agus fhuair e bàs, agus dh'adhlacaidh e ann an àit-adhlacaidh 'athar.

24 An sin thàinig Daibhidh gu Mahanaim: agus chaidh Absalom thar Iordan, e féin agus fir Israeil uile maille ris.

25 Agus rinn Absalom Amasa na cheannard air an t-sluagh an àit Ioaib: agus b'e Amasa mac duine, d'am b'ainm Itra Israeleach<sup>b</sup>, a chaidh a steach gu Abigail nighean Nabais, pinthar Sheruah, màthar Ioaib.

26 Agus champaich Israel agus Absalom ann am fearann Ghilead.

27 Agus an uair a thàinig Daibhidh gu Mahanaim, thug Sobi, mac Nahais o Rabah chloinn Amoin, agus Machir, mac Amieil o Lodebar, agus Barsillai, an Gileadach o Rogelim,

28 Leapaichean, agus cuachan, agus soithichean creadha, agus cruithneachd, agus eorna, agus min mhìn, agus gràn cruaidhichte, agus pònair<sup>c</sup>, agus galls-phèasair, agus peasair chruaidhichte,

29 Agus mil, agus im, agus caoraich, agus càise cruith air son Dhaibhidh, agus air son an t-sluaigh, a bha maille ris, a chum an itheadh; oir thubhairt iad, Tha'n sluagh ocrach, agus sgìth, agus iomhor<sup>d</sup> anns an fhàsach.

#### CAIB. XVIII.

**A**GUS dh'àireamh Daibhidh an sluagh a bha maille ris, agus chuir e ceannardan mhiltean, agus ceannardan cheudan os an cionn.

2 Agus chuir Daibhidh a mach trian do'n t-sluagh fuidh làimh Ioaib, agus trian fuidh làimh Abisai, mhic Sheruah, bràthar Ioaib; agus trian fuidh làimh Itai a' Ghithich; agus thubhairt an rìgh ris an t-sluagh, Gu deimhin theid mi féin mar an ceudna mach maille ribh.

3 Ach fhreagair an sluagh, Cha d'théid thu mach: oir ma theicheas sinne, cha ghabh iad suim dhinn<sup>e</sup>; agus ma bhàsaicheas ar leth, cha ghabh iad suim dhinn; ach a nis a ta thu-sa mar dheich mìle dhinne: uime sin a nis is fearr gu'n deanadh tu-sa còmhnaidh<sup>f</sup> ruinn a mach as a' bhaile.

<sup>a</sup> chuir e a theaghlach an ordugh.

<sup>b</sup> Iesraeleach. <sup>c</sup> pànoir.

<sup>d</sup> pàiteach. <sup>e</sup> cha chuir iad an cridhe oirnn. Eabh. <sup>f</sup> congnamh. Eir.

4 Agus thubhairt an rìgh riu, An ni sin a tha ceart nar sùilbh, ni mise. Agus sheas an rìgh làimh ris a' gheatadh, agus thàinig an sluagh uile a mach nan ceudaibh agus nam mìltibh.

5 Agus dh'àithn an rìgh do Ioaib, agus do Abisai, agus do Itai, ag ràdh, Buinibh gu min air mo sgàth-sa ris an òganach, ri Absalom. Agus chual' an sluagh uile 'nnair a dh'àithn an rìgh do na ceannardaibh uile a rhaobh Absaloim.

6 Agus chaidh an sluagh a mach do'n mhachair an aghaidh Israeil: agus bha'n cath ann an coille Ephraim.

7 Agus mharbhadh an sin sluagh Israeil roimh sheirbhisich Dhaibhidh, agus bha 'n sin air an là sin àr mòr fhichead mìle fear:

8 Oir bha'n cath an sin air sgaoileadh air aghaidh na tìre uile; agus chuir a' choille as do thuilleadh sluagh air an là sin nà chuir an claidheamh.

9 Agus thachair Absalom air seirbhisich Dhaibhidh; agus bha Absalom a' marcachd air muileid, agus chaidh a' mhuileid a steach fuidh gheuga tingha craoibhe mòire daraich, agus ghlacadh a cheann anns a' chraoibh dharaich, agus chrochadh e eadar nèamh agus talamh; agus dh'imich a' mhuileid, a bha fuidhe roimpe.

10 Agus chunnaic duine àraidh<sup>so</sup> agus dh'innis e do Ioaib, agus thubhairt e, Feuch, chunnaic mi Absalom crochta ann an craoibh dharaich.

11 Agus thubhairt Ioaib ris an duine a dh'innis dha, Agus feuch, chunnaic thu e, agus c'ar son nach do bhuail thu e 'n sin gu làr<sup>g</sup>, agus bheirinn-se dhuit deich seceil airgid<sup>h</sup>, agus crios?

12 Agus thubhairt an duine ri Ioaib, Ge do gheibhinn-se mìle seceil airgid ann mo làimh, cha chuirinn mo làmh a mach an aghaidh mic an rìgh: oir 'nar n-éisdeachd dh'àithn an rìgh dhuit-se, agus do Abisai, agus do Itai, ag ràdh, Gleidhibh dhomh an t-òganach Absalom.

13 No dheanainn eucoir<sup>i</sup> an aghaidh m'anma<sup>k</sup> téin; oir cha 'n'eif ni air bith am folach air an rìgh, agus zheasadh tu-sa féin a'm<sup>j</sup> aghaidh.

14 An sin thubhairt Ioaib, Cha'ir fheud mise fuireach mar so maille riut. Agus ghabh e trì gathan na

<sup>g</sup> c'ar sòn nach do bhuail thu e, agus nach do thilg thu e sìos gu làr.

<sup>h</sup> agus bhiodh e mar fhiacha orm-sa deich seceil airgid a thoirt duit. Eabh. <sup>i</sup> breug, cealg. <sup>k</sup> mo bheatha.

làimh, agus shàth e iad an cridhe Absaloim, an uair a bha e fathast beo ann am meadhon<sup>a</sup> na craoibhe daraich.

15 Agus chuairtich deichnear òganach, a bha 'g iomchar arm loaib, agus bhuaill iad Absalom, agus mharbh iad e.

16 Agus shéid Ioab an trompaid, agus phill an sluagh o ruagadh Israeil; oir chum Ioab air an ais an sluagh.

17 Agus ghabh iad Absalom, agus thilg iad e ann an slochd mòr anns a' choille, agus chuir iad carn ro mhòr chlach air: agus theich Israel uile, gach fear a dh'ionnsuidh a bhùtha.

18 A nis ghabh Absalom, an uair bu bheo e, agus chuir e suas dha féin cairragh, a tha ann an gleann an rìgh; oir thubhairt e, Cha 'n'eil mac again a chumail m'ainme air chuimhne: agus thug e 'ainm féin air a' charragh, agus theirear ris gu ruig an la 'n diugh, Clach-chuimhneachain Absaloim<sup>b</sup>.

19 An sin thubhairt Ahimaas, mac Shadoic, Leig dhomh ruith a nis, agus sgeul<sup>c</sup> a thoirt a dh'ionnsuidh an rìgh, gu'n do shaor an Tighearn e a làimh a naimhde<sup>d</sup>.

20 Agus thubhairt Ioab ris, Cha d'thoir thu sgeul leat an diugh, ach bheir thu sgeul leat là eile: ach an diugh cha d'thoir thu sgeul leat, a chionn gu bheil mac an rìgh marbh.

21 Agus thubhairt Ioab ri Cusi, Falbh, innis do'n rìgh ciod a chunnaic thu. Agus chrom Cusi e féin do Ioab, agus ruith e.

22 An sin thubhairt Ahimaas, mac Shadoic a ris ri Ioab, Ach gidheadh<sup>e</sup>, leig dhomh-sa, guidheam ort, ruith mar an ceudna an dèigh Chusi. Agus thubhairt Ioab, C'ar son a ruitheadh tu-sa, a mhic, agus nach d'fhuaradh sgeul sam bith dhuit<sup>f</sup>.

23 Ach gidheadh, *ars' esan*, leig dhomh ruith. Agus thubhairt e ris, Ruith. Agus ruith Ahimaas rathad a' chòmlinaird, agus chaidh e seachad air Cusi.

24 Agus shuidh Daibhidh eadar an dà gheatadh, agus chaidh am fear-faire suas gu mullach a' gheataidh, air a' bhalladh; agus thog e suas a shùilean, agus dh'amhairc e, agus feuch, duine a' ruith na aonar.

25 Agus ghlaodh am fear-faire, agus dh'innis e do'n rìgh. Agus

thubhairt an rìgh, Ma tha e na aonar, tha sgeul aige na bheul. Agus dh'imich e air aghaidh, agus thàinig e am fagus.

26 Agus chunnaic am fear-faire duine eile a' ruith, agus ghlaodh am fear-faire ris an dorsair, agus thubhairt e, Feuch, tha duine eile a' ruith na aonar. Agus thubhairt an rìgh, Tha esan mar an ceudna a' toirt sgéil.

27 Agus thubhairt am fear-faire, Tha mi a' faicinn ruith a' cheud duine mar ruith Ahimaais, mhic Shadoic. Agus thubhairt an rìgh, Is duine maith esan, agus is ann le sgeul maith a tha e a' teachd,

28 Agus ghlaodh Ahimaas, agus thubhairt e ris an rìgh, Tha gach nighean maith. Agus chrom se e féin sìos do'n rìgh air 'aghaidh dh'ionnsuidh na talmhainn, agus thubhairt e, Gu ma beannuichte an Tighearn do Dhia, a thug thairis na daoine, a thog an làmhan suas an aghaidh mo thighearn an rìgh.

29 Agus thubhairt an rìgh, Am bheil an t-òganach Absalom tèaruainte? Agus fhreagair Ahimaas, An uair a chuir Ioab air falbh seirbhiseach an rìgh, agus mise do sheirbhiseach<sup>h</sup>, chunnaic mi buaireas mòr, ach cha robh fios again ciod e.

30 Agus thubhairt an rìgh ris, Tionndaidh a leth-taobh, agus seas an so. Agus thionndaidh e a leth-taobh, agus sheas e.

31 Agus feuch, thàinig Cusi, agus thubhairt Cusi, Bheirear sgeul do mi' thighearn, an rìgh, gu'n do shaor an Tighearn thu-sa an diugh a làimh nan uile<sup>i</sup>, a dh'éirich suas a'd' aghaidh.

32 Agus thubhairt an rìgh ri Cusi, Am bheil an t-òganach Absalom tèaruainte? Agus fhreagair Cusi, Gu robh naimhdean mo thighearn an rìgh, agus iadsan uile, a dh'éirich suas a' t' aghaidh a dheanamh do chroin, mar a tha an t-òganach sin.

33 Agus ghluaiseadh an rìgh gu mòr<sup>k</sup>, agus chaidh e suas do'n t-sedmar os cionn a' gheataidh, agus ghluil e: agus ag imeachd dha, thubhairt e mar so, A mhic Absaloim, a mhic, a mhic Absaloim! O nach mise féin a fhuair bàs air do shon, Absaloim, a mhic, a mhic!

CAIB. XIX.

A GUS dh'innseadh do Ioab, Feuch, tha'n rìgh a' gul agus a' caoidh air son Absaloim.

<sup>a</sup> ann an cridhe. Eabh. <sup>b</sup> Aite; làmh. Eabh. <sup>c</sup> deagh sgeula, seachdaireachd mhaith. <sup>d</sup> gu'n do dh'iol an Tighearn e air a naimhidh.

<sup>e</sup> ciod air bith a thachaireas.

<sup>f</sup> agus gun sgeul sam bith deas agad.

<sup>g</sup> sìth. Eabh. <sup>h</sup> An uair a chuir seirbhiseach an rìgh Ioab air falbh do sheirbhiseach. <sup>i</sup> oir dh'iol an Tighearn thu-sa an diugh orra-san uile. <sup>k</sup> bha'n rìgh fa thuirse mhòir.

2 Agus bha a' bhuaidh air an là sin air a tionndadh gu caoidh do'n t-sluagh uile; oir chual' an sluagh 'ga ràdh air an là sin, 'Tha 'n rìgh fa thuirse air son a mhic.

3 Agus ghoid an sluagh air an là sin a steach do'n bhaile, mar a ghoideas slugh air falbh agus iad fa nàire, an uair a theicheas iad ann an cath.

4 Agus dh'fholaich an rìgh 'aghaidh, agus ghlaodh an rìgh le guth ard, A mhic Absaloim, Absaloim, a mhic, a mhic!

5 Agus thàinig Ioab a steach a dh'ionnsuidh an rìgh do'n tigh, agus thubhairt e, Chuir thu nàire an diugh air aghaidhibh do sheirbhis-each uile, a shaor t'anaim an diugh, agus aumanna do mhac, agus do nighean, agus anmanna do bhan, agus anmanna do choimh-leabach:

6 A chionn gu bheil gràdh agad dhoibhsan, aig am bheil fuath dhuit, agus gu bheil fuath agad dhoibhsan, aig am bheil gràdh dhuit: oir nochd thu an diugh nach 'eil *suim* agad do cheannardaibh, no do sheirbhisich; oir tha mi tuigsinn an diugh, nam biodh Absalom beò, agus nam bitheadh ne uile marbh an diugh, an sin gu'm bitheadh e ceart a'd' shùilibh.

7 A nis uime sin éirich, falbh a mach, agus labhair gu caomhneil ri d' sheirbhisich: oir bheiream-sa mo mbionnan air an Tighearna, mur d'théid thu mach, nach fan duine maille riut an nochd: agus bithidh sin nì's miosa dhuit nà gach olc a thàinig ort o t'òige gus a nis.

8 An sin dh'éirich an rìgh, agus shuidh e anns a' gheatadh. Agus dh'innis iad do'n t-sluagh uile, ag ràdh, Feuch, tha'n rìgh na shuidhe anns a' gheatadh: agus thàinig an sluagh uile am fianuis an rìgh. Agus theich Israel, gach fear a dh'ionnsuidh a bhàtha.

9 Agus bha'n sluagh uile ri conn-sachadh air feadh uile threubhan Israeil, ag ràdh, Theasairg an rìgh sinn a làimh ar naimhde, agus shaor e sinn a làimh nam Philisteach, agus a nis tha e air teicheadh as an tìr roimh Absalom.

10 Agus fhuair Absalom, a dh'ung sinn os ar cionn, bàs anns a' chath: a nis ma ta c'ar son a tha sibh tosdach mu'n rìgh a thoirt air ais?

11 Agus chuir rìgh Daibhidh *fios* gu Sadoc agus gu Abiatar na sagairt, ag ràdh, Labhraibh ri seanairibh Iudah, ag ràdh, C'ar son a tha sibhse

air dheireadh a thoirt an rìgh air ais d'a thigh? (agus gu'n d'thàinig cainnt Israeil uile dh'ionnsuidh an rìgh d'a thigh)

12 Is sibhse mo bhràithre, is sibh mo chnàmhan agus m'fheoil: c'ar son ma ta a tha sibh air dheireadh a thoirt an rìgh air ais?

13 Agus ri h-Amasa their sibh, Nach tu-sa mo chnàimh, agus m'fheoil? Mar sin gu'n deanadh Dia rium-sa; agus tuilleadh mar an ceudna, mur bi thu-sa a'd' cheannard air an t-sluagh a'm' làthairs' an còmhnuidh an àit Ioab.

14 Agus dh'aom e cridheacha fheara Iudah uile, mar *chridhe* aon duine, air chor as gu'n do chuir iad *am fios* so dh'ionnsuidh an rìgh, Pill féin agus do sheirbhisich uile.

15 Uime sin phill an rìgh, agus thàinig e gu Iordan, agus thàinig Iudah gu Gilgal, a dhol an coinn-eamh an rìgh, gus an rìgh a thoirt thar Iordan.

16 Agus luathaich Simeì, mac Ghera, Beniamineach, a bha o Bhahurim, agus thàinig e nuas maille ri fearaibh Iudah an coinn-eamh rìgh Daibhidh.

17 Agus bha mìle fear do Bheniamin maille ris, agus Siba òglach tighe Shaul, agus a chùig mic dheug, agus 'fhichead seirbhisich maille ris: agus chaidh iad thar Iordan roimh an rìgh.

18 Agus chaidh bàt-aisig a nunn<sup>b</sup> a thoirt teaghlach an rìgh thairis, agus a dheanamh an nì bu mhaith leis: agus thuit Simeì, inac Ghera, sìos am fianuis an rìgh, 'nuair a thàinig e thar Iordan;

19 Agus thubhairt e ris an rìgh, Na cuireadh mo thighearn eu-ceart as mo leth, agus na cuimhnich an nì a rinn do sheirbhisich gu h-andligheach air an là anns an deachaidh mo thighearn an rìgh a mach a h-Ierusalem, air chor as gu'n gabhadh an rìgh e g'a chridhe.

20 Oir tha fios aig do sheirbhisich gu'n do pheacaich mi: uime sin, feuch, thàinig mi an diugh an ceud duine do thigh Ioseph uile, a dhol sìos an coinn-eamh mo thighearn an rìgh.

21 Ach fhreagair Abisai mac Sheruah, agus thubhairt e, Nach cuirear air a shon so Simeì gu bàs, a chionn gu'n do mhallaich e *aon* ungta an Tighearna?

22 Agus thubhairt Daibhidh, Cìod e mo ghnotluach-sa ribh-se, a mhaca Sheruah, gu'm bitheadh sibh an diugh 'nar n-eascairdibh dhomh? an cuirear an diugh duine sam bith gu bàs ann an Israel? oir nach 'eil fhios

<sup>a</sup> labhair ri cridhe do sheirbhisich. Eabh.

<sup>b</sup> rinn iad gach nì deas.

agam gu bheil mi an diugh a'm' righ os cionn Israeil?

23 Agus thubhairt an righ ri Simeì, Cha'n fhaigh thu bàs: agus mhionnaich an righ dha.

24 Agus thàinig Mephiboset, mac Shaul<sup>a</sup>, a nuas an coinneamh an righ, agus cha do dheasaich<sup>b</sup> e a chosan, agus cha do chuir e suas air<sup>c</sup> 'fheusaig, agus cha do nìghe 'eudach o'n là anns an do thriall an righ, gus an là anns an d'thàinig e ris ann an sìth.

25 Agus an uair a thàinig e gu h-Ierusalem an coinneamh an righ, an sin thubhairt an righ ris, C'ar son nach deachaidh tu maille riumsa, a Mhephiboset?

26 Agus fhreagair esan, A thighearn, a righ, mheall mo sheirbhiseach mi; oir thubhairt do sheirbhiseach, Cuiridh mi dòllaid dhomh féin air asail<sup>d</sup>, agus marcaichidh mi oirre, agus théid mi dh'ionnsuidh an righ, a chionn gu bheil do sheirbhiseach bacach.

27 Agus chùl-chain esan do sheirbhiseach ri m' thighearn an righ; ach *tha* mo thighearn an righ mar aingeal Dé: dean uime sin an *nì sin a ta* maith a'd' shùilibh.

28 Oir cha robh teaghlach m'athar uile ach nan daoineibh marbha<sup>e</sup> am fianuis mo thighearn an righ; gidheadh chuir thu do sheirbhiseach nam measg-san a dh'ith aig do bhord féin: ciod ma ta a' chòir a th'agam-sa tuilleadh air gladhaich nì's mò ris an righ?

29 Agus thubhairt an righ ris, C'ar son a labhras tu nì's mò mu d'ghnothuichibh<sup>f</sup>? thubhairt mise, Roinnidh tu-sa agus Siba am fearann.

30 Agus thubhairt Mephiboset ris an righ, Seadh, gabhadh e an t-iomlan, o thàinig mo thighearn an righ a ris ann an sìth d'a thigh féin.

31 Agus thàinig Barsillai an Gileadach a nuas o Rogelim, agus chaidh e thar Iordan maille ris an righ, chum a chur thar Iordan.

32 A nis *bha* Barsillai na dhuine ro shean, ceithir fichead bliadhna dh'aois, agus thug esan lòn do'n righ<sup>g</sup> an uair a dh'fhan e ann am Mahanaim; oir *bu* duine ro mhòre.

33 Agus thubhairt an righ ri Barsillai, Thig-sa thairis maille rium, agus beathaichidh mi thu maille rium féin ann an Ierusalem.

34 Agus thubhairt Barsillai ris an

righ, Cia fad a th'agam-sa ri bhi beo<sup>h</sup>, gu'n rachainn suas maille ris an righ gu h-Ierusalem?

35 *Tha* mi an diugh ceithir fichead bliadhna dh'aois: an urrainn mise aithneachadh eadar maith agus olc? an urrainn do sheirbhiseach na dh'itheas, no na dh'òlas mi a bhlasadh? an urrainn mise tuilleadh guth fhear agus bhan, a sheinneas, a chluinntinn? c'ar son ma ta a bliodh do sheirbhiseach fathast na eire<sup>i</sup> air mo thighearn an righ?

36 Théid do sheirbhiseach rè ùine bhiig thar Iordan maille ris an righ: agus c'ar son a dhòladh an righ sin dhomh-sa le leithid so do luaigh-eachd?

37 Leig le d' sheirbhiseach, guidheam ort, pilltinn air ais, a chum gu'm faigh mi bàs ann mo bhaile féin, làimh ri uaigh m'athar, agus mo mhàthar: ach feuch, rachadh do sheirbhiseach Chimham thairis maille ri m' thighearn an righ, agus dean ris na *bhios* maith a'd' shùilibh.

38 Agus fhreagair an righ, Théid Chimham thairis maille rium, agus nì mi dha na *bhios* maith a'd' shùilibh; agus ge b'e nì a dh'iarras tu-sa orm, nì mi e dhuit.

39 Agus chaidh an sluagh uile thar Iordan, agus chaidh an righ thairis: agus phòg an righ Barsillai, agus bheannaich se e, agus phill e d'a àite féin.

40 An sin chaidh an righ air aghaidh gu Gilgal, agus chaidh Chimham air aghaidh maille ris: agus thug sluagh Iudah uile thairis an righ, agus mar an ceudna leth sluaigh Israeil.

41 Agus feuch, thàinig fir Israeil uile dh'ionnsuidh an righ, agus thubhairt iad ris an righ, C'ar son a ghoid ar bràithrean fir Iudah thu air falbh, agus a thug iad an righ agus a theaghlach, agus daoine Dhaibhidh uile maille ris, thar Iordan?

42 Agus fhreagair fir Iudah uile fir Israeil, A chionn gu bheil an righ fagus an dàimh dhuinne; c'ar son ma ta a tha fearg oirbh-se air son an nì so? an d'ith sinn a' bheag o'n righ? no'n d'thug e tiodhlac sam bith dhuinn?

43 Agus fhreagair fir Israeil fir Iudah, agus thubhairt iad, *Tha* deich earrannan<sup>k</sup> againne anns an righ, agus *tha* mar an ceudna tuilleadh còir againn ann an Daibhidh na th'agaibh-se: c'ar son ma ta a rinn sibh tàir oirne? agus nach b'e

<sup>a</sup> mac Ionatain, mhic Shaul.

<sup>b</sup> cha do nìghe. <sup>c</sup> dheasaich e.

<sup>d</sup> Cuir dòllaid dhomh air asail.

<sup>e</sup> buailteach do'n bhàs.

<sup>f</sup> a labhras tu nì's mo do bhriathra?

<sup>g</sup> bheathaich esan an righ.

<sup>h</sup> Cia lìon iad laithean bhliadhnacha mo bheatha-sa. Eabh.

<sup>i</sup> callaich. <sup>k</sup> cuibhriannan.



ar gnothuch-ne an toiseach ar rìgh a thal-hairt air ais? Agus bu ghairge briathran fhear Iudah na briathran fhear Israeil.

## CAIB. XX.

**A**GUS thachair gu'n robh duine an sin le Belial, do'm b'ainm Seba, mac Bhichri, Beniamineach; agus shéid e trompaid, agus thubhairt e, Cha 'n'eil againne cuibh-rionn sam bith ann an Daibhidh, agus cha 'n'eil oighreachd sam bith againn ann am mac Iese: gach fear a dh'ionnsuidh a bhùtha, O Israeil.

2 Agus chaidh gach duine do Israeil suas o bhi 'n déigh Dhaibhidh, agus lean iad Seba mac Bhichri: ach dhlùth-lean daoine Iudah r'an rìgh, o Iordan eadhon gu h-Ierusalem.

3 Agus thàinig Daibhidh d'a thigh ann an Ierusalem, agus ghabh an rìgh an deichnear bhan, a choimhleabacha, a dh'fhàg e a ghleidheadh an tighe, agus chuir e ann an gain-tir<sup>b</sup> iad, agus bheathaich e iad, ach cha deachaidh e stigh d'an ionnsuidh; agus bha iad air an druid-eadh suas gu là am bàis, a caith-eamh am beatha ann am ban-trachas.

4 An sin thubhairt an rìgh ri Amasa, Cruinnich dhomh-sa fir Iudah an ceann thri laithean, agus seas féin an so.

5 Agus dh'fhalbh Amasa a chruinneachadh fhear Iudah; ach dh'fhan e ni b'fhaide na'n t-àm suidhichte a shònraich esan dha.

6 Agus thubhairt Daibhidh ri Abisai, A nis ni Seba, mac Bhichri, tuille croin duinn na rinn Absalom: gabh thu-sa seirbhisich do thigh-earna, agus falbh air a thòir; air eagal gu'm faigh e dha féin bailte daingnichte, agus gu'n d'théid e as uainn.

7 Agus chaidh a mach na dh'éigh fir Ioaib, agus na Ceretich, agus na Peletich, agus na fir threuna uile: agus chaidh iad a mach a h-Ierusalem, a dhol air tòir Sheba, mhic Bhichri.

8 An uair a bha iad aig a' chloich mhòir, a tha ann an Gibeon, thàinig Amasa rompa. Agus bha Ioaib crios-laichte le falluin a chuir e uime; agus oirre sin crios le claidheamh ceangailte air a léis na thruaill, agus an uair a chaidh e air aghaidh, thuit e aiste.

9 Agus thubhairt Ioaib ri Amasa, Am bheil thu slàn, a bhràthair? agus ghlac Ioaib le 'dheas làimh Amasa

<sup>a</sup> nach d'iarradh ar comhairle air tuis a thubhairt ar rìgh air ais.

<sup>b</sup> prìosun.

air fheusaig, a thabhairt pòige dha.

10 Ach cha d'thug Amasa fa'near an claidheamh, a bha ann an làimh Ioaib: agus bhuail e leis e fuidh'n chùigeadh aise, agus leig e mach a mhionach a dh'ionnsuidh an làir, agus cha do bhuail e ris e, agus fhuair e bàs. Agus chaidh Ioaib, agus a bhràthair Abisai, air tòir Sheba, mhic Bhichri.

11 Agus sheas fear do òganachaibh Ioaib làimh ris, agus thubhairt e, Esan leis an ionmhuinn Ioaib, agus esan a tha le Daibhidh, leanadh e Ioaib.

12 Agus bha Amasa 'ga aonair e am fuil am meadhon an rathaid mhòir. Agus an uair a chunnaic an duine gu'n d'fhan an sluagh uile nan seasamh, dh'atharraich e Amasa o'n rathad mhor do'n achadh, agus thilg e eudach air, an uair a chunnaic e gu'n d'fhan gach neach a thàinig làimh ris nan seasamh.

13 An uair a dh'atharraicheadh e o'n rathad mhòr, chaidh an sluagh uile air an aghaidh an déigh Ioaib, a dhol air tòir Sheba mhic Bhichri.

14 Agus chaidh e air feadh uile threubhan Israeil gu h-Abel Bhetmaacah, agus na Berich uile: agus chruinnicheadh iad an ceann a chéile, agus chaidh iad mar an ceudna na dh'éigh.

15 Agus thàinig iad, agus theann-aich<sup>d</sup> iad e ann an Abel Bhetmaacah, agus chuir iad suas torra an aghaidh a' bhaile, agus sheas e làimh ris a' bhalladh<sup>f</sup>: agus rinn an sluagh uile, a bha maille ri Ioaib, an dchioll air a' bhalladh a leagadh sìos.

16 An sin ghlaodh bean ghlic a mach as a' bhaile, Eisdibh, éisdibh; abraibh, guidheam oirbh, ri Ioaib, Thig am fagus an so, agus labhairidh mi riut.

17 Agus an uair a thàinig e 'm fagus d'i, thubhairt a' bhean, an tu Ioaib? Agus fhreagair esan, Is mi. An sin thubhairt i ris, Eisd ri briathraibh do bhan-oglaich. Agus fhreagair esan, Tha mi ag éisd-eachd.

18 An sin labhair i, ag ràdh, Gu cinnteach labhair iad an toiseach, ag ràdh, Gu deimhin iarraidh iad sìth air Abel: agus mar sin crìoch-naichidh iad an gnothuch.

19 Is aon mise dhiubh-san, a tha

<sup>e</sup> aoineagran. <sup>d</sup> besieged. Sasg.

<sup>e</sup> dùn. <sup>f</sup> anns a' chlais

<sup>g</sup> labhair i, ag ràdh, Bu ghnàth leo labhairt san t-sean aimsir, ag ràdh, Gu deimhin iarraidh iad comhairle ann an Abel: agus mar sin chrìoch-naich iad a' chùis.

slothchail agus firinneach<sup>a</sup> ann an Israel : ach tha thu-sa ag iarraidh baile a sgrios, agus màthair ann an Israel. C'ar son a shluigear tu suas oighreachd an Tighearna?

20 Agus fhreagair Ioab agus thubhairt e, Gu ma fada, fada sin uam-sa, gu'n sluiginn suas, no gu'n sgriosainn.

21 Cha 'n ann mar sin a tha an gnòthuch: ach thog duine do shliabh Ephraim, d'an ainm Seba, mac Bhichri, a làmh suas an aghaidh an rìgh, an aghaidh Dhaibhidh: thug-aibh esan a mhàin thairis, agus imichidh mi o'n bhaile. Agus thubhairt a' bhean ri Ioab, Feuch, tilgear a cheann a d' ionnsuidh thar a' bhalladh.

22 An sin chaidh a' bhean a dh' ionnsuidh an t-sluaigh uile na gliocas<sup>b</sup>, agus ghearr iad ceann Sheba, mhic Bhichri, dheth, agus thilg iad a mach e dh'ionnsuidh Ioab: agus shéid e trompaid, agus chaidh iad air falbh o'n bhaile, gach fear a dh' ionnsuidh a bhùtha. Agus phill Ioab do Ierusalem a dh'ionnsuidh an rìgh.

23 A nis bha Ioab os cionn armailte Israeil uile: agus bha Benaiah, mac Ichoiadah, os cionn nan Cereteach, agus os cionn nam Peleteach:

24 Agus bha Adoram os cionn na cise: agus bha Iehosaphat, mac Ahiaid, na sheanachaidh:

25 Agus bha Sebha na scrìobhaiche: agus b' iad Sadoc agus Abiatar na sagairt:

26 Agus mar an ceudna bha Ira, an laireach, na ard riaghlair<sup>c</sup> aig Daibhidh.

CAIB. XXI.

**A** GUS bha gorta ann an laithibh Dhaibhidh, rè thri bliadhna, bliadhna 'n déigh bliadhna. Agus dh'fhiosraich Daibhidh do'n Tighearna<sup>d</sup>, agus fhreagair an Tighearna, *Is ann air son Shaul, agus air son a thighe fhuileachdaich a tha i*, a chionn gu'n do mharbh e na Gibeonaich.

2 Agus ghairm an rìgh air na Gibeonaich, agus thubhairt e riu: (a nis cha robh na Gibeonaich do chloinn Israeil, ach do iarmad<sup>e</sup> nan Amorach, agus thug clann Israeil mionnan doibh: agus dh'iarr Saul am marbhadh, na eud<sup>f</sup> air son chloinn Israeil agus Iudah:)

3 Uime sin thubhairt Daibhidh ris na Gibeonaich, Ciod a ni mi air blur son? agus cia leis a ni mi an réite, a

<sup>a</sup> dileas. <sup>b</sup> agus labhair i na gliocas. <sup>c</sup> na ard uachdaran.

<sup>d</sup> dh'iarr Daibhidh gnàis Iehobhah. Eabh. <sup>e</sup> fhuigheall: iarsma. Eir.

<sup>f</sup> na theas ghràdh.

chum gu'm beannaich sibh oighreachd an Tighearna?

4 Agus thubhairt na Gibeonaich ris, Cha' bhi againne airgid, no òr o Shaul, no o a thigh<sup>g</sup>, agus air ar soinne cha mharbh thu duine sam bith ann an Israel. Agus thubhairt esan, *An ni a their sibh, ni mise dhuibh<sup>h</sup>.*

5 Agus fhreagair iad an rìgh, An duine a chuir as duinn, agus a smuainich 'nar n-aghaidh sinn a bhi air ar sgrios, air chor as nach fanamaid ann an crìch air bith do Israel;

6 Thugar dhuinn seachdnar d'a mhic-san, agus crochaidh sinn suas iad do'n Tighearna ann an Gibeah Shaul, a thagh an Tighearna. Agus thubhairt an rìgh, Bheir mi dhuibh iad.

7 Ach chaomhain an rìgh Mephiboset mac Ionatain, mhic Shaul, air son mhionnan an Tighearna a bha eatorra, eadar Daibhidh agus Ionatan mac Shaul.

8 Ach ghabh an rìgh dà mhac Rispah nighinn Aiah, a rug i do Shaul, Armoni agus Mephiboset, agus cuigear mhac Mheroib<sup>i</sup> nighinn Shaul, a rug i do Adriel, mac Bharsillai, a' Mheholataich,

9 Agus thug e thairis iad do làimh nan Gibeonach, agus chroch siad iad anns an t-sliabh am fianais an Tighearna, agus thuit an t-seachdnar sin cuideachd, agus chuireadh gu bàs iad ann an ceud laithibh an fhogharaidh, ann an toiseach fogharaidh an eorna.

10 Agus ghabh Rispah nighean Asah saic-eudach, agus sgaoil i dhi féin e air a' charraig, o thoiseach an fhogharaidh gus an do shil uisge orra o nèamh: agus cha do leig i le eunlaith an atkair fois a ghabhail orra 'san la, no do fliadh-bheathaichibh na macharach 'san oidhche.

11 Agus dh'innsadh do Dhaibhidh ciod a rinn Rispah, nighean Aiah, coimh-leabach Shaul.

12 Agus dh'fhalbh Daibhidh, agus thug e o dhaoinibh Iabeis-ghilead cnàmhan Shaul, agus cnàmhan a mhic, Ionatain, a ghoid iad o shràid Bhetsain, far an do chroch na Philistich iad, anns an là air an do mharbh na Philistich Saul ann an Gilboa.

13 Agus thug e nìos as sin cnàmhan Shaul, agus cnàmhan Ionatain, a mhic: agus chruinnich iad cnàmhan na muinntir a chrochadh.

14 Agus dh'adhlaic iad cnàmhan Shaul, agus a mhic Ionatain, ann an

<sup>g</sup> maille ri Saul, no maille r'a thigh. Eabh. <sup>h</sup> Ciod ma ta a b'aill leibh gu'n deanain-sa dhuibh? <sup>i</sup> Mhichail.

fìr Bheniamin ann an Selah, ann an àit adhlacaidh Chis 'athar. Agus rinn iad gach nì a dh'àithn an rìgh : agus na dhéigh sin bha Dia réidh ris an tìr<sup>a</sup>.

15 Agus bha cogadh aig na Philistich fathast ri Israel, agus chaidh Daibhidh sìos agus a sheirbhisich maille ris, agus chog iad ris na Philistich; agus dh'fhàs Daibhidh sgìth.

16 Agus thubhairt Isbi-benob<sup>b</sup>, a bha do shliochd an fhamhair, (agus aig am b'e cothrom cinu a shleagha trì cheud secel umha, agus e crios-laichte le crios<sup>c</sup> nomha,) gu'm marbhadh e Daibhidh.

17 Ach rinn Abisai, mac Sheruah, còmhnaidh ris, agus bhuail e am Philisteach, agus mharbh se e. An sin mhionnaich fìr Dhaibhidh dha, ag ràdh, Cha d'théid thu mach nì's mo maille ruinne gu cath, chum nach cuir thu as lòchran Israeil.

18 Agus na dhéigh so bha cath a rìs ann an Gob<sup>d</sup> ris na Philistich : an sin bhuail Sibechar an Husatach Saph<sup>e</sup>, a bha do shliochd an fhamhair.

19 Agus bha rìs cath ann an Gob ris na Philistich : agus bhuail Elhanan mac Iare-oregim Lahmi<sup>f</sup> bràthar Gholiath a' Ghithich; agus bha crann a shleagha mar gharmain figheadair.

20 Agus bha fathast cath ann an Gat, far an robh fear do mhead mhòir, agus se meoir aige air gach làimh, agus se meoir air gach cois, ceithir thar fhichead an àireamh; agus rugadh esan mar an ceudna do'n fhamhair.

21 Agus an uair a thug e dùbhlann do Israel, mharbh Ionatan, mac Shimeah, bràthar Dhaibhidh e.

22 Rugadh a' cheathrar sin do'n fhamhair ann an Gat, agus thuit iad le làimh Dhaibhidh, agus le làimh a sheirbhiseach.

## CAIB. XXII.

**A** GUS labhair Daibhidh ris an Tighearna briathra na laoidhe so, anns an là air an do shaor an Tighearna e a<sup>h</sup> làimh a naimhdean uile, agus a làimh Shaul.

2 Agus thubhairt e, *Is e 'n Tighearna mo charraig*, agus mo dhaingneach, agus mo shlanuighear.

3 *Is e Dia mo charraig*; earbaidh mi as : mo sgiath agus adharc mo shlàinte, mo thùr ard agus mo dhèidean : m'fhear-saoraidh; o ainneart saoraidh tu-sa mi.

<sup>a</sup> dh'èisd Diari athchuinge muinntir na tìre. <sup>b</sup> shaoil Isbi-benob, chuir e roimhe. <sup>c</sup> claidheamh. <sup>d</sup> Gesar.

<sup>e</sup> Sipai. <sup>f</sup> mac Iare-oregim Betlehemeach. Faic I. Eachdr. Caib. XX. r. 5. <sup>g</sup> masladh. <sup>h</sup> as.

4 Gairmidh mi air an Tighearna a's airdh air cliu; agus o m' naimhdeibh saorar mi.

5 Oir chuairtich tonnan a' bhàis mi : chuir tuilte dhroch dhaoine eagail orm.

6 Dh'iadh cuird i ifrinn mu m' thimchioll : ghabh lìontan<sup>k</sup> a' bhàis romham.

7 A'm' airc ghairm mi air an Tighearna, agus ri m' Dhia ghlaodh mi; agus chual<sup>e</sup> o' theampull mo ghuth, agus ràinig mo ghlaodh a chluasa.

8 Agus chrathadh agus chrìothnaich an talamh : ghluaiseadh bunaite nan nèamh<sup>l</sup> agus chrathadh iad, a chionn gu'n robh fearg air.

9 Chaidh deatach suas o' shròin, agus loisg teine as a bheul : lasadh eibhlean leis.

10 Agus lùb e a nèamha, agus thàinig e nuas; agus dorchadas fa' chosaibh.

11 Agus mharcaich e air cherub, agus chaidh e air iteig; agus dh'iteal- aich<sup>m</sup> e air sgiathaibh na gaoithe.

12 Agus rinn e dorchadas na phàilliuibh m'a thimchioll, coimh-chruinneachadh nan uisgeacha<sup>n</sup>, neoil thiugha nan speur.

13 Leis an dealradh a bha fa' chomhair lasadh eibhlean teine.

14 Rinn an Tighearna tairneanach o na nèamhaibh, agus leig an Tì a's aird' a ghuth a mach.

15 Agus chuir e mach saighdean, agus sgap e iad; dealanach, agus chlaoidh e iad<sup>o</sup>.

16 Agus leigeadh ris aigean na fairge, nochdadh bunaite an domhain, le achmhasan an Tighearna, le séideadh anaile a shròine.

17 Chuir e nuas o'n aird, ghlac e mi : tharruing e mi a mòran uisgeacha.

18 Shaor e mi o m' nàmhaid làidir, uatha-san a dh'fhuathaich mi; oir bu treise iad nà mise.

19 Ghabh iad romham ann an là m' àmhghair : ach b'e 'n Tighearna mo chùl-taice.

20 Agus thug e mach mi gu ionad farsaing : shaor e mi, a chionn gu'n do ghabh e tlachd annam.

21 Thug an Tighearna luaidheachd dhomh a réir m'ionracais; a réir gloine mo làmh dhìol e dhomh.

22 Oir ghléidh mi slighean an Tighearna, agus o m' Dhia cha do chlaon mi gu h-aingidh.

23 Oir bha a bhreitheanais uile a'm' fhianuis : agus a reachda cha do chuir mi uam<sup>p</sup>.

24 Agus bha mi ionraic na fliana

<sup>i</sup> pianta. <sup>k</sup> ribeacha. <sup>l</sup> nam beann. <sup>m</sup> chumcas. <sup>n</sup> uisgeacha dorchas. <sup>o</sup> chuir e gu h-amhluaidh iad. <sup>p</sup> cha do dhealaich mi riu.

nuis, agus ghléidh mi mi féin o m' aingidheachd<sup>a</sup>.

25 Uime sin dhìol an Tighearna dhomh a réir m'ionracais, a réir mo ghloine ann an sealladh a shùil.

26 Do'n duine thròcaireach nochdaidh tu thu féin tròcaireach, agus do'n duine ionraic nochdaidh tu thu féin ionraic.

27 Do'n duine ghlan nochdaidh tu thu féin glan, agus do'n duine reasgach nochdaidh tu thu féin reasgach.

28 Agus an sluagh, a ta fa àmhghar, saoraidh tu: ach a ta do shùilean an aghaidh nan uaibhreach; bheir thu nuas iad<sup>b</sup>.

29 Oir lasaidh tu-sa mo lochran<sup>c</sup>, a Thighearna: agus soillsichidh an Tighearna mo dhorchadas.

30 Oir leatsa ruith mi troimh bhuaidhinn: le m' Dhia leum mi thar balladh.

31 A thaobh Dhé, tha a shlighe iomlan; tha focal an Tighearna air a dhearbhadh: is sgiath e dhoibhsan uile, a chuireas an dòchas ann<sup>d</sup>.

32 Oir cò a's Dia ann ach an Tighearna? agus cò a's carraig ann ach ar Dia-ne?

33 Is e Dia mo neart agus mo chumhachd<sup>e</sup>, agus tha e deanamh mo shlighe iomlan.

34 Tha e deanamh mo chos mar chosan eilde: agus air m'aitibh arda socraichidh e mi.

35 Tha e 'g iunnasachadh mo làmh gu cath, air chor as gu'm brisear bogha umha le m' ghairdeinibh.

36 Agus thug thu dhomh sgiath do shlàinte: agus rinn do chaoimhneas mor mi.

37 Rinn thu mo cheum farsaing fodham, air chor as nach do shleamhnaich mo chosa.

38 Lean mi mo naimhde, agus rug mi orra<sup>f</sup>; agus cha do phill mi air m'ais gus an do chuir mi as doibh.

39 Agus lot mi iad<sup>g</sup>, agus cha 'n'éirich iad; agus thuit iad fa m' chosaibh.

40 Oir chrìslaich thu mi le neart chum catha: leag thu iadsan, a dh'éirich suas a'm' aghaidh, sìos fodham.

41 Agus mo naimhde thug thu dhomh air mhuineal; iadsan a dh'fhuathaich mi, agus ghearr mi as iad.

42 Sheall iad, agus cha robh fear-saoraidh ann; eadhon a dh'ionnsuidh an Tighearna, ach cha do fhreagair e iad.

43 An sin mhìn-phronn mi iad mar dhuslach na talmhainn; mar chlàbar na sràide bhrùth mi iad, leudaich mi a mach iad.

44 Agus shaor thu mi o chomhstri<sup>h</sup> mo shluaigh: ghléidh thu mi gu bli'm cheann<sup>i</sup> air na cinnich: ni sluagh, nach b'aithne dhomh, seirbhis dhomh.

45 Strìochdaidh coigrich sìos dhomh<sup>k</sup>: co luath 'sa chluinneas iad, geillidh iad dhomh.

46 Seargaidh coigrich as, agus bithidh eagal orra a mach as an àitibh daingne.

47 Is beo an Tighearna, agus gu ma beannaichte mo charraig-sa: agus air 'ardachadh gu robh Dia, carraig mo shlàinte.

48 Is e Dia a ni dòghaltas air mo shon-sa, agus a chuireas sìos an sluagh fodham.

49 Agus a bheir a mach mi o m' naimhdeibh: agus os an cionn-san, a dh'éirich suas a'm' aghaidh, thog thu suas mi, o fhear an ainneart shaor thu mi.

50 Uime sin cliùthaichidh mi thu<sup>l</sup>, a Thighearna, am measg nan cinneach, agus do t'ainm seinnidh mi.

51 Bheir esan saorsa mòr d'a righ<sup>m</sup>, agus nochdaidh e tròcair d'a aon ungta féin, do Dhaibhidh, agus d'a shliochd gu bràth.

CAIB. XXIII.

ANIS is iad so briathra deireanna-ach Dhaibhidh. Thubhairt Daibhidh mac Iese, agus thubhairt an duine a chuireadh suas gu h-ard, aon ungta Dhé Iacoib, agus salmadair binn Israeil;

2 Labhair spiorad an Tighearna tromham-sa, agus 'fhocal air mo theangaidh.

3 Thubhairt Dia Israeil, labhair carraig Israeil rium-sa: Bithidh esan, a riaghlas os cionn dhaoine, ceart, a' riaghladh ann an eagal Dé:

4 Agus mar sholus na maidne 'nuair a dh'éireas a' ghrian<sup>n</sup> maidne, gun neoil; mar am fear a'fàs as an talamh le dealradh an déigh uisge.

5 Ge nach 'eil mo thigh mar sin aig Dia, gidheadh rinn e coimhcheangal sìorruidh rium-sa, air a shuidh-eachadh anns gach ni, agus a chòimh-ideal<sup>o</sup>: oir is e so mo shlàinte uile, agus mo mhiann uile, ge nach 'eil e toirt air fàs.

6 Ach bithidh mic Bhelial uile mar

<sup>h</sup> strìbh. <sup>i</sup> ni thu mi a'm' cheann.

<sup>k</sup> ni coigrich brèug dhomh. Eabh.

<sup>l</sup> aidichidh mi dhuit, bheir mi buidheachas dhuit. <sup>m</sup> Is esan tùr slàinte a righ.

<sup>n</sup> Agus mar sholus na maidne éiridh Iehobhak a' ghrian.

<sup>o</sup> cinnteach.

<sup>a</sup> o m' pheacannaibh. <sup>b</sup> ach na sùilean arda bheir thu nuas. <sup>c</sup> is tu mo lòchran. <sup>d</sup> a dh'earbasas.

<sup>e</sup> a tha 'gam chrìslachadh le neart.

<sup>f</sup> sgrios mi iad. <sup>g</sup> chuir mi as doibh, agus lot mi iad.



dhroighionn a thilgear air falbh, a chionn nach glacer le làimh iad.

7 Ach am fear a bheanas riu, dhonar<sup>a</sup> e le h-iarunn, agus le crann sleagha; agus le teine loisgear gu tur iad far am fàs iad<sup>b</sup>.

8 Is iad so ainmeanna nan daoine treun a bha aig Daibhidh: Iasobeam, mac Hachmoni, na cheann air triuir; thog esan a shleagh an aghaidh thri ceud, a mharbhadh leis<sup>c</sup> san aon àm<sup>c</sup>.

9 Agus na dhéigh-san bha Eleasar mac Dhodo an t-Ahohach, aon do'n triuir dhaoine treun a bha maille ri Daibhidh, an uair a thug iad dùbhlàn<sup>d</sup> do na Philistich<sup>e</sup> a chruinnich-eadh an sin gu cath, agus a dh'imich fir Israeil rompa.

10 Dh'éirich esan agus bhuail e na Philistich gus an robh a làmh sgith, agus gu'n do lean a làmh ris a<sup>f</sup> chlaidheamh. Agus dh'oibhrich an Tighearna saorsa mhòr air an là sin; agus phill an sluagh na dhéigh a mhàin a dh'fhaobhachadh<sup>f</sup>.

11 Agus na dhéigh-san bha Samah, mac Agee, an Hararach: agus chruinnich-eadh na Philistich nam buidhinn, far an robh mìr fearainn làn do ghall-pheasair: agus theich an sluagh roimh na Philistich.

12 Ach sheas esan am meadhon an fhearainn, agus dhòn se e, agus bhuail e na Philistich: agus dh'oibrich an Tighearna saorsa mhòr.

13 Agus chaidh triuir do na deich ceannarda fheadh sìos, agus thàinig iad an àm an fhogharaidh a dh'ionnsuidh Dhaibhidh, do uaimh Adullaim: agus champaich buidheann nam Philisteach ann an gleanu Rephaim.

14 Agus bha Daibhidh an sin ann an daingneach, agus bha freiceadan nam Philisteach an sin ann am Bet-lehem.

15 Agus mhiannaich Daibhidh, agus thubhairt e, O gu'n d'thugadh fear-eigin dhomh deoch uisge o thobar Bhetlehem, a tha làimh ris a' gheata!

16 Agus bhris an triuir dhaoine treuna stigh troimh fheachd nam Philisteach, agus tharuing iad uisge a tobar Bhetlehem, a bha làimh ris a' gheata, agus ghabh iad e, agus thug

<sup>a</sup> Ìonar. Eabh. <sup>b</sup> anns an àite cheudna; na àite-tàimh. Eabh.

<sup>c</sup> Is iad so ainmeanna nan daoine treun a bha aig Duibhidh: An Tachmonach a shuidhe anns a' chathair, ceann nan ceannard (b'e so Adino an t-Esneach) thog e suas a shleagh an aghaidh ochd ceud, a mharbh e<sup>e</sup> san aon àm. Faic. I. Eachdr. Caib. XI. r. 11. <sup>d</sup> masladh. <sup>e</sup> ann am Pas-damin. I. Eachdr. Caib. XI. r. 13. <sup>f</sup> chreachadh.

iad leo e dh'ionnsuidh Dhaibhidh: gidheadh cha b'àill leis òl deth, ach thaom e mach e do'n Tighearna.

17 Agus thubhairt e, Gu ma fada uam-sa, a Tighearna, so a dheanamh an òlainnse fuil nan daoine a chaidh ann an cunnart<sup>g</sup> an anma? uime sin cha b'àill leis òl deth. Na nithe sin rinn an triuir dhaoine treuna.

18 Agus bha Abisai bràthair Ioaib, mac Sheruah, na cheann air triuir: agus thog e suas a shleagh an aghaidh thri ceud, a mharbh e; agus fhuair e ainm am measg thriuir.

19 Do'n triuir nach b'e a b'urram-aiche? uime sin bha e na cheannard orra: gidheadh, cha do ràinig e gu ruig a' cheud triuir.

20 Agus mharbh Benaiah, mac Iehoiada, mhic duine ghaisgeil, o Chabseel, a rinn mòran ghnìomhara, mharbh esan dithis fhear leòmhanta<sup>h</sup> do Mhoab: chaidh e sìos mar an ceudna, agus mharbh e leòmhann ann am meadhon sluicid an àm sneachdaidh.

21 Agus mharbh e Eiphiteach, duine comharaichte<sup>i</sup>: agus ann an làimh an Eiphitich bha sleagh; ach chaidh esan sìos d'a ionnsuidh le luing, agus spìon e<sup>j</sup> n t-sleagh a làimh an Eiphitich, agus mharbh e le 'shleagh féin e.

22 Na nithe sin rinn Benaiah mac Iehoiada; agus bha ainm aige am measg triuir dhaoine treuna.

23 Do'n triuir<sup>k</sup> b'e a b'urram-aiche, ach cha d'ràinig e gu ruig a' cheud triuir: agus chuir Daibhidh e os cionn a fhreiceadain.

24 Bha Asahel bràthair Ioaib am measg an deich thar fhichead, Elhanan mac Dhodo o Bhetlehem,

25 Samah an Harodach, Elica an Harodach,

26 Heles am Paltach, Ira mac Iceis an Tecoch,

27 Abieser an t-Anetotach, Mebunai an Husatach,

28 Salmon an t-Ahohach, Maharai an Netophatach,

29 Heleb mac Bhaanah, an Netophatach, Itai mac Ribai o Ghibeah chloinn Bheniamin,

30 Benaiah am Piratonach, Hidai o shruthaibh Ghaais,

31 Abialbon an t-Arbatach, Asmabhet am Barhumach,

32 Eliahba an Saalbonach: do mhacaibh Iasein, Ionatan,

33 Samah an Hararach, Ahiam mac Sharair an Hararach,

34 Eliphelet mac Ahasbai, mhica' Mhaachataich, Eliam mac Ahitopheil an Gilonach,

<sup>g</sup> cuntart. <sup>h</sup> treun mar leòmhain. <sup>i</sup> mòr, tlachdmhor. <sup>k</sup> Do'n deich thar fhichead.

35 Hefrai an Carmeach, Paarai an t-Arbach,

36 Igal mac Natain o Shobah, Bani an Gadach,

37 Selec an t-Amonach, Naharai am Beerotach, fear-iomchar arm Ioaib, mhic Sheruiah,

38 Ira an t-Itreach, Gareb an t-Itreach,

39 Uriahan Hiteach : seachd deug thar fhichead uile.

CAIB. XXIV.

**A** GUS a ris las fearn an Tighearn an aghaidh Israeil, agus bhrosnaich e<sup>a</sup> Daibhidh nan aghaidh, a ràdh, Falbh, gabh àireamh Israeil agus Iudah.

2 Oir thubhairt an rìgh ri Ioaib ceannard an t-sloigh, a bha maille ris, Imich a nis air feadh uile threubhan Israeil, o Dhan eadhon gu Beer-seba, agus gabh<sup>b</sup> àireamh an t-sluaigh, a chum gu'm bi fios àireimh an t-sluaigh agam.

3 Agus thubhairt Ioaib ris an rìgh, A nis gu'n cuireadh an Tighearna do Dhia ris an t-sluaigh (ge b'e ciod an t-àireamh a th'ann diubh) fathast a' cheud uibhir, agus gu'm faiceadh sùilean mo thighearn an rìgh e : ach c'ar son a tha mo thighearn an rìgh a' gabhail tlachd anns an ni so?

4 Gidheadh, bhuaidhaich focal an rìgh an aghaidh Ioaib, agus an aghaidh ceannardan an t-sloigh : agus chaidh Ioaib agus ceannardan an t-sloigh a mach a fianuis an rìgh, a ghabhail àireimh sluaigh Israeil.

5 Agus chaidh iad a nunn thar Iordan, agus champaich iad ann an Aroer, air taobh mu dheas a' bhaile, a tha an am meadhon aibhne<sup>c</sup> Ghad, agus leth ri Gaser.

6 An sin thàinig iad gu Gilead, agus gu fearann ìochdarach<sup>d</sup> Hodsì; agus thàinig iad gu Dan-iaan, agus mu'n cuairt gu Sidon.

7 Agus thàinig iad gu daingneach Thiruis, agus gu uile bhailtibh nan Hibheach, agus nan Canaanach : agus chaidh iad a mach do'n taobh mu dheas do Iudah, gu Beer-seba.

8 Agus an uair a chaidh iad air feadh na tìre uile, thàinig iad gu h-Ierusalem an' ceann naoi mìos agus fhichead là.

9 Agus thug Ioaib suas làn àireamh<sup>e</sup> an t-sluaigh do'n rìgh : agus bha ann do Israel òchd ceud mìle fear gaisgeal a tharruing claidheamh, agus do fhearaibh Iudah cùig ceud mìle fear.

<sup>a</sup> agus sheas Satan an aghaidh Israeil agus bhrosnaich e. I. Eachdr. Caib. XXI. r. 1. <sup>b</sup> gabhaibh. <sup>c</sup> srutha, glinne. <sup>d</sup> Tachtim, Eabh.

<sup>e</sup> uibhir àireimh.

10 Agus bhuail cridhe Dhaibhidh e, an déigh dha'n sluagh àireamh : agus thubhairt Daibhidh ris an Tighearna, Pheacaich mi gu mòr anns an ni a rinn mi : agus a nis, a Thighearna, guidheam ort, thoir air cionta do sheirbhisich dol seachad, oir rinn mi gu ro amaideach.

11 Agus dh'éirich Daibhidh anns a' mhaduinn, agus thàinig focal an Tighearna dh'ionnsuidh an fhàidh Ghad, fir-seallaidh Dhaibhidh, ag ràdh,

12 Falbh agus abair ri Daibhidh, Mar so tha'n Tighearn ag ràdh, Tha mi cur thri nithe fa d' chomhair : rdghnaich dhuit féin aon diubh, a chum gu'n dean mi dhuit e.

13 Agus thàinig Gad a dh'ionnsuidh Dhaibhidh, agus dh'innis e dha, agus thubhairt e ris, An d'thig tri<sup>f</sup> bladhma gortaidh ort ann ad thir? no an teich thu tri miosan roimh do naimhdibh, agus iad an toir ort? no am bi tri laithean plàigh ann ad thir? A nis spuaicich, agus faic ciod a fhreagaireas mi dhasan, a chuir uaith mi.

14 Agus thubhairt Daibhidh ri Gad, Tha mi ann an teinn<sup>g</sup> mhòir : tuiteamaid a nis ann an làimh an Tighearna, oir is ònmhor a thròcairean, ach ann an làimh duine na tuiteam.

15 Agus chuir an Tighearn plàigh air Israel, o'n mhaduinn eadhon gu ruig an t-àm suidhichte<sup>h</sup> : agus bhàsaich do'n t-sluaigh o Dhau gu Beerseba, deich agus tri fichead mìle fear.

16 Agus an uair a chuir an t-aingeal a mach a làmh gu h-Ierusalem g'a sgrios, ghabh an Tighearn aithreachas a thaobh an uile, agus thubhairt e ris an aingear a sgrios an sluagh, Is leor e : cum a nis air do làimh. Agus bha aingear an Tighearna làimh ri urlar-bualaidh Araunah an Iebusaich.

17 Agus labhair Daibhidh ris an Tighearna 'nuair a chunnaic e 'n t-aingeal a bhuail an sluagh, agus thubhairt e, Fench, is mise a pheacaich, agus is mise rinn gu h-aingidh; ach na caoraich sin, ciod a rinn iad? bitheadh do làmh, guidheam ort, a'm' aghaidh-sa, agus an aghaidh tighe m'athar.

18 Agus thàinig Gad a dh'ionnsuidh Dhaibhidh air an là sin, agus thubhairt e ris, Gabh<sup>i</sup> suas, tog altair d'on Tighearn ann an urlar-bualaidh Araunah an Iebusaich.

19 Agus chaidh Daibhidh suas a

<sup>f</sup> seachd. Faic. I. Eachdr. Caib. XXI. r. 12. <sup>g</sup> teanntachd, airc.

<sup>h</sup> àm a' choimhchruiuncachaidh.

<sup>i</sup> Rach.

rèir focail Ghad, mar a dh'àithn an Tighearna.

20 Agus dh'amhairc Araunah, agus chunnaic e'n rìgh agus a sheirbhisich a' teachd air an aghaidh d'a ionnsuidh: agus chaidh Araunah a mach, agus chrom se e féin do'n rìgh air aghaidh gu làr.

21 Agus thubhairt Araunah, C'ar son a thàinig mo thighearn an rìgh a dh'ionnsuidh a sheirbhisich? Agus thubhairt Daibhidh, a cheannach uait an urlair-bhualaidh, a thogail altarach do'n Tighearna, a chum gu'n caisgear a' phlàigh o'n t-sluagh.

22 Agus thubhairt Araunah ri Daibhidh, Gabhadh, agus ìobradh a mo thighearn an rìgh an *ni sin a bhios* maith na shùilibh: feuch, *tha buar an so* chum ìobairt-loisgte, agus innealan-bualaidh, agus ac-

<sup>a</sup> ofraileadh.

fuinn *eile* a bhuineas do'n bhuar air son connaidh.

23 Iad sin uile thug Araunah do'n rìgh <sup>b</sup>. Agus thubhairt Araunah ris an rìgh, Gu'n gabhadh an Tighearna do Dhia riut.

24 Agus thubhairt an rìgh ri Araunah, Ni h-eadh; ach gu deimhin ceannaichidh mi uait *iad* air luach, agus cha'n ìobair mi ìobairtean-loisgte do'n Tighearna mo Dhia do'n ni sin, a gheibh mi a nasgaidh. Agus cheannaich Daibhidh an t-urlar-bualaidh, agus am buar, air leth-cheud secel airgid.

25 Agus thog Daibhidh an sin altair do'n Tighearna, agus dh'ìobair e ìobairte-loisgte, agus ìobairte-sith: agus bha'n Tighearna réidh ris an tìr, agus choisgeadh a' phlàigh o Israel.

<sup>b</sup> thug Araunah mar rìgh do'n rìgh.

## CEUD LEABHAR NAN RÌGH,

D'AN AINM GU COITCHEANN,

## TREAS LEABHAR NAN RÌGH.

CAIB. I.

**A** NIS bha rìgh Daibhidh sean, agus air teachd air aghaidh ann am bliadhnaibh; agus chòmhdaich iad e le h-eudach, gidheadh cha do ghabh e blàthas.

2 Uime sin thubhairt a sheirbhisich <sup>a</sup> ris, Iarradh iad do 'm thighearn an rìgh gruagach a *ta* na h-òigh, agus seasadh i am fianuis an rìgh, agus eiridneadh i e, agus luidheadh i ann ad uchd, a chum gu'n gabh an tighearna mo rìgh blàthas.

3 Uime sin dh'farr iad gruagach mhaiseach air feadh uile chrìoch Israeil, agus fhuair iad Abisag, Bannamach, agus thug iad i a dh'ionnsuidh an rìgh.

4 Agus bha a' ghruagach ro mhaiseach, agus dh'fèiridinn i an rìgh, agus fhritheil i dha; ach cha d'aithnich an rìgh i.

5 An sin dh'ardaich Adoniah mac

<sup>a</sup> a mhuinntir.

Hagit e féin, ag ràdh, Rìoghaichidh mise: agus dh'ulluich e dha féin carbaid, agus marc-shluagh, agus leth-cheud fear a ruith roimhe.

6 Agus cha do chuir 'athair doilgheas <sup>b</sup> air uair sam bith e, ag ràdh, C'arson a rinn thu mar so? Agus bha esan mar an ceudna ro mhaiseach na dhealbh, agus rugadh e an déigh Absaloim.

7 Agus bha comhludard <sup>d</sup> aige ri Ioab mac Sheruah, agus ri Abiatar an sagart: agus a' leantuinn Adoniah, rinn iad còmhnaidh ris.

8 Ach cha robh Sodac an sagart, agus Benaiah mac Iehoiada, agus Natan am fàidh, agus Simeì, agus Rei, agus na fir threuna, a bhuineadh do Dhaibhidh, maille ri Adoniah.

9 Agus dh'ìobair Adoniah caorach agus buar, agus sprèidh reamhar làimh ri cloich Shohélet, a *tha* làimh ri Enrogel: agus thug e cuireadh

<sup>b</sup> mìothlachd.

<sup>c</sup> a o laithibh.

Eabh. <sup>d</sup> còmhradh; focail. Eabh.

d'a bhràithribh uile, mic an rìgh, agus do fhearaidh Iudah uile, seir-bhisich an rìgh.

10 Ach do Natan am fàidh, agus do Bhenaiiah, agus do na fir threuma, agus do Sholamh a bhràthair, cha d'thug e cuireadh.

11 Uime sin labhair Natan ri Batseba màthair Sholaimh, ag ràdh, Nach cuala tu gu bheil Adoniah mac Hagit a' rìoghachadh, agus cha 'n'eil fhios aig artighearna Daibhidh air?

12 A nis ma ta, leig dhomh-sa, guidheam ort, comhairle a thabhairt ort, a chum as gu'n saor thu t'anam féin, agus anam Sholaimh do mhic.

13 Imich, agus gabh a steach gu rìgh Daibhidh, agus abair ris, Nach d'thug thu-sa, mo thighearn, a rìgh, mionnan do d'bhian-oglaich, ag ràdh, Gu deimhin rìghaichidh Solamh do mhac a'm' dhéigh-sa, agus suidhidh e air mo rìgh-chaithir-sa? c'ar son ma seadh a tha Adoniah a' rìoghachadh?

14 Feuch, am feadh a bhios tu-sa fathast a' labhairt an sin ris an rìgh, thig mise mar an ceudna steach a'd' dhéigh<sup>a</sup>, agus daingnichidh<sup>b</sup> mi do bhrìathra.

15 Agus chaidh Batseba a steach a dh'ionnsuidh an rìgh, do'n t-seòmar: agus bha'n rìgh ro shean, agus fhrithheil Abisag a' Bhan-sunamach do'n rìgh.

16 Agus chrom Batseba sìos, agus rinn i ùmh-lachd do'n rìgh. Agus thubhairt an rìgh, Ciod a's àill leat?

17 Agus thubhairt ise ris, Mo thighearna, mhlionnaich thu air an Tighearna do Dhia do d'bhian-oglaich, ag ràdh, Gu cinnteach rìghaichidh Solamh do mhac a'm' dhéigh-sa, agus suidhidh e air mo rìgh-chaithir-sa:

18 Agus a nis feuch, tha Adoniah a' rìoghachadh, agus agad-sa, mo thighearn, a rìgh, cha 'n'eil fios air.

19 Agus dh'ìobair e buar, agus spréidh reamhar, agus caoraich gu lìonmhor, agus thug e cuireadh do mhic an rìgh uile, agus do Abiatar an sagart, agus do Ioab ceannard an t-slàigh; ach do t'òglach Solamh cha d'thug e cuireadh.

20 Agus a nis mo thighearn, a rìgh, tha sùilean Israeil uile ort, a chum gu'n innseadh tu dhoibh cò a shuidheas air rìgh-chaithir mo thighearn an rìgh na dhéigh féin.

21 Oir, mur innis, tarlaidh 'nuair a choidleas mo thighearn an rìgh

maille r'a aithrichibh, gu'm measar mise agus mo mhac Solamh 'nar ciontaich.

22 Agus feuch, am feadh a bha i fathast a' labhairt ris an rìgh thàinig Natan am fàidh mar an ceudna a steach.

23 Agus dh'innis iad do'n rìgh, ag ràdh, Feuch, Natan am fàidh. Agus an uair a thàinig e steach am fianuis an rìgh, chrom se e féin do'n rìgh le 'aghaidh gu làr.

24 Agus thubhairt Natan, Mo thighearn, a rìgh, an d'thubhairt thu-sa, Rìghaichidh Adoniah a'm' dhéigh-sa, agus suidhidh esan air mo rìgh-chaithir?

25 Oir chaidh e sìos an diugh, agus dh'ìobair e buar, agus spréidh reamhar, agus caoraich gu lìonmhor; agus thug e cuireadh do mhic an rìgh uile, agus do cheannardaibh an t-slàigh, agus do Abiatar an sagart; agus feuch, tha iad ag itheadh agus ag òl na làthair, agus their iad, Gu ma fada beo an rìgh Adoniah.

26 Ach dhomh-sa, eadhon dhomh-sa do sheirbhisich, agus do Shadoc an sagart, agus do Bhenaiiah mac Iehoiada, agus do t'òglach Solamh, cha d'thug e cuireadh.

27 An ann le m' thighearn an rìgh a rinneadh an nì so, agus nach d'thug thu fios do d' sheirbhisich cò a shuidheas air rìgh-chaithir mo thighearn an rìgh na dhéigh féin?

28 Agus fhreagair rìgh Daibhidh, agus thubhairt e, Gairmibh a'm' ionnsuidh Batseba. Agus thàinig i an làthair an rìgh, agus sheas i am fianuis an rìgh.

29 Agus mhlionnaich an rìgh, agus thubhairt e, Mar is beo an Tighearna, a shaor m'anam as gach airc<sup>d</sup>:

30 Amhuil mar a mhlionnaich mi dhuit air an Tighearna Dia Israeil, ag ràdh, Gu deimhin rìghaichidh do mhac Solamh a'm' dhéigh-sa, agus suidhidh e air mo rìgh-chaithir a'm' àite: gu cinnteach is ann mar sin a nì mi an diugh.

31 An sin chrom Batseba sìos le h-aghaidh gu làr, agus rinn i ùmh-lachd do'n rìgh, agus thubhairt i, Maireadh mo thighearna rìgh Daibhidh gu bràth.

32 Agus thubhairt rìgh Daibhidh, Gairmibh am' ionnsuidh Sadoc an sagart, agus Natan am fàidh, agus Benaiah mac Iehoiada. Agus thàinig iad am fianuis an rìgh.

33 Agus thubhairt an rìgh riu, Thugaibh leibh seirbhisich bhur tighearna, agus thugaibh air Solamh do mhac marcachd air mo

<sup>a</sup> a'd' dhiaigh.    <sup>b</sup> coimhlionaidh.

<sup>c</sup> dh'aom Batseba a ceann.

<sup>d</sup> teanntachd.



mhuileid féin, agus thugaibh sìos e gu Gihon.

34 Agus ungaradh Sadoc an sagart, agus Natan am fàidh, an sin e na rìgh air Israel: agus sèidibh-se an trompaid<sup>a</sup>, agus abraibh, Gu ma fada beò rìgh Solamh.

35 An sin thig sibh a nìos na dhéigh, agus thig esan, agus suidhidh e air mo rìgh-chaithir-sa, agus rìoghaichidh e a'm' àite: agus dh'àithn mise e bhì na cheannard air Israel, agus air Iudah.

36 Agus fhreagair Benaiah, mac Iehoiada, an rìgh, agus thubhairt e, Amen<sup>b</sup>: gu'n abradh an Tighearna Dia mo thighearn an rìgh mar sin cuideachd.

37 Mar a bha'n Tighearna maille ri m' thighearn an rìgh, gu ma h-amhluidh bhios e le Solamh, agus gu'm ardaicheadh<sup>c</sup> e a rìgh-chaithir thar rìgh-chaithir mo thighearna rìgh Daibhidh.

38 Agus chaidh Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich sìos, agus thug iad air Solamh marcachd air muileid rìgh Daibhidh, agus thug iad e gu Gihon.

39 Agus thug Sadoc an sagart corn<sup>d</sup> oladh as a' phàillium, agus dh'ung e Solamh, agus sheid iad an trompaid, agus thubhairt an sluagh uile, Gu ma fada beò rìgh Solamh.

40 Agus thàinig an sluagh uile a nìos na dhéigh, agus bha'n sluagh a' pìobaireachd le pìobaibh, agus a' deanamh gairdeachais le mòr ghaireachas, air chor as gu'n do reubadh an talamh le'm fuaim.

41 Agus chual' Adoniah, agus na h-aoidhean<sup>e</sup> uile, a bha maille ris, e, 'nuair a sguir iad a dh'itheadh: agus an uair a chual' Ioab fuaim na trompaide, thubhairt e, C'ar son a tha fuaim so a' bhaile, agus e làn coimhghàir<sup>f</sup>?

42 Agus am feadh a bha esan fathast a' labhairt, feuch, thàinig Ionatan mac Abiatair an t-sagairt, agus thubhairt Adoniah ris, Thig a steach, oir is duine treun<sup>g</sup> thu, agus bheir thu sgeul maith leat.

43 Agus fhreagair Ionatan, agus thubhairt e ri Adoniah, Gu deimhin rinn ar tighearna rìgh Daibhidh Solamh na rìgh.

44 Agus chuir an rìgh leis Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich; agus

thug iad air marcachd air muileid an rìgh.

45 Agus dh'ung Sadoc an sagart, agus Natan, am fàidh, e na rìgh ann an Gihon: agus thàinig iad a nìos as sin a' deanamh gairdeachais, air chor as gu bheil am baile ri coimhghàir<sup>h</sup>: is i so an fhuaim, a chuala sibh.

46 Agus mar an ceudna tha Solamh na shuidhe air caithir na rìoghachd.

47 Agus os-barr, thàinig seirbhisich an rìgh a bheannachadh ar tigh-earna rìgh Daibhidh, ag ràdh, Gu'n deanadh Dia ainm Sholaimh ni's fearr na t'ainm-sa, agus gu'n ardaicheadh e a rìgh-chaithir os cionn do rìgh-chaithir-sa: agus chrom an rìgh e féin air an leabaidh.

48 Agus cuideachd mar so thubhairt an rìgh, Gu ma beannaicht' an Tighearna Dia Israeil, a thug an diugh duine a shuidhe air mo rìgh-chaithir, agus mo shùilean féin<sup>i</sup> ga fhaicinn.

49 Agus ghlac uamhas<sup>i</sup> na h-aoidhean uile, a bha maille ri Adoniah, agus dh'éirich iad, agus dh'imich iad gach fear air a shlighe féin.

50 Agus bha eagal air Adoniah roimh Sholamh, agus dh'éirich e, agus chaidh e, agus ghabh e greim do adharcaibh na h-altarach.

51 Agus dh'innseadh do Sholamh, ag ràdh, Feuch, tha eagal air Adoniah roimh rìgh Solamh, agus feuch, ghabh e greim a dh'adharcaibh na h-altarach, ag ràdh, Thugadh rìgh Solamh a mhionnan doimh-sa an diugh, nach marbh e a sheirbhisich leis a' chlaidheamh.

52 Agus thubhairt Solamh, Ma bhios e na dhùine maith<sup>k</sup>, cha tuit ròineag d'a fholt gu làr; ach ma gheibhear olc ann, cuirear gu bàs e.

53 Agus chuir rìgh Solamh fios air, agus thug iad air teachd a nuas o'n altair, agus thàinig e agus chrom se e féin do rìgh Solamh. Agus thubhairt Solamh ris, Imich do d' thigh.

## CAIB. II.

**A** NIS thàinig laithean Dhaibhidh am fagus anns am faigheadh e bàs, agus dh'àithn e do Sholamh a mhac, ag ràdh,

2 Tha mise a' dol air slighe na talmhainn uile: bi thu-sa uime sin làidir, agus dean gu fearail:

3 Agus coimhid cùram an Tigh-earna do Dhé, a dh'iméachd na shlighibh, a ghléidheadh a reachdan, agus àitheantan, agus a bhreith-

<sup>a</sup> adharc, stoc. <sup>b</sup> Bitheadh e mar sin. <sup>c</sup> gu'm meudaicheadh.

<sup>d</sup> adharc. <sup>e</sup> an luchd-cuiridh. <sup>f</sup> conghàir. <sup>g</sup> gaisgeil, foghainteach.

<sup>h</sup> air a lìonadh le fuaim.

<sup>i</sup> uamhann.

<sup>k</sup> subhailceach, deagh-bheusach.

canais, agus a theisteis, mar a tha e scriobhta ann an lagh Mhaois, a chum gu'n soirbhich leat<sup>a</sup> anns gach *ni* a ni thu, agus anns gach *àite* d'an tionndaidh thu thu féin.

4 Chum gu'n daingnich an Tighearn 'fhocal féin, a labhair e a m' thaobh-sa, ag ràdh, Ma choimhreach do chlann an slighe, gu imeachd a'm' fhianuis-sa ann am firinn, le'n uile chridhe, agus le'n uile anam, cha bhi (ars esan) duine dh'easbhuidh ort<sup>b</sup> air righ-chaithir Israeil.

5 Os-barr, tha fhios agad ciod a rinn Ioab mac Sheruah orm-sa, agus ciod a rinn e air dà cheannard slòigh Israeil, air Abner mac Ner, agus air Amasa mac Ieteir; oir mharbh e iad, agus dh'èirt e fuil a' chogaidh anns an t-sìth, agus chuir e fuil a' chogaidh air a chrìos, a *bha* m'a leasraidh, agus air a bhrògaibh, a *bh'* air a chosaibh.

6 Dean thu-sa ma ta a réir do ghliocais, agus na leig le 'cheann liath dol sìos do'n uaigh ann an sìth.

7 Ach nochd caoimhneas do mhac-aibh Bharsillai a' Ghileadaich, agus bitheadh iad am measg an dream a dh'itheas aig do bhord; oir is ann mar so a thàinig iad a m' ionnsuidh-sa 'nuair a thleich mi roimh Absalom do bhràthair.

8 Agus feuch, maille riut *tha* Si-meì, mac Ghera, Beniamineach o Bhahurim, a mhallaich mise le mallachadh geur, anns an là 'san deachaidh mi do Mhahanaim: ach thàinig e a nuas a'm' choinneamh gu Iordan, agus mhionnaich mi dha air an Tighearna, ag ràdh, Cha chuir mi gu bàs leis a' chlaidheamh thu.

9 A nis ma ta na meas neo-chiontach e<sup>c</sup>: oir is duine glic thu, agus tha fhios agad ciod is còir dhuit a dheanamh ris; ach thoir a cheann liath sìos do'n uaigh le fuil.

10 An sin choidil Daibhidh maille r'a aithrichibh, agus dh'adhlaicheadh e ann am baile Dhaibhidh.

11 Agus *b'iad* na laithean a rìoghachd Daibhidh os cionn Israeil dà fhichead bliadhna: ann an Hebron rìoghaich e seachd bliadhna, agus ann an Ierusalem rìoghaich e trì bliadhna deug thar fhichead.

12 An sin shuidh Solamh air righ-chaithir Dhaibhidh 'athar, agus dhaingnicheadh a rìoghachd gu mòr.

13 Agus thàinig Adoniah mac Hagit gu Batseba màthair Sho-

laimh, agus thubhairt i, An ann an sìth a tha thu teachd? agus thubhairt esan, Ann an sìth.

14 Thubhairt e os-barr,<sup>a</sup> Tha ni agam ri ràdh riut. Agus thubhairt ise, Abair romhad.

15 Agus thubhairt esan, Tha fhios agad gu'm bu leam-sa an rìoghachd, agus gu'n do chuir Israel uile an aghaidh orm, chum gu'n rìoghaich-inn: gidheadh, thionndadh an rìoghachd mu'n cuairt, agus fhuair mo bhràthair i; oir bu leis-san o'n Tighearn i.

16 Agus a nis, aon athchuinge *tha* mi 'g iarraidh ort, na diùlt mi<sup>d</sup>. Agus thubhairt ise ris, Abair romhad.

17 Agus thubhairt esan, Labhair, guidheam ort, ri Solamh an righ (oir cha diùlt e thu-sa) gu'n d'thugadh e dhomh Abisag a' Bhan-sunamach na mnaoi.

18 Agus thubhairt Batseba, Rò-mhaith, labhraidh mise air dō shon ris an righ.

19 Chaidh Batseba uime sin a dh'ionnsuidh righ Solamh, a labhairt ris air son Adoniah. Agus dh'èirich an righ suas na coinn-eamh, agus chrom se e féin d'i, agus shuidh e air a righ-chaithir, agus thug e fa'near caithir<sup>e</sup> a chuir sìos do mhàthair an righ; agus shuidh i air a làimh dheis.

20 An sin thubhairt i, *Tha* mi 'g iarraidh aon athchuinge bige ort, na diùlt mi, *guidheam* ort. Agus thubhairt an righ rithe, Iarr, a mhàthair, oir cha diùlt mi thu.

21 Agus thubhairt ise, Thugar Abisag a' Bhan-sunamach do Adoniah do bhràthair na mnaoi.

22 Agus fhreagair righ Solamh, agus thubhairt e r'a mhàthair, Agus c'ar son a dh'iarras tu Abisag a' Bhan-sunamach do Adoniah? iarr dha an rìoghachd mar an ceudna (oir is e mo bhràthair a's sine e) eadhon dha-san, agus do Abiatar an sagart, agus do Ioab mac Sheruah.

23 An sin mhionnaich righ Solamh air an Tighearn, ag ràdh, Gu'n deanadh Dia mar sin rium-sa agus tuilleadh mar an ceudna, mur ann an aghaidh 'anma<sup>f</sup> féin a labhair Adoniah am focal so.

24 A nis uime sin, *mar* is beo an Tighearna, a dhaingnich mise, agus a chuir a'n' shuidhe mi air righ-chaithir Dhaibhidh m'athar, agus a rinn tigh dhomh, mar a labhair es, cuirear Adoniah gu bàs an diugh.

<sup>a</sup> gu'n dean thu gu glic: <sup>b</sup> cha ghearrar as uait duine. Eabh.

<sup>c</sup> na leig as gun dioghaltas e.

<sup>d</sup> na tabhair orm m'aghaidh thionndadh uait. Eabh. <sup>e</sup> righ-chaithir.

<sup>f</sup> a bheatha. <sup>g</sup> gheall e.

25 Agus chuir rìgh Solamh le làimh Bhenaiàh mhic Iehoiada, agus bhuail <sup>a</sup> e air, air chor as gu'n d'fhuair e bàs.

26 Agus rì Abiatar an sagart thubhairt an rìgh, Imich gu Anatot, a dh'ionnsuidh t'fhearainn féin, oir *tha* thu toilltinn a' bhàis<sup>b</sup>: ach an diugh cha mharbh mi thu, a chionn gu'n do ghiùlain thu airc an Tighearna Iehobhah am fianuis Dhaibhidh m'athar, agus a chionn gu'n d'fhuiling thu àmhghar anns gach *ni* san d'fhuiling m'athair àmhghar.

27 Mar so thig Solamh a mach Abiatar o bhi na slagart do'n Tighearna, a choimhlionadh focail an Tighearna, a labhair e do thaobh tìghe Eli ann an Siloh.

28 An sin thàinig tuairesgeul gu Ioab (oir thionndaidh Ioab an déigh Adoniah, ge' nach do thionndaidh e 'n déigh Abaloim) agus theich Ioab gu pàillion an Tighearna, agus ghabh e greim a dh'adharcaibh na h-altarach.

29 Agus dh'innseadh do rìgh Solamh gu'n do theich Ioab gu pàillion an Tighearna, agus gu'n robh e làimh ris an altair<sup>d</sup>. An sin chuir Solamh uaith Benaiah mac Iehoiada, ag ràdh, Falbh, buail air.

30 Agus thàinig Benaiah gu pàillion an Tighearna, agus thubhairt e ris, Mar so tha'n rìgh ag ràdh, Thig a mach. Agus thubhairt esan, Cha d'théid, ach gheibh mi bàs an so. Agus thug Benaiah sgeul air ais a dh'ionnsuidh an rìgh, ag ràdh, mar so labhair Ioab, agus mar so fhreagair e mi.

31 Agus thubhairt an rìgh ris, Dean mar a labhair e, agus buail air, agus adhlaic e, a chum as gu'n d'thoir thu air falbh an fhuil neo-chiontach, a dhòirt Ioab, uam-sa agus o thigh m'athar.

32 Agus pillidh<sup>e</sup> an Tighearna 'fhuil air a cheann féin, do bhrìgh gu'n do bhuail e air dithis dhaoine a b'ionraice agus a b'fhearr nà e féin, agus gu'n do mharbh e leis a' chlaidheamh iad, gun fhios do m'athair Daibhidh, eadhon Abner mac Ner, ceannard slòigh Israeil, agus Amasa, mac Ieteir, ceannard slòigh Iudah.

33 Pillidh uime sin am fuil-san air ceann Ioab, agus air ceann a shliochd gu bràth: ach aig Daibhidh, agus aig a shliochd, agus aig a thigh, agus aig a rìgh-chaithir, bithidh sìth gu bràth o'n Tighearna.

34 Agus chaidh Benaiah mac

Iehoiada suas, agus bhuail e air, agus mharbh se e: agus dh'adhlaic-eadh e na thigh féin anus an fhàsach.

35 Agus chuir an rìgh Benaiah, mac Iehoiada, na àit os cionn an t-slòigh: agus Sadoc an sagart chuir an rìgh an àit Abiatar.

36 Agus chuir an rìgh *fios*, agus ghairm e air Simeì, agus thubhairt e ris, Tog dhuit féin tigh ann an Ierusalem, agus gabh còmhnuidh an sin, agus na falbh a mach as sin taobh sam bith<sup>f</sup>.

37 Oir tachairidh air an là anns an d'théid thu mach, agus an gabh thu thar sruth Chidroin, gu'm bi *fios* gu cinnteach agad gu'm faigh thu gu deimhin bàs: bithidh t'fhuil air do cheann féin.

38 Agus thubhairt Simeì ris an rìgh, *Is* maith an ràdh<sup>g</sup>: mar a labhair mo thighearn an rìgh, is amhluidh a nì do sheirbhisich. Agus ghabh Simeì còmhnuidh ann an Ierusalem mòran do laithibh.

39 Agus thachair an ceann thri-bliadhna, gu'n do theich dà sheirbhisich le Simeì dh'ionnsuidh Achis, mhic Mhaachah, rìgh Ghat: agus dh'innis iad do Shimeì, ag ràdh, Feuch, *tha* do sheirbhisich ann an Gat.

40 Agus dh'èirich Simeì, agus chuir e dòllaid air 'asail<sup>h</sup>, agus chaidh e do Ghat a dh'ionnsuidh Achis, a dh'iarraidh a sheirbhis-eacha: agus dh'fhalbh Simeì, agus thug e leis a sheirbhisich o Ghat.

41 Agus dh'innseadh do Sholamh gu'n deachaidh Simeì o Ierusalem gu Gat, agus gu'n d'thàinig e air ais.

42 Agus chuir an rìgh *fios*, agus ghairm e air Simeì, agus thubhairt e ris, Nach d'thug mise ort-sa mionnachadh air an Tighearna, agus nach d'thug mi fianuis a'd' aghaidh, ag ràdh, Air an là anns an d'théid thu mach, agus am falbh thu taobh sam bith, biodh *fios* gu cinnteach agad gu'm faigh thu gu deimhin bàs? agus thubhairt thu rium, *Is* maith am focal a chuala mi.

43 C'ar son ma ta nach do ghléidh thu mionnan an Tighearna, agus an àithne a dh'àithn mise dhuit?

44 Thubhairt an rìgh cuideachd ri Simeì, *Is* aithne dhuit féin gach uile olc, air am fiosrach do chridhe, a rinn thu air Daibhidh m'athair-sa: uime sin phill<sup>i</sup> an Tighearna t'olc air do cheann féin.

45 Ach bithidh rìgh Solamh beannaichte, agus bithidh rìgh-chaithir

<sup>a</sup> leum. <sup>b</sup> is duine buailteach do'n bhàs thu.

<sup>c</sup> giodh. Eir.

<sup>d</sup> agus feuch, e làimh ris an altair.

Eabh. <sup>e</sup> diòlaidh.

<sup>f</sup> a nunn no a nall. Eabh.

<sup>g</sup> am focal.

<sup>h</sup> a asail.

<sup>i</sup> pillidh.

Dhaibhidh daingean am fianuis an Tighearna gu bràth.

46 An sin dh'aithn an rìgh do Bhenaiab mac Iehoiada; agus chaidh e mach agus bhuail e air, agus fhuair e bàs. Agus dhaingnich-eadh an rìoghachd ann an làimh Sholaimh.

CAIB. III.

**A**GUS rinn Solamh cleamhnas ri Pharaoh rìgh na h-Eiphit, agus ghabh e nighean Pharaoh, agus thug e i do bhaile Dhaibhidh, gus an do chuir e crìoch air a thigh féin a thogail, agus tigh an Tighearna, agus balladh Ierusalem m'an cuairt.

2 Ach a dh'ìobair an sluagh air àitibh arda<sup>b</sup>, do bhrìgh nach do thogadh tigh do ainm an Tighearna gus na làithibh sin.

3 Agus ghràdhaich Solamh an Tighearna, ag imeachd ann an ord-uighibh Dhaibhidh 'athar: ach e ann an àitibh arda dh'ìobair e agus loisg e tùis.

4 Agus chaidh an rìgh do Ghibeon a dh'ìobradh an sin, oir b'e sin am mòr àit ard: mìle ìobairt-loisgte thug Solamh suas air an altair sin.

5 Ann an Gibeon thaisbein an Tighearn e féin do Sholamh<sup>d</sup> ann an aisling na h-oidhche, agus thubhairt Dia, Iarr cìod is àill leat mi thabhairt duit.

6 Agus thubhairt Solamh, Nochd e thu do t'òglach Daibhidh m'athair caoimhneas mòr, a réir mar a dh'imich e a' t' fhianuis ann am firinn, agus ann an ionracas, agus ann an treibhdhìreas cridhe maille riut; agus ghléidh thu dha an caoimhneas mòr so, gu'n d'thug thu dha mac a shuidhe air a rìgh-chaitheir, mar a tha e 'n diugh.

7 Agus a nis a Tighearna mo Dhia, rinn thu t'òglach na rìgh an àite Dhaibhidh m'athar; agus mise a'm' leanabh<sup>f</sup> beag, do nach aithne dol a mach no teachd a steach.

8 Agus tha t'òglach am meadhon do shluaigh a thagh thu, sluagh lìonmhor, nach 'eil e 'p comas àir-eamh no mheas aig an lìonmhoir-eachd.

9 Thoir uime sin do t'òglach cridhe tuigseach a thoirt breth air do shluaigh, gu dealachadh chur eadar am maith agus an t-olc; oir cò a's urrainn breth a thabhairt air do shluaigh so a tha co mòr?

10 Agus bha e na ni taitneach leis

<sup>a</sup> A mhàin. <sup>b</sup> air ardaibh, tul-aichibh. <sup>c</sup> a mhàin. <sup>d</sup> chunnacas an Tighearna le Solamh. Eabh.

<sup>e</sup> Kinn. Eabh. <sup>f</sup> òganach.

<sup>g</sup> a chor as gu'n tuig, gu moth-aich e.

an Tighearna, gu'n d'iarr Solamh an ni so.

11 Agus thubhairt Dia ris, A chionn gu'n d'iarr thu an ni so, agus nach d'iarr thu dhuit féin saoghal fada<sup>h</sup>, agus nach d'iarr thu dhuit féin saibhreas, agus nach d'iarr thu anam do naimhdean, ach gu'n d'iarr thu dhuit féin tuig-se a dheanamh breitheanais.

12 Feuch, rinn mise a réir do bhriathra: feuch, thug mi dhuit cridhe glic agus tuigseach, air chor as nach robh neach air bith romhad cosmhuil riut, agus nach mò a dh'éireas a'd' dhéigh neach air bith cosmhuil riut.

13 Agus mar an ceudna thug mi dhuit an ni nach d'iarr thu, araon<sup>i</sup> saibhreas agus cliù, air chor as nach bi duine cosmhuil riut am measg nan rìgh rè do làithean uile.

14 Agus ma dh'imicheas tu ann mo shligheibh-sa, a ghléidheadh mo reachdan, agus m'aitheanta, mar a dh'imich Daibhidh t'athair, an sin ni mi do làithean fada.

15 Agus mhosgail Solamh, agus feuch, b'aisling a bh'ann: agus thàinig e gu h-Ierusalem, agus sheas e am fianuis àir-còimhcheangail an Tighearn, agus thug e suas ìobairtean-loisgte, agus dh'ìobair e ìobairtean-sith, agus rinn e cuirm d'a sheirbhisich uile.

16 An sin thàinig dithis bhan, a bha nan strìopachaibh, a dh'ionnsuidh an rìgh, agus sheas iad na làthair.

17 Agus thubhairt bean diubh, O mo thighearna, tha mise agus a' bhean so a gabhail còmhnuidh ann an aon tigh, agus dh'aiseadadh mise<sup>k</sup> maille rithe 'san tigh.

18 Agus air an treas la 'n déigh dhomh-sa blii air m'aisead, dh'aiseadadh a' bhean so mar an ceudna, agus bha sinn cuideachd; cha robh coigreach sam bith maille ruinn 'san tigh, ach sinn féin 'nar dithis anns an tigh.

19 Agus dh'eug mac na mnà so 'san oidhche, a chionn gu'n do luidh i air.

20 Agus dh'éirich i mu mheadhon-oidhche, agus thug i mo mhac-sa o'm' thaobh, am feadh a bha do bhan-oglach na codal, agus chuir i na luidhe e na h-uchd féin, agus chuir i a mac marbh féin na luidhe ann am uchd-sa.

21 Agus dh'éirich mi annsa' mhaduinn a thoirt cìche do m' mhac, agus feuch, bha e marbh. Ach an uair a thug mi an aire dha sa' mha-

<sup>h</sup> mòran làithean. Eabh. <sup>i</sup> an

dà chuid. <sup>k</sup> dh'asaideadh, rug mi leanabh.



duinn, feuch, cha b'e mo mhac-sa bh'ann, a rug mi.

22 Agus thubhairt a' bhean eile, Ni h-eadh; ach *is e* mo mhac-sa *tha* beo, agus *is e* do mhac-sa *tha* marbh: agus thubhairt ise<sup>a</sup>, Ni h-eadh; ach *is e* do mhac-sa *tha* marbh, agus *is e* mo mhac-sa *tha* beo. Mar so labhair iad<sup>b</sup> am fianuis an righ.

23 An sin thubhairt an righ, *Tha i* so ag ràdh, *Is e* so mo mhac-sa *tha* beo, agus *is e* do mhac-sa *tha* marbh: agus *tha i* sud ag ràdh, Ni h-eadh; ach *is e* do mhac-sa *tha* marbh, agus *is e* mo mhac-sa *tha* beo.

24 Agus thubhairt an righ, 'Thug-aibh dhomh claidheamh. Agus thug iad claidheamh am fianuis an righ.

25 Agus thubhairt an righ, Roinnibh an mac beo na dhà leth<sup>c</sup>, agus thugaibh leth dh'aon *mhnaoi*, agus leth do'n *mhnaoi* eile.

26 An sin labhair a' bhean le'm bu leis am mac beo ris an righ (oir theòdh a cridhe<sup>d</sup> r'a mac) agus thubhairt i, O mo thighearna, thug-aibh dh'ise an leanabh beo, agus na marbhaibh idir e: ach thubhairt a' bhean eile, Na biodh e agam-sa no agad-sa ach roinnibh e.

27 An sin fhreagair an righ, agus thubhairt e, Thugaibh dh'ise an leanabh beo, agus na marbhaibh idir e: *is e* a mhàthair.

28 Agus chual' Israel uile a' bhreth a thug an righ, agus bha eagal orra roimh an righ; oir chunnaic iad gu'n robh gliocas Dhé ann<sup>e</sup>, a dheanadh breitheanaid.

#### CALB. IV.

**A** GUS bha righ Solamh na righ air Israel uile.

2 Agus *is iad* so na h-uachdaran<sup>f</sup> a bh'aige: Asariah mac Shadoic an t-sagairt:

3 Elihoreph agus Ahiah mic Shisa sriobhuichean: Iehosaphat mac Ahiluid, an seanachaidh<sup>g</sup>:

4 Agus Benaiah mac Iehoiada air ceann an t-slàigh: agus Sadoc agus Abiatar, na sagairt:

5 Agus Asariah mac Naitain os cionn an luchd-dreuchd<sup>h</sup>: agus Sabud mac Naitain, an t-ard fhear-dreuchd, na charaid<sup>i</sup> aig an righ:

6 Agus Ahisar os cionn an teaghlach, agus Adoniram mac Abda os cionn na cise.

7 Agus bha aig Solamh dà fhear

<sup>a</sup> *is o*. Eabh. <sup>b</sup> rinn iad conn-sachadh. <sup>c</sup> earrann. <sup>d</sup> a

<sup>e</sup> h-innidh, a truas. <sup>f</sup> na chridhe.

<sup>g</sup> ceannardan, prionnsaidh.

<sup>h</sup> cuimhnicheoir. <sup>i</sup> os ceann nan daoine a fhrithail do'n righ.

<sup>j</sup> na fhear-rùn.

dheug dreuchd os cionn Israel uile, a bheathaich an righ agus a theaghlach: rè a mhìos féinsa' bhliadhna bha e mar fhiachaibh air gach fear dhiubh a bheathachadh.

8 Agus *is iad* so an ainmeanna: mac Huir ann an sliabh Ephraim:

9 Mac Dhecair ann am Macas, agus ann an Saalbm, agus ann am Betsemes, agus ann an Elon, agus ann am Bet-hanan:

10 Mac Heseid ann an Arubot; aige-san bha Sochoh, agus uile thir Hepheir:

11 Mac Abinadaib, aig an robh uile thir Dhoir: bha Taphat nigh-ean Sholaimh aige ua mnaoi:

12 Baanah mac Ahiluid: aige-san bha Taanach agus Megido, agus Betsean uile, a tha làimh ri Sartaanah sìos o Iesreel, o Bhet-sean gu Abelmeholah, gu ruig an taobh thall do locneam:

13 Mac Ghebeir ann an Ramot-gilead: dhasan bhuineadh bailtean fàir mhic Mhanaseli, a tha ann an Gilead: dhasan mar an ceudna bhuineadh tìr Argoib, a tha ann am Basan, trì fichead baile mòr le ballachaibh agus le crannaibh umha:

14 Ahinadab mac Ido ann am Mahanaim:

15 Ahimaas ann an Naphtali: ghabh esan mar an ceudna Basmat nighean Sholaimh na mnaoi:

16 Baanah mac Husai ann an Aser, agus ann am Balot:

17 Iehosaphat mac Pharuah ann an Isachar:

18 Simeì mac Elah ann am Benjamin:

19 Geber mac Uri ann an tìr Ghilead, ann an tìr Shihoin righ nan Amorach, agus Og righ Bhasain; agus b'esan an t-aon fhear-dreuchd a bha 'san tìr.

20 Bha Iudah agus Israel lìonmhor, mar an gaineamh a tha ri taobh na fairge air lìonmhoireachd, ag itheadh, agus ag òl, agus a' dean-amh subhachais.

21 Agus rioghaich Solamh os cionn nan rioghachdan uile, o'n abhuinn gu tìr nam Philisteach, agus gu ruig crìoch na h-Eiphit: thug iad leo tiodhlacan, agus rinn iad seirbhis do Sholamh rè uile làithean a bheatha.

22 Agus b'e lòn<sup>k</sup> Sholaimh air son aon là, deich tomhaiz<sup>l</sup> fhichead do mhin mhin<sup>m</sup> chruithneachd, agus trì fichead tomhas mine eile,

23 Deich daimh bhiadhtha, agus fichead damh bhàrr an fheoir, agus

<sup>k</sup> aran. Eabh.

<sup>l</sup> cor. Eabh, measures. Sasg.

<sup>m</sup> phlùr.

ceud caora, a thuilleadh air féidh, agus ruadh-bhuic, agus dathais, agus eoin bhiadhta.

24 Oir bha uachdranachd aige os cionn na tíre uile air an taobh so do'n abhuinn, o Thiphsah eadhon gu Asah, os cionn nan rìgh uile air an taobh so do'n abhuinn. agus bha sìth aige o gach taobh mu'n cuairt da.

25 Agus ghabh Iudah agus Israel còmhnuidh gu tèaruinte, gach fear fa chrann-fiona, agus fa chrann-fige féin, o Dhan eadhon gu Bèer-seba, rè uile làithean Sholaimh.

26 Agus bha aig Solamh ceithir mìle<sup>a</sup> prasach each air son a charbad, agus dà mhìle dheug marcach.

27 Agus bheathaich an luchd-dreuchd sin rìgh Solamh, agus gach neach a thàinig gu bord rìgh Solamh, gach duine na mhìos féin: cha d'fhuiling iad ni air bith a bhi dh'easbhuidh.

28 Eorna mar an ceudna agus conlach do na h-eachaibh, agus do na dromedairibh, thug iad a dh'ionnsuidh an àit anns an robh an luchd-dreuchd, gach fear a réir 'orduigh féin.

29 Agus thug Dia gliocas do Sholamh, agus tuigse ro mhòr, agus farsaingeachd cridhe, mar an gain-eamh a tha air tràigh na mara.

30 Agus bu mhò gliocas Sholaimh na gliocas uile chloinne na h-aird an ear, agus na uile ghliocas na h-Eiphit.

31 Agus bha e glic thar gach duine, thar Etan an t-Esrahach<sup>b</sup>, thar Heman, agus Chalcol, agus Darda, mic Mhahoil<sup>c</sup>: agus bha a chliu<sup>d</sup> anns gach dùthaich mu'n cuairt.

32 Agus labhair e trì mìle gnàth-fhocal; agus b'e àireamh a dhàn mìle agus cùig.

33 Agus labhair e air craobhan, o'n chrann-seudair a tha ann an Lebanon, eadhon gu ruig an hisop a dh'fhàsas a mach as a' bhalladh: labhair e mar an ceudna air ainmhidhibh, agus air eunlaith, agus air nithibh a shnàigeas, agus air iasgaibh.

34 Agus thàinig cuid do na h-uile chinneachaibh a dh'éisdeachd ri gliocas Sholaimh, o uile rìghibh na talmhainn, a chual' iomradh a ghliocais.

## CAIB. V.

AGUS chuir Hiram rìgh Thiruis<sup>e</sup> a sheirbhisich a dh'ionnsuidh

Sholaimh, an uair a chual' e gu'n d'ungadh e na rìgh an àit 'athar: oir bha spéis aig Hiram do Dhaibhidh rè 'uile làithean.

2 Agus chuir Solamh fios gu Hiram, ag ràdh,

3 Tha fhios agad cionnus nach b'urrainn m'athair Daibhidh tigh a thogail do ainm an Tighearn a Dhé, air son a' chogaidh leis an do chuairtich a naimhdean e, gus an do chuir an Tighearn iad fuidh bhonaibh a chos.

4 Ach a nis thug an Tighearn mo Dhia fois dhomh-sa air gach taobh: cha 'n'eil nàmhaid air bith ann, no droch thuiteamas.

5 Agus feuch, tha mi a cur romham tigh a thogail do ainm an Tighearn mo Dhé, mar a labhair an Tighearn ri m'athair Daibhidh, ag ràdh, Do mhac a chuireas mise a'd' àit air do rìgh-chaitir, togaidh esan tigh do m'ainm-sa.

6 A nis uime sin àithn thu-sa gu'n gearr iad dhomh-sa craobhan seud-air<sup>f</sup> a Lebanon, agus bithidh mo sheirbhisich-sa maille ri d' sheirbhisich-sa: agus tuarasdal do sheirbhiseacha bheir mise dhuit, a réir gach ni a dh'ainmicheas tu: oir tha fhios agad nach 'eil 'nar measg-ne duine d'an aithne fiodh a ghearradh, mar na Sidonaich.

7 Agus an uair a chuala Hiram briathra Sholaimh, bha aoibhneas mòr air, agus thubhairt e, Gu ma beannaicht' an Tighearn an diugh, a thug do Dhaibhidh mac glic os cionn an t-sluaigh Ìonmhoir so.

8 Agus chuir Hiram fios gu Solamh, ag ràdh, Chuala mi<sup>h</sup> na nithe mu'n do chuir thu fios do m'ionnsuidh: ni mi d'uile thoil a thaobh nan craobh seudair agus a thaobh nan craobh giuthais.

9 Bheir mo sheirbhisich sìos iad o Lebanon a dh'ionnsuidh na mara: agus cuiridh mi air falbh iad nan ràthaibh<sup>i</sup> air muir, gu ruig an t-àit a shònruicheas tu dhomh, agus cuiridh mi air tìr<sup>k</sup> iad an sin, agus bheir thu-sa leat iad; agus ni thu mo riar ann am biadh a thabhairt do m' theaghlach.

10 Mar sin thug Hiram do Sholamh fiodh seudair, agus fiodh giuthais, a réir 'uile thoil.

11 Agus thug Solamh do Hiram fichead mìle tomlas<sup>l</sup> cruithneachd mar lòn d'a theaghlach, agus fichead tomlas do oladh fhìor-ghloin: mar so thug Solamh do Hiram o bhliadhna gu bliadhna.

<sup>a</sup> dà fhichead mìle. Faic. II. Eachdr. Caib. IX. r. 25.

<sup>b</sup> mac Sherah. Faic. I. Eachdr. Caib. II. r. 6.

<sup>c</sup> luchd-dàin. <sup>d</sup> ainm. Eabh.

<sup>e</sup> Thìor.

366

<sup>f</sup> ceudair. <sup>g</sup> their. Eabh.

<sup>h</sup> Smuainich mi air.

<sup>i</sup> nan

snàmhachain. <sup>k</sup> cuiridh mi o chéile.

Eabh. <sup>l</sup> cor. Eabh.

12 Agus thug an Tighearna gliocas do Sholamh, mar a gheall e dha<sup>a</sup>: agus bha sìth eadar Hiram agus Solamh, agus rinn iad coimh-cheangal ri chèile.

13 Agus rinn rìgh Solamh togail dhaoine a h-Israel uile; agus b'i an togail deich mìle fichead fear.

14 Agus chuir e iad do Lebanon, deich mìle sa' mhìos mu'n seach: mìos bha iad ann an Lebanon, agus dà mhìos nan tighibh féin<sup>b</sup>: agus bha Adoniram air ceann na togail.

15 Agus bha aig Solamh deich agus trì fichead mìle fear-iomchar eallaich agus ceithir fichead mìle fear-gearraidh anns a' bheinn:

16 A thuilleadh air ard luchd-dreuchd Sholaimh, a bha os cionn na h-oibre, trì mìle agus trì cheud<sup>c</sup>, aig an robh uachdranachd air an t-sluagh a bha deanamh na h-oibre.

17 Agus dh'àithn an rìgh, agus thug iad leo clacha mòra, clacha luachmhor, a shuidheachadh bunait an tighe, clacha snaidhte.

18 Agus shnaidh clachairean Sholaimh, agus clachairean Hiram, agus na gearradairean-chlach<sup>d</sup> iad: mar siu rè thri bliadhna dheasaich iad fiodh agus clachan a thogail an tighe.

## CAIB. VI.

**A**GUS [anns a' cheathramh ceud agus an ceathramh fichead bliadhna o theachd chloinn Israeil a-mach a tìr na h-Eiphit,] anns a' cheathramh bliadhna [do rìoghachadh Sholaimh os cionn Israeil,] anns a' mhìos Siph (is e sin an dara mìos) thòisich e air tigh a thogail do'n Tighearna.

2 Agus an tigh a thog rìgh Solamh do'n Tighearna, *b'i*ad trì fichead làmh-choille 'fhad, agus fichead làmh-choille a leud, agus deich thar fhichead làmh-choille 'airde.

3 Agus an sgàth-thigh<sup>e</sup> air beulaobh teampuill an tighe, *b'i*ad fichead làmh-choille 'fhad, a réir<sup>f</sup> leoid an tighe; agus deich làmh-choille a leud, air beulaobh an tighe.

4 Agus rinn e do'n tigh uinneagan soluis air an tarruing cumhaing.

5 Agus thog e ris balladh an tighe seòmraiche mu'n cuairt, ri ballach-aibh an tighe mu'n cuairt, *araon* an teampuill agus a ghuth-àit<sup>h</sup> agus rinn e frith-sheòmraiche mu'n cuairt.

<sup>a</sup> mar a labhair e ris. Eabh.

<sup>b</sup> gach fear na thigh féin. Eabh.

<sup>c</sup> sè ceud. II. Eachdr. Caib. II. r.

18. <sup>d</sup> gibelim. Eabh. <sup>e</sup> àilear,

for-dhorus; porch. Sasg. <sup>f</sup> air

beulaobh. Eabh. <sup>g</sup> air.

<sup>h</sup> àit an Dé-shreagraidh; dabir. Eabh. oracle. Sasg.

6 *Bha'n* seòmair iochdrach cùig làmh-an-coille air leud, agus an seòmair meadhonach sè làmh-an-coille air leud, agus an treas seòmair seachd làmh-an-coille air leud; oir thug e steach balladh an tighe<sup>i</sup> mu'n cuairt o'n taobh a muigh, air chor as nach rachadh na sail-thean an greim ann am balladh an tighe.

7 Agus an uair a bha'n tigh 'ga thogail, thogadh e do chlach-aibh air an cumadh mun d'thugadh d'a ionnsuidh iad<sup>k</sup>: agus cha chualas ord no tuagh, no inneal iarunn sam bith, anns an tigh, an uair a bha e 'ga thogail.

8 *Bha* dorus an t-seòmair mheadhonaich air taobh deas an tighe: agus air staidhrichibh snìomhain chaidh iad suas do'n t-seòmair mheadhonaich, agus as an t-seòmair mheadhonaich do'n treas seòmair.

9 Mar so thog e an tigh, agus chrìochnaich se e; agus chòmhdach e<sup>l</sup> an tigh le sailthibh agus le clàraibh seudair.

10 Agus thog e seòmraiche ris an tigh uile, cùig làmh-an-coille air airde: agus leig iad an cudthrom air an tigh le fiodh seudair.

11 Agus thàinig focal an Tighearna gu Solamh, ag ràdh,

12 *A thaobh* an tighe so a tha thu a' togail, ma ghluaiseas tu ann am reachdaibh-sa, agus ma chuireas tu mo bhreitheanas an gnìomh, agus ma ghleidheas tu m'aitheantan uile le gluasad anna; an sin coimhlionadh<sup>m</sup> mise m'fhocal duit, a labhair mi ri Daibhidh t'athair.

13 Agus gabhaidh mi eòmhnuidh am meadhon chloinn Israeil, agus cha tréig mi mo shluagh Israel.

14 Mar sin thog Solamh an tigh agus chrìochnaich se e.

15 Agus thog e ballachan an tighe air an taobh a stigh le clàraibh seudair, o urlar an tighe gu ruig mullach nam ballacha<sup>n</sup> chòmhdach e iad le fiodh a stigh: agus chòmhdach e urlar an tighe le clàraibh<sup>o</sup> giuthais.

16 Agus thog e fichead làmh-choille ri taobhan an tighe, le clàraibh seudair, o'n urlar gu ruig mullach nam ballacha: agus thog e dha iad air an taobh a stigh, eadhon do'n ghuth-àit, do'n ionad ro-naomha.

17 Agus bha'n tigh, sin ri ràdh, an

<sup>i</sup> rinn e socairean cumhaing ann am balladh an tighe. <sup>k</sup> do chloich iomlain, do chloich deasaichte roimh làimh.

<sup>l</sup> chuir e ceann air.

<sup>m</sup> daingnichidh.

<sup>n</sup> gu ruig ballacha cinn an tighe.

<sup>o</sup> bòrdaibh.

teampuill air a bheulaobh, dà fhichead làmh-choille *air fad*.

18 Agus *bha* sendar an tìghe air an taobh a stigh gearrta<sup>a</sup> le cnapaibh, agus blàthaibh fosgailte: *bush* eudair an t-iomlan, cha robh clach r'a faicinn.

19 Agus dh'ulluich e an guth-àit anns an tìgh a steach, a chur an sin àirc coimhcheangail an Tighearna,

20 Agus ann an taobh-beoil a' ghuth-àit<sup>b</sup> *bha* fichead làmh-choille air fad, agus fichead làmh-choille air leud, agus fichead làmh-choille air airde: agus chòmhdach se e le h-òr fìorghlan: chòmhdach e cuid-eachd an altair le seudair.

21 Agus chòmhdach Solamh an tìgh a steach le h-òr fìorghlan: agus rinn e balladh-dealachaidh<sup>c</sup> le slabhraidhibh òir air beulaobh a' ghuth-àit, agus chòmhdach e le h-òr e.

22 Agus chòmhdach e an tìgh uile le h-òr, agus an do chrìochnaich-eadh an tìgh uile: mar an ceudna an altair uile, a *bha* làimh ris a' ghuth-àit, chòmhdach e le h-òr.

23 Agus rinn e anns a' ghuth-àit da cherub do chrann-olaidh, gach aon diubh deich làmhan-coille air airde.

24 Agus *bha* cùig làmhan-coille ann an aon sgéith a' cheruib, agus cùig làmhan-coille ann an sgéith eile a' cheruib: *bha* deich làmhan-coille o bharr aon sgéith aige gu bàrr a' sgéith eile.

25 Agus *bha* deich làmhan-coille anns a' cherub eile: *bha'n* t-aon tomhas agus an aon mheud anns an dà cherub.

26 *B'e* airde aon cheruib deich làmhan-coille, agus mar sin *bha* airde a' cheruib eile.

27 Agus chuir e na cheruban anns an tìghe a bhàidhe a steach; agus shìn na cheruban an sgiathan a mach, air chor as gu'n do bhean sgiath aon cheruib ri aon bhalladh, agus sgiath a' cheruib eile ris a' bhalladh eile; agus bhean an sgiathan ri chéile ann am meadhon an tìghe.

28 Agus chòmhdach e na cheruban le h-òr.

29 Agus bhreac e ballachan an tìghe uile mu'n cuairt le dealbhaibh gearrta cheruban, agus chraobhan-pailme, agus bhlàth fosgailte<sup>d</sup>, a stigh agus a muigh.

30 Agus urlar an tìghe chòmhdach e le h-òr, a stigh agus a muigh.

<sup>a</sup> breacta, air a ghràbhaladh.

<sup>b</sup> anns a' chuid-thoisich do'n oracul.

<sup>c</sup> lantaoir. Eir. partition. Sasg.

<sup>d</sup> fosgladh bhlàthan. Eabh.

31 Agus do dhorus a' ghuth-àit rinn e còmhlacha do chrann-olaidh: *bha'n* t-ard-dhorus agus na h-ursainnean cùig-oisneach.

32 *Bha'n* dà chòmhlach mar an ceudna do chrann-olaidh; agus ghearr e orra dealbhan<sup>e</sup> cherub, agus chraobh-pailme, agus bhlàth fosgailte, agus chòmhdach e le h-òr iad: agus sgaoile òr air na cheruban, agus air na craobhan pailme.

33 Agus air an dòigh cheudna rinn e do dhorus an teampuill, ursainnean do chrann-olaidh, ceithir-chearnach.

34 Agus *bha'n* dà chòmhlach do fhiodh giuthais: *bha* dà dhuilleag aon chòmhlaidh a' filleadh, agus dà dhuilleag a' chòmhlaidh eile a' filleadh.

35 Agus ghearr e orra cheruban, agus craobhan-pailme, agus blàthan-fosgailte: agus chòmhdach e iad le h-òr, cumta ris an obair gearrta.

36 Agus thog e a' chùirt a stigh le trì sreathan<sup>f</sup> do chlachaibh snaidhte, agus sreath do shailthibh seudair.

37 Anns a' cheathranh bliadhna shuidhicheadh bunait tìghe an Tighearna, anns a' mhìos Siph.

38 Agus anns an aon bhliadhna deug, anns a' mhìos Bul (is e sin an t-ochdamh mìos), chrìochnaich eadh an tìgh ann a earrannaibh uile, agus a réir a chumaidh uile. Agus *bha* e seachd bliadhna ga thogail.

#### CAIB. VII.

**A**CH *bha* Solamh trì bliadhna deug a' togail a thìghe féin, agus chrìochnaich e a thìgh uile.

2 Thog e mar an ceudna tìgh frithe Lebanoin; ceud làmh-choille 'fhad, agus leth-cheud làmh-choille a leud, agus deich thar fhichead làmh-choille 'airde; air ceithir<sup>h</sup> sreathaibh do phostaibh seudair, agus sailthean seudair air na post-aibh.

3 Agus chòmhdach eadh e le seudair os a chionn air na sailthibh, a *bha* air dà fhichead agus cùig puist, cùig-deug anns gach sreath.

4 Agus *bha* trì sreathan uinneag<sup>i</sup> ann, agus solus fa chomhair solus trì uairean.

5 Agus *bha* na dorsan uile agus na h-ursainnean ceithir-chearnach, maille ris na h-uinneagaibh: agus *bha* solus fa chomhair solus trì uairean.

6 Agus rinn e sgàth-thigh do phostaibh; leth-cheud làmh-choille 'fhad, agus deich làmha-coille thar fhichead a leud: agus *bha'n* sgàth-thigh rompa sin, agus *bha* na puist eile agus na sailthean garbha rompa.

<sup>e</sup> gearradh. <sup>f</sup> breathan. <sup>g</sup> coille.

<sup>h</sup> trì. <sup>i</sup> leusan, sholusan.



7 Rinn e mar an ceudna sgàth-thigh na rìgh-chathrach far am biodh e a' tabhairt breth, eadhon sgàth-thigh a' bhreitheanais: agus chòmhdachadh e le seudar o aon taobh do'n urlar gu ruig an taobh eile.

8 Agus aig a thigh féin anns an do chòmhuich e, *bha* cùirt<sup>a</sup> eile an taobh a stigh do'n sgàth-thigh, a *bha* do'n obair cheudna. Rinn e cuideachd tigh do nighinn Pharaoh, a ghabh Solamh dha féin na *mnavi*, cosmhuil ris an sgàth-thigh so.

9 *Bha* iad sin uile do chlachaibh luachmhora, a réir tomhais chlach snaidhte, air an sàbhadh<sup>b</sup> le sàibh a stigh agus a muigh, eadhon o'n bhunait gu ruig na clacha-mullaich<sup>c</sup>, agus mar sin air an taobh a mach gu ruig a' chùirt mhòr.

10 Agus *bha* a' bhunait do chlachaibh luachmhora, do chlachaibh mòra; clacha san robh deich làmhhan-coille, agus clacha 'san robh ochd làmhhan-coille.

11 Agus gu h-ard *bha* clacha luachmhora (a réir tomhais chlach snaidhte) agus seudair.

12 Agus aig a' chùirt mhòir mu'n cuairt *bha* trì sreathan do chlachaibh snaidhte, agus sreth do shailthibh seudair: air an dòigh cheudna aig cùirt a steach tighe an Tighearna, agus aig sgàth-thigh an tighe.

13 Agus chuir rìgh Solamh *fios*, agus thug e Hiram o Thirus.

14 *Bu* mhac bantraich e do thréibh<sup>d</sup> Naphtali, agus b'fhear o Thirus 'athair, ceard umha: agus *bha* e làn do ghliocas, agus do thuigse, agus do eòlas a dheanamh gach oibre aon an umha: agus thàinig e dh'ionnsuidh rìgh Solamh, agus rinn e 'obair uile.

15 Oir dhealbh e dà phost umha: ochd làmhha-coille deug airde gach puist dhiubh, agus chaidh snàthainn anns an robh dà làmh-choille dheug mu'n cuairt air gach<sup>e</sup> post dhuibh.

16 Agus rinn e dà cheann do umha leaghta, chum an cur air mullach nam post: cùig làmhha-coille airde aon chinn, agus cùig làmhha-coille airde a' chinn eile.

17 Lionta do lìon-obair<sup>f</sup>, stioman do obair shlabhraidh, do na cinn a *bha* air mullach<sup>g</sup> nam post: seachd do aon cheann, agus seachd do'n cheann eile.

18 Agus rinn e pomgranatan, dà shreath<sup>h</sup> mu'n cuairt air aon lìon-obair a chòmhdachadh nan ceann a

*bha* air mullach nam post<sup>h</sup>: agus mar sin rinn e ris a' cheann eile.

19 Agus *bha* na cinn a *bh'*air mullach nam post, do obair lili anns an sgàth-thigh, ceithir làmhha-coille.

20 Agus *bha* cinn<sup>i</sup> air an dà phost mar an ceudna gu h-ard, làimh ris a' bhalg a *bha* air an taobh thall do'n lìon-obair: agus *bha* dà cheud pomgranat ann, nan sreathaibh mu'n cuairt air a' cheann eile.

21 Agus chuir e suas na puist ann an sgàth-thigh an teampuill: agus chuir e suas am post deas, agus thug e Iachin mar ainm air; agus chuir e suas am post cli, agus thug e Boas mar ainm air.

22 Agus air mullach nam post *bha* obair lili: mar so chrìochnaicheadh obair nam post.

23 Agus rinn e muir leaghta, deich làmhhan-coille o bliùe<sup>k</sup> gu bile; cruinn mu'n cuairt, agus cùig làmhhan-coille a h-airde: agus chuairtich snàthainn dheich làmhha-coille thar fhichead i air gach taobh.

24 Agus *bha* mill fuidh a bile 'ga cuairteachadh mu'n cuairt, deich anns an làmh-choille, a' dol mu thimchioll na mara: thilgeadh dà shreath mheall an uair a thilgeadh i féin.

25 Sheas i air dà dhamh dheug, trì ag amharc gu tuath, agus trì ag amharc an iar<sup>l</sup>, agus trì ag amharc gu deas, agus trì ag amharc an ear<sup>m</sup>: agus chuireadh a' mhuir orra<sup>n</sup> gu h-ard, agus *bha* a' chuid dheiridh dhiubh uile a stigh.

26 Agus *bha* leud boise air tiughaid innte, agus *bha* a bile air a dheanamh mar bhile copain, le blàthaibh lili: chum i dà mhìle bat.

27 Agus rinn e deich buinn<sup>n</sup> umha: ceithir làmhha-coille fad gach<sup>o</sup> buinn, agus ceithir làmhha-coille a leud, agus trì làmhha-coille 'airde.

28 Agus *bha* obair nam bonn<sup>air</sup> air an dòigh so: *bha* iomaill<sup>p</sup> aca, agus *bha* na h-iomaill eadar na tàdh-acha<sup>q</sup>.

29 Agus air na h-iomaill a *bha* eadar na tàdhacha *bha* leòmhainn, daimh, agus cheruban: agus air na tàdhachaibh *bha* mar sin<sup>r</sup> gu h-ard: agus fuidh na leòmhainn agus na daimh *bha* ath-leasachadh a dh'obair thana<sup>s</sup>.

30 Agus *bha* ceithir rothan umha aig gach bonn, agus clàir<sup>t</sup> umha; agus aig a cheithir oisnibh *bha*

<sup>a</sup> lann, lios. <sup>b</sup> gearradh. <sup>c</sup> clachan-iomchair. <sup>d</sup> do fhineadh, chloinn. <sup>e</sup> an dara. Eabh. <sup>f</sup> do obair tharsuinn, <sup>g</sup> na puist, agus dà shreath.

<sup>h</sup> air a' mhullach, maille ri pomgranataibh. <sup>i</sup> Bha pomgranatan aig na cinn. <sup>k</sup> oir. <sup>l</sup> siar. <sup>m</sup> soir. <sup>n</sup> bunaite. <sup>o</sup> aon. Eabh. <sup>p</sup> oirean. <sup>q</sup> ceumaibh. <sup>r</sup> bonn. <sup>s</sup> obair shìnte. <sup>t</sup> lannan.

guailne<sup>a</sup>: fuidh'n t-soitheach-ionn-  
laid *bha* guailne leaghta, aig taobh  
gach ath-leasachaidh.

31 Agus *bha* a bheul an taobh a  
stigh do'n cheann, agus shuas, làmh-  
choille air leud: ach *bha* a bheul  
cruinn a réir oibre a' bhuinn, làmh-  
choille gu leth: agus mar an ceudna  
air a bheul *bha* gearraidhean<sup>b</sup>, agus  
an iomail ceithir-chearnach, cha'n  
ann cruinn.

32 Agus *bha* ceithir rothan fuidh  
na h-iomallaibh: agus *bha* mulan<sup>c</sup>  
nan roth an greim anns a' bhonn:  
agus b'e airde gach rotha làmh-  
choille gu leth.

33 Agus *bha* obair nan roth cos-  
mhuil ri obair rotha carbaid: *bha*  
an mulan, agus an cìochan, agus an  
cuairsgeinean, agus an tarsanain uile  
leaghta.

34 Agus *bha* ceithir guailne ri  
ceithir oisnibh gach buinn; na  
guailne do'n bhonn féin.

35 Agus ann am mullach a' bhuinn,  
leth làmh-choille air airde, *bha*  
cuairt mu thimchioll: agus air  
mullach a' bhuinn *bha* a làmhan<sup>d</sup>  
agus iomail dheth féin.

36 Agus air clàraibh a làmh, agus  
air iomallaibh, ghearr e cheruban,  
leòmhainn, agus craobha pailme, a  
réir riochd gach aon diubh, agus  
ath-leasachadh mu'n cuairt.

37 Mar so rinn e na deich buinn:  
an t-aon tilgeadh, an t-aon tomhas,  
an t-aon ghearradh<sup>e</sup> aca uile.

38 Agus rinn e deich soithichean-  
ionnlaid umha: chumadh<sup>f</sup> gach  
soitheach ionnlaid dhiubh dà fhlich-  
ead bat: *bha* ceithir làmhan coille  
anns gach soitheach ionnlaid: *chuir-  
eadh* aon soitheach ionnlaid air gach  
aon do na deich buinn.

39 Agus chuir e cùig buinn air  
taobh<sup>g</sup> na làimhe deise do'n tigh,  
agus cùig air taobh na làimhe clì  
dheth: agus chuir e a' mhuir air  
taobh na làimhe deise do'n tigh, a  
làimh na h-airde'n ear, fa chomhair  
na h-airde deas.

40 Agus rinn Hiram na soithich-  
ean-ionnlaid, agus na sluasaidean,  
agus na cuachan: agus chuir Hiram  
cìoch air deanamh na h-oibre uile a  
rinn e do rìgh Solamh air son tighe  
an Tighearna:

41 An dà phost, agus dà chuairt<sup>h</sup>  
nan ceann a bh'air mullach an dà  
phuist: agus an dà lìon-obair, a  
chomhdachadh dà chuairt nan ceann  
a bh'air mullach nam post:

42 Agus ceithir cheud pomgranat

do'n dà lìon-obair: dà shreata  
phomgranat do gach lìon-obair,  
chomhdachadh dà chuairt nan ceann  
a bh'air na puist:

43 Agus na deich buinn, agus na  
deich soithichean-ionnlaid air na  
buinn:

44 Agus aon mhuir, agus dà  
dhamh dheug fuidh'n mhuir:

45 Agus na h-aigheannan<sup>i</sup>, agus  
na sluasaidean, agus na cuachan:  
agus na soithiche lin uile a rinn  
Hiram do rìgh Solamh air son tighe  
an Tighearna, *bha iad* do umha  
liobhta<sup>k</sup>.

46 Ann an còmhnaid Iordain thilg  
an rìgh iad anns an talamh chreadha,  
eadar Sucot agus Sarton.

47 Agus dh'fhàg Solamh na  
soithichean<sup>l</sup> uile gun chothromach-  
adh, air son an lìonnihoireachd  
anbarraich: cha d'fhuaradh a mach<sup>m</sup>  
cothrom an umha.

48 Agus rinn Solamh an t-uidheam<sup>n</sup>  
uile a bhuineadh do thigh an Tigh-  
earna: an altair do òr, agus am  
bord, air an robh aran na fianuis,  
do òr:

49 Agus na coinnleirean, cùig air  
an làimh dheis, agus cùig air an  
làimh chli, air beulaobh a' ghuth-  
àite, do òr fìor-ghlan; agus na blàthan,  
agus na lòchrainn, agus na clobha-  
chan<sup>o</sup>, do òr.

50 Agus na cuachan, agus na  
sìnladairean, agus na copain, agus  
na spàinean, agus na tùiseirean, do  
òr fìor-ghlan: agus na lùthdagan do  
òr, an dà chuid do dhorsaibh an  
tighe a steach, *eadhon* an ionaid ro  
naomha, agus do dhorsaibh an tighe,  
*eadhon* an teampuill.

51 Agus chrìochnaich eadh an  
obair uile a rinn rìgh Solamh air son  
tighe<sup>p</sup> an Tighearna: agus thug  
Solamh a stigh nithe naomhaichte<sup>q</sup>  
Dhaibhidh<sup>r</sup> athar; *eadhon* an t-  
airgid, agus an t-òr, agus an  
t-uidheam<sup>s</sup>, chuir e am measg  
ionmhais tighe an Tighearna.

#### CAIB. VIII.

**A**N SIN chruinnich Solamh sean-  
airean Israeil, agus cinn nan  
treubh uile, ceannardan aithriche  
chloinn Israeil, gu rìgh Solamh ann  
an Ierusalem, chum gu'n d'thugadh  
iad a nìos àirc coimhcheangail an  
Tighearna, a baile Dhaibhidh: is e  
sin Sion.

2 Agus chruinnich fir Israeil uile  
iad féin a dh'ionnsuidh rìgh Solaimh,  
air an fhéill<sup>t</sup> ann am mìos Etanim;  
is e sin an seachdamh mìos.

<sup>a</sup> pruiop, casan, buill-iomchair.

<sup>b</sup> gravings. Sasg. <sup>c</sup> aisilean;  
làmhan. Eabh. <sup>d</sup> tharsanain.

<sup>e</sup> mheud. <sup>f</sup> ghabhadh.

<sup>g</sup> gualainn. Eabh. <sup>h</sup> shoitheach  
cruinn.

<sup>i</sup> poitean.

<sup>k</sup> dealrach, fìor-ghlan.

<sup>l</sup> an t-uidheam. <sup>m</sup> cha do ranns-  
aicheadh. <sup>n</sup> an airneis, na soithiche.

<sup>o</sup> teanchairean.

<sup>p</sup> ann an tigh.

<sup>q</sup> nìthe coisrigte.

<sup>r</sup> na soithiche.

<sup>s</sup> héisd.

3 Agus thàinig uile sheanairean Israeil, agus thog na sagairt an àirc.

4 Agus thug iad suas àirc an Tighearna, agus paillion a 'choimh-thional, agus an t-uidheam naomh uile a bha fa' phàillion; eadhon iad sin thug na sagairt agus na Lebhithich suas.

5 Agus bha rìgh Solamh, agus coimhthional Israeil uile, a thionail d'a ionnsuidh, maille ris roimh an àirc, ag ìobradh chaorach, agus cruiddh, nach robh e'n comas àireamh, no mheas, a thaobh lìonmhoireachd.

6 Agus thug na sagairt a steach àirc coimhcheangail an Tighearna d'a h-àite féin, do ghuth-àit an tìghe, do'n ionad a's ro naomha, eadhon fuidh sgiathaibh nan cherub.

7 Oir sgaoil na cheruban a mach an sgiathan os cionn àite na h-àirce, agus chòmhdach na cheruban an àirc, agus a lunnan a gu h-ard.

8 Agus tharruing iad a mach na lunnan, air chor as gu'm faicte cinn nan lunn as an ionad naomh fa chomhair a' ghuth-àite, ach cha'n fhaicte a mach iad. agus tha iad an sin gus an la'n diugh.

9 Cha robh ni air bith anns an àirc ach an dà chlàr chloiche, a chuir Maois an sin ann an Horeb, an uair a rinn an Tighearna coimhcheangal ri cloinn Israeil, ag teachd a mach dhoibh a tìr na h-Eiphit.

10 Agus an uair a thàinig na sagairt a mach as an ionad naomha, lìon an neul tigh an Tighearna;

11 Air chor as nach b'urrainn na sagairt seasamh a fhrithealadh leis an neul: oir lìon glòir an Tighearna tigh an Tighearna.

12 An sin thubhairt Solamh, Thubhairt an Tighearna gu'n gabh-abh e còmhnuidh ann an dorchadas tigh.

13 Gu' dearbh thog mise tigh-còmhnuidh dhuit, àite deas b' chum thu dh'fhantuinn ann gu bràth.

14 Agus thionndaidh an rìgh 'aghaidh, agus bheannaich e uile choimh-thional Israeil (agus uile choimh-thional Israeil nan seasamh):

15 Agus thubhairt e, Gu ma beannaichte an Tighearna Dia Israeil, a labhair le bheul féin ri m'athair Daibhidh, agus a choimh-lion e le 'làimh e, ag ràdh,

16 O'n là air an d'thug mi mo shluagh Israel a mach as an Eiphit, cha do thagh mi baile sam bith a uile threubhaibh d' Israeil, a thogail tìghe, chum gu'm biodh m'ainm an

sin: ach thagh mi Daibhidh gu bhì os cionn mo shluagh Israeil.

17 Agus bha e ann an cridhe Dhaibhidh m'athair, tigh a thogail do ainm an Tighearna Dé Israeil.

18 Agus thubhairt an Tighearna ri Daibhidh m'athair, A chionn gu'n robh e ann do chridhe tigh a thogail do m'ainm-sa, is maith a rinn thu gu'n robh e ann do chridhe.

19 Gidheadh, cha tog thu-sa an tigh, ach do mhac a thig a mach as do leasraidh, togaidh esan an tigh do m'ainm-sa.

20 Agus choimhlion e an Tighearna 'fhocal a labhair e, agus dh'éirich mise suas an àite Dhaibhidh m'athair, agus tha mi a'm' shuidhe air rìgh-chaitheir Israeil, mar a labhair e an Tighearna, agus thog mi tigh do ainm an Tighearna Dé Israeil.

21 Agus shuidhich mi'n sin àite do'n àirc, anns am bheil coimhcheangal an Tighearna, a rinn e r'ar n-aithrichibh, an uair a thug e mach iad a tìr na h-Eiphit.

22 Agus sheas Solamh air beulaobh altair an Tighearna, ann an làthair uile choimhthional Israeil, agus sgaoil e mach a làmh an gu nèamh:

23 Agus thubhairt e, A Thighearna Dhé Israeil, cha 'n'eil Dia ann cosmhuil riut-sa, anns na nèamhaibh shuas, no air an talamh a bhos e, a chumas coimhcheangal agus tròcair ri d' sheirbhiseich, a ghluaiseas a'd' fhianuis le'n uile chridhe:

24 A chum ri t'òglach Daibhidh m'athair an ni a labhair thu ris; oir labhair thu le d' bheul, agus le d' làimh choimhlion thu, mar air an la'n diugh.

25 A nis uime sin, a Thighearna Dhé Israeil, cum ri t'òglach Daibhidh m'athair an ni a labhair thu ris, ag ràdh, Cha bhì duine dhèidht ort a'm' fhianuis-sa, a shuidheas air rìgh-chaitheir Israeil; mar bheir a mhàin do chlann an aire d'an slighe, le gluasad a'm' fhianuis-sa, mar a ghluais thu-sa a'm' fhianuis.

26 Agus a nis, a Dhé Israeil, daingnichear<sup>b</sup>, guidheam ort, t'fhocal, a labhair thu ri t'òglach Daibhidh m'athair.

27 Ach an gabh Dia da rìreadh còmhnuidh air an talamh? feuch, cha chum na nèamha agus nèamha nan nèamh thu-sa; cia gu mòr as lugha na sin an tigh so a thog mise?

28 Gidheadh amhairc air<sup>i</sup> urnuigh do sheirbhiseich, agus air 'ath-chuinge<sup>k</sup>, a Thighearna mo Dhia, a dh'éisdeachd ris a' ghlaodh agus ris

<sup>a</sup> bataichean.

<sup>b</sup> suidhichte.

<sup>c</sup> le'chumhachd.

<sup>d</sup> theaghlachibh,

fhineachaibh.

<sup>e</sup> dhaingnich. Eabh.

<sup>f</sup> gheall.

<sup>g</sup> shìos.

<sup>h</sup> fhrìnnichear.

<sup>i</sup> biodh

suim agad do.

<sup>k</sup> 'aslach.

an urnuigh, a *tha* do sheirbhiseach a' deanamh a't' fhianuis an diugh :

29 A chum as gu'm bi do shùilean fosgailte ris an tigh so a dh'oidhche agus do là; *eadhon* ris an àite mu'n dubhairt thu, Bithidh m'ainm an sin : a chum as gu'n éisd thu ris an urnuigh a ni do sheirbhiseach dh'ionnsuidh an àite so <sup>a</sup>.

30 Agus éisd thu-sa ri athchuinge do sheirbhisich, agus do shluaigh Israeil, an uair a ni iad urnuigh a dh'ionnsuidh an àite so : agus éisd thu-sa o d' àite-còmhnuidh, o na nèamhaibh<sup>b</sup>, agus an uair a dh'éisdeas tu, maith<sup>c</sup> *dhoibh*.

31 Ma pheacaicheas duine an aghaidh a choimhearsnaich, agus ma dh'iarras e mionnan air, a' toirt air mionnachadh, agus gu'n d'thig na mionnan air beulaobh t'altarach anns an tigh so :

32 An sin éisd thu-sa o na nèamhaibh, agus dean, agus thoir breth air do sheirbhiseachaibh, a' dìteadh an aingidh, gu'shlighe a thabhairt air a cheann féin, agus a' fireanachadh<sup>d</sup> an fhèirein, a thabhairt da a réir 'fhìreantachd<sup>e</sup>.

33 An uair a bhuailear do shluaigh Israel an làthair an nàmhaid, a chionn gu'n do pheacaich iad a't' aghaidh, agus a philleas iad riut, agus a dh'aidicheas iad t'ainm, agus a ni iad urnuigh, agus a ghuidheas iad ort anns an tigh so ;

34 An sin éisd thu-sa o na nèamhaibh, agus maith peacadh do shluaigh Israeil agus thoir a ris iad do'n fhearann a thug thu d'an aithrichibh.

35 An uair a dhruidear na nèamha, agus nach bi uisge ann, a chionn gu'n do pheacaich iad a't' aghaidh-sa, agus a ni iad urnuigh a dh'ionnsuidh an àite so, agus a dh'aidicheas iad t'ainm, agus a dh'iompoichear iad o'm peacadh, an uair a chuireas tu fuidh amhghar iad ;

36 An sin éisd thu-sa o na nèamhaibh, agus maith peacadh do sheirbhiseach, agus do shluaigh Israeil, a chum as gu'n teagaisg thu dhoibh an t-slighe mhaith anns an còir dhoibh gluasad, agus gu'n cuir thu uisge air t'fhearann, a thug thu do d' shluaigh mar oighreachd.

37 Ma bhios gortadh anns an tìr, ma bhios plàigh ann, seargadh, fuar-dhealt<sup>f</sup>, locuist, ma bhios burruis g

ann ; ma theannaicheas<sup>h</sup> a nàmhaid<sup>d</sup> e ann an tìr a bhailte, ciod air bith plàigh, ciod air bith euslaint a bhios ann :

38 Ge b'e urnuigh, ge b'e athchuinge a chuirear suas le duine sam bith, no le d' shluaigh Israel uile, ma bhios fios aig gach aon air plàigh a chridhe féin, agus ma sgaoileas e mach a làmhan a dh'ionnsuidh an tighe so ;

39 An sin éisd thu-sa o na nèamhaibh t'àite-còmhnuidh, agus maith, agus dean, agus thoir do gach duine a réir a shlighean uile, a tha fios agad air a chridhe ; (oir is ann agad-sa, agad-sa mhàin a tha fios air cridheachaibh uile chloinn nan daoine :)

40 A chum gu'm bi eagal orra romhad-sa rè nan uile laithean a bhios iad beo anns an fhearann<sup>i</sup>, a thug thu d'ar n-aithrichibh.

41 Os-bàrr<sup>k</sup>, a thaobh coigrich nach 'eil do d' shluaigh Israel, ach a thig a tìr chéin<sup>l</sup> air sgàth t'ainm-sa,

42 (Oir cluinnidh iad mu t'ainm mòr-sa, agus mu d' làimh làidir, agus do ghairdean sìnte mach :) an uair a thig e agus a ni e urnuigh a dh'ionnsuidh an tighe so ;

43 Eisd thusa o na nèamhaibh t'àite-còmhnuidh, agus dean a réir nan uile *nìthe* mu'n glaoth an coigreach riut : a chor as gu'm bi eòlas aig uile shlòigh na talmhainn air t'ainm-sa, chum gu'm bi eagal orra romhad mar a *ta* air do shluaigh Israel, agus gu'm bi fios aca gu bheil an tigh so a thog mise air 'ainm-eachadh ort.

44 Ma théid do shluaigh a mach a chogadh an aghaidh an naimhde, ge b'e rathad a chuireas tu iad, agus gu'n dean iad urnuigh ris an Tigh-earn a làimh<sup>m</sup> a' bhaile a ròghnaich thu-sa, agus an tighe a chuir mise suas do t'ainm ;

45 An sin éisd thusa o na nèamhaibh r'an urnuigh agus r'an athchuinge, agus seas<sup>n</sup> an còir.

46 Ma pheacaicheas iad a't' aghaidh, (oir cha 'n'eil duine ann nach peacaich,) agus gu'n las t'fhearg nan aghaidh, agus gu'n d'thoir thu thairis iad d'an naimhdibh, agus gu'n d'thoir iad leo nam braighdibh iad do thir an naimhde, am fad no'm fagus ;

47 *Gidheadh*, ma ni iad aithreachas nan cridhe<sup>o</sup> anns an tìr d'an d'thugadh nam braighdibh iad, agus ma dh'iompoichear iad, agus ma ghuidh-

<sup>a</sup> a làimh an àite so, anns an àite so.

<sup>b</sup> ann ad àite-còmhnuidh, ann am flaitheanas.

<sup>c</sup> lagh. <sup>d</sup> a' saoradh, glanadh. <sup>e</sup> 'ionracais. <sup>f</sup> crith-reobh, mill-cheo, earc-dhrùchd.

<sup>g</sup> luschuach ; caterpillar. Sasg. basil. Eabh.

<sup>h</sup> chumhaingicheas, chuairticheas.

<sup>i</sup> air aghaidh an fhearainn. Eabh.

<sup>k</sup> A thuill' air fin. <sup>l</sup> fad as.

<sup>m</sup> a dh'ionnsuidh. <sup>n</sup> cum suas ;

dean. Eabh. <sup>o</sup> ma philleas iad d'an cridhe. Eabh.



eas iad ort ann an tìr na muinntir, a thug leo nam braighdibh iad, ag ràdh, Pheacaich sinn, rinn <sup>a</sup> sinn gu h-eucorach, rinn sinn gu h-aingidh;

48 Agus mar so ma philleas iad a't' ionnsuidh-sa le'n <sup>b</sup> uile chridhe, agus le'n uile anam, ann an tìr an naimhde, a thug leo nam braighdibh iad, agus ma nì iad urnuigh riut-sa rathad an tìre féin, a thug thu d'an aithrichibh, *rathada'* bhaile a ròghnuich thu, agus an tighe a thog mi do t'ainm;

49 An sin éisd thu-sa o na nèamhaibh, t'àite-còmhnuidh, r'an urnuigh agus r'an athchuinge, agus seas an còir,

50 Agus maith do d' shluagh, a pheacaich a't' aghaidh, agus an eusaontais uile, a rinn iad a't' aghaidh, agus faigh truas dhoibh an làthair na muinntir, a thug leo nam braighdibh iad, a chum as gu'n gabh iad truas ri:

51 Oir is iad do shluagh-sa agus t'oighreachd iad, a thug thu mach as an Eiphit, a meadhon na h-àmh-uinne iaruin:

52 A chum as gu'm bi do shùile fosgailte ri athchuinge do sheirbhisich, agus ri athchuinge do shluaigh Israeil, a dh'éisdeachd riu anns gach nì mu'n gairm iad ort.

53 Oir dhealaich thu iad chum oighreachd dhuit féin o uile shluagh na talmhainn, mar a labhair thu le làimh Mhaois t'oglaich féin, an uair a thug thu ar n-aithriche mach as an Eiphit, a Thighearna Dhé.

54 Agus an uair a chuir Solamh crìoch air an urnuigh so uile a dheanamh ris an Tighearn, agus an athchuinge so, dh'éirich e o bheulaobh altarach an Tighearna, o e féin a lùbadh air a ghluinibh, agus a làmhan sgaoilte dh'ionnsuidh nan nèamh:

55 Agus sheas e, agus bheannaich e uile choimhthional Israeil, le guth mòr, ag ràdh,

56 Gu ma beannaicht' an Tighearn a thug suaimhneas <sup>c</sup> d'a shluagh Israel, a réir nan uile *nithe* a labhair <sup>d</sup> e: cha do thuit <sup>e</sup> aon fhocal *gu làr* d'a bhriathraibh maithe uile, a labhair e le làimh Mhaois, t'oglaich féin.

57 Gu'n robh an Tighearn ar Dia maille ruinne, mar a bha e maille ri'r n-aithrichibh: na fàgadh e sinn, agus na tréigeadh e sinn:

58 A chu'm as gu'n aom e ar cridhe thuige <sup>f</sup> féin, a ghluasad na shlighibh uile, agus a ghleidheadh 'aitheanta, agus a reachdan, agus a

bhreitheanasa, a dh'àithn e d'ar n-aithrichibh.

59 Agus gu'n robh na briathra so agam-sa, leis an do chuir mi suas athchuinge am fianuis an Tighearna, am fagus do'n Tighearn ar Dia a là agus a dh'oidhche, a chum as gu'n seas e còir a sheirbhisich, agus còir a shluaigh Israeil, anns gach àm, mar a dh'iarras a' chùis g:

60 A chum gu'm bi fios aig uile shluagh na talmhainn gur e'n Tighearn a's Dia ann, agus nach 'eil ann ach e.

61 Bitheadh bheur-cridhe uime sin iomlan leis an Tighearn ar Dia, a ghluasad na reachdaibh, agus a ghleidheadh 'aitheanta, mar air an là'n diugh.

62 Agus dh'ìobair an rìgh, agus Israeil uile maille ris, ìobairt ara fianuis an Tighearna.

63 Agus dh'ìobair Solamh ìobairt thabharta-sa-sìth, a dh'ìobair e do'n Tighearna, dà mhìle thar fhichead bò, agus ceud agus fichead mìle caora: mar siu choisrig <sup>h</sup> an rìgh, agus clann Israeil uile, tigh an Tighearna.

64 Air an là sin féin naomhaich an rìgh meadhon na cùirte, a bh'air beulaobh tìghe an Tighearna: oir thug e suas an sin ìobairte loisgte, agus tabharta-sa bìdh, agus saill nan tabhartas sìth; a chionn gu'n robh an altair umha a bha'm fianuis an Tighearna, ro bheag a ghabhail nan ìobairt-loisgte, agus nan tabhartas-bìdh, agus saill nan tabhartas sìth.

65 Agus chum Solamh anns an àm sin féil <sup>i</sup>, agus Israeil uile maille ris, coimhthional mòr, o dhol a stigh Hamait gu ruig abhuinn na h-Eiphit, am fianuis an Tighearn ar Dé, seachd laithean agus seachd laithean, *eadhon* ceithir là deug.

66 Air an ochdamh là leig e air falbh an sluagh: agus bheannaich iad an rìgh, agus chaidh iad a dh'ionnsuidh am bàth, subhach agus aoibhlinn nan cridhe, air son a' mhaith uile a riun an Tighearna do Dhaibhidh, a sheirbhisich, agus d'a shluagh Israel.

## CAIB. IX.

**A** GUS an uair a chuir Solamh crìoch air tigh an Tighearn, agus tigh an rìgh a thogail, agus uile, mhiann Sholaimh bu taitneach leis a dheanamh,

2 Dh'fhoillsich an Tighearn e féin do Sholamh an dara h-uair, mar a dh'fhoillsich se e féin da ann an Gibeon.

3 Agus thubhairt an Tighearna

<sup>a</sup> agus rinn. <sup>b</sup> nan. Eabh.  
<sup>c</sup> fois, àmh. <sup>d</sup> gheall. <sup>e</sup> cha  
d'fhàilnich. <sup>f</sup> chuige.

<sup>g</sup> gnothuch gach là na latha féin.  
Eabh. <sup>h</sup> naomhaich. <sup>i</sup> cuirm,  
féisd.

ris, Chuala mi t'urnuigh agus t'ath-chuinge, a chuir thu suas a'm' fhianuis: naomhaich mi an tigh so a thog thu, a chur m'ainme an sin gu bràth; agus bithidh mo shùilean agus mo chridhe an sin gach la<sup>a</sup>.

4 Agus ma ghluaiseas-tusa ann am fhianuis, mar a ghluais Daibhidh t'athair, ann an iomlaine cridhe, agus ann an ionracas, a dheanamh a rèir nan uile *nithe* a dh'aitn mise dhuit, agus gu'n gléidh thu mo reachdan agus mo bhreitheanais,

5 An sin daingnichidh mise caithir do rìoghachd air Israel gu bràth, mar a labhair m'ri Daibhidh t'athair, ag ràdh, Cha bhi duine dhùth ort air rìgh-chaitir Israeil.

6 Ach ma thionndaidheas sibh da rìreadh o'm leantuinn-sa, *sibh féin* agus bhur clann, agus nach gléidh sibh m'aitheantan agus mo reachdan, a chuir mi roimhibh, ach gu'm falbh sibh agus gu'n dean sibh seirbhis do dhéibh eile, agus gu'n sleuchd sibh<sup>b</sup> dhoibh:

7 An sin gearraidh mise Israel as bhàrr aghaidh an fhearainn a thug mi dhoibh: agus an tigh so a naomhaich mi do m'ainm féin, tilgidh mi as mo shealladh; agus bithidh Israel na ghnàth-fhocal, agus na leth-fhocal<sup>c</sup> am measg nan uile shluagh:

8 Agus an tigh so a bha<sup>d</sup> co ard, gach neach a ghabhas seachad air, bithidh iongnadh air, agus ni e sgeige<sup>e</sup>; agus their iad, Car son a rinn an Tighearna mar so ris an tìr so, agus ris an tigh so?

9 Agus freagraidh<sup>f</sup> iad, A chionn gu'n do thréig iad an Tighearn an Dia, a thug a mach an aithriche a tìr na h-Eiphit, agus gu'n do ghabh iad d'an ionnsuidh<sup>g</sup> diathan eile, agus gu'n do shleuchd iad dhoibh, agus gu'n do rinn iad seirbhis dhoibh: uime sin thug an Tighearn orra an t-olc so uile.

10 Agus an ceann fhichead bliadhna, anns an do thog Solamh an dà thigh, tigh an Tighearn agus tigh an rìgh,

11 A chionn gu'n d'thug Hiram rìgh Thùruis seachad do Sholamh fiodh seudair, agus fiodh giuthais, agus òr, gu'uile thoil, an sin thug rìgh Solamh do Hiram fichead baile ainm an tìr na Galile.

12 Agus thàinig Hiram a mach a Tirus a dh'fhaicinn nam bailtean a thug Solamh dha; ach cha do thaitinn iad ris.

13 Agus thubhairt e, Ciod iad

na bailte sin, a thug thu dhomh, a bhràthair? Agus thugadh fearann Chabuil mar ainm orra gus an la'n diugh.

14 Agus chuir Hiram a dh'ionnsuidh an rìgh sè fichead tàlann òir.

15 Agus *is e* so aobhar na cìse a thog rìgh Solamh a thogail tìghe an Tighearna, agus a thighe féin, agus Mhilo, agus ballaidh Ierusalem, agus Hasoir, agus Mhègido, agus Gheseir.

16 Chaidh Pharaoh rìgh na h-Eiphit suas, agus ghlac e Geser, agus loisg se e le teine, agus mharbh e na Canaanach, a bha chòmhnuidh sa' bhaile, agus thug se e mar thiodhlac d'a nighinn, mnaoi Sholaimh.

17 Agus thog Solamh Geser, agus Bet-horon ìochdarach,

18 Agus Baalat, agus Tadmor 'san fhàsach, anns an tìr,

19 Agus na h-uile bhailte ionmhais a bh'aig Solamh, agus bailtean a charbad, agus bailtean a mharcshluaigh agus miann Sholaimh a mhiannaich e thogail ann an Ierusalem, agus ann an Lebanon, agus ann an tìr a thighearnais<sup>h</sup> uile.

20 Agus an sluagh uile a dh'fhàgadh beo do na h-Amoraich, do na Hitich, do na Perisich, do na Hibhich, agus do na Iebusaich, nach robh do chloinn Israeil,

21 An clann a dh'fhàgadh nan déigh 'san tìr, nach b'urrainn clann Israeil a sgrios gu tur, dhiubhsan thog Solamh daor-chis gus an la'n diugh.

22 Ach do chloinn Israeil cha d'rinn Solamh tràill sam bith: ach bha iad nam fir-chogaidh, agus nan seirbhisich aige, agus nan uachdaranaihb, agus nan ceannardaibh, agus nan riaghlairibh a charbad agus a mharcshluaigh.

23 B'iad so nachdarain an luchd-dreuchd a bha os cionn oibre Sholaimh, cùig ceud agus leth cheud, a riagbail os cionn an t-sluaigh a dh'oibrich 'san obair.

24 Ach chaidh nighean Pharaoh suas a baile Dhaibhidh d'a tigh féin, a thog Solamh dh'i: an sin thog e Milo.

25 Agus dh'ìobair Solamh tri uaire sa' bhliadhna ìobairte-loisgte, agus ìobairte-sith air an altair a thog e do'n Tighearna, agus loisg e tùis air an altair a bha<sup>i</sup> m'fianuis an Tighearna: agus chrìochnaich e'n tigh.

26 Agus rinn rìgh Solamh loinneas<sup>k</sup> aunn an Esion-geber, a thalaimh ri Elot, air tràigh na mara ruaidhe, ann an tìr Edoim.

27 Agus chuir Hiram anns an h' uachdaranachd. i oirre-san a bha. Eabh. k long.

<sup>a</sup> an còmhnuidh. <sup>b</sup> crom sibh sìos. Eabh. <sup>c</sup> fhocal-fochaid.

<sup>d</sup> tha. <sup>e</sup> feadaidh e: he will hiss. Sasg. <sup>f</sup> their. Eabh. <sup>g</sup> rinn iad greim air.

loingeas 'dglach féin, maraichean<sup>a</sup> aig an robh edlas na fairge, maille ri 'dglach Sholaimh.

28 Agus thàinig iad gu h-Ophir, agus thug iad as sin òr, ceithir cheud agus fichead tàlann, agus thug iad gu rìgh Solamh e.

## CAIB. X.

**A**GUS an uair a chuala ban-righ-inn<sup>b</sup> Sheba cliu Sholaimh ann an ainm<sup>c</sup> an Tighearna, thàinig i g'a dhearbhadh le ceisibh cruaidhe<sup>d</sup>.

2 Agus thàinig i do h-Ierusalem le cuideachd ro-mhòir, le càmhalaibh a' giùlan spìosraidh<sup>e</sup>, agus ro-mhòran òir agus clacha luachmhor<sup>f</sup>: agus thàinig i dh'ionnsuidh Sholaimh, agus labhair i ris gach ni a bha na cridhe.

3 Agus mhìnich Solamh dh'i a briathran<sup>g</sup> uile: cha robh ni air bith am folach air an rìgh nach do mhìnich e dh'i.

4 Agus an uair a chunnaic ban-rìghinn Sheba uile ghliocas Sholaimh, agus an tigh a thog e,

5 Agus biadh a bhuird, agus suidhe<sup>h</sup> a sheirbhiseach, agus feith-eamh a luchd-frithealaidh, agus an truscan<sup>i</sup>, agus a ghillean-cupain, agus a dhol suas air an deachaidh e suas gu<sup>k</sup> tigh an Tighearna, cha robh spiorad innte ni's mo.

6 Agus thubhairt i ris an rìgh, B'fhiòran t-iomradh<sup>l</sup> a chuala mise ann am thùr féin air do ghnìomharaidh<sup>m</sup> agus air do ghliocas.

7 Gidheadh, cha do chreid mi na briathra, gus an d'thàinig mi, agus gu'm faca mo shùilean féin e; agus feuch, cha d'innseadh a leth dhomh: chaidh do ghliocas agus do shoirbheachadh thar<sup>n</sup> an iomradh a chuala mi.

8 Is sona do dhaoine, is sona iad so do sheirbhisich, a sheasas a't' fhiannuis an còmhnuidh, ag éisd-eachd ri d' ghliocas.

9 Gu ma beannaichte an Tighearna do Dhia, a ghabh tlachd annad gu d' chur air rìgh-chaithir Israeil: a chionn gu bheil gràdh aig an Tighearna do Israel gu bràth, uime sin rinn e thu-sa a'd' rìgh, a dheanamh breitheanaidh agus ceartais.

10 Agus thug i do'n rìgh sè fichead tàlann òir, agus ro-mhòran do spìosraidh, agus clachan luachmhor: (cha d'thàinig riamh tuilleadh a

leithid so do phailteas spìosraidh, as a thug ban-rìghinn Sheba do rìgh Solamh.

11 Agus mar an ceudna loingeas<sup>o</sup> Hiram a ghiùlain òr o Ophir, thug i o Ophir ro-mhòran do fhiodh<sup>p</sup> almuig, agus clacha luachmhor.

12 Agus rinn an rìgh do'n fhiodh almuig puist do thigh an Tighearna, agus do thigh an rìgh, clàrsaichean mar an ceudna agus saltairean do'n luchd-ciùil: cha d'thàinig a leithid so do fhiodh almuig, agus cha'n fhacas a leithid gus an la'n diugh.)

13 Agus thug rìgh Solamh do bhan-rìghinn Sheba a li-uile mhiann a dh'iarr i, a thuilleadh air na thug e dh'i a réir 'fhialaidheachd rìoghail féin<sup>q</sup>: agus phill i, agus dh'fhalbh i d'a tìr, i féin agus a seirbhisich.

14 A nis b'e cothrom<sup>r</sup> an òir a thàinig gu Solamh ann an aon bliadhna, sè ceud, tri fichead, agus sè tàlannan oir:

15 A thuilleadh air na fhuair e o na ceannaichibh, agus o mhalairt<sup>s</sup> an luchd-spìosraidh, agus o uile rìghibh Arabia, agus o uachdaran-aibh na tìre.

16 Agus rinn rìgh Solamh dà cheud sgiath do or buailte<sup>t</sup>: sè ceud secel òir chuir e chum gach sgéithe.

17 Agus rinn e trì cheud targaid do òr buailte: trì puind òir chuir e chum gach targaide: agus chuir an rìgh iad ann an tigh frithe Lebanoin.

18 Rinn an rìgh mar an ceudna rìgh-chaithir mhòr do fhiaclaibh elephant, agus chòmhdach e i leis an òr bu ghloine.

19 Bha sè ceuman aig an rìgh-chaithir, agus bha mullach na rìgh-chaithreach cruinn o cùl; agus bha làmhnan air gach taobh do'n àite-shuidhe, agus dà leòmhann a' seasamh làimh ris na làmhnan.

20 Agus sheas dà leòmhann dheug an sin air na sè ceumaibh, air an taobh so agus air an taobh ud: cha d'rinneadh a leithid ann an rìoghachd air bith eile.

21 Agus bha uile shoithichean òil rìgh Solaimh do òr, agus uile shoithiche tighe frithe Lebanoin do òr fìor-ghlan: cha robh aon diubh do airgid; cha robh meas air bith dheth ann an laithibh Sholaimh.

22 Oir bha loingeas Tharsis aig an rìgh air muir maille ri loingeas Hiram: aon uair anns an trì bliadhnaibh thainig loingeas Tharsis, a' giùlan òir agus airgid, fhiacal elephant, agus apa, agus pheucag<sup>v</sup>.

<sup>o</sup> long. <sup>p</sup> chrannaibh. <sup>q</sup> a réir làimhe rìgh Solaimh. Eabh.

<sup>r</sup> cudthrom. <sup>s</sup> cheannaigheachd, ghnothuichibh. <sup>t</sup> fìor-ghlan.

<sup>v</sup> pheabh-eun.

<sup>a</sup> sciopairean.

<sup>b</sup> ban-rìgh.

<sup>c</sup> agus ainm. <sup>d</sup> toimhseachanaibh.

<sup>e</sup> nithe cùbhraidh. <sup>f</sup> leug.

<sup>g</sup> ceisdean.

<sup>h</sup> còmhnuidh.

<sup>i</sup> earradh, eudach. <sup>k</sup> na-h-ìobairte-loisgte a dh'ìobair e ann.

<sup>l</sup> B'fhi-rinn am focal. <sup>m</sup> do bhriathraibh, do ràdaibh.

<sup>n</sup> chuir thu gliocas agus maith ris. Eabh.

23 Mar so thug rìgh Solamh barrachd air uile rìghibh an domhain ann an saibhreas, agus ann an gliocas.

24 Agus dh'iarr an talamh uile teachd an làthair a Sholaimh, a dh'èisdeachd r'a ghliocas, a chuir Dia na chridhe.

25 Agus thug iad leo gach fear a thiodhlacadh; soithichean airgid agus soithichean òir, agus truscana, agus airm, agus spioraidh, eich agus muileidean; cuibhrionn b bliadhna anns gach bliadhna.

26 Agus chruinnich Solamh carbaid agus marc-shluagh: agus bha mìle agus ceithir cheud carbad aige, agus dà mhìle dheug marcach; a chuire ann am bailtibh nan carbad, agus maille ris an rìgh ann an Ierusalem.

27 Agus thug an rìgh air airgid a bhi ann an Ierusalem mar chlachan, agus air na crannaibh seudair thug e bhi mar na croinn shicomoir, a tha anns an t-srath, air lìonmhoireachd.

28 Agus thugadh eich do Sholamh a mach as an Eiphit, agus snàth-lìn: ghabh ceannaicheann an rìgh an snàth-lìn air luach.

29 Agus thàinig carbad a mìos agus chaidh e mach as an Eiphit air shè ceud secel airgid, agus each air cheud gu leth: agus mar sin dò uile rìghibh nan Hiteach, agus do rìghibh Shiria, thug iadsan a mach iad le'n làimh.

### CAIB. XI.

**A** GUS bha gaol aig rìgh Solamh air mòran do mhnaibh coimheach, a thuilleadh air nighinn Pharaoh, Ban-mhoabaich, Ban-amonaich, Ban-edonaich, Ban-shidonaich, agus Ban-litich;

2 Do na cinneachaibh mu'n d'fhuair ann an Tighearna ri cloinn Israeil, Cha d'fhéid sibhse a steach d'an ionnsuidh-san, cha mhò a thig iad-san a steach d'ar n-ionnsuidh-sa; oir gu deimhin bheir iad air bhuir cridhe claonadh an déigh an dée: riu so dhlùth lean Solamh ann an gaol.

3 Agus bha seachd ceud bean aige, mar bhan-righinnean, agus trì cheud coimh-leabach: agus thug a mhnai air a chridhe claonadh.

4 Oir thachair, ann an àm sean aois Sholaimh, gu'n do chlaon a mhnai a chridhe an déigh dhiathan eile; agus cha robh a chridhe iomlan leis an Tighearna a Dhia, mar a bha cridhe Dhaibhidh 'athar.

5 Oir chaidh Solamh an déigh Astaroit ban-dé nan Sidonach, agus

an déigh Mhilcoim, gràineileachd nan Anionach.

6 Agus rinn Solamh olc ann an sùilbh an Tighearna: agus cha do lean e gu coimhlionta an Tighearna, mar a rinn Daibhidh 'athair.

7 An sin thog Solamh ionad ard do Chemos, gràineileachd Mhoab anns an t-sliabh a tha mu choinn-eamh Ierusalem; agus do Mholech, gràineileachd chloinn Amoin.

8 Agus air an dòigh cheudna rinn e d'a mhnaibh coimheach uile, a loisg tùis agus a thug suas iobairt d'an déibh.

9 Agus bha fearg air an Tighearna ri Solamh, a chionn gu'n do chlaon a chridhe o'n Tighearna Dia Israeil, a dh'fhoillsich e féin dha dà uair,

10 Agus a dh'àithn dha a thaobh an nì so, nach rachadh e'n déigh dhiathan eile: ach cha do ghleidh esan an nì, a dh'àithn an Tighearna.

11 Uime sin thubhairt an Tighearna ri Solamh, A chionn gu'n d'rinneadh so leat, agus nach do ghléidh thu mo choimhcheangal-sa, agus mo reachdan, a dh'àithn mi dhuibh, gu deimhin reubaidh mise an rìoghachd uait, agus bheir mi do d' sheirbhiseach i.

12 Gidheadh ann ad laithibh-sa cha dean mi so, air sgàth Dhaibhidh 'athar: as làimh do mhic reubaidh mi i,

13 Ach cha reub mi an rìoghachd uile: bheir mi aon treubh do d' mhac air sgàth Dhaibhidh m'og-laich, agus air sgàth Ierusalem a thagh mi.

14 Agus dhùisg an Tighearna namhaid suas do Sholamh, Hadad an t-Edomach: bha e do'n t-sliochd rìghail ann an Edom.

15 Oir an uair a bha Daibhidh ann an Edom, agus a chaidh Ioab ceannard an t-sliogh suas a dh'adhlacadh nam marbh, an déigh dha gach fìrionnach ann an Edom a bhualadh,

16 (Oir dh'fhan Ioab sè mìosan an sin, agus Israel uile, gus an do ghearr e as gach fìrionnach ann an Edom)

17 Theich Adad, e féin agus Edomaich àraidh do sheirblisich 'athar maille ris, gu dol a stigh do'n Eiphit; agus Hadad fathast na leanaban dè.

18 Agus dh'éirich iad a Midian, agus thàinig iad gu Paran, agus thàinig iad do'n Eiphit, gu Pharaoh rìgh na h-Eiphit, agus thug esan

a dh'iarr an talamh uile gnùs. Eabh.

b nì. Eabh. c air son charbad.

d a bha nan coigrich,

e gu'n robh so maille riut. Eabh.

f fhineadh.



dha tigh, agus dh'òrduich e lòn dha, agus thug e fearann dha.

19 Agus fhuair Hadad deagh-ghean <sup>a</sup>mòr ann an sùilibh Pharaoh, air chor as gu'n d'thug e dha na mnaoi piuthar a mhna féin, piuthar Thahpeneis na ban-righinn.

20 Agus rug piuthar Thahpeneis dha Genubat a mhac, a chuir Tah-penes bhàrr na cìche ann an tigh Pharaoh: agus bha Genubat ann an teaghlach Pharaoh am measg mhac Pharaoh.

21 Agus an uair a chuala Hadad 'san Eiphit gu'n do choidil <sup>b</sup> Daibhidh maille r'a aithrichibh, agus gu'n robh loab ceannard an t-sloigh marbh, thubhairt Hadad ri Pharaoh, Leig dhomh ineachd, a chum gu'n d'théid mi do m' thìr féin.

22 Agus thubhairt Pharaoh ris, Ach ciod a tha dh'easbhuidh ort maille rium-sa, gu'n iarradh tu, feuch, dol do d' thìr féin? Agus fhreagair esan, Cha 'n'eil ni air bith, gidheadh leig dhomh falbh air gach aon chor.

23 Agus dhùisg Dia suas nàmhaid eile dha, Rìson mac Eliadah, a theich o Hadadeser <sup>c</sup>, rìgh Shobah, a thighearna.

24 Agus chruinnich e daoine thuige <sup>d</sup>, agus bha e na cheannard air buidhinn, an uair a mharbh Daibhidh iadsan o Shobah: agus chaidh iad do Dhamascus, agus chòmhnuich iad ann, agus rinn iad e na rìgh <sup>e</sup> ann an Damascus.

25 Agus bha e na nàmhaid do Israel rè uile làithean Sholaimh, a thuilleadh air an olc a rinn Hadad: agus dh'fhuathaich e Israel, agus rìoghaich e os cionn Edoim <sup>f</sup>.

26 Agus Ieroboam mac Nebait, Ephrathach o Shereda, seirbhiseach do Sholamh, (agus <sup>b'</sup>e ainm a mhàthar Seruah, bantrach) thog eadhon esan a làmh an aghaidh an rìgh.

27 Agus <sup>b'</sup>e so an t-aobhar mu'n do thog e a làmh an aghaidh an rìgh: Thog Solamh Milo, agus chàirich e bearnan <sup>g</sup> bhaile Dhaibhidh 'athar.

28 Agus bha'n duine Ieroboam treun ann an neart: agus an uair a chunnaic Solamh gu'n robh an t-dèanach deanadach, chuir se e os cionn uile luchd-giùlain uallach <sup>h</sup> tìghe Ioseiph.

29 Agus thachair anns an àm sin, air dol do Ieroboam a mach a h-Ierusalem, gu'n d'fhuair am fàidh Ahiah an Silonach e 'san t-slighe,

agus e sgeadaichte le truscan <sup>i</sup> ur: agus bha iad nan dithis leo féin anns a' mhachair.

30 Agus rug Ahiah air an truscan ur a bha air, agus reub e na dhà mhùr dheug e.

31 Agus thubhairt e ri Ieroboam, Gabh dhuit féin deich mùrean; oir mar so tha'n Tighearna Dia Israeil ag ràdh, Feuch, reubaidh mise an rìoghachd as làimh Sholaimh, agus bheir mi deich treubhan dhuitse:

32 (Ach bithidh aon treubh aigesan air sgàth Daibhidh m'òglair, agus air sgàth Ierusalem, am baile a thagh mi as uile treubhan Israeil)

33 A chionn gu'n do thréig iad mise, agus gu'n do shleuchd iad <sup>k</sup> do Astarot, bain-dia nan Sidonach, do Chemos dia nam Moabach, agus do Mhilcom dia chloinn Amoin, agus nach do ghluais iad ann am shlighibh-sa, a dheanamh an *ni a ta* ceart a'm' shùilibh, agus a ghleidheadh mo reachdan agus mo bhreitheana-sa, mar a rinn Daibhidh 'athair.

34 Gidheadh, cha d'thoir mi'n rìoghachduile as a làimh, ach ni mi e na uachdaran <sup>l</sup> rè uile làithean a bheatha, air sgàth Dhaibhidh m'òglair, a thagh mi, a chionn gu'n do ghléidh e m'aitheanta agus mo reachda.

35 Ach bheir mi'n rìoghachd as làimh a mhic, agus bheir mi dhuitse i, eadhon deich treubhan.

36 Agus d'a mhac-san bheir mi aon treubh, a chum gu'm bi lèchran aig Daibhidh m'òglach an còmh-nuidh a'm fhianuis ann an Ierusalem, am baile a thagh mi dhomh féin a chur m'ainme an sin.

37 Agus gabhaidh mi thu-sa, agus rìoghaichidh tu a réir nan uile *nìthe* a mhiannaicheas t'anam, agus bithidh tu a d' rìgh air Israel.

38 Agus ma dh'èisdeas tu ris na h-uile *nìthibh* a dh'aitheanas mise dhuit, agus gu'n gluais thu ann am shlighibh, agus gu'n dean thu an *ni a ta* ceart a'm' shùilibh, a ghleidheadh mo reachdan agus m'aitheanta, mar a rinn Daibhidh m'òglach: an sin bithidh mise maille riut, agus togaidh mi dhuit tigh daingean, mar a thog mi do Dhaibhidh, agus bheir mi Israel dhuit.

39 Agus cràdhaidh mi <sup>m</sup> sliochd Dhaibhidh air a shon so, ach cha'n ann gu bràth.

40 Uime sin dh'iarr Solamh Ieroboam a mharbhadh. Ach dh'èirich Ieroboam, agus theich e do'n Eiphit, a dh'ionnsuidh Shisaic, rìgh na

<sup>a</sup> bàigh. <sup>b</sup> luidh. <sup>c</sup> Hadadeser.

<sup>d</sup> chuige. <sup>e</sup> rìoghaich iad.

<sup>f</sup> Shiria. <sup>g</sup> dhùin e suas briseadh.

<sup>h</sup> uile chùraim.

<sup>i</sup> eudach-uachdair, falluing.

<sup>k</sup> chrom siad iad féin. Eabh.

<sup>l</sup> na cheannard, na phrionnsadh.

<sup>m</sup> cuiridh mi fa àmhghar.

h-Eiphit, agus bha e 'san Eiphit gu bàs Sholaimh.

41 Agus a' chuid eile do ghnìomh-arabha<sup>a</sup> Sholaimh, eadhon<sup>b</sup> na h-uile *nithe* a rinn e, agus a ghliocas, nach 'eil iad scrìobhta ann an leabhar ghnìomhara Sholaimh?

42 Agus b'i an uine<sup>c</sup> a rìoghaich Solamh ann an Ierusalem os cionn Israeil uile, dà fhichead bliadhna.

43 Agus choidil<sup>d</sup> Solamh maille r'a aithrichibh, agus dh'adhlaiseadh e ann am baile Dhaibhidh<sup>e</sup> 'athar: agus rìoghaich Rehoboam à mhac na àite.

### CAIB. XII.

**A** GUS chaidh Rehoboam do Shechem: oir thàinig Israel uile gu Sechem gu 'dheanamh na rìgh.

2 Agus an uair a chuala Ieroboam, mac Nebait, a bha fathast anns an Eiphit, *sin* (far an do theich e o ghnùis rìgh Solaimh) phill Ieroboam as an Eiphit<sup>e</sup>.

3 Agus chuir iad *fios* agus ghairm iad air: agus thàinig Ieroboam, agus coimhchruinneachadh Israeil uile, agus labhair iad ri Rehoboam, ag ràdh,

4 Dh'antromaich t'athair ar cuing-ne, ach eutromaich thus' a nis seirbhis<sup>f</sup> chruaidh t'athar, agus a chuing throm a chuir e oirnn, agus ni sinn seirbhis dhuit.

5 Agus thubhairt e riu, Falbhaibh fathast gu ceann thri laithean, an sin thigibh a ris a'm' ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na seann daoineibh, a sheas an làthair Sholaimh 'athar, an uair bu bheo e, ag ràdh, Cionnus a tha sibh a' comhairleachadh *dhomh* freagradh a thabhairt do'n t-sluagh so?

7 Agus labhair iadsan ris, ag ràdh, Ma bhios tu-sa an diugh a'd' sheirbhisich aig an t-sluagh so, agus gu'n dean thu seirbhis d'hoibh agus gu'm freagair thu iad, agus gu'n labhair thu fòcail mhaith riu, an sin bithidh iadsan agad-sa nan seirbhisich gu bràth g.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga, a dh'fhàs suas maille ris *féin*, agus a sheas na làthair.

9 Agus thubhairt e riu, Ciod a tha sibhse a' comhairleachadh, a chum as gu'n d'thoir sinn freagradh do'n t-sluagh so, a labhair rium, ag ràdh,

<sup>a</sup> bhriathraibh. <sup>b</sup> agus. <sup>c</sup> b'iad na laithean. Eabh. <sup>d</sup> luidh.

<sup>e</sup> agus chòmhnuich Ieroboam anns an Eiphit. Faic. II. Eachdr. Caib. X. r. 2. <sup>f</sup> tràillidheachd. <sup>g</sup> gach uile là. Eabh.

Eutromaich a' chuing a chuir t'athair oirnn?

10 Agus labhair na daoine òga, a dh'fhàs suas maille ris *féin*, ris, ag ràdh, Mar so their thu ris an t-sluagh so a labhair riut, ag ràdh, Dh'antromaich t-athair ar cuing-ne, ach eutromaich thu-sa dhuinn i; mar so labhraidh tu riu, *Tha am meur a's lugha* agam-sa ni's gairbhe na leasraidh m'athar.

11 Agus a nis chuir m'athair gun amharus oirbh cuing throm, ach cuiridh mise ri bhur cuing: smachdaich m'athair sibh le slataibh<sup>h</sup>, ach smachdaichidh mise sibh le scorpionaibh<sup>i</sup>.

12 Uime sin thàinig Ieroboam agus an sluagh uile gu Rehoboam air an treas là, mar a dh'àithn an rìgh, ag ràdh, Thigibh a'm' ionnsuidh a ris air an treas là.

13 Agus fhreagair an rìgh an sluagh gu garbh: agus thréig e comhairle nan seann daoine a thug iad dha.

14 Agus labhair e riu a réir comhairle nan daoine òga, ag ràdh, Dh'antromaich m'athair bhur cuing, agus cuiridh mise ri bhur cuing; smachdaich m'athair sibh le slataibh, ach smachdaichidh mise sibh se scorpionaibh.

15 Mar so cha d'éisd an rìgh ris an t-sluagh; oir bha'n t-aobhar o'n Tighearna, chum gu'n coimhlionadh e 'fhocal féin, a labhair an Tighearna, le làimh Ahiah an t-Silonaich, ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibhrionn a th'againne ann an Daibhidh? agus cha 'n'eil oighreachd againne ann am mac Iese: do d' bhùthaibh, O Israel; a nis amhairc air do thigh féin, a Dhaibhidh. Agus dh'fhalbh Israel d'am bùthaibh.

17 Ach a thaobh chloinn Israeil, a bha chòmhnuidh ann am bailtibh Iudah, rìoghaich Rehoboam os an cionn.

18 An sin chuir rìgh Rehoboam Adoram d'an ionnsuidh a bha os cionn na cìse; agus chlach Israel uile e le clachaibh, agus fhuair e bàs: uime sin rinn rìgh Rehoboam cabhag gu dol suas<sup>k</sup> d'a charbad, chum as gu'n teicheadh e do h-Ierusalem.

19 Agus rinn Israel ceannairc an aghaidh tighe Dhaibhidh<sup>l</sup> gus an la'n diugh.

20 Agus an uair a chual Israel uile

<sup>h</sup> sciùrsaibh. <sup>i</sup> le slataibh calgach cosmhuil ri scorpionaibh. <sup>k</sup> chaidh rìgh Rehoboam le uile neart suas.

<sup>l</sup> thréig, dhealaich Israel ri tigh Dhaibhidh.

gu'n d'thàinig Ieroboam a rìs, chuir iad *fios*, agus ghairm iad air do'n choimh-chruinneachadh, agus rinn iad e na rìgh air Israel uile : cha do lean aon tigh Dhaibhidh ach treubh Iudah a mhàin.

21 Agus an uair a thàinig Rehoboam gu h-Ierusalem, chruinnich e tigh Iudah uile, agus treubh Bheniamin, cend agus ceithir fichead mìle fear taghta a bha deanta ri cogadh, a chogadh ri tigh Israeil, a thoirt na rìoghachd air a h-ais gu Rehoboam mac Sholaimh.

22 Ach thàinig focal Dé gu Semaiah duine le Dia, ag ràdh,

23 Labhair ri Rehoboam mac Sholaimh, rìgh Iudah, agus ri tigh Iudah agus Bheniamin uile, agus ri fuigheall an t-sluaigh, ag ràdh,

24 Mar so tha'n Tighearna ag ràdh, Na rachaibh suas, agus na cogaibh ri'r bràithribh cloinn Israeil ; pillibh gach duine d'a thigh féin, oir is ann leam-sa a rinneadh an ni so. Agus dh'éisd iad ri focal an Tighearna, agus phill iad gu imeachd a réir focail an Tighearna.

25 Agus thog Ieroboam Sechem ann an sliabh Ephraim, agus chòmhnuich e ann : agus chaidh e mach as sin, agus thog e Penuel.

26 Agus thubhairt Ieroboam na chridhe, A nis pillidh an rìoghachd gu tigh Dhaibhidh.

27 Ma théid an sluagh so suas a dheanamh lobairtean ann an tigh an Tighearna ann an Ierusalem, an sin pillidh cridhe an t-sluaigh so r'an tighearna, ri Rehoboam rìgh Iudah : agus marbhaidh iad mise, agus pillidh iad gu Rehoboam rìgh Iudah.

28 Uime sin ghabh an rìgh comhairle, agus rinn e dà laogh òir, agus thubhairt e riu, Is mòr oirbh dol suas gu h-Ierusalem : feuch do dhée, O Israel, a thug a nìos thu a tìr na h-Eiphit.

29 Agus shuidhich e aon *diubh* ann am Betel, agus an *laogh* eile chuir e ann an Dan.

30 Agus rinneadh an ni so na pheacadh : oir chaidh an sluagh a *shleuchdadh* an làthair aoin *diubh*, gu ruig Dan.

31 Agus rinn e tigh àitean arda, agus rinn e sagairt do'n chuid a b'isle do'n t-sluagh a, nach robh do chloinn Lebhi.

32 Agus rinn Ieroboam féisd b anns an ochdamh mìos, air a' chùigeadh la deug do'n mhìos, cosmhuil ris an fhéisd a bha ann an Iudah, agus dh'ìobair e c air an altair : mar sin rinn e ann am Betel, ag òbradh

do na laoghaibh, a rinn e : agus shuidhich e ann am Betel sagarta nan àitean arda a rinn e.

33 Agus dh'ìobair e air an altair, a rinn e ann am Betel, air a' chùigeadh la deug do'n ochdamh mìos, anns a' mhìos air an do smuainich e na chridhe féin : agus rinn e féisd do chloinn Israeil, agus dh'ìobair e air an altair, agus loisg e tùis d.

CAIB. XIII.

**A**GUS feuch, thàinig duine le Dia a Iudah le focal an Tighearna gu Betel : agus bha Ieroboam na sheasamh làmh ris an altair, a losgadh tùise.

2 Agus dh'éigh e an aghaidh na h-altarach ann am focal an Tighearna, agus thubhairt e, O altair, altair, mar so thubhairt an Tighearna, Feuch, beirear mac do thigh Dhaibhidh, d'an ainm Iosiah, agus òbraidh e ort-sa sagarta nan àitean arda a loisgeas tùis ort, agus loisgear cnàmha dhaoine ort.

3 Agus thug e air an là sin féin comhara seachad, ag ràdh, *Le e so* an comhara a labhair an Tighearna : Feuch, reubar an altair, agus dòirtear a mach an luath, a tha oirre.

4 Agus an uair a chuala rìgh Ieroboam focal an duine le Dia, a dh'éigh e an aghaidh na h-altarach ann am Betel, shìn e a làmh a mach o'n altair, ag ràdh, Beiribh air : agus shearg e a làmh shìn e mach na aghaidh, air chor as nach b'urrainn e a tabhairt air a h-ais thuige f.

5 Agus reubadh an altair, agus dhòirteadh an luath a mach o'n altair, a réir a' chomharaidh a thug an duine le Dia le focal an Tighearna.

6 Agus fhreagair an rìgh, agus thubhairt e ris an duine le Dia, Aslaich a nis gnùis an Tighearna do Dhé, agus dean urnuigh air mo shon, a chum gu'n aisgear mo làmh dhomh a rìs. Agus dh'aslaich an duine le Dia gnùis an Tighearna, agus dh'aisigeadh làmh an rìgh dha a rìs, agus bha i mar air tùs.

7 Agus thubhairt an rìgh ris an duine le Dia, Thig maille rium-sa do m' thigh, agus neartaich thu féin ; agus bheir mi tiodhlacadh dhuit.

8 Agus thubhairt an duine le Dia ris an rìgh, Ge do bheireadh tu dhomh-sa leth do thighe, cha rachainn a stigh maille riut, cha mhò a dh'ithinn aran, no dh'òlainn uisge anns an àite so :

9 Oir mar so dh'àithneadh dhomh-sa le focal an Tighearna, ag ràdh, Na h-ith aran, agus na h-òl uisge ;

d chaidh e suas air an altair, a losgadh tùise. e thiormaich.

a do dheireadh an t-sluaigh.

b féill.

c chaidh e suas.

f chuiqe.

agus na pill air an t-slighe air an d'fhàinig thu.

10 Agus dh'fhalbh e air slighe eile, agus cha do phill e air an t-slighe air an d'fhàinig e do Bhetel.

11 A nis bha sean fhàidh na chòmhnuidh ann am Betel, agus thàinig a mhic, agus dh'innis iad da na h-ùibre uile a rinn an duine le Dia air an là sin ann am Betel: na briathran a labhair e ris an rìgh, iad so dh'innis iad mar an ceudna d'an athair.

12 Agus thubhairt an athair riu, Cia i an t-slighe air an d'fhalbh e? agus dh'fheuch a mhic dha an t-slighe air an d'fhalbh an duine le Dia, a thàinig a Iudah.

13 Agus thubhairt e r'a mhic, Cuiribh dìollaid dhomh air an asail. Agus chuir iad dìollaid dha air an asail, agus mharcaich e oirre.

14 Agus chaidh e'n déigh an duine le Dia, agus fhuaire na shuidlie e fuidh dharaig, agus thubhairt e ris, An tu-sa an duine le Dia, a thàinig a Iudah? Agus thubhairt esan, Is mi.

15 An sin thubhairt e ris, Thig maille rium-sa do m' thigh, agus ith aran.

16 Agus thubhairt esan, Cha'n fheud mi pilltinn maille riut, no dol a steach maille riut: cha mhlò a dh'itheas mi aran, no dh'òlas mi uisge maille riut anns an àite so:

17 Oir chaidh a ràdh rium le focal an Tighearna, Cha'n ith thu aran, agus cha'n òl thu uisge an sin; cha mhlò philleas tu gu imeachd air an t-slighe air an d'fhàinig thu.

18 Agus thubhairt e ris, Is fàidh mise mar an ceudna mar thu féin, agus labhair aingeal rium le focal an Tighearna, ag ràdh, Thoir air ais leat e do d' thigh, a chum as gu'n ith e aran, agus gu'n òl e uisge. Ach rinn e breug dha.

19 Agus phill e maille ris, agus dh'ith e aran na thigh, agus dh'òl e uisge.

20 Agus an uair a bha iad nan suidhe aig a' bhòrd, thàinig focal an Tighearna a dh'ionnsuidh an fhàidh, a thug air ais e.

21 Agus ghlaodh e ris an duine le Dia a thàinig a Iudah, ag ràdh, Mar so tha'n Tighearna ag ràdh, A chionn gu'n robh thu eas-ùmhail do fhocal an Tighearna, agus nach do ghléidh thu an àithne a dh'àithn an Tighearna do Dhia dhuit,

22 Ach gu'n do phill thu, agus gu'n d'ith thu aran, agus gu'n d'òl thu uisge anns an àite mu'n d'thubhairt e riut, Na h-ith aran, agus na

h-òl uisge; cha d'fhéid do chorp a steach do uaigh t'aithriche.

23 Agus an déigh dha aran itheadh; agus an déigh dha òl, chuir e dìollaid dha air an asail, cadhon do'n fhàidh a thug e air ais.

24 Agus an uair a dh'fhalbh e, thachair leòmhnan air 'san t-slighe, agus mharbh se e: agus thilgeadh a chorp air an t-slighe, agus sheas an asal làimh ris: sheas an leòmhnan mar an ceudna làimh ris a' chorp.

25 Agus feuch, bha daoine a' gabhail seachad, agus chunnaic iad an corp tilgte air an t-slighe, agus an leòmhnan na sheasamh làimh ris a' chorp: agus thàinig iad, agus dh'innis iad e anns a' bhaile, anns an robh an sean fhàidh na chòmhnuidh.

26 Agus an uair a chual am fàidh, a thug air ais e o'n t-slighe, sin, thubhairt e, Is esan an duine le Dia, a bha eas-ùmhail do fhocal an Tighearna: uime sin thug an Tighearna thairis e do'n leòmhnan, a reub e, agus a mharbh e a réir focail an Tighearna, a labhair e ris.

27 Agus labhair e r'a mhic, ag ràdh, Cuiribh dìollaid dhomh air an asail. Agus chuir iad dìollaid oirre.

28 Agus dh'fhalbh e, agus fhuaire e a chorp tilgte air an t-slighe, agus an asal agus an leòmhnan nan seasamh làimh ris a' chorp: cha d'ith an leòmhnan an corp, cha mhlò a reub e an asal.

29 Agus thog am fàidh corp an duine le Dia, agus chuir e air an asail e, agus thug e air ais e: agus thàinig an sean fhàidh do'n bhaile, gu caoidh a dheanamh, agus gu adhlacadh.

30 Agus chuir e a chorp na uaigh féin, agus rinn iad caoidh os a cheann, ag ràdh, Mo thruaighe mo bhràthair!

31 Agus an déigh dha esan adhlacadh, labhair e r'a mhic, ag ràdh, Nuair a gheibh mise bàs an sin adhlacibh mi anns an uaigh anns am bheil an duine le Dia adhlacite; làimh r'a chnàmhaibh-san cuiribh mo chnàmha-sa:

32 Oir gu deimhin thig e gu crìch an nì a dh'éigh e le focal an Tighearna an aghaidh na h-altarach ann am Betel, agus an aghaidh uile thighean nan àit arda, a tha ann am bailtibh Shamaria.

33 An déigh an nì so, cha do phill Ieroboam o' dhroch shlighe, ach rinn e a ris do'n chuid a b' àise do'n t-sluagh sagartan do na h-àitibh arda: ge b'e leis am b'àill, choisrig

d thàinig e do bhaile an t-sean fhàidh. e adhlac. f phill e agus rinn e. Eabh.

a oir chunnaic.

b bheil.

c chlosach, mharbhan.



se e, agus bha e na aon do shagart-  
aibh nan àitean arda.

34 Agus bha an nì so na pheacadh  
do thigh Ieroboaim, agus a chum a  
ghearradh as, agus a chum a sgrios  
bhàrr aghaidh na talmhainn.

## CAIB. XIV.

**A**NNS an àm sin bha Abiah, mac  
Ieroboaim, gu tinn.

2 Agus thubhairt Ieroboam r'a  
mhnaoi, Eirich a nis, agus cuir thu  
féin ann an coslas eile<sup>a</sup>, a chor as  
nach aithnich iad gur tu bean Iero-  
boaim; agus imich do Shiloh:  
feuch, an sin tha Ahiah am fàidh, a  
dh'innis dhomh-sa gu'm bithinn a'm'  
righ air an t-sluagh so.

3 Agus thoir<sup>b</sup> leat a'd' làimh  
deich builinnean, agus breacagan,  
agus soitheach meala, agus falbh  
d'a ionnsuidh: innsidh esan duit  
cìod a dh'éireas do'n leanabh.

4 Agus rinn bean Ieroboaim mar  
sin, agus dh'éirich i, agus chaidh i  
do Shiloh, agus thàinig i gu thigh  
Ahiah: ach cha b'urrainn Ahiah ni  
fhaicinn, oir dhor ùaicheadh<sup>c</sup> a  
shùilean le aois.

5 Agus thubhairt an Tighearna ri  
Ahiah, Feuch, tha bean Ieroboaim  
a' teachd a dh'iarraidh ni ort a  
thaobh a mic, oir tha e gu tinn: mar  
so agus mar so labhraidh tu rìa<sup>d</sup>; oir  
tarlaidh<sup>e</sup> nuair a thig i a steach,  
gu'n gabh i oirre féin gur bean eile i.

6 Agus tharladh, an uair a chual  
Ahiah fuaim a cos<sup>f</sup>, agus i a' teachd  
a steach air an dorus, gu'n dubhairt  
e, Thig a steach, a bhean Ieroboaim:  
c'ar son a tha thu a' gabhail ort gur  
bean eile thu? ach chuireadh mise  
a'd' ionnsuidh le teachdaireachd  
chruaidh.

7 Falbh, innis do Ieroboam, Mar  
so tha'n Tighearna Dia Israeil ag  
ràdh, A chionn gu'n d'ardaich mise  
thu a meadhon an t-sluaigh, agus  
gu'n do chuir mi thu a'd' cheannard  
air mo shluagh Israel:

8 Agus gu'n do reub mi an rìogh-  
achd o thigh Dhaibhidh, agus gu'n  
d'thug mi dhuitse i; agus gidheadh  
nach robh thu mar m'òglach Daibh-  
idh, a ghléidh m'aitheanta, agus a  
lean mi le uile chridhe, a dheanamh  
an nì sin a mhàin a bha ceart ann  
mo shùilibh-sa;

9 Ach gu'n d'rinn thu olc os cionn  
nan uile a bha romhad, agus gu'n  
deachaidh tu agus gu'n d'rinn thu  
dhuit féin diathan eile<sup>g</sup>, agus  
dealbhan leaghta, gu fearg a chur  
orm-sa; agus gu'n do thilg thu mi  
air do chùlaobh:

10 Uime sin feuch, bheir mise olc  
air thigh Ieroboaim, agus gearraidh  
mi as o Ieroboam esan a nì uisge ri  
balladh, esan a dhruideadh a steach  
agus a dh'fhàgadh ann an Israel;  
agus bheir mi air falbh fuigheall  
tighe Ieroboaim, mar a bheir neach  
air falbh aolach gus an teirig e.

11 Esan a gheibh bàs do Ieroboam  
anns a' bhaile, ithidh na madraidh  
e; agus esan a gheibh bàs anns a'  
mhachair, ithidh eunlaith an athair  
e: oir labhair an Tighearna e.

12 Uime sin éirich thu-sa, imich  
do d' thigh féin: an uair a théid do  
chosan<sup>h</sup> a steach do'n bhaile, gheibh  
an leanabh bàs.

13 Agus ni Israel uile caoidh air a  
shon, agus adhlaicidh iad e: oir  
théid esan a mhàin o Ieroboam a  
dh'ionnsuidh na h-uaigne; a chionn  
gu'n d'fhuaradh ann ni maith a  
thaobh an Tighearna Dé Israeil, ann  
an thigh Ieroboaim.

14 Os-bàrr, togaidh an Tighearna  
suas dha féin righ air Israel, a  
ghearras as thigh Ieroboaim air an là  
sin: ach cìod? a nis féin.

15 Agus buailidh an Tighearna  
Israel, mar a ghluaisear cuile anns  
an uisge, agus splonaidh e Israel as  
an fhearann mhaith so, a thug e  
d'an aithrichibh, agus sgapaidh se  
iad air an taobh thall do'n abhuinn;  
a chionn gu'n d'rinn iad an doir-  
eachan, a' cur feirg air an Tigh-  
earna.

16 Agus bheir e thairis Israel, air  
son pheacanna Ieroboaim, a pheac-  
aich, agus a thug air Israel peacach-  
adh.

17 Agus dh'éirich bean Ieroboaim,  
agus dh'imich i, agus thàinig i gu  
Tirsah: agus an uair a chaidh i  
steach air stairsnich an tighe, thuair  
an leanabh bàs.

18 Agus dh'adhlaic iad e, agus  
rinn Israel uile caoidh air a shon, a  
réir focail an Tighearna, a labhair e  
le làimh 'òglaich féin Ahiah an  
fhàidh.

19 Agus a' chuid eile do ghnìomh-  
araibh Ieroboaim, mar a chog, agus  
mar a rìoghaich e, feuch, tha iad  
scriobhta ann an leabhar cachd-  
raidh<sup>i</sup> rìghre Israeil.

20 Agus b'iad na laithean a rìogh-  
aich Ieroboam dà bhliadhna thar  
fhichead: agus choidil e maille r'a  
aithrichibh, agus rìoghaich Nadab a  
mhac na àit.

21 Agus rìoghaich Rehoboam mac  
Sholaimh ann an Iudah. Bha Reho-  
boam bliadhna agus dà fhichead a  
dh'aois an uair a thòisich e air rìogh-

<sup>a</sup> atharraich thu féin. Eabh.

<sup>b</sup> beir. <sup>c</sup> sheas. Eabh.

<sup>d</sup> r'ì, <sup>e</sup> bithidh e. Eabh.

<sup>f</sup> cas. <sup>g</sup> coimheach.

<sup>h</sup> do chos.

<sup>i</sup> leabhar thràth-

eachdraidh; leabhar fhocla laithean.  
Eabh. chronicles. Sasg.

achadh, agus rìoghaich e seachd bliadhna deug ann an Ierusalem, am baile a thagh an Tighearna a uile threubhaibh Israeil, a chur 'ainme an sin: agus b'e ainm a mhàthar Naamah, Ban-amonach.

22 Agus rinn Iudah olc ann an sùilibh an Tighearna, agus bhros-naich iad e gu h-eud le'm peacannaibh, a rinn iad os cionn nan uile a rinn an aithriche:

23 Oir thog iadsan mar an ceudna àitean arda dhoibh féin, agus dealbhan, agus doireachan, air gach cnoc ard, agus fuidh gach craoibh uaine.

24 Agus bha mar an ceudna Sodomaich anns an tìr: rinn iadsan a réir uile ghràineileachda nan cinneach, a thilg an Tighearna a mach roimh chloinn Israeil.

25 Agus anns a' chùigeadh bliadhna do rìgh<sup>a</sup> Rehoboam, thàinig Sisac rìgh na h-Eiphit a nìos an aghaidh Ierusalem:

26 Agus thug e leis ionmhais tighe an Tighearna, agus ionmhais tighe an rìgh; bhuin e leis eadhon an t-iomlan: agus thug e leis na sgiathan òir uile a rinn Solamh.

27 Agus rinn rìgh Rehoboam sgiathan umha nan àit, agus thug e thairis iad gu làimh cheannard an fhreiceadain<sup>b</sup> a ghléidh dorus tighe an rìgh.

28 Agus an uair a chaidh 'n rìgh a steach do thigh an Tighearna, dh'iomchair am freiceadan iad, agus thug iad air an ais iad gu seòmar an fhreiceadain.

29 Agus a'chuid eile do ghnìomh-araibh<sup>c</sup> Rehoboaim, agus na h-uile nìthe a rinn e, nach 'eil iad scribedha ann an leabhar eachdraidh rìghre Iudah?

30 Agus bha cogadh eadar Rehoboam agus Ieroboam rè an làithean uile.

31 Agus choidil Rehoboam maille r'a aithrichibh, agus dh'adhlaic ead e maille r'a aithrichibh ann am baile Dhaibhidh: agus b'e ainm a mhàthar Naamah, Ban-amonach. Agus rìogh-aich Abiam a mhac na àit.

#### CAIB. XV.

**A**NIS anns an ochdamh bliadhna deug do rìgh Ieroboam mac Nebait, rìoghaich Abiam os cionn Iudah.

2 Tri bliadhna rìoghaich e ann an Ierusalem: agus b'e ainm a mhàthar Maachah, nighean Abisaloim.

3 Agus ghluais e ann an uile pheacaibh 'athar, a rinn e roimhe: agus cha robh a chridhe iomlan leis an Tighearna a Dhia, mar a bha cridhe Dhaibhidh 'athar.

4 Gidheadh, air sgàth Dhaibhidh thug an Tighearna a Dhia lòchran dha ann an Ierusalem, a chur a mhic suas na dhéigh, agus a dhaing-neachadh Ierusalem:

5 A chionn gu'n d'rinn Daibhidh an *ni a bha* ceart ann an sùilibh an Tighearna, agus nach do chlaon e o na h-uile *nithibh*, a dh'àithne dha rè uile làithean a bheatha, ach a mhàin an cùis Uria an Hitich.

6 Agus bha cogadh eadar Rehoboam agus Ieroboam rè uile laithean a bheatha.

7 A nis a' chuid eile do ghnìomh-araibh<sup>d</sup> Abiaim, agus na h-uile *nithean* a rinn e, nach 'eil iad scribedha ann an leabhar eachdraidh rìghre Iudah? agus bha cogadh eadar Abiam agus Ieroboam.

8 Agus choidil Abiam maille r'a aithrichibh, agus dh'adhlaic iad e ann am baile Dhaibhidh: agus rìoghaich Asa a mhac na àit.

9 Agus anns an fhicheadamh bliadhna do Ieroboam rìgh Israeil, rìoghaich Asa os cionn Iudah.

10 Agus bliadhna agus dà fhichead rìoghaich e ann an Ierusalem: agus b'e ainm a mhàthar Maachah nighean Abisaloim.

11 Agus rinn Asa an *ni a bha* ceart ann an sùilibh an Tighearna, mar a rinn Daibhidh 'athair.

12 Agus dh'fhuadaich e na Sodomaich as an tìr, agus chuir e air falbh na dealbhan uile a rinn 'aithriche.

13 Agus mar an ceudna Maachah a mhàthair, chuir e eadhon ise o *bhà* na ban-righinn, a chionn gu'n d'rinn i dealbh uamhasach ann an doire: agus sgrios Asa a dealbh uamhasach, agus loisg se e aig sruth Chidroin.

14 Ach cha do chuireadh as do e na h-àitibh arda: gidheadh, bha cridhe Asa iomlan leis an Tighearna rè a làithean uile.

15 Agus thug e steach na nithean a naomhaich 'athair, agus na nith-ean a naomhaich e féin, do thigh an Tighearna, airgiod, agus òr, agus soithichean.

16 Agus bha cogadh eadar Asa agus Baasa rìgh Israeil, rè an làithean uile.

17 Agus chaidh Baasa rìgh Israeil suas an aghaidh Iudal, agus thog e Ramah, a chum nach leigeadh e le neach air bith dol a mach no teachd a steach gu Asa rìgh Iudah.

18 Agus ghabh Asa an t-airgiod agus an t-òr uile, a dh'fhàgadh ann an ionmhasaibh tighe an Tighearna, agus ann an ionmhasaibh tighe an

<sup>c</sup> bhriathraibh, sgeul. <sup>d</sup> bhriathraibh. <sup>e</sup> cha do chuireadh air falbh, cha d'atharraicheadh.

<sup>a</sup> rìoghachadh. <sup>b</sup> nan gilleam-ruith.

rìgh, agus thug e iad an làimh a sheirbhisich: agus chuir rìgh Asa iad gu Ben-hadad mac Thabrimoin, mhic Hesioin rìgh Shìria, a bha chòmhnuidh ann an Damascus, ag ràdh,

19 Tha coimh-cheangal eadar mise agus thu-sa, agus eadar m'athair-sa agus t'athair-sa: feuch, chuir mi a t'ionnsuidh tiodhlacadh airgid agus ùir; thig agus bris do choimh-cheangal ri Baasa rìgh Israeil, a chum gu'm falbh e uam<sup>a</sup>.

20 Agus dh'éisd Ben-hadad ri rìgh Asa, agus chuir e ceannarda nan armaithean a bha aige, an aghaidh bhailtean Israeil, agus bhuail e lion, agus Dan, agus Abel-bet-maachah, agus Cinerot uile, maille ri tìr Naphtali uile.

21 Agus an uair a chuala Baasa sin, sguir e do thogail Ramah, agus ghabh e còmhnuidh ann an Tirsah.

22 An sin thug rìgh Asa gairm air feadh Iudah uile (cha robh neach air bith saor) agus thug iad leo clacha Ramah, agus fhiodh, leis an do thog Baasa e; agus thog rìgh Asa leo Gebah Bheniamin, agus Mispah.

23 Agus a' chuid eile do uile ghnìomharaibh<sup>b</sup> Asa, agus a neart uile, agus gach *ni* a rinn e, agus na bailtean a thog e, nach 'eil iad scrìobhta ann an leabhar eachdraidh rìghre Iudah? Gidheadh, an àm a shean aois bha eucail na chosaibh.

24 Agus choidil Asa maille r'a aithrichibh, agus dh'adhlacadh e maille r'a aithrichibh ann am baile Dhaibhidh 'athar. Agus rìghaich a mhac Iehosaphat na àit.

25 Agus thòisich Nadab mac Ieroboaim air rìoghachadh os cionn Israeil anns an dara bliadhna do Asa rìgh Iudah; agus rìghaich e os cionn Israeil dà bhliadhna.

26 Agus rinn e olc ann an sùilibh an Tighearna, agus ghluais e ann an slighe 'athar, agus na pheacadh leis an d'thug e air Israel peacadhadh.

27 Agus rinn Baasa mac Ahiah, do thigh Isachair, ceannairc<sup>c</sup> na aghaidh; agus bhuail Baasa e làimh ri Gibeton, a bhuineas do na Philistich, an uair a bha Nadab agus Israel uile a' teannachadh<sup>d</sup> a Ghibeton.

28 Mar so mharbh Baasa e anns an treas bliadhna do Asa rìgh Iudah, agus rìghaich e na àit.

29 Agus an uair a rìghaich e, bhuail e tigh Ieroboaim uile; cha d'fhàg e neach air bith anns an robh anail aig Ieroboam, gus an do sgrios se e, a réir focail an Tighearna, a

labhair e le làimh a sheirbhisich Ahiah an t-Silonaich:

30 Air son pheacanna Ieroboaim a pheacaich e, agus leis an d'thug e air Israel peacadhadh; air son a' bhrosnachaidh leis an do bhrosnaich e'n Tighearna Dia Israeil gu feirg.

31 Agus a' chuid eile do ghnìomharaibh Nadaib, agus na h-uile *nithe* a rinn e, nach 'eil iad scrìobhta ann an leabhar eachdraidh rìghre Israeil.

32 Agus bha cogadh eadar Asa agus Baasa rìgh Israeil rè an làithean uile.

33 Anns an treas bliadhna do Asa rìgh Iudah, thòisich Baasa mac Abiah air rìoghachadh os cionn Israeil uile ann an Tirsah; agus rìghaich e ceithir bliadhna fichead.

34 Agus rinn e olc ann an sùilibh an Tighearna, agus ghluais e ann an slighe Ieroboaim, agus na pheacadh leis an d'thug e air Israel peacadhadh.

### CAIB. XVI.

UIME sin thàinig focal an Tighearna gu Iehu mac Hanani an aghaidh Bhaasa, ag ràdh,

2 A chionn gu'n d'ardaich mise thu o'n duslach, agus gu'n d'rinn mi thu a'd' cheannard air mo shluagh Israel, ach gu'n do ghluais thu-sa ann an slighe Ieroboaim, agus gu'n d'thug thu air mo shluagh Israel peacadhadh, 'g am bliosnachadh gu feirg le 'm peacaibh:

3 Feuch, gearraidh mi as sliochd Bhaasa, agus sliochd a thighe, agus ni mi do thigh-sa mar thigh Ieroboaim mhic Nebait.

4 Esan a dh'eugas do Bhaasa anns a' bhaile, ithidh na madraidh e; agus esan a dh'eugas leis anns an fhearann, ithidh eunlaith an athair e.

5 Agus a' chuid eile do ghnìomharaibh Bhaasa, agus na *nithe* a rinn e, agus a neart, nach 'eil iad scrìobhta ann an leabhar eachdraidh rìghre Israeil?

6 Agus choidil Baasa maille r'a aithrichidh, agus dh'adhlacadh e ann an Tirsah: agus rìghaich Elah a mhac na àit.

7 Agus mar an ceudna le làimh an fhàidh Iehu mhic Hanani, thàinig focal an Tighearna an aghaidh Bhaasa, agus an aghaidh a thighe, air son an uile uile a rinn e ann an sùilibh an Tighearna, 'ga bliosnachadh gu feirg le obair a làmh, gu bhi mar thigh Ieroboaim, agus a chionn gu'n do mharbh se e.

8 Anns an t-sèathadh bliadhna fichead do Asa rìgh Iudah, thòisich Elah mac Bhaasa air rìoghachadh

<sup>a</sup> gu'n tog e dhìom. <sup>b</sup> bhriathraibh.  
<sup>c</sup> coimhchealg. <sup>d</sup> cuairteachadh,  
luidhe mu.

<sup>e</sup> an aidheir.

os cionn Israeil ann an Tirsah; agus rìoghaich e dà bhliadhna.

9 Agus rinn a sheirbhiseach Simri, ceannard leth a charbad, ceannairc na aghaidh 'nuair a bha e ann an Tirsah, ag òl gus an robh e air mhisg ann an tigh Arsah, a bha os cionn a thighe ann an Tirsah.

10 Agus chaidh Simri steach, agus bhuail se e, agus mharbh se e, anns an t-seachdamh bliadhna fichead do Asa rìgh Iudah; agus rìoghaich e na àit.

11 Agus an uair a thòisich e air rìoghachadh, co luath as a shuidh e air a rìgh-chaitir, bhuail e tigh Bhaasa uile: cha d'fhàg e neach air bith aige a dheanadh uisge ri balladh, d'a luchd-dàimh no d'a chairidibh.

12 Mar so sgrios Simri tigh Bhaasa uile, a réir focail an Tighearna, a labhair e an aghaidh Bhaasa le làimh Iehu an fhàidh;

13 Air son uile pheacanna Bhaasa, agus pheacanna Elah a mhic, leis an do pheacaich iad, agus leis an d'thug iad air Israel peacachadh, a' brosnachadh an Tighearna Dé Israeil gu feirg le'n dìomhanasaibh.

14 Agus a' chuid eile do ghnìomh-araibh Elah, agus na h-uile nithe a rinn e, nach 'eil iad scrìobhta ann an leabhar eachdraidh rìghre Israeil?

15 Anns an t-seachdamh bliadhna fichead do Asa rìgh Iudah, rìoghaich Simri seachd laithean ann an Tirsah: agus bha'n sluagh air campachadh a an aghaidh Ghibeton, a bhuineadh do na Philistich.

16 Agus chual an sluagh a bha air campachadh, 'ga ràdh, Rinn Simri ceannairc, agus mar an ceudna bhuail e'n rìgh: nìme sin rinn Israel uile Omri ceannard an t-slòigh na rìgh air Israel an là sin féin anns a' champ.

17 Agus chaidh Omri, agus Israel uile maille ris, suas o Ghibeton, agus theannaich iad b Tirsah.

18 Agus an uair a chunnaic Simri gu'n do ghlacadh am baile, chaidh e steach do luchairt tighe an rìgh, agus loisg e tigh an rìgh os a chionn fèin le teine, agus dh'eug e.

19 Air son a pheacanna leis an do pheacaich e, a deanamh uile ann an sùilb an Tighearna, a' gluasad ann an slighe Ieroboaim, agus na pheacadh a rinn e, ann an tabhairt air Israel peacachadh.

20 Agus a' chuid eile do ghnìomh-araibh Shimri, agus a cheannairc a rinn e, nach 'eil iad scrìobhta ann an leabhar eachdraidh rìghre Israeil?

21 An sin roinneadh sluagh Israeil

nan dà leth: lean leth an t-sluaigh Tibni mac Ghinait, gu 'dheanamh na rìgh; agus lean an leth eile Omri.

22 Ach bhuadhaich an sluagh a lean Omri air an t-sluaigh a lean Tibni mac Ghinait: agus fhuair Tibni bàs, agus rìoghaich Omri.

23 Anns an aon bhliadhna deug thar fhichead do Asa rìgh Iudah, thòisich Omri air rìoghachadh os cionn Israeil: agus rìoghaich e dà bhliadhna dheug: ann an Tirsah rìoghaich e sè bliadhna.

24 Agus cheannaich e sliabh Shamaria<sup>d</sup> o Shemer air dhà thàlann airgid, agus thog e aitreabh air an t-sliabh, agus ghoir e ainm a' bhaile a thog e, a réir ainme Shemeir, sealbhadair sléibh Shamaria.

25 Ach rinn Omri olc ann an sùilb an Tighearna, agus rinn e nì's measa na iadsan uile a bha roimhe:

26 Oir ghluais e<sup>e</sup> ann an uile shlighe Ieroboaim mhic Nebait, agus na pheacadh leis an d'thug e air Israel peacachadh, a' brosnachadh an Tighearna Dé Israeil gu feirg le'n dìomhanasaibh.

27 Agus a' chuid eile do ghnìomh-araibh Omri, a rinn e, agus a neart a dh'fheuch e, nach 'eil iad scrìobhta ann an leabhar eachdraidh rìghre Israeil?

28 Agus choidil Omri maille r'a aithrichibh, agus dh'adhlaiceadh e ann an Samaria: agus rìoghaich Ahab a mhac na àit.

29 Agus thòisich Ahab mac Omri air rìoghachadh os cionn Israeil anns an ochdamh bliadhna deug thar fhichead do Asa rìgh Iudah: agus rìoghaich Ahab mac Omri os cionn Israeil ann an Samaria, dà bhliadhna thar fhichead.

30 Agus rinn Ahab mac Omri olc ann an sùilb an Tighearna, os cionn nan uile a bha roimhe.

31 Agus mar gu'm bu nì faoin<sup>e</sup> dhasan ghuasad ann am peacaibh Ieroboaim mhic Nebait, ghabh e na mnaoi Iesebel nighean Etbaail rìgh nan Sidonach, agus chaidh e agus rinn e seirbhis do Bhaal, agus shleuchd e dha.

32 Agus chuir e suas altair do Bhaal an ann tigh Bhaail, a thog e ann an Samaria.

33 Agus rinn Ahab doire; agus rinn Ahab nì's mò a bhrosnachadh an Tighearna Dé Israeil gu feirg na uile rìghrean Israeil a bha roimhe.

34 Na laithibh-san thog Hiel, am Beteleach, Iericho: ann an Abiram<sup>f</sup> a cheud-ghin shuidhich e a bhunait.

<sup>e</sup> os cionn Israeil uile. <sup>d</sup> Someron.

Eabh. <sup>e</sup> eutrom, suarach. <sup>f</sup> ann am bàs Abiram.

<sup>a</sup> nan suidhe. <sup>b</sup> shuidh iad mu'n cuairt air.



agus ann an Segub a mhac a b'èige chuire suas a gheataidh, a réir focail an Tighearna, a labhair e le làimh Iosua mhic Nuin.

## CAIB. XVII.

**A**GUS thubhairt Eliah an Tisbith-each, a bha do luchd-àiteachaidh Ghilead<sup>a</sup>, ri Ahab, *Mar* is beo an Tighearna Dia Israeil, an làthair am bheil mise a'm' sheasamh, cha bhi 'sna bliadhnaibh so drùchd no uisge ann, ach a réir m'fhocail-sa.

2 Agus thàinig focal an Tighearna d'a ionnsuidh, ag ràdh,

3 Imich as so, agus tionndaidh thu féin a làimh na h-airde 'n ear, agus folaich thu féin eig sruth Cherit, a tha fa chomhair Iordain.

4 Agus òlaidh tu do'n t-sruth, agus dh'àithn mise do na fitheachaibh do bheathachadh an sin.

5 Agus dh'imich e, agus rinn e a réir focail an Tighearna: oir chaidh e, agus ghabh e còmhnuidh aig sruth Cherit, a tha fa chomhair Iordain.

6 Agus thug na fithich d'a ionnsuidh aran agus feoil sa' mhaduinn, agus aran agus feoil 'san fheasgar; agus dh'òl e as an t-sruth.

7 Ach an ceann tamuill<sup>b</sup> thior- maich an sruth, a chionn nach robh uisge anns an tìr.

8 Agus thàinig focal an Tighearna d'a ionnsuidh, ag ràdh,

9 Eirich, imich gu Sarephat, a's le Sidon, agus gabh còmhnuidh an sin: feuch, dh'àithn mise do mhnaoi, a ta na bantraich an sin do bheathachadh.

10 Agus dh'éirich e, agus chaidh e do Sharephat: agus an uair a thàinig e gu geatadh a' bhaile, feuch, bha a' bhantrach an sin a' tional bhioran<sup>c</sup>, agus ghairm e oirre, agus thubhairt e, Thoir a'm' ionnsuidh, guidheam ort, beagan uisge ann an soitheach, a chum gu'n òl mi.

11 Agus an uair a bha i a' dol g'a thoirt leatha, ghlaodh e ria, agus thubhairt e, Thoir a'm' ionnsuidh, guidheam ort, greim arain a'd' làimh.

12 Agus thubhairt ise, *Mar* is beo an Tighearna do Dhia, cha 'n'eil breacag agam, ach làn an duirn do mhin ann an soitheach<sup>d</sup>, agus beagan olaidh ann an corn<sup>e</sup>: agus feuch, tha mi a' tional biorain no dhà, a chum gu'n d'fhéid mi steach, agus gu'n deasaich mi e dhomh féin agus do m' mhac, agus gu'n ith sinn e, agus gu'm faigh sinn bàs.

13 Agus thubhairt Eliah ria, Na biodh eagal ort; falbh, dean a réir

t'fhocail: ach dean dhomh-sa dhiubh sin breacag bheag an toiseach, agus thoir a' m' ionnsuidh i, agus dhuif féin agus do d' mhac deasaich<sup>f</sup> na dhéigh sin.

14 Oir mar so tha'n Tighearna Dia Israeil ag ràdh, Cha chaithear an soitheach mine, agus cha teirig an corn olaidh, gus an là 'san cuir an Tighearn uisge air aghaidh na talmhainn.

15 Agus dh'fhalbh i, agus rinn i a réir focail Eliah, agus dh'ith ise, agus esan, agus a tigh rè mòrain do laithibh.

16 Cha do chaitheadh an soitheach mine, agus cha do theirig an corn olaidh, a réir focail an Tighearna, a labhair e le làimh Eliah.

17 Agus thachair an déigh nan nithe sin, gu'n d'fhàs mac na mnà, eadhon mnà an tìghe, gu tinn; agus bha a thinneas cho trom, as nach d'fhàgadh anail ann.

18 Agus thubhairt i ri Eliah, Ciod e mo ghnòthuch-sa riut<sup>g</sup>, a dhuine le Dia? an d'thàinig thu a'm' ionnsuidh a chur mo pheacaidh an cuimhne, agus a mharbhadh mo mhic?

19 Agus thubhairt esan ria, Thoir dhomh-sa do mhac. Agus ghlac e as a h-uchd e, agus thug e suas e do sheòmar uachdarach<sup>h</sup>, anns an robh e féin a' fantuinn, agus chuir e na luidhe air a leabaidh féin e.

20 Agus dh'éigh e ris an Tighearna, agus thubhairt e, A Tighearna mo Dhia, an d'thug thu mar an ceudna olc air a' bhantraich aig am bheil mi air aoidheachd<sup>i</sup>, le a mac a mharbhadh?

21 Agus shìn se e féin air an leanabh tri uairean, agus dh'éigh e ris an Tighearna, agus thubhairt e, A Tighearna mo Dhia, thigeadh, guidheam ort, anam an leinibh so a steach ann a ris.

22 Agus dh'éisd an Tighearna ri guth Eliah; agus thàinig anam an leinibh a steach ann a ris, agus dh'ath-bheothaichheadh e.

23 Agus ghlac Eliah an leanabh, agus thug e sìos e as an t-seòmar uachdarach do'n tigh, agus thug e d'a mhàthair e: agus thubhairt Eliah, Feuch, tha do mhac beo.

24 Agus thubhairt a' bhean ri Eliah, A nis le so tha fios agam gur duine le Dia thu, agus gur firinn focal an Tighearn ann do bheul.

## CAIB. XVIII.

**A**GUS an dèigh mòrain do laithibh, thàinig focal an Tighearna gu Eliah anns an treas bliadhna, ag

<sup>a</sup> a bha a Thisbi Ghilead. <sup>b</sup> an ceann bliadhna; an ceann laithean. Eabh. <sup>c</sup> mhaidean, connaidh.

<sup>d</sup> barail, cuinneig. <sup>e</sup> cruiseigin.

<sup>f</sup> dean. <sup>g</sup> Ciod dhomh-sa agus dhuif. Eabh. <sup>h</sup> lobhta.

<sup>i</sup> maille ris am bheil mi air chuairt.

ràdh, Falbh, nochd <sup>a</sup> thu féin do Ahab, agus bheir mise uisge air aghaidh na talmhainn.

2 Agus dh'fhalbh Eliah g'a nochdadh féin do Ahab: agus *bha* gorta mhòr ann an Samaria.

3 Agus ghairm Ahab air Obadiah, *a bha* os cionn *a* thighe, (a nis bha eagal an Tighearna gu mòr air Obadiah:

4 Oiran uair a thug Iesebelfa 'near fàidhean an Tighearn a ghearradh as, ghabh Obadiah ceud fàidh, agus dh'fholaich e iad nan leth-cheudaibh <sup>b</sup> ann an uaimh, agus bheathaich e iad le h-aran agus uisge)

5 Agus thubhairt Ahab ri h-Obadiah, Imich do'n tìr, a dh'ionnsuidh nan tobar uisge uile, agus a dh'ionnsuidh nan sruth uile, a dh'feuchainn am faigh sinn fear, a chum as gu'n gléidh sinn ar n-eich agus ar muileidean beo, agus nach caill sinn an spréidh uile.

6 Agus roinn iad an tìr eatorra gu dol troimpe: chaidh Ahab air aon slighe leis féin, agus chaidh Obadiah air slighe eile leis féin.

7 Agus an uair a bha Obadiah 'san t-slighe, feuch, thachair Eliah air: agus dh'aithnich se e, agus thuit e air aghaidh, agus thubhairt e, An tu-sa *tha*'n so, mo thighearn Eliah?

8 Agus thubhairt esan ris, *Is* mi: imich, innis do d' thighearna, Feuch, *tha* Eliah *an so*.

9 Agus thubhairt esan, Ciod am peacadh a rinn mi, gu'n d'thugadh tu do sheirbhiseach an làimh Ahaib, g'am mharbhadh?

10 *Mar* is beo an Tighearna do Dhia, cha 'n'eil cinneach no ròghachd, do nach do chuir mo thighearna g'ad iarraidh: agus an uair a thubhairt iad, Cha 'n'eil e'n so; ghabh e mionnan da'n ròghachd agus do'n chinneach, nach d'fhuir e <sup>c</sup> thu.

11 Agus a nis *tha* thu ag ràdh, Imich, innis do d' thighearna, Feuch, *tha* Eliah *an so*.

12 Agus tachraidh, an uair a dh'imicheas mise uait, gu'n tog spiorad an Tighearna leis thu-sa far nach 'eil fhios agam-sa, agus an uair a thig mise a dh'innseadh do Ahab, agus nach faigh e thu, gu'm marbh e mise: gidheadh *tha* eagal an Tighearn orm-sa do sheirbhiseach o m'òige.

13 Nach d'innseadh do m' thighearna ciod a riun mi 'nuair a mharbh Iesebel fàidhean an Tighearna, mar a dh'fholaich mi ceud fear a dh'fhàidhibh an Tighearna, nan leth-cheudaibh ann an uaimh,

agus a bheathaich mi iad le h-aran agus le h-uisge?

14 Agus a nis *tha* thu ag ràdh, Imich, innis do d' thighearna, Feuch, *tha* Eliah *an so*; agus marbhaidh e mi.

15 Agus thubhairt Eliah, *Mar* is beo Tighearna nan slògh, an làthair am bheil mi a'm' sheasamh, gu deimhin nochdaidh mi mi féin da an diugh.

16 Uime sin chaidh Obadiah an coinneamh Ahaib, agus dh'innis e dha. Agus chaidh Ahab an coinneamh Eliah.

17 Agus an uair a chunnaic Ahab Eliah, thubhairt Ahab ris, An tu-sa esan a tha cur Israeil fa bhuaireas<sup>d</sup>?

18 Agus thubhairt esan, Cha mhise a chuir Israel fa bhuaireas, ach thu-sa agus tigh t'athar, a thaobh gu'n do thréig sibh àitheantan an Tighearna, agus gu'n do lean sibh <sup>e</sup> Baalim.

19 A nis uime sin cuir *fios*, cruinnich a'm' ionnsuidh-sa Israel uile gu sliabh Charmeil, agus fàidhean Bhaail, ceithir cheud agus leth-cheud, agus fàidhean nan doire, ceithir cheud, a tha 'g itheadh aig bord Iesebeil.

20 Agus chuir Ahab *fios* a dh'ionnsuidh chloinn Israeil uile, agus chruinnich e na fàidhean an ceann a chéile gu sliabh Charmeil.

21 Agus thàinig Eliah dh'ionnsuidh an t-sluaigh uile, agus thubhairt e, Cia fhad a bhitheas sibh 'san iomchomhairl' eadar dhà bharrail? Ma's e'n Tighearn a's Dia ann, leanaibh e; ach ma's e Baal, leanaibh esan. Ach cha do fhreagair an sluagh e acn fhocal.

22 An sin thubhairt Eliah ris an t-sluagh, Dh'fhàgadh mise, eadhon mise a mhàin a'm' fhàdh leis an Tighearna; ach tha fàidhean Bhaail ceithir cheud agus leth-cheud fear *an àireamh*.

23 Thugadh iad dhuinne, ma ta dà tharbh òg, agus taghadh iadsan dhoibh féin aon tarbh òg, agus gearradh iad na mhiribh e, agus cuireadh iad air connadh e; ach na cuireadh iad teine fuidhe: agus deasaichidh mise an tarbh òg eile, agus cuiridh mi air connadh e, ach cha chuir mi teine fuidhe.

24 An sin gairmibh-sa air ainm bhur dée féin, agus gairmidh mise air ainm an Tighearna <sup>f</sup>: agus an Dia a fhreagas le teine, bithidh esan na Dhia. Agus fhreagair an sluagh uile agus thubhairt iad, *Is* maith a labhair thu.

25 Agus thubhairt Eliah ri fàidh-

<sup>a</sup> taishein, feuch.  
cheud agus leth-cheud.

<sup>b</sup> a lion leth-  
<sup>c</sup> iad.

<sup>d</sup> a'tuairgneadh Israeil.  
Iehobhah. Eabh.

<sup>e</sup> thusa.

ibh Bhaail, Taghaibh-sa dhuibh féin aon tarbh òg, agus deasaichibh an toiseach *e*, oir *tha* sibh liomhor; agus gairmibh air ainm bhur dée, ach na cuiribh teine fuidhe.

26 Agus ghabh iad an tarbh òg, a thugadh dhoibh, agus dheasaich iad *e*, agus ghairm iad air ainm Bhaail o mhaduinn eadhon gu meadhon-là, ag ràdh, A Bhaail, éisd ruinne. Ach cha *robh* guth, no neach air bith a fhreagradh ann: agus leum iad air an altair a rinn iad <sup>a</sup>.

27 Agus an uair a bha e mu mheadhon-là, rinn Eliah fanoid orra, agus thubhairt e, Eighibh le guth ard; oir is dia e: an dara cuid *tha* e a' beachdsmuaineachadh <sup>b</sup>, no *tha* e air tòir, no *tha* e air thurus, no theagamh gu'm bheil e na chodal, agus gu'm feumar a dhùsgadh.

28 Agus dh'éigh iadsan le guth ard, agus ghearr siad iad féin a réir an gnàtha le cloidhibh <sup>c</sup> agus le lannaibh, gus an do thaom an fhuil a mach orra.

29 Agus an uair a chaidh meadhon-là thairis, agus a rinn iad fàidhead-oireachd gu àm toirt suas na h-iobairt *fheasgair*, cha *robh* guth ann, no aon air bith a fhreagradh, no bheireadh fa'near iad.

30 Agus thubhairt Eliah ris an t-sluagh uile, Thigibh am fagus domh-sa. Agus thàinig an sluagh uile am fagus da; agus chàirich e altair an Tighearn, a bha air a briseadh sìos.

31 Agus ghabh Eliah dà chloich dheug, a rèir àireinibh threubh mhac Iacoib, chum an d'thàinig focal an Tighearn, ag ràdh, Bitheadh Israel mar ainm ort.

32 Agus thog e leis na clachaibh altair ann an ainm an Tighearna; agus rinn e clais co mòr as gu'n cumadh i dà thomhas sìl, mu'n cuairt air an altair.

33 Agus shuidhich e'n connadh, agus ghearr e'n tarbh òg na inhiribh, agus chuir e air a chonnadh *e*.

34 An sin thubhairt e, Lìonaibh ceithir soithichean le h-uisge, agus dòirtibh e air an iobairt-loisgte, agus air a' chonnadh. Agus thubhairt e, Deanaibh an dara h-uair e, agus rinn iad an dara h-uair e: agus thubhairt e, Deanaibh an treas uair e, agus rinn iad an treas uair e.

35 Agus chaidh an t-uisge mu'n cuairt air an altair, agus lìon e mar an ceudna a' chlais le h-uisge.

36 Agus an àm toirt suas na h-iobairt *fheasgair*, thàinig Eliah am fàidh am fagus, agus thubhairt e, A Thighearna Dhia Abraham, Isaac,

agus Israeil, biodh fhios an diugh gur tu-sa a's Dia ann an Israel, agus gur mise t-òglach, agus gur ann air t'fhocal-sa rinn mi na nithe so uile.

37 Eisd rium, A Thighearna, éisd rium; agus biodh fios aig an t-sluagh so gur tu-sa 'n Tighearna Dia, agus gu'n do phill thu an cridhe air ais a ris.

38 An sin thuit teine an Tighearna, agus chaith e <sup>d</sup> an iobairt-loisgte, agus an connadh, agus na clachan, agus an luaithre; agus an t-uisge *bha* sa' chlais dh'imlich e suas.

39 Agus an uair a chunnaic an sluagh uile e, thuit iad air an aghaidh, agus thubhairt iad, Is e'n Tighearna féin a's Dia ann, is e'n Tighearna féin a's Dia ann.

40 Agus thubhairt Eliah riu, Glacaibh fàidhean Bhaail; na rachadh duine dhiubh as. Agus ghlac siad iad; agus thug Eliah sìos iad gu sruth Chisoin, agus mharbh e iad an sin.

41 Agus thubhairt Eliah ri Ahab, Eirich suas, ith agus òl; oir *tha* fuaim pailteis uisge ann.

42 Agus chaidh Ahab suas a dh'itheadh agus a dh'òl: agus chaidh Eliah suas gu mullach Charneil, agus thilg se e féin sìos air an talamh, agus chuir e 'aghaidh eadar aghlùinibh.

43 Agus thubhairt e r'a òglach, Falbh suas a nis, amhairc a dh'ionnsuidh na fairge. Agus chaidh esan suas, agus dh'amhairc e, agus thubhairt e, Cha 'n'èil ni air bith ann. Agus thubhairt e, Falbh a ris seachd uairean.

44 Agus air an t-seachdamh uair thubhairt e, Feuch, *tha* neul beag cosmhuil ri bois <sup>e</sup> duine ag éirigh as an fhaerge. Agus thubhairt e, Falbh suas, abair ri Ahab, Ulluich do charbad, agus gabh sìos, a chum nach bac an t'uisge thu.

45 Agus anns a' cheart àm sin, dhorchaicheadh na speuran le neulaibh agus le gaoith; agus bha uisge mòr ann. Agus mharcaich Ahab, agus chaidh e do Iesreel.

46 Agus bha làmh an Tighearn air Eliah; agus chrìoslaich e a leasraidh, agus ruith e roimh Ahab, gus an d'thàinig e do Iesreel <sup>f</sup>.

## CAIB. XIX.

**A** GUS dh'innis Ahab do Iesebel na h-uile nithe a rinn Eliah, agus cionnus a mharbh e na fàidhean uile leis a' chlaideamh.

2 Agus chuir Iesebel teachdaire dh'ionnsuidh Eliah, ag ràdh, Mar sin deanadh na dée *rium-sa*, agus tuilleadh mar an ceudna, mur dean e

<sup>a</sup> rinneadh.  
<sup>c</sup> sgeanaibh.

ri bruidhinn.

<sup>d</sup> dh'ith e suas, loisg e.

<sup>f</sup> gu dol a steach Iesreel.

<sup>e</sup> làimh.

<sup>g</sup> cuir.

inise mu'n àm so màireach t'anam-sa<sup>a</sup> mar anam aoin diubhsan.

3 Agus bha eagal air, agus b' dh'èirich e, agus dh'fhalbh e air sgàth 'anma, agus thàinig e gu Beer-seba, a bhuineas do Iudah, agus dh'fhàg e 'òglach an sin.

4 Ach chaidh e féin astar latha<sup>c</sup> do'n fhàsach, agus thàinig e agus shuidh e fuidh chraoibh-aiteil, agus dh'iarr e dha féin<sup>d</sup> bàs fhaghail<sup>e</sup>, agus thubhairt e, Is leòr e; a nis a Tighearna, thoir leat m'anam; oir cha'n fhearr mise nà m'aithriche.

5 Agus an uair a luidh e agus a choidil e fuidh chraoibh-aiteil, feuch an sin bhean aingeal ris, agus thubhairt e ris, Eirich, ith.

6 Agus dh'amhairc e, agus feuch, bha aig a cheann breacag a bhrùich-eadh air a ghròsaich, agus soitheach uisge: agus dh'ith agus dh'òl e, agus luidh e sìos a ris.

7 Agus thàinig aingeal an Tighearna air ais an dara h-uair, agus bhean e ris, agus thubhairt e, Eirich, ith; oir tha'n turas mòr air do shon.

8 Agus dh'èirich esan, agus dh'ith agus dh'òl e, agus dh'imich e ann an neart a' bhèidh sin dà fhichead là, agus dà fhichead oidhche, gu ruig Horeb sliabh Dhé.

9 Agus chaidh e steach an sin do uaimh, agus ghabh e tàmh innte; agus feuch, thàinig focal an Tighearna d'a ionnsuidh, agus thubhairt e ris, Ciod e do gnothuch an so, Eliah?

10 Agus thubhairt esan, Bha mi ro eudmhor air son an Tighearna Dé nan slògh: oir thréig clann Israeil do choimhcheangal, thilg iad sìos t'altairean, agus mharbh iad t'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anma, chum a thoirt air falbh.

11 Agus thubhairt e, Falbh a mach, agus seas air an t-sliabh an làthair an Tighearna. Agus feuch, ghabh an Tighearna seachad, agus reub gaoth mhòr agus làidir na beanntan, agus bhris i na creaga nam bloighdibh roimh an Tighearna, ach cha robh an Tighearna anns a' ghaoith; agus an déigh na gaoithe crith-thalmhainn, ach cha robh an Tighearna anns a' chrith-thalmhainn;

12 Agus an déigh na crith-thalmhainn teine, ach cha robh an Tighearna anns an teine; agus an déigh an teine guth ciuin caol.

13 Agus an uair a chual Eliah e, chomhdaich e 'aghaidh le 'fhalluing,

agus chaidh e mach, agus sheas e am beul na h-uamha: agus feuch, thàinig guth d'a ionnsuidh, agus thubhairt e, Ciod e do gnothuch an so, Eliah?

14 Agus thubhairt esan, Bha mi ro eudmhor air son an Tighearna Dé nan slògh: oir thréig clann Israeil do choimhcheangal, thilg iad sìos t'altairean, agus mharbh iad t'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anma chum a thoirt air falbh.

15 Agus thubhairt an Tighearna ris, Falbh, pill air do shlighe gu fàsach Dhamascuis: agus an uair a thig thu, ung Hasael na rìgh air Siria.

16 Agus Iehu mac Nimsi<sup>f</sup> ungaidh tu na rìgh air Israel: agus Elisa, mac Shaphait o Abelmeholah, ungaidh tu na fhàidh a'd' àite féin.

17 Agus tacharaidh, esan a theid as o chlàidheamh Hasaeil, gu marbh Iehu e: agus esan a theid as o chlàidheamh Iehu, gu marbh Elisa e.

18 Gidheadh dh'fhàg mi dhomh féin ann an Israel seachd mìle, na glùinean uile nach do lùb iad féin do Bhaal, agus gach uile bheul nach d'thug pòg dha.

19 Agus dh'fhalbh e as sin, agus fhuaire Elisa mac Shaphait, agus e ag àr le dà chuing dheng dhamh roimhe, agus e féin leis an dara cuing deug: agus chaidh Eliah thairis d'a ionnsuidh, agus thilg e 'fhalluing air.

20 Agus dh'fhàg esan na daimh, agus ruith e 'n déigh Eliah, agus thubhairt e, Leig dhomh, guidheam ort, m'athair agus mo mhàthair a phògadh, agus an sin leanaidh mi thu. Agus thubhairt esan ris, Falbh, pill; oir ciod a rinn mise ort?

21 Agus phill e uath, agus ghabh e cuing dhamh, agus mharbh e iad, agus le acfuinn nan damh bhrùich e am feoil, agus thug e do'n t-sluagh i, agus dh'ith iad. An sin dh'èirich e, agus chaidh e'n déigh Eliah, agus fhrithheil e dha.

#### CAIB. XX.

**A**GUS chruinnich Ben-hadad rìgh Shiria a shluagh uile an ceann a chèile; agus bha dà rìgh dheug thar fhichead maille ris, agus eich, agus carbaid: agus chaidh e suas agus theannaich e Samaria, agus chog e na aghaidh.

2 Agus chuir e teachdairean gu Ahab rìgh Israeil do'n bhaile, agus thubhairt e ris, Mar so tha Ben-hadad ag ràdh,

<sup>a</sup> do bheatha-sa. <sup>b</sup> Agus an uair a chunnaic e sin. <sup>c</sup> là. <sup>d</sup> d'a anam. Eabh. <sup>e</sup> fhaotainn.

<sup>f</sup> Iehu mac Jehosphait, mhic Nimsi. II. Rìgh. Caib. IX. r. 2. <sup>g</sup> ghabh Eliah seachad air.



3 T'airgiod agus t'òr is leam-sa; no mhnà mar an ceudna agus do chlann, *cadhon a' chuid a's fearr dhiubh, is leam-sa iad.*

4 Agus fhreagair rìgh Israeil, agus thubhairt e, A réir t'fhocail, mo thighearna a rìgh, is leat mise, agus gach nì a ta agam.

5 Agus phill na teachdairean, agus thubhairt iad, Mar so labhair Benhadad, ag ràdh, Ge do chuir mi fios a t' ionnsuidh, ag ràdh, T'airgiod, agus t'òr, agus do mhnà, agus do chlann bheir thu dhomh-sa;

6 Gidheadh mu'n tràth so am màireach cuiridh mi mo sheirbhiseach a t' ionnsuidh, agus rannsachidh iad do thigh, agus tighean do sheirbhiseach: agus tachraidh e, gach nì a ta taitneach do d' shùilibh, gu'n cuir iad nan làimh, agus gu'n d'thoir iad leo e.

7 Agus ghairm rìgh Israeil air uile sheanairibh na tìre, agus thubhairt e, Thugaibh fa'near<sup>a</sup>, guidheam oirbh, agus faicibh cionnus a tha'm fear so ag iarraidh uile; oir chuir e fios a'm' ionnsuidh, air mo mhnàibh, agus air mo chloinn, agus air m'airgiod, agus air m'òr, agus cha do dhiùlt mi e.

8 Agus thubhairt na seanairéan uile agus an sluagh uile ris, Na h-éisd ris, agus na h-aontaich leis.

9 Uime sin thubhairt e ri teachd-airibh Bhen-hadaid, Innsibh do m' thighearna an rìgh, Gach nì air an do chuir thu fios gu t-òglach an toiseach, nì mi; ach an nì so cha'n urrainn mi dheanamh. Agus dh'fhalbh na teachdairean, agus thug iad freagradh air ais d'a ionnsuidh.

10 Agus chuir Ben-hadad fios d'a ionnsuidh, agus thubhairt e, Mar sin deanadh na dée rium-sa, agus tuilleadh mar an ceudna, ma's leòr duslach Shamaria gu làn an dorn do'n t-sluagh uile a tha 'gam lean-tuinn-sa.

11 Agus fhreagair rìgh Israeil, agus thubhairt e, Abraibh ris, Na deanadh an tì sin uail, a ta crioslachadh 'armachd uime, mar an tì a chuir dheth i.

12 Agus an uair a chuala Benhadad an teachdaireachd so, agus e féin agus na rìghrean ag òl anns na pàillionaibh, thubhairt e r'a sheirbhiseich, Cuiribh sibh féin an ordugh<sup>b</sup>. Agus chuir iadsan iad féin an ordugh an aghaidh a' bhaile.

13 Agus feuch, thàinig fàidh àraidh gu Ahab rìgh Israeil, agus thubhairt e, Mar so tha'n Tighearna ag ràdh, Am faca tu-sa an sluagh mòr so uile? feuch, bheir mise a'd'

làimh iad an diugh, agus bithidh fios agad gur mise an Tighearna.

14 Agus thubhairt Ahab, Co leis? Agus thubhairt esan, Mar so tha'n Tighearna ag ràdh, Le òganachlaibh uachdarana nan dùchanna<sup>c</sup>. An sin thubhairt e, Cò chuireas an cath an ordugh? Agus thubhairt esan, Thu-sa.

15 An sin dh'àireamh e òganaich uachdarana nan dùchanna, agus bha ann diubh dà cheud agus a dhà-dheug thar fhichead: agus nan déigh-san dh'àireamh e an sluagh uile, eadhon uile shluagh chloinn Israeil, seachd mìle.

16 Agus chaidh iad a mach mu mheadhon-là: ach bha Benhadad ag òl gus an robh e air mhisg anns na pàillionaibh, e féin agus na rìghre, eadhon an da rìgh dheug thar fhichead a bha 'ga chòmhnaidh?

17 Agus chaidh òganaich uachdarana nan dùchanna mach an toiseach, agus chuir Benhadad daoine a mach, agus dh'innis iad da, ag ràdh, Thàinig-daoine a mach a Samaria.

18 Agus thubhairt esan, Ma's ann gu sìth a thàinig iad a mach, glac-aibh beo iad; no m'as ann gu cogadh a thàinig iad a mach, glac-aibh beo iad.

19 Agus thàinig iad a mach as a' bhaile, òganaich uachdarana nan dùchanna, agus an armailt a lean iad.

20 Agus mharbh gach fear diubh 'fhear agus theich na Sirianaich, agus ruag Israel iad; agus chaidh Benhadad rìgh Shiria as air muin eich, maille ris a' mharc-shluagh.

21 Agus chaidh rìgh Israeil a mach, agus bhuail e na h-eich, agus na carbaid, agus mharbh e na Sirianaich le h-àr mòr.

22 Agus thàinig am fàidh gu rìgh Israeil, agus thubhairt e ris, Falbh, neartaich thu féin, agus thoir fa'near, agus faic ciod a nì thu; oir aig teachd mu'n cuairt<sup>d</sup> na bliadhna thig rìgh Shiria nìos a'd' aghaidh.

23 Agus thubhairt seirbhiseich rìgh Shiria ris, Is dée bheann an dée-san; uime sin bhuidhaich iad oirn: ach cogamaid riu anns a' chòmh-nard, agus gu'n teagamh buadhachidh sinne orra-sàn.

24 Agus dean an nì so, Thoir na rìghrean air falbh, gach fear as 'àit, agus cuir ceannardan nan àit.

25 Agus àireamh dhuit féin armailt, mar an armailt a thuit agad<sup>e</sup>, each air an each, agus carbad air a' charbad; agus cogaidh sinn riu anns a' chòmh-nard, agus gu cinnteach

<sup>a</sup> comharaichibh. <sup>b</sup> Suidhichibh na h-inneala-cogaidh,

<sup>c</sup> tìr. <sup>d</sup> ath-philleadh.

<sup>e</sup> a chaill thu.

buadhaichidh sinn orra <sup>a</sup>. Agus dh'èisd e 'an guth, agus rinn e mar sin.

26 Agus aig teachd mu'n cuairt na bliadhna dh'aireamh Ben-hadad na Sirianaich, agus chaidh e suas gu h-Aphec a chogadh ri h-Israel.

27 Agus dh'airmheadh clann Israeil, agus bha iad uile a làthair, agus chaidh iad nan coinneamh: agus champaich clann Israeil fa'n comhair, mar dhà threud bheaga ghabhar: ach lion na Sirianaich an tìr.

28 Agus thàinig duine le Dia, agus labhair e ri rìgh Israeil, agus thubhairt e, Mar so tha'n Tighearn ag ràdh, A chionn gu'n dubhairt na Sirianaich, Is Dia bheann an Tighearna, ach cha 'n e Dia nan gleann e: air an aobhar sin bheir mise an sluagh lionmhor so uile ann ad làimh-sa, agus bithidh fios agaibh gur mise an Tighearna.

29 Agus champaich iad mo choinneamh a chèile seachd laithean: agus air an t-seachdamh là chuireadh an cath: agus mharbh clann Israeil do na Sirianaich ceud mìle coisiche ann an aon là.

30 Ach theich a' chuid eile gu h-Aphec, do'n bhaile: agus an sin thuit balladh air seachd mìle fichead fear do na dh'fhàgadh. Agus theich Ben-hadad, agus thàinig e do'n bhaile, do sheòmar cùil <sup>b</sup>.

31 Agus thubhairt a sheirbhisich ris, Feuch a nis, chuala sinn mu rìghre tighe Israeil, gur rìghrean iochdmhor iad: cuireamaid ma ta saic-eudach air ar leasraidh, agus cuird <sup>c</sup> air ar ceann, agus rachamaid a mach gu rìgh Israeil; theagamh gu'n saor e t'anam.

32 Agus cheangail iad saic-eudach air an leasraidh, agus chuir iad cuird air an cinn, agus thàinig iad gu rìgh Israeil, agus thubhairt iad, Tha do sheirbhisich Ben-hadad ag ràdh, Leig dhomh, guidheam ort, a bhi beo. Agus thubhairt esan, Am bheil e fathast beo? is e mo bhràthair e.

33 Agus thug na daoine an aire gu furachar a dh'fheuchainn an d'thigeadh ni air bith uath, agus ghrad-ghlac iad e; agus thubhairt iad, Do bhràthair Ben-hadad. An sin thubhairt esan, Rachaidh, thugaibh leibh e. Agus thàinig Ben-hadad a mach d'a ionnsuidh; agus thug e air dol suas do'n charbad.

34 Agus thubhairt Ben-hadad ris, Na bailtean a thug m'athair-sa o t'athair-sa, bheir mise air an ais, agus ni thu-sa sràide dhuìt féin ann an Damascus, mar a rinn m'athair-

sa ann an Samaria. An sin thubhairt Ahab, Leigidh mise air falbh thu leis a choimhcheangal so. Mar so rinn e coimhcheangal ris, agus leig e air falbh e.

35 Agus thubhairt duine àraidh do mhacaibh nam fàidh r'a choimhear-snach ann am focal an Tighearna, Buail mi, guidheam ort. Agus dhiùlt an duine a bhualadh.

26 An sin thubhairt esan ris, A chionn nach d'èisd thu ri guth an Tighearna, feuch, co luath as a dh'fhalbhas tu uam-sa, marbhaidh leòmhnan thu. Agus co luath as a dh'fhalbh e uath, fhuair leòmhnan e, agus mharbh se e.

37 Na dh'éigh sin fhuair e duine eile, agus thubhairt e, Buail mi, guidheam ort. Agus bhual gu deimhin an duine <sup>d</sup> e, agus lot se e.

38 Agus dh'fhalbh am fàidh, agus dh'fheith e air an rìgh làimh ris an t-slighe, agus chuir se e féin ann an coslas <sup>e</sup> eile le luath <sup>f</sup> air 'aghaidh g.

39 Agus an uair a bha'n rìgh a' gabhail seachad, dh'éigh e ris an rìgh, agus thubhairt e, Chaidh t'òglach a steach gu meadhan a' chatha, agus feuch, thionndaidh duine a leth-taobh, agus thug e duine a'm' ionnsuidh-sa, agus thubhairt e, Gléidh am fear so: mur bi e r'a fhaotainn <sup>h</sup> air chorsam bith, bithidh t'anam-sa air son 'anmasan, no dlòidh <sup>i</sup> tu talann airgid.

40 Agus am feadh a bha t'oglach a' bith-dheanamh an so agus an sud, cha robh esan r'a fhaghail <sup>k</sup>. Agus thubhairt rìgh Israeil ris, Is ann mar so a bhitheas do bhreitheanas-sa, dh'orduich thu féin e.

41 Agus rinn e cabhag, agus chuir e'n luath air falbh o 'aghaidh; agus dh'aithnich rìgh Israeil e, gu'm b'ann do na fàidhibh e.

42 Agus thubhairt e ris, Mar so tha'n Tighearn ag ràdh, A chionn gu'n do leig thu as do làimh duine a dh'orduich mise gu léir-sgrìos, uime sin bithidh t'anam-sa air son 'anmasan, agus do shluagh-sa air son a shluaigh-san.

43 Agus dh'fhalbh rìgh Israeil a dh'ionnsuidh a thighe dubhach <sup>l</sup> agus feargach <sup>m</sup>, agus thàinig e gu Samaria.

# CAIB. XXI.

A GUS thachair an déigh nan nithe sin gu'n robh fion-lios aig Nabot an t-Iesreeleach, a bha ann an

<sup>a</sup> bhual an duine e le bualadh. Eabh.

<sup>c</sup> duaicneachd. <sup>f</sup> gnùis-bhrat.

<sup>g</sup> a shùilbh. Eabh. <sup>h</sup> ma dh'ionndruinear e. <sup>i</sup> cudthromaichidh. Eabh.

<sup>k</sup> fhaotainn. <sup>l</sup> tuirseach,

<sup>m</sup> fa mhi-ghean,

<sup>a</sup> bithidh sinn ni's treise na iad.

<sup>b</sup> do sheòmar ann an seòmar. Eabh.

<sup>c</sup> taoid.

Iesreel, làmh ri làchairt Ahaib rìgh Shamaria.

2 Agus labhair Ahab ri Nabot, ag ràdh, Thoir dhomh-sa t'fhion-lios, gu bhi agam na lios<sup>a</sup> luibhean, a chionn gu bheil e fagus do m' thigh, agus bheir mise dhuitse air a shon fion-lios a's fearr na e; no ma's e a's taitniche leat<sup>b</sup>, bheir mi dhuit a luach an airgid.

3 Agus thubhairt Nabot ri Ahab, Nar leigeadh Dia dhomh-sa, gu'n d'thugainn oighreachd m'aithriche dhuitse.

4 Agus thàinig Ahab d'a thigh dubhach agus feargach, air son an fhocail a labhair Nabot an t-Iesreel-each ris: oir thubhairt e, Cha d'thoir mi dhuit oighreachd m'aithriche: agus luidh e sìos air a leabaidh, agus thionndaidh e 'aghaidh air falbh, agus cha'n itheadh e aran.

5 Ach thàinig Iesebel a bhean d'a ionnsuidh, agus thubhairt i ris, C'ar son a tha do spiorad cho dubhach, agus nach ith thu aran?

6 Agus thubhairt esan ria, Air son gu'n do labhair mi ri Nabot an t-Iesreel-each, agus gu'n dubhairt mi ris, Thoir dhomh-sa t'fhion-lios air airgid; no, ma's àill leat, bheir mi dhuit fion-lios eile air a shon: agus thubhairt esan, Cha d'thoir mi dhuit m'fhion-lios.

7 Agus thubhairt Iesebel a bhean ris, Tha thus'a nis a' stiùradh rìoghachd Israeil! Eirich, ith aran, agus biodh do chridhe subhach: bheir mise dhuit fion-lios Naboit an Iesreelich.

8 Agus scrìobh i litrichean ann an ainm Ahaib, agus sheulaich i iad le 'sheula; agus chuir i na litriche d'ionnsuidh nan seanair, agus a dh'ionnsuidh nan uaislean, a bha chòmhnuidh maille ri Nabot na bhaile.

9 Agus scrìobh i anns na litrichibh, ag ràdh, Gairmibh trosgadh, agus thugaibh air Nabot suidhe an toiseach an t-sluaigh.

10 Agus cuiribh dithis dhaoine, mic Bhelial, mu 'choinneamh, a thoirt fianuis na aghaidh, ag ràdh, Mhaslaich thu<sup>c</sup> Dia agus an rìgh: agus an sin thugaibh a mach e, agus clachaibh e, a chum gu'm faigh e bàs.

11 Agus rinn daoine a bhaile, eadhon na seanairean, agus na h-uaislean a chòmhnuidh na bhaile, a reir an fhios a chuir Iesebel d'an ionnsuidh, a reir an ni a bha scrìobhta anns na litrichibh, a chuir i d'an ionnsuidh.

12 Ghàirm iad trosgadh, agus thug iad air Nabot suidhe an toiseach an t-sluaigh.

13 Agus thàinig dithis dhaoine, mic Bhelial, agus shuidh iad mu 'choinneamh: agus rinn fir Bhelial fianuis na aghaidh, eadhon an aghaidh Naboit, an làthair an t-sluaigh, ag ràdh, Mhaslaich Nabot Dia agus an rìgh. An sin thug iad a mach as a' bhaile e, agus chlach iad e le clachaibh, agus fhuair e bàs.

14 Na dhéigh sin chuir iad teachd-aire gu Iesebel, ag ràdh, Chlachadh Nabot, agus tha e marbh.

15 Agus an uair a chuala Iesebel gu'n do chlachadh Nabot, agus gu'n robh e marbh, thubhairt Iesebel ri Ahab, Eirich, gabh sealbh ann am fion lios Naboit an Iesreelich, a dhiùlt e thoirt duit air airgid; oir cha 'n'eil Nabot beo, ach marbh.

16 Agus an uair a chual Ahab gu'n robh Nabot marbh, dh'éirich Ahab a dhol sìos gu fion-lios Naboit an Iesreelich, a ghabhail seilbh ann.

17 Agus thàinig focal an Tighearna dh'ionnsuidh Eliah an Tisbidheach, ag ràdh,

18 Eirich, falbh sìos a choinneachadh Ahaib rìgh Israeil, a tha ann an Samaria: feuch, tha e ann am fion-lios Naboit, d'an deachaidh e sìos a ghabhail seilbh ann.

19 Agus labhraidh tu ris, ag ràdh, Mar so tha'n Tighearn ag ràdh, An do mharbh thu, agus mar au ceudna an do ghabh thu sealbh? Agus labhraidh tu ris, ag ràdh, Mar so tha'n Tighearn ag ràdh, Anns au àit, anns an d'imlich na madraidh fuil Naboit, imlichidh na madraidh t'fhuil-sa, eadhon t'fhuil-sa.

20 Agus thubhairt Ahab ri h-Eliah, An d'fhuair thu mi, O mo nàmhaid? Agus thubhairt esan, Fhuair mi thu; a chionn gu'n do reic thu thu féin a dheanamh uile ann an sùilibh an Tighearna.

21 Feuch, bheir mise olc ort, agus cuiridh mi as do d' shliochd, agus gearraidh mi air falbh o Ahab esan a ni uisge ri balladh, agus esan a dhruidear a stigh, agus a dh'fhàgar ann an Israel.

22 Agus ni mi do thigh-sa mar thigh Ieroboaim mhic Nebait, agus mar thigh Bhaasa mhic Ahiah, air son a' bhrosnachaidh leis an do bhrosnach thu mi gu feirg, agus leis an d'thug thu air Israel peacachadh.

23 Agus mar an ceudna mu Iesebel labhair an Tighearna, ag ràdh, Ithidh na madraidh Iesebel aig balladh<sup>d</sup> Iesreil.

24 Esan, a gheibh bàs do Ahab anns

<sup>a</sup> ghàradh. <sup>b</sup> fearr a'd' shùilibh. Eabh, <sup>c</sup> Mhallaich thu, thug thu toibheum do,

<sup>d</sup> ann an daingneach.

a' bhaile, ithidh na madraidh, agus esan, a gheibh bàs anns a' mhachair,<sup>a</sup> ithidh eunlaith an athair.

25 Ach cha robh *neach* ann cosmhuil ri Ahab, a reic e féin a dheanamh uile ann an sùilbh an Tighearna, do bhrìgh gu'n do tharuing a dh' an Isebel thuige<sup>b</sup> e.

26 Agus rinn e nithe ro-ghràineil ann an leantuinne dhée bréige<sup>c</sup>, a réir nan uile *nithe* a rinn na h-Amoraich, a thilg an Tighearna a mach roimh<sup>d</sup> chloinn Israeil.

27 Agus an uair a chual Ahab na briathra sin, reub e 'eudach, agus chuir e saic-eudach air 'fheoil, agus thoisg e, agus luidh e ann an saic-eudach, agus ghluais e gu mall<sup>e</sup>.

28 Agus thàinig focal an Tighearna, gu Eliah an Tisbidheach, ag ràdh,

29 Am faic thu-sa mar a tha Ahab 'ga ùmh-lachadh féin a'm' fhianuis-sa? a chionn gu bheil e 'ga ùmh-lachadh féin a'm' fhianuis, cha d'thoir mi an t-olc na laithibh-san: ach ann an laithibh a mhuic bheir mi an t-olc air a thigh.

## CAIB. XXII.

**A** GUS dh'fhan iad trì bliadhna gu'n chogadh eadar Siria agus Israel.

2 Agus anns an treas bliadhna thàinig Iehosaphat rìgh Iudah a nuas gu rìgh Israeil.

3 (Agus thubhairt rìgh Israeil r'a sheirbhisich, Nach 'eil fhios agaibh gur leinne Ramot ann an Gilead? agus *gidheadh* tha sinn gu'n ghuth againn air a ghlacadh<sup>f</sup> a làimh rìgh Shiria.)

4 Agus thubhairt e ri Iehosaphat, An d'théid thu maille rium-sa gu cath do Ramot-gilead? Agus thubhairt Iehosaphat ri rìgh Israeil, *Tha mise mar a ta thu-sa*, mo shluagh-sa mar do shluagh-sa, m'eich-sa mar t'eich-sa.

5 Agus thubhairt Iehosaphat ri rìgh Israeil, Fiosraich, guidheam ort, an diugh do fhocal an Tighearna.

6 Uime sin chruinnich rìgh Israeil na fàidhean an cionn a chéile, mu thimchioll ceithir cheud fear, agus thubhairt e riu, An d'théid mi an aghaidh Ramot-gilead gu cath, no'n leig mi leis? Agus thubhairt iad-san, Falbh suas, oir bheir an Tighearna an làimh an rìgh e.

7 Agus thubhairt Iehosaphat, Nach 'eil an so fàidh tuilleadh leis an Tighearna, chum gu'm fiosraich sinn dheth?

8 Agus thubhairt rìgh Israeil ri Iehosaphat, *Tha fathast aon fhear ann*, Micaiah mac Imlah, leis am feud sinn fiosrachadh do'n Tigh-earna; ach tha fuath agam dha, oir cha mhaith a chuireas e air mo mhanadh-sa<sup>h</sup>, ach olc. Agus thubhairt Iehosaphat, Na h-abradh an rìgh mar sin.

9 Agus ghairm rìgh Israeil air maor<sup>i</sup>, agus thubhairt e, Greas an so Micaiah mac Imlah.

10 Agus shuidh rìgh Israeil, agus Iehosaphat rìgh Iudah, gach fear air a rìgh chaithir féin, le'n earradh *rìoghail* orra, ann an àite réidh, ann an dol a steach geataidh Shannaria, agus na fàidhean uile ri fàidheadaireachd nam fianuis.

11 Agus rinn Sedeciah mac Chenaanah adhaircean iaruinu dha féin, agus thubhairt e, Mar so tha'n Tigh-earna ag ràdh, Leo so buailidh tu na Sirianaich, gus an cuir thu as doibh.

12 Agus rinn na fàidhean uile fàidheadaireachd<sup>k</sup> mar so, ag ràdh, Falbh suas gu Ramot-gilead, agus soirbhich; oir bheir an Tighearna an làimh an rìgh e.

13 Agus an teachdair<sup>a</sup> a chaidh a ghairm Mhicaiah, labhair e ris, ag ràdh, Feuch a nis, *tha briathra nam fàidh le h-aon bheul a' foillseachadh* maith do'n rìgh: bitheadh t'fhocal-sa, guidheam ort, mar fhocal aoin diabh-san, agus labhair an *ni a ta* maith.

14 Agus thubhairt Micaiah, *Mar is beo an Tighearna*, an *ni a their an Tighearna rium*, sin labhairidh mise.

15 Agus thàinig e dh'ionnsuidh an rìgh, agus thubhairt an rìgh ris, A Mhicaiah, an d'théid sinn do Ramot-gilead gu cath, no'n leig sinn leis? Agus thubhairt esan ris, Falbh suas, agus soirbhich; oir bheir an Tighearna an làimh an rìgh e.

16 Agus thubhairt an rìgh ris, Cia lìon uair a mhionnaicheas mi thu, nach innis thu dhomh ach an flùrinn ann an ainm an Tighearna?

17 Agus thubhairt esan, Chunnaic mi Israel uile sgapta air na sléibh-tibh, mar chaoiraich aig nach 'eil aodhaire<sup>l</sup>: agus thubhairt an Tighearna, Cha 'n'eil maighstir orra so: pilleadh gach fear dhiubh d'a thigh féin ann an sìth.

18 Agus thubhairt rìgh Israeil ri Iehosaphat, Nach d'innis mi dhuit, nach cuireadh e maith sam bith air mo mhanadh-sa<sup>m</sup>, ach olc?

<sup>h</sup> cha tairgìr e maith mu m' thimchioll-sa. <sup>i</sup> cailltineach; euvuch.

Sag. <sup>k</sup> fàistineachd, manadair-eachd. <sup>l</sup> treudaiche, buachaille.

<sup>m</sup> nach roimh-innseadh e maith sam bith mu m' thimchioll-sa,

<sup>a</sup> anns an fhearann.

<sup>b</sup> chuige.

<sup>c</sup> dhealbh, ìodhola.

<sup>d</sup> o aghaidh.

Eabh. <sup>e</sup> gu fòil.

<sup>f</sup> nan tosd o a

ghlacadh, Eabh,

<sup>g</sup> Fedraich,



19 Agus thubhairt esan, Uime sin éisd thu-sa<sup>a</sup> ri focal an Tighearna: Chunnaic mise an Tighearna na shuidhe air a righ-chaithir, agus uile slúidigh nan nêamh nan seasamh làimh ris, air a làimh dheis agus air a làimh chli.

20 Agus thubhairt an Tighearna, Cò a chuireas impidh<sup>b</sup> air Ahab, a chum as gu'n d'théid e suas, agus gu'n tuit e ann an Ramot-gilead? Agus thubhairt aon mar so, agus aon eile mar sud.

21 Agus thàinig spiorad a mach, agus sheas e am fianuis an Tighearna, agus thubhairt e, Cuiridh mise impidh air.

22 Agus thubhairt an Tighearna ris, Co leis? Agus thubhairt esan, Théid mi mach, agus bithidh mi a'm' spiorad bréige ann am beul fhàidhean uile. Agus thubhairt e, Cuiridh tu impidh air, agus mar an ceudna buadhaichidh tu: falbh a mach, agus dean mar sin.

23 A nis uime sin, feuch, chuir an Tighearna spiorad bréige ann am beul nam fàidh sin agad uile, agus labhair an Tighearna olc mu d' thim-chioll.

24 Agus chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia'n taobh a chaidh spiorad an Tighearna uam-sa a labhairt riut-sa?

25 Agus thubhairt Micaiah, Feuch, chì thu 'san là air an d'théid thu steach do sheòmar-cùil<sup>c</sup> gu t'fholachadh féin.

26 Agus thubhairt righ Israeil, Glacaibh<sup>d</sup> Micaiah, agus thugaibh air ais e gu Amon uachdaran a' bhaile, agus gu Ios mac an righ:

27 Agus abraibh, Mar so thubhairt an righ, Cuiribh am fear so anns a' phrìosan<sup>e</sup>, agus beathaichibh e le aran airce<sup>f</sup>, agus le nise airce, gus an d'thig mise ann an sìth.

28 Agus thubhairt Micaiah, Ma philleas tu-sa idir ann an sìth, cha do labhair an Tighearna leam-sa. Agus thubhairt e, Eisdibh, a shlúidigh uile.

29 Uime sin chaidh righ Israeil, agus Iehosaphat righ Iudah, suas gu Ramot-gilead.

30 Agus thubhairt righ Israeil ri Iehosaphat, Cuiridh mise mi féin ann an coslas eile, agus théid mi a steach do'n chath; ach cuir thu-sa t'earradh rìoghail ort. Agus chuir righ Israeil e féin ann an coslas eile, agus chaidh e steach do'n chath.

31 Ach dh'àithn righ Shiria do'n dà cheannard deug thar fhichead, a bha os cionn a charbad, ag ràdh, Na cogaibh ris a' bheag no ris a' mhòr, ach ri righ Israeil na aonar.

32 Agus an uair a chunnaic ceannardan nancarbad Iehosaphat, thubhairt iad, Gu cinnteach is e so righ Israeil. Agus thionndaidh iad a leth-taobh a chogadh na aghaidh: agus ghlaodh Iehosaphat a mach.

33 Agus an uair a chunnaic ceannardan nan carbad nach b'e righ Israeil a bh'ann, phill iad o a lean-tuinn.

34 Agus tharruing fear a bhogha a thaobh tuairimeis<sup>g</sup>, agus bhuail e righ Israeil eadar altaibh na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd mi; oir tha mi air mo lotadh.

35 Agus mheudaich<sup>h</sup> an cath air an là sin: agus chumadh an righ: suas na charbad an aghaidh nan Sirianach, agus fhuair e bàs mu fheasgar; agus ruith an fhuil a mach as an lot gu meadhon a' charbaid.

36 Agus chaidh gairm air feadh an t-slòigh mu luidhe na gréine, ag ràdh, Gach fear d'a bhaile, agus gach fear d'a thìr féin.

37 Agus dh'eug an righ, agus thugadh do Shamaria e: agus dh'adh-laic iad an righ ann an Samaria.

38 Agus nigh neach an carbad ann an lochan Shamaria, agus dh'imlich na madraidh fhuil, agus nigh iad 'armachd, a réir focail an Tighearna, a labhair e.

39 Agus a' chuid eile do ghnlomh-araibh Ahaib, agus na h-uile nithe a rinn e, agus an tigh do fhiacraibh elephant a thog e, agus na bailtean uile a thog e, nach 'eil iad scrìobhta ann an leabhar eachdraidh rìghrean Israeil?

40 Agus choidil Ahab maille r'a aithrichibh, agus rìoghaich Ahasiah a mhac na àit.

41 Agus thòisich Iehosaphat mac Asa air rìoghachadh os cionn Iudah anns a' cheathramh bliadhna do Ahab righ Israeil.

42 Bha Iehosaphat cùig bliadhna deug thar fhichead a dh'aois an uair a thòisich e air rìoghachadh, agus rìoghaich e cùig bliadhna fichead ann an Ierusalem: agus b'e ainm a mhàthar Asubah, nighean Shilhi.

43 Agus ghluais e ann an uile shlighe Asa 'athar, cha do chlaon e uaithe, a' deanamh an nì a bha ceart ann an sùilibh an Tighearna: gidh-eadh, cha d'thugadh air falbh na h-àitean arda, oir fathast dh'ìobair

<sup>g</sup> tuairim, teagmhuis. <sup>h</sup> dh'éirich. Eabh.

<sup>a</sup> éisdibh. <sup>b</sup> a dh'aomas, a mheallas.  
<sup>c</sup> do sheòmar ann an seòmar. Eabh.  
<sup>d</sup> Glac. <sup>e</sup> ghainntir; tigh a' phrìosain. Eabh. <sup>f</sup> àmhghair, gainne.

an sluagh, agus loisg iad tùis anns na h-àitibh arda.

44 Agus rinn Iehosaphat sìth ri rìgh Israeil.

45 Agus a' chuid eile d'oghnìomh-araibh Iehosaphait, agus a thréine<sup>a</sup> a dh'fheuch e, agus cionnus a chog e, nach 'eil iad sgrìobhta ann an leabhar eachdraidh rìghrean Iudah?

46 Agus fuigheall nan Sodomach a dh'fhan ann an laithibh Asa 'athar, chuir e as an tìr.

47 'San àm sin cha robh rìgh ann an Edom: b'fhear-riaghlaidh a bha na rìgh<sup>b</sup>.

48 Rinn Iehosaphat longa do Tharsis<sup>c</sup> gu dol do Ophir air son òir: (ach cha deachaidh iad ann; oir bhriseadh na longa ann an Esion-geber.)

49 Agus thubhairt Ahasiah mac

<sup>a</sup> neart. <sup>b</sup> bha'n àite rìgh.

<sup>c</sup> longa fairge.

Ahaib ri Iehosaphat, Rachadh mo sheirbhisich-sa maille ri d' sheirbhisich-sa anns na longaibh: ach cha b'àill le Iehosaphat sin.

50 Agus choidil Iehosaphat maille r'a aithrichibh, agus dh'adhlaicheadh e maille r'a aithrichibh ann am baile Dhaibhidh 'athar: agus rìghaich Iehoram a mhac na àit.

51 Thòisich Ahasiah mac Ahaib air rìghachadh os cionn Israeil ann an Samaria 'san t-seachdamh bhliadhna deug do Iehosaphat rìgh Iudah, agus rìghaich e os cionn Israeil dà bhliadhna.

52 Agus rinn e olc ann an sùilibh an Tighearna, agus ghluais e ann an slighe 'athar, agus ann an slighe a mhàthar, agus ann an slighe Iero-boaim mhic Nebait, a thug air Israel peacachadh.

53 Oir rinn e seirbhis do Bhaal, agus shleuchd e dha, agus bhrosnaich e 'n Tighearna Dia Israeil gu feirg, a réir nan uile nithe a rinn 'athair.

## DARA LEABHAR NAN RIGH,

D'AN GOIREAR GU COITCHEANN,

## CEATHRAMH LEABHAR NAN RIGH.

### CAIB. I.

AGUS rinn Moab ceannairc an aghaidh Israeil an déigh bàis Ahaib.

2 Agus thuit Ahasiah sìos troimh chliath-uinneig na sheòmar uachdarach, a bha ann an Samaria, agus bha e tinn: agus chuir e teachdair-eann uaith, agus thubhairt e riu, Rachaibh, fiosraichibh do Bhaal-sebub dia Ecroin, an d'thig mi beo o'n tinneas so.

3 Ach thubhairt aingeal an Tighearn, ri Eliah an Tisbidheach, Eirich, falbh suas an coinneamh theachdairean rìgh Shamaria, agus abair riu, An ann a chionn nach 'eil Dia ann an Israel, a tha sibh a' dol a dh'fhiosrachadh do Bhaal-sebub dia Ecroin?

4 A nis uime sin mar so tha'n Tighearn ag ràdh, O'n leabaidh sin air an deachaidh tu suas, cha d'thig thu a nuas, ach gu cinnteach gheibh thu bàs. Agus dh'fhalbh Eliah.

5 Agus an uair a phill na teachdairean d'a ionnsuidh, thubhairt e riu, C'ar son a tha sibh air pilltinn?

6 Agus thubhairt iad-san ris, Thàinig duine a nìos 'nar coinn-eamh, agus thubhairt e ruinn, Rach-aibh, pillibh a dh'ionnsuidh an rìgh a chuir uaith sibh, agus abraibh ris, Mar so tha'n Tighearn ag ràdh, An ann a chionn nach 'eil Dia ann an Israel, a tha thu a' cur theachdairean a dh'fhiosrachadh do Bhaal-sebub, dia Ecroin? Uime sin o'n leabaidh sin air an deachaidh tu suas, cha d'thig thu a nuas, ach gu cinnteach gheibh thu bàs.

7 Agus thubhairt e riu, Ciod e eugas<sup>a</sup> an duine a thàinig a nìos 'nar coinn-eamh, agus a labhair ribh na briathra sin?

8 Agus thubhairt iad-san ris, Duine molach, agus e crioslaichte le crios leathair m'a leasraidh. Agus thubh-

<sup>a</sup> aogas, coslas,

airt esan, *Is e Eliah an Tisbidheach a bh'ann.*

9 Agus chuir an rìgh d'a ionnsuidh ceannard leth-cheud, maille r'a leth-cheud : agus chaidh e suas d'a ionnsuidh, (agus feuch, *bha e na shuidhe air mullach sléibh*) agus labhair e ris, A dhuine le Dia, thubhairt an rìgh, Thig a nuas.

10 Agus fhreagair Eliah, agus thubhairt e ri ceannard an leth-cheud, Agus ma's duine le Dia mise, thigeadh teine a nuas o na nèamhaibh, agus loisgeadh e suas thu-sa agus do leth-cheud. Agus thàinig teine a nuas o na nèamhaibh, agus loisg e suas esan agus a leth-cheud.

11 Agus a ris chuir e d'a ionnsuidh ceannard eile leth-cheud, maille r'a leth-cheud : agus labhair e, agus thubhairt e ris, A dhuine le Dia mar so thubhairt an rìgh, Thig a nuas gu grad<sup>a</sup>.

12 Agus fhreagair Eliah agus thubhairt e riu, Ma's duine le Dia mise, thigeadh teine a nuas o na nèamhaibh, agus loisgeadh e suas thu-sa agus do leth-cheud. Agus thàinig teine Dhé a nuas o na nèamhaibh, agus loisg e suas esan agus a leth-cheud.

13 Agus a ris chuir e uaith ceannard an treas leth-cheud, maille r'a leth-cheud ; agus chaidh an treas ceannard leth-cheud suas, agus thàinig e, agus leig se e féin air a ghhlùinibh fa chomhair Eliah, agus dh'aslaich e air, agus thubhairt e ris, A dhuine le Dia, bitheadh, guidheam ort, m'anam-sa, agus anam an leth-cheud òglach so agad, luachmhor a'd' shùilibh.

14 Feuch, thàinig teine a nuas o na nèamhaibh, agus loisg e suas an dà cheud cheannard leth-cheud, maille r'an leth-cheudaibh ; ach a nis bitheadh m'anam-sa luachmhor a'd' shùilibh.

15 Agus thubhairt aingeal an Tighearna ri Eliah, Falbh sìos maille ris, na biodh eagal ort roimhe. Agus dh'éirich e, agus chaidh e sìos maille ris a dh'ionnsuidh an rìgh.

16 Agus thubhairt e ris, Mar so tha'n Tighearn ag ràdh, A chionn gu'n do chuir thu teachdairean a dh'fhiosrachadh do Bhaal-sebub dia Ecroin, mur nach biodh Dia ann an Israel a dh'fhiosrachadh d'a fhocal<sup>b</sup>, uime sin o'n leabaidh sin air an deachaidh tu suas, cha d'thig thu nuas, ach gu cinnteach gheibh thu bàs.

17 Agus fhuair e bàs a réir focail

<sup>a</sup> Greas ort, thig a nuas. Eabh.

<sup>b</sup> an ann a chionn nach 'eil Dia ann an Israel a dh'fhèdrach d'a fhocal ? Eabh.

an Tighearna, a labhair Eliah : agus rìoghaich Iehoram na àit<sup>c</sup>, anns an dara bliadhna do Iehoram mac Iehosaphait rìgh Iudah, a chionn nach robh mac aige.

18 Agus a' chuid eile do ghniomh-araibh Ahasiah a rinn e, nach 'eil iad scrìobhta ann an leabhar eachdraidh rìghrean Israeil ?

## CAIB. II.

**A**GUS thachair an uair a bha'n Tighearna gu Eliah a thogail suas le h-ìomghaoith do na nèamhaibh, gu'n deachaidh Eliah maille ri Elisa o Ghilgal.

2 Agus thubhairt Eliah ri Elisa, Fan an so, guidheam ort ; oir chuir an Tighearna mise gu Betel. Agus thubhairt Elisa ris, Mar is beo an Tighearna, agus mar is beo t'anam, cha'n fhàg mi thu. Agus chaidh iad sìos gu Betel.

3 Agus thàinig mic nam fàidh, a bha ann am Betel, a mach gu Elisa, agus thubhairt iad ris, Am bheil fhios agad gu'n d'thoir an Tighearn an diugh do mhaighstir air falbh o'd' cheann ? Agus thubhairt esan, Seadh, tha fhios agam air ; bithibhse 'nar tosd.

4 Agus thubhairt Eliah ris, Elisa, fan an so, guidheam ort ; oir chuir an Tighearna mise gu Iericho. Agus thubhairt esan, Mar is beo an Tighearna, agus mar is beo t'anam, cha dealaich mi riut. Agus thàinig iad gu Iericho.

5 Agus thàinig mic nam fàidh, a bha ann an Iericho, gu Elisa, agus thubhairt iad ris, Nach 'eil fhios agad-sa gu'n d'thoir an Tighearn an diugh do mhaighstir air falbh o'd' cheann ? Agus fhreagair esan, Seadh, tha fhios agam air, bithibhse 'nar tosd.

6 Agus thubhairt Eliah ris, Fan, guidheam ort, an so ; oir chuir an Tighearna mise gu Iordan. Agus thubhairt esan, Mar is beo an Tighearna, agus mar is beo t'anam, cha'n fhàg mi thu. Agus chaidh iad nan dithis air an aghaidh.

7 Agus chaidh leth-cheud fear do mhacaibh nam fàidh, agus sheas iad fa'n comhair fad as : agus sheas iad-san nan dithis làimh ri Iordan.

8 Agus ghabh Eliah 'fhalluing, agus dh'fhill e cuideachd i, agus bhuail e na h-uisgeacha, agus roinneadh iad a null agus a nall : agus chaidh iad-san nan dithis thairis air *talamh tioram*.

9 Agus an uair a bha iad air dol thairis, thubhairt Eliah ri Elisa, Iarr ciod is àill leat mise a dheanamh air do shon, mu'n d'thoirear mi air

<sup>c</sup> rìoghaich Iehoram, a bhràthair, na àit.

falbh uait. Agus thubhairt Elisa, Bitheadh, guidheam ort, cuibhrionn dhùbailte do d' spiorad orm.

10 Agus thubhairt esan, Is cruaidh an nì a dh'iarr thu: *gidheadh*, ma chi thu mise 'nuair a bheirear air falbh uait mi, bithidh e dhuif mar sin; ach murfaic, cha bhi e mar sin.

11 Agus an uair a bha iad a gabhail air an aghaidh, agus a' còmhradh, feuch, carbad teine, agus eich theine, agus dhealaich iad o chléile iad: agus chaidh Eliah suas le h-ìomghaoith do na nèamhaibh.

12 Agus chunnaic Elisa sin, agus ghlaodh e, M'athair, m'athair, carbad Israeil, agus a mharc-shluagh. Agus cha'n fhac' e nì's mo e: agus rug e air 'eudach féin, agus reub e na dhà mhìr<sup>a</sup> e.

13 Agus thog e suas falluing Eliah, a thuit uaith, agus phill e, agus sheas e làimh ri bruaich Iordain;

14 Agus ghabh e falluing Eliah a thuit uaith, agus bhuail e na h-uisgeacha, agus thubhairt e, C'ait a nis *am bheil* an Tighearna Dia Eliah? Agus an uair a bhuail e na h-uisgeacha, roinneadh iad a null agus a nall, agus chaidh Elisa thàiris.

15 Agus an uair a chunnaic mic nam fàidh e, a bha ann an Iericho fa chomhair, thubhairt iad, Dh'fhan spiorad Eliah air Elisa. Agus thàinig iad na choinnean, agus chrom siad iad féin dha<sup>b</sup> gu làr.

16 Agus thubhairt iad ris, Feuch a nis, tha maille ri d' sheirbhisich leth-cheud fear treun<sup>c</sup>; rachadh iad, guidheamaid ort, agus iarradh iad do mhaighstir, air eagal gu'n do thog spiorad an Tighearna suas e, agus gu'n do thilg se e air beinn éigin, no ann an gleann éigin. Agus thubhairt esan, Cha chuir sibh uaibh *iad*.

17 Agus an uair a chuir iad impidh air gus an robh nàire air, thubhairt e, Cuiribh uaibh *iad*. Agus chuir iad uatha leth-cheud fear, agus dh'iarr iad e rè thri laithean, ach cha d'fhuair iad e.

18 Agus an uair a thàinig iad a ris d'a ionnsuidh, agus e a chòmhnuidh ann an Iericho, thubhairt e riu Nach dubhairt mise ribh, Na rachaibh?

19 Agus thubhairt fir a' bhaile ri Elisa, Feuch a nis, *tha* suidheachadh a' bhaile so taitneach mar a *tha* mo thighearn a' faicinn, ach *tha'n* t-uisge olc, agus an talamh neo-thorach.

20 Agus thubhairt esan, Thugaibh a'm' ionnsuidh soitheach<sup>d</sup> nomha, agus cuiribh salann ann. Agus thug iad d'a ionnsuidh e.

21 Agus chaidh e mach a dh'ionn-suidh tebair<sup>e</sup> nan uisgeacha, agus thilg e salann an sin, agus thubhairt e, Mar so tha'n Tighearn ag ràdh, Shlànuich mi na h-uisgeacha sin: cha bhi o sin nì's mò bàs, no *talamh* neo-thorach.

22 Agus shlànuicheadh na h-uisgeacha gus an là'n diugh, a réir focail Elisa a labhair e.

23 Agus chaidh e suas as sin gu Betel; agus an uair a bha e a' dol suas air an t-slighe, thàinig clann bheag<sup>f</sup> a mach as a' bhaile, agus rinn iad fanoid air, agus thubhairt iad ris, Gabh suas, fhir mhaol; gabh suas, fhir mhaol.

24 Agus sheall e na dhéigh, agus chunnaic e iad, agus mhallaich e iad ann an ainm an Tighearna: agus thàinig dà mhath-ghamhuin bhan-ionn a mach as a' choille, agus reub iad a dhà agus dà fhichead duine cloinne dhiubh.

25 Agus chaidh e as sin gu sliabh Charmeil: agus as sin phill e gu Samaria.

### CAIB. III.

**A**NIS thòisich Iehoram mac Ahaib air rioghachadh os cionn Israeil ann an Samaria, anns an ochdamh bliadhna deug do Iehosaphat rìgh Iudah; agus rioghaich e dà bhliadhna dheug.

2 Agus rinn e olc ann an sùilbh an Tighearna, ach clia b'ann cosmh-uil r'a athair, agus cosmh-uil r'a mhàthair; oir chuir e air falbh dealbh Bhaail a rinn 'athair.

3 Gidheadh, ri peacaibh Ierobaim mhic Nebait a thug air Israel peacachadh. dhùth-lean e: cha do dhealaich e riu sin.

4 Agus bha Mesa rìgh Mhoab na shealbhadair chaorach, agus dh'ìoc e do rìgh Israeil ceud mìle uan, agus ceud mìle reithe le'n olainn.

5 Agus an uair a dh'eug Ahab, rinn rìgh Mhoab ceannairc an aghaidh rìgh Israeil.

6 Agus chaidh rìgh Iehoram a mach air an là sin a Samaria, agus dh'àireamh e Israel uile.

7 Agus chaidh e, agus chuir e teachdairean gu Iehosaphat rìgh Iudah, ag ràdh, Rinn rìgh Mhoab ceannairc a'm' aghaidh: an d'théid thu maille rium an aghaidh Mhoab gu cath? Agus thubhairt esan, Théid mi suas: *tha* mise, mar a *ta* thu-sa, mo shluagh-sa mar do shluagh-sa, m'eich-sa mar t'eich-sa.

8 Agus thubhairt e, Cia an rathad a théid sinn suas? Agus fhreagair esan, Rathad fàsaich Edoim.

9 Agus dh'ìnic rìgh Israeil, agus

<sup>a</sup> reubadh. Eabh. <sup>b</sup> na làthair.  
<sup>c</sup> mic neart. Eabh. <sup>d</sup> corn,  
gloin.

<sup>e</sup> teachd a mach, màthar.  
<sup>f</sup> giullain bheaga.



righ Iudah, agus righ Edoim, agus chaidh iad mu'n cuairt astarsheachd là; agus cha robh uisge aca do'n t-sluagh, agus do'n spréidh, a lean iad.

10 Agus thubhairt righ Israeil, Mo thruaighe, gu'n do ghairm an Tighearna na tri righre so cuideachd, chum an toirt thàiris do làimh Mhoab.

11 Agus thubhairt Iehosaphat, Nach 'eil an so fàidh leis an Tighearna, a chum gu'm fiosraich sinn do'n Tighearna leis? Agus fhreagair aon do sheirbhisich righ Israeil, agus thubhairt e, Tha'n so Elisa mac Shaphat, a thàom uisge air làmhnan Eliah.

12 Agus thubhairt Iehosaphat, Tha focal an Tighearna maille ris. Agus chaidh righ Israeil, agus Iehosaphat, agus righ Edoim, sìos d'a ionnsuidh.

13 Agus thubhairt Elisa ri righ Israeil, Ciod e mo ghnothuch-sa riut-sa? imich a dh'ionnsuidh fhàidhean t'athar, agus a dh'ionnsuidh fhàidhean do mhàthar. Agus thubhairt righ Israeil ris, Ni h-eadh: oir ghairm an Tighearna na tri righre so cuideachd, chum an toirt thàiris do làimh Mhoab.

14 Agus thubhairt Elisa, Mar is beo Tighearna nan slògh, an làthair am bheil mi a'm sheasamh, gu cinn-teach mur biodh meas agam-sa do làthaireachd a Iehosaphat righ Iudah, cha seallainn ort-sa, ni mò a chithinn thu.

15 Ach a nis thugaibh a'm' ionnsuidh fear-ciuil. Agus an uair a bha 'm fear-ciuil a' cluicheadh, bha làmh an Tighearn air.

16 Agus thubhairt e, Mar so tha'n Tighearn ag ràdh, Dean an gleann so làn do chlaisibh<sup>b</sup>:

17 Oir mar so tha'n Tighearn ag ràdh, Cha'n fhaic sibh gaoth, ni mò a chi sibh uisge; gidheadh lìonar an gleann so le h-uisge, agus òlaidh sibh, sibh féin agus bhuir spréidh, agus bhuir n-ainmhidhean.

18 Agus is beag<sup>c</sup> so ann an sùilibh an Tighearna: bheir e mar an ceudna na Moabaich thàiris d'ar làimh.

19 Agus buailidh sibh gach baile damgnichte, agus gach baile taghta, agus leagaidh sibh sìos gach craobh mhaith, agus dhùinidh sibh suas na tobair uisge uile, agus millidh sibh gach mìr maith fearainn le clach-aihl.

20 Agus anns a' mhaduinn, mu àm toirt suas an tabhartais-bhìdh, feuch, thàinig uisge rathad Edoim, agus donadh an tìr le h-uisge.

21 Agus an uair a chuala na Moab-

aich uile gu'n d'thàinig na righrean a nìos a chogadh nan aghaidh, ghairmeadh cuideachd iad-san uile a thàinig gu aois airn iomchar<sup>d</sup>, agus os a chionn sin, agus sheas iad aig a' chrìch.

22 Agus dh'èirich iad gu moch auns a' inhaduinn, agus dhealraich a' ghrian air na h-uisgeachaibh, agus chunnaic na Moabaich thall fa'n combhair na h-uisgeacha dearg mar fhuil:

23 Agus thubhairt iad, Is fuil so: sgriosadh gu'n teagamh na righre, agus bhuail iad a chèile: a nis ma ta, dh'ionnsuidh na creiche, a Mhoab.

24 Agus an uair a thàinig iad gu camp Israeil, dh'èirich na h-Israelich, agus bhuail iad na Moabaich, agus theich iad rompa; ach chaidh iad-san air an aghaidh a' bualadh nam Moabach, eadhon nan tìr féin.

25 Agus leag iad sìos na bailte, agus air gach mìr maith fearainn thilg gach fear a chlach, agus lìon iad e, agus dhùin iad suas gach tobar uisge, agus leag iad sìos gach craobh mhaith: a mhàin ann an Cir-haraset dh'fhàg iad a chlacha: ach chuairtich luchd nan crann-tàbhuill e, agus bhuail iad e.

26 Agus an uair a chunnaic righ Mhoab gu'n do bhuadhaich an cath air, thug e leis seachd ceud fear, a tharruing claidheamh, a chum briseadh a steach gu righ Edoim, ach cha b'urrainn iad.

27 An sin ghabh e a cheud-ghin mic, a bha gu rìoghachadh na àit, agus dh'ìobair se e mar ìobair-loisgte air a' bhalladh: agus bha corruich mhòr an aghaidh Israeil: agus dh'imich iad uaith, agus phill iad d'an tìr féin.

## C A I B. IV.

**A**NIS ghlaodh bean àraidh do mhnaibh mhac nan fàidh ri Elisa, ag ràdh, Fhuair t'òglach m'fhear bàs; agus tha fios agad gu'n robh eagal an Tighearn air t'òglach: agus tha fear nam fiach air teachd a thoirt ino dhithis mac leis gu bhli nan tràillibh aige.

2 Agus thubhairt Elisa ria, Ciod a ni mise air do shon? innis dhomh ciod a th'agad 'san tigh? Agus thubhairt ise, Cha 'n'eil aig do bhan-oglaich ni air bith 'san tigh, ach soith-each olaidh.

3 An sin thubhairt esan, Falbh, iarr dhuit féin soithiche an coimheall a muigh o d' choimhears-nachaibh uile, eadhon soithiche falbh: na dean le beagan.

4 Agus an uair a théid thu a steach, druididh tu an doras ort féin,

<sup>a</sup> do ghnùis. <sup>b</sup> na chlaisibh, chlaisibh. Eabh, <sup>c</sup> eutrom, suarach.

<sup>d</sup> gach neach a chrìoslaich e féin le crìos. Eabh.

agus air do mhacaibh, agus taomaidh tu anns na soithichibh sin uile, agus cuiridh tu'n soitheach làn a leth-taobh.

5 Agus dh'fhaibh i uaith, agus dhruid i an dorus oirre féin, agus air a macaibh; agus thug iad-san na soithiche d'a h-ionnsuidh, agus thaom ise a mach.

6 Agus an uair a bha na soithiche làn, thubhairt i r'a mac, Thoir a'm' ionnsuidh fathast soitheach. Agus thubhairt esan ria, Cha 'n'eil soitheach ann tuilleadh. Agus stad an oladh.

7 An sin thàinig i agus dh'innis i sin do'n duine le Dia: agus thubhairt esan, Falbh, reic an oladh, agus dìol a' t'fhiacha; agus thig féin agus do mhic beo air a' chuid eile.

8 Agus thachair air la àraidh gu'n deachaidh Elisa thàiris gu Sunam, far an robh bean mhòr; agus chuir i impidh air<sup>b</sup> aran itheadh. Agus ge b'e uair a rachadh e seachad, thionndadh e stigh an sin a dh'itheadh arain.

9 Agus thubhairt ise r'a fear, Feuch a nis, tha fhios agam gur duine naomha le Dia e so, a tha gabhail seachad oirnn co tric<sup>c</sup>.

10 Deanaidh, guidheam ort, sedmar beag ballaidh<sup>d</sup>, agus cuir eamaid da an sin leabadh, agus bord, agus cathair, agus coinnleir: agus an uair a thig e d'ar n-ionnsuidh, tionndaidhidh e stigh an sin.

11 Agus tharladh e air la àraidh gu'n d'fhàinig e 'n sin, agus thionndaidh e steach do'n t-seòmar, agus luidh e 'n sin.

12 Agus thubhairt e ri Gehasi 'dglach, Gairm air a' bhan-sunamaich so. Agus ghairm esan oirre, agus sheas i na fhianuis.

13 Agus thubhairt e ris, Abair a nis ria, Feuch, ghabh thu còram d'ar taobh-ne leis a' chùram so uile; ciod a tha ri dheanamh air do shon? an aill leat labhairt air do shon ris an rìgh, no ri ceannard an t-slàigh? Agus fhreagair ise, Am measg mo shluagh féin tha mi a'm' còmh-nuidh.

14 Agus thubhairt esan, Ciod ma ta a tha ri dheanamh air do shon? Agus thubhairt Gehasi, Gu deimhin cha 'n'eil mac aice, agus tha a fear sean.

15 Agus thubhairt esan, Gairm oirre. Agus an uair a ghairm e oirre, sheas i anns an dorus.

16 Agus thubhairt e, Aig an àm shuidhichte so, a réir àm na beatha, bithidh mac agad a'd' ghlacaibh. A-

gus thubhairt ise, Na dean, mo thighearn, a dhuine le Dia, na dean breug do d' bhan-oglaich.

17 Agus dh'fhàs a' bhean torrach, agus rug i mac aig an àm shuidhichte sin mu'n do labhair Elisa ria, a réir àm na beatha.

18 Agus dh'fhàs an leanabh suas: agus thachair air la àraidh gu'n deachaidh e mach a chum 'athar, a dh'ionnsuidh nam buanaichean.

19 Agus thubhairt e r'a athair, Mo cheann, mo cheann. Agus thubhairt esan ri 'dglach, Tog leat e dh'ionnsuidh a mhàthar.

20 Agus thog esan leis e, agus thug e dh'ionnsuidh a mhàthar e: agus shuidh e air a glhìuibh gu meadhon-là, agus an sin dh'eug e.

21 Agus chaidh i suas, agus chuir i na luiche e air leabaidh an duine le Dia, agus dhruid i an dorus air, agus chaidh i mach.

22 Agus ghairm i air a fear, agus thubhairt i, Cuir a'm' ionnsuidh, guidheam ort, aon do na h-'dglachaibh, agus aon do na h-asalaibh, a chum as gu'n ruith mi a dh'ionnsuidh an duine le Dia, agus gu'n d'thig mi a ris.

23 Agus thubhairt esan, C'ar son a theid thu d'a ionnsuidh? an diugh cha 'n'eil gealach nomha, no sàbaid ann. Agus thubhairt ise, Bithidh gach ni gu maith<sup>f</sup>.

24 An sin chuir i dìollaid air asail, agus thubhairt i r'a h-'dglach, Tarruing, agus bi 'g imeachd: na cuir moille orm a' marcachd<sup>g</sup>, mur iarr mi ort.

25 Agus dh'imich i, agus thàinig i dh'ionnsuidh an duine le Dia gu sliabh Charneil: agus an uair a chunnaic an duine le Dia i fa chomhair<sup>h</sup>, thubhairt e ri Gehasi 'dglach, Feuch, is i sud a' Bhan-sunamach.

26 Ruith a nis, guidheam ort, na coinneamh, agus abair ria, An bheil thu féin gu maith? am bheil t'fhear gu maith? am bheil an leanabh gu maith? Agus fhreagair ise, Tha gu maith.

27 Agus an uair a thàinig i a dh'ionnsuidh an duine le Dia chum an t-slàigh, rug i air a chosaibh; ach thàinig Gehasi am fagus gus a cur air falbh. Agus thubhairt an duine le Dia, Leig dh'i, oir tha a h-anam air a chràdh innte; agus cheil an Tighearn orm-sa e, agus cha d'innis e d'homh.

28 Agus thubhairt ise, An d'iarr mise mac o'm' thighearna? nach dubhairt mi, Na meall mi?

29 An sin thubhairt e ri Gehasi,

pàigh. <sup>b</sup> còimh-éignich i e.

<sup>c</sup> an còmhnuidh. <sup>d</sup> le balladh.

<sup>e</sup> thachair.

<sup>f</sup> Sìth. Eabh, <sup>g</sup> na dean air mo

shon-sa moille ann am marcachd.

<sup>h</sup> fad uaith.

Crioslaich do leasraidh, agus glac mo bhata-sa<sup>a</sup> ann do làimh, agus bi 'g imeachd: ma thachaireas tu air duine sam bith, na beannaich dha; agus ma bheannaicheas duine sam bith dhuit, na freagair e a ris: agus cuir mo bhatadh air aghaidh an leinibh.

30 Agus thubhairt màthair an leinibh, *Mar* is beo an Tighearna, agus *mar* is beo t'auam-sa, cha 'n fhàg mi thu. Agus dh'éirich e, agus lean e i.

31 Agus chaidh Gehasi air aghaidh rompa, agus chuir e 'm batadh air aghaidh an leinibh, ach cha robh cainnt no clàisteachd aige: uime sin phill e na choinneamh, agus dh'innis e dha, ag ràdh, Cha 'n'eil an leanabh air dùsgadh.

32 Agus an uair a thàinig Elisa a steach do'n tigh, feuch, bha'n leanabh marbh, agus na luidhe air a leabaidh-san.

33 Uime sin chaidh e stigh, agus dhùin e 'n dorus orra nan dithis, agus rinn e urnuigh ris an Tighearna.

34 Agus chaidh e suas agus luidh e air an leanabh, agus chuir e a bheul air a bheul, agus a shùilean air a shùilibh, agus a làmhnan air a làmh-aibh, agus shìn se e féin sìos air, agus dh'fhàs feoil an leinibh blàth.

35 Agus a ris, dh'imich e<sup>b</sup> anns an tigh a null agus a nall<sup>c</sup>, agus chaidh e suas, agus shìn se e féin sìos air; agus rinn an leanabh sreothartaich seachd uairean, agus dh'fhosgail an leanabh a shùilean.

36 Agus ghairm e air Gehasi, agus thubhairt e, Gairm air a' Bhan-sun-amaich so. Agus ghairm esan oirre; agus an uair a thàinig i stigh d'a ionnsuidh, thubhairt esan, Tog leat do mhac.

37 Agus thàinig i agus thuit i aig a chosaibh, agus chrom si i féin sìos gu làr, agus thog i leatha a mac, agus chaidh i mach.

38 Agus phill Elisa gu Gilgal, agus bha gorta 'san tìr, agus bha mìc nam fàidh nan suidhe fa chomhair: agus thubhairt e r'a òglach, Cuir air a' phoit mhòr, agus bruich brochan do mhacaibh nam fàidh.

39 Agus chaidh aon a mach do'n achadh a thional luibhean, agus fhuair e fionain<sup>d</sup> fhiadhaich, agus thionail e dhith dearcan<sup>e</sup> fhiadhaich, làn 'fhalluinge, agus thàinig e agus ghearr e sìos iad anns a' phoit bhrochain; oir cha b'aithne dhoibh iad.

<sup>a</sup> mo lorg-sa. <sup>b</sup> Agus phill e, agus dh'imich e. Eabh. <sup>c</sup> aon uair an so agus aon uair an sud. Eabh.

<sup>d</sup> fineamhain, crann-fiona.

<sup>e</sup> meallain chruinne; gourds. Sasg.

40 Agus thaom iad a mach do na daoineibh gu itheadh; agus an uair a bha iad ag itheadh do'n bhrochan, ghlaodh iad, agus thubhairt iad, Bàs anns a' phoit, a dhuine le Dia. Agus cha b'urrainn iad itheadh *dheth*.

41 Agus thubhairt esan, Thugaibh ma ta min a'm' ionnsuidh. Agus thilg e anns a' phoit i, agus thubhairt e, Taom a mach air son an t-sluaigh, a chum as gn' ith iad: agus cha robh ni air bith olc anns a' phoit.

42 Agus thàinig duine o Bhaal-salisa, agus thug e dh'ionnsuidh an duine le Dia aran do'n cheud toradh, fichead buillion eorna, agus làn dhiasan arbhair nan caithleach<sup>f</sup>; agus thubhairt e, Thoir do'n t-sluaigh, a chum as gn' ith iad.

43 Agus thubhairt 'fhear-frithealaidh<sup>g</sup> ris, C'ar son a chuirinn so an làthair cheud fear? Agus thubhairt esan a ris, Thoir do'n t-sluaigh, a chum as gn' ith iad: oir mar so tha'n Tighearna ag ràdh, Itidh iad, agus bithidh fuigheall ann.

44 Uime sin chuir e nan làthair e, agus dh'ith iad, agus bha fuigheall aca, a réir focail an Tighearna.

## C A I B. V.

**A** NIS bha Naaman ceannard slòigh rìgh Shiria na dhuine mòr aig a thighearna, agus urramach; a chionn leis-san<sup>h</sup> gu'n d'thug an Tighearna saorsadh do Shiria: bha e mar an ceudna treun ann an neart, ach bu lobhar e.

2 Agus chaidh na Sirianaich a mach nam buidhnibh, agus thug iad leo am braighdeanas a tìr Israeil caileag bheag; agus bha i a' feith-eamh air nuaoi Naamain,

3 Agus thubhairt i r'a ban-mhaigstir, B'fhearr leam gu'm biodh mo thighearna maille ris an fhàidh, a tha ann an Samaria; an sin leigh-iseadh e o 'luibhre e.

4 Agus chaidh esan i a stigh, agus dh'innis e d'a thighearna, ag ràdh, Mar so agus mar so thubhairt a' chaileag, a tha o thìr Israeil.

5 Agus thubhairt rìgh Shiria, Imich romhad, agus cuiridh mise litir a dh'ionnsuidh rìgh Israeil. Agus dh'imich e, agus thug e leis<sup>k</sup> deich talannan airgid, agus sè mìle bonn òir, agus deich culaidhean eudaich.

6 Agus thug e 'n litir a dh'ionnsuidh rìgh Israeil, ag ràdh, A nis an uair a thig an litir so a't' ionnsuidh, feuch, chuir mi a't' ionnsuidh leatha Naaman mo sheirbhiseach, a chum as gn' leighis thu e o 'luibhre<sup>l</sup>.

<sup>f</sup> nan caithleanaibh, nan cogall; na mhàla. <sup>g</sup> a sheirbhiseach. <sup>h</sup> le a làimh-san. <sup>i</sup> i. e. Naaman.

<sup>k</sup> na làimh, Eabh. <sup>l</sup> o a luibhre.

7 Agus an uair a leugh rìgh Israeil an litir, reub e 'eudach, agus thubhairt e, An Dia mise, a mharbhadh agus a dheanamh beo, gu'n cuireadh am fear so *fios a'm'* ionnsuidh duine a leigheas o 'luibhre? uime sin thug-aibh fa'near, guidheam oirbh, agus faicibh cionnus a tha e 'g iarraidh aobhair a'm' aghaidh<sup>a</sup>.

8 Agus an uair a chual Elisa an duine le Dia gu'n do reub rìgh Israeil 'eudach, chuir e *fios a dh'*ionnsuidh an rìgh, ag ràdh, C'ar son a reub thu t'eudach? thigeadh e nis a'm' ionnsuidh-sa, agus bithidh fios aige gu bheil fàidh ann an Israel.

9 Agus thàinig Naaman le 'each-aibh agus le 'charbad, agus sheas e aig doras tìge Elisa.

10 Agus chuir Elisa teachdaire d'a ionnsuidh, ag ràdh, Imich, agus nìg thu féin seachd uairean ann an Iordan, agus thig t'fheoil a ris a t'ionnsuidh, agus bithidh tu glan.

11 Ach bha fearg air Naaman, agus dh'fhalbh e roimhe, agus thubhairt e, Feuch, shaoil mi<sup>b</sup>, gu cinnteach gu'n d'thigeadh e mach a'm' ionnsuidh, agus gu'n seasadh e, agus gu'n gairmeadh e air ainm an Tighearn a Dhe, agus gu'n cuireadh e a làmh air an àit, agus gu'n leighis-eadh e an lobhar.

12 Nach 'eil Abana agus Pharpar, aibhnichean Dhamascuis, nì's fearr na uile uisgeacha Israeil? nach feud mi mi féin a nigheadh annta-san, agus a bhi glan? Agus thionndaidh e, agus dh'fhalbh e roimhe ann an corruich.

13 Agus thàinig a sheirbhisich am fagus, agus labhair iad ris, agus thubhairt iad, O athair, *nam* biodh am fàidh air iarraidh ort nì mòr a dheanamh, nach deanadh tu e? nach ro mhò na sin ma ta, 'nuair a tha e 'g ràdh riut, Nìg agus bi glan?

14 An sin chaidh e sìos, agus thum se e féin ann an Iordan seachd uairean, a réir focail an duine le Dia; agus thàinig 'fheoil a ris mar fheoil leinibh bhig, agus ghlanadh e.

15 Agus phàil e a dh'ionnsuidh an duine le Dia, e féin agus a chuideachd uile, agus thàinig e, agus sheas e na làthair, agus thubhairt e, Feuch, a nis tha *fios* agam nach 'eil Dia anns an talamh uile ach ann an Israel: a nis ma ta, guidheam ort, gabh tiodh-lacadh c o d' sheirbhiseach.

16 Ach thubhairt esan, *Mar* is beo an Tighearna, an làthair am bheil mi a'm' sheasamh, cha ghabh mi e. Agus chuir e impidh air a ghabhail, ach dhiùlt esan e.

17 Agus thubhairt Naaman, Nach d'thoirear ma ta, guidheam ort, do d' sheirbhiseach eire<sup>d</sup> dhà mhuileid do thalamh<sup>e</sup>? oir cha d'thoir do sheirbhiseach suas a so a mach tabhartas-loisgte, no iobairt do dhèibh air bith eile, ach do'n Tighearna.

18 Anns an nì so gu'n d'thugadh an Tighearna maithneas do d' sheirbhiseach, an uair a thèid mo thighearn a steach do thigh Rimoin a dheanamh aoraidh<sup>f</sup> an sin, agus a leigheas e a thaic<sup>g</sup> air mo làimh-sa, agus a chromas mise mi féin sìos ann an tìgh Rimoin: an uair a chromas mise mi féin sìos ann an tìgh Rimoin, gu'n d'thugadh an Tighearna maithneas do d' sheirbhiseach anns an nì so.

19 Agus thubhairt esan ris, Imich ann an sìth. Agus dh'imich e uaith beagan astair.

20 Ach thubhairt Gehasi òglach Elisa an duine le Dia, Feuch, chaomhain mo mhaighstir Naaman an Sirianach so, a thaobh nach do ghabh e as a làimh an nì sin a thug e leis: ach *mar* is beo an Tighearna, ruithidh mise na dhéigh, agus gabhaidh mi nì éigin uaith.

21 Agus lean Gehasi Naaman: agus an uair a chunnaic Naaman e a' ruith na dhéigh, leum e nuas as a charbad na choinneamh, agus thubhairt e, Am bheil gach nì gu maith?

22 Agus thubhairt esan, *Tha gach nì* gu maith: chuir mo mhaighstir uaith mi, ag ràdh, Feuch, a nis thàinig a'm' ionnsuidh dà òganach o shliabh Ephraim do mhacaibh nam fàidh: thoir dhoibh, guidheam ort, tàlan: airgid, agus dà chulaidh eudaich.

23 Agus thubhairt Naaman, *Ma's* toil leat, gabh dà thàlan. Agus choimhl-éignich se e agus cheangail e dà thàlan u airgid ann an dà mhàla, agus dà chulaidh eudaich, agus chuir e iad air dithis d'a òglachaibh, agus ghiùlain iad-san roimhe iad.

24 Agus an uair a thàinig e do'n dùn<sup>h</sup>, ghabh e as an làimh iad: agus thaisg e anns an tìgh iad: agus leig e na daoine air falbh, agus dh'fhalbh iad.

25 Agus chaidh esan a steach; agus sheas e an làthair a mlaighstir, agus thubhairt Elisa ris, Cia as a thàinig *thusa*, a Ghehasi? Agus thubhairt esan, Cha deachaidh do sheirbhiseach taobh air bith.

26 Agus thubhairt esan ris, Nach deachaidh mo chridhe-sa maille riut, an uair a phill an duine o 'charbad a'd' choinneamh? an àm so a ghabh-

<sup>a</sup> ag iarraidh aobhair cur a mach orm. <sup>b</sup> thubhairt mi. Eabh.

<sup>c</sup> beannachadh, Eabh.

<sup>d</sup> eallach, lychn, sac.

<sup>e</sup> ùir.

<sup>f</sup> a shleuchdadh.

<sup>g</sup> a chudthrom.

<sup>h</sup> tìr, àit ard; ophel. Eabh.



ail airgid, agus a ghabhail eudaich, agus liosan-olaidh, agus fhìon-liosan, agus chaorach, agus buair<sup>a</sup>, agus òglach, agus bhan-oglach?

27 Uimesin dlùth-leanaidh luibhre Naamain riut-sa, agus ri d' shliochd gu bràth. Agus chaidh e mach a 'fhianuis, na lobhar, geal mar shneachda.

## C A I B. VI.

**A**GUS thubhairt mic nam fàidh ri Elisa, Feuch a nis, *tha'n t-àit anns am bheil sinn a chòmhnuidh maille riut ro chumhaing air ar son.*

2 Leig dhuinn dol, guidheamaid ort, gu Iordan, agus bheir gach fear againn sail as sin, agus ni sinn dhuinn féin an sin àite gu còmhnuidh a ghabhail ann. Agus fhreagair esan, Rachaidh.

3 Agus thubhairt aon diubh, Ma's i do thoil a nis, falbh féin maille ri d' sheirbhisich. Agus fhreagair esan, Théid mi.

4 Agus chaidh e maille riu : agus an uair a thàinig iad gu Iordan, ghearr iad sìos fiodh.

5 Ach an uair a bha aon diubh a' leagadh sailthe, thuit iarunn na tuaighe anns an uisge : agus dh'éigh e agus thubhairt e, Mo thruaigh, a mhaighstir, agus gur ann an coin-ghceall a bha e.

6 Agus thubhairt an duine le Dia, C'ait an do thuit e? Agus dh'fheuch esan da an t'ait. Agus ghearr e sìos maide, agus thilg e 'n sin e, agus thug e air an iarunn suàmh.

7 Agus thubhairt e, Tog leat e. Agus shìn esan a mach a làmh, agus ghabh se e.

8 Agus bha rìgh Shiria a' cogadh ri h-Israel; agus chuir e a chomhairle r'a sheirbhisich, ag ràdh, Ann an leithid so dh'àite *bithidh* mo champ.

9 Agus chuir an duine le Dia fios a dh'ionnsuidh rìgh Israeil, ag ràdh, Feuch nach d'théid thu thairis a dh'ionnsuidh<sup>b</sup> a leithid so dh'àite; oir an sin tha na Sirianaich air teachd a nuas.

10 Agus chuir rìgh Israeil daoine a dh'ionnsuidh an àite mu'n d'innis an duine le Dia dha, agus mu'n d'thug e rabhadh dha, agus dh'ionn se e féin an sin, cha b'ann aon uair no dà uair.

11 Agus bha cridhe rìgh Shiria fa bhuairas mòr air son an ni so, agus ghairm e air a sheirbhisich, agus thubhairt e riu, Nach innis sibh dhomh cò nar measg-ne *tha* le rìgh Israeil?

12 Agus thubhairt aon d'a sheirbhisich, Cha 'n eil neach air *bith*, a thighearn, a rìgh: ach Elisa am fàidh, a *tha* ann an Israel, innsidh esan do

rìgh Israeil na briathran a labhras tu ann do sheòmar-leapach.

13 Agus thubhairt esan, Rachaidh agus seallaibh c'ait am bheil e, a chum as gu'n cuir mi daoine uam, agus gu'n glac mi e c. Agus dh'inns-eadh dha, ag ràdh, Feuch, *tha* e ann an Dotan.

14 Uime sin chuir e eich an sin, agus carbad, agus sluagh mòr: agus thàinig iad 'san oidhche, agus chualtach iad am baile.

15 Agus dh'éirich seirbhiseach an duine le Dia gu moch sa mhaduinn agus chaidh e mach? agus feuch, *bha* armailt a' cuairteachadh a' bhaile, maille ri eachaibh agus ri carbad-aibh; agus thubhairt òglach ris, Mo thruaigh, a mhaighstir, cionnus a ni sinn?

16 Agus fhreagair esan, Na biodh eagail ort; oir is lionmhoire iad a *tha* leinne na iad-san, a *tha* leo-san.

17 Agus riun Elisa urnuigh, agus thubhairt e, A Thighearna, fosgail, guidheam ort, a shùilean, a chum as gu'm faic e. Agus dh'fhosgail an Tighearna sùilean an òganaich, agus chunnaic e; agus feuch, *bha'n* sliabh làn do eachaibh, agus do charbad-aibh teine mu'n cuairt air Elisa.

18 Agus an uair a thàinig iad a nuas d'a ionnsuidh, rinn Elisa urnuigh ris an Tighearna, agus thubhairt e, Buail, guidheam ort, an sluagh so le doille. Agus bhuail e iad le doille, a réir focail Elisa.

19 Agus thubhairt Elisa riu, Cha 'n i so an t-slighe, agus cha 'n e so am baile; leanaibh mise, agus bheir mi sibh a dh'ionnsuidh an duine a tha sibh ag iarraidh. Ach thug e iad gu Samaria.

20 Agus an uair a thàinig iad a steach do Shamaria, thubhairt Elisa, A Thighearna, fosgail sùilean nan daoine so, chum as gu'm faic iad. Agus dh'fhosgail an Tighearna an sùilean, agus chunnaic iad, agus feuch, *bha* iad am meadhon Shamaria.

21 Agus thubhairt rìgh Israeil ri Elisa 'n uair a chunnaic e iad, Am buail, am buail mi iad<sup>d</sup>, athair?

22 Agus fhreagair esan, Cha bhuail thu iad: am buailleadh tu iad-san a ghlac thu nam braidh-dibh le d' chlàidheamh, agus le d' bhogha<sup>e</sup>? cuir aran agus uisge fa'n comhair, a chum gu'n ith agus gu'n òl iad, agus gu'n d'théid iad a dh'ionnsuidh an tighearna féin.

23 Agus rinn e deasachadh mòr air

<sup>c</sup> gu'n d'thoir mi 'n so e. <sup>d</sup> Le

bualadh am buail mi iad. Eabh.

<sup>e</sup> An ann a chionn gu'n do ghlac thu iad le d' chlàidheamh, agus le bhogha, a mharbhadh tu iad?

an son : agus an uair a dh'ith agus a dh'òl iad, leig e air falbh iad, agus chaidh iad a dh'ionnsuidh an tigh-earna. Agus cha d'thàinig buidhne Shiria ni's mò do thìr Israeil.

24 Agus na dh'éigh so chruinnich Ben-hadad rìgh Shiria 'armailt uile, agus chaidh e suas agus theanuaich e Samaria.

25 Agus bha gorta mhòr ann an Samaria; agus feuch, theannaich iad e, gus an robh ceann asail air a reic-eadh air ceithir fichead bonn airgid, agus an ceathramh cuid do chab do aolach choluman<sup>a</sup> air chùig bonnaibh airgid.

26 Agus an uair a bha rìgh Israeil a' gabhail seachad air a' bhalladh, ghlaodh bean ris, ag ràdh, Dean cabhair orm, mo thighearna a rìgh.

27 Agus thubhairt esan, Mur dean an Tighearna cabhair ort, cionnus a ni mise cabhair ort? an ann as urlar an t-sabhair, no as an fhion-amar?

28 Agus thubhairt an rìgh ria, Ciod a tha teachd riut? Agus fhreagair ise, Thubhairt a' bhean so rium, Thoir seachad do mhac-sa, chum as gu'n ith sinn an diugh e, agus mo mhac-sa ithidh sinn an màireach.

29 Agus bhruidh sinn mo mhac-sa, agus dh'ith sinn e: agus thubhairt mise ria-sa, air an ath là, Thoir seachad do mhac-sa, chum as gu'n ith sinn e: ach dh'fholaich ise a mac.

30 Agus an uair a chual an rìgh briathra na mnà, reub e 'eudach, agus ghabh e seachad air a' bhalladh, agus dh'amhairc an sluagh, agus feuch, bha saic-eudach air 'fheoil air an taobh a stigh.

31 An sin thubhairt e, Gu'n deanadh Dia mar sin rium-sa, agus tuilleadh mar an cendna, ma sheasas ceann Elisa, mhic Shaphait, air an diugh.

32 Ach bha Elisa na shuidhe na thigh, agus na seanairean nan suidhe maille ris: agus chuir an rìgh duine uaith as a làthaireachd féin<sup>b</sup>: ach mu'n d'thàinig an teachdaire d'a ionnsuidh, thubhairt e ris na sean-airibh, Am faic sibhse mar a chuir mac so a' mhortair duine a thoirt mo chinn diom-sa? thugaibh an aire<sup>c</sup> 'n uair a thig an teachdaire, druidibh an dorus, agus cumaidh gu daingean e aig an dorus: nach 'eil fuaim chos a thighearna na dh'éigh?

33 An uair a bha e fathast a' labhairt riu, feuch, thàinig an teachdaire nuas d'a ionnsuidh: agus thubhairt e, Feuch, tha'n t-òlc so o'n Tighearna; c'ar son a dh'fheithinnse air an Tighearna ni's faide!

## CAIB. VII.

AN sin thubhairt Elisa, Eisdibh ri focal an Tighearna: Mar so tha'n Tighearna ag ràdh, Mu'n tràth so am màireach reicear tomhas do mhin mhin air shecel, agus dà thomhas eorna air shecel, ann an geatadh Shamaria.

2 Agus fhreagair ceannard<sup>d</sup>, a leig an rìgh a thaic air a làimh, an duine le Dia, agus thubhairt e, Feuch, ge do dheanadh an Tighearna tuil-dhorsan<sup>e</sup> anns na nàmhaidh, am feudadh an ni so bhi? agus thubhairt esan, Feuch, chì thu-sa le d' shùilibh e, ach cha'n ith thu dheth.

3 Agus bha ceathrar do dhaoineibh air an robh an luibhre aig dol a steach a' gheataidh; agus thubhairt iad gach fear r'a chéile, C'ar son a dh'fhanas sinn an so gus am bàsaich sinn?

4 Ma thèir sinn, Rachamaid a steach do'n bhaile, tha a' ghortadh anns a' bhaile, agus bàsaichidh sinn an sin: agus ma dh'fhanas sinn an so, bàsaichidh sinn mar an ceudna. A nis ma ta thigibh, agus teicheadh gu camp<sup>f</sup> nan Sirianach: ma chaomhnas iad beo sinn, bithidh sinn beo; ach ma mharbhas iad sinn, cha'n fhaigh sinn ach am bàs.

5 Agus dh'éirich iad anns an dù-thra<sup>g</sup> gu dol a dh'ionnsuidh caimp<sup>h</sup> nan Sirianach: agus an uair a thàinig iad gus a' chuid a b'fhaide mach do champ nan Sirianach, feuch, cha robh duin<sup>i</sup> air bith an sin:

6 Oir thug an Tighearna air feachd nan Sirianach fuaim charbad a chluinntinn, agus fuaim each, eadhon fuaim slèibh mhòir: agus thubhairt iad gach fear r'a chéile, Feuch, thurasdalaich rìgh Israeil nar n-aghaidh rìghre nan Hiteach, agus rìghre nan Eiphiteach, gu teachd oirnn.

7 Uime sin dh'éirich iad, agus theich iad anns an dùthra, agus dh'fhàg iad am bùthan, agus an éich, agus an asail, eadhon an camp mar a bha e, agus theich iad air son an anma.

8 Agus an uair a thàinig na lobh- air sin gus a' chuid a b'fhaide mach do'n champ, chaidh iad a steach do aon bhùth, agus dh'ith iad, agus dh'òl iad, agus thug iad leo as sin airgid, agus òr, agus eudach, agus chaidh iad agus dh'fholaich siad iad; agus thàinig iad air an ais, agus chaidh iad a steach do bhùth eile, agus thug iad leo as sin<sup>j</sup> mar an ceudna, agus chaidh iad agus dh'fho-laich siad iad.

<sup>d</sup> mòir-fhear, duine 'san treas dìte fuidh 'n rìgh. <sup>e</sup> uinneagan.

<sup>f</sup> feachd.

<sup>g</sup> an-moch, duibhre.

<sup>h</sup> camp.

<sup>a</sup> da ghall-pheasair. <sup>b</sup> dhiubh-san, a bha feitheamh air, <sup>c</sup> seallaibh.

9 Agus thubhairt iad gach fear <sup>a</sup> *chéile*, Cha <sup>a</sup> *'neil* sinn a' deanamh gu ceart: is là deagh sgéil an là so, agus *tha* sinne nar tosd: ma dh'fhanas sinn gu solus na maidne, thig oile éigin oirnn: a nis ma ta thigibh, agus rachamaid agus innseamaid do theaghlach an rìgh.

10 Agus thàinig iad agus ghlaodh iad ri dorsairibh <sup>a</sup> a' bhaile, agus dh'innis iad dhoibh, ag ràdh, Chaidh sinne gu camp nan Sirianach, agus feuch, cha robh duine air bith an sin, no guth duine, ach eich ceangailte, agus asail ceangailte, agus na bùtha mar a bha iad.

11 Agus ghlaodh na doirsairean <sup>b</sup> agus dh'innis iad-san do theaghlach an rìgh a stigh.

12 Agus dh'éirich an rìgh anns an oidhe, agus thubhairt e *r'a sheirbhisich*, Innsidh mi dhuibh a nis ciod a rinn na Sirianaich oirnn: tha fios aca gu bheil sinne ocrach, a us chaidh iad a mach as a' champ gu'm solach féin anns a' mhlachair, ag ràdh, An uair a thig iad a mach as a' bhaile, glacadh sinn beo iad, agus tháid sinn a steach do'n bhaile.

13 Agus fhreagair aon d'a sheirbhisich, agus thubhairt e, Gabhar a nis cùig do na h-eachaibh a tha air am fàgail, a dh'fhan anns a' bhaile, (feuch, *tha* iad mar uile shluagh Israeil <sup>c</sup> d'an do chuireadh as) agus cuireamaid teachdairean uainn agus faiceamaid.

14 Ghabhadh uime sin dà each carbaid <sup>d</sup>, agus chuir an rìgh teachdairean an déigh feachd nan Sirianach, ag ràdh, Rachaidh agus faicibh.

15 Agus chaidh iad nan déigh gu ruig Iordan, agus feuch, bha'n t-slighe uile làn do cudach, agus do shoitichibh, a thuil na Sirianaich uatha nan cabhaig: agus phill na teachdairean, agus dh'innis iad do'n rìgh.

16 Agus chaidh an sluagh a mach, agus chreach iad camp <sup>e</sup> nan Sirianach: agus reiceadh tomhas do mhin mhin air shecel, agus dà thomhas eorna air shecel, a réir focail an Tighearna.

17 Agus chuir an rìgh cùram a' gheataidh air a' cheannard, a leig e a thaic air a làimh: agus shaltair an sluagh air anns a' gheatadh, agus dh'éug e, mar a thubhairt an duine le Dia, a labhair an uair a thàinig an rìgh a nuas d'a ionnsuidh.

18 Agus thachair e, mar a labhair

an duine le Dia ris an rìgh, ag ràdh, Bithidh dà thomhas eorna air shecel, agus tomhas do mhin mhin air shecel, mu'n tràth so am maireach ann an geatadh Shamaria:

19 Agus fhreagair an ceannard sin an duine le Dia, agus thubhairt e, Feuch a nis, ge do dheanadh an Tighearna tuil-dhòrsan anns na nìeamhaibh, am feudadh a' leithid so do hi a bhi? agus thubhairt esan, Feuch, cli thu le d' shùilibh e, ach cha'n it' thu dheth.

20 Eadhon mar sin thachair e dha: oir shaltair an sluagh air anns a' gheatadh, agus dh'éug e.

## CAIB. VIII.

AN sin labhair Elisa ris a' mhnaoi, d'an d'ath-bheothaich e a mac, ag ràdh, Eirich, agus imich thu-sa agus do theaghlach, agus falbh air chuairt ge b'e àit am feud thu bhi air chuairt: oir ghairm an Tighearna air gorta, agus mar an ceudna thig i air an tìr rè sheachd bliadhna.

2 Agus dh'éirich a' bhean, agus rinn i a réir focail an duine le Dia: agus dh'fhalbh i féin agus a teaghlach, agus bha i air chuairt ann an tìr nam Philisteach rè sheachd bliadhna.

3 Agus aig ceann nan seachd bliadhna, phill a' bhean a tìr nam Philisteach: agus chaidh i mach a ghairm air an rìgh air son a tighe, agus air son a fearainn.

4 Agus labhair an rìgh ri Gehasi òglach an duine le Dia, ag ràdh, Innis dhomh, guidheam ort, na nithe mòra uile a rinn Elisa.

5 Agus an uair a bha e ag innseadh do'n rìgh mar a dh'ath-bheothaich e *neach* a bha mharbh, feuch, ghlaodh a' bhean d'an d'ath-bheothaich e a mac, ris an rìgh air son a tighe, agus air son a fearainn. Agus thubhairt Gehasi, Mo thighearna, a rìgh, so a' bhean, agus so a mac, a dh'ath-bheothaich Elisa.

6 Agus an uair a dh'fheòraich an rìgh do'n mhnaoi, dh'innis i dha. Agus dh'orduich an rìgh dhi maor àraidh, ag ràdh, Thoir a nìais gach nì bu leatha, agus uile thoradh an fhearainn, o'n là a dh'fhàg i an tìr, eadhon gus a nis.

7 Agus thàinig Elisa gu Damascus, agus bha Ben-hadad rìgh Shìria tinn, agus dh'innseadh dha, ag ràdh, Thàinig an duine le Dia an so.

8 Agus thubhairt an rìgh ri Hasael, Gabh ann ad làimh tiodhlacadh, agus falbh an coinneamh an duine le Dia, agus fiosraich do'n Tighearna leis, ag ràdh, An d'thig mi beo o'n tinneas so?

9 Agus dh'fhalbh Hasael na choinneamh, agus ghabh e tiodhlacadh na làimh, eadhon do gach nì

<sup>a</sup> dorsair. <sup>b</sup> ghlaodh e ris na dors-airibh. <sup>c</sup> mar uile shluagh Israeil a dh'fhàgadh ann; feuch, tha mi 'g ràdh, tha iad mar uile shluagh Israeil.

<sup>d</sup> da charbad le'n eachaibh.

<sup>e</sup> bùthan.

maith a bha'n Damascus, eire<sup>a</sup> dhà fhichead chàmhail: agus thàinig e, agus sheas e na làthair, agus thubhairt e, Chuir do inhac Ben-hadad, rìgh Shìria, mise a t'ionnsuidh, ag ràdh, An d'thig mi beo o'n tinneas so?

10 Agus thubhairt Elisa ris, Falbh, abair ris, Feudaidd tu gu'n teagamh teachd uath: gidheadh nochd an Tighearna dhomh-sa gu'm faigh e gu cinnteach bàs.

11 Agus shocraich e a ghnùis gu seasmhach, gus an robh nàire air: agus ghuil an duine le Dia.

12 Agus thubhairt Hasael, C'ar son a tha mo thighearn a' gul? Agus fhreagair esan, A chionn gu bheil fios agam air an olc a ni thu-sa do chloinn Israeil: an daingneacha làidir cuiridh tu ri theine, agus an daoine òga marbhaidh tu leis a' chlàidheamh. agus an clann bheag bruthaidh tu<sup>b</sup>, agus am mnathan torrcha reubaidh tu suas.

13 Agus thubhairt Hasael, Ach ciod, an cù do sheirbhiseach, gu'n deanadh e an ni mòr so? Agus fhreagair Elisa, Nochd an Tighearna dhomh-sa gu'n bi thu a'd' rìgh air Siria.

14 Agus dh'fhalbh e o Elisa, agus thàinig e dh'ionnsuidh a thighearna, a thubhairt ris, Ciod a thubhairt Elisa riut? Agus fhreagair esan, Dh'innis e dhomh gu'n d'thig thu gu cinnteach o'n tinneas so.

15 Agus air an là màireach ghabh e eudach tiugh, agus thum e ann an uisge e, agus sgaoil e air 'aghaidh e, air chor as gu'n d'fhuair e bàs: agus rìoghaich Hasael na àit.

16 Agus anns a' chùigeadh bliadhna do Ioram mac Ahaib, rìgh Israeil, thòisich Iehoram, mac Iehosaphait rìgh Iudah, air rìoghachadh.

17 Dà bhliadhna dheug thar fhichead a dh'aois bha e 'nuair a thòisich e air rìoghachadh, agus rìoghaich e ochd bliadhna ann an Ierusalem.

18 Agus ghluais e ann an slighe rìghrean Israeil, mar a rinn tigh Ahaib; oir bha nighean Ahaib na mnaoi aige: agus rinn e olc ann an sùilbh an Tighearna.

19 Gidheadh cha b'àill leis an Tighearn Iudah a sgrios, air sgàth Dhaibhidh 'òglaich, mar a gheall e dha solus<sup>d</sup> a thabhairt da féin agus d'a mhacaibh an còmhnuidh.

20 Na laithibh-san dh'éirich Edom<sup>e</sup> o bhi fuidh làimh Iudah, agus rinn iad rìgh os an cionn féin.

<sup>a</sup> callach, luchd.

<sup>b</sup> buailidh tu ris an làr. <sup>c</sup> rìgh Israel, 'nuair a bha Iehosaphat na rìgh air Iudah.

<sup>d</sup> lòchran. <sup>e</sup> rinn Edom ar' a mach.

21 Agus chaidh Ioram thairis gu Sair, agus na carbadan uile maille ris; agus dh'éirich e 'san oidhche, agus bluail e na h-Edomaich a bha mu'n cuairt air, agus ceannarda nan carbad: agus theich an sluagh d'am bùthaibh.

22 Gidheadh dh'éirich Edom o bhi fuidh làimh Iudah gus an 'la'n diugh: agus dh'éirich Libnah 'san àm cheudna.

23 Agus a' chuid eile do ghnìomh-araibh Ioraim, agus gach ni a rinn e, nach 'eil iad sriobhta ann an leabhar eachdraidh rìghrean Iudah?

24 Agus choidil Ioram maille r'a aithrichibh, agus dh'adhlaicheadh e maille r'a aithrichibh ann am baile Dhaibhidh: agus rìoghaich Ahasiah a mhac na àit.

25 Anns an dara bliadhna deug do Ioram mac Ahaib, rìgh Israeil, thòisich Ahasiah mac Iehoraim, rìgh Iudah, air rìoghachadh.

26 Dà bhliadhna thar fhichead a dh'aois bha Ahasiah an uair a thòisich e air rìoghachadh, agus rìoghaich e aon bhliadhna ann an Ierusalem: agus b'e ainm a mhàthar Ataliah, nighean Omri<sup>f</sup> rìgh Israeil.

27 Agus ghluais e ann an slighe tighe Ahaib, agus rinn e olc ann an sùilbh an Tighearna, mar a rinn tigh Ahaib: oir bu chliamhuin do thigh Ahaib e.

28 Agus chaidh e maille ri Ioram mac Ahaib, gu cogadh an aghaidh Hasaich rìgh Shìria ann an Ramot-gilead, agus lot na Sirianaich Ioram.

29 Agus chaidh rìgh Ioram air ais gu bhi air a leigheas ann an Iesreel o na lotaibh, a thug na Sirianaich dha ann an Ramot, an uair a chog e an aghaidh Hasaich rìgh Shìria: agus chaidh Ahasiah mac Iehoraim, rìgh Iudah, sios a dh'fhaicinn Ioraim mhic Ahaib ann an Iesreel, a chionn gu'n robh e tinn.

#### CAIB. IX.

**A** GUS ghairm Elisa am fàidh air aon do mhacaibh nam fàidh, agus thubhairt e ris, Crioslaich do leasraidh, agus gabh an corn olaidh so ann do làimh, agus imich gu Ramot-gilead.

2 Agus an uair a thig thu 'n sin, seallaidh tu an sin air son Iehu, mhic Iehosaphait, mhic Nimsi; agus théid thu a stigh, agus bheir thu air éirigh suas o mheasg a bhràithre, agus bheir thu e do sheòmar-cùil:

3 Agus gabhaidh tu an corn olaidh, agus taomaidh tu air a cheann e, agus their thu, Mar so tha'n Tighearn ag ràdh, Dh'ung mi thu a'd' rìgh air Israel: an sin fosgailidh tu

<sup>f</sup> nighean Ahaib, mhic Omri, Faic I. Rìgh. c. XVI. r. 28.



an dorus, agus teichidh tu, agus cha n fhan thu.

4 Agus dh'imich an t'òganach <sup>a</sup> am fàidh, gu Ramot-gilead.

5 Agus an uair a thàinig e, feuch, bha ceannardan an t-sloigh nan suidhe, agus thubhairt e, Tha mi agam ri ràdh riut <sup>b</sup>, a cheannaird. Agus thubhairt Iehu, Cia ris dhinu uile? Agus thubhairt esan, Riut-sa, a cheannaird.

6 Agus dh'éirich e, agus chaidh e teachd do'n tigh, agus thaom e an oladh air a cheann, agus thubhairt e ris, Mar so tha'n Tighearna Dia Isracil ag ràdh, Dh'ung mi thu-sa a'd' righ air sluagh an Tighearna, eudhon air Israel.

7 Agus buailidh tu tigh Ahaib do thighearna, agus dìolaidh mise fuil mo sheirbluiseacha nam fàidh, agus fuil uile sheirbhiseacha an Tighearna, air làimh Iesebeil.

8 Agus sgriosar tigh Ahaib uile, agus gearraidh mi as o Ahab esan a nì uisge ri balladh, agus esan a dhruidear suas agus a dh'fhàgar ann an Israel.

9 Agus nì mi tigh Ahaib mar thigh Ieroboam mhic Nebait, agus mar thigh Bhaasa mhic Ahiah.

10 Agus ithidh na madraidh Iesebel ann an cuibhrionn Iesreel, agus cha bhi neach air bith ann a dh'adhlaiseas i. Agus dh'fhosgail e 'n dorus, agus theich e.

11 An sin thàinig Iehu a mach a dh'ionnsuidh sheirbhiseacha a Thighearna, agus thubhairt iad <sup>c</sup> ris, Am bheil gach nì gu maith? c'ar son a thàinig am fear cuthaich so a t' ionnsuidh? Agus thubhairt esan riu, Is aithne dhuibh an duine, agus a chainnt.

12 Agus thubhairt iad-san, Is breug e; innis dhuinn a nis. Agus thubhairt esan, Mar so agus mar so labhair e rium, ag ràdh, Mar so tha'n Tighearna ag ràdh, Dh'ung mi thu a'd' righ air Israel.

13 An sin rinn iad cabhag, agus ghabh iad gach fear dhiubh 'fhall uing <sup>d</sup>, agus chuir iad fuidhe i air mullach na staidhreach <sup>e</sup>, agus shéid iad le trompaid, agus thubhairt iad, Is e Iehu an righ.

14 Uime sin rinn Iehu mac Iehosaphait, mhic Nimsi, ceannairc <sup>f</sup> an aghaidh Ioraim: (a nis bha Ioram a' gleidheadh Ramot-gilead, e féin agus Israel uile, an aghaidh Hasaeil righ Shiria.

15 Ach phill righ Ioram gu bhi air a leigheas ann an Iesreel o na lot-

aibh, a thug na Sirianaich dha, 'nuair a chog e ri Hasaeil righ Shiria.) Agus thubhairt Ienu, Ma's e bhur toil e, na rachadh neach air bith macl., agus na teicheadh e as a' bhaile, gu dol g'a iunseadh ann an Iesreel.

16 Agus mharcaich Iehu ann an carbad, agus chaidh e gu Iesreel; oir bha Ioram na luidhe an sin: agus thàinig Ahasiah righ Iudah a nuas a dh'fhaicinn Ioraim.

17 Agus sheas fear-faire air an tùr ann an Iesreel, agus chunnaic e buidheann <sup>g</sup> Iehu 'nuair a bha e a' teachd, agus thubhairt e, Tha mi faicinn buidhne. Agus thubhairt Ioram, Gabh marcach, agus cuir nan coinneamh e, agus abradh e, An sìth a th'ann?

18 Agus chaidh fear a' marcachd air each na coinneamh, agus thubhairt e, Mar so tha'n righ ag ràdh, An sìth a th'ann? Agus thubhairt Iehu, Ciod do ghnothuch-sa ri sìth? tionndaidh air mo chùlaobh. Agus dh'innis am fear-faire, ag ràdh, Thàinig an teachdaire d'an ionnsuidh, ach cha 'n'eil e teachd air ais.

19 Agus chuir e uaith fear eile a' marcachd air each, agus thàinig e d'au ionnsuidh, agus thubhairt e, Mar so tha'n righ ag ràdh, An sìth a th'ann? Agus fhreagair Iehu, Ciod do ghnothuch-sa ri sìth? tionndaidh air mo chùlaobh.

20 Agus dh'innis am fear-faire, ag ràdh, Thàinig e eadhon d'an ionnsuidh, agus cha 'n'eil e teachd air ais: agus tha'n siubhal cosmhuil ri siubhal Iehu mhic Nimsi <sup>h</sup>; oir tha e a' siubhal gu dian.

21 Agus thubhairt Ioram, Ulluich i. Agus dh'ulluich e a charbad. Agus chaidh Ioram righ Israeil, agus Ahasiah righ Iudah, a mach gach fear dhiubh na charbad, agus chaidh iad a mach an coinneamh <sup>i</sup> Iehu, agus thachair iad air ann an cuibhrionn Naboit an Iesreelich.

22 Agus an uair a chunnaic Ioram Iehu, thubhairt e, An sìth a th'ann, a Iehu? Agus thubhairt esan, Ciod an t-sith, fhad 's a bhios strìopachas Iesebeil do mhàthar, agus a druidheachda co lionmhior?

23 An sin thionndaidh Ioram a làmhnan agus theich e, agus thubhairt e ri Ahasiah, Tha feall ann, O Ahasiah.

24 Agus tharruing Iehu bogha le 'uile neart, agus bhuail e Iehoram eadar a ghàideana, agus chaidh an t-saighead a mach troimh a chridhe, agus chrom e sìos na charbad.

25 An sin thubhairt Iehu ri Bidear

<sup>a</sup> an t-òganach, eadhon an t-òganach.

<sup>b</sup> Tha gnothuch agam riut.

<sup>c</sup> thubhairt neach. <sup>d</sup> a bhrat.

<sup>e</sup> nan ceunn. <sup>f</sup> coimh-chealg.

<sup>g</sup> cuideachd.

<sup>h</sup> Iehu mhic Iehosaphait, mhic Nimsi. Faic r. 2.

<sup>i</sup> Beartaich.

<sup>k</sup> an aghaidh.

a cheannard, Tog agus tilg e ann an cuibhrionn fearainn Naboit an Iesreelich : oir is cuimhne leam <sup>a</sup>, an uair a bha mise agus thu-sa a' marcachd cuideachd an déigh Ahaib 'athar, gu'n do chuir an Tighearn an eallach so air <sup>b</sup>.

26 Gu cinnteach chunnaic mi an dé fuil Naboit, agus fuil a mhac, ars' an Tighearna, agus diolaidh mi ort anns a' chuibhrionn <sup>c</sup> so, ars' an Tighearn. A nis ma ta tog agus tilg e anns a' chuibhrionn fhearainn, a réir focail an Tighearna.

27 Agus an uair a chunnaic Ahasiah rìgh Iudah so, theich e rathad tighe an lios <sup>d</sup> : agus lean Iehu na dhéigh, agus thubhairt e, Buailibh esan mar an ceudna na charbad. Agus bhual iad e aig uchdaich Ghuir, a tha làimh ri Ibleam : agus theich e gu Megido, agus fhuair e bàs an sin.

28 Agus thug a sheirbhisich leo e ann an carbad gu h-Ierusalem, agus dh'adhlaic iad e na àit-adhlacaidh, maille r'a aithrichibh ann am baile Dhaibhidh.

29 Agus anns an aon bhliadhna deug do Ioram mac Ahaib, thòisich Ahasiah air rìoghachadh os cionn Iudah.

30 Agus an uair a thàinig Iehu gu Iesreel, chuala Iesebel e, agus chuir i dath mu a sùilibh <sup>e</sup>, agus sgèadaich i a ceann, agus dh'amhairc i mach air uinneig.

31 Agus an uair a bha Iehu a' teachd a stigh air a' gheatadh, thubhairt i, An robh sìth aig Simri, a mharb a thighearna ?

32 Agus thog esan 'aghaidh suas a dh'ionnsuidh na h-uinneige, agus thubhairt e, Cò a ta leam-sa, cò ? agus dh'amhairc a mach air dithlis no triuir do chaillteanachaibh.

33 Agus thubhairt e, Tilgibh a nuas i. Agus thilg iad-san sìos i ; agus chrathadh cuid d'a fuil air a' bhalladh, agus air na h-eachaibh, agus shaltair iad <sup>f</sup> fa 'n cosaibh i.

34 Agus chaidh e stigh, agus dh'ith agus dh'òl e, agus thubhairt e, Rachaidh a nis a dh'fhaicinn na mnà mallaichte sin, agus adhlacibh i ; oir is nighean rìgh i.

35 Agus chaidh iad g'a h-adhlacadh, ach cha d'fhuair iad dìth ach an cloigeann, agus na cosan, agus basan a' làimh.

36 Agus phill iad, agus dh'innis iad da : agus thubhairt esan, Is e so focal an Tighearna, a labhair e le

làimh 'òglaich Eliah an Tisbithich, ag ràdh, Ann an cuibhrionn Iesreel, ithidh na madraidh feoil Iesebeil :

37 Agus bithidh closach Iesebeil mar aolach air aghaidh an fhearainn ann an cuibhrionn Iesreel, air chor as nach abair iad, Is i so Iesebel.

CAIB. X.

**A** GUS bha aig Ahab deich agus trì fichead mac ann an Samaria. Agus scribedh Iehu litrichean, agus chuir e do Shamaria iad, a dh'ionnsuidh uachdarana Iesreil <sup>g</sup>, a dh'ionnsuidh nan seanair, agus d'an ionnsuidh-san, a thog clann Ahaib, ag ràdh,

2 A nis an uair a thig an litir so d'ar ionnsuidh, o tha mic bhuir tighearna maille ribh, agus carbaid agaibh, agus eich, agus baile daing, nìchte, agus airm :

3 Amhaircibh a mach eadhon air a shon-san a's fearr agus a's iomchuidh do mhacaibh bhuir tighearna, agus cuiribh e air rìgh-chaithir 'athar, agus cogaibh air son tighe bhuir tighearna.

4 Ach bha eagal ro mhòr orra-san, agus thubhairt iad, Feuch, cha do sheas dà rìgh roimhe, agus cionnus a sheasas sinne ?

5 Agus chuir esan a bha os cionn an tighe, agus esan a bha os cionn a' bhaile, agus na seanairean, agus iad-san a thog a' chlann, teachdairean gu Iehu, ag ràdh, Is sinne do sheirbhisich, agus nì sinn gach nì a dh'iarras tu oirnn ; cha dean sinn rìgh air bith : an nì a ta taitneach a'd' shùilibh-sa, dean e.

6 Agus scribedh e d'an ionnsuidh litir an daradh uair, ag ràdh, Ma's leam-sa sibh, agus ma dh'éisdeas sibh ri m' ghuth, gabhaibh cinn mhac <sup>h</sup> bhuir tighearna, agus thigibh a'm' ionnsuidh-sa mu'n tràth so am màireach gu Iesreel : (a nis bha mic an rìgh, deich agus trì fichead fear, maille ri daoineibh mòra a' bhaile a thog iad.)

7 Agus an uair a thàinig an litir d'an ionnsuidh, ghabh iad tòic an rìgh, agus mharb iad deich agus trì fichead fear, agus chuir iad an cinn ann am basaidibh, agus chuir iad d'a ionnsuidh iad gu Iesreel.

8 Agus thàinig teachdaire, agus dh'innis e dha, ag ràdh, Thug iad leo cinn mhac an rìgh. Agus thubhairt esan, Cuiribh iad nan dà dhùn aig dol a stigh a' gheataidh gu ma-duinn.

9 Agus anns a' mhadninn chaidh e mach agus sheas e, agus thubhairt e ris an t-sluagh uile, Tha sibhse ionraic : feuch, rinn mise ceannairc

<sup>g</sup> uachdarana Shamaria.

<sup>h</sup> nan

daoine eadhon mhac. Eabh.

<sup>a</sup> cuimhnich. <sup>b</sup> gu'n do chuir an Tighearn an cèill an fhàisneachd so na aghaidh. <sup>c</sup> bhall, àite, achadh.

<sup>d</sup> a' ghàraidh. <sup>e</sup> chuir i lth air a h-aghaidh ; chuir i a sùilean ann an dath. Eabh. <sup>f</sup> shaltair e.

an aghaidh mo thighearna, agus mharbh mi e; ach cò a bhuail iad so uile?

10 Biodh fios agaibh a nis, nach tuit *lìde* do fhocal an Tighearna gu làr, a labhair an Tighearna mu thigh Ahaib; oir rinn an Tighearna an *ni sin* a labhair e le làimh a sheirbhisich Eliah.

11 Mar sin bhuail Iehu iad-san uile a mhair do thigh Ahaib ann an Iesreel, agus a dhaoine mòra uile, agus a luchd-dàimh, agus a shagairt, gus nach d'fhàg e duine beo <sup>a</sup> aige.

12 Agus dh'èirich e, agus dh'imich e, agus chaidh e do Shamaria. Agus an uair a *bha* e aig tigh-bearraidh nam buachaillean <sup>b</sup> air an t-slighe,

13 Thachair Iehu air bràithribh Ahasiah rìgh Iudah, agus thubhairt e, Cò sibhse? Agus thubhairt iad-san, *Is sinne bràithrean Ahasiah*, agus tha sinn a' dol sìos a chur fàilte air cloinn an rìgh, agus air cloinn na ban-righinn <sup>c</sup>.

14 Agus thubhairt esan, Glacaibh beo iad. Agus ghlac iad beo iad, agus mharbh siad iad aig slochd an tigh-bearraidh, dà fhichead agus dithis fear; agus cha d'fhàg e duine beo dhiubh.

15 Agus an uair a dh'fhalbh e as sin, thachair e air Iehonadab mac Rehaib <sup>a</sup> *teachd* na choinneamh, agus chuir e fàilte air, agus thubhairt e ris, Am bheil do chridhe-sa dìreach <sup>d</sup>, mar a *tha* mo chridhe-sa le d' chridhe-sa? Agus thubhairt Iehonadab, Tha. Ma tha, *ors' esan*, thoir *dhomh* do làmh. Agus thug e dha a làmh, agus thog e suas e d'a ionnsuidh do'n charbad.

16 Agus thubhairt e, Thig maille rium-sa, agus faic m'eud air son an Tighearna. Agus thug e <sup>e</sup> air marcachd na charbad.

17 Agus thàinig e do Shamaria, agus bhuail e iad-san uile, a mhair do Ahab ann an Samaria, gus an do sgrios se e, a réir focail an Tighearna, a labhair e ri Eliah.

18 Agus chruinnich Iehu an sluagh uile, agus thubhairt e riu, Rinn Ahab beagan seirbhis do Bhaal, *ach* ni Iehu mòran seirbhis dha.

19 A nis ma ta gairmibh a'm ionnsuidh-sa fàidhean Bhaail uile, a sheirbhisich uile, agus a shagairt uile; na biodh duine dhiubh air chall <sup>f</sup>; oir *tha* ìobairt mhòr agam *r'a deanamh* do Bhaal: ge b'e neach a bhios air chall, cha mhair e beo. Ach rinn Iehu so ann an seòltachd.

<sup>a</sup> a mhair.

<sup>b</sup> nan aodhair.

<sup>c</sup> ban-rìgh.

<sup>d</sup> Am bheil do

chridhe-sa dìreach le m' chridhe-sa.

<sup>e</sup> iad

<sup>f</sup> air ionndruin.

a chum gu'n sgriosadh e luchd aoraidh Bhaail.

20 Agus thubhairt Iehu, Gairmibh féill <sup>g</sup> naomha do Bhaal. Agus ghairm iad i.

21 Agus chuir Iehu *fios* air feadh Israeil uile, agus thàinig uile luchd-aoraidh Bhaail; cha d'fhàgadh duine dhiubh nach d'fhàinig: agus chaidh iad a steach do thigh Bhaail, agus lìonadh tigh Bhaail o cheann gu ceann.

22 Agus thubhairt e ris-san a *bha* os cionn seòmair nan culaidh, Thoir a mach culaidhean do uile luchd-aoraidh Bhaail. Agus thug e mach dhoibh culaidhean.

23 Agus chaidh Iehu agus Iehonadab mac Rehaib a steach do thigh Bhaail, agus thubhairt e ri luchd-aoraidh Bhaail, Rannsaichibh agus faicibh nach bi an so maille ribh *neach air bith* do sheirbhisich an Tighearna, ach luchd-aoraidh Bhaail a mhàin.

24 Agus an uair a chaidh iad a a steach a thoirt suas ìobairtean agus thabhartasa-loisgte, shuidhich Iehu ceithir fichead fear leis a muigh, agus thubhairt e, *Ma* théid fear air bith as do na daoineibh a thug mise thàiris d'ar làimh, théid anam an neach <sup>a</sup> *leigeas as* e air son 'anma-san.

25 Agus co-luath agus a chuir e crìoch air an ìobairt-loisgte ìobradh, thubhairt Iehu ris an fhreiceadan, agus ris na ceannardaidh, Rachaibh a steach, buailibh iad, na d'thigeadh duine dhiubh mach. Agus bhuail siad iad le faobhar a' chlaidheimh, agus thilg am freiceadan agus na ceannardan a mach iad; agus chaidh iad gu baile tìghe Bhaail.

26 Agus thug iad a mach na dealbhan a tigh Bhaail, agus loisg siad iad.

27 Agus bhris iad sìos dealbh Bhaail, agus bhris iad sìos tigh Bhaail, agus rinn iad e na thigh-salachair gus an la'n diugh.

28 Mar so sgrios Iehu Baal a mach a h-Israel.

29 Gidheadh ri peacaibh Ierobaim mhic Nebait, a thug air Israel peacachadh, cha do dhealach Iehu, *eadhon* ris na laoghaibh òir, a *bha* ann am Betel, agus a *bha* ann an Dan.

30 Agus thubhairt an Tighearna ri Iehu, A chionn gu'n do rinn thu gu maith *anns an ni sin* a dheanamh a *tha*, ceart ann mo shùilibh-sa, agus gu'n d'rinn thu ri tigh Ahaib a réir gach *ni* a *bha* ann am chridhe-sa, suidhidh do mhic do'n cheathramh ginealach air rìgh-chaitir Israeil.

31 Ach cha d'fhàg Iehu an aire

air imeachd ann an lagh an Tigh-earna Dé Israeil le 'uile chridhe; oir cha do dhealaich e ri peacaibh Iero-boaim, a thug air Israel peacachadh.

32 Anns na laithibh sin thòisich an Tighearn air Israel a ghearradh goirid: agus bhuail Hasael iad ann an uile chrìochaibh Israeil;

33 O Iordan a làimh na h-àirde 'n ear, fearann Ghilead uile, na Gadaich, agus na Reubenich, agus na Manasaich, o Aroer (a tha làimh ri sruth<sup>a</sup> Arnoin) eabhon Gilead agus Basan.

34 Agus a' chuid eile do ghlòmh-araibh lehu, agus gach *ni* a rinn e, agus a thréine uile, nach 'eil iad scrìobhta ann an leabhar eachdraidh rìghrean Israeil?

35 Agus choidil Iehu maille r'a aithrichibh, agus dh'adhlaid iad e ann an Samaria: agus rìghaich Iehoahas a mhac na àit.

36 Agus b'i 'n ùin' a rìghaich Iehu os cionn Israeil ann an Samaria, ochd bliadhna fichead.

CAIB. XI.

**A** GUS an uair a chunnaic Ataliah, màthair Ahasiah, gu'n robh a mac marbh, dh'èirich i, agus sgrios i an sliochd rìoghail uile.

2 Ach ghabh Iehoseba nighean rìgh Ioraim, piuthar Ahasiah, Ios mac Ahasiah, agus ghoid i e a measg mhac an rìgh a mharbhadh, agus chuir i e fèin agus a bhan-altrum ann an seòmhar nan leapaiche<sup>b</sup>: agus dh'fhòlaich iad e o Ataliah<sup>c</sup> air chor as nach do mharbhadh e.

3 Agus bha e maille ria am folach ann an tigh an Tighearna rè shè bliadhna: agus rìghaich Ataliah os cionu na tìre.

4 Agus air an t-seachdamh bliadhna chuir Iehoiada *fios* uaith, agus ghabh e iad-san a bha os cionn cheudan<sup>d</sup>, agus na ceannardan, agus am freiceadan, agus thug e steach d'a ionnsuidh iad do thigh an Tighearna, agus rinn e coimhcheangal riu, agus ghabh e mionnan diubh ann an tigh an Tighearna, agus dh'fheuch e dhoibh mac an rìgh.

5 Agus dh'àithn e dhoibh, ag ràdh, So an *ni* a nì sibh: *Bithidh* an treas cuid dhiubhse a thèid a steach air an t-sàbaid, a' gleidheadh faire tighe an rìgh:

6 Agus *bithidh* trian aig geatadh Shuir, agus trian aig a' gheatadh air cùlaobh an fhreiceadain: mar so gleidhidh sibh faire an tighe, a chum nach brisear a steach air e.

7 Agus gleidhidh dà chuid dhiubhse

uile a thèid a mach air an t-sàbaid, gleidhidh eadhon iad-san faire tighe an Tighearna mu'n cuairt air an rìgh.

8 Agus cuairtichidh sibh an rìgh air gach taobh, gach fear le 'airm na làimh: agus esan a thig an taobh a stigh do na sreathaibh<sup>f</sup>, marbhar e; agus bithibhse maille ris an rìgh 'nuair a thèid e mach, agus an uair a thig e steach.

9 Agus rinn na ceannarda-cheud a réir gach *ni* a dh'àithn Iehoiada an sagart, agus ghabh iad gach fear dhiubh a dhaoine, a bha dol a steach air an t-sàbaid, maille riutha-san, a bha dol a mach air an t-sàbaid, agus thàinig iad a dh'ionnsuidh Iehoiada an t-sagairt.

10 Agus thug an sagart do na ceannardaibh - cheud sleaghanna agus sgiathan rìgh Daibhidh, a bha ann an tigh<sup>g</sup> an Tighearna.

11 Agus sheas am freiceadan, gach fear le 'airm na làimh, mu'n cuairt air an rìgh, o thaobh<sup>h</sup> deas an tighe gu ruig taobh clì an tighe, làimh ris an altair agus an tigh.

12 Agus thug e mach mac an rìgh, agus chuir e 'n crù air, agus thug e dha an fhianuis, agus rinn iad na rìgh e, agus dh'ung iad e, agus bhuail iad am basa, agus thubhairt iad, Gu ma fada beo an rìgh.

13 Agus an uair a chual Ataliah fuaim an t-sluaigh a' ruith cuid-eachd<sup>i</sup>, thàinig i dh'ionnsuidh an t-sluaigh, a steach do thigh an Tighearna.

14 Agus an uair a dh'amhairc i, feuch, sheas an rìgh làimh ri post, mar bu ghnàth, agus na h-uachdair-ain, agus na trompadairean làimh ris an rìgh, agus rinn sluagh na tìre uile gairdeachas, agus sheid iad le trompaidibh: agus reub Ataliah a h-eudach, agus dh'èigh i, Feall, feall.

15 Ach dh'àithn Iehoiada an sagart do na ceannardaibh-cheud, a chuireadh os cionn an t-slàigh, agus thubhairt e riu, Thugaibh a mach i an taobh a muigh do na sreathaibh; agus ge b'e neach a leanas i, marbhar leis a' chlàidheamh e: oir thubhairt an sagart, Na cuircar gu bàs i ann an tigh an Tighearna.

16 Agus thug iad comas d'i<sup>k</sup>, agus dh'imich i air an t-slighe air an d'thig na h-eich gu tigh an rìgh, agus mharbhadh an sin i.

17 Agus rinn Iehoiada coimhcheangal eadar an Tighearn agus an rìgh agus an sluagh, gu'm biodh iad nan sluagh aig an Tighearna; mar

<sup>a</sup> abhainn. <sup>b</sup> Faic II. Eachdr. Caib. XXII. r. 11. <sup>c</sup> o ghnùis Ataliah. Eabh. <sup>d</sup> na ceannardan-cheud. <sup>e</sup> a chum nach brisear slus e.

<sup>f</sup> rangaidh. <sup>g</sup> teampull. <sup>h</sup> oisinn, ghualainn. <sup>i</sup> fuaim an fhreiceadain agus an t-sluaigh. <sup>k</sup> chuir iad làmh innte.



an ceudna eadar an rìgh agus an sluagh.

18 Agus chaidh sluagh na tìre uile a steach do thigh Bhaail, agus leag iad sìose; <sup>a</sup>altairean agus a dhealbhan bhris iad gu tur; agus mharbh iad Matan sagart Bhaail fa chomhair nan altair: agus <sup>b</sup>chuir an sagart luchd-riaghlaidh <sup>a</sup> os cionn tighe an Tighearna.

19 Agus ghabh e iad-san a bha os cionn cheudan, agus na ceannardan, agus am freiceadan, agus sluagh na tìre uile, agus thug iad a nuas an rìgh o thigh an Tighearna, agus thàinig iad rathad geataidh an fhreiceadain gu tigh an rìgh: agus shuidh e air caithir nan rìgh.

20 Agus rinn sluagh na tìre uile gairdeachas, agus bha <sup>a</sup>in baile sàmhach: agus mharbh iad Ataliah leis a' chlaidheamh làimh ri tigh an rìgh.

21 Seachd bliadhna dh'aois bha Iehoas an uair a thòisich e air rìoghachadh.

### CAIB. XII.

**A**NNS an t-seachdamh bliadhna do Iehu thòisich Iehoas air rìoghachadh, agus rìoghaich e dà fhichead bliadhna ann an Ierusalem: agus <sup>b</sup>e ainm a mhàthar Sibiah o Bheerseba.

2 Agus rinn Iehoas an <sup>a</sup>ni a bha ceart ann an sùilibh an Tighearna rè a làithean uile, anns an do theagaisg Iehoiada an sagart e.

3 Ach cha d'thugadh air falbh na h-aithean arda: bha <sup>a</sup>n sluagh fathast ag ìobradh, agus a' losgadh tùis anns na h-aitibh arda.

4 Agus thubhairt Iehoas ris na sagartaibh, Uile airgiod nan nithe coisrigte a bheirear a steach do thigh an Tighearna, airgiod gach duin' a théid seachad san àireamh, airgiod meas <sup>b</sup> gach duine, an t-airgiod uile a thig e ann an cridhe duine sam bith a thoirt a steach do thigh an Tighearna,

5 Gabhadh na sagairt d'an ionnsuidh e, gach duine o 'fhear-edlais, agus càireadh iad briseadh an tighe, eadhon gach briseadh a gheibhear ann.

6 Gidheadh, anns an treas bliadhna fichead do rìgh Iehoas, cha do chàirich na sagairt briseadh an tighe.

7 An sin ghàirm rìgh Iehoas air Iehoiada an sagart, agus air na sagartaibh eile, agus thubhairt e rin, C'ar son nach 'eil sibh a' càradh brisidh an tighe? a nis ma fa na gabhaibh airgiod tuilleadh o luchd bhrùr n-edlais, ach thugaibh air son brisidh an tighe e.

8 Agus dh'aontaich na sagairt gu'n

airgiod a ghabhail tuilleadh o'n t-sluagh, agus gu'n bhriseadh an tighe a chàradh.

9 Ach ghabh Iehoiada an sagart ciste, agus rinn e toll na h-uachdar, agus chuir e i ri taobh na h-altarach air an làimh dheis, mar a thig duine a steach do thigh an Tighearna: agus ann an sin chuir na sagairt a bha gleidheadh an doruis, an t-airgiod uile a thugadh a steach do thigh an Tighearna.

10 Agus an uair a chunnaic iad gu'n robh mòran airgid anns a' chiste, chaidh scrìobhluch an rìgh suas, agus an t-ard shagart, agus cheangail iad suas, agus dh'àir-eamh iad <sup>a</sup> an t-airgiod a fhuaradh ann an tigh an Tighearna.

11 Agus thug iad an t-airgiod an uair a dh'àirmheadh e ann an làimh nan daoine a rinn an obair, a chuireadh os cionn tighe an Tighearna; agus thug iadsan a mach e do na saoraibh, agus do'n luchd-togail, a rinn obair air tigh an Tighearna,

12 Agus do chlacharaibh, agus do luchd-snaidhidh chlach, agus a cheannach fiodha agus chlach a snaidhte a chàradh brisidh tighe an Tighearna, agus air son gach ni a chuireadh a mach air an tigh g'a chàradh.

13 Gidheadh, cha d'rinneadh do thigh an Tighearna copain airgid, sàladairean, cuachan, trompaid-ean, soithichean òir air bith, no soithichean airgid air bith, do'n airgiod a thugadh a steach do thigh an Tighearna.

14 Ach thug iad e do'n luchd-oibre, agus chàraich iad leis tigh an Tighearna.

15 Os-bàrr, cha d'thug iad air na daoineibh, an làimh an d'thug iad an t-airgiod chum a thoirt do'n luchd-oibre, cunntas a thoirt seachad: oir rinn iadsan gu fìrinneach.

16 Cha d'thugadh an t-airgiod eusaontaich agus an t-airgiod peacaidh a steach do thigh an Tighearna: bu leis na sagartaibh e.

17 An sin chaidh Hasael rìgh Shiria suas, agus chog e an aghaidh Ghat, agus ghlac se e: agus chuir Hasael aghaidh ri dol suas gu h-Ierusalem.

18 Agus ghabh Iehoas rìgh Iudah, na nithe coisrigte uile a choisrig Iehosaphat agus Iehoram agus Ahasiah aithriche, rìghrean Iudah, agus a nithe coisrigte féin, agus an t-òr uile a fhuaradh ann an ionmhasaibh tighe an Tighearna, agus tighe an rìgh, agus chuir e dh'ionnsuidh Hasael rìgh Shiria e, agus dh'imich e o h-Ierusalem.

<sup>a</sup> luchd-frithealaidh.  
meas anna. Eabh.

<sup>b</sup> airgiod

<sup>c</sup> na clàr-beoil.

<sup>d</sup> chuir iad ann

am màladh, agus dh'àireamh iad.

19 Agus a' chuid eile do ghnìomh-  
araibh Iois, agus gach *ni* a rinn e,  
nach *'eil* iad sgrìobhta ann an  
leabhar eachdraidh rìghrean Iudah?

20 Agus dh'èirich a sheirbhisich,  
agus rinn iad ceannairc, agus  
bhuail *a* iad Iois ann an tigh Mhilo,  
a tha san dol sìos gu *b* Sila:

21 Oir bhuail Iosachar mac Shim-  
eat, agus Iehosabab mac Shomair a  
sheirbhisich e, agus fhuair e bàs:  
agus dh'adhlaid iad e maille r'a aith-  
richibh ann am baile Dhaibhidh:  
agus rìghaich Amasiah a mhac na àit.

CAIB. XIII.

**A**NNS an treas bliadhna fichead  
do Iois mac Ahasiah rìgh Iudah,  
thòisich Iehoahas mac Iehu air  
rìoghachadh os cionn Israeil ann an  
Samaria; agus rìghaich e seachd  
bliadhna deug.

2 Agus rinn e olc ann an sùilbìh  
an Tighearna, agus lean e peacanna  
Ieroboaim mhic Nebait, a thug air  
Israel peacachadh: cha do dheal-  
aich e riu.

3 Agus las fearg an Tighearna an  
aghaidh Israeil, agus thug e thairis  
iad do làimh Hasaeil rìgh Shiria,  
agus do làimh Bhen-hadaid mhic  
Hasaeil, rè *a* e làithean uile.

4 Agus ghuidh Iehoahas air an  
Tighearna, agus dh'éis an Tigh-  
earna ris; oir chunnaic e foirneart<sup>d</sup>  
Israeil, oir rinn rìgh Shiria foirneart  
orra.

5 (Agus thug an Tighearna fear-  
saoraidh do Israel, agus chaidh iad  
a mach o *bhì* fuidh làimh nan Sirian-  
ach: agus ghabh clann Israeil còmh-  
nuidh nam bùthaibh, mar a rinn iad  
roimhe.

6 Gidheadh, cha do dhealaich iad  
ri peacaibh tighe Ieroboaim, a thug  
air Israel peacachadh, *ach* ghluais  
iad annta: agus dh'fhan an doire  
cuideachd ann an Samaria.)

7 Agus cha d'fhàgadh *e* aig Ieho-  
ahas do'n t-sluagh ach leth-cheud  
marcach agus deich carbaid, agus  
deich mìle coisiche; oir sgrìos rìgh  
Shiria iad, agus rinn e iad mar an  
duslach<sup>f</sup> le bualadh.

8 Agus a' chuid eile do ghnìomh-  
araibh Iehoahais, agus gach *ni* a  
rinn e, agus a thréine<sup>g</sup>, nach *'eil* iad  
sgrìobhta ann an leabhar eachdraidh  
rìghrean Israeil?

9 Agus choidil Iehoahas maille r'a  
aithrichibh, agus dh'adhlaid iad e  
ann an Samaria, agus rìghaich  
Iehoas<sup>h</sup> a mhac na àit.

10 Anns an t-seachdamh bliadhna

deug thar fhichead do Iois rìgh  
Iudah, thòisich Iehoas mac Iehoah-  
ais air rìoghachadh os cionn Israeil  
ann an Samaria; agus rìghaich e sè  
bliadhna deug.

11 Agus rinn e olc ann an sùilbìh  
an Tighearna: cha do dhealaich e  
ri uile pheacaibh Ieroboaim mhic  
Nebait, a thug air Israel peacachadh,  
*ach* ghluais e annta.

12 Agus a' chuid eile do ghnìomh-  
araibh Iois, agus gach *ni* a rinn e,  
agus a thréine, leis an do chog e an  
aghaidh Amasiah rìgh Iudah, nach  
*'eil* iad sgrìobhta ann an leabhar  
eachdraidh rìghrean Israeil?

13 Agus choidil Iois maille r'a  
aithrichibh, agus shuidh Ieroboaim  
air a rìgh-chaitheir: agus dh'adhlaid  
eadh Iois ann an Samaria maille ri  
rìghribh Israeil.

14 A nis bha Elisa tinn d'a thinn-  
eas d'an d'fhuair e bàs, agus thàinig  
Iois rìgh Israeil a nuas d'a ionn-  
suidh, agus ghuil e os a chionn<sup>i</sup>, agus  
thubhairt e, O athair, athair, carbad  
Israeil agus a mliarc-shluagh.

15 Agus thubhairt Elisa ris, Gabh  
bogha agus saighdean: agus ghabh e  
d'a ionnsuidh bogha agus saighdean.

16 Agus thubhairt e ri rìgh Israeil,  
Cuir do làmh air a' bhogha. Agus  
chuir e a làmh air; agus chuir Elisa  
a làmh an làmh an rìgh.

17 Agus thubhairt e, Fosgail an  
uinneag a làimh na h-àirde<sup>j</sup> 'n ear:  
agus dh'fhosgail e i. An sin thubh-  
airt Elisa, Tilg: agus thilg esan. A-  
gus thubhairt e, Saighead shaoraidh  
an Tighearna, agus saighead shaor-  
aidh o<sup>k</sup> Shiria: oir buailidh tu na  
Sirianaich ann an Aphec, gu<sup>l</sup> an  
cuir thu as doibh.

18 Agus thubhairt e, Gabh na  
saighdean: agus ghabh esan iad. A-  
gus thubhairt e ri rìgh Israeil, Buail  
air an talamh: agus bhuail e trì  
uairean, agus stad e.

19 Agus bha fearg air an duine le  
Dia ris, agus thubhairt e, Bu chòir  
dhuit bualadh cùig no sè uairean,  
an sin bluaileadh tu Siria gus an  
cuireadh tu as dith: ach a nis buail-  
idh tu Siria a mhàin trì uairean.

20 Agus fhuair Elisa bàs, agus  
dh'adhlaid iad e: agus thàinig  
buidhnean nam Moabach a stigh  
do'n tìr<sup>l</sup> aig teachd a steach na  
bliadhna.

21 Agus an uair a bha iad ag  
adhlacadh duine, feuch, chunnaic  
iad buidheann *dhaoinne*, agus thilg  
iad sìos an duine do àit-adhlacaidh  
Elisa, agus an uair a leigeadh an  
duine sìos, agus a bhean e ri cnàmh-

<sup>a</sup> mharbh. <sup>b</sup> a theid sìos gu.

<sup>c</sup> an <sup>d</sup> sàruchadh, àmhghar.

<sup>e</sup> cha d'fhàg e. <sup>f</sup> luathre.

<sup>g</sup> a ghaisge, a neart. <sup>h</sup> Iois.

<sup>i</sup> air 'aghaidh. Eabh. <sup>k</sup> an aghaidh.

<sup>l</sup> thug buidhnean nam Moabach  
ionnsuidh air an tìr.

nan Elisa, dh'ath-bheothaicheadh e, agus dh'eirich e air a chosaibh.

22 A nis rinn Hasael rìgh Shiria foirneart air Israel rè uile làithean Iehoahais.

23 Ach bha'n Tighearna bàigheil riu, agus ghabh e truas riu, agus dh'amhairc e orra air sgàth a choimhcheangail ri Abraham, Isaac, agus Iacob, agus cha b'aill leis an sgrios, cha mhò a thilg e as a làthair iad gus a nis.

24 Agus fhuair Hasael rìgh Shiria bàs, agus rìghaich Benhadad a mhac na àit.

25 Agus thug Iehoas mac Iehoahais air an ais as làimh Benhadaid mhic Hasael, na bailtean a thug esan as làimh Iehoahais 'athar anns a' chogadh: trì uairean bhuail Iehoas a e, agus thug e air an ais bailtean Israeil.

#### CAIB. XIV.

**A** NNS andara bliadhna do Iehoas<sup>b</sup> mac Iehoahais rìgh Israeil, rìghaich Amasiah mac Ioais rìgh Iudah.

2 Cùig bliadhna fichead a dh'aois bha e 'n uair a thòisich e air rìghachadh, agus rìghaich e naoi bliadhna fichead ann an Ierusalem: agus b'e ainm a mhàthar Iehodan o Ierusalem.

3 Agus rinn e an *ni a bha* ceart ann an sùilibh an Tighearna; ach cha b'ann cosmhuil ri Daibhidh 'athair: a rèir gach *ni a rinn* Ioas 'athair, rinn esan.

4 Ach cha d'thugadh air falbh na h-àitean arda: fathast bha'n sluagh ag iobradh, agus a' losgadh tùis air na h-àitibh arda.

5 A nis an uair a dhaingnicheadh an rìghachd na làimh, mharbh e a sheirbhlisich, a mharbh an rìgh 'athair.

6 Ach mic nam mortair e cha do mharbh e; mar a tha e scriobhta ann an leabhar lagha Mhaois, anns an d'aithn an Tighearna, ag ràdh, Cha chuirear na h-aithriche gu bàs air son nam mac, agus cha chuirear na mic gu bàs air son nan aithriche: ach cuirear gach duine gu bàs air son a pheacaidh féin<sup>d</sup>.

7 Bhuail e do Edom ann an gleann an t-salainn deich mìle, agus ghlac e Selah anns a' chogadh, agus thug e locteel mar'ainm air gus an la' u diugh.

8 An sin chuir Amasiah teachdair-ean a dh'ionnsuidh Iehoais mhic Iehoahais, mic Iehu rìgh Israeil, ag ràdh, Thig, seallamaid air a chéile 'san aghaidh.

9 Agus chuir Iehoas rìgh Israeil

teachdair-ean a dh'ionnsuidh Amasiah rìgh Iudah, ag ràdh, Chuir am fogh-annan<sup>a</sup> a bha ann an Lebanon fios a dh'ionnsuidh an t-seudair a bha ann an Lebanon, ag ràdh, Thoir do nigh-ean do m' mhac-sa na mnaoi: agus chaidh fiadh-bheathach seachad a bha ann an Lebanon, agus shaltair e sìos am foghannan.

10 Bhuail thu gu'n amharus Edom, agus thog do chridhe suas thu: dean uail a so, agus fan aig do thigh: oir c'ar son a bhiodh làmh agad ann an ni chum t-aimhleis, air chor as gu'n tuiteadh tu féin agus Iudah maille riut?

11 Ach cha d'éisd Amasiah ris: uime sin chaidh Iehoas rìgh Israeil suas, agus dh'amhairc e féin agus Amasiah rìgh Iudah air aghaidh a chéile aig Betsemes, a bhuineas do Iudah.

12 Agus bhuailleadh Iudah roimh Israeil, agus theich iad gach fear a dh'ionnsuidh am bùthan.

13 Agus ghlac Iehoas rìgh Israeil Amasiah rìgh Iudah, mac Iehoais, mhic Ahasiah, aig Betsemes, agus thàinig e gu h-Ierusalem, agus bhris e sìos balladh Ierusalem, o gheatadh Ephraim gu geatadh na h-oisne, ceithir cheud làmh-choille.

14 Agus ghabh e an t-òr agus an t-airgid uile, agus na soithichean<sup>f</sup> uile a fhuaradh ann an tigh an Tighearna, agus ann an ionmhasaibh tìghe an rìgh, agus braighdean-gill e, agus phill e gu Samaria.

15 Agus a' chuid eile do ghnìomh-araibh Iehoais a rinn e, agus a thréine, agus mar a chog e ri Amasiah rìgh Iudah nach 'eil iad scriobhta ann an leabhar eachdraidh rìghrean Israeil?

16 Agus choidil Iehoas maille r'a aithrichibh, agus dh'adhlaicheadh e ann an Samaria maille ri rìghribh Israeil, agus rìghaich Ieroboam a mhac na àit.

17 Agus bha Amasiah, mac Ioas, rìgh Iudah, beo an déigh bàis Iehoais, mhic Iehoahais rìgh Israeil, cùig bliadhna deug.

18 Agus a' chuid eile do ghnìomh-araibh Amasiah, nach 'eil iad scriobhta ann an leabhar eachdraidh rìghrean Iudah?

19 Agus rinn iad ceannairc na aghaidh ann an Ierusalem, agus theich e gu Lachis; ach chuir iad daoine na dh'éigh gu Lachis, agus mharbh iad e an sin.

20 Agus thug iad leo air eachaibh e: agus dh'adhlaicheadh e ann an Ierusalem maille r'a aithrichibh ann am baie Dhaibhidh.

<sup>a</sup> Ioas. <sup>b</sup> Ioas. <sup>c</sup> nan daoine marbhta. <sup>d</sup> na pheacaidh féin. Eabh.

<sup>e</sup> cluaran. <sup>f</sup> na h-innill, an t-uidheam. <sup>g</sup> hostages. Sasg.

21 Agus ghabh sluagh Iudah uile Asariah<sup>a</sup>, agus e sè bliadhna deug a dh'aois, agus rinn iad na rìgh e an àit<sup>b</sup> athar Amasiah.

22 Thog esan Elat, agus dh'aisig se<sup>b</sup> e do Iudah, an déigh do'n rìgh còdal maille r'a aithrichibh.

23 Anns a' chùigeadh bliadhna deug do Amasiah mac Ioais, rìgh Iudah, thòisich Ieroboam mac Ioais rìgh Israeil, air ròghachadh ann an Samaria, agus ròghaich e bliadhna agus dà fhichead.

24 Agus rinn e olc ann an sùilibh an Tighearna: cha do dhealaich e ri uile pheacaibh Ieroboaim mhic Nebait, a thug<sup>c</sup> air Israel peacachadh.

25 Dh'aisig e crìoch Israeil o dhol a steach Hamait gu ruig muir a' chòmhnaird, a réir focail an Tighearna Dé Israeil, a labhair e le làimh a sheirblisich Ionah, mhic Amitai an fhàidh, a bha o Ghat-hepher.

26 Oir chunnaic an Tighearn àmhghar Israeil, gu'n robh e ro shearbh; oir cha robh neach air bith air a dhruideadh suas, agus cha d'fhàgadh neach air bith, agus cha robh fear-còmhnaidh e ann aig Israeil.

27 Agus cha dubhairt an Tighearna gu'n dubhiadh e mach ainm<sup>d</sup> Israeil o bhi fuidh nèamh: ach shaor e iad le làimh Ieroboaim mhic Ioais.

28 Agus a' chuid eile do ghnìomharaibh Ieroboaim, agus gach ni a rinn e, agus a thrèise, mar a chog e, agus mar a dh'asig e Damascus, agus Hamat, [bu le Iudah,] do Israel, nach 'eil iad scrìobhta ann an leabhar eachdraidh rìghrean Israeil?

29 Agus choidil Ieroboam maille r'a aithrichibh maille ri rìghribh Israeil; agus ròghaich Sachariah a mhac na àit.

# CAIB. XV.

**A**NNS an t-seachdamh bliadhna fhichead do Ieroboam rìgh Israeil, thòisich Asariah<sup>e</sup> mac Amasiah rìgh Iudah air ròghachadh.

2 Sè bliadhna deug a dh'aois bha e nuair a thòisich e air ròghachadh, agus ròghaich e dà bliadhna dheug agus dà fhichead ann an Ierusalem: agus b'e ainm a mhiàthar Iecholiah o Ierusalem.

3 Agus rinn e an ni a bha ceart ann an sùilibh an Tighearna, a réir gach ni a rinn Amasiah<sup>f</sup> athair.

4 Gidheadh, cha d'fhugadh air falbh na h-àitean arda: fathast bha 'n sluagh ag òbradh, agus a' losgadh tùis anns na h-àitibh arda.

5 Agus bhuail an Tighearn an rìgh, agus bha e na lobhar gu là a bhàis, agus ghabh e còmhnuidh ann an tigh air leth: agus bha Iotam mac an rìgh os cionn an tighe, a' toirt breth air sluagh na tìre.

6 Agus a' chuid eile do ghnìomharaibh Asariah, agus gach ni a rinn e, nach 'eil iad scrìobhta ann an leabhar eachdraidh rìghrean Iudah?

7 Agus choidil Asariah maille r'a aithrichibh, agus dh'adhlac iad e maille r'a aithrichibh ann am baile Dhaibhidh: agus ròghaich Iotam a mhac na àit.

8 Anns an ochdamh bliadhna deug thar fhichead do Asariah rìgh Iudah, ròghaich Sachariah mac Ieroboaim os cionn Israeil ann an Samaria sè mìosan.

9 Agus rinn e olc ann an sùilibh an Tighearna, mar a rinn aithriche: cha do dhealaich e ri peacaibh Ieroboaim mhic Nebait, a thug air Israel peacachadh.

10 Agus rinn Salum mac Iabeis ceannairc na aghaidh, agus bhuail se e am fianuis an t-sluaigh, agus mharbh se e, agus ròghaich e na àit.

11 Agus a' chuid eile do ghnìomharaibh Shachariah, feuch, tha iad scrìobhta ann an leabhar eachdraidh rìghrean Israeil:

12 B'e so focal an Tighearna, a labhair e ri Iehu, ag ràdh, Suidhidh do mhic air rìgh chaithir Israeil, gu ruig an ceathramh ginealach. Agus bha e mar sin.

13 Thòisich Salum mac Iabeis air ròghachadh anns an naothadh bliadhna deug thar fhichead do Udsiah<sup>g</sup> rìgh Iudah agus ròghaich e mìos iomlan<sup>h</sup> ann an Samaria.

14 Oir chaidh Menahem mac Ghadi suas o Thirsah, agus thàinig e gu Samaria, agus bhuail e Salum mac Iabeis ann an Samaria, agus mharbh se e, agus ròghaich e na àit.

15 Agus a' chuid eile do ghnìomharaibh Shalum, agus a cheannairc a rinn e, feuch, tha iad scrìobhta ann an leabhar eachdraidh rìghrean Israeil.

16 An sin bhuail Menahem Tiph-sah, agus iadsan uile a bha ann, agus a chrìocha o Thirsah: a chionn nach d'fhosgail iad dha, uime sin bhuail se e: a mhnathan torrcha uile reub e suas.

17 Anns an naothadh bliadhna deug thar fhichead do Asariah rìgh Iudah thòisich Menahem mac Ghadi air ròghachadh os cionn Israeil, agus ròghaich e deich bliadhna ann an Samaria.

18 Agus rinn e olc ann an sùilibh

<sup>a</sup> Udsiah. <sup>b</sup> thug e air ais.  
<sup>c</sup> fear-cuidich. <sup>d</sup> gu'n sgriosadh e.  
Udsiah.

<sup>e</sup> Asariah. <sup>g</sup> mìos do laithibh.  
Eabh.



an Tighearna: cha do dhealaich e rè 'uile làithean ri pearaibh Ieroboaim mhic Nebait, a thug air Israel peacachadh.

19 Agus thàinig Pul rìgh Asiria an aghaidh na tìre: agus thug Menahem do Phul mìle tàlann airgid, a chum as gu'm biodh a làmh leis, a dhaingneachadh na rìoghachd na làimh.

20 Agus thog Menahem an t-airgiod o Israel, eadhon uathla-san uile a bha comasach ann an saibhreas, leth-cheud secel airgid o gach duine, chum a thabhairt do rìgh Asiria: agus phill rìgh Asiria air ais, agus cha d'fhan e 'n sin anns an tìr.

21 Agus a chuid eile do ghnìomh-araibh Mhenahem, agus gach *ni* a rinn e, nach 'eil iad sgrìobhta ann an leabhar eachdraidh rìghrean Israeil?

22 Agus choidil Menahem maille r'a aithrichibh; agus rìoghaich Pecahiah a mhac na àit.

23 Anns an deicheamh bliadhna agus dà fhichead do Asariah rìgh Iudah, thòisich Pecahiah mac Mhenahem air rìoghachadh os cionn Israeil ann an Samaria; agus rìoghaich e dà bhliadhna.

24 Agus rinn e olc ann an sùilibh an Tighearna: cha do dhealaich e ri peacaibh Ieroboaim mhic Nebait, a thug air Israeil peacachadh.

25 Ach rinn Pecah mac Remaliah ceannard leis féin, ceannairc na aghaidh, agus bhuail se e ann an Samaria, ann an lùchairt tighe an rìgh, maille ri Argob, agus ri Arìeh, agus maille ris leth-cheud fear do na Gileadaich: agus mharbh se e, agus rìoghaich e na àit.

26 Agus a' chuid eile do ghnìomh-araibh Phecahiah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

27 Anns an dara bliadhna deug agus dà fhichead do Asariah rìgh Iudah, thòisich Pecah mac Remaliah air rìoghachadh os cionn Israeil ann an Samaria; agus rìoghaich e fichead bliadhna.

28 Agus rinn e olc ann an sùilibh an Tighearna: cha do dhealaich e ri peacaibh Ieroboaim mhic Nebait, a thug air Israel peacachadh.

29 Ann an laithibh Phecah rìgh Israeil thàinig Tiglat-pileser rìgh Asiria, agus ghlac e lion, agus Abèl-bet-maachah, agus Ianoah, agus Cedes, agus Hasor, agus Gilead, agus Galile, uile thìr Naphtali, agus thug e nam braighdibh iad gu Asiria.

30 Agus rinn Hosea mac Elah ceannairc an aghaidh Phecah mhic Remaliah, agus bhuail se e, agus mharbh se e, agus rìoghaich e na àit,

anns an fhicheadamh bliadhna do Iotam mac Udsiah.

31 Agus a' chuid eile do ghnìomh-araibh Phecah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

32 Anns an dara bliadhna do Phecah mac Remaliah rìgh Israeil, thòisich Iotam mac Udsiah rìgh Iudah air rìoghachadh.

33 Cùig bliadhna fichead a dh'aois bha e 'nuair a thòisich e air rìoghachadh, agus rìoghaich e sè bliadhna deug ann an Ierusalem: agus b'e ainm a mhàthar Ierusa, nighean Shadoic.

34 Agus rinn e an *ni* a bha ceart ann an sùilibh an Tighearna: a réir nan uile *nìthe* a rinn Udsiah 'athair, riun esan.

35 Gidheadh cha d'thugadh air falbh na h-àitean arda; fathast bha 'n sluagh ag òbradh agus a' losgadh tùis anns na h-àitibh ard. Chuir e suas an geatadh a b'airde do thigh an Tighearna.

36 Agus a' chuid eile do ghnìomh-araibh Iotam, agus gach *ni* a rinn e, nach 'eil iad sgrìobhta ann an leabhar eachdraidh rìghrean Iudah?

37 (Anns na laithibh sin thòisich an Tighearn air Resin rìgh Shiria, agus Pecah mac Remaliah a chur an aghaidh Iudah.)

38 Agus choidil Iotam maille r'a aithrichibh, agus dh'adhlaiceadh e maille r'a aithrichibh ann am baile Dhaibhidh 'athar: agus rìoghaich Ahas a mhac na àit.

#### CAIB. XVI.

'S AN t-seachdamh bliadhna deug do Phecah mac Remaliah, thòisich Ahas, mac Iotam, rìgh Iudah air rìoghachadh.

2 Fichead bliadhna dh'aois bha Ahas an uair a thòisich e air rìoghachadh, agus rìoghaich e sè bliadhna deug ann an Ierusalem; agus cha do rinn e an *ni* a bha ceart ann an sùilibh an Tighearn a Dhé, mar a rinn Daibhidh 'athair.

3 Ach dh'imich e ann an slighe rìghrean Israeil, agus mar an ceudna thug e air a mhac dol troimh 'n teine, a réir ghràineileachd nan cinneach, a thig an Tighearn a mach roimh chloinn Israeil.

4 Agus dh'òbair e agus loisg e tùis anns na h-àitibh arda, agus air na cnoic, agus fuaidh gach craoibh uaine.

5 An sin thàinig Resin rìgh Shiria, agus Pecah mac Remaliah rìgh Israeil a nìos gu h-Ierusalem a chogadh, agus theannaich iad Ahas, ach cha b'urraing iad buaidh a thoirt air.

6 'San àm sin choisinn Resin righ Shiria Elat air ais do Shiria, agus dh'fhògair e na h-Iudhaich a h-Elat : agus thàinig na Sirianaich do Elat, agus ghabh iad còmhnuidh ann gus an la 'n diugh.

7 Agus chuir Ahas teachdairean gu Tiglat-pileser righ Asiria, ag ràdh, *Is mise t'òglach agus do mhac ; thig a nìos agus saor mi a làimh righ Shiria, agus a làimh righ Israeil, a dh'éirich a'm' aghaidh.*

8 Agus ghabh Alias an t-airgiod agus an t-òr a fhuairadh ann an tigh an Tighearna, agus ann an ionmhasaibh tighe an righ, agus chuir se e mar thiodhlacadh gu righ Asiria.

9 Agus dh'éisd righ Asiria ris ; oir chaidh righ Asiria suas an aghaidh Damascuis, agus ghlac se e, agus thug e a *shluagh* leis am braiglideanas gu Cir, agus mharbh e Resin.

10 Agus chaidh righ Ahas an coinneamh Thiglat-pileser righ Asiria gu Damascus, agus chunnaic e altair a *bha* ann an Damascus : agus chuir righ Ahas gu h-Uriah an sagart samhladh na h-altarach, agus a cumadh, a réir a h-uile oibre.

11 Agus thog Uriah an sagart altair a réir gach nì a chuir Ahas an righ o Dhamascus : mar sin rinn Uriah an sagart i air cheann do righ Ahas teachd o Dhamascus.

12 Agus an uair a thàinig an righ o Dhamascus, chunnaic an righ an altair : agus thàinig an righ am fagus agus dh'ìobair e oirre.

13 Agus loisg e a thabhartas-loisgte <sup>a</sup>, agus a thabhartas-bìdh, agus thaom e a thabhartas-dìbhe, agus chrath e fuil a thabhartasan-sith air an altair.

14 Agus thug e mar an ceudna an altair umha, a *bha* 'm fianuis an Tighearna, o bheulaobh an tighe, o eadar an altair agus tigh an Tighearna, agus chuir e i air taobh tuath na h-altarach.

15 Agus dh'àithn righ Ahas do Uriah an sagart, ag ràdh, Air an altair mhòir loisg tabhartas-loisgte na maidne, agus tabhartas-bìdh an fheasgair, agus tabhartas-loisgte an righ, agus a tabhartas-bìdh, agus tabhartas-loisgte uile shluaigh na tìre, agus an tabhartas-bìdh, agus an tabhartais-dìbhe, agus crath oirre uile fhuil an tabhartais-loisgte, agus uile fhuil na h-ìobairte : agus bithidh an altair umha agam-sa gu fìosrachadh *leatha*.

16 Mar so rinn Uriah an sagart, a réir gach nì a dh'àithn righ Ahas.

17 Agus ghearr righ Ahas iomaill nam bonn diubh, agus dh'atharraich e dhiubh an soitheach-ionnlaid, agus

thug e nuas an fhairge bhàrr nan damh umha a bha foipe <sup>b</sup>, agus chuir e i air urlar chlach.

18 Agus an còmhdaichadh e sàbaid a thog iad 'san tigh, agus slighe an righ a steach o'n leth muigh, thionndaidh e o thigh an Tighearna air son <sup>d</sup> righ Asiria.

19 A nis a' chuid eile do ghnìomharaibh Ahais a rinn e, nach 'eil iad sgrìobhta ann an leabhar eachdraidh righrean Iudah ?

20 Agus choidil Alias maille r'a aithrichibh agus dh'adhlacadh e maille r'a aithrichibh ann am baile Dhaibhidh ; agus rioghaich Heciah a mhac na àit.

## CAIB. XVII.

**A**NNS an dara bliadhna deug do Ahas righ Iudah, thòisich Hoseah mac Elah air rioghachadh ann an Samaria air Israel ; agus *rioghaich e* naoi bliadhna.

2 Agus rinn e ùlc ann an sealladh an Tighearna, ach cha b'ann mar righribh Israeil a bha roimhe.

3 Na aghaidh-san thàinig a nìos Salmaneser righ Asiria, agus bha Hoseah na sheirbhiseach aige, agus thug e tiodhlacadh <sup>e</sup> dha.

4 Agus fhuair righ Asiria ceann-airc <sup>f</sup> ann an Hoseah ; oir chuir e teachdairean gu So righ na h-Eiphit, agus cha d'thug e tiodhlacadh air bith gu righ Asiria, mar a *chleachd e* o bhliadhna gu bliadhna : uime sin dhruid righ Asiria suas e, agus cheangail e ann am prìosun e.

5 An sin thàinig righ Asiria nìos troimh 'n fhearann uile, agus chaidh e suas gu Samaria, agus theannaich se e trì bliadhna.

6 Anns an naothadh bliadhna do Hoseah ghlac righ Asiria Samaria, agus thug e leis Israel do Asiria, agus shuidhich e iad ann an Halah, agus ann an Habor *làimh ri* abhainn Ghosain, agus ann am bailtibh nam Medeach.

7 Oir tharladh gu'n do pheacaich clann Israeil an aghaidh an Tighearn an Dé, a thug a nìos iad a tìr na h-Eiphit, o bhi fuidh làimh Pharaoin righ na h-Eiphit, agus bha eagal dhiathan eile orra.

8 Agus dh'imich iad ann an reachdaibh nan cinneach, (a thilg an Tighearn a mach roimh chloinn Israeil,) agus ann an *reachdaibh* righrean Israeil a rinn iad.

9 Agus rinn clann Israeil gu dìomhair nithe nach *robh* ceart an aghaidh an Tighearn an Dé, agus thog iad dhoibh féin àitean arda nam mòr-bhailtibh uile, o thàrait an

<sup>a</sup> ìobairt-loisgte,

<sup>b</sup> fuidhe.  
eagal.

<sup>c</sup> pàillium.  
<sup>e</sup> cùs. <sup>f</sup> feall.

<sup>d</sup> air

luchd-faire gus a' bhaile dhaing-  
nichte.

10 Agus chuir iad suas dhoibh féin dealbhan agus doireachan <sup>a</sup> air gach uile cluic ard, agus fuidh gach uile chraoibh uaine.

11 Agus an sin loisg iad tuis anns na h-aitibh ard uile, mar na cinnich a thug Dia air falbh rompa: agus rinn iad nithe olc a bhrosnachadh an Tighearna gu corruich:

12 Oir rinn iad seirbhis do iòdh-olaibh, mu'n d'thubhairt an Tighearna riu, Cha dean sibh an ni so.

13 Gidheadh thug an Tighearna fianuis an aghaidh Israeil, agus an aghaidh Iudah, leis na fàidhibh uile, agus leis an luchd-seallaidh uile ag ràdh, Pillibh o bhuir droch shlighibh, agus gleidhibh m'aitheanta agus mo reachdan, a réir an lagha uile e dh'aithn mi d'ar n-aithrichibh, agus a chuir mi d'ar n-ionnsuidh le 'm sheirbhisich <sup>b</sup> na fàidhean.

14 Gidheadh cha b'aill leo éisd-eachd, ach chruadhaich iad am mùineal, cosmhuil ri mùineal an aithriche, nach do chreid anns an Tighearna an Dia.

15 Agus rinn iad tàir air a reachd-aibh, agus air a choimhcheangal a rinn e r'an aithrichibh, agus air a theisteis, leis an d'thug e fianuis nan aghaidh, agus lean iad dìomhanas, agus dh'fhàs iad dìomhain, agus chaidh iad an déigh nan cinneach, a bha mu'n cuairt orra, mu'n d'thug an Tighearna sparradh dhoibh, nach deanadh iad cosmhuil riu.

16 Agus thréig iad uile àitheantan an Tighearna an Dé, agus rinn iad dhoibh féin dealbhan leaghta, eadhon dà laogh, agus rinn iad doire, agus rinn iad aoradh do uile armait nheimh, agus rinn iad seirbhis do Bhaal.

17 Agus thug iad air am macaibh agus air an nigheanaibh dol troimh 'n teine, agus ghnàthaich iad fiosachd agus druidheachd, agus reic siad iad féin a dheanamh uile ann an sealladh an Tighearna, chum a bhrosnachadh gu feirg.

18 Uime sin bha fearg ro mhòr aig an Tighearna ri h-Israel, agus dh'atharraich e iad as a shealladh: cha d'fhàgadh aon ach treubh Iudah a mhàin.

19 (Mar an ceudna cha do ghléidh Iudah àitheantan an Tighearna an Dé, ach dh'imich iad ann an reachd-aibh Israeil a rinn iad.)

20 Agus chuir an Tighearna cùl ri uile shliochd Israeil, agus chuir e fuidh àmhghar iad, agus thug e thairis iad do làimh chreachadair-

ean, gus an do thilg e as a shealladh iad.

21 Oir scar Israel e fein o thigh Dhaibhidh <sup>c</sup>, agus rinn iad Ieroboam mac Nebait na rìgh, agus dh'fhuadaich Ieroboam Israel o'n Tighearna a leantuinn, agus thug e orra peacadh mòr a pheacachadh.

22 Agus dh'imich clann Israeil ann an uile pheacaibh Ieroboam a rinn e: cha do dhealaich iad riu:

23 Gus an d'atharraich an Tighearna Israel as a shealladh, mar a thubhairt e le 'sheirbhisich uile na fàidhean. Agus thugadh Israel air falbh as an tìr féin do Asiria, gus an la 'n diugh.

24 Agus thug rìgh Asiria daoine o Bhabilon, agus o Chutah, agus o Abha, agus o Hamat, agus o Shepharbhaim, agus shuidhich e iad ann am bailtibh Shamaria, an àite chloinn Israeil; agus shealbhaich iad Samaria, agus ghabh iad còmh-nuidh na bhailtibh.

25 Agus tharladh, 'nuair a ghabh iad an toiseach còmhnuidh an sin, nach robh eagal an Tighearna orra; uime sin chuir an Tighearna leòmla-ainn nam measg, a mharbh cuid diubh.

26 Air an aobhar sin labhair iad ri rìgh Asiria, ag ràdh, Na cinnich a dh'atharraich thu, agus a shuidhich thu ann am bailtibh Shamaria, cha 'n aithne dhoibh gnàth Dhé na tìre: uime sin chuir e leòmhainn nam measg, agus feuch, tha iad 'gam marbhadh, a chionn nach aithne dhoibh gnàth Dhé na tìre.

27 An sin dh'aithn rìgh Asiria, ag ràdh, Thugaibh leibh an sin aon do na sagartaibh a thug sibh as sin, agus rachadh e <sup>d</sup> agus gabhadh e <sup>e</sup> còmh-nuidh an sin, agus teagaisgeadh e dhoibh gnàth Dhé na tìre.

28 An sin thàinig aon do na sagartaibh a thug iad leo a Samaria, agus ghabh e còmhnuidh ann am Betel, agus theagaisg e dhoibh cionnus bu chòir dhoibh eagal an Tighearna a bhi orra.

29 Gidheadh, rinn gach cinneach dée dhoibh féin, agus chuir siad iad ann an tighibh nan àitean ard a rinn na Samaritich, gach cinneach nam bailtibh féin anns an do ghadh iad còmhnuidh.

30 Agus rinn daoine Bhabiloirt Sucot-Benot agus rinn daoine Chuit Nergal, agus rinn daoine Hamait Asima,

31 Agus rinn na h-Abhaich Nibhas agus Tartac, agus loisg na Sepharbhaich an clann 'san teine do Adrame-

<sup>a</sup> iòdholan; asherim. Eabh.

<sup>b</sup> le làmh mo sheirbhiseach. Eabh.

<sup>c</sup> reub e Israel o thigh Dhaibhidh.

<sup>d</sup> iad <sup>e</sup> iad,

leach agus Anamelech, dée Shepharbhaim.

32 Agus oha eaga. an Tighearn orra, agus rinn iad doibh féin do'n chuid a b'isle dhiubh sagairt nan áit arda, agus thug iad suas lobairtean air an son anna an tighibh nan áit arda.

33 Bha eagal an Tighearn orra, agus rinn iad seirbhís d'an déibh féin, a réir gnátha nan cinneach a thug iad leo as sin.

34 Gus an la 'n diugh tha iad a deanamh a réir nan ceud ghnáth: cha 'n'éil eagal an Tighearn orra, cha mhó tha iad a' deanamh a réir an reachda, no do réir an ordugh-ean, no do réir an lagha, no do réir na h-áitline a dh'áithn an Tighearna do chloinn Iacoib, air an d'thug e Israel mar ainm:

35 Ris an d'rinn an Tighearna coimhcheangal, agus d'an d'thug e sparradh a, ag ràdh, Cha bhi eagal dhiathan eile oirbh, agus cha chrom sibh sibh féin doibh, agus cha dean sibh seirbhís doibh, agus cha 'n iobair sibh doibh:

36 Ach an Tighearn a thug a nìos sibh a tìr na h-Éiphit le mòr chumhachd, agus le gairdean sint' a mach, 'eagal-san bithidh oirbh, agus dhasan lùbaidh sibh an glùn, agus dhasan-lobraidh sibh.

37 Agus na reachdan, agus na h-ordugh-ean, agus an lagh, agus an áithne a scriobh e dhuibh, bheir sibh an aire gu'n dean sibh iad gu bràth; agus cha bhi eagal dhiathan eile oirbh.

38 Agus an coimhcheangal a rinn mise ribh cha di-chuimhnich sibh; agus cha bhi eagal dhiathan eile oirbh.

39 Ach bithidh eagal an Tighearna bhur Dé oirbh, agus saoraidh esan sibh a làimh bhur naimhdean uile.

40 Gidheadh cha d'éisd iad, ach rinn iad a réir an ceud ghnátha.

41 Agus bha eagal an Tighearn air na cinnich sin, gidheadh rinn iad seirbhís d'an dealbhaibh snaidhte féin, araon an clann agus clann an cloinne: mar a rinn an aithriche, is amhuil a ta iadsan a' deanamh gus an la'n diugh.

CAIB. XVIII.

**A** GUS anns an treas bliadhna do Hosea mac Elah rìgh Israeil, thòisich Heseciah mac Ahais, rìgh Iudah, air rìoghachadh.

2 Cùig bliadhna fichead a dh'aois bha e 'nuair a thòisich e air rìoghachadh, agus rìoghaich e naoi bliadhna fichead ann an Ierusalem: agus b'e ainm a mhàthar Abi, nigh-ean Shechariah.

3 Agus rinn e an *ni a bha* ceart ann an sùilibh an Tighearna, a réir nan uile nithe a rinn Daibhidh 'athair.

4 Chuir e air falbh na h-àitean arda, agus bhris e na dealbhan, agus ghearr e sìos na doireacha, agus mhìn-phronn e an nathair umha a rinn Maois; oir gus na laithibh sin bha clann Israeil a' losgadh tòis dhi: agus thugadh <sup>b</sup> Nehustan mar ainm oirre.

5 As an Tighearna Dia Israeil bha 'earbsadh; agus na dh'éigh cha robh neach sam bith cosmhuil ris am measg uile rìghrean Iudah, no aon a bha roimhe.

6 Oir dhlùth-lean e ris an Tighearna, cha do chlaon e o a leantuinn: ach ghléidh e 'àitheantan, a dh'áithn an Tighearn do Mhaois.

7 Agus bha 'n Tighearna maille ris: anns gach àite d'an deachaidh e, shoirbhich e. Agus dh'éirich e 'n aghaidh rìgh Asiria, agus cha d'rinn e seirbhís dha.

8 Bhuail e na Philistich gu ruig Gasa, agus a chrìocha, o thùr an fhreiceadaìn gu ruig am baile daing-nichte.

9 Agus anns a' cheathramh bliadhna do rìgh Heseciah, agus 'san t-seachdamh bliadhna do Hoseah mac Elah rìgh Israeil; thàinig Salmaneser, rìgh Asiria, a nìos an aghaidh Shamaria, agus theannaich se e.

10 Agus ghlac iad e an ceann thir bliadhna: anns an t-sèathadh bliadhna do Heseciah, agus 'san naothadh bliadhna do Hoseah rìgh Israeil, ghlacadh Samaria.

11 Agus thug rìgh Asiria leis Israel do Asiria, agus chuir e iad ann an Halah agus ann an Habor *làimh ri* abhainn Ghosain, agus ann am bailtibh nam Medeach;

12 A chionn nach d'éisd iad ri guth an Tighearn an Dé, ach gu'n do bhris iad a choimhcheangal, na h-uile *nithe* a dh'áithn Maois òglach an Tighearna; nach d'éisd iad *riu*, agus nach mò a rinu siad iad.

13 Agus anns a' cheathramh bliadhna deug do rìgh Heseciah thàinig Senacherib rìgh Asiria a nìos an aghaidh uile bhailte daing-nichte Iudah, agus ghlac e iad.

14 Agus chuir Heseciah rìgh Iudah *teachdairean* gu rìgh Asiria do Lachis, ag ràdh, Chiontaich mi, pill uam: *an ni a* chuireas tu orm, giùlainidh mi. Agus chuir rìgh Asiria air Heseciah rìgh Iudah tri cheud tàlann airgid, agus deich tàlanna fichead òir.

15 Agus thug Heseciah *dha* an t-airgid uile a fhuaradh ann an tigh

<sup>b</sup> thug e.

<sup>c</sup> b'i sin an seachdamh

bliadhna, Eabh.



an Tighearna, agus ann an ionmhas-  
aibh tìghe an rìgh.

16 Anns an àm sin ghearr Hececiah  
air falbh còmhlaidh teampuil an  
Tighearna, agus na h-ursainnean a  
chòmhlaidh Hececiah rìgh Iudah,  
agus thug e iad <sup>a</sup> do rìgh Asiria.

17 Agus chuir rìgh Asiria Tartan,  
agus Rabsaris, agus Rabsaceh o  
Lachis, gu rìgh Hececiah le sluagh  
mòr an aghaidh Ierusalem: agus air  
teachd a nìos doibh <sup>b</sup>, thàinig iad a-  
gus sheas iad aig sruth-chlais na  
linne a's airde, a tha air slighe ach-  
aidh an luadhaidh.

18 Agus an uair a dh'èigh iad ris  
an rìgh, thàinig a mach d'an ionns-  
uidh Eliacim mac Hilciah, a bha os  
cìonn an teaghlach, agus Sebna an  
scriobhuich, agus Ios mac Asaiph  
an seanachaidh.

19 Agus thubhairt Rabsaceh riu,  
Abraibh a nis ri Hececiah; Mar so  
tha 'n rìgh mòr, rìgh Asiria, ag  
ràdh, Ciod an t-earbsadh <sup>a</sup> mòr so a  
th'agad?

20 Tha thu ag ràdh, (ach is briathra  
faoin iad) Tha comhairle agus  
neart agam chum a' chogaidh: a nis  
ma ta cò as am dheil thu 'g earbs-  
adh, gu'n deanadh tu cogadh a'm'  
aghaidh-sa?

21 A nis, feuch, tha thu 'g earbs-  
adh as an luig bhrìste chuile sin,  
as an Eiphit, a théid, ma leigeas  
duine a chudthrom oirre, a steach  
na làimh, agus a thollas troimhe <sup>d</sup> i.  
*Is ann mar so a tha Pharaoh rìgh na*  
*h-Eiphit dhoibhsan uile, a dh'earbas*  
*as.*

22 Ach ma their sibh rium, As an  
Tighearn ar Dia tha ar n-earbsadh:  
nach e so, esan, a chuir Hececiah air  
falbh 'àitean arda, agus 'altairean,  
agus a thubhairt ri Iudah agus ri Ie-  
rusalem, Fa chomhair na h-altarach  
so sleuchdaidh sibh ann an Ierusa-  
lem?

23 A nis uime sin, guidheam ort,  
thoir gill do m' thighearna rìgh  
Asiria, agus bheir mise dhuit dà  
mhìle each, ma's urrainn thu-sa air  
do thaobh féin marcaich a chur  
orra.

24 Cionnus ma ta bheir thu air  
aon cheannard, do na seirbhisich a's  
lugh a tha aig mo thighearna-sa,  
'aghaidh a thionndadh uait, agus a  
dh'earbas tu as an Eiphit air son  
charbad agus marc-shluaigh?

25 Ach a nis, an ann as eugmhais  
an Tighearn a thàinig mis a nìos an  
aghaidh an àite so, g'a sgrios? Is e 'n  
Tighearn a thubhairt rium-sa, Falbh

an t-or a bha orra. <sup>b</sup> agus  
chaidh iad suas, agus thàinig iad gu  
h-Ierusalem: agus an uair a thàinig  
iad a nìos. <sup>d</sup> trid.

suas an aghaidh na tìre so, agus  
sgrios i.

26 An sin thubhairt Eliacim mac  
Hilciah, agus Sebna, agus Ios, ri  
Rabsaceh, Labhair, guidheam ort, ri  
d' sheirbhisich anns a' chainnt Shi-  
rianaich, oir tuigidh sinn i; agus na  
labhair ruinn anns a' chainnt Iudha-  
ich, an clusaibh an t-sluaigh a tha  
air a' bhalladh.

27 Ach thubhairt Rabsaceh riu,  
An ann a dh'ionnsuidh do thigh-  
earna-sa, agus a't' ionnsuidh-sa, a  
chuir mo thighearna mise a labh-  
airt nam briathra so? nach ann a  
dh'ionnsuidh nan daoine a tha nan  
suidhe air a' bhalladh, a chum gu'n  
ith iad an salchar féin, agus gu'n òl  
iad an uisge féin maille ribhse?

28 An sin sheas Rabsaceh, agus  
dh'èigh e le guth ard anns a' chainnt  
Iudhaich, agus labhair e, ag ràdh,  
Eisidibh ri focal an rìgh mhòir, rìgh  
Asiria.

29 Mar so tha'n rìgh ag ràdh, Na  
mealladh Hececiah sibh, oir cha 'n  
urrainn e bhur saoradh a'm' laimh-  
sa <sup>e</sup>.

30 Agus na d'fhugadh Hececiah  
oirbh blur dòchas a chur san Tighe-  
earn, ag ràdh, Gu deimhin saoraidh  
an Tighearna sinne, agus chad' thoir-  
ear thairis am baile so do làimh rìgh  
Asiria.

31 Na h-èisidibh ri Hececiah: oir  
mar so tha rìgh Asiria 'g ràdh,  
Deanaibh suas cairdeas rium-sa <sup>f</sup>,  
agus thigibh a mach a'm' ionnsuidh,  
agus ithibh gach fear d'a chrann-  
fiona, agus gach fear d'a chrann-fige-  
féin, agus òlaibh gach fear uisge a  
thobair féin;

32 Gus an d'thig mise, agus gu'n  
dthoir mi air falbh sibh do thir  
cosmhuil r'ar tìr féin, tìr arbhair  
agus fiona, tìr arain agus fhìon-lios,  
tìr olaidh a' chroinn-olaidh agus  
meala, a chum gu'm bi sibh beo,  
agus nach faigh sibh bàs: agus na  
h-eisidibh ri Hececiah, an uair a  
chuireas e impidh oirbh, ag ràdh,  
Saoraidh an Tighearna sinn.

33 An do shaor riamh dée nan  
cinneach, gach aon a thir féin, as  
làimh rìgh Asiria?

34 C'ait am bheil dée Hamait, agus  
Arphaid? c'ait am bheil dée Shephar-  
bhaim, Hena, agus Ibhah? an do  
shaor iad Samaria as mo làimh-sa?

35 Cò am measg uile dhée nan  
dùthchanna, a shaor an tìr féin as  
mo làimh-sa, gu'n saoradh an Tigh-  
earn Ierusalem as mo làimh?

36 Ach bha 'n sluagh nan tosd, a-  
gus cha do fhreagair iad aon fìocail

<sup>e</sup> as a làimh-san.

<sup>f</sup> Deanaibh  
coimheangal rium-sa le tiodhlac-  
adh.

da: oir b'i aithne an rìgh dhoibh,  
Na d'thugaibh freagrach air.

37 An sin thàinig Eliacim mac  
Hilciah, a bha os cionn an tèagh-  
laich, agus Sebna an scrìobhuich,  
agus Ioah mac Asaph an seanach-  
aidh, gu Heseciah le'n eudach reub-  
ta, agus dh'innis iad da briathra  
Rabsaceh.

CAIB. XIX.

**A**GUS an uair a chuala Heseciah  
an rìgh e, reub e 'eudach, agus  
chòmhdaich se e fèin le saic-eudach,  
agus chaidh e do thigh an Tigh-  
earna.

2 Agus chuir e Eliacim, a bha os  
cionn an tighe, agus Sebna an  
scrìobhuich, agus seanaire nan  
sagart, còmhdaichte le saic-eudach,  
gu Isaiah am fàidh, mac Amois.

3 Agus thubhairt iad ris, Mar so  
tha Heseciah ag ràdh, *Is là teinn*, a-  
agus achmhasain agus maslaidh an là  
so: oir tha clann air teachd gu inbhe  
breith, agus neart gu'm breith cha  
'n'eil ann.

4 Theagamh gu'n cluinn a an Tigh-  
earna do Dhia uile bhriathra Rab-  
saceh, a chuir a thighearna rìgh Asiria  
a mhaslachadh an Dé bheo; agus  
gu'n cronaich e na briathra, a chual  
an Tighearna do Dhia: tog suas  
t'urnuigh ma ta air son an fluighill  
a dh'fhagadh.

5 Uime sin an uair a thàinig seir-  
bhisich rìgh Heseciah gu h-Isaiah,

6 Thubhairt Isaiah riu, Mar so  
their sibh r'ar tighearn, Mar so tha'n  
Tighearn ag ràdh, Na biodh eagal  
ort roimh na briathraibh a chuala  
tu, leis an d'thug seirbhisich rìgh  
Asiria masladh dhomh-sa.

7 Feuch, cuiridh mise spiorad  
ann b, agus cluinnidh e tuairesgeul,  
agus pillidh e d'a thìr fèin, agus  
bheir mise air tuiteam leis a' chlaidh-  
eamh na thìr fèin.

8 Agus phill Rabsaceh, agus fhuair  
e rìgh Asiria a' cogadh an aghaidh  
Libnah: oir chual e gu'n d'fhalbh e  
o Lachis.

9 Agus an uair a chual e 'ga ràdh  
mu Thirhacah rìgh Etiopia c, Feuch,  
thàinig e mach a chogadh riut: chuir  
e teachdairean a ris gu Heseciah, ag  
ràdh,

10 Mar so labhraidh sibh ri Hese-  
ciah rìgh Iudah, ag ràdh, Na meall-  
adh do Dhia thu, as am bheil thu 'g  
éarbsadh, ag ràdh, Cha d'thoirear Ie-  
rusalem thairis do làimh rìgh Asiria.

11 Feuch, chuala tu ciod a rinu  
rìghrean Asiria ris gach uile thìr, 'g  
an sgrios gu tur: agus an saorar  
thu-sa?

12 An do shaor dée nan cinneach  
iadsan a sgrios m'aithriche-sa, eadhon  
Gosan, agus Haran, agus Reseph,  
agus clann Edein, a bha ann an  
Telasar?

13 C'àit am bheil rìgh Hamait, a-  
agus rìgh Arpaid, agus rìgh mòr-  
bhaile d Shepharbhaim, Hena, agus  
Ibha?

14 Agus ghabh Heseciah an litir a  
làimh nan teachdaire, agus leugh se  
i: agus chaidh Heseciah suas do  
thigh an Tighearna, agus sgaoil e i  
am fianuis an Tighearna.

15 Agus rinn Heseciah urnuigh an  
làthair an Tighearna, agus thubhairt  
e, O Thighearna Dhé Israeil, a tha  
d' chòmhnuidh eadar na cheruban,  
is tu fèin Dia, thu-sa a'd' aonar, Dia  
uile rìoghachlaid na talmhainn; is tu  
a rinn na n'eamha agus an talamh.

16 Croin, a Thighearn, a nuas do  
chluas, agus éisd; fosgail, a Thigh-  
earna, do shùilean, agus faic: seadh  
cluinn briathra Shenacherib, a chuir  
e a mhaslachadh an Dé bheo.

17 Gu deimhin, a Thighearna,  
sgrios rìghrean Asiria na cinnich  
agus an tìre,

18 Agus thilg iad an dée 'san  
teine: oir cha bu dée iad, ach oibre  
làimha dhaoine, fiodh agus clach:  
uime sin sgrios siad iad.

19 A nis ma ta, O Thighearn ar  
Dia, saor sinn, guidheam ort, as a  
làimh, chum as gu'm bi fios aig uile  
rìoghachdaibh na talmhainn gur  
tu-sa an Tighearna Dia thu fèin a't'  
aonar

20 An sin chuir Isaiah mac Amois  
teachdaire gu Heseciah, ag ràdh, Mar  
so tha'n Tighearna Dia Israeil ag  
ràdh, An urnuigh a rinn thu rium-sa  
mu thimchioll Shenacherib rìgh Asi-  
ria, chuala mi.

21 So am focal a labhair an Tigh-  
earna mu 'thimchioll: Rinn òigh  
nighean Shioin tàir ort: rinn i gàire  
fanoid riut; chrath nighean Ierusa-  
lein a ceann air do chulaobh.

22 Cò d'an d'thug thu masladh a-  
agus toibheum? agus cò a dh'ardaich  
thu do ghuth na aghaidh, agus a  
thog thu do shùilean gu h-ard? an  
aghaidh Tì naomha Israeil.

23 Le làimh do theachdairean  
mhaslach thu 'n Tighearna, agus  
thubhairt thu, Le ònmhoireachd  
mo charbad dhìrich mi àirde nam  
beann, slios an Lebanoin; agus  
gearraidh mi sìos a chraobhan seud-  
air a's airde c, agus roghadh a  
chraobhan giuthais, agus thèid mi  
stigh a dh'aitibh-tàimh a chriche,  
frith a Charneil.

24 Chladhaich mi agus dh'òl mi

\* O gu'n cluinneadh.

b osag air.

d caithreach.

e airde a chraobha

c Chuis. Eabh.

seudair. Eabh.

uisgeachla coimheach, agus le bonn mo chos thiormaich mi suas uile aibhniche nan daingneach.

25 Nach cuala tu o cheann fada cionnus a rinn mi e, agus o'n aimsir chéin gu'n do dhealbh mi e? a nis thug mi gu crìch e, gu'm bitheadh tu-sa chum bailtean daingnichte fhàsachadh nan carnaibh sgrios.

26 Uime sin bha 'n luchd-àiteachaidh air bheag neirt: bha crith-eagail orra agus amhladh; bha iad mar fheur na machrach, agus mar an luibh ghlas, mar fheur mullaich nan tighean, agus mar arbhar seargta mu'm fàs e suas.

27 Ach is aithne dhomh t'àite-còmhnuidh, agus do dhol a mach, agus do theachd a steach, agus fraoch t'fheirge a'm' aghaidh.

28 A chionn gu'm bheil fraoch c'fheirge a'm' aghaidh, agus t'on-ladh air teachd a nìos gu'm chluas-aibh, uime sin cuiridh mi mo dhubhan a'd' shùid, agus mo shrian a'd' bheul<sup>b</sup>, agus pillidh mi air t'ais thu 'san t-slighe air an d'thàinig thu.

29 Agus bithidh so na chomhara dhuit: Ithidh tu air a' bhliadhna so na nìthe a dh'fhàsas leo féin, agus anns an dara bliadhna na nìthe a chluinnas asda sin; agus anns an treas bliadhna cuiridh agus buainidh sibh, agus snidhichidh sibh fionlios, agus ithidh sibh d'an toradh.

30 Agus gabhaidh am fuigheall, a théid as do thigh ludah, fathast freumh sìos, agus cuiridh e toradh suas.

31 Oir a Ierusalem théid fuigheall e a mach, agus iadsan a théid as o shliabh Shìoin: ni eud Tighearna nan sluagh so<sup>d</sup>.

32 Uime sin mar so tha'n Tighearna ag ràdh mu thimchioll rìgh Asiria, Cha d'thig e do'n bhaile so, agus cha tilg e saighead ann, agus cha d'thig e fa chomhair le sgéith, agus cha chuir e suas tòrr e na aghaidh.

33 Air an t-slighe air an d'thàinig e, air an t-slighe cheudna pillidh e, agus cha d'thig e steach do'n bhaile so, ars a Tighearna:

34 Oir dìonaiddh mise am baile so chum a shàradh, air mo shon féin, agus air son Dhaibhidh m'òglaich.

35 Agus air an oidhche sin fein chaidh aingeal an Tighearna mach, agus bhuail e ann an camp nan Asirianach ceud agus ceithir fichead agus cùig mìle: agus an uair a dh'éirich iad gu moch anns a' mhaduinn, feuch, bha iad uile nan corp-aibh marbha.

36 Agus dh'imich Senacherib rìgh

Asiria, agus chaidh e agus phill e, agus ghabh e còmhnuidh ann an Ninebheh.

37 Agus an uair a bha e ri aoradh ann an tìgh Nisroich a dhé, bhuail Adramelech agus Sareser, a mhic, e leis a' chlaidheamh; agus theich iad do thìr Armenia: agus rìoghaich Esarhadon a mhac na àit.

## CAIB. XX.

**A**NNS na laithibh sin bha Hese-ciah tinn gu bàs: agus thàinig am fàidh Isaiah mac Amois d'a ionnsuidh, agus thubhairt e ris, Mar so tha'n Tighearna ag ràdh, cuir do thigh an ordugh, oir gheibh thu bàs, agus cha bhì thu beo.

2 An sin thionndaidh e 'aghaidh ris a' bhalladh, agus riun e urnuigh ris an Tighearna, ag ràdh,

3 Guidheam ort, O Thighearna, cuimhnic a nis cionnus a ghluais mi a'd' làthair ann am srian, agus le crìdhe iomlan, agus a rinn mi an ni a ta maith a'd' shùilibh. Agus ghluil Hese-ciah gu goirt.

4 Agus mu'n deachaidh Isaiah mach do'n chùirt mheadhonaich, thàinig focal an Tighearna d'a ionnsuidh, ag ràdh,

5 Pill agus abair ri Hese-ciah ceannard mo shluaigh, Mar so tha'n Tighearna, Dia Dhaibhidh t'athar, ag ràdh, Chuala miset t'urnuigh, chunn-aic mi do dheoir: feuch, slànuidhidh mi thu; air an treas là théid thu suas do thigh an Tighearna.

6 Agus cuiridh mi ri d' laithibh cùig bliadhna deug, agus saoraidh mi thu-sa, agus am baile so, a làimh rìgh Asiria, agus donaidh mi am baile so air mo shon féin, agus air son Dhaibhidh m'òglaich.

7 Agus thubhairt Isaiah, Gabhaidh meall fhige. Agus ghabh agus chuir iad e air an neascaid, agus shlàn-uidheadh e<sup>f</sup>.

8 Agus thubhairt Hese-ciah ri Isaiah, Ciod an comhara gu'n leighis an Tighearna mi, agus gu'n d'théid mi suas air an treas là do thigh an Tighearna?

9 Agus thubhairt Isaiah, Bithidh so na chomhara dhuit o'n Tighearna, gu'n dean an Tighearna an ni a labhair e: an d'théid an dubhar air aghaidh deich ceumanna, no'n d'théid e air ais deich ceumanna?

10 Agus fhreagair Hese-ciah, Is suarach an ni do'n dubhar dol sìos deich ceumanna; ni h-eadh, ach pilleadh an dubhar air ais deich ceumanna.

11 Agus ghlaodh Isaiah am fàidh ris an Tighearna, agus thug e air ais

<sup>a</sup> uaine. <sup>b</sup> a'd' bhlilbh. <sup>c</sup> iarmad.

<sup>d</sup> ni eud an Tighearna so. <sup>e</sup> dùn salmhainn, daingneach.

<sup>f</sup> Faic Isaiah. Caib. XXXVIII. r. 21. <sup>g</sup> air aghaidh.

an dubhar deich ceumanna, a chaidh e sìos<sup>a</sup> air ceumannaibh Ahais<sup>b</sup>.

12 'San àm sin chuir Berodach-baladan<sup>c</sup> mac Bhaladain, rìgh Bhabiloin, *teachdair-ean* le litricheibh agus tiodhlacadh gu Heseciah: oir chual e gu'n robh Heseciah tinn.

13 Agus rinn Heseciah gairdeachas os an cionn<sup>d</sup>, agus dh'fheuch e dhoibh uile thigh-tasgaidh a nithe luachmhor, an t-airgiod, agus an t-òr, agus na splosraidh, agus an ola luachmhor, agus a thigh armachd, agus na nithean uile a fhuaradh na ionmhasaibh: cha robh ni na thigh, no na rioghachd uile, nach d'fheuch Heseciah dhoibh.

14 An sin thàinig Isaiah am fàidh gu rìgh Heseciah, agus thubhairt e ris, Ciod a thubhairt na daoine so? agus cia as a thainig iad a't' ionnsuidh? agus thubhairt Heseciah, Thàinig iad o thìr chéin, o Bhabilion.

15 Agus thubhairt e, Ciod a chunnaic iad a'd' thigh? Agus fhreagair Heseciah, Na h-uile *nithe* a *ta* m' thigh chunnaic iad: cha 'n'eil ni ann am ionmhasaibh nach d'fheuch mi dhoibh.

16 Agus thubhairt Isaiah ri Heseciah, Eisd ri focal an Tighearna.

17 Feuch, tha na laithean a' teachd, anns am bi na h-uile *nithe* a *tha* ann ad thigh, agus na h-ionmhasan a thaisg t'aithriche suas gus an la'n diugh, air an giùlan gu Babilon: cha'n fhàgar ni air bith, ars' an Tighearna.

18 Agus *cuid* do d' mhacaibh a thig uait, a ghlineas tu, bheir iad leo, agus bithidh iad nan cailleanaich ann an lùchairt rìgh Bhabiloin.

19 An sin thubhairt Heseciah ri Isaiah, *Is* maith focal an Tighearna labhair thu: thubhairt e mar an ceudna, Nach *maith*, ma bhios sìth agus firinn a'm' laithibh-sa?

20 Agus a' chuid eile do ghnìomharaibh Heseciah, agus a thréine uile, agus mar a rinn e lochan<sup>e</sup>, agus sruth-chlais, agus a thug e uisge steach do'n bhaile, nach 'eil iad scriobhta ann an leabhar eachdraidh rìghrean Iudah?

21 Agus choidil Heseciah maille r'a aithrichibh: agus rioghaich Manasch e mhac na àit.

## CAIB. XXI.

**D**A bhliadhna dheug a dh'aois bha Manasch 'nuair a thòisich e air rioghachadh, agus rioghaich e cùig bliadhna deug agus dà fhichead ann

<sup>a</sup> air aghaidh. <sup>b</sup> uaireadair-greine Ahais. <sup>c</sup> Merodach-baladan. Isaiah. Caib. XXXIX. r. 1. <sup>d</sup> dh'èisd Heseciah riu. Faic Isaiah. Caib. XXXIX. r. 2. <sup>e</sup> poll-èisg.

an Ierusalem: agus b'e ainm a mhàthar Hephzibah.

2 Agus rinn e olc ann an sùilibh an Tighearna, a réir ghràinealachd nan cinneach, a thuilg an Tighearna mach roimh chloinn Israeil.

3 Oir thog e suas a ris na h-àitean arda a sgrios Heseciah 'athair, agus chuir e suas altairean do Bhaal, agus rinn e doire, mar a rinn Ahab rìgh Israeil, agus shleuchd e do uile armailt nèimh, agus rinn e seirbhis dhoibh.

4 Agus thog e altairean ann an tigh an Tighearna, mu'n dubhairt an Tighearna, Ann an Ierusalem cuiridh mi m'ainm.

5 Agus thog e altairean do uile armailt nèimh, ann an dà chùirt tìghe an Tighearna.

6 Agus thug e air a mhac dol troimh 'n teine, agus thug e fa'near amanna, agus ghuàthaich e druidh eachd, agus chuir e air chois leannain-sùith, agus luchd-fiosachd: dh'oibrich e mòr aingidheachd ann an sùilibh an Tighearna, g'a bhrosnachadh gu féirg.

7 Agus chuir e dealbh snaidhte an doire a rinn e, anns an tigh mu'n dubhairt an Tighearna ri Dalbhidh, agus ri Solamh a mhac, Anns an tigh so, agus ann an Ierusalem, a thagh mi a uile threubhaibh Israeil cuiridh mi m'ainm gu bràth.

8 Cha mhò a bheir mi air cosaibh Israeil caruchadh<sup>f</sup> tuilleadh a mach as an fhearann a thug mi d'an aithrichibh; a mhàin ma bheir iad an aire gu'n dean iad a réir nan uile *nithe* a dh'àithn mise dhoibh, agus a réir an lagha uile a dh'àithn m'òglach Maois dhoibh.

9 Ach cha d'èisd iad: agus tharruing Manasch iad gu tuilleadh uile a dheanamh na riun na cinnich, a sgrios an Tighearna roimh chloinn Israeil.

10 Agus labhair an Tighearna le 'sheirbhiseich<sup>g</sup> na fàidhean, ag ràdh,

11 A chionn gu'n d'rinn Manasch rìgh Iudah na gràinealachda so, agus gu'n d'rinn e ni's measa na na h-uile *nithe* a rinn na h-Amoraich a bha roimhe, agus gu'n d'thug e air Iudah mar an ceudna peacachadh le ìodholaibh:

12 Uime sin mar so tha'n Tighearna Dia Israeil ag ràdh, Feuch, *tha* mi tabhairt uile air Ierusalem agus Iudah, a bheir air gach neach a chluinneas e, gu'm bi gaoir<sup>h</sup> na dhà chluais.

13 Agus sìnidh mi mach os cionn Ierusalem sreang-thomhais Shama-

<sup>f</sup> corrochadh. Eir. <sup>g</sup> sheirbhiseach, Eabh.

<sup>h</sup> le làimhe a glaoim.



ria, agus sreang-riaghailt a tighe Ahaib: agus glanaidh mi as Ierusalem mar a ghlanas neach soitheach, g'a ghlanadh, agus a' tionndadh a bheoil fuidh b.

14 Agus tréigidh mi fuigheall m'oighreachd, agus bheir mi iad do làimh an naimhdean, agus bithidh iad nan creich agus nan cobhartach d'an naimhidh uile;

15 A chionn gu'n d'rinn iad olc a'm' shùilibh, agus gu'n do bhrosnaich iad mi gu féirg o'n là 'san d'thàinig an aithriche mach as an Eiphit, eadhon gus an là 'n diugh.

16 Os-bàrr, dhòirt Manaseh fuil neo-chiontach gu ro mhòr, gus an do lìon e Ierusalem o cheann gu ceann, a thuilleadh air a pheacadh féin leis an d'thug e air Iudah peacachadh, le òlc a dhèanamh ann an sùilibh an Tighearna.

17 Agus a' chuid eile do ghnìomharaibh Mhanaseh, agus na h-uile nithe a rinn e, agus a pheacadh a rinn e, nach 'eil iad scribedh ann an leabhar eachdraidh rìghrean Iudah?

18 Agus choidil Manaseh maille r'a aithrichibh, agus dh'adhlacadh e ann an lios a thighe féin, ann an lios Udsa: agus rìoghaich Amon a mhac na àit.

19 Dà bhliadhna thar fhichead a dh'aois bha Amon an uair a thòisich e air rìoghachadh, agus rìoghaich e dà bhliadhna ann an Ierusalem: agus b'e ainm a mhàthar Mesulemet, nighean Haruis o Iotbah.

20 Agus rinn e olc ann an sùilibh an Tighearna, mar a rinn Manaseh 'athair.

21 Agus dh'imich e anns an uile shlighe 'san d'imich 'athair, agus rinn e seirbhis do na h-iodholaibh d'an d'rinn 'athair seirbhis, agus rinn e aoradh dhoibh:

22 Agus thréig e 'n Tighearna Dia 'aithriche, agus cha do ghluais e ann an slighe an Tighearna.

23 Agus rinn seirbhisich Amoin ceannairc na aghaidh, agus mharbh iad an rìgh na thigh féin.

24 Agus mharbh <sup>d</sup> sluaigh na tìre iadsan uile a rinn ceannairc an aghaidh rìgh Amoin, agus rinn sluaigh na tìre Iosiah, a mhac, na rìgh na àit.

25 Agus a' chuid eile do ghnìomharaibh Amoin a rinn e, nach 'eil iad scribedh ann an leabhar eachdraidh rìghrean Iudah?

26 Agus dh'adhlac iad e na uaigh féin ann an lios Udsa: agus rìoghaich Iosiah a mhac na àit.

## CAIB. XXII.

**O**CHD bliadhna dh'aois bha Iosiah 'nuair a thòisich e air rìoghachadh, agus rìoghaich e aon bhliadhna deug thar fhichead ann an Ierusalem: agus b'e ainm a mhàthar Iedidah, nighean Adaiah o Bhoscat.

2 Agus rinn e an *ni a bha* ceart ann an sùilibh an Tighearna, agus dh'imich e ann an uile shlighe Dhaibhidh 'athar, agus cha do chlaon e dh'ionnsuidh na làimhe deise no na làimhe clìthe.

3 Agus anns an ochdamh bliadhna deug do rìgh Iosiah, chuir an rìgh Saphan mac Asaliah, mhic Mhesulaim, an scribedh, do thigh an Tighearn, ag ràdh,

4 Faltb suas gu Hilciah an t'ard shagart, chum gu'n àireamh e an t-airgiod a thugadh do thigh an Tighearna, a chruinnich luchd-glèidhidh an doruis o'n t-sluaigh:

5 Agus thugadh iad e do làimh luchd-deanamh na h-oibre, dhoibhsan a tha os cionn tighe an Tighearna: agus thugadh iadsan e do luchd-deanamh na h-oibre, a tha ann an tìgh an Tighearna, a chàradh brisidh an tighe;

6 Do shaoraibh, agus do luchd-togail, agus do chlachairibh, agus a cheannach fiodha, agus chlach-snaidhte, a chàradh an tighe.

7 Gidheadh, cha d'rinneadh cunn-tas riuthaobh an airgid a thugadh d'an làimh, a chionn gu'n d'rinn iad gu h-ionraic.

8 Agus thubhairt Hilciah an t'ard shagart ri Saphan an scribedh, Fhuair mi leabhar an lagha ann an tìgh an Tighearna: agus thug Hilciah an leabhar do Shaphan, agus leugh se e.

9 Agus thàinig Saphan an scribedh dh'ionnsuidh an rìgh, agus dh'aitlis e 'n gnothuch do'n rìgh, agus thubhairt e, Chruinnich do sheirbhisich an t-airgiod a fhuaradh anns an tìgh, agus thug iad e do làimh luchd-deanamh na h-oibre, a bha os cionn tighe an Tighearna.

10 Agus dh'innis Saphan an scribedh do'n rìgh, ag ràdh, Thug Hilciah an sagart leabhar dhomh: agus leugh Saphan e an làthair an rìgh.

11 Agus an uair a chual an rìgh briathra leabhair an lagha, reub e 'eudach.

12 Agus dh'aithn an rìgh do Hilciah an sagart, agus do Ahicam mac Shaphan, agus do Achbor mac Mhicah, agus do Shaphan an scribedh, agus do Asahiah seirbhiseach an rìgh, ag ràdh,

13 Rachaidh, fiosraichibh do'n

es cionn na h-oibre ann an tìgh.

\* cudthrom. Eabh.

b foidh.

c pheacaich. Eabh.

d bhuail.

Tighearn air mo shon-sa, agus air son an t-sluaigh, agus air son Iudah uile, thaobh bhriathran an leabhair so a fhuaradh : oir is mòr fearg an Tighearn a tha air lasadh 'nar n-aghaidh, a chionn nach d'éis ar n-aithriche ri briathraibh an leabhair so, a dheanamh a réir *gach* ni a ta scribedhta d'ar taobh.

14 Uime sin chaidh Hilciah an sagart, agus Ahicam, agus Achbor, agus Saphan, agus Asahiah, dh'ionnsuidh Huldah a' bhan-fhàidh, mnà Shaluim mhic Thicbhah, mhic Harhais fir-gleidhidh an eudaich, (a nis *bha* i chomhnuidh ann an Ierusalem anns an oil-thigh <sup>a</sup>) agus labhair iad rìa.

15 Agus thubhairt i riu, Mar so tha'n Tighearna Dia Israeil ag ràdh, Innsibh do'n duine a chuir a'm' ionnsuidh-sa sibh,

16 Mar so tha'n Tighearn ag ràdh, Feuch bheir mise o'c air an àite so, agus air a luchd-àiteachaidh, *eadhon* uile bhriathran an leabhair a leugh rìgh Iudah.

17 A chionn gu'n do thréig iad mise, agus gu'n do loisg iad tùis do dhéibh eile, chum mo bhrosnachadh gu corruich le uile oibribh an làmh : uime sin lasaidh m'fhearg an aghaidh an àite so, agus cha mhùchar i.

18 Ach ri rìgh Iudah a chuir sibh a dh'fhiosrachadh do'n Tighearna, mar so their sibh ris, Mar so tha'n Tighearna Dia Israeil ag ràdh, *A thaobh* nam briathran a chual thu,

19 A chionn gu'n robh do chridhe trom <sup>b</sup>, agus gu'n d'irislich thu thu féin an làthair an Tighearna, 'nuair a chual thu ciod a labhair mise 'n aghaidh an àite so, agus an aghaidh a luchd-àiteachaidh, gu'm biodh iad nam fàsach, agus nam mallachadh, agus *gu'n* do reub thu t'eudach, agus *gu'n* do ghuil thu a'm' fhiannais; chuala mise mar an ceudna *thu-sa*, ars' an Tighearna.

20 Feuch uime sin, cruinnichidh mise thu chum t'aithriche, agus cruinnichear thu do d'uaigh an sìth, agus cha 'n fhaic do shùilean an t-olc sin uile a bheir mise air an àite so. Agus thug iad fìos a ris a dh'ionnsuidh an rìgh.

#### CAIB. XXI.

**A**GUS chuir an rìgh *teachdairean* *uaith*, agus chruinnich d'a ionnsuidh uile sheanairean Iudah, agus Ierusalem.

2 Agus chaidh an rìgh suas do thigh an Tighearna, agus daoine Iudah uile, agus uile luchd-àiteachaidh Ierusalem maille ris, agus na sagart-

an, agus na fàidhean, agus an sluagh uile eadar bheag agus mhòr <sup>c</sup>: agus leugh e nan éisdeachd <sup>d</sup> uile bhriathra leabhair a' choimhcheangail, a fhuaradh ann an tigh an Tighearna.

3 Agus sheas an rìgh làimh ri post, agus rinn e coimhcheangal um fianuis an Tighearna, gu'n gluaiseadh iad an déigh an Tighearna, agus gu'n gleidheadh iad 'aitheantan agus a theisteis, agus a reachdan le'n uile chridhe, agus le'n uile anam, a choimhlionadh bhriathra a' choimhcheangail so, a ta scribedhta 'san leabhar so : agus sheas an sluagh uile ris a' choimhcheangal.

4 Agus dh'àithn an rìgh do Hilciah an t-ard shagart, agus do shagartaibh an dara *orduigh*, agus do luchd-gleidhidh an doruis, na soithichean uile a rinneadh do Bhaal, agus do'n doire <sup>e</sup>, agus do uile armailt nèimh, a thoirt a'mach a teampull an Tighearna: agus loisg e iad an taobh a muigh do Ierusalem ann am mach-airibh Chidroin, agus ghiùlain e'n luath gu Betel.

5 Agus chuir e as do shagartaibh an ìodhol-aoraidh, a dh'orduich rìghrean Iudah a losgadh tùis anns na h-àitibh arda, ann am mòr-bhailtibh Iudah, agus anns na h-àitibh mu thimchioll Ierusalem; iadsan mar an ceudna a loisg tùis do Bhaal, do'n ghréin, agus do'n ghealaich, agus do na reultaibh seachranach, agus do uile armailt nèimh.

6 Agus thug e 'n doire <sup>f</sup> o thigh an Tighearna, an taobh a mach do Ierusalem, gu sruth Chidroin, agus loisg se e aig sruth Chidroin, agus mhin-phronn e gu luaithre e, agus thilg e a luaithre air uaighibh cloinne an t-sluaigh.

7 Agus bhris e sìos tighean nan Sodomach a *bha* làimh ri tigh an Tighearna, far an robh na mnà a' figheadh chàirteine <sup>g</sup> do'n doire.

8 Agus thug e mach na sagairt uile a bailtibh Iudah, agus thruaill <sup>h</sup> e na h-àitean ard far an do loisg na sagairt tùis, o Gheba gu Beer-seba, agus bhris e sìos àitean arda nan geata, a *bha* ann an dol a stigh geataidh Iosua uachdrain a' bhaile, a *bha* air làimh chli duine ann an geatadh a' bhaile.

9 Gleidheadh, cha deachaidh sagairt nan àit arda suas gu altair an Tighearn ann an Ierusalem, ach dh'ith iad aran neo-ghoirtichte am measg am bràithre.

<sup>c</sup> o'n bheag gus a mhòr. Eabh.

<sup>d</sup> cluasaibh. Eabh. <sup>e</sup> do ìodhol an doire; asherah. Eabh. <sup>f</sup> dealbh snaidhte an doire; asherah. Eabh.

Faic. Caib. XXI, r. 7. <sup>g</sup> bhithan.

<sup>h</sup> shalaich.

<sup>a</sup> tigh an fhòghluim; misena. Eabh.

<sup>b</sup> maoth.

10 Agus thruaill e Tophet, a tha ann an gleann mhic<sup>a</sup> Hinnoim, a chum as nach feudadh duine air bith toirt air a mhac, no air a nighinn, dol troimh'n teine do Mholech.

11 Agus thug e air falbh na h-eich a thug rìghrean Iudah do'n ghréin, o dhol a steach tighe an Tighearna, làimh ri seòmar<sup>b</sup> Natan-meleich a' chailteanaich, a bha sa' mhach-bhaile<sup>c</sup>, agus loisg e carbada na gréine le teine.

12 Agus na h-àitean, a bha air mullach seòmair uachdaraich Ahais, a rinn rìghrean Iudah, agus na h-àitean a rinn Manasch ann an dà chùirt tighe an Tighearna, thilg an rìgh sios, agus bhris e o sin iad<sup>d</sup>, agus thilg e 'n luathre ann an sruth Chidroin.

13 Agus na h-àitean arda, a bha fa chomhair Ierusalem, a bh'air an làimh dheis do shliabh na truailidheachd<sup>e</sup>, a thog Solamh rìgh Israeil do Astarot gràinealachd nan Sidonach, agus do Chemos gràinealachd nam Moabach, agus do Mhilcom gràinealachd chloinn Amoin, thruaill an rìgh.

14 Agus bhris e nam bloighdibh na dealbhan, agus ghearr e sios na doireachan, agus lìon e 'n àitean le cnàmhaibh dhaoine.

15 Os-bàrr, an altair a bh'aig Betel, agus an t-àit ard a rinn Iero-boam mac Nebait, a thug air Israel peacachadh, araon an altair agus an t-àit ard bhris e sios, agus loisg e 'n t-àit ard; agus mhìn phronn e gu luathre<sup>e</sup>, agus loisg e 'n doire.

16 Agus an uair a thionndaidh Iosiah mu'n cuairt, chunnaic e na h-uaignean a bha 'n sin 'san t-sliabh, agus chuir e daoine uaith, agus thug e na cnàmhan as na h-uaignibh, agus loisg e iad air an altair, agus thruaill e i, a réir focail an Tighearna, a labhair òglach Dhé<sup>f</sup> a chuir an céill na briathra so.

17 An sin thubhairt e, Ciod e an carragh<sup>g</sup> so a tha mi faicinn? Agus thubhairt daoine a' bhaile ris, *Is i uaign òglach Dhé a th'ann, a thàinig o Iudah, agus a chuir an céill<sup>h</sup> na nithe sin a rinn thu-sa an aghaidh altarach Bheteil.*

18 Agus thubhairt e, Leigibh leis, na gluaiseadh duine sam bith a chuàmha-san: agus leig iad tàmh

<sup>a</sup> chloinn. <sup>b</sup> tigh, àite-còmhnuidh.

<sup>c</sup> Pharurim. Eadh. <sup>d</sup> ruith e

leo us sin. <sup>e</sup> shliabh nan olaidh.

<sup>f</sup> a labhair òglach Dhé [nuair a sheas Iero-boam oir là na féill air an altair. Agus an uair a thionndaidh e mu'n cuairt, thog e suas a shùilean air uaign] òglach Dhé. <sup>g</sup> comhara, scriobhadh,

<sup>h</sup> a ghairm,

d'a chnàmhaibh maille ri cnàmhaibh an fhàidh, a thàinig a Samaria

19 Agus mar an ceudna uile thigh-eann nan àitean ard, a bha ann am bailtibh Shamaria, a rinn rìghrean Israeil a bhrosnachadh an Tighearna gu feirg, thug Iosiah air falbh, agus rinn e riu a réir nan uile ghnìomh a rinn e ann am Betel.

20 Agus mharbh e uile shagairt nan àitean ard, a bha 'n sin air na h-altairibh, agus loisg e cnàmhan dhaoine orra, agus phill e gu h-Ierusalem.

21 Agus dh'àithn an rìgh do'n t-sluagh uile, ag ràdh, Cumaidh a' chàisg do'n Tighearna bhur Dia, mar a ta e scriobhta ann an leabhar a' choimhcheangail so.

22 Gu cinnteach cha do chumadh a leithid so do chàisg, o laithibh nam breitheamh, a thug breth air Israel, no ann an uile laithibh rìghrean Israeil, no rìghrean Iudah:

23 Ach anns an ochdamh bliadhna deug do rìgh Iosiah, chumadh a' chàisg so do'n Tighearna, ann an Ierusalem.

24 Os-bàrr, na leannain-shith, agus an luchd-fiosachd, agus na dealbhan, agus na h-iodholan, agus gach nìle ghràinealachd a chunncas ann an tìr Iudah, agus ann an Ierusalem, chuir Iosiah air falbh, a chum gu'n coimh-lionadh e briathran an lagha, a bha scriobhta 'san leabhar a' fhuair Hilciah an sagart ann an tigh an Tighearna.

25 Agus cosmhuil ris-san cha robh rìgh air bith roimhe, a phill a dh'ionnsuidh an Tighearna le 'uile chridhe, agus le 'uile anam, agus le 'uile neart, a réir lagha Mhaois uile; agus na dhéigh cha d'éirich a shamhuil.

26 Gidheadh, 'cha do phill an Tighearna o theas 'fheirge mòire, leis an do las 'fhearg an aghaidh Iudah, air son nan uile bhrosnachadh<sup>i</sup>, leis an do bhrosnaich Manasch e.

27 Agus thubhairt an Tighearna, Atharraichidh mi Iudah mar an ceudna as mo shealladh, mar a dh'atharraich mi Israel, agus cuiridh mi cùl gu tur ris a' mhòr-bhaile so Ierusalem, a thagh mi, agus ris an tigh mu'n dubhairt mi, Bithidh m'ainm an sin.

28 Agus a' chuid eile do ghnìomh-araibh Iosiah, agus na h-uile nithe a rinn e, nach 'eil iad scriobhta ann an leabhar eachdraidh rìghrean Iudah?

29 Na laithibh-san chaidh Pharaoh-necho, rìgh na h-Eiphit, suas an aghaidh rìgh Asiria gu abhùinn Euphrates: agus chaidh rìgh Iosiah

na aghaidh, agus mharbh esan e aig Megido nuair a chunnaic se e.

30 Agus ghiùlain a sheirbhisich e marbh<sup>a</sup> ann an carbad o Mhegido, agus thug iad e gu li-Ierusalem, agus dh'adhlac iad e na uaigh féin : agus ghabh sluagh na tíre Iehoahas mac Iosiah, agus dh'ung iad e, agus rinn iad na rìgh e an àit 'athar.

31 Tri bliadhna fichead a dh'aois bha Iehoahas an uair a thòisich e air rìoghachadh, agus rìoghaich e trì mìosan ann an Ierusalem : agus b'e ainm a mhàthar Hamutal, nighean Jeremiah o Libnah.

32 Agus rinn e olc ann an sùilibh an Tighearna, a réir nan uile *nithe* a rinn 'aithriche.

33 Agus chuir Pharaoh-necho e ann an cuibhreachaibh aig Riblah, ann an tìr Hamait, a chum nach rìoghaicheadh e ann an Ierusalem, agus chuir e ceud tàlann airgid, agus tàlann òir, mar chis air an tìr.

34 Agus rinn Pharaoh-necho Eliacim mac Iosiah na rìgh an àit Iosiah 'athar, agus thionndaidh e 'ainm gu Iehoiacim, agus thug e air falbh Iehoahas, agus thàinig e do'n Eiphit, agus dh'eug e an sin.

35 Agus thug Iehoiacim an t-airgiod agus an t-òr do Pharaoh : ach thug e fa'near an tìr a mheas a chum gu'n locadh iad an t-airgiod a réir aithne Pharaoh ; dh'iarr e 'n t-airgiod agus an t-òr o shluagh na tíre, o gach neach a réir a mheas, gus a thabhairt do Pharaoh-necho.

36 Cùig bliadhna fichead a dh'aois bha Iehoiacim an uair a thòisich e air rìoghachadh, agus rìoghaich e aon bhliadhna deug ann an Ierusalem ; agus b'e ainm a mhàthar Sebudah, nighean Phedaiah a Rumah.

37 Agus rinn e olc ann an sùilibh an Tighearna, a réir nan uile *nithe* a rinn 'aithriche.

#### CAIB. XXIV.

**N**A laithibh-san thàinig Nebuchadnesar rìgh Bhabiloin a nìos, agus bha Iehoiacim na sheirbhisich aige trì bliadhna : an sin phill e agus rinn e ceannairc na aghaidh.

2 Agus chuir an Tighearna na aghaidh buidhnean do na Caldeanaich, agus buidhnean do na Sirianaich, agus buidhnean do na Moabaich, agus buidhnean do chloinn Amoin, agus chuir e iad an aghaidh Iudah g'a sgrios, a réir focail an Tighearn, a labhair e le 'sheirbhisich<sup>b</sup> na fàidhean.

3 Gu cinnteach air àithne an Tighearna thàinig so air Iudah, chum an atharrachadh as a shealladh air

son pheacanna Mhanaseh, a réir nan uile *nithe* a rinn e :

4 Agus mar an ceudna air son na fola neo-chiontaich a dhòirt e ; oir lion e Ierusalem le fuil neo-chionntaich, nach maitheadh an Tighearna.

5 Agus a' chuid eile do ghniomharaibh Iehoiacim, agus na h-uile *nithe* a rinn e, nach 'eil iad scrìobhta ann an leabhar eachdraidh rìghrean Iudah ?

6 Agus choidil Iehoiacim maille r'a aithrichibh : agus rìoghaich Iehoiachin a mhac na àit.

7 Agus cha d'thàinig rìgh na h-Eiphit nì's mòs a thìr féin : oir ghlac rìgh Bhabiloin o abhuinn na h-Eiphit gus an abhuinn Euphrates, gach nì bu le rìgh na h-Eiphit.

8 Ochd bliadhna deug a dh'aois bha Iehoiachin an uair a thòisich e air rìoghachadh, agus rìoghaich e ann an Ierusalem trì mìosan : agus b'e ainm a mhàthar Nehusta, nighean Elnatain o Ierusalem.

9 Agus rinn e olc ann an sùilibh an Tighearna, a réir nan uile *nithe* a rinn 'athair.

10 Anns an àm 'sin thàinig seirbhisich Nebuchadnesar, rìgh Bhabiloin, a nìos an aghaidh Ierusalem, agus theannaicheadh am baile.

11 Agus thàinig Nebuchadnesar rìgh Bhabiloin an aghaidh a' bhaile, agus theannaich a sheirbhisich e.

12 Agus chaidh Iehoiachin rìgh Iudah a mach a dh'ionnsuidh rìgh Bhabiloin, e féin, agus a mhàthair, agus a sheirbhisich, agus a cheannardan<sup>c</sup>, agus a chailteanaich<sup>d</sup> : agus ghlac rìgh Bhabiloin e 'san ochdamh bliadhna d'a rìoghachadh.

13 Agus thug e mach as sin uile ionmhais tighe an' Tighearna, agus ionmhais tighe an rìgh, agus ghearr e nam bloighdibh na soithichean òir uile, a rinu Solamh rìgh Israeil ann an teampull an Tighearna, mar a labhair an Tighearna.

14 Agus thug e leis Ierusalem uile, agus na ceannardan uile, agus na daoine treun uile, deich mìle do bhraighdibh, agus an luchd-ceirde uile, agus na goibhna<sup>e</sup> : cha d'fhan a h-aon ach bochdan sluagh na tíre.

15 Agus thug e leis Iehoiachin do Bhabilon, agus màthair an rìgh, agus mnàin an rìgh, agus a chailteanaich, agus daoine cumhachdach na tíre, iad sin thug e leis am braighdeanas, o Ierusalem do Bhabilon :

16 Agus na daoine gaisgeil uile, seachd mìle, agus an luchd-ceirde agus na goibhnean, mìle, iadsan uile a bha comasach agus a dheanadh

<sup>a</sup> 'nuair a bha e faghail a' bhàis.

<sup>b</sup> le làimh a sheirbhiseacha. Eabh.

<sup>c</sup> uachdarain, a mhaithen, a dhaoine mòra. <sup>d</sup> luchd-dreuchd. <sup>e</sup> gaibhne.



cogadh, eadhon iadsan thug rìgh Bhabiloin am braighdeanas leis do Bhabilon.

17 Agus rinn rìgh Bhabiloin Mataniah bràthair 'athar na rìgh na àit, agus thionndaidh e 'ainm gu Sedeciah.

18 Bliadhna thar fhichead a dh'aois *bha* Sedeciah 'nuair a thòisich e air rìoghachadh, agus rìghaich e aon bhliadhna deng ann an Ierusalem: agus *b'e* ainm a mhlàthar Hamutal, nighean Jeremiah o Libnah.

19 Agus rinn e olc ann an sùilibh an Tighearna, a réir nan uile *nithe* a rinn Iehoiachim.

20 Oir tre <sup>a</sup> chorruidh an Tighearna *bha e mar sin* ann an Ierusalem agus ann an Iudah, gus an do thilg e as a làthair iad: agus rinn Sedeciah ceannairc an aghaidh rìgh Bhabiloin.

## CAIB. XXV.

**A** GUS anns an naothadh bliadhna d'a rìoghachadh, 'san deicheamh mìos, air an deicheamh là do'n mhìos, thàinig Nebuchadnesar rìgh Bhabiloin, e féin agus 'armailt uile, ar aghaidh Ierusalem, agus champaich e na h-aghaidh, agus thog iad daingnichean <sup>b</sup> na h-aghaidh mu'n cuairt.

2 Agus *bha* am baile air a theannachadh gus an aon bhliadhna deng do rìgh Shedeciah.

3 Agus air an naothadh là do'n cheathramh mìos, bhuaidhaich a' ghorta sa' bhaile, agus cha robh aran ann do shluagh na tìre.

4 Agus bhriseadh sìos am baile, agus theich na fir chogaidh uile 'san oidhche, air slighe a' gheataidh, eadar an dà bhalladh, a *tha* làimh ri lìos an rìgh, (a nis *bha* na Caldeanich an aghaidh a bhaile mu'n cuairt) agus dh'innich iad air an t-slighe dh'ionnsuidh a' chòmhnaird.

5 Agus lean armailt nan Caldeanach an rìgh, agus rug iad air ann an còmhnardaibh Iericho: agus sgapadh 'armailt uile uaith.

6 Mar sin ghlac iad an rìgh, agus thug iad suas e dh'ionnsuidh rìgh Bhabiloin, gu Riblah; agus thug esan <sup>d</sup> breth air.

7 Agus mharbh e <sup>e</sup> mic Shedeciah fa chòmhair a shùil, agus chuir e a shùilean e Sedeciah, agus cheangail se e le geimhlìb <sup>f</sup> umha, agus thug e leis e do Bhabilon g.

8 Agus anns a' chùigeamh mìos, air an t-seachdamh là do'n mhìos (*b'i* sin an naothadh bliadhna deng

do rìgh Nebuchadnesar, rìgh Bhabiloin) thàinig Nebusar-adan ceannard an fhreiceadain, seirbhiseach rìgh Bhabiloin, gu h-Ierusalem:

9 Agus loisg e tigh an Tighearna, agus tigh an rìgh, agus tighean Ierusalem uile; agus gach uile thigh mòr loisg e le teine.

10 Agus leag uile armailt nan Caldeanach, a *bha* maille ri ceannard an fhreiceadain, sìos ballacha Ierusalem mu'n cuairt.

11 Agus a' chuid eile do'n t-sluagh a dh'fhàgadh sa' bhaile, agus an luchd-teichidh, a chaidh thairis gu rìgh Bhabiloin, maille ri fuigheall an t-sluaigh, thug Nebusar-adan ceannard an fhreiceadain air falbh leis.

12 Ach dh'fhàg ceannard an fhreiceadain cuid do bhochdaibh na tìre, *gu bhì* nan luchd-deasachaidh fhionainean agus nan treabhaichibh <sup>h</sup>.

13 Agus na puist umha, a *bha* ann an tigh an Tighearna, agus na buinn, agus an fhairste umha, a *bha* ann an tigh an Tighearna, bhris na Chaldeanach nam bloighdibh, agus thug iad leo an umha do Bhabilon.

14 Agus na poitean, agus na sluasaidhean, agus na smàladairean, agus na spàinean, agus na soithichean umha uile, leis an d'rinn iad frithealadh, thug iad leo.

15 Agus na h-aighnean teine <sup>i</sup> agus na cuachan, na *nithe* a *bha* do òr na òr, agus a *bha* do airgid na airgid, thug ceannard an fhreiceadain air falbh.

16 Dà phost, aon fhairste, agus na buinn a rinn Solaimh air son tighe an Tighearna, *bha* umha nan soithiche sin uile gun tomhas:

17 Ochd làmhha-coille deng airde aon phuist, agus an ceann-mullaich a *bh'*air do umha, agus airde a' chinn-mhullaich trì làmhha-coille: agus an lion-obair, ag na pomgranatan air a' cheann-mhullaich mu'n cuairt, iad sin uile do umha: agus an leithide sin *bha* aig an dara post, maille ri lion-obair.

18 Agus ghlac ceannard an fhreiceadain Seraiah an t-ard shagart, agus Sephaniah an dara sagart, agus na trì dorsairean.

19 Agus as a' bhaile thug e aon chaillteanach, a *bha* os cionn nam fear cogaidh, agus cùgnear <sup>k</sup> fhear dhiubhsan a *bha* 'n làthair an rìgh, a fhuaradh sa' bhaile, agus ar sgrìobhuiche na h-armailt, a *bha* 'g iunnsachadh cogaidh do shluagh na tìre <sup>l</sup>, agus trì fichead fear do shluagh na tìre a fhuaradh sa' bhaile.

20 Agus ghlac Nebusar-adan

<sup>a</sup> troimh, trid.

<sup>b</sup> tùir.

<sup>c</sup> dh'imich an rìgh. <sup>d</sup> iad. <sup>e</sup> iad.

<sup>f</sup> slabhraidhibh. <sup>g</sup> Faic. Jeremiah.

Caib. XXXIX. r. 6. 7.

<sup>h</sup> tuathannaich. <sup>i</sup> tùiscean.

<sup>k</sup> chigear. <sup>l</sup> a thairngeadh suas, a ghabhadh àireamh sluaigh na tìre.

ceannard an fhreiceadain iad sin, agus thug e iad gu rìgh Bhabiloin do Riblah.

21 Agus bhuail rìgh Bhabiloin iad, agus mharbh e iad aig Riblah ann an tìr Hamait. Agus thugadh Iudah air falbh as an tìr féin.

22 Agus os cionn an t-sluaigh a dh'fhàgadh ann an tìr Iudah, a dh'fhàg Nebuchadnesar rìgh Bhabiloin, eadhon os an cionn-sa chuir e Gedaliah mac Ahicaim, mhic Shaphain.

23 Agus an uair a chual uile cheannarda nan armailt, iad féin agus an daoine, gu'n do rinn rìgh Bhabiloin Gedaliah na uachdaran, thàinig gu Gedaliah do Mhispah, eadhon Ismael mac Netaniah, agus Iohanan mac Chareah, agus Seraiah mac Thanhumeit an Netophatach, agus Iasaniah mac Mhaachataich, iad féin agus an daoine.

24 Agus mhlionnaich Gedaliah dhoibh, agus d'an daoineibh, agus thubhairt e riu, Na biodh eagal oirbh a bhli'nar seirbhìsich do na Caldeanaich: gabhaibh comhluaidh 'san tìr, agus deanaibh seirbhìs do rìgh Bhabiloin, agus éiridh gu maith dhuibh.

25 Ach anns an t-seachdamh mìos, thàinig Ismael mac Netaniah, mhic Elisamah do'n t-sliochd rioghail,

agus deichnear fhear maille ris, agus bhuail iad Gedaliah air chor as gu'n d'eug e, agus na h-Iudhaich agus na Caldeanaich, a bha maille ris aig Mispah.

26 Agus dh'éirich an sluagh uile eadar bheag agus mhor, agus ceannarda nan armailt, agus thàinig iad do'n Eiphit: oir bha eagal nan Caldeanach orra.

27 Ach anns an t-seachdamh bliadhna deug thar fhichead do bhraighdeanas Iehoiachin rìgh Iudah, anns an dara mìos deug, air an t-seachdamh la fichead do'n mhìos, thog Ebhil-merodach, rìgh Bhabiloin, air a' bhliadhna anns an do thòisich e air rìoghachadh, suas ceann Iehoiachin rìgh Iudah a prìosun<sup>a</sup>.

28 Agus labhair e gu caoimhneil ris, agus chuir e suas a rìgh-chaitheir os cionn rìgh-chaitheir nan rìgh, a bha maille ris ann am Babilon.

29 Agus mhùth e eudach-prìosuin, agus dh'ith e aran a ghnàth na làthair re uile làithean a bheatha.

30 Agus bu chuibhrionn glinàth-aichte a chuibhrionn a thugadh dha o'n rìgh, cuid làitheil fa chomhair gach là, rè uile làithean a bheatha.

<sup>a</sup> a tigh a' phrìosuin. Eabh.

## CEUD LEABHAR NAN EACHDRAIDH.

### CAIB. I.

**A**DHAMH, Set, Enos,

2 Cenán, Mahaleel, Iered,

3 Henoch, Metuselah, Lamech,

4 Noah, Sem, Ham agus Iaphet.

5 Mic Iaphet; Gomer, agus Magog, agus Madai, agus Iabhan, agus Tubal, agus Mesech, agus Tiras.

6 Agus mic Ghomeir; Aschenas, agus Riphath, agus Togarmah.

7 Agus mic Iabhain; Elisah, agus Tarsis, Citin, agus Dodauim.

8 Mic Ham; Cus, agus Misraim, agus Phut, agus Canaan.

9 Agus mic Chuis; Seba, agus Habhilah, agus Sabta, agus Raamah, agus Sabtecha; agus mic Raamah; Seba agus Dedan.

10 Agus ghin Cus Nimrod: thoisich esan air a bhi cumbhachdach air an talamh.

11 Agus ghin Misraim na Iudhaich<sup>a</sup> agus na h-Anamaich, agus na

Lehabaich, agus na Naphtuhaich,

12 Agus na Patrusaich, agus na Casluhaich, (o'n d'thàinig na Philistich) agus na Caphtoraich.

13 Agus ghin Canaan Sidon a cheud-ghin, agus Het,

14 Agus an Iebusach, agus an t-Amorach, agus an Girsasach,

15 Agus an t-Ibheach, agus an t-Archach, agus an Sineach,

16 Agus an t-Arbhadach, agus an Semarach, agus an t-Hamatach.

17 Mic Sheim; Elam, agus Asur, agus Arphacsad, agus Iud, agus Aram; agus mic Aram Us<sup>b</sup>, agus Hul, agus Geter, agus Mesech.

18 Agus ghin Arphacsad Selah, agus ghin Selah Eber.

19 Agus do Eber rugadh dithis mhac; b'e ainm aoin diubh Peleg, a chionn na làithibh-san gu'n do roinneadh an talamh; agus ainm a bhràthar Ioctan.

<sup>a</sup> Ludim Eabh,

<sup>b</sup> Faic. Gen. Caib. X. r 23,

20 Agus ghin Ioctan Almodad, agus Seleph, agus Hasarnabhet, agus Ierah,

21 Agus Hadoram, agus Usal, agus Diclah,

22 Agus Ebal<sup>a</sup>, agus Abimael, agus Seba,

23 Agus Ophir, agus Habbilah, agus Iobab. *B'iad* sin uile mic Ioctain.

24 Sem, Arphacsad, Selah,

25 Eber, Peleg, Reu,

26 Serug, Nahor, Terah,

27 Abram, *is e* sin Abraham.

28 Mic Abraham; Isaac agus Ismael.

29 *Is iad* so an ginealaichean: Ceud-ghin Ismaeil, Nebaiot; an sin Cedar, agus Adbeel, agus Mibsam,

30 Misma, agus Dumah, Masa, Hadad, agus Tema,

31 Ietur, Naphis, agus Cedemah. *Is iad* sin mic Ismaeil.

32 Agus mic Cheturah, coimhleabaich<sup>b</sup> Abraham: rug *ise* Simran, agus Iocsan, agus Medan, agus Midian, agus Ishac, agus Sual. Agus mic Iocsain; Seba, agus Dedan.

33 Agus mic Mhidiain; Ephah, agus Ephher, agus Henoah, agus Abida, agus Eldaah. *Is iad* sin uile mic Cheturah.

34 Agus ghin Abraham, Isaac. Mic Isaac; Esau agus Israel.

35 Mic Esau; Eliphaz, Reuel, agus Ieus, agus Iaalam, agus Corah.

36 Mic Eliphais; Teman, agus Omar, Sephi, agus Gatam, agus Cenas: agus rug Timna, coimhleabach Eliphais, dha Amalec<sup>c</sup>.

37 Mic Reueil; Nahat, Serah, Sama, agus Midsah.

38 Agus mic Sheir; Lotan, agus Sobal, agus Sibeon, agus Anah, agus Dison, agus Eser, agus Disan.

39 Agus mic Lotain; Hori, agus Homam: agus *b'i* Timna piuthar Lotain.

40 Mic Shobail; Alian, agus Manahat, agus Ebal, Sephi, agus Onam. Agus mic Shibeoin; Aiah, agus Anah.

41 Mic Anah; Dison. Agus mic Dhisoin; Amram, agus Esban, agus Itran, agus Cheran,

42 Mic Eseir; Bilhan, agus Sabhan, agus Iacan. Mic Dhisain; Us, agus Aran.

43 A nis *is iad* so na righrean, a rìoghaich ann an tìr Edoim, mun do rìoghaich rìgh air bith os cionn chloinn Israeil; Bela mac Bheoir: agus *b'e* ainm a bhaile<sup>d</sup> Dinhabah.

44 Agus dh'eug Bela; agus rìogh-

aich Iobab, mac Sherah o Bhosrah na àit.

45 Agus dh'eug Iobab; agus rìogh-aich na àite Hùsam o thìr nan Tem-anach.

46 Agus dh'eug Hùsam agus rìoghaich Hadad, mac Bhedaid, (a bhuail Midian ann am machair Mhoab) na àit: agus *b'e* ainm a bhaile Abhit.

47 Agus dh'eug Hadad; agus rìoghaich Samlah o Mhasrecan na àit.

48 Agus dh'eug Samlah; agus rìoghaich Saul o Rehobot làimh ris an abhuinn na àit.

49 Agus dh'eug Saul; agus rìogh-aich Baal-hanan, mac Achboir, na àit.

50 Agus dh'eug Baal-hanan; agus rìoghaich Hadad na àit: agus *b'e* ainm a bhaile Pau<sup>e</sup>; agus *b'e* ainm a mhnà Mehetabel, nighean Mhatreid, nigheann Mhesahaib.

51 Dh'eug Hadad mar an ceudna. Agus *b'iad* cinn-fheadhna<sup>f</sup> Edoim; ceann-fheadhna Timna, ceann-fheadhna Aluah<sup>g</sup>; ceann-fheadhna Letet,

52 Ceann-fheadhna Aholibamah, ceann-fheadhna Elah, ceann-fheadhna Pinon,

53 Ceann-fheadhna Cenas, ceann-fheadhna Teman, ceann-fheadhna Mibsar,

54 Ceann-fheadhna Magdiel, ceann-fheadhna Iram. *Is iad* sin cinn-fheadhna Edoim.

## CAIB. II.

*Is iad* so mic Israeil; Reuben, Simeon, Lebbi, agus Iudah, Isachar, agus Sebulun;

2 Dan, Ioseph, agus Benjamin, Naphtali, Gad, agus Aser.

3 Mic Iudah; Er, agus Onan, agus Selah: an triuir so rugadh dha le nighinn Shuah a' Bhan-channaanaich. Agus bha Er ceud-ghin Iudah olc ann an sùilibh an Tigh-earna, agus mharbh se e.

4 Agus rug Tamar a bhan-chliamhuin dha Phares agus Serah. *B'iad* uile mhic Iudah chighear.

5 Mic Phareis; Hesron agus Hamul.

6 Agus mic Sherah; Simri, agus Etan, agus Heman, agus Calcol, agus Dara: chighear diubh uile.

7 Agus mic Charmi; Achar, fear-buaireis<sup>h</sup> Israeil, a chiontaich anns an nì mhallaichte.

8 Agus mic Etain: Asariah.

9 Agus mic Hesroin, a rugadh dha; Ierahmeel, agus Ram, agus Chelubai.

10 Agus ghin Ram Aminadab, agus

<sup>a</sup> Obal.

<sup>b</sup> leannain.

<sup>c</sup> Cenas, agus Timna, agus Amalec. Faic. Gen. Caib. XXXVI.

<sup>d</sup> a chaithreach, a bhaile mhòir.

<sup>e</sup> Pai. <sup>f</sup> ceannarda.

<sup>g</sup> Aliah.

<sup>h</sup> fear-tuairgncadh.

ghin Aminadab Nahson, ceannard chloinn Iudah.

11 Agus ghin Nahson Salma, agus ghin Salma Boas,

12 Agus ghin Boas Obed, agus ghin Obed Iese,

13 Agus ghin Iese a cheud-ghin Eliab, agus Abinadab an dara mac, agus Sima an treas,

14 Netancel an ceathramh, Radai an cùigeadh,

15 Osem an seathadh, Daibhidh an seachdamh<sup>a</sup>:

16 Agus *b'iad* am peathraiche-san Seruah agus Abigail. Agus mic Sheruah; Abisai agus Ioab, agus Asahel, triuir.

17 Agus rug Abigail Amasa: agus *b'e* athair Amasa, Ieter an t-Ismeel-each.

18 Agus ghin Caleb, mac Hesroin, ri Asubah a mhnaoi, Ieriot<sup>b</sup>: *b'iad* so mar an ceudna a mic, Ieser, agus Sobab, agus Ardon.

19 Agus an uair a bha Asubah marbh, ghabh Caleb d'a ionnsuidh Ephrat, a rug Hur dha.

20 Agus ghin Hur Uri, agus ghin Uri Besaleel.

21 Agus na dhéigh sin chaidh Hesron a steach a dh'ionnsuidh nighinn Mhachir, athar Ghilead, agus ghabh e i 'nuair a bha e tri fichead bliadhna dh'aois, agus rug i dha Segub.

22 Agus ghin Segub Iair, aig an robh tri thar fhichead do bhailtibh mora<sup>c</sup> ann an tìr Ghilead.

23 Agus thug e Gesur agus Aram le bailtibh Iair uatha, maille ri Cenat agus a bhailtibh, *eadhon* tri fichead baile mòr: *bhuin* iad sin uile do mhacaibh Mhachir, athar Ghilead.

24 Agus an déigh do Hesron bàs fhaghail ann an Caleb-ephrah, an sin rug Abiah, bean Hesroin, Asur athair Thecoah dha.

25 Agus *b'iad* mic Ierahmeeil ceud-ghin Hesroin, Ram an ceud-ghin, agus Bunah, agus Oren, agus Osem, agus Ahiah.

26 Bha mar an ceudna bean eile aig Ierahmeel d'am *b'ainm* Atarah: *b'ise* màthair Onaim.

27 Agus *b'iad* mic Ram ceud-ghin Ierahmeeil, Maas, agus Iamin, agus Ecer.

28 Agus *b'iad* mic Onaim, Samai, agus Iada. Agus mic Shamai; Nadab agus Abisur.

29 Agus *b'e* ainm mnà Abisuir, Abihail, agus rug i dha Ahbau agus Molid.

30 Agus mic Nadaib; Seled agus

Apaim: ach fhuair Seled bàs gun chlann.

31 Agus mic Apaim; Isi. Agus mic Isi; Sesan. Agus mic Shesain; Ahlai.

32 Agus mic Iada bràthar Shamai; Ieter, agus Ionatan; agus fhuair Ieter bàs gun chlann.

33 Agus mic Ionatain; Pelet, agus Sasa. *B'iad* sin mic Ierahmeeil.

34 A nis cha robh aig Sesan mic ach nigheana: agus bha aig Sesan òglach, Eiphiteach, d'ainm Iarha.

35 Agus thug Sesan a nighean d'a òglach Iarha na mnaoi: agus rug i dha Atai.

36 Agus ghin Atai Natan, agus ghin Natan Sabad,

37 Agus ghin Sabad Ephlal, agus ghin Ephlal Obed,

38 Agus ghin Obed Iehu, agus ghin Iehu Asariah,

39 Agus ghin Asariah Heles, agus ghin Heles Eleasah,

40 Agus ghin Eleasah Sisamai, agus ghin Sisamai Salum,

41 Agus ghin Salum Iecamiah, agus ghin Iecamiah Elisama.

42 A nis *b'iad* mic Chaleib bràthar Ierahmeeil, Mesa a cheud-ghin; *b'esan* athair Shiph; agus mic Mhahesah athar Hebroin<sup>d</sup>.

43 Agus mic Hebroin; Corah, agus Tapuah, agus Recem, agus Sema.

44 Agus ghin Sema Raham, athair Iorcoaim; agus ghin Recem Samai.

45 Agus *b'e* mic Shamai Maon: agus *b'e* Maon athair Bhet-suir.

46 Agus rug Ephah coimhleabach Chaleib Haran, agus Mosa, agus Gases; agus ghin Haran Gases.

47 Agus mic Iahdai; Regem, agus Iotam, agus Gesan, agus Pelet, agus Ephah, agus Saaph.

48 Rug Maachah, coimhleabach Chaleib, Seber agus Tirhanah.

49 Rug i mar an ceudna Saaph athair Mhadmanah, Sebhah athair Mhachbenah, agus athair Ghibeah: agus *b'i* nighean Chaleib Achsa.

50 *B'iad* so mic Chaleib mhic Huir, ceud-ghin Ephrah; Sobal athair Chiriat-iearim,

51 Salma athair Bhetlehem, Har-eph athair Bhetgadeir.

52 Agus bha aig Sobal athair Chiriat-iearim mic; Haroeh, Hatsi Hameniot<sup>e</sup>.

53 Agus teaghlaiche Chiriat-iearim; na h-Itrich, agus na Puthich, agus na Sumataich, agus na Misraich: natha-san thàinig na Sareataich, agus na h-Estaulaich.

54 Mic Shalma; Betlehem, agus

<sup>d</sup> agus mic Shiph; Maresah athair Hebroin. <sup>e</sup> agus leth nam Manahet-each,

<sup>a</sup> Elihu an seachdamh, Daibhidh an t-ochdamh. <sup>b</sup> agus Ieriot.

<sup>c</sup> chaitrichibh, bhailtibh daing-nichte.



na Netophataich, Atarot, tigh Ioab, agus leth nam Manaheteach, na Sor-  
aich.

55 Agus teaghlaidhean nan scriobh-  
uich, a bha chòmhnuidh aig Iabes;  
na Tirataich, na Simeataich, agus na  
Suchataich. *Is iad sin na Cenich, a*  
*thàinig o Heimat, athair tigh Rechaib.*

## CAIB. III.

**A**NIS b'iad so mic Dhaibhidh a  
rugadh dha ann an Hebron: an  
ceud-ghin Amnon o Ahinoam a'  
Bhan-iesreleach: an dara mac, Dan-  
iel o Abigail a' Bhan-charmleach:

2 An treas mac, Absalom mac  
Mhaachah, nighinn Thalmair righ  
Ghesuir: an ceathramh, Adoniah  
mac Hagit:

3 An cùigeadh, Sephatiah o Abital:  
an séathadh, Iream le Eglah a  
mhnaoi.

4 Rugadh an t-sèathnar sin dha  
ann an Hebron, agus ann an sin  
rìoghaich e seachd bliadhna agus sè  
mìosan: agus ann an Ierusalem  
rìoghaich e trì bliadhna deug thar  
fhichead.

5 Agus rugadh iad so dha ann an  
Ierusalem; Simea, agus Sobab, agus  
Natan, agus Solomon, ceathrar, o  
Bhatseba<sup>a</sup> nighinn Amiel:

6 Ibhar mar an ceudna, agus Elis-  
ama<sup>b</sup>, agus Eliphelet,

7 Agus Nogah, agus Nepheg, a-  
gus Iaphia,

8 Agus Elisama, agus Eliada, agus  
Eliphelet<sup>c</sup>, naonar.

9 *B'iad sin* mic Dhaibhidh uile, a  
bhàrr air macaibh nan coimh-  
leabach, agus Tamar am piuthar.

10 Agus *b'e* mac Sholomoin Reho-  
boam, Abia a mhac-san, Asa a mhac-  
san, Iehosaphat a mhac-san,

11 Ioram a mhac-san, Ahasiah a  
mhac-san, Ioasa a mhac-san,

12 Amasiah a mhac-san, Asariah<sup>d</sup>  
a mhac-san, Iotam a mhac-san.

13 Ahas a mhac-san, Heseciah a  
mhac-san, Manaseh a mhac-san,

14 Amon a mhac-san, Iosiah a  
mhac-san.

15 Agus *b'iad* mic Iosiah; an ceud-  
ghin Iohanan, an dara mac Iehoia-  
cim, an treas mac Sedeciah, an  
ceathramh Salum.

16 Agus mic Iehoiacim; Ieconiah  
a mhac, Sedaciah a mhac.

17 Agus mic Ieconiah; Asir, Sal-  
atiel a mhac,

18 Agus Malchiram, agus Pedaiah,  
agus Senasar, Iecamiah, Hosama,  
agus Nedabiah.

19 Agus *b'iad* mic Phedaiah Seru-  
babe, agus Simei: agus mic Sheru-  
babe, Mesulam, agus Hananiah,  
agus Selomit am piuthar:

20 Agus Hasubah agus Obel, a-

gus Berechiah, agus Hasadiah, Iusab-  
hesed, cùignear.

21 Agus mic Hananiah; Pelatiah,  
agus Iesaiah a mhac-san, Rephaiah  
a mhac-san, Arnai a mhac-san,  
Obadiah a mhac-san, Sechaniah a  
mhac-san<sup>e</sup>.

22 Agus mic Shechaniah; Semaiah:  
agus mic Semaiah; Hatus agus  
Igeal, agus Bariah, agus Neariah,  
agus Saphat, seathnar.

23 Agus mic Neariah; Elioenai, a-  
gus Heseciah, agus Asricam, triuir.

24 Agus *b'iad* mic Elioenai, Hoda-  
iah, agus Eliasib, agus Pelaiah, agus  
Acub, agus Iohanan, agus Daiaiah,  
agus Anani, seachdnar.

## CAIB. IV.

**M**IC Iudah; Phares, Hesron, a-  
gus Carmi, agus Hur, agus  
Sobal.

2 Agus ghin Reaiah mac Shobail  
Iakath, agus ghin Iakath Ahumai, agus  
Lahad. *Is iad sin* teaghlaidhe nan  
Soratach.

3 Agus *thàinig iad so o* athair  
Etai; Iesreel, agus Isma, agus  
Idbas: agus *b'e ainm am* peathar  
Haselephoni.

4 Agus Penuel athair Ghedoir, a-  
gus Eser athair Husah. *Is iad sin*  
mic Huir, ceud-ghin Ephratah,  
athar Bhetelehem.

5 Agus bha aig Asur athair  
Thecoah dà mhnaoi, Helah agus  
Naarah.

6 Agus rug Naarah dha Ahusam,  
agus Hephher, agus Temeni, agus  
Haahastari. *B'iad sin* mic Naarah.

7 Agus *b'iad* mic Helah, Seret,  
agus Iesoar, agus Etnan.

8 Agus ghin Cos Anub, agus  
Sobebah, agus teaghlaidhean Ahar-  
heil, mhic Haruim.

9 Agus bha Iabes ni b'urramaiche  
nà a bhràithrean: agus thug a  
mhàthair Iabes a dh'ainm air, ag  
ràdh, A chionn gu'n d'rug mi e le  
doilgheas.

10 Agus ghairm Iabes air Dia Is-  
raeil, ag ràdh, O gu'm beannaicheadh  
tu mi da rìreadh, agus gu'n cuireadh  
tu mo chrìochan am farsaingeachd,  
agus gu'm biodh do làmh leam,  
agus gu'n gleidheadh tu mi o olc,  
a chum nach cràidh e mi! Agus  
dheònaich Dia dha an nì sin a  
ghuidh e.

11 Agus ghin Chelub bràthair  
Shuah Mehior: *b'esan* athair Estoin.

12 Agus ghin Eston Betrapha, a-  
gus Paseali, agus Tehinah athair Ir-  
nahais. *Is iad sin* fir Rechah.

13 Agus mic Chenais; Otniel, agus  
Seraiah: agus mic Otniel; Hatat

<sup>d</sup> Udsiah. <sup>e</sup> Pelatiah, agus Iesaiah:  
mic Rephaiah, mic Arnai, mic Obad-  
iah, mic Shechaniah.

<sup>a</sup> Bhetsua. <sup>b</sup> Elisua. <sup>c</sup> Eliphala.

14 Agus ghlin Meonotai Ophrah : agus ghlin Seraiah Ioab, athair *muinntir* ghlinne Charasaim ; oir bu luchd-ceirde iad.

15 Agus mic Chaleib mhic Iephuneh ; Iru, Elan, agus Naam : agus mic Elah ; Cenas.

16 Agus mic Ielhaleleail ; Siph, agus Siphah, Tiria, agus Asareel.

17 Agus *b'iad* mic Esra, Ieter, agus Mered, agus Ephraim, agus Ialon : agus rug i Miriam, agus Samai, agus Isbah athair Estemoa.

18 Agus rug a bhean Iehudiah Iered, athair Ghehoir, agus Heber, athair Shochu, agus Iecutiel athair Shanoah. Agus *is iad* sin mic Bhitiah nighinn Pharaoh, a ghabh Mered na *muaoi*.

19 Agus mic a mhnà Hodiah, peathar Nahaim, athar Cheilah a' Gharmaich, agus Estemoa a Mhaach-ataich.

20 Agus *b'iad* mic Shimoin, Amnon, agus Rinah, Ben-hanan, agus Tilon. Agus *b'iad* mic Isi, Sohet, agus Ben-sohet.

21 *B'iad* mic Shelah mhic Iudah, Er, athair Lecah, agus Laadah athair Mharezah, agus teaghlachan tigh na muinntir a dh'oibrich anart grinn do thigh Asbea.

22 Agus Iocim, agus daoine Choseba, agus Ioas, agus Saraph, aig an robh an uchdaranachd ann am Moab, agus Iasubilehem. Agus *is seann nithe iad sin*.

23 *B'iad* sin na criadhadairean, agus iadsan a chòmhnuich am measg lusan agus ghàraichean : maille ris an rìgh na obair dh'fhan iad an sin.

24 *B'iad* mic Shimeoin, Nemuel, agus Iamin, Iarib, Serah, agus Saul :

25 Salum a mhac-san, Mibsam a mhac-san, Misina a mhac-san.

26 Agus mic Mhisma ; Hamuel a mhac, Sachur a mhac-san, Simeì a mhac-san.

27 Agus *bha* aig Simeì sè mic deug agus sèathnar a nighean ; ach aig a bhràithribh cha robh mòran cloinne, agus cha deachaidh an teaghlachan uile an lionmhoir-eachd, cosmhuill ri cloinn Iudah.

28 Agus chòmhnuich iad ann am Beer-seba, agus Moladah, agus Hasar-sual,

29 Agus ann am Bilhah, agus ann am Esem, agus ann am Tolad,

30 Agus ann am Betuel, agus ann am Hormah, agus ann am Siclag,

31 Agus ann am Bet-marcabot, agus ann am Hasar-susim, agus ann am Bet-birei, agus ann am Saaraim : *B'iad* sin am bailte mòra, agus an do roghaich Daibhidh, maille ri'm bailtibh beaga.

32 Etam mar an ceudna, agus Ain, Rimon, agus Tochen, agus Asan, cùig bailte mòra ;

33 Agus am frith-bhailtean uile a *bha mu'n cuairt* air na mòr-bhailtibh sin gu ruig Baal. *B'iad* sin an ionaid-tàimh, agus an sloinnteir-eachd.

34 Agus Mesobab, agus Iamlech, agus Iosah mac Amasiah,

35 Agus Joel, agus Iehu mac Iosibiah, mhic Sheraiah, mhic Asieil,

36 Agus Elioenai, agus Iacobah, agus Iesohaiah, agus Asaiah, agus Adiel, agus Iesimiel, agus Benaiah,

37 Agus Sisa mac Shiphi, mhic Aloin, mhic Iedaiah, mhic Shimri, mhic Shemaiah.

38 *Bha iad sin a tha* air an aithris air an ainmibh nan ceannardaibh nan teaghlachibh féin : agus ann an tigh an aithriche mheudaich iad gu mòr.

39 Agus chaidh iad gu ruig dol a steach Ghehoir, *eadhon* gu ruig taobh an ear a' ghlinne, a dh'iarraidh ion-altraidh d'an treudaibh.

40 Agus fhuair iad ionaltradh reamhar agus maith, agus *bha* an tìr farsaing, agus samhach, agus sìochail ; oir *bha sìochad* Ham a chòmhnuidh an sin roimhe.

41 Agus thàinig iadsan a tha sgrìobhta air an ainm, ann an laithibh Hesciah rìgh Iudah, agus bhual iad am bùthan agus na h-ionadachd chòmhnuidh a fhuaradh an sin, agus chuir iad as doibh gu tur agus an la'n diugh, agus ghabh iad còmhnuidh nan àite ; a chionn gu'n robh ionaltradh an sin d'an treudaibh.

42 Agus chaidh cuid diubh, *eadhon* do mhacaibh Shimeoin, cùig ceud fear, gu sliabh Sheir ; agus Pelatiah, agus Neariah, agus Rephaiah, agus Udsiel, mic Isi air an ceann.

43 Agus bhual iad am fuigheall, a chaidh as do Amalec, agus chòmhnuich iad an sin agus an la'n diugh.

CAIB. V.

**A**NIS *b'iad* mic Reubein, ceudghin Israeil (oir *b'esan* an ceudghin, ach a chionn gu'n do thruaill e leabadh 'athar, thugadh a chòir-bhreith do mhacaibh Ioseiph mhic Israeil : agus cha 'n'eil na ginneal-acha gu bhì air an àireamh a réir na còir-bhreithe).

2 Oir bhudhaich Iudah air a bhràithribh, agus uaith-san thàinig an t-ard riaghladair, ach bu le Ioseph a' chòir-bhreithe)

3 Mic Reubein, ceudghin Israeil ; Hanoch, agus Palu, Hesron, agus Carmi,

b mheudaich tigh an aithriche gu mòr. c meunim. Eabh.

d fhuaras.

4 Mic Ioeil ; Semaiah a mhac, Gog a mhac-san, Simei a mhac-san,

5 Micala a mhac-san, Reaia a mhac-san, Baal a mhac-san,

6 Beerah a mhac-san, a thug Tyglat-pilneser, rìgh Asiria, air falbh leis<sup>a</sup>: b' esan uachdaran nan Reubenach.

7 Agus bha b'hràithrean a réir an teaghlaiche ('nuair a dh'àirmheadh an sloinntea réir an ginealach) nan cinn-theadhna, Ieiel, agus Sechariah,

8 Agus Bela mac Asais, mhic Shema, mhic Ioeil, aig an robh a chòmhnuidh ann an Aroer, eadhon gu ruig Nebo, agus Baalmeon.

9 Agus a làimh na h-airde 'n ear chòmhnuich e gu ruig dol a teach an fhàsaich o'n abhuinn Euphrates; a chionn gu'n d'fhas an spréidh ro ònmhor ann am fearann Ghilead.

10 Agus ann an laithibh Shaul rinn iad cogadh ris na Hagaraich, a thuit le'n làimh: agus chòmhnuich iad nam bùthaibh-san air feadh uile aghaidh na h-aird' an ear do Ghilead.

11 Agus chòmhnuich clann Ghad thall fa'n comhair, ann an tìr Bhasain gu ruig Salchah:

12 Ioeil an ceann<sup>b</sup>, agus Saphan a b'fhaigse<sup>c</sup>, agus Iaanai, agus Saphat ann am Basan.

13 Agus b'iad am bràithre do thigh an aithriche, Michael, agus Mesulam, agus Seba, agus Iorai, agus Iachan, agus Sia, agus Heber, seachdnar.

14 Is iad sin clann Abihail mhic Huri, mhic Ieroah, mhic Ghilead, mhic Mhichaeil, mhic Iesaisai, mhic Iahdo, mhic Bhuis:

15 Abi mac Abdiel, mhic Ghuni, ceann tìghe an aithriche.

16 Agus ghabh iad còmhnuidh ann an Gilead, ann am Basan, agus na bhailtibh, agus ann an uile fhearann chomhroinn<sup>d</sup> Sharoin, air an crìochaibh.

17 Dh'àirmheadh iad sin uile le sloinntaireachd ann an laithibh Iotaim rìgh Iudah, agus ann an laithibh Ieroboaim rìgh Israeil.

18 Bha mic Reubein, agus na Gadaich, agus leth thréibh Mhanaseh, do fhearaibh treuna<sup>e</sup>, fir chomasach gu sgiath agus claidheamh iomchar, agus gu tilgeadh le bogha, agus tèdha air cogadh, ceithir agus dà fhichead mìle, agus seachd ceud agus trì fichead an àireamh, a chaidh a mach gu cogadh.

<sup>a</sup> air falbh leis ann am braidheanas.  
<sup>b</sup> ceann-feadhna, ceannard, prìomh-fhear.  
<sup>c</sup> an t-ath-fhear.  
<sup>d</sup> ann an uile mhach-bhailtibh, iomall-bhailtibh.  
<sup>e</sup> do mhic gaisge, Eabh.

19 Agus rinn iad cogadh ris na Hagaraich, agus ri Ietur, agus Nephis, agus Nodab;

20 Agus chuidicheadh leo nan aghaidh, agus thugadh thairis nan làimh na Hagaraich, agus iadsan uile a bha maille riu: oir dh'éigh iad ri Dia anns a' chath, agus dh'aontaich esan le'n guidhe, a chionn gu'n d'earb iad as.

21 Agus thug iad leo am feudail; d'an càmhalaibh deich agus dà fhichead mìle, agus do chaoiribh dà cheud agus leth-cheud mìle, agus do asal-aibh dà mhìle, agus do dhaoineibh<sup>f</sup> ceud mìle:

22 Oir thuit mòran sìos air am marbhadh<sup>g</sup>, a chionn gu'n robh an cogadh o Dhia. Agus ghabh iad còmhnuidh nan àite gu ruig am braidheanas.

23 Agus chòmhnuich clann leth thréibh Mhanaseh anns an tìr, o Bhàsan gu Baal-hermon, agus Senir, agus gus liabh Hermoin; agus dh'fhas iad ònmhor.

24 Agus b'iad so cinn tìghe an aithriche, eadhon Ephraim, agus Isi, agus Eliel, agus Asriel, agus Ieremiah, agus Hodabbiah, agus Iahdiel, daoine treunmhor, daoine allail<sup>h</sup>, cinn tìghe an aithriche.

25 Ach chiontaich iad an aghaidh Dhé an aithriche, agus chaidh iad le strìopachas an déigh dhée muinntir na tìre, a sgrios Dia rompa.

26 Agus dhùisg Dia Israeil suas spiorad Phul, rìgh Asiria; agus spiorad Thilgat-pilneseir rìgh Asiria, agus thug e leis iad (eadhon na Reubenich, agus na Gadaich, agus leth thréibh Mhanaseh) agus thug e iad gu Halah, agus Habor, agus Hara, agus gu abhuinn Ghosain, agus an la'n diugh.

C A I B. VI.

MIC Lebhi; Gerson, Cohat, agus Merari.

2 Agus mic Chohat; Amram, Ishar, agus Hebron, agus Udsiel.

3 Agus mic Amram; Aaron, agus Maois, agus Miriam. Agus mic Aaroin: Nadab, agus Abihu, Eleasar, agus Itamar.

4 Ghin Eleasar Phinehas, agus ghin Phinehas Abisua,

5 Agus ghin Abisua Buci, agus ghin Buci Udsi,

6 Agus ghin Udsi Serahiah, agus ghin Serahiah Meraiot,

7 Ghin Meraiot Amariah, agus ghin Amariah Ahitub,

8 Agus ghin Ahitub Sadoc, agus ghin Sadoc Ahimaas,

9 Agus ghin Ahimaas Asariah, agus ghin Asariah Iohanan,

<sup>f</sup> anamaibh dhaoine. Eabh.  
<sup>g</sup> a chaidh leònadh, <sup>h</sup> ainmeil.

# I. EACH DRAIDH.

10 Agus ghin Iohanan Asariah (esan a bha frithealadh ann an dreuchd an t-sagairt anns an tigh a thog Solamh ann an Ierusalem)

11 Agus ghin Asariah Amariah, agus ghin Amariah Ahitub,

12 Agus ghin Ahitub Sadoc, agus ghin Sadoc Salum,

13 Agus ghin Salum Hilciah, agus ghin Hilciah Asariah,

14 Agus ghin Asariah Seraiah, agus ghin Seraiah Iehosadac.

15 Agus chaidh Iehosadac am braighdeanas, an uair a thug an Tighearn air falbh Iudah agus Ierusalem le làimh Nebuchadnesair.

16 Mic Lebhi; Gersom, Cohat, agus Merari.

17 Agus is iad so ainmeanna mhac Ghersom; Libni, agus Simeì.

18 Agus b'iad mic Chohait Amram agus Ishar, agus Hebron, agus Udsiel.

19 Mic Mherari; Mahli, agus Musi. Agus is iad so teaghlaichean nan Lebhitheach, a réir an aithriche:

20 O Ghersom; Libni a mhac, Iahat a mhac-san, Simah a mhac-san,

21 Ioah a mhac-san, Ido a mhac-san, Serah a mhac-san, Ieaterai a mhac-san.

22 Mic Chohait; Aminadab a mhac, Corah a mhac-san, Asir a mhac-san,

23 Elcanah a mhac-san, agus Ebiasaph a mhac-san, agus Asir a mhac-san,

24 Tahat a mhac-san, Uriel a mhac-san, Udsiah a mhac-san, agus Saul a mhac-san.

25 Agus mic Elcanah; Amasai, agus Ahimot:

26 Elcanah a mhac-san<sup>a</sup>, Sophai a mhac-san, agus Nahat a mhac-san,

27 Eliah a mhac-san, Ieroham a mhac-san, Elcanah a mhac-san.

28 Agus mic Shamueil; an ceud-ghin *Ioel*, agus an dara Abiah<sup>b</sup>.

29 Mic Mherari; Mahli, Libni a mhac-san, Simeì a mhac-san, Udsa a mhac-san,

30 Simea a mhac-san, Hagiah a mhac-san, Asaiah a mhac-san.

31 Agus is iad sin iadsan a chuir Daibhidh os cionn seirbhis a' chiuil<sup>c</sup> ann an tigh an Tighearna, an déigh do'n àirc fois fhaghlail.

32 Agus bha iad a' frithealadh fa chomhair pàilliuin bùtha a' choimh-thionail le ceòl<sup>d</sup> agus an do thog Solamh tigh an Tighearn ann an Ierusalem; agus an sin dl'fheith iad air an dreuchd a réir an orduigh.

33 Agus is iad so iadsan a bha feitheamh, le'n cloinn: do mhac-aibh nan Cohatach; Heman am fear-ciuil<sup>e</sup>, mac Ioel, mhic Shemueil,

34 Mhic Elcanah, mhic Ierohaim, mhic Elieil, mhic Thoah,

35 Mhic Sauph, mhic Elcanah, mhic Mhalait, mhic Amasai,

36 Mhic Elcanah, mhic Ioel, mhic Asariah, mhic Shephaniah,

37 Mhic Thahait, mhic Asir, mhic Ebiasaph, mhic Chorah,

38 Mhic Ishair, mhic Chohait, mhic Lebhi, mhic Israeil.

39 Agus a bhràthair Asaph (a sheas air a làimh dheis) *eadhon* Asaph mac Bherachiah, mhic Shimea,

40 Mhic Mhichaeil, mhic Bhaas-eriah, mhic Mhalchiah,

41 Mhic Etni, mhic Sherah, mhic Adaiah,

42 Mhic Etain, mhic Shimah, mhic Shimei,

43 Mhic Iahait, mhic Ghersoin, mhic Lebhi.

44 Agus am bràithre mic Mherari air an làimh chli; Etan mac Chisi, mhic Abdi, mhic Mhaluich,

45 Mhic Hasabiah, mhic Amasiah, mhic Hilciah,

46 Mhic Amsi, mhic Bhani, mhic Shameir,

47 Mhic Mhahli mhic Mhusi, mhic Mherari, mhic Lebhi.

48 Dh'orduicheadh mar an ceudna am bràithre na Lebhitich chum gach uile ghnè sheirbhis pàilliuin tighe Dhé.

49 Ach thug Aaron agus a mhic suas tabhartais air altair na h-ìobairt-loisgte, agus air altair na tùise; agus dh'orduicheadh iad chum uile oibre an ìonaid ro naomha, agus a chum réite a dheanamh air son Israeil, a réir gach nì a dh'àithn Maois òglach Dhé.

50 Agus is iad so mic Aaroin, Eleasar a mhac, Phinehas a mhac-san, Abisua a mhac-san,

51 Buci a mhac-san, Udsi a mhac-san, Serahiah a mhac-san,

52 Meraiot a mhac-san, Amariah a mhac-san, Ahitub a mhac-san,

53 Sadoc a mhac-san, Ahimaas a mhac-san.

54 Agus is iad so an àiteachacòmhnuidh, air feadh an lùchairte<sup>f</sup> nan crìochaibh, do mhacaibh Aaroin do theaghlaichibh nan Cohatach: oir b' leo-san an crannchur.

55 Agus thug iad dhoibh Hebron ann an tìr Iudah, agus 'fhearann comh-roinn<sup>g</sup> mu'n cuairt air.

56 Ach achanna a' bhaile, agus a

<sup>a</sup> Elcanah: mic Elcanah. <sup>b</sup> mic Shamueil; an ceud-ghin Bhasni, agus Abiah. <sup>c</sup> na cantaireachd. <sup>d</sup> le seinn.

<sup>e</sup> an t-òranaich, am fear-seinn. <sup>f</sup> caistealan. <sup>g</sup> ìomall-bhailte, a dh'àithn-bhailte, 'fho-bhailte; suburbs. Sasg.



thrith-bhailte<sup>a</sup> thug iad do Chaleb; mac Iephuneh.

57 Agus do mhacaibh Aaroin thug iad bailte; Hebron am baile didein<sup>b</sup>, agus Libnah le 'fhearann comh-roinn, agus Iatir, agus Estemoa le 'fhearann comh-roinn,

58 Agus Hilen le 'fhearann comh-roinn, Debir le 'fhearann comh-roinn,

59 Agus Asan le 'fhearann comh-roinn, agus Betsemes le 'fhearann comh-roinn.

60 Agus o thréibh Bheniamin; Geba le 'fhearann comh-roinn, agus Alemet le 'fhearann comh-roinn, agus Anatot le 'fhearann comh-roinn. B'iad am bailtean<sup>c</sup> uile air feadh an teaghlaichean, tri bailte deug.

61 Agus do mhacaibh Chohait a dh'fhágadh do theaghlach an thréibh sin, thugadh o'n leth thréibh, eadhon leth thréibh Mhanaseh, le crannchur, deich bailte.

62 Agus do mhacaibh Ghersaim air feadh an teaghlaiche, thugadh o thréibh Isachair, agus o thréibh Aseir, agus o thréibh Naphtali, agus o thréibh Mhanaseh ann am Basan, tri bailte deug.

63 Do mhacaibh Mherari air feadh an teaghlaiche, o thréibh Reubein, agus o thréibh Ghad, agus o thréibh Shebuluin, thugadh le crannchur dà bhaile deug.

64 Agus thug clann Israeil do na Lebhithich na bailte sin le'm fearann comh-roinn.

65 Agus thug iad le crannchur o thréibh chloinn Iudah, agus o thréibh chloinn Shimeoin, agus o thréibh chloinn Bheniamin, na bailte sin a ghairmear air an ainmibh.

66 Agus bha aig a' chuid eile do theaghlaichibh mhac Chohait bailte an crich o thréibh Ephraim.

67 Agus thug iad dhoibh do na bailtibh didein, Sechem ann an sliabh Ephraim, le 'fhearann comh-roinn; Geseir mar an ceudna le 'fhearann comh-roinn,

68 Agus Iocmeam le 'fhearann comh-roinn, agus Bethoron le 'fhearann comh-roinn,

69 Agus Aialon le 'fhearann comh-roinn, agus Gat-rimon le 'fhearann comh-roinn;

70 Agus o leth thréibh Mhanaseh, Aner le 'fhearann comh-roinn, agus Bileam le 'fhearann comh-roinn, air son teaghlaich chloinn Chohait a dh'fhágadh.

<sup>a</sup> a bhailte beaga. <sup>b</sup> thug iad bailte Iudah, eadhon Hebron am baile didein. <sup>c</sup> an caithriche, am mór-bhailte,

71 Do mhacaibh Ghersaim thugadh o theaghlach leth-thréibh Mhanaseh, Golan ann am Basan le 'fhearann comh-roinn, agus Astarot le 'fhearann comh-roinn;

72 Agus o thréibh Isachair; Cedes le 'fhearann comh-roinn, Daberat le 'fhearann comh-roinn,

73 Agus Ramot le 'fhearann comh-roinn, agus Anem le 'fhearann comh-roinn;

74 Agus o thréibh Aseir; Masaf le 'fhearann comh-roinn, agus Abdon le 'fhearann comh-roinn,

75 Agus Hucoc le 'fhearann comh-roinn, agus Rehob le 'fhearann comh-roinn;

76 Agus o thréibh Naphtali; Cedes ann an Galile le 'fhearann comh-roinn, agus Hamon<sup>d</sup> le 'fhearann comh-roinn, agus Ciriataim le 'fhearann comh-roinn.

77 Do'n chuid eile do chloinn Mherari thugadh o thréibh Shebuluin, Rimon le 'fhearann comh-roinn, Tabor le 'fhearann comh-roinn;

78 Agus air taobh thall Iordain laimh ri<sup>e</sup> Iericho, air an taobh an ear do Iordan, thugadh dhoibh o thréibh Reubein, Beser anns an fhásach le 'fhearann comh-roinn, agus Iahsah le 'fhearann comh-roinn,

79 Agus Cedemot le 'fhearann comh-roinn, agus Mephaat le 'fhearann comh-roinn;

80 Agus o thréibh Ghad; Ramot ann an Gilead le 'fhearann comh-roinn, agus Mahanaim le 'fhearann comh-roinn,

81 Agus Hesbon le 'fhearann comh-roinn, agus Iaser le 'fhearann comh-roinn.

## CAIB. VII.

**A**NIS b'iad mic Isachair, Thola, agus Puah, Iasub, agus Simron, ceathrar.

2 Agus mic Thola; Udsi, agus Rephaiah, agus Ieriel, agus Iahmai, agus Ibsam, agus Semuel, cinn tighe an aithriche, eadhon Thola: daoine treun nan ginealachuibh, d'am b'aireamh ann an laithibh Dhaibhidh dà mhìle thar fhichead agus sè ceud.

3 Agus mic Udsi; Israhiah: agus mic Israhiah; Michael, agus Obadiah, agus Ioel, agus Isiah, cùignear, iad uile nan ceannaibh tighe.

4 Agus aca-san, a réir an ginealach, a réir tighe an aithriche, bha buidhnean shaighdeir<sup>f</sup> gu cogadh, sè mìle deug thar fhichead fear: oir bha iomadh bean agus mac aca.

5 Agus bha am bràithrean am measg uile theaghlaichean Isachair

<sup>d</sup> Hamot. Iosua. Caib. XXI. r. 32.

<sup>e</sup> fa chomhair. <sup>f</sup> shaighd-fhear.

# I. EACH DRAIDH.

nan daoibh treun<sup>a</sup> air an àireamh<sup>b</sup> 'san iomlan a réir an ginealach a nan seachd agus ceithir fichead míle.

6 Mic Bheniamin; Bela, agus Becher, agus ledisel, triuir.

7 Agus mac Bhela; Esbon, agus Udsi agus Udsiel, agus Ierimot, agus Iri, cuighear, cinn tighe an aithriche, daoine treun, agus dh'airmheadh iad a réir an ginealach a nan dà mhíle thar fhichead, agus ceithir deug thar fhichead.

8 Agus mic Bhecheir; Semira, agus Ioas, agus Elieser, agus Elioenai, agus Omri, agus Ierimot, agus Abiah, agus Anatot, agus Alamet. Is iad sin uile mic Bhecheir.

9 Agus b'e an àireamh a réir an sloinne, a réir an ginealach a, cinn tighe an aithriche, daoine treun, fichead míle agus dà cheud.

10 Agus mic Iediaeil; Bilhan: agus mic Bhilhain; Teus agus Beniamin, agus Ehud, agus Cenaar, agus Setan, agus Tarsis, agus Ahisarah.

11 Bha iad sin uile mic Iediaeil, a réir cheann an aithriche, daoine treun, nan seachd míle deug agus dà cheud fear, iomchuidh gu dol a mach chum cogaidh agus catha.

12 Supim mar an ceudna agus Hupim mic Ir, agus Husim mic Aheir.

13 Mic Naphtali; Iahsiel, agus Guni, agus Ieser, agus Salum, mic Bhiliah.

14 Mic Mhanaseh; Asriel, a rug i: (ach rug a choimh-leabach, a' Bhan-aramach, Machir athair Ghilead.

15 Agus ghabh Machir mar mhnaoi piuthar Chupim agus Shupim, agus b'e ainm a peathar Maachah) agus b'e ainm an dara mic Selophehad: agus bha aig Selophehad nigheana.

16 Agus rug Maachah bean Mhachir mac, agus thug i Peres mar ainm air; agus b'e ainm a bhràthar Seres; agus b'iad a mhic-san Ulam agus Racem.

17 Agus mic Ulaim; Bedan. B'iad sin mic Ghilead, mhic Mhachir, mhic Mhanaseh.

18 Agus rug a phiuthar Hamolecet Isod, agus Abieser, agus Mahalah.

19 Agus b'iad mic Shemida, Ahian, agus Sechem, agus Lichi, agus Aniam.

20 Agus mic Ephraim; Sutelah, agus Bered a mhac-san, agus Tahat a mhac-san, agus Eladah a mhac-san, Tahat a mhac-san.

21 Agus Sabad a mhac-san, agus Sutelah a mhac-san, agus Eser, agus

Elead, a mharbh fir Ghat a rugadh 'san tìr sin, a chionn gu'n d'fhàinig iad a nuas a thogail an creich<sup>b</sup>.

22 Agus rinn an athair Ephraim bròn rè iomadh là, agus thàinig a bhràithre gu comh-fhurtachd a thoirt da.

23 Agus chaidh e stigh a dh'ionnsuidh a mhna, agus dh'fhàs i torrach, agus rug i mac, agus thug e Beriah mar ainm air, a chionn gu'n d'éirich gu h-olc le 'thigh.

24 (Agus b'i a nighean Serah, ise a thog Bet-horon iochdarach, agus uachdarach, agus Udsen-serah).

25 Agus b'e Rephah a mhac, mar an ceudna Reseph, agus Tela a mhac-san, agus Tahan a mhac-san,

26 Laadan a mhac-san, Amihud a mhac-san, Elisama a mhac-san,

27 Non a mhac-san, Iehosua a mhac-san.

28 Agus b'iad an seilbh agus an àiteach a comhnuidh Betel agus a bhailtean, agus a làimh na h-airde 'n ear Naaran, agus a làimh na h-airde 'n iar Geser le 'bhailtibh, Sechem mar an ceudna agus a bhailte, gu ruig Gasa agus a bhailte.

29 Agus làimh ri cloinn Mhanaseh, Bet-sean agus a bhailte, Taanach agus a bhailte, Megido agus a bhailte, Dor agus a bhailte. Annta sin ghabh clann Ioseph mhic Israeil comhnuidh.

30 Mic Aseir; Imnah, agus Isuah, agus Isui, agus Beriah, agus Serah am piuthar.

31 Agus mic Bheriah; Heber, agus Malchiel: b'esan athair Bhirsabhit.

32 Agus ghin Heber Iaphlet, agus Somer, agus Hotham, agus Suah am piuthar.

33 Agus mic Iaphleir; Pasach, agus Bimhal, agus Asbhat; is iad sin mic Iaphleir.

34 Agus mic Shameir; Ahi, agus Rohgah, Iehubah, agus Aram.

35 Agus mic Heleim a bhràthar; Sophah, Imna, agus Seles, agus Amal.

36 Mic Shophah; Suah, agus Harnepher, agus Sual, agus Beri agus Imrah,

37 Beser, agus Hod, agus Sama, agus Silsah, agus Itran, agus Beera.

38 Agus mic Ieteir; Iephuneh, agus Pispah, agus Ara.

39 Agus mic Ula; Ara, agus Haniel, agus Resia.

40 B'iad sin uile mic Aseir, cinn tighe na aithriche, daoine taghta, treun an neart, roghadh e nan uachdaran. Agus an uair a dh'airmheadh iad a réir an ginealach a chum cog-

<sup>a</sup> treun an neart, comasach gaisgeil.

<sup>b</sup> a thoirt leo am feodalach.

<sup>c</sup> cinn. Eabh.

aidh agus catha, b'e an àireamh sè mile fichead fear.

CAIB. VIII.

**A**NIS ghin Benjamin Bela a cheud-ghin, Asbel an dara, agus Ahara an treas.

2 Nohah an ceathramh, agus Rapha an cùigeadh.

3 Agus b'iad mic Bhela, Adar, agus Gera, agus Abihud,

4 Agus Abisua, agus Naaman, agus Ahoah,

5 Agus Gera, agus Sephuphan, agus Hiram.

6 Agus is iad so mic Ehuid : is iad so cinn aithriche<sup>a</sup> luchd-àiteachaidh. Gheba, agus dh'atharraich siad iad gu Manahet :

7 Agus Naaman, agus Ahiah, agus Gera, dh'atharraich e iad, agus ghin e Udsa, agus Ahihud.

8 Agus ghin Saharaim clann ann an tìr Mhoib, an dèigh dha Husim agus Baara a mhnà a chur air falbh<sup>b</sup>.

9 Agus ghin e ri Hodcs a mhnàoi, Iobab, agus Sibia, agus Mesa, agus Malcham,

10 Agus Ieus, agus Sachia, agus Mirma. B'iad sin a mhic, cinn nan aithriche.

11 Agus ri Husim ghin e Ahitub agus Elpaal.

12 Mic Elphaail ; Eber, agus Misam, agus Samed, a thog Ono, agus Lod le 'bhailtibh.

13 Agus Beriah agus Sema : b'iad-san cinn aithriche luchd-àiteachaidh Aialoin, a ruag luchd-àiteachaidh Ghat :

14 Agus Ahio, Sasac, agus Ierimot,

15 Agus Sebadiah, agus Arad, agus Adar,

16 Agus Michael, agus Ispah, agus Ioha, mic Bheriah ;

17 Agus Sebadiah, agus Mesulam, agus Heseci, agus Heber,

18 Agus Ismerai, agus Iesliah, agus Iobab, mic Elphaail ;

19 Agus Iacim, agus Sichri, agus Sabdi,

20 Agus Elioenai, agus Siltai, agus Eliel,

21 Agus Adaiah, agus Beraiah, agus Sinrat, mic Shimhi ;

22 Agus Ispan, agus Heber, agus Eliel,

23 Agus Abdon, agus Sichri, agus Hanan.

24 Agus Hananiah, agus Elam, agus Antotiah,

25 Agus Iphedeiah, agus Penuel, mic Shasaic ;

26 Agus Samserai, agus Sehariah, agus Ataliah,

27 Agus Iaresiah, agus Eliah, agus Sichri, mic Ierohaim.

28 Sin cinn nan aithriche, a réir an ginealach, cinn-fheadhna. Bha iad sin a chòmhnuidh ann an Ierusalem.

29 Agus ann an Gibeon bha *Iehiel*, athair Ghibeoin, a chòmhnuidh ; agus b'e ainm a mhnà Maachah :

30 Agus a cheud-ghin-mic Abdon, agus Sur, agus Cis, agus Baal, agus Ner, agus Nadab,

31 Agus Gedor, agus Ahio, agus Sacher, agus Miclot.<sup>c</sup>

32 Agus ghin Miclot Simeah. Agus chòmhnuidh iad sin mar an ceudna fa chomhair am bràithrean ann an Ierusalem maille<sup>a</sup> am bràithribh.

33 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

34 Agus b'e mac Ionatain Meribbaal ; agus ghin Meribbaal Micah.

35 Agus b'iad mic Mhicah, Piton, agus Melech, agus Tarea, agus Ahas.

36 Agus ghin Ahas Iehoadah, agus ghin Iehoadah, Alemet, agus Asmabhet, agus Simri ; agus ghin Simri Mosa,

37 Agus ghin Mosa Binea : b'e Rapha a mhac-san Eleasah a mhac-san, Asel a mhac-san.

38 Agus bha aig Asel seathnar mhac ; agus is iad so an ainmeanna, Asricam, Bocheru, agus Ismael, agus Seariah, agus Obadiah, agus Hanan. B'iad sin uile mic Aseil.

39 Agus b'iad mic Esec a bhràthar, Ulam a cheud-ghin, Iehus an dara, agus Eliphelet an treas.

40 Agus bha mic Ulaim nan daoineibh treun, nam fir-bhogha<sup>d</sup> ; agus bha mòran mhac aca, agus mhac am mac, céud agus leth-cheud ; iad sin uile do mhacaibh Bheniamin.

CAIB. IX.

**A**GUS dh'àirmheadh Israel uile a réir an ginealach, agus feuch, bha iad scrìobhta ann an leabhar righrean Israeil. Ach thugadh Iudah<sup>e</sup> air falbh do Bhabilon air son an eusaontais.

2 Agus b'iad an ceud luchd-àiteachaidh a ghabh còmhnuidh nan sealbh nam bailtibh, na h-Israelich, na sagairt, na Lebhitich, agus na Netinich.

3 Agus ann an Ierusalem ghabh còmhnuidh do chloinn Iudah, agus do chloinn Bheniamin, agus do chloinn Ephraim, agus Mhanaseh :

<sup>c</sup> Faic Caib. IX. r. 36. 37.

<sup>d</sup> a thairngeadh bogh, a thilgeadh gu maith le bogha. <sup>e</sup> leabhar righrean Israeil agus Iudah, a thugadh.

<sup>a</sup> theaghlach. <sup>b</sup> an dèigh an cur air falbh, Husim agus Baara a mhnà. Eabh.

## I. EACH DRAIDH.

4 Utai mac Amihuid, mhic Omri, mhic Imri, mhic Bhani, do chloinn Phareis mhic Iudah.

5 Agus do na Silonaich; Asaiah an ceud-ghin, agus a mhic.

6 Agus do mhacaibh Sherah; Ieuel, agus am bràithre, sè ceud agus ceithir fichead agus a deich.

7 Agus do mhacaibh Bheniamin; Salu mac Mhesulaim, mhic Hodabhiah, mhic Hasenuah:

8 Agus Ibneiah mac Ierohaim, agus Elah mac Udsi, mhic Mhichri agus Mesullam mac Shephathiah, mhic Reueil, mhic Ibniah;

9 Agus am bràithrean, a réir an ginealach, naoi ceud agus sè deug agus dà fhichead. *Bu* chinn aithriche na daoine sin uile ann an tigh an aithriche.

10 Agus do na sagartaibh; Iedaiah, agus Ichoiarib, agus Iachin;

11 Agus Asariah mac Hilciah, mhic Mhesulaim, mhic Shadoic, mhic Mheraiot, mhic Ahituib riaghladair tìghe Dhé;

12 Agus Adaiah mac Ierohaim, mhic Phasuir, mhic Mhalchiah; agus Maasai mac Adieil, mhic Iahserah, mhic Mhesulaim, mhic Mhesulemit, mhic Imeir;

13 Agus am bràithre, cinn tìghe an aithriche, mìle agus seachd ceud agus trì fichead, daoine ro fhoghainteach fa chomhair oibre seirbhis tìghe Dhé.

14 Agus do na Lebhithich; Semariah mac Iasuib, mhic Africaim, mhic Hasabiah, do mhacaibh Mherari;

15 Agus Bacbacar, Heres, agus Galal, agus Mataniah mac Mhichah, mhic Shichri, mhic Asaiph;

16 Agus Obadiah mac Shemaiah, mhic Ghalail, mhic Iedutuim, agus Berechiah mac Asa, mhic Elcanah, a bha chòmhnuidh ann am frith-bhailtibh<sup>a</sup> nan Netophatach.

17 Agus b'iad na dorsairean Salum, agus Acub, agus Talmon, agus Ahiman, agus am bràithre: b'e Salum an ceannard;

18 A bha gus an àm so aig geatadh an rìgh air an taobh an ear, nan dorsaireibh ann an cuideachdaibh chloinn Lebhì.

19 Agus bha Salum mac Chore, mhic Ebiasaiph, mhic Chorah, agus a' bhràithre (do thigh 'athar) na Corahach os cionn oibre na seirbhis, nan luchd-gleidhidh gheatacha a' phàilliuin; agus an aithriche os cionn slòigh an Tighearna, nan luchd-gleidhidh air dol a stigh a' phàilliuin.

20 Agus b'e Phinehas mac Eleasair

bu cheann-riaghlaidh orra o shean am fianuis an Tighearna<sup>b</sup>.

21 Maille ris bha Sechariah, mac Mheselemiah, na dhorsair doruis pàilliuin a' choimhthionail.

22 Iad sin uile a thaghadh gu bhi nan dorsaireibh anns na geataibh, bu dà cheud agus dà fhear dheug iad. Dh'airmheadh iad sin a réir an ginealach<sup>c</sup> nam frith-bhailtibh, a shuidhidh Daibhidh agus Samuelam fear seallaidh nan dreuchd suidhichte.

23 Mar sin bha iadsan, agus am mic, os cionn gheatacha tìghe an Tighearna, agus tìghe a' phàilliuin chum an gleidheadh<sup>d</sup>.

24 Ann an ceithir chearnaibh bha na dorsairean, a làimh na h-airde 'n ear, na h-airde 'n iar, na h-airde tuath, agus na h-airde deas.

25 Agus am bràithre nam frith-bhailtibh, gu teachd an déigh sheachd laithean o àm gu h-àm maille riu.

26 Oir bha na Lebhithich sin, na ceithir ard dhorsairean 'nan dreuchd suidhichte, agus bha iad os cionn sheòmraiche, agus os cionn ionmhasan tìghe Dhé.

27 Agus bha iad a' gabhail tàimh mu'n cuairt air tigh Dhé, a chionn gu'm b'ann orra-san a bha a chùram, agus gu'm buineadh dhoibh 'fhosgladh gach maduinn.

28 Agus bha cuid diubh os cionn nan soithiche<sup>e</sup> frithealaidh, chum an toirt a stigh agus a mach air àireamh.

29 Chuireadh cuid diubh mar au ceudna os cionn nan soithiche, agus os cionn uile innealan an ionaid naomha, agus os cionn na mine mìne, agus an fhìona, agus na h-ola, agus na tùise, agus nan spioraidh<sup>f</sup>.

30 Agus bha cuid do mhacaibh nan sagart a' deanamh na h-oladh un-gaidh do na spioraidh.

31 Agus b'ann aig Matitiah, aon do na Lebhithich, eadhon ceud-ghin Shaluim a' Chorahaich, a bha dreuchd suidhichte os cionn nan nithe a rinneadh ann an aighnibh.

32 Agus bha cuid eile d'ann bràithribh, do mhacaibh nan Cohatach, os cionn arain na fianuis<sup>g</sup> gu'dheasachach gach sàbaid.

33 Agus is iad sin an luchd ciuil<sup>i</sup>, cinn aithrich nan Lebhiteach, a bha anns na seòmraichibh, saor o gach

<sup>b</sup> an Tighearna, a bha maille ris.

<sup>c</sup> an sloinntte.

<sup>d</sup> seal m'an seach.

<sup>e</sup> air cuid diubh bha cùram nan soithiche.

<sup>f</sup> nithe cùbhraidh.

<sup>g</sup> ri

Matatiah bha'n earbsadh bhi os cionn.

<sup>h</sup> an arain thaisbeant, luchd-seinn.

<sup>a</sup> bailtibh beaga.



cùram eile; oir a là agus a dh'oidhche bha orra bhi r'an obair-san.

34 Bha cinn aithriche sin nan Lebhitheach nan cinn a réir an ginealachu. Bha iad a chòmhnuidh ann an Ierusalem.

35 Agus ann an Gibeon chòmhnuich athair Ghibeoin, Iehiel; agus b'e ainm a mhna Maachah.

36 Agus a cheud ghin mic Abdon, an sin Sur, agus Cis, agus Baal, agus Ner, agus Nadab,

37 Agus Gedor, agus Ahio, agus Sechariah, agus Miclot.

38 Agus ghin Miclot Simeam: agus ghabh iadsan mar an ceudna còmhnuidh fachomhair am bràithrean ann an Ierusalem maille r'am bràithribh.

39 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

40 Agus b'e mac Ionatain Meribbaal: agus ghin Merib-baal Micah.

41 Agus b'iad mic Mhicah, Piton, agus Melech, agus Tahrea, agus Ahas.

42 Agus ghin Ahas lehoadah<sup>a</sup>, agus ghin lehoadah Alemet, agus Asmabhet, agus Simri; agus ghin Simri Mosa;

43 Agus ghin Mosa Binea: agus b'e Rephaiah a mhac-san, Eleasah a mhac-san, Asel a mhac-san.

44 Agus bha aig Asel sèathnar mhac, agus is iad so an ainmeanna; Africam, Bocheru, agus Ismael, agus Seariah, agus Obadiah, agus Hanan. B'iad sin mic Aseil.

#### CAIB. X.

**A**NIS chog na Philistich an aghaidh Israeil, agus theich fir Israeil o fhianuis nam Philisteach, agus thuit iad sìos marbhtha ann an sliabh Ghilboa.

2 Agus lean na Philistich gu teann an déigh Shaul, agus an déigh a chuid mac; agus bhuail na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus chuimsich<sup>b</sup> na fir-bhogha e, agus lotadh e leis na fir-bhogha.

4 An sin thubhairt Saul ri fear iomchair<sup>a</sup> arm, Rùisg do chlaidheamh agus sàth tromham e, air eagal gu'n d'thig na daoine neo thimchioll-ghearrta sin, agus gu'n gnàthaich iad gu maslach mi. Ach cha deanadh fear iomchair<sup>a</sup> arm sin, oir bha eagal mòr air. Uime sin ghlac Saul claidheamh, agus thuit e air.

5 Agus an uair a chunnaic fear iomchair<sup>a</sup> arm gu'n robh Saul marbh,

thuit esan mar an ceudna air a chlaidheamh, agus fhuair e bàs.

6 Mar sin fhuair Saul bàs, agus a thriuir mac, agus dh'eug a thigh uile<sup>a</sup> san aon àm.

7 Agus an uair a chunnaic uile fhir Israeil a bha sa<sup>a</sup> ghleann, gu'n do theich iad, agus gu'n robh Saul agus a mhic marbh, an sin thréig iad am bailtean, agus theich iad; agus thàinig na Philistich, agus chòmhnuich iad anna.

8 Agus air an la màireach, an uair a thàinig na Philistich a dh'fhaobhachadh nam mairbh, fhuair iad Saul agus a mhic air tuiteam ann an sliabh Ghilboa.

9 Agus an uair a dh'fhaobhaich iad e, ghlac iad a cheann, agus airm, agus chuir iad fìos do thir nam Philisteach mu'n cuairt, gu sgeul a thoirt do thigh an diathan bréige<sup>c</sup> agus do'n t-sluagh.

10 Agus chuir iad airm ann an tigh an dée, agus dhaingnich iad a cheann ann an teampull Dhagoin.

11 Agus an uair a chual uile luchd-àiteachaidh Iabeis-ghilead na h-uile nithe a rinn na Philistich ri Saul,

12 Dh'éirich na fir threuna uile, agus thug iad leo corp Shaul, agus cuirp a chuid mac, agus thug iad gu Iabes iad, agus dh'adhlaic iad an cnàimhean fuidh 'n daraig ann an Iabes, agus throisg iad seachd laithean.

13 Mar so dh'eug Saul air son a chiontaidh a rinn e 'n aghaidh an Tighearna, an aghaidh focail an Tighearna nach do ghléidh e, agus mar an ceudna a chionn gu'n d'iarr e bean aig an robh leannan-sìth, a dh'fhiosrachadh dhith.

14 Agus nach d'fhiosraich e do'n Tighearna: uime sin mharbh se e, agus thionndaidh e 'n rìoghachd a a dh'ionnsuidh Dhaibhidh mhic Iese.

#### CAIB. XI.

**A**N SIN chruinnich Israel uile iad féin a dh'ionnsuidh Dhaibhidh gu Hebron, ag ràdh, Feuch, is sinne do chnàimh agus t'fheoil.

2 Agus a bhàrr air so, 'san àine chaidh seachad, cadhion an uair a bha Saul na rìgh, bu tusa a thredraich a mach, agus a thug a steach Israel; agus thubhairt an Tighearna do Dhia riut, Beathaichidh tusa mo shluagh Israel, agus bithidh tu a'd' cheannard air mo shluagh Israel.

3 Agus thàinig uile sheanairean Israeil a dh'ionnsuidh an rìgh gu Hebron, agus rinn Daibhidh coimhcheangal ri ann an Hebron am fianuis an Tighearna, agus dh'ung

<sup>a</sup> Iarah. Faic Caib. VIII, r. 36.

<sup>b</sup> fhuair. Eabh,

<sup>c</sup> gu sgeul a thoirt d'an òdholaibh..

## I. EACH DRAID H.

iad Daibhidh na rìgh air Israel, a réir focail an Tighearn, le làimh Shamueil.

4 Agus chaidh Daibhidh agus Israel uile gu h-Ierusalem, (is e sin Iebus) far an robh na Iebusaich, luchd-àiteachaidh an fhearainn.

5 Agus thubhairt luchd-àiteachaidh Iebuis ri Daibhidh, Cha d'thig thu 'n so. Gidheadh, ghlac Daibhidh tùr Shioin; is e sin baile<sup>a</sup> Dhaibhidh.

6 Agus thubhairt Daibhidh, Ge b'e bhuaileas na Iebusaich an toiseach, bithidh esan na cheannard agus na uachdaran. Agus chaidh Ioab mac Sheruah suas an toiseach, agus bha e na cheannard.

7 Agus ghabh Daibhidh còmhnuidh 'san tùr: uime sin thug iad baile Dhaibhidh mar ainm air.

8 Agus thog e am baile mu'n cuairt, eadhon o Mhìlo mu'n cuairt: agus chuir Ioab suas a ris a' chuid eile do'n bhaile.

9 Agus dh'fhàs Daibhidh ni bu mhd, agus ni bu mhd; oir bha Tighearna nan sluagh leis.

10 Agus is iad so roghadh nan daoine treun a bha aig Daibhidh, a neartaich iad féin leis na rìoghachd, agus le h-Israel uile, gu rìgh a dheanadh dheth, a réir focail an Tighearna mu thimchioll Israeil.

11 Agus is e so àireamh nan daoine treun a bha aig Daibhidh: Iasobeam, mac Hachmoni, na cheann air triuir<sup>b</sup>: thog esan a shleagh an aghaidh thri ceud, a mharbhadh leis 'san aon àm.

12 Agus na dhéigh-san bha Eleasar, mac Dhodo, an t-Ahohach: b'aon esan do na trì gaisgich.

13 Bha esan maille ri Daibhidh ann am Pas-daim, agus an sin bha na Philistich air cruinneachadh an cionn a chéile gu cath; [agus dh'imfir Israeil rompa.

Dh'éirich esan, agus bhuaile e na Philistich gus an robh a làmh sgèth, agus gu'n do lean a làmh ris a' chlàidheamh. Agus dh'oibrich an Tighearna saorsa mhòr air an là sin; agus phill an sluagh na dhéigh a mhàin a dh'fhaobhachadh.

Agus na dhéigh-san bha Samah, mac Agee, an Hararach: agus chruinnicheadh na Philistich nam buidhinn<sup>c</sup> far an robh dail<sup>d</sup> fhearainn làn eorna<sup>e</sup>, agus theich an sluagh roimh na Philistich.

14 Agus shuidhich iadsan iad féin am meadhon na dalach sin, agus dhòn iad i, agus mharbh iad na

Philistich; agus shaor an Tighearn iad le saorsadh mhòir.

15 A nis chaidh triuir do na deich ceannaird fhichead sìos do'n charr-aig a dh'ionnsuidh Dhaibhidh, gu uaimh Adullaim: agus champaich feachd nam Philisteach ann an gleann Rephaim.

16 Agus bha Daibhidh an sin san daingneach: agus bha freiceadan nam Philisteach an sin ann am Betlehem.

17 Agus mhiannaich Daibhidh, agus thubhairt e, O nach d'thugadh neach dhomh deoch uisge o thobar Bhetlehem, a tha aig a' gheatadh!

18 Agus bhris an triuir troimh fheachd nam Philisteach, agus tharruing iad uisge a tobar Bhetlehem a bha aig a' gheatadh, agus ghabh iad e, agus thug iad e gu Daibhidh: ach cha'n òladh Daibhidh e, ach thaom e mach e do'n Tighearna.

19 Agus thubhairt e, Nar leigeadh mo Dhia dhomh gu'n deanainn an ni so: an olainnse fuil nan daoine so a chuir an annanna ann an cunnart? oir le cunnart an annanna thug iad leo e: uime sin cha'n òladh e dheth. Na nithe sin rinn an triuir dhaoine treuna.

20 Agus bha Aliisai, bràthair Ioab, na cheann air triuir: agus thog e a shleagh an aghaidh trì cheud, a mharbh e; agus bha ainm aige am measg thriuir.

21 Do'n triuir b'e a b'urramaiche na an dithis, agus bha e na cheannard orra: gidheadh, cha d'ràinig e gu ruig a' cheud triuir.

22 Mharbh Benaiah, mac Jehoiada, mhic duine ghaisgil o Chabseel, a rinn mòran ghnìomhara, mharbh esan dithis fhear leòmhanta do Mhoab: chaidh e sìos mar an ceudna, agus mharbh e leòmhann ann am meadhon sluichd air latha sneachdaidh.

23 Agus mharbh e Eiphiteach, duine do mheudachd mhòir, cùig làmhha-coille air aird, agus ann an làimh an Eiphitich bha sleagh cosmhuil ri garmain<sup>f</sup> figheadair: ach chaidh esan sìos d'a ionnsuidh le luirg, agus spòn e 'n t-sleagh a làimh an Eiphitich, agus mharbh e le 'shleagh féin e.

24 Na nithe sin rinn Benaiah, mac Jehoiada, agus bha ainm aige am measg triuir dhaoine treuna.

25 Feuch, do'n triuir b'e a b'urramaiche, ach cha d'ràinig e gu ruig a' cheud triuir: agus chuir Daibhidh e os cionn a fhreiceadain.

26 Mar an ceudna b'iad daoine treuna nan armailt, Asahel bràthair

<sup>f</sup> sail.      g do'n deich thar fhichead.

<sup>a</sup> cathair.      <sup>b</sup> ceann nan ceannard.  
<sup>c</sup> II. Samuel. Caib. XXIII. r. 9.  
<sup>d</sup> 10. 11.      <sup>e</sup> mìr.      <sup>f</sup> làn do ghall-  
 pheasair. II. Sam. Caib. XXIII. r. 11.

Ioaib, Elhanan mac Dhodo o Bhet-lehem,  
 27 Samot an 't-Harorach, Heles am Pelonach,  
 28 Ira mac Iceis an Tecoch, Abieser an t-Anatotach,  
 29 Sibecai an t-Husatach, Ilai an t-Ahohach,  
 30 Maharai an Netophatach, Heled mac Bhaanah an Netophatach,  
 31 Itai mac Ribai o Ghibeah chloinn Bheniamin, Benaiah am Piratonach,  
 32 Hurai o shruthaibh \* Ghaais, Abiel an t-Arbatach,  
 33 Asmabhet ain Baharumach, Eliabha an Saalbonach.  
 34 Mic Haseim a' Ghisonaich; Ionatan mac Shage an t-Hararach, 35 Ahiam mac Shacair an t-Hararach, Eliphal mac Uir,  
 36 Hephher am Mecheratach, Ahiah am Pelonach,  
 37 Hesro an Carneleach, Naarai mac Esbai,  
 38 Ioel bràthair Natain, Mibchar mac Hageri,  
 39 Selec an t-Amonach, Naharai am Berotach, fear iomchair arm Ioaib mhic Sheruiah,  
 40 Ira an t-Itreach, Gareb an t-Itreach,  
 41 Uriah an t-Hiteach, Sabad mac Ahai,  
 42 Adina mac Shisa Reubeneach, ceannear do na Reubenich, agus deich thar fhichead maille ris,  
 43 Hanan mac Mhaachah, agus Iosaphat am Mitneach.  
 44 Udsia an t-Asteratach, Sama agus Iehiel mic Hotaim an Aroerich,  
 45 Iediel mac Shimri, agus Ioha a bhràthair an Tipseach,  
 46 Eliel am Mahabhach, agus Ieribai agus Iosabhiach mic Elnaaim, agus Itmah am Moabach,  
 47 Eliel, agus Obed, agus Iasiel o Mhesobia.

## CAIB. XII.

**A**NIS is iad so iadsan a thàinig a dh'ionnsuidh Dhaibhidh gu Siclag, 'nuair a bha e fathast' ga chumail féin a stigh air eagal Shaul mhic Chis : agus bha iad am measg nam fear treuna, nan luchd-cuideachaidh sa' chogaidh.

2 Bha iad armaichte le boghan-naibh, agus teòma leis an làimh dheis agus chli air clachan a thilgeadh, agus saighdean a bogha, eadhon do bhraithribh Shaul do Bheniamin.

3 B'e Ahieser bu bharrachtaibh dhiubh, an sin Ioas, mic Shemaah a Ghibeataich, agus Iesiel agus Pelet mic Asmabheit, agus Beracha, agus Iehu an t-Anatotach,

4 Agus Ismaiah an Gibeonach, duine treun am measg an deich thar fhichead, agus os cionn an deich thar fhichead; agus Ieremiah, agus Iehasiel, agus Iohanan, agus Iosabad an Gederatach,

5 Elusai, agus Ierimot, agus Bealiah, agus Semariah, agus Sephatiah an t-Haruphach,

6 Elcanah, agus Iesia, agus Asareel, agus Ioeser, agus Iasobeam, na Corhaich,

7 Agus Ioelah agus Sebadiah, mic Ierohaim o Ghedor.

8 Agus do na Gadaich chaidh thairis a dh'ionnsuidh Dhaibhidh, do'n daingneach anns an fhàsach, daoine treun, fir chogaidh iomchuidh chum catha, d'am b'aithne sgiath agus targaid a laimhseachadh, aig an robh an gnùisean mar ghnùisibh leomhan, agus iad co luath ris na h-eildibh air na beanntaibh.

9 Eser an ceud fhear, Obadiah an dara, Eliab an treas,

10 Mismanah an ceathramh, Ieremiah an cùigeadh,

11 Atai an sèathadh, Eliel an seachdamh,

12 Iohanan an t-ochdamh, Elsabad an naothadh,

13 Ieremiah an deicheamh, Machbanai an t-aon fhear deug.

14 Bha iad sin do mhacaibh Ghadan ceannardaibh an t-slàigh : an t-aon bu lugha dhiubh os cionn cheud, agus an t-aon bu mhò os cionn mhile.

15 Sin iadsan a chaidh thairis aig Iordan sa' cheud mhìos, an uair a bha shruth cur thairis air a bhruchaibh uile, agus chuir iad an ruaig air muinntir nan gleann uile, a làimh na h-airde 'n ear, agus na h-airde 'n iar.

16 Thàinig mar an ceudna cuid do chloinn Bheniamin agus Iudah do'n daingneach a dh'ionnsuidh Dhaibhidh.

17 Agus chaidh Daibhidh a mach nan coinneamh, agus fhreagair e, agus thubhairt e riu, Ma thàinig sibh gu sìochail a'm ionnsuidh-sa a chuideachadh leam, bithidh mo chridhe leibh le aon rùn : ach ma thàinig sibh a chum mo bhrath do m' naimhdibh, 'nuair nach 'eil eucoir air bith a'm' làimhaibh, gu' amhairceadh Dia ar n-aithriche sin, agus gu'n cronaicheadh se e.

18 An sin thàinig an spiorad air Amasai, am fear a' b'innbiche do na ceannardaibh, agus thubhairt e, Leat-sa tha sinne a Dhaibhidh, agus air do thaobh, a mhic Iese : sìth, sìth dhuit, agus sìth do d' luchd-cuideachaidh; oir tha do Dhia a'

\* chuir air leth, dhealaich, thearaidh iad féin.

\* aibhnicibh.    b an ceann. Eabh.

còmhnadh<sup>a</sup> leat. Agus ghabh Daibhidh iad, agus rinn e iad nan ceannardaibh na bruidhne.

19 Agus chaidh cuid do Mhanaseh thairis<sup>b</sup> a dh'ionnsuidh Dhaibhidh, nuair a thàinig e leis na Philistich an aghaidh Shauil gu cath, ach cha do chaidich iad<sup>c</sup> leo; oir, le comhairle, chuir tighearnan nam Philisteach<sup>d</sup> air falbh e, ag ràdh, Le cunnart ar ceann-ne thèid e thairis a dh'ionnsuidh Shauil a thighearna.

20 Nuair a bha e dol gu Siclag, chaidh thairis d'a ionnsuidh do Mhanaseh, Adnah, agus Iosabad, agus Iedael, agus Michael, agus Iosabed, agus Elihu, agus Siltai, cinn-fheadhna nam mìltean, a bha do Mhanaseh.

21 Agus chuidich iad le Daibhidh an aghaidh buidhne nan creachadairean: oir bu daoine treun iad uile, agus bha iad nan ceannardaibh 'san fheadh.

22 Oir mu'n àm sin là 'n déigh là thàinig iad a dh'ionnsuidh Dhaibhidh a còmhnadh<sup>d</sup> leis, gus an robh feachd mòr ann, mar fheadh Dhé.

23 Agus is e so àireamh<sup>e</sup> nan daoine armaichte chum cogaidh, a thàinig a dh'ionnsuidh Dhaibhidh gu Hebron, a thionndadh rioghachd Shauil d'a ionnsuidh-san, a réir focail an Tighearna:

24 Mìc Iudah, a ghiùlain sgiath agus sleagh, sè mìle agus ochd ceud, armaichte chum cogaidh.

25 Do mhacaibh Shimeoin, fir threuna gu cogadh, seachd mìle agus ceud.

26 Do mhacaibh Lebhi, ceithir mìle agus sè ceud.

27 Agus Iehoiada ceannard nan Aaronach, agus maille ris trì mìle agus seachd ceud.

28 Agus Sadoc òganach ro threun, agus do thigh 'athar dà cheannard thar fhichead.

29 Agus do mhacaibh Bheniamin luchd-daimh Shauil, trì mìle; oir fathast bha chuid bu mhò dhiubh nam freiceadan air tigh Shauil.

30 Agus do mhacaibh Ephraim, fichead mìle agus ochd ceud, fir threuna, ainmeil ann an tigh an aithriche.

31 Agus do leth-thréibh Mhanaseh, ochd mìle deug, a dh'ainmich eadh air an ainmibh, gu teachd a dheanamh Dhaibhidh na rìgh.

32 Agus do mhacaibh Isachair, aig an robh aithne<sup>f</sup> air na h-aimsiribh, a thuigsinn ciod bu choir do Israel a dheanamh, bu dà cheud an ceann-

ardan; agus am bràithrean uile aig an ordugh-sa.

33 Do Shebulun a' mheud 'sa chaidh mach gu cath, daoine tèdma ann an cogadh, le uil' innealaibh cogaidh, deich agus dà fhichead mìle, a chuideachadh Dhaibhidh<sup>g</sup> gun cheilg nan cridhe.

34 Agus do Naphtali mìle ceannard, agus maille riu-san, le sgéith agus sleagh, seachd mìle deug thar fhichead.

35 Agus do na Danaich, tèdma ann an cogadh, ochd mìle fichead agus sè ceud.

36 Agus do Aser, a' mheud 'sa rachadh a mach gu cath, tèdma ann an cogadh, dà fhichead mìle.

37 Agus air an taobh eile do Iordan, do na Reubenich, agus do na Gadaich, agus do leth-thréibh Mhanaseh, le uil' innealaibh cogaidh chum catha, ceud agus fichead mìle.

38 Na fir chogaidh sin uile, d'am b'aithne dol an ordugh blàir, le cridhe iomlan thàinig iad gu Hebron a dheanamh Dhaibhidh na rìgh os cionn Israeil uile: agus mar an ceudna bha chuid eile do Israel gu léir do aon chridhe chum Daibhidh dheanamh na rìgh.

39 Agus bha iad an sin maille ri Daibhidh trì laithean, ag itheadh agus ag òl: oir dh'ulluich am bràithrean air an son.

40 A bhàrr air sin, thug iadsan a bha fagus doibh, gu ruig Isachar, agus Sebulun, agus Naphtali, aran leo air asalaibh, agus air chàmhalaibh, agus air mhuileidibh, agus air dhamhaibh, biadh, min, mill fhìge, agus багаidean do fhìon-dhearcabih tiormaichte, agus fìon, agus oladh, agus daimh, agus caoraich ann am pailteas; oir bha aoibhneas ann an Israel.

### CAIB. XIII.

AGUS chuir Daibhidh a chomhairle riu-san, a bha os cionn mhìlte, agus cheud, ris gach uile cheannard.

2 Agus thubhairt Daibhidh ri uile choimhchrinneachadh Israeil, Ma chithear iomchuidh dhuibh, agus gur ann o'n Tighearn ar Dia a tha chùis, cuireamaid fios a mach a dh'ionnsuidh ar bràithrean anns gach àit, a dh'fhàgadh ann an uile thìr Israeil, agus maille riu-san a dh'ionnsuidh nan sagart agus nan Lebhitheach, a tha nam bailtibh le'm fearann comhroinn<sup>h</sup>, iad g'an cruinneachadh fèin thugainn<sup>i</sup>.

3 Agus thugamaid a rìs àirc ar Dé d'ar n'ionnsuidh: oir cha d'fhios-

<sup>a</sup> cunghnamh. Eir. <sup>b</sup> thuit do Mhanaseh. Eabh. <sup>c</sup> e. <sup>d</sup> a chuid-eachadh. <sup>e</sup> cunntas cheann, Eabh. <sup>f</sup> eòlas.

<sup>g</sup> a rachadh an ordugh blàir.

<sup>h</sup> nam bailtibh agus nam mach-bhailltibh. <sup>i</sup> chugainn.



raich sinn dheth ann an laithibh Shaul.

4 Agus thubhairt an coimh-chruinneachadh gu léir, gu'm bu chòir sin a dhcanamh<sup>a</sup>; oir bha an nì ceart ann an sùilibh an t-sluaigh uile.

5 Uime sin chruinnich Daibhidh Israel uile an ceann a chèile, o Shihor na h-Eiphit gu dol a steach Hamait, chum àirc Dhé a thoirt o Chiriat-earim.

6 Agus chaidh Daibhidh suas, agus Israel nìle do Bhaalat, eadhon gu Cariat-earim a bhuineadh do Iudah, a thubhairt leo as sin àirc Dhé an Tighearna, a tha chòmhnuidh eadar na cheruban, air an gairmear 'ainm.

7 Agus ghiùlain iad àirc Dhé air feun<sup>b</sup> nomha o thigh Abinadaib: agus dh'iomain Usa agus Ahio am feun.

8 Agus chluich Daibhidh agus Israel uile am fianuis Dhé le 'n uile neart, eadhon le laoidhibh<sup>c</sup>, agus le clàrsaichibh, agus le saltairibh, agus le tiompanaibh, agus le ciombalaibh, agus le trompaidibh.

9 Agus an uair a thàinig iad gu h-urlar-bualaidh Chidoin, chuir Usa a mach a làmh, a ghabhail greim do'n àirc, oir chuir na dainh air chrith i.

10 Agus las fearg an Tighearna an aghaidh Usa, agus bhuail se e, a chionn gu'n do chuir e a làmh ris an àirc: agus dh'eug e 'n sin an làrhair Dhré.

11 Agus bha doilgheas air Daibhidh<sup>d</sup> a chionn gu'n d'rinn an Tighearna bìseadh air Usa: agus dh'ainmich e 'n t-àite sin Peres-usa gu ruig an la 'n diugh.

12 Agus bha eagal air Daibhidh roimh Dhia air an là sin, agus thubhairt e, Cionnus a bheir mise àirc Dhé dhachaidh a'm' ionnsuidh?

13 Uime sin cha d'thug Daibhidh an àirc d'a ionnsuidh féin gu baile Dhaibhidh; ach thug e a leth-taobh i gu tigh Obed-edom a' Ghithich.

14 Agus dh'fhan àirc Dhé maille ri teaghlach Obed-edom na thigh tri mìosan. Agus bheannaich an Tighearna tigh Obed-edom, agus gach nì a bh'aige.

## CAIB. XIV.

**A**NIS chuir Hiram rìgh Thiruis teachdairean a dh'ionnsuidh Dhaibhidh, agus fiodh seudair, agus clachairean, agus saoir, a thogail tighe dha.

<sup>a</sup> gu'n deanadh iad mar sin.

<sup>b</sup> feuna, cairt. <sup>c</sup> air gach inneal-ciuil do fhiòdh gumhais, II. Sam. Caib. VI. r. 5, <sup>d</sup> bha Daibhidh fa mhi-ghean,

2 Agus dh'aithnich Daibhidh gu'n do dhaingnich an Tighearna e na rìgh air Israel, agus gu'n d'ardaicheadh gu mòr a rìoghachd air son a shluaigh Israel.

3 Agus ghabh Daibhidh tuille bhan ann an Ierusalem, agus ghin Daibhidh fathast mic agus nigheana.

4 Agus is iad so ainmean a chloinne, a bha aige ann an Ierusalem; Samua, agus Sobab, Natan, agus Solamh,

5 Agus Ibhar, agus Elisua, agus Elphalet,

6 Agus Nogah, agus Nepheg, agus Iaphia.

7 Agus Elisama, agus Beeliada, agus Eliphalet.

8 Agus an uair a chuala na Philistich gu'n d'ungadh Daibhidh na rìgh air Israel uile, thàinig na Philistich gu léir a nìos a dh'iarraidh Daibhidh: agus chuala Daibhidh sin, agus chaidh e mach nan aghaidh.

9 Agus thàinig na Philistich, agus sgaoil siad iad féin ann an gleann Rephaim.

10 Agus dh'fhiosraich Daibhidh do Dhia, ag ràdh, An d'théid mi suas an aghaidh nam Philisteach, agus an d'thoir thu thairis iad a'm' làimh? Agus thubhairt an Tighearna ris, Gabh suas, agus bheir mise thairis iad a d' làimh.

11 Agus thàinig iad gu Baal-perasim, agus bhuail Daibhidh an sin iad. Agus thubhairt Daibhidh, bhris Dia mo naimhdean o chèile le m' làimh-sa, mar bhriseadh uisgeacha. Uime sin thug iad Baal-perasim mar ainm air an àite sin.

12 Agus dh'fhàg iad an diathan an sin, agus thug Daibhidh àithne, agus loisgeadh iad le teine.

13 Agus thàinig na Philistich a ris, agus sgaoil siad iad féin anns a' ghleann.

14 Uime sin dh'fhiosraich Daibhidh a ris do Dhia, agus thubhairt Dia ris, Na gabh suas nan déigh, tionndaidh air falbh uatha, agus thigh orra fa chomhair chraobh nan smeur.

15 Agus an uair a chluinneas tu fuaim siubhail ann am barraibh chraobh nan smeur, an sin théid thu mach chum catha: oir théid Dia a mach romhad, a bhualadh feachd nam Philisteach.

16 Agus rinn Daibhidh mar a dh'aithn Dia dha: agus bhuail iad<sup>e</sup> feachd nam Philisteach o Ghibeon eadhon gu Gaser.

17 Agus Chaidh ainm<sup>f</sup> Dhaibhidh a mach do gach tìr, agus thug an Tighearna 'eagal-san air na h-uile chinneachaibh.

CAIB. XV.

**A**GUS rinn Daibhidh dha féin tighean ann am baile Dhaibhidh, agus dh'ulluich e àite do àirc Dhé, agus shuidhich e bùth dh'i.

2 An sin thubhairt Daibhidh; Cha chòir do neach air bith àirc Dhé iomchar, ach do na Lebhithich: oir iadsan ròghnaich an Tighearna gu àirc Dhé iomchar, agus gu frithealadh dha gu bráth.

3 Agus chruinnich Daibhidh Israel uile an ceann a chéile gu h-Ierusalem, gu àirc an Tighearn a thoirt suas a dh'ionnsuidh a h-àite, a dh'ulluich e air a son.

4 Agus chruinnich Daibhidh mic Aaroin agus na Lebhithich.

5 Do mhacaibh Chohait; Uriel an ceann, agus a bhràithre ceud agus fichead.

6 Do mhacaibh Mherari; Asaiah an ceann, agus a bhràithre dà cheud agus fichead.

7 Do mhacaibh Ghersoim; Ioel an ceann, agus a bhràithre ceud agus deich thar fhichead.

8 Do mhacaibh Elisaphair; Sem-  
aiah an ceann, agus a bhràithre dà cheud.

9 Do mhacaibh Hebroin; Eliel an ceann, agus a bhràithre ceithir fichead.

10 Do mhacaibh Udsieil; Aminadab an ceann, agus a bhràithre ceud agus dà fhear dheug.

11 Agus ghairm Daibhidh air Sador agus Abiatar na sagairt, agus air na Lebhithich, air Uriel, Asaiah, agus Ioel, Semaiah, agus Eliel, agus Aminadab.

12 Agus thubhairt e riu, Is sibhse cinn aithriche nan Lebhithich: naomhaichibh sibh féin, sibhse agus bhuir bhràithre, chum gu'n d'thoir sibh suas àirc an Tighearna Dé Israeil, a dh'ionnsuidh an àit a dh'ulluich mise dh'i:

13 Oir a chionn nach robh sibh a làthair roimhe, rinn an Tighearn ar Dia briseadh oirne, do bhrìgh nach d'iarr sinn e air mhodh dligheach.

14 Uime sin naomhaich na sagairt agus na Lebhithich iad féin, a thabhairt suas àirce an Tighearna Dé Israeil.

15 Agus ghidlain mic nan Lebhithich àirc Dhé airan guailnibh, leis na lunnaibh a orra, mar a dh'àithn Maois a réir focail an Tighearna.

16 Agus labhair Daibhidh ri h-uachdaranaibh nan Lebhithich, am bràithrean orduchadh bhi nan luchd-ciuil le h-innealaibh ciuil, saltairibh, agus clàrsaichibh, agus ciom-

balaibh, a' deanamh fuaim, a' togail suas a' ghutha le h-aobhneas.

17 Uime sin dh'orduich na Lebhithich Heman mac Ioel: agus d'a bhràithribh, Asaph mac Bherech iah; agus do mhacaibh Mherari am bràithribh, Etan mac Chusaiah:

18 Agus maille riu am bràithrean do'n dara ceum, Sechariah, Ben, agus Iasael, agus Semiramot, agus Iehiel, agus Uni, Eliab, agus Benaiah, agus Maaseiah, agus Matitiah, agus Eliphele, agus Micneiah, agus Obededom, agus Ieiel, na dorsairean.

19 Agus bha'n luchd-ciuil, Heman, Asaph, agus Etan, gu fuaim a dheanamh le ciombalaibh umha;

20 Agus Sechariah, agus Asiel, agus Semiramot, agus Iehiel, agus Uni, agus Eliab, agus Maaseiah, agus Benaiah, le saltairibh air Alamot;

21 Agus Matitiah, agus Eliphele, agus Micneiah, agus Obededom, agus Iehiel, agus Asasiah, le clàrsaichibh air Seminit a thoirt barrachd.

22 Agus bha Cenaniah uachdaran do na Lebhithich fa chomhair na laoidh: sheol e mu thimchioll na laoidh, a chionn gu'n robh e eòlach.

23 Agus bha Berechiah agus Elcanah nan dorsairibh do'n àirc.

24 Agus bha Sebaniah agus Iehosaphat, agus Netaneel, agus Amsai, agus Sechariah, agus Benaiah, agus Elieser na sagairt, a' séideadh leis na trompaididh roimh àirc Dhé: agus bha Obededom agus Iehiah nan luchd-gleidhidh doruis na h-àirce.

25 Mar sin chaidh Daibhidh agus seanairean Israeil, agus na ceannardan mhilltean, a thoirt suas àirce coimhcheangail an Tighearn a tigh Obededom le h-aobhneas.

26 Agus an uair a chuidhich Dia leis na Lebhithich a ghidlain àirc coimhcheangail an Tighearna, dh'ìobair iad seachd tairbh òga agus seachd reitheachla.

27 Agus bha Daibhidh sgeadaichte le falluing do anart grinn, agus na Lebhithich uile, a bha giùlan na h-àirce, agus an luchd-ciuil, agus Chenaniah an t-ard fhear-seinn am measg an luchd-ciuil: air Daibhidh mar an ceudna bha ephod anairt.

28 Mar so thug Israel uile suas àirc coimhcheangail an Tighearna le h-iolaich, agus le fuaim a' bhuabhuill, agus le trompaidibh, agus le ciombalaibh, a' dheanamh coimhsheirm le saltairibh agus clàrsaichibh.

29 Agus an uair a thàinig àirc coimhcheangail an Tighearna steach do bhaile Dhaibhidh, bha Michail nighean Shaul ag amharc a mach

air uinneig, agus chunnaic i rìgh Daibhidh a' dannsadh agus a' cluicheadh; agus rinn i tàir air na cridhe.

## CAIB. XVI.

**A** GUS thug iad a steach àirc Dhé, agus chuir iad i ann am meadhon a' bhùtha a shuidhich Daibhidh air a son: agus thug iad seachad ìobairtean loisgte agus ìobairtean-sìth am fianuis Dhé.

2 Agus an uair a chuir Daibhidh crìoch air na h-ìobairtean-loisgte thoirt suas, agus na h-ìobairtean-sìth, bheannaich e 'n sluagh an ainm an Tighearna.

3 Agus roinn e air gach aon do Israèl, eadar fhèar agus bnean, do gach aon buillionn arain, agus mir maith feòla, agus copan fiona.

4 Agus dh'orduich e cuid do na Lebhithich a fhrithealadh roimh àirc an Tighearna, agus a chur air chuimhne, agus a thoirt buidheachais agus cliu do'n Tighearna Dia Israèil:

5 Asaph an ceann<sup>b</sup>, agus na dhéighsan Sechariah, an sin Ieiel, agus Semiramot, agus Iehiel, agus Matitiah, agus Eliab, agus Benaiah, agus Obed-edom: agus Ieiel le saltairibh agus clàrsaichibh, agus Asaph le ciombalaibh a' deanamh fuaim:

6 Benaiah mar an ceudna agus Iahasiel na sagairt, le trompaidibh a ghnàth roimh àirc coimhcheangail Dhé.

7 An sin air an là sin, thug Daibhidh seachad a' chend uair an laoidh mholaidh so do'n Tighearna, ann an làimh Asaph agus a bhràithre:

8 Molaibh an Tighearna<sup>c</sup>, gairmibh air 'ainm, deanailh a ghnìomh-aran aithnichte am measg nan sluagh.

9 Seinnibh dha-san, seinnibh sailm dha, labhraibh air 'uil' oibrìbh iongantach-sa.

10 Deanaibh-se uail na ainm naomha, deanadh cridhe na muinntir a tha 'g iarraidh an Tighearna gairdeachas.

11 Iarraibh an Tighearna agus a neart, iarraibh a ghnùis a ghnàth.

12 Cuimhnichibh 'oibrean iongantach a rinn e, a chomharan<sup>d</sup> agus breitheanais a bhéil.

13 O sibhse a shliochd Israèil 'dglaiach-san, sibhse a chlann Iacoib a dhaoine taghta-san.

14 Is esan an Tighearna ar Dia-ne; air feadh na talmhainn uile tha a bhreitheanais-san.

15 Cuimhnichibh an còmhnuidh<sup>e</sup>

a choimhcheangal, am focal a dh'àithn e do mhìle ginealach;

16 A rinn e ri h-Abraham, agus a mhionnan do Isaac:

17 Agus dhaingnich e sin do Jacob mar lagh, do Israèl mar choimhcheangal bith-bhuan,

18 Ag ràdh, Dhuit-se bheir mi fearann Chanaain, crannchur bhur n-oighreachd.

19 An uair nach robh iad<sup>f</sup> ach ro thearc an àireamh, agus nan coigrich ann.

20 Agus a chaidh iad o chinneach gu cinneach, agus o rìoghachd gu sluagh eile;

21 Cha do leig e le duine sam bith eucoirs a dheanamh orra, agus smachdaich e rìghrean air an son-sa:

22 Ag ràdh, Na beanaibh ri m' dhaoineibh ungta, agus air m'fhàidhibh na deanaibh cron sam bith.

23 Seinnibh do'n Tighearna, gach uile thir<sup>h</sup>; foillsichibh o là gu là a shlàinte.

24 Cuiribh a ghàird an céill am measg nan cinneach; 'oibre iongantach am measg nan uile shluagh:

25 Oir is mòr an Tighearna, agus ro airidh air cliu; agus is aobhar eagail esan os cionn nan uile dhée:

26 Oir is iodhoil<sup>i</sup> uile dhée nan cinneach<sup>k</sup>; ach is e 'n Tighearna a rinn na nèamha.

27 Tha gloir agus mòralachd na làthair; neart agus subhachas na ionad-san.

28 Thugaibh do'n Tighearna, sibhse fhineacha nan sluagh; thugaibh do'n Tighearna urram agus neart.

29 Thugaibh do'n Tighearna an t-urram a's cubhaidh d'a ainm: thugaibh tabhartas leibh, agus thigibh na làthair; sleuchdaibh do'n Tighearna ann am maise na naomhachd.

30 Biodh eagal oirbh na fhianuis-san gach uile thir: daingnichear an dòmhan leis, air chor as nach gluais-e<sup>l</sup>.

31 Biodh na nèamhan ait, agus deanadh an talamh gairdeachas; abradh iad am measg nan cinneach, Tha'n Tighearna a' rìoghachadh.

32 Beucadh an fhairge, agus a làn; deanadh a' mhachair gairdeachas, agus gach ni a ta innte.

33 An sin seinnidh craobhan na coille gu h-ard-ghuthach an làthair an Tighearna, a chionn gu bheil e teachd a thoirt breith air an talamh.

34 Molaibh an Tighearna<sup>m</sup>, oir

<sup>f</sup> sibh.

<sup>g</sup> foirneart.

<sup>h</sup> a thalamh uile.

<sup>i</sup> faoin.

<sup>k</sup> nan sluagh.

<sup>l</sup> Faic Salm

XCVI. r. 9. 10.

<sup>m</sup> Thugaibh buidheachas do'n Tighearna.

<sup>a</sup> molaidh.

<sup>b</sup> am prìomh-fhear.

<sup>c</sup> Thugaibh buidheachas, aidichibh do'n Tighearna.

<sup>d</sup> 'iongantasan.

<sup>e</sup> gu bràth. Eabh.

*tha* e maith; oir gu brath *mairidh* a thròcair.

35 Agus abraibhse, Tèaruinn sinn, O Dhé ar slàinte, agus cruinnich r'a chèile sinn, agus saor sinn o na cinnich, a chum gu'n d'thoir sinn moladh do t'ainm naomha-sa, agus gu'n dean sinn uaill ann ad chliu.

36 Beannuichte gu robh an Tighearna Dia Israeil gu saoghal nan saoghal. Agus thubhairt an sluagh uile, Amen, agus chliùthaich iad an Tighearna.

37 Agus dh'fhàg e an sin fa chomhair àirce coimhcheangail an Tighearna, Asaph agus a bhràithre, a fhrith-ealadh air beulaobh na h-àirce an còmhnuidh, mar a dh'iarradh obair gach là:

38 Agus Obéd-edom, agus am bràithrean, ochd agus trì fichead: Obéd-edom mar an ceudna, mac Iedutuin, agus Hosah nan dorsairibh:

39 Agus Sadoc an sagart, agus a bhràithre na sagairt, fa chomhair pailliuin an Tighearna, anns an àit ard a bh'ann an Gibeon

40 A dh'ìobradh lobairt-loisgte do'n Tighearna air altair na h-ìobairt-loisgte a ghnàth, sa' mhaduinn agus 'san fheasgar, agus a dheanamh a réir gach ni a ta scribedha ann an lagh an Tighearna, a dh'àithn e do Israel:

41 Agus maille riu-san Heman agus Iedutun, agus a' chuid eile a thaghadh, a ghairmeadh<sup>a</sup> air an ainmibh, a thoirt cliu<sup>b</sup> do'n Tighearna, a chionn gu bheil a thròcair bith-bhuan:

42 Eadhon maille riu-san Heman agus Iedutun le trompaidibh agus le ciombalaih<sup>c</sup> a' deanamh fuaime, agus le h-innealaih ciuil Dé: agus *lha* mic Iedutuin nan dorsairibh.

43 Agus dh'fhalbh an sluagh uile, gach duine d'a thigh féin: agus phill Daibhidh a bheannachadh a thighe féin.

CAIB. XVII.

**A**NIS an uair a bha Daibhidh na shuidhe na thigh, thubhairt Daibhidh ri Natan am fàidh Feuch, *tha* mise a'm' chomhnuidh ann an tigh seudair<sup>d</sup>, ach *tha* airc coimhcheangail an Tighearna fuidh chuirteinibh.

2 Agus thubhairt Natan ri Daibhidh, Dean gach ni a *tha* ann ad chridhe; oir *tha* Dia leat.

3 Agus air an oidhche sin féin thàinig focal Dhé gu Natan, ag ràdh,

4 Falbh agus innis do m'oglach Daibhidh, Mar so tha'n Tighearna ag

ràdh, Cha tog thusa dhomhsa tigh gu comhnuidh ghabhail ann:

5 Oir cha do ghabh mise còmhnuidh ann an tigh o'n là air an d'thug mi nìos Israel as an Eiphit<sup>e</sup> agus an la'n diugh, ach bha mi o bhùth gu bùth, agus o phàilliuin gu *pailliuin*.

6 Ge b'e taobh a chaidh mi le h-Israel uile, an do labhair mi focal ri li-aon do bhreitheamhnaibh Israeil, (d'an d'àithn mi mo shluagh a bheathaichadh,) ag ràdh, C'ar son nach do thog sibh dhomh tigh seudair?

7 A nis uime sin mar so their thu ri m'sheirbhiseach Daibhidh, Mar so tha Tighearna nan sluagh ag ràdh, thug mi thu o chrò nan caorach, o leantuinn nan caorach, gu bhi d'cheannard air mo shluagh Israel:

8 Agus bha mi leat gach taobh a chaidh tu, agus ghearr mi as do naimhdean uile romhad, agus rinn mi dhuit ainm cosmhuil ri ainm nan daoine mòra, a *tha* air an talamh.

9 Agus dh'orduich<sup>f</sup> mi àite do m' shluagh Israel, agus shuidhich mi iad, agus gabhaidh iad còmhnuidh nan àit, agus cha ghluaisear iad tuilleadh; cha mhò a chlaoidheas clann na h-aingidheachd iad tuilleadh, mar an toiseach,

10 Agus o'n àm 'san d'àithn mi do bhreitheamhnaibh *bhi* os cionn mo shluaigh Israel: agus ceannsaichidh mi do naimhdean uile. Mar an ceudna tha mi 'g innseadh dhuit gu'n tog an Tighearna tigh dhuit.

11 Agus an uair a choimhlionar do làithean, agus gur éigin duit triall maille ri t'àithrichibh, togaidh mise suas do shliochd a'd' dhéigh, a bhios do d' mhacuibh, agus daingnichidh mi a rìoghachd-san.

12 Togaidh esan tigh dhomh, agus daingnichidh mi a rìgh-chaithir gu bràth.

13 Bithidh mi a'm' athair dha, agus bithidh esan na mhac dhomhsa; agus cha d'thoir mi mo thròcair air falbh uaith, mara thug mi uaith-san, a bha romhad-sa.

14 Agus suidhichidh mi e ann am thigh agus an am rìoghachd gu bràth; agus bithidh a rìgh-chaithir daingean gu bràth.

15 A reir nam briathra so uile, agus a réir an taisbeanaidh so uile, mar sin labhair Natan ri Daibhidh.

16 An sin chaidh rìgh Daibhidh a stigh, agus shuidh e am fianuis an Tighearna, agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

<sup>a</sup> a dh'ainmicheadh, a shonraicheadh.  
<sup>b</sup> buidheachois. <sup>c</sup> fa'n comhair-san d'am buineadh fuaime a dheanamh.  
<sup>d</sup> ceudair.

<sup>e</sup> II. Samuel. Caib. VII. r. 6.]  
<sup>f</sup> orduichidh.



17 Agus bu bneag so a'd' shùilbhasa, O Dhé, oir labhair thu *mar an ceudna* mu thigh do sheirbhisich rè aimsir fhada ri teachd, agus thug thu meas<sup>a</sup> orm a réir staid duine ard-inbhich, a Thighearna Dhé.

18 Ciod tuilleadh is urrainn Daibhidh a ràdh<sup>b</sup> riut, air son urrainn do sheirbhisich? ach is aithne dhuit do sheirbhiseach.

19 A Thighearn, is ann air son do sheirbhisich<sup>c</sup>, agus a réir do chridhe féin a rinn thu na nithe mòra so uile, a chum gu'n deanadh tu na nithe mòra so gu léir aithnichte.

20 O Thighearna, cha 'n'eil neach ann cosmhuil riut-sa, agus cha 'n'eil Dia ann ach thu-sa, a réir gach nì a chuala sinn le'r cluasaibh.

21 Agus cia an cinneach air thalamh cosmhuil ri d' shluagh Israel, a chaidh Dia a slaoiridh mar shluagh dha féin, a dheanamh ainme dhuit féin, a dheanamh nithe mòra agus uamhasach le cinnich fhògradh roimh do shluagh, a shaor thu as an Eiphit<sup>d</sup>?

22 Oir rinn thu do shluagh Israel nan sluagh dhuit féin gu bràth; agus tha thusa, a Thighearn, a'd' Dhia aca.

23 A nis ma ta, a Thighearna, am focal a labhair thu mu thimchioll do sheirbhisich, agus mu thimchioll a thighe, daingnichear e gu bràth, agus dean mar a thubhairt thu.

24 Biodh e eadhon air a dhaingneachadh, agus ardaichear t'ainm-sa gu bràth, ag ràdh, Is e Tighearna nan sluagh Dia Israeil, is Dia do Israeil: agus biodh tigh Dhaibhidh do sheirbhisich, air a dhaingneachadh a'd' fhianuis.

25 Oir dh'fhoillsich<sup>e</sup> thusa, O mo Dhia, do d' sheirbhiseach, gu'n to-gadh tu tigh dha: uime sin fhuair do sheirbhiseach *na chridhe* arnuigh a dheanamh a'd' làthair.

26 Agus a nis, a Thighearn, is tu féin Dia, agus gheall thu do d' sheirbhiseach am maithreas so.

27 A nis uime sin gu ma toil leat tigh do sheirbhisich a bheannachadh, a chum gu'm bi e gu bràth a'd' fhianuis: oir an uair a bheannuicheas tusa, a Thighearna, beannuichte bithidh e gu bràth.

## CAIB. XVIII.

**A**GUS an déigh so bhuail Daibhidh na Philistich, agus cheannsaich e iad; agus ghlac e Gat agus a bhailte beaga as làimh nam Philisteach.

<sup>a</sup> dh'amhaire thu. Eabh. <sup>b</sup> Faic II. Sam. Caib. VII. r. 20. <sup>c</sup> air son t'fhocail. II. Sam. Caib. VII. r. 21. <sup>d</sup> II. Sam. Caib. VII. r. 23. <sup>e</sup> dh'innis,

2 Agus onuail e Moab. agus bha na Moabaich nan seirbhisich aig Daibhidh, agus thug iad tabhartais leo<sup>f</sup>.

3 Agus bhuail Daibhidh Hadar-eser<sup>g</sup> righ Shobah gu ruig Hamat, an uair a chaidh e a dhaingneachadh a thighearnaish<sup>h</sup> aig abhuinn Euphrateis.

4 Agus thug Daibhidh uaith mìle carbad, agus teachd mìle marcach, agus fichead mìle coisiche: agus ghearr Daibhidh speireacha each nan carbad uile, ach dh'fhàg e dhiubh diol cheud carbad.

5 Agus an uair a thàinig Sirianaich Dhamascuis a cluideachadh le Hadar-eser righ Shobah, mharbh Daibhidh do na Sirianaich dà mhìle fichead fear.

6 An sin chuir Daibhidh freicead. ain<sup>i</sup> ann an Siria Dhamascuis; agus bha na Sirianaich nan seirbhisich aig Daibhidh, agus thug iad tabhartais leo, Agus ghléidh an Tighearna Daibhidh gach taobh a chaidh e.

7 Agus ghabh Daibhidh na sgiathan òir, a bh'air seirbhisich Hadar-eser, agus thug e iad gu h-Ierusalem.

8 Agus o Thibat agus o Chun, bailtibh Hadar-eser, thug Daibhidh ro mhòran umha, leis an d'rinn Solamh an fhairge umha, agus na puist, agus na soithichean umha.

9 Agus an uair a chaidh Touk, righ Hamat, gu'n do bhuail Daibhidh uile shluagh Hadar-eser righ Shobah,

10 Chuir e Hadoram a mhac gu righ Daibhidh, a chur fàilte air, agus g'a bheannachadh, a chionn gu'n do chog e 'n aghaidh Hadar-eser, agus gu'n do bhuail se e; (oir bha Hadar-eser a' cogadh ri Tou;) agus leis-san gach uile ghnè shoithichean òir, agus airgid, agus umha.

11 Iad sin mar an ceudna choisrig righ Daibhidh do'n Tighearna, maille ris an airgid agus an òr a thug e o na ciuneachaibh so uile; o Edom, agus o Mhoab, agus o chloinn Amoin, agus o na Philistich, agus o Amalec.

12 Os-bàrr, mharbh Abisai mac Sheraiah do na h-Edomaich ann an gleann an t-salainn ochd mìle deug.

13 Agus chuir e freiceadain ann an Edom, agus bha na h-Edomaich uile nan seirbhisich aig Daibhidh. Agus ghléidh an Tighearna Daibhidh gach taobh a chaidh e.

14 Agus rioghaich Daibhidh air Israel uile; agus bha e a' cur an gnìomh breitheanais agus ceartais d'a shluagh uile.

<sup>f</sup> dh'ìoc iad cùs dha. <sup>g</sup> Hadad-eser. <sup>h</sup> a làimhe. Eabh. <sup>i</sup> II. Sam. Caib. VIII. r. 6. <sup>k</sup> Toi.

## I. EACH DRAIDH.

15 Agus *bha* Ioab mac Sheruiaha os cionn na h-armailte, agus Iehosaphat mac Ahiluid na sheanachaidh ;

16 Agus Sadoc mac Ahituibh, agus Ahimelech<sup>a</sup> mac Abiatair nan sagartaibh ; agus Sabhsa na scriobhuiche ;

17 Agus Benaiah mac Iehoiada os cionn nan Cereteach, agus nam Peleteach. Agus *b'iad* mic Dhaibhidh bu mhò inbhe mu thimchioll an rìgh.

### CAIB. XIX.

**A** GUS an déigh so fhuaire Nahaish rìgh chloinn Amoin bàs, agus rìoghaich a mhac na àit.

2 Agus thubhairt Daibhidh, Nochdaidh<sup>b</sup> mi caoimhneas do Hanun mac Nahaish, a chionn gu'n do nochd<sup>c</sup> 'athair-san caoimhneas dhomh-sa. Uime sin chuir Daibhidh teachdairean gu comhfhurtachd<sup>d</sup> a thoirt da mu thimchioll 'athar : agus thàinig seirbhisich Dhaibhidh do fhearann chloinn Amoin gu Hanun, chum comhfhurtachd a thabhairt da.

3 Ach thubhairt ceannardan chloinn Amoin ri Hanun, An saoil thusa gur ann a chum urram a thabhairt do 'athair a chuir Daibhidh a' t'ionnsuidh luchd - comhfhurtachd ? nach ann a rannsachadh, agus a ghabhail beachd air an fhearann, agus g'a sgrios<sup>d</sup> a thàinig a sheirbhisich a' t'ionnsuidh ?

4 Uime sin ghlac Hanun seirbhisich Dhaibhidh, agus bhearr e iad, agus ghearr e an eudach sa' mheadhon, gu ruig am màsan ; agus chuir e air falbh iad.

5 Agus chaidh daoine, agus dh'innis iad do Dhaibhidh mar a bhuineadh ris na fearaibh, agus chuir esan teachdairean nan coinneamh, a chionn gu'n robh nàire mhòr air na daoineibh : agus thubhairt an rìgh, Fanaibh ann an Iericho gus am fàs bhrù feusag, agus an sin pillibh.

6 Agus an uair a chunnaic clann Amoin gu'n d'rinn siad iad féin gràineil<sup>e</sup> do Dhaibhidh, chuir Hanun agus clann Amoin mìle tàlann airgid a thuarasdalachadh charbad agus marc-shluaigh dhoibh a Mesopotamia, agus a Siria-maachah, agus a Sobah.

7 Agus thuarasdalaich iad dà mhìle dheug thar fhichead fear, agus carbadan<sup>f</sup>, agus rìgh Mhaachah agus a shluaigh ; agus thàinig iadsan agus champaich iad fa chomhair Mhedeba. Agus chruinnich clann Amoin iad féin an ceann a chéile as

am bailtibh, agus thàinig iad chum catha.

8 Agus an uair a chuala Daibhidh sin, chuir e mach Ioab, agus uile fheachd<sup>g</sup> nan daoine treuna.

9 Agus thàinig clann Amoin a mach, agus chuir iad an cath an ordugh fa chomhair geataidh a' bhaile : agus *bha* na rìghrean, a thàinig, leo féin annsa' mbachair.

10 Agus an uair a chunnaic Ioab gu'n robh aghaidh a' chatha ris air a bheulaobh, agus air a chùlaobh, thagh e mach cuid do uile dhaoineibh taghta Israeil, agus chuir e ann an ordugh catha iad an aghaidh nan Sirianach.

11 Agus a' chuid eile do'n t-sluaigh thug e thairis do làimh Abisai a bhràthar, agus chuir iadsan iad féin an ordugh an aghaidh chloinn Amoin.

12 Agus thubhairt e, Ma bhios na Sirianaich nì's treise nà mise, an sin cuidichidh tusa leamsa : ach ma bhios clann Amoin nì's treise na thusa, an sin cuidichidh mise leatsa.

13 Bi misneachail, agus biomaid gaisgeil air son ar sluaigh, agus air son bhailtean ar Dé : agus deanadh an Tighearn an nì a ta maith na shùilibh.

14 Agus thàinig Ioab am fagus, agus an sluaigh a *bha* maille ris, an aghaidh nan Sirianach gu cath : agus theich iad roimhe.

15 Agus an uair a chunnaic clann Amoin gu'n do theich na Sirianaich, theich iadsan mar an ceudna roimh Abisai a bhràthair, agus chaidh iad a steach do'n bhaile. An sin thàinig Ioab gu h-Ierusalem.

16 Agus an uair a chunnaic na Sirianaich gu'n do bhuaileadh iad roimh Israeil, chuir iad teachdairean uatha, agus thug iad a mach na Sirianaich, a bh'air an taobh thall do'n abhuinn ; agus chaidh Sophach ceannard armailte Hadareseir rompa.

17 Agus an uair a dh'innseadh sin do Dhaibhidh, chruinnich e Israel, uile, agus chaidh e thar Iordan, agus thàinig e orra, agus chuir e'n cath an ordugh nan aghaidh. Agus an uair a chuir Daibhidh an catl an ordugh an aghaidh nan Sirianach, chog iad ris.

18 Agus theich na Sirianaich roimh Israel, agus mharbh Daibhidh do na Sirianaich fir sheachd mìle carbad, agus dà fhichead mìle coisiche, agus mharbh e Sophach ceannard na h-armailte.

19 Agus an uair a chunnaic seirbhisich Hadareseir gu'n do bhuaileadh iad roimh Israeil, rinn iad sìth ri Daibhidh, agus rinn iad

armailt shluaigh.

<sup>a</sup> Abimelech. <sup>b</sup> Feuchaidh. <sup>c</sup> sòlas.

<sup>d</sup> g'a chur bun os cionn. Faic II. Sam. Caib. X. r. 3.

<sup>e</sup> fuathach.

<sup>f</sup> dà mhìle dheug thar fhichead carbad,

seirbhis da : agus cha chuidicheadh na Sirianaich le cloinn Amoin tuille.

## CAIB. XX.

**A**GUS aig teachd mu'n cuairt na bliadhna, mu'n àm anns an d'thèid rìghrean a mach gu cogadh, tharruing Iobab a mach neart an airm, agus chuir e fas duthaich chloinn Amoin, agus thàinig e agus theannaich e Rabah; (ach dh'fhan Daibhidh ann an Ierusalem;) agus bhuail Iobab Rabah, agus sgrios se e.

2 Agus thug Daibhidh crùn an rìgh bhàrr a chiun, agus thuair e cud-throm tàlainn oir ann, agus bha clacha luachmhor ann; agus chuireadh e air ceann Dhaibhidh; agus thug e mach ro mhòran creiche as a' bhaile.

3 Agus thug e mach an sluagh a bha ann, agus ghearr e iad le sàbhan, agus le h-innealaibh bualaidh a' iaruin, agus le tuaghaibh: agus mar so bhuin Daibhidh ri uile bhailtibh chloinn Amoin. Agus phill Daibhidh agus an sluagh uile gu h-Ierusalem.

4 Agus na dhéigh so dh'éirich cogadh ann an Geser ris na Philistich: an sin bhuail Sibecheai an t-Husatach Sipai, a bha do shliochd an fhamhair, agus cleannsaicheadh iad.

5 Agus bha ris cogadh ris na Philistich; agus bhuail Elhanan mac Iair/Lahmi bràthair Gholiath a' Ghitich, aig an robh crann a shleagha margharmain<sup>b</sup> figheadair.

6 Agus bha fathast cogadh ann an Gat, far an robh fear do mheudachd mhòir, agus sè meoir aige air gach làimh, agus sè air gach cois, ceithir thar fhichead an àireamh; agus rugadh esan mar an ceudna do'n fhamhair.

7 Ach an uair a thug e dùbhlàn do Israel, mharbh Ionatan, mac Shimea, bràthair Dhaibhidh, e.

8 Rugadh iad sin do'n fhamhair ann an Gat; agus thuit iad le làimh Dhaibhidh, agus le làimh a shheirbhiseach.

## CAIB. XXI.

**A**GUS sheas Satan suas an aghaidh Israeil, agus bhrosnuich e Daibhidh gu Israel àireamh.

2 Agus thubhairt Daibhidh ri Iobab, agus ri uachdaranaibh an t-sluaigh, Rachaibh, àirmhibh Israel o Bheer-seba eadhon gu Dan; agus thugaibh an àireamh a'm'ionnsuidh-sa, chum gu'm bi fios agam air.

3 Agus fhreagair Iobab, Gu'n deanadh an Tighearn a shluaigh féin ceud uair ni's lionmhoire na tha iad. Ach, mo thighearn a rìgh, nach iad seirbhisich mo thighearn iad uile? C'ar son ma seadh a tha mo thighearn ag iarraidh an ni so? C'ar son a bhios e na aobhar ciontaidh do Israel?

4 Gidheadh, bhuadhaich focal an rìgh an aghaidh Iobab: uime sin dh'imich Iobab, agus chaidh e air feadh Israeil uile, agus thàinig e gu h-Ierusalem.

5 Agus thug Iobab uibhir àireimh an t-sluaigh do Dhaibhidh: agus bha ann do Israel uile, mìle do mhiltibh agus ceud mìle fear a tharruing claidheamh; agus do Iudah, ceithir cheud agus deich agus trì fichead mìle fear a tharruing claidheamh.

6 Ach Lebhi agus Benjamin cha d'àireamh e nam measg; oir bha focal an rìgh gràineil do Iobab.

7 Agus mhi-thaitinn an ni so ri Dia: uime sin bhuail e Israel.

8 Agus thubhairt Daibhidh ri Dia, Pheacaich mi gu mòr, a chionn gu'n d'rinn mi an ni so; ach a nis, guidheam ort, thoir air faibh cionta do sheirbhisich; oir rinn mi gu ro amaideach.

9 Agus labhair an Tighearn a ri Gad, fear-seallaidh Dhaibhidh, ag ràdh,

10 Falbh agus labhair ri Daibhidh, ag ràdh, Mar so tha'n Tighearn ag ràdh, Tri nithe tha mi cur fa d' chomhair; ròghnaich dhuit féin aon diubh, chum gu'n dean mi dhuit e.

11 Agus thàinig Gad a dh'ionnsuidh Dhaibhidh, agus thubhairt e ris, Mar so tha'n Tighearn ag ràdh, Gabh do roghainn:

12 Aon chuid tri bliadhna gortaidh; no bhi trì mìosan a' teich-eadh roimh do naimhdebh, agus claidheamh do naimhdean a' breith ort; no trì laithean do chlaidheamh an Tighearn, eadhon do'n phlàigh anns an fhearann, agus aingeal an Tighearn a' sgrios air feadh uile chrìochan Israeil: a nis uime sin faic ciod a fhreagaireas mi dha-san a chuir uaith mi.

13 Agus thubhairt Daibhidh ri Gad, Tha mi ann an teinn mhòir: tuiteam a nis ann an làimh an Tighearn, oir is ro lionmhor a thròcairean: ach ann an làimh duine na tuiteam.

14 Agus chuir an Tighearn a' plàigh air Israel: agus thuit do Israel deich agus trì fichead mìle fear.

15 Agus chuir Dia aingeal gu h-Ierusalem, chum a sgrios: agus an uair a bha e a' sgrios, dh'amhairc an Tighearn, agus ghabh e aithreachas a thaobh an uile, agus thubhairt e ris an aingeal a bha ri sgrios, Is leòr e; cum a nis air do làimh. Agus

<sup>a</sup> air do chlaoidh. Faic II. Sam. Caib. XXIV. r. 13.

<sup>a</sup> cliathaibh.

<sup>b</sup> shail.

sheas aingeal an Tighearna làimh ri urlar-bualaidh Ornain<sup>a</sup> an Iebusaich<sup>b</sup>.

16 Agus thog Daibhidh suas a shùilean, agus chunnaic e aingeal an Tighearna na sheasamh eadar talamh agus nèamh, agus a chlaidheamh rùisgte na làimh, sìnte mach os cionn Ierusalem: agus thuit Daibhidh agus seanairean *Israeil*, còmhdaichte le saic-eudach, sìos air an aghaidh.

17 Agus thubhairt Daibhidh ri Dia, Nach mise a dh'àithn an sluagh àireamh? Is mise féin a pheacaich, agus a rinn gu ro olc; ach na caoraich so, ciod a rinn iadsan? Bitheadh do làimh, guidheam ort, a Tighearna mo Dhia, a'm' aghaidh-sa, agus an aghaidh tighe m'athar; ach an aghaidh do shluaigh na bitheadh i, gu plàigh a chur orra.

18 An sin dh'àithn aingeal an Tighearna do Ghad a ràdh ri Daibhidh, gu'n rachadh Daibhidh suas a thogail altarach do'n Tighearna ann an urlar-bualaidh Ornain an Iebusaich.

19 Agus chaidh Daibhidh suas air focal Ghaid, a labhair e ann an ainm an Tighearna.

20 Agus thionndaidh Ornan air ais, agus chunnaic e an t-aingeal<sup>b</sup>; agus dh'fhòlaich a cheathrar mac, a bha maille ris, iad féin. A nis bha Ornan a' bualadh cruithneachd.

21 Agus an uair a thàinig Daibhidh a dh'ionnsuidh Ornain, dh'amhairc Ornan agus chunnaic e Daibhidh, agus chaidh e mach as an urlar-bhualaidh, agus chom se e féin do Dhaibhidh le 'aghaidh gu làr.

22 An sin thubhairt Daibhidh ri Ornan, Thoir dhomhsa àit an urlar-bhualaidh so, a chum gu'n tog mi altair ann do'n Tighearna: air a làn luach<sup>c</sup> bheir thu dhomh e, a chum gu'n caisgear a' phlàigh o'n t-sluaigh.

23 Agus thubhairt Ornan ri Daibhidh, Gabh thugad<sup>d</sup> e, agus deanadh mo thighearn an rìgh an nì a ta maith na shùilibh: feuch, tha mi toirt a'bhuidh dhuith chum ìobairtean-loisgte, agus nan inneala-bhualaidh chum connaidh, agus a' chruithneachd chum tabhartais-bidh: sin uile tha mi toirt duit.

24 Agus thubhairt rìgh Daibhidh ri Ornan, Nìh-eadh, ach gu deimhin ceannaichidh mi iad air an làn luach; oir cha ghabh mi an nì a's leatsa gu thoirt do'n Tighearna, agus cha d'thoir mi suas ìobairtean-loisgte gun chostus.

25 Uime sin thug Daibhidh do Ornan air an àite, se ceud secel òir air thomhas.

26 Agus thog Daibhidh an sin altair do'n Tighearna, agus dh'ìobair e ìobairte-loisgte agus ìobairte-sìth, agus ghairm e air an Tighearna; agus fhreagair se e le teine o nèamh air altair na h-ìobairte-loisgte.

27 Agus dh'àithn an Tighearna do'n aingeal, agus chuir e suas a chlaidheamh a ris na thruaill.

28 'San àm sin, an uair a chunnaic Daibhidh gu'n do fhreagair an Tighearna e ann an urlar-bualaidh Ornain an Iebusaich, dh'ìobair e an sin:

29 Oir bha pàilliun an Tighearna a rinn Maois 'san fhàsach, agus altair na h-ìobairte-loisgte 'san àm sin anns an àit ard ann an Gibeon.

30 Ach cha b'urrainn Daibhidh dol na làthair, a dh'fhiosrachadh do Dhia; oir bha e fuaidh eagal air son claidheimh aingil an Tighearna.

CAIB. XXII.

AGUS thubhairt Daibhidh, Is e so<sup>e</sup> tigh an Tighearna Dé, agus is i so altair na h-ìobairte-loisgte do Israel.

2 Agus dh'àithn Daibhidh na coig-rich, a bha ann am fearann Israeil, a chruinneachadh an ceann a chéile; agus chuir e clachairean a ghearradh chlach snaidhte a thogail tighe Dhé.

3 Agus sholair Daibhidh iarunn ann am pailteas chum tairngean do chomhlaichibh<sup>f</sup> nan geata, agus a chum nan dlùthadh; agus umha ann am pailteas, gu'n tomhas,

4 Agus fiodh seudair gu'n àireamh, oir thug na Sìdonaich agus muinntir Thiruis fiodh seudair am pailteas a dh'ionnsuidh Dhaibhidh.

5 Agus thubhairt Daibhidh, Tha Solamh mo mhac òg agus maoth; agus an tigh a tha ri thogail do'n Tighearna, is còir a dheanamh mòr agus ard<sup>g</sup>, a chum gu'm bi e ainmeil agus na aobhar uail air feadh gach uile thèr: uime sin ulluichidh mise fa chomhair. Agus dh'ulluich Daibhidh gu pailt roimh a bhàs.

6 Agus ghairm e air Solamh a mhac, agus dh'àithn e dha tigh a thogail do'n Tighearna Dia Israeil.

7 Agus thubhairt Daibhidh ri Solamh, A mhic, air mo shon-sa dheth, bha ann am aire tigh a thogail do ainm an Tighearna mo Dhé;

8 Ach thàinig focal an Tighearna a'm' ionnsuidh, ag ràdh, Dhòirt thu mòran fola, agus rinn thu coganna mòra: cha tog thu tigh do m'ainm-sa, chionn gu'n do dhòirt thu mòran fola air an talamh a'm' fhianuis.

9 Feuch, beirear mac dhuith: bithidh esan na dhuine foistinneach, agus bheir mise fois dha o'naimh-

<sup>a</sup> *Aravah*. II. Sam. Caib. XXIV. r. 16. <sup>b</sup> an rìgh. <sup>c</sup> làn airgid. Eabh. <sup>d</sup> chugad.

<sup>e</sup> an so bithidh. <sup>f</sup> dhorsaidh. <sup>g</sup> a dheanamh ro mhòr



dibh uile m'an cuairt; oir bithidh Solamh mar ainm air, agus sìth agus suaimhneas bheir mise do Israel r'a' linn-san.

10 Togaidh esan tigh do m'ainm-sa, agus bithidh e na mhac dhomh, agus bithidh mise a'm' athair dhasan; agus daingnichidh mi righ-chathair a rioghachd os cionn Israeil gu bràth.

11 A nis uime sin, a mhic, gu'n robh an Tighearna maille riut, chum gu'n soirbhich thu, agus gu'n tog thu tigh an Tighearna do Dhé, mar a labhair e mu d' thimchioll.

12 A mhàin gu'n d'thugadh an Tighearna dhuit gliocas agus tuigse, agus gu'n d'thugadh e dhuit àithne a thaobh Israeil, chum gu'n glèidh thu lagh an Tighearna do Dhé.

13 An sin soirbhichidh tu, ma bheir thu 'n aire gu'n coimhlion thu na reachdan agus na breitheanais a dh'àithn an Tighearna do Mhaois a thaobh Israeil: bi làidir agus biodh deagh mhisneach agad, na gabh eagal agus na bi fa uamhann.

14 A nis feuch, ann am theanntachd a dh'ulluich mise fa chomhair tighe an Tighearna ceud mìle tàlann òir, agus mìle do mhiltibh tàlann airgid, agus do umha agus do iarunn gun tomhas (oir a ta ro phailteas ann:) fiodh mar an ceudna agus clachan dh'ulluich mi; ach feudaidh tusa cur riu.

15 Mar an ceudna tha luchd-oibre am pailteas agad, snaidheadairean agus luchd saothreach cloiche agus fiodha, agus gach uile ghnè dhaoine tùrail<sup>b</sup> fa chomhair gach gnè oibre.

16 Air an òr, an airgid, agus an umha, agus an iarunn, cha 'n'eil àireamh. Eirich agus dean romhad, agus gu robh an Tighearna maille riut.

17 Dh'àithn Daibhidh mar an ceudna do uachdaranaibh Israeil gu léir, iad a chuideachadh le Solamh a mhac ag ràdh,

18 Nach 'eil an Tighearna bhuir Dia maille ribh, agus nach d'thug e dhuibh suaimhneas<sup>c</sup> air gach taobh? oir thug e luchd-àiteachaidh na tìre a'm' làimh-sa, agus tha'n tìr air a cionnacadh roimh an Tighearna, agus roimh a shluagh.

19 A nis uime sin socraichibh bhuir cridhe agus bhuir n-anam a dh'iarraidh an Tighearna bhuir Dé: éiribhse agus togaibh ionad naomh an Tighearna Dé, chum gu'n d'thoir sibh steach àirc coimhcheangail an Tighearna, agus soithichean naomha Dhé, do'n tigh a tha r'a thogail do ainm an Tighearna.

## CAIB. XXIII.

**A**NIS an uair a bha Daibhidh sean, agus làn do laithibh, rinn e Solamh a mhac na righ air Israel.

2 Agus chruinnich e 'n ceann a chéile ceannardan<sup>d</sup> Israeil uile, agus na sagairt agus na Leibh<sup>e</sup>hich.

3 Agus dh'àirmheadh na Lebhi-thich o aois dheich bliadhna fichead agus os a chionn: agus b'e an àireamh air an cinn, duin' air dhuine, ochd mìle deug thar fhichead.

4 Dhiubh sin bha ceithir mìle fichead gu obair tighe an Tighearna a chur air a h-aghaidh, agus sè mìle nan luchd-riaghlaidh agus nam breitheamlhaibh;

5 Agus ceithir mìle nan dorsairibh; agus ceithir mìle a' cliùthachadh an Tighearna leis na h-innealaibh a rinn Daibhidh<sup>e</sup> gu cliùthachadh.

6 Agus roinn Daibhidh iad nan roinnibh<sup>f</sup> eadar mhaicibh Lebhi, eadhon Ghersein, Chohait agus Mherari.

7 Do na Gersonaich; Laadan agus Simeì.

8 Mic Laadain; Iehiel an ceann, agus Setam, agus Ioel, triuir.

9 [Mic Shimeì; Selomit, agus Hasiel, agus Haran, triuir.] B'iad sin cinn aithriche Laadain.

10 Agus mic Shimeì; Iahat, Sidsa, agus Ieus, agus Beriah. B'iad sin mic Shimeì, ceathrar.

11 Agus b'e Iahat an ceann, agus Sidsa an dara fear: ach cha robh mòran mhac aig Ieus agus Beriah; uime sin bha iad ann an aon àireamh, a réir tighe an aithriche.

12 Mic Chohait; Amram, Itsar, Hebron, agus Udsiel, ceathrar.

13 Mic Amraim; Aaron agus Maois: agus dhealaicheadh Aaron chum gu'n naomhaicheadh e na nithe ro naomha, e féin agus a mhic gu bràth, gu'n loisgeadh e tùs an lathair an Tighearna, gu'm fritheil-eadh e dha, agus gu'm beannaicheadh e 'ainm gu bràth.

14 A nis mu thimchioll Mhaois òglaich Dhé, bha a mhic air an ainmeachadh do thréibh Lebhi.

15 Mic Mhaois; Gersom agus Elieser.

16 Mic Chersoim; Sebucl an ceann.

17 Agus b'iad mic Elieser; Rehabiah an ceann. Agus cha robh aig Elieser mic sam bith eile; ach bha mic Rehabiah ro ònmhor.

18 Mic Itsair: Selomit an ceann.

19 Mic Hebroin; Ieriah an ceud fhear<sup>h</sup>, Amariah an dara, Iahasiel

<sup>a</sup> bhochdainn, àmhghar.

<sup>b</sup> glie, seòlta, <sup>c</sup> fois.

<sup>d</sup> uachdarain, <sup>e</sup> a rinn mise (arsa Daibhidh.)

<sup>f</sup> nam buidhnibh mu'n seach. <sup>g</sup> Sina. <sup>h</sup> an ceann. Eabh.

an treas, agus Iecameam an ceathramh.

20 Mic Udsieil; Micah an ceud shear, agus Iesiah an dara.

21 Mic Mherari; Machli agus Musi: mic Mhachli: Eleasar agus Cis

22 Agus fhuair Eleasar bàs, agus cha robh mic aige, ach a mhàin nigheana: agus ghabh am bràithre mic Chis iad.

23 Mic Mhusi; Machli, agus Eder, agus Ieremot, triuir.

24 B'iad sin mic Lebhi, a réir tighe an aithriche, cinn nan aithriche, mar a dh'àirmheadh iad le àireamh an ainmeanna air ann cinn, a rinn obair seirbhis tighe an Tighearna, o aois fhichead bliadhna agus os a chionn.

25 Oir thubhairt Daibhidh, Tha'n Tighearna Dia Israel air toirt fois d'a shluagh, agus gabhaidh iad d'òmhnuidh ann an Ierusalem gu bràth.

26 Agus mar an ceudna a thaobh nan Lebhitheach, cha bhi'm pàilliuin aca nì's mò r'a iomchar, agus uile shoithichean a sheirbhis.

27 Oir le briathraibh deireannach Dhaibhidh dh'àirmheadh na Lebhitich o aois fhichead bliadhna agus os a chionn:

28 A chionn gu'm b'e an dreuchd-san bhi fuidh làimh mhac Aaroin fa chomhair seirbhis tighe an Tighearna, anns na cùirtibh, agus anns na sèdmraichibh, agus ann an glanadh nan uile nithe naomha, agus ann an obair seirbhis tighe Dhé;

29 Araon fa chomhair an arain thaisbeanta, agus fa chomhair na mine m'ine chum tabhartais-bidh, agus fa chomhair nam breacagan neo-ghoirtichte, agus fa chomhair nan nithe a dheasaichear 'san aghann agus a rdistear, agus fa chomhair gach uile ghnè tonhais agus meud;

30 Agus a chum seasamh gach maduinn a thoirt buidheachais agus cliu do'n Tighearna, agus mar an ceudna mu fheasgair;

31 Agus a chum gach lobairt-loisgte thoirt suas do'n Tighearna, air na sàbaidibh, agus air na gealaichibh nuadh<sup>a</sup>, agus air na féilibh suidhichte, ann an àireamh a réir na riaghailt a dh'àithneadh dhoibh a ghnàth an làthair an Tighearna.

32 Agus a chum gu'n gleidheadh iad cùram pailliuin a' choimhthionail, agus cùram an ionaid naoimh, agus cùram mhac Aaroin am bràithre, ann an seirbhis tighe an Tighearna.

<sup>a</sup> nomha.

CAIB. XXIV.

**A** GUS is iad so roinnean mhac Aaroin. Mic Aaroin; Nadab, agus Abihu, Eleasar agus Itamar.

2 Ach fhuair Nadab agus Abihu bàs roimh an athair, agus cha robh clann aca: uime sin fhrithheil Eleasar agus Itamar ann an dreuchd an t-sagairt.

3 Agus roinn Daibhidh iad, araon Sado do mhacaibh Eleasair, agus Ahimelech do mhacaibh Itamair, a réir an àireimh nan seirbhis.

4 Agus fhuairadh<sup>b</sup> mic Eleasair nì's lìonmhoire nam prìomh dhaoine<sup>c</sup> na mic Itamair; agus mar so roinneadh iad: Do mhacaibh Eleasair bha sè prìomh dhaoine<sup>d</sup> deug, a réir tighe an aithriche; agus do mhacaibh Itamair ochdnar, a réir tighe an aithriche.

5 Agus roinneadh iad le crannchur, iad so leo sin; oir bha uachdarain an ionaid naomha, agus uachdarain nam breitheamhna<sup>e</sup>, do mhacaibh Eleasair agus do mhacaibh Itamair.

6 Agus scrìobh Semaiah, mac Netaneil an scrìobhuiche, duine do na Leibhithich, iad, an fianuis an rìgh agus nan uachdaran, agus Shadoic an t-sagairt, agus Ahimelech mhic Abiatair, agus cheann aithriche nan sagart agus nan Lebhitheach; aon phrìomh thigh<sup>f</sup> air a' ghabhail air son Eleasair, agus aon air a ghabhail air son Itamair.

7 Agus thàinig a' cheud chrann a mach do Iehoiarib, an dara do Iedaiah,

8 An treas do Harim, an ceathramh do Sheorim,

9 An cùigeadh do Mhalchiah, an sèthadh do Mhiamin;

10 An seachdamh do Hacots, an t-ochdamh do Abiah,

11 An naothadh do Iesua, an deicheamh do Shechaniah,

12 An t-aon deug do Eliasib, an dara crann deug do Iacim,

13 An treas deug do Chupah, an ceathramh deug do Iesebeab,

14 An cùigeadh deug do Bhilgah, an sèthadh deug do Imer,

15 An seachdamh deug do Hedsir, an t-ochdamh deug do Aphses,

16 An naothadh deug do Phe-tahiah, am ficheadamh do Iehesecel,

17 An t-aon thar fhichead do Iachin, an dara thar fhichead do Ghamul,

18 An treas thar fhichead do Dhe-laiah, an ceathramh thar fhichead do Mhaasiah.

<sup>b</sup> fhuaras. <sup>c</sup> nan ceannaibh dhaoine. Eabh. <sup>d</sup> ceanna. <sup>e</sup> uachdarain Dhé. Eabh. <sup>f</sup> tigh athar Eabh.

19 B'e sin an àireamh a réir an seirbhis chum teachd a steach do thigh an Tighearn, a réir an gnàtha, fuidh làimh Aaroin an athar, mar a dh'àithn an Tighearna Dia Israeil dha.

20 Agus a thaobh a' chuid eile do mhacaibh Lebhi: do mhacaibh Amraim; Subael<sup>a</sup>: do mhacaibh Shubael; lehdeiah.

21 A thaobh Rehabiah: do mhacaibh Rehabiah, an ceud fhear<sup>b</sup> Isiah.

22 Do na h-Itsaraich; Selomot: do mhacaibh Shelomoit; Iahat.

23 Agus mic Hebroin; Ieriah *an ceud fhear*, Amariah an dara, Iahasiel an treas, Iecameam an ceathramh.

24 Do mhacaibh Udsieil; Michah: do mhacaibh Mhichah; Samir.

25 B'e bràthair Mhichah Isiah: do mhacaibh Isiah; Sechariah.

26 B'iad mic Mherari, Machli agus Musi: [mic Iaasiah; Beno.

27 Mic Mherari le Iaasiah; Beno, agus Soham, agus Sachur, agus Ibri.]

28 O Mhachli *thàinig* Eleasar, aig nach robh mic sam bith.

29 A thaobh Chis: mic Chis; Ierahmeel.

30 Agus mic Mhusi, Machli, agus Eder, agus Ierimot. B'iad sin mic nan Lebhitheach, a réir tighe an aithriche.

31 Agus chuir iad sin mar an ceudna crannchur fa chomhair am bràithre mhac Aaroin, am fianuis Dhaibhidh an rìgh, agus Shadoic, agus Ahimelech, agus cheann aithriche nan sagart agus nan Lebhitheach, *eadhon* cinn nan aithriche fa chomhair am bràithrean a b'òige.

# CAIB. XXV.

**O**S-bàrr, chuir Daibhidh agus ceannardan an t-sluaigh air leth fa chomhair na seirbhis do mhacaibh Asaiph, agus Heman, agus Iedutuinn, *daoine* a dheanadh fàidheadaireachd<sup>c</sup>, le clàrsaichibh, le saltairibh, agus le ciombalaibh. Agus b'e àireamh an luchd-frithealaidh, a réir an seirbhis:

2 Do mliacaibh Asaiph; Sachur, agus Ioseph, agus Netaniah, agus Asarelah, mic Asaiph, fuidh làimh Asaiph a bha ri fàidheadaireachd a réir àithne an rìgh.

3 O Iedutun: mic Iedutuinn; Gedaliah, agus Seri, agus Iesaiiah, agus Simeil, agus Hasabiah, agus Matitiah, seàthnar fuidh làimh an athar Iedutuinn, a bha ri fàidheadaireachd le clàrsaich a thoirt buidheachais agus cliu d'on Tighearna.

4 O Heman: mic Heman, Buciah, Mataniah, Udsiel, Sebucl, agus Ierimot, Hananiah, Hanani, Eliatah, Gidalti, agus Romamtieser, Iosbecasah, Maloti, Hotir, Mahasiot.

5 B'iad sin uile mic Heman, fhir seallaidh an rìgh, ann am briathraibh Dhé chum an adharc a thogail suas. Agus thug Dia do Heman ceithir mic dheug agus tri nigh-eana.

6 Bha iad so uile fuidh làimh an athar, fa chomhair laoidhean tighe Dhé, le ciombalaibh, saltairibh agus clàrsaichibh chum seirbhis tighe Dhé, fuidh làimh an rìgh, Asaiph, Heman agus Iedutuinn<sup>d</sup>.

7 Agus b'e an àireamh maille r'am bràithribh, a fhuair iunnsachadh air laoidhibh an Tighearna, *eadhon* iad-san uile a bha tùrail, dà cheud ceithir fichead agus ochdnar.

8 Agus chuir iad crannchur, buidheann an aghaidh *buidhne*, am beag co maith ris a' mhòr, an t-oid-iunnsaich co maith ris an fhoghlumach.

9 Agus thàinig an ceud chrannchur a mach air Asaiph, do Ioseph: an dara do Ghedaliah, dha féin agus d'a bhràithribh agus d'a mhacaibh, dà fhear dheug:

10 An treas do Shachur, d'a mhacaibh agus d'a bhràithribh, dà fhear dheug:

11 An ceathramh do Isrie, d'a mhacaibh agus d'a bhràithribh, dà fhear dheug:

12 An cùigeachd no Netaniah, d'a mhacaibh agus d'a bhràithribh, dà fhear dheug:

13 An sèathadh do Bhuciah, d'a mhacaibh agus d'a bhràithridh, dà fhear dheug.

14 An seachdamh do Iesarelah<sup>e</sup>, d'a mhacaibh agus d'a bhràithribh, dà fhear dheug.

15 An t-ochdamh do Iesaiiah, d'a mhacaibh agus d'a bhràithribh, dà fhear dheug:

16 An naothadh do Mhataniah, d'a mhacaibh agus d'a bhràithribh, dà fhear dheug.

17 An deicheamh do Shimeil, d'a mhacaibh agus d'a bhràithribh, dà fhear dheug;

18 An t-aon deug do Asareel<sup>f</sup>, d'a mhacaibh agus d'a bhràithribh, dà fhear dheug:

19 An dara *crannchur* deug do Hasabiah, d'a mhacaibh agus d'a bhràithribh, dà fhear dheug:

20 An treas deug do Shubael, d'a mhacaibh agus d'a bhràithribh, dà fhear dheug:

<sup>a</sup> a réir àithne an rìgh do Asaiph, Iedutun agus Heman.

<sup>b</sup> an ceann. Eabh. <sup>c</sup> a sheinneadh

<sup>d</sup> Iedutuinn agus Heman. <sup>e</sup> Seri. r. 3.

<sup>f</sup> Asarelah. r. 2. <sup>g</sup> Udsiel. r. 4.

# I. EACH DRAIDH.

21 An ceathramh deng do Mhat-  
itiah, d'a mhacaibh agus d'a bhràith-  
ribh, dà fhear dheug:

22 An cùigeadh deug do Ierimot,  
d'a mhacaibh agus d'a bhràithribh,  
dà fhear dheug:

23 An sèthadh deug do Hana-  
niah, d'a mhacaibh agus d'a bhràith-  
ribh, dà fhear dheug:

24 An seachdamh deug do Ios-  
becasah, d'a mhacaibh agus d'a  
bhràithribh, dà fhear dheug:

25 An t-ochdamh deug do Hanani,  
d'a mhacaibh agus d'a bhràithribh,  
dà fhear dheug:

26 An naothadh deug do Mhaloti,  
d'a mhacaibh agus d'a bhràithribh,  
dà fhear dheug:

27 Am ficheadamh do Eliatah,  
d'a mhacaibh agus d'a bhràithribh,  
dà fhear dheug:

28 An t-aon thar fhichead do  
Hotir, d'a mhacaibh agus d'a bhràith-  
ribh, dà fhear dheug:

29 An dara thar fhichead do Ghid-  
alti, d'a mhacaibh agus d'a bhràith-  
ribh, dà fhear dheug:

30 An treas thar fhichead do  
Mhahasiot, d'a mhacaibh agus d'a  
bhràithribh, dà fhear dheug:

31 An ceathramh thar fhichead do  
Romamtieser, d'a mhacaibh agus  
d'a bhràithribh, dà fhear deug.

CAIB. XXVI.

**A**THAOBH roinnean nan dorsair:  
do na Corhaich, Meselemiah  
mac Chore, do mhacaibh Asaiph.

2 Agus mic Mheselemiah; Sech-  
ariah an ceud-ghin, Iediael an dara,  
Sebadiah an treas, Iatniel an ceath-  
ramh,

3 Elam an cùigeadh, Iehohanan  
an sèthadh, Elioenai an seach-  
damh.

4 Agus mic Obed-edoim; Semaiah  
an ceud-ghin, Iehosabad an dara,  
Ioah an treas, agus Sacar an ceath-  
ramh, agus Netaneel an cùigeadh,

5 Amiel an sèthadh, Isachar an  
seachdamh, Peultai an t-ochdamh;  
oir bheannaich Dia e.

6 Agus do Shemaiah a mhac  
rugadh mic, a bha riaghladh tighe  
an athar: oir bu daoine treun iad.

7 Mic Shemaiah; Otni, agus  
Rephael, agus Obed, Elsabad: agus  
b'iad am bràithre, daoine gaisgeil,  
Elihu agus Semachiah,

8 Iad sin uile do mhacaibh Obed-  
edoim: iad féin agus am mic  
agus am bràithrean, daoine coma-  
sach an neart fa chomhair na  
seirbhis, nan tri fichead agus a dhà,  
o Obed-edom.

9 Agus bha aig Meselemiah mic  
agus bràithre, daoine gaisgeil, ochd  
fir dheug.

10 Agus bha aig Hosah do chloinn  
Mherari, mic; Simri an ceann: (oir  
ge nach b'e an ceud-ghin, gidheadh  
rinn 'athair e na cheann:

11 Hilciah an dara fear, Tebaliah  
an treas, Sechariah an ceathramh;  
uile mhic agus bhràithrean Hosah tri  
deug.

12 Dhiubh sin bha roinnean nan  
dorsair, eadhon do na prìomh dhaoin-  
ibh a bha ri faire fa chomhair am  
bràithrean, gu frithealadh ann an  
tigh an Tighearna.

13 Agus thilg iad croinn, am  
beag co maith ris a' mhòr, a réir  
tighe an aithriche, air son gach  
geataidh.

14 Agus thuit an crannchur a  
làimh na h-aird' an ear air Selemiah:  
agus thilg iad croinn air son a mhic  
Sechariah (comhairliche glic,) agus  
thàinig a crannchur-san a mach mu  
thuath.

15 Do Obed-edom mu dheas, agus  
d'a mhacaibh tigh Asupim<sup>b</sup>.

16 Do Shupini agus do Hosah a  
làimh na h-aird' an iar, maille ris a'  
gheatadh Salechet, làimh ri cruaidh-  
rathad<sup>c</sup> na h-uchdaich, faire fa  
chomhair faire.

17 Air an taobh an ear bha sèth-  
nar Lebhitheach, air an taobh mu  
thuath ceathrar gach là, air an taobh  
mu dheas ceathrar gach là, agus air  
taobh Asupim dithis agus dithis.

18 Aig Parbar a làimh na h-aird'  
an iar, ceathrar aig a' chruaidh-  
rathad, agus dithis aig Parbar.

19 Is iad sin roinnean nan dorsair  
do mhacaibh Chore, agus do mhac-  
aibh Mherari.

20 Agus do na Lebhitich, bha  
Ahiash os cionn ionmhasan tighe  
Dhé, agus os cionn ionmhasan nan  
nithe naomha.

21 A thaobh mhac Laadain: mic  
a' Ghersonaich Laadain, prìomh  
aithriche, eadhon o Laadan an Ger-  
sonach bha Iehieli.

22 Mic Iehieli; Setam, agus Ioel  
a bhràthair a bha os cionn ionmha-  
san tighe an Tighearna.

23 Do na Hamramaich do na h-  
Idsaraich, do na Hebronaich, agus  
do na h-Udsielich.

24 Agus bha Sebuel mac Ghersoim,  
mhic Mhaois, na ard riaghlair air na  
h-ionmhasaibh.

25 Agus a bhràithre le Elieser;  
Rehabiah a mhac, agus Iesaiah a  
mhac-san, agus Ioram a mhac-san,  
agus Sichri a mhac-san, agus Selomit  
a mhac-san.

26 B'e Selomit so agus a bhràith-  
rean, a bha os cionn uile ionmhasa  
nan nithe coisrigte, a choisrig Daibh-  
idh an rìgh, agus cinn nan aithriche,

<sup>a</sup> mic gaisge. Eabh,

<sup>b</sup> tigh an tionail.

<sup>c</sup> causey. Sasg.



agus an ceannarda mhìlte agus cheud, agus ceannardan an t-slàigh.

27 As na cathaibh agus as na creachaibh choisrig iad *tabhartais* a chàramh tighe an Tighearna.

28 Agus gach uile *ni* a choisrig Samuel am fear seallaidh, agus Saul mac Chis, Agus Abner mac Ner, agus Ioab mac Sheruah, agus ge b'e neach a choisrig *ni air bith, bha sin* fo làimh Shelomit agus a bhràithrean.

29 Do na h-Idsaiaich, *bha* Chenaniah agus a mhic fa chomhair nan gnothuichean o'n leth muigh, os cionn Israeil nan luchd-riaghlaidh <sup>a</sup> agus nam breitheamhnaibh.

30 Do na Hebronaich, *bha* Hasabiah agus a bhràithre, daoine gaisgeil, mìle agus seachd ceud fear, nan luchd-riaghlaidh air Israel air an taobh so do Iordan a làimh na h-airde 'n iar, ann an uile gnothuichibh an Tighearna, agus ann an seirbhìs an rìgh.

31 Do na Hebronaich, *b'e* Ieriah ceann nan Hebronach a réir ginealach aithriche. Anns an dà rìcheadadh bliadhna do rìghachadh Dhaibhidh, dh'iarradh iad, agus fhuaradh nam measg daoine treun ann an Iaser Ghilead.

32 Agus a bhràithre, daoine gaisgeil, dà mhìle agus seachd ceud, cinn nan teaghlach: agus rinn Daibhidh iad nan riaghladairibh os cionn nan Reubeneach, agus nan Gadach, agus leth-thréibh Mhanasheh, anns gach *ni* a bhuineadh do Dhia agus ann an gnothuichibh an rìgh.

## CAIB. XXVII.

**A**NIS *bha* clann Israeil, a réir an àireimh, eadhon cinn nan aithriche <sup>b</sup>, agus na ceannarda mhìlte agus cheud, agus an luchd-riaghlaidh, a' frithealadh do'n rìgh anns gach cùis a *bhuineadh* do na roinnibh, a *bha* teachd a steach agus a' dol a mach mìos air mhìos, air feadh uile mhìos na bliadhna: anns gach roinn *bha* ceithir mìle fichead fear.

2 Os cionn na ceud roinne fa chomhair a' cheud mhìos *bha* Iasobeam mac Shabdieil: agus na roinn *'san bha* ceithir mìle fichead.

3 Do chloinn Pheres *bha* ceann uile cheannardan an t-slàigh fa chomhair a' cheud mhìos.

4 Agus os cionn roinn an dara mìos *bha* Dodai an t-Ahohach, agus air a roinn-san *b'e* Miclot am fear-riaghlaidh: agus na roinn-san mar an ceudna *bha* ceithir mìle fichead.

5 *B'e* treas ceannard an t-slàigh

fa chomhair an treas mìos Benaiah, mac Iehoiada, ard shlagairt: agus na roinn-san *bha* ceithir mìle fichead.

6 So am Benaiah ud a *bha* treun am measg an deich thar fhichead, agus os cionn an deich thar fhichead: agus na roinn-sa *bha* Amisabad a mhac.

7 *B'e'n* ceathramh ceannard fa chomhair a' cheathramh mìos Asahel bràthair Ioaib, agus Sebadiah a mhac na dhéigh: agus na roinn-san *bha* ceithir mìle fichead.

8 *B'e'n* cùigeadh ceannard fa chomhair a' chùigeadh mìos Samhut an t-Israhach: agus na roinn-san *bha* ceithir mìle fichead.

9 *B'e'n* sèathadh ceannard fa chomhair an t-sèathadh mìos, Ira, mac Iceis, an Tecothach: agus na roinn-san *bha* ceithir mìle fichead.

10 *B'e'n* seachdamh ceannard fa chomhair an t-seachdamh mìos Heles am Pelonach do chloinn Ephraim: agus na roinn-san *bha* ceithir mìle fichead.

11 *B'e'n* t-ochdamh ceannard fa chomhair an ochdamh mìos Sibecai an t-Husatach do na Sarhaich: agus na roinn-san *bha* ceithir mìle fichead.

12 *B'e'n* naothadh ceannard fa chomhair an naothadh mìos Abieser an t-Anetotach do chloinn Bheniamin: agus na roinn-san *bha* ceithir mìle fichead.

13 *B'e'n* deicheamh ceannard fa chomhair an deicheamh mìos Maharai an Netophatach do na Sarhaich: agus na roinn-san *bha* ceithir mìle fichead.

14 *B'e'n* t-aon cheannard deug fa chomhair an aon mhìos deug Benaiah am Piratonach do chloinn Ephraim: agus na roinn-san *bha* ceithir mìle fichead.

15 *B'e'n* dara ceannard deug fa chomhair an dara mìos deug Heldai an Netophatach o Otniel: agus na roinn-san *bha* ceithir mìle fichead.

16 Os-bàrr, os cionn threubh Israeil: *b'e* ceannard nan Reubeneach, Elieser mac Shichri: nan Simeonach, Sephatiah mac Mhaachah:

17 Nan Lebhitheach, Hasabiah mac Chemueil: nan Aaronach, Sadoc:

18 Ceannard Iudah, Elihu <sup>c</sup> aon do bhràithribh Dhaibhidh: ceannard Issachair, Omri mac Mhichaeil:

19 Shebuluin, Ismaiah mac Obadiah: ceannard Naphtali, Ierimot mac Asrieil:

20 Ceannard chloinn Ephraim, Hosea mac Asasiah: leth-thréibh Mhanasheh, Ioel mac Phedaiah.

21 Ceannard leth-thréibh Mhanasheh ann an Gilead, Ido mac She-

<sup>a</sup> luchd-dreuchd. <sup>b</sup> cinn nan teaghlach, na prìomh aithriche.

<sup>c</sup> Eliab

chariah. Bheniamin, Iaasiel mac Abneir:

22 Dhain, Asareel mac Ierohaim. B'iad sin ceannarda threubh Israeil.

23 Ach cha do ghabh Daibhidh an àireamh o aois fhichead bliadhna agus fuidh: a chionn gu'n dubhairt an Tighearn, gu'n deanadh e Israel lionmhor mar reulta nan nèamh.

24 Thòisich Ioab mac Sheruiah air àireamh, ach cha do chrìochnaich e, a chionn gu'n robh air a shon so fearg an aghaidh Israeil; cha mhò chuireadh sìos an uibhir<sup>a</sup> ann an àireamh<sup>b</sup> eachdraidh rìgh Daibhidh.

25 Agus os cionn ionmhasan an rìgh bha Asmabhet mac Adieil: agus os cionn nan tigh-tasgaidh anns na machairibh, anns na mòr-bhailtibh, agus anns na frith-bhailtibh, agus anns na turaibh<sup>c</sup>, bha Iehonatan mac Udsiah.

26 Agus os an cionn-san a rinn obair na macharach ann an treabh-adh an fhearainn bha Esri mac Cheluib.

27 Agus os cionn nam fion-lios bha Simeil an Ramatach: os cionn toraidh nam fion-lios fa-chomhair nam fion-thaisgeach bha Sabdi an Siphmitheach.

28 Agus os cionn nan craobh ola agus nan craobh sicamoir a bha'sna comhnardaibh losal bha Baal-hanan an Gedereach: agus os cionn nan taisgeach ola bha Ioas.

29 Agus os cionn a' chruidh a bha air feurach ann an Saron bha Sitrai an Saronach: agus os cionn a' chruidh anns na gleanntaibh bha Saphat mac Adlai.

30 Os cionn nan càmhail mar an ceudna bha Obil an t-Ismaeleach: agus os cionn nan asal bha Iehdeiah an Meronotach.

31 Agus os cionn nan treud bha Iasis an t-Hagereach. B'iad sin uile luchd-raighlaidh na maoin bu le rìgh Daibhidh.

32 Mar an ceudna bha Ionatan, bràthair-athar Dhaibhidh na chomhairleach, na dhuine glic, agus na scrìobhuiche: agus bha Iehiel mac Hachmoni maille ri'mic an rìgh.

33 Agus b'e Ahitophel comhairleach an rìgh, agus Husai an t-Architheach companach<sup>d</sup> an rìgh.

34 Agus an déigh Ahitopheil bha Iehoiada mac Bhenaiiah, agus Abiatar. Agus b'e Ioab ceannard armailt an rìgh.

# CAIB. XXVIII.

AGUS chruinnich Daibhidh gu h-Ierusalem uile cheannardan Israeil, ceannarda nan treubh, agus

ceannarda nan roinne a bha frith-ealadh do'n rìgh, agus na ceannarda mhìltean agus na ceannarda cheud, agus an luchd-riaghlaidh os cionn uile mhaoin agus sprèidh an rìgh agus a mhac, leis an luchd-dreuchd, agus na daoineibh cumhachdach agus na daoineibh gaisgeil uile.

2 An sin sheas Daibhidh an rìgh suas air a chosaibh, agus thubhairt e, Eisdibh riumsa, mo bhràithre, agus mo shluagh: Bha e agamsa a'm' chridhe tigh-còmhnuidh a thogail do àirc coimcheangail an Tighearna, agus do stòl-chos ar Dé-ne, agus dh'fnulluich mi fa chomhair na h-oibre:

3 Ach thubhairt Dia rium, Cha tog thu tigh do m'ainm-sa, a chionn gu'n robh thu a t' fhear-cogaidh, agus gu'n do dhòirt thu fuil.

4 Gidheadh roghnaich an Tighearna Dia Israeil mi roimhe uile thigh m'athar, gu bhi m' rìgh air Israel gu bràth: oir roghnaich e Iudah mar riaghlair, agus a tigh Iudah m'athar-sa, agus am measg mhac m'athar bu toil leis mise a dheanamh a'm' rìgh os cionn Israeil uile.

5 Agus do m' mhacaibh uile (oir thug an Tighearna mòran mhac dhomh) roghnaich e Solamh mo mhac gu suidhe air rìgh-chaithir rìoghachd an Tighearna os cionn Israeil.

6 Agus thubhairt e rium, Togaidh Solamh do mhac mo thigh-sa agus mo làchairte; oir thagh mi e gu bhi na mhac agam, agus bithidh mise a'm' athair aige-san.

7 Os-bàrr, daignichidh mi a rìoghachd gu bràth, ma bhios esan seasamhach a choimlionadh m'aitheantean agus mo bhreitheanais, mar air an l'an diugh.

8 A nis uime sin guidheam oirbh ann an sealladh Israeil uile, coimh-chruinneachaidh an Tighearna, agus annan éisdeachd ar Dé-ne, gleidhibh agus iarraibh uile àitheantan an Tighearna bhur Dé: chum ga sealbhaich sibh am fearann maith so, agus gu fàg sibh e mar oighreachd d'ar cloinn nar déigh gu bràth.

9 Agus thusa a Sholamh, a mhic, biodh aithne agad air Dia t'athar, agus dean seirbhis da la cridhe iomlan, agus le inntinn thoilich: oir tha'n Tighearn a' rannsachadh nan uile chridhe, agus a' tuisginn uile dhealbhadh nan smuain: ma dh'iarras tus' esan, gheibhear e leat; ach ma thréigeas tu e, tilgidh e uaith thu gu bràth.

10 Thoir an aire a nis, oir thagh an Tighearn thu gu tigh a thogail

<sup>a</sup> àireamh.

<sup>b</sup> a reir àireimh.

<sup>c</sup> caistealaibh.

<sup>d</sup> caidreach, caraid,

<sup>e</sup> nam buidheann.

lo'n ionad naomh; bi làidir agus dean e.

11 An sin thug Daibhidh do Sholamh a mhac, samhhladh an sgàth high, agus a thighean, agus 'ionadan-onmhais, agus a shedmraichean iachdarach, agus a shedmraichean an eth stigh, agus àite na caithir-thròcair.

12 Agus samhhladh nan uile nithe a bha aige na inntinn<sup>a</sup>, a thaobh lùch-airtean tighe an Tighearna, agus a thaobh nan uile shedmraiche mu'n cuairt, a thaobh ionadan ionmhais tighe Dhé agus a thaobh ionada-tasgaidh nan nithe coisrigte.

13 Mar an ceudna thaobh roinnean nan sagart agus nan Lebhitheach, agus a thaobh uile oibre seirbhis tighe an Tighearna, agus a thaobh nan uile shoithiche seirbhis ann an tigh an Tighearna.

14 A thaobh òir air chudthrom chum *nithe* òir, chum uile inneala gach uile ghnè sheirbhis; a *thaobh airgid* chum uile innealan airgid, air chudthrom chum uile inneala gach uile ghnè sheirbhis:

15 Eadhon air chudthrom chum nan coinnleir òir, agus a chum an lochrana òir, air chudthrom chum gach coinnleir agus a lùchrana: agus a chum nan coinnleir airgid air chudthrom, chum a' choinnleir agus a lochrana, a rèir feuma gach coinnleir.

16 Agus òr air chudthrom chum bhord an arain thaisbeanta, chum gach buird, agus airgid chum nam bord airgid;

17 Mar an ceudna òr glan chum nan greimichean fedla, agus nan cuach, agus nan copan: agus a chum nan soitheach-ionnlaid òir, òr air chudthrom fa chomhair gach soitheach-ionnlaid; agus airgid air chudthrom fa chomhair gach soitheach-ionnlaid airgid:

18 Agus a chum altair na tùise òr fìor ghlan air chudthrom, agus òr fa chomhair samhlaidh carbaid nan cherub, a sgaoil a mach an sgiathan, agus a chomhdaich àire comhchean-gail an Tighearna.

19 So uile, *arsa Daibhidh*, thug an Tighearn orm a thuigsinn ann an scriobhadh le a làimh orm, *eadhon* uile oibre an t-samhlaidh so.

20 Agus thubhairt Daibhidh ri Solamh a mhac, Bi làidir agus gabh misneach, agus dean e: na biodh eag-al ort, agus na bi fo uamhas, oir bithidh an Tighearna Dia, mo Dhiasa, leat; cha 'n fhàilnich e thu, cha mhò a thréigeas e thu, gus an crìochnaich thu 'n obair uile fa chomhair seirbhis tighe an Tighearna.

21 Agus feuch, roinnean nan sagart

agus nan Lebhitheach *maille riut*, chum uile sheirbhis tighe Dhé, agus maille riut a chum gach uile ghnè oibre, gach duine toileach tùrail fa chomhair gach uile-ghnè sheirbhis; agus na ceannardan agus an sluagh gu h-iomlan freagarrach do t'àithean-taibh uile.

## CAIB. XXIX.

**A** GUS thubhairt Daibhidh an rìgh ris a choimhchruinneach uile, Tha Solamh mo mhac d'and'rinn Dia a mhàin roghainn, òg agus maoth, agus *tha 'n* obair mòr: oir cha'n ann air son duine ach air son an Tighearna Dé *tha an* lùchairt.

2 A nis le m'uire neart dh'ulluich mise fa chomhair tighe mo Dhé, an t-òr chum *nithe* do òr, agus an t-airgid chum *nithe* do airgid, agus an umha chum *nithe* do umha, agus an t-iarunn chum *nithe* do iarunn, agus an fiodh chum *nithe* do fhiodh; clachan onics, agus clachan r'an cur, clachan lonrach agus do iomadh dath, agus gach uile ghnè chlach luachmhor agus clach marmoir am pailteas.

3 Os-bàrr, a chionn gu'n do shocrach mi m'aigne air tigh mo Dhé, tha agam do m' sheilbh àraidh féin, do òr agus do airgid a thug mi seachad do thigh mo Dhé, a bhàrr air na dh'ulluich mi uile fa chomhair an tighe naomha,

4 Tri mìle tàlann òir, do òr na h-Ophir, agus seachd mìle tàlann do airgid fìor-ghlan, a chomhdachadh bhallachan an tìghe<sup>b</sup>:

5 An t-òr fa chomhair *nithe* do òr, agus an t-airgid fa chomhair *nithe* do airgid, agus fa chomhair gach uile ghnè oibre a *nithear* le làmhaidh luchd-cirde. Agus cò a tha toileach air a sheirbhis a choisreagadh an diugh do'n Tighearna?

6 An sin thug cinn nan aithriche agus uachdaran threubh Israeil, agus na ceannarda mhiltèan agus cheud, maille ris an luchd-riaghlaidh os cionn oibre an rìgh, tabhartais uatha gu toileach.

7 Agus thug iad seachad fa chomhair seirbhis tighe Dhé, do òr cùig mìle tàlann agus deich mìle darcon, agus do airgid deich mìle tàlann, agus do umha ochd mìle deug tàlann, agus ceud mìle tàlann iarunn.

8 Agus ge b'e aig an d'fhuaradh clacha *luachmhora*, thug iad seachad iad do ionmhas tighe an Tighearna, le làimh Iehieil a' Ghersonaich.

9 Agus rinn an sluagh gairdeachas a chionn gu'n d'thug iad uatha gu toileach, a chionn le cridhe iomlan gu'n thug iad tabhartas uatha gu toileach do'n Tighearna: agus rinn

<sup>a</sup> o'n Spiorad.<sup>b</sup> nan tighean.<sup>c</sup> nan teaghlach.

Daibhidh an rìgh mar an ceudna gaideachas le aoibhneas mòr.

10 Air an aobhar sin bheannaich Daibhidh an Tighearn ann am fianuis a' choimhchrinnich uile, agus thubhairt Daibhidh, Gu ma bean- nuicht' thu a Tighearna Dhia Israeil ar n-athar gu saoghal nan saoghal.

11 Is leatsa, O Thighearn, a' mhòrachd, agus an cumbachd, agus a' ghlibid, agus a' bhuaidh, agus a' mhòralachd; oir is leat na h-uile ata air nèamh agus air talamh: is leat an rìoghachd, O Thighearna, agus tha thu air t'ardachadh mar cheann thar na h-uile.

12 Uaitse *tha teachd* araon saibhreas agus urram, agus *tha* thu rìoghachadh os cionn gach uile, agus ann ad làimh *tha* cumbachd agus neart; agus ann ad làimh *tha e neach* a dheanamh mòr, agus neart a thoirt do gach uile.

13 A nis uime sin, ar Dia-ne, tha sinn a' toirt buidheachais duit, agus a cliùthachadh t'ainm urramaich.

14 Ach cò mise, agus ciod iad mo shluagh, gu'm biodh e 'nar comas tabhartais a thoirt seachad co toileach air an dòigh so? oir is ann uaitse *tha* na h-uile nithe, agus is ann do d' chuid féin a thug sinn duit:

15 Oir is coigrich sinne a'd' fhianuis a us luchd-cuairt, mar ar n-aithrichean uile; mar fhaileus *tha* ar laithean air thalamh, agus cha 'n'eil buanas ann.

16 O Thighearn ar Dia, *tha* 'm pailteas so uile a dh'ulluich sinne a thogail tighe dhuit fa chomhair t'ainm naomha *a' teachd* o d' làimh féin, agus is leat féin e gu léir.

17 Tha fios agam mar an ceudna, mo Dhia, gu'n dearbh thusa an cridhe, agus gu bheil tlachd agad ann an treibhdhreas. Dom' thaobhsa, ann an treibhdhreas mo chridhe thug mi gu toileach uam mar thabhartas na nithe so uile: agus a nis chunnaic mi le h-aoibhneas do shluagh a tha 'n so a làthair a' toirt seachad gu toileach an tabhartais dhuitse.

18 O Thighearna Dhia Abraham, Isaac agus Israeil ar n-aithriche, gléidh so gu bràth ann am breithneachadh smuainte cridhe do shluaigh agus ulluich an chridhe dhuit féin;

19 Agus thoir do Sholamh mo mhac cridhe ionlan, a ghleidheadh t'aitheanta, do theisteis agus do reachda, agus a dheanamh nan nithe

\*fuireach.

so uile, agus a thogail na lùchairt fa chomhair an d'ulluich mise.

20 Agus thubhairt Daibhidh ris a' choimhchrinneachadh uile, A nis beannaichibh an Tighearna bhur Dia. Agus bheannaich an coimhchrinneachadh gu léir an Tighearna Dia an aithriche, agus chrom iad sìos an cinn, agus thug iad urram do'n Tighearn agus do'n rìgh.

21 Agus dh'ìobair iad ìobairtean do'n Tighearna, agus thug iad seachad ìobairte-loisgte do'n Tighearn air an la-màireach an déigh an là sin, eadhon mìle tarbh, mìle reithe, agus mìle uan, le'n tabhartais dibhe, agus ìobairtean am pailteas air son Israeil uile.

22 Agus dh'ith agus dh'òl iad an làthair an Tighearn air an là sin le mòr shubhachas, agus rinn iad Solamh mac Dhaibhidh na rìgh an daradh uair, agus dh'ung iad e do'n Tighearna na ard uachdaran, agus Sadoc na shagart.

23 Agus shuidh Solamh ann an caithir rìoghail an Tighearna mar rìgh an àite Dhaibhidh 'athar, agus shoirbhich leis, agus bha Israel uile ùmhal dha.

24 Agus strìochd na h-uachdarain uile, agus na daoine cumbachdach, agus mar an ceudna uile mhic rìgh Daibhidh, iad féin do Sholamh an rìgh.

25 Agus dh'ardaich an Tighearna Solamh gu ro mhòr an sealladh Israeil uile, agus thug e mòralachd rìoghail dha nach robh aig rìgh sam bith roimhe ann an Israel.

26 Mar so rìghaich Daibhidh mac Iese os cionn Israeil uile.

27 Agus b'i 'n ùine a rìghaich e os cionn Israeil dà fhichead bliadhna: ann an Hebron rìghaich e seachd bliadhna; agus ann an Ierusalem rìghaich e trì bliadhna deug thar fhichead.

28 Agus fhuair e bàs ann an deagh shean aois, làn do laithibh, do shaibhreas, agus do urram: agus rìghaich Solamh a mhac na àite.

29 A nis gnòmhara Sholaimh an rìgh, eadar thoiseach agus dheireadh, feuch, *tha* iad scriobhta ann an leabhar Shamueil an fhir-seallaidh, agus ann an leabhar Natain an fhàidh, agus ann an leabhar Ghad an fhir-seallaidh.

30 Maille r'a rìoghachadh gu léir, agus a chumbachd, agus na h-aimsirean a chaidh thairis air, agus thar Israel, agus thar uile rìoghachda nan dùchanna.



## DARA LEABHAR NAN EACHDRAIDH.

## CAIB. I.

**A** GUS dhaingnicheadh Solamh mac Dhaibhidh na rìoghachd, agus *bha'n* Tighearna a Dhia maille ris, agus dh'ardaich se e gu mòr.

2 Agus dh'àithn Solamh do *a* Israel uile, do na ceannardaibh mhìltean agus cheud, agus do na breitheamhnaibh, agus do gach uachdaran air Israel uile, cinn nan aithriche<sup>b</sup>.

3 Agus chaidh Solamh agus an coimhthional uile maille ris do'n àit ard, a *bha* ann an Gibeon; oir an sin bha pàilluin coimhthionail Dé, a rinn Maois, òglach an Tighearna, anns an fhàsach.

4 Ach àirich Dhé thug Daibhidh a nìos o Chiriat-earim, do'n àit a dh'ulluich Daibhidh dhi; oir shuidh-ich e pàilluin air a son ann an Ierusalem.

5 Mar an ceudna, *bha'n* altair umha, a rinn Besaleel mac Uri, mhic Huir, an sin fa chomhair pàilluin an Tighearna: agus dh'iarr Solamh agus an coimhthional e<sup>c</sup>.

6 Agus chaidh Solamh suas an sin a dh'ionnsuidh na h-altair umha am fianuis an Tighearna, a *bha* aig pàilluin a' choimhthionail, agus dh'ìobair e oirre<sup>d</sup> mìle ìobair-loisgte.

7 Air an oidhche sin dh'fhoillsich Dia e féin do Sholamh, agus thubhairt e ris, Iarr ciod a bheir mi dhuit.

8 Agus thubhairt Solamh ri Dia, Nòchd thu do Dhaibhidh m'athair caomhneas mòr, agus rinn thu mise a'm' rìgh na àite<sup>e</sup>.

9 A nis, a Thighearna Dhé, coimhthional<sup>f</sup> do ghealladh<sup>g</sup> do Dhaibhidh m'athair: oir rinn thu mise a'm' rìgh air sluagh, lionmhor mac dhuslach na talmhainn.

10 Thoir<sup>h</sup> dhomh a nis gliocas agus eòlas, a chum as gu'n d'thèid mi mach agus gu'n d'thig mi steach roimh an t-sluagh so: oir cò a's urrainn breth a thabhairt air do shluagh so, a *tha* co mòr.

11 Agus thubhairt Dia ri Solamh,

<sup>a</sup> labhair Solamh ri. <sup>b</sup> cinn nan teaghlach, na h-ard aithriche. <sup>c</sup> d'a h-ionnsuidh. <sup>d</sup> uirre. <sup>e</sup> Faic. I. Rìgh. Caib. III. r. 6. <sup>f</sup> daingnichear, firinnnichear. <sup>g</sup> t'fhocal, Eabh. <sup>h</sup> Tabhair.

A chionn gu'n robh so a'd' chridhe, agus nach d'iarr thu beartas, maoin, no cliu, no auam do naimhdean, agus mar an ceudna nach d'iarr thu saoghal fada; ach gu'n d'iarr thu dhuit féin gliocas agus eòlas, leis an d'thugadh tu breth air mo shluaghsa, air an d'rinn mi thu a'd' rìgh;

12 *Tha* gliocas agus eòlas air an tabhairt duit, agus bheir mise dhuit beartas, agus maoin, agus cliu, air chior as nach robh a leithid aig na rìghrean a *bha* romhad, agus a'd' dhéigh nach bi a leithid.

13 Agus thàinig Solamh o'n àit ard<sup>i</sup> a *bha* ann an Gibeon gu h-Ierusalem, o làthair pàilluin a' choimhthionail, agus rìghaich e os cionn Israeil.

14 Agus chruinnich Solamh carbaid agus marc-shluaghl: agus bha mìle agus ceithir cheud carbad aige, agus dà mhìle dheug marcach; agus chuir e iad ann am bailtibh nan carbad, agus maille ris an rìgh ann an Ierusalem<sup>k</sup>.

15 Agus thug an rìgh air airgid agus air òr a *bhi* ann an Ierusalem mar na clachan, agus air na crannaibh seudair<sup>l</sup> thug e *bhi* mar na croinn shicomoir, a *tha* anns an t-srath, air lionmhoireachd.

16 Agus thugadh eich do Sholamh a mach as an Eiphit, agus snàth-lìn: ghabh ceannaichean an rìgh an snàth-lìn air luach.

17 Agus thàinig iad a nìos, agus thug iad a mach as an Eiphit carbad air shè ceud secel airgid, agus each air cheud agus leth-chend: agus mar sin do uile rìghibh nan Hiteach, agus do rìghibh Shìria, le'n làimh-san thugadh a mach iad.

## CAIB. II.

**A** GUS shonraich Solamh<sup>m</sup> tigh a thogail do ainm an Tighearna, agus tigh d'a rìoghachd.

2 Agus dh'àireamh Solamh a mach deich agus trì fichead mìle fear-iomchair eallaich, agus ceithir fichead mìle fear-gearraidh anns a' bheinn, agus trì mìle agus sè ceud a shealltuinn thairis orra.

3 Agus chuir Solamh teachdaire gu

<sup>i</sup> o thurus do'n àit ard.

<sup>k</sup> I. Rìgh. Caib. X. r. 26.

<sup>l</sup> ceudair, <sup>m</sup> chuir Solamh roimhe.

## II. EACH DRAIDH.

Huram<sup>a</sup> rìgh Thiruis, ag ràdlh, Mar a rinn thu ri Daibhidh m'athair, agus a chuir thu d'aionnsuidh craobhan seudair a thogail tighe dha gu còmhnuidh ghabhail ann, *dean rium-sa*.

4 Feuch, *tha* mi gu tigh a thogail do ainm an Tighearna<sup>a</sup> mo Dhé, chum a choisreagadh<sup>b</sup> dha, gu tùis chùbhraidh a losgadh na fhianuis, agus air son an arain thaisbeanta bhith-bhuain<sup>c</sup>, agus air son lobairtean-loisgte air maduinn agus air feasgar, air na sàbaidibh, agus air na gealaichibh nomha, agus air ard fhéilibh an Tighearna ar Dé: gu bràth *tha* so ceangailte air Israel.

5 Ach *bithidh* an tigh, a thogas mise, mòr: oir is mòr ar Dia-ne os cionn nan uile dhé.

6 Agus cò a's urrainn tigh a thogail dhia, nuair nach cum na nèamha, no nèamha nan nèamh e? Agus cò mise gu'n togainn dha tigh, ach a mhàin a losgadh lobairtean na fhianuis?

7 A nis ma ta cuir a m'ionnsuidh duine, teòma<sup>d</sup> air oibreachadh ann an òr, agus ann an airgiod, agus ann an umha, agus ann an iarunn, agus ann an corcur, agus ann an dearg, agus ann an gorm, agus a tha eòlach air gearradh gu grinn maille ris na daoineibh ealanta<sup>e</sup>, a *tha* maille riumsa ann an Iudah, agus ann an Ierusalem, a sholair Daibhidh m'athair.

8 Cuir a m'ionnsuidh mar an ceudna craobhan seudair, craobhan giuthais, agus craobhan aluim o Lebanon: oir tha fhios agam gu bheil do sheirbhisich eòlach air fiodh a ghearradh ann an Lebanon: agus feuch, *bithidh* mo sheirbhisich-sa maille ri d' sheirbhisich-sa,

9 Eadhon a dheasachadh dhomh fiodha ann am pailteas; oir *bithidh* an tigh, a' tha mise gus a thogail, mòr agus iogantach.

10 Agus feuch, bheir mi do d' sheirbhisich, na gearraidhean a ghearras fiodh, fichead mìle tomhas do chruithneachd bhuailte, agus fichead mìle tomhas eorna, agus fichead mìle bat fiona, agus fichead mìle bat oladh.

11 Agus fhreagair Huram rìgh Thiruis ann an scrìobhadh, a chuir e dh'ionnsuidh Sholaimh, A chionn gu bheil gràdh aig an Tighearna d'a shluagh, rinn e thusa a'd' rìgh os an cionn.

12 Thubhairt Huram mar an ceudna, Beannuichte gu robh an Tighearna Dia Israeil a rinn nèamh agus talamh, a thug do Dhaibhidh, an

rìgh, mac glic, aig am bheil eòlas agus tuisge, a thogadh tigh do'n Tighearna, agus tigh d'a rìoghachd!

13 Agus a nis chuir mi a'd' ionnsuidh duine eòlach, aig am bheil tuisge, a *bha* aig Huram m'athair<sup>f</sup>,

14 Mac mnà do nigheanaibh Dhain, agus 'athair na dhuine o Thirus, teòma<sup>g</sup> air oibreachadh ann an òr, agus ann an airgiod, ann an umha, ann an iarunn, ann an cloich, agus ann am fiodh, ann an corcur, ann an gorm, agus ann an anart grinn, agus ann an dearg; agus air gearradh gach gnè gearraidh, agus air dealbhadh gach ni innleachdaich a chuirear fa chomhair, maille ri d' dhaoineibh ealanta<sup>h</sup>, agus daoineibh ealanta mo thighearna Dhaibhidh t'athar.

15 A nis air an aobhar sin an cruithneachd, agus an t-eorna, an oladh, agus am fion, airan do labhair mo thighearna, cuireadh e iad a dh'ionnsuidh a sheirbhisich:

16 Agus gearraidh sinne fiodh a Lebanon, a réir gach feum a bhios agad, agus bheir sinn a t'ionnsuidh e na ràthaibh air muir gu Iopa, agus bheir thusa suas e gu h-Ierusalem.

17 Agus dh'àireamh Solamh na coigrich uile, a *bha* ann an tìr Israeil, an déigh an àireimh leis an d'àireamh Daibhidh 'athair iad; agus fhuaradh ann diubh ceud agus leth-cheud mìle agus trì mìle agus sè ceud.

18 Agus rinn e trì fichead agus deich mìle dhiubh nan luchd-iomchair eallach, agus ceithir fichead mìle nan gearradairibh anns an t-sliabh, agus trì mìle agus sè ceud nan luchd-amhairc thairis a thoirt air an t-sluagh obair a dheanamh.

### CAIB. III.

**A**GUS thòisich Solamh air togail tighe an Tighearna ann an Ierusalem air sliabh Mhoriah, far an d'fhoillsicheadh an Tighearna do Dhaibhidh 'athair, anns an àit a dh'ulluich Daibhidh ann an urlar-bualaidh Ornain an Iebusaich.

2 Agus thòisich e air togail air an dara mìos<sup>h</sup>, anns a' cheathramh bliadhna d'a rìoghachadh.

3 Agus is iad so na nithe a shuighicheadh le Solamh<sup>i</sup> chum tigh Dhé a thogail: am fad ann an làmhaidh, coile a réir a' cheud tomhais, trì fichead làmh-choille, agus an leud fichead làmh-choille.

<sup>f</sup> duine eòlach aig am bheil tuisge, eadhon Huram-ahì. <sup>g</sup> seòlta.

<sup>h</sup> air an dara la do'n dara mìos.

<sup>i</sup> na nithe anns an do sheòladh Solamh.

<sup>a</sup> Hiram. I. Rìgh. Caib. v. r. 1.

<sup>b</sup> naomhachadh. <sup>c</sup> lathail.

<sup>d</sup> eòlach, glic. <sup>e</sup> glice.

4 Agus an sgàth-thigh, a *bha* air beulaobh an tighe, fichead làmh-choille 'fhad, a réir leòid an tighe, agus ceud agus fichead làmh-choille 'airde: agus chòmhdhaich e thairis e air an taobh a stigh le h-òr fìor-ghlan.

5 Agus an tigh mòr chòmhdhaich e le fiodh giuthais, agus chòmhdhaich e thairis e le h-òr fìor-ghlan, agus thug e air craobhan-pailme éirigh suas air, agus slabhraidhean.

6 Agus sgeadhaich <sup>a</sup> e an tigh le clachaibh uaisle air sgàth sgéimhe; agus *b'e* an t-òr òr Pharbhaime.

7 Agus chòmhdhaich e thairis an tigh, na sailthean, na puist, agus a bhallachan, agus a dhorsan, le h-òr; agus ghearr e cheruban air na ballaibh.

8 Agus rinn e 'n tigh ro naomha: 'fhad a réir leoid an tighe, fichead làmh-choille, agus a leud fichead làmh-choille: agus chòmhdhaich e thairis e le h-òr fìor-ghlan, a thàinig gu sé ceud tàlann.

9 Agus *b'e* cothrom nan tairngean leth-cheud secel òir: agus chòmhdhaich e thairis na seomraichean uachdarach le h-òr.

10 Agus anns an tigh ro naomha rinn e dà cherub do obair sho-ghluais, agus chòmhdhaich e thairis le h-òr iad.

11 Agus *bha* sgiathan nan cherub fichead làmh-choille air fad: aon sgiath cùig làmh-choille, a' ruigheachd gu balladh an tighe; agus an sgiath eile cùig làmh-choille, a' ruigheachd gu sgiath a' cheruib eile:

12 Agus sgiath a' cheruib eile cùig làmh-choille, a' ruigheachd gu balladh an tighe; agus an sgiath eile cùig làmh-choille, tàthta ri sgiath a' cheruib eile.

13 Sgaol sgiathan nan cherub sin iad féin a mach fichead làmh-choille: agus sheas iad air an cos-aibh, agus an aghaidhean ris an taobh a stigh.

14 Agus rinn e am brat <sup>b</sup> do ghorm, agus do chorcur, agus do dhearg, agus do anart grinn, agus dh'oibrich e cheruban air.

15 Agus rinn e air beulaobh an tighe dà phost cùig làmh-choille deug thar fhichead <sup>c</sup> air airde, agus an ceann a *bha* air mullach gach aon diubh cùig làmh-choille.

16 Agus rinn e slabhraidhean, mar anns a' ghuth-àit, agus chuir e iad air mullach nam post, agus rinn e ceud pomgranat, agus chuir e iad air na slabhraidhibh.

17 Agus chuir e suas na puist air beulaobh an teampull, aon air an làimh dheis, agus aon air an làimh chli. Agus thug e Iachin mar ainm air a' phost air an làimh dheis, agus Boas mar ainm air a' phost air an làimh chli.

## CAIB. IV.

**A** GUS rinn e altair umha: fichead làmh-choille a fad, agus fichead làmh-choille a leud, agus deich làmh-choille a h-airde.

2 Agus rinn e muir leaghta, deich làmh-choille o bhile gu bile, cruinn mu'n cuairt, agus cùig làmh-choille a h-airde; agus chualrtich snàthainn dheich làmh-choille thar fhichead i mu'n cuairt.

3 Agus fuidhe <sup>d</sup> *bha* coslas dhamh <sup>e</sup>, a chuairtich i mu'n cuairt, deich anns an làmh-choille a' dol mu thimchioll na mara mu'n cuairt. Thilgeadh dà shreath dhamh an uair a thilgeadh i féin.

4 Sheas i air dà dhamh dheug, tri ag amharc gu tuath, agus tri ag amharc an iar, agus tri ag amharc gu deas, agus tri ag amharc an ear: agus chuireadh a' mhuir orra gu h-ard, agus *bha* a' chuid-dheiridh dhiubh uile a stigh.

5 Agus *bha* leud boise air tiuigh-e ad innte, agus *bha* a bile air a dheanamh mar bhile copain, le blàthaibh lili: ghabh i agus chum i tri mìle <sup>f</sup> bat.

6 Agus rinn e deich soithichean-ionnlaid, agus chuir e cùig dhiubh air an làimh dheis, agus cùig air an làimh chli, a dh'ionnlad anna: nithe na h-ìobairt-loisgte nigh iad anna; ach *bha* a' mhuir air son nan sagart, a dh'ionnlad innte.

7 Agus rinn e deich coinnleirean òir a réir an cumaidh, agus chuir e iad anns an teampull, cùig air an làimh dheis, agus cùig air an làimh chli.

8 Agus rinn e deich buird, agus chuir e iad anns an teampull, cùig air an làimh dheis, agus cùig air an làimh chli: agus rinn e ceud cuach òir.

9 Agus rinn e cùirt nan sagart, agus a' chùirt mhòr, agus dorsan air son na cùirte, agus chòmhdhaich e an dorsan thairis le h-umha.

10 Agus chuir e a' mhuir air an taobh deas do'n cheann an ear, fa chomhair na h-airde deas.

11 Agus rinn Huram na h-aighnean <sup>g</sup>, agus na sluasaidean, agus na cuachan, agus chuir Huram crìoch air deanamh na h-oibre a rinn e do rìgh Solamh ann an tigh Dhé:

<sup>a</sup> chòmhdhaich. <sup>b</sup> an roinn-bhrat. <sup>c</sup> ochd làmh-choille deug. I. Rìgh, Caib. VII. r. 15.

<sup>d</sup> fuidhe, foipe. <sup>e</sup> mheall. I. Rìgh. Caib. VII. r. 24. <sup>f</sup> dà mhìle. I. Rìgh. Caib. VII, r. 26, <sup>g</sup> poitean. X 2 459

12 *Eadhon* an dà phost, agus na cuairtean, agus na cinn a *bh'* air mullach an dà phuist, agus an dà lion-obair a chòmhdachadh dà chuairt nan ceann a *bh'* air mullach nam post:

13 Agus ceithir cheud pomgranat do'n dà lion-obair,; dà shreath phomgranat do gach lion-obair, a chòmhdachadh dà chuairt nan ceann, a *bh'* air na puist.

14 Agus rinn e buinn, agus rinn e oithichean-ionnlaid air na buinn:

s 15 Aon mhuir, agus dà dhamh dheug fuidhe <sup>a</sup>:

16 Agus na h-aighnean, agus na sluasaidean, agus na greimichean <sup>b</sup> fedla, agus an uidheam <sup>c</sup> uile rinn Hiram <sup>d</sup> do rìgh Solamh ann an tigh an Tighearna do umha lìobhta.

17 Ann an còmhnaidh Iordain thilg an rìgh iad, anns an talamh chreatha <sup>e</sup>, eadar Sucot agus Seredath.

18 Agus rinn Solamh an t-uidheam so uile ann am mòr-phailteas; oir cha robh e comasach cothrom an umha fhaghail a mach.

19 Agus rinn Solamh an t-uidheam uile a *bhuineadh* do thigh Dhé, agus an altair òir, agus na buird air an robh aran na fianuis;

20 Agus na coinnlearan maille r'an lèchranabhi, chum gu'n loisgeadh iad a réir a ghuatha air beulaobh a' ghuth-àite, do òr fìor-ghlan;

21 Agus na blàthan, agus na lèch-rain, agus na clobhachan do òr, eadhon do'n òr bu ghloine;

22 Agus na smàladairean, agus na cuachan, agus na spàinean, agus na tùisearain, do òr fìor-ghlan;

23 Agus dol a steach an tighe, a dhorsan a b'fhaide a stigh aig an ionad ro naomha, agus dorsan tighe an teampuill, do òr.

CAIB. V.

**A** GUS chrìochnaicheadh an obair uile a rinn Solamh air son tighe an Tighearna: agus thug Solamh a stigh nithe naomhaichte Dhaibhidh <sup>a</sup>athar: an t-airgiod, agus an t-òr, agus na h-innealan uile, chuir e am measg ionmhasan tighe Dhé.

2 An sin chruinnich Solamh seanairean Israeil, agus cinn nan treubh uile, ceannardan aithriche chloinn Israeil, gu h-Ierusalem, chum gu'n d'thugadh iad a mìos àire coimhcheangail an Tighearna a baile Dhaibhidh, a's e Sion.

3 Agus chruinnich fir Israeil uile iad féin a dh'ionnsuidh an rìgh air an fhéill [ann am mìos Etanim] is e sin <sup>f</sup> an seachdamh mìos.

4 Agus thàinig uile sheanairean Israeil, agus thog na Lebhithich an àirc.

5 Agus thug iad suas an àirc, agus pàillion a' choimhthionail, agus na soithichean <sup>g</sup> naomh uile a *bha* sa' phàillion: thug na sagairt agus na Lebhithich iad sin suas.

6 Agus dh'obair rìgh Solamh, agus coimhthionail Israeil uile a chruinnich d'a ionnsuidh roimh an àirc, caoraich agus crodh, nach robh e 'n comas àireamh no mheas, a thaobh lionmhoireachd.

7 Agus thug na sagairt a steach àire coimhcheangail an Tighearna d'a h-àite féin, do ghuth-àit an tighe, do'n ionad a's ro naomha, eadhon fuidh sgiathaibh nan clerub:

8 Oir sgaoil na cheruban a mach an sgiathan os cionn àite na h-àirce, agus chòmhdach na cheruban an àirc agus a lunnan gu h-àrd.

9 Agus tharruing iad a mach na lunnan, air chor as gu'm faicte cinn nan lunn o'n àirc fa chomhair a' ghuth-àite, ach cha 'n fhaicte a mach iad: agus tha iad <sup>h</sup> an sin gu an la'n diugh.

10 Cha robh nith air bith anns an àirc ach an dà chlàr a chuir Maois an sin ann an Horeb, an uair a rinn an Tighearna coimhcheangal ri cloinn Israeil, ag teachd a mach dhoibh as an Eiphit.

11 Agus an uair a thàinig na sagairt a mach as an ionad naomha; (oir naomhaicheadh na sagairt uile a *bha* làthair: cha robh iad a' feitheamh <sup>i</sup> san àm sin a réir an roinnean:

12 An sin *bha* na Lebhithich, an luchd-seinn, agus iad uile do Asaph, do Heman, do Jedutun, maille r'am macaibh agus am bràithribh, air dhoibh bhì air an sgeadachadh ann an lion-eudach geal, le ciombalaibh, agus le saltairibh, agus le clàrsachibh, nan seasamh aig a' cheann an ear do'n altair, agus maille riu ceud agus fichead sagart a' deanamh fuaim le trompaidibh)

13 Agus *bha* iad mar aon a' deanamh fuaim le trompaidibh, agus a' seinn, a thoirt air aon ghuth a bhì air a chluinntinn a mholadh, agus a thoirt buidheachais do'n Tighearna. Ach an uair a thog iad suas an guth leis na trompaidibh, agus na ciombalaibh, agus na h-innealaibh ciuil, agus a *bha* iad a' molaadh an Tighearna, a chionn gu *bheil* e maith, a chionn gu *mair* a thrèdair gu bràth; an sin honadh an tigh le neul, tigh an Tighearna.

14 Agus cha b'urrainn na sagairt

<sup>g</sup> na h-innealan, an t-uidheam.

<sup>h</sup> i. <sup>i</sup> a réir an sear,

<sup>a</sup> fuidhe, foipe. <sup>b</sup> gramuichean.

<sup>c</sup> innealan. <sup>d</sup> Hiram athair:

Hiram-abiu. Eabh. <sup>e</sup> chreudhaich.

<sup>f</sup> Faic. I. Rìgh. Cab. VIII. r. 2.



seasamh a fhrithealadh air sgàth an neoil : oir lion gèidh an Tighearna tigh Dhé.

## CAIB. VI.

**A**N sin thubhairt Solamh, Thubhairt an Tighearna gu'n gabhadh e còmhnuidh ann an dorchadas tigh.

2 Ach thog mise tigh-còmhnuidh dhuit, agus àite chum thu dh'fhan-tuinn ann gu bràth.

3 Agus thionndaidh an rìgh 'aghaidh, agus bheannaich e uile choimh-thional Israeil, (agus uile choimh-thional Israeil nan seasamh.)

4 Agus thubhairt e, Gu ma bean-nuichte an Tighearna Dia Israeil, a choimhlion le a làimh na labhair e le 'bheul ri m'athair Daibhidh, ag ràdh,

5 O'n là air an d'thug mi mo shlugh a mach a tìr na h-Eiphit, cha do thag mi baile sam bith a uile threubhaibh Israeil a thogail tigh, chum gu'm biodh m'ainm an sin, agus cha do thag mi duine sam bith gu bhì na uachdaran os cionn mo shluaigh Israeil.

6 Ach a nis thagh mi Ierusalem, a chum gu'm biodh m'ainm an sin, agus thagh mi Daibhidh gu bhì os cionn mo shluaigh Israeil.

7 Agus bha e ann an cridhe Dhaibhidh m'athar tigh a thogail do ainm an Tighearna Dé Israeil.

8 Agus thubhairt an Tighearna ri Daibhidh m'athair, A chionn gu'n robh e ann ad chridhe tigh a thogail do m' ainm-sa, is maith a rinn thu gu'n robh e ann do chridhe :

9 Gidheadh, cha tog thu-sa an tigh, ach do mhaic a thig a mach as do leasraibh, togaidh esan an tigh do m'ainm-sa.

10 Agus choimhlion an Tighearna 'fhocal a labhair e, agus dh'éirich mise suas an àite Dhaibhidh m'athar, agus tha mi a'm' shuidhe air rìgh-chathair Israeil, mar a labhair an Tighearna, agus thog mi an tigh do ainm an Tighearna Dé Israeil.

11 Agus shuidhich mi an sin an àirc, anns am bheil coimhcheangal an Tighearna, a rinn e ri cloinn Israeil.

12 Agus sheas e roimh altair an Tighearna, an làthair uile choimh-thional Israeil, agus sgaoil e mach a làmh,

13 (Oir rinn Solamh bonn umha, agus chuir se e ann am meadhon na cùirte, cùig làmha-coille air fad, agus cùig làmha-coille air leud, agus trì làmha-coille air airde ; agus sheas e air, agus leag se e féin air a ghluinibh an làthair coimhthional Israeil uile, agus sgaoil e mach a làmh an gu nèamh)

14 Agus thubhairt e, A Thighearna

na Dhé Israeil, cha 'n'eil Dia ann cosmhuil riut-sa anns na nèamhaibh, no air an talamh, a chumas coimhcheangal agus tràdair ri d' sheirbhiseach, a ghluaiseas a' d'fhianuis le'n uile chridhe :

15 A chum ri t'òglach Daibhidh m'athair an ni a labhair thu ris ; oir labhair thu le d' bheul, agus le d' làimh choimhlion thu, mar air an là'n diugh.

16 A nis uime sin, a Thighearna Dhé Israeil, cum ri t'òglach Daibhidh m'athair an ni a labhair thu ris, ag ràdh, Cha bhì duine dhùth ort a'm' fhianuis-sa, a shuidheas air rìgh-chathair Israeil, ma choimhdeas a mhàin do chlann an slighe, a ghluasad ann am lagh, mar a ghluais thu-sa a'm' fhianuis.

17 Agus a nis, a Thighearna Dhé Israeil, daingnichear t'fhocal, a labhair thu ri t'òglach Daibhidh.

18 Ach an gabh Dia d'a rìreadh còmhnuidh maille ri daoineibh air an talamh ? feuch, cha chum na nèamha agus nèamha nan nèamh thu-sa ; cia is ro lugha na sin an tigh so a thog mise ?

19 Gidheadh, amhairc air urnuigh do sheirbhiseach, agus air 'athcluinge, a Thighearna mo Dhia, a dh'éisdeachd ris a' ghlaodh agus ris an urnuigh, a tha do sheirbhiseach a' deanamh a't' fhianuis ;

20 A chum gu'm bhì do shùilean fosgailte ris an tigh so a dh'oidhche agus do là, eadhon ris an àite mu'n dubhairt thu gu'n cuireadh tu t'ainm an sin, a dh'éisdeachd ris an urnuigh a ni do sheirbhiseach a dh'ionnsuidh an àite so.

21 Eisd air an aobhar sin ri ath-cluinge do sheirbhiseach, agus do shluaigh Israeil, an uair a ni iad urnuigh a dh'ionnsuidh an àite so ; agus eisd thu-sa o t'àite còmhnuidh, o na nèamhaibh ; agus an uair a dh'éisdeas tu, maith dhoibh.

22 Ma pheacaicheas duine an aghaidh a choimhearsnaich, agus ma dh'iarras e mionnan air, a' toirt air mionnachadh, agus gu'n d'thig na mionnan an làthair t-altarach anns an tigh so ;

23 An sin eisd thu-sa o na nèamhaibh, agus dean, agus thoir breth air do sheirbhiseachaibh, ag locadh do'n aingidh, a' toirt a shlighe air a cheann féin, agus a' fireanachadh an fhèin, a' tabhairt da a réir fliù-eantachd.

24 Agus ma bhuaillear do shlugh Israel an làthair an nàmhaid, a chionn gu'n do pheacaich iad a't' aghaidh, agus ma philléas iad agus gu'n aidich iad t'ainm, agus gu'n dean iad urnuigh agus gu'n guidh iad a'd' làthair anns an tigh so ;

## II. EACHDRAIDH.

25 An sin éisd thu-sa o na nèamhaibh, agus maith peacadh do shluaigh Israeil, agus thoir a rìs iad do'n fhearann a thug thu dhoibh féin agus d'an aithrichibh.

26 An uair a dhruidear na nèamha, agus nach bi uisge ann, a chionn gu'n do pheacaich iad a't' aghaidh-sa; agus a ni iad urnuigh a dh'ionnsuidh an àite so, agus a dh'aidicheas iad t'ainm, agus a dh'iompoichear iad o'm peacadh, an uair a chuireas tu fuidh àmhghar iad;

27 An sin éisd thu-sa o na nèamhaibh, agus maith peacadh do sheirbhisich, agus do shluaigh Israeil, a chum as gu'n teagaisg thu dhoibh an t-slighe mhaith air an cùir dhoibh gluasad, agus gu'n cuir thu uisge air an fhearann a thug thu do d' shluaigh mar oighreachd.

28 An uair a bhios gortadh anns an tìr, an uair a bhios plàigh ann, an uair a bhios sèargadh ann, no fuar dhealt, locust, no burruis; an uair a theannaicheas a nàmhaid e ann an tìr a bhailte, ciod air bith plàigh, agus ciod air bith euslaint a bhios ann;

29 Ge b'e urnuigh, ge b'e ath-chuinge a chuirear suas le duine sam bith, no le d' shluaigh Israel uile, an uair a bhios fios aig gach aon air a phlàigh féin, agus a dhoilgheas féin, agus a sgaoileas e mach a làmh an a dh'ionnsuidh an tighe so;

30 An sin éisd thu-sa o na nèamhaibh, o t'àite còmhnuidh, agus maith, agus thoir do gach duine a réir a shlighean uile, a tha fios agad air a chridhe (oir is ann agad-sa, agad-sa mhàin a tha fios air cridheachaidh chloinn nan daoine;)

31 A chum gu'n bi eagal orra romhad-sa, a ghluasad annad shligheibh rè an laithean uile bhios iad beò anns an tìr, a thug thu d' ar n-aithrichibh.

32 Os-bàrr, a thaobh a' choigrich, nach 'eil do d' shluaigh Israel, ach a thig a tìr chéin air sgàth do mhòr ainme-sa, agus do làimhe laidir, agus do ghairdein sìnte mach, agus a thig agus a ni urnuigh anns an tigh so;

33 An sin éisd thu-sa o na nèamhaibh, o t'àite còmhnuidh, agus dean a réir nan uile *nithe* mu'n glaodh an coigreach riut: a chum gu'm bi eòlas aig uile shlighe na talmhainn air t'ainm, agus gu'm bi eagal orra romhad, mar *ata air* do shluaigh Israeil, agus gu'm bi fios aca gu'n goir-ear t'ainm-sa air a an tigh so a thog mise.

34 An uair a théid do shluaigh a mach a chogadh an aghaidh an

naimhdean air an t-slighe air an cuir thu iad, agus a ni iad urnuigh riut a làimh<sup>b</sup> a' bhaile<sup>c</sup> so a ròghnaich thu-sa, agus an tigh a thog mise do t'ainm;

35 An sin éisd thu-sa o na nèamhaibh r'an urnuigh agus r'an ath-chuinge, agus cum ceartas riu.

36 An uair a pheacaicheas iad a't' aghaidh (oir clia 'n'eil duine ann nach peacaich,) agus a lasas t'fhearg nan aghaidh; agus a bheir thu thairis iad d'an naimhdibh, agus a bheir iad leo nam braighdibh iad do thìr am fad, no am fagus;

37 Gidheadh *ma* thig iad gu inn-tinn cheart<sup>d</sup> anns an tìr d'an d'thugadh nam braighdibh iad, agus *ma* dh'iompoichear iad, agus *ma* ni iad urnuigh riut ann an tìr am braighdeanais, ag ràdh, Pheacaich sinn, rinn sinn gu h-eucorach, agus rinn sinn gu h-aingidh;

38 Ma philleas iad a't' ionnsuidh-sa le'n uile chridhe agus le'n uile anam, ann an tìr am braighdeanais, d'an d'thugadh iad nam braighdibh; agus *ma* ni iad urnuigh a làimh an tìre féin, a thug thu d'an aithrichibh, agus a làimh a' bhaile, a ròghnaich thu, agus a làimh an tighe, a thog mise do t'ainm;

39 An sin éisd thu-sa o na nèamhaibh, o t'àite còmhnuidh, r'an urnuigh agus r'an ath-chuinge, agus cum ceartas riu, agus maith do d' shluaigh a pheacaich a't' aghaidh.

40 A nis, mo Dhia, bitheadh, guidheam ort, do shùilean fosgailte, agus thugadh do chluasan an aire do urnuigh an àite so.

41 Ach a nis éirich thu-sa, a Thighearna Dhé, do d' àite suaimheis, thu féin agus àir do neirt. Bitheadh do shagairt, a Thighearna Dhé, air an sgeadachadh le slàinte; agus déanadh do naoimh gairdeachas ann am maitheas.

42 A Thighearna Dhé, na tionndaidh air falbh gnùis t'aoin ungta: cuimhnich tròcairean Dhaibhidh do sheirbhisich.

### CAIB. VII.

**A** GUS an uair a chuir Solamh crìoch air urnuigh a dheanamh, thàinig an teine a nuas o nèamh, agus loisg e suas an tabhartas-loisgte agus na h-ìobairtean; agus hion glòir an Tighearna an tigh.

2 Agus cha b'urrainn na sagairt dol a steach do thigh an Tighearna, a chionn gu'n do hion glòir an Tighearna tigh an Tighearna.

3 Agus an uair a chunnaic clann Israeil uile mar a thàinig an teine

<sup>a</sup> gu'n ainmichear<sup>d</sup> ortsa,

<sup>b</sup> rathad. Eabh.

<sup>c</sup> na cathrach.

<sup>d</sup> ma philleas iad d'an cridhe. Eabh.

nuas, agus glòir an Tighearna air an tigh, chrom siad iad féin le'n aghaidhibh chum na talmhainn air an urlar, agus rinn iad aoradh, agus mhol iad an Tighearna, a chionn gu bheil e maith, gu mair a thròcair gu bràth.

4 An sin dh'lobair an rìgh agus an sluagh uile lobairtean am fianuis an Tighearna.

5 Agus dh'lobair rìgh Solamh mar lobairt dà mhìle fichead bò, agus ceud agus fichead mìle caora : agus choisrig an rìgh agus an sluagh uile tigh Dhé.

6 Agus dh'fheith na sagairt air an dreuchd ; na Lebhithich mar an ceudna le innealaibh-ciùil an Tighearna, a rinn Daibhidh an rìgh a mholadh an Tighearna, a chionn gu mair a thròcair gu bràth, an uair a bha Daibhidh a' cliùthachadh le'n làimh-san : agus shéid na sagairt trompeadan rompa, agus sheas Israel uile.

7 Agus naomhaich Solamh meadhon na cùirte, a bha fa chomhair tìghe an Tighearna : oir thug e suas an sin lobairte-loisgte, agus sail nan tabhartas-sìth, a chionn nach b'urrainn an altair umha, a rinn Solamh, na h-lobairtean-loisgte, agus na tabhartas-bidh, agus an t-saill, a ghabhail.

8 Agus chum Solamh anns an àm sin an fhéill seachd laithean, agus Israel uile maille ris, coimhchrinn-eachadh ro mhòr, o dhol a stigh Hamait gu ruig abhuinn na h-Eiphit.

9 Agus air an ochdamh là chum iad ard choimhthional ; oir chum iad coisreagadh na h-altarach seachd laithean, agus an fhéill seachd laithean.

10 Agus air an treas la fichead do'n t-seachdamh mìos leig e an sluagh air falbh d'am bùthaibh, aoibhinn agus subhach nan cridhe air son a' mhaitheis, a nochd an Tighearna do Dhaibhidh, agus do Sholamh, agus do Israel a shlugh.

11 Agus chrìochnaich Solamh tigh an Tighearna, agus tigh an rìgh ; agus gach nì a thàinig ann an cridhe Sholaimh a dheanamh ann an tigh an Tighearna, agus na thigh féin, shoirbhich leis na dheanamh.

12 Agus dh'fhoillsich an Tighearna e féin do Sholamh 'san oidhche, agus thubhairt e ris, Chuala mi t'urnuigh, agus thagh mi 'n t-àite so dhomh féin air tìghe lobairte.

13 Ma dhruideas mi na nàmbha, agus nach bi uisge ann, no ma dh'àithneas mi do na locuist an fearann itheadh suas, no ma chuireas mi plàigh am measg mo shlugaigh ;

14 Ma dh'irioslaicheas mo shlugh,

air an goirear<sup>a</sup> m'ainm, iad féin, agus gu'n dean iad urnuigh, agus gu'n iarr iad mo ghnùis, agus gu'm pill iad o'n droch shlighibh, an sin cluinnidh mise o na nàmbhaibh, agus maithidh mi am peacadh, agus leighisidh mi am fearann.

15 A nis bithidh mo shùilean fosgailte, agus bheir mo chluasan an aire do urnuigh an àite so :

16 Oir a nis thagh mi agus naomhaich mi an tigh so, chum gu'm bi m'ainm an sin gu bràth ; agus bithidh mo shùilean agus mo chridhe an sin gach là.

17 Agus ma ghluaiseas tusa ann am fhianuis, mar a ghluais Daibhidh t'athair, agus ma nì thu a réir gach nì a dh'àithn mi dhuit, agus gu'n gléidh thu mo reachdan agus mo bhreitheanas ;

18 An sin daingnichidh mise rìgh-chathair do rìoghachd, mar a rinn mi coimhcheangal ri Daibhidh t'athair ag ràdh, Cha bhi duine dhùth ort gu bhli na nachdaran ann an Israel.

19 Ach ma thionndaidheas sibh uam, agus gu'n tréig sibh mo reachdan agus m'aitheantan a chuir mi roimhibh, agus gu'n d'théid sibh agus gu'n dean sibh seirbhis do dhéibh eile, agus gu'n sleuchd sibh dhoibh ;

20 An sin splonadh mise sibh<sup>b</sup> as m'fhearann a thug mi dhuibh<sup>c</sup> ; agus an tigh so a naomhaich mi do m'ainm, tilgidh mias mo shealladh, agus nì mi e na shamhladh<sup>d</sup> agus na leth-fhocal<sup>e</sup> am measg nan uile chinneach.

21 Agus an tigh so a bha co ard, bithidh iongantas air gach neach a théid seachd air, agus their e, C'ar son a rinn an Tighearna mar so ris an tìr so, agus ris an tigh so ?

22 Agus freagar<sup>f</sup>, A chionn gu'n do thréig iad an Tighearna Dia an aithriche, a thug a mach iad a tìr na h-Eiphit, agus gu'n do ghabh iad d' an ionnsuidh<sup>g</sup> diathan eile, agus gu'n do shleuchd iad dhoibh, agus gu'n do rinn iad seirbhis dhoibh ; uime sin thug e an t-olc so uile orra.

## CAIB. VIII.

**A**GUS tharladh an ceann fhichead bliadhna, anns an do thog Solamh tigh an Tighearna agus a thigh féin,

2 Na bailtean a thug Hiram do Sholamh, gu'n do thog Solamh iad, agus thug e air cloinn Israeil còmh-nuidh a ghabhail an sin.

<sup>a</sup> gairmear.

<sup>b</sup> iad.

<sup>c</sup> dhoibh,

<sup>d</sup> ghnàth-fhocal.

<sup>e</sup> bhall-

magaidh.

<sup>f</sup> their iad. Eabh.

<sup>g</sup> gu'n d'rinn iad grèim air.

3 Agus chaidh Solamh gu Hamat-sobah, agus thug e buaidh air.

4 Agus thog e Tadmor anns an fhàsach, agus na bailtean ionmhais uile a thog e ann an Hamat.

5 Mar an ceudna thog e Bethoron uachdarach, agus Bethoron iochdarach, bailte daingnichte, le ballaibh, geataibh, agus crannaibh :

6 Agus Baalat, agus na h-uile bhailtean ionmhais a bha aig Solamh, agus uile bhailte nan carbad, agus bailtean a' mharc-shluaigh, agus uile mhiann Sholaimh a mhiannaich e thogail ann an Ierusalem, agus ann an Lebanon, agus ann an uile thìr a thighearnais.

7 A thaobh an t-sluaigh uile a dh'fhàgadh do na Hìtich, agus do na h-Amoraich, agus do na Perisich, agus do na Hìbhich, agus do na Iebusaich, nach robh do Israel,

8 D'au cloinn a dh'fhàgadh nan déigh anns an tìr, nach do sgrios clann Israeil, dhiubh-san thog Solamh cìs gus an là'n diugh.

9 Ach do chloinn Israeil cha d'rinn Solamh tràill sam bith air son 'oibre ; oir bha iad nam fir-chogaidh, agus nan uachdarainibh, agus nan ceannardaibh a aige, agus nan riaghlairibh a charbad agus a mharc-shluaigh.

10 Agus b' iad so uachdarain an luchd-dreuchd a bha aig rìgh Solamh, dà cheud agus leth-cheud<sup>b</sup> a riaghail os cionn an t-sluaigh.

11 Agus thug Solamh suas nigh-ean Pharaoidh a baile Dhaibhidh a dh'ionnsuidh an tighe a thog e dh'i : oir thubhairt e, Cha ghabh mo bhean-sa còmhnuidh ann an tìgh Dhaibhidh rìgh Israeil ; oir is naomha na h-àitean, d'an d'fhàinig àir an Tighearna steach.

12 An sin dh'ìobair Solamh ìobairte-loisgte do'n Tighearna, air alt-air an Tighearna, a thog e fa chomhair an sgàth-thighe ;

13 A dhlighe féin air gach là, ag òbradh a réir àithne Mhaois air na sàbaidibh, agus air na gealaichibh nomha, agus air na féilibh<sup>c</sup> sònraichte, trì uairean sa' bhliadhna, air féill an arain neo-ghoirtichte, agus air féill nan seachduin, agus air féill nam pàillion.

14 Agus shuidhich e, a réir riaghailt Dhaibhidh 'athar, roinnean nan sagart chum an seirbhìs, agus na Lebhithich chum an cùraim, a mholadh agus a fhrithealadh am fianuis nan sagart, a réir dlighe gach là, agus na dorsairean a réir an roinnean

aig gach geatadh : oir mar sin dh'àithn Daibhidh òglach Dhé.

15 Agus cha do chlaon iad o àithne an rìgh inu na sagairt agus na Lebhithich, a thaobh nì air bith, no thaobh nan ionmhas.

16 Agus dheasaicheadh 'obair Sholaimh uile gu ruig an là anns an do leagadh bunaid<sup>d</sup> tighe an Tighearna, agus gus an do chrìochnaicheadh e. Mar sin rinneadh tìgh an Tighearna gu h-iomlan.

17 An sin chaidh Solamh gu h-Esion-geber, agus gu h-Elot, air taobh na mara ann an tìr Edoim.

18 Agus chuir Huram d'a ionnsuidh, le làimh a sheirbhiseach, longa, agus seirbhìsich aig an robh eòlas na fairge, agus chaidh iad maille ri seirbhìsich Sholaimh gu h-Ophir, agus thug iad as sin ceithir cheud agus leth-cheud tàlann òir, agus thug iad gu rìgh Solamh iad.

#### CAIB. IX.

**A**GUS an uair a chuala ban-rìghinn Sheba cliù Sholaimh, thàinig i a dhearbhadh Sholaimh le ceisidibh cruaidhe gu h-Ierusalem, le cuideachd ro mhòir, agus le càmhalaibh a' giùlan spìosraidh agus òir ann am pailteas, agus chlacha luachmhor : agus an uair a thàinig i dh'ionnsuidh Sholaimh, labhair i ris gach nì a bha na cridhe.

2 Agus fhreagair<sup>e</sup> Solamh dh'i a ceisdean<sup>f</sup> uile ; agus cha robh nì air bith am folach air Solamh nach d'innis e dh'i.

3 Agus an uair a chunnaic ban-rìghinn Sheba gliocas Sholaimh, agus an tìgh a thog e,

4 Agus biadh a bhuird, agus suidhe a sheirbhiseach, agus feitheamh a luchd-frithealaidh agus an truscan, agus a ghillean-cupain agus an truscan, agus a dhul-suas air an deachaidh e suas gu s' tìgh an Tighearna ; cha robh spiorad innte nì's mò.

5 Agus thubhairt i ris an rìgh, B'fhìor an t-iomradh a chuala mi ann am thìr féin, air do ghuimhar-aibh agus air do ghliocas.

6 Gidheadh cha do chreid mi am briathra, gus an d'fhàinig mi, agus gu'm faca mo shùilean ; agus fèuch, cha d'innseadh dhomh leth meud do ghliocais : chaidh thu thar an iomradh a chuala mi.

7 Is sona do dhaoine, agus is sona iad do sheirbhìsich, a sheasas a't'-fhianuis an còmhnuidh, agus a chluinneas do ghliocas.

8 Gu ma beannuichte an Tighearna do Dhia a ghabh tlachd anuad

<sup>a</sup> I. Rìgh. Caib. IX. r. 22.

<sup>b</sup> cùig ceud agus leth-cheud. I. Rìgh. Caib. IX. r. 23, <sup>c</sup> fèisidibh,

<sup>d</sup> stéidh. <sup>e</sup> dh'fhuasgail, mhìnich.

<sup>f</sup> briathran. Eabh. <sup>g</sup> na h-ìobairte-loisgte a dh'ìobair e ann.



gu d' chur air a rìgh-chathair, gu bhli d' rìgh air son an Tighearna do Dhé : a chionn gu'n do ghràdhach do Dhia Israel, chum an daingneachadh gu bràth, uime sin rinn e thu-sa a'd' rìgh os an ceann, a dhcanamh breitheanais agus ceartaais.

9 Agus thug i do'n rìgh ceud agus fichead tàlann òir, agus ro mhòran do spìosraidh, agus clacha luachmhor : Agus cha robh riamh a leithid so do spìosraidh, as a thug ban-rìghinn Sheba do rìgh Solamh.

10 Agus mar an ceudna thug scrìbhisich Huraim, agus seirbhisich Sholaimh, a thug òr o Ophir, fiodh alguim<sup>a</sup> leo, agus clacha luachmhor.

11 Agus rinn an rìgh do'n fhiodh alguim staidhrichean<sup>b</sup> do thigh an Tighearna, agus do thigh an rìgh, agus clàrsaichean agus saltairean do'n luchd-ciùil : agus cha'n fhacas an leithid roimhe ann an tìr Iudah.

12 Agus thug rìgh Solamh do bhan-rìghinn Sheba a h-uile mhiann a dh'iarr i, a thuilleadh air na thug i dh'ionnsuidh an rìgh<sup>c</sup> : agus thionndaidh i agus dh'imich i d'a tìr, i féin agus a seirbhisich.

13 A nis b'e cotlrom an òir a thàinig a dh'ionnsuidh Sholaimh ann an aon bhliadhna, sè ceud agus tri fichead agus sè tàlannan òir :

14 A thuilleadh air na thug na ceannaichean agus an luchd-malairt, agus uile rìghrean Arabia, agus nachdarain na tìre ; a thug òr agus airgiod a dh'ionnsuidh Sholaimh<sup>d</sup>.

15 Agus rinn rìgh Solamh dà cheud sgiath do òr buailte : chaidh sè ceud *secel* do òr buailte chum gach sgéithe.

16 Agus rinn e tri cheud targaid do òr buailte : chaidh tri cheud *secel* òir chum gach targaide : agus chuir an rìgh iad ann an tìgh frìthe Lebanoin.

17 Rinn an rìgh mar an ceudna rìgh-chathair mhòr do fhiaclaibh *elephant*, agus chòmhdach e i leis an òr bu ghloine.

18 Agus bha sè ceuman aig an rìgh-chathair agus cos-stòl òir, air an tàthadh ris an rìgh-chathair, agus làmh an air gach taobh do'n àite-shuidhe, agus dà leòmhann a' seasamh làimh ris na làmh an.

19 Agus sheas dà leòmhann dheug an sin air na sè ceumaibh, air an taobh so agus air an taobh ud. Cha

d'rinneadh a leithid ann an rìghachd air bith eile,

20 Agus bha uile shoithichean òil rìgh Solaimh do òr, agus uile shoithiche tìghe frìthe Lebanoin do òr fìor-ghlan : cha robh meas do airgiod ann an laithibh Sholaimh chum ni sam bith.

21 Oir chaidh luingeas an rìgh gu Tarsis maille ri seirbhisich Huraim : aon uair anns na trì bliadhnaibh thàinig loingeas Tharsis a' giùlan òir agus airgid, fhiacal *clephant*, agus apa, agus phencag.

22 Agus thug rìgh Solamh barrachd air uile rìghibh an domhain ann an saibhreas agus gliocas.

23 Agus dh'iarr uile rìghre na talmhainn teachd an làthair Sholaimh, a chluinntinn a' ghliocais a chuir Dia na chridhe.

24 Agus thug iad leo gach fear a thiodhlacadh, soithichean airgid, agus soithichean òir, agus truscana, agus airin, agus spìosraidh, agus eich, agus muileidean, cuibhrioun bliadhna anns gach bliadhna.

25 Agus bha aig Solamh ceithir mìle prasach each air son a charbad<sup>e</sup>, agus dà mhìle dheug marcach, a chuir e mach ann am bailtibh nan carbad, agus maille ris an rìgh ann an Ierusalem.

26 Agus rìoghaich e os cionn nan rìgh uile, o'n abhuinn gu ruig tìr nam Philisteach, agus gu ruig crìoch na h-Eiphit.

27 Agus thug an rìgh air airgiod *a bhi* ann an Ierusalem mar chlachan, agus air na crannaibh seudair thug e *bhi* mar na croinn shicomoir, a tha anns an t-srath, air lìonmhoireachd.

28 Agus thugadh eich a dh'ionnsuidh Sholaimh, as an Eiphit, agus as gach uile tìr.

29 Agus a' chuid eile do ghnìomharaibh Sholaimh an toiseach agus mu dheireadh<sup>f</sup>, nach 'eil iad scrìobhta ann an leabhar Nàtain an fhàidh, agus ann am fàidheadoireachd Ahiah an t-Silonaich, agus ann an seallanaibh Ido an fhir-sheallaidh an aghaidh Ieroboam mhic Nebait ?

30 Agus rìoghaich Solamh ann an Ierusalem os cionn Israeil uile, dà fhichead bliadhna.

31 Agus choidil Solamh maille r'a aithrichibh, agus dh'adhlacaidh e ann am baile Dhaibhidh 'athar : agus rìoghaich Rehoboam a mhac na àite.

## CAIB. X.

**A**GUS chaidh Rehoboam do Shechem : oir thàinig Israel uile do Shechem g'a dheanamh na rìgh.

2 Agus an uair a chuala Ieroboam

<sup>e</sup> I. Rìgh. Caib. IV. r. 26.

<sup>f</sup> o thoiseach gu deireadh,

<sup>a</sup> *almuig*. I. Rìgh. Caib. X. r. 11.

<sup>b</sup> *ard-shlighean*. <sup>c</sup> *a thuilleadh air na thug an rìgh dh'i d'afhiallaidh eachd féin*. I. Rìgh. Caib. X. r. 13.

<sup>d</sup> *Faic*, I. Rìgh. Caib. X. r. 15.

## II. EACH DRAIDH.

mac Nebait *sin*, a *bha* anns an Eipnit, far an do theich e o ghnùis rìgh So-laimh, phill Ieroboam as an Eiphit.

3 Agus chuir iad *fios*, agus ghairm iad e: agus thàinig Ieroboam agus Israel uile, agus labhair iad ri Rehoboam, ag ràdh,

4 Dh'antromaich t'athair ar cuingne, ach eutromaich thus a nis seirbhis chruaidh t'athar, agus a chuing throm a chuir e oirnn, agus nì sinn seirbhis dhuit.

5 Agus thubhairt e riu, An ceann thri laithean thigibh a ris a m'ionnsuidh. Agus dh'fhialbh an sluagh.

6 Agus chuir rìgh Rehoboam a chomhairle ris naseann daoineibh, a sheas an làthair Sholaimh 'athar, an uair bu bhead e, ag ràdh, Cionnus a chomhairlicheas sibh *dhomh* freagradh a thabhairt do'n t-sluagh so?

7 Agus labhair iadsan ris, ag ràdh, Ma bhios tusa caoimhneil ris an t-sluagh so, agus gu'n toilich thu iad, agus gu'n labhair thu riu briathra maithe, bithidh iadsan agadsa nan seirbhisich gu bràth.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga, a dh'fhàs suas maille ris féin, agus a sheas nà làthair.

9 Agus thubhairt e riu, Ciod a tha sibhse a' comhairleachadh, a chumas gu'n d'thoir sinn freagradh do'n t-sluagh so, a labhair rium, ag ràdh, Eutromaich a' chuing a chuir t'athair oirnn?

10 Agus labhair na daoine òga, a dh'fhàs suas maille ris féin ris, ag ràdh, Mar so their thu ris an t-sluagh a labhair riut, ag ràdh, Dh'antromaich t'athair ar cuingne, ach eutromaich thusa dhuinn i; mar so their thu riu, Is gairbhemo lùghdag-sa na leasraidh m'athar.

11 Agus a nis chuir m'athair gun amharus oirbh cuing throm, ach cuiridh mise ri bhur cuing; smachdaich m'athair sibh le slataibh, ach smachdaichidh mise sibh le scorpion-aibh.

12 Agus thàinig Ieroboam agus an sluagh uile gu Rehoboam air an treas là, mar a dh'aithn an rìgh, ag ràdh, Thigibh a ris a m'ionnsuidh air an treas là.

13 Agus fhreagair an rìgh iad gu garbh, agus thréig rìgh Rehoboam comhairle nan seann daoine.

14 Agus labhair e riu a réir comhairle nan daoine òga, ag ràdh, Dh'antromaich m'athair bhur cuing, ach cuiridh mise rithe; smachdaich m'athair sibh le slataibh, ach smachdaichidh mise sibh le scorpion-aibh.

15 Mar so cha d'éisd an rìgh ris an t-sluagh; oir bha'n t-aobhar o Dìia, chum gu'n coimhlionadh an Tighearna

'fhocal féin, a labhair e le làimh Ahiah an t-Sìlonaich ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibhrionn a th'againne ann an Daibhidh? agus cha 'n'eil oighreachd againn ann am mac Iese: gach fear do d' bhùthaibh, O Israeil; a nis thoir an aire<sup>b</sup> air do thigh féin, a Dhaibhidh. Agus dh'fhabh Israel uile d'am bùthaibh.

17 Ach a thaobh chloinn Israeil a bha chòmhnuidh ann am bailtibh Iudah, rioghaich Rehoboam os an cionn.

18 An sin chuir rìgh Rehoboam Adoram a bha os cionn na cìse *d'ah ionnsuidh*; agus chlach clann Israeil e le clachaibh, agus fhuair e bàs: agus rinn Rehoboam cabhag gu dol suas d'a charbad, chum as gu'n teicheadh e do h-Ierusalem.

19 Agus rinn Israel ceannairc an aghaidh tighe Dhaibhidh gus an là'n diugh.

### CAIB. XI.

**A** GUS an uair a thàinig Rehoboam gu h-Ierusalem, chruinnich e do thigh Iudah agus Bheniamin, ceud agus ceithir fichead mìle fear taghta, deanta ri cogadh, a chogadh an aghaidh Israeil, a chum an rìoghachd a thoirt a ris gu Rehoboam.

2 Ach thàinig focal an Tighearna gu Semaiah òglach<sup>c</sup> Dhé, ag ràdh,

3 Labhair ri Rehoboam, mac Sholaimh, rìgh Iudah, agus ri h-Israel uile ann an Iudah agus ann am Benjamin, ag ràdh,

4 Mar so tha'n Tighearna ag ràdh, Cha d' théid sibh suas, agus cha chog<sup>d</sup> sibh ri'r bràithribh: pillibh, gach fear a dh'ionnsuidh a thighe; oir leam-sa rinneadh an nì so. Agus dh'éisd iad ri briathraibh an Tighearna, agus phill iad o dhol an aghaidh Ieroboaim.

5 Agus ghabh Rehoboam còmhnuidh ann an Ierusalem, agus thog e bailte daingnichte ann an Iudah:

6 Thog e eadhon Bet-lehem, agus Etam, agus Tecoa,

7 Agus Bet-sur, agus Socho, agus Adullam;

8 Agus Gat, agus Maresah, agus Siph,

9 Agus Adoraim, agus Lachis, agus Asecah,

10 Agus Sorah, agus Aialon, agus Hebron; a tha ann an Iudah, agus ann am Benjamin, nam bailtibh daingnichte.

<sup>a</sup> maille ri.

<sup>c</sup> duine. Eabh.

<sup>b</sup> seall.

<sup>d</sup> chòmhraig.

11 Agus neartaich e na daingnich-ean, agus chuir e ceannardan anna, agus taisgeacha bìdh, agus olaidh, agus fiona.

12 Agus auns gach baile<sup>a</sup> fa leth chuir e sgiathan agus sleaghan, agus rinn e ro làidir iad; oir bha Iudah agus Benjamin aige air a thaobh.

13 Agus thàinig na sagairt agus na Lebhithich, a bha ann an Israel uile, d'a ionnsuidh as an crìochaibh uile:

14 (Oir dh'fhàg na Lebhithich am fo-bhailtean<sup>b</sup>, agus an sealbh, agus thàinig iad gu Iudah agus gu h-Ierusalem; a chionn gu'n do chuir Ieroboam, agus a mhic, ia do fhrith-ealadh ann an dreuchd nan sagart do'n Tighearna.

15 Agus rinn e dha féin sagairt air son nan àit ard, agus air son dhiabhol, agus air son nan laogh a rinn e.)

16 Agus nan déigh-san thàinig a mach as uile threubhaibh Israeil iad-san a shocraich an cridhe a dh'iarraidh an Tighearna Dé Israeil, gu h-Ierusalem a dh'ìobradh d'on Tighearna Dia an aithriche.

17 Agus dhaingnich iad rìoghachd Iudah, agus rinn iad Rehoboam mac Sholaimh làidir ré thri bliadhna; oir rè thri bliadhna ghluais iad ann an slighe Dhaibhidh agus Sholaimh.

18 Agus ghabh Rehoboam Mahalat, nighean Ierimoit, mhic Dhaibhidh, dha féin mar mhnaoi; Abihail mar an ceudna, nighean Eliaib, mhic Iese:

19 Agus rug ise dha clann; Ieus, agus Samariah, agus Saham.

20 Agus na déigh-san ghabh e Maachah, nighean Absaloim, a rug dha Abiah, agus Atai, agus Sisa, agus Selomit.

21 Agus ghràdhaich Rehoboam Maachah, nighean Absaloim, os cionn a bhan agus a choimhleabaichean uile; (oir ghabh e dha féin ochd mnàì dheug, agus trì fichead coimhleabach, agus ghin e ochd mic fhichead, agus trì fichead nighean:)

22 Agus rinn Rehoboam na cheannard Abiah, mac Mhaachah, gu bhi na riaghlair am measg a bhràithre; oir smuainich e air a dheanamh na rìgh.

23 Agus rinn e gu glic, agus sgaoil e a' chuid eile d'a mhacaibh uile air feadh uile thìre Iudah agus Benjamin, anns na bailtibh daingnichte uile, agus thug e dhoibh pailteas bìdh: agus dh'iarr e mòran bhan.

## CAIB. XII.

**A**GUS an uair a dhaingnicheadh rìoghachd Rehoboaim, agus a dh'fhàs e cumhachdach<sup>c</sup>, thréig e

lagh an Tighearna, agus Israel uile maille ris.

2 Agus anns a' chùigeadh bliadhna do rìgh Rehoboam, thàinig Sisac rìgh na h-Eiphit a nìos an aghaidh Ierusalem. (a chionn, gu'n do pheacaich iad an aghaidh an Tighearna.)

3 Le mìle agus da cheud carbad, agus le trì fichead mìle marcach: agus bha 'n sluagh gun àireamh a thàinig maille ris as an Eiphit; na Lùbaich, na Sucaich, agus na h-Etiopaich.

4 Agus ghlac e na bailte daingnichte a bhuineadh do Iudah, agus thàinig e gu h-Ierusalem.

5 Ansin thàinig Semaiah am fàidh gu Rehoboam agus gu h-uachdaran-aibh Iudah, a bha air cruinneachadh gu h-Ierusalem air eagal Shisaic, agus thubhairt e riu, Mar so tha'n Tighearn ag ràdh, Dh'fhàg<sup>d</sup> sibhse mise, agus air an aobhar sin dh'fhàg mise sibhse ann an làimh Shisaic.

6 Ansin dh'ìrioslaich uachdaran Israel agus an rìgh iad féin, agus thubhairt iad, Tha'n Tighearna ceart.

7 Agus an uair a chunnaic an Tighearn gu'n d'ìrioslaich siad iad féin, thàinig focal an Tighearna gu Semaiah, ag ràdh, Dh'ìrioslaich siad iad féin; cha sgrios mi iad, ach bheir mi dhoibh càil-eigin do shaorsadh, agus cha taomar mo chorruih a mach air Ierusalem le làimh Shisaic.

8 Gidheadh, bithidh iad nan seirbhisich aige, agus bithidh aithne aca air mo sheirbhis-sa, agus air seirbhis rioghachda nan dùchanna.

9 Uime sin thàinig Sisac rìgh na h-Eiphit a nìos an aghaidh Ierusalem, agus thug e leis ionmhais tighe an Tighearna, agus ionmhais tighe an rìgh; bhuin e leis an t-ìomlan: thug e leis mar an ceudna na tar-gaidean òir, a rinn Solamh.

10 Agus rinn rìgh Rehoboam tar-gaidean umha nan àit, agus thug e thairis iad do làimh cheannard an fhreiceadain, a ghléidh dorus tighe an rìgh.

11 Agus an uair a chaidh an rìgh a steach do thigh an Tighearna, thàinig am freiceadan agus thog siad iad, agus thug iad air an ais iad gu seòmar an fhreiceadain.

12 Agus an uair a dh'ìrioslaich se e féin, thionndaidh corruich an Tighearna uaith, chum nach sgriosadh se e gu tur. Agus mar an ceudna ann an Iudah bha nithe gu maithe.

13 Agus dhaingnich rìgh Rehoboam e féin ann an Ierusalem, agus

<sup>a</sup> cathair. <sup>b</sup> dlù-bhailtean, fearann comh-roinn; suburbs. Sasg.

<sup>c</sup> neartaich se e féin.

<sup>d</sup> Thréig.

Rìghaich e. A nis *bha* Rehoboam aon agus dà fhichead bliadhna dh'aois an uair a thòisich e air rìoghachadh, agus rìghaich e seachd bliadhna deug ann an Ierusalem, am baile a thagh an Tighearn a mach as uile theubhaibh Israeil a chur 'ainme an sin: agus *b'e* ainm a mhàthar Naamah, Ban-amonach.

14 Agus rinn e olc, a chionn nach d'ulluich e a chridhe a dh'iarraidh an Tighearna.

15 A nis gnìomhara Rehoboam, an toiseach agus mu dheireadh, nach 'eil iad scribedh ann an leabhar Shemaiah an fhàidh, agus Ido an fhir-sheallaidh, mu thimchioll ghinealach? Agus *bha* cogadh eadar Rehoboam agus Ieroboam rè an laithean uile.

16 Agus choidil Rehoboam maille r'a aithrichibh, agus dh'adhlaicheadh e ann am baile Dhaibhidh. Agus rìghaich Abiah, a mhac, na àit.

CAIB. XIII.

**A**NIS anns an ochdamh bliadhna deug do rìgh Ieroboam, thòisich Abiah<sup>a</sup> air rìoghachadh os cionn Iudah.

2 Tri bliadhna rìghaich e ann an Ierusalem: agus *b'e* ainm a mhàthar Maachah, nighean [Abisaloim, mhic] Uriel o Ghibeah<sup>b</sup>. Agus *bha* cogadh eadar Abiah agus Ieroboam.

3 Agus chuir Abiah an cath an ordugh le armait do dhaoineibh treun ann an cogadh, ceithir cheud mìle fear taghta: agus chuir Ieroboam an cath an ordugh na aghaidh le ochd ceud mìle fear taghta, daoine treun gaisgil.

4 Agus sheas Abiah suas air sliabh Shemaraim, a *tha* ann an sliabh Ephraim, agus thubhairt e, Eisdibh rium Ieroboam, agus Israel uile.

5 Nach bu chòir dhuibh-se fios a bhi agaibh gu'n d'thug an Tighearna Dia Israeil an rìoghachd os cionn Israel thairis do Dhaibhidh gu brath, eadhon dha-san agus d'a mhacaibh le coimlicheangall salainn?

6 Gidheadh, dh'èirich Ieroboam, mac Nebait, seirbhiseach Sholaimh, mhic Dhaibhidh, suas, agus rinn e ceannairc an aghaidh a thighearna;

7 Agus chruinnich d'a ionnsuidh daoine faoine, mic Bheliail, agus neartaich siad iad féin an aghaidh Rehoboam, mhic Sholaimh, nuair a bha Rehoboam òg agus tais-chridheach<sup>c</sup>, agus nach b'urrainn e cur nan aghaidh.

8 Agus a nis *tha* sibh a' smuam-eachadh air cur an aghaidh rìogh-

achd an Tighearna ann an làimh mac Dhaibhidh, agus *tha* sibh nar<sup>a</sup> sluagh mòr, agus *tha* agaibh laoiigh òir, a rinn Ieroboam dhuibh mar dhée.

9 Nach do thilg sibh a mach sagartan an Tighearna, mic Aaroin, agus na Lebhithich, agus nach d'rinn sibh dhuibh féin sagarta mar chinnich *eile* an domhain? Gach neach a thig g'a choisreagadh féin le tarbh òg agus *le* seachd reitheachaihbh, bithidh esan air ball na shagart dhoibh-san nach 'eil nan déibh.

10 Ach d'ar taobh-ne, is e'n Tighearn ar Dia, agus cha do thréig sinn e: agus *is iad* mic Aaroin na sagairt a tha frithealadh do'n Tighearn, agus *tha* na Lebhithich a' feitheamh air an obair féin.

11 Agus *tha* iad a losgadh do'n Tighearn òbairte-loisgte air gach maduinn agus air gach feasgar, agus tùis chùbhraidh; agus *tha* aran na fianuis air a' bhord fhìor-ghlan, agus an coinnleir òir maille r'a lòch-ranaibh a lasadh air gach feasgar: oir *tha* sinne a' gleidheadh cùraim an Tighearna ar Dé; ach thréig sibh-se e.

12 Agus feuch, maille ruinne *tha* Dia féin na cheannard oirnn, agus a shagairt le trompaidibh fuaimneach a thoirt caismeachd nar n-aghaidh-sa. A chlann Israeil, na cogaibh-se an aghaidh an Tighearna Dé bhuir n-aithriche; oir cha soirbhich sibh.

13 Ach thug Ieroboam air luchd-feall-fholaiche teachd mu'n cuairt air an cùlaobh, air chor as gu robh iad féin fa chomhair Iudah, agus an luchd-feall-fholaich air an cùlaobh.

14 Agus an uair a sheall Iudah nan déigh, feuch, *bha'n* cath air am beulaobh agus air an cùlaobh: agus ghlaodh iad ris an Tighearn, agus rinn na sagairt fuaim le trompaidibh.

15 Agus rinn fir Iudah gàir: agus an uair a rinn fir Iudah gàir, air ball bhuail Dia Ieroboam agus Israel uile roimh Abiah agus Iudah.

16 Agus theich clann Israeil roimh Iudah; agus thug Dia thairis iad nan làimh.

17 Agus mharbh Abiah agus a shluagh iad le h-àr mòr; oir thuit sìos marbhta do Israel, cùig ceud mìle fear taghta.

18 Agus dh'ìroslaicheadh clann Israeil air an àm sin, agus neartaicheadh<sup>f</sup> clann Iudah, a chionn gu'n d'earb iad as an Tighearna Dia an aithriche.

<sup>a</sup> Abiam. I. Rìgh. Caib. XV. r. 1.

<sup>b</sup> Faic. I. Rìgh. Caib. XV, r. 2.

<sup>c</sup> maoth-chridheach.

<sup>d</sup> ann bhuir.

<sup>f</sup> bhuadhaich.

<sup>e</sup> plaid-luidhe,



19 Agus lean Abiah an ruaig air Ieroboam, agus ghilac e uaith mdr-bhailte<sup>a</sup>; Bet-el le 'bhailtibh beaga, agus Iesanah le 'bhailtibh beaga, agus Ehpron le 'bhailtibh beaga.

20 Agus cha d'fhuair Ieroboam ncart nì's mò annan laithibh Abiah: agus bhuail an Tighearn e, agus fhuair e bàs.

21 Ach dh'fhàs Abiah cumhachdach, agus phòs e<sup>b</sup> ceithir mnàì dheug, agus ghin e dà mhac thar fhlichead, agus se nigheana deug.

22 Agus a' chuid eile do ghnìomh-araibh Abiah, agus a shlighean, agus a bhriathra, *tha iad* scriobhta ann an eachdraidh an fhàidh Ido.

## CAIB. XIV.

**A** GUS choidil Abiah maille r'a aithrichibh, agus dh'adhlaic iad e ann am baile Dhaibhidh; agus rìoghaich Asa, a mhac, na àit. Na laithibhsan bha'n tìr sàmhach<sup>c</sup> deich bliadhna.

2 Agus rinn Asa an *ni a bha* maith agus ceart ann an sùilibh an Tighearna a Dhé :

3 Oir chuir e air falbh altairean nan *dée* coimheach, agus na h-àitean arda, agus bhris e sìos na dealbhan, agus ghearr e sìos na doireachan;

4 Agus dh'àithn e do Iudah an Tighearna Dia an aithriche iarraidh, agus an lagh a ghleidheadh<sup>d</sup>, agus an àithne.

5 Chuir e air falbh mar an ceudna as uile bhailtibh Iuda, na h-àitean arda agus na dealbhan<sup>e</sup>. Agus bha 'n rìoghachd sàmhach na làthair.

6 Agus thog e bailte daingnichtean ann an Iudah: oir bha'n tìr sìochail, agus cha robh cogadh aige anns na bliadhnaibh sin; oir thug an Tighearna fois da.

7 Uime sin thubhairt e ri Iudah, Toganaid na bailte so, agus deanamaid mu'n cuairt *orra* ballachan, le tùraibh, geatachaibh agus crannaibh, an uair a *tha'n* tìr fathast romhainn: oir dh'iarr sinne an Tighearn ar Dia; dh'iarr sinn e, agus thug e fois dhuinn air gach taobh. Uime sin thog iad, agus shoirbhich leo.

8 Agus bha aig Asa armailt do *dhaoinibh* a dh'iomchair sgiath agus sleagh, as Iudah tri cheud mìle, agus a Benjamin, a dh'iomchair targaid agus a tharruing bogha, dà cheud agus ceithir fichead mìle: iad sin uile nan daoineibh treun gaisgeil.

9 Agus thàinig a mach nan aghaidh Serah an t-Etiopach le armailt

mìle do mhìltibh, agus tri cheud carbad, agus thàinig e gu Maresah.

10 Agus chaidh Asa mach na aghaidh, agus chuir iad an cath an ordugh ann an gleann Shephatha aig Maresah.

11 Agus ghlaodh Asa ris an Tighearn a Dhia, agus thubhairt e, A Tighearna, cha *n'eil* ann ach an aon chuid duit-se cuideachadh le mòran, no leo-san, a *ta* gun neart: cuidich leinne, a Tighearna ar Dia; oir asad-sa earbaidh sinn, agus ann ad ainm-sa théid sinn an aghaidh na mòr-chuideachd so: a Tighearna, istusa ar Dia; na buadhaicheadh duine a't' aghaidh.

12 Agus bhuail an Tighearna na h-Etiopaich roimh Asa, agus roimh Iudah; agus theich na h-Etiopaich.

13 Agus lean Asa, agus an sluagh a bha maille ris, iad gu Gerar: agus thuit do na h-Etiopaich uiread<sup>f</sup> as nach robh tuilleadh neirt aca; oir sgriosadh iad roimh an Tighearn agus roimh 'fheachd: agus thug iad leo ro mhòran creiche.

14 Agus bhuail iad mar an bailtean uile mu'n cuairt air Gerar, oir bha eagal an Tighearna orra: agus chreach iad na bailtean uile, oir bha mòran creiche anna.

15 Agus bhuail iad mar an ceudna bùtlan na spreidh, agus thug iad leo caoraich ann am pailteas, agus càmhail; agus phill iad gu h-Ierusalem.

## CAIB. XV.

**A** GUS thàinig spiorad Dhé air Asariah mac Odeid.

2 Agus chaidh e suas an coinneamh Asa, agus thubhairt e ris, Eisdibh rium-sa, Asa, agus Iudah uile, agus a Bheniamin; *Tha'n* Tighearna maille ribh, am feadh a tha sibh-se maille ris-san: agus ma dh'iarras sibh e, gheibhear leibh e; ach ma thréigas sibh-se esan, tréigidh esan sibh-se.

3 A nis rè iomadh la *bithidh* Israel as eugmhais Dhé na firinn, agus as eugmhais sagairt a theagaisgeas, agus as eugmhais lagha.

4 Ach an uair a philleas iad nan airc a dh'ionnsuidh an Tighearna Dé Israeil, agus a dh'iarras iad e, gheibhear leo e.

5 Agus anns na h-amannaibh sin cha *bhi* sìth ann dha-san a théid a mach, no dha-san a thig a steach, ach buaireas<sup>g</sup> mòr air uile luchd-àiteachaidh nan dùchanna.

6 Agus sgriosar cinneach le cinneach, agus baile le baile; oir claidhidh Dia iad leis gach airc.

<sup>a</sup> caithriche.

<sup>b</sup> ghabh e d'a ionnsuidh. Eabh.

<sup>c</sup> aig fois. <sup>d</sup> dheanamh. Eabh.

<sup>e</sup> grian-riochdan.

<sup>f</sup> oiread. Eir.

<sup>g</sup> nach robh a' bheag beò dhiubh, cràdh-shlat.

<sup>h</sup> tuairgne.

7 Ach bithibh-se làidir, agus na biodh bhur làmh a lag; oir tha duais ann air son bhur n-oibre.

8 Agus an uair a chual Asa na briathra sin, agus fàidheadaireachd [Asariah mhic] Odeid an fhàidh, ghabh e misneach, agus chuir e air falbh na *h-iodhola* graineil a tìr Iudah agus Bheniamin uile, agus as na bailtibh, a ghlac e do shliabh Ephraim, agus dh'athnuadhaich e altair an Tighearna, a *bha* air beul-aobh sgàth-thighe an Tighearna.

9 Agus chruinnich e Iudah uile agus Beniamin, agus na coigrich maille riu a h-Ephraim, agus a Manaseh, agus a Simeon; oir thàinig iad thairis d'a ionnsuidh a h-Israel ann am pailteas, an uair a chunnaic iad gu'n robh an Tighearna a Dhia maille ris.

10 Agus chruinnich iad an cionn a chèile aig Ierusalem anns an treas mìos, anns a' chùigeadh bliadhna deug do rìoghachadh Asa.

11 Agus dh'ìobair iad do'n Tighearna san àm sin do'n chreic a thug iad leo, seachd ceud bà, agus seachd mìle caora.

12 Agus rinn iad coimhcheangal gu'n iarradh iad an Tighearna Dia an aithriche le'n uile chridhe, agus le'n uile anam:

13 Agus gu'n rachadh gach neach nach iarradh an Tighearna Dia Israèil, a chur gu bàs, co dhiubh bu bheag no mòr, fear no bean e.

14 Agus mhionnaich iad do'n Tighearna le guth ard, agus le gàir, agus le trompaidibh, agus le buabh-ullaibh.

15 Agus rinn Iudah uile gair-deachas a thaobh nam mionna sin: oir mhionnaich iad le'n uile chridhe, agus dh'iarr iad e le'n uile rùn; agus fhuaradh e leo. Agus thug an Tighearna fois dhoibh air gach thaobh.

16 Agus mar an ceudna *thaobh* Mhaachah màthar rìgh Asa, chuir e i o *bhi* na ban-rìghinn, a chionn gu'n d'rinn i dealbh uamhasach ann an doire: agus ghearr Asa sìos a dealbh uamhasach, agus mhin-phronn se e, agus loisg se e aig sruth Chidroin.

17 Ach cha do chuireadh na h-àitean arda air falbh a h-Israel: gidheadh, bha cridhe Asa iomlan rè a laithean uile.

18 Agus thug e steach na nithean a naomhaich 'athair, agus na nithean a naomhaich e féin, do thigh an Tighearna, airgid agus òr, agus soithichean.

19 Agus cha robh cogadh tuilleadh ann gu ruig an cùigeadh bliadhna deug thar fhichead do rìoghachadh Asa.

ANNS an t-seathadh bliadhna deug thar fhichead do rìoghachadh Asa, thàinig Baasa rìgh Israèil a nìos an aghaidh Iudah, agus thog e Ramah, chum nach leigeadh e le neach air bith dol a mach no teachd a stigh gu Asa rìgh Iudah.

2 An sin thug Asa mach airgid agus òr as ionmhasaibh tighe an Tighearna agus tighe an rìgh, agus chuir e *teachdairean* gu Benhadad, rìgh Shiria, a bha chomhnuidh aig Damascus, ag ràdh,

3 Biodh coimhcheangal eadar mise agus thusa, mar a *bha* eadar m'athair-sa agus t'athair-sa: feuch, chuir mi a t'ionnsuidh airgid agus òr; falbh, bris do choimhcheangal ri Baasa rìgh Israèil, a chum gu'n imich e uam.

4 Agus dh'éisid Benhadad ri rìgh Asa, agus chuir e ceannardan nan armait a *bha* aige, an aghaidh bhailtean Israèil; agus bhual iad Ion, agus Dan, agus Abel-maim, agus uile bhailtean ionmhais Naph-tali.

5 Agus an uair a chual Baasa sin, léig e dheth Ramah a thogail, agus sguir e d'a obair.

6 An sin thug Asa an rìgh leis Iudah uile, agus thug iad leo clacha Ramah, agus 'fhiodh, leis an robh Baasa a' togail; agus thog e leo Geba, agus Mispah.

7 Agus anns an àm sin thàinig Hanani am fear-seallaidh gu h-Asa rìgh Iudah, agus thubhairt e ris, A chionn gu'n d'earb thu a rìgh Shiria, agus nach d'earb thu as an Tighearna do Dhia, uime sin tha armait rìgh Shiria air dol as o d' làimh.

8 Nach robh na h-Etiopaich agus na Lubaich nan sluagh lìonmhor, le ro mhòran charbad agus maircshluaigh? gidheadh, a chionn gu'n d'earb thu as an Tighearna, thug e thairis do d' làimh iad.

9 Oir tha sùilean an Tighearna ag amharc a null agus a nall air feadh na talmhainn uile, a chum e féin a nochdadh làidir as an leth-san, aig am bheil cridhe iomlan d'a thaobh. Rinn thu gu h-amaideach an so; air an aobhar sin o so a mach bithidh cogadh a'd' aghaidh.

10 An sin bha fearg air Asa ris an fhear-sheallaidh, agus chuir e ann an tigh prìosain e, a chionn gu'n robh e ann an corruich ris a thaobh an nì so. Agus rinn Asa ainneart air cuid do'n t-sluagh 'san àm sin.

11 Agus feuch, gnìomharan Asa, an toiseach agus mu dheireadh, feuch, *tha* iad scrìobhta ann an leabhar rìghrean Iudah agus Israèil.

12 Agus dh'fhàs eucail air Asa na chosaibh anns an naothadh bliadhna deug thar fhichead d'a rìoghachadh, gus an d'fhàinig 'eucail gu h-airde mhòir: gidheadh, na eucail cha d'iarr e an Tighearn, ach na lighichean.

13 Agus choidil Asa maille r'a aithrichibh, agus dh'eug e anns a' cheud bliadhna agus dà fhichead d'a rìoghachadh.

14 Agus dh'adhlaic iad e na uaigh féin, a rinn e air a shon féin ann am baile Dhaibhidh, agus chuir iad na luidhe e ann an leabaidh, a lìonadh le nithibh cùbhraidh<sup>a</sup>, agus le h-ìomadh gnè olaidh<sup>b</sup> air an deasachadh le h-caladhain an léigh: agus rinn iad dha losgadh ro mhòr.

CAIB. XVII.

**A** GUS rìoghaich Iehosaphat, a mhac, na àit, agus neartaich se e féin an aghaidh Israeil.

2 Agus chuir e feachd ann an uile bhailtibh daingnichte Iudah, agus chuir e freiceadain ann an tìr Iudah, agus ann am bailtibh Ephraim, a ghlac Asa 'athair.

3 Agus bha 'n Tighearna maille ri Iehosaphat, a chionn gu'n do ghluais e ann an ceud shlighibh Dhaibhidh 'athar, agus nach d'iarr e dh'ionnsuidh Bhaalim<sup>c</sup>.

4 Ach gu'n d'iarr e dh'ionnsuidh [an Tighearna] Dé 'athar, agus gu'n do ghluais e na àitheantaibh, agus cha b'ann a réir deanadais Israeil:

5 Uime sin dhaingnich an Tighearn an rìoghachd na làimh, agus thug Iudah uile tìodhlacan gu Iehosaphat; agus bha aige beartas agus urram ann am pailteas.

6 Agus dh'ardaicheadh a chridhe ann an slighibh an Tighearna; agus mar an ceudna chuir e air falbh na h-àitean arda agus na doireachan as Iudah.

7 Agus anns an treas bliadhna d'a rìoghachadh chuir e cuid do uachd-aranaibh<sup>d</sup>, Benhail, agus Obadiah, agus Sechariah, agus Netaneel, agus Micaiah, a theagasg ann am bailtibh Iudah:

8 Agus maille riu-san na Lebhitich, Semaiah, agus Netaniah, agus Sebadiah, agus Asahel, agus Semiramot, agus Iehonatan, agus Adoniah, agus Tobiah, agus Tob-adoniah, Lebhitich uile; agus maille riu-san Elisama, agus Iehoram, na sagairt.

9 Agus theagaisg iad ann an Iudah, agus leabhar lagha an Tighearna aca, agus chaidh iad mu'n cuairt

air feadh uile bhailtean Iudah, agus theagaisg iad an sluagh.

10 Agus bha eagal an Tighearna air uile rìoghachdaibh nan tìr a bha mu'n cuairt air Iudah, agus cha do chog iad ri Iehosaphat.

11 Agus thug cuid do na Philistich tìodhlacan do Iehosaphat, agus airgiod cìse: mar an ceudna thug na h-Arabaich d'a ionnsuidh spréidh, seachd mìle agus seachd ceud reithe, agus seachd mìle agus seachd ceud boc-gaibhre.

12 Agus dh'fhàs Iehosaphat gu h-anbarrach mòr; agus thog e ann an Iudah caistealan<sup>e</sup> agus bailtean ionmhais.

13 Agus bha mòran oibre aige ann am bailtibh Iudah, agus fir-chogaidh, daoine comasach gaisgeil ann an Ierusalem.

14 Agus so an àireamh, a réir tìghe an aithriche: Do Iudah, ceannarda mhìltean; Adnah an ceannard, agus maille ris daoine comasach gaisgeil, trì cheud mìle.

15 Agus na dhéigh-san Iehohanan an ceannard, agus maille ris dà cheud agus ceithir fichead mìle.

16 Agus na dhéigh-san Amasiah, mac Shichri, a thug e féin suas do'n Tighearn, agus maille ris dà cheud mìle fear comasach gaisgeil.

17 Agus do Bheniamin; Eliada fear comasach gaisgeil, agus maille ris daoine armaichte le bogha agus le targaid, dà cheud mìle.

18 Agus na dhéigh-san Iehosabad, agus maille ris ceud agus ceithir fichead mìle, deas gu cogadh.

19 Bha iad sin a' feitheamh air an rìgh, a bhàrr orra-san a chuir an rìgh anns na bailtibh daingnichte air feadh Iudah uile.

CAIB. XVIII.

**A** GUS bha aig Iehosaphat beartas agus cliu ann am pailteas; agus rinn e cleamhnas ri Ahab.

2 Agus an ceann bliadhnan àraidh chaidh e sìos a dh'ionnsuidh Ahaib do Shamaria: agus mbarbh Ahab caoraich agus crodh ann am pailteas air a shon, agus air son an t-sluaigh, a bha maille ris, agus chuir e impidh air dol suas gu Ramot-gilead.

3 Agus thubhairt Ahab, rìgh Israeil, ri Iehosaphat rìgh Iudah, An d'fhéid thu maille riumsa do Ramot-gilead? Agus fhreagair esan e, Tha mise mar a ta thusa, agus mo shluagh mar do shluagh-sa, agus bithidh sinn leat anns a' chogadh.

4 Agus thubhairt Iehosaphat ri rìgh Israeil, Fiosraich<sup>f</sup>, gùidheam ort, an diugh do fhocal an Tighearna.

5 Uime sin chruinnich rìgh Israeil

<sup>a</sup> spìosraidh deagh-bholaidh.

<sup>b</sup> oinemeid. <sup>c</sup> dhiathan bréige.

<sup>d</sup> chuir e fios a dh'ionnsuidh uachdaran.

## II. EACH DRAIDH.

na fàidhean an ceann a chéile, ceithir cheud fear, agus thubhairt e riu, An d'théid sinn do Ramot-gilead gu cath, no'n leig mi leis? agus thubhairt iadsan, Falbh suas; oir bheir Dia an làimh an righ iad.

6 Agus thubhairt Iehosaphat, Nach 'eil an so fàidh tuilleadh leis an Tighearna, chum gu'm fiosraich sinn dheth?

7 Agus thubhairt righ Israeil ri Iehosaphat, Tha fathast aon fhear ann, leis am feud sinn fiosrachadh do'n Tighearna; ach tha fuath agam dha, oir cha 'n'eil e deanamh fàist-ineachd mu m' thimchioll idir air maith, ach an còmhnuidh air olc: is e so Micaiah, mac Imla. Agus thubhairt Iehosaphat, Na h-abradh an righ mar sin.

8 Agus ghairm righ Israeil aon d'a mhaoraibh, agus thubhairt e, Greas an so Micaiah mac Imla.

9 Agus shuidh righ Israeil agus Iehosaphat righ Iudah, gach fear air a righ-chathair féin, le'n earradh rìoghail orra, agus shuidh iad ann an àite réidh, aig dol a steach geataidh Shamaria, agus bha na fàidhean uile ri fàidheadaireachd nan làthair.

10 Agus rinn Sedeciah, mac Chenaanah, adhaircean iarunn dha féin, agus thubhairt e, Mar so tha'n Tighearn ag ràdh, Leo so buailidh tu na Sirianaich<sup>a</sup>, gus an cuirear as doibh.

11 Agus rinn na fàidhean uile fàidheadaireachd mar sin, ag ràdh, Falbh suas gu Ramot-gilead, agus soirbhich; oir bheir an Tighearn an làimh an righ iad.

12 Agus an teachdair' a chaidh a ghairm Mhicaiah, labhair e ris, ag ràdh, Feuch, tha briathra nam fàidh le h-aon bheul a' foillseachadh maith do'n righ: bitheadh t'fhocal-sa, guidheam ort, mar fhocal aoin diubhsan, agus labhair maith.

13 Agus thubhairt Micaiah, Mar is beo an Tighearn, eadhon an nì a their mo Dhia, sin labhairidh mise.

14 Agus thàinig e dh'ionnsuidh an righ, agus thubhairt an righ ris, A Mhicaiah, an d'théid sinn do Ramot-gilead gu cath, no'n leig mi leis? agus thubhairt esan, Rachaibh suas, agus soirbhichibh; oir bheirear ann bhuir làimh iad.

15 Agus thubhairt an righ ris, Cia lìon uair a mhionnaicheas mi thu, nach innis thu dhomh ach an fhàirinn ann an ainm an Tighearna?

16 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach 'eil aodhaire: agus thubhairt an Tighearna, Cha 'n'eil maighstir<sup>b</sup> orra so;

pilleadh gach fear d'a thigh féin ann an sìth.

17 (Agus thubhairt righ Israeil ri Iehosaphat, Nach d'innis mi dhuit, nach deanabh e fàistineachd mu m' thimchioll-sa air maith ach air olc?)

18 A ris thubhairt e, Uime sin éisdibh ri focal an Tighearna: Chunnaic mise an Tighearna na shuidhe air a righ-chathair, agus uile shlòigh nan nìamh nan seasamh air a làimh dheis agus air a làimh chli.

19 Agus thubhairt an Tighearna, Cò a chuireas impidh air<sup>c</sup> Ahab righ Israeil, a chum as gu'n d'théid e suas, agus gu'n tuit e ann an Ramot-gilead? Agus labhair aon, ag ràdh mar so, agus aon eile ag ràdh mar sud.

20 Agus thàinig spiorad a mach, agus sheas e am fianuis an Tighearna, agus thubhairt e, Cuiridh mise impidh air. Agus thubhairt an Tighearna ris, Cia leis?

21 Agus thubhairt esan, Théid mi mach, agus bithidh mi a'm' spiorad bréige ann am beul 'fhàidhean uile. Agus thubhairt an Tighearna, Cuiridh tu impidh air, agus mar an ceudna buaidhichidh tu: imich, agus dean mar sin.

22 A nis uime sin, feuch, chuir an Tighearna spiorad bréige ann am beul nam fàidh sin agad, agus labhair an Tighearn olc mu d' thimchioll.

23 An sin chaidh Sedeciah, mac Chenaanah, am fagus, agus bhuail e Micaiah air a' ghiall, agus thubhairt e, Cia an taobh a chaidh spiorad an Tighearna uam-sa a labhairt riutsa?

24 Agus thubhairt Micaiah, Feuch, chì thu 'san là sin air an d'théid thu steach do sheòmar-cùil gu t'fhalachadh féin.

25 An sin thubhairt righ Israeil, Glacaibh Micaiah, agus thugaibh air ais e gu h-Amon, uachdaran a' bhaile, agus gu Ioas mac an righ:

26 Agus abraibh, Mar so thubhairt an righ, Cuiribh am fear so anns a' phrìosan, agus beathaichibh e le aran airce<sup>d</sup>, agus le uisge airce, gus am pill mise ann an sìth.

27 Agus thubhairt Micaiah, Ma philleas tusa idir ann an sìth, cha do labhair an Tighearna leam-sa. Agus thubhairt e, Éisdibh, a shlòigh uile<sup>e</sup>.

28 Uime sin chaidh righ Israeil, agus Iehosaphat righ Iudah, suas gu Ramot-gilead.

29 Agus thubhairt righ Israeil ri Iehosaphat, Cuiridh mise mi féin

<sup>c</sup> a dh' aomas, a mheallas.

<sup>d</sup> teanntachd. <sup>e</sup> Eisdeadh gach uile shluagh.

<sup>a</sup> purraidh tu Siria.

<sup>b</sup> tighearn.



ann an coslas eile, agus théid mi steach do'n chath; ach cuir thusa t'earradh rìoghail ort. Agus chuir rìgh Israeil e féin ann an coslas eile, agus chaidh e<sup>a</sup> steach do'n chath.

30 A nis dh'àithn rìgh Shiria do cheannardaibh nan carbad a bha aige, ag ràdh, Na cogaibh ris a' bheag, no ris a' mhòr, ach ri rìgh Israeil a mhaìin.

31 Agus an uair a chunnaic ceannardan nan carbad Iehosaphat, thubhairt iad, Is e so rìgh Israeil: uime sin thàinig iad mu'n cuairt air a chogadh. Ach ghlaodh Iehosaphat a mach, agus chuidich an Tighearna leis, agus dh'aom Dia iad gu falbh uaith.

32 Oir an uair a chunnaic ceannardan nan carbad nach b'e rìgh Israeil a bha ann, phill iad o a leantuinn.

33 Agus tharruing fear a bhogha a thaobh tuairmse<sup>b</sup>, agus bhual e rìgh Israeil eadar alta na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd<sup>c</sup> mi; oir tha mi leointe.

34 Ach mheudaich an cath air an là sin: uime sin dh'fhan rìgh Israeil shuas na charbad an aghaidh nan Siriaich gu ruig am feasgar; agus fhuair e bàs mu àm dol fodha<sup>d</sup> na gréine.

## CAIB. XIX.

**A**GUS phill Iehosaphat rìgh Iudah a dh'ionnsuidh a thighe ann an sìth gu h-Ierusalem.

2 Agus chaidh Iehu mac Hanani am fear-seallaidh a mach na choineamh, agus thubhairt e ri rìgh Iehosaphat, Am buineadh dhuitse an t-aingidh a chuideachadh, agus iad-san a ghràdhachadh, a dh'fhuathaicheas an Tighearna? uime sin tha fearg riut o làthair an Tighearna.

3 Ach fhuaradh nithe maithe annad, a thaobh gu'n do chuir thu air falbh na doireachan as an tìr, agus gu'n d'ulluich thu do chridhe a dh'iarraidh Dhé.

4 Agus ghabh Iehosaphat còmh-nuidh ann an Ierusalem: agus chaidh e mach a ris air feadh an t-sluaigh, o Bheer-seba gu sliabh Ephraim, agus thug e air an ais iad a dh'ionnsuidh an Tighearna Dé an aithriche.

5 Agus shuidhich e breitheamhna anns an tìr, air feadh uile bhailte daingnichte Iudah, anns gach baile fa leth.

6 Agus thubhairt e ris na breitheamhaibh, Thugaibh an aire ciod a ni sibh, oir cha'n ann air son

duine a tha sibh a' tabhairt breth, ach air son an Tighearna; agus tha e féin maille ribh anns a' bhreith-eanas<sup>e</sup>.

7 A nis ma ta bitheadh eagal an Tighearna oirbh: thugaibh an aire agus bithibh a' deanamh; oir maille ris an Tighearna ar Dia cha'n eil eu-ceart, no bàigh ri neach seach a' chéile, no gabhail duaise.

8 Agus mar an ceudna ann an Ierusalem shuidhich Iehosaphat cuid do na Lebhitheachaibh, agus do na sagartaibh, agus do cheannaibh theaghlach<sup>f</sup> Israeil, air son breitheanais an Tighearna, agus gu connsachadh a chrìochnachadh an uair a phill iad gu h-Ierusalem.

9 Agus thug e sparradh dhoibh, ag ràdh, Mar so ni sibh ann an eagal an Tighearna, ann an ionracas<sup>g</sup>, agus le cridhe iomlan.

10 Agus ge b'e cùis a thig d'ar n-ionnsuidh o bhur bràithribh a tha còmh-nuidh nam bailtibh, eadar fuil agus fuil, eadar lagh agus àithne, reachdan agus breitheanais, bheir sibh rabhadh dhoibh nach dean iad eusaontas an aghaidh an Tighearna, agus gu'n d'thig fearg oirblise agus air bhur bràithribh: deanaibh mar so, agus cha chiontaich sibh.

11 Agus feuch, tha Amariah an t-ard shagart os bhur cionn ann an uile ghnothuichibh an Tighearna, agus Sebadiah mac Ismaeil na cheannard air tigh Iudah ann an uile ghnothuichibh an rìgh, agus na Lebhithich nan luchd-riaghlaidh nar<sup>h</sup> fianuis. Bithibh misneachail, agus deanaibh; agus bithidh an Tighearna maille ris a'mhaith.

## CAIB. XX.

**A**GUS an déigh nan nithe so thàinig clann Mhoibh, agus clann Amoin, agus maille riuid do na h-Edomaich<sup>i</sup>, an aghaidh Iehosaphat gu cath.

2 Agus thàinig teachdairean, agus dh'innis iad do Iehosaphat, ag ràdh, Tha sluagh mor a' teachd ort a nall thar fairge, agus o Edom<sup>k</sup>; agus feuch, tha iad ann an Hasason-tamar; is e sin En-gedi.

3 Agus bha eagal air Iehosaphat, agus chuir e 'aghaidh a dh'iarraidh an Tighearna, agus ghairm e trosgadh air feadh Iudah uile.

4 Agus chruinnicheadh Iudah an cionn a chéile a dh'iarraidh cògh-naidh<sup>l</sup> o'n Tighearna: eadhon as

<sup>a</sup> e ann am focal no gnothuch a' bhreith-eanas. Eabh.

<sup>f</sup> aithrichean. Eabh. <sup>g</sup> firinn.

<sup>h</sup> ann bhur. <sup>i</sup> agus maille riuid daoine eile thuilleadh air na h-Amo-naich.

<sup>k</sup> air an taobh so do Shiria.

<sup>l</sup> congnaimh Eir,

<sup>a</sup> iad. <sup>b</sup> tuairimeis, teagmhuis, <sup>c</sup> tuairimeis. <sup>d</sup> as an t-sluagh. <sup>e</sup> fuaidh.

## II. EACH DRAID H.

uile bhailtibh Iudah thàinig iad a dh'iarraidh an Tighearna.

5 Agus sheas Iehosaphat ann an còmhthional Iudah agus Ierusalem, ann an tigh an Tighearna, fa chomhair na cùirte nomha,

6 Agus thubhairt e, a Thighearna Dhé ar n-aithriche, nach tusa Dia anns na néamhaibh? agus nach 'eil thu a' riaghladh os cionn uile rìoghachda nan cinneach? agus ann ad làimh-sa nach 'eil neart agus cumhachd, air chor as nach 'eil neach air bith comasach air seasamh a' t' aghaidh?

7 Nach tusa ar Dia-ne, a dh'fhòg-air a mach luchd-àiteachaidh na tìre so roimh do shluagh Israel, agus a thug i do shliochd<sup>a</sup> Abraham do charaid gu bràth?

8 Agus ghabh iad còmhnuidh inn-te ionad naomha, air son t'ainme-sa, ag ràdh,

9 Ma thig olc air bith oirnn, claidheamh, breitheanas<sup>b</sup>, no plàigh, no gortadh, seasaidh sinn fa chomhair an tighe so, agus ann ad fhianuis-sa, (oir tha t'ainm anns an tigh so) agus gladhaidh sinn riut nar teinn<sup>c</sup>, agus eisidh tusa, agus saoraidh tu sinn.

10 Agus a nis, feuch, tha clann Amoin, agus Mhoib, agus sléibh Sheir, aig nach do leig thu le h-Israel dol troimh an crìocha, 'nuair a thàinig iad a tìr na h-Eiphit, ach thionndaidh iad uatha, agus cha do sgrios siad iad:

11 Feuch, a nis, mar a ta iad a' toirt luigheachd dhuinn, le teachd gus ar tilgeadh a mach as t'òigh-reachd, a thug thu dhuinn r'a sealbhadh.

12 O ar Dia, nach d'thoir thu breth orra? oir cha 'n'eil neart againne an aghaidh an t-sluaigh mhòir so, a tha teachd oirnn: agus cha 'n'eil fhios againn ciod a ni sinn; ach ortsa tha ar sùilean.

13 Agus sheas Iudah uile am fianuis an Tighearna; mar an ceudna an òigridh, am mnàì agus an clann.

14 Agus air Iahasiel, mac Shechariah, mhic Bhenaiiah, mhic Iehieil, mhic Mhataniah, Lebhitheach do mhacaibh Asaiph, bha spiorad an Tighearna ann am meadhon a' choimhthionail;

15 Agus thubhairt e, Eisidh rium-sa, a Iudah uile, agus a luchd-àiteachaidh Ierusalem, agus thusa a rìgh Iehosaphat: Mar so tha'n Tighearna ag ràdh ribh, Na biodh eagal no

faitcheas oirbh air son an t-sluaigh mhòir so; oir cha leibh-se an cath, ach le Dia.

16 Am màireach rachaibh sìos nan aghaidh: feuch, tha iad a' teachd a nìos rathad uchdaich Shids, agus gheibh sibh iad aig ceann an t-srutha, fa chomhair fàsaich Ierueil.

17 Cha bhi cath agaibh r'a chur an so; a mhàin thigibh a làthair, seasaidh, agus faicibh saorsadh an Tighearna maille ribh, a Iudah, agus a Ierusalem: na biodh eagal no faitcheas oirbh; am màireach rachaibh a mach nan aghaidh, agus bithidh an Tighearna maille ribh.

18 Agus chrom Iehosaphat a cheann le 'aghaidh gu làr; agus thuit Iudah uile, agus luchd-àiteachaidh Ierusalem, sìos am fianuis an Tighearna, a' deanamh aoraidh do'n Tighearna.

19 Agus dh'éirich na Lebhitich do chloinn nan Cohatach, agus do chloinn nan Corhach, suas a mholadh an Tighearna Dé Israeil le guth mòr, gu h-ard.

20 Agus dh'éirich iad gu moch anns a' mhaduinn, agus chaidh iad a mach gu fàsach Thecoa: agus an uair a bha iad a' dol a mach, sheas Iehosaphat agus thubhairt e, Eisidh rium-sa, a Iudah, agus a luchd-àiteachaidh Ierusalem; Creidibh anns an Tighearna bhur Dia, agus daingnichear sibh; creidibh 'fhàidhean, agus soirbhichidh sibh.

21 Agus an uair a thug e comhairle do'n t-sluagh<sup>d</sup>, dh'orduich e luchd-seinn do'n Tighearna, agus daoine a mholadh maise naomhachd<sup>e</sup>, an uair a thigeadh iad a mach roimh 'n armait, agus a theireadh<sup>f</sup>, Thugaibh buidheachas do'n Tighearna, oir gu bràth mairidh a thròcair.

22 Agus an uair a thòisich iad air seinn agus air moladh, chuir an Tighearna luchd-feall-fholaich air aghaidh chloinn Amoin, agus Mhoib, agus sléibh Sheir, a thàinig an aghaidh Iudah, agus bhuaileadh iad:

23 Oir sheas clann Amoin agus Mhoib suas an aghaidh luchd-àiteachaidh sléibh Sheir, chum am marbhadh agus an sgrios gu tur; agus an uair a chuir iad as do luchd-àiteachaidh Sheir, chuidich iad gach aon diubh gus a chéile a sgrios.

24 Agus an uair a thàinig Iudah làimh ri tìr na faire auns an fhàsach, dh'amhairc iad air an t-sluagh mhòr,

<sup>d</sup> chuir e 'chomhairle ris an t-sluagh.

<sup>e</sup> chum maise na naomhachd, ann am maise an ionaid naomha,

<sup>f</sup> deireadh. Eir.

<sup>a</sup> shìol eanaìs.

<sup>b</sup> claidheamh a' bhreith-  
<sup>c</sup> 'nar n-aire.

agus feuch, *bha* iad nan corpaibh marbha air tuiteam gu talamh, agus cha deachaidh duine as diubh.

25 Agus thàinig Iehosaphat agus a shluagh a thoirt leo an creiche; agus fhuair iad nam measg ann am pailteas araon beartas maille ris na corpaibh marbha, agus seudan luachmhor<sup>a</sup>, a thug iad dhlubh air anson féin, tuilleadh as a b'urrainn iad iomchar leo: agus *bha* iad trì laith-ean ann an cruinneachadh na creiche; oir *bha* i mór.

26 Agus air a cheathramh là chruinnicheadh iad an cionn a chéile ann an gleann Bherachah, oir an sin bheannaich iad an Tighearn: uime sin thugadh mar ainm air an àite sin gleann Bherachah, gus an là'n diugh.

27 An sin phill fir Iudah agus Ierusalem uile, agus Iehosaphat air an ceann, a dhol air an ais gu h-Ierusalem le gairdeachas; oir thug an Tighearn orra gairdeachas a dheanamh os cionn an naimhde.

28 Agus thàinig iad gu h-Ierusalem le saltairibh, agus le clàrsaichibh, agus le trompaidibh, a dh'ionnsuidh tìghe an Tighearna.

29 Agus *bha* eagal Dé air uile rìoghachdaibh nan dùchanna sin, an uair a chual iad gu'n do chog an Tighearna an aghaidh naimhdean Israeil.

30 Agus *bha* rìoghachd Iehosaphat samhach; oir thug a Dhia fois dha air gach taobh.

31 Agus rìogaich Iehosaphat os cionn Iudah: cùig bliadhna deug thar fhichead do aois *bha* e 'nuair a thòisich e air rìoghachadh, agus rìogaich e cùig bliadhna fichead ann an Ierusalem: agus *b'e* ainm a mhàthar Asubah, nigean Shilhi.

32 Agus ghluais e ann an slighe Asa 'athar, agus cha do dhealaich e rithe, a' deanamh an *ni a bha* ceart ann an sùilibh an Tighearna.

33 Ach cha d'thugadh air falbh na h-àitean arda; oir fathast cha d'ulluich an sluagh an cridhe air son Dhé an aithriche.

34 A nis a' chuid eile do ghnìomharaibh Iehosaphat, an toiseach agus mu dheireadh, fench, *tha* iad scrìobhta ann am briathraibh Iehu mhic Hanani, a chuire sìos ann an leabhar rìghrean Israeil<sup>b</sup>.

35 Agus na dhéigh so rinn Iehosaphat rìgh Iudah coimhcheangal<sup>c</sup> ri Ahasiah rìgh Israeil, a *bha* olc na dheanadas.

36 Agus rinn e coimhcheangal ris

<sup>a</sup> taitneach. <sup>b</sup> air am bheil iomradh ann an leabhar rìghrean Israeil. <sup>c</sup> chaidh Iehosaphat rìgh Iudah ann an comh-chuideachd.

longan a dheanamh a rachadh gu Tarsis; agus rinn iad na longan ann an Esion-geber.

37 Ach rinn Elieser, mac Dhodabhah o Mhahesah, faistineachd an aghaidh Iehosaphat, ag ràdh, A chionn gu'n d'rinn thu coimhcheangal ri Ahasiah, bhris an Tighearna t'òibre. Agus bhriseadh na longa, agus cha b'urrainn iad dol gu Tarsis.

## CAIB. XXI.

**A**GUS choidil Iehosaphat maille r'a aithrichibh, agus dh'adhlaicheadh e maille r'a aithrichibh ann am baile Dhaibhidh: agus rìogaich Iehoram, a mhac, na àit.

2 Agus *bha* bràithrean aige-san, mic Iehosaphat, Asariah, agus Iehiel, agus Sechariah, agus Asariah, agus Michael, agus Sephatiah: b'iad sin uile mic Iehosaphat, rìgh Iudah<sup>d</sup>.

3 Agus thug an athair dhoibh iomadh tìodhlacadh airgid agus òir, agus nithe luachmhor, maille ri bailtibh daingnichte ann an Iudah; ach thug e an rìoghachd do Iehoram, a chionn gu'm *b'e* 'n ceudghin e.

4 Agus an uair a dh'éirich Iehoram suas gu rìoghachd 'athar, agus a dhaingnich se e féin, mharbh e a bhràithrean uile leis a' chlàidheamh, agus mar an ceudna cuid do uachdaranaibh Israeil.

5 Dà bhliadhna dheug thar fhichead a dh'aois *bha* Iehoram an uair a thòisich e air rìoghachadh, agus rìogaich e oclid bliadhna ann an Ierusalem.

6 Agus ghluais e ann an slighe rìghrean Israeil, mar a rinn tìgh Ahaib; oir *bha* nighean Ahaib na mnaoi aige: agus rinn e olc ann an sùilibh an Tighearna.

7 Gidheadh, cha b'àill leis an Tighearna tìgh Dhaibhidh a sgrìos, air sgàth a' chloimhcheangail a rinn e ri Daibhidh, agus gu'n do gheall e solus a thabhairt da féin agus d'a mhacaibh gu bràth<sup>e</sup>.

8 Na laithibh-san dh'éirich na h-Edomaich o *bhi* fuidh làimh Iudah<sup>f</sup>, agus rinn iad rìgh os an cionn féin.

9 Agus chaidh Iehoram a mach le 'cheannardaibh, agus charbadan uile maille ris: agus dh'éirich e 'san oidhche, agus bhuail e na h-Edomaich, a thàinig mu'n cuairt air, agus ceannardan nan carbad.

10 Gidheadh, dh'éirich na h-Edomaich o *bhi* fuidh làimh Iudah gus an là'n diugh. Agus dh'éirich Lib-

<sup>d</sup> Israeil.

<sup>e</sup> gach là. Eabh.

<sup>f</sup> an còmhnuidh; aradh a mach an aghaidh Iudah.

nah'san àm cheudna o bhi fuidh a làimh, a chionn gu'n do thréig e 'n Tighearna Dia 'aithriche.

11 Mar an ceudna rinn e àitean arda ann an sléibhtibh Iudah, agus thug e air luchd-àiteachaidh Ierusalem striopachas a dheanamh, agus tharruing<sup>a</sup> e Iudah a dh'ionnsuidh sin.

12 Agus thàinig scriobhadh d'a ionnsuidh o Eliah ann fàidh, ag ràdh, Mar so tha'n Tighearna, Dia Dhaibhidh t'athar, ag ràdh, Achionn nach do ghluais thu ann an slighibh Iehosaphait t'athar, no ann an slighibh Asa righ Iudah,

13 Ach gu'n do ghluais thu ann an slighe righrean Israeil, agus gu'n d'thug thu air Iudah agus luchd-àiteachaidh Ierusalem striopachas a dheanamh, cosmhuil ri striopachas tighe Ahaib, agus mar an ceudna gu'n do mharbh thu do bhràithrean do thigh t'athar, a b'fhear na thn féin:

14 Feuch, buailidh an Tighearna le plàigh<sup>b</sup> mhòir do shluagh, agus do chlann, agus do mhnà, agus do mhaoin uile.

15 Agus bithidh tu ann an tinneas mòr le eucail do mhionaich, gus an tuit do mhionach a mach leis an eucail, o la gu la.

16 Uime sin bhrósnaich an Tighearna an aghaidh Iehoram spiorad nam Philisteach, agus nan Arabach, a bha làimh ris na h-Etiopaich.

17 Agus thàinig iad a nìos gu Iudah, agus bhris iad a steach innte, agus thug iad leo a' mhaoin uile a fhuaradh ann an tigh an righ, agus mar an ceudna a mhic agus a mhnà; air chor as nach d'fhagadh mac aige ach Ahasiah<sup>c</sup> a mhac a b'dige.

18 Agus na dhéigh so uile bhuail an Tighearna e na mhionach le h-eucail nach gabhadh leigheas.

19 Agus an déigh laithean àraidh, an ceann dà bhliadhna, thuit a mhionach a mach le 'eucail, agus fhuair e bàs le droch ghalaribh; agus cha d'rinn a shluagh losgadh air a shon cosmhuil ri losgaidh 'aithriche.

20 Dà bhliadhna dheug thar fhichead a dh'aois bha e 'nuair a thòisich e air rìoghachadh, agus rìoghaich e ochd bliadhna ann an Ierusalem, agus shiubhail e gun déidh sam bith air; agus dh'adhlaic iad e ann am baile Dhaibhidh, ach cha b'ann an àitibh-adhlaic nan righ.

CAIB. XXII.

**A**GUS rinn luchd-àiteachaidh Ierusalem Ahasiah a mhac a b'dige na righ na àit: oir mharbh a' bhuidheann a thàinig maille ris na h-Arabaich do'n champ, na mic bu shine uile. Agus rìoghaich Ahasiah mac Iehoram, righ Iudah.

2 Dà bhliadhna thar fhichead<sup>d</sup> a dh'aois bha Ahasiah 'nuair a thòisich e air rìoghachadh, agus rìoghaich e aon bhliadhna ann an Ierusalem: agus b'le ainm a mhàthar Ataliah nighean Omri.

3 Ghluais esan mar an ceudna ann an slighibh tighe Ahaib; oir b'i 'mhàthair a chomhairliche<sup>e</sup> a dheanamh uile.

4 Air an aobhar sin rinn e olc ann an sùilibh an Tighearna, cosmhuil ri tigh Ahaib; oir b'iad sin a chomhairlichean an déigh bàis 'athar, chum a sgrios.

5 Ghluais e mar an ceudna a réir an cornhairle, agus chaidh e maille ri Iehoram, mac Ahaib righ Israeil, a chogadh an aghaidh Hasaail righ Shiria ann an Ramot-gilead: agus lot<sup>f</sup> na Sirianaich Ioram g.

6 Agus phill e gu bhi air a leigheas ann an Iesreel o na lotaibh<sup>h</sup> a thug iad dha ann an Ramah<sup>i</sup>, an uair a chòmhraig e<sup>k</sup> 'n aghaidh Hasaail righ Shiria. Agus chaidh Ahasiah<sup>l</sup>, mac Iehoram, righ Iudah, sìos a dh'fhaicinn Ioram mhic Ahaib ann an Iesreel, a chionn gu'n robh e tinn.

7 Agus b'ann o Dhia bha sgrios Ahasiah, le 'theachd gu Ioram: oir an uair a thàinig e, chaidh e mach maille ri Iehoram an aghaidh Iehu mhic Nimsi, a dh'ung an Tighearna a ghearradh as tighe Ahaib.

8 Agus an uair a bha Iehu a' deanamh breitheanais air tigh Ahaib, agus a fhuair e uachdarain Iudah, agus mic bhràithrean Ahasiah, a fhrithheil do Ahasiah, mharbh e iad.

9 Agus dh'iarr e Ahasiah, agus ghlac iad e, agus e am folach ann an Samaria: agus thug iad e dh'ionnsuidh Iehu, agus mharbh iad e, agus dh'adhlaic iad e, a chionn, thubhairt iad, gur e mac Iehosaphait e, a dh'iarr an Tighearna le 'uile chridhe. Agus cha robh e 'n comas do thigh Ahasiah an rìoghachd a ghlèidheadh ni b'fhaide.

10 Agus an uair a chunnaic Ataliah, màthair Ahasiah, gu'n robh a

<sup>a</sup> choimhéignich,

<sup>b</sup> buille.

<sup>c</sup> Iehoahas,

<sup>d</sup> Dà bhliadhna agus dà fhichead. Faic. II. Righ. Caib. VIII. r. 26.

<sup>e</sup> chomhairleach.

<sup>f</sup> bhuail.

<sup>g</sup> Iehoram.

<sup>h</sup> a thaobh nan lot.

<sup>i</sup> Ramot. I. Righ. Caib. VIII. r. 29.

<sup>k</sup> chuir e cath.

<sup>l</sup> Asariah.



mac marbh, dh'éirich i, agus sgrìos i uile shliochd rìoghail tighe Iudah.

11 Ach ghabh Iehosabet<sup>a</sup>, nigh-ean an rìgh, Iòas mac Ahasiah, agus ghoid i e a measg mhac an rìgh a mharbhadh, agus chuir i e féin agus a bhian-altrum ann an seòmar nan leapaiche. Mar sin dh'fhòlaich Iehosabet, nighean rìgh Iehoraim, bean Iehoiada an t-sagairt e (oir b'i piuthar Ahasiah i) o Ataliah, air chior as nach do mharbh i e.

12 Agus bha e maille riu an folach ann an tigh Dhé rè shè bliadhna; agus Ataliah a' rìoghachadh os cionn na tìre.

## CAIB. XXIII.

**A** GUS anns an t-seachdamh bliadhna neartaich Iehoiada e féin, agus ghabh e na ceannardan cheud, Asariah mac Ierohaim, agus Ismael, mac Ielohanain, agus Asariah mac Obeid, agus Maasiah mac Adaiah, agus Elisaphat mac Shichri, a steach ann an coimhcheangal ris.

2 Agus chaidh iad mu'n cuairt ann an Iudah, agus chruinnich iad na Lebhithich a mach as uile bhailtibh Iudah, agus cinn aithrichean<sup>b</sup> Israeil, agus thàinig iad gu h-Ierusalem.

3 Agus rinn an coimhthional uile coimhcheangal ris an rìgh ann an tigh Dhé: agus thubhairt e riu, Feuch, rìghaichidh mac an rìgh, mar a thubhairt an Tighearna mu mhacaibh Dhaibhidh.

4 So an nì a nì sibh: *Bithidh* an treas cuid dhibhse a théid a steach air an t-sàbaid, do na sagairt agus do na Lebhithich, nan luchd-gleidhidh nan dorus.

5 Agus *bithidh* trian aig tigh an rìgh; agus trian aig geatadh na bunaite: agus *bithidh* an sluagh uile ann an cùirtibh tighe an Tighearna.

6 Ach na d'thigeadh a steach do thigh an Tighearna ach na sagairt, agus iadsan do na Lebhithich a fluritheileas; théid iadsan a steach, oir *tha* iad naomha: ach coimheadaidh<sup>c</sup> an sluagh uile faire an Tighearna.

7 Agus cuairtichidh na Lebhithich an rìgh air gach taobh, gach fear le 'airm na làimh; agus ge b'e neach a thig a steach do'n tigh, cuirear gu bàs e: ach bithibhse maille ris an rìgh, 'nuair a thig e steach, agus an uair a théid e mach.

8 Agus rinn na Lebhithich, agus Iudah uile, a réir nan uile *nithe* a dh'aithn Iehoiada àn sagart, agus ghabh iad gach fear a dhaoine féin a bha gu teachd a steach air an t-sàbaid, maille riu-san a bha gu dol

a mach air an t-sàbaid; oir cha d'leig Iehoiada an sagart air falbh na roinnean.

9 Agus thug Iehoiada an sagart do na ceannardaibh-cheud sleaghan, agus sgiathan, agus targaidean, a bh'aig rìgh Daibhidh, a bha ann an tigh Dhé.

10 Agus chuir e an sluagh uile, gach fear le 'ghath<sup>d</sup> na làimh, o thaobh deas an tighe gu ruig taobh clì an tighe, làimh ris an altair agus an tigh, mu'n cuairt air an rìgh.

11 Agus thug iad a mach mac an rìgh, agus chuir iad an crùn air, agus thug iad dha an fhianuis, agus rinn iad na rìgh e: agus dh'ung Iehoiada agus a mhic e, agus thubhairt iad, Gu ma fada beo an rìgh.

12 Agus an uair a chual Ataliah fuaim an t-sluaigh a' ruith cuid-eachd, agus a' moladh an rìgh, thàinig i dh'ionnsuidh an t-sluaigh, a steach do thigh an Tighearna.

13 Agus dh'amhairc i, agus feuch, sheas an rìgh làimh r'a phlost aig an dol a steach, agus na h-uachdarain agus na trompaidean làimh ris an rìgh, agus rinn uile shlugh na tìre gairdeachas, agus rinn iad fuaim le trompaidibh, agus, an luchd-seinn le h-innealaibh-ciùil, agus iadsan a bha eòlach air moladh: agus reub Ataliah a h-eudach, agus thubhairt i, Feall, feall.

14 An sin dh'aithn Iehoiada an sagart do na ceannardaibh-cheud<sup>e</sup>, a chuireadh os cionn an t-slàigh, agus thubhairt e riu, Thugaibh a mach i an taobh a muigh do na sreathaibh; agus ge b'e neach a leanas i, marbhar leis a' chlaidheamh<sup>e</sup>: oir thubhairt an sagart, Na cuiribh gu bàs i ann an Tigh an Tighearna.

15 Agus thug iad comas d'i<sup>f</sup>, agus an uair a thàinig i gu dol a stigh geataidh nan each aig tigh an rìgh, mharbh iad an sin i.

16 Agus rinn Iehoiada coimhcheangal eadare féin agus an sluagh gu léir agus an rìgh, gu'm biodh iad nan sluagh aig an Tighearna.

17 Agus chaidh 'n sluagh uile a stigh do thigh Bhaail, agus-leag iad sìos e, agus bhris iad 'altairean agus a dhealbhan gu tur, agus mharbh iad Matan sagart Bhaail fa chomhair nan altair.

18 Agus shuidhich Iehoiada luchd-riaghlaidh tighe an Tighearna le làimh nan sagart agus nan Lebhith-each, a roinn Daibhidh ann an tigh

<sup>d</sup> le 'bhall-airm, le 'chlaidheamh.

<sup>e</sup> thug Iehoiada an sagart a mach na ceannardan-cheud. Faic. II. Rìgh. Caib. XI. r. 15.

<sup>f</sup> chuir iad

làmh innte.

<sup>a</sup> Iehoseba. II. Rìgh. Caib. XI. r. 2.

<sup>b</sup> theaghlachan.

<sup>c</sup> gleidhidh.

an Tighearna, chum iobairtean-loisgte an Tighearna iobradh, mar a ta e scriobhta ann an lagh Mhaois, le gairdeachas agus le seinn, a réir orduigh<sup>a</sup> Dhaibhidh.

19 Agus shuidhich e na dorsairean air geataibh tìghe an Tighearna, chum nach rachadh neach air bith a stigh, a bha neo-ghlan ann an nì air bith.

20 Agus ghabh e na ceannardan-cheud, agus na h-ard uaislean, agus uachdarain an t-sluaigh, agus uile shluagh na tìre, agus thug iad a nuas an rìgh o thigh an Tighearna; agus thàinig iad troimh 'n gheatadh ard a steach do thigh an rìgh, agus chuir iad an rìgh na shuidhe air rìgh-chathair na rìoghachd.

21 Agus rinn uile shluagh na tìre gairdeachas: agus bha<sup>m</sup> baile sàmhach, an déigh dhoibh Ataliah a mharbhadh leis a' chlaidheamh.

CAIB. XXIV.

SEACHD bliadhna dh'aois bha loas<sup>b</sup> an uair a thòisich e air rìoghachadh, agus rìoghaich e dà fhichead bliadhna ann an Ierusalem: agus b'e ainm a mhàthar Sibia o Bheerseba.

2 Agus rinn loas an nì a bha ceart ann an sùilibh an Tighearna rè uile laithean Iehoiada an t-sagairt.

3 Agus ghabh Iehoiada air a shon dà mhnaoi, agus ghin e mic agus nigheana.

4 Agus na dhéigh so bha e ann an inntinn<sup>c</sup> Ioais tigh an Tighearna a chàradh<sup>d</sup>.

5 Agus chruinnich e ri chéile na sagairt agus na Lebhithich, agus thubhairt e riu, Rachaidh a mach do bhailtibh Iudah, agus cruinnichibh o Israel uile airgid a chàradh tìghe bhur Dé o bhliadhna gu bliadhna, agus faicibh gu'n dean sibh cabhag<sup>e</sup> sa' ghnòthuch. Gidheadh cha d'rinn na Lebhithich cabhag.

6 Agus ghairm an rìgh Iehoiada an t-ard-shagart, agus thubhairt e ris, C'ar son nach d'iarr thu air na Lebhithich cìs Mhaois<sup>f</sup>, oghaich an Tighearna, a thoirt a steach o Iudah, agus o Ierusalem, agus o choimhthional Israeil, air son pàilliun na fianuis?

7 Oir bhris mic na droch mhnà Ataliah sìos tigh Dhé, agus mar an ceudna uile nìthe coisrigte<sup>h</sup> tìghe an Tighearna thug iad seachad<sup>i</sup> do Bhaalim.

<sup>a</sup> làimhe. Eabh.

<sup>b</sup> Iehoas. II Rìgh. Caib. XII. r. 1.

<sup>c</sup> cridhe. Eabh.

<sup>d</sup> a leas-

achadh, ath-nuadhachadh.

<sup>e</sup> deifir.

<sup>f</sup> a' chis a dh'àithn

Maois bhi air a togail. <sup>g</sup> eadhon.

<sup>h</sup> naomha.

<sup>i</sup> rinn iad, Eabh,

8 An sin air àithne an rìgh rinn iad ciste, agus chuir iad i aig geatadh tìghe an Tighearna air an taobh a muigh.

9 Agus thug iad gairm air feadh Iudah agus Ierusalem, cìs Mhaois, òglaich Dhé, a chuir e air Israel anns an fhàsach, a thoirt a steach do'n Tighearna.

10 Agus rinn na h-uachdarain uile agus an sluagh uile gairdeachas, agus thug iad leo, agus thilg iad anns a' chiste, agus an do lìonadh i<sup>k</sup>.

11 Agus an uair a thugadh a' chiste steach a dh'ionnsuidh luchd-riaghlaidh<sup>l</sup> an rìgh le làimh nan Lebhithich, agus a chunnaic iad gu'n robh mòran airgid innte, an sin thàinig scriobhuich an rìgh agus fear-riaghlaidh an ard-shagairt, agus dh'fhalamluich iad a' chiste, agus ghabh iad i, agus thug iad air a h-ais i d'a h-àite fèin. Mar sin rinn iad o la gu la, agus chruinnich iad airgid ann am pailteas.

12 Agus thug an rìgh agus Iehoiada e dhoibh-san, a rinn obair<sup>m</sup> seirbhis tìghe an Tighearna, agus thuarrasdaich iad luchd-snaithidh chlach agus saoir a chàradh tìghe an Tighearna, agus mar an ceudna luchd-oibre ann an iarunn agus an umha a dheanamh suas<sup>n</sup> tìghe an Tighearna.

13 Agus dh'oibrich an luchd-oibre, agus choimhlionadh an obair le'n làimh; agus rinn iad suas tigh an Tighearna co-cheart as a bha e roimhe, agus dhaingnich iad e.

14 Agus an uair a chrìochnaich iad an obair, thug iad na dh'fhàgadh do'n airgid an làthair an rìgh agus Iehoiada, agus rinn iad soithichean deth do thigh an Tighearna, soithichean-frithlealaidh nan iobairt-loisgte, agus spàinean, agus soithichean òir agus airgid: agus dh'obair iad iobairtean-loisgte a ghnàth ann an tigh an Tighearna, rè uile laithean Iehoiada.

15 Ach dh'fhàs Iehoiada sean, agus bha e làn do laithibh, agus fhuair e bàs: ceud agus deich bliadhna fichead a dh'aois bha e nuair a fhuair e bàs.

16 Agus dh'adhlac iad e ann am baile Dhaibhidh maille ris na rìgh-ribh, a chionn gu'n d'rinn e maith ann an Israeil, araon<sup>o</sup> a thaobh Dhé, agus a thaobh a thìghe.

17 Agus an déigh bàis Iehoiada,

<sup>k</sup> agus an do chuir iad crìoch air a' ghnòthuch.

<sup>l</sup> luchd-amhairc

thairis, luchd-ghnòthuichean; seò-

mair-ghnòthuichean. <sup>m</sup> air an

robh cùram oibre. Faic. II. Rìgh.

Caib. XII. r. 11.

<sup>n</sup> a chàradh.

<sup>o</sup> an dà chuid.

thàinig uachdarain Iudah, agus rinn iad ùmhlaichid do'n rìgh. An sin dh'èisd an rìgh riu.

18 Agus thréig iad tigh an Tighearna Dé an aithriche, agus rinn iad seirblis do dhoireachaibh agus do dhealbhaibh<sup>a</sup>: agus thàinig fearg air Iudah agus Ierusalem air son an ciontaidh.

19 Gidheadh chuir e fàidhean d'an ionnsuidh, gu'n toirt air an ais a dh'ionnsuidh an Tighearna, agus rinn iad fiauuis nan aghaidh, ach cha d'èisd iadsan riu.

20 Agus thàinig spiorad an Tighearna air Sechariah mac Iehoiada an t-sagairt, agus sheas e os cionn an t-sluaigh, agus thubhairt e riu, Mar so tha Dia ag ràdh, Car son a tha sibh a' briseadh àitheantan an Tighearna? uime sin cha soirbhich sibh. A chionn gu'n do thréig sibhse an Tighearna, tréigidh esan sibhse.

21 Agus chaidh iad ann an comhbhoinn na aghaidh, agus chlach iad le clachaibh e air àithne an rìgh, ann an cùirt tighe an Tighearna:

22 Oir cha do chuimhnich Ios an rìgh an caoimhneas a rinn Iehoiada athair ris, ach mharbh e a mhac: agus an uair a bha esan a' faghail a' bhàis, thubhairt e, Chi an Tighearna, agus agraiddh<sup>b</sup> se.

23 Agus aig ceann<sup>c</sup> na bliadhna, thàinig armailt Shiria nìos na aghaidh; agus thàinig iad gu Iudah agus gu h-Ierusalem, agus sgrios iad uile uachdarain an t-sluaigh o mheasg an t-sluaigh, agus chuir iad an creach uile dh'ionnsuidh rìgh Dhamascuis.

24 Oir le beagan dhaoine thàinig armailt Shiria, agus thug an Tighearna thairis nan làimh sluagh ro mhòr, a chionn gu'n do thréig iad an Tighearna Dia an aithriche: uime sin rinn iad breitheanas an aghaidh lois.

25 Agus an uair a dh'imich iad uaith, a chionn gu'n d'fhàg iad e ann an euailibh mòra, rinn a sheirbhisich féin ceannairc na aghaidh air son fola mhic<sup>d</sup> Iehoiada an t-sagairt, agus mharbh iad e air a leabaidh, agus an uair a fhuair e bàs, dh'adhlaic iad e ann am baile Dhaihhidh, ach cha d'adhlaic iad e ann an àitibh-adhlaic nan rìgh.

26 Agus is iad so iadsan a rinn ceannairc na aghaidh: Sabad mac Shimeait na Ban-amonaich, agus Iehosabad mac Shimrit na Bana-mhoabaich, agus a mhic.

27 A nis a thaobh meud na cìs a

thog e<sup>e</sup>, agus mar a rinn e suas tigh Dhé, feuch, tha iad scriobhta ann an eachdraidh leabhar nan rìgh. Agus rìoghaich Amasiah a mhac na àit.

## CAIB. XXV.

**C**UIG bliadhna fìhead a dh'aois bha Amasiah 'nuair a thòisich e air rìoghachadh, agus rìoghaich e naoi bliadhna fìhead ann an Ierusalem: agus b'e ainm a mhàthar Iehoadan o Ierusalem.

2 Agus rinn e an ni a bha ceart ann an sùilibh an Tighearna, ach cha b'ann le cridhe iomlan.

3 A nis an uair a dhaingnicheadh an rìoghachd dha, mharbh e a sheirbhisich, a mharbh an rìgh athair.

4 Ach an clann cha do mharbh e, a réir mar a ta e scriobhta anns an lagh ann an leabhar Mhaois, far an d'àithn an Tighearna, ag ràdh, Cha chuirear na h-aithriche gu bàs air son nam mac, agus cha chuirear na mic gu bàs air son nan aithriche; ach cuirear gach duine gu bàs air son a pheacaidh féin.

5 Agus chruinnich Amasiah Iudah r'a chéile, agus rinn e iad, a réir tighe an aithriche, nan ceannardaibh mhiltean agus nan ceannardaibh cheud, ann an Iudah agus ann am Benjamin uile: agus dh'àireamh e iad o fhichead bliadhna dh'aois agus os a chionn, agus fhuair e ann diubh tri cheud mìle fear-taghta a rachadh a mach gu cath, a laimhsicheadh sleagh agus sgiath.

6 Thuarasdalaich e mar an ceudna a h-Israel ceud mìle fear comasach gaisgeil<sup>f</sup> air cheud tàlann airgid.

7 Ach thàinig duine le Dia d'a ionnsuidh, ag ràdh, A rìgh, na rachadh armailt Israel maille riut; oir cha 'n 'eil an Tighearna maille ri h-Israel, eadhon maille ri cloinn Ephraim uile.

8 Ach ma's àill leat imeachd, dean, bi làidir air son a' chatha: bheir Dia ort tuiteam roimh an nàmhaid; oir tha Dia comasach air còghnadh a dheanamh, agus air tilgeadh sìos.

9 Agus thubhairt Amasiah ris an duine le Dia, Ach ciod a ni sinn mu'n cheud tàlann a thug mi do armailt Israel? Agus fhreagair an duine le Dia, Tha'n Tighearna comasach air mòran tuilleadh as sin a thabhairt duit-se.

10 An sin sgaoil Amasiah iadsan do'n armailt a thàinig d'a ionnsuidh a h-Ephraim, a chum gu'n rachadh iad d'an àite féin. Agus las am fearg gu mòr an aghaidh Iudah, agus phill iad d'an àite féin ann an corruich mhòir.

<sup>a</sup> ìodholaibh.

<sup>d</sup> òlaidh.

Eabh.

<sup>b</sup> iarraidh,

<sup>c</sup> teachd mu'n cuairt,

<sup>d</sup> mhac.

<sup>e</sup> meud na h-eallaich a chuireadh air.

<sup>f</sup> gaisgeach làidir.

## II. EACHDRAIDH.

11 Agus neartaich Amasiah e féin, agus thug e mach a shluagh, agus chaidh e gu gleann an t-salainn, agus bhuail e do chloinn Sheir deich mìle.

12 Agus deich mìle dhiubh ghlac clann Iudah beo, agus thug iad leo iad gu mullach carraige, agus thilg iad sìos iad o mhullach na carraige, agus bhriseadh iad gu tur.

13 Ach bhris fir<sup>a</sup> na h-armailte a chuir Amasiah air an ais, a chum nach rachadh iad maille ris gu cath, a stigh air bailtibh Iudah, o Shamarria eadhon gu ruig Bet-horon, agus bhuail iad trì mìle dhiubh, agus thug iad leo creach mhòr.

14 A nis an déigh do Amasiah teachd o àr nan Edomach, thug e leis dèe chloinn Sheir, agus chuir e suas iad dha féin mar dhéibh, agus chrom se e féin sìos rompa, agus loisg e tùis dhoibh.

15 Uime sin las fearg an Tighearna an aghaidh Amasiah, agus chuir e d'a ionnsuidh fàidh, a thubhairt ris, C'ar son a dh'iarr thu'n déigh dhia-than an t-sluaigh, nach b'urrainn an sluagh féin a shaoradh as do làimhsa?

16 Agus an uair a bha e a' labhairt ris, fhreagair esan e, An d'rinneadh thusa a'd' chomhairliche<sup>b</sup> do'n righ? leig dhìot<sup>c</sup>; c'ar son a bhiodh tu air do bhualadh? Agus leig am fàidh dheth, agus thubhairt e, Tha fios agam gu'n do shònraich<sup>d</sup> Dia air do sgrios, a chionn gu'n d'rinn thu so, agus nach d'éisd thu ri m' chomhairle-sa.

17 An sin ghabh Amasiah righ Iudah comhairle; agus chuir e teachdairean a dh'ionnsuidh Iois, mhic Iehoahais, mhic Iehu righ Israeil, ag ràdh, Thig, faiceamaid aghaidh a chèile.

18 Agus chuir Ioas righ Israeil teachdairean gu Amasiah righ Iudah, ag ràdh, Chuir am foghannan, a bha ann an Lebanon, teachdaire dh'ionnsuidh an t-seudair<sup>e</sup>, a bha ann an Lebanon, ag ràdh, Thoir do nighean do m' mhac-sa, na mnaoi: agus chaidh fiadh-bheathaich seachad a bha ann an Lebanon, agus shaltair e sìos am foghannan.

19 Thubhairt thu, Feuch, bhuail mi<sup>f</sup> Edom, agus thog do chridhe suas thu chum uail a dheanamh: fan a nis aig do thigh: c'ar son a bhiodh làmh agad ann an ni chum t'aimbleis, air chor as gu'n tuiteadh tu féin agus Iudah maille riut?

20 Ach chaidh d'éisd Amasiah ris; oir bha e o Dhia an toirt thairis na

làimh, a chionn gu'n d'iarr iad an déigh dhiathan Edoim.

21 Uime sin chaidh Ioas righ Israeil suas, agus chunnaic e féin agus Amasiah righ Iudah aghaidh a chèile aig Bet-semes, a bhuineas do Iudah.

22 Agus bhuaileadh Iudah roimh Israel, agus theich iad gach fear a dh'ionnsuidh a bhùtha.

23 Agus ghlac Ioas righ Israeil Amasiah righ Iudah mac Iois, mhic Ahasiah<sup>g</sup>, aig Bet-semes, agus thug se e gu h-Ierusalem, agus bhris e sìos balladh Ierusalem, o gheatadh Ephraim gu geatadh na h-oisne, ceithir cheud làmh-choille.

24 Agus [ghabh e] an t-òr agus an t-airgid uile, agus na soithichean uile a fhuaradh ann an tigh Dhé aig Obed-edom, agus ionnhasan tighe an righ, agus braighde-gill, agus phill e gu Samaria.

25 Agus mhair Amasiah mac Iois, righ Iudah, beò an déigh bàis Iois mhic Iehoahais righ Israeil, cùig bliadhna deug.

26 Agus a' chuid eile do ghnìomharaibh Amasiah, an toiseach agus mu dheireadh, feuch, nach 'eil iad scrìobhta ann an leabhar rìghrean Iudah agus Israeil?

27 Ach o'n àm annas an do thionndaidh Amasiah o leantuinne an Tighearna, rinn iad ceannairc<sup>h</sup> na aghaidh ann an Ierusalem, agus theich e gu Lachis: ach chuir iad daoine na dhéigh gu Lachis, agus mharbh iad e an sin.

28 Agus thug iad leo air eachaibh e, agus dh'adhlac iad e maille r'a aithrichibh ann am baile Dhaibhidh<sup>i</sup>.

### CAIB. XXVI.

**A** GUS ghabh sluagh Iudah uile Udsiah<sup>k</sup>, agus e sè bliadhna deug a dh'aois, agus rinn iad e na righ an àit 'athar Amasiah.

2 Thog esan Elat<sup>l</sup>, agus dh'aisig se e do Iudah, an déigh do'n righ codal maille r'a aithrichibh.

3 Sè bliadhna deug a dh'aois bha Udsiah 'nuair a thòisich e air rìoghachadh, agus rìoghaich e dà bhliadhna dheug agus dà fhichead ann an Ierusalem: agus b'e ainm a mhàthar Iecoliah o h-Ierusalem.

4 Agus rinn e an *ni a bha* ceart ann an sùilibh an Tighearna, a réir gach *ni a rinn* Amasiah 'athair.

5 Agus dh'iarr e Dia ann an laithibh Shechariah, a theagaisg e ann an eagail<sup>m</sup> Dé: agus fhad sa

g Iehoahais.

<sup>h</sup> coimhchealg.

<sup>i</sup> Iudah.

<sup>k</sup> Asariah. II. Rìgh.

Caib. XIV. r. 21.

<sup>l</sup> Elot.

<sup>m</sup> a bha tuigseach ann an seallannaibh.

<sup>a</sup> mic. Eabh.

<sup>b</sup> chomhairleach.

<sup>c</sup> bi d'fhosd.

<sup>d</sup> shuidhich.

<sup>e</sup> a' cheudair.

<sup>f</sup> thu.



dh'iarr e an Tighearna, thug Dia air seirbheachladh.

6 Agus chaidh e mach, agus chog e 'n aghaidh nam Philisteach, agus bhris e sìos balladh Ghait, agus balladh Iabneth, agus balladh Asdoid; agus thog e bailtean ann an Asdod<sup>a</sup>, agus am measg nam Philisteach.

7 Agus chuidich Dia leis an aghaidh nam Philisteach, agus an aghaidh nan Arabach, a bha nan còmh-nuidh ann an Garbaal, agus nan Amonach<sup>b</sup>.

8 Agus thug na h-Amonaich tiodhlacan do Udsiah, agus chaidh 'ainm a mach gu ruig dol a steach na h-Eiphit, oir dh'fhàs e ro chumhachdach.

9 Agus thog Udsiah tùr ann an Ierusalem aig geatadh na h-oisne, agus aig geatadh a' ghlinne, agus aig an oisinn<sup>c</sup>, agus dhaingnich e iad.

10 Agus thog e tùr anns an fhàsach, agus chlaghaich e mòran thobar; oir bha mòran sprèidh aige, agus anns an *tir* ìosail agus anns a' chòmhnard treabhaichean, agus ìon-liosadairean<sup>d</sup> anns na slèibhtibh agus ann an Carmel, a chionn gu'm bu toigh leis tuathanachd.

11 Bha aig Udsiah mar an ceudna armailt do dhaoimibh a dheanadh cogadh, a rachadh a mach gu catl nam buidhnibh, a réir uibhir an àireimh<sup>e</sup> le làimh leieil an scriobhuiche, agus Mhaaseiah an fhir-riaghlaidh, fuidh làimh Hananiah aon do uachdaran-aibh an righ.

12 B'e àireamh iomlan phrìomh aithriche nan daoine comàsach gaisgeil, dà mhìle agus sè ceud.

13 Agus fuidh 'n làimh-san *bha* armailt, tri cheud mìle agus seachd mìle agus cùig ceud, a dheanadh cogadh le treun neart, a chluideachadh leis an righ an aghaidh an nàmhaid.

14 Agus dheasaich Udsiah air an son, *eadhon* do'n fheachd uile, targaidhean, agus sleaghan, agus clogaidhean, agus lùirichean, agus boghanna, agus cranna-tabhuill a thilgeadh chlach.

15 Agus rinn e ann an Ierusalem innil-chogaidh a dhealbhadh le daoineibh ealanta<sup>f</sup> gu bli air na tùraibh agus air oisnibh nam ballacha, a thilgeadh shlaighead agus chlach mòr leo: agus chaidh 'ainm a mach an céin, oir b'iongantach an dòigh air an do chuidicheadh leis gus an d'fhàs e cumhachdach.

<sup>a</sup> mu thimchioll Asdoid. <sup>b</sup> nam Mehunach. <sup>c</sup> tionndadh a' bhallaidh. <sup>d</sup> fion-ghàradairean. <sup>e</sup> an cunntais, 'am meas. <sup>f</sup> cheann. Eabhl, & innleachdacha,

16 Ach an uair a dh'fhàs e cumhachdach, thogadh a chridhe suas a chum aimhleis, agus pheacaich e an aghaidh an Tighearna a Dhé: oir chaidh e steach do theampull an Tighearna, a losgadh, tùise air altair na tùise.

17 Agus chaidh Asariah an sagart a steach na dhéigh, agus maille ris ceithir fichead sagart leis an Tighearna, fir threuna.

18 Agus sheas iad an aghaidh Udsiah an righ, agus thubhairt iad ris, Cha bhuin e dhuit-se, Udsiah, tùis a losgadh do'n Tighearna, ach do na sagartaibh, mic Aaroin, a tha air an naoinhachadh a losgadh tùise: imich a mach as an ionad-naomha, oir pheacaich thu, agus cha bhi e dhuit a chum urrainn o'n Tighearna Dia.

19 Agus bha fearg air Udsiah, agus tùiseir aige na làimh a losgadh tùise: agus an uair a bha fearg air ris na sagartaibh, air ball dh'éirich luibhre suas ann an clàr 'eudain am fianuis nan sagart ann an tigh an Tighearna os cionn<sup>h</sup> altaire na tùise.

20 Agus dh'amhairc Asariah an t-ard shagart, agus na sagartan uile air, agus feuch, *bha* luibhre air ann an clàr 'eudain, agus ghreas iad a mach as sin e; agus rinn e féin mar an ceudna cabhag gu dol a mach, a chionn gu'n do bhuail an Tighearna e.

21 Agus bha Udsiah an righ na lobhar gu là a bhàis, agus glabh e còmhnuidh ann an tigh air leth mar fhear a bha na lobhar, an uair a dhruideadh a mach e a tigh<sup>i</sup> an Tighearna: agus *bha* Iotam a mhac os cionn tighe an righ, a' toirt breth air sluagh na tìre.

22 Agus a' chuid eile do ghliomharaibh Udsiah, an toiseach agus mu dheireadh, scriobh Isaiah am fàidh mac Amois.

23 Agus choidil Udsiah maille r'a aithrichibh, agus dh'adhlac iad e maille r'a aithrichibh ann am magh àit-adhlacaidh nan righ: oir thubhairt iad, *Tha* e na lobhar. Agus rioghaich Iotam a mhac na àit.

CAIB. XXVII.

**C**UIG bliadhna fichead a dh'aois *bha* Iotam an uair a thòisich e air rioghachadh, agus rioghaich e sè bliadhna deug ann an Ierusalem: agus b'e ainm a mhàthar Ierusa, nighean Shadoic.

2 Agus rinn e an *ni* a bha ceart ann an sùilbh an Tighearna a réir nan uile *nithe* a rinn Udsiah 'athair; gidheadh cha deachaidh e steach do

<sup>h</sup> o thaobh. oir ghearradh as e o thigh.

## II. EACH DRAIDH.

theampull an Tighearna, agus *bha*'n sluagh fathast truaillidh.

3 Thog e geatadh ard tighe an Tighearna, agus air balladh Opheil thog e mòran.

4 Agus thog e bailtean ann an slèibhtibh Iudah, agus anns na coilltibh thog e caistealan agus tùir.

5 Agus chog e ri rìgh chloinn Amoin, agus thug e buaidh orra. Agus thug clann Amoin dha air a' bhliadhna sin féin ceud tàlann airgid, agus deich mìle tomhas<sup>a</sup> cruithneachd, agus deich mìle tomhas eorna. So thug clann Amoin seachad da, araon air an dara bliadhna, agus *air* an treas.

6 Agus dh'fhàs Iotam cumhachdach, a chionn gu'n do dheasaich e a shlighean am fianuis an Tighearn a Dhé.

7 Agus a' chuid eile do ghnìomh-araibh Iotaim, agus a choganna uile, agus a shlighean, feuch, *tha* iad scrìobhta ann an leabhar rìghrean Israeil agus Iudah.

8 Cùig bliadhna fichead a dh'aois bha e 'nuair a thòisich e air rìoghachadh, agus rìoghaich e sè bliadhna deug ann an Ierusalem.

9 Agus choidil Iotam maille r'a aithrichibh, agus dh'adhlac iad e ann am baile Dhaibhidh: agus rìoghaich Ahas, a mhac, na àit.

CAIB. XXVIII.

**F**ICHEAD bliadhna<sup>b</sup> dh'aois *bha* Ahas an uair a thòisich e air rìoghachadh, agus rìoghaich e sè bliadhna deug ann an Ierusalem: agus cha d'rinn e an *ni a bha* ceart ann an sùilibh an Tighearna, mar a rinn Daibhidh athair.

2 Ach dh'imich e ann an slighibh rìghrean Israeil, agus mar an ceudna rinn e dealbhan leaghta do Bhàailim.

3 Agus loisg e tùis ann an gleann Bhen-hinoim<sup>c</sup>, agus loisg e a chlànn anns an teine a réir ghràineileachd nan cinneach, a thilg an Tighearna mach roimh chloinn Israeil.

4 Agus dh'obair e agus loisg e tùis anns na h-àitibh arda, agus air na cnoic, agus fuidh gach craoibh uaine.

5 Uime sin thug an Tighearn a Dhia thairis e an làimh rìgh nan Sirianach<sup>d</sup>, agus bhuail iad e, agus thug iad leo mòran diubh nam braighdibh, agus thug siad iad gu Damascus: agus thugadh mar an ceudna thairis e an làimh rìgh Israeil, a bhuail e le h-àr mòr.

6 Agus mharbh Pecah mac Rema-

liah ann an Iudah ceud agus fichead mìle ann au aon là, fir threuna<sup>e</sup> uile; a chionn gu'n do thréig iad an Tighearna Dia an aithriche.

7 Agus mharbh Sichri, duine treun do Ephraim, Maaseiah mac an rìgh, agus Asricam uachdaran an tighe, agus Elcanah a b'fhaigse do'n rìgh.

8 Agus thug clann Israeil leo nam braighdibh d'am bràithribh dà cheud mìle bean, mac agus nighean, agus thog iad mar an ceudna creach mhòr uatha, agus thug iad a' chreach gu Samaria.

9 Ach bha fàidh leis an Tighearn an sin d'am b'ainm. Oded, agus chaidh e mach am fianuis an t-slàigh a thàinig gu Samaria, agus thubhairt e riu, Feuch, a chionn gu robh fearg air an Tighearna Dia bhuir n-aithriche ri Iudah, thug e thairis iad ann bhuir làimh-sa, agus mharbh sibh iad le buirbe a ràinig suas gu nèamh.

10 Agus a nis *tha* sibh a' cur roimhibh clann Iudah agus Ierusalem a chur fuidhibh mar thràillibh agus mar bhàn-tràillibh agaibh. Nach 'eil idir agaibhse, eadhon agaibhse peacanna an aghaidh an Tighearna bhuir Dé?

11 A nis ma ta éisdibh riumsa, agus thugaibh air an ais na braighdean a thug sibh leibh ann am braighdeanas o bhuir bràithribh; oir *tha* fearg laiste an Tighearna ribh.

12 An-sin dh'éirich daoine àraidh do cheannaibh<sup>f</sup> chloinn Ephraim, Asariah mac Iohanain, Berechiah mac Mhesilemoit, agus Ieschiah mac Shalaim, agus Amasa mac Hadlai, suas nan aghaidh-san a thàinig o'n chogadh.

13 Agus thubhairt iad riu, Cha d'thoir sibh na braighdean a steach an so: oir *bhiodh sin* na chionta an aghaidh an Tighearna oirne. *Tha* sibhse a' cuir roimhibh tuilleadh a chur r'ar peacannaibh, agus r'ar cionta, 'nuair a ta ar cionta *cheana* mòr agus fearg laiste ri h-Israel.

14 An sin dh'fhag na daoine a bha fo 'n armaibh<sup>g</sup> na braighdean agus a' chreach am fianuis nan uchdaran, agus a choimhchruinnich uile.

15 Agus dh'éirich na daoine a ghairmeadh air an ainm, agus ghabh iad na braighdean, agus dh'eudaich iad leis a' chreich iadsan uile a bha lomnochd dhiubh, agus an uair a chuir iad eudach agus brògan orra, thug iad orra itheadh agus òl, agus dh'ung siad iad, agus chuir iad air

<sup>a</sup> cor. Eabh. <sup>b</sup> Cùig bliadhna fichead. <sup>c</sup> gleann mhic Hinoim, <sup>d</sup> rìgh Shiria,

<sup>e</sup> mic neirt. <sup>f</sup> do phrìomh dhaoine ibh, ard uaslabh. <sup>g</sup> na daoine armaichte.

asalaibh iadsan uile a bha anmhunn diubh, agus thug siad iad gu Iericho, baile nan craobh pailme, a dh'ionnsuidh am bràithrean, agus phill iad gu Samaria.

16 San àm sin chuir rìgh Ahas fìos a dh'ionnsuidh rìgh<sup>a</sup> Asiria, e chuid-eachadh leis.

17 Oir thàinig na h-Edomaich a rìs, agus bhuail iad Iudah, agus thug iad leo braighdean.

18 Thug na Philistich mar an ceudna ionnsuidh<sup>b</sup> air bailtibh a' chòmhnaird, agus air an taobh deas do Iudah, agus ghlac iad Bet-semes, agus Aialon, agus Gederot, agus Socho le 'bhailtibh beaga, agus Timnah le 'bhailtibh beaga, agus Gimsa le 'bhailtibh beaga; agus ghabh iad còmhnuidh an sin.

19 Oir rinn an Tighearn Iudah rosal air son Ahais rìgh Iudah<sup>c</sup>, a chionn gu'n d'rinn e Iudah lomnochd, agus gu'n d'rinn e cionta mòr an aghaidh an Tighearna.

20 Uime sin thàinig Tilgat-pilneser rìgh Asiria d'a ionnsuidh, agus shàraich<sup>d</sup> acli cha do neartaich se e.

21 Oir ghabh Ahas cuibhrionn a tigh an Tighearna, agus a tigh an rìgh, agus o na h-uachdaranaibh, agus thug e sin do rìgh Asiria; ach cha do chuidich e leis.

22 Agus an àm a theanntachd rinn e fathast tuilleadh ciontaidh an aghaidh an Tighearna, an rìgh so féin Alias.

23 Oir dh'ìobair e do dhéibh Dhamascuis a bhuail e, agus thubhairt e, A chionn gu'n cuidich dée rìghrean Shiria leo, òbraidh mise dhoibh a chum gu'n cuidich iad leansa: ach is ann a bha iad nan aobhar sgrios dha féin, agus do Israel uile.

24 Agus chruinnich Ahas soithichean tighe Dhé, agus ghearr e nam mìribh soithichean tighe Dhé, agus dhruid e dorsan tighe an Tighearna. Agus rinn e dha féin altair-eann anns gach cearn do h-Ierusalem.

25 Agus anus gach baile fa leth do Iudah rinn e àitean arda, chum tùis a losgadh do dhéibh coimheach, agus bhrosnaich e gu fearg an Tighearna Dia 'aithriche.

26 Agus a chuid eile d'a ghlòmharaibh agus d'a shlighibh uile, an toiseach agus mu dheircadh, feuch, tha iad scriobhte ann an leabhar rìghrean Iudah agus Israel.

27 Agus choidil Ahas maille r'a aithrichibh, agus dh'adhlaic iad e anns a' bhaile, ann an Ierusalem;

<sup>a</sup> rìghrean. Faic. II. Rìgh. Caib. XVI. r. 7. <sup>b</sup> Bhriis na Philistich a stigh. <sup>c</sup> Israel. <sup>d</sup> theannaich, chuir e na éiginn,

ach cha d'thug iad e do àitibh-adh<sup>l</sup> laic rìghrean Israel: agus rioghaich Hececiah a mhac na àit.

CAIB. XXIX.

**T**HOISICH Hececiah air rioghachadh 'nuair a bha e cùig bliadhna fichead a dh'aois, agus rioghaich e naoi bliadhna fichead ann an Ierusalem: agus b'e ainm a mhàthar Abiah<sup>e</sup>, nighean Shechariah.

2 Agus rinn e an *ni a bha* ceart ann an sùilibh an Tighearna, a réir nan uile *nithe* a rinn Daibhidh 'ath-air.

3 Anns a' cheud bhliadhna d'a rioghaichadh, air a' cheud mhìos, dh'fhosgail e dorsan tighe an Tighearna, agus chàirich e iad.

4 Agus thug e stigli na sagairt agus na Lebhithich, agus chruinnich e iad do'n t-sràid an ear.

5 Agus thubhairt e riu, Eisdibh rium, a Lebhithreacha; a nis naomhaichibh sibh féin, agus naomhaichibh tigh an Tighearna Dé bhuir n-aithriche, agus thugaibh a mach an salchar as an *ionad* naomha:

6 Oir pheacaich ar n-aithriche, agus rinn iad an *ni a bha* olc ann an sùilibh an Tighearna ar Dé, agus thréig iad e, agus thionndaidh iad an aghaidhean o phàillion an Tighearna, agus chuir iad cùl ris.

7 Mar an ceudna dhruid iad dorsan an sgàth-thighe, agus chuir iad as na lòchraim, agus cha do loisg iad tùis, agus cha d'thug iad òbairtean-loisgte suas anns an *ionad* naomha, do Dhia Israel.

8 Uime sin bha fearg an Tighearna ri Iudah agus ri h-Ierusalem, agus thug e thairis iad do thuairgne<sup>f</sup>, do uamhann<sup>g</sup>, agus do sgeig, mar a cli sibh le'r sùilibh.

9 Oir feuch, thuit ar n-aithriche leis a' chlaidheamh, agus *tha* ar mic, agus ar nigheana, agus ar mnà ann am braighdeanas air son so.

10 A nis *tha* e ann am chridhe coimlichcangal a dheanamh ris an Tighearna Dia Israel, a chum gu'n tionndaidh 'fhearg laiste uainn.

11 Mo mhic, na bithibh a nis, dearmadach; oir thagh an Tighearna sibh gu seasamh na làthair a dheanamh seirbhìs da, agus gu bhi a' frìthealadh dha agus a' losgadh tùise.

12 An sin dh'éirich na Lebhithich, Mahat mac Amasai, agus Joel mac Asariah, do mhacaibh nan Cohatach: agus do mhacaibh Mherari, Cis mac Abdi, agus Asariah mac Iahaleil, agus do na Gersonaich, Ioas mac Shimah, agus Eden mac Ioah:

<sup>e</sup> Abi. II. Rìgh. Caib. XVIII. r. 2. <sup>f</sup> theinn, amhluaadh. <sup>g</sup> iongantais.

## II. EACHDRAIDH.

13 Agus do mhacaibh Elisaphain, Simri agus Iehiel; agus do inhiac-aibh Asaiph, Sechariah agus Mata-niah:

14 Agus do mhacaibh Hemain, Iehiel agus Simeil: agus do mhacaibh Iedutuinn, Semaiah agus Udsiel.

15 Agus chruinnich iad ann bràith-rean, agus naomhaich siad iad féin, agus thàinig iad a réir àithne an rìgh ann am briathraibh an Tighearna, a ghlanadh tighe an Tighearna.

16 Agus chaidh na sagairt do'n chuid a b'fhaide steach do thigh an Tighearna g'a ghlanadh, agus thug iad a mach gach salchar, a fhuair, iad ann an teampull an Tighearna, gu càirt tighe an Tighearna. Agus thog na Lebhithich leo e, gu 'thoirt a mach gu sruth Chidroin.

17 A nis thòisich iad air a' cheud la do'n cheud mhìos air naomhachadh<sup>a</sup>, agus air an ochdamh la do'n mhìos thàinig iad gu sgàth-thigh an Tighearna, agus naomhaich iad tigh an Tighearna ann an ochd laithibh, agus air an t-seathabh la deug do'n cheud mhìos, chrìochnaich iad an obair.

18 An sin chaidh iad a steach a dh'ionnsuidh Heseciah an rìgh, agus thubhairt iad, Ghlan sinn tigh an Tighearna uile, agus altair na h-lobairt-loisgte maille r'a soithichibh uile, agus bord an raìn thaisbeanta maille r'a shoithichibh uile.

19 Agus na soithiche sin uile a chuir rìgh Ahas, an uair a rìghaich e, air falbh na eusaontas, dheasaich sinne agus naomhaich sinn, agus feuch, tha iad fa chomhair altair an Tighearna.

20 An sin dh'éirich Heseciah an rìgh gu moch, agus chruinnich e uachdarain a' bhaile, agus chaidh e suas do thigh an Tighearna.

21 Agus thug iad leo seachd tairbh òga, agus seachd reitheacha, agus seachd uain, agus seachd buic-gaibhre mar lobairt-pheacaidh air son na rìghaich, agus air son an ionaid naomha, agus air son Iudah: agus dh'àithn e do na sagartaibh, mic Aaroin, an ìobradh air altair an Tighearna.

22 Uime sin mharbh iadsan na tairbh, agus ghabh na sagairt an fhuil, agus chrath iad i air an altair: mharbh iad mar an ceudna na reitheachan, agus chrath iad an fhuil air an altair: mharbh iad cuideachd na h-uain, agus chrath iad an fhuil air an altair.

23 Agus thug iad leo na buic-gaibhre air son na h-lobairt-pheacaidh an làthair an rìgh agus a'

choimhthionail, agus chuir iad an làmhan orra:

24 Agus mharbh na sagairt iad, agus chrath iad am fuil<sup>b</sup> air an altair chum réite dheanamh air son Israeil uile: oir dh'àitlin an rìgh an lobairt-loisgte agus an lobairt-pheacaidh air son Israeil uile.

25 Agus chuir e na Lebhithich ann an tigh an Tighearna le ciombalaibh, le saltairibh, agus le clàr-spichibh, a réir àithne Dhaibhidh, agus Ghaid fhìr-sheallaidh an rìgh, agus Natain an fhàidh: oir b'i sin àithne an Tighearna le làimh 'fhàidhean.

26 Agus sheas na Lebhithich le h-innealaibh Dhaibhidh, agus na sagairt leis na trompaidibh.

27 Agus dh'àithn Heseciah an lobairt-loisgte ìobradh air an altair: agus an uair a thoisich an lobairt-loisgte, thoisich mar an ceudna laoidh an Tighearna leis na trompaidibh, agus le h-innealaibh Dhaibhidh rìgh Israeil.

28 Agus rinn an coimhthional uile aoradh, agus sheinn an luchd-seinn, agus shéid na trompadairean: mhair so uile gus an do chrìochnaich iad an lobairt-loisgte.

29 Agus an uair a chuir iad crìoch air ìobradh, chrom an rìgh agus iadsan uile a bha maille ris iad féin<sup>c</sup>, agus rinn iad aoradh.

30 Agus dh'àithn Heseciah an rìgh agus na h-uachdarain do na Lebhithich gu moladh iad an Tighearna am briathraibh Dhaibhidh, agus Asaiph an fhìr-sheallaidh: agus mhol iad le subhachas, agus chrom iad an cinn, agus rinn iad aoradh.

31 An sin fhreagair Heseciah, agus thubhairt e, A nis choisrig sibh sibh féin do'n Tighearna: thigibh am fagus, agus thugaibh leibh ìobairtean, agus tabhartais-buidheachais do thigh an Tighearna. Agus thug an coimhthional a steach ìobairtean, agus tabhartais-buidheachais, agus iadsan uile a bha toileach nan cridhe, tabhartais-loisgte.

32 Agus b'e àireamh nan tabhartas-loisgte a thug an coimhthional leo, trì fichead agus deich tairbh òga, ceud reithe, dà chend uan; iad sin uile chum lobairt-loisgte do'n Tighearna.

33 Agus na nithe coisrigte, sè ceud bò, agus trì mìle caora.

34 Ach bha na sagairt tearc, agus cha b'urraimn iad na tabhartais-loisgte uile fhionnadh: uime sin chuidich am bràithre na Lebhithich leo gus an do chrìochnaich iad an obair, agus gus an do naomhaich

<sup>b</sup> rinn iad réite le'm fuil,  
féin air an glàinibh.

<sup>c</sup> iad

<sup>a</sup> glanadh,



na sagairt iad féin; oir *bha* na Lebhi-  
thich ní bu deise<sup>a</sup> nan cridhe  
chum iad féin a naomhachadh ná na  
sagairt.

35 Agus mar an ceudna *bha* na  
tabhartais-loisgteam pailteas, maille  
ri saill nan tabhartas-sith agus nan  
tabhartas-dibhe, chum na h-ìobairt-  
loisgte. Agus dheasaicheadh<sup>b</sup> seir-  
bliis tìghe an Tighearna.

36 Agus rinn Heseciah agus an  
sluagh uile gairdeachas, a chionn  
gu'n do dheasaich Dia air son an  
t-sluaigh: oir rinneadh an ní gu  
grad.

## CAIB. XXX.

**A** GUS chuir Heseciah *fios* gu h-Is-  
rael uile agus gu Iudah, agus  
mar an ceudna scriobh e litrichean  
gu h-Ephraim agus gu Manaseh, iad  
a theachd gu tìgh an Tighearna ann  
an Ierusalem, a chumail na càisge  
do'n Tighearna Dia Israeil.

2 Agus ghabh an rìgh comhairle,  
agus 'uachdarain, agus an coimh-  
thional uile ann an Ierusalem, a'  
chàisg a chumail air an dara mìos.

3 Oir cha b'urrainn iad a cumail  
'san àm sin, a chionn nach do naomh-  
aich na sagairt iad féin gu leòr, agus  
nach robh an sluagh air cruinneach-  
adh gu h-Ierusalem.

4 Agus thaitinn an ní ris an rìgh,  
agus ris a' choimthional uile.

5 Agus shuidhich iad reachd,  
gairm a thabhairt air feadh Israeil  
uile o Bheer-seba eadhon gu Dan,  
iad a theachd a chumail na càisge  
do'n Tighearna Dia Israeil ann an  
Ierusalem; oir cha do chum mòran  
i<sup>c</sup> mar a bha e scriobhta.

6 Agus chaidh na gillean-ruithe le  
litricheibh o'n rìgh agus o' uachdaran-  
aibh air feadh Israeil uile agus Iudah,  
agus a réir àithne an rìgh, ag ràdh,  
A chlann Israeil, pillibh a dh'ionn-  
suidh an Tighearna Dé Abraham,  
Isaac, agus Israeil, agus pillidh esan  
a dh'ionnsuidh an fhuighill dèibh a  
chaidh as o làimh rìghrean Asiria.

7 Agus na bithibh cosmhuil ri'r  
n-aithrichibh, agus cosmhuil ri'r  
bràithribh, a pheacaich an aghaidh  
an Tighearna, Dé an aithriche, agus  
thug esan thairis iad gu léir-sgrìos,  
mar a chi sibh.

8 A nis na bithibhse cruaidh-  
mhuneileach cosmhuil ri'r n-aith-  
richibh: thugaibh sibh féin thairis  
d'on Tighearna, agus rachaibh a  
steach d'a ionad naomha, a naomh-  
aich e gu bràth; agus deanaibh seir-  
bliis d'on Tighearna bhur Dia, a chum  
as gu tionndaidh lasan 'fheirge air  
falbh uaibh.

9 Oir ma philleas sibh a dh'ionn-  
suidh an Tighearna, [gheibh] bhur  
bràithrean agus bhur clann iochd  
nam fianuis-san, a thugleo am braigh-  
deanas iad, air chor as gu pill iad a  
dh'ionnsuidh na tìre so: oir gràsmhor  
agus tràcaireach *tha'n* Tighearna  
bhur Dia, agus cha tionndaidh e a  
ghnòis air falbh uaibh, ma philleas  
sibh d'a ionnsuidh.

10 Agus chaidh na gillean-ruithe  
thairis o bhaile gu baile, air feadh  
tìre Ephraim agus Mhanaseh, eadhon  
gu ruig Sebulun: ach bha iad a' fan-  
oid orra, agus a' deanamh ball-mag-  
aidh dhiubh.

11 Gidheadh, dh'irioslaich daoine  
*àraidh* do Aser, agus do Mhanaseh,  
agus do Shebulun iad féin, agus thàin-  
ig iad gu h-Ierusalem.

12 Mar an ceudna ann an Iudah  
bha làmh Dhé a thoirt aon chridhe  
dhoibh, a dheanamh àithne an rìgh  
agus nan uachdaran, a réir focail an  
Tighearna.

13 Agus chruinnich ann an Ieru-  
salem mòran sluaigh, a chumail féill  
an arain neo-ghoirtichte anns an da-  
ra mìos, coimhchruinneachadh ro  
mhòr.

14 Agus dh'éirich iad, agus thug  
iad air falbh na h-altairean a *bha* ann  
an Ierusalem, agus na h-altairean  
uile air son tùise thug iad air falbh,  
agus thilg siad iad ann an sruth Chid-  
roin.

15 Agus mharbhl iad a' chàisg air  
a' cleathramh *la* deug d'on dara  
mìos, agus bha nàir air na sagairt a-  
gus air na Lebhi-thich, agus naomh-  
aich siad iad féin, agus thug iad a  
steach ìohbairtean-loisgte do thìgh  
an Tighearna.

16 Agus sheas iad nan àit a réir  
an riaghailte<sup>d</sup>, a réir lagha Mhaois,  
ùglaich Dhé; agus chrath na sagairt  
an fhuil a *ghabh* iad o làimh nan Le-  
bhi-theach.

17 Oir *bha* mòran anns a' choimh-  
thional nach robh air an naomhach-  
adh: uime sin bha cùram marbhaidh  
na càisge air na Lebhi-thich, air son  
gach neach nach robh glan, a chum  
an naomhachadh do'n Tighearna.

18 Oir cha do ghlan mòran do'n  
t-sluagh, mòran do Ephraim, agus  
do Mhanaseh, do Isachar, agus do  
Shebulun, iad féin; gidheadh, dh'ith  
iad a' chàisg, cha b'ann mar a *ta* e  
scriobhta.

19 Ach rinn Heseciah urnuigh air  
an son, ag ràdh, Gu d'thugadh an  
Tighearna maith maitheanas do gach  
aon, a dheasaich a chridhe a dh'arr-  
aidh an Tighearna Dé<sup>e</sup> aithriche,

<sup>a</sup> ní bu ùriche, ionraice. <sup>b</sup> shuidh-  
icheadh, chuireadh-an ordugh.

<sup>c</sup> cha do chum iad i ré ùine fhada.

<sup>d</sup> am modha.

<sup>e</sup> Dhé, an Tighearna Dé.

## II. EACHDRAIDH.

ge nach *'eil e glan* a réir glanaidh an *ionaid* naomha.

20 Agus dh'éisd an Tighearna ri Hesechia, agus leighis e an sluagh.

21 Agus chum clann Israeil, a bha làthair ann an Ierusalem, féill an arain neo-ghoirtichte seachd laithean le mórghairdeachas; agus mhol na Lebhithich agus na sagairt an Tighearn ó la gu la, *a' seinn* le h-innealaibh fuaimneach do'n Tighearna.

22 Agus labhair Hesechia gu caolmheil <sup>a</sup> ris na Lebhithich uile, a theagaisgeòlas maith <sup>b</sup> an Tighearna; agus dh'ith <sup>c</sup> iad air an fheill rè sheachd laithean ag òbradh òbairte-sith, agus a' cliùthachadh an Tighearna Dé an aithriche.

23 Agus ghabh an coimhthional uile comhairle seachd laithean eile a chumail: agus chum iad seachd laithean eile le h-aobhneas.

24 Oir thug Hesechia, rìgh Iudah, suas do'n choimhthional mìle tarbh òg, agus seachd mìle caora; agus thug na h-uachdarain suas do'n choimhthional mìle tarbh òg, agus deich mìle caora: agus naomhaich mòran shagart iad féin.

25 Agus rinn coimhthional Iudah uile gairdeachas, agus na sagairt, agus na Lebhithich, agus an coimhthional uile a thàinig a h-Israel, agus na coigrich a thàinig a tìr Israeil, agus a bha chòmhnuidh ann an Iudah.

26 Ma sin bha mòr aobhneas ann an Ierusalem; oir o làithibh Sholaimh, mhic Dhaibhidh, rìgh Israeil, chà *robh* a leithid ann an Ierusalem.

27 An sin dh'éirich na sagairt agus na Lebhithich, agus bheannaich iad an sluagh: agus chuala [Dia] an guth, agus thàinig an urnuigh suas d'a àite-còmhnuidh naomha-san, do nèamh.

### CAIB. XXXI.

**A** GUS an uair a chrìochnaich-eadh so uile, chaidh Israeil uile a bha làthair a mach do' bhailtibh Iudah, agus bhris iad na dealbhan, agus ghearr iad sìos na doircean, agus thilg iad sìos na h-ionadan arda, agus na h-altairean as Iudah uile agus a Benjamin, agus ann an Ephraim agus Manasch, agus an do sgrios iad gu tur iad. An sin phill clann Israeil uile, gach duine a dh'ionnsuidh a sheilbhe féin, d'am bailtibh féin.

2 Agus shuidhich Hesechia roinnean na sagart agus nan Lebhithich a réir an roinnean, gach duine a réir a sheirbhis féin, na sagairt agus na

Lebhithich air son nan òbairt-loisgte, agus air son nan òbairt-shith, a fhrithealadh, agus a thabhairt buidheachais, agus a chliùthachadh ann an geatachaibh chaimp an Tighearna:

3 Cuibhrionn an rìgh mar an ceudna d'a mhaoin, air son nan òbairt-loisgte, air son òbairte-loisgte na maidne agus an fheasgair, agus òbairte-loisgte nan sàbaid, agus nan gealach naomha, agus nam féill suidhichte, mar a *ta e* scrìobhta ann an lagh an Tighearna.

4 Dh'aithn <sup>e</sup> cuideachd do'n t-sluagh a bha chòmhnuidh ann an Ierusalem, gu'n d'thugadh iad seachad cuibhrionn nan sagart agus nan Lebhithich, chum gu'm biodh iad air an daingneachadh ann an lagh an Tighearna.

5 Agus co-luath as a thàinig an àitline mach, thug clann Israeil seachad gu pailt ceud thoradh an arblair, an fhiona, agus na h-oladh <sup>d</sup>, agus na meala, agus uile fhàis <sup>e</sup> an fhearainn; agus deachamh nan uile *nithe* thug iad a stigh ann am pailteas.

6 Agus a *thaobh* cloinn Israeil agus Iudah a bha chòmhnuidh ann am bailtibh Iudah, thug iadsan mar an ceudna stigh deachamh a' bhuair agus nan caorach, agus deachamh nan nithe naomha, a bha air an naomhachadh do'n Tighearn an Dia, agus rinn iad mòran chruach *diubh*.

7 Anns an treas mìos thòisich iad air bunaithean nan cruach a leagadh, agus anns an t-seachdamh mìos chrìochnaich siad iad.

8 Agus thàinig Hesechia agus na h-uachdarain, agus chunnaic iad na cruachan, agus bheannaich iad an Tighearn agus a shluagh Israel.

9 Agus dh'fhiosraich Hesechia do na sagairt agus na Lebhithich mu thimchioll nan cruach.

10 Agus fhreagair Asariah, an t-ard shagart do thigh Shadoic, e, agus thubhairt e, O'n a thòisich iad air na tabhartais a thoirt a steach do thigh an Tighearna, dh'ith sinn gus an do shàsuicheadh sinn, agus dh'fhàg sinn pailteas: oir bheannaich an Tighearn a shluagh, agus dh'fhàgadh am pailteas mòr so.

11 An sin dh'aitlin Hesechia seomraichean <sup>f</sup> ulluchadh ann an tigh an Tighearna; agus dh'ulluich siad iad.

12 Agus thug iad a stigh na tabhartais, agus an deachamh, agus na nithe naomhaichte gu fùinneach; agus os an cionn bha Cononiah an Lebhithich na riaghlair, agus Simeì a bhràthair 'san àit a b'fhaigse.

13 Agus bha Iehiel, agus Asariah,

<sup>a</sup> ri'n cridhe. Eabh.  
tuigsinn còlats mhaith.

lion, chum,

<sup>b</sup> a bha  
<sup>c</sup> choimh-

<sup>d</sup> an olaidh.

<sup>f</sup> àitean-tasgaidh.

<sup>e</sup> chinnis,

agus Nahat, agus Asahel, agus Ierimot, agus Iosabad, agus Eliel, agus Ismahiah, agus Mahat, agus Benaiah, nan luchd-amhairc thairis fuidh làimh Chononiah, agus Shimei a bhràthar, air àithne Heseciah an rìgh, agus Asariah uachdarain tighe Dhé.

14 Agus bha Core mac Imnah an Lebhitheach, an dorsair a làimh na h-àird an ear, os cionn shaor-thiodhlacadh Dhé, chum gu'n d'thugadh e seachad tabhartais an Tighearna, agus na nithe ro naomha:

15 Agus làimh ris-san Eden, agus Benjamin <sup>a</sup>, agus Iesua, agus Semaiah, agus Amariah, agus Secaniah, ann am bailtibh nan sagart nan cùram <sup>b</sup>, a thabhairt d'am bràithribh nan roinnibh <sup>c</sup>, mar do'n mhòr mar sin do'n bheag.

16 A thuilleadh air àireamh nan firionnach a réir an ginealach o thri bliadhna dh'aois agus os a chionn, do gach neach a théid a steach do thigh an Tighearna, a chuibhrionn lathail, air son an seirbhis nan cùram, a réir an roinnean;

17 Araon do àireamh nan sagart a réir an ginealach, a réir tighe an aithriche, agus nan Lebhitheach o fhichead bliadhna dh'aois agus os a chionn, nan cùram, a réir an roinnean:

18 Agus do àireamh an cloinne bige uile a réir an ginealach, am ban, agus am mac, agus an nigh-eana, do'n chloimhlithional uile; oir nan cùram naomhaich siad iad féin gu mòr:

19 Agus do mhacaibh Aaroin na sagartaibh ann am fearann comh-roinn am bailtean, anns gach baile fa leth na daoine a dh'ainmicheadh air an ainm, a thabhairt an cuibhrionna do gach firionnach am measg nan sagart, agus dhoibh-san uile, a bha air an àireamh a réir an ginealach am measg nan Lebhitheach.

20 Agus rinn Heseciah mar so air feadh Iudah uile: agus rinn e an *ni sin a bha* maith, agus ceart, agus fìrinneach ann am fianuis an Tighearna a Dhé.

21 Agus a thaobh gach oibre air an do thòisich e ann an seirbhis tighe Dhé, agus anns an lagh, agus anns na h-àitheantaibh, a dh'iarraidh a Dhé, rinn e i le 'uile chridhe, agus shoirbhich e.

## CAIB. XXXII.

**A**N déigh nan nithe so, agus an uair a bha iad air an suidheachadh, thàinig Senacherib rìgh Asiria, agus chaidh e steach do Iudah, agus champaich e an aghaidh nam bailte

daingnichte, agus shònraich <sup>d</sup> e air an cosnadh dha féin.

2 Agus an uair a chunnaic Heseciah gu'n d'thàinig Senacherib, agus gu'n robh e cur roimhe cogadh an aghaidh Ierusalem,

3 Chuir e 'chomhairle r'a uachdaranaibh agus r'a dhaoineibh cumhachdach, uisgeacha nan tobair, a bha'n taobh a muigh do'n bhaile, a dhùnadh suas; agus chuidich iad leis.

4 Agus chruinnich sluagh mòr, agus dhùin iad suas na tobraichean uile, agus na sruthain a bha ruith ann am meadhan na tìre, ag ràdh, Car son a thigeadh rìghrean Asiria, agus a gheibheadh iad mòran uisge?

5 Agus dhaingnich se e féin, agus thog e am balladh uile a chaidh bhriseadh, agus chuir e suas tùir air <sup>e</sup>, agus balladh eile air an taobh a muigh, agus dhaingnich e Milo baile Dhaibhidh, agus rinn e gathanna agus targaidean ann am pailteas.

6 Agus chuir e ceannardan cogaidh os cionn an t-sluaigh, agus chruinnich e iad d'a ionnsuidh ann an sràid geataidh a' bhaile, agus labhair e r'an cridhe, ag ràdh,

7 Bithibh laidir agus bithibh misneachail, na biodh eagal agus na biodh faithcheas oirbh roimh rìgh Asiria, no roimh 'n t-sluaigh mhòr so uile a *tha* maille ris; oir is mò *a ta* leinne nà leis-san.

8 Leis-san *tha* gairdean fèdla, ach leinne *tha'n* Tighearn ar Dia, a chuideachadh leinn, agus a chur ar catha. Agus dh'earb an sluagh a briathraibh Heseciah rìgh Iudah.

9 Na dhéigh so chuir Senacherib rìgh Asiria a sheirbhisich gu h-Ierusalem, (oir *bha* e féin aig Lachis, agus a neart uile maille ris,) a dh'ionnsuidh Heseciah rìgh Iudah, agus a dh'ionnsuidh Iudah uile, a *bha* aig Ierusalem, ag ràdh,

10 Mar so tha Senacherib, rìgh Asiria, ag ràdh, Cia as *a tha* sibh ag earbsadh, agus sibh a' fantuinn 'nar daingneach ann an Ierusalem?

11 Nach 'eil Heseciah 'gar comhairleachadh sibh féin a thoirt thairis gu bàs le gortadh agus le tart, ag ràdh, Saoraidh an Tighearn ar Dia sinn a làimh rìgh Asiria?

12 Nach do chuir Heseciah so féin air falbh àitean arda, agus àltaircan, agus nach d'àithn e do Iudah agus da Ierusalem, ag ràdh, Fa chomhair aon altarach sleuchdaidh sibh, agus loisgidh sibh tùis oirre?

13 Nach 'eil fhios agaibh ciod a rinn mise agus m'aithriche ri uile shluagh nan dùchanna? an robh dée

<sup>a</sup> Miniarin.  
shuidhichte.

<sup>b</sup> nan dreuchd  
<sup>c</sup> nan seallaibh.

<sup>d</sup> shaoil; thubhairt. Eabh.

<sup>e</sup> chuir e suas e gu ruig na tùir.

## II. EACHDRAIDH.

Chinneach nan tìr sin comasach air an tìr féin a shaoradh as mo làimhsa?

14 Cò am measg uile dhé nan cinneach sin a sgrìos m'aithriche-sa gu tur, a b'urrair na shluagh a shaoradh as mo làimh-sa, gu'm biodh bhur Dia-sa comasach air bhur saoradh as mo làimh?

15 A nis ma ta na mealladh Hesechia sibh, agus na combhairlicheadh<sup>a</sup> e sibh mar so, agus na creidibh e; oir cha robh dia air bith cinnich, no rioghachd sam bith, comasach air a shluagh a shaoradh as mo làimh-sa, agus as làimh m'aithriche: nach lugha gu mòr nà sin is urrainn bhur Dia-sa bhur saoradh as mo làimh?

16 Agus labhair a sheirbhisich tuilleadh as so an aghaidh an Tighearna Dé, agus an aghaidh a sheirbhisich Hesechia.

17 Scriobh e mar an ceudna litrichean a chàineadh an Tighearna Dé Israeil, agus a labhairt na aghaidh, ag ràdh, Mar nach do shaor dée chinneach nan dùchanna an sluagh as mo làimh-sa, mar sin cha saor Dia Hesechia a shluagh as mo làimh.

18 Ghlaodh iad cuideachd le guth ard sa' chàin Iudhaich ri sluagh Ierusalem, a bha air a' bhalladh, gu eagal agus buaireas a chur orra, chum gu'n glacadh iad am baile.

19 Agus labhair iad an aghaidh Dhé Ierusalem, mar an aghaidh dhée shluaigh na talmhainn, oibre làmhha dhaoine.

20 Agus rinn Hesechia an rìgh, agus am fàigh Isaiah mac Amois, urnuigh air son so, agus ghlaodh iad gu nèamh.

21 Agus chuir an Tighearn aingeal uaith, a sgrìos na daoine comasach gaisgeil uile, agus na ceannardan, agus na h-uachdarain ann an camp rìgh Asiria: uime sin phill e le nàire gnùise d'a thìr féin. Agus an uair a chaidh e steach do thigh a dhé, mharbh iad-san, a thàinig a mach as 'innibh féin, e 'n sin leis a' chlàidheamh.

22 Mar so shaor an Tighearna Hesechia agus luchd-àiteachaidh Ierusalem as làimh Shenacher rìgh Asiria, agus as làimh nan uile, agus stiur e iad air gach taobh.

23 Agus thug mòran tabhartais a dh'ionnsuidh an Tighearna gu h-Ierusalem, agus tiodhlacan a dh'ionnsuidh Hesechia, rìgh Iudah: agus dh'ardaich e ann an sùilbh nan uile chinneach na dhéigh sin.

24 Anns na laithibh sin bha Hesechia tinn gu bàs, agus rinn e urnuigh ris an Tighearn: agus dh'éisd<sup>b</sup> e san zis, agus thug e comhara dha.

25 Ach cha d'ìoc Hesechia a ris a réir mar a bhuilicheadh air, oir thogadh a chridhe suas: agus bha fearg ris, agus ri Iudah agus Ierusalem.

26 Gidheadh dh'ìrioslaich Hesechia e féin air son uabhair a chridhe (araon e féin agus luchd-àiteachaidh Ierusalem:) uime sin cha d'thàinig fearg an Tighearna orra ann an laithibh Hesechia.

27 Agus bha aig Hesechia beartas agus urram ro mhòr: agus rinn e dha féin ionmhasan do airgid, agus do òr, agus do chlachaibh luachmhor, agus do spìosraidh, agus do thargaidibh, agus do gach seud<sup>c</sup> taitneach;

28 Agus tighean-tasgaidh air son toraidh<sup>d</sup> an arbhair, agus an fhìona, agus na h-oladh; agus tighean air son gach gné ainmhidh, agus mainnrean air son nan treud.

29 Agus rinn e dha féin bailtean: agus bha sealbh chaorach agus buar aige ann am pailteas, oir thug Dia dha maoin ro mhòr.

30 Chuir Hesechia so féin mar an ceudna stad air sruth uisge uachdarach Ghihoir, agus thug e sìos dìreach e a làimh na h-airde 'n iar do bhaile Dhaibhidh. Agus shoirbhich Hesechia na oibribh uile.

31 Gidheadh, a thaobh theachd-airean uachdarana Bhabiloin, a chuir eadh d'a ionnsuidh a dh'fhiosrachadh mu'n iongantas a bha san tìr, thréig Dia e g'a dhearbhadh, chum gu'm biodh sìos aige air gach nì a bha na chridhe.

32 Agus a' chuid eile do ghnìomh-araibh Hesechia, agus a mhaitheas, feuch, tha iad sgrìobhta ann am fàistineachd<sup>e</sup> Isaiah an fhàidh, mhic Amois, agus ann an leabhar rìghrean Iudah agus Israeil.

33 Agus choidil Hesechia maille r'a aithrichibh, agus dh'adhlac iad e ann an ard àit-adhlacaidh mhac Dhaibhidh: agus thug Iudah uile agus luchd-àiteachaidh Ierusalem urram dha 'nuair a fhuair e bàs. Agus rìghaich Manaseh a mhac na àit.

### CAIB. XXXIII.

**D**A bhliadhna dheug a dh'aois bha Manaseh 'nuair a thòisich e air rìoghachadh, agus rìghaich e cùig bliadhna deug agus dà fhichead znn an Ierusalem.

2 Ach rinn e olc ann an sùilbh an Tighearna, a réir ghràineileachd nan cinneach, a thilg an Tighearn a mach roimh chloinn Israeil.

3 Oir thog e suas a ris na h-àitean arda, a sgrìos Hesechia 'athair, agus chuir e suas altairean do Bhaalim, agus rinn e doireachan, agus shleuchd

<sup>c</sup> uidheam, inneal.

<sup>d</sup> fàis, cinnis.

<sup>e</sup> sealladh. Eabh.

<sup>a</sup> na h-aomadh, <sup>b</sup> labhair. Eabh.



e do uile shlùigh <sup>a</sup> nan nèamh, agus rinn e seirbhis doibh.

4 Agus thog e altairean ann an tigh an Tighearna, mu'n dubhairt an Tighearna, Ann an Ierusalem bithidh m'ainm-sa gu bràth.

5 Agus thog e altairean do uile shlùigh nan nèamh ann an dà chùirt tìge an Tighearna.

6 Agus thug e air a chloinn dol troimh 'n teine ann an gleann mhic Hinoim; agus thug e fa' near amanna, agus ghnàthaich e geasachd <sup>b</sup> agus druidheachd, agus chuir e air chois leannain-shith agus luchd-fiosachd: dh'oibrich e mòr aingidheachd ann an sùilibh an Tighearna, g'a bhrosnachadh gu feirg.

7 Agus chuir e dealbh snaidhte, iodhol <sup>c</sup> a rinn e, ann an tigh Dhé, mu'n dubhairt Dia ri Daibhidh, agus ri Solamh a mhac, Anns an tigh so, agus ann an Ierusalem, a thagh mi as uile thruabhailh Israeil, cuiridh mi m'ainm gu bràth.

8 Agus cha charuich mi cos Israeil ni's mò as an fhearann a dh'orduich mi do bhur n-aithrichibh; ma bheir iad a mhàin an aire gu'n dean iad gach ni a dh'àithn mi dhoibh, a réir an lagha uile, agus nan reachd, agus nan riaghailt le làimh Mhaois.

9 Mar sin thug Manaseh air Iudah agus luchd-àiteachaidh Ierusalem dol air seacharan, gu tuilleadh uilc dheanamh na rinn na cinnich, a sgrios an Tighearna roimh chloinn Israeil.

10 Agus labhair an Tighearna ri Manaseh, agus r'a shluagh; ach cha'n éisdeadh iad.

11 Uime sin thug an Tighearn orra ceannarda feachd rìgh Asiria; agus ghlac iad Manaseh ann an droighnich, agus cheangail iad e le slabhraidhibh, agus thug iad leo e gu Babilon.

12 Agus an uair a bha e ann an amhghar dh'iarr re an Tighearn a Dhia, agus dh'ìrioslaich se e féin gu mòr am fianuis Dhé 'aithriche.

13 Agus rinn e urnuigh ris, agus rinneadh esan réidh ris, agus dh'éisd e r' a athchuinge, agus thug e air ais e gu h-Ierusalem d'a rìoghachd. Agus dh'aithnich Manaseh gur e'n Tighearn a's Dia ann.

14 Agus na dhéigh so thog e balladh an taobh a muigh do bhaile Dhaibhidh, air an taobh an iar do Ghìbh auns a' ghleann, eadhon gu ruig dol a stigh geataidh an éisg, agus thug e mu'n cuairt air Ophel e, agus thog e suas e gu ro ard; agus chuir e ceannardan cogaidh <sup>d</sup> ann

an uile bhailtibh daingnichte Iudah.

15 Agus chuir e air falbh na dée coimheach agus an iodhol a tigh an Tighearna, agus na h-altairean uile, a thog e ann an sliabh tìge an Tighearna, agus ann an Ierusalem, agus thilg e mach as a' bhaile iad.

16 Agus chàirich e altair an Tighearna, agus dh'lobair e oirre lobairtean sìthe agus buidheachais, agus dh'àithn e do Iudah seirbhis a dheanamh do'n Tighearna Dia Israeil.

17 Gidheadh, dh'lobair an sluagh fathast anns na h-àitibh arda, ach a mhàin d'on Tighearna an Dia.

18 Agus a' chuid eile do ghlomharaibh Mhanaseh, agus 'urnuigh r'a Dhia, agus briathra nam fear-sealaidh a labhair ris ann an ainm an Tighearna Dé Israeil, feuch, tha iad scriobhta ann an leabhar rìghrean Israeil,

19 'Urnuigh mar an ceudna, agus mar a dh'éisdeadh ris, agus a pheacadh uile, agus 'eusaontas, agus na h-àitean anns an do thog e ionadan arda, agus an do chuir e suas doir-eachan agus dealbhan snaidhte mu'n d'ìrioslaicheadh e, feuch, tha iad scriobhta am measg bhriathar nam fear-seallaidh.

20 Agus choidil Manaseh maille r'a aithrichibh, agus dh'adhlaic iad e na thigh féin: agus rìoghaich a mhac Amon na àit.

21 Da bhliadhna fichead a dh'aois bha Amon an uair a thòisich e air rìoghachadh, agus rìoghaich e dà bhliadhna ann an Ierusalem.

22 Agus rinn e olc ann an sùilibh an Tighearna, mar a rinn Manaseh 'athair: oir dh'lobair Amon do na dealbhaibh snaidhte uile, a rinn Manaseh 'athair, agus rinn e seirbhis doibh.

23 Agus cha d'ìrioslaich se e féin am fianuis an Tighearna, mar a dh'ìrioslaich Manaseh 'athair e féin; ach mheudaich Amon eusaontas.

24 Agus rinn asheirbhisich ceannairc an aghaidh, agus mharbh iad e na thigh féin.

25 Ach mharbh sluagh na tìre iad-san uile, a rinn ceannairc an aghaidh rìgh Amoin, agus rinn sluagh na tìre Iosiah, a mhac, na rìgh na àit.

CAIB. XXXIV.

**O**CHD bliadhna dh'aois bha Iosiah 'nuair a thòisich e air rìoghachadh, agus rìoghaich e ann an Ierusalem aon bhliadhna deug thar fhichead.

2 Agus rinn e an ni a bha ceart ann an sùilibh an Tighearna, agus dh'imich e ann an sliagh Dhaibhidh 'athar, agus cha do chlaon e dh'ionnsuidh na làimhe deise, no na làimhe clìthe.

<sup>a</sup> armailt.

<sup>b</sup> geasadaireachd.

<sup>c</sup> cosamhlachd; semel. Eabh.

<sup>d</sup> ceannardan na h-armailte.

3 Oir anns an ochdamh bliadhna d'a rìoghachadh, 'nuair a bha e fathast òg, thòisich e air Dia Dhaibhidh 'athar iarraidh, agus anns an dara bliadhna deug thòisich e air Iudah agus Ierusalem a ghlanadh o na h-àitibh arda, agus na doir-eachaibh, agus na dealbhaibh snaidhte, agus na dealbhaibh leaghta.

4 Agus bhris iad sìos altairean Bhaalim na fhianuis, agus na dealbhan grianach a bha gu h-ard os an ceann ghearr e sìos, agus na doir-eachan; agus na dealbhan snaidhte, agus na dealbhan leaghta bhris e nam mìribh, agus phronn e gu luathre, agus chrath e i air uaighibh na muinntir, a dh'ìobair dhoibh.

5 Agus loisg e cnàmha nan sagart air an altairibh, agus ghlan e Iudah, agus Ierusalem.

6 Mar an ceudna ann am bailtibh Mhanaseh, agus Ephraim agus Shiméoin, eadhon gu ruig Naphtali, nan àitibh fàsaichte mu'n cuairt.

7 Agus an uair a bhris e sìos na h-altairean agus na doireachan, agus a phronn e na dealbhan snaidhte gu luathre, agus a ghearr e sìos na dealbhan grianach a uile air feadh tìre Israeil uile, phill e gu h-Ierusalem.

8 Agus anns an ochdamh bliadhna deug d'a rìoghachadh, 'nuair a ghlan e an tìr, agus an tigh, chuir e Saphan mac Asaliah, agus Maaseiah uachdaran a' bhaile, agus Ioah mac Ioahais an seanachaidh, a chàradh tighe an Tighearna a Dhé.

9 Agus thàinig iad gu Hilciah an t-ard shagart, agus thugadh dhoibh an t-airgid a thugadh steach do thigh Dhé, a chruinnich na Lebhitich a ghléidh na dorsan o làimh Mhanaseh agus Ephraim, agus o uile fhuigheall Israeil, agus o Iudah uile, agus o Bheniamin, agus o luchd-àiteachaidh Ierusalem<sup>b</sup>.

10 Agus thug iad e do làimh luchd-deanamh na h-oibre, a chuireadh os cionn tighe<sup>c</sup> an Tighearna, agus thug iadsan e do'n luchd-oibre a dh'oibrich ann an tigh an Tighearna, a chàradh agus a leasachadh an tighe.

11 Thug iad e eadhon do na saor-aibh agus do'n luchd-togail, a chean-nach chlach snaidhte, agus fiodha chum nan ceangal<sup>d</sup> agus gu urlar a chur 'sna tighibh, a mhill rìghrean Iudah.

12 Agus rinn na daoine an obair gu fìrinneach: agus b'iad an luchd-

amhairc thàiris orra Iahat, agus Obadiah, na Lebhitich, do mhacaibh Mherari; agus Sechariah agus Mesullam, do mhacaibh nan Cohatach, a chur na h-oibre air a h-aghaidh; mar an ceudna do ua Lebhitich gach neach a bha eòlach<sup>e</sup> air innealaibh-ciuil.

13 Bha iad cuideachd os cionn an luchd-iomchair eallach, agus nan luchd-amhairc thàiris orra-san uile a rinn obair ann an gné seirblis air bith: agus do na Lebhitich bha scrìobhuichean, agus riaghladairean, agus dorsairean.

14 Agus an uair a bha iad a' toirt a mach an airgid a thugadh à steach do thigh an Tighearna, fhuair Hilciah an sagart, leabhar lagha an Tighearna an làimh<sup>f</sup> Mhaois.

15 Agus fhreagair Hilciah, agus thubhairt e ri Saphan an scrìobhuiche, Fhuair mi leabhar an lagha ann an tigh an Tighearna. Agus thug Hilciah an leabhar do Saphan.

16 Agus thug Saphan an leabhar a dh'ionnsuidh an rìgh, agus dh'aithris e 'n gnothucl do'n rìgh, ag ràdh, Gach ni a dh'aitheanadh do d' sheirbhisich, tha iad a' deanamh.

17 Chruinnich iad an t-airgid a fhuaradh, ann an tigh an Tighearna, agus thug iad e do làimh an luchd-amhairc thàiris, agus do làimh luchd-deanamh na h-oibre.

18 Agus dh'innis Saphan an scrìobhuiche do'n rìgh, ag ràdh, Thug Hilciah an sagart leabhar dhomh. Agus leugh Saphan e an làthair an rìgh.

19 Agus an uair a chual an rìgh briathran an lagha, reub e 'eudach.

20 Agus dh'aithn an rìgh do Hilciah, agus do Ahicam mac Shaphain, agus do Abdon<sup>g</sup> mac Mhichah, agus do Shaphan an scrìobhuiche, agus do Asaiah seirbhiseach an rìgh, ag ràdh,

21 Rachaidh, fiosraichibh do'n Tighearna air mo shon-sa, agus air an son-san, a dh'fhàgadh ann an Israeil agus ann an Iudah, thaobh bhriathar an leabhair a fhuaradh: oir is mòr fearg an Tighearna, a tha air a taomadh a mach oirnn, a chionn nach do chòimhid ar n-aitheiche focal an Tighearna, a dheanamh a réir gach ni, a ta scrìobhta anns an leabhar so.

22 Agus chaidh Hilciah agus iadsan a dh'òrduich an rìgh gu Huldah a' bhan-fhàidh, bean Shalum, mhic

<sup>a</sup> na h-ìodholan.  
iad gu h-Ierusalem.

<sup>b</sup> agus phill  
<sup>c</sup> a bha  
nan luchd-amhairc thàiris ann an tigh,

<sup>d</sup> tàdhacha.

<sup>e</sup> seòlta, teòma.

scrìobhaidh.

Rìgh. Caib. XXII, r. 12.

<sup>f</sup> làimh-  
<sup>g</sup> Achbor, II.

Thieblial, mliic Hasrah a fhir-ghleidhidh an eudaich, (a nis bha i chòmlinuadh ann an Ierusalem ann an oil-thigh<sup>b</sup>) agus labhair iad rithe mar sin.

23 Agus fhreagair i iad, Mar so tha'n Tighearna Dia Israeil ag ràdh, Innsibh do'n duine a chuir sibh a m'ionnsuidh-sa,

24 Mar so tha'n Tighearn ag ràdh, Feuch, bheir mise olc air an àite so, agus air a luchd-àiteachaidh, eadhon gach mallachadh a ta scribedhta anns an leabhar, a leugh iad am fianuis rìgh Iudah.

25 A chionn gu'n do thréig iad mise, agus gu'n do loisg iad tùis do dhéibh eile, chum mo bhrosnuchadh gu corruich le uile oibribh an làmh; uime sin taomar m'fhearg a mach air an àite so, agus cha mhù-char i.

26 Ach a thaobh rìgh Iudah, a chuir sibh a dh'fhiosrachadh do'n Tighearn, mar so their sibh ris, Mar so tha'n Tighearna Dia Israeil ag ràdh, A thaobh nam briathar a chual thu,

27 A chionn gu'n do thiomaidh do chridhe, agus gu'n d'irioslaich thu thu féin an làthair Dhé, 'nuair a chual thu a bhriathran an aghaidh an àite so, agus an aghaidh a luchd-àiteachaidh, agus gu'n d'irioslaich thu thu féin a'm' làthair-sa, agus gu'n do reub thu t'eudach, agus gu'n do ghuil thu a'm' làthair, chuala mise mar an ceudna *thusa*, ars' an Tighearn.

28 Feuch, cruinnichidh mi thu chum t'aithriche, agus cruinnichear thu do d' uaigh an sìth, agus cha'n fhaic do shùilean an t-olc sin uile, a bheir mise air an àite so, agus air a luchd-àiteachaidh. Agus thug iad fios a ris a dh'ionnsuidh an rìgh.

29 Agus chuir an rìgh *teachdairean* uaith, agus chruinnich e r'a chéile uile sheanairean Iudah agus Ierusalem.

30 Agus chaidh an rìgh suas do thigh an Tighearna, agus fir Iudah uile, agus luchd-àiteachaidh Ierusalem, agus na sagairt agus na Lebhitich, agus an sluagh uile eadar bheag agus mhòr; agus leugh e nan éisdeachd uile bhriathran leabhair a' choimhcheangail, a fhuaradh ann an tigh an Tighearna.

31 Agus sheas an rìgh na àite féin, agus rinn e coimhcheangal am fianuis an Tighearna, gu'n gluaiseadh e'n déigh an Tighearna, agus gu'n gleidheadh e 'aithcantan, agus a theisteis, agus a reachda, le 'uile

chridhe agus le 'uile anam, a choimhlionadh bhriathar a choimhcheangail a tha scribedhta anns an leabhar so.

32 Agus thug e orra-san uile, a fhuaradh ann an Ierusalem agus Benjamin, seasamh: agus rinn luchd-àiteachaidh Ierusalem a réir coimhcheangail Dé, Dé an aithriche.

33 Agus chuir Iosiah air falbh na gràineileachdan uile as na tìribh uile a bhuineadh do chloinn Israeil, agus thug e orra-san uile, a fhuaradh ann an Israel, seirbhis a dheanamh do'n Tighearn an Dia. Rè a laithean uile cha do chlaon iad o lean-tuinn an Tighearna, Dé an aithriche.

## CAIB. XXXV.

**A** GUS chum Iosiah ann an Ierusalem càisg do'n Tighearna: agus mharbh iad a' chàisg air a' cheathramh la deug do'n cheud mhìos.

2 Agus shuidhich e na sagairt nan cùram, agus thug e misneach dhoibh chum seirbhis tighe an Tighearna.

3 Agus thubhairt e ris na Lebhitich a theagaisg Israel uile, a bha naomha<sup>c</sup> do'n Tighearna, Cuiribh an àirc naomha anns an tigh a thog Solamh, mac Dhaibhidh, rìgh Israeil; cha bhi i na h-eallaich air bhur guallibh: deanaibh seirbhis a nis do'n Tighearna bhur Dia, agus d'a shluagh Israel,

4 Agus deasaichibh sibh féin a réir tighe bhur n-aithriche, a réir bhur roinnean, mar a scribedhta Daibhidh rìgh Israeil, agus mar a scribedhta Solamh a mhac;

5 Agus seasaibh anns an ionad naomh a réir roinnean theaghlach aithriche bhur bràithre do'n t-sluagh<sup>d</sup>, agus a réir roinne theaghlach aithriche nan Lebhitheach;

6 Agus marbhaibh a' chàisg, agus naomhaichibh sibh féin, agus deasuichibh bhur bràithrean, chum gu'n dean iad a réir focail an Tighearna le làimh Mhaois.

7 Agus thug Iosiah do'n t-sluagh caoraich, uain agus minn, iad uile air son ìobairtean càisge dhoibhsan uile a bha làthair, gu ruig deich mìle bde: iad sin do mhaoin an rìgh.

8 Agus thug na h-uachdarain aige gu toileach do'n t-sluagh, do na sagartaibh, agus do na Lebhitheach-aibh. Thug Hilciah, agus Sechariah, agus Iehiel, uachdarain tighe Dhé, do na sagartaibh, air son ìo-

<sup>a</sup> Harhais. II. Rìgh. Caib. XXII.

r. 14.

<sup>b</sup> tigh-fòghluim; misena.

Eabh,

<sup>c</sup> iad féin a naomhachadh.

<sup>d</sup> mhac an t-sluagh. Eabh.

## II. EACH DRAIDH.

nairtean na càisge, dà mhìle agus sè ceud [caora] agus trì cheud bò.

9 Agus thug Conaniah, agus Semaiah, agus Netaneel agus a bhràithrean, agus Hasabiah, agus Iehiel, agus Iosabad, uachdarain nan Lebhithich, do na Lebhithich airson ìobairtean na càisge, cùig mìle [caora] agus cùig ceud bò.

10 Agus dh'ulluicheadh an t-seirbhis, agus sheas na sagairt nan àit, agus na Lebhithich nan roinnibh, a rèir àithne an rìgh.

11 Agus mharbh iad <sup>a</sup> a' chàisg, agus chrath na sagairt [an fhuil] le'n làimh, agus dh'fhionn na Lebhithich.

12 Agus thug iad air falbh na h-ìobhairtean-loisgte, chum gn'n d'thugadh iad seachad a rèir roinnean theaghlach an t-sluaigh, a dh'ìobradh do'n Tighearna, mar *a ta e* sgrìobhta ann an leabhar Mhaois: agus mar sin *rinn iad* ris a' bhuar<sup>b</sup>.

13 Agus ròist iad a' chàisg le teine, a rèir na riaghailte; ach bhruidh <sup>c</sup> ad na *tabhartais* naomha ann am poitibh, agus ann an coireachaibh, agus ann an aighnibh, agus roinn siad *iad* gu grad am measg an t-sluaigh uile.

14 Agus na dhéigh sin dheasaich iad dhoibh féin agus do na sagartaibh. A chionn gu'n *robh* na sagairt, mic Aaroin, ag ìobradh ìobairtean-loisgte agus na saill gu h-oidhche, uime sin dheasaich na Lebhithich dhoibh féin agus do na sagairt, mic Aaroin.

15 Agus *bha'n* luchd-seinn, mic Asaiph, nan àite féin, a rèir àithne Dhaibhidh, agus Asaiph, agus Heman, agus Iedutiin fhear-seallaidh <sup>d</sup> an rìgh, agus na dorsairean aig gach geatadh: cha 'n fheumaidh iad an seirbhis fhàgail, oir dheasaich am bràithrean na Lebhithich air an son.

16 Agus dheasaicheadh uile sheirbhis an Tighearna air an là sin féin, chum a' chàisg a chumail, agus ìobairtean-loisgte ìobradh air altair an Tighearna, a rèir àithne an rìgh Iosiah.

17 Agus chum clann Israeil, a bha làthair, a' chàisg 'san àm sin, agus féill <sup>e</sup> an arain neo-ghoirtichte, seachd laithean.

18 Agus cha do chumadh a leithid sin do chàisg ann an Israel o laithibh Shamueil an fhàidh; ni mò a chum uile rìghrean Israeil a leithid do chàisg as a chum Iosiah, agus na sagairt, agus na Lebhithich, agus

Iudah agus Israel uile a bha làthair, agus luchd-àiteachaidh Ierusalem.

19 Anns an ochdamh bliadhna deug do rìoghachadh Iosiah chumadh a' chàisg so.

20 Na dhéigh so uile 'nuair a dheasaich Iosiah an teampull, thàinig Necho rìgh na h-Eiphit a nìos a chogadh an aghaidh Charchemis, làimh ri Euphrates: agus chaidh Iosiah a mach na aghaidh.

21 Ach chuir esan teachdairean d'a ionnsuidh, ag ràdh, Ciod e mo ghnòthuch-sa riutsa, a rìgh Iudah? Cha'n ann a' t'aghaidh-sa *tha* mise teachd an diugh, ach an aghaidh tighe ris am bheil mi a' cogadh: agus dh'àithn Dia dhomh mì dheanamh cabhaig: leig dh'ot a *bhi* ri Dia, a *tha* maille rium-sa, chum nach sgrios e thu.

22 Gidheadh cha do thionndaidh Iosiah aghaidh uaith, ach dh'fhàs e ni bu déine <sup>f</sup> gu cogadh na aghaidh, agus cha d'éisid e ri briathraibh Necho o bheul Dé, agus chaidh e steach a chur catha ann an gleann Mhegido.

23 Agus thilg na fir-bhògha air rìgh Iosiah; agus thubhairt an rìgh r'a sheirbhisich, Beiribh leibh mi, oir *tha* mi air mo lotadh gu mòr.

24 Agus thug a sheirbhisich e as a' charbad sin, agus chuir iad e ann an dara carbad a *bha* aige, agus thug iad e gu h-Ierusalem, agus fluair e bàs, agus dh'adhlaicheadh e ann an àit-adhlaic 'aithriche: agus rinn Iudah agus Ierusalem uile caoidh air son Iosiah.

25 Agus rinn Ieremiah tuireadh <sup>g</sup> air son Iosiah, agus labhair na firsheinn agus na mnàisheinn uile mu thimchioll Iosiah naft tuireannaibh gu ruig an là 'n diugh, agus rinn siad iad nan reachd ann an Israel. Agus feuch, *tha* iad sgrìobhta ann an leabhar nan tuireadh.

26 Agus a' chuid eile do ghnìomharaibh Iosiah, agus a mhaitheas, mar *a ta e* sgrìobhta ann an lagh an Tighearna,

27 Eadhon a ghnìomharan an toiseach agus mu dheireadh, feuch, *tha* iad sgrìobhta ann an leabhar rìghrean Israeil agus Iudah.

### CAIB. XXXVI.

**A** GUS ghabh sluagh na tìre Iehohas mac Iosiah, agus rinn iad na rìgh e 'n àit 'athar ann an Ierusalem.

2 Tri bliadhna fichead a dh'aois *bha* Iehoahas an uair a thòisich e air

<sup>a</sup> *chuir iad air leth.*

<sup>b</sup> *chrodh.*

<sup>c</sup> *bhruidh.* Eir. <sup>d</sup> *'fhir-sheullaidh.*

<sup>e</sup> *cuirm, féisd.*

<sup>f</sup> *chuir se e fein ann an atharrachadh crutha.*

<sup>g</sup> *cumhadh.*



rìoghachadh, agus rìoghaich e trì mìosan ann an Ierusalem.

3 Agus chuir rìgh na h-Eiphit e [o rìoghachadh] ann an Ierusalem,<sup>a</sup> agus chuir e ceud tàlann airgid, agus tàlann òir, mar ùbhla<sup>b</sup> air an tìr.

4 Agus rinn rìgh na h-Eiphit Eliacim a bhràthair na rìgh air Iudah agus Ierusalem, agus thionndaidh e 'ainm gu Iehoiacim. Agus ghabh Necho Iehoahs a bhràthair, agus thug e do'n Eiphit e.

5 Cùig bliadhna fheadh a dh'aois bha Iehoiacim an uair a thòisich e air rìoghachadh, agus rìoghaich e aon bliadhna deug ann an Ierusalem: agus rinn e olc ann an sùilbh an Tighearna a Dhé.

6 Na aghaidh-san thàinig Nebuchadnesar rìgh Bhabìlon a mìos, agus cheangail e ann an geimhlibh umbha e, chum a thoirt do Bhabìlon.

7 Thug Nebuchadnesar mar an ceudna leis cuid do shoithichibh tighe an Tighearna do Bhabìlon, agus chuir e iad na theampull<sup>c</sup> ann an Babilon.

8 Agus a' chuid eile do gh'ìomh-araibh Iehoiacim, agus a ghràineil-cachdan a rinn e, agus na fhuaradh ann, feuch, tha iad sgrìobhta ann an leabhar rìghrean Israeil agus Iudah. Agus rìoghaich Iehoiachin a m'iac na àit.

9 Ochd bliadhna deug<sup>d</sup> a dh'aois bha Iehoiachin an uair a thòisich e air rìoghachadh, agus rìoghaich e trì mìosan agus deich làithean ann an Ierusalem; agus rinn e olc ann an sùilbh an Tighearna.

10 Agus aig ceann na bliadhna<sup>e</sup> chuir rìgh Nebuchadnesar daoine naith, agus thug e do Bhabìlon e, maille ri soithichibh taitneach<sup>f</sup> tighe an Tighearna: agus rinn e Sedeciah a bhràthair<sup>g</sup> na rìgh air Iudah agus Ierusalem.

11 Bliadhna thar fhichead a dh'aois bha Sedeciah 'nuair a thòisich e air rìoghachadh, agus rìoghaich e aon bliadhna deug ann an Ierusalem.

12 Agus rinn e olc ann an sùilbh an Tighearna a Dhé; agus cha d'ìoslaich se e fèin ann anuis Ieremiah an fhàidh, a labhair o bhenl an Tighearna.

13 Agus mar an ceudna rinn e ceannairc ar aghaidh rìgh Nebu-

chadnesar, a thug air mionnachadh air Dia: ach ragaich e a'mhuineal, agus chruaidhich e a chridhe o thionndadh a dh'ionnsuidh an Tighearna Dé Israeil.

14 Mar an ceudna pheacaich iad-san uile a b'airde do na sagartaibh agus do'n t-sluagh gu ro mhòr, a rèir uile ghraineileachd nan cinneach, agus thruaill iad tigh an Tighearna, a naomhaich e ann an Ierusalem.

15 Agus chuir an Tighearna Dia an aithriche fios d'an ionnsuidh le làimh a theachdairean, ag èirigh gu moch, agus a' cur uaith; a chionn gu'n robh truas aige d'a shluagh, agus d'a àite-còmhnuidh:

16 Ach rinn iadsan fanoid air teachdairibh Dhé, agus rinn iad dì-meas air a bhriathraibh, agus rinn iad tarcuish<sup>h</sup> air 'fhàidhibh, gus an d'èirich fearg an Tighearna 'n aghaidh a shluagh air choras nach robh leigheas ann.

17 Uime sin thug e orra rìgh nan Caldeanach, a mharbh ann daoine òga leis a' chlaidheamh ann an tigh an ionaid naomha, agus nach do chaomhain òig-fhear no òigh, seann duine no esan a bha air a chiomadh leis an aois: thug e thairis iad uile na làimh.

18 Agus uile shoithichean tighe Dhé, inèr agus beag, agus ionmhais tighe an Tighearna, agus ionmhais an rìgh agus 'uachdarana, thug e leis uile do Bhabìlon.

19 Agus loisg iad tigh Dhé, agus bhris iad sìos balladh Ierusalem, agus loisg iad a lùchairtean uile le teine, agus mhill iad a shoithichean taitneach uile.

20 Agus iadsan a chaidh as o'n chlaidheamh thug e leis do Bhabìlon, far an robh iad nan seirbhisich aige fèin agus aig a mhacaibh, gus an do rìoghaich rìgh<sup>i</sup> Phersia:

21 Chum gu'm biodh focal an Tighearna le beul Ieremiah air a choimhlionadh, gus am mealladh an tìr a sàbaidean: rè na h-ùine a bha i fàs, chum i sàbaidean<sup>k</sup>, gus an do choimhlionadh trì fichead agus deich bliadhna.

22 A nis ann an ceud bliadhna Chiruis rìgh Phersia, chum gu'm biodh focal an Tighearna le beul Ieremiah air a choimhlionadh, dhùisg an Tighearna suas spiorad Chiruis rìgh Phersia, agus thug e fa'near gairm a bhi air a tabhairt air feadh a rìoghachd uile, agus a chur mar an ceudna ann an sgrìobhadh, ag ràdh,

23 Mar so tha Ciruis rìgh Phersia

<sup>a</sup> Faic. II. Rìgh. Caib. XXIII. r. 33.

<sup>b</sup> mar chis.

<sup>c</sup> lùchairt.

<sup>d</sup> Faic. II. Rìgh.

Caib. XXIV. r. 8.

<sup>e</sup> teachd

<sup>f</sup> mu'n cuairt na bliadhna.

<sup>g</sup> maiseach, luachmhor.

<sup>h</sup> bràthair 'athar,

<sup>h</sup> magadh.

<sup>i</sup> rìoghachd.

<sup>k</sup> rinn i tàmh.

ag ràdh, Uile rioghachdan an domhain thug an Tighearna Dia nan nèamh dhomh-sa, agus dh'àithn e dhomh tigh a thogail dha ann an Ierusalem, a *ta* ann an Iudah : ge

b'e neach a *ta* nar<sup>a</sup> measg d'a shluagh uile, gu robh an Tighearna a Dhia maille ris, agus rachadh e suas.

<sup>a</sup> ann bhur.

## E S R A.

## CAIB. I.

**A**NIS ann an ceud bhliadhna Chiruis righ Phersia, chum gu'm biodh focal an Tighearna le beul Ieremiah air a choimhlionadh, dhùisg an Tighearna suas spiorad Chiruis righ Phersia, agus thug e fa'near gairm a bhi air a tabhairt air feadh a rioghachd uile, agus a *chur* mar an ceudna ann an scriobhadh, ag ràdh,

2 Mar so tha Cyrus righ Phersia ag ràdh, Uile rioghachdan an domhain thug an Tighearna Dia nan nèamh dhomh-sa, agus dh'àithn e dhomh tigh a thogail dha ann an Ierusalem, a *ta* ann an Iudah.

3 Ge b'e neach a *ta* 'nar measg-sa d'a shluagh uile, gu robh a Dhia maille ris, agus rachadh e suas gu h-Ierusalem a *ta* ann an Iudah, agus togadh e tigh an Tighearna Dé Israeil : is esan an Dia, a *ta* ann an Ierusalem.

4 Agus ge b'e neach a dh'fhàgadh<sup>a</sup> ann an àite sam bith far *am bheil* e air chuairt, cuidicheadh daoine 'àite leis le h-airgid, agus le h-òr, agus le maoin, agus le h-ainmhidhibh, a thuilleadh air an tabhartas saor-thoile air son tìghe Dhé a *ta* ann an Ierusalem.

5 An sin dh'èirich cinn aithriche Iudah agus Bheniamin, agus na saigairt agus na Lebhiithich, gach neach aig an do dhùisg Dia a spiorad gu dol suas a thogail tìghe an Tighearna, a *ta* ann an Ierusalem.

6 Agus neartaich iadsan uile a *bha* mu'n cuairt doibh an làmh an soithichibh airgid, le h-òr, le maoin, agus le h-ainmhidhibh, agus le nithibh luachmhor, a thuilleadh air gach nì a thugadh seachad le saor-thoil.

7 Thug mar an ceudna an righ Cyrus a mach soithichean<sup>b</sup> tìghe an Tighearna, a thug Nebuchadnesar a mach a h-Ierusalem, agus a chuir e ann an tigh a dhée.

8 Eadhon iad sin thug Cyrus righ

Phersia mach le làimh Mhitredait fhir-ghleidhidh an ionmhais, agus dh'àireamh e iad do Shesbadsar uachdaran Iudah.

9 Agus is e so an àireamh : Deich cuacha fichead òir, mìle cuach airgid, naoi sgeana fichead,

10 Deich thar fhichead soitheach-ionnlaid òir, ceithir cheud agus deich soitheach-ionnlaid airgid do'n ìara seòrsa, mìle do shoithichibh eile.

11 Na soitheichean òir agus airgid uile, cùig mìle agus ceithir cheud : iad sin uile thug Sesbadsar suas maille ris na braighdibh<sup>c</sup>, a thugadh suas o Bhabilon gu h-Ierusalem.

## CAIB. II.

**A**GUS is iad so clann na mòr-roinne, a chaidh suas do na braighdibh, dhiubh-san a thugadh air falbh, a thug Nebuchadnesar righ Bhabiloin air falbh leis do Bhabilon, agus a phill gu h-Ierusalem agus Iudah, gach fear d'a bhaile féin;

2 A thàinig maille ri<sup>d</sup> Serubabel, Iesua, Nehemiah, Seraiah, Realaiah, Mordecai, Bilsan, Mispair, Bigbhai, Rehum, Baanah.

AIREAMH DHAOINE SLUAIGH ISRAEL.

3 Mic Pharois, dà mhìle ceud trì fichead agus a dhà-dheug.

4 Mic Shephatiah, trì cheud trì fichead agus a dhà-dheug.

5 Mic Arali, seachd ceud trì fichead agus cùig-dheug.

6 Mic Phahat-mhoib, do chloinn Iesua [agus] Ioab, dà mhìle ochd ceud agus a dhà-dheug.

7 Mic Elaim, mìle dà cheud leth-cheud agus a ceithir.

8 Mic Shatu, naoi ceud dà fhichead agus a cùig.

9 Mic Shacai, seachd ceud agus trì fichead.

10 Mic Bhani, sè ceud dà fhichead agus a dhà.

<sup>c</sup> a' bhraighdeanas. Eabh.

<sup>d</sup> mar-ri, le.

<sup>a</sup> dh'fhanas.

<sup>b</sup> airneis.

11 Mic Bhebai, sè ceud fichead agus a tri.

12 Mic Asgaid, mìle dà cheud fichead agus a dhà.

13 Mic Adonicaim, sè ceud tri fichead agus a sè.

14 Mic Bhigbhai, dà mhìle dà fhichead agus sè-deug.

15 Mic Adin, ceithir cheud leth-cheud agus a ceithir.

16 Mic Ateir o Heseciah, ceithir fichead agus ochd-deug.

17 Mic Bhesai, tri cheud fichead agus a tri.

18 Mic Iorah, ceud agus a dhà-dheug.

19 Mic Hasuim, dà cheud fichead agus a tri.

20 Mic Ghibair, ceithir fichead agus cùig-deug.

21 Mic Bheteleheim, ceud fichead agus a tri.

22 Daoine Netophah, dà fhichead agus sè-deug.

23 Daoine Anatoit, ceud fichead agus a h-ochd.

24 Mic Asmabheit, dà fhichead agus a dhà.

25 Mic Chiriat-iarim, Chephirah, agus Bheeroit, seachd ceud agus dà fhichead agus a tri.

26 Mic Ramah agus Gheba, sè ceud fichead agus a h-aon.

27 Daoine Mhichmais, ceud fichead agus a dhà.

28 Daoine Bheteil agus Ai, dà cheud fichead agus a tri.

29 Mic Nebo, dà fhichead agus a dhà-dheug.

30 Mic Mhagbis, ceud leth-cheud agus a sè.

31 Mic Elaim eile <sup>a</sup>, mìle dà cheud leth-cheud agus a ceithir.

32 Mic Harim, tri cheud agus fichead.

33 Mic Loid, Hadid, agus Ono, seachd ceud fichead agus a cùig.

34 Mic Iericho, tri cheud dà fhichead agus a cùig.

35 Mic Shenaah, tri mìle agus sè ceud agus deich thar fhichead.

36 Na sagairt: Mic Iedaia, do thigh Iesua, naoi ceud tri fichead agus tri-deug.

37 Mic Imeir, mìle dà fhichead agus a dhà-dheug.

38 Mic Phasuir, mìle dà cheud dà fhichead agus a seachd.

39 Mic Harim, mìle agus seachd-deug.

40 Na Lebhithich: Mic Iesua agus Chadmieil, do chloinn Hodabbiah, tri fichead agus ceithir-deug.

41 An luchd-seinn: Mic Asaiph, ceud fichead agus a h-ochd.

42 Mic nan dorsair: Mic Shaluim, mic Ateir, mic Thalmoin, mic

Acuib, mic Hatita, mic Shobai, iad uile ceud agus naoi-deug thar fhichead.

43 Na Netinich: Mic Shiha, mic Hasupha, mic Thabaoit,

44 Mic Cherois, mic Shiaha, mic Phadoin,

45 Mic Lebanah, mic Hagabah, mic Acuib,

46 Mic Hagaib, mic Shalmal, mic Hanain,

47 Mic Ghideil, mic Ghahair, mic Reaiah,

48 Mic Resin, mic Necoda, mic Ghadsaim,

49 Mic Udsa, mic Phasea, mic Bhesai,

50 Mic Asnah, mic Mhehunim, mic Nephusim,

51 Mic Bhacbuic, mic Hacupha, mic Harluir,

52 Mic Bhasluit, mic Mhehida, mic Harsa.

53 Mic Bharcois, mic Shisera, mic Thamah,

54 Mic Nesia, mic Hatipha.

55 Mic sheirbhiseach Sholaimh: Mic Shotai, mic Shophereit, mic Pheruda,

56 Mic Iaalah, mic Dharcoin, mic Ghideil,

57 Mic Shephathiah, mic Hatil, mic Phochereit o Sheboim, mic Ami.

58 Na Netinich uile, agus clann sheirbhiseach Sholaimh, tri cheud ceithir fichead agus a dhà-dheug.

59 Agus so iadsan a chaidh suas o Thelmelah, Telharsa, Cherub, Adan agus Imer; ach cha b'urrainn iad tigh an athar a nochdadh agus an sliochd, am b'ann do Israel iad:

60 Mic Dhelaiah, mic Thobiah, mic Necoda, sè ceud leth-cheud agus a dhà.

61 Agus do mhacaibh nan sagart: Mic Habiah, mic Chois, mic Bharsillai, a' Ghileadaich, agus a ghoireadh air an ainm.

62 Dh'iarr iadsan an clàr-scriobhaidh nam measg-san a bha air an àireamh le sloinntaireachd, ach cha d'fhuair iad: uime sin ghearradh as o'n t-sagartachd iad <sup>b</sup>.

63 Agus thubhairt an Tirsata riu, nach feudadh iad itheadh do na nithibh ro naomha, gus an seasadh sagart suas le Urim agus le Tumim.

64 An coimhthional mìle cuid-eachd, da fhichead agus dà mhìle tri cheud agus tri fichead;

65 A thuilleadh air an seirbhisich agus am ban-oglaich, d'an robh ann seachd mìle tri cheud agus seachd-deug thar fhichead, agus dhiubh-san

<sup>b</sup> mar dhaoine truailleach chuireadh iad o'n t-sagartachd.

<sup>a</sup> mic Elam-air.

da cheud nam fearaibh agus nam mnaibh-seinn.

66 An eich, seachd ceud agus sè-deug thar fhichead : am muileidean<sup>a</sup>, dà cheud dà fhichead agus a cùig :

67 An càmhail, ceithir cheud agus cùig-deug thar fhichead : an asail, sè mìle seachd ceud agus fichead.

68 Agus thug cuid do chinn nan aithriche, 'nuair a thàinig iad do thigh an Tighearna, a tha ann an Ierusalem, seachad d'an saor-thoil air son tighe Dhé, chum a chur suas na àite féin.

69 A réir an comaiz thug iad, gu h-ionmhas na h-oibre, trì fichead agus aon mhìle darcon<sup>b</sup> òir, agus cùig mìle pund airgid, agus ceud culaidh sagairt.

70 Agus ghabh na sagairt agus na Lebhithich, agus cuid do'n t-sluagh, agus an luchd-seinn, agus na dorsairean, agus na Netinich, còmhnuidh nam bailtibh, agus Israel uile nam bailtibh.

### CAIB. III.

**A** GUS an uair a thàinig an seachdamh mìos, agus clann Israeil 'nam bailtibh, chruinnich an sluagh an ceann a chèile mar aon duine gu h-Ierusalem.

2 Agus sheas Iesua mac Iosadaic suas, agus a bhràithrean na sagairt, agus Serubabel mac Shealtieil, agus a bhràithrean, agus thog iad altair Dhé Israeil, a dh'ìobradh ìobairtean-loisgte oirre, mar a ta e sgrìobhta ann an lagh Mhaois òglaich Dhé.

3 Agus shuidhich iad an altair air a bonnaibh, oir<sup>c</sup> bha eagal orra ròimh shluagh nan tìr sin; agus dh'ìobair iad ìobairte-loisgte do'n Tighearna, ìobairte-loisgte air maduinn agus air feasgar.

4 Agus chum iad fèill nam pàilliun, mar a ta e sgrìobhta, agus dh'ìobair iad an ìobairte-loisgte lathail ann an aireamh, a réir na riaghailte, a dh'ìghe féin air gach la;

5 Agus na dh'éigh sin an ìobairte-loisgte ghnàthaichte, araoon air na gealaichibh nomha, agus air uile fhéillibh naomhaichte an Tighearna, agus o gach neach a thug seachad gu toileach tabhartas saor-thoile do'n Tighearna.

6 O'n cheud la do'n seachdamh mìos thòisich iad air ìobairtean-loisgte ìobradh do'n Tighearna, 'nuair nach do leagadh *fathast* bunait teampuill an Tighearna.

7 Ach thug iad airgid do na snaidheadairibh agus do'n luchd-céirde<sup>d</sup>, agus biadh, agus deoch, agus

oladh do na Sidonaich agus do na Tioraich<sup>e</sup>, a chum gu'n d'thugadh iad fiodh seudair o Lebanon gu muir Iopa, a réir a' chomais<sup>f</sup> a fhuair iad o Chirus rìgh Phersia.

8 Agus anns an dara bliadhna 'n déigh dhoibh teachd gu tigh Dhé aig Ierusalem, anns an dara mìos, thòisich Serubabel mac Shealtieil, agus Iesua mac Iosadaic, agus fuigheall am bràithrean na sagairt agus na Lebhithich, agus iadsan uile a thàinig o'n bhraighdeanas<sup>g</sup> gu h-Ierusalem; agus dh'orduich iad na Lebhithich, o fhichead bliadhna dh'aois agus os a cheann, a chur oibre tighe an Tighearna air a h-aghaidh.

9 Agus sheas Iesua agus a mhic agus a bhràithrean, Cadmiel agus a mhic, agus mic Iudah<sup>h</sup> mar aon duine, a ghreasadh an luchd-oibre ann an tigh Dhé; mic Henadaid [agus] am mic agus am bràithrean na Lebhithich.

10 Agus an uair a leag an luchd-togail bunait teampuill an Tighearna, sheas na sagairt nan culaidhibh le trompaidibh, agus na Lebhithich mic Asaiph le ciombalaibh, a mholadh an Tighearna le làimh<sup>i</sup> Dhaibhidh rìgh Israeil.

11 Agus fhreagair iad a' chèile ann am moladh agus ann an tabhairt buidheachais do'n Tighearna, A chionn gu bheil e maith, gu mair a thròcair do Israel gu bràth. Agus rinn an sluagh uile gàir mhòr, an uair a mhol iad an Tighearna, a chionn gu'n do leagadh bunait tighe an Tighearna.

12 Ach bha mòran do na sagairt agus do na Lebhithich, agus do chinn nan aithriche, seann daoine a chunnaic an ceud thigh, 'nuair a leagadh bunait an tighe so fa chomhair an sùl, a' gul le guth ard; agus bha mòran a' deanamh gàir gu h-ard le h-aoibhneas :

13 Air chor as nach b'urrainn an sluagh fuaim gàir an aoibhneis aithneachadh, seach fuaim gul an t-sluaigh; oir rinn an sluagh gàir mhòr, agus chualas an fhuaimean an cén.

### CAIB. IV.

**A** GUS chuala naimhdean Iudah agus Bheniamin gu'n robh clann a' bhraighdeanais a'togail an teampuill do'n Tighearna Dia Israeil :

2 Agus thàinig iad gu Serubabel, agus gu cinn nan aithriche, agus thubhairt iad riu, Togaidh sinne

<sup>e</sup> dhoibh-san a Sidon agus a Tirus.

<sup>f</sup> an orduigh. <sup>g</sup> bhruid.

<sup>h</sup> Hodabhiak. Caib. II. r. 40.

<sup>i</sup> a réir riaghailte, no, ann am briathraibh.

<sup>a</sup> muilidhean; mules. Sasg.

<sup>b</sup> drachm. Sasg. Faic. I. Eachdr. Caib. XXIX. r. 7.

<sup>c</sup> ge do.

<sup>d</sup> do na clackairibh agus do na saoraibh.



maille ribh : oir tha sinne ag iarraidh bhuir Dé-sa mar sibh féin, agus dhasan tha sinn ag òbradh o laithibh Esar-hadoin, rìgh Asiria, a thug a nìos an so sinn.

3 Ach thubhairt Serubabel agus Iesua agus a' chuid eile do cheann-aibh aithriche Israeil riu, Cha bhuin e dhuibh-se tigh a thogail maille ruinne d'ar Dia-ne ; oir togaidh sinn féin 'nar n-aonar do'n Tighearna Dia Israeil, mar a dh'àithn Cirus a rìgh Phersia dhuinn.

4 Uime sin dh'anmhuinnaich b sluagh na tìre lànhan sluaigh Iudah, agus chuir iad dragh orra anns an togail.

5 Agus thuarasdalaich iad comhairlich nan aghaidh, a bhacadh an rùin rè uile laithean Chiruis, rìgh Phersia, eadhon gus an do rìghaich Darius rìgh Phersia.

6 Agus an uair a rìghaich Ahasuerus, ann an toiseach a rìoghachaidh, scriobh iad litir-chasaid an aghaidh luchd-àiteachaidh Iudah a gus Ierusalem.

7 Agus ann an laithibh Artacsercseis scriobh Bislam, Mitridat, Tabeel, agus a' chuid eile d'an cuideachd, gu Artacsercseis rìgh Phersia; agus bha scriobhadh na litireach ann an scriobhadh nan Sirianaich, agus air a mhìneachadh anns a' chàin Shirianaich.

8 Scriobh Rehum an t-ard chomhairleach, agus Simsai an scriobhuiche, litir an aghaidh Ierusalem gu h-Artacsercseis an rìgh anns na briathraibh so <sup>d</sup>.

9 An sin scriobh Rehum an t-ard chomhairleach, agus Simsai an scriobhuiche, agus a' chuid eile do'n cuideachd, na Dinathaich, na h-Apharsathchaich, na Tarpelaich, na h-Apharsaich, na h-Archebhich, na Babilonaich, na Susanchaich, na Dehabhaich, na h-Elamaich,

10 Agus a' chuid eile do na cinnich, a thug Asnapar mòr agus urramach a nall, agus a shuidhich e ann am bailtibh Shamaria, agus a' chuid eile air an taobh so do'n abhuinn<sup>e</sup>, agus ann an leithid so do àm.

11 Is e so dùblachadh<sup>f</sup> na litir-each a chuir iad d'a ionnsuidh : Gu h-Artacsercseis an rìgh, do sheirbhich, na daoine air an taobh so do'n abhuinn, agus aig a leithid so do àm.

12 Biodh fios aig an rìgh gu bheil na h-Iudhaich a thàinig a nìos uait d'ar n-ionnsuidh air teachd gu h-Ierusalem, a' togail a' bhaile cheann-

aircìch agus uile sin, agus a cursuas a bhallachan, agus a' ceangal r'a chèile nam bunait.

13 Bitheadh a nìs fios aig an rìgh, ma thogar am baile so, agus ma chuirear suas a bhallachan, nach loc iad gearradh s, cìs no càin, agus gu'n d'hoir thu call air teachd-a-steach nan rìgh.

14 A nìs a chionn gu bheil sinne air ar beathachadh o'n lùchairt<sup>h</sup>, agus nach 'eil e iomchuidh dhuinn eas-urram an rìgh fhacinn, uime sin chuir sinn litir uainn, agus thug sinn fios do'n rìgh :

15 Chum gu'n rannsaichear ann an leabhar eachdraidh<sup>i</sup> t'aithriche, agus gu'm faigh thu anns an leabhar eachdraidh, agus gu'm bi fios agad gu bheil am baile so na bhaile ceann-airceach, agus diùbhalach<sup>k</sup> do rìghribh agus do mhòr-roinnibh, agus gu'n robh iad a' deanamh duair-eachais<sup>l</sup> na mheadhon 'san t-sean aimsir : air son so sgriosadh am baile so.

16 Tha sinn a toirt fios do'n rìgh, ma thogar am baile so, agus ma chuirear suas a bhallachan, an sin nach bi cuibhrionn air bith agad air an taobh so do'n abhuinn.

17 Chuir an rìgh freagradh gu Rehum an t-ard chomhairleach, agus Simsai an scriobhuiche, agus a' chuid eile d'an cuideachd, a bha chomhnuidh ann an Samaria, agus a' chuid eile an taobh thall do'n abhuinn, Sith, agus aig a leithid so do àm.

18 An litir a chuir sibh a m'ionnsuidh, leughadh gu soilleir a'm' làth-air i.

19 Agus thugadh àithne leam, agus rannsaicheadh, agus fhuaradh a mach gu'n robh am baile so o shean ag éirigh an aghaidh rìghrean, agus gu'n d'rinneadh ceannairc agus duair-reachas ann.

20 Agus bha rìghrean cumhachdach ann an Ierusalem, a riaghlach os an cionn-san uile air an taobh thall do'n abhuinn, agus dh'ìocadh gearradh, cìs, agus cain doibh.

21 Thugaibh-se nìs àithne, a thoirt air na daoine sin sgar, agus nach togar am baile sin gus an d'thig ordugh uam-sa.

22 Thugaibh an aire ma ta nach dean sibh mearachd an so. C'ar son a dh'fhàsadh calldach ann gu cron nan rìgh ?

23 An sin an uair a leughadh dùblachadh litreach Artacsercseis an rìgh an làthair Rehuim agus Shim-sai an scriobhuiche agus an cuid-

<sup>a</sup> an rìgh Cirus. <sup>b</sup> dh'anfannaich.

<sup>c</sup> r'a thuigsinn, air a dheachdadh.

<sup>d</sup> air a' mhodh so. <sup>e</sup> amhuinn.

<sup>f</sup> amhladh, lethbhreac.

<sup>g</sup> dlìghe.

<sup>h</sup> cuimhne.

<sup>i</sup> ach. Eir.

<sup>h</sup> o thigh an rìgh.

<sup>k</sup> cronail; dìoghbhal-

<sup>l</sup> ainhreite, buaireis.

eachd, chaidh iad le cabhaig suas gu h-Ierusalem a dh'ionnsuidh nan Iudhach, agus thug iad erra sgur leis an làimh làidir.

24 An sin sguir obair tìghe Dhé, a ta ann an Ierusalem. Sguir i gus an dara bliadhna do rìoghachadh Dhariuis rìgh Phersia.

## CAIB. V.

**A**CH rinn Hagai am fàidh, agus Sechariah mac Ido an fhàidh, fàidheadaireachd do na h-Iudhach-aibh, a bha ann an Iudah agus ann an Ierusalem, fàidheadaireachd dhoibh ann an ainm an Tighearna Dé Israel.

2 An sin dh'èirich Serubabel mac Shealtieil, agus Iesna mac Iosadaic, agus thòisich iad air tìgh Dhé a thogail, a tha ann an Ierusalem: agus maille riu-san bha fàidhean Dhé a' cuideachadh leo.

3 Anns an àm sin féin thàinig d'an ionnsuidh Tatnai, an t-uachdaran air an taobh so do'n abhuinn, agus Setar-bosnai, agus an cuideachd, agus mar so thubhairt iad riu, Cò thug ordugh dhuibh-se an tìgh so a thogail, agus na ballachia so a dheanamh suas?

4 Au sin thubhairt iad<sup>b</sup> riu air an dòigh so, C'ainm a th' air na daoineibh a tha togail na h-aitreabh<sup>c</sup> so?

5 Ach bha sùil an Dé air seanairibh nan Iudhach, agus cha d'thug iad orra sgur, gus an d'thàinig a' chùis a dh'ionnsuidh Dhariuis, agus an sin thugadh freagradh le litir mu thimchioll so:

6 Dùblachadh na litireach a chuir Tatnai an t-uachdaran air an taobh so do'n abhuinn, agus Setar-bosnai agus a chuideachd na h-Arphasachiaich, a bha air an taobh so do'n abhuinn, a dh'ionnsuidh Dhariuis an rìgh:

7 Chuir iad litir d'a ionnsuidh, anns an robh sgrìobhta mar so: Gu Darius an rìgh, gach uile shìochaint.

8 Biodh fios aigan rìgh gu'n deachaidh sinn gu mòr-roinn<sup>d</sup> Iudea, a dh'ionnsuidh tìghe an Dé mhòir, a tha 'ga thogail le clachaibh mòra, agus tha fiodh air a chur anns na ballachaidh, agus tha'n obair so a' dol gu luath air a h-aghaidh, agus a' soirbheachadh nan làmhaidh.

9 An sin dh'fheadraich sinn do na seanairibh sin, [agus] mar so thubhairt sinn riu, Cò thug dhuibh ordugh an tìgh so a thogail, agus na ballachia so chur suas?

10 Agus mar an ceudna dh'fheadraich sinn an ainmean diubh, a thoir

fios duit, a chum gu'n sgrìobhamaid ainmean nan daoine a bh'air an ceann.

11 Agus mar so thug iad freagradh dhuinn, ag ràdh, Is sinne seirbhisich Dhé nan nèamh agus na talmhainn, agus tha sinn a' togail tìghe a chaidh thogail iomadh bliadhna roimhe so, a thog agus a chrìochnaich<sup>e</sup> rìgh mòr a bh'air Israel.

12 Ach an uair a bhrosnaich ar n-aithriche Dia nèimh gu feirg, thug e thairis iad do làimh Nebuchadnes-air rìgh Bhabiloin a' Chaldeanaich, a sgrios an tìgh so, agus a thug an sluagh leis do Bhabilon.

13 Ach ann an ceud bhliadhna Chiruis rìgh Bhabiloin, thug rìgh Cyrus ordugh<sup>f</sup> tìgh so Dhé a thogail.

14 Agus mar an ceudna soithichean òir agus airgid tìghe Dhé, a thug Nebuchadnesar as an teampull a bha ann an Ierusalem, agus a thug e leis do theanpull Bhabiloin, iad sin thug rìgh Cyrus a mach a teampull Bhabiloin, agus thugadh iad do fhear d'am b'ainm Sesbadsar, a rinn e na uachdaran.

15 Agus thubhairt e ris, Gabh na soithiche so, imich, thoir leat iad do'n teampull, a ta ann an Ierusalem, agus biodh tìgh Dhé air a thogail na àit.

16 An sin thàinig Sesbadsar sin, agus leag e bunait tìghe Dhé, a ta ann an Ierusalem: agus o'n àm sin gus a nis tha e 'ga thogail, agus cha n'eil e fàthast crìochnaichte.

17 A nis nìme sin, ma's maith leis an rìgh, deanar rannsachadh ann an tìgh ionmhais an rìgh, a ta ann an Babilon, a dh'fheuchainn an d'thugadh an t-ordugh so le rìgh Cyrus, tìgh so Dhé a thogail ann an Ierusalem, agus cuirheadh an rìgh fios d'ar n-ionnsuidh ciod i a thoil a thaobh an nì so.

## CAIB. VI.

**A**N sin thug Darius an rìgh ordugh seachad<sup>g</sup>, agus rannsach iad ann an tìgh nan leabhar, far an robh na h-ionmhais air an tasgaidh ann am Babilon.

2 Agus fhuaradh ann an Achmeta, anns an lùchairt, a ta ann am mòr-roinn nam Medach, clàr<sup>h</sup>, agus mar so bha sgrìobhta ann gu bhì air a chumail air chuimhne<sup>i</sup>.

3 Ann an ceud bhliadhna Chiruis an rìgh, thug Cyrus an rìgh ordugh seachad a thaobh tìghe Dhé ann an Ierusalem, Biodh an tìgh air a thogail, an t àit anns an d'obair iad lobairtean, agus a bhunaitean air an

<sup>e</sup> a choimhlon, a dheasaich.

<sup>f</sup> àithne. <sup>g</sup> rinn Darius an rìgh reachd. <sup>h</sup> ròla; roll. Sasg. <sup>i</sup> cuimhneachan.

<sup>a</sup> an companaich.

<sup>b</sup> sinn.

<sup>c</sup> deanamh na h-oibre.

<sup>d</sup> mòr-

earrann.

suidheachadh gu làidir : 'airde, tri fichead làmh-choille ; a leud, tri fichead làmh-choille :

4 Tri sreathan do chlachaibh mòra, agus sreath do fhiodh nomha ; agus luasaichear an costus<sup>a</sup> a tigh an rìgh.

5 Agus mar an ceudna aisigear<sup>b</sup> soithichean òir agus airgid tighe Dhé, a thug Nebuchadnesar as an teampull, a ta ann an Ierusalem, agus a thug e leis do Bhabylon, agus thugar a rìs iad do'n teampull a ta ann an Ierusalem, gach abn d'a àit féin, agus suidhich iad ann an tigh Dhé.

6 A nis a Thatnai, uachdarain air an taobh thall do'n abhuinn, a She-tar-bosnai, maille ri'r cuideachd na h-Arphasachaich a tha air an taobh thall do'n abhuinn, bithibh-se fada o sin.

7 Leigibh le obair tighe so Dhé : togadh uachdaran nan Iudhach, agus seanairean nan Iudhach, tigh so Dhé na àit.

8 Agus tha mise a' toirt orduigh a thaobh na ni sibh ri seanaibh nan Iudhach sin, chum tigh so Dhé a thogail ; eadhon gu'n d'thugar do mhaoin an rìgh, do'n chis air an taobh thall do'n abhuinn, costus air ball do na daoinibh sin, a chum nach cuirear bacadh orra.

9 Agus na tha dh'easbluidh orra<sup>c</sup>, araon tairbh òga, agus reitheachan, agus uain air son iobairte-foisgte Dhé nàimh, cruithneachd, salann, fion, agus oladh, a réir orduigh nan sagart a ta ann an Ierusalem, thugar gu cinnteach dhoibh o là gu là, gu'n fhàilgeadh ;

10 A chum gu'n d'thoir iad seachad tabhartais deàgh-bholaidh do Dhia nàimh, agus gu'n dean iad urnuigh air son beatha an rìgh agus a mhac.

11 Mar an ceudna thug miseachad ordugh, ge b'e neach a dh'atharraicheas am focal so, gu'n spionar slos fiodh as a thigh, agus an uair a chuirear suas e, gu'n crochar air e, agus gu'n deanar a thigh na òtrach<sup>d</sup> air son so.

12 Agus an Dia a thug air 'ainm còmhnuidh a ghabhail an sin, gu'n sgriosadh esan na rìghrean sin uile agus an sluagh, a shìneas a mach an làmh a dh'atharrachadh agus a sgrios tighe Dhé a ta ann an Ierusalem. Thug mise Darius ordugh seachad ; deanar an ni gu luath.

13 An sin rinn Tatnai an t-nachdaran air an taobh so do'n abhuinn,

Setar-bosnai, agus an cuideachd, gun dàil a réir an fhios a chuir Darius an rìgh uath.

14 Agus thog seanairean nan Iudhach, agus shoirbhich leo a réir fàidh-eadaireachd Hagai an fhàidh, agus Shechariah mhic Ido ; agus thog iad agus chrìochnaich iad, a réir àithne Dhé Israeil, agus a réir àithne Chiruis agus Dhiariuis, agus Artacsercseis rìgh Phersia.

15 Agus chrìochnaich eadh an tigh so air an treas latha do'n mhìos Adar, a bha anns an t-seathadh bliadhna do rìoghachadh Dhariuis an rìgh.

16 Agus chum clann Israeil, na sagairt agus na Lebhitich, agus a' chuid eile do chloinn a' bhraighdeanais, coisreagadh<sup>e</sup> tighe so Dhé le gairdeachas.

17 Agus dh'ìobair iad aig coisreagadh tighe so Dhé, ceud tarbh òg, dà cheud reithe, ceithir cheud uan ; agus mar ìobairt-pheacaidh air son Israeil uile, dà bloc dheug gaibhre, a réir àireimh threubh Israeil.

18 Agus shuidhich iad na sagairt nan roinnibh, agus na Lebhitich nan sealaibh, air son seirbhis Dhé, a ta ann an Ierusalem ; mar a ta e scriobhta ann an leabhar Mhaois.

19 Agus chum clann a' bhraighdeanais a' chàisg air a' cheathramh là deug do'n cheud mhìos.

20 Oir ghlanadh na sagairt agus na Lebhitich le chéile : bha iad uile glan, agus mharbh iad a' chàisg do chloinn a' bhraighdeanais uile, agus d'am bràithribh na sagartaibh, agus dhoibh féin.

21 Agus dh'ith<sup>f</sup> clann Israeil a thànuig air an ais o'n bhraighdeanas, agus iadsan uile a dhealaich<sup>g</sup> iad féin d'an ionnsuidh o shalchar chinneach na tìre, a dh'iarraidh an Tighearna Dé Israeil.

22 Agus chum iad féill an arain neo-ghoirtichte seachd laithean le h-aobhneas : oir rinn an Tighearna aobhinn iad, agus thionndaidh e cridhe<sup>h</sup> rìgh Asiria d'an ionnsuidh, a neartachadh an làmh ann an obair tighe Dhé, Dhé Israeil.

## CAIB. VII.

**A** GUS an déigh nan nithe sin, ri linn<sup>a</sup> Artacsercseis rìgh Phersia, chaidh Esra mac Sheraiah, mhic Asariah, mhic Hilciah,

2 Mhic Shaluum, mhic Shadoic, mhic Ahituib,

3 Mhic Amariah, mhic Asariah, [mhic Iohanain, mhic Asariah, mhic Ahimaais, mhic Shadoic, mhic Ah-

<sup>a</sup> an cur a mach, an caitheamh.

<sup>b</sup> thugar air an ais. <sup>c</sup> gach ni air am bleil feum aca. <sup>d</sup> na dhùnan.

<sup>e</sup> naomhachadh, tiomnadh suas.

<sup>f</sup> dh'ich.

<sup>g</sup> scar.

<sup>h</sup> ann an

rìoghachadh.

tuib, mhic Amariah <sup>a</sup>] mhic Mhe-raoit,

4 Mhic Sheraiah, mhic Udsi, mhic Bhuci,

5 Mhic Abisua, mhic Phinchais, mhic Eleasair, mhic Aaroin an ard shagairt:

6 Chaidh Esra so suas o Bhabilon, agus e na scriobhuiche deas ann an lagh Mhaois, a thug an Tighearna Dia Israeil seachad: agus thug an rìgh dha, chionn gu'n robh làmh an Tighearna a Dhé air, 'iarrtus uile.

7 Agus chaidh *cuid* do chloinn Israeil, agus do na sagartaibh, agus do na Lebhithich, agus do'n luchd-seinn, agus do na dorsairibh, agus do na Netinich, suas gu h-Ierusalem, anns an t-seachdamh bliadhna do Artacserces an rìgh.

8 Agus thàinig e gu h-Ierusalem anns a' chùigeadh mìos, a *bha* anns an t-seachdamh bliadhna do'n rìgh.

9 Oir, air a' ceud là do'n ceud mhìos, thòisich e air dol suas o Bhabilon, agus air a' ceud là do'n chùigeadh mìos thàinig e gu h-Ierusalem, a chionn gu'n robh làmh mhaith a Dhé air.

10 Oir dh'ulluich Esra a chridhe a dh'iarraidh lagha an Tighearna, agus g'a dheanamh, agus a theagasg ann an Israel reachdan agus bhreitheanas.

11 Agus is e so dùblachadh na litreach a thug rìgh Artacserces do Esra an sagart, an scriobhuiche, scriobhuiche bhriathar àitheantan an Tighearna, agus a reachda do Israel.

12 Artacserces rìgh nan rìgh, gu Esra an sagart, an scriobhuiche lagha Dhé nan nèamh, gach uile *shùth*<sup>b</sup>, agus na leithid so do àm.

13 Tha mi a' toirt orduigh, iadsan uile ann an rìoghachd do shluagh Israeil, agus d'a shagartaibh, agus d'a Lebhitheachaibh, leis an àill triall do h-Ierusalem, gu'n d'thèid iad maille riut-sa.

14 A thaobh gu'n do chuireadh thu leis an rìgh, agus le 'sheachd comhairleachaibh, a dh'fhiosrachadh mu thimchioll Iudah agus Ierusalem, a réir lagha do Dhé a *ta* ann ad làimh;

15 Agus a thoirt leat an airgid agus an òir, a thug an rìgh agus a chomhairlich d'an toil féin do Dhia Israeil, aig *am bheil* 'àite-còmhuidh ann an Ierusalem;

16 Agus an airgid agus an òir uile a gheibh thu ann an uile mhòr-roinn Bhabilon, maille ri tabhartas saor-thoile an t-sluaigh agus nan sagart, a' toirt seachad d'an saor-

thoil air son tighe an Dé, a *ta* ann an Ierusalem:

17 A chum gu'n ceannaich thu air ball leis an airgid so tairbh òga, reitheachan, uain, agus an tabhartais-bidh agus an tabhartais-dibhe, agus gu'n òbair thu iad air altair tighe bhur Dé, a *ta* ann an Ierusalem.

18 Agus ge b'e ni a's maith leat féin agus le d' bhràithribh a dheanamh leis a' chuid eile do'n airgid agus do'n òr, a réir toile bhur Dé deanaibh.

19 Na soithiche mar an ceudna a tha air an tabhairt duit, air son seirbhis tighe do Dhé, thoir seachad an fianuis Dé Ierusalem.

20 Agus ge b'e ni tuilleadh a bhios feumail air son tighe do Dhé, a ch' thu aobhar air a bhuileachadh <sup>c</sup>, builich e a tigh-ionmhais an rìgh.

21 Agus tha mise, mise féin Artacserces an rìgh, a' toirt orduigh do uile luchd-còimhead an ionmhais, a *ta* air an taobh thall do'n abhuinn, ge b'e ni a dh'iarras Esra an sagart, scriobhuiche lagha Dhé nan nèamh, oirbh, gu'n deanar air ball e;

22 Gu ruig ceud tàlann airgid, agus gu ruig ceud tomhas cruithneachd, agus gu ruig ceud bat fìona, agus gu ruig ceud bat olaidh, agus salann gun àireamh <sup>d</sup>.

23 Gach ni a *ta* a réir àithne Dhé nan nèamh, deanar gu cùramach e do thigh Dhé nan nèamh, air eagal gu'm bi fearg an aghaidh rìoghachd an rìgh agus a mhiac,

24 Mar an ceudna *tha* sinn a' toirt fios duibh a thaobh nan sagart uile agus nan Lebhitheach, an luchd-seinn, nan dorsair, nan Netineach, no sheirbhiseach tighe so Dhé, nach feudar gearradh <sup>e</sup>, cìs, no càin a chuir orra.

25 Agus suidhich thu-sa, Esra, a réir gliocas do Dhé, a *ta* ann ad làimh, uachdarain, agus breitheamhna, a bheir breth air an t-sluaigh uile a *ta* air an taobh thall do'n abhuinn, orrasan uile d'an aithne laghanna do Dhé; agus teagaisgibh iadsan do nach aithne iad.

26 Agus gach neach nach dean a réir lagha do Dhé agus lagha an rìgh, deanar breitheanas air ball air, ma's ann a chum bàis, na chum fògraidh, no chum ùhlaidh <sup>f</sup>, no chum prìosun <sup>g</sup>.

27 Beannuichte *gu robh* an Tighearna Dia ar n-aithriche, a chuir mar so ann an cridhe an rìgh, a

<sup>c</sup> a thoirt seachad, a chaitheamh.

<sup>d</sup> gun a bhì air a scriobhadh. Eabh.

<sup>e</sup> dlìghe. <sup>f</sup> call a mhaoin.

<sup>g</sup> gu geimhlibh.

<sup>a</sup> Faic. I. Èachr. Caib. VI. r. 7, 8, 9.

<sup>b</sup> sìth iomlan.



dheanamh tighe an Tighearna, a ta ann an Icrusalem, maiseach :

28 Agus a fhuair trècair dhomh-sa am fianuis an rìgh agus a chòmhairleachia, agus am fianuis uile uachdarana cumbachdach an rìgh : agus neartaicheadh mi a chionn gu'n robh làmh an Tighearna mo Dhié orm, agus chruinnich mi a h-Israel daoine taghta a gu dol suas maille rium.

## CAIB. VIII.

**A**GUS is iad so cinn an aithriche, agus an àireamh a réir an ginealachia, a chaidh suas maille rium o Bhabilon, ri linn Artacsercseis an rìgh.

2 Do mhacaibh Phineais ; Gerson : do mhacaibh Itamair ; Daniel ; do mhacaibh Dhaibhidh ; Hatus.

3 Do mhacaibh Shechaniah ; \*\*\*\* do mhacaibh Pharois ; Sechariah : agus maille ris-san bha air an àireamh a réir an ginealachia do fhirionnach-aibh ceud agus leth-cheud.

4 Do mhacaibh Phahat-mhoah ; Elioenai, mac Sherahiah, agus maille ris dà cheud firionnach.

5 Do mhacaibh [Shatu :] Sechaniah mac Iahasiel, agus maille ris trì cheud firionnach :

6 Agus do mhacaibh Adin ; Ebed mac Ionatain, agus maille ris leth-cheud firionnach.

7 Agus do mhacaibh Elain ; Iesaiiah mac Ataliah, agus maille ris trì fichead agus deich firionnach.

8 Agus do mhacaibh Shephatiah ; Sebadiah mac Mhichaeil, agus maille ris ceithir fichead firionnach.

9 Do macaibh Ioaib ; Obadiah mac Iehieil, agus maille ris dà cheud agus ochd firionnach dheug.

10 Agus do mhacaibh [Bhani :] Sclomit mac Iosiphiah, agus maille ris ceud agus trì fichead firionnach.

11 Agus do mhacaibh Bhebai ; Sechariah mac Bhebai, agus maille ris fichead agus ochd firionnach.

12 Agus do mhacaibh Asgaid, Iohanan, mac Hacatain, agus maille ris ceud agus deich firionnach.

13 Agus do mhacaibh deireanach Adonicaim ; agus is iad so an ainmeanna, Eliphelet, Ieiel, agus Semaiah, agus maille riu trì fichead firionnach.

14 Agus do mhacaibh Bhigbhai, Utai agus Sabud, agus maille riu trì fichead agus deich firionnach.

15 Agus chruinnich mi iad a dh'ionnsuidh na h-aibhne a tha teachd gu Ahabha, agus an sin dh'fhan sinn ann am bùthaibh trì laithean, agus ghabh mi beachd do'n t-sluagh, agus do na sagairt,

agus cha d'fhuair mi'n sin a h-aon do mhacaibh Lebhi.

16 An sin chuir mi fios air Elieser, air Ariel, air Semaiah, agus air Elnatan<sup>b</sup>, agus air Natan, agus air Sechariah, agus air Mesulam, prìomh dhaoine ; agus air Ioiarib agus air Elnatan, daoine tuigseach.

17 Agus chuir mi iad le h-àithne gu Ido an ceann, aig àit Chasiphia, agus dh'innis mi dhoibh ciod<sup>c</sup> a theireadh iad ri Ido, [agus] r'a bhràithribh na Netinich aig àit Chasiphia, gu'n d'thugadh iad d'ar n-ionnsuidh seirbhisich air son tighe ar Dé.

18 Agus le làmh mhaith ar Dé oirmn thug iad d'ar n-ionnsuidh Issechel<sup>d</sup> do mhacaibh Mhahli, mhic Lebhi, mhic Israeil, agus Serebiah agus a mhic agus a bhràithrean, ochd fìr dheug.

19 Agus Hasabiah, agus maille ris Iesaiiah do mhacaibh Mherari, a bhràithrean, agus am mic, fichead.

20 Agus do na Netinich a dh'orduich Daibhidh agus na h-uachdairan air son seirbhis nan Lebhi-theach, dà cheud agus fichead Netineach : ghoireadh<sup>e</sup> iad uile air an ainm.

21 An sin ghairm mi trosgadh 'san àite sin aig abhuinn Ahabha, chum gu'n irioslaicheamaid<sup>f</sup> sinn féin am fianuis ar Dé, a dh'iarraidh air slighe cheirt dhuinn féin, agus d'ar cloinn bhig, agus d'ar maoin uile.

22 Oir bu nàir leam buidheann shaighdearan agus marc-shluagh iarraidh air an rìgh, a chuideachadh leinn an aghaidh an nàmhaid air an t-slighe ; a chionn gu'n do labhair sinn ris an rìgh, ag ràdh, Tha làmh ar Dé chum maith orra-san uile, a dh'iarraas e, ach a chumhachd agus 'fhearg nan aghaidh-san uile, a thrèigas e.

23 Uime sin throisg sinn, agus dh'iarr sinn ar Dia air son so, agus dh'éisid e ri'n n-atlchuinge.

24 An sin chuir mi air leth dà fhear dheug dhiubh-san a b'airde do na sagartaibh, Serebiah, Hasabiah, agus deichnear d'am bràithribh maille riu,

25 Agus thomhais mi dhoibh an t-airgid, agus an t-òr, agus na soithichean, tabhartas tighe ar Dé, a thug an rìgh, agus a chomhairlich<sup>h</sup>, agus a dhaoine mòra, agus Israel uile, a bha làthair, seachad.

<sup>b</sup> air Elnatan, agus air Iarib, agus air Elnatan.

<sup>c</sup> chuir mi nam beul na briathra. Eabh.

<sup>d</sup> duine tuigseach.

<sup>e</sup> dh'ainmicheadh.

<sup>f</sup> cràdhamaid.

<sup>g</sup> chothromaich.

<sup>h</sup> chomhairlichean.

<sup>a</sup> cinn. Eabh.

26 Thomhais mi eadhon d'an làimh sè ceud agus leth-cheud tálann airgid, agus do shoithichibh airgid ceud tálann, agus ceud tálann oir;

27 Agus fichead cuach òir do mhìle darcon, agus dà sliotheach do umha buidh maith, luachmhor mar òr.

28 Agus thubhairt mi riu, *Tha sibh-se naomha do'n Tighearna*, agus na soithichean naomha, agus an t-airgid agus an t'òr, na thabhartas saor-thoile do'n Tighearna Dia bhur n-aithriche.

29 Deanaibh faire, agus coimheadaibh, gus an cothromaich sibh iad am fianuis uachdarana nan sagart, agus nan Lebhitheach, agus uachdarana aithrichean Israeil ann an Ierusalem, ann an seomraichibh tìghe an Tighearna.

30 Uime sin ghabh na sagairt agus na Lebhithich cothrom an airgid agus an òir, agus nan soithicheach, chum an tabhairt gu h-Ierusalem a dh'ionnsuidh tìghe ar Dé.

31 Agus dh'imich sinn o abhuinn Ahabha air an dara latha deug do'n cheud mhìos, gu dol do h-Ierusalem; agus bha làmh ar Dé oirnn, agus shaor e sinn o làimh an nàmhaid, agus o'n làimh-san a bha deanamh feall-fholach air an t-slighe.

32 Agus thàinig sinn gu h-Ierusalem, agus dh'fhan sinn an sin trì laithean.

33 Agus air a' cheathramh là thomhaiseadh an t-airgid agus an t'òr, agus na soithichean ann an tigh ar Dé le làimh Mheremoit mhic Urlah an t-sagairt, agus maille ris bha Eleasar mac Phinehais, agus maille riu-san Iosabad mac Iesua, agus No-adiah mac Bhinui, Lebhithich:

34 A réir àireamh agus a réir tomhais nan uile: agus scrìobhadh an tomhas uile 'san àm sin.

35 Thug clann na muinntir a thugadh air falbh, agus a thàinig o'n bhraighdeanas, seachad ìobairtean-loisgte do Dhia Israeil, dà tharbhdheug òg air son Israeil uile, ceithir fichead agus sè reithe deug, trì fichead agus seachd uain dheug, dà bhoc dheug gaibhre, mar ìobairt-pheacaidh: iad uile nan ìobairt-loisgte do'n Tighearna.

36 Agus thug iad seachad orduigh-ean an rìgh do ard riaghlairibh an rìgh, agus do na h-uachdaranaibh air an taobh so do'n abhuinn; agus chuir iadsan an sluagh agus tigh Dhé air an aghaidh.

#### CAIB. IX.

**A**GUS an uair a rinneadh na nithe sin, thàinig na h-uachdarain a m' ionnsuidh, ag ràdh, Cha do'dheal-

aich sluagh Israeil, agus na sagairt, agus na Lebhithich iad féin o shluagh na tíre, a' deanamh a réir an gràineileachda, eadhon nan Canaanach, nan Hiteach, nam Periseach, nan Iebusach, nan Amonach, nam Moabach, nan Eiphiteach, agus nan Amorach.

2 Oir ghabh iad d'an nigheanaibh dhoibh féin agus d'am macaibh, agus mheasg an sliochd naomha iad féin ri sluagh nan tír: agus bha làmh nan uachdaran agus nan riaghlair air thoiseach anns' a chionta so.

3 Agus an uair a chuala mi an nì so, reub mi m'eudach, agus m'fhalluing, agus spìon mi cuid do ghruaig mo chinn agus m'fheusag, agus shuidh mi sìos fo uamhann<sup>a</sup>.

4 An sin chruinnicheadh a m' ionnsuidh iadsan uile, a chriothnaich roimh bhriathraibh Dhé Israeil air son euceirt na muinntir a thugadh air falbh, agus shuidh mi fo uamhann gu ruig an ìobairt-fheasgair.

5 Agus aig an ìobairt-fheasgair dh'éirich mi o'm thuirse, le m'eudach agus m'fhalluing reubta umam, agus leag mi mi féin air mo ghluinibh, agus sgaoil mi mach mo làmhan a dh'ionnsuidh an Tighearna mo Dhé,

6 Agus thubhairt mi, O mo Dhia, tha nàir orm agus rudhadh gruaidh m'aghaidh thogail riut-sa, mo Dhia: oir tha ar n-eucearta air fàs lìonmhor os ar cionn, agus tha ar cionta air éirigh suas gu nìamh.

7 O laithibh ar n-aithriche bha sinn ann an cionta mòr gu ruig an la 'n diugh, agus air son ar n-eucearta thugadh thàiris sinn féin, ar rìghrean, ar sagairt do làimh rìghrean nan tír, do'n chlàidheamh, do dhaorsa, agus do chreachadh, agus do nàire gnùise, mar air an la 'n diugh.

8 Agus a nis car tamuill bhig nochdadh gràs<sup>b</sup> o'n Tighearna ar Dia, a dh'fhàgail duinn fuighill<sup>c</sup>, agus a thabhairt tairnge dhuinn na ionad naomha, chum gu'n soillsicheadh ar Dia ar sùilean, agus gu'n d'thugadh e dhuinn beagan beothachaidh 'nar daorsa:

9 Oir bha sinne nar tràillibh, gídheadh nar daorsa cha do thréig ar Dia sinn, ach fhuair e tròcair dhuinn ann an sùilibh rìghrean Phersia, a thoirt duinn ath-bheothachaidh a chur suas tìghe ar Dé, agus a leasachadh na mhilleadh ann<sup>d</sup>, agus a thoirt duinn ballaidh ann an Iudah agus ann an Ierusalem.

10 Agus a nis, O ar Dia, ciod a

<sup>a</sup> ioghnadh. <sup>b</sup> bàigh. <sup>c</sup> dol as.  
<sup>d</sup> fhàsaichean.

their sinn an déigh so? oir thréig sinn t'aithianta,

11 A dh'áithn thu le d' sheirbisich na fáidhean, ag ràdh, *Tha'n talamh d'am bheil sibh a'dol g'a shealbhachadh*, na thalamh neo-ghlan le neo-ghloine shluagh nan tìr, le'n gràineileachdaibh a lìon e o cheann gu ceann, le'n salchar.

12 A nis ma ta na d'thugaibh bhur nigheana d'am macaibh, agus an nigheana-san na gabhaibh do bhur macaibh-sa, agus na h-iarraibh an sìth, no an saibhreas gu bràth; chum gu'm bi sibh làidir, agus gu'n ith sibh maith an fhearainn, agus gu'm fàg sibh e na oighreachd do'r cloinn gu bràth.

13 Ach an déigh gach ni a thàinig oirnn air son ar droch oibre, agus air son ar ciontaidh mhòir, o nach d'rinn thusa ar Dia peanas oirnn a réir ar droch thoillteanais, agus gu'n d'thug thu dhuinn a leithid so do shaorsa;

14 Nam brisearnaid a rìs t'áith-eanta, agus nan deanamaid cleamhnas ri sluagh nan gràineileachd sin, nach biodh fearg ort ruinn gus an cuireadh tu as duinn, air chor as nach biodh fuigheall no dol as ann?

15 A Thighearna Dhé Israeil, is ceart thusa, oir tha sinn a làthair a thàinig as<sup>b</sup>, mar air an la'n diugh. Feuch, *tha* sinn a't' fhianuis nar peacannaibh: oir cha'n urrainn sinn seasamh a't' fhianuis air son so.

## CAIB. X.

**A**NIS an uair a rinn Esra urnuigh agus a dh'aidich e, a' gul, agus ga thilgeadh féin sìos fa chomhair tighe Dhé, chruinnich d'a ionnsuidh a h-Israel coimhchrinneachadh ro mhòr do fhearainh, agus do mhnaibh agus do chloinn; oir ghuil an sluagh gu mòr.

2 Agus labhair<sup>d</sup> Sechaniah mac Iehieil, aon do mhacaibh Elaim, agus thubhairt e ri h-Esra, Pheacaich sinn an aghaidh ar Dé, agus ghabh sinn d'ar n-ionnsuidh mnà choimheach<sup>e</sup> do shluagh na tìre: ach a nis tha dòchas aig Israel a thaobh an ni so.

3 A nis uime sin deanamaid coimheachgal ri'r Dia, na mnà uile a chur uainn, agus iadsan a rugadh leo, a réir comhairle mo thighearna, agus na muinntir a chrìothnuicheas ri àithne ar Dé, agus deanar a réir an lagha.

<sup>a</sup> gu'n do chaomhain thu sinn *thar* mar a thoill ar peacanna. <sup>b</sup> *tha* fuigheall a làthair dhinn. <sup>c</sup> *le* gul mòr. Eabh. <sup>d</sup> fhreagair. <sup>e</sup> choigreach.

4 Eirich; oir dhuitse buinibh an ni so, agus bithidh sinne maille riut: gabh misneach, agus dean.

5 Agus dh'éirich Esra, agus thug e air na h-ard-shagartaibh, na Lebhithich, agus Israel uile mionnachadh, gu'n deanadh iad a réir an fhocail so; agus mhionnaich iad.

6 An sin dh'éirich Esra o làthair tighe Dhé, agus chaidh e do sheòmar Iohanain, mhic Eliasib: agus an uair a thàinig e 'n sin, cha d'ith e aran, agus cha d'òl e uisge; oir rinn e bròn air son ciontaidh na muinntir, a thugadh air falbh.

7 Agus thug iad gairm air feadh Iudah agus Ierusalem, do uile chloinn a' bhraighdeanais, iad a chruinneachadh ri chéile gu h-Ierusalem;

8 Agus ge b'e neach nach d'thigeadh an cionn thri laithean, a réir comhairle nan uachdaran agus nan seanair, gu'n d'thugta uaithe<sup>f</sup> a mhaoin uile, agus gu'm biodh e féin air a dhealachadh o choimhchrinneachadh na muinntir, a thugadh air falbh.

9 Agus chruinnichadh fir Iudah agus Bheniamin uile gu h-Ierusalem an cionn thri laithean: bha e anns an naothadh mìos, air an fhicheadadh la do'n mhìos: agus shuidh an sluagh uile ann an sràid tighe Dhé, air chrith air son an ni so, agus air son an uisge mhòir.

10 Agus dh'éirich Esra an sagart, agus thubhairt e riu, Pheacaich sibh, agus ghabh sibh dhuibh féin mnà choimheach a mheudachadh peacaidh Israeil.

11 A nis ma ta deanaibh aidmheil<sup>g</sup> do'n Tighearna Dia bhur n-aithriche, agus coimhlionaibh a thoil; agus dealaichibh sibh féin o shluagh na tìre, agus o na mnaibh coimheach.

12 Agus fhreagair an coimhthional uile, agus thubhairt iad le guth ard, Mar sin, a réir t'fhocail, *tha e ceangailte* oirnn a dheanamh.

13 Ach *tha'n* sluagh lìonmhor, agus is àm mòr uisge e, agus cha'n urrainn sinn seasamh a muigh, agus cha'n obair aon latha, no dà latha so, oir tha sinn lìonmhor a pheacaich anns an ni so.

14 Seasadh a nis ar n-uachdaran do'n choimhthional uile, agus aig àmannaibh suidhichte thigeadh iadsan uile nar bailtibh a ghabh dhoibh féin mnà choimheach, agus maille riu seannairean gach baile, agus a bhreitheamhna, gus an tionndaidhear fearg laiste ar Dé ainn a thaobh an ni so.

<sup>f</sup> gu'n cailleadh e. <sup>g</sup> thugaibh glòir.

15 Sheas a mhaìin Ionatan mac A-saheil, agus Iahasiah mac Thicbhah air son so: agus chuidich Mesulam agus Sabetai an Lebhitheach leo.

16 Agus rinn clann a' bhraighdeanais mar sin: agus dhealaicheadh Esra an sagart, agus cinn àraidh nan aithriche a réir tighe an aithriche, agus iad uile a réir an ainmean, agus shuidh iad sìos air a' cheud là do'n deicheadh mìos a rannsachadh na cùise.

17 Agus chrìochnaich iad a thaobh nan daoine uile, a ghabh dhoibh féin mnàì choimheach, air a' cheud là do'n cheud mhìos.

18 Agus am measg mhac' nan sagart fhuaradh a ghabh dhoibh féin mnàì choimheach: Do mhacaibh Iesua, mhic Iosadaic, agus a bhràithrean; Maaseiah, agus Elieser, agus Iarib, agus Gedaliah.

19 Agus thug iad an làmhha gu'n cuireadh iad uatha am mnàì: agus air dhoibh bli ciontach, thug iad reithe do'n treud air son an ciontaidh.

20 Agus do mhacaibh Imeir; Hanani, agus Sebadiah.

21 Agus do mhacaibh Harim; Maaseiah, agus Eliah, agus Semaiah, agus Iehiel, agus Udsiah.

22 Agus do mhacaibh Phasuir; Elioenai, Maaseiah, Ismael, Neta-neel, Iosabad, agus Elasaì.

23 Agus do na Lebhithich; Iosabad, agus Simeì, agus Celaiah, (is e sin Celita,) Petahiah, Iudah, agus Elieser.

24 Agus do'n luchd-scinn; Eliasib; agus do na dorsairibh; Salum, agus Telem, agus Uri.

25 Agus do Israel: Do mhacaibh Phareis; Ramaiah, agus Iesiah, agus Malchiah, agus Miamin, agus Eliaser, agus Malchiah, agus Benaiah.

26 Agus do mhacaibh Elaim; Mataniah, Sechariah, agus Iehiel, agus Abdi, agus Ierimot, agus Eliah.

27 Agus do mhacaibh Shiatu; Elioenai, Eliasib, Mataniah, agus Ieremot, agus Sabad, agus Asisa.

28 Agus do mhacaibh Bhebai; Iehohanan, Hananiah, Sabai, agus Atlai.

29 Agus do mhacaibh Bhani; Mesulam, Maluch, agus Adaiah, Iasub, agus Seal, agus Ramot.

30 Agus do mhacaibh Phahat-mhoab; Adna, agus Chelal, Benaiah, Maaseiah, Metaniah, Besa-leel, agus Binui, agus Manaseh.

31 Agus do mhacaibh Harim; Elieser, Isiah, Malchiah, Semaiah, Simeon,

32 Benjamin, Maluch, agus Sema-riah.

33 Do mhacaibh Hasuim; Matenai, Matatah, Sabad, Eliphelet, Ieremai, Manaseh, agus Simeì.

34 Do mhacaibh Bhani; Maadai, Amram, agus Uel,

35 Benaiah, Bedaiah, Cheluh,

36 Bhaniah, Meremot, Eliasib,

37 Mataniah, Matenai, agus Iasasui,

38 Agus Bani, agus Binui, Simeì,

39 Agus Selemiah, agus Natan, agus Adaiah,

40 Machnadebai, Sasai, Sarai,

41 Asarcel, agus Selemiah, Sema-riah.

42 Salum, Amariah, agus Ioseph.

43 Do mhacaibh Nebo; Ieiel, Matitiah, Sabad, Sebina, Iadau, agus Ieol, Benaiah.

44 Ghabh iad sin uile dhoibh féin mnàì choimheach: agus aig cuid diubh bha mnàì ris an robh clann aca.



## NEHEMIAH.

## CAIB. I.

**B**RATHRA Nehemiah mhic Hachaliah<sup>a</sup>. Agus tharladh anns a' mhìos Chisleu, anns an fhicheadamh bliadhna, nuair a bha mi ann an Susan an lùchairt,

2 Gu'n d'fhàinig Hanani, aon do m' bhràithribh, e fèin agus daoine do Iudah, agus dh'fèdraich mi dhiubh a thaobh nan Iudhach a chaidh as, a dh'fhàgadh do'n bhraighdeanas, agus mu thimchioll Ierusalem.

3 Agus thubhairt iad rium, *Tha 'm fuigheall a dh'fhàgadh do'n bhraighdeanas an sin anns a' mhòr-roinn*, ann an àmhghar mòr agus ann am mì-chliu<sup>b</sup>; agus bhriseadh balladh Ierusalem sìos, agus loisgeadh a geatacha le teine.

4 Agus an uair a chuala mi na briathra so, shuidh mi sìos, agus ghuil mi, agus rinn mi bròn laithean *àraidh*, agus throisg mi, agus rinn mi urnuigh am fianuis Dhé nan nèamh.

5 Agus thubhairt mi, Guidheam ort, a Thighearna, Dhé nan nèamh; an Dia mòr agus uamhasach, a ghleidheas coimhcheangal agus tròcair dhoibhsan a ghràdhachas e, agus a choimheadas àitheanta;

6 Biodh do chluas a nis furachar, agus do shùilean fosgailte, chum as gu'n éisd thu ri h-urnuigh t-òglach, a *tha* mi a' deanamh a't' fhianuis a nis, a là agus a dh'oidhche, air son chloinn Israeil t-òglacha: agus *tha mi* 'g aideachadh pheacanna chloinn Israeil, a pheacaich sinn a't' aghaidh: pheacaich araon mise agus tigh m'athar.

7 Rinn sinn gu ro-thruaillidh a'd' thaobh-sa, agus cha do ghléidh sinn na h-àitheanta, no na reachda, no na breitheanais, a dh'àithn thu do t'òglach Maois.

8 Cuimhnich, guidheam ort, am focal a dh'àithn thu do t'òglach Maois, ag ràdh, *Ma* pheacaicheas sibh, sgapaidh mise sibh am measg nan cinneach.

9 Ach *ma* philleas sibh a m'ionnsuidh, agus gu'n coimhid sibh m'àitheantan, agus gu'n dean sibh iad, ge do robh iad dhiubh air an tilgeadh a mach do'n chuid as iomallaiche do nèamh, cruinnichidh mi as sin iad, agus bheir mi iad do'n

àit a thagh mi, a chur m'ainme an sin.

10 A nis is iad so do sheirbhisich agus do shluagh, a shaor thu le d' mhòr chumhachd, agus le d' làimh thréin.

11 A Thighearna, guidheam ort, biodh do chluas a nis furachar ri h-urnuigh do sheirbhisich, agus ri h-urnuigh t'òglacha, le'm miann eagail t'ainme bhi orra: agus soirbhich, guidheam ort, le d' sheirbhiseach an diugh, agus thoir dha tròcair ann an sealladh an duine so. A nis bha mise a'm' ghille-cupain aig an righ.

## CAIB. II.

**A**GUS tharladh ann am mìos Nisain, anns an fhicheadamh bliadhna do Artacserces an righ, *gu'n robh* fìon roimhe; agus ghabh mi am fìon, agus thug mi e do'n righ. Agus cha robh mise *roimhe sin* dubhach na fhianuis<sup>c</sup>.

2 Uime sin thubhairt an righ rium, C'ar son a tha do ghnùis dubhach<sup>d</sup>, agus gunn thu bhi tinn? cha ni eile so ach cràdh cridhe. Agus bha eagail mòr orm;

3 Agus thubhairt mi ris an righ, Gu maireadh an righ gu bràth: C'ar son nach biodh mo ghnùis dubhach, an uair a tha 'm baile, àit-adhlacaidh m'aithriche, air 'fhàsachadh, agus a gheatachan air an caitheadh le teine?

4 Agus thubhairt an righ rium, Ciod e so a *tha* thu ag iarraidh? Agus rinn mi urnuigh ri Dia nan nèamh:

5 Agus thubhairt mi ris an righ, Ma's maith leis an righ, agus ma gheibh do sheirbhiseach deagh-ghean a't'fhianais, gu'n cuireadh tu mi dh'ionnsuidh Iudah, gu baile àit-adhlacaidh m'aithriche, agus gu'n tog mi e.

6 Agus thubhairt an righ rium, agus a' bhan-righinn na suidhe làimh ris, Cia fad an ùine bhios tu air do thurus; agus c'uin a philleas tu? Agus bu toil leis an righ mo chur air falbh, agus shuidhich mi am ris.

7 Agus thubhairt mi ris an righ, Ma's toil leis an righ, thugar litrichean dhomh a dh'ionnsuidh nan uachdaran air an taobh thall do'n

<sup>c</sup> cha bu ghnàth leam-sa bhi dubhach na fhianuis; cha robh mi olc na fhianuis. Eabh. <sup>d</sup> olc. Eabh.

<sup>a</sup> Hilciah.<sup>b</sup> fo thasart.

abhuinn, chum gu'n cuir iad thairis mi gus an d'thig mi gu Iudah;

8 Agus litir gu Asaph fear-gleidhidh frithe an rìgh, chum gu'n d'thoir e dhomh fiodh a dheanamh sailthean air son gheatachan na lùch-airt a *bhuineas* do'n tigh, agus airson ballaidh a' bhaile, agus air son an tighe d'an d'théid mi. Agus thug an rìgh dhomh, a réir làimhe mhaith mo Dhé orm.

9 Agus thàinig mi dh'ionnsuidh nan uachdaran air an taobh eile do'n abhuinn, agus thug mi dhoibh litrichean an rìgh. A nis chuir an rìgh maille rium ceannardan do'n armailt agus marc-shluagh.

10 An uair a chuala Sanbalat an t-Horonach, agus Tobiah an seirbhiseach an t-Amonach e, chuir e doilgheas mòr orra gu'n d'thàinig duine a dh'iarraidh leas chloinn Israeil.

11 Agus thàinig mi gu h-Ierusalem, agus bha mi 'n sin tri laithean.

12 Agus dh'éirich mi 'san oidhche, mi féin agus beagan dhaoine maille rium: ach cha d'innis mi do dhuine ciod a chuir mo Dhia ann'am chridhe a dheanamh ann an Ierusalem: agus cha robh ainmhidh maille rium, ach an t-ainmhidh air an do mharcaich mi.

13 Agus chaidh mi mach 'san oidhche air geatadh a' ghlinne, agus fa chomhair tobair an dragoin, agus gu geatadh an aolaich, agus ghabh mi sealladh do bhallachaibh Ierusalem, a bha air am briseadh sìos, agus d'a geatachaibh a bha air an caith-eadh le teine.

14 Agus chaidh mi air m'aghaidh gu geatadh an tobair, agus gu lochan an rìgh: ach cha robh àit ann do'n ainmhidh a bha fodham gu dol thairis.

15 An sin chaidh mi suas 'san oidhche làimh ris an t-sruth, agus ghabh mi sealladh do'n bhalladh, agus thionndaidh mi air m'ais, agus chaidh mi steach air geatadh a' ghlinne, agus phill mi.

16 Agus cha robh fios aig na riaghlairibh c'àit an deachaidh mi, no ciod a 'un mi, agus cha d'innis mi e do na h-ludhachaibh, no do na sagartaibh, no do na h-ard uaislibh, no do na riaghlairibh, no do'n chuid eile a rinn an obair.

17 Agus thubhairt mi riu, *Tha sibh a' faicinn a' chruaidhchais anns an bheil sinn*, mar a ta Ierusalem air a fàsachadh, agus a geatachan air an losgadh le teine: thigibh agus togamaid balladh Ierusalem, chum a' nach bi sinn ni's mò nar masladh.

18 Agus dh'innis mi dhoibh a thaobh làimhe mo Dhé, a bha maith orm, agus mar an ceudna briathran

an rìgh a labhair e rium. 'Agus thubhairt iad, Earamaid agus togamaid. Agus neartaich iad an làmh-an chum maith.

19 Ach an uair a chuala Sanbalat an t-Horonach, agus Tobiah an seirbhiseach an t-Amonach, agus Gesem an t-Arabach e, rinn iad gaire fanoid oirnn, agus rinn iad tàir oirnn, agus thubhairt iad, Ciod an ni so a *tha* sibh a' deanamh? an dean sibh ceannairc an aghaidh an rìgh?

20 An sin fhreagair mi iad, agus thubhairt mi riu, Dia nan nèamh, soirbhichidh esan leinn: a chionn gur sinne a sheirbhisich, éiridh sinn agus togaidh sinn: ach agaibhse cha 'n'eil cuibhrionn, no còir, no cuimhneachan ann an Ierusalem.

### CAIB. III.

**A** GUS dh'éirich Eliasib an t-ard shagart maille r'a bhràithribh na sagairt, agus thog iad geatadh nan caorach: naomhaich iad e, agus chuir iad suas a chomhlachan: eadhon gu ruig tùr Mheah naomhaich iad e, agus gu ruig tùr Hananeil.

2 Agus làimh ris-san thog fir Iericho: agus làimh riu-san a thog Saccur mac Imri.

3 Ach geatadh an éisg thog mic Hasenaah: leag iad a shailthean, agus chuir iad suas a chomhlachan, a ghlasan, agus a chroinn.

4 Agus làimh riu-san leasaich <sup>b</sup> Meremot mac Uriah, mhic Chois: agus làimh ris-san <sup>c</sup> leasaich Mesulam mac Bherechia, mhic Mhesesabeil: agus làimh riu-san leasaich Sadoc mac Bhaanah.

5 Agus làimh riu-san leasaich na Tecoaich: ach cha do chuir an ard uaislean am muineal ri seirbhis an Tighearna.

6 Agus an seann gheatadh leasaich Iehoiada mac Phaseah, agus Mesulam mac Bhesodeiah: leag iad a shailthean, agus chuir iad suas a chomhlachan, agus a ghlasan, agus a chroinn.

7 Agus làimh riu-san leasaich Melatiah an Gibeonach, agus Iadon am Meronotach, fir Ghibeoin agus Mhispah, gu ruig rìgh-chathair an uachdairin air an taobh so do'n abhuinn.

8 Làimh ris-san leasaich Udsiel mac Harhaiah, do na h-òr-cheardaibh: agus làimh ris-san leasaich Hananiah, mac aoin do na léighibh, agus neartaich iad Ierusalem gu ruig am balladh leathann.

9 Agus làimh riu-san leasaich Rephaiah mac Huir, riaghlair leth-roinne <sup>d</sup> Ierusalem.

<sup>a</sup> ris-san.

<sup>b</sup> chàirich.

<sup>c</sup> riu-san.

<sup>d</sup> tìre.

10 Agus làimh ris-san<sup>a</sup> leasaich Iedaiah mac Harumaiph, eadhon fa chomhair a thighe : agus làimh ris-san leasaich Hatus mac Hasabniah.

11 An t-ath-thomhas leasaich Malchiah mac Harim, agus Hasub mac Phahat-mhoab, agus tùr nan àmhuinn.

12 Agus làimh ris-san leasaich Salum mac Haloheis, riaghlair leth-roinne Ierusalem, e féin agus a nigheana.

13 Geatadh a' ghlinne leasaich Hanun, agus luchd-àiteachaidh Shanoah : thog iad e, agus chuir iad suas a chomhlachan, a ghlasan, agus a chroinn, agus mìle làmh-chioille do'n bhalladh, gu ruig geatadh an aolaich.

14 Ach geatadh an aolaich leasaich Malchiah mac Rechaib, riaghlair roinne Bhet-hacereim : thog se e, agus chuir e suas a chomhlachan, a ghlasan, agus a chroinn.

15 Ach geatadh an tobair leasaich Salum mac Chol-hoseh, riaghlair roinne Mhispah : thog se e, agus chuir e dìon air, agus chuir e suas a chomhlachan, a ghlasan, agus a chroinn, agus balladh lochain Shiloah làimh ri lios an rìgh, agus gu ruig na ceuman a' dol sìos o bhaile Dhaibhidh.

16 Na dhéigh-san leasaich Nehemiah mac Asbuic, riaghlair leth-roinne Bhet-suir, gu ruig fa chomhair àitean-adhlacaidh Dhaibhidh, agus gu ruig an lochan a riuneadh, agus gu ruig Bet-agbarim<sup>b</sup>.

17 Na dhéigh-san leasaich na Lebhithich, Rehum mac Bhani : làimh ris-san leasaich Hasabiah, riaghlair leth-roinne Cheilah, na roinn féin.

18 Na dhéigh-san leasaich am bràithrean, Babhai mac Henadaid, riaghlair leth-roinne Cheilah.

19 Agus làimh ris-san leasaich Eser mac Iesua, riaghlair Mhispah, an t-ath-thomhas fa chomhair an dol suas do'n arm-thigh aig an tionndadh.

20 Na dhéigh-san leasaich<sup>c</sup> Baruch mac Shabai an t-ath-thomhas, o'n tionndadh gu ruig dorus tighe Eliasib an ard-shagairt.

21 Na dhéigh-san leasaich Meremot mac Uriah, mhic Acois<sup>d</sup>, an t-ath-thomhas, o dhorus tighe Eliasib gu ruig ceannu tighe Eliasib.

22 Agus na dhéigh-san leasaich na sagairt, daoine a' chòmhnaird.

23 Nan déigh-san<sup>e</sup> leasaich Beniamin, agus Hasub, fa chomhair an tighe : na dhéigh-san leasaich Asa-

riah mac Mhaaseiah, mhic Ananiah, làimh<sup>f</sup> a thighl.

24 Na dhéigh-san leasaich Binui, mac Henadaid, an t-ath-thomhas, o thigh Asariah gu ruig an tionndadh, agus gu ruig an oisinn.

25 Palal mac Udsai, fa chomhair an tionndaidh, agus an tùr a tha dol a mach o thigh ard an rìgh, a bha làimh ri cùirt a' phrìosuinn : na dhéigh-san Pedaiah mac Pharóis.

26 Mar an ceudna na Netinich a bha chòmhnuidh ann an Ophel, gu ruig fa chomhair geataidh an uisge a làimh na h-airde<sup>g</sup> i ear, agus an tùr a tha dol a mach.

27 Nan dhéigh-san leasaich na Tecoach an t-ath-thomhas, fa chomhair an tùir mhòir a tha dol a mach, gu ruig balladh Opheil.

28 O thaobli shuas geataidh nan each leasaich na sagairt, gach aon fa chomhair a thighe.

29 Nan déigh-san<sup>f</sup> leasaich Sadoe mac Imeir, fa chomhair a thighe : agus na dhéigh-san leasaich Semaiah, mac Shechaniah, fear gleidhidh an doruis an ear.

30 Na dhéigh-san leasaich Haniah, mac Shelemiah, agus Hanun, seathadh mac Shalaiph, an t-ath-thomhas : na dhéigh-san leasaich Mesulam mac Bherechiah, fa chomhair a sheòmair féin.

31 Na dhéigh-san leasaich Malchiah, mac an òr-cheird, gu àit nan Netineach, agus nan ceannaiche, fa chomhair geataidh Mhiphcaid, agus gu dol suas na h-oisinne.

32 Agus o<sup>g</sup> dhol suas na h-oisinne gu geatadh nan caorach leasaich na h-òr-cheird agus na ceannaichean.

## CAIB. IV.

**A** GUS an uair a chuala Sanbalat gu'n robh sinn a' togail a' bhallaidh, bha fearg air, agus bha e ann an corruich ro mhòir, agus rinn e fanoid air na h-Iudhachaibh.

2 Agus labhair e<sup>h</sup> m fianuis a bhràithrean agus armailte Shamar, agus thubhairt e, Ciod a ni na h-Iudhaich annhunn<sup>h</sup> so ? an daingnich siad iad féin ? an ìobair iad ? an crìochnaich iad ann an làtha ? an tog iad suas a ris<sup>i</sup> na clachan as na dùnaibh luaithe a chaidh losgadh ?

3 Agus bha Tobiah an t-Amonach làimh ris, agus thubhairt e, Eadhon an ni a tha iad a' togail, ma théid sìonnach suas, brisidh e sìos am balladh cloiche.

4 Eisd, O ar Dia, oir tha tàir air

<sup>a</sup> riu-san. <sup>b</sup> tigh nan gaisgeach.  
<sup>c</sup> leasaich gu dìchollach, <sup>d</sup> Chois,  
<sup>e</sup> Na dhéigh-san,

<sup>f</sup> Na dhéigh-san. <sup>g</sup> eadar. Eabh.  
<sup>h</sup> an leig iad leo ? <sup>i</sup> an ath-  
bheothaich iad.

a dheanamh oirnn, agus tionndaidh am masladh air an ceann féin, agus tabhair iad nan cobhartach ann an tìr a' bhraighdeanais :

5 Agus na còmhdaich an euceart, agus na dubhara mach am peacadh<sup>a</sup> as t'fhianuis; oir bhrosnuich iad *thu* gu feirg an làthair an luchd-to-gail.

6 Agus thog sinn am balladh, agus cheangladh am balladh uile ri chèile gu ruig a leth: oir bha toil aig an t-sluagh obair a dheanamh.

7 Ach an uair a chuala Sanbalat agus Tobiah, agus na h-Arabaich, agus na h-Amonaich, agus na h-As-dodaich, gu'n robh uile bhallacha Ierusalem 'gan cur suas, gu'n do thòisich na bearnan ri bhì air an dùnadh, an sin bha fearg mhòr orra.

8 Agus chuir iad uile an comhairle ri chèile iad a theachd a chogadh an aghaidh Ierusalem, agus g'a bhacadh.

9 Ach rinn sinne urnuigh r'ar Dia, agus shuidhich sinn freiceadan nan aghaidh a là agus a dh'oidliche fa'n comhair.

10 Agus thubhairt Iudah, Tha neart luchd-ìomchair nan eallach air fàilingeadh, agus mòran luaithre ann, air chor as nach urradh sinn am balladh a thogail.

11 Agus thubhairt ar naimhdean, Cha bhì fios aca, agus cha 'n fhaic iad, gus an d'thig sinn a stigh nam meadhon, agus gu marbh sinn iad, agus gu'n cuir sinn stad air an obair.

12 Agus an uair a thàinig na h-Iudhaich a bhla chòmhnuidh làimh riu, thubhairt iad ruinn deich uairean, As gach àit o'm pill sibh d'ar n-ionnsuidh-ne, *bithidh iad oirbh*<sup>b</sup>.

13 Uime sin shuidhich mi anns na h-àitibh a b'isle air chlaobh a bhallaidh, agus air na h-àitibh a b'airde, shuidhich mi eadhon an sluagh a réir an teaghlachan le'n cloidhibh, le'n sleaghannaibh, agus le'm boghannaibh.

14 Agus dh'amhairc, agus dh'éirich mi, agus thubhairt mi ris na h-ard uaislibh, agus ris na riaghlairibh, agus ris a' chuid eile do'n t-sluagh, Na biodh eagail oirbh rompa: cuimhnichibh an Tighearna mòr agus uamhasach, agus cogaibh<sup>c</sup> air son bhur bràithre, bhur mac, agus bhur nigheana, bhur ban, agus bhur tighean.

15 Ach an uair a chual ar naimhdean gu'n d'fhuair sinn fios air, agus a thug Dia an comhairle gu neo-ni, phill sinn uile dh'ionnsuidh a' bhall-

aith, gach aon a dh'ionnsuidh 'oibre féin.

16 Agus o'n àm sin a mach dh'oibrich leth m'òglach-sa anns an obair, agus chum an leth eile dhiubh na sleaghanna, na sgiathan, agus na boghanna, agus na lùirichean; agus bha na riaghlairian air cùlaobh uile thighe Iudah.

17 Dh'oibrich iadsan a thog air a' bhalladh, agus iadsan a ghiùlain eallacha, maille riu-san a luchdaich, gach aon le aon làimh anns an obair, agus leis an làimhe eile chum egath<sup>d</sup>.

18 Agus bha aig gach aon do'n luchd-togail a chlàidheamh crios-raichte air a léis, an uair a thog iad: agus bha esan a shéid an trompaid làimh rium-sa.

19 Agus thubhairt mi ris na h-ard uaislibh, agus ris na riaghlairibh, agus ris a' chuid eile do'n t-sluagh, Tha'n obair mòr agus farsaing<sup>e</sup>, agus tha sinn air a dealachadh air a' bhalladh gach aon fada o chèile.

20 Ge b'e àit anns an cluinn sibh fuaime na trompaide, cruinnichibh an sin d'ar n-ionnsuidh-ne: co-gaidh ar Dia air ar son.

21 Agus shaothraich sinn anns an obair: agus chum leth dhiubh na sleaghanna o éirigh na maidne gus am facas<sup>f</sup> na rionnagan.

22 Mar an ceudna 'san àm sin thubhairt mi ris an t-sluagh, Fanadh gach aon maille r'a òglach ann an Ierusalem, chum gu'm b'i iad nam freiceadan dhuinn<sup>g</sup> san oidhche, agus 'san là nan oibrichibh.

23 Agus cha do chuir mise, no mo bhràithrean, no m'òglach, no fir an fhreiceadain a lean mi, dhinn ar n-eudach; ach a mhàin gu'n do chuir gach duine dhieth e air son 'ionnlaidg.

#### CAIB. V.

AGUS bha gair mhòr aig an t-sluagh, agus aig am mnaibh, an aghaidh am bràithre nan Iudhach.

2 Agus bha ann a thubhairt, Le ar mic agus ar nigheana tha sinne lìonmhor; agus gabhaidh sinn sìol air an son, agus gu'n ith sinn agus gu'm bi sinn beo.

3 Agus bha ann a thubhairt, Ar fearann, agus ar fìon-liosan, agus ar tighean bheir sinn an geall, chum gu'm faigh sinn sìol anns a' ghorta.

4 Agus bha ann a thubhairt, Ghabh sinn airgid an coingheall air son clse an rìgh air ar fearann agus ar fìon-liosaibh.

5 Agus a nis mar fheoil ar bràithre tha ar feoil-ne, mar am mic-san ar mic-ne; ach feuch, tha sinn a'

<sup>a</sup> peacanna. <sup>b</sup> O gach uile àit d'an tionndaidh sibh, bithidh iad oirnn. <sup>c</sup> còmhraigibh.

<sup>d</sup> ball-tilgidh. <sup>e</sup> sgaoilteach. <sup>f</sup> an d'éirich. <sup>g</sup> aig gach duine bha a ghath agus uisge.



toirt thairis ar mac agus air nigheana gu bhì nan tràillibh, agus tha cuid d'ar nigheanaibh air an toirt thairis a cheana, agus gun chomas againn am fuasgladh, an uair a ta ar fear-ann agus ar fion-liosan aig daoinibh eile.

6 Agus bha fearg mhòr orm an uair a chuala mi an gàir, agus na briathra sin.

7 Agus chuir mi mo chomhairle ri m' chridhe fein, agus chronaich mi na h-ard uaislean, agus na riaghlair, agus thubhairt mi riu, Tha gach aon agaibh a' togail aindlighe a o a bhràthair. Agus chuir mi coimhchrinneachadh mòr nan a-ghaidh.

8 Agus thubhairt mi riu, Shaor sinne a réir ar comais ar bràithre na h-Iudhaich a reiceadh ris na cinnich, agus an reic sibhse mar an ceudna bliur bràithre, agus an reic gear iad ruinn féin? Agus bha iad nan tosd, agus cha d'fhuair iad ni air bith ri ràdh.

9 Mar an ceudna thubhairt mi, Cha mhaith an ni a tha sibh a' dean-  
amh: nach buineadh dhuibh gluas-  
ad ann an eagal ar Dé, air son  
maslaidh nan cinneach ar naimhde?

10 Dh'fheudainn-se cuideachd, mo bhràithre, agus m'òglaich, airgid agus siol a thogail uatha. Leigeam-aid dhinn, guidheam oirbh, an t-ain-  
dlighe sob.

11 Aisigibh dhoibh, guidheam oirbh, mar air an latha 'n diugh, am fearann, am fion-liosan, an liosan-olaidh, agus an tighlean; mar an ceudna cuid do'n airgid, agus do'n t-siol, d'on fhion agus do'n oladh, a tha sibh a' togail uatha.

12 Agus thubhairt iadsan, Aisigidh sinn, agus cha'n iarr sinn uatha: mar sin ni sinn mar a ta thu 'g ràdh. An sin ghairm mi na sagairt, agus ghabh mi mionnan diùbh gu'n deanadh iad a réir a' gheallaidh so:

13 Mar an ceudna chrath mi m'uchd, agus thubhairt mi, Mar so crathadh Dia gach duine nach coimhlion an gealladh so, a mach as aithg, agus as 'obair, eadhon mar so crathar a mach agus falmhaich-ear e. Agus thubhairt an coimh-thional uile, Amen, agus mhol iad an Tighearn. Agus rinn an sluagh a réir a' gheallaidh so.

14 Os-bàrr, o'n là air an d'thugadh ordugh dhomh mi bhì m' uachdaran orra ann an tìr Iudah, o'n fhichead-amh bliadhna, eadhon gus an dara bliadhna deug thar fhichead da Ar-

tacserces an rìgh, dà bhliadhna dheug, cha d'ith mise, no mo bhràithrean, aran an uachdaran.

15 Ach bha na ceud uachdaran a bha romham trom air an t-sluagh, agus ghabh iad uatha aran agus fion, a thuilleadh air dà fhichead secel<sup>d</sup> airgid; rinn eadhon an òglaich ain-tighearnas air an t-sluagh: ach cha d'rinn mise mar sin air eagal Dé.

16 Agus mar an ceudna ann an obair a' bhallaidh so bhunaich mi, agus cha do cheannaich sinn fear-ann, agus chruinnicheadh m'òglaich uile an sin a dh'ionnsuidh na h-oibre.

17 Agus bha aig mo bhord ceud gu leth Iudhach agus riaghlair, a bhàrr orra-san a thàinig d'ar n-ionn-suidh o na cinnich, a ta mu'n cuairt oirnn.

18 Agus so na dheasaicheadh air son gach latha, aon damh, sè caor-  
aich thaghta; mar an ceudna dheas-  
aicheadh eoin dhomh, agus aon uair  
anns na deich laithibh pailteas do  
gach gnè<sup>e</sup> fiona: gidheadh air son  
so cha d'iarr mi aran an uachdaran,  
a chionn gu'n robh an daorsa trom  
air an t-sluagh so.

19 Chìmhnich orm-sa, mo Dhia,  
chum maith, a thaobh gach ni a rinn  
mi air son an t-sluaigh so.

CAIB. VI.

**A**NIS an uair a chuala Sanbalat, agus Tobiah, agus Gesem an t-Arabach, agus a' chuid eile d'ar naimhdeibh gu'n do thog mi an balladh, agus nach d'fhàgadh bris-eadh ann, (ge d' nach do chuir mi suas 'san àm sin comhlachan air na geataibh,)

2 Chuir Sanbalat agus Gesem teachdairean a m' ionnsuidh, ag ràdh, Thig, agus coinneicèamaid a chéile ann an Chephirim; ann an còmh-nard Ono: ach smuainich iadsan air olc a dheanamh orm.

3 Agus chuir mi teachdairean d'an ionnsuidh, ag ràdh, Tha mi a' dean-amh oibre mòire, agus cha'n ur-rainn mi dol sìos: c'ar son a sguir-eadh an obair, an uair a dh'fhàg-ainn-se i, agus a rachainn sìos do'r n-ionnsuidh?

4 Gidheadh chuir iad teachdairean a m' ionnsuidh air an dòigh so ceithir uairean; agus fhreagair mi iad air an dòigh cheudna.

5 An sin chuir Sanbalat a m' ionn-suidh air an dòigh so an cùgeadh uair 'òglach féin, agus litir fhos-gailte na laimh,

<sup>d</sup> ghabh iad air son arain agus fiona o gach aon dà fhichead secel.

<sup>e</sup> seòrta.

<sup>f</sup> ann an aon do

na baltibh beaga.

<sup>a</sup> oair.

<sup>b</sup> an eallach so

chur orra. <sup>c</sup> mar an ceudna an ceudamh cuid do'n airgid.

6 Anns an robh scrìobhta; Am measg nan cinneach tha e air 'aithris, agus tha Gesem<sup>a</sup> ag ràdh, *gu bheil* thusa agus na h-Iudhaich a' smuaineachadh air ceannarc a' dheanamh: uime sin *tha* thu a' togail a' bhallaigh, a chum gu'm bi thu a'd' rìgh orra a réir nam briathair so.

7 Agus mar an ceudna dh'orduich thu fàidhear a ghairm mu d' thimchioll ann an Ierusalem, ag ràdh, *Is* rìgh e ann an Iudah: agus a nis aithrisear do'n rìgh a réir nam briathair so. A nis ma ta thig, agus cuirreamaid ar comhairle ri chéile.

8 An sin chuir mi *fios* d'a ionnsuidh, ag ràdh, Cha d'rinneadh nithe sam bith mar a ta thu 'g ràdh, ach is ann as do chridhe féin a *tha* thu 'gan dealbh.

9 Oir *bha* iad uile a cur eagal oirnn; ag ràdh, Anmhunnaichear an làmhnan o'n obair, agus cha deanar i: ach a nis neartaich mise<sup>b</sup> mo làmhnan.

10 An sin chaidh mi steach do thigh Shemaiah, mhic Dhelaiah, mhic Mhehetabeeil, agus e air a dhruideadh suas; agus thubhairt e, Coinnicheamaid a chéile ann an tigh Dhé, ann am meadhon an teampuill, agus dùineamaid dorsan an teampuill; oir thig iad g'ad mharbhadh, eadhon auns an oidhche thig iad g'ad mharbhadh.

11 Agus thubhairt mi, An teich duine mar a ta mise? agus co mar a ta mise a rachadh a steach do'n teampull, a chum gu maireadh e beò? Cha d'fhéid mi steach.

12 Agus feuch, dh'aithnich mi nach do chuir Dia uaith e, ach gu'n do labhair e an fhàidheada-roachd so a m' aghaidh: oir thug Tobiah agus Sanbalat duais dha.

13 Air an aobhar so thugadh duais dha, chum gu'm biodh eagal ormsa, agus gu'n deanainn mar so, agus gu'm peacaichinn, agus gu'm biodh fàth droch sgeoil aca, chum gu mas-laicheadh iad mi.

14 Cuimhnich thusa, mo Dhia, air Tobiah agus Sanbalat a réir an oibre sin, agus mar an ceudna air a' bhan-fhàidh Noadiah, agus a' chuid eile do na fàidhibh leis am b' àill eagal a chur orm.

15 Ach chrìochnaich eadh air balladh air a' chùigeadh *la* fichead do'n mhìos Elul, ann an dà latha deug agus dà fhichead.

16 Agus an uair a chual ar naimhdean uile e, agus a chunnaic na cinnic uile a *bha* mu'n cuairt duinn e, thilgeadh gu mòr sìos iad nan sùilibh féin; oir dh'aithnich iad gum<sup>c</sup>

b'ann le'r Dia-ne a rinneadh an obair so.

17 Os-bàrr, anns na laithibh sin chuir ard uaislean Iudah mòran litriche gu Tobiah, agus thàinig *litriche* Tobiah d'an ionnsuidh-san:

18 Oir *bha* mòran ann an Iudah air toirt am mionnan da, a chionn gu'm bu chliamhuin e do Shechaniah mac Arah; agus gu'n do ghabh Iohanan a mhac nighean Mhesulaim, mhic Bherechiah, na mnaoi.

19 Mar an ceudna dh'aithris iad a dheagh bhuaghanna<sup>e</sup> a'm' fhianuis, agus dh'innis iad mo bhriathrasa dha: agus chuir Tobiah litriche uaithe gu eagal a chur orm.

CAIB. VII.

**A**NIS an uair a thogadh am balladh, agus a chuir mi suas na comhlachan, agus a dh'orduicheadh na dorsairean, agus an luchd-seinn, agus na Lebhitheach,

2 Thug mi àithne do m' bhràthair Hanani, agus Hananiah uachdaran na luchairt, a thaobh Ierusalem, (oir *bha* e na dluine firinneach, agus eagal Dé air os cionn mhòrain,)

3 Agus thabhairt mi ri, Na fogailear geatacha Ierusalem, gus am fàs a' ghrian teth; agus ag seasamh doibh fathast aig làimh, druideadh iad na comhlachan, agus crannadh iad iad: agus shuidhich mi<sup>d</sup> freiceadain do luchd-àiteachaidh Ierusalem, gach aon na fhreiceadan, agus gach aon fa chomhair a thighe féin.

4 A nis *bha* m' baile farsaing agus mòr: ach *bha* n' sluagh tearc ann, agus cha robh na tighean air an togail.

5 Agus chuir mi Dhia ann am chridhe gu'n cruinnichinn ri chéile na h-ard uaislean, agus na riaghlair-ean, agus an sluagh, gu bhi air an àireamh a réir an ginealach: agus fhuair mi leabhar ginealaich<sup>e</sup> na muinntir a thàinig a nìos an toiseach, agus fhuair mi scrìobhta ann,

6 *Is* iad so clann na mòr-roinne, a chaidh suas do na braighdibh, dhiubhsan a thugadh air falbh, a thug Nebuchadnesar rìgh Bhabiloìn air falbh leis, agus a phill gu h-Ierusalem agus gu Iudah, gach fear d'a bhaile féin;

7 A thàinig maille ri Serubabel, Iesua, Nehemiah, Asariah, Raamiah, Nahamani, Mordecai, Bilsan<sup>f</sup>, Misperet, Bigbhai, Nehum, Baanah.

AIREAMH DHAOINE SLUAIGH ISRAEL.

8 Mìc Pharois, dà mhìle ceud trì fichead agus a dhà-dheug.

<sup>e</sup> ghndomhara. <sup>d</sup> suidhich thusa. <sup>e</sup> sloinnteachd,

Faic Esra, Caib. II.

<sup>a</sup> Gasmu. <sup>b</sup> Faic. r. I. uime sin neartaich, a Dhé,

<sup>b</sup> a nis,

9 Mic Shephatiah, tri cheud tri fhead agus a dhà-dheug.

10 Mic Arah, sè ceud dà fhichead agus a dhà-dheug.

11 Mic Phahat-mhoaib, do chloinn Iesua agus Ioaib, dà mhìle ochd ceud agus ochd-deug.

12 Mic Elaim, mìle dà cheud leth-cheud agus a ceithir.

13 Mic Shatu, ochd ceud dà fhichead agus a cùg.

14 Mic Shacai, seachd ceud agus tri fhead.

15 Mic Bhinui, sè ceud dà fhichead agus a h-ochd.

16 Mic Bhebai, sè ceud fhead agus a h-ochd.

17 Mic Asgaid, dà mhìle tri cheud fhead agus a dhà.

18 Mic Adonicaim, sè ceud tri fhead agus a seachd.

19 Mic Bhigbhai, dà mhìle tri fhead agus a seachd.

20 Mic Adin, sè ceud leth-cheud agus a cùg.

21 Mic Ateir o Heseciah, ceithir fhead agus ochd-deug.

22 Mic Hasuim, trì cheud fhead agus a h-ochd.

23 Mic Bhesai, tri cheud fhead agus a ceithir.

24 Mic Hariph, ceud agus a dhà-dheug.

25 Mic Ghibeoin, ceithir fhead agus cùg-deug.

26 Fir Bhietleheim agus Netophah, ceud ceithir fhead agus a h-ochd.

27 Fir Anatoit, ceud fhead agus a h-ochd.

28 Fir Bhet-asmabheir, dà fhichead agus a dhà.

29 Fir Chiriat-earim, Chephirah, agus Bheeroit, seachd ceud dà fhichead agus a trì.

30 Fir Ramah agus Ghaba, se ceud fhead agus a h-aon.

31 Fir Mhichmais, ceud agus fhead agus a dhà.

32 Fir Bheteil agus Ai, ceud fhead agus a trì.

33 Fir Nebo-air<sup>a</sup>, leth-cheud agus a dhà.

34 Mic Elaim-air<sup>b</sup>, mìle dà cheud leth-cheud agus a ceithir.

35 Mic Harim, trì cheud agus fhead.

36 Mic Iericho, tri cheud dà fhichead agus a cùg.

37 Mic Loid, Hadid, agus Ono, seachd ceud fhead agus a h-aon.

38 Mic Shenaah, trì mìle naoi ceud agus deich thar fhichead.

39 Na sagairt: Mic Iedaia, do thigh Iesua, naoi ceud trì fhead agus tri-deug.

40 Mic Imeir, mìle leth-cheud agus a dhà.

41 Mic Phasuir, mìle dà cheud dà fhichead agus a seachd.

42 Mic Harim, mìle agus seachd-deug.

43 Na Lebhitich: Mic Iesua agus Chadmieil, do chloinn Hodebbah, tri fhead agus ceithir-deug.

44 An luchd-seinn: Mic Asaiph, ceud dà fhichead agus a h-ochd.

45 Na dorsairean: Mic Shaluim, mic Ateir, mic Thalmoin, mic Acuib, mic Hatita, mic Shobai, ceud agus ochd-deug thar fhichead.

46 Na Netinich: Mic Shiha, mic Hasupha, mic Thabaoit,

47 Mic Cherois, mic Shia, mic Phadoin,

48 Mic Lebana, mic Hagaba, mic Shalmai,

49 Mic Hanain, mic Ghideil, mic Ghahair,

50 Mic Reaiah, mic Resin, mic Necoda,

51 Mic Ghadsaim, mic Udsa, mic Phaseal,

52 Mic Bhesai, mic Mheunim, mic Nephisesim,

53 Mic Bhabuic, mic Hacupha, mic Harhuir,

54 Mic Bhasluit, mic Mhehida, mic Harsa,

55 Mic Bharcois, mic Shisera, mic Thamah,

56 Mic Nesia, mic Hatipha.

57 Mic sheirbhiseach Sholaimh: Mic Shotai, mic Shophereit, mic Pherida,

58 Mic Iaala, mic Dharcoin, mic Ghideil,

59 Mic Shephatiah, mic Hatil, mic Phochereit o Shebaim, mic Amoin:

60 Na Netinich uile, agus clann sheirbhiseach Sholaimh, tri cheud ceithir fhead agus a dhà-dheug.

61 Agus so iadsan a chaidh suas o Thelmela, Telharsa, Cherub, Adon agus Imer; ach cha b'urrainn iad tigh an athar a nochdadh agus an sliochd, am b'ann do Israel iad:

62 Mic Dhelaiah, mic Thobiah, mic Necoda, sè ceud dà fhichead agus a dhà.

63 Agus do na sagartaibh: Mic Habaiah, mic Chois, mic Bharsillai, a ghabh bean do nigheanaibh Bharsillai a' Ghileadaich, agus a ghoir-eadh air an ainm.

64 Dh'iarr iadsan an clàr-scriobhaidh nam measg-san a bha air an àireamh a réir an ginealach, ach cha d'fhuair iad e: uime sin ghearradh as o'n t-sagartachd iad<sup>d</sup>.

65 Agus thubhairt an Tirsata riu, nach feudadh iad itheadh do na nithibh ro naomha, gus an seasadh sagart suas le Urim agus Tumim.

<sup>c</sup> Esra, Caib. II. r. 40.

<sup>d</sup> Faic. Esra, Caib. II. r. 62.

66 An coimhthional uile cuid-eachd, dà fhichead agus dà mhìle tri cheud agus tri fichead ;

67 A thuillleadh air an òglaich agus am ban-òglaich, d'an robh ann seachd mìle tri cheud agus seachd-deug thar fhichead, agus dhiubhsan dà cheud agus dà fhichead agus a cùig nam fearabh agus nam mnaibh-seinn.

68 An eich, seachd ceud agus sè-deug thar fhichead : am muileidean, dà cheud dà fhichead agus a cùig :

69 [An] càmhail, ceithir cheud agus cùig-deug thar fhichead : [an] asail, sè mìle seachd ceud agus fichead.

70 Agus thug cuid do chinn nan aithriche seachad air son na h-oibre. Thug an Tirsata seachad do'n ionmhas, mìle darcon òir, leth-cheud cuach, cùig ceud agus deich thar fhichead culaidh sagairt.

71 Agus thug cuid do chinn nan aithriche seachad do ionmhas na h-òibre, fichead mìle darcon òir, agus trì fichead agus seachd culaidh sagairt.

72 Agus so na thug a' chuid eile do'n t-sluagh : fichead mìle darcon òir, agus dà mhìle pund airgid, agus trì fichead agus seachd culaidh sagairt.

73 Agus ghabh na sagairt agus na Lebhithich, agus na dorsairean, agus an luchd-seinn, agus cuid do'n t-sluagh, agus na Netinich, agus Israel uile, còmhnuidh nam bailtibh ; agus an uair a thàinig an seachdamh mlos, bha clann Israeil nam bailtibh.

### CAIB. VIII.

**A**GUS chrunnich an sluagh uile an ceann a chèile mar aon duine do'n t-sràid, a tha fa chomhair geataidh an uisge ; agus dh'iarr iad air a' Esra an sgrìobhuiche e thoirt a làthair leabhair lagha Mhaois, a dh'àithn an Tighearna do Israel.

2 Agus thug Esra an sagart an lagh an làthair a' choimhthionail, araon fhear agus bhan, agus gach uile a thuigeadh 'nuair a chluinn-eadh iad e, air a' cheud là do'n t-seachdamh mlos.

3 Agus leugh e ann fa chomhair na sràide, a tha fa chomhair geataidh an uisge, o mhaduinn gu meadhon-là, an làthair nam fear agus nam ban, agus na muinntir a thuigeadh : agus bha cluasan an t-sluaigh uile ri leabhar an lagha.

4 Agus sheas Esra an sgrìobhuiche air crannaig fhiodha, a rinn iad air son a' ghnòthuich, agus làimh ris sheas Matitiah agus Sema, agus A-naiah, agus Uriah, agus Hilciah,

agus Maaseiah, air a làimh dheis ; agus air a làimh chli Pedaiah, agus Misael, agus Malchiah, agus Hasum, agus Hasbadana, Sechariah [agus] Mesulam.

5 Agus dh'fhosgail Esra an leabh- ar ann an sealladh an t-sluaigh uile, oir bha e os cionn an t-sluaigh uile ; agus an uair a dh'fhosgail se e, sheas an sluagh uile.

6 Agus bheannaich Esra an Tigh-earn, an Dia mòr : agus fhreagair an sluagh ùile, Amen, Amen, a' tog-ail suas an làmh. Agus chrom iad an cinn, agus rinn iad aoradh do'n Tighearna le'n aghaidhibh ris an t-alamh.

7 Mar an ceudna thug Iesua, a- agus Bani, agus Serebiah, Iamin, A- cub, Sabetai, Hodiah, Maaseiah, Ce- laiah, Asariah, Iosabad, Hanan, Pe- laiah, agus na Lebhithich air an t-sluagh an lagh a thuigsinn : agus sheas an sluagh nan àit.

8 Agus leugh iad ann an leabhar lagha Dhè gu soilleir, agus thug iad an seadh seachad ; agus thuig iad- san an uair a leughadh.

9 Agus thubhairt Nehemiah, neach a's e an Tirsata, agus Esra an sagart an sgrìobhuiche, agus na Lebhithich a theagaisg an sluagh, ris an t-sluagh uile, Tha 'n latha so naomha do'n Tighearna bhur Dia, na deanaibh caoidh no gul ; oir ghul an sluagh uile, 'nuair a chual iad briathran an lagha.

10 An sin thubhairt e riu, Imich- ibh, ithibh nithe reamhra, agus ol- aibh nithe milse, agus cuiribh cuibh- rionna da'n ionnsuidh-san do nach d'ulluicheadh ni air bith ; oir tha 'n latha so naomha d'ar Tighearna : a- agus na bithibh ri bròn, oir is e guird- eachas an Tighearna bhur neart.

11 Agus chiuinich e na Lebhith- ich an sluagh uile, ag ràdh, Bithibh 'nar tosd, oir a ta 'n latha naomha, agus na bithibh ri bròn.

12 Agus dh'imich an sluagh uile a dh'itheadh agus a dh'òl, agus a chur chuibhrrionn uatha, agus a dheanamh aobhneis mhòir, a chionn gu'n do thuig iad na briath- ran a chuir iad an céill doibh.

13 Agus air an dara là chruinnich- eadh cuidheachd cinn aithriche an t-sluaigh uile, na sagairt agus na Le- bhithich gu h-Esra an sgrìobhuiche, chum gu'n thuigeadh iad briathran an lagha.

14 Agus fhuair iad sgrìobhta anns an lagh a dh'àithn an Tighearna le làimh Mhaois, gu'n gabhadh clann Israeil còmhnuidh ann am pàillion-

b dh'innis iad ciod bu chiall da,

c shìochaintich.

a thubhairt iad ri. Eabh,



aibh<sup>a</sup> air an fhéill air an t-seachdamh mios.

15 Agus an uair a chual iad so, thug iad gairm<sup>b</sup> nam bailtibh uile, agus ann an Ierusalem, ag ràdh, Rachaibh a mach do'n t-sliabh, agus thugaibh leibh geuga<sup>c</sup> chrann-olaidh, agus geuga giuthais, agus geuga miortail, agus geuga pailme, agus geuga chraobh tiugh, a dheanamh phàilliun, mar a ta e scriobhta.

16 Agus chaidh an sluagh a mach agus thug iad leo iad, agus rinn iad dhoibh féin pàilliuna, gach fear air mullach a thighe, agus nan cùirtibh, agus ann an cùirtibh tighe Dhé, agus ann an sràid geataidh an uisge, agus ann an sràid geataidh Ephraim.

17 Agus rinn uile choimhthional na muinntir a thàinig air an ais o'n bhraighdeanas pàilliuna, agus shuidh iad fuidh na pàilliunaibh : oir o laithibh Iosua<sup>d</sup> mhic Nain, gu ruig an là sin, cha d'rinn clann Israeil mar sin; agus bha gairdeachas ro mhòrann.

18 Agus leugh e ann an leabhar lagha Dhé là'n déigh là, o'n cheud là gu ruig an là mu dheireadh : agus chum iad an fhéill seachd laithean, agus air an ochdamh là ard choimhthional a réir a' ghnatha.

## CAIB. IX.

**A**GUS air a' cheathramh là fìchead do'n mhìos so chruinnicheadh clann Israeil ann an trosgadh, agus ann an saic-eudach, agus àir orra.

2 Agus dhealaich siol Israeil iad féin o uile chloinn choigreach, agus sheas iad, agus dh'aidich iad am peacanna, agus eucearta an aithriche.

3 Agus dh'éirich iad nan àit, agus leugh iad ann an leabhar lagha an Tighearna an Dé an ceathramh cuid do'n là, agus ceathramh eile dh'aidich iad, agus rinn iad aoradh do'n Tighearn an Dia.

4 An sin dh'éirich air cheumaibh nan Lebhithich Iesua agus Bani, Cadmiel, Sebaniah, Buni, Serebiah, Bani, agus Chenani, agus ghlaodh iad le guth ar ris an Tighearn an Dia.

5 Agus thubhairt na Lebhithich, Iesua agus Cadmiel, Bani, Hasabniah, Serebiah, Hodiah, Sebaniah, agus Petaniah, Eiribh, beannaichibh an Tighearna bhur Dia gu saoghal nan saoghal: agus beannaichte gu robh t'ainm glòrmhor-sa, a ta air 'ardadh os cionn gach beannachaidh agus cliu.

6 Is tusa, is tusa a'd' aonar an

<sup>a</sup> bithaibh. <sup>b</sup> agus gu'n cuirteadh iad an céill, agus gu'n d'thugadh iad gairm. <sup>c</sup> geugan le'n duilleach; duilleach, Eabh. <sup>d</sup> Iesua,

Tighearn: rinn thu na nèamha, nèamha nan nèamh agus an slòigh uile, an talamh agus gach ni a ta ann, agus tha thu 'gan cumail suas<sup>e</sup> uile; agus a ta slòigh nan nèamh a' deanamh aoraidh dhuit.

7 Is tu féin an Tighearn an Dia, a thagh Abram, agus a thug a mach e a h-Ur nan Caldeanach, agus a thug Abraham mar ainm air.

8 Agus fhuair thu a chridhe fìrinneach a't' fhianais, agus rinn thu coimhcheangal ris, gu'n d'thugadh tu tìr nan Canaanach, nan Hiteach, nan Amorach, agus nam Peridseach, agus nan Iebusach, agus nan Girgasach, gu'n d'thugadh tu so d'a shliochd; agus choimhionn thu do bhriathra, oir tha thu ceart:

9 Agus chunnaic thu àmhghar ar n-aithriche anns an Eiphit, agus chuala tu an glaoth aig a' mhuir ruaidh:

10 Agus nochd thu comharan, agus iongantais air Pharoah, agus air a sheirbhisich uile, agus air uile shluagh a thìre; oir bha fios agad gu'n d'rinn iad gu h-uabhair nan aghaidh: agus fhuair thu dhuit féin ainm, mar air an là 'n diugh.

11 Agus roinn thu a' mhuir rompa, agus chaidh iad troimh mheadhon na mara air talamh tioram; agus an luchd-tòrachd thilg thu anns an ddimhne, mar chloich anns na h-uisgeachaibh làidir.

12 Agus le meall<sup>f</sup> neòil thredraich thu iad 'san là; agus le meall teine 'san oidhche, a shoillseachadh dhoibh na slighe air an imicheadh iad.

13 Agus thàinig thu nuas air sliabh Shinaì, agus labhair thu ri o neamh, agus thug thu dhoibh breitheanais chearta, agus laghanna fìrinn, reachdan agus àitheanta maithe.

14 Agus do shàbaid naomha dh'fhoillsich thu dhoibh; agus àitheantan agus reachdan, agus lagh dh'àithn thu dhoibh le làimh Mhaois t'òglaich:

15 Agus aran o nèamh thug thu dhoibh nan ocras<sup>g</sup>, agus uisge as a' charraig thug thu mach dhoibh nan tart: agus thubhairt thu ri u<sup>h</sup> dol a steach a shealbhadh an fhearainn a mhionnaich thu<sup>i</sup> gu'n d'thugadh tu dhoibh.

16 Ach rinn iad féin agus ar n-aithriche gu h-uabhair, agus chruaidhich iad am muineal, agus cha d'éisd iad ri t'àitheantaibh,

<sup>e</sup> a' toirt beatha dhoibh. <sup>f</sup> tàiribh, stuaidh, stac; pillar. Sasg. <sup>g</sup> air son an ocrais. <sup>h</sup> dh'àithn thu dhoibh. <sup>i</sup> a thog thu suas do làmh. Eabh.

17 Agus dhiùlt iad éisdeachd, agus cha do chuimhnich iad t'iongantasan a rinn thu nam measg; ach chruaidhich iad am muineal, agus dh'orduich iad ceannard, chum pill-tinn d'an daorsa 'san Eiphit<sup>a</sup>: ach is Dia thu-sa a thacalamh gu màith-eanas a thoir seachad, gràs mhor agus tròcaireach, mall a chum feirge, agus pailt ann an truacantas<sup>b</sup>, agus cha do thréig thu iad.

18 Eadhon an uair a rinn iad dhoibh féin laogh leaghta, agus a thubhairt iad, So do dhia a thug a nìos thu as an Eiphit, agus a dh'oibrich iad mòran brosnachaidh;

19 Gidheadh a d' thruacantas mòr cha do thréig thu iad 'san fhàsach: cha do dhealaich am meall neoil riu 'san là, gu'n treòrachadh air an t-slighe; no am meall teine 'san oidhche, a shoillseachadh na slighe dhoibh air an imicheadh iad.

20 Agus do spiorad maith thug thu seachad gu'n teagasg, agus do mhana cha do chum thu o'm beul, agus uisge thug thu dhoibh nan tart.

21 Eadhon dà fhichead bliadhna bheathaich thu iad 'san fhàsach: cha robh dìth orra: cha d'fhàs an cudach sean, agus cha d'at an casa.

22 Agus thug thu dhoibh rioghachdan agus slòigh, agus roinn thu iad ann an cearnaibh; agus shealbhaich iad tìr Shihoin, agus tìr rìgh Hesboin, agus tìr Og rìgh Bhasain.

23 Agus rinn thu an clann fion-mhor mar reulta nan nèamh, agus thug thu iad do'n tìr mu'n dubhairt thu r'an aithrichibh, gu'n reachadh iad a steach g'a sealbhadh.

24 Agus chaidh an clann a steach, agus shealbhaich iad an tìr, agus chiosnaich thu rompa luchd-àit-cachaidh na tìre, na Canaanaich, agus thug thu thairis nan làimh iad féin agus an rìghrean, agus sluagh na tìre, a dheanamh riu mar bu mhiann leo.

25 Agus ghlac iad bailte daing-nichte<sup>a</sup>, agus talamh reamhar, agus shealbhaich iad tìghean làn do gach nì maith, tobraiche cladhaichte, fion-liosan agus liosan-olaidh, agus craobhan meas ann am pailteas: agus dhl'ith iad, agus shàsaich iad iad, agus dh'fhàs iad reamhar, agus bha toil-inntinn aca ann ad mhòr mhaithreas-sa.

26 Gidheadh, bha iad eas-umhal, agus rinn iad ceannairc<sup>a</sup> a'd' aghaidh, agus thilg iad do lagh air an cùlaobh, agus mharbh iad t'fhàidhean a thug fianuis nan aghaidh, chum am pill-

tinn a t'ionnsuidh: agus dh'oibrich iad mòran brosnachaidh.

27 Air an aobhar sin, thug thu thairis iad do làimh an naimhdean, a shàraich iad: agus ann an àm an aice ghlaodh iad riut, agus o na nèamhaibh chuala tu, agus a d' mhòr thròcair thug thu dhoibh luchd-saoraidh, a shaor iad as làimh an naimhde.

28 Ach an uair a bha fois aca, rinn iad olc a rìs a't' fhianuis: uime sin dhl'fhag thu iad ann an làimh an naimhde, agus bha uachdarachd aca orra. Gidheadh, an uair a phill iad agus a ghlaodh iad riut, chuala tu o na nèamhaibh, agus shaor thu iad a d' mhòr thròcair iomadh uair:

29 Agus thug thu fianuis nan aghaidh, chum an toirt air an ais a dh'ionnsuidh do lagha: gidheadh, rinn iadsan gu h-uabhbheach, agus cha d'éisd iad ri t'aitheantaibh, ach pheacaich iad an aghaidh do bhreitheanas, nìthe ma ni duine, bithidh e beo anna; agus tharruing iad air falbh an gualainn, agus chruaidhich iad am muineal, agus cha 'n éisdeadh iad.

30 Agus ghiùlan thu leo rè iomadh bliadhna, agus rinn thu fianuis nan aghaidh le d' spiorad le làimh t'fhàidhean: ach cha 'n éisdeadh iad, agus thug thu thairis iad do làimh shluagh nan tìr.

31 Gidheadh ann ad mhòr thròcair cha do chuir thu as doibh gu tur, agus cha do thréig thu iad; oir is Dia gràs mhor agus tròcaireach thu-sa.

32 A nis ma ta, O ar Dia-ne, a Dhe mhòir, chumhachdaich, agus uamhasaich<sup>d</sup>, a chumas coimheangal agus tròcair, na measar beag a t'fhianuis an sàrachadh so uile a thàinig oirne, air ar rìghribh, air ar n-uachdaranaibh, agus air ar sagartaibh, agus air ar fàidhibh, agus air ar n-aithrichibh, agus air do shluagh uile, o laithibh rìghrean Asiria gu ruig an là'n diugh.

33 Ach a ta thu-sa cotlromach anns gach nì a thàinig oirnn; oir rinn thu-sa gu fìrinneach, ach rinn sinne gu h-àinigidh.

34 Cha do ghléidh ar rìghrean, ar n-uachdarain, ar sagairt, no ar n-aithriche do lagh-sa, agus cha d'éisd iad ri t'aitheantaibh, agus ri d' theistean, leis an d'thug thu teistean nan aghaidh:

35 Oir cha do rinn iad seirbhis dhuit nan rioghachd<sup>e</sup>, agus anns a' mhòr mhaith a thug thu dhoibh, agus anns an fhearann fharsaing agus reamhar a chuir thu fa'n comhair,

<sup>a</sup> nan ceannairc.

<sup>b</sup> caomhneas.

<sup>c</sup> làidir

<sup>d</sup> eagalaich.

<sup>e</sup> a'd' rioghachd.

agus cha do phill iad o'n droch oib-  
ribh.

36 Feuch, is seirbhisich sinn an  
diugh, agus am fearann a thug thu  
d'ar n-aithrichibh a dh'itheadh a  
thoraidh agus a mhaith, feuch, is  
seirbhisich sinn ann.

37 Agus is mòr a thoradh do na  
righribh a chuir thu os ar cionn air  
son ar peacanna; agus a ta uachdar-  
anachd aca os cionn ar corpa, agus  
os cionn ar spréidhe, a réir an toile,  
agus tha sinn ann an àmhghar mòr.

38 Agus air son so uile nì sinn  
coimhcheangal cinnteach, agus  
scriobhaidh sinne; agus cuiridh ar  
n-uachdarain, ar Lebhithich, agus  
ar sagairt an seula air.

## CAIB. X

**A** GUS so iadsan a chuir an seula  
air: Nehemiah an Tirsata, mac  
Hachaliah, agus Sedeciah,

2 Seraiah, Asariah, Ieremiah,

3 Pasur, Amariah, Malchiah,

4 Hatus, Sebaniah, Maluch,

5 Harim, Meremot, Obadiah,

6 Daniel, Gineton, Baruch,

7 Mesulam, Abiah, Miamin,

8 Maasiah, Bilgai, Semaiah: b'iad  
sin na sagairt.

9 Agus na Lebhithich: Iesua mac  
Asaniah, Binui do mhacaibh Henad-  
aid, Cadmiel;

10 Agus am bràithrean, Sebaniah,  
Hodiah, Celita, Pelaiah, Hanan

11 Micha, Rehob, Hasabiah,

12 Sacur, Serebiah, Sebaniah,

13 Hodiah, Bani, Beninu.

14 Cinn an t-sluaigh: Paros, Pa-  
hat-moab, Elam, Satu, Bani,

15 Buni, Asgad, Bebai,

16 Adoniah, Bigbhai, Adin,

17 Ater, Hisciah, Adsar,

18 Hodiah, Hasum, Besai,

19 Hariph, Anatot, Nebai,

20 Magpias, Mesulam, Hesir,

21 Mesesabeel, Sadoc, Iadua,

22 Peiatiah, Hanan, Anaiah,

23 Hosea, Hananiah, Hasub,

24 Halohes, Pileha, Sobec,

25 Rehum, Hasabnah, Maaseiah,

26 Agus Ahiah, Hanan, Anan,

27 Maluch, Harim, Baanah.

28 Agus a' chuid eile do'n t-sluaigh,  
na sagairt, na Lebhithich, na dor-  
sairean, an luchd-seinn, na Neti-  
nich, agus iadsan uile a dhealaidh  
iad féin o shluaigh nan tìr a chum  
lagha Dhé, am mnà, am mic, agus  
an nigheana, gach aon aig an robh  
èdhas agus tuigse;

29 Dh'èith-lean iad r'am bràith-  
ribh, an ard uaislean, agus chaidh  
iad fa mhallachadh, agus fa mhion-  
naibh, gluasad ann an lagh Dhé, a  
thugadh-seachad le laimh Mhaois  
òglaich Dhé, agus a choimhead agus  
a dheanamh uile àitheantan le-

hobhah ar Tighearna, agus a bhreith-  
earasan, agus a reachda:

30 Agus nach d'thoir sinn ar nigh-  
eana do shluaigh na tìre, agus nach  
gabh sinn an nigheana-san d'ar mac-  
aibh:

31 Agus ma bheir sluagh na tìre  
leo bathar, no biadh air bith air la-  
tha na sàbaid, g'a rciceadh, nach  
ceannaich sinn e uatha air an t-sà-  
baid, no air latha naomha: agus  
gu'n leig sinn leis an t-seachdamh  
bliadhna, agus le togail nam fiach  
uile.

32 Mar an ceudna rinn sinn  
reachda dhuinn féin, an treas cuid  
do shecel a chur a dh'fhuachaibh  
oirnn féin gach bliadhna, air son  
seirbhis tighe ar Dé,

33 Air son an arain thaisbeanta,  
agus air son an tabhartais-bhìdh  
ghnàthaichte, agus air son lobairt  
loisgte ghnàthaichte nan sàbaid agus  
nan gealach nomha, air son nam  
féill suidhichte, agus air son nan  
nìthe naomha, agus air son nan  
lobairt-pheacaidh, a dheanamh réite  
air son Israeil, agus air son uile  
oibre tighe ar Dé.

34 Agus thilg sinn croinn, na sa-  
gairt, na Lebhithich, agus an sluagh  
mu'n tabhartas-fhìodha, chum a  
thabhairt gu tigh ar Dé, a réir tighe  
ar n-aithriche, air amannaibh suidh-  
ichte, o bhliadhna gu bliadhna, a  
lòsgadh air altair an Tighearna ar  
Dé, mar a ta e scrìobhta anns an  
lagh:

35 Agus a thabhairt ceud-thoraidh  
ar fearainn, agus ceud-thoraidh uile  
mheas gach uile chraoibh, o bhliadh-  
na gu bliadhna, gu tigh an Tigh-  
earna:

36 Agus a thabhairt ceud-ghin ar  
mac, agus ar n-ainmhidhean, mar a  
ta e scrìobhta anns an lagh, agus  
ceud-ghin ar cruith agus ar caorach,  
gu tigh ar Dé, dh'ionnsuidh nan  
sagart a fhritheileas ann an tigh  
ar Dé:

37 Agus gu'n d'thugamaid ceud-  
thoradh ar taoise, agus ar tabhar-  
tasa, agus meas gach gnè craoibhe,  
fìona agus olaidh, dh'ionnsuidh nan  
sagart, gu seòmraichibh tighe ar Dé,  
agus deachamh ar fearainn do na  
Lebhithich, air choras gu faigheadh  
na Lebhithich sin an deachamh ann  
an uile bhailtibh ar treabhachais.

38 Agus bithidh an sagart mac  
Aaroin maille ris na Lebhithich, an  
uair athlogas na Lebhithich an deach-  
amh: agus bheir na Lebhithich  
suas leo deachamh an deachaimh gu  
tigh ar Dé, a steach do na seòm-  
raichibh, do thigh an ionmhais:

39 Oir bheir clann Israeil, agus  
clann Lebhí leo tabhartas an arbh-  
air, an fhìona nuaidh, agus na

h-olaidh<sup>a</sup>, steach do na seòmraichibh, far am bheil soithichean an ionaid naomha, agus na sagairt, [agus] an luchd-frithealaidh, agus na dorsairean, agus an luchd-seinn. Agus cha tréig sinne tigh ar Dé.

CAIB. XI.

**A** GUS chòmhnuich uachdarain an t-sluaigh ann an Ierusalem; agus thilg a' chuid eile do'n t-sluagh croinn, a thoirt aoin as an deichnear a ghabhail còmhnuidh ann an Ierusalem am baile naomha, agus gu'm biodh naoi earranna anns na bailtibh eile.

2 Agus bheannaich an sluagh na daoine uile, a thairg iad féin gu toil-each gu còmlnuidh ghabhail ann an Ierusalem.

3 Agus is iad so cinn na mòr-roinne, a chòmhnuich ann an Ierusalem, agus ann am bailtibh Iudah: ghabh gach aon còmlnuidh na sheilbh féin, nam bailtibh, na li-Israelich, na sagairt, agus na Lebhithich, agus na Netinich, agus mic sheirbhiseach Sholaimh.

4 Agus chòmhnuich ann an Ierusalem do chloinn Iudah, agus do chloinn Bheniamin: do chloinn Iudah: Ataiiah mac Udsiah, mhic Shechariah, mhic Amariah, mhic Shephatiah, mhic Mhahalaleil, do chloinn Phereis.

5 Agus Maaseiah mac Bharuich, mhic Cholhoseh, mhic Hasaiah, mhic Adaiah, mhic Ioarib, mhic Shechariah, mhic Shiloni.

6 Mic Phereis uile a chòmhnuich ann an Ierusalem, ceithir cheud tri fichead agus ochd fir threuna.

7 Agus is iad so mic Bheniamin; Salu mac Mhesulaim, mhic Ioelid, mhic Phedaiah, mhic Cholaiah, mhic Mhaaseiah, mhic Itieil, mhic Iesaiah.

8 Agus na dhéigh-san Gabai, Salai, naoi ceud fichead agus a h-ochd.

9 Agus Ioel mac Shichri na fhear-amhairc thairis orra; agus Iudah mac Shenuah an dara fear os-cionn a' bhaile.

10 Do na sagartaibh: Iedaiah, Ioarib<sup>b</sup>, Iachin,

11 Seraiah mac Hilciah, mhic Mhesulaim, mhic Shadoic, mhic Mheraioit, mhic Ahituib; riaghla-dair tighe Dhé.

12 Agus am bràithrean a rinn ob-air an tighe, ochd ceud fichead agus a dhà: agus Adaiah, mac Ierohaim, mhic Phelaliah, mhic Amsi, mhic Shechariah, mhic Phasuir, mhic Mhalchiah;

13 Agus a bhràithre cinn nan aithriche, dà cheud dà fhichead agus a dhà: agus Amasai mac Asareil, mhic Ahasai, mhic Mhesilemoit, mhic Imeir,

14 Agus am bràithrean fir choimasach ghaigeil, ceud fichead agus a h-ochd: agus na fhear-amhairc thairis orra Sabdiel, mac aoin do na daoineibh mora<sup>c</sup>.

15 Agus do na Lebhithich: Semaiiah mac Hasuib, mhic Africaim, mhic Hasabiah, mhic Bhuni,

16 Agus Sabetai, agus Iosabad, do cheannaibh nan Lebhithreach, os cionn oibre tighe Dhé o'n leth muigh.

17 Agus Mataniah mac Mhicha, mhic Shabdi, mhic Asaiph, an ceud fhear a thòisicheadh air buidheachas a thoirt<sup>d</sup> ann an urnuigh; agus Bacbuciah, an dara fear am measg a bhràithre, agus Abda mac Shamua, mhic Ghalail, mhic Iedutuin.

18 Na Lebhithich uile anns a' bhaile naomha, dà cheud ceithir fichead agus a ceithir.

19 Agus na dorsairean, Acub, Talmon, agus am bràithrean, a bha ri faire aig na geataibh, ceud tri fichead agus a dhà-dheug.

20 Agus bha chuid eile do Israel, na sagairt, agus na Lebhithich, ann an uile bhailtibh Iudah, gach fear na sheilbh féin.

21 Ach ghabh na Netinich còmhnuidh ann an Ophel; agus bha Siha agus Gipsa os cionn nan Netineach.

22 Agus b'e fear-amhairc thairis nan Lebhithreach ann an Ierusalem Udsi mac Bhani, mhic Hasabiah, mhic Mhataniah, mhic Mhicha. Do mhacaibh Asaiph, bha'n luchd-seinn fa chomhair<sup>e</sup> oibre tighe Dhé:

23 Oir b'i aithne an rìgh mu'n timchioll, gu'm biodh cuibhrionn àraidh air son an luchd-seinn, a dhlighe féin air gach là.

24 Agus bha Petaiah mac Mhesesabeeil, do chloinn Sherah mhic Iudah, aig làimh an rìgh anns gach cùis a thaobh an t-sluaigh.

25 Agus a thaobh nam bailte beaga nam fearann<sup>f</sup>, chòmhnuich cuid do mhacaibh Iudah ann an Ciriatarba agus na bhailtibh beaga, agus ann an Dibon agus na bhailtibh beaga, agus ann an Iecabseel agus na bhailtibh beaga,

26 Agus ann an Iesua, agus ann am Moladah, agus ann am Betpelet,

27 Agus ann an Hasar-sual, agus

<sup>c</sup> mac Ghedeloim.

<sup>d</sup> an ceud

fhear gu moladh agus buidheachas a thabhairt.

<sup>e</sup> os cionn.

<sup>f</sup> le'n achaidh.

<sup>a</sup> an olaidh. <sup>b</sup> Iedaiah mac Ioarib. Faic, I. Eachdr. Caib. IX. r. 10.



ann am Beer-seoa agus na bhailtibh beaga,

28 Agus ann an Siclag, agus ann am Meconah agus na bhailtibh beaga,

29 Agus ann an En-rimon, agus ann an Sareah, agus ann an Iarmut, 30 Sanoah, Adulam, agus nam bailtibh beaga, ann an Lachis agus na fhearann, ann an Asecal agus na bhailtibh beaga. Agus chòmhnuich iad o Bheer-seba gu ruig gleann Hinoim ;

31 Agus mic Bheniamin o Gheba, ann am Michmas, agus Aia, agus Betel agus na bhailtibh beaga,

32 Ann an Anatot, Nob, Ananiah,

33 Hasor, Ramah, Gitaim,

34 Hadid, Seboim, Nebalat,

35 Lod, agus Ono, gleann an luchd-ceirde.

36 Agus do na Lebhithich bha roinnean, ann an Iudah, agus ann am Benjamin.

### CAIB. XII.

**A**GUS is iad so na sagairt agus na Lebhithich a chaidh suas maille ri Serubabel mac Shealtiel, agus Iesua : Seraiah, Jeremiah, Esra,

2 Amariah, Maluch, Hatus,

3 Sechaniah, Rehum, Meremot,

4 Ido, Gineti, Abiah,

5 Miamin Maadiah, Bilgah.

6 Semaiah, agus Ioiarib, Iedaiah,

7 Salu, Amoc, Hilciah, Iedaiah : b'iad sin cinn nan sagart agus am bràithrean ann an laithibh Iesua.

8 Agus na Lebhithich : Iesua, Binui, Cadmiel, Serebiah, Iudah, agus Mataniah, a bha os cionn nan laoidh-mholaidh, e féin agus a bhràithre :

9 Agus Bacbuchia, agus Unì, agus ann am bràithrean, a bha thall fa'n comhair san anns na fairibh.

10 Agus ghlin Iesua Ioiacim, agus ghlin Ioiacim Eliasib, agus ghlin Eliasib Ioiada,

11 Agus ghlin Ioiada Ionatan, agus ghlin Ionatan Iadua.

12 Agus ann an laithibh Ioiacim bha sagairt, cinn nan aithriche : o Seraiah, Maraiah : o Jeremiah, Hananiah :

13 O Esra, Mesulam : o Amariah, Iehohanan :

14 O Mhelicu<sup>b</sup>, Ionatan : o Shechaniah<sup>c</sup>, Ioseph :

15 O Harim, Adna : o Mheraiot, Helcai :

16 O Ido, Sechariah : o Ghineton, Mesulam :

17 O Abiah, Sichri : o Mhiamin<sup>d</sup> \*\*\* : o Mhoadiah, Piltai :

18 O Bhilgah, Samua : o Shemai-ah, Iehonatan :

19 O Ioiarib, Matenai : o Iedaiah, Udsi :

20 O Shalai, Calai : o Amoc, Eber :

21 O Hilciah, Hasabiah : o Iedaiah, Netaneel.

22 Scriobhadh sios na Lebhithich ann an laithibh Eliasib, Ioiada, agus Iohanain, agus Iadua, cinn nan aithriche ; agus na sagairt gu ruig rìoghachadh Dhariuis a' Phersaich.

23 Scriobhadh sios mic Lebhi, cinn nan aithriche, ann an leabhar nan eachdraidh, gu ruig laithean Iohanain mhic Eliasib.

24 Agus cinn nan Lebhithich : Hasabiah, Serebiah, agus Iesua mac Chadmiel, agus am bràithre thall fa'n comhair, a mholadh agus a tha-bhairt buidheachais a réir àithne Dhaibhidh òglaich Dhé, faire fa chomhair faire.

25 Mataniah, agus Bacbuchia, Obadiah, Mesulam, Talmon, Acub, nand dorsairibh a' coimhead na faire aig stairsneachaibh e nan geata.

26 Iad sin ann an laithibh Ioiacim mhic Iesua, mhic Iosadaic, agus ann an laithibh Nehemiah an uachdarain, agus Esra an t-sagairt, an scriobhuiche.

27 Agus aig coisreagadh ballaidh Ierusalem dh'iarr iad na Lebhithich as an àitibh uile, chum an tabhairt gu h-Ierusalem, a chumail a' choisreagaidh le h-aobhneas, agus le breth-buidheachais, agus le seinn, le ciombalaibh, saltairibh, agus le clarsaichibh.

28 Agus chruinnich mic an luchd-seinn an cionn a chéile, araon as an tìr réidh an timchioll Ierusalem, agus a bailtibh beaga Netophati.

29 Agus a tigh Ghilgail, agus a machairibh Gheba agus Asmabheit ; air thog an luchd-seinn bailte beaga dhoibh féin mu thimchioll Ierusalem.

30 Agus ghlan na sagairt agus na Lebhithich ian féin, agus ghlan iad an sluagh, agus na geatan, agus am balladh.

31 An sin thug misuas uachdarain Iudah air a' bhalladh, agus dh'orduich mi dà chuideachd mhòr chum molaidd, agus gu'n imicheadh aor a dh'ionnsuidh na làimhe deise air a' bhalladh gu geatadh an aolaich :

32 Agus nan déigh-san chaidh

<sup>a</sup> os cionn an tabhairt buidheachais,

<sup>b</sup> Maluch, r. 2. <sup>c</sup> Shebaniah.

<sup>d</sup> Mhiniamin. <sup>e</sup> sgàth-thighibh, tighibh-tionail ; asupin. Eabh. Faic. 1. Eachdr. Caib. XXV. r. 15. 17.

# N E H E M I A H.

Hosaiah, agus Ieth uachdarana Iudah,

33 Agus Asariah, Esra, agus Mesulam,

34 Iudah, agus Benjamin, agus Semaiah, agus Ieremiah:

35 Agus cuid do mhacaibh nan sagart le trompaidibh; Sechariah, mac Ionatain, mhic Shemaiah, mhic Mhataniah, mhic Mhichaiah, mhic Shacuir, mhic Asaiph;

36 Agus a bhràithre Semaiah, agus Asareel, Milalai, Gilalai, Maai, Netaneel, agus Iudah, agus Hananiah, le innealaibh-ciuil Dhaibhidh òg-laich Dhé, agus Esra an scrìobhuiche rompa.

37 Agus aig geatadh an tobair a bha fa'n comhair, chaidh iad suas air ceumaibh a baile Dhaibhidh, aig dol suas a' bhallaigh, os cionn tighe Dhaibhidh, gu ruig geatadh an uisge a làimh na h-airde 'n ear.

38 Agus dh'imich a' chuideachd eile a bha chum molaigh thall fa'n comhair, agus mise nan déigh, agus leth an t-sluaigh air a' bhalladh, o thaobh shuas tùr nan àmhuinn gu ruig am balladh leathann;

39 Agus o thaobh shuas geataidh Ephraim, agus os cionn an t-sean gheataidh, agus os cionn geataidh an éisg, agus tùr Hananeil, agus tùr Mheah, gu ruig geatadh nan caorach: agus sheas iad ann an geatadh a' phrìosuinn<sup>b</sup>.

40 An sin sheas an dà chuideachd a bha chum molaigh ann an tigh Dhé, agus mise agus leth nan riaghlair maille rium:

41 Agus na sagairt, Eliacim, Maaseiah, Miniamin, Michaiah, Elieonai, Sechariah, Hananiah le trompaidibh.

42 Agus Maaseiah, agus Semaiah, agus Eleasar, agus Udsi, agus Iehohanan, agus Malchia, agus Elam, agus Eser: agus sheinn an luchd-seinn gu h-ard, agus Iesraia na fhear-amhairc thairis orra.

43 Agus dh'ìobair iad air an là sin lùbairtean mòra, agus rinn iad gairdeachas; oir thug Dia orra gairdeachas a dheanamh le h-aoibhneas mòr: rinn na mnàir mar an ceudna agus a' chlànn gairdeachas, agus chualas gairdeachas Ierusalem an cèin.

44 Agus shuidhicheadh air an latha cheudna daoine os cionn nan seòmar air son nan ionmhas, air son nan tabhartas, air son nan ceud thoradh, agus air son nan deachamh, chum gu'n cruinnicheadh iad annta a achannaibh nam baile cuibhrionn-an an lagha do na sagairt agus do na

Lebhithich: oir bha aoibhneas air Iudah air son nan sagart agus air son nan Lebhitheach, a bha a' feith-eamh<sup>c</sup>.

45 Agus choimhid iad faire an Dé, agus faire a' ghlanaidh, araon an luchd-seinn agus na dorsairean, a' reir àithne Dhaibhidh agus Sholaimh a mhic:

46 Oir ann an laithibh Dhaibhidh agus Asaiph o shean bha ciun ann air an luchd-seinn, agus air na laoidhibh-molaigh agus buidheachais do Dhia.

47 Agus thug Israeil uile seachad ann an laithibh Sherubabeil, agus ann an laithibh Nehemiah, cuibhrionn-an an luchd-seinn agus nan dorsair, dlìghe gach là air a là féin; agus naomhaich iad nithe do na Lebhithich, agus naomhaich na Lebhithich do chloinn Aaroin.

## CAIB. XIII.

AIR an là sin leughadh ann an leabhar Mhaois ann an éisd-eachd<sup>d</sup> an t-sluaigh, agus fhuaradh scrìobhta ann nach d'thigeadh an t-Amonach agus am Moabach a steach do choimhthional Dhé gu bràth;

2 A chionn nach do choinnich iad clann Israeil le h-aran agus le h-uisge, agus gu'n do thuarasdalaich iad Balaam nan aghaidh chum am mallachadh: acli thionndaidh ar Dia am mallachadh gu beannachadh.

3 A nis an uair a chual iad an lagh, dh'ealaich iad an sluagh measgta<sup>e</sup> uile o Israel.

4 Agus roimhe so bha aig Eliasib an sagart, a chuireadh os cionn seòmair tighe ar Dé, cleamhnas ri Tobiah.

5 Agus rinn e dha seòmar mòr, far an robh iad roimhe a' cur an tabhartais-bhìdh, na thise, agus nan soitheach, agus deachaimh an arbh-air, an fhiona nuaidh, agus na h-olaidh, (a dh'orduicheadh do na Lebhithich, agus do'n luchd-seinn, agus do na dorsairibh), agus tabhartais nan sagart.

6 Ach an uair a thachair so uile<sup>f</sup> cha robh mise ann an Ierusalem; oir anns an dara bliadhna deug thar fhichead do Artacserces rìgh Babiloin, thàinig mi dh'ionnsuidh an rìgh, agus an déigh laithean àraidh fhuair mi mo chead o'n rìgh:

7 Agus thàinig mi gu h-Ierusalem, agus thuig mi an t-òl a rinn Eliasib air son Thobiah, seòmar a dheanamh dha ann an cùirtibh tighe Dhé.

<sup>a</sup> a' frithealadh, nan seasamh an sin.

<sup>d</sup> ann an cluasaibh. Eabh.

<sup>e</sup> na coigrich, iadsan do shliochd eile.

<sup>f</sup> ann an so uile. Eabh.

<sup>a</sup> staidhrichibh.

<sup>b</sup> aig geatadh

na gaintire.

8 Agus ghabh mi gu ro olc e : agus thilg mi uile airneis-tighe Thobiah mach as an t-seòmar.

9 Agus dh'àithn mi, agus ghlan iad na seòmraiche ; agus thug mi air an ais an sin soithichean tighe Dhé, an tabhartas-bidh agus an tùis.

10 Agus dh'athnigh mi nach d'thugadh seachad cnibhrionna nan Lebhitheach ; oir theich na Lebhitheach agus an luchd-seinn a rinn an obair, gach duine a dh'ionnsuidh 'shearainn féin.

11 Agus thug mi achmhasan do na riaghlairibh<sup>a</sup>, agus thubhairt mi, C'ar son a thréigeadh<sup>b</sup> tigh Dhé ? Agus chruinnich mi iad ri chéile, agus shuidhich mi iad nan àit.

12 Agus thug Iudah uile deachamh an arbhair, agus an fhìona nuaidh, agus na h-olaidh steach do na h-ionmhasaibh.

13 Agus chuir mi luchd-coimhid os cionn nan ionmhas, Selemiah an sagart, agus Sadoc an scrìobhuiche ; agus do na Lebhitheach, Pedaiah ; agus làimh riu-san Hanan mac Shacuir, mhic Mhataniah : oir mheasadh fìrinneach iad, agus bha orrasan roinn air am bràithribh.

14 Cuimhnich orm, O mo Dhia, air son so, agus na cuir as do shealladh<sup>c</sup> mo dheagh ghlòimharan a rinn mi a thaobh tighe mo Dhé agus a thaobh 'fhairean<sup>d</sup>.

15 Anns na laithibh sin chunnaic mi ann an Iudah daoine a' saltairt fhìon-amar air an t-sàbaid, agus a' toirt a stigh sguab, agus a' cur luchd air asalaibh ; agus mar an ceudna fìon, fìon-dhearcan, agus sìgean, agus gach gnè callaich, a thug iad a stigh do h-Ierusalem air latha na sàbaid : agus thug mi fianuis nan aghaidh air an là air an do reic iad biadh.

16 Ghabh mar an ceudna Tìoraich còmhnuidh ann, a thug a stigh iasg agus gach gnè bathair ; agus reic iad air an t-sàbaid ri clann Iudah, agus ann an Ierusalem.

17 Agus thug mi achmhasan do ard uaislibh Iudah, agus thubhairt mi riu, Ciod an ni olc so a tha sibh a' deanamh, agus sibh a' briseadh<sup>e</sup> latha na sàbaid ?

18 Nach d'rinn bhur n-aithriche mar so, agus nach d'thug ar Dia an t-olc so uile oirnne, agus air a' bhaile so ? agus tha sibhse a' toirt tuilleadh feirge air Israel leis an t-sàbaid a bhriseadh.

19 Agus an uair a thòisich geataidh Ierusalem air a bhli dorchaidh roimh 'n t-sàbaid, dh'àithn mi agus dhruideadh na comhlachan ; agus dh'àithn mi nach bitheadh iad air am fosgladh gus an déigh na sàbaid : agus cuid do m'òglachaibh shuidhich mi aig na geataibh, chum nach d'thigeadh eallach a stigh air latha na sàbaid.

20 Agus ghabh na ceannaichean, agus luchd-reicidh gach gnè bathair, tàmh an taobh a muigh do Ierusalem uair no dhà.

21 Agus thug mi fianuis nan aghaidh, agus thubhairt mi riu, C'ar son a tha sibh a gabhail tàimh fà chomhair. a' bhallaidh ? ma ni sibh a ris e, leagaidh mi làmh oirbh. O'n àm sin cha d'thàinig iad tuilleadh air an t-sàbaid.

22 Agus dh'athnigh mi do na Lebhitheach, a bha 'gan glanadh féin, agus a thàinig a ghleidheadh nan geatadh, gu'n naomhaicheadh iad latha na sàbaid. Cuimhnich orm, O mo Dhia, thaobh so mar an ceudna, agus caomhain mi a réir meud do thròcaire.

23 Mar an ceudna anns na laithibh sin chunnaic mi Iudhaich a phòs mnàid do Asdod, do Amòn, agus do Mhoab.

24 Agus labhair an clann leth ann an cainnt Asdoid, agus cha b'urrainn iad labhairt ann an cainnt nan Iudhach, ach a réir cainnte an dà shluaigh<sup>f</sup>.

25 Agus thug mi achmhasan doibh, agus mhallaidh mi iad, agus bhuail mi cuid diubh, agus spion mi dhiubh am falt, agus thug mi orra mionnachadh air Dia, nach d'thugadh iad an nigheana<sup>g</sup> d'am macaibh-san, agus nach gabhadh iad an nigheana-san d'am macaibh, no dhoibh féin.

26 Leis na nithibh sin nach do pheacaich Solamh rìgh Israeil ? gidheadh am measg mhòrain chinn-each cha robh rìgh ann cosmhuil ris, a bha air a ghràdhachadh le 'Dhia, agus a rinn Dia na rìgh air Israel uile : ach thug mnàid choimheach<sup>h</sup> air-san féin peacachadh.

27 An éisd sinn ribh ma ta gus an t-olc mòr so uile a dheanamh, gu peacachadh an aghaidh ar Dé, le mnàid choimheach a phòsadh.

28 Agus bha aon do mhacaibh Ioiada, mhic Eliasib an ard-shagairt, na chliamhuin aig Sanbalat an t-Horonach : uime sin dh'fhògair mi uam e.

<sup>a</sup> thagair mi a' chèis ris na riaghlairibh.

<sup>b</sup> a thréig sinn.

<sup>c</sup> na dubh a mach, na dì-chuimhnich.

<sup>d</sup> air son tighe mo Dhé, agus air son a fhrith-ealaidh. <sup>e</sup> a' truailleadh, a' mi-naomhachadh.

<sup>f</sup> sluaigh agus sluaigh. Eabh.

<sup>g</sup> Cha d'thoir sibh bhur nigheana, &c.

Eabh. <sup>h</sup> a bha nan coigric, o thàiribh eile

29 Cuimhnich orra, O mo Dhia, chionn gu'n do thruaill iad an t-sagartachd, agus coimhcheangal na sagartachd agus nan Lebhitheach.

30 Mar so ghlan mi iad o gach coigreach, agus dh'orduich mi fairean nan sagart agus nan Lebhith-

each, gach aon na ghnothuch féin :

31 Agus air son nan tabhartas-fiodha, aig amannaibh suidhichte, agus air son nan ceud thoradh. Cuimhnich orm, O mo Dhia, chum maith.

## E S T E R.

### CAIB. I.

**A**NIS ann an laithibh Ahasuerus, (is e so an t-Ahasuerus a rìoghaich o India gu ruig Etiopia, os cionn ceud agus seachd thar fhichead mòr-roinn,)

2 Anns na laithibh sin, an uair a shuidh rìgh Ahasuerus air rìgh-chathair a rìoghachd, a bha ann an Susan an lùchairt :

3 Anns an treas bliadhna d'a rìoghachadh, rinn e fleadh<sup>a</sup> d'a uachdarain uile, agus d'a sheirbhishich ; (agus cumhachd Phersia agus Mhedia, ard uaislean agus uachdarain nam mòr-roinn na làthair.

4 An uair a nochd e saibhreas a rìoghachd ghlòrmhoir, agus urram a mhòrachd òirdheirc, rè ceud<sup>d</sup> agus ceithir fichead latha.

5 Agus an uair a chrìochnaicheadh na laithe sin, rinne an rìgh do'n t-sluagh uile a bha làthair ann an Susan an lùchairt, eadar mhòr agus bheag, fleadh sheachd laithean, ann an cùirt lios<sup>c</sup> tighe an rìgh,

6 Bha na cùirteine geal, uaine agus gorm air an crochadh le cordaibh do anart grinn agus do chor ur, air failbheagaibh airgid, agus post aibh marmoir ; na leapaiche do òir agus do airgiod, air leac-urta do mharuor dearg, agus gorm, agus geal, agus dubh.

7 Agus thug iad deoch seachd ann an soithichibh<sup>d</sup> òir agus nasoitliche an-cosmhail<sup>e</sup> r' a chéile<sup>d</sup>, agus fìon rìoghail ann an pailteas, mar a thigeadh do'n rìgh<sup>e</sup>.

8 Agus bha'n t-òl a réir an lagha, gun neach ann a dh'éignicheadh, oir mar sin dh'àithn an rìgh do uile dhaoineibh mòra a thighe, gu'n deanadh iad mar a b'àill leis gach guine.

<sup>a</sup> cuir, féist. <sup>b</sup> iomadh latha, eadhon ceud. <sup>c</sup> gàraidh. <sup>d</sup> agus mhùth iad na soithiche. <sup>e</sup> mar bu chubhaidh do'n rìgh ; a réir làimhe an rìgh. Eabh.

9 Mar an ceudnarinn Bhasti a bhan-rìghinn fleadh do na mnaibh anns an tigh rìoghail a bhuineadh do rìgh Ahasuerus.

10 Air an t-seachdamh là, 'nuair a bha cridhe an rìgh subhach le fìon, dh'àithn e do Mhehman, do Bhista, do Harbona, do Bhigta, agus do Abagta, do Shetar, agus do Charcas, na seachd caillteanaich a fhritheil ann an làthair an rìgh Ahasuerus,

11 Bhasti a' bhan-rìghinn a thoirt an làthair an rìgh leis a' chrùn rìoghail, a nochdadh do'n t-sluagh agus do na h-uachdaranaibh a sgéimhe ; oir bha i maiseach ri amharc òirre.

12 Ach dhiùlt a' bhan-rìghinn Bhasti teachd air àithne an rìgh a thug e seachd le làimh nan caillteanach : agus bha corruich mhòr air an rìgh, agus las 'fhearg an taobh a stigh dheth.

13 An sin thubhairt an rìgh ris na daoine glìce, d'am b'aithne na h-aimsirean (oir b'e sin gnàth an rìgh d'an taobh-san uile a bha eòlach air lagh agus breitheanas :

14 Agus làimh ris bha Carsena, Setar, Admata, Tarsis, Meres, Marsena, [agus] Memucan, seachd uachdarain Phersia agus Mhedia, a bha faicinn gnùise an rìgh, agus a shuidh air thoiseach 'san rìoghachd,)

15 A réir an lagha ciod a ni sinn ris a bhan-rìghinn Bhasti, a chionn uach d'rinn i iarrtas an rìgh Ahasuerus le làimh nan caillteanach ?

16 Agus thubhairt Memucan an làthair an rìgh agus nan uachdaran, Cha'n ann air an rìgh a mha'n rinn Bhasti a bhann-rìghinn eucoir, ach mar an ceudna air na h-uachdaran-aibh uile, agus air an t-sluagh uile, a tha ann an uile mhòr-roinneibh rìgh Ahasuerus :

17 Oir théid gnìomh na ban-rìghinn a mach a dh'ionnsuidh nam ban uile, air chor as gu'n dean iad tàir air am fir nan sùilibh 'nuair a their



iad, Dh'àithn an rìgh Ahasuerus a' bhan-rìghinn Bhasti a thoirt a steach na làthair, ach cha d'thàinig i.

18 Mar an ceudna air an là'n diugh their bain-tighearnan Phersia agus Mhedia, a chluinneas mu ghhlomh na ban-rìghinn, ri uile uachdaranaibh an rìgh: mar so *éiridh suas* pailteas tàire agus feirge.

19 Ma's maith leis an rìgh, thig-eadh àithne rìoghail a mach uaith, agus scriobhair i am measg laghanna nam Persach agus nam Medach, chum nach atharraichear i, nach d'thig Bhasti ni's mò an làthair an rìgh Ahasueruis, agus gu'n d'thoir an rìgh a h-ìnbhe rìoghail do mhnaoi eile a's fearr nà ise.

20 Agus an uair a chluinnear àithne an rìgh a bheir e seachad air feadh a rìoghachd uile, (oir *tha* i mòr,) bheir na mnàì uile urram d'am fearaibh eadar mhòr agus bheag.

21 Agus thaitinn am focal ris an rìgh agus r'a uachdaranaibh, agus rinn an rìgh a réir focail Mhemucain.

22 Agus chuir e litrichean a dh'ionnsuidh uile mhòr-roinnean an rìgh, dh'ionnsuidh gach mòr-roinne a réir a scriobhaidh, agus a dh'ionnsuidh gach sluagh a réir an càinain, gu'm bitheadh gach fear na uachdaran na thigh féin; agus gu'm biodh so air fhoillseachadh <sup>b</sup> a réir càinain gach sluagh.

## CAIB. II.

**A**N déigh nan nithe sin, an uair a thraogh <sup>c</sup> fearg an rìgh Ahasueruis, chuimhnich e air Bhasti, agus na rinn i, agus na dh'àithneadh na h-aghaidh.

2 An sin thubhairt d'glais <sup>d</sup> an rìgh a fhritheil da, Iarrar do'n rìgh òigh-ean òga, sgiamhach;

3 Agus orduicheadh an rìgh luchd-riaghlaidh <sup>e</sup> ann an uile mhòr-roinnibh a rìoghachd, agus cruinnicheadh iad na h-òighean òga sgiamhach uile gu Susan an lùchairt, gu tigh nam ban, fuidh làimh Hegai, chailteanaich an rìgh, fhir-gleidhidh nam ban, agus thugar *dhoibh* na nithe air son an glanaidh,

4 Agus bitheadh an òigh a thaitneas ris an rìgh <sup>f</sup>, na ban-rìghinn an àite Bhasti. Agus thaitinn an <sup>g</sup> ri ris an rìgh, agus rinn e mar sin.

5 Bha Iudhach àraidh ann an Susan an lùchairt, d'am b'ainm Mordeciai, mac Iair, mhic Suimeì, mhic Chis, duine do Bheniamin,

6 A thugadh air falbh o Ierusalem leis a' bhraighdeanas a thugadh air falbh maille ri Ieconiah rìgh Iudah, a thug Nebuchadnesar rìgh Babiloin air falbh.

7 Agus dh'àraich <sup>h</sup> e Hadasah (b'i sin Ester) nighean bràthar-'athar, oir cha robh athair no màthair aice, agus *bha'n* òigh màiseach na cruth, agus sgiamhach na gnòis: agus an uair a dh'eug a h-athair agus a màthair, ghabh Mordeciai d'a ionnsuidh i mar a nighean féin.

8 Agus an uair a 'chualas àithne an rìgh agus 'ordugh, agus an uair a chruinnicheadh iomadh òigh gu Susan an lùchairt, gu bhi fuidh làimh Hegai, thugadh Ester mar an ceudna gu tigh an rìgh, gu bhi fuidh làimh Hegai, fhir-gleidhidh nam ban.

9 Agus thaitinn an òigh ris, agus fhuair i caomhneas na làthair, agus rinn e deifir gus a nithe air son glan-aidh, agus na bhuineadh dh'i, a thabhairt d'a h-ionnsuidh, agus gu seachd maighdeana iomchuidh a thabhairt d'i a tigh an rìgh; agus chuir e i féin agus a maighdeana do'n àit a b'fhearr do thigh nam ban.

10 Cha d'innis Ester a sluagh, no a luchd-dàimh; oir dh'àithn Mordeciai dh'i gun innseadh.

11 Agus gach là *bha* Mordeciai ag imcachd fa chomhair cùirte tighe nam ban, a dh'fhiosrachadh ciounus a bha Ester, agus ciod a dh'éireadh dh'i.

12 Agus an uair a thàinig àm gach òighe gu dol a steach a dh'ionnsuidh an rìgh Ahasueruis, an déigh dhi bhi dà mhìos dheug a réir gnàtha nam ban (oir mar sin chomhlionadh laithean an glanaidh, sè mìosan le h-oladh mirr, agus sè mìosan le luibhibh cùbhraidh agus le nithibh *eile* chum glanaidh nam ban,)

13 An sin mar so thàinig gach òigh a dh'ionnsuidh an rìgh: gach <sup>i</sup> *ni* <sup>j</sup> a dh'iarr i thugadh dh'i gu dol a steach leatha a tigh nam ban gu tigh an rìgh.

14 Air feasgar chaidh i steach, agus sa' mhaduinn phill i gu dara tigh nam ban, fuidh làimh Shaasgais, chailteanaich an rìgh, fhir-gleidhidh nan coimhleabach: cha d'thàinig i steach tuilleadh a dh'ionnsuidh an rìgh, mar do ghabh an rìgh tlachd dhi, agus gu'n do ghairmeadh i air a h-ainm.

15 Agus an uair a thàinig àm <sup>k</sup> Ester, nighean Abihail, bràthar-

<sup>a</sup> cànamhain, cainnte.

<sup>c</sup> a dh'ìillsich, a sguir.

<sup>e</sup> amhaire thairis.

<sup>f</sup> maith ann an àilibh an rìgh.

<sup>b</sup> air

<sup>d</sup> luchd-

<sup>e</sup> a bhios

Eabh,

<sup>h</sup> thog.

<sup>i</sup> an coimhead,

<sup>j</sup> car, seat.

<sup>k</sup> fuidh chùram, ann

<sup>l</sup> gach neach.

athar Mhordecai, (a ghabh d'a ionnsuidh i mara nighean féin) gu dol a steach a dh'ionnsuidh an rìgh, cha d'iarr i ni air bith ach nadh'orduich Hegai, caillteanach an rìgh, fear-gleidhidh nam ban: agus fhuair Ester gean-maith nan sùilbhan-san uile a dh'amhairc oirre.

16 Agus thugadh Ester a dh'ionnsuidh an rìgh Ahasueruis, a dh'ionnsuidh a thighe rìoghail, anns an deicheamh mìos (is e sin mìos Thebeit) anns an t-seachdamh bliadhna d'a rìoghachadh.

17 Agus ghràdhaich an rìgh Ester os cionn nam ban uile, agus fhuair i gean-maith agus caoimhneas na lathair os cionn nan òighean uile; agus chuir e an crùn rìoghail air a ceann, agus rinn e na ban-rìghinn i an àite Bhasti.

18 An sin rinn an rìgh fleadh mòr d'a uachdaranaibh uile agus d'a sheirbhisich, fleadh Esteir, agus thug e saorsa do na mòr-roinnibh, agus thug e seachd tiodhlacan, mar bu chubhaidh do'n rìgh.

19 Agus an uair a chrìoinnicheadh na h-òighean an dara uair, an sin shuidh Mordecai ann an geatadh an rìgh.

20 Cha d'innis Ester *fathast* a luchd-dàimh, no a sluagh, mar a dh'àithn Mordecai dhi; oir rinn Ester iartus Mhordecai, mar a rinn i 'nuair a dh'àraicheadh i maille ris.

21 Anns na laithibh sin, an uair a bha Mordecai na shuidhe ann an geatadh an rìgh, bha fearg air Bigtan agus Teres, dìthis do chaillean-achaibh an rìgh, dhiubh-san a bha coimhead an doruis, agus dh'iarr iad làmh a chur anns an rìgh Ahasueruis.

22 Agus fhuair Mordecai fios air an ni sin, agus dh'innis se e do Ester a' bhan-rìghinn; agus dh'innis Ester e do'n rìgh ann an ainm Mhordecai.

23 Agus rannsaicheadh an ni, agus fhuaradh a mach e, agus chrochadh suas iad le chéile air crann: agus scrìobhadh e ann an leabhar nan eachdraidh an fìanuis an rìgh.

### CAIB. III.

**A**N déigh nan nithe sin rinn an rìgh Ahasueruis Haman, mac Hamedata an t-Agagach, na dhuine mòr, agus dh'ardaich se e, agus chuir e 'àite-suidhe os cionn nan uachdaran uile a bha maille ris.

2 Agus chrom na seirbhisich uile a bha ann an geatadh an rìgh iad féin, agus thug iad urram do Haman, oir dh'àithn an rìgh mar sin d'a thaobh, ach cha do chrom Mordecai e féin, agus cha d'thug e urram dha.

3 Agus thubhairt seirbhisich an rìgh, a bha ann an geatadh an rìgh,

ri Mordecai, C'ar son a tha thu a' briseadh àitline an rìgh?

4 Agus an uair a labhair iad ris là 'n déigh là, agus nach d'éisd e riu, an sin dh'innis iad e do Haman, a dh'fheuchainn an seasadh briathra Mhordecai; oir dh'innis e dhoibh gu'm b'fudhach e.

5 Agus chunnaic Haman nach do chrom Mordecai e féin, agus nach d'thug e urram dha, agus bha Haman làn feirge.

6 Agus cha b'fhiù leis làmh a chur ann am Mordecai na aonar, oir nochd iad da sluagh Mhordecai; uime sin dh'iarr Haman na h-Iudhaich uile a sgrios, a bha ann an uile rìoghachd Ahasueruis, sluagh Mhordecai.

7 Anns a' cheud mhìos (is e sin mìos Nisain) anns an dara bliadhna deug do rìgh Ahasueruis, thilgeadh <sup>a</sup> Pur, is e sin an crannchur, an làthair Hamain, o là gu là, agus o mhìos gu mìos, *gus* an dara mìos deug, is e sin mìos Adair.

8 Agus thubhairt Haman ri rìgh Ahasueruis. Tha sluagh àraidh ann air an sgoileadh agus air an roinn an measg an t-sluaigh ann an uile mhòr-roinnibh do rìoghachd, agus tha laghanna air leth aca seach gach sluagh, agus cha 'n'èil iad a' coimhead laghanna an rìgh; uime sin cha 'n'èil e air son leas an rìgh am fulang.

9 Ma's toil leis an rìgh, scrìobhar gu'm bi iad air an sgrios, agus locaidh mise deich mìle tàlann airgid d'an làimh-san a ni an gnothuch <sup>b</sup>, chum a thabhairt do ionmhasaibh an rìgh.

10 Agus thug an rìgh 'fhàinne bhàrr a làimhe, agus thug se e do Haman mac Hamedata an t-Agagach, nàmhaid nan Iudhach.

11 Agus thubhairt an rìgh ri Haman, Tha'n t-airgid air a thabhairt duit, agus an sluagh, a dheanamh riu mar is àill leat.

12 Agus ghairmeadh scrìobhuichean an rìgh air an treas latha deug do'n cheud mhìos, agus scrìobhadh, a réir gach *ni* a dh'àithn Haman, chum ard riaghlairan an rìgh, agus a chum nan uachdaran a bha os cionn gach mòr-roinne, agus a chum cheann-feadhna <sup>c</sup> gach sluaigh, *chum* gach mòr-roinne a réir an scrìobhaidh, agus a *chum* gach sluaigh a réir an càinain: ann an ainm an rìgh Ahasueruis scrìobhadh e, agus sheulaicheadh e le fàinne an rìgh.

13 Agus chuireadh na litrichean le làimh ghillean-ruite gu uile mhòr-roinnibh an rìgh, a sgrios, a

<sup>a</sup> thilg e.  
luchd-gnothuiche.

<sup>b</sup> do làimh an  
<sup>c</sup> cheannard.

mharbhadh, agus a chur as do na h-Iudhaich uile, eadar òg agus shean, chloinn bhlíg agus mhnaibh, ann an aon latha, air an treas *latha* deug do'n dara mìos deug, (*is e sin mìos Adair*) agus am feudail<sup>a</sup> a *thogail* mar chreich.

14 *B'e* dùblachadh an sgrìobhaidh, gu'n d'thugta àithne seachad anns gach mòr-roinn, air a foillseachadh do gach sluagh, iad a bli deas fa rìonhair an là sin.

15 Chaidh na gillea-ruithe a mach, air an greasadh le h-àithne an rìgh; agus thugadh an t-ordugh seachad ann an Susan an luchairt: agus shuidh an rìgh agus Haman sìos a dh'òl; ach bha'n baile Susan fa amhladh<sup>b</sup>.

#### CAIB. IV.

**A**N uair a dh'aithnich Mordecai gach *ni* a rinneadh, reub e<sup>c</sup> 'eudach, agus chuir e saic-eudach air agus luaithre, agus chaidh e mach gu meadhon a' bhaile, agus ghlaodh e le glaoth ard agus searbh.

2 Agus thàinig e eadhon fa chomhair geataidh an rìgh: oir cha n fheudadh neach air bith dol a stigh do gheatadh an rìgh le saic-eudach air.

3 Agus anns gach uile mhòr-roinn d'an d'thàinig focal an rìgh agus 'ordugh, *bha* bròn mòr am measg nan Iudhach, agus trosgadh, agus gul, agus caoidh, agus luidh mòran ann an saic-eudach agus an luaithre.

4 Agus thàinig maighdeanan Esteir agus a caillteanaich, agus dh'innis iad sin di. Agus bha a' bhan-rìghinn ro dhoilgheasach, agus chuir i eudach gu bhì air a chur air Mordecai, agus gu'n d'thugta 'eudach-saice dheith: ach cha ghabhadh esan e.

5 An sin ghoir Ester air Hatach, aon do chailteanaich an rìgh, d'an d'orduich e feitheamh oirre, agus thug i àithne dha gu Mordecai, gu'm faigheadh e fios ciod e so, agus c'ar son so.

6 Agus chaidh Hatach a mach a dh'ionnsuidh Mhordecai, gu sràid a' bhaile, a *bha* fa chomhair geataidh an rìgh.

7 Agus dh'innis Mordecai dha gach *ni* a thachair dha, agus an t-suim airgid a gheall Haman a thomhas a stigh do ionmhasaibh an rìgh air son<sup>d</sup> nan Iudhach, chum an sgrios.

8 Agus thug e dha dùblachadh sgrìobhaidh an orduigh, a' thugadh ann an Susan agus an sgrios, chum 'fheuchainn do Ester, agus a chur an

céill di, agus a dh'aitheanadh dhi gu'n rachadh i stigh a dh'ionnsuidh an rìgh, a dh'aslachadh air, agus a ghuidheadh air<sup>e</sup> as leth a sluagh.

9 Agus thàinig Hatach, agus dh'innis e do Ester briathra Mhordecai.

10 Agus labhair Ester ri Hatach, agus thug i àithne dha gu Mordecai;

11 Tha fios aig seirblaisich an rìgh uile, agus aig sluagh mhòr-roinnean an rìgh, ge b'e air bith fear no bean a thèid a steach a dh'ionnsuidh an rìgh do'n chùirt a's faide a stigh, air nach goilear, *gu bheil* aon lagh aige a chur gu bàs, ach a mhàin esan d'an sin an rìgh a mach a shlat-dìr rioghail, a chum gu'm bi e beo; ach cha do ghoireadh orm-sa teachd a steach a dh'ionnsuidh an rìgh na deich latha fichead so.

12 Agus dh'innis iad do Mhordecai briathran Esteir.

13 Agus dh'aithn Mordecai freagradh a thoirt do Ester, Na smuainich agad féin gu'n d'théid thu as ann an tigh an rìgh ni's mò nà na h-Iudhaich uile:

14 Oir ma bhitheas tusa gu tur a'd'thosd<sup>f</sup> san àm so, thig lasachadh agus saorsa do na h-Iudhachaibh o àit eile, ach sgriosar thusa agus tigh t'athar: agus cò aig am bheil fios nach ann air son a leithid so do àm a thàinig thu do'n rìoghachd<sup>f</sup>?

15 An sin dh'iarr Ester am freagradh so a thoirt do Mhordecai:

16 Falbh, cruinnich r'a chéile na h-Iudhaich uile a gheibhear ann an Susan, agus troisgibh air mo shon-sa, agus na h-ithibh agus na h-dlaibh rè thri laithean, a là no dh'oidhche: troisgidh mise agus mo maighdeanan air an dòigh cheudna, agus an sin théid mi a stigh a dh'ionnsuidh an rìgh, ni nach 'eil a réir an lagha; agus mar sin ma bhàsaicheas mi, bàsaicheam.

17 Agus dh'imich Mordecai, agus rinn e a réir gach *ni* a dh'aithn Esteir dha.

#### CAIB. V.

**A**NIS air an treas là chuir Ester oirre a [culaidh] rìoghail, agus sheas i anns a' chùirt a b'fhaide steach do thigh an rìgh, fa chomhair tighe an rìgh: agus *bha'n* rìgh na shuidhe air a rìgh-chathair anns an tigh rìoghail, fa chomhair geatadh an tighe.

2 Agus an uair a chunnaic an rìgh Ester a bhan-rìghinn na seasamh anns a' chùirt, fhuair i deaghghean na shealladh: agus shìn an rìgh a mach gu Ester an t-slat dìr

<sup>a</sup> am maoin.

<sup>b</sup> iomcheist.

<sup>c</sup> Mordecai. Eabh. <sup>d</sup> an aghaidh,

<sup>e</sup> nà làthair. <sup>f</sup> inbhe rìoghail.

rioghail, a bha na làimh; agus thainig Ester am fagus, agus bhean i ri bàrr na slaite.

3 An sin thubhairt an righ rithe, Ciod a's àill leat, a bhan-righinn, Ester, agus ciod e t'iarrtus? gu ruig leth na rioghachd bheirear dhuit e.

4 Agus fhreagair Ester, Ma's maith leis an righ, thigeadh an righ agus Haman an diugh a dhionnsuidh na fleadha, a dheasaich mi dha.

5 Agus thubhairt an righ, Greasaibh Haman a dheanamh mar a thubhairt Ester. Agus thainig an righ agus Haman a dh'ionnsuidh na fleadha, a dheasaich Ester.

6 Agus thubhairt an righ ri Ester aig fleadh an fhìona, Ciod i t'ath-chuinge, agus bheirear dhuit i? agus ciod e t'iarrtus? agus gu ruig leth na rioghachd nithear e.

7 Agus fhreagair Ester, agus thubhairt i, Is i m'athchuinge agus m'iarrtus;

8 Ma fhuair mi deagh-ghean ann an sealladh an righ, agus ma's maith leis an righ m'athchuinge a dheònachadh, agus m'iarrtus a dheanamh, thigeadh an righ agus Haman a dh'ionnsuidh na fleadha a dheasaicheas mi dhoibh, agus an màireach ni mi a réir focail an righ.

9 Agus chaidh Haman a mach air an là sin aoibhneach agus subhach na chridhe: ach an uair a chunnaic Haman Mordecai ann an geatadh an righ, agus nach d'éirich e, agus nach do charuich e air a shon, bha e a làn feirge an aghaidh Mhordecai.

10 Gidheadh chum Haman air féin, agus chaidh e dhachaidh; agus chuir e fìos uath, agus thug e air a chairidibh teachd d'a ionnsuidh, agus air Seres a mhnai.

11 Agus chuir Haman an céill doibh mòralachd a bheartais, agus lìonmhoireachd a mhac, agus gach ni leis an d'rinn an righ mòr e, agus mar a dh'ardaich se e os cionn nan uachdaran agus sheirbhiseach an righ.

12 Thubhairt Haman mar an ceudna, Os-barr, chad'thug Ester, a' bhan-righinn, duine air bith a stigh maille ris an righ dh'ionnsuidh na fleadha a dheasaich i, ach mi féin; agus mar an ceudna am màireach, tha mi air mo chuireadh leatha maille ris an righ.

13 Gidheadh cha dean so uile a bheag do mhaith dhomh, am feadh a chi mi Mordecai, an t-Iudhach, na shuidhe ann an geatadh an righ.

14 Agus thubhairt Seres, a bhean,

ris, agus a chairdean uile, Deanar croich leth-cheud làmh-choille air airde, agus anns a' mhaduinn labhair ris an righ gu'n crochar Mordecai oirre, agus gabh a steach maille ris an righ dh'ionnsuidh na fleadha gu subhach. Agus thaitinn an ni ri Haman agus thug e fa'near a' chroich a bhi air a deanamh.

CAIB. VI.

AIR an oidhche sin theich codal an righ uath, agus dh'iarr e leabhar-cuimhne nan eachdraidh lathail a bhi air a thabhairt d'a ionnsuidh; agus leughadh iad am fìanuis an righ.

2 Agus fhuaradh scrìobhta, gu'n d'innis Mordecai air Bigtana<sup>b</sup> agus air Teres, dithis do chailteanach-aibh an righ, dhiubh-san a bha coimhead an dòruis, a dh'iarr làmh a chur ann an righ Ahasuerus.

3 Agus thubhairt an righ, Ciod an t-urram agus an inbhe a thugadh do Mhordecai air son so? Agus thubhairt òglaich an righ, a fhrìtheil dha, Cha d'rinneadh ni air bith air a shon.

4 Agus thubhairt an righ, Cò a tha sa' chùirt? (a nis bha Haman air teachd do chùirt tìge an righ a b'fhaide a mach, a labhairt ris an righ, gu'm biodh Mordecai air a chrochadh air a' chroich a dheasaich e dha.)

5 Agus thubhairt òglaich an righ ris, Feuch, tha Haman na sheasamh auns a' chùirt. Agus thubhairt an righ, Thigeadh e stigh.

6 Agus thainig Haman a stigh; agus thubhairt an righ ris, Ciod a nithear do'n duine air an toil leis an righ urram a chur? (A nis thubhairt e Haman na chridhe, Cò air an toil leis an righ urram a chur ni's mò na orin féin?)

7 Agus fhreagair Haman an righ, Air son an duine air an toil leis an righ urram a chur,

8 Thugar a làthair a' chulaidh<sup>d</sup> rioghail a chuireas an righ air, agus an t-each air am marcaich an righ, agus an crùn rioghail a chuirear air a cheann:

9 Agus thugar a' chulaidh agus an t-each do làimh aoin do uachdaran-aibh ro urramach an righ, agus sgeadaicheadh iad an duine air an toil leis an righ urram a chur, agus thugadh iad air marcachd air an each air sràid a' bnaile mhòir<sup>e</sup>, agus gairmeadh iad roimhe, Mar so nithear do'n duine air an toil leis an righ urram a chur.

<sup>b</sup> Bigtan, Caib. II. r. 21.

<sup>c</sup> smuainich.

<sup>d</sup> an truscan, deise.

<sup>e</sup> tre shràid na Rathrach.



10 Agus thubhairt an rìgh ri Haman, Greas<sup>a</sup> ort, gabh a' chulaidh agus an t-each mar a thubhairt thu, agus dean mar sin do Mhordecai, an t-Iudhach, a tha na shuidhe ann an geatadh an rìgh : na dearmaid ni air bith do na thubhairt thu.

11 An sin ghabh Haman a' chulaidh agus an t-each, agus sgeadaich e Mordecai, agus thug e air marcachd air sràid a' bhaile mhòir, agus ghairm e roimhe, Mar so nithear do'n duine, air an toil leis an rìgh urram a chur.

12 Agus phill Mordecai gu geatadh an rìgh : ach ghreas Haman d'a thigh féin ri bròn, agus a cheann còmhdaichte<sup>b</sup>.

13 Agus dh'innis Haman do Sheres a bhean, agus d'a chairdibh uile gach ni a thachair dha. Agus thubhairt a dhaoine glice, agus Seres a bhean ris, Ma's ann do shliochd nan Iudhach Mordecai, roimh an do thòisich thu air tuiteam, cha bhuadhaich thu na aghaidh, ach gun teagamh tuitidh tu roimhe.

14 An uair a bha iad fathast a' labhairt ris, thàinig caillteanaich an rìgh, agus rinn iad deifir gu Haman a thubhairt a dh'ionnsuidh na fheadha a dheasaich Ester.

## CAIB. VII.

**A**GUS thàinig an rìgh agus Haman chum na fheadha maille ri Ester a' bhan-rìghinn<sup>c</sup>.

2 Agus thubhairt an rìgh ri Ester mar an ceudna air an dara là aig fheadh an fhìona, Cìod i t'ath-chuinge, a bhan-rìghinn Ester? agus bheirear dhuit i : agus cìod e t'iarrtus? agus gu ruig leth na rìoghachd nithear e.

3 Agus fhreagair Ester a' bhan-rìghinn, agus thubhairt i, Ma fhuair mi deagh-ghean a 'd' shùilibh a rìgh, agus ma's maith leis an rìgh, thugar dhomh m'anam air m'ath-chuinge, agus mo shluagh air m'iarrtus :

4 Oir reiceadh sinn, mise agus mo shluagh, gu bhì air ar dìtheachadh<sup>d</sup>, air ar marbhadh, agus air ar léir-sgrìos : ach nam b'ann mar thràillibh agus mar bhan-tràillibh a reiceadh sinn, bhithinn a'm' thosd ge nach b'urrainn an nàmhaid call<sup>e</sup> an rìgh a dheanamh suas.

5 Agus fhreagair rìgh Ahasuerus, agus thubhairt e ri Ester a' bhan-rìghinn, Cò e so? agus c'ait am bheil esan, aig an robh a dhànadas na chrìche deanamh mar sin?

6 Agus thubhairt Ester, Is e 'n t-easaraid agus an nàmhaid Haman,

an droch dhuine so. Agus bha eagai air Haman an làthair an rìgh, agus na ban-rìghinn.

7 Agus dh'èirich an rìgh<sup>f</sup> na fheirg o fhleadh an fhìona, agus chuidh e do lios na lùchairte<sup>f</sup> : agus sheas Haman gu 'anam a ghuidhe o Ester a' bhan-rìghinn; oir chunnaic e gu'n do shònraicheadh olc na aghaidh leis an rìgh.

8 Agus phill an rìgh o lios na lùchairte gu tigil<sup>f</sup> fleadh an fhìona, agus bha Haman air tuiteam air an leabaidh, air an robh Ester. Agus thubhairt an rìgh, An éignich e a' bhan-rìghinn mar an ceudna a'm' làthair ann am thigh? An uair a chaidh am focal a beul an rìgh, chòmhdaich iad aghaidh Hamain.

9 Agus thubhairt Harbonah, aon do na caillteanachaibh an làthair an rìgh, Feuch, tha mar an ceudna a' chroich a rinn Haman do Mhordecai, a labhair maith air son an rìgh, na seasamh ann an tigh Hamain, leth-cheud làmh-choille air airde. Agus thubhairt an rìgh, Crochaibh e oirre.

10 Agus chroch iad Haman air a' chroich, a dheasaich e do Mhordecai. Agus thraogh fearg an rìgh.

## CAIB. VIII.

**A**IR an là sin thug an rìgh Ahasuerus tigh Hamain, eascaraid nan Iudhach, do Ester a' bhan-rìghinn; agus thàinig Mordecai an làthair an rìgh : oir dh'innis Ester cìod e dhi e.

2 Agus thug an rìgh dheth 'fhàinne, a thug e o Haman, agus thug se e do Mhordecai. Agus chuir Ester Mordecai os cionn tighe Hamain.

3 Agus labhair Ester a rìs an làthair an rìgh, agus thuit i sìos aig a chosaibh, agus ghuil i, agus ghuidh i air gu'n cuireadh e air falbh olc Hamain an Agagaich, agus 'ais-inn-leachd a dhealbha<sup>h</sup> e an aghaidh nan Iudhach.

4 Agus shin an rìgh a mach an t-slat-dìr rioghail gu h-Ester. Agus dh'èirich Ester, agus sheas i an làthair an rìgh,

5 Agus thubhairt i, Ma's maith leis an rìgh, agus ma fhuair mise deagh-ghean na làthair, agus ma ta an ni ceart am fianuis an rìgh, agus ma ta mi taitneach na shùilibh, scrìobhar a ghairm air an ais nan litrichean a dhealbhaidh le Haman, mac Hamedata, an t-Agagach, a scrìobh e chum na h-Iudhaich, a ta

<sup>a</sup> Luathaich.

<sup>c</sup> bhan-rì'n.

<sup>b</sup> folach air a

<sup>d</sup> milleadh

<sup>g</sup> sgrìos.

<sup>e</sup> calldach.

<sup>f</sup> do lios an tighe, do'n lios a b'fhaide stigh.

<sup>g</sup> mar a bha e dhi.

<sup>h</sup> a dhroch smuainte a smuainich e.

ann an uile mhòr-roinnibh an rìgh, a sgrìos.

6 Oir cionnas is urrainn mi amharc air an olc a thig air mo shluagh? agus cionnas is urrainn mi amharc air sgrìos mo luchd-dàimh?

7 An sin thubhairt an rìgh Ahasuerus ri Ester, a' bhan-rìghinn, agus ri Mordecai an t-Iudhach, Feuch, tigh Hamain thug mi do Ester, agus esan chroch iad air a' chroich, a chionn gu'n do chuir e a làmh anns na h-Iudhachaibh.

8 Sgrìobhaibh-se mar an ceudna air son nan Iudhach mar is maith leibh aun an ainm an rìgh, agus seulaichibh le fàinne an rìgh: oir an sgrìobhadh a sgrìobhar ann an ainm an rìgh, agus a sheulaichear le fàinne an rìgh. cha'n fheudar a chur air ais.

9 Uime sin ghairmeadh sgrìobhuichean an rìgh air an àm sin anns an treas mìos (is e sin mìos Shihbain) air an treas latha fichead dheth, agus sgrìobhadh, a réir gach mì a dh'àithn Mordecai, chum nan Iudhach, agus a chum nan ard-riaghlair<sup>a</sup>, agus nan ceannard agus uachdarana nam mòr-roinn<sup>b</sup>, a tha o India gu h-Etiopia, ceud fichead agus seachd mòr-roinn, chum gach mòr-roinne a réir an sgrìobhaidh, agus a chum gach sluagh a réir an càinain<sup>c</sup>, agus a chum nan Iudhach a réir an sgrìobhaidh, agus a réir an càinain.

10 Agus sgrìobh e ann an ainm an rìgh Ahasueruis, agus sheulaich e le fàinne an rìgh, agus chuir e litrichean le làmh ghillean-ruithe<sup>d</sup> air eachaibh, a' marcachd air eachaibh luatha, agus air muileidibh, mic nan caball<sup>e</sup>;

11 Anns an d'thug an rìgh cead do na h-Iudhachaibh, a bha anns gach baile, cruinneachadh an ceann a chèile, agus seasamh air son an anama, a sgrìos, a mharbhadh, agus a chur as do uile neart sluagh agus mòr-roinne, a thigeadh nan aghaidh<sup>f</sup>, *araon* an ciann bheag agus *am mnà*, agus an creach a thogail,

12 Air aon latha ann an uile mhòr-roinnibh an rìgh Ahasueruis, air an treas latha deug do'n dara mìos deua (is e sin mìos Adair),

13 B'e dùblachadh an sgrìobhaidh, Gu'n d'thugta àithne seachad anns gach mòr-roinn, air a foill-seachadh do gach sluagh, gu'm

biodh na h-Iudhaich deas air an là sin gu'n dloladh féin<sup>g</sup> air an naimh-dibh.

14 Chaidh na gillean-ruithe<sup>h</sup> a mach, a' marcachd air eachaibh luatha, [agus] air muileidibh<sup>i</sup>, le cabhaig, agus iad air greasadh le àithne an rìgh; agus thugadh an t-ordugh seachad ann an Susan, an lùchairt.

15 Agus chaidh Mordecai mach as làthair an rìgh ann an eudach rìoghail do ghorm agus do gheal, agus le crùn mòr òir, agus le trusgan do anart grinn agus do chorcur: agus rinn baile Shusain gairdeachas, agus bha e aoibhinn.

16 Aig na h-Iudhachaibh bha solus, agus aoibhneas, agus gairdeachas, agus urram.

17 Agus anns gach mòr-roinn agus anns gach baile, ge b'e àit d'an d'thàinig àithne an rìgh agus 'ordugh, bha aoibhneas agus gairdeachas aig na h-Iudhachaibh, cuirm agus latha maith. Agus dh'fhàs mòran do shluagh na tìre nan Iudhachaibh; oir thuit eagal nan Iudhach orra.

## CAIB. IX.

**A**NIS anns an dara mìos deug (is e sin mìos Adair) air an treas latha deug do'n mhìos, air an robh àithne an rìgh agus 'ordugh gu bhi air an coimhlìonadh, air an là anns an robh dùil aig naimhdibh nan Iudhach cumhachd fhaghail os an cionn, (ge do thachair, air a' chaochladh, gu'n robh aig na h-Iudhaich cumhachd os an cionn-san a dh'fhuathaich iad,)

2 Chruinnich na h-Iudhaich iad féin an cionn a chèile nam bailtibh, anr an uile mhòr-roinnibh an rìgh Ahasueruis, gu làmh a chur ann-tasan a dh'iarr an cron: agus cha b'urrainn duine air bith seasamh nan aghaidh, oir thuit an eagal air gach uile shluagh.

3 Agus thug uile uachdarana nam mòr-roinn agus na h-ard riaghlair-ean, agus na ceannardan, agus iad-san a rinn gnothuichean an rìgh, urram do na h-Iudhachaibh<sup>k</sup>; oir thuit eagal Mhordecai orra:

4 Oir bha Mordecai mòr ann an tìgh an rìgh, agus chaidh 'iomradh a mach air feadh nam mòr-roinn uile; oir dh'fhàs an duine so Mordecai ni bu mhò, agus ni bu mhò.

5 Agus bhuail na h-Iudhaich an naimhdean uile le buille a' chlàidh-

<sup>a</sup> fear-àite an rìgh.

<sup>b</sup> mòr-earrann.

<sup>c</sup> cainnte.

<sup>d</sup> theachdairean, phost.

<sup>e</sup> agus marcaich air muileidibh, càmhalaibh, agus dromedairibh &c.

<sup>f</sup> a bheireadh ionnsuidh orra.

<sup>g</sup> gu dìoghaltas a dheanamh.

<sup>h</sup> teachdairean.

air muil-

eidibh agus càmhalaibh.

<sup>k</sup> dh'ardaich iad, chuidich iad leis, na h-Iudhachaibh.

eimb, agus àir, agus sgrios; agus rinn iad mar bu mhiann leo orrasan, a dh'fhuathaich iad.

6 Agus ann an Susan an lùchairt mharbh na h-Iudhaich, agus sgrios iad cùig ceud fear.

7 Agus Parsandata, agus Dalphon, agus Aspata,

8 Agus Porata, agus Adalia, agus Aridata,

9 Agus Parmasta, agus Arisai, agus Aridai, agus Bhaiesata,

10 Deich mic Hamain mhic Hamedata, nàmhaid nan Iudhach, mharbh iad: ach air a' chreic cha do chuir iad an làmh.

11 Air an là sin thugadh àireamh na muinntir a mharbhadh ann an Susan an lùchairt an làthair an rìgh.

12 Agus thubhairt an rìgh ri Ester a' bhan-rìghinn, Mharbh na h-Iudhaich agus sgrios iad cùig ceud fear ann an Susan an lùchairt, agus deich mic Hamain: agus anns a' chuid eile do mhòr-roinnibh an rìgh ciod a rinn iad? ach ciod i t'ath-chuinge? agus bheirear dhuit i: agus ciod e t'iarthus os-bàrr? agus nì thear e.

13 Agus thubhairt Ester, Ma's maith leis an rìgh, thugar comas do na h-Iudhachaibh a tha ann an Susan, deanamh<sup>a</sup> mar an ceudna am màireach a réir orduigh an là'n diugh, agus crochair deich mic Hamain air a' chroich.

14 Agus dh'àithn an rìgh a dheanamh mar sin, agus thugadh an t-ordugh ann an Susan; agus chroch iad deich mic Hamain:

15 Agus chruinnich na h-Iudhaich, a bha ann an Susan, an cionn a chèile mar an ceudna air a' cheathramh latha deug do mhìos Adair, agus mharbh iad ann an Susan trì cheud fear; ach air a' chreic cha do chuir iad an làmh.

16 Agus chruinnich a' chuid eile do na h-Iudhachaibh, a bha ann am mòr-roinnibh an rìgh, an cionn a chèile, agus sheas iad air son an anama, agus bha fois aca o'u naimhdebh, agus mharbh iad d'an eascairdibh cùig-deug agus trì fichead mìle; ach air a' chreic cha do chuir iad an làmh.

17 Air an treas latha deug do mhìos Adair *rinn iad mar so*; agus bha fois aca air a' cheathramh latha deug do'n mhìos cheudna, agus rinn iad e na latha cuirme agus aoibhneis.

18 Ach chruinnich na h-Iudhaich a bha ann an Susan iad féin an cionn a chèile air an treas latha deug, agus air a' cheathramh latha deug do'n mhìos; agus bha fois aca air a' chùig-eadh latha deug do'n mhìos cheudna,

agus rinn iad e na latha cuirme agus aoibhneis.

19 Uime sin rinn Iudhaich nam bailte beaga, a bha nan còmhnuidh ann am bailtibh nam mòr-roinn<sup>a</sup>, an ceathramh latha deug do mhìos Adair na latha aoibhneis, agus cuirme, agus na latha maith, agus a chur chuibhrionn a chum a chèile.

20 Agus sgrìobh Mordecai na nithe so, agus chuir e litriche chum nan Iudhach uile a bha ann an uile mhòr-roinnibh an rìgh Ahasueruis, am fad 's am fagus;

21 Chum a shuidheachadh nam measg, gu'n cumadh iad an ceathramh latha deug do mhìos Adair, agus an cùig-eadh latha deug dlìeth gach bliadhna,

22 A réir nan laithean anns an d'fhuair na h-Iudhaich fois o'n naimhdebh, agus a' mhìos a dh'iompoicheadh dhoibh o thuirse gu h-aoibhneas, agus a bhròn gu h-àm<sup>b</sup> maith; gu'n deanadh siad iad nan laithibh cuirme, agus aoibhneis, agus a chur chuibhrionn chum a chèile, agus thiodlachadh chum nam bochd.

23 Agus ghabh na h-Iudhaich os làimh deanamh mar a thòisich iad, agus mar a sgrìobh Mordecai d'an iomsuidh.

24 A chionn gu'n do smuainich<sup>c</sup> Haman mac Hamedata an t-Agagach, nàmhaid nan Iudhach uile, an aghaidh nan Iudhach chum an sgrios, agus gu'n do thilg<sup>e</sup> e Par (is e sin, crannchur) chum an dìtheachadh agus an sgrios.

25 Ach an uair a thàinig [Ester] an làthair an rìgh, dh'orduich e le litir, gu'm pilleadh<sup>d</sup> aisinnleachd donadh<sup>d</sup> a dhealbh e 'n aghaidh nan Iudhach air a cheann féin, agus gu'm biodh esan agus a mhic air an crochadh air a' chroich.

26 Uime sin dh'ainmich iad na laithean sin Purim, a réir ainme Phuir: Air an aobhar sin air son uile bhriathar na litreach sin, agus na chunnaic iad a thaobh an nì so, agus na thachair dhoibh,

27 Shuidhich<sup>e</sup> na h-Iudhaich, agus ghabh iad orra féin agus air an sliochd, agus orra-san uile a leanadh riu, air chor as nach rachta thairis air, gu'n cumadh iad an dà latha sin a réir an sgrìobhaidh, agus a réir an àm, auns gach bliadhna:

28 Agus gu'm biodh na laithean sin air an cuimlineachadh agus air an cumail air feadh gach àil, gach teaghlach, gach mòr-roinne, agus

<sup>a</sup> anns na bailtibh gun bhallaibh.

<sup>b</sup> latha. Eabh.

<sup>c</sup> thùr.

<sup>d</sup> an t-aimhleis, a dhroch smuainte.

<sup>e</sup> dh'orduich.

gach baile; agus nach leigte sìos<sup>a</sup> na laithean sin Phurim am measg nan Iudhach, agus nach rachadh as d'an cuimhne o'n sliochd.

29 Agus sgrìobh a bhan-rìghinn Ester nighean Abihail, agus Mordecai an t-Iudhach, leis an uile ùghdarras, a dhaingneachadh na dara litreach so Phurim.

30 Agus chuir e litriche chum nan Iudhach uile, chum a' cheud agus nan seachd mòr-roinn fhichead do rìoghachd Ahasueruis, le briathraibh sìth agus sìrinn,

31 A dhaingneachadh laithean sin Phurim nan amannaibh, mar a shuidhich Mordecai an t-Iudhach agus Ester a' bhan-rìghinn d'an taobh, agus mar a dh'orduich iad air an son féin, agus air son an sliochd nithe nan trosadh agus an éighich.

<sup>a</sup> rachar thairis air.

32 Agus dhaingnich ordugh Esteir nithe Phurim sin, agus sgrìobhadh e ann an leabhar.

CAIB. X.

**A** GUS chuir an rìgh Ahasuerus eis air an tìr, agus air eileanaibh na inara.

2 Agus uile ghnìomharan a thréine agus a chumhachd, agus foillseachadh mòrachd Mhordecai chum an<sup>b</sup> d'ardaich an rìgh e, nach 'eil iad sgrìobhta ann an leabhar eachdraidh rìghrean Mhedia agus Pherisia<sup>c</sup>

3 Oir b'e Mordecai an t-Iudhach a b'fhaigse do rìgh Ahasuerus; agus bha e mòr am measg nan Iudhach, agus taitneach do mhòr chuideachd a bhràithrean, ag iarraidh maith e d'a shluagh, agus a' labhairt sìth r'a shliochd uile.

<sup>b</sup> leis an.

soirbheis, beartais.

I O B.

CAIB. I.

**B**HA duine ann an tìr Uis, d'am b'ainm Iob; agus bha'n duine sin coimhlionta<sup>a</sup> agus dìreach<sup>b</sup>, agus na neach air an robh eagal Dé, agus a sheachainn olc.

2 Agus rugadh dha seachd mic, agus trì nigheana.

3 Agus b'i a mhaoin<sup>c</sup> seachd mìle caora, agus trì mìle càmhail, agus cùig ceud cuing dhamh, agus cùig ceud asal bhoirionn<sup>d</sup>, agus teaghlach ro mhòr: agus bha 'n duine sin mòr os cionn uile dhaoine na h-airde 'n ear.

4 Agus chaidh a mhic agus rinn iad cuirm aig an tigh, gach fear air a latha féin; agus chuir iad fios, agus thug iad cuire d'an trì peathraichibh a dh'itheadh agus a dh'òl maille ri u.

5 Agus an uair a chaidh laithean na cuirme mu'n cuairt, chuir Iob fios orra, agus naomhaich e iad; agus dh'éirich e moch sa' mhaduinn, agus dh'ìobair e ìobairte-loisgte a réir an àireimh uile: oir thubhairt Iob, Theagamh gu'n do pheacaich mo mhic, agus gu'n do

mhallaich iad Dia nan cridhe. Mar so rinn Iob gach latha.

6 A nis bha là air an d'thàinig mic Dhé gu seasamh an làthair an Tighearna; agus thàinig mar an ceudna Satan nam measg.

7 Agus thubhairt an Tighearna ri Satan, Cia as a thàinig thu? Agus fhreagair Satan an Tighearna, agus thubhairt e, O imeachd mu'n cuairt air an talamh, agus o shìubhal sìos agus suas air.

8 Agus thubhairt an Tighearna ri Satan, An d'thug thu fa'near m'òglach Iob, nach 'eil neach ann cosmhuil ris air an talamh, duine coimhlionta agus dìreach, air an bheil eagal Dé, agus a' seachnadh uile?

9 Agus fhreagair Satan an Tighearna, agus thubhairt e, An ann a nasgaidh a tha eagal Dhé air Iob:

10 Nach do chuir thu gàradh mu'n cuairt air féin, agus mu'n cuairt air a thigh, agus mu'n cuairt air gach *ni* a ta aige air gach taobh? Obair a làmh bheanuaich thu, agus dh'fhàs a mhaoin mòr san tìr.

11 Ach cuir a nis a mach do làmh, agus bean ris gach *ni* a ta aige, agus as an eudan mallaichidh e thu.

12 Agus thubhairt an Tighearna ri Satan, Feuch, tha gach *ni* a ta

<sup>a</sup> foirfe.

<sup>b</sup> cothromach.

<sup>c</sup> a *ni*, a spréidh, 'eudail.

<sup>d</sup> bhainionn.



aighe a'd' laimh-sa: a mhàin air féin na cuir do làmh. Agus chaidh Satan a mach o làthair an Tighearna.

13 Agus bha là air an robh a mhic agus a nigheana ag itheadh, agus ag òl fiona ann an tigh am bràthar bu shìne:

14 Agus thàinig teachdaire gu Iob, agus thubhairt e, Bha na daimh aig ar, agus na h-asail ag ionaltradh làmh riu:

15 Agus leum a na Sabeanaich b orra, agus thug iad leo iad, agus mharbh iad na h-òglaich le faobhar a' chlàidheimh; agus thàinig mise a'm' aonar as a dh'innseadh dhuit.

16 An uair a bha e fathast a' labhairt, thàinig mar an ceudna fear eile, agus thubhairt e, Thuit teine Dhé o na nèamhaibh, agus loisg e na caoraich agus na h-òglaich, agus chuir e as doibh; agus thàinig mise a'm' aonar as a dh'innseadh dhuit.

17 An uair a bha e fathast a' labhairt, thàinig mar an ceudna fear eile, agus thubhairt e, Rinn na Caldeanaich snas trì buidhnean, agus thug iad ionnsuidh air na cànhalaidh, agus thug iad leo iad, agus mharbh iad na h-òglaich le faobhar a' chlàidheimh; agus thàinig mise a'm' aonar as a dh'innseadh dhuit.

18 An uair a bha e fathast a' labhairt, thàinig mar an ceudna fear eile, agus thubhairt e, Bha do mhic agus do nigheana ag itheadh, agus ag òl fiona ann an tigh am bràthar bu shìne:

19 Agus feuch, thàinig gaoth mhòr o'n fhàsach, agus bhuail i air ceithir oisinnibh an tighe, agus thuit e air na h-òganaich, agus tha iad marbh: agus thàinig mise a'm' aonar as a dh'innseadh dhuit.

20 An sin dh'èirich Iob, agus reub e 'fhalluing, agus bhearr e a cheann, agus thuit e sìos air an talamh, agus rian e aoradh,

21 Agus thubhairt e, Lomnochd thàinig mi a broinn mo mhatar, agus lomnochd pillidh mi an sin: thug an Tighearn naith, agus thug an Tighearn leis: beannuichte gu robh ainm an Tighearna.

22 An so uile cha do pheacaich Iob, agus cha do labhair e gu h-amaideach an aghaidh Dhé.

C A I B. II.

**A**RIS bha là air an d'thàinig mic Dhé gu seasamh an làthair an Tighearna, agus thàinig mar an

ceudna Satan nam measg gu seasamh an làthair an Tighearna,

2 Agus thubhairt an Tighearna ri Satan, Cia as a thàinig thu? Agus fhreagair Satan an Tighearn, agus thubhairt e, O imeachd mu'n cuairt air an talamh, agus o shiubhal sìos agus suas air.

3 Agus thubhairt an Tighearn ri Satan, An d'thug thu fa 'near m' òg-lach Iob, nach 'eil neach ann cosmhail ris air an talamh, duine coimhionta agus dìreach, air am bheil eagal Dé, agus a' seachnadh uile? agus fathast tha e gleidheadh 'ionracais, ge do ghluais a' thusa mi na aghaidh chum a sgrios gun aobhar.

4 Agus fhreagair Satan an Tighearn, agus thubhairt e, Croicinn air son croicinn, eadhon gach nì a ta aig duine bheir e air son 'anama.

5 Ach cuir a nis a mach do làmh, agus bean r'a chnàinibh agus r'a fheoil, agus as an eudan mallachaidh e thu.

6 Agus thubhairt an Tighearn ri Satan, Feuch, tha e a'd' làmh-sa, ach caomhain 'anam.

7 Agus chaidh Satan a mach o làthair an Tighearna, agus bhuail e Iob le neasgaidibh cràiteach, o bhonn a choise gu mullach a chinn.

8 Agus ghabh e slige-chreadha g'a sgriobadh féin leatha; agus shuidh e am measg na luathre.

9 An sin thubhairt a bhean ris, Am bheil thu fathast a' cumail t'ionracais? mallaich Dia, agus faigh bàs.

10 Ach thubhairt esan rithe, Mar a labhras aon do na mnaibh amaid-each tha thu a' labhairt: seadh, an gabh sinn maith o làimh Dhé, agus nach gabh sinn olc? An so uile cha do pheacaich Iob le 'bhillibh.

11 A uis an uair a chuala trì chairdean Iob an t-olc so uile a thàinig air, thàinig iad gach fear o 'àite féin, Eliphas an Temanach, agus Bildad an Suhach, agus Sophar an Naamatach; oir shuidhich iad eatorra féin teachd a dheanamh bròin 'maithle ris, agus a thabhairt comh-fhurtachd dha.

12 Agus an uair a thog iad an sùilean & fad as, agus nach d'aithnich iad e, thog iad an guth agus ghuidh iad, agus reub iad gach fear 'fhalluing, agus chrath iad duslach air an cinn a làimh nan nèamh.

a dhùisg, bhrosnaich.  
coinneamh ri chèile.  
dhoilgheis.

e rinn iad  
f comh-

g an uair a dh'amh-

airc iad.

2 A

529

a thuit.

b creachadairean.

c cha do chuir e amaideachd as leth Dhé.

13 Agus shuidh iad sìos maille ris air an talamh seachd laithean agus seachd oidhchean, agus cha do labhair neach focal ris; oir chunn-aic iad gu'n robh a dhoilgheas ro mhòr.

## CAIB. III.

**N**A dhéigh so dh'fhosgail Iob a bheul, agus mhallaich e a latha.

2 Agus labhair Iob, agus thubh-airt e,

3 Rachadh as do'n là air an d'rugadh mi, agus do'n oidhche anns an dubhradh, Ghineadh leanabh mic.

4 Biodh an là sin na dhorchadas; na h-iarradh Dia e<sup>a</sup> o'n airde, agus na dealraicheadh solus air.

5 Dubhadh an dorchadas agus sgàile a' bhàis e; gabhadh neul cùmhnuidh air; deanadh iad uamhasach e mar na laithean a's seirbhe<sup>b</sup>.

6 An oidhche sin, glacadh dorchadas i; na cuirear i ri laithibh na bliadhna; ann an àireamh nam mìos na d'thigeadh i.

7 Fench, biodh an oidhche sin aonaranach<sup>c</sup>; na d'thigeadh fonn aoibhinn oirre<sup>d</sup>.

8 Mallaicheadh iadsan i a mhal-laicheas an latha, a tha deas a thogail Lebliathain<sup>e</sup>.

9 Dorchaichear reultan a dùthrà<sup>f</sup>; amhairceadh i air son soluis, ach na d'thigeadh e; agus na faiceadh i rosga na maidne<sup>g</sup>:

10 A chionn nach do dhruid i dor-sa mò bhronn<sup>h</sup>, agus nach d'fholaich i bròn<sup>i</sup> om' shùilibh.

11 C'ar son nach d'eug mi o'n bhronn? c'ar son, an uair a thàinig mias a' bholg, nach d'thug mi suas an deo?

12 C'ar son a ghabh na glùinean romham? agus c'ar son na clocha, gu'n deothailinn?

13 Oir a nis luidhinn sìos, agus gheibhinn fois; choidlinn, an sin bhiodh tàmh agam;

14 Maille ri rìghribh agus combhairlichibh na talmhainn, a thog àitean aonaranach<sup>k</sup> dhoibh féin;

15 No maille ri h-uachdaranaibh aig an robh òr, a lion an tighean le h-airgiod;

16 No mar thorraicheas anabuich<sup>l</sup>.

<sup>a</sup> na h-amhairceadh Dia air a shon, na biodh seadh aig Dia dheth.

<sup>b</sup> cuireadh duibhre an là oillt air.

<sup>c</sup> aonarach. <sup>d</sup> na d'thigeadh

guth aoibhinn innte. <sup>e</sup> na h-uile-

bheiste, am bròn. <sup>f</sup> feasgair.

<sup>g</sup> briseadh na fàire. <sup>h</sup> bronn mò

mhàthar. <sup>i</sup> docair, doilgheas.

<sup>k</sup> fàsail. <sup>l</sup> neo-inbhich.

folaichte cha bhithinn ann, mar naoidheana nach faca solus.

17 An sin sguiridh na h-aingidh do bhuaireas<sup>m</sup>, agus an sin gheibh iadsan a ta sgìth le saothair fois:

18 Cuideachd bithidh tàmh aig na prìosunaich; cha chluinn iad guth an fhir-shàrachaidh.

19 Tha am beag agus am mòr an sin; agus an seirbhiseach saor o'mhaighstir.

20 C'ar son a thug e do'n truagh solus, agus beatha dhoibh-san a ta ann an searbas anama?

21 A tha gabhail fadail air son a' bhàis, ach cha 'n'eil e a' teachd; agus a chladhaicheas air a shon ni's mò na air son ionmhasa folaichte:

22 A ni aoibhneas ro mhòr, a ni luathghaire 'n'air a gheibh iad an uaigh:

23 Do'n duine aig am bheil a shlighe folaichte, agus a dhruid Dia suas air gach taobh.

24 Oir roimh mò bhiadh thig m'osnaich, agus taomar a mach mar uisge mò bhùircadh.

25 Oir an ni roimh an robh eagal mòr orm, thachair e dhomh; agus an ni roimh an robh mi fa uamhainn, thàinig e orm.

26 Cha robh mi an sìth, agus cha d'fhuair mi fois, agus cha robh tàmh agam; oir thàinig buaireas<sup>n</sup>.

## CAIB. IV.

**A**N sin fhreagair Eliphas an Te-manach, agus thubhairt e,

2 Ma dh'fheuchas sinn ri labhairt riut, an gabh thu gu h-olc e<sup>o</sup>? ach cò a's urrainn e féin a chumail o labhairt?

3 Feuch, theagaisg thusa mòran, agus neartaich thu na làmhian laga.

4 Esan a bha tuiteam chum do bhriathra suas, agus na glùine an-mhunn<sup>p</sup> neartaich thu.

5 Ach a nis thàinig e ort, agus gabh thu gu h-olc e<sup>q</sup>; bhean e riut, agus tha thu fa amhladh.

6 Nach e t'eagal diadhaidh t'earbsadh, agus ionracas do shlighean do dhòchas?

7 Cuimhnich, guidheam ort, cò e an neochiontach a sgriosadh, no c'àit an do ghearradh as na h-ionracain.

8 A réir mar a chunnaic mise, iadsan a threabhas<sup>r</sup> euceart, agus a chuireas aingidheachd, buainidh iad e.

9 Le séideadh<sup>s</sup> Dhé sgriosar iad, agus le anail a shròine cuirear as doibh.

10 Tha beucaich an leòmhain, a-

<sup>m</sup> aisith.

<sup>n</sup> fearg, trioblaid.

<sup>o</sup> am bi thu doilich.

<sup>p</sup> laga,

fanna. <sup>q</sup> tha thu a' fannachadh.

<sup>r</sup> dh'aireas,

<sup>s</sup> anail, osaig.

gus guth an leòmhain ghaire<sup>a</sup>, agus  
fiacra nan leòmhain òg air am bris-  
eadh.

11 Tha 'n seann leòmhain a bàs-  
achadh dh'fhàg cobhartaich, agus  
sgarar o chéile cuileana an leòmh-  
ain bhoirinn<sup>b</sup>.

12 Ach a m'ionnsuidh-sa thugadh  
focal<sup>c</sup> gu h-uaignidheach, agus  
ghabh mo chluas beagan deth.

13 Ann an smuaintibh o aisling-  
ibh na h-oidhche, 'nuair a thuiteas  
codal trom air daoineibh,

14 Thàinig eagal orm agus crith,  
a thug air mo chnàmha gu léir<sup>d</sup>  
criothnachadh:

15 Agus ghabh spiorad seachad  
roimh mo ghluais; sheas falt mo  
chuirp.

16 Sheas e, ach cha d'aithnich mi  
a chruth: dealbh fa chomhair mo  
shùl — tosd, agus chuala mi  
guth:

17 Am bi duine ni's ceirte na Dia?  
am bi fear ni's gloine na Chruith-  
fhear?

18 Feuch, as a sheirbhisich cha'n  
earb e, agus as leth 'aingle cuiridh e  
amaideachd:

19 Nach lugha na sin asda-san<sup>e</sup>,  
a tha nan còmhnuidh ann an tigh-  
ibh ceadha, aig am bheil am bun-  
adh anns an duslach, a bhruthar  
roimh an leòmann<sup>f</sup>?

20 O mhaduinn gu feasgar bruth-  
ar<sup>g</sup> iad; gun neach ann 'ga thoirt  
fa'near, théid as doibh gu bràth.

21 Nach siubhail am feodhas air  
falbh maille ri<sup>h</sup>? bàsaichidh iad, a-  
gus cha'n ann le gliocas.

## CAIB. V.

**G**AIRM a nis, ma ta e ann a  
fhreigaireas thu; agus cia do  
na naomhaibh ris an tionndaidh  
thu?

2 Oir marbhaidh fearg an t-am-  
aideach, agus bheir tnu bas an duine  
shuaraich.

3 Chunnaic mi an t-amaideach a'  
freumhachadh; ach mhallaidh mi  
'aite-còmhnuidh air ball.

4 Is fhad a bhios a mhic o thèar-  
uinteachd, agus bruthar iad anns a'  
gheatadh, gun neach ann gn'n teas-  
airginn.

5 Agus ithidh an t-ocrach suas  
'fhoghara, agus eadhon as na droigh-  
nibh gabhaidh se e<sup>h</sup>: sluigidh an  
creachadar suas am maoin.

<sup>a</sup> sachal. Eabh.

<sup>b</sup> bhaininn.

<sup>c</sup> ni.

<sup>d</sup> Ìonmhoireachd mo

chnàmh. Eabh.

<sup>e</sup> Mar an

ceudna nach cuir e sin as an leth-san.

<sup>f</sup> reudan.

<sup>g</sup> sgriosar.

<sup>h</sup> 5. Na ghearras iad sìos son fhog-  
hara ithidh an t-ocrach suas; agus o  
bhioraibh cha saorar iad.

6 Ge nach d'thig àmhghar a mach  
as an duslach, agus nach fàs car-  
raid<sup>i</sup> as an talamh;

7 Gidheadh, rugadh an duine  
chum carraid, mar a dh'éireas na  
srada<sup>k</sup> suas.

8 Ach dh'iarrainnse dh'ionnsuidh  
Dhé, agus a chum Dhé chuirinn mo  
ghuth<sup>l</sup>:

9 A tha deanamh *nithe* mòra agus  
do-rannsaich, *nithe* iongantach gun  
àireamh:

10 A tha toirt fhras uisge<sup>m</sup> air  
aghaidh na talmhainn, agus a' cur  
uisgeacha air aghaidh nam ma-  
chair;

11 A chum iadsan a tha iosal a  
chur an aird, agus iadsan a tha  
dubhach a thogail suas an tèaruint-  
eachd:

12 A tha toirt innleachda nan  
cuilbheartach gu neo-ni, air chor  
as nach coimhlion an làmhnan an  
gnìomh:

13 A tha glacadh nan daoine glice  
nan cuilbheartachd<sup>n</sup> féin, air chor  
as gu tilgear sìos comhairle nan  
daoine fiara<sup>o</sup>.

14 'San là coinnichidh iad dorch-  
adas; agus mar anns an oidhche  
smeuraichidh iad<sup>p</sup> mu mheadhon-là.

15 Ach saoraidh e am bochd o'n  
chlaidheamh o'm beul<sup>q</sup>, agus o  
làimh a' chumhachdaich.

16 Agus aig a bhoichd bithidh  
dòchas, agus druididh aingidheachd  
a beul.

17 Feuch, is nèarachid<sup>r</sup> an duine  
a smachdaicheas Dia: air cronach-  
adh an Uile-chumhachdaich ma ta  
na dean-sa tàir.

18 Oir cràdhaidh e, agus ceang-  
laidh e suas; lotaidh e, agus leighis-  
idh a làmhnan.

19 Ann an sè<sup>s</sup> teanntachdaibh<sup>t</sup>  
saoraidh e thu, agus anns an t-  
seachdamh cha d'thig olc an gar  
dhuit.

20 Ann an gorta tèarnaidh e thu  
o'n bhàs; agus ann an cogadh, o  
chumhachd<sup>u</sup> a' chlaidheimh.

21 O sgiùrsadh na teanga folaich-  
ear thu; agus cha bhi eagal ort  
roimh sgrios an uair a thig e.

22 Ri sgrios agus ri gorta<sup>x</sup> gàir-  
idh tu; agus roimh fhiadh bheath-

<sup>i</sup> teinn, triobloid.

<sup>k</sup> mic an

teine. Eabh.

<sup>l</sup> ri Dia dh'earb-

ainn mo chùis.

<sup>m</sup> feurthuinn.

<sup>n</sup> nan innleachdaibh.

Faic. I Cor.

Caib. III. r. 19.

<sup>o</sup> carach,

aingidh.

<sup>p</sup> ri iarraidh fo

làimh bithidh iad.

<sup>q</sup> o chlaidh-

eamh am beoil.

<sup>r</sup> is ro-shona.

<sup>s</sup> sea.

<sup>t</sup> cuntaibh.

<sup>u</sup> o làmhnaibh.

<sup>x</sup> cruaidh-chasaibh,

<sup>y</sup> o làmhnaibh.

<sup>z</sup> Mu fhàsachadh agus

mu ghorta.

àichibh na talmhainn cha bhí eagal ort.

23 Oir rí clachaibh na macharach bithidh tu ann an coimhcheangal; agus bithidh fiadh-bheathaiche na macharach ann an sìth riut.

24 Agus aithnichidh tu gu'm bí do pháillinn ann an sìth, agus amhaircidh tu air t'àite-còmhnuidh, agus cha dean thu gu h-olc.

25 Aithnichidh tu mar an ceudna gu'm bí do shliochd lionmhor, agus do ghineal mar fheur na talmhainn.

26 Thig thu ann an làn aois chum na h-uaigne, mar a chuirear suas cruach<sup>b</sup> arbhair na h-àm.

27 Feuch, so an ní a rannsaich sinn; mar sin a ta e: éisd ris, agus biodh fios agad air, air do shon féin.

# CAIB. VI.

**A**CH fhreagair lob, agus thubhairt e,

2 O nach robh mo dhoilgheas air a làn-chothromachadh, agus mo dhòruinn<sup>d</sup> togta auns na meidhibh le chéile!

3 Oir a nis bhíodh e ní bu truime na gaineamh na fairge: uime sin tha mo bhriathran air an slugadh suas.

4 Oir tha saighdean an Uile-chumhachdaich annam, agus tha an nimh ag òl suas mo spioraid: tha uamhasa Dhé 'gan cur féin an ordugh catha a'm' aghaidh.

5 An dean am fiadh-asal sitirich os cionn feoir? an dean an damh geum os cionn 'innlinn?

6 An gabh an ní a ta neo-bhlasta itheadh gun salann? an bheil blas air gealagan an uibhe?

7 Tha m'anam a' diultadh bean-tuinn riu: tha iad sin mar mo bhíadh bròin.

8 O nach d'thugta dhomh m'ath-chuinge, agus gu'n deònaicheadh Dia dhomh mo inhiann!

9 Agus gu'm bu toil le Dia mo sgrios; gu'n cuireadh e mach a làmh, agus gu'n gearradh e as mi!

10 An sin bhíodh furtachd agam fathast, ge do bhithinn air mo chruadhachadh ann an do-bròn, agus nach caomhnadh e; oir cha do cheil mi briathran an Aoin naomha.

11 Ciod e mo neart, gu'm biodh dòchas again? agus ciod i mo chríoch, gu'n sininn mo bheatha?

12 An e neart nan clach mo neart? an bheil m'fheoil do umha?

<sup>a</sup> cha pheacaich thu.  
<sup>a</sup> chuirear a stigh adag.

<sup>c</sup> m'fhearg.  
<sup>c</sup> gidheachd.

<sup>c</sup> gabhail gràin.  
<sup>c</sup> a làmh sgaoille.

<sup>b</sup> mar

<sup>d</sup> m'olc, m'an-

<sup>e</sup> d'am bheil mi

<sup>f</sup> gu'n leigeadh

13 Nach eil mo chabhair annam féin? agus an d'fhuadaicheadh gliocas uam?

14 Dha-san a thréigeadh a charaid is mòr am masladh es; tréigidh e mar an ceudna eagal an Uile-chumhachdaich.

15 Mheall mo bhràithre mi mar shruth: mar neart nan sruth ghabh iad seachad:

16 A bhios dubh le h-eigh; anns am folaichear an sneachda:

17 An uair a leaghas iad, théid as doibh; an uair a dh'fhàsas e teth, caithear as an àit iad.

18 Tha ceuman an slighe air claonadh: thig iad gu neo-ní, agus sgriosar iad.

19 Dh'amhairc buidhnean Thema, dh'fheith cuideachdan<sup>b</sup> Sheba orra.

20 Bha iad fa amhladh, a chionn roimhe sin gu'n robh dòchas aca: thàinig iad an sin, agus bha naire orra.

21 Ach a nis tha sibhse nar neo-ní; chi sibh mo bhriseadh-chridhe, agus tha eagal oirbh.

22 An dubhairt mi, Thugaibh a'm' ionnsuidh? no d'ar maoin thugaibh tiodhlacadh air mo shon?

23 No tèarnaibh mi o làimh an nàmhaid? no o làimh nan cumhachdach saoraibh mi?

24 Teagaisgibh mi, agus bithidh mi a'm' thosd; agus ma chaidh mi bheag am mearachd, thugaibh orm a thuigsinn.

25 Nach neartmhor briathra ceart? ach ciod a chronaicheas esan, a chronaicheas 'nar measg?

26 An smuainich sibh air briathran a chronachadh, agus cainnt an eu-dòchasaich, a tha mar ghaoith<sup>k</sup>?

27 Seadh, tha sibh a' leum air an dilleachdan, agus a' cladhachadh sluichd d'ar caraid.

28 Anis, uime sin, ma's toil leibh, amhaircibh orm; agus bithidh e soil-leir dhuibh, ma ní mi breug.

29 Pillibh, guidheam oirbh, na biodh euceart ann; seadh, pillibh fathast, tha m'fhìreantachd-sa ann.

30 An bheil ann am theangaidh euceart? nach aithnich mo bhlas nithe fìara?

# CAIB. VII.

**N**AACH 'eil àm suidhichte aig an duine air thalamh? agus mar laithean fhlir-tuairasdail a laithean?

2 Mar a mhìannaicheadh an seirbhiseach an sgàile, agus mar a bhios

<sup>g</sup> Dha-san a tha ann an amhghar dlighear truacantas o charaid.

<sup>h</sup> luchd-turuis.

<sup>i</sup> ciod a tha bhur comh-reusonachadh a' crona-

<sup>k</sup> chadh? air a' ghaoith an

tilg sibh gu faoin bhur cainnt? Faic.

Caib. VIII. r. 2.



sùil aig an fhear-tuasdail ri duais 'oibre;

3 Mar sin fhuair mise mar sheilbh dhomh féin miosan dlomhanais, agus àirmhear<sup>a</sup> dhomh oidhchean cràidh<sup>b</sup>.

4 Ma luidheas mi sìos, their mi, C'uin a dh'éireas mi, agus a théid an oidhche thairis? agus tha mi làn luasgaidh a null agus a nall gu bris-eadh na faire.

5 Tha m'fheoil air a còmh-dach-adh le cnuimhibh agus spairtibh ùire : bhris mo chroiciunn, agus tha e breun.

6 Tha mo laithean ni's luaithe na spàl figheadair, agus tha iad air an caithheadh gun dòchas.

7 Cuimhnich gur gaath mo bheatha : cha phill mo shùil a dh'fhaicinn maith.

8 Sùil an ti a chunnaic mi, cha'n fhaic i mi : bithidh do shùilean orm agus cha bhi mi ann.

9 Caithear an neul, is théid e as; mar sin esan a théid sìos do'n uaigh, cha d'thig e nìos.

10 Cha phill e ni's mò dh'ionnsuidh a thighe; agus cha'n aithnich 'ait e ni's mò.

11 Uime sin cha chum mi mo bheul; labhraidh mi ann an teanntachd<sup>c</sup> mo spioraid; gearainidh mi ann an searbhas m'anama.

12 Am muir mi, no muc-mhara<sup>d</sup>, gu'n cuireadh tu faire orm?

13 Ma their mi, Bheir mo leaba furtachd dhomh, eutromaichidh m'uirigh mo ghearan;

14 An sin cuiridh tu fuathas orm le h-aislingibh, agus uamhas le seallanaibh.

15 Agus is fearr le m'anam tachdadh, bàs na beatha<sup>e</sup>.

16 Tha mi gabhail gràin deth; cha b'aill leam bhi beo gu bràth: leig leam, oir is dlomhanas mo laithean.

17 Ciod e an duine, gu'n ardaich-eadh tu e? agus gu'n suidhicheadh tu do chridhe air?

18 Agus gu'm fiosraicheadh tu e gach maduinn? gach mionaid gu'n dearbhadh tu e?

19 Cia fhad a bhios tu gun dealachadh rium? agus nach leig thu leam gus an sluig mi sìos mo shìle?

20 Pheacaich mi; ciod a ni mi dhuit, O fhir-coimhid dhaoine? c'ar son a chuir thu mi a t' aghaidh<sup>f</sup>, agus a ta mi a'm' eires orm féin?

21 Agus c'ar son nach maith thu

<sup>a</sup> orduichear, suidhichear.

<sup>b</sup> oidhchean piantachail, fadalach.

<sup>c</sup> cràdh. <sup>d</sup> uile-bheist.

<sup>e</sup> cnaimhean slàna; mo chnàmha.

Eabh. <sup>f</sup> c'ar son a chuir thu fa d' chomhair mar chuspair mi?

m'eusaontas, agus nach cuir thu air falbh m'euceart? oir a nis anns an duslach coidlidh mi, agus iarraidh tu mi anns a' mhaduinn, ach cha bhi mi ann.

## CAIB. VIII.

**A**N sin fhreagair Bildad an Suh-ach, agus thubhairt e,

2 Cia fhad a labhras tu mar sin, agus a bhios briathra do bheoil mar ghaoith làidir?

3 Am fiar Dia breitheanas, agus am fiar an t-Uile-chumhachdach ceartas?

4 Ma pheacaich do chlann na aghaidh, agus gu'n d'thug e thairis iad do'n eusaontas<sup>h</sup>;

5 Nan iarradh tu gu moch a dh'ionnsuidh Dhé, agus air an Uile-chumhachdach nan aslaicheadh tu;

6 Nam biodh tu glan agus ionraic, gu cinnteach a nis mhosgaileadh e air do shon, agus dheanadh e àite-còmhnuidh t'fhireantachd sìochail:

7 Ge do bhiodh do thoiseach beag, dh'fhasadh do chrìoch gu mòr.

8 Oir fiosraich, guidheam ort, do'n linn roimhe, agus deasaich thu féin chum rannsaichaidh an aithriche.

9 (Oir o'n dé tha sinne, agus cha 'n aithne dhuinn, a chionn gur sgàile ar laithean air thalamh,)

10 Nach teagaisg iad thu, nach innis iad duit, agus o'n cridhe nach labhair iad briathra?

11 Am fàs an luachair gun làthach? am fàs am mìn-fheur<sup>i</sup> gun uisge?

12 'Nuair a bhios e fathast na ghlaise<sup>k</sup>, cha ghearrar sìos e; gidh-eadh, roimh gach luibh seargaidh e.

13 Mar sin ceuma nan uile a dhi-chuimhnichneas Dia: agus bàsaichidh dòchas a' chealgair;

14 Aig an gearrar a dhòchas as, oir is e lìon<sup>l</sup> an damhain-allaidh 'earbsa.

15 Leigidh e 'thaic ri' thigh, ach cha seas e: cumaidh se gu daingean e, ach cha mhair e.

16 Uaine tha e fà chomhair na gréine, agus na lios<sup>m</sup> fàsaidh a mheanglan suas.

17 Air a' charn bithidh a fhreumh-an air am figheadh air feadh a chéile, agus fiosraichidh e àit nan clach<sup>n</sup>.

18 Ma ghearras e as<sup>o</sup> o'ait e, an sin àicheadhaidh se e, agràdh, Cha'n fhaca mi thu.

<sup>g</sup> a'm' eallaich. <sup>h</sup> chuir e iad ann an làimh an eusaontais. Eabh.

<sup>i</sup> an gall-sheilisdair, fear a chladaich.

Faic. Gen. Caib. XLI. r. 2.

<sup>k</sup> na ghuirme, uaine. <sup>l</sup> tigh.

Eabh. <sup>m</sup> ghàradh.

<sup>n</sup> chi e tigh nan clach.

<sup>o</sup> Ma sgriosar.

19 Feuch, is e so aobhneas a shlighe-san; ach as an ùir fàsaidh aon eile.

20 Feuch, cha tilg Dia air falbh an duine foirfe, agus cha ghabh e greim do làimh nan daoine aingidh:

21 Gus an lìon e do bheul le gàire, agus do bhilean le gairdeachas.

22 Iadsan a dh'fhuathaicheas thu còmhdaichear iad le nàire; agus cha bhi pàilliu nan aingidh ann.

# CALB. IX.

**A** GUS fhreagair Iob, agus thubhairt e,

2 Gu deimhin tha fhios agam gu bheil e mar sin: oir cionnas a shaoras duine e féin a aig Dia?

3 Ma's àill leis a chùis a thagradh na làthair<sup>b</sup>, cha fhreagair se e aon ùair as a' mhùil.

4 Glic an cridhe, agus treun an neart, cò a chruaidhich e féin na aghaidh, agus a shoirbhich?

5 A dh'atharraicheas na beannta, agus cha bhi fios ac' air; a thilgeas bun os cionn iad na fheirg:

6 A chrathas an talamh as 'ait, agus crìothnaichidh a phuist:

7 A dh'aitheas do'n ghréin, agus cha'n éirich i; agus air na reultaibh a chuireas seula:

8 A sgaoileas a mach na nèamha na aonar, agus a shaltaireas air tonnaibh na fairge:

9 A tha deanamh Arcturuis<sup>c</sup>, Orioin<sup>d</sup>, agus Pleiades<sup>e</sup>, agus sheòmar-raidhe na h-àirdé deas:

10 A tha deanamh nithe mòra, nach bi e 'n comas fhaghail a mach, agus nithe iongantach nach gabh àireamh.

11 Feuch, thèid e seachad orm, agus cha'n fhaic mi e; agus gabhaidh e thàiris, ach cha mhothaich mi e.

12 Feuch, ma bheir e air falbh, cò a bhacas e? cò a their ris, Ciod a tha thu a' deanamh?

13 Cha tionndaidh Dia air falbh 'fhearg: fuidhe cromaidh fir-chuideachaidh an ardain.

14 Nach ro lugha na sin a fhreagaireas mise e, a thaghas mi mo bhriathra ris?

15 Oir ge do bhithinn ionraic, cha fhreagairinn e; air mo bhreith-eamh dh'aslaichinn.

16 Nan gairminn, agus gu'm freag-

aireadh e mi, cha chreidinn<sup>b</sup>, gu'n d'éisd e ri m' ghuth:

17 Oir le doinionn tha e gam bhruthadh, agus a' deanamh mo lot lìonmhor gun aobhar.

18 Cha leig e leam m'anail a tharruing, ach lìonaidh e mi le sear-bhas<sup>i</sup>.

19 Ma labhrar mu neart, feuch, tha e làidir; agus ma labhrar mu bhreitheanas, cò a shuidhicheas am<sup>k</sup> oir mo shon?

20 Ma dh'fhìreanaicheas mi mi féin, dèidh mo bheul féin mi; agus foirfe ma ni mi mi féin, nochdaidh e fiar mi.

21 Foirfe ge do bhithinn, cha'n aithnichinn e; a'm' anam<sup>l</sup> dhèanainn tàir air mo bheatha.

22 Is aon ni e: uime sin thubhairt mi, Am foirfe agus an t-aingidh tha e a' sgrios.

23 Ma mharbhas an t-slat gu h-obann, ri deuchainn nan neo-chiontach gairidh e.

24 Thugadh an talamh an làimh an aingidh: aghaidhean a bhreith-eamhna còmhdaichidh e: mar dean e mar so, c'ait, cò esan a ni?

25 Bha mo laithean ni bu luaithe na gille-ruithe: thieich iad air falbh, cha'n fhac iad maith.

26 Ghabh iad seachad mar na longaibh luatha, mar an iolaire a' dol air iteig<sup>m</sup> a chum cobhart-aich.

27 Ma their mi, Di-chuimhnichidh mi mo ghearan, leigidh mi dhìom mo dhubhachas<sup>n</sup>, agus bheir mi comhfhurtachd dhomh féin;

28 Tha eagal orm roimh mo dhoilgheasaibh uile; tha fios agam nach meas thu neo-chiontach mi.

29 Ma bhios mi aingidh<sup>o</sup>, c'ar son ma ta a shaothraichinn gu dhomhain?

30 Ma nigheas mi mi féin ann an uisgibh sneachdaidh, agus ma ghian-as mi gu glan mo làmh;

31 An sin tumaidh tu mi 'san t-slochd<sup>p</sup>, agus gabhaidh m'eudachd féin gràin dhom.

32 Oir cha duine e mar a ta mise, gu'm freagairinn e, gu'n d'thigeamaid cuideachd gu breitheanas.

33 Cha 'n'eil fear-réite<sup>q</sup> eadar-uinn, a chuireadh a làmh oirnn le chéile.

34 Thugadh e air falbh a shlat

<sup>b</sup> is gann a chreidinn. <sup>i</sup> le searbhasaibh. <sup>k</sup> àm-tagraidh.

<sup>l</sup> Foirfe ge do bhithinn, cha'n aithnichinn m'anam. <sup>m</sup> mar an iolaire a dh'iteulaicheas. <sup>n</sup> mo

thuirse; mo ghnùis. Eabh.

<sup>o</sup> ciontach. <sup>p</sup> 'san t-salchar,

<sup>q</sup> fear-tagraidh, fear-cadraiginn, breitheamh.

<sup>a</sup> a bhios duine ceart? <sup>b</sup> Ma ni e strì ris. <sup>c</sup> Has. Eabh.

<sup>d</sup> Chesil. Eabh. <sup>e</sup> nan seachd rionnag; Chima. Eabh.

<sup>f</sup> ma bheir e leis, cò a bheir air aiseag? <sup>g</sup> ceart, cothromach,

neo-chiontach.

dhìom, agus na cuireadh eagall roimhe uamhas orm.

35 An sin labhrainn, agus cha bhiodh eagall orm roimhe: ach cha 'n'eil mi mar sin agam féin<sup>a</sup>.

## CAIB. X.

**T**HA m'anam sgèth dom' bheatha; fàgaidh mi mo ghearan orm féin; labhraidh mi ann an searbhas m'anama.

2 Their mi ri Dia, Na dìt mi; thoir fios dhomh c'arson a tha thu a' cur a'm' aghaidh.

3 Am maith leat gu'n sàraicheadh tu, gu'n deanadh tu tàr air obair do làmh? agus gu'n dealraicheadh tu air comhairle nan aingibh?

4 Am bheil sùilean fèdla agad? an ann mar a chi duine, a chi thusa?

5 An ann mar laithibh duine a tha do laithean-sa? am bheil do bhliadh-nacha mar laithibh duine.

6 Gu'n sireadh tu air son b'm'eu-ceirte, agus gu'n rannsaicheadh tu air son mo pheacaidh?

7 Tha fhios agad nach d'rinn mi gu h-aingidh: agus cha 'n'eil neach ann a shaoras o d' làmh.

8 Shaothraich do làmh-sa mi, agus rinn iad mi comhcheart mu'n eòairt; agus an sgrios thu mi?

9 Cuimhuich, guidheam ort, gur ann mar chrìadh a rinn thu mi, agus gu dùslach an tionndaidh thu mi a rìs?

10 Mar bhainne nach do thaom thu mi mach, agus mar chàise nach do dhaingnich thu mi?

11 Le croicìonn agus le feoil chòmhdach thu mi, agus le cnàmhaibh agus fèithibh-luthaidh dh'ionc thu mi.

12 Beatha agus caomhneas dheònaich thu dhomh, agus choimhid do fhreasdal<sup>d</sup> mo spiorad.

13 Agus na nithe so dh'fholaich thu a'd' chridhe: tha fios agam gu bheil so agad<sup>e</sup>.

14 Ma pheacaicheas mi, bheir thu fa'near mi, agus o m'euceart cha saor<sup>f</sup> thu mi.

15 Ma bhios mi aingidh, mo thruaigh mi! agus na bhios mi ion-raic, cha tog mi mo cheann. Làn maslaidh<sup>g</sup> a ta mi, agus faic féin m'amhghar;

16 Oir tha e a' meudachadh: mar ledmhan garg tha thu a' scalg orm; agus a rìs tha thu 'gad nochdadh féin iongantach orm<sup>h</sup>.

17 Tha thu ag ath-nuadhachadh

t-fhianaisean a'm' aghaidh, agus a meudachadh do chorruich rium; tha caochlaidh agus cogadh a'm' aghaidh.

18 C'ar son ma ta a thug thu mach as a' bhroinn mi? Och nach d'thug mi suas an ded, gun sùil 'gam fhaicinn!

19 Bhithinn mar nach bithinn ann; o'n bhroinn a dh'ionnsuidh na h-uaghe bhithinn air mo ghìulan.

20 Nach tearc mo laithean? sguir ma ta, agus leig leam, agus gu faigh mi beagan comh-fhurtachd;

21 Mun siubhail mi, agus nach pill mi tuilleadh, gu tìr an dorchadais agus sgàile a' bhàis;

22 Tìr dorchadais mar dhuibhre sgàile a' bhàis, agus as eugmhais gach riaghailt, agus far am bheil an solus mar dhorchadas<sup>i</sup>.

## CAIB. XI.

**A**N sin fhreagair Sophar an Naam-atach, agus thubhairt e,

2 Do lìonmhoireachd bhriathar nach d'thoirear freagradh? agus an saorar fear na mòr bhruidhne?

3 An d'thoir do bhreugan-sa air daoineibh a bhi nan tosd? agus an uair a ni tìr fanoid, nach cuir duin' air bith nàir ort?

4 Oir thubhairt thu, Glan a ta mo theagasg, agus neo-chientach<sup>k</sup> tha mi ann ad shùilibh.

5 Ach, O nach labhradh Dia, agus nach fosgaileadh e a bhilean riut<sup>l</sup>;

6 Agus nach nochdadh e dhuit nithe dìomhair a' ghliocais, gu bheil iad dùbailte na ta ann<sup>m</sup>! Biodh fios agad uime sin gu bheil Dia 'gad agairt air son t'euceirte<sup>n</sup>.

7 An urrainn thusa le rannsachadh Dia fhagail a mach? an urrainn thu an t-Uile-chumhachdach fhagail a mach gu h-iomlan?

8 Ard mar na nèamha; ciod a ni thu? ni's doimhne na isfrinn; ciod is aithne dhuit?

9 Ni's faide na'n talamh a thomhas, agus ni's leithne na'n fhaige.

10 Ma ghearras e as<sup>o</sup>, no ma dhùineas e suas, no ma chruinnicheas e ri chèile, cò a bhacas e?

11 Oir is aithne dha daoine faoine<sup>p</sup>; agus an uair a chi e euceart, nach d'thoir e fa'near i?

12 Agus b'ail leis an duine fhìolamh<sup>q</sup> a bhi glic, ge d'is aun mar

<sup>i</sup> agus a bhios dorchas mar an dorchadas féin. <sup>k</sup> glan. <sup>l</sup> a't' aghaidh.

<sup>m</sup> na ta air am foillseachadh do dhaoineibh. <sup>n</sup> gur lugha a tha Dia a togail uair na tha t'euceart a' toiltinn.

<sup>o</sup> Ma-chaochailas e. <sup>p</sup> breugach. <sup>q</sup> fhàs, fhaoin.

<sup>a</sup> ni h-ann mar sin a ta e agam-sa.

<sup>b</sup> an déigh. <sup>c</sup> neartaich.

<sup>d</sup> t'fhiosrachadh. <sup>e</sup> a't'aigne.

<sup>f</sup> cha ghlan. <sup>g</sup> amhluaidh.

<sup>h</sup> tha do làmh iongantach trom orm.

535



5 O nach robh sibh gu tur 'nar tosd! agus b'e sin bhur gliocas.

6 Cluinnibh a nis mo thagradh<sup>a</sup>, agus éisidibh ri deasboireachd mo bhilean.

7 An labhair sibh gu h-aingidh air son Dhé? agus air a shon-san an labhair sibh gu cealgach?

8 An gabh sibh r'a ghnùis<sup>b</sup>? air son Dhé an dean sibh comhstri?

9 An bheil e maith gu'n rannsaicheadh e mach sibh? mar a nithear fanoid air duine, an dean sibh fanoid air-san?

10 Gu cinnteach cronaichidh e sibh, ma ghabhas sibh an uaignidheas ri 'ghnùis.

11 Nach cuir 'dirdhearcas-san eagal oirbh? agus nach tuit 'uamhann-san oirbh?

12 Tha bliur cuimhne cosmhuil ri luathre, mar chuirp creadha bhur cuirp.

13 Bithibh nar tosd am' thaobhas, agus labhraidh mi, agus thigeadh orm na dh'fheadas.

14 C'ar son a tha mi gabhail m'fheòla a'm' fhiacclaibh, agus a' cur mo bheatha a'm' làimh<sup>d</sup>?

15 Ge do mharbh e mi, gidheadh earbaidh mi as<sup>e</sup>: ach tagraidh<sup>f</sup> mi mo shlighean na fhiauais.

16 Mar an ceudna bithidh e dhomhsa chum slàinte; oir cha d'thig cealgair na lathair<sup>g</sup>?

17 Eisidibh gu furachar ri m' chainnt, agus ri m' sgeul le'r cluas-aibh.

18 Feuch, a nis chuir mi mo chùis an ordugh: tha fios agam gu'n saor-ar mi.

19 Cò esan a thagras rium? oir a nis ma bhitheas mi a'm' thosd, bheir mi suas an deò.

20 A mhàin dà ni na dean rium; an sin o d' ghnùis cha'n fholaich mi mi féin.

21 Tarruing do làmh fada uam? agus na cuireadh t'uamhann eagal orm.

22 An sin gairm thusa, agus freagraidh mise: n labhraidh mise, agus freagair thusa mi.

23 Cia lionmhor m'eucearta agus mo pheacanna? air m'eusaontas agus mo pheacadh thoir fios domh.

24 C'ar son a tha thu a' folachadh do ghnùise, agus 'gam mheas mar nàmhaid duit?

25 Am bris thu ann duilleag a

<sup>a</sup> m'achmhasan.

<sup>b</sup> Am bi sibh

leth-bhretheach air a thaobh-san?

<sup>c</sup> gabhadh thairis.

<sup>d</sup> ann an

cuntart. <sup>e</sup> cha'n'eil dùil agam ri ni eile.

<sup>f</sup> dearbhaidh, seasaidh.

<sup>g</sup> na shlàinte dhomhsa, ge nach d'thig cealgair na lathair.

thilgear a null agus a nall? agus an ruaig thu an asbhuain thioram?

26 Oir tha thu a' scriobhadh nithe searbha a'm' aghaidh, agus a' toirt orm eucearta m'òige a shealbhachadh.

27 Agus tha thu a' cur mo chos anns a' cheap, agus a' geur-amharc air mo shlighibh gu léir, agus a' cur chomhar air bonnaibh mo chos.

28 Agus mar ni breun cuirear as da<sup>h</sup>, mar thrusgan a dh'itheas an leomann<sup>i</sup>.

## CAIB. XIV.

THA 'n duine a rugadh o mhnaoi, gearr-shaoghalach<sup>k</sup>, agus làn àmhghair.

2 Mar bhlàth thig e mach, agus gearrar sìos e: agus teichidh e mar sgàile, agus cha'n fhan e.

3 Gidheadh air a leithid sin dh'fhosgail thu do shùilean; agus mise tha thu a' tabhairt gu breith-eanas maille riut.

4 Cò a bheir glan a neo-ghlan? cha tabhair a li-aon.

5 Gu deimhin tha<sup>l</sup> a laithean suidhichte, tha àireamh a mhìos agadsa; dh'orduich thu a chrìocha, agus cha d'théid e thairis orra.

6 Tionndaidh uait chum gu bi fois aige, gus an coimhlion e mar fhear-tuarasdail a latha.

7 Oir tha dòchas a craoibh, ma ghearrar sìos i, gu'm fàs i a rìs, agus nach fàilnich a faillean<sup>m</sup> òg.

8 Ge d'fhàs a freumh sean anns an talamh, agus ann an ùir ge do bhàsaich a stoc;

9 Trid fhàile an uisge ùr-fhasaidh si, agus bheir i mach geuga mar òg-chraoibh.

10 Ach bàsaichidh fear, agus théid gu tur as da; agus bheir duine suas an deò, agus c'ait am bheil e?

11 Fàilnichidh na li-uisgeacha o'n mhuir, agus caithear an abhuinn, agus tiormaichidh i suas<sup>n</sup>:

12 Mar sin luidhidh an duine sìos, agus cha'n éirich e: gus nach bi na nèamha ann, cha mhosgail iad, agus cha dùisgear as an codal iad.

13 Och nach folaicheadh tu mi anns an uaigh, nach gleidheadh tu mi an uaignidheas, gus am biodh t'fhearg thairis! nach suidhicheadh tu dhomh àm àraidh, agus gu'n cuimhnichheadh tu mi!

14 Ma bhàsaicheas duine, an d'thig e beò? uile laithean m'aimsire suidhichte feithidh mi, gus an d'thig mo chaochladh.

<sup>h</sup> domh.

<sup>i</sup> an reudan, a' chnuimh.

<sup>k</sup> air bheag laithean.

<sup>l</sup> A thaobh

gu bheil.

<sup>m</sup> meanglan.

<sup>n</sup> Faic.

Isaiah Caib. XIX. r. 5.

15 Gairmidh<sup>a</sup> tusa, agus freag-  
raidh mise thu: air obair do làmh  
bithidh déigh agad.

16 Oir a nis tha thu ag àireamh  
mo cheum; agus nach 'eil thu ri  
faire air mo pheacadh?

17 Seulaichte ann an ceanglachan  
tha m'eusaontas, agus fuaighidh tu  
suas m'euceart.

18 Agus gu deimhin tuitidh a'  
bheinn, agus théid as d'i; agus ath-  
arraichear a' charraig as a h-àit.

19 Cairidh na h-uisgeacha na  
clacha: bheir thu tuil air na nithibh  
a dh'fhàsas a h-ùir na talmhainn, a-  
gus sgriosaidh tu dòchas an duine.

20 Buadhaichidh tu gu bràth na  
aghaidh, agus sìobhlaidh e: caoch-  
ailidh tu a ghnùis, agus cuiridh tu  
air falbh e.

21 Urramach fàsaidh a mhic, a-  
gus cha bhi fios aig air; agus islich-  
ear iad, ach cha d'thoir e fa'near  
iad<sup>b</sup>.

22 Ach bithidh 'fheoil an taobh a  
stigh dheth<sup>c</sup> cràiteach, agus ni 'an-  
am an taobh a stigh dheth bròn.

# CAIB. XV.

**A**N sin fhreagair Eliphas an Te-  
manach, agus thubhairt e,

2 An luadh duine glic air eòlas na  
gaoithe<sup>d</sup>, agus an òn e a chliabh  
leis a' ghaoith an ear?

3 An tagair e le briathraibh gun  
tairbhe, agus le cainnt leis nach  
dean e maith?

4 Seadh, tha thu a' tilgeadh dhìot  
eagail<sup>e</sup>, agus a' leigeadh urnuigh  
dhìot an làthair Dhé.

5 Oir teagaisgidh t'aingidheachd  
do bheul<sup>f</sup>, agus ròghnaichidh tu  
teanga nan cuilbheartach.

6 Dìtidh do bheul féin thu, agus  
cha mhise; agus bheir do bhilean  
féin fianuis a' t' aghaidh.

7 An tusa an ceud duine a rug-  
adh? no roimh na cnocaibh an do  
rinneadh thu?

8 An cuala tu bheag ann an comh-  
airle dhìomhair Dhé? agus a t'ionn-  
suidh féin a mhàin an do tharruing  
thu gliocas<sup>g</sup>?

9 Ciod is aithne dhuitse, nach  
aithne dhuinne? a thuigeas tusa,  
nach tuig sinne<sup>h</sup>?

10 Tha aron an ceann-liath agus  
an t-aosmhor 'nar measgne, ni's sine  
gu mòr na t'athair.

<sup>a</sup> Goiridh. <sup>b</sup> cha mhothaich  
e sin d'an taobh. <sup>c</sup> air a shon  
féin.

<sup>d</sup> eòlas faoin. <sup>e</sup> eagail dhiadhaidh. <sup>f</sup> nochd-  
aidh do bheul t'aingidheachd.

<sup>g</sup> a t'ionnsuidh féin an d'thoir thu  
air falbh gliocas; riut féin a mhàin an  
cum thu gliocas?

<sup>h</sup> nach 'eil  
againne. Eabh.

11 Am beag leat sòlasa Dhé? agus  
am bheil ni dìomhair agad<sup>i</sup>?

12 C'ar son a tha do chridhe 'gad  
thoirt air falbh? agus c'ar son a tha  
do shùilean a' caogadh?

13 Gu bheil thu a' tionndadh do  
spioraid an aghaidh Dhé, agus a'  
leigeadh an leithide sin do bhriath-  
raibh a mach as do bheul?

14 Cò e an duine, gu'm biodh e  
glan? agus gu'n saoradh esan e féin,  
a rugadh o mhnai?

15 Feuch, as a naomhaibh cha'n  
earb e; agus cha 'n'eil na nèamha  
glan na shùilibh.

16 Nach gràineile agus nach sail-  
che gu mòr an duine, a dh'òlas eu-  
ceart mar uisge?

17 Inneidh mi dhuit, éisd rium;  
agus na chunnaic mi, cuiridh mi 'n  
céill,

18 A dh'athris daoine glice, agus  
nach do cheil an aithriche orra<sup>k</sup>:

19 D'an d'thugadh nan aonar an  
talamh, agus cha d'imich coigreach  
nam measg.

20 Rè a laithean uile cràdhar an  
t-aingidh; agus folaichear àireamh  
a bhliadhnan air an fhear-shàra-  
chaidh.

21 Tha fuaim eagalach na chlnas-  
aibh: na shoirbheachadh thig am  
fear-millidh air.

22 Cha chreid e gu'm pill e as an  
dorchadas: agus feithear air leis a'  
chlaidheamh.

23 Tha e ag imeachd mu'n cuairt  
air son arain, ag ràdh, C'ait am bheil  
e? tha fios aige gu bheil latha an  
dorchadas deas aig a làimh.

24 Cuiridh teanntachd agus àmh-  
ghar<sup>l</sup> uanias air: buadhaichidh  
iad air, mar rìgh deas a chum catha.

25 Oir sinidh e mach a làmh an  
aghaidh Dhé, agus an aghaidh an  
Uile-chumhachdaich neartaichidh  
se e féin.

26 Ruithidh e air, air a mhuineal,  
air copaibh tiugha a sgiath;

27 A chionn gu'n do chòmhdach  
e a ghnùis le a shult<sup>m</sup>, agus gu'n  
d'rinn e sìlleann<sup>n</sup> saille air a leas-  
raidh.

28 Agus còmhnuichidh e ann am  
baitibh fàsaichte<sup>o</sup>, ann an tighibh  
nach 'eil air an àiteachadh, a tha  
ullamh gu bhi nan carnaibh.

29 Cha bhi e beartach, agus cha  
mhair a mhaoin; agus cha sìn e  
mach a fhreumh 'san talamh<sup>p</sup>.

<sup>i</sup> an d'fholaich e focal agad.

<sup>k</sup> dh'athris daoine glice o'n aith-  
richibh, agus nach do cheil iad.

<sup>l</sup> cruaidh-chas. <sup>m</sup> reamhrad.

<sup>n</sup> staoigean. <sup>o</sup> fàsail.

<sup>p</sup> cha sìn e an coimhliontachd air an  
talamh; cha chuir e mach sgàile air an  
talamh.

30 Cha triall e a dorchadas; tior-  
maichidh lasair a mheanglan<sup>a</sup>; agus  
siubhlaidh e le anail a bheoil.

31 Na h-earbadh esan a mheallar  
a dìomhanas, oir dìomhanas bithidh  
aige mar luaigheachd.

32 Roimh a là coimhlionar e; a-  
gus cha bhì a gheug uaine.

33 Crathaidh e dheth mar an  
fhìlonain fhìon-dhearc anabaich,  
agus tilgidh e dheth mar an crann  
olaidh a bhlàth.

34 Oir bithidh coimhthional nan  
cealgair aonarach, agus caithidh  
teine pàilliuna na duais-bhratha<sup>b</sup>.

35 Ginidh iad donas, agus beiridh  
iad droch-bheart<sup>c</sup>, agus ulluichidh  
an com cealg.

## CAIB. XVI.

**A**CH freagair Iob, agus thubh-  
airt e,

2 Chual mi mòran d'an leithid-  
ibh sin: is luchd-comhshurtachd  
truagh sibh uile.

3 Am bi crìoch air briathraibh  
gaoithe<sup>d</sup>? no ciod a tha toirt an  
dànadais duit gu bheil thu a' freag-  
airt?

4 Dh'fheudainn-se mar an ceudna  
labhairt cosmhuil ribhse: nam biodh  
bhur n-anam an àit m'anama-sa,  
dh'fheudainn briathra clur cuid-  
eachd 'nar n-aghaidh, agus mo  
cheann a chrathadh ribh:

5 [Ach] neartaichian sibh le m'  
bheul, agus lughdaicheadh glusad  
mo bhilean *bhur doilgheas*.

6 Ge do labhair mise, cha lugh-  
daichear mo dhoilgheas; agus ma  
bhios mi a'm' thosd, ciod am fuas-  
gladh a gheibh mi?

7 Ach a nis sgàthich e mi: sgap  
thu<sup>e</sup> mo chuideachd uile?

8 Agus rinn thu mi làn phreasag-  
eudain<sup>f</sup>; mar fhianais tha sin: agus  
dh'èirich mo chaoile a'm' aghaidh<sup>g</sup>;  
ri m'eudan freagraidh i.

9 Reub a chorruidh mi<sup>h</sup>, agus tha  
fuath aige dhomh: chas e<sup>i</sup> fhiaclan  
rium; tha mo nàmhaid a' geur-  
achadh a shùl orm.

10 Chas iad am beul rium; le  
masladh bhuail iad mo ghiala; cuid-  
eachd chruinnich iad a'm' aghaidh.

11 Thug Dia mi thairis do'n ain-  
diadhaidh, agus an làimh nan aing-  
idh thilg e mi.

12 An sìth bha mi, ach phronn e  
mi: agus rug e air mo mhuineal, a-  
gus chrath e as a chéile mi, agus  
chuir e suas mi dha féin mar chus-  
pair.

<sup>a</sup> 'fhàillean.  
h-eucorach.

<sup>d</sup> briathraibh faoin.

thu aonaranach.

<sup>g</sup> annam.

fhèirg.

<sup>b</sup> duais na

<sup>c</sup> dìomhanas.

<sup>e</sup> rinn

<sup>f</sup> chasadh.

<sup>h</sup> Reub e mi na

13 Tha a luchd-shaighead<sup>i</sup> 'gam  
chuartachadh air gach taobh: sgoit-  
idh e m'airnean o chéile, agus cha  
chaomhair e; taomaidh e mach mo  
dhomblas air an talamh.

14 Brisidh e mi le briseadh air  
bhriseadh; ruithidh e orm mar  
churaidh<sup>k</sup>.

15 Dh'fhuaigh mi saic-eudach air  
mo chroicinn, agus shalaich. mi  
m'adharc 'san duslach.

16 Tha m'eudan air a h-atadh<sup>l</sup>  
le gal<sup>m</sup>, agus air mo rosgaibh<sup>n</sup> tha  
sgàile a' bhàis;

17 Cha 'n'ann air son euceirt a'm'  
làmhaidh: mar an ceudna tha m'ur-  
nuigh glan.

18 A thalamh, na còmhdaich thusa  
m'fhuil, agus na biodh ait aig mo  
ghlaodh.

19 Mar an ceudna nis, feuch, anns  
na nèamhaibh tha m'fhianuis, agus  
esan a bheir teisteanas orm anns na  
h-airdibh.

20 A' fanoid orm tha mo chaird-  
ean; chum Dhé tha mo shùil a'  
taomadh dheur.

21 O nach faodadh duine tagradh  
ri Dia, mar a thagras mac an duine  
r'a choimhearsnach<sup>o</sup>!

22 An uair a thig beagan do  
bhliadhnaibh, an sin san t-slighe air  
nach pill mi siubhlaidh mi.

## CAIB. XVII.

**T**HUAILLEADH m'anail; ghear-  
radh as mo laithean; tha na h-  
uaighean air mo shon-sa.

2 Nach 'eil luchd-fanoid maille  
rium? agus nam brosnachadh nach  
'eil mo shùil a' buanachadh?

3 Cuir sìos a nis, thoir dhomh ur-  
ras maille riut: cò esan a ghlacas  
mo làmh?

4 Oir dh'fholuich thu an cridhe  
o thuigse: uime sin cha'n ardaich  
thu iad.

5 Esan a ni miodal r'a chairdibh<sup>p</sup>,  
fàilnichidh sùilean a chloinne.

6 Agus rinn e mi a'm' ghnàth-  
fhoral an t-sluaigh; agus tha mi mar  
bhall-fochaid roimpe<sup>q</sup>.

7 Agus dhorchaich mo shùil le  
bròn<sup>r</sup>, agus tha mo bhuill uile mar  
sgàile.

8 Bithidh uamhas air na h-ionrac-  
ain air son so; agus dùisgidh<sup>s</sup> an  
neo-chiontach an aghaidh a' chealg-  
air.

<sup>i</sup> a shaighe,  
fhamhair.

<sup>m</sup> gul, caoineadh.

fàbhradhibh mo shùl.

air son duine ri Dia, mar a thagras  
duine air son a choimhearsnach.

<sup>p</sup> a gheallas creach d'a chairdibh.

<sup>q</sup> roimhe bha mi mar thiompan.

<sup>r</sup> doilgheas, ardan.

2 A 6

<sup>k</sup> mar  
<sup>l</sup> salchadh.

<sup>n</sup> air

<sup>o</sup> tagradh

<sup>p</sup> a thagras

<sup>q</sup> a thagras

<sup>r</sup> a thagras

<sup>s</sup> dùisgear.

539

9 Agus cumaidh an duine cothromach a shlighe; agus gheibh esan a ta glan na làmhlaibh tuilleadh neirt.

10 Ach air bhur son-sa uile, pillibh agus thigibh a nis; agus cha'n fhaigh mi duine glic nar measg.

11 Chaidh mo laithean thairis, bhriseadh mo smuainte<sup>a</sup> air falbh, seilbh<sup>b</sup> mo chridhe.

12 An oidliche tionndadhaidh iad gu là: tha'n solus gaoraid a thaobh dorchadais.

13 Madh'fheitheas mi, is i'n uaigh mo thigh: 'san dorchadas rinn mi mo leaba.

14 Ri truailidheachd thubhairt mi, Is tu m'athair; ris a' chnuimh, Is tu mo mhàthair, agus mo phiuthar.

15 Agus c'ait a nis am bheil mo dhòchas<sup>c</sup>? seadh, mo dhòchas-sa, cò chi e?

16 Gu crannaibh an t-sluichd théid iad sìos: an sin bithidh ar fois cuid-eachd anns an duslach.

### CAIB. XVIII.

AN sin fhreagair Bildad an Suhach, agus thubhairt e,

2 Cia fhada gus an cuir sibh crìoch air briathraibh? tuigibh<sup>d</sup>, agus na dhéigh sin labhramaid.

3 C'ar son a mheasar sinne mar ainmhidhibh, agus a tha sinn tàireil<sup>e</sup> a'd' shùilibh-sa?

4 Tha e a' reubadh 'anama na chorruch! air do shon sa an tréigear an talamh? agus an atharraichear a' charraig as a h-àit?

5 Seadh, cuirear solus an aingidh<sup>f</sup> as: agus cha dealraich lasairs a theine.

6 Dorchaichear an solus na phàillion, agus cuirear as a lèchran aige.

7 Cumhangaichear ceuman a neirt, agus tilgidh a chomhairle féin sìos e:

8 Oir cuirear ann an lìon e le a chosaibh féin<sup>h</sup>, agus air ribe<sup>i</sup> imichidh e.

9 Glacaidh an cord air shàil e; buadhaichidh am fear-reubainn na aghaidh.

10 Foluichte anns an talamh tha ribe air a shon, agus inneal-glacaidh air a shon air an t-slighe.

11 Air gach taobh cuiridh uamhasan eagal air, agus fuadaichidh iad air a chosaibh e.

12 Bithidh a neart air a chlaoidh

le h-ocras, agus léir-sgrios deas aig a thaobh.

13 Ithidh e suas neart<sup>k</sup> a chroicinn; ithidh ceud-ghin a' bhàis suas a neart.

14 Spìonar as a phàillion a dhòchas; agus bheir se e gu rìgh nan uamhann.

15 Gabhaidh e còmhnuidh na phàillion, a chionn nach leis-san e; crathar pronnasg air 'àite-comhnuidh.

16 Shìos tìormaichear a fhreumhan, agus shuas gearrar air falbh a bhàrr.

17 Sgriosar a chuimhne as an talamh, agus cha bhi ainm aige air an t-sràid.

18 Fògairear e o sholus gu dorchadas, agus as an t-saoghal tilgear e.

19 Cha bhi mac aige, no mac a mhic am measg a shluaigh, no neach a mhaireas na àitibh còmhnuidh.

20 R'a latha bithidh iongnadh orra-san a thig na dhéigh, mar a ghlac uamhas<sup>l</sup> iadsan a thàinig roimhe.

21 Gu deimhin is iad sin ionada-còmhnuidh an aingidh; agus is e so 'àite-san, da nach aithne Dia.

### CAIB. XIX.

ACH fhreagair Iob agus thubhairt e,

2 Cia fhada chuireas sibh doilgheas air m'anam, agus a bhriseas sibh mo chridhe le briathraibh?

3 Na deich uaire so mhaslaich sibh mi: cha nàr leibh gu bheil sibh cho choimheach rium<sup>m</sup>.

4 Agus gu deimhin ma chaidh mi air seacharan, fanaidh mo sheacharan agam féin.

5 An ardaich<sup>n</sup> sibhse d'a rìreadh sibh féin a'm' aghaidh, agus an tagair sibh a'm' aghaidh mo mhasladh?

6 Biodh fios agaibh a nis gu'n do thilg Dia thairis mi, agus gu'n do chuir e a lìon mu'n cuairt orm.

7 Feuch, gladhaidh mi, Eucoir, ach cha 'n eisdear rium; éighidh mi gu h-ard, ach cha 'n'eil breitheanas ann.

8 Dhùin e suas mo shlighe air chor as nach urrainn mi dol seachad, agus chuir e dorchadas air mo cheumaibh.

9 Bhuin e mo ghàir dhìom, agus thug e an crùn bhàrr mo chinn.

10 Sgrios e mi air gach taobh, agus chaidh as domh<sup>o</sup>; agus chuir e air falbh, mar chraoibh, mo dhòchas.

11 Agus las 'fhearg a'm' aghaidh, agus mheas e mi mar aon d'a naimhidibh.

<sup>a</sup> rùna. <sup>b</sup> smuainte. <sup>c</sup> mo dhàil. <sup>d</sup> thugaibh fa' near. <sup>e</sup> graineil, neo-ghlan. <sup>f</sup> nan aingidh. <sup>g</sup> srad. <sup>h</sup> cuirear ann an lìon a chos. <sup>i</sup> lìon, painteir.

<sup>k</sup> maise. <sup>l</sup> fuathas. <sup>m</sup> air bhur cruadhachadh a'm' aghaidh. <sup>n</sup> Mar dh'ardaicheas. <sup>o</sup> sìubhlam.



12 Cuideachd thàinig a bhuidh-  
nean, agus chuir iad suas an slighe  
a'm' aghaidh, agus champaich iad  
mu'n cuairt air mo phàilliun.

13 Chuir e mo bhràithrean fad  
uam; agus tha mo luchd-edlais gu  
deimhin air fàs coimheach rium.

14 Thréig mo dhilsean, agus dhi-  
cluimhnich mo luchd-edlais <sup>a</sup> mi.

15 Mheas muinntir mo thighe, a-  
gus mo bhan-oglaich mi mar choig-  
reach: a'm' eil-thireach <sup>b</sup> bha mi  
nan sùilbh.

16 Air mo sheirbhiseach ghairm  
mi, agus cha do fhreagair e: le m'  
bheul féin ghuidh mi air.

17 Bha m'anail coimheach do m'  
mhnaoi, ge do ghuidh mi as leth <sup>c</sup>  
cloinne mo chuirp féin <sup>d</sup>.

18 Rinn eadhon clann òg tàir  
orm: dh'éirich mi, agus labhair iad  
a'm' aghaidh.

19 Ghabh mo luchd-rùin uile  
gràin dìom; agus tha iadsan a  
ghràdhaich mi air tionndadh a'm'  
aghaidh.

20 Ri m' chroicinn agus ri m'  
fheoil dhlùth-lean mo chnàmha;  
agus chaidh mi as le croicinn  
m'fhiacal.

21 Gabhaibh truas dìom, gabh  
aibh truas dìom, O mo chairde, oir  
bhean làmh Dhé rium.

22 C'ar son a gheur-leanas sibhse  
mi mar a ni Dia, agus le m'fheoil  
nach sàsaichear sibh.

23 O nach robh mo bhriathra nis  
air an scrìobhadh! O nach robh iad  
air an cur sìos ann an leabhar!

24 Le peann iaruin agus luaidh  
gu bràth ann an carraig nach robh  
iad air an gearradh!

25 Oir a ta fios agam gu bheil  
m'fhear-saoraidh beo, agus ma  
dheireadh gu seas e air an ta-  
lamh <sup>e</sup>;

26 Agus an déigh dhoibh so mo  
chroicinn a chnàmh <sup>f</sup>, gidheadh  
ann am fheoil gu'm faic mi Dia:

27 Neach a chì mise air mo shon  
féin, agus air an amhaire mo shùil-  
ean-sa, agus ni h-e neach-eile; so  
uile chuir mi suas a'm' chom féin <sup>g</sup>.

28 Ach their sibh-se, C'ar son a  
gheur-leanamaid e, agus gu'n d'  
fhuaradh freumh a' ghnòthnich  
ann <sup>h</sup>?

29 Biodh eagal oirbh roimh'n  
chlaidheamh; oir fàsaidh an claidh

eamh teth [an aghaidh] eucearta <sup>i</sup>,  
chum gu'm bi fios agaibh gu'm bi  
breitheanas ann.

## CAIB. XX.

**A**N sin fhreagair Sophar an  
Naamatach, agus thubhairt e,

2 Uime sin tha mo smuainte toirt  
orm freagairt, agus air a shon so ni  
mi deifir.

3 Achmhasan mo mhaslaidh cluin-  
neam <sup>k</sup>, agus tha spiorad mo thuigse  
a' toirt orm freagairt.

4 Nach aithne dhuit so o chian,  
o shuidhicheadh an duine air tha-  
lamh,

5 Gur gearr caithream <sup>l</sup> nan ain-  
gidh, agus nach 'eil gairdeachas a'  
chealgairach cartiota?

6 Ge d'éirich 'airde <sup>m</sup> suas gus na  
nèamhaibh, agus ge do ruig a cheann  
na neoil;

7 Mar 'aolach féin gu bràth théid  
as da: their iadsan a chunnaic e,  
C'ait am bheil e?

8 Mar aising grad-shiùbhlaidh <sup>n</sup>  
e, agus cha'n fhaighear e; agus  
teichidh e marshealladh na h-oidh-  
che.

9 An t-sùil a chunnaic e, cha 'n  
fhaic i e tnilleadh; agus ni's mò  
cha'n amhaire 'aite féin air.

10 Iarraidh a mhic na bochdan a  
thoileachadh, agus aigsidh a làmhan  
am maoin.

11 Tha a chnàmha làn do pheac-  
adh 'òige <sup>o</sup>, agus maille ris anns an  
dusladh luidhidh e.

12 Ge do robh an t-olc milis na  
bheul, ge d'fholaich se e fuidh a  
theangaidh,

13 Ge do chaomhain se e, agus  
nach tréig se e, ach gu'n gléidh se e  
ann an taobh a stigh a bheoil;

14 Tionndaidhear a bhiadh na  
mhionach, gu domblas nan nathair  
an taobh a stigh dheth.

15 Shluig e sìos beartas, agus  
sgeithidh e nìos e: tilgidh Dia mach  
as a bhroinn e.

16 Sùgaidh e nimh nan nathair <sup>p</sup>:  
marbhaidh teanga na nathrach  
milltich e.

17 Cha 'n fhaic e na h-aibhniche  
nan roinnibh <sup>q</sup>, na sruthain meala  
agus ime.

18 Aisgidh e an ni air son an do  
shaotlraich e, agus cha sluig e sìos  
e a réir a shaibhris <sup>r</sup> bithidh  
'u-srag <sup>s</sup>, agus cha dean e gairdeach-  
as ann:

<sup>1</sup> oir bheir fearg peanas a' chlaidh  
eamh. <sup>k</sup> Mo chionachadh maslach  
chual mi. <sup>l</sup> luathghaire. <sup>m</sup> uaill.

<sup>n</sup> teilichidh. <sup>o</sup> d'a pheacannaibh  
dionhair. <sup>p</sup> asp. Sasg. peran.  
Eabhl. <sup>q</sup> meuraibh, sruth-chlaisibh.

<sup>r</sup> a neirt. <sup>s</sup> ath-dhloladh.

<sup>a</sup> mo chairdean.

<sup>b</sup> all-mharach.

<sup>c</sup> agus tha mi ri caoidh air son.

<sup>d</sup> m'innidh; mo bhronna. Eabh.

<sup>e</sup> gu'n éirich e air an duslach.

<sup>f</sup> an déigh mo chroicinn ge do  
chnàmh iad a' chreubhag so.

<sup>g</sup> ge do chaithear m'airnean an taobh  
a stigh dhìom.

<sup>h</sup> annam.

19 A chionn gu'n d'rinn e fòir-eigin, gu'n do thréig e na bochdan, le h-ainneart gu'n d'thug e air falbh tigh nach do thog e.

20 Oir cha' mhothaich e suaimhneas na chom<sup>a</sup>, cha tèaruinn e bheag do na mhiannaich e.

21 Cha 'n fhàgar a' bheag d'a bhiadh: uime sin cha bhi sùil aig duine air bith r'a mhaoin<sup>b</sup>.

22 Ann an iomlaine a' phailteis bithidh e ann an teanntachd: thig gach aobhar dragha air<sup>c</sup>.

23 An uair a bhios e gus a bhrù a lìonadh, tilgidh Dia fraoch<sup>d</sup> fheirge air, agus frasaidh e air e 'nuair a bhios e ag itheadh.

24 Teichidh e roimh na h-armaibh iaruin: bualidh am bogha umha<sup>e</sup> troimhe e.

25 Tairngear, agus thig a mach as a chorp, thig an claidheamh loinn-eara<sup>f</sup> mach as a dhomblas: thig uamhasan air.

26 Bithidh gach nìle dhorchadas folaichte na ionadaibh dlomhair: loisgidh teine gun séideadh e: éiridh gu h-olc dhasan, a dh'fhàgar na phàillion.

27 Foillsichidh na nèamhan 'aingidheachd; agus éiridh an talamh na aghaidh.

28 Triallaidh fàs a thighe: sruthaidh nìthe as ann an latha fheirge.

29 Is e so cuibhrionn an duine aingidh o Dhia, agus an oighreachd a dh'orduicheadh dha le Dia.

# CAIB. XXI.

A CH fhreagair Iob, agus thubh-  
airte,

2 Eisdibh gu furachar ri m' chaint, agus biodh so mar<sup>g</sup> bhur comhfhurtachd.

3 Fuilgibh dhomh, agus labhraidh mi; agus an déigh dhomh labhairt, cuiribh ri'r fanoid.

4 A m' thaobh-sa, an ann ri duine a tha mo ghearan? agus nam b'ann c'ar son nach biodh mo spiorad fa bhuaireas<sup>h</sup>?

5 Amhaircibh orm, agus biodh iongnadh<sup>i</sup> oirbh, agus cuiribh bhur làmh air bhur beul:

6 Oir an uair a chuimhniceas mi, tha eagal<sup>k</sup> orm; agus glacaidh geilt-chrith m'fheoil.

7 C'ar son ata na h-aingidh bed, a dh'fhàsas iad sean, agus a bhios iad ard<sup>l</sup> ann an cumhachd?

<sup>a</sup> na bhroinn.

a shoirbheas.

<sup>b</sup> cha mhair.

<sup>c</sup> buailidh

làmh gach duine dhrochmhuinte air.

<sup>d</sup> lasan.

<sup>e</sup> stàilinn, cruadh-

ach.

<sup>f</sup> an àit.

<sup>g</sup> air a theannach-

adh, air a bhrosnachadh.

<sup>h</sup> uamhas.

<sup>k</sup> uamhas.

<sup>l</sup> barrachte, treun.

8 Tha'n sliochd air a dhaingneachadh nam fianuis maille riu, agus an gineal fa chomhair an sùl.

9 Tha'n tighean saor o eagal<sup>m</sup>; agus cha 'n'eil slat Dhé orra.

10 Ginidh an tarbh, agus cha'n fhàilnich e; beiridh am bò laogh, agus cha tilg i e.

11 Cuiridh iad a mach an clann bheag mar threud; agus dannsaidh an gineal.

12 Togaidh iad an tiompan agus a' chlàrsach; agus ni iad gairdeachas ri fuaim an orgain.

13 Caithidh iad an laithean ann an saibhreas, agus ann an tiota<sup>n</sup> thèid iad sìos do'n uaigh.

14 Agus their iad ri Dia, Imich uainn; oir cha'n àill leinn eòlas do shlighean.

15 Cò e an t-Uile-chumbachdach, gu'n deanamaid seirbhìs dha? agus ciod an tairbhe bhios ann duinn, ma ni sinn urnuigh ris?

16 Feuch, cha 'n'eil am maith nan làimh: tha comhairle nan aingidh fada uam-sa.

17 Cia minic a chuirear coinneal nan aingidh as, agus a thig an sgrios orra? roinnidh Dia doilgheasan na fheirge.

18 Bithidh iad mar asbhuaibh roimh'n ghaoith, agus mar mhoill a bheir an iomghaath leatha.

19 Taisgidh Dia suas 'euceart-san o d'a chloinn: dlòlaidh e dha, agus bithidh fios aig air.

20 Chi a shùilean a sgrios, agus do fheirg an Uile-chumbachdach dlòlaidh se.

21 Oir ciod an tlachd a bhios aige na thigh na dhéigh, 'nuair a ghearrar as àireamh a mhìos 'nam meadhon?

22 Do Dhia an teagaisg neach air bith eòlas, agus gur e féin a bheir breth orra-san ata arda?

23 Bàsaichidh e so na làn neart, agus e uile aig fois agus an sìth.

24 Tha innidh làn saille agus a chnàmhan air an taiseachadh le smior.

25 Agus bàsaichidh e sin ann an searbhas 'anama, agus cha 'n ith e idir le toil-inntinn.

26 Cuideachd anns an duslach luidhidh iad, agus còmhdaichidh cnuimhean iad.

27 Feuch, is aithne dhomh bhur smuainte, agus na h-innleachdan a tha sibh a' dealbhadh gu h-eucorach a'm' aghaidh:

28 Oir their sibh, C'ait am bheil tigh an duine mhòir, agus c'ait am

<sup>m</sup> teòruinte agus as eugmhais eagail.

<sup>n</sup> ann an gradaig.

<sup>o</sup> euceart

an duine aingidh, a thruaighe.

<sup>p</sup> a chiòcha làn bainne.

bheil ionada-còmhnuidh nan aingidh?

29 Nach d'fhedraich sibh dhiubhsan a ghabhas seachad air an t-slighe? agus nach aithne dhuibh an comharan?

30 Gu'n gleidhear an t-aingidh chum latha an sgrios; chum latha na feirge gu'n d'fhoirear a mach iad.

31 Cò a chuireas an céill a shlighe as an eudan: agus cò a dh'ìocas dha na rinn e.

32 Ach a chum na h-uaigne bheir ear e, agus anns an àit-adhlacaidh fanaidh se.

33 Bithidh fòidean a' ghlinne milis dha, agus tairngidh gach duine na dhéigh, mar a ta iad do-àireamh roimhe.

34 Cionnas ma ta a tha sibh a' tabhairt comh-fhurtachd dhomh gu dìomhain, an uair a ta cealg 'nar freagradh?

## CAIB. XXII.

**A**N sin fhreagair Eliphas an Te-manach, agus thubhairt e,

2 Do Dhia am feud duine a' bhi tarbhach, mar a dh'fheudas esan a ta glic bhi tarbhach dha féin?

3 An toill-inntinn do'n Uile-chumhachdach gu'n saor thusa thu féin? agus am buannachd e dha-san, gu'n dean thu do shlighean iomlan?

4 Air eagal romhad an cronaich e thu? an d'théid e chum breitheanais leat?

5 Nach 'eil t'aingidheachd mòr? agus t'eucearta gun chrìoch?

6 Oir ghabh thu geall o d' bhràithribh gun aobhar, agus eudach nan lomnochd bhuin a thu dhiubh.

7 Cha d'thug thu uisge do'n sgèith r'a òl, agus o'n ocrach chum thu aran.

8 Ach aig fear a' ghairdein làidir bha an talamh, agus ghabh an duine urrainn ach còmhnuidh ann.

9 Chuir thu bantraichean uait solamh, agus bhriseadh gairdeana nan dilleachdan.

10 Air an aobhar sin mu'n cuairt ort bha ribeacha, agus ghlac<sup>b</sup> geilt obann thu;

11 No dorchadas air chor as nach faiceadh tu; agus chòmhdaich pailteas uisgeachan thu.

12 Nach 'eil Dia ann an airde nan nèamh? agus faic mullach<sup>c</sup> nan rionnag, cia ard a ta iad.

13 Agus their thu-sa, Cionnas a ta fios aig Dia? troimh an dorchadas<sup>d</sup> am breithnich e?

14 Tha neoil nan còmhdachadh dha, agus cha'n fhaic e; agus ann an cuairt nan nèamh siùblaidh e.

15 An d'thug thu fa'near an t-slighe o shean, air an d'imich daoine aingidh;

16 A ghearradh sìos roimh an àm, agus thaom tuil thar am bunait?

17 A' thubhairt ri Dia, Imich uainn: agus ciod is urrainn an t-Uile-chumhachdach a dheanamh air ar<sup>e</sup> son?

18 Gidheadh lìon e an tighean le nithibh<sup>f</sup> maith: ach gu ma fada-bhios comhairle nan aingidh uam-sa!

19 Chi na h-ionraic, agus bithidh aobhneas orra; agus ni an neo-chiontach gaire-fanoid rin.

20 An àit, nach do ghearradh ar maoin-ne sìos; ach loisgidh teine am fuigheall-san.

21 Gabh-sa nis eòlas air-san, agus bi an sìth: mar sin thig maith a'd' ionnsuidh.

22 Gabh, guidheam ort, an lagh o'bheul, agus cuir suas a bhriathran ann ad chridhe.

23 Ma philleas tu dh'ionnsuidh an Uile-chumhachdach, togar suas thu; cuiridh tu euceart am fad o d' phàillìunaibh.

24 Agus cuiridh tu suas òr mar dhuslach, agus òr Ophir mar chlach-aibh nan sruth.

25 Agus bithidh an t-Uile-chumhachdach na dh'dean agad, agus bithidh neart<sup>f</sup> airgid agad.

26 Oir an sin bithidh do thlachd anns an Uile-chumhachdach, agus togaidh tu suas do ghnùis a dh'ionnsuidh Dhé.

27 Ni thu urnuigh ris, agus éisdidh e riut, agus dìolaidh tu do bhòidcan.

28 Agus cuiridh tu ni romhad, agus daingnichear riut e; agus air do shlighibh dealraichidh solus.

29 An uair a dh'ìslichear daoine, an sin their thu, Bithidh ardachadh ann: agus saoraidh e an t-iriosal.

30 Saoraidh se esan nach 'eil neo-chiontach<sup>g</sup>, agus saorar e le gloine do<sup>h</sup> làmh-sa.

## CAIB. XXIII.

**A**CH fhreagair Iob, agus thubhairt e,

2 An diugh féin is searbh mo ghearan: is truime mo bhuille na m'osna.

3 Och gun fhios agam c'àit am faighinn esan, agus gu'n d'thiginn a dh'ionnsuidh<sup>i</sup> 'aite!

4 Chuirinn mo chùis an ordugh na làthair, agus lìonainn mo bheul le h-argumaidibh.

5 Bhiodh fios agam air na briathraibh, leis am freagaireadh e mi, agus thuiginn ciod a theireadh e rium.

<sup>a</sup> ruisg.

<sup>b</sup> glacaidh.

<sup>c</sup> airde; ceann. Eabh.

<sup>d</sup> an neul dorcha.

<sup>e</sup> an.

<sup>f</sup> pailteas.

<sup>g</sup> an neo-chiontach, eilean an neo-chiontaich.

<sup>h</sup> a.

6 Le a mhor chumhachd an tag-airleadh e a'm' aghaidh? ni h-eadh, ach chuireadh e neart annam.

7 An sin thagaireadh am firean ris, agus bhithinn air mo shaoradh gu bràth o'm' bhreitheamh.

8 Feuch, théid mi air m'aghaidh, ach cha 'n'eil esan ann; agus air m'ais, ach cha mhothaich mi e:

9 Air an làimh chli, far am bheil e ag oibreachadh, ach cha'n fhaic mi e; folaichidh se e féin air an làimh dheis, agus cha léir dhomh e.

10 Ach is aithne dha an t-slighe agam; an uair a dhearbhas e mi, mar òr thig mi a mach.

11 Air a cheumaibh chum mo chos; ghléidh mi a shlighe, agus cha do chlaon mi.

12 O àithne a bhilean cha deachaidh mi air m'ais; ni's mò na mo dhlighe bidh mheas mi briathran a bheoil<sup>a</sup>.

13 Ach tha e san aon bheachd<sup>b</sup>, agus cò a dh'iompoicheas e? agus an ni is miann le 'anam, sin ni e.

14 Oir coimhlionaidh e an ni a dh'orduicheadh dhomhsa: agus tha mòran d'an leithidibh sin aige.

15 Uime sin tha fiamh orm na fhianais; an uair a bheir mi fa'near, tha eagal orm roimhe:

16 Oir mhaothaich Dia mo chridhe, agus chuir an t-Uile-chumhachdach fiamh orm;

17 A chionn nach do ghearradh as mi roimh an dorchadas, agus o'n' ghnèis nach d'fholaich e an dorchadas.

#### CAIB. XXIV.

(<sup>c</sup>AR son, o nach d'fholalcheadh aimsirean o'n Uile-chumhachdach, nach faic iadsan d'an aithne e a laithean?

2 Atharraichidh iad na comharantalmhainn; bheir iad treudan leo le foirneart, agus biadhaidh siad iad.

3 Iomainidh iad air falbh asal nan dilleachdan; mar gheall glacaidh iad damh na bantraich.

4 Tionndadhaidh iad na feumaich as an t-slighe: le chéile folaichidh bochdan na talmhainn iad féin.

5 Feuch, mar asalaibh fadhaich anns an fhàsach théid iad a mach a chum an oibre, ag éirigh gu moch a chum creiche: bheir am fàsach biadh dhoibh d'an éigrìdh<sup>d</sup>.

6 Anns an fhearann buainidh iad arbhar; agus cruinnichidh iad fion-fhoghara an aingidh.

7 Bheir iad air an lònnochd luidhe gun eudach, agus gun chòmhdachadh anns an fhuachd.

8 Le frasaibh nam beann bithidh iad fliuch, agus a dhàik fasgaidh<sup>e</sup> gabhaidh iad nan glacaibh a' charr-aig.

9 Spìonaidh iad an dilleachdan o'n chìch, agus o'n bhochd gabhaid iad geall.

10 Bheir iad air imeachd lònnochd, gun eudach; agus o na h-ocraich bheir iad leo an sguab.

11 An taobh a stigh d'am ballach-aibh fàisgidh<sup>f</sup> iad oladh; bruthaidh iad am fion-amair, agus fuilingidh iad tart.

12 As a' bhaile tha daoine ag ós-naich, agus éighidh anam nan daoine leònta; gidheadh cha chuir Dia am-aideachd as an leth.

13 Tha iad dhiubh-san a dh'éireas suas an aghaidh an t-soluis; cha 'n aithne dhoibh a shlighean, agus cha ghluais iad na cheumaibh.

14 Leis an t-sòlus éiridh am mort-air, [agus] marbaidh e am bochd agus am feumach; agus anns an oidhche bithidh e mar ghaduiche.

15 Mar an ceudna feithidh sùil an adhaltranaich ris an dubh-thra<sup>h</sup>, ag ràdh, Cha'n fhaic sùil mi; agus cuiridh e folach air 'aghaidh.

16 Cladhaichidh iad anns an dorchadas troimh thighibh, a chomharaidh iad dhoibh féin san là; cha'n aithne dhoibh an solus:

17 Oir tha mhaduinn dhoibh-san mar sgàile a' bhàis: ma dh'aithnich-eas neach iad, bithidh iad ann an uamhasaibh sgàile a' bhàis.

18 Luath tha e mar na h-uisgeacha<sup>i</sup>; mallaichear an cuibhrionn air an talamh: cha'n fhaic e slighe nam fion-lios.

19 Bheir tiormachd agus teas leo uisgeachan an t-sneachdaidh; an uagh iadsan a pheacaich.

20 Di-chuimhnichidh a' bhrù e, biadhaidh a' chnuimh gu milis air; ni's mò cha chuimhnich-e e; agus brisear aingidheachd mar chrann.

21 Bithidh e olc ris a' mhnaoi neothoraich, nach beir clann; agus do'n bhantraich cha dean e maith.

22 Agus tairngidh e na daoine treuna le a neart: éiridh e suas, agus cha 'n'eil neach air bith cinnteach d'a bheatha.

23 Bheir e dha a bhi ann an tèaruinteachd agus as sin earbaidh e; ach a ta a shùilean air an slighibh.

24 Arduichear iad rè tamuill, ach cha bhi iad ann; islichear iad, agus mar na h-uile bheirear air falbh iad, agus mar cheann déise gearrar as iad.

<sup>a</sup> a'm' chridhe thaisg mi briathran a bheoil.

<sup>b</sup> tha e na aon.

<sup>c</sup> tionndadhas, philleas.

<sup>d</sup> d'an cloinn.

<sup>e</sup> a chion tearmuinn.

<sup>f</sup> murtair.

annoch.

uisgeacha.

<sup>g</sup> ni.

<sup>h</sup> fheasgar,

air aghaidh nan



25 Agus mur 'eil e mar sin a nis, cò a nì breugaire dhìom, agus a bheir gu neo-nì mo chainnt ?

CAIB. XXV.

**A**N sin fhreagair Bildad an Suh-ach, agus thubhairt e,

2 Tha tighearnas agus eagal maille ris-san : nì e sìth na ionadaibh arda.

3 Am bheil àireamh air bith air a shlòigh ? agus cò air nach éirich a sholus.

4 Cionnas ma ta a shaorar duine aig Dia ? agus cionnas a bhios esan glan a rugadh o mhnaoi ?

5 Amhairc eadhon air a' gheal-ach, agus cha dealraich i ; agus cha 'n'èil na rionnaga glan na shealladh.

6 Cia is ro-lugha na sin an duine a ta na chnuimh, agus mac an duine a ta na chnuimh ?

CAIB. XXVI.

**A**CH fhreagair Iob, agus thubhairt e,

2 Cionnas a chuidich thu leis an ti a ta gun chumhachd ? cionnas a shaor thu an gairdean a ta gun neart ?

3 Cionnas a chomhairlich thu esan aig nach 'eil gliocas, agus a dh'fhoillsich thu gu pailte an nì mar a ta e ?

4 Cia ris a labhair thu briathran ? agus cia leis an spiorad a thàinig uait ?

5 Dealbhar nithe marbha fuidh na h-uisgeachaibh, agus an luchd-àiteachaidh.

6 Lomnochd tha ifrinn na làthair, agus cha 'n'èil còmhachadh aig léir-sgrìos.

7 Tha e a' sìneadh na h-airde tuath os-cionn an ionaid fholaimh, a' crochadh na talmhainn air neo-nì :

8 A' ceangal suas nan uisgeacha na neulaibh, agus cha reubaran neul fopa ;

9 A' cumail a stigh a' aghaidh a rìgh-chathrach, a' sgaoileadh a neoil oirre.

10 Chuairtich e na h-uisgeacha le crìochaibh, gus an teirig<sup>b</sup> an là maille ris an oidhche.

11 Crìothnaichidh puist<sup>c</sup> nan nèamh, agus bithidh uamhas orra r'a achmhasan.

12 Le 'chumhachd roinnidh e an fhaire, agus le thuigse buailidh e an t-uaidhreath.

13 Le a spiorad sgeadaich e na néamha ; dhealbh a làmh an nathair lùbach.

14 Feuch, is iad sin cuid d'a shligheibh ; ach cia beag a' chuibhrionn a

chuala sinn deth ? agus cò a dh'fheudas tairneanach a chumhachd a thuigsinn ?

CAIB. XXVII.

**A**GUS blhunaich Iob na chos-amhlachd a' labhairt a mach, agus thubhairt e,

2 Mar is beo Dia a thug air falbh mo bhreitheanas, agus an t-Uile-chumhachdach a chràidh m'anam,

3 Co fhad as a bhios m'anail ann-am, agus spiorad Dhé ann am chuineinibh<sup>d</sup>,

4 Cha labhair mo bhilean aingidheachd, agus cha chan mo theanga cealg.

5 Nar leigeadh Dia gu'n saorainn sibh : gus am bàsaich mi, cha'n atharraich mi m'ionracas uam.

6 Anu am fhùreantachd fanaidh mi, agus cha leig mi uam i ; cha mhaslaich mo chridhe mi rè mo laithean.

7 Mar an t-aingidh biodh mo nàmhaid ; agus esan a dh'éireas suas a'm<sup>e</sup> aghaidh mar an t-eucorach.

8 Oir ciod e dòchas a' chealgoir, ge do blhannaich e, 'nuair a bheir Dia air falbh 'anam ?

9 An éisd Dia r'a ghlaodh, 'nuair a thig àmhlghar air ?

10 Anns an Uile-chumhachdach an gabh e tlachd ? an gairm e air Dia gach àm ?

11 Teagaisgidh mi sibh le làimh Dhé ; an nì a ta aig an Uile-chumhachdach, cha chéil mi.

12 Feuch, chunnaic sibh féin uile e ; c'ar son ma ta a tha sibh cho ro-fhaoin ?

13 Is i so cuibhrionn an duine aingidh aig Dia, agus oighreachd luchd-foirneart a gheibh iad o'n Uile-chumhachdach.

14 Ma dh'fhàsas a mhic lionmhor, is ann air son a' chlaidheimh : agus cha sàsaichear a shliochd le h-aran.

15 Adhlaicear iadsan a mhaireas na dhéigh<sup>e</sup> anns a' bhàs ; agus cha gluil a bhantraichean.

16 Ge do charn e suas airgiod mar an duslach, agus ge do dheasaich e eudach mar an làthach ;

17 Deasaichidh se e, ach cuiridh an t-ionracan air e ; agus roinnidh an neo-chiontach an t-airgiod.

18 Togaidh e mar an leomann a thigh, agus mar bhothan a nì am fear-coimhid.

19 Luidhidh an saibhir sìos, ach cha chruinnichear e : fosgailidh sea shùilean, agus cha 'n'èil e ann.

20 Glacaidh uamhasan e mar uisgeacha : 'san oidhche goididh doinnionn air falbh e.

<sup>a</sup> air a h-ais.<sup>b</sup> d'thig crìoch air.<sup>c</sup> tuiridhean ; pillars. Sasg.<sup>d</sup> choimhleanaibh.<sup>e</sup> iarmad.

21 Bheir a' ghaoth an ear leatha e, agus siubhlaidh e; agus le h-ìomghaoith grad-ghluaisidh i as 'ait e.

22 Oir caithidh <sup>a</sup> Dia air, agus cha chaomhain e: bu mhiann leis teich-eadh as a làimh.

23 Buailidh daoine am basan ris, agus le sgeig fuadaichidh iad as 'ait e.

## CAIB. XXVIII.

**G**U cinnteach tha dol a mach <sup>b</sup> aig an airgiod, agus àit aig an òr anns an leagh iade.

2 Bheirear iarunn as an talamh, agus leaghar a' chlach na h-umha.

3 Chuir e crìoch air an dorchadas; agus rannsaichidh e mach gach ìomlaine, clachan duibhre agus sgàile a' bhàis.

4 Brisidh an sruth <sup>c</sup> a mach o'n luchd-àiteachaidh; dearmadar <sup>d</sup> iad leis a' chois; tiormaichear suas iad, o dhaoineibh siubhlaidh iad.

5 A thacbh na talmhainn, aiseidh thig aran; agus fuidhe <sup>e</sup> tionndadh ar suas amhuil teine:

6 Is iad a clachan àit na saphir; agus tha duslach òir aice:

7 Ceum nach aithne do'n eunlaith, agus nach faca sùil na fainge.

8 Cha do shaltair cuileana an leòmhainn air, agus cha deachaidh an leòmhann garg seachad air.

9 Air a' charraig cuiridh e mach a làimh: tilgidh e bun os cionn na beannta.

10 Anns na creagaibh bheir e air aibhnicheibh briseadh a mach; agus chi a shùil gach ni luachmhor.

11 Ceanglaidh e na h-aibhnichean o dhol thairis, agus an ni a ta folaichte bheir e gu solus.

12 Ach cia as a gheibhear gliocas? agus c'ait am bheil ionad na tuigse?

13 Cha'n aithne do dhuine a luach <sup>b</sup>; agus cha'n fhaighear i ann an tìr nam beo.

14 Their an doimhne, Cha 'n'eil i annam-sa; agus their a' mhuir, Cha 'n'eil i maille riumsa.

15 Cha d'fhàirear òr air a son; agus cha tomhaisear airgiod mar a luach.

16 Cha mheasar i le h-òr na h-Ophir, leis an Onics luachmhoir, no leis an t-saphir.

17 Cha choimeasar òr no leug rithe; agus cha bhi a malairt le seudaibh do'n òr fhìor-ghlan.

18 Air coireal no neamhnuidibh i

<sup>a</sup> tilgidh. <sup>b</sup> cuisle. <sup>c</sup> na sruthan, an tuil. <sup>d</sup> di-chuimhnichear.

<sup>e</sup> fuipe, o a h-ìochdar.

<sup>f</sup> na seabhaige; Aialh. Eabh.

<sup>g</sup> mic an ardain. <sup>h</sup> a riaghailt, a

slighe. <sup>i</sup> gabis. Eabh.

cha luadhar; oir tha luach gliocais os cionn nan clach a's uaisle <sup>k</sup>.

19 Cha choimeasar topas na h-Etiopia rithe: leis an òr fhìor-ghlan cha mheasar i.

20 Cia as ma ta a thig gliocas? agus c'ait am bheil ionad na tuigse?

21 Oir a ta i am folach o shùilibh nan uile bhed; agus o eunlaith an athair tha i an cleith.

22 Thubhairt léir-sgrios agus am bàs, Le'r cluasaibh chuala sinn a cliu.

23 Tuigidh Dia a slighe, agus is aithne dha a h-ait:

24 Oir gu crìochaibh na talmhainn amhaircidh esan; fuidh na nèamhaibh uile chi e:

25 Chum gu dean e cudthrom do'n ghaoith, agus gu tomhais e na h-uigseach a le tomhas.

26 An uair a rinn e reachd do'n uigse, agus slighe do dhealanach na tairneanaich;

27 An sin chuinnic se i, agus dh'fhoillsich e i; dheasaich e i, seadh, agus rannsaich e mach i.

28 Agus thubhairt e ris an duine, Feuch, eagal an Tighearna, is e sin glìc as; agus an t-òr a thréigsinn, tuigse.

## CAIB. XXIX.

**A**GUS bhunaich Iob na chosamh-lachd a labhairt a mach, agus thubhairt e,

2 Och nach robh mi mar anns na mìosaibh a chaidh tharum, mar anns na laithibh air an do choimhid <sup>l</sup> Dia mi!

3 'Nuair a thug e air a lèchran dealrachadh air mo cheann, agus le a sholus a ghluais mi 'san dorchadas;

4 Mar a bha mi ann an laithibh m'òige, 'nuair a bha rùn-dìomhair Dhé air mo phàillion;

5 An uair a bha'n t-Uile-chumhachdach fathast maille rium, agus m'oganaich <sup>m</sup> mu m' thimchioll;

6 An uair a nigh mi mo cheuma le h-im, agus a thiaom a' charraig a mach dhomh sruthan oladh;

7 'Nuair a chaidh mi mach gu geatadh a' bhaile, a dheasaich mi m'àite-suidhe anns an t-sràid.

8 Chunnaic na daoine òga mi, agus dh'fholaich siad iad féin, agus dh'éirich na daoine aosda, agus sheas iad.

9 Sguir na h-uachdarain do labhairt, agus chuir iad an làmh an am beul.

10 Dn'shan na h-ard-uaislean nan tosd, agus lean an teanga r'an gial.

11 An uair a chual a' chluas, bheannaich i mi; agus an uair a

<sup>k</sup> rubies. Sasg. peninim. Eabh.

<sup>l</sup> ghleijdh. <sup>m</sup> mo chlann.

chunnaic an t-sùil, thug i fianuis leam.

12 A chionn gu'n do shaor mi am bochd a bha 'g éigheach, agus an dilleachdan aig nach robh fear cuid-eachaidh<sup>a</sup>.

13 Thàinig beannachadh an tì a bha ullamh gu bàsachadh orm; agus thug mi air cridhe na bantraich seinn le h-aobhneas.

14 Chuir mi ionracas orm, agus dh'eudaich e mi: mar fhalluing agus mar choron bha mo bhreitheanas.

15 Bu shùilean mi do'n dall, agus bu chosan mi do'n bhacach.

16 Bha mi a'm' athair do na bochdaibh; agus a' clùis nach b' aithne<sup>b</sup> dhomh rannsaich mi a mach.

17 Agus bhris mi gial an droch dhuine, agus a' fhiaclaibh splon mi a' chreach.

18 Agus thubhairt mi, Ann am nead gheibh mi bàs, agus mar a' ghaineamh ni mi mo laithean lìon-mhor.

19 Bha<sup>c</sup> mo fhreumh air a sgaoil-eadh a mach làimh<sup>d</sup> ris na li-uisgeachaibh, agus luidh an drùchd rè na li-oidhche air mo mheangan.

20 Bha mo ghloir ùr agam, agus dh'athnuadh aicheadh mo bhogha ann am làimh.

21 Riumsa dh'éisd daoine, agus dh'fheith iad, agus bha iad nan tosd ri m' chomhairle.

22 An déigh mo bhriathra cha do labhair iad a ris; agus shìl mo chaintinn orra.

23 Agus bha sùil aca rium, mar ris an uisge; agus dh'fhosgail iad am beul gu farsuing, mar air son an uisge dheireanaich.

24 Ma ghàir mi riu, cha do chreid iad, agus solus mo ghnùise cha do thilg iad sìos.

25 Thagh mi mach an slighe, agus shuidh mi mar cheannard, agus chòmhnuich mi mar rìgh ann an arnailt, mar aon a bheir comh-fhurtachd do luchd-bròin.

CAIB. XXX.

A CH a nis tha iadsan a's òige na mise a' deanamh fanoid orm, muinntir nach b'fhiu leam an aithrichean a chur maille ri conaibh mo thrèuda.

2 Seadh, ciod an tairbhe a bhiodh dhomhsa ann an neart an làmh, aig an deachaidh as d'an sèan aois?

3 Le dìth agus le gorta bha iad uaigneach, a' teicheadh do'n fhàsach, a bha 'san àm a chaidh seachad na fhàsalachd agus na léir-sgrìos:

<sup>a</sup> agus esan aig nach robh fear-cuideachaidh.

<sup>b</sup> cùis an tì nach b' aithne dhomh.

<sup>c</sup> Bithidh.

<sup>d</sup> luidhidh.

4 A' gearradh sìos malòimh làimh ris na preasaibh, agus freumh-an-aiteil mar bhiadh.

5 O mheasg dhaoine dh'fhògradh a mach iad: dh'éigh iad nan aghaidh, mar an aghaidh gaduiche.

6 Bha iad a chòmhnuidh ann an sgaradh nan gleann, ann an uamhaibh na talmhainn agus nan creag.

7 Am measg nam preas rinn iad gearan<sup>f</sup>: fuaidh 'n eanntagaich chruinnicheadh iad ri chèile:

8 Clann nan amadan, seadh, clann dhaoine gun chliu: bha iad ni bu tàireile na'n talamh.

9 Agus a nis is mise a's òran doibh, agus a ta mi a'm' leth-fhocal aca.

10 Tha iad a' gabhail gràin dìom, tha iad a' teicheadh fad as uam, agus cha chaomhainn iad smugaid a thilgeadh a'm' eudan.

11 A chionn gu'n d'fhuasgail e mo chòrd, agus gu'n do shàraich e mi, leig iadsan mar an ceudna an t-srian sgaoilte romham.

12 Air mo dheas làimh dh'éirich an òigridh, thug iad air mo chosaibh sleamhnachadh uam, agus thog iad suas a'm' aghaidh slighean an sgrìos.

13 Mhill iad mo cheuma, chuir iad m'aimhleas air aghaidh, gun fhear-cuideachaidh aca.

14 Mar bhriseadh a steach leathan thàinig iad, mar ann an léir-sgrìos thàom iad a stigh.

15 Thionndaidh uamhasan a'm' aghaidh: ruaig iad m'anam mar a' ghaoth; agus mar neul chaidh mo thèaruinteachd seachad.

16 Agus a nis tha m'anam air a dhòrtadh a mach orm; ghlac laithean àmhghair mi.

17 'San oidhche tha mo chnàmhan air an tolladh annam: agus cha bhi m'fheithean aig fois.

18 Le meud a neirt mhùth e m'eudach<sup>h</sup>: mar bhile mo chòta chuairtich e mi.

19 Thilg e mi anns an làthaich, agus tha mi air fàs cosmhuil ri duslach agus ri luaith.

20 Dh'éigh mi riut, agus cha d'éisd thu rium; sheas mi suas, agus [cha] d'thug thu fa'near mi.

21 Tha thu air fàs an-ìochdmhor rium; le neart do làimhe tha thu 'gad chur féin a'm' aghaidh.

22 Tha thu 'gam thogail ris a' ghaoith: tha thu toirt orm marcachd òirre, agus a' leaghadh as mo bhrìgh.

23 Oir a ta fhios agam gu'n d'thoir thu mi gu bàs, agus a chum an tighe a dh'orduicheadh do gach uile bheò.

<sup>e</sup> gropis; maluch. Eabh.

<sup>f</sup> ciurrulan; sìtirich. Eabh.

<sup>g</sup> orm.

<sup>h</sup> le neart m'eucalach

chaochaileadh m'eudach.

24 Gidheadh cha sin e mach a làmh a chum na h-uaigne, ge do ghlaodh iad na sgrios.

25 Nach do ghuil mise air a shon-san, a bha ann an àmhghar? nach robh m'anam doilich air son an duine bhochd?

26 An uair a bha sùil agam ri maith, an sin thàinig olc; agus an uair a bha dùil agam ri solus, thàinig dorchadas.

27 Bha m'innigh air ghoil, agus cha robh fois aca: chuir laithean àmhghair romham.

28 Ri bròn dh'imich mi as eugmhais na gréine: dh'éirich mi, anns a'chomhchruiuneachadh dh'éigh mi.

29 Is bràthair mi do na dragonaibh, agus is companach mi do na cumhachagaibh<sup>a</sup>.

30 Dhubhladh mo chroicionn orm, agus loisgeadh mo chnàmha le teas.

31 Agus tha mo chlarsach air tionndadh gu bròn, agus m'dran gu guth na muinntir a ghuileas.

CAIB. XXXI.

**R**INN mi coimhcheangal ri m'-shùilibh: c'ar son ma ta a smuainichinn air maighdinn?

2 Oir ciod e cubhrionn Dhé o'n ionad shuas, agus oighreachd an Uile-chumhachdaich o'n airde?

3 Nach 'eil sgrios ann do'n droch dhuine, agus coimhichead<sup>b</sup> do luchd-deanamh na h-euceirte?

4 Nach 'eil ea' faicinn mo shlighean, agus ag àireamh mo cheumanna gu léir?

5 Ma ghluais mi le dìomhanas, agus ma ghreas mo chos a chum ceilge;

6 Cudthromaichear mi ann am meidhibh a' cheartais, chum gu'm bi fios aig Dia air m'ionracas.

7 Ma thionndaidh mo cheum as an t-slighe, agus an déigh mo shùil gu'n do ghluais mo chridhe, agus ri m' làmh aibh gu'n do lean smal air bitih;

8 Cuiream, agus itheadh neach eile, seadh, biodh mo shliochd air spionadh as am frèimh.

9 Ma mhealladh mo chridhe le mnaoi, agus aig dorus mo choimhearsnaich ma rinn mi feall-fholach;

10 Meileadh mo bhean do neach eile, agus cromadh daoine eile oirre;

11 Oir is cionta mòr so, agus is euceart e air son nam breitheamhna<sup>c</sup>.

12 Oir is teine e a loisgeas chum sgrios, agus a spionadh as m'fhàs uile.

13 Ma rinn mi tàir air cùis m'òg-

laich, no mò bhan-oglaich, an uair a thagair iad<sup>d</sup> rium;

14 Ciod ma ta a ni mi 'nuair a dh'éireas Dia? agus an uair a dh'fhiosraicheas e, ciod a fhreagair-eas mi dha?

15 Nach e'n ti a rinn mise anns a' bhroinn, a rinn esan? agus nach aon a dhealbh sinn anns a' bhroinn?

16 Ma chum mi na bochdan o'm miann, agus ma thug mi air sùilibh na bantraiche fàilneachadh;

17 No ma dh'ith mi mo ghreim a'm aonar, agus nach d'ith an d'il-leachdau dheth;

18 (Oir o m'òige dh'fhàs e suas maille rium, mar aig 'athair: agus o bhroinn mo mhlàthar thredraich mi ise,)

19 Ma chunnaic mi neach a' bàsachadh a dhith eudaich, agus nach robh còmhachadh aig a' bhochd;

20 Mur do bheannaich a leasraidh mi, agus mur do bhlàthaicheadh e le lomradh mo chaorach;

21 Ma thog mi mo làmh an aghaidh an dilleachdain, an uair a chunnaic mi mo chòmhnadh anns a' gheata;

22 Tuiteadh mo ghairdean o'n t-slinnean, agus brisear mo righe o'n chnàimh<sup>e</sup>.

23 Oir bha sgrios o Dhia na uamhas dhomhsa, agus a thaobh 'airdesan cha robh e n comas domh fulang.

24 Ma chuir mi 'san òr mo dhò-chas, agus ma thubhairt mi ris an òr fhìor-ghlan, *Is tu m'earbsa*;

25 Ma rinn mi gairdeachas a chionn gu'n robh mo bheartas mòr, agus a chionn gu'n d'fhuair mo làmh mòran;

26 Ma dh'amhairc mi air a' ghréin an uair a dhealraich i, no air a' ghealaich a' gluasad an soillse,

27 Agus gu'n do mhealladh mo chridhe os ìosal, agus gu'n do phòg mo bheul mo làmh:

28 *Is cionta so mar an ceudna air son a' bhreitheimh, oir dh'àicheadh-ainn an Dia a ta shuas.*

29 Ma rinn mi gairdeachas ri sgrios an ti a dh'fhuathaich mi, agus ma thog mi mi féin suas a chionn gu'n d'fhàinig olc air:

30 Oir cha do leig mi le m'bheul peacachadh le mallachadh iarraidh air 'anam.

31 Mur d'thubhairt fir mo phàilliuin, Och nach robh sinn air ar sàsachadh le 'fheoil<sup>f</sup>!

32 Am muigh cha do luigh an

<sup>a</sup> coileachaibh-oidhche.

<sup>b</sup> peanas iongantach.

<sup>c</sup> gu bi

air a smachdachadh leis na breitheamhaibh.

<sup>d</sup> a rinn iad strì rium.

<sup>e</sup> o'n uilinn.

<sup>f</sup> Och nach

robh againn d'a fheoil! cha sàsuichear sinn.



coigreach: mo dhorus dh'fhòsgail mi do'n fhear-turuis.

33 Ma cheil mi, mar Adhamh, m'eucaontais, le m'eucaort fhòlach-adh a'm' uchd:

34 An uair a bha eagal orm<sup>a</sup> roimh mhòr-shluagh, no chuir tar-cuis theaghlach uamhas orm, agus a oha mi a'm' thosd agus nach deachaidh mi mach air dorus.

35 Och nach éisdeadh aon rium? feuch, is e mo mhiam gu'm freagair-eadh an t-Uile-chumbhachdach mi, agus gu'n scriobhadh m'fhear-ca-said<sup>b</sup> leabhar.

36 Gu deimhin air mo ghualainn ghabhainn e; cleanglainn e mar choron orm.

37 Aireamh mo cheumanna chuir-inn an céill da; mar cheannard rachainn am fagus da.

38 Ma dh'éigheas m'fhearann a'm' aghaidh, no ma ghearaineas mar an ceudna a chlaisean:

39 Ma dh'ith mi a thoradh gun airgiod, no ma thug mi air a luchd-seilbh an anam a chall:

40 An àit cruithneachd fàsadh droighneach, agus an àit eorna ionntagach<sup>c</sup>. Chrìochnaicheadh briathran Iob.

## CAIB. XXXII.

**A**N sin sguir an triuir dhaoine so do thoirt freagraidh air Iob, a chionn gu'n robh e ionraic na shùil-bh féin.

2 Agus las fearg Elihu mhic Bharacheil a' Bhusithich, do chinneadh Ràn; an aghaidh Iob las<sup>d</sup> fhearg, a chionn gu'n d'fhìreanaich<sup>e</sup> se e féin ni's mò na Dia.

3 Mar an ceudna an aghaidh a thriuir chairde las<sup>f</sup> fhearg, a chionn nach d'fhuair iad freagradh, agus gu'n do dhùt iad Iob.

4 A nis dh'fheith Elihu gus an do labhair Iob, a chionn gu'm bu shine iad na esan.

5 An uair a chunnaic Elihu nach robh freagradh air bith ann am beul an triuir dhaoine so, an sin las<sup>g</sup> fhearg.

6 Agus fhreagair Elihu mac Bharacheil a' Bhusithich, agus thubhairt e, Tha mise òg, agus sibhse aos-mhor; uime sin bha eagal orm, agus bha mi sgàthach mu m'bhàrail a nochdamh dhuibh.

7 Thubhairt mi, Labhradh laith-ean, agus teagaisgeadh lionmhoir-eachd bhliadhnacha gliocas.

8 Ach a ta spiorad san duine, agus bheir anail an Uile-chumbhachdaich tuigse dha<sup>h</sup>.

<sup>a</sup> An robh eagal orm, &c.

<sup>b</sup> m'eucaraid. <sup>c</sup> eanntagach, luibh loibheach. <sup>d</sup> gu'n do shaor. <sup>e</sup> dhoibh.

9 Cha bhi daoine mòra a ghndh glic, agus cha tuig na h-aosmhoir breitheanas.

10 Uime sin thubhairt mi, Eisdibh rium; nochdaidh mise mar an ceudna mo bhàrail.

11 Feuch, dh'fheith mi ri'r briathraibh; dh'éisd mi ri'r reusonaibh, gus an do rannsaich sibh ciod a theireadh sibh.

12 Seadh, thug mi fa'near sibh: agus feuch, cha robh aon agaibh a dhearbh an aghaidh Iob, no a thug freagradh air a bhriathraibh.

13 Air eagal gu'n abradh sibh, Fhuair sinn a mach gliocas: is e Dia a thilgeas sios e, cha 'n e duine.

14 A nis cha do chuir e a bhriathran an ordugh a'm' aghaidh-se; agus le bhur foclaibh-se<sup>f</sup> cha fhreagair mise e.

15 Bha uamhas orra; cha do fhreagair iad ni bu mhò; sguir iad do labhairt.

16 Agus dh'fheith mi, ach cha do labhair iad: ach sheas iad, agus cha do fhreagair iad ni bu mhò.

17 Freagairidh mise mar an ceudna mo chuid féin; nochdaidh mise mar an ceudna mo bhàrail.

18 Oir a ta mi làn do bhriathraibh; a ta spiorad mo chuim 'gam éigneachadh.

19 Feuch a ta mo chom mar fhìon gun dol as aige: mar shearaga nuadh, tha e ullamh gu bhi air a reubadh.

20 Labhraidh mi, agus bithidh lasachadh<sup>g</sup> agam; fosgailidh mi mo bhilean, agus freagairidh mi.

21 Na gabham-sa, guidheam ort, ri gnùis duine air bitli; agus ri duine na labhran gu miodalach.

22 Oir cha'n aithne dhomh-sa cainnt mhiodalach: nam b'aithne, gu h-aithghearr bheireadh mo Chruithfhear air falbh mi.

## CAIB. XXXIII.

**U**IME sin, a Iob, cluinn, guidheam ort, mo bhriathra<sup>h</sup>, agus éisd ri m'fhoclaibh uile.

2 Feuch, a nis dh'fhosgail mi mo bheul; labhair mo theanga ann am bheul.

3 O ionracas mo chridhe thig mo bhriathra; agus labhraidh mo bhilean eòlas gu soilleir.

4 Rinn spiorad Dhé mi, agus thug anail an Uile-chumbhachdaich beatha dhomh.

5 Ma's urrainn thu, freagair mi, cuir do bhriathran an ordugh a'm' làthair, seas suas.

6 Feuch, a ta mise, mar a ta thu

<sup>f</sup> uirghiol-sa.

<sup>g</sup> anail, fois.

<sup>h</sup> mo chainnt, m'uirghiol.

féin o Dhia<sup>a</sup>; as a' chréidh dheal-  
bladh mise mar an ceudna.

7 Feuch, cha chuir m' uamha-sa  
eagal ort, agus cha bhi mo lámh  
trom ort.

8 Gu cinnteach labhair thu a'm'  
éisdeachd, agus chuala mi guth [do]  
blriathar.

9 Glan a ta mi, gun eusaontas;  
neo-chiontach a ta mi, agus cha  
'n'eil euceart annam.

10 Feuch, tha e faghail chùisean<sup>b</sup>  
a'm' aghaidh; tha e 'gam mheas  
mar a nàmhaid.

11 Tha e a' cur mo chos anns a'  
cheap; tha e a' geur-amharc air mo  
cheumaibh gu léir.

12 Feuch, an so cha 'n'eil thu  
ceart; freagairidh mi thu gur-mò  
Dia nà duine.

13 C'ar son a chuireas tu na agh-  
aidh; oir ann an aon air bith d'a  
nithibh cha d'thoir e cunntas<sup>c</sup>?

14 Oir aon uair labhraidh Dia,  
agus an dara uair cha'n amhairc e  
thairis air<sup>d</sup>.

15 Ann an aisling, ann an seal-  
ladh<sup>e</sup> na h-oidche, 'nuair a thuit-  
eas codal trom air daoineibh, 'nuair  
a bhios iad nan suain air an leab-  
aidh.

16 An sin fosgailidh e cluasan  
dhaoine, agus seulaichidh e an teag-  
asg.

17 Chum gu tarruing e duine o a  
dheanadas<sup>f</sup>, agus gu'm folaich e  
uabhar o dhuine;

18 Gu'n cum e 'anam o'n t-slochd,  
agus a bheatha o sgrios leis a'  
chlaidheamh.

19 Oir smachdaichear e le péin  
air a leabaidh, agus lionmhoireachd  
a chnàmh le péin láidir:

20 Air chor as gu'n gabh a bheatha  
gràin do aran, agus 'anam do bhiadh  
deagh-bhlada.

21 Caithear 'fheoil air chor as  
nach faicear i; agus a chnàmha  
nach facas, seasaidh a mach.

22 Agus tairngidh 'anam am fagus  
do'n uaigh, agus a bheatha do na  
milltearaibh.

23 Ma bhios teachdaire aige, ead-  
ar-theangair, aon am measg mhìle, a  
nochdadh 'ionracas do dhuine:

24 An sin gabhaidh e truas deth,  
agus their e, Saor e o dhol sìos do'n  
t-slochd: fhuair mi éiric<sup>g</sup>.

25 Bithidh 'fheoil nì's ùire nà feoil  
leinibh: thug e air ais gu laithibh  
'dige.

<sup>a</sup> a ta mise, a réir do ghuidhe, an àit  
Dhé. <sup>b</sup> chion-fàth.

<sup>c</sup> cha fhreagair e. <sup>d</sup> seadh,  
dà uair, ge nach d'thoir duine fa'near.

<sup>e</sup> taisbeanadh. <sup>f</sup> a rìnn.  
<sup>g</sup> luach-saoraidh, fuasgladh.

26 Ni e urnuigh ri Dia, agus gabh-  
aidh e gu caoinhneil<sup>h</sup> ris, agus chi  
e a ghnùis le gairdeachas; oir locaidh  
e do dhuine 'ionracas.

27 Amhaircidh e air daoineibh, a-  
gus ma their aon duine<sup>i</sup>, Pheacaich  
mi, agus chlaon mi an nì a bha ceart,  
agus cha robh e chum tairbhe  
dhomh:

28 Saoraidh e 'anam<sup>k</sup> o dhol sìos  
do'n t-slochd, agus chi a' bheatha  
solus.

29 Feuch, na nithe sin uile oib-  
richidh Dia gu minic<sup>m</sup> a thaobh  
duine.

30 A thoirt 'anama air ais o'n  
t-slochd, gu bhi air a shoillseachadh  
le solus nam beo.

31 Thoir fa'near, a Iob, éisd rium,  
bi d'thosd, agus labhraidh mi.

32 Ma ta bheag agad r'a ràdh,  
freagair mi: labhair, oir bu mhiann  
leam do shaoradh<sup>n</sup>.

33 Mur 'eil, éisd thusa rium-sa: bi  
d' thosd, agus teagaisgidh mise dhuit  
gliocas.

# CAIB. XXXIV.

A THUILLEADH air so fhreagair  
Elihu, agus thubhairt e,

2 Cluinnibh mo bhriathra, a  
dhaoine glice, agus éisdibh rium,  
sibhse aig am bheil eòlas.

3 Oir dearbhaidh a' chluas briath-  
ran, agus blaisibh am beul biadh.

4 Ròghnaicheanaidh dhuinn<sup>o</sup> féin  
brèitheanas: biodh fios againn ead-  
aruinn féin ciod an nì a ta maith.

5 Oir thubhairt Iob, A ta mi ion-  
raic, agus thug Dia air falbh mo  
bhreitheanas.

6 Ann am bhreitheanas tha mi air  
mo mhealladh<sup>p</sup>: tha mo lot do-  
leighis, as eugmhais eusaontais.

7 Cia an duine a ta cosmhuil ri  
Iob, a dh'òlas suas magadh mar  
uisge?

8 A dh'imicheas ann an cuideachd  
luchd-dheanamh na h-euceirte, agus  
a shiubhlas le droch dhaoineibh.

9 Oir thubhairt e, Cha 'n'eil  
tairbhe ann do dhuine tlachd a  
ghabhail ann an Dia.

10 Uime sin éisdibh rium, sibhse  
a dhaoine tuigeach: Fada gu robh  
aingidheachd o Dhia, agus euceart  
o'n Uile-chumhachdach.

11 Oir gnìomh duine locaidh e  
dha, agus bheir e air gach duine gu  
faigh e a réir a shlighe.

12 Seadh, gu cinnteach cha dean  
Dia gu h-aingidh, agus cha chlaon

<sup>h</sup> bàigheil. <sup>i</sup> agus their e.  
<sup>k</sup> Shaor e m'anam. <sup>l</sup> mo.  
<sup>m</sup> trì uairean. Eabh. <sup>n</sup> do  
ghlanadh. <sup>o</sup> An deanainn  
breug an aghaidh mo cheirt?

an t-Uile-chumhachdach breitheanas.

13 Cò a chuir an talamh fuidh a chùram? agus cò a shuidhich an domhan uile?

14 Ma chuireas e a chridhe air<sup>a</sup>, ma chruinnicheas e d'a ionnsuidh féin a spiorad agus<sup>a</sup> anail;

15 Bàsaichidh gach uile fheoil le chéile, agus pillidh an duine a ris do'n duslach.

16 A nis ma ta tuigse agad, cluinn so, éisd ri guth mo bhriathar.

17 An riaghail esan féin aig am bheil fuath do cheartas? agus an d'it thu esan a's ro-cheirte?

18 An abrar ri rìgh, *Tha thu aingidh?* ri daoineibh urramach<sup>b</sup>, *Tha sibh air-diadhaidh?*

19 *Ris-san* nach gabh ri gnùis uachdarana, agus nach meas an saibhir ni's mò na'm bochd? oir is iad uile oibre a làmh.

20 Gu h-obann gheibh iad bàs, agus mu mheadhon-oidhche cuirear an sluagh fa bhuaireas<sup>c</sup>, agus siubhlaidh iad: agus bheirear an cumhachdach air falbh gun làmh.

21 Oir a ta a shuilean air slighibh duine, agus chi e a cheumanna gu léir.

22 Cha 'n'eil dorchadas na sgàile bàis ann, far am folaich luchd-dheanamh na h-aingidheachd iad féin.

23 Oir cha leag e tuilleadh sa' chòir air duine, chum gu'n rachadh e am breitheanas ri Dia.

24 Brisidh e sìos daoine cumhachdach gun àireamh, agus cuiridh e suas daoine eile nan àit.

25 Uime sin is aithne dha an guìomharan, agus tilgidh e bun os cionn iad<sup>a</sup> san oidhche, agus sgriosar iad.

26 Mar dhroch dhaoineibh buailidh se iad ann an sealladh soilleir dhaoine eile:

27 A chionn gu'n do thionndaidh iad air an ais uaith, agus nach d'thug iad fa'near aon air bith d'a shlighibh;

28 Air clor as gu'n d'thug iad air glaoch nam bochd teachd d'a ionnsuidh, agus gu'n cual e glaoch nan truaghan.

29 An uair a bheir esan fois, cò a ni buaireas<sup>d</sup>? agus an uair a dh'fholaicheas e a ghnùis, cò a chi e? ma's ann a thaobh cinnich, no a thaobh duine a mhàin.

30 A chum nach ròghaich duine a bhios na chealgair, air eagal gu'm biodh an sluagh air an ribeadh.

31 Gu cinnteach ri Dia tha e iom-

chuidh r'a ràdh, Ghiùlain mi smachdachadh, cha chiontaich mi ni's mò.

32 An ni nach léir dhomh, teagaisg thusa dhomh: ma rinn mi aingidheachd, cha dean mi sin ni's mò.

33 An ann a réir do thoile-sa bu chòir an ni a bhi? dìolaidh se e, ma dhiùtas tusa, oir is tu féin a ròghnaicheas, agus cha mhise; uime sin an ni a's aithne dhuith labhair.

34 Innseadh daoine tuigseach dhomh, agus éisdeadh duine glè rium.

35 Labhair Iob gun eòlas, agus bha a bhriathran as eugmhais gliocais.

36 Is e mo mhiann Iob a bhi air a dhearbhadh chum na crìche, air son a fhreagraidhean le daoineibh aingidh.

37 Oir tha e a' cur ceannairce r'a pheacadh, a' bualadh a blas 'nar measg, agus a' deanamh a bhriathra lionmhor an aghaidh Dhé.

## CAIB. XXXV.

**F**HREAGAIR Elihu a ris, agus thubhairt e.

2 An saoil thusa so a bhi ceart, gu'n dubhairt thu, *Tha m'fhìreantachd-sa os cionn fireantachd Dhé?*

3 Oir thubhairt thu, Ciod an tairbhe bhios ann dhuitse? agus, Ciod a' bhuanachd a bhios ann domhsa, *ma shaorar mi o m' pheacadh?*

4 Freagairidh mise thu, agus do chompanaich maille riut.

5 Anlaire air na nèamhaibh, agus feuch; agus faic na neoil a's airde na thu.

6 Ma pheacaicheas tu, ciod a ni thu na aghaidh-san? agus *ma dh'fhàsas t'eusaontais lionmhor*, ciod a' ni thu air-san?

7 Ma bhios tu ionraic, ciod a bheir thu dha-san? no ciod a gheibh e o d' làimh?

8 Feudaidh t-aingidheachd cron a dheanamh do dhuine mar a ta thusa, agus t'fhìreantachd a bhi tarbhach do mhac an duine.

9 Glaothaidh iadsan a tha air an sàrachadh le mòran, éighidh iad air son gairdein na mòr chuideachd<sup>e</sup>.

10 Ach cha 'n abair aon neach, C'ait am bheil Dia mo Chruith-fhear, a tha tabhairt dhàn seachad<sup>f</sup> san oidhche?

11 A tha 'gar teagasg ni's mò nà ainmliidhean na talmhainn, agus 'gar deanamh ni's glìce nà eunlaith nan speur.

12 An sin éighidh iad (ach cha fhreagair neach air bith iad) air son uabhair dhroch dhaoine.

13 Gu cinnteach cha 'n eisd Dia

<sup>a</sup> air duine. <sup>b</sup> uachdaranaibh,  
<sup>c</sup> ard-uaislibh. <sup>d</sup> fo thrioblaid,  
<sup>e</sup> a chuireas tuairgne.

<sup>f</sup> nan daoine mòra.

ri dìomhanas, agus clà bhi meas aig an Uile-chumhachdach air.

14 Ge do their thu nach faic thu e, tha breathanas na làthair; uime sin earb thusa as.

15 Ach a nis a chionn nach 'eil e mar sin, dh'fhiosraich e na chorruich, gidheadh ni h-aithne dha sin annan deuchainn<sup>a</sup> mhòir.

16 Uime sin fosglaidh lob a bheul gu dìomhain: ni e briathra lionmhor gun eòlas.

# CAIB. XXXVI.

**A** GUS chaidh Elihu air aghaidh, agus thubhairt e,

2 Leig dhomh beagan, agus nochdaidh mi dhuit gu bheil fathast ni agam ri labhairt air son Dhé.

3 Tairngidh<sup>b</sup> mi m'èdhas o chéin, agus do m' Chruthadair bheir mi ceartas.

4 Oir gu cinnteach cha bhi mo bhriathra breugach: tha esan a ta iomlan ann an eòlas maille riut.

5 Feuch, tha Dia cumhachdach, agus cha dean e tàir; cumhachdach ann an neart, le gliocas.

6 Cha ghléidh e beo an t-aingidh, ach bheir e ceartas do na bochdaibh.

7 Cha tarruing e a shùilean o'n ionracan; ach a ta iad le righribh air an righ-chathair, agus daingnichidh e iad gu bràth, agus ardaichear iad.

8 Agus ma bhios iad ceangailte an geimhlibh, ma ghlacar iad ann an cordaibh àmhghair;

9 An sin nochdaidh e dhoibh an obair agus an eusaontais, gu'n robh iad an barrach.

10 Agus fosgailidh e an cluas chum fòghluim, agus àithaidh e dhoibh pilltinn o euceart.

11 Ma dh'èisdeas iad ris agus ma ni iad seirbhis da, caithidh iad an laithean ann an saibhreas, agus am bliadhnann ann an subhachas.

12 Ach mur éisd<sup>c</sup> iad, cuirear as doibh leis a' chlaidheamh, agus gheibh iad bàs gun eòlas.

13 Ach carnaidh na cealgairean sa' chridhe suas fearg: cha'n éigh iad an uair a cheanglas e iad.

14 Gheibh iad bàs nan òige, agus tha am beatha am measg nan neoghlan.

15 Saoraidh e am bochd na àmhghiar; agus fosgailidh e an cluasan nan sàrachadh.

16 Eadhon mar sin dh'atharraich-eadh e thusa a meadhon teanntachd gu àite farsaing, far nach 'eil teanntachd air bith, agus bhiodh na chuirte air do bhòrd làn do shailh.

17 Ach choimhlion thu breitheanas

an aingidh: gabhaidh breitheanas agus ceartas grèim dhìot.

18 A chionn gu bheil fearg riut, tabhair an aire nach d'thoir e air falbh thu le a bhuille: an sin cha saor éiric<sup>d</sup> mhòr thu.

19 Am meas e do shaibhreas? cha mheas, no òr, uile neart cumhachd.

20 Na miannaich an oidhche 'nuair a ghearrar as sluag nan àit.

21 Tabhair an aire nach claon thu gu euceart<sup>e</sup>; oir so ròghnaich thu tha àmhghar.

22 Feuch, ardaichidh Dia le a chumhachd: cò a theagaisgeas cosmhuil ris-san?

23 Cò a dh'fhiosraich<sup>f</sup> a shlighe<sup>g</sup> agus cò a dh'fheudas a ràdh, Rinn thu euceart?

24 Cuimhnich gu'n ardaich thu obair-san, a chi daoine.

25 Chi na h-uile dhaoine i: chi duine i o chéin.

26 Feuch, tha Dia mòr, agus cha'n aithne dhuine e, agus cha rannsaichear a mach àireamh a bhliadhnacha.

27 Oir ni e meanbh na braoin uisge; taomaidh iad a nuas uisge a rèir a ched<sup>h</sup>,

28 A shileas na neoil; frasaich iad air an duine gu pailt.

29 A bhàrr air so, an urrainn neuch<sup>i</sup> air bith sgaoileadh nan neul a thuigsinn, no fuaime a phàilliuin?

30 Feuch, sgaoilidh e a sholus air, agus còmhdaichidh e ìochdar na fàirge.

31 Oir leo sin bheir e breth air an t-sluagh, bheir e biadh seachad am pailteas.

32 Le a làmhaidh<sup>j</sup> còmhdaichidh e an solus, agus àithnidh e dha teachd a ris.

33 Nochdaidh an fhuaim aige a thaobh sin, an spréidh mar an ceudna a thaobh na théid suas<sup>k</sup>.

# CAIB. XXXVII.

**M**AR an ceudna nime so chrìothnaich ino chridhe, agus charaicheadh as 'àit e.

2 Eisidibh gu furachar ri fuaime a ghutha, agus an torman a théid a mach as a bheul.

3 Fuidh na nèamhaibh uile stìdbhraidh se e, agus a dhealanach gu crìochaibh na talmhainn.

4 Na dh'éigh sin beucaidh guth: ni e tairneanach<sup>l</sup> le guth a mhòralachd, agus cha chum e air an ais iad an uair a chluinnear a ghuth.

5 Ni Dia tairneanach le a ghuth

<sup>d</sup> fuaigladh. <sup>e</sup> na tabhair spéis do euceart. <sup>f</sup> a dh'ordwich.

<sup>g</sup> neulaibh. <sup>h</sup> a' ched. <sup>i</sup> tairneinichidh, no tairnichidh e.



gu h-iongantach; ni e nìthe mòra do-thuigsinn,

6 Oir ris an t-sneachda their e, Bìsa air an talamh; mar an ceudna ris an uisge mheanbh, agus ri uisge mòr a neirt.

7 Air làimh gach duine cuiridh e seula, chum gu'n aithnich na h-uile dhaoine 'obair-san.

8 Agus théid na fiadhl-bheathaiche steach d'an garaidh, agus na uaitibh-tàimh luidhidh iad.

9 As an airde deas thig an ioma-ghaoith<sup>a</sup>, agus fuachd as an airde tuath.

10 Le h-anail Dhé bheirear reodhadh, cumhaingichear leud nan uisgeacha.

11 Mar an ceudna le h-uisgeachadh sgithichidh e an neul tiugh: sgaoilidh e a neul soillseach.

12 Agus tionndaidhear mu'n cuairt e le a chomhairle; chum gu'n dean iad ge b'e ni a dh'aithneas e dhoibh air aghaidh a' chruinne-ché.

13 Bheir e air teachid, ma's ann a chum smachdachaidh, uo air son 'fhearainn, no air son trócaire:

14 Eisd ri so, a Iob: seas, agus tabhair fa'near oibre iongantach Dhé.

15 Am bheil fios agad c'uin a dh'orduich Dia iad, agus a thug e air solus a neoil dealrachadh?

16 Am bheil fios agad air cothromachaidh nan neul, air oibrigh iongantach, ti an a ta iomlan ann an eòlas?

17 Cionnas a ta t'eudach blàth, 'nuair a chiuinichear<sup>b</sup> an talamh leis a' ghaoith a deas?

18 An do sgaoil thu mach maille ris-san na speura, a ta làidir, mar sgàthan leaghta?

19 Nochd dhuinn ciod a their sinn ris: cha'n urrainn sinn ar cainnt a chur an ordugl a thaobh dorchadais.

20 An ionsear dha 'nuair a labhras mi? ma labhras duine, gu cinnteach sluigear suas e.

21 Agus a nis cha 'n fhaic daoine an solus dealrach a ta anns na neulaibh: ach siubhlaidh a' ghaoith, agus glanaidh si iad.

22 As an airde tuath thig soini-ionn<sup>c</sup>: aig Dia tha mòrachd uamhasach.

23 An t-Uile-chumhachdach, cha 'n urrainn sinn fhagail a mach: tha e b'irdheirc ann an cumhachd, agus am breitheanas, agus an làn cheartas: cha sàraich e.

24 Uime sin bithidh eagal air daoibh roimhe: cha bhi meas aige

air duine sam bith a bhios glic an cridhe.

## CAIB. XXXVIII.

A N sin fhreagair an Tighearn Iob as a' chuairt-ghaoith<sup>d</sup>, agus thubhairt e,

2 Cò e so a tha dorchachadh comhairle le briathraibh gun eòlas?

3 Crìosraich a nis mar fhear do leasraidh, agus fèdraichidh mi dhòt, agus freagair thusa mi.

4 C'ait an robh thu 'nuair a leag mise bunaite na talmhainn? innis, ma ta tuigse agad.

5 Cò a shuidhich a thoimhsean, ma's aithne dhuit? no cò a shìn an snàithne-tomhais air?

6 Ciod air am bheil a bhunaitean air an daingneachadh, no cò a leag a chlach oisinne;

7 'Nuair a sheinn reulta na maidne cuideachd, agus a rinn uile mhic Dhé gairdeanas?

8 No cò a dhruid a stigh an fhaire le dorsaibh, 'nuair a bhris i mach mar gu'n d'thigeadh i as a' bhroinn;

9 An uair a rinn mi neul na thruscan d'i, agus tiugh dh'orchadas na chrìos-sgaoilidh<sup>e</sup> d'i?

10 Agus a bhris mi suas d'i m'àite suidhichte, agus a rinn mi dh'i crannan agus dorsan;

11 Agus a thubhairt mi, Gu ruig so thig thu, ach cha d'thignì's faide, agus an so coisgear do thonna uaibhreacha?

12 O thoiseach do laithean an d'thug thu àithne do'n mhaduinn? an d'thug thu fios a h-àite do'n scarthanaich<sup>f</sup>?

13 A chum greim a ghabhail<sup>g</sup> do clàrchoaibh na talmhainn, agus gu'n crathta na h-aingidh as.

14 Tionndaidhear e mar chriadh ris an t-seula, agus seasaidh iadsan mar eudach.

15 Agus cumar an solus o na h-aingidh, agus brisear an gairdean ard.

16 An deachaidh tu steach gu tobraichibh na fairge? no ann an rannsachadh an dubhaigein<sup>h</sup> an d'imich thu?

17 An d'fhosglaigh geatachan a' bhàis duit? no 'm faca tu dorsa sgàile a' bhàis?

18 An d'thug thu fa'near leud na talmhainn? innis, ma's aithne dhuit e uile.

19 C'ait am bheil an t-slighe anns an còmhluich an solus? agus an dorchadas, c'ait am bheil 'ionad-san?

20 Gu'n gabhadh tu e g'a chrìch,

<sup>d</sup> ioma-ghaoith.

<sup>e</sup> na chrìos-

pasgaidh.

<sup>f</sup> chamhair.

<sup>g</sup> gus an gabh thu greim.

<sup>h</sup> na

doimhne.

<sup>a</sup> a' chuairt-ghaoith.  
a shìothaicheas e.  
aimsir; òr.

<sup>b</sup> 'nuair  
<sup>c</sup> deadh

agus gu'm b'aithne dhuit na ceuman a dh'ionnsuidh a thighe?

21 An aithne dhuit e, a chionn gu'n d'rugadh tu an sin, no gu bheil àireamh do bhliadhnacha mòr?

22 An deachaidh tu steach gu ionmhasaibhan t-sneachdaidh? no'm faca tu ionmhasa na cloiche-meal-lain?

23 A thaisg mise fa chomhair aimsire na teanutachd, fa chomhair latha a' chatha agus a' chogaidh.

24 Cia an Rathad a dhealaichear an solus, a sgaoileas a' ghaoth an ear air an talamh?

25 Cò a roinn sruth-chlais air son na tuile, agus slighe air son dealanaich<sup>b</sup> na tairneanaich;

26 A thoirt air frasadh air an talamh far nach 'eil duine; air an fhàsach gun duine ann;

27 A shàsachad an fhàsaich agus an dìothreach, agus a thoirt air cinneas<sup>c</sup> an lus mhàotli fàs suas?

28 Am bheil athair aig an uisge? na cò a ghin braoin an drùchda?

29 A broinn cò an d'fhàinig an eigh<sup>d</sup>? agus liath-reodhadh nan speur, cò a ghin e?

30 Mar chloich<sup>a</sup> tha na h-uisgeacha air an cruadhachadh<sup>e</sup>, agus aghaidh na doimhne air reodhadh.

31 Am feud thusa cumhachda milse Phleiadest<sup>f</sup> a cheangal, no ceanglaichean Orioin<sup>g</sup> fhuasgladh?

32 An d'thoir thu mach Madsarot na àm? no an stiur thu Arcturus maille r'a mhacaibh?

33 An aithne d'huith reachda nan nèamh<sup>i</sup>? an suidhich thu an uachd-aranachd air an talamh?

34 An tog thu suas a dh'ionnsuidh nan neul do ghuth, air chor as gu'n còmhdaich<sup>j</sup> pailteas uisgeacha thu?

35 An cuir thu uait dealanaich, agus an d'fhéid iad, agus an abair iad riut, Tha sinn an so?

36 Cò a chuir gliocas san taobh a stigh<sup>h</sup>? no cò a thug tuigse do'n chridhe?

37 Cò a dh'airmheas na neoil an gliocas? no cò a choisgeas searraga nan nèamh<sup>i</sup>;

38 Nuair a dh'fhàsas an duslach na mheall cruaidh, agus a dhlùthleanas na fòide ri chéile?

39 An sealg thusa cobhartach do'n leòmhann bhoirionn, agus an sàsaich thu ciocras<sup>i</sup> nan leòmhann òga;

40 Nuair a chrùbas iad nan gar-

aith, a dh'fhanas iad ann an sgàile chum feall-fheitheamh?

41 Cò a sholaras do'n fhitheach a lòn? an uair a dh'éigheas an t-àl òg aige ri Dia, théid iad air iomroll<sup>k</sup> a chion bldh.

## CAIB. XXXIX.

**A**N aithne dhuitse an t-àm anns am beir gabhair fhiadhaich na carraige? an d'thoir thu fa'near c'uin a bheireas na h-eilde laoi<sup>l</sup>?

2 An urrainn thu na mlosan àireamh a choimhlionas iad, agus an aithne dhuit an t-àm anns am beir iad?

3 Cromaidh siad iad fein, beiridh iad an àl, tilgidh iad dhiubh an do-bròn.

4 Tha an àl an culaidh mhaith, tha iad a' fàs suas anns na cluainibh<sup>l</sup>; théid iad a mach, agus cha phill iad d'an ionnsuidh.

5 Cò a chuir a mach an t-asal fìadhaich saor, agus cò a dh'fhuasgail ceanglaiche an asail fhiadhaich?

6 D'a d'rinn mi a thigh do'n fhàsach, agus 'àite-còmhnuidh do'n fhearann neo-thorach.

7 Ni e tarcuis air mòr shluagh a' bhaile: ri éigheach an fhir-ghreasaidh cha'n éisd e.

8 Rannsaichidh e na sléibhte chum ionaltraidh, agus siridh e'n déigh gach ni uaine<sup>m</sup>.

9 Am bi an t-aonadharcach<sup>n</sup> toil-each air seirbhis a dheanamh dhuit? am fan e aig do phrasaich?

10 An ceangail thu an t-aonadh-arcach le 'chuing anns a' chlais<sup>o</sup>? no'n cliath e na gleannta a'd' dhéigh?

11 An earb thu as, a chionn gur mòr a neart; no 'm fàg thu t'obair dha?

12 An creid thu e gu'n aisig e<sup>o</sup> do shìol, agus gu'n cruinnich se e do d' urlar-bualaidh<sup>p</sup>?

13 An tusa thug sgiathan breagha do no peucagaibh<sup>q</sup>? no sgiathan agus iteach<sup>r</sup> do'n struth<sup>s</sup>;

14 A dh'fhàgas a h-uibhean<sup>t</sup> san talamh, agus a bhlàthaicheas iad<sup>u</sup> san duslach,

15 Agus a dhi-chuimhnicheas gu'm feud cos am bruthadh, no fiadhl-bheathach na macharach am briseadh?

16 Cruadhaichear i 'n aghaidh a h-àlaich, mar nach bu leatha iad: diombain tha a saothair gun eagal:

<sup>a</sup> cloich-shneachdaidh.  
<sup>c</sup> iras.

<sup>b</sup> thein-  
<sup>d</sup> deigh.

<sup>k</sup> seacharan.

<sup>l</sup> le h-arbhar.

<sup>e</sup> air am folachadh.

<sup>f</sup> Chimah.

<sup>m</sup> glas.

<sup>n</sup> an sròn-adh-

Eabh.

<sup>g</sup> Chesil.

Eabh.

arcach, am buabhul.

<sup>o</sup> gu'n tabh-

<sup>h</sup> 'sna h-airnibh.

<sup>i</sup> miann;

uìr e stigh.

<sup>p</sup> do d' shabhul.

anam: Eabh.

<sup>q</sup> renanim. Eabh.

<sup>r</sup> cleiteach.

<sup>s</sup> ostrich.

17 A chionn gu'n dhiùlt Dia dhi gliocas, agus nach do roinn e tuigse rithe.

18 Ge b'e uair a thogas si i féin an aird, ni i tàir air an each, agus air a mharcach.

19 An d'thug thusa neart do'n each? an d'eudaich thu a mhuineal le tairneanaich?

20 An dean thu gealtach e mar an leumnach-uaine? is uamhasach glòir a chuinneine<sup>b</sup>.

21 Bùraichidh e le 'chois anns a' ghleann, agus ni e gairdeachas na neart: théid e air aghaidh an coinneamh an airm?

22 Ni e magadh air eagal, agus cha bhi uamhann air, agus cha phill e air ais o fhaobhar<sup>c</sup> a' chlaidheimh.

23 Ni 'm balg-saighid torman na aghaidh, an t-sleagh loinreach agus an gath<sup>c</sup>.

24 Le gairge agus feirg cladhaichidh e 'n talamh; agus cha chreid e gur i fuaim na trompaide a ta ann.

25 Am meadhon fuaim na trompaide their e, Ha, ha; agus fad as gabhaidh e boladh a' chatha, tairneanaich nan ceannard, agus na h-iol-aiche.

26 An ann le d'ghlocas-sa a dh'it-ealaicheas an t-seabhag, a shìneas i a sgiathan a làimh na h-airde deas?

27 An ann air t-àithne-sa a dh'éir-eas an iolaire suas, agus a ni i a nead gu h-ard?

28 Gabhaidh i còmhnuidh anns a' charraig, agus fanaidh i air score na carraige, agus anns an daingneach.

29 As sin iarraidh i cobhartach: chi a sùilean fad as.

30 Agus sùgaidh a h-àlach<sup>h</sup> suas fuil; agus far am bi na mairbh, an sin bithidh ise.

## CAIB. XL.

**A** THUILLEADH air so fhreagair an Tighearn Iob, agus thubhairt e,

1 An teagaisg esan a ni stri ris an Uile-chumhachdach? esan a thagras ri Dia, freagradh e air a shon.

2 Agus fhreagair Iob an Tighearn, agus thubhairt e,

3 Feuch, tha mi graineil; ciod a fhreagras mi dhuit? cuiridh mi mo làmh air mo bheul.

4 Aon uair labhair mi, ach cha

<sup>a</sup> fionnan-feur, dreolan teasbhuidh.

<sup>b</sup> a phollairean.

<sup>c</sup> Cladhaichidh.

<sup>d</sup> aghaidh. Eabh.

<sup>e</sup> an sgiath.

<sup>f</sup> sluidhidh e

suas. <sup>g</sup> facail. Eabh.

<sup>h</sup> eoin òga.

fhreagair mi; seadh, da uair, ach cha 'n abair mi tuilleadh.

6 An sin fhreagair an Tighearn lob as a' chuairt-ghaoith, agus thubhairt e,

7 Criosraich a nis mar dhuine do leasraidh: fedraichidh mi dhìot, agus freagair thusa mi<sup>i</sup>.

8 An d'hoir thusa mo bhreithneas-sa gu neo-ni? an d'it thu mise, chum gu saorar thu féin?

9 Am bheil gairdean agad cosmhuil ri Dia? no'n dean thu tairneanaich le gutli cosmhuil ris-san?

10 Sgeadaich thu féin a nis le mòrachd agus le h-òirdheirceas, agus eudaich thu féin le glòir agus naise.

11 Taom<sup>k</sup> a mach fraoch t'fheirge, agus faic gach neach a ta uaibhreach, agus irioslaich e.

12 Faic gach neach a ta uaibhreach, islich e, agus saltair sìos na droch dhaoine nan àit.

13 Folaich iad 'san duslach le chéile, ceangail an aghaidhean an diomhaireachd.

14 An sin mar an ceudna aidichidh mise dhuit, gu'n saor do dheas làmh féin thu.

15 Feuch a nis Behemot, a rinn mise maille riut; ithidh e feur mar dhamh.

16 Feuch a nis, tha a neart na leasraidh, agus a spionnadh ann an iomlaig a bhronn.

17 Gluaisidh e 'earrball mar sheudar: tha féithean-luthaidh a shléisd-ean ceangailte r'a chéile.

18 Tha a chnàmha làidir mar umha; tha a chnàmha mar chrann-aibh iaruin.

19 Is e tùs shlighean Dhé e: an ti a chruthaich e, feudaidh esan a chlaidheamh a thoirt am fagus da.

20 Gu cinnteach bheir na sléibhte dha feur, far am bi uile bheathaiche na macharach ri sùgradh<sup>l</sup>.

21 Fuidh na crannaibh dubharach luidhidh e, am folach na cuilce agus na làthaich.

22 Còmhdaichidh na cranna dubharach e le'n sgàile: cuairtichidh seil-each an t-sruthain e.

23 Feuch, thig abhainn gu cruaidh air, agus cha dean e deifir: bithidh dòchas aige 'nuair a thig Iordan a mach 'ga bheul<sup>m</sup>.

24 Na shùilibh<sup>n</sup> an glac duine e? le dubhanaibh<sup>o</sup> an toll e a shròn?

i thoir thusa fios domh.

<sup>k</sup> Tilg.

<sup>l</sup> mire, cluichéadh.

<sup>m</sup> òlaidh e suas abhainn, agus chu bhi cabhag air: is dòigh leis gu'n tar-ruing e suas Iordan na bheul.

<sup>n</sup> na shealladh.

<sup>o</sup> ann an

ribeachaibh.

CAIB. XLI.

**A**N tarruing thu mach Lebluiatan ie dubhan, no a theanga lē cord a leigeas tu sìos?

2 An cuir thu cromag na shròin, agus le deilg<sup>a</sup> an toll thu a ghial?

3 An dean e mòran aslachaidh ort? an labhair e briathra mīne riut?

4 An dean e coimhcheangal riut? an gabh thu e mar sheirbhiseach gu bràth?

5 An dean thu cluicheadh ris mar ri h-eun? no'n ceangail thu e do d'ghruagachaibh?

6 An dean na companaich cuirm dheth? an roinn iad e am measgan ceannuiche?

7 An lìon thu le gathaibh a chroic-ionn, no le mòr-ghathaibh éisg a cheann?

8 Cuir do làimhair, cuimhnich an cath, na dean tuilleadh.

9 Feuch, is dìomhain a dhòchas-san: eadhon aig a shealladh nach tilgear duine sìos?

10 Nach borb e 'nuair a dhùisgeas neach e<sup>b</sup>? agus cò esan a sheasas na làthair e<sup>c</sup>?

11 Cò a gliabh romham<sup>d</sup>, agus gu'n dìolainn? gach nì a ta fuidh na nèamhaibh uile, is leamsa e.

12 Cha cheil mi a bhùill, no a neart, no a dhealbh sgiamhach.

13 Cò a dh'fhoillsicheas aghaidh 'eudaich? cò a thig d'a ionnsuidh le 'shrian dùbailte?

14 Cò a dh'fhosgaileas dorsan 'aghaidh? tha 'fhiacian uamhasach mu'n cuairt.

15 Is iad a lannan 'uail, dùinte suas le chéile mar le seula daingean;

16 Aon air a cur ri li-aon eile, air chor as nach d'thig deò eatorra.

17 Tha iad air an tàthadh ri chèile, agus cha gabh iad dealachadh.

18 Le a shìtrich foillsichidh solus; agus tha a shùilean cosmhuil ri rosgaibh na maidne.

19 As a bheul theid lèusa<sup>e</sup>; leumaidh sròda teine a mach.

20 A cuinneanaibh a shròine thig deatach a mach, mar a poit air ghoil, no coire.

21 Lasaidh 'anail gual, agus theid lasair a mach as<sup>a</sup> a bheul.

22 Na mhuineal còmhluichidh neart, agus roimhe ruithidh bròn<sup>f</sup>.

23 Tha sìlleachan<sup>g</sup> 'fhèdla a' lean-tuinn ri chèile: tha iad daingean ionnta féin; cha gabh iad gluasad.

24 Tha a chridhe cruaidh mar

<sup>a</sup> bior. <sup>b</sup> Cha 'n'eil neach ann cho-borb as gu'n dùisg se e. <sup>c</sup> a'm' làthair. <sup>d</sup> a chuidich leam.

<sup>e</sup> lòchrain lasarra. <sup>f</sup> nì bròn gairdeachas, tionndaidhear bròn gu gairdeachas na làthair. <sup>g</sup> sleantach.

chloich, cruaidh eadhon mar chloich-mhuilinn òchdraich.

25 An uair a thogas se e féin suas, bithidh na cumhachdaich fa gheilt: air eagal brisidh glanaidhsiad iad féin.

26 Cha seas claidheamh an tì a bheanas ris; an t-sleagh, an gath, no'n lùireach<sup>h</sup>.

27 Measaidh e mar chonlaich an t-iarunn, mar fhiodh grod an t-umha.

28 Cha d'thoir an t-saighead<sup>i</sup> air teicheadh; nan conlaich tionndaidhear leis clachan a' chroinn-tàbhuill.

29 Mar chonlaich measar gath-an<sup>k</sup>; agus nì e gàire ri crathadh sleagha.

30 Fuidhe tha clacha genra: sgaoilidh e nithe geura air an làthair.

31 Bheir e air an doimhne bhi air ghoil mar choire: an fhairge nì e mar phoit ol'-ungaidh.

32 Na dhéigh bheir e air a shlighe foillseachadh: saoilidh ~~neach~~ an t-aigean a bhi liath.

33 Air thalamh cha 'n'eil a shamhuil, a rinneadh as eugmlais eagail.

34 Chi e gach nì ard: tha ena rìgh os cionn uile chloinne an uabhair.

CAIB. XLII.

**A**N sin fhreagair Iob an Tighearn, agus thubhairt e,

2 Tha sìos again gur urrainn thusa gach nì a dheanamh, agus nach ceil-ear smuaineadh air bith ort.

3 Cò esan a cheileas comhairle gun edlas? uime sin chuir mi 'n céill nithe nach do thuig mi; nithe tuilleadh 's iongantach air mo shon-sa, nach b'aithne dhomh.

4 Eisd, guidheam ort, agus labhairaidh mi: fèdraichidh mi dhìot, agus foillsich thusa dhomh.

5 Le éisdeachd na chùaise chuala mi thu: ach a nìs chunnaic mi shùil thu.

6 Uime sin gabhaidh mi gràin dìom féin, agus nì mi aithreachas ann an duslach agus an luath.

7 Ach an déigh do'n Tighearn na briathra sin a labhairt ri Iob, thubhairt an Tighearn ri Eliphaz an Temanach, Tha m'fhearg air a lasadh a't' aghaidh-sa agus an aghaidh do dhìthis cairde, a chionn nach do labhair sibh a'm' thaobh-sa<sup>j</sup> an nì a bha ceart, mar a labhair m'òglach Iob.

8 Agus uime sin gabhaidh dhuibh féin seachd tairbh òga agus seachd reitheacha, agus raiciaibh a dh'ionnsuidh m'òglaich Iob, agus òbraidh òbairt-loisgte air bhuirson féin, agus

<sup>h</sup> uchd-éididh. <sup>i</sup> mac a' bhogha. Eabh. <sup>k</sup> totach. Eabh. <sup>j</sup> umam-sa, a'm' làthair-sa.



ni m'òglach Iob ùrnuigh air bhur son, oir ris-san \* gabhaidh mi ; chum nach buin mi ribh a *reir bhur* n-am-aideachd, a chionn nach do labhair sibh a'm' thaobh-sa an *ni a bha* ceart, mar a labhair m'òglach Iob.

9 Agus chaidh Eliphas an Teman-ach, agus Bildad an Suhach, agus Sophar an Naamatach, agus rinn iad mar a dh'èithn an Tighearn dhoibh ; agus ghabh an Tighearn ri Iob.

10 Agus thionndaidh an Tighearn bràighdeanas Iob, an uair a rinn e ùrnuigh air son a chairde : agus thug an Tighearn do Iob a dhà uiread 'sa bha aige roimhe.

11 Agus thàinig a bhràithrean uile d'a ionnsuidh, agus a pheathraichean uile, agus iadsan uile d'am b'aithne e roimhe, agus dh'ith iad aran maille ris na thigh ; agus bha truas aca dheth, agus thug iad comhfhurtachd dha thaobh an uile uile a thug an Tighearn air : agus thug iad dha

\* *r'a ghnùis-san.* Eabh.

gach aon dhiubh bonn airgid, agus gach aon diubh cluas-fhàinne òir.

12 Agus bheannaich an Tighearn deireadh Iob ni's mò na a thoiseach ; agus bha aige ceithir mìle deug caora, agus sè mìle càmhail, agus mìle cuing dliamh, agus mìle asal bhoirionn.

13 Agus bha aige seachd mic, agus triur nighean.

14 Agus thug e Iemima mar ainm air a' cheud *nighinn*, agus Cesiah mar ainm air an dara, agus Ceren-hapuch mar ainm air an treas *nighinn*.

15 Agus cha d'fhuaradh mnàì cho sgiamhach ri nigheanaibh Iob anns an tìr uile ; agus thug an athair dhoibh oighreachd am measg am bràithre.

16 Agus bha Iob bed na dhéigh, so ceud agus dà fhichead bliadhna ; agus chunnaic e a mhic, agus mic a mhac, ceithir ginealaich.

17 Agus shuair Iob bàs na sheann duine, agus làn do laithibh.

## LEABHAR N A N S A L M.

### SALM I.

**I**S beannuichte an duine sin nach gluais ann an comhairle nan ain- gidh, agus nach seas ann an slighe nam peacach, agus nach suidh ann an caithir luchd-fanoid :

2 Ach aig am bheil tlachd ann an lagh a' an Tighearna, agus a smuain-icheas air a laghsan a là agus a dh'oidhche.

3 Bithidh e mar chràibh suidh-ichte làimh ri sruthaibh uisge, a bheir a mach a toradh na h-aimsir, agus nach caill a duille : agus soir- blichidh leis gach ni a ni e.

4 Cha'n ann mar sin a bhios na h-aingidh ; ach mar mholl a sgapas a' ghaoth.

5 Air an aobhar sin cha seas na h-aingidh ann am breitheanas, no peacaich ann an coimhthional nam firean.

6 Oir is aithne do'n Tighearna b slighe nam firean ; ach sgriosar slighe nan aingidh.

### SALM II.

**C**'ARSON a ghabh na cinnich boile, agus a smuainich na slòigh ni dìomhain.

\* *reachd.*  
Tighearn.

b *is taitneach leis an*

2 *C'ar son* a dh'éirich rìghre na talmhainn, agus a ghabh na h-uachdarain comhairle le chéile, an aghaidh an Tighearna, agus an aghaidh 'Aoin ungta-san, *ag ràdh*,

3 Briseamaid o chéile an cui- bhreach, agus tilgeamaid dhinn an cuing e ?

4 An ti a ta na shuidhe air nèamh, ni e gàire ; ni an Tighearna fochaid orra.

5 An sin labhraidh e riu na fheirg ; agus na chorruidh cuiridh e uamh- ann orra.

6 Gidheadh dh'ung<sup>d</sup> mise mo Rìgh air Sion, mo shliamh naomha- sa.

7 Cuiridh mi 'n céill ordugh an Tighearna : thubhairt e rium, *Is tu mo mhac-sa ; an diugh ghin mi thu.*

8 Iarr orm, agus bheir mi dhuit na cinnich mar oighreachd, agus crìocha na talmhainn mar sheilbh.

9 Brisidh tu iad le slait iarunn ; mar shoitheach criadhaidair, pronn- aidh tu iad nam bloighdibh.

10 A nis ma ta, a rìghre, bithibh glic ; gabhaibh fòghlum, a bhreith- eamhna na talmhainn.

€ *an cuird.*  
2 B 3

d *shuidhich.*  
557

11 Deanaibh seirbhis do'n Tigh-earna le h-eagal, agus deanaibh gairdeachas le ball-chrith.

12 Pàgaibh am Mac<sup>a</sup>, air eagal gu'm bi fearg air, agus gu sgriosar sibh 'san t-slighe, 'nuair a lasas ach gu beag a chorruiche. Is beannuichte iadsan uile a dh'earbas as.

## SALM III.

*Salm le Daibhidh, 'nuair a theich e roimh Absalom a mhac.*

**A** THIGHEARN, nach lìonmhor a dh'fhàs mo naimhdean? is iomadh iad a tha 'g éirigh a'm' aghaidh.

2 Is iomadh iad a their ri m'anam, nach 'eil furtachd aige ann an Dia. Selah.

3 Ach a ta thusa, a Thighearn a'd' sgéith dhomh-sa; mo ghloir, agus fear togalach mo chinn.

4 Le m'ghuth dh'éigh mi ris an Tighearn, agus dh'éisd e rium as a shliabh naomha. Selah.

5 Luidh mi sìos, agus choidil mi dhùisg mi, oir chum an Tighearna suas mi.

6 Cha'n eagal leam deich mìle sluagh, a chuir iad féin a'm' aghaidh air gach taobh.

7 Éirich, a Thighearn, saor mi, O mo Dhia: oir bhuaill thu mo naimhdean uile air an gial; bhris thu fuacla nan aingidh.

8 Is leis an Tighearn an fhurtachd: air do shluagh tha do bheannachd. Selah.

## SALM IV.

*Do'n ard fhear-ciùil air Neginot. Salm le Daibhidh.*

**N**UAIR a dh'éigheas mi, éisd rium, a Dhé m'ionracais; 'nuair a bha mi ann an teinn, dh'fhuasgail thu orm; dean trècair orm, agus éisd ri m'ùrnuigh:

2 A chlànn nan daoine, cia fhad a thionndaidheas sibh mo ghloir chum naire b? a ghràdhaidheas sibh dhomhanas, a shireas sibh an déigh bhreug? Selah.

3 Ach biodh fios agaibh gu'n do ròghnuich an Tighearn an duine naomh dha féin: éisdidh an Tighearn, an uair a dh'éigheas mi ris.

4 Biodh eagal oirbh, agus na peacaichibh: labhraibh r'ar cridhe air bhur leabaidh, agus bithidh tosdach. Selah.

5 Iobraibh iobairtean ionracais, agus earbaibh as an Tighearn.

6 Tha mòran ag ràdh, Cò nochdas dhuinn nì maith? Tog oirne solus do ghnùise, a Thighearna.

7 Chuir thu aoibhneas ann am

chridhe, nì's mò na 'nuair is pailte an arbhar agus am fion-san.

8 An sìth araon luidhidh mi, agus coidlidh mi; oir is tusa mhàin, a Thighearn, a bheir orm còmluinidh ghabhail gu tèaruinte.

## SALM V.

*Do'n ard fhear-ciùil air Nechoth. Salm le Daibhidh.*

**R**E m' bhriathraibh éisd, a Thighearn; beachdaich air mo smuaintibh.

2 Thoir an aire do ghuth mo ghlaoidh, mo Rìgh, agus mo Dhia; oir rint-sa nì mi ùrnuigh.

3 A Thighearn, air maduinn cluinidh tu mo ghuth; air maduinn deasaichidh mi mi féin a'd' làthair<sup>e</sup>, agus amhaircidh mi suas.

4 Oir cha Dia thusa aig am bheil tlachd an aingidheachd, agus cha chòmhnuich an t-aingidh<sup>d</sup> maille riut.

5 Cha seas na h-amadain a'd' làth-air: is fuath leat luchd-deanamh an uile.

6 Sgriosaidh tu luchd-labhairt bhreug: is gràin leis an Tighearn an duine fuileachdach agus cealgach.

7 Ach air moshon-sa, ann an lìon-mhoireachd do thrècaire, thig mi steach do d' thigh; sleuchdaidh mi aig do theampull naomha<sup>e</sup>, ann ad eagal.

8 A Thighearn, treòruich mi ann ad fhèrantachd: air sgàth mo naimhde, dean do shlighe dìreach romham:

9 Oir cha 'n'eil ceart<sup>f</sup> nam beul; is fìor aingidheachd an taobh a stigh dhiubh; is uaigh fhosgailte an sgor-nan; nì iad mìodal le'n teangaidh.

10 Sgrios e iad, a Dhé; tuitiadh iad le'n comhairle féin: air son lìon-mhoireachd an eucearta tilg a mach iad; oir rinn iad ceannairc a'd' aghaidh.

11 Ach deanadh iadsan uile aoibhneas a chuireas an dòigh annad: 'gu bràth deanadh iad iolach, a chionn gu'n dion thu iad: agus deanadh iadsan luathghaire annad, leis an ionmhuinn t'ainm.

12 Oir beannuichidh tusa am fìrean, a Thighearna: le deadh-ghean cuartichidh tu e, mar le sgéith.

## SALM VI.

*Do'n ard fhear-ciùil air Neginot air Semit. Salm le Daibhidh.*

**A** THIGHEARN, ann ad chorruich na cronuich mi, agus ann ad fheirg na smachdaich mi.

2 Gabh truas dìom, a Thighearn, oir a ta mi lag: slànuich mi, a Thigh-

<sup>a</sup> Thugaibh ùmhlachd do'n mhac.

<sup>b</sup> cia fhad a bhios sibh trom an cridhe? car son.

<sup>c</sup> stiùraidh mi m'ùrnuigh a'd' ionnsuidh. <sup>d</sup> olc. <sup>e</sup> le m'aghaidh ri d' lùchairt naomha. <sup>f</sup> fìrinn. <sup>g</sup> Dit.

earn, oir a ta mo chnàmhnan air an cràdh,

3 Agus a ta m'anam air a chràdh gu mòr: ach thusa, a Thighearn, cia fhad?

4 Pill, a Thighearna, fuasgail m'anam: saor mi, air sgàth do thròcaire.

5 Oir anns a' bhàs cha 'n eil cuimhne ort: anns an uaigh cò bheir dhuith cliu?

6 Tha mi sgàth le m'osnaich; rè na h-oidhche tha mi cur mo leabaidh air snàmh; le m' dheuraibh uisgicheam m'uirigh.

7 Caithear le dubhachas mo shùil; fàsaidh i sean, air son m'eascairde gu léir.

8 Imichibh uam, sibhse uile a luchd-deanamh na h-euceirt, oir chual an Tighearn guth mo chaoidh.

9 Chual an Tighearn m'ath-chuinge; gabhaidh an Tighearna ri m'ùrnuigh.

10 Cuirear gu nàire agus gu mòr ainhladh mo naimhde gu léir: pill-eadh iad, cuirear gu h-qbann gu nàire iad.

## SALM VII.

*Sigaoin le Daibhidh, a sheinn e do'n Tighearna, thaobh bhriathar Chuis a' Bheniaminich.*

**A** THIGHEARNA mo Dhia, annad cuirèam mo dhòigh: saor mi uatha-san uile a tha'n tòir orm, agus teasaig mi:

2 Air eagal mar leòmhnan gu'n reub e m'anam 'ga liodairt, gu'n neach a shaoras.

3 A Thighearna mo Dhia, ma rinn mi so; ma tha lochd a'm' làmhaidh;

4 Ma dh'ìoc mi oile do'n fhear a bha an sìth rium, no ma rinn mi foirneart air-san a bha na eascairid domh gun aobhar<sup>b</sup>.

5 Geur-leanadh an nàmhaid m'anam, agus glacadh se e, agus saltradh e mo bheatha gu làr, agus leagadh e mo chliu 'san duslach. Selah.

6 Eirich, a Thighearn, a't' fheirg; tog suas thu féin airson corruich mo naimhdean, agus mosgail air mo shon chum na breth a dh'aithe thu.

7 An sin caurtichidh coimh-thional an t-sluaigh thu; air an son-san uime sin pill gu h-ionad ard.

8 Bheir an Tighearna breth air an t-sluaigh: thoir breth orm, a Thighearn, a réir m'fhèrantachd, agus a réir m'ionracais a ta annam.

9 Thigeadh crìoch air aingidheachd nan aingidh, ach daingnich thusa am firean: oir dearbhaidh tu na

<sup>a</sup> buidheachas.

<sup>b</sup> (seadh, theasaig mi an ti, a bha na nàmhaid domh gun aobhar.)

cridheachan agus na h-àirnean, a Dhé chothromaich<sup>c</sup>.

10 Is e Dia mo sgiath, a shaoras iadsan a tha ceart an cridhe.

11 Is breitheamh cothromach Dia, agus bithidh Dia am feirg ris a' chiontach gach là.

12 Mur pill e, geuraichidh e a chladhaicheam: chuir e a bhogha air lagh, agus dheasaich se e.

13 Agus dh'ùlluich se air a shon innil bàis: dhealbh e a shaighdean an aghaidh luchd-geur-leanmhuinn<sup>d</sup>.

14 Feuch, tha e ri saothair le h-euceart, ghlin e olc, agus rug e breug.

15 Dh'fhosgail e slochd, agus chladhaich se e, agus thuit e féin anns a' chlais a rinn e.

16 Pillidh 'olc air a cheann féin, agus thig 'fhoirneart a nuas air a chloigionn féin.

17 Molaidh mise an Tighearn a réir a cheartais; agus seinnidh mi cliu do ainm an Tighearna a's roairde.

## SALM VIII.

*Do'n ard fhear-ciùil air Gitit. Salm le Daibhidh.*

**O** IEHOBAHAH, ar Tighearn, cia òirdheirc t'ainm air feadh na talmhainn uile? a shocraich do ghèidh os cionn nan nèamh.

2 A beul naoidhean agus chiochran dh'òrduich thu neart air son do naimhde, chum gu coisgeadh tu an nàmhaid agus an dioghaltach.

3 'Nuair a dh'àmhairceas mi air do nèamhaibh, obair do mheur; air a' ghealaich agus na reultaibh, a sluidhich<sup>e</sup> thu;

4 Cò e an duine gu'm biodh tusa cuimhneachail air, agus mac an duine gu'm fiosraicheadh tu e?

5 Rinn thu e beagan ni b'isle nà na h-aingil, agus cùrùn thu e le glòir agus le h-urram.

6 Thug thu uachdaranachd dha air oibridh do làmh: chuir thu gach ni fa chosaibh;

7 Caoraich agus buar uile, agus mar an ceudna ainmhidhean na macharach;

8 Eunlaith nan speur, agus iasg na mara, a shiùblhas air slighibh nan cuan.

9 O Iehobhah, ar Tighearn, cia òirdheirc t'ainm air feadh na talmhainn uile?

<sup>c</sup> oir dearbhaidh an Dia cothromach na cridheachan agus na h-àirnean.

<sup>d</sup> luchd-tòrach, luchd-diobhargaidh.

<sup>e</sup> dh'orduich, dheasaich.

## SALM IX.

*Do'n ard fhear-ciùil air Muttaben.**Salm le Daibhidh.*

**M**OLAIDH mi *thu*, a Thighearn, le m'ùile chridhe; cuiridh mi'n ceill t'òibre iongantach gu léir.

2 Ni mi aoibhneas agus gairdeachas annad; seinnidh mi cliù do t'ainm, O Thi a's airde.

3 'Nuair a philleas mo naimhdean air an ais, tuitidh iad agus théid as doibh a t'fhianuis:

4 Oir sheas thu dhomh mo chòir agus mo chùis: shuidh thu air do rìgh-chaithir, a' toirt breth le ceartas.

5 Smachdaich thu na cinnich, sgrios thu na h-aingidh; chuir thu as d'an ainm gu saoghal nan saoghal.

6 Chaidh crìoch air sgrios an nàmhaid am feasd; leag thu sìos am bailte rùdra: théid as d'an cuimhne maille riù féin.

7 Ach mairaidh an Tighearna gu sìorruidh: dheasaich e a rìgh-chaithir chum breitheanas.

8 Agus bheir esan breth air an t-saoghal am fireantachd, ni e breitheanas do'n t-sluagh an ceartas.

9 Agus bithidh an Tighearna na dhaingneach do'n ti a sharuichear, na dhaingneach ann an aimsiribh teanntachd.

10 Agus cuiridh iadsan d'an aithne t'ainm an dòigh annad: oir cha tréig thusa, a Thighearn, iadsan a dh'iarras thu.

11 Seinnibh cliù do'n Tighearn a chòmhnuaicheas ann an Sion, aithrisibh am measg nan cinneach a ghlòimhara.

12 'Nuair a ni e rannsachadh air fuil, cuimhnichidh e orra: cha di-chuimhnich e glaodh nam bochd.

13 Dean tròcair orm, a Thighearn: amhairc air m'àmghar a *tha mi fulang* uatha-san le'm fuathach mi, O thusa a *tha ga m' thogail* suas o gheataibh a' bhàis;

14 Chum gu foillsich mi do chliù uile ann an geataibh nìghinn Shìoin: ni mi gairdeachas ann ad shlàinte.

15 Thuit na cinnich sìos anns an t-slochd a rinn iad: anns an lìon a dh'fholaich iad, chaidh an cos féin an sàs.

16 Aithnichear an Tighearna sa' bhreitheanas a rinne: ann an glòimh a làmh féin ribear an t-aingidh. Hìgaoìn. Selah.

17 Cuirear na h-aingidh gu h-if-rinn a, na cinnich uile nach cuimhnich Dia.

18 Oir cha di-chuimhnichhear an t-ainnis<sup>b</sup> gu bràth; cha d'fhéid as do dhèchlas nam bochd gu sìorruidh.

19 Eirich, a Thighearn, na buaidh-

aicheadh duine; thugar breth air na cinnich a't' fhianuis.

20 Cuir, a Thighearn, eagal orra; chum gu'n aithnich na cinnich nach 'eil anna féin ach daoine. Selah.

## SALM X.

**C'**AR son, a Thighearn, a sheasas tu fad o làimh? a dh'fholaicheas tu thu féin ann an aimsiribh teanntachd?

2 Na uabhar geur-leanaidh an t-aingidh am bochd: glacar iad 'sna h-innleachdaibh a dhealbhadh.

3 Oir ni an t-aingidh ràiteachas a miann a chridhe; agus molaidd e an duine sanntach, a's beag air Dia.

4 Ann an uabhar a ghnùise cha'n iarr an t-aingidh Dia: cha 'n'eil Dia na uile smuaintibh.

5 'Tha a shlighean doilgheasach anns gach àm; *tha* do bhreitheanas ard as a shealladh: *thaobh* a naimhdean vile, ni e tarcuis orra<sup>d</sup>.

6 Thubhairt e na chridhe, Cha ghluaisear mi, gu bràth cha *bhi* mi ann an àmhghar.

7 Tha a bheul làn do mhalla-chadh, agus do chéilg, agus do mhealltaireachd: fo 'theangaidh *tha* donas agus dìomhanas.

8 Suidhidh e ann an ionadaibh-folaich nam bailte beaga: ann an àitibh dìomhair mortaidh e an neo-chiontach: *tha* a shùilean ann an uaignidheas a' dearcadh air a' bhochd.

9 Ni e feall-fholach gu dìomhair, mar leòmhann na ghàraidh: ni e feall-fholach chum gu'n glac e an duine bochd: glacaidh e an duine bochd, 'ga tharruing na lìon.

10 Crùbaidh e, cromaidh e sìos, agus tuitidh am bochd le 'dhaoinibh laidir<sup>e</sup>.

11 Thubhairt e na chridhe, Dhi-chuimhnich Dia; dh'fholaich e a ghnùis, cha léir dha *sud* am feasd.

12 Eirich, a Thighearna Dhé, tog suas do làmh: na di-chuimhnich na daoine bochda<sup>f</sup>.

13 C'ar son a rinn an t-aingidh tàir air Dia? a thubhairt e na chridhe, Cha'n iarr thu e?

14 Chunnaic thu e; oir is léir dhuit donas agus mìorun, chum an dioladh le d' làimh: ort-sa fàgaidh an duine bochd e féin; is tu fear-cuidheachaidh an dilleachdain.

15 Bris thusa gairdean an aingidh, agus an droch dhuine; rannsaich a mach 'aingidheachd gus nach faigh thu i.

16 Tha'n Tighearna na Rìgh gu saoghal nan saoghal: sgriosadh e na cinnich a mach as a thìr.

<sup>e</sup> an truaghan.<sup>d</sup> séididh e orra.<sup>e</sup> na ionadaibh laidir.<sup>f</sup> truagh,

iriosal.

<sup>g</sup> sgriosar.<sup>a</sup> Pillear na h-aingidh do'n uaigh.<sup>b</sup> an t-uireasbhuidheach.



17 A Thighearna, chuala tu miann nan daoine bochd<sup>a</sup>; deasaichidh tu an cridhe; bheir thu air do chluais éisdeachd:

18 A chumail ceirt ris an dilleachdan agus ris an truaghan, chum nach dean duine o'n ùir foirneart ni's mò.

## SALM XI.

*Do'n ard fhear-ciuil. Salm le Daibhidh.*

**A**S an Thighearn earbam: c'ar son a their sibh ri m'anam, Teich as mar eun, gu d' shliabh<sup>b</sup>?

2 Oir feuch, chuir na h-aingidh bogha air lagh; ghleus iad an saigh-ead air sreing, chum tilgeadh 'san dorchà orra-san a ta ceart nan cridhe.

3 Ma sgriosar na bunaitean, ciod a ni am firean?

4 Tha'n Tighearna na theampull naomh; tha rìgh-claithir an Tighearna anns na nèamhaibh: chi a shùilean, rannsaichidh<sup>c</sup> a rosgan clann nan daoine.

5 Rannsaichidh an Tighearna am firean; ach an t-aingidh, agus esan a thug spéis do fhoirneart, is fuath le 'anam.

6 Frasaidd e air na h-aingidh ribeachan<sup>d</sup>, teine agus pronnusc, agus doinionn uamhasach, mar chuibhrionn an cupain.

7 Oir is ionmhuinn leis an Tighearna cheart ceartas: amhaircidh a ghnuis air an duine ionraic.

## SALM XII.

*Do'n ard fhear-ciuil air Semint. Salm le Daibhidh.*

**C**UIDICH leam, a Thighearn, oir cha 'n'eil duine diadhuidh ann; oir theirig<sup>e</sup> na h-ionraic o mheasg chloinn nan daoine.

2 Labhraidd iad dìomhanas<sup>f</sup> gach neach r'a choimhearsnach: le bilibh miodalach, le cridhe dùbailte<sup>g</sup>, labhraidd iad.

3 Sgathaidh an Tighearna na billean miodalach uile, an teanga a labhras nithe mòra.

4 Iadsan a thubhairt, Le'r teangaidh buaidhcluidh sinn; is leinn féin ar bilean: cò a ta na thighearn os ar cionn?

5 Air son foirneirt nam bochd, air son oisnach nan ainis<sup>h</sup>, a nis éiridh mi, ars' an Tighearn: cuiridh mi e ann an tèaruinteachd uaithe-san a bhagras na aghaidh<sup>i</sup>.

6 Is briathra fìor-ghlan, briathran

<sup>a</sup> truagh, iriosal.

<sup>b</sup> Teich

as do na beantaibh, mar eun.

<sup>c</sup> dearbhaidd.

<sup>d</sup> eibhlean.

<sup>e</sup> dh'fhàilnich.

<sup>f</sup> breug.

<sup>g</sup> le

cridhe dà-fhillte; cridhe agus cridhe.

Eabh.

<sup>h</sup> air son glaidh nam

feumach.

<sup>i</sup> le 'm b'àill a ribeadh.

an Tighearna; mar airgiod air a dhearbhadh ann: an àmhuinn chreadha, air a ghlanadh seachd uairean.

7 Gleidhidh tusa sinn<sup>k</sup>, a Thighearn; dìonaiddh tusinn<sup>l</sup> o'n ghinealach so gu bràth.

8 Gluaisidh na h-aingidh air gach taobh, 'nuair a dh'arduicheariadsan a's suaraiche do chloinn nan daoine.

## SALM XIII.

*Do'n ard fhear-ciuil. Salm le Daibhidh.*

**C**IA fhad, a Thighearn, a dhi-chuimhnicheas tu mi? an ann gu bràth? Cia fhad a dh'fholaicheas tu dò ghnuis nam?

2 Cia fhad a ghabhas mi comhairle ann am anam, bròn ann am chridhe gach là? Cia fhad a dh'arduichear mo nàmhaid os mo chionn?

3 Amhairc orm, éisd rium, a Thighearna mo Dhia: foillsich mo shùilean, air eagal gu'n coidil mi chum bàis<sup>m</sup>:

4 Air eagal gu'n abair mo nàmhaid, Bhuadhaich mi na aghaidh; gu'n dean m'escalrdeangairdeachas an uair a dh'aomar mi.

5 Ach dh'earb mise as do thròcair; ni mo chridhe gairdeachas ann ad shlàinte.

6 Seinnidh mi do'n Tighearn, a chionn gu'n do bhuin e rium gu fial: [agus seinnidh mi cliu do ainm an Tighearna a's ro-airde.]

## SALM XIV.

*Do'n ard fhear-ciuil. Salm le Daibhidh.*

**T**HUBHAIRT an t-amadan na chridhe, Cha 'n'eil Dia ann. Tha iad truailidh; rinn iad oibre gràineil; cha 'n'eil neach ann a ni maith.

2 Dh'amhairc an Tighearn a nuas o nèamh air cloinn nan daoine, a dh'fheuchainn an robh neach ann a bha glia, a bha 'g iarraidh Dhé.

3 Chlaon iad uile, tha iad gu léir air fàs salach: cha 'n'eil neach ann a ni maith, cha 'n'eil eadhon aon.

4 Neach 'eil còlas aca-san uile a tha deanamh na h-eucorach, a tha 'g itheadh suas mo shluaigh, mar a dh'itheadh iad aran, agus nach gairm air an Tighearn?

5 An sin ghabh iad eagal mòr, a chionn gu bheil Dia ann an ginealach nam firean.

6 Nàirich iad<sup>n</sup> comhairle an duine bhòchd, a chionn gur e'n Tighearn a thearmunn.

7 O gu d'thigeadh slàinte Israeil a mach a Sion! An uair a bheir an Tighearn air ais braighdeanas<sup>o</sup> a

<sup>k</sup> iad.

<sup>l</sup> e, iad.

<sup>m</sup> gu'n coidil

mi còdal a' bhàis.

<sup>n</sup> sibh.

<sup>o</sup> braighdean.

shluaigh, ni Iacob gairdeachas, ni Israel aoibhneas.

## SALM XV.

*Salm le Daibhidh.*

**A** THIGHEARN, cò dh'fhanas ann ad phàillinn? cò chòmhluicheas air do shliabh naomha?

2 Esan a ghluaiseas gu h-ionraic, agus a ni ceartas, agus a labhras an fhùrinn na chridhe;

3 Nach dean cùl-chàineadh le 'tlicangaidh, nach dean olc d'a charaid<sup>a</sup>, agus nach tog droch sgeul air a choimhearsnach;

4 Leis an suarach an droch dhuine<sup>b</sup>, acha bheir urram dhoibhsan air am bi eagal an Tighearna; a mhionnuicheas chum a chaldaich féin<sup>c</sup>, agus nach caochail;

5 Nach cuir 'airgid a mach air ocar<sup>d</sup>, agus nach gabh duais an aghaidh an neo-chiontach. Esan a ni na nithe sin, cha ghluaisear gu bràth e.

## SALM XVI.

*Michtam le Daibhidh.*

**G**LEIDH mi, a Dhé, oir chuir mi mo dhòigh annad.

2 Thubhairt mi<sup>e</sup> ri Iehobhah, Is tu mo Thighearn: cha ruig mo mhaithreas ort-sa.

3 A thaobh nan naomh<sup>f</sup> a ta air talamh, agus nam flath; tha mo tlachd uile anna.

4 Meudaichear an doilgheasan dhoibhsan, a ni deifir<sup>g</sup> an déigh dhé eile: cha n'ìobair mi an ìobairtean-dibhe do fhuil, agus cha luadh mi air an ainmibh le m' bhlilibh<sup>h</sup>.

5 Is e an Tighearna cuibhrionn m'òighreachd agus mo chupain: is tusa a chumas suas mo chrann-chur.

6 Thuit mo roinn<sup>i</sup> d'homhsa ann an ionadaibh aoibhneach; seadh, tha oighreachd thaitneach agam.

7 Beannuichidh mise an Tighearn, a thug comhairle orm: tha m'airne mar an ceudna 'gam thegasg an àm na h-oidhche.

8 Chuir mi an Tighearna romham a ghnàth: a chionn gu bheil e air mo dheas làimh, cha ghluaisear mi.

9 Uime sin ni mo chridhe aoibhneas, agus ni mo ghòir gairdeachas: gabhaidh m'fheoil mar an ceudna fòis ann an dòchas.

10 Oir cha'n fhàg thu m'anam<sup>k</sup>

<sup>a</sup> chompanach, choimhearsnach.

<sup>b</sup> Na shùilibh am bi an droch dhuine tàireil. Eabh.

<sup>c</sup> a mhionnuicheas d'a charaid.

<sup>d</sup> an-riadh.

<sup>e</sup> Thubhairt thu, O m'anam.

<sup>f</sup> Ach air na naoimh.

<sup>g</sup> cabhag.

<sup>h</sup> cha ghabh mi an ainmean air mo bhlilibh.

<sup>i</sup> na crìocha; na sreanga-tomhais.

Eabh.

<sup>k</sup> mo phearsa, mise.

anns an uaigh; cha leig thu le t'aon naomha truaillidheachd fhaicinn.

11 Feuchaidh tu dhomh slighe na beatha: tha lànachd aoibhneas a'd' làthair-sa: tha mòr shubhachas aig do dheas làimh gu sìorruidh.

## SALM XVII.

*Urnuigh le Daibhidh.*

**E**ISD ri ceartas, a Thighearn, tabhair aire do m' ghlaodh; cluinn m'urnuigh, a thig a mach cha'n ann o bhlilibh cealgach.

2 O t'fhianuis thigeadh mo bhreth: faiceadh do shùilean nithe cothromach.

3 Dhearbh thu mo chridhe, dh'fhiosraich thu mi<sup>l</sup> san oidhche; rannsuich thu mi, cha d'fhuair thu a' bheag: is e mo rùn nach ciontaich mo bheul.

4 A thaobh ghnìomhara dhaoine, le focal do bhilean sheachainn mi ceumanna<sup>l</sup> a' mhillteir.

5 Cum suas mo cheumanna ann ad shlighibh, chum nach sleamhnuich mo chosan.

6 Ghairm mi ort, oir eisdidh tu rium, a Dhé; aom do chluas a m' ionnsuidh, cluinn mo chainnt.

7 Taisbein do chaoimhneas iongantach, O thusa a shaoras le d' dheas làimh iadsan a dh'earbas asad, uathasan a dh'éireas suas nan aghaidh.

8 Gléidh mi mar chloich na sùla, fuidh sgàile do sgiathan foluich mi.

9 O ghnùis nan droch dhaoine a tha ri foirneart orm, naimhdean m'anama a tha ga m' chuartaich air gach taobh.

10 Nan saill tha iad air an druid-eadh suas; le m' beul labhraidh iad gu h-uairbreach.

11 'Narceum a nis chuairtich iad sinn: shuidhich iad an sùilean, a' cromadh sìos gu làr.

12 Cosmhuil ri leòmhann a tha gionach chum cobhartaich, agus ri leòmhann òg a' feitheamh ann an ionadaibh dhomhair.

13 Eirich, a Thighearn, cuir roimhe, leag sìos e, saor m'anam o'n aingidh le d' chlaidheamh<sup>m</sup>.

14 O dhaoineibh le d' làimh, a Thighearn, o dhaoineibh an t-saoghail, d'am bheil an cuibhrionn sa' bheatha so, agus d'an do lion thu am brùle t'ionmhas foluichte: sàsuichear an clann<sup>n</sup>, agus fàgaidh iad am fuigheall d'an naoidheanaibh.

15 Air mo shon-sa, ann am fireantachd chi mi do ghnùis: sàsuichear mi, nuair a dhùisgeas mi, le d' chosamlachd.

<sup>l</sup> thug mi fa' near ceumanna.

<sup>m</sup> a tha na chlaidheamh dhuit.

<sup>n</sup> tha iad làn cloinne.

## SALM XVIII.

*Do'n ard fhear-ciuil [Salm] le Daibhidh, òglach an Tighearna, a labhair ris an Tighearna briathra na laoidh so, 'san là air an do shaor an Tighearna e as làimh a naimhdean uile, agus as làimh Shanil, agus an dubhoirt e :*

**G**RADHAICHIDH mi thu, a Thighearna, mo neart.

2 Is e an Tighearna mo charruig, agus mo dhaingneach, agus m'fhear-saoraidh: mo Dhia, mo chreag<sup>a</sup> anns an cuiream mo dlùchas, mo sgiath, agus adharc mo shlaointe, mo thùr ard.

3 Gairmidh mi air an Tighearna a's airidh air cliù, agus o m' naimhdeibh saorar mi.

4 Chuairtich piantan a' bhais<sup>b</sup> mi, agus chuir tuilte dhroch dhaoine eagal orm.

5 Chuairtich piantan ifrinn<sup>c</sup> mi; ghabh lìontan a' bhàis romham.

6 A m' éigin ghairm mi air an Tighearna, agus ri m' Dhia ghlaodh mi: chual e as a theampull mo ghuth, agus thàinig mo ghlaodh na làthair d'a chluasaibh.

7 An sin chrathadh agus chrìoht-nuich an talamh, agus ghluaisedh bunaitean nam beann agus chrathadh iad, a chionn gu'n robh corruich air.

8 Chaidh deatach suas as a shròin<sup>d</sup>, agus dhian-loisg<sup>e</sup> teine as a bheul lasadh eibhlean leis.

9 Agus lùb e na nàmhain, agus thuirling e nuas: agus bha dorchadas fuidh a chosaibh.

10 Agus mharcaich e air clherub, agus chaidh e air iteig: agus dh'it-ealaich e air sgiathaibh na gaoil.

11 Chuir e dorchadas mar ionad dìomhair mu'n cuairt air: bu phàill-lìn da, duibhre uisgeacha, neoil nan speur<sup>f</sup>.

12 O'n dealradh a bha fa chomhair chaidh a neoil thairis; clachameallain agus eibhle teine<sup>g</sup>.

13 Agus rinn an Tighearna tairneanach sna speuraibh, agus chuir an Ti a's airde a mach a ghuth<sup>h</sup>.

14 Agus chuir e mach a shaighdean, agus sgap e iad; agus thùg e mòran tein'-athair, agus chlaoidh e iad.

15 Agus chunnacas aigean nan nighe<sup>i</sup>, agus nochdadh bunaitean an

domhain le d' aclmhasansa, a Thighearna, le séideadh anaile<sup>k</sup> t'fheirge<sup>l</sup>.

16 Chuire nuas o'n airde, ghlac e mi, tharruing e mi a h-uisgibh lìonmhor<sup>m</sup>.

17 Shaor e mi o m' nàmhaid laidir, agus uatha-san a dh'fhuathaich mi; oir bu treise iad na uise.

18 Ghabh iad romham ann an latha m' àmhghair: ach bha'n Tighearna na chùl-taice dhomh.

19 Agus thug e mach mi gu ionad farsaing: shaor e mi, a chionn gu'n do ghabh e tlachd annam.

20 Thug an Tighearna luigheachd dhomh a reir m'ionracais: a réir gloine mo làmh dhùol e dhomh.

21 Oir ghléidh mi slighean an Tighearna, agus chla do chlaon mi gu h-aingidh o m' Dhia.

22 Oir bha a bhreitheanais uile a'm' fhianuis; agus a reachdan cha do chuir mi uam.

23 Agus bha mi ionraic na fhianuis, agus ghléidh mi mi féin o m' ain gidheachd.

24 Uime sin dhùol an Tighearna dhomh a réir m'ionracais, a réir gloine mo làmh ann an sealladh a shùil.

25 Do'n duine thròcaireach nochdaidh tu thu féin thròcaireach; do'n duine ionraic nochdaidh tu thu féin ionraic.

26 Do'n duine ghlan nochdaidh tu thu féin glan, agus do'n duine reasgach<sup>n</sup> nochdaidh tu thu féin reasgach.

27 Oir saoraidh tu an sluagh a ta fa àmhghar; ach na sùilean arda bheir thu nuas.

28 Oir lasaidh tusa mo lochran, a Thighearna: soillsichidh mo Dhia mo dhorchadas.

29 Oir leat-sa ruith<sup>o</sup> mi troimh bhuidhinn, agus le m' Dhia leum mi thar balladh.

30 A thaobh Dhé, tha a shlighe iomlan: tha focal an Tighearna air a dhearbhadh: is sgiath e dhoibh-san uile a chuireas an dòchas ann<sup>p</sup>.

31 Oir cò a's Dia ann ach an Tighearna? agus cò a's carraig ann ach ar Dia-ne!

32 Is e Dia a tha 'gam chrìoslachadh le neart, agus a' deanamh mo shlighe iomlan.

33 Tha e deanamh mo chos mar chosaibh eilde, agus gam'shocrachadh air m'aitibh arda.

34 Tha e g' ionnsachadh mo làmh gn cath, air chor as gu'm brisear bogha umha<sup>q</sup> le m' ghairdeinibh.

<sup>k</sup> analach. <sup>l</sup> do shròine. <sup>m</sup> mòra.  
<sup>n</sup> dhoirbh, fhiata. <sup>o</sup> bhris.  
<sup>p</sup> dh'earbas as. <sup>q</sup> stàilinn,  
cruadhach.

35 Agus thug thu dhomh sgiath do shlàinte: agus chum do dheas làmh suas mi, agus rinn do chaoimheas m'òr mi.

36 Rinn thu mo cheuma farsaing fodham, air chor as nach do shleanhnuaich mo chosa.

37 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

38 Lot mi iad, agus cha bhi e 'n comas doibh éirigh: thuit iad fo m' chosaibh.

39 Oir chrioslaich thu mi le neart chum catha: leag thu sìos fodham iadsan a dh'éirich suas a m' aghaidh.

40 Agus thug thu dhomh mo naimhdean air mhuineal; iadsan a dh'fhuathaich mi, agus ghearr mi as iad.

41 Ghlaodh iad, ach cha robh fear-saoraidh ann; eadhon air an Tighearn, ach cha do fhreagair e iad.

42 An sin mhìn-phronn mi iad mar dhuslach<sup>a</sup> fa chionhair na gaoithe: mar chlàbar nan sraid blùrlù mi iad<sup>b</sup>.

43 Shaor thu mi o chomh-strian t-sluaigh: rinn thu mi a m'cheann air na cinnich: ni sluagh, nach b'aithe dhomh, seirbhis dhomh.

44 Co luath 'sa chluinneas iad, géillidh iad dhomh: strìochdaidh coigrich dhomh<sup>c</sup>.

45 Seargaidh coigrich as, agus bithidh eagal orra mach<sup>d</sup> as an àitibh daingne.

46 Is beo an Tighearn, agus gu ma beannuichte mo charraig-se! agus air 'ardachadh gu robh Dia mo shlàinte!

47 Is e Dia a ni dioghaltas air mo shon, agus a chuireas an sluagh fodham;

48 A shaoras mi o m' naimhdibh. Seadh, os an cionn-san a dh'éireas suas a m' aghaidh togaidh tusa suas mi: o fhear an ainneart saoraidh tu mi.

49 Uime sin cliùthaichidh mi thu, a Thighearn, an measg nan cinn-each, agus seinnidh mi do t'ainm.

50 Bheir esan saorsa mòr d'a rìgh, agus nochdaidh e tròcair d'a aon ungta féin, do Dhaibhidh agus d'a shliochd gu bràth.

## SALM XIX.

*Do'n ard fhear-ciuil. Salm le Daibhidh.*

CUIRIDH na nèamha an céill glòir Dhé, agus nochdaidh na speura gnòmh a làmh.

<sup>a</sup> luaithe. <sup>b</sup> thig mi mach iad.

<sup>c</sup> ni coigrich brèug dhomh. Eabh.

<sup>d</sup> thig iad a mach le h-eagal.

2 Tha là a'deanamh sgéil do là, agus oidliche a' foillseachadh eòlais a dh'oidliche.

3 Cha 'n'eil cainnt, cha 'n'eil briathra, anns nach cluinnear an guth.

4 Air feadh na talmhainn uile chaidh an fuaim<sup>e</sup> a mach, agus an focail gu h-ionnall an domhain.

5 Do'n ghréin chuir e pàillion annta; agus tha i mar nuadh thear-pòsda a' teachd a mach a sheòmar, ni i gairdeachas mar ghaisgeach a ruith na dh'fhlaichear o a teas.

6 Tha a dol a mach o chrìch nan speur, agus a cuairt gu ruig an crìochaibh; agus cha 'n'eil ni air bitla dh'fhlaichear o a teas.

7 Is iomlan lagh an Tighearna, ag iompochadh an anama; tha fianuis an Tighearna cinnteach, a' deanamh a' bhaoghalta<sup>h</sup> glic.

8 Tha reachdan an Tighearna ceart, a' deanamh a' chridhe aoibhneach; tha àithne an Tighearna glan, foillseachadh nan sùl.

9 Tha eagal an Tighearna fìor-ghlan, a' maireachduinn an feadh; is fìrinn breitheanas an Tighearna; tha iad gu h-ionnall cothromach.

10 Ni's mò r'an iarruidh tha iad na'n t-òr, seadh, na mòran do'n òr fhìor-ghlan; agus ni's mìlse na a' mhìl, seadh, na mhìl a shìleas as na crìbli-meala.

11 Os-bàrr, tha do sheirbhiseach a' faotainn<sup>i</sup> rabhaidh uatha: nan coimhead tha mòr dhuais.

12 Cò thuigeas a sheacharain? o lochdaibh dhomhair glan thusa mi.

13 Mar an ceudna o pheacaibh dànadais cum air ais t-òglach; na biodh ard cheannas<sup>k</sup> aca orm: an sin bithidh mi ionraic, agus bithidh mi neo-chiontach o eusaontas<sup>l</sup> mòr.

14 Bitheadh briathra mo bheoil, agus smuainte mo chridhe, taitneach a'd' làthair, a Thighearna, mo charraig<sup>m</sup>, agus m'fhear-saoraidh.

## SALM XX.

*Do'n ard fhear-ciuil. Salm le Daibhidh.*

GU'N éisdeadh an Tighearna riut ann an latha teanntachd? gu cumaidh ainm Dhé Iacoib suas thu!

2 Gu cuireadh e cabhair thugad<sup>n</sup> as 'ionad naomha! agus a Sion gu neartaicheadh e thu!

3 Gu cuimlinicheadh e do thabhartasan uile, agus gu'n gabhadh e gu

<sup>e</sup> an crìoch. Faic. Rom. Caib. X. r.

18. <sup>f</sup> coimhlionga, réise. <sup>g</sup> teisteas.

<sup>h</sup> an duine eu-céillidh, aon-fhillte,

shimplidh. <sup>i</sup> faghail. Eir.

<sup>k</sup> uachdaranachd. <sup>l</sup> pheacadh.

<sup>m</sup> mo neart. <sup>n</sup> chugad, a'd'

ionnsuidh.



taitneach uait t'ìobairt-loisgte ! Selah.

4 Gu d'thugadh e dhuit a réir do chridhe féin, agus gu coimhlionadh e do chomhairle uile !

5 Nì sinne aoibhneas ann ad shlàinte, agus ann an ainm ar Dé-ne togaidh sinn suas ar bratach. Gu coimhlionadh Dia t'iarrtuis uile !

6 A nis tha fios agam gu'n saor an Tighearn 'aon ungtà féin : éisdidh e ris o n'eamhaibh a naomhachd, le neart-saoraidh a dheas laimh.

7 Earbaidh cuid a carbadaibh, agus cuid a h-eachaibh; ach cuimhnichidh sinne ainm an Tighearna ar Dé.

8 Dh'èislicheadh iadsan, agus thuit iad; ach dh'éirich sinne, agus sheas sinn.

9 Saor an rìgh, a Thighearn; agus éisd ruinn 'san la a ghairmeas sinn<sup>a</sup>.

## SALM XXI.

*Do'n ard fhear-ciùil. Salm le Daibhidh.*

**A**NN ad neart, a Thighearn, nì an rìgh aoibhneas: agus ann ad shlàinte cia mèr an gairdeachas a nì e?

2 Miann a chridhe thug thu dha; agus athchuinge a bhilean cha do dhiùlt thu dha. Selah.

3 Oir ghabh thu roimhe le bean-nachadh do mhaithéis; chuir thu m'a cheann coron do òr fìor-ghlan.

4 Dh'farr e beatha ort: thug thu dha fad laithean gu saoghal nan saoghal.

5 Is mèr a ghàird trid do shlàinte-sa: urram agus mòralachd chuir thu air.

6 Oir rinn thu e robheannuichte gu bràth; rinn thu e ro aoibhneach le d'ghnùis.

7 Oir earbaidh an rìgh as an Tighearn; agus trid thròcair an Ti a's airde, cha ghluaisear e.

8 Gheibh do làmh a mach do naimhdean uile; gheibh do dheas làmh a mach iadsan, le'm fuathach thu.

9 Nì thu iad mar àmhuinn<sup>b</sup> theintich ann an àn t'fheirge; sluaigidh an Tighearna sìos iad na chorruich, agus caithidh e an teine iad.

10 An toradh sgriosaidh tu o'n talamh, agus an sliochd o chloinn nan daoine.

11 Oir dhealbh iad olc a't' aghaidh; smuinich iad droch smuainte, nach b'urrainn iad a choimhlionadh.

12 Uime sin bheir thu orra an cùl a thiùndadh; air sreangaibh do

bhogha gleusaidh<sup>d</sup> tu do shaighdean nan aghaidh.

13 Bì air t'ardachadh, a Thighearn, ann ad neart: seinnidh sinne agus molaidd sinn do chumhachd.

## SALM XXII.

*Do'n ard fhear-ciùil air Ailetsachar<sup>e</sup> Salm le Daibhidh.*

**M**O Dhia, mo Dhia, c'ar son a thréig thu mi? fad o m'ghlaoth<sup>e</sup>, o bhriathraibh mo bhùiridh?

2 O mo Dhia! gairmeam 'san là, ach cha fhreagair thu; agus 'san oidhche, ach cha 'n'eil fois agam.

3 Ach a ta thusa naomha, a'd' chòmhnuidh far am bheil cliù Israeil<sup>f</sup>.

4 Asad-sa dh'earb ar n-aithriche; dh'earb iad, agus shaor thu iad.

5 Rìut-sa ghlaoth iad, agus theas-airgeadh iad; asad-sa dh'earb iad, agus cha robh nàire orra.

6 Ach is cnuimh mise<sup>g</sup>, agus cha duine; masladh dhaoine, agus tàir an t-sluaigh.

7 Nì iadsan uile, a chi mi, gàire-fanoid rium; casaidh iad am beul, crathaidh iad an ceann, *agràdh*.

8 Chuir e a dhòigh anns an Tighearn, fuasgladh e air; saoradh se e, a chionn gu bheil tlachd aige ann.

9 Ach is tusa an ti, a thug a mach as a' bhroinn mi; bu tu aobhar mo dhòchais, air-cìch mo mhàthar.

10 Ortsa thilgeadh mi o'n bhroinn; o bhroinn mo mhàthar is tusa mo Dhia.

11 Na bi-sa fada uam, oira ta àmhghar dlùth dhomh, agus gun neach ann gu m' chuideachadh.

12 Chuairtich mòran tharbh mi; dh'iadh tairbh làidir Bhàsain umam.

13 Dh'fhosgail iad orm am beul, mar leòmhnan reubach<sup>h</sup> agus beucach.

14 Mar uisge dhòirteadh mach mi, agus sgàin mo chnàmhan uile o chèile: tha mo chridhe mar chéir, air leaghadh am meadhon mo chuim.

15 Air tiormachadh mar shoith-each creadha tha mo neart, agus tha mo theanga a' leantuinn ri m'ghial; agus gu h-ùir a' bhàis thug thu mi.

16 Oir chuairtich madraidh mi; dh'iadh coimhthional dhroch dhaoine umam: lot iad mo làmhau agus mo chosan.

17 Feudaidd mi mo chnàmhan uile àireamh: tha iadsan a' sealltuinn, tha iad a' geur-amharc orm.

<sup>d</sup> deasaichidh.

<sup>e</sup> o m'fhurtachd.

<sup>f</sup> Ach O thusa, a tha d' chòmhnuidh 'san ionad naomha, cliù Israeil.

<sup>g</sup> mar chnuimh a ta mise.

<sup>h</sup> fuileachdach.

<sup>a</sup> Fòir, a Thighearn; éisdeadh an rìgh ruinn, 'nuair a ghairmeas sinn.

<sup>b</sup> Cuiridh tu iad ann an àmhuinn, millidh.

18 Roinn iad mo thruscan eatorra, agus air mo bhrat thilg iad crann-chur.

19 Ach na bi-sa, a Thighearn, fad uam: O thusa mo neart, greas gu m' chabhair.

20 Teasairg m'anam o'n chlaidh-eamh, m'aon *ghràdh*<sup>a</sup> o neart<sup>b</sup> a' mhadaidh.

21 Saor mi o bheul an leòmhain, agus o adharcaibh nam buabhull<sup>c</sup> teasairg mi<sup>d</sup>.

22 Cuiridh mi'n céill t'ainm do m' bhràithribh; ann am meadhon a' choimhthionail molaiddh mi thu.

23 Sibhse air am bheil eagal Dé, molaibh e: sibhse uile, a shìol Iacòib, thugaibh glòir dha; agus biodh 'eagal-san oirbh, sibhse uile a shìol Israeil.

24 Oir cha do rinn e tàir air, agus cha do ghabh e gràin do àmhghar an truaghain<sup>e</sup>, agus cha d'fholuich e a ghnùis air; ach an uair a ghlaodh e ris, dh'éisd e.

25 Orta *bithidh* mo mholadh anns a' mhòr choimhthional: mo bhòidean locaidh mi nan làthair-san d'an eagal e.

26 Ithidh na daoine macanta, agus sàsuichear iad: molaiddh iadsan an Tighearna a dh'iarras e: bithidh an cridhe<sup>f</sup> beo gu bràth.

27 Cuimhnichidh air, agus pillidh a dh'ionnsuidh an Tighearna uile chrìocha na talmhainn, agus strìochdaidh uile theaglaiche nan cinneach na làthair.

28 Oir *is* leis an Tighearn an rìoghachd; agus *tha* esan na uachdaran air na cinnich.

29 Ithidh daoine reamhars na talmhainn uile, agus ni iad aoradh: na làthair-san sleuchdaidh iadsan uile, a theid sìos do'n duslach; oir chla chum neach 'anam beo<sup>h</sup>.

30 Ni sliochd<sup>i</sup> seirbhis dha: measar e do'n Tighearna mar ghinealach.

31 Thig iad, agus cuiridh iad an céill 'fhìreantachd do'n àl ri teachd, gu'm b'esan a rinn sud<sup>k</sup>.

## SALM XXIII.

*Salm le Daibhidh.*

*IS* e'n Tighearna mo bhuachaille: cha bhi mi ann an dith.

2 Ann an cluainibh glas bheir e orm luidhe sìos: làimh ri h-uisgibh ciùin treàraidhidh e mi.

<sup>a</sup> mo bheatha, mo phearsa.

<sup>b</sup> o làimh. Eabh.

<sup>c</sup> nan aon-adharcach, nan sròin-adharcach.

<sup>d</sup> dh'éisd thu rium. <sup>e</sup> an

duine bhochd. <sup>f</sup> bhur cridhe.

<sup>g</sup> beartach. <sup>h</sup> agus bithidh

'n'anam beo dha-san. <sup>i</sup> mo

shliochd. <sup>k</sup> oir-rinn esan e.

3 Aisigidh<sup>l</sup> e m'anam; treòraidhidh e mi air slighibh na fireantachd air sgàth 'ainme féin.

4 Seadh, ge do shiubhail mi trid ghlinn sgàile a' bhàis, cha bhi eagal uilc orm; oir a *ta* thusa maille rium: bheir do shlat agus do lorg comhfhurtachd dhomh.

5 Deasaichidh tu bord fa m' chomhair am fianuis mo naimhde: dh'ung thu le h-ola mo cheann; tha mo chupan a' cur thairis.

6 Gu cinnteach leanaidh maith agus tròcair mi uile laithean mo bheatha, agus còmhnuichidh mi ann an tigh an Tighearna fad mo laithean<sup>m</sup>.

## SALM XXIV.

*Salm le Daibhidh.*

*IS* leis an Tighearn an talamh, agus a làn; an domhan, agus iadsan a tha nan còmhnuidh ann.

2 Oir shuidhich e air na cuantaibh e, agus shocraich e air na sruthaibh e.

3 Cò thèid suas gu sliabh an Tighearna? agus cò sheasas na ionad naomha-san?

4 Esan aig am bheil làmhnan neo-chiontach agus cridhe glan, nach do thog 'anam ri dìomhanas, agus nach do mhionnaich chum ceilge.

5 Gheibh esan beannachadh o'n Tighearn, agus fireantachd o Dhia a shlàinte.

6 *Is* i so ginealach na droinge, a dh'iarras e, a dh'iarras do ghnùis, a Dhia Iacòib. Selah.

7 Togaibh, a gheatacha, bhur cinn, agus bithibh air bhur togail suas, a dhorsa sìorruidh; agus thig Rìgh na glòire steach.

8 Cò e so Rìgh na glòire? An Tighearna làidir agus treun, an Tighearna treun an cath.

9 Togaibh suas b'ur cinn, a gheatacha, agus bithibh air bhur togail suas, a dhorsa sìorruidh, agus thig Rìgh na glòire steach.

10 Cò e so Rìgh na glòire? Tighearna nan slògh, *is* esan Rìgh na glòire. Selah.

## SALM XXV.

*Le Daibhidh.*

*RI*UTSA, a Thighearn, togam m'anam suas.

2 Annad-sa, mo Dhia, cuiream mo dhùchas; na nàraichear mi, agus na deanadh mo naimhdean gairdeachas os mo chionn.

3 Seadh, na nàraichear neach sam bith a dh'fheitheas ortsa; biodh uaire orra san a chiontaicheas gun aobhar.

4 Nochd dhomh do shlighean, a Thighearn; teagaisg dhomh do cheumanna.

5 Treàraidh mi ann ad fhìrinn,

<sup>l</sup> iompoichidh,

<sup>m</sup> gu bràth.

agus teagaisg mi ; oir is tusa Dia mo shlàinte, agus ortsa tha mi feitheamh gach là.

6 Cuimhnich do chaomh thròcairean, a Thighearn, agus do chaoimhlineasan gràdhach ; oir tha iad ann o chian nan cian.

7 Peacanna m'èige, agus m'eus-aontais, na cuimhnich thusa : a réir do thròcaire bi-sa cuimhneach orm, air sgàth do mhaitheis, a Thighearn.

8 Is maith agus is dìreach an Tighearn ; uime sin teagaisgidh e peac-aich 'san t-slighe.

9 Treùraichidh e na daoine ciùin a ann am breitheanas ; agus teagaisgidh e do na daoineibh ciùin a shlighe.

10 Is tròcair agus firinn uile shlighean an Tighearna dhoibhsan, a ghleidheas a choimcheangal agus a theisteis.

11 Air sgàth t'ainme, a Thighearn, lagh mo chionta ; oir a ta i mòr.

12 Cò e am fear air am bheil eagal an Tighearna ? seòlaidh e esan 'san t-slighe a ròghnuicheas <sup>b</sup> e.

13 Nì 'anam tàmh ann am maith <sup>c</sup> ; agus mealaidh a shliochd an tìr.

14 Tha rùn an Tighearna aig an dream d'an eagal e ; agus foillsichidh e dhoibh a choimhcheangal.

15 Tha mo shùilean a ghnàth ris an Tighearn ; oir bheir esan mo chosan as an lìon.

16 Amhairc orm <sup>a</sup>, agus gabh truas dhom ; oir a ta mi a'm' aonar, agus fa àmhghar.

17 Tha teiun mo chridhe a' dol am mend : o'm' àmgharaibh saor thusa mi <sup>c</sup>.

18 Amhairc air m' àmhghar, agus air mo phéin <sup>f</sup>, agus lagh mo pheacanna gu léir.

19 Amhairc air mo naimhdibh, oir tha iad lìonmhor ; agus le fuath anabarrach s tha iad ga m' fhuathachadh.

20 Gléidh m'anam, agus saor mi ; na leig fo nàire mi, oir chuir mi mo dhèigh annad.

21 Dìonadh ionracas agus ceartas mi ; oir tha mi feitheamh ortsa.

22 Saor Israel, a Dhé, as 'àmgharaibh uile.

## SALM XXVI.

## Le Daibhidh.

**T**HOIR breth orm, a Thighearn, oir ghluais mi ann am ionracas : o chuir mi mo dhèigh anns an Tighearn, cha ghluaisear mi.

2 Fidir mi, a Thighearn, agus

<sup>a</sup> truagh, iriosal. <sup>b</sup> thaghas e, d'an còir dha roghuinn a dheanamh.

<sup>c</sup> socair, seasgairachd.

<sup>d</sup> Tionndaidh rium. <sup>e</sup> Lasaich teanntachda mo chridhe, agus o m' àmhgharaibh saor thusa mi.

<sup>f</sup> mo shaothair. <sup>g</sup> eucorach.

dearbh mi ; rannsuich <sup>b</sup> m'airnean agus mo chridhe.

3 Oir tha do chaoimhlineas gràdhach fa chomhair mo shùl : agus ghluais mi ann ad fhèrrinn.

4 Cha do shuidh mi le daoineibh mealltach <sup>1</sup>, agus maille ri luchd-ceilge cha d'thèid mi steach.

5 Is beag orm coimhthional luchd-uile, agus le daoineibh aingidh cha suidh mi.

6 Nighidh mi mo làmhnan ann an neo-chionta, agus cuairtichidh mi t'altair, a Thighearn ;

7 Chum gu foillsich mi le guth molaidd, agus gu cuir mi an céill t'òibre iongantach gu léir.

8 A Thighearn, is ionmhuinn leam còmhnuidh do theach-sa <sup>k</sup>, agus ionad pàilluin do ghàire.

9 Na cruinnich m'anam le peac-achaibh, no mo bheatha le daoineibh fuileachdach.

10 Aig am bheil lochd <sup>1</sup> nan làmh-aibh, agus an làmh dheas làn do dhuais-bhratha.

11 Ach gluaisidh mise ann am ionracas : saor mi, agus dean tròcair orm.

12 Tha mo chos na seasamh ann an ionad còmhnaidh : anns na coimhthionalaibh beannuichidh mi an Tighearn.

## SALM XXVII.

## Le Daibhidh.

**I**S e an Tighearna mo sholus, agus mo shlàinte ; cò chuireas eagal orm ? Is e an Tighearna neart mo bheatha : cò chuireas geilt orm ?

2 'Nuair a thàinig luchd-uile orm a dh'itheadh suas m'fhèdla, mo naimhdean agus m'eascairdean, thuisidh iad féin, agus thuit iad.

3 Ge do champaicheadh feachd a'm' aghaidh, cha bhiodh eagal air mo chridhe : ge d' éireadh cogadh a'm' aghaidh, as so ni mi mo bhun.

4 Aon nì ghuidh mi air an Tighearna, sin iarraidh mi, a bhi m' chòmhnuidh ann an tigh an Tighearna rè uile laithean mo bheatha, chum gu faicinn maise an Tighearna, agus gu fiosraichinn na theampull.

5 Oir folaichidh e mi na sgàth-thigh <sup>m</sup> ann an latha an uile ; folaichidh e mi ann an dìomhaireachd a phàilluin <sup>n</sup> ; air carraig togaidh e suas mi.

6 Agus a nis togar suas mo cheann os cionn mo naimhdean mu'n cuairt orm ; agus lobraidh mi na phàillion lobairtean aoibhneis ; seinnidh mi, agus canaidh mi cliu do'n Tighearn.

<sup>b</sup> glan. <sup>faoin</sup>, dìomhain.

<sup>k</sup> àite-còmhnuidh do naomhachd-sa.

<sup>1</sup> aingidheachd, donas. <sup>m</sup> na

phubull, na phàillion. <sup>n</sup> bhùtha.

7 Eisd, a Thighearna, ri m' ghuth, 'nuair a dh' éigheas mi; dean trò-cair orm, agus freagair mi.

8 'Nuair a thubhairt thusa, Iarr-aibhse mo ghnùis, thubhairt mo chridhe riut, Do ghnùis, a Thighearna, iarraidh mi.

9 Na folaich do ghnùis uam, na cuir air falbh t'òglach am feirg; bu tusa mo chabhair; na fàg mi, agus na tréig mi, a Dhia mo shlàinte.

10 'Nuair a thréigeas m'athair agus mo mhàthair mi, an sin togaidh an Tighearna suas mi.

11 Teagaisg dhomh do shlighe, a Thighearna, agus treòruich mi air slighe dhìrich, airsgàth mo naimhde.

12 Na tabhair thairis mi do thoil mo naimhde; oir dh' éirich tianuis-ean bréige a'm' aghaidh, agus luchd-bagairt foirneirt.

13 Gidheadh chreid mise<sup>a</sup> gu'm faicinn maithreas an Tighearna ann an tìr nam beo.

14 Feith air an Tighearna, glac misneach<sup>b</sup>, agus neartaichidh esan do chridhe: feith, tha mi 'g ràdh, air an Tighearna.

## SALM XXVIII.

*Le Daibhidh.*

**R**IUTSA, a Thighearna, éigheam, mo charraig: na bi-sa a'd' thosd<sup>c</sup> am' thaobh, air eagal, ma bhios tu a'd' thosd a m' thaobh, gu fàs mi cosmhuil riu-san a théid sìos do'n uaigh<sup>d</sup>.

2 Eisd ri guth m'athchuingean an uair a ghlaodhas mi riut, an uair a thogas mi mo làmhnan chum do ghuth-àite naomha-sa<sup>e</sup>.

3 Na tarruing mi mach leis na h-aingidh, agus le luchd-dheanamh na h-eucorach, a tha labhairt sìth r'an coimhearsnaich, agus olc aca nan cridhe.

4 Thoir dhoibh a réir an oibre, agus a réir aingidheachd an gnìomh-ara; a réir oibre an làmh thoir dhoibh; ioc an luigheachd<sup>f</sup> dhoibh.

5 A chionn nach d'thoir iad an aire do ghnìomharaibh an Tighearna, do obair a làmh, sgriosaidh e iad, agus cha tog e suas iad.

6 Beannuichte gu robh an Tighearna, a chionn gu'n d' éisd e ri guth m'athchuinge.

7 Is e an Tighearna mo neart, agus mo sgiath; annsan chuir mi chridhe a dhòchas, agus chuidicheadh leam; uime sin rinn mi chridhe gairdeachas, agus le m' laoidh molaidh mi e.

<sup>a</sup> Rachadh mo mhisneach air cùl mur creidinn. <sup>b</sup> bi daingean; bi làidir. Eabh. <sup>c</sup> bodhar.

<sup>d</sup> do'n t-slochd. <sup>e</sup> gu ionad-còmhnuidh do naomhachd-sa.

<sup>f</sup> an dòl, an dlighe.

8 Is e an Tighearna neart a shluaigh; agus is esan neart slàinte 'aoin ungta féin.

9 Saor do shluagh, agus beannuich t'òighreachd: beathuich iad, agus ardaich iad gu bràth.

## SALM XXIX.

*Salm le Daibhidh.*

**T**HUGAIBH do'n Tighearna, a chlànn nan cumhachdach, thugaibh do'n Tighearna glòir agus neart.

2 Thugaibh do'n Tighearna a' ghlòir a's cubhaidh d'a ainm; sleuchdaibh do'n Tighearna ann am naise na naomhachd.

3 Tha guth an Tighearna os cionn nan uisge: rinn Dia na glòire tairneanach, an Tighearna, os cionn nan uisge mòra.

4 Tha guth an Tighearna cumhachdach; tha guth an Tighearna làn mòralachd.

5 Brisidh guth an Tighearna na seudair; seadh, brisidh an Tighearna seudair Lebanon.

6 Agus bheir e orra leum mar laogh; Lebanon agus Sirion. mar bhuabhull<sup>g</sup> òg.

7 Sgoiltidh guth an Tighearna lasraiche an teine<sup>h</sup>.

8 Cràthaidh guth an Tighearna am fàsach; crathaidh an Tighearna fàsach Chadeis.

9 Bheir guth an Tighearna air na h-eildibh an laogh a thilgeadh<sup>i</sup>, agus lomaidd e na coillte: agus na theampull cuiridh gach neach an céill a ghlòir.

10 Suidhidh an Tighearna air an tuil: agus suidhidh an Tighearna na Rìgh gu sìorruidh.

11 Bheir an Tighearna neart d'a shluagh; beannuichidh an Tighearna a shluagh le sìth.

## SALM XXX.

*Salm; laoidh coisreagaidh tìghe Dhaibhidh.*

**M**OLAIDH mi thu, a Thighearna, oir thog thu suas mi, agus cha d'thug thu air m'eascairidibh gairdeachas a dheanamh os mo chionn.

2 A Thighearna mo Dhia, ghlaodh mi riut, agus shlànuich thusa mi.

3 A Thighearna, thog thu m'anam a nìos as an uaigh; ghléidh thu beo mi, chum nach rachainn sìos do'n t-slochd.

4 Seinnibh do'n Tighearna, sibhse a naomh-san, agus thugaibh buidheachas ri cuimhneachadh air a naomhachd.

5 Oir cha 'n'eil ach tiota na fheirg, tha beatha na dheadh-ghean: rè

<sup>g</sup> aon-adharcach.

<sup>h</sup> an dealanaich.

<sup>i</sup> Crathaidh guth an Tighearna na daragan.



oidhche mairidh bròn, ach air mad-uinn *thig* gairdeachas.

6 Thubhairt mise a'm' shocair<sup>a</sup>, Cha ghluaisear mi am feasd.

7 A Thighearna, le d' dheadh-ghean thug thu air mo bheinn seasamh gu daingean<sup>b</sup>: dh'fholuich thu do ghnùis; bha mi fa amhladh.

8 Ghlaodh mi riut-sa, a Thighearna; agus air an Tighearn dh'asluich mi:

9 Ciod an tairbhe a tha ann am fhuil, 'nuair a théid mi sìos do'n t-slochd? am mol an ùir thu? an cuir i an céill t'fhàirinn.

10 Eisd rium, a Thighearna, agus dean tràcair orm: A Thighearna, bi-sa a'd' fhear-cuidich leam.

11 Thionndaidh thu dhomhsa mo bhròn gu dannsadh: chuir thu dìom m'eudach-saic, agus chrìoslaich thu mi le h-aobhneas:

12 Chum gu seinneadh mo ghàidh cliu dhuit, agus nach bitheadh i na tosd: A Thighearna mo Dhia, gu bràth molaiddh mise thu<sup>c</sup>.

SALM XXXI.

*Do'n ard fhear-ciùil. Salm le Daibhidh.*

**A**NNAD-SA, a Thighearna, cuir-eam mo dhùigh; na nàraichear mi gu bràth; trid t'fhìreantachd saor mi.

2 Aom a m' ionnsuidh do chluas, gu grad furtaich orm: bi-sa a'd' charraig làidir dhomh, a'd' thigh tearmuinn chum mo dhìonadh.

3 Oir is tusa mo charraig, agus mo dhaingneach; agus air sgàth t'ainme treàraichidh agus stiùraidh tu mi.

4 Bheir thu mi as an ìon a dh'fholuich iadfa m' chomhair; oir is tusa mo neart.

5 Ann ad làimh-sa tiomnam mo spiorad: saor mi<sup>d</sup>, a Thighearna Dhé na firinn.

6 Is fuath leat<sup>e</sup> iadsan a bheir fa'near dìomhanasa breugach: ach auns an Tighearna chuir mise mo dhòchas.

7 Ni mi aobhneas agus gairdeachas ann do thràcair: oir chunnaic thu m'amhghar; b'aithne dhuit m'anam ann an teanntachdaibh;

8 Agus cha do dhruid thu suas mi ann an làimhan nàmhaid; shocrach thu mo chosan ann an àite farsaing.

9 Gabh truas dìom, a Thighearna, oir tha mi ann an teinn; tha mo shùil, m'anam, agus mo chom, air seargadh as le doilgheas.

10 Oir chlaoidheadh mo bheatha le bròn, agus mo bhliadhnan le

h-osnaich; air son m'euceirt thuit mo neart, agus chaitheadh mo chnàmha.

11 Ain measg mo naimhde gu léir bha mi a'm' mhasladh, agus gu h-àraidh do m' choimhnearsnachaibh, agus a'm' aobhar eagail do m' luchd-eòlais: iadsan a chunnaic mi a muigh, theich iad nam.

12 Dhi-chuimhnichheadh mi mar dhuine marbh air dol a cuimhne; tha mi mar shoitheach briste.

13 Oir chuala mi cùl-chàineadh mòrain dhaoine; bha eagal air gach taobh, 'nuair a ghabh iad comhairle le chèile a'm' aghaidh, a dhealbhadh mo bheatha thoirt uam.

14 Ach dh'earb mise asad-sa, a Thighearna; thubhairt mi, Is tu mo Dhia.

15 Ann ad làimh-sa tha m'aimsirean: saor mi as làimh mo naimhdean, agus uatha-san a tha 'n tòir orm.

16 Thoir air do ghnùis dealrachadh air t'òglach: saor mi air sgàth do thràcaire.

17 Na nàraichear mi, a Thighearna, oir ghairm mi ort; nàire biodh air na h-aingidh, nan tosd bitheadh iad 'san uaigh!

18 Deanar balbh na bilean breugach, a labhras an aghaidh an fhìreinn gu cruaidh, le h-uabhar agus tarcuis.

19 Cia mòr do mhaitheas, a thaisg thu dhoibhsan do'n eagal thu; a rinn thu dhoibhsan a dh'earbas asad, am fianuis chloinn nan daoine!

20 Folaichidh tu iad ann an dìomhaireachd do làthaireachd<sup>f</sup> o àilgheas dhaoine; folaichidh tu iad ann am pàillion o strì nan teanga.

21 Beannuichte gu ròbh an Tighearna; oir nochd e gu h-iongantach a chaoimhneas dhomhsa ann am baile daingnichte<sup>g</sup>.

22 Thubhairt mise a'm' dheifr, Ghearradh as mi o fhianuis do shùil: gidheadh dh'éisd thusa ri guth m'as-luchaidh, 'nuair a dh'éigh mi riut.

23 Gràdhachibh an Tighearna, sibhse uile a naoimh-san: gleidhidh an Tighearna na daoine treibh-dhìreach, agus dòlaidh e gu pailt dhasan a ni gu h-uabhbheach.

24 Bithibhse misneachail, agus neartaichidh esan bhur cridhe, sibhse uile a chuir bhur dòchas anns an Tighearna.

SALM XXXII.

*Le Daibhidh, Maschil.*

**I**S beannuichte esan d'an do mhaitheadh<sup>h</sup> 'eusaontas, d'am bheil a pheacadh air 'fholachadh.

<sup>a</sup> shuaimhneas, shoirbheas. <sup>b</sup> thug thu neart do m' urram, do m' mhaise.

<sup>c</sup> bheir mise buidheachas dhuit.

<sup>d</sup> shaor thu mi. <sup>e</sup> leam.

<sup>f</sup> do ghnùise. Eabh. <sup>g</sup> ann an caithir làidir. <sup>h</sup> dhi-chuimhnich-eadh.

2 *Is beannuichte an duine, nach cuir an Tighearn euceart as a leth, agus aig nach 'eil cealg na spiorad.*

3 'Nuair a bha mi a'm' thosd<sup>a</sup>, luidh aois air mo chnàmhaibh<sup>b</sup>, le m' bhùireadh fad an latha.

4 Oir a là agus a dh'oidhche bha do làmh trom orm: tha mo bhrìgh air a h-atharrachadh gu tiormachd an t-samhraidh. Selah.

5 Dh'aidich mi mo pheacadh dhuit, agus cha do cheil mi m'euceart: thubhairt mi, Aidichidh mi m'èusaontais do'n Tighearn; agus mhaith thu-sa cionta mo pheacaidh. Selah.

6 Air an aobhar sin ni gach duine diadhuidh<sup>c</sup> urnuigh riutsa, 'san àm am faighear thu: gu cinnteach ann an tuil'nan uisge mòra, cha d'thig iad am fagus da.

7 Tha thusa a'd' ionad-foluich dhomh; o theinn gleidhidh tu mi; le h-òranaibh saorsa cuairtichidh tu mi. Selah.

8 Fìor-theagaisgidh mi thu, agus nochdaidh mi dhuit an t-slighe air an d'thigeadh dhuit triall; seòlaidh mi dhuit le m' shùil<sup>d</sup>.

9 Na bi mar each, no mar mhuileid<sup>e</sup>, aig nach 'eil ciall; d'an cuir-eàr sparrag agus srian nam beul, chum nach d'thig iad an gar dhuit<sup>f</sup>.

10 *Is ìonmhor doilgheasan do'n aingidh; ach cuairtichidh tràcair esan a dh'earbhas as an Tighearn.*

11 Bithibh aoibhneach anns an Tighearn, agus deanaibh gairdeachas, sibhse fhìreana; agus deanaibh luathghaire, sibhse uile a tha ceart an cridhe.

## SALM XXXIII.

**D**EANAIBH gairdeachas 'san Tighearna, sibhse fhìreana; do na h-ionraic tha cliu ciatach.

2 Molaibh an Tighearna air clàrsaich: air an t-saltair, inneal-ciuil nan deich teud, seinnibh dha.

3 Canaibh dha òran nuadh; seinnibh fonn gu h-ealanta, le fuaim ard.

4 Oir tha focal an Tighearna ceart agus tha 'oibre uile deanta ann am frinn.

5 *Is ìonmhuinn leis ceartas agus breitheanas; do mhaitheas an Tighearna tha 'n talamh làn.*

6 Le focal an Tighearna rinneadh na nèamha, agus le h-anail a bheoil an sìdigh uile.

<sup>a</sup> a thaobh mo pheacaidh.

<sup>b</sup> chaitheadh mo chnàmhan.

<sup>c</sup> naomh, maith.

<sup>d</sup> bheir mi comhairle dhuit le m' shùil a bhi ort; so-craichidh mi mo shùil ort. <sup>e</sup> mhuilidh; mule. Sàsg. <sup>f</sup> no cha d'thig iad am fagus duit.

7 Carnaidh e suas mar thorr uisgeacha na fairge; cuiridh e an doimhnè suas na thighibh-tasgaibh.

8 Roimh an Tighearna biodh eagal air an talamh uile; roimhe-san biodh fiamh air uile luchd-aiteachaidh an domhain:

9 Oir labhair e, agus bha e ann; dh'athn e, agus sheas e.

10 Riun an Tighearna comhairle nan cinneach faoin; thug e inn-leachdan an t-sluaigh gu neo-ni.

11 Seasaidh comhairle an Tigh-earna gu sìorruidh, smuaintean a chridhe o linn gu linn.

12 *Is beannuichte an cinneach sin, 'gam bheil an Tighearna na Dhia dhoibh; an sluagh a ròghnuich e mar oighreachd dha féin.*

13 O na nèamhaibh amhaircidh an Tighearn a nuas; chi e uile chlann nan daoine.

14 O ionad seasmhach a chòmhluaidh beachdaichidh e air uile luchd-aiteachaidh na talmhainn.

15 Chum esan an cridhe air aon dòigh; bheir e fa'near an gnìomh-aran uile.

16 Cha tearmar tigh le meud fheachd<sup>h</sup>: chasaorar laoch le meud a neirt.

17 *Is dìomhain an t-each chum tèaruinteachd; agus le meud a neirt cha saor e.*

18 Feuch, tha shùil an Tighearna orra-san d'an eagal e; orra-san a chuireas an dòchas na throcair;

19 Chum an anam a theasairginn o'n bhàs, agus an cumail beo annsa<sup>i</sup> ghorta.

20 Feithidh ar n-anam air an Tighearn; is esan ar cabhair, agus ar sgiath.

21 Oir annsan ni ar cridhe gairdeachas, a chionn na ainm naomhasan gu'n do chuir sinn ar dòigh.

22 Gu robh do thròcair, a Thighearn, oirnn, a réir mar a chuir sinn ar dòchas annad.

## SALM XXXIV.

*Le Daibhidh, 'nuair a dh'atharruich e a ghiùlan an làthair Abimelech, agus a chuir esan uaith e, agus a dh'imich e.*

**B**EANNUICHDH mi an Tighearna gach àm: an còmhluaidh bithidh a mholadh ann am bheul.

2 Anns an Tighearna ni m'anam uail; cluinnidh na daoine sèimh, agus ni iad aoibhneas.

3 Molaibh an Tighearna leamsa, agus ardaicheamaid ainm le chéile.

4 Dhiarr mi an Tighearn, agus dh'éisd e rium: agus shaor e mi o gach aobhar eagal a bha agam.

5 Dh'amhairc iad air, agus shoill-

<sup>g</sup> bha e air buil.

<sup>h</sup> a shìdigh.

sicheadh iad ; agus cha robh nàire air an gnùis <sup>a</sup>.

6 Ghlaodh an duine bochd so, agus dh'èisd an Tighearna ris ; agus as a theantachdaibh gu léir shaor se e.

7 Campuichidh aingeal an Tighearna mu'n timchioll-san d'an eagal e ; agus teasairgidh e iad.

8 O blaisibh agus faicibh gur maith an Tighearna : is beannuichte an duine sin a dh'earbas as.

9 Bìodh eagal an Tighearna oirbh, a naoimh-san ; oir cha bhi dìth air a luchd-eagail-san.

10 Bithidh easbhuidh air na leòmh-anaibh òga <sup>b</sup>, agus bithidh ocras orra ; ach orra-san, a dh'iarras an Tighearna, cha bhi maith air bith a dhìth.

11 Thigibh, a chlann, éisdibh rium : teagaisidh mi dhuibh eagal an Tighearna.

12 Cò e am fear a mhiannuicheas beatha, a ghràdhachas laithean a dh'fhaicinn maith ?

13 Gléidh do theanga o olc, agus do bhlèan o labhairt ceilg.

14 Seachuinn an t-olc, agus dean am maith ; iarr slochaint agus lean i.

15 Tha sùilean an Tighearna air na fireanaibh, agus a chluas r'an glaoth.

16 Tha gnùis an Tighearna an aghaidh luchd-deanamh uile, chum an cuimhne a ghearradh as o'n talamh.

17 Ghlaodh na [fireana] agus dh'èisd an Tighearna ; agus as an teantachdaibh gu léir shaor e iad.

18 Is dlùth an Tighearna dhoibh-san a tha briste nan cridhe, agus saoraidh e iadsan a tha brùite nan spiorad.

19 Is lìonmhor àmhgharan an fhìrean ; ach asda air fad saoraidh an Tighearna e.

20 Gleidhidh an Tighearna a chnàmhan uile : cha bhi h-aon duibh briste.

21 Marbhaidh olc na h-aingidh <sup>c</sup>, agus iadsan a tha toirt fuath do'n fhìrean lom-sgriosar iad.

22 Saoraidh an Tighearna anam a sheirbhiseach : agus chasgriosar aon air bith dhiubhsan a chuireas an dòigh ann.

## SALM XXXV.

## Le Daibhidh.

**T**AGAIR, a Thighearna, riu-san a thagras a'm' aghaidh ; cog nan aghaidh-san a chogas a'm' aghaidh.

<sup>a</sup> Amhaircibhse air, agus bithibh air bhur soilleachadh ; agus cha bhi nàire air bhur graidh. <sup>b</sup> Bithidh daoine cumhachdach bochd. <sup>c</sup> an t-aingidh.

2 Glac targaid agus sgiath, agus éirich chum mo chuideachaidh.

3 Agus tarruing a mach an t-sleagh, agus druid an t-slighe nan aghaidh-san <sup>d</sup> a tha 'n tòir orm : abair ri m'anam, Is mi do shlàinte.

4 Nàire agus masladh gu robh orra-san, a tha 'g iarraidh m'anama ; gu pilllear iadsan air an ais, agus gu robh amhluidh orra, a tha smuaineachadh uile dhomh.

5 Bitheadh iad mar mholh fa chomhair na gaoithe, agus aingeal an Tighearna 'g an ruagadh.

6 Bitheadh an slighe dorcha agus sleamhuinn, agus aingeal an Tighearna an tòir orra.

7 Oir gun aobhar dh'fholuich iad air mo shon an lìon ; slochd gun aobhar chladhaich iad air son m'anama.

8 Thigeadh sgrios air gun fhios da, agus a lìon a dh'fholuich e, glacadh se e féin ; 'san sgrios sin tuiteadh e.

9 Ach nì m'anam-sa gairdeachas anns an Tighearna ; nì e aoibhneas na shlàinte.

10 Their mo chnàmhan uile, A Thighearna, cò is cosmhail riut sa, a theasairgeas am bochd <sup>e</sup> uaith-san a's treise na e, agus am bochd agus an t-ainnis <sup>f</sup> uaithsan a chreachadh e.

11 Dh'éirich fianusean eucorach ; chuir iad as mo leth <sup>g</sup> nithe air nach robh fios agam.

12 Dhìol iad dhomh oic an éric maith, a' cur rompa mo bheatha a thoirt uam.

13 Ach am thaobh-sa, 'nuair a bha iadsan gu tinn, b'e eudach-saic mo chulaidh, dh'irioslaich mi m'anam le trosgadh <sup>h</sup>, agus phill m'urnuigh a'm' uchd féin.

14 Mar gu'm bu charaid no bràthair dhomh a bhiodh ann, ghluais mi ; mar fhear caoidh a mhàthar, gu dubhach chròim mi sìos.

15 Ach air bhi dhomh-sa ann an àmhghar, bha iadsan ait, agus chruinnich iad le chéile ; chruinnich daoinesuarach nach b'aithne dhomh le chéile a'm' aghaidh ; reub iad, agus cha do sguir iad.

16 Le luchd-dian-mhagaidh <sup>i</sup> cealgach, chas iad am siacal rium.

17 Cia fhad, a Thighearna, a dh'amhairceas tu air so ? saor m'anam o am milleadh, m'aon ghràdh <sup>k</sup> o na leòmhanaibh.

<sup>d</sup> tarruing an t-sleagh agus an claidheamh nan aghaidh-san. <sup>e</sup> an duine truagh, àmhgharach. <sup>f</sup> am feum-annach. <sup>g</sup> dh'fheadraich iad dhìom. <sup>h</sup> trasgadh. <sup>i</sup> luchd-magaidh air cuirmibh. <sup>k</sup> mo sheircein, mo phearsa.

18 Cliùthaichidh mi thu <sup>a</sup> anns <sup>a</sup> mhòr choimhthionail; am measg sluaigh fhonmhoir molaidh mi thu.

19 Na deanadh iadsan <sup>e</sup> ta nan naimhdebh dhomh gu h-eucorach, gairdeachas os mo chionn: iadsan aig am bheil fuath dhomh gun aobhar, na caogadh iad le'n sùil:

20 Oir cha labhair iad sìth, ach an aghaidh dhaoine ciuin na tìre dealbhaidh iad nithe cealgach.

21 Dh'fhosgail iad am beul gu farsaing a'm'aghaidh; thubhairt iad, Aha, aha, chunnaic ar sùil.

22 Chunnaic thusa so, a Thighearn, na bi a'd' thosd: a Thighearn, na bi fad uan.

23 Tog ort, agus mosgail chum mo cheirt <sup>b</sup>; chum mo chùise, mo Dhia agus mo Thighearn.

24 Thoir breth orm a réir do cheartais, a Thighearna, mo Dhia, agus na deanadh iad gairdeachas os mo chionn.

25 Na h-abradh iad nan cridhe, Aha, is e sud ar miann: idir na h-abradh iad, Shluig sinn suas e.

26 Nàire agus amhluidh gu robh orra-san le chéile, a tha deanamh gairdeachais ri m'olc: còmhdaichear le nàire agus masladh iadsan a dh'ardaicheas iad féin a'm'aghaidh!

27 Deanadh iadsan iolach, agus bitheadh iad aoibhneach, a sheasas mo chòir dhomh <sup>e</sup>; agus abradh iad a ghnàth, Mòr chliù gu robh do'n Tighearn, aig am bheil tlachd ann an sìth a sheirbhisich <sup>1</sup>.

28 An sin cuiridh mo theanga an céill do cheartas, air feadh an là do chliù.

### SALM XXXVI.

*Do'n ard fhear-ciuil, Le Daibhidh ùglach an Tighearna.*

<sup>1</sup> SE their an t-aingidh an taobh a stigh d'a chridhe <sup>d</sup>, gu'm peacaich e: cha'n <sup>e</sup>eil eagal Dé fa chomhair a shùil:

2 Oir nì e bàigh <sup>e</sup> ris féin na shuilbh féin, agus am faighear a mach a chionta mar aobhar fuatha <sup>f</sup>.

3 Is euceart agus cealg briathran a bheoil: leig e dheth bhi glic, maith a dheanamh.

4 Dealbhaidh e euceart air a leabaidh; suidhichidh se eféin air slighe nach 'eil maith; cha'n oilteil leis an t-olc.

5 A Thighearn, anns na nèamhaibh tha do thròcair; tha t'fhìrinn gu ruig na neoil.

6 Tha t'fhìreantachd mar na

<sup>a</sup> Bheir mi buidheachas duit. <sup>b</sup> mo chòir, mo bhreitheanas. <sup>c</sup> leis an ionmhainn mo cheartas. <sup>d</sup> do m' chridhe. <sup>e</sup> mìodal, brionnal.

<sup>f</sup> nuair a gheibhear a mach a chionta gràineil.

beannta arda, do bhreitheanas nan doimhne mhòir: gleidhidh tusa, a Thighearn, duine agus ainmhidh.

7 Cia luachmhor do chaoimhneas gràdhach, a Dhé! uime sin earbaidh clann nan daoine a sgaie do sgiatnan.

8 Sàsuichear iad gu mòr le saill <sup>e</sup> do thighe, agus as abhuinn do shòlasan bheir thu orra òl.

9 Oir agadsa tha tobar na beatha: ann ad sholus-sa chì sinne solus.

10 Buanaich do chaoimhneas gràidh dhoibhsan a chuir eòlas ort, agus t'fhìreantachd dhoibhsan a tha ionraic nan cridhe.

11 Na d'thigeadh cos an ardain orm, agus na gluaiseadh làmh nan aingidh mi.

12 An sin thuit luchd-dheanamh na h-euceirt sìos; leagadh sìos iad, agus cha'n urrainn iad éirigh.

### SALM XXXVII.

*Le Daibhidh.*

NA biodh campar <sup>h</sup> ort mu dhaoineibh aingidh, agus na gabh far-mad ri luchd-dheanamh na h-euceirt:

2 Oir mar am fear gearrar gu grad sìos iad, agus mar an luibh ghlas seargaidh iad.

3 Earb thusa as an Tighearn, agus dean maith; mar sin gabhaidh tu còmhnuidh 'san tìr, agus beathaichear thu gu cinnteach <sup>1</sup>.

4 Mar an ceudna gabh tlachd anns an Tighearn, agus bheir e dhuit iarrtuis do chridhe.

5 Tabhair suas do shlighe do'n Tighearn, agus earb as, agus nì se e.

6 Agus bheir e mach t'fhìreantachd mar an solus, agus do bhreitheanas mar an meadhon-là.

7 Bi d' thosd an làthair an Tighearna <sup>1</sup>, agus feith le foighidinn air: na biodh campar ort mu'n tìs shoirbhicheas na shlighe, mu'n fhear a bheir a dhroch innleachda gu buil.

8 Leig fearg dhìot, agus tréig corruich; na biodh campar ort air aon chor <sup>m</sup> chum uilc.

9 Oir gearrar as droch dhaoine; ach iadsan a dh'fheitheas air an Tighearn, buan-mhealaidh iad an talamh <sup>n</sup>.

10 Oir fathast tamull <sup>o</sup> beag, agus cha bhi an t-aingidh ann; seadh, bheir thu fa'near 'ait-san, agus cha bhi e ann.

11 Ach mealaidh daoine macanta <sup>p</sup>

<sup>e</sup> pailteas. <sup>h</sup> lasan, fearg. <sup>i</sup> uaine. <sup>k</sup> le a pailteas. <sup>l</sup> Fan gu sàmhach ris an Tighearn. <sup>m</sup> a mhàin.

<sup>n</sup> seallbaichidh iad an talamh mar oighreachd. <sup>o</sup> tiota, sealan.

<sup>p</sup> ciuin, sèimh.



an talamh, agus gabhaidh iad tlachd ann am meud nas sìth.

12 Thia'n t-aingidh a cumadh uile do'n ionraic, agus a' casadh 'fhiacal ris.

13 Ni Dia fanoid air, oir is léir dha gu bheil a latha a' teachd.

14 Tharruing na h-aingidh an claidheamh, agus chuir iad am bogha air ghleus, a leagadh sìos a' bhochd agus an ainnis, a mharbhadh luchd-deagh-bheus<sup>a</sup>.

15 Théid an claidheamh a steach nan cridhe féin, agus brisear am bogha.

16 Is fearr beagan aig an duine ionraic na saibhreas mhòrain dhroch dhaoine.

17 Oir brisear gairdeana dhroch dhaoine; ach cumaidh Dia suas na fireana.

18 Is fiosrach Dia air laithibh nan daoine ionraic, agus bithidh an oighreachd gu sìorruidh.

19 Cha chuirear gu nàire iad ann an àm an uile, agus ann an laithibh na gorta sàsuichear iad.

20 Ach sgriosar droch dhaoine, agus *bithidh* naimhdean an Tighearna mar shailh uan: théid as doibh, mar dheataich théid as doibh.

21 Gabhaidh an t-aingidh iasachd<sup>b</sup>, agus cha dìol e ris: ach thia'm firean trècaireach, agus bheir e uaith.

22 Oir iadsan a bheannuichear leis, mealaidh iad an talamh; agus iadsan a mhalluichear leis, gearrar as iad.

23 Leis an Tighearn tha ceumanna duine air an orduchadh, agus gabhaidh e tlachd na shlighe:

24 Ge do thuit<sup>c</sup> e, cha tilgear gu tur sìos e; oir cumaidh an Tighearna suas air làimh e.

25 Blià mi òg, agus a nis tha mi sean; gidheadh cha'n fhaca mi am firean air a thréigsinn, agus a shliochd ag iarraidh arain.

26 Tha e glinàth truacanta agus coingheallach; agus *bithidh* a shliochd beannuichte.

27 Seachuinn an t-olc, agus dean an nàith, agus gabh còmhnuidh gu bràth.

28 Oir is toigh leis an Tighearna breitheanas, agus cha tréig e a naoimh: gu bràth coimhdear<sup>c</sup> iadsan; ach gearrar as shliochd nan aingidh.

29 Mealaidh na fireana an tìr, agus gabhaidh iad còmhnuidh innte gu bràth.

30 Cuiridh beul an fhèirein an céill gliocas, agus labhraidh a theanga breitheanas.

31 Tha lagh a Dhé na chridhe: cha sleamhnuidh a cheumanna.

32 Bithidh an droch dhuine ri faire air an fhèirean, agus iarraidh e a mharbhadh.

33 Cha'n fhàg an Tighearn e na làimh; agus cha dìt se e, 'nuair a bheirear breth air.

34 Feith air an Tighearn, agus gléidh a shlighe; agus ardaichidh e thu, chum an tìr a mhealtuinn: 'nuair a ghearrar as droch dhaoine, chì thu e.

35 Chunnaic mi an duine aingidh ain mòr chumliachd, agus e 'ga sgaoileadh féin a mach mar ùr chraoibh<sup>d</sup> uaine.

36 Ach chaidh e seachad<sup>e</sup>, agus feuch, cha robh e ann; agus dh'iarr mi e, ach cha d'fhuaras e.

37 Thoir sa'n ear an duine foirfe<sup>f</sup>, agus amhaire air an duine ionraic; oir is i sìth a's crìoch do'n duine sin.

38 Ach sgriosar luchd-eusaontais faraon; gearrar as crìoch<sup>g</sup> dhroch dhaoine.

39 Tha slàinte nam firean o'n Tighearn; is esan an neart ann an àm teanntachd:

40 Agus cuidichidh an Tighearna leo, agus teasgigidh e iad: teasgigidh e iad o dhroch dhaoineibh, agus saoraidh e iad, a chionn gu'n d'earb iad as.

## SALM XXXVIII.

*Salm le Daibhidh a chur an cuimhne.*

**A** THIGHEARNA, na cronuich mi ann ad chorroich, agus na smachdaich mi ann an teas t' fheirge:

2 Oir shàthadh do shaighdean annam, agus tha do làmh trom orm.

3 Cha 'n'eil fallainneachd a'm' fheoil air son t'fheirge: cha 'n'eil sìth a'm' clinàmhaibh air son mo pheacaidh:

4 Oir chaidh m'eucearta thar mo cheann: mar eire<sup>h</sup> thruim tha iad ro-throm air mo shon.

5 Tha mo chreachda lobhta, breun, air son m'amaideachd.

6 Tha mi cràiteach, chromadh sìos mi gu mòr; air feadh an là uile tha mi 'g inneachd gu dubhach:

7 Oir tha mo leasraidh làn do ghalar granda; agus cha 'n'eil fallaineachd a'm' fheoil.

8 Tha mi lag, agus ro-bhrùite: tha mi a' bùireadh trid mi-shuaimheis mo chridhe.

9 A Thighearn, tha mo mhiann.

<sup>d</sup> mar sheudair, edsre. Eabh.

<sup>e</sup> chaidh mi seach.

<sup>f</sup> coimh-

lonta, iomlan.

<sup>g</sup> fhuigheall,

sliochd.

<sup>h</sup> uallaich, eallaich.

<sup>a</sup> nan daoine dìreach nan slighe.

<sup>b</sup> an coingheall.

<sup>c</sup> gleidhear.

uile a'd' làthair, agus cha 'n'eil m'os-naich foluichte ort.

10 Tha mo chridhe a' ploscart-aich a; thréig mo neart mi: a thaobh fradhairc b mo shùl, sin mar an ceudna cha 'n'eil agam.

11 Tha luchd-mo ghaoil agus mo chairdean a' seasamh fa chomhair mo leoin; agus tha mo dhilsean a' seasamh fad uam.

12 Agus tha luchd-iarruidh m'a-nama a' cur ribeacha romham, agus luchd-iarruidh m'uile a' labhairt nithe aimhleasach, agus a' smuain-eachadh ceilge air feadh an là uile.

13 Ach mar dhuine bodhar, cha chluinn mise; agus tha mi mar dhuine balbh, nach fosgail a bheul.

14 Tha mi eadhon mar fhear nach cluinn, agus aig nach 'eil achmhaisan na bheul.

15 Oir auna-d-sa, a Thighearn, chuir mi mo dhòchas: éisdidh tusa, a Thighearna mo Dhia.

16 Oir thubhairt mi, Air eagail gu'n dean iad gairdeachas a'm' aghaidh; 'nuair a shleamhuicheas mo chos, gu'n ardaich siad iad féin a'm' aghaidh.

17 Oir tha mi ealamh gu tuisleachadh, agus tha mo dhoilgheas a'm' fhìlanuis a ghnàth.

18 Oir aidichidh mi m'euceart; bithidh mi doilich air son mo pheacaidh.

19 Ach a ta mo naimhdean beothail, tha iad làidir d; agus tha iadsan aig am bheil fuath dhomh gu h-eucorach, air fàs lìonmhor.

20 Agus tha iadsan a dhìolas olc air son maith a' cur a'm' aghaidh, a chionn gu bheil mi leantuinn a' mhaith.

21 Na tréig mi, a Thighearn, mo Dhia: na bi-sa fad uam.

22 Greas chum mo chuideachaidh, a Thighearn, mo shlàinte.

### SALM XXXIX.

*Do'n ard fhear-ciùil, do Iedutun, Salm le Daibhidh.*

**T**HUBHAIRT mi, Bheir mi 'n aire do m' shlighibh, nach peacaich mi le m' theangaidh: gleidhidh mi srian air mo bheul, an uair a bhios an duine aingidh a'm' fhìlanuis.

2 Bha mi balbh tosdach, dh'fhan mi o labhairt maith féin; ach dhùisgeadh mo dhoilgheas.

3 Dh'fhàs mo chridhe teth an taobh a stigh dhòm; 'nuair a bha mi a' beachd-smuaineachadh, las an teine; labhair mi le m' theangaidh:

4 Thoir fios dhomh, a Thighearn, air mo chrìch, agus tomhas mo laith-

ean ciod e, chum gu bi fios agam cia gearr mo ré.

5 Feuch, mar leud boise rinn thu mo laithean, agus tha m'aois mar neo-ni a'd' fhìlanuis: gu deimhin is dìomhanas gach duine d'a fheabhas. Selah.

6 Gu deimhin tha gach duine a' siubhal ann an samhlaidh dìomhain c: gu deimhin cuirear mi-shuaimhneas orra gu faoin: car-naidh neach suas beartas, gun fhios aig cò mhealas f e.

7 Agus a nis ciod ris am feitheam, a Thighearn? tha mo dhòchas annadsa.

8 Saor mi o m'eusaontasaibh uile; na dean ball-maslaidh an amadain dhòm.

9 Bha mi a'm' thosd, cha d'fhosgail mi mo bheul, a chionn gur tusa a rinn e.

10 Tog dhòm do bhuille: le beum do làimh-sa chlaoidheadh mi.

11 Le achmhhasanaibh air son eu-ceirt 'nuair a chrunuicheas tu duine, bheir thu air a shnuadh caitheadh mar leomann: gu deimhin is dìomhanas gach duine. Selah.

12 Cluinn m'urnuigh, a Thighearn, agus éisd ri m' ghlaodh; ri m' dheòir na bi a'd' thosd: oir is coigreach mi maille riut, agus fear-cuairt, mar m'aithriche uile.

13 O! caomhain mis, chum gu faigh mi neart h, mun siubhail mi, agus nach bi mi ann ni's mò.

### SALM XL.

*Do'n ard fhear-ciùil. Salm le Daibhidh.*

**D**H'FHEITH mi le foighidinn ris an Tighearn, agus chrom e thugam i; agus chual e mo ghlaodh.

2 Agus thug e nìos a slochd uamhuinn mi, a clàbar làthaich, agus chuire mo chosan air carraig; shocraich e mo cheumanna.

3 Agus chuire e òran nuadh ann am bheul, òran-molaidh d'ar Dia: chì mòran e, agus bithidh eagail orra, agus earbaidh iad as an Tighearn.

4 Is beannuichte an duine sin a chuireas a dhòchas anns an Tighearn, agus nach seall an dèigh nan uair-bhreach k, no nan dèigh-san, a chlaonas chum bréige.

5 Is lìonmhor, a Thighearna mo Dhia, na nithe a rinn thu! 'oibre iongantach, agus do smuainte d'ar taobh-ne, cha 'n'eil e 'n comas a chur sìos an ordugh dhuit: noch-

e mar sgàile siubhlaidh duine.

f chruinnicheas. g tionndaidh uam. h fois, comhfhurt-

achd. i chugam.

k nach tionndaidh chum nan uaibhreach, nach gabh tlachd anns na h-uaibhrich.

a luaimhneach. b radhairc, soluis. c mo bhròn.

d tha iadsan a tha nan naimhidh dhòm gun aobhar làidir.

dainn agus chuirinn an céill iad; ach tha iad nì's lìonmhoire na gu'n gabh iad àireamh.

6 Ann an ìobairt agus an tabhartas cha do ghabh thu tlachd: dh'fhosgail thu mo chluasan<sup>a</sup>: ìobairt-loisgte agus ìobairt-pheacaidh cha d'iarr thu.

7 An sin thubhairt mi, Feuch, tha mi teachd; ann an ròla an leabhair tha e scrìobhta ormsa.

8 Is e mo thlachd do thoil a dheanamh, a Dhé; seadh, *thu* do lagh an taobh a stigh do m' chridhe.

9 Rinn mi sgeul air t'fhìreantachd sa' choimhthional mhòr: feuch, cha do choisg mi mo bhilean, a Thighearn, is aithne dhuit.

10 Cha d'fholuich mi t'fhìreantachd ann am meadhon mo chridhe: chuir mi'n céill t'fhìrinn agus do shlàinte: cha do chéil mi do chaomhneas gràdhach, agus t'fhìrinn, o'n choimhthional mhòr.

11 A Thighearn, na cum-sa do chaomh-thròcairean uam: gleidheadh do chaomhneas gràdhach agus t'fhìrinn a ghnàth mi.

12 Oir dh'iadh uile gun àireamh mu'n cuairt orm; ghlac m'eucairt<sup>b</sup> mi, agus cha 'n'eil e 'n comas domh sealltuinn suas; nì's lìonmhoire tha iad na falt mo chinn, agus thréig mo chridhe mi.

13 Gu ma toil leat, a Thighearn, mo theasairginn; greas, a Thighearn, chum mo chuideachaidh.

14 Nàire agus amhladh gu robh e orra-san le chéile, a tha 'g iarraidh m'anama g'a sgrios: ruagar air an ais agus nàraichear iadsan a tha guidheadh uile dhomh.

15 Aonaranach gu robh iadsan<sup>d</sup> mar thuarasdal an nàire, a their riumsa, Aha, Aha!

16 Deanadh iadsan uile a dh'iarras thusa, gairdeachas agus aoibhneas annad: abradh iadsan an còmh-nuidh, a ghràdhachas do shlàinte, Mòr mholadh gu robh do'n Tighearn,

17 Tha mise bochd agus uireasbhuidheach, *ach* smuainichidh an Tighearn orm: is tusa m'fhear-cabhair, agus m'fhear-saoraidh, a Dhé, na dean moille.

SALM XLII.

*Do'n ard fhear-ciuil. Salm le Daibhidh.*

**I**S beannuichte esan a bheir an aire do'n duine bochd<sup>e</sup>: ann an latha an uile<sup>f</sup> saoraidh an Tighearn e.

2 Gleidhidh an Tighearn e, agus

<sup>a</sup> dheasuch thu corp dhomh.

<sup>b</sup> m'àngharan.

<sup>c</sup> bithidh.

<sup>d</sup> dì-làraichear iad, gu robh iad fo uamhunn.

<sup>e</sup> ìosal.

<sup>f</sup> ann an àm teinn.

cumaidh e beo e, agus bithidh e beannuichte air thalamh: na tabhair thusa e do thoil a naimhde<sup>e</sup>.

3 Bheir an Tighearn neart dha air leabaidh a thinneis iarganaich: a leabadh uile nì thusa dha na euslainte:

4 Thubhairt mi, A Thighearn, dean trècair orm: leighis m'anam, oir pheacaidh mi a'd' aghaidh.

5 Tha mo naimhdean a' labhairt uile orm, *ag ràdh*, C'uin a gheibh e bàs, agus a sgriosar 'ainm?

6 Agus ma thig *neach* g'am shealltuinn, labhraidh e dìomhanas; car-naidh<sup>h</sup> a chridhe eucairt dha féin; théid e mach, agus labhraidh se e.

7 Tha iadsan uile aig am bheil fuath dhomh a' cogarsaich le chéile a'm' aghaidh: tha iad a' dealbh uile a'm' aghaidh.

8 Tha droch nì, *ars' iadsan*, air teachd air<sup>i</sup>; agus esan a tìra nìs na luidhe, cha 'n éirich e nì's mò.

9 Eadhon fear mo shìth<sup>k</sup>, as an d'earb mi, esan a dh'ith do m'aran, thog e a shàil a'm' aghaidh.

10 Ach deansa, a Thighearn, trècair orm, agus tog suas mi, agus bheir mi luigheadh dhoibh.

11 Le so tha fios agam gu bheil tlachd agadsa annam, a chionn nach 'eil mo nàmhaid a' deanamh caithreim<sup>l</sup> os mo cheann.

12 Ach air mo shonsa, cumaidh tu suas mi ann am ionracas, agus suidhichidh tu mi a'd' fhianuis gu bràth.

13 Beannuichte gu robh an Tighearn Dia Israeil, o shìorruidheachd gu sìorruidheachd! Amen agus Amen!

SALM XLII.

*Do'n ard fhear-ciuil, Maschil, air son mhac Chorah.*

**M**AR a thogras am fiadh chum nan sruth uisge, mar sin tha m'anam a' togairt a'd' ionnsuidh-se, a Dhé.

2 Tha tart air m'auam chum Dhé, chum an Dé bheo: c'uin a thig mi, agus a nochdar mi am fianuis Dhém?

3 Is iad mo dheoir a's biadh dhomh a là agus a dh'oidhche, 'nuair a theirear rium gach là, C'ait am bheil do Dhia?

4 Na *nithe* so is cuimhne leam, agus tha mi dòrtadh a mach m'anama leam féin; oir ghabh mi thairis leis a' mhòr-cuideachd, chaidh mi leo gu tigh Dhé, le fuaim gairdeach-

<sup>g</sup> agus beannuichidh e air thalamh e, agus cha tabhair e do thoil a naimhdean e. <sup>h</sup> cruinnichidh.

<sup>i</sup> tha droch thinneas a' dlùth-leantuin ris; tha mòr chionta air a chur as a leth.

<sup>k</sup> mo charaid.

<sup>l</sup> gairdeachais. <sup>m</sup> a chì mi gnàis Dhé.

ais agus molaidh, leis a' chuideachd a bha cumail latha féille.

5 C'ar son a tha thu air do leagadh sìos, O m'anam? agus c'ar son a tha thu fo bhuaireas an taobh a stigh dhìom? earb thusa a Dia; oir fathast molaidh mise e, slàinte mo ghnùise, agus mo Dhia,

6 Leagadh sìos m'anam an taobh a stigh dhìom: uime sin cuimhnichidh mi ortsa, mo Dhia, o thìr Iordain, agus o Hermon, o shliabh Mhìtsair.

7 Tha doimhne a' gairm air doimhne le fuaim t'fheadan uisge; chaidh do stuidhean agus do thionnan uile tharum.

8 Ànns an là àithnidh an Tigh-earn a thròcair; agus san oidhche bithidh a laoidh naille rium, agus m'arnuigh ri Dia mo bheatha.

9 Their mi ri Dia mo charraig, C'ar son a dhi-chuimhnich thu mi? c'ar son a tha mi a' triall gu dubhach air son foirneirt an eascairid?

10 Mar chlàidheamh a'm' chnàmhaibh, tha mo naimhdean a' toirt maslaidh dhomh, 'nuair a their iad rium gach là, C'ait am bheil do Dhia?

11 C'ar son a tha thu air do leagadh sìos, O m'anam? agus c'ar son a tha thu fo bhuaireas an taobh a stigh dhìom? earb thusa a Dia; oir fathast molaidh mise e, slàinte mo ghnùise, agus mo Dhia.

## SALM XLIII.

**T**HOIR breth orm<sup>a</sup> a Dhé, agus tagair mo chùis: o chinneach an-ìochdmhor; o fhear na ceilge agus na h-euceirt, saor thusa mi.

2 Oir is tusa Dia mo neirt; c'ar son a chuir thu mi fad uait? c'ar son a tha mi a' triall gu dubhach air foirneirt an eascairid?

3 O cuir a inach do sholus agus t'fhìrinn! seòladh iadsan mi, thugadh iad mi chum do shléibh naomhasa, agus chum do phàilliona.

4 An sin théid mi dh'ionnsuidh altaire Dhé, a dh'ionnsuidh Dhé m'aoibhneis ro-mhòir<sup>b</sup>: agus molaidh mi thu air a' chlàrsaich, a Dhia, mo Dhia.

5 C'ar son a tha thu air do leagadh sìos, O m'anam? agus c'ar son a tha thu fo bhuaireas an taobh a

<sup>a</sup> Na nithe so cuimhnichidh mi, agus taomaidh mi mach m'anam an taobh a stigh dhìom, 'nuair a ghabhas mi thairis leis a' mhòr chuideachd, a théid mi leo, &c.

<sup>b</sup> mhi-shuaimhneas. <sup>c</sup> air son furtachd a ghnùise. <sup>d</sup> do shùmainnean. <sup>e</sup> a chaoimhneas.

<sup>f</sup> Cum còir rium. <sup>g</sup> mi-naomha, aindiadhuidh. <sup>h</sup> m'aoibhneis agus mo ghairdeachais.

stigh dhìom? earb thusa a Dia; oir fathast molaidh mise e, slàinte mo ghnùise, agus mo Dhia.

## SALM XLIV.

*Do'n ard fhear-ciùil, air son mhac Choram. Maschil.*

**A**DHE, le'r clusaibh chuala sinn, dh'innis ar n-aithriche dhuinn an obair a rinn thu nan làithibh-san, 'sna làithibh o shean.

2 Le d' làimh thilg thu mach na cinnich, ach shuidhich thu iadsan: chlaoidh thu na slòigh, ach thug thu orra-san soirbheachadh<sup>i</sup>.

3 Oir cha'n ann le'n claidheamh féin a fhuair iad sealbh 'san tìr, agus cha'n e an gairdean féin a shaor iad; ach do dheas làmh, agus do ghairdean-sa, agus solus do ghnùise, a chionn gu'n robh deadh-ghèan agad doibh.

4 Is tu féin mo Rìgh, a Dhe: àithn thusa saorsa do Iacob.

5 Trid-sa buailidh sinn ar naimhde; trid t-ainme-sa saltraidh sinn orra-san a dh'éireas 'nar n-aghaidh.

6 Oir as mo bhogha cha'n earb mi, agus cha saor mo chlàidheamh mi.

7 Ach shaor thusa sinn o ar naimhidh, agus nàirich thu iadsan aig an robh fuath dhuinn.

8 A Dia ni sinne uail air feadh an là; agus t'ainmsa molaidh sinn gu sìorruidh. Selah.

9 Ach a nis thilg thu uait sinn, agus nàirich thu sinn; agus cha 'nèil thu dol a mach le'r n-armailtibh.

10 Thug thu oirnn tionndadh air ar n-ais o'n nàmhaid, agus tha iadsan le'm fuathach sinn 'gar creachadh<sup>k</sup>.

11 Thug thu sinn mar chaoraich air son bidh; agus am measg nan cinneach sgap thu sinn.

12 Reic thu do shluagh gun fhiach, agus cha do mheudaich thu do mhaoin le'n luach<sup>l</sup>.

13 Rinn thu sin 'nar masladh d'ar coimhearsnachaidh, 'nar ball-fanoid agus magaidh dhoibhsan a tha mu'n cuairt oirnn.

14 Rinn thu gnàth-fhocal dhinn am measg nan cinneach, aobhar crathaidh cinn am measg an t-sluaigh.

15 Fad an latha<sup>m</sup> tha m'amhladh a'm' fhianuis, agus chòmhdaich nàire mo ghnùise mi<sup>n</sup>.

16 Air son gutha an fhir a bheir masladh agus toibheum, air son fìar

<sup>i</sup> rinn thu olc do na slòigh, ach chuir thu iadsan an tìr thèaruinte.

<sup>k</sup> a' creachadh dhoibh féin. <sup>l</sup> prìs. <sup>m</sup> A ghnàth.

<sup>n</sup> tha ar n-amhladh 'nar fianuis, agus chòmhdaich nàire ar gnùise sinn.



nais an nàmhaid agus an dioghalt-  
aich.

17 Thàinig so uile oirnn; gidh-  
eadh, cha do dhi-chuimhnich sinn  
thu, agus cha d'rinn sinn cealg ann  
ad choimlicheangal.

18 Cha do thionndaidh ar cridhe  
air ais, agus cha do chlaon ar cos o  
d' shlighe :

19 Ge do mhìn-phronn thu sinn  
ann an ionad dhràgon, agus ge do  
chòmhdaich thu sinn le sgàil a  
bhàis.

20 Ma dhi-chuimhnich sinn ainm  
ar Dé, no ma shìn sinn ar làmh a gu  
Dia coimheach,

21 Nach rannsaich Dia so a mach ?  
oir tha fios aige-san air nithidh dìò-  
mhair a' chridhe,

22 Ach air do shon-sa mharbhadh  
sinn rè an latha gu léir; mheasadh  
sinn mar chaoraich chum casgraidh.

23 Mosgail; c'ar son a choidleas  
tu, a Thighearn? dèisg, na tilg sinn  
uait gu bràth.

24 C'ar son a dh'fholaicheas tu do  
ghnùis? a dhi-chuimhnicheas tu ar  
n-àmhghar, agus ar foirneart?

25 Oir chromadh sìos ar n-anam  
do'n ùir; dhluth-lean ar com' ris  
an talamh.

26 Eirich, cuidich leinn, agus saor  
sinn air sgàth do thròcaire.

## SALM XLV.

*Do'n ard fhear ciuil air Sosanim air  
son mhac Chorah, Maschil. Oran  
gràidh.*

**T**HA mo chridhe a' deachdadh<sup>b</sup>  
deadh ni; cuiridh mi 'n céill  
na nithe a rinna mi do'n Rìgh<sup>c</sup>;  
bithidh mo theanga mar pheann  
fir-scriobhaidh dheis.

2 Is maisiche thu na clann nan  
daoine; dhòirteadh gràs ann ad  
bhilibh: uime sin bheannuich Dia  
thu gu bràth.

3 Crioslaich<sup>d</sup> do chlàidheamh air  
do leis, O a ghaisgeich; le d' ghùir,  
agus le d' mhòralachd.

4 Marcaich<sup>e</sup> air t' aghaidh gu  
buadhach air sgàth na firinn, agus  
na macantachd<sup>f</sup>, agus na fireant-  
achd; agus teagaisgidh do dheas  
làmh dhuit nithe namiasach.

5 Is geur do shaighdean, (tuitidh  
na sìobh' fodhad is geur iad ann an  
cridhe naimhdean an Rìgh.

6 Tha do rìgh-chaithir, a Dhé,  
gu saoghal nan saoghal: is slat  
cheartaigh slat-shuaicheantais do  
rìoghachd-sa.

7 Ghràdhaich thusa fireantachd,  
agus thug thu fuath do aingidh-

eachd; uime sin dh'ung Dia, do  
Dhia-sa, thu le h-oladh aoibhneis  
os-cioun do chompanach.

8 Do mhirr, agus do alos, agus do  
chlasia, *théid boladh o d' thrusgan*  
uile, a mach a lùchairtibh do fhia-  
claibh elephant<sup>g</sup>, leis an do chuir-  
eadh aoibhneas ort.

9 Tha nigheana rìghre am measg  
do bhan urramach; seasaidh do  
bhan-rìghinn air do dheas làimh,  
ann an òr na h-Ophir.

10 Eisd, a nighean, agus amhairc,  
agus aom do chluas; agus di chiumh-  
nich do shìl nagh féin agus tigh t'ath-  
ar.

11 An sin gabhaidh an Rìgh mòr  
thlachd ann ad àille<sup>h</sup> a chionn gur  
esan do Thighearn, thoir-sa urram<sup>i</sup>  
dha.

12 Thig eadhon nighean Thiruis  
le tiodhlacadh; asluichidh daoine  
saibhir an t-sìnaigh do dheadh-  
ghean.

13 Uile glòrmhor tha nighean an  
rìgh a stigh; air oibreachadh le h-òr  
tha a h-eudachl.

14 Ann an trusgan do obair ghréis  
bheirear i chum an Rìgh: bheirear  
na maighdeana na déigh, a bana-  
chompanaich, a steach thugad<sup>k</sup>.

15 Bheirear iad le h-aoibhneas a-  
gus le gairdeachas; théid iad a steach  
do lùchairt an Rìgh.

16 An àite t'aitheiriche bithidh do  
mhic; nì thu iad nan uachdaran-  
aibh air an talamh uile.

17 Bheir mi air t'ainm a bhi air  
chuimhne anns gach linn a thig:  
uime sin molaich an sluagh thu gu  
saoghal nan saoghal.

## SALM XLVI.

*Do'n ard fhear-ciuil air son mhac  
Chorah. Oran air Alamot.*

**I**S e Dia ar tearmunn agus ar neart;  
ar cabhair ro-dheas ann an  
teanntachdaibh.

2 Air an aobhar sin cha bhi eagál  
oirnn, ge do ghluaisear<sup>l</sup> an ta-  
lamh, agus ge d'atharruichear na  
beannta gu meadhon na fairge :

3 Ge do bheuc a h-uisgeacha, agus  
ge do chuirear thar a chéile iad; ge  
do chrìochnuich na beannta le a h-  
at aireachd. Selah.

4 Tha abhuinn<sup>m</sup> ann, agus nì a  
sruthan cathair<sup>n</sup> Dhé ait; naomh-  
ionad phàillinn an Ti a's airde.

5 Tha Dia na meadhon; cha  
ghluaisear i: cuidichidh Dia leatha  
gu moch air mhaduinn.

<sup>g</sup> air an deanamh maiseach le fìac-  
laibh elephant.

<sup>h</sup> àille.

<sup>i</sup> àmhachd, aoradh.

<sup>k</sup> chugad.

<sup>l</sup> mhùthar,

<sup>m</sup> amhuinn.

<sup>n</sup> mòr-bhaile.

<sup>a</sup> brù.

<sup>b</sup> cur a mach.

<sup>c</sup> m' n Rìgh.

<sup>d</sup> Criosraich,

Deasaich.

<sup>e</sup> Ann ad mhòra-

lachd marcaich.

<sup>f</sup> ceann-

sachda.

6 Ghabh na cinnich boile, ghluais-eadh na rìoghachdan : chuir e mach a ghuth, leagh an talamh.

7 Tha Dia nan slògh leinn; is e Dia Iacoib a's dèidean duinn. Selah.

8 Thigibh, faicibh oibre an Tighearna, gach léir-sgrìos\* a rinn e air thalamh.

9 Coisgidh e an cogadh gu h-iomall na talmhainn, brisidh e am bogha, agus gearraidh e an t-sleagh: na carbadan-cogaidh loisgidh e le teine.

10 Bithibh sàmhach, agus tuigibh gur mise Dia: ardaichear mi am measg nan cinneach, ardaichear mi air thalamh.

11 Tha Dia nan slògh leinn; is e Dia Iacoib a's dèidean duinn. Selah.

## SALM XLVII.

*Do'n ard fhear-ciùil. Salm air son mhac Choram.*

**B**UAILIBH bhur basan, uile shlàigh; togaibh iolach do Dhia le guth gairdeachais<sup>b</sup>.

2 Oir tha'n Tighearna, an Ti a's airde, na aobhar eagail: is Rìgh mòr e os cionn na talmhainn uile.

3 Cuiridh e na slàigh fa'r smachd, agus na cinnich fa'r cosaibh.

4 Taghaidh e ar n-oighreachd dhuinn, dirdheirceas<sup>c</sup> Iacoib, a ghràdhaich e. Selah.

5 Chaidh Dia suas le caithreim, an Tighearna le fuain trompaide.

6 Seinnibh moladh do Dhia, seinnibh; seinnibh moladh d'ar Rìgh, seinnibh:

7 Oir is e Dia rìgh na talmhainn uile; seinnibh moladh gu h-eòlach.

8 Tha Dia na Rìgh os cionn nan cinneach: tha Dia na shuidhe air rìgh-chaitheir a naomhachd.

9 Chruinnicheadh uachdarain nan sluagh le chéile, sluagh Dhé Abraham; oir is le Dia sgiatha na talmhainn, tha e air 'ardachadh gu mòr.

## SALM XLVIII.

*Oran agus Salm air son mhac Choram.*

**I**S mor an Tighearna, agus is ro-airidh air cliù e ann am baile<sup>d</sup> ar Dé, ann an sliabh a naomhachd.

2 Sgiamhach na shuidheachadh, aoibhneas na talmhainn uile is e sliabh Shìoin: air an taobh mu thuath tha baile<sup>e</sup> an Rìgh mhòir.

3 Aithnichear Dia na lùchdairtibh mar thearmunn.

4 Oir feuch, chruinnicheadh na rìghre; ghabh iad thairis le chéile.

5 Chunnaic iad, agus b'ìoghnadh

<sup>a</sup> na nithe uamhasach. <sup>b</sup> caithreime. <sup>c</sup> mòrachd. <sup>d</sup> mòr-bhaile, cathair. <sup>e</sup> cathair.

leo; bha uamhas orra, ghreas iad orra.

6 Ghlac geilt-chrith iad an sin, pian mar phéin mnà ri saothair.

7 Le gaoith an ear mìn-bhrisidh tu longa Tharsis.

8 Mar a chuala sinn, is amhuil a chunnaic sinn ann am baile Thighearna nan slògh, ann am baile ar Dé: daingnichidh se e gu bràth. Selah.

9 Smuainich sinn air do chaoimhneas gràidh, a Dhé, ann am meadhon do theampull.

10 Mar t'ainm, a Dhé, mar sin a ta do chliù gu crìochaibh na talmhainn: tha do dheas làmh làn do fhìreantachd.

11 Deanadh sliabh Shìoin aoibhneas, deanadh nigheana Iudah gairdeachas, air son do bhreitheanasa.

12 Cuairtichibh Sion, agus rachaibh m'a timchioll; àirnhibh a tùir.

13 Thugaibh an aire d'a balladh làidir<sup>f</sup>, comharaichibh a lùchairtean<sup>g</sup>, chum gu cuir sibh an céill e do'n àl ri teachd.

14 Oir is e an Dia so ar Dia-ne gu saoghal nan saoghal: stiùraidh e sinn gu ruig am bàs<sup>h</sup>.

## SALM XLIX.

*Do'n ard fhear-ciùil, Salm air son mhac Choram.*

**C**LUINNIBH so, a shlàigh uile, éisdibh, sibhse uile luchd-àiteachaidh an domhain,

2 Araon a dhaoine ìosal agus ard, beartach agus bochd le chéile.

3 Labhraidh mo bheul gliocas<sup>i</sup>, agus smuaintichidh mo chridhe air tuigse<sup>k</sup>.

4 Aomaidh mi gu cosamhlachd mo chluas; nochdaidh<sup>l</sup> mi air a' chlàrsaich mo ràdh dòrcha.

5 C'ar son a bhiodh eagal orm ann an laithibh an uile, nuair a chuairticheas aingidheachd m'eascairdean<sup>m</sup> mi,

6 A dh'earbas as an saibhreas, agus a ni uail a pailteas am beartais?

7 Cha'n urrainn duine air chor sam bith a bhràthair a shaoradh, no éiric a thabhairt do Dhia air a shon:

8 (Oir tha saorsa an anama luachmhor, agus sguiridh e am feasd:)

9 Gu maireadh e beo gu sìorruidh agus nach faiceadh e truailidheachd<sup>n</sup>.

<sup>f</sup> d'a daingneachd, d'a neart.

<sup>g</sup> caistealan. <sup>h</sup> gu bràth.

<sup>i</sup> nithe glìce. <sup>k</sup> nitheibh tuigseach.

<sup>l</sup> fosgailidh. Eabh. <sup>m</sup> aingidheachd luchd-feall; lochd mo shàl.

<sup>n</sup> Ach mairidh esan [an t-aon naomha] beo gu sìorruidh; cha'n fhaic e truailidheachd.

10 Oir chi e gu'm faigh na daoine glìce bàs, gu'n sgriosar le chéile an t-ainadan agus an t-ùmaidh, agus gu'm fàg iad am beartas aig daoineibh eile.

11 Is iad smuaintean an cridhe gumair an tighean gu bràtlì, an ionada-còmhnuidh o linn gu linn: bheir iad ainm air am fearann, a réir an ainme féin.

12 Ach ge do robh an duine ann an urrain, cha mhair e<sup>a</sup>: is cosmhail e ris na h-ainmhidhibh a ghearrar as.

13 Is i so an slighe, eadhon an amaideachd: gidheadh gabhaidh an sliochd tlàchd nan cainnt. Selah.

14 Mar chaoraich cuirear iad 'san uaigh, ithidh am bàs iad<sup>b</sup>, agus bithidh uachdaranachd aig na fireanaibh os an cionn anns a' mhaduinn: seargaidh<sup>c</sup> an dreach as 'san uaigh, an ionad-còmhnuidh<sup>d</sup>.

15 Ach sabraidh Dia m'anam-sa o chumhachd<sup>e</sup> na h-uaighe; oir gabhaidh e mi d'a ionnsuidh. Selah.

16 Na gabh thusa eagal an uair a dh'fhàsas duine beartach, 'nuair a mheudaichear glòir a thighe:

17 Oir 'nuair a gheibh e bàs, cha d'thoir e ni air bith leis; cha d'théid a ghàird sios na dhéidh:

18 Ge do bheannuich e 'anam féin, 'nuair a thia e beo; agus molar thusa, 'nuair a ni thu maith dhuit féin<sup>f</sup>.

19 Théid e gu h-àl a shiunsear: gu bràth cha'n fhaic iadsan solus.

20 Thia 'n duine, a tha ann an urram, agus a tha guo tuigse, cosmhail ris na h-ainmhidhibh, a ghearrar as.

## SALM L.

Salm le Asaph.

**LABHAIR** Dia nan Dia g, Ie-hoblah, agus ghairm e an talamh o éirigh gu ruig luidhe gréine.

2 A mach a Sion, iomlaine na maise, dhealruich Dia.

3 Thig ar Dia-ne, agus cha bhi e na thosd: foimh a ghnàis lasaidh teine millteach<sup>h</sup>, agus mu'n cuairt air bithidh doinniom uilior.

4 Gairmidh e air na n-èamhaibh o'n airde, agus air an talamh, chum breth a thoirt air a shluagh.

5 Cruinnichibh mò naoinmh a m' ionnsuidh, iadsan a rinn coimh-cheangal rium le h-iobairt.

6 Agus cuiridh na n-èamhan an céill a cheartas; oir is e Dia féin a's Breitheamh an. Selah.

7 Eisdibli, O mo shluagh, agus labhraidh mi; O Israel, agus ni mi fianuis a't' aghaidh<sup>i</sup>: is mise Dia, do Dhia-sa.

8 Air son t'ìobairtean cha'n agair mi thu: oir tha t'ìobairtean-loisgte a ghnàth a'm' fhianuis.

9 Cha ghabh mi tarbh òg as do thigh, no gabhair fluirionn as do mhainniribh<sup>k</sup>.

10 Oir is leamsa uile bheathaiche na coille, an spréidh air mìle slabh.

11 Is aithne dhomhsa uile eunlaith nam beanu<sup>l</sup>; agus is leamsa fiadh-bheathaiche na macharach.

12 Na'm bithinn ocrach, cha'n innsinn duitse; oir is leamsa an domhan, agus a làn.

13 An e gu'n ithinn feoil tharbh<sup>m</sup> agus an òlainn fuil ghabhar?

14 Iobair iobairt bluidheachais do Dhia, agus loc do bhòidean do'n Tì a's airde.

15 Agus gairm orm ann an latha teanntachd: saoraidh mise thu, agus bheir thusa glòir dhomh-sa.

16 Ach ris an droch dhuine their Dia, Ciod e do ghnothuch-sa mo reachdan<sup>n</sup> a chur an céill, no gu'n gabhadh tu mo choimhcheangal ann ad bheul;

17 'Nuair a ta fuath agad air fòghlum, agus a thilg thu mo bhriathran air do chùil?

18 Ma chunnaic thu gaduiche, dh'acntaich thu leis<sup>o</sup>; agus maille ri luchd-adhaltrannuis bha do chuibhrionn.

19 Chuir thu do bheul chum uile, agus dhealbh do theanga cealg.

20 Shuidh thu, agus an aghaidh do bhràthar labhair thu; agus do mhac do mhàthar thug thu beum<sup>p</sup>.

21 Na nithe so rinn thu, agus bha mise a'm' thosd; shaoil thu gu'n robh mi gu tur mar thu féin: cronaichidh mi thu, agus cuiridh mi gach ni an ordugh fa chomhair do shùl.

22 Smuainichibh a nis air so; sibhise nach cuimhnich Dia; air eagal gu'n reub mi as a chéile, gun neach ann a theasairgeas.

23 Esan a dh'ìobras moladh, bheir e glòir dhomh-sa; agus dhasan a dh'òrduicheas a shlighe, nochdaidh mi p slàinte Dhé

<sup>a</sup> tha e gun tuigse. <sup>b</sup> ionaltraidh am bàs orra.

<sup>c</sup> agus seargaidh. <sup>d</sup> o'n ionad-còmhnuidh. <sup>e</sup> o làimh.

Eabh. <sup>f</sup> agus ge do mhol e thusa, 'nuair a ni thu maith dha.

<sup>g</sup> an Dia treun. <sup>h</sup> caithidh teine, ithidh teine suas. Eabh.

<sup>i</sup> mu d' thimchioll, dhuit. <sup>k</sup> chròth-aibh.

<sup>l</sup> eunlaith an athair. <sup>m</sup> stàtuin.

<sup>n</sup> masladh. <sup>o</sup> agus is i so an slighe air an nochd mi dha.

## SALM LI.

*Do'n ard fhear-ciuil, Salm le Daibhidh, 'nuair a thàinig Natan am fàidh d'a ionnsuidh, an dèigh dha bhiaig Batseba.*

**D**EAN tròcair orm, a Dhé, a réir do chaoimhneis gràidh; a réir ònmhoireachd do chaoimh thròcairean<sup>a</sup>, dubh as m'eusaontas.

2 Gu h-ìomlan ionnail mi o m' lochd, agus glan mi o m' pheacadh:

3 Oir tha mi ag aideachadh m'eusaontais, agus tha mo pheacadh a'm' làthair a ghnàth.

4 A't'aghaidh, a't'aghaidh féin a mhàin pheacaich mi, agus rinn mi olc a'd' shealladh, air chor as gu'm fireanaichear thusa 'nuair a labhras tu, gu'm bi thu glan 'nuair a bheir thu breth.

5 Feuch, ann an euceart dhealbhadh mi, agus ann am peacadh ghabh mo mhàthair mi na broinn.

6 Feuch, is ionmhuinn leat an fhìrinn 'san taobh a stigh<sup>b</sup>; agus 'san ionad shluichte bheir thu orm gliocas a thuigsinn.

7 Glan mi le hisop, agus bithidh mi glan; ionnail mi, agus bithidh mi nì's gile na sneachda.

8 Thoir orm guth subhachais agus aoibhneis a chluinntinn; agus nì na cnàmhan a bhris thu gairdeachas.

9 Foluich do ghnùis o'm' pheacaibh, agus dubh as m'eucearta gu léir.

10 Cruthaich annam cridhe glan, a Dhé; agus ath-nuadhaich spiorad ceart an taobh a stigh dhìom.

11 Na tilg mi o d' shealladh, agus na toir do spiorad naomha uam.

12 Aisig dhomh gairdeachas do shlàinte, agus le d' spiorad saor cum suas mi:

13 Teagaisgidh mi do luchd-eusaontais do shlighean; agus iompoichear peacaich a t' ionnsuidh.

14 Saor mi o chionta fola, a Dhé, a Dhé mo shlàinte: ard-mholaidh mo theanga t'fhìreantachd.

15 A Thighearn, fosgail mo bhilean, agus cuiridh mo bheul an céill do chliu.

16 Oir cha'n iarr thu òbairt, no bheirinn dhuit i; ann an òbairt-loisgte cha 'n'eil tlachd agad.

17 Is iad òbairtean Dhé spiorad briste; air cridhe briste agus brùite, a Dhé, cha dean thusa tàir.

18 Dean maith, a'd' dheadh-ghean, do Shion; tog suas ballacha Ierusalem.

19 An sin taitnidh òbairtean ionracais riut, òbairtean-loisgte agus làn òbairtean-loisgte: an sin òbraidh iad tairbh òga air t'altair.

## SALM LII.

*Do'n ard fhear-ciuil, Maschil le Daibhidh, 'nuair a thàinig Doeg an t-Edomach, agus a dh'inns e do Shaul, agus a thubhairt e ris, Thàinig Daibhidh gu tigh Ahimelech.*

**C**'AR SON a ni thu uail as an olc, O ghaisgich? Mairidh maithreas Dé a glnàth e.

2 Dealbhaidh do theanga aimhleas, mar ealtuinn ghéir, ag oibreachadh ceilge.

3 Is annsa leat an t-olc na maith, a' bhreug na bhriathran a' cheartais. Selah.

4 Is ionmhuinn leat gach focal millteach, an teanga chealgach<sup>d</sup>.

5 Uime sin<sup>e</sup> sgriosaidh Dia thu gu bràth: bheir e air falbh thu, agus tairngidh e as [do] phàillion thu, agus spionaidh e do fhreumhan a tìr nam beo. Selah.

6 Agus chì na fireana, agus bithidh eagal orra, agus nì iad gàire uime, ag ràdh,

7 Feuch, so am fear nach d'rinn a neart do Dhia, ach a dh'earb a pailteas a bheartais, agus a neartaich e féin na aingidheachd.

8 Ach bithidh mise mar chrann-olaidh uaine ann an tigh Dhé; earbaidh mi a tròcair Dhé gu saoghal nan saoghal.

9 Molaidh mise thu gu sìorruidh, a chionn gu'd d'rinn thu e; agus feithidh mi air t'ainm-sa, oir tha e maith an làthair do naomh.

## SALM LIII.

*Do'n ard fhear-ciuil, air Mahalat, Maschil le Daibhidh.*

**T**HUBHAIRT an t-amadan na chridhe, Cha 'n'eil Dia ann: tha iad truailidh, agus rinn iad aingidheachd ghràineil; cha 'n'eil neach ann a ni maith.

2 Dh'amhairc Dia a nuas o nìamh air cloinn nan daoine, a dh'fheuchainn an robh neach ann a bha glie, a bha 'g iarraidh Dhé.

3 Chaidh gach aon diubh air ais; tha iad gu léir air fàs salach: cha 'n'eil neach ann a ni maith, cha 'n'eil eadhon aon.

4 Nach 'eil eòlas aca-san a tha deanamh na h-eucorach, a tha 'g ith-eadh suas mo shluaigh, mar a dh'ith-eadh iad aran, agus nach gairm air Dia?

5 An sin ghabh iad eagal mòr, 'nuair nach robh aobhar eagail ann; sgaoil Dia a chnàmha-san o chéile a champuich a'd' aghaidh: nàirich thu iad, a chionn gu'n d'rinn Dia tàir oira.

<sup>c</sup> gach là. Eabh.

<sup>d</sup> a theanga

chealgach.

<sup>e</sup> Mar an ceudna.

<sup>a</sup> do thruacantais. <sup>b</sup> 'sna h-airnibh,



6 O gu d'thigeadh slàinte Israeil a mach a Sion ! An uair a bheir Dia air ais braighdeanas a shluaigh, ni Iacob gairdeachas, ni Israel aoibhneas.

## SALM LIV.

*Do'n ard fhear-ciùil air Neginot, Maschil le Daibhidh, 'nuair a thàinig na Siphich, agus a thubhairt iad ri Saul, Nach 'eil Daibhidh 'ga fholach féin maille ruinne ?*

**A**IR sgàth t'ainme, a Dhé, saor thusa mi, agus le d' chumhachd cum cothrom rium.

2 Cluinn m'òrnuigh, a Dhé ; éisd ri briathraibh mo bheoil.

3 Oir dh'éirich coigrich<sup>a</sup> a'm' aghaidh, agus dh'iarr luchd-foirneirt mo bheatha ; cha do chuir iad Dia fa'n chomhair. Selah.

4 Feuch, is e Dia m'fhear-cuideachaidh : tha'n Tighearna dhiubhsan<sup>b</sup> a chumas suas mo bheatha.

5 Diolaidh e olc do m'naimhdibh ; a't' fhlirinn gearr as iad.

6 Le saor thoil bheir mi lobairt dhuit ; molaidd mi t'ainm, a Thighearn, oir tha e maith.

7 Oir shaor thu mi as gach teinn : agus chunnaic mo shùil mo mhiann air mo naimhdibh.

## SALM LV.

*Do'n ard fhear-ciùil, air Neginot, Maschil le Daibhidh.*

**E**ISD, a Dhé, ri m'òrnuigh, agus na foluich thu féin o m'asluachadh.

2 Thoir aire dhomh, agus éisd rium : tha mi ard ann am ghearan, agus ri bùireadh :

3 Air son gutha m'eascaraid, air son foirneirt an duine aingidh, oir tha iad a' tilgeadh euceirt orm, agus am feirg tha iad a' toirt fuatha dhomh.

4 Tha mo chridhe air a chràdh an taobh a stigh dhìom, agus thuit uamhasan a' blàis orm.

5 Thàinig eagal agus crith orm, agus chòmhdaich uamhasan mi.

6 Agus thubhairt mi, Och, nach robh agam sgiathan ! mar choluman theichinn as air iteig, agus gheibhinn fois.

7 Feuch, shiùbhlainn fad as ; chòmhnuichinn anns an fhlàsach. Selah.

8 Dheanainn deisre gu dol as o ghaoith làidir<sup>d</sup>, agus o'n doininn.

9 Sgrios, a Thighearn, agus roinn an teanga<sup>e</sup> ; oir chunnaic mi foirneart agus consachadh sa' bhaile.

10 A là agus a dh'oidhche tha iad a' dol mu'n cuairt air, air a bhall-

aibh ; agus tha euceart agus ainmheas na mheadhon.

11 Tha aingidheachd na mheadhon ; agus cha dealaich feall agus cealg r'a shràidibh.

12 Oir cha bu nàmhaid a thug masladh dhomh, no dh'fhuilginn e ; cha b'e fear le 'm b'fhuathach mi a dh'ardaich e féin a'm' aghaidh, no dh'fholaichinn mi féin uaith.

13 Ach thusa ! fear bu choimpire dhomh féin<sup>f</sup>, fear m'iuil, agus fear m'èdlais.

14 Le chéile ghabh sinn comhairle bhlasta ; gu tigh Dhé dh'imich sinn cuideachd.

15 Gabhadh am bàs sealbh orra, rachadh iad sìos beo do'n uaigh<sup>g</sup> ; oir a ta uilc nan àite-còmhnuidh, nam meadhon.

16 Glao dhaidh mise ri Dia ; agus saoraidh Iehobhah mi.

17 Air feasgair, air maduinn, agus aig meadhon-là ni mi òrnuigh, agus glao dhaidh mi gu h-ard ; agus éisdidh esan ri m' ghuth.

18 Saoraidh<sup>h</sup> e m'anam ann an sìth o'n chòmhrag a'm' aghaidh ; oir is lionmhor iad a tha strì rium<sup>i</sup>.

19 Eisdidh Dia, agus bheir e nuas iad, eadhon esan a tha ann o chian. Selah : oir cha 'n'eil atharrachadh orra, agus cha 'n'eil eagal Dé orra.

20 Shìn e mach a làmh nan aghaidh-san a bha an sìth ris ; bhris e a choimheangal.

21 Bu mhàine na im focail a bhéil, ach bha cogadh na chridhe ; bu bhuige a bhriathra na oladh, ach bu chòidhean rùisgte iad.

22 Tilg air an Tighearna do chùram<sup>k</sup>, agus cumaidh esan suas thu : chailleig e am feasd do'n fhìrean a bhi air a ghluasad.

23 Ach tilgidh tusa, a Dhé, sìos iad gu slochd an sgrios : cha mhaire daoine fuileachdach agus cealgach leth an laithean ; ach cuiridh mise mo dhìgh annad-sa.

## SALM LVI.

*Do'n ard fhear-ciùil air Ionatelim-rechocim, Michtam le Daibhidh an uair a ghlac na Philistich e ann an Gat.*

**D**EAN iochd orm, a Dhé ; oir b'aill le duine mo shlugadh suas<sup>l</sup> : tha e 'gam shàruchadh gach là le cogadh.

2 B'aill le m'eascairidibh mo shlugadh suas gach là ; oir is lionmhor iad a tha cogadh rium o ionad ard<sup>m</sup>.

3 'San là air am bi eagal orm, earbaidh mi asad-sa.

<sup>f</sup> a réir mo choslais féin, a réir mo chridhe féin. <sup>g</sup> gu h-ifrinn. <sup>h</sup> Shaor.

<sup>i</sup> bu lionmhor iad a bha leam.

<sup>k</sup> t'eallach. <sup>l</sup> saltairt oim. <sup>m</sup> O

thi a's airde !

<sup>a</sup> na h-uaibhrich.

<sup>b</sup> nam measg-

san, leo-san.

<sup>c</sup> cabhag.

<sup>d</sup> ann-

rathaich, bhuaireasaich.

<sup>e</sup> comhairle.

4 Ann an Dia molaidh mi 'fhocal; ann an Dia chuir mi mo dhùigh; cha'n eagal leam ciod a dh'fhèudas feoil à dheanamh orm.

5 Gach là<sup>a</sup> tha iad a' fiaradh mo bhriathar; tha'n smuainte uile a'm' aghaidh chum uile.

6 Tha iad a' cruinneachadh le chéile, tha iad 'gam folach fein; tha iad a' toirt fa'near mo cheumanna, 'nuair a tha iad a feitheamh air son m'anama.

7 Le h-eucoir<sup>b</sup> an d'théid iad as? ann ad fheirg tilg sìos na slòigh, a Dhé.

8 Dh'àireamh thu mo sheacharain: cuir mo dheoir ann ad shearraig<sup>c</sup>: nach 'eil iad ann ad leabhar?

9 An sin pillear mo naimhdean air an ais, 'san là a ghairmeas mi ort: air so tha fios agam, oir tha Dia leam.

10 Ann an Dia molaidh mi 'fhocal: annas an Tighearna molaidh mi 'fhocal.

11 Ann an Dia chuir mi mo dhùigh: cha'n eagal leam ciod a dh'fhèudas duine a dheanamh orm.

12 Orm-sa, a Dhé, tha do bhòidean<sup>d</sup>: locaidh mi cliu dhuit:

13 Oir shaor thu m'anam o'n bhàs, agus mar an ceudna mo chosan o thuisleadh, chum gu gluaisinn ann ad fhianuis, a Dhé, ann an solus nam beo.

## SALM LVII.

*Do'n ard fhear-ciuil, Al-taschit, Michtam le Daibhidh, 'nuair a theich e o lathair Shaul do'n uaimh.*

**D**EAN tròcair orm, a Dhé, dean tròcair orm; oir aunnad-sa tha m'anam a' cur a dhùigh, agus fuidh sgàile do sgiathan gabhaidh mi mo thearmunn, gus an d'théid na h-uile so uile thairis.

2 Eighidh mi ris an Dia a's airde, ri Dia a choimhlionas nithe air mo shon.

3 Cuiridh e neart o nèamh, agus saoraidh e mi: bheir e masladh do'n fhear le'm b'àill mo shlugadh suas<sup>e</sup>. Selah. Cuiridh Dia a mach a thròc-air agus 'fhàirinn.

4 Tha m'anam am measg ledmhan; tha mi a'm' luidhe am measg droinge air lasadh<sup>f</sup>, daoine aig am bheil am fiacra nan sleaghaibh agus nan saighdibh, agus an teanga na claidheamh geur.

5 Ardaich thu féin os cionn nan

nan nèamh, a Dhé; do ghlòir os cionn na talmhainn uile.

6 Dheasaich iad lion fa chomhair mo cheum; chrom iad m'anam sìos; chladhaich iad slochd romham; thuit iad féin na mheadhon. Selah.

7 Tha mo chridhe deas<sup>g</sup>, a Dhé, tha mo chridhe deas: seinnidh mi, agus molaidh mi.

8 Mosgail, mo ghlòir; mosgail, a shaltair agus a chlarsaich: mosglaidh mi féin moch air mhaduinn.

9 Molaidh mi thu am measg nan sluagh, a Thighearn; seinnidh mi dhuit am measg nan cinneach.

10 Oir is mòr do thròcair<sup>h</sup> gu ruig na nèamha, agus t'fhàirinn gu ruig na neula.

11 Ardaich thu féin os cionn na nèamh, a Dhé; do ghlòir os cionn talmhainn uile.

## SALM LVIII.

*Do'n ard fhear-ciuil, Al-taschit, Michtam le Daibhidh.*

**A**N labhair sibh, a choimhthionail, da rìreadh an ceartas? an d'thoir sibh breith gu cothromach, a chlann nan daoine?

2 Seadh, 'nar cridhe tha sibh a' dealbhadh aingidheachd; air talamh tha sibh a' tomhas foirneirt bhuir làmh.

3 Tha na h-aingidh a' claonadh o'n bhroinn; tha iad a' dol air seacharan o'm breith, a' labhairt bhreug.

4 Tha an nimh mar nimh nathrach; tha iad mar nathair bhodhar, a dhruideas a cluas,

5 Nach éisd ri guth nan druidh, a tha ro-shedlta nan druidheachd.

6 Bris am fiacra, a Dhé, nam beul; pronn gu tur tuigs<sup>k</sup> nan leomhan òg, a Thighearn.

7 Leaghadh iad, mar uisgeacha a ruitheas gu saor<sup>l</sup>; cuireadh Dia a shaighdean nan aghaidh, agus gearrar as iad.

8 Mar sheilcheig a bhios a' leaghadh as, rachadh iad as, mar thorraicheas anabuich mnà, na faiceadh iad a' ghrian.

9 Mu'm mottaich bhuir coireacha teas o'n droighnich, bheir e air falbh iad mar le h-ioma-ghaoith<sup>m</sup>, araon beo, agus na corruich.

10 Bithidh aoibhneas air an fhàirinn, an uair a chi e an dioghaltas: nighidh e a chosan ann am fuil an duine aingidh.

11 An sin their duine, Gu deimhin tha duais ann do'n fhàirinn; gu

<sup>a</sup> Rè an latha. <sup>b</sup> Air son an euceirt. <sup>c</sup> ann ad shoir-eadh, ann ad shealladh. <sup>d</sup> mhòidean. <sup>e</sup> saltairt orm. <sup>f</sup> ri theine.

<sup>g</sup> ullamh, gleusta, suidhichte. <sup>h</sup> mhaitheas, chaoimhneas. <sup>i</sup> a bhreitheamhna. <sup>j</sup> mòra, cùl-fhiacra. <sup>k</sup> fiacra. <sup>l</sup> leo féin, an còmhnuidh. <sup>m</sup> cuairt ghaoith.

cinuteach tha Dia ann a tha toirt  
breth air an talamh.

## SALM LIX.

*Do'n ard fhear-ciùil, Al-taschit,  
Michtam le Daibhidh; 'nuair a  
chuir Saul daoine uaith, agus a  
chuir iad faire air an tigh, chum  
a mharbhadh.*

**T**EASAIRG mi o m' naimhdibh,  
O mo Dhia; dìon mi uatha-san  
a tha 'g éirigh a'm' aghaidh.

2 Teasairg mi oluchd-deanamh na  
h-euceirt, agus o dhaoineibh fuil-  
eachdach saor mi:

3 Oir feuch, tha iad a' feitheamh  
nam fàth\* an aghaidh in'anama;  
tha daoine cumhachdach air cruinn-  
eachadh a'm' aghaidh; cha'n ann  
air son mo lochd-sa, no air son mo  
pheacaidh, a Thighearn.

4 Gun choire agamsa, ruithidh iad,  
agus ulluichidh siad iad féin: mosg-  
ail thusa a chuideachadh leam, agus  
amhairc.

5 O thusa, a Thighearn, a Dhé  
nan sluagh, a Dhé Israeil, mosgail a  
dh'fhiosrachadh nan cinneach uile:  
na dean iochd air luchd-eusaontais  
cìontach sam bith. Selah.

6 Pillidh iad 'san fheasgar, ni iad  
donnalaich mar choin, agus théid  
iad mu'n cuairt air a' bhaile.

7 Feuch, brùchdaidh iad a mach-  
le'm beul; tha clòidhean nam bil-  
ibh: Oir cò, *ars' iudsan*, a chluinn-  
eas?

8 Ach ni thusa, a Thighearn,  
gàire umpa; ni thu fanoid<sup>b</sup> air na  
cinnich uile.

9 O thusa mo neart<sup>c</sup>, feithidh mi  
ort: oir is e Dia mo dhaingneach<sup>d</sup>.

10 Mo Dhia, gabhaidh a thrò-  
cair romham<sup>e</sup>: bheir Dia dìomh gu  
faic mi mo mhìann air m'cascaird-  
ibh.

11 Na marbh iad, air eagal gu'n  
di-chuimhnich mo shluagh; sgaoil  
iad le d' neart, agus leag gu h-  
ìosal iad, a Thighearn ar sgiath.

12 *Air son* peacaidh am beoil, *air  
son* bhriathar am bilean, glacar iad  
nan ardan; eadhon air son nam  
mallachd agus nam breug a labhras  
iad.

13 Sgrios [iad] am feirg, sgrios  
[iad,] agus na biodh iad ann; agus  
biodh fios aig daoine gu bheil Dia na  
uachdaran ann an Iacob, gu ruig<sup>f</sup>  
crìocha na talmhainn. Selah.

14 Pillidh iad 'san fheasgar, ni iad

donnalaich mar choin, agus théid  
iad mu'n cuairt air a' bhaile.

15 Gabhaidh iad a null agus a nall  
air son bidh<sup>g</sup>, agus mur sasuichear  
iad, ni iad gearan.

16 Ach seinnidh mise mu d'neart,  
agus ard-mholaidh mi sa' mhaduinn  
do thròcair; oir bu tusa mo dhaing-  
neach, agus mo dhèdean, ann an  
latha mo theanntachd.

17 O thusa mo neart, canaidh mi  
dhuit; oir is e Dia mo dhaingneach,  
mo Dhia-sa, mo thròcair

## SALM LX.

*Do'n ard fhear-ciùil air Susan-edat,  
Michtam le Daibhidh, chum  
teagasg, an uair a chog e an  
aghaidh Aram-naharaim, agus  
an aghaidh Aram-sobah, agus a  
phill Ioab, agus a bhuail e do  
Edom ann an gleann an t-sàv-  
ainn da mhìle dheug.*

**A**DHE, thilg thu uait sinn, sgap<sup>i</sup>  
thu sinn, bhrà fearg ort; O pill  
thusa ruinn.

2 Chuir thu an talamh air chrith;  
bhris thu e; slànuaich a bhriseadh,  
oir tha e air a luasgadh<sup>k</sup>.

3 Nochd thu do d' shluagh nithe  
cruaidh; thug thu oirnn fion a'  
bhuaireis dìl.

4 Thug thu bratach dhoibhsan d'an  
eagal thu, gu bhì air a togail suas  
air sgàth na firinn. Selah.

5 Chum gu teasairgear iadsan a's  
ionmhuinn leat, saor thusa le d'  
dheas làimh, agus éisd rium.

6 Labhair Dia na naomhaclid: ni  
mi aoibhneas, roinnidh mi Sechem,  
agus romhaisidh mi gleann Shucoit.

7 Is leam-sa Gilead, agus is leam  
Manaseh; agus is e Ephraim neart  
mo chinn, Iudah fear-tabhairt mo  
lagha.

8 Is e Moab mo shoitheach-ionn-  
laid; os cionn Edoim tilgidh mi mo  
bhròg: thar Palestin ni mi caith-  
reim<sup>l</sup>.

9 Cò bheir mi do'n bhaile dhaing-  
nichte? cò thredraicheas mi gu h-  
Edom?

10 Nach tusa, a Dhé? *thusa a*  
thilg uait sinn, agus nach deachaidh  
a mach, a Dhé, maille r'ar n-arm-  
ailtibh?

11 Thoir còmhnaidh dhuinn ann  
an teinn<sup>m</sup>; oir is dìomhain furtachd  
duine.

12 Trid Dhé ni sinn treubhantas;  
oir saltraidh esan sìos ar naimhdean.

<sup>a</sup> ri feall-fholach, a' luidhe am plaid.

<sup>b</sup> tarcuis.

<sup>c</sup> Air sgàth a

neirt.

<sup>d</sup> dhèdean.

<sup>e</sup> Gabh-

aidh Dia mo thròcaire romham.

<sup>f</sup> agus gu ruig,

<sup>g</sup> ag iarraidh bidh.

<sup>h</sup> Dia

mo thròcaire, mo Dhia thròcaireach.

<sup>i</sup> bhris.

<sup>k</sup> a' crìochnachadh.

<sup>l</sup> air mo shonsa, a Phalestin, dean  
caithreim.

<sup>m</sup> an aghaidh an

nàmhaid.

## SALM LXI.

*Do'n ard fhear-ciùil air Neginot.**Salm le Daibhidh.***E**ISD, a Dhé, ri m' ghlaodh, thoir an aire do m' ùrnuigh.2 O iomall na talmhainn éighidh mi riut, an uair a bhios mo chridhe lag<sup>a</sup>: chum na carraige a's airde na mi féin, tredraich thusa mi:

3 Oir bha thusa a'd' thearmunn domh, a'd' thùr làidir an aghaidh an nàmhaid.

4 Gabhaidh mi còmhuidh ann ad phàillun gu bràth: cuiridh mi mo dhòigh ann an sgàil do sgiathan. Selah.

5 Oir chuala tusa, a Dhé, mo bhòidean: thug thu oighreachd dhoibh-san air am bheil eagal t' ainme,

6 Cuir thusa<sup>b</sup> laithean ri laithibh an rìgh: biodh a bhliadhan mar linn agus linn.7 Maireadh e gu bràth am fianuis Dhé: gleidheadh tròcair agus firinn e<sup>c</sup>.8 Mar sin seinnidh mi cliu do t'ainm gu bràth, chum gu dìol<sup>d</sup> mi mo bhòidean o là gu là.

## SALM LXII.

*Do'n ard fhear-ciùil, do Iedutun.**Salm le Daibhidh.***A**IR Dia a mhàin tha m'anam a' feitheamh: uaith-san thig mo shlàinte.

2 Is esan a mhàin mo charraig agus mo shlàinte: is e mo dhèidean: cha ghluaisear gu mòr mi.

3 Cia fhad a dhealbhas sibh aimhleas an aghaidh duine? marbhar sibh uile; mar bhalladh agaomadh, mar ghàradh<sup>e</sup> air chrith, bithidh sibh.4 A mhàin chum a thilgeadh sìos o'airde<sup>f</sup> tha iad a' gabhail comhairle le chèile; is miann leo breugan; le'm beul beannuichidh iad, ach nan cridhe malluichidh iad Selah.

5 A mhàin air Dia feith, O m'an. am; oir is ann uaith-san a ta mo dhùchas.

6 Is esan a mhàin mo charraig, agus mo shlàinte: is e mo dhèidean; cha ghluaisear mi.

7 An Dia tha mo shlàinte agus mo ghloir; carraig mo neirt, mo thearmunn is e Dia.

8 Cuiribh air gach àm bhur dòigh ann, O a shluagh; dòirtibh a mach bhur cridhe na fhlanus: tha Dia na thearmunn duinn. Selah.

9 Gu cinnteach tha clann Adh

<sup>a</sup> trom, fa thuirse.<sup>b</sup> Cuiridhtusa. <sup>c</sup> deasaich, no orduich

gu'n gléidh tròcair agus firinn e.

<sup>d</sup> coimhion.<sup>e</sup> dhig, fhàl.<sup>f</sup> o'urram, o a chliu.aimh<sup>g</sup> nan dìomhanas, clann an duine<sup>h</sup> nam bréig: air meadh ma chuirear iad, is eutruime iad gu léir na dìomhanas.10 Na h-earbaibh a' foirneart, agus a reubainn na deanaibh uaill<sup>i</sup>: 'nuair a dh'fhàsas saibhreas, na cuiribh bhur cridhe air.

11 Aon uair labhair Dia, dà uair chuala mi so, gur le Dia cumhachd.

12 Mar an ceudna dhuitse, a Thighearn, buinidh tròcair, oir bheir thu<sup>k</sup> luigheachd do dhuine a réir 'oibre.

## SALM LXIII.

*Salm le Daibhidh, 'nuair a bha e ann am fàsach Iudah.***A**DHIA, is tu mo Dhia-sa; gu moch iarraidh mi thu: tha tart air m'anam a d' dhéigh, tha m'fheoil a' togradh a t'ionnsuidh ann an ùr thiorain agus thartmhoir, as eugmhais uisge:

2 Chum, mar a chunnaic mi thu ann ad ionad naomha, gu faicinn do chumhachd agus do ghloir.

3 Do bhrìgh gur fearr do chaoimhneas gràidh<sup>l</sup> na beatha, bheir mo bhilean cliu dhuit.

4 Mar sin beannuichidh mi thu, an cian is beo mi; ann ad ainm togaidh mi mo làmh.

5 Mar le smior agus le saill sàsuichear m'anam, agus le bilibh aoibhneach molaidh mo bheul thu;

6 'Nuair a chuimhniceas mi ort air mo leabaidh, a bheachd-smuainicheas mi ort ann am fairibh na h-oidhche.

7 A chionn gu robh thu a'd' chabhair agam, uime sin fo sgàile do sgiathan ni mi gairdeachas.

8 Tha m'anam a' dlùth-leantuinn riut: cumaidh do dheas làmh suas mi.

9 Ach iadsan a dh'iarraas m'anam a chum a sgrios, théid iad do ionadaibh iochdarach na talmhainn.

10 Tuitidh iad le faobhara<sup>a</sup> chlaidheimh; mar chuibhrionn do na sionnachaidh bithidh iad.

11 Ach bithidh an rìgh aoibhneach ann an Dia: ni gach neach, a mhionnuicheas airsan, uaill; 'nuair a dhruidear beul na droinge a labhras breug.

## SALM LXIV.

*Do'n ard fhear-ciùil. Salm le Daibhidh.***E**ISD, a Dhé, ri m' ghuth ann am asluchadh; o eagal an nàmhaid gléidh mo bheatha.

2 Folaich mi o chomhairle dhìomhair droch dhaoine, o choimhchruinn-

<sup>g</sup> daoine beag.<sup>h</sup> daoine

mòra.

<sup>i</sup> le reubainn na

meallar sibh.

<sup>k</sup> ge do bheir

thu.

<sup>l</sup> do thròcair-sa.



eachadh<sup>a</sup> luchd-deanamh na h-eu-  
ceirt;

3 A gheuraich mar chlaidheamh  
an teanga; a dheasaich an saigh-  
dean, eadhon briathra searbh;

4 Chum an tilgeadh ann an ionad-  
aibh dìomhair air an duine ionraic<sup>b</sup>:  
gu h-obann tilgidh iad air, agus cha  
bhi eagal orra<sup>c</sup>.

5 Gabhaidh iad misneach dhoibh  
féin an droch-bheirt; labhraidh iad  
le chéile mu leagadh ribeacha gu  
dìomhair; 'se their iad, Cò a chi  
sinn<sup>d</sup>?

6 Rannsaichidh iad a mach eu-  
cearta; coimhlionaidh iad min-  
rannsachadh; agus sin an taobh a  
stigh do dhuine, eadhon sa' chridhe  
dhomhain.

7 Ach tilgidh Dia saighidh orra-  
san; gu h-obann bithidh iad air an  
lotadh<sup>e</sup>.

8 Agus bheir iad air an teangaidh  
féin tuiteam orra féin: teichidh gach  
neach a chi iad.

9 Agus bithidh eagal air gach  
duine<sup>f</sup>, agus cuiridh iad an céill  
obair Dhé; oir tuigidh iad a  
ghnìomh-san.

10 Ni am firean aoibhneas anns  
an Tighearn, agus cuiridh e a dhò-  
chas ann: agus ni iadsan uile a tha  
ceart nan cridhe gairdeachas.

## SALM LXV.

*Do'n ard fhear-civil. Salm no  
laidh le Daibhidh.*

**O**RTSA, O Dhé, tha moladh a'  
feitheamh ann an Sion, agus  
dhuitse dìolar a' bhàid<sup>g</sup>.

2 O thusa a dh'éisdeas ri h-ùr-  
nuigh, thugadsa<sup>h</sup> thig gach feoil.

3 Thug eucearta<sup>i</sup> buaidh oirnn<sup>k</sup>:  
ar n-eusaontais glanaidh tusa uainn.

4 Is beannuichte esan a thaghas  
tusa, agus a bheir thu am fagus duit;  
gheibh e còmhnuidh a'd' chùiribh:  
sàsuichear sinne le maithreas do  
thighe, do theampuill naomha.

5 Le nithibh uamhasach an ceart-  
as bheir thu freagradh dhuinn, a  
Dhé ar slàinte, dòchas uile chrìocha  
na talmhainn, agus na fairge, fada  
uainn!

6 A tha socrachadh nam beann le  
d'<sup>l</sup> chumhlachd, air do chrìoslach-  
adh le neart<sup>m</sup>;

7 A chaisgeas fuaim fhairgean,  
fuaim an tonn, agus buaireas nan  
cinneach.

<sup>a</sup> cheannairc, ionnsuidh ghairbh, bhu-  
aireas. <sup>b</sup> fhoirfe, ionlan.

<sup>c</sup> cha'n fhaicear iad.

<sup>d</sup> iad.

<sup>e</sup> air am bualadh.

<sup>f</sup> chi na

h-uile dhaoine.

<sup>g</sup> dìolair a'

bhòid [ann an Ierusalem.]

<sup>h</sup> chugadsa.

<sup>i</sup> nithe euceart.

<sup>k</sup> orm.

<sup>l</sup> le a.

<sup>m</sup> treubhantas.

8 Gabhadh eadhon luchd-àiteach-  
aidh nan crìoch fada mach<sup>n</sup> eagal  
roimh do chomharaibh: bheir thusa  
air dol a mach na maidne agus au  
fheasgair gairdeachas a dheanamh.

9 Tha thu a fìosrachadh na tal-  
mhainn<sup>o</sup>, agus 'ga uisgeachadh; ni  
thu ro-bheartach e, oir tha abhuinn  
Dé làn do uisge: deasaichidh tu ar-  
bhar<sup>p</sup>, 'nuair a dh'ulluich thu e mar  
so.

10 Tha thu gu pailte ag uisgeach-  
adh 'iomairean, tha thu a' leagadh  
sìos a sgrioban; le frasaibh ni thu  
tais e, beannuichidh tu 'fhàs.

11 Crùnaidh tu a' bhliadhna le d'  
mhaithreas; agus silidh do cheu-  
man<sup>q</sup> saill.

12 Silidh iad air cluainibh<sup>r</sup> an  
fhàsaich; agus ni na cnuic gaird-  
eachas air gach taobh.

13 Tha na cluainean air an sgead-  
achadh<sup>s</sup> le treudaibh, agus tha na  
glinn air an còmhachadh le h-  
arbhar: ni iad iolach ait; stadh,  
seinnidh iad.

## SALM LXVI.

*Do'n ard fhear-civil. Salm no  
laidh.*

**T**OGAIBH iolach ait do Dhia, a  
threan uile.

2 Seinnibh glòir 'ainne, deanaibh  
a chliu glòrmhor.

3 Abraibh ri Dia, Cia h-uamhas-  
ach t'oibre<sup>t</sup> trid mend do neirt,  
srìochdaidh do naimhde dhuit.

4 Sleuchdaidh gach tìr dhuit, agus  
seinnidh iad dhuit; seinnidh iad do  
t'ainm. Selah.

5 Thigibh, agus faicibh oibre Dé:  
uamhasach tha e na ghnìomharaibh  
air chloinn nan daoine:

6 Thionndaidh e a' mhuir gu ta-  
lamh tioram: troimh 'n t-sruth  
ghabh iad thairis d'an cois. An sin  
rinn<sup>u</sup> sinn gairdeachas ann.

7 Le 'thréin neart riaghluidh e gu  
bràth; amhaircidh a shùilean air na  
cinnich: na h-ardaicheadh luchd-  
ceannairc iad féin. Selah.

8 Beannuichibh, o a shìbigh, ar  
Dia-ne, agus thugaibh air fuaim a  
mholaibh bhi air a cluinntinn;

9 Neach a chumas ar n-anam beo,  
agus nach leig le'r cois carruchadh<sup>v</sup>.

10 Oir dhearbh thu sinn, a Dhé;  
ghlan thu sinn 'san teine, mar a  
ghlanar airtiod.

11 Thug thu steach<sup>w</sup> san lìon sinn;  
chuir thu teinn<sup>x</sup> air ar leasraidh.

<sup>n</sup> luchd-àiteachaidh chrìocha na  
talmhainn. <sup>o</sup> an talmhainn.

<sup>p</sup> arbhar dhoibh.

<sup>q</sup> neoil.

Silidh cluainean.

<sup>s</sup> air an

còmhachadh.

<sup>t</sup> ni.

<sup>u</sup> corruchadh. Eir.

<sup>v</sup> teann-

tachd, àmhghar.

12 Thug thu air daoibh marcachd thar ar cinn, chaidh sinn troimh<sup>a</sup> theine, agus troimh uisge; ach thug thu mach sinn gu h-ionad saibhir.

13 Théid mi do d' thigh le h-lob-airtibh-loisgte: coimhleanaidh mi dhuit mo bhéidean.

14 Leis an d'fhosgladh mo bhilean, agus a labhair mo bheul, 'nuair a bha mi ann an éiginn.

15 Iobairtean-loisgte do *fheudail* reamhar iobraidh mi dhuit, maille ri tuis reitheacha; bheir mi suas buar, maille ri gabhraidh. Selah.

16 Thigibh, éisidibh, sibhse uile air an bheil eagal Dé, agus cuiridh mi 'n céill na rinn e air son m'ama.

17 Ghlaodh mi ris le m' bheul, agus dh'ardaich e le m' theangaidh.

18 Ma bheir mi spéis do euceart a'm' chridhe, cha'n éisd an Tighearna rium.

19 Gu dearbh dh'éisd Dia, thug e an aire do ghuth m'árnuigh.

20 Beannuichte gu robh Dia, nach do thionndaidh m'árnuigh uaithsan, agus a thrécair uamsa!

## SALM LXVII.

*Do'n ard shear-ciùil air Neginot. Salm no laoidh.*

**G**U deanadh Dia trécair oirnn, agus gu beannuicheadh e sinn! agus gu d'thugadh e air a ghnéis dealrachadh oirnn! Selah.

1 Chum gu'n aithnichear do shlighe air an talamh, do shlàinte am measg nan uile chinneach.

3 Moladh na slòigh thu, a Dhé! moladh na slòigh uile thu!

4 Biodh na cinnich aoibhneach, agus deanadh iad luathghaire; oir bheir thusa breth air na slòigh an ceartas, agus riaghluidh tu na cinnich air an talamh. Selah.

5 Moladh na slòigh thu, a Dhé! moladh na slòigh uile thu!

6 Bheir an talamh a thoradh: gu beannuicheadh Dia, ar Dia-ne, sinn!

7 Gu beannuicheadh Dia sinn! agus gu robh 'eagal-san air uile chrìochaibh na talmhainn!

## SALM LXVIII.

*Do'n ard shear-ciùil. Salm no laoidh le Daibhidh.*

**F**IREADH Dia! biodh a naimhdean air an sgapadh! agus teicheadh iadsan aig am bheil fuath dha, o 'ghnùis!

2 Mar a dh'fhuadaichear deatach, fudaichear<sup>b</sup> iad: mar a leaghar céir fa chomhair an teine, sgrìosar droch dhaoine am fianuis Dhé.

3 Ach biodh na fireana aoibhneach; deanadh iad gairdeachas am fianuis Dé, agus biodh iad suilbhir le luaith-ghaire.

4 Seinnibh do Dhia, molaibh 'ainm; ardaichibh esan a ta marcachd air na n-èamhaibh<sup>c</sup> le 'ainm Iah, agus deanaibh gairdeachas na fhianuis.

5 Athair nan dilleachdan, agus breitheamh nam bantrach, is e Dia ann an ionad-còmhnuidh a naomhachd.

6 Suidhichidh Dia na daoine aonarach ann an teaghlach<sup>d</sup>; bheir e mach iadsan a tha ceangailte le cuibhreachaibh; ach gabhaidh na ceannaircigh còmhnuidh ann an tìr thartmhoir<sup>e</sup>.

7 A Dhé, 'nuair a chaidh thu mach roimh do shluagh, 'nuair a dh'imich thu anns an fhàsach. Selah.

8 Chrìochnuich an talamh, shìl mar an ceudna na n-èamha; [leagh na beannta<sup>f</sup>] o làthair Dhé, Sinai sin féin o làthair an Tighearna Dé Israél.

9 Shìl thu nuas uisge gu pailt, a Dhé; air t'òighreachd, agus i sgith, dh'fhurtaich thu.

10 Còmhnuich do choimhthionals innte; dheasaich thu, a Dhé, do d' mhaitheas do'n duine bhòchd.

11 Chuir an Tighearna a ghuth a mach; bu lionmhor cuideachd na muinntir a dh'fhoillsich<sup>h</sup> e.

12 Theich, theich rìghrean nan armailte; agus roinn ise a dh'fhan aig an tigh a' chreach.

13 Ge do luidh sibh am measg choireach<sup>i</sup>, bidhidh sibh mar sgiathaibh columain air an còmhdachadh le h-airgiod, agus 'iteagan le h-òr buidhe.

14 'Nuair a sgaoil an t-Uilechumhachdach rìghrean innte, bha i geal mar shneachda air Salmon.

15 Tha beinn Dhé mar bheinn Bhasan, na beinn ard mar bheinn Bhasain<sup>k</sup>.

16 C'ar son a leumas sibh<sup>l</sup>, a bheannta arda? is i so a' bheinn anns am miann le Dia còmhnuidh a ghabhail, seadh, còmhnuichidh an Tighearna innte gu bràth.

17 Tha carbaid Dhé nam sìthead mìle, le mìtibh do mhìtibh aingle: tha an Tighearna nam measg, mur ann an Sinai, 'san ionad naomha.

18 Chaidh thu suas air ionad ard,

<sup>c</sup> trid nam fàsach.

<sup>d</sup> tigh.

<sup>e</sup> thioraim.

<sup>f</sup> Faic Breith-

eamhna Caib. V. r. 5.

<sup>g</sup> chreutairean beo.

<sup>h</sup> a chuir

an céill.

<sup>i</sup> phota.

<sup>k</sup> Is

beinn mhòr beinn Bhasain, beinn nan airde beinn Bhasain.

<sup>l</sup> dh'amh-

airceas sibh gu h-uabhrach.

<sup>a</sup> trid.

<sup>b</sup> fuadaich thusa.

thug thu bruid<sup>a</sup> am braighdeanas :  
thug<sup>b</sup> thu tiodhlacan do dhaoineibh,  
seadh, eadhon do dhaoineibh ceann-  
airceach, chum gu gabhadh an Tighe-  
earna Dia còmhnuidh nam measg.

19 Beannuichte gu robh an Tighe-  
earn, a tha gach là 'gar cumail suas<sup>c</sup>,  
Dia arslàinte ! Selah.

20 Is e ar Dia-ne Dia na slàinte,  
agus do'n Tighearna Dia buinidh an  
t-slighe o'n bhàs<sup>d</sup>.

21 Ach brisidh Dia ceann a  
naimhde, claigionn greannach an  
fhuir a dh'imeicheas na pheacaibh.

22 Thubhairt an Tighearna, Mar  
o Bhasan bheir mi mo shluagh air an  
ais; bheir mi air an ais iad mar o  
dhoimhneachdaibh na fairge :

23 Chum gu tumar do chos ann  
am fuil do naimhde, teanga do  
mhiadradh anns an nì cheudna.

24 Chunnaic iad do thriall, a  
Dhé ! triall mo Dhé, mo Rìgh, 'san  
ionad naomha !

25 Dh'imich an luchd-seinn air  
thoiseach, an luchd-ciùil nan dèigh,  
am meadhon mhaighdean a' bualadh  
thiompan<sup>e</sup>.

26 Anns na coimhthionalaibh beàn-  
nuichibh Dia, an Tighearn o thobar  
Israeil.

27 An sin tha Benjamin beag<sup>f</sup>  
na uachdaran orra, ceannardan lu-  
dah an luchd-comhairle, ceannardan  
Shebulnir, ceannardan Naphtali.

28 Dh'aithn do Dhia dhuit do  
neart : neartaich, a Dhé, an nì so a  
rinn thu air ar son.

29 Air son do theampuill ann an  
Ierusalem, bheir rìghre tiodhlacadh  
dhuit.

30 Smachduich luchd-nan sleagh<sup>g</sup>,  
mòr chuieachd nan tarbh, le laogh-  
aibh an t-sluaigh, *gus* an strìochd iad  
le mìribh airgid : sgap thusa na  
slòigh a ghabh tlachd do'n chogadh.

31 Thig ard uaislean as an Eiphit ;  
sinidh Etiopia a làmhnan a mach gu  
luath ri Dia.

32 A rìoghachda na talmhainn,  
seinnibh do Dhia ; seinnibh moladh  
do'n Tighearna : Selah.

33 Dhasan a tha marcachd air  
nèamhaibh nan nèamh o chian !  
Feuch, tha e a' cura mach a ghutha,  
gutha neirt.

34 Thugaibh se neart do Dhia :  
thar Israel tha a ghàird, agus tha a  
neart anns na neulaibh.

35 Is uamhasach thusa, a Dhé, o  
d' ionadaibh naomha ! Is e Dia Is-  
racil a bheir neart agus treoir d'a  
shluagh. Gu ma beannuichte Dia !

## SALM LXIX.

Do'n ard fhear-ciùil air Sosanim.  
Le Daibhidh.

TEASAIRG mi, a Dhé, oir  
thàinig na h-uisgeacha steach  
gu ruig m'anam.

2 Tha mi a' dol fodha ann an  
làthaich dhomhain, gun àite gu  
seasamh : tha mi air teachd gu  
doimhneachdaibh nan uisge, agus  
tha'n sruth a' dol tharum.

3 Tha mi sgìth le m'ghlaodhaich,  
tha mo scornan air tiormachadh :  
tha mo shùilean air fàilneachadh le  
feitheamh air mo Dhia.

4 Is lionmhoire na falt mo chinn  
iadsan aigam bheil fuath dhomh gun  
aobhar : tha iadsan air fàs làidir le  
m' b' àill mo mhilleadh, a tha nan  
naimhdeibh dhomh gu h-eucorach ;  
an nì sin nach d'thug mi leam, an  
sin is éigin domh 'aiseag.

5 Tha fios agad-sa, a Dhé, air  
m'amaideachd ; agus cha 'n'eil mo  
lochda folaichte ortsa.

6 Na biodh nàire orra-san air mo  
sgàth-sa, a dh'fheitheas ortsa, a  
Thighearna Dhé nan slògh : na  
biodh amhladh orra-san air mo  
sgàth-sa, a dh'iarras tusa, a Dhé  
Israeil :

7 Oir air do sgàth-sa dh'fhuiling  
mi masladh, chòmhdach amhladh  
mo ghndis.

8 Is coigreach mi do m' bhràith-  
ribh, agus coimheach do chloinn mo  
mhàthar :

9 Oir dh'ith eud do thighe suas  
mi ; agus ormsa thuit toibheum na  
muinntir sin a thug toibheum dhuit-  
se.

10 Agus an uair a dh'irioslaich mi  
m'anam le trosgadh<sup>h</sup>, bha e na  
mhasladh dhomh.

11 Agus rinn mi mo chulaidh do  
shaic-eudach, agus bha mi a'm' leth-  
fhocal<sup>i</sup> aca.

12 Tha iadsan a tha nan suidhe  
anns a' gheatadh a' labhairt a'm'  
aghaidh, agus tha mi a'm' òran aca-  
san a tha 'g òl dibhe làidir.

13 Ach air mo shon-sa, tha m'òr-  
nuigh riutsa, a Thighearn, ann an  
àm taitneach : a Dhé, ann an ìon-  
mhoireachd do thròcaire éisd rium,  
ann am firinn do shlàinte.

14 Saor mi o'n làthaich, agus na  
racham slòs : teasairgear mi uatha-  
san le'm fuathach mi, agus o na  
h-uisgibh domhain.

15 Na rachadh tuil nan uisge thar-  
um, agus na sluigeadh na doimh-  
neachd mi, agus na druideadh an  
slochd a bheul orm !

16 Eisd rium, a Thighearn, oir is  
maith do chàoinhneas gràdhach ;

<sup>h</sup> nuair a ghul mi le trosgadh.

<sup>i</sup> ghnàth-fhocal, fhocal-fochaid.

<sup>a</sup> braighdeanas, braighdean.

<sup>b</sup> fhuair. <sup>c</sup> a dh'uallaicheas sinn

gach là le' thiodhlacaibh. <sup>d</sup> slighe

a' bhàis. <sup>e</sup> thabur. <sup>f</sup> òg.

<sup>g</sup> siadh-bheathach na cuilce. <sup>h</sup> Eabh.

a réir ònmhoireachd do chaomh thròcairean pill rium<sup>a</sup>.

17 Agus na folaich do ghnòis o d' òglach, oir tha mi ann an airc<sup>b</sup>; éisd rium gu grad.

18 Druid ri m'anam, saor e; a bhrìgh m' eascairdean, teasaig mi.

19 Is aithne dhuit mo mhasladh, agus mo nàire, agus mho mhi-chliu: a'd' fhianuis tha mo naimhdean uile.

20 Bhris masladh mo chridhe, agus tha mi iargunach: agus dh'amh-airc mi air son *neach* a ghabhadh truas, ach cha robh e ann; agus air son luchd-comhlhiurtachd, ach cha d'fhuair mi iad.

21 Agus thug iad dhomh, mar mo bhiadh, domblas; agus ann am òt-adh<sup>c</sup>, thug iad dhomh fiou-geur r'a òl.

22 Biodh<sup>d</sup> am bord fa 'n comhair mar ribe, agus an soirbheas mar cheap-tuislidh dhoibh.

23 Dorchaichear an sùilean, chum nach faic iad; agus thoir air an leas-raidh a ghnàth bhi air chrìth.

24 Dòirt r'fhearg orra, agus glacadh do chorruich gheur iad.

25 Biodh an àite-tàimh fàs; nam pàillionaibh na gabhadh neach còmhnuidh!

26 Oir gheur-lean iad an ti a bhuail thusa, agus labhair iad chum doilgheas doibh san a lot thu<sup>e</sup>.

27 Cuir euceart r'an euceart, agus na d' thigeadh iad a steach a'd' fhà-reantachd-sa.

28 Dubh a mach iad a leabhar nam beo, agus maille ris na fireanaibh na scriobhar iad.

29 Ach mise, a ta bochd agus brònach, togadh do shlàinte, a Dhé, an aird mi.

30 Molaidh mise ainm Dé le h-òran, agus ardaichidh mi e le breith-buidheachais.

31 Agus is fearr leis an Tighearna so na damh, na tarbh òg a ta adharach, crobhanach<sup>f</sup>.

32 Chi na daoine sèimh so, agus bithidh aoibhneas orra: sibhse a dh'iarras an Tighearna, bithidh bhur cridhe beo.

33 Oir éisdidh an Tighearna ri bochdaibh, agus cha dean e tàir air a phrìosunaich<sup>g</sup>.

34 Moladh na nèamha agus an t-àmh e; na cuanta, agus gach ni a ghluaiseas annta!

35 Oir saoruidh Dia Sion, agus togaidh e bailtean Iudah; agus gabh-

aidh iad còmhnuidh an sin, agus mealaiddh iad i.

36 Sealbhaichidh sliochd a sheir-bhiseach i, agus gabhaidh iadsan a ghràdhaicheas<sup>h</sup> ainmsan còmhnuidh innte.

## SALM LXX.

*Do'n ard fhear-ciuil, Salm le Dabhlidh, a chuir an cuimhne.*

**A** DHE, chum mo theasaiginn, a Thighearna, chum mo chuid-eachaidh dean deifir<sup>h</sup>.

2 Biodh nàire agus amhluidh orra-san a tha 'g iarraidh m'anama: piller air an ais iad, agus mòr amhluidh gu robh orra-san a tha miannachadh uile dhomh.

3 Gu piller iadsan air an ais<sup>i</sup>, mar thuarasdal d'an nàire, a 'their rium, Aha, aha!

4 Deanadh iadsan uile a tha ga d' iarraidh, aoibhneas agus gairdeachas annad; agus abradh iadsan a ghnàth, le'n toigh do shlàinte, Mòr mholadh gu robh do Dhia!

5 Ach a ta mise bochd agus uir-easbhuidheach; a Dhé, greas a m' ionnsuidh; is tusa mo chabhair agus m'fhear-saoraidh; a Thighearna, na dean moille

## SALM LXXI.

**A** NNAD-SA, a Thighearna, cuir-eam mo dhòigh: nàire na biodh orm am feasd.

2 A'd' cheartas teasaig mi, agus thoir orm dol as; aom do chluas rium, agus saor mi.

3 Bi-sa a'd' charraig làidir<sup>k</sup> dhomh, chum an rachainn a ghnàth: dh'athn thu mi bhi air mo shaoradh; oir is tu mo charraig, agus mo dhaingneach.

4 Ó mo Dhia, thoir fuasgladh dhomh a làimh anaingidh, a làimh an duine eucoraich agus an-ìochd-mhoir.

5 Oir is tusa mo dhòchas, a Thighearna Dhé, mo dhòigh o m'òige.

6 Leatsa chumadh mise suas o'n bhroinn: a h-innibh mo mhàthar bluinn thu mi: ortsa bithidh mo mholadh an còmhnuidh.

7 Mar aobhar iongantais tha mi aig mòran; ach is tusa mo thear-munn làidir.

8 Lionar mo bhenl<sup>l</sup> te d' mholadh, le d' urram-sa gach là.

9 Na tilg uait mi an àm sean aoise; nuair a dh'fhàilnicheas mo neart, na tréig mi.

10 Oir labhair mo nàimhdean a'm' aghaidh; agus ghabh iadsan a tha feitheamh nam fàth air m'anam, comhairle le chèile,

11 Ag ràdh, Thréig Dia e: lean-

<sup>h</sup> cabhag. <sup>i</sup> Aonaranach gu robh iadsan, Faic Salm XL. r. 15.

<sup>k</sup> charraig còmhnuidh.

<sup>a</sup> amhairc orm. <sup>b</sup> teanntachd.

<sup>c</sup> thart, phathadh. <sup>d</sup> Bithidh.

<sup>e</sup> chuir iad ri doilgheas nan daoine a lot thu. <sup>f</sup> ladharach. <sup>g</sup> a dhaoine ceangailte.



aibh e gu teann, agus glacaibh e ;  
oir cha 'n'eil neach ann a suaoras e.

12 A Dhe, na bi-sa fad uam ; O  
mo Dhia, greas gu m' chabhair.

13 Biodh nàire, biodh claoidh, air  
eascairdibh m'anama : còmhdaichear  
le masladh agus le mì-chliu iadsan a  
tha 'g iarraidh m'uile.

14 Ach sìr-earbaidh mise, agus  
cuiridh mi ri d' chliu uile.\*

15 Aithrisidh mo bheul t-fhìreant-  
achd, air feadh an latha do fhàinte ;  
ge nach aithne b' dhonn an àireamh.

16 Thèid mi air m'aghaidh ann  
an neart an Tighearna Dé : nì mi  
sgeul air t-fhìreantachd, t-fhìrean-  
tachd féin a mhàin.

17 O Dhé, theagaisg thu mi o  
m'òige ; agus gu ruige so chuir mi  
t'òibre iongantach an céill.

18 Agus a nis an uair a ta mi sean  
agus liath, a Dhé, na tréig mi ; gus an  
cuir mi an céill do neart do'n àl so,  
do gach àl ri teachd do chumhachd.

19 Agus a ta t-fhìreantachd-sa,  
a Dhé, roard, O thusa a rinn nithe  
mòra : a Dhé, cò is cosmhuil riut ?

20 A nochd dhomh teanntachd an  
mòra agus cruaidh, a bheothaicheas  
mi a ris, agus o dhoimhneachdaibh  
na talmhainn a bheir a nìs mi a  
ris.

21 Meudaichidh tu mo mhòrachd,  
agus air gach taobh bheir thu sòlas  
dhomh.

22 Uime sin molaidh mise thu air  
an t-saltair, seadh t'fhìrinn-sa e, mo  
Dhia ; seinnidh mi dhuit air a' chlàr-  
saich, O Ain naomha Israeil.

23 Nì mo bhilean mòrghairdeachas  
an uair a sheinneas mi dhuit, agus  
m'anam a shaor thu.

24 Labhraidh mar an ceudna mo  
theanga air t'fhìreantachd air feadh  
an latha ; oir chuireadh amhluidh,  
oir chuireadh nàire orra-san a tha  
'g iarraidh m'aimhleis<sup>d</sup>.

## SALM LXXII.

*Air son Sholaimh.*

**A** DHE, thoir do bhreitheanaidh  
do'n rìgh, agus t'fhìreantachd  
do mhac an rìgh.

2 Bheir esan breth air do shluagh  
le fireantachd, agus air do bhochd-  
aibh le ceartas.

3 Bheir na beannta sìth do'n  
t-sluagh, agus na tulaich e.

4 Le ceartas bheir e breth air  
bochdaibh an t-sluagh ; saoraidh e  
clann nan ainis, ach mìn-bhrisidh  
e fear an fhoirneirt.

5 Bithidh t'eagal orra am feadh a

mhaireas a' ghrian agus a' ghealach,  
o linn gu linn.

6 Thig e nuas mar uisge air an  
fhaiche bhuainte, mar fhrasaibh a  
dh'uisgicheas an talamh.

7 Na laithibh-san soirbhichidh  
leis an fhìreang, agus bithidh pail-  
teas sìth ann, gus nach bi a' ghealach  
ann nì's mò.

8 Agus bithidh uachdaranachd aige  
o fhaerge gu làirge, agus o'n abhuinn  
gu ruig crìochaibh na talmhainn.

9 Na fhìlanuis sleuchdaidh sìos  
luchd-còmhnuidh an fhuàsaich, agus  
inlichidh a naimhdean an ùir.

10 Bheir rìghrean Tharsis agus  
nan eilean tiodhlacan uatha ; bheir  
rìghrean Sheba agus Shaba<sup>h</sup> tabh-  
artais dha.

11 Agus sleuchdaidh na h-uile  
rìghre sìos dha ; nì na cinnich uile  
seirbhis dha.

12 Oir saoraidh e ann t-ainnis an  
uair a dh'èigheas e ; agus an truagh-  
an, aig nach 'eil fear-cuideachaidh.

13 Caomhuaidh e am bochd agus  
am feumach ; agus tearnaidh e an-  
ama nam feumach.

14 O fneill agus o fhoirneart saor-  
aidh e ananam ; agus bithidh am  
fuil luachmhor na shùilb.

15 Agus bithidh e beo, agus bheir-  
ear dha do òr Sheba : agus nithear  
ùrnuigh air a shon a ghnàth ; gach  
là beannuichear e.

16 Bithidh dorlach sùl<sup>h</sup> san talamh  
air mullach nam beann ; crathaidh  
mar Lebanon a thoradh ; agus thig  
iadsan do'n bhaile fo bhlàth, mar  
luibh na talmhainn.

17 Bithidh 'ainm-san buan gu sìor-  
ruidh ; comh-mhairionn ris a' ghréin  
bithidh 'ainm-san ; agus ann-san  
beannuichear ua slòigh uile, agus  
beannuichidh iadsan e<sup>h</sup>.

18 Beannuichte gu robh an Tigh-  
earna Dia, Dia Israeil, an ti a mhàin  
a nì nithe iongantach.

19 Agus beannuichte gu robh  
'ainm glòrmhor-san gu sìorruidh,  
agus Ìonar an talamh uile le 'ghlòir !  
Amen, agus Amen !

Chrochnaicheadh ùrnuighean  
Dhaibhidh, mhic Iese.

## SALM LXXIII.

*Salm le Asaph.*

**G**U deimhin tha Dia maith do  
Israel, dhoibhsan a tha glan  
nan cridhe.

2 Ach air mo shonsa, is beag nach  
d'aom mo chosa ; cha mhòr nach do  
shleamhuich mo cheumanna uam.

3 Oir ghabh mi tnu<sup>k</sup> ri h-amad-  
anaibh, ri faicinn soirbheis<sup>l</sup> dhaoine  
aingidh.

<sup>f</sup> maille ris a' ghréin, agus am fianuis  
na gealaich. Eabh. <sup>g</sup> le firean-  
tachd. <sup>h</sup> Seba. <sup>i</sup> bheir iad cliu dha.

<sup>k</sup> farmad. <sup>l</sup> soirbheachaidh.

\* seinnidh mi do chliu nì's mò agus  
nì's mò. <sup>b</sup> oir cha'n aithne. <sup>c</sup> air  
inneal-ciùil na saltair molaidh mise  
t'fhìrinn. <sup>d</sup> m'uile. <sup>e</sup> na tulaich  
fireantachd.

4 Oir cha 'n'eil cuibhrichean nam bàs<sup>a</sup>; ach a ta an neart làidir.

5 Ann an docair mar dhaoineibh eile cha 'n'eil iad; agus mar dhaoineibh eile cha 'n'eil iad air an sàruch-adh.

6 Uime sin mar shlabhraidh chuairtich ardan iad; mar thruscan, chomhdaich foirneart iad.

7 Sheas an sùil a mach<sup>b</sup> le saill; fhuair iad thar miann an cridhe.

8 Tha iad truailidh, agus labhraidh iad gu h-aingidh air foirneart; gu h-ard labhraidh iad.

9 Chuir iad am beul an aghaidh nan nèamh; agus ghluais an teanga air feadh na talmhainn.

10 Air an aobhar sin pillidh a shluagh<sup>c</sup> an so; agus fàisgear uisgeach a cupain làn a mach dhoibh.

11 Agus their iad, Cionnus is aithne do Dhia? agus am bheil eòlas aig an Ti a's airde?

12 Feuch, is iad sin na daoine ainidh, a tha soirbheachadh 'san t-saoghal; tha iad a' carnadh suas beartais.

13 Do rìreadh gu dìomhain ghlan mi mo chridhe, agus nìgh mi mo làmhnan an neo-chionta:

14 Oir bhuaileadh mi air feadh an latha, agus smachdaicheadh mi gach maduinn.

15 Nan abrainn, Labhraidh mi mar so, feuch, air ginealach do chloinne dheanainn eucòir.

16 'Nuair a smaoinich mi air so a thuigsinn, bu chruaidh an gnothuch e ann am shùilibh:

17 Gus an deachaidh mi steach do naomh-ionad Dhé: an sin thuig mi an crìoch-san.

18 Gu deimhin ann an àitibh sleamhna chuir thu iad: thilg thu sìos iad gu sgrios.

19 Cionnusa thugadh iad gu sgrios, mar ann an tiota? a chuireadh as doibh gu tur le h-uamhasaibh?

20 Mar aisling 'nuair a dhùisgeas neach, a Thighearn, anns a' bhaile<sup>d</sup> nì thu tarcuis<sup>e</sup> air an dealbh.

21 Ach bha mo chridhe goirt, agus bha goimh a'm' airnibh.

22 Agus bha mi baòth, agus ain-eolach: mar ainmhidh bha mi a'd' làthair.

23 Gidheadh, tha mi ghnàth maille riut; chum thu suas mi air mo dheas làimh.

24 Le d' chomhairle stiùraidh tu mi, agus fa' dheoidh<sup>f</sup> gabhaidh tu mi chum glòire.

25 Cò th' agam anns na neamh-

aibh ach thusa? agus an coimhmeas riut cha 'n'eil neach air thalamh air am bheil ma dhéigh.

26 Tha m'fheoil agus mo chridhe air fàilneachadh: is e Dia neart mo chridhe agus mo chuibhrionn gu sìorruidh.

27 Oir feuch, sgriosar iadsan a théid fad uait: ghearr thu as gach neach a chaidh le strìopachas uait.

28 Ach is maith dhomh-sa teachd dlùth do Dhia: anns an Tighearna Dia chuir mi mo dhèigh, chum gu foillsichinn t'òibre uile.

## SALM LXXIV.

## Maschil le Asaph

C'AR SON, a Dhé, a thilg thu uait sinn gu bràth? a lasas t'fhearg ri caoraich t'ionaltraidh?

2 Cumhnich do choimhthional, a cheannuich thu o chian, a shaor thu; slat<sup>g</sup> t'òighreachd, beinn Shìoin so anns an do ghabh thu còmhnuidh.

3 Tog do chosa chum nam fàsach sìorruidh, chum nan uile olc a rinn an nàmhaid ann ad ionad naomha.

4 Bheuc do naimhdean am measg do choimhthionail; chuir iad suas am brataichean mar chomharaibh.

5 Bha neach ainmeal mar a thogadh e a thuagh gu h-ard air coille thuingh.

6 A nis mar an ceudna bhris iad sìos 'obair ghearrta<sup>h</sup> le chéile le tuaghaibh agus le h-ordaibh.

7 Chuir iad ri theine t'ionad naomha gu ruig an làr; thruaill iad pàillion t'ainme-sa.

8 Thubhairt iad nan cridhe, Sgriosamaid iad le chéile: loisg iad uile ionada-cruinneachaidh<sup>i</sup> Dhé 'san tìr.

9 Ar comharan cha'n fhaic sinn; cha 'n'eil fàidh ann nì's mò, agus cha 'n'eil neach nar measg aig am bheil fhios cia fad,

10 Cia fad, a Dhé, a bheir an t-eascaraid beum? an dean an nàmhaid tarcuis air t'ainm gu bràth?

11 C'ar son a philleas tu do làmh, do dheas làmh féin air a h-ais? buin a mach o d' bhroilich<sup>j</sup> i<sup>k</sup>.

12 Oir is e Dia mo Rìgh o chian, ag oibreachadh slàinte am meadhon na talmhainn.

13 Sgaoil thusa an fhairge le d' neart; bhris thu cinn nan dràgon<sup>l</sup> air na h-uisgeachaibh.

14 Phronn thu cinn Lebhiatain;

<sup>g</sup> treubh. <sup>h</sup> obair shnaidhte an ionaid-naoimh, a gheatacha.

<sup>i</sup> shionagoga, ionadan-aoraidh.

<sup>k</sup> agus a chumas tu do dheas làmh air a h-ais ann ad bhrollach?

<sup>l</sup> uabheist.

<sup>a</sup> ceanglaichean orra gum bàs.

<sup>b</sup> Tha an sùilean air bòrcadh.

<sup>c</sup> mo shluagh. <sup>d</sup> nuair a mhosglas

tu. <sup>e</sup> dìmeas. <sup>f</sup> na dhéigh sin.

thug thu e marbhiadh do'n t-sluagh anns an fhàsach.

15 Sgoilt thu an tiebairt<sup>a</sup> agus an sruth; thiormaich thu aibhne<sup>b</sup> mòra.

16 Is leatsa an là, mar an ceudna is leatsa an oidhche: is tu dheasaich solus agus grian.

17 Shuidhich thu uile chrìocha na talmhainn; rinn thu an samhradh agus an geamhradh.

18 Cuimhnich so: thug an t-eascaraid beum, a Thighearn, agus rinn sluagh amaideach tarcuis air t'ainm.

19 Na toir suas do'n fhiadhbheathach<sup>c</sup> anam do cholumain<sup>d</sup>: anamanua do dhaoine truagh na di-chuimhnich gu bràth.

20 'Thoir an aire do'n choimhcheangal<sup>e</sup>; oir tha àitean dorcha na tìre làn do ionadaibh-còmhnuidh an l'hoireirt.

21 Na pillear air a'is le nàire an tì a shàruichear: moladh am bochd agus am teumanmach t'ainm.

22 Eirich, a Dhé, tagair do chùis fèin: cuimhuich mar a ta'n t-amadan a' toirt toibheim dhuit gach là.

23 Na di-chuimhnich guth do naimhdean, toirm<sup>f</sup> na muinntir a dh'èirich a't'aghaidh, a tha dol suas an còmhnuidh.

## SALM LXXV.

*Do'n ard fhear-civil, Al-taschit.*

*Salm no laoidh le Asaph.*

**B**HEIR sinn moladh<sup>g</sup> dhuit, a Dhé, bheir sinn moladh: oir gu bheil t'ainm am fagus<sup>h</sup> cuiridh t'òibre iongantach an céill.

2 'Nuair a ghlacas mi an t-àm suidhichte<sup>i</sup>, bheir mi breth le ceartas.

3 Sgaoileadh an tìr agus a luchd-àiteachaidh gu léir: cumaidh mise suas a puist. Selah.

4 Thubhairt mi ris na h-amadan-aibh, Na bidhibh amaideach; agus ris na h-aingidh, Na togaibh suas bhurn-adharc.

5 Na togaibh suas bhurn-adharc gu h-ard; na labhraibh le muineal cruaidh.

6 Oir cha'n ann o'n ear, no o'n iar, no o dheas a thig ardachadh.

7 Ach is e Dia am Breitheamh: leagaidh e sìos am fear so, agus ard-aichidh e am fear sin.

8 Oir tha cupan<sup>k</sup> an làimh an Tighearna; agus tha am fion dearg: làn coimeisg tha e, agus ddirtidh e

<sup>a</sup> tobar. <sup>b</sup> aibhne. <sup>c</sup> do mhòr chuideachd nan aingidh.

<sup>d</sup> an tì a bheir aoradh dhuit. <sup>e</sup> do d' choimhcheangal.

<sup>f</sup> bruidheann. <sup>g</sup> buidheachas. <sup>h</sup> gu bheil thu am fagus.

<sup>i</sup> an coimhthional. <sup>k</sup> copan.

cùid as: ach a dheasgainean! fàisgidh agus òlaidh uile dhaoine aingidh na talmhainn.

9 Ach ni mise gairdeachas<sup>m</sup> gu bràth; seinnidh mi moladh do Dhia Iacoib.

10 Agus sgathaidh mi sìos uile adharca nan aingidh: ardaichear adharcan an fhìrean.

## SALM LXXVI.

*Do'n ard fhear-civil air Neginot.*

*Salm no laoidh le Asaph.*

**A**ITHNICHEAR Dia ann an Iudah; ann an Israel tha t'ainm mòr:

2 Agus ann an Salem tha a phàill-lìnn, agus 'ionad-còmhnuidh ann an Sion.

3 An sin bhris e saighdean a' bhogha, an sgiath, agus an claidheamh, agus an cath<sup>n</sup>. Selah.

4 Is alloil<sup>o</sup> thusa, is glòrmhor thu os cionn bhànn na creiche.

5 Chreachadh iadsan a bhà mis-neachail an cridhe; choidil iad an codal, agus cha d'fhuair na daoine treuna gu léir an làimha.

6 Le d'achmhàsan, a Dhé Iacoib, chuireadh aràon am marcach agus an t-each<sup>p</sup> nan suain.

7 Is cùis eagail thu-sa, eadhon thusa: agus cò sheasas a'd' làthair an uair a bhios fearg ort?

8 Thug thusa air breitheanas gu'n cualadh o nàmh e: bha eagal air an talmh, agus bha e na thàmh;

9 An uair a dh'èirich Dia chum breitheanais, a shaoradh uile dhaoine ciuine na talmhainn. Selah.

10 Gu cinnteach bheir fearg duine moladh dhuit: fuigheall na feirge coisgidh tu.

11 Bòidichibh, agus locaibh do'n Tighearna bhur Dia: thugadh iadsan uile a ta m'a thimchioll tiodhlacà dha-san a's aobhar eagail ann?

12 Sgathaidh e sìos spiorad nachd-arana: is cùis eagail e do righribh na talmhainn.

## SALM LXXVII.

*Do'n ard fhear-civil, do Iedutun.*

*Salm le Asaph*

**L**E m'ghnuth dh'èigh mi ri Dia, le m'ghnuth dh'èigh mi ri Dia, agus dh'èisd e rium.

2 Ann an là mo theinn dh'iarr mi an Tighearn; shìneadh mo làmh a mach<sup>p</sup> 'san oidhche gun sgur; dhiùlt m'anam sòlas a ghabhail.

<sup>1</sup> dheasgaidh. <sup>m</sup> cuiridh mise an céill. <sup>n</sup> agus claidheamh a' chòmhraig.

<sup>o</sup> urramach. <sup>p</sup> marcaich nan each; luchd-nan carbad-cogaidh, agus nan each.

<sup>q</sup> shìl mo shùil, ruith mo leòn.

3 Chuimhnich mi air Dia, agus bha mi fo bhuairas<sup>a</sup>; rinn mi gear-an, agus chlaoidheadh mo spiorad. Selah.

4 Chum thu mo shùilean nam fair-eachadh; tha mi iargunach, agus cha'n urrainn mi labhairt.

5 Smuainich mi air na laithibh o shean, air bliadhnaibh na h-aimsir chéin.

6 Chuimhnich mi mo cheòl<sup>b</sup> 'san oidhche; rinn mi cainnt ri m' chridhe féin, agus rannsaich mo spiorad gu geur:

7 An tilg an Tighearn uaith gu bràth? agus nach nochd e a dheagh-ghean ni's mò?

8 An do sguir a chaoimhneas an feasd? an d'fhàilnich 'fhocal o linn gu linn?

9 An do dhearmaid Dia a bhi gràsmhor? an do dhruid e na chor-ruich a chaomh-thrèairean? Selah.

10 An sin thubhairt mise, *Is e so m'anmhuinneachd: is e caochladh deas làimhe<sup>c</sup> an Ti a's airde a th'ann.*

11 Cuimhnichidh mi oibre an Tighearna; gu deimhin cuimhnichidh mi t'iongantais o'n aimsir chéin.

12 Agus beachd-smuainichidh mi air 'oibribh gu léir, agus air do ghnìomharaibh labhraidh mi.

13 *Tha do shlighe, a Dhé, 'san ionad naomha<sup>d</sup>: cò a ta na Dhia mòr mar ar Dia-ne?*

14 *Is tusa an Dia a tha dèanamh nithe iongantach: thaisbein thu am measg nan sluagh do neart.*

15 Shaor thu le d' ghairdean do shluagh, mic e Iacoib agus Ioseiph. Selah.

16 Chunnaic na h-uisgeachan thu, a Dhé? chunnaic na h-uisgeachan thu; bha eagal orra, seadh, ghluais-eadh<sup>f</sup> na doimhneachda.

17 Dhuirt na neoil a nuas uisge, thug na speura fuaim; mar an ceudna chaidh do shaighdean a mach.

18 *Bha guth do thairneanaich 'san speur; shoillsich do dhealanaich an saoghal; ghluais-eadh agus chrìochnaich an talainn.*

19 'San fhairge bha do shlighe, agus do cheumanna anns na h-uisgibh mòra; agus cha d'aithnich-eadh luirg do chos.

20 Threòraich thu mar threud do shluagh, le làimh Mhaois agus Aaroin.

## SALM LXXVIII.

*Maschil le Asaph.*

EISDIBH, O mo shluagh, ri m' reachd, aomaibh bhur cluas chum bhriathar mo bhéil.

2 Fosgailidh mi mo bheul ann an cosanhlachd; cuiridh mi sean-fhocail dhorchas an céill:

3 A chuala sinn, agus a b'aithne dhuinn, agus a dh'innis ar n-aithriche dhuinn.

4 Cha cheil sinn air an cloinn iad, a' foillseachadh cliu an Tighearna do'n àl a ta ri teachd, agus a neart, agus 'oibre iongantach a rinn e:

5 Oir chuir e suas teistean<sup>h</sup> ann an Jacob, agus shuidhich e lagh ann an Israel, a dh'àithn e d'ar n-aithrichibh gu'n deanadh iad aithnichte d'an cloinn;

6 Chum gu'm biodh fios aig an àl ri teachd orra, gu'n éireadh a chlann a bheirteadh, agus gu'n cuireadh iad an céill iad d'an cloinn féin;

7 Agus gu'n cuireadh iad an dòchas ann an Dia, agus nach di-chuimhnich-eadh iad oibre Dhé, ach gu'n gleidheadh iad 'aithheanta<sup>i</sup>;

8 Agus nach bitheadh iad mar an aithriche, han ginealach reasgach<sup>k</sup> agus ceannairceach, ginealach nach do shuidhich an cridhe gu ceart, agus aig nach robh an spiorad tairis do Dhia.

9 Ge do bha clann Ephraim fo'n armaibh, agus ge do thilgeadh iad le bogha, phill iad air an ais ann an latha catha.

10 Cha do ghléidh iad coimh-cheangal Dhé, agus dhiùlt iad im-eachd na reachd.

11 Agus dhi-chuimhnich iad 'oibre, agus 'iongantais a nochd e dhoibh.

12 An làthair an aithriche rinn e nithe iongantach, ann an ùr na h-Eiphit, ann am machair Shoain.

13 Sgoilt e an fhairge, agus thug e iadsan thairis; agus thug e air na h-uisgeachaibh seasamh mar thorr.

14 Agus stiuir e iad le neul 'san latha, agus air feadh na h-oidhche le solus teine.

15 Sgoilt e na creagan 'san fhàsach, agus thug e deoch dhoibh, mar a doimhneachdaibh mòra.

16 Agus thug e srutha a mach as a' charraig, agus thug e air uisgibh ruith sìos mar aibhnibh.

17 Gidheadh pheacaich iad fathast ni's mò na aghaidh, a' brosnachadh an Ti a's airde 'san fhàsach.

18 Agus bhuair iad<sup>l</sup> Dia nan

<sup>a</sup> mhi-shuaimhneas. <sup>b</sup> mo dhàn. <sup>c</sup> ach cuimhnichidh mi bliadhnan deas làimhe. <sup>d</sup> an naomhachd. Eabh. <sup>e</sup> clann, sliochd, <sup>f</sup> chrìochnuich.

<sup>g</sup> sgeula o'n t-sean aimsir. <sup>h</sup> fianuis. <sup>i</sup> a àitheantan. <sup>k</sup> eascaoin, fear, eas-umhal. <sup>l</sup> dhearbha, dh'fheuch, chuir iad cathachadh air



crìdhe, ag iarraidh bìdh d'am miann.

19 Seadh, iabhair iad an aghaidh Dhé; thubhairt iad, An urrainn Dia borda dheasachadh 'san fhàsach?

20 Feuch, bhuail e a' chreag, agus bhrùchd uisgeacha mach, agus dh'èirich na tuilte: an urrainn e mar an ceudna aran a thabhairt? an deasaich e feoil d'a shluagh?

21 Uime sin chual an Tighearn, agus bha corruich air; agus las teine an aghaidh Iacoib, agus mar an ceudna dh'èirich fearg an aghaidh Israeil:

22 A chionn nach do chreid iad ann an Dia, agus nach d'earb iad as a shlàinte?

23 Ge d' dh'àithn e do na neul-aibh o'n airde, agus ge d'a dh'fhosgail e dorsa nan nèamh:

24 Agus ge do fhras e nuas mana orra r'a itheadh, agus ge do thug e dhoibh coirc nan nèamh.

25 Dh'ith daoine biadh nan aing-eal: thug e dhoibh an sàth do lòn.

26 Thug e air gaoith an ear im-eachd na nèamhaibh, agus le a neart thug e stigh a' ghaoth a deas.

27 Agus fhras e nuas feoil orra mar dhuslach<sup>a</sup>, agus eunlaith iteagach<sup>b</sup> mar ghaineamh na fairege.

28 Agus thug e orra tuiteam am meadhon an campa, mu thimchioll an àitean-còmhnuidh.

29 Agus dh'ith iad, agus làn-shàs-vicheadh iad; oir thug e dhoibh am miann fein.

30 Cha robh iad air an sgarachduinn o am miann: fathast bha am biadh nam beul.

31 An sin thàinig fearg Dhé orra, agus mharbh e iadsan bu shult-mhoire<sup>c</sup> dhinbh, agus leag e sìos daoine taghta Israeil.

32 An déigh so gu léir pheacaich iad fathast, agus cha do chreid iad air son 'oibre iongantach-san.

33 Uime sin chaith e an laithean ann an dìomhanas, agus am bliadhn-acha ann an uamhas<sup>d</sup>.

34 'Nuair a mharbh e iad, an sin dh'iarr iad e, agus phill iad, agus bha iad gu moch ag iarraidh Dhé<sup>e</sup>;

35 Agus chuimhnich iad gu'm b'e Dia an carraig, agus an Dia a's airde am fear-saoraidh.

36 Ach rinn iad mìodal ris le'm beul, agus rinn iad breug dha le'n teagaidh:

37 Oir cha robh an crìdhe ceart maille ris, agus cha robh iad dileas<sup>f</sup> na choimhcheangal.

38 Gidheadh gu h-ìochdmhor mhaith esan an lochd, agus cha do sgrios e iad; seadh, iomadh uair thionndaidh e 'fhearg uaith, agus cha do dhùisg e a chorruich uilè;

39 Oir chuimhnich e nach robh annta ach feoil; osag gaoithe a shiubhlas, agus nach pill a ris.

40 Cia tric a bhrosnuich iad e anns an fhàsach, a chuir iad campar air anns an ionad uaigneach?

41 Seadh, phill iad air an ais, agus bhuair<sup>g</sup> iad Dia, agus chuir iad tomhas air Aon naomha Israeil.

42 Cha do chuimhnich iad a làmh, no'n là air an do shaor e iad o'n nàmhaid<sup>h</sup>;

43 Mar a nochd e a chomharan anns an Eiphit, agus 'oibre iongantach ann am machair Shoain;

44 Agus a thionndaidh e an uisgeacha gu fuil, agus an sruha, air chor as nach feudta òl diubh;

45 A chuir e nam measg iomadh gné chuileag<sup>i</sup>, a dh'ith suas iad, agus losgann a sgrios iad;

46 A thug e an toradh do'n bhuir<sup>k</sup>, agus an saothar do'n locust;

47 A mhill e an cìoinn-fhìona le cloich-mheallain, agus an cìoinn-fhìge<sup>l</sup> le reodhadh;

48 Agus a thug e thairis am feudail<sup>m</sup> do'n chloich-mheallain, agus an treuda do'n tein-athair;

49 A thilg e orra teas 'fheirge, boile<sup>n</sup>, agus corruich, agus teinn, le aingil olc a chur nam measg;

50 A rinn e sli<sup>o</sup> he d'a fheirg, nach do chaomhain e an anam o'n bhàs, ach a thug e thairis am beatha do'n phlàigh;

51 Agus a bhuail e gach cend-ghin 'san Eiphit, toiseach an neirt ann am pàillionaibh Ham;

52 Ach a thug e mach mar chaor-aich a shluagh féin, agus a thredraich e iad mar threud ains an fhàsach;

53 Agus a stiur e iad gu tèaruinte, air chor as nach robh eagal orra, ach a chòmhdaich an fhaige an naimhdean;

54 Agus a thug e iad gu crìch 'ionaid naomha-san, do'n t-sliabh so a choisinn a dheas làmh;

55 Agus a thilg e mach na cinnich rompa, agus a roinn e oighreachd dhoibh<sup>o</sup> le crannchur, agus a thug e air treubhaibh Israeil còmhnuidh a ghabhail nam pàillionaibh-san.

56 Gidheadh bhuair agus bhros-

<sup>g</sup> bhrosnuich.

<sup>h</sup> o theinn.

<sup>i</sup> chonachuilag.

<sup>k</sup> cater-

<sup>l</sup> piller. Sasg. hasil. Eabh.

<sup>m</sup> sicomoir.

<sup>n</sup> an crodh, an

<sup>o</sup> ainmhidhean.

<sup>p</sup> buile.

<sup>q</sup> a roinn e am fearann dhoibh.

<sup>a</sup> luaithre.

<sup>b</sup> sgiathanach.

<sup>c</sup> a b'fhearr, bu làidire.

<sup>d</sup> carroid, cabhaig.

<sup>e</sup> a' teachd

gu moch a dh'ionnsuidh Dhé.

Laingean, seasmhach.

nuich iad an Dia a's airde, agus cha do ghlèidh iad a theisteis.

57 Ach phill iad, agus ghluais iad gu fealltach, mar an aithriche; chaidh iad a thaoibh, mar bhogha fiar<sup>a</sup>;

58 Agus bhròsnuich iad e le'n ion-adaibh arda, agus le'n dealbhaibh gearra dhùisg iad e gu h-eud.

59 Chuala Dia, agus bha fearg air, agus ghabh e gràin mhòr do Israel.

60 Agus thrèig e pàillion Shilo, am bùth<sup>b</sup> a shuidhich e am measg dhaoine.

61 Agus thug e suas a neart gu braighdeanas, agus a ghlòir do làmh an nàmhaid.

62 Agus thug e thairis a shluagh do'n chlàidheamh, agus ghabh e fearg r'a oighreachd.

63 Loisg an teine an òigridh, agus cha d'fhuair an òighean pòsadh<sup>c</sup>.

64 Thuit an sagairt leis a' chlàidheamh, agus cha d'rinn am bantraich bròn.

65 An sin mhosgail an Tighearna mar neach a bha na chodal, mar churaidh a nà iolach an déigh dhà sion òl.

66 Agus bhuail e a naimhdean nan deireadh; thug e masladh bith-bhuan dhoibh.

67 Agus dhiùlt e pàillion Ioseph, agus cha do thagh e treubh Ephraim.

68 Ach thagh e treubh Iudah, sliabh Shioin a ghràdhaich e.

69 Agus thog e 'ionad<sup>d</sup> naomha féin mar luchairt ard, mar an talamh<sup>e</sup> a shuidhich e gu bràth.

70 Agus thagh e Daibhidh 'òg-lach, agus thug se e o chrò nan caorach.

71 O bhi 'n déigh nan caorach a bha trom le h-àl, thug se e a bheathachadh Iacoib a shluaigh, agus Israeil 'oighreachd.

72 Agus bheathaich e iad a réir ionracais a chridhe; agus le seòltachd a làmh stiuir e iad.

SALM LXXIX.

*Salm le Asaph.*

**A**DHE, thàinig na cinnich a steach do d' oighreachd; thruaill iad do theampull naomha; dh'fhàg iad Ierusalem na carnaibh.

2 Thug iad cuirp do sheirbhiseach mar bhiadh do eunlaith nan speur, feoil do naomh do fhiadh bheathaichibh na talmhainn.

3 Dhèirt iad am fuil mar uisge timchioll Ierusalem, agus cha robh neach gu'n adhlacadh.

<sup>a</sup> claoch, mèaltach, cealgach.

<sup>b</sup> am pubull, an t-ionad-còmhnuidh.

<sup>c</sup> cha do mholadh an òighean.

<sup>d</sup> a ionad.

<sup>e</sup> ann an ionad

ard, air an talamh.

4 Tha sinn nar masladh d'ar coimhearsnachaidh, nar n-aobhar fanoid agus magaidh dhoibh-san, a tha mu'n cuairt oirnn.

5 Cia fhad, a Thighearna, a bhios fearg ort? gu bràth an las t'eud, mar theine?

6 Dèirt do chorruidh air na cinnich aig nach 'eil còlas ort, agus air na rìoghachdaibh nach gairm air t'ainm.

7 Oir chuir iad as do<sup>f</sup> Iacob, agus rinn iad 'àite-còmhnuidh na fhàsach.

8 Na cuimhnich thusa nar n-aghaidh ar n-eucearta roimhe so<sup>g</sup>; gu luath gabhadh do thròcairean romhainn; oir thugadh gu ro-lòsal sinn.

9 Cuidich leinn, a Dhé ar slàinte, air sgàith glòire t'ainme; agus teas-air sinn, agus glan ar peacaidh uainn air sou t'ainme féin.

10 C'ar son a theireadh na cinnich, C'ait am bheil an Dia? aithnich-e ar am measg nan cinneach fa chomhair ar sùl dìoghaltas fola<sup>h</sup> do sheirbhiseach, a dhòirteadh!

11 Thigeadh osnaich a' phrìosunaich a'd<sup>i</sup> làthair, a réir meud do neirt<sup>i</sup>; saor thusa iadsan a dh'òrd-ducheadh clum bàis<sup>k</sup>.

12 Agus dìol d'ar coimhearsnachaidh a sheachd uiread nam brollach, am masladh leis an do mhasluich iad thusa, a Thighearna.

13 Agus molaich sinne do shluagh, agus caoraich t'ionaltraidh, thusa gu bràth: o linn gu linn cuiridh sinn an cèill do chliu.

SALM LXXX.

*Do'n ard fhear-ciùil air Sosanm Edut. Salm le Asaph.*

**O**AODHAIRE<sup>1</sup> Israeil, éisd, thusa a stiùireas Ioseph mar threud, thusa a tha d' chòmhnuidh eadar na cheruban, dealraich a mach.

2 An làthair Ephraim, agus Bheniamin, agus Mhanaseh, dùisg do chumhachd, agus thig gu'r saoradh.

3 Pill sinn, a Dhé; agus thoir air do ghnùis dealrachadh, agus saorar sinn.

4 A Thighearna Dhé nan slògh, cia fhad a bhios fearg ort ri àrnuigh do shluaigh?

5 Thug thu dhoibh aran nan deur r'a itheadh, agus thug thu dhoibh deoir r'an òl an pailteas.

6 Rinn thu sinn nar n-aobhar stri

<sup>f</sup> dh'ith iad suas, mhill iad.

<sup>g</sup> ar seann pheacanna.

<sup>h</sup> aith-

nichear esan am measg nan cinneach nar sealladh féin le dìoghaltas a ghabhail air fuil.

<sup>i</sup> do ghairdein.

Eabh.

<sup>k</sup> mis a' bhàis.

<sup>l</sup> bhuachaille.

d'ar coimhearsnachaidh; agus n'ar n-eascairdean gàire-fanoid umainn.

7 A Dhé nan slògh, pill sinn; agus thoir air do ghnùis dealrachadh, agus saorar sinn.

8 Thug thu fionain<sup>b</sup> as an Eiphit; thilg thu mach na cinnich, agus shuidhich thu i.

9 Réitich thu àite fa comhair, agus thug thu oirre freumhachadh gu daingean, agus lìon i an tìr.

10 Chòmhdaicheadh<sup>c</sup> beannta le a agail agus le a geugaibh seudair arda<sup>d</sup>.

11 Chuir i mach a meoir gu ruig a' mhuir, agus a meanglain<sup>e</sup> gu ruig an abhuinn.

12 C'ar son a bhris thu sìos a ballacha-dìonaidh<sup>f</sup>, air chor as gu bheil uile luchd-gabhail na slighe 'ga splonadh?

13 Tha an torc as a' choille 'ga fàsachadh, agus tha fiadh-bheathach na macharach 'ga h-itheadh suas.

14 A Dhé nan slògh, pill, guidheam-aid ort; amhairc a nuas o nèamh, agus faic, agus fiosraich an fhionain so;

15 Agus am fion-lìos a shuidhich do dheas-làmh, agus am meanglan a neartaich thu dhuit féin.

16 Loisgeadh i le teine, ghearradh sìos i: le achmhasan do ghnùise sgriosar iad.

17 Bìodh do làmh air fear do laimhe deise, air mac an duine a neartaich thu dhuit féin.

18 An sin cha phill-sinn air ar n-ais uait: beothaich sinn, agus gairmidh sinn air t'ainm.

19 A Thighearna Dhé nan slògh, pill sinn, thoir air do ghnùis dealrachadh, agus saorar sinn.

## SALM LXXXI.

Do'n ard dhearbhadh air Gitit.

Salm le Asaph.

SEINNIBH gu h-ait do Dhia, ar neart; togaibh iolach do Dhia Iacoib.

2 Glacaibh salm, agus thugaibh tiompan leibh; a' chlàrsach bhinn maille ris an t-saltair.

3 Anns a' ghealaich nuaidh<sup>b</sup> séidibh an trompaid, anns an àm shuidhichte, air latha ar féille.

4 Oir bu reachd so do Israel, riaghailt le Dia Iacoib.

5 Mar fhianuis shuidhich se e ann an Joseph, an uair a thàinig e mach a tìr na h-Eiphit, far an cual e cainnt nach do thuig e<sup>1</sup>.

<sup>a</sup> leo féin.

<sup>b</sup> sineamhuin,

crann-fiona.

<sup>c</sup> Chòmhdaich.

<sup>d</sup> bha a geugan mar sheudair arda.

<sup>e</sup> geugan.

<sup>f</sup> a callaidean.

<sup>g</sup> Agus daingnich an nì a shuidhich do dheas làmh; [eadhon air son mic an duine, a neartaich thu dhuit féin.]

<sup>h</sup> nomha.

<sup>i</sup> chuala mi teanga

nach do thuig mi.

6 O'n callaich thug mi as a ghuala: o na potaibh<sup>k</sup> shaoradh a làmh.

7 Ann an teinn ghairm thu, agus shaor mi thu; fhircagair mi thu ann an ionad dìomhair na tairneanaich: dhearbha mi thu làimh ri uisgibh Mheribah. Selah.

8 Eisd, O mo shluagh, agus bheir mi fianuis dhuit; O Israel, ma dh'éisdeas tu rium;

9 Cha bhì Dia coigreach annad<sup>l</sup>, agus cha chrom thu sìos do dhia coimheach.

10 Is mise an Tighearna do Dhia, a thug a nìos thu a tìr na h-Eiphit: fosgail do bheul gu farsuing, agus lìonaidh mise e.

11 Gidheadh cha d'éisd mo shluagh ri m' ghuth, agus cha do ghabh Israel rium.

12 Uime sin thug mi thairis iad do anamhiann an cridhe féin; dh'imich iad nan comhairle féin.

13 O nach éisdeadh mo shluagh rium! nach imicheadh Israel a'm' shligibh!

14 Gu luath leagainn sìos an eascairdean, agus thionndaidhinn mo làmh an aghaidh an naimhdean.

15 Bheireadh luchd-fuath an Tighearna ùmhlachd dhà: ach mhair-eadh an aimsir-san gu bràth.

16 Agus bheathaichidh e iad le smior a' chruineachd: agus le mìl o'n charraig slàsuichinn thu<sup>m</sup>.

## SALM LXXXII.

Salm le Asaph.

THA Dia na sheasamh ann an coimhthional nan cumhachdach<sup>n</sup>: am measg nan dé bheir e breth.

2 Cia fhad a bheir sibh breth gu h-eucorach, agus a ghabhas sibh ri gnùis<sup>o</sup> dhaoine aingidh? Selah.

3 Deanaibh ceartas do'n bhocht agus do'n dilleadhan; cumaidh coir ris an truaghan<sup>p</sup> agus ris an fheumach.

4 Teasairgibh am bochd agus an t-ainnis; as làimh nan aingidh saoraidh iad.

5 Cha 'n'eil eòlas no tuigse aca; ann an dorchadas gluaisidh iad: tha uile bhunaitean na talmhainn air chrith<sup>q</sup>.

6 Thubhairt mi, Is dée sibh, agus is mic sibh uile do'n Tì a's airde.

7 Ach gheibh sibh bàs mar dhaoine, agus tuigidh sibh mar aon do na h-uachdaranaibh.

8 Eirich, a Dhé, thoir breth air

<sup>k</sup> o shoithichibh-giùlan na creadha.

<sup>l</sup> agad.

<sup>m</sup> slàsuicheadh e

iad.

<sup>n</sup> 'san ard choimhthional.

<sup>o</sup> pearsa.

<sup>p</sup> an duine chràite.

<sup>q</sup> air an carruchadh.

an talamh; oir sealbhaichidh tu na h-uile chinnich mar oighreachd.

SALM LXXXIII.

*Laoidh no Salm le Asaph.*

**A** DHE, na bi a'd' thosd; na bi sàmhach, agus na bi a'd' thàmh, a Dhé:

2 Oir feuch, tha do naimhdean ri buaireas; agus thog iadsan le'm fuathach thu, suas an cinn.

3 An aghaidh do shluaigh gu cuilbheartach dhealbhiad olc<sup>a</sup>, agus ghabh iad comhairle le chéile an aghaidh do mhuinntir dhìomhair.

4 Thubhairt iad, Thigibh, agus gearramaid as iad o bhi nan cinn-each, chum nach cuimhnichear ainm Israeil ni's mò:

5 Oir le h-aon inntinn ghabh iad comhairle le chéile, a't' aghaidh-sa rinn iad coimhcheangal.

6 Pàilliana Edoim agus na h-Is-maelich, Moab agus na Hagaraich,

7 Gebal, agus Amon, agus Amalec, na Philistich maille ri luchd-àiteachaidh Thior<sup>b</sup>.

8 Mar an ceudna dhlùth-lean Asur riu: bu chòmhlanadh iad do chloinn Lot. Selah.

9 Dean orra mar air Midian, mar air Siserà, mar air Iabin, aig sruth Chisoin;

10 A sgriosadh aig Endor, a rinn-eadh mar aclach do'n talamh.

11 Dean an ard uaislean<sup>c</sup> mar Oreb, agus mar Sheeb, agus an uachdarain gu léir mar Sheba, agus mar Shalununa;

12 A thubhairt, Glacamaid dhuinn féin mar oighreachd àiteacha-còmhnuidh Dhé.

13 O mo Dhia, dean iad mar roth<sup>d</sup>, mar asbhuairean roimh'n ghaoith.

14 Mar a loisgeas teine a' choille, agus mara chuireas lasair na beannta ri theine;

15 Mar sin dean thusa tdrachd orra le d' dhoiminn, agus le d' iomaighaoith cuir uamhann orra.

16 Lion an eudan le masladh, chum gu'n iarr iad t'ainm, a Thighearn.

17 Biodh amhludh agus bnaires orra gu bràth; seadh, glacadh nàire iad agus sgriosar iad:

18 Chum gu'm bi fhios aig daoineibh gur tusa mhàin, d'an ainm le-hobhlah, an Ti a's airde os cionn na talmhainn uile.

SALM LXXXIV.

*Do'n ard fhear-ciùil air Gitit.*

*Salm air son mhic Chorah.*

**C**IA so-ghràdhach do phàilliona, a Thighearna nan slògh!

<sup>a</sup> ghabh iad comhairle cuilbheartach. <sup>b</sup> Thiruis. <sup>c</sup> iad féin agus an ard-uaislean.

<sup>d</sup> mar mholh air iomain mu'n cuairt.

2 Tha m'anam a' miannachadh, seadh, eadhon a' fannachadh<sup>e</sup> le déigh air cùirtibh an Tighearna: tha mo chridhe agus m'fheoil ag éigheach gu h-ard air son an Dè bheo.

3 Flutair eadhon an gealbhonn tigh, agus an gobhlán-gaoithle nead dh'i féin, anns an cuireadh i a h-àlach; t'altairean-sa<sup>f</sup>, a Thighearna nan slògh, mo Dhia, agus mo Rìgh.

4 Is beannuichte iadsan a tha nan còmhnuidh a'd' thigh-sa: molaidd iad thu a ghnàth. Selah.

5 Is beannuichte an duine sin aig am bheil a neart annad-sa, agus iadsan aig am bheil do shlighean<sup>g</sup> nan cridhe.

6 A' dol trid ghlinn Baca<sup>h</sup>, ni iad sin tobar<sup>i</sup> ann: lionaidh mar an ceudna an t-uisge na linnte.

7 Imichidh iad o neart gu neart; nochdar gach aon diubh an làthair Dhé ann an Sion.

8 A Thighearna Dhé nan slògh, cluinn m'òrnugh; éisd, a Dhé Iacoib. Selah.

9 A Dhé, ar sgiath, faic, agus amhairc air gnùis t'Aoin ungta:

10 Oir is fearr là a'd' chùirtibh na mìle: b'fhearr learn a bhi ri dorsaireachd ann an tigh mo Dhé, na bhi'm chòmhnuidh ann am pàillionaibh aingidheachd:

11 Oir is grian agus is sgiath an Tighearna Dia, agus bheir an Tighearna gràs agus glòir; cha chum e maith air bith uath-sa a ghluaiseas gu h-ionraic.

12 A Thighearna nan slògh, is beannuichte an duine a chuireas a dhòigh annad-sa.

SALM LXXXV.

*Do'n ard fhear-ciùil. Salm air son mhic Chorah.*

**B**HA thusa baigheil, a Thighearna, ri d' thìr: thug thu air ais braighdeanas<sup>k</sup> Iacoib.

2 Mhaith thu<sup>l</sup> cionta do shluaigh; dh'fholuich thu am peacadh uile. Selah.

3 Choisg thu do chorruich uile; thionndaidh thu o fhraoch t'fheirge.

4 Pill sinn, a Dhé ar slàinte, agus tog t'fhearg dhinn.

5 Gu bràth am bi corruich ort ruinn? an sin thu t'fhearg o linn gu linn?

<sup>e</sup> a' laguchadh, air a chlaoidh, meata. <sup>f</sup> làimh ri t'altairibh-sa.

<sup>g</sup> Is beannuichte an sluagh sin aig am bheil an neart annad-sa, aig am bheil do shlighean. <sup>h</sup> ghlinn nan deur, ghlinn a' bhròin.

<sup>i</sup> òlaidh iad do thobar.

<sup>k</sup> braighdean.

<sup>l</sup> thug thu air falbh.



6 Nach ath-bheothaich thu sinn? chum gu dean do shluagh gairdeachas annad?

7 Nochd dhuinn, a Thighearna, do thròcair, agus deònuich dhuinn do shlàinte.

8 Cluinnidh mi ciod a their Dia an Tighearna: oir labhraidh e sìth r'a shluagh, agus r'a naomhaibh; ach na pilleadh iad chum amaid-eachd.

9 Gu dearbh tha a shlàinte dlàth dhoibhsan d'an eagal e; chum gu'n còmhnuich glòir nar tìr.

10 Tha tròcair agus firinn air còmhlaichadh a chéile: tha ceartas agus sìth air pògadh a chéile.

11 Fàsaidh firinn a nìos as an talamh, agus seallaidh ceartas a nuas o na nàmhaidh.

12 Seadh, bheir an Tighearna maith dhuinn, agus bheir ar fearann uaidh a thoradh.

13 Imichidh ceartas roimhe, agus stiùraidh e a cheumanna 'san t-slighe.

## SALM LXXXVI.

*Urnuigh le Daibhidh.*

**A**OM, a Thighearna, do chluas, éisd rium; oir tha mi bochd agus uireasbhuidheach.

2 Gléidh m'anam, oir a ta mi diadhaidh: O thusa mo Dhia, saor t'òglach, a dh'earbas asad.

3 Dean tròcair orm, a Thighearna; oir tha mi a' glaothaich riut gach là.

4 Dean anam t'òglaich féin aoibhinn; oir riutsa, a Thighearna, togaidd mi m'anam:

5 Oir a ta thusa, a Thighearna, maith agus iochdmhor, agus pailt ann an tròcair dhoibh-san uile a ghairmeas ort.

6 Eisd, a Thighearna, ri m'òrnuigh, agus thoir fa'near guth m'athchuinge.

7 Ann an latha mo theinn gairmidh mi ort; oir freagraidh tu mi.

8 Cha 'n'eil do shamhuil-sa am measg nan dé, a Thighearna; agus cha 'n'eil oibre ann, cosmhuil ri t'oibribh-sa.

9 Thig na cinnich uile a rinn thu, agus sleuchdaidh iad a'd' làthair, a Thighearna, agus bheir iad glòir do t'ainm.

10 Oir is mòr thusa, agus tha thu deanamh nithe iongantach; is tusa Dia, thu féin a mhàin.

11 Teagaisg dhomh, a Thighearna, do shlighe; gluaisidh mi a't'fhìr-

inn: coimhcheangail mo chridhe, chum eagal t'ainme bhi orm.

12 Molaidh mi thu, a Thighearna mo Dhia, le m'uile chridhe, agus bheir mi glòir do t'ainm gu bràth.

13 Oir is mòr do thròcair ormsa, agus shaoir thu m'anam o'n t slochd a's iochdaraiche.

14 A Dhé, dh'éirich na h-uaidh-rìch a'm' aghaidh, agus dh'iarr coimhthional luchd-foirneirt m'anam; agus cha do chuir iad thusa rompa.

15 Ach a ta thusa, a Thighearna, a'd' Dhia iochdmhor, agus gràs-mhor, mall chum feirge, agus pailt ann an tròcair agus am firinn.

16 Amhaire orm, agus dean tròcair orm; thoir neart do t'òglach, agus saor mac da bhan-oglaich.

17 Thoir dhomh comhara air mhaith, chum gu faic iadsan e aig am bheil fuath dhomh, agus gu'n gabh iad nàire, a chionn, a Thighearna, gu'n do chuidich thusa leam, agus gu'n d'thug thu comhfhurtachd dhomh.

## SALM LXXXVII.

*Salm no laoidh air son mhac Chohrah.*

**T**HA a bliunait anns na beannaibh naomha.

2 Is ionmhuinn leis an Tighearna geatacha Shioin, thar uile ionadacòmhnuidh Iacoib.

3 Innsear nithe glòrmhor ort-sa, a chathair m' Dhé. Selah.

4 Cuimhneichidh mi Rahab agus Babel dhoibhsan d'an aithne mi: feuch, Paiestin, agus Tior, maille ri h-Etiopia; rugadh am fear so an sin.

5 Ach mu Shion theirear, Rugadh am fear so agus am fear ud innte, agus daingnichidh an Ti a's airde i.

6 Comhairichidh an Tighearna, nuair a scriobhas e sìos na fineacha, gu'n d'rugadh am fear so an sud. Selah,

7 Bithidh araon luchd-seinn agus luchd-ciuil an sin: tha mo thobair uile annad-sa.

## SALM LXXXVIII.

*Laoidh no salm air son mhac Chohrah, do'n ard fhear-ciuil air Mahalat Leanot, Maschil le Heman an t-Esrahach.*

**A**THIGHEARN A Dhé mòshlàinte, a là agus a dh'oidhche ghlaodh mi a't' fhiannais.

2 Thigeadh m'òrnuigh a'd' làthair; aom do chluas ri m' gulaodh:

<sup>a</sup> coinneachadh.

<sup>b</sup> fhàs.

<sup>c</sup> am firean.

<sup>d</sup> stiùraidh e

sinn air-slighe a cheumanna.

<sup>e</sup> oir a ta mi naomha, oir a ta thusa maith,

<sup>f</sup> rè an latha.

<sup>g</sup> aonaich, druid mo chridhe riut.

<sup>h</sup> urram.

<sup>i</sup> o ifrinn, o'n

uaigh.

<sup>k</sup> Pill rium.

<sup>l</sup> do neart.

<sup>m</sup> a mhòr-bhaile.

<sup>n</sup> Airmhidh an Tighearna.

3 Oir tha m'anam làn truaighe <sup>a</sup>, agus tha mo bheatha dlùth do'n uaigh.

4 Mheasadh mi mar iadsana theid slos do'n t-slochd; tha mi mar dhuine gun neart;

5 Saor am measg nam marbh, mar iadsan a mharbhadh, a ta nan luidhe 'san uaigh, air nach 'eil cuimhne agad ni's mò; oir o d' làimh <sup>b</sup> ghearradh as iad.

6 Chuir thu mi 'san t-slochd a's isle ann an dorchadas, anns na doimhneachdaibh <sup>c</sup>.

7 Luidh t'fhearg orm gu teann, agus le d' thonnaibh uile chlaoidh thu mi. Selah.

8 Chuir thu mo luchd-eòlais fad uam; rinn thu mi d'm' ghràineil-eachd dhoibh: druidte suas *tha mi*, agus cha'n urrainn mi teachd a mach.

9 Tha mo shùil a' fàilneachadh <sup>d</sup> a bhrìgh m'amlighair; ghairm mi ort, a Thighearna, gach là; shìn mi mo làmh an riut.

10 Do na marbhaibh an nochd thu iongantais; au éirich na mairbh, agus am mol iad thu? Selah.

11 An cuireas an cèill do chaoimhneas caomh 'san uaigh? t-fhìrinn ann an sgrìos?

12 An aithnìhear t'iongantais anns an dorchadas? agus t'fhìrean-tachd ann an talamh na dì-chuimhne?

13 Ach rint-sa, a Thighearna, ghlaodh mise; agus anns a'mhaduinn thig m'ùrnuigh a'd' làthair.

14 C'ar son, a Thighearna, a thilg-eas tu m'anam uait? a dh'fholaich-eas tu do ghnàis uam?

15 Tha mise air mo echràdh, agus dlùth do'n bhàs, o m'òige; dh'fhuiling mi t'uaimhasan, tha mi an im-cheisd.

16 Dh'imich t'fhearg gheur thar-um; chlaoidh t'uamhasa mi.

17 Chaidh iad timchioll orm mar uisge gach là; chuairtich iad mi le chèile.

18 Chuir thu fear mo ghaoil agus mo charaid fad uam: *tha* luchd-m'edlais ann an dorchadas.

## SALM LXXXIX.

*Maschil* <sup>e</sup> le h-Etan an t-Esrahach.

AIR trècairibh an Tighearna gu bràth seinnidh mi; o linn gu inn foillsichidh mi t'fhìrinn le m' bheul:

2 Oir thubhairt mi, Gu bràth togar suas trècair; anns na nàmh-aibh daingnichidh tu t'fhìrinn, *ag ràdh*,

\* do olcaibh. Eabh. <sup>b</sup> le d' làimh. <sup>c</sup> ann an sgàile a' bhàis. <sup>d</sup> ri bròn. <sup>e</sup> Teagasg. <sup>f</sup> thu.

3 Rinn mi coimhcheangal ri m Aon taghta; mhiònnaich mi do Dhaibhidh, m'òglach.

4 Gu bràth daingnichidh mi do shliochd, agus togaidh mi suas do rìgh-chaitheir o linn gu linn. Selah.

5 Molaidh na nàmh-aibh t'iongantais, a Thighearna; mar an ceudna t-fhìrinn ann an coimhthional nan naomh.

6 Oir cò ann am fàitheadas <sup>a</sup> a choimhmeasar ris an Tighearna? cò am measg mhac nan cumhachdach a shamhlùichear ris an Tighearna?

7 Is aobhar eagail Dia gu mòr ann an coimhthional nan naomh; agus is còir urram a thabhairt da os an cionn-san uile, a *tha* mu'n cuairt da.

8 A Thighearna Dhé nan slògh, cò a ta cosmhuil riut? treun a ta thu, a Thighearna, agus *tha* t'fhìrinn mu'n cuairt duit.

9 Riaghlaidh tusa onfha <sup>b</sup> na fairge: 'nuair a dh'éireas a tonnan, coisgidh tu iad.

10 Mhìn-phronn thu Rahab, mar dhuine leònta <sup>i</sup>; le gairdean do neirt sgap thu do naimhdean.

11 Is leat-sa na nàmh-aibh, mar an ceudna is leat an talamh; shuidhich thusa an cruinne-cé, agus a làn.

12 Chruthaich thusa an airde tuath, agus an airde deas; ni Tabor agus Hermon gairdeachas ann ad ainm.

13 Agad-sa *tha* gairdean neart-mhor: is làidir do làmh, is ard do dheas làmh.

14 Is iad ceartas agus breitheanas àite-tàimh do rìgh-chaitheach; theid trècair agus fìrinn roimh do ghnàis.

15 Is beannuichte an sluagh d'an aithne an fhuaim aoibhneach: imichidh iad, a Thighearna, ann an solus do ghnàise.

16 Ann ad ainm-sa ni iad gairdeachas air feadh an là; agus ann ad fhìreantachd ardaichear iad.

17 Oir is tusa glòir an neirt; agus ann ad dheadh-ghean ardaichear <sup>k</sup> ar n-àdharc.

18 Oir is e'n Tighearna ar sgiath <sup>l</sup>, agus Aon naomha Israeil ar Rìgh.

19 An sin labhair thu ann an taisbeanadh <sup>m</sup> ri d' Aon naomha <sup>n</sup>, agus thubhairt thu, Chuir mise cuid-eachadh air aon a ta cumhachdach, dh'ardaich mi aon taghta as an t-sluagh.

20 Fhuair mi Daibhidh m'òglach; le m'oladh naomh dh'ung mi e:

<sup>g</sup> anns na speuraibh, 'sna neulàibh <sup>h</sup> anfa, uabhar. <sup>i</sup> sàthta trèd, <sup>j</sup> ardaichichidh tu. <sup>k</sup> didean. <sup>l</sup> sealladh. <sup>m</sup> ri d' naomhaibh.

21 Le'm bi molàmh gu daingean : mar an ceudna neartaichidh mo ghairdean e.

22 Cha tog an nàmhaid cìs dheth \* ; agus cha chlaoidh mac an uilc e.

23 Agus pronnaidh <sup>b</sup> mia naimhdean roimhe, agus buailidh mi iadsan le'm fuathach e.

24 Agus bithidh m'fhìrinn agus mo thròcair maille ris, agus ann am ainmsa arduichear 'adharc-san.

25 Agus cuiridh mi a làmh <sup>c</sup> anns an fhainge, agus a dheas làmh anns na h-aibhnibh <sup>d</sup>.

26 Gladhaidh e rium, Is tu m'athair, mo Dhia, agus carraig mo shlàinte.

27 Mar an ceudna ni mi mo cheudghin dheth, ard os cionn rìghre na talmhainn.

28 Gu bràth gleidhidh mi mo thròcair dha, agus bithidh mo choimhcheangalseasmhach leis.

29 Agus suidhichidh mi gu bràth a shliochd, agus a rìgh-chaithir mar laithibh nan nèamh.

30 Ma thréigeas a chlann mo lagh, agus nach gluais iad ann am bhreitheanasaibh;

31 Ma mhi-naomhaicheas iad mo reachdan, agus nach gléidh iad m'aitheantan;

32 An sin fiosraichidh mi le slait an eusaontas, agus le buillibh an euceart.

33 Gidheadh, cha bhuin mi gu tur mo chaoimhneas-gràidh uaith, agus cha bhreugaich mi mo ghealladh.

34 Cha bhris mi mo choimhcheangal; agus an ni a thàinig a m' bhlilbh cha chaochail mi.

35 Aon uair mhionnaich mi air mo naomhachd, nach dean mi breug do Dhaibhidh.

36 Mairidh a shliochd gu bràth, agus a rìgh-chaithir mar a' ghrian a'm' làthair.

37 Mar a' ghealàch, daingnichear e gu bràth; agus mar fhianuis dhileas ann an nèamh. Selah.

38 Ach thig thu uait, agus ghabh thu gràin <sup>e</sup>; bha fearg ort ri t-Aon ungta.

39 Sgaoil thu choimhcheangal t'-òglach; tàrtaill thu a choròn, g'a thilgeadh gu làr.

40 Bhris thu a' bhallacha-dionaidh uile; rinn thu a dhaingneacha na sgrios.

41 Creachaidh iadsan uile a ghabhas an t-slighe e: tha e na mhasladh d'a choimhearsnachaidh.

42. Thog thu suas deas làmh a

naimhdean; rinn thu 'eascairdean uile ait.

43 Mar an ceudna phill thu faobhar a claidheimh, agus cha d'thug thu air seasamh anns a' chath.

44 Chuir thu as d'a ghloir, agus thilg thu sìos a rìgh-chaithir gu làr.

45 Ghiorraich thu laithean 'dige <sup>g</sup>; chomhdaich <sup>h</sup> thu e le nàire. Selah.

46 Cia fhad, a Thighearn, a dh'fholuicheas tu thu féin gu tur <sup>i</sup>? a loisgeas, mar theine, do chorruich?

47 Cuimhnich cia gearr m'aimsir: c'ar son a chruthaich thu gu diomhain clann nan daoine uile.

48 Co e an duine a ta beo, agus nach faic am bàs, no theasairgeas 'anam féin o làimh na h-uaigne? Selah.

49 C'àit am bheil do chaoimhneas-gràidh roimhe so, a Thighearn, a mhionnach thu do Dhaibhidh air t'fhìrinn.

50 Cuimhnich, a Thighearna, masladh do sheirbhiseach; gu'n do ghiùlain mise ann am uclid uile mhasladh sluaigh mhòir.

51 Leis an do mhaslaich do naimhdean, a Thighearna, leis an do mhaslaich iad ceumanna t'Aoin ungta.

52 Beannuichte gu robh an Tighearna gu sìorruidh? Amen agus Amen.

## SALM XC.

Urnuigh le Maois, òglach Dé.

**A** THIGHEARNA, bha thusa a'd' ionad-còmhnuidh <sup>k</sup> dhuinn o linn gu linn.

2 Mun do ghineadh na beannta, agus mun do dhèalbh thu an talamh agus an cruinne-cé, eadhon o bhith-bhiantachd gu bith-bhuantachd is tusa Dia.

3 Tionndaidhidh tu an duine gu sgrios; agus their thu, Pillibh, a chlann nan daoine.

4 Oir a ta mìle bliadhna ann ad shealladh-sa, mar an la'n dé, 'nuair a théid e seachad, agus mar fhaire anns an oidhche.

5 Dh'fhuadaich thu iad, mar le sruth; mar chodal tha iad: anns a' mhaduinn tha iad mar fheur a dh'fhàsas suas <sup>l</sup>.

6 Air maduinn thig e fuidh bhlàth, agus fàsaidh e suas; air feasgar gearr sìos e, agus seargaidh e.

7 Oir tha sinn air ar caitheadh le d' fheirg, agus le d' chorruich tha sinn air ar claidh <sup>m</sup>.

\* Cha dean an nàmhaid fòireigin air.  
<sup>b</sup> sgriosaidh. <sup>c</sup> a néart, a chumhachd. <sup>d</sup> sruthaibh. <sup>e</sup> dhiùlt thu.

<sup>f</sup> ghloine. <sup>g</sup> a dige. <sup>h</sup> dh'fholuich.  
<sup>i</sup> an ann gu bràth? <sup>k</sup> a'd' thearmunn. <sup>l</sup> a chaochlaidheas. <sup>m</sup> fa amhladh.

8 Chuir thu ar n-encearta a't' fhiannais, ar *peacanna* d'iomhair ann an solus do ghnàise.

9 Oir tha ar laithean air teireachduinn\* ann ad fheirg: chaith sinn ar bliadhnacha mar sgeul a dh'inns-eadh.

10 Tha laithean ar bliadhnachan nan tri fichead bliadhna agus a deich; agus le tuilleadh neirt ma bhios ceithir fichead ann, is saothair agus doilgheas an spionnadh<sup>b</sup>: oir gearrar as e gu grad, agus siubhlaidh sinn<sup>c</sup>.

11 Cò d'an aithne neart t'fheirge, agus a réir t'eagail, do chorruich?

12 Teagaisg dhuinn mar so ar laithean àireamh, chum gu socraich sinn ar cridhe air gliocas.

13 Pill, a Thighearna; cia fhad<sup>d</sup>? agus gabh aithreachas a thaobh do sheirbhiseach.

14 Sàsuich sinn gu moch le d' thròcair, a chum gu dean sinn gairdeachas agus aoibhneas rè ar laithean uile.

15 Dean aoibhneach sinn a réir nan là air an do chràidh thu sinn, nam bliadhna anns am faca sinn olc.

16 Faicear t'obair le d' sheirbhisich, agus do ghlòir le'n cloinn.

17 Agus biodh maise an Tighearna ar Dé oirnn; agus daingnich thusa obair ar làmh dhuinn<sup>e</sup>, seadh, daingnich obair ar làmh.

## SALM XCI.

**G**ABHAIDH ean a tha na clòmhnuidh ann an ionad d'iomhair an Tì a's airde, tàmh fo sgàile an Uile-chumhachdaich.

2 Their mi<sup>f</sup> mu thimchioll an Tighearna, *Is e mo thearmunn*, agus mo dhaingneach; mo Dhia, anns an cuir mi mo dhòigh.

3 Gu dearbh saoraidh e thu o rib an eunadair, o'n phlàigh mhilltich.

4 Le 'iteagaibh<sup>g</sup> còmhdaichidh e thu, agus fuidh a sgiathaibh bithidh t'earbsa: *bithidh* f'hìrinn na sgéith agus na targaid dhuit.

5 Cha bhi eagal ort a thaobh an uamhlais anns an oidhche, *no na saighde a ruitheas 'san là*,

6 *No na plàigh a ghluaiseas an dorchadas, no an sgrios a mhiileas mu mheadhon-la.*

7 Tuitidh mìle ri d' thaobh, agus, deich mìle air do làmh dheis; ach cha d'thig e am fagus duit.

8 A mhuinn le d' shùilb seallaidh tu, agus chi thu dìol<sup>h</sup> nan aingidh.

<sup>a</sup> air tionndadh, air gabhail seach.

<sup>b</sup> a' chuid a's fearr, a' chuid a's mo dhiubb. <sup>c</sup> teichidh sinn romhainn.

<sup>d</sup> Pill, a Thighearna, fa-dheoidh.

<sup>e</sup> oirnn. <sup>f</sup> Their e. <sup>g</sup> a iteich.

<sup>h</sup> duais, tuarasdal.

9 A chionn gu'n d'rinn thu an Tighearna na thearmunn<sup>i</sup>, an Tì a's airde na ionad-còmhnuidh dhuit.

10 Cha'n éirich olc air bith dhuit, agus cha d'thig plàigh am fagus do t'fharduich<sup>k</sup>:

11 Oir bheir e aithne d'a ainglibh mu d' thimchioll, chum do ghléidh-eadh ann ad shlighibh uile.

12 Nan làmhlaibh<sup>l</sup> togaidh iad suas thu, air eagal gu'm buail thu do chos air cloich.

13 Air an leòmhann<sup>m</sup> agus an nath-air nimhe saltraidh tu; pronnaidh tu fo d' chois an leòmhann òg agus an dràgon.

14 A chionn gu bheil gràdh aige dhomh, saoraidh mi e; ardaichidh mi e, a chionn gur aithne dha m'ainm.

15 Gairmidh e orra, agus éisdidh mi ris; *bithidh* mi maille ris ann an teinn; teasairgidh mi e, agus bheir mi urram dha.

16 Le fad laithean<sup>n</sup> sàsaichidh mi e, agus nochdaidh mi dha mo shlèinte.

## SALM XCII.

*Salm no laoidh air son latha na sàbaid.*

**I**S maith an ni buidheachas a thabhairt do'n Tighearna, agus cliù a thabhairt do t'ainmsa, O Thì a's airde:

2 Do chaoimhneas-gràidh<sup>o</sup> a chur an céill anns a' mhaduinn, agus t'fhìrinn gach oidhche.

3 Air inneal-ciùil nan deich teud, agus air an t-saltair; air a' chlarsaich le fuaim fhoonmhoir aird<sup>p</sup>.

4 Oir rinn thu mi aoibhinn, a Thighearna, trid t'oibre-sa; ann an gnòmharaibh do làmh ni mi gairdeachas.

5 Cia mòr do ghnòmhara-sa, a Thighearna! ro dhoinhainn tha do smuainte.

6 Cha'n eòl do'n amhlair<sup>q</sup>, agus cha tuig an t-amadan so.

7 An uair a chinneas na h-aingidh mar fheur, agus a thig uile luchd-dheanamh na h-euceirt fo bhlàth, *bithidh<sup>r</sup> iad air an sgrios am feasd.*

8 Ach a ta thusa ro ard gu slòruidh, a Thighearna.

9 Oir feuch, do naimhdean, a Thighearna, oir feuch, do naimhdean, sgriosar iad: sgapar uile luchd-dheanamh na h-euceirt.

10 Ach mar adharc buabhuill<sup>s</sup>

<sup>i</sup> neach a's e mo thearmunn. <sup>k</sup> do d' phàistium. <sup>l</sup> Air an làmhlaibh.

<sup>m</sup> sachal. Eabh. <sup>n</sup> Le saoghal fada. <sup>o</sup> do thròcair. <sup>p</sup> Higaion.

Eabh. <sup>q</sup> do'n àmaidh, do'n duine bhrùideil.

<sup>r</sup> is ann a chum gu'm bi.

<sup>s</sup> aon-adharcoich, sròin-adharcaich.



ardaichidh tu m'adharc-sa : ungar mi le h-oladh ùir.

11 Agus amhaircidh mo shùil air m'eascairidibh<sup>a</sup>; mu na droch dhaoineibh a dh'èireas suas a'm' aghaidh cluinidh mo chluasan.

12 Mar chrann-pailme, thig am firean fo bhlàth<sup>b</sup>; mar sheudair air Lebanon, fàsaidh e suas.

13 Iadsan a shuidhichear ann an tigh an Tighearna, ann an cùirtibh ar Dé-ne thig iad fo bhlàth :

14 Fathast nan sean aois bheir iad a mach toradh; sultmhor<sup>c</sup> agus ùr<sup>d</sup> bithidh iad.

15 A chum gu nochd iad gu bheil an Tighearna, mo charraig, cothromach, agus nach 'eil euceart ann.

## SALM XCIII.

**T**HA'N Tighearn a' rìoghachadh, tha e air a sgeadachadh le mòralachd; tha'n Tighearn air a sgeadachadh le neart, agus chrìoslaich se e féin: tha'n saoghal mar an ceudna air a dhaingneachadh, chum nach gluaisear e.

2 Dhaingnicheadh do rìgh-chaithir o chian: o shìorruidheachd tha thusa.

3 Thog na tuitte suas, a Thighearna, thog na tuitte suas an guth: togaidh na tuitte suas an tonna.

4 Os cionn toirme<sup>e</sup> uisgeacha lìonmhor, os cionn thonu neartmhor na mara, is neartmhor<sup>f</sup> anns na h-ardaibh<sup>g</sup> an Tighearna.

5 Tha do theisteis<sup>h</sup> ro fhìor: do d' thigh-sa is iomchuidh naomhachd, a Thighearna, gu bràth.

## SALM XCIV.

**A** DHE, an dioghaltais<sup>i</sup>, a Thighearna Dhé an dioghaltais, dealraich a mach.

2 Ardaich thu féin, a Bhreitheimh na talmhainn; ioc luigheachd<sup>k</sup> do na h-uabhrich.

3 Cia fhad a ni na h-aingidh, a Thighearna, cia fhad a ni na h-aingidh caithreim?

4 Cia fhad a bhrùchdas iad briathra, a labhras iad nithe cruaidhe? a bhios uile luchd-dheanamh an uile ri ràiteachas?

5 A bhruthas iad do shluagh, a Thighearn, agus a chlaoidheas iad t'oighreachd?

6 A mharbhas iad a' bhantrach agus an coigreach, agus a mhortas iad na dìlleachdain?

<sup>a</sup> air crìoch m'eascairdean.

<sup>b</sup> bithidh piseach air, soirbhichidh leis an fhìrean.

<sup>c</sup> briòghmhor, <sup>d</sup> uaine.

<sup>e</sup> ghuth.

<sup>f</sup> mòralach, uamhasach.

<sup>g</sup> anns an ionad ard.

<sup>h</sup> t'fhianuisean.

<sup>i</sup> d'am buin dioghaltas.

<sup>k</sup> luaigh-eachd, duais.

7 Agus a their iad, Cha'n fhàic an Tighearn, agus cha d'thoir Dia Iacoib fa' near e.

8 Tuigibh, sibhsè amhlairean<sup>1</sup> am measg an t-sluaigh; agus amadana c'uin a bhios sibh glic?

9 An ti a shuidhich a' chluas, nach cluinne? an ti a dhealbh an t-sùl, nach faic e?

10 An ti a smachdaicheas na fin-eacha<sup>m</sup>, nach cronuiche? an ti a theagaisgeas eòlas do'n duine, nach 'eil eòlas aige?

11 Is fìosrach an Tighearn air smuaintibh dhaoine, gur dlomhanas iad.

12 Is beannuichte an duine a smachdaicheas thusa, a Thighearn, agus a theagaisgeas tu as do lagh:

13 Chum fois a thabhairt da o laithibh an uile<sup>n</sup>, gus an cladhaichear slochd do'n aingidh.

14 Oir cha tilg Dia dheth a shluagh, agus cha tréig e 'oighreachd féin;

15 Ach pillidh breitheanas ri ceartas, agus leanaidh iadsan uile a tha ionraic<sup>o</sup> nan cridhe e.

16 Cò dh'èireas leam an aghaidh luchd-deanamh an uile? cò sheasas air mo shon an aghaidh luchd-deanamh na h-aingidheachd?

17 Mur biodh an Tighearna 'gam chuideachadh, is beag nach robh m'anam na thàmh gu tosdach<sup>p</sup>?

18 'Nuair a thubhairt mi, Tha mo chos air sleamhnachadh uam, chum do thròcair, a Thighearna, suas mi.

19 Ann an lìonmhoireachd mo smuainte an taobh a stigh dhìom, thug do chomhfhurtachd-sa sòlas do m'anam.

20 Am bi comunn riutsa aig rìgh-chaithir na h-euceirt, a dhealbhas aimhleas le reachd?

21 Cruinnichidh iad le chéile an aghaidh anama an fhìrein, agus dìtidh iad fuil neo-chiontach.

22 Ach is e'n Tighearna mo dhaingneach; agus is e mo Dhia carraig mo dhùchais<sup>q</sup>.

23 Agus dìolaidh e orra féin an euceart, agus nan aingidheachd féin gearraidh e as iad; gearraidh an Tighearn ar Dia as iad.

## SALM XCV.

**O** THIGIBH, seinneamaid do'n Tighearna; togamaid iolach do charraig ar slàinte.

2 Thigeamaid na fhianuis le buidheachas, agus le salmaibh togamaid cèd dha gu suilbhreach:

<sup>1</sup> a dhaoine baoghalta, brùideil.

<sup>m</sup> cinnich. <sup>n</sup> àmhghair. <sup>o</sup> dìreach.

<sup>p</sup> 'san uaigh. <sup>q</sup> mo charraig

dhìonaidh.

3 Oir is Dia mòr an Tighearn, agus is Rìgh mòr e os cionn nan uile dhé.

4 Na làimh-san *tha* doimhneachda na talmhainn; agus is leis airde<sup>a</sup> nam beanu.

5 Is leis an fhairge, oir is e a rinn i; agus dhealbha a làmhnan an talmh tioram.

6 O thigibh, sleuchdamaid, agus cromamaid slos; tuiteamaid air ar glòinibh am fianuis an Tighearna a rinn sinn:

7 Oir is esan ar Dia, agus is sinne sluagh 'ionaltraidh-san, agus caor-aich a lainhe.

8 An diugh ma dh'éisdeas sibh r'a ghuth, na cruaidhichibh blur cridhe, mar anns a' chonsachadh<sup>b</sup>, mar ann an latha a' bhuaireadh<sup>c</sup>, anns an fhàsach:

9 Nuair a bhuair bhurn-aithriche mi, a dhearbhadh iad mi, agus a chuinn-aic iad m'òibre rà dhà fhichead bliadhna<sup>d</sup>.

10 Chuireadh campar orm leis a' ghinealach *ud*, agus thubhairt mi, *Is sluagh seacharanach* nan cridhe iad, agus cha'n aithne dhoibh mo shlighean:

11 D'an d'thug mi mo mhionnan a'm' fheing, nach rachadh iad a steach a'm' fhois.

## SALM XCVI.

**C**ANAIBH do'n Tighearn laoidh<sup>a</sup> nuadh; canaibh do'n Tighearn, a thùrean uile.

2 Canaibh do'n Tighearna, bean- nuichibh 'ainn; foillsichibh o là gu là a shlàinte.

3 Cuiribh an céill am measg nan cinneach a ghàid, am measg gach sluagh 'iongantais-san.

4 Oir is mòr an Tighearn, agus is ro-airidh e air clù: is aobhar eagail esan os cionn nan uile dhé:

5 Oir is òdhoil<sup>f</sup> uile dhée nan cinneach; ach is e'n Tighearn a rinn na nèamha.

6 Tha urram agus mòralachd na fhianuis: neart agus maise na ionad naomh.

7 Thugaibh do'n Tighearna, sibhse fhineacha<sup>h</sup> nan sluagh; thugaibh do'n Tighearna glàir<sup>i</sup> agus neart.

8 Thugaibh do'n Tighearn a' ghàid a's cubhaidh d'a ainne: thugaibh tabhartas leibh, agus thigibh a steach d'a chùirtibh.

9 Sleuchdaibh do'n Tighearn ann am maise na naomhachd; biodh eagal oirbh na fhianuis, gach uile thùr.

10 Abraibh am measg nan cinneach, Tha'n Tighearn a' ròghachadh: mar an ceudna daingnichear an domhan, chum nach gluaisear e: bheir e breith air na slòigh le ceartas.

11 Biodh na nèamhan aoibhneach agus deanadh an talmh gairdeachas; beucadh an fhairge, agus a làn.

12 Biodh a' mhachair ait, agus gach nì a ta innte: an sin deanadh uile chranna na coille luathghaire.

13 An lathair an Tighearna; oir thae a' teachd, oir tha e a' teachd a thoirt breith air an talmh: bheir e breith air an t-saoghal le ceartas, agus air na slòigh le fhuirinn.

## SALM XCVII.

**T**HA'N Tighearn a' ròghachadh; biodh aiteas air an talmh. deanadh na h-eileana Ìonmhoir gairdeachas.

2 Tha neoil agus dorchadas m'a thimchioll: is iad ceartas agus breitheanas àite-còmhnuidh a rìgh-chaitheach.

3 Thèid teine roimhe, agus loisgidh e suas a naimhdean air gach taobh<sup>h</sup>.

4 Shroillsich a dhealanaich an cruine-cé; chunnaic, agus chrìoth-naich an talmh.

5 Leagh na beannta as mar chéir o làthair an Tighearna, o làthair Tighearna na talmhainn uile.

6 Cuiridh na nèamha an céill a cheartas, agus chi gach sluagh a ghàid.

7 Bithidh<sup>i</sup> amhluidh orrasan uile a nì seirbheis do dhealbhaibh snaidhte, a nì uail a h-òdholaidh: sleuchdaibh dha, a dhée uile.

8 Chuala Sion, agus bha aoibhneas oirre, agus rinn nigheana Iudah gairdeachas, air son do bheitheanas, a Tighearna,

9 Oir a ta thusa, a Thighearn, ard os cionn na talmhainn uile; tha thu air t'ardachadh gu mòr os cionn nan uile dhé.

10 Sibhse a ghràdhachas an Tighearna, fuathaichibh oile: gleidhidh e anama a naomh; a làimh nan aingidh saoraidh e iad.

11 Dh'éirich<sup>k</sup> solus do'n fhàirean, agus aoibhneas dhoibh-san a tha ionraic nan cridhe.

12 Biodh aoibhneas<sup>l</sup> oirbh, fhàireana, anns an Tighearna; agus thugaibh buidheachas ri cuimhneachadh air a naomhachd.

<sup>a</sup> neart. <sup>b</sup> chomh-stri; Meribah. <sup>c</sup> Masah. <sup>d</sup> Eabh. <sup>e</sup> Faic Eabh. Caib. III. r. 9. <sup>f</sup> òran.

<sup>g</sup> dealbha faoin. <sup>h</sup> urram.

<sup>i</sup> mu'n cuairt.

<sup>j</sup> Biodh.

<sup>k</sup> Chuireadh, Shìol-chuireadh.

<sup>l</sup> aiteas, gairdeachas.

## SALM XCVIII.

*Salm.*

**O** SEINNIBH do'n Tighearna laoidh a nuadh, oir rinn e nithe iongantach : dh'oibrich a dheas làmh agus a ghairdean naomh slàinte dha <sup>b</sup>.

2 Thaisbein an Tighearn a shlàinte; an sealladh nan cinneach dh'fhoillsich e 'fhìreantachd.

3 Chuimhnich e a thròcair agus 'fhìrinn do theaghlach Israel; chunnaic uile chrìochana talmhainn slàinte ar Dé.

4 Togaibh iolach ait do'n Tighearn, a threan uile <sup>c</sup>: togaibh bheur guth, deanaibh gairdeachas, agus seinnibh cliu.

5 Seinnibh do'n Tighearn le clàrsaich; le clàrsaich agus gutl sailme.

6 Le trompaidibh agus guth na h-adhairce<sup>d</sup>, togaibh iolach ait an làthair an Rìgh Iehobhal.

7 Beucadh an fhairge agus a làn, an saoghal agus iadsan a tha nan còmhnuidh ann.

8 Buaileadh na tuitlean am bosa; cuideachd deanadh na beannta luathghaire.

9 An làthair an Tighearna; oir tha e a' teachd a thabhairt breth air an talamh: bheir e breth air an t-saoghal am fireantachd, agus air na slòigh an ceartas.

## SALM XCIX.

**THA'N** Tighearn a' rìoghachadh; crìochnuicheadh na slòigh: tha e na shuidhe eadar cheruban; biodh crìth air an talamh.

2 Tha 'n Tighearna mòr ann an Sion, agus tha e ard os cionn gach sluagh.

3 Moladh iad t'ainm mòr agus uamhasach: is naomha e.

4 Agus is toigh leis an Rìgh chumhachdach e breitheanas: is tu a shocrucias a' chòir; ni thusa breitheanas agus ceartas ann an Iacob.

5 Ardaichibh an Tighearn ar Dia, agus sleuchdaibh aig stòl a chos: is naomha esan.

6 Bha Maois agus Aaron am measg a shagart, agus Samuel nam measg-san a ghairm air 'ainm: ghairm iadsan air an Tighearn, agus fhreagair esan iad.

7 Am baideal <sup>f</sup> neoil labhair e rin: ghlèidh iad a theisteis, agus an reachd a thug e dhoibh.

<sup>a</sup> òran.<sup>b</sup> thug a dheas-làmh agus a ghairdean naomh buaidh a mach dha. Faic Ishaiah Caib. LXIII. r. 5.<sup>c</sup> uile luchd-àiteachaidh na talmhainn. <sup>d</sup> a' bhua-bhuill, na gall-truimp; cornet. Sasg. <sup>e</sup> le neart an Rìgh. Eabh. <sup>f</sup> stac, meall, uathne.

8 A Thighearn ar Dia, fhreagair thusa iad: is tu an Dia a thug maith-eanas dhoibh, ge do rinn thu dioghaltas air son an gnuomhara <sup>g</sup>.

9 Ardaichibh an Tighearn ar Dia, agus sleuchdaibh aig a shliabh naomha: oir is naomh an Tighearn ar Dia.

## SALM C.

*Salm molaidh.*

**TOGAIBH** iolach ait do'n Tighearn, a threan uile.

2 Deanaibh seirbhis do'n Tighearna le h-aobhneas, thigibh na fhianuis le luathghaire <sup>h</sup>.

3 Biodh fios agaibh gur e'n Tighearna's Dia ann: is e a rinu sinn, agus chasinn fèin; is sinn a shluagh, agus caoraich 'ionaltraidh-san.

4 Thigibh a steach na gheataibh le buidheachas, na chùirtibh le moladh; thugaibh buidheachas dha, beannuichibh 'ainm.

5 Oir tha'n Tighearna maitli; mairidh a thròcair gu bràth, agus fhìrinn o linn gu linn.

## SALM CI.

*Salm le Daibhidh.*

**MU** thròcair agus breitheanas canaidh mi: dhuitse, a Thighearna, seinnidh mi.

2 Iomchairidh mi mi fèin gu glic air slighe ionraic <sup>i</sup>; O 'cuin a thig thu a m' ionnsuidh <sup>k</sup>? gluaisidh mi ann an ionracas mo chridhe am meadhan mo thighe.

3 Cha chuir mi ni oic sam bith fa chomhair mo shùl: is fuathach leam obair luchd-eusaontais; cha lean i rium.

4 Triallaidh cridhe iargalt <sup>l</sup> uam; air an daoibh <sup>m</sup> cha chuir mi eòlas.

5 An ti gu dòimhair a bheir beum d'a choimhearsnach, esan gearraidh mi as; an ti aig am bheil sealladh ard, agus cridhe uaibhreach, esan cha'n fhuiridh mi.

6 Bithidh mo shùilean air fireanaibh na tìre, chum gu gabh iad còmhnuidh leam: esan a ghluaisas ann an slighe ionraic, ni e seirbhis dhomh.

7 Chaghabh fear deanamh ceilge còmhnuidh ann am thigh; cha'n fhuirich fear-labhairt bhreug fa chomhair mo shùl.

8 Gu moch gearraidh mi as uile dhroch dhaoine na tìre; chum gu sgath mi as o chathair an Tighearna <sup>n</sup> uile luchd-deanamh an uile.

<sup>g</sup> an innleachda.<sup>h</sup> le fonn ait.<sup>i</sup> fhoirfe, iomlain.<sup>k</sup> 'annair a thigh<sup>l</sup> reasgach,<sup>m</sup> an droch dhuine.<sup>n</sup> o mhòr-bhaile an Tighearna.

## SALM CII.

*Urnuigh air son duine thruaigh,  
'nuair a bhios e air a shàruchadh,  
agus a thaomas e a ghearan an  
lathair an Tighearn.*

**A** THIGHEARN, éisd ri m'ùr-  
nuigh, agus thigeadh mo  
ghlaodh a d'ionnsuidh.

2 Na foluich do glùnais uam ann  
an latha mo theinn : aom do chluas  
rium<sup>a</sup> san là air an gairm mi ort ;  
éisd rium gu grad.

3 Oir tha mo laithean air teir-  
eachdainn mar dheataich, agus tha  
mo chuàmhian air an losgadh mar  
theinntean<sup>a</sup>.

4 Tha mo chridhe air a bhualadh,  
agus air seargadh mar fheur : air  
chòr as nach cuimhne leam m'aran  
iththeadh.

5 Le guth m'osnaich, lean mo  
chnàmhan ri m'fheoil<sup>b</sup>.

6 Tha mì cosmhuil ri pelican an  
fhàsaich : tha mi mar chomhachaig<sup>c</sup>  
nan ionad aonarach.

7 Tha mi ri faire, agus tha mi  
mar eun<sup>d</sup> na aonar air mullach  
tighe.

8 Air feadh an latha tha mo  
naimhde gam' mhasluchadh ; agus  
iadsan a tha air boile rium, mhiòn-  
aich iad a'm<sup>e</sup> aghaidh<sup>e</sup>.

9 Oir dh'ith mi luath mar aran,  
agus mheasg mi mo dheoch le m'  
dheuraibh<sup>f</sup>.

10 Trèid do chorruich agus  
t'fheirge ; oir thog thu mi suas, agus  
leag thu mi sìos.

11 Tha mo laithean, mar sgàile,  
ag aomadh sìos ; agus tha mi féin,  
mar fheur, air seargadh.

12 Ach mairidh tusa, a Thigh-  
earna, gu bràth, agus do chuimhne  
o linn gu linn.

13 Eiridh tusa, ni thu tràcair air  
Sion ; oir tha'n t-àm gu deadh-  
ghean<sup>g</sup> a nochdadh dh'i, seadh, an  
t-àm suidhichte air teachd.

14 Oir tha do sheirbhiseich a' gabh-  
ail tlachd na clachaibh, agus tha  
deadh rùn aca d'a luathre.

15 Mar sin bithidh eagal air na  
cinnich roimh ainm an Tighearna,  
agus air uile righribh na talmhainn  
roimh a<sup>h</sup> ghloir.

16 An uair a thogas an Tighearna  
suas Sion, clithcar e na ghloir.

17 Bheir e'n aire do ùrnuigh nan  
dlobarach<sup>i</sup> agus cha dean e tàir air  
an athchuinge.

18 Sgrìobhar so do'n àl ri teachd ;  
agus inolaidh an sluagh a ghinear<sup>k</sup>  
an Tighearna.

19 Oir dh'amhairc e nuas o airde  
a naomhachd<sup>l</sup> féin ; o na nèamh-  
aibh sheall an Tighearn air an ta-  
lamh.

20 Achluinntinn osnaich a phrios-  
unaich<sup>m</sup>, chum fuasgladh orra-san  
a dh'òrduicheadh chum bàis<sup>n</sup> ;

21 Chum ainm an Tighearna  
chur an cèill ann an Sion, agus a  
chliu ann an Ierusalem ;

22 An uair a chruinnichear na  
slòigh le chéile, agus na rìoghachda,  
guseirbhis a dheanamh do'n Tigh-  
earna.

23 Chlaoidh e anns an t-slighe mo  
neart ; ghiorraich e mò laithean.

24 Thubhairt mi, Mo Dhia, na  
tabhair air falbh mi ann am meadhon  
mo laithean : tha do bhliadhnan-sa  
air feadh nan uile linn.

25 O chian<sup>o</sup> leag thu bunaite na  
talmhainn ; agus is iad na nèamha  
obair do làmh<sup>a</sup>.

26 Théid as doibh-san<sup>p</sup>, ach mair-  
idh tusa : fasaidd iadsan uile sean  
mar eudach ; mar thrusgan caoch-  
laidh tu iad, agus bithidh iad air an  
caochladh<sup>q</sup>.

27 Ach is tusa an Ti ceudna ;  
agus cha chrìochnuichear do  
bhliadhnan.

28 Mairidh clann do sheirbhiseach,  
agus daingnichear an slìochd a'd<sup>r</sup>  
fhianuis.

## SALM CIII.

*Salm le Daibhidh.*

**B**EANNUICH an Tighearn, O  
m'anam ; agus moladh gach ni  
a ta'n taobh a stigh dhìom, 'ainm  
naomha-san.

2 Beannuich an Tighearn, O  
m'anam ; agus na di-chuimhnich a  
thiodhlacan uile.

3 'Se mbaitheas dhuit do pheac-  
anna gu léir, a shlànuicheas t'eus-  
laintean<sup>s</sup> uile ;

4 A shaoras do bheatha o sgrìos<sup>t</sup>,  
a chrùnas tu le caoimhneas-gràidh  
agus caomh thròcairibh.

5 A shàsuicheas do bheul le nith-  
ibh maithe, air chor as gun ath-  
nuadhaichear t'òige, mar òige na  
li-iolaire.

6 Ni an Tighearna ceartas agus  
breitheanas dhoibh-san uile a tha air  
an sàruchadh<sup>u</sup>.

7 Dh'fhoillsich e a shlighean do  
Mhaois, a ghnìomhara do chloinn  
Israeil.

8 Is tràcaireach agus is gràsmlhor

l<sup>o</sup> ionaid naomha. m<sup>o</sup> osnaidh a  
chimich. n<sup>o</sup> air clann a' bhàis.

o<sup>o</sup> An toiscach, air tùs. p<sup>o</sup> Teirg-  
idh iadsan. q<sup>o</sup> air am mùthadh,

air an atharrachadh. r<sup>o</sup> eucailean.  
s<sup>o</sup> o'n t-slochd. Eabh. t<sup>o</sup> fo

fhoirneart.

a<sup>a</sup> theallach. b<sup>a</sup> ri m' chraicinn.

c<sup>a</sup> chaillich-oidhche. d<sup>a</sup> ghealbhonn.

e<sup>a</sup> orm. f<sup>a</sup> le gul. g<sup>a</sup> gràs, tru-

acantas. h<sup>a</sup> do. i<sup>a</sup> nan daoine

bochd, lom. k<sup>a</sup> a chruthaichear,



an Tighearn, mall chum feirge, agus pailt ann an caoimhneas-gràidh <sup>a</sup>.

9 Cha chronuich e gu sìorruidh, agus cha ghléidh e <sup>b</sup> 'fhearg gu bràth.

10 A réir ar peacanna cha d'rinn e oirnn, agus a réir ar n-eucearta cha d'thug e luigheachd dhuinn.

11 Oir mar a ta na néamhan ard <sup>b</sup> os cionn na talmhainn, *mar sin* a ta a thròcair <sup>c</sup> mòr d'an taobh-san d'an eagal <sup>e</sup>.

12 Co fhada as a ta 'n aird an ear o'n aird an iar, co fhada as sin chuir e uainn ar n-eusaontais.

13 Mar a ghabhas athair truas d'a chloinn, gabhaidh an Tighearna truas dhiubhsan d'an eagal <sup>e</sup>.

14 Oir is aithne dha ar dealbh; <sup>b</sup> cuimhne leis gur duslach sinn.

15 An duine, mar fheur *tha* a aithean; mar bhlàth na macharach, mar sin fasaidh e fo bhlàth.

16 Oir gabhaidh a' ghaoth thairis, agus cha *bhi* e ann; agus cha'n aithnich 'ionad féin e ni's mò.

17 Ach *a ta* thròcair an Tighearna o shìorruidheachd orrasan d'an eagal <sup>e</sup>, agus 'fhèireantachd do chloinn an cloinne;

18 Dhoibhsan a chumas a choimh-cheangal, agus a chuimhniceas 'aitheanta, chum an deanamh.

19 Shocruidh an Tighearn a righ-chaitir anns na néamhaibh; agus tha a rioghachd a' riaghladh os cionn nan uile.

20 Beannuichibh an Tighearna, sibhse 'aingle, treun an neart, a' deanamh 'iarrtuis, ag éisdeachd ri fuain 'fhocail <sup>d</sup>.

21 Beannuichibh an Tighearn, a shìdigh uile, sibhse a luchd-frithealaidh a ni a thoil.

22 Beannuichibh an Tighearn, 'oibre uile, anns gach àit d'a thighearnas: beannuich an Tighearn, O m'anam!

## SALM CIV.

**B**EANNUICH an Tighearn, O m'anam! A Thighearna mo Dhia, tha thusa ro-mhòr; le h-urram agus mòralachd <sup>e</sup> tha thu air do sgeadacladh.

2 Tha thu a' cur soluis umad mar thrusgan, a' sìneadh a mach nan nèamh mar chùirtein.

3 Tha e a' leagadh sailthean a shedmar anns na h-uisgibh, a' deanamh nan neul nan carbad dha féin, a' sìubhal air sgiathaibh gaoithe;

4 A' deanamh 'aingle nan spioradaibh, a luchd-frithealaidh nan teine lasrach <sup>f</sup>.

<sup>a</sup> thròcair.

<sup>b</sup> a réir airde nan nèamh.

<sup>c</sup> a ghràs.

<sup>d</sup> guth.

<sup>e</sup> glòir.

<sup>f</sup> A' deanamh a

theachdairean do na gaothaibh, a luchd-

frithealaidh do'n teine lasrach.

<sup>b</sup> a réir airde nan

<sup>c</sup> a ghràs, a chaoimh-

<sup>d</sup> guth.

<sup>e</sup> glòir.

<sup>f</sup> A' deanamh a

theachdairean do na gaothaibh, a luchd-

frithealaidh do'n teine lasrach.

5 Shuidhich e an talamh air a bhunaitibh, chum nach gluaisteadh e gu bràth.

6 Leis an doimhneachd, mar le trusgan, chòmhdaich <sup>e</sup> thu e: sheas na h-uisgeacha os cionn nam beann.

7 O t'achmhasan-sa theich iad, o ghuth do thairneanaich ghreas iad rompa.

8 Chaidh iad suas ri taobh nam beann; chaidh iad sìos air feadh nan gleann do'n àit a dh'orduich thusa dhoibh.

9 Shuidhich thu crìoch air nach d'théid iad thairis; chum nach pill iad a ris a chòmhdaichadh <sup>b</sup> na talmhainn.

10 Tha e a' cur thobar anns na gleanntaibh, a tha a' ruith air feadh nam beann.

11 Bheir iad deoch do uile bheathaichibh na machrach: coisgidh na h-asail fhiadhaich an 'otadh <sup>i</sup>.

12 Am fagus doibh còmhnuichidh eunlaith nan speur, a bhios a' seinn am measg nan geug.

13 Uisgichidh e na beannta o 'sheòmràibh: le toradh a <sup>k</sup> ghnìomh sàsuichear an talamh.

14 Bheir e air fear fàs do'n spréidh, agus air luibh chum seirbhis <sup>l</sup> an duine, chum aran a thabhairt as an talamh,

15 Agus fion a ni cridhe an duine subhach, oladh a ni a ghnùis dealrach, agus aran a neartaicheas cridhe an duine.

16 Tha craobhan an Tighearna làn brìghe, seudair Lebanoin a shuidhidh e:

17 Fàr an dean na h-eoin an nid; aig an stòrc <sup>m</sup> tha na craobhan giuthais <sup>n</sup> mar ionad-tàimh.

18 Tha na beanntan ard nan tearmunn do na gabhair fhiadhaich; na creagann do na coineanaibh <sup>o</sup>.

19 Rinn e a' ghealach air son aimsirean; is aithne do'n ghréin mar a luidheas <sup>i</sup>.

20 Ni thu dorchadas, agus tha'n oidhche ann: an sin snàigidh uile bheathaiche na coille mach.

21 Beucaidh na leòmhain òg air son cobhartaich, agus ag iarraidh am bìdh air Dia.

22 Eiridh a'ghrian, cruinnichidh iad le chéile, agus nan àitibh-tàimh luidhidh iad.

23 Théid an duine mach gu 'obair, agus gu 'shaothair gu feasgar.

24 Cia lìomhor t'oibre, a Thighearn! ann an gliocas rinn thu iad gu léir: tha'n talamh làn le d' shaibhreas;

<sup>g</sup> dh'fholuich.

<sup>h</sup> an tart, am pathadh.

<sup>i</sup> feuma.

<sup>j</sup> giùmhais.

<sup>k</sup> do.

<sup>l</sup> a' chorra-bhain.

<sup>m</sup> sapan.

<sup>n</sup> Eabh.

<sup>b</sup> a dh'fholach.

<sup>c</sup> do.

<sup>d</sup> a' chorra-bhain.

<sup>e</sup> sapan.

<sup>f</sup> Eabh.

<sup>g</sup> sapan.

<sup>h</sup> Eabh.

<sup>i</sup> Eabh.

25 *Mar an ceudna* an cuan so a ta mòr agus farsaing, anns am bheil creutairean snàigeach<sup>a</sup> gun àireamh, araon beathaichean beag agus mòr.

26 An sin siubhlaidh na longa; agus an Lebhiatan sin, a dhealbhadh thu gu sùgradh ann.

27 Feithidh iad sin uile ortsa, chum gu'n tabhair thu dhoibh am biadh na thràth.

28 Bheir thusa dhoibh, cruinnichidh iadsan; fosgailidh tu do làmh, sàsuichear iad le maith.

29 Foluichidh tu do ghnùis, bithidh iad fa amhladh<sup>b</sup>; bheir thu uatha an deò, eugaidh iad, agus pillidh iad ri'n ùir<sup>b</sup>.

30 Cuiridh tu mach do spiorad, cruthaichear iad; agus ath-nuadh-aichidh tu aghaidh na talmhainn.

31 Mairidh glòir an Tighearna gu bràth; nì an Tighearna gairdeachas na oibridh.

32 Seallaidh e air an 'alamh, agus criothnuichidh e; beanaidh e ris na beanntaibh, agus bithidh deatach dhiubh.

33 Seinnidh mise do'n Tighearna an cian is beo mi; cànaidh mi moladh do m' Dhia fhad's a bhios bith agam.

34 Bithidh mo smuaintean air milis<sup>c</sup>; nì mi gairdeachas anns an Tighearna.

35 Sgriosar peacaich a mach as an talamh, agus cha bhi<sup>d</sup> na h-aingidh ann nì's mò. Beannuich an Tighearna, O m'anam. Molaibh-se an Tighearna.

### SALM CV.

**THUGAIBH** buidheachas<sup>e</sup> do'n Tighearna; gairmibh air 'ainm; foillsichibh<sup>f</sup> am measg nan sluagh a ghnìomhara.

2 Seinnibh dha; seinnibh sàilm dha; labhraibh air 'òibribh iongantach-san gu léir.

3 Deanaibh uail as 'ainm naomhasan: biodh gairdeachas air cridhe na droinge a dh'iarras an Tighearna.

4 Iarraibh an Tighearna agus a neart; iarraibh a ghnùis a ghnàth.

5 Cuimhnichibh 'oibrean iongantach a rinn e, a chomharan<sup>g</sup> agus breitheanais a bhéil,

6 O sibhse a shliochd Abrahaim 'òglaich-san, sibhse a chlann Iacoib a dhaoine taghta-san.

7 Is esan an Tighearna ar Dia-ne; air feadh na talmhainn uile tha a bhreitheanais.

8 Chuimhnich e gu sìorruidh a

<sup>a</sup> snaigheach, gluasadach.

<sup>b</sup> duslach, luathre.

<sup>c</sup> mo

<sup>d</sup> na

smuainte taitneach dha.

biodh. <sup>e</sup> moladh, cliu.

<sup>f</sup> deanaibh aithnichte.

gantasan.

g'ion-

606

choimhcheangal, am focal a dh'or-duich e do mhùle ginealach;

9 A rinn e ri h-Abraham, agus a mhionnan do Isaac:

10 Agus dhaingnich e sin do Iacob mar reachd<sup>h</sup>, do Israel mar choimhcheangal bith-bhuan,

11 Ag ràdh, Dhuitse bheir mi fearann Chanaain, crannchur bhrur n-oighreachd.

12 An uair nach robh iad ach ro thearc an àireamh, agus nan coig-rich ann,

13 Agus a chaidh iad o dhinneach gu cinneach, o rioghachd gu sluagh eile;

14 Cha do leig e le duine sam bith eucoir a dheanamh orra, agus smachdaich e righrean air an son:

15 Ag ràdh, Na beanaibh ri m' dhaoineibh ungta, agus air m'fhàidhibh na deanaibh cron.

16 Agus ghairm e gorta air an tìr; bhris e uile lorg an arain.

17 Chuir e duine rompa, Ioseph, a reiceadh mar thràill.

18 Le geimhlibh dhochainn iad a chosan; chuireadh an iarrunn e gu teann;

19 Gu ruig an t-àm anns an d'fhàinig a bhràthar: dhearbhadh focal an Tighearna e.

20 Chuir an rìgh teachdaire uaith, agus dh'fhuasgail e air; uachdaran an t-sluaigh, agus leig e saor as e.

21 Rinn se e na thighearna air a thigh, agus na uachdaran os cionn a mhaoin uile:

22 Chum gu'n ceangladh e 'ard-cheannardan a réir a thoile, agus gu'n deanadh e a sheanairean glic.

23 Agus thàinig Israeil do'n Eiphit, agus bha Iacob air chuairt ann an tìr Cham<sup>i</sup>.

24 Agus thug e air a shluagh fàs ro ìonmhor, agus rinn e nì bu treise iad na'n naimhdean.

25 Dh'iompoich e an cridhe gu fuath a thoirt d'a shluagh, agus is-buntainn gu cealgach r'a sheirbhgu ich.

26 Chuir e d'an ionnsuidh Maois 'òglaich fèin, Aaron a thigh e.

27 Nochd iad a chomharan nam measg, agus a bheartan iongantach ann an tìr Cham.

28 Chuir e mach dorchadas, agus bha dorchadas ann<sup>k</sup>: agus cha d'rinn iad ceunairc an aghaidh 'fhocail.

29 Thionndaidh e an uisgeacha gu fuil, agus mharbh e an iasg.

30 Thug an tìr a mach losgainn<sup>l</sup> gu pailt, ann an sèomhraichibh an rìghre.

<sup>h</sup> lagh.

<sup>i</sup> Ham.

<sup>k</sup> dhorchaidh e.

<sup>l</sup> bhrùchd

an talamh a mach losgainn.

31 Labhair e<sup>a</sup>, agus thàinig iomadh gnè chuileag<sup>b</sup>, agus mialan nan crìochaibh uile.

32 Air son an uisge thug e dhoibh clach-mheallain<sup>c</sup>, agus teine lasrach<sup>d</sup> nan tìr.

33 Agus bhuail e an croinn-fhlona agus an croinn-fhlège; agus bhris e craobhan an crìoch.

34 Labhair e, agus thàinig locuist, agus burruis, agus sin gun àireamh;

35 Agus dh'ith iad gach luibh nan tìr: agus dh'ith iad meas<sup>e</sup> am fearainn.

36 Agus bhuail e gach ceud-ghin nan tìr, toiseach an neirt uile.

37 Agus thug e mach iad le h-airgid agus le h-òr: agus nan treubhaibh uile cha robh aon neach lag.

38 Bha aoibhneas air an Eiphit an uair a chaidh iad a mach; oir thuit an eagal-san orra.

39 Sgaoil e neul mar chòmhach<sup>f</sup>, agus teine gu solus a thoirt 'san oidhche.

40 Dh'iarr iad, agus thug e dhoibh gearra-goirt; agus le h-aran nèimhe shàsuich e iad.

41 Dh'fhosgail e a' chreag, agus bhruchd uisgeacha mach; ruith iad air na h-ionadaibh tiorra mar abh-uinn.

42 Oir chuimhnich e a ghealladh naomha do Abraham a sheirbhis-each.

43 Agus thug e mach a shluagh le h-aoibhneas, a dhaoine taghta le gairdeachas.

44 Agus thug e dhoibh fearann nan cinneach; agus shealbhaich iad saothair nan sluagh.

45 Chum gu d'fhugadh iad fa'near a reachdan, agus gu gleidheadh iad a laghanna. Molaibh an Tighearna.

## SALM CVI.

**M**OLAIBH an Tighearna. O thn. gaibh buidheachas do'n Tighearna, oir tha e maith, oir gu bràth mairidh a thròcair.

2 Cò is urrainn gnìomhara treun an Tighearna a chur an cèill? cò is urrainn a chluin uile fhoillseachadh?

3 Is beannuichte iadsan a chloimideas breitheanas, a nì ceartas anns gach àm.

4 Cuimhnich oirnn<sup>h</sup>, a Thighearna, leis an deadh-ghean a nochdas tu do d' shluagh féin: O fìosraich sinn<sup>i</sup> le d' shlainte:

5 Chum gu faic sinn<sup>k</sup> maith do dhaoine taghta, chum gu dean sinn

<sup>a</sup> Dh'athn e. <sup>b</sup> sgaoth chuileag. <sup>c</sup> clach-shneachd. <sup>d</sup> teine dealanaich. <sup>e</sup> toradh. <sup>f</sup> bhrat. <sup>g</sup> ghleidheas. <sup>h</sup> orm. <sup>i</sup> mi. <sup>k</sup> mi.

aoibhneas ann an aoibhneas do chinich; chum gu dean sinn uail le t'òighreachd-sa.

6 Pheacaich sinne le'r n-aithrichibh; rinn sinn gu h-olc, rinn sinn gu h-aingidh.

7 Cha do thruig ar n-aithrich<sup>l</sup> t'iongantais anns an Eiphit, cha do thruig iad lionmhoireachd do thròcairean, ach bhròsuich iad thu<sup>m</sup> làimh ris a' mhuir, aig a' mhuir ruaidh.

8 Gidheadh theasaig e iad air sgàth a' ainme féin; chum gu nochdadh e a chumhachd.

9 Agus smachdaich e a' mhuir ruadh, agus thiormaicheadh i; agus thredraich e iad<sup>n</sup> trid nan doimhneachd, mar trid fàsaich.

10 Agus theasaig e iad o làimh an tì a thug fuath dhoibh, agus shaor e iad o làimh an nàmhaid.

11 Agus dh'fholuich na h-uisgeacha an eascairde: cha d'fhàgadh aon diubh.

12 An sin chreid iad a bhriathran<sup>o</sup>, agus sleinn iad a chliu.

13 Gu luath dhi-chuimhnich iad a ghnìomhara; cha d'fheith iad r'a chomhairle.

14 Ach gh'lac anamhiann iad<sup>p</sup> 'san fhàsach, agus bhuairead iad Dia anns an ionad uaigneach.

15 Agus thug e dhoibh an iarrtus, ach chuir e caoile<sup>r</sup> air an anam.

16 Agus ghabh iad farmad ri Maois anns a' champ, agus ri h-Aaron sagart naomh an Tighearna.

17 Dh'fhosgail an talamh, agus shluig e sìos Datan, agus dh'fholuicheadh cuideachd Abiram.

18 Agus las teine nan cuideachd; loisg an lasair suas na droch dhaoine.

19 Rinn iad laogh ann an Horeb, agus shleuchd iad<sup>s</sup> do'n dealbh leaghta.

20 Agus chaochail iad an glòir gu cosamhlachd daimh a dh'itheas fear.

21 Dhi-chuimhnich iad Dia am Fear-saoraidh, a rinn nithe mòra anns an Eiphit.

22 Nithe iongantach ann an tìr Cham, nithe uamhasach aig a' mhuir ruaidh:

23 Uime sin thubhairt e gu'm milleadh e iad, mur bhitheadh gu'n do sheas 'òglach taghta Maois fa

<sup>1</sup> Cha d'thug ar sinnseara fa'near.

<sup>m</sup> bha iad ceannairceach.

<sup>n</sup> thug e orra imeachd.

<sup>o</sup> 'fhocal.

<sup>p</sup> loisg iad le h-anamhiann.

<sup>q</sup> dhearbh.

<sup>r</sup> claoidh, sgrios.

<sup>s</sup> rinn

<sup>t</sup> iad aoradh.

<sup>u</sup> sgriosadh.

chomhair anns a' bheirn<sup>a</sup>, gus a chorrnich a thionndadh uatha, chum nach sgriosadh e iad.

24 Agus rinn iad tarhuis air an tìr thaitnich: cha do chreid iad fhoc-al.

25 Agus rinn iad gearan nam bùthaibh<sup>b</sup>; agus cha d'èisd iad ri guth an Tighearna.

26 An sin thog e a làmh<sup>c</sup> nan aghaidh, a thoirt orra tuiteam anns an fhàsach,

27 Agus a thilgeadh sìos anslìochd am measg nan cinneach, agus gu'n sgaòileadh air feadh nan tìr.

28 Mar an cendna naisg iad fad féin ri Baal-peor, agus dh'ith iad ìobairte nam marbh.

29 Agus bhrosnuich iad e le'n gnìomharaibh<sup>d</sup>; agus bhris a' phlàigh a steach orra.

30 An sin sheas Phinehas, agus chuir e breitheanas an gnìomh; agus clòisgeadh a' phlàigh.

31 Agus mheasadh sin dha mar fhìreantachd, o linn gu linn gu bràth.

32 Chuir iad fearg air mar an ceudna aig uisgibh Mheribah<sup>e</sup>; agus dh'éirich oile do Mhaois air an son.

33 Oir bhrosnuich iad a spiorad, air chor as gu'n do labhair e gu h-aithghearr le 'bhilibh.

34 Cha do sgrios iad na slòigh, mu'n d'thug an Tighearna àithne dhoibh;

35 Ach choimh-mheasg iad iad féin am measg nan cinneach, agus dh'fhòghluim iad an oibre.

36 Agus rinn iad seirbhis d'an ìodholaibh<sup>f</sup>, a bha mar ribe dhoibh.

37 Agus dh'ìobair iad am mic agus an nigheana do dheamhnaibh,

38 Agus dh'ìort iad fuil neo-chiontach, fuil am mac<sup>g</sup> agus an nighean, a dh'ìobair iad do ìodholaibh Chanaain: agus thrnailleadh an tìr le fuil.

39 Agus rinneadh neo-ghlan iad le'n oibribh, agus chaidh iad air slòpachas le'n gnìomharaibh<sup>h</sup>.

40 Agus las fearg an Tighearna an aghaidh a shluaigh, agus ghabh e gràin d'a oighreachd.

41 Agus thug e snas iad do làimh nan cinneach; agus bha iadsan a dh'fhuathaich iad, nan uachdarain os an cionn.

42 Agus shàruich an naimhdean iad; agus leagadh gu h-ìosal iad fo'n làimh.

<sup>a</sup> bheum, bhriseadh.

<sup>b</sup> pàil-liunaibh, pubullaibh.

<sup>c</sup> mhion-naich e.

<sup>d</sup> innleachdaibh.

<sup>e</sup> uisgibh na comh-stri.

<sup>f</sup> diathaibh-breige.

<sup>g</sup> clann mhae.

<sup>h</sup> innleachdaibh.

<sup>b</sup> pàil-

<sup>c</sup> mhion-

<sup>d</sup> innleachdaibh.

<sup>e</sup> uisgibh na comh-stri.

<sup>f</sup> diathaibh-breige.

<sup>g</sup> clann

<sup>h</sup> innleachdaibh.

43 Iomadh uair shaor e iad; ach bhrosnuich iad e le'n comhairlibh, agus thugadh sìos iad air son an cionta.

44 Gidheadh thug e an àmhghar fa'neari, an uair a chual e an glaoth.

45 Agus chuimhnich e dhoibh a choimhcheangal, agus ghabh e aithreachas a réir lìonhhoireachd a thròcaire<sup>k</sup>.

46 Agus fhuair e truas<sup>l</sup> dhoibh an sealladh na muinntir sin a thug leo nam braighdibh iad.

47 Saor sinn, a Tighearna ar Dia, agus tionail sinn o mheasg nan cinneach, chum buidheachas<sup>m</sup> a thabhairt do t'ainm naomha-sa, chum caithream<sup>n</sup> a dheanamh ann ad chliu.

48 Gu ma beannuichte an Tighearna Dia Israeil o shìorruidheachd gu sìorruidheachd! agus abradh an sluagh uile, Amen. Molaibhse an Tighearna.

## SALM CVII.

**O** THUGAIBH buidheachas<sup>o</sup> do'n Tighearna, oir tha e maith, oir gu bràth mairidh a thròcair.

2 Mar so abradh iadsan a shaoradh leis an Tighearna, a shaor e o làimh an nàmhaid.

3 Agus a chruinnich e as na tìribh, o'n aird an ear agus o'n aird an iar, o'n airde tuath agus o'n airde deas<sup>p</sup>.

4 Chaidh iad air seacharan anns an fhàsach, ann an ionad uaigheach; slighe<sup>q</sup> gu baile tàimh<sup>r</sup> cha d'fhuair iad.

5 Ocrach agus tartmhor, dh'fhàilnich an anam annta.

6 An sin ghlaodh iad ris an Tighearna nan airc, agus as an teanntachdaibh<sup>s</sup> shaor e iad.

7 Agus thrèraich e iad air slighe cheirt, chum gu rachadh iad gu baile tàimh.

8 O gu moladh daoine Dia air son a mhaith<sup>t</sup>, agus air son a bhearta iongantach do chloinn nan daoine!

9 Oir shàsuich e an t-anam ciocrach<sup>u</sup>, agus lìon e an t-anam ocrach le maith.

10 Iadsan a shuidh ann an dorchadas agus ann an sgàile a' bhàis, ceangailte ann an truaighe agus an iarrunn,

11 A chionn gu'n d'rinn iad ceannairc an aghaidh bhriathar Dhé, a-

<sup>i</sup> dh'amhairc e orra nan teinn.

<sup>k</sup> a réir saibhreis a ghràis.

<sup>l</sup> bàigh, iochd.

<sup>m</sup> moladh.

<sup>n</sup> uaill.

<sup>o</sup> moladh.

<sup>p</sup> o'n mhuir rnaidh. Eabh.

<sup>q</sup> air slighe uaighnich.

<sup>r</sup> baile còmhnuidh.

<sup>s</sup> àmhgharaibh.

<sup>t</sup> a thròcaire.

<sup>u</sup> miannach.

<sup>m</sup> moladh.

<sup>n</sup> moladh.

<sup>o</sup> moladh.

<sup>p</sup> o'n mhuir rnaidh. Eabh.

<sup>q</sup> air slighe uaighnich.

<sup>r</sup> baile còmhnuidh.

<sup>s</sup> àmhgharaibh.

<sup>t</sup> a thròcaire.

<sup>u</sup> miannach.



agus g'un d'rinn iad tàir air comhairle an Tì a's airde;

12 Aig an do leagadh<sup>a</sup> sìos an cridhe le docair<sup>b</sup>: thuit iad, agus cha robh fear-cuideachaidh ann:

13 An sin ghlaodh iad ris an Tighearna nan airc, agus as an teanntachdaibh shaor e iad.

14 Thug e iad a dorchadas agus a sgàile a' bhàis, agus bliris e o cheile an cuibhreach.

15 O gu moladh daoine an Tighearna air son a mhaitheis, agus air son a bhearta iongantach do chloinn nan daoine!

16 Oir bliris e na geatan umha<sup>d</sup>, agus ghearr e sìos na croinn iarrunn.

17 Bha amadain, air son an eusaontais<sup>e</sup> agus air son an eucearta, fo àmhghar<sup>f</sup>.

18 Do gach biadh ghabh an anam gràin, agus thàinig iad dlùth do gheataibh bàis.

19 An sin ghlaodh iad ris an Tighearna nan airc, agus as an teanntachdaibh shaor e iad.

20 Chuir e 'fhocal uaith, agus shlànuich e iad; agus shaor e iad o sgrios<sup>g</sup>.

21 O gu moladh daoine an Tighearna air son a mhaitheis, agus air son a bhearta iongantach do chloinn nan daoine!

22 Agus gu'n ìobradh iad ìobairte buidheachais, agus gu'n cuireadh iad an céill a ghnìomhara le luathghaire!

23 Iadsan a théid sìos do'n fhairge air longaibh, a nì obair air nisgibh mòra,

24 Chi iadsan gnìomhara an Tighearna, agus a bhearta iongantach<sup>h</sup> san doimhne.

25 Oir labhairidh e, agus dùisgidh e a' ghaoth dhoinionnach, agus togaidh i a tonna<sup>i</sup>.

26 Théid iad suas do na néamhaibh, théid iad sìos do na doimhneachdaibh; le h-àmlighar leagaidh an anam.

27 Théid iad thuige<sup>k</sup> agus uaith, agus tuislichidh iad mar dhuine air mhìsg; agus théid as d'an céill uile<sup>l</sup>.

28 An sin glaodhaidh iad ris an Tighearna nan airc, agus as an teanntachdaibh bheir e iad.

29 Cuiridh e an doinionn gu fèith; agus bithidh a tonna nan tàmh.

<sup>a</sup> leag e. <sup>b</sup> saothair.

<sup>c</sup> bhrìst. <sup>d</sup> praise.

<sup>e</sup> le slighe an eusaontais. Eabh.

<sup>f</sup> air an cràdh. <sup>g</sup> o shlochd-

aibh truaillidheachd. <sup>h</sup> ion-

gantais-san. <sup>i</sup> tonna na fairge.

<sup>k</sup> chuige. <sup>l</sup> sluigear suas an

ciall uile, teirgidh an seoltachd uile.

30 An sin bithidh iad a' chionn gu'm bi iad sàmhach; agus bheir e iad do'n chladh a's miannach leo.

31 O gu moladh daoine an Tighearna air son a mhaitheis, agus air son a bhearta iongantach do chloinn nan daoine!

32 Agus gu'n ardaicheadh iad e ann an coimhthional an t-sluaigh, agus ann an àite-suidhe<sup>m</sup> nan seanair gu moladh iad e!

33 Nì e aibhniche nam fàsach, agus tobair uisge nan talamh tartmhor<sup>n</sup>.

34 Fearann beartach nì e fàs<sup>o</sup>, air son aingidheachd a luchd-àit-eachaidh.

35 Nì e fàsach na linne uisge, agus fearann tioram na thobraichibh uisge.

36 Agus an sin bheir e air na h-ocraich còmhnuidh a ghabhail; agus deasaichidh iad baile tàimh<sup>p</sup>.

37 Agus sìol-chuiridh iad achanna, agus suidhichidh iad fion-liosan; agus bheir iad toradh pailt<sup>q</sup> uatha.

38 Agus beannuichidh se iad, agus fàsaidh iad ro lìonmhor; agus cha lughdaich e an spréidh.

39 Ach ma pheacaicheas iad, lughdaichear agus leigear sìos iad le foirneart, olc<sup>r</sup>, agus doilgheas.

40 Dùirtidh e tarcuis air arduaisibh<sup>s</sup>, agus cuiridh e air seacharan iad ann am fàsach as eugmhaisslighe.

41 Agus togaidh e suas am bochd o thruaighe<sup>t</sup>, agus nì e teaghlaichean dha mar threud.

42 Chi na fireana so, agus bithidh iad a' t; agus druididh gach eaceart a beul.

43 Cò a ta glèic, agus a bheir fa' near na nithe sin? tuigidh esan caomhneas gràdhach<sup>u</sup> an Tighearna.

## SALM CVIII.

Laoidh no Salm le Daibhidh.

**THA** mo chridhe deas, a Dhe, seinnidh mi agus molaidh mi, eadhon le m' ghàird<sup>x</sup>.

2 Mosgail, a shaltair agus a chlarsach: mosglaidh mi féin moch air mhaduinn.

3 Molaidh mi thu am measg nan sluagh, a Thighearna, agus seinnidh mi dhuit am measg nan cinneach.

4 Oir is mòr do thròcair os cionn

<sup>m</sup> cruinneachaidh. <sup>n</sup> tioram, cruaidh.

<sup>o</sup> goirt, bochd, gun toradh.

<sup>p</sup> chum còmhnuidh ann.

<sup>q</sup> toradh an cinneis.

<sup>r</sup> le foirneart an uile. <sup>s</sup> uach-

daranaibh, prionnsaibh.

<sup>t</sup> àmhghar. <sup>u</sup> caomh thrò-

cairean. <sup>x</sup> Faic Salm LVII. r.

7, &c.

nan nèamh; agus *tha* t'fhàirinn gu ruig na neula.

5 Bi air t'ardachadh os cionn nan nèamh, a Dhé; agus os cionn na talmhainn uile *biodh* do ghlòir.

6 Chum gu teasairgear iadsan a's ionmhuinn leat, saor thusa le d' dheas làimh, agus éisd rium.

7 Labhair Dia na naoimhachd: ni mi aoibhneas, roinnidh mi Sechem, agus tomhaisidh mi gleann Shucoit.

8 *Is* leam-sa Gilead, *is* leam Manasseh; agus *is* e Ephraim neart mo chinn, Iudah fear-tabhairt mo lagha.

9 *Is* e Moab mo shoitheach-ionn-laid; os cionn Edoim tilgidh mi mo bhròg: thar Palestin ni mi caithreim.

10 Cò bheir mi do'n bhàile dhaing-nichte? cò thredraicheas mi gu h-Edom?

11 Nach tusa, a Dhé? *thusa* a thilg uait sinn, agus nach deachaidh a mach, a Dhé, le ar n-armailtibh?

12 Thoir còmhnaidh dhuinn ann an airc; oir *is* dìomhain furtachd duine.

13 Trèd Dhé<sup>e</sup> ni sinn treubhantas; oir saltraidh esan sìos ar naimhdean.

## SALM CIX.

*Do'n ard fhear-ciùil. Salm le Daibhidh.*

**A** DHE mo chliu, na bi a'd' thosd.

2 Oir tha beul an aingidh, agus beul na cèilge fosgailte a'm' aghaidh; labhair iad a'm' aghaidh le teangaidh nam breug.

3 Agus le briathraibh fuatha chuairtich iad mi; agus chog iad a'n' aghaidh gun aobhar.

4 An éiric mo ghràidh tha iad naimhdeil dhomh, agus mi ri h-ùrnuigh.

5 Agus dh'iol iad dhomh olc an éiric maith, agus fuath an éiric mo ghràidh.

6 Cuir an t-aingidh os a chionn<sup>d</sup>, agus seasadh Satan aig a dheas làimh.

7 'Nuair a bheirear breth air, faighear ciontach e<sup>e</sup>, agus biodh 'ùrnuigh dha na peacadh.

8 Biodh a laithean tearc, agus glacadh neach eile a dhreuchd<sup>f</sup>.

9 Biodh a chlànn nan dìlleachdairean, agus a bhean na bantraich.

<sup>a</sup> Faic Salm LX. r. 6, &c.

<sup>b</sup> An do thilg thu uait sinn? agus nach d'fhéid thu mach? Faic Salm LX. r. 10.

<sup>c</sup> Ann an Dia. Eabh.

<sup>d</sup> "Cuir an t-aingidh," ars' iadsan, "os a chionn," &c.

<sup>e</sup> thigeadh binn a mach na aghaidh.

<sup>f</sup> a chùram. Faic Gnomh. Caib. I. r. 20.

<sup>g</sup> gun athair.

10 A ghnàth air seacharan biodh a chlànn, agus iarradh iad déirc; agus sireadh<sup>h</sup> iad as an àitibh fàs.

11 Glacadh fear nam fiach gach ni a ta aige, agus creachadh coigrich a shaothair.

12 Na biodh neach ann a ni tròc-air air<sup>i</sup>, agus na biodh aon ann a ghabhas truas d'a chloinn gun ath-air.

13 Sgrios gu robh air a shliochd: 'san àl a thig na dhèigh, gu cuirear as d'a ainm<sup>k</sup>.

14 Air chuimhne biodh aingidheachd 'aithriche aig an Tighearn, agus na cuirear as<sup>l</sup> peacadh a mhàltiar.

15 Biodh iad am fianuis an Tighearna a ghnàth; agus gearradh e as an cuimhne o'n talamh.

16 A chionn nach do chuimhnich e tròcair a nochdadh, ach gu'n do gheur-lean e an duine bochd agus uireasbhuidheach, agus aig an robh cridhe goirt, chum a mharbhadh.

17 Mar a ghràdhach e mallachadh, thigeadh e air: mar nach robh tlachd aige ann am beannachadh, biodh e fad uaith.

18 Mar a chuir e mallachadh uime mar 'eudach<sup>m</sup>, thigeadh e steach mar uisge na chom, agus mar oladh na chnàmhaibh.

19 Biodh e dha mar an trusgan leis an còmhdaichear e, agus mar an crios leis an crioslaichear e a ghnàth.

20 *Is* e so obair m' eascairdean an lùthair an Tighearna<sup>n</sup>, agus nan daoine a labhras olc an aghaidh m'anama.

21 Ach dean thusa air mo shon, a Thighearna Dhé, air sgàth t'ainme: a chionn gu bheil do thròcair maith, saor thusa mi.

22 Oir tha mi bochd<sup>o</sup> agus uireasbhuidheach, agus tha mo chridhe air a lotadh an taobh a stigh dhìom.

23 Mar sgàile a' claonadh sìos tha mi a' siubhal; tha mi air m'fhuadachadh mar an locust.

24 Tha mo ghlùinean lag le trosgadh, agus tha m'fheoil a' teireachd-uinn le dìth sultha.

25 Agus tha mi a'm' aobhar mas-laidh dhoibh: 'nuair a sheall iad orm, chrath iad an cinn.

26 Cuidich leam, a Thighearna mo Dhia; saor mi a réir do thròcaire:

27 Chum gu'm bi fios aca gur i so do làmh, gur tusa, a Thighearn, a rinn e.

<sup>h</sup> tilgear a mach.

<sup>i</sup> a shìneas tròcair thuige.

<sup>k</sup> d'an ainm.

<sup>l</sup> glanar as, dubhar as.

<sup>m</sup> a chulaidh.

<sup>n</sup> duais m'eascairdean o'n Tighearna.

<sup>o</sup> truagh.

28 Malluicheadh iadsan, ach bean-  
nuich thusa: 'nuair a dh'èireas iad,  
biodh nàire orra; ach biodh t'òglach-  
sa air.

29 Biodh m'cascairdean air an  
còmhachadh le nàire, agus biodh  
iad air a' folachadh le'n amhluchd  
féin, mar le falluing.

30 Ard-inholaidh mi an Tighear-  
na le m' bheul; agus am measg na  
mor-chuideachd bheir mi cliu dha.

31 Oir seasaidd e aig deas làimh  
an duine bhochd, chum a shaoradh  
o luchd-dùidh<sup>a</sup> 'anama.

## SALM CX.

*Salm le Daibhidh.*

**T**HUBHAIRT an Tighearna ri m'  
Thighearna, Suidh aig mo dheas  
làimh, gus an cuir mi do naimhdean  
nan stòl fo d' chosaibh.

2 Slat-shuaicheantais do chumh-  
achd cuiridh an Tighearna a mach a  
Sion: bi thusa a'd' uachdaran am  
meadhon do naimhde.

3 Bithidh do shlugaigh ro thoileach  
ann an latha do chumhachd: ann  
am maise na naomhachd, mar an  
drùchd o bholg na maidne, bithidh  
t'òigridh agad<sup>b</sup>.

4 Mhionuaich an Tighearna, agus  
cha ghabh e aithreachas, *Is* sagart  
thu gu bràth, a réir orduigh Melchi-  
sedeic.

5 Buailidh<sup>c</sup> an Tighearna, a ta aig  
do dheas làimh, rìghrean ann an  
latha 'fheirge.

6 Bheir e breth am measg nan cin-  
neach; ònaidh e *gach àit le corp-*  
aibh marbha; lotaidh e an t-uachd-  
aran<sup>d</sup> os cionn iomadh tìr.

7 Do'n t-sruth air an t-slighe òl-  
aidh e; uime sin togaidh e suas a  
cheann.

## SALM CXI.

**M**OLAIBHSE an Tighearna.  
Bheir mise cliu do'n Tigh-  
earna le m' uile chridhe, ann an  
coinneamh nam firean, agus anns a'  
choimhthional.

2 Tha gnìomharan an Tighearna  
mòr; rannsaichear iad leo-san uile  
aig am bheil tlachd anna.

3 Urramach agus glòrmhor *tha*  
'obair-san; agus mairidh 'fhìreant-  
achd gu bràth.

4 Chuir e a gnìomharan iongant-  
ach air chuimhne: gràsmhor agus  
truacanta *tha* an Tighearna.

5 Thug e lòn<sup>e</sup> doibhsan d'an eag-  
al e; cuimhnicidh e gu bràth a  
choimhcheangal.

6 Chuir e neart 'oibre an céill d'a  
shluagh, le oigheachd nan cinneach  
a thabhairt doibh.

<sup>a</sup> bhrèitheamhnaibh.

<sup>b</sup> roimh

<sup>c</sup> reult na maidne ghin mi thu.

<sup>d</sup> Lotaidh.

<sup>e</sup> an ceann.

Eabh. <sup>f</sup> biadh.

7 *Is* iad firinn agus ceartas  
gnìomharan a làmh; is fìor<sup>f</sup> 'aith-  
eanta-san uile.

8 Seasmhach *tha* iad gu saoghal  
nan saoghal, deanta ann am firinn  
agus an ceartas.

9 Chuir e saorsa dh'ionnsuidh a  
shluagh, dh'athu e a choimhchean-  
gal gu bràth: is naomh agus urram-  
ach<sup>g</sup> ainm-san.

10 *Is* e eagal an Tighearna tois-  
each a' ghliocais; *tha* deagh thuigse  
aca-san uile a ni' àitheanta-san<sup>h</sup>:  
mairidh a chliu gu bràth.

## SALM CXII.

**M**OLAIBHSE an Tighearna. *Is*  
beannuichte an duine air am  
bi eagal an Tighearna, a ghabhas  
tlachd mòr d'a àitheantaibh.

2 Làidir anns an tìr bithidh a  
shliochd; beannuichear ginealach  
nam firean.

3 Bithidh maoin agus saibhreas na  
thigh; agus mairidh 'fhìreantachd  
gu bràth.

4 Ann an dorchadas éiridh solus  
do na fireanaibh: gràsmhor agus  
làn truacanta, agus cothromach *tha*  
[an Tighearna<sup>b</sup>.]

5 *Is* maith do'n duine a bhios  
truacanta agus coingheallach<sup>i</sup>, a  
riaghas a ghnòthuiche gu ceart<sup>k</sup>:

6 Oir gu bràth cha ghluaisear e;  
air chuimhne gu bràth bithidh am  
firean.

7 Roimh dhroch sgeul cha bhi  
eagal air; *tha* a chridhe suidhichte,  
ag earbsadh as an Tighearna.

8 *Tha* a chridhe air a shocrach-  
adh, cha bhi eagal air, gus am faic  
e crìoch a naimhdean<sup>l</sup>.

9 Sgaoil e, thug e do na bochd-  
aibh; mairidh 'fhìreantachd gu  
bràth; mairidh 'adharc le h-urram.

10 Chi an droch dhuine, agus bith-  
idh fearg air; casaidh e 'fhuiclan, a-  
gus seargaidh e as: sgriosar miann  
nan aingidh.

## SALM CXIII.

**M**OLAIBHSE an Tighearna.  
Molaibh, O sibhse òglacha  
an Tighearna, molaibh ainm an  
Tighearna.

2 Gu ma beannuichte ainm an  
Tighearna, o'n àm so agus gu  
bràth.

3 O éirigh na gréine gu ruig a  
luidhe, is ionmholta ainm an Tigh-  
earna

<sup>f</sup> cinnteach, seasmhach.

<sup>g</sup> a ghnàthaicheas e, i.e. eagal an Tigh-  
earna: a ni iad. Eabh.

<sup>h</sup> Faic Salm CXI. r. 4.

<sup>i</sup> Bithidh an duine maith bàigheil  
agus coingheallach.

<sup>k</sup> ann am  
brèitheanas. Eabh.

<sup>l</sup> gus an  
amhaire e air 'cascairdibh. Faic Salm  
XCII. r. 11.

4 Ard os cionn nan cinneach uile *tha* an Tighearn, os cionn nan nèamh a ghlòir.

5 Cò is cosmhuil ris an Tighearn ar Dia, a tha na chòmhnuidh shuas <sup>a</sup>?

6 A dh'islicheas e féin gu amharc air na nithibh a ta 'sna nèamhaibh, agus air an talamh?

7 Togaidh e am bochd o'n duslach; o'n òtrach ardaichidh e an t-ainnis;

8 Chum a chur na shuidhe le ard uaislibh <sup>b</sup>, le ard uaislibh a shluaigh.

9 Bheir e air a' mhnaoi a ta gun sliochd còmhnuidh a ghabhail ann an tigh, na màthair air cloinne.

## SALM CXIV.

**M**OLAIBHSE an Tighearna. 'Nuair a thàinig Israel a mach as an Eiphit, tigh Iacoib o shluagh coimheach <sup>c</sup>,

2 Bha Iudah dha mar a chòmhnuidh naomh, Israel mar a thighearnas.

3 Chunnaic an cuan, agus thleic e; thionndaidh Iordan air a h-ais.

4 Leum na beannta mar reitheacha, na cnuic mar uain.

5 Ciod, a chuain, a thug ort teich-eadh? a Iordain, a thug ort tionndadh air t'ais?

6 A bheannta, a thug oirbh leum mar reitheacha; a clinoca, mar uain?

7 Criothnaich, a thalaimh, an làthair an Tighearna, an làthair Dhé Iacoib!

8 A thionndaidheas a' charraig gu linne uisge, au ailbhinn <sup>d</sup> gu tobar uisge.

## SALM CXV.

**T**ABHAIR glòir, a Thighearna cha'n ann duinne, cha'n ann duinne, ach do t'ainm féin, air son do thròcaire agus air son t'fhirinne.

2 C'ar son a theireadh na cinnich, C'ait a nis am bheil an Dia?

3 Ach a ta ar Dia-ne anns na nèamhaibh, agus rinn e gach ni a b'ail leis.

4 Is airgid agus òr an òdhoil-san, obair làmh dhaoine!

5 Tha béil aca, ach cha labhair iad; sùilean aca, ach cha'n fhaic iad.

6 Tha cluasan aca, ach cha chluinn iad; sròinean aca, ach cha ghabh iad faile <sup>e</sup>.

7 Tha làmhlan aca, ach cha laimhsich iad; cosan <sup>f</sup> aca, ach cha'n imich iad; agus cha labhair iad trid an scornain.

<sup>a</sup> a dh'ardaicheas e féin gu còmhnuidh a ghabhail. Eabh. <sup>b</sup> maithibh, prionnsaibh. <sup>c</sup> o shluagh le teangauidh choimhich. <sup>d</sup> a' chlach-theine.

<sup>e</sup> àile. <sup>f</sup> casan.

8 Cosmhuil riu féin tha iadsan a ni iad, agus gach neach a dh'earbas asda.

9 Earbaidh tigh Israeil <sup>g</sup> as an Tighearn: is esan an còmhnaidh <sup>h</sup>, agus an sgiath.

10 Earbaidh tigh Aaroin <sup>i</sup> as an Tighearn: is esan an còmhnaidh, agus an sgiath.

11 Iadsan <sup>k</sup> air ain bi cagal an Tighearna, earbaidh iad <sup>l</sup> as an Tighearn: is esan an còmhnaidh agus an sgiath.

12 Bha an Tighearna cuimhneach oirnn: beannuichidh e sinn, beannuichidh e tigh Israeil, beannuichidh e tigh Aaroin.

13 Beannuichidh e iadsan air ain bi eagal an Tighearna, na big agus na mòir.

14 Cuiridh an Tighearna sibh an lìonmhoireachd, sibh féin agus bhuir clannh.

15 Is beannuichte sibhse o'n Tighearn, a rinn na nèamha agus an talamh.

16 Is leis an Tighearna na nèamha, eadhon na nèamha <sup>m</sup>; ach an talamh thug e do chloinn nan daoine.

17 Cha mhol na maibh an Tighearna, no iadsan uile a théid sìos tosdach do'n uaigh.

18 Ach beannuichidh sinne an Tighearn, o'n àm so agus gu brath. Molaibhse an Tighearna.

## SALM CXVI.

**I**S toigh leam an Tighearn, oir dh'éisd e ri guth m'athchuingean <sup>n</sup>.

2 A chionn gu'n d'aom e a chluas rium, uime sin ri m' bheo éighidh mi ris.

3 Chuairtich doilgheasan <sup>o</sup> a' bhàis mi, agus ghlac piantan ifrinn mi: fhuair mi teinn agus bròn.

4 An sin ghairm mi air ainm an Tighearna: A Thighearna, guidheam ort, saor m'anam.

5 Is gràs mhor an Tighearn, agus cothromach; agus is tiòcaireach ar Dia-ne.

6 Gleidhidh an Tighearna na daoine aon-fhillte <sup>p</sup>: dh'islicheadh mi, agus theasair e mi.

7 Pill, O m'anam, gu d'shuaimhneas <sup>q</sup>, oir bhuin an Tighearna riut gu fial.

8 Oir shaor thu <sup>r</sup> m'anam o'n bhas, mo shùil o dhèuraibh, agus mo chos o shleamhnachadh.

<sup>g</sup> O Israeil, earb thusa. <sup>h</sup> am fear-cuideachaidh. <sup>i</sup> A thigh Aaroin, earb. <sup>k</sup> Sibhse. <sup>l</sup> earbaibh.

<sup>m</sup> nèamha nan nèamh. <sup>n</sup> ri m' ghuth agus ri m' athchuingibh.

<sup>o</sup> ioghanna, pianta. <sup>p</sup> simplidh, neo-chronail.

<sup>q</sup> gu d' fhoie. <sup>r</sup> shaor e.



9 Gluaisidh mi am fianuis an Tighearna ann an tìr nam beo.

10 Chreid mi, uime sin labhair mi<sup>a</sup>; chlaoidheadh mi gu mòr.

11 Thubhairt mi a'm' dheifr, *Tha* gach duine breugach.

12 Ciod a dh'ìocas mi do'n Tighearnair son 'uile thiodhlaca dhomh?

13 Glacaidh mi cupan na slàinte, agus gairmidh<sup>b</sup> mi air ainm an Tighearna.

14 Iocaidh mi mo bhòidean do'n Tighearna, a nis an làthair a shluaigh uile.

15 *Is* luachmhor an sealladh an Tighearna bàs a naomh.

16 O a Thighearn, gu deimhin is mi e 'tòglach; is mi t'òglach, mac do bhan-oglaich; sgaoil thu mo chuibhreath.

17 Dhuitse lobraidh mi lobairt molaidh<sup>d</sup>, agus air ainm an Tighearna gairmidh mi.

18 Iocaidh mi mo bhòidean do'n Tighearn a nis an làthair a shluaigh uile.

19 Ann an cùirtibh tìghe an Tighearna, ann ad mheadhon-sa, O Ierusalem. Molaibhse an Tighearna.

## SALM CXVII.

**M**OLAIBH an Tighearna, siòbhsa a chinneacha uile; molaibh e, a shlùigh uile:

2 Oir is indè a thròcair chaomh e d'ar taobh-ne; agus mairidh<sup>e</sup> firinn an Tighearna gu bràth. Molaibhse an Tighearna.

## SALM CXVIII.

**O** THUGAIBH buidheachas do'n Tighearn, oir *tha* e maith, oir gu bràth mairidh<sup>e</sup> a thròcair:

2 Abradh Israel a nis, gu mair a thròcair gu bràth.

3 Abradh tìgh Aaroin a nis, gu mair a thròcair gu bràth.

4 Abradh iadsan a nis d'an eagal an Tighearna, gu mair a thròcair gu bràth.

5 Ann an teinn ghairm mi air an Tighearn: fhreagair an Tighearna mi, *ga m' chur* ann an ionad farsaing.

6 *Tha'n* Tighearna leam<sup>g</sup>, cha'n eagal leam ciod a dh'fheudas duine a dheanamh orm.

7 *Tha'n* Tighearn ain measg mo luchd-cuideachaidh, agus chi mi crìoch mo luchd-fuatha<sup>h</sup>.

8 *Is* fearr earbsadh as an Tighearna, na earbsadh a duine.

9 *Is* fearr earbsadh as an Tighearna, na earbsadh a h-uachdaran aibh<sup>i</sup>.

<sup>a</sup> Faic II. Cor. Caib. IV. r. 13.

<sup>b</sup> goiridh. <sup>c</sup> a chionn gur mi.

<sup>d</sup> buidheachais. <sup>e</sup> a ghràs.

<sup>f</sup> moladh. <sup>g</sup> am measg mo luchd-cuideachaidh.

<sup>h</sup> Faic Salm CXII. r. 8.

earna, na earbsadh a h-uachdaran aibh<sup>i</sup>.

10 Chuairtich na cinnich gu léir mi; ach ann an ainm an Tighearna gearraidh mi as<sup>k</sup> iad.

11 Chuairtich iad mi, seadh, chuairtich iad mi; ach ann an ainm an Tighearna gearraidh mi as iad.

12 Chuairtich iad mi mar bheach-aibh; cuirear as iad mar theine droighnich; oir ann an ainm an Tighearna gearraidh mi as iad.

13 'Thug thu<sup>l</sup> ionnsuidh dhian orm, chum moleagadh; ach chuidich an Tighearna-learn.

14 *Is* e 'n Tighearna mo neart, agus mo chedl<sup>m</sup>; agus is e mo shlàinte.

15 *Tha* guth gairdeachais agus slàinte ann am pàillionaibh nam firean: rinn deas làmh an Tighearna treubhantas!

16 Dh'ardaicheadh deas làmh an Tighearna, rinn deas làmh an Tighearna treubhantas!

17 Cha'n fhaigh mi bàs, ach mairidh mi beo, agus cuiridh mi'n céill oibre an Tighearna.

18 Throm-smachdaich an Tighearna mi; ach gu bàs cha d'thug e thairis mi.

19 Fosglaidh dhomh geatachan an ionracais; théid mi steach orra, agus molaidh mi an Tighearna.

20 *Is* e so geatadh an Tighearna, air an d'théid na fireana steach.

21 Molaidh mi thu, oir dh'éisd thu rium, agus is tu mo shlàinte.

22 A' chlach a dhiùlt na clachairean, riuneadh i na cloich-chinn na h-oisinne.

23 O'n Tighearna tha so; is iongantach e nar sùilbh-ne!

24 *Is* e so an là a rinn<sup>n</sup> an Tighearna: deanamaid gairdeachas, agus biomaid air.

25 Guidheamaid<sup>o</sup> ort, a Thighearna, saor a nis; guidheamaid ort, a Thighearna, soirbhich leinn a nis.

26 Beannuichte gu robh an Tì a thig an ainm an Tighearna; thug sinne beannachd oirbhse o thigh an Tighearna.

27 *Is* e Dia a's Tighearn ann, agus dh'eaclraich e oirnn<sup>p</sup>: ceanglaibh an lobairt<sup>q</sup> le cordaibh, eadhon ri adharcaibh na h-altaire.

28 *Is* tusa mo Dhia, agus molaibh mi thu: mo Dhia, ardaichidh mi thu.

29 O thugaibh buidheachas do'n Tighearn, oir *tha* e maith, oir gu bràth mairidh<sup>e</sup> a thròcair!

<sup>i</sup> prionnsaibh.

<sup>j</sup> sgrios mi.

<sup>k</sup> ghearr mi as, <sup>l</sup> Thugadh.

<sup>m</sup> mo laoidh, fàth mo mholaidh.

<sup>n</sup> dh'orduich.

<sup>o</sup> Guidheam.

<sup>p</sup> thug e solus dhuinn.

<sup>q</sup> an t-uan.

## SALM CXIX.

## A. Aleph.

1 *Is* beannuichte iadsan a tha neo-lochdach<sup>a</sup> 'san t-slighe, a dh'im-icheas ann an lagh an Tighearna.

2 *Is* beannuichte iadsan a ghleidheas a theisteis<sup>b</sup>, a dh'iarraas e le'n uile chridhe.

3 Mar an ceudna cha dean iad aingidheachd: na shlighibh imichidh iad.

4 Dh'aithn thu t'orduighean<sup>c</sup> a blii air an coimhead gu dìcheallach.

5 O nach robh mo cheumanna air an stiùradh, chum do reachdan a choimhead!

6 An sin cha ghabh mi nàire, an uair a bheir mi spéis do t'àitheantaibh gu léir.

7 Molaidh mi thu le tréibhdhir-eas cridhe, 'nuair a dh'fhòghlumas mi breitheanais do cheartais.

8 Coimhididh mi do reachda: O na tréig mi gu tur!

## B. Beth.

9 Ciod leis an glan an t-òganach a shlighe? trid faicill, a réir t'fhocail<sup>d</sup>.

10 Le m'uile chridhe dh'iarr mi thu: na leig dhomh dol air seacharan o t'àitheantaibh.

11 A'm' chridhe dh'fholuich mi t'fhocal, chum nach peacaichinn a't' aghaidh.

12 *Is* beannuichte thusa, a Thighearna; teagaisg dhomh do reachdan.

13 Le m' bhilibh chuir mi 'n céill uile bhreitheanais do bhéil.

14 Ann an slighe do theisteas rinn mi gairdeachas, mar 'os cionn gach uile shaibhreis.

15 Air t'àitheantaibh beachd-smuainichidh mi, agus dearcaidh<sup>e</sup> mi air do cheumannaibh.

16 Ann ad reachdaibh gabhaidh mi tlachd; cha di-chuimhnich mi do bhriathra.

## G. Gimel.

17 Buin gu fial ri t'òglach, chum gu bi mi beo, agus gu coimhid mi do bhriathra.

18 Fosgail mo shùilean, chum gu faic mi nithe iongantach o d' lagh.

19 *Is* coigreach air talamh mi; na céil orm t'àitheanta.

20 Tha m'anam brùite, le déidh air do bhreitheanasaibh gach tràth.

21 Smachduich thu na h-uaibh-rich: is malluichte iadsan a théid air seacharan o t'àitheantaibh<sup>f</sup>.

22 Tionndaidh uam masladh agus tàir; oir ghléidh mi do theisteis.

23 Shuidh eadhon uachdarain, agus labhair iad a'm' aghaidh; ach bheachd-smuainich t'òglach air do reachdaibh.

24 Mar an ceudna is iad do theisteis mo thlachd, mo chomhairlichean.

## D. Daleth.

25 Tha m'anam a' leantuinn ris an ùir<sup>g</sup>: beothaich mi a réir t'fhocail.

26 Chuir mi an céill mo shlighean agus dh'éisd thu rium: teagaisg dhomh do reachdan.

27 Thoir orm slighe t'àitheanta<sup>h</sup> a thuigsinn, agus labhraidh mi air t'oibrioh iongantach.

28 Tha m'anam a' leaghadh as le tuirse<sup>i</sup>: neartaich mi a réir t'fhocail.

29 Cuir uam slighe nam breng agus gu gràsmhor deònaich dhomh do lagh.

30 Roghnaich<sup>k</sup> mi slighe na firinn; chuir mi do bhreitheanais fa m' chomhair.

31 Dhlùth-lean mi ri d' theisteas-aibh: a Thighearna, na cuir gu nàire mi.

32 Ann an slighe t'àitheanta ruithidh mi, 'nuair a chuireas tu mo chridhe am farsaingeachd.

## E. He.

33 Teagaisg dhomh, a Thighearna, slighe do reachda, agus gleidhidh mi i gu ruig a' chrìoch<sup>l</sup>.

34 Thoir tuigse dhomh, agus gleidhidh mi do lagh; seadh, coimhididh mi e le m'uile chridhe.

35 Thoir orm triall an ceum t'àitheanta; oir ann-san tha mo thlachd.

36 Lùb mo chridhe gu d' theisteas-aibh, agus ni h-ann gu sannt.

37 Tionndaidh mo shùilean o amharc air dìomhanas; ann ad shlighibh<sup>m</sup> beothaich mi.

38 Daingnich t'fhocal do t'òglach, airam bheil t'eagal-sa<sup>n</sup>.

39 Cuir uam<sup>o</sup> mo mhasladh a's eagail leam; oir tha do bhreitheanais maith.

40 Feuch, is miannach leamsa do reachdan<sup>p</sup>: a'd' cheartas beothaich mi.

## F. Vau.

41 Agus thigeadh do thròcair a m'ionnsuidh, a Thighearna, do shlàinte a réir t'fhocail:

42 An sin bithidh freagradh agam

<sup>a</sup> ionraic, iomlan.

<sup>b</sup> fhianuisean.

<sup>c</sup> do reachdan.

<sup>d</sup> le d' bhriathran

a choimhead.

<sup>e</sup> geur-amhaircidh.

<sup>f</sup> Faic Deut, Caib. XXVII. r. 26.

<sup>g</sup> duslach.

<sup>h</sup> t'orduighean.

<sup>i</sup> bròn.

<sup>k</sup> Thagh.

<sup>l</sup> gu crìch

mo shaoghail.

<sup>m</sup> shlighe.

<sup>n</sup> a bhios a chum t'eagail-sa.

<sup>o</sup> Tionndaidh uam.

<sup>p</sup> t'orduighean.

dhasan a bheir masladh dhomh, gu bhèil m'carbsadh as t'fhocal-sa.

43 Agus na buin focal na firinn gu h-ìomlan as mo bheul; oir ann ad bhreitheanasaidh chuir mi mo dlùdhas.

44 Agus coimhididh mi do lagh a ghnàth, gu suthain is gu sìor.

45 Agus gluaisidh mi am farsaingeachd<sup>a</sup>; a chionn gu'n iarr mi do reachda.

46 Agus labhraidh mi air do theisteis an làthair rìghre, agus cha bhli nàire orm.

47 Agus gabhaidh mi tlachd do t'aitheantaibh, d'an d'thug mi gràdh.

48 Agus togaidh mi mo làmh a ri t'aitheanta, d'an d'thug mi gràdh: agus beachd-smuainichidh mi air do reachdaibh.

### † Zain.

49 Cuinìhich am focal<sup>b</sup> do t'òglach, as an d'thug thu orm carbsadh.

50 *Is e so mo chomhfhurtachd ann am àmhghar: oir bheothaich t'fhocal mi.*

51 Rinn na h-uaidhrich fanoid orm gu mòr; gèidheadh o d' lagh clia do chlaon mi.

52 Chuimhnich mi do bhreitheanas o chiap, a Thighearna, agus fhuir mi comhfhurtachd.

53 Ghlac uamhann mi a thaobh nan daoine aingidh, a thréigean do lagh.

54 B'iad do reachdan mo cheòl ann an tigh mo chuairt.

55 Chuimhnich mi t'ainm, a Thighearna, anns an oidhche, agus ghléidh mi do lagh.

56 Mar so tharladh<sup>c</sup> dhomhsa, a chionn gu'n do ghléidh mi do reachda.

### ¶ Cheth.

57 *Is tusa mo chuibrionn, a Thighearna: thubhairt mi gu coimhidinn t'fhocail.*

58 Dh'asluich mi do dheadh-ghean<sup>d</sup> le m' nìle chridhe: dcan tròcair orm a réir t'fhocail.

59 Chnuasaich mi<sup>e</sup> mo shligh-ean, agus phill mi mo chosa ri d' theisteasaidh.

60 Rinn mi deifir<sup>f</sup>, agus cha robh mi mairnealach<sup>g</sup>, chum t'aitheantan a choimhead.

61 Chreach buidhnean dhroch dhaoine mi; ach cha do dhi-chuimhnich mi do lagh.

62 Mu mheadhon-oidhche éiridh

mi, chum buidheachas a thoirt duit air son bhreitheanas do cheartais.

63 *Is fear-comuinn<sup>h</sup> mi dhoibhsan uile air am bi t'eagal, agus dhoibhsan a ghléidheas do reachda.*

64 Do d' thròcair, a Thighearna, tha<sup>i</sup> talamh làn: teagaisg dhomh do reachdan.

### ☞ Teth.

65 Rinn thu gu maith do t'òglach, a Thighearna, a réir t'fhocail.

66 Teagaisg dhomh deagh thuigse agus eòlas; oir chreid mi t'aitheanta.

67 Mun robh mi ann an àmhghar<sup>i</sup>, chaidh mi air seacharan: ach a nis tha mi a' gleidheadh t'fhocail.

68 *Is maith thusa, agus ni thu maith: teagaisg dhomh do reachdan.*

69 Dhealbha na h-uaidhrich breug a'm<sup>j</sup> aghaidh; ach ghléidh mise t'aitheanta<sup>k</sup> le m'uile chridhe.

70 Co reamhar<sup>l</sup> ri saill tha an cridhe-san; ach ann ad lagh tha mo thlachd-sa.

71 *Is maith dhomhsa gu'n robh mi ann an àmhghar, chum gu fòghlumainn do reachda.*

72 *Is fearr dhomhsa lagh do bhéil, na mìltean do òr agus do airgid.*

### † Iod.

73 Rinn agus dhealbha do làmhnan mi: thoir tuigse dhomh, chum gu fòghlum mi t'aitheantan.

74 Chi iadsan air am bi t'eagal mi, agus bithidh iad ait, a chionn gu'n d'earb mi ast'fhocal.

75 Tha fhios agam, a Thighearna, gu bheil do bhreitheanas ceart, agus gur ann am firinn a chlaoidh thu mi.

76 Biodh a nis do thròcair chaomh chum comhfhurtachda dliomh, a réir t'fhocail ri t'òglach.

77 Thigeadh do chaomh thròcairean a m' ionnsuidh, chum gu'm bi mi beo: oir is e do lagh mo thlachd.

78 Biodh nàire air luchd-an ard-ain, oir gun aobhar<sup>m</sup> bhuin iad gu fiar rium; ach beachd-smuainichidh mise air t'aitheantaibh<sup>n</sup>.

79 Pilleadh iadsan air am bheil t'eagal rium, agus iadsan a tha eòlach air do theisteasaidh.

80 Biodh mo chridhe tréibhdhir-each<sup>o</sup> ann ad reachdaibh, chum nach nàraichear mi.

### ☞ Caph.

81 Tha m'anam air a chlaoidh le déigh air do shlàinte: ann ad fhocal chuir mi mo dhòchas.

<sup>a</sup> gu saor. <sup>b</sup> t'fhocal. <sup>c</sup> thachair, bha e. <sup>d</sup> do ghnàis. Eabh.

<sup>e</sup> Mheas, bheachd-smuainich mi air.

<sup>f</sup> cabhag. <sup>g</sup> cha do chuir mi dàil.

<sup>h</sup> companach, caidreach.

<sup>i</sup> teinn. <sup>k</sup> do reachdan, t'orduigh-ean.

<sup>l</sup> tiugh. <sup>m</sup> gu fealltach.

<sup>n</sup> t'orduighibh, do riaghailtibh.

<sup>o</sup> ionraic, iomlan.

82 Tha mo shùilean air an caith-eadh *le feitheamh* ri t'fhocal, 'nuair a ta mi ag ràdh, C'uin a ui thu furtachd orm?

83 Oir tha mi mar shearraig<sup>a</sup> ann an deataich; gidheadh cha do dhi-chuimhnich mi do reachda.

84 Cia lìon iad laithean t'òglaich? c'uin a chuireas tu breitheanas an gnìomh, orra-san a tha' u tòir orm?

85 Chladhaich na h-uaihbhrich sluichd dhomh, nach 'eil a réir do lagha.

86 Is firinn t'àitheanta-sa gu léir: gu sealltach tha iad an tòir orm; cuidich thusa leam.

87 Is beag nach do chuir iad as domh air talamh; ach cha do thréig mise do reachda.

88 A réir do chaomh thròcaire beothaich thusa mi, agus gleidhidh mi teisteanas do bheil.

### Lamed.

89 Gu bràth, a Thighearn, tha t'fhocal seasmhach anns na nèamhaibh.

90 O linn gu linn tha t'fhìrinn: dhaingnich thu an talamh, agus seasaidh e.

91 A réir t'orduighean tha iad buan *gu* an dingh; oir is iad na h-uile do sheirbhìsich.

92 Mur bhiodh *gu'm b'e* do lagh mo thlachd, an sin gheibhinn bàs a'm' àmlihar.

93 Gu bràth cha di-chuimhnich mi do reachdan; oir leosan bheothaich thu mi.

94 Is leat mise, saor mi; oir dh'iarr mi do reachda.

95 Dh'fheith na h-aingidh orm, chum mo sgrios; ach beachd-smuainichidh mise air do theisteanas-aibh.

96 Chunnaic mi crìoch gach iomlaine; tha t'àithne-sa ro fharsaing.

### Mem.

97 O cia h-ionmhuinn leam do lagh-sa? gach là is e mo smuainteachadh<sup>b</sup>.

98 Le t'àithne<sup>c</sup> rinn thu mi ni's glìce na m'eascairdean; oir tha i a ghnàth leam.

99 Os cionn mo luchd-teagaisg uile tha mi a' tuigsinn; oir is iad do theisteis mo smuainteachadh.

100 Os cionn nan seanair tha mi crìonna, a chionn gu bheil mi a' gleidheadh do reachda.

101 O gach droch shlighe chum mi mo chosan, chum gu coimhidinn t'fhocal.

102 O d' bhreitheanasaidh cha do chlaon mi: oir theagaisg thusa mi.

<sup>a</sup> shoire-craicinn. <sup>b</sup> aobhar mo smuainte. <sup>c</sup> t'àitheantaibh.

103 Cia milis le m' bhlas do bhriathra! *ni's milse tha iad* na mil do m' bheul<sup>d</sup>.

104 Trìd do reachdan fhuair mi tuigse: uime sin is fuathach leam gach slighe bhreugach.

### Nun.

105 Is lòchran t'fhocal do m' chois, agus solus do m' cheum.

106 Mhionnaich mi, agus coimh-lionaidh mi e, gu'n coimhid mi breitheanas do cheartais.

107 Tha mi ann an àmhghar ro mhòr: ath-bheothaich mi, a Thighearn, a réir t'fhocail.

108 Gabh uam gu taitneach, guidheam ort, a Thighearn, saor-thabhartaibh mo bheil; agus teagaisg dhomh do bhreitheanas.

109 Tha m'anam a ghnàth a'm' làimh; gidheadh cha do dhi-chuimhnich mi do lagh.

110 Chuir droch dhaoine ribe<sup>e</sup> romham; ach o d' reachdaibh cha deachaidh mise air seacharan.

111 Ghabh mi do theisteis mar oighreachd gu bràth; oir is iad aobhneas mo chridhe.

112 Dh'aom mi mo chridhe chum do reachdan a chur an gnìomh a ghnàth, gu ruig a' chrìoch.

### D Samech.

113 Is fuath leam smuaintean faoin; ach is toigh leam do lagh.

114 Is tusa m'ionad-foluich, agus mo sgìath: as t'fhocal-sa tha m'earbsa.

115 Imichibh nam, a luchd-deanamh an uile; oir gleidhidh mise àitheanta mo Dhé.

116 Cum suas mi a réir t'fhocail, agus mairidh mi beo; agus na leig fo naire mi a thàobh mo dhòchais.

117 Daingnich<sup>f</sup> mi, agus bithidh mi tèaruinte; agus bithidh tlachd agam ann ad reachdaibh<sup>g</sup> a ghnàth.

118 Shaltair thu orra-san uile a chaidh air seacharan o d' reachdaibh oir is breug<sup>h</sup> an cealg.

119 Mar shal tilgidh tu uait uile dhroch dhaoine na talmhainn: uime sin is toigh leam do theisteis.

120 Chrìothnuich m'fheoil le h-uamhunn romhad; agus bha eagal orm roimh do bhreitheanasaidh.

### Ain.

121 Rinn mi breitheanas agus ceartas: na fàg mi do m' luchd-foirneirt.

122 Bi-sa an urras air t'òglach

<sup>d</sup> do m' chàirean.

<sup>e</sup> Non.

<sup>f</sup> Neartaich, cum suas.

<sup>g</sup> dearc-

aibh mi air do reachdaibh.

<sup>h</sup> dìomh-

ain. <sup>i</sup> cuiridh tu as do.



chum maith: na deanadh na h-uaibhrich foirneart orm.

123 Tha mo shùilean air an caitheadh le bhi sealltuinn air son do shlàinte, agus air son focail t'fhàireantachda<sup>a</sup>.

124 Buin ri t'òglach a réir do thròcaire, agus teagaisg dhomh do reachda.

125 Is mi t'òglach; thoir tuigse dhomh, chum gu'm bi eòlas agam air do theistesaibh.

126 Is mithich dhuit, a Thighearn, a bhi deanamh: bhris iad do lagh.

127 Uime sin is annsa<sup>b</sup> leamsa t'aitheanta na'n t-òr, seadh, na'n t-òr fìor-ghlan.

128 Uime sin measam do reachdan uile [a thaobh gach nì] a bhi ceart: is fuathach leam gach slighe bhreugach.

### ☞ Pe.

129 Is iongantach do theisteis: air an aobhar sin gleidhidh m'anam iad.

130 Bheir fosgladh do bhriathar solus, a' teagasg nan daoine aon-fhuilte<sup>c</sup>.

131 Dh'fhosgail mi mo bheul, a' ploscartaich; oir bha mi an geall air t'aitheantaibh.

132 Amhairc orm, agus dean tràd-air orm, mar is gnàth leat a dheanamh dhoibhsan le'n ionmhuinn t'ainm.

133 Stiuir mo cheumanna a réir t'fhocail; agus na biodh aig euccart sam bith uachdaranachd orm.

134 Teasairg mi o fhoirneart dhaoine<sup>d</sup>; agus coimhidibh mi t'ordughan.

135 Thoir air do ghnùis dealrachadh air t'òglach, agus teagaisg dhomh do reachda.

136 Ruith sruth: dheur<sup>e</sup> sìos o m' shùilibh, a chionn nach do choimhid iad do lagh.

### ☞ Tsaddi.

137 Is cothromach thusa, a Thighearn, agus is ceart do bhreitheanas<sup>f</sup>.

138 Dh'àithn thu do theisteis mar cheartas agus mar fhìrinn mhòir.

139 Chlaoidh m'eud mi<sup>h</sup>, a chionn gu'n do dhi-chuimhnich monaimhdean do bhriathran.

140 Ro-ghlan tha t'fhocal-sa, agus as ionmhuinn le t'òglach e.

141 Beag agus suarach a ta mi; gidheadh cha di-chuimhnich mi do reachda.

<sup>a</sup> do cheartais.

<sup>c</sup> simplidh.

<sup>e</sup> uisgeacha. Eabh.

<sup>f</sup> bhreitheanas.

agus ro-fhìrinneach.

mo theas-ghràdh as domh.

<sup>b</sup> ionmhuinne.

<sup>d</sup> duine.

<sup>g</sup> a ta ceart

<sup>h</sup> Chuir

142 Is ceartas sìorruidh do cheartas-sa, agus is fìrinn do lagh.

143 Ghlac teinn agus àmlighar mi; ach is iad t'aitheanta mo thlachd.

144 Mairidh ceartas do theistean gu bràth: thoir-sa tuigse dhomh, agus bithidh mi beo.

### ☞ Koph.

145 Ghlaoth mi le m' uile chridhe; éisd rium, a Thighearna: gleidhidh mi do reachda.

146 Ghlaoth mi riut; saor mi, agus coimhididh mi do theisteis.

147 Thàinig mi roimh 'n scarthanaich<sup>i</sup>, agus dh'èigh mi: as t'fhocal dh'earb mi.

148 Ghabh mo shùilean roimh fhairibh na h-oidhche, chum gu beachd-smuainichinn air t'fhocal.

149 Eisd ri m' ghuth a réir do chaoimhneis-ghràidh: a Thighearn, a réir do bhreitheanas beothaich mi.

150 Thàinig luchd-leanmhuinn droch-bheirt am fagus: ach fada bha iad o d' lagh.

151 Am fagus tha thusa, a Thighearn; agus is fìrinn t'aitheantan uile.

152 O thoiseach<sup>k</sup> b'fhiosrach mi a thaobh do theistean, gu'n do shuidhich thu iad gu bràth.

### ☞ Resh.

153 Amhairc air m'àmghar, agus teasairg mi; oir cha do dhi-chuimlnich mi do lagh.

154 Tagair mo chùis, agus saor mi; a réir t'fhocail beothaich mi.

155 Is fada slàinte<sup>l</sup> o dhroch dhaoineibh; oir cha'n iarr iad do reachda.

156 Is lìonmhor<sup>m</sup> do chaomh-thròcairean, a Thighearna; a réir do bhreitheanas<sup>n</sup> beothaich mi.

157 Is lìonmhor mo luchd-tòrachd agus m' eascairdean; gidheadh, o d' theistesaibh cha do chlaon mise.

158 Chunnaic mi luchd-eusaontais<sup>o</sup>, agus bha doilgheas orm, a chionn nach do choimhid iad t'fhocal.

159 Feuch, is ionmhuinn leam do reachda: a Thighearn, a réir do chaoimhneis-ghràidh beothaich thusa mi.

160 O thoiseach<sup>p</sup> is fìrinn t'fhocal-sa, agus gu bràth mairidh uile bhreitheanas do cheartais.

<sup>i</sup> bhriseadh na faire, chamhair.

<sup>k</sup> Ó cheann fada.

<sup>m</sup> mòr.

<sup>o</sup> daoine fealltach.

h-ionlan.

<sup>l</sup> saorsa.

<sup>n</sup> bhreitheanas.

<sup>p</sup> Gu

*U Schin.*

161 Bha uachdarain an tòir orm gun aobhar: ach roimh t'fhocal-sa tha eagal air mo chridhe.

162 Tha aiteas orm ri t'fhocal-sa, mar neach a fhuair creach mhòr.

163 Is fuath leam, agus is oilteil leam breug; ach is toigh leam do lagh-sa.

164 Seachd uairean 'san là bheir-eam moladh dhuit, air son bhreith-eanas do cheartais.

165 Is mòr sìth na muinntir a tha toirt gràidh do d' lagh, agus cha'n éirich aobhar tuislidh dhoibh.

166 Dh'fheith mi ri d' shlàinte, a Thighearn; agus rinn mi t'àiht-eanta.

167 Choimhid m'anam do theisteis, agus is ro ionmhuinn leam iad.

168 Choimhid mi do reachdan agus do theisteis; oir tha mo shligh-ean uile fa d' chomhair.

*D Tau.*

169 Thigeadh mo ghlaodh am fa-gus a'd' lathair, a Thighearn a réir do bhriathair thoir tuigse dhomh.

170 Thigeadh m'asluchadh a'd' lathair: a réir t'fhocail teasairg mi.

171 Cuiridh mo bhilean an céill do chliu, 'nuair a theagaisgeas tu dhomh do reachdan.

172 Aithrisidh mo theanga t'fhocal; oir is ceartas t'aitheantan uile.

173 Cuidicheadh do làmh leam; oir roghnaich mi do reachda.

174 Bha mi 'n geall air do shlàinte, a Thighearn; agus is e do lagh mo thlachd.

175 Biodh m'anam beo, agus molaidh e thu; agus cuidicheadh do bhreitheanas leam.

176 Chaidh mi air seacharan mar chaoraich chaille; iarr t'òglach, oir chaidh do dhi-chuimhnich mi t'àiht-eanta.

**SALM CXX.**

*Laoidh nan ceum.*

**A**'M' éigin ghlaodh mi ris an Tighearn, agus dh'éisd e rium.

2 A Thighearna, 'saor m'anam o bhilbh nam breug, o'n teangaich chealgach.

3 Ciod a bheirear dhuit? agus ciod a nithear ort, a theanga chealgach?

4 Geur shaighde laoi, le eibhl-ibh do'n aiteal.

5 Mo thruaighe mi, gu bheil mi air chuairt ann am Mesech, gu bheil mi a'm' chòmhnuidh ann am bùth-aibh Chedair!

6 Is fada ghabh m'anam còmhnuidh leo-san<sup>a</sup> a thug fuath do shìth.

<sup>a</sup> leis-san.

7 Tha mise air son sìth; ach 'nuair a labhras mi, tha iadsan air son cogaidh.

**SALM CXXI.**

*Laoidh nan ceum.*

**T**OGAIDH mi mo shùile chum nam beann, o'n d'thig mo chabhair.

2 Thig mo chabhair o'n Tighearn, a rinn nèamh agus talamh.

3 Cha leig e le d' chois sleamhnachadh: cha tuit clò codail air t'fhear-coimhid b.

4 Feuch, cha tuit clò codail e no suain air fear-coimhid Israeil.

5 Is e an Tighearna t'fhear-coimhid. is e an Tighearna do sgàile air do làimh dheis.

6 'San là cha bhual d a' ghrian thu, no a' ghealach 'san oidhche.

7 Coimhidh an Tighearn thu o gach olc; coimhididh e t'anam.

8 Coimhididh an Tighearna do dhiol a mach, agus do theachd a steach, o'n àm so eadhon gu bràth.

**SALM CXXII.**

*Laoidh nan ceum, le Dhabhidh.*

**B**HA aobhneas orm an uair a thubhairt iad rium, Do thigh an an Tighearna théid sinn.

2 Seasaidh ar cosan an taobh a stigh do d' gheataibh<sup>f</sup>, O Ierusalem.

3 Tha Ierusalem air a togail mar chathair<sup>g</sup>, a tha air a coimhcheangal ri chéile;

4 D'an d'théid na treubha suas, treubhan an Tighearna, gu teisteas Israeil, a thoirt buidheachais da ainm an Tighearna.

5 Oir an sin tha caithriche breitheanasais air an suidheachadh, caithriche tighe Dhabhidh.

6 Guidhibhse air son sìth Ierusalem: soirbhichidh iadsan leis an ionmhuinn thu.

7 Sìth gu robh an taobh a stigh do d' bhallaibh, suaimhneas<sup>h</sup> a'd' lùchairtibh!

8 Air sgàth mo bhràithrean agus mo chairdean their mi nis, Sìth gu robh an taobh a stigh dhìot!

9 Air sgàth tighe an Tighearna ar Dé, iarraidh mi maith duit.

**SALM CXXIII.**

*Laoidh nan ceum.*

**A**TIONNSUIDH thog mi mo shùilean, O thusa a tha d' chòmhnuidh anns na nèamhaibh.

2 Feuch, mar a ta sùilean òglach air làimh am maighstirean, agus mar a ta sùilean ban-oglaich air làimh a

<sup>b</sup> fhear-gleidhidh. <sup>c</sup> dùsal, turra-chodal.

<sup>e</sup> gleidhidh. <sup>d</sup> loisg. <sup>f</sup> ann ad gheat-aibh.

<sup>g</sup> ard bhaile. <sup>h</sup> soirbheas, soirbheachadh.

banamhaighstir, mar sin *tha* ar sùile-  
ne air an Tighearn ar Dia, gus an  
dean e tròcair oirnn.

3 Dean tròcair oirnn, a Thighearn,  
na, dean tròcair oirnn; oir *tha* sinn  
air ar lìonadh làn do tharcuis<sup>a</sup>.

4 Lìonadh ar n-anam làn le fanojd  
luchd-na seasgairachd<sup>b</sup>, le tar-  
cuis nan uaibhreach.

## SALM CXXIV.

*Laojd nan ceum, le Daibhidh.*

**M**UR biodh an Tighearn leinn,  
abradh Israel a nis.

2 Mur biodh an Tighearn leinn,  
an uair a dlì'èirich daoine nar n-agh-  
aidh;

3 An sin shluigeadh iad beo sinn,  
an uair a las am fearg nar n-agh-  
aidh;

4 An sin thigeadh tuithean uisg-  
eacha tharuinn, rachadh an sruth  
thar ar n-anam;

5 An sin rachadh na h-uisgeachan  
uaibhreach thar ar n-anam.

6 Beannuichte gu robh an Tigh-  
earna, nach d'thug sinn mar chreic  
d'am fìaclaibh.

7 Chaidh ar n-anam as mar eun a  
ribe nan eunadair; bhriseadh an  
ribe, agus chaidh sinn as.

8 *Tha* ar cabhair ann an ainm  
an Tighearna, a rinn nèamh agus  
talamh.

## SALM CXXV.

*Laojd nan ceum.*

**B**ITHIDH iadsan a dlì'earbas as  
an Tighearn mar shliabh<sup>c</sup>  
shìoin, nach carruichear, *ach* a  
mhàireas gu sìorruidh.

2 Mar a ta na beannta mu thim-  
chioll Ierusalem, mar sin *tha*'n  
Tighearna mu thimchioll a shluaigh,  
o'n àm so agus gu bràth.

3 Oir cha ghabh slat nan daoibh  
tàmh air crannchur nam firean, air  
eagal gu'n sìneadh na fireana an  
làmh chum euceirt.

4 Dean maith, a Thighearna,  
dhoibhsan a ta maith, agus dhoibh-  
san a ta ionraic nan cridhe.

5 Ach iadsan a thèid a thaobh d'an  
sliagh clao, iomainidh an Tigh-  
earn a mach le luchd-deanamh an  
uile. Sìth gu robh air Israel!

## SALM CXXVI.

*Laojd nan ceum.*

**'N**UAIR a thug an Tighearn air  
ais braidheanas Shìoin, bha  
sinn mar dhaoine a chunnaic ais-  
ling.

2 An sin lìonadh ar beul le gàire,  
agus ar teanga le luathghaire<sup>c</sup>: an  
sin thubhairt iad am meas nan cin-

<sup>a</sup> dhàimeas.  
<sup>b</sup> suaimhneis, fois.

<sup>b</sup> sàmhachair,  
<sup>c</sup> bheinn.

<sup>d</sup> nan aingidh; na h-aingidheachd.  
Eabh.

<sup>e</sup> seinn, ceòl.

neach, Rinn an Tighearna nithe  
mòra air an son.

3 Rinn an Tighearna nithe mòra  
air ar soinn-ne: bha sinn aoibh-  
neach.

4 Pill a rìs, a Thighearn, ar  
braighdeanas, mar shruthaibh 'san  
airde deas.

5 Iadsan a chuireas sìol le deur-  
aibh, buainidh iad le gairdeachas.

6 Esan a thèid a mach, agus a  
ghuileas, ag iomchar roghadh sìl<sup>f</sup>,  
gu cinnteach thig e a rìs le gaird-  
eachas, ag iomchar a sguab.

## SALM CXXVII.

*Laojd nan ceum, le Solamh.*

**M**UR tog an Tighearn an tigh,  
gu dìomhain saothraichidh a  
luchd-togail: mur gléidh an Tigh-  
earn am baile, gu dìomhain nì am  
fear-coimhid faire.

2 Is dìomhain duibhse bhi 'g èi-  
righ gu moch, a bhì suidhe gu h-an-  
moch, ag itheadh arain a' bhrèin;  
'nuair a bheir esan codal d'a sheir-  
cing.

3 Feuch, is iad clann oighreachd  
an Tighearna, toradh na bronn a  
dhuais.

4 Mar shaighdibh ann an làimh  
gaisich, mar sin *tha* mic na h-òige.

5 Is sona am fear aig am bheil a  
bhòlg-saighead làn diubh: cha bhì  
nàire orra, 'nuair a labhras iad r'an  
naimhidh anns a' gheatadh.

## SALM CXXVIII.

*Laojd nan ceum.*

**I**S beannuichte gach neach air am  
bi eagal an Tighearna, a ghluais-  
eas na sìlighibh.

2 Oir ithidh tu toradh do làmh:  
sonadh *bithidh* tu, agus *éiridh* gu  
maith dhuit.

3 *Bithidh* do bhéan mar shìonain  
tharbhach ri taobhaibh do thighe,  
do chlaan mar òg chroinn-òlaidh  
mu thimchioll do bhuird.

4 Feuch, mar so beannuichear an  
duine, air am bi eagal an Tighear-  
na.

5 Beannuichidh an Tighearn thu  
a Sion, agus chì thu maith Ierusa-  
leim rè uile làithean do bheatha.

6 Seadh, chì thu clann do chloinne,  
agus sìth air Israel.

## SALM CXXIX.

*Laojd nan ceum.*

**I**S minic a chràidh iad mi o m'òige,  
abradh Israel a nis.

2 Is minic a chràidh iad mi o  
m'òige; gidheadh cha d'thug iad  
buaidh orm.

3 Air mo dhruim threabh an  
luchd-treabhaidh; tharruing iad an  
scrioban fada.

<sup>f</sup> sìl luachmhoir.  
a ghràidh.

<sup>g</sup> do fhear

4 Tha an Tighearna cothromach :  
ghearr e o chèile cuid nan aingidh.

5 Cuirear gu h-amhluidh, agus  
pillear air an ais iadsan uile le'm  
fuathach Sion.

6 Bithidh iad mar fheur air mul-  
lach thighean, a sheargas mum fàs  
e suas :

7 Leis nach lòn am buanniche a  
ghlac, no fear-ceangail nan sguab a  
bhrollach <sup>a</sup>.

8 Ni mò their iadsan a bhios a'  
dol seachad riu, Beannachd an Tigh-  
earna gu robh oirbh : tha sinn 'gar  
beannachadh ann an ainm an Tigh-  
earna.

## SALM CXXX.

*Laoidh nan ceum.*

**O** NA doimhneachdaibh ghlaodh  
mi riut, a Thighearna.

2 A Thighearna, éisd ri m' ghuth ;  
thugadh do chluasan an aire do  
ghuth m'athcluingeann.

3 Ma chomharaicheas tusa ain-  
gidheachd, a Thighearna ; a Thigh-  
earna, cò a sheasas.

4 Ach agadsa *tha* maitheanas ;  
agus uinne sin bithidh eagal air  
daoinibh romhad.

5 Tha mi a' feitheamh air an  
Tighearna, tha m'anam a' feith-  
eamh, agus na fhocal tha mo  
dhòigh.

6 Tha m'anam a' feitheamh air an  
Tighearna ni's mò na luchd-faire na  
maidne, *seadh*, na luchd-faire na  
maidne.

7 Earbadh Israel as an Tighearna ;  
oir aig an Tighearna *tha* tròcair, a-  
agus aige-san *tha* mòr shaorsa ;

8 Agus saoraidh e Israel o eu-  
ceartaibh gu léir.

## SALM CXXXI.

*Laoidh nan ceum, le Daibhidh.*

**A** THIGHEARNA, cha 'n'eil mo  
chridhe uaibhreach, no mo  
shùileau arda ; agus cha do ghabh  
mi gnothuch ri nithibh mòra, no ri  
nithibh arda air mo shon.

2 Gu deimhin shocraich agus  
chiuinich mi m'anam, mar leanabh  
a chuireadh o chèile a mhàthar ; mar  
leanabh a chuireadh o'n chèile *tha*  
m'anamsa.

3 Earbadh Israel as an Tighearna,  
o'n àm so agus gu bràth.

## SALM CXXXII.

*Laoidh nan ceum.*

**C**UIMHNICH, Thighearna, air  
Daibhidh, agus air 'uile àmh-  
ghar :

2 Mar a mhionnaich e do'n Tigh-  
earna, a bhàidich e do *Dhia* treun  
Iacoib, *ag ràdh*,

<sup>a</sup> 'uchd, 'achlais.

3 Gu deimhin cha d'théid mi do  
phàillium mo thighe, cha d'théid mi  
suas air mo leabaidh ;

4 Cha d'thoir mi codal do m'  
shùilibh, no suain do m' rosgaibh <sup>b</sup>,

5 Gus am faigh mi àit do'n Tigh-  
earna, ionad-còmhnuidh do *Dhia*  
treun Iacoib.

6 Feuch, chuala sinn uime aig  
Ephrata ; fhuaire sinn e ann am  
machairibh na coille.

7 Théid sinn a steach d'a phàil-  
liunaibh ; sleuchdaidh sinn aig stòl  
a choisie.

8 Eirich, a Thighearna gu d'  
thàmh, thu féin agus àire do neirt.

9 Sgeadaichear do shagairt le  
h-ionracas, agus deanadh do naoimh  
luathghaire.

10 Air sgàth Dhaibhidh t'òglaich,  
na cuir air a h-ais aghaidh t'Aoin  
ungta.

11 Mhionnaich an Tighearna do  
Dhaibhidh am firinn ; cha phill e  
uaith : Do thoradh do chuirp suidh-  
iclidh mi air do righ-chaithir.

12 Ma choimhideas do chlann mo  
choimhcheangal agus mo theistean,  
a theagaisgeas mi dhoibh, suidhidh  
mar an ceudna an clann-san, air do  
righ-chaithir gu bràth.

13 Oir ròghnuich an Tighearna  
Sion ; mniannuich e i mar ionad-  
còmhnuidh dha féin, *ag ràdh*,

14 *Is i* so mo shuaimhneas gu  
siorruidh ; an so gabhaidh mi còmh-  
nuidh, oir mhiannuich mi i.

15 Bànuichidh mi gu mòr a  
lònd ; sànuichidh mi a bochdan le  
h-aran.

16 Eudaichidh mi a sagairt le  
slàinte ; agus ni a naoimh ard luath-  
ghaire.

17 An sin bheir mi air adharc  
Dhaibhidh fàs : dh'orduich mi lòch-  
ran do m' Aon ungta.

18 Eudaichidh mi a naimbdean le  
nàire : ach air féin thig a choron fo  
bhlàth.

## SALM CXXXIII.

*Laoidh nan ceum, le Daibhidh.*

**F**EUCH, cia maith agus cia tait-  
neach an ni, do bhràithribh  
còmhnuidh a ghabhail cuideachd  
ann an aonachd !

2 Mar dheadh oladh-ungaidh air  
a' cheann, a ruith sìos air an fheus-  
aig, feusaig Aaroin, a ruith sìos air  
iomall a thrusgain ;

3 Mar dhealt air Hermon, a thuit-  
eas air sléibhtibh <sup>f</sup> Shioin : oir an  
sin dh'àithn an Tighearna am bean-  
neachadh, beatha gu sìorruidh.

<sup>b</sup> do fhàbhraidhith mo shùl.

<sup>c</sup> Iaar. Eabh.

tìr.

<sup>e</sup> fuidh.

<sup>d</sup> teachd-an

<sup>f</sup> sliabh.

<sup>g</sup> Shihoin. Faic Deut. Caib. IV.  
r. 48.



## SALM CXXXIV.

*Laidh nan ceum.*

**F**EUCH, beannuichibh an Tighearna, sibhse òglacha an Tighearna gu léir, a sheasas ann an tigh an Tighearna gach oidhche.

2 Togaibh bhuir làmh a anns an ionad naomha<sup>a</sup>, agus beannuichibh an Tighearna.

3 Beannuicheadh an Tighearna thu a Sion, a rinn nàmh agus talamh.

## SALM CXXXV.

**M**OLAIBH an Tighearna, molaibh ainm an Tighearna, molaibhse, òglacha an Tighearna;

2 Sibhse a sheasas ann an tigh an Tighearna, ann an cùirtibh tìghe ar Dé.

3 Molaibh an Tighearna, oir *tha*'n Tighearna maith: seinnibh cliù d'a ainm, oir *tha e* taitneach.

4 Oir ròghnaich an Tighearna Iacob dha féin, Israel mar 'ionmhas sònruichte.

5 Oir *tha* fios agam gur mòr an Tighearna, agus *gu bheil* ar Tighearna os cionn nan uile dhé.

6 Ge b'e ni bu toil leis an Tighearna rinn e air nàmh agus air talamh, anns na cuantaibh, agus anns na doimhneachdaibh uile.

7 *Is* esan a bheir air a' cheò dol suas o chrìch na talmhainn; a ni dealanach le h-uisge; a bheir a mach a' ghaoth as ionadaibh-tasgaidh;

8 A bhuail ceud-ghin na h-Eiphit, arao duine agus ainmhidh;

9 A chuir comharan agus iongantasan ann ad mheadhon, O Eiphit, air Pharaoh agus air 'òglachaibh gu léir;

10 A bhuail cinnich mhòra, agus a mharbh rìghre mòra.

11 Sihon rìgh nan Amorach, agus Og rìgh Bhasain, agus uile rioghachda Chanaain.

12 Agus a thug am fearann mar oighreachd, mar oighreachd do Israel a shluagh.

13 *Mairidh* t'ainmsa, a Thighearna, gu bràth; do chuimhne, a Thighearna, o linn gu linn.

14 Oir bheir an Tighearna breth air a shluagh, agus gabhaidh e aithreachas a thaobh a sheirbhiseach.

15 *Is* àirgiod agus òr iodhoil<sup>b</sup> nan cinneach, obair làmh dhaoine.

16 Tha beul aca, ach cha labhair iad; sùilean aca, ach cha'n fhaic iad.

17 Tha cluasan aca, ach cha chluinn iad: ni mò a tha anail nam beul.

18 Cosmhuil riu féin *tha* iadsan a ni iad, gach neach a dh'earbas asda.

19 A thigh Israel, beannuichibh an Tighearna; a thigh Aaroin, beannuichibh an Tighearna.

20 A thigh Lebhi, beannuichibh an Tighearna: sibhse air am bheil eagal an Tighearna, beannuichibh an Tighearna.

21 Beannuichte gu robh an Tighearna as Sion, aig am bheil a chòmhnuidh ann an Ierusalem. Molaibhse an Tighearna.

## SALM CXXXVI.

**O** THUGAIBH buidheachas do'n Tighearna, oir *tha e* maith; oir gu bràth *mairidh* a thròcair.

2 Thugaibh buidheachas do Dhia nan dia; oir gu bràth *mairidh* a thròcair.

3 Thugaibh buidheachas do Thighearna nan tighearna; oir gu bràth *mairidh* a thròcair.

4 Dha-san na aonar a ni iongantasan mòra; oir gu bràth *mairidh* a thròcair.

5 Dha-san a rinn na nàmh le gliocas; oir gu bràth *mairidh* a thròcair.

6 Dha-san a shìn an talamh os cionn nan uisge; oir gu bràth *mairidh* a thròcair.

7 Dha-san a rinn solus mhòra; oir gu bràth *mairidh* a thròcair.

8 A' ghrian a riaghladh an latha<sup>c</sup>; oir gu bràth *mairidh* a thròcair.

9 A' ghealach agus na reultan a riaghladh na h-oidhche; oir gu bràth *mairidh* a thròcair.

10 Dha-san a bhuail na h-Eiphitich<sup>d</sup> nan ceud-ghinibh; oir gu bràth *mairidh* a thròcair.

11 Agus a' thug a mach Israel as am mheadhon; oir gu bràth *mairidh* a thròcair.

12 Le làmh thréin, agus le gairdean sìnte mach; oir gu bràth *mairidh* a thròcair.

13 Dha-san a roinn a' mhuir, ruadh na roinnibh<sup>e</sup>; oir gu bràth *mairidh* a thròcair.

14 Agus a thug air Israel dol trid a mheadhoin; oir gu bràth *mairidh* a thròcair.

15 Ach a thilg Pharaoh agus 'armailt bun os cionn anns a' mhuir ruaidh; oir gu bràth *mairidh* a thròcair.

16 Dha-san a thredraich a shluagh trid an fhàsaich: oir gu bràth *mairidh* a thròcair.

17 Dha-san a bhuail rìghre mòra, oir gu bràth *mairidh* a thròcair:

18 Agus a mharbh rìghre treuna; oir gu bràth *mairidh* a thròcair:

19 Sihon rìgh nan Amorach; oir gu bràth *mairidh* a thròcair:

<sup>a</sup> le naomhachd.<sup>b</sup> dealbha.<sup>c</sup> san latha.<sup>e</sup> na h-earranaibh.<sup>d</sup> an Eiphit.

20 Agus Og rìgh Bhasain; oir gu bràth *mairidh* a thròcair:

21 Agus a thug am fearann mar oighreachd; oir gu bràth *mairidh* a thròcair:

22 Mar oighreachd do Israel 'òglach féin; oir gu bràth *mairidh* a thròcair:

23 A chuimhnich oirnn nar staid ìosal; oir gu bràth *mairidh* a thròcair:

24 Agus a shaor sinn o ar naimhdeibh; oir gu bràth *mairidh* a thròcair:

25 A tha tabhairt bìdh do gach feoil; oir gu bràth *mairidh* a thròcair.

26 O thugaibh buidheachas do Dhia nan nèamh; oir gu bràth *mairidh* a thròcair.

## SALM CXXXVII.

**L**AIMH ri aibhnicheibh Bhabiloin, an sin shuidh, agus ghuil sinn, an uair a chuimhnich sinn air Sion.

2 Air-na crannaibh seilich na meadhon chroch sinn ar clàrsaichean.

3 Oir an sin dh'iarr iadsan a thug am braighdeanas sinn, drao oirnn; agus dh'iarr iadsan a rinn fògaraich dhinn<sup>a</sup> aoibhneas oirnn, ag ràdh, Seinnibh dhuinn *aon* do laoidhibh Shìoin.

4 Cionnus a sheinneas sinne laoidh an Tighearna ann an tìr choimhich?

5 Ma dhi-chuimhniceas mise thusa, a Ierusalem, di-chuimhnich-eadh mo làmh dheas a *seòltachd*.

6 Leanadh mo theanga ri m'ghial<sup>b</sup>, mur cuimhnich mi ort, mur fearr leam Ierusalem na m'aoibhneas a's airde.

7 Cuimhnich, a Thighearna, clann Edoim, ann an latha Ierusalem, a thubhairt, Leagaibh, leagaibh<sup>c</sup> sìos i gu ruig a bunait.

8 A nigean Bhabiloin, a lom-sgriosar<sup>d</sup>, is sona *esan* a dh'ìolas dhuitse, a réir mar a rinn thu oirne.

9 Is sona *esan* a ghilacas agus a phronnas do chlànn bheag ris na clachaibh.

## SALM CXXXVIII.

*Salm le Daibhidh.*

**M**OLAIDH mi thu, a Thighearna, le m' uile chridhe; an làthair nan dé seinnidh mi cliu dhuit.

2 Sleuchdaidh mi aig do theampull<sup>e</sup> naomha, agus molaidh mi t'ainm air son do chaoimhneis-

gràidh, agus air son t'fhìrinne; oir dh'ardaich thu t'fhocal os cionn t'ainme uile.

3 'San là air an do ghlaodh mi riut, fhreagair thu mi; neartaich thu mi a'm<sup>f</sup> anam le treòir.

4 Molaidh uile rìghre na talmhainn thu, a Thighearna, 'nuair a chluinneas iad briathra do bhedil:

5 Agus seinnidh iad ann an slighibh an Tighearna; oir is mòr glòir an Tighearna.

6 Ge h-ard an Tighearna, gidh-eadh seallaidh e air an ìriosal; ach aithnichidh e an t'uaibhreach fad as.

7 Ge do ghluais mi ann am meadhlion àmhghair<sup>f</sup>, ath-bheothaichidh tu mi; an aghaidh corruich mo naimhde sinidh tu do làmh, agus saoraidh do dheas làmh mi.

8 Coimhlionaidh an Tighearna air mo shon; *mairidh* do thròcair, a Thighearna, gu bràth: na tréig oibre do làmh.

## SALM CXXXIX.

*Do'n ard fhear-ciuil. Salm le Daibhidh.*

**A** THIGHEARNA, rannsaich<sup>g</sup> thu mi, agus is aithne dhuit mi.

2 Is aithne dhuit mo shuidhe agus m'èirigh; tuigidh tu mo smuainte fad as.

3 Chuairtich thu mo cheum agus mo luidhe sìos, agus air mo shlighibh gu léir is fiosrach thu.

4 Oir feuch, cha 'n'eil focal air mo theangaidh, a Thighearna, nach aithne dhuit gu léir.

5 An dheigh agus romham, chuairtich thu mi<sup>h</sup>, agus chuir thu do làmh orm.

6 Is ro iongantach an t-eòlas so air mo shon: tha e ard; cha ruig mi air.

7 C'àit an d'théid mi o d'spiorad<sup>i</sup> agus c'àit an teich mi o d'ghnùis<sup>i</sup>?

8 Ma théid mi suas do nèamh, *tha* thu 'n sin; ma ni mi mo leabadh ann an ifrinn<sup>k</sup>, feuch, *tha* thu 'n sin.

9 Ma ghabhas mi sgiatha na maidne, agus gu còmhnuich mi ann an ionadaibh iomallach na fairge;

10 Eadhon an sin stiùraidh do làmh mi, agus cumaidh do dheas làmh mi.

11 Ma their mi, Gu deimhin fol-aichidh an dorchadas mi, bithidh an oidhche féin mar sholus mu'n cuairt orm.

12 Cha'n fholaich eadhon an dorchadas uaitse, ach dealraichidh

<sup>f</sup> teinn, trioblaid.

<sup>g</sup> dh'fhidir.

<sup>h</sup> dhealbh thu mi.

<sup>i</sup> fhianuis, làthaireachd.

<sup>k</sup> anns

an ionad a's ìochdaraiche, anns an uaigh.

<sup>a</sup> a chreach, a chlaoidh sinn. <sup>b</sup> chair-ean.

<sup>c</sup> Rùisgibh, rùisgibh.

<sup>d</sup> dh'fhàsaichear.

<sup>e</sup> a làimh do

theampull.

an oidhche mar an latha : is ionann an dorchadas agus an solus duitse.

18 Oir ghabh thu sealbh air m'air-nibh : dh'fholuich thu mi ann am broinn mo mhàthar.

14 Molaidh mi thu, oir is uamhasach, iongantach a dhealbhadh mi ; is iongantach t'oibre-sa, agus is ro fhiosrach m'anam air sin.

15 Cha d'fholaicheadh mo chorp a uait an uair a rinneadh mi an dionmharcachd, a dhealbhadh mi gu h-iongantach ann an ionadaibh ìochdarach na talmhainn.

16 Chrunnaic do shùilean mo cheud-fhàs an-abuich, agus ann ad leabhar scriobhadh sìos mo bhuill uile, a dhealbhadh ri h-ùine, gun aon diubh fathast ann.

17 O cia luachmhor leamsa do smuainte-sa, a Dhe ? cia mòr an ùbhair ?

18 Nan àirmhinn iad, is lìonmhoire iad na a' ghaineamh : 'nuair a dhùisgeas mi, tha mi a ghnàth maille riutsa.

19 Gu cinnteach, a Dhé, marbhaidh tusa an t-aingidh : uime sin, a dhaoine fuileachdach, imichibh uam :

20 Oir labhair iad a't' aghaidh gu h-aingidh ; thug do naimhde t'ainm an dìomhanas.

21 Nach 'eil mi tabhairt fuath, a Thighearna, dhoibh-san a tha toirt fuath dhuitse ? agus nach 'eil mi gabhail gràin dliubhsan a tha 'g éirigh suas a't' aghaidh ?

22 Le fuath iomlan tha mi toirt fuath dhoibh ; mar naimhde measam iad.

23 Rannsuich mi, a Dhé, agus aithnich mo chridhe : dearbh mi, agus tuig mo sinuainte.

24 Agus amhairc am bheil slighe olc air bith annam, agus trèdruich mi anns an t-slighe shiorruidh.

## SALM CXL.

*Do'n ard fhear-ciuil. Salm le Daibhidh.*

**T**EASAIRG mi a Thighearna, o'n droch dhuine : o fhear na foir-eigne gléidh mi ;

2 A tha sinuaineachadh aimhleis nan cridhe : cruinnichidh iad gach la d'chum cogaidh.

3 Gheuraich iad an teanga, mar theangaidh nathrach ; tha nimh na nathrach fo 'm bilibh. Selah.

4 Gléidh mi, a Thighearna, o làmh-aibh nan aingidh, o fhear an fhoir-neirt dìon mi, le'm b'ail mo cheum-anna thilgeadh bun os cionn.

5 Dh'fholuich na h-uabhrich ribe dhomh, agus cuird : sgaoil iad lìon

ri taobh na slighe : leag iad ceapa-tuislidh dhomh. Selah.

6 Thubhairt mi ris an Tighearna, Is tu mo Dhia : éisd, a Thighearna, ri guth m'athchuingean.

7 A Iehobhah, a Thighearna, neart mo shlàinte ; dh'fholuich thu mo cheann ann an latha catha.

8 Na dednuich, a Thighearna, miannan an aingidh, na soirbhich le 'ais-innleachd, air eagal gu'n ardaich siad iad féin. Selah.

9 A thaobh nan daoine a chuairtich mi, còmhdaicheadh e aimhleas am bilean féin iad.

10 Tuiteadh eibhlean teine orra, 'san teine tilgear iad ; ann an slochdaibh domhain, chum nach éirich iad a ris.

11 Na daingnichear fear-labhairt uile air an talamh : sealgaidh olc air fear an fhoirneirt, chum a sgrios.

12 Tha fhios agam gu'n cum an Tighearna ceartas ris an duine thruagh, còir ris na bochdaibh.

13 Gu dearbh bheir na fireana moladh do t'ainm : gabhaidh na h-ionracain còmhnuidh a't' fhianuis.

## SALM CXLI.

*Salm le Daibhidh.*

**A** THIGHEARNA, tha mi ag éigheach riut, greas a m'ionnsuidh ; éisd ri m' ghuth, 'nuair a dh'éigheas mi riut.

2 Cuirear m'ùrnuigh a'd' làthair, mar thùs ; togall suas mo làmh, mar an lobairt fheasgair.

3 Cuir, a Thighearna, faire air mo bheul : gléidh dorus mo bhilean.

4 Na aom mo chridhe gu nì olc air bith, gu bearta aingidh a chur an gnìomh le luchd-deanamh na h-euceirt : agus na h-itheam féin d'an nithibh milse.

5 Buaileadh am firean mi, is caoimhneas e ; agus cronaicheadh e mi, is oladh luachmhor e, nach bris mo cheann : oir fathast bithidh m'ùrnuigh mar an ceudna air an son nan àmhghairibh.

6 'Nuair a thilgear sìos am breitheamhna ann an ionadaibh clachach, éisdidh iad ri m' bhrìathraibh, oir tha iad milis.

7 Mar a ghearras agus a sgoiltfeas neach fiodh air an làr, sgaoileadh ar cnàmhan aig beul na h-uaghe.

8 Ach a t'ionnsuidh-sa, a Iehobhah, a Thighearna, tha mo shùilean : annadsa chuir mi mo dhòigh ; na tréig m'anam.

9 Coimhid mi o'n ribe a leag iad dhomh, agus o cheapaidh-tuislidh luchd-deanamh na h-euceirt.

10 Tuiteadh na h-aingidh nan lontaibh féin, am feadh a bhios mise a' gabhail thairis.

<sup>a</sup> neart.  
ceann, an àireamh.  
agam, Eabh.

<sup>b</sup> an cunntas  
<sup>c</sup> tha iad  
<sup>d</sup> a ghnàth.

<sup>e</sup> còmhdaichidh.  
<sup>f</sup> na dean m'anam falamh, lòm.

## SALM CXLII.

*Maschil le Daibhidh. Urnuigh  
'nuair a bha e anns an uaimh.*

**L**E M' ghuth ghlaodh mi ris an Tighearna; le m' ghuth dh'asluich mi air an Tighearna.

2 Thaom mi mo ghearan na làthair; chuir mi 'n céill mo theinn na fhianuis.

3 'Nuair a chlaoidheadh mo spiorad annam, b'aithne dhuitse mo cheum: 'san t-slighe air an d'imich mi, dh'fholuich iad ribe dhomh.

4 Dh'amhairc mi air mo làimh dheis, agus feuch, cha robh fear ann d'an b'aithne mi; thréig cabhair mi; cha robh neach ann a dh'fhèdraicheadh air son m'anama.

5 Ghlaodh mi riut, a Thighearna: thubhairt mi, *Is tu mo thearmunn*\*, mo chuibhrionn ann an tìr nam beo.

6 Thoir an aire do m' ghlaodh, oir dh'fheachadh mi gu mòr: saor mi uathasan a tha'n tòir orm, oir is treise iad na mi.

7 Thoir m'anam a prìosun, chum gu mol mi t'ainm: cuairtichidh na fireana mi, oir buinidh tu gu sìal rium.

## SALM CXLIII.

*Salm le Daibhidh.*

**C**LUINN m'urnuigh, a Thighearna; éisd ri m'athchuingibh ann a t'fhìrinn, freagair mi ann ad cheartas.

2 Agus na d'thig ann am breith-eanas le t'òglach: oir ann a t'fhianuis cha'n fhìreanaichear duine beo air bith.

3 Oir gheur-lean an nàmhaid m'anam, bhuail e mo bheatha sìos gu làr; thug e orm còmhnuidh ghabhail ann an dorchadas, mar iad-san a bha fada marbh.

4 Uime sin chlaoidheadh mo spiorad annam: tha mo chridhe briste an taobh a stigh dhom.

5 Is cuimhne leam na laithean o chian, tha do ghlinomhara gu léir a' teachd a'm' aire; tha mi a' beachd-smuaineachadh air obair do làmh.

6 Shìl mi mo làmhan riutsa: *tha* m'anam, mar thalamh tartmhor<sup>b</sup> an geall ort. Selah.

7 Eisd rium gu grad, a Thighearna; chaidh as do m' spiorad: na fol-aich do ghnùis orm, air eagal gu'm bi mi cosmhuil riu-san a théid sìos do'n t-slochd.

8 Thoir orm do chaoimlineas-gràidh a chluinntinn anns a' mhad-uinn, oir annadsa chuir mi mo dhòigh: thoir orm gu'n aithnich mi an t-slighe anns an còir dhomh

imeachd, oir riutsa tha mi togail suas m'anama.

9 Teasairg mi o m' naimh-dibh, a Thighearna: a t'ionnsuidh-sa teichidh mi<sup>c</sup>.

10 Teagaisg dhomh do thoil a dheanamh, oir is tu mo Dhia: treòraicheadh do spiorad maith mi gu tìr an ionracais.

11 Air sgàth t'ainme, a Thighearna, beothaich thusa mi: trid t'fhìr-eantachd saor m'anam o theinn.

12 Agus trid do thrùcair gearr as mo naimhdean, agus sgrios iadsan uile a tha claidh m'anama; oir is mi t'òglach.

## SALM CXLIV.

*Salm le Daibhidh.*

**B**EANNUICHTHE gu robh an Tighearna mo charraig<sup>d</sup>, a theagaisgeas mo làmh gu cath, mo mheoir gu comhrag:

2 Mo mhaith, agus mo dhaingneach, mo thùr ard, agus m'fhear-saoraidh-sa, mo sgiath, agus an tì as an earb mi; a cheannsaicheas mo shluagh<sup>e</sup> fodham.

3 A Thighearna, ciod e an duine, gu bheil thu a' gabhail eòlais air? mac an duine, gu bheil meas agad air?

4 Is cosmhuil an duine ri dionmhanas: *tha* a laithean mar sgàile a ghabhas seachad.

5 A Thighearna, lùb do fhlaith-easa, agus thig a nuas: bean ris na beanntaibh, agus bithidh deatach dhiubh.

6 Cuir a mach dealanach, agus sgaoil iad; tilg do shaighdean, agus claidh iad.

7 Sìn uait do làmh o'n airde, saor mi, agus teasairg mi o uisgibh mòra, a làimh cloinne choigreach;

8 Aig am bheil am beul a' labhairt dìomhanais, agus is i'n deas làmh deas làmh na bréige.

9 A Dhé, seinnidh mi dhuit òran nuadh; air an t-saltair, air inneal-ciùil nan deich teud, seinnidh mi moladh dhuit.

10 *Is* esan a bheir buaidh<sup>f</sup> do rìgh-ribh, a shaoras Daibhidh, t'òglach féin, o'n chlaidheamh mhillteach.

11 Saor mi, agus teasairg mi o làimh cloinne choigreach, aig am bheil am beul a' labhairt dìomhanais, agus is i'n deas làmh deas làmh na bréige:

12 Chum gu'm bi ar mic mar ùr chroinn a' fàs suas nan òige, ar nigheana mar chlachaibh oisinne, snàidhte a réir cosamhlachda lùch-airte.

<sup>c</sup> teichidh mi gu m'fholach.

<sup>d</sup> mo neart.

<sup>e</sup> na slòigh.

<sup>f</sup> slàinte.

<sup>a</sup> mo dhèdean, mo dhòchas.

<sup>b</sup> ann an tìr thartmhor.



13 Chum gu'm bi ar saibhlean làn, a' toirt uatha do gach gnè thoraidh, ar caoraich a' breth nam mìltean, seadh deich mìltean nar mach-airibh<sup>a</sup>;

14 Gu'm bi ar dainn lèididh gu h-obair; nach bi briseadh steach ann, no dol a mach; agus nach bi gearan nar sràidibh.

15 Is sona an sluagh, a tha 'san staid<sup>b</sup> so: sona an sluagh, d'an Dia an Tighearna.

## SALM CXLV.

*Laoidh-mholaidh le Daibhidh.*

**A**RDALCHIDH mi thu, mo Dhia, mo Rìgh; agus beannuichidh mi t'ainm gu saoghal nan saoghal.

2 Gach là beannuichidh mi thu, agus molaiddh mi t'ainm gu saoghal nan saoghal.

3 Is mòr an Tighearn, agus is ro airidh e air moladh, agus cha'n fheudar a mhòrachd a rannsachadh.

4 Molaidh àl do àl do ghnìomhara, agus cuiridh iad an cèill t'òibre cumhachdach.

5 Air urram glòire do mhòrachd agus air t'òibribh iongantach labhairaidh mi<sup>c</sup>.

6 Agus labhairaidh daoine<sup>d</sup> air neart do bhearta uamhasach; agus aithrisidh mise<sup>e</sup> do mhòrachd.

7 Cuiridh iad an cèill gu pailt cuimhne do mhaithais mhòir, agus ard-mholaidh iad t'fhìreantachd.

8 Is gràs-mhor agus truacanta an Tighearna; mall chum feirge, agus pailt ann an trècair.

9 Is maith an Tighearna do na h-uile, agus tha a chaomh thrècairean os cionn 'òibre uile.

10 Molaidh t'òibre gu léir thu, a Thighearna; agus beannuichidh do naomh thu.

11 Air glòir do rioghachd labhairaidh iad, agus cuiridh iad an cèill do chumhachd:

12 Chum a' bhearta iongantach a dhèanamh aithnichte do chloinn nan daoine, agus glòir mòralachd a' rioghachd.

13 Is rioghachd shìorruidh do rioghachd-sa; agus mairidh t'uachdaranachd air feadh nan uile ghinealach.

14 [Tha an Tighearna fìrinneach na uile bhriathraibh, agus naomha na uile ghnìomharaibh.]

15 Cumaidh an Tighearna suas iadsan uile a tha tuiteam, agus togaidh e'n aird iadsan uile a tha air cromadh sìos.

16 Tha sùilean nan uile a' fèith-eamh ort, agus bheir thu dhoibh am biadh na thràth.

17 Tha thu fosgladh do làimh, agus a' sàsachadh miann gach ni beo.

18 Tha'n Tighearna ceart na uile shligheibh, agus naomha na uile ghnìomharaibh.

19 Is dlùth an Tighearna dhoibh-san uile a ghairmeas air, dhoibh-san uile a ghairmeas air an fìrinn.

20 Coimhlionaidh e miann na droinge d'an eagal e; agus éisdidh e r'an glaoth, agus saoraidh se iad.

21 Gleidhidh an Tighearn iadsan uile a ghràdhachas e; ach sgriosaidh e na h-aingidh gu léir.

22 Air cliu an Tighearna labhairaidh mo bheul: agus beannuichidh gach feoil 'ainm naomha-san gu saoghal nan saoghal.

## SALM CXLVI.

**M**OLAIBHSE an Tighearna: mol an Tighearn, O m'anam.

2 Molaidh mi an Tighearn an cian is beo mi<sup>h</sup>: seinnidh mi cliu do m' Dhia, am feadh a bhios bith agam.

3 Na h-earbaibh a h-uachdaran-aibh<sup>i</sup>, a mac duine sam bith, anns nach 'eil furtachd.

4 Thèid 'anail as, pillidh e g'a ùir: 'san là sin féin thèid as d'a smuaintibh.

5 Is sona an ti aig am bheil Dia Iacoib mar a chabhair, aig am bheil a dhòchas anns an Tighearn a Dhia,

6 A rinn nèamh agus talamh, a'mhuir agus gach ni a ta anna; a ghleidheas fìrinn gu bràth;

7 A chumas còir riu-san a tha fo fhoirneart, a bheir biadh do na h-ocraich. Cuiridh an Tighearna na prìosunaich fa sgaoil.

8 Fosglaidh an Tighearna sùilean nan dall; togaidh an Tighearna suas iadsan, a tha air an cromadh sìos: is ionmhuinn leis an Tighearna na fireana.

9 Gleidhidh an Tighearna na coigrich; togaidh e suas an dilleachdan agus a' bhantrach: ach tilgidh e slighe nan aingidh bun os cionn.

10 Rìoghaichidh an Tighearna gu bràth, do Dhia-sa, a Shìon, o linn gu linn. Molaibhse an Tighearna.

## SALM CXLVII.

**M**OLAIBHSE an Tighearn; oir is maith an ni a bhi tabhairt cliu d'ar Dia, oir a ta e taitneach, agus a ta moladh ciatfach.

2 Togaidh an Tighearna suas Ierusalem; cruinnichidh e ri cheile d'òbharach Israeil.

<sup>h</sup> rè mo bheatha.

mòra, uaisle.

2 E

<sup>i</sup> daoineibh

625

<sup>a</sup> sràidibh.

<sup>b</sup> inbhe, chor.

<sup>c</sup> Air urram glòire do mhòrachd labhairaidh iad, agus air t'òibribh iongantach beùchd-smuainichidh iad.

<sup>d</sup> iad.

<sup>e</sup> iad.

<sup>f</sup> do.

<sup>g</sup> do.

3 Leighisidh e iadsan aig am bheil cridhe briste, agus ceanglaidhe suas an leònta<sup>a</sup>.

4 Innsidh<sup>b</sup> e àireamh nan rionnag; bheir e ainmean orra uile.

5 Is mòr an Tighearn, agus is mòr a chumhachd; *tha* a thluigse gun tomas.

6 Togaidh an Tighearn suas na daoine ciuin<sup>c</sup>, tilgidh e sìos na h-aingidh gulàr.

7 Seinnibh do'n Tighearn le buidheachas; seinnibh moladh d'ar Dia-ne air a' chlàrsaich:

8 A dh'fhòlachas<sup>d</sup> nèamh le neulaibh, a dh'ulluicheas uisge do'n talamh, a bheir air fear fàs air na sléibhtibh.

9 Bheir esan a bhiadh do'n ainmhidh, do na fithich òga a ghoir-eas<sup>e</sup>.

10 Ann an neart an eich cha bhia dhùil; ann an cosaibh fir cha ghabh e tlachd.

11 Gabhaidh an Tighearn tlachd anna-san d'an eagal e, a chuireas an dòigh na thròcair.

12 Mol an Tighearn, a Jerusalem; mol do Dhia, a Shìon:

13 Oir neartaich e croinn do gheatacha, bheannaich e do chlànn an taobh a stigh dhòt.

14 Ni e sìth a'd' chrìochaibh; sàsuichidh e thu le smior a' chruin-eachd.

15 Cuiridh e mach 'àithne air thalamh; gu luath ruithidh 'fhocal.

16 Bheir e sneachda mar olainn; sgaoilidh e an lath-reodh mar luathre.

17 Tilgidh e mach 'eigh<sup>f</sup> mar ghreananna; còdh'fheudas seasamh fa chomhair 'fhuachda?

18 Cuiridh e mach 'fhocal, agus leaghaidh e iad; séididh a ghaoth, sruthaidh na h-uisgeacha.

19 Foillsichidh e 'fhocal do Jacob, a reachdan agus a bhreitheanais do Israel.

20 Cha do bhuin e mar so ri cinn-each sam bith, cha mhò a b'athne dhoibh a bhreitheanais. Molaibhse an Tighearn.

## SALM CXLVIII.

**M**OLAIBHSE an Tighearn. Molaibh an Tighearn o na nèamhaibh; molaibh e anns na h-ard-aibh.

2 Molaibh e, 'aingle uile; molaibh e, a shlòigh uile.

3 Molaibh e, a ghrian agus a ghealach; molaibh e, uile reulta soluis.

4 Molaibh e, a nèamha nan nèamh, agus uisgeacha a *tha* os cionn nan nèamh.

5 Moladh iad ainm an Tighearna; oir dh'àithn e, agus chruthaich eadhad iad.

6 Agus dhaingnich e iad gu saoghal nan saoghal; rinn e àithne, nach d'théid thairisg.

7 Molaibh an Tighearn o'n talamh, a dhràgona, agus a dhoimhn-eachdan uile.

8 Teine<sup>h</sup> agus clach-shneachd, sneachda agus cèd, gaoth dhoinion-nach a' coimh-lionadh 'fhocail,

9 Na beannata agus na cnuic uile, craobhan-meas<sup>i</sup> agus na h-uile sheudair<sup>k</sup>,

10 *Fiadh*-bheathaiche, agus gach uile ainmhidh, nithe snàigeach, agus eunlaith iteagach<sup>l</sup>.

11 Rìghre na talmhainn agus na h-uile shlòigh, uachdarana agus uile bhreithleamhna na talmhainn,

12 Araon òig-fhìr agus òighean, seann daoine agus clann<sup>m</sup>;

13 Moladh iad sin ainm an Tighearna: oir a ta 'ainm-san a mhain urramach<sup>n</sup>, *tha* a ghàird os cionn na talmhainn agus nan nèamh.

14 Agus dh'ardaich e adharc a shluaigh, moladh a naomh uile, eadhon chloinn Israeil, sluaigh a t'am fagus da. Molaibhse an Tighearna.

## SALM CXLIX.

**M**OLAIBHSE an Tighearn. Seinnibh do'n Tighearn òran nuadh, seinnibh a mholadh ann an coimhthional nan naomh.

2 Biodh Israel aoibhneach na Chruith-fhear: deanadh clann Shìoin gairdeachas nan Rìgh.

3 Moladh iad 'ainm anns an dannsadh: le tiompan agus le clàrsaich seinneadh iad dha.

4 Oir gabhaidh an Tighearn tlachd na shluaigh: nì e na daoine seimh sgiamhach le slàinte.

5 Deanadh na naoimh gairdeachas ann an glòir: deanadh iad iolach<sup>o</sup> air an leapaichibh.

6 Biodh ard chliu Dhé nam beul, agus claidheamh dà fhaobhair nan làimh,

7 A chum dòghaltas a dheanamh air na cinnich, smachdachadh goirt<sup>p</sup> air na slòigh;

8 A chum an rìghrean a cheangal le slabhraidhibh, agus an ard uaislean le geimhlibh iarunn;

9 A chum am breitheanas a chur an gnìomh orra, a tha scrìobhta: *tha'n* t-urram so aig a naoimh uile. Molaibhse an Tighearna.

<sup>g</sup> nach brisear. <sup>h</sup> tein'-athair. <sup>i</sup> craobhan-toraidh.

<sup>k</sup> cheudair. <sup>l</sup> sgiathach, sgiathanach. <sup>m</sup> òganaich.

<sup>n</sup> air 'ardachadh. <sup>o</sup> ard-sheinneadh iad. <sup>p</sup> peanas.

<sup>a</sup> doilgheasan. <sup>b</sup> Airmhidh.

<sup>c</sup> macanta. <sup>d</sup> chòmhdachas.

<sup>e</sup> ghlaodhas. <sup>f</sup> leac-oighre.

## SALM CL.

**M**OLAIBHSE an Tighearna. Molaibh Dia na ionad naomha; molaibh e ann an speuraibh<sup>a</sup> a chumhachda.

2 Molaibh e air son a ghnìomhara treuna; molaibh e a réir airde a mhòrachd.

3 Molaibh e le fuaim trompaide;

<sup>a</sup> athar, iormoilt.

molaibh e le saltair, agus le clàrsaich.

4 Molaibh e le tìompan agus dannsadh; molaibh e le innealaibh-ciuil nan teud, agus le organ.

5 Molaibh e le ciombalaibh fonn-mhor; molaibh e le ciombalaibh ard-fluaimneach.

6 Moladh gach ni anns am bheil anail an Tighearna. Molaibhse an Tighearna.

## GNATH-FHOCAIL

## CAIB. I.

**G**NATH-FHOCAIL Sholaimh, mhic Dhaibhidh, rìgh Israeil;

2 A dh'aithneachadh gliocais agus teagaisg, a thuigsinn bhriathar na tuigse;

3 A' ghabhail teagaisg a' ghliocais, a' cheartais, agus a' bhreitheanaais, agus na còrach;

4 A thoirt géire dhoibh-san a ta baoghalta<sup>a</sup>, eòlais agus céill<sup>b</sup> do'n òganach.

5 Eisdidh duine glic, agus meudaichidh e fòghlum, agus sealbhaichidh duine tuigseach comhairlean glìce:

6 A thuigsinn gnàth-fhocail, agus eadar-mhìneachaidh; fhocal nan daoine glìce, agus am briathar dorch.

7 Is e eagal an Tighearna tùs an eòlais: air gliocas agus teagasg ni amadain tàir.

8 A mhic, éisd thusa ri teagasg t'athar, agus na tréig lagh do mhàthar:

9 Oir nan coron maise bithidh iad do d' cheann, agus nan slabhruidhibh do d' mhuineal.

10 A mhic, ma thàlaidheas<sup>c</sup> peacach thu, na aontaich thusa leo.

11 Ma their iad, Thig leinne, deana maid feall-fheitheamh<sup>d</sup> air fuil, luidheamaid am folach air son an neo-chiontaich gun aobhar:

12 Mar an uaigh sluigeamaid suas beo iad, agus iomlan mar iadsan a thèid sìos do'n t-slochd.

13 Gheibh sinn gach uile mhaoin luachmhor, ìonaidd sinn ar tighean le creich<sup>e</sup>.

<sup>a</sup> aon-fhillte, neo-gheur.

<sup>b</sup> eagnaidheachd, deadh chomhairle.

<sup>c</sup> bhreugas, mheallas. <sup>d</sup> plaid-luidhe.

<sup>e</sup> spùinne.

14 Tilg a steach do chrannchur nar measg-ne; bithidh aon sporan againn uile.

15 A mhic, na h-imich thusa 'san t-slighe maille riu; cum air a h-ais do chios o'n ceum;

16 Oir tha'n cosan a' ruith a chum uile, agus a' deanamh deifir a dhortadh fola.

17 Gu deimhin is dìomhain an lìon a sgaoileadh an sealladh coin air bith.

18 Agus tha iad ri feall-fhlolach<sup>f</sup> an aghaidh am fola féin, tha iad a luidhe an uaigneas an aghaidh an anama féin.

19 Mar sin tha slighean gach neach a ta sanntach air buannachd: anam a sealbhadairean bheir i air falbh.

20 Tha gliocas ag éigheach a muigh, anns na sràidibh tha i a' cur a mach a gutha;

21 Ann an àitibh sònraichte a' chomh-chruinneachaidh tha i ag éigheach, ann am fosgladh nan geata: anns a' bhaile tha i a' cur a mach a briathra,

22 Cia fhad, a dhaoine baoghalta, a ghràdhaicheas sibh baoghaltachd? agus a ghabhas luchd-fochaid tlachd nam fochaid, agus a bheir amadain fuath do eòlas?

23 Pillibh ri m'achmhasan: feuch, dèirdidh mi mach mo spiorad dhuibh; uì mi aithnichte mo bhriathra duibh,

24 A chionn gu'n do ghairm mi, agus gu'n do dhiùlt sibhse, gu'n do shìn mi mach mo làmh, agus nach d'thug duine sam bith an aire;

25 Ach gu'n do chuir sibh an neo-brìgh m'uile chomhairle, agus nach b' àill leibh a bheag do m'achmhasan;

26 Ni mise mar an ceudna gàire

<sup>f</sup> plaid-luidhe.

ri' sgrìos-sa; nì mì fanoid 'nuair a thig bhuir n-eagal;

27 'Nuair a thig bhuir n-eagal mar fhàsachadh, agus a thig bhuir leir-sgrìos oirbh mar iomghaoith; 'nuair a thig teinn<sup>a</sup> agus cràdh-cridhe oirbh.

28 An sin gairmidh iad orm-sa, ach cha fhreagair mi; iarraidh iad mi gu moche, ach cha'n fhaigh iad mi;

29 A chionn gu'n d'fhuathaich iad eòlas, agus nach do ràghnich iad eagal an Tighearna.

30 Cha b'àill leo bheag do m' chomhairle<sup>b</sup>, rinn iad tàir air m' achmhasan uile.

31 Uime sin ithidh iad do thoradh an slighe féin, agus lionar iad le 'n innleachdaibh féin.

32 Oir marbhaidh claonadh nan daoine baoghalta iad, agus sgrìosaidh soirbheas<sup>c</sup> nan amadan iad féin.

33 Ach ge b'e dh'éisdeas riumsa, gabhaidh e còmhnuidh an tèaruinteachd, agus bithidh e saor<sup>d</sup> o eagal uile.

## CAIB. II.

**A** MHIC, ma ghabhas tu mo bhriathra-sa, agus ma dh'fhol-uicheas tu m'aitheanta maille riut;

2 Air chor as gu'n aom thu do chluas ri gliocas, gu'n leag thu do chridhe air tuigse;

3 Seadh, ri eòlas ma dh'éigheas tu, ri tuigse ma thogas tu suas do ghuth;

4 Ma dh'iarraas tu i mar airgiod, agus ma-rannsaicheas tu air a son, mar air son ionmhasan folaichte;

5 An sin tuigidh tu eagal an Tighearna, agus gheibh thu eòlas Dé:

6 Oir bheir an Tighearna gliocas; as a bheul thig eòlas agus tuigse.

7 Tha e tasgaidh suas gliocais fhallain air son nam firean: is sgiath e dhoibh-san a ghluaiseas gu h-ion-raic.

8 Tha e a' coimhead ceumanna a' bhreitheanas, agus a' dìonadh slighe a naomh.

9 An sin tuigidh tu fireantachd, agus breitheanas, agus ceartas, seadh, gach uile dheadh shlighe.

10 'Nuair a thèid gliocas a steach ann do chridhe, agus a bhios eòlas taitneach do d' anam;

11 Nì ciall do dhìonadh, coimhididh tuigse thu;

12 Gu d' shaoradh o shlighe an droch dhuine; o'n duine a labhras nithe fàra<sup>f</sup>.

13 A dh'fhàgas ceumanna an ion-

racais a dh'imeachd annt an slighibh an dorchadais;

14 Leis an aoibhinn an t-olc a dheanamh, agus a thà gabhail tlachd ann an aingealtachd nan aingidh.

15 'G am bheil an sligheanna cam, agus iad a' claonadh nan ceumannaibh.

16 Chum do shaoradh o'n mhnaoi choimhlich, o'n bhana-choigrich a nì miodal le a briathraibh;

17 A thréigear oid-ionnsuich<sup>g</sup> a h-dìge, agus a dhi-chuimhnicheas coimhcheangala Dé:

18 Oir tha a tigh a' claonadh clum bàis, agus a ceumanna clum nam marbh.

19 Cha phill duine sam bith a thèid d'a h-ionnsuidh, agus a rìs cha'n fhaigh e sligheanna na beatha<sup>h</sup>.

20 Chum gu'n imich thu ann an slighe dhaoine maithe<sup>i</sup>, agus gu'n glèidh thu ceumanna nam firean.

21 Oir gabhaidh ua h-ionracain còmhnuidh<sup>j</sup> san tìr, agus fanaidh na daoine foirfe<sup>k</sup> innte.

22 Ach gearrar na daoine aingidh bharr na talmhainn, agus splonar luchd-eusaontais as.

## CAIB. III.

**A** MHIC, na di-chuimhnich mo lagh, ach gleidheadh do chridhe m'aitheanta:

2 Oir laithean buan, agus saoghal fada, agus sìth bheir iad dhuit.

3 Na tréigeadh tròcair agus firinn thu: ceangail iad mu d' mhuineal, sgrìobh iad air clàr do chridhe.

4 Agus gheibh thu deadh-ghean, agus tuigse mhaith an sealladh Dhé agus dhaoine.

5 Earb as an Tighearna le d' uile chridhe, agus ri d' thuigse féin na biodh do thaice.

6 Ann ad uile shlighibh aidich e, agus seòlaidh esan do cheumanna.

7 Na bi glic a'd shùilibh féin; biodh eagal an Tighearna ort, agus tréig olc.

8 Nashlàinte bithidh e do d' iom-laig, agus na smior do d' chnàmhaibh.

9 Thoir urram do'n Tighearna le d' mhaoin, agus le ceud thoradh t' uile chinneis<sup>l</sup>.

10 Agus lionar do shaibhlean le pailteas, agus le fion nuadh ruithidh t-fhlon-amair thairis.

11 Air cronachadh an Tighearna, a mhic, na deansa tàir, agus na sgithich d'a smachdachadh.

12 Oir esan a's toigh leis an Tighearna smachdaichidh se, mar a

<sup>a</sup> àmhghar.

<sup>b</sup> cha d'aontaich iad

<sup>g</sup> treòruiche, fear-stiùraidh.

le m' chomhairle.

<sup>c</sup> soirbheachadh.

<sup>h</sup> nì m' a ghabhas e greim do shligh-

<sup>d</sup> sàmhach.

<sup>e</sup> gu d' dhion.

ibh na beatha.

<sup>i</sup> matha.

<sup>k</sup> iomlan,

<sup>f</sup> tarsuinn.

coimhlionta.

<sup>l</sup> fhàis.



*smachdaicheas* athair am mac *anns* am bheil a thlachd.

13 *Is* sona an duine a dh'amaiseas air gliocas, agus am fear a gheibh tuigse:

14 Oir is fearr a ceannachd <sup>a</sup> na ceannachd airgid, agus a buannachd <sup>b</sup> na 'n t-dr.

15 *Is* luachmhoire i nà na seudan <sup>c</sup>, agus cha 'n eil gach ni a's urrainn thu mhiannachadh r'an coimlmeas <sup>d</sup> rithe.

16 *Tha* saoghal fada na làimh dheis; na làimh chli saibhreas agus urram.

17 *Is* sligheanna subhachais a sligheanna, agus is sìth a ceumanna uile.

18 *Is* craobh beatha i dhoibh-san a ni grèim oirre, agus is sona iadsan a ghleidheas i.

19 Le gliocas shuidhich an Tighearn an talamh: le tuigse shocraich e na nèamha.

20 Le 'èolas-san brisear suas doimhneachdan, agus silidh na neoil a nuas an drùchd.

21 A mhic, na dealaicheadh iad ri d' shùilibh: coimhid gliocas fallain agus tuigse <sup>e</sup>.

22 Agus bithidh iad nam beatha do d' anam, agus nam maise do d' mhuineal.

23 An sin imichidh tu a'd' shlighe gu tèaruinte, agus cha tuislich do chos <sup>f</sup>.

24 'Nuair a luidheas tu sìos, cha bhi eagal ort: seadh, luidhidh tu sìos, agus bithidh do chodal milis <sup>g</sup>.

25 Na biodh sgàth <sup>h</sup> ort roimh eagal obann, no roimh fhàsachadh <sup>i</sup> i nan aingidh, 'nuair a thig e.

26 Oir bithidh an Tighearna na thearmunn duit, agus gleidhidh e do chos o bhi air a glacadh.

27 Na cum maith o'n droing d'an dlighear e, 'nuair a tha e 'n comas do làimh a dheanamh.

28 Na h-abair ri d' choimhearsnach, Imich, agus thig a ris, agus am màireach bheir mi dhuit, 'nuair a tha e agad làimh riut.

29 Na dealbh olc an aghaidh do choimhearsnaich, agus e gabhail còmhnuidh gu muinghineach làmh riut.

30 Na dean stri ri duine gun aobhar, mur do rinn e cron ort.

31 Na biodh farmad agad ri fear an fhoirneirt, agus na ròghnuich a' bheag d'a shlighibh.

32 Oir is gràinealachd do'n Tighe-

earn an duine droch-mhuinte <sup>k</sup>, ach tha a rùn aig an ionracan.

33 *Tha* mallachd an Tighearna ann an tigh an aingidh; ach bean- nuichidh e àite-còmhnuidh nam fìrean.

34 Gu cinnteach air luchd-fochaid ni e fochaid; ach do'n iriosal bheir e gràs <sup>l</sup>.

35 Sealbhaichidh na daoine glice urram; ach is e nàire ardachadh nan amadan.

## CAIB. IV.

**CLUINNIBH**, a chlann, teagasg athar, agus thugaibh an aire, chum gu faigh sibli eòlas air tuigse:

2 Oir tha mi toirt duibh deadh theagaisg; na tréigibhse mo reachd.

3 Oir bu mhise mac muirneach <sup>m</sup> m'athar, agus mar aon-ghin mic *bha* mi ann an sealladh mo mhàthar.

4 Theagaisg e mi mar an ceudna, agus thubhairt e rium, Cumadh do chridhe mo bhriathra; coimhid m'aitheantan agus mair beo.

5 Faigh gliocas, faigh tuigse: na di-chuimhnich, agus na claon o bhriathraibh mo bheoil.

6 Na tréigi, agus gleidhidh si thu: gràdhaich i, agus coimhididh si thu.

7 *Is* e gliocas an ni sònruichte <sup>n</sup>; faigh gliocas, agus màile ri d' uile fhaghail faigh tuigse.

8 Ardaich i, agus cuiridh i suas thu; bheir i gu h-urram thu, 'nuair a ghabhas tu a'd' ghlacaibh i.

9 Bheir i do d' cheann coron maise: crùn gloire bheir i seachad duit.

10 Eisd, a mhic, agus gabh m'fhocail; agus bithidh bliadhnacha do bheatha lionmhor.

11 Ann an slighe a' ghliocais theagaisg mi thu: thobraich mi thu ann an ceumannaibh dìreach.

12 'Nuair a dh'imicheas tu, cha teannaichear <sup>o</sup> do cheumanna, agus an uair a ruitheas tu, cha tuislich thu.

13 Dean greim daingean air teagasg, na leig as e; coimhid e, oir is e do bheatha e.

14 Na gabh a steach do rathad nan aingidh, agus na li-inich ann an slighe dhroch dhaoine.

15 Seachainn i, na gabh seachad làimh rithe, pill uaithe <sup>p</sup>, agus imich romhad.

16 Oir cha chaidil iadsan mur dean iad olc: agus tha'n cadal air a thoirt uatha mur toir iad air cuid-eigin tuiteam.

<sup>a</sup> malairt. <sup>b</sup> tairbhe. <sup>c</sup> leugan, clachan luachmhor. <sup>d</sup> sàmhachadh.

<sup>e</sup> léirsinneachd, eagnuidheachd.

<sup>f</sup> chas. <sup>g</sup> ciuin, suaimhneach.

<sup>h</sup> faitheas, <sup>i</sup> mhilleadh, sgrios.

<sup>k</sup> droch-mhéineach, ceannairceach.

<sup>l</sup> deadh-ghéan. <sup>m</sup> òg, maoth.

<sup>n</sup> an ceud ni. <sup>o</sup> chumhaingichear.

<sup>p</sup> uaipe.

17 Oir tha iad ag itheadh arain na h-aingidheachd, agus ag òl fiona an ainneirt.

18 Ach tha slighe nam firean mar an solus dealrach, a dhealraicheas ni's mò agus ni's mo gu ruig an latha iomlan.

19 Tha slighe nan aingidh mar dhorchadas : clia'n aithne dhoibh ciod air am bheil iad a' tuisleachadh.

20 A mhic, do'm' fhoclaibh thoir aire; ri m' bhriathraibh aom do chluas.

21 Na imicheadh iad o d' shùil-ibh: gléidh iad am meadhon do chridhe.

22 Oir is beatha iad dhoibh-san a gheibh iad, agus loc-shlàint a' d'am feoil uile.

23 Leis gach uile dhìchioll gléidh do chridhe; oir as sin tha sruthanna b na beatla.

24 Cuir uait am beul fiar e, agus na bilean beumnach cuir fad uait.

25 Sealladh do shùilean gu ceart rompa, agus seòladh fabhrainnean d do shùl gu dìreach romhad.

26 Cothromaich ceumanna do chos, agus biodh do shlighean uile air an socrachadh.

27 Na tionndaidh a chum na làimhe deise, no clìthe: carruich do chos o'n olc.

# CAIB. V.

A MHIC, do m' ghliocas thoir an aire; ri m' thuigse aom do chluas.

2 Chum gu'n coimhid thu e ciall f agus gu'n gléidh do bhilean eòlas.

3 [Na h-éisd ri mealltoirachd mnà:] oir mar a' chùr-mheala silidh bilean mnà coimhich, agus is mìn e na oladh a beul.

4 Ach tha a crìoch searbh mar a' bhurmaid, geur mar chlaidheamh dà fhaobhair.

5 Tha a cosan a' dol sìos chum a' bhàis: ni a ceumanna greim air ifrinn b.

6 Aireagal gu'n cothromaicheadh tu slighe na beatha i, luaineach k tha a ceumanna, air chor as nach urrainn thu 'n aithneachadh.

7 A nis uime sin, a chlann, éisd-ibh rium, agus na dealaichibh ri briathraibh mo bheoil.

8 Atharraich do shlighe fad uaithe l, agus na d'thig am fagus do dhorus a tighe:

9 Air eagal gu'n d'thoir thu do

a slàinte. b tobraiche. c cealg-ach. d ruigs. e gu'm bi meas ugad air. f crìonnachd, eagnaich-euchd. g tlaith. h bheir a ceumanna do'n uaigh. i slighe na beatha cha'n'eil i idir a' cothromachadh. k caochlaideach. l uaipe.

neart m do mhuinntir eile, agus do bhliadhnacha do'n an-ìochd mhor:

10 Air eagal gu'n lìonar coigrich le d' shàibhreas, agus gu'm bi do shàothair ann an tigh coigrich,

11 Agus gu'n dean thu caoidh n nia dheireadh, 'nuair a chaithear t'fheoil agus do chorp o.

12 Agus gu'n abair thu, Cionnus a thug mi fuath do theagasg, agus a rinn mo chridhe tàir air ach mhasan?

13 Agus nach robh mi ùmhail do ghuth mo luchd-teagaisg, agus nach d'aom mi mo chluas ri u-san a theagaisg mi?

14 Is beag nach robh mi anns gach olc, am meadhon a' chomh-chruinneachaidh, agus a' choimh-thionail.

15 O! uisgeachan as do shoitheach féin; agus uisgeachla ruith as do thobair p féin.

16 Biodh q do thobraichean air an sgaoileadh a mach: do shruthan uisge anns na sràidibh.

17 Biodh iad agad féin a mhlàn, agus na b'ann aig coigrich maille riut.

18 Biodh do thobair beannaichte: agus dean gairdeachas maille ri mnaoi-phòsda t'ùige.

19 Biodh i mar an eilid ghràdhach, agus mar an earb r thaitneach; sàsaicheadh a cìochan thusgach àm: le a gràdh bi a ghnàth air do lìonadh.

20 Agus c'arson, a mhic, a mheall- ar thu s le mnaoi choimhlich, agus a dhlùthaicheas tu ri brollach bana-choigrich?

21 Oir fa chomhair shùl an Tigh-earna tha sligheanna an duine, agus tha e a' cothromaichadh a cheum-anna uile.

22 Glacaidh 'eucearta féin an t-aingidh, agus le cuird a pheacaidh ceanglar e.

23 Bàsaichidh e gun teagasg, agus ann am meud 'amaideachd théid e air seacharan.

# CAIB. VI.

A MHIC, ma ta thu 'n urras air do charaid, ma bhuail thu do làmh le neach eile,

2 Ribeadh thu le briathraibh do bheoil; ghlacadh thu le foclaibh do bheoil.

3 Dean so a nis, a mhic, agus saor thu féin, 'nuair a thig thu 'n làimh do charaid; imich, irioslaich thu féin, agus dean cinnteach do charaid.

m t'urram, do mhaise. n gu'm beuc thu. o feoil do chuirp. p thiobairt. q [Na] biodh. r earba. s théid thu air seacharan, bhios tu air do mheadhradh.

4 Na toir codal do d' shùilbh, no clò chodail do d' rosgaibh<sup>a</sup>.

5 Thoir as thu féin mar earb a làimh an t-sealgair<sup>b</sup>, agus mar eun a làimh an eunadair.

6 Imich a chum 'an t-seangain, a leisgein<sup>c</sup>; thoir fa'near a shlighean, agus bi glie<sup>d</sup>:

7 Aig nach 'eil fear-seòlaidh, fear-amhaire<sup>e</sup>, no riaghladair.

8 A dh'ulluicheas a bhiadh 'san t-samhradh, agus a chruinnicheas a theachd-an-tìr 'san fhogharadh.

9 Cia fhad a choidleas tu, a leisgein? c'uin a dh'èireas tu as do chodail?

10 Fathast beagan codail, beagan clò chodail, beagan fillidh<sup>e</sup> nan làmh gu codal.

11 An sin thig do bhochdainn mar fhear-siubhail, agus t'uireasbhuidh mar dhuine fuidh arnaibh.

12 Duine nach fhu, fear aingidh, siubhlaidh e le beul ana-cneasda.

13 Caogaidh e le 'shùil, bheir e sanas<sup>f</sup> le 'chois, teagaisgidh e le 'mheuraibh.

14 Tha aingealtachd<sup>g</sup> na chridhe, tha e a' dealbhadh uilc a ghnàth; togaidh e aimhreit<sup>h</sup>.

15 Uime sin gu h-obann thig a sgrios<sup>i</sup>; gu grad brisear e, gun leigheas.

16 Na sè nithe so is fuathach leis an Tighearna; seadh, tha seachd nithe nan gràinealachd d'a anam:

17 Sealladh ard<sup>k</sup>, teanga bhreugach, agus làmhnan a dhòirteas fuil neo-chiontach,

18 Cridhe a dhealbhas smuaintean aingidh, cosan a bhios luath a ruith chum uilc,

19 Fianuis bhreugach a labhras breugan, agus esan a thogas aimhreit<sup>l</sup> eadar bhràithribh.

20 A mhic, coimhid àithne t'athar, agus na tréig reachd<sup>m</sup> do mhàthar.

21 Ceangail iad a ghnàth air do chridhe, daingnich iad mud' mhuineal.

22 'Nuair a dh'imicheas tu, tredraichidh iad<sup>n</sup> thu; 'nuair a choidleas tu<sup>o</sup> gleidhidh iad<sup>p</sup> thu; agus an uair a dhùisgeas tu, labhraidh iad<sup>q</sup> rint.

23 Oir is lòchran an àithne, agus is solus an reachd, agus is iad slighe na beatha achmhasain teagaisg;

24 Chum do ghleidheadh o'n droch mhnai, o mhiodal teanga na mnà coimhich.

25 Na miannaich a sgèimh ann ad chridhe; agus na glacadh i thu le a rosgaibh:

26 Oir le<sup>r</sup> mnaoi strìopachail bheirear duine gu greim arain: agus sealgaidh a 'bhan-adhaltrannach air an anam luachmhor.

27 An urradh duine teiue a ghabhail na bhrollach, agus gun eudach a bhi air a losgadh?

28 An urradh duine imeachd air eibhlidh teithe, agus gun a chosan a bhi air an losgadh?

29 Mar sin esan a théid a steach chum mnà a choimhearsnaich: cha bhi neach air bith neo-chiontach a bheanas rithe.

30 Cha deanar tàir air gaduiche, ma ghoideas e a shàsachadh 'anama 'nuair a bhios e ocrach:

31 Ach ma ghlacar e, aisigidh<sup>s</sup> e a sheachd uiread, uile mhaoin a thighe bheir e seachad.

32 Ach ge b'e ni adhaltrannas ri mnaoi, tha e gun tuigse<sup>t</sup>: sgriosaidh esan a ni e 'anam féin.

33 Lot agus mi-chliu gheibh e, agus a mhasladh cha ghlanar as.

34 Oir is e 'n t-eud cuthach an fhir: uime sin cha chaomhain e ann an là an dioghaltais.

35 Cha bhi suim aige dh'èiric air bith<sup>u</sup>; ni mò a thoilichear e, ge do bheir thu dha mòran thiodhlacan.

## CAIB. VII.

A MHIC, gléidh mo bhriathran, agus taisg m'aitheanta maille riut.

2 Gléidh m'aitheantan, agus bi beo; agus mo lagh mar dhubhagan<sup>v</sup> do shùil.

3 Ceangail iad air do mheuraibh; scriobh iad air clàr do chridhe.

4 Abair ri gliocas, Is tu mo phiuthar; agus goir do bhan-charaid do thuigse:

5 Chum gu'n gléidh iad thu o'n mhnai choimhich, o'n bhana-choigrich, a ni brònna<sup>x</sup> le a briathraibh.

6 Oir aig uinneig mo thighe dh'amhaire mi troimh<sup>y</sup> mo chléith,

7 Agus sheall mi am measg nan daoine baoghalta; thug mi fa'near am measg nan òganach, òig-fhear gu'n chéill<sup>z</sup>,

8 A' dol seachad air an t-sràid agus d'a h-oisinn, agus ghabh e an t-slighe chum a tighe,

<sup>r</sup> trid.

<sup>s</sup> bheir e air ais.

<sup>t</sup> dh'èiric.

<sup>u</sup> Cha tàitinn

éiric sam bith ris.

<sup>v</sup> ubhal,

chloich.

<sup>w</sup> miodal.

<sup>y</sup> tre,

trid.

<sup>z</sup> gun-chridhe. Eabh.

9 'San dù thra<sup>a</sup>, 'san fheasgar, 'san oidhche dhuibh dhoirch:

10 Agus fench, thachair bean air ann an culaidh strìopaiche, agus cuilbheartach na cridhe.

11 (*Tha* i ard-ghuthach<sup>b</sup> agus ceann-làidir; cha' u fhan a cosan na tigh.

12 A nis *tha* i mach, a nis anns na sràidibh, agus a' feitheamh nam fàth aig gach oisinn.)

13 Agus rug i air, agus phog i e, agus le aghaidh gun nàire thubhairt i ris<sup>c</sup>,

14 *Tha* tabhartais-shìth agam; an diugh dh'ìoc mi mo bhàidean.

15 Uime sin thàinig mi mach a' d' choinneamh, a dh'iarraidh t'aghaidh gu dìchiollach, agus fhuair mi thu.

16 Le còmhdaichibh grinne<sup>d</sup> sgeadaich mi mo leaba, le oibribh gearrta, le lìon-eudaich mìn o'n Eiphit.

17 Rinn mi mo leaba cùbhraidh le mirr, aloe, agus canal.

18 Thig, gabhamaid ar sàth do ghaol gu maduinn, deanamaid comh-ghairdeachas ann an gaol:

19 Oir cha 'n'eil fear an tighe aig baile; chaidh e air thurus fada;

20 Sporann airgid thug e leis<sup>e</sup>; air an là shuidhichte thig e dhachaidh.

21 Le mòran d'a cainnt mhilis thug i air aontachadh; lè mìodal a bilean chomh-èignich i e.

22 Tha e a' dol na dèigh gun dàil, mar a théid an damh chum a chosg-araidh<sup>f</sup>, no'n t-amadan a chum peanaid a' chip:

23 Gus an d'théid saighead troimh 'àinean, mar a ghreasas eun do'n ribe, gun fhios aige gur ann chum a' bhàis a ta e.

24 A nis uime sin éisdibh rium, a chlann, agus thugaibh aire do bhriathraibh mo bheoil.

25 Na clonadh do chridhe chum a sligheanna, na rach s air seacharan na ceumaibh.

26 Oir lot agus leag i sìos mòran; seadh, chaidh mòran do dhaoineibh treuna a mharbhadh leatha.

27 Is e a tigh an t-slighe gu h-if-rinn, a' dol sìos gu sèomraichibh a' bhàis.

#### CAIB. VIII.

**N**ACH 'eil gliocas ag éigheach?  
agus nach 'eil tuigse a' cur a mach a gutha?

<sup>a</sup> Mu dhorchadh nan tràth, 'san eadar-sholus.

<sup>b</sup> bruidhneach.

<sup>c</sup> chruaidhich i a h-aghaidh, agus thubhairt i ris.

<sup>d</sup> còmhdaichibh do obair ghréis; tapestry. Sasg.

<sup>e</sup> na làimh. Eabh.

<sup>f</sup> mharbhadh, imich.

<sup>g</sup> gabh,

2 Air mullach nan àit arda, làimh ris an t-slighe, ann am meadhon nan rathad *tha* i na seasamh.

3 Làimh ris na geatachaibh, aig dol a stigh a' bhaile<sup>h</sup>, far an d'thig-ear a steach air na dorsaibh *tha* i ag éigheach:

4 Ribhse, O fheara, *tha* mi ag éigheach; agus *tha* mo ghuth ri cloinn uan daoine.

5 A dhaoine baoghalta, tuigibh gliocas; agus amadana, tuigibh nar cridhe.

6 Eisidibh, oir labhraidh mi air nithibh òirdheirce; agus *bithidh* fosgladh mo bhilean air nithibh cearta.

7 Oir labhraidh mi bheul firinn: agus is gràineileachd aingidheachd do m' bhlilibh.

8 Ann an ceartas *tha* uile bhriathra mo bheoil: annta-san cha 'n'eil ni air bith olc no fiar.

9 *Tha* iad uile soilleir dha-san a thuigeas, agus ceart dhoibh-san a gheibh eòlas.

10 Gabhaibh mo theagasg, agus ni h-e airgid, agus eòlas thar an òr thaghta.

11 Oir is fearr gliocas nà na clachan luachmhor; agus cha 'n'eil na h-uile nithe a dh'fheudar a mhiannachadh r'an coimhmeas rithe.

12 Tha mise gliocas a'm' chòmh-nuidh maille ri céill<sup>i</sup>, agus *tha* mi faghail a mach eòlais air nithibh innleachdacha.

13 Is e eagal an Tighearna an t-olc fhuathachadh; uabhar, agus ardan agus an droch shlighe, agus am beul fiar is fuathach leam.

14 Is leam-sa comhairle, agus fìor ghliocas: is leam-sa tuigse; is leam-sa neart<sup>k</sup>.

15 Leam-sa<sup>l</sup> rìoghaichidh righ-rean, agus orduichidh uachdarana ceartas.

16 Leam-sa riaghlaidh uachdarain, agus daoine mòra<sup>m</sup>, uile bhreith-amhna na talmhainn.

17 Iadsan aig am bheil gràdh dhomh gràdhaichidh mi, agus iad-san a dhiarras mi gu moch gheibh iad mi.

18 *Tha* beartas agus urram maille rium-sa; saibhreas maireannach agus fireantachd.

19 Is fearr mo thoradh na òr, eadhon na òr fìor-ghlan; agus mo theachd-a-stigh na airgid taghta.

20 Air slighe a' cheartais treòraichidh mi; ann am meadhon cheumanna a' bhreitheanaid;

21 A chum as gu'n d'thoir mi orra-san le'n ionmhuinn mi maoin a

<sup>h</sup> beul a' bhaile. Eabh.

<sup>i</sup> crionnachd.

<sup>k</sup> is mise tuigse; agam-sa *tha* neart.

<sup>l</sup> Triom-sa.

<sup>m</sup> ard uaislean.



shealbhachadh; agus lìonaidh mi an ionmhasan.

22 Bha mise aig an Tighearn ann an toiseach a shlighe, roimh 'oibrean o shean.

23 O shìorruidheachd chuireadh suas<sup>a</sup> mi, o'n toiseach, mun robh an talamh ann.

24 Mun robh doimhneachda ann, ghineadh mise; 'nuair nach robh tobraiche ann, làn do uisgeachaibh.

25 Mun do shuidhicheadh na beannta; roimh na cnocaibh ghineadh mise.

26 Mun d'rinn e fathast an talamh, no na machraichean, no chuid a's airde do dhùslach an domhain.

27 'Nuair a dheasaich e na nàmhla, bha mi'n sin; 'nuair a tharruing e cuairt air aghaidh na doimhne;

28 'Nuair a dhaingnich e 'n t'athar bshuas; 'nuair a neartaich e toblraiche na doimhne;

29 'Nuair a thug e a reachd do' na fhainge, nach rachadh na h-uisgeacha thar 'aithne; 'nuair a shuidhich e bunaithe na talmhainn;

30 An sin bha mise aige mar neach a dh'altrumadh<sup>c</sup> maille ris, agus bu mhi a thlachd gach là, a' deanamh gairdeachais na fhianuis an còmhluaidh;

31 A' deanamh gairdeachais anns a' chuid a dh'aitichear d'a thalamh, agus mo thlachd maille ri cloinn nan daoine.

32 A nis uime sin, a chlann, éisdibh rium; oir is sona iadsan a ghleidheas mo shligheanna.

33 Eisibh ri teagasg, agus bithibh glic, agus na diùltaibh e.

34 Is beannuichte an duine a dh'éisdeas rium, a' deanamh faire aig mo gheataibh gach là, a' feith-eamh aig ursainnibh mo dhorsa.

35 Oir esan a gheibh mise, gheibh e beatha, agus gheibh e deadh-ghean<sup>d</sup> o'n Tighearna.

36 Ach esan a pheacaicheas a'm' aghaidh-sa<sup>e</sup>, ni e cron d'a anam féin: iadsan uile a dh'fhuathaicheas mi, gràdhachidh iad am bàs.

## CAIB. IX.

**T**HOG gliocas a tigh; ghearr i mach<sup>f</sup> a seachd puist.

2 Mharbh i a feoil, mheasg i a fion; dheasaich i mar an ceudna a bord.

3 Chuir i mach a h-dighean, tha i a' gairm air na h-àitibh a's airde do'n bhaile:

4 Ge be neach a ta baoghalta,

<sup>a</sup> dh'ungadh.

<sup>b</sup> na neoil.

<sup>c</sup> dh'àraicheadh.

<sup>d</sup> caoimh-

neas.

<sup>e</sup> a théid air seacharan

uam.

<sup>f</sup> shnaidh i.

thigeadh e a stigh an so: riu-san<sup>g</sup>, a tha dhith tuigse, tha i ag ràdh,

5 Thigibh, ithibh do m'aran-sa, agus dlaibh do'n fhìon a mheasg mi.

6 Tréigibh nithe amaideach, agus bithibh beò, agus imichibh air slighe na tuigse.

7 Esan a bheir achmhasan do fhear-fochaid, gheibh e dha féin maslach; agus esan a chronaicheas an t-aingidh, gheibh e dha féin smal.

8 Na cronaich fear-fochaid, air eagal gu'm fuathaich e thu: cronaich an duine glic, agus gràdhachidh e thu.

9 Thoir teagasg do'n duine ghlic, agus bithidh e ni's glice: teagaisg an duine cothromach, agus meudaichidh e ann am foghlum.

10 Is e eagal an Tighearna toiseach a' ghliocais; agus is e eòlas nithe naomh, tuigse.

11 Oir leam-sa nithear do laithean lìonmhor, agus cuir ear ri bliadhnachaidh do bheatha.

12 Ma bhios tu glic, bithidh tu glic dhuit féin: ach ma bhios tu ri fochaid, is tu féin a mhàin a dh'iomchaires e.

13 Tha bean amaideach ard-ghuthach, baoghalta, agus cha'n aithne dhi ni air bith:

14 Oir suidhidh i aig dorusa tighe, air caithir, ann an àitibh arda a' bhaile,

15 A ghairm orra-san a bhios a' dol seachad air an t-slighe, a' gabhail dìreach rompa<sup>h</sup>.

16 Ge b'e neach a ta baoghalta, thigeadh e stigh an so: agus ris-san a tha dhith tuigse their i,

17 Tha na h-uisgeachan a ghoid-ear milis, agus an t-aran a dh'ithear an uaigneas taitneach.

18 Ach cha 'n'eil fhios aige gu bheil na mairbh an sin, ann an doimhneachdaibh ifrinn gu bheil a h-aoidheanna.

## CAIB. X.

**G**NATH-FHOCAIL Sholaimh. Ni mac glic athair subhach; ach is e mac amaideach dubhachas a mhàthar.

2 Cha 'n'eil tairbhe ann an ionmhasaibh aingidheachd; ach saoraidh ionracas o'n bhàs.

3 Cha leig an Tighearna le anam an ionraic gort<sup>i</sup> fhulang; ach sgaoilidh e maoin nan aingidh.

4 Ni làmh na leisge<sup>k</sup> bochd; ach ni làmh nan dìchiollach beartach.

5 Esan a chruinnicheas anns an t-samlradh, is mac glic e; ach esan a choidleas anns an fhoghara, is mac maslach e.

<sup>g</sup> ris-san, ris gach neach.

<sup>h</sup> a' stiùradh an ceumanna.

<sup>i</sup> gorta.

<sup>k</sup> na ceilge.

6 *Bithidh* beannachdan air ceann an fhìrean<sup>a</sup>; ach còmhdaichidh foirneart beul<sup>b</sup> nan aingidh.

7 *Bithidh* cuimhne an fhìrean beannuichte; ach lobhaidh ainm nan aingidh.

8 Gabhaidh esan a ta glic na cluridhe àitheanta; ach tuitidh an t-amadan bith-bhriathrach.

9 Esan a ghluaisear ann an ionracas, gluaisidh e gu tèaruainte; ach esan a chlaonàs a shlighean, aithnìcheas e.

10 Esan a chaogas le shùl, bheir e bròn; agus tuitidh an t-amadan bith-bhriathrach.

11 *Is* tobar beatha beul an fhìrean; ach còmhdaichidh foirneart beul nan aingidh.

12 Dùisgidh fuath aimhreitean; ach folaichidh gràdh gach coire<sup>c</sup>.

13 Ann am bilibh an duine thuigsich gheibhear gliocas; ach *tha* slat air son druim an ti a tha as eugmhais tuigse<sup>d</sup>.

14 Ceilidh daoine glic na's aithne dhoibh<sup>e</sup>; *tha* beul an amadain dlùth do sgrios.

15 *Is* e beartas an duine shaibhir a chaithir<sup>f</sup> làidir; *is* e milleadh nam bochd an uireasbhuidh.

16 *Tha* saothair an fhìrean chum beatha, teachd a stigh<sup>g</sup> an aingidh chum peacaidh.

17 *Tha* esan a choimhideas fòghlum anns an t-slighe gu beatha; ach *tha* esan a dhiùltas achumhasan zir seacharan.

18 Esan a cheileas fuath le bilibh cealgach, agus esan a labhras micliù, is amadan e.

19 Ann an lìonmhoireachd bhriathar cha bhithear saor o pheacadh; ach *tha* esan, a choisgeas a bhilean, glic.

20 Mar airgid taghta<sup>h</sup> *tha* teanga an fhìrean; ach *tha* cridhe nan aingidh mar ni nach fìu.

21 Beathaichidh bilean an fhìrean mòran; ach eugaidh na h-amadain a dhùth tuigse<sup>i</sup>.

22 Ni beannachadh an Tighearna saibhir, agus cha chuir e doilgheas na chuideachd.

23 *Tha* e mar shùgradh do 'n amadan olc a dheanamh; ach *tha* gliocas aig fear na tuigse.

24 An ni is eagal leis an aingidh, thig e air; ach deònuichear miann nam firean.

25 Mar a theid an ioma-ghaoth thairis, mar sin cha bhi an droch

dhuine ni's mòd; ach *is* bunait sìorruidh am firean.

26 Mar fhìon-geur do na faclaibh, agus mar dheataich do na sùilibh, mar sin *tha'n* leisgein dhoibh-san a chuireas uatha e.

27 Cuiridh eagal an Tighearna ri laithibh *duine*; ach giorraichear bliadhnacha nan aingidh.

28 *Bithidh* dùil nam firean na aobhar aoibhneis; ach theid as do dhòchas nan aingidh.

29 *Is* neart do na h-ionraic slighe an Tighearna; ach *thig* sgrios air<sup>k</sup> luchd-deanamh na h-euceirt.

30 Cha ghluaisear am firean gu bràth; ach cha ghabh na h-aingidh còmhnuidh air an talamh.

31 Bheir beul an fhìrean a mach gliocas; ach gearrar as an teanga fhìar.

32 Tha fios aig bilibh an fhìrean air an ni a ta taitneach; ach *labhraidh* beul nan aingidh nithe fiara.

# CAIB. XI.

**T***HA* meidhean mealltach nan gràineileachd do'n Tighearna; ach *is* taitneach leis toimhsean ceart<sup>l</sup>.

2 'Nuair a thig uabhar, thig masladh; ach aig na h-iriosail *tha* gliocas.

3 Seòlaidh ionracas nam firean iad; ach millidh fiaradh<sup>m</sup> luchd-dòbheirt iad féin.

4 Cha bhi tairbhe ann an saibhreas ann an làtha na fèirge; ach saoraidh fireantachd o'n bhàs.

5 Seòlaidh fireantachd an duine ionraic<sup>n</sup> a shlighe; ach trid 'aingidheachd féin tuitidh an t-aingidh.

6 Saoraidh fireantachd nan ionraic iad; ach glacar fealltairean<sup>o</sup> nan olc féin.

7 'Nuair a bhàsaicheas an droch dhuine, theid as d'a dhòchas; agus teirgidh dùil luchd-euceirt.

8 Saorair am firean o theinn; ach thig an droch dhuine na àite.

9 Le 'bheul millidh cealgair a choimhearsnach; ach trid eòlais saorar na fireana.

10 'Nuair a dh'éireas gu maith do na fireanaibh, ni am baile<sup>p</sup> gairdeachas; agus an uair a sgriosar na h-aingidh, *bithidh* luathghaire ann.

11 Le beannachadh nan ionraic ardaichear baile; ach le beul nan aingidh leagar e.

12 Ni esan, a tha as eugmhais gliocais<sup>q</sup>, tàir air a choimhearsnach; ach bithidh fear na tuigse na thosd.

13 Imichidh fear tuaisleis mu'n

<sup>a</sup> an ionracain. <sup>b</sup> gnùis. <sup>c</sup> cionta, peacadh. <sup>d</sup> cridhe. Eabh.

<sup>e</sup> Taisgidh daoine glic eòlas.

<sup>f</sup> a mhòr-bhaile. <sup>g</sup> toradh.

<sup>h</sup> dearbhta, fìor-ghlan. <sup>i</sup> cridhe.

Eabh.

634

<sup>k</sup> is aobhar uamhais i do, <sup>l</sup> clach iomlan. Eabh. <sup>m</sup> claoanadh, cealg.

<sup>n</sup> iomlain. <sup>o</sup> cealgairean, luchd-

eusaontais. <sup>p</sup> a' chathair, am mòr-

bhaile; <sup>q</sup> cridhe. Eabh.

cualt a' foillseachadh nithe dìomh-  
air; ach esan a ta òinneach na  
spiorad, ceilidh e ni.

14 Far nach 'eil comhairle, tuitidh  
sluagh; ach ann an lionmhoireachd  
chomhairleach tha tèaruinteachd.

15 Ciùrrar gu goirt esan a buios  
an urras air coigreach; ach esan a  
dh'fhuathaicheas luchd-urrais, bith-  
idh e tèaruinte.

16 Gheibh bean ghràsail urram;  
agus cosnaidh daoine làidir saibh-  
reas.

17 Ni an duine iochdmhor maith  
d'a anam féin; ach esan a ta an-  
iochdmhor, claidhidh e 'fheoil  
féin.

18 Oibrichidh an droch dhuine  
obair mhealltach; ach aige san a  
chuireas b' freantachd bithidh duais  
chinnteach.

19 Mar so tha freantachd chum  
beatha; ach esan a leanas an t-olc,  
leanaidh e chum a buais féin e.

20 Is gràineileachd do'n Tighearn  
iadsan a tha òir nan cridhe; ach is  
tairneach leis iadsan a tha ionraic-  
nan slighe.

21 Ge d' iadhadh làmh mu làmh,  
cha bhi an droch dhuine gun phean-  
as; ach saorar slìochd nam firean.

22 Mar fhail e òir ann an sròin  
muice, tha bean sgiamhach agus i as  
eugmhais tuigse.

23 Tha miann nam firean a mhàin  
maith; ach is e dòchas nan aingidh  
fearg.

24 Tha neach ann a sgaoileas, a-  
gus fasaidh e ni's saibhire; agus  
tha e ann a chumas tuilleadh 'sa ta  
ceart, ach thig e gu bochdainn.

25 Nithear an t-anam òil sult-  
mhor; agus an ti a dh'uisgicheas,  
uisgichear mar an ceudna e féin.

26 Esan a chumas suas shòlb, mal-  
luichidh an sluagh e; ach bithidh  
beannachd air ceann an ti a reic-  
eas.

27 Esan a dh'iarras maith gu  
dùrachdach, gheibh e deadh-  
ghean; ach an ti a dh'iarras olc,  
thig e air féin.

28 Esan a dh'earbas as a shaibh-  
reas, tuitidh e; ach mar ghéig, thig  
na fireana fo bhlàth.

29 Esan a chuireas a theaghlach  
féin fo bhuaireas<sup>1</sup>, bithidh e na oighe  
air a' ghaoith: agus an t-amadan  
na sheirbhiseach dha-san a tha glic  
na chridhe.

30 Is craobh beatha toradh an  
fhirein: agus tha esan a chosnas an-  
ama glic.

31 Feuch, bheirear luigheachd =  
do'n fhìrean air an talamh; nach  
mò na sin do'n aingidh agus do'n  
pheacach?

## CAIB. XII.

**ESAN** a ghràdhacheas fèghlum,  
gràdhachidh e eòlas; ach esan  
a dh'fhuathaicheas achumhasan, tha  
e amaideach.

2 Gheibh duine maith deadh-ghean  
o'n Tighearn; ach dithidh e fear nan  
droch innleachd.

3 Cha daingnichear duine le  
h-aingidheachd; ach cha ghluaisear  
freumh nam firean.

4 Tha bean mhaith e na crùn d'a  
fear; ach mar lobhadh na cluàmh-  
aibh tha ise a nàiricheas e.

5 Is ceartas<sup>2</sup> smuainte nam fi-  
rean; ach is cealg comhairle nan  
aingidh.

6 Is iad briathra nan aingidh  
feall-fheitheamh air son fola; ach  
tearaidh beul nan ionraic iadsan.

7 Tilgear na h-aingidh bun os  
ceann, agus cha bhi iad ann; ach  
seasaidh tigh nam firean.

8 A réir a ghliocais molar duine;  
ach nithear dìmeas air-san, a tha òir  
na chridhe.

9 Is fear esan air an deanar tàir,  
agus a tha na sheirbhiseach dha  
féin, na esan a bheir urram dha  
féin, agus a buios a dhùth arain.

10 Bithidh cùram aig an duine  
ionraic do bheatha ainmhidh; ach  
is an-ìochdmhor truacantais nan  
aingidh.

11 Esan a threabhas<sup>3</sup> fhearana,  
sàsuichear le h-aran e; ach esan a  
leanas daoine dìomhain, tha e gun  
tuigse.

12 Miannachaidh an t-aingidh  
fion dhroch dhaoine; ach bheir  
freumh nam firean toradh.

13 Le peacadh a bhilean ribear  
an droch dhuine; ach thig am fi-  
rean as o airc.

14 Do thoradh a bheil sàsuichear  
duine le maith, agus locar luigh-  
eachd làmh duine dha féin.

15 Tha slighe an amadain ceart  
na shùilbith féin: ach tha esan a  
dh'èisdeas ri comhairle, glic.

16 Aithnichear air ball<sup>4</sup> fearg an

<sup>a</sup> buairidh. <sup>b</sup> shìol-chuireas.

<sup>c</sup> iomlan, neo-ìochdach. <sup>d</sup> sheud.

<sup>e</sup> mothachaidh, eagnuidheachd.

<sup>f</sup> cuirear an tuilleadh ris.

<sup>g</sup> Sealbhaichidh an t-anam òil pait-  
eas. <sup>h</sup> gràn.

<sup>i</sup> bhi air a reicidh. <sup>k</sup> deadh-rùn.

<sup>l</sup> a thogas an-riaghalt na thig féin.

<sup>m</sup> luigheachd, dnas.

<sup>n</sup> mar

ainmhidh. <sup>o</sup> bean na sabhail, <sup>p</sup> ionracas.

nan deadh-bheus.

<sup>q</sup> aig am bi seirbhiseach. <sup>r</sup> shaoth-

raicheas. <sup>s</sup> as eugmhais cridhe.

Eabh. <sup>t</sup> fàsidh, daingnichear

freumh nam firean. <sup>u</sup> theannachd.

<sup>v</sup> san àm; san là. Eabh.

amadaidh; ach cèilidh duine ciallach<sup>a</sup> masladh.

17 *Esan a labhras an fhìrinn, foillsichidh e ceartas<sup>b</sup>; ach foillsichidh fianuis bheugach cealg.*

18 Tha dream ann a labhras mar lotaibh claidheimh; ach is slàinte teanga nan daoine glice.

19 Bithidh bile na fìrinn seas-mhach gu bràth; ach cha bhi an teanga bheugach ach car tiota.

20 Is cealg a bhios an cridhe luchd-deilbh an uile; ach do chomhair-leachaibh na sìthe bithidh gairdeacheas.

21 Cha'n òirich aimhleas<sup>c</sup> air bith do'n fhìrean; ach lionar na h-aingidh le h-olc.

22 Is gràineileachd do'n Tighear-na bilean nam breug; ach is iad an droing a nì gu fìrinneach, athlachd.

23 Cèilidh duine ciallach<sup>d</sup> eòlas; ach foillsichidh cridhe nan amadan amaideachd.

24 Riaghlaidh làmh nan dìchiollach; ach bithidh làmh na leisge<sup>e</sup> fo chis.

25 Ni iomaguin<sup>f</sup> ann an cridhe duine a chromadh sìos; ach nì focal maith sòlasach e.

26 Is fearr am firean na a choimhearsnach; ach cuiridh slighe nan aingidh air seacharan iad féin.

27 Cha ròist an leisgein a shith-eann<sup>g</sup>; ach is luachmhor saibhreas an duine dhìchiollaich.

28 Ann an slighe na fireantachd tha beatha; agus na ceum cha n'èil bàs<sup>h</sup>.

### CAIB. XIII.

**EISDIDH** mac glic ri teagasg<sup>i</sup> ath-ar; ach cha'n èisd fear na fochaid ri achmhasan.

2 Do thoradh a bheoil ithidh duine nì maith; ach ithidh<sup>j</sup> anam nam fealltair<sup>k</sup> ainneart.

3 Esan a coimhideas a bheul, gleidhidh e<sup>l</sup> anam; ach esan a dh'fhosglas a bhilean, thig sgrios air.

4 Miannaichidh anam an leisgein, agus cha bhi uige; ach nìthean anam nan dìchiollach sultmhor.

5 Is beag air an fhìrean na breugan; ach fàsaidh an droch dhuine gràineil, agus nàirichear e.

6 Gleidhidh fireantachd esan a ta ionraic na shlighe: ach claidhidh aingidheachd am peacach<sup>l</sup>.

7 Tha neach ann a leigeas air a bhi beartach<sup>m</sup>, agus gun nì air bith aige; tha neach ann a leigeas air a bhi bochd, agus mòr shaibhreas aige.

8 Is e òirig<sup>n</sup> anama duine a shaibhreas; ach cha chluinn am bochd achmhasan.

9 Ni solus nam firean aoibhneach; ach cuirear as lèchran nan aingidh.

10 O uabhar a mhàin thig consachadh; ach aig na daoineibh a ghabhas deadh chomhairle tha gliocas.

11 Lùghdaichear saibhreas an dlomhaais; ach esan a chruinnicheas le saothair<sup>o</sup>, meudaichidh e.

12 Ni an dòchas, anns an cuirear moille<sup>p</sup>, an cridhe tinn; ach is craobh beatha am miann<sup>q</sup> nuair a thig e.

13 Esan a nìtair air focal, millear e, ach esan air am bi eagal roimh àithne, gheibh e luigheachd.

14 Is tobar beatha lagh an duine ghlic, chum dol as o lìontaibh a' blàis.

15 Bheir tuigse mhaith deadh-gleann; ach is cruaidh slighe luchd-ensaontais.

16 Ni gacil duine ciallach<sup>r</sup> a ghnòthuch le h-eòlas; ach leigidh an t-amadan ris<sup>s</sup> amaideachd.

17 Tuitidh an droch theachdaire ann an olc; ach is slàinte an teachdaire dileas.

18 Bochdainn agus nàire bithidh dhasan, a dhiultas òghlum; ach an ti aig am bi meas air achmhasan, gheibh e urram.

19 Is milis do'n anam am miann a choimhlionar; ach is beag air amadanaibh dealachadh ris an olc.

20 An ti a shiùbbhas le daoineibh glic, bithidh e glic; ach sgriosar companach nan amadan.

21 Leanaidh olc peacaich; ach do na fireanaibh iocar maith.

22 Fàgaidh duine maith oighreachd aig cloinn a chloinne; ach taisgear do'n fhìrean maoin a' pheacaich.

23 Bithidh mòran bìdh ann an treabhadh nam bochd; ach bithidh neach ann a sgriosar a dhìth breithleanais.

24 An ti a chaomhnas a shlat, is beag air a mhac; ach an ti leis an ionmhuinn e, smachdaichidh se e na thràth.

25 Ithidh am firean gu sàsachadh<sup>t</sup> anama; ach bithidh dìth air broinn nan aingidh.

<sup>a</sup> crìonna, glic. <sup>b</sup> Labhraidh am firean, agus foillsichidh e an fhìrinn.

<sup>c</sup> urchoid. <sup>d</sup> crìonna, eagnaich-each. <sup>e</sup> ceilge. <sup>f</sup> dubhachas.

<sup>g</sup> an nì a ghlac e le seilg. <sup>h</sup> ach treòraichidh rathad seacharanach gu bàs.

<sup>i</sup> fuilgidh. <sup>k</sup> nan cealg-air, luchd-eusaontais. <sup>l</sup> peacadh.

Eabh.

<sup>m</sup> a nì e féin saibhir. <sup>n</sup> fuasgladh.

<sup>o</sup> le làimh. Eabh. <sup>p</sup> an dòchas

a shìncar. <sup>q</sup> fonn, togradh.

crìonna, glic.



## CAIB. XIV.

**C**UIRIDH gach bean ghlic a tigh suas; ach leagaidh a' bhean amaideach sìos e le a làmhlaibh féin.

2 E san a ghluaiseas na ionracas, bithidh eagal an Tighearna air; ach esan a ta fiar na shlighibh, ni e tàir air.

3 Ann am beul an amadain *tha* slat uabhair; ach gleidhidh bilean nan daoine glic iad.

4 Far nach bi daimh, *bithidh* a' phrasach glan; ach *bithidh* fàs mòr le neart an daimh.

5 Cha dean an fhianuis dhìleas breug; ach labhraidh an fhianuis chealgach a breugan.

6 Iarraidh fear na fochaid gliocas, agus cha'n *shaigh* e; ach do'n ti a thuigeas *tha* eòlas furas<sup>b</sup>.

7 Imich as làthair an duine amaidich, 'nuair nach mothaich thu ann bilean an eòlais.

8 *Is* e gliocas an duine chiallaich a shlighe a thuigsinn; ach *is* cealg amaideachd nan amadan.

9 Ni amadain magadh do'n pheacadh; ach am measg nam firean *tha* deadh-ghean.

10 *Is* aithne do chridhe duine searbas 'anama, agus na aoibhneas cha bhi comh-roinn aig coigreach<sup>c</sup>.

11 Tilgear tigh nan aingidh bun os cionn; ach thig pàillun nan ionraic fo bhlàth.

12 *Tha* slighe ann a chithear dìreach le duine; ach *is* iad a crìoch slighean a' bhàis.

13 Ann an gàire féin bithidh an an cridhe brònach; agus *is* e deir-eadh an t-subhachais sin tuirse.

14 Le 'shlighibh féin lìonar esan a thionndaidh air ais na chridhe; agus uaith féin *sàsuichear* an duine maith.

15 Creididh an duine baoghalta<sup>d</sup> gach focal; ach bheir an duine ciallach an aire d'a cheum.

16 Bithidh eagal air an duine ghlic, agus tréigidh e 'n t-olc; ach tha'n t-amadan borb<sup>e</sup> agus dàna.

17 An ti air am bi fearg gu h-obann, ni e gu h-amaideach; agus fuathaichear fear nan droch inneachd.

18 Sealbhaichidh daoine baoghalta amaideachd mar oighreachd; ach crùnar na daoine ciallach le h-eòlas.

19 Cromaidh droch dhaoine an làthair dhaoine maith, agus na h-aingidh aig geataibh an fhìreìn.

20 Eadhon le 'choimhearsnach féin fuathaichear duine bochd; ach

<sup>a</sup> bhreugach.

<sup>b</sup> furasd.

<sup>c</sup> neach eile.

<sup>d</sup> neo-gheur,

non-fhillte, simplidh.

<sup>e</sup> fear-

gach.

*is* lìonmhor iad leis an ionmhuinn an duine saibhir.

21 An ti a ni tàir air a choinh-earsnach, peacaichidh e; ach *is* sona an ti a ghabhas truas do na bochdaibh.

22 Nach d'thèid iadsan air seacharan a dhealbhas an t-olc? ach *bithidh* trùcair agus firinn aca-san a dhealbhas am maith.

23 Anns gach saothair bithidh tairbhe; ach *thig* cainnt nam bile a mhàin gu h-uireasbhuidh.

24 *Is* e crùn nan daoine glic an saibhreas; ach *is* amaideachd amaideachd nan amadan.

25 Saoraidh fianuis fhìlor anama; ach labhraidh *fianuis* chealgach breugan.

26 Ann an eagal an Tighearna *tha* aobhar earbsaidh làidir; agus aig a chloinn bithidh dìdean.

27 *Is* e eagal an Tighearna tobar na beatha, chum dol as o lìontaibh a' bhàis.

28 Ann an lìonmhoireachd sluaigh *tha* urram an rìgh; ach ann an dìth sluaigh *tha* milleadh an uachdarain.

29 An ti a tha mall chum feirge, *tha* e pailt ann an tuigse; ach esan a tha dian na spiorad, ardaichidh e amaideachd.

30 *Is* e beatha na feola, cridhe fallain; ach *is* e lobhadh nan cnàmh, an tnù.

31 An ti a shàruicheas<sup>f</sup> am feumach, masluichidh e a Chruith-fhear; ach bheir an ti sin urram dha, a ghabhas truas do'n bhochd.

32 Na aingidheachd fuadaichear air falbh an t-aingidh; ach bithidh dòchas aig an fhìreìn na bhàs.

33 Ann an cridhe an duine thuigsich gabhaidh gliocas tàmh; ach aithnìchear an ni ta 'n taobh a stigh nan amadan.

34 Ardaichidh fireantachd cinneach; *is* e am peacadh masladh sluaigh air bith<sup>g</sup>.

35 *Bithidh* deadh-ghean an rìgh aig seirbhiseach glic; ach bithidh 'fhearg na aghaidh-san a bhios na aobhar nàire.

## CAIB. XV.

**P**ILLIDH freagradh mìn corruich; ach dùisgidh brìathra garg fearg.

2 Cuiridh teanga nan daoine glic an céill eòlas gu ceart; ach dòirtidh beul nan amadan a mach amaideachd.

3 *Tha* sùilean an Tighearna anns gach àit, ag amharc air na droch dhaoinibh, agus air na deadh dhaoinibh.

4 *Is* craobh beatha teanga fhal-

<sup>f</sup> bhruthas.

<sup>g</sup> nan slògh.

Jain<sup>a</sup>; ach is briseadh spioraid fiar-adh innte.

5 Ni amadan tàir air teagasg<sup>a</sup> athar; ach is ciallach an ti, a bheir an aire do achmhasan.

6 Ann an tigh an fhàirein tha mòr-an ionmhais; ach ann an teachd-a-stigh an aingidh tha buaireas.

7 Sgaoilidh bilean nan daoine glic edlas; ach cha dean cridhe nam amadan mar sin.

8 Is gràineileachd do'n Tighearn iobairt nan aingidh; ach is i ùr-nuigh nan ionraic a thlachd.

9 Is gràineileachd do'n Tighearna slighe an aingidh; ach is ionmhuinn leis an ti a leanas an dèigh fireantachd.

10 Is searbh smachdachadh dhasan a thrèigeas an t-slighe; ach gheibh esan, le'm fuathach achmhasan, bàs.

11 Tha ifrinn agus sgrìos fa chomhair an Tighearna: cia mòr is mò na sin cridheacha chloinn nan daoine?

12 Cha toigh le fear-fochaid esan a chrouaicheas e; agus a dh'ionnsuidh dhaoine glice cha d'thèid e.

13 Ni cridhe subhach gnùis shuilbhir; ach le bròn a' chridhe brisear an spiorad.

14 Iarraidh cridhe an duine thuigsich edlas; ach beathaichear beul nan amadan le amaideachd.

15 Tha uile laithean an duine thruaigh olc; ach is cuirm a ghnàth an cridhe ait.

16 Is fearr beagan le h-eagal an Tighearna, na ionmhas mòr, agus buaireas leis.

17 Is fearr lòn<sup>b</sup> do luibhibh, far am bi gràdh, na damh biadhtha agus fuath leis.

18 Dùisgidh fear feargach consachadh; ach esan a ta mall chum feirge, ciuinichidh e aimhreit<sup>c</sup>.

19 Tha slighe an leisgein<sup>d</sup> mar ghàradh<sup>e</sup> droighinn; ach tha rathad nan ionraic air a dheanamh réidh.

20 Ni mac glic athair aoibhneach; ach ni mac<sup>f</sup> amaideach tàir air a mhàthair.

21 Is aobhar aoibhneis amaideachd dhasan, a tha as eugmhais gliocais<sup>g</sup>; ach imichidh fear na tuigse gu dir-each.

22 Gun chomhairle, thig ràinte<sup>h</sup> gu neo-ni; ach ann an lìonmhoir-eachd chomhairleach daingnichear iad.

23 Bithidh aoibhneas aig duine le freagradh a bheoil; agus focal na thràth, cia maith e!

24 Tha slighe na beatha shuas do'n duine ghlic, chum dèl as o ifrinn shìos.

25 Sgrìosaidh an Tighearna tigh nan uaibhreach; ach daingnichidh e crìoch na bantraich.

26 Is gràineileachd do'n Tighearna smuainta dhroch dhaoine; ach is briathra taitneach briathra nam fìor-ghlan.

27 Bheir esan buaireas air a thigh féin, a tha sanntach air buannachd; ach bithidh esan le'm fuathach duais-bhratha, beo.

28 Smuainichidh cridhe an fhàirein cionnus is còr dha freagairt; ach dòirtidh beul nan aingidh a mach droch nithe.

29 Tha'n Tighearna fada o na h-aingidh; ach éisdidh e ri h-ùr-nuigh nam firean.

30 Ni solus nan sùl an cridhe aoibhneach; agus bheir deadh chliu smior do na cnàmhaibh.

31 Gabhaidh a' chluas, a dh'éisdeas ri achmhasan na beatha, còmh-nuidh am measg nan daoine glic.

32 An ti a dhiùltas fòghlum, ni e tàir air 'anam féin; ach an ti a dh'éisdeas ri achmhasan, gheibh e tuigse<sup>i</sup>.

33 Is e eagal an Tighearna fòghlum a' ghliocais; agus roimh urram tha irioslachd.

# CAIB. XVI.

**THA** deasachadh cridhe duine, agus freagradh na teanga o'n Tighearna<sup>k</sup>.

2 Tha uile shlighean duine glan na shùilibh féin; ach cothromaichidh<sup>l</sup> an Tighearna na spiorad.

3 Tabhair t'oibre thairis do'n Tighearn, agus daingnichear do smuainte.

4 Rinn an Tighearna gach ni air a shon féin, agus mar an ceudna an t-aingidh air son latha<sup>m</sup> an uilc.

5 Is gràineileachd do'n Tighearna gach neach a ta uaibhreach na chridhe: ge d'iadhadh làmh mu làimh, cha bli e gun pheanas<sup>n</sup>.

6 Trìd trècair agus firinn glanar euceart; agus trìd eagal an Tighearna trègear an t-olc.

7 An uair a ghabhas an Tighearna tlachd ann an slighibh duine, bheir e air a uaimhdibh féin a bhà ann an sìth ris.

8 Is fearr beagan le h-ionracas, nà teachd-a-stigh mòr gun cheartas.

9 Smuainichidh cridhe duine air a

<sup>i</sup> cridhe. Eabh.

<sup>k</sup> Feud-

aith duine a smuaintean ulluchadh; ach o'n Tighearna tha freagradh na teanga.

<sup>l</sup> measaidh.

<sup>m</sup> là, lò.

<sup>n</sup> cha mheasar

neo-chiontach e, cha d'thèid e saor as.

<sup>a</sup> chiuin, shìothchail.

<sup>b</sup> dìneir,

biadh-nòin.

<sup>c</sup> strì.

<sup>d</sup> lundaire.

challaid.

<sup>f</sup> duine.

<sup>g</sup> cridhe, Eabh.

<sup>h</sup> smuainta.

shlighe; ach is e'n Tighearn a stiur-eas a cheumanna.

10 Tha fàisneachd<sup>a</sup> air bilibh an rìgh: ann am breitheanas cha dean a bheul euceart.

11 Is leis an Tighearna toimhsean agus meidhean ceart<sup>b</sup>: is iad uile chlachach-tomhais a' mhàla<sup>c</sup> 'obair-san.

12 Is gràineileachd do rìghribh aingidheachd a dheanamh; oir le h-ionracas daingnichear an rìgh-chaitir.

13 Is taitneach do rìghribh bilean an ionracas, agus is ionmhuinn leo esan a labhras nithe cearta.

14 Tha fearg rìgh mar theachd-airean bàis; ach ciùinichidh<sup>d</sup> duine glic i.

15 Ann an solus gùise rìgh tha beatha; agus tha a dheadh-ghean mar neul an uisge dheireannaich.

16 Cia mòr is fearr gliocas fhaotainn<sup>e</sup> na òr, agus is ròghnuiche tuigse fhaotainn na airgid?

17 Is e rathad<sup>f</sup> mòr nan ionraie an t-olc a thrèigsinn: an ti a choimhideas a shlighe, gleidhidh e<sup>g</sup> anam.

18 Roimh sgrios theid uabhar; agus roimh leagadh spiorad ardanach.

19 Is fearr a bhi do spiorad iriosal maile riù-san a ta cùin, na a' chreach a roinn maille ris na h-uabhrich.

20 An ti a ni gnothuch gu tuigseach, gheibh e maith: agus an ti a dh'earbas as an Tighearn, is sona e.

21 Goirear duine crìonna<sup>h</sup> do'n ti a tha glic na chridhe, agus meud-aichidh mìlse nam bile fòghlum.

22 Is tobar beatha an tuigse do'n ti aig am bheil i; ach is amaideachd fòghlum nan amadan.

23 Ni cridhe an duine ghlic a bheul tuigseach, agus air a bhilibh cuiridh e fòghlum.

24 Mar chùr-mheala tha briathra taitneach, mìlis do'n anam, agus nan slàinte do na cnàmhaibh.

25 Tha slighe ann a tha ceart ann an sealladh duine; ach is iad slighean a' bhàis a crìoch.

26 An ti a shaothraicheas, saothraichidh e air a shon féin; oir iarraidh a bheul air e.

27 Cladhaichidh an duine neo-dhiadhlaidh olc; agus air a bhilibh bithidh mar theine loisgeach.

28 Togaidh<sup>h</sup> an duine fiar<sup>i</sup> aimh-

reit; agus deaiaichidh fear na cog-arsaich cairde sònraichte.

29 Meallaidh fear an fhoirneirt a choimhearsnach, agus bheir e air imeachd air slighe nach 'eil maith.

30 Druididh e a shùilean chum smuaineachadh air nithibh fàra; a' gluasad<sup>k</sup> a bhilean, bheir e olc gu crìch.

31 Is coron glòire an ceann liath, a gheibhear ann an slighe an ionracais.

32 Is fearr an ti a ta mall chum feirge na gaisgeach, agus an ti a riaghlas a spiorad féin na esan a ghilacas ard-bhaile<sup>l</sup>.

33 Anns an uchd tilgear an crann-chur; ach is ann o'n Tighearna a tha a riaghlaidh gu léir.

CAIB. XVII.

IS fearr greim tioram, agus suaimhneas leis, na tigh làn do-lobairtibh<sup>m</sup> maille ri h-aimhreit.

2 Riaghlaidh seirbhis each tuigseach os-cionn a' mhic a bhios na aobhar nàire; agus an meas nam bràthar roinnidh e an oighreachd<sup>n</sup>.

3 Tha a' phoit-ghlanaidh air son an airgid, agus an àmhuinn<sup>o</sup> air son an òir; ach dearbhaidh an Tighearna na cridheacha.

4 Bheir an droch dhuine an aire do bhilibh na h-euceirt<sup>p</sup>; éisdidh am breugaire ri teanga an aimhleis.

5 An ti a ni fanòid air a' bhochd, bheir e masladh d'a Chruith-fhear; an ti a ni gairdeachas ri dòruinn<sup>q</sup>, cha bhi e neo-chiontach<sup>r</sup>.

6 Is iad clann an cloinne coron sheann daoine; agus is iad an aithriche urram<sup>s</sup> cloinne.

7 Cha 'n'eil cainnt na mòralachd<sup>t</sup> ciatfach do'n amadan nach lugha na sin a tha bilean na bréige ciatfach do dhuine mòr<sup>u</sup>!

8 Is clach uasal tiodhlacadh ann an sùilibh an ti aig am bi e<sup>x</sup>; ge b'e taobh gus an tionndaidh e, scribedhaidh leis.

9 An ti a cheileas cionta, cosnaidh<sup>y</sup> e gràdh; ach esan a dh'aithriseas nì, dealaichidh e cairde.

10 Dèrthaidh achmhasan nì's mò air duine glic, na ceud buille air amadan.

11 Is ceannairc a mhaìn a dh'iarras an droch dhuine; uime sin cuir-

<sup>k</sup> gluasachd. <sup>l</sup> cathair.

<sup>m</sup> do nithibh matha, do dheadh ghleus. <sup>n</sup> bithidh cuibhrionn

aige do'n oighreachd. <sup>o</sup> fhuirneis. <sup>p</sup> bhilibh cealgach, breugach.

<sup>q</sup> sgrios neach eile.

<sup>r</sup> gun pneanas. <sup>s</sup> uail, glòir.

<sup>t</sup> cainnt òirdheirc. <sup>u</sup> uasal,

ard. <sup>x</sup> a gheibh e.

<sup>y</sup> iarraidh.

<sup>a</sup> fàistineachd.

<sup>b</sup> a' chear-

<sup>c</sup> a' bhuilg.

<sup>d</sup> ceannsaichidh.

<sup>e</sup> a chos-

<sup>f</sup> slighe.

<sup>g</sup> ciull-

<sup>h</sup> Dùisgidh,

<sup>i</sup> coirbte, ana-

<sup>j</sup> meineach.

<sup>b</sup> a' chear-

<sup>c</sup> a' bhuilg.

<sup>e</sup> a chos-

<sup>g</sup> ciull-

<sup>h</sup> Dùisgidh,

<sup>i</sup> coirbte, ana-

<sup>j</sup> meineach.

ear teachdaire an-ìochdmhòr na aghaidh.

12 Tachairleadh math-ghlamhuin air call a cuilean air duine, ni's luaithe nà amadan na amaideachd.

13 Ge b'e dh'ìocas olc air son maith, cha dealaich olc r'a thigh.

14 Mar gu'n leigeadh neach a mach nisgeacha, tha toiseach aimhreite; uinne sin mu'n sgaoil a' chomh-stri, leig dhòt i.

15 Tha'n ti a shaoras an t-aingidh, agus an ti a dhiteas am firean, araon nan gràineileachd do'n Tighearn.

16 C'ar son a ta luach ann an làimh amadain a dh'fhaotainn gliocais, agus e gun rùn b'aige?

17 Anns gach àm gràdhaichidh caraid, agus rugadh bràthair fa chomhair teinn e.

18 Is duine gun tuigse a bhuailas a làmh, a théid an urras am fianuis a charaid.

19 Gràdhaichidh esan peacadh, a ghràdhaicheas aimhreite: an ti a dh'ardaicheas a dhorus, iarraidh e sgrios.

20 An ti a ta fiar na chridhe, cha'n fhaigh e maith, agus an ti a ta lùbach e na theangaidh, tuitidh e ann an olc.

21 An ti a ghineas amadan, ginidh se e chum a dhoilgheis féin; oir cha bhi sòlas aig athair amadain.

22 Ni cridhe subhach maith mar leigheas; ach tiormaichidh spiorad briste na cnàmha.

23 Bheir droch dhuine tiodhlacadh a' uchd, a chlaonadh shlighean a' bhreitheanais.

24 Fa chonhaidh an duine thuigsich tha gliocas; ach tha shùilean amadain ann an iomail na talmhainn.

25 Tha am mac amaideach na dhoilgheas d'a athair, agus na shear-bhas dh'ise, a rug e.

26 Mar an ceudna cha 'n'eil e maith peanas a dheanamh air an fhèirean, no ard uaislean a bhuailadh air son ceartais.

27 Caomhnaidh an ti aig am bheil eòlas a bhriathran; agus bithidh fear na tuigse ciùin e na spiorad.

28 Meas an t-amadan féin, 'nuair a bhios e na thosd, na dhuine glic; agus an ti a dhruideas a bhilean, na duine tuigseach.

#### CALB. XVIII.

**A** REIR a thograidh iarraidh esan a sgaras e féin, agus buinidh e ris gach gliocas.

<sup>a</sup> mu'm measgar.

<sup>b</sup> chridhe.

Eabh.

<sup>c</sup> àmhghair.

<sup>d</sup> air son.

<sup>e</sup> fiar, carach.

<sup>f</sup> Ann an gnùis.

<sup>g</sup> iriosal,

oir dheirc.

2 Cha 'n'eil tlachd aig an amadan ann an tuigse, ach gu'm foillsich-eadh a chridhe e féin.

3 'Nuair a thig an t-aingidh, thig mar an ceudna tarhuis, agus maille ri mi-chliu masladh.

4 Mar uisgeacha domhain tha briathra beoil duine; mar shruth sgaoilteach tha tobar a' ghliocais.

5 Cha 'n'eil e maith gabhail ri gnùis an droch dhuine, chum am firean a thilgeadh bun os cionn ann am breitheanas.

6 Théid bilean an amadain ann an aimhreite, agus gairmidh a bheul air buillibh.

7 Is e beul amadain a sgrios, agus is iad a bhilean ribe 'anama féin.

8 Tha briathra fir na cogarsaich mar lotaibh, agus théid iad sìos gu ionadaibh ìochdarach a' chuim.

9 Mar an ceudna an ti sin a ta leasg na obair, is bràthair e do'n mhillteir mhòr.

10 Is tùr làidir ainm an Tighearna: ruithidh am firean d'a ionnsuidh, agus bithidh e tèaruinte.

11 Is e beartas an duine shaibhir a chathair làidir, agus mar bhaladh ard na bheachd féin.

12 Roimh sgrios bithidh cridhe duine uaibhreach, agus roimh urram bithidh irioslachd.

13 An ti a bheir freagradh ann an cùis mu'n cluinn e i, is amaideachd agus nàire dha e.

14 Gidlainidh spiorad duine a laigse: ach cò is urrainn spiorad briste a ghiùlan.

15 Gheibh cridhe an duine chrionna eòlas; agus iarraidh cluas nan daoine glic eòlas.

16 Ni tiodhlacadh duine àite dha, agus bheir e 'n làthair dhaoine mòra e.

17 Saoilear gu bheil a' chòir aige-san, a tha air thoiseach ann an agairt a chùise; ach thig a choimhearsnach, agus rannsaichidh se e.

18 Bheir an crannchur air aimhreiteibh sgar, agus roinnidh e eadar na cumhachdaich.

19 Tha bràthair air a bhrosnachach ni's cruaidh r'a chosnadh na cathair làidir; agus tha aimhreitean bhràithre mar chrannaibh lùch-airte.

20 Le toradh béil duine ìonar a bhrù; agus le piscach a bhilean sàsuichear e.

<sup>h</sup> pearsa.

<sup>i</sup> cogarùich.

<sup>k</sup> mar bhriathraibh tlàth.

<sup>l</sup> do fhcar na h-ana-caitheadh.

<sup>m</sup> ardaichear e.

<sup>n</sup> a mhòr-

bhaile.

<sup>o</sup> brùite, leònta.

<sup>p</sup> chiailaich, thuigsich.

<sup>q</sup> mòr-bhaile.

<sup>r</sup> tùir, dùin,

duingnich.

<sup>s</sup> fàs, toradh.



21 *Tha bàs agus beatha ann an cumhachd<sup>a</sup> na teanga; agus ithidh esan leis an ioninhuinn i d'a toradh.*

22 *An ti a dh'amaiseas air mnaoi, amaisidh e air ni maith, agus gheibh e deadh-ghean o'n Tighearn.*

23 *Le h-impidhibh<sup>b</sup> labhraidh an duine bochd; ach freagraidh an duine saibhir gu garbh.*

24 *Femaidh fear aig am bi cairdean, cairdeas a nochdadh; agus tha caraid ann a leanas ni's dlùithe nà bràthair.*

## CALB. XIX.

*IS* fear an bochd a ghluaiseas na ionracas, na esan a tha fiar na bhililbh<sup>c</sup>, agus e na amadan.

2 *Mar an ceudna cha mhaith do'n anam a bhi as eugmhais eòlais; oir an ti a ni cabhag le 'chasaibh, tuislichidh e<sup>d</sup>.*

3 *Claonaidh amaideachd duine a shlighe, agus an aghaidh an Tighearna ni a chridhe gearan<sup>e</sup>.*

4 *Ni saibhreas mòran chairde; ach sgarar am bochd o a charaid<sup>f</sup>.*

5 *Cha bhi fianuis bhreugach gun pheanas<sup>g</sup>; agus an ti a labhras breugan, cha d'theid e as.*

6 *Iarraidh mòran deadh-ghean an duine mhòir<sup>h</sup>; agus bithidh gach duine na charaid do fhear nan tiodhlac<sup>i</sup>.*

7 *Bheir uile bhràithrean an duine bhochd fuath dha: nach mò na sin a theid a chairdean am fad uaith? leannaidh e iad le briathraibh, ach tha iad a dhith air<sup>k</sup>.*

8 *An ti a gheibh gliocas<sup>l</sup>, gràdh-aichidh e'anam féin; an ti a ghleidheas tuigse, gheibh e maith.*

9 *Cha bhi fianuis bhreugach gun pheanas, agus sgriosar an ti a labhras breugan.*

10 *Cha 'n'eil aoibhneas iomchuidh do amadan; is lugha na sin do sheirbhiseach riaghladh os cionn uachdarana.*

11 *Ni tuigse duine e mall chum feirge, agus is i a ghòir amharc thairis air encoir.*

12 *Mar bheucaich leòmhain tha fearg rìgh; ach mar dhùchd air fear tha a dheadh-ghean.*

13 *Is aobhar doilgheas d'a athair mac amaideach; agus mar shiorshileadh uisge tha aimhreitean mnà.*

<sup>a</sup> làimh. Eabh. <sup>b</sup> asluchadh. <sup>c</sup> shligibh. <sup>d</sup> theid

<sup>e</sup> air seacharan, peucaichidh e.

<sup>f</sup> bithidh fearg air a chridhe.

<sup>g</sup> choimhearsnach. <sup>h</sup> neo-chiontach.

<sup>i</sup> a' phrionnsaidh, an uachdarain.

<sup>j</sup> dhasan a bheir tiodhlacan seachad.

<sup>k</sup> tha iad gun èifeachd.

<sup>l</sup> cridhe, Eabh.

14 *Is iad oighbreachd aithriche tigh agus saibhreas; ach is ann o'n Tighearn a tha bean chiallach<sup>m</sup>.*

15 *Bheir leisge air duine tuiteam ann an trom chodal; agus fuilingidh an t-anam dlomhanach ocras.*

16 *An ti a ghleidheas an àitline, gleidhidh e 'anam féin; ach an ti a ni tàir air<sup>n</sup> a shligibh, gheibh e bàs.*

17 *An ti a ghabhas truas do'n bhochd, bheir e air iasachd<sup>o</sup> do'n Tighearn; agus an ni a bheir e uaith, locaidh e dha a ris.*

18 *Smachdaich do mhac am feadh a ta dòchas d'a thaobh, agus na caomhnadh t'anam air son a ghearsain<sup>p</sup>.*

19 *Fuilingidh fear na feirge mòire peanas; oir ma shaoras tu e, feumaidh tu dleanamh a ris.*

20 *Eisd ri comhairle, agus gabh fòghlum, chum gu'm bi thu glic ann ad laithibh-deireannach<sup>q</sup>.*

21 *Is lionmhor na smuaintean ann an cridhe duine; ach is i comhairle an Tighearna a sheasas.*

22 *Is e tlachd duine a chaoimhneas; agus is fear duine bochd na breugaire.*

23 *Treòraichidh eagal an Tighearna gu beatha, agus gheibh esan a bhios air a lionadh leis fois; cha'n fhiosraichear le h-olc e.*

24 *Folaichidh an leigsein a làmh na bhrollach<sup>r</sup>; uiread as chum a bhéil cha tabhair e i a ris.*

25 *Buail fear-fochaid, agus bithidh an duine neo-gheur air fhaicill; agus cronaich duine tuigseach, agus tuigidh e eòlas.*

26 *An ti a chreachas<sup>s</sup> athair, agus a dh'fhògras a mhàthair, is mac a bheir nàire agus masladh e.*

27 *Sguir, a mhic, do éisdeachd ris an teagasg, a chuireas air seacharan o bhriathraibh an eòlais.*

28 *Ni fianuis aingidh<sup>t</sup> tarcuais air breitheanas; agus sluididh beul dhroch dhaoine euceart.*

29 *Dh'ulluicheadh breitheanas do luchd-fochaid, agus builleann do dhruim nan amadan.*

## CALB. XX.

*IS* cealgach an ni fion<sup>u</sup>, is buair-easach an ni deoch làidir; agus ge b'e neach a mheallar leo, cha 'n'eil e glic.

<sup>m</sup> thuigseach. <sup>n</sup> a dhear-madas, nach toir an aire do.

<sup>o</sup> an coingheall. <sup>p</sup> ach na

tog t'anam chum a mhilleadh.

<sup>q</sup> Faic. Deut. Caib. VIII. r. 16.

<sup>r</sup> aslaich, asgail. <sup>s</sup> a mhille-

eas, a chlaoidheas. <sup>t</sup> fianuis do

Bhelial. Eabh. <sup>u</sup> Is fear-

magaidh am fion. Eabh.

2 Mar bheucaich leòmhain *tha* eagal rìgh : an ti a bhrosnuicheas e gu feirg, peacaichidh e an aghaidh anama féin.

3 Is urramach an nì do fhear fantuinn <sup>a</sup> o aimhreit ; ach measgaidh gach amadan *innte*.

4 Air son an fluachda <sup>b</sup> cha treabh an leisgein ; iarraidh e déirc anns an fhoghara, ach cha'n fhaigh e.

5 Mar uisge domhain *tha* comhairle ann an cridhe duine, ach tairnidh fear na tuisge m'ios i.

6 Gairmidh mòran dhaoine gach aon diubh a mhaithreas féin ; ach cò a gheibh duine firinneach ?

7 Gluaisidh am firean na iourcas : sona *bithidh* a mhic na dhéigh.

8 'Nuair a shuidheas rìgh air caithir-bhreitheanais, sgaoilidh e gach olc le 'shùilibh.

9 Cò a dh'fheudas a ràdh, Ghlan mi mo chridhe, tha mi glan o m' pheacadh ?

10 Aon chothrom agus cothrom eile, aon soitheach-tomhais agus soitheach-tomhais <sup>d</sup> eile, is gràineil-eachd iad aron do'n Tighearn.

11 Aithnìchear eadhon leanabh le a bheusaibh, am *bi* o dheanadas glan, agus am *bi* e ceart.

12 A' chluas a chluinneas, agus ant-sùil a chi, rinn an Tighearn iad aron.

13 Na gràdhaich codal, air eagal gu'n d'thig thu gu bochdainn ; fosgail do shùilean, agus sàsuichear thu le h-aran.

14 Is olc, is olc e, ars' an ceannuiche ; ach an uair a dh'imicheas e roimhe, an sin nì se uail.

15 Tha òr ann, agus mòran do chlachaidh luachmhore ; ach is iad bilean an eòlais an seud a's luachmhore.

16 Gabh eudach an ti a chaidh an urras air coigreach, agus air son bana-choigrich gabh an geall uath.

17 Is mìlis le duine aran na ceilge ; ach na dhéigh sin lionar a bheul do ghaineamh <sup>f</sup>.

18 Daingnìchear gach tionsgnath le comhairle ; agus le comhairle ghlic dean cogadh.

19 A' foillseachadh nithe dìomhair, imichidh fear-tuaileis mu'n cuairt ; uime sin ris-san a nì mìod-al le 'bhillibh <sup>h</sup> na biodh gnothuch agad.

20 Ge b'e mhalluicheas 'athair,

no a mhàthair, cuirear as a lòchran ann an duibhre dorchadais.

21 Feudar oighreachd fhaotainn gu luath an toiseach ; ach cha bhi a crìoch beannuichte.

22 Na h-abair, locaidh mi olc air son uile : feith air an Tighearn, agus saoraidh e thu.

23 Is gràineileachd do'n Tighearn aon clachlath-thomhais agus clach-thomhais eile, agus cha 'n'eil meidhean cealgach maith.

24 Is ann o'n Tighearn a tha ceumanna duine ; oir cionnus a thuigeas duine a shlighe féin ?

25 Is ribe e do dhuine itheadh do'n nì a ta naomha, agus an déigh bhòid fiosrachadh <sup>i</sup>.

26 Sgapaidh rìgh glic na h-aingidh, agus bheir e air an roth teachd thairis orra.

27 Is e spiorad <sup>k</sup> duine lòchran an Tighearna, a' sgrùdadh gach ionaid an taobh a stigh do'n chom.

28 Gleidhidh tròcair agus firinn rìgh ; seadh, le tròcair daingnìchear a rìgh-chaithir.

29 Is e urram dhaoine òga an neart ; agus is e maise sheann daoine, an ceann liath.

30 Glanaidh guirme <sup>m</sup> cneidhe olc ; mar sin glanaidh buillean na bheil an taobh a stigh do'n chom.

CAIB. XXI.

**MAR** shruthaibh uisgeacha *tha* cridhe rìgh ann an làimh an Tighearna : ge b'e taobh is àill leis, tionndaidhliidh se e.

2 Tha uile shlighean duine ceart, na shùilibh féin ; ach measaidh an Tighearna na cridheacha.

3 Ceartas a dheanamh agus breitheanas, is ròghnuiche leis an Tighearna na lobairt.

4 Is peacach sealladh ard, agus cridhe uaibhreach, lòchran nan aingidh <sup>o</sup>.

5 Bheir gu deimhin smuaintean an duine dhùichiollaich gu pailteas ; ach thig gach neach a ta gun fhoighidinn da rìreadh gu dìth.

6 Ionmhasan fhaotainn le teangaaidh bhreugaich, is dìomhanas e air a luasgadh a null agus a nall aig an droing a dh'iarras am bàs.

7 Sgrìosaidh reubainn nan aingidh iad, a chionn gu'n d'èilt iad breitheanas a dheanamh.

8 Fiar agus coimheach tha slighe duine ; ach a thaobh an fhìor-ghlòin, tha a dheanadas dìreach.

9 Is fearr còmhnuidh a ghabhail ann an oisinn mullaich tighe, na

<sup>a</sup> sgar.

<sup>b</sup> a' gheamhraidh.

<sup>c</sup> sgapaidh.

<sup>d</sup> clach agus clach,

ephah agus ephah. Eabh. Faic Deut.

Caib. XXV. r. 14. <sup>e</sup> neamhnuidibh ;

peninim. Eabh.

<sup>f</sup> ghairbheal,

gharbh-ghaineamh.

<sup>g</sup> Faic Caib.

XI. r. 13.

<sup>h</sup> a tha bras le 'bhillibh.

<sup>i</sup> dàil a chur nan coimhionadh.

<sup>k</sup> anam.

<sup>l</sup> rannsachadh fiosrach-

adh. <sup>m</sup> salchar, bréine.

<sup>n</sup> olc a'

chridhe.

<sup>o</sup> agus ireabhadh nan

uingidh.

<sup>p</sup> dian, cabhagach.

maille ri mnaoi aimbreitich ann an tigh fàrsaing <sup>a</sup>.

10 Miannaichidh anam an aingidh olc: cha'n fhaigh a choimhearsnach deadh-ghean na shùilbhb.

11 'Nuair a nithear peanas air fear-fochaid, fàsaidh am baoghalta <sup>b</sup> glic; agus an uair a dh'fhòghlumar an duine glic, gheibh e eòlas.

12 Bheir am firean an aire gu glic do thigh an aingidh: tilgear <sup>c</sup> na h-aingidh bun os cionn air son an aingidheachd.

13 An ti a dliruideas a chluas ri glaodh an duine bhochd, glaodhaidh e féin mar an ceudna, ach cha'n éisdear ris.

14 Ciuinichidh <sup>d</sup> tiodhlacadh ann an dlomhaireachd fearg; agus duais 'san uchd, corruich dhian.

15 *Is* aoibhneas do'n fhìrean breitheanas <sup>e</sup> a dheanamh; ach *thig* sgrios air <sup>f</sup> luchd-deanamh na h-euceirt.

16 An duine a théid air seacharan o shlighe na tuigse, fanaidh e ann an coimhthional nam marbh.

17 *Bithidh* esan na dhuine bochd a ghràdhaicheas sògh <sup>g</sup>; an ti a ghràdhaicheas fion agus òladh, cha'n fhàs e saibhir.

18 Na éric air son an fhìrean *bithidh* an t-aingidh, agus air son nan ionraic an duine fealltach <sup>h</sup>.

19 *Is* fearr còmhuidh a ghabhail ann am fasach <sup>i</sup>, na maille ri mnaoi aimhreitich agus fheargaich.

20 *Tha* ionmhas taitneach agus oladh ann an àite-còmhnuidh an duine glic; ach caitlidh an t-amadan e.

21 An ti a leanas fireantachd agus tròcair, gheibh e beatha, fireantachd, agus urram <sup>k</sup>.

22 Do chathair <sup>l</sup> nan daoine treun streapaidh an duine glic, agus leagaidh e sìos neart a h-carbsaidh.

23 An ti a ghleidheas a bheul agus a theanga, gleidhidh e 'anam o theannachdaibh.

24 Fear-magaidh uaibhreach, ard-anach is ainm dhasan, a ghiùlaineas e féin ann an corruich an uabhair.

25 Marbhaidh miann an leisgein e; oir diùltaidh a làmhan obair a dheanamh.

26 Air feadh an latha sanntaichidh e gu mòr; ach bheir am firean uaidh, agus cha chaomhain e.

27 *Is* gràineileachd iobairt nan

aingidh: cia mòr is mò, 'nuair a bheirear suas i le droch rùn?

28 Sgriosar fianuis bhreugach; ach an ti a dh'éisdeas, labhraidh e chum *deadh chrìche* <sup>m</sup>.

29 Cruaidhichidh an droch dhuine 'eudan; ach ni esan a ta ionraic a shlighe dìreach <sup>n</sup>.

30 Cha 'n'eil gliocas, no tuigse, no comhairle ann, an aghaidh an Tighearna.

31 Deasaichear an t-each fa chomhair latha a' chatha, ach is ann o'n Tighearna a tha tèaruinteachd <sup>o</sup>.

## CAIB. XXII.

**I**S ròghnuiche ainm maith na mòr shuibhreas, agus deadh-ghean na airgid agus òr.

2 Coinnichidh am beartach <sup>p</sup> agus am bochd a chéile: is e'n Tighearna a rinn iad gu léir.

3 Chi an duine crìonna <sup>q</sup> olc, agus folaichidh se e féin; ach gabhaidh na daoine baoghalta <sup>r</sup> air an aghaidh, agus fuilingidh iad peanas.

4 Trid irioslachd [agus] eagain an Tighearna, *thig* saibhreas, agus urram, agus beatha.

5 *Tha* droighionn agus ribeacha ann an slighe an duine fhiar: an ti a ghleidheas 'anam féin, théid e am fad uatha.

6 Teagaisg leanabh a thaobh na slighe air an còir dha imeachd; agus an uair a bhios e sean, cha tréig e i.

7 Riaghlaidh am beartach os cionn nam bochd; agus *bithidh* an ti a ghabhas an coingheall <sup>s</sup> na sheirbhis-each dha-san a bheir an coingheall.

8 An ti a shlòl-chuireas euceart, buainidh e dlomhanas; agus caith-eàr <sup>t</sup> slat 'fheirge.

9 Beannuichear esan aig am bheil sùil fhial <sup>u</sup>; oir bheir e d'a aran do'n bhochd.

10 Tilg a mach am fear-fochaid, agus théid cònsachadh a mach; seadh, sguiridh comhstri agus mas-ladh.

11 An ti leis an ionmhuinn gloine cridhe, is taitneach a bhilean, *bithidh* <sup>x</sup> an rìgh na charaid aige.

12 Coimhididh sùilean an Tighearna eòlas; ach tilgidh e bun os cionn briathran a' chiontaich.

13 Their an leisgein, *Tha* leòmh-an am muigh, anns na sràidibh marbhar mi.

14 *Is* slochd domhain beul bhan

<sup>a</sup> comuinn, comh-chuideachd.

<sup>b</sup> neo-gheur, simplidh. <sup>c</sup> tilgidh

Dia. <sup>d</sup> Traoghaidh, mùchaidh.

<sup>e</sup> ceartas. <sup>f</sup> is acbhar uamhais

e do. <sup>g</sup> aoibhneas, aighear.

<sup>h</sup> ciontach. <sup>i</sup> an tìr fhàsail. Eabh.

<sup>k</sup> glòir. <sup>l</sup> ard bhaile, bhaile

deingnichte.

<sup>m</sup> a ghnàth, am feasd. <sup>n</sup> deasaichidh esan a ta ionraic a shlighe.

<sup>o</sup> saorsa, buaidh. <sup>p</sup> saibhir.

<sup>q</sup> ciallach, geur, léirsinneach.

<sup>r</sup> neo-gheur, simplidh. <sup>s</sup> air

iasachd. <sup>t</sup> fàilnichidh. <sup>u</sup> mhaith,

thruacanta. <sup>x</sup> air son gràis no

deadh-ghean a bhilean bithidh, &c.

coimheach; an ti a's gràineil<sup>a</sup> leis an Tighearna, tuitidh e ann.

15 Tha amaideachd ceangailte ann an cridhe leinibh; agus cuiridh slat an smachdachaidh fad uaith i.

16 An ti a shàruicheas am bochd a mheudachadh a mhaoin<sup>f</sup> féin, agus an ti a bheir do'n t-saibhir, *thig* e gu deimhin gu h-uireasbhuidh.

17 Aom do chluas, agus éisd ri briathraibh dhaoine glice, agus socraich do chridhe air m'èolas-sa:

18 Oir is taitneach an ni e, ma ghleidheas tu iad ann ad chom<sup>b</sup>, ma bhitheas iad araon deas air do bhilibh.

19 Chum gu'm biodh t'earbsa as an Tighearna, e nochd mi dhuit an diugh, eadhon dhuitse.

20 Nach do scriobh mi dhuit nithe òirdheire, ann an comhairlibh, agus an èolas?

21 Chum gu nochdainn duit cinnte bhriathar na firiun; chum gu freagradh tu briathra na firinn dhoibhsan a chuireas fios a t'ionnsuidh?

22 Na creach am bochd a chionn gu bheil e bochd, agus na sàruich an truaghan anns a' gheata:

23 Oir tagraidh an Tighearn an cùis, agus millidh e anam na muinntir a mhilleas iad.

24 Na dean suas cairdeas ris an fheargach, agus maille ri fear na h-ard chorruch na h-imich;

25 Air eagal gu'n ionnsuich thu a shlighean, agus gu'm faigh thu ribe do t'anam.

26 Na bi dhiubh-san a bhuaileas an làmhan<sup>d</sup>, no dhiubh-san a théid an urras air son fhiaich.

27 Mur'eil ni agad gu dìoladh, c'ar son a bheirteadh e uait do leaba a ta fodhad.

28 Na h-atharraich an seann chomhara-criche, a shuidhich t'aithriche.

29 Ma chi thu fear a bhios eathlamh<sup>f</sup> na glnothuiclibh, seasaidh e 'n làthair rìghre, cha seas e an làthair dhaoine ìosal.

### CAIB. XXIII.

'N UAIR a shuidheas tu a dh'ith-eadh maille ri h-uachdaran, thoir an ro-aire do na bheil fa d' chomhair;

2 Agus cuir sgian ri d' sgornan, ma's duine thu air do thabhairt do chraos.

3 Na miannaich a nithe milse<sup>g</sup>; oir is biadh mealltach iad.

4 Na saothraich gu fàs saibhir, leig dhìot do ghliocas féin.

5 An cuir thu do shùilean air an ni nach 'eil ann; oir gu cinnteach ni saibhreas sgiathan dha féin, mar iolaire a dh'itealaicheas chum nan nèamh<sup>h</sup>.

6 Na h-ith aran an ti aig am bheil droch shùil, agus na miannaich a nithe milse.

7 Oir mar a smuainicheas e na anam, mar sin bithidh e: lth agus òl, their e riut, ach cha bhi a chridhe leat.

8 An greim a dh'ith thu, sgeithidh tu nìos, agus caillidh tu do bhriathra milse.

9 Na labhair ann an cluasaibh am-adain; oir ni e tàir air gliocas do bhriathar.

10 Na h-atharraich an seann chomhara-criche, agus air achaibh nan dìlleachdan na bris a steach:

11 Oir tha am fear-saoraidh cumhachdach; tagraidh e an cùis a't' aghaidh<sup>i</sup>.

12 Aom do chridhe ri fòghlum, agus do chluasan ri briathraibh èdlais.

13 Na cum smachdachadh o leanabh; oir ma bhuaileas tu e le slait, cha'n fhaigh e bàs.

14 Buailidh tu e le slait, agus saoraidh tu 'anam o ifrinn<sup>k</sup>.

15 A mhic, ma bhios do chridhe glic, ni mo chridhe-sa gairdeachas, eadhon mo chridhe-sa:

16 Seadh, ni m'airnean gairdeachas, 'nuair a labhras do blilean nithe cearta.

17 Na gabhadh do chridhe farmad ri peacachaibh: ach bi an eagal an Tighearna air feadh an là uile.

18 Oir gu deimhin tha crìoch ann, ach<sup>l</sup> cha ghearrar as do dhòchas.

19 Eisd thusa, a mhic, agus bi glic, agus treòraich do chridhe anns an t-slighe.

20 Na bi am measg phòiteirean fìona, am measg luchd-comh-ithidh gedcach feòla.

21 Oir thig am misgeir agus an gedcaire gu bochdainn; agus eud-aichidh turra-chodal<sup>m</sup> duine le luid-eagaibh.

22 Eisd ri t'athair a ghin thu, agus na dean tàir air do mhàthair 'nuair a bhios i aosda.

23 Ceannaich an fhìrinn, agus na reic i: mar an ceudna gliocas, agus fòghlum, agus tuigse.

24 Ni athair an fhìrein mòr ghairdeachas; agus ni esan, a ghineas mac glic, aoibhneas ann.

25 Ni t'athair agus do mhàthair aoibhneas, agus ni ise, a rug thu, gairdeachas.

<sup>a</sup> fuathach. <sup>b</sup> an taobh a stigh dhìot. <sup>c</sup> dh'fhoillsich. <sup>d</sup> a bheir an làmhan seachad. <sup>e</sup> a bheireadh neach. <sup>f</sup> grad, deas. <sup>g</sup> annasach.

<sup>h</sup> nan speur, nan neul. <sup>i</sup> riut. <sup>k</sup> o'n uaigh, o'n bhàs. <sup>l</sup> luigheachd ann, agus. <sup>m</sup> codaltachd, lundair-eachd, leisge.



26 A mhic, thoir dhomh-sa do chridhe, agus coimhreachadh do shùilean mo shlighean.

27 Oir is staing<sup>a</sup> dhomhain strìopach, agus is slochd cumhang bana-choigreach.

28 Tha i mar an ceudna ri feall-sheitheamh marchreachadair<sup>b</sup>, agus cuiridh i luchd-dòbheirt<sup>c</sup> an lìon-mhoireachd am measg dhaoine.

29 Cò d'am buin truaighe? cò a ta ri bròn<sup>d</sup>? cò aig am bheil cònsachadh?<sup>e</sup> cò a ta ri gearan? cò aig am bheil lotan gun aobhar? cò aig am bheil deirge shùl?

30 Iadsan a dh'fhanas fad aig an fhìon, iadsan a thèid a dh'iarraidh fìona measgta.

31 Na h-amhairc thusa air an fhìon an uair a bhios e dearg, 'nuair a bheir e 'dath sa' chupan, a thèid e sìos dìreach<sup>f</sup>.

32 Ma dheireadh teumaidh e mar nathair, agus mar an rìgh-nathair<sup>g</sup> sàthaidh e'ghath.

33 Amhaircidh do shùilean air mnaibh coinheach, agus cuiridh do chridhe an céill nithe cliona.

34 Agus bithidh tu mar an ti a luidheas sìos ann am meadhon na fairge, no mar esan a luidheas air bàrr croinn-siuil.

35 Bhuail iad mi, *their thu*, agus cha robh mi tinn; ghabh iad orm, agus cha do mhothaich mi; c'ùin a dhùisgeas mi? an sin iarraidh mi fathast e.

## CAIB XXIV.

**N**A gabh farmad ri droch dhaoineibh, agus na miannaich a bhi maille riu.

2 Oir smuainichidh an cridhe air milleadh, agus labhraidh am bilean mu dhonas<sup>h</sup>.

3 Le gliocas togar tigh, agus le tuisge daingnichear e;

4 Agus le h-eòlas lionar a sheòmar-raise leis gach saibheas luachmhor agus taitneach.

5 Tha'n duine glic na dhuine làidir, agus tha fear an eòlais treun an neart.

6 Oir le comhairle ghlic ni thu do chogadh; agus ànn an lìonmhoireachd chomhairleach *tha* tèaruinteachd.

7 Tha gliocas òrd air son amadain; anns a' gheatadh na fosgladh e a bheul.

8 Esan a smuainicheas air<sup>i</sup> olc a dheanamh, goirear fear nan droch innteachd dheth.

9 Is peacadh smuainte na h-am-

<sup>a</sup> slochd.

<sup>b</sup> air son creiche.

<sup>c</sup> luchd-eusaontais, fealltairean.

<sup>d</sup> acain.

<sup>e</sup> airmhritean.

<sup>f</sup> a

ghluaiseas e gu ceart.

<sup>g</sup> nathair-

nimhe.

<sup>h</sup> airmheas, urchoid.

<sup>i</sup> a

dhealbhas, a thùras.

aideachd; agus is e fear na fochaid gràin dhaoine.

10 Ma dh'fhannaicheas<sup>k</sup> tu ann an latha an àm-lighair<sup>l</sup>, is beag do neart.

11 Ma dhearmadas tu iadsan a thearnadh a thairngear chum bàis, agus iadsan a tha ullamh gu bhì air am marbhadh;

12 Ma their thu, Feuch, cha robh fios againn air so; nach toir esan a chothromaicheas an cridhe fa' near? agus nach bi fios aige-san a choimhideas t'anam? agus nach òc e do gach duine a r'èir a ghluomhara?

13 A mhic, ith thusa mìl, do bhrìgh gu bheil i maith, agus a' chùir mheala, a tha mìlis do d' bìlas.

14 Mar sin bithidh eòlas a' ghliocais do t'anam, ma gheibh thu e; agus an uair a thig do chrìoch, cha ghearrar as<sup>m</sup> do dhòchas.

15 Na dean feall-fholach, a-dhroch dhuine, an aghaidh àite-còmhnuidh an fhìrean; na creach 'ionad-tàimh.

16 Oir seachd uairean tuitidh am firean, agus éiridh e r'is; ach tuitidh na h-aingidh ann an olc.

17 'Nuair a thuiteas do nàmhaid, na bi aoibhneach, agus an uair a thuislicheas e, na deanadh do chridhe gairdeachas:

18 Air eagal gu'm faic an Tigh-earn, agus gu'm bi e olc<sup>n</sup> na shùil-ibh, agus gu'n tionndaidh e 'fhearg uath.

19 Na biodh campar ort mu dhroch dhaoineibh, agus na gabh farmad ris na h-aingidh<sup>o</sup>:

20 Oir cha bhi crìoch mhaith<sup>p</sup> air an droch dhuine; cuirear lèchran nan aingidh as.

21 A mhic, biodh eagal an Tigh-earna agus an rìgh ort: riu-san aig am bheil atharrachadh giùlain<sup>q</sup> na biodh gnothuch agad:

22 Oir gu h-obann thig<sup>r</sup> an dòr-uinn; agus cò d'am fios an sgrios arann?

23 Buinidh na nithe so mar an ceudna do dhaoineibh glice. Cha mhaith an ni gnàis aithneachadh ann am breitheanas<sup>s</sup>.

24 Esan a their ris an aingidh, *Tha* thu cothromach<sup>t</sup>, malluichidh an sluagh e, gabhaidh na fineacha gràin deth.

25 Ach bithidh toil-inntinn aca-san a chranaicheas e, agus thig beannachadh maith orra.

<sup>k</sup> lagaicheas.

<sup>l</sup> na teanndachd.

<sup>m</sup> agus bithidh duais ann, agus cha ghearrar as.

<sup>n</sup> mi-thaitneach.

<sup>o</sup> Faic Salm XXXVII. r. 1.

<sup>p</sup> duais, luigheachd.

<sup>q</sup> a tha

caochlaideach, so-ghluaishte.

<sup>r</sup> éiridh.

Eabh.

<sup>s</sup> Faic Lebhith. Caib.

XIX, r. 15.

<sup>t</sup> ceart, ionraic.

26 Pògar bilean an tì a bheir freagradh ceart.

27 Ulluich t'obair am muigh, agus deasaich i dhuit féin anns an achadh, agus na dhéigh sin tog do thigh.

28 Na bi t'fhianuis gun aobhar an aghaidh do choimhearsnaich, agus na meall le d' bhillibh.

29 Na h-abair, Mar a rinn e orm, mar sin ní m' air: òcaidh m' do'n duine a réir 'oibre.

30 Ghabh m' seachad air fearann an duine leis, agus air fion-lios an duine gun tuigse:

31 Agus feuch, bha e uile air fàs suas le cluanaibh<sup>a</sup>, chòmhdach an eanntagach<sup>b</sup> aghaidh, agus bhriseadh sìos a bhalladh cloiche.

32 An sin chunnaic m', thug m' an aire gu maith<sup>c</sup>; dh'amhairc m', fhuair m' fòghlum.

33 Fathast beagan codail, beagan clò-chodail, beagan pasgaidh<sup>d</sup> nan làmh gu codal:

34 An sin thig do bhochdainn mar fhear-siubhail, agus t'uireasbhuidh mar dhuine fuidh armaibh.

## CAIB. XXV.

*IS* iad so mar an ceudna gnàth-fhocal Sholaimh, a dh'ath-scriobh daoine Heseciah rìgh Iudah.

2 *Is i* glòir Dhé nì a cheiltinn; ach *is e* urram rìghre nì a rannsachadh.

3 *Tha* nèamh air airde, agus an talamh air doimhne, agus cridhe rìghre do-rannsachaidh.

4 Buin an salchar o'n airgid, agus thig soitheach a mach do'n òrcheard.

5 Buin an droch dhuine as làthair an rìgh, agus daingnichear ann am fireantachd a rìgh-chaithir.

6 Na gabh urram dhuit féin ann am fianuis rìgh, agus na seas ann an àite dhaoine mòra:

7 Oir *is* fearr gu'n abrar riut, Thig a nìos an so, na gu cuirear sìos thu am fianuis an uachdarain a chunnaic do shùilean.

8 Na gabh a mach gu h-obann gu strì, air eagal nach bi fios agad ciod a nì thu na dhéigh sin, an uair a bheir do choimhearsnach gu nàire thu<sup>e</sup>.

9 Tagair do chùis ri d' choimhearsnach, agus na foillsich rùn-dìomhair do neach eile:

10 Air eagal gu cuir an tì a chluinneas gu nàire thu, agus nach atharraichear<sup>f</sup> do mhasladh.

<sup>a</sup> oighionnach, droighnich.

<sup>b</sup> ionntagach.

<sup>c</sup> shocraich m' mo chridhe. Eabh.

<sup>d</sup> fillidh.

<sup>e</sup> air eagal gu'n dean thu nì-eigin na dhéigh sin, air son an cuir do choimhearsnach gu nàire thu.

<sup>f</sup> pillear.

11 *Mar* ùbhlán òir ann an dealbh-aibh airgid, *tha* focal a labhrar gu h-ìomchuidh.

12 *Mar* chluas-fhàinne òir, agus mar usgar do'n òr fhòr-ghlan, *tha* fear-cronachaidh glic aig cluais fhuarachair.

13 *Mar* fhuachd sneachdaidh ann an àman fhogharaidh, *tha* teachdaire dìleas dhoibh-san a chuireas uatha e; oir ath-bheothaichidh e anam a mhaighstir.

14 *Mar* neoil agus *mar* ghaoith gun uisge *tha* am fear a nì uail a tiodhlacadh gu breugach.

15 Le fad-fhulangas cuirear impidh air uachdaran, agus brisidh teanga mhàn cnàimh.

16 An d'fhuair thu mil? ith nì's leòr dhuit dith; air eagal gu làn-shàsuichear thu, agus gu sgeith thu i.

17 Tarruing do chos a tigh do choimhearsnach, air eagal gu'm bi e sgìth dhìot, agus gu fuathaich e thu.

18 *Is* ord, agus claidheamh, agus saighead gheur, am fear a bheir fianuis bhrèige an aghaidh a choimhearsnach.

19 *Mar* fhiacail bhriste, agus *mar* chois as an alt, *tha* earbsadh a duine neo-dhìleas ann an latha airce.

20 *Mar* esan a bheir air falbh eudach ann an latha fuachda, *mar* fhion-geur air creag-shalann<sup>g</sup>, *mar* sin *tha* esan a shìneas òrain do'n chridhe thuirseach.

21 Ma bhios do nàmhaid<sup>h</sup> òrach, thoir aran dhia r'a itheadh; agus ma bhios e òtmhor<sup>i</sup>, thoir uisge dha r'a òl:

22 Oir carnaidh tu eibhle teine air a cheann<sup>k</sup>, agus bheir an Tighearna luigheachd<sup>l</sup> dhuit.

23 Cuiridh a' ghaoth a tuath air falbh an t-uisge<sup>m</sup>; mar sin cuiridh a' ghnùis fheargach air falbh teanga a' chùl-chàinidh.

24 *Is* fearr còmhnuidh a ghabhail ann an oisinn mhullaich tighe, na maille ri mnaoi aimhreitich ann an tigh farsaing.

25 *Mar* uisgeacha fuar do'n anam thartmhor, mar sin *tha* deadh sgeul a tìr chéin.

26 *Mar* thobair air a chuir troimh a chéile, agus *mar* fhuaran air a thruaillidh, *tha* am firean a thuislich-eas am fianuis an aingidh.

27 Cha 'n'eil e maith mòran meala

<sup>g</sup> nitre. Sasg.  
am bheil fuath dhuit.  
mhor, pàiteach.

Caib. XII. r. 20.

<sup>m</sup> Bheir a' ghaoth a tuath a mach uisge.

<sup>h</sup> an tì aig

<sup>i</sup> tart-

<sup>k</sup> Faic Rom.

<sup>l</sup> duais.

itheadh; agus *cha* ghldir e do dhaoir-  
bh an gl'dir féin iarraidh <sup>a</sup>.

28 *Mar* chathair <sup>b</sup> briste sìos, gun  
bhalladh, *tha* am fear aig nach 'eil  
ceannsal air a spiorad féin.

## CAIB. XXVI.

**M**AR shneachda 'san t-samhradh  
agus mar uisge 'san fhoghar-  
adh, mar sin cha 'n'eil urram iom-  
chuidh e do'n amadan.

2 Mar eun air faondradh, mar an  
gobhlan-gaoithe aig itealach, mar  
sin cha d'thig am mallachadh gun  
aobhar.

3 Sciùrs <sup>d</sup> do'n each, srian do'n  
asal, agus slat do dhruim nan am-  
adain.

4 Na freagair amadan a réir 'ama-  
aideachd, air eagal gu'm bi thu féin  
cosmhuid ris.

5 Freagair amadan a réir 'amaid-  
eachd, air eagal gu'm bi e glic na  
shùilibh féin.

6 Gearraidh esan dheth a chosan,  
ùlaidh e dochann, a chuireas teachd-  
aireachd le làimh amadain.

7 Cha'n ionann cosan e a' bhac-  
aich; mar sin *tha* gnàth-fhocal ann  
am beul amadana.

8 Mar neach a cheanglas clach  
ann an crann-tàbhuill, mar sin *thu*  
esan a bheir urram do amadan.

9 Mar a théid bior suas ann an  
làimh misgeir, mar sin *tha* gnàth-  
fhocal ann am beul amadana.

10 Bheir an *Dia* mòr, a dhealbha-  
gach *ni*, duais do'n amadan <sup>f</sup>, agus  
bheir e duais do luchd-eusaontais.

11 Mar a philleas madadh chum  
a sgeith féin, pillidh amadan chum  
'amaideachd féin.

12 Am bheil thu faicinn duine a  
tha glic na bharaile <sup>g</sup> féin? *tha* aobhar  
dòchais *ni*'s mò do'n amadan na  
dheth-san.

13 Theiran leisgein <sup>h</sup>, *Tha* leòmh-  
an 'san t-slighe, leòmhnan anns na  
sràidibh.

14 Mar a thionndaidheas an dorus  
air a lùdnanaibh <sup>i</sup>, mar sin an leisg-  
ein air a leabaidh.

15 Folaichidh an leisgein a làmh  
na bhrollach, is doilich leis <sup>j</sup> a toirt  
chum a bhéil.

16 Is glice an leisgein na bharaile  
féin, na seachdnar a bheir freagradh  
gu ceart.

17 *Mar* neach a bheireas air mad-  
adh air a chluasaibh, *tha* esan a théid

seach, agus a ghabhas gnothuch ri  
cònsoid nach buin da.

18 *Mar* fhear air boile, a thilgeas  
leusan-teine, saighdean, agus bàs,

19 *Mar* sin *tha* am fear a mheall-  
as a choimhearsnach, agus a their,  
Nach ann ri fearas-chuideachd <sup>k</sup> a  
*tha* mi?

20 Far am bi dìth connaidh, théid  
an teine as; agus far nach bi fear-  
cogarsaich <sup>m</sup>, sguiridh a' chomh-stri.

21 *Mar* ghual do eibhligh, agus  
*mar* chonnadh do theine, mar sin  
*tha* fear nan aimhreit a dhùsgadh  
stri.

22 *Tha* briathra fir na cogarsaich  
mar lotaibh <sup>n</sup>, agus théid iad sìos gu  
ionadaibh ìochdarach a' chuim.

23 *Mar* shoitheach creadha air a  
chòmhdachadh le sal airgid, *tha* bil-  
ean air lasadh agus cridhe olc.

24 Le 'bhilibh ceilidh <sup>o</sup> an ti a  
dh'fhuathaicheas; ach an taobh a  
stigh dheth taisgidh e cealg.

25 An uair a labhras e gu breagha,  
na creid e; oir *tha* seachd gràineil-  
eachda na chridhe.

26 An ti a chòmhdhaicheas <sup>p</sup>  
'fhuath le ceilg <sup>q</sup>, foillsichear 'ain-  
gidheachd <sup>r</sup> am fianuis a' chomh-  
chruinnich.

27 An ti a chladhaicheas slochd,  
tuitidh e féin ann; agus an ti a cha-  
ruicheas clach, pillidh i air féin.

28 Fuathaichidh an teanga  
bhreugach iadsan d'an dean i doch-  
air, agus oibrichidh am beul mìod-  
alach sgrios.

## CAIB. XXVII.

**N**A dean uail a thaobh an latha  
màireach <sup>s</sup>; oir cha 'n'eil fhios  
agad ciod a bheir là uait.

2 Moladh neach eile thu, agus  
na b'e do bheul féin; coigreach, a-  
gus na b'iad do bhilean féin.

3 Is trom clach, agus is cud-  
thromach an gaineamh; ach is  
truime corruich amadain na iad le  
chéile.

4 Is an-ìochdmhor corruich, agus  
mar thuil *tha* fearg; ach cò is ur-  
rain seasamh am fianuis <sup>t</sup> nùtha?

5 Is fearr achmhasan follaiseach  
na gràdh folaichte.

6 Is dìleas lotan caraid; ach is  
cealgach pògan eascaraid.

7 Gabhaidh an t-anam làn gràin  
do'n chùr-mheala; ach do'n anam  
ocrach <sup>u</sup> is milis gach <sup>v</sup> ni searbh.

8 *Mar* eun air seacharan o a nead,  
mar sin *tha* am fear, a théid air seach-  
aran o 'àite féin.

<sup>a</sup> ach is urramach an *ni* bhi 'g iar-  
aidh urram.

<sup>b</sup> mhòr-bhaile.

<sup>c</sup> ciatfach.

<sup>d</sup> Sciùrsair.

<sup>e</sup> Togar casan.

<sup>f</sup> Claoidhidh

duine mòr gach neach, agus bheir e  
duais do'n amadan.

<sup>g</sup> na

shùilibh. Eabh.

<sup>h</sup> leisgear,

lundaire.

<sup>i</sup> lùdaganaibh.

<sup>k</sup> is saothar leis.

<sup>l</sup> sùgradh.

<sup>m</sup> cogaraich.

<sup>n</sup> bhriathraitbh tlàth.

<sup>o</sup> aith-

nichear.

<sup>p</sup> dh'fholaiseas.

<sup>q</sup> an uaigneas.

<sup>r</sup> 'olcas.

<sup>s</sup> an la'r na mhàireach.

<sup>t</sup> acrach.

9 Ni oladh-ungaidh agus boltrach an cridhe ait: mar sin *ni* mìlsead caraid duine le comhairle a chridhe.

10 Na tréig do charaid féin, no caraid t'athar, agus na rach<sup>a</sup> a steach do thigh do bhráthar ann an latha t'amhghair<sup>b</sup>: is fearr coimhearsnach an fagus na bráthair fad as.

11 Bì glic, a mhic, agus dean mo chridhe ait, agus bithidh freagradh agam dha-san, a bheir masladh dhomh c.

12 Chi an duine crìonna olc, agus folaidhidh se e féin; ach gabhaidh na daoine baoghalta air an aghaidh, agus fuilingidh iad peanas<sup>d</sup>.

13 Gabh eudach an tì a chaidh an urras air coigreach, agus air son bana-choigrich gabh an geall uait.

14 An tì a bheannuicheas a charaid le guth ard, ag éirigh gu moch sa' mhaduinn, measar e dha mar mhallachadh.

15 Tha sìor-shileadh uisge ann an latha frasach, agus bean aimhlreit-each cosmhuil ri chéile.

16 Ge b'e dh'fholaicheas i, folaidhidh e a' ghaoth, agus oladh-ungaidh a laimhe deise a bhrathas i féin.

17 Geuraichear iarunn air iarunn, agus geuraichidh duine gnùis a charaid.

18 Ge b'e ghleidheas craobh-fhìge, ithidh e d'a toradh; mar sin esan a dh'fheitheas air a mhaighstir, gheibh e urram.

19 Mar ann an uisge a fhreagras aghaidh do aghaidh, mar sin freagraidh cridhe duine do dhuine.

20 Cha sàsuichear ifrinn agus léir-sgrìos<sup>e</sup>, agus cha sàsuichear sùilean dhaoine.

21 Mar a' phoit-ghlanaidh air son an airgid, agus an amhuinn air son an òir, mar sin tha duine do bheul an tì a mholas e.

22 Ge do phronn thu amadan ann an soitheach-pronnaidh am measg cruithneachd le bruthadair<sup>f</sup>, cha dealaich 'amaideachd ris.

23 Bithheadh aithne mhaith agad air staid do chaorach; thoir an aire do d' threudaibh:

24 Oir cha mhair beartas gu bràth: agus am mair an crùn o linn gu linn?

25 Nochdar am fear gearrta, agus taisbeanaidh am fear maoth<sup>h</sup> e féin, agus cruinnichear luibhean nam beann.

26 Bithidh na h-uain chum t'eud-

aich; agus is iad na gabhar luach t'fhearainn.

27 Agus bithidh ni's leòr do bhainne ghabhar agad chum bidh, chum bidh do theaghlach, agus chum beathachaidh do mhaighdeanna<sup>i</sup>.

CAIB. XXVIII.

TEICHIDH an t-aingidh, gun neach air bith an tòir air; ach bithidh na h-ionraic dàna mar leòmhann.

2 Air son eusaontais tìre bithidh mòran nachdaran oirre; ach le duine tuigseach. edlach nithear a staid buan.

3 Tha duine bochd a ni foirneart air bochdaibh, mar uisge millteach<sup>k</sup> nach fàg biadh na dhéigh.

4 Molaidh iadsan a thréigeas an lagh na h-aingidh; ach ni iadsan a ghleidheas an lagh strì<sup>l</sup> riu.

5 Cha tuig droch dhaoine breitheanas; ach tuigidh iadsan a dh'iarras an Tighearna na h-uile nithe.

6 Is fearr am bochd a dh'imicheas na ionracas, nà esan a tha fiar na shligibh, ge do robh e saibhir.

7 An tì a ghleidheas an lagh, is mac glic e; ach esan a ta na chompanach do luchd-craois, nàirichidh athair.

8 An tì a mheudaicheas a mhaoin le h-ocar<sup>m</sup> agus le tairbhe eucoraich, cruinnichidh e dha-san, a ghabhas truas do'n bhochd.

9 An tì a thionndaidheas a chluas o chluinntun an lagha, bithidh ùr-nuigh féin na gràineileachd.

10 An tì a chuireas na fireana air seacharan air droch shlighe, tuitidh e na shlochd féin; ach mealaidh na h-ionraic nithe maithe.

11 Is glic duine saibhir na bharail<sup>n</sup> féin; ach rannsaichidh an duine bochd, aigam bi tuigse, mach e.

12 'Nnair a ni na fireana gairdeachas, bithidh glòir mhòr ann; ach an uair a dh'éireas na h-aingidh, folaidheas<sup>o</sup> duine.

13 An tì a dh'fholaicheas a pheacanna, cha soirbhlich leis; ach esan a dh'aidicheas agus a thréigeas iad, gheibh e tròcair.

14 Is beannuichte an duine air am bi eagal a ghnàth, tha esan a chruaidhicheas a chridhe, tuitidh e ann an olc.

15 Mar leòmhann beucach, agus mar mhaith-ghamhuin a ruitheas a null agus a nall, tha uachdaran aingidh os cionn sluaigh bhochd.

16 Am fear-riaghlaidh aig nach 'eil tuigse, is mòr mar an ceudna

<sup>a</sup> teirig, gabh. <sup>b</sup> t'urchoid.

<sup>c</sup> Faic Salm CXIX. r. 42.

<sup>d</sup> Faic Caib. XXII. r. 3.

<sup>e</sup> an uaigh agus am bàs.

<sup>f</sup> pronnadair; pestil. Sasg.

<sup>g</sup> aghaidhibh. Eabh, <sup>h</sup> mìn.

<sup>i</sup> chailin, bhan-oglach.

<sup>k</sup> sgriosach.

<sup>m</sup> an-riadh.

Eabh.

<sup>l</sup> còmhrag.

<sup>n</sup> na shàilibh.

<sup>o</sup> iarrar, sirear.



am fear-foirneirt e; ach an ti a dh'fhuathaicheas saunt, sinidh e a laithean.

17 An duine a ni ainneart air fuil neach sam bith, teichidh e gu ruig an slochd; na cumadh aon duine e<sup>a</sup>.

18 An ti a ghluaiseas gu h-ionraic, tearnar e; ach esan a tha fiar na shligibh, tuitidh e dh'aon bheum.

19 An ti a threabhas 'fhearann, bithidh pailteas arain aige; ach esan a leanas an dèigh dhaoine dìomhain, bithidh bochdainn gu leòr aige.

20 Bithidh duine firinneach pailt ann am beannachdaibh; ach esan a ni deifir<sup>b</sup> gu bhi saibhir, cha bhi e neo-chiontach.

21 Cha mhaith an ni gnùis aithneachadh e; gidheadh air son greim arain ciontaichidh duine.

22 Ni fear na droch shùile deifir gu bhi saibhir; ach cha'n 'eil fhios aige gu'n d'thig bochdainn air.

23 An ti a chionaicheas duine, na dhèigh sin gheibh e ni's mò do dhèidh-ghean na esan a ni miodal le 'theangaidh.

24 An ti a ni reubainn air 'athair no air a mhàthair, agus a their, Cha'n 'eil cionta ann, is companach e do fhear-millidh.

25 An ti aig am bheil cridhe ard-anach, dùisgidh e strì; ach esan a dh'earbas as an Tighearna, nithear sultmhor e<sup>d</sup>.

26 An ti a dh'earbas as a chridhe féin, is amadan e; ach esan a ghluaiseas gu glic, saorar e.

27 An ti a bheir do'n bhochd, cha bhi dìth air; ach air an ti a dh'fholaicheas a shùilean bithidh iomadh mallachd.

28 'Nuair a dh'éireas na h-aingidh, folaicidh daoine iad féin; ach an uair a sgriosar iad, fasaidh na fireana lìonmhor.

## CAIB. XXIX.

**A**M fear a chionaichear gu minic, gidheadh a chruaidhicheas a mhuineal, sgriosar e gu h-obann, agus sin gun leigheas.

2 'Nuair a bhios na fireana cumhachdach e, ni an sluagh gairdeachas; ach an uair a riaghlas na h-aingidh, ni an sluagh osnaich<sup>f</sup>.

3 Am fear a ghràdhaidheas gliocas, ni e 'athair ait; ach esan a chumas cuideachd ri strìopaichibh, caithidh e a mhaoin.

4 Le breitheanas daingnichidh an rìgh an tìr; ach sgriosaidh am fear a ghabhas tiodh<sup>g</sup> can i.

<sup>a</sup> na cuireadh duine sam bith stad air. <sup>b</sup> cabhag.

<sup>c</sup> Faic Caib. XXIV. r. 23.

<sup>d</sup> mealaidh e pailteas. <sup>e</sup> mòr, lìonmhor. <sup>f</sup> caoidh, bròn.

5 Am fear a ni miodal r'a choimhearsnach, sgaoilidh e lìon air son a chos.

6 Ann an eusaontas droch dhuine tha ribe; ach seinnidh am firean, agus bithidh e aoibhneach.

7 Bheir am firean an aire do chùis nam bochd; ach cha gabh an t-aingidh suim do eòlas a bhi aige oirre.

8 Bheir luchd-fochaid baile ann an ribe; ach pillidh daoine glice fearg.

9 Ma ni duine glic strì ri duine amaideach, co dhruibh a bhios fearg air, no ni e gàire, cha bhi fois ann.

10 Fuathaichidh daoine fuileachdach an duine ionraic; ach iarraidh daoine cothromach 'anam<sup>h</sup>.

11 Cuiridh amadan an céill 'inntinn uile; ach cumaidh duine glic a stigh i gus an dèigh sin.

12 Ma dh'éisdeas uachdaran ri brengaibh, bithidh a sheirbhisich uile aingidh.

13 Coinnichidh am bochd agus an cealgair<sup>i</sup> a chéile; bheir an Tighearna solus d'an sùilibh araon.

14 Ma bheir rìgh breth air bochdaibh ann am firinn, daingnichear a rìgh-chaithir gu bràth.

15 Bheir an t-slat agus achmhasan gliocas uatha; ach cuiridh an leanabh<sup>k</sup>, a dh'fhàgar dha féin, nàire air a mhàthair.

16 'Nuair a bhios na h-aingidh lìonmhor, bithidh eusaontas lìonmhor; ach chi na fireana an leaghadh<sup>l</sup>.

17 Cronaich do mhac, agus bheir e suaimhneas<sup>m</sup> dhuit; seadh, bheir e sòlas do t'anam.

18 Far nach 'eil taisbeanadh, leigear ris an sluagh; ach an ti a choimhideas an lagh, is sona esan.

19 Le bhriathraibh cha leasaichear searbhiseach; oir ge do thuig e, cha fhreagair e.

20 Am bheil thu faicinn duine a tha dian<sup>n</sup> na bhriathraibh? tha aobhar dòchais ni's mò do'n amadan na dheth-san.

21 Ma thogas neach a sheirbhis-each suas gu muirneach o bhi na leanabh, ma dheireadh bithidh e aige mar mhac.

22 Dùisgidh duine feargach aimhreit, agus bithidh fear na corruich<sup>o</sup> pailt ann an eusaontas.

23 Islichidh uabhar duine e: ach gheibh esan a ta iriosal na spiorad urram.

24 An ti a ni comh-roinn ri gaduiche, fuathaichidh e 'anam féin:

<sup>g</sup> Ma bhios cuis-lagha aig duine glic. <sup>h</sup> a dheadh rùn.

<sup>i</sup> fear an fhoirneirt. <sup>k</sup> òganach.

<sup>l</sup> sgrios. <sup>m</sup> fois.

<sup>n</sup> cabhagach. <sup>o</sup> na boile.

cluinnidh e mallachadh<sup>a</sup>, ach cha'n fhoillsich e.

25 Bheir eagall duine ribe leis; ach ge b'e dh'earbas as an Tighearna, bithidh e tèaruinte<sup>b</sup>.

26 Iarraidh mòran deadh-ghean<sup>c</sup> an nachdarain; ach is aon o'n Tigh-earna tha breitheanas gach duine.

27 Is e fear na h-euceirt gràineil-eachd nam firean; agus is e'n ti a tha ceart na shlighe gràineileachd nan aingidh.

## CAIB. XXX.

**B**RIATHRAN Aguir mhic Iaceli, eadhon an fhàidheadaireachd<sup>d</sup>; labhair an duine ri h-Itiel, eadhon ri h-Itiel agus ri h-Ucal.

2 Gu deimhin tha mi ni's amaidiche<sup>e</sup> na duine air bith, agus cha 'n'eil tuisge duine agam.

3 Agus cha d'fhòghluim mi gliocas, ni mò a tha eòlas agam air nithibh naomha<sup>f</sup>.

4 Cò chaidh suas do nèamh, no thàinig a nuas? cò chruinnich a' ghaoth na dhornaibh? cò cheangail na h-uisgeacha ann an truscan? cò shuidhich uile chrìoch a na talmhainn? ciod is ainm dha? agus ciod e ainm a mhic, ma ta fhios agad?

5 Tha uile fhocal Dé fìor-ghlan: is sgiath e dhoibh-san, a chuireas an dòigh ann.

6 Na cuir-sa ni air 'bith r'a bhriathraibh, air eagall gu cronaich e thu, agus gu faighear breugach thu.

7 Dà ni dh'iarr mi ort; na diùlt iad dhomh mu'm faigh mi bàs.

8 Dìomhanas agus breugan cuir fad uam; na toir dhomh bochdainn no beartas, beathuich mi le biadh a bhios iomchuidh air m'òshon,

9 Air eagall gu'm bi mi làn; agus gu'n àicheadh mi thu, agus gu'n abair mi, Cò e an Tighearna? no gu'm bi mi bochd, agus gu'n goid mi, agus gu'n toir mi ainm mo Dhé an dìomhanas.

10 Na dean casaid air seirbhiseach r'a mhaighstir, air eagall gu mallaich e thu, agus gu faighear ciontach thu.

11 Tha ginealach ann, a mhall-aicheas an athair, agus nach bean- nuich am tabhair.

12 Tha ginealach ann, a tha glan nan sùilibh féin, gidheadh nach 'eil air an nigheadh o an salchar.

13 Tha ginealach ann, aig am bheil an sùilean arda, agus fàbhraidhean<sup>g</sup> an sùl air an togal suas.

14 Tha ginealach ann, aig am bheil

<sup>a</sup> mionnachadh.

<sup>b</sup> ardaichear e.

<sup>c</sup> gnàis. Eabh.

<sup>d</sup> an dànn.

<sup>e</sup> bruideile.

<sup>f</sup> Ge do tha mi ni's

amaidiche na duine air bith, &c. gidheadh tha eòlas agam air nithibh naomha.

<sup>g</sup> fòrdhubha.

am fiacra mar chloidhean, agus am fiacra-cùil mar sgeana, a dh'itheadh suas nan truaghan<sup>h</sup> o'n talamh, agus nam feumach o mheasg dhaoine.

15 Aig an deal-eachl tha dithis nighean, ag éigheach, Tabhair, tabhair. Tha trì nithe ann nach sàsuichear, seadh, ceithir nithe nach abair, Is leòr e:

16 An uaigh, agus a' bhrù neo-thorrach, an talamh nach sàsuichear le h-uisge, agus an teine nach abair, Is leòr e:

17 An t-sùil, a ni magadh air 'ath-air, agus a ni tarcuis air ùmhlaich do 'mhathair, spionaidh fithich a' ghlinne a mach i, agus ithidh na h-iolairean òga suas i.

18 Tha trì nithe ann a's iongantach leam, seadh, ceithir nithe nach aithne dhomh:

19 Slighe iolaire anns na speuraibh, slighe nathrach air carraig, slighe luinge ann am meadhon na fairge, agus slighe fir le h-ùigh.

20 Mar so tha slighe ban-adharrannaiche: ithidh i, agus glanaidh i a beul, agus their i, Cha d'rinn mi olc air bith.

21 Air son trì nithe ghluaiseadh i an talamh, agus air son ceithir nach urrainn e ghiùlan:

22 Air son seirbhisich an uair a riaghlas e, agus air son amadain an uair a bhios e làn do bhiadh.

23 Air son mnà fhuathaich an uair a phòs i, agus air son ban-oglaich an uair a bhios i na h-òighre air a bana-mhaighstir.

24 Tha ceithir nithe beaga air an talamh, ach tha iad ro ghlic:

25 Tha na seangain nan sluagh nach 'eil làidir, gidheadh ulluichidh iad am biadh 'san t-samhradh;

26 Tha na coineana nam muinntir nach 'eil neartmhor, gidheadh togaidh iad an tighean anns na creagaibh;

27 Cha 'n'eil rìgh aig na locustaibh, gideadh imichidh iad a mach uile nam buidhnibh;

28 Gabhaidh an damhan-alluidh greim le a làmh aibh, agus bithidh e ann an lùchairtibh nan rìgh.

29 Tha trì nithe a dh'imicheas gu maith, seadh, ceithir, a tha tlachdmhor nan stuibhal:

30 An leòmhann a's làidire am measg beathaiche, agus nach pill air ais o aon air bith.

31 Mìol-chù, boc-gaibhre mar an ceudna, agus rìgh an aghaidh nach feudar éirigh<sup>k</sup>.

32 Ma rinn thu gu h-amaideach le thu féin a thogail suas, no ma

<sup>h</sup> daoine bochda.

<sup>i</sup> chrìohtnuich,

bha mi-shuaimhneas air.

<sup>k</sup> crios-

laichte na leasraidh. Eabh.

smuainich thu olc, cuir do làmh air do bheul.

33 Gu deimhlin bheir crathadh<sup>a</sup> bainne im a mach, agus bheir fàsgadh na sròna fuil a mach : mar sin bheir dùsgadh cornich aimhreit a mach.

## CAIB. XXXI.

**B**RIATHRA rìgh Lemueil, an fhàidheadaireachd a theagaisg<sup>b</sup> a mhathair dha.

2 Cìod, a mhic? agus cìod, a mhic mo bhronn<sup>f</sup> agus cìod, a mhic mo bhàidean?

3 Na tabhair do neart<sup>c</sup> do mhnaibh, no do shlighean do mhilleadh rìghre.

4 Cha 'n'eil e air son rìghre, a Lemueil, cha 'n'eil e air son rìghre fion òl, no air son uachdarana déidh a bhì aca air dibh làidir.

5 Air eagal gu'n òl iad, agus gu'n dì-chuimhnich<sup>d</sup> iad an lagh, agus gu'n claoil iad breitheanas do aon sam bith do chloinn an àmhghair.

6 Thugaibh deoch làidir dha-san a tha ullamh gu bàsachadh, agus fion dhoibh-san a tha ann an searbhas anama<sup>e</sup>.

7 Oladh e, agus dì-chuimhnich-eadh e a bhochdain, agus na cuimhnich-eadh e a thruaighe nì's mòd.

8 Fosgail do bheul air son an duine bhailbh, ann an cùis nan uile a tha air an orduchadh chum sgrios<sup>f</sup>.

9 Fosgail do bheul, thoir breth le ceartas, tagair cùis an truaghain agus an fheumach.

10 Cò gheibh bean shubhailceach<sup>g</sup>? oir tha a luach gu mòr os cionn chlach uasal<sup>h</sup>.

11 Earbaidh cridhe a fir aisde, agus cha bhì feum aige air creich.

12 Iocaidh<sup>i</sup> i maith dha, agus cha'n e olc, re uile laithean a beatha.

13 Iarraidh i olann agus lìon, agus oibrichidh i gu toileach le a làmh-aibh.

14 Tha i mar longaibh nan ceannuiche, bheir i a biadh o thìr chéin<sup>k</sup>.

<sup>a</sup> maistreachadh. Eir.

<sup>b</sup> dh'ionnsuich.

<sup>c</sup> do mhaoin.

<sup>d</sup> dìo-chuimhnich.

<sup>e</sup> aig am

bheil cridhe tuirseach.

<sup>f</sup> uile

chloinne na truaghe; uile mhac an sgrios. Eabh.

<sup>g</sup> bean mhaith,

bean nan deadh-bheus.

<sup>h</sup> chlach

luachmhor, neamhnuidean; peninim. Eabh.

<sup>i</sup> Nì, bheir.

<sup>k</sup> fad as.

15 Eiridh i mar an ceudna 'nuair is i an oidhche a ta fathast ann, agus bheir i lòn d'a teaghlach, agus cuibhrionn<sup>l</sup> d'a maighidcanaibh<sup>m</sup>.

16 Measaidh i achadh, agus ceannaichidh si e: le toradh a làmh suidhichidh i fion lios.

17 Crìoslaichidh i a leasraidh le neart, agus neartichidh si a gairdeana.

18 Mothaichidh i gu bheil a ceannachd maith: cha d'théid a coinneal as 'san oidhche.

19 Cuiridh i a làmhan air an dealgan, agus gabhaidh glacan a làmh greim do'u chuigeil.

20 Fosglaidh i a glac<sup>n</sup> do'n truagh-an<sup>o</sup>, agus sìnidh i a làmhan do'n fheumach.

21 Cha 'n'eil eagal oirre roimh 'n t-sneachda air son a teaghlach; oir tha a teaghlach uile eudaichte le scarlaid<sup>p</sup>.

22 Nì i dhi féin truscain do obair ghréis; do shìde agus do chorcur<sup>q</sup> tha a h-eudach.

23 Aithnichear anns na geataibh<sup>r</sup> a fear, an uair a shuidheas e maille ri seanairibh na tìre.

24 Nì i lìon-eudach grinn, agus reicidh i e, agus bheir i crìosan do'n cheannùiche.

25 Neart agus urram is eudach dhi, agus nì i gairdeachas 'san àm ri teachd.

26 Fosglaidh i a beul le gliocas, agus tha lagh a' chaoimhneis<sup>s</sup> air a teangaidh.

27 Bheir i an aire do shlighibh a teaghlach, agus cha'n ith i aran an dìomhainais.

28 Eiridh a clann, agus beannuichidh iad i; a fear, agus molaidh e i.

29 Rinn mòran nighean gu subhailceach, ach thug thusa barrachd orra uile.

30 Is mealltach deadh-ghean, agus is dìomhain sgèimh; ach bean air am bi eagal an Tighearna, is ise a mholar.

31 Thugaibh dhi do thoradh a làmh, agus moladh a h-oibre féin anns na geataibh i.

<sup>l</sup> obair chumta.

<sup>m</sup> cailinibh.

<sup>n</sup> a làmhan.

<sup>o</sup> do'n duine

bhochd.

<sup>p</sup> le culaidhibh dà-

fhìllte.

<sup>q</sup> shlòda.

<sup>r</sup> anns

a' chomh-chruinneachadh.

<sup>s</sup> na caomhalachd.

# ECLESIASTES,

NO AN

## SEARMONUICHE.

### CAIB. I.

**B**RIATHRAN an t-Searmonuiche mhic Dhaibhidh, rìgh ann an Ierusalem.

2 Dìomhanas nan dìomhanas ! ars' an Searmonuiche ; dìomhanas nan dìomhanas ! is dìomhanas na h-uile nithe.

3 Cìod an tairbhe a th'aig duine na uile shaothair a ni e fuidh 'n ghréin ?

4 Tha aon ghinealach a' siubhal, agus ginealach eile a' teachd ; ach fanuidh an talamh gu bràth.

5 Eiridh mar an ceudna a' ghrian, agus théid a ghrian fuidh<sup>a</sup>, agus luathaichidh i d'a h-àite féin as an d'éirich i.

6 Théid a' ghaoth a làimh na h-airde deas, agus théid i mu'n cuairt do'n airde tuath ; théid i mu'n cuairt agus m'un cuairt a ghnàth, agus ath-phillidh a' ghaoth air a cuairtibh féin<sup>b</sup>.

7 Ruithidh na h-aibhnean e uile chum na mara, gidheadh cha 'n'eil a' mhuir làn : chum an àite as an d'fhàinig na h-aibhne, thuige<sup>d</sup> sin pillidh iad a-ris.

8 Tha na h-uile nithe làn do shaothair ; cha'n urradh duine a chur an céill : cha sàsuichear an t-sùil le faicinn, agus cha lionar a' chluas le cluinntinn<sup>e</sup>.

9 An ni a bha ann, is e an ni sin féin a bhitheas ann ; agus an ni sin a rinneadh, is e an ni sin féin a nìthear ; agus cha 'n'eil ni sam bith nuadh<sup>f</sup> fuidh'n ghréin.

10 An bheil ni ann mu'm feudar a ràdh, Feuch, tha e so nuadh ? Bha e ann a cheana 'san t-sean aimsir a bh'ann romhainn.

11 Cha 'n'eil cuimhne air bith air na nithe a bha ann roimhe ; cha mhò a bhios cuimhne air na nithe a ta ri teachd aca-san, a thig nan déigh.

<sup>a</sup> luidhidh a' ghrian. <sup>b</sup> a réir a cuairtean. <sup>c</sup> aimhnean. <sup>d</sup> chuige. <sup>e</sup> clàistinn. <sup>f</sup> nomha, ùr.

12 Bha mise an Searmonuiche a'm' rìgh air Israel ann an Ierusalem.

13 Agus thug mi mo chridhe a shireadh agus a rannsachadh<sup>g</sup> le gliocas, mu thimchioll gach ni a nìthear fuidh nèamh : an t-saothair ghoirt so thug Dia do chloinn nan daoine<sup>h</sup>, chum an cleachdadh féin rithe<sup>i</sup>.

14 Chunnaic mi na h-uile oibre fuidh'n ghréin ; agus feuch, is dìomhanas iad uile, agus buaireadh<sup>k</sup> spioraid.

15 An ni a ta cam, cha ghabh e deanamh dìreach ; agus an ni a ta dh'easbhuidh, cha ghabh e àir-eamh<sup>l</sup>.

16 Labhair mi ri m' chridhe féin, ag ràdh, Feuch, dh'fhàs mi mòr<sup>m</sup>, agus fhuair mi tuilleadh gliocais na iadsan uile, a bhia romham ann an Ierusalem, agus chunnaic<sup>n</sup> mo chridhe mòran gliocais agus eòlais.

17 Agus thug mi mo chridhe a dh'fhaotainn eòlais air gliocas agus air cuthach<sup>o</sup> agus anaideachd : dh'aithnich mi gur buaireadh spioraid e so mar an ceudna.

18 Oir ann am mòran gliocais tha mòran doilgheis<sup>p</sup> ; agus an ti a mheudaicheas eòlas, meudaichidh e bròn.

### CAIB. II.

**T**HUBHAIRT mi a'm' chridhe, Teann<sup>q</sup> a nis, dearbhaidh mi thu le subhachas, uime sin meal maith<sup>r</sup> : ach feuch, is dìomhanas so mar an ceudna.

2 Mu ghàire<sup>s</sup> thubhairt mi, Is cuthach<sup>e</sup> ; agus mu shùgradh, Cìod a ni e ?

<sup>g</sup> a dh'fhidireadh, a lorgachadh. <sup>h</sup> mhacaibh an duine. <sup>i</sup> gu'n cràdhadh, gu'm feuchainn leatha.

<sup>k</sup> cràdh. <sup>l</sup> cha bli e comasach a dheanamh suas. <sup>m</sup> thàinig mi gu h-inbhe mhòir. <sup>n</sup> dh'fhaireich.

<sup>o</sup> boile. <sup>p</sup> carraid. <sup>q</sup> Thig. <sup>r</sup> sàimh.

<sup>s</sup> Ri gàire.



8 Dh'iarr mi ann am chridhe mi féin<sup>a</sup> a thabhairt do fhìon, (gidheadh a' seòladh mo chridhe ann an gliocas<sup>b</sup>), agus greim a ghabhail air amaideachd, gus am faicinn ciod e am maith sin do chloinn nan daoine bu chlàir dhoibh a dheanamh fuidh nèamh, air feadh uile laithean am beatha.

4 Rinn mi oibre mòra dhomh féin: thog mi dhomh féin tighean; shuidhich mi dhomh féin fion-liosaichean.

5 Rinn mi dhomh féin gàrachan agus liosan chrann-meas, agus shuidhich mi annta craobhan do gach gnè thioraidh;

6 Rinn mi dhomh féin lochain<sup>c</sup> uisge, a dh'uisgeachadh leo na coille anns am fàs craobhan.

7 Fhuair mi òglaich agus ban-òglaich, agus rugadh seirbhisich<sup>d</sup> a'm' thigh: bhla mar an ceudna sealbha mòra bhuar agus threud<sup>e</sup> agam, os cionn nan uile a bha romham ann an Ierusalem.

8 Charn<sup>f</sup> mi suas mar an ceudna dhomh féin airgid agus òr, agus iomhas sònraichte nan rìgh agus nam mòr-roinn; fhuair mi dhomh féin fir-chiuil<sup>g</sup> agus mnàir-chiuil, agus aoibhneas chloinn nan daoine, *mar a ta innil-chiuil<sup>h</sup>*, agus sin do gach gnè.

9 Mar sin bhla mi mòr, agus dh'fhàs mi nì's mò na gach duine a bha romham ann an Ierusalem: osbàr, dh'fhan mo ghliocas agam.

10 Agus gach nì a mhiannaich mo shùilean cha do chum mi uatha; cha do blac mi<sup>i</sup> mo cridhe o shubhachas sam bith: oir rinn mo chridhe aoibhneas ann am shaothair uile; agus b'e so mo chuibhrionn do m'uile shaothair.

11 An sin sheall mi air m'oibribh uile a rinn mo làmhan, agus air an t-saothair anns an do shaothraich mi<sup>j</sup> ga deanamh: agus feuch, bu dhomhanas an t-ìomlan, agus buaireadh spioraid, agus cha robh tairbhe ann fuidh'n ghréin.

12 Agus sheall mi air m'ais a dh'fhaicinn gliocais, agus cuthaich<sup>k</sup>, agus amaideachd; oir ciod a dh'fheudas an duine a dheanamh a thig an déigh an rìgh? an nì sin féin a rinneadh a cheana.

13 Agus chunnaic mi gu bheil gliocas co fhad os cionn amaid-

eachd<sup>l</sup>, 'sa tha solus os cionn dorchadais.

14 Tha sùilean an duine ghlic na cheann, ach imichidh an t-amadan ann an dorchadas: gidheadh dh'aithnich mi mar an ceudna gu'n tachradh an t-aon nì dhoibh uile.

15 An sin thubhairt mi a'm' chridhe, Mar a thachras do'n amadan, mar sin tachraidh dhomh-sa féin; agus c'ar son uime sin a bha mise nì bu ghlice *na esan?* an sin thubhairt mi a'm' chridhe, gur dìomhanas so mar an ceudna.

16 Oir cha bhi cuimhne air an duine ghlic nì's mò na air an amadan gu bràth; o dhì-chuimhnichear<sup>m</sup> na nithe a ta nìs ann, uile anns na laithibh a ta ri teachd; agus cionnus a dh'eugas an duine glic? mar an t-amadan.

17 Uime sin dh'fhuathaich mi beatha, a chionn gur doilgheasach dhomh an obair a dh'oibrichear fuidh'n ghréin: oir is dìomhanas na h-uile nithe agus buaireadh<sup>n</sup> spioraid.

18 Seadh, dh'fhuathaich mi mo shaothair uile, a shaothraich mi fuidh'n ghréin, a chionn gu'm fàg mi i do'n fhear a bhios a'm' dhéigh.

19 Agus cò aig am bheil fios cia dhiubh a bhios e na dhuine glic na na amadan? gidheadh bithidh uachdaranachd aige os cionn mo shaoithreach uile anns an do shaothraich mi, agus anns an d'fhuara mi gu glic fuidh'n ghréin. Is dìomhanas so mar an ceudna.

20 Air an aobhar sin thionndaidh mi thoirt air mo chridhe dol an eudòchas mu'n uile shaothair a shaothraich mi fuidh'n ghréin.

21 Oir a ta duine ann aig am bheil a shaothair ann an gliocas, agus an eòlas, agus an ceartas; gidheadh do dhuine nach do shaothraich ann bheir se e mar a chuibhrionn. Is dìomhanas so mar an ceudna, agus olc mòr.

22 Oir ciod a th'aig duine d'a uile shaothair, agus do bhuaireadh<sup>o</sup> a chridhe, anns an do shaothraich e fuidh'n ghréin?

23 Oir is doilgheasan a laithean uile, agus is do-bròn a shaothair: cadhon 'san oidhche cha ghabh a chridhe fois. Is dìomhanas so mar an ceudna.

24 Cha 'n'eil nì ann a's fearr do dhuine na gu'n itheadh agus gu'n òladh e, agus gu'n d'thugadh e air 'anam maith a mhealtuinn<sup>p</sup> na shaothair.

<sup>l</sup> nì's fearr na amaideachd.  
<sup>m</sup> smuaircan, cràdh, <sup>n</sup> chràdh,  
àmhghar, dhorran. <sup>o</sup> gu'n nochd-  
adh e maith d'a anam,

<sup>a</sup> m'fheoil. Eabh. <sup>b</sup> a' cleachd-  
adh mo chridhe ri gliocas. <sup>c</sup> linn-tean.  
<sup>d</sup> muinntirich. <sup>e</sup> chaorach.  
<sup>f</sup> Chruinnich. <sup>g</sup> fir-sheinn.  
<sup>h</sup> abhaidh-chiuil. <sup>i</sup> cha do  
chum mi air ais. <sup>k</sup> boile.

25 Oir cò a's urrainn <sup>a</sup> itheadh, no cò eile a luathaicheas *thuige* <sup>b</sup> ni's mo nà mise?

26 Oir do'n duine a *tha* maith na shealladh, bheir *Dia* gliocas, agus eòlas, agus aoibhneas: ach do'n phéacach bheir e saothair, a chruinneachadh agus a charnadh suas, chum gu'n tabhair e do'n tì a ta maith ann am fianuis Dhé. *Is* dìomhanas so mar an ceudna, agus buaireadh spioraid.

CAIB. III.

**A**IG gach nì *tha* tràth, agus àm aig gach rùn fuidh nèamh:

2 Am gu bhi air bréith, agus àm gu bàs fhaotainn; àm gu suidheachadh, agus àm gus an nì a shuidhicheadh, a spionadh suas;

3 Am gu marbhadh, agus àm gu leigheas; àm gu briseadh sìos, agus àm gu togail suas;

4 Am gu gul <sup>c</sup>, agus àm gu gàire; àm gu caoidh, agus àm gu dannsadh;

5 Am gu clachan a thilgeadh air falbh, agus àm gu clachan a chruinneachadh; àm gu gabhail an glaciaibh, agus àm gu fantainn o ghabhail an glaciaibh <sup>d</sup>;

6 Am gu cosnadh <sup>e</sup>, agus àm gu call; àm gu gleidheadh, agus àm gu tilgeadh air falbh;

7 Am gu reubadh, agus àm gu fuaigheal; àm gu bhi tosdach, agus àm gu labhairt;

8 Am gu gràdhachadh, agus àm gu fuathachadh; àm gu cogadh, agus àm gu sìth;

9 Ciod an tairbhe <sup>f</sup> a ta aige-san a dh'oibricheas, 'san nì sin anns an saothraich e?

10 Chunnai e mi an t-saothair a thug *Dia* do chloinn nan daoine; chum an cleachdadh féin rithe.

11 Rinn e gach nì maiseach na àm féin: chuir e mar an ceudna an saoghal nan cridhe, air chor nach urrainn aon duine an obair fhaotainn a mach a tha *Dia* a' deanamh, o thoiseach gu deireadh.

12 Tha fios agam nach 'eil maith air bith anna, ach gu'm biodh *duine* subhach, agus gu'n deanadh e maith rè a bheatha <sup>h</sup>.

13 Agus mar an ceudna gu'n itheadh agus gu'n dladh gach duine, agus gu mealadh e maith a shaoithreach uile, is e sin tiodhlacadh Dhé.

14 Tha fhios agam gach nì a nì *Dia*, gu'm bi e gu bràth; cha ghabh aon nì cur ris, no aon nì toirt naith:

<sup>a</sup> a dh'fheadas.

<sup>b</sup> chuige.

<sup>c</sup> gal.

<sup>d</sup> bhi fad o ghabhail an

glaciaibh. Eabh.

<sup>e</sup> iarraidh.

faotainn, solaradh. <sup>f</sup> a' bhuannachd.

<sup>g</sup> mhacaibh an duine.

<sup>h</sup> air feadh

a bheatha, na bheatha.

agus nì *Dia* so, chum gu'm biodh eagal air daoineibh roimhe.

15 An nì a bha, tha e ann a nis, agus an nì a bhitheas, bha e ann a cheana; agus iarraidh *Dia* an nì a chaidh seachad.

16 Agus os bàrr, chunnaic mi fuidh'n ghréin àit a' bhreitheanais, gu'n robh euceart <sup>i</sup> an sin; agus àite na fireantachd, gu'n robh aingidh-eachd an sin.

17 Thubhairt mi a'm' chridhe; Bheir *Dia* breth air an fhìrean agus air an aingidh: oir *tha* àm an sin chum gach uile rùn, agus chum gach uile oibre.

18 Thubhairt mi ann am chridhe a thaobh staid <sup>k</sup> chloinn nan daoine, gu'n glanadh <sup>l</sup> *Dia* iad, agus gu'm faiceadh iad gur ainmhidhean iad féin.

19 Oir an nì sin a thachras do chloinn nan daoine, tachraidh e do na h-ainmhidhibh; tachraidh dìreach an t-aon nì dhoibh: mar a dh'eugas aon diubh, is ann mar sin a dh'eugas an t-aon eile; seadh, is i anaon anail a ta aca uile, agus cha 'n'eil barrachd aig duine air ainmhidh, oir is dìomhanas iad uile.

20 Théid iad uile do aon àite; tha iad uile o'n dunsalach <sup>m</sup>, agus pillidh iad uile do'n dunsalach.

21 Cò d'an aithne spiorad chloinn nan daoine <sup>n</sup> a théid suas, agus spiorad an ainmhidh a théid sìos chum na talmhainn <sup>o</sup>?

22 Uime sin tha mi ag aithneachadh nach 'eil nì a's fearr na gu'n deanadh duine gairdeachas na oibribh, a chionn gur e sin a chuibhrionn: oir cò bheir e a dh'fhaicinn an nì a bhios na dheigh?

CAIB. IV.

**A**N sin thionndaidh mi, agus dh'amhairc mi air na h-uile fhoirneartaibh a nìhear fuidh'n ghréin, agus fench, deoir na droinge bha fuidh fhoirneart, agus gun aon fhear-comhfhurtachd aca <sup>p</sup> agus air taobh <sup>q</sup> an luchd-foirneart bha neart, ach cha robh fear-comhfhurtachd aca-san.

2 Uime sin mhol mi na mairbh a dh'eug a cheana, ni's mìd na na beotha, a ta beò fathast.

3 Ach is fearr na iad le chéile an ti nach robh ann fathast, nach faca an droch obair a nìhear fuidh'n ghréin.

4 A ris, dh'amhairc mi air gach uile shaothair agus gach uile obair

<sup>i</sup> aingidheachd, mi-dhiadhachd.

<sup>k</sup> cora, inbhe.

<sup>l</sup> chum gu'n

foillsicheadh, gu'n dearbhadh.

<sup>m</sup> luaithe.

<sup>n</sup> spiorad an duine.

<sup>o</sup> fuidh'n talamh.

<sup>p</sup> làimh. Eabh.

cheirt, gur fàth farmaid do dhuine o'chloimhearsnach i. *Is dìomhanas so mar an ceudna, agus buaireadh spioraid.*

5 Fillidh an t-amadan a làmh an r'a chéile, agus ithidh e f'fheoil féin.

6 *Is fearr làn duirn le suaimhneas, na'n dà làimh làn le saothair agus buaireadh spioraid.*

7 An sin thionndaidh mi, agus clunnaic mi dìomhanas fuidh'n ghréin.

8 Tha duine ann leis féin, agus cha 'n'eil lethbhrec<sup>a</sup> aige; seadh, cha 'n'eil leanabh no bràthair aige: gidheadh cha 'n'eil crìoch air a shaothair uile, agus cha sàsnichear a shùil le saibhreas; cha mhad a *their e*, Cò air son am bheil mi a' saothreachadh, agus a' fàgail m'anama dh'easbhuidh maith? *Is dìomhanas so mar an ceudna, agus is saothair ghoirt e.*

9 *Is fearr dithis na aon duine, a chionn gu bheil deadh dhuais aca air son an saothreach.*

10 Oir ma thuiteas duine dliubh<sup>b</sup>, togaidh an duine eile suas a chompanach: ach mo thruaighe san a ta na aonar an uair a thuiteas e; oir cha 'n'eil neach eile aige g'a thogail suas.

11 Mar an ceudna ma luidheas dìtheas cuideachd, bithidh iad blàth: ach cionnus a bhios aon blàth leis féin?

12 Agus ma bhuadhaicheas aon air, seasaidh dithis na aghaidh; agus cha bhrisear cord thri dual<sup>c</sup> gu h-obann.

13 *Is fearr leanabh bochd agus glic na rìgh sean agus amaideach, nach gabh comhairle<sup>d</sup> ni's mò.*

14 Oir a prìosun<sup>e</sup> thig e a rìoghachadh; an ti mar an ceudna a rugadh na rìoghachd, fàsaidh e bochd.

15 Thug mi an aire do<sup>f</sup> na h-uile bheothaibh a shiubhlas fuidh'n ghréin, maille ris an dara leanabh a dheas suas na àite.

16 Cha 'n'eil crìoch air an t-sluagh uile, orra-san uile a bha rompa: cha dean iadsan mar an ceudna, a thig nan déigh, gairdeachas aon. Gu cinnteach is dìomhanas so mar an ceudna, agus buaireadh spioraid.

## CAIB. V.

**C**OIMHID<sup>g</sup> do chos an uair a théid thu do thigh Dhé, agus bi ni's deise gu cluinntinn na gu ìobairt nan

amadan a thabhairt; oir cha 'n'eil iad sin a' toirt an aire gu bheil iad a' deanamh uile.

2 Na bi bras<sup>h</sup> le d' bheul, agus na luathachadh do chridhe gu ni a labhairt an làthair Dhé: oir a ta Dia air nèamh, agus thusa air talamh: uime sin biodh do bhriathra tearc.

3 Oir thig aisling le iomadalachd<sup>i</sup> ghnothuiche, agus aithnìchear guth amadain le iomadalachd bhriathar.

4 An uair a bhàidicheas tu bòid do Dhia, na cuir dàil na dioladh; oir cha 'n'eil tlachd aige ann an amadanaibh: an ni a bhàidicheas tu, diol e<sup>k</sup>.

5 *Is fearr gun thu bhàideachadh, na gu'm bhàidichadh tu, agus nach dioladh tu.*

6 Na leig le d' bheul a thoirt air t'fheoil peacachadh, agus na h-abair an làthair an aingil, gu'm bu mhearachd e; c'uim am biodh fearg air Dia air son do ghutha-sa, agus an sgriosadh e obair do làmh?

7 Oir mar ann an iomadalachd nan aisling a bhios dìomhanas, is amhuil a bhios iad ann an iomadalachd nam briathair: ach biodh eagal Dé ortsa.

8 Ma chi thu foirneart an duine bhochd<sup>l</sup>, agus fiaradh breitheanais agus ceartais le làimh làidir ann am mòr-roinn, na biodh iongnadh ort ris an ni so<sup>m</sup>: oir bheir an ti a's airde na'n neach a ta arda aca-san an aire, agus tha iad ann a's airde na iadsan.

9 A nis a ta tairbhe na talmliainn air son nan uile: riarruichear an rìgh féin as an fhearann.

10 An ti a ghràdhaicheas airgiod, cha sànuichear e le h-airgiod; no'n ti a ghràdhaicheas pailteas, le toradh<sup>n</sup>: is dìomhanas so mar an ceudna.

11 An uair a mheudaichear nithe maithe<sup>o</sup>, meudaichear iad a dh'ithias iad, agus ciod an tairbhe a tha ann a d'an sealbhadairibh, ach am faicinn le'n sùilibh?

12 Tha codal oibriche milis, cia dhiubh a dh'itheas e beagan no mòr-an: ach cha'n fhuiling sàsachd<sup>p</sup> an t-saibhir dha codal.

13 Tha olc cràiteach ann a chunnaic mi fuidh'n ghréin, saibhreas air a ghleidheadh d'a shealbhadairibh chum an aimhleis<sup>q</sup>.

14 Ach thèid as do'n t-saibhreas sin le droch shaothair<sup>r</sup>: agus ginidh

<sup>h</sup> ohann. <sup>i</sup> lionmhoireachd, mòran. <sup>k</sup> òc e. <sup>l</sup> foirneart

air a dheanamh air an duine bhochd. <sup>m</sup> an rùn so. Eabh.

<sup>n</sup> cinneas. <sup>o</sup> maoin, saibhreas. <sup>p</sup> làine, pailteas.

<sup>q</sup> dochair, call. <sup>r</sup> ann an droch ghnòthuchaibh.

<sup>a</sup> a leithid eile, an dara neach.

<sup>b</sup> ma thuiteas iad.

<sup>c</sup> snàithne tri-fillte. <sup>d</sup> do nach

aithne comhairle a ghabhail. Eabh.

<sup>e</sup> gainntir, tigh nam braighde.

<sup>f</sup> Dh'amhairc mi air. <sup>g</sup> Gléidh.

e mac, agus cha bhi ni air bith na làimh.

15 Mara thàinig e mach lomnochd a broinn a mhàthar, ath-phillidh e, a' dol mar a thàinig e; agus cha ghèillan e ni air bith d'a shaothair a bheir e leis na làimh.

16 Is olc cràiteach so mar an ceudna, air gach uile chor air an d'thàinig e, mar sin gu'n d'théid e: agus ciod an tairbhe a ta aige-san, a shaothraich do'n ghaoith?

17 Mar an ceudna rè a laithean uile ithidh e ann an dorchadas, agus bithidh mòran doilgheis a agus feirge aige na thinneas.

18 Feuch, an ni a chunnaic mise maith, gur tlachdmhor do dhuine itheadh agus òl, agus maith a mhealtuinn na uile shaothair a ghabh e fuaidh'n ghréin, air feadh uile laithean a bheatha a bheir Dia dhia; oir is e sin a chuibrionn.

19 Gach duine mar an ceudna d'an d'thug Dia beartas agus saibhreas, agus d'an d'thug e comas itheadh dhiubh, agus a chuibrionn a ghlacadh, agus gairdeachas a dheanamh na shaothair; is e so tiodhlacadh Dhé.

20 Oir cha mhòr a chuimhnichas e laithean a bheatha; a chionn gu'm freagair Dia e ann an aoibhneas a chridhe.

#### CAIB. VI.

**T**HA olc ann a chunnaic mi fuaidh'n ghréin, agus tha e coitichionn am measg dhaoine.

2 Duine d'an d'thug Dia beartas, agus saibhreas, agus urrain, agus gun e dl'easbhuidh ni air bith d'a anam do na h-uile a mhiannuicheas e, ach do nach 'eil Dia a' tabhairt comais itheadh dheth, ach a ta coigreach<sup>a</sup> ga itheadh: is dìomhanas so, agus is droch anshocair e.

3 Ma ghineas duine ceud leanabh, agus gu'm bi e beo iomadh bliadhna, air chor as gu'm bi laithean a bhliadhanan ìomhhor, agus nach sàsuihear<sup>a</sup> anam le maith, agus mar an ceudna nach bi adhlacadh aige, is fearr, tha mi 'g ràdh, torraicheas anabuicli<sup>a</sup> na e.

4 Oir an<sup>e</sup> dìomhanas thig e, agus an dorchadas théid e, agus le dorchadas comhdaichear<sup>f</sup> ainm.

5 Mar an ceudna cha'n fhac e a' glorian, agus cha b'aithne dha ni air bith: tha tuille foise aige so na aig an fhear eile.

6 Seadh, ged bhi e beo m'le bliadhna dà uair, gidheadh cha'n

fhac e maith: nach imich iad uile do aon àite?

7 Tha uile shaothair an duine air son a blioil, agus gidheadh cha 'n'eil a mhiann<sup>g</sup> sàsuiichte.

8 Oir ciod tuilleadh a th'aig an duine ghlic na aig an amadan? ciod a th'aig a' bhochd, d'an aithne siubhal an làthair nam beo?

9 Is fearr sealladh<sup>h</sup> nan sùl na seacharan a' mhiann: is dìomhanas so mar an ceudna agus buaireadh spioraid.

10 An ni a bha ann, dh'ainmicheadh e a cheana, agus a ta fhios gu'm b'e'n duine e, agus nach urrainn e gleachdadh<sup>k</sup> ris-san a's treise na e féin.

11 O tha mòran do nithibh ann a mheudaicheas dìomhanas, ciod is fearr an duine sin?

12 Oir cò aig am bheil fios ciod a tha maith do dhuine sa' bheatha so, rè uile laithean a bheatha dlìomhain a chaitheas e mar sgàile? oir cò is urrainn innseadh do dhuine ciod a bhios na dh'éigh fuaidh'n gluréin?

#### CAIB. VII.

**I**S fearr deadh ainm na ol'ungaidh luachmhor, agus latha bàis na latha breith neach.

2 Is fearr dol do thigh a' bhròin<sup>l</sup>, na dol do thigh na cuirme; oir is e sin crìoch nan uile dhaoine, agus gabhaidh am beo g'a chridhe e.

3 Is fearr d'ligheas<sup>m</sup> na gàire; oir le dubhachas na gnùise nìthear an cridhe ni's fearr.

4 Tha cridhe nan daoine glice ann an tigh a' bhròin, ach cridhe nan amadan ann an tigh an t-subhlachais.

5 Is fearr éisdeachd ri achmhasan duine ghlic na gu'n éisdeadh duine ri h-dran amadana.

6 Oir mar fhuaim droighnich fuaidh phòit, mar sin tha gàire an amadain: is dìomhanas so mar an ceudna.

7 Gu cinnteach cuiridh foirneart duine glic air boile<sup>n</sup>, agus millidh tiodhlacadh an cridhe.

8 Is fearr deireadh ni na a thoiseach: is fearr esan a tha foighidneach na spiorad na esan a tha ardanach<sup>o</sup> na spiorad.

9 Na deifrich<sup>p</sup> ann ad spiorad gu fearg a ghabhail; oir còmhnuichidh fearg ann an uchd amadana.

10 Na h-abair, Ciod a b'aoibhar gu'n robh na ceud laithean ni b'fhearr na iad so? oir cha'n ann o ghliocas a dh'fheòraicheas tu mu'n ni so?

g 'anam. Eabh. h beachd.

i Gach ni. k strì. l na

caoidh. m fearg. n air

a' chuthach. o uaibhreach, dian,

p na luathaich, na bi cabhagach,

a ùo bròin.

b maoin.

c bith-dheanta, ro-throm air daoineibh.

d gin neo-inbhich.

e le.

f folaichear.



11 *Is maith gliocas maille ri h-  
oighreachd: agus leis sin tha tairbhe  
acasan, a chi a' ghrian.*

12 Oir is didean<sup>a</sup> gliocas, agus is  
didean airgid: ach is e òirdheirceas  
an eòlais, g'un toir gliocas beatha  
dhoibhsan aig am bi e.

13 Smuainich air<sup>b</sup> obair Dhé: oir  
cò is urrainn an ni sin a dhèanamh  
dìreach a rinn esan càin?

14 Ann an là an t-soirbheis<sup>c</sup> bi  
subhach, ach ann an là an doirbheis<sup>d</sup>  
smuainich: rinn Dia mar an ceudna  
so fa chomhair sud, a chum nach  
faigheadh duine mach aon<sup>e</sup> ni na  
dhèigh<sup>e</sup>.

15 Chunnaic mi na h-uile nithe  
ann an laithibh mo dhìomhanais;  
tha firean<sup>f</sup> ann d'an d'fhéid as<sup>g</sup> na  
fhìreantachd, agus tha duine ain-  
gidh ann a shineas a laithean na  
aingidheachd.

16 Na bi anbharrach fireanta, agus  
na gabh ort a bhi ro ghlic: c'ar son  
a sgrìosadh tu thu féin?

17 Na bi ro aingidh, agus na bi  
amaideach: c'ar son a dh'èugadh tu  
roimh t'àm?

18 *Is maith dhuit greim a ghabh-  
ail deth so, agus o so mar an ceudna  
na tabhair air a h-ais do làmh; oir  
an ti air am bi eagal Dé, thig e asda  
sin uile.*

19 Neartuichidh gliocas duine glic  
ni's mò na deichnear dhaoine cumh-  
achdach, a ta sa' chathair<sup>h</sup>.

20 Oir cha 'n'eil duine ceart<sup>i</sup> air  
an talamh, a ni maith, agus nach  
peacaich.

21 Mar an ceudna na tabhair aire  
do na h-uile bhriathraibh a labhrar,  
air eagal gu'n cluinn thu t'òglach  
'gad mhalluchadh.

22 Oir a ta fhios aig do chridhe,  
gur minic a mhalluich thu féin  
daoin' eile mar an ceudna.

23 So uile dhearbh mi le gliocas:  
thubhairt mi, Bithidh mi glic, ach  
b'fhada sin uam.

24 An ni sin a ta fad as, agus ro  
dhomhain, cò dh'fheudas 'fhaotainn  
a mach<sup>k</sup>?

25 Leig mi mo chridhe air faotainn  
eòlais air, agus air rannsachadh<sup>l</sup> agus  
air sìreadh gliocas, agus aobhair<sup>m</sup>  
nithe, agus air fios a bhi agam air  
aingidheachd amaideachd, agus air  
amaideachd na mi-chéille<sup>n</sup>.

26 Agus fhuair mi ni's seirbhe na'm

bàs a' bhean, aig an ribeachan agus  
lìontan a cridhe, agus ceanglaichean  
a làmhnan: ge b'e neach a thaitneas  
ri Dia<sup>o</sup>, théid e as uaithie<sup>p</sup>, ach  
glacar am peacach leatha.

27 Feuch, an ni so fhuair mi, ars'  
an searmonuiche, a' meas gach aoibh  
an dèigh a chéile, a dh'fhaotainn an  
aobhair<sup>q</sup> a mach.

28 Ni a ta m'anam ag iarraidh  
fathast, ach nach d'fhuair mi: aon  
fhear am measg mhèile fhuair mi,  
ach bean nam measg sin uile cha  
d'fhuair mi.

29 Feuch, an ni so a m'hàin fhuair  
mi, gu'n d'rinn Dia an duine dìr-  
each<sup>r</sup>; ach dh'iarr iad féin iomadh  
innleachd<sup>s</sup> a mach.

## C A I B. VIII.

**C**O a ta mar an duine glic? agus cò  
d'an aithne<sup>t</sup> eadar-mhìneachadh  
ni? Bheir gliocas duine air a ghnùis  
dearlachadh, agus atharraichear  
dànachd a ghnùise.

2 Comhairlicheam dhuit àithne  
an rìgh a choimhead<sup>u</sup>, agus sin air  
son mionnan Dé.

3 Na biodh cabhag ort gu dol as  
a shealladh: na buanaich ann an  
droch ni, oir ni esan gach ni a's àill  
leis.

4 Far am bheil focal rìgh, tha  
cumhachd; agus cò dh'fheudas a  
ràdh ris, Ciod e sin a ta thu a' dean-  
amh?

5 Ge b'e glheidheas an àithne, cha  
mhothaich e droch ni sam bith;  
agus is aithne do chridhe duine  
ghlic àm agus breitheanas.

6 A chionn aig gach ni<sup>x</sup> gu bheil  
àm agus breitheanas<sup>y</sup>; uime sin tha  
truaighe an duine trom<sup>z</sup>.

7 Oir cha 'n'eil fhios aige air an ni  
a bhios ann: oir cò dh'ìnnseas dha  
cìonnus a bhitheas e<sup>a</sup>.

8 Cha 'n'eil duine sam bith aig am  
bheil cumhachd os cionn an spior-  
aid, a chumail an spioraid, no cumh-  
achd ann an latha a' bhàis; agus  
cha 'n'eil dol as anns a' chath sin,  
cha mhò a theasairgeas aingidh-  
eachd iadsan a ghnàthuicheas i.

9 So uile chunnaic mi, agus shuidh-  
ich mi mo chridhe air gach obair a  
nìthear fuidh'n ghréin: tha àm ann  
's an riaghluidh duine os cionn duin'  
eile, g'a aimhleas féin.

10 Agus mar sin chunnaic mi na  
h-aingidh adhlacte<sup>b</sup>, a thàinig agus

<sup>a</sup> sgàile.

<sup>b</sup> Faic. Eabh.

<sup>c</sup> latha maith.

<sup>d</sup> latha olc,

latha na h-urchoid.

<sup>e</sup> aon do

na nithibh a ta gu teachd air.

<sup>f</sup> duine ceart, ionraic.

<sup>g</sup> a bhàsaicheas.

<sup>h</sup> sa' bhaile.

<sup>i</sup> fireanta.

<sup>k</sup> a thuigsinn.

<sup>l</sup> lorgachadh.

<sup>m</sup> àireimh.

<sup>n</sup> eadhon amaideachd agus cuthaich.

<sup>o</sup> a tha maith an làthair Dhé. Eabh.

<sup>p</sup> uaipe.

<sup>q</sup> àireimh.

<sup>r</sup> ceart, cothromach.

<sup>s</sup> ais-

innleachd.

<sup>t</sup> mar esan d'an

aithne.

<sup>u</sup> a ghleidheadh.

<sup>x</sup> rùn, tionnsgnadh.

<sup>y</sup> modh,

rioghuilt.

<sup>z</sup> mòr air.

<sup>a</sup> c'uin a bhios e ann.

<sup>b</sup> air an tiodhlacadh.

a dh'imich o àit an naoimh, agus dhi-chuimhnichheadh iad anns a' chathair a<sup>a</sup> 'san d'rinn iad mar sin: is dìomhanas so mar an ceudna.

11 A chionn nach 'eil binn<sup>b</sup> an aghaidh droch oibre 'ga cur an gnìomh gu luath, uime sin tha cridhe chloinn nan daoine làn-shuidhichte air olc a dheanamh.

12 Ge do ni peacach olc ceud uair, agus gu'n sìnear a laithean<sup>c</sup>, gidheadh a ta fios cinnteach agam gu'n éirich gu maith dhoibh-san air am bi eagal Dé, air am bi eagal na làthair.

13 Ach cha'n éirich gu maith do'n aingidh, cha mhò a shineas e a lath-ean; mar sgàile bithidheas air nach bi eagal an làthair Dhe<sup>d</sup>.

14 Tha dìomhanas ann a nìthear air an talamh, gu bheil fireana ann d'an tachair a réir oibre nan aingidh; agus gu bheil daoine aingidh ann, d'an tachair a réir oibre nam firean: thubhairt mi gùr dìomhanas so mar an ceudna.

15 An sin mhol mi subhachas, do bhrìgh nach 'eil nia's fearraig duine fuidh'n ghréin na itheadh agus òl, agus a bhi subhach; oir fanaidh sin aige d'a shaothair, re laithean a bheatha, a bheir Dia dha fuidh'n ghréin.

16 An uair a leag mi mo chridhe air eòlas a' ghliocais fhaotainn, agus air na gnothuichean a nìthear air an talamh fhaicinn, (oir mar an ceudna tha neach ann nach faic codal a là, no dh'oidhche le 'shùilibh.)

17 An sin chunnaic mi<sup>e</sup> uile obair Dhé, nach urradh duine an obair a nìthear fuidh'n ghréin fhaotainn a mach; a chionn ge do ni duine a dhìchioll air<sup>f</sup> a faotainn a mach, gidheadh nach faigh e<sup>g</sup>; seadh fathast, ge do shaoil duine glic gu'm faigh e eòlas oirre, nach urrainn e a faotainn a mach.

CAIB. IX.

**O**IR chuir mi romham ann am chridhe so uile a chur an céill, Gu bheil na fireana agus na daoine glicé, agus an oibre, ann an làimh Dhé: cha'n aithne do dhuine sam bith aon chuid gràdh, no fuath, leis na h-uile nithibh a ta fa'n comhair.

2 Thig na h-uile nìthe air an aon seòl do na h-uile dhaoinibh: tachraidh an t-aon ni do'n fhìrean agus do'n aingidh; do'n mhaith agus do'n

<sup>a</sup> mhòr-bhaile. <sup>b</sup> breitheanas. <sup>c</sup> gu'n cuirear a laithean am fad. <sup>d</sup> a laithean a bhios mar sgàile a chionn nach 'eil eagal air an làthair Dhé. <sup>e</sup> thuig mi, thug mi fa'near. <sup>f</sup> ge do shaothraich duine chum. <sup>g</sup> rompa, nan làthair.

ghlan, agus do'n neo-ghlan; dhasan a dh'ìobras, agus dhasan nach ìobair: mar a ta 'n duine maith, is ann mar sin a ta 'm peacach; agus esan a mhionnaicheas, mar an ti air am bheil eagal mhionn.

3 Is olc so am measg nan uile nìthe a nìthear fuidh'n ghréin, gu tachair an t-aon ni dhoibh uile; agus mar an ceudna gu bheil cridhe chloinn nan daoine làn uilc, agus gu bheil cuthach nan cridhe am fad is beo iad, agus na dhéigh sin gu'n d'fhéid iad chum nam marbh.

4 Oir aig gach neach a tha ceangailte ris na h-uile bheothaibh, tha dòchas: oir is fearr madadh beo na leòdhan marbh.

5 Oir tha fios aig na beothaibh gu'm faigh iad bàs: ach cha 'n'eil fios ni air bith aig na mairbh, cha mhò a ta luigheachd<sup>h</sup> aca ni's mò, oir théid an cuimhne air dhì-chuimhn'.

6 Chaidh as mar an ceudna a nis d'an gradh, agus d'am fuath, agus d'am farmad<sup>i</sup>; agus cha bhi cuibh-rionn aca tuilleadh gu bràth an aon ni a nìthear fuidh'n ghréin.

7 Imich romhad, ith t'aran le gairdeachas, agus òl t'fhìon le cridhe subhach; oir tha Dia a nis toilichte le t'òibrigh.

8 Biodh t'earradh<sup>k</sup> 'sgach àm geal; agus na biodh dìth olaidh-ungaidh air do cheann.

9 Caith do bheatha gu subhach leis a' mhnaoi a's ionmhuinn leat rè uile laithean beatha do dhìomhanais, a thug e dhuit fuidh'n ghréin<sup>l</sup>: oir is e so do chuibh-rionn anns a' bheatha so, agus ann ad shaothair a ghabhas tu fuidh'n ghréin.

10 Ge b'e ni a gheibh do làmh r'a dheanamh, dean e le d' dhìchioll; oir cha 'n'eil obair, no innleachd<sup>m</sup>, no eòlas, no gliocas anns an uaigh, d'am bheil thu a dol.

11 Thionndaidh mi, agus chunnaic mi fuidh'n ghréin nach ann do na daoineibh luatha a tha a' chomhruith<sup>n</sup>, no do na daoineibh treuna an cath, no do na daoineibh glicaran, no do dhaoinibh tuigseach<sup>o</sup> saibhreas, no do dhaoinibh eòlach deadh-ghean, ach gu'n tachair àm agus tunteamas<sup>p</sup> dhoibh uile.

12 Oir gu deimhin cha 'n'eil fhios aig duine air 'am féin: mar iasg a ghlacar ann an droch lìon, agus mar eoin a ghlacar ann an ribe, is ann

<sup>h</sup> luaigheachd, duais. <sup>i</sup> t'nùth. <sup>k</sup> do thrusgan, t'eudach. <sup>l</sup> fo'n ghréin, seadh, rè uile laithean do dhìomhanais. <sup>m</sup> smuaineachadh. <sup>n</sup> an rèis, a' choimhling. <sup>o</sup> crìonna. <sup>p</sup> teagmhus, cinneamh-uin.

mar sin a ribear clann nan daoine ann an droch àm, an uair a thuiteas e orra gu h-obann.

13 An gliocas so mar an ceudna chunnaic mi fuidh'n ghréin, agus bu mhòragam e.

14 Bha cathair <sup>a</sup> bheag ann, agus beagan dhaoine innte; agus thàinig rìgh mòr na h-aghaidh, agus shuidh e mu'n cuairt oirre, agus chuir e daingnichean mòra suas na h-aghaidh.

15 Agus fhuaradh innte duine bochd glic, agus theasairge a' chathair le 'ghliocas; ach cha do chuimhnicheach neach air bith air an duine bochd sin.

16 An sin thubhairt mise, *Is fearr gliocas nà neart*: gidheadh, nìhear tàir air gliocas an duine bochd, agus cha'n èisdear r'a bhriathraibh.

17 Eisdear ri briathraibh dhaoine glìce an ciuineas, nì's mò nà ri glaodh an ti, a riaghlas am measg amadan.

18 *Is fearr gliocas na inneala cogaidh*: ach millidh aon pheacach mòran maith.

CAIB. X.

**B**HEIR cuileaga marbha air oladh-ungaidh an léigh <sup>b</sup> boladh breun a chur uaithe <sup>c</sup>: *is amhuil* a nì beagan amaideachd airsan a tha cliut-each air son gliocais agus urrainn.

2 *Tha* cridhe duine ghlic air a làimh dheis, ach cridhe amadain air a làimh chlì.

3 'San t-slighe féin, an uair a shiubhlas an t-amadan, tréigidh a ghliocas <sup>e</sup>, agus their e ris gach duine, gur h-amadan e.

4 Ma dh'éireas spiorad an uachdarain a'd' aghaidh, na fàg t'àite; oir ciuinichidh géilleadh <sup>d</sup> lochdan mòra.

5 Tha olc <sup>a</sup> chunnaic mi fuidh'n ghréin, mar sheacharan a thig o làthair an uachdarain <sup>e</sup>.

6 Cnìrear amaideachd an inbhe <sup>f</sup> mhòir, agus suidhidh na saibhir an ionad ìosal.

7 Chunnaic mi òglaich <sup>g</sup> air each-aibh, agus nachdarain a'siubhal mar òglachaibh air an talamh.

8 An ti a chladhaicheas slochd, tuitidh e féin ann; agus an ti a bhriseas callaid <sup>h</sup>, teumaidh nathair e.

9 An ti a dh'atharraicheas clach-an, goirtichear e leo; agus an ti a sgoilteas fiodh, bithidh e an cunnart uaithe.

10 Ma bhios an t-iarunn maol, a-

gus nach geuraich e am faobhar, feumaidh e an tuilleadh spionnaidh a chur leis; ach *a ta* gliocas tarbhach a sheòladh.

11 Gu deimhin teumaidh an nath-air gun srann <sup>i</sup>, agus cha'n fhearr am bith-bhriathrach <sup>k</sup>.

12 *Tha* briathra beoil duine ghlic gràsail; ach sluigidh bilean amadain e féin suas.

13 *Is* amaideachd toiseach bhriathar a bheoil; agus *is* cuthach millteach deireadh a chainnte <sup>l</sup>.

14 Agus tha amadan làn do bhriathraibh: cha 'n'eil fhios aig duine ciod a bhios ann; agus ciod a bhios ann na dhéigh cò a's urrainn innseadh dha?

15 Sgèthichidh saothair nan amadan gach aon diubh, do bhrìgh nach àithne dha cionnus a' théid e do'n chathair <sup>m</sup>.

16 Mo thruaigh thu, a thìr, an uair *is* leanabh a's rìgh dhuit, agus a dh'itheas t'uachdarain *biadh* anns a' mhaduinn!

17 *Is* sona thu, a thìr, an uair *is* e do rìgh mac nan uasal, agus a dh'itheas t'uachdarain ann an àm iomchuidh, chum neirt, agus cha'n ann chum misge!

18 Le mòran leisge théid an aitreabh sìos <sup>n</sup>, agus le dìomhanas nan làmh snidhidh an tigh troimhe.

19 Nìhear cuirm chum aiteis, agus nì fìon duine <sup>o</sup> subhach: ach freagraidh an t-airgiod na h-uile nithe.

20 Eadhon ann ad smuaintibh na malluich an rìgh, agus an taobh a stigh do d' sheòmar na malluich an saibhir; oir ghlainidh eun an athair an guth, agus innsidh an nì air am bheil sgiathan a' chùis.

CAIB. XI.

**T**ILG t'aran air aghaidh nan uisge; oir an déigh mhòrain do laithibh gheibh thu e.

2 Thoir cuibhrionn do sheachdnar, agus mar an ceudna do ochdnar; oir cha 'n'eil fhios agad ciod an t-olc a bhios air an talainh.

3 Ma bhios na neoil làn do uisge, falmhaichidh siad *iad féin* air an talamh; agus ma thuiteas craobh mu dheas, no mu thuath, anns an àite 'san tuit a' chraobh, an sin bithidh i.

4 An ti a bheir an aire do'n ghaoith, cha chuir e sìol; agus an ti a dh'amhairceas air na neulaibh, cha bhuain e.

5 Mar nach 'eil fhios agad ciod i

<sup>a</sup> baile. <sup>b</sup> an ollaimh, an lusragain.

<sup>c</sup> uaipe. <sup>d</sup> ceannsachd, macant-

achd. <sup>e</sup> o'n uachdaran. <sup>f</sup> airde.

<sup>g</sup> seirbhisich, tràillean. <sup>h</sup> fàl,

gàradh, balladh-dionaidh.

<sup>i</sup> druidheachd. <sup>k</sup> sìor-chainnteach.

<sup>l</sup> a' bheoil. Eabh. <sup>m</sup> mhòr-

bhaile. <sup>n</sup> aomaidh an aitreabh,

théid an aitreabh mu làr. <sup>o</sup> daoine

beo. Eabh. <sup>p</sup> coin nan speur.

slighe an spioraid<sup>a</sup>, no cionnus a dh'fhàsas na cnàmhan am broinn na mnà a bhios torrach, is amhuil sin nach 'eil fhios agad air oibrigh Dhé, mar a ni e na h-uile nithe.

6 Anns a' mhaduinn cuir do shìol, agus 'san fheasgar na toir air do làmh sgur; oir cha 'n'eil fhios agad cia dhiubh is fearr a shoirbhicheas so no sud, no am bi iad le chéile co-maith.

7 Gu deimhin is milis an solus, agus is taitneach do na sùilibh sealltuinn air a' ghréin.

8 Ach ma mhaireas duine iomadh bliadhna, agus gu dean e gairdeachas<sup>b</sup> annta uile; gidheadh cuimhnichheadh e laithean an dorchadais, gu'm bi iad lìonmhòr. Is dìomhanas gacl ni a thig.

9 Dean gairdeachas, a dhuin' òig, a' t'òige<sup>c</sup>, agus deanadh do chridhe subhach<sup>d</sup> thu ann an laithibh t'òige, agus siubhail ann an slighibh do chridhe, agus ann an sealladh do shùl: ach biodh fhios agad air an son so uile gu'n toir Dia chum breitheanais thu.

10 Uime sin atharraich doilgheas<sup>e</sup> o d' chridhe, agus cuir olc air falbh o t' fheoil; oir is dìomhanas leanabachd agus òige.

# CAIB. XII.

**C**UIMHNICH a nis do Chruith-fhear<sup>f</sup> ann an laithibh t'òige, mu'n d'thig na droch laithean, agus an druid na bliadhnacha *riut*, anns an abair thu, Cha 'n'eil tlachd agam annta:

2 Mun dorchaidhear a' ghrian, agus an solus, agus a' ghealach, agus na reultan, agus am pill na neoil an déigh an uisge:

3 Anns an là 'san criothnuich luchd-gleidhidh<sup>g</sup> an tighe, agus an crom na daoine làidir iad féin, agus an sguir an luchd-bleath<sup>h</sup>, a chionn gu bheil iad tearc, agus an dorchaidhear an dream a sheallas a mach air na h-uinneagaibh<sup>i</sup>;

4 Agus an dùinear na dorsan anns na sràidibh, an uair a bhios fuaim na bleith ìosal, agus a dh'éireas e suas aig guth an eoin, agus a dh'islichear uile nigheanan a' chiuil;

<sup>a</sup> na gaoithe. <sup>b</sup> deanadh e gairdeachas. <sup>c</sup> na t'òige. <sup>d</sup> ait, suilbhreach. <sup>e</sup> bròn, fearg. <sup>f</sup> Chruthadair. <sup>g</sup> coimheaduichean. <sup>h</sup> na meilteirean. <sup>i</sup> fuinneogaibh.

5 Mar an ceudna 'nuair a bhios eagal orra roimh ni ard, agus a bhios uamhasan anns an t-slighe, agus a bhios a' chraobh-almoìn fuidh bhàth, agus a bhios an leumnach-uaine<sup>k</sup> na callaich, agus a theirgeas miann<sup>l</sup>; a chionn gu bheil an duine a' triall d'a chòmhnuidh bluan<sup>m</sup>, agus gu bheil an luchd-cumhaidh<sup>n</sup> a' dol mu'n cuairt 'sna sràidibh.

6 Mum fuasgailear an cord<sup>o</sup> airgid, agus am bruthar<sup>p</sup> an copan<sup>q</sup> òr, agus am brisear a' chuinneag<sup>r</sup> aig an tobar, agus am brisear an roth aig an t-soitheach-cumail<sup>s</sup>.

7 An sin pillidh an duslach<sup>t</sup> chum na taluinna<sup>u</sup> mar a bha e; agus pillidh an spiorad chum Dhé, a thug uath e.

8 Dìomhanas nan dìomhanas! ars<sup>v</sup> an searmonuiche: is dìomhanas na h-uile nithe.

9 Agus os-barr, do bhrìgh gu'n robh an searmonniche glic, theagaisg e'n còmhnuidh eòlas do'n t-sluagh; agus thug e deadh aire, agus shir e mach<sup>w</sup>, agus dheasaich e<sup>x</sup> mòran ghnàth-fhocal.

10 Dh'iarr an searmonuiche briathra taitneach fhaotainn; agus bha an ni a scriobhadh ceart, briathra na firinn.

11 Tha briathra nan daoine glice mar bhioraibh, agus mar thairngibh air an sparradh<sup>y</sup> le uachdaranaihl choimhthional, a thugadh le aon aodhaire.

12 Agus tuilleadh, leo so, a mhic, gabh rabhadh: air mòran leabhraichean a dheanamh cha 'n'eil crìoch, agus tha mòran leughaidh na sgìos do'n fheoil.

13 Cluinneamaid brìgh na chaidh ràdh uile<sup>z</sup>: Biodh eagal Dé ort, agus gléidh 'aitheantan; oir is e so dleas-danas iomlan an duine.

14 Oir bheir Dia gach obair chum breitheanais, maille ris gach ni dìomhair, ma's maith, no ma's olc e.

<sup>k</sup> am fionnan-feoir. <sup>l</sup> a thréig-eas fonn. <sup>m</sup> d'a thigh sìorruidh. <sup>n</sup> luchd-caoidh. <sup>o</sup> snàithne, teud. <sup>p</sup> brisear. <sup>q</sup> a' chuach. <sup>r</sup> an soitheach-uisge. <sup>s</sup> an t-slochd, an tiobairt. <sup>t</sup> luathire. <sup>u</sup> ramsaich e. <sup>v</sup> chuir e'n ordugh. <sup>w</sup> air an daingneachadh. <sup>x</sup> crìoch, no comh-dhùnadh na càise uile.



## DAN SHOLAIMH.

## CAIB. I.

DAN nan dàn, dàn Sholaimh.

2 Pògadh e mi le pògaibh a bheil; oir is maith do ghràdh seach fion.

3 Air son fàile cùbhraidh is maith t'oladh-ungaidh-sa: is oladh-ungaidh air a dèrtadh t'ainm<sup>a</sup>: uime sin ghràdhaich na h-òighean thu.

4 Tarruing mi. A'd' dhéigh ruithidh sinn. D'a sheòmaraidh threòraich an Rìgh mi. Nì sinn luathghaire agus bìthidh aobhneas oirnn annad-sa: cuiridh sinn an cuimhne do ghràdh nì's mò nà fion: ghràdhaich na fireana thu.

5 Dubh a ta mi, ach sgiamhach<sup>b</sup>, O a nigheana Ierusalem, mar bhùth-aibh Chedair, mar chùrteinibh rìomhach<sup>c</sup> Sholaimh.

6 Na biodh umhail agaibh ge do tha mi dorch, a chionn gu'n d'amhairc<sup>d</sup> a' ghrian orm: bha mic mo mhàthar am feirg rium; rinn iad coimheaduiche nam fion-lios dom: am fion-lios bu leam féin cha do choimhid mi.

7 Innis dhomh, O thusa d'am bheil gràdh aig m'anam, c'àit an inealtair<sup>e</sup> thu do threuda, c'àit an toir thu orra luidheadh sìos<sup>f</sup> mu mheadhon-la; oir c'ar-son a bhithinn mar aon air faondradh am measg threud do chompanach<sup>g</sup>?

8 Mur 'eil fhios agad, O thusa a's àillidh<sup>h</sup> am measg bhan, imich a mach air luirg an treud, agus inealtair do mheannain làimh ri bùthaibh<sup>h</sup> nan aodhaire.

9 Rì h-eachaibh<sup>i</sup> ann an carbad-aibh Pharaoh samhlaicheam thu, a bhean mo ghaoil.

10 Is àillidh do ghruaidhean le sreathaibh sheud<sup>k</sup>, do mhuineal le slabhraidhibh.

11 Sreathan òir nì sinn dhuìt, le ballaibh<sup>l</sup> airgid.

<sup>a</sup> Air son deadh bhòlaidh t'oladh-ungaidh maithe, tha t'ainm mar oladh-ungaidh.

<sup>b</sup> gràdhach, ionmhuinn. <sup>c</sup> chroch-bhrataibh do obair ghréise. <sup>d</sup> do dhearrsaich. <sup>e</sup> am beathaich.

<sup>f</sup> làimh ri treudaibh do chaidreamhach. <sup>g</sup> sgiamhaiche.

<sup>h</sup> bothanaibh. <sup>i</sup> ri buidheann each, ri m'eachaibh. <sup>k</sup> usgraichibh.

<sup>l</sup> rinnibh, tairngibh, tacaibh.

12 Am feadh a ta'n Rìgh aig a fhleadh<sup>m</sup>, tha mo spìocnard a' sgaoil-eadh fhàile cùbhraidh.

13 Is ceanglachan m'ir mo ghràdh<sup>n</sup> dhomhsa; eadar mo chùchaibh luidhidh e rè na h-oidhche.

14 Mar bhagaid do'n chrann-champair tha mo ghràdh dhomh-sa, ann am fion-liosaibh Egedi.

15 Feuch, a ta thu àillidh, a bhean mo ghaoil<sup>o</sup>; feuch, a ta thu àillidh! tha sùilean choluman agad.

16 Feuch, a ta thu àillidh, fhir mo ghràdh, agus taitneach, agus a ta ar n-uirigh<sup>p</sup> uaine.

17 Is croinn sheudair<sup>q</sup> sailthean ar tighe, croinn-ghiuthais ar ceann-fhiodh<sup>r</sup>.

## CAIB. II.

IS ròs o Sharon mise, lili nan gleann.

2 Mar lili am measg droighnich, is amhuil mo ghràdh-sa am measg nan nighean.

3 Mar chrann-ubhall am measg chrann na coillè is amhuil mo rùn-sa am measg nan òganach: fuidh a sgàile mhiannaich<sup>s</sup> mi, agus shuidh mi sìos, agus bha a thoradh milis do m' bhlas<sup>s</sup>.

4 Threòraich e mi do thigh an fhiona, agus b' i a bhratach tharum an gràdh.

5 Cumaibh snas mi le cornaibh, sgapaibh ùbhlann mu m' thimchioll, oir a ta mi tinn<sup>t</sup> le gràdh.

6 Tha a làmh chli fuidh m' cheann, agus a làmh dheas timchioll orm.

7 Cuiream mar fhiachaibh oirbh<sup>u</sup>, a nigheana Ierusalem, air earbaibh agus air eildibh na machrach, nach cuir sibh dragh air, agus nach dùisg sibh mo ghràdh, gus an àill leis féin.

8 Guth mo ghràdh! Feuch, tha e a' teachd, a' leumnaich air na beanntaibh, a' toirt sìthidh air na tulaichibh.

9 Is cosmhuil mo ghràdh ri li-earb

<sup>m</sup> na shuidhe aig a bhord.

<sup>n</sup> m'aon gràdhach, m'annsacnd, mo rùn. <sup>o</sup> mo chaidreach, mo leth-sheise, mo cheile.

<sup>p</sup> leaba. <sup>q</sup> cheudair. <sup>r</sup> mullach.

<sup>s</sup> chàirean. Eabh. <sup>t</sup> lag.

<sup>u</sup> miqonnaicheam sibh, àithneam dhuibh.

no ri laogh féidh<sup>a</sup>: feuch, tha e na sheasamh air cùl ar ballaidh, a' sealltuinn a mach air na h-uinn-eagaibh, ga nochdadh féin<sup>b</sup> troimh'n chléith.

10 Fhreagair mo ghràdh, agus thubhairt e rium, Eirich, a bhean mo ghaoil<sup>c</sup>, m'aon sgiamhach, thig leam:

11 Oir feuch, tha'n geamhradh seachad, tha'n t-uisge thairis, dh'im-ich e roimhe.

12 Chithear na blàthan air an talamh, tha àm seinn nan eun air teachd agus cluinnear guth an turtu-uir<sup>d</sup> nar tìr.

13 Tha an crann-sìge a' cur a mach fhige glasa<sup>e</sup>, agus tha dearca maotha a' chroinn-fhìona a' toirt fàile cùbhraidh uatha: éirich, a bhean mo ghaoil, m'aon sgiamhach, agus thig leam.

14 Mo choluman, a ta ann an sgoltaibh na creige, ann an ionad-dìomhair<sup>f</sup> a' bhruthaich, leig dhomh amharc ort, leig leam do ghiuth a chluinntinn! oira ta do ghuth binn, agus t'eugas<sup>g</sup> maiseach.

15 Glacaibh dhuinn na sionnaich, nasìonaich bheaga, a mhillas na croinn-fhìona, agus dearcann òga ar crann-fìona<sup>h</sup>.

16 Is leam-sa mo ghràdh, agus is leis-san mise; tha e ag ionaltradh am meas nan lili.

17 Gus am bris an là<sup>i</sup>, agus an teich<sup>k</sup> na sgàilean, pill; bi cos-mhuil ri h-earb, a ghràdh, no ri laogh féidh air beanntaibh Bheteir.

### CAIB. III.

**A**IR mo leabaidh anns an oidhche dh'iarr mi an ti d'am bheil gràdh aig m'anam: dh'iarr mi e, ach cha d'fhuair mi e.

2 Eiridh mi a nis, agus théid mi mu'n cuairt anns a' chathair<sup>l</sup>, anns na sràidibh, agus anns na slighibh farsaing iarraidh mi esan d'am bheil gràdh aig m'anam: dh'iarr mi e, ach cha d'fhuair mi e.

3 Thachair orm an luchd-faire a' dol mu'n cuairt anns a' chathair: Am faca sibh an ti d'am bheil gràdh aig m'anam?

4 Cha deachaidh mi ach beagan air m'aghaidh uatha<sup>m</sup>, nuair a fhuair mi esan d'am bheil gràdh aig m'anam: rinn mi greim air, agus cha

leiginn as e, gus an d'thug mi e do thigh mo mhàthar, agus d'a seòmar-sa a rug mi.

5 Cuiream mar fhiachaibh oirbh, a nigheana Ierusalem, air earbaibh agus air eildibh na machrach, nach cuir sibh dragh air; agus nach dùisg sibh mo ghràdh, gus an àill leis féin.

6 Cò ise a ta 'g éirigh suas as an fhàsach mar stuadhaibh deataich cùbhraidh le mirr agus tùis, le uile mhion-dhus<sup>n</sup> ceannuiche nan spioraidh?

7 Feuch, uirigh<sup>o</sup> Sholaimh! Trì fìthead trùn fhear m'a timchioll do thrùn fhearaibh Israel!

8 Fir chlàidheimh uile, cleachdta<sup>r</sup> ann an cogadh, gach fear le' chlàidheamh air a leis, an aghaidh gàbhaidh na h-oidhche.

9 Rinn Solamh an Rìgh leaba-phòsaidh<sup>s</sup> dha féin do chrannaibh Lebanoin.

10 A puist<sup>t</sup> dhealbh e do airgiod, a h-ìochdar do òr, a còmhach do chorcur; tha a meadhon air 'oibreachadh<sup>u</sup> le samhlaibh gràidh le nigheanaibh<sup>v</sup> Ierusalem.

11 Rachaidh a mach, a nigheana Shìoin, agus faicibh Rìgh Solamh leis a' chrùn leis an do chrùn a mhàthair e air latha<sup>w</sup> a phòsaidh, agus air latha subhachais a chridhe.

### CAIB. IV.

**F**EUCH, is àillidh thu, a bhean, mo ghaoil<sup>x</sup>; feuch, is àillidh thu! tha sùilean choluman agad an taobh a stigh do d'chiabhaibh: tha t'fholt<sup>y</sup> mar threud ghabhar a nochdar o shliabh Ghilead<sup>z</sup>.

2 Is cosmhuil do dheud ris an treud Iomarta<sup>a</sup>, a thàinig a nìos o'n àite-nighidh, a bheireas gach aon diubh càraid, agus gun aon chaora sheasg<sup>b</sup> nam measg.

3 Mar shnàthainn dearg<sup>c</sup> air a dhath dà uair tha d' bhilean, agus tha do chainnt binn: mar mhir<sup>d</sup> do phomgranat<sup>e</sup> tha do chamoga<sup>f</sup> am meadhon do chiabh.

4 Mar thùr Dhaibhidh tha do mhuineal, air a chur suas gu bhì na thigh-arm: tha mìle targaid crochta suas ris, uile sgiatha nan trùn fhear.

<sup>a</sup> phùdaraibh. <sup>o</sup> leaba. <sup>r</sup> teòma.

<sup>q</sup> carbad. <sup>t</sup> gar muinne. <sup>u</sup> air.

a sgaoileadh, air a leagadh. <sup>v</sup> o nigh-

eanaibh, air son nigheana. <sup>w</sup> là, lò.

<sup>x</sup> a bhana-chara, a bhana-charaid.

<sup>y</sup> do ghrnag. <sup>z</sup> a dh'ionaitras.

mu bheinn Ghilead. <sup>a</sup> bhearrta.

rùisgte. <sup>b</sup> air call a h-uain.

<sup>c</sup> scarlaid, corcuir. <sup>d</sup> shlisetg.

<sup>e</sup> ghran-ubhal. <sup>f</sup> leth-cheann,

ghruaidhean.

<sup>a</sup> mang. <sup>b</sup> a' lasadh, a sràdadh.

<sup>c</sup> mo chaidreach. <sup>d</sup> fhearain.

Eir. <sup>e</sup> uaine. <sup>f</sup> còs, ionad

foluich. <sup>g</sup> aogas. <sup>h</sup> oir a ta

dearcann ar craobh-fìona maoth.

<sup>i</sup> an éirich, an tog an là; an cuir an

là 'anail a mach. Eabh. <sup>k</sup> sgapár,

sgaoilear. <sup>l</sup> mhòr-bhaile.

<sup>m</sup> seachad orra.

5 *Tha* do dhà chich mar dhà mheann earba, càraid na maoinlich, a dh'ionaltras am measg nan lili.

6 Gus am bris<sup>a</sup> an là, agus an teich na sgàilean, thèid mi gu beinn a' mhirr, agus gu tulach na tùise.

7 *Tha* thu uile àillidh, a bhean mo ghaoil, agus smal<sup>b</sup> cha 'n'èil an nad.

8 Leam-sa o Lebanon, a chéile, leam-sa thig o Lebanon: seall o mhullach Amana, o mhullach Shenir, agus Hermoin, o àitibh tàimh<sup>c</sup> nan leòmhlan, o bheantaibh nan leopard.

9 Dh'èignich thu<sup>d</sup> mo chridhe, a phiuthar, a chéile; dh'èignich thu mo chridhe le aondo d' shùilibh<sup>e</sup>, le aon slabhraidh mu d' mhuineal.

10 Cìà taitneach a ta do ghràdh, a phiuthar, a chéile! Cìà mòr is fearr na fion do ghràdh, agus fàile t'oladh-ungaidh nà na h-uile spìosraidh!

11 *Mar* a' chùr-mheala silidh do bhilean, a chéile: *tha* mil agus bainne fuidh d' theangaidh, agus *tha* fàile<sup>f</sup> do thruscain mar fhàile cùbhraidh Lebanon.

12 Is lios<sup>g</sup> glaiste thu, a phiuthar, a chéile, fuaran dùinte, tobair air a sheulachadh.

13 *Tha* do gheuga mar lios phomgranat, leis a' mheas a's taitnichte<sup>h</sup>; le croinn champhir maille ri preas-aibh spìocnaird,

14 Spìocnaird<sup>i</sup> agus cròch<sup>k</sup>, cuile mhillis agus canal; leis na h-uile chraobhaibh tùise; mirr agus aloes<sup>l</sup>, maille ris na spìosraidh a's taghta;

15 Fuaran<sup>m</sup> lios, tobar uisgeacha beo, agus a sruthadh o Lebanon.

16 Èirich, a ghaoth a tuath, agus thig, a ghaoth a deas, séid air feadh mo liosa, rachadh fàile cùbhraidh a spìosraidh a mach. Thigeadh m'annsachd<sup>n</sup> d'a lios, agus itheadh e a thoradh taitneach.

## CAIB. V.

**T**HA mi air teachd do m' lios, a phiuthar, a chéile; thionail mi mo mhirr maille ri m' spìosraidh; dh'ith mi mo chùr-mheala maille ri m' mhill; dh'òl mi m' fhion maille ri m' bhainne. Ithibh, a chairde, òlaibh, seadh, òlaibh-gu pailt, a luchd-mo ghràidh.

<sup>a</sup> Faic Caib. II. r. 17. <sup>b</sup> gaoid, aineamh. <sup>c</sup> thuinnidhibh, ghàraidhibh.

<sup>d</sup> thug thu dh'aindeoin, thug thu leat, lion thu thar tomhas.

<sup>e</sup> dh'aon bheum le d' shùilibh. <sup>f</sup> boltrach. <sup>g</sup> gàradh. <sup>h</sup> milse.

<sup>i</sup> nard. Eabh. <sup>k</sup> cròthach; safron. Sasg. <sup>l</sup> aloes. Sasg.

<sup>m</sup> tiobairt. <sup>n</sup> mo rùn, m'aon gràdhach.

2 Tha mi m' chodal, ach a ta mo chridhe na fhaireach<sup>o</sup>. Guth fir mo ghràidh a' bualadh! Fosgail dhomh, mo phiuthar, mo bhana-charaid, mo choluman, mo bhean choimhlionta; oir tha mo cheann còmhdaichte le drùdch, mo chiabha le braonaibh nà h-oidhche.

3 Chuir mi dhòm mo thruscan; cionnus a chuireas mi orm e? dh'ionnuil mi mo chosan; cionnus a shal-aicheas mi iad?

4 Chuir fear mo ghràidh a làmh-troimh tholl an doruis, agus ghluais-eadh m'innigh air a shon<sup>p</sup>.

5 Dh'èirich mi a dh'fhosgladh do fhear mo ghràidh; agus shìl mo làmhan mirr, agus mo inheoir mirr ruidhteach, air làmbhaibh na glaise.

6 Dh'fhosgail mi do fhear mo ghràidh; ach thionndaidh fear mo ghràidh, agus dh'imich e roimhe. Thréig m'anam mi<sup>q</sup> nuaira labhair e. Dh'iarr mi e, ach cha d'fhuair mi e; ghairm<sup>r</sup> mi air, ach cha do fhreagair e mi.

7 Fhuair an luchd-faire a bha dol air an cuartibh sa' chatbair nà; bhual iad mi, lot iad mi; thug luchd-coimhrid nam balladh m'fhalluing<sup>s</sup> dhòm.

8 Cuiream mar fhiachaibh oirbh, a nigheana Ierusalem, na gheibh sibh fear mo ghràidh, gu'n innis sibh dha, mar a ta mi tinn le gràdh.

9 Ciod e fear do ghràidh-sa thar fear-gràidh eile, O thusa a's àillidh<sup>t</sup> am measg bhan? ciod e fear do ghràidh-sa thar fear-gràidh eile, gu'n do chuir thu air an dòigh so mar fhiachaibh oirnn?

10 *Tha* fear mo ghràidh-sa geal agus dearg, sònruichte<sup>u</sup> am measg dheich mìle.

11 *Tha* a cheann mar an t-òr a's gloine, a chiabha bachlagach<sup>v</sup>, dubh mar am fitheach.

12 *Tha* a shùile mar shùilibh choluman làimh ri sruthaibh uisgeacha, a nigheas iad féin ann am bainne, air an suidheachadh gu ceart<sup>y</sup>.

13 *Tha* a ghruaidhean mar leabaidh spìosraidh, mar bhlàthaibh cùbhraidh; a bhilean mar liliidhibh, a' sìleadh mirr ruidhtich<sup>z</sup>.

14 *Tha* a làmhan mar fhàinnibh òir suidhichte le berilibh; a chom

<sup>o</sup> na dhùisg. <sup>p</sup> bha mo chridhe fo bhuaireas leis.

<sup>q</sup> chaidh m'an-am ann an neul, dh'fhàilnichidh m'an-am, lagaich m'anam.

<sup>r</sup> ghoir, ghlaodh. <sup>s</sup> m'fholach, mo chòmhdach.

<sup>t</sup> maisiche. <sup>u</sup> cosmhuil ris-san, a ghiùineas a' bhratach.

<sup>v</sup> a' suidhe ann an lànachd. Eabh. <sup>w</sup> chùbhraidh, dheadh-bholaidh.

mar fhiacail *elephant*<sup>a</sup> liobhta, air a cur thairis<sup>b</sup> le saphiribh.

15 *Tha* a chosan mar phostaibh marmoir, suidhichte air bonnaibh do'n òr a's gloine; 'eugas<sup>c</sup> mar Lebanon, barraichte<sup>d</sup> mar na seud-air<sup>e</sup>.

16 *Is* ro-mhilis a bheul; seadh, *tha e* gu léir ionmhuinn. *Is e* so fear mo ghràidh-*ea*, agus *is e* so mo charaid, a nigheana Ierusalem.

CAIB. VI.

**C**'AIT an deachaidh fear do ghràidh, O thusa a's àillidh<sup>f</sup> am measg bhau? cia an taobh a thionndaidh fear do ghràidh? agus iarraidh sinn e maille riut.

2 Chaidh fear mo ghràidh-sa sìos d'a lios, gu leapaichibh nan spòs-raidh, a dh'ionaltradh<sup>h</sup> anns na lios-aibh, agus a thional lili.

3 *Is* le fear mo ghràidh mise, agus is leam-sa fear mo ghràidh: *tha e* ag ionaltradh<sup>i</sup> am measg nan lili.

4 *Is* àillidh thu, a bhean mo ghaoil, mar Thirsah, maiseach mar Ierusalem, uamhasach mar shluagh le'm brataichibh.

5 Tionndaidh uam do shùilean, oir chlaoidh iad mi: *tha t'*fholt mar threud ghabhar a nochdar o Ghilead.

6 *Tha* do dheud mar threud chaorach, a thàinig a mìos o'n àite-nighidh, a bheireas gach aon diubh càraid, agus gun aon chaora shleasg<sup>k</sup> nam measg.

7 Mar mhòr do phomgranat *tha* do chlamoga, am meadhon do chlaibh<sup>l</sup>.

8 *Tha* tri fichead ban-righinn, agus ceithir fichead leannan<sup>m</sup> ann, agus òighean gun àireamh.

9 *Is* ise na h-aonar mo choluman, mo bhean choimhlionta; *is i* aon nighean a màthar i, a seircin-se a rug i<sup>n</sup>. Chunnaic na nigheana i, agus bheannaich iad i; na ban-righinnean agus na leannain, agus mhol iad i.

10 Cò ise a chithear<sup>o</sup> mar a' mhad-uinn, sgiamhach mar a' ghealach, glan mar a' ghrian, uamhasach mar shluagh le'm brataichibh?

11 Do lios nan cnò chaidh mi sìos, a ghabhail beachd<sup>p</sup> do thoradh a' ghlinne, a dh'fhaicinn an robh an fhìonain fuidh bhlàth, an robh na pomgranait a' briseadh a mach.

<sup>a</sup> ivory. Sasg. <sup>b</sup> còmhdaichte.

<sup>c</sup> 'aogus, a chostas, a dhreach.

<sup>d</sup> taghta, dìrdheirc. <sup>e</sup> ceudair.

<sup>f</sup> sgiamhaiche. <sup>g</sup> ghàradh.

<sup>h</sup> dh'itheadh. <sup>i</sup> ag itheadh.

<sup>k</sup> air call a h-uain. <sup>l</sup> Faic Caib.

1V. r. l. 2. 3. <sup>m</sup> coimhlebach.

<sup>n</sup> aon taoghta na té a rug i.

<sup>o</sup> a sheallas a mach. <sup>p</sup> seallaidh.

12 Mun d'thug mi an aire, ar leam gu'n do thairngeadh a mach dhomh<sup>q</sup> carbada Aminadaib<sup>r</sup>.

13 Pill, pill, a Bhan-Sulamach, pill, pill, agus amhairceamaid ort. C'ar son a dh'amhairceadh sibh air a' Bhan-Sulamaich? mar bhuidheann dà fheachd<sup>s</sup>.

CAIB. VII.

**C**IA àillidh do chosan ann am bròg-aibh, a nighean rìoghail<sup>t</sup>! *tha* uilt do shliasad mar usgraichibh<sup>u</sup>, obair làmh fir-ceirde.

2 *Tha* t'imleag mar chuach chruinn, air nach bi easbuidh<sup>x</sup> dibhe; do bholg mar dhùn cruithneachd, cuartaichte le lildhibh.

3 *Tha* do dhà chich mar dhà mheann earba, càraid na maoislich.

4 *Tha* do mhuineal mar thur ìbhor<sup>y</sup>; do shùilean mar lochaibh-éisg ann an Hesbon, làmh ri geata Bhatrabim; do shròn mar thùr Lebanon, a sheallas a làmh Dhamascuis.

5 *Tha* do cheann ort cosmhuil ri Carmel, agus folt<sup>z</sup> do chinn cosmhuil ri corcur: *tha* an rìgh ceangailte nasheòdraichibh<sup>z</sup>.

6 Cia àillidh, agus cia taitneach a tathu, a ghaoil, ann ad mhaisealachd<sup>b</sup>.

7 Tha'n airde sin agad cosmhuil ri craoibh-phailme, agus *tha* do chlocha mar bhagaidibh fhion-dhearc.

8 Thubhairt mi, Streapaidh mi suas do'n chraoibh-phailme, gabhaidh mi greim d'a geugaibh: agus a nis bithidh do chlocha mar bhagaidibh do'n fhion-chraoibh<sup>c</sup>, agus cùbhraidheachd t'endain<sup>d</sup> mar chùbhraidheachd nan ubhall:

9 Mar an ceudna do chàirean mar am fion a's fearr, air son mo ghràidh, a théid sìos gu milis<sup>e</sup>, a' toirt cainnte do bhlìbh an dream a choidleas.

10 *Is* le fear mo ghràidh mise, agus is ann ormsa a *tha* a chion<sup>f</sup>.

11 Thig, fhir mo ghràidh, rachamaid a mach do'n mliachair, fanamaid<sup>g</sup> re na h-oidhche anns na bailtibh.

12 Anns a' mhoch-thrath rachamaid do na fion-liosaibh, seallamaid am bheil an fhion-chraoibh air

<sup>q</sup> shaoil mi gu'n do thairngeadh a mach air mo shon; shuidhich m'anam dhomh. Eabh. <sup>r</sup> mo shluagh dhìlis. <sup>s</sup> Mahanaim. Eabh.

<sup>t</sup> a nighean an uachdarain.

<sup>u</sup> sheudaibh. <sup>x</sup> àlth. <sup>y</sup> do

fhiacailbh elephant. <sup>z</sup> falt, gruag.

<sup>a</sup> chlaisibh. <sup>b</sup> thaitneachd.

<sup>c</sup> fhìonain. <sup>d</sup> boladh do shròna.

<sup>e</sup> gu dhreach. Eabh. <sup>f</sup> a dhéidh.

<sup>g</sup> tàmhamaid.



teachd fuidh bhlàth<sup>a</sup>, am bheil an fhion-dhearc bheag<sup>a</sup> ga noddadh féin, am bheil na pomgranait air briseadh a mach<sup>b</sup>: an sin bheir mi mo ghràdh dhuit.

13 Tha na mandraga<sup>c</sup> a' tabhairt faile cùbhraibh uatha; agus aig ar geataibh, gach meas a's taghta, ùr agus sean, fhir mo ghràidh, thaisg mi dhuitse.

## CAIB. VIII.

**I**Struagh nach robh thu mar mo bhlàthair, a dheothail clochan mo mhàthar! Nam faighinn a muigh thu, phògann thu, agus cha deantadh tàir orm<sup>d</sup>.

2 Thredraichinn thu, bheirinn leam thu do thigh mo mhàthar, a theagaisgeadh mi<sup>e</sup>; bheirinn ort òl do fhion spiosradh<sup>f</sup>, do shùglh mo phiomgranait.

3 Bhiodh a làmh chli fo m' cheann, agus bhiodh a làmh dheas timchioll orm.

4 Cuiream mar fhiachaibh oirbh, a nigheana Ierusalem, [air earbaibh agus air eildibh na machrach], nach cuir sibh dragh air, agus nach dùisg sibh mo ghràdh gus an àill leis féin.

5 Cò ise a ta teachd a nìos o'n fhàsach, an taice ri fear a gràidh? Fuidh'n chraoibh-ubhall thog mi suas thu; an sin bha do mhàthair ri saothair ort; an sin bha i ri saothair, rug i thu.

6 Cuir mise mar sheula air do

<sup>a</sup> air briseadh a mach.

<sup>b</sup> fuidh bhlàth.

<sup>c</sup> dudaim.

Eabh.

<sup>d</sup> gidheadh cha'n

fhaighinn masladh.

<sup>e</sup> Tal-

madni. Eabh.

<sup>f</sup> measgta le

spiosraidh.

chridhe, mar sheula air do ghairdean; oir làidir mar am bàs a ta'n gràdh, an-ìochdmhor mar an uaigh an t-eud: is eibhle teine 'eibhle-san, lasair ro gharg.

7 Cha'n urrainn uisgeacha lìonmhor an gràdh a mhùchadh<sup>g</sup>, agus cha bhàth na tuitlean e. Nand'thugadh duine uile mhaoin a thighe air son gràidh, dheanadh daoine tàir air gu tur.

8 Tha piuthar bheag againn, agus cha 'n'eil clochan aice: ciod a nì sinn air son ar peathar, 'san là anns an labhrar m'a timchioll?

9 Ma's balladh i togaidh sinn oirre lùchairt airgid; agus ma's dorus i, dùinidh sinn suas<sup>h</sup> i le bordaibh seudair<sup>i</sup>.

10 Bu bhalladh mi, agus bha mo chlochan mar thùraibh: an sin blia mi na shùilibh mar aon a fhuair deadh-ghean.

11 Bha fion-lios aig Solamh ann am Baal-hamon; dh'earb e am fion-lios ri<sup>k</sup> luchd-coimhid; bha gach fear gu tabhairt da, air son a thoraidh, mìle bonn airgid.

12 Tha'm fion-lios a's leam-sa fa m' chomhair: tha am mìle bonn dhuitse, a Sholaimh, agus dà cheud do luchd-coimhid a thoraidh.

13 O thusa a chòmhnuicheas anns na liosaibh, tha do chompanaich<sup>l</sup> a' cluinntinn do ghutha, thoir orm-sa a chluinntinn.

14 Luathaich ort, fhir mo ghràidh, agus bi cosmhail ri h-carb, no ri laogh féidh air bheanntaibh nan spiosraidh.

<sup>g</sup> a chur as.

<sup>h</sup> còmhdaich-

idh sinn.

<sup>i</sup> ceudair.

<sup>k</sup> shuidhich e am fion-lios air.

<sup>l</sup> chaidhreamhaich.

## I S A I A H.

## CAIB. I.

**T**AISBEANADH Isaiah, mhic Amois, a chunnaic e mu thimchioll Iudah agus Ierusalem, ann an laithibh Usiah, Iotaim, Ahais, agus Hesechia, righrean Iudah.

2 Cluinibh O nèanha, agus tabhair éisdeachd O thalamh, oir tha an Tighearn a' labhairt: Dh'altruim

mise, agus thog mi suas clann; agus rinn iadsan ceannairc a'm' aghaidh.

3 Is aithne do'n damh a shealbhadair, agus do'n asail prasach a maighstir; ach cha n-aithne do Israel; cha 'n'eil mo shluagh-sa a' toirt fa'near.

4 Ah, cinneach peacach! sluagh

Iuchdaichte le h-aingidheachd ! siol nan daoibh ! clann a ta nain milltear-aibh ! thréig iad an Tighearn, bhros-naich iad Ti naomha Israeil gu feirg, dh'fhalbh iad air an ais.

5 C'ar son a bhuailear sibh ni's mò ? théid sibh ni's faide agus ni's faide air seacharan. Tha an ceann uile tinn, agus an cridhe uile fann.

6 O bhonn na coise gu ruig an ceann, cha 'n'eil fallaineachd ann; ach lot, agus bruthadh, agus creuchd lobhta; cha do theannaicheadh ri chéil' iad, cha do cheangladh suas iad, cha do thaisicheadh le h-oladh iad.

7 Tha bhuir tìr fàs, tha bhuir bailtean air an losgadh le teine; bhuir fearann, tha coigrich 'ga itheadh suas 'n'ur làthair; agus dh'fhàsaichidh e, mar gu'm biodh e air a sgrios le sluagh coimheach.<sup>b</sup>

8 Agus tha nighean Shìoin air a fàgail mar bhothan ann am fion-lios, mar thigh-fasgaidh ann an gàradh chularan, mar bhaile air a theannachadh le naimh-dibh.

9 Mur bhiodh gu'n d'fhàg Tighearn nan sluagh iarraidh ro bheag againn; 's ann a bhitheamaid mar Shodom, bhiomaid cosmhuil ri Gomorrah.

10 Cluinnibh focal-an Tighearna, O uachdarana Shodoim; éisdibh ri lagh ar Dé-ne, a mhuinntir Ghomorrah:

11 Ciod e lìonmhoireachd 'ur n-ìobairtean dhomh-sa ? deir an Tighearn: tha mi làn do thàbhartasaibh loisgte reitheachan, agus do shàill bheathaichean biadhtha; ach ann am fuil tharbh, agus uan, agus bhoc gaibhre, cha 'n'eil mo thlachd.

12 An uair a thig sibh gu'r taisbeanadh féin ann am làthair-sa, cò dh'iarr so air 'ur làimh, mo chùirt-ean-sa a shaltairt?

13 Na tugaibh tabhartas dìomhain uaibh ni's mò: tha tùis na gràineal-achd dhomh; a' ghealach ùr, agus an t-sàbaid, gairm à chiomhchruinnich, cha'n fheudar leam 'fhulang; is eu-ceart eadhon an co-ghairm naomha.

14 Blur gealaichean ùra, agus 'ur féillean suidhichte, is fuath le m'an-am; tha iad nan eallaich orm; tha mi sgèth d'an giùlan.

15 Agus an uair a shìneas sibh mach 'ur làmhan, folaichidh mise mo shùilean uaibh; seadh an uair a nì sibh iomadh ùrnuigh, cha n-éisd mi: tha 'ur làmhan làn fola.

16 Nighibh, glanaibh; cuiribh air falbh olc 'ur deanadais as mo sheall-adh<sup>c</sup>; sguiribh do'n olc;

17 Fòghlumaibh maith a dhean-amh; iarraibh breitheanas; dean-aibh fuasgladh air an fhear tha sàruichte; cumaibh còir ris an dilleachdan; tagraibh cùis na ban-traich.

18 Thigibh nis, agus tagramaid le chéile, deir an Tighearn; ged' robh 'ur peacanna mar an scarlaid, bithidh iad geal mar an sneachda; ged' robh iad dearg mar chorcur, bithidh iad mar olainn.

19 Ma bhitheas sibh toileach agus umhal, ithidh sibh toradh maith an fhearrainn:

20 Ach ma bhios sibh eas-umhal<sup>d</sup> agus ceannairceach, ithear suas sibh leis a' chlaidheamh; oir labhair beul an Tighearn e.

21 Cionnas a dh'fhàs a' chathair dhìleas na strìopaich ! bha i làn do bhreitheanas, bha ionracas a' gabhail còmhnuidh innte, ach nis mortaireann.

22 Tha d'airgiod air fàs na shal-char<sup>e</sup>; tha d'fhòn air a mheasgadh le h-uisge.

23 Tha d'uachdarain ceannairceach, agus nan companàchaibh mheirleach; tha gach aon diubh an geall air tiodhlacadh, agus a leant-uinn dhuaisean; ris an dilleachdan cha 'n'eil iad a' cumail cothroim, agus cùis na bantraich cha 'n'eil a' teachd nan làthair.

24 Uime sin deir an Tighearn, Tighearn nan sluagh, Ti cumhachd-ach Israeil, Aha, bheir mi fois dhomh féin a thaobh m'eascairdean; diolaidh mi mi féin air mo naimh-dibh.

25 Agus pillidh mi mo làmh ort, agus glanaidh mi uait do shalchar gu ro ghlan, agus bheir mi air falbh d' uile stòin.

26 Agus aisgidh mi do bhreith-eamhna mar air tùs, agus do chomh-àirlichean mar a bha iad an toiseach; na dhéigh sin goirear dh'ot baile na fireantachd, a' chathair dhìleas.

27 Saorar Sion ann am<sup>f</sup> breitheanas, agus a muinntir iompaichte ann am<sup>g</sup> fireantachd.

28 Agus claidhear luchd-easaontais agus peacaich maraon; agus bithidh iadsan a thréigeas an Tighearn air caitheamh as.

29 Oir gabhadh iad nàir do na daragaibh a mhiannaich sibh; agus bithidh rugha gruaidh oirbh air son nan liosan a ròghraich sibh:

30 Oir bithidh sibh mar dharaig zig am bheil a duilleach air seargadh, agus mar lios anns nach 'eil uisge.

31 Agus bithidh an duine làidir mar asgart, agus 'oibriche<sup>h</sup> mar

<sup>a</sup> droch dhaoine.

<sup>b</sup> tuil.

<sup>c</sup> as làthair mo shùl. Eabh.

<sup>d</sup> mi-fhreagarach.

<sup>e</sup> le.

<sup>e</sup> shal, shlaoit.

<sup>g</sup> le.

<sup>h</sup> obair.

shrad: agus loisgidh iad le chéile cuideachd, agus cha bhi neach ann a mhùchlas iad.

## CAIB. II.

**A**M focal a chunnaic Isaiah mac Amois mu thimchioll Iudah agus Ierusalem.

2 Tarlaidh anns na lathaibh deir-eannach gu'm bi sliabh tighe an Tighearna air a dhaingneachadh air mullach nan sleibhteann; agus ard-aichear e os ceann nam beann; agus sruthaidh na h-uile chinnich d'a ionnsuidh.

3 Agus théid mòran shlògh, agus their iad, Thigibh, agus rachamaid suas gu sliabh an Tighearna, gu tigh Dhé Iacoib; agus teagaisgidh e sinn mu a shligheibh, agus imichidh sinn na cheumaibh; oir o Shion théid an lagh a mach, agus focal an Tighearna o Ierusalem.

4 Agus bheir e breth am measg nan cinneach, agus bheir e achiasan do mhòran shlògh; agus buailidh iad an claidhean gu coltair, agus an sleaghan gu corraibh-sgathaidh; clia tog cinneach claidheamh an aghaidh cinnich, agus cha n-flògh-lum iad cogadh ni's mò.

5 O thigh Iacoib, thigibh agus micheamaid ann an solus an Tigh-earna.

6 Air an aobhar sin thréig thu do shluagh, tigh Iacoib, a clionn gu bheil iad air an lìonadh o'n àird an ear, agus nan luchd-fiosachd mar na Philistich; agus tha an tlachd ann an cloinn choigreach.

7 Agus tha an tìr air a lìonadh le airgid, agus òr, agus cha 'n'eil crìoch air an ionmhasaibh; tha an tìr air a lìonadh le h-eachaibh, agus cha 'n'eil crìoch air an carbadaibh.

8 Tha an tìr fòs air a lìonadh le h-lodholaibh; tha iad a sleuchdadh do obair an làmha féin, do'n ni sin a rinn am meoir féin.

9 Agus tha an duine suarach a' cromadh sìos, agus tha an duine àrd 'ga ìsleachadh féin; agus cha tabhair thusa maithneas dhoibh.

10 Imich a steach do'n charraig, agus folaich thu féin anns an ùir, roimh uamhas an Tighearna, agus o ghlòir a mhòrachd.

11 Ìslichear sealladh a uabhbreach an duine mhòir, agus leagar sìos ardan nan daoine suarach; agus bithidh an Tighearna na aonar air 'àrdachadh anns an là sin.

12 Oir thig là Tighearna nan sluagh air gach neach a ta uabhr-each agus àrd, agus air gach neach a ta air a thogail suas, agus leagar sìos e;

13 Agus air uile sheudaraibh Le-

banoin, a ta àrd agus togtà suas; agus air uile dharagaibh Bhasain;

14 Agus air na h-uile bheanntaibh arda, agus air na h-uile chnocaibh a tha togtà suas;

15 Agus air gach tìr àrd, agus air gach balladh daingnichte;

16 Agus air uile longaibh Tharsuis, agus air ua h-uile dhealbhaibh sgiamhach.

17 Agus ìslichear uabhar an duine mhòir, agus leagar sìos ardan nan daoine suarach; agus bithidh an Tighearna na aonar air 'àrdachadh anns an là sin.

18 Agus cuiridh e na h-lodholan gu buileach air cùl.

19 Agus théid iad a steach ann an còsaibh nan creag, agus ann an tuill<sup>b</sup> na talmhainn, roimh uamhas an Tighearna, agus o ghlòir a mhòrachd, 'nuair a dh'éireas e a chrathadh na talmhainn gu h-uamhasach.

20 Anns an là sin tilgibh duine 'lodholan airgid agus 'lodholan òir, a rinn iad, gach aon dha féin, gu sleuchdadh dhoibh, chum nam famh agus chum nan ialtag;

21 Gu dol a steach ann an còsaibh nan creag, agus ann am mullaichibh nan sgeir, roimh uamhas an Tighearna, agus o ghlòir a mhòrachd, 'nuair a dh'éireas e a chrathadh na talmhainn gu h-uamhasach.

22 Leigibh dhibh<sup>c</sup> ur dùil ri duine, aig am bheil 'anail na chuinneanaibh; oir ciod am fàth mu'n gabhar meas<sup>c</sup> dheth?

## CAIB. III.

**O**IR feuch, bheir an Tighearna, Tighearna nan sluagh, air falbh o Ierusalem agus o Iudah, an lorg agus am bata, nìle lorg an arain, agus uile lorg an uisge,

2 An treun-fhear agus am fear-cogaidh, am breitheamh agus am fàidh, an duine glic<sup>d</sup> agus an sean-air;

3 An ceannard air leth-chend agus an duine urramach, agus an comhairliche agus am fear-ceirde seolta, agus an cainnt-fhear deas bhriathrach.

4 Agus ni mi leanabana nan uachdaranaibh orra, agus riaghlaidh naoidheana<sup>e</sup> os an ceann.

5 Agus bithidh an sluagh air an sàruchadh, gach fear le chéile, agus gach fear le 'choimheatsnach; ni an t-òganach tàir air an aosda, agus an duine an-uasal air an duin' uasal.

6 An uair a ghlacas fear a bhràthair, do thigh 'athar, air a thrusgan,

<sup>b</sup> uamhaibh.

<sup>c</sup> suim.

<sup>d</sup> geur-chùiseach, fad-sheallach.

<sup>e</sup> naoidheachain.

ag ràdh, Thig, agus bi a'd' fhear-riaghlaidh oirnn, agus biodh an t-aomadh<sup>a</sup> so fuidh do làimh-sa<sup>b</sup>:

7 Bheir e briathar<sup>c</sup> air an là sin, ag ràdh, Cha bhi mis' a'm' fhear-slanuich dhuibh; oir ann am thighsa cha 'n'eil biadh no eudach; na cuiribh mise suas a'm' fhear-riaghlaidh air an t-sluagh.

8 Oir tha Ierusalem air aomadh sìos, agus Iudah air tuiteam; a chionn gu bheil an teanga agus an deanadas an aghaidh an Tighearna, a chur cathachaidh air sùilibh a ghèidre.

9 Tha sealladh an gnùise a' toirt fianuis nan aghlaidh; agus tha iad, a' deanamh ain peacaidh follasach, mar Shodom; cha 'n'eil iad 'ga fholach; is truagh do an anamaibh, oir thug iad olc<sup>d</sup> orra féin.

10 Abraibh ris an ionracan gur maith a dh'éireas dha; oir toradh an gnòmhara ithidh iad.

11 Is an-aobhlin do'n aingidh; is olc a dh'éireas dha-san; oir diolar dha obair a làmh a féin.

12 Do thaobh mo shluaigh-sa, tha clann a' deanamh sàruchaidh orra, agus tha mnathan<sup>e</sup> a' riaghladh os an ceann. O mo shluagh, tha do chinn-iuil 'gad chur ar seacharan, agus a' fiaradh slighe do cheumanna.

13 Tha an Tighearn a' seasamh suas chum tagraidh; agus tha e a' seasamh a thabhairt breith air an t-sluagh.

14 Tionnsgnaidh an Tighearn ann am breitheanas ri seanoiribh a shluaigh, agus ri an uachdaranaibh; oir dh'ith<sup>f</sup> sibh suas am fion-lios; tha creach nam bochd ann 'ur tighibh.

15 Ciod a's ciall duibh, gu bheil sibh a' pronnadh mo shluaigh, agus a' bleth eudanna nam bochd? deir Iehobhah Tighearn nan sluagh.

16 Os-barr, thubhairt an Tighearn, A chionn gu bheil nigheana Shioin uallach<sup>g</sup>, agus ag imtheachd le muinealaibh<sup>h</sup> sìnte mach, agus le sùilibh meara<sup>i</sup>, ag imtheachd le ceumaibh iullagach, agus a' deanamh fuaime le'n cosaibh<sup>k</sup>:

17 Uime sin ni an Tighearn maoll mullach cinn nigheana Shioin, agus leigidh an Tighearn ris an nair<sup>l</sup>.

18 Anns an là sin bheir an Tighearn air falbh àille nan cos-fhàinn-

eacha, agus na bréidean, agus na samhlachan-gealaich,

19 Na cluigeanan, agus na làmh-fhaillean, agus na sgàilean,

20 Na cuailleanan, agus na glùineana, agus na foilteana, agus na soir-eachan-boltraich, agus na cluas-fhàinnean,

21 Na fàinneachan, agus na seuda-sròine,

22 Na trusgana lasach<sup>m</sup>, agus na tonnaga, agus na falluingean, agus na deilg,

23 Na sgàthan, agus na leintean anairt, agus na curaichdean, agus na brata-sgàile.

24 Agus an àit deagh bholaidh bithidh bréine, agus an àit criosa bithidh srachd, agus an àit fuil air a dheadh-chleachdadh bithidh maoile, agus an àit crios-uchd bithidh ceanglachan saic-eudaich, agus losgadh<sup>n</sup> an àit maise.

25 Tuitidh do dhaoine leis a' chlaidheamh, agus do threun-fhir anns a' chogadh.

26 Agus ni a geatacha caoidh agus bròn, agus suidhidh si, gu h-aonar-anach<sup>o</sup>, sìos air an làr.

#### CAIB. IV.

**A** GUS ni seachd mnathan greim air aon fhear 'san là sin, ag ràdh, Ar n-aran féin ithidh sinn, agus ar n-eudach féin caithidh sinn; a mhàin biomaid air ar n-ainmeachadh ortsa, a thoirt air falbh ar mìchliu.

2 Anns an là sin bithidh meangan an Tighearna sgiamhach agus glòrmhor, agus toradh an fhearainn oirdheirc agus maiseach, dhoibh-san a thèid as do Israel.

3 Agus tarlaidh, an neach a dh'fhàgar ann an Sion, agus a dh'fhanas ann an Ierusalem, goirear esan naomh, eadhon gach aon a ta scrìobhta am measg nam beo ann an Ierusalem.

4 An uair a nigheas an Tighearn air falbh salchar nigheana Shioin, agus a ghlanas e fuil Ierusalem as a meadhon, le spiorad breitheanais, agus le spiorad losgaidh.

5 Agus cruthaichidh an Tighearn air gach àite-tàimh do shliabh Shioin, agus air a coimh-thionalaibh, neul anns an là, agus deatach, agus dealradh teine lasraich anns an oidliche; oir thar a' ghèidir uile bithidh còmhach.

6 Agus bithidh e na bhùth, air son sgàile o'n teas anns an là, agus air son dèidh, agus air son ionaid-fasgaidh o'n doinnn agus o'n uisge.

<sup>a</sup> am maidhm.

<sup>b</sup> an taice

riut-sa.

<sup>c</sup> togaidh e a làmh.

Eabh.

<sup>d</sup> dhiol iad olc, thug iad

droch dhiol.

<sup>e</sup> mnai.

<sup>f</sup> loisg.

<sup>g</sup> sgòdail.

<sup>h</sup> amhachaibh.

<sup>i</sup> mireagach, beag-nàrach.

<sup>k</sup> le ailleaganaibh an cos.

<sup>l</sup> carrach.

<sup>m</sup> so-mhùthta.

<sup>n</sup> dòthadh.

<sup>o</sup> gu h-uaigneach, air a fàsachadh.



## CAIB. V.

**S**EINNIDH mi nis do fhear mo ghràidh, dran le fear mo ghràidh mu thimchioll a lios-fiona. Bha aig mo ghràidh-sa fion-lios air cnoc àrd tarbhach.

2 Agus chuir e callaid m'a thimchioll, agus ghlan e na clachan as, agus shuidhich e rogha fionain ann, agus thog e tùr na inheadhon, agus cuideachd chladhaich e amar-fiona; agus dh'amhairc e dh'fheuchainn an tugadh e mach dearcana fiona, agus thug e mach dearcana fiadhain <sup>a</sup>.

3 Agus nise, O luchd-àiteachaidh Ierusalem, agus fheara Iudah, thug-aibh breth, guidheam oirbh, eadar mise agus m'fhion-lios.

4 Ciod tuilleadh a ghabhadh dean-amh <sup>b</sup> ri m' fhion-lios nach d'rinn mi ann? C'ar son, an uair a dh'amhairc mi an tugadh e mach dearcana fiona, a thug e mach dearcana fiadhain?

5 Agus nis thigibh, nochdaidh mise dhuibh ciod a ni miri m' fhion-lios; bheir mi air falbh a challaid, agus ithear suas e; brisidh mi a bhalladh, agus bithidh e air a shalt-airt sìos.

6 Agus cuiridh mi fàs e; cha sgathar e, agus cha ruamhairear e; ach fàsaidh an dris agus an droighinn ann; agus bheir mi àithne do na neulaibh nach fras iad uisge air.

7 Oir is e fion-lios Tighearna nan sluagh tigh Israeil, agus daoine Iudah luibh <sup>c</sup> a mhòr thlachd; agus bha sùil aige ri bhreitheanas, agus feuch ain-tighearnas; ri ceartas, agus feuch gaoir ghoirt.

8 Is an-aobhin dhuibhse <sup>d</sup> a ta cur tìge ri tigh, agus a' cur achaidh ri achadh, gus nach bi àit ann, agus gu'n gabh sibh còmhnuidh air leth <sup>e</sup> ann an meadhan na tìre.

9 Ann mo chluasaidh thubhairt Tighearna nan sluagh, Cu deimhin bithidh iomadh tigh fàs, tìghean mòra agus maiseach, gun neach a' gabhail còmhnuidh anna.

10 Bheir deich acairean do fhion-lios aon bhat fiona, agus bheir Homer do shìol uaith Ephai.

11 Is an-aobhin dhoibh-san a dh'èireas gu moch 'sa mhaduinn, a dhol an deigh dibhe làidir; a bhuan-aicheas gu feasgar, ionnas gu'n cuir am fion teas orra.

12 Agus tha a' chlarsach, agus a' clruit-chiùil, agus an tabor, agus a' phib, agus fion nan cuirmibh <sup>f</sup>; ach obair an Tighearna cha'n 'eil iad a'

cur an suim, agus gnìomh a làmh cha'n 'eil iad a' toirt fa'near.

13 Uime sin tha mo shluagh air dol ann am braighdeanas, a chionn gu bheil iad gun eòlas; agus tha an uaislean air bàsachadh le gort, agus an islean air tiormachadh le tart.

14 Air an aobhar sin inheudaich an uaigh <sup>g</sup> a ciocras, agus dh'fhosgail i a beul thar tomhas; agus thèid an glòir, agus am mòr shluagh, agus an greadhachas, agus esan a ta ri aighir, sìos d'a h-ionnsuidh.

15 Agus leagar sìos an duine suarach, agus islichear an duine cumhachdach, agus islichear sùilean nan uaibhreach.

16 Ach bithidh Tighearna nan sluagh air 'ardachadh ann am breitheanas; agus bithidh an Dia naomh air a naomhachadh ann an ceartas.

17 An sin ionaltraidh na h-uain mar a's àbhaist doibh <sup>h</sup>; agus ithidh coigrich machraichean fàsail na muinntir reamhair.

18 Is an-aobhin dhoibh-san a tha tarruing aingidheachd le cordaibh dlomhanais, agus peacaidh mar le taodaibh feuna;

19 A deir, Deanadh e deisr, luath-aicheadh <sup>i</sup> e 'obair, a chum gu'm faic sinn; agus dlùthaicheadh comhairle Ti naomha Israeil, agus thigeadh i gu crìch, a chum gu'm bi fios againn.

20 Is truagh dhoibh-san a deir maith ri olc, agus olc ri maith; a ta cur dorchadais an àit soluis, agus soluis an àit dorchadais; a ta cur an t-seirbh an àit a' mhillis, agus a' mhillis an àit an t-seirbh.

21 Is truagh dhoibh-san a ta glic nam barail <sup>k</sup> féin, agus nam beachd, féin tuigseach <sup>l</sup>.

22 Is truagh dhoibh-san a ta làidir a dh'òl fiona, agus nan daoinibh neartmhor a mheasgadh dibhe làidir;

23 A ta saoradh a' chiontaich air son duaise; agus a toirt ionracais an fhèin air falbh uaith.

24 Uime sin mar a dh'imlicheas teanga an teine suas an asbhuaire, agus a chnàmhais an lasair am moll: mar sin bithidh an freumh-san mar fhiodh grod, agus thèid am blàth suas mar dhuslach; a chionn gu'n do dhiùlt iad le tàir lagh Tighearna nan sluagh, agus gu'n do chuir iad cùl ri focal Ti naomha Israeil.

25 Air an aobhar sin tha corruich an Tighearna air lasadh an aghaidh

<sup>a</sup> dearcana groda.  
tadh dheanamh.

<sup>d</sup> dhoibh-san.

<sup>f</sup> nam fleadhaibh.

<sup>b</sup> a dh'fhead-

<sup>c</sup> dos, bad.

<sup>e</sup> leibh fein.

<sup>g</sup> ionad nam marbh, an saoghal neo-fhaicsineach.

<sup>h</sup> anns an àit gus an iomainear iad.

<sup>k</sup> sùilibh. Eabh.

<sup>l</sup> eagnaich.

<sup>h</sup> anns an àit gus an greasadh.

<sup>i</sup> crìonna,

a shluaigh; agus shìn e mach a làmh nan aghaidh, agus bhuail e iad; agus chrìothuaich na sleibhteann, agus bha an colainnean mar aolach air mheadhlon nan sràidean. Air son so uile, cha 'n'eil a chorruich air pill-eadh air falbh? ach tha a làmh fathast sìnte mach.

26 Agus togaidh e suas bratach do na cinneachaibh am fad as, agus nì e fead air an son o iomall na talmhainn; agus feuch, le deifir thig iad gu luath.

27 Cha bhì aon neach fann, agus cha bhì aon neach tuisleach nam measg; cha tig clò, cha tig codal air aon duinn; cha n-fhuasgailear crios an leasraidh, agus cha bhrisear barr-iall am bròg.

28 Aig am bheil an saighdean geuraichte, agus am boghachan uile air ghleus<sup>a</sup>; bithidh iongana an eacra air am meas mar aibhinn, agus an rothan mar chuairt-glaoith<sup>b</sup>.

29 Bithidh am beucaich mar leòmh-an boireann; beucaidh iad mar leòmhanaibh òga; agus nì iad nuall-an, agus glacadh iad a' chreach, agus togaidh iad leo i, agus cha bhì neach ann a theasairgeas.

30 Agus anns an là sin beucaidh iad nan aghaidh, mar bheucaich na fairge; agus seallaidh iad air an talamh, agus feuch, dorchadas agus teanntachd; agus bithidh an solus air a dhìorchachadh ann a' speur-aibh.

# CAIB. VI.

**A**NNS a' bhliadhna 'san d'fhuair an rìgh Usiah bàs, chunnaic mi an Tighearn na shuidhe air caithir rioghail, àrd agus togta suas; agus lìon iomall<sup>d</sup> a thruscain an teampull.

2 Os a cheann sheas seraphim: aig gach aon bha sè sgiathan; le dithis chòmhdach e' aghaidh, agus le dithis chòmhdach e a chasan, agus le dithis rinu e itealaich.

3 Agus ghlaodh iad, gach aon r'a chéile, agus thubhairt iad, is naomh, naomh, naomh Tighearn nan sluagh; cha an talamh uile làn d'a ghàidh.

4 Agus ghluais ursannan an doruis le guth an t-ia ghlaodh, agus lìonadh an tigh le deataich.

5 Agus thabhairt mi, Mo thruaighe mise! oir chaidh as domh<sup>e</sup>; oir is duine mi aig am bheil bilean neoghlan, agus am measg sluagh aig am bheil bilean neoghlan tha mi a'm' chòmhnuidh; oir chunnaic mo

<sup>a</sup> air lagh, deasaichte. <sup>b</sup> iom-ghaith. <sup>c</sup> anns na. <sup>d</sup> carr, sgiobull. <sup>e</sup> chuireadh as domh, chlaoidheadh mi.

shùilean an Rìgh, Tighearn nan sluagh.

6 An sin thàinig aon do na seraphim ag itealaich a m'ionnsuidh, agus na làmh eibhleag bheo, a thug e leis a' chlobha bharr na h-aithe; agus bhean e ri mo bheul, agus thubhairt e, Feuch, bhean so ri d' bhlìbh; agus tha d' aingidheachd air a toirt air falbh, agus do lochd air a ghlanadh.

8 Agus chuala mi guth an Tighearna ag ràdh, Cò leis a chuireas mi fios? agus cò thèid air ar son? Agus thubhairt mi, Feuch, tha mis'an so; cuir fios leam-sa.

9 Agus thubhairt e, Rach, agus abair ris an t-sluagh so, Cluinnibh do rìreadh<sup>f</sup>, ach na tuigibh; agus faicibh do rìreadh<sup>g</sup>, ach na tugaibh faineir.

10 Dean cridhe an t-sluaigh so reamhar; agus dean an cluasan trom, agus drùid an sùilean; mu'm<sup>h</sup> faic iad le'n sùilibh, agus mu'n cluinn iad le'n cluasanibh, agus mu'n tuig iad le'n cridheachaibh, agus gu'n iompaichear iad, agus gu'm bi iad air an slànuchadh.

11 An sin thubhairt mise, Cia shad Thighearna? Agus thubhairt esan, Gus an cuirear bailtean fàs, gun neach'gan àiteachadh; agus tighean, gun duine a gabhail còmhnuidh anna; agus gu'm bi am fearann gu tur air fhasachadh;

12 Agus gu'm fògair an Tighearn daoine am fad as; agus gu'm bi fàs-alachd mhòr ann am meadhon na tìre.

13 Ach fathast bithidh deachamh innte; agus pillidh e, agus caithear e; mar an cuillionn agus an darach, aig am bheil brìgh anna, ged' thilg iad an duilleach<sup>i</sup>; mar sin bithidh sìol naomha na bhàrr innte-san.

# CAIB. VII.

**A**NN an lathaibh Ahais mhic Iosaim mhic Usiah, rìgh Iudah, chaidh Resin rìgh Shiria, agus Pecah mac Remaliah rìgh Israeil, suas do Ierusalem, a chogadh na h-aghaidh, ach cha b'urrainn iad buadhachadh oirre.

2 Agus dh'innseadh do thigh Dhaibhidh, ag ràdh, Tha Siria ann an co-bhoine ri Ephraim; agus bha a chrìdhe air a ghluasad, agus cridhe a shluaigh; mar a ghluaisear craobhan na coille roimh'n ghaoith.

3 Agus thubhairt an Tighearn ri Isaiah, Rach a mach nis an codhail

<sup>f</sup> ag cluinntinn cluinneibh. Eabh. <sup>g</sup> a' faicsinn faicibh. Eabh. <sup>h</sup> air eagal gu'm. <sup>i</sup> aig am bheil am bun a' fantuinn, ged' ghearrar sìos iad.

Ahas; thu féin, agus Sear-iasub do mhac; aig ceann sruth-chlais na linne uachdaraich, air slighe achaidh an luadhaid; <sup>a</sup>

4 Agus abair ris, Thoir an aire, agus bi a'd' thosd; na gabh eagal, agus na bi lag-chridheach, air son dà earr<sup>a</sup> nan àithinnean<sup>b</sup> smùidreach so, airson corruich Resin agus Shiria, agus mhic Remaliah.

5 Air son gu'n do dhealbh Siria, Ephraim, agus mac Remaliah, olc a'd' aghaidh, ag ràdh,

6 Rachamaid suas an aghaidh Iudah, agus teannaicheamaid e, agus briseamaid a steach, agus cuireamaid rìgh suas gu rìoghachadh na mheadhon eadhon mac Thabeail.

7 Mar so deir an Tighearn Iehoblah, Cha seas e, ni mò thig e gu crìch.

8 Ged' e is e ceann Shiria Damascus, agus ceann Dhamascuis Resin; gidheadh<sup>d</sup> an taobh a stigh do chùig agus trì fichead bhliadhna, bithidh Ephraim air a bhriseadh, ionnas nach bi e na chinneach;

9 Ged' is e ceann Ephraim Samaria, agus ceann Shamaria mac Remaliah. Mur creid sibh, gu cinnteach cha bli sibh seasmhach.

10 Agus labhair an Tighearn fathast ri Ahas, ag ràdh,

11 Iarr dhuit féin comharadh o'n Tighearn do Dhia; iarr anns an doimhne, no anns an àirde shuas.

12 Ach thubhairt Ahas, Cha n-iarr mi, ni mò abhuairas mi an Tighearn.

13 Agus thubhairt esan, Eisdibh nis, a thigh Dhaibhidh; am beag leibh daoin' a sgitheachadh; ach an sgithich sibh fòs mo Dhia?

14 Air an aobhar sin, bheir an Tighearn féin comharadh dhuibh; Feuch, bithidh òigh<sup>e</sup> torrach, agus beiridh si mac; agus bheir i Immanuel mar ainm air.

15 Im agus mil ithidh e, gus an f tuig e an t-olc a dhiùltadh, agus am maith a ròghnachadh.

16 Oir mu'n aithne do'n leanabh<sup>g</sup> an t-olc a dhiùltadh, agus am maith a ròghnachadh, fàsaichear fearann an dà rìgh leis am bheil thu air do chlaoidheadh.

17 Bheir an Tighearn ort-sa, agus air do shluagh, agus air tigh t'athar, laithean, nach robh an leithide ann o'n là 'san do dhealuich Ephraim ri Iudah; eadhon rìgh Asiria.

18 Agus tarlaidh anns an là sin, gu'n gairm an Tighearn<sup>h</sup> a' chuill-

eag, a ta ann an iomall aibhnichean na h-Eiplit, agus an seillean, a th'ann an talamh Asiria.

19 Agus thig iad, agus luidhidh an t-iomlan diubh anns na gleann-aibh fàsail, agus ann an còsaibh nan creag, agus air gach uile dhroighnich, agus air gach uile phreas.

20 Anns an là sin lomaidh an Tigh-eann le ealtainn thuarasdoil, leis an t-sluagh air taobh thall na h-aibhne, le rìgh Asiria, an ceann agus fionna nan casan; agus bearraidh<sup>i</sup> si eadhon an fheusag.

21 Agus tarlaidh anns an là sin gu'n àraich duine bò òg agus dà chaora.

22 Agus o phailteas a' bhainne bheir iad uatha, ithidh se im; oir im agus mil ithidh gach neach a dh'fhàgar anns an tìr.

23 Agus tarlaidh anns an là sin, gach àit anns an robh mìle fionan, air am meas air mhìle bonn airgid, gu'm bi e na sgithich agus na dhroighnich.

24 Le saighdibh agus leis a' bhogha thig iad an sin; oir bithidh an talamh uile na sgithich agus na dhroighnich.

25 Agus air na h-uile chnocaibh a bhitheas air an ruamhradh leis a' chaibe, cha d'thig eagal sgithich no droighnich; ach bithidh e na àiridh<sup>k</sup> dhamh, agus na ionaltradh<sup>l</sup> mheanbh-chruidh.

## CAIB. VIII.

**A** GUS thubhairt an Tighearn rium, Gabh clàr mòr, agus sgrìobh air, le inneal-sgrìobhaidh duine mu Mhaher-salal-has-bas<sup>m</sup>.

2 Agus thug mi leam, chum dearbhaidh, fianuisean fìrinneach, Uriah an sagart, agus Sachariah mac leberechiah.

3 Agus dhlùthaich mi ris a' bhan-fhàidhe, agus dh'fhàs i torrach, agus rug i mac; agus thubhairt an Tighearn rium, Thoir mar ainm air Mahersalal-has-bas.

4 Oir mus an aithne do'n leanabh m'athair agus mo mhàthair a ràdh, togar air falbh saibhreas<sup>n</sup> Dhamascuis agus creach Shamaria, roimh rìgh Asiria.

5 Agus labhair an Tighearn fathast rium, ag ràdh,

6 A chionn gu'n do chuir an sluagh so cùl ri uisgeachaibh Shiloah, a ruitheas gu sèimh; agus gu bheil iad a' gabhail tlachd ann an Resin agus ann am mac Remaliah:

<sup>a</sup> earball.<sup>b</sup> leusan-teine.<sup>c</sup> Oir.<sup>d</sup> agus.<sup>e</sup> an òigh.

Eabh.

<sup>f</sup> a chum as gu.<sup>g</sup> do'n

leanabh so.

<sup>h</sup> dean an Tighearn

fead air.

<sup>i</sup> sguabaidh, lom-sgrìobaidh.<sup>k</sup> fhàsach, ionaltradh.<sup>l</sup> àite-

coiseachd.

<sup>m</sup> Greas chum' na

creiche, grad-ghlac a' chobhardtach.

<sup>n</sup> maoin, toice.

7 Uime sin, feuch, bheir an Tighearn a nìos orra uisgeachan na h-àibhne, làidir agus lìonmhor, eadhon rìgh Asiria agus uile ghreadhnachas; agus éiridh e os ceann a chlaisean uile, agus thèid e thar uile bhruaichibh.

8 Agus gabhaidh e roimhe air feadh Iudah, a' ruith thairis agus a' sgaoileadh eadhon gus am muineal ruigidh e; agus lìonaidh sgaoileadh a sgiathan leud do thìre-sa, O Immanuel.

9 Cruinnichibh r'a chéile, a chinn-eacha, agus brisear sibh n'ur bloighdibh; éisdibh, sibhse uile 'ta sna dùchaibh fad as; crioslaichibh sibh féin, agus brisear sibh n'ur bloighdibh; crioslaichibh sibh féin, agus brisear sibh n'ur bloighdibh.

10 Cuiribh bliur comhairle ri chéile, agus thig i gu neo-bhrìgh; labhraibh am focal, agus cha seas e; oir tha Dia leinne.

11 Oir thubhairt an Tighearn rium, le làimh làidir<sup>b</sup>, agus theagaisg e mi, a chum nach siubhlainn ann an slighe an t-sluaigh so, ag ràdh,

12 Na abraibh-se co-bhoinn ris gach nì ris an abair an sluagh so co-bhoinn; agus na gabhaibh eagal roimh an uamhas-sa, agus na biodh geilt oirbh.

13 Tighearn nan sluagh, naomhaichibh esan féin; agus biodh esan duibh na chùis-eagail, agus biodh esan duibh na aobhar ball-chrith.

14 Agus bithidh e na ionad naomh; ach na chloich-thuislidh agus na charraig-oilbheim do dhà thigh Israeil; na lion agus na ribe do luchd-àiteachaidh Ierusalem.

15 Agus gheibh mòran nam measg tuisleadh, agus tuitidh iad agus brisear iad, agus ribear agus glacar iad.

16 Ceangail suas an fhianuis, seulaich e an lagh am measg mo dheisciobul-sa.

17 Ach feithidh mise ris an Tighearn a ta foluch a gluaise o thigh Iacoib, agus bithidh sùil agam ris.

18 Feuch, tha mise, agus a' chlann a thug an Tighearn dhomh, nar comharaibh agus nar n-iongantasaibh ann an Israel, o Thighearn nan sluagh a ta na chòmhnuidh ann an sliabh Shioin.

19 Agus an uair a their iad ruibh, Iarruibh a chum nam ban-fhios-ai chean agus chum uan druidhean, muinntir a nì bìdeil agus borbhan-ai; nach bu chòir do shluagh iarraidh chum an Dé? an ann a dh'iarraidh iad a chum nam marbh, an àit nam beo?

20 Iarradh iad chum an lagha agus chum na fianuis: mar labhair iad do réir an fhocail so, 's ann a chionn nach 'eil solus ann<sup>d</sup>.

21 Agus siubhlaidh gach aon d'a thrìd, ann an teinn agus ann an gorta; agus tarlaidh, 'nuair a bhios e ann an gorta, gu'm bi corruiche air ris féin, agus mallaichidh e a rìgh agus a Dhia, agus e sealltainn suas.

22 Agus seallaidh e air an talamh, agus feuch teanntachd agus doillearachd; dubhar an àmhghair agus tiugh dhorchadas<sup>f</sup>.

## CAIB. IX.

**G**IDHEADH cha bhì an doillearachd mar a bha ri linn a h-àmhghair, an uair a bhuail e gu h-eutrom an toiseach talamh Shabuloin agus talamh Naphtali, agus na dhéigh sin bhuail e nì bu truime e<sup>g</sup>, air slighe na fairge, taobh thall Iordain, Galile na cinneach.

2 An sluagh a bha siubhal ann an dorchadas chunnaic iad solus mòr; iadsan a bha nan còmhnuidh ann an tìr sgàile a' bhàis, dh'éirich solus orra.

3 Rinn thu an cinneach lìonmhor; nachdo mheudaich thu an aoibhneas? rinn iad gairdeachas a' d' làthair, mar ghairdeachas anns an fhogharadh; mar nì daoine gairdeachas, an uair a roinneas iad a' chreach.

4 Oir bhris thu cuing 'eallaich, agus bata a ghluaine, slat an fhir a shàruich e, mar ann an là Mhidiain.

5 Oir tha gach uile chath an fhir-chogaidh le cruaidh iomairt, agus eudach air a thumadh ann am fuil; ach bithidh so le losgadh, agus conuadh air son an teine<sup>h</sup>.

6 Oir rugadh dhuinne duine-cloinne<sup>i</sup>, thugadh dhuinne mac; agus bithidh an uachdranachd air a ghualainn; agus goirear mar ainm dheth, Iongantach, Comhairliche, an Dia cumhachdach, an t-Athair sìorruidh<sup>k</sup>, Prioinna na sìthe.

7 Air fàs uachdranachd, agus air a shith, cha d'thig crìoch; air caitheir

<sup>d</sup> anns nach 'eil doillearachd sam bith. <sup>e</sup> campar.

<sup>f</sup> ruaigear e chum dorchadais.

<sup>g</sup> Ach cha bhì dorchadas innte-san a bha ann an teinn: oir anns an aimsir chaidh seachd, dh'islich e talamh Shabuloin agus talamh Naphtali, ach anns an aimsir dheireannaich rinn e glòrmhor e. <sup>h</sup> Oir uile chois-bheart an fhir-chogaidh's a' chath agus an éididh air a tumadh ann am fuil, bithidh iad a chum losgaidh, agus nan connadh do'n teine.

<sup>i</sup> leanabh. <sup>k</sup> Athair na sìorruidh-eachd. Eabh.

<sup>a</sup> sgacilidh a sgiathan thar leud do thìre. <sup>b</sup> agus e'g am ghlacadh air làimh. <sup>c</sup> diun suas, glais.



rioghail Dhaibhidh, agus air a rìogh-  
achd; chum a daingneachadh agus  
a socruchadh le breitheanas agus le  
ceartas, o so a mach agus gu sìor-  
ruidh: bheir eud Tighearna nan  
sluagh so gu crìch.

8 Chuir an Tighearna focal dh'-  
ionnsuidh Iacoib, agus thuit e air  
Israel.

9 Agus bithidh fios aig an t-sluagh  
uile, aig Ephraim agus fear àiteach-  
aidh Siimaria, a ta ag ràdh, aun an  
uail agus ardan cridhe,

10 Tha na clachan creadha air  
tuiteam, ach togaidh sinn le clach-  
aibh snaidhte; tha na craobhan sic-  
amoir air an gearradh sìos, ach cuir-  
idh sinn craobhan seudair nan àit.

11 Uime sin àrdaichidh an Tigh-  
earn luchd-mìruin Retsin na agh-  
aidh, agus togaidh esuas a naimhdean  
le chéile;

12 Na Sirianaich o'n taobh bhedil,  
agus na Philistich o'n taobh chùil;  
agus ithidh iad suas Israel le beul  
farsuing. Air son so uile cha 'n'eil  
a chorruich air a pilleadh zir falbh;  
ach tha a làmh fathast sìnte mach.

13 Ach cha 'n'eil an sluagh so air  
pilltinn ris an ti a bhuail iad; ni  
mò dh'iarr iad Tighearna nan sluagh.

14 Uime sin gearraidh an Tigh-  
earn as o Israel an ceann agus an  
t-earball, a' gheug agus an luachair,  
ann an aon latha.

15 An duine aosmhor agus urram-  
ach, is esan an ceann; agus am  
fàidh a ta teagasg bréige, is esan an  
t-earball.

16 Oir tha luchd-stiùraidh an  
t-sluaigh so 'gan cur air seacharan;  
agus bithidh iadsan a stiùrar leo air  
an slugadh suas.

17 Air an aobhar sin cha dean an  
Tighearna gairdeachas os ceann an  
dganacha, ni mò ni e iochd ri'n dill-  
eachdanaibh agus am bantrachaibh;  
oir tha gach aon diubh na chealgoir  
agus na fhear dòbheirt, agus tha  
gach beul a' labhairt amaideachd.  
Air son so uile cha 'n'eil a chorruich  
air a pilleadh air falbh, ach tha a  
làmh fathast sìnte mach.

18 Oir loisgidh aingidheachd mar  
theine; ithidh si suas an dris agus  
an droighinn; agus cuiridh si ri  
theine badan na frithe; agus éirigh  
iad an àird nan smùid a' dol suas.

19 Trid corruich Tighearna nan  
sluagh dhorchaidheadh an tìr; agus  
bithidh an sluagh mar chonnadh air  
son an teine; cha dean duine iochd  
air a bhràthair féin.

20 Agus bheir e teum air an làimh  
dheis, agus gidheadh bithidhe ocrach;  
agus ithidh e suas air an làimh

chlàith, agus cha bhi iad sàsuichte;  
ithidh gach duine feoil a ghàirdein  
féin.

21 Ithidh Manaseh Ephraim, agus  
Ephraim Manaseli; agus bithidh iad  
le chéile an aghaidh Iudah. Air son  
so uile cha 'n'eil a chorruich air a  
pilleadh air falbh; ach tha a làmh  
fathast sìnte mach.

## CAIB. X.

IS truagh dhoibh-san a ta 'g ord-  
uchadh reachdan eucorach, na  
scriobhuichean a ta 'g àithneadh  
foirneirt.

2 A thionndadh an fheumaich o  
bhreitheanas, agus a thabhairt an  
còrach e le h-ainneart o bhochdaibh  
mo shluaigh; air chor as gu'm bi  
bantraichean nan cobhartaich  
dhoibh, agus gu'n creach iad na dill-  
leachdain.

3 Agus ciod a ni sibh ann an là an  
smachdachaidh? agus anns an léir-  
sgrios a thig o chéin? Cò dh'ionn-  
suidh a theicheas sibh chum cobhair?  
agus c'ait am fàg sibh 'ur glòir?

4 As m'eugmhais-se aomaidh iad  
sìos fo na prìosanaich, agus tuitidh  
iad fo na mairbh. Air son so uile  
cha 'n'eil a chorruich air a pilleadh  
air falbh, ach tha a làmh fathast  
sìnte mach.

5 O Asirianaich, slat mo chor-  
ruich; agus am bata nan làimh 's e  
sin m'fhearg.

6 An aghaidh cinnich chealgaich  
cuiridh mi e, agus an aghaidh sluaigh  
ris am bheil mo chorruich bheir mi  
dha àithne; a thogail creiche, agus a  
thoirt leo cobhartaich; agus d'an  
saltairt sìos mar chlàbar nan sràid-  
ean.

7 Gidheadh cha'n e sin a bhios na  
aire-san, agus cha'n e rùn a chridhe  
e; ach is e milleadh tha na chridhe,  
agus cinnich nach gann a ghearradh  
as.

8 Oir a deir e, Nach 'eil mo  
cheannardan uile nan righribh?

9 Nach 'eil Calno mar Charche-  
mis? Nach 'eil Hamat mar Arphad?  
Nach 'eil Samaria mar Dhamascus?

10 Mar a ghlac mo làmh riogh-  
achdan nan iodholan, aig an robh  
dealbhan snaighte ni b'fhearr nà  
iad sin a ta ann an Ierusalem agus  
ann an Samaria;

11 Mar a rinn mi ri Samaria agus  
r'a h-iodholaibh, nach dean mi mar  
an ceudna ri Ierusalem agus r'a  
dealbhaibh-san?

12 Ach tarlaidh, 'nuair a choimh-  
lìonas an Tighearna 'obair gu h-ìom-  
lan air sliabh Shìon agus air Ieru-  
salem, gu'n dean mi dìoghaltas air

<sup>b</sup> ruighe.

<sup>c</sup> dlighe.

<sup>d</sup> mhaithéan.

2 G

<sup>a</sup> deathaich.

toradh crìdhe uaibhreich rìgh Asiria, agus air sealladh àrd a shùl.

13 Oir deir e, Le neart mo làimhe rinn mi e, agus le mo ghliocas; oir tha deadh thuigs' agam; agus dh'atharraich mi crìocha nam fineachan, agus chreach mi an ionmhasan, agus leag mi sìos an sluagh mar dhuine treun.

14 Agus fhuair mo làmh, mar nead, maoin nan slògh; agus mar chruinnicheas neach uighean a thréigeadh, mar sin chruinnich mis an talamh uile; agus cha robh aon a ghluais an sgiath, a dh'fhosgail an gob, no rinn biog.

15 An dean an tuadh uail an aghaidh an fhir a ta gearradh leathla? An àrdaich an tuireasg e féin an aghaidh an fhir a ta 'ga iomairt? mar gu'n sinedh an t-slat i féin an aghaidh an neach a ta 'ga togail; no mar gu'n togadh an lorg suas e féin mar nach b'fhiodh a bh'ann.

16 Air an aobhar sin cuiridh an Tighearn, Tighearn nan sluagh, caoile air a' mhuinntir reamhair, agus fuidh 'oirdheirceas fadaidh e losgadh, mar losgadh teine.

17 Agus bithidh solus Israeil na theine, agus a Thi naomha na lasair; agus loisgidh agus caithidh e a dhroigheann agus a dhris ann an aon latha.

18 Agus caithidh e glòir a frìdhe, agus 'achaidh tharbhaich, eadar an-am agus fheoil, agus bitlihh iad mar fhear-iomchair brataich a' call a threoir.

19 Agus bithidh fuigheall chraobhan a choille tearc, ionnas gu'n scriobh leanabh an àireamh.

20 Agus tarlaidh anns an là sin, nach leig iarmad Israeil, agus iadsan a théid as do thigh Iacoib, an taice ni's mò air an fhear a bhual iad; ach leigidh iad an taice air an Tighearn, Ti naomh Israeil, ann am firinn.

21 Pillidh fuigheall\*, eadhon fuigheall do Iacob, dh'ionnsuidh Dhé uile-chumhachdaich.

22 Oir ged' bhi do shluagh, O Israeil, mar ghaineamh na fairge, cha phi<sup>h</sup> ach fuigheall diubh. An léir-sgrìos a dh'orduicheadh, ruithidh e thairis le ceartas.

23 Oir sgrìos, eadhon sgrìos sòn-ruichte ni Iehobhah, Tighearn nan sluagh, am meadhon na tìre uile.

24 Air an aobhar sin mar so deir Iehobhah, Tighearn nan sluagh, Na biodh egal ort, O mo shluagh, a ta chòmhnuidh ann an Sion, roimh an Asirianaich; le slait buailidh e thu, agus a bhata togaidh e suas a'd' aghaidh, a réir gnàth na h-Eiphit.

25 Ach fathast ùine ro ghearr, agus coimhlionar m'fhearg, agus mo chorruich nan léir-sgrìos.

26 Agus togaidh Tighearn nan sluagh slat-sgiursaidh na aghaidh, cosmhuil ri àr Mhidiain aig carraig Oreib; agus mar a bha a shlat air an fhairg, mar sin togaidh e suas i, do réir gnàth na h-Eiphit.

27 Agus tarlaidh anns an là sin, gu'n atharraichear 'eallach bharr do ghuaille, agus a chuing bharr do inhuineil; agus caithear a' chuing do bhrìgh<sup>b</sup> na h-oladh ungaidh.

28 Thàinig e gu Aiat, chaidh e thairis gu Migron; aig Michmas taisgidh e 'airneis.

29 Chaidh iad null air an aisig<sup>d</sup>; ann an Gebah ghabh iad tàmh: tha Ramah air chrith; tha Gibeah Shaul a' teicheadh.

30 Tog suas do ghuth, O nighean Ghàllim; cluinnear e gu ruig Lais, O Anatot through<sup>e</sup>.

31 Theich Madmenah; tha luchd-àiteachaidh Ghebim air gabhail na ruaige.

32 Fanaidh e fathast an là sin ann an Nob; crathaidh e a làmh an aghaidh cnuic nighin Shioin an aghaidh sléibh Ierusalem.

33 Feuch sgathaidh Iehobhah, Tighearn nan sluagh, a' gheug le luasgadh mòr; agus bithidh iadsan a's àirde fàs air an gearradh sìos, agus na h-uaibhreich air an ìsleachadh.

34 Agus gearraidh e dosan na frìdhe le iarunn; agus tuitidh Lebanon le làimh chumhachdaich.

# CAIB. XI.

AGUS thig geug a mach o bhonn Iese, agus fasaidh faillean suas as a fhreumhaibh.

2 Agus gabhaidh spiorad an Tighearna còmhnuidh air, spioraid gliocais agus tuisge, spiorad combairle agus cumhachd, spiorad edlais agus eagain an Tighearna:

3 Agus bithidh e geur-mhothachail, ann an eagail an Tighearna; agus cha'n-ann do réir seallaidh a shùl a bheir e breth, no do réir clàisteachd a chluas a bheir e achmhasan.

4 Ach le ceartas bheir e breth air a' bhochd, agus bheir e achmhasan, le cothrom, as leth dhaoine ciùine na talmhainn; agus buailidh e an talamh le slait a bheoil, agus le anail a bhile marbhaidh e an t-aingidh.

5 Agus bithidh ionracas na chrìos m'a leasraidh, agus firinn<sup>f</sup> na crìos m'a airnibh.

<sup>b</sup> dh'èasbhuidh.

<sup>d</sup> àth, àthan.

<sup>e</sup> cluinn O Lais; freagair i O Anatot.

<sup>f</sup> tairisneachd.

<sup>a</sup> iarmad, fuighealach.

6 An sin gabhaidh am madadh-alluidh còmhnuidh maille ris an uan, agus luidhidh an liopard slos maille ris a' mheann; agus an laogh, agus an leòmhann òg, agus an spréidh reamhar le chéile; agus ní leanabh beag an stiùradh.

7 Agus ionaltraidh a' bhò agus am math-ghamhuin le chéile; luidhidh an àlach slos *cuideachd*; agus itlidh an leòmhann connlach<sup>a</sup> mar an damh.

8 Agus cluichidh an leanabh cìche air toll na nathrach nimhe; agus air nead na rìgh-nathrach cuiridh an leanabh a thàinig o'n chich a làmh.

9 Cha dochainn agus cha sgrios iad, air feadh mo shléibh naomh-sa gu h-ìomlan; oir lìonar an talamh le eòlas an Tighearna, mar a chòmhduicheas na h-uisgeachan *aigin* na fairge.

10 Agus anns an là sin, bithidh freumh lese na sheasamh mar bhrataich do na slòigh; d'a ionnsuidh-san iarraidh na cinnich, agus bithidh a thàmh glòrmhor.

11 Agus tarlaidh anns an là sin gu'n cuir an Tighearna a mach a làmh a ris an dara uair, a thoirt air ais fuighill a shluaigh, a dh'fhàgar *dhiubh*, o Asiria, agus o'n Eiphit, agus o Phatros, agus o Chus, agus o Elam, agus o Shinar, agus o Hamat, agus o innsibh<sup>b</sup> na fairge.

12 Agus togaidh e 'nàird bratach air son nan cinneach, agus tionailidh e diobarraich Israeil, agus muinntir sgapta Iudah cruinnichidh e le chéile o cheithir chearnaibh na talmhainn.

13 Agus sguiridh farmad Ephraim, agus bithidh luchd-sàruchaidh Iudah air an gearradh as; cha bhi farmad aig Ephraim ri Iudah, agus cha sàruich Iudah Ephraim.

14 Ach leumaidh iad air guaillibh<sup>c</sup> nam Philisteach an taobh an iar; creachaidh iad le chéile muinntir na h-aird' an ear; air Edom agus Moab leagaidh iad an làmh, agus bheir clann Amoin géill doibh.

15 Agus millidh an Tighearna teanga na fairge Eiphitich, agus crathaidh e a làmh os ceann na h-Aibhne le a ghaoith làidir; agus buailidh se i na seachd sruthaibh, agus bheir e orra imtheachd troimpe le casaibh tioram<sup>d</sup>.

16 Agus bithidh rathad mòr aig fuigheall a shluaigh a dh'fhàgar o Asiria; mar a bha aig Israel, anns an là 's an d'thàinig e nìs o thìr na h-Eiphit.

## CAIB. XII.

AGUS their thu anns an là sin, Molaidd mi thu, O Thighearna, god' bha thu feargach rium, tha d'fhearg air a pilleadh air falbh, agus thug thu comhfhurtachd dhomh.

2 Feuch is e Dia mo shlàinte; earbaidh mi, agus cha bhi eagal orm; oir is e an Tighearna Iehobhah mo neart agus mo cheòl, is e fòs a's slàinte dhomh.

3 An sin tairngidh sibh uisge le h-aobhneas a tobraichibh na slàinte.

4 Agus anns an là sin their sibh, Molaibh an Tighearna, gairmibh air ainm; cuiribh an céill a ghnìomh-ara am measg nan' cinneach; cumaidh air chuimhne<sup>e</sup> gu bheil 'ainm air 'ardachadh.

5 Canaibh do'n Tighearna, oir rinn e gnìomh oirdheirc; tha so aithnichte anns an talamh uile.

6 Eigh gu h-àrd, agus dean iolach, a bhean-aiteachaidh Shìoin; oir is mòr ann ad mheadhon Ti naomh Israeil.

## CAIB. XIII.

TROM eallach<sup>f</sup> Bhabiloìn, a chunnaic Ishaia mac Amois.

2 Air sliabh àrd togaibh suas bratach; éighibh riu gu h-àrd; sìnbh<sup>g</sup> ur làmh; a chum gu'n d'théid iad a steach air geatachaibh nan uaislean.

3 Thug mi àithne do mo dhaoineibh coisrigte; seadh, ghairm mi mo dhaoine treuna a chum mo chorruich a chur an gnìomh; muinntir a ta deanamh luathghaire ann am mhòrachd.

4 Fuaim mòr-chuideachd anns na sléibhtibh, amhuil sluaigh mhòir; fuaim luasgaidh rioghachdan, chinn-each air an cruinneachadh le chéile; tha Tighearna nan sluagh ag deasachadh<sup>h</sup> feachd chum catha.

5 Tha iad a' teachd o thìr chéin, o iomall nan nìamha, an Tighearna agus buill-airm a chorruich, a mhill-eadh na tìre gu léir.

6 Guilibh gu h-àrd, oir tha là an Tighearna dù; mar léir-sgrios o'n Uile-chumhachdach thig e.

7 Air an aobhar sin lagaichear na h-uile làmhnan, agus leagaidh gach cridhe duine.

8 Agus bithidh iad fo uabhas; nì piantan agus guinean greim orra; mar mhnàoi ri saothair craidhear iad; seallaidh iad gach aon air a chéile le h-iongantas; mar lasraichibh teine *bithidh* an eudana.

9 Feuch tha là an Tighearna teachd, garg le fèirg agus le dian

<sup>a</sup> fodar.<sup>b</sup> eileanaibh.<sup>c</sup> aithrisibh.<sup>f</sup> Faisneachd<sup>e</sup> buailidh iad a steach air crìoch-aibh.<sup>d</sup> nam brògaibh.

dhubhach, Tairgreachd a' bhròin.

<sup>g</sup> ag cur an ordugh.

chorruich, a chur na tìre fàs, agus a sgrios nan ciontach a mach aisde.

10 Oir cha tabhair reulta neimhe, agus a comh-shoillse, uatha an solus, bithidh a' ghrian air a dorchachadh na dol a mach, agus cha d'thoir a' ghealach air a solus dealradh.

11 Agus diolaidh mis' air an t-saoghal an droch-bheart, agus air na h-aingidh an ea-ceart; agus cuiridh mi crìoch air àrdan nan uaibhreach, agus leagaidh mi sìos uaill nan uabhasach.

12 Ni mi duine ni's luachmhoire na òr grinn; seadh duine, na fìor òr na h-Ophir.

13 Uime sin luaisgidh mi na nèamhan, agus gluaisear an talamh as 'àit: ann am feirg Tighearna nan sluagh, agus ann an là a dhian chorruich.

14 Agus bithidh iad mar earb air a ruagadh, agus mar theud chaorach nach 'eil neach a' cuairteachadh; tionndaidhidh iad gach aon chum a shluaigh féin; agus teichidh iad gach aon g'a dhùthaich féin.

15 Gach fear a ghlacar, sàthar trid e; agus na h-uile a dhùl-leanas r'a chèile, tuitidh iad leis a' chlàidheamh.

16 Agus pronnar an naoidheana fa chomhair an sùl; bithidh an tigh-ean air an creachadh, agus am mnathan air an éigneachadh.

17 Feuch, dùisgidh mi suas nan aghaidh na Medich, aig nach bi meas air airgid; agus air son òir, cha bhi suim aca dheth.

18 Prounaidh am boghachan na h-òganaich, agus cha dean iad iochd air toradh na bronn; cha ghabh an sùil truas do leanabaibh.

19 Agus bithidh Babilon, maise nan rioghachdan, glòir uaill nan Caldeach, mar an léir-sgrios a thug Dia air Sodom agus Gomorrah.

20 Cha'n àitichear gu bràth i, ni mò ghabhar còmhnuidh innte feadh linn nan linn; cha suidhich an t-Arabach bùth an sin, ni mò ri buachailean buaile an sin.

21 Ach gabhaidh fiadh-bheathaichean an fhàsaich còmhnuidh an sin; agus bithidh an tigh-ean làn do uathbheistean; agus gabhaidh na cailleachan oidheche tàmh an sin, agus ni na gabhair fhiadhaich mire an sin.

22 Agus freagraidh na h-eoin fhiadhaich a chèile na lùchairtibh, agus na dragona anns na seòmruichibh aoibhin; agus ta a h-àm am fagus, agus cha bhi a laithean air an sìneadh.

CAIB. XIV.

OIR ni an Tighearn iochd air Iacob, agus ròghnaichidh e fathast Israel, agus suidhichidh se iad nam fearann féin; agus bithidh an coigreach air a cheangal rin, agus dlùl-leanaidh iad ri tigh Iacòib.

2 Agus gabhaidh na cinnich iad, agus bheir iad gu'n àit féin iad, agus sealbhaichidh tigh Israeil iad ann am fearann an Tighearna, mar òglaich agus mar bhan-òglaich; agus ni iad braighdean dhiubh-san, aig an robh iad nam braighdibh; agus riaghlaidh iad os ceann na muinntir a bha 'gan sàruchadh.

3 Agus tarlaidh anns an là anns an tabhair an Tighearn dhuit fois o d' àmhghar, agus o d' mhi-shuaimhneas, agus o'n daorsa chruaidh a leagadh ort,

4 Gu'n tog thu an fhaisneachd bho an aghaidh rìgh Bhabiloin, agus their thu, Cionnus a sguir am fear-sàruchaidh! *cionnus* a sguir ise a bha sgeadaichte le h-òr!

5 Bhris an Tighearn lorg nan aingidh, slat rioghail an luchd-riaghlaidh.

6 Esan a bhuail na sìdigh ann am feirg, le buille gun sgar; esan a thug fo ghéill na cinnich ann an corruich; tha e air a dhian-ruagadh, gun neach a' bacadh.

7 Tha an talamh uile aig fois, agus ann an suaimhneas; tha iad a' togail iolaich.

8 Tha na croinn-ghiuthais féin ri gairdeachas tharad, agus croinn-sheudair Lebanoin, ag ràdh, O'n uair a thuit thusa, cha d'thàinig fear-gearraidh a nìos nar n-aghaidh-ne.

9 Tha ionad nam marbh air gluasad sìos air do shon, gu do choinneachadh aig do theachd; tha e dùsgadh nam marbh air do shon, uile dhaoine mòra na talmhainn; tha e toirt air uile rìghre nan cinn-each éirigh suas o'n caithrichibh.

10 Labhraidh gach aon diubh, agus their iad riut, Am bheil thusa fòs air fàs lag mar sinne? An d'rinneadh thu cosmhuil ruinne?

11 Tha d'uabhar air a thoirt a nuas chum na h-uighe, agus fuaime d'inn-eala-ciùil; tha a' chnuimh air a sgaoileadh fodhad, agus is iad na cnuimheagan do chòmhachadh.

12 Cionnus a ta thu air tuiteam o nèamh, a Reul dhealach, a mhic na maidne! *Cionnus* a ta thu air do ghearradh sìos gu làr, *thusa* a thug fo ghéill na cinnich!

13 'S ann a thubhairt thu ann do

b tairgreuchd, seanachas baird, briathar fìlidh.

a uilebheistean.



chridhe, Théid mi suas a chuinn nan nàmh, os ceann reultan Dé àrd-  
aichidh mi mo rìgh-chathair; agus  
suidhidh mi air sliabh a cho-  
chruinneachaidh, air taobh na h-  
àirde tuath.

14 Théid mi suas os ceann àirde  
nan neul: bithidh mi cosmhuil ris  
an Tì a's àirde.

15 Ach bheirear a nuas thu chum  
na h-uaigne, gu taobhan an t-  
sluichd.

16 Iadsan a chi thu, amhaircidh  
iad gu geur ort, gabhaidh iad  
beachd dhìot: An e so, *deir iad*,  
am fear a thug air an talamh  
criothnachadh, a chuir rioghachd-  
an air chrith?

17 A rinn an saoghal mar fhàsach,  
agus a leag sìos a bhailtean; nach  
d'fhosgail am prìosun d'a bhraigh-  
dibh?

18 Tha uile rìghre nan cinneach,  
an t-iomlan diubh, a' luidhesios ann  
an greadhnachas, gach aon na fhàrd-  
aich féin.

19 Acli tha thusa air do thilgeadh  
mach as an uaign, mar ghéig ghràin-  
eil, *mar thruscan* nan daoine a  
mharbhadh, a throimh-lotadh leis a'  
chlaidheamh, a chaidh sìos do  
chlachaibh an t-sluichd; mar chlos-  
aich air a saltairt fo chosaibh.

20 Cha'n adhlacair thu nan co-  
chuideachd-san; a chionn gu'n do  
sgrios thu do dhùthaich, gu'n do  
mharbh thu do dhaoine; cha bhi  
iomradh a gu bràth air sliochd  
dhroch dhaoine.

21 Ullaichibh àr air son a  
chloinne, air son aingidheachd an  
aithrichean; a chum as nach<sup>b</sup> éirich  
iad, agus nach sealbhuich iad an tal-  
amh, agus nach lìon iad aghaidh an  
domhain le bailtibh.

22 Oir éirigh mise nan aghaidh,  
deir Tighearn nan sluagh, agus  
gearraidh mi as o Babilon an  
t-ainm agus an t-iarmaid, agus am  
mac agus an t-ogha, deir an Tigh-  
earn.

23 Agus ni mi e na sheilbh do'n  
ghràineig, agus na phollaibh uisge;  
agus sguabaidh mi e le sguab an léir-  
sgrios, deir Tighearn nan sluagh.

24 Mhionnuich Tighearn nan  
sluagh, ag ràdh, Gu cinnteach mar a  
dhealbh mise, mar sin tarlaidh; agus  
mar a chuir mi romham, bithidh sin  
air bhuil;

25 A chum an t-Asirianach a bhris-  
eadh ann mo dhùthaich, agus a  
shaltradh fo m' chosaibh air mo  
shleibhtibh: an sin falbhaidh a  
chuig dhiubh, agus togar 'eallach  
bharr an gualle.

26 So a' chomhairle a ta air a

<sup>a</sup> biùthas.

<sup>b</sup> mu'n.

suidheachadh mu'n talamh uile;  
agus so an làmh a ta sìnte mach thar  
na h-uile chinneachaibh.

27 Oir shònuich<sup>c</sup> Tighearn nan  
sluagh a' chomhairle, agus cò a  
bhacas<sup>d</sup>? agus is i a làmh-san a ta  
sìnte mach, agus cò a philleas air a  
h-ais i?

28 Anns a' bhliadhna 's an d'fhuair  
rìgh Ahas bàs, bha an trom eallach  
so<sup>e</sup>.

29 Na dean-sa gàirdeachas, O uile  
Phalestine, a chionn gu'n do bhris-  
eadh slat an fhir a bha<sup>f</sup> gad bhualadh;  
oir o' fhreumh na nathrach thig a  
mach rìgh-nathair, agus is toradh  
dh'i nathair theinteach itealach.

30 Agus beathaichear ceud-ghin  
nam bochd, agus luidhidh an t-  
ainnis sìos ann an tèaruinteachd;  
agus marbhaidh mi do freumh-sa  
le gorta, agus d'iarmaid cuiridh e gu  
bàs.

31 Nuallaich. O gheata; éigh, O  
chathair; O Phalestine, tha thu uile  
air do leaghadh as; oir o'n àirde  
tuath thig deatach, agus cha bhi  
neach aonaranach<sup>g</sup> na thràthaibh  
suidhichte.

32 Agus ciod am freagradh bheir-  
ear do theachdairibh nan cinneach?  
Gu'n do leag an Tighearn bunaite  
Shìoin, agus innte cuiridh bochdan a  
shluaigh an dòchas.

#### CAIB. XV.

**T**ROM eallach Mhoib. A chionn  
gu bheil Ar Mhoib air a fas-  
achadh, anns an oidiche, agus air a  
lomadh gu làr; a chionn gu bheil  
Cir Mhoib air a fasachadh, agus air  
a lomadh gu làr:

2 Chaidh e suas gu Bait agus gu  
Dibon, na h-ionadaibh àrda, a ghul.  
Ni Moab caoineadh air son Nebo  
agus air son Mhedeba; air gach  
ceann diubh *bithidh* maoile; *bithidh*  
gach feusag air a gearradh dheth.

3 Ann a sràidibh crioslaichidh siad  
iad féin le eudach-saic; air mullach  
a tighean, agus ann a sràidibh, caoin-  
idh gach aon diubh, a's sìleadh dheur  
gu frasach.

4 Agus bithidh Hesbon ag éigh-  
each, agus Elealeh; cluinnear an  
guth gu ruig Iahas; uime sin  
glaothaidh daoine armaichte Mhoib  
gu h-àrd; bithidh a beatha searbh  
dh'i.

5 Tha mo chridhe ag éigheach air  
son Mhoib; *teichidh* a luchd-fuad-  
ain do Shoar, mar àigh trì bliadhna  
dh'aois; dèidh iad uchdach Luhit  
le gul; oir ann an slighe Horonaim  
togaidh iad iolach mhillidh.

<sup>c</sup> dh'orduich.

<sup>d</sup> bheir gu neo-  
bhrìgh?

<sup>e</sup> thugadh seachad  
an fhaisneachd dhubhach so.

<sup>f</sup> air  
chall, air ionndran.

<sup>g</sup> na bhuidhneibh.

6 Oir bithidh uisgeacha Nimrim nan léir-sgríos; oir tha an luibhair seargadh, tha am fear air teireachdainn; cha 'n'eil ni glas<sup>a</sup> ann.

7 Air an aobhar sin, am beartas a fhuair iad, agus an ni sin a thaisg iad, bheir iad air falbh gu sruth<sup>b</sup> nan seileach.

8 Oir chaidh an èigheach timchioll criche Mhoab; ràinig a caoineadh gu Eglaim, agus a caoineadh gu Beer-Elim.

9 Oir tha uisgeacha Dimoin làn fola; oir bheir mise tuille air Dimon, an leòmhann orra-san a théid as o Mhoab, agus air fuigheall na tìre.

CAIB. XVI.

**C**UIRIBHSE uan dh'ionnsuidh na tìre, o Shela an fhàsaich, gu sliabh nighin Shioin.

2 Oir mar eunlaith seacharanach, air am fògradh o'n nead, mar sin bithidh nigheana Mhoab aig athaibh Arnoin.

3 Tabhair comhairle, cuir an gnìomh breitheanas; dean do sgàile mar an oidhche ann an àirde mheadhon-latha; folaich na dìobaraich; na brath am fògarach.

4 Gabhadh mo dhìobaraich tàmh maille riut, O Mhoab; bi a'd' ionad-foluich dhoibh o'n mhìlltear; oir thàinig crìoch air an fhear-sàruchaidh, sgair am fear-millidh; tha an luchd-saltairt air an caitheadh as an tìr.

5 Agus daingnichear an rìgh-chaitheir ann an tròcair, agus suidhidh se oirre ann am fìrinn, ann am pàillinn Dhaibhidh, a' tabhairt breth, agus a' rannsachadh na còrach, agus a' deifreachadh<sup>c</sup> ceartaais.

6 Chuala sinn uabhar Mhoab; tha e ro uaibhreach; 'àrdan, agus 'uaill, agus fhearg; ach cha 'n'eil a spionnadh<sup>d</sup> a' d'a rèir.

7 Air an aobhar sin caoinidh Moab; air son Mhoab caoinidh gach aon; air son bunaite Chir-harsetit ni sibh tuireadh; gu cinnteach tha iad air am bualadh.

8 Oir tha machraichean Hesboin air fàillneachadh, agus fionain Shibmah; bhris maithean nan cinneach sìos a fion-chroinn ghasta; ràinig iad gu laser; sgaoil iad air feadh an fhàsaich; shìl a geugan iad féin a mach, chaidh iad thar an fhaireg.

9 Air an aobhar sin guilidh mi le gul laser air son fionain Shibmah; uisgichidh mi thu le m' dheuraibh, O Hesboin agus Elealeh; oir dh'fhalbh a' cho-ghàir air son do

mheas-samhraidh, agus air son d'fhogharaidh.

10 Agus tha aoibhneas agus gairdeachas air an toirt air falbh o'n mhachair thorraich; agus anns na fion-liosaibh cha dean iad cèdl, cha tog iad iolach; anns na h-amaraibh cha bhruth am fear-bruthaidh fion; thug mis' air an iolach sgar.

11 Uime sin ni mo chom fuaim mar chlàrsaich, air son Mhoab; agus mo thaobh a stigh, air son Chirha-reis.

12 Agus tarlaidh, 'nuair a chith-eargu'n do sgithich Moab e féin air an ionad àrd, gu'n d'théid e steach d'a ionad naomh a dheanamh urn-uigh, ach cha soirbhich leis.

13 So am focal a labhair an Tighearn mu thimchioll Mhoab o'n àm sin<sup>e</sup>.

14 Ach a nis labhair an Tighearn ag ràdh, an ceann thri bliadhna, mar bhliadhnaibh fir-thuarasdail, nithear glòir Mhoab tàireil, le a mhòr shluagh uile; agus bithidh am fuigheall ro bheag agus anfhann.

CAIB. XVII.

**T**ROM eallach Dhamascuis. Feuch tha Damascus air 'atharrachadh o bhìna bhaile, agus bithidh e na thorra léir-sgríos.

2 Tha bailtean Aroer air an tréig-sinn; bithidh iad air son threud a luidheas sìos, agus cha bhi neach<sup>g</sup> am fuadachadh.

3 Agus dealaichidh an daingneach o Ephraim, agus an rioghachd o Dhamascus; agus fuigheall Shiria; bithidh iad mar ghàir chloinne Israeil, deir Tighearn nan sluagh.

4 Agus tarlaidh, anns an là sin, gu'm bi glòir Iacoib air a caitheadh as, agus fàsaidh sail<sup>h</sup> 'fheadla caol.

5 Agus bithidh e amhuil an uair a chruinnicheas neach fogharadh an arbhair, agus a bhuaineas a ghairdean na diasan; agus bithidh e amhuil a thìonaileas neach diasan ann an gleann Rephaim.

6 Gidheadh fàgar ann fuigheall dhearcan, mar ann an crathadh a' chroinn-ola; dhà no trì dhearcanaibh air mullach a' mheangain a' airde; ceithir no cùig air a gheugaibh iomallach torrach, deir an Tighearn Dia Israeil.

7 Air an là sin amlhaircidh duine air a Chruith-fhear, agus seallaidh a shùilean air Ti naomh Israeil.

8 Agus cha n-amhairc e air na h-altairibh, a rinn a làmh a féin, agus air an nìs an dhealbh a mheoir cha seall e: aaron na doireachan agus na dealbhan.

9 Anns an là sin bithidh a bhailtean daingnichte cosmhuil ri meang-

<sup>a</sup> uaine. <sup>b</sup> gleann. <sup>c</sup> luathach-adh. <sup>d</sup> a bhreugan.

an, a dh'fhàgadh, no ri géig a dh'fhàg iad, roimh chloimn Israeil; agus bithidh léir-sgrìos ann.

10 A chionn gu'n do dhi-chuimhnich thu Dia do shlàinte, agus nach robh thu cuimhneach air carraig do neirt: air an aobhar sin suidhichidh tu craobhan taitneach, agus suidhichidh tu failleana coimheach.

11 Anns an là bheir thu air do chraobhan fàs, agus anns an oidhche bheir thu air do shìol cinntinn; ach bithidh am fogharadh na dhùn ann an là a' dhoilghis<sup>a</sup> agus a' bhròin gun dòchas.

12 Is an-aoibhin do mhòr chuid-eachd nam fìneacha lìonmhor, a ta deanamh fuaime mar fhuaim nan cuantan; agus do bheucaich nan cinneach, a ta ri beucaich cosmhuil ri toirm uisgeacha làidir.

13 Beucaidh na cinnich cosmhuil ri toirm mhòrain uisgeacha, ach bheir Dia dhoibh achunnhasan, agus teichidh fad fad air falbh; agus fuadaichear iad mar chanach an t-sleibh roimh'n ghaoith, agus mar chuairteig roimh an iom-ghaoith.

14 Agus feuch, ri h-àm an fheasg-air, uabhas; agus mu'n d'thig a' mhaduinn, cha'n 'eil e ann. So cuibhrionn na muinntir a ta 'gar creachadh; agus cranuchur na dream a ta 'gar spuinneadh<sup>b</sup>.

## CAIB. XVIII.

**I**S truagh do'n tìr a ta folaichte le sgiathaibh, a ta air taobh thall aibhnichean Etiopia:

2 A ta cur theachdairean air an fhaige, agus ann an eathraichibh cuilce air aghaidh nan uisgeachan, *ag ràdh*, Imichibh, a theachdairean luatha, gu cinneach air a sgaoileadh a mach agus air a lomadh<sup>c</sup>; gu sluagh uabhasach o'n toiseach gu ruige so; gu cinneach air a thomhas a mach leis an t-sreing, agus air a shaltairt sìos; aig am bheil 'fhearann air a chreachadh leis na h-aibh-nichibh.

3 Sibhse uile a luchd-àiteachaidh an t-saoghail, agus a ta gabhail còmhnuidh air an talamh, an uair a thogar bratach suas air na sléibhtibh, faicibh; agus an uair a shéidear troinpaid, éisdibh.

4 Oir mar so thubhairt an Tighearn rium, Gabhaidh mi fois, agus bithidh mo shùil air m'àite-còmhnuigh; mar theas dealrach air an fheur, mar neul dealta ann an teas an fhogharaidh.

5 Oir roimh an fhogharadh, 'nuair a bhitheas am blàth iomlan, agus a bhitheas am fion-dhearc an-abuich a' tilgeadh a bhlàtha; gearraidh e

dheth na meoir le corranaibh sgathaidh, agus na geuga bheir e air falbh, agus gearraidh e sìos.

6 Fàgar iad le chéile gu eunlaith nam beann, agus gu beathaichibh na talmhainn; agus cuiridh an t-eunlaith thairis an samhradh orra, agus cuiridh gach uile bheathach na talmhainn thairis an geamhradh orra.

7 Anns an àm sin bheirear tabhartas gu Tighearn nan sluagh o chinneach air a sgaoileadh a mach agus air a lomadh; agus o shluagh uabhasach o'n toiseach gu ruige so; cinneach air a thomhas a mach leis an t-sreing, agus air a shaltairt sìos, aig am bheil am fearann air a chreachadh leis na h-aibhnicheibh, gu ionad aiume Tighearna nan sluagh, gu sliabh Shìoin.

## CAIB. XIX.

**T**ROM eallach na h-Eiphit. Feuch tha an Tighearn a' marcachd air neul luath, agus a' teachd do'n Eiphit; agus bithidh ìodhola na h-Eiphit air an gluasad na fhianuis; agus leaghaidh cridhe na h-Eiphit na meadhon.

2 Agus cuiridh mis' Eiphitich an aghaidh Eiphiteach; agus cogaidh iad gach fear an aghaidh a bhrathar, agus gach fear an aghaidh a choimhearsnach; baile an aghaidh baile, agus rioghachd an aghaidh rioghachd.

3 Agus fannaichidh spiorad na h-Eiphit na meadhon; agus cuiridh mi ann an neo-brìgh a comhairle; agus iarraidh iad a chum nan ìodholan, agus a chum nan druidhean, agus a chum na muinntir aig am bheil leannain-shìth, agus a chum an luchd-fiosachd.

4 Agus bheir mi thairis na h-Eiphitich do làimh thighearna ain-ìochd-mhoir; agus riaghlaidh rìgh borb os an ceann, deir an Tighearn, Tighearn nan sluagh.

5 Agus fàilnichidh na h-uisgeachan o'n fhaige, agus thèid an Abhainn an dedhthadh, agus tiormaichear suas i.

6 Agus tionndaidhidh iad na h-aibhnichean fad a leth-taobh, agus bithidh na sruthan dìonaidd air an deanamh folamh agus tioram; seargaidh a' chuilc agus an luachair.

7 Na luibhean ùrar ri taobh nan sruth, aig beul nan sruth, agus gach nì a chuireadh an cois nan sruth, seargaidh, sguabar air falbh, agus cha bhi e ann ni's mò.

8 Agus ni na h-iasgairean bròn, agus ni iadsan uile ta tilgeadh dubhain anns an abhainn caoidh; agus fannaichidh iadsan, a ta sgaoileadh lìontan air aghaidh nan uisgeacha.

9 Agus cuirear gu h-amhludh iadsan a ta 'g oibreachadh an lùn

<sup>a</sup> na seilbhe.  
<sup>c</sup> 'fhionnadh.

<sup>b</sup> sladaidh.

ghrinn, agus iadsan a ta figheadh lion-oibre.

10 Agus sgaòilear as a chéile inn-leachdan<sup>a</sup> gach uile neach a ni clais-ean agus linneachan air son éisg.

11 Gu cinnteach is amadain ceannardan Shoaín; thug comhairlichean glíce Pharaoidh comhairle mhi-chéilidh; cionnus a deir sibh ri Pharaoh, Is mise mac nan daoine glíce, mac nan righrean a bh'ann o chian.

12 C'ait am bheil iad? Cia iad do dhaoine glíce? innseadh iad dhuit a nis, agus cuireadh iad an céill, ciod i comhairle Tighearna nan sluagh do thaobh na h-Eiphit.

13 Dh'fhàs ceannardan Shoaín nan amadain, tha ceannardan Noph air am mealladh; agus thug iad air an Eiphit dol air seacharan, eadhon luchd-taice a treubhan.

14 Mheasg an Tighearn nam meadhon spiorad seacharain; agus thug iad air an Eiphit dol air seacharan na h-uile oibrigh, cosmhuil ri misgear a' tuisleachadh na sgeith.

15 Ni mò bhitheas obair air bith anns an Eiphit, aig a' cheann no aig an earball, aig a' ghéig no aig an luachair, r'a deanamh.

16 Anns an là sin bithidh an Eiphit cosmhuil ri mnaibh; agus bithidh crith agus geilt oirre, roimh chrathadh làimhe Tighearna nan sluagh, a chrathas e os a ceann.

17 Agus bithidh tìr Iudah na cùiseagail do'n Eiphit; gach neach a ni luadh oirre, gabhaidh e cagal ann féin; air son comhairle Tighearna nan sluagh, a ghabh e na h-aghaidh.

18 Anns an là sin, bithidh cùig bailtean ann an tìr na h-Eiphit a' labhairt cainnt Chanaain, agus a' mìonnachadh do Thighearn nan sluagh; goirear do aon diubh Baile an sgrios.

19 Anns an là sin bithidh altair do'n Tighearn ann am meadhon tìre na h-Eiphit; agus carradh aig a crìch do'n Tighearn.

20 Agus bithidh e mar chomharadh agus mar fhianuis do Thighearn nan sluagh ann an tìr na h-Eiphit, oir glaothaidh iad ris an Tighearn air son an luchd-sàruchaidh, agus cuiridh e d'an ionnsuidh fear-saoruidh, eadhon fear treun, agus fuasglaidh se iad.

21 Agus bithidh an Tighearn aithnichte do'n Eiphit, agus aithnichidh na h-Eiphitich an Tighearn anns an là sin; agus bheir iad ìobairt agus tabhartas uatha; agus geallaidh iad gealladh<sup>b</sup> do'n Tighearn, agus coimhlionaidh siad e.

22 Agus buailidh an Tighearn an Eiphit, a' bualadh agus a' leigheas; agus pillidh iad dh'ionnsuidh an Tighearna, agus éisdidh esan ri'n guidhe, agus leighisidh se iad.

23 Anns an là sin bithidh rathad mòr o'n Eiphit gu Asiria; agus thig an t-Asirianach do'n Eiphit, agus an t-Eiphiteach gu Asiria; agus ni an t-Eiphiteach adhradh maille ris an Asirianach.

24 Anns an là sin measar Israel an treas aon, maille ris an Eiphit agus ri Asiria, na bheannachadh ann am meadhon na tìre;

25 A bheannuicheas Tighearn nan sluagh, ag ràdh, Beanuichte gu robh an Eiphit, mo shluagh-sa; agus Asiria, obair mo làmh; agus Israel, m'òighreachd.

## CAIB. XX.

**A**NNS a' bhliadhna 'san d'fhàinig Tartan gu Asdod; an uair a chuir Sàrgon rìgh Asiria a mach e, agus chog e an aghaidh Asdoid, agus ghlac se e;

2 Anns an àm sin labhair an Tighearn le Isaiah mac Amois, ag ràdh, Imich, agus fuasgail an t-eudachsaic o d' leasraibh, agus cuir dhìot do bhrògan bharr do chos; agus rinn e mar sin, ag imtheachd lomnochd agus casruisgte<sup>c</sup>.

3 Agus thubhairt an Tighearn, Amhuil a dh'imich m'òglach Isaiah, lomnochd agus casruisgte tri bliadhna, chomharadh agus na iongantas air an Eiphit agus air Etiopia;

4 Mar sin bheir rìgh Asiria, air falbh braighdean na h-Eiphit, agus fògaraich Etiopia, òigridh agus seann daoine, le an taobh-cùil air a leigeadh ris, a chum nàire na h-Eiphit.

5 Agus bithidh iad fuidh amhladh, agus gabhaidh iad nàire do Etiopia bu bhun-dòchais doibh, agus do'n Eiphit, a b'aobhar uaill doibh.

6 Agus their fear-àiteachaidh na tìre so anns an là sin; Feuch is amhuil so ar bun-dòchais, gus<sup>d</sup> an do theich sinn air son cobhair, a chum gu'm bitheamaid air ar saoradh o rìgh Asiria; cionnus ma ta théid sin as?

## CAIB. XXI.

**T**ROM eallach fàsaich na fairge. Mar dhoinionnaibh anns an àirde deas, a' dol seachad; o'n fhàsach tha e teachd, o thìr uabh-asaidh.

2 Dh'fhoillsicheadh sealladh eag-alach dhomh; tha an cealgair a' caitheadh féill, agus tha am fear-creachaidh a' creachadh; rach suas O Elaim; teannaich O Mhedia;

<sup>a</sup> liontan. <sup>b</sup> mòidichidh iad mòid.

<sup>c</sup> castom.

<sup>d</sup> dh'ionnsuidh.



chuir mise crìoch air a h-uile os-naich.

3 Uime sin lìonadh mo leasraidh le cràdh; ghlac piantan mi, mar phiantaibh muà ri saothair-chloinne. Bha mi air mo chroimadh sìos, an uair a chuala mi; dh'fhàs mi air chrith, 'nuair a chunnaic mi.

4 Chlisg mo chridhe; chuir uabhas fiamh orm; feasgar mo shùlais thionndaidh e gu h-uamhunn domh.

5 Deasaich ain bòrd; suidhich an fhaire; ith; òl; éiribh, a cheanna-seadhna, ungaibh an sgiath.

6 Oir mar so thubhairt an Tighearn rium. Imich, suidhich fear-faire; an ni a chi e, innseadh e.

7 Agus chunnaic e carbad le dà mharcach, carbad le asalaibh, agus carbad le càmhalaibh; agus thug e fa' near gu dìchiollach le geur aire.

8 Agus ghlaodh e, Leòmhann<sup>a</sup>: Mo thighearn, ta mi a'm' sheasamh an còmhnuidh ann am ionad-faire, air feadh an là; agus tha mi a' fantuinn air mo fhreiceadan rè gach oidhche.

9 Agus feuch, an so tha carbad do dhaoinibh a' teachd, le dà mharcach. Agus fhreagair e agus thubhairt e, Tha Babilon air tuiteam, air tuiteam; agus tha uile dhealbhnan snaghte a diathan air am briseadh gu lár.

10 Och mo bhualadh, agus arbhar m'ùrlair! an ni a chuala mi o Thighearn nan sluagh, Dia Israeil, chuir mi an cèill duibh-se.

11 Trom eallach Dhumah. Dh'éigh e rium o Sheir, Fhìr na faire, ciod o'n oidhche? Fhìr na faire, ciod o'n oidhche.

12 Thubhairt am fear-faire, Tha a' mhaduinn a' teachd, agus fòs an oidhche: ma dh' fhiosruicheas sibhse, fiosruichibh: pillibh, thighibh.

13 An fhàisneachd mu thimchioll Arabia. Anns an fhrìthe, ann an Arabia, gabhaidh sibh tàmh, a chuid-eachda-siubhail Dhèdanim.

14 Thug luchd-àiteachaidh tìre Thema uisge dh'ionnsuidh an tart-mhoir: le an aran thàinig iad an còdhail an fhògaraich.

15 Oir o na claidhibh theich iad, o'n chlàidhe ruisgte<sup>b</sup>, agus o'n bhogha lùbta, agus o bhoile a' chogaidh.

16 Oir mar so thubhairt an Tighearn rium, Fathast bliadhna, mar bhliadhnaibh fir-thuarasdail, agus bithidh uile ghloir Chedair air caith-eadh as.

17 Agus lughdaichear fuigheall àireimh nam fear-bogha, fir threuna

do mhacaibh Chedair; oir labhair an Tighearn Dia Israeil e.

## CAIB XXII.

TROM eallach glinn an taisbeanaidh. Ciod a thàinig ort a nis<sup>c</sup>, gu'n deachaidh thu gu leir suas gu mullach nan tighean?

2 Thus<sup>d</sup> a bha làn farum<sup>d</sup>, a'd' chathair fhuaimeach, a'd' chathair aoibhin: do dhaoi<sup>n</sup> a th'air am marbhabh, cha do mharbhadh leis a' chlàidheamh iad; ni mò is anns a' chath a dh'eug iad.

3 Tha do chinne-fheadhna uile air siubhal le chèile, cheangladh iad leis na fir-bhogha; na h-uile a fhuaradh annad, cheangladh iad le chèile, theich iad fad air falbh.

4 Air an aobhar sin thubhairt mi, Tiondaibh air falbh uam; guilidh mi gu goirt; na feuchaibh ri comh-fhurtachd a thoirt domh, air son léirchreach nighine mo shluaigh.

5 Oir is là cruaidh iomairt e, agus saltairt sìos, agus buairidh, o le-hobhah Tighearn nan sluagh, ann an gleann an taisbeanaidh; a' briseadh sìos bhallachan, agus a' ghaothach ris na beanntaibh.

6 Agus tha Elam a' giùlan a' bhuilg-shaighead, le carbad do dhaoinibh agus le marc-shluagh; agus tha Cir a' rùsgadh na sgèithe.

7 Agus tarlaidh gu'm bi rogha do ghleann air an lìonadh le carbad-aibh, agus cuiridh na marcaich iad féin an ordugh fa chomhair a' gheataidh.

8 Agus thugadh air falbh còmhdaich ludah; agus sheall thu 'san là sin ri airn<sup>e</sup> tighe na frìthe.

9 Agus chunnaic sibh bearnan baile Dhaibhidh, gu bheil iad lìon-mhor; agus chruinnich sibh uisgeachia na linne ìochdaraich.

10 Agus dh'àirimh sibh tighean Ierusalem, agus bhris sibh sìos na tighean a neartachadh a' bhalla.

11 Agus rinn sibh clais eadar an dà bhalla, air son uisge na seann linne; ach cha d'amhairc sibh air-san a rinn e; agus esan a dhealbh o shean e, cha d'fhug sibh fainear.

12 Agus anns an là sin ghairm Ie-hobhah, Tighearn nan sluagh, gu gul, agus gu caoidh, agus gu maoile, agus gu crioslachadh le eudach saic:

13 Ach feuch, aoibhneas agus aighear, marbhadh dhamh agus casgairt chaorach, itheadh feòla agus òl fiona; itheamaid agus òlaim, oir am màireach gheibh sinn bàs.

14 Agus dh'fhoillsicheadh le Tighearn nan sluagh ann mo chluasaibh,

<sup>c</sup> Ciod a dh'fhairich thu nis.

<sup>d</sup> iomairt.

<sup>e</sup> tigh-airm, arm-lann.

<sup>a</sup> mar gu'm biodh Leòmhann.

<sup>b</sup> tharuingte.

Gu deimhin cha ghlanar an aingidh-eachd so air falbh uaibh, gus am fàigh sibh bàs, deir Iehobhah Tighearn nan sluagh.

15 Mar so deir Iehobhah Tighearn nan sluagli, Imich, racli a dh'ionnsuidh an stiubhaird<sup>a</sup> so, dh'ionnsuidh Shebna, a ta os ceann an tìghe, agus abair ris;

16 Ciod a th'agad an so? agus cò a th'agad an so, gu'n do chladhaich thu mach uaigh an so air do shon féin? mar neach a ta cladhachadh mach uaighe dha féin gu h-àrd, a ta gearradh àite-còmhnuidh dha féin ann an carraig.

17 Feuch tilgidh an Tighearn a mach thu, 'gad thilgeadh a mach gu làidir; agus ni e gu cinnteach do chòmhdachadh.

18 Gu cinnteach cuiridh e car dh'ot mu'n cuairt, agus bheir e urchair air falbh dhuit mar spitheig gu tìr fharsuing; ann an sin gheibh thu bàs, agus ann an sin bithidh do charbada sgiamhach nan nàire do thigh do thighearna.

19 Agus iomainidh mi as d'ait thu, agus o d'inbhe tilgidh mi sìos thu.

20 Agus tarlaidh anns an là sin, g'un gairm mise m'òglach Eliacim, mac Hilciah,

21 Agus sgeadaichidh mi e le d'fhalluing-sa, agus le do chrios neartuichidh mi e; agus d'uachdaranachd bheir mi thairis ann a làimh; agus bithidh e na athair do luchd-àiteachaidh Ierusalem, agus do thigh Iudah.

22 Agus iuchair tìghe Dhaibhidh cuiridh mi air a ghualainn; agus fosglaidh e, agus cha druid aon neach; agus druididh e, agus cha'n fhosgail aon neach.

23 Agus daingnichidh mi e mar thiarainn ann an àite cinnteach; agus bithidh e mar chaithir ghlòrmhoir air son tìghe 'athar.

24 Agus crochaidh iad airsan uile ghlòir tìghe 'athar, an sliochd agus an gineal, gach soitheach beag, o na h-uile ghnè chuach, gus na h-uile ghnè aghann.

25 Anns an là sin, deir Tighearn nan sluagh, bithidh an tarang, a bha air a suidheachadh ann an àit daingean, air a h-atharrachadh; agus gearrar sìos i, agus tuitidh si; agus gearrar an ealìach a bha oirre air falbh; oir labhair an Tighearn e.

CAIB. XXIII.

**T**ROM eallach Thairis. Deanaibh caoineadh a longa Tharsuis; oir sgriosadh i gu tur ionnus nach 'eil tigh no fardoch<sup>b</sup>; o thalamh Chitim dh'fhoillsicheadh dhoibh e.

<sup>a</sup> an fhir-riaghlaidh.  
<sup>b</sup> a stigh agus a muigh.

2 Bithibh tosdach, a luchd-àiteachaidh an eilein: Ìonadh thu le ceannuichibh Shidoìn, a ta siubhal thar cuan.

3 Agus siol Shichoir o uisgeach-aibh mòra, fàs na h-Aibhne, b'e sin a teachd-a-stigh; agus bha i na margadh do na cinneachaibh.

4 Biodh nàir ort, O Shidoìn, oir labhair an fhaige, eadhon neart na fairge, ag ràdh, cha robh mi ri saothair, agus cha d'rug mi clann; cha d'àraich mi òganaich, ni mò thog mi suas òighean.

5 Mar a bha 'nuair a chualas sgeul mu'n Eiphit, mar sin bithidh iad fo àmhghar ri cluinninn sgéil mu Thirus.

6 Rachaibh null gu Tarsus; dean-aibh caoineadh, a luchd-àiteachaidh nan eilean.

7 An i so bhur cathair aoibhin<sup>c</sup>, aig am bheil a h-aois o aimsir chéin? Glùlainidh a casan féin i fad as gu fantuinn air chuairt.

8 Cò a ghabh a' chomhairle so an aghaidh Thirus, a thug seachad corona rìoghail, aig am bheil a ceann-aichean nam prionnsaibh<sup>d</sup>; agus a luchd-malairt nan daoineibh urramach nà tire?

9 Is e Tighearn nan sluagh a dh'orduich e, a chur smala air uabhar gach uile ghlòire, agus a thabhairt uile uaislean na tire fuidh dhimeas.

10 Ruith thairis air d'fhearann, mar abhainn, O nighean Tharsuis: cha 'n'eil neart<sup>e</sup> ann ni's mò.

11 Shìn e a làmh thar an fhaige, chrath e na rioghachdan; thug an Tighearn àithne an aghaidh na cathrach a ta na ceannuiche, chum a daingnichean làidir a sgrios.

12 Agus thubhairt e, Cha dean thu caithream ni's mò, O òigh shàruichte, a nighean Shidoìn; éirich, rach thairis gu Citim; an sin fòc<sup>f</sup> a'n fhaigh thu suaimhneas.

13 Feuch tìr nan Caldéach; cha rogh an sluagh so ann, gus an do shuidhich an t-Asirianach i air son luchd-àiteachaidh an fhàsaich; thog iad a baidealan<sup>g</sup>, chuir iad suas a lùchairtean; agus rinn e a sgrios.

14 Guilibh gu h-àrd, a longa Tharsuis; oir sgriosadh e bhur neart.

15 Agus tarlaidh anns an là sin, gu'n leigear air dearmad Tirus deich agus trì fichead bliadhna, do réir laithean aon rìgh; an ceann deich agus trì fichead bliadhna, seinnidh Tirus mar stròpaich.

<sup>c</sup> aighearach, shunntach.  
<sup>d</sup> triathuibh, flathaibh.  
<sup>e</sup> aibh.  
<sup>f</sup> tìran.  
<sup>g</sup> crios.  
<sup>h</sup> dhith.

16 Glac do chlàrsach, cuairtich am baile, a strìopach a bha air do dhearmad; dean ceòl gu binn; seinn iomadh òran; a chum gu'n cuimhnichear a ris thu.

17 Agus an ceann deich agus trì fichead bliadhna, thig an Tighearn a dh'amharc Thiruis; agus pillidh si a chum a cosnaidh; agus ni i strìopachas le uile rioghachdaibh an domhainn, a ta air aghaidh na talmhainn.

18 Agus bithidh a malairt agus a buannachd naomha do'n Tighearn; cha taisgear suas e, agus cha ghleidhear gu tearuint e; oir bithidh a malairt air son na muinntir a ta chòmh-nuidh am fannuis an Tighearna, air son lòin a shasuicheas, agus air son eudaich a mhaireas.

#### CAIB. XXIV.

**F**EUCH tha an Tighearn a' deanamh an fhearainn falamh, agus 'ga chur fàs; tha e 'ga thionndadh bun os ceann, agus a sgapadh a luchd-àiteachaidh.

2 Agus tarlaidh, mar a bhios an sluagh, mar sin bithidh an sagart; mar a bhios an t-òglach, mar sin bithidh a mhaighstir; mar a bhios a' bhan-òglach, mar sin bithidh a ban-mhaighstir; mar a bhios an ceannuiche, mar sin bithidh am fear-reic; mar a bhios esan a bheir iasachd, mar sin bithidh esan a ghabhas iasachd; mar a bhios am fear a ghabhas riadh, mar sin bithidh am fear a bheir riadh uaith a.

3 Nithear an tìr gu tur falamh, agus creachar i gu buileach<sup>b</sup>; oir labhair e an Tighearn an briathar so.

4 Tha an tìr ri caoidh agus a' seargadh; tha an saoghal air lagachadh agus a' seargadh; tha uailsean<sup>d</sup> na tìre air lagachadh.

5 Tha an tìr eadhon air a truailleadh fuidh a luchd-àiteachaidh; oir bhris iad an reachd, dh'atharraich iad an t-ordugh; sgaoil iad an co-cheangal siorruidh.

6 Air an aobhar sin dh'ith mal-lachd suas an tìr, agus tha a luchd-àiteachaidh air am fàsachadh<sup>e</sup>; uime sin tha luchd-àiteachaidh na tìre air an losgadh suas, agus is tearc an dream a dh'fhàgadh.

7 Tha am fion nuadh ri caoidh, tha an fhìonan lag, tha luchd a' chridhe aoibhinn uile ag osnaich.

8 Sguir fuaim aighireach nan tiompan; theirig luadhghair na muinntir a bha ri gairdeachas; sguir aighir na clàrsaich.

<sup>a</sup> mar a thachairidh do'n t-sluagh, mar sin tachairidh do'n t-sagart, &c.

<sup>b</sup> baileach. <sup>c</sup> bhriathraich.

<sup>d</sup> uailse dhaoine. <sup>e</sup> oir tha a luchd-àiteachaidh ciontach.

9 Cha'n òl iad fion le ceòl; bithidh deoch làidir searbh dhoibh-san a dh'òlas i.

10 Tha cathair na mì-riaghailt<sup>f</sup> air a briseadh sìos; tha gach tigh air a dhruideadh suas, air chlor as nach feud aon neach dol a steach.

11 Tha gaoir anns gach sràid air son fìdha; dhorchaidheadh gach aighir; shìubhail gairdeachas an fhearainn air falbh.

12 Dh'fhàgadh léir-chreach anns a' bhaile, agus le buaireas bhriseadh sìos an geata.

13 An uair a bhitheas mar so ann am meadhon na tìre, am measg an t-sluaigh, bithidh amhuil crathadh a' chroinn-ola, agus mar an diogh-lum an uair a chrìochnaichear am fion-fhogharadh.

14 Togaidh iadsan an guth, cliùth-aichidh iad gu h-àrd mòrachd an Tighearna; ni iad iolach o'n fhaige.

15 Uime sin anns an teine s glòr-aichibh an Tighearn; eadhon ainm an Tighearna Dia Israeil, ann an eileanaibh a' chuain.

16 O iomall na talmhainn chuala sinn drain, eadhon glòir do'n fhìrean; ach thubhairt mise, mo chaoile, mo chaoile; mo thruaighe mi, tha na mealltairean a' mealladh, seadh le foill tha na mealltairean a' mealladh.

17 Tha an t-uabhas, agus an slochd, agus an ribe ort, O fhìr-àiteachaidh na tìre.

18 Agus tarlaidh, esan a theicheas o ghuth an uabhais, gu'n tuit e<sup>g</sup> san t-slochd; agus esan a thig a nìos o mheadhon an t-sluichd, gu'n glacar anns an ribe e; oir tha na tuil-dhor-san o'n àird air am fosgladh; agus tha bunaite na talmhainn air an luasgadh.

19 Tha an tìr gu tur air a briseadh sìos: tha an tìr air a sgaoileadh gu buileach as a chèile; tha'n tìr air a luasgadh gu garbh.

20 Bithidh an tìr a' gluasad<sup>h</sup> thuig agus uaith mar mhisgear; agus atharraichear i mar blothan-tàimh; oir luidhidh a h-aingidheadh gu trom oirre; agus tuitidh si, agus cha'n éirich i ni's mò.

21 Agus tarlaidh, anns an là sin, gu'n smachdaich an Tighearn na daoine<sup>i</sup> àrda a ta shuas, agus rìghrean na talmhainn air an talamh.

22 Agus cruinnichear iad le chèile, mar a chruinnichear prìosunaich<sup>j</sup> ann an slochd; agus druidear suas iad mar ann am prìosun<sup>k</sup>; agus an déigh mòrain do lathaibh fìosruichear iad.

<sup>f</sup> a' chathair fhaondrach.

<sup>g</sup> ionadaibh grianach, gleanntaibh.

<sup>h</sup> air udal.

<sup>i</sup> ciomaich.

<sup>j</sup> gaintir.

23 An sin bithidh a' ghealach air a maslachadh, agus a' ghrian air a nàrachadh; oir rioghaichidh Tighearn nan sluagh air beinn Shioin, agus ann an Ierusalem; agus ann am fianuis a sheanoirean *bithidh* a ghàidir.

CAIB. XXV.

**O** THIGHEARN, is tu mo Dhia; àrdaichidh mi thu, molaidh mi d'ainm; oir rinn thu *nithe* iongantach; tairisneachd agus firinn do chomhairlean o shean.

2 Oir rinn thu a' chathair na torr, am baile daingnichte na *charn* sgrios; *chuir* thu àros nan coigreach o bli na bliate; gu bràth clia togar e.

3 Airan aobhar sin bheiran sluagh borb dhuit glòir; gabhaidh cathair nan cinneach uabhasach eagal romhad.

4 Oir bha thu a'd' neart do'n bhochd, a'd' neart do'n fheumannach na airc; a'd' dlùdean o'n doinn, a'd' sgàile o'n teas; an uair a bha gaoth nan uabhasach mar dhoininn a's *éideadh* ris a' bhalladh.

5 Mar an teas ann am fearann seargta, bheir thusa nuas farum nan uabhlereach; mar an teas le sgàil neoil, islichear geug nan uabhasach.

6 Agus anns a' bheinn so ni an Tighearn do na h-uile chinneachaidh cuiridh do nithe blasta, cuiridh do fhion aosda, do nithibh blasta làn do smior, do fhion aosda air a dheadh tharruing.

7 Agus sgriosaidh e air a' bheinn so an còmhdaich a chòmhdachidh aghaidh nan uile shluagh, agus an sgàile bha air a sgaoileadh thar na h-uile chinnich.

8 Stuigidh e suas am bàs le buaidh, agus siabaidh an Tighearn Iehobhah an deur o gach aghaidh, agus maslachadh a shluaigh bheir e air falbh o'n talamh uile; oir labhair an Tighearn e.

9 Agus anns an là sin theirear, Feuch, is e so ar Dia-ne; dh'fheith sinn ris, agus thearuinn e sinn; is e so an Tighearn, dh'fheith sinn ris, ni sinn gairdeachas agus uaidh na shlàinte.

10 Oir gabhaidh làmh an Tighearna fois air an t-sliabh so; agus bithidh Moab air a shaltairt fuidhe, mar a shaltairrean connlach air an òtrach.

11 Agus sinidh e mach a làmh an mhèadhon, mar a shìneas am fear a shnàmh a mach a làmh an gu snàmh; agus bheir e nuas uabhar, maille ri creich a làmh.

12 Agus daingneach àrd do bhallachan leagaidh e sìos, islicheidh e, bheir e chum an làir, eadhon chum an duslaich,

CAIB. XXVI.

**A**NNS an là sin seinnear an dàn so ann an ìr Iudah; ta againn cathair làidir; slàinte cuiridh e suas mar bhallachan agus mar dhiaingneach.

2 Fosglaidh-se na geatachan, a chum gu'n d'fhéid an cinneach firinneach a steach, a choimhideas an fhirinn.

3 Gleidhidh tu ezan ann an sìth ionlain, aig am bheil 'inntinn suidhichte ort, a chionn gu'n do chuir e a dhòchas annad.

4 Cuiribh-se blun dòchas anns an Tighearn do ghnàth, oir anns an Tighearn Iehobhah tha neart sìorruidh.

5 Oir dh'islich e iadsan a bha chòmhnuidh gu h-àrd; a' chathair, àrd, thug e nuas i; thug e nuas i chum an làir; thug e i eadhon chum an duslaich.

6 Saltraidh a' chas oirre, casan an fheumannaich, ceuma nam bochdan.

7 Tha slighe an fhìreir ro dhìreach; ni thusa ceum an fhìreir fìor-chòmhnard.

8 Seadh ann an slighe do bhreitheanais dh'fheith sinn ort; tha miann ar n-anama air d'ainm, agus air do chuimhne.

9 Le m'anam mhiannaich mi thu 'san oidhche; seadh le mo spiorad taobh a stigh dh'iarr a mi thu sa' mhaduinn; oir an uair a bhios do bhreitheanais air an talamh, foghlumaidh luchd-àiteachaidh an t-saoghail fireantachd.

10 Nochdar tràcair do'n aingidh, gidheadh cha'n fhoghlum e fireantachd; ann an ìr an ionracais buinidh e gu fealltach; agus cha toir e faineir mòralachd an Tighearna.

11 A Thighearn, tha do làmh togt a suas, gidheadh cha'n fhaic iad; ach chi iad, agus bithidh iad fuidh amhluidh air son eud an t-sluaigh b' seadh loisgidh teine do naimhdean suas iad.

12 A Thighearn, orduichidh tu sìth dhuinne; oir eadhon ar n-uile bhearta cumhachdach dh'oibich thusa annainn e.

13 O Thighearn ar Dia, bha ceannas oirnn aig tighearnaibh eile bharrachd ort-sa<sup>d</sup>; ach annad-sa a mha'n ni sinn luadh air d'ainm.

14 Tha iad marbh, cha tig iad beo; dh'eug iad, cha'n eirich iad; uime sin dh'fhiosraich agus mhill thu iad, agus sgrios thu as an cuimhne gu tur.

15 Mheudaich thu an cinneach, O

<sup>a</sup> iarraidh. <sup>b</sup> d'eud air son do shluaigh. <sup>c</sup> dhuinn. <sup>d</sup> an leth murg àhiot-sa.



Thighearn; mheudaich thu an cinn-each, tha thu air do ghldrachadh; sgaoil thu e a mach eadhon gu uile iomallaibh na talmhainn.

16 A Thighearn, ann an àmhghar dh'iarr iad thu; dhoirt iad a mach an achiuinge an uair a bha do smachdachadh orra.

17 Mar a bhitheas bean thorrach, an uair a bhios àm a h-aisead am fagus, ann an teanntachd, ag éigheach gu h-àrd na saothair; mar so bha sinn ann ad fliannais, O Thighearn.

18 Dh'fhàs sinn torrach, bha sinn ann an teanntachd, rug sinn mar gu'm b'e gaath; cha d'oibrich sinn slàinte anns an talamh, ni mò tha luchd-àiteachaidh an t-saoghail air tuiteam.

19 Thig do mhairbh beo; maille ri a mo chorp marbh-sa éirigh iad. Dhùisgibh agus seinnibh, sibh-se tha chòmhluaidh anns an duslach; oir tha do dhrùchd mar dhrùchd luibhlean; agus tilgidh an talamh a mach na mairbh.

20 Thig, O mo shluagh, imich a teachd do d' shedmraichibh, agus druid do dhorsan mu'n cuairt duit; foluich thu fèin car tamuill bhig, car tiota, gus an gabh a' chorrnich thairis<sup>b</sup>.

21 Oir feuch tha an Tighearn a' teachd a mach as 'àit, a smachdachadh luchd-àiteachaidh na talmhainn air son an aingidheachd; agus leigidh an talamh ris an fhuil a ta air, agus cha chòmhduich e ni's mò a mhairbh.

## CAIB. XXVII.

**A**NNS an là sin smachdaichidh an Tighearn, le a chlaidheamh cruaidh agus mòr agus làidir, Lebhiatan an nathair dhlireach, agus Lebhiatan an nathair lùbach; agus marbhaidh e an dràgon a ta 'san fhaige.

2 Anns an là sin, canaibh-se do fhion-lios an fhiona dheirg.

3 Tha mise, an Tighearn, 'ga choimhead, uisgicheam e gach tiota; chum 's nach dochlainn aon neach e, coimhdidh mi e a là agus a dh'oidhche.

4 Annam-sa cha 'n'eil dian chorruich. Cò a chuireadh an droighionn agus an dreas a'm' aghaidh anns a' chath? rachainn trompa, loisginn iad le chéile.

5 No deanadh e greim air mo neart; deanadh e sìth rium; sìth ni e rium.

6 Bheir e orra-san a thig o Iacob freumhachadh; brisidh Israel a mach, agus thig e fuidh bhlàth; agus

lionaidd e aghaidh an t-saoghail le toradh.

7 An do bhuail se e do réir bualaidh an ti a bhuail esan? Am bheil e air a mharbhadh do réir àir na muinntir a mharbhadh leis?

8 Ann an tomhas ceart, an uair a bhriseas e mach, ni thu tagradh ris. Choisg e a ghaoth gharbh ann an là nàgaoithe 'n ear.

9 Uime sin, le so glauar aingidheachd Iacoib air falbh; agus is e so an toradh uile a thabhairt air falbh a pheacaidh; 'nuair a ni e uile chlachan na h-aitaire mar chlachan aoile a ta air am pronnadh as a chéile, cha seas nàdoireachan no nà dealbhan suas ni's mò.

10 Ach bithidh a' chathair dhaingichte fàs, agus an t-àite-còmhluaidh air a thréigsinn, agus air 'fhàgail mar fhàsach; an sin ionaltraidh an laogh, agus an sin luidhidh e sìos, agus itlidh e a geugan c.

11 'Nuair a sheargas a meangana, brisear iad; thig mnathan agus cuiridh iad ri theine iad; oir is sluagh gu'n tuigse iad; uime sin cha ghabh an ti a rinn iad truas diubh; agus cha nochd esan a dhealbh iad caoimhneas dhoibh.

12 Agus tarlaidh, anns an là sin, gu'n dean an Tighearn bualadh o chlais na h-Aibhne gu sruth na h-Eiphit; agus tionaillear sibh-se suas, aon agus aon, O chlann Israeil.

13 Agus tarlaidh, anns an là sin, gu'n seidear a' ghall-tromp mhòir: agus thig iadsan a bha bàsachadh ann an tìr Asiria, agus iadsan a bha air an sgapadh ann an tìr na h-Eiphit; agus sleuchdaidh iad sìos do'n Tighearn, anns an t-sliabh naomha, ann an Ierusalem.

## CAIB. XXVIII.

**I**S an-aobhin do chròn uaibhreach mhisgearan Ephraim, agus do bhlàth seargach am maise glòrmhoir; dhoibh-san a ta air ceann a' ghlinn bheartaich, a ta air an leagadh sìos le fion.

2 Feuch, tha aig an Tighearn fear cumhachdach agus làidir, mar stoirm mheallain, mar dhoininn mhilltich, mar thuil uisgeacha mòra a' taomadh thairis, a thilgeas sìos chum an lair le a làimh.

3 Bithidh corona uaibhreach mhisgearan Ephraim air an saltairt fo 'chosaidh.

4 Agus bithidh blàth seargach am maise glòrmhoir, a ta air ceann a' ghlinn bheartaich, mar am meas luath roimh an t-samhradh, a chi an neach a dh'amhairceas air, agus cha luaithe bhitheas e na làimh na dh'itheas e suas e.

<sup>a</sup> amhuil mar.  
<sup>b</sup> chorrnich seachad.

<sup>b</sup> d' théid a'

5 Anns an là sin bithidh Tighearn na sluagh na chrùn glòire, agus na choron maiseach do iarmad a shluaigh;

6 Agus na spiorad breitheanas dhasan a shuidheas ann am breitheanas; agus na neart dhoibh-san a philleas air ais an cath chum a' gheataidh.

7 Ach chaidh iadsan fòs a thaobh le fion, agus le dibh làidir chaidh iad air seacharan; chaidh an sagart agus am fàidh a thaobh le dibh làidir, shluigeadh suas iad le fion, chaidh iad air seacharan le dibh làidir; chaidh iad am mearachd ann an sealladh, thuislich iad ann am breitheanas.

8 Oir tha am buird uile làn do sgeith, agus do shalchar, air chor as nach 'eil àit sam bith saor.

9 Cò d'an teagaisge eòlas, agus cò d'an ionnsuich e foghlum? dhoibh-san a chuireadh o'n chich, agus a sgaradh o'n bhròlach \*.

10 Oir tha àithne air àithne, àithne air àithne; rann air roinn, rann air roinn; beagan an so, beagan an sud.

11 Oir le beul manntach, agus le teangaidh choimhich, labhraidh e ris an t-sluaigh so.

12 Ris an dubhairt e, So an fhois leis an tabhair sibh fois dhasan a ta sgith, agus so an suaimheas; gidheadh cha'n èisdeadh iadsan.

13 Ach bithidh focal an Tighearna dhoibh-san na àithn' air àithne, àithn' air àithne; rann air roinn, rann air roinn; beagan an so, beagan an sud; a chum gu'n rachadh iad, agus gu'n tuiteadh iad air an ais, agus gu'm biodh iad air am briseadh, agus air an ribeadh, agus air an glacadh.

14 Uime sin cluinnibh focal an Tighearna, a luchd-fanoid, a luchd-riaghlaidh an t-sluaigh so a ta ann an Ierusalem.

15 A chionn gu'n dubhairt sibh, Dhaingnich sinn coimh-cheangal ris a' bhàs, agus ris an uaigh rinn sinu cordadh; an uair a shiùbhleas a' phlàigh thairis mar tnuil, cha ruig i sinne; oir ghabh sinn a' bhreug mar ar dèidin, agus fuidh cheilg dh'fholaich sinn sinn féin.

16 Air an aobhar sin mar so deir an Tighearn Iehobhah, Feuch suidhichidh mise mar stéidh ann an Sion clach, clach dhearbhta, clach-chinn na h-oisinn; sàr bhunait; esan a chreideas, cha chuirear gu h-amhladh e <sup>b</sup>.

17 Agus tomhaisidh mise mach breitheanas leis an riaghailt, agus ceartas leis an t-sreing-thomhais; a-

agus sguabaidh a' chlach-mheallain air falbh an dèidin-bhréige, agus còmhduichidh na h-uisgeachan an t-àit-folaich.

18 Agus brisear 'ur coimh-cheangal ris a' bhàs, agus cha seas 'ur cordadh ris an uaigh; 'nuair a shiùbhleas a' phlàigh thairis mar thuil, an sin bithidh sibh-se air bhur sàltairt sìos leatha.

19 O'n àm an siubhail i trèid, ni i greim oirbh; oir maduinn an déigh maidne siubhlaidh si trèid, a latha agus a dh'oidhche; agus dùisgidh eadhon an t-iomradh a mhàin uamhunn.

20 Oir tha an leaba tuille 's goirid gu neach e féin a shìneadh oirre; agus tha am brat tuille 's ai-leathan gu neach e féin a phasgadh ann.

21 Oir éiridh an Tighearn suas, mar ann an sliabh Pherasim, bithidh corruich air mar ann an gleann Ghibeoin; a chum as gu'n coimh-lion e 'obair féin, 'obair neo-ghnathach; agus gu'n dean e a ghnìomh féin, a ghnìomh coimheach.

22 Agus a nis na bithibh ri fanoid, air eagal gu'n deanar bhur cuibhrichean làidir; oir chuala mi o Iehobhah Tighearn nan sluagh sgrios <sup>d</sup>, eadhon air a shònruchadh air an tìr uile.

23 'Thugaibhs' an aire, agus cluinnibh mo ghuth; éisdibh, agus cluinnibh mo bhriathra.

24 Am bheil an treabhaiche ri h-ar, rè an là, chum cur a dheanamh? Am bheil e a' fosgladh agus a' briseadh fòidean 'fhearainn?

25 An uair a ni e 'aghaidh còmh-nard, nach sgaoil ean sin a' mheanbh-pheasair, agus nach sgap e an cumin; agus nach cuir e an cruithneachd anns an àit a's fearr, agus an t-eòrna anns an ionad shuidhichte, agus an seagal na clùich féin?

26 Oir bithidh a Dhia ag ionnsuchadh eòlais dha, agus 'ga theagasg.

27 Oir clia 'n'eil a' mheanbh-pheasair air a bualadh le innealbualaidh; ni mò bheirear air roth feuna tionndadh air a' chumin; ach tha a' mheanbh-pheasair air a bualadh le slait <sup>e</sup>, agus an cumin le luirg <sup>f</sup>;

28 Ach tha siol qir son arain air a bhruthadh: Do bhrìgh nach bi e 'ga shìr-bhualadh, no 'ga bhriseadh le roth 'fheuna, no 'ga phronnadh le 'eachaibh <sup>g</sup>.

29 Tha so fòs a' teachd o Thighearn nan sluagh; tha esan iongantach ann an comhairle, oirdheirc ann an gnèmh.

<sup>c</sup> gu'n teannuichear bhur ceanglaichean. <sup>d</sup> crìoch iomlan. <sup>e</sup> bata.

<sup>f</sup> buailtean. <sup>g</sup> fìaclaibh a rothann.

<sup>a</sup> uchd. <sup>b</sup> cha bhì e na chabhaig, na bhreislìch.

## CAIB. XXIX.

**M**O thruaighe Ariel, Ariel, am baile anns an do chòmhnuich Daibhidh; cuiribh bliadhna ri bliadhna, marbhabh iad ìobairtean<sup>a</sup>.

2 Gidheadh teannaichidh mise Ariel, agus bithidh caoidh agus bròn ann; agus bithidh e dhomh-sa mar Ariel<sup>b</sup>.

3 Agusampaichidh mi a'd' aghaidh mu'n cuairt; agus teannaichidh mi thu le torr; agus togaidh mi daingnichean a'd' aghaidh.

4 Agus bheirear sìos thu, agus labhairaidh tu as an talamh, agus bithidh do chainnt ìosal as an duslach; agus thig do ghuth a mach as an talamh, mar fhiosaiche, agus ni do chainnt borbhanaich as an duslach.

5 Agus mar an dus min bithidh mòr bhuidheann do choigreach, agus bithidh mòr bhuidheann nan uabhasach<sup>c</sup> mar am moll luaineach; agus tarlaidh e ann an tiota, gu h-obann.

6 Smachdaichear thu le Tighearn nan sluagh, le tairneanaich, agus le crith-thalmhainn, agus le treun ghuth, le stoirm agus doinn agus lasair theine chaithich.

7 Agus amhuil brúadar, aisling na h-oidhche, bithidh mòr shluagh nan uile chinneach, eadhon na huile a ta cogadh rithe féin, agus ri a daingneach, agus a ta 'ga teannachadh.

8 Agus amhuil duine ocrach a chi aisling, agus feuch ta e 'g itheadh, ach air dùsgadh dha, tha 'anam eocrach; agus amhuil duine tart-mhor a chi aisling, agus feuch tha e 'g òl, ach air dùsgadh dha, feuch tha e fann agus 'anam a' miannachadh; mar sin tarlaidh do mhòr chuideachd nan uile chinneach a ta a' cogadh an aghaidh sléibh Shioin.

9 Stadaibh, agus gabhaibh ionantas; seallaibh mu'n cuairt le h-ìoghnadh, agus amhaircibh; tha iad air mhisg, ach cha'n ann le sìon; tha iad a' call nan cas, ach cha'n ann le dìbh làidir.

10 Oir dhoirt an Tighearn oirbh spiorad suaine; agus dhruid e suas 'ur sùilean; air na fàidhean agus 'ur luchd-riaghlaidh, agus air an luchd-seallaidh chuir e còmhach<sup>d</sup>.

11 Agus tha an taisbean uile dhuibh-se, mar bhriathra leabhair air a ghlasadh suas<sup>e</sup>, a bheir iad do neach, aig am bheil fòghlum, ag ràdh, Leugh so, guidheamaid ort; agus their esan, Cha'n urradh mi, oir tha e glaiste suas<sup>f</sup>.

12 Agus bheirear an leabhar do neach aig nach 'eil fòghlum, ag ràdh, Leugh so, guidheamaid ort; agus their esan, Cha'n 'eil fòghlum agam.

13 Uime sin thubhairt an Tighearn, Do bhrìgh gu bheil an sluagh, so a' teachd dliù dhomh-sa le'm beul, agus a' toirt onoir dhomh le'm bìlibh, ach nan cridhe gu'n do theich iad fada uam; agus gu'm bheil an eagal rouham-sa air a theagasg le àithntibh dhaoine;

14 Air an aobhar sin, feuch, théid mis' air m'aghaidh a dheanamh iongantais am measg an t-sluaigh so, iongantais agus iongantais; ionnas gu'n d'théid gliocas an daoine glíce am mugha, agus tuigse an daoine tuigseach as an t-sealladh.

15 Is truagh dhoibh-san a ta 'g iarraidh an comhairle fhilachadh gu domhainn o'n Tighearn; aig am bheil an gnìomhara anns an dorchas, agus a ta 'g ràdh, Cò a ta 'gar faicinn? Cò aig am bheil fios oirnn?

16 Gu cinnteach measar bhuir aisinneachdas mar chriadh a' chriadhadoir: an abair an obair mu'n oibriche, Cha d'rinn e mi? agus an abair an ni a dhealbhadh mu'n neach a dhealbh e, Cha robh tuigse aige?

17 Nach tamull ro bheag fòs, gus an deanar Lebanon na fhearann torrach, agus gus am measar am fearann torrach mar fhrìdhe<sup>h</sup>?

18 Agus anns an là sin cluinidh na bodhair briathran an leabhair; agus as an dubhar agus as an dorchadas gheibh sùilean nan dall an léirsìn.

19 Meudaichidh fòs na daoine sèimhe an aoibhneas anns an Tighearn; agus ni na bochdan am measg dhaoine gairdeachas ann an Ti naomh Israeil.

20 Oir dh'fhàillnich an t-uabhasach, agus thàinig crìoch air an fhear-fhochaid<sup>i</sup>; agus ghearradh as iadsan uile a bha furachair<sup>k</sup> chum aingidheachd;

21 A ni duine na pheacach air son focail<sup>l</sup>; a ta leagadh ribe air a shon-sa a tha tagradh anns a' gheata; agus a tha tionndadh an ionracain a leth-taobh air son ni nach fiù.

22 Air an aobhar sin mar so deir an Tighearn, esan a shìaoir Abraham, mu thimchioll tighe Iacoib, Cha nàraichear Iacob, agus cha bhi 'aghaidh nise fo amhladh<sup>m</sup>.

23 Ach an uair a chi e a chlann,

<sup>g</sup> tilgeadh nithe bun os ceann.

<sup>h</sup> fhàsach, lòn.

<sup>i</sup> fhear-

sgeige;

<sup>k</sup> a' feitheamh, ri

faire.

<sup>l</sup> a tha toirt air an

duine bhochd tuisleachadh na chainnt.

<sup>m</sup> bàn. Eabh.

<sup>a</sup> thigeadh na laithean-féille mu'n cuairt.

<sup>b</sup> mar leòmhann mòr, mar an altair mhòr.

<sup>c</sup> athach.

<sup>d</sup> cumhdach.

<sup>e</sup> sheulachadh.

<sup>f</sup> seulaichte.

obair ma làmh-sa, na mheadhon, naomhaichidh iad m'ainm, agus naomhaichidh iad Ti naomh Iacoib, agus bithidh eagal orra roimh Dhia Israeil.

24 Tugidh iadsan fòs, a chaidh mearachd ann an spiorad, fìor eolas; agus fòghlumaidh iadsan a bha ri borbhanaich teagasg.

CAIB. XXX.

**I**S truagh do'n chloinn cheannairc-ich, deir an Tighearn, a ta dealbh chomhairlean, ach cha'n ann uamsa; a ta chòmhdachadh le brat folaich<sup>a</sup>, ach cha'n ann le mo spiorad-sa; a chum gu'n cuir iad peacadh ri peacadh.

2 A ta 'g imtheachd gu dol sìos do'n Eiphit, ach nach d'fhiosraich dhìomsa<sup>b</sup>; chum iad féin a neartachadh le neart Pharaioib, agus a dheanamh buin a sgàile na h-Eiphit.

3 Ach bithidh neart Pharaioib dhuibh na nàire; agus 'ur bun a sgàile na h-Eiphit na mhasladh.

4 Oir bha a cheannardan aig Soan, agus thàinig a theachdairean gu Hanes.

5 Ghabh iad uile nàire do shluagh o nach d'fhuair iad tairbhe; o nach d'fhuair iad cuideachadh no tairbhe; ach a bha nan nàire agus nam masladh.

6 Eallach ainmhidhean na h-àirde deas; gu tìr airce agus éigin, as an d'thig an leomhan òg agus an seann leomhan, an nathair nimhe, agus an nathair theinteach iteach; giùl-ainidh iad an saibhreas air gualainn nan asal òga, agus an ionnhas air croit nan càmhail; dh'ionnsuidh sluaigh nach tabhair buannachd dhoibh.

7 Oir is dìomhain agus gun tairbhe còmhnaidh nan Eiphiteach; uime sin thubhairt mi rithe so, Se an neart fantuinn nan tàmh e.

8 Imich a nis, scrìobh e fa'n comhair air clàr, agus comharaich e air leabhar; chum gu'm bi e air son nan aimsirean a thig, air son fianuis gu sìorruidh;

9 Gur sluagh ceannairceach so, clann bhreugach, clann leis nach àill éisdeachd a thabhairt do lagh an Tighearna:

10 A ta 'g ràdh ris na fir-sheallaidh, Na faicibh; agus ris na fàidhean, Na labhraibh nithe ceart ruinn ann am fàisneachd; labhraibh ruinn nithe mìne; deanaibh fàisneachd cheilge:

11 Claonaibh air falbh o'n t-slighe; rachaidh a leth-taobh o'n rathad

dhìreach; cuiribh air falbh uainn Ti naomh Israeil.

12 Air an aobhar sin, mar so deir Ti naomh Israeil, A chionn gu bheil sibh a' deanamh tàire air an fhocal so, agus ag earbsadh a claonadh agus a ceannairc, agus a' leigeal bhur taice ris;

13 Uime sin bithidh an t-olc so dhuibh mar bhriseadh<sup>d</sup> ullamh gu tuiteam, mar aomadh ann am bal-ladh àrd, a thuiteas gu làr gu hobann, ann an tiota.

14 Agus brisidh se e, mar bhriseadh soithich a' chriadhadair, a bhrisear na bhloighdibh; cha chaomhain e, air chor as nach faigh-e, ann a bhriseadh, sgealb a thogas teine o'n teinntein<sup>e</sup>, no a bheir uisge o'n tobar.

15 Oir mar so deir an Tighearn Iehobhah, Ti naomh Israeil, ann am pilleadh, agus ann an samhchair, tearnar sibh; ann an suaimeas agus ann an earbsadh bithidh 'ur neart; ach cha b'àill leibh-se.

16 Ach thubhairt sibh, Ni h-eadh, ach air eachaibh teichidh sinn; air an aobhar sin teichidh sibh; agus air ainmhidh<sup>f</sup> luatha marcaichidh sinn; uime sin bithidh iadsan luath a leanas air 'ur tòir.

17 Teichidh aon mhile roimh ach-mhasan<sup>f</sup> aona; roimh ach-mhasan chùgnear teichidh sibh; agus am fàgar sibh mar chrann lom air mullach sléibh, agus mar bhrataich air cnoc.

18 Agus air an aobhar so feithidh an Tighearn, chum gu'n nochd e deadh-ghean duibh; agus air an aobhar so àrduichear e, chum gu'n nochd e tràcair dhuibh: oir is Dia ceart-bhreitheach an Tighearn; is beanuicht' iadsan uile a ta feith-eamh ris-san.

19 Oir gabhaidh sluagh còmhnuidh ann an Siou, ann an Ierusalem; cha ghul thu ni's mò; ni e mòr thròcair ort, ri guth do ghlaoidh; co luath sa chluinneas e, bheir e freagradh dhuit.

20 Agus ged' bheir an Tighearn dhuibh aran airce, agus uisge àmh-ghair, gidheadh cha bhi do luchd-teagaisg air am fògradh fad as; ach bithidh do shùilean a' faicinn do luchd-teagaisg.

21 Agus cluinnidh do chluasan focal o d' chùlaobh, ag ràdh, So an t-slighe, gluaisibh innate, 'nuair a thionndaidheas sibh chum na làimhe deise, no chum na làimhe clìthe.

22 Agus truailidh sibh truscan 'ur dealbhan airgid, agus sgeadachadh

<sup>a</sup> dortadh tabhartais-dìbhe.

<sup>b</sup> o mo bheul. Eabh.

<sup>c</sup> suidhe samhach.

<sup>d</sup> bheum.

<sup>e</sup> teallach.

<sup>f</sup> bhagrachd.



do dhealbhan òir; tilgidh tu uait iad mar eudach truailte; their thu ris, Teich uam.

23 An sin bheir e uisge air son do shìl, leis an cuir thu d'fhearann; agus aran do thoradh na talmhainn, agus bithidh e reamhar agus pailt; anns an là sin, ionaltraidh do spréidh ann an àilean farsuing;

24 Agus ithidh na daimh, agus na h-asail òga a threabhas am fearann, inulinn air a deagh-ghlanadh, air a greadhadh leis a' ghuit agus leis an t-sluasaid.

25 Agus air gach beinn mhòir, agus air gach cnoc àrd, bithidh caochain agus sruthan uisge; ann an là an àir mhòir, an uair a thuiteas na baidealan<sup>a</sup>.

26 Agus bithidh solus na gealaich mar sholus na gréine, agus bithidh solus na gréine a sheachd uiread, mar sholus sheachd laithean; 'san là anns an ceangail an Tighearn suas briseadh a shluaigh, agus anns an lèighis e lot a bhuille.

27 Feuch, tha ainm an Tighearna a' teachd o chéin, a' losgadh le 'fheirg, agus an eallach<sup>b</sup> trom; tha a bhile air an lìonadh le corruich, agus a theanga mar theine caith-teach.

28 Agus bithidh 'anail mar shruth dian a' ruith thairis, a' ruigh-eachd gu meadhon a' mhuineil; a dh'fhasgnadh nan cinneach le fasan an dionhainais; agus bithidh srian ann an giallaibh an t-sluaigh, 'gan tarruing air seacharan.

29 Bithidh cèdl agaibh, mar anns an oidhche 'san coimhdear féill naomh, agus gairdeachas cridhe, amhuil an uair a dh'imicheas neach le cèdl pìoba, chum dol gu sliabh an Tighearna, gu carraig Israeil.

30 Agus bheir an Tighearn fa'near gu'n cluinnear a ghuth glòrmhor, agus gu'm faicear leagadh a nuas a ghairdein, le corruich ghairg, agus le lasair teine chaithtich; le sgapadh, agus doinninn, agus clachaibh meallain.

31 Oir le guth an Tighearna buail-ear sìos an t-Asirianach, a bha bualadh le slait.

32 Agus anns gach àit an siubhail an t-slat shònruichte, a leagas an Tighearn air, bithidh tiompan agus clàrsaichean; agus le cruaidh chòmhraig cogaidh e leatha.

33 Oir dh'ullaicheadh Tophet o shean; eadhon air son an rìgh tha sin air 'ullachadh; rinn e domhainn e, rinn e farsuing e; cruach theine agus mòran connaidh<sup>c</sup>; tha anail

an Tighearna, mar shruth pronnaisc 'ga fhadadh<sup>d</sup>.

## CAIB. XXXI.

**I**S truagh dhoibh-san a tha dol sìos do'n Eiphit air son còmhnaidh; a ta 'g earbsadh a h-eachaibh, agus ag cur an dòchais ann an carbad-aibh, a chionn gu bheil iad lìonmhor; agus ann am marcaichibh a chionn gu bheil iad ro làidir; ach cha seall iad air Ti naomha Israeil, agus cha'n iarr iad an Tighearn.

2 Ach tha Esan glic, agus bheir e olc orra, agus cha chuir e 'fhocal air cùl; ach éiridh e an aghaidh tighe nan aingidh, agus an aghaidh cobhair na muinntir a tha deananh euceirt.

3 Oir is daoine na h-Eiphitich, agus cha Dia iad; agus is feoil an eich, agus cha spiorad; an uair a shìneas an Tighearn a mach a làmh, tuitidh am fear-cuideachaidh, agus leagar sìos am fear a bha air a chòmhnaidh leis; agus millear iad gu léir le chéile.

4 Oir mar so thubhairt an Tighearn rium; mar a raiceas<sup>e</sup> an lèdmhan, eadhon an lèdmhan òg, os ceann a chobhartaich, 'nuair a chruinnichear buidheann bhuachailleann na aghaidh; cha ghabh e geilt roimh an guth, agus cha chaill e a mhisneach air son an co-ghàir<sup>f</sup>; is amhluidh thig Tighearna nan sluagh a nuas gu cogadh air son sléibh Shìoin, agus air son a chnuic.

5 Mar eunlaith ag itealach os ceann an àluich, mar sin dìonaiddh Tighearn nan sluagh Ierusalem; le dìonadh saoraidh se i; agus le leum thairis tearnaidh se i.

6 Pìillibh d'a ionnsuidh-san o'n do chlaon clann Israeil le seacharan fada.

7 Oir anns an là sin tilgidh gach aon air falbh uaith 'ìodholan airgid; agus 'ìodholan òir, a rinn 'ur làmhan féin duibh chum peacaidh.

8 Agus tuitidh an t-Asirianach, cha'n ann le claidheamh gaisgich; seadh cha'n e claidheamh duine a shlùigeas suas e; ach teichidh e o'n chladheamh, agus claidhear a dhaoir<sup>g</sup> òga.

9 Agus tre eagal théid e null dh'ionnsuidh a dhaingnich, agus gabhaidh a chinn-sheadhna geilt roimh'n bhrataich; deir an Tighearn, aig am bheil a theine ann an Sion, agus 'amhuinn<sup>h</sup> ann an Ierusalem.

## CAIB. XXXII.

**F**EUCH rioghaichidh rìgh ann am fireantachd, agus riaghlaidh uachdarain ann am breitheanas,

<sup>a</sup> tùir.  
<sup>c</sup> fiodha.

<sup>b</sup> uallach.

<sup>d</sup> lasadh.  
<sup>f</sup> tormain.  
<sup>h</sup> 'fhuirnis.

<sup>e</sup> bhùircas.  
<sup>g</sup> an ruaig.

2 Agus bithidh duine mar ionad-fasgaidh o'n ghaoith, agus mar dhèid-ein o'n doinnn; mar shruthan uisge ann an àit tioram, mar sgàile craige mòire ann an tìr airseanaich.

3 Agus cha bhi ceo air sùilibh na muinntir a chi<sup>a</sup>, agus bheir cluasa na muinntir a chluaineas éisdeachd.

4 Agus tuigidh cridhe an duine bhras eòlas; agus bithidh teanga an duine mhanntaich ealamh chum labhairt gu soilleir.

5 Cha ghoirear an t-ùmaidh fial ni's mò, agus cha'n abrar gu bheil am miodhoir daonnachdail.

6 Oir labhraidh an t-ùmaidh do ghlinàth amaideachd, agus dealbhaidh a chridhe aingidheachd; a chur an gnìomh ceilge, agus a labhairt foill an aghaidh an Tighearna, a dheanamh anma an ocrach falamh, agus a thabhairt na dibhe o'n duine iot-mhor.

7 Tha inneala an duine mhiodhoir olc, tha e a' dealbh innleachdan aimhleasach, a' ribeadh nam bochd le briathraibh breugach, sa cheart am an labhair an t-ainniseach gu fìrinneach.

8 Ach dealbhaidh an duine fial nithe fial; agus le nithibh slàla daingnicheare.

9 Eiribh, a mhnathan a ta gu suaimhneach, cluinnibh mo ghuth; a nigheana gun umhaill, éisdibh ri mo chaint b.

10 Iomadh latha agus bliadhna bithidh sibh gun fhois, O mhnathan gun umhaill; oir dh'fhàilnich am fion-fhogharadh, cha d'thig tional an toraidh.

11 Crithnichibh, sibhse ta suaimhneach; bithibh gun fhois, sibhse ta gum umhaill; cuiribh dhìbh, rùisgibh sibh féin; agus criostalichibh 'ur leasraidh le eudach-saie.

12 Ni iad caoidh air son nan cioch, air son nam machraichean taitneach, air son na fionain torraich.

13 Thig an droighionn agus an dreas a nìs thar fearann mo shluaigh; seadh thar na h-uile thighibh aobhach anns a' bhaile luaghaireach.

14 Oir tha an t-àros air a thréig-sinn, tha buidheann fionmhòr na cathrach air an fàgail: bithidh an daingneach agus an tùr nan uamhaibh gu bràth, nan aoibhneas do na h-asalaibh fiadhaich, nan ionaltradh air son nan treudan;

15 Gus an dèirtear a ruas oirnn an Spiorad o'n àird, agus gu'm bi am fasach ua mhachair thorraich, agus gu'm measar a' mhachair thorrach na fìdhl.

16 An sin ni breitheanas tàmh anns

an fhàsach, agus anns a' mhachair thorraich gabhaidh fireantachd còmhnuidh.

17 Agus is sìth obair na fireantachd; agus is toradh do'n fhìreantach suaimhneas agus tèaruinteachd gu slorruidh.

18 Agus gabhaidh mo, shluagh còmhnuidh ann am fardaich fhoist-inich, agus ann an ionadaibh còmhnuidh tèaruinte, agus ann an àiteachaibh tàimh suaimhneach,

19 An uair a thiga' chlach-mheallain a nuas air an doire, agus nithear a' chathair co ìosal ris a' chòmhnard.

20 Is beannuichte sibhse a ta cur sìl ri taobh gach uisge, a ta cur a mach coise an daimh agus na hasail.

### CAIB. XXXIII.

IS anaoibhin duitse a chreachadair, nach robh air do chreachadh thu féin; agus fhir na foill, ris nach do bhuin iad gu fealltach: an uair a sguireas tu do chreachadh, creachar thu; agus an uair a bheir thu thairis e a bhi ri foill, buinidh iad gu fealltach riut.

2 O Thighearn dean trècair oirnn; ort-sa tha sinn a' feitheamh; bi thus' a'd' ghairdean dhoibh gach mad-uinn; ar slàinte fòs ri h-àm na h-airce d.

3 O ghuth a' bhuaireis theich na slòigh; an uair a thog thu suas thu féin, sgapadh na cinnich.

4 Agus cruinnichear 'ur creach mar a chruinnicheas am burrus: mar shiubhal nan locust, thig e orra.

5 Tha an Tighearn air àrdachadh; seadh, tha a chòmhnuidh gu h-àrd; lìon e Sion le breitheanas agus ceartas.

6 Agus bithidh slàinte làidir, gliocas, agus eòlas, nan daingneachadh do d'linn; tha eagal an Tighearn na iomhas da.

7 Feuch, togaidh na daoine cumhachdach gaoir an taobh a muigh; guilidh teachdairean na sìth gu goirt.

8 Tha na ròide mòra fàsail, dh'fhalbh am fear-tùruis; bhris e an coimhcheangal, chuir e cùl ris na caithrichibh, cha 'n'èil meas aig air duine.

9 Tha an talamh ri bròn, agus a' fannachadh; tha Lebanon fo nàire, agus air a ghearradh sìos; tha Saron air fàs mar fhàsach; agus Basan agus Carmel air crathadh dhiubh an toraidh.

10 A nis éiridh mi, deir an Tighearn; a nis àrdaichear mi; a nis togaidh mi suas mi féin.

<sup>a</sup> cha bhi iad crith-shuilcach.

<sup>b</sup> ghlòr.

<sup>c</sup> leigeas tu dhòt, sguireas tu.

<sup>d</sup> ri h-uchd cruaidhchais.

11 Bithidh sibh torrach air moll; beiridh sibh asbhuan; ni bhuuranail, mar theine, bhuur caitheadh.

12 Agus bithidh na slòigh mar aol air a losgadh; mar dhroighionn air a ghearradh sìos, loisgear iad anns an teine.

13 Cluinnibh, O sibhse a ta fad as, an ni a rinn mi; agus sibhse ta dlù, aoidichibh mo chumhachd.

14 Tha na peacaich ann an Sion fuidh eagal; ghlac uabhunn na cealgairean; cò nar measg a ghabhas còmhnuidh maille ri teine mill-teach? cò nar measg a ghabhas còmhnuidh maille ri lasraichibh sìorruidh?

15 Ean a ghluaiseas gu h-ionraic, agus a labhras gu ceart; a ghabhas gràin do bhuannachd na h-ainneirt, a chrathas a làmh o bhi glacadh duaise na *h-eucorach*; a dhruideas a chluas o éisdeachd ri *sgeul fola*, agus a dhùineas a shùilean o amharc air olc;

16 Bithidh a chòmhnuidh-san anns na h-ionadaibh àrda, bithidh daingnichean nan creag nan didean dha; bheirear aran dha, *mairidh* uisge gu cinnteach aige.

17 Seallaidh do shùilean air an Rìgh na mhaise; chi iad an tìr cian fad as.

18 Smuainichidh do chridhe air uabhunn. C'ait am bheil an scriobhuiche? C'ait am bheil an fear-tomhais? C'ait am bheil esan a dh'àireamh na daingnichean?

19 Cha'n fhaic thu sluagh borb; luchd na cainnte domhain, nach b'urrainn thu chluinntinn; luchd na teanga manntaich, nach b'urrainn thu thuigsinn.

20 Amhaire air Sion, cathair ar n-àrd fhéilean; chi do shùilean Ierusalem na còmhnuidh fhoistinich, na pàillun nach atharraichear; cha ghluaisear aon d'a chuailibh gu bràth, ni mò bhrisear aon d'a chordaibh.

21 Ach ann an sin *bithidh* an Tighearn glòrmhor<sup>b</sup> dhuinne na ionad aibhnichean agus shruthan leathan; cha siubhail soitheach ràmhach ann; ni mò théid long ghreadhnach troimhe.

22 Oir is e an Tighearn ar breitheamh; is e an Tighearn ar fear-tabhairt lagha; is e an Tighearn ar Rìgh; tearnaidh e sinn.

23 Tha do chuid<sup>c</sup> suasgailte; cha b'urrainn iad an crann a ro-dhaingneachadh; cha b'urrainn iad an seòl a sgaoileadh; an sin tha

creach phailt air a roinn; ghlac am bacach a' chobhartach.

24 Agus cha'n abair am fear-àiteachaidh, Tha mi tinn: gheibh an sluagh, a ta chòmhnuidh an sin, maitheanas nan aingidheachd.

## CAIB. XXXIV.

**D** LUTHAICHIBH, a chinneacha, chum éisdeachd; agus thug-aibh aire, O fhineacha: éisdeadh an talamh, agus a làn; an saoghal, agus na h-uile a ta teachd a mach uaidh.

2 Oir tha fearg air an Tighearn an aghaidh nan cinneach nìle: agus corruich an aghaidh an slògh uile; chuir e as doibh, thug e thairis iad chum casgairt.

3 Agus tilgear am mairbh a mach; agus o'n cairbheannaibh éiridh breun bholadh; agus leaghaidh na sléibhteann sìos le'm fuil.

4 Agus crìonaidh feachd<sup>a</sup> nèimhe gu léir air falbh, agus fillear na nèamha air a chéile mar dhuille leabhair; agus tuitidh am feachd uile sìos, mar thuiteas an duilleag sheargta o'n fhionain, agus mar am meas làn-abuich o'n chrann-fhige.

5 Oir tha mo chlaidheamh air a chur air mhisg<sup>c</sup> anns na nèamhaibh; feuch, tuitidh e air Idumea, agus air an t-sluagh a mhallaich mise, chum breitheanais.

6 Tha claidheamh an Tighearna sàsuichte le fuil; tha e biadhta le saill, le fuil uan agus ghabhar, le saill airnean reitheachan; oir tha iobairt aig an Tighearn ann am Bosra, agus àr mòr ann an tìr Idumea.

7 Agus thig na h-aon-adharcaich a nuas maille riu, agus na daimh maille ris na tairbh; agus cuirear an tìr air snàmh le fuil, agus nithearan duslach reamhar le saill.

8 Oir is e là dioghaltais an Tighearna a *th'ann*, agus bliadhna an ath-dhìolaidh air son connsachaidh Shìoin.

9 Agus iompaichear a shruthan gu pìc, agus a duslach gu pronnasc; agus fasaidh a fearann uile na phic loisgich.

10 Cha d'théid a chur as dh'oidhche no a là; gu sìorruidh théid a deatach suas; o'ail gu h-àl bithidh si fàs; gu linn nan linn cha d'théid aon neach troimpe.

11 Ach sealbhaichidh am pelican agus a' ghràineag<sup>i</sup>; agus gabhaidh a' chailleach-oidhche agus am fith-each còmhnuidh innte; agus sìnidh

<sup>a</sup> ghlidichear. <sup>b</sup> Ach bithidh ainm glòrmhor an Tighearn.

<sup>c</sup> bhuill, d'afuinn.

<sup>d</sup> sluagh. <sup>e</sup> uisgeachadh.

<sup>f</sup> air a thumadh, air an scarbh.

e thairis oirre sreang an léir-sgrìos, agus clachan na faoineachd <sup>a</sup>.

12 Gairmidh iad a h-uaislean do'n rìoghachd, ach cha bhi iad ann; agus thig a ceannardan uile gu neo-ni.

13 Agus fàsaidh an droigheann suas na lùchairtibh; an eanntagach agus an dris na daingnichibh; agus bithidh si na fàrdaich aig dragonaibh, na h-àros aig nigheanaibh na comhachaidh.

14 Agus coinnichidh fiadh-bheathaichean <sup>b</sup> an fhàsaich agus fiadh-bheathaichean na machrach a chéile; agus glodhaidh am fiadh-dhuine r'a chompanach; an sin fòs gabhaidh an screuchag-oidhche fòis, agus gheibh i dh'i féin àite-tàimh.

15 An sin ni a' chailleach-oidhche mhòr a nead, agus beiridh si a huighean; agus ni i gur, agus cruinnichidh si a h-àlach fo a sgàile; an sin fòs cruinnichear na faing, gach aon le a chéile féin.

16 Fiosruichibh do leabhar an Tighearn, agus leughaidh; cha bhi aon dhuibh so air chall, cha bhi aon as eugais a céile; oir is e mo bheul-sa thug an àitline, agus is e a spiorad a thionail iad.

17 Agus thilg e an cranuchur air an son, agus roinn a làmh dhoibh e le sreing; seallbhaichidh iad e gu sìorruidh; o àl gu h-àl gabhaidh iad còmhnuidh ann.

CAIB. XXXV.

**N**I am fàsach agus an talamh tart-mhor gairdeachas air an son; agus bithidh an dithreachd aig, agus thig e fo bhlàth mar an ròs.

2 Brisidh e mach gu h-ùrrar, seadh ni e gairdeachas gu subhach agus gu cèdlinhor; bheirear glòir Lebanon dha, maise Charheil agus Sharoin; chi iad sin glòir an Tighearna, agus maise ar Dé-ne.

3 Neartuichibh-se na làmhan laga, agus daingnichibh na glùinean an-fhann.

4 Abraibh riu-san a ta lag-chrìdh-each, Bithibh làidir, na biodh eagail oirbh; feuch, thig bhuir Dia le diogh-altas, 'se Dia le ath-dhioladh; thig e féin, agus saoraidh e sibh.

5 An sin fosgailear sùilean nan dall, agus bithidh cluasan nam bodhar air am fosgladh.

6 An sin leumaidh am bacach mar fhiadh, agus seinnidh teanga a' bhalbhain; oir anns an fhàsach brisidh uisgeachan a mach, agus sruthan anns an dithreachd.

7 Agus fàsaidh am fearann tioram na linne, agus am fearann tartmhor na thobraichibh uisge: ann an àite-còmhnuidh nan dragon, agus nan

leaba, bithidh fear, leis a' chuile agus an luachair.

8 Agus bithidh rathad mòr an sin, agus slighe; agus goirear slighe na naomhachd dherh; cha sìubhail neach neo-ghlan d'a thrìd; ach bithidh e air an son-sa; cha d'théid am fear-turuis no na daoine baoghalta air seacharan ann <sup>c</sup>.

9 Cha bhi leòmhnan an sin, ni mò thig fiadh-bheathach millteach suas ann; cha'n fhaighear an sin e; ach sìubhlaidh a' mhuinntir shaorta ann.

10 Agus pillidh saor dhaoine an Tighearna, agus thig iad gu Sion le caithream, agus aoibhneas sìorruidh air an cinn; gheibh iad gairdeachas agus aoibhneas, agus tèichidh bròn agus osnach air falbh.

CAIB. XXXVI.

**A**GUS tharladh anns a' cheathramh bliadhna deug do rìgh Hesechia, gu'n d'thàinig Senecherib rìgh Asiria nìos an aghaidh uile bhailte daingichte Iudah, agus ghilac e iad.

2 Agus chuir rìgh Asiria Rabsaceh o Lachis do Ierusalem, dh'ionusuidh rìgh Hesechia, le armait mhòir; agus slieas e aig sruth-chlais na linne nachdaraich, air rathad mòr achaidh an luadhaidair.

3 An sin thàinig a mach d'a ionnsuidh Eliacim, mac Hileciah, a bha os ceann an tighe, agus Sebnah an scriobhuiche, agus Ioah mac Asaiph an seanachaidh.

4 Agus thubhairt Rabsaceh riu, Abraibh a nis ri Hesechia, Mar so deir an rìgh mòr, rìgh Asiria, Ciod e am bun-dòchais so as am bheil thu ag earbsadh?

5 Tha thu ag ràdh, (ach is briathra faoin iad,) Tha coinhairle agus neart agam air son a' chogaidh; a nis cò as am bheil thu ag earbsadh, gu deanadh tu ceannairc a'm aghaidh-sa?

6 Feuch, tha thu 'g earbsadh as an luirg bhriste chuile sin, as an Eiphit; ni, ma leigeas duin' a chudthrom air, a théid a steach na làimh, agus a thollas troimhe i: mar so tha Pharaoh rìgh na h-Eiphit dhoibh-san uile, a dh'earbas as.

7 Ach ma their thu rium, As an Tighearn ar Dia tha ar n-earbsadh, nach e sin esan a chuir Hesechia air falbh 'ionadan àrda agus 'altairean; agus thubhairt e ri Iudah agus ri Ierusalem, Fa chomhair na h-altaire so sleuchdaidh sibh?

8 A nis uime sin, guidheam ort,

<sup>c</sup> ach bithidh esan leo, ag imeachd air an t-slighe; ionnas nach d'théid na daoine baoghalta féin air seacharan.

<sup>a</sup> fàsalachd.

<sup>b</sup> eoin fhiadhaich.



tabhair géill<sup>a</sup> do 'm thighearn rìgh Asiria; agus bheir mise dhuit dà nìle each, ma's urrainn thu, as do thaobh-sa, marcaichean a chur orra.

9 Cionnus ma ta a philleas tu air ais aon cheann-feadhna do na seirbhisich a's lugha ta aig mo thighearn? agus a dh'earbas tu as an Eiphit air son charbadan agus marcshluaigh?

10 Agus a nis, an ann as eugmhais an Tighearna a thàinig mis' a nìos an aghaidh na tìre so, g'a sgrìos? Is e an Tighearn a thubhairt rium, Rach suas an aghaidh na tìre so, agus sgrìos i.

11 An sin thubhairt Eliacim, agus Sebnah agus Ioah ri Rabsaceh, Labhair, guidheamaid ort, ri do sheirbhisich, anns a' chainnt Shirianach, oir tuigidh sinn i; agus na labhair ruian anns a' chainnt Iudaich, ann an cluasaibh an t-sluaigh a ta air a' bhalladh.

12 Agus thubhairt Rabsaceh, An ann a dh'ionnsuidh do thighearna-sa agus a d'ionnsuidh-sa, a chuir mo thighearn mise, a labhairt nam briathra so? nach ann a dh'ionnsuidh nan daoine a ta nan suidhe air a' bhalladh, a chum gu'n ith iad an salchar féin, agus gu'n òl iad an uisge<sup>b</sup> féin, maille ribh-se?

13 An sin sheas Rabsaceh agus ghlaodh e le guth àrd anns a' chainnt Iudaich, agus thubhairt e, Cluinnibh briathran an rìgh mhòir, rìgh Asiria.

14 Mar so deir an rìgh, Na mealladh Hesechia sibh, oir cha bhi e comasach air 'ur tearnadh:

15 Agus na tugadh Hesechia oirbh bhur dòchas a chur anns an Tighearn, ag ràdh, Gu cinnteach tèarnaidh e an Tighearn sinn, cha d'fhoirear thairis am baile so ann an làimh rìgh Asiria.

16 Na h-éisdibh ri Hesechia; oir mar so deir rìgh Asiria, Deanaibh coimhcheangal riumsa le tìodhlacadh, agus thigibh do m' ionnsuidh; agus itheadh gach fear d'a chrann-fìona, agus gach fear d'a chrann-fìge féin, agus òladh gach fear uisge a' thobair féin;

17 Gus an d'thig mis agus gu'n d'fhoir mi sibh gu tìr cosmhuil ri' r tìr féin; tìr arbhair gus fhìona, tìr arain agus fhìon-liosan.

18 Thugaibh an aire nach cuir Hesechia impidh oirbh, ag ràdh, Tèarnaidh an Tighearn sinn. An do theasairg dée nan cinneach, gach aon a thìr féin, a làimh rìgh Asiria?

19 C'àit am bheil dée Hamait agus

Arphaid? c'àit am bheil dée Shepharbhaim? an do theasairg iad Samaria as mo làimh-sa!

20 Cò am measg uile dhiathan nan dùthchanna so, a theasairg an tìr féin as mo làimh-sa, gu'n teasairgeadh an Tighearn Ierusalem as mo làimh?

21 Ach dh'fhan iad nan tosd, agus cha d'thug iad focal freagraidh air; oir b'i àithne an rìgh, Na tugaibh freagradh air.

22 An sin thàinig Eliacim, mac Hilcial, a bha os ceann an tighe, agus Sebnah an sgrìobhuiche, agus Ioah mac Asaiph an seanachaidh, gu Hesechia, le'n eudach reubta, agus dh'innis iad dha briathran Rabsaceh.

## CAIB. XXXVII.

**A**GUS an uair a chuala Hesechia an rìgh e, reub e eudach, agus chòmhdaich se e féin le eudach saic, agus chaidh e a steach do thigh an Tighearna.

2 Agus chuir e Eliacim, a bha os ceann an tighe, agus Sebnah an sgrìobhuiche, agus seanoirean nan sagart, còmhdaichte le eudach saic, gu Isaiah, mac Amois, am fàidh.

3 Agus thubhairt iad ris, Mar so deir Hesechia, Is là teinn agus achmhasain agus maslaidh an là so; oir tha clann air teachd gu inbhe breith, agus neart gu breith cha 'n'eil ann.

4 Theagamh gu'n tabhair an Tighearn do Dhia fa' near briathran Rabsaceh, a chuir a thighearn rìgh Asiria a mhaslachadh an Dé bheo; agus gu'n cronuich e na briathran a chual an Tighearn do Dhia: cuir thusa ma ta suas urnuigh air son an iarmaid a dh'fhàgadh.

5 Mar sin thàinig òglaich<sup>d</sup> rìgh Hesechia gu Isaiah.

6 Agus thubhairt Isaiah riu, Mar so their sibh ri 'ur tighearn, Mar so tha an Tighearn ag ràdh, Na biodh eagal ort air son nam briathran a chuala tu, leis an d'thug òglaich rìgh Asiria masladh dhomh-sa.

7 Feuch cuiridh mi osag air<sup>e</sup>, agus cluinidh e tuairisgeul<sup>f</sup>, agus pillidh e d'a thìr féin: agus bheir mi air tuiteam leis a' chlàidheamh na thìr féin.

8 Mar sin phill Rabsaceh, agus fhuair e rìgh Asiria a' cogadh an aghaidh Libnah; oir chual e gu'n d'fhalbh e o Lachis.

9 Agus an uair a chual e mù thimchioll Thirhacah, rìgh Etiopia, ag ràdh, Thàinig e mach a choeadh riut; chuir e teachdairean gu Hesechia, ag ràdh,

<sup>a</sup> geall-umhlachd.  
<sup>c</sup> teasairgidh.

<sup>b</sup> mùn.

<sup>d</sup> seirbhisich, searbhanta.

<sup>e</sup> spiorad ann.

<sup>f</sup> iomradh.

10 Mar so their sibh ri Heseciah rìgh Iudah, Na mealladh do Dhia thu, as am bheil thu ag earbsabh, ag ràdh, Cha d'fhoirear Ierusalem thairis do làimh rìgh Asiria.

11 Feuch, chuala thu ciod a rinn rìghrean Asiria ris na dùthchannaibh uile, 'gan sgrios gu tur; agus am bi thusa air do thearnadh?

12 An do theasaig dèe nan cinneach iadsan a sgrios m'aithriche-sa, eadhon Gosan, agus Haran, agus Reseph, agus mic Edein a bha ann an Telasar?

13 C'àit am bheil rìgh Hamait, agus rìgh Arphaid, agus rìgh mòr-bhaile Shepharbham, Hena, agus Ibah?

14 Agus ghabh Heseciah an litir o làimh nan teachdairean, agus leugh se i, agus chaidh Heseciah suas do thighean an Tighearna, agus sgaoil e i am fianuis an Tighearna.

15 Agus rinn Heseciah urnuigh ris an Tighearn, ag ràdh,

16 O Thighearn nan sluagh, Dhia Israeil, a ta a'd' chòmnuidh eadar na cherubim; is tusa féin, a'd' aonar, Dia uile rìoghachda na talmhainn; is tu a rinn na nèamhan agus an talamh.

17 Crom, O Thighearn, do chluas, agus cluinn; fosgail, O Thighearn, do shùilean, agus faic; agus cluinn uile bhriathran Shenacherib, a chuir e a mhaslachadh an Dé bheo.

18 Gu deimhin, O Thighearn, sgrios rìghrean Asiria na cinnich uile, agus am fearann.

19 Agus thilg iad an dèe anns an teine; oir cha bu dèe iad, ach obair làmhnan duine, fiodh agus clach; uime sin sgrios iadsan iad.

20 Ach a nis O Thighearn ar Dia, teasaig sinn o a làimh; a chum gu'm bi fios aig uile rìoghachdaibh na talmhainn gur tus', a Thighearn, an t-aon Dia.

21 An sin chuir Isaiàh mac Amois fios gu Heseciah, ag ràdh, Mar so deir an Tighearn Dia Israeil, Do thaobh na h-urnuigh a rinn thu rium mu thimchioll Shenacherib rìgh Asiria;

22 So am focal a labhair an Tighearn m'a thimchioil-san; Rinn dìgh-nighean Shioin fàir ort, rinn i gàire fanoird riut; chrath nighean Ierusalem a ceann air do chùlaobh.

23 Cò d'an d'thug thu masladh agus toi-bheum? agus cò a thog thu do ghuth na aghaidh, agus a thog thu suas do shùilean gu h-àrd? an ann an aghaidh Ti naomha Israeil?

24 Le do luchd-muinntir mhaslaich thu an Tighearn, agus thubhairt thu, Le Ìonmhoireachd mo charbad dhìr mi airde nam beann, sliosann Lebanoin; agus gearraidh mi sìos a' chuid

a's airde d'a chraobhan sendair, rogha a chraobhan giuthais; agus théid mi stigh do ionad àrd a chrìche, frith a Charmeil.

25 Chladhaich mi agus dh'òl mi uisgeacha; agus le bonn mo chos thiormaich mi uile shruthan nan ionada daingnichte.

26 Nach cuala tu o shean gu'n d'rinn mi e, agus o aimsiribh cian gu'n do dhealbh mi e? A nis thug mi gu crìch e, gu'm biodh tusa chum bailte daingnichte chur fàs nan carnaibh sgrios.

27 Uime sin bhia an luchd-àiteachaidh air bheag neart; bha iad fo gheilt-chrith agus amhludh; bha iad mar fheur na machrach, agus mar an luibh uaine; mar fheur mullaich an tighe, agus mar an tarbhar, a sheargas mu'm fàs e suas.

28 Ach is aithne dhomh do shuidhe sìos, agus do dhol a mach, agus do theachid a steach, agus do bhoile ann am aghaidh.

29 A chionn gu'n d'thàinig do bhoile a'm' aghaidh, agus d'àrdan, a nìs gu'm chluasaibh; air an aobharsin cuiridh mi mo dhubhan ann ad shròin, agus mo shrian ann ad bheul; agus pillidh mi air d'ais thu air an t-slighe air an d'thàinig thu.

30 Agus bithidh so na chomhara dhuit; Ithibh air a' bhliadhna so an nì sin a dh'fhàsas leis féin, agus an dara bliadhna an nì a chinneas as sin; agus an treas bliadhna cuiribh agus buainibh; agus suidhichibh fion-liosan, agus ithibh an t-òradh.

31 Agus gabhaidh am fuigheall a théid as do thigh Iudah, fathast freumh sìos, agus giùlainidh e toradh suas.

32 Oir o Ierusalem théid fuigheall a mach, agus iadsan a théid as o shliabh Shioin: nì eud Tighearna nan sluagh so a choimhlionadh.

33 Air an aobhar sin, mar so deir an Tighearn mu thimchioll rìgh Asiria, Cha d'thig e a steach do'n chathair so, agus cha tilg e saighead innte, agus cha tog e sgiath fa comhair agus cha chuir e suas torr na h-aghaidh.

34 Air an t-slighe air an d'thàinig e, mar sin pillidh e; agus do'n chathair so cha d'thig e steach, deir an Tighearn.

35 Agus dìonaidh mis' a' chathair so chum a tearnadh, air mo sgàth féin, agus air sgàth Dhaibhidh m'òg-laich.

36 Agus chaidh aingeal an Tighearna a mach, agus bhuail e, ann an campa nan Asirianach, ceud agus ceithir fichead agus cùig mìle; agus an uair a dh'èirich daoine 'sa mhad-

uinn, bha iad sin uile nan corpaibh marbha.

37 Agus thog Senacherib rìgh Asiria air, agus dh'fhalbh e, agus phill e, agus ghabh e còmhnuidh ann an Nineveh.

38 Agus tharladh, an uair a bha e ri adhradh ann an tigh Nisroch a dhé, gu'n do bhuail Adramelec agus Sareser, a mhic, e leis a' chlaidheamh, agus theich iad do thìr Armenia; agus rioghaich Esarhadon a mhac na àit.

## CAIB. XXXVIII.

**A**NNS na laithibh sin bha Heciah tinn gu bàs; agus thàinig Isaiah am fàidh, mac Amais, d'a ionnsuidh, agus thubhairt e ris, Mar so tha an Tighearn ag ràdh, Cuir do thigh an ordugh, oir gheibh thu bàs, agus cha mhair thu beo.

2 An sin thionndaidh Heciah 'aghaidh ris a' bhalladh, agus rinn e urnuigh ris an Tighearn;

3 Agus thubhairt e, Guidheam ort, O Thighearn, cuimhnich a nis cionnus a ghluais mi a'd' làthair ann am firinn, agus le cridhe ionnlan, agus rinn mi an *ni a ta* maith a'd' shùilibh. Agus ghul Heciah gu goirt.

4 An sin thàinig focal an Tighearna dh'ionnsuidh Isaiah, ag ràdh,

5 Falbh agus abair ri Heciah, Mar so deir an Tighearn, Dia Dhaibhidh d'athar, Chuala mise d'urnuigh, chunnaic mi do dheòir; feuch cuiridh mi ri d' laithibh cùig bliadhna deug;

6 Agus saoraidh mi thusa agus am baile so a' làimh rìgh Asiria; agus dìonaiddh mi am baile so.

7 [Agus thubhairt Isaiah<sup>b</sup>,] 'Se so a's comhara dhuit gu'n dean an Tighearn an ni a labhair e;

8 Feuch, bheir mi air ais dubhar nan ceum, a ta air dol sìos leis a' ghréin air ceumaibh<sup>c</sup> Ahais, deich ceuman air ais. Agus phill a'ghrian air a h-ais deich ceuman air na ceumaibh air an deachaidh i sìos.

9 Scriobhadh Heciah rìgh Iudah, an uair a bha e tinn, agus shlànuicheadh e o<sup>a</sup> thinneas.

10 Thubhairt mi, ann an giorrachadh mo laithean, Théid mi a steach air dorsaibh na h-uaghe, chaill mi fuigheall mo bhliadhnachan.

11 Thubhairt mi, Cha'n fhaic mi ni's mò an Tighearn, eadhon an Tighearn ann an tìr nam beo: cha seall mi air duine ni's mò, maille ri luchd àiteachaidh an t-saoghail.

12 Tha m'aois air dealachadh rium,

<sup>a</sup> Thoir àithne mu thimchioll do thighe.  
8, 9.

<sup>b</sup> Faic II. Rìgh. XX.  
<sup>c</sup> uaireadair-gréine.

agus dh'atharraicheadh i air falbh mar phàillion buachaille; ghearradh as mo bheatha mar gu'm b'ann leis an fhigheadair; ta e gam chlaoidheadh le tinneas caithteach; o là eadhon gu h-oidhche ta thu a' cur as domh.

13 Shaoil mi, gus a' mhaduinn, gu'm brisadh e, mar leònlhan, mo chnàmhan uile; o là eadhon gu h-oidhche ta thu a' cur as domh.

14 Mar ghobhlan gaoithe, no mar chorr, rinn mi canran; rinn mi caoidh mar choluman: tha mo shùilean air fàilneachadh le sealtuinn suas. O Thighearn, tha mi air mo shàruchadh; bi thus a'd' urras dhomh.

15 Ciod a their mi? Labhair e rium, agus fòs choimhlion e. Gluaisidh mi gu fòil uile bhliadhnachan mo bheatha, air son amhghair m'anma.

16 O Thighearn, trid nan nithe sin bithidh siad beo, agus anns na nitheibh sin ta beatha mo spioraid: mar sin shlànuich agus bheothaich thu mi.

17 Feuch, tha m'amhghar air a chaochladh gu fois; theasaig thu gu caomh m'anam o shlochd mìlteach; seadh, thilg thu air do chùlaobh m'uile lochdan.

18 Gu deimhin cha dean an uaigh luadh<sup>d</sup> ort, cha d'thoir am bàs cliù dhuit; cha chuir iadsan a théid sìos do'n t-slochd an dòigh ann ad fhìrinn.

19 Am beo, am beo, molaidh esan thu, mar a dheanams' air an là'n diugh; foillsichidh an t-athair do'n chloinn do thairisneach<sup>e</sup>.

20 Bha an Tighearn leam do m' thearnadh; air an aobhar sin seinnidh sinn mo dhàin air na h-innealaibh-ciuil, uile laithean ar beatha, ann an tigh an Tighearna.

21 Agus thubhairt Isaiah, Gabhadh iad meall fhigean, agus sgaoileadh iad air an neasgaid iad, agus slànuichear e.

22 Agus thubhairt Heciah, Ciod e an comhara gu'n d'théid mi suas do thigh an Tighearna!

## CAIB. XXXIX.

**A**NNS an àm sin, chuir Merodach-baladan, mac Bhaladain, rìgh Bhabiloin, litir agus tiodhlac gu Heciah: oir chual e gu'n robh e tinn, agus gu'n do shlànuicheadh e.

2 Agus rinn Heciah gaindeachas air an son; agus dh'fheuch e dhoibh tigh-tasgaidh a nithe luachmhor, an t-airgiod agus an t-òr, agus na spioruidhean, agus an ola luachmhor, agus a thigh-àrnachd gu léir, agus na h-uile ni a fhuaradh na ionmhasaibh; cha robh ni na thigh

<sup>d</sup> iomradh.

<sup>e</sup> d'fhìrinn.

agus na rioghachd uile, nach d'fheuch e dhoibh.

3 Agus thàinig am fàidh Isaiah gu rìgh Hesechia, agus thubhairt e ris, Ciod a thubhairt na daoine so? agus cia as a thàinig iad a d'ionnsuidh? Agus thubhairt Hesechia, Thàinig iad do m'ionnsuidh o thìr chéin, o Bhabilon.

4 Agus thubhairt e, Ciod a chunnaic iad ann ad thigh? Agus thubhairt Hesechia, Na h-uile *mithe* a th'ann mo thigh chunnaic iad; cha'n'eil ni ann am ionmhasaibh nach d'fheuch mi dhoibh.

5 An sin thubhairt Isaiah ri Hesechia, Cluinn focal Tighearna nan sluagh.

6 Feuch, tha na laithean a' teachd, anns am bi gach ni a th'ann ad thigh, agus a thaisg d'aithean suas gu an là an augh, air a ghiùlan air falbh gu Babilon; cha'n fhàgar ni air bith, deir an Tighearn.

7 Agus do d' mhacaibh a thig uait, a ghineas tu, bheir iad leo; agus bithidh iad nan caillteanaich ann an lùchairt rìgh Bhabilon.

8 An sin thubhairt Hesechia ri Isaiah, Is maith focal an Tighearna a labhair thu; oir thubhairt e gu'm bi sinn agus fìrinn ann ri mo laithibh-se.

CAIB. XL.

**T**HUGAIBH comhfhurtachd, thugaibh comhfhurtachd do mo shluagh-sa, deir 'ur Dia.

2 Labhraibh gu sòlasach ri Ierusalem; agus glaothaibh rithe, gu'n do choimhlionadh a cogadh, gu'n do ghlanadh a h-aingidheachd; oir fhuair i o làimh an Tighearna a dhà uiread r'a h-uile pheacaibh.

3 Guth an ti a ghlaodhas anns an fhàsach<sup>a</sup>, Ulluchibh slighe an Tighearn, réitichibh anns an di-threach<sup>b</sup> slighe àrd do ar Dia-ne.

4 Bithidh gach gleann air 'àrdachadh, agus gach slabh air cnoc air 'isleachadh; agus nithear an càrn dìreach, agus na h-ionada garbhanan còmhnaidh réidh.

5 Agus foillsichear glòir an Tighearna, agus chi gach uile fheoil i le chéile; oir is e beul an Tighearna a labhair.

6 Tha'guth ag ràdh, Eigh; agus thubhairt nise, Ciod a dh'èigheas mi? Is fear gach uile fheoil, agus ta a h-òirdheirceas uile mar bhlàth na machlach.

7 Tha am fear a' seargadh, am blàth a' crìonadh, 'nuair a shéideas gaoth an Tighearna air; gu cinnteach is fear an sluagh.

8 Tha am fear a' seargadh, am

blàth a' crìonadh: ach seasaidh focal ar Dé-ne gu sìorruidh.

9 O thus' a tha tabhairt deadh sgéil do Shìon, gabh suas gu sliabh àrd, O thus' a tha tabhairt deadh sgéil do Ierusalem, tog do ghuth le neart; tog e, na biond eagall ort; abair ri bailtibh Iudah, Féuch blur Dia!

10 Feuch thig an Tighearn Iehobah le làimh làidir, agus bheir a ghairdean buaidh a mach dha; teuch, tha a dhuais maille ris, agus 'obair na fhianuis.

11 Mar bhuachaille beathaichidh e a threud; le a ghairdean cuartichidh e na h-uain, agus giùlainidh se iad na uchd; iomainidh e gu séimh an spréidh a tha trom le h-àl<sup>c</sup>.

12 Cò a th' mhais na h-uisgeachan ann an glaic a làimhe; agus a shìn a mach na n'èmhla le réis; agus a chruinnich duslach na talmhainn ann an soitheach-tomhais; agus a chothromaich na sléibhteann ann an sligibh, agus na cruic ann am meigh-chothroim?

13 Cò a sheòl Spiorad an Tighearna; no mar aon d'a chomhairle, a theagaisg e?

14 Cò ris a chuir e a chomhairle, agus cò a theagaisg e, agus a sheòl dha ceum a' bhreitheanais, agus a dh'ionnsuich dha eòlas, agus a sheòl dha slighe na tuisge?

15 Feuch tha na cinnich mar bhoinne an t-soithich-uisge; agus measar iad mar dhus mìn na sligetomhais: feuch, togaidd e suas na h-eileana mar smùirnean.

16 Agus cha leòr Lebanon, gu a losgadh, agus cha leòr a bheathaichean air son iobairt-loisgte.

17 Tha na cinnich uile mar neo-ni na làthair-san; tha iad air am meas leis mar fhìor neo-ni agus dìomhanas.

18 Cò ris, ma seadh, a shamhlaicheas sibh Dia? agus ciod an coslas a ni sibh dha?<sup>d</sup>

19 Tilgidh am fear-cìrde dealbh snaidhte, agus cuiridh an t-òr-cheard thairis e le h-òr; agus ni e slabhruidhean airgid air a shon.

20 Am fear aig nach 'eil fiù tabhartas, taghaidh e mìr fiodha nach grod; iarraidh e mach dhafain fear-oibre seòlta, a chuireas an uigheam dealbh snaidhte nach d'theid a ghluasad.

21 Nach d'fhair sibh fios? nach euala sibh *sgéul*? nach do chuireadh an céill duibh o thùs? nach do thuig sibh o leagadh bunaite na talmhainn?

22 Is esan a ta na shuidhe air cuairt na talmhainn, agus tha a

<sup>a</sup> Guth neach a' glaothaich; Anns an fhàsach, &c.

<sup>b</sup> fhàsach.

<sup>c</sup> na caorich-altruim.

<sup>d</sup> ciod an samhla bheir sibh air?



luchd-àiteachaidh mar fhionnain-  
fheoir<sup>a</sup>; a ta sìneadh mach nan  
nèamha mar sgàil thana, agus 'gan  
sgaoileadh mar bhùth anns an  
gabhar còmhnuidh.

23 A tha tabhairt phrionnsuchan  
gu neo-ni, agus a' deanamh bluireith-  
eachlan nan dlomhanas.

24 Seadh cha suidhichear iad, ni  
mò a chuirear iad, ni mò a fhreumh-  
aicheas an bun 'san talamh; an uair  
a shéideas e orra, seargaidh iad; agus  
bheir a' chuairt-ghaath air falbh iad  
mar asbhuain.

25 Cò ris nia ta a shamhluicheas  
sibh mise, no a choimeasar mi? deir  
an Ti naomha.

26 Togaibh 'ur sùilean an àird,  
agus feuchaibh, cò a chruthaich iad  
so; Esan a bheir a mach an armait-  
ean air àireamh; a ghairmeas orr'  
uile air an ainm; trid meud a neirt  
agus treise a chumhachd, cha bhi  
aon air chall<sup>b</sup>.

27 C'uime a deir thusa, O Iacob,  
agus a labhras tu, O Israeil; tha mo  
shlighe foluichte o'n Tighearn, tha  
mo chùir air a leigeadh air dearmad  
le mo Dhia?

28 Nach aithne dhuit, nach cuala  
tu? An Diabith-bhuan, an Tighearn,  
Cruth-shear chrìocha na talmhainn,  
cha'n fhannach agus cha sgìthich  
e; cha'n fheudar a thuigse a  
rannsachadh.

29 Bheir esan neart do'n anfhann,  
agus dhoibh-san a ta gun lùgh  
meudaichidh e treise.

30 Fàsaidh na h-dìgfluir lag agus  
sgìth, agus tuitidh an dìgridh thaghta  
gu làr;

31 Ach iadsan a dh'fheitheas air  
an Tighearn gheibh iad spionnadh  
nuadh; éiridh iad suas mar iolairair  
a sgiathaibh; ruithidh iad agus cha  
bhi iad sgìth, sìubhlaidh iad agus  
cha'n fhàs iad fann.

CAIB. XLI.

**B**ITHIBH 'n'ur tosd a'm' làthair,  
O eileana, agus ath-nuadhaich-  
eadh na slòigh an neart; thigeadh  
iad an fagus, an sin labhradh iad;  
dlùthaicheamaid r'a chéile chum  
tagraidh.

2 Cò a dhùisg suas an t-ionracan  
o'n ear, a ghairm e chum a choise, a  
chuir na cinich na fhochair, agus a  
thug dha riaghladh thar righribh? a  
rinn iad mar an duslach roimh a  
chlaidheamh, agus mar an asbhuain  
fhuadaichte roimh a bhogha?

3 Ruaig e iad, chaidh e thairis  
ann an téaruinteachd; air slighe  
nach d'imich e roimhe le a chosaibh.

4 Cò a dh'oilbrich agus a choimh-

lion so, a' gairm nan ginealach o  
thùs? Mise an Tighearn, an ceud  
neach, agus maille rìusan air dheir-  
eadh, is mise e.

5 Chunnaic na h-eileana, agus  
ghabh iad eagal; iomalla na tire,  
agus bha iad fo uabhas; dhùthaich  
iad, thàinig iad am fagus.

6 Chuidich gach fear a choimh-  
earsnach, agus thubhairt e r'a  
bhràthair, Bi misneachail.

7 Mar sin thug an saor misneach  
do'n òr-cheard; esan a mhìnicheas  
leis an òrd, do'n fhear a bhuailas  
air an innein; ag ràdh, *Tha e*  
*ullamh chum a thàthadh*<sup>c</sup>; agus  
dhaingnich e le tairngibh e, air chior  
as nach gluaisteadh e.

8 Ach thusa Israeil, m'òglach, a  
Iacob, a roghnaich mi; sliochd  
Abrahaim mo charaid;

9 *Thu-sa* a stiuir mi o iomallaibh  
na talmhainn, agus a ghairm mi o  
mheasg a maithean; agus thubhairt  
mi riut, Is tu m'òglach, roghnaich  
mi thu, agus cha do chuir mi càl  
riut:

10 Na biodh eagal ort, oir *tha*  
mise maille riut; na biodh geilt ort,  
oir is mise do Dhia; neartaichidh<sup>d</sup>  
mi thu, seadh cuidichidh<sup>e</sup> mi thu,  
seadh cumaidh<sup>f</sup> mi suas thu le deas  
làimh m'fhìreantachd.

11 Feuch nàraichear agus mas-  
laichear iadsan uile a bha air bhoile  
riut; bithidh iad mar neo-ni; agus  
théid iadsan a ni strì riut am  
mugha.

12 Iarraidh tu iad, agus cha'n  
fhaigh thu iad, *eadhon* na daoine a  
rinn strì riut; bithidh na daoine a  
rinn cogadh riut mar neo-ni, agus  
mar ni gun blàigh.

13 Oir tha mise, an Tighearn do  
Dhia, 'gad chumail suas air do  
làimh dheis; ta mi ag ràdh riut,  
Na biodh eagal ort, ni mise cobhair  
ort.

14 Na biodh eagal ort, a chnuimh  
a Iacob, a dhaoine bàsmhor Israeil;  
ni mise cobhair ort, deiran Tighearn,  
agus is e d'fhear-saoraidh Ti naomha  
Israeil.

15 Feuch ni mis' thu a'd' inneal-  
bualaidh geur, nomha, aig am bi  
fiacra; buailidh tu na sléibhtean,  
agus pronnaidh tu gu mìn iad; agus  
ni thu na cnuc mar mhol.

16 Fosgaidh tu iad, agus bheir  
a' ghaath air falbh iad, agus sgapaidh  
a' chuairt-ghaath iad; ach ni thusa  
gairdeachas anns an Tighearn; ni thu  
uaill ann an Ti naomha Israeil.

17 An uair a bhitheas am bochd  
agus an t-ainnis ag iarraidh uisge,  
agus nach bi e ann; agus a bhitheas

<sup>a</sup> leumnaich uaine, dhreollain.

<sup>b</sup> air dearmad, do dhìth.

<sup>c</sup> ag ràdh, mu'n tàthadh, Is maithe e.

<sup>d</sup> neartaich. <sup>e</sup> chuidich. <sup>f</sup> chum.

an teanga air tiormachadh le tart, mise Iehobhah freagram iad; Dia Israel, is mi nach tréig iad.

18 Fosgailidh mi aibhnichean anns na h-ionadaibh àrda, agus tobraichean ann an meadhon nan gleann; ni mi am fàsach na linne uisge, agus am fearann tioram na shruthaibh uisge.

19 Cuiridh mi anns an fhàsach an seudar, an sitta, am miortal, agus an crann-ola; suidhichidh mi anns an fhàsach a' giuthas, an gall-ghiuthas, agus am bocsa le chéile.

20 A chum gu'm faic agus gu'n aithnich iad, agus gu'n toir iad faineas, agus gu'n tuig iad maraon, gur i làmh an Tighearna a rinn so, agus gur e Ti naomh Israel a dhealbha e.

21 Thugaibh am fagus 'ur cùis, deir an Tighearn; thugaibh a làthair bhur mòr chumhachdan, deir rìgh Iacoib.

22 Thigeadh iad am fagus, agus innseadh iad dhuinn na nithe a thig gu crìch; innseadh iad dhuinn ciod iad na nithe a bha roimhe, chum as gu'n d'thoir sinn faineas iad; agus gu'm bi fios againn air a' chrìch; no cuireadh iad an céill nithe ri teachd.

23 Innsibh dhuinn na nithe a thig gu crìch an déigh so, agus aithnichidh sinn gur dée sibh; seadh dean-zibh maith, no deanaibh olc, a chum as gu'n amhaire sinn, agus gu'm faic sinn e maraon.

24 Feuch, is neo-nisibh, agus is ni gun bhrìgh bhur obair: is gràinealachd esan a roghnaicheas sibh.

25 Thog mi suas fear o thuath, agus thig e; o éirigh na gréine gairmidh e air m'ainm; agus thig e nuas air prionnsaibh mar air clàbar, agus mar a shaltras an criadh-dair a' chriadh.

26 Cò a dh'innis o thùs, ionnas gu'm biodh fios againn; agus roimh làimh, gu'n abramaid, Tha e ceart? Seadh, cha 'n'eil neach ag innseadh, seadh, cha 'n'eil neach ag cur an céill, seadh, cha 'n'eil neach ag cluinntinn 'ur briathra.

27 *Their mi ri Sion an toiseach, Feuch, feuch iad sin;* agus do Ierusalem bheir mi teachdair deadh sgéil.

28 Oir dh'amhaire mi, agus cha robh neach ann, agus nam measg cha robh fear-comhairle; no neach a bheireadh freagradh an uair a dh'fhèdrich mi dhiubh.

29 Feuch, is dìomhanas iad uile; is neo-ni an oibre; is gaoth agus faoineis an dealbhan leaghta.

CAIB. XLII.

**F**EUCH m'òglach, a chumas mi suas; m'aon taghta, anns an bheil tlachd aig m'anam: chuir mi mo spiorad air; foillsichidh e breitheanas do na cinnich.

2 Cha ghlaodh e, agus cha tog e iolach; agus cha chluinnear a ghuth anns na sràidibh b.

3 A' chuile bhrùithe cha bhris e, agus an lion d'am bheil caol smùid cha mhùch e; foillsichidh e breitheanas chum firinn.

4 Cha d'thig failing no briseadh air, agus an suidhich e breitheanas air an talamh; agus feithidh na h-eileana air a lagh.

5 Mar so deir an Tighearn Dia, esan a chruthaich na nèamhán, agus a shìn a mach iad; a sgaoil a mach antalamh agus na chinneas as; a tha tabhairt anail do'n t-sluagh a ta air, agus deo dhoibh-san a ta 'g imeachd air.

6 Ghairm mise Iehobhah thu ann am fireantachd, agus gabhaidh mi greim do d' làimh, agus gléidhidh mi thu; agus bheir mi thu mar choimheangal do'n t-sluagh, mar sholus do na cinnich.

7 A dh'fhosgladh nan shùilean dalla; a thabhairt a phrìosunaich a mach as a' phriosun, agus na muinntir a ta nan suidhe ann an dorchadas a' tigh na daorsa.

8 Is mise Iehobhah, is e sin m'ainm; agus mo ghàir cha tabhair mi do neach eile, no mo chliu do dhealbhan snaighte.

9 Feuch na seann nithe, thàinig iad gu crìch, agus nithe nuadh cuiream an céill; mu'm bris iad a mach, foillsichidh mi dhuibh iad.

10 Seinnibh do'n Tighearn òran nuadh; seinnibh a chliu o iomall na talmhainn; sibhse a bhios dol air cuan, agus na h-uile a ta 'ga lìonadh; eileana, agus na h-uile a ta chòmhnuidh anna.

11 Togadh am fàsach iolach, agus na bailtean a ta ann; na bailtean beaga, luchd àiteachaidh Chedair; deanadh luchd-àiteachaidh na creige co-ghair; o mhullach nan sléibhtean togadh iad iolach.

12 Thugadh iad glòir do'n Tighearn, agus cuireadh iad an céill a chliu am measg nan eilean.

13 Mar threun-fhear théid an Tighearn a mach; mar fhear-cogaidh dùisgidh e suas 'eud; gladhaidh e, seadh togaidh e iolach; ni e gaisge an aghaidh a naimhdean.

14 Dh'fhan mi fada sàmhach, bha mi a'm' thosd, chum mi orm féin<sup>d</sup>;

<sup>b</sup> am muigh.

<sup>c</sup> analach.

<sup>d</sup> An bi mi fathast a'm thosd? An cum mi orm féin?

*nis* éighidh mi mar mhnaoi ri saoth-air; sgriosaidh mi, agus ithidh mi suas maraon.

15 Cuiridh mi fàs sléibhteán, agus tiormaichidh mi am fear uile; ní mi na h-aibhnichean nan cileanaibh, agus tiormaichidh mi na linneachan uisge.

16 Agus stiúraidh mi na doill air slighe nach b'aithne dhoibh; tríd cheuman air nach robh iad édlach treóraidh mi iad; ní mian dorchadas na sholus rompa, agus *ni mi* slighean fiara díreach: na nithe so ní mi air an son, agus cha tréig mi iad.

17 Pillear air an ais, náraichear gu tur, iadsan a ta cur an dóchais ann an dealbh snaighte; a ta 'g rath ris na dealbhan leaghta, Is sibh-se ar dée-ne.

18 Chuinnibh, sibhse ta bodhar; agus a dhaoine dala, amhaircibh a chum 's gu'm faic sibh.

19 Cò a tha dall ach m'oglach-sa, no bodhar mar an teachdair a chuir mi uam? Cò a tha dall mar esan a ta iomlan, no dall mar óglach an Tighearna?

20 Tha thu faicinn iomadh ní, ach cha 'n'eil thu tabhairt fainear; tha do chluasan foscailte, ach gun bhi cluinntinn.

21 Tha an Tighearna grámhor air sgáth 'thirinn féin; ádaichidh e an lagh, agus cuiridh e urram air.

22 Ach is sluaigh so a tha spúinnnte agus creachta; tha iad uile air an glacadh ann an slochdaibh, agus air an druideadh a steach ann am príos-unaibh; rinneadh iad nan cobhartach, agus cha 'n'eil neach 'gan tearuadh; nan creich, agus cha 'n'eil neach a deir, Thoir air ais.

23 Cò 'n'ur measg a dh'éisdeas ri so; a bheir fainear, agus a ghabhas suim 'san àm ri teachd?

24 Cò a thug Iacob mar cobhartach, agus Israel do'n luchd-creachaidh? Nach b'e an Tighearna, esan an aghaidh an do pheacaich iad, agus nach b'aill leo gluasad na shligheibh, ní mò thug iad géill d'a reachd?

25 Air an aobhar sin dhóirt e air teas a chorruih, agus neart a' chatha; agus dh'fhadaidh e teine mu'n cuairt da, ach cha do thuig e; agus loisg se e, gidheadh cha d'thug e fainear.

## CAIB. XLIII.

**A**CH a nis mar so deir an Tighearna, a chruthaich thu O Iacob, agus a dhealbhaigh thu O Israel; Na biodh eagal ort, oir shaor mise thu; ghairm mi thu air d'ainm; is leam-sa thu.

2 An uair a shiùbhlas tu tríd nan

uisgeachan, *bithidh* mise maille riut; agus tríd nan aibhnichean, chad' thug iad tharad; an nair a dh'inicheadh tu tre an teine, cha loisgear thu, agus cha dean an lasair greim ort<sup>a</sup>.

3 Oir is mise an Tighearna do Dhia, Ti naomh Israel, d'fhear-saoruidh: thug mi an Eiphit ann ad eiric; Etiopia agus Seba air do shon.

4 A chionn gu'n robh thu luachmhor ann am shealladh, fluair thu urram, agus thug mise gràdh dhuit; uime sin bheir mi daoine air do shon, agus sìdigh an eiric d'anama.

5 Na biodh eagal ort, oir tha mise maille riut; o'n ear bheir mi do shliocht, agus o'n iar cruinnichidh mi thu.

6 Their mi ris an àirde tuath, Thoir seachad, agus ris an àirde deas, Na cum air ais; thoir mo mhic o chéin, agus mo nigheanan o chríochaibh na talmhaíon;

7 Eadhon gach neach a ta air a ghairm air m'ainm-sa; oir chum mo ghloire chruthaich mi e, dhealbhaigh mi e, seadh riun mi e.

8 Thugaibh a mach iadsan a tha dall, agus súilean aca; agus a ta bodhar, agus cluasan aca.

9 Cruinnicheadh na cinnich uile le chéile, agus tionaillear na sìdigh; cò nam measg a dh'fhoillsicheas so, agus a dh'inneas duinn na nithe air thoiseach? Thugadh iad a làthair am fianuisean, a chum gu'm bi iad air am fireanachadh; no éisdeadh iad, agus aidicheadh<sup>b</sup> iad, *Tha sin* fíor.

10 Is sibh-se m'fianuisean, deir an Tighearna, eadhon m'oglach a roghnaich mi; a chum gu'n aithnich agus gu'n creid sibh mi; agus gu'n tuig sibh gur mi Esan; rouham-sa cha robh dia sam bith air a dhealbhadh, ní mò bhitheas aon a'm<sup>c</sup> dhéidh.

11 Is mise, eadhon mise an Tighearna; agus a mach uam-sa<sup>c</sup> cha 'n'eil slanuighear ann.

12 Dh'fhoillsich mise, agus theas-airg mi, agus chuir mi 'n céill, an uair nach robh dia eile 'n'ur measg; uime sin is fianuisean sibh dhomh-sa, gur mi Dia.

13 Eadhon mu'n robh latha ann, is mi E; agus cha 'n'eil neach ann a theasairgeas as mo làmh; oibrichidh mise, agus cò a bhacas e?

14 Mar so deir an Tighearna, 'ur fear-saoraidh, Ti naomha Israel, Air bhuir son-sa chuir mi fios gu Babilon agus thug mi nuas a croian-dhruididh uile, agus na Caldéich a ni pail<sup>d</sup> nan longaibh.

<sup>a</sup> cha dearg an lasair ort.

<sup>b</sup> abradh. <sup>c</sup> a bharr orm-sa.

<sup>d</sup> iolach.

15 Is mise an Tighearn, bhur Ti naomha, cruith-fhear Israeil, bhur righ.

16 Mar so deir an Tighearn, esan a ni slighe anns an fhairste, agus rathad anns na h-uisgeachaibh làidir;

17 A bheir a mach an carbad agus an t-each, an armait agus am feachd; le chéile luidhidh iad sìos, agus cha'n éirich iad; chuireadh as iad, mhùchadh iad mar asgart.

18 Na cuimhnichibh na nithe a bh'ann roimhe; agus na nithe a bha o shean na tugaibh fainear.

19 Feuch nì mi nì nuadh, a nis brisidh e mach; nach d'fhoir sibh aire dha? Seadh, nì mi anns an fhàsach slighe, agus aibhnichean anns an dithreabh.

20 Bheir fiadh-bheathach na machrach glòir dhomh; na dragona agus na cailleachan-oidhche; a chionn gu'n d'thug mi uisgeachan anns an fhàsach, aibhnichean anns an dithreabh; a chum deoch a thabhairt do m' shluagh, do mo mhuinntir thaghta.

21 An sluagh so dhealbh mi air mo shon féin, cuiridh iad an céill mo chliu.

22 Gidheadh cha do ghairm thu orm O Iacob, ach ghabh thu seirbhe dhìom O Israeil.

23 Cha d'thug thu do m' ionnsuidh meanbh-chroth do thabhartasa loisgte; nì mò thug thu urram dhomh le d'ìobairtibh; cha do shàruich mi thu le tabhartas, nì mò sgithich mi thu le tùis.

24 Cha do cheannuich thu dhomh-sa le h-airgiod a' chuile chùbhraidh, nì mò lion thu mi le saill d'ìobairtean; ach shàruich thu mi le do lochdaibh; sgithich thu mi le d' ea-ceairtibh.

25 Is mise, mise féin, esan a dhubhas d' ea-ceairtean as, air mo sgàth féin; agus do lochdan cha chum mi air chuimhne.

26 Cuir a'm' chuimhne, tagramaid le chéile; cuir an céill do chùis, dh'fheuchainn an glan thu thu féin.

27 Pheacaich do cheud athair, agus chiontaich do luchd-teagaisg a'm' aghaidh.

28 Uime sin sgar mi mach uachd-arain an ionaid naomha; agus thug mi thairis Iacob chum mallachaidh, agus Israel chum maslaidh.

CAIB. XLIV.

**A**CH a nis éisd, O Iacob m'òglach, agus Israeil a roghnaich mi.

2 Mar so deir an Tighearn a chruthaich thu, agus a dhealbh thu o'n bhroinn, agus a chuidicheas thu; Na biodh eagal ort, a Iacob m'òglach, agus a Iesurun a roghnaich mi;

3 Oir doirtidh mi mach uisge air an tartmhor, agus sruthan<sup>a</sup> air an fhearann chruidh; doirtidh mi mach mo Spiorad air do shliochd, agus mo bheannachd air do ghineil.

4 Agus fàsaidh iad suas mar anns an fheur; mar gheugaibh seilich ri taobh nan sruth-chlaisean.

5 Their am fear so, Is leis an Tighearn mise; agus ainmichear fear eile air ainm Iacob; agus scrìobhaidh fear eile le a làimh<sup>b</sup> do'n Tighearn, agus sloinnidh se e féin air ainm Israeil.

6 Mar so deir an Tighearn, righ Israeil, agus 'fhear-saoraidh Tigh-earn nan sluagh, Is mi an ceud neach, agus is mi an neach deireannach; agus a mach uam-sa cha 'n'eil dia ann.

7 Agus cò, mar mise, a ghairmeas, agus a chuireas an céill e, agus a chuireas an ordugh dhomh e, o'n àm an do shuidhich mi an sluagh o shean? no a chuireas an céill doinn<sup>c</sup> na nithe a ta a' teachd, agus a ta ri teachd.

8 Na biodh eagal oirbh, agus na biodh geilt oirbh; nach d'fhoillsich mise dhuit o'n àm ud, agus nach d'innis mi? seadh is fianaisean sibh dhomh. Am bheil dia ann ach mise? seadh cha 'n'eil dia<sup>d</sup> eile ann; cha'n aithne dhomh aon.

9 Iadsan a nì dealbh naughte, is dìomhanas iad uile; agus nan nithibh taitneach cha bhì tairbhe; agus tha iad nam fianuisibh nan aghaidh féin, nach faic iad, agus nach tuig iad, a chum as gu'm biodh iad air an nàrachadh.

10 Cò a dhealbh dia, no a thilg dealbh leaghta, anns nach 'eil tairbhe sam bith?

11 Feuch, bithidh a chompanaich uile air an nàrachadh; agus an luchd-oibre, is daoine iad<sup>e</sup>; cruinn-ichtear iad uile r'a chéile, seasadh iad suas; bithidh eagal orra, agus bithidh iad air an nàrachadh le chéile.

12 Gearraidh an gobha mìr iar-uinn, oibrichidh se e anns na heibhlìbh, agus nì e a chumadh le h-ordaibh, agus caithidh se spionnadh a ghairdein air; seadh bithidh e ocrach, agus fàilnichidh a neart; cha'n òl e uisge, agus bithidh e fann.

13 Sìnidh an saor a mach a rìghail; comharaichidh se e le dath; cuiridh e cumadh air leis an lochdar, agus sgéithidh se e leis a' ghobhal-roinn;

<sup>a</sup> caochana.

<sup>b</sup> cuiridh fear

eile comhair air a làimh.

<sup>c</sup> doibh.

<sup>d</sup> didein, carraig.

Eabh. <sup>e</sup> air an luchd-oibre bithidh rugha gruaidhe.



agus dealbhaidh se e do réir coslais fir, do réir maise duine, chum fan-tuinn anns an fhàdaich.

14 Gearraidh e sìos craobhan seud-air dha féin, agus gabhaidh e an giuthas agus an darach, a thaghas e dha féin am measg chraobhan na frithe<sup>a</sup>; suidhichidh e crann-uinsinn, agus altruimidh an t-uisge e.

15 An sin bithidh e aig duine chum a losgadh; agus gabhaidh e dheth, agus gearaidh se e féin; seadh cuiridh e teine ris, agus deasaichidh e aran; seadh ni e dia, agus bheir e adhradh dha; ni e dealbh snaighte dheth, agus cromaidh e sìos dha.

16 Cuid dheth loisgidh e san teine, le cuid eile dheth deasaichidh agus ithidh e feoil; ròstaidh e biadh, agus sàsuichear e; an sin gearaidh se e féin, agus their e Aha, rinn mi mo gharadh, dh'aithnich mi an teine.

17 Agus do'n chuid eile dheth ni e dia, eadhon dealbh snaighte dha féin; cromaidh e sìos dha, agus bheir e adhradh dha; agus ni e urnuigh ris, agus their e, Teasairg mi, oir is tu mo dhia.

18 Cha 'n'eil eòlas aca, ni mò tha tuigse aca; oir dhruid e an sùilean air chòr as nach faic iad, agus an cridheachan air chor as nach tuig iad.

19 Agus cha 'n'eil aon neach a' toirt faineir na chridhe, ni mò tha eòlas no tuigse aige gu a ràdh, Loisg mi cuid dheth 'san teine, dheasaich mi fòs aran air eibhlidh dheth; ròist mi feoil agus dh'ith mi, agus an dean mi am fuigheall deth na ghràinealachd? an crom mi mi féin sìos do bhun craoibhe?

20 Tha e a' teachd beo air luathre; thug cridhe meallta air seacharan e, air chor as nach toir e as 'anam féin; ni mò their e, Nach 'eil breug ann am laimh dheis?

21 Cuimhnich na nithe so, O Iacoib; agus Israeil, oir is tu m'òglach; dhealbh mi thu, is òglach dhomh-sa thu; O Israeil, cha leig mis' air dichuimhn thu.

22 Dhubh mi as, mar neul, d'ea-ceairtean; agus mar cheo, do lochdan; pill riam, oir shaor mis' thu.

23 Seinnibh, O nèamha, oir thug an Tighearn gu crìch; togaibh iolach, O dhoimhneachda na talmhainn; brisibh a mach le ceileir a shléibhtean; O dhoire, agus gach craobh a ta ann; oir shaor an Tighearn Iacob, agus ghlòraich se e féin ann an Israel.

24 Mar so deir an Tighearn d'fhearsaoraich, agus esan a dhealbh thu o'n bhroinn; Is mise an Tighearn,

<sup>a</sup> agus caithidh se a neart air craobhan na frithe,

cruith-fhear nan uile nithe; a ta sneadh nan nèamhan a mach a'm' aonar; a ta sgaoileadh na talmhainn leam féin;

25 A bheir gu neo-ni comharan nam mealltairean, agus a chuireas na fiosaichean air chuthach; a philleas daoine glìce air an ais, agus a thionndas an eòlas gu amaid-eachd.

26 A dhaingnicheas focal a sheir-bhisich agus a choimhlionas comhairle a theachdairean; a deir ri Ierusalem, Bithidh tu air d'aitheachadh; agus ri bailtibh Iudah, Bithidh sibh air bhur togail; agus a h-ionada fàsail togaidh mi fuas.

27 A deir ris an doimhne, Bi air do thiomachadh; agus tiormaichidh mi d'aibhnichean:

28 A deir mu Chirus, Is e mo bhuachaille; agus coimhlionaidh e m'uile thoil; ag ràdh ri Ierusalem, Togar thu; agus ris an teampull, Leagar do bhunait<sup>b</sup>.

## CAIB. XLV.

**M**AR so deir an Tighearn r'a aon ungta, ri Cirus air am bheil greim agam air a làimh dheis, a cheannsachadh chinneach roimhe, agus fuasgailidh mi leasraidh righ-rean; a dh'fhosgladh nan còmhladh roimhe, agus cha bhi na geatachan air an druideadh.

2 Théid mise romhad, agus ni mi na slighean fiara dìreach; na còmh-làidhean umha spealgaidh mi, agus na croinn iarunn brisidh mi nam bloighdibh.

3 Agus bheir mi dhuit ionmhasan an dorchadais; agus taisgeacha nan ionada dloimhair; a chum gu'm bi fios agad gur mise an Tighearn, a ghairm thu air d'ainm, Dia Israeil.

4 Air sgàth Iacoib m'òglaich, agus Israeil a roghnaich mi, ghairm mi eadhon air d'ainm thu; thug mi sloinneadh ort, agus thu aineolach orm.

5 Is mi an Tighearn, agus cha 'n'eil ann ach mi; a mach uamsa cha 'n'eil Dia ann: crioslaichidh mi thu, agus thu aineolach orm.

6 A chum gu'm bi fios aca o éirigh na gréine agus o'n Iar, nach 'eil ann ach mi: is mise an Tighearn, agus cha 'n'eil atharrach e ann.

7 Taim a' dealbhadh an t-soluis, agus a' cruthachadh an dorchadais; a' deanamh sìth, agus a' cruthachadh dòlais; tha mise an Tighearn a' deanamh nan nithe so uile.

8 Silibh, O nèamha, o'n àird, agus frasadh na neoil a nuas fireantachd; fosgladh an talamh, agus gineadh iad slàinte, agus fàsadh fireantachd

a nìos maraon; is mise an Tighearn a chruthaich e.

9 Is anaobhin dhasan a ni strì ris an fhear a rinne; an t-slige-chreadha ri fear-deilbh na creadha; an abair a' chriadh ris-san a chumas i, Cìod a tha thu deanamh? no an abair an ni a rinn thu, Cha 'n'eil làmhnan aige-san a rinn mi?

10 Is anaobhin dha-san a deir r'a athair, Cìod a ta thu gintinn? no r'a mhàthair, Cìod a ta thu breith?

11 Mar so deir an Tighearn, Ti naomh Israeil, agus esan a dhealbh e, Fedraichibh dhìom nithe ri teachd, mu thimchioll mo chloinne; agus iarraibh orm do thaobh oibre mo làmh a.

12 Is mise a rinn an talamh, agus chruthaich mi an duine air; is iad mo lamhan a shìl a mach na nèamhan; agus d'am feachd uile thug mi àithne.

13 Thog mi esan suas ann am fireantachd, agus ni mi dìreach 'uile shlighean; togaidh e mo chathair, agus fuasglaidh e mo bhraighdean; cha'n ann air son luach, no air son duaise, deir Tighearn nan sluagh.

14 Mar so deir an Tighearn, Saothair na h-Eiphit, agus ceannachd Etiopia, agus na Sabéich, daoine àrd ann an cruth; thig iad thairis a d'ionnsuidh, agus bithidh iad leat<sup>b</sup>; leannaidh iad thu; ann an cuibhrichibh thig iad thairis; agus cromaidh iad sìos duit, agus cuiridh iad suas achiunge riut; ag ràdh, Gu deimhin annadsa tha Dia, agus cha 'n'eil Dia eile ann.

15 Gu deimhin is Dia thus' a ta 'gad fhòlachadh féin, O Dhé Israeil, an Slanuighear.

16 Tha iad air an nàrachadh, tha iad eadhon air am maslachadh, an t-iomlan diubh; cuirear iad maraon gu h-amhluadh, a tha nan luchd-deanamh iodholan.

17 Ach saoràr Israel anns an Tighearn le saorsa shìorruidh, cha nàraichear sibh, ni mò mhaslaichear sibh, feadh liune na sìorruidh-eachd.

18 Oir mar so deir an Tighearn, a chruthaich na nèamha; esan, eadhon Dia, a dhealbh an talamh agus a rinn e, esan a dhaingnich e; (cha do chruthaich e gu dìomhain e, dhealbh se e gu bhi air 'aiteachadh;) Is mise an Tighearn, agus cha 'n'eil atharrach ann.

19 Cha do labhair mi ann an

uaigheas, ann an ionad dorchaidhe do'n talamh; cha dubhairt mi ri sìochd Iacoib gu dìomhain<sup>d</sup>, Iarraibh mi: is mise an Tighearn a labhras ann am fireantachd, a dh'fhoillsicheas nithe ceart.

20 Cruinnichibh sibh féin, agus thigibh; dlùthaichibh le chéile, sibh<sup>a</sup> a ta air dol as o mheasg nan cinneach: cha 'n'eil eòlas aca-san a ta cur suas sìodha an deilbh shnaighte, agus a' deanamh urnuigh ri dia nach urrainn tearnadh.

21 Cuiribh an céill, agus thugaibh am fagus; seadh, gabhadh iad comhairle le chéile; cò a dh'aithris so o chian? a dh'innis e o'n àm ud? nach mise, an Tighearn? agus cha 'n'eil dia tuille ann ach mi; Dia ceart agus Slanuighear; cha 'n'eil ann ach mi.

22 Seallaibh rium-sa, agus bithibh air bhur tearnadh, uile iomalla na talmhainn; oir is mise Dia, agus cha 'n'eil atharrach ann.

23 Orm féin mhionnaich mi; chaidh firinn a mach as mo bheul; briathar, agus cha phill e air ais; Gu cinnteach dhomh-sa lùbaidh gach glùn, mionnaichidh gach teanga.

24 Gu cinnteach, deir neach, anns an Tighearn ta agam fireantachd agus neart; d'a ionnsuidh-san thig iad; bithidh iadsan uile air an nàrachadh air am bheil corruich na aghaidh.

25 Anns an Tighearn fireanaichear uile shìochd Israeil, agus ni iad uaill.

# CAIB. XLVI.

THA Bel a' cromadh sìos, Nebo a' crùbadh; bha an iodholan air na beathaichibh agus na h-ainmhidhean; tha bhur n-eallaichean trom, nan cudthrom do'n ainmhidh a' srèalach.

2 Chrùb iad, chrom iad sìos le chéile; cha b'urrainn iad an eallach a thearnadh; ach chaidh iad féin ann am braigheanas.

3 Eisidibh rium a thigh Iacoib, agus uile iarmad tighe Israeil; a ghiùlaineadh leam o'n bhroinn, a dh'iomchaireadh o'n bhòig:

4 Eadhon gu 'ur sean aois, agus gu 'r falt liath, is mise féin an ti a ghiùlaineas sibh; is mi a riun, agus giùlainidh mi, iomchairidh mi, agus tearnaidh mi.

5 Cò e ris an samhluich sibh mi, agus ris an dean sibh comhad mi? agus cò e ris an coimeas sibh mi, a chum gu'm bi sinn cosmhuil?

6 Taomaidh iad òr as a' mhàla, agus tomhaisidh iad airgid anns

<sup>a</sup> gu fealltach,  
aichidh.

<sup>c</sup> cothrom-

<sup>a</sup> Am bheil sibh a' cur ceist ormsa mu nithibh ri teachd, do thaobh mo chloinne? no am bheil sibh a' toirt àithne dhomh mu thimchioll oibre mo làmh?

<sup>b</sup> buinidh iad dhuit.

<sup>c</sup> aon eile.

a' m' eigh; tuarasdalajchidh iad d' r-  
cheard, agus nì esan dia dheth;  
cromaiddh iad slos, seadh nì iad adh-  
radh.

7 Gidlainidh iad e air an guail-  
ibh, iomchairidh iad e, agus cuiridh  
iad e na àit, agus seasaidh e, as 'ion-  
ad cha ghluais e; seadh glaothaidh  
neach ris, ach cha fhreagair e, agus  
cha teasairg se e o 'theinn.

8 Cuimhnicibh so, agus bithibh  
fearail<sup>a</sup>; thugaibh faineir e a ris, a  
luchd-briseadh an lagha.

9 Cuimhnicibh na ceud nithe, a  
bh'ann o shean; oir is mise Dia,  
agus cha 'n'eil atharrach ann; is  
mise Dia, agus cha 'n'eil mo shamh-  
uill<sup>b</sup> ann;

10 A' foillseachadh na crìche o'n  
tùs, agus o'n aimsir chéin; nan nithe  
nach 'eil fathast deanta; ag ràdh,  
Seasaidh mo chomhairle, agus gach  
nì a's aill leam nì mi;

11 Ag gairm na h-ìolair o'n ear,  
agus fir mo chomhairle o thùr chéin;  
seadh labhair mi, agus bheir mi gu  
crìch e; rùnaich mi, agus coimh-  
lionaiddh mi e.

12 Eisdibh rium, sibhse aig am  
bheil an cridhe rag, a tha fad as o  
fhìreantachd.

13. Bheir mis' am fagus m'fhìr-  
eantachd-sa, cha bhì i fad as; agus  
cha dean mo shlàinte moille; agus  
bheir mi slàinte ann an Sion, do  
Israel mo ghàidh.

## CAIB. XLVII.

**THIG** a nuas agus dean suidh<sup>e</sup>  
anns an dslach, Oigh-nighean  
Bhabiloin; suidh air an làr, cha  
'n'eil rìgh-chaithir ann, a nighean  
nan Caldéach; oir cha ghair iad  
mòth agus muirneach dh'ot nì's  
mò.

2 Gabh na clacha-muilinn agus  
bleith<sup>c</sup> min; leig ris do chiabhan,  
rùisg do throidh, leig ris do chas<sup>d</sup>,  
imich trid nan aibhnichean.

3 Leigear ris do lomnochduigh,  
chithear eadhon do nàir; nì mi  
dioghaltas, cha choinnich mi thu  
mar dhuine<sup>e</sup>.

4 Ar fear-saoraidh, is e Tighearn  
nan sluagh a's ainm dha, Tì naomh  
Israel.

5 Suidh a'd' thosd, rach a steach  
ann an dorchadas, O nighean nan  
Caldéach; oir cha'n abrar riut nì's  
mò Bain-tighearn nan rìoghachdan.

6 Bha corruich orm ri mo shluagh,  
thruaill mi m'òighreachd, agus thug  
mi thairis iad do d' làimh; cha do  
nochd thusa trècàir dhoibh; air

<sup>a</sup> gabhaibh nàire. <sup>b</sup> leth-bhreac.  
<sup>c</sup> meit. <sup>d</sup> shliasad. <sup>e</sup> cha  
ghabh mi duine mar eadar-mheadon-  
air.

an aosda leag thu do chuinge gu  
trom.

7 Agus thubhairt thu, Bithidh mi  
a'm'bhain-tighearn gu sìorruidh; air  
chor as nach do leag thu d'aire air na  
nithibh so! cha do chuimhnich thu  
a chrìoch dheireannach.

8 Uime sin, cluinn so a nis, a  
bhean shoghmhòr, a ta 'nad shuidhe  
gun umhail; a ta 'g ràdh ann ad  
chridhe, Ta mi, agus cha 'n'eil ann  
ach mi; cha suidh mi a'm' bhan-  
traich, cha'n aithnich mi call  
cloinne.

9 Gidheadh thig an dà nì so ort gu  
h-obann, ann an aon latha, call  
cloinne, agus bantrachas; thig iad  
ort nan làn tomhas, air son lion-  
mhoireachd do dhruidheachdan,  
agus iomadalachd do ghi-reagan<sup>a</sup>.

10 Oir dh'earb thu a'd' aingidh-  
eachd; thubhairt thu, Cha 'n'eil  
neach 'gam fhaicinn; chu e eadhon  
do ghliocas agus d'èolas air seach-  
aran thu; air chor as gu'n dubhairt  
thu ann ad chridhe, Ta mi, agus  
cha 'n'eil ann ach mi.

11 Uime sin thig olc ort, nach bi  
fios agad cia as a dh'èirich e; agus  
tuitidh aimhleas ort, nach bi thu  
comasach air a thionndadh uait;  
agus thig léir-sgrìos ort gu h-obann,  
gun thu 'ga mhothachadh.

12 Seas suas a nis le do ghisreag-  
aibh, agus le lionmhoireachd do  
dhruidheachdan, anns an do  
shaoithrich thu o d' òige; ma's e as  
gur urrainn thu buannachd fhàghail,  
ma's e as gu'm feud thu buadhach-  
adh.

13. Tha thu air do sgitheachadh  
ann an lionmhoireachd do chomh-  
airlean. Seasadh na speuradairean  
suas, luchd-amharc nan reultan, iad-  
san a ta ri fiosachd gach mìos; agus  
tearnadh iad thu o na nithibh a tha  
gu teachd ort.

14 Feuch bithidh iad mar asbhuaibh,  
loisgidh an teine suas iad; cha tear-  
uinn iad an anama féin o chumhachd  
na lasrach; cha'n fhàgar fìu eibhleag  
gu neach a gharadh, na teine gu  
suidhe làimh ris.

15 Is amhuil a bhitheas dhuit a  
mhuinntir leis an do shaoithrich thu,  
iadsan ris an robh gnothach agad o  
d' òige; tionndaidhidh gach aon a  
leth taobh gu a ghnathach féin; cha  
bhì d'fhear-tearnaidh ann.

## CAIB. XLVIII.

**CLUINNIBH** so, O thigh Iacoib,  
sibhse ta air blur n'ajameach-  
adh air Israel; agus a thàinig a mach  
o uisgeachaibh Iudah; a ta mion-  
achadh air ainm an Tighearna, agus  
a' deanamh luaidh air Dia Israel;

<sup>f</sup> lionmhoireachd, iomarcachd.  
<sup>g</sup> gheasadoireachd.

ach cha'n ann ann am fìrinn, no ann an ionracas.

2 Oir tha iad 'gan ainmeachadh féin air a' Chathair naomha, agus a' leigeil an taice ri Dia Israeil; is e Tighearn nan sluagh a's ainm dhia.

3 Dh'fhoillsich mi na ceud nithe o thùs; agus o m' bheul chaidh iad a mach, agus chuir mi an céill iad; ann an ath-ghoirid rinn mi iad, agus thàinig iad gu crìch.

4 A chionn gu'n robh fios agam gu'n robh thu reasgach, agus gu'n robh do mhuineal mar fhéith iar-  
uinn, agus d'eudann na umha.

5 Uime sin dh'fhoillsich mi dhuit iad o'n tùs; mu'n d'thàinig iad gu crìch, dh'innis mi dhuit iad; a chum as nach abradh tu, Is e m'iodhol a thug mu'n cuairt iad; is iad mo dhealbhnas, agus mo dhealbh leaghta, a dh'orduich iad.

6 Chuala tu so, faic e air a choimh-dionadh; agus nach cuir sibh-se an céill e? Iunseam dhuit nithe nuadha o'n àm so, a ghleidh-eadh diomhair, agus air nach robh fios agad.

7 Tha iad air an tabhairt gu crìch a nis, agus cha b'ann o shean; agus roimh an là so cha chuala tu iad; a chum as nach abradh tu, Feuch, bha fios agam orra.

8 Seadh, cha chuala tu, seadh, cha b'aithne dhuit; seadh, o'n toiseach cha d'fhosgladh do chluas; oir bha fios agam gu'm buineadh tu gu ro chealgach, agus gu'm b'e Fear-casaontais a b'ainm dhuit o'n bhroinn.

9 Air sgàth m'ainme cuiridh mi dàil ann am chorruich, agus air son mo chliù cumaidh mi air a h-ais i uait-se, air chor as nach gearr mi as thu.

10 Feuch ghlan mi thu, ach cha b'ann le h-airgid; thagh mi thu ann an ànihuinn an àmhghair a.

11 Air mo sgàth, air mo sgàth féin, ni mi e; oir cionnas a bhiodh m'ainm air a mhaslachadh? Agus mo ghloir cha tabhair mi do neach eile.

12 Eisd rium, O Iacob, agus Israeil, a ghairm mi, Is mi Eisan, is mi an ceud neach, is mi fòs an neach deireannach.

13 Is i mo làmh a leag stéidh na talmhainn, agus réis mo dheas làimhe a thiomhais na nèamha; bheir mi gairm dhoibh, seasaidh iad suas le chéile.

14 Cruinnichibh uile sibh féin le chéile, agus eisdibh; cò nam measg a dh'fhoillsich na nithe so? cuiridh esan a's ionmhuin leis an Tighearn

an gnòmh a thoil air Babilon, agus bithidh a ghairdean air na Caldéich.

15 Mise, mise féin labhair; seadh ghairm mi e, thredruich mi e, agus soirbhichidh a shlighe.

16 Dlùthaichibh rium, agus cluinnibh so; o'n toiseach cha do labhair mi ann an uaigneas; o'n àm an do thachair e, bha mis' an sin; agus a nis chuir an Tighearn Iehobhah mach mise, agus a Spiorad.

17 Mar so deir an Tighearn, d'fhear-saoraidh, Ti naomh Israeil; Is mis' an Tighearn do Dhia, a tha teagasg dhuit ciod a thig gu d' bhuannachd; a tha 'gad stiùradh anns an t-slighe air an imich thu.

18 O gu'n tugadh tu fainear m'aitheanta-sa! an sin bhiodh do shìth mar abhainn, agus d'fhàireant-achd mar thionna na fairge.

19 Agus bhiodh do shìol mar a' ghaineamh, agus sliochd do chuim mar a meanbh-chlocha; cha bhiodh d'ainm air a ghearradh as, no air a sgrìos as mo làthair.

20 Rachaidh a mac o Bhabilon; teichibh o thìr nan Caldéach; le guth gairdeachais innsibh, cuiribh so an céill; sgaoilbh an sgeul gu iomall na talmhainn; abraidh, Shaor an Tighearn 'òglach féin Iacob.

21 Agus cha robh tart orra anns na fàsaichibh trid an d'thug thu orra siubhal; thug e air uisge sruthadh dhoibh as a' charraig; seadh sgoilt e a' chreag, agus bhrùchd an t-uisge mach.

22 Cha 'n'eil sìth, deir an Tighearn, do'n aingidh

CAIB. XLIX.

EISDIBH, O eileana, rium-sa; agus thugaibh aire, a shlòigh, o chéin; o'n bhroinn ghairm an Tighearn mi; o chom mo mhlàthar thug e luadh air m'ainm.

2 Agus rinn e mo bheul mar chlaideamh geur, ann an sgàil a làimhe dh'fhoilaich e mi; seadh rinn e mi a'm' ghath liomhta; thaisg e mi ann a dhorlach a.

3 Agus thubhairt e rium, Is tu m'òglach, O Israeil, anns am bi mi air mo gildrachadh.

4 Agus thubhairt mise, Shaoithrich mi gu diomhain; air son neo-ni, agus air son diomhanais, chaith mi mo neart; ach gu cinnteach tha mo bhreth maille ris an Tighearn, agus m'obair a maille ri mo Dhia.

5 Agus a nis mar so deir an Tighearn, (a dhealbh mi o'n bhroinn gu bhi a'm' òglach dha, a thabhairt Iacob air ais d'a ionnsuidh, agus a

<sup>c</sup> roimh dhomh bhi'n sin bha mi ann.

<sup>d</sup> bholg-shaighead.

m'obair.

<sup>e</sup> duais.

<sup>a</sup> fuirneis na teinn.

<sup>b</sup> n'ur.



chum gu'm bi Israel air a chruinn-eachadh thuige ; uime sin<sup>a</sup> bitheam giùrmhor ann an sùilbhi an Tighearna, agus bithidh mo Dhia na neart dhomh ;

6 Mar so deir e,) Is ni suarach dhuit gu'm bitheadh tu a'd òglach dhomh-sa, a thogail suas gheugan Iacoib agus a d'faisig mheangana<sup>b</sup> Israel ; bheir mi thu fòs mar sholus do na cinnich, gu bhi a'd' shlàinte uamsa gu iomall na talmhainn.

7 Mar so deir an Tighearn, fear-saoraidh Israel, a Thi uaomha ; ris-san a ta air a dhi-meas le daoineibh ris-san d'an do ghabh an cinneach gràin ; ri seirbhiseach an luchd-riaghlaidh ; a chi rìghrean, agus éiridh iad suas ; uachdarain, agus ni iad adhradh ; air son an Tighearna a ta dileas, agus Ti naomha Israel a ròghnaich thu.

8 Mar so deir an Tighearn, Ann an àm taitneach chuala mi thu, agus ann an là na slàinte chuidich mi thu ; agus gleidhidh mi thu, agus bheir mi thu mar choimlicheangal do'n t-sluagh ; a dhaingneachadh na tìre, agus a thabhairt air na h-oighreachdaibh fàsail bhi air an sealbhachadh ;

9 A ràdh ris a mhuinntir a ta ceangailte, Rachaidh a mach ; agus riu-san a ta ann an dorchadas, Thigibh am follas ; Beathaichear iad air na sligheachaibh, agus ànns na h-uile ionadaibh àrda ni iad ionaltradh.

10 Cha bhi ocras no tart orra, ni mò bhuailas an teas no a' ghrian iad ; oir ni esan aig am bheil iochd orra an stiùradh, agus tredruichidh se iad a chum nan sruthan uisge.

11 Agus ni mi mo shlèibhtean uile nan slighe chòmhnaird ; agus togar suas mo ròide mòra.

12 Feuch, thig iad so o chian ; agus feuch, iad so o thuath agus o'n iar ; agus iad so o thir Shinim.

13 Seinnibh gu h-àrd O nèamha agus dean gairdeachas O thalamh ; agus togaibh iolach O shlèibhtean ; oir thug an Tighearn comhfhurtachd d'a shluagh, agus gabhaidh e truas d'a mhuinntir a ta fo àmhghar.

14 Ach thubhairt Sion, Thréig an Tighearn mi, agus rinn mo Thighearn mo dhi-chuimhneachadh.

15 An di-chuimhnich màthair a leanabh cìche, gun iochd a dheanadh air mac a cuim ? Feudaich eadhon iadsan di-chuimhneachadh, ach cha di-chuimhnich mis' thusa.

16 Feuch air dearnaidh mo làmh ghearr mi thu ; tha do bhallachan a'm' fhiannais an còmhnuidh.

17 Ni do chlann deifir ; siùbhlaidh iadsan a mach asad, a bha 'gad sgrios agus 'gad chur fàs.

18 Tog suas do shùilean, agus faic ; tha iad so uile air an cruinneachadh le chéile, tha iad a' teachd do d' iornsuidh. Mar is beo mise, deir an Tighearn, sgeadaichidh tu thu féin leo uile, mar le culaidh rìomhaich ; agus ceanglaidh tu iad *umad*, mar a ni bean-bainnse a seudan.

19 Oir d'ionadan fàsail agus faondrach, agus fearann do léir-sgrios, eadhon a nis bithidh e air a dhomhlachadh le luchd-àiteachaidh ; agus siùbhlaidh iadsan fad air falbh, a bha 'gad shlugadh suas.

20 Their a'chlann, a sgaradh uait, fathast ann ad chluasaibh, Tha an t-ionad so ro chumhang air mo shon ; thoir àit dhomh a chum gu'n gabh mi còmhnuidh.

21 An sin their thu ann ad chridhe, Cò a ghin dhomh iad so ? oir dh'fhàgadh mi gun chloinn agus a'm' aonar, a'm' fhògarach agus air m'fhuadachadh ; agus cò a dh'ar-aich iad so ? Feuch, dh'fhàgadh mi a'm' aonar ; iad so, c'ait an robh iad ?

22 Mar so deir an Tighearn le-hobhach, Feuch, togaidh mise mo làmh ris na cinnich, agus ris na slòigh cuiridh mi suas mo bhratach ; agus bheir iad do mhic nan uchd, agus giùlainear do nigheana air an guallibh.

23 Agus bithidh rìghrean nan oid-eachan-altruim dhuit, agus a' ban-rìghinnean nam màthraichean-altruim dhuit ; sleuchdaidh iad sìos duit, le'n aghaidh ris an làr, agus imlichidh iad duslach do chas ; agus aithnichidh tu gur mise an Tighearn, agus cha nàraichear iadsan a chuir-eas an dòchas annam-sa<sup>c</sup>.

24 An d'thoir a' chreach o'n fhear làidir, no an leigear a' chobhartach dhligeach as ?

25 Ach mar so deir an Tighearn, Bheir eadhon cobhartach an fhir làidir uait, agus théid creach an fhir uabhasaich as ; oir gleacaidh mi ris-san a ghleacas riut, agus do chlann tearnaidh mi.

26 Agus bheir mi air do luchd-sàruchaidh am feoil féin itheadh ; agus cuiridh mi air mhisg iad le'n fuil féin, mar le fion nuadh ; agus bithidh sìos aig gach uile sheoil gur mise an Tighearn do Shlanuighear, agus gur e d'fhear-saoraidh Ti cumhachdach Iacoib.

CAIB. L.

MAR so deir an Tighearn, C'ait am bheil litir-dhealaich 'ur màthar, a chuir mise uam ? No cò e

<sup>a</sup> *Ged' nach bi Israel air a chruinneachadh, gidheadh.*

<sup>b</sup> *fhailleana.*

<sup>c</sup> *a dh'fheitheas orm-sa.*

am measg mo luchd-facha ris an do reic mi sibh? Feuch, air son 'ur do-bheartan tha sibh air bhur reiceadh; agus air son 'ur n-ea-ceairtean chuireadh air falbh 'ur màthair.

2 C'ar son, an uair a thàinig mi, nach robh aon neach ann; an uair a ghairm mi, nach d'thug aon neach freagradh? Am bheil mo làmh air fàs co ro ghairid as nach urradh mi saoradh? agus am bheil mi gun chumhachd agam gu teanadh? Feuch, le m'achmhasan tiormaichidh mi an fhairste, ni mi na aibh-nichean nam fàsach; tha 'n iasg a lobhadh dh'easbhuidh uisge, agus a' bàsachadh le tart.

3 Eideam na nèamha le dubh-dhorchadas, agus cuiridh mi eudachsaic orra mar chòmhdach.

4 Thug an Tighearn Iehobhah dhomh-sa teanga nan daoine foghlumte, a chum gu'm b'aitline dhomh focal a labhairt ann an deadh àm ris an neach a ta air snealach: tha e dùsgadh, maduinn an dèigh maidne; tha e dùsgadh mo chluaise gu éisdeachd mar a ni foghlumte.

5 Dh'fhosgail an Tighearn Iehobhah mo chluas, agus cha robh mi ceannairceach; ni mò thionndaidh mi air m'ais.

6 Thug mi mo dhruim do'n luchd-bualaidh, agus mo ghialan dhoibhsan a spion am fionna; cha d'fholuich mi mo ghnùis o nàire agus o shìle.

7 Oir is e an Tighearn Iehobhah fear mo chuideachaidh, air an aobhar sin cha chuirear mi gu h-amhluidh; uime sin shuidhich mi mo ghnùis mar chloich-theine, agus tha fios agam nach nàraichear mi.

8 Tha esan am fagus a dh'fhìrean-aicheas mi; cò esan a ni strì rium? Seasamaid a mach le chèile; co e m'cascairid? thigeadh e dlùth a'm' chùdhail.

9 Feuch, is e an Tighearn Iehobhah m'fhear-cuidich, cò a dhùteas mi? Feuch, fàsaidh iad uile sean mar thruscan; ithidh an ledmann suas iad.

10 Cò e 'n'ur measg air am bheil eagal an Tighearna, a ta'g éisdeachd ri guth a sheirbhisich, a ta siubhal ann an dorchadas, agus aig nach 'eil solus? earbadh e as ainm an Tighearna, agus leigeadh e a thaice r'a Dha.

11 Feuch, sibhse uil' a ta fadadh feine, a ta 'g'ur cuairteachadh fèin le sraidaibh; siubhlaidh ann an solus bhur teine, agus nan sradan a las sibh; so gheibh sibh o'm' làimh-sa, luidhibh sibh sìos ann an doilghios.

EISDIBH rium, sibhse ta leantuinn fireantachd, sibhse ta 'g iarruidh an Tighearna; seallaidh ris a' charraig o'n do ghearradh a mach sibh, agus ri slochd na h-uamha o'n do chladhaicheadh sibh.

2 Seallaidh air Abraham 'ur n-athair, agus air Sarah a rug sibh; oir ghairm mis' e na aonar, agus bheannuich mi e, agus rinn mi lionmhor e.

3 Oir bheir an Tighearn comh-fhurtachd do Shion, bheir e comh-fhurtachd d'a h-ionadaibh fàsail uile; agus ni e a fàsach mar Eden, agus a dithreachd mar ghàradh an Tighearna; gheibhear aoibhneas agus subhachas innte, breith buidheachais agus fonn ciuil.

4 Eisidibh rium, O mo shluagh, agus thugaibh aire dhomh, O mo chinneach; oir thig reachd a mach uam, agus foillsichidh mi mo bhreathanais chum soluis do na slòigh.

5 Tha m'fhìreantachd am fagus, tha mo shlàinte air dol a mach, agus ni mo ghàirdean breitheanas air na fìneachaibh; feithidh na h-eileanar rium, agus ann mo ghàirdean cuiridh iad an dòchas.

6 Togaibh 'ur sùilean suas ris na nèamhaibh, agus amhaircibh air an talamh shìos; oir sgaoilear o chéile na nèamha mar dheataich, agus fàsaidh an talamh sean mar thruscan; agus bàsaichidh a luchd-àiteachaidh air an amhluidh cheudna; ach mairidh mo shlàinte-sa gu sìorruidh, agus cha d'fhéid m'fhìreantachd air chùil.

7 Eisidibh rium, sibh-se ta eòlach air fireantachd, a shluagh aig am bheil mò lagh ann 'ur cridhe; na biodh eagal oirbh roimh mhasladh dhaoine, agus na gabhaibh geist roimh an càineadh.

8 Oir ithidh an ledmann iad mar thruscan, agus ithidh a' chnuimh iad mar oluinn; ach mairidh m'fhìreantachd-sa gu sìorruidh, agus mo shlàinte gu lìn nan linn-tean.

9 Dùisg, dùisg, cuir umad neart, O ghàirdean an Tighearna; dùisg, mar anns na laithibh o shean, anns na h-aimsiribh o chian. Nach tusa a ghearr Rahab, a lot an dragon?

10 Nach tusa a thiormaich an fhairste, uisgeacha na doimhne mòire? a rinn doimhneachdan na fairge nan slighe do'n mhuinntir shaorta gu dol thairis?

11 Mar so pillidh muinntir shaorta an Tighearna, agus thig iad gu Sion le h-iolaidh; agus bithidh aoibhneas

<sup>a</sup> iadsan a ta foghlum.  
luchd-fionnaidh.

<sup>b</sup> do'n  
<sup>c</sup> fear m'agairt.

<sup>d</sup> mar chnuimhaig.  
thu fèin le neart.

cudaich

bith-bhuan air an ceann; gheibh iad a'obhneas agus subhachas, agus teichidh mulad agus caoidh air falbh.

12 Is mise, eadhon mise, an ti a bheir dhuibh comhfhurtachd; cò thusa gu'm biodh eagal ort roimh dhuine a gheibh bàs, agus roimh mhac an duine a nìthear mar am fear?

13 Agus gu'n di-chuimhnichheadh tu an Tighearn do Chruithfhear, a shìn a mach na néamha, agus a leag stéidh na talmhainn; agus gu'm biodh fìor eagal ort gach là, air son corruich an fhir-shàruchaidh, mar gu'm biodh eullamh gusgrios? agus c'àit am bheil corruich an fhir-shàruchaidh?

14 Tha an ciomach a' deanamh deifir gu bhì air fhuasgladh, a chum nach faigh e bàs anns an t-slochd, agus nach fàilnich 'aran.

15 Oir is mise an Tighearn do Dhia, a nì ciuin an fhairge, an uair a bheucas a tonna, is e Tighearn nan shluagh a's ainm dha.

16 Agus chuir mise mo bhriathran ann ad bheul, agus le sgàile mo làimhe dh'fholuich mi thu; a shuidheachadh nan néamha, agus a leagadh bunaite na talmhainn; agus a ràdh ri Sion, Is tu mo shluagh.

17 Dùisg, dùisg, éirich suas o Ierusalem, a dh'òla, o làimh an Tighearna, cuach a' chorruich; dh'òl thu, dh'fhàisg thu as, deisgeanan cuache na ball-chrith.

18 Cha 'n'eil fear-stiùraidh aice, am measg nan uile mhac a rug i; cha 'n'eil aon a ghlacas air làimh i, am measg nan uile mhac a dh'altruim i.

19 Thachair an dà nì so dhuit; cò a nì caoidh air do shon? creachadh agus milleadh, a' ghort agus an claidheamh; cò a bheir dhuit comhfhurtachd?

20 Tha do mhic air fannachadh, tha iad air tuiteam sìos aig ceann gach sràide, mar tharbha fadhaich ann an lìon; lìonadh iad làn do chorruich an Tighearna, do achmhasan do Dhé.

21 Air an aobhar sin, cluinn so a nis, O thus' a ta fuaidh àmhghar; agus air mhìsg, ach cù a 'n ann le fion.

22 Mar so deir do Thighearn Ie-hobhah, agus do Dhia a thagras cùis shluagh; Feuch, thug mi as do làimh cuach na ball-chrith; deisgeanan cuache mo chorruich; cha'n òl thu dh'i nì's mò.

23 Ach cuiridh mi i ann an làimh luchd do shàruchaidh, a ta 'g ràdh

ri d'anam, Crom sìos, a chum gu'n d'fhéid sinn thairis; agus leag thu do chorp sìos mar an làr, agus mar an t-sràid dhoibh-san, a ta gabhail seachlad.

## CAIB. LII.

DÙISG, dùisg, cuir umad do neart, O Shion, cuir umad do chulaidh sgiamhach, O Ierusalem, a Chathair naomha; oir cha d'fhéid an neo-thimchìoll-ghearrta agus an neo-ghlan a steach annad nì's mò.

2 Crath thu féin o'n duslach, rach suas, dean suidhe, O Ierusalem; fuasgail thu féin o cheanglaichibh do mhuineil, O nighean Shioin, a ta fo dhaorsa<sup>d</sup>.

3 Oir mar so deir an Tighearn, Air neo-nì reiceadh sibh, agus cha'n ann le h-airgid a dh'fhuasgailear sibh.

4 Oir mar so deir an Tighearn Ie-hobhah, Chaidh mo shluagh sìos do'n Eiphit an taiseach, gu bhì air chuairt an sin; agus rinn an t-Asirianach, mu dheireadh, an sàruchadh.

5 Agus a nis, ciod a th'agam-sa an so, deir an Tighearn, o thugadh air falbh mo shluagh air neo-nì? tha an luchd-riaghlaidh toirt orra caoineadh, deir an Tighearn; agus tha m'ainm-sa an còmhnuidh, gach aon là, a' faghail toibheim.

6 Air an aobhar sin, bithidh eòlas aig mo shluagh air m'ainm; air an aobhar sin bithidh fios aca, air an là sin, gur mis' an ti a ta labhairt; feuch, is mis' a th'ann.

7 Cia maiseach air na sléibhtibh casan an teachdair aobhain, a ta 'g éigheach sìth; teachdair an deadh sgéil, a ta 'g éigheach slàinte; a ta 'g ràdh ri Sion, Is e do Dhia a's rìgh ann!

8 Togaidh do luchd-faire an guth; le'n guth nì iad iolach le chéile; oir chì iad aghaidh ri h-aghaidh, an uair a bheir an Tighearn Sion air a h-ais.

9 Brisibh a mach le gairdeachas, deanaibh cèdl ste chéile, O fhàsaich-ean Ierusalem; oir thug an Tighearn comhfhurtachd d'a shluagh, shaor e Ierusalem.

10 Leig an Tighearn ris a ghairdean naomha ann an stùibh nan uile chinneach; agus chì uile iomalla na talmhainn slàinte ar Dé-ne.

11 Imichibh, imichibh, rachaibh a mach as sin; na beanaibh ri nì neo-ghlan; rachaibh a mach as a meadhon; bithibh-se glan, a ta giùlan shoitheachan an Tighearna.

<sup>a</sup> dh'òil. <sup>b</sup> fàsachadh.

<sup>c</sup> cò leis a bheir mi.

<sup>a</sup> a dhaor-nighean Shioin.

<sup>b</sup> gun leisgeul.

sùil. Eabh.

2 H 6

<sup>i</sup> sùil ri

<sup>s</sup> togaibh rann.

707

12 Oir cha'n ann le cabhaig a théid sibh a mach, agus cha'n ann le teicheadh a shiùbhlas sibh; oir gluaisidh an Tighearn romhaibh, agus cuairtichidh Dia Israeil sibh o'n taobh chùil.

13 Feuch, ni m'òglach gu glic; bithidh e air a thogail suas, agus air 'àrdachadh, agus bithidh e ro àrd.

14 Mar a ghabh mòran iongantais riut<sup>a</sup>; (is co mòr a' mhi-mhaise a rinneadh air 'aghaidh, seach aon duine; agus air a dhreach, seach clann daoine);

15 Mar sin crathaidh e uisge<sup>b</sup> air mòran chinneach; na fhianuis druididh rìghre an beoil; oir an ni nach do chuireadh an céill doibh, ch'iad; agus an ni nach cual iad, bheir iad fairear.

CAIB. LIII.

**C**O a chreid ar teachdaireachd? agus cò do'n robh gairdean an Tighearn air 'fhoillseachadh?

2 Oir fàsaidh e suas mar fhailleán na làthair, agus mar fhreumh a talamh sìorram; cha 'n'eil sgèimh no grinneas aige, gu'n amhairceamaid air; ni mò tha maise<sup>c</sup> aige, gu'n iarramaid e.

3 Tha e air a dhimeas<sup>d</sup>, agus air a chur air chùil le daoineibh<sup>e</sup>; na dhuine dhoilghiosean, agus eòlach air bròn; agus mar neach a dh'fhoiluicheas 'aghaidh uainn, tha e air a dhimeas, agus cha 'n'eil suim<sup>f</sup> againn dheth.

4 Gu deimhin ar n-anmhuinneachd ghiùlain e, agus ar doilghiosan dh'iomchair e; ach shaoil sinne gu'n robh e air a bhualadh, air a sinachdachadh le Dia, agus air a chlaoidheadh.

5 Ach lotadh e air son ar peacaidh-ne, bhrùthadh e air son ar n-aingidheachdan; leagadh air-san smachdachadh ar sìth, agus le a chreuchdaibh-san shlànuicheadh sinne.

6 Chaidh sinn uile, mar chaoraich, air seacharan; thionndaidh sinn, gach aon 'ga shlighe féin; agus leag an Tighearn air-san aingidheachd gach aoin dinn<sup>g</sup>.

7 Shànuicheadh e, agus rinneadh ainneart air<sup>h</sup>, gidheadh cha d'fhosgail e a bheul; thugadh e mar uan chum a' chasgraidh, agus mar chaor a bhios balbh an làthair a luchd-lomairt, mar sin cha d'fhosgail e a bheul.

8 O fhoirneart agus o bhreith-eanas thugadh air falbh e; agus a ghinealach cò a chuireas an céill? oir ghearradh as e o thìr nam beo; air son eusaontais mo shluaigh-sa bhla e air a throm-bhualadh.

9 Agus dh'orduicheadh 'uaigh maille ris na h-aingidh, agus maille ri duine saibhir na bhàs; air son nach d'rinn e eucoir, agus nach robh cealg na bheul.

10 Ach b'i toil an Tighearna a bhruthadh; chuir e fo àmhghar e; an uair a ni thu 'anam na iobairt-réitich, chi e sìochd, sìnear a laithean; agus soirbhichidh rùn an Tighearna na làimh.

11 Do shaothair 'anama chi e, agus bithidh e toilichte<sup>i</sup>. Le eòlas airsan ni m'òglach fireanach mòran fhìreanachadh<sup>k</sup>; oir giùlainidh e an ea-ceairtean.

12 Air an aobhar sin, roinnidh mi dha cuibhrionn maille ris a' mhòran, agus roinnidh e a' chreach maille ris na cumhlachdaich; a chionn gu'n do dhùirt e mach 'anam gu bàs; agus gu'n robh e air 'àireamh am measg nan ciontach; agus ghiùlain e peacadh mhòrain, agus rinn e eadar-ghuidhe air son nan ciontach.

CAIB. LIV.

**S**EINN, a bhean aimrid' nach d'rug clann; seinn gu luadhlighaireach, agus dean iolach àrd, thusa nach robh ri saothair-chloinne; oir is lòn-mhoire clann na mnà aonaranaich, na clann na mnà pòsda, deir an Tighearn.

2 Lendaich ionad do phàlliun, agus sgaoileadh iad a mach brata-còmhduich do bhùthan; na caomhain, leig am fad do chùird, agus daingnich do chuailtean.

3 Oir air an làimh dheis, agus chlì, brisidh tu mach; agus sealbhaichidh do shliochd na cinnich, agus àitichidh iad na caithrichean fàsail.

4 Na gabh eagail, oir cha mhaslaichear thu; na gabh nàire, oir cha chuirear thu gu h-amhladh; oir di-chuimhnichidh tu nàire d'òige, agus masladh do bhantrachais cha chuimhnich thu ni's mò.

5 Oir is e d'fhear pòsda do Chruith-fhear, 'se Tighearn nan sluagh a's ainm dha; agus is e d'fhear-saoraidh Ti naomh Israeil, goirear Dia an domhain uile mar ainm ris.

6 Oir mar mhnaoi air a tréigsinn, agus fo àmhghar na spiorad, ghairm an Tighearn thu, agus mar mhnaoi a phòsadh na h-òige, a chionn gu'n do chuireadh air falbh thu, deir an Tighearn.

<sup>a</sup> ris. <sup>b</sup> ni e crath-ghlanadh. Faic Esek. Caib. XXIV. r. 25.

<sup>c</sup> boidhchead. <sup>d</sup> chur suarach.

<sup>e</sup> air a sgaradh o dhaoineibh.

<sup>f</sup> ciathaidh. <sup>g</sup> againn.

<sup>h</sup> Thagradh na fàchan, agus rinn-eadh esan freagarach.

<sup>i</sup> sàsuichte.

<sup>k</sup> làn-fhìrean-cichidh m'òglach-sa mòran.

<sup>l</sup> sheasg.



7 Rè tiota bhig, dhealaich mi riut; ach le mòr iochd cruinnichidh mi thu.

8 Ann an corruich bhig, dh'fhòl- uich mi mo ghndis car tiota uait; ach le caoimhneas siorruidh ni nu tròcair ort; deir an Tighearn d'fhear- saoruidh.

9 Oir tha so mar uisgeachaibh No- ah dhomh; mar a mhionnuich mi nach rachadh uisgeacha Noah tuille thar an talamh, is amhuil a mhion- nuich mi nach bithinn ann an cor- ruich riut, agus nach d'thoirinn ach- mhasan duit.

10 Oir dealaichidh na slèibhtean ri 'm bunait<sup>a</sup>, agus atharraichear na beanntan as an àit; ach cha<sup>b</sup> deal- aich mo chaoimhneas riut-sa, agus cha'n atharraichear coimhcheangal mo shith, deir an Tighearn aig am bheil truas dhìot.

11 O thus<sup>a</sup> ta ainniseach, air do luasgadh leis an doinnn, agus gun chomhshurtachd agad; feuch leag- aidh mi do chlachan ann an dath sgiamhach, agus suidhichidh mi do bhunaite le clachaibh saphir.

12 Agus ni mi d'uinneagan<sup>c</sup> do chlachaibh rubi<sup>d</sup>, agus do ghieatach- an do charbuncalaibh, agus d'uile iomall do chlachaibh rìomhach.

13 Agus bithidh do chlann uile air an teagasg leis an Tighearn; agus is mòr a bhios sìth do chloinne.

14 Ann am fireantachd socraich- ear thu; bithidh tu fada<sup>e</sup> shàruch- adh, ionnas nach gabh thu eagal; agus o uabhas, ionnas nach d'thig e dlù dhuit.

15 Feuch bithidh cruinneachadh gu deimhin ann, ach cha'n ann leam-sa; còsam bith<sup>e</sup> a chruinnich- eas a'd' aghaidh, tuitidh e air do sgàth.

16 Feuch is mis<sup>a</sup> a chruthaich an gobha, ta séideadh suas nan eibhlean 'san teine, agus a' toirt a mach ac- fuinn a chum 'oibre; agus is mi a chruthaich am milltear<sup>f</sup> chum cur fàs.

17 Cha soirbhich inneal sam bith a dhealbhar a'd' aghaidh; agus gach teanga a dh'éireas riut ann breith- eanas, dithid tu. Is i so oighreachd sheirbhiseach an Tighearna; agus tha am fireantachd uam-sa, deir an Tighearn.

## CAIB. LV.

**H**O! gach neach air am bheil tart, thigibhse chum nan uisg- eacha; agus esan aig nach 'eil air- giod, thigibh, ceannuichibh agus ithibh; seadh thigibh, ceannuichibh,

<sup>a</sup> theid na slèibhtean as an àit.

<sup>b</sup> mu'n.

<sup>c</sup> do bhaidealan.

<sup>d</sup> agataibh.

<sup>e</sup> cia b'e.

<sup>f</sup> fear- millidh.

gun airgiod agus gun luach, fion agus bainne.

2 C'ar son a ta sibh a' caitheamh airgid air ni nach aran? agus bhur saothair<sup>g</sup> air ni nach sàsuich? Eisd- ibh le deadh aire rium-sa, agus ithibh an ni a ta maith; agus gabhadh 'ur n-anam toil-inntinn ann an cuilm shòghmhor<sup>h</sup>.

3 Aomaibh 'ur cluas, agus thigibh do m'ionnsuidh-sa; éisdibh, agus mairidh 'ur n-anam beo; agus ni mi ruibh coimhcheangal siorruidh, eadhon tròcairean cinnteach Dhaibh- idh.

4 Feuch, thug mi e mar fhianuis do na cinnich, na cheann-ùidh agus na uachdaran do na slòigh.

5 Feuch, gairmidh tu cinneach nach b'aithne dhuit; agus cinnich do nach b'aithne thu ruithidh iad a'd' ionnsuidh; air sgàth an Tigh- earna do Dhé, agus air son Ti naomha Israeil, oir ghldrach e thu.

6 Iarraibh an Tighearn, am feadh a ta e r'a fhaotainn; gairmibh air, am feadh a ta e am fagus.

7 Tréigeadh an t-aingidh a shlighe, agus an duine eacorach a smuainte; agus pilleadh e ris an Tighearn, agus nochdaidh e tròcair dha; agus ri ar Dia-ne, oir bheir e maithneas gu pailt.

8 Oir cha'n iad mo smuainte-sa bhur smuainte-sa ni mò is iad 'ur shlighean-sa mo shlighean-sa, deir an Tighearn.

9 Oir mar a ta na nèamha àrd seach an talamh; mar sin tha mo shlighean-sa àrd seach bhur shlighean- sa, agus mo smuainte-sa seach bhur smuainte-sa.

10 Oir mar a thig an t-uisg<sup>i</sup> a nuas, agns an sneachda o nèamh, agus nach pill e an sin, ach gu'n nisgich e an talamh, agus gu'n d'thoir e air fàs torrach, agus toradh thabhairt uaidh; a chum gu'n tablaire sìol dha-san a chuireas, agus aran dha-san a dh'ith eas;

11 Is amhuil a bhios m'fhocal-sa a théid a mach as mo bheul; cha phill e do m'ionnsuidh gun tairbhe, ach coimh-lionaidh e an ni a's àill leam, agus bheir e gn buil an ni mu'n do chuir mi mach e.

12 Oir le h-aoibhneas théid sibh a mach, agus le sìth stiùrar sibh air 'ur n-aghaidh; togaidh na slèibhtean agus na cruic romhaibh àrd iolach, agus uile chraobha na machrach buailidh am basan.

13 An àit droighne fàsaidh an giuthas, agus an àit drise fàsaidh am miortal; agus bithibh e do'n Tigh-

<sup>g</sup> saothreach.

<sup>h</sup> reamhrachd.

Eabh.

earn mar ainm, mar chomhara bith-bhuan, nach cuirear as<sup>a</sup> àit.

CAIB. LVI.

**M**AR so deir an Tighearn, Coimheadaibh breitheanas, agus deanaibh ceartas; ortha mo shlàinte dlù chum teachd, agus m'fhìreantachd chum bhi air a foillseachadh.

2 Is beannuichte an duine<sup>a</sup> ni so, agus mac an duine<sup>a</sup> ni greim air; a choimhdeas an t-sàbaid gun a mi-naomhachadh, agus a choimhdeas a làmh o aon olc a dheanamh.

3 Agus na labhradh mac a' choigrich, a ta dlù-leantuinn ris an Tighearn, ag ràdh, Sgar an Tighearn mise gu tur o 'shluagh; agus na h-abradh an caillteanach, Feuch, *tha* mis' a'm' chrann tioram<sup>a</sup>:

4 Oir mar so deir an Tighearn, Do na caillteanaich a choimhdeas mo shàbaidean, agus a roghnaicheas *an ni* a thaitneas rium, agus a ni greim air mo choimhcheangal.

5 Dhoibh sin bheir mi ann am thigh, agus an taobh a stigh do m' bhallachan, àit<sup>b</sup> agus ainm ni's fearr na *ainm* mhac agus nighean<sup>c</sup>; ainm storruidh bheir mi dhoibh, nach gearrar as.

6 Agus mic a' choigrich a ta dlù-leantuinn ris an Tighearn, gu frith-ealadh dha, agus gràdh a' thoirt do ainm an Tighearna, agus gu bhi nan òglaich dha; gach aon a ghleidheas an t-sàbaid gun a mi-naomhachadh, agus a ni greim air mo choimhcheangal.

7 Iad sin bheir mi chum mo shléibh naomha, agus ni mi aoibhneach iad ann am thigh-urnuigh; *bithidh* an tabhartais loisgte agus an iobairtean air an gabhail gu taitneach air m'altair; oir goirear ri m' thighsa, Tigh-urnuigh air son nan uile shlògh.

8 Mar so deir an Tighearn Iehobhah, a ta cruinneachadh r'a chéile diobaraich Israeil; Fathast cruinnichidh mi *muinntir eile* d'a ionnsuidh, os-barr<sup>d</sup> orra-san a ta air an cruinneachadh.

9 O uile bheathaiche na machrach, thigibh chum itheadh, O uile bheathaiche na frìdhe.

10 Tha a luchd-faire dall, gach aon diubh; tha iad aineolach, gach aon diubh; is coin bhalbh iad nach urrainn tabhannaich; a' tuiteam nan codal<sup>e</sup>, 'gan sìneadh féin sìos, leis an ionmhuin codal.

11 Seadh is eoin chlocrach iad nach urrainn bhi toilichte; agus is buachailllean iad nach urrainn tuigsinn;

tha iad a' sealltainn, gach aon diubh, air a shlighe féin; gach fear air a bhuannachd o a chrìch féin.

12 Thigibh, *deir iad*, gabhamaid<sup>f</sup> fìon, agus òlaimaibh dibhe làidir; agus mar an là 'n diugh bithidh am màireach, agus ni's ro phailte gu mòr.

CAIB. LVII.

**T**HA an duine ionraic a' bàsachadh, agus gun aon neach a' toirt faineir; agus na daoine tròcaireach air an toirt air falbh, agus gun aon neach a' tuigsinn gu bheil an t-ionracan air a thoirt air falbh o'n olc a ta ri teachd.

2 Sìobhlaidh e ann an sìth; gabhaidh esan fois na leabuidh, a ta 'g imeachd na ionracas.

3 Ach thigibh<sup>g</sup> am fagus an so, a mhaca na ban-fhiosaiche, a shìochd an adhaltranaich agus na strìopaich.

4 Cò d'am bheil sibh a' deanamh àbhachd<sup>h</sup>? Cò ris am bheil sibh a' deanamh beoil fharsuing, agus a' sìneadh a màch na teanga? Nach clann sibh a chlaon a leth-taobh, sìol na fòill<sup>h</sup>?

5 A' fadadh *bhur anmhiann* le h-ìodholaibh fò gach craun uaine; a' marbhadh na cloinne anns na gleannaibh, so sgoltaibh nan creag.

6 Am measg mhìn *chlachan* a' ghlinne<sup>i</sup> tha do chuibhrionn; is iad sin, is iad sin do chrannchur; eadhon dhòirt thu mach tabhartas-dibhe, dh'ìobair thu tiodhlac. An gabh-ainn-sa flachd annta sin?

7 Air sliabh cruachach àrd shuidhich thu do leabadh; eadhon do'n àit sin chaidh thu suas a thoirt seachad ìobairt.

8 Air cùl an doruis agus na h-urs-ainn chuir thu suas do chuimhneachan; dh'imich thu air falbh uam-sa, agus chaidh thu suas; leudaich thu do leabadh, agus rinn thu coimhcheangal riu; thug thu gràdh do an leabaidh-san, cia b'e àit anns am faca tu i<sup>k</sup>.

9 Agus chaidh thu dh'amharc an rìgh le h-oladh-ungaidh, agus mheudaich thu do bholtraichean; agus chuir thu do theachdairean am fad, agus dh'islich thu thu féin eadhon gu an uaigh<sup>l</sup>.

10 Ann am buanas do shlighe sgithicheadh thu; *ach* cha dubhairt thu, Cha 'n'eil dòchas ann; fhuair thu beatha do làimhe, air an aobhar sin cha d'fhannaich thu.

11 Agus cò as a ghabh thu eagal

<sup>f</sup> faigheamaid.

<sup>g</sup> Cò a ta

agaibh mar bhall-àbhachd?

<sup>h</sup> pòr nan lùb.

<sup>i</sup> an t-srutha.

<sup>k</sup> dh'ulluich thu àit dh'i.

<sup>l</sup> ian-

ad nam marbh.

<sup>a</sup> seargta.

<sup>b</sup> cuimhneachan.

<sup>c</sup> na do mhàcaibh agus do nighean-

aibh.

<sup>d</sup> a thuille.

<sup>e</sup> a'

faicinn shealladh.

agus fiamh, gu'n d'rinn thu breug, agus nach do chuimhnich thu orm-sa, ni mò thug thu fainear? Nach d'fhan mis' a'm' thosd, eadhon o chian, agus cha 'n'eil eagal ort romham?

12 Leigidh mise ris d'fhàireantachd, agus do ghnìomhara; oir cha dean iad feum dhuit.

13 An uair a ghlaodhas tu, deanadh do chuideachdan do thearnadh; ach togaidh a' ghaol air falbh iad uile, bheir an ceo as iad; ach an neach a chuireas a dhòchas annam-sa, sealbhaichidh e am fearann, agus gheibh e mar oighreachd mo shliabh naomha.

14 An sin their mi, Tilgibh suas, tilgibh suas; ulluichibh an t-slighe; thugaibh air falbh gach ceap-tuislidh a Rathad mo shluaigh.

15 Oir mar so deir an Ti ard agus uasal, do'n àit-còmhnuidh slorruidh-eachd, do'n ainm an Ti naomha; Anns an ionad àrd agus naomha gabham-sa còmhnuidh; maille ris-san fòs a ta leònta agus iosal na spiorad; a bheothachadh spioraid nan-iriosal, agus a bheothachadh cridhe nan daoine leònta.

16 Oir cha bhi mi ag cronachadh gu slor, agus cha bhi fearg orm an còmhnuidh; oir dl.'fhàilnicheadh an spiorad romham, agus na h-anama a rinn mi féin.

17 Air son cionta a shannta bha corruich orm, agus bhuail mi e, a' folachadh mo ghnùise ann am feirg; agus dh'imich e roimhe gu fìar, air slighe a chridhe féin.

18 Dh'amhairc mis' air a shlighibh, agus leighisidh mi e; seadh treòruichidh mi e agus aisigidh mi sòlasan a dhà-san agus d'a luchd-bròin.

19 Is mi a chruthaicheas toradh nam bile; sìth, sìth, dhà-san a ta fad as, agus dhà-san a ta dlù, deir an Tighearn; agus slànuichidh mi e.

20 Ach tha na h-aingidh cosmhuil ris a' mhuir bhuairte, oir cha'n urrainn i bhi aig fois; ach tha a h-uisgeachan a' dùsgadh nìos salchair agus làthaich b.

21 Cha 'n'eil sìth, deir mo Dhia, do na h-aingidh.

## C A I B. LVIII.

**G**LAODH gu h-àrd, na caomhain; mar ghall-truimp tog suas do ghuth; agus nochd do m' shluagh-sa an easantas, agus do thigh Iacob an lochdan.

2 Gidheadh o là gulà tha iad 'gam iarraidh-sa; agus is toil leo eòlas a ghabhail air mo shlighibh; mar chinneacha ta curan gnìomh fireantachd, agus nach do thréig reachd an

Dè; tha iad a' fiosrachadh dhìom-sa mu thimchioll reachda na fireantachd, agus is miann leo bhi teachd dlù do Dhia.

3 C'ar son a thraisg sinn, deir iad, agus nach 'eil thus a' faicinn? C'ar son a chràidh sinn ar n-anam, agus nach 'eil thus a' toirt fainear? Feuch, ann an là bhur traisg tha sibh a' mealltuinn 'ur sòlais, agus 'ur n-uile dlùighe saothreach tha sibh ag agairt.

4 Feuch, tha sibh a' trasg chum connsachaidh agus aimhreite, agus chum buaidh le dorn na h-eucorach; cha bhi sibh ri trasg mar air an là'n diugh, a thoirt air bhur guth gu'n cluinnear e gu h-àrd.

5 An e leithid so do thrasg a roghnaich mise, gu'n cuiridh duine 'anam fo leòn car latha? An e gu'n cromadh e a cheann mar luachair, agus gu'n sgaoileadh e sac-eudach agus luathre fuidhe? An abair thu trasg ri so, agus là taitneach do'n Tighearn?

6 Nach e so an trasg a ta mis a roghnachadh; cuibhrichean na h-aingidheadh a sgaoileadh, na h-uallaichean a troma lasachadh, agus a' mhuinntir shàruichte fhuasgladh; agus gach nìle chuing a bhriseadh?

7 Nach e d'aran a roinn ris an ocrach, agus aoidheadh a thoirt do na bochdaibh seachranach; an nair a chì thu an lònnochd gu'n còmhduich thu e; agus nach foluich thu thu féin o d'fheoil féin?

8 An sin brisidh do sholus a mach mar a' mhaduinn, agus fàsaidh do shlàinte gu gràd; agus théid d'fhìreantachd air thoiseach ort, bithidh glòir an Tighearna 'gad chuairteachadh o'n taobh chàil.

9 An sin gairmidh tu, agus freagraidh an Tighearn; glaothaidh tu, agus their e, Tha mis an so. Ma chuireas tu air falbh as do mheadhon a' chuing, tomhadh a' mheoir, agus labhairt toibheim;

10 Agus ma thiomhaicheas d'anam ris an ocrach, agus gu'n sàsuich thu an t-anam le ònta<sup>d</sup>; an sin éiridh do sholus ann an doillearachd, agus bithidh do dhorchadas mar mheadhon-latha.

11 Agus stiùraidh an Tighearn thu an còmhnuidh, agus sàsuichidh e d'anam ri àm tarta, agus ungaidh e do chnàmhan; agus bithidh tu mar lios air a dheadh-uisgeachadh; agus mar thobar fìor-uisge<sup>e</sup>, air nach d'fhig fàiling uisge.

12 Agus togaidh iad-san a ghinear uait na seann làraichean, togaidh tu suas bunaite nan ioma ginealach;

<sup>e</sup> callaichean.<sup>d</sup> ciosaichte.<sup>e</sup> mhàthair-uisge.<sup>a</sup> comhfhurtachdan,<sup>b</sup> clabair,

agus goirear dh'ot Fear-càramh a' bheuma, Fear-aisig nan ròidean chum bhi air an àiteachadh.

13 Ma philleas tu air falbh do chos o'n t-Sàbaid, o do thoil féin a dheanamh air mo là naomh-sa; agus gu'n abair thu ris an t-Sàbaid, Toil-inntinn; ri là naomh an Tighearna, Urramach; agus gu'n tabhair thu onoir dh'i, gun bhi leantuinn do shligheachan féin, no gabhail do shùlais féin, no labhairt do bhriathra féin;

14 An sin gabhaidh tu tlachd anns an Tighearn; agus bheir mis ort marcachd air ionadaibh àrda na talmhainn; agus beathaichidh mi thu le oighreachd Iacoib d'athar; oir labhair beul an Tighearn e.

CAIB. LIX.

**F**EUCH, cha 'n'eil àmhl an Tighearna air dol an giorrad, air chor as nach feud i tearnadh; ni mò tha a chluas air fàs mall, air chor as nach feud i cluinntinn.

2 Ach chuir bhuir n-eaceairtean dealachadh eadar sibh féin agus bhuir Dia; agus dh'fholuich 'ur lochdan uaibh a ghnùis, ionnus nach éisd e.

3 Oir tha bhuir làmhnan air an truailleadh le fuil, agus 'ur meoir le h-eaceairt; labhair 'ur bilean cealg; bithidh bhuir teanga a' teachd air aimhleas.

4 Cha 'n'eil neach a' gairm air ceartas, cha 'n'eil neach a' tagradh air son na firinn; tha iad a' cur an dòigh ann an dìomhanas, agus a' labhairt bhreug; air thorrachas le h-aimhleas, agus a' breith eaceairt.

5 Tha iad a' gur air uighean na ri-nathrach, agus a' figheadh lìon an damhan-alluidh; esan a dh'ith-eas d'on uighean, gheibh e bàs; agus an uair a bhrùthar e, brisidh nathar nimhe mach.

6 Do'n lìontaibh cha deanar trusgan; ni mò chòmhduicheas iad iad féin le'n oibrigh; an oibre is oibre na h-eacorach iad; agus tha gnìomh an fhoirneirt nan làmhnan.

7 Tha an cas a' ruith chum uilc, agus tha iad a' greasadh chum fuil neo-chiontach a dhòrtadh; is innleachdan aingidheachd an innleachdan; tha léir-sgrìos agus mill-eachd nan ceumaibh.

8 Slighe na sìth cha'n aithne dhoibh, ni mò tha ceart-bhreth nan ròidibh; rinn iad dhoibh féin ceuma cama; cò air bith a shiùbhlas aunta, cha'n aithne dha sìth.

9 Air an aobhar sin tha breitheanas fada uainn, agus cha 'n'eil ceartas a' breith oirnn; tha sinn ag amharc ag iarraidh soluis, ach feuch dorchadas; ag iarraidh soill-

eireachd, ach tha sinn a' gluasad ann an duibhre.

10 Tha sinn a' smeurachadh, mar na doill, ag iarraidh a' bhalla; agus mar mhuinntir gun fhradharc<sup>b</sup> tha sinn a' smeurachadh; tha sinn a' tuisleachadh mu mheadhon-là, mar anns an du-thra; tha sinn ann an ionadaibh uaigheach<sup>c</sup> mar dhaoinibh marbha.

11 Tha sinn a' bùirich mar mhath-ghamhnuibh; mar cholumain tha sinn ri sìor-chaoirean; tha ar sùil ri breitheanas, ach cha 'n'eil e ann; ri fuasgladh, ach 's ann a tha e fada uainn.

12 Oir tha ar lochdan air fàs lìonmhor ann ad làthair, agus tha ar ciontan a' toirt fianuis nar n-aghaidh; oir tha ar lochdan nar cuideachd<sup>d</sup>, agus ar n-aingidheachd is léir dhuinn;

13 Le peacachadh agus le breugaibh an aghaidh an Tighearna, agus le pill-eadh air falbh o ar Dia; le ainneart a labhairt, agus le ceannarc a dhealbhadh; agus le briathran breugach aithris o'n chridhe.

14 Agus tha breitheanas air pill-eadh air ais, agus tha ceartas a' seasamh fad' as; oir thuislich an fhìrinn air an t-sràid, agus cha b'urrainn ionracas teachd a steach.

15 Agus tha firinn air teicheadh air falbh; agus tha esan, a sheachaineas an t-olc, 'ga dheanamh féin na chreigh; agus chunnaic an Tighearn, agus mhi-thaitin e ris, nach robh breitheanas ann.

16 Agus chunnaic e nach robh fear ann, agus b'ìoghnadh leis nach robh eadar-mheadhonair ann; an sin dh'oibhrich a ghairdean féin slàinte air a shon, agus 'fhìreantachd féin chum i suas e.

17 Agus chuir e uime fireantachd mar uchd-éididh; agus clogaid na slàinte air a cheann; agus chuir e uime trusgan an dioghaltas mar eudach, agus chòmhduich se e féin le h-eud mar le falluing.

18 Do réir an gnìomhara, mar sin bheir e ath-dhìoladh; corruich d'a naimhdebh, dioghaltas d'a eascairdibh; do na h-eileanaibh iocaidh e dioghaltas.

19 Mar sin bheir iadsan o'n Iar urram do ainm an Tighearn; agus iadsan o éirigh na gréine d'a ghloir; an uair a thig an namhaid mar thuil, togaidh Spiorad an Tighearna suas bratach na aghaidh.

20 Agus thig am Fear-saoraidh gu Sion, agus tionndaidhidh e easaoptas o Iacob<sup>e</sup>, deir an Tighearn.

<sup>b</sup> sùilibh. Eabh.

nithe soghmhor.

ruinn.

<sup>c</sup> am measg

<sup>d</sup> maille

<sup>e</sup> Faic. Rom. XI. 26.

<sup>a</sup> tha sùil againn ri solus.



21 Agus air mo shon-sa, so mo choimhcheangal riu, deir an Tighearn; mo Spiorad a ta ort-sa, agus mo bhriathran chuir mi ann ad bheul, cha dealuich iad ri d' bheul, no ri beul do shliochd, no ri beul-sliochd do shliochd, deir an Tighearn, o'n àm so eadhon gu sìorruidh.

## CAIB. LX.

**EIRICH**, dealraich; oir thàinig do sholus, agus tha glòir an Tighearna air éirigh ort.

2 Oir feuch, còmhdaichidh dorchadas an talamh, agus dall-chos na cinnich; ach ort-sa éirigh an Tighearn, chithear a ghloir *a' dealradh* ort.

3 Agus thig cinnich dh'ionnsuidh do sholuis, agus rìghrean dh'ionnsuidh do ghrian-éirigh.

4 Tog suas do shùilean mu'n cuairt, agus faic; tha iad uile air an cruinneachadh le chéile; tha iad a' teachd do d' ionnsuidh; thig do mhic o chéin, agus bithidh do nigh-eana air a' giùlan air an leis\*.

5 An sin chì thu, agus sruthaidh tu thairis, agus ni do chridhe plog-artaich, agus nithear farsuinge; a chionn gu'n tionndadliar mòr shluagh na fairge chugad, agus gu'n d'thuig feachd nan cinneach a d'ionnsuidh.

6 Còmhdaichear thu le lionmhoir-eachd nan camlàl, le dromedairibh Mhidiain agus Epha; thig iad uile o Sheba; òr agus tùis giùlainidh iad, agus cliù an Tighearna cuiridh iad an cèill.

7 Cruinnichear a d'ionnsuidh uile threudan Chedair; ni reitheachan Nebaiot frithealadh dhuit; théid iad suas, agus gabhar iad gu taitneach air m'altair; agus tigh mo ghildire fath glòraichidh mi.

8 Cò iad so a ta snámh mar cheo, agus mar cholumain *ag itealaich* dh'ionnsuidh an ionaid-tàimh<sup>b</sup>?

9 Gu deimhin feithidh na h-eileana rium, agus longa Tharsuis air thoiseach; a thoirt do mhac o chéin, le'n airgiod agus an òr maille riu; a chum aiume an Tighearna do Dhé, agus a chum Ti naomha Israeil, oir ghlòraich esan thu.

10 Agus togaidh mic a' choigrich suas do bhallachan, agus fritheilidh an rìghrean duit; oir ann am chorruich bhuail mi thu, ach ann am dlèadh-ghean ni mi iochd ort.

11 Agus bithidh do gheatachan fosgailt an còmhnuidh; a là agus a dh'oidhche cha druidear iad; a chum as gu'n d'thoirear a d'ionn-

suidh mòr shluagh nan cinneach, agus an rìghrean le greadhnachas.

12 Oir an cinneach agus an rìghachd nach dean seirbhis dhuit, bithidh iad caillte<sup>c</sup>; seadh sgriosar na cinnich ein gu tur<sup>d</sup>.

13 Thig glòir Lebanon a d'ionnsuidh, an giuthas, an gall-ghiuthas, agus an crann-bocsa le chéile; a chur maise air mo naomh-ionad-sa, agus a chum gu'n glòraichinn àit mo chos.

14 Agus thig mic do luchd-sàruchaidh 'gan cromadh féin ann ad làthair, agus ni gach neach a rinn tàir ort umhlach gu bonnaibh do chos; agus goiridh iad dhìot Cathair an Tighearna, Sion Ti naomha Israeil<sup>e</sup>.

15 An àit thu bhi air do thréig-sinn, agus air d'fhuathachadh, air chor as nach do shiubhlail aon neach tromhad<sup>f</sup>; ni mi thu a'd' oir-dhearcas sìorruidh, a'd' aobhargàirdeachais feadh linn nan linn.

16 Agus deothailidh tu bainne chinneach, agus cìoch rìghrean deothailidh tu; agus bithidh fios agad gur mis' an Tighearn do Shlànuighear; agus gur e d'fhear-saoraidh Ti cumhachdach Iacoib.

17 Agus an àit umha, bheir mi òr; agus an àit iarunn, bheir mi airgiod; agus an àit sìodha, umha; agus an àit chlach, iarunn; agus ni mi do mhaoir nan sìth, agus do chlà-mhaoir nan ceartas.

18 Cha chluinnear ni's mò foirneart ann ad fhearann, sgrios agus milleadh ann ad chrìochaibh; ach their thu Slàinte mar ainm ri d' bhallachan, agus Moladh ri d' gheatachan.

19 Cha bhi a' ghrian agad ni's faide mar sholus anns an là, ni mò bhitheas dealra na gealaich 'gad shoillseachadh; ach bithidh an Tighearn na sholus sìorruidh dhuit, agus do Dhia na ghlòir agad.

20 Cha d'théid do ghrian tuille sìos, ni mò dhorchaidhear do ghealach; oir bithidh an Tighearn na sholus sìorruidh dhuit, agus crìochnaichear laithean do bhròin.

21 Agus bithidh do shluagh uile nam fireanaibh; sealbhaichidh iad am fearann gu sìorruidh; am meangan a shuidhich mi, obair mò làmhia, chum gu'm bi mi air mo ghlòrachadh.

22 Fàsaidh an aon bheag na mìle, agus an aon shuarach na cinneach làidir; luathaichidh mise le hobhach e na thràth.

\* air an altrum ri do thaobh.

<sup>b</sup> an còsa, an uinneag. Eabh.

<sup>c</sup> théid iad am mugha, léir-sgrios.

<sup>d</sup> Sion a's le Ti naomha Israeil.

<sup>e</sup> thromhad.

CAIB. LXI.

**T**HA Spiorad an Tighearna le-  
bobbah orm, do bhrìgh gu'n  
d'ung an Tighearn mi; a thoirt  
deadh sgéil do'n mhacanta chuire  
mi; a cheangal suas luchd a'  
chridhe blriste, a dh'èigheach suas-  
glaidh do na braighdibh, agus fosg-  
laidh a' phrìosuinn dhoibh-san, a ta  
ceangailte;

2 A dh'èigheach bliadhna thait-  
nich an Tighearna, agus latha  
dioghaltais ar Dé-ne; a thoirt comh-  
fhurtachd dhoibhlan uile a ta ri bròn;

3 A dh'orduchadh do luchd-caoin-  
eadh Shìon, a thoirt doibh maise an  
àit luaithe, ola aoibhneis an àit  
bròin, éididh mholaidh an àit spior-  
aid airneil; a chum 's gu'n goirt-  
eadh dhiubh Craobhan fireantachd,  
a shuidhich an Tighearn air sgàth a  
ghlòire.

4 Agus togaidh iad suas na seann  
làraichean, càirichidh iad r'a chéile  
na Ìonada sgaoilte o chian; ath-  
nuadhaichidh iad na caithrichean  
briste, ìonada fàsaichte nan ìomadh  
lìnn.

5 Agus seasaidh coigrich suas, a-  
gus beathaichidh iad bhur treudan;  
agus bithidh mic a' choigrich nan  
treabhaichean dhuibh, agus nan  
luchd-saithreachadh na fionain.

6 Ach goirear dhibhse Sagartan an  
Tighearna; Luchd-frithealaidh ar  
Dé-ne theirear ribh; saidhblreas  
nan cinneach ithidh sibh, agus nan  
glòir ni sibh uail.

7 An àit bhur nàire gheibh sibh  
cuibhrionn dhùbailte<sup>b</sup>; agus an àit  
maslaidh, ni iad gairdeachas nan  
cuibhrionn; uime sin nan tìr sealbh-  
aichidh iad roinn dhùbailte, bithidh  
aoibhneas aca<sup>c</sup> gu sìorruidh.

8 Oir is mise an Tighearn, leis an  
ionmhuinn breitheanas; is beag orm  
ainneart air son tabhartais-loisgte;  
agus cuiridh mi air adhart<sup>d</sup> an obair  
ann am fìrinn; agus coimlicheangal  
sìorruidh ni mi riu.

9 Agus aithnìhear an slìochd am  
measg nan cinneach, agus an gineal  
am measg nan sluagh; na h-uile a  
chi iad, aidichidh iad gur slìochd iad  
a bheannuich an Tighearn.

10 Ni mi gairdeachas gu mòr anns  
an Tighearn; bithidh m'anam aoibh-  
neach ann am Dhia; oir chuir e orm  
èideadh na slàinte, chomhduich e  
mi le truscan<sup>e</sup> na fireantachd; mar  
a' sgeadaicheas<sup>f</sup> fear-bainnse<sup>g</sup> e féin  
le crùn<sup>h</sup> sgiamhach, agus mar a

dh'ùigheamaicheas<sup>i</sup> bean-bainnse<sup>j</sup> i  
féin le a seudaibh.

11 Oir mar a chuireas an talamh  
a mach a chinneas<sup>k</sup>; agus mar a  
bheir an lios<sup>l</sup> air an t-sìol fàs a nìos;  
mar sin bheir an Tighearn Iehobhah  
air fireantachd agus moladh fàs suas  
an làthair nan uile chinneach.

CAIB. LXII.

**A**IR sgàth Shìoin cha bhi mi a'm'  
thosd, agus air sgàth Ierusalem  
cha ghabh mi fois; gus am bris a  
fireantachd a mach mar sbolus  
dealrach, agus a slàinte mar leus  
lasrach.

2 Agus chi na cinnich d'fhìreant-  
achd, agus na h-uile rìghrean do  
ghlòir; agus bheirear ainm nuadh  
ort, a ghairmeas beul an Tighearna.

3 Agus bithidh tu a a'd' chròn  
glòire ann an làimh an Tighearna,  
agus a'd' choron ròghail ann an  
glàic do Dhé.

4 Cha n-abrar riut tuille, Té ris an  
do chuireadh cùl; ni mò theirear ri  
d'fhearann tuille, am Fasach; ach  
'se theirear riut, Bean mo rùn<sup>1</sup>;  
agus ri d'fhearann, Bean-phòsda<sup>m</sup>;  
oir bithidh rùn an Tighearna ort,  
agus bithidh d'fhearann air a cheang-  
al ann am pòsadh.

5 Oir mar a phòsas duin' òg òigh,  
mar sin pòsaidh d'fhear-togail thusa;  
agus mar a ni am fear nuadh-phòsda  
gairdeachas na mhnaoi, mar sin ni  
do Dhia gairdeachas annad-sa.

6 Chuir mi luchd-faire air d'ò  
bhallachan, O Ierusalem; rè an là,  
agus rè na h-oidhche, cha bhi iad  
nan tosd; sibh-se ta deanamh luaidh  
air ainm an Tighearna, na bithibh-se  
'n'ur tosd;

7 Agus na d'thugaibh fois dha, gus  
an daingnich e, agus gus an déan e  
Ierusalem na cliù air an talamh.

8 Mhionnaich an Tighearn air a  
làimh dheis, agus air a ghairdean  
cumhachdach, cha tabhair mi nì's  
mò d'arbhar mar lòn do d' naimh-  
dibh; ni mò dh'òlas clann a' choig-  
rich d'fhìon nuadh, air son an do  
shaoithrich thu;

9 Ach ithidh iadsan e, a thionail-  
eas e, agus molaich iad an Tighearn;  
agus iadsan a chruinnicheas e, òlaidh  
iad e ann am chùirtibh naomha-sa.

10 Siubhlaidh, siubhlaidh tìid nan  
geatacha; illaichibh slighe an t-  
sluagh; tilgibh suas, tilgibh suas  
an rathad mòr; glanaibh as na  
clachan; tugaibh suas bratach air  
son nan slòg<sup>n</sup>.

11 Feuch ghlaodh an Tighearn gu  
ìomall an domhain; Abraibh ri

i a phiseach, a thoraidh.  
k gairadh. l Hephsibah.  
Eabh. m Beulah. Eabh.

a suidheachadh, plandachadh. Eabh.  
b dhà fhille. c orra.  
d air a h-aghaidh. e falluing.  
f choisrigeas. Eabh. g fear-  
nuadh pòsda. h uigheam  
cinn.

nighin Shìoin, Feuch, tha do Shlàn-  
uighear a' teachd, feuch, tha a  
luaigheachd maille ris, agus *duais*  
'oibre na làthair.

12 Agus theirear riu, An sluagh  
naomha, muinntir shaorta an Tigh-  
earna, agus riut-sa theirear, Miann-  
aichte, Cathair nach tréigear.

## CAIB. LXIII.

**C**O so a ta teachd o Edom, le cul-  
aidh dhaithte o Bhosra? e so a  
ta *sgàmhach* na éideadh, a' siubhal  
aun an mòrachd a neirt? Mise, a  
ta labhairt ann an fireantachd,  
cumhachdach gu tearnadh.

2 C'ar son a *tha* d'éideadh dearg,  
agus do chulaidh mar neach a' salt-  
airt an amair-fhìona?

3 Shaltair mi an t-amar a'm' aon-  
ar, agus do na slòigh cha robh aon  
neach maille rium; oir shaltair mi  
orra ann am fheirg, agus phronn  
mi iad ann am chorruch; agus  
chrathadh an fuil air mo chulaidh,  
agus tharruing mi sal air m'èididh  
uile.

4 Oir bha là an dioghaltais ann mo  
chridhe, agus bha bliadhna mo  
mhuinntir shaorta air teachd.

5 Agus dh'amhaire mi, agus cha  
robh fear-cuidich ann; agus b'ìoghn-  
adh leam nach robh fear-taice ann;  
uime sin dh'oibrich mo ghairdean  
féin slàinte dhomh, agus chum mo  
chorruch féin taice rium.

6 Agus shaltair mi sìos na slòigh  
ann am fheirg, agus chuir mi  
air mhuig iad ann mo chorruch,  
agus thug mi sìos an neart chum an  
làir.

7 Tròcairean an Tighearna aithr-  
isidh mi, agus cliù an Tighearna; do  
réir gach nì a bhuilich an Tighearna  
oirnn, agus meud a mhaithais do  
thigh Israeil, a dhednuich e dhoibh.  
do réir a chaoimhneis, agus do réir  
lionmhoireachd a thròcairean.

8 Oir thubhairt e, Gu deimhin is  
iad mo shluagh, clann nach dean  
breug: agus bha e na shlàn-uighear  
dhoibh.

9 Nan uile àmhghar bha esan fo  
àmhghar; agus rinn aingeal a làth-  
aireachd an tearnadh; ann a ghràdh  
agus ann a iochd rinn e féin an saor-  
adh; agus dh'iomhair e iad, agus  
ghlùlain e iad, rè nan uile laithian o  
shean.

10 Ach rinn iadsan ceannairc,  
agus chuir iad doilgheas air a Spiorad  
naomha; air chor as, gu'n d'fhàs e  
na nàmhaid doibh, agus chog e féin  
nan aghaidh.

11 An sin chuimhnich e na laith-  
ean o shean, Maois agus a shluagh;  
ag ràdh, Cia esan a thug a nìos iad  
o'n fhaire, le buachaille a threud?  
Cia esan a chuir a Spiorad naomh an  
taobh a stigh dheth?

12 A stiùr iad aig deas làimh  
Mhaois le a ghairdean glòrmhor; a'  
sgoltadh nan uisgeachia roimhe, a  
dheanamh ainme shìorruidh dha  
féin?

13 'Gan stiùradh trid na doimhne,  
mar each anns an flùsach ionnas  
nach tuislicheadh iad?

14 Mar a théid an spréidh sìos  
do'n ghleann, thug Spiorad an  
Tighearna orra fois a ghabhail; mar  
sin thredraich thu do shluagh, a  
dheanamh ainme glòrmhoir dhuit  
féin.

15 Seall a nuas o nèamh, agus  
faic o d' ionad-còmhnuidh naomha  
agus glòrmhor; c'ait am bheil d'eud,  
agus do neart; lionmhoireachd do  
thròcairean agus do thruas dhìom?  
Am bheil iad air an cumail air an  
ais?

16 Gu deimhin is tusa ar n-Ath-  
air; 'ged nach aithne do Abraham  
sinu, agus nach 'eil Israel a' ghabhail  
ruinn; is tusa, a Thighearna, ar n-  
Athair, ar Fear-saoraidh; *tha*  
d'ainm o shìornidheadh.

17 C'ar son, a Thighearna, a thug  
thu oirnn dol air seacharan o d'  
shlighibh, agus a chruaidhich thu ar  
cridhe o d' eagal? Pill air sgàth do  
sheirbhiseach treubhan d'oighr-  
eachd féin.

18 Is beag an ùine a shealbhaich  
do shluagh naomha; shaltair ar  
naimhdean sìos do naomh-ionad.

19 Bu leat sinne riamh; cha robh  
thu a' riaghladh os an cionn-sas;  
cha robh iad air an gairm air  
d'ainm.

## CAIB. LXIV.

**O** GU'N reubadh tu o chéile na  
nèamhan, gu'n d'thigeadh tu  
nuas, gu'n sruthadh na sléibhtean  
sìos ann ad làthair.

2 Mar a loisgeas an teine-leagh-  
aidh, mar a chuireas an teine goil air  
uisge; a chum d'ainm a dheanamh  
aithnichte do d' naimhdibh, gu'n  
criothnuicheadh na cinnich ann ad  
fhiannis.

3 An uair a rinn thu nithe iong-  
antach ris nach robh sùil againn,  
thàinig thu nuas; ann ad làthair  
shruth na sléibhtean sìos.

4 Oir riamh cha chuala daoine,  
cha d'airich iad le'n cluais, nì mo  
chunnaic sùil, dia eile ach thusa, a  
nì a leithid air son an tì a dh'fheith-  
eas air.

5 Tha thu a' teachd an còmhdaill  
an tì a ta gabhail tlachd ann an  
ceartas a dheanamh; a' mhuinntir a  
ta cuimhneach ortsa ann ad shligh-  
ibh: feuch, tha corraich ort, oir  
pheacaich sinne; eadhon riasan o  
shean, ach tha sinn air ar tearnadh.

6 Agus tha sinne uile mar nì  
truailidh, agus ar n-uil' fhircantachd

mar luideig shalaich; agus tha sinn uile air seargadh mar dhuille; agus rinn ar lochdan, mar a' ghaoth, ar giùlan air falbh.

7 Agus cha 'n'eil aon neach ann a ta gairm air d'ainm, a ta 'ga dhùsgadh féin suas a dheanamh greim ort; oir dh'fholuich thu do ghnùis uainn, agus chlaoidh thu sinn air son ar n-eaceairtean.

8 Ach a nis, O Thighearn, is tus' ar n-Athair; is sinne a' chreadh, agus is tus' ar fear-deilbh; agus is sinne uile obair do laimhe.

9 Na biodh corruich ro gheur ort, a Thighearn, agus na cuimhnich ainigheachd gu bràth; feuch, amhairc, guidheamaid ort; is sinne uile do shluagh.

10 Dh'fhàs do bhailtean naomha nam fàsach; tha Sion na fàsach; tha Ierusalem faondrach.

11 Tha ar tigh naomh agus àluinn, anns an d'thug ar n-aithrichean moladh dhuit, air a losgadh le teine; agus tha ar n-uile nithe tlachdmhor air an léir-sgrìos.

12 An cum thu ort féin air son nan nithe sin, a Thighearn? Am bi thu 'nad thosd, agus an cràidh thu sinn gu goirt?

CAIB. LXV.

**D**H'FHOILLSICHEADH mi dhoibh-san nach robh 'gam fharraid<sup>a</sup>; shluaradh mi leosan nach robh 'gam iarraidh; thubhairt mi, Feuch mi, feuch mi, ri cinneach nach robh air ainmeachadh orm.

2 Shìn mi mach mo làmhnan fad an là ri sluagh ceannairceach, a ta gluasad ann an droch shlighe, do réir an innleachdan féin;

3 Sluagh a ta an còmhinnidh 'gam bhrosnuchadh gu feirg ri m' aghaidh; ag iobradh anns na liosaibh, agus a' losgadh tùis air na clachaibh-creadha;

4 A ta fantuinn am measg nan àiteachan-àdhlaic, agus a' gabhail còmhluaidh anns na h-uamhaibh; a ta 'g itheadh feòla mhuc, agus aig am bheil sùgh nithe gràineil nan soithichibh.

5 A ta 'g ràdh, Fan agad féin, na d'thig am fagus<sup>b</sup> domhsa, oir is mis' a's naomha nà thusa. Tha iad so nan deataich<sup>c</sup> ann am shròin, nan teine ta losgadh rè an là uile.

6 Feuch, tha e scrìobhta ann am làthair; cha'n fhan mi a'm' thosd, ach ath-dhlaidh mi; seadh ath-dhlaidh mi ri'n uchd.

7 Bhur ea-ceairtean, agus ea-ceairtean<sup>ur</sup> n-aithrichean le chèile, deir an Tighearn, a loisg tùis air na

sléibhtibh, agus a thug toibheum dhomh air na cnocaibh; seadh tomhaisidh mi air ais dhoibh nan uchd an obair a rinn iad roimhe so.

8 Mar so deir an Tighearn, Amhuil a gheibhear am fion nuadh ann; a' bhaguide, agus a their neach, Na mill e, oir tha beannachadh anns mar sin ni mise air sgàth mo sheirbheiseach; cha sgrìos mi an t-ìomlan.

9 Agus bheir mi mach sliochd o Iacob, agus o Iudah sealbhadoir mo shléibhteann; agus sealbhaichidh mo mhuinntir thaghta am fearann, agus gabhaidh m'òglaich tàmh ann.

10 Agus bithidh Saron na chrò chaorach, agus gleann Achoir na bhuaile bhò, air son mo shluaigh-sa, a bha 'gam iarraidh.

11 Agus sibh-se a thréig an Tighearn, a dhi-chuimhnich mo shliabh naomha; a ta deasachadh buird do Ghad<sup>d</sup>, agus a lìonadh iobairt-dhibhe do Mheni<sup>e</sup>;

12 Airmhidh mi sibhse chum a' chhlaidheimh agus cromaidh sibh uile sìos chum a' chosgraidh; a chionn, an uair a ghlaodh mi, nach do fhreagair sibhse, an uair a labhair mi, nach d'éisd sibh, ach rinn sibh olc ann am shealladh, agus an ni anns nach robh tlachd agam roghnaich sibh.

13 Air an aobhar sin mar so deir an Tighearn Iehobhah, Feuch, ithidh m'òglaich-sa, ach bithidh ocras oirbhse; feuch, dlaidh m'òglaich-sa, ach bithidh tart oirbhse; feuch, ni m'òglaich-sa gairdeachas, ach bithidh nàir oirbhse:

14 Feuch, seinnidh m'òglaich-sa tre aoibhneas cridhe, ach glaothaidh sibhse tre dhoilghios cridhe; agus tre chràdh spioraid ni sibh caoineadh.

15 Agus fàgaidh sibh bhur n-ainm mar mhallachadh do m' mhuinntir thaghta-sa; oir inarbaidh an Tighearn Iehobhah thu, agus bheir e ainm eile air 'òglaich.

16 An neach a bheannuicheas e féin air talamh, beannuichidh se e féin ann an Dia na firinn; agus an neach a bheir mionnan air talamh, mionnaichidh e air Dia na firinn; a chionn gu bheil na h-amhgharan roimhe air an di-chuimhneachadh, agus a chionn gu bheil iad foluichte o m' shùilibh.

17 Oir feuch, cruthaicheam nèamhan nuadha agus talamh nuadh; agus cha chuimhnichear iad sin a bh'ann roimhe, agus cha d'thig iad an aire do'n duine.

18 Ach deanaibh-se gairdeachas, agus bithibh aoibhneach gu cian nan cian, air son an nì a chruthaicheam;

<sup>a</sup> a' fìosrachadh mu m' thimchioll,  
<sup>b</sup> an gar.      <sup>c</sup> deathaich.

<sup>d</sup> bhuidhinn.      <sup>e</sup> mhòr àireamh.



oir feuch, cruthaicheam Ierusalem na cùis-aobhneis, agus a sluagh nan cùis-ghairdeachais.

19 Agus bithidh mi aobhneach ann an Ierusalem, agus ni mi gairdeachas ann mo shluagh; agus cha chluinnear guth caoith, no guth caoinidh innte ni's mò.

20 Oir cha bhi as sin suas naoidheachan gearr-shaoghalach, no seann duine nach do choimhlion a laithean; oir bàsaichidh an naoidheachan an uair a ruigeas e ceud bliadhna dh'aois; ach bithidh am peacair a ruigeas ceud bliadhna dh'aois mall-uite.

21 Agus togaidh iad tighean, agus gabhaidh iad còmhnuidh anna; agus suidhichidh iad fion-liosan, agus ithidh iad d'an toradh.

22 Cha dean iadsan togail, agus neach eile àiteachadh; cha dean iadsan suidheachadh, agus neach eile itheadh; oir mar laithean craoibhe bithidh laithean mo shluaigh-sa; agus mealaiddh mo mhuinntir thaghta rè ùin' fhada obair an làmhla féin.

23 Cha saothrich iad gu diomhain, ni mo ghineas iad sliochd chum dragha; oir is iad siol dhaoine bean- nuichte an Tighearna, agus an sliochd maille rin.

24 Agus tarlaidh, mus an gairm iad, freagraidh mi; agus am feadh am bhios iad fòs a' labhairt, 'cisidh mi.

25 Ni am madadh-alluidh agus an t-uain ionaltradh le chèile; agus ithidh an leòmhann conlach mar an damh; ach 's e an duslach a's biadh do'n nathair. Cha dochainn agus cha mhill iad ann mo shliabh naomhsa uile, deir an Tighearna.

## CAIB. LXVI.

**M**AR so deir an Tighearna, Is iad na nàmhla mo righ-chaithir, agus an talamh stòl mo chos; cia e an tigh a thogas sibh dhom-sa? agus cia e ionad mo còmhnuidh?

2 Oir na nithe so uile rinn mo làmh, agus na nithe so uile is leamsa deir an Tighearna; ach air an fhear so amhaircidh mi, eadhon airsan a ta bochd agus leònta 'n a spiorad, agus a chrìochnaicheas roimh m'fhocal.

3 Tha esan a mharbhas damh mar gu'm mortadh e duine; esan a dh'iobras uan, mar gu'n cuireadh e an ceann do mhadadh; esan a bheir seachad tabhartas, mar gu'n d'thugadh e seachad fuil mhuc; esan a loisgeas tùis, mar gu'm beannuicheadh e iodhol; seadh roghnuich iad an sligheachan féin, agus nan

gràinealachdaibh féin tha an anan a' gabhail tlachd.

4 Roghnuichidh mise fòs am faoin-smuainte-san, agus an cùis-eagail bheir mi orra; a chionn gu'n do ghlaodh mi, agus nach d'thug aon neach freagradh; labhair mi, agus cha d'éisd iad; ach rinn iad òle ann am shealladh, agus an ni anns nach robh tlachd agam roghnaich iad.

5 Cluinnibh-se focal an Tighearna, sibh-se ta crìochnachadh roimh 'fhocal; bhur bràithrean a tha toirt fuath dhuibh, a thilg a mach sibh air sgàth m'ainme-sa, deir iad, Bìodh an Tighearna air a ghlòrachadh; ach foillsichear e chum aobhneis duibh-se, agus cuirear iadsan gu h-amhladh.

6 Guth ard-ghlaoidh o'n chathair; guth o'n teampull; guth an Tighearna, a' toirt ath-dhiolaidh d'a nàimhdeibh.

7 Mu'n robh i ann an saothair-chloinne, dh'aiseadadh i; mu'n d'thàinig a li-ioghanna, rug i lean-abh-mic.

8 Cò chual a leithid so? cò chunnaic an leithide so do nithibh? an tabhair an talamh amach a thoradh ann an aon latha? am bi cinneach air a bhreith dh'aon bheum? oir cha bu luaithe bhla Sion ann an saothair na rug i a clann.

9 An d'thoir mi gus a' bhreith, agus nach d'thoir mi fainear gu'm beirear? deir an Tighearna; an gin mi, agus am bac mi a' bhreith? deir do Dhia.

10 Deanaibh gairdeachas le Ierusalem, agus bithibh subhach air a son, sibh-se uile le'n ionmhuin i; bithibh ro aobhneach leatha, sibh-se uile ta ri bròn air a son;

11 A chum gu'n deothail sibh, agus gu'm bi sibh sàsuichte le cìoch-aibh a solais; a chum gu'n tarruing e sibh, agus gu'm faigh sibh toilinn-inn ann am pailteas a glòire.

12 Oir mar so deir an Tighearna; Feuch, sgaoileam sìth thairis oirre mar abhainn, agus glòir nan cinn-each mar shruth a' taomadh a nuas; an sin deòthlaidh sibh, giùlainear sibh air an leis, agus luaisgear e sibh air na glùinibh.

13 Mar neach do'n tabhair a mhàthair comhlh'urtachd, mar sin bheir mise comhlh'urtachd dhuibh-se; agus ann an Ierusalem gheibh sibh solas.

14 An uair a chi sibh so ni bhur cridhe gairdeachas; agus bithidh 'ur cnàmhan<sup>1</sup> ùrar mar am fear; agus

\* caithidh iad es. Eabh.

b dh'aon tarruing?

c fàisg, bloodhainn.

d a'dol thar bruaich.

e fu-luaisgear.

f cnàmhean.

foillsichear làmh an Tighearna d'a òglaich; ach lasaidh 'fhearg an aghaidh a nàimhdean.

15 Oir feuch, thig an Tighearn le teine, agus a charbad mar chuairt-ghaoith; a dhortadh a mach a chorruih mar aintear, agus 'achmhaisain le lasraichibh teine.

16 Oir le teine agus le a chlaidheamh tagraidh an Tighearn ris gach uile fheoil; agus bithidh mòran air am marbhadh leis an Tighearn.

17 Iàdsan a ta 'g an naomhachadh féin agus 'g an glanadh féin anns na liosaibh, air cùl aon *chràoibhe* 's a' mheadhion; ag itheadh fèdla mhuc, agus na gràinealachd, agus nan luch; gearrar<sup>a</sup> as iad le chéile, deir an Tighearn.

18 Oir is aithne dhomh-sa an gnìomhara agus an innleachdan: thigean a chruinneachadh nan uile chinneach agus theanganna le chéile; agus thig iad; agus chi iad mo ghàird.

19 Agus cuiridh mi comhara 'n am measg; agus a' mhuinntir a théid as dhiubh cuiridh mi dh'ionnsuidh nan cinneach, gu Tarsis, Pul, agus Lud, a thairngeas am bogha; gu Tubal agus Iabhan, na crìochan fad as; nach cuala iomradh orm, agus nach faca riamh mo ghàird; agus cuiridh

iad an céill mo ghàird am measg nan cinneach.

20 Agus bheir iad 'ur bràithrean uile, as gach cinneach, *mar* thabhartas do'n Tighearn; air eachaibh, agus air carbadaibh, agus air uirighibh, air muilidhibh, agus air ainmhidhean luath-chosach<sup>b</sup>; gu mò shliabh naomha-sa Ierusalem deir an Tighearn; amhuil a bheir clann Isracil tabhartas ann an soitheach glan gu tigh an Tighearna.

21 Agus dhiubh-san mar an ceudna gabhaidh mi, air son shagart, agus air son Lebhithreach, deir an Tighearn.

22 Oir amhuil a mhaireas na nàmhada nuadha, agus an talamh nuadh, a ta mi cruthachadh, ann am fhianuis, deir an Tighearn; mar sin mairidh bhuir slìochd-sa, agus 'ur n-ainm.

23 Agus tarlaidh, o ghealaich ùir gu gealaich ùir, agus o shàbaid gu sàbaid, gu'n d'thig gach uile fheoil a dheanadh adhradh ann am làthair-sa, deir an Tighearn.

24 Agus théid iad amach, agus seallaidh iad air cìosaichean nan daoine a chiontaich a'm' aghaidh; oir cha blàsaich an cnuimh, agus cha mhàchar an teine; agus bithidh iad nan gràinealachd<sup>c</sup> do na h-uile fheoil

<sup>a</sup> sguabar.

<sup>b</sup> cleibh.

<sup>c</sup> oillte.

## I E R E M I A H.

### CAIB. I.

**B**RIATHRAN Jeremiah, mhic Hilciah, aon do na sagartaibh a bha 'n Anatot ann am fearann Bhéniamin:

2 A dh'ionnsuidh an d'thàinig focal an Tighearna ann an laithibh Iosiah, mhic Amoin, rìgh Iudah, anns an treas bliadhna deug d'a rìghachadh.

3 Thàinig e mar an cèudna ann an laithibh Iehoiachim, mhic Iosiah, rìgh Iudah; gu ceann aon bhliadhna deug Shedeciah, mhic Iosiah, rìgh Iudah, gus an d'thugadh air falbh Ierusalem ann am bairghdeanas anns a' chùigeamh mìos.

4 Thàinig an sin focal an Tigh-

earnà do m'ionnsuidh-sa ag ràdh,  
5 Mu'n do dhealbhadh mi thu 'sa bhroinn, b'aithne dhomh thu, agus mu'n d'thàinig thu mach o'n bholg, chuir mi air leth thu<sup>a</sup>: mar fhàidh do na cinnich thug mi thu.

6 An sin thuirt mise, Och! a Thighearua Iehobhah, feuch, cha'n aithne dhomh-sa labhairt; oir is leanabh mi.

7 Agus thubhairt an Tighearn rium, Na abair, Is leanabh mi: ach a chum nan uile gus an cuir mise thu, théid thu; agus ciod sam bith a dh'àithneas mi dhuit, labhairidh tu.

<sup>a</sup> naomhaich mi thu.

8 Na biodh eagal ort roimh an gnàis; oir tha mise maille riut a chum do thearnadh, deir an Tighearn.

9 Agus chuir an Tighearn a mach a làmh, agus bhean e ri m' bheul. Agus thubhairt an Tighearn rium, Feuch chuir mise mo bhriathran ann ad bheul.

10 Feuch, chuir mi thu air an là'n diugh os cionn nan cinneach agus os cionn nan rìoghachd, gu spionadh as, agus gu tarruing a nuas, agus gu sgrios, agus gu leagail; gu togail, agus gu suidheachadh.

11 Agus thàinig focal an Tighearna do m'ionnsuidh, ag ràdh, Ciod a tha thu faicinn, a Ieremiah? Agus thuit mise, Tha mi faicinn slaite do chraoibh almoìn.

12 Agus thubhairt an Tighearna rium, Is ceart a chunnaic thu; oir deifrichidh mise m'fhocal a chum a choimhionadh.

13 Agus thàinig focal an Tighearna do m'ionnsuidh an dara uair, ag ràdh, Ciod a tha thu faicinn? Agus thuit mise, Tha mi faicinn coire air ghoil; agus air a tionndadh o'n airde tuath.

14 Agus thubhairt an Tighearn rium, O'n airde tuath brisidh an t'olc a mach air uile luchd-àiteachaidh na tìre.

15 Oir feuch, gairmidh mise air uile theaghlaichean rìoghachdan na h-airde tuath, deir an Tighearn; agus thig iad, agus suidhichidh iad, gach aon a rìgh-chaitheir aig dol a steach gheatachan Ierusalem, agus air a ballachan uile mu'n cuairt, agus os cionn uile bhailtean Iudah.

16 Agus cuiridh mise mo bhreith-eanaidh an cèill nan aghaidh, airson an uil' aingidheachd; a chionn gu'n do threig iad mise, agus gu'n do loisg iad tuis do dhèibh eile, agus gu'n do shleuchd iad do oibribh an làmh fèin.

17 Criosnich thusa suas uimesin do leasraidh, agus èirich, agus labhair riu na h-uile nithe dh'aitheanas mise dhuit; na biodh fianh a ort rompa, air eagal gu'n cuir mise gu h-amhladh thu nam fianais.

18 Oir feuch, rinn mise thu an diugh a'd' clathair dhaingnichte, agus a'd' phost iaruin, agus a'd' bhalladh umha, 'n aghaidh na tìre so uile; an aghaidh rìghrean Iudah, an aghaidh a mòr uaislean, an aghaidh a sagartan, agus an aghaidh sluaigh na tìre:

19 Agus cathaichidh iad ann ad aghaidh, ach cha d'hoir iad buaidh ort; oir tha mise maille riut, deiran Tighearn, chum do thearnadh.

THAINIG focal an Tighearna mar an ceudna do m'ionnsuidh, ag ràdh,

2 Imich agus glaoth ann an clasaibh Ierusalem, ag ràdh; Mar so deir an Tighearn, Chuimhnich mise as do leth an caoinhneas, a nochd mi dhuit ann ad òige, gràdh do cheangail-pèsaidh, 'nuair a dh'imich thu a'm' dheigh anns an fhàsach, ann am fearann nach do threabhadh.

3 Is naomhachd do'n Tighearn Israel, ceud thoradh a chinneis; iadsan uile a ta 'ga shlugadh suas, measar iad ciontach, thig aimhleas orra, deir an Tighearn.

4 Chuinnibh focal an Tighearna, O thigh Iacoib, agus uile theaghlaichean tìge Israeil.

5 Mar so deir an Tighearn; Ciod an ea-ceairt a shuair 'ur n-aithrich-ean annam-sa, gu'n d'imich iad fada uam, agus gu'n do ghluais iad an déigh diomhanais, agus gu'n d'fhàs iad diomhain?

6 Agus cha dubhairt iad, C'ait am bheil an Tighearn, esan a thug a nìos sinn o thìr na h-Eiphit, a stiur sinn trid an fhàsach, trid fearainn fhà-sail agus làn shlochd, trid fearainn tairt agus sgàile bàis, trid fearainn nach do shiubhail aon duine troimhe, agus far nach do ghabh duine riamh còmhnuidh?

7 Thug mi sibh mar an ceudna gu dùthaich thorraich, a dh'itheadh a toraidh, agus a maitheis; ach an uair a thàinig sibh a steach, thruaill sibh m'fhearann, agus m'òighreachd rinn sibh na gràinealachd.

8 Cha dubhairt na sagairt, C'ait am bheil an Tighearn? agus iadsan a laimhsich an reachd, cha b'aithe dhoibh mise: rinn na h-aodhairean fòs ceannaire ann am aghaidh; agus rinn na fàidhean faisneachd le Baal, agus lean iad nithe nach d'hoir buannachd.

9 Uime sin tagraidh mise ruibh fatlast, deir an Tighearn, agus ri cloinn bhur cloinne tagraidh mi.

10 Oir siubhlaibh thairis gu crìocha Chitim, agus faicibh; agus cuiribh fios gu Cedar, agus thugaibh geur aire; feuchaibh an do thachair riamh a' leithid so.

11 An do chaochail cinneach an dèe, eachdon iad sin nach robh nan dèe? Ach chaochail mo shluagh-sa an glòir air son nì gun bhuannachd.

12 Biodh ioghnadh oirbh, O nèamha, mu'n nì so, agus biodh uamhas oirbh: bithibh air bhur tròm bhualadh le h-uamhunn, deir an Tighearn.

13 Oir chuir mo shluagh-sa dà olc an gnìomh: thréig iad mise, tobar nan uisgeacha beo: agus chladhaich iad a mach dhoibh féin sluicid, sluicid ea-dionach, nach cum uisge.

14 An tràill Israel? Ma's ann do chloinn an teaghlaich e, c'uim' an d'rinneadh e na chobhartaich?

15 Beucaidh na leòmhain òga na aghaidh; thog iad an guth, rinn iad 'thearann na fhàsach; tha a bhailtean air an losgadh, gun zòn 'gan àiteachadh.

16 Ni clann Noiph agus Tahpaneis mar an ceudna mullach do chinn a bhriseadh.

17 Nach do choisinn thu so dhuit féin, a chionn gu'n do thréig thu an Tighearn do Dhia, an uair a bha e 'g ad stiùireadh anns an t-slighe?

18 Agus a nis ciod do ghnothuch ri slighe na h-Eiphit, a dh'òl uisgeachan Shihoir? No ciod do ghnothuch ri slighe Asiria, a dh'òl uisgeachan na h-Aibhne?

19 Smachdaichidh d'aingidheachd féin thu, agus ni do chùl-sleamh-nachadh féin do chronuchadh: aithnich uime sin agus faic, gur olc agus searbh an ni, gu'n do thréig thu an Tighearn do Dhia, agus nach 'eil m'eagal-sa annad, deir an Tighearn Dia nan sluagh.

20 Gu deimhin o chian fada bhris mi<sup>a</sup> do chuing, sgaoil mi do chuibhrichean; agus thubhairt thu, Cha bhi mi eas-umhal<sup>b</sup>. Oir air gach cnocard, agus fo gach craobh uaine, tha thu dol air seachran ri striopachas.

21 Gidheadh shuidhich mise thu a'd' fhionain uasail, gu h-iomlan a'd' shìol ceart: ach cionnas a chaochail thu orm, a' gheug chrìonaich na fionain coimhich!

22 Oir ged' nigh thu thu féin le natar, agus ged' ghabh thu mìdran sìopuinn, tha d'aingidheachd air a comharachadh ann am làthair-sa, deir an Tighearna Iehobhah.

23 Cionnus a dh'fheudas tu ràdh, Cha 'n'eil mi salach, cha deachaidh mi an déigh Bhaalim? Feuch do shlighe anns a' ghleann; aithnich ciod a rinn thu. Tha thu mar dhromedari luath ag imeachd na slighe;

24 Mar asail fhiadhaich cleachda ri fàsach, a thairngeas a' ghaoth suas na cuinneanaibh, ann an ciocras a h-anama: an tra thig a miann cò a philleas i? Iadsan uile bhios 'ga h-iarruidh cha sgithichear iad; an ceann a mìos gheibh iad i.

25 Cum do chas o bhi rùisgte, agus

do mhuineal o thart. Ach thuirt thusa, Cha 'n'eil leigheas air a' chùis a nis; cha chum; oir ghràidhaich mi coigrich, agus nan déigh thèid mi.

26 Mar a bhios nàire air meirleach an uair a ghlacair e; mar sin chuireadh gu nàire tigh Israeil, iad féin, an rìghrean, an uachdarain, agus an sagairt, agus am fàidhean:

27 A ta 'g ràdh ri mìr fiodha, Is tu m'athair; agus ri cloich, Is tu ghin mi; oir thionndaidh iad rium<sup>a</sup> an cùl, is cha'n i an aghaidh; ach ann an àn an airce their iad, Eirich, agus teasaig sinn.

28 Ach c'ait am bheil do dhée a rinn thu dhuit féin? Eireadh iadsan, ma's urradh iad do thearnadh ann an àn do chruaidh-chais: oir do réir àireimh do bhailtean bha do dhée, O Iudah.

29 C'arson a thagras sibh rium-sa? chiontaich sibh uile a'm' aghaidh, deir an Tighearn.

30 Gu diomhain bhuail mi bhur clainn; cha do ghabh iad cronuchadh. Shluig 'ur claidheamh féin 'ur fàidhean, amhuil leòmhann millteach.

31 O sibh-se do'n ghinealach so, fenchaidh focal an Tighearna: an robh mise a'm' fhàsach do Israel? a' m'fhearann dorchadais? C'uim an dubhairt mo shluagh, Is tighearnan sinn oirnn féin; cha d'thig sinn ni's mothgadh-sa?

32 Am feud òg-bhean a h-uisgeachan a dhearmad? no bean-bainne a culaidh? Gidheadh dhearmaid mo shluagh mise laithean gun àireamh.

33 C'uim an seòl thu do shlighe a dh'iarruidh gaoil? air an aobhar sin fòs seòlaidh mise dòrainnean air do shlighean-sa.

34 Fhuaradh ann ad sgiobul mar an ceudna tuil anama nan neo-chiontach bochda: cha 'n ann le sgrùdadh domhain a fhuar mi mach i, ach air a craobh-sgaoileadh.

35 Gidheadh tha thu 'g ràdh, A chionn gu bheil mi neo-chiontach, gu cinnteach pillidh a chorruidh uam. Feuch tionnsgaidh mise ann am breitheanas riut, a chionn gu bheil thu 'g ràdh, Cha do pheacaich mi.

36 C'uim am bi thu co ro iuaineach a chaochladh do shlighe; bidh fathast nàire ort do'n Eiphit amhuil a bha nàire ort do Asiria.

37 Seadh cuideachd thèid thu mach as so, le d' làmhnan air do cheann: oir dhiùlt an Tighearn cuspairean do dhùchais, agus leò cha soirbhich thu.

<sup>a</sup> thu LXX.

<sup>b</sup> umhal. Eabh.

<sup>a</sup> breaghad.



## CAIB. III.

**T**HEIR iad, Ma chuireas duine air falbh a bhean, agus gu'n imich i uaith, agus gu'n gabh i le fear eile, an pill e da li-ionnsuidh a ris? nach bi am fearann sin gu ro mhòr àir a thruaillleadh? Ach rinn thusa strìopachas le m'ndran leannan; gidheadh pill riumsa a ris, deir an Tighearn.

2 Tog do shùilean suas ris na lìonadaibh arda, agus feuch; cia an t-àit anns nach do thruaillleadh thu? Shuidh thu 'gam feitheamh anns na sligheibh, mar an t-Arabach 'san fhàsach; agus shaluich thu am fearann le d'strìopachas agus le d' dh'och-bheairt.

3 Agus chumadh na frasan air an ais, agus an t-uisge deireannach cha robh ann; gidheadh agad-sa bha eudann strìopaich, chuir thu cùl ri nàire.

4 Nach gairm thu ormsa o'n uair so, ag ràdh, M'athair, bu tusa fear stiùraidh m'òige?

5 An gléidhear fearg gu bràth? an cumar corruich gu sìornuidh air chuimhne? Feuch, labhair, agus rinn thu aingidheachd; agus chaidh e leat.

6 Thubhairt an Tighearn rium fòs ann an laithibh Iosiah an rìgh, Am faca tu cìod a rinn Israel chùl-sleamhnach? Chaidh i suas air gach sliabh ard, agus fo gach crann gorm, agus an sin rinn i strìopachas.

7 Agus thubhairt mise, 'n déigh dh'i so uile a dheanamh, Pill do nì-ionnsuidh-sa: ach cha do phill i. Agus chunnaic a piuthar fhealltach Iudah so.

8 Agus chunnaic mise, 'nuair, air son na h-uile adhaltruis anns an robh Israel chùl-sleamhnach ciontach, a chuir mi air falbh i, agus thug mi litir dhealachaidh dh'i, gidheadh nach do ghabh a piuthar fhealltach Iudah eagal, ach gu'n d'imich i agus gu'n d'rinn i féin strìopachas mar an ceudna.

9 Agus tharladh, le ro mheud a tograidh gu neo-ghloine, gu'n do thruaill i am fearann, agus gu'n d'rinn i adhaltrus le clachaibh agus le crannaibh.

10 Agus fòs an déigh so uile cha do phill a piuthar fhealltach Iudah riumsa le h-uile chridhe, ach gu cealgach, deir an Tighearn.

11 Uime sin thuir Iehobhabh rium; is mo dh'fhìreannaich Israel chùl-sleamhnach i féin na Iudah chealgach.

12 Imich agus glaoth na briathran so fa cliomhair na h-airde tuath, agus abair; Pill, O Israeil chùl-sleamhnach, deir an Tighearn, cha leag mi mo chorruch ort; oir tha

mise tràcaireach, deir an Tighearn, cha ghléidh mi m'fhearg gu bràth.

13 A mhàin aidich do chionta, gu'n d'rinn, thu easaontas an aghaidh an Tighearna do Dhé; agus gu'n d'rinn thu do shligheachan coitcheionn do choigrich, fo gach aon chraoibh uaine; agus nach d'thug sibh géill do m' ghuth-sa, deir an Tighearn.

14 Pillibh, O chlann chùl-sleamhnach, deir an Tighearn, oir tha mi pòsda ruibh: agus gabhlaidh mi sibh, aon a baile agus dithis a teaghlach, agus bheir mi sibh gu Sion:

15 Agus bheir mi dhuibh aodhair-eàn do réir mo chridhe féin, agus beathuichidh iad sibh le h-eòlas agus le tuigse.

16 Agus tarlaidh, an uair a théid sibh an lìonnuireachd agus am meud anns an fhearann, anns na laithibh sin, deir an Tighearn, cha'n abair iad nì's mò, Airce coimhcheangail an Tighearna, nì mò thig i nan aire, nì mò chuimhnicheas iad i, nì mò bheir iad sùil na déigh, nì mò nithear sin tuille.

17 Anns an àm-sin theirear ri Ierusalem rìgh-chaitir an Tighearna; agus bidh tathaich nan uile chinneach d'a h-ionnsuidh, air sgàth ainme an Tighearna a bhith-eas ann an Ierusalem; agus cha ghluais iad nì's mo do réir cruais a droch chridhe féin.

18 Anns na laithibh sin théid tigh Iudah gu tigh Israeil; agus thig iad le chéile mach as an tìr mu thuath, a chum an fhearainn a thug mise mar sheilbh do 'r n-aithrichibh.

19 Agus 'nuair a thubhairt mi, Cionnus a bheir mi àite dhuit am measg mhac, agus a bheir mi dhuit am fearann taitneach, oighreachd aoibhneach shluagh nan cinneach? an sin thubhairt mi, Goiridh tu rium-sa, M'athair; agus cha phill thu air d'ais o m' leantuinn.

20 Gu deimhin, mar a chlaonas bean neo-dhileas o a fear-posda, mar sin bhuin sibhse gu neo-dhileas rium-sa, O thigh Israeil; deir an Tighearn.

21 Chualas guth air na h-ionadaibh arda; caoidh agus a chuinge cloinne Israeil; a chionn gu'n do chlaon iad an slighe; dhi-chuimhnich iad an Tighearn an Dia.

22 Pillibh, o chlann chùl-sleamhnach, leighisidh mise bhuir cùl-sleamhnachaidh. Feuch tha sinn a teachd do 'ionnsuidh, oir is tu an Tighearn ar Dia.

23 Gu deimhin cha 'n'eil ach dìo-

mhanas anns na cnocaibh, ann an neart nan sléibhteann; gu deimhin anns an Tighearn-ar Dia-ne tha slàinte Israeil.

24 Ach dh'ith an nì nàrach sin suas saothair ar n-àithrichean o 'r n-òige; an caoirich, agus am buar, am mic, agus an nigheana.

25 Luidhidh sinn sìos 'nar nàire, agus thig ar masladh tharunn: a chionn gu'n do pheacaich sinn an aghaidh an Tighearna ar Dia, sinn féin agus ar n-aithrichean o'r 'n-òige, eadhon gus an diugh, agus nach robh siun ùmhal do ghuth an Tighearna ar Dia.

CAIB. IV.

**M**A philleas tu a rìs; O Israeil, deir an Tighearna, do m'ionnsuidh-sa pillidh tu; agus ma chuir-eas tu air falbh do ghràinealachdan o m' làthair-sa, an sin cha ghluaisear thu:

2 Ach mionnaichidh tu, Mar is beo an Tighearn, ann am fìrinn, ann am breitheanas, agus ann an ionracas: agus beannuichidh na cinnich iad féin annsan, agus annsan ni iad uail.

3 Uime sin, mar so deir an Tighearn ri fearaibh Iudah, agus ri Ierusalem; Brisibh suas bhur fearann treabhaidh, agus na cuiribh am measg dhroighionn.

4 Bithibh air 'ur timchioll-ghearradh do'n Tighearn, agus thugaibh air falbh roimh-chraicinn 'ur cridheachan, O fhèara Iudah, agus a luchd-àiteachaidh Ierusalem; mu'n d'ithéid mo chorruich-sa mach mar theiné, 's mu 'n las i, air chor is nach feudar a mùchadh, air son aingidheachd 'ur gnìomhara.

5 Cuiribh-se 'n céill ann an Iudah, agus ann an Ierusalem. deanaibh follas, agus abraibh; Séidibh an trompaid anns an tìr; Séidibh an trompaid anns an tìr; éighibh gu h-àrd agus abraibh, Cruinnichibh le chéile, agus rachamaid a steach do na cathraichibh daingnichte.

6 Cuiribh suaicheantas suas ann an Sion, rachaibh air bhur n-ais, na seasaibh; oir tha mis' a tabhairt uile o'n airde tuath, eadhon léir-sgrìos mòr.

7 Thàinig an leòmhann a nìos o a dhoire, agus tha milltear nan cinn-each air a thurus: dh'imich e mach as 'àite chum t'fhearann a dhean-amh na fhàsach; bidh do bhailtean air an sgrìos, air chor is nach bi aon 'gan àiteachadh.

8 Air an aobhar sin criosluchibh sibh féin le sac-éideadh, deanaibh caoidh agus gul; oir cha 'n'èil fraoch feirge an Tighearna air a pill-eadh air falbh uainn.

9 Agus tarlaidh anns an là sin, deir an Tighearn, gu 'm bàsaich cridhe an rìgh, agus cridhe nan ard-uaislean; agus bidh amhlath air na sagartaibh, agus uamhas air na fàidhibh.

10 An sin thuirt mise, Och! a Thighearna Iehobhah! gu cinnteach mheall thu gu tur an sluagh so agus Ierusalem, ag ràdh, Bidh sìth agaibh; an uair a tha 'n claidheamh a ruigheachd gu ruig an t-anam.

11 Anns an àm sin theirear ris an t-sluagh so agus ri Ierusalem; Gaoth loisgeach ann an ionadaibh sgaoilte an fhàsaich, leth ri nighin mo shluaigh-sa; cha 'n ann gu fasgnadh no gu glanadh;

12 Thig treun-ghaoth o na h-àitibh sin do m' ionnsuidh-sa; a nis fòs laibhraidh mi féin breitheanas nan aghaidh.

13 Feuch, mar neulaibh thig e nìos; mar chuairt-ghaoith bidh a charbadan; is luaithe na iolairean a chuid each; mo thruaighe sinne! oir tha sinn creachta.

14 Glan do chridhe o aingidheachd, O Ierusalem, a chum as gu tearnar thu: Cia fhad a ghabhas do smuaintean aingidh còmhnuidh an-taobh a stigh dhiot!

15 Oir tha guth ag éigheach o Dhan, agus a' cur àmlighair an céill o shliabh Ephraim.

16 Glaothaibh-se ris na cinnich, Feuch! Cuiribh an céill an aghaidh Ierusalem, 'gu bheil luchd-freic-eadain a' teachd o dhùthaich fad as, agus gu tog iad suas an guth an aghaidh bhailtean Iudah.

17 Mar luchd-coimhid faiche tha iad na h-aghaidh mu'n cuairt d'i, a chionn gu'n d'rinn i ar a mach ann am aghaidh-sa, deir an Tighearn.

18 Chosinn do shlighe agus do dheanadas na nithe so dhuit; 's i so d'aingidheachd; a chionn gu bheil i searbh, oir ta i ruigheachd gu do chridhe.

19 Mo chom, mo chom! ta mi air mo chràdh ann am ballachan mo chridhe; an taobh a stigh dhìom tha mo chridhe ri fuaim; cha'n urradh mi fantuinn a'm' thosd; a chionn gu cuala tu, O m'auam! guth na trompaid, gaoir a' chatha.

20 Tha léir-sgrìos air lorg léir-sgrìos air a ghairm; gu cinnteach tha 'n tìr gu h-ìomlan creachta: gu h-obann chreachadh mo phàilliona, mo sgàileachan ann an tiota.

21 Cia fhad a chi mi a' bhratach? a chluinneas mi fuaim na trompaid?

22 Gu cinnteach tha mo shluaigh-sa amaideach, orm-sa cha do ghabh iad eolas; is clann aig nach 'eil tuigs iad, agus tha iad air dhiobh-

ail céille: tha iad seòlta a dheanamh uile, ach maith a dheanamh cha 'n aithne dhoibh.

23 Chunnaic mi an talamh, agus feuch! *bha e* gun dealbh agus falamh; na nèamha fòs, agus bha iad gun solus.

24 Chunnaic mi na sléibhteann, agus feuch! chriothnuich iad; agus bha na cnuic uil' air an luasgadh gu mòr.

25 Dh'amhairc mi, agus, feuch! cha robh aon duine ann; agus uile eoin na h-ealtuinn <sup>a</sup>, theich iad.

26 Dh'amhairc mi, agus, feuch! *bha a'* mhachair thorrach na fasach, agus a h-uile bhailtean air an tilgeadh slos, roimh làthair an Tighearna, roimh dhian-theas 'fheirge.

27 Oir mar so deir Iehobhah, Bidh an fearann gu h-iomlan air 'fhàsachadh, ach cha dean <sup>b</sup> mi làn chrioch.

28 Air son so ni an talamh bròn, agus dorchaichear na nèamha shuas; a chionn gu 'n do labhair mise, agus cha ghabh mi aithreachas; chuir mi roimham, agus cha d'théid mi air m' ais naith.

29 Roimh iolach nam marcach agus nam fear bogha, tha gach cathair <sup>a</sup> teicheadh; chaidh iad a teach do thiugh choilltibh, agus streap iad suas air na creagaibh: tha na h-uile bhailtean air an tréigsinn, agus cha 'n 'eil aon duine 'gan àiteachadh.

30 Agus thusa, 'nuair a chreachar thu, ciod a ni thu? Ged' éid thu thu féin le corcur, ged' sgeadaich thu thu féin le seudaibh òir, ged' ung thu do rosgan le dathaibh, gu diomhain ni thu thu féin sgiamhach: nithear tàir ort le *do* leannain, air d'anam tha iad an tòir.

31 Gu cinnteach chuala mi glaoth amhuil mnà ri saothair, teanndachd amhuil mnà ri breith a ceud leinibh, glaoth nighin Shioin; a' caoidh, a' sgaoileadh a bas, agus ag ràdh, Mo thruaighe mise nis! oir tha m'anam air a chlaoidh le luchd-mortaidd.

### CAIB. V.

**R**UITHIBH air 'ur n-ais agus air 'ur n-aghaidh <sup>c</sup> feadh shràidean Ierusalem, agus faicibh a nis, agus biodh fios agaibh, agus iarruibh na h-ionadan farsuing, am faigh sibh aon duine, am bheil neach sam bith ann a ta cur an gnìomh breitheanas, a ta 'g iarrnidh na srìnn; agus bheir mise dh'i maitheanas.

2 Ach ged' theiriad, Mar is beo an

<sup>a</sup> an athair, nan speur, nan nèamha. Eabh. <sup>b</sup> d'thoir, chuir. <sup>c</sup> slos agus suas

Tighearn, gu deimhin tha iad 'a' mionnachadh gu breugach.

3 O Thighearn, nach 'eil do shùilean-sa air an fhirinn? Bhual thu iad, ach cha d'rinn iad bròn; chaith thu iad, ach dhiùlt iad gabhail ri smachdachadh; rinn iad an aghaidh ni's cruaidhe na creag, dhiùlt iad pilleadh.

4 An sin thuirt mise, Gu cinnteach is iad so na daoine 'losal; tha iad gun chéill, a chionn nach aithne dhoibh slighe an Tighearna, breitheanas an Dé.

5 Ruigidh mi na daoine uasal <sup>d</sup>, agus labhraidh mi riù-san; oir is aithne dhoibh-san slighe an Tighearna, breitheanas an Dé. Ach spealg iad so gu h-iomlan a' chuing, sgaoil iad as <sup>a'</sup> chéile na cuibhrich-ean.

6 Uime sin ni leòmhnan as a' choille an sgrios, ni madadh-alluidh an fhàsaich am milleadh; ni liopard faire os cionn am bailtibh: gach aon a théid a mach asda reubar e na bhloighdibh; a chionn gu bheil an lochdan lionmhor, an cùsleamh-nachadh minic.

7 Cionnas a mhaithas mi so dhuit? thréig do chlann mise, agus mhionnuich iad orra sin nach 'eil idir nan dèe: an uair a shàsuich mise iad le lòn, an sin rinn iad adhaltranas, agus ann tigh na srìopaich chruinnich iad nam buidhnihh.

8 Bha iad mar òig-eich bliadhna sa' mhaduinn; gach aon a' sìtrich an déigh mnà a choimhearsnaich.

9 Air son nan nithe so nach d'thig mise d'an amharc, deir an Tighearn; agus air a' leithid so do chinneach nach dean m'anam dioghaltas?

10 Rachaibhse suas air a ballachan, agus sgriosaidh, ach na deanaibh crìochnachadh; thugaibh air falbh a daingnichean, oir cha bhuin iad do 'n Tighearn <sup>e</sup>.

11 Oir bhuin tigh Israeil agus tigh Iudah gu ro chealgach rium-sa, deir an Tighearn.

12 Dh'àicheadh iad an Tighearna, agus thubhairt iad, Cha'n e a t'ann; ni mò thig olc oirnn; agus an claidheamh no a' ghort cha'n fhaic sinn.

13 Ach bidh na fàidhean mar ghaoith, agus cha 'n 'eil am focal anna: mar so nithear orra féin.

14 Air an aobhar sin mar so deir Iehobhah Dia nan sluagh; a chionn gu bheil sibh ag labhairt an fliocail so, feuch ni mise m'fhocal ann ad bheil-sa na theine, agus an sluagh so nan connadh, agus loisgidh e suas iad.

<sup>d</sup> daoine uailse. Tighearn iad.

cha leis an

15 Feuch bheir mi 'nur n-aghaidh cinneach o chéin, O thigh Israeil, deir an Tighearn: is cinneach cumhachdach e, is cinneach ro sheane; cinneach nach aithne dhuit an cainnt, ní mo thuigeas tu ciod a their iad.

16 Tha am balg-saighead mar uaigh fhosgailte; tha iad uile nan daoine treuna.

17 Agus caithidh iad d'fhoghar, agus d'aran; caithidh iad do mhic agus do nigheana; caithidh iad do chaoirich agus do chrodh; caithidh iad d'fhionaine agus do chránna-fige; ní iad bochd leis a' chlaidheamh na bailtean daingnichte anns an robh thu a' cur do dhòchais.

18 Gidheadh anns na laithibh sin, deir an Tighearn, cha dean mise ruibh crìochnachadh.

19 Agus tarlaidh an uair a their sibh, 'C'uim' an d'rinn an Tighearn ar Dia ruinn na nithe so uile? an sin freagraidh tus' iad, Amhuil a thréig sibh-se misc, 's a rinn sibh seirbhis do dhéibh coimheach ann 'ur tìr, mar sin ní sibh seirbhis do choigirich ann an dùthaich nach leibh féin.

20 Innsibh-se so ann an tigh Iacòib, agus cuiribh an céille ann an Iudah, ag ràdh,

21 Eisidibh so a nis, O shluagh amaideach agus mhi-chéillidh, aig am bheil sùilean, ach nach faic; aig am bheil cluasan, ach nach cluinn.

22 Nach bi eagal oirbh romham-sa, deir an Tighearn? nach crìothnuich sibh ann am làthair-sa, a shuidhich a' ghaimeamh mar chrìch do 'n fhairge, le ordugh buan, nach feud i dol thairte: ged' luaisg a tuinn iad féin, cha d'thoir iad buaidh; ged' bheuc iad, cha d'théid iad ni's faide?

23 Ach aig an t-sluagh so tha cridhe eas-ùmhail agus ceannairceach; chaidh iad air an ais, agus dh'imich iad air falbh.

24 Ní mò deir iad nan cridhe, Biodh a nis eagal an Tighcarna ar Dé oirnn, a tha toirt araan an uisge thoisich agus an uisge dheireannaich, na àm féin; seachduinean suidhichte an fhogharaidh tha e gleidheadh air ar son.

25 Phill bhuir n-aingidheachd na nithe so air falbh; agus chum bhuir lochdan an nì ta maith air ais uaibh.

26 Oir gheibhear am measg mo shluaigh-sa droch dhaoine: tha iad ri fàil-lholach, mar neach a suidheachadh liontan; tha iad a' leagail ribe, tha iad a' glacadh dhaoine.

27 Mar chliabh ta làn eun, mar sin

tha an tighean làn do cheilg: uimie sin tha iad air fàs mòr, agus air cinntinn saibhir.

28 Tha iad air fàs reamhar, tha iad dealrach: seadh thug iad barr air gnìomha nan aingidh: cha 'n 'eil iad a' toirt brèth air a' chùis, cùis an dilleachdain, gidheadh tha iad a' soirbheachadh; agus còir an uireasbhuich cha 'n 'eil iad a' seasamh.

29 Air son nan nithe so nach d'thig mise d'an amharc? deir an Tighearn: air a' leithid so do chinneach nach dean m'anam dioghaltas?

30 Tha ni uamhasach agus ro eagalach 'ga chur an gnìomh anns an tìr;

31 Tha na fàidhean ri fàisneachd bhréige; agus na sagairt a' riaghladh air an làimh-san; agus is ait le m' shluagh-sa e bhì mar sin: ach ciod a ní sibh ann an deireadh na cùise.

#### CAIB. VI.

**T** EICHBH gu h-ìomlan, O mhaca Bheniamin, a mach a meadhon Ierusalem, agus ann an Tecoa séidibh an trompaid; air Bet-acerem fòs cuiribh suas comhara teine: oir dh'fhoillsicheadh olc o'n airde tuath, agus dorainn mhòr.

2 Cosmhuil ri àit-ionaltraidh taitneach rinn mise nighean Sùioin.

3 D'a h-ionnsuidh thig na buachaillan le'n trudaibh: suidhichidh iad am pàilliuna na h-aghaidh air gach taobh; ionaltraidh iad gach aon na àite féin.

4 Deasaichidh cogadh na h-aghaidh: Eiribh, agus rachamaid suas mu mheadhon là: Mo thruaighe sinne! oir tha 'n là air dol seachad; oir tha dubharan an annoich air an sìneadh a mach.

5 Eiribh, agus rachamaid suas anns an oidhche, agus milleamaid a lùchairtean.

6 Oir mar so labhair Tighearna nan sluagh; Gearraibh sìos craobhan, agus tilgibh torr an aghaidh Ierusalem: is i so a' chathair a ta gu bhì air a smachdachadh; is foirneart gu h-ìomlan an taobh a stigh dh'i.

7 Amhuil a chuireas tobar a mach uisgeachan, mar sin tha ise a' cur a mach a droch-bheairt: tha ainneart agus creach ri chluinntinn innte: a' m' làthair-sa do ghnàth tha bròn agus lotadh.

8 Gabh foghlum, O Ierusalem, air eagal gu dealaich m'anam riut; air eagal gu dean mi fàsach dhiot, fearann neo-àitichte.

a cha chuir mise làn chrìoch oirbh,  
b foghnamh. c reasgach.

d Gabh comhairle; gabh ionnsuchadh; bi air do leasachadh.



9 Mar so deir Tighearna nan sluagh; Diolumaiddh iad gu buileach mar fhineamhuinn iarmad Israeil; pill air a h-ais do làmh, mar fhear-tionail nam fion-dhearcan gus na ciabha.

10 Cò ris an labhair mi, 's d'an toir mi rabhadh, air chor is gu'n cluinn iad? Feuch, tha an cluas gun timchioll-ghearradh, agus cha'n urradh iad éisdeachd: feuch tha focal Iehobhah dhoibh-san na mhasladh: cha 'n 'eil tlachd ac' ann.

11 Air an aobhar sin tha mise làn do chorruich [an Tighearna]: tha mi sgùth d'a cumail a steach: doirtidh mi mach i air a' chloinn anns na sràidibh, agus air an òigridh a ta cruinn le chéile: seadh glacar am fear, agus fòs a' bhean, an t-aosda, maille ris an ti bhios làn do laithibh.

12 Agus bheirear thairis an tighean do dhaoineibh eile, am fearann agus na mnathan mar an ceudna; oir sinidh mise mo làmh a mach an aghaidh luchd-àiteachaidh na tìre, deir an Tighearna.

13 Oir o'n aon a's lugha gus an aon a's mò dhiubh, tha gach neach 'ga thoirt féin suas d'a an miannaibh; agus o'n fhàidhe fòs gus an sagart, tha gach aon a' gnàthachadh ceilge.

14 Leighis iad mar an ceudna lot nighine mo shluaigh-sa gu faoin, ag ràdh, Sìth, sìth, agus gun sìth ann.

15 An robh nàir' orra chionn gu'n do chuir iad graneilachd an gnòimh? ni h-eadh, cha do ghabh iad nàir' air aon chor; ni mò bha rugha air an gruaidh uime sin tuitidh iad am measg na muinntir a thuiteas; anns an àm an d'thig mise 'gan amharc, tilgear sìos iad; deir an Tighearna.

16 Mar so thuirt an Tighearna; Seasaidh anns na ròidibh agus faicibh, agus feòruichibh air son nan seana cheumanna. C'àit am bheil an t-slighe mhaith agus gluaisibh innte; mar sin gheibh sibh fois do 'r n-anamaibh. Ach thuirt iadsan, Cha ghluais sinn [innte.]

17 Chuir mi mar an ceudna luchd-faire os ar cionn, ag ràdh; Eisidibh ri fuaim na trompaid. Ach thuirt iadsan, Cha'n eisid sinn.

18 Uime sin cluinnibh, O fhèineacha, 's biodh fios agaibh, O choimhthionail; an nì sin a ta nam measg cluinn, O thalamh!

19 Feuch, bheir mise dòrainn air an t-sluaigh so, toradh an smuaintean féin; a chionn nach d'thug iad éisdeachd do m' bhriathraibh: agus do thaobh mo reachd, chuir iad eadhon cùl ris.

20 C'uim an d'thig thugam-sa tùis

o Sheba? agus a' chuile chùbhraidh o dhùthaich fad as? Cha 'n 'eil bhuir tabhartais-loisgte taitneach, ni mò tha tlachd agam-sa 'n 'ur n-lobairtibh.

21 Air an aobhar sin mar so deir an Tighearna, Feuch, leagaidh mi cip-thuislidh an rathad an t-sluaigh so, agus tuitidh na h-aithrichean agus na mic orra; an coimhearsnach agus a charaid bàsaichidh le chéile.

22 Mar so deir an Tighearna, Feuch, tha sluagh a' teachd o fhearann na h-airde tuath, agus dùisgear cinneach mòr o chrìochaibh na talmhainn.

23 Glacaidh iad am bogha 's an t-sleagh: tha iad ain-ìochdmhor, agus cha ghabh iad truas; beuchdaidh an guth mar an fhairge, agus marc-aichidh iad air eachaibh, air an tarraing an ordugh mar dhaoine gu cogadh, ann ad aghaidh-sa, O nigh-ean Shìoin.

24 Chuala sinn iomradh air so: dh'fhàs ar làmhlan lag: tha goith air deanamh gréim oirnn; pian, amhuil mnà ri saothair-chloinne.

25 Na rachaibh a mach do'n mha-chair, na sìubhlaibh anns an t-slighe; oir an sin tha claidheamh an nàmh-ad, uamhas air gach taobh.

26 O nigh-ean mo shluaigh, éid thu féin le eudachsaic, agus aornagain a thu féin ann an luaithre: dean caoidh mar air son aon mhic, cumha ro gheur: oir gu h-obann thig an creachadair oirnn.

27 Shonraich mi thusa gu bhi a'd' bhaideal, a'd' dhaingneach am measg mo shluaigh; agus aithnichidh tu, agus dearbhaidh tu an slighe.

28 Tha iad uile nan daoineibh a thug barrachd ann an ceannairc, a' gluasad gu cealgach: is umha agus iarunn iad, an t-ìomlan diubh nan innealaibh truaillidheachd.

29 Loisgeadh na builg leis an teine, claitheadh an luaith; leagh am fear-leaghaidh gu diomhain; oir cha 'n 'eil iadsan a ta olc air an sgaradh air falbh:

30 Airgid nach fhu theirear riu-san, a chionn gu'n do chuir an Tighearna cùl riu.

## CAIB. VII.

AM focal a thàinig gu Jeremiah o'n Tighearna, ag ràdh,

2 Seas ann an geata tìghe an Tighearna, agus glaodh anns an àite sin am focal so, agus abair, Cluinnibh focal an Tighearna, uile Iudah, sibh-se ta'g imeachd a steach air na dorsaibh so gu aoradh a thoirt do leho-bhal.

3 Mar so deir Tighearna nan sluagh, Dia Israeil, Leasaichibh 'ur

sligheachan agus 'ur gnìomhara, agus bheir mise dhuibh còmhnuidh a ghabhail anns an àite so.

4 Na h-earbaibh a briathraibh breugach, ag ràdh, *Is Teampull an Tighearna*, teampull an Tighearna, teampull an Tighearna iad so.

5 Oir ma lcasaiheas sibh gu h-ìomlan 'ur sligheachan agus 'ur gnìomhara; ma bheir sibh gu ceart breitheanas eadar duine agus a choimhearsnach;

6 Mur sàruich sibh an coigreach, an dilleachdan agus a' bhantrach; agus mur dòirt sibh fuil neochiontach anns an àite so, agus mur d'thèid sibh air lorg dhée eile, chum 'ur dòrainn féin:

7 An sin bheir mise dhuibh còmhnuidh a ghabhail anns an àite so, anns an fhearann a thug mi do'r n-aithrichibh, o linn gu linn.

8 Feuch, tha sibh-se a' deanamh buin a briathraibh breugach o nach faigh sibh buannachd.

9 Ciod? an feadh a ta sibh a' goid, a' mortadh, agus a' deanamh adhaltruis, agus a' mionnachadh gu breugach, agus a' losgadh tùise do Bhaal, agus a' gluasad air lorg dhée coimheach, air nach robh agaibh eòlas:

10 An d'thig sibh an sin, agus an seas sibh ann am làthair-sa, 'san tigh so a ta air a ghairm air m'ainm, agus an abair sibh, Tha sinn air ar toirt thairis a chum nan gràinealachdan so uile a chur an gnìomh?

11 An e gu'n d'rinneadh an tigh so, a dh'ainmicheadh orm-sa, na shlochd mheirleach 'n' ur sùilibh-sa? Feuch, chunnaic mise féin e deir an Tighearn.

12 Ach rachaibh a nis do m'àite-sa ta'n Siloh, far an do chuir mi m'ainm an toiseach, agus faicibh cionnas a bhuin mi ris, air son aingidheachd mo shluaigh Israeil.

13 Agus anis, a chionn gu'n d'rinne sibh-se na h-oibre so uile, deir an Tighearn, 's gu'n do labhair mise ruibh ag éirigh gu inoch, agus a' labhairt, ach cha d'éisd sibh-se; agus gu'n do ghlaodh mi ruibh, ach cha do fhreagair sibh:

14 Uime sin, ni mi ris an tigh so a dh'ainmicheadh orm, as am bheil sibh a' deanamh buin, agus ris an ionad a thug mi dhuibh-se, agus do'r n-aithrichibh, amhuil a rinn mi ri Siloh.

15 Agus tilgidh mi sibh a mach as m'fhianuis, mar a thilg mi mach bhur bràithrean uile, an t-ìomlan do shlochd Ephraim.

16 Air an aobhar sin, na guidh thusa air son an t-sluaigh so, ni mò chuireas tu suas glaodh no achuinge as an leth, ni mò ni thu cada-

ghuidhe rium-sa; oir cha'n éisd mise riut.

17 Nach faic thu ciod a tha iad so a' deanamh ann am bailtibh Iudah, agus ann an sràidibh Ierusalem?

18 Tha a' chlann a' tional connaidh, agus na h-aithrichean a' fadadh an teine, agus na mnà a' fuineadh taoise, a dheanamh bhreacag do bhan-righinn nèimhe, 's a dhòrtadh a mach thabhartas-a-dibhe do dhéibh eile, gu campar a' chur orm-sa.

19 Am bheil iad a' cur campair orm-sa? deir an Tighearn, nach ann a tha iad a' cur [dragh] orra féin, a chum maslaidh an gnùise féin?

20 Air an aobhar sin, mar so deir an Tighearn Iehobhah, Feuch, dòirtear m'fhearg-sa, agus mo dhianchorruich a mach air an àite so, air duine agus air ainmhidh, agus air craobhan na machrach, agus air toradh an fhearainn; agus loisgidh i, agus cha ghabh i mùchadh.

21 Mar so deir Tighearn nan sluagh, Dia Israeil, Cuiribh ur tabhartais loisgte ri'r n-lobairtibh, agus ithibh feoil.

22 Oir cha do labhair mise ri'r n-aithrichibh, ni mò dh'àithn mi dhoibh, anns an là 'san d'thug mi iad a mach a tìr na h-Eiphit, mu thimchioll thabhartas-loisgte no lobairtean.

23 Ach an ni so dh'àithn mi dhoibh, ag ràdh, Thugaibh géill do m'ghluth, agus bidh mis' a' m' Dhia dhuibh-se, agus bidh sibhse 'n' ur sluagh dhonih-sa; agus gluaisibh anns na h-uile shligheibh a dh'àithn mi dhuibh, a chum gu'n éirich gu maith dhuibh.

24 Ach cha d'éisd iad, ni mò dh'aom iad an cluas, ach ghluais iad ann an comhairlibh aisinnleachdach an droch chridhe féin, agus chaidh iad air an ais, agus cha'n ann air an aghaidh.

25 O'n là air an d'thàinig bhur n-aithrichean a mach a tìr na h-Eiphit, gus an là 'n diugh, chuir mi do'r n-ionnsuidh m'uile sheirbhiseich na fàidhean, ag éirigh gach là gu moch agus 'gan cur a mach.

26 Gidheadh cha d'éisd iad rium, ni mò dh'aom iad an cluas, ach chruaidhich iad am muineal, rinn iad ni bu mheasa n'an aithrichean.

27 Uime sin, labhairidh tu na briathran so uile riu, ach cha'n éisd iad riut: glaodhaidh tu riu mar an ceudna, ach cha fhreagair iad thu.

28 Uime sin their thu riu, So an cinneach nach 'eil a' toirt géill do ghuth an Tighearna an Dia; ni mò ghabh iad ri cronuchadh: dh'eug

\* gu m'bhrosnachaidh gu feing,

an fhìrinn, agus ghearradh a mach o'm beul i.

29 Gearr dhiot do ghruag, *O Ierusalem*, agus tilg uait i, agus tog suas tuirleadh air na h-ionadaibh arda: oir chuir Iehobhah uaith, agus thréig e ginealach a chorruich.

30 Oir rinn clann Iudah olc ann am shealladh-sa, deir an Tighearn; chuir iad an gràinealachdan anns an tigh a dh'ainmicheadh orm-sa, chum a thruaillleadh.

31 Agus thog iad ionadan arda Tophet, a th'ann an gleann mhic Hinoim, a' losgadh am mac agus an nigheana 'san teine; ni nach d'athn mise, 's nach d'thàinig idir ann am chridhe.

32 Air an aobhar sin feuch, tha na làithlean a' teachd, deir an Tighearn, anns nach goirear ni 's mò ris Tophet, no gleann mhic Hinoim; ach gleann a' mharbhaidh: oir adhlaidh iad ann an Tophet, gus nach bi àite *fulamh* ann.

33 Agus bidh cairbheannan an t-shluaigh so nam biadh do eunlaith an athair, agus do bheathaichibh na talmhainn; agus cha'n fhuadaich aon neach air falbh iad.

34 An sin cuiridh mise cosgadh ann am bailtibh Iudah agus ann an sràidibh Ierusalem, air guth an t-subhachais, agus guth an aoibhneis, guth an fhir nuadh-pòsda, agus guth na mnà nuadh-pòsda: oir bidh an dùthaich na fhàsach.

## CAIB. VIII.

**A**NNS an àm sin, deir an Tighearn, bheir iad a mach cnàmhan rìghrean Iudah, agus cnàmhan a prionnsachan, agus cnàmhan nan sagart, agus cnàmhan nam fàidhean, agus cnàmhan luchd-àiteachaidh Ierusalem as an uaghean;

2 Agus sgaolaidh siad iad fa choinne na gréine, agus na gealaiche, agus uile fheachd nèimhe d'an d'thug iad spéis, agus d'an d'rinn iad seirbhis, agus air an robh iad a' leanmhuinn, agus a bha iad ag iarraidh, agus d'an d'thug iad aoradh: cha chrinnichear iad, cha'n adhlacair iad; nan aolach bidh iad air aghaidh na talmhainn.

3 Agus bidh bàs ni's roghnaiche na beatha leis an uile fhuigheall a inhaireas do'u teaghlach olc so, a bhios nam fuigheall anns gach uile àite gus am fògair mis' iad, deir Tighearn nan sluagh.

4 Os-barr, their thu riu, Mar so deir an Tighearn; An tuit iad agus nach éirich iad a ris? An d'théid e air falbh, agus nach pill e air ais?

5 C'ar son *ma ta* tha'n sluagh so a' sleamhnachadh air an ais? C'ar son a ta Ierusalem ri cùl-sleamhnachadh bith-bhuan? tha iad a'

deanamh grèim daingean air ceilg, tha iad a' diùltadh pilleadh.

6 Thug mise fainear, agus chuala mi; cha do labhair iad gu ceart: cha'n 'eil aithreachas air aon neach d'a aingidheachd, ag ràdh, Ciod a rinn mi? Tha gach aon a' pilleadh g'a shlighe, mar a dhian-ruitheas an t-each a chum a' clòmhraig.

7 Seadh, is aithne do'n chlofhà bhàin anns an athar a h-àm féin, agus is aithne do'n choluman, agus do'n chorra-mhonaidd, agus do'n gholan-ghaoithe àm an teachd: ach cha'n aithne do m'shluaigh-sa breitheanas an Tighearna.

8 Cionnus a their sibh, Tha sinn glic, agus tha reachd an Tighearna nar measg? Feuch, gu deimhin is diomhanas obair na cleit-scriobhaidd, cha'n 'eil anns na scriobhaichibh ach diomhanas.

9 Nàraicheadh na daoine glìce, tha iad fo gheilt, tha iad an sàs; feuch, ri focal an Tighearna chuir iad cùl; agus ciod an gliocas a ta aca?

10 Uime sin, am mnathan bheir mise do dhaoineibh eile; am fearann dhoibh-san a théid an seilbh ann; oir tha iad uile, o'n neach is mò gus an neach is lugha, air an toirt suas d'an anmiannaibh; o'n fhàidhe eadhon gus an sagart, tha gach aon a' gnàthachadh ceilge.

11 Agus leighis iad lot nighinne mo shluaigh-sa gu faoin, ag ràdh, Sìth, sìth, agus gun sìth ann.

12 An robh nàir orra chionn gu'n do chuir iad gràinealachd an gnìomh? Ni h-eadh, cha robh iad nàrach air aon chor, ni mò ghabh an gruaidh rugha: uime sin tuitidh iad am measg na muinntir a thuit-eas; anns an àm an d'thig mise 'gan amharc tilgear sìos iad, deir an Tighearn.

13 Ni mise gu buileach an sgrìos, deir an Tighearn; cha bhi fion-dhearc air an fhìneanhuinn, no fìgean air a' chrann-fhìge; seargaidh eadhon an duilleach; agus na nithe thug mise dhoibh siubhlaidh uatha.

14 C'ar son a ta sinn a' suidhe nar tàmh? cruinnichibh sibh féin agus rachamaid a teachd do na catlrichibh daingnichte; agus bitheamaid nar tosd an sin; oir chuir an Tighearn ar Dia nar tosd sinn, agus thug e dhuinn uisge dom-blada r'a dl, a chionn gu'n do pheacaich sinn an aghaidh an Tighearna.

15 Bha sùil againn ri sìth, ach maith 'sam bith cha d'thàinig: ri h-aimsir slàinte, agus feuch uamhas!

16 O Dhan chualas srannail a chuid each: ro' thormar sìtrich 'eacha meamnach chrìothnuich am fearann uile: oir thàinig iad, agus

shluig iad am fearann, agus gach ni a ta ann; 'chathair agus iadsan a tha 'ga h-àiteachadh.

17 Oir feuch, cuiridh mise 'n'ur measg, nathraichean, rìgh-nathraichean, air nach luidh geasan, agus teumaidh iad sibh, deir an Tighearn.

18 Cha'n 'eil leigheas air mo bhròn; tha mo chridhe fo leòn an taobh a stigh dhìom.

19 Feuch guth glaoidh nighinne mo shluaigh, o thir chéin: Nach 'eil an Tighearn ann an Sion? nach 'eil a rìgh innte? c'ar son ma ta bhrosnuich iad mise gu feirg le'n dealbhan snaighte, agus le'n dìomh-anasaibh còimheadh?

20 Chaidh am foghara seachad, tha'n samhra crìochnaichte, ach cha'n 'eil sinne air ar saoradh.

21 Air son leoin nighinne mo shluaigh, tha mis air mo leòn; tha mi dubh-bhrònach; riun uamhann mo ghlacadh.

22 Nach 'eil ioc-shlaint ann an Gilead? nach 'eil léigh an sin? C'ar son, ma ta, nach 'eil slàint' air a h-aisig do nighinn mo shluaigh-sa?

# CAIB. IX.

**O**CH nach b'uisge mo cheann, agus nach bu tobar dheur mo shùilean, a chum is gu'n guilinn a là's a dh'oidhche air son muinntir mharbhta nighinne mo shluaigh!

2 Och nach robh agam anns an fhàsach pàillion fir-thuruis, a chum gu fàguinn mo shluaigh, agus gu'n imichinn uatha! oir is luchd adhal-truis iad uile, còimhthional do dhaoine cealgach.

3 Agus tha iada' lùbadh an teanga mar am bogha chum ceilge; ach cha'n 'eil iad treubhach air son na firinn anns an talamh: oir tha iad a' dol air an aghaidh o olc gu olc, agus cha'n 'eil eòlas ac' orm-sa, deir an Tighearn.

4 Bithibh air 'ur faicill, gach aon roimh a choimhearsnach, agus na h-earbaidh a bràthair air bith: oir le foill meallaidh gach bràthair, agus gluaisidh gach companach gu cealgach.

5 Agus meallaidh iad, gach aon a choimhearsnach, agus chia labhair iad an fhirinn: chleachd iad an teanga ri labhairt bhreug; sgithich iad iad féin, a' cur an gnìomh do-bheairt.

6 Tha do chòmhnuidh ann am meadhon ceilge: ann an ceilg tha iad a' diùltadh eòlas a ghabhail orm-sa, deir an Tighearn.

7 Air an aobhar sin, mar so deir Tighearn nan sluagh, Feuch, leaghaidh mi iad, agus dearbhaidh mi iad; oir ciod a' dh'fheudas mi

dheanamh do thaobh nighinne mo shluaigh?

8 Tha an teanga mar shaighead fir-mhillidh; is cealg as cainnt d'i: le 'bheul labhraidh neach gu sìoth-chail r'a choimhearsnach, ach na chridhe tha e caitheadh foill air.

9 Air-son nan nithe so nach d'thig mise d'an amharc' deir an Tighearn: air a' leithid so do chinneach nach dean m'anam dìoghaltas!

10 Air son nan sléibhteann togaidh mi gul agus caoidh, agus air son ionada-còmhnuidh an fhàsaich, tuireadh; a chionn gu bheil iad air an losgadh suas, air chor as nach d'théid aon neach d'an trid', agus cha chluinnear anna guth an spréidhe: eunlaith an athair agus an t-ainmhidh maraon theich, shiubhail air falbh.

11 Agus ni mise Ierusalem na carnaibh, na h-uaimh dhràgon; agus bailtean Iudah ni mi nam fàsach, gun neach 'gan àiteachadh.

12 Cò e 'n duine glic, a thuigear so? is ris an do labhair beul an Tighearna, a chum gu cuireadh e 'n ceill e. C'ar son a ta 'n tìr air a mill-eadh; air a losgadh suas mar fhàsach, nach 'eil aon neach ag imeachd troimpe?

13 Agus thubhairt an Tighearn, Do bhrì gu'n do thréig iad mo reachd a chuir mise f'an comhair, agus nach robh iad ùmhail do m'ghluth, ni mo ghluais iad d'a réir;

14 Ach gu'n do ghluais iad a réir breithneachaidh an cridhe féin, agus an déigh nan dée<sup>b</sup> a theagaisg an aithrichean dhoibh:

15 Uime sin, mar so deir Tighearn nan sluagh, Dia Israèil; Feuch, beathaichidh mis' iad, eadhon an sluagh so, le searbh-luibhibh, agus bheir mi uisge domblasda dhoibh r'a òl.

16 Sgapaidh mi iad mar an ceudna measg nan cinneach, air nach robh aon chuid iad féin no an aithrichean eòlach: agus cuiridh mi an claidheamh air an tòir, gus an cuir mi as doibh.

17 Mar so deir Tighearn nan sluagh, Thugaibh fainear, agus gairmibh mnathan tuiridh, agus thigeadh iad; agus cuiribh fios air mnathaibh seòlta, agus thigeadh iadsan:

18 Agus deifricheadh iad, agus togadh iad suas caoidh air bhuirson; a chum gu ruith ar sùilean sìos le deuraibh, agus gu brùchd ar rosgan a mach le h-uisgeachaibh.

19 Gun amharus chualas guth caoidh o Shion; Cionnus a tha sinn

<sup>a</sup> trompa, thrompa. <sup>b</sup> Bhaalim, Eabh.



air ar creachadh! tha sinn air ar maslachadh gu romhàr! a chionn gu'n do thréig sinn am fearann, a chionn gu'n do thilg iad sìos ar n-ionada-còmhnuidh.

20 Air an aobhar sin éisdibh, O mhinathan, focal an Tighearna, agus glacadh bliur cluas focal a bheoil; agus teagaisgibh do'r nigheanaibh caoidh, agus gach aon d'a bann-choimhearsnaich cuireadh.

21 Oir tha am bàs air teachd an aird gus ar n-uinneagan, air teachd a steach gus ar lùchairtean; *thàinig e* a ghearradh sìos araon an naoidh-eachain anns a' mhachair, agus nan òganach anns na sràidibh.

22 Abair, Mar so deir an Tighearn, tuitidh eadhon colannan dhaoine mar aolach air aghaidh na faiche, agus mar an dlaogh<sup>a</sup> an déigh a' bhuanach, 'nuair nach bi aon neach ann gu 'thional.

23 Mar so deir an Tighearn, Na deanadh an duine glic uail as a ghliocas, agus na deanadh an duine neartmhor uail as a neart, agus na deanadh an duine saidhbhir uail a 'shaidhbheas;

24 Ach deanadh esan a ni uail, uail as so, gu bheil tuigse agus eòlas aige orm-sa, gur mi an Tighearn a nochdas caoimheas gràdhach, breitheanas, agus ceartas air an talamh; oir anns na nithibh so tha mo thlachd-sa, deir an Tighearn.

25 Feuch, tha na laithean a' teachd, deir an Tighearn, anns an smachdaich mise na h-uile thimchioll-ghearrta, maille ris an neo-thimchioll-ghearrta;

26 An Eiphit, agus Iudah, agus Edom, agus clann Amoin, agus Moab, agus na h-uile ta anns na cearnaibh iomallach, a ta chòmhnuidh anns an fhàsach: oir tha na cinnich so uile neo-thimchioll-ghearrta, agus tha tigh Israeil uile neo-thimchioll-ghearrta nan cridhe.

#### CAIB. X.

**C**LUINNIBH am focal a ta an Tighearn a' labhairt ruibh, O thig Israeil.

2 Mar so deir an Tighearn; Na foghlumaibh slighe nan cinneach, agus na biodh eagal oirbh roimh chionnaran nan nàmh, ged' tha eagal air na cinnich rompa.

3 Oir tha gnàthachadh nan slògh na fhìor-dhiomhanas: oir tha iad a' gearradh craoibh as a' choille, obair làmh an fhir a dh'oibricheas le inneal geur<sup>b</sup>.

4 Le h-airgid agus le h-òr tha 'ad'ga deanamh maiseach, le tairn-

gibh agus le h-orduibh tha iad 'ga deanamh daingean, air chor is nach gluais i.

5 Mar chrann-pailme tha iad so rag, agus cha labhair iad: is éiginn an giùlan, a chionn nach urradh iad imeachd: na biodh eagal oirbh-se rompa, oir cha 'n urradh iad cron a dheanamh; agus fòs maith a dhéanamh cha'n 'eil nan comas.

6 Cha 'n'eil aon neach ann cosmhuil riut-sa, O Thighearn, Is mòr thu, agus is mòr t'ainm ann an cumlachd.

7 Cò air nach biodh eagal romhad-sa, O Rìgh nan slògh? oir dhuit-se buinidh *urram*; a chionn nach 'eil am measg uile dhacine glìce nan cinneach, agus am measg an uile rìoghachdan, aon neach cosmhuil riut.

8 Ach tha iad gu h-iomlan brùid-eil agus mì-thuigseach: tha am fiodh e fèin a' cur an céill an diomhanais.

9 Bheirear airgid air a bhualadh a mach o Tharsis, agus òr o Uphas; obair an fhir-oibre, agus làimhe 'n oir-cheaird: is gorm agus dearg, as éideadh dhoibh: is iad gu léir obair dhaoine seòlta.

10 Ach Iehobhah, is esan an Dia fìor, an Dia beo, agus an rìgh bith-bhuan: roimh a chorruich-san crìothnaichidh an talamh, agus cha'n urradh na cinnich 'fhearg a ghiùlan.

11 Mar so their sibh riu, Na dée nach d'rinn na nàmh na an talamh, sgriosar iad a mach o'n talamh, agus o bhi fuidh na nàmh so.

12 Rinn esan an talamh le 'chumhachd, shocruidh e 'n saoghal le 'ghliocas, agus le 'thuigse sgaoil e mach na nàmh.

13 'Nuair a chuireas e mach a ghiuth, tha toirm uisgeachan anns na nàmh, bheir e air a' cheò dol suas o chrìochaibh na talmhainn: ni e dealanach le frasaibh, agus bheir e mach a' ghaoth as 'ionadaibh tasgaidh.

14 Dh'fhàs gach duine mar bhrùid na eòlas; nàraicheadh gach òrcheard le òmhaigh leaghta; oir is ni breugach an dealbhan leaghta, agus anail air bith cha 'n'eil anata.

15 Is ni faoin iad, obair mhearachd: ann an àm an smachdachaidh théid iad ann mughac.

16 Cha chosmhuil riu so Cuibh-rionn Iacoib; oir is esan fear-cumaidh an domhain, agus is e Israel slat 'oighreachd; Tighearna nan sluagh is ainm dha.

17 Cruinnich suas do mhaoin as

<sup>a</sup> *Is an duirn, dornan.*

<sup>b</sup> *leaght.*

<sup>c</sup> *théid as doibh.*

⁂ fhearann, O thus' a ta 'g àiteach-  
dh an daingnich.

18 Oir mar so deir an Tighearn ;  
Feuch, bheir mi urchair do luchd-  
àiteachaidh na tìre, air a' chuairt  
so<sup>a</sup>, agus claidhidh mi iad, air chor  
as gu mothaich iad *mo dhioghaltas*.

19 Mo thruaighe mise thaobh  
mo dhochainn ! is cràiteach mo  
chreuchd : ach thubhairt mi, Gu  
deimhin is deacair so<sup>b</sup>, ach is éigin  
fhulang.

20 Tha mo phàillion air a chur  
fas, agus tha mo chuid gu léir air  
am briseadh ; dh'imich mo chlann a  
mach uam, agus cha 'n 'eil iad ann :  
cha 'n 'eil neach ann a sgaoileas mo  
phàillion a mach ni 's mò, no chuir-  
eas suas mo sgàile.

21 Oir tha na h-aodhairean air fas  
brùideil, agus cha 'n 'eil iad ag iar-  
uidh an Tighearna : uime sin cha  
soirbhich leo féin, agus bidh an  
teiridh uil' air an sgapadh.

22 Fuaim an iomraidh<sup>c</sup> ! feuch,  
tha i teachd dlù, eadhon gluasad mòr  
o'n tìr mu thuath, a dheanamh  
bhailtean Iudah nam fàsach, nan  
àite comhnuidh do dhràgonaidh.

23 Is aithne dhomh, a Thighearn,  
nach 'eil slighe duine na chomas  
féin ; cha 'n 'eil e 'n comas duine a  
ta 'g imeachd a cheum a stiùradh<sup>d</sup>.

24 O Thighearn, cronuich mi,  
ach ann an tomhas ; ni h-ann a'd'  
chorruich air eagal gu cuir thu as  
domh<sup>e</sup>.

25 Dòirt a mach do dhian-chor-  
ruich air na cinnich nach do ghabh  
eòlas ort, agus air na teaghlaichean  
nach 'eil a' gairm air d'ainm : oir  
dh'ith iad suas Iacob, 'ga itheadh  
agus 'ga chaitheamh, agus rinn iad  
àite-comhnuidh fàsail.

# CAIB. XI.

A M focal a thàinig gu Jeremiah  
o'n Tighearn, ag ràdh ;

2 Cluinn briathran a' choimh-  
cheangail so, agus labhair iad ri  
fearaibh Iudah, agus ri luchd-àit-  
eachaidh Ierusalem ;

3 Agus abair riu, Mar so deir an  
Tighearn Dia Israeil, Malluichte gu  
robh an duine nach bi ùmhal do  
bhriathraibh a' choimhcheangail so,

4 A dh'àithn mise do 'r n-aith-  
richibh anns an là 'san d'thug mi iad  
a mach a talamh na h-Eiphit, as an  
fhuirneis iarunn, ag ràdh, Thugaibh  
géill do m'ghuth, agus deanaimh na  
nithe sin uile, réir mar tha mise 'g

àithneadh dhuibh : mar sin bidh sibh  
'n 'ur sluagh dhomh-sa, 's bidh mis'  
ann am Dhia dhuibh-se.

5 A chum gu col'lion mi na mion-  
nan a mhionnaich mi d'ur n-aithr-  
ichibh, gu d'thugainn doibh fearann  
a' sruthadh le mil agus le bainne,  
mar air an là 'n diugh. An sin  
fhreagair mise, agus thubhairt mi,  
Bitheadh amhluidh<sup>f</sup>, O Thighearn !

6 Agus thubhairt an Tighearn  
rium, Glaoth na briathran so gu léir,  
ann am bailtibh Iudah, agus ann an  
sràidibh Ierusalem, ag ràdh, Cluin-  
ibh-sa briathran a' choimhcheangail  
so, agus deanaimh iad.

7 Oir dh'earalaich mise gu dùr-  
achdach do' n-aithrichibh, air an là  
'san d'thug mi iad a mach a talamh  
na h-Eiphit, gus an là 'n diugh, ag  
éirigh gu moch agus ag earalach-  
adh, ag ràdh, Thugaibh géill do m'  
ghuth.

8 Gidheadh cha d'thug iadsan géill,  
ni mò dh'aom iad an cluas, ach  
ghluais iad gach aon a réir crosd-  
achd<sup>g</sup> a dhroch chridhe féin : uime  
sin bheir mise orra uile bhriathran  
a choimhcheangail so, a dh'àithn mi  
dhoibh a dheanamh, ach nach d'rinn  
iad.

9 Mar an ceudna thubhairt an  
Tighearn rium, Fhuaradh co-fheall  
am measg fheara Iudah, 's am measg  
luchd-àiteachaidh Ierusalem.

10 Tha iad air pilleadh air an ais  
gu aingidheachd an aithrichean o  
shean, a dhùilt mo bhriathran-sa a  
choinhead ; agus a chaidh air lorg  
dhée coinheach, a chum gu'n dean-  
adh iad seirbhìs dhoibh : bhris tigh  
Israeil agus tigh Iudah mo choimh-  
cheangal, a rinn mi r'an aithrichibh.

11 Uime sin mar so deir an Tigh-  
earn ; Feuch, bheir mis' orra ddrainn  
o nach bi e comasach dhoibh dol as ;  
agus ged' ghlaodh iad rium, cha 'n  
éisd mi riu.

12 An sin théid bailtean Iudah,  
agus luchd-àiteachaidh Ierusalem,  
agus glaothaidh iad ris na déibh do'n  
do loisg iad tùis ; ach cha dean iad  
sin air aon chor an tearnadh ri àm  
an airce.

13 Oir do réir àireimh do bhail-  
tean, bha do dhée, O Iudah ; agus do  
réir àireimh shràidean Ierusalem  
chuir sibh suas altairean do'n ni  
nàrach sin, altairean a losgadh tùse  
do Bhaal.

14 Air an aobhar sin na dean  
thusa urnuigh air son an t-sluaigh so,  
ni mò thogas tu suas glaoth no ach-  
uinge as an leth : oir cha 'n éisd mise  
'san àm anns an glaoth iad rium an  
airce.

<sup>f</sup> Amen. Eabh.  
coirbteachd.

<sup>g</sup> reasgachd,

<sup>a</sup> air an tarruing so. <sup>b</sup> is cruaidh  
so. <sup>c</sup> an tuairisgeil ! <sup>d</sup> Is  
aithne dhomh an Tighearn, nach 'eil a  
shlighe mar shlighe duine ; nach ann  
mar dhuine a ghluaiseas esan, agus a  
stiùras e imeachd. <sup>e</sup> gu mìn-  
phrionn thu mi.

15 Ciod a th'aig mo ghràdh ri dheanamh ann am thigh-sa ? chuir i 'n gnìomh mòr ghràinealachdan ; agus tha 'n fheoil naomh air teich-eadh uait. An uair a ta thu aingidh, an sin tha thu aoibhneach.

16 Gorm-chrann oladh, maiseach agus deagh-thorrach, thug an Tighearn mar ainm ort : le fuaim toirme mòire dh'fhadaidh e teine na mhullach, agus tha a gheugan air am bris-eadh.

17 Oir rinn Tighearn uan sluagh, a-shuidhich thu, olc a labhairt a d' aghaidh ; air son aingideachd tighe Israeil, agus tighe Iudah, a chuir iad an gnìomh nan aghaidh féin, le mise bhrosnuchadh gu feirg, le tuis a losgadh do Bhaal.

18 Thug an Tighearn, mar an ceudna fios domh-sa, agus thuig mi ; an sin dh'fneuch thu dhomh an inn-leachdan.

19 Oir bha mi mar uan, *no mar dhamh*, air a stiùradh a chum a' chasgraidh, agus cha robh fios agam gu'n do dhealbh iad inn-leachdan ann am aghaidh, ag ràdh, Sgriosamaid an craun maille r'a thoradh, agus gearramaid e sìos a fearann nam beo, a chum as nach bi 'ainm ni 's mò air a chuimhn-eachladh.

20 Ach, O Thighearna nan sluagh, a bheir breth gu cothromach, a dhearbhas na h-airnean agus an cridhe, faiceam do dhìoghaltas orra, oir dhuit-se dh'fhoillsich mi mo chùis.

21 Air an aobhar sin, mar so deir an Tighearn, Do thaobh muinntir Anatoit, a tha 'g iarraidh d'anama, ag ràdh, Na dèan fàisneachd ann an ainm Iehobhah, mu'm<sup>a</sup> faigh thu bàs le'r laimhne :

22 (Uime sin, mar so deir Tighearna nan sluagh), Feuch, smachdaichidh mis' iad ; bàsaichidh na h-òganaich leis a' chlaidheamh, bàsaichidh am mic agus an nigheana le gorta.

23 Agus cha'n fhàgar fuigheall beo dhiubh ; oir bheir mise olc air muinntir Anatoit, biadhnadh an smachd-achaidh.

## CAIB. XII.

**I**S ceart thusa, O Thighearn, 'nuair a thagam riut : gidheadh ceaduich domh labhairt riut mu thim-chioll do bhreitheanaid : C'ar son a taslighe nan droch dhaoin' a soirbheachadh ? c'ar son a ta iadsan uile suaimhneach a ta ro aingidh ?

2 Shuidhich thus' iad, seadh ghabh iad freumh ; tha iad a' fàs, agus fàs a' toirt a mach toraidh : tha

thusa dlù nam beul, ach fada o'n airnibh.

3 Ach is aithne dhuit-se mi, O Thighearn ; chunnaic thu mi, agus dhearbhl thu mo chridhe, [gu bheil] e leat : tarruing iad a mach mar chaoirich air son a' chasgraidh, agus cuir air leth iad fa chomhair là a' mharbhlaidh.

4 Cia fhad a ni'm fearann bron, agus a bhios luibhean gach machrach a' seargadh, air son aingidheachd a luchd-àiteachaidh ? Bhàsaich gach ainmhidh agus eun, a chionn gu'n dubhairt iad, Cha'n fhaic esan ar crìoch dheireannach.

5 Ma ruith thu leis na coisichean, agus gu'n do sgithich iad thu, cionnus idir a ni thu strì ri h-eachaibh ? agus ann am fearann sìth ged' robh agad dòchas, gidheadh ciod a ni thu ann an onfha Iordain ?

6 Airson gu'n do bhuin eadhon do bhràithrean agus tigh t'athar, eadhon iadsan, gu fealltach riut ; ruaig eadhon iadsan thu le h-eighe chruaidh ; na creid iad ged' labhair iad briathra caoiue riut.

7 Thréig mise mo thigh, dh'fhàg mi m'oighreachd, thug mi thàiris gràdh m'anama do làimh a nàimh-dean.

8 Bha m'oighreachd dhomh-sa mar leòmhann anns a' choille ; chuir i mach a guth ann am aghaidh ; air an aobhar sin thug mi fuath dh'i.

9 Bha m'oighreachd dhomhsa mar an t-eun fuileachdach Seboà ; O euna fuileachdach, thigibh-se na h-aghaidh air gach taobh ; cruinnichibh, uile bheathaiche na machrach, thigibh a chum itheadh suas.

10 Mhill mòran aodhairean mo lios fìona, shaltair iad mo chuibh-rionn fo chois, rinn iad mo chuibh-rionn taitneach na fhàsach uaigneach.

11 Rinn iad e na fhàsach, rium-sa tha e na fhàsach ri caoidh ; rinneadh an tìr gu h-iomlan fàs, gidheadh cha'n 'eil aon neach 'ga chur an suim.

12 Air gach uile thulaich 'san fhàsach thàinig an luchd-creachaidh ; oir sluigidh chlaidheamh an Tighearna suas, o aon iomall do'n tìr gu an t-iomall eile : cha bli sìth aig aon fheoil.

13 Chuir iad cruineachd, ach buainidh iad droighionn : shaoirich iad, ach cha bhuannaich iad : mar sin masluichear sibh do thaobh 'ur cinnis, do bhrìgh lasair feirge an Tighearna.

14 Mar so deir an Tighearn ; Do thaobh m'uile dhroch choimhear-snacha, ta cur dragh air an oighreachd a thug mise mar sheilbh do m'shluaigh Israel ; feuch, spìonaidh

mi iad a mach as am fearann, agus as am meadhon spionaidh mi mach tigh Iudah.

15 Agus tarlaidh, an déigh dhomh an tarruing a mach, gu pill mi, 's gu gabh mi truas diubh, agus bheir mi iad air an ais, gach aon g'a oighreachd féin, agus gach aon g'a fhearann féin.

16 Agus tarlaidh, ma dh'fhoghlúimeas iad do ríreadh sligheanna mo shluaigh-sa, gu mionnachadh air m' ainm, Mar is beo Iehobhah, amhuila theagaisg iadsan do m'shluaigh-sa mionnachadh air Baal, an sin daingnichear iad ann am meadhon mo shluaigh.

17 Ach mur toir iad géill, an sin spionaidh mi a níos an cinneach sin, a' spionadh a níos agus a' sgrios, deir an Tighearn.

CAIB. XIII.

**M**AR so thubhairt an Tighearn rium, Imich agus faigh dhuit féin crios anairt, agus cuir air do leasraibh e, ach na cuir ann an uisge e.

2 Is amhuil a fhuair mi crios, do réir focail an Tighearna, agus chuir mi air mo leasraibh e.

3 Agus thàinig focal an Tighearna do m'ionnsuidh an dara h-uair, ag ràdh,

4 Gabh an crios a fhuair thu, a ta air do leasraibh, agus éirich, imich gu Euphrates, agus folaich an sin e, ann an toll do'n charraig.

5 Is amhuil a dh'imich mi agus dh'fholaich mi e aig Euphrates, mar a dh'àithn an Tighearn dhomh.

6 Agus tharladh an déigh m'òrain laithean, gu'n dubhairt an Tighearn rium, Éirich, imich gu Euphrates, agus thoir as sin an crios a dh'àithn mise dhuit fholaich anns an àite sin.

7 An sin dh'fhalbh mi gu Euphrates, agus chladhaich mi, agus thug mi an crios as an àite 'san J'fholuich mi e; agus feuch, bha'n crios millte, cha b'fhiù air son ni sam bith e<sup>a</sup>.

8 An siu thàinig focal an Tighearna do m'ionnsuidh, ag ràdh,

9 Mar so deir an Tighearn; Air a' mhodh so millidh mise uail Iudah, agus uail mhòr Ierusalem.

10 An sluagh olc so, tha diùltadh mo bhriathran-sa éisdeachd, a tha sìubhal a réir cruais an cridhe féin, agus a' dolan déigh dhée coimheach, gu seirbheis a dheanamh dhoibh, agus gu aoradh a thoirt doibh; bithidh iad eadhon mar a' crios so, nach fìd air son ni sam bith.

11 Oir mar a dhlù-leanas an crios

<sup>a</sup> cha robh feum sam bith ann; cha robh stà sam bith ann.

ri leasraibh duine, mar sin thug mis' air tigh Israeil uile, agus air tigh Iudah uile, dlù-leantuinn rium-sa, deir an Tighearn; a chum gu'm biodh iad dhomh mar shluaigh, agus mar ainm, agus mar chliù, agus mar ghldir: ach cha'n éisdeadh iadsan.

12 Labhraidh tu riu fòs am focal so, Mar so deir Iehobhah Dia Israeil; Lìonar gach soirleadh le fìon. Agus their iad riut, Nach 'eil fios cinnteach againn gu lìonar gach soirleadh le fìon?

13 An sin their thu riu, Mar so deir an Tighearn, Feuch lìonaidh mise luchd-àiteachaidh na tìre so air fad, eadhon na rìghrean a tha nan suidhe 'n àite Dhaibhidh air a rìgh-chaitheir, agus na sagairt, agus na fàidhean, agus uile luchd-àiteachaidh Ierusalem, le misg.

14 Agus pronnaidh mi iad an aghaidh a chéile, eadhon na h-aithrich-ean agus na mic le chéile, deir an Tighearn; cha ghabh mi truas, ni mò choigleas mi, ni mò a ni mi iochd, air chor as nach sgriosainn iad.

15 Eisidibh, agus thugaibh aire, na bithibh uaibreach; oir labhair an Tighearn.

16 Thugaibh-se glòir do'n Tighearn' bhur Dia, mu'n d'thig an dorchadas, agus mu'n tuislich 'ur casan air sléibhte na doilleireachd; an sin, an uair bhios 'ur sùil ri solus, caochailear e gu sgàile bhàis, eadhon gu dorchadas tìgh.

17 Ach mar éisd sibh ris, guilidh m'anam ann an ionadaibh uaigneach air son 'ur n-uabhair, agus guilidh mo shùil gu goirt, agus silidh mo dheoir gu pailt, a chionn gu toirrean ann am bruid treud an Tighearna.

18 Abair ris an rìgh, agus ris a' bhan-rìghinn, Irislichibh sibh féin, suidhibh sìos; oir leagar sìos bhur culaidh-chinn, eadhon crùn bhur glòire.

19 Tha bailtean na h-airde deas air an druideadh suas, agus cha'n 'eil neach 'gam fosgladh; tha Iudah uile air a toirt am bruid, tha i gu h-ìomlan air a toirt am braighdeanas.

20 Tog suas do shùilean agus faic iadsan a ta teachd o'n àirde tuath: c'ait am bheil an treud a thugadh dhuit, caoirich do m'aise<sup>b</sup>?

21 Ciod a their thu an uair a thig smachdachadh ort? an déigh dhuit a theagasg dhoibh riaghladh tharad mar cheannardan? nach dean iogh-anna do ghilacadh, amhuil m'uaoi ri saothair?

22 Agus an uair a their thu ann ad chridhe, C'ar son a thàinig ua

<sup>b</sup> sgèimhe.



nithe so orm? Air son meud do chionta tha do sgiortan air an leigeadh ris, tha do shàiltean air an rùsgadh.

23 Am feud an t-Etiopach a chraicionn a mhùthadh, no an liopard a bhreice? an sin feudaidd sibhse, bha cleachdta ri olc, maitha dhèanamh.

24 Air an aobhar sin sgapaidd mis' iad mar an asbhuaibh, a shiubhlas air falbh le gaoith an fhàsaich.

25 Is e so do chrannchur, an cuibh-rionn a thomhaiseadh leam-sa air do shon, deir an Tighearn; a chionn gu'n do dhi-chuimhnich thu mise, agus gu'n do chuir thu do dhòchas anns a' bhréig.

26 Uime sin leigidh mise do sgiortan ris air do bheulaobh, a chum as gu faicear do nàire.

27 Chunnaic mi d'adhaltranas, agus do shitrich, agus do strìopachas mi-nàrach, do ghràinealachdan air na cnocaibh, anns a' mhachair. Mo thruaighe thu, O Ierusalem! nach bi thu air do ghlanadh? c'uin idir a bhitheas sin?

## CAIB. XIV.

**F**OCAL an Tighearna, a thàinig gu Ieremiah do thaobh na goinne<sup>a</sup>.

2 Tha Iudah ri bròn, dh'fhàs a geatachadh lag; tha iad duaichnidh<sup>b</sup> air an làr, agus tha gaoir Iesaleim air dol suas.

3 Chuir na h-uaislean fòs an clann bheag a dh'iarruidh uisge; thàinig iad gus na sluichd, cha d'fhuair iad uisge sam bith; phill iad le'n soithicheibh falamh; bha nàire agus mas-ladh orra, chòmhdaich iad an cinn.

4 A chionn gu bheil am fearann na smùr, oir cha robh uisge anns an tìr; ghabh na treabhaichean nàire, dh'fholuich iad an cinn.

5 Seadh fòs, rug an eilid a laogh anns a' mhachair, agus thréig i e, chionn nach robh fear ann.

6 Agus sheas na h-asala fiadhaich air na h-ionadaibh arda, tharruing iad suas a' ghaoth mar dhràgonaibh, dh'fhàilnich an sùilean a chionn nach robh fear ann.

7 Ged' tha ar n-ea-ceairtean a' tabhairt fianuis nar n-aghaidh, O Thighearn, dean thusa air sgàth d'ainme féin: oir tha ar cùl-sleamh-nachaidh lionmhor, pheacaich sinn a d'aghaidh.

8 O dhòchais Israeil, a slànui' fhear ri am airce, c'uin am bitheadh tu mar choigreach anns an tìr? agus mar fhear-turuis a thionndaidheas a lethtaobh gu fuireach car oidhche?

9 C'uin am bitheadh tu mar neach ann an suain chadail<sup>d</sup>? mar ghaisgeach aig nach 'eil cumhachd gu teanadh? Gidheadh tha thusa, O Thighearn, nar meadhon, agus ortsa tha sinn air ar n-ainmeachadh, na dean ar tréigsinn.

10 Mar so deir an Tighearn do thaobh an t-sluaigh so, Mar so bu toil leo dol air seachran, cha do chum iad air an ais an casan; uime sin cha ghabh an Tighearn riu, cuimhnichidh e nis an aingidheachd, agus cronuichidh e 'n cionta.

11 Uime sin thubhairt an Tighearn rium, Na guidh as leth an t-sluaigh so air son an leas.

12 An uair a thraisgeas iad, cha'n éisd mise r'an gladh; agus an uair a dh'ìobras iad ìobairt-loisgte agus tabhartas, cha ghabh mis' iad; ach leis a' chladheamh, agus leis a' ghort, agus leis a' phlàigh, cuiridh mi as doibh.

13 An sin thuirt mise, Och! a Thighearna Dhia! feuch, tha na fàidhean ag ràdh riu, Cha 'n fhaic sibh an claidheamh, ni mo thig gort oirbh, ach sìth clinnteach bheir mise dhuibh anns an àite so.

14 An sin thuirt an Tighearn rium, Tha na fàidhean ri fàisneachd bhréige ann am ainm-sa; cha do chuir mise uam iad, ni mò thug mi àitline dhoibh, ni mò labhair mi riu: sealladh breugach, agus fiosachd, agus neo-ni, agus mealltoir-eachd an cridhe féin, tha iad a' fàisneachd dhuibh.

15 Uime sin mar so deir an Tighearn: Do thaobh nam fàidhean a tha ri fàisneachd ann am ainm-sa, ged' nach do chuir mise mach iad, agus ag ràdh, Cha bhi claidheamh agus gorta 'san fhearann so, le claidheamh agus le gorta bidh na fàidhean sin air an caitheamh.

16 Agus bidh an sluagh do 'n d'rinn iad fàisneachd air an tilgeadh a mach ann an sràidibh Ierusalem, fa chuis<sup>e</sup> na gorta, agus a' chladheimh, agus cha bhi neach ann a dh'adhlaiceas iad; iad féin, am mnathan, agus am mic, agus an nigheanan: oir taomaidh mise orra féin an aingidheachd.

17 Agus labhairidh tu riu am focal so: Sileadh mo shùilean le deuraibh a dh'oidhch' is do là, agus na sgur-cadh iad: oir tha òigh-nighean mo shluaigh air a dochann le dochann mòr, le buille ro chràiteach.

18 Ma thèid mi mach do'n mhachair, an sin feuch iadsan a mharbhadh leis a' chladheamh! agus ma thèid mi steach do'n chathair, an sin

<sup>a</sup> an tairt.  
dubh.

<sup>b</sup> dh'fhàs iad  
e feurthuinn.

<sup>d</sup> na bhreislich?  
bhrigh.

<sup>e</sup> do

feuch iadsan a ta air an claidh leis a' ghorta! seadh, tha am fàidh, agus fòs an sagart ag imeachd air chuairt, gu talainn anns nach 'eil iad eòlach.

19 An do chuir thu gu tur cùl ri Iudah? an d'fhuathaich t-anam Sion? c'uim an do bhuail thu sinn, agus gun aon chobhair againn? bha ar sùil ri sìth, ach maith cha d'fhàinig; agus ri àm leighis, agus feuch àmhghar!

20 Tha sinn ag aideachadh, O Thighearn, ar n-aingidheachd féin, agus ea-ceairt ar n-aithrichean: oir pheacaich sinn a t'aghaidh-sa.

21 Na tilg uait sinn air sgàth t-ainme féin, na maslaich caithir do ghloire: cuimhnich, na bris do choimhcheangal ruinn.

22 Am bheil aon air bith am measg dhìomhanas nan cinneach a's urradh uisge thoirt seachlad? no'n urradh na nèamha frasan a thabhairt? nach tu féin an ti a *ni sin*, O Thighearn ar Dia-ne? air an aobhar sin, feithidh sinne riut: oir is tu a rinn na *nithe* so uile.

## CAIB. XV.

**A**N sin thubhairt an Tighearn rium; Ged' sheasadh Maois agus Samuel am làthair, cha bhiodh m'anam leis an t-sluagh so; cuir a mach iad as m'fhianuis, agus siubhladh iad air falbh.

2 Agus tarlaidh, ma their iad riut, C'ait an siubhail sinn air falbh? an sin their thu riu, Mar so deir an Tighearn, Iadsan a ta air son bàis, a chum bàis; agus iadsan a ta air son a' chlaidheimh, a chum a' chlaidheimh; agus iadsan a ta air son na gorta, chum na gorta; agus iadsan a ta air son na bruid, a chum braighdeanais.

3 Agus orduichidh mise os an cionn ceithir seorsanna, deir an Tighearn; an claidheamh gu marbhadh, agus na coin gu reubadh, agus eunlaith an athair, agus beathaichean na machrach, gu itheadh agus gu milleadh.

4 Agus fuadaichidh mi iad air feadh uile rioghachdan an domhain, air son Mhanaseh, mhic Heseciah, rìgh Iudah, air son *nan nithe sin* a rinn e ann an Ierusalem.

5 Oir cò ghabhas truas dìot, O Ierusalem? no cò ni bròn leat? no cò theid a leth-taobh, a dh'fheòrach cionnus a tha thu?

6 Thréig thu mise, deir an Tighearn, chaidh thu air t'ais; air an aobhar sin, sìnidh mise mo làmh a mach a' t'aghaidh, agus sgriosaidh mi thu; tha mi sgàth do ghabhail aithreachais.

7 Uime sin dh'fhuadaich mi iad 734

le inneal fasgaidh ann an geatach-aibh na tìre: dh'fhàg mi gun chlann, sgrios mi mo shlugh; o'n slighibh cha do phill iad.

8 Rinneadh am bantraichean ni bu lìonmhoire leam-sa na gaineamh na fairge: thug mi'n aghaidh na màthar agus nam mac fear-millidh ann am meadhon an là: thug mi air nàmhaid agus air uamhasan bualadh oirre gu h-obann.

9 Dh'fhannaich ise a rug seachd-nar, thug i suas an deò; chaidh a grian sìos am feadh a ta fathas an là ann; nàraicheadh agus mhasluicheadh i: agus na mhaireas diubh bheir mise do'n chlaidheamh ann am fianuis an nàimhdean, deir an Tighearn.

10 Mo thruaighe mise, O mo mhàthair! oir rug thu mi a'm'fhear strì, agus a'm'fhear-connsachaidh anns an fhearann uile; cha d'thug mi seachlad air ocar, ni mò thug aon neach air ocar dhomh; *gidheadh* tha iad uile 'gam mhalluchadh.

11 Thubhairt an Tighearn, Gu cinnteach éirigh gu maith do t'iarmaid, gu cinnteach bheir mi air an nàmhaid bhi bàigheil riut ann an àm na h-airce, agus ann an àm a' chruaidhchais.

12 Am bris esan iarunn na bloighd-ibh, iarunn o thuath agus umha?

13 Do mhaoin agus d'ionnasan bheir mise mar chreich, cha'n ann air son luach, ach air-son d'uile lochdan; seadh ann ad uile chrìoch-aibh.

14 Agus bheir mi *orra* siubhal air falbh le d' nàimhdibh gu fearann air nach robh thu eòlach; oir tha teine air 'fhadadh ann am fheirg, agus lasaidh e'n'ur n-aghaidh.

15 Agad-sa tha fios, O Thighearn; cuimhnich orm-sa, agus thig do m'amharc, agus thoir dhomh aich-bheil air mo luchd-tòrachd; ann am buanas t'fheirge na toir air falbh mi; thoir fainear gu'n d'fhuiling mi masladh air do sgàth.

16 Fhuaradh do bhriathran, agus dh'ith mi suas iad; agus bha t'fhocal dhomh na aoibhneas, agus na ghàird-eachas do m'chridhe; oir tha mi air m'ainmeachadh ort-sa, O Iehobhah, Dhia nan sluagh.

17 Cha do shuidh mi ann an cuid-eachd luchd-fochaid, ni mò bha mi subhach; air son do làimhse shuidh mi ann am aonar; a chionn gu'n do lìon thusa mi le boile.

18 C'uim am bheil mo ghoith gun lasachadh? agus mo chreuchd bàsmhor, a' diùltadh a bhi air a leigh-eas? c'ar son a bhios tusa dhomh

a diol mi air luchd-mo gheur-leanmhuinn,

uile gu léir amhuil sruthan mealtach, as nach feudar earbsadh?

19 Uime sin mar so deir an Tighearn, Ma philleas tu, an sin bheir mis' air t'ais thu, agus<sup>a</sup> seasaidh tu ann am làthair: agus na sgaras tu an luachmhor o'n nì nach fìd, mar mo bheul-sa bithidh tu: pillidh iad so riut-sa, ach cha phill thusa riusan<sup>b</sup>.

20 Agus nì mise dhìot, an aghaidh an t-sluaigh so, balla làidir umha; an uair a chathaicheas iad a' t'-aghaidh cha toir iad buaidh ort: oir tha mise maille riut, a chum do dhìon, agus a chum do thearnadh, deir an Tighearn.

21 Agus saoraidh mi thu o làimh nan aingidh, agus fuasglaidh mi thu o ghreim nan uamhasach.

CAIB. XVI.

**T**HAINIG focal an Tighearna fòs do m'ionnsuidh, ag ràdh,

2 Cha ghabh thu dhuit féin bean, nì mò bhios agad mic no nigheanan anns an àite so.

3 Oir mar so deir an Tighearn; Do thaobh nam mac, agus do thaobh nan nigheanan, a ta air am breith anns an àite so, agus do thaobh am màithrichean a rug iad, agus do thaobh an aithrichean a ghin iad, anns an tìr so;

4 Le bàs doilgheasach bàsaichidh iad; cha chaidhear iad, agus cha 'n adhlacair iad; mar aolach air aghaidh na talmhainn bithidh iad; le claidheamh fòs, agus le gorta, caith-eir iad; agus bidh an cairbheannan mar lòn do eunlaith an athair, agus do bheathaichibh na talmhainn.

5 Oir mar so deir an Tighearn, Cha d'théid thu steach do thigh a' bhròin, nì mò théid thu dheanamh caoidh, no thoirt dhoibh co-fhurtachd; oir thug mise air falbh mo shìth o'n t-sluaigh so, deir an Tighearn, caoimhneas gràdhach agus caomh-thròcairean.

6 Agus gheibh iad bàs, eadar bheag agus mhòr, anns an tìr so; cha'n adhlacair iad, agus cha deanar caoidh air an son; cha ghearr aon neach e féin, nì mò nì aon neach e féin maol air an son.

7 Agus cha bhris daoine aran nam measg, ri àm bròin, a chum co-fhurtachd a thoirt doibh air son neach a fhuair bàs; nì mò bheirear dhoibh deoch a cupan na co-fhurtachd, air son athar neach, no air son a mhathar.

8 Mar an ceudna cha d'théid thu gu tigh na cuirme, gu suidhe sìos maille riu a dh'itheadh agus a dh'òl.

9 Oir mar so deir an Tighearn nan

sluaigh, Dia Israeil, Feuch, cuiridh mise na thod anns an àite so, fa chomhair 'ur sùl-sa, agus ann 'ur laithibh, guth an t-subhachais, agus guth an aoibhneis, guth an lhir nuadh-phòsda, agus guth na mhà nuadh-pòsda.

10 Agus tarlaidh, an uair a dh'innseas tu do'n t-sluaigh so na nithe so uile, agus a their iad riut, C'arson a labhair an Tighearn nar n-aghaidh an t-òlc mòr so uile? agus ciod i ar n-aingidheachd, agus ciod ear lochd, a chuir sinn an gnìomh an aghaidh an Tighearna ar Dia?

11 An sin their thusa riu, A chionn gu'n do thréig bhur n-aithrichean mise, deir an Tighearn, agus gu'n deachaidh iad air lorg dhée eile, agus gu'n d'thug iad seirbhis dhoibh, agus gu'n d'thug iad dhoibh aoradh, agus gu'n do thréig iad mise, agus nach do choimhid iad mo reachd.

12 Agus gu'n d'rinn sibhse nì's measa nà bhur n-aithrichean, oir feuch tha sibh ag imeachd, gach aon a réir ais-innleachd a dhroch chridhe féin, gun ghéill a thoirt dhomh-sa.

13 Uime sin tilgidh mi sibh a mach as an tìr so, gu tìr air nach d'fhuair sibh eòlas, sibh féin no 'ur n-aithrichean; agus an sin nì sibh seirbhis do dhéibh coimheach, a latha agus a dh'oidhche, a chionn nach dean mise trócair oirbh.

14 Uime sin, feuch tha na laithean a'teachd, deiran Tighearn, anns nach abrar nì's mo, Mar is beo an Tighearn, a thug a nìos clann Israeil a talamh na h-Eiphit.

15 Ach, Mar is beo an Tighearn, a thug air an ais clann Israeil o thalamh na h-airde tuath, agus o gach talamh gus an d'fhògair e iad; oir bheir mise air an ais iad gu 'm fearann féin, a thug mi do 'n aithricheibh.

16 Feuch cuiridh mi fios air mòran iasgairean, deiran Tighearn, agus nì iad an iasgach; agus na dhéigh sin, cuiridh mi fios air mòran shealg-airean, agus nì iad an sealg, o gach uile shliabh, agus o gach uile chnoc, agus o sgeiribh nan creag.

17 Oir tha mo shùilean-sa air an uile shligheibh; cha 'n 'eil iad foluichte o m' ghnàis, nì mò tha an aingidheachd air a còmlidachadh o fhradharc mo shùil.

18 Agus diolaidh mi le tomhas dùbailte an aingidheachd agus an lochd, a chionn gu 'n do thruail iad m' fhearann le sailleadh an gnìomhara feathach; agus le 'n gràinealachdaibh lìon iad m'oighreachd.

<sup>a</sup> Ma philleas tu agus gu d'thoir mis' air d'ais thu.

<sup>b</sup> pilleadh iad so riut-sa, ach na pill thu-sa riu-san,

<sup>c</sup> dà-fhillte.

<sup>d</sup> ciosaichibh. Eabh,

19 O Thighearn, mo neart, agus mo dhaingneach agus mo dhìdein ann an là na h-airce<sup>a</sup>; do d'ionnsuidh-sa thig na cinnich o chrìoch-aibh na talmhainn, agus their iad, Gu deimhin shealbhuich ar n-aithriche ni gun bhrìgh; dìomhanas, agus *nithe* gun tairbhe.

20 An dean duine dha féin dée, agus nach 'eil iad uan dée<sup>b</sup>?

21 Air an aobhar sin, foillsichidh mi dhoibh, air an aon uair so, foillsichidh mi dhoibh molamh agus mo chumhachd, agus bidh fios aca gur e m'ainm Iehobhah.

CAIB. XVII.

**T**HA peacadh Iudah air sgrìobhadh le peann iaruin; le roinn daoimein tha e air a ghearradh, air clàr an cridhe, agus air adharcaibh an ealtairean:

2 Am feadh a ta an clann a' cuimhneachadh an altairean, agus an doir-eachan, aig na crannaibh uaine, air na cnocaibh arda.

3 O mo shliabhl annsa a' mhachair, do mhaoin, agus do thaisgeacha gu h-ìomlan, bheir mi thairis do 'n chreich; t'ionadan làidir, air son peacaidh, air seadh t'uile chrìochan.

4 Agus fògrar thu, eadhon thusa féin, o d'oighreachd a thug mi dhuit, agus bheir mi ort seirbhìs a dheanamh do d' naimhaidibh ann an tìr anns nach 'eil thu eòlach: a chionn gu 'n d'fhadaibh sibh, ann am fheirg-sa, teine a loisgeas gu sìorruidh.

5 Mar so deir an Tighearn, Is malluichte an neach a chuireas a dhòchas ann an duine, 's a ni feoil na gairdean da, 's aig am bheil cridhe ta claonadh air falbh o'n Tighearn.

6 Oir bidh e mar phreas seargta 'san ionad sgaoilte, nach mothaich am maith an uair a thig e; ach a ta 'g àiteachadh ionada loisgte an fhàsaich, fearainn gun toradh agus gun clòmhnuidh.

7 Is beannuichte an neach a dh'earbas as an Tighearn, agus a chuireas a dhòchas ann an Iehobhah<sup>d</sup>.

8 Oir<sup>e</sup> bidh e mar chraoibh air a suidheachadh ri taobh nan uisgeachan, a sgaoileas a mach a freumhan ri taobh an t-srutha, agus nach mothaich e uin a thig an tarr; ach aig am bi a duilleach uaine, 's air nach bi icmguin ann am bliadhna na tìormachd, ni mo sguireas i thoirt seachad toraidh.

9 Tha an cridhe ccalgach thar na

<sup>a</sup> na teinn; a' chruaidh-chairs.

<sup>b</sup> do nithe nach 'eil nan dée?

<sup>c</sup> bhur. <sup>d</sup> oir bithidh an Tighearn na chùl-taice dha. <sup>e</sup> Agus.

h-uile *nithe*, agus *tha e* do-leigheas<sup>f</sup>; co's urradh a thuigsinn?

10 Tha mise Iehobhah a' rannsachadh a' chridhe, agus a' sgrùdadh nan àirnean, a chum gu tabhair mi do gach neach a réir a shlighe, agus do réir toraidh a dheanadas.

11 Mar a' chearc a ni gur air uigh-ean, agus nach toir a mach coin, [tha] esana gheibh beartas, ach nach ann le còir; ann am meadhon a laithean dealuichidh e ris; agus na chrich dheireannaich bithidh e na amadan.

12 Is rìgh-chaithir ghlòirmhor, arduichte o chian, àit ar n-ionaid naomhe-ne.

13 O Thighearn, cuspair-dòchais Israeil, bithidh amhluaith air gach aon a thréigear thu; sgrìobhar iad nan luchd-ceannairc 'san talamh; a chionn gu'n do thréig iad an Tighearn, tobar nan uisgeacha beo.

14 Leighis mi, O Thighearn, agus bithidh mi air moleigheas; slànuidh mi, agus bithidh mi air moshlànuichadh; oir is tu mo mholadh.

15 Feuch, tha iad so ag ràdh rium, C'ait am bheil focal an Tighearna? Thigeadh e nis.

16 Ach cha d'rinn mi deisir o bhi a'm' fhear-coimhid a'd' dhéigh-sa, agus là na h-iarguin cha d'iarr mi; agad féin tha fios air an ni a thàinig a mach as mo bheul, bha e ann ad làthair.

17 Na bi a'd' uamhas domh; is tu mo dhìdein ann an là na h-airce.

18 Biodh nàir' air a' mhuinntir a ta 'g am ruagadh, ach na nàraichear mise: biodh iadsan fo gheilt, ach na biodh geilt orm-sa: thoir thus' orra là na dèrainn, agus le sgrios ath-bhuailte sgrios iad.

19 Mar so thubhairt an Tighearn rium; Falbh agus seas ann an geata cloinne 'n t-sluaigh, air an d'thig rìghrean Iudah a steach, agus air an d'théid iad a mach, agus a'ann an uile gheatachaibh Ierusalem;

20 Agus abair riu, Cluinnibh-se focal an Tighearna, a rìghrean Iudah, agus a Iudah uile, agus uile luchd-àiteachaidh Ierusalem, a ta teachd a steach air na geatacha so.

21 Mar so deir an Tighearn, Thugaibh aire dhuibh féin, agus na giùlainibh uallach air bith air là na sàbaid, agus na tugaibh a steach i air geatachan Ierusalem;

22 Ni mò bheir sibh a mach uallach as bhur tighibh air là na sàbaid, ni mò ni sibh obair air bith; ach naomhaichibh là na sàbaid, mar a dh'èithn mise do 'r n-aithrichibh.

23 Ach cha d' thug iadsan géill, ni mò dh' aom iad an cluas, ach rinn

<sup>f</sup> lag; caslan.



iad am muineal rag, air chor as nach éisdeadh iad, agus air chor as nach gabhadh iad teagasg.

24 Ach tarlaidh, ma dh' éisdeas sibh gu cùramach rium-sa, deir an Tighearn, gun uallach sam bith a thoirt a steach tìd gheatachan a' bhaile so air là na sàbaid, ach là na sàbaid a naomhachadh, gun obair sam bith a dheanamh air :

25 An sin thèid a steach air geatachan a' bhaile so, rìghrean agus prìounsachan, nan suidhe air rìgh-chaitir Dhaibhidh, a' marcachd air charbadaibh, agus air eachaibh, iad féin agus an ceannardan, fir Iudah, agus luchd-àiteachaidh Ierusalem; agus daingnicheargu bràth a' chath-air so.

26 Agus thig iad o bhailtibh Iudah, agus o na h-àiteachaibh timchioll Ierusalem, agus o fhearann Bheniamin, agus o n' chomhward, agus o na beanntaibh, agus o'n airde deas, a' toirt leo thabhartasa-bidh, agus thise, a' toirt iobairtean molaidh gu tigh an Tighearna.

27 Ach mur éisd sibh rium-sa, chàm là na sàbaid a naomhachadh, agus gun uallach a ghiùlan, a' dol a steach air geatachan Ierusalem air là na sàbaid : an sin fadaidh mise teine na geatachaibh, agus loisgidh e lùchairtean Ierusalem, agus cha 'n fheudar a mhùchadh.

## CAIB. XVIII.

**A**M focal a thàinig a dh'ionnsuidh Ieremiah o'n Tighearn, ag ràdh,

2 Eirich, agus imich sìos gu tigh a' chriadhaidh, agus an sin bheir mise ort mo bhriathran a chluinntinn.

3 An sin chaidh mi sìos gu tigh a' chriadhaidh, agus feuch, bha e deanamh oibre air na leacaibh.

4 Agus bha 'n soitheach a bha e deanamh do chriadh, air a mhilleadh ann an làimh a' chriadhaidh; an sin rinn e dheth a ris so, cheach eile, mar a chuinnacas ceart do 'n chriadhaidh a dheanamh.

5 An sin thàinig focal an Tighearna do m' ionnsuidh, ag ràdh,

6 O thigh Israeil, nach feud mis' a dheanamh ruibhse mar an criadhaidh so? deir an Tighearn. Feuch, mara' chriadh an làimh a' chriadhaidh, is amhuil sin sibhse ann mo làimh-sa, O thigh Israeil.

7 C'uin air bith a labhras mise mu thimchioll cinnich, agus mo thimchioll rioghachd, gu spionadh a nìos, gu leagail sìos, agus gu sgrios;

8 Ma philleas an cinneach sin, an aghaidh an do labhair mi, o'n olc; gabhaidh mise aithreachas do'n olc, a bha ann am aire thoirt orra,

9 Agus c'uin air bitn a labhras mi mu thimchioll cinnich, agus mu thimchioll rioghachd, gu 'thogail, agus gu 'shuidheachadh;

10 Agus gu'n dean e an ni sin a ta olc ann an shealladh, agus nach b' e umhal do m' gluth; an sin gabhaidh mi aithreachas do'n mhaith a bha romham a dheanamh dhoibh.

11 A nis, uime sin, imich agus labhair ri fearaibh Iudah, agus ri luchd-àiteachaidh Ierusalem, ag ràdh, Mar so deir an Tighearn, Feuch, tha mise a' cumadh uile 'n 'ur n-aghaidh, agus a' dealbh innleachd 'n 'ur n-aghaidh : pillibh a nis gach aon o' d' droch shlighe, agus leasuichibh 'ur sligheanna agus 'ur gnìomhara.

12 Ach thuirt iadsan, Cha 'n 'eil dòchas ann; oir gluaisidh sinn a réir ar smaointe féin, agus ni sinn, gach aon do réir tograidh a dhroch chridhe féin.

13 Uime sin mar so deir an Tighearn, Fèdrùichibh a nis am measg nan cinneach, cò chuala an samhuil so do nithe? rinn òigh Israeil ni ro ghràineil.

14 An tréig duine mo mhaigh-sa air son carraige, air son slineachda Lebanon? an tréigear an fuar uisge-rùith air son uisgeachan eile?

15 Ach dhi-chuimhnich mo shluagh mise, loisg iad tùis do dhìomhanas, agus thug iad orra tuisleachadh nan sligheachaibh a bha nan seann ròidibh, gu gluasad air ceumaibh eile, air slighe nach 'eil deanta.

16 A chum ain fearann adheanamh fàs, na bhall-àbhacais bith-bhuan; gabhaidh gach neach a thèid seachad air mòr iongantas, agus crathaidh e a cheann.

17 Sgapaidh mis' iad mar gu b' ann le gaoith an ear roimh an nàmhaid; tionndaidhidh mi riu mo chùl, is cha 'n i m' aghaidh, ann an là an léir-sgios.

18 An sin thubhairt iad, Thigibh, agus dealbhamaid inleachdan an aghaidh Ieremiah: oir cha bhàsaich an reachd o'n t-sagart, no comhairle o'n eagnuidh, no 'm focal o'n fhàidh, Thigibh, agus buileamaid e leis an teangaidh, agus na d'thugamaid aire do aon d'a bhriathraibh.

19 Thoir thusa, O Iehobhah, aire dhomh, agus cluinn guth na muinntir a ta ri strì rium.

20 An diolar olc air son maith? Gu cinnteach chladhaich iad slochd air son m'anama. Cuimhnich cionnus a sheas mi ann ad fhianuis, a dheanamh eadar-ghuidh a chum an leas, a thionndadh do chorruich air falbh uatha.

21 Uime sin thoir thusa thairis an clann do 'n ghorta, 's thoir orra

leaghadh as<sup>a</sup> le neart a' chlaidheimeh; biodh am mnathan air am fàgail gun chlann, agus iad nam bantraichean, agus faigheadh am fir bàs leis a' phlàigh, agus marbhar an òganaich anns an àraich leis a' chlaidheamh.

22 Cluinnear gaoir as an tighean, an trà bheir thusa feachd orra gu h-obann; oir chladhaich iad slochd gu mis' a ghlacadh, agus shuidhich iad liontan air son mo chas.

23 Ach agad-sa, O Thighearn, tha fios air an innleachdaibh uile an aghaidh m' anama; na maith an cionta, 's na glan an lochd a mach a' t'fhianuis: ach tilgear iad thairis ann ad làthair; tionsgain nan aghaidh ann an àm do chorroich.

CAIB. XIX.

**M**AR so thubhairt Iehobhabh rium-sa, Falbh agus faigh criadh-shoitheach criadhadair, agus *thoir leat* cuid do sheanairibh an t-sluaigh, agus do sheanairibh nan sagart;

2 Agus thèid thu mach gu gleann mhic Hinoim, a ta fa chomhair a' gheata Harsit, agus gladhaidh tu anns an àite sin na briathran a labhras mise riut;

3 Agus their thu, Eisdibh-se focal an Tighearna, O a rìghrean Iudah, agus a luchd-àiteachaidh Ierusalem, Mar so deir Tighearn nan sluagh, Dia Israeil; feuch, bheir mise olc air an àite so, a bheir air neach 'sam bith a chluinneas e gu'm bi gaoir na chluasaibh:

4 A chionn gu 'n do thréig iad mise, agus gu'n d'rinn iad an t-àite so coimheach, agus gu'n do loisg iad tùis ann do dhéibh eile, nach b'aithne dhoibh; iad féin, agus an aithrichean, agus rìghrean Iudah, agus gu'n do lion iad an t' àite so le fuil neo-chiontach:

5 Agus gu'n do thog iad ionadan arda Bhaail, a chum am mic a losgadh anns an teine, *mar* thabhartais loisgte do Bhaal; *ni* nach d'àithn mise, ni mò labhair mi, ni mò thàinig e ann am aire:

6 Uime sin, feuch, tha na laithean a' teachd, deir an Tighearn, anns nach abrar ris an àite so ni 's mò Tophet, no gleann mhic Hinoim, ach gleann a' mharbhaidh.

7 Agus cuiridh mise gu neo-brìgh comhairle Iudah agus Ierusalem anns an àite so; agus bheir mi orra tuiteam leis a' chlaidheamhan làthair an naimhdean, agus le làimh na muinntir a ta 'g iarraidh an anama: agus bheir mi an colannan mar bhìadh do eunlaith an athair, agus do bheathaichibh na talmhainn.

8 Agus ni mi a' chathair so na fàsach, agus na ball-sgeig: bidh mòr-ioghnadh air gach neach a thèid seachad oirre, agus ni e sgeig air son a h-uile phlàighean.

9 Agus bheir mis' orra gu 'n ith iad feoil am mac, agus feoil an nigh-eana; agus ithidh iad, gach aon feoil a charaid, anns a' chogadh, agus anns an teinne, leis an teannaichear iad le'n nàimhdibh, agus leo-san a ta 'g iarraidh an anama.

10 An sin brisidh tu an soitheach ann an sealladh nan daoine a thèid maille riut,

11 Agus their thu riu, Mar so déir an Tighearn nan sluagh, Ambuil so brisidh mise an sluagh so, agus a' chathair so, mar a bhriseas *neach* soitheach a' chriadhadair, nach feudar a shlànuchadh a ris; agus adhlacair *daoine* ann an Tophet, agus nach bi àit ann gu adhlacadh.

12 Mar so ni mise ris an àite so, deir an Tighearn, agus r'a luchd-còmhnuidh, air chor as gu 'n deanar a' chathair so eadhon mar Tophet.

13 Agus bidh tighean Ierusalem, agus tighean rìghrean Iudah, amhuil ionad Tophet, neo-ghlan; maille ris na b' tighean sin air fad, air an d'rinn iad tùis a losgadh air am mullach do uile fheachd nèimh, agus iobairtean-dìbe a dhòrtadh a mach do dhéibh coimheach.

14 Agus thàinig Ieremiah o Tophet, agus an do chuir an Tighearn e gu fàisneachd, agus sheas e ann an cùirt tìghe an Tighearna, agus thuirt e ris an t-sluaigh uile,

15 Mar so deir an Tighearn nan sluagh, Dia Israeil, Feuch, bheir mise air a' chathair so, agus air a h-uile bhailtibh, an t-olc sin uile a labhair mi na h-aghaidh; a chionn gu 'n d'rinn iad am muineal rag, air chor as nach éisdeadh iad ri mo bhriathraibh.

CAIB. XX.

**A**N uair a chuala Pasur, mac Imeir, an sagart, (a bha fòs na ard uachdaran ann an tìgh an Tighearna) Ieremiah a' fàisneachd nan nithe so:

2 An sin bhuail Pasur Ieremiah am fàidh, agus chuir e anns an tigh-smachdachaidh<sup>e</sup> e, a bha aig geata uachdrach Bheniamin, làimh ri tìgh an Tighearna.

3 Agus tharladh air an là màir-each, gu 'n do leig Pasur Ieremiah a mach as an tigh-smachdachaidh. An sin thuirt Ieremiah ris, Cha 'n e Pasur a thug an Tighearn mar ainm ort, ach Magor-misabib<sup>d</sup>.

<sup>b</sup> air son nan.

<sup>e</sup> a' cheap.

<sup>d</sup> Uamhas air gach taobh.

<sup>a</sup> dòirt a mach iad.

4 Oir mar so deir an Tighearn, Feuch, nì mise dhìot uamhas duit féin, agus do d'uile chairidibh; agus tuitidh iadsan le claidheamh an nàimhdean, agus do shùilean-sa 'g amharc; agus Iudah uile bheir mi do làimh rìgh Bhabiloin, agus bheir e leis iad ann am brùid gu Babilon, agus cuiridh e gu bàs iad leis a' chlaidheamh.

5 Agus bheir mi seachad uile neart, na cathrach so, agus a h-uile shaothair, agus a h-uile nìthe luachmhor; agus uile bheartas rìghrean Iudah bheir mi thairis do làimh an nàimhdean, a chreachas iad, agus a ghlacas iad, agus a bheir iad air falbh gu Babilon.

6 Agus thu-sa, a Phasuir, agus na h-uile ta chomhnuidh ann ad thigh, sìdhblaidh sibh air falbh ann am braighdeanas, agus théid thu-sa gu Babilon, agus an sin gheibh thu bàs, agus an sin adhlacair thu, thu féin agus d' uile chairdean, do 'n d'rinn thu faisneachd bhréige.

7 Mheall thu mi, O Thighearn, agus bha mi air mo mhealladh; is tu a's treise nà mise, agus thug thu buaidh: tha mi ann am chùis-mhàgaidh gach là, gach aon ri fanoid orm.

8 Oir co tric as a labhras mi, a ghlaodhas mi mach an aghaidh ainneart, no dh'éigheas mi léir-chreach, tha focal an Tighearna air a dheanamh dhomh na chùis mhas-luidh agus fhanoid gach aon là.

9 An uair a their mi, Cha toir mi iomradh air, nì mò labhras mi tuilleadh na ainm; an sin tha e ann am chridhe, mar gu'm b'e teine loisgeach, air a dhruideadh suas ann am chnàmhan; agus ged' sgèithich mi mi féin 'ga chumail a steach, cha'n urradh mi.

10 Oir chuala mi tuairisgeul mhòra, Uamhas air gach taobh aithrisibh-se, agus aithrisidh sinne e: tha iadsan uile ris an robh mi ann an sìth furachair air son mo thuislidh, ag ràdh, Meallar e, agus gu faigh sinn buaidh air, agus gu'n gabh sinn dioghaltas deth.

11 Ach tha an Tighearn leam mar aon chumhachdach uamhasach; air an aobhar sin tuislichidh mo luchd-toir, agus clia bhuadhaich iad: tha iad air an lìonadh le nàire ro mhòr, a chionn nach do shoirbhich leo, le masladh bith-bhuan, nach leigear gu bràth air di-chuimhn.

12 Ach O Thighearna nan sluagh, a dhearbhas am firean, agus a chi na h-àirnean agus an cridhe, faiceam orra do dhioghaltas: oir dhuit-se leig mise ris mo chùis.

13 Seinnibh-se do 'n Tighearn; molaibh-se an Tighearn, oir shaoir e

anam a' bhochd a làimh nan aingidh.

14 Malluichte gu robh an là air an d' rugadh mise, an là air an d' rug mo mhàthair mi, nar robh e bean-nuichte.

15 Malluichte gu robh esan a thug fios a dh'ionnsuidh m' athar, ag ràdh, Tha leanabh mic air a blìreth dhuit, g'a dheanamh ro aoibhneach.

16 Agus biodh an duine sin mar na bailtean a sgrios an Tighearn, agus mu nach do ghabh e aithreachas; cluinneadh e gaoir anns a' mhaduinn, agus iolach anns a' mheadhon là;

17 A chionn nach do mbarbh e mi o'n bhroinn, no gu'm biodh mo mhàthair na h-uaigh dhomh, agus a brù an còmhnuidh torrach leam<sup>a</sup>.

18 C'uim an d' thàinig mi mach as a' bhroinn a dh' fhaicinn mi-shuaimeis agus bróin, agus a chaitheamh mo laithean ann am masiadh?

## CAIB. XXI.

**A**M focal a thàinig a chum Ieremias o 'n Tighearn, an uair a chuir an rìgh Sedeciah d'a ionnsuidh Pasur, mac Mhelciah, agus Sephaniah mac Mhaaseiah an sagart, ag ràdh,

2 Fiosruich, guidheamaid ort, do'n Tighearn air ar son-ne, oir tha Nebuchadresar rìgh Bhabiloin a' cogadh 'nar n-aghaidh; a dh' fheuchainn an dean an Tighearn ruinn do réir 'uile bhearta iongantach, a chum gu'n d'théid e suas uainn.

3 Agus thuirt Ieremiah riu, Mar so their sibh ri Sedeciah;

4 Mar so deir an Tighearn Dia Israeil, Feuch, tionndaidhidh mise air an ais na h-airm-chogaidh a ta'n 'ur làmhan, leis am bheil sibh a' cogadh an aghaidh rìgh Bhabiloin, agus an aghaidh nan Caldéach a ta 'g'ur teannachadh air taobh a muigh a' bhailaidh, agus cruinnichidh mi iad ann am meadhan a' bhaile so.

5 Agus nì mise féin cogadh 'n 'ur n-aghaidh le làimh sìnte mach, agus le gairdean treun, eadhon ann am feirg, agus ann am boile, agus ann an corruich mhòir.

6 Agus buailidh mi luchd-àiteachaidh a' bhaile so, eadar dhuine agus ainmhidh; gheibh iad bàs do phlàigh mhòir.

7 Agus na dhéigh sin, deir an Tighearn, bheir mi thairis Sedeciah rìgh Iudah, agus 'd'glaich, agus an sluagh, eadhon na dh'fhàgar anns a' bhaile so o'n phlàigh, o'n chlaidheamh, agus o'n ghorta, do làimh Nebuchadresar rìgh Bhabiloin, agus do làimh an naimhdean, agus do làimh na muinn-

tir a ta 'g iarruidh an anama, agus buailidh e le faobhara' chlaidheimh iad: cha ghabh e truas diubh, ni mò choigleas e, ni mò ni e tròcair.

8 Agus ris an t-sluagh so their thu, Mar so deir an Tighearn, Feuch, tha mise a' cur mu 'r coinneamh slighe na beatha, agus slighe a' bhàis.

9 Esan a dh'fhanas anns a' bhaile so, bàsaichidh e leis a' chlaidheamh, agus leis a' ghort, agus leis a' phlàigh: ach esan a thèid a mach, agus a thèid thairis a dh'ionnsuidh nan Caldéach a ta 'g ur teannachadh m'an cuairt, mairidh e beo, agus bidh 'anam aige mar chobhartach.

10 Oir chuir mise mo ghnuis an aghaidh a' bhaile so air son uilc, agus cha 'n ann air son maith, deir an Tighearn; do làimh rìgh Bhabiloiu bheirear thairis e, agus loisgidh esan e le teine.

11 Agus mu thimchioll tighe rìgh Iudah, cluinnibhse focal an Tigh-earna:

12 O thigh Dhaibhidh, mar so deir Iehobhah, Deanaibh gu moch breitheanas, agus saoraibh an duine sàruichte o làimh an fhir-shàruichaidh, mu'n d'thèid mo chorruich-sa mach mar theine, agus mu'n las i air chor as nach feudar a mùchadh, air son airgidheachd bhur gnìomhara.

13 Feuch, tha mis' a' d'aghaidh, O thusa ta chòmhnuidh ann an gleann Shoir, anns a' chòmhnard, deir an Tighearn; sibhse ta 'g ràdh, Cò thig a nuas 'n 'ar n-aghaidh? no cò thig a steach d'ar n-ionada còmhnuidh?

14 Ach smachdaichidh mise sibh a réir toraidh bhur deanadais, deir an Tighearn; agus lasaidh mi teine 'na coilltibh, agus loisgidh e gach ni mu 'n cuairt da.

## CAIB. XXII.

**M**AR so thubhairt an Tighearn: Falbh sìos gu tigh rìgh Iudah, agus an sin labhraidh tu am focal so,

2 Agus their thu, Cluinn focal an Tighearna, O a rìgh Iudah, a ta a'd' shuidhe air rìgh-claithir Dhaibhidh, thu féin, agus d'òglaich, agus do shluagh, a ta dol a steach air na dorsaibh so;

3 Mar so deir an Tighearn; Cuiribh an gnìomh breitheanas agus ceartas, agus saoraibh an duine sàruichte o làimh an fhir-shàruichaidh: agus na deanaibh foill: na deanaibh ain-neart air a' choigreach, air an dilleachdan, no air a' bhantraich, ni mò dhèirteas sibh fuil neo-chiontach anns an àite so.

4 Oir ma ni sibh gun amharus do

rèir an fhocail so, an sin thig a steach air geatachan an tighe so rìghrean, a shuidheas ann an àite Dhaibhidh, air a rìgh-claithir, a' marcachd air carbadaibh agus air eachaibh, gach aon, 'òglaich, agus a shluagh.

5 Ach mur d'thoir sibh éisdeachd do na briathraibh so, orm féin thug mise mionnan, deir an Tighearn, Gu cinnteach nìthear ionad fàs do 'n tigh so.

6 Oir mar so thubhairt an Tighearn do thaobh tighe rìgh Iudah; Tha thu mar Ghilead dhomh-sa, O mhullaich Lebanoin; ach ni mi gu cinnteach fàsach dhiot, bailtean nach bi àitichte.

7 Agus orduichidh mi ann ad aghaidh luchd-millidh, gach aon le 'airmibh; agus gearraidh iad sìos rogha do sheudar, agus tilgidh iad anns an teine iad.

8 Agus gabhaidh mòran chinneach seachad air a' chathair so, agus their iad, gach aon r'a choimhearsnach, C'ar son a rinn an Tighearn mar so ris a' chathair mhòir so?

9 An sin freagraidh iad, A chionn gu'n do thréig iad coimhcheangal an Tighearna an Dia, agus gu'n d'thug iad aoradh do dhéibh coimheach, agus gu'n d'rinn iad seirbhis dhoibh.

10 Na guilbh air son a' mhairbh, ni mò ni sibh caoidh air a shon: guilbh gu goirt air a shon-san a dh'imich air falbh; oir cha phill e ni's mò, agus cha'n fhaic e tuille tìr a dhùchais.

11 Oir mar so deir Iehobhah mu thimchioll Shaluum mhic Iosiah, rìgh Iudah, a ròghaich an àite Iosiah 'athar, a chaidh a mach as an àite so, Cha phill e chuige ni's mò:

12 Ach anns an àite gus an d'thug iad air falbh e ann am braighdeanas, gheibh e bàs; agus an tìr so cha'n fhaic e ni's mò.

13 Is an-aobhinn dha-san a thogas a thigh le h-eucoir, agus 'ard-sheòmarichean le ana-cothrom; a ghabhas saothair a choimhearsnach a nasgaidh, agus air son 'oibre nach d'thoir dha dioladh.

14 A ta 'g ràdh, Togaidh mi dhomh féin tigh mòr, agus seòmarichean farsuing: a' gearradh a mach dha féin mar an ceudna uinneaga, 'ga chòmhdachadh b' fòs le seudar, agus 'ga dhath le corcur.

15 An rìgh thu a chionn gu bheil thu 'gad dhùnadh féin ann an seudar? nach d'ith agus nach d't'athair, agus nach d'rinn e cothrom agus ceartas? An sin shoirbhich leis.

\* anns a' ghleann, carraig a' chòmhnaird.

b chur thairis,



16 Dhìon e cùis a' bhochd agus an fheumannaich; an sin dh'èirich gu maith dha. Nach b'è so eolas a ghabhail orm-sa? deir an Tighearn.

17 Ach cha 'n'eil do shùilean-sa agus do chridhe ach air d'an-mianna féin, agus air fuil nan neo-chiontach, a chum a dortadh, agus air sàruchadh agus foirneart, a chum a dheanamh.

18 Air an aobhar sin, mar so deir an Tighearn mu thimchioll Iehoiacim mhic Iosiah rìgh Iudah, Cha dean iad caoidh air a shion, *ag ràdh*, Och mòbhràthair! no, Och mo phiuthar! Cha dean iad caoidh air a shion, *ag ràdh*, Och a Thighearn! no, Och a ghàir-sa!

19 Le h-adhlacadh asail adhlacair e, air a tharruing air falbh, agus air a thilgeadh an taobh a mach do gheatachian Ierusalem.

20 Imich suas gu Lebanon agus éigh, agus air Basan tog an aird do ghuth, agus glaodh o ra crìochaibh m'un cuairt, oir chlaoidheadh iadsan uile a thug gràdh dhuit.

21 Labhair mi riut ann an àm do shoirbheachaidh, thubhairt thu, Cha'n éisd mi: b'è so do chleachd o t'dige.

22 A chionn nach d'éisd thu ri m' ghuth-sa, ithidh a ghaoth suas an t-ionlan do d'aodhairibh, agus imichidh do luchd-gaoil air falbh ann am braighdeanas; gu cinnteach an sin bidh nàir<sup>a</sup> ort, agus còmhdaichear thu le h-amhladh air son d'uile dhroch dheanadais.

23 O thusa ta 'g àitcachadh Lebanon, a ta deanamh do nid ann an seudaraibh, cia gràsmhor a bhith-eas tu<sup>a</sup> an uair a nì piantan greim ort, goith, amhuil mnà ri saothair!

24 Mar as beo mise, deir an Tighearn, ge b'è Coniah mac Iehoiacim rìgh Iudah, am fàinne air mo làimh dheis, gidheadh as sin dheanuinn do sponadh.

25 Agus bheir mi thu do làimh na muinntir a ta 'g iarruidh d'anama, agus do làimh na muinntir roimh am bheil eagal ort, eadhon do làimh Nebuchadresair rìgh Babiloin, agus do làimh nan Caldéach.

26 Agus tilgidh mi mach thu féin, agus do mhàthair a rug thu, gu dùthaich choimhich, far nach robh sibh air 'ur breith, agus an sin gheibh sibh bàs.

27 Agus gus an talamh d'am bu mhiannach leo pilleadh, gus sin cha phill iad.

28 An dealbh suarrach briste an duine so Coniah? no an soitheach e anns nach 'eil aig aon neach tlachd? c'uim am bheil iad air an tilgeadh a

mach, e féin agus a shliochd, agus air an iomain gu tìr anns nach 'eil iad eòlach.

29 O thalamh! a thalamh! a thalamh! cluinn focal an Tighearna.

30 Mar so deir an Tighearn, Sgrìobhaibhse am fear so gun chlann, duine nach soirbhich na laithibh: oir cha soirbhich duine d' a shliochd, a shuidheas air caithir Dhaibhidh, agus a riaghlas na dhéigh so ann an Iudah.

## CAIB. XXIII.

**I**S an-aoibhinn do na h-aodhairibh a ta sgrios agus a' sgapadh treud mo chluaine-sa, deir an Tighearn.

2 Air an aobhar sin mar so deir an Tighearn Dia Israeil, do thaobh nan aodhairean a ta 'g ionaltradh mo shluaigh-sa, Sgap sibh mo threud, agus dh'fhuadaich sibh air falbh iad, agus cha deachaidh sibh g'an amharc; feuch, thig mise g'ur n-amharsa air son aingidheachd 'ur deanadais, deir an Tighearn.

3 Ach tionaidh mi fuigheall mo threud as gach uile dhùthaich gus an d'fhògair mi iad, agus bheir mi iad air an ais d'am mainrichibh<sup>b</sup> féin, agus fàsaidh iad torrach agus ìonmhor.

4 Agus togaidh mi suas os an cionn aodhairean a dh'ionaltras iad air chor as nach bi eagal orra tuille, ni mò bhios geilt orra, ni mò bhios iad air an smachdachadh<sup>c</sup>, deir an Tighearn.

5 Feuch, tha na laithean a' teachd, deir an Tighearn, anns an tog mise suas do Dhaibhidh Meanglan fireanach, agus rìghaichidh rìgh, agus soirbhichidh leis, agus cuiridh e an gnìomh breitheanas agus ceartas air an talamh.

6 Na laithibh-san tearnar Iudah, agus gabhaidh Israel còmhnuidh ann an tèaruinteachd: agus is e so 'ainn a ghoirear ris, IEHOBAH AR FIR-EANTACHD-NE.

7 Air an aobhar so, feuch, tha na laithean a' teachd, deir an Tighearn, anns nach abair iad ni's mò, Mar is beo an Tighearn a thug a nìos clann Israeil a tìr na h-Eiphit.

8 Ach, Mar is beo an Tighearn, a thug a nìos agus a stiùr sliochd tìghe Israeil as an tìr mu thuath, agus as na dùchannaibh sin uile gus an d'fhuadaich mis' iad: a chum gu'n gabhadh iad còmhnuidh nam fearann féin.

9 Do thaobh nam fàidhean. Tha mo chridhe briste 'n taobh a stigh dhìom, tha mo chnàmh an gu léir air ghluasad; is cosmhuil mi ri fear air mhiag; is ionnan mi 's duine air an

<sup>a</sup> cia goirt a bhithas do chaoidh.

<sup>b</sup> crò.

<sup>c</sup> air ionndruinn.

d'fhuair fìon làmh-an-uachdar, air son an Tighearna, agus air son bhriathran a naomhachd.

10 Oir tha am fearann làn do luchd-adhaltruis : oir air son mhionnan thà 'n tìr a' caoidh : tha ionadan aoibhinn an fhàsaich air tìormachadh suas; tha an siubhal mar an ceudna olc, agus an neart eacorach.

11 Oir tha am fàidh agus an sagart araon ain-diadhaidh, eadhon ann am theach<sup>a</sup> féin fhuair mi an aingidheachd, deir an Tighearn.

12 Uime sin bidh an slighe dhoibh mar ionada sleamhain ann an dorchadas; iomainear iad air an aghaidh, agus tuitidh iad ann: gu cinnteach bheir mise dòrainn orra, bliadhna an smachdachaidh, deir an Tighearn.

13 Amhuil a chunnaic mi ann am fàidhean Shamaria amaideachd; rinn iad fàisneachd ann an ainm Bhaail, agus thug iad air mo shluagh Israel dol air seachran:

14 Mar sin ann am fàidhean Ierusalem chunnaic mi uamharrachd: tha iad a' deanamh adhaltranais, agus ag imeachd ann am breugaibh: tha iad a' neartachadh mar an ceudna làmhnan nan aingidh, air chor as nach 'eil aon neach a' pilladh o 'aingidheachd: tha iad, an t-ìomlan diubh, dhiomh-sa mar Shodom, agus a luchd-àiteachaidh mar Ghomorah.

15 Air an aobhar sin mar so deir an Tighearn nan sluagh mu thimchioll nam fàidhean; Feuch, bheir mise dhoibh searbh-luibhean r'an itheadh, agus uisge domblasda r'a òl: oir o fhàidhean Ierusalem tha ain-diadhachd air dol a mach air feadh na tìre gu h-ìomlan.

16 Mar so deir Tighearn nan sluagh, Na h-éisdibh rì briathraibh nam fàidhean, a ta ri fàisneachd dhuibh; tha iad 'g'ur mealladh le nithibh faoin; tha iad a' labhairt fiosachd an cridhe féin, agus cha 'n ann o bheulan Tighearna;

17 Ag ràdh an comhnuidh ris a' mhuinntir a ta deanamh di-meas air focal an Tighearna, Bidh sìth agaibh; agus am feadh a ta gach aon ag imeachd a réir an-mianna a chridhe féin, tha iad ag ràdh, Cha d'thig olc air bith oirbh.

18 Oir cò sheas ann an comhairle dhiomhair an Tighearna, agus a chunnaic, agus a chual a' chùis? no cò dh' éisd agus a chual a' fhocal?

19 Feuch chaidh cuairt-ghaoth mach o'n Tighearn le boile, eadhon cuairt-ghaoth ro dhian; air ceann nan aingidh tuitidh i gu h-uamhasach.

20 Cha phill corruich an Tigh-earna air a h-ais, gus an cuir e 'n gnìomh, agus gusan coimhlion e rùn a chridhe: anns na laithibh deireannach bheir sibh so fainear le làn aire.

21 Cha do chuir mise na fàidhean so a mach, gidheadh ruith iad: cha do labhair mi riu, gidheadh rinn iad fàisneachd.

22 Ach nam biodh iad air seasamh ann am chomhairle-sa, an sin bheireadh iad air mo shluagh mo bhriathran éisdeachd, an sin bheireadh iad orra pilladh o'n slighe, agus o aingidheachd an deanadais.

23 An Dia dlù do làmh mise, deir an Tighearn? agus nach Dia mi am fad as?

24 Am feud neach air bith e féin fhòlach ann an ionadaibh dìomhair; air chor as nach faic mis e? deir an Tighearn: nach 'eil mise a lìonadh nan nàmhla agus na talmhainn? deir an Tighearn.

25 Chuala mise ciod a thuirt na fàidhean, a ta fàisneachd bhreug ann am ainm-sa, ag ràdh, Chunnaic mi aisling, chunnaic mi aisling.

26 Cia thad a bhios so an cridhe nam fàidhean a ta ri fàisneachd bhreug? seadh fàidhean ceilg an cridhe féin:

27 Aig am bheil rùn a thoirt air mo shluagh-sa m'ainm a leigeil air di-chuimhn, le 'n aislingibh, a ta iad ag innseadh, gach aon d'a choimhearsnach, amhuil a rinn an aithrich-eam m'ainm a leigeil air di-chuimhn, air son Bhaail.

28 Am fàidh aig am bheil aisling, innseadh e 'aisling; ach esan aig am bheil m' fhocal-sa, labhradh e m' fhocal gu dìleas: ciod e am moll do 'n chruineachd<sup>b</sup>? deir an Tighearn.

29 Nach ionann m'fhocal-sa agus teine? deir an Tighearn: agus nach ionann e's ord a bhriseas a' chreag na bloighdibh?

30 Uime sin, feuch, tha mise 'n aghaidh nam fàidhean, deir an Tighearn, a ta goid mo bhriathran-sa, gach aon o' choimhearsnach.

31 Feuch, tha mise 'n aghaidh nam fàidhean, deir an Tighearn, a ta gnàthachadh an teanga féin, agus ag ràdh, Labhair esan e.

32 Feuch, tha mise 'n aghaidh na muinntir a ta fàisneachadh aislingean bréige, deir an Tighearn, agus a ta 'gan innseadh, agus a' toirt air mo shluagh-sa dol air seachran le 'm breugaibh agus le 'm briathraibh faoine; gidheadh cha do chuir mis' a mach iad, ni mò thug mi àithne dhoibh; air an aobhar sin cha dean

<sup>a</sup> thigh.

<sup>b</sup> seach an cruineachd.

iad air aon chor tairbhe do 'n t-sluagh so, deir an Tighearn.

33 Agus an uair a dh'fhèdrùicheas an sluagh so, no fàidh, no sagart, diot, ag ràdh, Ciod e focal cudromach an Tighearna, an sin their thusa riu, Is sibhse an cudrom, agus tilgidh mise dhiom sibh, deir an Tighearn.

34 Agus am fàidh, agus an sagart, agus an sluagh, a their, Focal cudromach an Tighearna, bheir eadhon mise peanas air an duine sin agus air a theaghlach.

35 Mar so their sibh, gach aon r'a choimhearsnach, agus gach aon r'a bhràthair, Ciod a fhreagair an Tighearn? agus, Ciod a labhair an Tighearn?

36 Agus air focal cudromach an Tighearna cha d'fhoir sibh luadh ni 's mò; oir is cudrom do gach aon a bhriathra féin: oir chlaon sibh briathran an Dé bheo, an Tighearna nan sluagh, ar Dé-ne.

37 Mar so their thu ris an fhàidh, Ciod am freagradh a thug an Tighearn dhuit? agus, Ciod a labhair an Tighearn?

38 Ach ma their sibh, Focal cudromach an Tighearna: uime sin, mar so deir an Tighearn, A chionn gu bheil sibh ag ràdh an fhocail so, Focal cudromach an Tighearna, ge do chuir mise fios chugaibh, ag ràdh, Cha 'n abair sibh Focal cudromach an Tighearna;

39 Uime sin, feuch, togaidh mise sibhse mar chudrom, agus tilgidh mi air falbh, araon sibh féin agus a' chathair so, a thug mi dhuibh-se, agus do 'r n-aithrichibh, a mach as mo làthair.

40 Agus bheir mi oirbh masladh siorruidh; agus nàire bhith-bhuan, nach leigear gu bràth air di-chuimhn.

## CAIB. XXIV.

**DH'FHOILLSICH** an Tighearn dhomh, agus feuch, dà chliabh<sup>a</sup> a fhìgean air an cur fa chomhair teampuill an Tighearna, 'n déigh do Nebuchadresar rìgh Bhabiloin, Iecaniah, mac Iehoiacim rìgh Iudah, agus maithean Iudah, agus an luchd-ealainn<sup>b</sup>, agus na h-airm-cheaird, a thoirt air falbh ann am braighdeanas o Ierusalem, agus an toirt leis gu Babilon:

2 Ann an aon chliabh bha fìgean ro mhaith, mar na fìgean a bhios an toiseach abuich: agus anns a' chliabh eile fìgean ro-olc, nach feudta ith-eadh aig an olcas.

3 An sin thuirt an Tighearn rium, Ciod a tha thu faicinn, a Jeremiah? agus thubhairt mise, Fìgean: na

fìgean maithe ro mhaith; agus na droch fhìgean ro olc, air chor as nach feudar an itheadh aig an olcas.

4 An sin thàinig focal an Tigh-earna do m' ionnsuidh, ag ràdh,

5 Mar so deir an Tighearn Dia Israeil, Amhuil nà fìgean maithe so, mar sin gabhaidh mise ris na dh'fhalbh ann am bruid do Iudah, a chuir mi mach as an àite so gu tìr nan Caldéach, a chum an leas.

6 Oir cuiridh mi mo shùilean orra chum maithe, agus bheir mi iad air an ais do 'n tìr so, agus togaidh mi iad, agus cha tilg mi sìos; agus suidhichidh mi iad, agus cha splon mia bun.

7 Agus bheir mi dhoibh cridhe gu m' aithneachadh, gur mi an Tighearn; agus bidh iad dhomh-sa nan sluagh, agus bidh mise dhoibh-san a' m' Dhia; oir pillidh iad do m' ionnsuidh le 'n uile chridhe.

8 Agus amhuil na droch fhìgean, nach feudar itheadh aig an olcas, (mar so gu deimhin deir an Tighearn) mar sin bheir mi thairis Sedeciah rìgh Iudah, agus 'uachdarain, agus am fuigheall do Ierusalem a dh' fhanas anns an tìr so, agus iadsan a ta chòmhnuidh ann am fearann na h-Eiphit;

9 Bheir eadhon mise thairis iad gu bhì air an luasgadh air feadh uile rìoghachdan an domhain, a chum an aimhleis; gu bhì nan cùis-fhanoid, agus nam gnath-fhocal, nam ball-magaidh, agus nam mallachadh, anns na h-uile àite gus am fògair mi iad.

10 Agus cuiridh mi an claidheamh, a' ghort, agus a' phlàigh nam measg, gus an caithear iad bharr an fhearainn, a thug mise dhoibh féin agus do 'n aithrichibh.

## CAIB. XXV.

**A**M focal a thàinig a dh'ionnsuidh Ieremiah mu thimchioll uile shluaigh Iudah, ann an ceathramh bliadhna Iehoiacim, mhic Iosiah, rìgh Iudah; b' i sin ceud bliadhna Nebuchadresar rìgh Bhabiloin:

2 A labhair Ieremiah am fàidh ri uile shluaigh Iudah, agus ri uile luchd-àiteachaidh Ierusalem, ag ràdh,

3 O theas bliadhna deng Iosiah mhic Amoin rìgh Iudah, eadhon gus an là an diùgh, (is i so an treas bliadhna fichead) thàinig focal an Tighearna do m' ionnsuidh-sa, agus labhair mi riubh-sa, ag éirigh gu moch agus a' labhairt, ach cha d'éisd sibh.

4 Agus chuir an Tighearn do 'r n-ionnsuidh 'uile sheirbhisich na fàidhean, ag éirigh gu moch agus 'gan cur a mach; ach cha d'éisd

<sup>a</sup> bhascaid.<sup>b</sup> no saoir.

sibhse, agus ni mò dh'aom sibn 'ur cluas gu éisdeachd.

5 Thuirt iadsan, Pillibh air 'ur n-ais a nis, gach aon o 'dhroch shlighe, agus o olcas a dheanadais, agus gabhaidh còmhnuidh anns an fhearann a thug an Tighearn dhuibh, agus do 'r n-aithrichibh o linn gu linn.

6 Agus na rachaibh an déigh dhée coimheach, gu seirbhis a dheanamh dhoibh, agus gu aoradh a thoirt doibh, agus na brosnuichibh mise gu cornich le obair 'ur làmh; agus cha dean mi olc oirbh.

7 Gidheadh cha d' éisd sibh riumsa, deir an Tighearn; a chum gu'm brosnuicheadh sibh mi gu corruich le obair 'ur làmh, a chum 'ur n-aimhleis féin.

8 Uime sin mar so deir an Tighearn nan sluagh, A chionn nach d' éisd sibh ri mo bhriathraibh-se.

9 Feuch, cuiridh mi fios, agus bheir mi leam h-uile mhuinntir na h-àirde tuath, deir an Tighearn, agus Nebuchadresar rìgh Bhabiloin m' òglach, agus bheir mi iad an aghaidh na tìre so, agus an aghaidh a luchd-àiteachaidh, agus an aghaidh nan cinneach so uile mu 'n cuairt, agus sgriosaidh mi gu tur iad, agus ni mi iad nan uamhas, agus nan sgeig, agus nam fàsach gu bràth.

10 Os-barr bheir mi natha guth a' ghairdeachais agus guth an aobhneis, guth an fhir nuadh-phòsda, 's guth na mnà nuadh-phòsda, fuaim nan clacha-muilinn, agus solus na coinne.

11 Agus bidh am fearann so uile na fhàsach, agus na uamhas; agus ni na cinnich so seirbhis do rìgh Bhabiloin deich agus tri fichead bliadhna.

12 Agus tarlaidh, 'nuair a choimhionar deich agus tri fichead bliadhna, gu'n smachdaich mise rìgh Bhabiloin, agus an cinneach sin, deir an Tighearn, air son an aingidheachd, agus fearan nan Caldéach, agus ni mi e na fhàsach gu bràth.

13 Agus bheir mi air an fhearann sin m' uile bhriathran a labhair mi na aghaidh, gach ni thia sgrìobhta 'san leabhar so, a rinn Ieremiah fhàisneachd an aghaidh nan uile chinneach.

14 Oir ni mòran chinneach, agus rìghrean mòra, seirbhis a ghabhail dhiubh-san mar an ceudna: agus dìolaidh mise riu do réir an gnìomhara, agus do réir oibre an làimha féin.

15 Oir mar so deir an Tighearn Dia Israeil rium, Gabh cuach fhìona na fraoich feirge so as mo làimh-sa, agus thoir r'a h-òl i do na h-uile chinnich gu an cuir mise thu;

16 Agus òlaidh iad, agus bidh iad air bhall-chrith, agus air chuthach, leis a' chlàidheamh a chuireas mise nam measg.

17 An sin ghlac mi a' chnuch a làimh an Tighearna, agus thug mi r'a h-òl i do na h-uile chinneach gu an do chuir an Tighearn mi;

18 Do Ierusalem, agus do bhailtibh Iudah, agus d' a rìghribh, agus d' a h-uachdaranaibh, a chum an deanamh nan nochdlaraich, nan uamhas, nan sgeig, agus nam mallachadh, mar airan là 'n diugh:

19 Do Pharaoh rìgh na h-Eiphit, agus d' a òglachaibh, agus d' a uachdaranaibh, agus d' a uile shluagh,

20 Agus do gach uile shluagh eile ta measg a' chéile, agus do uile rìghribh fearainn Uis, agus do uile rìghribh fearainn nam Philisteach, agus do Ascelon, agus do Ghasali, agus do Ecron, agus do fhuigheall Asdoid.

21 Do Edom, agus do Mhoab, agus do chloinn Amoin;

22 Agus do uile rìghribh Thiruis, agus do uile rìghribh Shidoin, agus do rìghribh nan crìochan a ta 'n taobh thall do 'n fhairge;

23 Do Dhedan, agus do Thema, agus do Bhus, agus do na h-uile ta anns na cearnaibh iomallach;

24 Agus do uile rìghribh Arabia, agus do uile rìghribh an t-sluaigh mheasgta ta còmhnuidh anns an fhàsach;

25 Agus do uile rìghribh Shimri, agus do uile rìghribh Elaim, agus do uile rìghribh Mhedia.

26 Agus do uile rìghribh na h-àirde tuath, am fad 's am fagus, gach aon le chéile, agus do uile rìoghachdaibh an domhain, a ta air aghaidh na talmhainn: agus òlaidh rìgh Shesaich nan déigh so.

27 Agus their thu riu, Mar so deir an Tighearn Dia nan sluagh, Dia Israeil, Olaibh, agus bithibh air mhisg, agus sgeithibh, agus tuitibh, agus na h-éiribh ni 's mò, roimh 'n chlàidheamh a chuireas mise 'n ur measg.

28 Agus tarlaidh, ma dhiùltas iad a' chuach a ghabhail as do làimh, gu òl, an sin gu 'u abair thu riu, Mar so deir an Tighearn nan sluagh, Olaidh sibh gu deimhin.

29 Oir feuch, air a' chathair a ta air a h-ainmeachadh air m' ainm, oirre sin tha mise tionsgnadh air olc a thabhairt, agus am feud sibhse dol as gu glan-shìor o pheanas? cha d' théid sibh as: oir gairmidh mise claidheamh air uile luchd-àiteachaidh na talmhainn, deir an Tighearn nan sluagh.

30 Air an aobhar sin labhair thusa nan aghaidh na briathran fàisneachd so air fad, agus abair riu, Beucaidh



an Tighearn o' ionad ard, agus o ionad còmhnuidh na naomhachd cuiridh e mach a ghuth; beucaidh e gu cumhachdach an aghaidh ionaid a thàimh; togaidh e iolach, mar [iolaich] luchd-bruthaidh nam fiondeare, an aghaidh uile luchd-àiteachaidh na talmhainn.

31 Thig toirm gu iomallaibh na talmhainn, a chionn gu bheil coistri aig Dia ris na cinnich; tagraidh e ris na h-uile feoil, bheir e 'n dream a ta olc do'n chlaidheamh, deir an Tighearn.

32 Mar so deir Tighearn nan sluagh, Feuch, théid olc a mach o chinneach gu cinneach, agus dùisgear suas ioma-ghaoth mhòr o chrìochaibh na talmhainn.

33 Agus bidh iadsan a mharbhar leis an Tighearn 'san là sin, o aon iomall na talmhainn eadhon gu iomall eile na talmhainn; cha chaidhear iad, ni mò chruinnichear iad, ni mò dh'adhlaicear iad; nan aolach air aghaidh na talmhainn bithidh iad.

34 Togaibh gaoir bhròin, a bhuachaille, agus èighibh, agus aornagan-aibh sibh féin [ann an luathre] sibhs' a's urramaiche do'n treud, a chionn gu bheil laithean bhur marbhaidh agus bhur sgapaidh air an coimhlionadh; agus tuitidh sibh mar shoitheach luachmhor.

35 Agus cha bhi seòl-teichidh aig na buachaillibh, no dol as aig maith-ean an treud.

36 Guth caoidh nam buachaill-ean, agus nuallan mhaith-ean an treud: oir mhill an Tighearn an cluain-ionaltraidh.

37 Mhilleadh fòs ionada-còmhnuidh na sìth<sup>a</sup> le dian-chorruich an Tighearna.

38 Thréig e, mar leòmhann, a gharradh; oir rinneadh an cuid fearann fàs, trid corruich a' mhillteir, agus trid dian-theas<sup>a</sup> fheirge.

## CAIB. XXVI.

**A**NN an toiseach linn Iehoiacim, mhic Iosiah, rìgh Iudah, thàinig am focal so o'n Tighearn, ag ràdh,

2 Mar so deir an Tighearn, Seas ann an cùirt tighe an Tighearna, agus labhair ri uile bhailtibh Iudah, a ta teachd a dheanamh aoraidh ann an tigh an Tighearna, na h-uile bhriathran a dh'àithneas mise dhuith a labhair riu; na lughaich focal;

3 A dh'fheuchainn an éisd iad, agus am pill iad, gach aon o 'dhroch shlighe, chum as gu'n gabh mise aithreachas do'n olc a th' ann am rùn a thoirt orra air son aingidheachd an gnìomhara.

<sup>a</sup> na h-ionada-còmhnuidh suaimhneach.

4 Agus their thu riu, Mar so deir an Tighearn, Mur éisd sibh rium-sa, gu sìubhal ann am reachd, a chuir mi fa 'r comhair,

5 Gu éisdeachd a thoirt do bhriathraibh mo sheirbhiseach na fàidhean, a chuir mi chugaibh, araon ag éirigh gu moch agus 'g an cur a mach, (ge nach d'éisd sibhise)

6 An sin ni nìs<sup>a</sup> an tigh so cosmhuil ri Siloh, agus ni mi a' chathair so na mallachadh do uile chinneach-aibh na talmhainn.

7 Agus chuala na sagairt, agus na fàidhean, agus an sluagh uile, Ieremiah a' labhairt nam briathra so ann an tigh an Tighearna.

8 A nis tharladh, air do Jeremiah sgur do labhairt nan uile nithe a dh'àithn an Tighearn dha a labhairt ris an t-sluagh uile, gu'n do ghlac na sagairt, agus na fàidhean, agus an sluagh uile e, ag ràdh, Cuirear gu deimhin gu bàs thu.

9 C'ar son a rinn thu faisneachd ann an ainm an Tighearna, ag ràdh, Bithidh an tigh so cosmhuil ri Siloh, agus cuirear a' chathair so fas gun aon 'ga h-àiteachadh? Agus chruinnicheadh an sluagh air fad an aghaidh Jeremiah, ann an tigh an Tighearna.

10 Nuair a chuala maithean Iudah na nithe so, an sin thàinig iad a nìos o thigh an rìgh, gu tigh an Tighearna, agus shuidh iad ann an dol a steach a' gheataidh nuaidh aig tigh an Tighearna.

11 An sin labhair na sagairt, agus na fàidhean ris na maithibh, agus ris an t-sluagh gu léir, ag ràdh, Is airidh air bàs an duine so, oir rinn e faisneachd an aghaidh na cathrach so, mar a chuala sibh le'r clusaibh.

12 An sin labhair Jeremiah ris na maithibh uile, agus ris an t-sluagh gu h-iomlan, ag ràdh, Chuir an Tighearn mise gu labhrainn ann am faisneachd an aghaidh an tighe so, agus an aghaidh na cathrach so na h-uile bhriathra sin a chuala sibh.

13 Uime sin a nis leasuichibh 'ur slighe agus 'ur deanadas, agus thugaibh géill do ghuth an Tighearna bhur Dé; agus gabhaidh an Tighearn aithreachas do'n olc a labhair e 'n'ur n-aghaidh.

14 Air mo shon-sa, feuch, tha mi 'n'ur làimh; deanaibh rium mar a chithear maith agus ceart duibh.

15 Ach biodh gu cinnteach fios agaibh, ma chuireas sibh gu bàs mise, gu'n tarraing sibh fuil neochiontach oirbh féin, agus air a' chathair so, agus air a luchd-àiteachaidh: oir gu fìrinneach chuir an Tighearn mise chugaibh, gus na briathran so uile a labhairt 'n'ur clusaibh.

16 An sin thuirt na maithean, agus an sluagh uile ris na sagartaibh, agus ris na fàidhibh, Cha'n airidh an duine so air bàs, oir ann an ainm an Tighearna ar Dé labhair e ruinn.

17 An sin sheas cuid do sheanairibh na tire suas, agus labhair iad ri uile choimhthional an t-sluaigh, ag ràdh,

18 Rinn Micah am Morastach fàisneachd, ann an laithibh Heciah rìgh Iudah, agus labhair e ri uile shluagh Iudah, ag ràdh, Mar so deir Tighearn nan sluagh, Bidh Sion mar mhachair air a treabhadh, agus bidh Ierusalem na carnaibh, agus sliabh an tighe mar ionadaibh arda na fridhe.

19 An d'thug Heciah rìgh Iudah, agus Iudah uile thairis gu bàs e? nach robh eagal an Tighearna air, agus nach d'iarr e an Tighearn, agus ghabh an Tighearn aithreachas do'n olc a labhair e nan aghaidh? Ach sinne, tha sinn a' deanamh aimhleis mhòir an aghaidh ar n-anama féin.

20 Agus bha fòs duine ann a rinn fàisneachd ann an ainm an Tighearna, Uriah mac Shemariah, o Chireat-learim, a rinn fàisneachd an aghaidh na cathrach so, agus an aghaidh na tìre so, do réir uile bhriathran Ieremiah.

21 Agus an uair a chuala Iehoiacim an rìgh, agus a dhaoine cumhachdach uile, agus na maithean uile, a bhriathran, dh'iarr an rìgh a chur gu bàs; agus chuala Uriah sin, agus bha eagal air, agus theich e, agus dh'imich e do'n Eiphit.

22 Agus chuir an rìgh Iehoiacim daoine Eiphiteach, Elnatan mac Achboir, agus iadsan a bha leis, do'n Eiphit;

23 Agus thug iad Uriah a mach as an Eiphit, agus thug iad e chum an rìgh Iehoiacim, a mharbh e leis a' chlaidheamh, agus a thilg a chorp ann an uaignean nan daoine coitichionn.

24 Gidheadh bha làmh Ahicaim mhic Shaphain le Ieremiah, chum nach biodh e air a thoirt thairis do làimh an t-sluaigh, gu 'chur gu bàs.

CAIB. XXVII.

**A**NN an toiseach linn Iehoiacim, mhic Iosiah rìgh Iudah, thàinig am focal so gu Ieremiah o'n Tighearn, ag ràdh,

2 Mar so deir an Tighearn rium, Dean dhuit féin boinn agus cuingean, agus cuir iad air do mhuineal,

3 Agus cuir iad gu rìgh Edoim, agus gu rìgh Mhoab, agus gu rìgh Thuiris, agus gu rìgh Shidoin, le làimh nan teachdairean a ta a' teachd gu Ierusalem, a chum Shedeciah rìgh Iudah:

4 Agus àithn doibh a ràdh ri'n

tighearnaibh, Mar so deir Tighearn nan sluagh, Dia Israeil, Mar so their sibh ri'r tighearnaibh;

5 Rinn mise an talamh; an duine 's an t-ainmhidh a ta air aghaidh na talmhainn, le m' mhòr-chumhachd, agus le m' ghairdean sìnte mach; agus cò air bith do'm facas iomchuidh leam a tìsabbhairt, dha-san thug mi e.

6 Agus a nis thug mi na dùchanna so uile do làimh Nebuchadresar rìgh Bhabiloin, m'òglaich; agus beathaichean na machrach fòs thug mi dha, gu frithealadh dha.

7 Agus bheir na h-uile chinnich géill dha-san, agus d'a mhac, agus do mhac a mhic, gus an d'thig àm a dhùcha féin: an sin bheir iomadh cinneach, agus rìghrean mòra aairsan gu'n d'thoir e géill doibh.

8 Agus tarlaidh, an cinneach no an rioghachd nach d'thoir géill do Nebuchadresar so rìgh Bhabiloin, agus nach cuir am muineal fo chuing rìgh Bhabiloin; le claidheamh, agus le gort, agus le plàigh, smachdaichidh mis' an cinneach sin, deir an Tighearn, gus an sgrios mi iad gu tur le 'làimh-san.

9 Uime sin na h-éisdibh-se ri'r fàidhean, no ri'r fosaichean, no ri'r brudaraichean, no ri'r speuradairean, no ri'r druidhean, a ta labhairt ruibh, ag ràdh, Cha d'thoir sibh géill do rìgh Bhabiloin:

10 Oir tha iad a' fàisneachd bréige dhuibh, a chum 'ur n-atharrachadh fad o'r fearann féin, agus a chum gu fògrainn-sa mach sibh, agus gu'n rachadh sibh am mugha.

11 Ach an cinneach sin a chuireas an amlach fo chuing rìgh Bhabiloin, agus a bheir dha ùmhachd, leigidh mise dhoibh sin fuireach nam fearann féin, agus treabhaidh iad e, agus gabhaidh iad còmhnuidh ann.

12 Agus labhair mise ri Sedeciah rìgh Iudah, do réir nam briathran so air fad, ag ràdh, Cuiribh 'ur n-amhacha fa chuing rìgh Bhabiloin, agus thugaibh dha ùmhachd, dha féin, agus d'a shluagh, agus mairibh beo.

13 C'ar son a bhàsaicheas sibh, thu féin agus do shluagh, leis a' chlaidheamh, leis a' ghort, agus leis a' phlàigh, mar a labhair Dia 'n aghaidh a' chinnich nach d'thoir géill do rìgh Bhabiloin?

14 Uime sin na h-éisdibh ri briathraibh nam fàidhean a ta labhairt ruibh, ag ràdh, Cha d'thoir sibh ùmhachd do rìgh Bhabiloin: oir tha iad a' fàisneachd bréige dhuibh.

15 Oir cha do chuir mis' a mach iad, deir an Tighearn, gidheadh tha iad a' fàisneachd bhréig ann am ainm, a chum gu fògrainn sibh-se mach, agus gu rachadh sibh am

mugha; sìbh féin agus na fàidhean a ta ri fàisneachd dhuibh.

16 Labhair mi cuideachd ris na sàgartaibh, agus ris an t-sluagh so uile, ag ràdh, Mar so deir an Tighearn, Na h-éisdibh ri hriathraibh, 'ur fàidhean a ta ri fàisneachd dhuibh, ag ràdh, Feuch, bheirear soithichean tighe an Tighearna air an ais o Bhabilon a nis gu h-aithghearr; oir tha iad a' fàisneachd bhréig dhuibh.

17 Na h-éisdibh riu; géillibh do rìgh Bhabilon agus mairibh beò; c'ar son a bhitheadh a' chathair so air a deanamh na fàisneachd?

18 Ach ma 's fàidhean iad, agus ma ta focal an Tighearna maille riu, deanadh iad a nis eadar-ghuidhe ri Tighearn nan sluagh, a chum nach rachadh na soithichean a ta air am fàgail ann an tigh an Tighearna, agus ann an tigh rìgh Iudah, agus ann an Ierusalem, gu Babilon.

19 Oir mar so deir Tighearn nan sluagh, mu thimchioll nam prop, agus mu thimchioll na fairge, agus mu thimchioll nam bonn, agus mu thimchioll na cuid eile do na soithicheibh, a dh'fhan anns a' chathair-sa;

20 Nach d'thug Nebuchadnesar rìgh Bhabilon leis, an uair a thug e air falbh ann am braighdeanas Ieconiah mac Iehoiacim rìgh Iudah, o Ierusalem gu Babilon, agus uile uaislean Iudah agus Ierusalem;

21 Seadh, mar so deir Tighearn nan sluagh, Dia Israeil, mu thimchioll nan soithichean a dh'fhan ann an tigh an Tighearna, agus ann an tigh rìgh Iudah, agus ann an Ierusalem;

22 Gu Babilon bheirear air falbh iad, agus an sin bithidh iad gus an là anns au d'théid mise d'an amharc, deir an Tighearn: an sin bheir mis' a nìos iad, agus aisigidh mi iad a ris do'n àite so.

### CAIB. XXVIII.

**A**GUS tharladh anns a' bhliadhna sin féin, an toiseach linn Shedeciah rìgh Iudah, anns a' cheathramh bliadhna, anns a' chùigeachd mìos, gu'n do labhair Hananiah mac Asuir, am fàidh a bha o Ghibeon, rium-sa ann an tigh an Tighearna, an làthair nan sagart, agus an t-sluaigh uile, ag ràdh,

2 Mar so labhair Tighearn nan sluagh, Dia Israeil, ag ràdh, Bhris mise cuing rìgh Bhabilon.

3 An ceann dà bhliadhna iomlain bheir mis' air an ais a chum an àite so uile shoithichean tighe an Tighearna, a thug Nebuchadnesar rìgh Bhabilon air falbh o'n àite so, agus a ghiùlain e gu Babilon.

4 Agus bheir mi chum an àite so a ris Ieconiah mac Iehoiacim rìgh

Iudah, maille ri uile bhraighdibh Iudah, a dh'imich gu Babilon, deir an Tighearn; oir brisidh mise cuing tigh Bhabilon.

5 Agus thuirt am fàidh Ieremiah ris an fhàidh Hananiah, ann an làthair nan sagart, agus ann an làthair an uile shluaigh a bha nan seasamh ann an tigh an Tighearna,

6 Thubhairt eadhon am fàidh Ieremiah, Amen: gu'n deanadh an Tighearn mar sin; gu'n coimhlionadh an Tighearn do bhriathran a rinn thu fhàisneachd, le soithichean tighe an Tighearna, agus gach nì eile a thugadh air falbh ann am bruid, a thoirt air an ais o Bhabilon a chum an àite so.

7 Gidheadh cluinn thus' a nis am focal so ta mis' a' labhairt ann ad éisdeachd, agus ann an éisdeachd an t-sluaigh uile.

8 Na fàidhean a bha romham-sa agus romhad-sa o shean, rinn iad fàisneachd araon do thaobh mhòran dhùchannan, agus do thaobh rioghachdan mòra, air cogadh, agus air gort, agus air plàigh.

9 Am fàidh a nì fàisneachd mu shìth, 'nuair a thig focal an fhàidh gu crìch, aithnichear gur e an Tighearn gu deimhin a chuir am fàidh sin a mach.

10 An sin thug am fàidh Hananiah a' chuing bharr amhaich an fhàidh Ieremiah, agus bhris e i.

11 Agus labhair Hananiah ann an làthair an t-sluaigh uile, ag ràdh, Mar so deir an Tighearn, Amhuil so brisidh mise cuing Nebuchadnesar rìgh Bhabilon o mhuineal nan uile chinneach an taobh a stigh do dhà bhliadhna iomlan. Agus dh'fhalbh am fàidh Ieremiah roimhe.

12 Agus thàinig focal an Tighearna gu Ieremiah (an déigh do'n fhàidh Hananiah a' chuing a bhris eadh harr muineil an fhàidh Ieremiah) ag ràdh,

13 Imich agus labhair ri Hananiah, ag ràdh, Mar so deir an Tighearn, Na cuibhrichean sìodha bhris thu, ach nì thu nan àite cuibhrichean iaruin.

14 Oir mar so deir Tighearn nan sluagh, Dia Israeil, Cuing iaruin chuir mise air muineal nan cinneach so uile, a chum gu'n d'thugadh iad géill do Nebuchadnesar rìgh Bhabilon; agus bheir iad géill da; agus beathaichean na machrach thug mi dha mar an céudna.

15 An sin thuirt am fàidh Ieremiah ris an fhàidh Hananiah, Eisd a nis a Hananiah; Cha do chuir an Tighearn fios leat-sa, ach tha thu toirt air an t-sluaigh so earbs' a dheanamh a bréig.

16 Uime sin mar so deir an Tighearn

earn, Feuch, tilgidh mise thu bharr aghaidh na talmhainn; air a' bhliadhna so gheibh thu bàs, a chionn gu'n do labhair thu ceann-airc an aghaidh an Tighearna.

17 Mar sin fhuair am fàidh Hananiah bàs air a' bhliadhna sin féin anns an t-seachdamh mìos.

CAIB. XXIX.

**A**NIS is iad so briathran na litreach a chuir am fàidh Jeremiah o Ierusalem gus a' chuid eile do na seanairibh a thugadh air falbh ann am braighdeanas, agus gus na sagartan, agus gus na fàidhean, agus gus an uile shluagh a thug Nebuchadnesar air falbh ann am braighdeanas o Ierusalem gu Babilon;

2 (An dèigh do Ieconiah an rìgh, agus a' bhan-rìghinn, agus na caillteanaich, agus maithcan Iudah agus Ierusalem, agus an luchd-ealainn, agus na h-àirm-cheaird, imeachd air falbh o Ierusalem;)

3 Le làimh Elasah mhic Shaphain agus Ghemariah mhic Hilciah, (a chuir Sedeciah rìgh Iudah do Babilon, gu Nebuchadnesar rìgh Babiloin,) ag ràdh,

4 Mar so deir Tighearn nan sluagh, Dia Israeil, ris na h-uile a ta air an toirt air falbh ann am braighdeanas, a chuir mis' air falbh ann am braighdeanas, o Ierusalem gu Babilon,

5 Togaidh tighean, agus gabhaibh còmhnuidh; agus suidhichibh liosan, agus ithibh an toradh.

6 Gabhaibh mnathan, agus ginibh mic agus nigheanan; agus gabhaibh mnathan d'ur macaibh, agus thugaibh 'ur nigheanan do fhearaidh, a chum as gu'm beir iad mic agus nigheanan; a chum as gu meudaichear sibh anns an àite sin, agus nach lughaichear sibh.

7 Agus iarruibh sìth na dùcha gus an do chuir mis' air falbh sibh ann am braighdeanas: agus guidhibh air a son ris an Tighearn: oir na sìth-sa bitheadh sìth agaibh-sa.

8 Oir mar so deir Tighearn nan sluagh, Dia Israeil, Na meallar sibh leis na fàidhean a ta 'n 'ur measg, agus le 'r luchd-fiosachd; ni mò dh' éisdeas sibh ri 'r brùadair a ta sibh a toirt faineair a bhrùadar.

9 Oir tha iad a' fàisneachd bhreug dhuibh ann am ainm-sa; cha do chuir mis' a mach iad, deir an Tighearn.

10 Oir mar so deir an Tighearn, An uair a choimhlionar ann am Babilon deich agus trì fichead bliadhna, thig mise gu 'r n-amhare, agus coimhl-ionaidh mi dhuibh m'fhocal maith, a chum 'ur toirt air 'ur n-ais do 'n àite so.

11 Oir is aithne dhomh na smuain-

tean a smuainich mi do 'r taobh, deir an Tighearn, smuaintean sìth, agus cha 'n e aimhleas, a thoirt dhuibh slìochd agus dòchais.

12 An sin gairmidh sibh orm, agus thèid sibh agus ni sibh urnaigh rium, agus éisdidh mise ruibh.

13 Agus iarruidh sibh mi, agus gheibh sibh mi, an uair a rannsuicheas sibh air mo shon le 'r n-uile cluridhe.

14 Agus bidh mise air m'fhaotuinn leibh, deir an Tighearn, agus pillidh mi air a h-ais 'ur bruid, agus cruinnichidh mi sibh o na h-uile chinnich, is o na h-uile àite gus an d'fhògair mi sibh, deir an Tighearn, agus bheir mi sibh a ris a chum an àite o'n do chuir mi air falbh sibh ann am braighdeanas.

15 A chionn gu'n dubhairt sibh, Thog an Tighearn suas duinn fàidhean ann am Babilon:

16 Mar so deir an Tighearn ris an rìgh a ta na shuidhe air caithir Dhaibhidh, agus ris an uile shluagh a ta còmhluaidh anns a' bhaile so, agus ri 'r bràthribh nach deachaidh a mach leibh ann am braighdeanas;

17 Mar so deir Tighearn nan sluagh, Feuch, cuiridh mis orra an claidheamh, a' ghort, agus a' phlàigh, agus ni mi iad mar dhroch fhigean, nach feudar itheadh aig an olcas.

18 Agus dian-ruaigidh mi iad leis a' chladheamh, leis a' ghort, agus leis a' phlàigh; agus bheir mi thairis iad gu bhli air an luasgadh air feadh uile rioghachdan an domhain, gu bhli nam mallachadh, agus nan uamhas, agus nan sgeig, agus nam maslachd, ann am measg nan uile chinneach gus am fògair mi iad:

19 A chionn nach d'éisd iad ri m' bhrìathraibh-sa, deir an Tighearn, 'Nuair a chuir mi do 'n ionnsuidh m' òglacha na fàidhean, ag éirigh gu moch, agus 'gan cur a mach, ach cha 'n éisdeadh sibhse, deir an Tighearn.

20 Cluinnibh uime sin, focal Iehobhah, sibhse uile ta do 'n bhruid, a chuir mise o Ierusalem gu Babilon:

21 Mar so deir Tighearn nan sluagh, Dia Israeil, do thaobh Alaiab mhic Cholaiah, agus Shedeciah mhic Mhaaseiah, a ta fàisneachd bhréig dhuibh ann am ainm-sa, Feuch, bheir mise thairis iad do làimh Nebuchadnesar rìgh Babiloin, agus marbhaidh esan iad fa chomhair 'ur sùl;

22 Agus uatha-san togar suas mallachadh le uile bhràighdibh Iudah a th' ann am Babilon, ag ràdh, Gu n deanadh an Tighearn thu cos-



mhuil ri Sedeciah, agus cosmhuil ri Ahab, a ròst rìgh Bhabiloin anns an teine.

23 Do bhrìgh gu'n do chuir iad an gu'n omhaingidheachd ann an Israel, agus gu'n d' rinn iad adhaltrus le mnaibh an coimhearsnach, agus gu'n do labhair iad briathran breugach ann am ainm-sa, nach d' àithn mise dhoibh, air am bheil eadhon mise fiosrach agus a' m' fhianuis, deir an Tighearn.

24 Labhraidh tu fòs ri Semaiah an Nehelamach, ag ràdh,

25 Mar so labhair Tighearn nan sluagh, Dia Israeil, ag ràdh, A chionn gu'n do chuir thu litrichean ann ad ainm a chum an uile shluaigh a th' ann an Ierusalem, agus a chum Shephaniah mhic Mhaaseiah an sagart, agus a chum nan sagart air fad, ag ràdh,

26 Rinn an Tighearn dhìot-sa sagart ann an àite-lehoiada an t-sagairt, a chum gu'm biodh luchd-riaghailt ann an tigh an Tighearna, air son gach duine fa air chuthach, agus a' deanamh dheth féin fàidh, a chur anns an tigh-smachdachaidh, agus ann an sàs.

27 Uime sin a nis, c' uime nach do chronuich thu Ieremiah o Anatot, a tha 'ga dheanamh féin na fàidh dhuibh?

28 Oir chuir e gun amharus fios chugainne ta ann am Babilon, ag ràdh, Tha bhruid so buan, togaibh tighean, agus gabhaibh còmhnuidh, agus suidhichibh liosan, agus ithibh an toradh.

29 [Agus leugh Sephaniah an sagart an litir so ann an clusaibh Ieremiah an fhàidh.]

30 Uime siu thàinig focal an Tighearna gu Ieremiah, ag ràdh,

31 Cuir fios gu muinntir na bruid air fad, ag ràdh, Mar so labhair an Tighearn do thaobh Shemaiah an Nehelamaich; A chionn gu'n d' rinn Semaiah fàisneachd dhuibh an uair nach do chuir mise mach e, agus gu'n d' thug e oirbh earbs' a dheanamh a bréig:

32 Air an aobhar sin, mar so deir an Tighearn, Feuch, smachdaichidh mise Semaiah an Nehelamach agus a shliochd: cha bhi aige duine ghabhas còmhnuidh am measg an t-sluaigh so, ni mò chi e am maith a ni mise air son mo phobuill, deir an Tighearn, a chionn gu'n do labhair e ceannairc an aghaidh an Tighearna.

C A I B. XXX.

A M focal a thàinig a chum Ieremiah o 'n Tighearn, ag ràdh,

2 Mar so labhair an Tighearn, Dia Israeil, ag ràdh, Sgrìobh dhuit féin na h-uile bhriathran a labhair mise riut, ann an leabhar,

3 Oir feuch, tha na laithean a' teachd, deir an Tighearn, anns an d'thoir mise air a h-ais bruid mo shluaigh, Israeil agus Iudah, deir an Tighearn, agus bheir mi orra pilltinn a chum an fhearainn a thug mi do 'n aithrichibh, agus sealbhaichidh iad e.

4 Agus so na briathran a labhair an Tighearn, mu thimchioll Israeil, agus mu thimchioll Iudah.

5 Oir mar so deir an Tighearn, Guth criothnachaidh chuala sinn; eagal, agus cha 'n e sìth.

6 Fèdrùichibh a nis, agus feuchaibh am beir firionnach leanabh? c'uim' am faic mi gach duine 's a làmhlan air a leasraibh, mar mhnaoi ri saothair, agus tha na h-uile aghaidh air fàs bàn?

7 Mo thruaighe! oir is mòr an là sin, agus cha 'n eil a choimeas ann: agus is aimsir teanntachd a i do Iacob; ach tearnar aisd' e.

8 Oir tarlaidh anns an là sin, deir Tighearn nan sluagh, gu'm bris mise a chuing bharr a mhuineil, agus a chuibhrichean sgaoilidh mi as a' chéile; agus cha ghabh coigrich ni 's mò seirbhis deth.

9 Ach bheir iad seirbhis do 'n Tighearn an Dia, agus do Dhaibhidh an rìgh, a thògas mise suas doibh.

10 Uime sin na biodh eagal ort, O Iacob, m' òglaich-sa, deir an Tighearn, agus na biodh geilt ort, O Israeil: oir fench, bheir mise tèaruint thu o chéin, agus do shliochd o thìr an daorsa; agus pillidh Iacob, agus gheibh e fois agus sìth, agus cha bhi aon neach a' cur eagal air.

11 Oir tha mise maille riut, deir an Tighearn, chum do thearnadh: ged' bheir mi crìoch iomlan air na h-uile chinnich gus an d' fhògair mi thu, gidheadh cha d'thoir mi crìoch iomlan ortsa: ach smachdaichidh mi thu ann an tomhas, agus cha leig mi as thu gu h-iomlan o pheanas.

12 Oir mar so deir Tighearn, Is do-leigheas do bhruthadh is cràiteach do chreuchd.

13 Cha 'n 'eil neach ann a ni tagradh air da shon, a chum gu'm biodh tu air do cheangal suas: iocshlaint chum leigheis cha 'n eil agad.

14 Rinn do leanuana gu léir do dhearmad: cha 'n 'eil iad 'g a d' iarruidh, oir rinn mise do lot le lot nàmhaid, le smachdachadh garg; a chionn gu'n robh do chionta mòr; do lochdan lionmhor.

15 C'uim an glaoth thu air son d' amhghar? cha ghabh do bhròn leigheas; a chionn gu'n robh do

\* carraid, triobloid.

thionta mòr, do lochdan ònmhor,  
rinn mise nan nithe so ort.

16 Uime sin bidh iadsan uile ta ga  
d' shluagadh, air an slugadh, agus  
thèid do nàimhdean uile, gach aon  
diùbh ann am braighdeanas: bithidh  
iadsan a ta ga d' chreachadh nan  
creich, agus na h-uile ta deanamh  
cobhartaich dhìot, bheir mise gu bhì  
nan cobhartach.

17 Oir aisgidh mi slàinte dhuit,  
agus leighisidh mi do chreachdan  
deir an Tighearn; ge do thuirt iad  
riut Dìobarach, Sion, is do nach 'eil  
aig aon neach suim.

18 Mar so deir an Tighearn, Feuch,  
bheir mis' air a h-ais bruid phàillion  
Iacoib, agus air 'ionada-còmhnuidh  
ni mi iochd, agus togar a' chathair  
air a torr féin, agus bidh an lùchairt  
a rèir a nòis a féin air a daingneach-  
adh.

19 Agus a mach asda thig buidh-  
eachas, agus guth na muinntir a ni  
gairdeachas: agus ni mise ònmhor  
iad, agus cha bhì iad tearc; ni mi  
fòs glòirmhor iad, agus cha bhì iad  
suarach.

20 Bidh a chlann fòs mar roimhe  
so, agus bidh a choimhthional air a  
dhaingneachadh ann am làthair-sa,  
agus ni mi peanas air gach neach a  
shàruicheas e.

21 Agus thig 'Uachdaran uaith  
féin, agus thig 'fhear-riaghlaidh a  
mach as a mheadhon; agus tairn-  
gidh mis e, agus thig e dlù dhomh:  
oir cò e so a shocruidh a chridhe air  
teachd am fogus dhomh-sa? deir an  
Tighearn.

22 Agus bidh sibhse 'n 'ur sluagh  
dhomhsa, agus bidh mis' ann am  
Dhia dhuibhse.

23 Feuch, tha cuairt-ghaath an  
Tighearn a' dol a mach le corruich;  
cuairt-ghaath bhuan, a thuiteas le  
dòrain air ceann nan ciontach.

24 Cha phill dian-chorruich an  
Tighearn air a h-ais, gus an dean,  
agus gus an coimhion e rùn a  
chridhe: anns na laithibh deireann-  
ach bheir sibh so fainear.

CAIB. XXXI.

**A**NNS an àm sin, deir an Tigh-  
earn, bidh mis' ann am Dhia do  
uile theaghlachibh Israeil, agus  
bidh iadsan dhomhsa nan sluagh.

2 Mar so deir an Tighearn, Fhuair  
an sluagh, a dh' fhàgadh leis a'  
chlaidheamh, caoimhneas anns an  
fhàsach; eadhon Israel, 'nuair a  
chaidh mis' a thoirt fois da.

3 O chéin dh' fhoillsicheadh Ie-  
hobhah dhomh-sa, ag ràdh, Scadh le  
gràdh shorruidh ghràdhaich mi thu;  
uime sin tharruing mi thu le caoimh-  
neas gràdhach.

4 A rìs togaidh mi thu, agus bith-  
idh tu air do thogail, O òigh Is-  
raeil; a rìs sgeadaichair thu le d'  
thiompanaibh, agus thèid thu mach  
ann an dannsa na muinntir a ni  
aidhear.

5 Suidhichidh tu fathast fion liosan  
air sléibhtibh Shamaria; suidhichidh  
an luchd-suidheachaidh, agus i' bithidh  
iad an toradh.

6 Oir thàinig an là, dh' èigh an  
luchd-faire air sliabh Ephraim;  
Eiribh, agus rachamaid suas gu  
Sion, a chum an Tighearna ar Dia.

7 Oir mar so deir an Tighearn,  
Dèanaibh iolach ann an Iacob le h-  
aoibhneas, agus deanaibh luadhghair  
am measg rogha nan cinneach; cuir-  
ibh an céill, molaibh, agus abraibh,  
O Thighearn, saor do shluagh, iar-  
mad Israeil.

8 Feuch, bheir mi iad o'n tìr mu  
thuath, agus tionailidh mi iad o  
chrìochaibh na talmhainn: an dall  
agus am bacach maille riu, a' bhean  
thorrach, maraon agus is' a ta ri  
saothair: nan cuideachd mhòir pill-  
idh iad.

9 Thig iad le gul, agus le caomh-  
alachd ni mis' an treòrachadh;  
treòruichidh mi iad ri taobh nan  
sruithean uisge, air slighe réidh,  
far nach faigh iad tuisleadh; oir  
tha mise ann am athair do Israel;  
agus Ephraim, is esan mo cheud-  
ghlin.

10 Cluinnibh focal an Tighearna,  
O chinneacha, agus cuiribh an céill  
e anns na h-eileanaibh fad as, agus  
abraibh, Esan a sgap Israel, ni e a  
chruinneachadh agus a choimhead,  
mar ni buachaill' a thread.

11 Oir shaor an Tighearn Iacob,  
agus dh' fhuasgail se e o làimh an  
fhlir bu treise na e féin.

12 Uime sin thig iad agus seinnidh  
iad ann an airde Shìoin, agus cruinn-  
ichidh iad le chéile chum maitheis  
an Tighearna, air son cruineachd,  
agus air son fìona, agus air son  
oladh, agus air son alaich an  
treud agus na spréidhe: agus bidh  
an anam mar ghàradh uisgichte,  
agus cha dean iad air aon chor bròn  
ni 's mò.

13 An sin ni an òigh gairdeachas  
anns an dannsa, na daoine òga, agus  
na seann daoine le chéile: oir  
tionndaidhidh mis' am bròn gu h-  
aoibhneas, agus bheir mi dhoibh co-  
fhurtachd, agus ni mi sòlasach iad  
an déigh an amhghair.

14 Agus sàsuichidh mi anam nan  
sagart le nithibh blasda, agus bidh mo  
shluagh air an sàsachadh le mo  
mhaitheas, deir an Tighearn.

15 Mar so deir an Tighearn, Chual-  
as guth ann an Ramah, caoidh, gul  
ro ghòirt; Rachel a' gul air son a

cloinne; dhiùlt i co-fhurtachd air son a cloinne, a chionn nach 'eil iad ann<sup>a</sup>.

16 Mar so deir an Tighearn, Cum do ghuth o chaoidh, agus do shùilean o dheuraibh: oir gheibh do shìoth-air duais, deir an Tighearn, agus thig iad a rìs o thìr an nàmhaid.

17 Agus tha dòchas a thaobh do chrìch dheireannaich, deir an Tighearn, gu'n d'thig<sup>b</sup> do chlann a rìs gu'n crìochaibh féin.

18 Gu deimhin chuala mi Ephraim a' caoidh gu goirt, Smachdaich thu mi, agus bha mi air mo smachdachadh, mar dhamh nach do chleachd a' chuig: pill thusa mi, agus bithidh mi air mo philleadh; oir is tu an Tighearn mo Dhia.

19 Gu deimhin an déigh dhomh bhi air mo philleadh, ghabh mi aithreachas; agus an déigh dhomh bhi air mo theagasg, bhuail mi air mo leis; bha nàir' orm, seadh fòs geur-amhladh, a chionn gu'n do ghiùlain mi masladh m' òige.

20 Nach e Ephraim mo mhac caomh? nach leanabh ro thaitneach e? oir, o'n uair a labhair mi na aghaidh, tha mi gu dùrachdach ga chuimhneachadh fathas: nìme sin tha iomairt ann am chom air a shon: nì mi gu deimhin tròcair air, deir an Tighearn.

21 Cuir suas duit féin comharan slighe; dean duit féin cruinn arda: cuir do chridhe ris an t-slighe, an t-slighe air an d'imich thu: pill a rìs, O òigh Israeil, pill a rìs dh'ionnsuidh do chathraichean so.

22 Cia fhad a bhios tu ag tionndadh mu'n cuairt, O a nighean chùl-sleamhnach: oir chruthaich an Tighearn nì nuadh air an talamh, Nì bean fear a chuartachadh.

23 Mar so deir Tighearn nan sluagh, Dia Israeil, Gnàthaichidh iad fathast a' chainnt so ann am fearann Iudah, agus na bhaitibh, an uair a bheir mis' air a h-ais am bruid, Gu'm beannuicheadh an Tighearn thu, O àite-chòmhnuidh a' cheartais, O shléibh na naomhachd.

24 Agus ann an Iudah, agus na uile bhaitibh, gabhaidh treabhaichean còmhnuidh, agus luchd-coimhead nan treuda.

25 Oir shàsuich mise an t-anam tartmhor, agus gach anam acrach lìon mi.

26 An sin mhosgail, agus chunnaic mi, agus bha mo chadal taitneach dhomh.

27 Feuch tha na laithean a' teachd, deir an Tighearn, anns an cuir mise

tigh Israeil, agus tigh Iudah le sìol duine agus le sìol ainmhidh.

28 Agus tarlaidh, amhuil a rinn mise faire os an cionn gu splonadh a nìos, gu briseadh, agus gu tilgeadh sìos, agus gu sgrios, agus gu claoidh; mar sin nì mi faire os an cionn, gu togail, agus gu suidheachadh, deir an Tighearn.

29 Anns na laithibh sin cha'n abair iad nì's mo, Dh'ith na h-aithrichean meas searbh, agus tha deisinn air fìaclaibh na cloinne.

30 Ach gheibh gach aon bàs na aingidheachd féin, gach aon a dh'itheas an càorann searbh, air 'fìaclaibh-san bidh deisinn.

31 Feuch, tha na laithean a' teachd, deir an Tighearn, anns an dean mise coimhcheangal nuadh ri tigh Israeil, agus ri tigh Iudah:

32 Cha'n ann a réir a choimhcheangail a rinn mi r'an aithrichibh, anns an là san do ghlac mi air làimh iad, a chum an toirt a mach a talamh na h-Eiphit; eadhlon mo choimhcheangal a bhris iad, ged' bha mi na m'fhear posda dhoibh, deir an Tighearn:

33 Ach so an coimhcheangal a nì mi ri tigh Israeil; An déigh nan laithean sin, deir an Tighearn, cuiridh mi mo reachd nan taobh a stigh, agus sgrìobhaidh mi air an cridheachan e, agus bidh mise dhoibh-san na mo Dhia, agus bidh iadsan dhomh-sa nam pobull.

34 Agus cha teagaisg iad nì's mò, gach aon a choimhearsnach, agus gach aon a bhràthair, ag ràdh, Gabhaibh eòlas air an Tighearn, oir bithidh eòlas aca orm-sa uile, o'n neach a's lugha, gus an neach a's mò dhiubh, deir an Tighearn: oir maithidh mise an aingidheachd, agus cha chuimhnich mi nì's mò an cionta.

35 Mar so deir an Tighearn, tha toirt na gréine air son soluis anns an là, orduighean na gealaiche agus nan reultan air son soluis anns an oidheche, ta deanamh na faire ciuin, tra bhios a tuiun a' beucaich; Tighearn nan sluagh is e ainm.

36 Ma dh'imicheas na h-orduighean so as mo shealladh-sa, deir an Tighearn, an sin cuideachd sgùiridh stiochd Israeil o bhi nan ciùneach am feasd ann am làthair.

37 Mar so deir an Tighearn, Ma dh'fheudar na nìamha sluas a thomhas, agus bunaite na talmhainn shìos a rannsachadh a mach, an sin tilgidh mise uam mar an ceudna uile shliochd Israeil, air son gach nì a rinn iad, deir an Tighearn.

38 Feuch tha na laithean a' teachd, deir an Tighearn, anns an togar a' chathair air son an Tighearna, o

<sup>a</sup> nach maireann iad; nach 'eil iad beo.

<sup>b</sup> bidh dochas aig do shliochd, deir an Tighearn, agus thig:

thorr Hanameeil, gu geata na hoisinn.

39 Agus théid an t-sreang-thomhaïs fathasd a mach m'a coinneamh, thair sliabh Ghareib, agus cuartaichidh i steach Goat.

40 Agus gleann nan corpa marbha gu h-ìomlan, agus na luaithre, agus na machraichean uile gu sruthan Chidroin, gu oisinn geata nan each an taobh an ear, bidh iad naomh do'n Tighearn: cha spìonar a nìos, agus cha tilgear sìos e ni's mò gu bràth.

CAIB. XXXII.

**A**M focal a thàinig gu Ieremiah do'n Tighearn anns an deicheamh bliadhna do linn Shedeciah rìgh Iudah, (b'i sin an t-ochdamh bliadhna-deug do linn Nebuchadne-sair)

2 Anns an àm an robh feachd rìgh Bhabiloin a' cuartachadh Ierusalem, agus Ieremiah am fàidh air a dhruideadh suas ann an cùirt a' phrìosuinn a bha 'n tigh rìgh Iudah.

3 Oir dhruid Sedeciah rìgh Iudah suas e, ag ràdh, C' uim'am bheil thu ri fàisneachd, agus ag ràdh, Mar so deir an Tighearn, Feuch, bheir mis' a' chathair so do làimh rìgh Bhabiloin, agus glacadh esan i?

4 Agus cha d'théid Sedeciah rìgh Iudah as o làimh nan Caldéach, ach bheirear suas e gu deimhin do làimh rìgh Bhabiloin, agus labhraidh e ris, beul ri beul, agus chi a shùilean a shùilean-san.

5 Agus bheir e leis Sedeciah gu Babilon, agus an sin bithidh e gus an d'thig mise 'ga amharc, deir an Tighearn: ged' ghleachd sibh ris na Caldéich, cha bhuadhaich sibh.

6 Agus thubhairt Ieremiah, Thàinig focal an Tighearna do m'ionnsuidh, ag ràdh,

7 Feuch, thig Hanameel mac Shaluum, bràthar d'athar, do d'ionnsuidh, ag ràdh, Ceannuich dhuit féin m'achadh-sa a ta ann an Anatot, oir is leat còir a fuasgladh, gus a ceannach.

8 Agus thàinig Hanameel, mac bràthar m'athar, do m'ionnsuidh ann an cùirt a' phrìosuinn, a réir focail an Tighearna, agus thuir e rium, Ceannuich, guidheam ort, m'achadh a ta ann an Anatot, ann an dùthaich Bhieniamin: oir is leat-sa a' chòir-sheilbhe, agus is leat-sa a fuasgladh, ceannuich i dhuit féin: an sin dh'aithnich mi gu'm b'e so focal an Tighearna.

9 Agus cheannuich mi achadh Hanameeil, mhic bràthar m'athar, a bha ann an Anatot, agus thomhais

mi dha an t'airgiod, seachd seceile deug airgid.

10 Agus chuir mi mo làmh ris an sgrìobhadh, agus sheulach mi e, agus ghabh mi fianuisean, agus thomhais mi an t-airgiod air a' mheigh.

11 Agus ghabh mi dearbhadh a' cheannuich, e sin anns an robh an gnothuch agus na cumhnantan seulaichte, agus e sin a bha fosgailte.

12 Agus thug mi dearbhadh a' cheannuich do Bharuch mac Neriah, mhic Mhaaseiah, ann an sealladh Hanameeil mhic bràthar m'athar, agus an làthair nam fianuisean, a chuir an làmh ri leabhar a' cheannuich, an làthair nan Iudhach uile bha nan suidhe ann an cùirt a' phrìosuinn.

13 Agus thug mi earaill theann do Bharuch nan làthair, ag ràdh,

14 Mar so deir Tighearn nan sluagh, Dia Israeil, Gabh na sgrìobhuinnean so, sgrìobhadh so na ceannachd, araon e sin a ta seulaichte, agus an sgrìobhadh so a ta fosgailte, agus cuir iad ann an soitheach criadha, chum gu mair iad mòran laithean.

15 Oir mar so deir Tighearn nan sluagh, Dia Israeil, Sealbhuichear tighean, agus machraichean, agus fion-liosan anns an tìr so fathasd.

16 A nis an uair a thug mi seachd sgrìobhadh na ceannachd do Bharuch mac Neriah, rinn mi urnuigh ris an Tighearn, ag ràdh,

17 Ah, a Thighearna Dhia, fench, rinn thusa nèamh agus an talamh le d' mhòr chumhachd agus le d' ghairdean sìnte mach, agus cha'n 'eil ni 'sam bitli tuille's cruaidh ort.

18 Taisbeanaidh tu caoimhneas gràdhach do mhìltibh, agus dìolaidh tu aingidheachd nan aithrichean ann an uchd an cloinne nan déigh; an Dia mòr, cumhachdach, do'n ainm Tighearn nan sluagh.

19 Mòr ann an comhairle, agus cumhachdach ann a ghnìomh (oir tha do shùilean fosgailt air uile shligheibh chloinn nan daoin a thoirt do gach aon do réir a shlighe, agus do réir toraidh a ghnìomhara.)

20 A dh'fhoillsich comharan agus mìorbhuilean ann an tìr na h-Eiphit, gus an la an diugh, agus ann an Israel, agus ann am measg dhaoine, agus a rinn duit féin ainm, mar air an là 'n diugh;

21 Agus a thug a mach do shluagh Israel a tìr na h-Eiphit, le comharaibh agus le mìorbhuilibh, agus le làimh làidir, agus le gairdean sìnt' a mach, agus le h-uamhas mòr,

22 Agus a thug dhoibh am fearann so, a mhionnuich thu do'n aithrich-



ibh gu'n d'thugadh tu dhoibh, fear-ann a sruthadh a le bainne agus le mil.

23 Agus thàinig iad a steach, agus shealbhuich iad e; ach cha d'thug iad géill do d' ghuth-sa, ni mò ghluais iad ann ad reachd: cha d'rinn iad ni 'sam bith do na h-uile nithibh a dh'èithn thu-sa dhoibh a dheanamh; uime sin thug thu an t'olc so uile orra.

24 Feuch, na h-inneil-bhrisidh, tha iad air teachd a chum na cathrach gus a glacadh, agus tha a' chathair air a toirt do làimh nan Caldéach a ta cogadh na h-aghaidh, air son a' chlàidheimh, agus na gorta, agus na plàighe; agus an ni a labhair thu, thàinig e gu crìch, agus feuch, tha thu-sa 'g a thaicinn.

25 Gidheadh thuit thu rium-sa, (O Thighearna Dhia) Ceannuich dhuit féin an t'achadh air son airgid, agus gabh fianuisean: au uair a ta chathair air a toirt thairis gu làimh nan Caldéach.

26 An sin thàinig focal an Tighearna gu Jeremiah, ag ràdh,

27 Feuch, is mise an Tighearna, Dia na h-uile fhèda: am bheil ni 'sam bith tuille's cruaidh orm-sa?

28 Uime sin, mar so deir an Tighearna, Feuch, bheir mi a' chathair so do làimh nan Caldéach, agus do làimh Nebuchadnesair, rìgh Bhabiloin, agus glacadh se i.

29 Agus thig na Caldéich a ta cogadh an aghaidh na cathrach so, agus cuiridh iad teine rithe, agus loisgidh iad i, maille ris na tighibh air an do loisg iad tùis air am mullach do Bhaal, agus air an do dhòirt iad tabhartasa-dìble a mach do dhéibh eile, chum mis' a bhrosnuchadh gu feirg.

30 Oir cha d'rinn clann Israeil, agus clann Iudah ach olc a mhàin ann am fhianuis-sa o'n òige: oir cha d'rinn clann Israeil ach a mhàin mo bhrosnuchadh gu feirg le obair an làmhnan, deir an Tighearna.

31 Oir bha a' chathair so dhomh-sa na h-aobhar feirge agus corruich, o'n là 'san do thog iad i, eadhon gus an là an diugh; a chum gu'n atharruichinn i as mo shealladh:

32 Air son uile aingidheachd cloinne Israeil, agus cloinne Iudah, a rinn iad a chum mis' a bhrosnuchadh gu corruich, iad féin, an rìgh-rean, an uachdarain, an sagairt, agus am fàidhean, agus muinntir Iudah, agus luchd-àiteachaidh Ierusalem.

33 Agus thionndaidh iad riun-sa an cùl, agus cha'n i an aghaidh; ged' theagaisg mi iad, ag éirigh gu moch agus a' teagasg, gidheadh cha d'éisid iadsan, a ghabhail teagaisg.

34 Ach shuidhich iad an gràineal-

achdan anns an tigh a ta air ainm-eachadh orm-sa, chum a thruaill-eadh.

35 Agus thog iad ionadan arda Bhaail, a ta ann an gleann mhic Hinoim, a thoirt air am mic is air an nigheana dol trid an teine do Mholoch; ni nach d'aitl'n mise dhoibh, agus nach d'thàinig idir ann am aire; a' cur an gnìomh na gràinealachd so, gu cionta thoirt air Iudah.

36 Agus a nis uime sin, mar so deir an Tighearna Dia Israeil, do thaobh na cathrach so, mu 'm bheil sibhs' ag ràdh, Bidh i air a toirt thairis do làimh rìgh Bhabiloin, leis a' chlàidheamh, agus leis a' ghort, agus leis a' phlàigh:

37 Feuch, tionailidh mis' iad as na h-uile dhùchannaibh gus an d'fhuig-air mi iad ann am cliorruich, agus ann am bhoile, agus ann am mhòr-fheirg; agus bheir mi chum an àite so iad a nis, agus bheir mi orra còmh-nuidh ghabhail gu tèaruinte.

38 Agus bidh iad dhomh-sa nan sluagh, agus bidh mise dhoibh-san a' m' Dhia.

39 Agus bheir mi dhoibh aon chridhe, agus aon slighe, a chum as gu'm bi m' eagal-sa gu bràth orra, chum an leas féin, agus leas an cloinne nan dèigh.

40 Agus ni mi riu còimhcheangal sìorruidh, nach pill mi air falbh uatha, chum maith a dheanamh dhoibh; agus cuiridh mi m' eagal nan cridhe, chum nach dealuich iad rium.

41 Seadh ni mi gairdeachas tharta chum maith a dheanamh dhoibh, agus suidhichidh mi iad anns an fhearann so gu deimhin, le m' uile chridhe, agus le m' uile anam.

42 Oir mar so deir an Tighearna, Amhuil a thug mi an t-olc mòr so uile air an t-sluagh so, is amhluidh bheir mi orra am maith sin uile a gheall mi dhoibh.

43 Agus ceannuichear achaidh anns an fhearann so, mu 'm bheil sibhs' ag ràdh, Tha e fàs gun duine no ainmhidh: tha e air a thoirt do làimh nan Caldéach.

44 Ceannuichidh daoine achaidh air son airgid, agus cuiridh iad an làmh ri sgrìobhainnibh, agus seulaichidh iad, agus gabhaidh iad fianuisean ann am fearann Bheniamin, agus anns na h-àiteachaibh dlù do Ierusalem, agus ann am bailtibh Iudah, agus ann am bailtibh nam beann, agus ann am bailtibh a' chòmhnaird, agus ann am bailtibh na h-airde deas: oir bheir mise air a h-ais am bruid, deir an Tighearna.

CAIB. XXXIII.

**O**S-barr thàinig focal an Tighearna gu Ieremiah an dara uair, (an tra bha e fathasd air a dhruideadh suas ann an cùirt a' phrìosuin) ag ràdh,

2 Mar so deir an Tighearn a rinn e, an Tighearn a dhealbha e, a ta fòs 'ga dhaigneachadh; is e 'ainm Iehobhah;

3 Glaodh rium-sa, agus freagraidh mi thu, agus feuchaidh mi dhuit nithe mòra agus cumhachdach, air nach 'eil thu eòlach.

4 Oir mar so deir an Tighearn, Dia Israeil, do thaobh thighean na cathrach so, agus do thaobh thighean rìghrean Iudah, a ta air an tilgeadh sìos leis na h-inneil bhrisidh, agus leis a' chlàidheamh,

5 A ta air teachd gu cogadh air taobh nan Caldéach, agus gu'n lìonadh le corpaibh marbha nan daoine a bhuail mise ann am fheirg, agus ann am chorruich, agus a thug orm, air son an uile aingidheachd, mo ghenùis fhòlach o'n chathair so:

6 Feuch, bheir mi dh'i slàinte agus leigheas, agus nì mi an slànuchadh; agus nochdaidh mi dhoibh pailteas sìth agus fìrinn.

7 Agus bheir mi air a h-ais bruid Iudah, agus bruid Israeil; agus togaidh mi iad mar air tùs.

8 Agus glanaidh mi iad o'n uile aingidheachd, leis an do chiontaich iad a'm' aghaidh; agus maithidh mi an uile lochdan, leis an do pheacaich iad, agus leis an d'rinn iad ceannairc ann am aghaidh.

9 Agus bidh a' chathair so dhomhsa na h-ainm sòlais, na moladh, agus na maise, ann am measg uile chinn-eacha na talmhainn, a chluinneas gach uile mhaith a nì mise dhoibh: agus bidh eagal agus crith orra, air son an uile mhaithis, agus air son an uile shoirbheachaidh a dheònuicheas mise dhoibh.

10 Mar so deir an Tighearn, a ris cluinnear anns an àite so (mu'm bheil sibh-se ag ràdh, Tha e fàs gun duine agus gun ainmhidh, eadhon ann an cathraichean Iudah, agus ann an sràidibh Ierusalem, a ta fàs, gun duine, eadhon gun fhear-àiteachaidh, agus gun ainmhidh,)

11 Guth aoibhneis, agus guth subhachais, guth an fhir nuadh-phòsda, agus guth na mna nuadh-phòsda, guth na muinntir a their, Molaibhse Tighearn nan sluagh, oir tha an Tighearn maith, oir tha 'thròcair buan gu sìorruidh; agus na muinntir a bheir an iobairt-mhòlaidh gu tigh an Tighearna; oir bheir mise air a h-ais bruid an fhearainn, mar air tùs, deir an Tighearn.

12 Mar so deir Tighearn nan

sluagh, Fathasd anns an àite so a ta fàs, gun duine agus gun ainmhidh, agus na uile bhailtibh, bidh àite-còmhnuidh nam buachaillean a' toirt air an treudan luidhe sìos.

13 Ann am bailtibh nam beann, agus ann am bailtibh a' chòmlinaird, agus ann am bailtibh na h-airde deas, agus ann am fearann Bheniamin, agus anns na h-ionadaibh timchioll Ierusalem, agus ann am bailtibh Iudah, siubhlaidh na treudan a ris fo làimh an ti dh'àirmheas iad, deir an Tighearn.

14 Feuch, tha na laithlean a' teachd, deir an Tighearn, anns an coimhlion mise an nì maith sin, a gheall mi do thigh Israeil, agus do thigh Iudah.

15 Anns na laithibh sin, agus anns an àm sin, bheir mise air Meanglan fireantachd fàs suas do Dhaibhidh, agus cuiridh e an gnìomh breitheanas agus ceartas air an talamh.

16 Anns na laithibh sin tearnar Iudah, agus gabhaidh Ierusalem còmhnuidh ann an tèaruinteachd: agus is eso esan ris an goirear IEHOBAH AR FIREANTACHD.

17 Oir mar so deir Iehobhah, Cha bhi gu bràth a dh'uireasbhuidh air Daibhidh duin' a shuidheas air rìgh-chathair tìghe Israeil:

18 Nì mò bhios na sagairt na Lebhithich gun duine ann am làth-air-sa, a dh'ìobradh thabhartas-loisgte, agus a losgadh thabhartas-bidh, agus a dheanamh iobairt an còmhnuidh.

19 Thàinig focal an Tighearna fòs gu Ieremiah, ag ràdh,

20 Mar so deir an Tighearn, Ma dh'fheudar leibh mo choimhcheangal-sa ris an là a bhriseadh, agus mo choimhcheangal ris an oidhche, agus nach bi là no oidhche ann nan àm féin;

21 An sin fòs feudar mo choimhcheangal-sa ri Daibhidh m'òglach a bhriseadh, gun mhac a bhi aige gu riaghladh air a rìgh-chathair, agus ris na Lebhithich na sagairt, mo luchd-frithealaidh.

22 Mar nach feud feachd nèimh a bhi air 'àireamh, no gaineamh na fairege bhi air a tomhas; is amhluidh a nì mise lìonmhor sliochd Dhaibhidh m'òglach, agus na Lebhithich a ta frithealadh dhomh.

23 Os-barr, thàinig focal an Tighearna gu Ieremiah, ag ràdh,

24 Am bheil thu toirt fainear ciod a tha 'n sluagh so a' labhairt, ag ràdh, An dà theaghlach a roghnaich an Tighearn, rinn e an tilgeadh uaith' agus rinn iad di-meas air mò shluagh-sa, air chor as nach 'eil iad 'gam meas nì's mò mar chinn-each,

25 Mar so deir an Tighearn, Mur 'eil mo choimhcheangal-sa ris an là agus ris an oidhche; reachdan nèimh agus talmhainn mur do shocruidh mi;

26 An sin tilgidh mi uam sliochd Iacoib, agus Dhaibhidh m'òglaich, gun aon d'a shliochd a ghabhail, gu bhì nan luchd riaghlaidh thar slìochd Abrahaim, Isaac, agus Iacoib: oir bheir mi air a h-ais am bruid, agus ni mi trècair orra.

## CAIB. XXXIV.

**A**M focal a thàinig gu Ieremiah o'n Tighearn, ('nuair a chog Nebuchadnesar rìgh Bhabiloin, agus uile fheachd, agus uile rioghachdan an domhain a bha fo 'thighearnas, agus na sìdigh uile, 'n aghaidh Ierusalem, agus an aghaidh a h-uile bhailtean,) ag ràdh,

2 Mar so deir an Tighearn, Dia Israeil, Imich, agus labhair ri Sedeciah rìgh Iudah, agus abair ris, Mar so deir an Tighearn, Feuch, bheir mis' a' chathair so do làimh rìgh Bhabiloin, agus loisgidh se i le teine:

3 Agus thu-sa, cha d'théid thu as o làimh, ach bithidh tu gu cinnteach air do ghlacadh, agus air do thoirt thairis d'a làimh, agus chì do shùilean sùilean rìgh Bhabiloin, agus labhraidh e riut beul ri beul, agus falbhaidh tu gu Babilon.

4 Gidheadh cluinn focal an Tighearna, O Shedeciah, a rìgh Iudah; Mar so deir an Tighearn do d' thaobh-sa, Cha'n fhaigh thu bàs leis a' chlaidheamh;

5 Gheibh thu bàs ann an sìth; agus do réir losgaidh d'aithrichean, na rìghrean roimhe so, a bha air thoiseach ort-sa, is amhluidh a loisgear tùis dhuit-se; agus ni iad caoidh air do shon, *ag ràdh*, Och a thighearna! oir labhair mise am focal, deir an Tighearn.

6 Agus labhair Ieremiah am fàidh na briathran so uile ri Sedeciah rìgh Iudah, ann an Ierusalem,

7 An uair a chog feachd rìgh Bhabiloin an aghaidh Ierusalem, agus an aghaidh uile bhailtean Iudah a bha air am fàgail, an aghaidh Lacheis, agus an aghaidh Asecah: oir mhair iad so do bhàitibh Iudah nam bailtibh daingnichte.

8 Am focal a thàinig gu Ieremiah o'n Tighearn, an dèigh do rìgh Sedeciah coimhcheangal a dheanamh ris an uile shluagh a bha ann an Ierusalem, a dh'èigheach saorsa dhoibh;

9 A chum gu'n leigeadh gach duine d'a òglach, agus gach duine

d'a bhan-oglaich, Eabhrach no ban-Eabhrach, falbh saor, gun neach a ghabhail seirbhis diubh, gach aon do Iudhach a bhràthair.

10 A nis, an uair a chuala na li-uachdarain uile, agus an sluagh uile a thionnsgain anns a' choimhcheangal, gu'n leigeadh gach duine d'a òglach, agus gach duine d'a bhan-oglaich falbh saor, nach gabhadh aon seirbhis diubh ni bu mhò, an sin thug iad géill, agus leig iad air falbh iad.

11 Ach thionndaidh iad a ris, agus thug iad air na h-òglaich, agus air na ban-oglaich, a leigeadh air falbh saor, pilleadh air an ais, agus thug iad fo smachd iad, a chum bhì nan òglaich, agus nam ban-oglaich.

12 Uime sin thàinig focal an Tighearna gu Ieremiah, ag ràdh,

13 Mar so deir an Tighearn, Dia Israeil, Rinn mise coimhcheangal ri'r n-aithrichibh anns an là 'san d'thug mi iad a mach a talamh na h-Eiphit, a tigh nan daor, ag ràdh,

14 An ceann sheachd bliadhna, leigibh a chead, gach aon d'a bhràthair Eabhrach, a bha air a reic riut: an uair a bheir e seirbhis duit sè bliadhna, leigidh tu dha falbh uait saor. Ach cha d'éisd 'ur n-aithrichean rium-sa, ni mò dh'aom iad an cluas.

15 Agus bha sibh a nis air pilleadh, agus air deanamh gu ceart ann am shealladh-sa, le saors' a ghlaodhach, gach neach d'a choimhearsnach, agus rinn sibh coimhcheangal ann am fhianuis, anns an tigh a ta air a ghairm air m'ainm.

16 Ach phill sibh, agus thruaill sibh m'ainm, agus thug sibh, gach aon air òglach, agus gach aon air a bhan-oglaich, a leig e saor uaith gu 'thoil féin. pilleadh air an ais; agus chuir sibh fo smachd iad, gu bhì dhuibh nan oglach agus nam ban-oglaich.

17 Air an aobhar sin, mar so deir an Tighearn, Cha d'éisd sibh rium-sa ann an saors' a ghlaodhach, gach aon d'a bhràthair, agus gabh aon d'a choimhearsnach: feuch do'r taobh-sa tha mis' a ghlaodhach saorsa, deir an Tighearn, do'n eilaidheamh, do'n phlàigh, agus do'n ghort; agus bheir mi oirbh bhì air 'ur luasgadh air feadh uile rioghachdan an domhain.

18 Agus bheir mi a' mhuinntir a bhris mo choimhcheangal, nach do choimhlion briathran a' choimhcheangail a rinn iad ann am làthair-sa, 'nuair a ghearr iad an laogh na dhà leth, agus a dh'imich iad eadar a bhloighdean,

19 Ceannardan Iudah, agus ceannardan Ierusalem, agus na cailltean-

aich, agus na sagairt, agus uile shluagh an fhearainn a dh' imich eadar bloighdean an laoi;g;

20 Bheir mi eadhon iad sin do làimh an naimhdean, agus do làimh na muinntir a ta 'g iarraidh an anama; agus bidh an cairbheannan mar bhiadh do eunlaith an athair, agus do bheathaichibh na talmh-aiun.

21 Agus Sedeciah rìgh Iudah, agus a phrionnsachan, bheir mise do làimh an naimhdean, agus do làimh na muinntir a ta 'g iarraidh an anama, eadhon do làimh feachda rìgh Bhabiloin, a ta air imeachd suas uaibh.

22 Feuch, bheir mise àithne, deir an Tighearn, agus bheir mi orra pill-eadh air an ais do 'n chathair so; agus cogaidh iad na h-aghaidh, agus glacaidh iad i, agus loisgidh iad i le teine; agus bailtean Iudai ni mi nan làraich sgaoilte, gun aon neach 'g an àiteachadh.

CAIB. XXXV.

A M focal a thàinig gu Ieremiah o'n Tighearn, ann an laithibh Iehoiacim, mhic Iosiah, rìgh Iudah, ag ràdh,

2 Imich gu tigh nan Rechabach, agus labhair riu, agus thoir iad a chum tìge an Tighearna, gu aon do na seòmraichean, agus thoir dhoibh fion r' a òl.

3 An sin ghabh mi Iaaasaniah mac Ieremiah, mhic Habasaniah, agus a bhràithrean, agus 'uile mhic, agus uile theaghlach nan Rechabach;

4 Agus thug mi iad gu tigh an Tighearna, gu seòmra mhac Hanain, mhic Igdaliah, òglaich Dhé, a bha ri taobh seòmair nan uachdaran, a bha os cionn seòmair Mhaaseiah, mhic Shalum, fir-gleidhidh an doruis:

5 Agus chuir mi air beulaobh mhac tìge nan Rechabach soireachan làn fion, agus copain; agus thuirt mi riu, Olaibh fion.

6 Ach thuirt iadsan, Cha 'n òl sinne fion: oir thug Ionadab mac Rechaib ar n-athair, àithne dhuinn, ag ràdh, Na h-òlaibhse fion, sibh féin no 'ur mic gu bràth.

7 Ni mò thogas sibh tigh, no chuir-eas sibh siol, no shuidhicheas sibh fion-lios, no bhios aon agaibh: ach fad 'ur n-uile laithean ni sibh còmhnuidh ann am bùthaibh, a chum gu mair sibh mòran laithean 'san fhearann anns am bheil sibh 'nur coigrich.

8 Agus thug sinn géill do ghuth Ionadaib, mhic Rechaib, ar n-athar, anns gach ni a chuir e mach fhiach-aibh oirnn, gun fhìon air bith òl fad ar n-uile laithean, sinn féin, ar mnai, ar mic, no ar nigheana;

9 No tighean a thogail duinn féin gu còmhnuidh gliabhail anna: ni mò ta againn fion-lios, no achadh, no siol.

10 Ach ghabh sinn còmhnuidh ann am bùthaibh, agus thug sinn géill, agus rinn sinn do réir gach ni a dh'àithn ar n-athair Ionadab dhuinn.

11 Ach tharladh, an uair a thàinig Nebuchadnesar rìgh Bhabiloin a nìos do 'n fhearann, gu'n dubhairt sinn, Thigibh, agus rachamaid gu Ierusalem, air eagal feachd nan Caldéach, agus air eagal feachd nan Siriach: air an aobharsin tha sinn a còmhnuidh ann an Ierusalem.

12 An sin thàinig focal an Tigh-earnagu Ieremiah, ag ràdh,

13 Mar so deir Tighearn nan sluagh, Dia Israeil, Imich agus abair ri fearaibh Iudah, agus ri luchd-àiteachaidh Ierusalem, Nach gabh sibh ri teagasg, a thoirt éisdeachd do m' bhriathraibh-sa? deir an Tigh-earn.

14 Tha briathran Ionadaib mhic Rechaib, a dh'àithn e d' a mhac-aibh, gun fhìon òl, air an coimhlionadh; oir gus an là an diugh cha 'n òl iad fion sam bith, ach tha iad ùmhal do àithne an athar: gidheadh labhair mise ruibh-se, ag éirigh gu moch agus a' labhairt, ach cha d' éisd sibh rium.

15 Chuir mi d' ur n-ionnsuidh mar an ceudna m' uile sheirbhisich na faidhean, ag éirigh gu moch agus 'g an cur a mach, ag ràdh, Pillibh a nis, gach aon o 'dhroch shlighe, agus leasuichibh 'ur deanadas, agus na rachaibh air lorg dhée eile gu seirbhis a thoirt doibh, agus gabhaibh còmhnuidh anns an fhearann a thug mise dhuibh, agus d' ur n-aithrichibh: ach cha d' aom sibh 'ur cluas, ni mò thug sibh éisdeachd dhomh.

16 A chionn gu 'n do choimhlion mic Ionadaib, mhic Rechaib àithne an athar, a dh'àithn e dhoibh, ach nach d' éisd an sluagh so rium-sa:

17 Air an aobhar sin, mar so deir Iehobhah Dia nan sluagh, Dia Israeil; Feuch, bheir mis' air Iudah, agus air uile luchd-àiteachaidh Ierusalem, an t-òl sin uile a labhair mi nan aghaidh: a chionn gu 'n do labhair mi riu, ach nach d' éisd iad; agus gu 'n do ghlaodh mi riu, ach nach do fhreagair iad.

18 Agus ri teaghlach nan Rechabach thubhairt Ieremiah; Marso deir Tighearn nan sluagh, Dia Israeil, A chionn gu'n d'thug sibhse géill do àithne Ionadaib, 'ur n-athar, agus gu 'n do choimhid sibh 'uile iarrais, agus gu n' d'rinn sibh a réir gach ni a dh'àithn e dhuibh:

19 Uime sin mar so deir an Tigh-



earn nan sluagh, Dia Israeil, Cha bhi Ionadab mac Rechaib gun duine aige gu seasamh ann am làthair-sa gu bràth.

## CAIB. XXXVI.

**A**GUS tharladh ann an ceathramh bliadhna Iehoiacim mhic Iosiah rìgh Iudah, gu'n d' thàinig am focal so gu Ieremiah o'n Tighearn, ag ràdh,

2 Gabh dhuit clàr-sgrìobhaidh, agus sgrìobh ann na h-uile bhriathran a labhair mise riut an aghaidh Israeil, agus an aghaidh Iudah, agus an aghaidh nan uile chinneach o'n là 'san do labhair mi riut ann an laithibh Iosiah, eadhon gusan là an diùhl.

3 Theagamh gu 'n tabhair tigh Iudah fainearan t-olc sin uile a th' ann am aire-sa dheanamh orra; air chor as gu'm pill iad, gach aon o 'dhroch shlighe, agus gu maith mise an ain-gidheachd agus am peacadh.

4 An sin ghairm Ieremiah Baruch mac Neriah, agus sgrìobh Baruch o bheul Ieremiah uile bhriathran an Tighearna, a labhair e ris, air clàr-sgrìobhaidh.

5 Agus dh' àithn Ieremiah do Baruch, ag ràdh, Tha mise air mo dhruideadh suas, cha 'n urradh mi dol gu tigh an Tighearna:

6 Uime sin, imich thusa agus leugh anns a' chlàr a sgrìobh thu o m' bheulsa, briathran an Tighearna, ann an éisdeachd an t-sluaigh, ann an tigh an Tighearna, air là an tràisg: agus fòs leughaidh tu iad ann an éisdeachd uile Iudah a thig a mach as am bailtibh.

7 Theagamh gu 'n taisbean iad a an achuinge ann an làthair an Tighearna, agus gu'm pill iad, gach aon o 'dhroch shlighe; oir is mòr an fhearg, agus a' chorruich a labhair an Tighearn ann aghaidh an t-sluaigh so.

8 Agus rinn Baruch mac Neriah do réir gach ni a dh' àithn Ieremiah am fàidh dha, a' leughadh anns an leabhar briathran an Tighearna ann an tigh an Tighearna.

9 Agus tharladh ann an cùigeamh bliadhna Iehoiacim mhic Iosiah rìgh Iudah, anns an naothamh mìos, gu 'n d' éigh iad trasg ann an làthair an Tighearna, an sluagh uile a bha ann an Ierusalem, agus an sluagh uile a thàinig o bhailtibh Iudah gu Ierusalem.

10 An sin leugh Baruch anns an leabhar briathran Ieremiah ann an tigh an Tighearna, ann an seòmar Ghemariah mhic Shaphain an sgrìobhuiche, anns a' chùirt uachd-raich, aig dol asteach geataidh nuaidh

tighe an Tighearna, ann an éisdeachd an t-sluaigh uile.

11 Agus chuala Michaiah mac Ghemariah, mhic Shaphain, uile bhriathran an Tighearna as an leabhar,

12 Agus chaidh e sìos gu tigh an rìgh, gu seòmar an sgrìobhuiche; agus feuch, bha na h-uachdarain uile nan suidhe an sin, Elisama an sgrìobhuiche, agus Delaiah mac She-maiah, agus Elnatan mac Achboir, agus Gemariah mac Shaphain, agus Sedeciah mac Hananiah, agus na h-uaislean uile.

13 An sin chuir Michaiah an céill doibh na h-uile bhriathran a chual' e, 'nuair a leugh Baruch an leabhar ann an éisdeachd an t-sluaigh.

14 Agus chuir na h-uachdarain uile Iehudi mac Netaniah, mhic Shelemiah, mhic Chusi, gu Baruch, ag ràdh, Glac ann ad làimh an clàr 'san do leugh thu ann an éisdeachd an t-sluaigh, agus thig. Agus ghabh Baruch mac Neriah, an clàr na làimh, agus thàinig e do 'n ionn-suidh.

15 Agus thuirt iad ris, Suidh sìos a nis, agus leugh e 'nar n-éisdeachd. Agus leugh Baruch nan éisdeachd.

16 A nis tharladh, an uair a chuala iad na h-uile bhriathran, gu 'n d' amhairc iad le h-eagal, gach aon air a' chéile; agus thubhairt iad ri Baruch, Innsidh sinn gu deimhin do'n tigh na briathran so air fad.

17 Agus dh' fheòruich iad do Baruch, ag ràdh, Innis duinn a nis cionnus a sgrìobh thu na briathran so uile o 'bheul?

18 Agus fhreagair Baruch iad, Labhair e rium le 'bheul na briathran so uile, agus sgrìobh mi iad le dubh ann an leabhar.

19 An sin thuirt na h-uachdarain ri Baruch, Falbh, agus folaich thu féin, thusa agus Ieremiah, agus na biodh fios aig aon neach c'ait am bi sibh.

20 Agus chaidh iad a steach a chum an rìgh do 'n chùirt, ach thaisg iad suas an clàr ann an seòmar Elisamah an sgrìobhuiche; agus dh' innis iad na h-uile briathran ann an éisdeachd an rìgh.

21 An sin chuir an rìgh Iehudi a thoirt a' chlàr d'a ionnsuidh, agus thug e a seòmar Elisamah an sgrìobhuich' e, agus leugh Iehudi e ann an éisdeachd an rìgh, agus ann an éisdeachd nan uile uachdaran a sheas ri taobh an rìgh.

22 Agus bha 'n rìgh na shuidhe anns an tigh gheamlraidh, anns an naothamh mìos, agus bha teintein mu 'chomhair le éibhligh teine.

23 Agus tharladh an uair a leugh Iehudi trì na ceithir earrannan, gu'n doghearr e leisan scein-phinn e, agus thilge annsan téin a bha air an teintein e, gus an robh an clàr gu h-iomlan air a chaitheamh anns an tein a bha air an teintein.

24 Ach cha do ghabh iad eagal, ni mò shrachd iad an trusgain, aon chuid an rìgh, no aon d'a sheirbhisich a chuala na briathran so uile.

25 Agus ge do rinn Elnatan, agus Delaiah, agus Gemariah eadar-ghuidhe ris an rìgh, nach loisgeadh e an clàr, gidheadh cha 'n éisdeadh e riu.

26 Agus dh'àithn an rìgh do Ierahmeel mac Hameleich, agus do Sheraiah mac Asrieil, agus do Shelemiah mac Abdecil, Baruch an sgrìobhuiche agus Ieremiah am fàidh a ghlacadh: ach dh' fholaich an Tighearn iad.

27 An sin thàinig focal an Tighearna gu Ieremiah, (an déigh do 'n rìgh an clàr agus na briathran a sgrìobh Baruch o bheul Ieremiah a losgadh), ag ràdh,

28 Gabh chugad a ris clàr eile, agus sgrìobh ann na h-uile bhriathran ceudna bha 'sa cheud chlàr, a loisg Iehoiacim rìgh Iudah.

29 Agus their thu ri Iehoiacim rìgh Iudah, Mar so deir an Tighearn, Loisg thu 'n clàr so, ag ràdh, C'uim' an do sgrìobh thu ann, ag ràdh, Thig rìgh Bhabiloin gu deimhin, agus sgriosaidh e 'm fearann so, agus gearraidh e gach duine agus gach beathach a mach as?

30 Air an aobhar sin, mar so deir an Tighearn do thaobh Iehoiacim rìgh Iudah, Cha bhi aige neach a shuidheas air rìgh-chaithir Dhaibhidh, agus tilgear a chairbhean a mach a chum an teas anns an latha, 's a chum an reothaidh anns an oidhche.

31 Agus ni mise peanas air féin agus air a shliochd, agus air a sheirbhisich, air son an easaontais, agus bheir mi orra-san, agus air luchd-àiteachaidh Ierusalem, agus air fearaibh Iudah, an t-olc sin uile a labhair mi nan aghaidh, ach nach d' éisd iad.

32 An sin ghabh Ieremiah clàr eile, agus thug e do Bharuch an sgrìobhuiche, mac Neria, a sgrìobh ann o bheul Ieremiah, uile bhriathran an leabhair a loisg Iehoiacim rìgh Iudah annsan teine; agus chuireadh os-barr riu mòran do bhriathra eile cosmhuil riu sin.

#### CAIB. XXXVII.

**A** GUS rioghaich Sedeciah mac Iosiah ann an àite Choniah mhic

Iehoiacim, a rinn Nebuchadnesar rìgh Bhabiloin na rìgh ann am fearann Iudah.

2 Ach cha d' éisd, aon chuid e féin no a sheirbhisich, no sluagh na tíre, ri briathraibh an Tighearna, a labhair e leis an fhàidh Ieremiah.

3 Agus chuir an rìgh Sedeciah Iehucal mac Shelemiah, agus Sephaniah mac Mhaaseiah an sagart, a chum an fhàidh Ieremiah, ag ràdh, Dean urnuigh a nis, guidheam ort, ris an Tighearn ar Dia air arson-ne.

4 A nis bha Ieremiah teachd a steach agus a' dol a mach am measg an t-sluaigh, oir cha do chuir iad fathasd ann am prìoson e.

5 Anns an àm sin bha feachd Pharaioih air teachd a mach as an Eiphit; agus an uair a chuala na Caldéich, a bha a' teannachadh Ierusalem mu'n cuairt, iomradh orra, dh'imich iad ó Ierusalem.

6 An sin thàinig focal an Tighearna chum an fhàidh Ieremiah, ag ràdh,

7 Mar so deir an Tighearn, Dia Israeil, Mar so their sibh ri rìgh Iudah a chuir chugam-sa sibh, do m' iarruidh; Feuch, pillidh feachd Pharaioih, a thàinig a mach 'gur coghnadh, do 'n Eiphit, d' an tìr féin.

8 Agus thig na Caldéich a ris; agus cogaidh iad an aghaidh na cathrach so, agus glacadh iad i, agus loisgidh iad i le teine.

9 Mar so deir an Tighearn, Na meallaibh sibh féin, ag ràdh, Gu deimhin imichidh na Caldéich uainn: oir cha 'n imich iad.

10 Oir ge do bhuaileadh sibh uile fheachd nan Caldéach a ta cogadh 'nur n-aghaidh, agus nach maireadh nam measg ach daoine leònta, gach aon na bhùth, dh' éireadh iad sin féin suas, agus loisgeadh iad a' chathair so le teine.

11 Agus tharladh an uair a dh' imich sluagh nan Caldéach air falbh o Ierusalem, air eagal sluaigh Pharaioih,

12 Gu 'n d' imich an sin Ieremiah mach a Ierusalem, a chum dol gu fearann Bheniamin, a dh' fhaotainn cuibhlirinn deth am measg an t-sluaigh.

13 Agus an uair a bha e 'n geata Bheniamin, bha ceannard an fhreiceadain an sin, d' am b'ainm Iriah, mac Shelemiah, mhic Hananiah; agus ghlac e Ieremiah am fàidh, ag ràdh, Tha thu dol thairis a chum nan Caldéach.

14 An sin thuirt Ieremiah, Cha 'n fhòir sin, Cha 'n 'eil mi dol thairis a chum nan Caldéach: ach cha d' éisd e ris: mar sin ghlac Iriah Iere-

mialh, agus thug e chum nan uachdaran e.

15 Agus bha corruich air na h-uachdaranaibh ri Ieremiah, agus bhuail iad e, agus chuir iad ann am prìosun e, ann an tigh Ionatain an sgrìobhuiche; oir rinn iad prìosun deth sin.

16 An uair a chaidh Ieremiah steach do'n phrìosun ìochdrach, agus do na slochdaibh, agus a bhunaich Ieremiah an sin mòran laithean:

17 An sin chuir Sedeciah an rìgh fios, agus thug e mach e; agus dh'fheòruich an rìgh dheth gu h-uaigneach na thigh, agus thubhairt e, Am bheil focal 'sam bith o'n Tigh-earn? Agus thuirt Ieremiah, Tha: oir thubhairt e, Do làimh rìgh Bhabiloiu bheirear thairis thu.

18 Os-barr thuirt Ieremiah ri rìgh Sedeciah, Ciod an cron a rinn mise ann ad aghaidh-sa, no'n aghaidh do sheirbhiseach, no'n aghaidh an t-sluaigh so, gu'n do chuir sibh mi ann am prìosun?

19 C'ait am bheil a nis 'ur fàidhean a rinn fàisneachd dhuibh, ag ràdh, Cha d'thig rìgh Bhabiloiu 'n'ur n-aghaidh, no'n aghaidh an fhearainn so?

20 Ach éisd a nis, guidheam ort, à thigearn, mo rìgh; gabhar m'achuinge, guidheam ort, ann ad làthair; agus na d'thoir orm pilleadh gu tigh Ionatain an sgrìobhuiche, air eagal gu'm faigh mi bàs an sin.

21 Agus dh'àithn an rìgh Sedeciah gu'n cuireadh iad Ieremiah ann an cùirt a' phrìosuinn, agus gu'n d'thugadh iad dha gach latha cuibhrionn arain a sràid nam fuineadairean, gus am biodh uile aran na cathrach air teireachduinn. Agus dh'fhan Ieremiah ann an cùirt a' phrìosuinn.

#### CAIB. XXXVIII.

**A**N sin chuala Sephatiah mac Mhatain, agus Gedaliah mac Phasuir, agus Iucal mac Shelemiah, agus Pasur mac Mhalchiah, na briathran a labhair Ieremiah ris an t-sluaigh uile, ag ràdh,

2 Mar so deir an Tighearn, Esan a dh'fhanas anns a' chathair so bàs-aichidh e leis a' chlaidheamh, leis a' ghort, agus leis a' phlàigh; ach esan a thèid a mach a chum nan Cal-déach mairidh e beo; oir gheibh e 'anam mar chobhartach, agus mairidh e beo.

3 Mar so deir an Tighearn, Bheir-ea gu deimhin a' chathair so suas do làin feachda rìgh Bhabiloiu, a ghlacas i.

4 Air an aobhar sin, thuirt na h-uachdarain ris an rìgh, Biodh an duine so, guidheamaid ort, air a chur

gu bàs: oir mar so tha e lagachadh làmhan an luchd-cogaidh a' fathasd a làthair anns a' chathair so, agus làmhan an t-sluaigh uile, le bhì labhairt a' leithide so do bhriathran riu: oir cha 'n'eil an duine so 'g iarraidh leas an t-sluaigh so, ach an aimhleis.

5 An sin thuirt an rìgh Sedeciah, Feuch, tha e 'n'ur làimh: oir cha'h e'n rìgh esan a dh'fheudas aon ni a chur 'nur n-aghaidh.

6 An sin ghlac iad Ieremiah, agus thilg iad e ann an slochd Mhalchiah mhic Hameleich, a bha ann an cùirt a' phrìosuinn; agus leig iad sìos Ieremiah le cordaibh. Agus anns an t-slochd cha robh uisge 'sam bith, ach clàbar: agus chaidh Ieremiah fuidhe anns a' chlàbar.

7 A nis an uair a chuala Ebed-melech an t-Etiopach, aon do na caillteanaich a bha'n tigh an rìgh, gu'n do chuir iad Ieremiah 'san t-slochd, (agus an rìgh na shuidhe 'san àm sin ann an geata Bheniamin,)

8 Chaidh Ebed-melech a mach a tigh an rìgh, agus labhair e ris an rìgh, ag ràdh,

9 Mo thighearn a rìgh, rinn na daoine so gu h-olc anns gach ni a rinn iad ri Ieremiah ann fàidh, a thilg iad anns an t-slochd; oir gheibh e bàs le h-acras anns an àite sin, a chionn nach 'eil ni's mò aran anns a' bhaile.

10 An sin dh'àithn an rìgh do Ebed-melech, an t-Etiopach, ag ràdh, Thoir leat as so deich fir fhichead, agus thoir a nìos Ieremiah am fàidh as an t-slochd, mu 'm faigh e bàs.

11 Agus thug Ebed-melech leis na daoine, agus chaidh e steach do thigh an rìgh fo'n tigh-thasgaidh, agus thug e as sin seann bhroineagan, agus seann luideagan, agus leig e sìos iad gu Ieremiah do'n t-slochd le cordaibh.

12 Agus thuirt Ebed-melech an t-Etiopach ri Ieremiah, Cuir a nis na seann luideagan, agus na broineagan so, fo d'asgailtean nìu na cordaibh. Agus rinn Ieremiah mar sin.

13 Agus tharruing iad a nìos Ieremiah le cordaibh, agus thug iad a mach as an t-slochd e; agus dh'fhan Ieremiah ann an cùirt a' phrìosuinn.

14 An sin chuir an rìgh Sedeciah fios, agus thug e Ieremiah am fàidh d'a ionnsuidh gus an treas dol-a-steach a ta 'n tigh an Tighearna. Agus thuirt an rìgh ri Ieremiah, Feòruichidh mi ni àraidh dhiot; na ceil a' bheag orm.

15 Agus thuirt Ieremiah ri Sedeciah, Ma dh'inneas mi dhuit, nach dean thu gu cinnteach mo chur gu

bàs? agus ma bheir mi comhairle ort, an éisd thu rium?

16 An sin mhionnaich an rìgh Sedeciah do Ieremiah os òsal, ag ràdh, Mar as beo an Tighearn a rinn dhuinn an t-anam so, cha chuir mi gu bàs thu, ni mò bheir mi thairis thu do làimh na muinntir sin a ta 'g iarruidh d'anama.

17 Agus thuirt Ieremiah ri Sedeciah, Mar so deir Iehobhah, Dia nan sluagh, Dia Israeil, Ma théid thu gu deimhin thairis gu cinn-sheadhna rìgh Bhabiloin, an sin mairidh t-anam beo, agus cha loisgear a' chathair so le teine; ach mairidh tu beo, thu féin agus do theaghlach.

18 Ach mur d'théid thu mach gu cinn-sheadhna rìgh Bhabiloin, an sin bheirear a' chathair so do làimh nan Caldéach, agus loisgidh iad i le teine, agus cha d'théid thu-sa féin as o'n làmhan.

19 Agus thuirt an rìgh Sedeciah ri Ieremiah, Tha eagal nan Iudhach orm, a theich a chum nan Caldéach, gu'n d'thoir iad thairis mi do'n làmhan, agus gu'n dean iad fanaid orm.

20 Ach thuirt Ieremiah, Cha d'thoir iad thairis thu; thoir géill, guidheam ort, do ghuth an Tighearna, 'san ni ta mis' a labhairt riut: mar sin éiridh gu maith dhuit, agus mairidh t-anam beo.

21 Ach ma dhiùltas tu dol a mach, so an ni a thaisbein an Tighearn dhomh-sa:

22 Eadhon, feuch, na h-uile mhnathan a ta air am fàgail ann an tigh rìgh Iudah, bheirear a mach gn cinn-sheadhna rìgh Bhabiloin, agus their iad, Bhrosnuich do chairdean thu, agus thug iad buaidh ort: chuir iad do chasan an sàs anns an làthaich, agus phill iad air an ais.

23 Agus bheir iad a mach d'uile mhnathan, agus do chlann a chum nan Caldéach, agus cha d'théid thu féin as o'n làmhan, ach glacar thu le làimh rìgh Bhabiloin, agus bidh tu coireach anns a' bhaile so bhàir a losgadh le teine.

24 An sin thuirt Sedeciah ri Ieremiah, Na biodh fios aig duine 'sam bith air na briathraibh so, agus cha'n fhaigh thu bàs.

25 Ach ma chluinneas na h-uachdarain gu'n do labhair mise riut, agus gu'n d'thig iad do d'ionnsuidh, agus gu'n abair iad riut, Innis duinn a nis ciod a thuirt thu ris an rìgh, na ceil e oirne, agus cha chuir sinn gu bàs thu: mar an ceudna ciod a thuirt an rìgh riut-sa:

26 An sin their thu riut, Thaisbein mi m'achuinge ann an làthair an rìgh, nach d'thugadh e orm pilleadh

gu tigh Ionatain, a dh'fhaotuinn bàis an sin.

27 Agus thàinig na h-uachdarain uile gu Ieremiah, agus dh'fhiosruich iad dueth, agus dh'innis e dhoibh do réir nan uile bhriathran so a dh'aithn an rìgh dha: mar sin sguir iad do labhairt ris, oir cha do mhothaich-eadh a' chùis.

28 Mar sin dh'fhan Ieremiah ann an cùirt a' phrìosuinn, gus an là 'san do ghlacadh Ierusalem; agus bha e'n sin an uair a ghlacadh Ierusalem.

### CAIB. XXXIX.

**A**NN an naothamh bliadhna Shedeciah rìgh Iudah, anns an deicheamh mìos, thàinig Nebuchadnesar rìgh Bhabiloin, agus 'uile fheadh an aghaidh Ierusalem, agus champaich iad m' a timchioll.

2 Ann an aon bhliadhna deug Shedeciah, anns a' cheathramh mìos, air an naothamh là do'n mìos, bha a' chathair air a briseadh suas.

3 Agus thàinig uile chinn-sheadhna rìgh Bhabiloin a steach, agus shuidh iad anns a' gheata sa' mheadhon; Nergal-sareser, Samgar-nebo, Sarsechim, Rabsaris, Nergal-sareser, Rabmag, leis a' chuid eile air fad do cheanna-feadhna rìgh Bhabiloin.

4 Agus tharladh, an tra chunnaic Sedeciah rìgh Iudah iad, agus na fir-chogaidh uile, gu'n do theich iad, agus gu'n deachaidh iad a mach as a' chathair anns an oidhche, air slighe gàraidh an rìgh, trid a' gheataidh, eadar an da bhalla; agus chaidh iad a mach air slighe a' chòmhnaird.

5 Ach lean feachd nan Caldéach air an tòir, agus rug iad air Sedeciah ann an còmhnardaibh Iericho; agus ghlac iad e, agus thug iad e gu Nebuchadnesar rìgh Bhabiloin, aig Riblah ann am fearann Hamait, far an d'thug e breth air.

6 An sin mharbh rìgh Bhabiloin mic Shedeciah, ann an Riblah, fa chomhair a shùl: uile mhaithlean Iudah mar an ceudna mharbh rìgh Bhabiloin.

7 Agus chuir e mach sùilean Shedeciah, agus cheangail e le slabhruidhean e, a chum a thoirt gu Babilon.

8 Agus loisg na Caldéich tigh an rìgh, agus tighean an t-sluaigh le teine, agus bhris iad sìos ballachan Ierusalem.

9 An sin thug Nebusar-adan ceannard an fhireiceadain leis nam braighdean gu Babilon am fuigheach sluaigh a dh'fhan anns a' chathair, agus iadsan a theich thairis

a theannaich se i.



d'a ionnsuidh, leis a' chuid eile do'n t-sluaigh a dh'fhan beo.

10 Ach cuid do bhochdaibh an t-sluaigh, aig nach robh ni 'sam bith, dh'fhàg Nebusar-adan ceannard an fhreiceadain ann am fearann Iudah, agus thug e dhoibh fion-liosan agus machraichean anns an àm sin.

11 Agus thug Nebuchadnesar rìgh Bhabiloin àithne mu thimchioll Ieremiah do Nebusar-adan ceannard an fhreiceadain, ag ràdh,

12 Thoir leat e, agus thoir aire mhaith dha, agus na dean croin 'sam bith air, ach dean ris amhuil mar a their e riut.

13 Mar sin chuir Nebusar-adan ceannard an fhreiceadain fios, agus Nebusasban, Rabsaris, agus Nergalsareser, Rabmag, agus uile chinn-fheadhna rìgh Bhabiloin :

14 Chuir eadhon iadsan fios, agus thug iad Ieremiah mach a cùirt a' phrìosuin, agus thug iad e do Gedaliah, mac Ahicaim, mhic Shaphain, gu 'thoirt dhachaidh : mar sin ghabh e còmhuidh ann am measg an t-sluaigh.

15 Agus thàinig focal an Tighearna chum Ieremiah, 'nuair a bha e fathasd air a dhruideadh suas ann an cùirt a' phrìosuin, ag ràdh,

16 Imich agus labhair ri Ebed-melech an t-Etiopach, ag ràdh, Mar so deir Tighearn nan sluagh, Dia Israeil, Feuch, bheir mise mo bhriathran air a' chathair so air son uile, agus cha'n ann air son maith ; agus thig iad gu crìch ann ad fhianuis-sa anns an là sin.

17 Ach tearnaidh mi thu-sa 'san là sin, deir an Tighearn, agus cha d'hoirear thairis thu do làimh na muinntir roimh am bheil eagal ort.

18 Oir tearnaidh mi thu, agus cha tuit thu leis a' chlàidheamh, ach bidh t'anam mar chobhartach agad, a chionn gu'n do chuir thu do dhòchas annam-sa, deir an Tighearn.

#### CAIB. XL.

**A**M focal a thàinig a chum Ieremiah o'n Tighearn, an déigh do Nebusar-adan ceannard an fhreiceadain a leigeadh as o Ramah, an uair a thugadh e d'a ionnsuidh, agus e ceangailte le slabhruidhean ann am measg na muinntir sin uile a thugadh air falbh nam braighdean o Ierusalem agus o Iudah, a thugadh ann am braighdeanas gu Babilon.

2 Agus ghabh ceannard an fhreiceadain Ieremiah, agus thuir e ris, Labhair an Tighearn do Dhia-sa an t-olc so an aghaidh an àite so.

3 A nis thug an Tighearn gu crìch e, agus rinn e mar a labhair e : a chionn gu'n do pheacaich sibh an

aghaidh an Tighearna, agus nach d'thug sibh géill d'a ghuth, air an aobhar sin tha'n t-olc so air teachd oirbh.

4 Agus a nis feuch, tha mise 'g ad fhuasgladh an diugh o na slabhruidhean a bha air do làmhnan : ma chi thu ceart teachd leam-sa gu Babilon, thig ; agus bheir mi aire mhaith dhuit : ach mur faic thu ceart teachd leam-sa gu Babilon, fan : feuch, tha am fearann gu h-ìomlan fa d' chomhair : far am faicear ceart agus iomchuidh dhuit dol, theirig<sup>a</sup> ann ; agus ciod air bith tuille cha chumar air ais e.

5 Falbh uime sin air d'ais gu Gedaliah mac Ahicaim, mhic Shaphain, a rinn rìgh Bhabiloin na uachdaran os cionn bhailtean Iudah, agus gabh còmhuidh leis, am measg an t-sluaigh : no falbh c'ait air bith am faic thu iomchuidh dol. Mar sin thug ceannard an fhreiceadain biadh agus duais da, agus leig e dha imeachd.

6 An sin chaidh Ieremiah gu Gedaliah mac Ahicaim, gu Mispah, agus ghabh e còmhuidh leis, am measg an t-sluaigh a dh'fhàgadh, anns an fhearann.

7 A nis an uair a chuala uile cheannardan an fheachd a bha 's na machraichibh, iad féin agus an daoine, gu'n d'rinn rìgh Bhabiloin Gedaliah mac Ahicaim na uachdaran anns an fhearann, agus gu'n d'earb e ris fir, agus mnathan, agus clann, eadhon cuid do bhochdaibh an fhearainn, dhiubh-san nach d'thugadh air falbh ann am bruid gu Babilon ;

8 An sin thàinig iad gu Gedaliah gu Mispah, eadhon Ismael mac Netaniah, agus Iohanan, agus Ionatan, mic Chareah, agus Seraiah mac Thanhumeit, agus mic Ephai an Netophach, agus Iesaniah mac Maachataich, iad féin agus an daoine.

9 Agus mhionnaich Gedaliah mac Ahicaim mhic Shaphain dhoibh-san, agus do 'n daoine, ag ràdh, Na biodh eagal oirbh géill a thoirt do na Caldéich ; gabhaibh còmhuidh anns an tìr, agus thugaibh géill do rìgh Bhabiloin, agus éiridh gu maith dhuibh.

10 Air mo shon-sa, feuch, ni mi còmhuidh ann am Mispah, a fhrith-ealadh do na Caldéich a thig d'ar n-ionnsuidh ; ach sibh-se, tionailibh fion, agus meas samhraidh, agus oladh, agus cuiribh iad 'n'ur soitheachibh, agus deanaibh còmhuidh 'n'ur bailtibh air an d'rinn sibh greim.

11 Air an dòigh chleudna 'nuair a

chuala na h-uile Iudhaich a bha ann am Moab, agus am measg nan Amonach, agus ann an Edom, agus a bha anns na h-uile dhùchannaibh, gu'n d'fhàg rìgh Bhabiloin fuigheall do Iudah, agus gu'n do chuir eos an cionn Gedaliah mac Ahicaim, mhic Shaphain;

12 An sin phill na h-uile Iudhaich as na h-uile àite gus an robh iad air am fògradh, agus thàinig iad gu tìr Iudah, gu Gedaliah, do Mhispah, agus thionail iad sìon, agus meas samhraidh, gu ro phàillt.

13 Agus thàinig Iohanan mac Chareah, agus uile Cheannardan an fheachd a bha 'sna machraichibh, gu Gedaliah do Mhispah;

14 Agus thuirt iad ris, Am bheil fios agad gu cinnteach gu'n do chuir Baalis rìgh nan Amonach Ismael mac Netaniah chum do mharbhadh? Ach, cha do chreid Gedaliah mac Ahicaim iad.

15 An sin labhair Iohanan mac Chareah ri Gedaliah ann am Mispah gu h-uaigneach, ag ràdh, Leig dhomh-sa dol, guidheam ort, agus marbhadh mi Ismael mac Netaniah, agus cha bhi fios aig duine sam bith air; c'uim' am marbhadh e thu-sa, agus gu'm biodh na h-uile Iudhaich a fa air an cruinneachadh do d'ionnsuidh air an sgapadh, agus gu'm bàsaicheadh na tha mairionn do Iudah?

16 Ach thuirt Gedaliah mac Ahicaim ri Iohanan mac Chareah, Cha dean thu an ni so, oir is breug a tha thu labhairt do thaobh Ismael.

#### CAIB. XLI.

**A** NIS tharladh air an t-seachdamh mìos, gu'n d'fhàinig Ismael mac Netaniah, mhic Elisama, do'n t-sìol rioghail, agus maithean an rìgh, eadhon deich fir, maille ris, gu Gedaliah mac Ahicaim do Mhispah, agus an sin dh'ith iad aran le chéile ann am Mispah.

2 An sin dh'éirich Ismael mac Netaniah, agus na deich fir a bha maille ris, agus bhual iad Gedaliah mac Ahicaim, mhic Shaphain, leis a' chlàidheamh, agus mharbh iad e, esan a chuir rìgh Bhabiloin na uachdaran os cionn an fhearainn.

3 Mharbh Ismael mar an ceudna na h-Iudhaich uile bha maille ris, maille ri Gedaliah ann am Mispah, agus na Caldéich a fhuair eadhon an sin, na fir-chogaidh.

4 Agus tharladh air an dara là, an déigh dha Gedaliah a mharbhadh, agus gun fhios aig duine 'sam bith air;

5 Gu'n d'fhàinig daoine àraidh o Shechem, o Shiloh, agus o Shamaria, ceithir fichead fear, aig an robh am

feusagan air am bearradh, an eudaichean air an srachdadh, agus iad féin gearrta, le tabhartasaibh agus tùis nan làimh, gu'n toirt gu tigh an Tighearna.

6 Agus chaidh Ismael mac Netaniah mach o Mhispah nan còdhail, a' gul fad na slighe: agus tharladh an uair a choinnich e iad, gu'n d'thubhairt e riu, Thigibh gu Gedaliah mac Ahicaim.

7 Agus tharladh an uair a thàinig iad gu meadhon a' bhaile, gu'n do mharbh Ismael mac Netaniah iad, agus thilg e iad ann am meadhon an t-sluichid, e féin agus na daoine bha leis.

8 Ach fhuair eadhon nam measg deichneair fhear a thubhairt ri Ismael, Na marbh sinne: oir tha ionmhasan againn sa' mhachair, do chruineachd, agus do eorna, agus do oladh, agus do mhill. Mar sin sguir e, agus cha do mharbh e iad am measg am bràithrean.

9 A nis b'e 'n slochd anns an do thilg Ismael uile chorp marbha nan daoine a mharbh e air son Gedaliah, an slochd sin a rinn Asa an rìgh air eagal Bhaasa rìgh Israeil; Ìon Ismael mac Netaniah e leo-san a mharbhadh.

10 An sin thug Ismael leis ann am bruid na h-uile bha làthair do'n t-sluagh a bh'ann am Mispah, eadhon nigheana an rìgh, agus an sluagh uile a dh'fhan ann am Mispah, a thug Nebusar-adan ceannard an fhreiceadain do Ghedaliah mac Ahicaim; thug eadhon Ismael mac Netaniah leis ann am bruid iad, agus dh'imich e gu dol thairis a chum nan Amonach.

11 Ach an uair a chuala Iohanan mac Chareah, agus uile cheannardan an fheachd, a bha maille ris, an t-olc ud a rinn Ismael mac Netaniah,

12 An sin thug iad leo na daoine air fad, agus chaidh iad a chogadh ri Ismael mac Netaniah, agus fhuair iad e aig na h-uisgeachaibh mòra a ta an Gibeon.

13 A nis tharladh an uair a chunn-aic an sluagh sin uile bha le Ismael Iohanan mac Chareah, agus uile cheannardan an fheachd a bha maille ris, gu'n robh iad an sin aobhneach.

14 Agus thionndaidh an sluagh uile, a thug Ismael air falbh ann am bruid o Mhispah, mu'n cuairt, agus phill iad, agus chaidh iad gu Iohanan mac Chareah.

15 Ach chaidh Ismael mac Netaniah as o Iohanan le ochdnar fhear, agus chaidh e chum nan Amonach.

ag imeachd agus a' gul. Eahh,

16 An sin ghabh Iohanan mac Chareah, agus uile cheannardan an fheachd a bha leis, uile iarmad an t-sluaigh a bhuin e o Ismael mac Netaniah, o Mhispah, (an déigh dha Gedaliah mac Ahicaim a mharbhadh,) gaisgich, fir-chogaidh, agus mnathan, agus clann, agus caillteanaich, a thug e air an ais o Ghi-beon :

17 Agus dh'imich iad, agus ghabh iad còmhnuidh ann an aitreabh Chimhaim, a ta làimh ri Betlehem, a chum falbh gu dol a steach do'n Eiphit, a fianuis nan Caldéach :

18 Oir bha eagal orra rompa, a chionn gu'n do mharbh Ismael mac Netaniah Gedaliah mac Ahicaim, a rinn righ Bhabiloin na uachdaran anns an fhearann.

## CAIB. XLII.

**A**N sin thàinig am fagus uile cheannardan an fheachd, agus Iohanan mac Chareah, agus Iesaniah mac Hosaiah, agus an sluagh gu h-ìomlan, o'n bheag gus a' mhòr ;

2 Agus thubhairt iad ri Ieremiah am fàidh, Biodh ar n-achuinge, guidheamaid ort, taitneach ann ad làthair, agus dean urnuigh air arson ris an Tighearn do Dhia, eadhon air son an iarmaid so uile, (oir cha d'fhàgadh dhinn ach beagan do mhòran, mar a tha do shùilean 'gar faicinn,)

3 Gu sedladh an Tighearn do Dhia dhuinn an t-slighe anns an gluais sinn, agus an nì a tha sinn ri dheanamh.

4 Agus thuirt Ieremiah am fàidh riu, Chuala mi ; feuch, nì mise urnuigh ris an Tighearn bhur Dia do réir 'urbriathan ; agus tarlaidh, ge b'e freagradh a bheir an Tighearn dhuibh, gu 'n innis mise dhuibh e : cha chum mi nì sam bith air ais uaibh.

5 Agus thubhairt iad ri Ieremiah, Biodh an Tighearn na fianuis fhìor agus dhùileas eadarunn, mur dean sinne gach nì air son an cuir an Tighearn do Dhia do 'r n-ionnsuidh thu.

6 Ma 's maith no ma 's olc e, bheir sinn géill do ghuth an Tighearna ar Dia, gus am bheil sin 'gad chur ; a chum asgu 'n éirich gu maith dhuinn an uair a bhios sinn umhal do ghuth an Tighearna ar Dia.

7 Agus tharladh an ceann dheich laithean, gu 'n d'fhàinig guth an Tighearna do Ieremiah.

8 An sin ghairm e Iohanan mac Chareah, agus uile cheannardan an fheachd a bha maille ris, agus an sluagh uile, o'n bheag gus a' mhòr.

9 Agus thuirt e riu, Mar so deir an Tighearn Dia Israeil, gus an do

chuir sibh mise chum 'ur n-achuinge a chur suas na làthair ;

10 Ma dh'fhanas sibh an còmhnuidh anns an tìr so, an sin togaidh mise sibh, agus cha tilg mi sìos ; agus suidhichidh mi sibh, agus cha spion mi nìos : oir is aithreach leam an t-olc a rinn mi oirbh.

11 Na biodh eagal righ Bhabiloin oirbh, as am bheil sibh a' gabhail eagal : na biodh eagal oirbh roimhe, deir an Tighearn ; oir tha mise leibh gu'r tearnadh, agus gu'r saoradh as a làimh.

12 Agus nochdaidh mi tràcairean duibh, agus gabhaidh esan truas dibh, agus suidhichidh e sibh 'nur dùth-aich féin.

13 Ach ma their sibh, Cha ghabh sinn còmhnuidh anns an fhearann so ; air chor as nach d'thoir sibh géill do ghuth an Tighearna bhur Dia,

14 Ag ràdh, Nì h-eadh ; ach théid sinn do thìr na h-Eiphit, far nach faic sinn cogadh sam bith, nì mò chluinneas sinn fuaim na trompaide, no bhios easbhuidh arain oirnn : agus an sin gabhaidh sinn còmhnuidh :

15 (Seadh a nis uime sin éisdibh focal an Tighearna, O iarmaid Iudah, Mar so deir Tighearn nan sluagh, Dia Israeil, Ma chuireas sibh do rìreadh 'ur n-aghaidh ri dol do 'n Eiphit, agus gu 'n d'théid sibh an sin air chuairt ;)

16 An sin tarlaidh gu 'n dean an claidheamh, roimh am bheil eagal oirbh, 'ur glacadh an sin ann an tìr na h-Eiphit ; agus a' ghort, roimh am bheil eagal oirbh, dlù-leanaidh air 'ur tòir an sin anns an Eiphit ; agus an sin gheibh sibh bàs.

17 Is amhluidh a thachairas do na h-uile dhaoin a chuireas an aghaidh ri dol do'n Eiphit gu fantuinn air chuairt an sin ; bàsaichidh iad leis a' chladheamh, leis a' ghort, agus leis a' phlàigh : agus cha bhi aon a mhaireas, no théid as o'n olc a bheir mis' orra.

18 Oir mar so deir Tighearn nan sluagh, Dia Israeil, Mar a bha m' fhearg agus mo chorruich air a dòrtadh a mach air luchd-àiteachaidh Ierusalem, is amhluidh bhios mo chorruich air a dòrtadh a mach oirbh-se'n tra théid sibh a steach do'n Eiphit : agus bithidh sibh 'n'ur mallachadh, agus 'n'ur n-uamhas, agus 'n'ur mallachd, agus 'n'ur masladh ; agus cha'n fhaic sibh an t-àite so nì's mò.

19 Is e focal an Tighearna do'r taobh-sa, O fhuigheall Iudah, Na rachaidh do'n Eiphit : biodh fios cinnteach agaibh gu 'n d' thug mise rabhadh dhuibh an diugh.

20 Gu deimhin chuir sibh an gnìomh cealg an aghaidh 'ur n-anama féin: oir chuir sibh mise chum an Tighearna bhur Dia, ag ràdh, Guidh air ar son-ne ris an Tighearn ar Dia, agus do réir gach nì a their an Tighearn ar Dia, mar sin innis duinn, agus ni sinne.

21 Agus dh'innis mise dhuibh air an là an diugh, ach eha d'thug sibh-se géill do ghuth an Tighearna bhur Dia, no do aon ni air son an do chuir e mise do'r n-ionnsuidh.

22 Air an aobhar sin biodh dearbh fhios agaibh gu 'm basaich sibh leis a' chlaidheamh, agus leis a' ghort, agus leis a' phlàigh, anns an àite agus an àill leibh siubhal gu fantuinn air chuairt.

CAIB. XLIII.

**A**GUS tharlach, trasgair Jeremiah do labhairt ris an iomlan do'n t-sluagh uile bhriathran an Tighearna an Dia, air son an do chuir an Tighearn an Dia esan d'an ionnsuidh, eadhon nan uile bhriathra so;

2 Gu 'n do labhair Asariah mac Hosaiah, agus Iohanan mac Chareah, agus na daoine uaibhreach uile, ag ràdh ri Jeremiah, Is breug a tha thu labhairt: cha do chuir an Tighearn ar Dia thu gu ràdh, Na rachaibh do 'n Eiphit a dh'fhantuinn air chuairt an sin.

3 Ach tha Baruch mac Neriah 'gad bhrosnuchadh 'nar n-aghaidh, a chum ar toirt suas do làimh nan Caldéach, a chum ar marbhadh, no ar toirt air falbh nar braighdean gu Babilon.

4 Mar so cha d'thug Iohanan mac Chareah, agus uile cheannardan an fheachd, agus an sluagh uile, géill do ghuth an Tighearna, gu còmhnuidh ghabhail ann an tìr Iudah.

5 Ach ghabh Iohanan mac Chareah, agus uile cheannardan an fheachd, a' mhead as a bha làthair do Iudah, a phill o na h-uile chinnich gus an robh iad air am fògradh, gu còmhnuidh ghabhail ann an tìr Iudah;

6 Na fir, agus na mnathan, agus a' chlann, agus nigheanan an rìgh, agus gach neach a dh'fhàg Nebusaradan ceannard an fhreiceadain le Gedaliah mac Ahicaim, mhic Shaphain, agus Jeremiah am fàidh, agus Baruch mac Neriah;

7 Agus dh'imich iad gu tìr na h-Eiphit; oir cha d'thug iad géill do ghuth an Tighearna; agus thàinig iad eadhon gu Tahpanes.

8 An sin thàinig focal an Tighearna gu Jeremiah ann an Tahpanes, ag ràdh,

9 Gabh ann ad làimh clachan mòra, agus folaich iad anns a' chreadh, ann an àth nan clacha-

creadh, a ta aig dol a steach tighe Pharaoh, ann an Tahpanes, ann an sealladh fheara Iudah.

10 Agus abair riu, Mar so deir Tighearn nan sluagh, Dia Israeil; Feuch, cuiridh mise fios, agus gabhaidh mi Nebuchadnesar rìgh Babilon, mo sheirbhiseach, agus suidhichidh mi a rìgh-chaithir air na clachaibh so a dh'fholaich mi, agus sgaoilidh e a phaillion rioghail tharta.

11 Agus thlig e, agus buailidh e tìr na h-Eiphit, iadsan a ta chum bàis, le bàs; agus iadsan a ta chum daorsa, le daorsa; agus iadsan a ta chum a' chlaidheimh, leisa chlaidheamh.

12 Agus fadaidh miseteine ann an tighibh dhée na h-Eiphit; agus loisgidh esan iad, agus bheir e air falbh e nan braighdean iad, agus éididh se e féin le tìr na h-Eiphit, mar a dh'éideas buachail e féin le 'thruscan; agus théid e mach as sin ann an sìth.

13 Brisidh e fòs dealbhan tighe na gréine a ta an tìr na h-Eiphit, agus tighean dée na h-Eiphit loisgidh e le teine.

CAIB. XLIV.

**A**M focal a thàinig gu Jeremiah mu thimchioll nan uile Iudhach a ta còmhnuidh ann am fearann na h-Eiphit, a ta còmhnuidh aig Migdol, agus aig Tahpanes, agus aig Noph, agus ann an dùthaich Phatrois, ag ràdh,

2 Mar so deir Tighearn nan sluagh Dia Israeil, chunnaic sibh an t-uile olc a thug mise air Ierusalem agus air uile bhailtibh Iudah; oir feuch an diugh tha iad nam fàsach, agus cha'n 'eil neach 'gan àiteachadh.

3 Air son an aingidheachd a chuir iad an gnìomh, a chum mis' a bhrosnuchadh gu feirg, le iad a dhol a losgadh tùise, gu seirbhis a thoirt do dheibh eile nach b'aithne dhoibh: dhoibh-san, dhuibh-se, no do 'ur n-aithrichibh.

4 Chuir mi mar an ceudna do'r n-ionnsuidh m'uile sheirbhisich na fàidhean, ag éirigh gu moch agus 'gan cur a mach, ag ràdh, Guidheam oirbh, na deanaibh an nì gràineil so, as fuathach leam-sa.

5 Ach cha d'éis iad, ni mò thionndaidh iad an cluas, gu pilleadh o'n aingidheachd, agus gun tùis a losgadh do dheibh eile.

6 Uime sin bha m'fhearg agus mo chorruch air a taomadh a mach, agus air lasadh ann am bailtibh Iudah, agus ann an sràidibh Ierusalem, agus tha iad nam fàsach, agus nan làraich sgaoilte, mar air an là an diugh.

7 Agus a nis mar so deir Iehobhah



Dia nan sluagh, Dia Israeil; C'uim' am bheil sibh a' cur an gnìomh an uile mhòr so an aghaidh 'ur n-anama féin, a ghearradh as uaibh an fhir agus na mnà, an leinibh agus an naoidhein, a mach a Iudah; ionnus nach fàgar fuigheall beo dhiibh;

8 Agus gu bheil sibh 'gam bhros-nuchadh-sa gu cornnich le oibribh 'ur làmh, a' losgadh tùise do dhéibh coimheach ann an tìr na h-Eiphit gus am bheil sibh air dol a ghabhail còmhnuidh; a chum gu 'm biodh sibh air 'ur gearradh as, agus gu 'm biodh sibh 'nur mallachadh, agus 'nur masladh an measg uile chinn-eacha na talmhainn?

9 An do dhi-chuimhnich sibh ain-gidheachd bhur n-aithrichean, agus aingidheachd rìghrean Iudah, agus aingidheachd am mnathan, agus 'ur n-aingidheachd féin, agus aingidheachd 'ur ban, a chuir iad an gnìomh ann am fearann Iudah, agus ann an sràidibh Ierusalem.

10 Cha 'n 'eil iad air an irisleachadh gus an là an diugh, ni mò ghabh iad eagal, no ghluais iad ann am lagh-sa, no ann am reachdaibh, a chuir mi roimhibh-se, agus roimh'ur n-aithrichibh.

11 Uime sin mar so deir Tighearn nan sluagh, Dia Israeil, Feuch, cuiridh mise mo ghnuis 'nur n-aghaidh a chum uile, eadhon a chum Iudah uile a ghearradh air falbh.

12 Agus gabhaidh mi fuigheall Iudah, a chuir an aghaidh ri dol do thìr na h-Eiphit gu fantuinn air chuairt an sin, agus caithear iad uile ann an tìr na h-Eiphit; tuitidh iad leis a' chlàidheamh, caithear iad leis a' ghort; o'n bheag gus a' mhòr, bàsaichidh iad leis a' chlàidheamh, agus leis a' ghort; agus bidh iad nam mallachadh, agus nan uamhas, agus nam mallachd, agus nam masladh.

13 Agus smachdaichidh mi iadsan a ta chòmhnuidh ann an tìr na h-Eiphit, mar a smachdaich mi Ierusalem, leis a' chlàidheamh, leis a' ghort, agus leis a' phlàigh.

14 Agus do thuigheall Iudah a ta air teachd air chuairt do 'n Eiphit, cha bhì neach a théid as no mhaireas beo, gu pilleadh do thìr Iudah, gus am bheil iad an geall air pilleadh a ghabhail còmhnuidh; seadh, cha phill ach iadsan a théid as.

15 An sin na h-uile dhaoine aig an robh fios gu 'n do loisg am mnathan tùis do dhéibh eile, agus na h-uile mhnathan a sheas dlù, sluagh mòr, eadhon an t-uile shluagh a bha chòmhnuidh ann an tìr na h-Eiphit, ann am Patros, shireagair iad Ieremiah, ag ràdh,

16 Do thaobh an fhocail a labhair thu ruinn ann an ainm an Tighearna, cha'n éisd sinn riut.

17 Ach ni sinn gu deimhin gach uile nì a thig a mach as ar beul féin, a losgadh tùise do bhan-rìghinn nèimhe, agus a thaomadh a mach thabhartasa-dibhe dh'i; amhuil a rinn sinn, sinn féin agus ar n-aithrichean, ar rìghrean, agus ar n-uaislean, ann an bailtibh Iudah, agus ann an sràidibh Ierusalem: oir an sin bha pailteas bidh againn, agus shoirbhich leinn, agus cha'n fhaca sinn olc air bith.

18 Ach o 'n àm an do sguir sinn do losgadh tùise do bhan-rìghinn nèimhe, agus do thaomadh a mach thabhartasa-dibhe dh'i, bha easbhuidh nan uile nithe oirn, agus bha sinn air ar caitheamh leis a' chlàidheamh, agus leis a' ghort.

19 Agus an uair a loisg sinn tùis do bhan-rìghinn nèimhe, agus a dhòirt sinn a mach thabhartasa-dibhe dh'i, an d'rinn sinn breacagan dh'i d'a h-aoradh, agus a dhòrtadh thabhartasa-dibhe dh'i, as eagamhais ar fèara?

20 An sin labhair Ieremiah ris an uile shluagh, ris na fearaibh, agus ris na mnaibh, agus ris an uile shluagh a thug dha freagradh, ag ràdh,

21 An tùis a loisg sibh ann am bailtibh Iudah, agus ann an sràidibh Ierusalem, sibh féin, agus 'ur n-aithrichean, 'ur rìghrean, agus 'ur n-uachdarain, agus sluagh an fhearainn, nach do chuimhnich an Tighearn iad, agus nach d'thàinig iad na aire?

22 Air chor as nach feudadh an Tighearn giùlan leibh ni b'fhaide, air son aingidheachd 'ur deanadais, air son nan gràidhealachdan a chuir sibh an gnìomh: air an aobhar sin tha 'ur fearann na fhàsach, agus na uamhas, agus na mhallachd, gun aon fhear-aiteachaidh, mar air an là an diugh.

23 A chionn gu 'n do loisg sibh tùis, agus a chionn gu 'n do pheacaich sibh an aghaidh an Tighearna, agus nach d'thug sibh géill do ghuth an Tighearna, ni mò ghluais sibh na lagh, no na reachdaibh, no na àith-eantaibh: air an aobhar sin tha 'n t-olc so air teachd oirbh, mar air an là an diugh.

24 Os-barr, thuirt Ieremiah ris an t-sluagh uile, agus ris na mnaibh uile, Eisidibh focal an Tighearna, uile Iudah a ta an tìr na h-Eiphit.

25 Mar so labhair Tighearn nan sluagh, Dia Israeil, ag ràdh, Labhair sibh féin agus 'ur mnathan le'r beoil, agus chuir sibh an gnìomh le'r làmh-an, ag ràdh, Coimhionaidh sinn gu deimhin ar bàidean a thug sinn, gu tùis a losgadh do bhan-rìghinn

nèimhe, agus tabhartasa-dibhe dhòrtadh amach dh'i: ni sibh gu deimhin 'ur bòidean a dhaingneachadh, agus ni sibh gu deimhin 'ur bòidean a choimhlionadh.

26 Uime sin éisdibh focal an Tighearna, uile Iudah, ta chòmhnuidh ann an tìr na h-Eiphit; Feuch, mhionnuich mise air m'ainm mòr, deir an Tighearn, nach bi m' ainm ni 's mò air 'ainmeachadh ann am beul duin' air bith do Iudah, ann an uile thìr na h-Eiphit, ag ràdh, Mar as beo an Tighearn Dia.

27 Feuch, ni mise faire os an cionn air son uile, agus cha'n ann air son maith, agus sgriosar gach duine do Iudah a ta 'n tìr na h-Eiphit, leis a' chlàidheamh, agus leis a' ghort, gus am bi làn chrìoch orra.

28 Agus a' mhuinntir a thèid as o'n chlàidheamh, pillidh iad o thìr na h-Eiphit gu tìr Iudah, tearc ann an àireamh: agus aithnichidh uile fhuigheall Iudah a chaidh air chuairt do thìr na h-Eiphit, cò am focal a sheasas, m'fìocal-sa, no am focal-san.

29 Agus bidh so mar chomhara dhuibh, deir an Tighearn, gur mis a smachduich sibh anns an àite sin, a chum gu'n aithnich sibh gu cinnteach gu seas mo bhriathran-sa 'nur n-aghaidh a chum 'ur dochainn.

30 Mar so deir an Tighearn, Feuch, bheir mise Pharaoh-hophra, rìgh na h-Eiphit, do làimh a naimhdean agus do làimh na muinntir a ta 'g iarraidh 'anama; mar a thug mi Sedeciah, rìgh Iudah, do làimh Nebuchadne-sair rìgh Bhabiloin, agus fear-tòrachd a 'anama.

CAIB. XLV.

**A**M focal a labhair Ieremiah am fàidh ri Baruch mac Neriah, 'nuair a sgrìobh e na briathran so ann an leabhar o bheul Ieremiah, ann an ceathramh bliadhna Iehoia-cim, mhic Iosiah, rìgh Iudah, ag ràdh,

2 Mar so labhair an Tighearn Dia Israeil do d' thaobh-sa, O Bhar-uich;

3 Thubhairt thu, Mo thruaighe mise nis! oir chuir an Tighearn bròn ri m' dhoilghios; tha mi sgàth le m' osnaibh, agus fois air bith cha d' fhuair mi!

4 Mar so their thu ris, Mar so thubhairt an Tighearn, Feuch an ni sin a thog mi, tìgidh mi sìos; agus an ni sin a shuidhich mi spionaidh mi nìos; eadhon an fearann so gu h-iomlan.

5 Agus am bheil thus' ag iarraidh

air do shon féin nithe mòra? Na h-iarr: oir, feuch, bheir mise olc air na h-uile fheoil, deir an Tighearn: ach bheir mi dhuit-se d'anam mar chobhartach, anns na h-uile àite gus an d'théid thu.

CAIB. XLVI.

**F**OCAL an Tighearna a thàinig gu Ieremiah am fàidh, mu thim-chioll nan cinnèach.

2 Mu thimchioll na h-Eiphit. Do thaobh feachda Pharaoh-necho rìgh na h-Eiphit, a bha ri taobh na h-aibhne Euphrateis ann an Carchemis, a bhuail Nebuchadne-sair rìgh Bhabiloin, ann an ceathramh bliadhna Iehoia-cim, mhic Iosiah, rìgh Iudah.

3 Gleusaibh an targaid, agus an sgiath, agus dlùthaichibh a chum a' chathia.

4 Uighimichibh na h-eich, agus rachaibh air am muin, a mharc-shluagh; agus seasaibh a mach le ceannbheartaibh; lìomhaibh na sleaghan, cuiribh oirbh na làirichean.

5 C'uin' am faca mi iad so fo gheilt, agus a gabhail na ruaige? tha eadhon an daoine cumhachdach air an claidh; seadh a' teicheadh gu luath, agus gun iad a' sealltuinn nan déigh. Tha eagal air gach làimh, deir an Tighearn.

6 Na teicheadh am fear luath, agus na rachadh am fear làidir as; a làimh na h-àirde tuath, ri taobh na h-aibhne Euphrateis, thuislich, agus fhuair iad leagadh.

7 Cò so teachd a nìos mar abhainn, agus a h-uisgeachan ag atadh mar thuiltean?

8 Dh'éirich an Eiphit mar abhainn, tha a h-uisgeachan ag atadh mar thuiltean, agus tha i 'g ràdh, Thèid misuas, còmhdaichidh mi am fearann, sgriosaidh mi a' chathair, agus iadsan a ta 'ga h-àiteachadh.

9 Rachaibh air 'ur n-eachaibh, agus bithibh air mhìre-chathia; air na carbadaibh, agus rachadh na fir-chogaidh a mach: na h-Etiopaich, agus na Libianaich a ghlacas an sgiath, agus na Lidianaich a ghlacas agus a chuireas air lagh am bogha.

10 Oir is e so là Tighearna nan sluagh, là dioghaltais, a chum e féin a dhioladh air a naimhidibh: agus sluigidh an claidheamh, agus bidh e sàthach, agus cuirtear air mhisg e le 'm fuil: oir tha 'obairt aig Tighearn nan sluagh anns a tìr mu thuath, làimh ri abhainn Euphrateis.

11 Theirig suas gu Gilead, agus gabh ioc-shlaint, Oog-bhean, a nigh-ean na h-Eiphit; is dìomhain duit mòran chungaidhean leigheis a

\* a bha 'g iarraidh.

ghnàthachadh : air do leigheas cha bhi thu.

12 Chuala na cinnich do mhas-ladh, agus lion do ghaoiran talamh : oir thuislich iad, an laoch an aghaidh an laoiich; thuit iad araon le chéile.

13 Am focal a labhair an Tighearn ri Ieremiah am fàidh, mu theachd Nebuchadnesair rìgh Bhabiloin, a bhualadh tìre na h-Eiphit.

14 Foillsichibh anns an Eiphit, agus cuiribh an céill ann an Migdol; innsibh fòs ann an Noph, agus ann an Tahpanes abraibh; Seas daingean, agus deasuich thu féin; oir shluig an claidheamh a' mhuinntir a ta mu'n cuairt duit.

15 C'uim' am bheil do chumhachdach air an leagail? cha do sheas iad, a chionn gu'n do thilg an Tighearn sìos iad.

16 Thug e air mòran tuisleachadh, seadh tuiteam air muin a' chéile: thubhairt iad uinne sin, Thigibh, agus pilleamaid gu'r sluagh féin, agus gu tìr ar dùchais, o chlaidheamh a' mhillteir.

17 Dh'èigh iad an sin, O Pharaoh, a rìgh na h-Eiphit, chuir ioma-luasgadh air a' choinneamh a shuidhich-eadh.

18 Mar is beo mise, deir an Rìgh, d'an ainm Iehobhah Dia nan sluagh, gu deimhin mar Thabor am measg nam beann, agus mar Charmel ri taobh na fairge, thig e.

19 Cuir d'airneis an uigheam air son dol air ghluasad, O a nighean a ta chòmhnuidh 'san Eiphit; oir bidh Noph na fhàsach, bidh e fòs na làraich sgaoilte, gun aon 'ga àiteachadh.

20 Is agh aig am bheil aogus àl-uinn an Eiphit; tha milleadh o'n airde tuath a' teachd na h-aghaidh.

21 Tha a fir-thuasadail fòs na meadhon mar dhaimh bhiadhta; gidheadh thionndaidh eadhon iadsan an cùlaobh, theich iad le chéile, cha do sheas iad; a chionn gu'n d'fhàinig orra là an ainmheis, aimsir an smachdachaidh.

22 Théid a guth a mach mar ghuth nathrach; oir gluaisidh iad mar armailt, agus thug iad na h-aghaidh le tuaghaibh, mar luchd-gearradh chràobh.

23 Gearraibh sìos a coillteach, deir an Tighearn, air chor as nach bi i r'a faotainn le iarruidh; ge hion-mhoire iad na locuist, agus ge nach feudar an àireamh.

24 Tha amhludh air nighinn na h-Eiphit; thugadh thairis i do làimh sluagh na h-airde tuath.

25 Thubhairt Tighearn nan sluagh,

Dia Israeil, Feuch, smachdaichidh mise Amon No, agus Pharaoh, agus an Eiphit, agus a dée, agus a rìgh-rean; eadhon Pharaoh agus iadsan a ta cur an dòchais ann.

26 Agus bheir mi thairis iad do làimh na muinntir a ta 'g iarruidh an anam, eadhon do làimh Nebuchadnesair rìgh Bhabiloin, agus do làimh a sheirbhiseach: agus na dhéigh sin àitichear i, mar anns na laithibh o shean, deir an Tighearn.

27 Ach na biodh eagal ort-sa, O Iacoib, m'dèglach, agus na biodh geilt ort, O Israeil; oir, feuch, bheir mise tèaruint thu o chéin, agus do shliochd o thìr an daorsa; agus pillidh Iacob, agus gheibh e fois agus sìth; agus cha bhi aon neach ann a chur eagail air.

28 Na biodh eagal ort, O Iacoib m'dèglach, deir an Tighearn, oir tha mise maille riut; ged bheir mi crìoch iomlan air na h-uile chinnich gus an d'fhògair mi thu, gidheadh cha d'fhoir mi crìoch iomlan ort-sa: ach smachdaichidh mi thu ann an tomlhas, agus cha'n fhuiling mi dhuit dol as gu h-iomlan saor.

## CAIB. XLVII.

**F**OCAL an Tighearna a thàinig gu Ieremiah am fàidh do thaobh nam Philisteach, mu'n do bhual Pharaoh Gasa.

2 Mar so deir an Tighearn, Feuch, tha uisgeachan a' teachd a uios o'n airde tuath, agus fàsaidh iad nan tuil a thig thairis, agus a chòmhdaicheas am fearann, agus gach ni ta ann; a' chathair, agus iadsan a ta 'g a h-àiteachadh: agus éighidh na daoine gu h-ard, agus ni uile luchd-àiteachaidh na tìre tuireadh.

3 Ri fuaime tartair iongan an eacha meannach, ri farum a' charbad, ri stairriche a rothan, cha seall na h-athirichean air an ais ri'n cloinn, le laigse làmh.

4 Air son an là a ta teachd a chreachadh nam Philisteach uile, agus a ghearradh air falbh o Thirus agus o Shidon gach fear-cuideachaidh a ta mairionn: oir creachaidh an Tighearn na Philistich, fuigheall tìre Chaphtoir.

5 Thàinig maoile air Gasa; mhill-eadh Ascelon. O fhuigheall an glinne; cia fhada ni thusa thu féin a ghearradh?

6 Ho! a chlaidheimh Iehobhah! cia fhada gus an gabh thu fois? taisg thu féin ann ad thruaill, gabh fois, agus bi sàmhach.

7 Cionnus a dh'fheudas e bhi sàmhach, o thug an Tighearn àithne dha? An aghaidh Asceloin, agus an aghaidh oir-thìr na fairge, an sin dh'orduich se e,

CAIB. XLVIII.

**M**U thimchioll Mhoaid. Mar so deir Tighearn nan sluagh, Dia Israeil; Is an-aobhinn do Nebo! oir tha e air a chreachadh: tha Ciriataim air a churgu l-amhladh, air a ghlacadh; tha e air a mhaslachadh, an daingneach ard, agus air a bhriseadh sìos.

2 Ni's mò cha bhi uail aig Moab ann an Hesbon; dhealbh iad olc na aghaidh, ag ràdh, Thigibh, agus gearraim as e o bhi na chinneach: millear thu-sa mar an ceudna, O Mhadmein, bidh an claidheamh air do thòir.

3 Tha fuaim éighlich o Horonaim, milleadh agus àr mòr.

4 Tha Moab air a mhilleadh, thug a chlanu bheag air an gaoir a bhi air a cluinntinn.

5 Gu dearbh aig uchdaich Luhit, theid gu a suas gun fhios: gu dearbh aig leathlath Horonaim chuala mo naimhde éigh a' mhillidh.

6 Teichibh, tearnaibh 'ur n-anam, agus bithibh mar phreas seargta 'san ionad sgaoilte.

7 Oir a chionn gu'n d'earb thu as do mhaoin, agus as d' ionnhasaibh, air an aobhar sin bidh tu féin fòs air do ghlacadh: agus theid Chemos air falbh ann bhaighdeanas, a shagart agus 'uachdarain maille ris.

8 Thig creachadair fòs air gach uile chathair; agus chad' theid cathair air bith as: agus millear an gleann, agus theid an còmhuard a sgrios, anhuil a labhair an Tighearn.

9 Thugaibh sgiathan do Mhoab, a chum gu'n teich e gu luath air falbh; agus biodh a bhailtean nam fàsach, gun aon 'gan àiteachadh.

10 Is malluichte esan a n' obair an Tighearna gu cealgach; agus is malluichte esan a chumas a chlàidheamh air ais o fhuil.

11 Bha suaimhneas aig Moab o 'dige, agus shocruidh e air a dheasg-ainibh, agus cha do tharruingeadh a mach o shoitheach gu soitheach e, ni mò dh' imich e ann am bhaighdeanas: air an aobhar sin mhair a bhlas ann, agus cha d'atharraicheadh a bhladh.

12 Uime sin, feuch, tha na laith-ean a' teachd, deiran Tighearn, anns an cuir mise d'a ionnsuidh luchd-glusaid, a bheir air dol air ghluasad, agus a dh'fhalamhaicheas a shoithichean, agus a bhriseas a shoir-eachan.

13 Agus bidh nàire air Moab do Chemos, mar a bha nàire air tigh Israel do Bhetel am muinighin.

14 Cionnus a their sibh, Tha sinn

'nar daoine cumhachdach, agus treun air son a' chathra?

15 Tha Moab air a chreachadh, agus air dol suas as a bhailtibh, agus thàinig an ìgirdh thaghta-san a nuas a chum an àir, deir an ìgh, d'an ainm Iehobhah Dia nan sluagh.

16 Tha léir-sgrìos Mhoaid dhà do làimh, agus 'amhghar gu luath a' greasad.

17 Guilbith air a shon, sibhs' uile mu'n cuairt da; agus sibhs' uile d'an aithne 'ainm; abraibh, Cionnus a bhriseadh slat-rioghail na treise! lorg na maise!

18 Thig a nuas o d' àilleachd, agus suidh ann an Iota, O a nighean a ta 'g àiteachadh Dhiboin; a chionn gu bheil creachadair Mhoaid air teachd a nìs ann ad aghaidh, fear-millidh do dhaingnichean.

19 Seas aig an t-slighe, agus gabh sealladh, O bhean-àiteachaidh Aroer; fedruich dheth-san a theic'ieas, agus dh'ise chaidh as, abair, Ciod a rinneadh?

20 Mhasluicheadh Moab, oir bhriseadh a sìos e: deanaibh uifhartaich agus ard-éigheach; innsibh an sgeul ann an Arnon, gu bheil Moab air a mhilleadh.

21 Agus thàinig breitheanas air an tìr chòmhnaid; air Holon, agus air Iakhsah, agus air Mephaat,

22 Agus air Dibon, agus air Nebo, agus air Bet-diblataim,

23 Agus air Ciriataim, agus air Bet-gamul; agus air Bet-meon,

24 Agus air Ceriot, agus air Bos-rah, agus air uile bhailtibh fearainn Mhoaid, am fad 's am fagus.

25 Ghearradh adharc Mhoaid uaidh, agus tha a ghairdean, air a bhriseadh, deir an Tighearn.

26 Cuir air mhisg e; a chionn gu 'n do thog e suas e féin an aghaidh an Tighearna: seadh, ni Moab e féin aonair na sgeith féin, agus bidh e mar an ceudna na bhall-fanaid.

27 Oir, nach robh Israel na bhall-fanaid duitse? an d' fhuaradh am measg n'heirleach e, gu 'n d'thugadh tu ana-cainnt da leis na h-uile bhriathran a b' urradh thu?

28 Fàgaibh na bailtean, agus gabh aibh còmhuidh anns a' charrag, O sibhs' a ta 'g àiteachadh Mhoaid; agus bithibh cosmhuil ris a' choluman, a ni a nead ann am bruaich bile na h-uaimhe.

29 Chuala sinn uabhar Mhoaid; tha e ro-uabhrach; a mhòr-chuis agus 'uabhar, agus 'uail, agus ardan a chridhe.

30 Is aithne dhomh-sa, deir an Tighearn, a chorruidh, ach cha 'n 'eil a neart d'a réir; a ràiteachas, ach cha 'n 'eil a dheanadas d'a réir.

31 Air an aobhar sin guilidh mise

\* shòlaidh.



air son Mhoib, eadhon air son Mhoib uile togaidd mi'n aird mo ghuth; ri fearaibh Chir-hereis ni Iaser éigh-each le gul.

32 Guilidh mi air do shon, O fhineamhuin Shibmah; sgaoil do mh'anglain thar an fhairge, ràinig iad gu ruig fairge Iaser; air do mheas-samhraidh, agus air d'fhion-fhoghara bhual am fear-millidh.

33 Agus tha aobhneas agus gairdeachas air an toirt air falbh o'n mhachair thorraich, eadhon o thir Mhoib; agus air fion o'n amar-bhruthaidh chuir mise casgadh; am fear-bruthaidh cha blrùth, an iolach cha'n iolach i.

34 O ghaoir Hesboin gu Elealeh, gu Iahas chuir iad a mach an guth, o Shoargu ruig Horonaim, mar thrìbliadhnach aighe; oir bidh, eadhon uisgeacha Nimrim nan léir-sgrìos.

35 Agus cuiridh mise casgadh ann am Moab, deir an Tighearn, a'rsan a dh' iobras air ionad ard, agus a'rsan a loisgeas tìis d' a dhiadhan.

36 Air an aobhar sin ni mo chridhe fuaim mar phìobaibh air son Mhoib; ni eadhon mo chridhe fuaim mar phìobaibh air son theara Chir-hereis: a chionn gu'n deachaidh am beartas a fhuair iad ann am mugha.

37 Seadh *bithidh* gach ceann maol, agus gach feusag bearra: air na h-uile làmhlan *bidh* gearraidhean, agus air na h-uile leasraibh sac-éideadh.

38 Air mullach uile thighean Mhoib, agus na shràidibh, *bidh* tuireadh coitichionn: oir bhris mise Moab, mar shoitheach anns nach 'eil aig aon neach tlachd, deir an Tighearn.

39 Cionnus a bhriseadh slos e! (bhuir iad); cionnus a thionndaidh Moab a chlàobh! nàraicheadh Moab, agus bidh e na bhall-fanaid, agus na uamhann dhoibh-san uile inu'n cnait da.

40 Oir mar so deir an Tighearn, Feuch, itealuichidh aon mar iolair, agus sgaoilidh e a sgiathan thar Moab.

41 Ghlacadh na bailtean, agus tha na daingnichean an làimh, agus bidh cridheachan laoch Mhoib anns an là sin mar chridhe mnà ri saothair.

42 Agus sgrìosar Moab o bhi ni 's mò na chinneach, a chionn gu'n d' arduich se e féin an aghaidh an Tighearna.

43 *Bithidh* an t-uamhas, an slochd, agus an rib ort, O fhir-àiteachaidh Mhoib, deir an Tighearn.

44 Esan a theicheas o'n uamhas, tuitidh e san t-slochd, agus esan a dh' éireas as an t-slochd, glacar e 'san rib; oir bheir mise air, eadhon

air Moab, bliadhna a smachdachaidh, deir an Tighearn.

45 Fuidh sgàile Hesboin sheas iad-san a theich o'n ain-neart: ach thig teine mach o Hesbon, agus lasair a meadhon Shihoin, agus loisgidh e cearna Mhoib, agus mullach cinn nan daoine ceannairceach.

46 Is an-aobhinn dhuit-se, O Mhoib? tha thu-sa cailte, O shlu-aigh Chemois! oir thugadh do mhic air falbh am braighdeanas, do nigh-eanan ann am bruid mar an ceudna.

47 Gidheadh bheir mise air a h-ais bruid Mhoib anns na laithibh deir-eannach, deir an Tighearn. An fhad so breitheanas Mhoib.

## CAIB. XLIX.

**M**U thimchioll nan Amonach. Mar so deir an Tighearn, Nach 'eil mic idir aig Israel! nach 'eil oighre 'sam bith aige? c'uim' am bheil sealbha aig Milcom air Gad, agus a shluagh a chòmhuidh na bhailtibh?

2 Uimesin, feuch, tha na laithean a' teachd, deir an Tighearn, 'san d'thoir mise fainear gu'n cluinnear ann an Rabah nan Amonach caism-eachd cogaidh, agus bidh e na thorr léir-sgrìos, agus loisgear a nigh-eanan le teine: an sin bidh Israel na oighre air an dream a bha nan oighreachan a'rsan, deir an Tighearn.

3 Dean ullbartaich, O Hesboin, oir chreacaidh Ai: éighibh, a nigheana Rabah, cuiribh unaibh eudach-saic: tuiribh, agus ruithibh air 'ur n-ais agus air 'ur n-aghaidh ri taobh nan callaidean; oir falbhaidh Milcom ann am braighdeanas, a shagairt agus 'uachdaran maille ris.

4 C' uim' am bheil thu ri uaill ann an gleannaibh? *ged'* tha do ghleann torrach, O a nighean cheannairceach: ag earbsa as a h-ionmhasaibh, *ag ràdh*, cò thig do m'ionnsuidh-sa?

5 Feuch, bheir mise uamhas ort, deir an Tighearn Dia nan sluagh, o na h-uile taobh mu 'n cuairt duit, agus ionnainear a mach sibh, gach aon roimhe, agus cha bhi neach ann a chruinnicheas air an ais a' mhuinntir a ghabhas an ruaig.

6 Ach na dhéigh sin bheir mise air a h-ais bruid cloinne Amon, deir an Tighearn.

7 Mu thimchioll Edoim, Mar so deir Tighearn nan sluagh, Nach 'eil gliocas ni 's mò ann an Teman? an do bhàsaich comhairle nan daoine glìce? an deachaidh ann gliocas ann mugha?

8 Teichibh, pillibh air 'ur n-ais, rachaibh domhain a ghabhail còmhuidh, O a luchd-àiteachaidh Dhe-

dain ; oir bheir mise dòrainn Esau air, an uair a smachdaicheas mi e.

9 Ma thig luchd-tionail fhion-dhearc do d' ionnsuidh, cha 'n fhàg iad uirread as dòlòm : ma thig gad-uichean anns an oidhche, creachaidh iad gus am bi aca ni 's leòr.

10 Oir rùisg mise Esau, leig mi ris 'ionada dìomhair, air chor as nach feud se e féin fhòlach ; chreachadh a shliochd, agus a bhràithrean, agus a choimhearsnaich, agus cha 'n 'eil e féin ann.

11 Fàg do dhilleachdain, gleidhidh mise beo iad ; agus cuireadh do bhantraichean an dòchas annam-sa.

12 Seadh, mar so deir an Tighearn, Feuch, iadsan nach robh co toillteanach air òl d'ò 'n chuaich, dh' òl iad dh' i gu deimhin, agus am feud thusa dol saor as ? cha d' théid thu as, ach gu deimhin olaidh tu.

13 Oir orm féin mhionnuich mise, deir an Tighearn, gu m' bi Bosrah na léir-sgrìos, na mhasladh, na fhàsach, agus na mhallachadh ; agus gu 'm bi 'uile bhailean nam fàsaichean sloruidh.

14 Chuala mi aithris o 'n Tighearn, agus chuireadh teachdair chum nan cinneach, ag ràdh, Cruinnichibh le chèile, agus thigibh na h-aghaidh, agus éiribh suas a chum a' chatla.

15 Oir feuch, ni mise beag thu am measg nan cinneach, agus suarrach am measg dhaoine.

16 Rinn do mhòr-chumhachd do mhealladh, uabhar do chridhe, O thusa, ta 'g àiteachadh uamha na carraige, ta gleidheadh airde a' chnuic : ged' dhean thu gu h-ard, mar an iolair, do nead, as sin bheir mise nuas thu, deir an Tighearn.

17 Agus bidh Edom na fhàsach, bidh uamhunn air gach neach a théid seachad air, agus ni iad sgeig 'm a uile léir-sgrìos.

18 Ceart mar ann an sgrìos Shod-oim agus Ghomorrah, agus nan ionadan a bha dlù dhoibh, deir an Tighearn, cha ghabh duine còmhnuidh an sin, ni mò théid mac duine gu fuireach air chuairt ann.

19 Feuch, mar leòmhann thig e nìos o ataireachd Iordain gu ionad-còmhnuidh nan cumhachdach. Gu deimhin bheir mise fainear gu luath gu 'n ruith e nìos as sin ; agus cò e an gaisgeach taghta a chuireas mi os a chionn ? Oir cò is cosmhuil rium-sa, no cò a chumas coinneamh rium, no c' àit am bheil am buachaill sin a's urradh seasamh ann am làthair ?

20 Air an aobhar sin éisdibh rùn an Tighearna, a rùnaich e 'n aghaidh Edoim, agus a smaointean a smaointich e 'n aghaidh luchd-àiteachaidh

Themain : gu deimhin spìonar air falbh àlach an treud, gu deimhin nithear léir-sgrìos, os an cionn, d' an àite-còmhnuidh

21 Le fuaim an leagaidh, tha crith air an talamh ; tha 'ghaoir a' dol a mach ; aig a' Mhuir-ruaidh chualas an éigheach.

22 Feuch, thig e nìos mariolair ag itealuich, agus sgaoilidh e a sgiathan thar Bosrah ; agus bidh cridheachan laochruidh Edoim anns an là sin mar chridhe mnà ri saothair.

23 Mu thimchioll Dhamascuis, Chuireadh gu h-amhlualh Hamat agus Arphad, oir chual' iad droch sgeula ; tha iad fuidh iomaguin mar mhuir bhuairte, nach feud a bli sàmhach.

24 Tha Damascus air fàs lag, tha e 'ga thionndadh féin gu teicheadh, agus fhuair eagal greim air ; ghlac teanntachd e, agus ioghanna, mar mhnai ri saothair.

25 Cionnus nach mairionn cathair a' mholaidh, baile mò shòlais !

26 Uime sin tuitidh a h-òganaich na sràidibh, agus gearrar as na fir-chogaidh uile 'san là sin, deir Tighearn nan sluagh.

27 Agus fadaidh mise teine ann am balla Dhamascuis, agus loisgidh e luchairtean Bhen-hadaid.

28 Do thaobh Chedair, agus do thaobh rioghachdan Hasoir, a bhuail Nebuchadnesar rìgh Bhabiloin. Mar so thubhairt an Tighearn, Eiribh, rachaibh suas gu Cedar, agus creachaibh daoine an aird' an ear.

29 Am bùthan agus an treudan glacadh iad, an sgàileachan agus an airneis uile ; agus an càmhalan gabhadh iad dhoibh féin ; agus abradh iad riu a, Uamhas air gach taobh.

30 Teichibh, imichibh gu luath, rachaibh domhain a ghabhail còmhnuidh, O a luchd-àiteachaidh Hasoir, deir an Tighearn ; oir ghabh Nebuchadnesar rìgh Bhabiloin comhairle 'nur n-aghaidh, agus dhealbh e innleachd 'nur n-aghaidh.

31 Eiribh, rachaibh suas an aghaidh cinnich shuaimheich, a ta gabhail còmhnuidh gun chùram, deir an Tighearn ; aig nach 'eil aon chuid dorsan no croinn ; a ta còmhnuidh air leth leo féin.

32 Agus bidh an càmhala nan cobhartaich, agus pailteas an spréidhe na chreich ; agus sgapaidh mise gus na h-uile gaoth iadsan a th' anns na cearnaibh iomallach, agus o na h-uile taobh dheth bheir mis' an dòrainn, deir an Tighearn.

33 Agus bidh Hasor na ionad-còmhnuidh dhragon, na fhàsach

a canadh iad riu,

bith-bhuan; cha ghabh duine còmhnuidh an sin, ni mò théid mac duine gu fuireach air chuairt ann.

34 Focal an Tighearna a thàinig gu Ieremiah am fàidh mu thimchioll Elaim, ann an toiseach linn Shede-ciah righ Iudah, ag ràdh,

35 Mar so deir Tighearn nan slagh, Feuch, brisidh mise bogha Elaim, a' chuid a 's tréine d' an cumhachd.

36 Agus bheir mise air Elam ceithir ghaoithean o cheithir chearn-aibh nheimhe, agus sgapaiddh mi iad roimh na gaoithean so uile; agus cha bhi cinneach sam bith gus nach d'thig iadsan a dh'fhògradh o Elam.

37 Oir bheir mise air Elam a bhi fuaidh gheilt roimh an naimhdean, agus roimh 'n mhuinntir a ta 'g iarruidh an anama; agus bheir mi aimh-leas orra, teas mo chorruich, deir an Tighearn; agus cuiridh mi nan deigh an claidheamh gus an cuir mi as doibh.

38 Agus cuiridh mi mo righ-chaithir ann an Elam, agus sgriosaidh mi as sin an righ agus na ceannardan, deir an Tighearn.

39 Ach tarlaidh anns na laithibh deireannach, gu 'n d'thoir mise air an ais bruid Elam, deir an Tighearn.

#### CAIB. L.

**A**M focal a labhair an Tighearn mu thimchioll Bhabiloin, agus mu thimchioll fearainn nan Caldéach, le Ieremiah, am fàidh.

2 Cuiribh an céill am measg nan cinneach, agus foillsichibh; agus cuiribh suas a' bhratach; foillsichibh, na ceilbhi: abraibh, Ghlacadh Babilon, mhasluicheadh Bel, bhriseadh Merodach na bhloighdibh, chlaoidheadh a h-ìodholan, bhriseadh nam bloighdibh a dealbhan.

3 Oir tha cinneach a' teachd a nìos na h-aghaidh o 'n airde tuath, a ni a fearann na flàsach, air chor as nach gabh aon neach còmhnuidh ann; eadar dhvine agus ainmhidh gluaisidh iad, siubhlaidh iad air falbh.

4 Ach anns na laithibh sin, agus air an àm sin, deir an Tighearn, thig clann Israeil, iad féin agus clann Iudah le chéile, ag imeachd, agus a' gul nan imeachd, agus iarruidh iad an Tighearn an Dia.

5 Iarruidh iad an t-slighe gu Sion le 'n aghaidh d' a h-ionnsuidh, ag ràdh, Thigibh agus naisgeamaid a sinne féin ris an Tighearn ann an coimhcheangal sìorruidh nach leigear air di-chuimhn.

• ceanglamaid,

6 Bu chaoirich chaillte mo shluagha: thug an aodhairean orra dol air seacharan, tharruing iad a thàobh iad air na sléibhtibh; shiubhail iad o shliabh gu cnoc, leig iad an àite-fois air di-chuimhn.

7 Iadsan uile a fhuair iad, shluig iad suas iad; oir thuir an naimhdean, Cha n'eil sinn ri cron air bith, a chionn gu 'n do pheacaich iad an aghaidh an Tighearna, àite-tàimh a' cheartais; eadhon an Tighearna, dòchais an aithrichean.

8 Gluaisibh a mach a meadhon Bhabiloin, agus imichibh a tìr nan Caldéach, agus bithibh mar na gabhraibh sìrionn air toiseach nan treudan.

9 Oir feuch, dùsgidh mise, agus bheir mi nìos an aghaidh Bhabiloin, coimhthional chinneach mòra o 'n tìr mu thuath; agus cuiridh iad iad féin an ordugh na h-aghaidh, air sheòl as gu 'n glacar i: bidh an saighdean mar gu 'm b' aon o ghaisgeach seòlta; cha phill aon diubh gu dìomhain.

10 Agus bidh Caldéa na creich, iadsan uile a chreachas i gheibh iad an sàth, deir an Tighearn.

11 A chionn gu bheil sibh ri gairdeachas, a chionn gu bheil sibh ri aidhear, O sibhs' a chreach m' oighreachd; a chionn gu bheil sibh air fàs reamhar mar agh biadhta, agus ri sìtrich mar eachaibh meam-nach.

12 Masluichear 'ur màthair gu mòr, nàraichear ise a rug sibh; feuch ise, deireadh nan cinneach, na fasàch, na fearann tioram agus falamh.

13 Air son corruich an Tighearna cha bhi ini 's mò air a h-àiteachadh, ach bidh i na fàsach gu h-ionnan: bidh uamhunn air gach aon a théid seachad air Babilon, agus ni e sgeig m' a h-uile phlàighibh.

14 Cuiribh sibh féin an ordugh an aghaidh Bhabiloin air gach taobh: sibhse uile a lùbas am bogha, caithibh oirre, na caomhaibh saighdean; oir chiontaich i 'n aghaidh an Tighearna.

15 Eighibh os a cionn air gach taobh: strìochd i i féin, thuit a daingnichean, thilgeadh sìos a ballachan: oir is e so dioghaltas an Tighearna, deanaibh-se dioghaltas oirre: mar a rinn i féin, deanaibh-se rithe.

16 Gearraibh o Bhabiloin am fear-cuir, agus esan a ghlacas an corran an àm an fhogharaidh: air eagal claidheimh a' mhillteir, pillidh iad, gach aon g' a shluagh, teichidh iad gach aon g' a dhùthaich.

17 Is treud sgapta Israel; rinn leòmhainn a ruagadh; an toiseach, chaith righ Asiria suas e; agus mu

dh'èire, dh'ith Nebuchadnesar so rìgh Bhabiloin gu ruig an cnàimh e.

18 Air an aobhar sin mar so deir Tighearn nan sluagh, Dia Israeil, Feuch, smachdaichidh mise rìgh Bhabiloin agus 'fhearann, mar a smachdaich mi rìgh Asiria.

19 Ach bheir mi Israel air ais gu 'àite-còmhnuidh féin, agus ionalt-raidh e air Carmel agus Bàsan, agus air sliabh Ephraim agus air Gilead sàsuichear 'anam anns na laithibh sin.

20 Agus anns an àm sin, déir an Tighearn, iarrar aingidheachd Israeil, agus cha bli i ann; agus lochdan Iudah, ach cha bhi iad r' am faotainn: oir bheir mise maithneas dhoibh-sin a chaomhaineas mi.

21 An aghaidh fearainn nan ceann-airceach imich suas, air féin, agus air a luchd-àiteachaidh dean peanas, Oa chlaidheinn, agus cuir as gu buileach d' an gineil, deir an Tighearn, agus coimhlon gach ni mar a dh' àithn mise dhuit.

22 Tha fuaim a' chatha 'san fhearann, eadhon milleadh ro mhòr.

23 Cionnus a bliriseadh agus a spealgadh fairche an domhain uile! Cionnus a dh' fhàs Babilon na fàsach sgaoilte am neasg nan cinneach?

24 Leag mise rib air do shion, agus bha thu fòs air do ghlacadh, O Bhabiloin, an uair nach do shaoil thu: fhuaradh, agus fòs glacadh thu, a chionn gu 'n d' rinn thu strì an aghaidh an Tighearna.

25 Dh' fhosgail an Tighearn a thigh-arm, agus thug e mach airm a chorruich: oiris is o obair Iehobhah, Tighearna nan sluagh, ann an tìr nan Caldéach.

26 Thigibh na h-aghaidh o 'n chearna a's ionallaiche, fosglabh a tighean-taisg, cuiribh so 'r casaibh i mar thor, agus sgriosaibh i gu buileach, na biodh fuigheall d' i air fhagail.

27 Mar bhaibh a dainh air fad: rachadh iad sìos a chum an àir: is truagh dhoibh-san! oir tha an là air teachd, àm an smachdachaidh.

28 Guth na muinntir a theich, agus a chaidh as o thìr Bhabiloin, a dh' fhoillseachadh ann an Sion diogh-altais an Tighearna ar Dia-ne, diogh-altais a theampuil.

29 Gairmibh sluagh Ìonmhor an aghaidh Bhabiloin, sibh-se, uile te lùbadh a' bhogha, cuartichibh le feachd i air gach làimh, na rachadh cuid air bitl dh'ias; diolaibh rithe do réir a h-òire, do réir gach ni a rinn i, dearabh rithe; a chionn gu 'n d' rinn i gu h-uabhrach an aghaidh an Tighearna, an aghaidh Ti naomha Israeil.

30 Air an aobhar sin tuitidh a

h-òganaich na sràidibh, agus bidh a fir-chogaidh uile air an gearradh as anns an là sin, deir an Tighearn.

31 Feuch tha mise 'n ad aghaidh, O uabhrich, deir Iehobhah Tighearn nan sluagh: gu cinnteach tha do là air teachd, an t-àm 'san dean mise do smachdachadh.

32 Agus gheibh an t-uabhrach tuisleadh agus leagadh, agus cha bhi neach ann a thogas suas e: agus fadaidh mise teine na bhailtibh, agus loisgidh e gach ni m' an cuairt da.

33 Mar so deir Tighearn nan sluagh, Shàruicheadh clann Israeil, agus clann Iudah le chéile, agus rinn iadsan uile thug am braighdeanas iad greim daingean orra, dh'ilt iad an leigeadh air falbh.

34 Is cumhachdach am fear-saoruidh, Iehobhah Dia nan sluagh is e 'ainn; tagraidh e gu daingean an cùis, a chum gu 'n d' thoir e suaimhneas do 'n talamh, agus mi-shuaimhneas do luchd-àiteachaidh Bhabiloin.

35 Bidh claidheamh air na Caldéich, deir an Tighearn, agus air luchd-àiteachaidh Bhabiloin, agus air a h-uachdaranab, agus air a daoineibh glìce:

36 Claidheamh air na breugairean, agus bidh iad air nì-chéill; claidheamh air a daoineibh cumhachdach, agus bidh iad fuidh namhlunn.

37 Claidheamh air a h-eachab, agus air a carbadaibh, agus air a h-uile shluagh coimeasgta ta na ineadhon, agus bidh iad mar nì-naibh; claidheamh air a h-ionmhiasaibh, agus bidh iad air an spùinneadh;

38 Tiormachd a air a h-uisgeach-aibh, agus tiormaichear suas iad: a chionn gur i tìr nan dealbhasnaighte, agus as a h-iodholaibh gu bheil i a' deanamh uaille.

39 Air an aobhar sin gabhaidh fiadh-bheathaichean nam fàsach, agus madaidh-alluidh nan coilltean tamh an sin; an sin fòs ni nigheana na caillich-oidliche còmhnuidh: agus cha 'n àitichear i tuille gu siorruidh, ni mò ghabhar còmhnuidh innte o linn gu linn.

40 Amhuil 'nuair a sgrìos Dia Sodom agus Gomorrah, agus na bailtean a bha dlù dhoibh, deir an Tighearn, cha ghabh duine còmhnuidh an sin, ni mò thèid mac duine gu fuireach air chuairt ann.

41 Feuch sluagh a' teachd o 'n airde tuath, eadhon cinneach mòr, agus dùisgear mòran rìghrean o chrìochaibh an domhain.

42 Am bogha 's an t-sleagh glacadh iad: tha iad fuileachdach, agus

• Claidheamh.



cha nochd iad tròcair : beucaidh an guth inar an thairge, agus marcaichidh iad air eachaibh, ann an ordugh mar dhaoine clum a' clathra, ann ad aghaidh-sa, O nighean Bhabiloin.

43 Chuala rìgh Bhabiloin iomradh orra, agus dh'fhàs a làmhnan lag ; ghlac amhghar e, goith, amhuil mna ri saothair.

44 Feuch mar leòmhann thig e nìos o ataireachd Iordain gu còmhnuidh nan cumhachdach. Gu deimhin bheir mise faineir gu luath gu 'n ruith e nìos as sin ; agus cò e an gaisgeach taghta a chuireas mis' os a chionn ? Oir cò is còmhluirium-sa, no cò a chumas coinneamh rium, no c' àit am bheil am buachaill sin a's urradh seasamh ann am làthair ?

45 Air an aobhar sin éisdibh rùn an Tighearna a rùnaich e an aghaidh Bhabiloin, agus a smaointean a smaointich e an aghaidh tìre Chaldéa. Gu deimhin spionar air falbh àlach an treud, gu deimhin nithear léir-sgrìos os an cionn, d' an àite-còmhluidh.

46 Leis an fhuaim, Ghlacadh Babilon ! tha 'n talamh air a luasgadh, agus chualas a' ghaoir am measg nan cinneach.

## CAIB. LI.

**M**AR so deir an Tighearna, Feuch, dùisgidh mise suas an aghaidh Bhabiloin, agus an aghaidh na muinntir a ta còmhluidh ann am meadhon na dream sin a ta 'g éirigh ann am aghaidh, gaoth sgrìosach :

2 Agus cuiridh mi gu Babilon luchd-fasgnaidh, agus fasgnaidh iad i, agus falamhaichidh iad a fearann ; oir cuairtichidh iad air gach taobh i ann an là na h-airc.

3 Lùbadh an saighdear gun tàmh a bhogha, 's nacuireadh e dheth a lùir-each ; agus na caomhnaibh a h-òganaich, sgrìosaibh gu buileach an t-iomlan d' a feachd.

4 Agus tuitidh iadsan a mharbhar ann an tìr nan Caldéach, agus iadsan a bhuailear trid na sràidibh.

5 Oir cha do dhiobradh Israel no Iudah le 'Dhia, le Tighearna nan sluagh, ged' bha am fearann air a lìonadh le peacadh an aghaidh Ti naomha Israeil.

6 Teichibh a mach a meadhon Bhabiloin, agus sàbhaladh gach neach 'anam, mu 'n gearr as sibh na h-aingidheachd ; oir is i so aimsir dioghaltas an Tighearna ; diolaidh e rithe luigheachd.

7 Bu chupan òir Babilon ann an làmh an Tighearna, a chuir air mhìg an talamh uile : d' a fion dh' òl na cinnich, uime sin tha na cinnich air boile.

8 Thuit Babilon gu h-obann, agus

mhilleadh i ; guilibh os a cionn ; gabhaibh ic air son a leoin, ma dh' fheudar mar sin a leigheas.

9 B' àill leinne Babilon a leigheas, ach cha 'n 'eil i air a leigheas ; tréigibh i, agus rachamaid gach aon d' a dhùthaich féin ; oir ràinig a breith-eanas na nèamha, agus thogadh suas e gus na speuraibh.

10 Thug an Tighearna saorsa dhuinne ; thigibh agus cuireamaid an céill ann an Sion obair an Tigh-earna ar Dia.

11 Geuraichibh na saighdean ; cruinnichibh na sgiathan ; dhùisg an Tighearna suas spiorad rìghrean Mhedia ; oir tha a rùn an aghaidh Bhabiloin, a chum a sgrìos ; gu deimhin is e dioghaltas an Tighearna, dioghaltas a theampuill.

12 Fa chomhair bhallacha Bhabiloin cuiribh suas a' bhratach, 'deanaibh am freiceadan làidir, suidhichibh fir fhaire, deasuichibh luchd-feall sholach ; oir mar a dhealbha an Tighearna, mar an ceudna rinn e, na nithe sin a labhair e 'n aghaidh luchd-àiteachaidh Bhabiloin.

13 O thusa ta còmhluidh air mòran uisgeachaibh, saibhir ann an ionmhasaibh, thàinig do chrìoch, tomhas do slaint.

14 Thug Tighearna nan sluagh mionnan air féin, a' ràdh, Gu deimhin lìonaidh mi thu le daoineibh, mar gu 'n b' ann le locuist, agus togaidh iad suas iolach ann ad aghaidh.

15 Rinn Esan an talamh le 'chumhachd, shocruidh e 'n saoghal le 'ghliocas, agus le 'thuigse sgaoil e mach na nèamha.

16 'Nuair a chuireas e mach a gluth, tha toirm uisgeachan anns na nèamhaibh, agus bheir e air a' ched dol suas o iomallaibh na talmhainn, ni e dealanach le frasaibh, agus bheir e mach a' ghaoth as 'ionadaibh tasgaidh.

17 Dh' fhàs gach duine mar bhrùid na eòlas ; nàraicheadh gach òrcheard le òmhaigh leaghta ; oir is ni breugach an dealbhan leaghta, agus cha 'n 'eil anail ann.

18 Is ni faoin iad, obair mhearachd : ann an àm an smachdachaidh théid iad am mugha.

19 Cha chosmhuil riu so Cuibh-rionn Iacoib, oir is esan, Fear-cumaidh an domhain uile, agus is e Israel slat 'oighreachd ; Tighearna nan sluagh is e 'ainm.

20 Is tu mo thuagh-chatha, agus m' acfuinn-chogaidh ; agus leat-sa brisidh mi nam bloighdibh cinnich ; agus leat-sa millidh mi rioghachdan ;

21 Agus leat-sa brisidh mi nam bloighdibh an t-each agus a mhar-cach ; agus leat-sa brisidh mi na

bhloighdibh an carbad, agus esan a shuidheas air ;

22 Agus leat-sa brisidh mi nam bhloighdibh am fear agus a' bhean ; agus leat-sa brisidh mi nam bhloighdibh an seann duine agus an leanabh ; agus leat-sa brisidh mi nam bhloighdibh an t-òganach agus a' ghruagach ;

23 Agus leat-sa brisidh mi nam bhloighdibh am buachaille agus a threud ; agus leat-sa brisidh mi nam bhloighdibh an treabhaiche agus a' chuing ; agus leat-sa brisidh mi nam bhloighdibh cinn-fheadhna agus luchd-riaghlaidh.

24 Agus dlòididh mi ri Babilon, agus ri uile luchd-àiteachaidh Chaldaean uile olc a rinn iad ann an Sion, 'nur sealladh-sa, deir an Tighearn.

25 Feuch, tha mise ann ad aghaidh, O a shléibh sgriosach a, deir an Tighearn, a ta sgrios na talmhainn uile ; agus sinidh mi mo làmh a fhach ort, agus iomainidh mi thu sìos o na creagaidh, agus ni mi beinn loisgte dhìot.

26 Agus cha ghabh iad dhìot clach air son oisinne, no clach air son bhunaitean, ach ann ad charnaibh lèir-sgrìos bithidh tu gu sìorruidh, deir an Tighearn.

27 Cuiribh suas bratàch anns an fhearann, séidibh an trompaid am measg nan cinneach, deasuichibh na h-aghaidh cinnich, gairmibh an ceann a' chéile na h-aghaidh rioghachdan, Ararat, Mini, agus Aschenas ; sonraichibh ceanna-feadhna na h-aghaidh, thugaibh air na h-eachaidh teachd a nìos mar na locuist fhriodhanach.

28 Deasuichibh na h-aghaidh cinnich, rìghrean Mhedia a cinn-fheadhna 's a h-uile luchd-riaghlaidh, agus uile fhearann a tighearnais.

29 Agus biodh crith air an fhearann, agus doilghios ; oir seasaidh comhairl' an Tighearna an aghaidh Bhabiloin gu daingean, a' dheanamh tìre Bhabiloin na fàsach, gun neach 'g a h-àiteachadh.

30 Leig laoidh Bhabiloin dhiubh cogadh, dh' fhan iad ann an daingnichibh, dh' fhàilnich an treise, dh' fhàs iad mar mhnaibh ; loisgeadh a h-ionada-còmhnuidh, bhriseadh a croinn-dhruidh.

31 Greasaidh fear-rùith gu luath an còdhail fir-ruithe, agus teachdair an còdhail teachdaire, a dh' innseadh do rìgh Bhabiloin gu 'n do ghlacadh a chathair aig gach ceann,

32 Agus tha na sligheachan air an glacadh, agus a' chuilceach loisg iad le teine, agus tha na fir-chogaidh air am bualadh le h-uamhunn.

33 Oir mar so deir Tighearn nan sluagh, Dia Israeil, Tha nighean Bhabiloin mar urlar-bualaidh ; fathasd tiota beag, agus thig àm a bualaidh, agus àm a buain.

34 Dh' ith Nebuchadnesar rìgh Bhabiloin suas sinn, chaith e sinn, rinn e sinn 'nar soitheach falamh, shluig e suas sinn mar dhragon ; lion e a bhrù le ar nithibh blasda, thilg e mach sinn.

35 Gu robh an t-ainneart a rinn-eadh orm-sa, agus air m' fheoil air Babilon, their fear-àiteachaidh Shìoin, agus, Gu robh m' fhuil-sa air luchd-àiteachaidh Chaldaean, their Ierusalem.

36 Air an aobhar sin, mar so, deir an Tighearn, Feuch, tagraidh mise do chùis, agus ni mi dìoghaltas air do shòn ; agus tiormaichidh mi suas a fairge, agus ni mi a màthair-uisge tioram.

37 Agus bidh Babilon na carnaibh, na h-ionad-còmhnuidh dhragon, na h-uamhas, agus na ball-sgeig, gun aon 'ga h-àiteachadh.

38 Beucaidh iad le chéile mar leòmhannaibh : screadaidh iad mar chuileanaibh leòmhann,

39 Nan teas cuiridh mise cuirm rompa, agus cuiridh mi air mhisg iad a chum as gu 'n deàn iad aighir, agus gu 'n caidil iad cadal sìorruidh, agus nach dùisg iad, deir an Tighearn.

40 Bheir mi nuas iad mar uain a chum am marbhadh, mar reitheachan leis na gabhraibh fìrionn.

41 Cionnus a ghlacadh Sesac ! agus cionnus a rinneadh greim air cliù an domhain uile ! cionnus a dh' fhàs Babilon na h-uamhas am measg nan cinneach !

42 Thàinig an fhairge nìos air Babilon : tha i air a còmhdachadh le lionmhoireachd a tonnan.

43 Tha a bailtean nam fàsach, nam fearann tioram, agus nam làraich sgaoilte ; talamh anns nach 'eil duin' a còmhnuidh, ni mò théid mac duine rompa b.

44 Agus bheir mise breitheanas air Bel ann am Babilon, agus bheir mi mach as a bheul an nì sin a shluig e, 's cha chruinnich na cinnich an ceann a' chéile chuiqe ni 's mo ; thuit fòs balla Bhabiloin.

45 Rachaidh-se mach as a meadhon, O mo shluagh-sa, agus tearnaibh gach aon 'anam o chorruidh ghairg an Tighearna.

46 Agus a chum 's nach bi 'ur cridhe meat, ni mò bhios eagal oirbh roimh an iomradh a chluinnear anns an fhearann : oir thig an t-iomradh air bliadhna, agus air an ath-bhliadh-

na na dhéigh sin thig iomradh, agus ainneart anns an fhearann, uachdarán an aghaidh uachdarain;

47 Air an aobhar sin, feuch, tha na laithean a' teachd anns an dean mise breitheanas air dealbhan snaighte Bhabiloin, agus cuirear gu h-amhladh a fearann uile, agus tuitidh a mairbh gu léir na meadhon.

48 Agus togaidh na n-èamha agus an talamh iolach os cionn Bhabiloin, agus na h-uile ta aunta: an uair a thig a luchd-creachaidh na h-aghaidh o'n airde tuath, deir an Tighearn.

49 Oir mar thug Babilon air muinntir chlaoidhte Israeil tuiteam; mar sin aig Babilon thuit muinntir chlaoidht' an domhain uile.

50 Sibhs' a chaidh as o'n chlaidheamh, imichibh roimhibh, na fan-aibh 'nur seasamh: cuimhnichibh an Tighearn o chéin, agus thigeadh Ierusalem 'nur n-aire.

51 Bha sinn fuidh amhladh, a chionn gu 'n cuala sinn mi-chliu, chòmhdaich nàire ar n-aghaidh; oir thàinig coimhich a steach do ionad-aibh naomha tighe an Tighearna.

52 Uime sin feuch, tha na laithean a' teachd, deir an Tighearn, anns an dean mise breitheanas air a dealbhan snaighte, 's feadh a fearainn uile bidh acain nan daoine leònta.

53 Ged' éireadh Babilon suas gu ruig na n-èamha, agus ged' dhaingnicheadh i gu h-ard a neart, uam-sa thig luchd-creachaidh do h-ionnsuidh, deir an Tighearn.

54 Fuaim éighich o Bhabilon, agus léir-sgrìos mòr o thìr nan Caldéach.

55 Oir mhill an Tighearn Babilon, agus bhàsaich a mòr-fharum na meadhon; ged' bha a fuaim mar thoirm uisgeacha mòra, ge b'ard a dh' éirich a farum.

56 A chionn gu 'n d' thàinig fear-millidh na h-aghaidh, an aghaidh Bhabiloin; agus ghlacadh a laoiach, agus bhriseadh gach aon d' am bogh-achan; oir bheir an Tighearn, Dia na luigheachd, gu cinnteach luigheachd dh'ise.

57 Agus cuiridh mise air mhisg a prionnsachan, agus a daoine glìce, a cinn-fheadhna agus a h-uachdarain, agus a daoine cumhachdach; agus caidlidh iad cadal bith-bhuan, agus cha dùisg iad tuille, deir an Rìgh, d' an ainm Iehobhah *Dia* nan sluagh.

58 Mar so deir Tighearn nan sluagh, Briseargu tur ballacha leathan Bhabiloin, agus loisgear a geatachan arda le teine; agus saoraichidh na slòigh gu dìomhain, agus na cinnich anns an teine, gus an d' thoir iad thairis le sgìos,

59 Am focal a dh' àithn Ieremiah am fàidh do Sheraiah mac Neriah, mhic Mhaaseiah, 'nuair a chaidh e le Sedeciah rìgh Iudah gu Babilon, anns a' cheathramh bliadhna d'a linn: agus b'e Seraiah an t-ard chailteanach.

60 Agus sgrìobh Ieremiah na h-uile olc, a bha ri teachd air Babilon ann an aon leabhar, na briathran so uile ta air an sgrìobhadh mu thim-chioll Bhabiloin.

61 Agus thuit Ieremiah, ri Seraiah, 'Nuair a thig thu gu Babilon, agus a chi, agus a leughas tu na briathra so uile:

62 An sin their thu; O Thighearn, labhair thu 'n aghaidh an àite so gu 'ghearradh as, air chor as nach bì neach a chòmhnuidh ann, aon chuid d'ne no ainmhidh, ach gu 'n bì e fàs gu sìorruidh.

63 Agus tarlaidh, 'nuair a sguireas tu do leughadh an leabhair so, gu 'n ceangail thu clach ris, agus tilgidh tu e ann am meadhon Euphrateis.

64 Agus their thu, Mar so theid Babilon fuidhe, agus cha 'n éirich i ni 's mò, do bhrìgh an uilc a bheir mise oirre; agus ciosnaichear iad.

An fliad so briathran Ieremiah.

## CAIB. LII.

**B**HA Sedeciah bliadhna thar fhichead a dh' aois an uair a thòisich e ri rìoghachadh, agus rìogaich e aon bhliadhna deug ann an Ierusalem; agus b'e ainm a mhàthar Hamutal, nighean Ieremiah o Libnah.

2 Agus rinn e an *ni sin a bha* olc ann an sùilibh an Tighearna do réir gach ni a rinn Iehoiachim.

3 Oir trid feirg an Tighearna tharladh ann an Ierusalem agus ann an Iudah, gus an do thilg e iad a mach as 'fhianuis, gu 'n d' rinn Sedeciah ar a mach an aghaidh rìgh Bhabiloin.

4 Agus tharladh anns an naothamh bliadhna d'a linn, anns an deicheamh mìos, air an deicheamh là do 'n mhìos, gu 'n d' thàinig Nebuchadnesar rìgh Bhabiloin, e féin agus 'uile fheadh, an aghaidh Ierusalem, agus shuidhich iad *campa* na h-aghaidh, agus thog iad daingnichean na h-aghaidh air gach taobh.

5 Mar sin bha a' chathair air a teannachadh gus an aona bhliadhna deug do linn rìgh Shedeciah.

6 Agus anns a' cheathramh mìos, air an naothamh là do 'n mhìos, bha a' ghorta trom anns a' chathair, agus cha robh aran air bith aig muinntir na tìre.

7 An sin bha a' chathair air a briseadh sìos, agus theich na fir-chogaidh uile, agus chaidh iad a

mach as a' chathair feadh na h-oidhche, air slighe a' gheataidh eadar an dà bhalla, a bha aig lios an rìgh, (an uair a bha na Caldéich aig a' chathair tìrchioll mu'n cuairt), agus dh'imich iad air slighe a' chòmhnaird.

8 Ach lean feachd nan Caldéach air tòir an rìgh, agus rug iad air Sedeciah ann an còmhnardaibh Iericho, agus bha 'fheachd uile air an sgapadh uaith.

9 Agus ghlac iad an rìgh, agus thug iad suas e gu rìgh Bhabiloin, aig Riblah, ann am fearann Hamait, far an d'thug e breithéanas air.

10 Agus mharbh rìgh Bhabiloin mic Shedeciah fa chomhair a shùl: mharbh e mar an ceudna uile cheannardan Iudah ann an Riblah.

11 Agus chuir e mach sùilean Shedeciah, agus cheangail e le slabhruidhean e; agus thug rìgh Bhabiloin leis e gu Babilon, agus chuir e ann am prìosun e gu là a bhàis.

12 Agus anns a' chùigeamh mìos, air an deicheamh là do'n mhios, (b'i sin an naothamh bliadhna deug do linn Nebuchadnesair rìgh Bhabiloin), thàinig Nebusar-adan ceannard an fhreiceadain, a fhrithheil do rìgh Bhabiloin gu Ierusalem,

13 Agus loisg e tigh an Tighearna, agus tigh an rìgh; agus uile thighean Ierusalem, eadhon na h-uile tigh mòr loisg e le teine.

14 Agus bhris uile 'fheachd nan Caldéach, a bha le ceannard an fhreiceadain, ballachan Ierusalem sìos air gach taobh.

15 Agus cuid do bhochdaibh an t-sluaigh, agus fuigheall an t-sluaigh a dh'fhan anns a' chathair, agus iadsan a chaidh thairis gu rìgh Bhabiloin, agus a' chuid eile do'n t-sluaigh, thug Nebusar-adan ceannard an fhreiceadain air falbh nam braighdean.

16 Ach cuid do bhochdaibh an fhearainn dh'fhàg Nebusar-adan ceannard an fhreiceadain gu bhàin nan saothrichean fhèineamhna, agus nan treabhaichean.

17 Agus na puist umha\*, a bha an tigh an Tighearna, agus na buinn, agus an fhairege umha a bha 'n tigh an Tighearna, bhris na Caldéich, agus thug iad an umha uile gu Babilon.

18 Na coireachan fòs, agus na sluasaidean, agus na smàladairean, agus na cuachan, agus na liadhan, agus na h-uile shoithichean umha, leis an do fhrithheil iad, thug iad air falbh.

19 Agus na soithichean ionnlaid, agus na h-aighnean-teine, agus na

cuachan, agus na coireachan, agus na coinnleirean, agus na liadhan, agus na copain, a' chuid a bha do òr na òr; agus a' chuid a bha do airgid na airgid, thug ceannard an fhreiceadain air falbh.

20 An dà phost, an aon fhairege, agus an dà tharbh dheug umha, a bha fuidh na bonnaibh a rinn rìgh Solamh air son tighe an Tighearna; cha robh tomhas air umha nan soithichean so uile.

21 Do thaobh nam post, b'e airde gach aon phuist ochd làmh-choille deug, agus dheanadh sreang dà làmh-choille dheug a thomhas mu'n cuairt, agus b'e 'thuinghead ceithir oirlich, fàs a stigh.

22 Agus bha coron umha air, agus b'e cùig làmh-choille airde gach aon choroin, le lion-obair agus ubhlaibh granait air na coronaibh mu 'n cuairt, an t-ionlan do umha; air a' phost eile mar an ceudna bha ubhla granait cosmhuil riu so.

23 Agus bha sè-deug agus ceithir fichead ubhla granait air aon taobh, ceud ubhla granait air an lion-obair uile mu'n cuairt.

24 Agus thug ceannard an fhreiceadain leis Seraiah an t-ard-shagart, agus Sephaniah an dara sagart, agus na trì dorsairean.

25 Thug e fòs as a' chathair caillteanach air an robh cùram nam fearcogaidh, agus seachd fir dhiubhsan, a bha dlù do phearsa an rìgh, a fhuaradh anus a' chathair, agus ardsgrìobhuiche an t-sluaigh, a ghabh àireamh muinntir an fhearainn, agus trì fichead fear do mhuinntir an fhearainn, a fhuaradh ann am meadhan a' bhaile;

26 Ghabh eadhon Nebusar-adan ceannard an fhreiceadain iad, agus thug e iad a chum rìgh Bhabiloin gu Riblah.

27 Agus bhuail rìgh Bhabiloin iad, agus chuir e gu bàs iad ann an Riblah, ann am fearann Hamait: mar sin thugadh Iudah air falbh ann am bruid as 'fhearann féin.

28 So an sluagh a thug Nebuchadnesair air falbh ann am bruid, anns an t-seachdamh bliadhna trì mìle Iudhach agus trì thar fhichead.

29 Ann an ochdamh bliadhna deug Nebuchadnesair, thug e air falbh ann am bruid o Ierusalem, ochd ceud anam, agus a dhà dheug thar fhichead.

30 Ann an treas bliadhna fichead Nebuchadnesair, thug Nebusar-adan ceannard an fhreiceadain air falbh ann am bruid do na h-Iudhaich seachd ceud dà fhichead agus cùig anam: b' iad na h-anaman uile ceithir mìle agus sè ceud.

31 Agus tharladh anns an t.

\* phraise.



seachdamh bliadhna deug thar fhichead do bhràighdeanas Iehoiacim rìgh Iudah, anns an dara mìos deug, air a' chùigeamh là fichead do 'n mhìos, gu 'n do thog Ebbil-merodach rìgh Bhabiloin, anns a' cheud bhliadhna d'a linn, suas ceann Iehoiacim rìgh Iudah, agus thug e mach a phrìosun e,

32 Agus labhair e gu caomhail ris, agus chuir e a chaithir os cionn

chathracha nan rìghrean a bha leis ann an Babilon.

33 Agus dh' atharruich e a chulaidh-phrìosuin: agus dh' ith e aran na fìnanuis do ghnàth, fad uile laithean a bheatha.

34 Agus air son a lèin lathail, thugann dha o rìgh Bhabiloin, gach aon latha cuibhrionn, gu là a bhàis, fad uile laithean a bheatha.

## TUIREADH IEREMIAH.

### CALB. I.

**C**IA uaigneach a ta i na suidhe, a' chathair a bha làn do dhaoine! cionnus a dh'fhàs i mar bhantraich! Is e bha mòram measg nan cinneach, agus na h-uachdaran am measg nan dùchanna, cionnus a ta i air teachd fuidh chis!

2 Tha i ri gul gu geur anns an oidhche, agus a deoir air a grùaidhean; fear comhfhurtachd air bith cha 'n 'eil aice a measg a h-uile luchd-gaoil; bhuin a caidean uile gu fealltach rithe, dh' fhàs iad nan naimhdean d'i.

3 Dh'imich Iudah air falbh ann am braighdeanas; ann an an-shocair, agus ann an daorsa mhòr tha i chòmhaidh am measg nan cinneach, cha 'n 'eil i faotuin suaimhneis air bith; rug a luchd-ruagaidh uil' oirre eadar na cunglaichean.

4 Tha ròidean Shìoin ri bròn, a chionn nach 'eil aon neach a' teachd a' chum na h-ard-fhéille: tha a geatachan uile fàs; tha a sagairt ag aca; tha a h-ùighean fuidh leòn, agus tha i féin ann an searbladas.

5 Is iad a h-eascairdean a tha 'n-uachdar, tha a naimhdean a' soirbheachadh; oir leòn an Tighearn i, air son lìonmhoireachd a lochdan; dh' fhalbh a clann am braighdeanas fa chomhair an nàmhaid.

6 Agus dhealuich a sgèimh uile ri nìghinn Shìoin; tha a prionnsachan air fàs mar fhéidh nach 'eil a' faotuin ionaltraidh; agus dh'imich iad gun neart roimh an fhear-ruaige.

7 Chuimhnich Ierusalem ann an latha a h-amhghair, agus a truaighe, air a h-uile nithibh solasach a bha aice anns na laithibh o shean; an tra thuit a daoine ann an làimh an nàmhaid, agus nach d' rinn neach a cuideachadh; chunnaic na naimhdean, agus rinn iad fànaid air a sàbaidibh.

8 Pheacaich Ierusalem gu trom: air an uobhar sin tha i air a h-atharrachadh: iadsan uile thug urram dh'i, tha iad ri tàir oirre, chionn gu fac' iad a lònnochdaiche; seadh, tha ise ri caoidh, agus a' tionndadh air a h-ais.

9 Bha a salchar na sgiortaibh, cha robh i cuimhneach air a crìch dheireannaich; uime sin thugadh i suas gu h-iongantach; cha 'n 'eil fear comhfhurtachd aice: amhaire, O Thighearn, air m'amhghar, oir mheudaich an nàmhaid e fèin.

10 Shìn an nàmhaid a mach a làmh air a h-uile nithibh taitneach; gu deimhin chunnaic i cinnich a' dol a steach d' a h-ionad naomh, do 'n d' àithn thu-sa nach rachadh iad a steach do d' choimhthional.

11 Tha a sluagh uile ag osnaich; tha iad ag iarraidh arain; thug iad an nithe luachmhor air son lèin, a chumail beo an anama: feuch O Thighearn, agus thoir fainear, mar a ta mi air fàs suarach.

12 O sibhs' uile tha gabhail an rathaid, amhaireibh agus faicibh am bheil bròn 'sam bith cosmhuil ri mo bhròn-sa, a thugadh orm, o 'n uair an d'rinn an Tighearn mo smachdachadh ann an là a dhìan fheirge.

13 Chuir e teine a nuas, agus thug

e air dol a steach do m' chnàmhaibh; sgaoil e lion air son mo chas; phill e mi air m' ais: rinn e fàs mi, fad an là ri caoidh.

14 Tha a chuing air a ceangal; tha mo lochdan air an snìomh le a làimh, tha iad air an càradh mu 'm mìuineal; thug e air mo threise tuiteam, thug an Tighearn thairis mi d' an làmhnan, cha 'n urradh mi éirigh suas.

15 Shaltair an Tighearn fo chois m' uile dhaoine cumhachdach ann am mheadhon: ghairm e coimhthional a' m' aghaidh a bhruthadh mo dhaoine òga; mar ann an amar-bruthaidh fiona, bhruth an Tighearn dìgh nighean Iudah.

16 Air son nan nithe so guileam, tha mo shùil, mo shùil a sìleadh sìos le h-uisge, chionn gu bheil am fear-comhfhurtachd, a bheireadh fuasgladh do m' anam, fada uam: tha mo chlann uaigneach, a chionn gu 'n d' thug an nàmhaid buaidh.

17 Tha Sion a' sgaoileadh a mach a làmh, cha 'n 'eil neach ann a thoirt d' i comhfhurtachd; dh' àithn an Tighearn do thaobh Iacoib, a naimhdean a bli air gach taobh mu'n cuairt da; tha Ierusalem nam measg mar aon a chuireadh air leth air son neo-glhoine.

18 Is ceart an Tighearn, oir chath-aich mis' an aghaidh àitheantan; éisdibh, guidheam oirbh, a shlùigh gu léir, agus faicibh mo bhròn: m' òighean agus m' òganaich dh' fhalbh ann am braighdeanas.

19 Ghairm mi air mo leannain, ach mheall iad mi; thug mo shlag-airt agus mo sheanairean suas an deò anns a' chathair, am feadh a dh' iarr iad am biadh gu cobhair air an anam.

20 Feuch, O Thighearn, mar a 'ta mi ann an teinn; tha mo chom fuaidh thrioblaid, tha mo chridhe air tionndadh an taobh a stigh dhìom; oir chiontaich mi gu trom: a muigh tha claidheamh a' sgrios, a stigh tha amhuil bàs.

21 Chual iad mar a rinn mi acain, ach cha 'n 'eil neach a thoirt dhomh comhfhurtachd; chuala mo naimhdean uile m' amhghar; rinn iad gairdeachas a chionn gu 'n d' rinn thu-sa sin: bheir thus' an là a ghairm thu, agus bidh iadsan cosmhuil rium-sa.

22 Thigeadh an aingidheachd uile fa d' chomhair; agus dean riu, mar a rinn thu rium-sa air son m' uile lochdan; oir tha m' osnaidhean lionmhòr, agus mo chridhe lag.

CAIB. II.

CIONNUS a tharruing an Tighearn na chorruich neul air nighinn Shioin! agus a thilg e sìos o

nèamh gu talamh maise Israeil! agus cha do chuimhnich e stòl a choise ann an latha 'fheirge!

2 Shluig an Tighearn suas uil' àiteacha-còmhnuidh Iacoib, agus cha do ghabh e truas: thilg e sìos na chorruich daingnichean làidir nighinn Iudah: thug e suas gu làr iad, thruaill e an rioghachd agus a daoine urramach.

3 Ghearr e as na dhian fheirg adharc Israeil uile: tharruing e air a h-ais a làmh dheas o aghaidh an nàmhaid; agus loisg e 'n aghaidh Iacoib mar theine lasrach a loisgeas air gach taobh.

4 Lùb é 'bhogha mar nàmhaid; thog e 'n air a làmh dheas mar eas-caraid, agus mharbh e na h-uile òganach a bha taitneach do 'n t-shùil; ann am pàillunn nighinn Shioin thaom e mach a chorruich mar theine.

5 Bha an Tighearn mar nàmhaid: shluig e suas Israeil, shluig e suas 'àrois uile; sgrios e a dhaingnichean làidir, agus mheudaich e ann an nighinn Iudah bròn agus caoidh.

6 Agus sgaoil e as a' chéile a phàill-iunn mar challaid; sgrios e a choimhthional féin: leig an Tighearn as 'aire ann an Sion an ard-fhéill agus an t-sàbaid; agus rinn e tàir, ann an teas a chorruich, air an rìgh agus air an t-sagart.

7 Chuir an Tighearn air cùl 'altair, ghabh e gràin d' a naomh-ionad; thug e suas ballachan a h-àrois do làimh an eas-caraid; rinn iad gàir ann an tigh an Tighearna, mar ann an là ard-fhéille.

8 Tha an Tighearn fa rùn ballachan nighinn Shioin a mhilleadh; shìn e mach sreang, cha do chum e a làmh o mhilleadh: ach thug e air an daingnach agus air a' bhalla caoidh; shearg iad as le chéile.

9 Tha a geatachan air dol sìos anns an talamh; mhill agus bhris e a cruinn-dhruididh; tha a rìghrean agus a h-uachdarain am measg nan cinneach; an lagh cha 'n 'eil ann; aig a fàidhean fòs cha 'n 'eil sealladh air bith o 'n Tighearn.

10 Tha seanairean nighinn Shioin nan suidhe air an làr, tha iad nan tosd; chuir iad duslach air an ceann: chriosluich iad iad féin le sac-éideadh: tha òighean Ierusalem a' cromadh sìos an cinn gu làr.

11 Tha mo shùilean air fàilneachadh le deuraibh; tha mo chom fo thrioblaid; dhòirteadh mo sgamhan air an talamh air son léir-sgrios nighinn mo shluaigh; a chionn gu bheil a' chlann bheag agus na naoidheana a' fannachadh ann an sràidibh na cathrach.

12 Ri 'm màithrichibh a deir iad, C' àit am bheil arbhar agus fion? an

tra tha iad a' fàilneachadh mar dhaoine leònta ann an sràidibh a' bhaile, tra tha an anam air a dhòrtadh a mach ann an uchd am màthar.

13 Cìod a thairngeas mi mar fhianuis a' d' aghaidh? cìod an nì a shàmhluicheas mi riut, O nighean Ierusalem? cìod a choimeasas mi riut, a chum gu'n d'thugainn comhlhùrtachd dhuit, O òigh-nighean Shìoin? oir tha dò bhriseadh mòr mar an fhaire; cò dh' fheudas do leigheas?

14 Chunnaic d' fhàidhean nithe dìomhain agus amaideach air do shon, agus cha do leig iad ris d' eacairt, a chum do bhruid a phill-eadh air a h-ais; ach chunnaic iad air do shon fàisneachd neo-fhlùrinneach, agus aobhar fògraidh.

15 Tha mhucud as a ta gabhail seachad a' bualadh am bas riut: tha iad ri sgeig-fhiacal, agus a' crathadh an cinn ri nighinn Ierusalem, *ag ràdh*, An i so a' chathair ri 'n goirear, Foirfeachd maise, Aoihbneas an domhain uile?

16 Dh' fhosgail do naimhdean uile am beul a' d' aghaidh: rinn iad sgeig is giosgan fhiacal; thubhairt iad, Shluig sinn suas i; gu cinnteach is e so an là ri 'n robh ar sùil: shuair sinn e, chunnaic sinn e.

17 Rinn an Tighearn an nì sin a dhealbhadh; choimhlion e 'fhocal, a dh' àithn e anns na laithibh o shean: thilg e sìos, agus cha do ghabh e truas; ach thug e air nàmhaid gairdeachas a dheanamh tharad, dh' ardaich e adharc do naimhdean.

18 Dh' èigh an cridhe, Ann an làthair an Tighearna, O a nighean Shìoin, sìleadh deoir sìos mar shruth a làtha agus a dh' oidhche: na d'thoir dhuit féin suaimhneas air bith, na gabhadh cloch do shùil fois.

19 Eirich, glaoth gu h-àrd anns an oidhche: ann an tùs na faire dhòirt a mach do chridhe mar uisge fa chomhair gnàise Iehobhah: tog suas do làmh an d' a ionnsuidh, air son anama do chloinne òige, ta fàilneachadh le h-acras aig ceann gach aon sràide.

20 Feuch, O Thighearn, agus thoir fearar cò ris a bhuin thu mar so: an ith na mnathan toradh na bronn, naoidheana maatha? am marbhar an sagart agus am fàidh ann an ionad naoinh an Tighearna?

21 Luidh an t-òg agus an sean air an làr anns na sràidibh; tha m' òighean agus m' òganaich air tuiteam leis a' chlàidheamh; mharbh thu iad ann an latha do chorruich; mharbh thu, agus cha do ghabh thu truas.

22 Ghairm thu, mar air là suidhichte, m' uamhasan air gach taobh, air chor as, air là feirge an Tighearna,

nach robh neach ann a chaidh as, no inhair beo: a' mhuinntir a dh' oil agus a dh' àirich mi, chuit mo nàmhaid as doibh.

## CAIB. III.

IS mise an duine a chunnaic amh-ghar le slait a chorruich.

2 Stiùir e mi, agus thug e orm gluasad ann an dorchadas, agus nì h-ann an solus.

3 Gu cinnteach a' m' aghaidh-sa phill e; tha e pilleadh a làimhe air a h-ais ann am aghaidh feadh an là gu h-iomlan.

4 M' fheoil agus mo chraicinn rinn e sean, bhris e mo clnàmhann.

5 Thog e ann am aghaidh, agus chuartich e mi le domblas agus le saothair.

6 Chuir e mi chòmhnuidh ann an ionadaibh dorchas, mar iadsan a ta cian marbh.

7 Chuairtich e mi le gàradh air gach taobh, air chor as nach feud mi teachd a mach, rinn e mo shlabhraidh trom.

8 Mar an ceudna, tra ghlaodhas agus a dh' éigheas mi, tha e druideadh a mach m' urnuigh.

9 Dhruid e suas mo shlighe le clachaibh snaighte: rinn e cam mo cheuma.

10 Mar mliath-ghamhuinn a' luidhe 'm folach bha e dhomh, mar lèomhann ann an ionadaibh uaig-neach.

11 Rinn e mo shlighe fìar, agus reub e mi am bloighdibh: rinn e mi a' m' aonaran.

12 Lùb e 'bhogha, agus chuir e mise mar chomhara air son na saighde.

13 Thug e air saighdibh a dhòrlaich dol a steach ann am airnibh.

14 Bha mi ann am chùis-mhagaidd do mo shluagh uile, ann am òran doibh fad an là.

15 Lìon e mi le searbhadas, chuir e air mhisg mi le searbh-luibhean.

16 Bhris e m' fhiacal fòs le chlàch-aihl gainmhiche, chòmhdach e mi le luathre.

17 Agus dh' atharruich thu m' anam am fad o shìth; dhi-chuimhnich mi soirbheachadh.

18 Agus thubhairt mi, Tha mo spionnadh agus mo dhòchas air bàsachadh o 'n Tighearn.

19 Tha cuimhneachadh air m' amhghair agus mo thruaighe, na shearbhadas agus na dhomblas.

20 Tha m' anam fathasd 'g an cuimhneachadh, agus air irisleadh ann an taobh a stigh dhìom.

21 Tha mi gairm so a ris gu m' aire; uine sin tha dochas agam.

22 Is ann do thròcairibh an Tighearna nach 'eil sin air ar caitheadh,

a chionn nach 'eil fàilinn air a thrò-cairibh.

23 Tha iad nuadh gach aon mhad-uinn, is mòr do dhilseachd<sup>a</sup>!

24 Is e an Tighearn mo chuibh-rionn, deir m' anam; uime sin cuir-idh mi mo dhòchas ann.

25 Is maith an Tighearn dhoibh-san a dh' fheitheas air, do 'n anam a dh' iarras e.

26 Is maith bhi ann an dòchas, agus feitheamh gu fòil ri slàinte an Tighearna.

27 Is maith do dhuine a' chuing a ghiùlan na dìge;

28 Suidhidh e na aonar, agus bidh e na thòd, a chionn gu 'n d' rinn e a giùlan.

29 Cuiridh e 'bheul anns an dus-lach, ma 's teagamh gu 'm bi dòchas ann.

30 Bheir e a ghial do 'n ti bhuail-eas e, bidh e air a lìonadh làn do mhasladh.

31 Oir cha tilg an Tighearn uaith gu bràth;

32 Ach ged' bheir e aobhar bròin, gidheadh ni e iochd do réir lìon-mhoireachd a thròcairean.

33 Oir cha chlaoidh e d' a dheoin, ni mò chràidheas e clann nan daoine.

34 Prìosunaich na talmhainn uile a bhruthadh f' a chasaibh,

35 Còir duine thionndadh a leth-taobh, fa chomhair gnùise an Ti a 's airde,

36 Eucoir a dheanamh air duine na chùis, cha taitneach leis an Tighearn.

37 Cò esan a their, agus gu 'n d' thig e gu crìch, an uair nach àithn an Tighearn?

38 Nach ann o ordugh an Ti a 's ro-airde a thig olc agus maith?

39 C' uim' an dean duine beo gearan, duine air son smachdachaidh a pheacaidh.

40 Raunnuicheamaid agus dearbh-amaid ar sligheacha, agus pilleam-a a ris a dh' ionnsuidh an Tigh-earna.

41 Togamaid suas ar cridhe maille ri 'r fàmhàn ri Dia anns na nèamh-aibh.

42 Pheacaich sinne agus rinn sinn ar a mach, agus cha do mhaith thu-sa.

43 Chuaireadh thu le feirg, agus gheur-leàn thu sinn; mharbh thu, cha do ghabh thu truas.

44 Clòmhdaich thu thu féin le neul, ionnus nach rachadh urnuigh troimhe<sup>b</sup>.

45 Rinn thu sinn 'nar salchar agus 'nar diù ann am measg an t-sluaigh.

46 Dh' fhosgail ar naimhdean uile am beul 'nar n-aghaidh.

47 Thàinig eagal agus rib oirnn, fàsalachd agus milleadh.

48 Tha mo shùil a' sìleadh sìos le sruthaibh uisge air son léir-sgrìos nìghinne mo shluaigh.

49 Tha mo shùil a' sìleadh sìos gun chasgadh agus gun sgur:

50 Gus an seall an Tighearn a nuas, agus gu 'n amhaire e o nèamh.

51 Tha mo shùil a' cur doilgheis air mo chridhe, air son uile nigheana mo chathrach.

52 Ruaig mo naimhdean mi gu geur, mar eun gun aobhar.

53 Ghearr iad as m' anam anns a' phrìosun, agus chuir iad clach tharam.

54 Chaidh uisgeachan thar mo cheann mar thuil; thubhairt mi, Tha mi air mo ghearradh as.

55 Ghairm mi air d' ainmse, O Thighearn as an t-slochd iochdrach.

56 Chuala tu mo ghuth, na cum do chluas o m' achuinge agus o mo ghlaodh.

57 Tharruing thu 'm fagus anns an là 'san do ghairm mi ort: thubhairt thu, Na biodh eagal ort.

58 Thagair thu-sa, O Thighearn, cùisean m' anama, shaor thu mo bheatha.

59 Chunnaic thu-sa, O Thighearn, m' amhgar; cum thu-sa còir rium.

60 Chunnaic thu an uile dhioghaltas, an uile innleachdan ann am aghaidh.

61 Chuala tu am masladh, O Thighearn, an uile innleachdan ann am aghaidh;

62 Bile na muinntir a dh' éirich suas a' m' aghaidh, agus am borbh-anaich ann am aghaidh fad an là.

63 Feuch an suidhe sìos agus an éirigh suas; is mise an cèdl.

64 Bheir thu-sa luigheachd dhoibh, O Thighearn, do réir oibre an làmh.

65 Bheir thu doilghios cridhe dhoibh, ni thu am mallachadh.

66 Ruaigidh tu ann am feirg, agus sgriosaidh tu iad o bhi fuidh nèamha an Tighearna.

#### CAIB. IV.

**C**IONNUS a thàinig smal air an òr! a chaochail an t-òr ro-fhìnealta! tha clachan an naomh-ionaid air an tilgeadh a mach air mullach gach aon sràide!

2 Mic luachmhor Shìoin, a dh' fhuendta choimeas ri òr fìnealta, cionnas a mheasar iad mar shoithlichean creadha, obair a' chreadhadair!

3 Tairngidh eadhon na dragoin a mach am brollach, bheir iad a' chloch d' an àlach: tha nighean mo shluaigh-sa an-ìochdmhor, mar na h-oistriche 'san fhàsach.

<sup>a</sup> thairisneachd.

<sup>b</sup> roimhe, trid.



4 Tha teanga naoidheim na cìche a' leantuin ri a ghial le tart: tha chlànn òg ag iarraidh arain; cha 'n 'eil aon 'ga bhriseadh dhoibh.

5 Tha iadsan aig an robh biadh sòghail nan aonarain anns na sràidibh; iadsan a thogadh suas ann an scarlaid, tha iad a' filleadh an làmh mu'n òtrach.

6 Seadh tha peanas aingidheachd nighinne mo shluaigh-sa ni 's mò na peanas peacaidh Shodoim, a thilgeadh bun os cionn ri tiota, agus air nach d' thàinig laigse làmh.

7 Bha a Nasaraich ni bu ghlainne na sneachda; bu ghile iad na bainne; bu deirge iad sa' chorp na ruit-eachain; bha an dreach mar sha-phùr.

8 Is duibhe an gnòis na gual; cha 'n aithnichear iad anns na sràidibh; tha an craicionn a leantuin ri 'n cnàmhan; tha e air tiormachadh; tha e air fàs mar mhaide.

9 Is fearr dhoibh-san a mharbhar leis a' chlaidheamh na dhoibh-san a mharbhar le gort; oir tha iad sin a' seargadh as, air an lotadh dh' uir-easbhuidh toraidh na machrach.

10 Bhruidh làmh nam ban iochd-mhor an clann féin; b' iad am biadh, ann an léir-sgrìos nighinne mo shluaigh.

11 Choimhlin an Tighearn a chorruch, thaom e mach a dhian-fhearg, agus las e teine ann an Sion, agus loisg e sin a bunaite.

12 Cha chreideadh rìghre na talmhainn, no uile luchd-àiteachaidh an domhain, gu'n rachadh an t-eas-caraid agus an nàmhaid a steach air geatachan Ierusalem.

13 Air son pheacanna a fàidhean, agus aingidheachdan a sagart, a dhòirt fuil nam firean na meadhon;

14 Chaidh iad air seachran mar dhaoine dall anns na sràidibh, shal-uidh iad iad féin le fuil, air chor as nach feudadh daoine buntainn ri 'n eudach.

15 Imichibh, tha sibh neo-ghlan, thuirt daoine riu; imichibh, imichibh, na beanaibh: seadh, theich iad, dh' fhalbh iad; thubhairt iad am measg nan cinneach, Cha ghabh iad còmhnuidh an so ni's mò.

16 Rinn fearg an Tighearna-an sgoileadh, cha chuire ni 's mò ann an suim iad: cha robh meas ac' air pearsannaibh nan sagart; ris na seannairibh cha do chum iad bàigh.

17 Am feadh a bha sinn ann, dh' fhàilnich ar sùilean ag amharc ri cobhair dhìomhain: am feadh a rinn sinn faire, bha ar sùil ri cinneach nach b' urradh teardadh.

18 Lorgaich iad ar ceuma, air chor as nach feudamaid imeachd 'nar

sràidibh: tha ar crìoch dlù, tha ar laitheanair an coimhlionadh, seadh, thàinig ar crìoch.

19 Bu luaithe ar luchd-leamhuinn na iolairan nèimhe; ruaig iad sinn air na sléibhtibh, luidh iad am folach air ar son anns an fhàsach.

20 Ghlacadh nan slochdaibh anail ar cuinneana, ti ungta an Tighearna, mu 'n d' thubhairt sinn, Fuidh a sgàile mairidh sinn beo am measg nan cinneach.

21 Dean gairdeachas, agus bi ait, O nighean Edoim, aig am bheil do chòmhnuidh ann am fearann Uis; théid an cupan thairis fòs chugad-sa; bithidh tu air mhisg, agus leigidh tu ris do lomnochduich.

22 Tha peanas d' ea-ceirt air a choimhlionadh, O nighean Shioin, cha d' thoir e ni 's mò air falbh ann am bruid thu: smachdaichidh e d' eaceart-sa, O nighean Edoim, leigidh e ris do lochdan.

## CAIB. V.

**C**UIMHNICH, O Thighearn, ciod a thàinig oirnn: thoir fainear, agus faic ar masladh.

2 Thugadh thairis ar n-oighreachd gu coimhich, ar tighean gu coig-rich.

3 Tha sinn 'n ar dilleachdain, agus gun athair, ar màithrichean mar bhanaichibh.

4 Dh' òl sinn ar n-uisge air son airgid, tha ar coille air a reic ruinn.

5 Le cuing ar muineil tha sinn air ar sìor-leòn; tha sinn a saothreach-adh, agus gun fhois againn.

6 Thug sinn an làmh do na h-Eiphitich, agus do na h-Asirianaich, a chum bhi air ar sàsachadh le h-aran.

7 Pheacaich ar n-athrichean, agus cha 'n 'eil iad ann, agus ghiùlain sinne ann ea-ceartan.

8 Bha seirbhisich nan uachdarain oirnn: cha 'n 'eil duine 'sam bith ann a shaoras o 'n làmhann.

9 Fhuair sinn ar n-aran le *cunthart* ar n-anama, do bhrìgh claidheimh an fhàsaich.

10 Bha ar craicionn dubh mar àmhuinn, do bhrìgh na gorta uamhasaich.

11 Dh' éignich iad na innathan ann an Sion, na maighdeanan ann an caithrichibh Iudah.

12 Bha prionnsachan air an crochadh suas le 'n làimh: cha d' thug iad urram do aghaidh nan aosda.

13 Ghabh iad na h-òganaich gu meileadh, agus thuit a' chlànn fuidh 'n chonnadh.

14 Thréig na seanairean an geata, na h-òganaich an ceòl.

15 Sguir aoibhneas ar cridhe, chaochail ar dannsadh gu bròn.

16 Thuit an coron <sup>a</sup> bharr ar cinn :  
mo thruaighe sinne chionn gu 'n do  
pheacaich sinn.

17 Air son so tha ar cridhe lag, air  
son nan nithe so tha ar sùilean air  
an dorchachadh <sup>b</sup>.

18 Air son sléibh Shioin a ta fàs ;  
tha na sionnaich a' coiseachd air.

19 Ach tha thu-sa, O Thighearn,

<sup>a</sup> crùn,  
arcach.

<sup>b</sup> lag-radh-

maireanach gu sìorruidh ; do chaithir  
rìoghail o linn gu linn.

20 C' uim' an dean thu dearmad  
oirnn gu bràth, agus am bheil thu 'g  
ar tréigsinn ùine co fhada ?

21 Pìll sinne chugad, O Thighearn,  
agus bithidh sinn air ar pilleadh :  
ath-nuadhaich ar làithean mar o  
shean.

22 Oir thilg thu sinn cian fada  
uait ; bha thu ro fheargach 'nar n-  
aghaidh,

## E S E C I E L.

## CAIB. I.

**A** GUS tharladh, anns an deich-  
eamh bliadhna fichead, anns a'  
cheathramh mhòs, air a' chùigeamh  
là do 'n mhìos, (air dhomh-sa bhi  
measg nam braighdean aig abhainn  
Chebair), gu 'n d' fhosgladh na  
nèamha, agus chunnaic mi taisbeana  
Dhé.

2 Air a' chùigeamh là do 'n mhìos,  
(h'i sin an cùigeamh bliadhna do  
bhruid rìgh Iehoiacin,)

3 Thàinig focal an Tighearna gu  
Eseciel an sagart, mac Bhusi, ann an  
tìr nan Caldeach, aig uisge Chebair,  
agus bha làmh an Tighearna air anns  
an àite sin.

4 Agus dh'amhairc mi, agus feuch,  
ghiùlain ioma-ghaoth, o'n airde-  
tuath, neul mòr a bha air a chuairt-  
eachadh le fìllean teine, agus deal-  
radh air gach taobh dheth ; agus na  
mheadhon bha amhuil dreach  
dmair, eadhon ann am meadhon an  
teine.

5 Agus mach as a mheadhon mar  
an ceudna thàinig coslas cheithir  
ainmhidhean, agus b' e so an aògus ;  
Bha iad ann am meudachd duine,

6 Agus bha ceithir aghaidhean aig  
gach aon diubh, agus ceithir sgiathan  
aig gach aon diubh.

7 Agus bha an casan dìreach, agus  
bha bonn an cas mar bhonn coise  
laoigh, agus loinnrich iad mar dhàth  
praise lìomhta.

8 Agus bha làmhnan duine fuidh  
an sgiathaibh, air an ceithir taobha,  
agus bha aig a' cheithir an aghaidh-  
ean agus an sgiathan.

9 Bha an sgiathan dlùthaichte,  
gach aon r' a chéile ; cha do thionn-

daidh iad 'nuair a ghluais iad,  
chaidh iad air an aghaidh, gach aon  
dìreach roimhe.

10 Air son coslais an aghaidhean,  
bha aca nan ceathrar aghaidh duine,  
agus aghaidh leòmhainn air an taobh  
deas, agus bha aca nan ceathrar  
aghaidh daimh air an làimh chhlì ;  
bha fòs aca nan ceathrar aghaidh  
ìolarach.

11 B' amhuil so an aghaidhean :  
agus an sgiathan sgaoilte gu h-ard ;  
dìthis aig gach aon, dlùthaichte r' a  
chéile, agus dìthis a' folach an  
cuirp.

12 Agus dh'imich iad, gach aon  
dìreach air aghaidh : far an robh an  
spiorad air tl dol, dh'imich iad : cha  
do thionndaidh iad 'nuair a dh'  
imich iad.

13 Do thaobh coslais nan ain-  
mhidh, bha an aògus mar eibhle  
dearga teine, cosmhuil ri lòchran, a  
chaidh air ais agus air aghaidh am  
measg nan ainmhidhean : agus bha  
'n teine dealreach ; agus as an teine  
thàinig a mach dealanach.

14 Agus ruith na h-ainmhidhean,  
agus phill iad, mar phlàth dealan-  
aich.

15 A nis am feadh a bha mi seall-  
tuinn air na h-ainmhidhean, feuch,  
aon roth air an talamh, làimh ris na  
h-ainmhidhean, aig an ceithir agh-  
aidhean.

16 Bha dreach nan rothan agus an  
obair mar dhreach criostail ; agus  
bha 'n aon choslas aig a' cheithir,  
agus bha an aògus agus an obair mar  
gu 'm biodh ann roth ann am  
meadhon rotha.

17 Nan imeachd dh'imich iad air

an ceithir taobha : cha do thionn-  
daidh iad 'nuair a dh' imich iad.

18 Do thaobh an cearcal, bha iad  
co ard as gu'm b' uamhasach iad ;  
agus bha an cearcail làn do shùilibh  
inu 'n cuairt doibh nan ceathrar.

19 Agus an uair a ghluais na h-  
ainmhidhean, ghluais na rothan  
làinhi riu : agus an uair a thogadh  
na h-ainmhidhean suas o 'n talamh,  
thogadh na rothan.

20 C' àit air bith a bha 'n spiorad  
air ti dol, dh' imich iadsan an taobh a  
bha 'n spiorad air ti dol, agus thogadh  
suas na rothan fa 'n comhair ; oir  
bha spiorad an ainmhidh anns na  
rothaibh.

21 'Nuair a ghluais iad sin, ghluais  
[iad so], agus 'nuair a sheas iad sin,  
sheas [iad so], agus 'nuair a thog-  
adh iad sin suas o 'n talamh, thog-  
adh na rothan suas fa 'n comhair ;  
oir bha spiorad an ainmhidh anns na  
rothaibh.

22 Agus bha aogus an speur a bha  
thar cinn an ainmhidh mar dhreach  
criostail uamhasaich, air a sgaoil-  
eadh thar an cinn gu h-ard.

23 Agus fuidh an speur bha an  
sgiathan gu dìreach, gach aon fa  
chomhair a' chéile ; aig gach aon bha  
dithis, a dh' fholuich air an taobh so,  
's aig gach aon bha dithis a dh' fhol-  
uich air an taobh sin, an cuirp.

24 Agus chuala mi fuaim an  
sgiathan, mar thoirm mhòran uisg-  
eacha, mar ghuth an Uile-chumh-  
achdaich ; an uair a ghluais iad,  
chluinnteadh fuaim mar thorman  
sluaigh ; tra sheas iad, leig iad sìos  
an sgiathan.

25 Agus bha guth o 'n speur, a  
bha thar an cinn, trasheas iad, agus  
a leig iad sìos an sgiathan.

26 Agus os-cionn an speur, a bha  
thar an cinn, bha sàmhla rìgh-  
chathrach, mar choslas cloiche  
sapheir ; agus air sàmhla na rìgh-  
chathrach, bha taisbean mar gu  
'm biodh coslas duine na shuidhe  
air.

27 Agus chunnaic mi mar dhreach  
òmar, mar choslas teine air gach  
taobh a stigh ann : o thaisbeanadh a  
leasraidh, agus os a chionn, agus o  
thaisbeanadh a leasraidh agus fuidhe,  
chunnaic mi mar gu 'm biodh ann  
coslas teine, agus e dealrach mu 'n  
cuairt.

28 Mar choslas a' bhogha ta 'san  
neul ann an là na froise, b' amhuil  
dreach an dealraidh mu 'n cuairt. B'  
e so foillseachadh sàmhlaidh glòire  
an Tighearna ; agus 'nuair a chunnaic  
mise, thuit mi air m' aghaidh, agus  
chuala mi guth aon a' labhairt.

*a na beatha.*

## CAIB. II.

**A** GUS thubhairt e rium, A mhic  
an duine, seas air do chasaibh,  
agus labhraidh mise riut.

2 Agus chaidh an spiorad a steach  
annam an uair a labhair e rium,  
agus chuir e air mo chasaibh mi,  
ionnus gu 'n cuala mi an ti a labhair  
rium.

3 Agus thuirt e rium, A mhic an  
duine, tha mise ga d' chur gu cloinn  
Israeil, gu cinneach ceannairceach a  
rinn ar a mach ann am aghaidh ;  
chiontaich iad féin agus an aithrich-  
ean ann am aghaidh, gus an là an  
diugh.

4 Oir is clann mhi-nàrach agus  
chruidh-chridheach iad : tha mise  
ga d' chur d' an ionnsuidh, agus their  
thu riu, Mar so deir an Tighearn  
Dia.

5 Agus iadsan, ma dh' éisdeas iad,  
no ma dhearmaideas iad, (oir is tigh  
ceannairceach iad,) gidheadh bidh  
fios aca gu robh fàidh nam measg.

6 Agus thusa, a mhic an duine, na  
biodh eagal ort rompa, agus na biodh  
fianh ort roimh am briathraibh, ged'  
tha dreasan agus droighinn mu 'n  
cuairt duit, agus do chòmhuidh  
ann am measg nathraichean nimhe ;  
na biodh eagal ort roimh am briath-  
raibh, ni mò bhios geilt ort roimh  
an gnùis, ged' is tigh ceannairceach  
iad.

7 Agus labhraidh tu mo bhriathra-  
sa riu co ac' a dh' éisdeas iad, no  
dhearmaideas iad, oir tha iad ró  
cheannairceach.

8 Ach thusa, a mhic an duine,  
cluinn ciod a deir mise riut, Na bi  
thusa eas-umhal, cosmhuil ris an tigh  
eas-umhal sin : fosgail do bheul, agus  
ith an ni bheir mise dhuit.

9 Agus nuair a dh' amhairc mi,  
feuch, bha làmh air a cur do m' ionn-  
suidh, agus feuch, bha ròla leabhair  
inntè.

10 Agus sgaoil e fa m' choinn-  
eamh e, agus bha e sgrìobhta stigh  
agus a mach : agus bha sgrìobhta  
ann tuireadh, agus bron, agus  
truaighe.

## CAIB. III.

**O** S-barr thuirt e rium, A mhic an  
duine, ith an ni gheibh thu ;  
ith an rola so, agus falbh, labhair ri  
tigh Israeil.

2 Mar sin dh' fhosgail mi mo  
bheul, agus thug e orm an rola sin  
itheadh.

3 Agus thuirt e rium, A mhic an  
duine, thoir air do bhroinn itheadh,  
agus lion do chom leis an rola so a  
bheiream-sa dhuit. An sin dh' ith mi,  
agus bha e ann mo bheul mar mhill  
air mhillsead.

4 Agus thuirt e rium, A mhic an

duine, falbh, imich gu tigh Israeil, agus labhair le m' blurithraibh-sa riu.

5 Oir cha 'n 'eil thu air do chur gu sluagh aig am bheil teanga choimheach, agus cainnt chruaidh, ach gu tigh Israeil.

6 Cha 'n ann gu mòran sluagh, aig am bheil teanga choimheach, agus cainnt chruaidh, nach urradh thu 'm briathran a thuigsinn : gu cinnteach nan cuirinn do 'n ionnsuidh-san thu, dh' éisdeadh iad riut.

7 Ach cha 'n éisd tigh Israeil riut, oir cha 'n éisd iad rium-sa ; oir tha tigh Israeil uile mi-nàrach agus cruaidh-chridheach.

8 Feuch rinn mi do ghnùis làidir an aghaidh an gnùise-san, agus d' eadann làidir an aghaidh an eudainn-san.

9 Mar adamant, ni 's cruaidhe na clach theine, rinn mise d' eudann ; na biodh eagal ort rompa, agus na biodh sgàth ort roimh an gnùis, ged' tha iad nan tigh ceannairceach.

10 Os-barr thuirt e rium, A mhic an duine, gabh ann ad chridhe m' uile bhriathra-sa, a labhras mi riut, agus éisd le d' chluasaibh.

11 Agus falbh, imich dh' ionnsuidh na muinntir a ta ann am bruid, gu cloinn do shluaigh, agus labhair riu, agus innis doibh, Mar so deir an Tighearn Dia, co ac' a dh' éisdeas iad, no nach éisd.

12 An sin thog an spiorad suas mi, agus chuala mi air mo dhéigh guth tormain mhòir, *agràdh*. Beannuichte gu robh glòir an Tighearna o 'àite féin.

13 *Chuala mi fòs* fuaim sgiath nan ainmhidhean a bhean ri chéile, agus fuaim nan roth thall mu 'n coinn-eamh, agus fuaim luasgaidh mhòir.

14 An sin thog an spiorad suas mi, agus thug e leis mi, agus dh' imich mi ann an searbhuis, ann an teas mo spioraid, ach bha làmh an Tighearna treun orm.

15 An sin thàinig mi chum na muinntir a bha nam braighdibh aig Tel-abib, a bha chomhnuidh làmh ri abhainn Chebair, agus sluaidh mi far an do shuidh iadsan, agus dh' fhan mi 'n sin seachd laithean lan uamhais nam meadhon.

16 Agus tharladh an ceann sheachd laithean, gu 'n d' thàinig focal an Tighearna do m' ionnsuidh, *agràdh*,

17 A mhic an duine, rinn mise fear-faire dhot do thigh Israeil : uime sin, éisd am focal o m' bheul, agus thoir rabhadh dhoibh uam-sa.

18 'Nuair a their mise ris an aingidh, Gheibh thu gu cinnteach bàs ; agus nach d' thoir thusa rabhadh dia, agus nach labhair thu thoir rabhaidh

do 'n chiontach o 'd broch shlighe, chum 'anam a thearnadh ; bàsaichidh an droch dhuine sin na aingidheachd, ach iarruidh mise 'fhuil air do làmh-sa.

19 Gidheadh ma bheir thu rabhadh do 'n aingidh, agus nach pill e o 'aingidheachd, no o 'd broch shlighe, bàsaichidh esan na aingidheachd ; ach shaor thu-sa d' anam féin.

20 A ris, an uair a philleas firean o 'fhùreantachd, agus a chuireas e a gnòmh peacadh, agus a chuireas mise ceap-tuislidh fa chomhair, gheibh e bàs ; a chionn nach d' thug thu-sa dha rabhadh, na pheacadh gheibh e bàs, agus cha chiuimhnich ear 'fhìreantachd a rinn e ; ach iarruidh mise 'fhuil air do làmh-sa.

21 Gidheadh ma bheir thu rabhadh do 'n fhùrean, air chor as nach ciontach am firean, agus nach dean e peacadh ; mairidh e gu cinnteach beo, do bhrìgh gu 'n d' fhuair e rabhadh ; mar an ceudna shaor thu-sa d' anam féin.

22 Agus bha làmh an Tighearna orm an sin, agus thuirt e rium ; Eirich, siubhail a mach do 'n chòmhnard, agus an sin labhraidh mise riut.

23 An sin dh' éirich mi, agus chaidh mi mach a chum a' chòmhnard, agus feuch, sheas glòir an Tighearna 'san àite sin, mar a' ghloir a chunnaic mi aig abhainn Chebair ; agus thuit mi air m' aghaidh.

24 An sin chaidh an spiorad annam ; agus chuire air mo chasaibh mi, agus labhair e rium, agus thuirt e rium ; Falbh, druid thu féin a stigh ann ad thigh.

25 Ach thu-sa, O mhic an duine feuch, cuiridh iad boinn ort, agus ceanglaidh iad thu leo, agus cha d' théid thu mach nam measg.

26 Agus bheir mise air do theangaidh leantuinn ri d' ghial, air chor as gu 'm bi thu balbh, agus nach bi thu dhoibh a' d' shear-cronachaidh ; oir tha iad nan tigh ceannairceach.

27 Ach an uair a labhras mise riut, osglaidh mi do bheul, agus their thu riu, Mar so deir an Tighearn Dia, Esan a dh' éisdeas, eisdeadh e ; agus esan a dhearmaideas, dearmaid eadh e : oir tha iad nan tigh ceannairceach.

#### CAIB. IV.

**T**HUSA mar an ceudna, a mhic an duine, gabh chugad leac-shuaine, agus cuir fa d' chomhair i, agus tarruing oirre am baile, Ierusalem.

2 Agus cuairtich e le feachd, agus tog na aghaidh daingneach, agus tilg suas toir na aghaidh ; suidhich fòs campa na aghaidh, agus cuir reith-



eacha-cogaidh na aghaidh air gach taobh mu 'n cuairt.

3 A thuille air so, gabh chugad aoghann iarunn, agus suidhich e mar bhalla iarunn eadar thu agus am baile, agus cuir do ghnùis na aghaidh, agus bidh e air a theannachadh, agus cuiridh tu campa na aghaidh : bidh so na chomhara do thigh Israeil.

4 Luidh thusa fòs air do thaobh clì agus leig ea-ceart tighe Israeil air : do réir àireimh nan laithean a luidheas tu air, giùlainidh tu an ea-ceart.

5 Oir leig mis' ortsa bliadhlachan an ea-ceartan, do réir àireimh nan laithean, trì cheud deich agus ceithir fichead là : mar sin giùlainidh tu ea-ceart tighe Israeil.

6 Agus 'nuair a choimhlionas tu iad, luidh a rìs air do thaobh deas, agus giùlainidh tu ea-ceart tighe Iudah dà fhichead là : dh' orduich mise dhuit là air son bliadhna.

7 Uime sin cuiridh tu d' aghaidh ri séisdeadh Ierusalem, agus bidh do ghairdean air a rùsgadh, agus ni thu fàisneachd na aghaidh.

8 Agus, feuch, cuiridh mise cuibhrichean ort, agus cha tionndaidh thu thu féin o 'n aon taobh gus an taobh eile, gus an crìochnaich thu laithean do shéisdidh.

9 Gabh chugad fòs cruineachd, agus eorna, agus pònair, agus peasair, agus meanbh-pheasair, agus peasair fhiadhain, agus cuir iad ann an aon soitheach, agus dean duit féin aran diubh, do réir àireimh nan laithean a luidheas tu air do thaobh; trì cheud ceithir fichead agus deich laithean ithidh tu dheth.

10 Agus bidh am biadh a dh'itheas tu air a chothromachadh, fichead secel anns an latha : o àm gu h-àm ithidh tu e.

11 Olaidh tu mar an ceudna uisge le tomhas; an seathamh cuid do hin : o àm gu h-àm dlaidh tu.

12 Agus ithidh tu e mar arain eorna, agus le aolach a thig a mach a duine, deasaichidh tu e nan sealladh.

13 Agus thuirt an Tighearn, Eadhon mar so ithidh clann Israeil an aran truailte measg nan cinneach, gus an iomain mis' iad.

14 An sin thuirt mise, Ah! a Thighearn Dhia, feuch, cha do thruaillleadh m' anam-sa : oir o m' òige nìos gus a nis, cha d' ith mi dheth sin a bhàs-aicheas leis féin, no bha na chon-ablach, ni mò thàinig feoil ghràineil ann am bheul.

15 An sin thuirt e rium, Fench, thug mi dhuit buachar bhò an àite aolaich duine, agus deasaichidh tu d' aran leis,

16 Os-barr, thuirt e rium, A mhic an duine, feuch, brisidh mise lorg an arain ann an Ierusalem; agus ithidh iad aran le cothrom agus le cùram, agus dlaidh iad uisge le tomhas agus le h-uamhas.

17 A chum gu 'm bi uireasbhuidh arain agus uisg' orra, agus gu 'm bi uamhas orra gach aon ri chéile, agus gu 'n leagh iad air falbh air son an ea-ceirt.

## CAIB. V.

**A** GUS thu-sa, a mhic an duine, gabh chugad sgian gheur, gabh chugad ealtuinn bearradair, agus thoir oirre sibhal air do cheann, agus air d' fheusaig; an sin gabh meigh thomhais, agus roinn am folt.

2 Trian loisgidh tu le teine ann am meadhon a' bhaile, tra bhios laithean an t-séisdidh air an coimhlionadh; agus gabhaidh tu trian, agus buailidh tu m'a thimchioll le sgein; agus sgapaidh tu trian leis a' ghaoith, agus tairngidh mise mach claidheamh nan deigh.

3 Gabhaidh tu mar an ceudna dhiubh beagan ann an àireamh, agus ceanglaidh tu iad ann ad sgiortaibh.

4 An sin gabh dhiubh a rìs, agus tilg iad ann am meadhon an teine, agus loisg iad anns an teine; as sin thig teine mach gu thigh Israeil uile.

5 Mar so deir an Tighearn Dia, Is i so Ierusalem; chuir mis' i ann am meadhon nan cinneach, agus nan dùchanna mu 'n cuairt d'i.

6 Agus dh'atharruich i mo bhreitheanais gu aingidheachd ni 's mò nà na cinnich; agus mo reachdan ni 's mò nà na dùchanna mu 'n cuairt d'i. oir dhiùlt iad mo bhreitheanais; agus mo reachdan, cha do ghluais iad annsa.

7 Uime sin, mar so deir an Tighearn Dia, Chionn gu 'n d' fhàs sibh lionmhor seach na cinnich mu 'n cuairt duibh, agus nach do ghluais sibh ann am reachdaibh-sa, ni mò choimhid sibh mo bhreitheanais, ni mo rinn sibh eadhon do réir breitheanais nan cinneach mu 'n cuairt duibh :

8 Uime sin, mar so deir an Tighearn Dia, Feuch, tha mise, eadhon mise, a' d' aghaidh, agus ni mi breitheanais ann ad mheadhon, ann an sealladh nan cinneach.

9 Agus ni mi annad an ni sin nach d' rinn mi, agus nach dean mi ni 's mò ni cosmhuil ris, air son d' uile ghràinealachdan.

10 Uime sin ithidh na h-aithrichean am mic ann ad mheadhon, agus ithidh na mic an aithrichean; agus ni mise breitheanais annad, agus

sgapaidh mi an t-ìomlan do d' fhuigheall anns gach uile ghaoith.

11 Air an aobhar sin, mar is beo mise, deir an Tighearn Dia, Gu deimhin a chionn gu 'n do thruaill thu m' ionad naomh le d' uile nithibh fuathach, agus le d' uile ghràinealachdaibh, uime sin lughdaichidh mise thu mar an ceudna, agus cha choigil mo shùil, ni mò bhios truas air bith agam.

12 Bàsaichidh trian diot leis a' phlàigh, agus le gorta caithear iad ann ad mheadhon : agus tuitidh trian leis a' chlaidheamh mu 'n cuairt duit; agus sgapaidh mise trian anns na h-uile ghaothaibh, agus tairngidh mi mach claidheamh nan déigh.

13 Mar so coimhlionar mo chorruich, agus bheir mi air mo dhianfheirg luidhe orra, agus bheir mi dhomh féin fois : agus bidh fios aca gur mise an Tighearn a labhair ann am eud, an tra choimhlionas mi orra mo dhianchorruich.

14 A thuille air so, ni mi dhiot, fàsach agus masladh am measg nan cinneach mu 'n cuairt duit, ann an sealladh nan uile théid seachad.

15 Agus bithidh tu ann ad mhasladh, agus ann ad mhagadh, ann ad theagasg, agus ann ad uamhas, do na ciunich mu 'n cuairt duit, an tra ni mise breitheanais annad, ann am feirg, agus ann an corruich, agus ann an garg achasanaibh : mise Iehobhah labhair.

16 An tra chuireas mi orra droch shaighde na gorta bhios air son sgrìos, a chuireas mise gu 'r sgrìos : meudaichidh mi fòs a' ghort oirbh, agus brisidh mi lorg 'ur n-arain.

17 Mar sin cuiridh mi oirbh gort, agus droch bheathaichean, agus ni iad uireasbhuidheach thu : agus sìubhlaidh plàigh agus fuil tromhad<sup>b</sup>, agus bheir mi ort an claidheamh; mise Iehobhah labhair.

#### CAIB. VI.

**A** GUS thàinig focal an Tighearna do m' ionnsuidh, ag ràdh,

2 A mhuic an duine, cuir d' aghaidh ri sléibhtibh Israeil, agus dean fàisneachd nan aghaidh,

3 Agus abair, A shléibhtean Israeil, cluinnibh focal an Tighearna Dia, mar so deir an Tighearn Dia ris na sléibhtibh, agus ris na cnocaibh, ris na sruthaibh agus ris na gleannaibh, Feuch, bheir mise, mise féin, claidheamh oirbh, agus sgriosaidh mi 'ur n-ionadan arda.

4 Agus bidh 'ur n-altairean fàs, agus 'ur dealbhan air am briseadh :

agus tilgidh mise sìos 'ur daoine marbhta fa chomhair 'ur n-ìodhola.

5 Agus leagaidh mi cuirp mharbha chloinne Israeil fa chomhair an ìodhola; agus sgapaidh mi 'ur cnàmhan mu thimchioll 'ur n-altairean.

6 Ann 'urn-uile àiteachaibh còmh-nuidh, nithear na bailtean fàs, agus bidh 'ur n-ionadan arda faondrach, air chor as gu 'm bi 'ur n-altairean fàs agus uaigneach, agus gu 'n d'thig briseadh agus cosgadh air 'ur n-ìodholaibh, agus gu 'n dubliar as 'ur n-oibre.

7 Agus tuitidh iadsan a bhios lèonta 'nur meadhon, agus bidh fios agaibh gur mise an Tighearn.

8 Gidheadh fàgaidh mi fuigheall, air chor as gu 'm bi agaibh cuid a théid as o 'n chlaidheamh am measg nan cinneach, an tra bhios sibh air 'ur sgapadh am measg nan dùch-anna.

9 Agus cuimhnichidh mheadh dhibh<sup>c</sup> as a théid as mise, ann am measg nan cinneach gus an d'thoirear iad nam braighdibh, an tra chloisnaicheas mise an cridhe strìopachail a dhealuich rium, agus an sùilean a ta dol air strìopachas an déigh an ìodholan; agus bidh gràin aca dhiubh fein air son nan olc a chuir iad an gnìomh uan uile ghràinealachdaibh.

10 Agus aithnichidh iad gur mise an Tighearn, agus nach ann gu dìomhain a thubhairt mi gu 'n dean-ainn an t-olc so orra.

11 Mar so deir an Tighearn Dia, Buail le d' làimh, agus breab le d' chois, agus abair, Mo thruaighe ! air son uile dhroch ghràinealachdan tighe Israeil; oir tuitidh iad leis a' chlaidheamh, leis a' ghort, agus leis a' phlàigh.

12 Esan a ta fad as bàsaichidh leis a' phlàigh; agus esan a tha dùl tuitidh leis a' chlaidheamh; agus esan a mhaireas, agus a ta air a shéisdeadh, bàsaichidh leis a' ghort : mar so coimh-lionaidh mise mo chorruich orra.

13 An sin bidh fios agaibh gur mise an Tighearn, an tra bhios an daoine marbhta, measg an ìodhola, mu 'n cuairt air an altairibh, air gach aon chnoc ard, air uile mhullachaibh nan sliabh, agus fo gach uile chrann uaine, agus fo gach daraig gheug-aich<sup>d</sup>; an t-àite 'san d' thug iad boltrach cubhlaidh do 'n uile ìodholaibh.

14 Mar sin sìnidh mise mach mo làmh orra, agus ni mi am fearann fàs, seadh, ni 's naigniche na fàsach Dhìblait, nan uile ionadaibh còmh-

<sup>a</sup> fàgaidh iad gun chlann thu.

<sup>b</sup> thromhad,

<sup>c</sup> mheadh agaibh.

<sup>d</sup> dhòsraich.

nuidh; agus bidh fios aca gur mi an Tighearn.

## CAIB. VII.

**O**S-barr thàinig focal an Tighearna do m' ionnsuidh, ag ràdh,

2 Fòs a mhic an duine, *abair*, Mar so deir an Tighearn Dia ri fear-ann Israeil : Thàinig crìoch, *thàinig* crìoch air ceithir chearnaibh na tìre.

3 A nis *thàinig* crìoch ort, agus cuiridh mise mo chorrach ort, agus bheir mi breith ort a réir do shlighe, agus diolaidh mi riut d' uile ghràinealachdan.

4 Agus cha choigil a mo shùil thu, ni mò bhios truas agam, ach diolaidh mi riut do shlighe, agus bidh do ghràinealachdan ann ad mheadhon; agus bidh fios agaibh gur mise an Tighearn.

5 Mar so deir an Tighearn Dia; Feuch, tha olc, aon olc eile a' teachd.

6 Tha crìoch air teachd, thàinig a' chrìoch; tha i ri faire air do shon, feuch thàinig i.

7 Dh' éirich a' mhaduinn ort, O thus' a ta 'g àiteachadh na tìre; thàinig an t-àm; tha là an àmhghair dlù, agus cha 'n e ath-fhreagradh nan sliabh.

8 A nis gu h-aithghearr dòirtidh mi mach m' fhearg, agus coimhlionaidh mi mo chorrach ort: agus bheir mi breith ort a réir do shlighe, agus diolaidh mi riut d' uile ghràinealachdan.

9 Agus cha choigil mo shùil, ni mò bhios truas agam: diolaidh mi riut a réir do shlighe, agus do ghràinealachdan ann ad mheadhon; agus bidh fios agaibh gur mis' an Tighearn a ta bualadh.

10 Feuch an là, feuch, thàinig e; chaidh a' mhaduinn a mach, thàinig blàth air an t-slaith, ùr-fhas air an uabhar.

11 Dh' fhàs ain-neart suas gu slait aingidheachd: cha mhair aon diubh, no do 'n sluagh, no aon a bhuineas doibh, ni mò bhios cumha<sup>b</sup> sam bith air an son.

12 Thàinig an t-àm, tha an là a' teachd am fagus; na deanadh am fear-reice gairdeachas, no am fear-ceannuich bròn: oir *thuit* fearg air a mòr chuideachd uile.

13 Oir cha phill am fear-reice ris an ni sin a reiceadh, ged' robh iad am measg nan beo; oir tha an taisbean mu thimchioll a mòr-chuideachd uile; cha phill iad, ni mò neartaicheas aon duine e féin ann an aingidheachd a bheatha.

14 Snéid iad an trompaid, eadhon a chum na h-uile a dheanamh deas,

ach cha 'n eil neach air bith a' dol a chum a' chatha: oir tha m' fheargsa air a mòr-chuideachd uile.

15 Tha an claidheamh a muigh, agus a' phlaigh, agus a' ghort a stigh: esan a ta sa' mhachair bàsaichidh e leis a' chlaideamh; agus esan a ta sa' bhaile ni gort agus plàigh 'itheadh suas.

16 Ach iadsan a théid as diubh, théid as, agus bidh iad air nasléibh mar cholomain nan gleann, iad uil' a' caoidh, gach aon diubh air son aingidheachd féin.

17 Bidh na h-uile làmhnan lag, agus bidh na h-uile ghluinean anfhann mar uisge.

18 Crìosluichidh iad fòs iad féin le eudach saic, agus ni uamhas an còmhdachadh, agus bidh nàire air na h-uile aghaidh, agus air an cinn uile bidh maoile.

19 Tilgidh iad an airgid anns na sràidibh, agus atharruichear an òr: cha bhi an airgid agus an òr comasach air an saoradh ann an là feirge an Tighearna: cha sànuich iad an anama, ni mò lìonas iad an com: a chionn gu 'n d' thoir an aingidheachd tuisleadh orra.

20 A chionn gu 'n d' rinn iad dheth éideadh àillidh agus sgiamhach, leis an do sgeudaich iad dealbhan gràineil an nìtie fuathach, uime sin bheir mise fainear gu 'm buinear e uatha.

21 Agus bheir mi e do làmhlaibh nan coimheach mar chobhlartaich, agus do dhroch dhaoineibh na talmhainn mar chreich, agus ni iadsan a thruaillleadh.

22 Pillidh mi fòs m' aghaidh uatha, agus bidh m' ionad dìomhair air a thruaillleadh; oir théid an luchd-spèinnidh a steach ann, agus truaidhidh iad e.

23 Dean slabhruidh; oir tha am fearann làn do chiontaibh fuilteach, agus tha a' chathair làn do ainneart.

24 Uime sin, bheir mis' a' chuid a's measa do na cinnich, agus sealbhuidhidh iad an tìghean: cuiridh mi fòs cosgadh air uabhar nan neart-mhor, agus truaillear an ionada naomha.

25 Tha léir-sgrìos a' teachd, agus iarruidh iad sìth, ach cha bhi i ann.

26 Thig urchuid air urchuid, agus tuairisgeul air thuairisgeul; an sin iarruidh iad sealladh o'n fhàidh: ach eugaidh an lagh o'n t-sagart, agus comhairle o na seanaraibh.

27 Ni an rìgh caoidh, agus bidh am prionnsa air 'éideadh le léir-sgrìos; agus bidh làmhnan sluaigh na tìre fo gheilt: ni mise riu do réir an slighe, agus do réir an toillteanaibh bheir mi breith orra, agus bidh fios aca gur mi an Tighearn.

<sup>a</sup> chaomhain,

<sup>b</sup> caoidh.

## CAIB. VIII.

**A**GUS tharladh anns an t-sèathamh bliadhna, anns an t-sèathamh mìos, anns a' chùigeamh là do'n mhìos, nuair a shuidh mi ann am thigh, agus seanairean Iudah nan suidhe mu'm chomhair, gu'n do thuit orm an sin làmh an Tighearna Dia.

2 An sin dh'amhairc mi, agus feuch, cosalachd mar shàmla duine: o thaisbeanadh a leasraidh agus fuidhe mar theine: agus o'leasraidh agus os a chionn, mar thaisbeanadh dealaauach, mar dhath omair.

3 Agus chuir e mach cnuachd làimhe, agus ghlac e mi air dual do m'cheann, agus thog an spiorad suas mi eadar talamh agus nèamh, agus thug e mi ann am foillseachaidh Dhé gu Ierusalem, gu dorus a' gheata 's faide steach, a ta 'g amharc ris an airde tuath, far an robh àite Ìomhaigh an eud, a bhrosnnicheas gu end.

4 Agus feuch, bha glòir Dhé Israeil an sin, do réir an t-seallaidh a chunnaic mi anns a' chòmhnard.

5 An sin thuirt e rium, A mhic an duine, tog suas do shùilean a nis ri slighe na h-airde tuath: agus thog mi suas mo shùilean ri slighe na h-airde tuath, agus feuch, mu thuath, aig geata na h-altrach, Ìomhaigh so an eud anns an dol a steach.

6 Agus thuirt e rium, A mhic an duine, am faic thu ciod a ta iad a' deanamh? na gràinealachda mdra tha tigh Israeil a' cur an gnìomh an so, a chum gu 'n rachainns' am fad o m' naomh ionad? ach pill fathasd, chi thu gràinealachdan a's mò.

7 Agus thug e mi gu dorus na cùirte; agus an uair a dh'amhairc mi, feuch toll anns a' bhalla.

8 An sin thuirt e rium, A mhic an duine, cladhaidh a nis anns a' bhalla: agus 'nuair a chladhaich mi anns a' bhalla, feuch dorus.

9 Agus thuirt e rium, Imich a steach, agus feuch na gràinealachdan aingidh a ta iad a' deanamh an so.

10 Mar sin chaidh mi steach agus chunnaic mi, agus feuch uile chosalachda gach ni shnàgas, agus gach beathaich ghràineil, agus uile Ìodholan tighe Israeil air an tarruing air a' bhalla, gach taobh mu 'n cuairt.

11 Agus sheas nan làthair deich agus trì fichead fear do sheana-airibh tighe Israeil, agus nain' meadhon sheas Iasaniah mac Shaplain, gach fear le 'thùiseir na làimh, agus neul tiugh tìis a' dol suas.

12 An sin thuirt e rium, A mhic an duine, am faca tu ciod a tha seanairean tighe Israeil a' deanamh agus

an dorch, gach fear ann an seòmraichibh 'Ìomhaigheachd féin? oir a deir iad, Cha 'n 'eil an Tighearna 'g ar faicinn, thréig an Tighearna an talamh.

13 Thuirt e rium mar an ceudna, Pill fòs a ris, chi thu gràinealachdan a's mò a ta iad a' deanamh.

14 An sin thug e mi gu dorus geataidh tighe an Tighearna, a bha ris an airde tuath, agus feuch, an sin shuidh mnaia' gul air son Thamuais.

15 An sin thuirt e rium, Am faca tu so, a mhic an duine? pill fòs a ris, chi thu gràinealachda ni 's mò na iad so.

16 Agus thug e mi do'n chùirt a's faide steach do thigh an Tighearna, agus fench, aig dorus Teampuill an Tighearna, eadar an sgàth-thigh agus an altair, tuaiream cùig fir fhichead, le 'n cùlaobh ri teampull an Tighearna, 's an aghaidh ris an aird an ear, agus iad ag aoradh do 'n ghréin ris an aird an ear.

17 An sin thuirt e rium, Am faca tu, O mhic an duine? An ni faoin do thigh Iudah a bhi deanamh nan gràinealachdan a ta iad a' deanamh an so? oir lion iad an tìr le ainneart, agus phill iad do m'bhrosnucha-sa chum feirge; agus feuch, chuir iad am meanglan ri 'n sròin.

18 Uime sin buinidh mise *riu-san* fòs ann am feirg: cha choigil mo shùil, ni mò bhios truas agam: agus ged' èigh iad ann am chluasaibh le guth ard, gidheadh cha 'n èisd mi riu.

## CAIB. IX.

**G**HLAODH e fòs ann am chluasaibh le guth ard, ag ràdh, Thoir air uachdarain a' bhaile teachd am fagus, eadhon gach duine le 'arm-sgrìosaidh na làimh.

2 Agus feuch, thàinig seisear a' fhear o shlighe a' gheataidh a's airde, ta 'g amharc ris an airde tuath, agus aig gach fear 'inneal-sgrìos féin na làimh: agus bha aon fhear nam measg air 'éideadh le lìon-eudach, agus acfuinn-sgrìobhaidh cléirich air a léis, agus chaidh iad a steach, agus sheas iad ri taobh na h-altrach umha.

3 Agus dh' éirich glòir Dhé Israeil suas bharr a' chernuib air an robh e, gustairsneach an tighe; agus ghlaoth e ris an duine bha air 'éideadh leis an lìon-eudach, aig an robh an acfuinn-sgrìobhaidh cléirich r'a thaobh;

4 Agus thuirt an Tighearna ris, Imich roi' b' mheadhon a' bhaile, roi' mheadhon Ierusalem, agus cuir comhara air eudannaibh na muinntir,

a sèanar.

b tre,



a ta 'g osnaich agus a glaothaich air son nan uile ghràinealachdan, a ta air an deanamh na meadhon.

5 Agus ri càch thubhairt e ann am éisdeachd, Rachaibh-se na déigh-san roi' an bhaile, agus buailibh: na coigleadh 'ur sùil, ni mò bhios truas agaibh.

6 Marbhaibh gu tur an sean, agus an t-òg, an òigh, agus an leanabh, agus na mnà; ach na beanaibh ri aon duine air am bleil an comhara: agus tòisichibh aig mo naomh-ionadsa. An sin thòisich iad aig na seann daoine bha fa chomhair an tìghe.

7 Agus thuirt e riu, Truailibh an tìgh, agus lonaibh na cùrtean leis na marbhaibh; rachaibh a mach: agus chaidh iad a mach, agus mharbh iad auns a' bhaile.

8 Agus tharladh tra bha iad 'g am marbhadh, agus a bha mise air m' fhàgail, gu 'n do thuit mi air m' aghaidh, agus ghlaodh mi, ag ràdh, Ah! a Thighearn Dhia, an sgrios thu iarmad Israeil uile, ann an dòrtadh a mach do dhàn chorroich air Ierusalem?

9 An sin thuirt e rium, Tha ain-gidheachd tìghe Israeil agus Iudah an-mhor, agus tha am fearann làn do fhuil, agus am baile làn do cheann-airc: oir a deir iad, Thréig an Tighearn an talamh, agus cha 'n 'eil an Tighearn a' faicinn.

10 Agus air mo shon-sa mar an ceudna, cha choigil mo shùil, ni mò bhios truas agam; dìolaidd mi an slighe air an ceann.

11 Agus feuch, dh'innis am fear, a bha sgeudaichte leis an lìon-eudach, agus aig an robh an acfuinn-sgrìobhaidd r'a thaobh, a' chùis, ag ràdh, Rinn mi amhuil mar a dh' àithn thu dhomh.

## CAIB. X.

**A**N sin dh' amhairc mi, agus feuch, anns an speur a bha thar cinn nan cerubim, thaisbeanadh os an cionn mar gu' m biodh ann clach shaphir, mar thaisbeanadh coslais rìgh-chatlach.

2 Agus labhair e ris an duine bha sgeudaichte leis an lìon-eudach, agus thubhairt e, Imich a steach eadar na rothan, fuidh an cherub, agus lìon do làmh le éibhlìbh teine eadar na cerubim, agus sgap iad thar a' bhaile. Agus chaidh e steach ann am shealladh.

3 A nis sheas na cerubim air taobh deas an tìghe, 'nuair a chaidh an duine steach, agus lìon an neul a' chùirt a b'fhaide stigh.

4 An sin chaidh glòir an Tighearna suas bharr a' cheruib, agus sheas i os cionn stairsnich an tìghe, agus lìon-

adh an tìgh leis an neul, agus bha a' chùirt làn do dhealradh glòire an Tighearna.

5 Agus chualas fuaimean sgiath nan cerub gus a' chùirt a b'fhaide mach, mar ghuth an Dé uile-chumhachdaich an uair a labhras e.

6 Agus tharladh an tra thug e àithne do 'n duine bha sgeudaichte leis an lìon-eudach, ag ràdh, Glac teine o eadar na rothan, o eadar na cerubim, gu 'n deachaidh e 'n sin a steach, agus sheas e làimh ris na rothaibh.

7 Agus shìn cerub a mach a làmh o eadar na cerubim, chum an teine a bha eadar na cerubim, agus ghabh e dheth; agus chuir e 'n làmh an tì bha sgeudaichte leis an lìon-eudach e: neach a ghlac e agus a chaidh a mach.

8 Agus chuinnacas anns na cerubim cunachd làimhe duine fuidh an sgiathaibh.

9 Agus 'nuair a dh' amhairc mise, feuch, na ceithir rothan aig taobh nan cerubim, aon roth aig aona cherub, agus roth eile aig cerub eile: agus bha dreach nan rothan air dhath cloiche criostail.

10 Agus air son an aoguis, bha 'n aon choslas aca nan ceathrar, mar gu' m biodh roth ann am meadhon rotha.

11 'Nuair a ghluais iad, dh' imich iad air an ceithir taobhaibh; cha do thionndaidh iad nan imeachd, ach ris an àite gus an robh an ceann ag amharc, lean iadsan e; cha do thionndaidh iad nuair a dh' imich iad.

12 Agus bha an corp gu h-ìomlan, agus an dromanna, agus an sgiathan, agus na rothan, làn do shùilibh mu'n cuairt air gach taobh, eadhon na rothan a bha aca nan ceathrar.

13 Agus ris na rothaibh ghlaodhadh ann am éisdeachd-sa, Ruithibh.

14 Agus bha ceithir eudanna aig gach aon: aghaidh cheruib a' cheud eudann, agus aghaidh duine an dara eudann, agus aghaidh leòmhunn an treas, agus aghaidh iolarach an ceathramh.

15 Agus thogadh suas na cerubim; so an t-ainmhidh a chunnaic mise aig sruth Chebair.

16 Agus an uair a ghluais na cerubim, dh' imich na rothan làimh riu: agus 'nuair a thog na cerubim suas an sgiathan, a chum éiridh suas o 'n talamh, cha do thionndaidh na rothan ceudna sin o bhi nam fochair.

17 'Nuair a sheas iad sin, sheas iad so: agus 'nuair a dh' éirich iad sin suas, dh' éirich iad so; oir bha spiorad an ainmhidh anna.

18 An sin dh' imich glòir an Tighe-

earna o stairsnich an tighe, agus sheas i thar na cerubim.

19 Agus thog na cerubim suas an sgiathan, agus chaidh iad suas o 'n talamh ann am shealladh: an uair a chaidh iad a mach, bha na rothan maran ceudna làimh riu, agus sheas iad aig dorus geàraidh shoir tighe an Tighearna, agus bha glòir Dhé Israeil tharta os an cionn.

20 So an t-ainmhidh a chunnaic mi fuidh Dhia Israeil, làimh risruth Chebair; agus dh' aithnich mi gu'm b' iad na cerubim.

21 Bha ceithir eudanna aig gach aon fa leth, agus aig gach aon bha ceithir sgiathan, agus bha coslas làmhian duine fuidh an sgiathaibh.

22 Agus b'e coslas an aghaidhean na h-aghaidhean ceudna a chunnaic mi aig sruth Chebair, an aogus agus iad féin: dh' imich iad gach aon dir-each air aghaidh.

#### CAIB. XI.

**A**GUS thog an spiorad suas mi, agus thug e mi gu geata 'n ear tighe an Tighearna; ta 'g amharc ris an aird an ear: agus feuch, aig dorus a' gheata, cùig fìr fhichead: agus chunnaic mi nam measg Iaasaniah mac Asuir, agus Pelatiah mac Bhe-naiah, uachdarain an t-sluaigh.

2 An sin thuirt e rium, A mhic an duine, so na daoine tha dealbh uilc, agus a' toirt droch chomhairle sa' bhaile so;

3 A ta 'g ràdh, Cha 'n 'eil e dlù, togamaid tighean: is e am baile so an coire, agus sinne an fheoil.

4 Air an aobhar sin, dean fàis-neachd nan aghaidh, dean fàis-neachd a mhic an duine.

5 Agus thuit orm spiorad an Tighearna, agus thuirt e rium, Abair, Mar so deiran Tighearn, Mar so thubhairt sibh, O thigh Israeil: oir is aithne dhomh-sa na nithe tha teachd 'n ur n-inntinn, gach uile ni dhiubh.

6 Mheudaich sibh 'ur mairbh anns a' chathair so, agus lìon sibh a sràidean leòsan a mbarbhadh.

7 Air an aobhar sin mar so deir an Tighearn Dia, 'Ur mairbh a chuir sibh na meadhan, is iadsan an fheoil, agus is i a' chathair so an coire: ach bheir mise sibh a mach as a meadhon.

8 Bha eagal oirbh roimh an chladheamh, agus bheir mise claidheamh oirbh, deir an Tighearn Dia.

9 Agus bheir mi sibh a mach as a meadhon, agus bheir mi thairis sibh do làmhnan choimheach, agus ni mi breitheanas 'n ur measg.

10 Tuitidh sibh leisa' chladheamh, bheir mise breitheanas oirbh ann an iomall Israeil, agus bidh fios agaibh gur mi an Tighearn.

11 Cha 'n i a' chathair so a bhios na coire dhuibh, ni mò bhios sibhse na meadhon mar fheoil: ann an iomall Israeil bheir mise breith oirbh.

12 Agus bidh fios agaibh gur mise an Tighearn; oir cha do ghluais sibh ann am reachdaibh, ni mò rinn sibh mo bhreitheanas, ach rinn sibh do réir nòis: nan cinneach a ta air gach taobh mu 'n cuairt duibh.

13 Agus tharladh an tra rinn mise fàisneachd, gu'n d' eug Pelatiah mac Bhe-naiah: an sin thuit mi sìos air m' aghaidh, agus ghlaodh mi leguthard, agus thubhairt mi, Ah! a Thighearn Dhia, an dean thu lan chrìoch-nachadh air iarmad Israeil?

14 A nis thàinig focal an Tighearna do m' ionnsuidh, ag ràdh,

15 A mhic an duine, Is iad do bhràithrean, do bhràithrean, fir do dhùlseachd, agus uile thigh Israeil gu h-iomlan, ris an dubhairt luchd-ait-eachaidh Ierusalem, Imichibh àm fad o 'n Tighearn: dhuinne thugadh an fearann so mar sheilbh.

16 Air an aobhar sin abair, Mar so deir an Tighearn Dia, Ge do thilg mi fada uam iad am measg nan cinn-each, agus ge do sgap mi iad am measg nan dùchanna, gidheadh bidh mi dhoibh ann am naomh ionad bheag anns na dùchannaibh gus an d'thig iad.

17 Uime sin abair, Mar so deir an Tighearn Dia, Ni mi eadhon 'ur tional o na cinnich, agus 'ur cruinneachadh as na dùchannaibh anns an robh sibh air 'ur sgapadh, agus bheir mi dhuibh fearann Israeil.

18 Agus thig iad d'a ionnsuidh, agus bheir iad 'uile nithe fuathach, agus 'uile glhàinealachdan air falbh as.

19 Agus bheir mi dhoibh aon chridhe, agus cuiridh mi spiorad nuadh an taobh a stigh dhiubh; agus bheir mi an cridhe cloiche as am feoil, agus bheir mi dhoibh cridhe feòla;

20 A chum gu'n gluais iad ann am reachdaibh, agus gu'n coimhid iad m' orduighean, agus gu'n dean siad iad: agus bidh iad nam pobull dhómh-sa, agus bidh mis' a'm' Dhia dhoibh-san.

21 Ach do 'n taobh-san a thionndas an cridhe do réir cridhe an nithe fuathach agus an gràinealachd, dlòlaidh mis' an slighe air an ceann féin, deir an Tighearn Dia.

22 An sin thog na cerubim suas an sgiathan, agus na rothan làimh riu; agus bha glòir Dhia Israeil tharta os an cionn.

23 Agus chaidh glòir an Tighearna

\* gnàth.

suas o mheadhon a' bhaile, agus sheas i air an t-sliabh a ta air an taobh an ear do 'n bhaile.

24 Na dhéigh sin ghlac an spiorad suas mi, agus thug e mi ann an taisbean le spiorad Dhé gu Caldéa, chum nam bràighdean: mar sin chaidh an sealladh a chunnaic mi suas uam.

25 An sin labhair mi riu-san a bh' anns an daorsa, na h-uile nithe a thaisbein an Tighearn dhomh.

## CAIB. XII.

**T**HAINIG focal an Tighearna fòs do m' ionnsuidh, ag ràdh,

2 A mhic an duine, tha thu chòmhnuidh ann am meadhon tigh cheannaircich, aig am bheil sùilean gu faicinn, ach cha 'n 'eil iad a' faicinn; tha cluasan aca gu cluinntinn, ach cha 'n 'eil iad a' cluinntinn: oir is tigh ceannairceach iad.

3 Uime sin, a mhic an duine, deasuich \* dhuit féin airneis air son dol air imrich: agus atharruich anns an là nan sealladh; agus atharruichidh tu o d' àite, gu àit eile nan sealladh: theagamh gu 'n d'thoir iad fainear, ged' is tigh ceannairceach iad.

4 An sin bheir thu mach d' airneis anns an latha nan sealladh, mar airneis air son imrich: agus théid thu mach 'san an-moch nan sealladh, mar iadsan a théid a mach ann am bràighdeanas.

5 Cladhaich trid a' bhalla nan sealladh, agus thoir a mach trid sin.

6 Nan sealladh giùlainidh tu air do ghuaillibh, bheir thu mach anns an dubh an-moch: còmhdaichidh tu d' aghaidh air chor as nach faic thu an làr: oir chuir mi thu *mar* chomhara do thigh Israeil.

7 Agus rinn mi ceart mar a dh' àithneadh dhomh: thug mi mach m' airneis anns an latha, mar airneis air son braighdeanas, agus anns an an-moch chladhaich mi trid a' bhalla le m' làimh: thug mi mach i san dubh-anmoch, agus ghiùlain mi air mo ghuaillibh i nan sealladh.

8 Agus air maduinn thàinig focal an Tighearna do m' ionnsuidh, ag ràdh,

9 A mhic an duine, nach dubh-airt tigh Israeil, an tigh ceannairceach, riut, Ciod a tha thu deanamh?

10 Abair thu-sa riu, Mar so deir an Tighearn Dia, Do 'n phrionnsadh ann an Ierusalem *buinidh* an t-uallach<sup>b</sup> so, agus do thigh Israeil a ta nam measg.

11 Abair, Tha mis' ann am chomh-

\* *ulluich.*

<sup>b</sup> *eallach.*

ara dhuibh; amhuil a rinn mise, mar sin nithear riu-san: atharruichidh iad, agus théid iad air falbh ann am bràighdeanas.

12 Agus am prionnsadh a ta nam measg ghiùlainidh e air a ghuaillibh anns an dubh-anmoch, agus théid e mach: cladhaichidh iad trid a' bhalla, chum giùlain a mach d' a thrid: còmhdaichidh e' aghaidh, air chor as nach faic e 'n làr le 'shùilibh.

13 Sgaoilidh mise fòs mo lìon air, agus glacar ann am rib e; agus bheir mi e gu Babilon, gu tìr nan Caldéach; gidheadh cha 'n fhaic e i, ged' fhaigh e bàs an sin.

14 Agus sgapaidh mi ris gach aon ghaoith na h-uile ta m' a thimchioll g' a chòghnadh, agus 'uile bhuidhnichean; agus tairgaidh mi mach an claidheamh nan déigh.

15 Agus aithnichidh iad gur mise an Tighearn, 'nuair a sgapas mi iad am measg nan cinneach agus asgaoileas mi iad feadh nan dùchannan.

16 Agus fàgaidh mi beagan fhear dhiubh o 'n chladheamh, o 'n ghort, agus o 'n phlàigh, a chum gu 'n cuir iad an cèill an uile ghràinealachdan am measg nan cinneach gus' an d'thig iad, agus aithnichidh iad gur mise an Tighearn.

17 Os-barr, thàinig focal an Tighearna do m' ionnsuidh, ag ràdh,

18 A mhic an duine, ith d' aran le criith, agus òl d' uisge le ball-chriith agus le cùram,

19 Agus abair ri sluagh na tìre, Mar so deir an Tighearn Dia mu thimchioll luchd-àiteachaidh Ierusalem, agus dùcha Israeil, Ithidh iad an aran le cùram, agus òlaidh iad an uisge le uamhas, air chor as gu'm bi am fearann fàs o'n iomlan a ta ann, air son fòirneirt na muinntir sin uile ta chòmhnuidh ann.

20 Agus nithear na hailtean a ta air an àiteachadh fàs, agus abidh am fearann falamh, agus aithnichidh sibh gur mise an Tighearn.

21 Agus thàinig focal an Tighearna do m' ionnsuidh, ag ràdh,

22 A mhic an duine, Ciod e an gnàth-fhocal sin a th' agaibh ann am fearann Israeil, ag ràdh, Tha na laithean air an sìneadh, agus dh' fhàilnich gach uile fhòillseachadh.

23 Innis doibh uime sin, Mar so deir an Tighearn Dia, Bheir mise air a' ghnàth-fhocal so sgar, agus cha labhair iad e ni 's faide mar ghnàth-fhocal ann an Israeil: ach abair riu, Tha na laithean aig làimh, agus buil gach aon taisbein.

24 Oir cha bhi ni 's mò aon taisbean faoin, no fàisneachd mhìodalach an taobh a stigh do thigh Israeil.

25 Oir mise Iehoblah, labhairidh

mi, agus am focal a labhras mi thigh gu crìch: cha dean e ni 's faide maille; oir ann 'ur laithibh-se, O thigh cheannaircìch, labhraidh mise am focal, agus ni mi e, deir an Tighearn Dia.

26 A ris thàinig focal an Tighearna do m'ionnsuidh, ag ràdh,

27 A mhic an duine, feuch tha thigh Israeil ag ràdh, Tha 'n taisbean a tha e faicinn airson mhòran laithean, agus tha e ri fàisneachd mu na h-aimsiribh fad as.

28 Air an aobhar sin abair riu, Mar so deir an Tighearn Dia, Cha bhi aon do m' bhriathraibh-sa air a shìneadh ni 's faide; ach am focal a labhras mi, coimhlionar e, deir an Tighearn Dia.

#### CAIB. XIII.

**A** GUS thàinig focal an Tighearna do m' ionnsuidh, ag ràdh,

2 A mhic an duine, dean fàisneachd an aghaidh fhàidhean Israeil, a ta ri fàisneachd, agus abair thu-sa rìusan, a ta ri fàisneachd as an cridhe féin, Eisidibh-se focal an Tighearna.

3 Mar so deir an Tighearn Dia, Is deacair do na fàidhean amaideach, a ta leantuinn an spioraid féin, agus nach faca ni 'sam bith.

4 O Israeil, is cosnheil d' fhàidhean ris na sionnachaidh anns na fàisaidibh.

5 Cha deachaidh sibh suas a chum nam bearnan, ni mò rinn sibh suas a' challaid do thigh Israeil, gu seasamh anns a' chath ann an là an Tighearna.

6 Chunnaic iad dìomhanas, agus rinn iad fiosachd bhréige, ag ràdh, Deir an Tighearn; 'nuair nach do chuir an Tighearn a mach iad: agus thug iad air daoinibh earbsadh gu 'n daingnicheadh iad am focal.

7 Nach faca sibh sealladh faoin, agus nach do labhair sibh fiosachd bhréige, le bhi 'g ràdh, Thubhairt an Tighearn, ge nach do labhair mise?

8 Air an aobhar sin, mar so deir an Tighearn Dia, A chionn gu 'n do labhair sibh dìomhanas, agus gu'n faca sibh breugan, uime sin feuch, tha mise 'n 'ur n-aghaidh, deir an Tighearn Dia.

9 Agus bidh mo làmh air na fàidhean a chi dìomhanas, agus a ta fàisneachd bhrèig: cha bhi iad ann an coimhthional mo shluaigh, ni mò bhios iad air an sgrìobhadh ann an sgrìobhadh tìghe Israeil, ni mò thèid iad a steach do fhearann Israeil; agus aithnichidh sibh gur mis an Tighearn Dia.

10 A chionn, eadhon a chionn gu

'n d'thug iad air mo shluaigh dol air seachran, ag ràdh, Sìth, agus gun sìth a bhi ann: agus thog aon suas balla, agus feuch, thilg càch thairis e le crè gun oibreachadh.

11 Abair riu-san a ta 'ga thilgeadh thairis le crè gun oibreachadh, gu 'n tuit e: bidh fras thuilteach ann, agus tuirlingidh sibh-se, O chlachameallain mòra, agus ni gaoth dhoinnionnach a bhriseadh.

12 Fench, nuair a thuiteas am balla, nach abrar ruibh, C' àit' am bheil a' chrè leis an do thilg sibh thairis e?

13 Uime sin, mar so deir an Tighearn Dia, Ni mise fòs a bhriseadh le gaoith dhoinnionnach ann am fheirg; agus-bidh fras thuilteach ann am chorruih-sa ann, agus clachanmeallain mòra ann am dhian-fheirg d' a mhillleadh.

14 Mar sin brisidh mi sìos am balla a thilg sibh thairis le crè gun oibreachadh, agus bheir mi nuas gu làr e, air chor as gu 'n leigear ris a bhunaite; agus tuitidh e, agus bidh sibhs' air 'ur milleadh na mheadhion: agus aithnichidh sibh gur mise an Tighearn.

15 Mar so coimhlionaidh mi mo chorruih air a bhalla, agus orra-san a thilg thairis e le crè gun oibreachadh, agus their mi ruibh, Cha 'n 'eil am balla ann, ni mò ta iadsan a thilg thairis e;

16 Eadhon fàidhean Israeil, a ta ri fàisneachd mu thimchioll Ierusalem, agus a ta faicinn seallaidh sìothainh dhi, agus gun sìth idir ann, deir an Tighearn Dia.

17 Mar an ceudna, thu-sa, a mhic an duine, cuir d' eudann an aghaidh nigheana do shluaigh, a ta ri fàisneachd as an cridhe féin, agus dean-sa fàisneachd nan aghaidh.

18 Agus abair, Mar so deir an Tighearn Dia, Is truagh do na mnaibh a ta fuaigheal chluasag ris na h-uile asgaitibh, agus a' cur bhréidean air ceann gach aoise, a dheanamh seilg air anamaibh. An dean sibh sealg air anamaibh mo shluaigh-sa, agus an coimhid sibh beo anama na muinntir a ta teachd chugaibh?

19 Agus an truail sibh mise measg mo shluaigh air son ghlacaidhean eorna, agus air son mhìrean arain, a mharbhadh nan anama nach bu chòir bàsachadh, agus a choimhead beo nan anama nach bu chòir a bhi beo, le 'r breugaibh do m' shluaigh-sa, ta 'g éisdeachd 'ur breug?

20 Air an aobhar sin, mar so deir an Tighearn Dia, Feuch, tha mise an aghaidh 'ur cluasag, leis am bheil sibh an sin a' sealg air na h-anamaibh, a chum an glacadh; agus



spionaidh mise iad o 'r gairdeinibh, agus leigidh mi air falbh na h-anama, na h-anama sin air am bheil sibh a sealg a chum an glacadh.

21 Reubaidh mi fòs 'ur bréidean, agus saoraidh mi mo shluagh a mach as 'ur làimh, agus cha bhi iad ni 's mò 'n 'ur làimh gu bhi air am fiadhach: agus aithnichidh sibh gur mise an Tighearn.

22 A chionn le breugaibh gu 'n d' rinn sibh cridhe an ionracain dubhach, agus nach d' rinn mise dubhach e; agus gu 'n do neartuich sibh làmh an aingidh, chum nach pilleadh e o 'd' droch shlighe, le 'bhi gealltunn beatha dha.

23 Uime sin cha 'n fhaic sibh dhomhanas ni 's mò, 's cha dean sibh faisneachd tuille: oir saoraidh mise mo shluagh as 'ur làimh, agus bidh fios agaibh gur mi an Tighearn.

## CAIB. XIV.

A N sin thàinig cuid do sheannairibh Israeil do m' ionnsuidh, agus shuidh iad mu 'm choinneamh.

2 Agus thàinig focal an Tighearna do m' ionnsuidh, ag ràdh,

3 A mhic an duine, chuir na daoine so suas an iodholan nan cridhe, agus chuir iad ceap-tuislidh an aingidheachd fa 'n comhair a; an leig mise dhoibh air aon chor 'm iarraidh?

4 Uime sin labhair riu, agus abair riu, Mar so deir an Tighearn Dia, Gach duine do thigh Israeil a chuireas suas 'iodhola na chridhe, agus a chuireas ceap-tuislidh 'aingidheachd fa chomhair, agus a thig chum an fhaidh, bheir mise Iehobhah freagradh dhasan a thig, do réir lion-rohoireachd 'iodhola.

5 A chum gu 'n glac mi tigh Israeil nan cridhe féin, a chionn gu bheil iad uile air dol air seachran uamsa trid an iodhola.

6 Air an 'aobhar sin, abair ri tigh Israeil, Mar so deir an Tighearn Dia, Gabhaibh aithreachas, agus pillibh o 'r n-iodholaibh, agus tionndaibh 'ur n-aghaidh air falbh o 'r n-uile ghràin-ealachdaibh.

7 Oir gach aon do thigh Israeil, no do na coigrich, a ta air chaid ann an Israel, a ta 'ga sgaradh féin uam-sa, agus a' cur suas 'iodhola na chridhe, agus a' cur ceap-tuislidh 'aingidheachd fa chomhair, agus a' teachd a chum fàidh, a dh' fhiosrachadh dheth mu m' thimchioll-sa; bheir mise Iehobhah treagrachd dha leam féin.

8 Agus cuiridh mi mo ghnùis an aghaidh an duine sin, agus ni mi e na chomhara agus na ghnàth-fhocal,

agus gearraidh mi as e o mheadhonn mo shluagh, agus aithnichidh sibh gur mise an Tighearn.

9 Agus ma bhios am fàidh air a mhealladh an tra labhaire ni, is mise an Tighearn a mheall am fàidh sin, agus sinidh mi mo làmh a mach air, agus sgriosaidh mi e o mheadhonn phobuill Israeil.

10 Agus giùlainidh iad peanas an ea-ceirte: bidh peanas an fhàidhe aithuill peanas an ti a dh' iarras chuige.

11 A chum nach d'théid tigh Israeil ni 's mò air seachran uam-sa, agus nach bi iad air an truailleadh ni 's mò le 'n uile chiontaibh: ach a chum gu 'm bi iad dhomh-sa nam pobull, agus mise dhoibh-san ann am Dhia, deir an Tighearn Dia.

12 Thàinig a rìs focal an Tighearna do m' ionnsuidh, ag ràdh,

13 A mhic an duine, tra pheacaicheas an tìr ann am aghaidh-sa le ciontachadh gu h-anmhor, an sin sinidh mi a mach mo làmh oirre, agus brisidh mi lorg a h-arain, agus cuiridh mi gort oire, agus gearraidh mi uaipe duine agus ainmhidh.

14 Ge do bhiodh an triuir fhear so, Noah, Daniel, agus Job innte, cha saoradh iad ach an anama féin le 'm fireantachd, deir an Tighearn Dia.

15 Ma bheir mise air beathaichibh cronail dol trid an fhearainn, agus gu mill iad e, air chor as gu 'm bi e fàs ionnus nach feud neach air bith dol troimhe air son a' bheathaich:

16 Ged' bhiodh an triuir dhaoine so ann, mar is beo mise, deir an Tighearn Dia, cha saoradh iad aon chuid mic no nigheana; shaoirteadh iad féin a mhàin, ach bhiodh am fearann fàs.

17 No ma bheir mise claidheamh air an fhearann so, agus gu 'n abair mi, A chladheimh, imich trid an fhearainn; air chor as gu 'n gearr mi duine agus ainmhidh a mach as:

18 Ged' bhiodh an triuir dhaoine so ann, mar is beo mise, deir an Tighearn Dia, cha saoradh iad aon chuid mic no nigheanan, ach bhiodh a mhàin iad féin air an saoradh.

19 No ma chuireas mi plàigh do 'n fhearann sin, agus gu 'n ddirt mi mo chorruch a mach air ann am fuit, a chum duine agus ainmhidh a ghearradh a mach as:

20 Ged' bhiodh Noah, Daniel, agus Job ann, mar is beo mise, deir an Tighearn Dia, cha saoradh iad aon chuid mac no nighean: cha saoradh

iad ach an anama féin le 'm firean-tachd.

21 Oir mar so deir an Tighearn Dia, Cia mo gu mór tra chuireas mi mo cheithir breitheanais ghoirt air Ierusalem, an claidheamh, agus a' ghiort, agus am beathach cronail a, agus a' phlàigh, a chum duine agus ainmhidh a ghearradh a mach as?

22 Gidheadh feuch, fàgar iarmad ann, a bheir a mach, mic agus nighean: feuch, thig iad a mach chugaibh, agus chi sibh an slighe agus an gnìomhara: agus gheibh sibh co-shurtachd a thaobh an uile a thug mise air Ierusalem, a thaobh gach ni thug mi air.

23 Agus bheir iad co-shurtachd dhuibh, an uair a chi sibh an slighe, agus an gnìomhara: agus aithnichidh sibh nach ann gun aobhar a rinn mise gach ni a rinn mi ann, deir an Tighearn Dia.

## CAIB. XV.

**A**GUS thàinig focal an Tighearna do m' ionnsuidh, ag ràdh,

2 A mhic an duine, Ciod e am fion-chrann thar crann air bith eile *ma bhios e* mar ghéig a ta measg chraobha na frìdhie?

3 An gabhar fiodh dheth gu obair air bith a dheanamh? no an gabhar cnag dheth a chrochadh soithich air bith air?

4 Feuch, tilgear e 'san teine mar chionnadh; loisgidh an teine a dhà cheann, agus loisgear a mheadhon: am bheil e iomchuidh air son cungaidh?

5 Feuch, 'nuair a bha e slàn cha robh e iomchuidh air son cungaidh sam bith: cia mò gu mór is lugha bhios e iomchuidh air son oibre, 'nuair a chaitheas an tein' e, agus a bhios e loisgte?

6 Air an aobhar sin, mar so deir an Tighearn Dia, Mar am fion-chrann am measg craonna na frìdhie, a thug mise do 'n teine mar chionnadh, is amhluidh a bheir mi luchd-àiteachaidh Ierusalem.

7 Agus cuiridh mi mo ghlinùis nan aghaidh, thèid iad a mach o theine, 's ni tein' eil' an caitheamh: agus aithnichidh sibh gur mise an Tighearn, tra chuireas mi mo ghlinùis nan aghaidh.

8 Agus ni mi am fearann fàs, a chionn gu 'n do chuir iad an gnìomh ea-ceart, deir an Tighearn Dia.

## CAIB. XVI.

**A**RIS thàinig focal an Tighearna do m' ionnsuidh, ag ràdh,

2 A mhic an duine, thoir air Ierusalem a ghràinealachdan aithneachadh.

3 Agus abair, Mar so deir an Ti-

\* millteach.

ghearn Dia ri Ierusalem, Tha do bhrìth agus do dhùchas o thìr Chanaan, b' Amarach d' athair, agus bu bhan-Hiteach do mhàthair.

4 Agus air son do dhùchais, anns an là 'san d' rugadh thu, cha do ghearradh d' imleag, ni mò bhà thu air do nigheadh ann an uisge. gu d' mhaothachadh: cha do chrathadh salann ort, ni mò bhà thu air do spaileadh.

5 Cha do ghabh sùil air bith truas diot, a chum aon ni dhiubh so a dheanamh dhuit, a dheanamh iochd ort; ach bhà thu air do thilgeadh a mach anns a' mhachair sgaoilte, le gràin do d' anam, air an là 'san d' rugadh thu.

6 Agus an tra ghabh mise seachad dlù dhuit, agus a chunnaic mi thu salach ann ad fhuil féin, thuirt mi riut, *agus thu ann ad fhuil*, Mair beo; seadh, thuirt mi riut, *agus thu ann ad fhuil*, Mair beo.

7 Thug ni ort fàs lìonmhor mar chinneas na faiche, agus dh' fhàs thu lìonmhor agus mòr; agus thàinig thu gu sgeudachadh maiseach: tha do chlochan air an cumadh, agus do ghruag air fàs, an àite dhuit a bhi ròisgte agus lòm.

8 Agus 'nuair a ghabh mise seachad dlù dhuit, agus a dh' amhairc mi ort, feuch, bha d' aimsir na h-aimsir ghràidh, agus sgaoil mise mo sgìort tharad, agus dh' fuoluich mi do lòn-nochduiche: seadh mhionnuich mi dhuit, agus thionnsgain mi ann an coimhcheangal riut, deir an Tighearn Dia, agus bu leam-sa thu.

9 An sin nigh mi thu le h-uisge, seadh nigh mi d' fhuil gu glan air fàbh uait, agus dh' ung mi thu le h-ola.

10 Sgeudaich mi thu fòs le h-obair-ghréise, agus chuir mi brògan do chraicionn bruic ort, agus chrìosluich mi mu 'n cuairt thu le h-anart grinn, agus chòmhdaich mi thu le sìde.

11 Rinn mi sgiamhach thu mar an cèudna le h-usgraichibh, agus chuir mi làmh fhàilean air do làmhlan, agus slabhruidh mu d' mhuineal.

12 Agus chuir mi seud rìomhach air d' eudann, agus cluas-fhàinneach an ann ad chluasaibh, agus crùn maiseach air do cheann.

13 Mar so bhà thu air do sgeudachadh le h-òr agus le h-airgid, agus bha do thrusgan a dh' anart grinn, agus do shìde, agus do obair ghréise, dhith thu cruineachd finealt agus mìl, agus ola. agus bha thu rò mhaiseach, agus dh' fhàs thu suas gu bhli 'n ad rioghachd.

14 Agus chaidh d' iomradh a mach am measg nan cinneach air son do mhaise: oir bha sin iomlan trid mo

seòimh-sa a chuir mi ort, deir ah Tighearn Dia.

15 Ach chuir thu do dhèigh ann ad mhaise féin, agus rinn thu strìopachas an aghaidh do chluin, agus dhàirt thu mach do strìopachas air gach neach a ghabh seachad; bu leis-sa thu.

16 Agus ghabh thu do d'chulaidhean, agus rinn thu maiseach d' ionadan arda le dathaibh eag-samhlaidh, agus rinn thu strìopachas orra, mar nach robh, agus mar nach bi.

17 Ghabh thu fòs do sheudan riomhach do m'èr-sa, agus do m'airgid, a thug mi dhuit; agus rinn thu dhuit féin dealbhan dhaoine, agus chuir thu strìopachas an guimh leò.

18 Agus ghabh thu do chulaidhean grèise; agus chomhdaich thu iad: agus chuir thu m'ola-sa, agus mo thùis mu 'n comhair.

19 Mo bhiadh fòs a thug mi dhuit, min-chruineachd, agus ola, agus mil, a thug mi dhuit r' an itheadh, chuir thu eadhon nan làthair iad mar bhola-còbhairidh.

20 Seadh cuideachd, deir an Tighearn Dia, ghabh thu do mhic agus do nigheanan a rug thu dhomh-sa, agus iad sodh' lohair thu dhoibh-san, gu bhi air an slugadh suas.

21 An ni suarrach dhuit, le d' strìopachas, gu'n do mharbh thu mo chlann, agus gu'n d' thug thu iad seachad gu dol trid an tìre air an son-san?

22 Agus ann ad uile ghràinealachdaibh agus strìopachais, cha do chumhnicth thu laithean d' òige, tra bha thu lomnochd agus rùisgte, air do thruailladh ann ad fhuil féin.

23 Agus tharladh, an déigh d' aingidheachd uile, (Mo thruaighe, mo thruaighe thu, deir an Tighearn Dia,)

24 Gu'n do thog thu dhuit féin fàsionad ard, agus gu'n d' rinn thu dhuit féin àite ard anns gach aon sràid.

25 Thog thu ionad ard air gach aon cheann do'n t-slighe, agus thug thu air do mhaise bhi air a fuathachadh, agus rinn thu còitchionn thu féin do gach aon a ghabh seachad, agus rinn thu do strìopachais òmhor.

26 Rinn thu fòs strìopachas leis na h-Eiphitich, do coimheaisnaich, a ta mòr am fèid, agus mheudaich thu do strìopachais, a chum mise abhros-nuchadh gu feirg.

27 Feuch uime sin, shìn mise mo

làmh a mach tharad, agus lughdaich mi do lòn, agus thug mi thairis thu do theil na muinntir leis am fuathach thu, nighe na nam Phinisteach, air am theil nàire do d' shlighe mhi-chiataich.

28 Rinn thu mar an ceudna strìopachas leis na h-Asirianaich, a chionn gu'n robh thu do-shàthachadh; seadh rinn thu strìopachas leo, agus gidheadh cha'n fheudadh tu bhi air do shàthachadh.

29 Mheudaich thu os-barr do strìopachas ann am fearann Chan-aan gu ruig Caldéa, agus gidheadh cha robh thu sàthaichte le sin.

30 Cionnus a ghlanas mise do chridhe, deir an Tighearn Dia, 'nuair a tha thu deanamh nan nithe so uile, obair mnà neo-gheanmuidh la-darna?

31 'Nuair a tha thu togail d' ionaid aird an ceann gach slighe, agus a' deanamh d' àite aird anns gach aon sràid, agus nach robh thu cosmhuil ri strìopaich, (a chionn nach b'fhuil leat tuarasdai;)

32 Arh ri mnaoi a ni adhaltrus, a ghabhas coigrich an àit a fr féin.

33 Do na h uile strìopachaibh bheir iad duais, ach tha thusa a' toirt duaise do d' leannanaibh uile, agus 'g an tuarasdalachadh, a chum gu'n d' thigeadh iad chusad gach aon faobh air son do strìopachais.

24 Agus tha thusa dìreach an aghaidh nòis e mhnathan eile ann ad strìopachas, am feadh nach 'eil aon neach a' dol air do dhéigh a dhean-amh strìopachais: is ann a tha thu a' toirt duaise seachad, agus gun duais air bith 'ga toirt duit: uime sin tha thu nan aghaidh ann ad nòs.

35 Air an aobhar sin, O a strìopach, cluain focal an Tighearna.

36 Mar so deir an Tighearn Dia, A chionn gu'n robh do shalchar air a dhàrtadh a mach, agus do lomnochduich' air a leigeadh ris trid do strìopachais le d' leannanaibh, agus le uile fòcholaibh do ghràinealachdan, agus le fuil do chloinne, a thug thu dhoibh;

37 Feuch uime sin, cruinnichidh mise d' uile leannan, leis an do ghabh thu sòlas, agus na h-uile do 'n d' thug thu gràdh, leis na h-uile do 'n d' thug thu fuath: ni mi eadhon an cruinneachadh mu'n cuairt ann ad aghaidh, agus leigidh mi ris doibh do lomnochduich', a chum gu faic iad do lomnochduich' uile.

38 Agus bheir mi breith ort, mar a bheirear breith air mnaibh a bhriseas an ceangal pòsaidh, agus a dhàirteas

fuil, agus bheir mi peanas<sup>a</sup> ort ann an corruich agus ann an eud.

39 Agus bheir mi thu fòs d' an làimh, agus tilgidh iad sìos d' àite cnoqach, agus brisidh iad sìos d' ion-adan arda; buinidh iad dhìot mar an ceudna d' eudach, agus glacadh iad do sheuda rìomhach, agus fàgaidh iad thu lomnochd agus rùisgte.

40 Bheir iad mar an ceudna buidheann a nìos a' d' aghaidh, agus clachaidh iad thu le clachaibh, agus sàthaidh iad romhad<sup>b</sup> an claidhmhean.

41 Agus loisgidh iad do thlighean le teine, agus nì iad breitheanas ort ann an sealladh mhòran bhan: agus bheir mise ort sgur do strìopachas, agus cha d' thoirt thu tuarasdal seachad ni's mò.

42 Mar sin bheir mi air mo chorr- uich riut fois a ghabhail, agus imich- idh m' eud uait, agus gabhaibh mi fois, agus chabhi fearg orm ni's mò.

43 A chionn nach do chuimhnich thu laithean d' òige, agus gu'n do chuir thu corruich orm-sa anns na nithibh so uile; feuch uime sin, dìolaidh mise fòs do shlighe air do cheann, deir an Tighearn Dia, agus cha chuir thu'n gnìomh an neo-ghloine so thar d' uile ghràineal-achdaibh.

44 Feuch gach aon a ghnàth- aicheas sean-fhocla, gnàthaichidh an sean-fhocal so a' d' aghaidh, ag ràdh. Mar a' mhàthair is amhluidh an nighean.

45 Is tu-sa nighean do mhàthar, leis am fuathach a fear agus a clann, agus is tu piuthar do pheathraich- ean, leis am b' fhuathach am fir agus an clann: bu bhan-Hiteach 'ur màthair, agus b' Amorach 'ur n-athair.

46 Agus is i do phiuthar a's sine Samaria, is féin agus a nigheanan a ta chòmhnuidh aig do làimh chlì: agus do phiuthar a's òige, ta chòmhnuidh aig do làimh dheis, Sodom agus a nigheanan.

47 Gidheadh nan slighe-san cha do ghluais thu, nì mò rinn thu do réir an gràinealachdan: ach mar gu'm bu nì ro bheag sin, bha thu air do thruaillcadh ni's mò na iadsan ad uile shlighibh.

48 Mar is beo mise, deir an Tighearn Dia, cha d' rinn do phiuthar Sodom, is féin no a nigheanan, mar a rinn thu-sa, thu féin agus do nigh- eanan.

49 Feuch b' i so aingidheachd do pheathar Sodom; uabhar, sàth arain, agus pailteas dìomhanais, bha innte féin agus na nigheanaibh; nì mò a

neartuich i làmh a' bhlochd agus an theumannaich.

50 Agus bha iad ardanach, agus chuir iad gràinealachd an gnìomh ann am fhianuis-sa: uime sin thug mi air falbh iad mar a chunnacas ceart domh.

51 Nì mò chuir Samaria an gnìomh leth do lochdan-sa; ach mheudaich thu do ghràinealachda ni's mò na iadsan, agus dh' fhìreanaich thu do pheathraichean ann ad uile ghràin- ealachdan a rinn thu.

52 'Thu-sa fòs a thug breith air do pheathraichean, giùlain do nàire féin, air son do lochdan a chuir thu 'n gnìomh ni's gràineile na iadsan: tha iadsan ni's ionraice na thu-sa. seadh, bi thu-sa air do maslachadh fòs, agus giùlain do nàire, chionn gu'n d' fhìreanaich thu do pheath- raichean.

53 An nair a philleas mi air a h-ais am braighdeanas, bruid Shodoim agus a cuid nighean, agus bruid Sha- maria agus a cuid nighean, an sin bheir mi air a h-ais bruid do bhraighdean-sa nam meadhon.

54 A chum gu'n giùlain thu do nàire féin, agus gu'm bi thu air do mhaslachadh anns gach nì a rinn thu, a chionn gu'n robh thu toirt doibh co-fhurtachd.

55 'Nuair a philleas do pheath- raichean, Sodom agus a cuid nighean, gus an ceud staid, agus a philleas Samaria 's a cuid nighean gus an ceud staid, an sin pillidh tusa agus do nigheana gu'r ceud staid.

56 Oir cha robh luadh air do phiuthar Sodom ann do bheul ann an lathia d' uabhair,

57 Mu 'n robh d' aingidheachd air a leigeadh ris, agus àm do mhas- laidh, mar nigheanan Shiria, agus na h-uile bha dlu dhi, agus mar nigheanan nam Philisteach, a bha mu'n cuairt duit.

58 Giùlainidh tu do neo-ghloine agus do ghràinealachdan, deir an Tighearn.

59 Oir mar so deir an Tighearn Dia, Buinidh mise riut-sa amhuil mar a rinn thu féin, a rinn tàir air na mionnan, ann am briseadh a' choimhcheangail.

60 Gidheadh cuimhnichidh mi mo choimhcheangal riut ann an làithibh d' òige, agus daingnichidh mi riut coimhcheangal sìorruidh.

61 An sin cuimhnichidh tu do shlighe, agus bidh 'nàir' ort, 'nuair a ghabhas tu do pheathraichean, do phiuthar a's sine agus a's òige: agus bheir mise dhuit iad mar nigheanan, ach cha 'n ann air son do choimh- cheangail-sa.

62 Agus daingnichidh mi mo

<sup>a</sup> fuil. Eabh.

<sup>b</sup> tromhad.



choimhcheangal riut-sa, agus bidh fios agad gur mi an Tighearna :

63 A chum gu 'n cuimhneich thu, agus gu 'm bi nàir<sup>a</sup> ort, agus nach fhosgail thu do bheul gu bràth ni 's mò, do bhrìgh do nàire, 'nnair a bhios mise rèidh riut air son gach uile ni a rinn thu, deir an Tighearna Iehobhabh.

## CAIB. XVII.

**A** GUS thàinig focal an Tighearna do m' ionnsuidh, ag ràdh,

2 A mhic an duine, cuir a mach toimhseachan, agus labhair cosamhlachd ri tigh Israeil ;

3 Agus abair, Mar so deir an Tighearna Dia, Thàinig fir-eun<sup>a</sup> mòr, le sgiathaibh mòra, 's le altaibh làir<sup>b</sup>, air an robh dathan eug-samhluidh, gu Le'anon, agus ghabh e na meangan a b' airde do 'n t-seudar.

4 Ghearr e dheth barr a' mheangain òig, agus thug e leis e gu ùr malairt ; shuidhich e ann am baile cheannuichean e.

5 Ghabh e fòs do shìol an flicarainn, agus chuir e ann am machair thorraich e ; shuidhich e ri taobh uisgeacha mòra e, 'ga chur mar chrann seilich.

6 Agus dh' fhàs e, agus thàinig e gu bhli na fhineamhuinn leathain, air bheag airde, aig an robh a gheugan air an tionndadh ris [an fhr-eun], agus aig an robh a freumhan fuidhe : mar sin dh' fhàs e na fhineamhuinn, agus thug e mach geugan, agus chuir e uaithe meangain.

7 Bha fòs ann fir-eun mòr eile, le sgiathaibh mòra, agus mòran clumhaich ; agus feuch, chlaon an fhineamhuinn so a freumha d'a ionnsuidh, agus thilg i mach a geugan chuige, chum bhì air a h-uisgeacha le claisibh a' ghàraidh.

8 Bha i air a suidheachadh ann am fearann maith, ri taobh uisgeacha mòra, chum gu 'n d' thugadh i mach geugan, agus gu 'n giùlaineadh i toradh, agus gu 'm biodh i na deagh fhineamhuinn.

9 Abair thu-sa, Mar so deir an Tighearna Dia, Am bi piseach oirre ? nach spìon e nìos a freumha, agus nach gearr e dhi a toradh, air chor as gu 'n searg e ? crìonaidh i ann an uile dhuilibh a ceud-fhàis, eadhon gu 'n chumhachd mòr, no mòran sluagh, d' a sponadh a nìos as a freumhaibh.

10 Seadh, fench, an dèigh a suidheachadh, am bi piseach oirre ? nach searg i gu tur an tra bheanas a' ghaoth an ear rithe ? crìonaidh i anns na claisibh anns an d' fhàs i.

11 Os-barr thàinig focal an Tigh-earna do m' ionnsuidh, ag ràdh,

12 Abair a nis ris an tigh cheannairceach, Nach 'eil fios agaibh ciod is ciall do na nithibh so ? Innis doibh, Feuch, tha rìgh Bhabiloin air teachd gu Ierusalem, agus ghlac e a rìgh, agus a prionnsachan, agus thug e leis iad gu Babilon.

13 Agus ghabh e do shliochd an rìgh, agus riun e coimhcheangal ris, agus ghabh e mionnan deth : ghlac e fòs daoine cumhachdach na tìre :

14 A chum gu 'm biodh an dàth-aich suarrach, ionnus nach togadh i suas i féin ; ach le 'choimhcheangal a choimhead gu feudadh i seasamh.

15 Ach rinn e ar a mach na aghaidh-san le 'theachdairean a chur do 'n Eiphit, a chum gu 'n d' thugadh iad dha eich agus mòran sluagh : an éirich gu maith dha ? an d' théid esan a ni na nithe so as ? no am bris e 'n coimhcheangal agus an saorar e ?

16 Mar is beo mise, deir an Tighearna Dia, gu deimhin anns an àit am bheil còmhnuidh an rìgh, a rinn rìgh dheth-san, neach a rinn e tàir air a mhionnan, agus a bhrise a chumhanta, eadhon leis-san, ann am meadhan Bhabiloin, gheibh e bàs.

17 Ni mò ni Pharaoh feum dha, le fheachd cumhachdach, is le 'bhuidheinn mhòir, anns a' chogadh, le torr a thilgeadh suas, agus le daingnich-ean a thogail, a ghearradh as mhòr-ain anama.

18 A chionn gu 'n d' rinn e tàir air na mionnan, leis a' choimhcheangal a bhriseadh, (an uair a thug e, feuch, a làmh), agus a rinn e na nithe so uile, cha d' théid e as.

19 Uime sin, mar so deir an Tighearna Dia, Mar is beo mise, mo mhionnan air an d' rinn e tàir, agus mo choimhcheangal a bhris e, eadhon sin dìolaidh mise air a cheann féin.

20 Agus sgaoilidh mi mo lìon air, agus glacar ann am rib e, agus bheir mi e gu Babilon, agus tagraidh mi ris an sin air son a chionta, leis an do chiontaich e ann am aghaidh.

21 Agus tuitidh na theich chuige, le 'uile fheachd, leis a' chlaidheamh ; agus bith iadsan a dh' fhàgar air an sgapadh ris na h-uile gaoith : agus aithnichidh sibh gur mise Iehobhabh a labhair e.

22 Mar so deir an Tighearna Dia ; Gabhaidh mise mi féin do 'n ghéig a's airde do 'n t-seudar ard, agus suidhichidh mi e ; gearraidh mi o bharr a mheangana òga, geug mhaoth, agus suidhichidh mi air sliabh uachdrach agus ard i.

23 Air sliabh ard Israeil suidhichidh mi i : agus togaidh i suas a geug,

<sup>a</sup> iolair,<sup>b</sup> chluimh,

agus bheir i mach toradh, agus fasaidh i na seudar rìoghail : agus fuipe gabhaidh na h-uile eunaidh do gach aon iteig còmhnuidh : fuidh dhubhar a gèug, ni iad còmhnuidh.

24 Agus aithnichidh uile chraobha na machrach gu 'n d' thug mise le-hobhah nuas an crann ard, gu 'n d' ardaich mi an crann ìosal, gu 'n d' rinn mi an crann uaine tioram, agus gu 'n d' thug mi air a' chrann thioram bhi fuidh bhlàth : mise le-hobhah labhair, agus ni mi e.

## CAIB. XVIII.

**T**HAINIG focal an Tighearna do m' ior nsuidh a rìs, ag ràdh,

2 Ciod is ciall duibh, gu bheil sibh a' gnàthachadh an t-sean-fhocail so do thaobh dùcha Israeil, ag ràdh, Dh'ith na h-aithrichean dearcan searbha, agus tha dèisinn air fiac-laibh na cloinne?

3 Mar is beo mise, deir an Tighearn Dia, cha bhi aobhar agaibh an sean-fhocail so a ghnàthachadh ni 's mò an n an Israel.

4 Feuch is lean-sa na h-uile h-anama : mar is lean anam an athar, is aohluidh is lean aom a' mhic : an t-anam a chiontaicheas gheibh e sin bàs.

5 Ach ma bhios duine ionraic, agus gu 'n dean e an ni a bhios dlìgheach agus ceart,

6 Mur d' ith e air na sléibhtibh, ni mò thog e suas a shùilean ri ìodholaibh tighe Israeil, no thruaill e bean a choimhearsnaich, no thàinig e didù do mhnai a chuireadh air leth,

7 Agus mur do shàraich e aon neach, ach gu 'n d' thug e 'pheall air ais do 'n fheumannach : mur do chreach e neach air bith le fòirneart, ach gu 'n d' thug e aran do 'n acrach, agus gu 'n do chòmhduich e 'n lomnochd le eudach,

8 Esan nach d' thug seachad air ocar, ni mò ghabh aon riadh, a chum air a h-ais a làmh o ea-ceart, a rinn breitheanas fìor eadar duine agus duine,

9 A' ghluais ann am reachdaibh, agus a choimhid mo bhreitheanas, gu fìrinn a chur an gnìomh : so an duine ionraic, mairidh esan gu deimhin beo, deir an Tighearn Dia.

10 Ma ghineas e mac a bhios na shlaidear, agus na fhear dòrtaidh-fola, a ni sàmhail aon ni dhubh so,

11 Agus nach dean aon dheth na dleasnaidh sin, ach a dh' ith eadhon air na sléibhtibh, agus a thruaill bean a choimhearsnaich,

12 A shàruich am bochd agus am feumannach, a chreach le fòirneart, nach d' thug air ais an geall, agus a thog suas a shùilean ri ìodholaibh, a chuir an gnìomh gràinealachd,

13 A thug seachad air ocar, agus a ghabh riadh : am mair e 'n sin beo? cha mhair e beo : rinn e na gràinealachdan so uile, gheibh e gu cianteach bàs, bidh 'fhuil air fèin.

14 Agus feuch, ma ghineas esan mac a chi na h-uile lochdan a rinn 'athair, agus gu 'n d' thoir e fainear, agus nach dean e an leithide;

15 Nach d' ith air na sléibhtibh, ni mò thog e suas a shùilean ri ìodholaibh tighe Israeil, nach do thruaill bean a choimhearsnaich,

16 Nach do shàruich aon neach, nach do ghléidh an geall, ni mò chreach le h-ainneart, ach a thug 'aran do 'n acrach, agus a chòmhdaich an lomnochd le eudach,

17 A thog a làmh o na bochdaibh, nach do ghabh ocar na riadh, a rinn mo bhreitheanas, a ghluais ann am reachdaibh : cha 'n fhaigh esan bàs air son aingidheachd 'athar, mairidh e gu cinnteach beo.

18 'Athair, a chionn gu 'n do shàruich e gu h-an-ìochdmhor, gu 'n do chreach e 'bhràthair le fòirneart, agus gu 'n d' rinn e an ni sin nach robh ceart ann am measg a shluaigh, feuch, bàsaichidh eadhon esan na aingidheachd.

19 Gidheadh a deir sibh-se, C' ar son? nach 'eil am mac a' giùlain aingidheachd an athair? An uair a rinn am mac an ni sin a tha dlìtheach agus ceart, a ghléidh se mo reachdan-sa uile, agus a rinn e iad, mairidh e gu cinnteach beo.

20 An t-anam a chiontaicheas, gheibh esan bàs : cha giùlain am mac aingidheachd an athar, ni mò giùlainneas an t-athair aingidheachd a' mhic : bidh fireantachd an fhìrean air fèin, agus aingidheachd an aingidh air fèin.

21 Ach mo philleas an t-aingidh o 'uile aingidheachd a rinn e, agus gu 'n coimhid e mo reachdan-sa, agus gu 'n dean e an ni sin a tha dlìgheach agus ceart, mairidh e beo, cha 'n fhaigh e bàs.

22 'Uile lochdan a chuir e 'n gnìomh, cha bhi iad air an cuimhneachadh dha : na fhìreantachd a chuir e 'n gnìomh mairidh e beo.

23 Am bheil tlachd air bith agam-sa ann am bàs an aingidh? deir an Tighearn Dia : nach ann a tha mo tlachd na philleadh o' shlighe, agus gu 'm biodh e beo?

24 Ach an uair a philleas am firean air falbh o 'fhìreantachd, agus a chuireas e 'n gnìomh aingidheachd, a' deanamh do réir nan uile ghràinealachdan a ni an t-aingidh, am mair e beo? air 'uile fhìreantachd a rinn e cha bhi iomradh : na chiontaicheantach e, agus na pheacadh a pheacaich e, anna-san gheibh bàs.

25 Gidheadh a deir sibh-se, Cha 'n 'eil slighe an Tighearna cothromach. Eisdibh a nis, O thigh Israeil, nach 'eil mo shlighean-sa cothromach? nach 'eil 'ur shlighean-sa neo-chothromach?

26 'Nuair a chlaonas am fìrean o 'fhìreantachd, agus a chuireas e 'n gnìomh aingidheachd, agus a bhàsaicheas e innte; air son 'aingidheachd a rinn e gheibh e bàs.

27 A ris, an uair a philleas an t-aingidh air falbh o 'aingidheachd a chuir e 'n gnìomh, agus a ni e an ni a ta dligeach agus ceart, gléidhidh se 'anam beo.

28 A chionn gu bheil e toirt fainear, agus a' pillleadh o 'uile ìochdaibh a chuir e 'n gnìomh, mairidh e gu cinnteach beo, cha 'n fuaigh e bàs.

29 Gidheadh deir thigh Israeil, Cha 'n 'eil slighe an Tighearna cothromach. O thigh Israeil, Nach 'eil mo shlighean-sa cothromach? nach 'eil 'ur shlighean-sa neo-chothromach?

30 Uime sin bheir mise breith oirbh, O thigh Israeil, gach aon do réir a shlighe, deir an Tighearn Dia: Gabhaidh aithreachas, agus pillibh o 'r n-uile chiontaibh; mar sin cha dean aingidheachd 'ur milleadh.

31 Tilgibh uaibh 'ur n-uile chionta leis an do chiontaich sibh, agus dean-aibh dhuibh féin cridhe nuadh, agus spiorad nuadh; oir c'ar son a bhàsaicheas sibh, O thigh Israeil?

32 Oir cha 'n 'eil tlachd agams' ann am bàs an ti a bhàsaicheas, deir an Tighearn Dia: uime sin, pillibh-se, agus mairibh beo.

## CAIB. XIX.

**O**S-barr tog thusa suas tuireadh air son uachdarana Israeil.

2 Agus abair, Ciod i do mhàthair? leòmhann boirionn: luidh i sìos am measg leòmhann, dh' altruim i a cuileanan an measg leòmhann òga.

3 Agus thog i suas aon d'a cuileanaibh: dh' fhuas e na leòmhann òg, agus dh' fhoghlaim e breth air a' chreich, shluig e daoine.

4 Chuala na cinnich fòs iomradh air, ghlacadh e nan slochd, agus thug iad e le slabhruidhibh gu tìr na h-Eiphit.

5 A nis, 'nuair a chunnaic i gu 'n d' fhàs i lag, agus gu 'n do chail i a dùchas, an sin ghabh i aon eile d'a cuileanaibh, agus rinn i leòmhann òg dheth.

6 Agus dh' imich e 'sìos agus suas am measg nan leòmhann, dh' fhàs e na leòmhann òg, agus dh' fhoghlaim e breth air a' chreich, shluig e daoine.

7 Agus thug e fàinear an àrois, agus chuir e fàs ain bailtean; agus bha 'n dùthaich fuidh uamhas, agus an làn a bha innte, le fuaim a bheucaich.

8 An sin chruinnich na cinnich na

aghaidh air gach taobh, o na mòr-roinnibh, agus sgaoil iad an lìon thairis: ghlacadh e nan slochd.

9 Agus chuir iad e 'n sàs ann an slabhruidhean, agus thug iad e gu rìgh Babiloin; thug iad e gu daingnichean, a chum nach chinnt-eadh tuille a ghuth air sléibhtibh Israeil.

10 Tha do mhàthair cosmhuil ri f'ineamhuinn, suidhichte taobh nan uisgeachan, bha i torrach, agus làn do gheugaibh, a thaobh mhòrain uisgeachla.

11 Agus bha slata làidir aice, air son slata-riaghlaidh nan uachdaran; agus bha a h-airde togta suas am measg nan tiugh-gheugan, agus chunnacas i na h-airde féin am measg lìon-mhoireachd a meanglan.

12 Ach spionadh a nìos i ann an corruich, thilgeadh i sìos gu làr, agus thiormaich a' ghaoth 'n ear suas a meas: bhriseadh agus sheargadh a slata làidir, loisg an teine iad.

13 Agus a nis, tha i air a suidheachadh anns an fhàsach, ann am fearann tioram tartmhor.

14 Agus tha teine air dol a mach o shlàit do gheugaibh, a loisg a meas, air chor as nach 'eil slat làidir air bith aice gu bhith na slat gu riaghladh. Is tuireadh so, agus bidh e na thuireadh.

## CAIB. XX.

**A**GUS tharladh anns an t-seachdamh bliadhna, sa' chùigeamh mìos, air an deicheadh là do 'n mìos, gu 'n d' thàinig cuid àraid do sheanairibh Israeil a dh' fhiosrachadh o 'n Tighearn, agus shuidh iad ann am làthair-sa.

2 An sin thàinig focal an Tighearna do m' ionnsuidh, ag ràdh,

3 A mhic an duine, labhair ri seanairibh Israeil, agus abair rin, Mar so deir an Tighearn Dia, An d' thàinig sibh a dh' fhiosrachadh dhìom-sa? n'ar is beo mise, deir an Tighearn Dia, cha bhi mi air m' fhiosrachadh leibh.

4 An tagair thusa as an leth, a mhic an duine, an tagair thu? thoir orra gu 'n aithnich iad gràinealachd-an aithrichean.

5 Agus abair rin, Mar so deir an Tighearn Dia, Anns an là 'san do roghnaich mise Israel, agus anns an do thog mi suas mo làmh air son slochd tìghe lacoib, agus anns an d' rinn mi mi féin aithnichte dhoibh ann an tìr na h-Eiphit, 'nuair a thog mi suas mo làmh air an son, agràdh, Is mi Iehobhabh 'ur Dia.

6 Anns an là 'san do thog mi suas mo làmh air an son, gu 'n toirt a mach a tìr na h-Eiphit, a chum fear-ainn a rannsaich mi mach dhoibh, a'

sruthadh le bainne agus le mil, a's e glòir na h-uile fhearainn :

7 An sin thuirt mi riu, Tilgibh uaibh, gach aon neach gràinealachd-an a shùl, agus na truailibh sibh féin le òdholaibh na h-Eiphit : is mise lehoibh 'ur Dia.

8 Ach chathaich iad ann am aghaidh, agus cha 'n éisdeadh iad rium : cha do thilg iad uatha, gach aon gràinealachd-an a shùl, ni mò thréig iad òdhola na h-Eiphit : an sin thubhairt mi, Doirtidh mi mo chorruich orra, a chum gu 'n coimhlion mi m' fhearg nan aghaidh ann am meadhon tìre na h-Eiphit.

9 Ach dh' oibrich mi air sgàth m' ainme féin, a chum nach truailleadh e 'n làthair nan cinneach am measg an robh iad, agus an d' rinn mi mi féin aithnichte dhoibh nan sealladh, le 'n toirt a mach a tìr na h-Eiphit.

10 Air an aobhar sin thug mi orra dol a mach a talamh na h-Eiphit, agus thug mi iad a chum an fhàsach.

11 Agus thug mi dhoibh mo reachdan, agus dh' fhoillsich mi dhoibh mo bhreitheanais, iad sin mo choimhlionas duine sam bith, mairidh e beo annta.

12 A thuille air so fòs, thug mi dhoibh mo shàbaidean, gu bhi nan comhara eadar mise agus iadsan, a chum gu 'n aithnicheadh iad gur mi an Tighearn a ta 'gan naomhachadh.

13 Ach rinn tigh Israeil ceannairc am aghaidh anns an fhàsach : cha do ghluais iad ann am reachdaibh, agus rinn iad tàir air mo bhreitheanais, nithe ma ni duine, mairidh e beo annta ; agus mo shàbaidean thruaill iad gu mòr : an sin thubhairt mi gu 'n dòirtinn mo chorruich a mach orra 'san fhàsach, a chum an caitheamh.

14 Ach dh' oibrich mi air sgàth m' ainme féin, a chum nach biodh e air a thruailleadh am measg nan cinneach, a thug mi iad a mach nan sealladh.

15 Ach fòs thog mi suas mo làmh dhoibh anns an fhàsach, nach d' thugainn iad do 'n fhearann a thug mi dhoibh, a' sruthadh le bainne agus mil, a's e glòir nan uile fhearann :

16 A chionn gu 'n d' rinn iad tàir air mo bhreitheanais, agus nach do ghluais iad ann am reachdaibh, ach gu 'n do thruaill iad mo shàbaidean : oir chaidh an cridhe 'n déigh an òdhola.

17 Gidheadh choigil mo shùil iad o 'n sgrios, ni mò rinn mi crìoch a thoirt orra 'san fhàsach.

18 Ach thubhairt mi r' an cloinn anns an fhàsach, Na gluaisibh-se ann am reachdaibh 'ur n-aithrichean, ni mò ghléidheas sibh am breitheanais,

no thruailleas sibh sibh féin le 'n òdholaibh.

19 Is mise an Tighearn 'ur Dia ; gluaisibh ann am reachdaibh, agus coimhdibh mo bhreitheanais, agus deanaibh iad :

20 Agus naomhaichibh mo shàbaidean ; agus bidh iad nan comhara eadar mise agus sibhse, a chum gu 'm bi fios agaibh gur mise an Tighearn bhur Dia.

21 Gidheadh, rinn an claun ar a mach a ann am aghaidh : cha do ghluais iad ann am reachdaibh, ni mò choimhid iad mo bhreitheanais gu 'n deanamh, nithe ma ni duine, mairidh e beo annta ; thruaill iad mo shàbaidean : an sin thubhairt mi gu 'n dòirtinn a mach mo chorruich orra, chum gu 'n coillionainn m' fhearg nan aghaidh anns an fhàsach.

22 Gidheadh, phill mi air a h-ais mo làmh, agus rinn mi air sgàth m' ainme féin, a chum nach biodh e air a thruailleadh ann am fianais nan cinneach, a thug mi iad a mach nan sealladh.

23 Thog mi suas mo làmh dhoibh fòs anns an fhàsach, gu 'n sgapainn iad am measg nan cinneach, agus gu 'n sgaoilinn iad feadh nan dùch-annan ;

24 A chionn nach do chuir iad an gnìomh mo bhreitheanais, ach an 'n d' rinn iad tàir air mo reachdaibh, agus gu 'n do thruaill iad mo shàbaidean, agus gu 'n robh an sùilean an déigh òdholan an aithrichean.

25 Uime sin thug mi dhoibh fòs reachdan nach robh maith, agus breitheanais leis nach biodh iad beo.

26 Agus thruaill mi iad nan tiolacaibh féin, le iad a bhi toirt air gach ni dh' fhoisglas a' bhrù dol trid an teine, ionnus gu 'n deanainn-se fàs iad, a chum gu 'n aithnicheadh iad gur mi an Tighearn.

27 Uime sin, a mhic an duine ; labhair ri tigh Israeil, agus abair riu, Mar so deir an Tighearn Dia, Ann an so fòs mhasluich 'ur 'n aithrichean mise, le ciontachadh gu trom ann am aghaidh.

28 'Nuair a thug mi iad do 'n fhearann, mu 'n do thog mi suas mo làmh gu 'n d' thugainn doibh e, an sin chunnaic iad gach cnoc ard, agus na h-uile chranna tiugha, agus dh' iobair iad an sin an iobairtean, agus an sin thug iad seachad an tabhartasa fuathach : an sin fòs rinn iad am boladh cùbhraidh, agus dhòirt iad a mach an iobairtean dibhe.

29 A sin thuirt mi riu, Ciod an t-ionad ard gas am bheil sibh a' dol ?



agus goirear Bamaib mar ainm air agus an là an diugh.

30 Uime sin, abair ri tigh Israeil, Mar so deir an Tighearn Dia, Am bheil sibh air 'ur truailleadh do réir nàis bhur n-aithrichean? agus am bheil sibh a' cur striopachais an gnòin do réir an gràinealachdais?

31 Oir an uair a tha sibh a' toirt seachad 'ur tìolaca, 'nuair a tha sibh a' toirt air 'ur mic dol trid an teine, tha sibh 'g 'ur truailleadh féin le 'r n-uil' iodholaibh, eadhon gus an là an diugh: agus an d'thoir mise freagradh dhuibh, O thigh Israeil? Mar is beo mi, deir an Tighearn Dia, cha d'thoir mi dhuibh freagradh.

32 Agus an nì sin a ta teachd 'n ur n-aire cha tachair air chor air bith, ann am bheil sibh ag ràdh, Bidh sinn mar na cinnich, mar mhuinntir nan dùchannan, ann an seirbhìs a thoirt do chreann agus do chloich.

33 Mar is beo mise, deir an Tighearn Dia, gu cinnteach le Ìimh chumhachdaich, agus le gairdein sìnte mach, agus le corruich air a dòrtadh a mach, riaghlaidh mise tharaibh.

34 Agus bheir mi mach sibh as na slighe, agus tionailidh mi sibh as na dùchannaibh anns am bheil sibh air 'ur sgapadh, le làimh thréin, agus le gairdein sìnte mach, agus le corruich air a dòrtadh a mach.

35 Agus bheir mi sibh gu fàsach nan fineachan, agus an sin tagraidh mi ruibh aghaidh ri h-aghaidh.

36 Amhuil a thagair mi ri 'r n-aithrichibh ann am fàsach tìre na h-Eiphit, is amhuil a thagras mi ruibh-se, deir an Tighearn Dia.

37 Agus bheir mi oibh imeachd fuidh 'n t-slait, agus bheir mi sibh fuidh cheangal a' chùmhlaing.

38 Agus glanaidh mi mach as 'ur measg na ceannairich, agus an dream a ta ciontachadh ann am aghaidh: bheir mi iad a mach as an dùthaich anns am bheil iad air chuairt, agus cha d'théid iad a steach do fhearann Israeil, agus aithnichidh sibh gur mise an Tighearn.

39 Air 'ur son sa, O thigh Israeil, mar so deir an Tighearn Dia, Imichibh, deanaidh seirbhìs, gach aon duine d'a iodholaibh a nis nadhéigh so, mur éisd sibh rium-sa: ach na truailleibh m' ainm naomh-sa nì's mò le 'r tabhartasaibh agus le 'r n-iodholaibh.

40 Oir ann am shliabh naomha-sa, ann an sliabh airde Israeil, deir an Tighearn Dia, ann an sin nì uile thigh Israeil, na bhios air thalamh uile dhiubh, seirbhìs domh-sa: an sin gabhaidh mi riu, agus an sin iarruidh mi 'ur tabhartais, agus ceud thoraidh

'ur n-ìobairtean, le 'r n-uile nithibh naomha.

41 Gabhaidh mi ruibh le 'r bolt-rach cùbhraidh an trabheir mi mach sibh o na fineachaibh, agus a thion-aileas mi sibh o na dùchannaibh anns an robh sibh air 'ur sgapadh, agus bidh mi air mo naomhachadh annaibh ann am fianuis nan cinneach.

42 Agus aithnichidh sibh gur mise an Tighearn, 'nuair a bheir mi sibh gu fearann Israeil, gus an dùthaich mu 'n do thog mi suas mo làmh gun d'fhgairinn i do 'r n-aithrichibh.

43 Agus ann an sin cinneachidh sibh 'ur slighe, agus 'ur n-uile dheanadais, anns an robh sibh air 'ur truailleadh, agus bidh sibh gràineil ann 'ur sealladh féin air son 'ur n-uile lochdan a rinn sibh.

44 Agus aithnichidh sibh gur mise an Tighearn, 'nuair a dh' oibrichas mi leibh air son m' ainme féin, cha 'n ann do réir 'ur droch shlighe, nò do réir 'ur deanadais aingidh, O thigh Israeil, deir an Tighearn Dia.

45 Os-barr thàinig focal an Tighearna do m' ionnsuidh, ag ràdh,

46 A mhic an duine, cuir d' aghaidh ris an airde deas, agus leig sìleadh do d' fhocal ri deas, agus dean faisneachd an aghaidh fride na machrach mu dheas;

47 Agus abair ri frìdh na h-airde deas, Eisd focal an Tighearna, mar so deir an Tighearn Dia, Feuch, fadaidh mise teine annad, agus loisgidh e gach uile chrann uaine annad, agus gach uile chrann seargta: cha mhùchar an teine lasrach, is loisgear ann na h-uile aghaidh, o dheas gu ruige tuath.

48 Agus chi na h-uile 'fheoil gur mise an Tighearn a las e: cha bhi e air a mhùch dh.

49 An sin thuirt mise, Ah! a Thighearna Dhia, deir iad do m' thaobhsa, Nach 'eil e labhairt chosamhlachda dorchas?

## CAIB. XXI.

**A**GUS thàinig focal an Tighearna do m' ionnsuidh, ag ràdh,

2 A mhic an duine, cuir d' aghaidh ri Ierusalem, agus leig sìleadh do d' fhocal ris na h-ionadaibh naomha, agus dean faisneachd an aghaidh fearann Israeil,

3 Agus abair ri fearann Israeil, Mar so deir an Tighearn, Feuch, tha mise ann ad aghaidh, agus tairngidh mi mach mo chlaidheamh as a thruaill, agus buinidh mi mach asad am firean agus an t-aingidh.

4 A chionn gu 'n gearr mi as uait am firean agus an t-aingidh, uime sin théid mo chlaidheamh a mach as a

thruaill an aghaidh gach uile fheada, o dheas gu tuath:

5 A chum gu 'n aithnich gach uile fheadh gu 'n do tharruing mise le hobhach mo chlaidheamh a mach as a thruaill: cha phill e air ais ni 's mò.

6 Dean acain uime sin, a mhic an duine, a dhochainneas do leasraidh; agus le searbhias dean osnaich fa chomhair an sùl.

7 Agus tarlaidh, 'nuair a their iad riut, C' ar son a ta thu 'g osnaich? gu freagair thu-sa, Air son an sgeoil, a chionn gu bheil e teachd: agus leaghaidh gach aon chridhe, agus bidh na h-uile làmhnan lag, agus gach aon spiorad fann, agus na h-uile ghluinean an-ìhann mar uisge: feuch tha e teachd, agus bheirear e gu crìch, deir an Tighearn Dia.

8 A rìs thàinig focal an Tighearna do m' ionnsuidh, ag ràdh,

9 A mhic an duine, dean faisneachd, agus abair, Mar so deir an Tighearn, Abair, Tha claidheamh, tha claidheamh air a gheurachadh, agus fòs air a lìomhadh.

10 Tha e air a gheurachadh a dheanamh àir ghoirt, tha e air a lìomhadh a chum gu 'n dealradh e; a chum gu 'n tilgeadh e sìos slat rioghail mo mhic, gun chrann air bith a chaomhnadh.

11 Agus thug e gu bhì air a lìomhadh e, chum gu 'm biodh e air a glacadh: tha an claidheamh air a gheurachadh, agus tha e air a lìomhadh, gu 'thoirt do làimh a' mharbhaiche.

12 Eighe agus nuallaich, a mhic an duine, oir bidh e air mo shluagh-sa, air uile mhòr-naislibh Israeil: bidh namhasan, do thaobh a chlaidheimh; air mo shluagh: buail, uime sin, air do leis.

13 Oir tha e dearbhta; agus an t-slat rioghail an uair nach coigil e i, cha bhì ann ni 's mò, deir an Tighearn Dia.

14 Dean thu-sa, uime sin, a mhic an duine, faisneachd, agus buail do làmhnan air a' chéile, agus biodh an claidheamh an treas uair air a dhùblacadh, claidheamh nan daoine marbhta, claidheamh a' ghaigich a mharbhadh, a thèid a steach d' an sèdmraichean naigheach.

15 Chuir mi roinn a' chlaidheimh an aghaidh an geataichean uile, a chum gu meathadh an cridhe, agus gu meudaichear am milleadh: ah! rinneadh loinreach e, gheuraicheadh air son an àir e.

16 Imich thu-sa taobh na taobh eigin, air do làimh dheis, no air do làimh chlì, ciod air bith taobh a ta d' aghaidh.

17 Buailidh mise fòs mo làmhnan

air a' chéile, agus bheir mi air mo chorroich gu 'n gabh i fois: mise le-hobhach thubhairt e.

18 Thàinig focal an Tighearna do m' ionnsuidh a rìs, ag ràdh,

19 Mar an ceudna, a mhic an duine, sonraich dà shlighe dhuit féin, a chum gu 'n d' thigeadh claidheamh rìgh Bhabiloin: thig araon an dithis a mach as an aon tìr, agus tagh thu-sa àite, tagh e aig ceann na slighe chum a' bhaile.

20 Sonraich slighe, chum gu 'n d' thigeadh an claidheamh gu ttabat nan Amonach, agus gu Iudah ann an Ierusalem, a' chathair dhaingeann.

21 Oir sheas rìgh Bhabiloin aig dealachadh na slighe, aig ceann an dà shlighe, a dheanamh fiosachd: lìomh e a shaighdean; chuir e 'chomhairle ri dealbhan, sheall e anns an sgamhan.

22 Aig a làimh dheis bha 'n fhàisneachd air son Ierusalem, a dh' orduchadh cheanna-fheadhna, a dh' fhosgaidh a' bheoil anns an àr, a thogail suas a' ghutha le h-iolaich, a dh' orduchadh reitheachan-cogaidh an aghaidh nan geataichean, a thilgeadh suas torr, a thogail daingnich.

23 Agus bidh e dhoibh-san mar neach ri faisneachd bhréige nan séalladh, dhoibhsan a thug mìonnan: ach gairmidh e gu cuimhne an aingidheachd, a chum gu 'm bi iad air an glacadh.

24 Air an aobhar sin mar so deir an Tighearn Dia, a chionn gu 'n d' thug sibh air 'ur n-aingidheachd a bhì air a chuimhneachadh, le 'r n-easaontas a bhì air a leigeadh rìs, air chor as gu bheil 'ur lochdan follas 'n' ur n-uile dheanadas: a chionn gu bheil sibh air 'ur toirt gu cuimhne glacar an làimh sibh.

25 Agus thu-sa, a phrionnsa mhiadhaidh, aingidh Israeil, aig am bheil do làir teachd, anns am bi crìoch air aingidheachd,

26 Mar so deir an Tighearn Dia, Atharruich an coron rioghail, agus thoirt dhiot an crùn: cha 'n e an aon ceudna bhios ann, ardaich an t-ìosal, agus islich an t-ard.

27 Tilgidh mi e bun os cionn, bun os cionn, bun os cionn, agus cha bhì e ann, gus an d' thig esau aig am bheil còir air, agus dhasan bheir mi e.

28 Agus thu-sa, a mhic an duine, dean faisneachd, agus abair, Mar so deir an Tighearn Dia do thaobh nan Amonach, agus do thaobh an maslaidh: eadhon abair thu-sa, Tha an claidheamh tairngte: air son 'an àir

tha c'homhla; air son sgrios tha e mar dhealanaich.

29 (Am feadh a ta thu faicinn dhuit féin dhòmhanaich, am feadh a ta thu fàisneachd dhuit féin bréige,) a chum do thoirt air mhuinealaibh na muinntir a leònadh, nan aingidh aig am bheil an là air teachd, anns am bi crìoch aig an ea-ceart.

30 An d'fhoir mi air pilleadh air ais g' a thruaill? Anns an àite 'san do chruthaichheadh thu, ann am fearann do dhùchais, bheir mise breith ort.

31 Agus dòrtidh mi mach ort mo dhian chorroich, séididh mi ort ann an teine m' fheirge, 's bheir mi thairis thu do fàma dhaoine brùideil, cleachdta ri milleadh.

32 Bidh tu mar chonnadh do 'n teine; bidh d'fhuil ann am meadhon an fhearainn, cha bhi thu ni 's mò air chuimhne: oir mise Iehobhah labhair e.

## CAIB. XXII.

**O**S-barr thàinig focal an Tighearna do m' ionnsuidh, ag ràdh,

2 A nis, a mhic an duine, an tagair thu, an tagair thu a leth na cathrach fhuilich? seadh feuchaidh tu dhi a h-uile ghràinealachdan.

3 An sin abair thusa, mar so deir an Tighearn Dia, Tha a' chathair a' dòrtadh fala na meadhon, a chum gu 'n d'fheicidh a h-am, agus a' deanamh iòdhola na h-aghaidh féin, gu i féin a thruaillleadh.

4 Tha thu air fàs ciontach ann ad fhuil a dhòirt thu, agus thruaill thu thu féin ann ad iòdholaibh a rinn thu, agus thug thu air do laithean teachd dlù, agus thàinig thu chum do bhliadhnachan; uime sin rinn mise dhìot masladh do na cinnich, agus ball-magaidh do na h-uile dhùchaibh.

5 Iadsan a ta dlù, agus iadsan a ta fada uait, ni iad fanoir ort-sa, ta mi-chliùtach, a ta ri mòran sàrachaidh.

6 Feuch tha uachdarain Israeil annad, gach aon do réir a chumhachd a dhòrtadh fala.

7 Annadsa rinn iad dimeas air athair agus màthar: ann ad mheadhòn bhuaidh iad le h-ainneart ris a' choigreach: annadsa shàruich iad an dilleachdan agus a' bhantrach.

8 Rinn thu tàir air mo nithe naomh-sa, agus thruaill thu mo shàbaidean.

9 Annad-sa tha luchd-aithris-sgeoil a dhòrtadh fala: agus annad tha iad ag itheadh air na sléibheibh: ann ad mheadhòn tha iad a' cur an gnìomh neo-ghloine.

10 Annad-sa leig iad ris lomnochd-uidh' an athar; dh' istich iad annad

ise a chuireadh a thaoibh air son neo-ghloine.

11 Agus rinn aon gràinealachd le mnaoi a choimhearsnaich, agus thruaill aon eile gu gràneil nighean a mhnatha, agus dh' istich neach eile annad a phiuthar, nighean 'athar.

12 Annad sa ghabh iad duais gu fuil a dhòrtadh: ghabh thu ocar agus riadh, agus bhuannaich thu gu sanntach o d' choimhearsnaich le h-ana-cothrom, agus dhi-chuimhnich thu mise, deir an Tighearn Dia.

13 Feuch uime sin bhuail mise mo làmh air do bhuannachd neo-ionraic a rinn thu, agus air d' fhuil, a bha ann ad mheadhòn.

14 An urradh do chridhe fulang, no 'n urradh do làmh a bhi làidir anns na laithibh anns am buin mise riut? Mise Iehobhah labhair, agus ni mi.

15 Agus sgapaiddh mi thu measg nan cinneach, agus sgànruidh mi thu measg nan dùchannan, agus caithidh mi do neo-ghloine asad.

16 Agus bidh tu air do thruaillleadh ann an sealladh nan cinneach, agus aithnichidh tu gur mise an Tighearn.

17 Agus thàinig focal an Tighearna do m' ionnsuidh, ag ràdh,

18 A mhic an duine, tha tigh Israel air fàs dhomh-sa mar shal; tha iad nile nan umha, agus nan stàn, agus nan iarunn, agus nan luaith, ann am meadhon na fuirneis; cha 'n 'eil anna ach sal airgid.

19 Air an aobhar sin, mar so deir an Tighearn Dia, A chionn gu 'n d' fhas sibh nile 'nur sal, feuch, uime sin, cruinnichidh mise sibh gu meadhon Ierusalem.

20 Mar a chruinnicheas iad airgid, agus umha, agus iarunn, agus luaith, agus stàn gu meadhon na fuirneis, a chum an teine a shéideadh air, agus a leaghadh; is amhuil a chruinnicheas mise sibh-se ann am chorroich, agus ann am fheirg, agus fàgaidh mi sibh an sin, agus leaghadh mi sibh.

21 Seadh cruinnichidh mi sibh agus séididh mi oirbh ann an teine mo chorroich agus bidh sibh air 'ur leaghadh na mheadhòn.

22 Mar a leaghar airgid ann am meadhon na fuirneis, is ambluidh a leaghar sibh-se na mheadhòn-sin; agus aithnichidh sibh gu 'n do dhòirt mise Iehobhah mach mo chorroich oirbh.

23 Agus thàinig focal an Tighearna do m' ionnsuidh, ag ràdh,

24 A mhic an duine, abair ris an fhearann, is tusa am fearann nach 'eil air d' uisgeachadh, air nach do

thuit frasachd ann an là na dian fheirge.

25 Tha co-bhoinn fhàidhean na mheadhion; mar leòmhann beucach, an tòir air a' chreich, shluig iad an-ama: ghlac iad an t-ionmhas agus na nithe luachmhor: rinn iad a bhantraichean lionmhor na mheadhion.

26 Bhriis a shagairt mo reachd, agus mhi-naomhaich iad mo nithe naomha: cha do chuir iad dealuchadh 'sam bith eadar an naomha 's am mi-naomha, ni mò dh' fhuic iad ciod tha neo-ghlan, agus ciod glan; agus dh' fhoic iad an sùilean o m' shàbaidean, agus tha mi air mo mhi-naomhachadh nani measg.

27 Tha uachdarain na mheadhion mar mhadraibh-alluidh, clocrach a chum creiche, a dhòrtadh fala, a sgrios anama, a dh' fhaotainn buanachd neo-ionraic<sup>a</sup>.

28 Agus chòmhdaich 'fhàidhean iad le crè gun oibreachadh, a' faicinn dìomhanais, agus a' fàisneachd bhreug dhoibh, ag ràdh, Mar so deir an Tighearn Dia, 'nuair nach do labhair an Tighearn.

29 Glnàthaich sluagh an fhearainn ainneart, agus chuir iad an gnìomh reubainn, agus shàruich iad an bochd agus am feumannach: seadh rinn iad fòirneart air a' choigreach gu h-eucorach.

30 Agus dh' iarr mise air son duine nam measg a dheanadh suas a' challaid, agus a sheasadh anns a' bhriseadh<sup>b</sup> fa m' chomhair air son an fhearainn, a chum nach sgriosainn e, ach cha d' fhuair mi aon neach.

31 Uime sin dhòirt mi mach orra mo dhian chorruich, chaith mi iad le teine m' fheirge: an slighe féin dhòl mi air an cinn, deir an Tighearn Dia.

### CAIB. XXIII.

**T**HAINIG focal an Tighearna do m' ionnsuidh, a ris, ag ràdh,

2 A mhiic an duine, bha dithis bhan ann, nigheanan na h-aona mhàthar;

3 Agus rinn iad strìopachas anns an Eiphit, rinn iad strìopachas nan òige; an sin bha an uchd air a bhruthadh, agus an sin bhruthadh cìochan am maighdeanaibh.

4 Agus b' iad an ainmean, Aholah ise bu shine, 's Aholibah a piuthar: agus bu leam-sa iad, agus rug iad mic agus nigheana: mar so an ainmean; is i Aholah Samaria, agus is i Aholibah Ierusalem.

5 Agus rinn Aholah strìopachas an

uair bu leams' i, agus bha i 'n cion e air a leannan, air na h-Asirianaich, a coimhearsnaich,

6 Sgeudaichte le gorm, nan cinn-fheadhna, agus nan luchd-riaghlaidh, iad uile nan òganaich àitidh, marc-shluagh, a' marcachd air each-aibh.

7 Mar so rinn i strìopachas leo, leis a' mheud as a bha do fhearaibh taghta 'n Asiria, agus leis na h-uile air an robh a cion<sup>d</sup>, le 'n òdholaibh uile shalaich i i féin.

8 Ni mò a sguir d' a strìopachas leis an Eiphit: oir na h-òige luidh iad leatha, agus bhruth iad cìochan a maighdeanaibh, agus dhòirt iad oirre an strìopachas.

9 Air an aobhar sin thug mise thairis i do làimh a leannan, do làimh nan Asirianach air an robh a cion.

10 Leig iad so ris a lomnochduiche, ghabh iad a mic agus a nigh-eanan, agus mharbh iad i leis a' chlaidheamh: agus dh' fhàs i iomraiteach am measg bhan, oir thug iad oirre breitheanas.

11 Agus an uair a chunnaic a piuthar Aholibah so, bha i ni bu truaillidh na gràdh neo-mheasarra nà ise; agus na strìopachas ni bu nìd na a piuthar na strìopachas.

12 Bha a cion air na h-Asirianaich a coimhearsnaich, cinn-fheadhna, agus luchd-riaghlaidh, sgeudaichte gu ro sgiamhach, marc-shluagh, a' marcachd air euchaibh, iad uile nan òganaich àitidh.

13 An sin chunnaic mi gu' n robh i air a truaillleadh, gu 'n b' ionan slighe dhoibh araon;

14 Ach gu 'n deachaidh ise ni b' fhaide na strìopachas; oir 'nuair a chunnaic i daoine air an dealbh air a' bhalla, òmhaighean nan Caldéach, air an tarruing le corcur,

15 Crìosluichte le crìosaibh air an leasraidh, sgeudaichte le ceann-cìdeadh daithte air an ceannaibh, iad uile mar chinn-fheadhna ri m' faicinn, cosmhuil ri macaibh Babiloin, a dh' àraich tìr Chaldéa.

16 Agus co luath as a chunnaic i iad le a sùilibh, ghabh i cion orra, agus chuir i teachdairean d' an ionnsuidh, gu Caldéa.

17 Agus thàinig na Babilonaich d' a h-ionnsuidh gus an leasa-gnàil, agus thruaill iad i le 'n strìopachas; ach an dèigh bhi air a truaillleadh leo, bha a h-inntinn air a claonadh air falbh uatha.

18 Mar sin leig i ris a strìopachas, agus leig i ris a lomnochduiche: an sin phill m' inntinn-sa uaipe, anhuil a phill m' inntinn o a piuthair.

<sup>a</sup> mhi-dhlighich.

<sup>b</sup> bheum.

<sup>c</sup> an dèigh.

<sup>d</sup> dèigh, ceist.



19 Gidheadh mheudaich i a strìopachais, le laithean a h-òige ghairm gu cuimhne, anns an d' rinn i strìopachais, ann an tìr na h-Eiphit.

20 Oir mhiannaich i a co-chéilidhean, aig am bheil am feoil mar fheoil asal, agus an sìol mar shìol each.

21 Mar so ghairm thu gu cuimhne neo-ghloine d' òige, ann am bruthadh do bhrollaich leis na h-Eiphitich, ann am bruthadh clocha d' òige.

22 Air an aobhar sin, O Aholibah, mar so deir an Tighearn Dia, Feuch, dùisgidh mise suas do leannain ann ad aghaidh, o m' bheil inntinn air claonadh, agus bheir mi iad ann ad aghaidh air gach taobh ;

23 Na Babilonich, agus na Caldéich uile, Pecod agus Soa, agus Coa, na h-Asirianaich uile maille ri : iad uile nan daoine àillidh, cinn-sheadhna, agus luchd-riaghlaidh, tighearnan mòra agus iomraiteach, iad uile a' marcachd air eachaibh.

24 Agus thig iad ann ad aghaidh le carbadaibh, le cobhanaibh, agus le rothaibh, agus coimhthional sluaigh, a chuireas ann ad aghaidh targaid, agus sgiath, agus clogaide, air gach aon taobh : agus cuiridh mise breitheanas fa 'n comhair, agus bheiridh breith ort do réir am breitheanas.

25 Agus cuiridh mise m' end ad aghaidh, agus buinidh iad gu ro gharg riut : bheir iad air falbh do shròin, agus do chluasan, agus tuitidh d' fhuigheall leis a' chlàidheamh : bheir iad leo do mhic, agus do nigh-eanan, agus loisgear na dh' fhàgar dhìot anns an teine.

26 Bheir iad dhìot mar an ceudna d'eudach, agus bheir iad air falbh do sheuda maiseach.

27 Mar so bheir mise air do neo-ghloine sgur annad, agus air do strìopachas le tìr na h-Eiphit : air chior as nach tog thu suas do shùilean riu, agus nach cuimhnich thu an Eiphit ni 's mò.

28 Oir mar so deir an Tighearn Dia, Feuch, bheir mise thairis thu do làimh na muinntir leis am fuathach thu, do làimh na muinntir o'm bheil do chridhe air claonadh.

29 Agus buinidh iad riut gu fuathach, agus bheir iad air falbh d' uile shaothair, agus fàgaidh iad thu lom agus rùisgte, agus bidh lomnochd-ùiche do strìopachais air a leigeadh ris, araon do ghràinealachd agus do strìopachas.

30 Ni mise na nithe so riut, a chionn gu 'n deachaidh tu le strìop-

achas an déigh nan cinneach, a chionn gu bheil thu air do thruailleadh le 'n ìodholaibh.

31 Ghluais thu ann an slighe do pheathar, uime sin bheir mise a cupan-sa ann ad làimh.

32 Mar so deir an Tighearn Dia, Olaidh tu do chupan do pheathar, domhain agus farsaing ; nithear gaire fanoid riut, agus bitheadh tu a' d' bhall-magaich ; is mòr na bheil ann.

33 Lìonar thu le misg agus le doilghios, le cupan uamhais agus léir sgrìos, le cupan do pheathar shamaria.

34 Ni thu fòs 'òl agus a shùghadh a mach, agus brisidh tu a bhloighdean, agus spionaidh tu do chiochan féin asad : oir mise labhair e, deir an Tighearn Dia.

35 Uime sin mar so deir an Tighearn Dia, Chionn gu 'n do dhi-chuimhnich thu mise, agus gu 'n do thig thu mi air do chùlaobh, air an aobhar sin, giùlain thusa fòs do ghràinealachd agus do strìopachais.

36 Thuirt an Tighearn rium os-barr, A mhic an duine, an d' thoir thu breith air Aholah, agus air Aholibah ? seadh, foillsich dhoibh an gràinealachdan ;

37 Gu 'n do chuir iad an gnìomh adhaltrus, agus gu bheil fuil nan làmhnan, agus le 'n ìodholaibh gu 'n d' rinn iad adhaltrus, agus gu 'n d' thug iad fòs air am mic, a rug iad dhomh-sa, siubhal air an son-san trid an teine d' an losgadh.

38 Os-barr rinn iad so rium-sa : thruaill iad m' ionad naomh air an là sin féin, agus mhi-naomhaich iad mo shàbaidan.

39 Oir an uair a mharbh iad an clann d'an ìodholaibh, an sin thàinig iad air an là sin féin do m' ionad naomh-sa, g' a thruaillleadh ; agus feuch, mar so rinn iad ann am meadhon mo thighe.

40 Agus a thuille air so, gu 'n do chuir iad fìos air daoine gu teachd o chéin, agus an do chuireadh teachd-aire, agus feuch, thàinig iad, air son an d' rinn thu thu féin a nigheadh, do shùilean a dhath, agus thu féin a sgeudachadh le h-usgraichean.

41 Agus shuidh thu air leabaidh urramaich, agus bord ullaichte fa' comhair, air an do chuir thu mo bholtrach-sa, agus m' oladh.

42 Agus bha guth na muinntir a bha aig suaimhneas maille riu, agus mòr chuideachd nam fear o Shaba, o'n fhàsach, a chuir làmh-fhailean air an làmhnan, agus corona maiseach air an ceannaibh.

43 An sin thuirt mise rithe-sa bha sean ann ad adhaltrus, An dean iad

nis striopachas leatha, agus ise *leo-san* ?

44 Gidheadh chaidh iad a steach d'a h-ionnsuidh, mar a théid iad a steach gu striopaich : mar sin chaidh iad a steach gu Aholah agus gu Aholibah, na innathan neo-ghlan.

45 Agus bheir na daoine cothromach breith orra, do réir breith bhan-adhaltranaich, agus do réir breith bhan a dhòirteas fuil ; a chionn gur ban-adhaltranaich iad, agus gu bheil fuil nan làmhnan.

46 Oir mar so deir an Tighearn Dia, Bheir mise nìos cuideachd orra, agus bheir mi iad gu bhì air an atharrachadh, agus air an creachadh.

47 Agus clachaidh a' chuideachd iad le clachaibh, agus gearraidh iad sìos iad a' le 'n claidhnean ; marbhaidh iad an mic agus an nigheanan, agus loisgidh iad an tighean le teine.

48 Mar so cuiridh mise cosgadh air gràinealachd anns an fhearann, a chum gu foghlaim na h-uile mhnathan gun deanamh a réir 'ur gràinealachd-sa.

49 Agus dlòlaidh iad ruibh 'ur gràinealachd, agus giùlainidh sibh lochdan 'ur n-ìodhola, agus aithnichidh sibh gur mise an Tighearn Dia.

#### CAIB. XXIV.

**A** RIS, anns an naothamh bliadhna, anns an deicheamh mìos, air an deicheamh là do 'n mhìos, thàinig focal an Tighearna do m' ionnsuidh, ag ràdh,

2 A mhic an duine, sgrìobh dhuit ainm an là, a' cheart là so : chuir rìgh Bhabiloìn e féin an aghaidh Ierusalem air a' cheart là so.

3 Agus labhair cosamhlachd ris an tigh cheannairceach, agus abair ris, Mar so deir an Tighearn Dia, Cuir air coire ; agus air e, agus fòs dòirt ann uisge.

4 Cruinnich a mhìrean ann, gach aon mhìr maith, an t-lìasaid agus an slinnean ; lion e le taghadh nan cnàmh.

5 Gabh roghadh an treud, agus loisg fòs na cnàmhan fuidhe, thoir goil bhras air, agus biodh a chnàmhan air bruich ann.

6 Uime sin, mar so deir an Tighearn Dia, Is an-aoibhinn do'n chathair fhuillich, do 'n choire aig am bheil a shal ann, agus o nach deachaidh a shal a mach uaithe ; thoir a mach e, m' air mhìr, na tuiteadh crannchur air bith air.

7 Oir tha a fuil na meadhon, chuir i air mullach creige i, cha do dhòirt

i airan talamh i, chum a folach le duslach :

8 A chum gu 'n d'thugadh i air feirg teachd a nìos a dheanamh dioghaltais : chuir mise a fuil air mullach creige, chum nach biodh i air a folach.

9 Air an aobhar sin, Màr so deir an Tighearn Dia, Is an-aoibhinn do 'n chathair fhuillich ; nì mise fòs a' chruach-theine mòr.

10 Carnaibh connadh, fadaibh an teine, caithibh an fheoil, cuiribh oirre spìosraidh gu leòr, agus loisgear na cnàmhan.

11 An sin cuir falamh e air 'èibhlibh, a chum gu 'n teasaich a' phlais, agus gu 'n loisg i, agus gu 'm bi a salchar air a leaghadh innte, air chor as gu 'm bi a sal air a chaith-eamh.

12 Lean a sal rithe gu teann, agus cha do dheallich e rithe ; tha a salchar mòr, tha a salchar breun.

13 Ann ad shalchar tha neo-ghloine, do bhrìgh gu 'n do ghlan mi thu, agus nach robh thu glan ; cha bhì thu air do ghlanadh o d' thruaillidheachd nì 's mò, gus an d'thoir mise air mo chòrruich gu 'n gabh i tamh ort.

14 Mise Iehobhab labhair, thig e gu crìch, agus coimhlionaidh mis' e cha d'théid mi air m' ais, nì mò choigleas mi, no ghabhas mi aithreachas ; a réir do shlighe, agus a réir do dheanadais bheir iad breith ort, deir an Tighearn Dia.

15 Mar an ceudna thàinig focal an Tighearna do m' ionnsuidh, ag ràdh,

16 A mhic an duine, feuch, bheir-eams' air falbh uait miann do shùl le buille : gidheadh cha dean thu bròn no gul, nì mò shìleas do dheoir.

17 Leig dhìot glaothaich, na dean caoidh an son nam maròh, ceangail culaidh do chinn ort, agus cuir do bhrògan air do cnasaibh, agus na foluich do ghnùis, agus na h-ith aran luchd-bròin.

18 Mar sin labhair mi ris na daoineibh anns a' mhaduinn, agus dh' eug mo bhean mu annoch ; agus rinn mi sa' mhaduinn mar dh' aithneadh dhomh.

19 Agus thubhairt an sluagh rium, Nach innis thu dhuinn ciod ar guothach-ne ris na nithe so ata thu deanamh ?

20 An sin fhreagair mi iad, Thàinig focal an Tighearna do m' ionnsuidh, ag ràdh,

21 Labhair ri tigh Israeil, Mar so deir an Tighearn Dia, Feuch, truaidhidh mise m' ionad naomh òirdheireas 'ur treise, miann 'ur sùl, agus an nì a 's caomh le 'n anam : agus 'ur mic agus 'ur nigheanan a

dh' fhàgadh, tuitidh leis a' chlàidh-eamh.

22 Agus ni sibh mar a rinn mise : cha 'n fholuich sibh 'ur n aghaidh, agus cha 'n ith sibh aran luchd-bròin.

23 Agus bidh 'ur n-éideadh air 'ur ceannaibh, agus 'ur brògan air 'ur casaibh : cha dean sibh bròn no gul, ach seargaidh sibh as air son 'ur n-ea-ceartan, agus ni sibh bròn, gach aon r'a chéile.

24 Mar so tha Eseciel dhuibh na chomhara : do réir gach ni a rinn esan, ni sibh-se : agus an uair a thig so, aithnichidh sibh gur mise an Tighearn Dia.

25 Mar an ceudna, a mhic an duine, nach tachair e anns an là sam buin mise uatha an neart, aoibhneas an glòire, miann an sul, agus an ni sin air an suidhich iad an inatinn, am mic, agus an nigheana ;

26 Gu 'n d'thig esan a théid as air an là sin do d' ionnsuidh, a thoirt ort a chluinntinn le d' chluasaibh.

27 Anns an là sin fosglar do bheul do 'n ti theid as, agus labhraidh tu, agus cha bhi thu ni 's mò balbh, agus bidh tu dhoibh mar chomhara, agus aithnichidh iad gur mise an Tighearn.

## CAIB. XXV.

**T**HAINIG focal an Tighearna a ris do m' ionnsuidh, ag ràdh,

2 A mhic an duine, cuir do ghnùis an aghaidh nan Amonach, agus dean fàisneachd nan aghaidh ;

3 Agus abair ris na h-Amonaich, Cluinnibh focal an Tighearna Dia, Mar so deiran Tighearn, a chionn gu 'n d' thubhairt thu, Aha, an aghaidh m' ionaid naomha, 'nuair a thruaill-eadh e, agus an aghaidh fearainn Israeil, an uair a bha e làs, agus an aghaidh tìghe Iudah, an uair a dh' fhalbh iad ann am braighdeanas ;

4 Feuch, uime sin, bheir mise thairis thu do mhuinntir na h-airde 'n ear mar sheilbh, agus suidhichidh iad annad an àros, agus ni iad an àite-còmhnuidh annad : ithidh iad do mheas, agus òlaidh iad do bhainne.

5 Agus ni mi Rabah na crò air son chàmhail, agus clann Amoin na àite-luidhe do threudaibh : agus aithnichidh sibh gur mise an Tighearn.

6 Oir mar so deiran Tighearn Dia, A chionn gu 'n do bhuail thu do làmhnan, agus gu 'n do bhreab thu le d' chasan, agus gu 'n d' rinn thu gairdeachas ann ad chridhe, le d' uile tharcuis an aghaidh fearainn Israeil ;

7 Feuch, uime sin, sinidh mise mach mò làmh ort, agus bheir mi seachad thu mar chreic do na

cinnich, agus gearraidh mi as thu o na sìdigh, agus caithidh mi thu a mach as na dùchaunaibh : sgriosaidh mi thu, agus aithnichidh tu gur mi an Tighearn.

8 Mar so deir an Tighearn Dia, A chionn gu bheil Moab agus Seir ag ràdh, Feuch, tha tìgh Iudah cosmhuil ris ua h-uile chinnich ;

9 Air an aobhar sin, feuch, fosglaidh mise taobh Mhoab, a leigeadh ris nam bailtean a ta air 'iomall, maise na dùcha, Betiesimot, Baal-meon, agus Ciriataim,

10 Do fhearaibh na h-airde 'n ear, maille ri cloinn Amoin, agus bheir mi iad mar sheilbh, a chum nach bi cuimhne air cloinn Amoin am measg nan cinneach.

11 Agus bheir mi breitheanas air Moab, agus aithnichidh iad gur mi an Tighearn.

12 Mar so deir an Tighearn Dia, A chionn gu 'n do ghnàthaich Edom dioghaltas trom an aghaidh Iudah, agus gu 'n d' thug e oibheum mòr anns an dioghaltas a rinn e orra :

13 Uime sin, mar so deir an Tighearn Dia, Sinidh mise fòs a mach mo làmh air Edom, agus gearraidh mi as duine agus ainmhidh uaithe, agus ni mi fàs e o Theman, agus tuitidh muinntir Dhèdain leis a' chlàidh-eamh.

14 Agus leagaidh mi mo dhioghaltas air Edom le làmh mo shluaigh Israeil, agus ni iad ann an Edom do réir mo chorruich, agus do réir mo dhian-fheirge, agus bidh fios mo dhioghaltais aca, deir an Tighearn Dia.

15 Mar so deir an Tighearn Dia, A chionn gu 'n do bhuin na Philistich gu dioghaltach, agus gu 'n d' rinn iad dioghaltas le cridhe aingidh gu milleadh, air son an t-sean naimhdeis ;

16 Uime sin, mar so deir an Tighearn Dia, Feuch, sinidh mise mach mo làmh air na Philistich, agus gearraidh mi as na Ceretich, agus millidh mi fuigheall slios na fairge.

17 Agus ni mi dioghaltas mòr orra le achasain gharga, agus aithnichidh iad gur mise an Tighearn, 'nuair a leagas mi orra mo dhioghaltas.

## CAIB. XXVI.

**A**GUS tharladh anns an aon bhliadhna deug, air a' cheud là do 'n mhìos, gu 'n d' thàinig focal an Tighearna do m' ionnsuidh, ag ràdh,

2 A mhic an duine, a chionn gu 'n d' thubhairt Tirus an aghaidh Ierusalem, Aha, tha ise bha na dorsaibh

= fhalachd.

do 'n t-sluagh briste: phill i chugam-sa, leasaichear mise nis, o chuireadh ise fas;

3 Air an aobhar sin, mar so deir an Tighearn Dia, Feuch, tha mis' a' d' aghaidh, O Thuiris, agus bheir mi air mòran chinneach teachd a nìos a' d' aghaidh, mar a bheir an fhairge air a tonnaibh teachd a nìos.

4 Agus sgrìosaidd iad ballachan Thuiris, agus brisidh iad sìos a bà-bhuinn: tairngidh mise fàs a duslach uaipe, agus ni mi i mar mhul-lach creige.

5 Bidh na h-ionad sgaoilidh lìon ann am meadhon na fairge: oir labhair mise, deir an Tighearn Dia, agus bidh na creich do na cinnich.

6 Agus marbhar a nigheanan a ta sa' mhachair leis a' chlàidheamh, agus aithnichidh iad gur mise an Tighearn.

7 Oir mar so deir an Tighearn Dia, Feuch, bheir mise air Tirus Nebuchadnesar rìgh Bhabiloin, rìgh rìgh-rean, o' n airde tuath, le eachaibh, agus le carbadaibh, agus le mar-caich, agus le cuideachdaibh agus le mòran sluaigh.

8 Marbhaidh e leis a' chlàidheamh do nigheanan anns a' mhachair, agus ni e daingneach ann ad aghaidh, agus togaidh e suas ad aghaidh an sgiath.

9 Agus cuiridh e inneala-cogaidh an aghaidh do bhallachan, agus le 'thuaghaibh brisidh e sìos do bhà-bhuinn.

10 Le lìonmhoireachd a chuid each, folaichidh an duslach thu, criothnaichidh do bhalla le toirm a' mharc-shluaigh, agus nan rothan, agus nan carbadan, an tra théid e steach air do gheatacha, mara théid daoine steach air baile 'san d' rinn-eachd briseadh.

11 Le iongannaibh a chuid each saltraidh e sìos do shràidean uile: marbhaidh e do shluaigh leis a' chlàidheamh, agus théid do dhaing-nichean làidir sìos gu làr.

12 Agus ni iad creach do d' shaibh-reas, agus ni iad cobhartach do d' cheannachd, agus brisidh iad sìos do bhallachan, agus millidh iad do thighean taitneach, agus leagaidh iad do chlachan, agus d' fhiodh, agus do dhùslach ann am meadhon an uisge.

13 Agus bheir mise air fuaim d' òran sgar, agus cha chluinnear fonn do chlàrsach nì's mò.

14 Agus ni mi thu mar mhullach creige: bidh tu ann ad ionad gu sgaoileadh lìon air: cha bhi thu air do thogail nì's mò: oir mise le-hobhach labhair, deir an Tighearn Dia.

15 Mar so deir an Tighearn Dia ri Tirus, Nach criothnaich na h-eileanan ri fuaim do leagaidh, tra dh' éigheas a mhuinntir leònta, tra nithear an t-àr ann ad mheadhon?

16 An sin thig uile phrionnsacha na fairge nìas o' n rìgh-chaitheach-ibh, agus cuiridh iad am falluingean a thaobh, agus cuiridh iad dhuibh an culaidhean grèise: éididh iad iad féin le ball-chrith, suidhidh iad air an làr, agus criothnaichidh iad gach tiota, agus' bidh uamhas orra do d' thaobh-sa.

17 Agus togaidh iad tuireadh air du shon, agus their iad riut, Cionnus a sgrìosaidd thusa bha air d' àiteachadh le luchd-fairge, a' chathair iomraiteach a bha làidir anns an fhairge, i féin agus a luchd-àiteachaidh, a ta cur an eagal air na h-uile ta ga tàthaich?

18 A nis criothnaichidh na h-eileanan ann an là do leagaidh: seadh bidh na h-eileanan a ta 'san fhairge fo bhàireadh air son do shìubhail.

19 Oir mar so deir an Tighearn Dia, An tra ni mise dhìot cathair fhàs, mar na cathraichean nach 'eil air an àiteachadh, an tra bheir mi nìos ort an doimhne, agus a thig na tuitlean mòra tharad;

20 An tra bheir mi ort dol sìos leo-san a théid sìos do 'n t-slochd, le muinntir na h-aimsir o shean, agus a chuireas mi thu 'n ionadaibh òchdrach na talmhainn, ann an ionadaibh fàs o shean, leo-san a théid sìos do 'n t-slochd, air chor as nach bi thu air d' àiteachadh, agus nach seas thu nì's mò ann an ùr nam beo:

21 Ni mi uamhas dhìot, agus cha bhi thu ann: ged' iarrar thu, gidh-eachd cha 'n fhaighear thu nì's mò gu bràth, deir an Tighearn Dia.

CAIB. XXVII.

**T**HAINIG focal an Tighearna do m' ionnsaidh a ris, ag ràdh,

2 A nis, a mhic an duine, tog suas tuireadh air son Thuiris;

3 Agus abair ri Tirus, O thu-sa ta air do shuidheachadh aig dol a steach na fairge, a ta d' cheannuiche do 'n t-sluagh air son mhòrain eileanan, Mar so deir an Tighearn Dia, O Thuiris, thubhairt thu, Tha mi ro sgiamhlach.

4 Tha d' iomall ann am meadhon na fairge, rinn do luchd-togail do mhaise soirfe.

5 Rinn iad d' uile chlàra do chrannaibh giubhais Shenir: thug iad seudair O Lebanon a dheanamh chranna-siùil duit.

6 Do dharagaibh Bhasain rinn iad do ràman: rinn cuideachd nan Asurach do thotachan do chnàmha-deuda o eileanaibh Chitim.



7 B'e anart grinn, le obair ghréise o'n Eiphit a sgaoil thu mach gu bhi na sheòl duit: b'e gorm agus purpur o eileanaibh Elisahan nis na sgeudaich thu.

8 B' iad luchd-àiteachaidh Shidoin agus Arbhaid do mharaichean: b' iad do dhaoine glice bha annad, O Thiruis, luchd-stiùiridh do loingeis.

9 B' iad seanairean Ghebail, agus a dhaoine glice, bha agad nan luchd-calcaidh: bha loingeis na faige gu léir, le'm maraichibh annad, a chum do mhalairt a mheadhadh.

10 B' iad muinntir Phersia, agus Luid, agus Phuit, d' fhir-chogaidh ann ad fheachd: chroch iad suas an sgiath agus a' cheann-bheart annad, chuir iad an céill do mhaise.

11 Bha fir Arbhaid le d' fheachd air do ballachaibh mu'n cuairt, agus bha na Gamadaich ann ad thùraibh: chroch iad an sgiathan air do bhallachaibh mu'n cuairt: rinn iad do mhaise foirfe.

12 B' i Tarsis do cheannuiche, do bhrìgh pailteis an uile stòrais; le airgid, iarunn, stàn, agus luaidh, rinn iad malairt ann ad mhargaidhean.

13 Iabhad, Tubal, agus Mesech, b' iadsan do cheannuichean: reic iad pearsanna dhaoine, agus soithichean umha ann ad mhargadh.

14 Rinn muinntir Thogarmah malairt ann ad mhargaidhean, le eachaibh, agus le marc-shluagh, agus le muileidibh.

15 B' iad fir Dhedain do cheannuichean, mòran eileanan malairt do làimhe; thug iad chugad mar thiolac, adharca deud-chuamh, agus eboni.

16 B' i Siria do cheannuiche air son lionmhoireachd nan oibre a rinn thu: rinn iad malairt ann ad mhargaidhean le emerald, purpur, agus obair ghréise, agus anart grinn, agus coireal, agus agat.

17 B' iad Iudah agus tìr Israeil do cheannuichean: reic iad ann ad mhargadh crùineachd Mhinuit, agus Pannag, agus mil, agus oladh, agus ice.

18 B' e Damascus do cheannuiche ann an lionmhoireachd nan oibre a rinn thu, air son pailteis an uile shaibhreis: ann am fion Helboin, agus ann an oluinn ghil.

19 Rinn Dan fòs, agus Iabhan, a' dol air an ais agus air an aghaidh, malairt ann ad mhargaidhean; bha iarunn oibrichte, casia agus calamus ann ad mhargadh.

20 B' e Dedan do cheannuiche ann an eudaichibh luachmhor air son charbad.

21 Rinn Arabia, agus uile phrionnsachan Chedair malairt riut ann an uanaibh, agus ann an reitheachaibh,

agus ann an gabhraibh. annas na nithibh so b' iad do luchd-malairt.

22 Ceannuichean Sheba agus Raamah, b' iadsan do cheannuichean: rinn iad malairt ann ad mhargadh le taghadh nan uile spioradn, agus leis na h-uile chlachaidh luachmhor, agus le h'òr.

23 B' iad Haran agus Cannel, agus Eden, ceannuichean Sheba, Asuir, Chilmair, do cheannuichean-sa.

24 B' iad so do luchd-malairt annas na h-uile nithibh, ann an eudaichibh gorma, agus ann an obair ghréise, agus ann an cisteachan do chulaidhean riombach, air an ceangal le cordaibh, agus deanta do sheudar, am measg do mhalairt.

25 Sheinn longa Tharsis mu d' thimchioil ann ad mhargadh, agus bha tha air do lìonadh, agus air do dheanamh ro ghil mhor ann am meadhon nan cuanta.

26 Thug do rànhaichean thu gu uisgeacha mòra: bhris a' ghaoth an ear thu ann am meadhon na fairge.

27 Do shaibhrean, agus do mhar-gadh, do mhalairt, do mharaichean, agus d' fhir-stiùiridh, do luchd-calcaidh, agus do luchd-malairt, agus d' uile luchd-cogaidh a ta annad, agus ann ad uile chuideachd a ta ann ad mheadhon, tuitidh ann am buisgean na fairge, ann an là do sgrios.

28 Ri fnaim gaoire luchd-stiùiridh do loingeis, crìochnaichidh na bailtean mu'n cuairt duit.

29 Agus thig na h-uile a ghlacas an ràm, na maraichean, uile stiùir-eadairean na fairge, nuas o'n long-aibh, seasaidh iad air an tìr;

30 Agus bhris iad air an guth gu'n cluinear e os do chionn, agus glodnaidh iad gu goirt, agus tilgidh iad suas dustach air an cinn, aornaganaidh iad iad féin annas an luaithre.

31 Agus nì iad iad féin uile maol air do shon, agus crìosluicidh iad iad féin ann an eudach saic, agus gailidh iad air do shon le goirteas cridhe, le tuireadh geur.

32 Agus nan caoidh togaidh iad cu nha air do shon, agus nì iad bròn os do chionn; Cò bu chosmhail ri Tirus, bu chosmhail rithe-sa ta millte ann am meadhon na fairge!

33 Tra chaidh d' oibre a mach anns na fàirgibh, shàsuich thu iomadhl slagh, rinn thu beartach rìghrean na talmhainn le mòr-phailteas do shaibhreis agus do mhalairt.

34 San àm annas am brisear thu leis an fhaighe ann an doimhneachd nan uisgeachan, tuitidh do cheannachd agus do chuideachd gu h-ìomlan ann ad mheadhon.

35 Bidh uamhas, do d' thaobh air

uile luchd-àiteachaidh nan eileanan, bidh eagal annhòr air an rìghrean, bidh an gnùis fo ghruaimean.

36 Nì na ceannuichean am measg nan cinneach sgeige ort; bidh tu ann ad uamhas, agus cha bhi thu ann ni 's mò gu bràth.

## CAIB. XXVIII.

**T**HAINIG focal an Tighearna do m' ionnsuidh a rìs, ag ràdh,

2A mhic an duine, abair ri prionnsa Thiruis, Mar so deir an Tighearn Dia, a chionn gu bheil do chridhe air a thogail suas, agus gu'n d' thubhairt thu, Is dia mi, tha mi 'm shuidhe ann an caithir Dhé, ann am meadhon nan cuania; gidheadh is duine thu, agus cha Dia, ge do chuir thu do chridhe mar chridhe Dhé.

3 Feuch, is glìce thu na Daniel; cha 'n 'eil dìomhaireachd 'sam bith fòl-nichte uait:

4 Le d' ghliocas, agus le d' thuigse, fhuair thu dhuit fein maoin, agus fhuair thu ìr agus airgid ann ad thaisgeachaibh.

5 Le d' ghliocas mòr, agus le d' mhalairt, mheudaich thu do shaibheas, agus tha do chridhe air a thogail suas le d' bheartas.

6 Air an aobhar sin, mar so deir an Tighearn Dia, A chionn gu 'n do chuir thu do chridhe mar chridhe Dhé;

7 Feuch, uime sin, bheir mise coimhich ort, fir uamhasach nan cinneach; agus tairngidh iad an claidhean an aghaidh maise do ghliocais, agus truailidh iad do dhealradh.

8 Cuiridh iad sìos do 'n t-slochd thu, agus bàsaichidh tu le bàs na muinntir a mharbhar ann am meadhon na fairge.

9 An abair thu fathasd an làthair an ti mharbhas thu, Is dia mi? ach bidh tu a' d' dhunne, agus uì h-ann a' d' dhia ann an làimh an ti mharbhas thu.

10 Bàsaichidh tu le bàs nan neo-thimchioll-ghearrta, le làimh nan coimheach: oir mise labhair e, deir an Tighearn Dia.

11 Os-barr thàinig focal an Tighearna do m' ionnsuidh, ag ràdh,

12 A mhic an duine, tog suas caoidh os cionn rìgh Thiruis, agus abair ris, Mar so deir an Tighearn Dia, Tha thu cur seuladh air do chuid stòrais, làn do ghliocas, agus fòirte ann am maise.

13 Bha thu ann an Eden, gàradh Dhé; b'e do chòmhdachadh na h-uile clach luachmhor, an sardius, an topas, agus an daimon, am beil, an t-onics, agus an iasper, an saphir, an t-emerald, agus an carbuncal, agus an t-òr: ghlèusadh obair do

thiompan, agus do phhòban annad anns an là 'san do chruthaichheadh thu.

14 Ist u an cherub ungta a chòmhdachas: agus shuidhich mise thu; bha thu air slabh naomh Dhé, shubhail thu ann am meadhon nan clacha dealrach.

15 Bha thu fòirfe ann ad shlighibh, o 'n là san do chruthaichheadh thu, gus an d' thuaradh annad aingidneachd.

16 Le òmhoireachd do mhalairt lion iad do mheadhon le h-ainneart, agus pheacaich thu: uime sin, tilgidh mise thu, mar ni naomh, a mach o shliabh Dhé: agus sgriosadh mi thu, O a cheruib a chòmhdachas! a meadhon nan clacha dealrach.

17 Bha do chridhe air a thogail suas le d' mhaise, thruaill thu do ghliocas le d' dhealradh: tigidh mise gu làr thu, cuiridh mi thu an làthair rìghrean, gu bhi a' d' bhallamhairc dhoibh.

18 Le òmhoireachd d' eaceartan thruaill thu d' ionadan naomh, le eaceart do mhalairt; uime sin bheir mise mach teine as do mheadhon, caithidh e thu, agus ni mise luath dhìot air an talamh, ann an sealadh nan uile a chli thu.

19 Iadsan uile d' an aithne thu measg an t-sluaigh, bidh uamhas orra do d' thaobh: bidh tu ann ad uamhainn, agus cha bhi thu ann ni 's mò gu bràth.

20 A rìs thàinig focal an Tighearna do m' ionnsuidh, ag ràdh,

21 A mhic an duine, cuir do ghnùis an aghaidh Shidoin, agus dean fàisneachd na h-aghaidh.

22 Agus abair, Mar so deir an Tighearn Dia, Feuch, tha mise ann ad aghaidh, O Shidoin, agus bidh mi air mo ghlòrachadh ann ad mheadhon: agus aithnichidh iad gur mi an Tighearn tra ni mi innte breitheanas, agus a bhios mi air mo naomhachadh innte.

23 Oir cuiridh mi innte plàigh, agus fuil na sìrèidibh, agus bheirreair breitheanas air an leònta na meadhon, leis a' chlaidheamh a bhios oirre air gach taobh; agus aithnichidh iad gur mi an Tighearn.

24 Agus cha bhi dreas dhealgach ann ni 's mò do thigh Israeil, no dreas a bheir doilghios, dhinnb-san uile mu'n cuairt a ta ri tair orra; agus aithnichidh iad gur mise an Tighearn Dia.

25 Mar so deir an Tighearn Dia, an tra thionailas mise tigh Israeil o na cinnich am measg an bheil iad air an sgapadh, agus a bhios mi air

mo naomhachadh anna, ann an sealladh nan cinneach, an sin gabhaidh iad còmhnuidh nam fearann, a thug mise do m' òglach Iacob.

26 Agus gabhaidh iad còmhnuidh ann gu tèaruinte, agus togaidh iad tighean, agus suidhichidh iad fionliosan: seadh gabhaidh iad còmhnuidh le dèanachd, an nair a ni mise breitheanas orra-san uile, ta deanamh tair orra gach taobh mu 'n cuairt doibh, agus aithnichidh iad gur mise Iehobhah an Dia.

## CAIB. XXIX.

**A** NNS an deicheamh bliadhna, anns an deicheamh mìos, air an dara là deug do 'n mhìos, thàinig focal an Tighearna do m' ionnsuidh, ag ràdh,

2 A mhic an duine, cuir do ghnùis an aghaidh Pharaioh, rìgh na h-Eiphit, agus dean faisneachd na aghaidh-sa, agus an aghaidh na h-Eiphit nìle.

3 Labhair agus abair, Mar so deir an Tighearn Dia, Feuch, tha mise a' d' aghaidh, O Pharaioh, a rìgh na h-Eiphit, an uabheist mhòra ta na loidhe ann am meadhon 'aibhnichean féin, a thubhairt, Is leam féin m' abhainn, rinn mi air mo shon féin i.

4 Ach cuiridh mise dubhain ann ad ghialaibh, agus bheir mi air iasg d' aibhnichean leantainn ri d' lannaibh, agus bheir mi mìos thu a meadhon d' aibhnichean, agus leanaidh uile iasg d' aibhnichean ri d' lannaibh.

5 Agus tréigidh mise thu 'san fhàsach, thu féin agus uile iasg d' aibhnichean: tuitidh tu air na machraichibh sgaoilte; cha bhi thu air do thional, no air do chruinneachadh le chèile: thug mise thu mar bhiadh do bheathaichibh na machrach, agus do eunlaith an athair.

6 Agus aithnichidh uile luchd-àiteachaidh na h-Eiphit gur mise an Tighearn, a chionn gu 'n robh iad nan luig chuilce do thigh Israeil.

7 Nuair a ghlac iad thu, bhris thu nan làimh, agus reub thu an gualainn uile: agus 'nuair a leig iad an taice riut, bhris thu, agus dh' fhàg thu an leasraidh uile gun taice.

8 Air an aobhar sin, mar so deir an Tighearn Dia, Feuch, bheir mise claidheamh ort, agus gearraidh mi mach asad duine agus ainmhidh.

9 Agus bidh tìr na h-Eiphit falamh agus fàs, agus aithnichidh iad gur mise an Tighearn; a chionn gu 'n d' thubhairt e, Is leam-sa an abhainn, agus is mi a rinn i.

10 Feuch, uime sin, tha mise ann ad aghaidh, agus an aghaidh d' aibhnichean, agus ni mi tìr na h-Eiphit

gu tur fàs agus falamh, o thàr Shiene, eadhon gu iomall Etiopia.

11 Cha 'n imich casduine sam bith roimpe, agus cha 'n imich cas ainmhidh roimpe, ni mò bhios i air a h-àiteachadh rè dà fhichead bliadhna.

12 Agus ni mi tìr na h-Eiphit fàs ann am meadhon nan dùchanna ta fàs, agus bidh a cathraichean, ann am meadhon nan cathraichean a ta falamh, air an deanamh nam fàsach rè dà fhichead bliadhna: agus sgapaidh mi na h-Eiphitich am measg nan cinneach, agus sgaoilidh mi iad feadh nan dùchannan.

13 Gidheadh mar so deir an Tighearn Dia, An ceann dà fhichead bliadhna cruinnichidh mise na h-Eiphitich o na cinnich anns an robh iad air an sgaoileadh.

14 Agus bheir mi air a h-ais bruid nan Ephiteach, agus bheir mi orra pilleadh gu fearann Phatrois, gu dùthaich an còmhnuidh, agus bidh iad an sin nan rioghachd shuarrach.

15 Bidh i suarrach seach gach rioghachd, agus cha 'n ardaich si i féin ni 's mò am measg nan cinneach: oir lughdaichidh mise iad, air chòr as nach riaghlaidh iad ni 's mò os cionn nan cinneach.

16 Agus cha bhi i ni 's faide na dèch as aig thigh Israeil, a bheir an easaontas gu cuimhne, tra sheallas iad nan dèigh: ach aithnichidh iad gur mise an Tighearn Dia.

17 Agus tharladh anns an t-seachdamh bliadhna fichead, anns a' cheud mìos, air a cheud là do 'n mhìos, gu 'n d' thàinig focal an Tighearna do m' ionnsuidh, ag ràdh,

18 A mhic an duine, thug Nebuchadnesar, rìgh Bhabiloin, air a shluagh seirbhis mhòr a dheanamh an aghaidh Thiruis: rinneadh gach ceann maol, agus gach guala lom; gidheadh cha robh tuarasdail air bith aige féin, no aig a shluagh, air son Thiruis, air son na seirbhis, a rinn e na h-aghaidh.

19 Air an aobhar sin, mar so deir an Tighearn Dia, Feuch, bheir mise tìr na h-Eiphit do Nebuchadnesar rìgh Bhabiloin, agus glacadh e a shluagh, agus glacadh e a creach, agus glacadh e a cobhartach, agus bidh sin na thuarasdail aig a shluagh.

20 Thug mise dha tìr na h-Eiphit, air son a shaoithreach, leis an dè shaoithrich e na h-aghaidh; a chionn gu 'n d' còibrich iad air mo shon-sa, deir an Tighearn Dia.

21 Anns an là sin bheir mi air adharc lighe Israeil briseadh a mach, agus bheir mi dhuit-sa fosgladh a'

bheoil nam meadhon, agus aithnichidh iad gur mise an Tighearn.

## CAIB. XXX.

**T**HAINIG focal an Tighearna do m' ionnsuidh a ris, ag ràdh,

2 A mhic an duine, dean fàisneachd agus abair, Mar so deir an Tighearn Dia, Deanaibh ulartaich; Och, an là!

3 Oir tha an là dlù, eadhon là an Tighearna dlù, là neulach, àm nan cinneach a bhios ann.

4 Agus thig an claidheamh air an Eiphit, agus bidh cràdh mòr ann an Etiopia, 'nuair a thuiteas iadsan, a mharbhar anns an Eiphit, agus bheir iad a sluagh air falbh, agus brisear sìos a bunaitean.

5 Etiopia, agus Libia, agus Lidia, agus an sluagh coimeasgta gu léir, agus Chub, agus muinntir na tìre ta 'n co-choinn, tuitidh leosan leis a' chlaidheamh.

6 Mar so deir an Tighearn, Tuitidh iadsan fàs a ta cumail suas na h-Eiphit, agus thig uabhar a cumhachd a nuas: o thùr Sùene tuitidh iad innte leis a' chlaidheamh, deir an Tighearn Dia.

7 Agus bidh iad fàs ann am meadhon nan dùchanna fàsail, agus bidh a cathraichean ann am meadhon nan cathraichean, a ta air am fàsachadh.

8 Agus aithnichidh iad gur mise an Tighearn, 'nuair a chuireas mi teine 'san Eiphit, agus a sgriosar a h-uile luchd-cuideachaidh.

9 Anns an là sin théid teachdairean a mach uam-sa ann an longaibh, a chur eagal air na h-Etiopaich air nach 'eil cùram, agus thig cràdh mòr orra, mar ann an là na h-Eiphit: oir feuch, tha e teachd.

10 Mar so deir an Tighearn Dia, Cuiridh mise fòs cosgadh air mòrshluagh na h-Eiphit, le làimh Nebuchadnesair rìgh Bhabiloìn.

11 Bheirear fèin agus a shluagh maille ris, a' chuid a 's uamhasaiche do na cinnich, a sgrios na tìre: agus tairngidh iad an claidheamh an aghaidh na h-Eiphit, agus lìonaidh iad an talamh le mairbh.

12 Agus ni mise na h-aibhnichean tioran, agus reicidh mi an fearann ri làimh nan aingidh, agus ni mi an tìr fàs, agus na h-uile ta innte, le làimh nan coimheach: mise Ichobabab labhair.

13 Mar so deir an Tighearn Dia, Sgriosaidh mi fòs na h-ìodholan, agus dithichidh mi Ìomhaighean a mach a Noph: agus chabhi 'n s mò prionnsa air tìr na h-Eiphit; agus cuiridh mi eagal ann am fearann na h-Eiphit.

14 Agus ni mi Patros na fhàs-

ach, agus cuiridh mi teine ann an Soan, agus ni mi breitheanais ann an No.

15 Agus dèirtidh mi mo chorruich air Sin, neart na h-Eiphit, agus gearraidh mi as muinntir No.

16 Agus cuiridh mi teine anns an Eiphit, bidh cràdh mòr air Sin, agus reubar No as a' chéile, agus bidh Noph gach là ann an airc.

17 Tuitidh ùganaich Abheìn agus Phibeseit leis a' chlaidheamh, agus imichidh na bailtean so gu daorsa.

18 Ann an Tahapanes fòs bidh an là dorcha, 'nuair a bhriseas mise an sin cuing na h-Eiphit: agus sguiridh mòr-chuis a neart innte: seadh, folaichidh neul i, agus théid a nigh-eanan air falbh am braighdeanas.

19 Mar so ni mise breitheanais anns an Eiphit: agus aithnichidh iad gur mi an Tighearn.

20 Agus tharladh, anns an aon bhliadhna deug, anns a' cheud mhìos, air an t-seachdamh là do 'n mhìos, gu 'n d' thàinig focal an Tighearna do m' ionnsuidh, ag ràdh,

21 A mhic an duine, bharis mise gairdean Pharaòih, rìgh na h-Eiphit; agus feuch, cha cheanglar e suas gu bhli air a leigheas, a chur crios air d' a cheangal, d' a dheanamh làidir, a chumail a' chlaidheamh.

22 Uime sin, mar so deir an Tighearn Dia, Feuch, tha mise an aghaidh Pharaòih rìgh na h-Eiphit, agus brisidh mi a ghairdeanan, e sin a ta làidir, agus e sin a bhriseadh; agus bheir mi air a' chlaidheamh tuiteam as a làimh.

23 Agus sgapaiddh mi na h-Eiphitich am measg nan cinneach, agus sgaoilidh mi iad feadh nan dùchannan.

24 Agus neartaichidh mi gairdeanan rìgh Bhabiloìn, agus cuiridh mi mo chlaidheamh na làimh: ach brisidh mi gairdeanan Pharaòih, agus ni e caoirean na fhianuis, mar dhuine a ta leònta gu bàs.

25 Ach neartaichidh mi gairdeanan rìgh Bhabiloìn, agus tuitidh gairdean Pharaòih sìos: agus aithnichidh iad gur mise an Tighearn, 'nuair a chuireas mi mo chlaidheamh ann an làimh rìgh Bhabiloìn, agus a shìneas e mach e air tìr na h-Eiphit.

26 Agus sgapaiddh mi na h-Eiphitich am measg nan cinneach, agus sgaoilidh mi iad feadh nan dùchannan, agus aithnichidh iad gur mi an Tighearn.

## CAIB. XXXI.

**A**GUS tharladh, anns an aon bhliadhna deug, anns an treas mìos, air a' cheud là do 'n mhìos, gu 'n d' thàinig focal an Tighearna do m' ionnsuidh, ag ràdh,

2 A mhic an duine, labhair ri



Pharaoh rìgh na h-Eiphit, agus r'a mhòr-chuideachd, Co ris as cosmhuil thu ann ad mhòrachd?

3 Feuch, bu chrann sendair ann an Lebanon an t-Asirianaich, le geugaibh maiseach, agus le sgàil' dhorchais, agus le airde mhòir; agus bha a bharr ann measg nam meangana tuigha.

4 Thug na h-uisgeachan air fàs, dh' àraich an doimhne suas e, ruith a sruthean mu thimchioll a mheangail, agus chuir i mach a' sruthana beaga chum uile chraobha na mach-rach.

5 Uime sin dh' éirich 'airde suas os cionn uile chraobha na mach-rach, agus bha a mheangana lìonmhòr, agus dh' fhàs a gheugan fada, le lìonmhòirachd nan uisgeachan, an uair a sgaoil e mach.

6 Rinn uile eunlaith nan speur an nid na gheugaibh, agus fuidh a gheugaibh rug uile bheathaichean na mach-rach an àlach, agus fuidh a sgàile ghabh cruinneachadh mhòran chinneach còmhnuidh.

7 Mar so bha e maiseach na mhòrachd, ann am fad a gheuga: oir bha a fhreumh ri taobh nan uisgeachan mòra.

8 Cha b' urradh na seudair ann an gàradh Dhé 'fhòlach: cha robh na craobha giuthais cosmhuil r' a mheanganaibh, no na craobha geann-chrò cosmhuil r'a gheugaibh; cha robh crann air bith ann an gàradh Dhé cosmhuil ris na mhaise.

9 Rinn mi maiseach e le lìonmhòirachd a gheuga; ionnus gu 'n do ghabh uile chraobhan Edein, a bha ann an gàradh Dhé, farmad ris.

10 Air an aobhar sin, mar so deir an Tighearn Dia, A chionn gu n' d' rinn e uail as 'airde, agus gu 'n do chuir e suas a bharr ann am meadhan nan neul, agus gu bheil a chridhe air a thogail suas na airde;

11 Uime sin thug mi thairis e do làimh aon chumachdaich nan cinneach: buinidh esan gu làidir ris, dh' fhuadaich mise a mach e air son a chionta.

12 Agus ghearr coimhich, a' chuid a' s namhasaiche do na cinnich, a mach e, agus dh' fhàg iad e: air na sléibhtibh, agus anns na gleannaibh uile thuit a gheugan, agus tha a mheangain air am brisadh anns gach uile chearnaidh do 'n talamh; agus dh' imich uile shluagh an domhain sìos o a sgàile, agus thréig iad e.

13 Air a bhallaibh briste gabhaidh uile eunlaith an athair còmhnuidh, agus bidh uile bheathaiche na mach-rach air a gheugaibh:

14 A chum nach ardaicheadh

crann air bith do chraonnaibh nan uisgeachan, iad féin air son an airde, agus nach cuiradh iad suas am barr am measg nan tiugh gheugan, ni mò sheasadh an crann suas nan airde, gach aon ag òl suas nan uisgeachan: oir tha iad uile air an toirt thairis gu bàs, do ionadaibh ìochdrach na talmhainn, ann am meadhan chloinn nan daoine, maille ri u-sa, a théid sìos do 'n t-slochd.

15 Mar so deir an Tighearn Dia, Anns an là air an deachaidh e sìos do 'n uaigh, thug mise fainear caoidh a dheanadh, còmhdaich mi air a shon an doimhne, agus choisg mi a tuiltean, agus bhacadh na h-uisgeachan mòra; thug mi fòs air Lebanon caoidh air a shon, agus dh' fhannaich air a shon uile chraobha na mach-rach.

16 Thug mi air na cinnich criothnachadh ri fuaim a' caoidh, 'nuair a thilg mi e sìos do 'n ionad ìochdrach, leòsan a théid sìos do 'n t-slochd: agus bidh an co-fhurtachd ann an ionadaibh ìochdrach na talmhainn aig uile chraobhan Edein, rogha agus tagha Lebanon, na h-uile ta' g' òl snas an uisge.

17 Chaidh iadsan mar an ceudna sìos do 'n ionad ìochdrach maille ris, a chum an dream a marbhadh leis a' chlaidheamh; agus iadsan bu ghairdean da, a ghabh còmhnuidh fuidh a sgàile ann am meadhan nan cinneach.

18 Cò ma ta ris an cosmhuil thu-sa mar so ann an glòir, agus ann am mòrachd am measg chraobhan Edein? gidheadh, bheirar sìos thu maille ri craobhan Edein gu àiteachan ìochdrach na talmhainn: luidhidh tu ann am meadhan na muinntir neo-thimchioll-ghearra, maille ri u-sa, a mharbhadh leis a' chlaidheamh: so Pharaoh agus a mhòr-chuideachd uile, deir an Tighearn Dia.

## CAIB. XXXII.

**A** GUS tharladh, anns an dara bliadhna deug, anns an dara mìos deug, air a cheud là do 'n mhìos, gu 'n d' thàinig focal an Tighearna do 'm ionnsuidh, ag ràdh,

2 A mhic an duine, tog suas tuir-eadh air son Pharaoh, rìgh na h-Eiphit, agus abair ris, Is cosmhuil thu ri leòmhann òg do na cinnich, agus tha thu mar uabheist anns na cuantaibh: agus thàinig thu mach le d' shruthaibh, agus chuir thu troimh chéile na h-uisgeachan le d' chasaibh, agus shalaidh thu an aibhnichean.

3 Mar so deir an Tighearn Dia, Sgaoilidh mise, uime sin, mo lìon tharad, le cuideachd mhòran chinne-

each, agus bheir iad a nìos thu ann am lìon.

4 An sin fàgaidh mi air an talamh thu, tilgidh mi mach air an fhaiche luim thu, agus bheir mi air uile eunlaith an athair luidhe ort, agus bheir mi do uile bheathaichibh na talmhainn an sàth dhìot.

5 Agus cuiridh mi d' fheoil air na sléibhtean; agus lionaidh mi na glinn le do thulaichibh.

6 Uisgichidh mi fòs le d' fhuil am fearann auns am bheil thu a' snàmh, gu ruig na sléibhtean; agus bidh na h-aibhnichean làn dìot.

7 Agus an uair a chuireas mi as thu, folaichidh mi na nèamha, agus ni mi an reulta dorchas: còmhdaichidh mi a' ghrian le neul, agus cha d' thoir a' ghealach seachad a solus.

8 Uile sholuis loinreach<sup>a</sup> nèamha ni mi dorchas os do chionn, agus cuiridh mi dorchaids air d' fhearann, deir an Tighearn Dia.

9 Cuiridh mi fòs doilghios air eridheachan mhòran dhaoine, tra bheir mi do léir-sgrìos am measg nan cinneach, gus na dùchanna nach b' aithne dhuit.

10 Seadh, cuiridh mi air mòran dhaoine uamhas do d' thaobh, agus bidh eagal ro mhòr air an rìghribh air do shon, tra thogas<sup>b</sup> mise m' chlaidheamh nan làthair, agus criothnaichidh iad ann an tiota; gach aon air son a bheatha féin, ann an là do leagaidh-sa.

11 Oir mar so deir an Tighearn Dia, Thig claidheamh rìgh Bhabiloin ort.

12 Le claidhmhean nan cumhachdach bheir mise air do mhòr-chuideachd tuiteam, leo-san uile a's uamhasaiche do na cinnich; agus millidh iad mòr-chuis na h-Eiphit, agus bidh a mòr-shluagh gu léir air an sgrìos.

13 Sgrìosaidh mi fòs a h-ainmhidhean uile o thaobh nan uisgeachan mòra, agus cha chuir cas duine dragh orra tuille, ni mò ghluaisear iad le ionga ainmhidh.

14 An sin ni mise an uisgeachan domhain,<sup>c</sup> agus bheir mi air an aibhnichean ruitil mar oladh, deir an Tighearn Dia.

15 Tra ni mi tìr na h-Eiphit na fàsach, agus a bhios an dùthaich falamh do 'n ni sin do'n robh i làn, tra bhuaileas mi na h-uile ta chòmhnuidh innte, an sin aithnichidh iad gur mise an Tighearn.

16 So an tuireadh<sup>d</sup>, leis an tuir iad os a cionn: ni nigheana nan cinneach caoidh air a son: ni iad caoidh

air a son, air son na h-Eiphit, agus air son a mòr-shluaigh uile, deir an Tighearn Dia.

17 Tharladh mar an ceudna, 'san dara bliadhna deug, air a' chlàigeamh là deug do 'n mbios, gu 'n d' thàinig focal an Tighearna do m' ionnsuidh, ag ràdh,

18 A mhic an duine, dean cumha air son mòr-shluaigh na h-Eiphit, agus tilg sìos i, i féin agus nigheana nan cinneach iomraiteach, gu ionadan lochdrach na talmhainn, maille riu-san a théid sìos do 'n t-slochd.

19 Cò air am bheil thu toirt barrachd ann am maise? imich sìos, agus luidh leis na neo-thimchioll-ghearrta.

20 Tuitidh iad nam meadhon-san a mharbhadh leis a' chlaidheamh: thugadh thairis do 'n chlaidheamh i; tairngibh a mach i féin agus a sluagh gu h-iomlan.

21 Labhraidh cinn-fheadhna nan cumhachdach ris o mheadhon an ionaid lochdrach, maille riu-san a chuidich leis: chaidh iad sìos, tha iad nan luidhe leis na neo-thimchioll-ghearrta a mharbhadh leis a' chlaidheamh.

22 Tha Asur an sin agus a chuideachd uile: tha 'uaighean-san m' a thimchioll: tha iad uile marbh, air tuiteam leis a' chlaidheamh.

23 Tha an uaighean air an suidheachadh air gach taobh do 'n t-slochd, agus tha a chuideachd mu thimchioll 'uaighe: iad uile air am mharbhadh, air tuiteam leis a' chlaidheamh, a dhùisg uamhas ann an tìr nam beo.

24 An sin tha Elam agus a shluagh uile mu thiomchoill 'uaighe, iad uile air am mharbhadh, air tuiteam leis a' chlaidheamh; chaidh iadsan sìos neo-thimchioll-ghearrta gu ionadan lochdrach na talmhainn, a dhùisg uamhas ann an tìr nam beo, gidheadh ghidlain iad an nàire leo-san, a chaidh sìos do 'n t-slochd.

25 Ann am meadhon nam marbh shuidhidh iad leabadh dha maille r'a uile shluaigh: tha an uaighean m' a thimchioll, iad uile neo-thimchioll-ghearrta, air am mharbhadh leis a' chlaidheamh: ge do dhùisgeadh an uamhas ann an tìr nam beo, gidheadh ghidlain iad an nàire leo-san a chaidh sìos do 'n t-slochd: chuireadh e ann am meadhon na muinntir a mharbhadh.

26 An sin tha Mesech, Tubal, agus a shluagh uile; tha an uaighean m' a thimchioll: iad uile neo-thimchioll-ghearrta, air am mharbhadh leis a' chlaidheamh, ge do sgaoil iad an uamhas ann an tìr nam beo.

27 Agus cha luidh iad leis na cumhachdaich, a thuit do na neo-

<sup>a</sup> dealrach, drithlineach.

<sup>b</sup> ghluaiscas, chrathas: Eabh.

<sup>c</sup> soilleir.

<sup>d</sup> cumha.

thimchioll-ghearrta, a chaidh sìos do ifrinn le 'n armaibh<sup>a</sup> cegaidh : agus chuir iad an claidhmhean fuidh 'n cinn, ach bidh an aingidheachd air an cnàmh, ge b' iad uamhas nan cumha-lidach ann an tìr nam beo.

28 Seadh brisear thu ann am meadhon nan neo-thimchioll-ghearrta, agus luidhidh tu leo-san a mharbhadh leis a' chlaidheamh.

29 An sin tha Edom, a rìghrean, agus a phrionnsachan uile, a ta le 'n neart nan luidhe ann am fochair na muinntir a mharbhadh leis a' chlaidheamh : luidhidh iad leis na neo-thimchioll-ghearrta, agus leo-san, a thèid sìos do 'n t-slochd.

30 An sin tha prionnsachan na h-airde tuath, an t-iomlan diubh, agus na Sìdonaich uile, a chaidh sìos leis na mairbh, le 'n uamhas tha nàir orra d' an cumhachd, agus tha iad nan luidhe neo-thimchioll-ghearrta leo-san a mharbhadh leis a' chlaidheamh, agus a' giùlan an nàire leo-san, a thèid sìos do 'n t-slochd.

31 Chi Pharaoh iad, agus bidh co-fhurtachd aige os cionn a mhòr-chuideachd uile, *cadhon* Pharaoh agus 'fheachd gu léir air am mairbhadh leis a' chlaidheamh, deir an Tighearn Dia.

32 Oir dhùisg mise m' uamhas ann an tìr nam beo : agus suidhichear esan ann am meadhon nan neo-thimchioll-ghearrta, leo-san a mharbhadh leis a' chlaidheamh, Pharaoh agus a shluagh gu léir, deir an Tighearn Dia.

C A I B. XXXIII.

**A** RIS thàinig focal an Tighearna do m' ionnsuidh, ag ràdh,

2 A mhic an duine, labhair ri cloinn do shluaigh, agus abair riu, 'Nuair a bheir mise an claidheamh air dùthaich, ma ghabhas muinntir na dùthcha duine do 'n crìochaibh féin, agus gu 'n cuir iad e gu bhì na fhear-faire dhoibh ;

3 Ma shéideas e 'n trompaid 'nuair a chì e 'u claidheamh a' tèachd air an fhearann, agus ma bheir e rabhadh<sup>b</sup> do 'n t-sluagh,

4 An sin, cò air bith a chluinneas fuaim na trompaid, agus nach gabh rabhadh ; ma thig an claidheamh, agus gu 'n d'hoir e air falbh e, bidh 'fhuil air a cheann féin.

5 Chuall e fuaim na trompaid, agus cha do ghabh e rabhadh, bidh 'fhuil air féin : ach esan a ghabhas rabhadh tearnaidh e 'anam.

6 Ach ma chì am fear-faire an claidheamh a' tèachd, agus nach séid e 'n trompaid, agus nach faigh an sluagh rabhadh : ma thig an claidheamh, agus gu 'n d'hoir e aon

neach air falbh uatha, tha e air a thoirt air falbh na aingidheachd : ach iarruidh mise 'fhuil air làimh an fhir-fhaire.

7 Mar sin thu-sa, a mhic an duine, chuir mi thu mar fhear-faire chum tighe Israeil : uime sin éisdidh tu am focal o m' bheul-sa, agus bheir thu dhoibh rabhadh uam-sa.

8 'Nuair a their mise ris an aingidh, O dhuine aingidh, gheibh thu gu deimhin bàs ; mur labhair thu-sa chum an t-aingidh a thoirmeasg o 'shlighe<sup>c</sup>, gheibh an duine aingidh sin bàs na aingidheachd : ach air do làimh-sa iarruidh mise 'fhuil.

9 Gidheadh, ma bheir thu-sa rabhadh do 'n aingidh mu thimchioll a shlighe, gu pilleadh uaipe : mar pill e o 'shlighe, gheibh e bàs na aingidheachd, ach théarainn thu-sa d' anam.

10 Uime sin, a mhic an duine, labhair thu-sa ri tigh Israeil, Mar so deir sibh, ag ràdh, Ma bhios ar cionta agus ar lochdan oirnn, agus gu 'n searg sinn annta, cionnus a dh' fheudas sinn mar sin bhì beo ?

11 Abair riu, Mar is beo mise, deir an Tighearn Dia, cha 'n 'eil tlachd air bith agam-sa ann am bàs an aingidh, ach gu 'm pilleadh an t-aingidh o 'shlighe, agus gu 'm biodh e beo : pillibh, pillibh, o 'r droch shlighibh, c' ar son a bhàsaicheas sibh, O thigh Israeil ?

12 Uime sin, a mhic an duine, abair thu-sa ri cloinn do shluaigh, cha dean fireantachd an fhàirein a shaoradh ann an là a chionta : agus na aingidheachd cha tuit an t-aingidh anns an là sam pill e o 'chionta ; nì mò dh' fheudas am firean a bhì beo air son 'fhìreantachd anns an là 'sam peacaich e.

13 'Nuair a their mise ris an fhàirean gu mair e gu deimhin beo : mu nì e bun a' fhìreantachd féin, agus gu 'n dean e aingidheachd, cha chnìmhnichear 'uile fhìreantachd ; ach air son 'aingidheachd a rinn e, air son sin gheibh e bàs.

14 A ris, an uair a their mise ris an aingidh, Gheibh thu gu deimhin bàs : mu philleas e o 'pheaca, agus gu 'n dean e an nì sin a ta dligheach agus ceart ;

15 Ma bheir an t-aingidh air ais an geall, agus gu 'n aisig e a' ris an nì, a ghoid e, gu 'n gluais e ann an reachdaibh na beatha, gun aingidheachd a chur an gnìomh ; mairidh e gu deimhin beo, cha 'n fhaigh e bàs.

16 Cha chuimhnichear dha lochd air bith a rinn e : rinn e an nì a ta

<sup>a</sup> acfuinn.

<sup>b</sup> roghadh.

<sup>c</sup> chum rabhadh thoirt do 'n aingidh pilltinn o 'shlighe.

dleasdanach agus ceart: mairidh e gu cinnteach beo.

17 Gidheadh a deir clann do shluaigh-sa, Cha 'n 'eil slighe an Tighearna cothromach. Ach air an son-san, cha 'n 'eil an slighe cothromach.

18 'Nuair a philleas am firean air ais o 'fhùreantachd, agus a chuireas e 'n gnìomh aingidheachd, gheibh e bàs d' a chionn.

19 Ach ma philleas an t-aingidh air falbh o 'aingidheachd, agus gu 'n dean e an ni sin a ta dleasdanach agus ceart, mairidh e beo d' a chionn.

20 Gidheadh a deir sibh, Cha 'n 'eil slighe an Tighearna cothromach: O thigh Israel, bheir mise breith oirbh, air gach aon do réir a shlighe.

21 Agus tharladh anns an aon bhliadhna deng d' ar bruid, anns an deicheadh mìos, air a' chùigeamh là do 'n mhìos, gu 'n d' thàinig aon, a theich o Ierusalem, do m' ionnsuidh-sa, ag ràdh, Bhuailleadh am baile.

22 Agus bha làmh an Tighearna orm anns an an-moch, nu 'n d' thàinig esan a theich, agus dh' fhosgail i mo bheul, gus an d' thàinig e chugam anns a' mhaduinn; agus dh' fhosgladh mo bheul, agus cha robh mi ni bu mhò bhalbh.

23 An sin thàinig focal an Tighearna do m' ionnsuidh, ag ràdh,

24 A mhic an duine, tha iadsan a ta 'g àiteachadh nan ionada fàs sin do fhearann Israel a' labhairt, ag ràdh, Bha Abraham na aonar, agus shealbhaich e am fearann: ach tha sinne lìonmhòr, thugadh am fearann dhuinn mar sheilbh.

25 Air an aobhar sin, abair riu, Mar so deir an Tighearna Dia, Tha sibh ag itheadh maile ris an fhuil, agus a' togail 'ur sùl suas ri 'r n-ìodholaibh, agus a' dèrtadh fala; agus an sealbhuich sibh am fearann?

26 Tha sibh a' seasamh air 'ur claidheamh, tha sibh a' deanamh gràinealachd, agus a' truailleadh, gach aon agaibh, mnà a choimhearsnaich; agus an sealbhuich sibh am fearann?

27 Abair thu-sa riu mar so, Mar so deir an Tighearna Dia, Mar is beo mise, gu deimhin tuitidh iadsan, a ta anns na h-ionadaibh fàsa, leis a' chlaidheamh, agus esan a ta sa' mhaclhair sgaoilte, bheir mise do na beathaichibh r' a itheadh, agus bàsaichidh iadsan, a bhios anns na daingnichibh agus anns na h-uamhaibh, leis a' phlaigh.

28 Oir fàgaidh mise am fearann ro fhàsail, agus sguridh mòrachd a threise: agus bidh sléibhtean Israel

fàs, air chor as nach d' thèid aon neach rompa.

29 An sin aithnichidh iad gur mise an Tighearna, 'nuair a ni mi am fearann ro fhàsail, air son an uile ghràinealachdan a chuir iad an gnìomh.

30 Agus thu-sa, a mhic an duine, tha clann do shluaigh an còmhnuidh a' labhairt umad ri taobh nam ballachan, agus ann an dorsaibh nan tighean, agus a' labhairt aon r' a chèile, gach aon r' a bhràthair, ag ràdh, Thigibh, guidheam oirbh, agus èisidibh ciod am focal a ta teachd a mach o 'n Tighearna.

31 Agus tha iad a' teachd do d' ionnsuidh mar chruinneachadh sluaigh, agus tha iad a' suidhe ann ad làthair mar mo phoball-sa, agus tha iad ag èisdeachd do bhriathran, ach cha 'n 'eil iad 'gan deanamh: oir tha iad a' taisbeanadh mòran gràidh le 'm beul, ach tha an cridhe a' dol an dèigh an sàinnt.

32 Agus feuch, tha thu-sa dhoibh mar òran ro thaitneach duine aig am bheil guth binn, agus a' chluicheas gu maith air inneal ciuil: oir tha iad ag èisdeachd do bhriathran, ach cha 'n 'eil iad 'gan deanamh.

33 Agus tra thig so gu crìch, (feuch tha e teachd) an sin aithnichidh iad gu 'n robh fàidh nam measg.

CAIB. XXXIV.

A GUS thàinig focal an Tighearna do m' ionnsuidh, ag ràdh,

2 A mhic an duine, dean fàisneachd an aghaidh aodhairean Israel, dean fàisneachd, agus abair riu, O aodhairean, mar so deir an Tighearna Dia, Mo thruaighe aodhairean Israel, a ta 'g an beathachadh féin, nach bu chòir do na h-aodhairibh an treud a bheathachadh?

3 Tha sibh ag itheadh na saill, agus 'g ur n-èideadh féin leis an olainn, tha sibh a' maibhadh nan ainmhidhean biadhta: cha 'n 'eil sibh a' beathachadh an treud.

4 Cha do neartuich sibh an lag, ni mò leighis sibh an tinn, ni mò cheangail sibh suas e sin a bha briste, ni mò thug sibh air ais a' chuid a sgapadh, ni mò dh' iarr sibh a' chuid a chailleadh; ach le h-ainneart riaghlàich sibh iad, agus ie h an-ìochd.

5 Agus sgapadh iad le diùl aodhaire: agus bha iad nam biadh do uile bheathaichibh na maclrach, an uair a bha iad air an sgapadh.

6 Chaidh mo thaoirich-sa air seachran air feadh nan uile bheann, agus air gach sliabh ard: seadh bhe mo threud air a sgapadh air agh



aith na talmhainn uile, agus cha robh aon neach 'g an sìrèadh no 'gan iarraidh.

7 Uime sin, aodhairean, éisdibh-se focal an Tighearna;

8 Mar is beo mise, deir an Tighearna Dia, gu deimhin a chionn gu 'n robh mo threud nan creich, agus gu 'n d'rinneadh mo threud nam biadh do uile bheathaichibh na machrach, a chionn nach robh aodhaire sam bith ann, ni mò dh' iarr m' aodhairean mo threud, ach bheathaich na h-aodhairean iad féin, agus cha do bhiath iad mo threud-sa:

9 Uime sin, O aodhairean, éisdibh focal an Tighearna.

10 Mar so deir an Tighearna Dia, Feuch, tha mise 'n aghaidh nan aodhairean, agus iarraidh mi mo threud air an làimh, agus bheir mi orra sgur do bhiathadh an treud, ni mò bheathaicheas na h-aodhairean iad féin tuille; oir saoraidh mise mo threud as am beul, a chum nach bi iad dhoibh nam biadh.

11 Oir mar so deir an Tighearna Dia, Feuch, lorgaichidh mise, mise féin, mo chaoirich, agus iarraidh mi mach iad.

12 Amhuil a lorgaicheas aodhaire mach a threud, anns an là bhios e measg a chaorach a chaidh a sgapadh; mar sin iarraidh mise mo chaoirich féin, agus saoraidh mi iad as na h-uile àite gus an robh iad air an sgànradh, anns an latha neulach agus dhiorcha.

13 Agus bheir mi mach iad o mheasg nan cinneach, agus cruinnichidh mi iad o na dùchannaibh, agus bheir mi iad gu 'm fearann féin, agus ionaltraidh mi iad air sléibhtibh Israeil, an cois nan aibhnichean, agus ann an uile ionadaibh àitichte na tìre.

14 Ionaltraidh mi iad ann an innis mhaith, agus bidh am buaille air sléibhtibh arda Israeil: an sin luidhidh iad ann an cluain mhaith, agus ionaltraidh iad ann an innis reamh-air air sléibhtibh Israeil.

15 Beathaichidh mise mo threud, agus bheir mi orra luidhe sìos, deir an Tighearna Dia.

16 Iarraidh mi a' chuid a chaill-eadh, agus bheir mi air ais a' chuid a dh' fhuadaicheadh air falbh, agus ceanglaidh mi suas a' chuid a bhris-eadh, agus neartaichidh mi a' chuid a bha tinn: ach sgriosaidh mi an reamhar agus an Ìidir, beathaichidh mi iad sin le breitheanas.

17 Agus air 'ur son-sa, O mo threud; mar so deir an Tighearna Dia, Feuch, bheir mise breith eadar spréidh agus spréidh, eadar na reitheachan agus na gabhna fìrionn.

18 An ni suarrach leibh-se an innis

mhaith itheadh suas, ach gu 'n saltair sibh fòs a' chuid eile do 'n ionaltraidh sìos fuidh 'ur casaibh? agus òl do na h-uisgeacha domhain, ach gur éigin duibh a' chuid eile a shalchadh le 'r casaibh.

19 Agus air son mo threud-sa, tha iad ag itheadh an ni sin a shaltair a sibh fuidh 'ur casaibh, agus ag òl an ni sin a rinn 'ur casan a thruaill-eadh.

20 Air an aobhar sin, mar so deir an Tighearna Dia riu, Feuch, bheir mise, mise féin, breith eadar an spréidh reamhar agus an spréidh chaol.

21 A chionn gu 'n do thulg sibh le taobh agus le slinnein, agus gu 'n d' rinn sibh an t-easlan uile a phurradh le 'r n-adharcaibh, gus an do sgainnir sibh iad o chéile:

22 Uime sin tearnaidh mise mo threud, agus cha bhi iad ni 's mò nan creich, agus bheir mi breith eadar spréidh agus spréidh.

23 Agus cuiridh mi suas aon aodhaire os an cionn, agus beathaichidh esan iad, eadhon mo sheirbhiseach Daibhidh; beathaichidh esan iad agus bidh e dhoibh na aodhaire.

24 Agus bidh mise le hobhah ann am Dhia dhoibh, agus mo sheirbhiseach Daibhidh na phrionnsa nam measg; labhair mise le hobhah e.

25 Agus ni mise coimhcheangal sìth riu, agus cuiridh mi cosgadh air na droch bheathaichean anns an fhearann; agus gabhaidh iad còmh-nuidh gu tèaruinate 'sau fhàsaich, agus caidlidh iad anns na coilltibh.

26 Agus ni mi iadsan, agus na lì-ionadan timchioll mo shléibh nam beannachadh; agus bheir mi air an fhrois teachd a nuas na h-àm: bidh fras an do bheannachdaibh ann.

27 Agus bheir craobh na machrach seachad a toradh, agus bheir an talamh seachad a chinneas, agus bidh iad tèaruinate nan dùthaich, agus aithnichidh iad gur mise an Tighearna, 'nuair a bhriseas mi cuibhrichean an cuinge, agus a shaoras mi iad a làimh na muinntir a ghabh seirbhis diubh.

28 Agus cha bhi iad ni 's mò nan cobhartaich do na cinnich, ni mò ni beathaichean an fhearainn an slugadh suas: ach gabhaidh iad còmh-nuidh gu tèaruinate, agus cha chuir aon neach eagal orra.

29 Agus togaidh mi suas doibh meangan<sup>a</sup> cliuiteach, agus cha bhi iad air an claoidh ni 's mò le gort anns an fhearann, ni mò ghiùlain-eas iad masladh nan cinneach ni 's faide.

30 Mar so aithnichidh iad gu bheil mise an Tighearn Dia maille riu, agus gur iadsan, tigh Israeil, mo shluagh, deir an Tighearn Dia.

31 Agus sibhse, mo threud, treud m' ionaltraidh, is daoine sibh, agus is mise bhuir Dia, deir an Tighearn Dia.

## CAIB. XXXV.

**O**S-barr, thàinig focal an Tigh-earna do m' ionnsuidh, ag ràdh,  
2 A mhic an duine, cuir d' aghaidh ri sliabh Sheir, agus dean fàisneachd na aghaidh,

3 Agus abair ris, Mar so deir an Tighearn Dia, Feuch, O shléibh Sheir, tha mise 'n ad aghaidh, agus sìnidh mi mo làmh a mach a' d' aghaidh, agus ni mi sgrios agus léirsgrios ort.

4 Ni mi do bhailtean nam fàsach, agus bithidh tu a' d' nochd-làraich, agus bidh fios agad gur mise an Tighearn.

5 A chionn gu 'n robh fuath bith-bhuan agad, agus gu 'n do dhòirt thu fuil cloinne Israeil le neart a' chlaidheimh, ann an àm an airce, anns an àm au robh deireadh aig an aingidheachd.

6 Air an aobhar sin, mar is beo mise, deir an Tighearn Dia, ul-mhaichidh \* mi thusa air son fàla, agus ni fuil do dhian-ruagadh; a chionn nach d' fhuathaich thu fuil, ni fuil do dhian-ruagadh.

7 Mar so ni mi léir-sgrios air sliabh Sheir, agus gearraidh mi uaithe an ti théid a mach, agus an ti philleas air ais.

8 Agus lìonaidh mi a shléibhteann le 'dhaoine marbhta: air do chnoc-sìbh, agus ann an ad ghleannaibh, agus ann ad uile aibhnichean tuitidh iadsan a mharbhar leis a' chlaidheamh.

9 Ni mise fàsaichean sìorruidh dhìot, agus cha togar a ris do bhailtean, agus aithnichidh sibh gur mise an Tighearn;

10 A chionn gu 'n d' thubhairt thu, Bidh an dà chinneach so, agus an dà dhùthaich so agam-sa, agus sealbhaichidh sinn iad: ged' bha 'n Tighearn an sin:

11 Uime sin, mar is beo mise, deir an Tighearn Dia, ni mi eadhon do réir d' fheirge, agus do réir d' fharmaid a nochd thu, le d' fhuath nan aghaidh: agus ni mi mi féin aithnichte nam measg, tra bheir mi breith ortsa.

12 Agus aithnichidh tusa gur mi an Tighearn, agus gu 'n cuala mi d' uile thoibheum an aghaidh shléibhteann Israeil, ag ràdh, Dh' fhàgadh

fàs iad, agus thugadh iad dhuinne d' an slugadh.

13 Mar so le 'r beul rinn sibh uaill ann am aghaidh-sa, agus mheudaich sibh 'ur briathran ann am aghaidh; chuala mise.

14 Mar so deir an Tighearn Dia, Tra ni an talamh uile gairdeachas, ni mise fàs thusa.

15 Mar a rinn thusa gairdeachas os cionn oighreachd tìghe Israeil, a chionn gu 'n robh i fàs, mar sin ni mise riut-sa: bithidh tu fàs, O shléibh Sheir, agus Idumea uile; an t-ìomlan deth, agus aithnichidh iad gur mise an Tighearn.

## CAIB. XXXVI.

**M**AR an ceudna, a mhic an duine, dean fàisneachd do shléibhtibh Israeil, agus abair, A shléibhte Israeil, cluinnibh focal an Tighearna.

2 Mar so deir an Tighearn Dia, A chionn gu 'n d' thubhairt an nàmlaid, 'nur n-aghaidh, Aha, is leinne fòs na seann ionada arda mar sheilbh:

3 Uime sin, dean fàisneachd agus abair, Mar so deir an Tighearn Dia, A chionn gu 'n d' rinn iad fàs sibh, agus gu 'n do shluig iad suas sibh air gach taobh, gu bhi 'nur seilbh do fhuigheall nan cinneach, agus gu bheil sibh air 'ur gabhail ann am beul luchd-seanachais, agus 'nur mi chliu am measg dhaoine:

4 Air an aobhar sin, a shléibhte Israeil, èisdibh focal an Tighearna, Mar so deir an Tighearn Dia ris na sléibhtibh agus ris na cnocaibh, ris na sruthaibh agus ris na gleannaibh, ris na fàsaichibh uaigneach, agus ris na bailtibh a thréigeadh, a dh'fhàs nan cobhàrtaich agus nam ball-fan-aid do fhuigheall nan cinneach mu 'n cuairt:

5 Air an aobhar sin mar so deir an Tighearn Dia, Gu deimhin ann an teine m' eud labhair mi 'n aghaidh fuighill nan cinneach, agus an aghaidh Idumea uile, a ghabh mo dhùthaich-sa, gu bhi na seilbh dhoibh, le gairdeachas an uile chridhe, le inn-tinn aingidh, ga toirt thairis mar chreich.

6 Dean fàisneachd, uime sin mu thimchioll fearainn Israeil, agus abair ris na sléibhtibh agus ris na cnocaibh, ris na sruthaibh agus ris na gleannaibh, Mar so deir an Tighearn Dia, Feuch, labhair mise ann am eud agus ann am chorruih, a chionn gu 'n do ghiùlain sibh tàmaile nan cinneach.

7 Air an aobhar sin, mar so deir an Tighearn Dia, Thog mise suas mo làmh; Gu deimhin, na cinnich mu 'n

cuairt duibh giùlainidh iad féin am masladh.

8 Ach sibh-se, O shléibhte Israeil, cuiridh sibh a mach 'ur geuga, agus bheir sibh 'ur toradh do 'm shluaghsa Israel, oir tha iad am fagus a chum teachd.

9 Oir feuch, tha mise leibh, agus pillidh mi ruibh, agus bithidh sibh air 'ur treabhadh agus air 'ur cur.

10 Agus ni mi daoine ònmhor oirbh, uile thigh Israeil gu h-ìomlan, agus bidh na bailtean air an àiteachadh, agus bidh na h-ionadan fàs air an togail.

11 Agus ni mi ònmhor oirbh duine agus ainmhidh, agus fàsaidh iad ònmhor, agus bheir iad toradh; agus suidhichidh mi sibh mar a bha sibh o shean, agus ni mi ruibh ni 's fearr na ann 'ur toiseach, agus aithnichidh sibh gur mise an Tighearn.

12 Seadh, bheir mi air daoine coiseachd oirbh, eadhon mo phobull Israel, agus sealbhaichidh iadsan thu, agus bidh tu dhoibh a' d' oighreachd, agus cha dean thu iad ni 's mò nìr-easbhuidheach.

13 Mar so deir an Tighearn Dia, A chionn gu 'n abair iad riut, Thusa a sluig suas daoine, agus a dh' fhàg gun sliochd do chinnich:

14 Uime sin cha sluig thu daoine ni 's mò, agus cha 'n fhàg thu do chinnich ni 's mò gun sliochd, deir an Tighearn Dia.

15 Ni mò dh' fhuilingeas mise gu 'n cluinnear tàmailte nan cinneach annad tuille, ni mò ghiùlaineas tu masladh an t-sluaigh ni 's faide, ni mò bheir thu air do chinnich tuit-eam tuille, deir an Tighearn Dia.

16 Os-barr thàinig focal an Tigh-earna do m' ionnsuidh, ag ràdh,

17 A mhic an duine, tra bha thigh Israeil a clòmhnuidh nan dùthaich féin, thruaill iad i le 'n slighe féin agus le 'n deanadas: bha an slighe ann am làthair-sa mar nò-ghloine mna a chuireadh air leth.

18 Air an aobhar sin dhòirt mi orra mò chorruidh, air son na fala a dhòirt iad air an fhearann, agus air son an òdhola leis an d' rinn iad a thruailladh.

19 Agus sgap mi iad am measg nan cinneach, agus bha iad air an sgaoileadh air feadh nan dùchannan. Do réir an slighe, agus do réir an deanadais thug mise breith orra.

20 Agus tra chaidh iad a steach a chum nan cinneach gus an deachaidh iad, thruaill iad sin m' ainm naomh-sa, tra thuirt iad ri, Is iad so sluagh an Tighearna, gidheadh chaidh iad a mach as 'fhearann.

21 Ach ghabh mise truas diubh air son m' ainme naomha féin, a thruaill

tigh Israeil am measg nan cinneach gus an deachaidh iad.

22 Air an aobhar sin, abair ri thigh Israeil, Mar so deir an Tighearn Dia, Cha 'n 'eil mi deanamh so air 'ur son-sa, O thigh Israeil, ach air son m' ainme naomha féin, a thruaill sibhse am measg nan cinneach gus an deachaidh sibh.

23 Agus naomhaichidh mi m' ainm mòr féin, a bha air a thruailladh am measg nan cinneach, a thruaill sibhse nam meadhan, agus aithnichidh na cinnich, gur mise an Tighearn, deir an Tighearn Dia, tra bhios mi air mo naomhachadh annaibh-sa fa chomhair an sùl.

24 Oir bheir mi sibh o mheasg nan cinneach, agus tionailidh mi sibh as na h-uile dhùchaibh, agus bheir mi sibh gu 'r fearann féin:

25 An sin crathaidh mi uisge glan oirbh, agus bithidh sibh glan: o' r n-uile shalchar, agus o' r n-uile òdholaibh glanaidh mi sibh.

26 Bheir mi fòs dhuibh cridhe nuadh, agus cuiridh mi spiorad nuadh an taobh a stigh dhibh, agus buinidh mi air falbh an cridhe cloiche as 'ur feoil, agus bheir mi dhuibh cridhe fèdla.

27 Agus cuiridh mi mo spiorad an taobh a stigh dhibh, agus bheir mi oirbh gluasad ann am reachdaibh, agus coimhididh sibh mò bhreitheanais, agus ni sibh iad.

28 Agus gabhadh sibh còmhnuidh anns an fhearann a thug mise do 'r n-aithrichibh, agus bidh sibh 'nur sluagh dhomh-sa, agus bidh mise ann am Dhia dhuibh-sa.

29 Saoraidh mi sibh fòs o' r n-uile shalcharaibh; agus gairmidh mi air an arbhar, agus meudaichidh mi e, agus cha chuir mi gort air bith oirbh.

30 Agus meudaichidh mi meas na craoibhe, agus cinneas na machrach, air chor as nach faigh sibh ni 's mò masladh gorta measg nan cinneach.

31 An sin cuimhnichidh sibh 'ur droch shlighe féin, agus 'ur deanadais nach robh maith, agus fuathaichidh sibh sibh féin ann 'ur sealtadh féin, air son 'ur n-eaceartan, agus air son 'ur gràinealachdan.

32 Cha 'n ann air 'ur son-sa ta mise a' deanamh so, deir an Tighearn Dia, biodh fios agaibh: biodh naire agus amhludh oirbh air son 'ur sligheanna féin, O thigh Israeil.

33 Mar so deir an Tighearn Dia, Anns an là 'san glan mi sibh o' r n-uile aingidheachd, bheir mi fòs fairear gu 'n gabh sibh còmhnuidh anns na cathraichibh, agus bidh na h-ionadan fàs air an togail.

34 Agus bidh am fearann fàs air

a threabhadh, an àit' e bhi na luidhe fàs an sealladh gach aon a ghabh seachad.

35 Agus their iad, Tha an tìr so bha uaigneach, air fàs mar ghàradh Edein, agus na cathraichean falamh, fàs, agus millte, tha iad air an daingneachadh, agus air an àiteachadh.

36 An sin aithnichidh na cinnich a dh' fhàgadh air gach taobh dhibh gur mise an Tighearn, a thogas na h-àiteacha sgriosta, a shuidhicheas an t-ionad fàsail: mise Iehobhah labhair, agus ni mi.

37 Mar so deir an Tighearn Dia, Bidh mise fathasd air m' iarruidh 'san nì so le tigh Israeil; a chum a dheanamh air an son; ni mi lìonmhor iad le daoine mar threud.

38 Mar an treud naomh, mar threud Ierusalem na féilibh arda: mar sin bidh na bailtean fàs air an lìonadh le treudaibh dhaoine, agus aithnichidh iad gur mise an Tighearn.

### CAIB. XXXVII.

**B**HA làmh an Tighearna orm, agus thug e mach mi ann an spiorad an Tighearna, agus chuir e sìos mi ann am meadhon a' ghlinne, a bha làn do chnàmhan.

2 Agus thug e orm gabhail seachad orra mu 'n cuairt, air gach taobh: agus feuch, bha iad ro lìonmhor anns a' mhachair sgaoilte; agus feuch, bha iad ro thioram.

3 Agus thuirt e rium, A mhic an duine, am feud na cnàmhan so teachd beo? agus fhreagair mise, O Tighearn Dhia, agad-sa tha sìos.

4 An sin thuirt e rium, A mhic an duine, dean fàisneachd do na cnàmhan so, agus abair riu, O chnàmha tiorma, éisdibh-sa focal an Tighearna.

5 Mar so deir an Tighearn Iehobhah ris na cnàmhan so, Feuch, cuiridh mise anail annaibh, agus bithidh sibh beo.

6 Agus cuiridh mi fèithean oirbh, agus bheir mi air feoil fàs oirbh, agus còmhdaichidh mi sibh le craicinn, agus cuiridh mi anail annaibh; agus bidh sibh beo, agus aithnichidh sibh gur mi an Tighearn.

7 Mar sin rinn mise fàisneachd mar a dh' àithneadh dhomh: agus am feadh a bha mi ri fàisneachd, bha toirm ann, agus feuch crith-ghlunasad, agus thàinig na cnàmha chum a' chéile, cnàimh a' chum a' chnàmha.

8 Agus air uair a dh' amhairc mi, feuch, dh' fhàs fèithean agus feoil orra, agus còmhdaich an craicinn iad tharta; ach cha robh anail anna.

9 An sin thuirt e rium, Dean fàisneachd do 'n anail, dean fàisneachd, a mhic an duine, agus abair ris an anail, Mar so deir an Tighearn Iehobhah, Thig o na ceithir ghaothaibh, O anail, agus séid air na mairbh so, chum gu 'm bi iad beo.

10 Is amhuil a rinn mise fàisneachd mar a dh' àithneadh dhomh, agus thàinig an anail do 'n ionnsuidh, agus dh' fhàs iad beo, agus sheas iad air an casaibh, armailte anbharr mòr.

11 An sin thuirt e rium, A mhic an duine, is iad na cnàmhan so an t-iomlan do thigh Israeil; feuch a deir iad, tha ar cnàmhan air tiormachadh, agus ar dòchas air a chall, is ann a tha sinn air ar gearradh as.

12 Air an aobhar sin dean fàisneachd, agus abair riu, Mar so deir an Tighearn Iehobhah, Feuch, O mo shlugh, fosglaidh mise bhuir n-uaignean, agus bheir mi oirbh teachd a nìs as 'ur n-uaignibh, agus bheir mi sibh gu fearann Israeil.

13 Agus aithnichidh sibh gur mise an Tighearn 'nuair a dh' fhosglas mi 'ur n-uaignean, O mo shlugh, agus a bheir mi sibh a nìs as 'ur n-uaignibh,

14 Agus a chuireas mi mo spiorad annaibh, agus a bhitheas sibh beo, agus a shuidhicheas mi sibh 'n'ur fearann féin: an sin aithnichidh sibh gur mise Iehobhah a labhair, agus gu 'n d' rinn mi, deir an Tighearn.

15 Thàinig focal an Tighearna do m' ionnsuidh a ris, ag ràdh,

16 A bharrair so, a mhic an duine, gabh thu-sa chugad aon mhaide, agus sgrìobh air, Air son Iudah, agus air son cloinne Israeil a chompanaich: an sin gabh maide eile, agus sgrìobh air, Air son Ioseph, maide Ephraim, agus uile thighe Israeil a chompanaich.

17 Agus ceangail iad aon r'a chéile nan aon mhaide, agus fàsaidh iad nan aon ann ad làimh.

18 Agus an uair a labhras clann do shlugh riut, ag ràdh, Nach feuch thu dhuinn cìod is ciall duit leis na nithibh so?

19 Abair riu, Mar so deir an Tighearn Iehobhah, Feuch, gabhaidh mise maide Ioseph, a ta 'n làimh Ephraim, agus fineachan Israeil, a chompanaich, agus cuiridh mi iad maille ris, maille ri maide Iudah, agus ni mi aon mhaide dhiubh, agus bithidh iad nan aon ann am làimh.

20 Agus bidh na maidean air an sgrìobh thu ann ad làimh fa chomh air an sùl.

21 Agus abair riu, Mar so deir an Tighearn Iehobhah, Feuch, bheir mise clann Israeil o mheasg nan



cinneach, gus a' bheil iad air imeachd, agus' cruinnichidh mi iad air gach taobh, agus bheir mi iad gu 'n dùthaich féin.

22 Agus ni mi aon chinneach dhiubh anns an fhearann, air sléibh-tibh Israel, agus bidh aon rìgh na rìgh dhoibh uile : agus cha bhi iad ni's mò nan dà chinneach, ni mò bhios iad air an roinn nan dà rìoghachd tuille air aon chor.

23 Ni mò thruilleas iad iad féin tuille le 'n ìodholaibh, no le 'n nithibh fuathach, no le aon air bith do 'n eaceartaibh : ach saoraidh mise iad o 'n uile cheannaircibh anns an robh iad ciontach, agus glanaidh mi iad : mar sin bidh iadsan nan sluagh dhomh-sa, agus bidh mise ann am Dhia dhoibh-san.

24 Agus bidh m' òglach Daibhidh na rìgh os an cionn : agus bidh aon bhuachaill ac' uile : gluaisidh iad fòs ann am reachdaibh, agus bheir iad faineir m' orduighean, agus ni siad iad.

25 Agus gabhaidh iad còmhnuidh 'san fhearann a thug mise do m' òglach Iacob, anns an do ghabh 'ur n-aithrichean còmhnuidh : agus gabhaidh iadsan còmhnuidh ann, iad féin, agus an clann, agus clann an cloinne gu bràth, agus bidh m' òglach Daibhidh na rìgh dhoibh gu sìorruidh.

26 A thuille air so, ni mise coimh-cheangal sìth riu, bidh e na choimh-cheangal sìorruidh riu, agus suidhichidh mi iad, agus ni mi ìonmhor iad, agus cuiridh mi mo naomh-ionad nam meadhon gu bràth.

27 Bidh mo phàillion mar an ceudna maille riu : seadh, bidh mise dhoibh-san ann am Dhia, agus bidh iadsan dhomh-sa nan sluagh.

28 Agus aithnichidh na cinnich gur mise Iehobhah a naomhaicheas Israel, an uair a bhios mo naomh-ionad nam meadhon gu sìorruidh.

CAIB. XXXVIII.

**A** GUS thàinig focal an Tighearna do m' ionnsuidh-sa, a' ràdh,

2 A mhic an duine, cuir do ghnùis an aghaidh Ghog, tìr Mhagog, ar phrionnsa Mheseich agus Thubail, agus dean fàisneachd na aghaidh,

3 Agus abair ris, Mar so deir an Tighearn Dia, Feuch, tha mise a' d' aghaidh, O Ghog, ar phrionnsa Mheseich agus Thubail,

4 Agus pillidh mi air d' ais thu, agus cuiridh mi dubhain ann ad ghialaibh, agus bheir mi mach thu féin, agus d' fheachd uile, eich agus marcaich, iad uile air an éideadh leis gach uile ghnè *armachd*; cuid-eachd mhòr le targaidibh agus le sgiathaibh, an t-iomlan diubh ag qmairt chlaidhean,

5 Persia, Etiopia, agus Libia maille riu; an t-iomlan diubh le sgéith agus ceann-bheart :

6 Gomer agus a chuideachdan uile, tigh Thogarmah o na h-airdibh tuath, agus 'uile bhuidhnichean; mòran sluagh maille riut.

7 Bi thu-sa deas, agus ulmhaich air do shon féin, thu féin agus d' uile chuideachd a ta air an cruinneachadh chugad, agus bi dhoibh a' d' dhèidin.

8 An dèigh mhòran laithean thigear do d' amharc : anns na bliadhnaibh deireannach thig thu do'n fhearann a thugadh air ais o 'n chlaidheamh, a chruinnicheadh a mòran chinneach, an aghaidh shléibhteas Israel, a bha fada fàs : ach thugadh a mach as na cinnich e, agus gabhaidh iadsan uile còmhnuidh ann an tearuinteachd.

9 Eiridh tu suas, agus thig thu mar dhoiminn, bidh tu cosmhuil ri neula dh' fholach an fhearainn, thu féin agus d' uile bhuidhnichean, agus mòran sluagh maille riut.

10 Mar so deir an Tighearn Dia, Tarlaidh anns an là sin gu'n d'thig nithe ann ad aire, agus gu'n smaoinich thu droch smaointe.

11 Agus their thu, Théid mi suas gu tìr nam bailtean gun bhallachan, thig mi air a' mhuinntir a ta aig fois, a ta gabhail còmhnuidh ann an tearuinteachd, iad uile gabhail còmhnuidh gun bhallachan, agus gun cluinn, no dorsan, aca,

12 A ghlacadh creiche, agus a ghlacadh cobhartaich, a thionudadh do làimhe air na h-ionadan fàs a ta nis air an àiteachadh, agus air an t-sluagh a chruinnicheadh a mach as na cinnich, a fhuair seilbh a agus maoin, a ta còmhnuidh ann am meadhon na tìre.

13 Their Seba, agus Dedan, agus ceannuichean Tharsuis, agus a chuid bailtean, riut, Am bheil thu air teachd a ghlacadh cobhartaich? an do chruinnich thu do chuideachd a ghlacadh creiche? a thoirt leat òir agus aigrid; a thoirt air falbh spréidhe agus maoin; a ghlacadh creiche mòire?

14 Uime sin, a mhic an duine, dean fàisneachd, agus abair ri Gog, Mar so deir an Tighearn Iehobhah, Anns an là 'san gabh mo shluagh-sa Israel còmhnuidh gu tèaruinte, nach bi fios agad?

15 Agus thig thu as d' àite, mach as na h-airdibh tuath, thu féin agus mòran sluagh maille riut, iad uile a' marcachd air eachaibh, buidheann mhòr, agns feachd cumhachdach.

16 Agus thig thu nìos an aghaidh

mo shluaigh-sa Israeil, mar neul a dh' fholach an fearainn, tarlaidh e 'sna laithibh deireannach, agus bheir mise thu 'n aghaidh m' fhearainn, a chum gu 'n aithnich na ciunnich mi, tra bhios mi air mo naomhachadh annad-sa, O Ghog, fa chomhair an sùl.

17 Mar so deir an Tighearn Dia, An tu-sa an ti mu'n do labhair mi o shean le m' sheirbhishich, fàidhean Israeil, a rinn fàisneachd anns na laithibh sin, rè bhliadhnaichean, gu 'n d'thugains' thu nan aghaidh?

18 Agus tarlaidh anns an àm cheudna, 'nuair a thig Gog an aghaidh fearainn Israeil, deir an Tighearn Dia, gu 'n d'thig mo chorruich-sa nìos ann am eudann.

19 Oir ann am eud, ann an teine mo chorruiche, labhair mi : gu cinn-teach anns an là sin bidh crith mhòr air fearann Israeil :

20 Air chor as gu 'n criothnuich ann am làthair-sa iasga na fairge, agus eunlaith an athair, agus beathaichean na machrach, agus na h-uile nithe snàgach, a shnàgas air uachdar na talmhainn, agus na h-uile dhaoine, a ta air aghaidh na talmhainn; agus tilgear na sléibhteann sìos, agus tuitidh na h-ionadan arda, agus tuitidh na h-uile balla gu talamh.

21 Agus gairmidh mise air son claidheimh na aghaidh air feadh m' uile shléibhteann, deir an Tighearn Iehobhah; bidh claidheamh gach aon duine an aghaidh a bhra-thàr.

22 Agus tagraidh mi na aghaidh le plàigh agus le fuil, agus frasaidd mi air féin, agus air a bhuidhnich-eann, agus air a' mhòr-shluagh a ta maille ris, frasan tuilteach, agus clacha-meallain mòra, teine agus pronnus.

23 Mar so ni mi mòr mi féin, agus naomhaichidh mi mi féin, agus aithnìchear mi ann an sùilibh mhòran chinneach, agus bidh fios aca gur mi an Tighearn.

### CAIB. XXXIX.

**U**IME sin, dean thu-sa, a mhic an duine, fàisneachd an aghaidh Ghog, agus abair, Mar so deir an Tighearn Dia, Feuch, tha mise ann ad aghaidh, O Ghog, ard phrionnsa Mheseich agus Thubail.

2 Agus pillidh mi air d' ais thu, agus cha'n fhàg mi ach an seis-eadh a cuid dhìot, agus bheir mi ort teachd a nìos o na h-airdibh tuath, agus bheir mi thu gu sléibhteann Israeil :

3 Agus buailidh mi do bhogha as

do làimh chli, agus bheir mi air do shaighdean tuiteam as do làimh dheis.

4 Tuitidh tu air sléibhtibh Israeil, thu féin agus do bhuidhnich-eann uile, agus an sluagh a ta maille riut : bheir mi thu do 'n eunlaith fhuiteachladh do gach seorsa, agus do bheathaichibh na talmhainn, a chum bhi air do shlugadh suas.

5 Tuitidh tu air a' mhachair sgaoilte; oir labhair mise, deir an Tighearn Iehobhah.

6 Agus cuiridh mi teine air Magog, agus am measg na muinntir a ta chòmhnuidh gu neo-umhaileach anns na h-eileanaibh; agus aithnìchidh iad gur mi an Tighearn.

7 Mar so ni mi m' ainm naomh aithnichte ann am meadhan mo phobuill Israeil, agus cha leig mi m' ainm naomh a thruailleadh ni 's mò; agus bidh fios aig na cinnich gur mi an Tighearn, aon naomh Israeil.

8 Feuch thàinig e gu crìch, agus rinneadh e, deir an Tighearn Iehobhah : is e so an là mu'n do labhair mise.

9 Agus thèid iadsan a ta chòmhnuidh ann am bailtibh Israeil a mach, agus cuiridh iad ri theine, agus loisgidh iad na h-airm, an targaid, agus fòsan sgiath, am bogha agus na saighdean, agus an gath, agus an t-sleagh, agus loisgidh iad le teine iad seachd bliadhna :

10 Air chor as nach d'thoir iad comnadh air bith as a' mhachair, ni mò dhèarras iad a' bheag do na coilltibh : oir loisgidh iad na h-airm anns an teine, agus creachaidh iad an dream le 'n do chreachadh iad, agus spùinnidh iad an dream le 'n do spùinneadh iad, deir an Tighearn Iehobhah.

11 Agus tarlaidh air an là sin gu'n d'thoir mise do Ghog an sin àite air son uaighean ann an Israel, gleann an luchd-siubhail air taobh an ear na fairge; agus bacadh e 'n luchd-siubhail; agus an sin adhlacaidh iad Gog, agus a shluagh uile; agus goiridh iad ris, Gleann sluagh Ghog.

12 Agus bidh tigh Israeil, 'gan adhlacadh, a chum am fearann a ghlanadh seachd mìosan.

13 Seadh bidh uile shluagh an fhearainn 'gan adhlacadh, agus bidh là mo ghàidh-sa iomraiteach nam measg, deir an Tighearn Iehobhah.

14 Agus cuiridh iad air leth daoine deanadach, a shiùlas feadh an fhearainn, a dh' adhlacadh leis an luchd-siubhail na muinntir a ta fathas air aghaidh na talmhainn, a chum a ghlanadh : an ceann sheachd mìosan bidh iad 'g an iarruidh.

15 Agus an luchd-siubhail a ta 'g

imeachd trid an fhearainn, tra chi aon neach cnàimh duine, an sin cuiridh e comhara suas làimh ris, gus an adhlaic an luchd-adhlacaidh e ann an Gleann Hamon-Gog.

16 Agus fòs bidh Hamonah mar ainm air a' bhaile: mar so glanaidh iad am fearann.

17 Agus thu-sa, a mhic an duine, mar so deir an Tighearn Iehobhah, Labhair ris gach eun iteagach, agus ri uile bheathaichibh na machrach, Cruinnichibh sibh féin, agus thigibh, cruinnichibh sibh féin o gach taobh, gu m' lobairt-sa ta mi deanamh air 'ur son, eadhon àr mòr air sléibhtibh Israeil, a chum gu 'n ith sibh feòil, agus gu 'n òl sibh fuil.

18 Ithidh sibh feoil nan cumhachdach, agus òlaidh sibh fuil phrionnsachan na talmhainn, fuil reitheachan, uan, agus ghabhar, agus tharbh; iad uile air am biathadh ann am Basan.

19 Agus ithidh sibh saill gus am bi sibh sàthach, agus òlaidh sibh fuil gus am bi sibh air mhisg, do m' lobairt-sa a mharbh mi air 'ur son.

20 Mar so ònar sibh air mo bhord-sa le h-eàchaibh, agus le carbadaibh, le daoine cumhachdach, agus leis na h-uile fhearaidh-cogaidh, deir an Tighearn Iehobhah.

21 Agus cuiridh mi mo ghlòir ann measg nan cinneach, agus chì na cinnich mo bhreitheanas a rinn mi, agus mo làmh a leag mi orra.

22 Mar sin aithnichidh tigh Israeil gur mise an Tighearn an Dia o 'n là sin, agus uaithe sin a mach.

23 Agus aithnichidh na cinnich gu 'n deachaidh tigh Israeil gu bruid air son an aingidheachd; a clionn gu 'n do pheacaich iad a' m' aghaidh-sa; uime sin dh'fholuich mi mo ghnùis uatha, agus thug mi iad do làimh an naimhdean; mar sin thuit iad uile leis a' chlàidheamh.

24 Do réir an neo-ghloine, agus do réir an cionta rinn mise riu, agus dh'fholuich mi mo ghnùis uatha.

25 Air an aobhar sin, mar so deir an Tighearn Iehobhah, A nis bheir mi air a h-ais bruid Iacoib, agus ni mi trèdair air uile thigh Israeil, agus bidh mi eudmhor air son m' ainme naomha:

26 An déigh dhloibh an uàire a ghiùlan, agus an uile chionta leis an do chiontaich iad a' m' aghaidh-sa, tra ghabhas iad còmhnuigh gu tèaruinte nan dùthaich féin, agus nach cuir aon neach eagal orra.

27 An trà bheir mise air an ais iad o na cinnich, agus a chruinnicheas mi iad o dhùchaibh an naimhdean, agus a naomhaichear mi annta ann an sealladh mhòran chinneach.

28 An sin aithnichidh iad gur

mise Iehobhah an Dia, a thug fainear iad a bhi air an toirt ann am bruid am measg nan cinneach: ach chruinnich mi iad chum an dùthcha féin, agus cha d' fhàg mi aon diubh ni's mò an sin.

29 Ni mò dh'fholaicheas mi tuille mo ghnùis uatha: oir dhòirt mi mach mo spiorad air tigh Israeil, deir an Tighearn Iehobhah.

## C A I B. XL.

**A**NNS a' chùigeamh bliadhna fichead d' ar bruid, ann an toiseach na bliadhna, air an deicheamh là do 'n mhios, (b' i sin an ceathramh bliadhna deug an déigh do 'n bhaile bhi air a bhualadh,) air a' cheart là sin bha làmh an Tighearna orm, agus thug e chum an àite sin mi.

2 An 'an taisbeanadh Dhé thug e mi gu tìr Israeil, agus chuir e mi air sliabh ro ard, làimh ris an robh amhuil cumadh cathrach thall fa chomhair.

3 Agus thug e 'n sin mi, agus feuch duine, agus a dhreach mar dhreach umha, le sreing lìn na làimh, agus le slait-thomhais; agus sheas e anns a' gheata.

4 Agus thuirt an duine rium, A mhic an duine, faic le d' shùilibh, agus cluinn le d' chluasaibh, agus socruidh do chridhe air na h-uile ni dh' fheuchas mise dhuit; oir is ann a chum gu feuchainn duit iad a thugadh an so thu, foillsich gach ni a chì thu do thigh Israeil.

5 Agus feuch, bha balla air taobh a mach an tighe mu 'n cuairt, agus ann an làimh an duine bha slat-thomhais se làmh-coille air fad, le leud boise risgach aon làmh-coille: mar sin thomhais e leud a' bhalla, aon slat; agus 'airde, aon slat.

6 An sin thàinig e gus a' gheata ta 'g amharc ris an aird' an ear, agus chaidh e suas air a cheumaibh, agus thomhais e stairsneach a' gheata, aon slat air leud, agus an t-ard-dhorus cuideachd a, aon slat air leud.

7 Agus bha gach seòmar beag aon slat air fad, agus aon slat air leud, agus eadar na seòmraichean beaga bha cùig làmh-coille, agus bha stairsneach a' gheata, aig sgà-thigh a' gheata 'n taobh a stigh, aon slat.

8 Thomhais e mar an ceudna sgà-thigh a' gheata 'n taobh a stigh, aon slat.

9 An sin thomhais e sgà-thigh a' gheata, ochd làmh-coille, agus a phuist, dà làmh-coille, agus bha sgà-thigh a' gheata 'n taobh a stigh.

10 Agus bha trì do sheòmraichibh beaga geata na h-aird' an ear, air an

<sup>a</sup> an stairsneach eile.

taobh so, agus tri air an taobh sin, bha iad nan tri do aon tomhas, agus bha na puist do aon tomhas, air an taobh so agus air an taobh sin.

11 Agus thomhais e leud dol a steach a' gheata, deich làmhha-coille, agus fad a' gheata tri làmhha-coille deug,

12 B' e an dealuchadh fòs fa chomhair nan seòmraichean beaga aon làmh-choille air an taobh so, agus aon làmh-choille an dealuchadh air an taobh sin; agus bha na seòmraichean beaga sè làmhha-coille air an taobh so, agus sè làmhha-coille air an taobh sin.

13 Thomhais e 'n sin an geata o mhullach aon seòmair bhig gu muilach aon eile: b' e an leud cùig làmhha-coille fichead, dorus fa chomhair dorus.

14 Thomhais e mar an ceudna puist tri fichead làmh-choille, eadhon gu bhi nam puist do'n gheata, air gach taobh do'n chùirt.

15 Agus o aghaidh geata 'n dol a steach, gu aghaidh sgà-thighe a' gheata-stigh, bha deich agus dà fhichead làmh-choille.

16 Agus bha uinneagan cughann ris na seòmraichean beaga, agus ri 'n aghaidh an taobh a stigh do 'n gheata mu 'n cuairt, agus mar an ceudna ris na sgà-thighibh: agus bha uinneagan mu 'n cuairt air an taobh a stigh: agus air gach post bha crainn phailme.

17 An sin thug e mi do 'n chùirt a stigh, agus feuch, seòmraichean agus urlar deanta air son na cùirte timchioll air gach taobh: bha deich seòmraichean fichead anns an urlar.

18 Agus an t-urlar ri taobh nan geatachan, thall fa chomhair leud nan geatachan, b' e sin an t-urlar a b' isle.

19 An sin thomhais e 'n leud o aghaidh a' gheata a b' isle, gu aghaidh a mach na cùirte a b' fhaide steach, ceud làmh-choille ris an aird' an ear.

20 An sin thug e mi gus an taobh mu thuath, agus thomhais e fad geata na cùirte mach a ta 'g amharc ris an airde tuath, agus a leud.

21 Agus b' iad a sheòmraichean beaga, tri air an taobh so, agus tri air an taobh sin; agus bha a phuist agus a sgà-thighean do réir tomhais a' cheud gheata; b' e deich is dà fhichead làmh-choille 'fhad; agus cùig làmhha-coille thar fhichead 'airde.

22 Agus bha an uinneagan, agus an sgà-thighean, agus an crainn-phailme do réir tomhais a' gheata ta 'g amharc ris an airde 'n ear; agus chaidh iad suas chuige le seachd

ceumaibh, agus bha a sgà-thighean fa 'n comhair.

23 Agus bha geata na cùirte stigh fa chomhair a' gheata ta 'g amharc ris an airde tuath, mar e sin ris an airde 'n ear, agus thomhais e o gheata gu geata ceud làmh-choille.

24 An déigh sin thug e mi air slighe na h-airde deas, agus feuch, geata ris an airde deas, agus thomhais e a phuist, agus a sgà-thighean, do réir nan tomhas ceudna.

25 Agus bha uinneagan ann, agus na sgà-thighibh mu 'n cuairt air gach taobh, cosmhuil ris na h-uinneagaibh sin; b' e 'fhad deich agus dà fhichead làmh-choille, agus a leud cùig làmhha-coille thar fhichead.

26 Agus bha seachd ceuma gu dol suas chuige, agus bha a sgà-thighean fa chomhair; agus bha crainn phailme air, aon air an taobh so, agus aon eile air an taobh sin, air a phostaibh.

27 Agus bha geata sa' chùirt a stigh ri deas, agus thomhais e o gheata gu geata ri deas, ceud làmh-choille.

28 Agus thug e mi do 'n chùirt a stigh trid a' gheata mu dheas, agus thomhais e 'n geata mu dheas do réir nan tomhas ceudna.

29 Agus a sheòmraichean beaga, agus a phuist, agus a sgà-thighean, do réir nan tomhas ceudna, agus bha uinneagan ann, agus 'na sgà-thighibh air gach taobh mu 'n cuairt: b' e deich agus dà fhichead làmh-choille 'fhad, agus cùig làmhha-coille thar fhichead a leud.

30 Agus bha na sgà-thighean air gach taobh mu 'n cuairt, cùig làmhha-coille thar fhichead air fad, agus cùig làmhha-coille air leud.

31 Agus bha a sgà-thighean ris a' chùirt a mach, agus crainn-phailme air a phostaibh: agus bha ochd ceuma na dh'ol suas.

32 Agus thug e mi gus a' chùirt a stigh leth ris an airde 'n ear, agus thomhais e 'n geata do réir an tomhais so.

33 Agus bha a sheòmraichean beaga, agus a phuist, agus a sgà-thighean do réir nan tomhas so, agus bha uinneagan ann, agus na sgà-thighibh air gach taobh mu 'n cuairt; deich agus dà fhichead làmh-choille 'fhad, agus cùig làmhha-coille thar fhichead a leud.

34 Agus bha a sgà-thighean ris a' chùirt a mach, agus crainn-phailme air a phostaibh air an taobh so, agus air an taobh sin; agus bha ochd ceuma na dh'ol suas.

35 Agus thug e mi gus a' gheata tuath, agus thomhais e do réir nan tomhas so:

36 A sheòmraichean beaga, a



phuist, agus a sgà-thighean, agus uinneagan air gach taobh mu 'n cuairt: deich agus dà fhichead làmh-choille 'fhad, agus cùig làmh-choille thiar fhichead a leud.

37 Agus bha a phuist ris a' chùirt a mach, agus crainn-phailme air a phostaibh air an taobh so, agus air an taobh sin, agus na dhol suas bha ochd ceuma.

38 Agus bha na sèdmraichean agus an dol a steach làmh ri postaibh nan geatacha, far an do nigh iad na tabhartais loisgte.

39 Agus ann an sgà-thigh a' gheata bha dà chlàr air an taobh so, agus dà chlàr air an taobh sin, a chum an ìobairt loisgte, agus an ìobairt pheacaidh, agus an ìobairt easaontais a mharbhadh orra.

40 Agus air an taobh a mach, mar théid aon suas gu fosgladh a' gheata thuath, bha dà chlàr; agus air an taobh eile, aig sgà-thigh a' gheata bha dà chlàr.

41 Bha ceithir clàir air an taobh so, agus ceithir clàir air an taobh sin, ri taobh a' gheata; ochd clàir, air an do mharbh iad an ìobairtean.

42 Agus bha na ceithir clàir do chloich shnaighte air son na h-ìobairt-loisgte, làmh-choille gu leth air fad, agus làmh-choille gu leth air leud, agus aon làmh-choille air airde; air an do leag iad mar an ceudna an acfuinn leis an do mharbh iad an tabhartas loisgte agus an ìobairt.

43 Agus bha dubhain<sup>a</sup> iaruin do leud boise 'n taobh a stigh, air an daingneachadh mu 'n cuairt air gach taobh; agus air na clàraibh bha feoil na h-ìobairte.

44 Agus thug e mi chum a' gheata stigh; agus feuch, an sin bha dà sèdmair anns a' chùirt a stigh; aon air taobh tuath a' gheata, ag amharc ris an airde deas, agus an t-aon eile air taobh deas a' gheata, ag amharc ris an airde tuath.

45 Agus thuirt e rium, Tha an sèdmair so ta'g amharc ri deas, air son nan sagart, a tha frithealadh air coimhead an tighe.

46 Agus tha an sèdmair a ta'g amharc ri tuath air son nan sagart a tha frithealadh air coimhead na h-altarach: is iad so mic Shadoic am measg mhac Lebhi, a ta teachd dlù do 'n Tighearn chum frithealadh dha.

47 Mar sin thomhais e a' chùirt, ceud làmh-choille air fad, agus ceud làmh-choille air leud, ceithir chearnach, agus an altair ri aghaidh an teampuill.

48 Agus thug e mi gu sgà-thigh an

<sup>a</sup> cromagan.

teampuill, agus thomhais e gach post do 'n sgà-thigh, cùig làmh-choille air an taobh so, agus cùig làmh-choille air an taobh sin, agus b' e leud a' geata trì làmh-choille air an taobh so, agus trì làmh-choille air an taobh sin.

49 B' e fad an sgà-thighe fichead làmh-choille, agus a leud aon làmh-choille deug, agus anns an dol suas chuige bha deich ceuma: agus bha prùip aig na postaibh, aon air an taobh so, agus aon air an taobh sin.

## CAIB. XLI.

'NA dhéigh sin thug e mi do 'n teampull, agus thomhais e na puist, sè làmh-choille air leud, air an aon taobh, agus sè làmh-choille air leud, air an taobh eile, b' e so leud gach puist.

2 Agus b' e leud an doruis deich làmh-choille, agus bha ursannan an doruis cùig làmh-choille air an aon taobh, agus cùig làmh-choille air an taobh eile: agus thomhais e 'fhad, dà fhichead làmh-choille, agus a leud fichead làmh-choille.

3 An sin chaidh e gus an taobh a stigh, agus thomhais e post an doruis dà làmh-choille, agus an doruis féin sè làmh-choille air leud, agus air gach taobh do 'n doruis seachd làmh-choille.

4 Mar sin thomhais e 'fhad fichead làmh-choille, agus an leud fichead làmh-choille, fa chomhair aghaidh an teampuill; agus thuirt e rium, Is e so an t-ionad ro naomh.

5 'Na dhéigh sin thomhais e balla 'n teampuill sè làmh-choille; agus leud gach sèdmair thaoibh ceithir làmh-choille timchioll an teampuill air gach taobh.

6 Agus bha na sèdmraichean taoibh aon an déigh aon, trì deug thar fhichead an àireamh, agus bhuineadh iad do 'n bhalla sin a bha mu 'n cuairt air an teampull air cùl nan sèdmraichean taoibh, bha greim aca dheth, ach cha robh greim ac' ann am balla 'n teampuill.

7 Agus bha farsuingeachd agus sìor dhol mu 'n cuairt an aird chum nan sèdmraichean taoibh, oir chaidh cuartachadh an tighe do ghnà suas mu timchioll an tighe: agus mar sin bha leud an tighe shuas, agus air an dèigh sin bha e dol am meud o 'n t-sèdmair ìochdrach gus an aon a b' airde aig a' mheadhon.

8 Chunnaic mi fòs mu 'n cuairt air an tigh, o ìochdar stéidh nan sèdmraichean-taoibh gu 'm b' e airde gach aon diubh slat iomlan shè làmh-choille mòra.

9 B' e leud a' bhalla, a bha eadar na sèdmair-thaoibh a mach cùig làmh-choille; b' e sin fhad as a bha eadar

na seòmraichean taoibh, a bha ri taobh an tighe.

10 Agus eadar na seòmraichean eile bha fichead làmh-choille air gach taobh, mu 'n cuairt do 'n tigh.

11 Agus bha dorsa nan seòmraichean taoibh ris an ionad a dh' fhàgadh, aon dorus ris an airde tuath, agus dorus eile ris an airde deas, agus b' e leud an ionaid a dh' fhàgadh cùig làmh-choille air gach taobh mu 'n cuairt.

12 A nis bha an aitreabh, a bha fa chomhair an àite air leth, ris an airde 'n iar, deich agus tri fichead làmh-choille air leud, agus bha balla na h-aitreabh cùig làmh-choille air tiuglad gach taobh mu 'n cuairt; agus b' e 'fhad deich agus ceithir fichead làmh-choille.

13 Mar sin thomhais e an tigh ceud làmh-choille air fad, agus an t-àit' air leth, agus an aitreabh le a ball-achaibh, ceud làmh-choille air fad.

14 Mar an ceudna leud aghaidh an tighe, agus an ionaid air leth ris an airde 'n ear, ceud làmh-choille.

15 Agus thomhais e fad na h-aitreabh fa chomhair an àit' air leth, agus a bha air a chùlaobh, agus a sheòmraichean air an taobh so agus air an taobh eile, ceud làmh-choille, maille ris an teampull a stigh, agus sgà-thighibh na cùirte.

16 Bha puist an doruis agus na h-uinneagan cughann, agus na seòmraichean mu 'n cuairt air an tri urlair, thall fa chomhair an doruis, foluichte le fiodh timchioll mu 'n cuairt, agus o 'n làr suas gu ruig na h-uinneagan; agus bha na li-uinneagan an air an còmhla-dachadh.

17 Ach os cionn an doruis, agus anns an teampull a mach, gu e sin a b' fhaide steach, agus air a' bhalla uile mu 'n cuairt do 'n teampull a stigh agus a muigh,

18 Bha cherubim air an deanamh, agus crainn-phailme, air chor as gu 'n robh crann-pailme eadar cherub agus cherub, agus aig gach cherub bha dà aghaidh :

19 Air chor as gu 'n robh aghaidh duine ris a' chrann-phailme air an aon taobh, agus aghaidh leòmhainn òig ris a' chrann-phailme air an taobh eile : bha so deanta feadh an tighe uile mu 'n cuairt.

20 O 'n làr gus os cionn an doruis bha cherubim air an deanamh, agus crainn-phailme, agus air balla an teampull.

21 Bha puist an teampull ceithir-chearnach, agus aghaidh an ionaid naomha air a' chumachd cheudna.

22 Bha an altair do fhiodh tri làmh-choille air airde, agus dà làmh-choille air fad ; air a deanamh cearnach le oisibh agus clàraibh fiodha :

agus thuirt e rium, So am bord a ta fa chomhair an Tighearna.

23 Agus bha dà dhorus aig an teampull, agus aig an ionad naomh.

24 Agus bha dà dhuilleig aig gach dorus, dà dhuilleig a' tionndadh ; dà dhuilleig air son an aon doruis, agus dà dhuilleig air son an doruis eile.

25 Agus bha chernbim agus crainn-phailme deanta orra, air dorsaibh an teampull, mar a bha deanta air na ballachan, agus bha déileachan tiugha air aghaidh an sgà-thighe a mach.

26 Agus bha uinneagan cughann agus crainn-phailme air an aon taobh agus air an taobh eile, air taobhan an sgà-thighe, agus air seòmraichean-taoibh an tighe, agus air na déileachan tiugha.

## CAIB. XLII.

**A**N sin thug e mach mi gus a' chùirt a mach, air slighe na h-airde tuath, agus thug e mi do 'n t-seòmar a bha os cionn an ionaid air leth, agus a bha fa chomhair na h-aitreabh ris an airde tuath.

2 Fa chomhair fad cheud làmh-choille bha an dorus tuath ; agus b' e an leud leth-cheud làmh-choille.

3 Fa chomhair dhorsan na cùirt a steach, agus fa chomhair an urlair a bha air son na cùirt a mach, bha seòmar air aghaidh seòmair air tri urlair.

4 Agus fa chomhair nan seòmraichean bha àite spaisdearachd deich làmh-choille air leud a stigh, agus ceud làmh-choille air fad ; agus bha na dorsa ri tuath.

5 Agus bha na seòmraichean uachdrach cughann : oir aca so chrìochnuich na seòmraiche beaga, a dh' éirich gus a' cheud agus an dara urlair do 'n aitreabh.

6 Oir bha iad nan tri urlair, ach chla robh prùip aca mar phrùip nan cùirtean : uime sin bha an tigh ni bu chuinge na chuid a b' lochdraiche agus bu mheadhonaiche o 'n làr.

7 Agus bha am balla bha mach fa chomhair nan seòmraichean leth ris a' chùirt a b' fhaide mach air beul-aobh nan seòmraichean leth-cheud làmh-choille air fad.

8 Oir b' e fad nan seòmraichean a bha sa' chùirt a mach leth-cheud làmh-choille : agus feuch, fa chomhair an teampull bha ceud làmh-choille.

9 Agus fo na seòmraichean sobha 'n dol a steach air an taobh an ear, mar théid aon a steach anna o 'n chùirt a muigh.

10 Bha na seòmraichean ann an tiughad balla na cùirte ris an airde 'n ear, thall fa chomhair an ionaid

air leth, agus thall fa chomhair an tighe.

11 Agus bha an t-àite spaisdear-achd aig an aghaidh cosmhuil ris sin a bha aig seòmraichean na li-airde tuath; ionann ann am fad, agus ionann ann an leud; agus bha an uile dhol a mach araon air an aon dreach, agus fòs an dorsan.

12 Agus do réir dorsa nan seòmraichean a bha ris an airde deas, bha dorsan ann an ceann na slighe, na slighe dìreach fa chomhair a' bhalla, ris an aird' an ear, mar a théid aon a steach orra.

13 An sin thuirt e rium, Na seòmraichean mu thuath, agus na seòmraichean mu dheas, a ta fa chomhair an ionaid air leth, is seòmraichean naomh iad, far an ith na sagairt a thig dhù do 'n Tighearn na nithe 's ro naomha: an sin cuiridh iad na nithe 's ro naomha, agus an tabhartas-bidh, agus an tabhartas-peacaidh, agus an tabhartas-easaontais; oir tha an t-ionad naomh.

14 'Nuair a théid na sagairt a steach ann, an sin chad' théid iad a mach as an ionad naomh gus a' chùirt a mach, ach an sin cuiridh iad an eudaichean, far am bheil iad a frithealadh; oir tha iad naomh: agus cuiridh iad orra eudaichean eile, agus thig iad dhù do na nithe sin a ta air son a' phobuill.

15 A nis 'nuair a chuir e crìoch air tomhas an tighe stigh, thug e mach mi chum a' gheata, ta 'g amharc ris an airde 'n ear, agus thomhais e mu 'n cuairt e.

16 Thomhais e 'n taobh an ear leis an t-slaith-thomhais, cùig agus ceud slat, leis an t-slaith-thomhais timchioll mu 'n cuairt.

17 Thomhais e 'n taobh mu thuath, cùig agus ceud slat leis an t-slaith-thomhais timchioll mu 'n cuairt.

18 Thomhais e 'n taobh deas, cùig agus ceud slat, leis an t-slaith-thomhais.

19 Thionndaidh e mu 'n cuairt gus an taobh an iar, agus thomhais e cùig agus ceud slat leis an t-slaith-thomhais.

20 Thomhais e air na ceithir taobhan e: bha balla aige mu 'n cuairt, cùig agus ceud slat air fad, agus cùig agus ceud air leud, a dheanamh dealachaidh eadar an t-ionad naomh agus an t-àite mi-naomh.

## CAIB. XLIII.

**N**A dhéigh sin thug e mi chum a' gheata, an geata ta 'g amharc ris an airde 'n ear.

2 Agus feuch, thàinig glòir Dhé Israeil o shlighe na h-airde 'n ear:

agus bha a ghuth mar thoirm-mhòr an uisgeachan, agus dhealruich an talamh le 'ghlòir.

3 Agus bha an sealladh so a chunnaic mi cosmhuil ris an t-sealladh sin a chunnaic mi, tra thàinig mi chum am baile a' gheata: agus bha a' choslas mar an coslas a chunnaic mi aig sruth Chebair: agus thuit mi air m' aghaidh.

4 Agus thàinig glòir an Tighearna chum an teampuill, airslighe a' gheata ta 'g amharc ris an airde 'n ear.

5 An sin thog an spiorad suas mi, agus thug e mi gus a' chùirt a stigh, agus feuch, lion glòir an Tighearna an teampuill.

6 Agus chuala mi e labhairt rium a mach as an teampuill, agus sheas an duine làmh rium.

7 Agus thuirt e rium, A mhic an duine, tha thu faicinn àite mo righ-chaitheach, agus ionad bhonn mo chos, far an gabh mi còmhnuidh ann am meadhon cloinne Israeil gus sìorruidh, agus m' ainm naomh-sa cha truailh tigh Israeil ni 's mò, iad féin no 'n righrean, le 'n strìopachas, no le conablaich an righrean nan ionadaibh arda.

8 Le suidheachadh an stairsneich, aig mo stairsneich-sa, agus am puist aig mo phostaibh-sa, agus am balla eadar mis' agus iadsan, rinn iad cadhion m' ainm naomh a thruaill-eadh le 'n gràinealachdaibh a chuir iad an gnìomh: uime sin chaith mis iad ann am chorruidh.

9 A nis cuireadh iad air falbh an strìopachas, agus cairbhinnean an righrean fada uam, agus gabhaidh mi còmhnuidh nam meadhon gu sìorruidh.

10 A mhic an duine, feuch an teampull so do thigh Israeil, a chum gu 'n gabh iad nàire do 'n eaceartaibh: agus tomhaiseadh iad an sàmhla.

11 Agus ma bhios nàir orra do gach ni a rinn iad, feuch dhoibh dreach an tighe, agus a chumachd, agus a dhol a mach, agus a theachd a stigh, agus 'uile choslas, agus 'uile orduighean, agus 'uile dheilbh, agus 'uile reachdan: agus sgrìobh e nan sealladh, a chum gu 'n coimhid iad 'uile dhreach, agus 'uile orduighean, agus gu 'n dean siad iad.

12 Is e so reachd an tighe; Air mullach an t-sléibhe bidh a chrìoch uile mu 'n cuairt ro naomh: feuch is e so reachd an tighe.

13 Agus is iad so toimhsean na h-altarach ann an làmh-choille, le leud boise ris gach aon làmh-choille; bidh cadhion làmh-choille na bonn, agus làmh-choille na leud, agus réis na h-ìomall air an oir mu 'n cuairt,

agus bidh so na chuartachadh do 'n altair.

14 Agus o 'n bhonn air an làr gu ruig an suidheachadh ìochdrach bidh dà làmh-choille, agus aon làmh-choille an leud; agus o 'n t-suidheachadh a's lughagus an suidheachadh a's m'ò bidh ceithir làmh-choille, agus an leud aon làmh-choille.

15 Mar sin bidh an altair ceithir làmh-choille, agus o 'n altairan aird bidh ceithir adharca.

16 Agus bidh an altair dà bhann-làmh dheug air fad, a dhà-dheug air leud, ceithir-chearnach, na ceithir chearnaibh.

17 Agus bidh am bonn ceithir làmh-choille deug air fad, agus ceithir-deug air leud, na ceithir chearnaibh, agus bidh an oir mu 'n cuairt oirre leth làmh-choille, agus bidh a bonn làmh-choille mu 'n cuairt, agus amhaircidh a ceuma ris an airde 'n ear.

18 Agus thuirt e rium, A mhic an duine, mar so deir an Tighearn Dia, Is iad so orduighean na h-altarach anns an là 'san dean iad i, chum tabhartasa-loisgte ìobradh oirre, agus a chum fuil a chrathadh oirre.

19 Agus bheir thu do na sagartaibh na Lebhithich, a ta do shliochid Shadoic, a thig dlù dhomh-sa, chum frithealadh dhomh, deir an Tighearn Dia, tarbh òg mar thabhartas pearaidh.

20 Agus gabhaidh tu d' a fhuil, agus cuiridh tu i air a ceithir adharcaibh, agus air ceithir chearnaibh a buinn, agus air an oir mu 'n cuairt: mar so glanaidh agus nighidh tu i.

21 Gabhaidh tu fòs tarbh na h-ìobairt-pheacaidh, agus loisgidh esan e ann an ionad orduichte 'n tighe, an taobh a mach do 'n naomh-ionad.

22 Agus air an dara là ìobraidh tu meann do na gabhraibh gun ghaoid, air son tabhartais-pheacaidh, agus glanaidh iad an altair, mar a ghlan iad i leis an tarbh.

23 'Nuair a sguireas tu d' a glanadh, ìobraidh tu tarbh òg gun ghaoid, agus reithe as an treud gun ghaoid.

24 Agus ìobraidh tu iad ann an làthair an Tighearna; agus tilgidh na sagairt salann orra, agus ìobraidh iad suas iad mar ìobairt loisgte do 'n Tighearn.

25 Seachd laithean deasaichidh tu, gach aon là, gabhair air son ìobairt-pheacaidh: deasaichidh iad fòs tarbh òg, agus reithe as an treud gun ghaoid.

26 Seachd laithean glanaidh iad

an altair, agus nighidh iad i, agus naomhaichidh siad iad féin.

27 Agus an uair a bhios na laithean so air an crìochnachadh, tarlaidh air an ochdamh là, agus mar sin sìos, gu 'n dean na sagairt 'ur n-ìobairtean-loisgt' air an altair, agus 'urn-ìobairtean-sith, agus gabhaidh mise riu, deir an Tighearn Iehobhah.

CALB. XLIV.

**A**N sin thug e mi air m'ais air slighe geataidh an ionaid naomha a muigh, a ta 'g amharc ris an aird an ear, agus bha e druidte.

2 An sin thuirt an Tighearn rium, Bidh an geata so druidte, cha 'n fhosglar e, agus cha d'fhéid neach air bith a stigh air, a chionn gu 'n deachaidh an Tighearn Dia Israeil a steach air.

3 Uime sin bidh e druidte air a' phrionnsa; am prionnsa féin suidhidh ann a dh'itheadh arain an làthair an Tighearna; théid e steach air slighe cùirt a' gheataidh, agus thig e mach air an t-slighe cheudna.

4 An sin thug e mi air slighe a' gheataidh thuath, fa chomhair an teampuill, agus dh'amhairc mi, agus feuch, hion glòir an Tighearna teampull an Tighearna; agus thuit mise air m'aghaidh.

5 Agus thuirt an Tighearn rium, A mhic an duine, thoir geur-aire, agus feuch le d' shùilb, agus cluinn le d' chluasaibh, gach nì their mise riut mu thimchioll uile orduighean tighe an Tighearna, agus 'uile reachdan, agus thoir aire mhaith do dhòl a steach an tighe, le uile dhòl a mach an ionaid naomha.

6 Agus their thu ris an tigh cheannairceach, ri tigh Israeil, Mar so deir an Tighearn Dia, O thigh Israeil, gu ma leòr leibh do 'r n-uile ghràinealachdaibh.

7 Gu 'n d' thug sibh coigrich neo-thimchioll-ghearrta nan cridhe, agus neo-thimchioll-ghearrta nam feoil, gu bhi aon am naomh ionad-sa, a thruailleadh mo thighe, am feadh a ta sibh a' tiolacadh dhomh-sa an arain, na saill, agus na fala; agus bhris sibh mo choimhcheangal le 'r n-uile ghràinealachdaibh.

8 Agus cha do ghléidh sibh cùram mo nithe naomha; ach chuir sibh luchd-coimhid mo chùraim ann am ionad naomh air 'ur son féin.

9 Mar so deir an Tighearn Dia, Cha d'fhéid aon choigreach neo-thimchioll-ghearrta na chridhe, no neo-thimchioll-ghearrta na fheoil, a steach do m'ionad naomh-sa, do choigréach air bith a ta measg cloinne Israeil.

10 Agus na Lebhithich, a dh' imich am fad uam-sa, 'nuair a chaidh Israel air seachran, a dh' fhalbh air seachran



uam-sa an déigh an lódhola, giùlainidh eadhon iadsan an aingidheachd.

11 Gidheadh bidh iad nan luchd-frithéalaidh ann am ionad naomh; air am bi cùram gheatachian an teampull, agus a bhios a' frithéaladh do'n teampull: marbhaidh iad an tabhartas loisgte agus an iobairt air son an t-sluaigh, agus seasaidh iad nan làthair gu frithéaladh dhoibh:

12 A chionn gu 'n d' rinn iad frithéaladh dhoibh ann an làthair an lódhola, agus gu 'n d' thug iad air tigh Israeil tuiteam gu aingidheachd; uime sin thog mise suas mo làmh nan aghaidh, deir an Tighearn Iehobhah, agus giùlainidh iad an aingidheachd.

13 Agus cha d'thig iad am fagus còmh-sa, a dheanamh dleasnais sagairt domh, no theachd dlù do bheag air bith do m' nithibh naomh, 'san ionad a's ro naomha: ach giùlainidh iad an nàire, agus an gràinealachdan a chuir iad an gnìomh.

14 Ach ni mi iad nan luchd-còimhid cùram an tìghe, air son uile sheirbhìs, agus air son gach uile ni bhios ri dheanamh ann.

15 Ach na sagairt na Lebhithich, mic Shadoic, a choimhid cùram m' ionaid naomha, 'nuair a chaidh clann Israeil air seachran uam, thig iadsan dlù dhomh, chum frithéaladh dhomh, agus seasaidh iad ann am fhianuis a dh' iobradh dhomh na saill agus na fala, deir an Tighearn Iehobhah.

16 Théid iad a steach do m' ionad naomh, agus thig iad dlù do m' bhord, a chum frithéaladh dhomh, agus còimhididh iad mo chùram.

17 Agus tarlaidh, nuair a théid iad a steach air geatacha na cùirt a stigh, gu 'm bi iad air an éideadh le eudach lìn, agus cha d'thig olainn air bith orra, am feadh a ta iad a' frithéaladh ann an geatachaibh na cùirt a steach, agus an taobh a stigh.

18 Bidh curaichdean lìn air an ceannaibh, agus bidh triughais lìn air an leasraibh: cha chrìoslaich siad iad féin le aon ni a thogas fallus.

19 Agus 'nuair a théid iad a mach do 'n chùirt a muigh, a chum an t-sluaigh, cuiridh iad dhuibh an eudaichean anns an d' rinn iad frithéaladh, agus cuiridh iad anns na seòmraichibh naomh iad, agus cuiridh iad orra eudaichean eile, agus cha naomhaich iad am pobull nan eudaichibh.

20 Ni mò a lomas iad an cinn, no dh' fhuilingeas iad do 'n ciabhan fàs fada, cha dean iad ach a mhàin an cinn a bharradh.

21 Ni mò dh' òlas sagart air bith

fion, tra théid iad a steach do'n chùirt a stigh.

22 Ni mò ghabhas iad dhoibh féin mar mhnaoi banntrach, no bean a chuireadh air falbh: ach gabhaidh iad maighdeanan do shliochd tìghe Israeil, no banntrach aig an robh sagart roimhe.

23 Agus teagaisgidh iad do m' shluagh-sa an dealachadh eadar naomh agus mi-naomh, agus bheir iad orra dealachadh a chur eadar an glan agus an neo-ghlan.

24 Agus ann an coi-stri seasaidh iad ann am breitheanas, bheir iad breith air do réir mo reachdan-sa; agus coimhididh iad mo lagh agus mo reachdan, ann am uile choimhthionalaibh, agus naomhaichidh iad mo shàbaidean.

25 Agus cha d'thig iad dlù do dluine marbh gu iad féin a thruaill-eadh: ach air son màthar, no air son mic, no air son nighinn, air son bràthar, no air son peathar aig nach robh fear, feudaidh iad iad féin a thruaill-eadh.

26 Agus an déigh dha bhi air a ghlanadh, àireamhaidh iad dha seachd laithean.

27 Agus air an là 'san d'théid e steach do 'n ionad naomh, do 'n chùirt a stigh gu frithéaladh anns an ionad naomh, bheir e seachd tabhartas peacaidh, deir an Tighearn Dia.

28 Agus cha bhi oighreachd air bith aca; is mise an oighreachd-san: agus cha d'thoir sibh dhoibh sealbh air bith ann an Israel; is mise an sealbh.

29 Ithidh iad an tabhartas-bidh, agus an tabhartas-peacaidh, agus an tabhartas-easaontais; agus aca-san bidh gach uile ni coisrigte ann an Israel.

30 Agus bidh toiseach ceud thoraidh nan uile nithe, agus gach uile thabhartas do gach seòrsa do 'r tabhartais aig na sagairt; bheir sibh mar an ceudna do 'n t-sagart toiseach 'ur taoise, chum gu 'n d'thoir e air a bheannachadh còmhnuidh a ghabhail ann ad thigh.

31 Cha 'n ith an sagart do ni air bith a dh' eugas leis féin, no bhios reubta, ma 's eun no ainmhidh e.

CAIB. XLV.

**M**AR an ceudna 'nuair a roinneas sibh le crannchur am fearann mar oighreachd, bheir sibh tabhartas do'n Tighearn, earraan naomh do 'n fhearann: is e 'fhad cùig mìle fichead làmh-choille, agus a leud deich mìle: bidh so naomh na uile chrìochaibh mu 'n cuairt.

2 Dheth so bidh air son an ionaid naomha cùig ceud air fad, le cùig ceud air leud, ceithir chearnach

mu 'n cuairt; agus leth-cheud làmh-choille mu 'n cuairt, air son a dhlù-bhailtean.

3 An déigh an tomhais so toimhsidh tu ann am fad cùig mìle fichead, agus ann an leud deich mìle, agus an sin bidh an t-ionad naomh, an t-àite ro naomh.

4 Bidh a' chuid so do'n fhearann naomh do na sagairt, luchd-frithealaidh an ionaid naomha, a thigh dlù chum frithealadh do 'n Tighearn, agus bidh e na ionad air son an tigh-ean, agus 'na àite naomh air son an naomh-ionaid.

5 Agus fòs cùig mìle fichead air fad, agus deich mìle air leud bidh aig na Lebhithe, luchd-frithealaidh an tigh-e, air an son féin, mar sheilbh air son fichead seòmar.

6 Agus orduichidh sibh marsheilbh na cathrach cùig mìle làmh-choille air leud, agus cùig mìle fichead air fad, thall fa chomhair àite an ionaid naomha: bidh e aig uile thigh Israeil.

7 Agus bidh aig an uachdaran air an aon taobh, agus air an taobh eile do chuibhrionn an ionaid naomha, agus do sheilbh na cathrach, fa chomhair cuibhrionn an ionaid naomha, agus fa chomhair seilbh na cathrach, o 'n taobh an iar, ris an iar; agus o 'n taobh an ear, ris an ear; agus bidh am fad thall fa chomhair aon do na h-earrannaibh, o 'n iomall shiar gus an iomall shoir.

8 Anns an fhearann bidh a shealbh ann an Israel, agus cha sàruich m' uachdarain-sa ni 's mò mo shluagh; agus am fearann bheir iad do thigh Israeil do réir am fineachan.

9 Mar so deir an Tighearn Dia, Gu mar leòr leibh, O uachdarana Israeil: cuiribh uaibh ainneart agus creach, agus deanaibh breitheanas agus ceartas, togaibh leibh 'ur n-ain-tighearnas o m' shluagh-sa, deir an Tighearn Iehobhah.

10 Bidh agaibh meighean cothromach, agus ephah chothromach, agus bat cothromach.

11 Bidh an ephah agus am bat do aon tomhas, air chor as gu 'n cum am bat an deicheamh cuid do homer, agus an ephah an deicheamh cuid do homer: bidh a thomhas do réir an homer:

12 Agus bidh ann an secel fichead gerah: fichead secel, cùig secel thar fhichead, cùig secel deug, bidh sin na mhaneh agaibh.

13 So an tabhartas a bheir sibh uaibh; an sèathamh cuid do ephah a homer cruineachd, agus bheir sibh an sèathamh cuid do ephah a homer eorna.

14 Do thaobh reachd na h-oladh

am bat oladh, bheir sibh uaibh an deicheamh cuid do bhat as a chòr, is e sin homer dheich bhat; oir is deich bait a ta ann an homer:

15 Agus aon uan as an treud, a dà cheud, a h-ionaltradh reanhar Israeil, air son tabhartais-bhìdh, agus air son ìobairt-loisgte, agus air son thabhartas-sith, chum réite dheanamh air an son, deir an Tighearn Dia.

16 Bheir uile shluagh an fhearainn an tabhartas so air son an uachdaran ann an Israel.

17 Agus buinidh e do 'n phrionnsa tabhartasa-loisgte, agus tabhartasa-bìdh, agus tabhartasa-dìbhe thoirt uaithe air na laithibh féill, agus air na gealaichibh nuadh, agus air na sàbaidibh, agus air uile ard fhéillibh tigh-e Israeil: deasaichidh e 'n tabhartas peacaidh, agus an tabhartas bìdh, agus an tabhartas-loisgte, agus na tabhartasa-sith, a dheanamh réite air son tigh-e Israeil.

18 Mar so deir an Tighearn Dia, Anns a' cheud mhìos, air a' cheud là do 'u mhìos gabhaidh tu tarbh òg gun ghaoid, agus glanaidh tu an naomh-ionad.

19 Agus gabhaidh an sagart do fhuil na h-ìobairt pheacaidh, agus cuiridh e i air postaibh an tigh-e, agus air ceithir chearnaibh buinn na h-altarach, agus air postaibh geata na cùirt a stigh.

20 Agus mar sin ni thu air an t-seachdamh là do 'n mhìos, air son gach aon a théid air seachran, agus a ni gu h-amaideach; mar sin ni sibh réite air son an teampuill.

21 Anns a' cheud mhìos, air a' cheathramh là deug do 'n mhìos, bidh a' chàisg agaibh, féisd sheachd laithean, ithear aran gun ghoirt-eachadh.

22 Agus air an là sin deasaichidh am prionnsa air a shon féin, agus air son uile shluaigh an fhearainn, tarbh air son ìobairt-peacaidh.

23 Agus air seachd laithean na féisde deasaichidh e ìobairt-loisgte do 'n Tighearn, seachd tairbh, agus seachd reitheachan gun ghaoid, gach là, fad nan seachd laithean, agus meann do na gabhraibh gach là air son ìobairt-peacaidh.

24 Agus deasaichidh e tabhartas bìdh, eadhon ephah air son tairbh, agus ephah air son reithe, agus hin oladh air son ephah.

25 Anns an t-seachdamh mhìos, air a' chùigeamh là deug do 'n mhìos, ni e do réir sin air féill nan seachd laithean, do réir an tabhartais-peacaidh, do réir na h-ofrail loisgte, agus do réir an tabhartais bìdh, agus do réir na h-oladh.

## CAIB. XLVI.

**M**AR so deir an Tighearn Dia, Bidh geata na cùirt a stigh, a ta 'g amharc ris an aird' an ear, druidte na sè laithean oibre: ach air an t-sàbaid bidh e fosgailte, agus air là na ré nuaidh a bidh e fosgailte.

2 Agus théid an t-uachdaran a steach air slighe sgà-thigh' a' gheataidh an taobh a mach, agus seasaidh e aig ursann a' gheataidh, agus deasaichidh an sagart a thabhartas-loisgte, agus a thabhartas-shìth, agus nì e aoradh aig stairsneich a' gheataidh: an sin théid e mach, ach cha druidear an geata gu an-moch.

3 Mar an ceudna nì sluagh an fhearainn aoradh aig doras a' gheataidh so an làthair an Tighearna, air na sàbaidean, agus air na gealaichibh nuadha.

4 Agus is i an ìobairt-loisgte a bheir an t-uachdaran do 'n Tighearn air là na sàbaide, sè uain gun ghaoid, agus reithe gun ghaoid.

5 Agus is e an tabhartas-bidh ephah air son reithe, agus an tabhartas-bidh air son nan uan mar a bhios na chomas a thoirt uaithe, agus hin oladh air son ephah.

6 Agus air là na ré nuaidh bheir e tarbh òg gun ghaoid, agus sè drain, agus reithe: bithidh iad gun ghaoid.

7 Agus deasaichidh e tabhartas-bidh, ephah air son tairbh, agus ephah air son reithe: agus air son nan uan do réir mar a bhios na chomas, agus hin oladh air son ephah.

8 Agus 'nuair a théid an t-uachdaran a steach, théid e stigh air slighe sgà-thighe a' gheataidh, agus théid e mach air a shlighe sin.

9 Ach 'nuair a thig muinntir an fhearainn an làthair an Tighearna, anns na h-ard fhéilibh, esan a théid a steach air slighe a' gheataidh thuath gu aoradh, théid e mach air slighe a' gheataidh dheas; agus esan a théid a steach air slighe a' gheataidh dheas, théid e mach air slighe a' gheataidh thuath: cha phill e air slighe a' gheataidh air an deachaidh e steach, ach théid e mach thall fa chomhair.

10 Agus théid an t-uachdaran a steach nam meadhon, tra théid iad a steach; agus tra théid iad a mach, théid e mach.

11 Agus air na féilibh, agus air na h-ard-fhéilibh, is e an tabhartas-bidh ephah air son tairbh, agus ephah air son reithe, agus air son nan uan do réir a chomais, agus hin oladh air son ephah.

12 A nis tra dheasaicheas an t-uachdaran o 'thoil féin ìobairt-

loisgte, no tabhartais-shìth, gu toiseach do 'n Tighearn, fosglar dha an sin an geata ta 'g amharc ris an aird an ear, agus ulmhaichidh e ìobairt-loisgte, agus a thabhartas-sìth mar a rium e air là na sàbaide: an sin théid e mach, agus an déigh dol a mach, druidear an doras.

13 Ulmhaichidh tu gach là tabhartas-loisgte do 'n Tighearn, uan do 'n cheud bhliadhna gun ghaoid; ulmhaichidh tu e gach aon mhaduinn.

14 Agus ulmhaichidh tu tabhartas-bidh air a shon gach aon mhaduinn, an sèathamh cuid do ephah, agus an treas cuid do hin oladh, chum a mheasgadh leis a' mhìn-chruinneachd; tabhartas-bidh do ghnàth, le ordugh sìorruidh do 'n Tighearn.

15 Mar so ulmhaichidh iad an t-uain, agus an tabhartas bidh, agus an ola gach aon mhaduinn mar ìobairt-loisgte ghnàthuichte.

16 Mar so deir an Tighearn Dia, Ma bheir an t-uachdaran tiolaca do aon air bith d' a mhacaibh, bidh a shealbh sin aig a mhacaibh, bidh a shealbh aca mar oighreachd.

17 Ach ma bheir e tiolaca d' a oighreachd do aon d' a sheirbhisich an sin bidh e aige-sang gu bliadhna na saorsa: na dhéigh sin pillidh e chum an uachdaran; ach bidh 'oighreachd aig a mhacaibh dhoibh féin.

18 A thuille air so cha ghabh an t-uachdaran do oighreachd an t-sluaigh le h-ainneart, a chum an tilgeadh a mach as an seilbh: ach bheir e d' a mhacaibh oighreachd as a sheilbh féin; a chum nach bi mo shlugh-sha air an sgapadh gach aon o' sheilbh.

19 Na dhéigh sin thug e mi triù an fhosgaidh a bha aig taobh a' gheataidh gu seòmraichean naomh nan sagart, a bha 'g amharc ri tuath; agus feuch, bha àit' an sin aig oisinn na h-àird an iar.

20 An sin thuirt e rium, So an t-àite sam bruich na sagart an ìobairt-easaontais, agus an ìobairt-pheacaidh, far am fuin iad an tabhartas-bidh: a chum nach d' thoir iad a mach iad gus a' chùirt a mach, gus an sluagh a naomhachadh.

21 An sin thug e mach mi gus a chùirt a mach, agus thug e orm gabhail seachad air ceithir oisinnibh na cùirte, agus feuch, bha cùirt anns gach aon oisinn do 'n chùirt.

22 Ann an ceithir oisinnibh na cùirte bha cùirtean ceangailte rithe, dà fhichead làmh-choille air fad, agus deich thar fhichead air leud: bha na ceithir oisinn nan so do aon tomhas.

23 Agus bha aca balla mu 'n cuairt doibh nan ceithir, agus ionada

bruich deanta fo 'n bhalla, mu 'n cuairt.

24 An sin thuirt e rium, Is iad so àiteachan na muinntira bhrùicheas, far am bruich luchd-frithealaidh an teampuill lobairtean an t-sluaigh.

## CAIB. XLVII.

**N**A dhéigh sin thug e mi ris gu doras an teampuill, agus feuch, bhrùich uisgeachan a mach o'lochdar stairsneich an tighe ris an aird an ear: oir bha aghaidh an tighe ris an aird an ear, agus thàinig na h-uisgeachan a nuas fuidhe, o thaobh deas an tighe, air taobh mu dheas na h-altarach.

2 An sin thug e mach mi air slighe a' gheataidh mu thuath, agus thug e orm siubhal mu 'n cuairt air an t-slighe muigh gus an geata mach, air an t-slighe ta'g amharc ris an aird an ear, agus, feuch, ruith uisgeachan a mach air an taobh deas.

3 Agus 'nuair a chaidh an duine aig an robh an t-sreang na làimh, a mach air slighe na h-aird an ear, thomhais e mìle làmh-choille, agus thug e mi roimh a' na h-uisgeachan: bha na h-uisgeachan gu ruig na h-aobhrana.

4 A ris thomhais e mìle, agus thug e mi roimh na h-uisgeachan; bha na h-uisgeachan gu ruig na glùinean: a ris thomhais e mìle, agus thug e mi roimh na h-uisgeachan; bha na h-uisgeachan gu ruig na leasraidh.

5 'Na dhéigh sin thomhais e mìle; agus bha e na shruth nach b' urra mi dol thairis: oir bha na h-uisgeachan air éirigh, uisgeachan air son snàmh anna, abhainn nach feudta dol thairis.

6 Agus thuirt e rium, Nach faca tu, a mhic an duine? an sin thug e leis mi, agus thug e orm pilleadh gu bruaich na h-aibhne b.

7 A nis tra phill mi, feuch, air bruaich na h-aibhne bha ro mhòran chraobh, air an taobh so, agus air an taobh eile.

8 An sin thuirt e rium, Tha na h-uisgeachan so ag imeachd a mach rathad na tire soir, agus a dol sìos do 'n fhàsach, agus a' dol a steach do 'n fhainge; tra bheirear iad a mach a chum na fairge, leighisear na h-uisgeachan.

9 Agus tarlaidh, gach aon bheathach beo, a ta gluasad, taobh air bith gus an d'thig na h-aibhnichean, mairidh e beo: agus bidh ro mhòran éisg ann, a chionn gu 'n d'thig na h-uisgeachan so chuige: oir leighisear iad, agus mairidh gach ni beo far an d'thig an abhann.

10 Agus tarlaidh gu 'n seas na h-

iasgairean oirre, o Engedi gu ruig Eneglaim; bidh iad nan ionad a sgaoileadh a mach fion, bidh an iasg do réir an seòrsa, mar iasg na fairge mòire, ro lionmhor.

11 Ach a iàthach, agus 'àiteachan fliucha chabhi air an leigheas, bheir ear iad thairis gu salann.

12 Agus air taobh na h-aibhne, air a bruaich, air an taobh so, agus air an taobh sin, fàsaidh na h-uile chraobhan air son bidh, aig nach bi an duilleach air seargadh, no an toradh air a chaitheamh: bheir e mach toradh nuadh do réir a mhòsan, do bhrìgh gu 'n do shruth 'uisgeachan a mach o 'n ionad naomh, agus bidh a thoradh air son bidh, agus a dhuilleach air son leighis.

13 Mar so deir an Tighearn Dia, So a chrìoch leis an sealbhuich sibh am fearann do réir dà threubh dheug Israeil: bidh dà roinn aig Ioseph.

14 Agus sealbhaichidh sibh e, aon co maith r'a chéile: oiram fearann so mu 'n do thog mise suas mo làmh, gu 'n d'thugainn e do 'r n-aithrichibh, tuitidh oirbh-se mar oighreachd.

15 Agus so crìoch an fhearainn air an taobh mu thuath, o'n fhainge mhòir, slighe Hetloin, mar a thèid daoine gu Sedad.

16 Hamat, Berotah, Sibraim, a ta eadar crìoch Dhamascuis agus crìoch Hamait; Hasarhaticon, a ta làimh ri iomall Haurain.

17 Agus o 'n fhainge bidh a' chrìoch aig Hasar-enan, crìoch Dhamascuis, agus an airde tuath air an taobh mu thuath, agus crìoch Hamait: agus so an taobh mu thuath.

18 Agus an taobh an ear toimhsidh sibh o Hauran agus o Dhamascus, agus o Ghilead, agus o fhearann Israeil làimh ri Iordan, o 'n chrìch gu ruig an fhainge 'n ear: agus so an taobh an ear.

19 Agus an taobh deas mu dheas o Thamar, gu uisgeachan na sìrì ann an Cades, an sruth gus an fhainge mhòr: agus so an taobh deas mu dheas.

20 An taobh an iar mar an ceudna bidh aig an fhainge mhòir o 'n iomall gus an d'thig duine nall fa chomhair Hamait: so an taobh an iar.

21 Mar so roinnidh sibh am fearann so dhuibh, do réir fhìneachan Israeil.

22 Agus tarlaidh gu 'n roinn sibh e le crannchur air son oighreachd dhuibh féin, agus do na coigrich a bhios air chualt 'n ur measg, a ghineas clann 'nur measg: agus bidh iad dhuibh mar gu 'n biodh iad air an breth 'san dùthaich an measg cloinne Israeil; bidh oighreachd aca



maille ruibh, am meas fhineachan Israeil.

23 Agus tarlaidh, anns an treubh anns am bi an coigreach air chuairt, an sin gu 'n d'thoir sibh dha 'oighreachd, deir an Tighearn Dia.

## CAIB. XLVIII.

**A** NI 3 is iad so ainmean nan treubh, o 'n cheann mu thuath gu iomall slighe Hetloin, mar a théid neach gu Hamat, Hasarenan, crìoch Dhamascuis mu thuath, gu iomall Hamait, (oir is iad so a thaobhan an ear agus an iar) bidh aon roinn aig Dan.

2 Agus làimh ri crìch Dhain, o 'n taobh an ear gus an taobh an iar, aon aig Aser.

3 Agus làimh ri crìch Aseir, o 'n taobh an ear gus an taobh an iar, aon aig Naphtali.

4 Agus làimh ri crìch Naphtali, o 'n taobh an ear gus an taobh an iar, aon aig Manaseh.

5 Agus làimh ri crìch Mhanaseh, o 'n taobh an ear gus an taobh an iar, aon aig Ephraim.

6 Agus làimh ri crìch Ephraim, o 'n taobh an ear gus an taobh an iar, aon aig Reuben.

7 Agus làimh ri crìch Reuben, o 'n taobh an ear gus an taobh an iar, aon aig Iudah.

8 Agus làimh ri crìch Iudah, o 'n taobh an ear gus an taobh an iar, bidh tabhartas a bheir sibh seachad, cùig mìle fichhead làmh-choille air leud, agus air fad mar aon do na h-earrannaibh eile, o 'n taobh an ear gus an taobh an iar, agus bidh an tionad naomh na mheadhon.

9 An tabhartas a bheir sibh seachad do 'n Tighearn, bidh e cùig mìle fichhead làmh-choille air fad, agus deich mìle làmh-choille air leud.

10 Agus air an son-san, air son nan sagart, bidh an tabhartas naomh so, ris an airde tuath, cuig mìle fichhead làmh-choille air fad, agus ris an aird an iar, deich mìle làmh-choille air leud, agus ris an aird an ear, deich mìle làmh-choille air leud, agus ris an airde deas, cùig mìle fichhead làmh-choille air fad, agus bidh ionad naomh an Tighearna na mheadhon.

11 Bidh e air son nan sagart a ta naomhaichte, do mhacaibh Shadoic, a choimhid an nì a dh' earb mise riu, nach deachaidh air seachran an uair a chaidh clann Israeil air seachran, mar a chaidh na Lebhitich air seachran.

12 Agus is ro naomh dhoibh-san tabhartas so an fhearainn, làimh ri crìch nan Lebhitheach.

13 Agus thall fa chomhair crìche nan sagart, bidh aig na Lebhitich cùig mìle fichhead làmh-choille air fad, agus deich mìle làmh-choille air

leud; is e am fad uile cùig mìle fichhead làmh-choille, agus an leud deich mìle.

14 Agus cha reic iad detl, nì mò nì iad a mhalairt, no bheir iad uatha ceud thioradh an fhearainn: oir tha e naomh do 'n Tighearn.

15 Agus bidh na cùig mìle làmh-choille ta air am fàgail anns an leud, thall fa chomhair nan cùig mìle fichhead, na ionad nach bi naomh, air son a' bhaile, air son còmhnuidh, agus air dlù-bhailtean, agus bidh am baile na mheadhon.

16 Agus so a thoimhsean, an taobh mu thuath ceithir mìle agus cùig ceud, agus an taobh mod dheas ceithir mìle agus cùig ceud, agus air an taobh an ear ceithir mìle agus cùig ceud, agus an taobh an iar ceithir mìle agus cùig ceud.

17 Agus bidh dlù-bhailtean na cathlach ris an airde tuath dà chend agus leth-cheud, agus ris an airde deas dà cheud agus leth-cheud, agus ris an aird an ear dà cheud agus leth-cheud, agus ris an aird an iar dà cheud agus leth-cheud.

18 Agus bidh a' chuid eile air leud, thall fa chomhair tabhartais a' chuibhrinn naomha, deich mìle ris an taobh an ear, agus deich mìle ris an taobh an iar: agus bidh e thall fa chomhair tabhartais a' chuibhrinn naomha, agus bidh a' chinneas mar lòn do luchd-frithealaidh na cathrach.

19 Agus nì a' mhninntir, a fhrith-ealas do 'n bhaile, frithealadh dha as uile threubhaibh Israeil.

20 Is e an tabhartas uile cùig mìle fichhead, le cùig mìle fichhead: bheir sibh seachad an tabhartas naomh ceithir chearnach, maille ri seilbh na cathrach.

21 Agus bidh a' chuid eile air son an uachdarain, air an taobh so, agus air an taobh eile, do 'n tabhartas naomh, agus do sheilbh na cathrach thall fa chomhair nan cùig mìle fichhead do 'n tabhartas leth ris a' chrìch an ear, agus an taobh an iar thall fa chomhair nan cùig mìle fichhead leth ris a' chrìch an iar, thall fa chomhair nan cuibhrionn air son an uachdarain, agus bidh e so na thabhartas naomh, agus bidh naomh-ionad an teampuill na mheadhon.

22 An déigh seilbh nan Lebhitheach, agus seilbh na cathrach, bidh sin anns a' mheadhon aig an uachdaran, eadar cìoch Iudah agus crìoch Bheniamin, bidh so aig an uachdaran.

23 Do thaobh na codaich eile do na treubhan o 'n taobh an ear gus an taobh an iar, bidh aon roinn aig Beniamin,

24 Agus làimh ri crìch Bheniamin, o'n taobh an ear gus an taobh an iar, aon aig Simeon.

25 Agus làimh ri crìch Shimeoin, o'n taobh an ear gus an taobh an iar, aon aig Isachar.

26 Agus làimh ri crìch Isachair, o'n taobh an ear gus an taobh an iar, aon aig Sebulun.

27 Agus làimh ri crìch Shebuluin, o'n taobh an ear gus an taobh an iar, aon aig Gad.

28 Agus làimh ri crìch Ghaid, aig an taobh deas mu dheas, bidh a' chrìoch o Thamar, eadhon gu uisgeachan na strì ann an Cades, gus an abhainn leth ris an fhairge mhoir.

29 So am fearann a roinneas sibh le crannchur do threubhan Israeil air son oighreachd, agusso na cuibhrinn aca, deir an Tighearn Dia.

30 Agus so dol a mach na cathrach air an taobh mu thuath, ceithir mìle agus cùig ceud tomhas.

31 Agus bidh geatachan na cathrach do réir ainmean threubhan Israeil, trì geatachais an airde tuath; aon gheata do Reuben, aon gheata do Iudah, aon gheata do Lebhi.

32 Agus air an taobh an ear ceithir mìle agus cùig ceud: agus trì geatacha; aon gheata do Ioseph, aon gheata do Bheniamin, aon gheata do Dhan.

33 Agus air an taobh mu dheas ceithir mìle agus cùig ceud tomhas: agus trì gheatachan; aon gheata do Shimeon, aon gheata do Isachar, aon gheata do Shebulun.

34 Air an taobh an iar ceithir mìle agus cùig ceud, le'n trì gheatachaibh; aon gheata do Ghad, aon gheata do Aser, aon gheata do Naphtali.

35 Bha e mu 'n cuairt ochd mìle deug tomhas: agus bidh mar ainm air a' chathair o'n là sin, A ta an Tighearn an sin.

## DANIEL.

### CAIB. I.

**A**NNs an treas bliadhna do linn Iehoiacim rìgh Iudah, thàinig Nebuchadnesar rìgh Bhabiloìn gu Ierusalem, agus chuairtich e le feachd e.

2 Agus thug an Tighearn Iehoiacim, rìgh Iudah, d'a làimh, le cuid do shoithichibh tighe Dhé, a thug e gu tìr Shìnair, gu tigh a dhé; seadh thug e na soithichean gu tigh-taisg a dhé.

3 Agus labhair an rìgh ri Aspenas, uachdaran a chaillteanach, gu'n d'thugadh e leis cuid do chloinn Israeil, agus do shliochd an rìgh, agus do na prionnsachaibh,

4 Clann air nach robh ciuram air bith, ach a bha maiseach, agus foghlumte anns na h-uile ghliocas, agus fiosrach ann an eòlas, agus seòlta air ealuidh, agus a bha comasach air seasamh ann an làchairt an rìgh, agus d' am feudadh iad fòghlum agus teanga nan Caldéach a theagasg.

5 Agus dh'orduich an rìgh dhoibh lòn lathail do bhiadh an rìgh, agus do'n fhìon a bha e'g òl: mar sin 'g an àrachadh trì bliadhna, a chum gu seasadh iad an ceann na h-aimsire sin an làthair an rìgh.

6 A nis am measg na muinntir so

bha, do chloinn Iudah, Daniel, Hananiah, Misael, agus Asariah:

7 D' an d'thug uachdaran nan caillteanach ainmean: oir thug e air Daniel mar ainm Beltesasar, agus air Hananiah Sadrach; agus air Misael Mesach; agus air Asariah Abednego.

8 Ach ghabh Daniel rùn na chridhe nach truailleadh se e féin leis a' chuibhrionn do bhiadh an rìgh, no leis an fhìon d' an d' òl e: uime sin ghuidh e air uachdaran nan caillteanach, nach biodh e air a shalachadh.

9 A nis thug Dia do Dhaniel deagh-ghean agus caoinmheas gràdhach do uachdaran nan caillteanach.

10 Agus thuirt uachdaran nan caillteanach ri Daniel, Tha eagal orm roimh mo thighearn an rìgh, a dh' ordnich 'ur biadh agus 'ur deoch: oir ciod uime am faiceadh e 'ur n-aghaidhean ni 's measa coslas na chlann eile d'ur seòrsa: an sin cuiridh sibh mise ann an cunthart mo chinn o'n rìgh.

11 An sin thuirt Daniel ri Melsar, a chuir nachdaran nan caillteanach os cionn Dhaniel, Hananiah, Mhisael agus Asariah,

12 Dearbh do sheirbhisich, guidh-

eam ort, deich laithean, agus thugar dhuinn peasair ri h-ithleadh, agus uisge r'a òl.

13 An sin amhaircear air ar n-aghaidhean ann ad làthair-sa, agus air aghaidh na cloinne ta 'g itheadh do chuibhrionn bidh an rìgh: agus mar a chithear ceart duit, buin ri d' sheirbhisich.

14 Is amhuil a dh' aontaich e leo anns a' chùis so, agus dhearbha e iad deich laithean.

15 Agus an ceann dheich laithean bha dreach an aghaidhean ni bu mhaisiche agus ni bu shultmhoire nà an uile chlann, a dh' ith an cuibhrionn do bhiadh an rìgh.

16 Mar so thug Melsar air falbh cuibhrionn am bidh, agus am fion bu choir dhoibh òl; agus thug e dhoibh peasair.

17 Do thaobh nan ceathrar chloinne so, thug Dia dhoibh edlas agus tuisge anns na h-uile fhoghlum agus ghliocas: agus bha tuigs' aig Daniel anns na h-uile sheallanaibh agus bhruadaraibh.

18 A nis aig ceann nan làithean, anns an d'thubhairt an rìgh gu 'n d'thugadh e steach iad, an sin thug uachdaran nan caillteanach a steach iad an làthair Nebuchadnesair.

19 Agus rinn an rìgh còmhradh riu; agus nam measg uile cha d' fhuaradh aon cosmhuil ri Daniel, Hananiah, Misaël, agus Asariah: air an aobhar sin sheas iad fa chomhair an rìgh.

20 Agus anns na h-uile ghnòthaichibh gliocais agus tuisge, a dh' fhiosraich an rìgh dhiubh, fhuair e iad deich uairean ni b'fhearr nà na h-uile dhruidhean agus speuradair-ean, a bha na rioghachd uile.

21 Agus mhair Daniel gu ceud bhliadhna rìgh Chiruis.

## CAIB. II.

**A** GUS anns an dara bliadhna do linn Nebuchadnesair bhruadair Nebuchadnesair bruadar, leis an robh 'inntinn air a buaireadh, agus dheal- uich a chadal ris.

2 An sin dh' àithn an rìgh na dhruidhean, agus na speuradairean, agus an luchd-fiosachd, agus na Caldéich a ghairm, a dh'fheuchainn do 'n rìgh a bhruadair: mar sin thàinig iad, agus sheas iad an làthair an rìgh.

3 Agus thuirt an rìgh riu, Bhruadair mi bruadar, agus bha m' inntinn air a buaireadh a dh' fhaotuinn fios a' bhruadair.

4 An sin labhair na Caldéich ris an rìgh anns a' chànuin Shiriaich, O a rìgh, mair beo gu bràth innis do d' sheirbhisich am bruadar, agus feuchaidh sinne a bhrìgh.

5 Fhreagair an rìgh, agus thuirt e ris na Caldéich, Tha an ni air dol as m' aire; mur d'thoir sibh-se fios dhomh air a' bhruadar le 'bhrìgh; gearrar sibh 'nur bloighdibh, agus nithear 'ur tighean nan dùn aolaich,

6 Ach ma dh' fheuchas sibh am bruadar agus a bhrìgh, gheibh sibh uam-sa tiolacan agus duais, agus onoir mhòr: uime sin feuchaidh dhomh am bruadar, agus a bhrìgh.

7 Fhreagair iadsan a ris, agus thubhairt iad, Innseadh an rìgh d'a sheirbhisich am bruadar, agus feuchaidh sinne a bhrìgh.

8 Fhreagair an rìgh agus thubhairt e, Tha fios agam gu deimhin gu 'm b' àill leibh ùine fhaotainn, a chionn gu bheil sibh a' faicinn gu bheil an ni air dol as m' aire.

9 Ach mur d'thoir sibh fios domh air a' bhruadar, cha 'n 'eil ach an aon bhrèith dhuibh: oir dh' ulmhaich sibh briathran breugach agus truail- idh gu labhairt am làthair-sa, gu atharrachadh na h-aimsire: uime sin innisibh dhomh am bruadar, agus aithnichidh mi gur urradh sibh a bhrìgh fheuchainn dhomh.

10 Fhreagair na Caldéich ann am fianuis an rìgh, agus thubhairt iad, Cha 'n 'eil duine air an talamh a's urradh gnothach an rìgh fhoillseach- adh: air an aobhar sin cha 'n 'eil rìgh, no tighearn, no fear-riaghlaidh, a dh' iarr an leithide so do nithibh air aon druidh, no speuradair, no Caldéach.

11 Agus is ni deacair a ta an rìgh ag iarraidh, agus cha 'n 'eil aon air bith eile a's urradh 'fheuchainn fa chomhair an rìgh, ach na dée aig nach 'eil an còmhnuidh maille ri feoil.

12 Air an aobhar so bha 'n rìgh ann am feirg, agus ann an teas-chorruich, agus dh' àithn e uile dhaoine glìce Bhabiloin a mhill- eadh.

13 Agus chaidh an t-ordugh a mach gu 'm biodh na daoine glìce air am marbhadh, agus dh' iarr iad Daniel agus a chompanaich gu bhi air am marbhadh.

14 An sin fhreagair Daniel le comhairle agus le gliocas, Arioch, ceann-feadhna freiceadain an rìgh, a chaidh a mach a mharbhadh dhaoine glìce Bhabiloin.

15 Fhreagair e agus thubhairt e ri Arioch ceann-feadhna an rìgh, C' ar son a tha 'n t-ordugh co dian o'n rìgh? An sin dh' innis Arioch a' chùis do Dhanial.

16 An sin chaidh Daniel a steach, agus ghuidh e air an rìgh gu 'n d'thugadh e dha ùine, agus gu feuch- adh e do 'n rìgh a' bhrìgh.

17 An sin chaidh Daniel g'a thigh,

agus dh'innis e a' chùis do Hana-  
niah, Mhisael, agus Asariah, a  
chompanaich;

18 A chum gu 'n iarradh iad trècair  
air Dia nèimhe mu thimchioll na  
dìomhaireachd so; a chum nach  
bàsaicheadh Daniel agus a chompan-  
aich leis a' chuid eile do dhaoine  
glice Bhabiloìn.

19 An sin bha an dìomhaireachd  
air a soillseachadh do Dhaniel ann  
an sealladh 'san oidhche: an sin  
bheannaich Daniel Dia nèimhe.

20 Fhreagair Daniel agus thubhairt  
e, Beannulchte gu robh ainm Dhia  
gu saoghal nan saoghal: oir is leis-  
san gliocas agus cumhachd.

21 Agus atharraichidh e na h-  
amanna, agus na h-aimsirean:  
atharraichidh e rìghrean, agus cuir-  
idh e suas rìghrean: bheir e gliocas  
do'n ghlic, agus eòlas dhoibh-san,  
d' an aithne tuig-se.

22 Foillsichidh e na nithe domhain  
agus dìomhair: is aithne dha ciod a  
ta 'san dorchadas, agus tha an solus  
a chòmhnuidh maille ris.

23 Bheirim buidheachas agus cliù  
dhuit, O thu-sa, a Dhia m' aith-  
richean, a thug dhomh gliocas agus  
cumhachd, agus a thug fios duinn a  
nis air an nì a dh'iarr sinn ort: oir  
thug thu fios duinn a nis air gnoth-  
ach an rìgh.

24 Uime sin chaidh Daniel a steach  
gu Arioch, a shonraich an rìgh gu  
daoine glice Bhabiloìn a mhilleadh:  
chaidh e agus labhair e mar so ris,  
Na sgrios daoine glice Bhabiloìn:  
thoir mise steach ann am fianuis an  
rìgh, agus feuchaidh mi do'n rìgh an  
seadh.

25 An sin thug Arioch a stigh  
Daniel ann am fianuis an rìgh gu  
luath, agus thubhairt e mar so ris,  
Fhàir mi duine do bhràighdibh  
Iudah, a bheir fios do 'n rìgh air an  
t-seadh.

26 Fhreagair an rìgh, agus thu-  
bhairt e ri Daniel, d' am b' ainm  
Beltesasar. An urradh thu-sa fios a  
thoirt domh air a' bhrùadar a chun-  
naic mi, agus air a bhrìgh?

27 Fhreagair Daniel ann am fian-  
uis an rìgh, agus thubhairt e, An  
dìomhaireachd a dh' iarr an rìgh  
cha 'n urradh na daoine glice, na  
speuradairean, na druidhean, no an  
luchd-fiosachd, fleuchainn do 'n  
rìgh;

28 Ach tha Dia ann an nèamh a  
dh'fhoillsicheas nithe dìomhair, agus  
a ta toirt fios do Nebuchadnesar ciod  
a thachras anns na laithibh deirean-  
nach. Do bhrùadar, agus aislinge  
do chinn air do leabaidh, is iad so  
iad:

29 (Do d' thaobh-sa, O a rìgh,  
thàinig do smointe ann ad aire air

do leabaidh, na nithe bha ri tachairt  
na dhéigh so, agus tha esan a dh'-  
fhoillsicheas nithe dìomhair a' toirt  
fios duit ciod a thig gu crìch.

30 Ach do m' thaobh-sa, cha'n'eil  
an dìomhaireachd so air a leigeadh  
ris domh air son gliocais air bith a ta  
agam thar aon duine beo, ach air an  
son-san a nì a' bhrìgh aithnichte do  
'n rìgh; agus a chum gu 'm biodh  
fios agad-sa air smointe do  
chridhe:)

31 Chunnaic thu-sa, O a rìgh,  
agus feuch ìomhaigh mhòr: sheas an  
ìomhaigh mhòr so, aig an robh deal-  
radh oirdheirc, fa d' chomhair, agus  
bha a dreach uamhasach.

32 Bha ceann na h-ìomhaigh so do  
òr finealta, a h-uchd agus a làmh  
do airgiod, a brù agus a sléisde do  
umha,

33 A lurganna do iarunn, a casan,  
cuid da iarunn, agus cuid do chré.

34 Chunnaic thu gu an robh clach  
air a gearradh a mach gun làmhnan,  
a bhuail an ìomhaigh air a casan, a  
bha do iarunn agus do chré, agus a  
bhris nam bloighdibh iad.

35 An sin bha an t-iarunn, a' chré,  
an umha, an t-airgiod, agus an t-òr,  
air am briseadh nam bloighdibh le  
chéile, agus dh'fhàs iad cosmhuil ri  
moll nan urlar-bualaidh anns an t-  
samhra, agus thug a' ghaoth air  
falbh iad, air chor as nach d' fhuar-  
adh àite sam bith dhoibh: agus  
dh'fhàs a' chlach a bhuail an ìomh-  
aigh na sliabh mòr, agus lion i an  
talamh uile.

36 So am brùadar: agus innsidh  
sinn a bhrìgh ann an làthair an rìgh.

37 O a rìgh, is rìgh os cionn rìgh-  
rean thu-sa: oir thug Dia nèimhe  
dhuit rioghachd, cumhachd, agus  
neart, agus glòir.

38 Agus c' àit air bith am bheil  
clann nan daoine a' gabhail còmhn-  
uidh, beathaichean na machrach,  
agus eunlaith an athair, thug e do d'  
làimh-sa, agus rinn e uachdaran diot  
os an cionn uile: is tu-sa an ceann  
so do òr.

39 Agus ann ad dhéigh-sa éiridh  
rioghachd eile, nì 's lugha na thu-sa,  
agus treas rioghachd eile do umha,  
aig am bi nachdranachd os cionn an  
domhain uile.

40 Agus bidh an ceathramh riogh-  
achd làidir mar iarunn: amhuil a  
bhriseas iarunn ann am bloighdibh,  
agus a chlaoidheas e na h-uile nìthe:  
agus amhuil iarunn a bhriseas iad so  
uile, brisidh i ann am bloighdibh,  
agus bruthaidh.

41 Agus mar a chunnaic thu na  
casan agus na meoir, cuid do chré a'  
chriadhair, agus cuid do iarunn,



bidh an rioghachd air a roinn, ach bidh innte do neart an iarunn, ann a' mheud as a chunnaic thu an t-iarunn air a mheasgadh le cré làth-aiche.

42 Agus mar a bha meoir nan cas, cuid do iarunn, agus cuid do chré; bidh cuid d'an rioghachd làidir agus cuid briste.

43 Agus mara chunnaic thu iarunn air a mheasgadh le cré làthaiche, measgaidh iadsan iad féin le sìòl dhaoine: ach cha ghreimich iad r'a chéile, anhuil mar nach gabh iarunn tàthadh ri cré.

44 Agus ann an laithibh nan rìgh-rean so, cuiridh Dia nèimh suas rioghachd nach d'fhéid gu sìorruidh a sgrios: agus cha bhí an rioghachd air a fàgail aig sluagh eile, ach brisidh i nam bloighdibh, agus caithidh i na rioghachdan so uile, agus seasaidh i gu sìorruidh.

45 Ann a' mheud as gu facadh tu gu 'n robh a' chlach air a gearradh a mach as an t-sliabh as eugmhais làmhan, agus gu'n do bhris i nam bloighdibh an t-iarunn, an umha, a' chré, an t-airgiod, agus an t-òr; thug an Dia mòr fios d'òr rìgh cìod a thig gu crìch na dhéigh sò: agus tha am brudair cinnteach, agus a bhrìgh dearbhta.

46 An sin thuit an rìgh Nebuchadnesar air aghaidh, agus thug e urram do Dhanìel, agus dh'àithn e gu'n d'thugadh iad dha tabhartas agus boltrach cùbhraidh.

47 Fhreagair an rìgh Daniel, agus thubhairt e, Gu fìrinneach is e bhuir Dia-sa Dia nan dée, agus Tighearn nan rìghrean, agus fear-foillseachaidh nithe dìomhair, air dhuit-se bhì comasach an dìomhaireachd so fhoillseachadh.

48 An sinn rinn an rìgh duine mòr do Dhanìel, agus thug e dha mòran thiolaca luachmhor, agus rinn e fear-riaghlaidh dheth os cionn mhòr-roinn Bhabiloin uile, agus ceannard air na h-uachdarain os cionn uile dhaoine glìce Bhabiloin.

49 An sin dh'iarr Daniel air an rìgh, agus chuir e Sadrach, Mesach, agus Abednego os cionn ghnòthaichean mhòr-roinn Bhabiloin: ach shuidh Daniel ann an geata an rìgh.

### CAIB. III.

**R**INN Nebuchadnesar an rìgh Ìomhaigh òir, a bha trì fichead làmh-choille air airde, agus sè làmh-choille air leud: chuir e suas i ann am machair Dhura, ann am mòr-roinn Bhabiloin.

2 An sin chuir Nebuchadnesar an rìgh fios a chum gu'n cruinnichte le chéile na prionnsachan, na fir-riaghlaidh, agus na cinn-fheadhna,

na breitheachan, luchd-coimhid an ìomhais, na comhairlich, na fir-lagha, agus uile luchd-riaghlaidh nam mòr-roinn, gu teachd a chum coisreagaidh na h-ìomhaigh, a chuir Nebuchadnesar an rìgh suas.

3 An sin bha na prionnsachan, na fir-riaghlaidh, na cinn-fheadhna, na breitheachan, luchd-coimhid an ìomhais, na comhairlich, na fir-lagha, agus uile luchd-riaghlaidh nam mòr-roinn, air an cruinneachadh le chéile, chum coisreagaidh na h-ìomhaigh a chuir Nebuchadnesar an rìgh suas, agus sheas iad fa chomhair na h-ìomhaigh, a chuir Nebuchadnesar suas.

4 An sin ghlaodh fear-éighich gu h-ard, Dhuibh-se ta e air 'àithneadh, O shluagh, fhineacha, agus a theanganna,

5 Cìod air bith àm an cluinn sibh fuaim na trompaid, an fheadain, na clàrsaich, sacbuit, saltair, dulsimeir, agus na h-uile seòrsa ciuil, gu'n tuit sibh sìos, agus gu'n d'fhoir sibh aoradh do'n Ìomhaigh òir, a chuir an rìgh Nebuchadnesar suas.

6 Agus co air bith nach strìochd sìos, agus nach dean aoradh, tilgear e 'san nair sin féin ann am builsgean àmhuinn theintich dhian-loisgich.

7 Uime sin anns an àm sin, an uair a chuala an sluagh uile fuaim na trompaid, an fheadain, na clàrsaich, sacbuit, saltair, agus na h-uile seòrsa ciuil, thuit an sluagh uile, na fhineacha, agus na teanganna, sìos, agus thug iad aoradh do'n Ìomhaigh òir, a chuir an rìgh Nebuchadnesar suas.

8 Air an aobhar sin, anns an àm sin thàinig Caldéich àraid am fagus, agus rinn iad casaid air na h-Iudhaich.

9 Labhair iad, agus thubhairt iad ris an rìgh Nebuchadnesar, O a rìgh, mair beo gu bràth.

10 Thug thu-sa, O a rìgh, ordugh gu'n deanadh gach aon, a chluinneadh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciuil, strìochdadh agus aoradh do'n Ìomhaigh òir:

11 Agus cò air bith nach strìochd sìos, agus nach dean aoradh, gu'm biodh e air a thilgeadh ann am builsgean àmhuinn theintich dhian-loisgich.

12 Tha Iudhaich àraid, a chuir thu os cionn ghnòthaichean mhòr-roinn Bhabiloin, Sadrach, Mesach, agus Abednego: cha d' thug na daoine so, O a rìgh, meas ort-sa, cha 'n 'eil iad a' deanamh seirbhis do d' dhéibh, no toirt aoraidh do'n Ìomhaigh òir a chuir thu suas.

13 An sin dh'àithn Nebuchadnesar, na fheirg, agus na chorrach, Sadrach,

Mesach, agus Abednego a thoirt chuige: an sin thug iad na daoine so ann an làthair an rìgh.

14 Labhair Nebuchadnesar, agus thuirt e riu, Am bheil so fìor, O Shadraich, a Mhesaich, agus Abednego? nach 'eil sibh-se toirt seirbhis do m' dhéibh-sa, no toirt aoraidh do 'n ìomhaigh òir a chuir mi suas?

15 A nis ma bhios sibh deas ge b' e air bith àm anns an cluinn sibh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciuil, gu strìochdadh slos, agus aoradh a dheanamh do 'n ìomhaigh, a rinn mise, is *maith*: ach mur dean sibh aoradh, tilgear sibh anns a' cheart uair sin ann am builsghean àmhuinn theintich dhian-loisgich; agus cò an Dia sin a's urradh 'ur tearnadh as mo làmh-an-sa?

16 Fhreagair Sadrach, Mesach, agus Abednego, agus thubhairt iad ris an rìgh, O Nebuchadnesair, cha 'n 'eil suim againne freagrach a thoirt duit anns a' chùis so.

17 Ma 's ann mar sin a bhitheas, tha ar Dia-ne, d'am bheil sinn a' toirt seirbhis, comasach air ar saoradh o'n àmhuinn theintich dhian-loisgich, agus ni e ar saoradh as do làmh-an-sa, O a rìgh.

18 Ach mur dean, biodh fios agad, O a rìgh, nach d'thoir sinn seirbhis do d' dhéibh, no aoradh do 'n ìomhaigh òir, a chuir thu suas.

19 An sin bha Nebuchadnesar làn do chorrach, agus bha dreach a ghndise air caochladh an aghaidh Shadraich, Mhesaich agus Abednego; labhair agus dh' àithn e gu 'n teasachadh iad an àmhuinn seachd uaire ni bu mhò na bu ghnàth leo a teasachadh.

20 Agus dh' àithn e do na daoine bu treise na fheadh Sadrach, Mesach agus Abednego a cheangal, agus a thilgeadh do 'n àmhuinn theintich dhian-loisgich.

21 An sin cheangladh na daoine so nan còtaichibh, nan triusaibh, agus nan ceann-eudaichibh, agus nan eudaichibh eile, agus thilgeadh iad ann am meadhan na h-àmhuinn theintich dhian-loisgich.

22 Air an aobhar sin, a chionn gu 'n robh àithne an rìgh ro theann, agus an àmhuinn ro theith, mharbh lasair an teine na daoine sin, a thog suas Sadrach, Mesach agus Abednego.

23 Agus thuit an triuir dhaoine so, Sadrach, Mesach agus Abednego slos ceangailte ann am builsghean na h-àmhuinn theintich dhian-loisgich.

24 An sin bha an rìgh Nebuchadnesar làn uamhainn, agus dh' éirich

e suas ann an deifir, agus labhair e agus thubhairt e 'a chomhairlich. Nach do thilg siun triuir dhaoine ceangailte do mheadhon an teine? Fhreagair iadsan agus thuirt iad ris an rìgh, Is fìor, O a rìgh.

25 Fhreagair esan agus thubhairt e, Feuch, chi mi ceathrar dhaoine fuasgailte, a' coiseachd ann am meadhan an teine, agus cha 'n 'eil doch-anu sam bith orra, agus tha coslasa' cheathramh mar mhac Dé.

26 An sin thàinig Nebuchadnesar dlù do bheul na h-àmhuinn theintich dhian-loisgich, agus labhair e, ag ràdh, A Shadraich, Mhesaich agus Abednego, òglacha an Dé a's airde, thigibh a mach, agus thigibh an so. An sin thàinig Sadrach, Mesach agus Abednego a mach a mheadhon an teine.

27 Agus chunnaic na prionnsachan, na h-uachdarain, agus na cinn-fheadhna, agus comhairlich an rìgh, a bha cruinn an ceann a' chéile, na daoine so, nach robh cumhachd air bith aig an teine air an corpaibh, ni mò bhia fuiltean d' an ceann dòithe, no an còtaichean air an caochladh, no boladh an teine dhiubh.

28 An sin labhair Nebuchadnesar, agus thubhairt e, Gu ma beannuichte gu robh Dia Shadraich, Mhesaich agus Abednego, a chuir a nuas 'aingeal, agus a shaor 'oglaich a chuir an dòchas ann, agus a chuir an aghaidh fòcail an rìgh, agus a thug seachd an cuirpa chum nach tugadh iad seirbhis no aoradh do dhia air bith, ach an Dia féin.

29 Uime sinn tha mise a' toirt teann-orduigh, gu 'm bi gach sluagh, cinneach, agus teanga, a labhras ni sam bith air dhochair an aghaidh Dhé Shadraich, Mhesaich agus Abednego, air an gearradh nam bloighdibh, agus an tighean air an deanamh nan dùn aolaich, a chionn nach 'eil Dia air bith eile ann a's urradh tearnadh air an dòigh so.

30 An sin dh' arduich an rìgh Sadrach, Mesach agus Abednego ann am mòr-roinn Babiloin.

#### CAIB. IV.

NEBUCHADNESAR an rìgh chum nan uile shluagh, fhinneacha agus tieanganna, ta chomh-nuidh air antalamh uile: Gu meudaichear sìth dhuibh.

2 Chunnaic ceart dhomh-sa gu 'n cuirinn an céill na comharan agus na mìorbhuilean a dh' oibrich an t-ard Dhia do m' thaobh.

3 Cia mòr a chomharan! agus cia cumhachdach a mhìorbhuilean! a rioghachd-san is rioghachd shìorruidh i, agus tha 'uachdaranachd o linn gu linn.

4 Bha mise Nebuchadnesar gu

suaimhineach ann am thigh, agus gu h-àluinn ann am làchairt :

5 Chunnaic mi brudair a chuir eagail orm, agus rinn mo smaointe air mo leabaidh, agus aislinge mo chinn, mo bhuaireadh.

6 Uime sin thug mi teann-ordugh uile dhaoine glìce Bhabiloin a thoirt a steach a' m' fhianuis, a chum gu'n d'thugadh iad fios domh air brìgh a' bhrudair.

7 An sin thàinig a steach na druidhean, na speuradairean, na Caldéich, agus na fiosaichean : agus dh'iunais mi am brudair nan làthair ; ach cha d'thug iad fios dhomh air a bhrìgh.

8 Ach mu dheire thàinig Daniel a steach a' m' làthair, (d' am b' ainm Beltesasar, do réir ainme mo dhé-sa, agus anns am bheil spiorad nan dée naomh) agus na làthair-san dh'innis mi am brudair, *ag ràdh*,

9 O Beltesasar, thusa a's airde do na druidhibh, a chionn gu bheil fios agam gu bheil spiorad nan dée naomh annad-sa, agus nach cuir dìomhaireachd air bith dragh ort, innis domh sealladh mo bhrudair, a chunnaic mi, eadhon a bhrìgh.

10 Mar so bha aislinge mo chinn air mo leabaidh, Chunnaic mi, agus, feuch, craobh ann am meadhan na talmhainn, agus bha a h-airde mòr.

11 Dh'fhàs a' chraobh, agus bha i làidir, agus ràinig a h-airde gu nèamh, agus a sealladh gu crìch na talmhainn uile.

12 Bha a duilleach maiseach, agus a toradh pailt, agus innte bha biadh air son na h-uile : bha aig beathaiche na machrach sgàile fuipe, agus ghabh eunlaith an athair còmhnuidh na geugaibh, agus bheathaicheadh na h-uile feoil uaipe.

13 Chunnaic mi ann an aislingibh mo chinn, air mo leabaidh, agus feuch, thàinig fear-faire, eadhon aon naomh a nuas o nèamh :

14 Ghlaodh e gu h-ard, agus thubhairt e mar so, Gearr sìos an crann, agus sgath dheth a gheugan crath dheth a dhuilleach, agus sgap a thoradh : imicheadh na beathaichean o bhi fuidhe, agus na h-eunlaith o 'gheugaibh.

15 Gidheadh fag bun a fhreumh anns an talamh, eadhon le boinn iarunn agus umha, ann am fear maoth na faiche ; agus biodh e sìuich le dealt nèimh, agus a chuibhrionn leis na beathaichibh ann am fear na talmhainn.

16 Atharruichear a chridhe o bhi na chridhe duine, agus thugar dha cridhe ainmhidh, agus gabhadh seachd aimsirean thairis air.

\* *dosrach. Chald.*

17 Tha chùis so le teann-ordugh nam fear-faire, agus an t-iarrras air focal nan naomh : a chum gu'm biodh fios aig na bheil beo gu bheil an Ti a's airde a' riaghladh ann an rioghachd dhaoine, agus 'ga tabhairt do neach air bith as àill leis, agus a' cur suas os a cionn an ti a's suar-raiche do dhaoine.

18 Am brudair so chunnaic mise Nebuchadnesar an rìgh : a nis, O Bheltesasar, foillsich thusa a bhrìgh, a chionn nach 'eil uile dhaoine glìce mo rioghachd comasach air fios a thoirt domh air a bhrìgh : ach tha thusa comasach, oir tha spiorad nan dée naomh annad.

19 An sin bha Daniel, (d' am b' ainm Beltesasar) air a lìonadh le h-uamhunn car aon uaire, agus rinn a smaointean a bhuaireadh : labhair an rìgh, agus thubhairt e, A Bheltesasar, na deanadh am brudair, no a bhrìgh, do bhuaireadh. Fhrcagair Beltesasar, agus thubhairt e, Mo thighearn, biodh am brudair dhoibh-san le 'm fuathach thu, agus a bhrìgh do d' naimhidibh.

20 An crann a chunnaic thu, a dh'fhàs, agus a bha làidir, a ràinig 'airde gu nèamh, agus a shealladh gu an talamh uile ;

21 Aig an robh a dhuilleach maiseach, agus a thoradh pailt, agus anns an robh biadh do na h-uile ; fuidh an do ghabh beathaichean na machrach còmhnuidh, agus aig an robh air a gheugaibh àite-tàimh do eunlaith an athair :

22 Is tusa sin, O a rìgh, a ta air fàs agus air cinntinn làidir ; oir tha do mheud air fàs agus a' ruigheachd gu nèamh, agus d' uachdranachd gu crìch na talmhainn.

23 Agus mar a chunnaic an rìgh fear-faire, agus aon naomh a' teachd a nuas o nèamh, agus ag ràdh, Gearr an crann sìos, agus sgrios e, gidheadh fàg bonn a fhreumh anns an talamh, eadhon le boinn iarunn agus umha ann am fear maoth na faiche ; agus biodh e sìuich le dealt nèimh, agus a chuibhrionn le beathaichibh na machrach, agus an gabh seachd aimsirean thairis air :

24 So a bhrìgh, O a rìgh, agus so ordugh an Ti a's airde, a ta air teachd air mo thighearn an rìgh :

25 Gu fàgair iad thu o dhaoineibh, agus gu 'm bi do còmhnuidh le beathaichibh na machrach, agus bheir iad ort fear itheadh mar dhaimh, agus sìuichaidh iad thu le dealt nèimh, agus thèid seachd aimsirean tharad, agus am bi fios agad gu bheil an Ti a's airde a' riaghladh ann an rioghachd dhaoine, agus 'ga tabhairt do neach air bith as àill leis,

26 Agus mar a dh'àithn iad bun freumh a' chruinn fhàgail, bidh do rioghachd cinnteach dhuit, an déigh dhuit fios a bhi agad gu bheil na nèamhan a' riaghladh.

27 Uime sin, O a rìgh, biodh 'mo chomhairle-sa taitneach leat, agus bris air falbh do pheacanna le fireantachd, agus d' ea-ceartan le trècair a nochdadh do na bochdaibh, a dh'fheuchainn am buanaichear do shìochaint.

28 Thàinig so uile air rìgh Nebuchadnesar.

29 An ceann dà mhìos deug bha e spaisdearachd ann an lùchairt rioghachd Bhabiloin,

30 Labhair an rìgh agus thubhairt e, Nach i so Babilon mhòr, a thog mise mar thigh na rioghachd, le neart mo chumhachd, agus air son onoir mo mhòrachd?

31 An feadh a bha am focal ann am beul an rìgh, thuit guth o nèamh, ag ràdh, O a rìgh Nebuchadnesair, riut-sa ta e air a labhairt, Tha an rioghachd air dealachadh riut.

32 Agus fògraich iad thu o dhaoine, agus bidh do chòmhnuidh le beathaichibh na machrach: bheir iad ort feur itheadh mar dhaimh, agus théid seachd aimsirean tharad, agus am bi fios agad gu bheil an Tì a's airde riaghladh ann an rioghachd dhaoine, agus 'ga tabhairt do neach air bith as àill leis.

33 Air an uair sin féin choimhlionadh an nì sin air Nebuchadnesar, agus bha e air 'fhògradh o dhaoine, agus dh' ith e feur mar dhaimh, agus bha a cholann fliuch le dealt nèimhe, agus an d'fhàs 'fhionna mar chloimh na h-iolaire, agus 'iongannan mar spuirean eun.

34 Agus an ceann nan laithean thog mise Nebuchadnesar suas mo shùilean ri nèamh, agus phill mo thuigse chugam, agus bheannuich mi an Tì a's airde, agus chliùthaich mi, agus thug mi onoir dha-san, a ta beo gu sìorruidh, aig am bheil 'uachdranachd na h-uachdranachd sìorruidh, agus a rioghachd o linn gu linn.

35 Agus tha uile luchd-àiteachaidh na talmhainn air am meas mar neoni: agus ni esan mar as àill leis ann am feachd nèimh, agus am measg luchd-àiteachaidh na talmhainn: agus cha 'n urradh aon neach a làmh a bhacadh, no ràdh ris, Ciod a tha thu deanamh?

36 Anns an àm sin féin phill mo thuigse chugam, agus do thaobh glèid mo rioghachd, phill m' onoir agus mo mhòrachd chugam; agus dh'iarr mo chomhairlichean agus mo thighearnan do m' ionnsuidh; agus bha mi air mo dhaingneachadh

ann am rioghachd, agus thugadh tuille dhomh do mhòrachd oir-dheirc.

37 A nis tha mise Nebuchadnesar a' cliùthachadh agus ag ardachadh, agus a' toirt onoir do Rìgh nèimhe, aig am bheil 'uile oibre 'nam firinn, agus a shligheanna 'nam breitheanas, agus a' mhuinntir a shìubhlas ann an uabhar, tha esan comasach air an ìsleachadh.

# CAIB. V.

RINN Belsasar an rìgh cuirm mhòr do mhìle d'a thighearnaibh, agus dh' òl e fìon ann an làth-air a' mhìle.

2 Dh' àithn Belsasar, nuair a bhlaiss e am fìon, na soithichean òir agus airgid a thug 'atljair Nebuchadnesar a's an teampull, a bha ann an Ierusalem a thoirt chuige, a chum gu'n òladh an rìgh agus a mhòr-uaislean, a mhnathan agus a choi-leapaich asda.

3 An sin thug iad chuige na soithichean òir a thugadh a teampull tigbe Dhé, a bha ann an Ierusalem; agus dh' òl an rìgh agus a mhòr-uaislean, a mhnathan agus a choi-leapaich asda.

4 Dh' òl iad fìon, agus chliùthaich iad na dée òir agus airgid, umha, iarunn, fhiodha, agus chloiche.

5 Anns an uair sin féin thàinig a mach meoir làimhe duine, agus sgrìobh iad thall fa chomhair a' choimhleir, airghaidh balla lùchairte an rìgh; agus chunnaic an rìgh a' chuid d'an làimh a sgrìobh.

6 An sin chaochail gnùis an rìgh, agus rinn a smaointean a bhuaireadh, air chor as gu'n robh uilt a leasraidh air am fiasgladh, agus bhual a ghluinean an aghaidh a' chéile.

7 Ghlaodh an rìgh gu h-ard na speuradairean, na Caldéich, agus na fiosaichean a thoirt a stigh; agus labhair an rìgh, agus thubhairt e ri daoine glìce Bhabiloin, Cò air bith a leughas an sgrìobhadh so, agus a dh'fhoillsicheas domh-sa a bhrìgh; sgeudaichear e le sgarlaid, agus cuir-eas slabhraidh òir m'a mhuineal, agus is e an treas fear-riaghlaidh a bhios anns an rioghachd.

8 An sin thàinig uile dhaoine glìce an rìgh a steach, ach cha b'urradh iad an sgrìobhadh a leughadh, no fios a thoirt do 'n rìgh air a bhrìgh.

9 An sin bha an rìgh Belsasar gu mòr air a bhuaireadh, agus bha a ghnuis air a h-atharrachadh, agus bha uanhas air a thighearnaibh.

10 A nis thàinig a' bhan-rìghinn air son briathran an rìgh agus a thighearnan, a stigh gu tigh na cuirm; agus labhair a' bhan-rìghinn, ag ràdh O a rìgh, mair beo gu bràth:



na deanadh do smaointe do bhuair-eadh, agus na biodh do ghnòis air a caochladh.

11 Tha duine ann ad rioghachd, anns am bheil spiorad nan dée naomh, agus ann an laithibh d'athair, bha solus, agus tuigse, agus gliocas, mar ghliocas nan dée, air am faotainn ann; neach a rinn an rìgh Nebuchadnesar d'athair, d'athair-sa, O a rìgh, na uachdaran air na druaidibh, speuradairibh, Caldéich, agus fiosaichibh;

12 Do bhrìgh gu'n d'fhuair eadh spiorad òirdheirc, agus eòlas, agus tuigse, mìneachadh bhruadar, agus taisbeanadh cheistean cruaidhe, agus fhuasgladh imcheistean, anns an Daniel so féin, air an d'thug an rìgh mar ainm Beltesasar: a nis gairmear Daniel, agus foillsichidh e san a bhrìgh.

13 An sin thugadh Daniel a steach an làthair an rìgh; agus labhair an rìgh, agus thubhairt e ri Daniel, An tusa an Daniel sin a ta do chloinn bhràighdeanais Iudah, a thug an rìgh, m'athair a tìr nan Iudhach?

14 Chuala mise iomradh ort, gu bheil spiorad nan dée annad, agus gu bheil solus agus tuig-se, agus gliocas òirdheirc air 'fhaotainn annad.

15 Agus a nis thugadh na daoine glìce, na speuradairan a steach a'm' fhuannais, a chum gu'n leughadh iad an sgrìobhadh so, agus gu'n d'thugadh iad dhomh-sa fios air a bhrìgh: ach cha b'urradh iad brìgh na cùise fhoillseachadh.

16 Agus chuala mi do d' thaobh-sa, gur urradh thu brìgh a thoirt a ni, agus ceistean fhuasgladh; a nis ma's urradh thu an sgrìobhadh a leughadh, agus a bhrìgh fhoillseachadh dhomh-sa, éidear thu le sgarlaid, agus cuirear slabhruidh òir m'n d' mhuineal, agus is tu an treas fear-riaghlaidh, a bhios annsan rioghachd.

17 An sin fhreagair Daniel, agus thubhairt e an làthair an rìgh, Biodh do thiolacan agad féin, agus thoir do dhuaisean do neach eile, gidheadh leughaidh mise an sgrìobhadh do'n rìgh, agus leigidh mi ris a bhrìgh dha.

18 O thu-sa a rìgh, thug an Dia a's airde do Nebuchadnesar d'athair, rioghachd, agus mòrachd, agus glòir agus onoir.

19 Agus air son na mòrachd a thug e dha, bha crith agus eagal air na h-uile shluagh, fhineacha, agus theangannaibh roimhe: mharbhadh e an tì a b'àill leis, agus an neach a b'àill leis chumadh e beo, agus an neach a b'àill leis chuireadh e suas, agus an neach a b'àill leis chuireadh e sìos,

20 Ach 'nuair a bha 'chridhe air a thogail suas, agus 'inntinn air a cruadhachadh ann an uabhair, chuireadh sìos o 'chàithir rioghail e, agus thug iad a ghlòir uath.

21 Agus dh'fhradh e o chloinn nan daoine, agus bha a chridhe mar na h-ainmhidhean, agus a chòmh-nuidh leis na h-asalaibh fadaich: bhiadh iad e le fear mar dhaimh, agus bha a corp fliuch le drùchd nèimh, gus an d'aithnich e gu'm b'e an Dia a's airde bha riaghladh ann an rioghachd dhaoine, agus gu bheil e 'g' orduchadh os a cionn an tì as àill leis.

22 Agus thu-sa a mhac, O Bhelsasair, cha d'islich thu do chridhe, ged' bha fios agad air so uile.

23 Ach thog thu suas thu féin an aghaidh Tighearna nèimhe, agus thug iad soithichean a thigh e ann ad làthair, agus dh'òl thu féin, agus do thighearnan, do mhàthan, agus do leannain, sìon asda, agus chliuthaich thu na dée airgid, agus òir, umha, iarninn, fhiodha, agus chloiche, aig nach 'eil léirsinn, no clàisteachd, no aithne: agus an Dia a'ig am bheil d'anail na làimh, agus do'm buin d'uile shlighe, cha do ghlòraich thu.

24 An sin chuireadh a' chuid do'n làimh uath, agus bha an sgrìobhadh so air a sgrìobhadh.

25 Agus so an sgrìobhadh a bha air a sgrìobhadh, MENE, MENE, TECEL, UPHARSIN.

26 So brìgh na cùise; MENE, rinn Dia do rioghachd àireamh, agus chrìochnaich e i.

27 TECEL, tha tu air do thomhas air a' mheigh, agus fhuair eadh eas-bhuidheach thu.

28 PERES, roinneadh do rioghachd, agus thugadh i do na Medict agus do na Persich.

29 An sin dh'àithn Belsasar gu'n éideadh iad Daniel le sgarlaid, agus gu'n cuireadh iad slabhruidh òir m'a mhuineal, agus gu'n glaothadh iad m'a thimchioll gu'm b'e an treas fear-riaghlaidh a bhiodh annsan rioghachd.

30 Anns an oidhche sin chaidh Belsasar rìgh nan Caldéach a mharbhadh.

31 Agus ghlac Darius am Medach an rioghachd, agus e mu thimchioll trì fichead agus dà bhliadhna dh'aois.

## CAIB. VI.

B'I toil Dharius ceud agus fichead uachdaran a chur os cionn na rioghachd, muinntir a bhiodh os cionn rioghachd uile;

2 Agus os an cionn so trì ard-uachdaran, (do'm b'e Daniel an

ceud aon,) a chum gu'n d'thugadh na h-uachdarain an cunntais doibh, agus nach biodh calltach air bith aig an rìgh.

3 An sin bha Daniel so air 'ardachadh os cionn nan uachdaran, agus nam prionnsachan, a chionn gu'n robh spiorad dirdheirc ann; agus bha e 'n aire an rìgh a chur os cionn na rioghachd uile.

4 An sin dh'iarr na h-uachdarain agus na prionnsachan cùis fhaotainn an aghaidh Dhanieil do thaobh na rioghachd, ach cha b' urradh iad cùis air bith fhaotainn, no coire: do bhrìgh gu 'n robh e dìleas, ni mò fhuaireadh mearachd no coire sam bith ann.

5 An sin thuirt a' mhuinntir so, Cha'n fhaigh sinn cùis air bith an aghaidh an Dhanieil so, mur faigh sinn i na aghaidh do thaobh reachd a Dhé.

6 An sin chruinnich na h-uachdarain agus na prionnsachan so le chèile chum an rìgh, agus thuirt iad ris mar so, A rìgh Dharius mair beo gu bràth.

7 Ghabh uile uachdarain na rioghachd, an luchd-riaghlaidh, agus na prionnsachan, na comhairlichean agus na cinn-fheadhna, comhairle le chèile gu reachd rioghail a dhaingneachadh, agus ordugh làidir a dheanamh, ge b'e dh'iarras achuinge air bith air aon dia no duine rè deich laithean fichead, ach ort-sa, O a rìgh, gu'n tilgear e ann an gàraidh nan leòmhann.

8 A nis, O a rìgh, daingnich an t-ordugh, agus seulaich an sgrìobhadh, a chum nach caochlar e, do réir reachd nam Medach agus nam Persach, nach fheudar atharrachadh.

9 Uime sin sheulaich rìgh Darius an sgrìobhadh agus an t-ordugh.

10 A nis 'nuair a thuig Daniel gu'n deachaidh an sgrìobhadh a sheulachadh, chaidh e chum a thighe, agus air d'a uinneagan a bhi fosgailte na shedmar ri Ierusalem, thuit e sìos air a ghlùinibh trì uairean anns an latha, agus rinn e urnuigh, agus thug e buidheachas an làthair a Dhia, mar a rinn e 'san aimsir roimhe.

11 An sin chruinnich na daoine so, agus fhuair iad Daniel ag urnuigh, agus a' deanamh achuinge ann an làthair a Dhia.

12 An sin thàinig iad am fagus, agus labhair iad ann am fianuis an rìgh mu thimchioll orduigh an rìgh. Nach do sheulaich thu-sa reachd, gach duine 'sam bith a ni achuinge ri aon dia no duine, an taobh a stigh do dheich laithean fichead, ach riut-sa, O a rìgh, gu'n tilgear ann an gàraidh nan leòmhann e? Fhreagair an rìgh, agus thubhairt e, Tha an ni

fior do réir reachd nam Medach agus nam Persach, nach atharruichear.

13 An sin fhreagair iadsan, agus thubhairt iad ann an làthair an rìgh, Daniel sin a ta do chloinn bhruid Iudah, cha 'n 'eil suim aige dhiot-sa, O a rìgh, no do'n reachd a sheulaich thu, ach tha e ri achuinge trì uairean anns an latha.

14 An sin bha 'n rìgh, 'nuair a chual e na briathran, ro dhiombach dheth féin, agus shuidhich e a chrìdhe air Daniel d'ashaoradh: agus shaoth-airich e gu dol fuidhe na gréine chum a thearnadh.

15 An sin chruinnich na daoine so chum an rìgh, agus thubhairt iad ris an rìgh, Biodh fios agad, O a rìgh, gur e lagh nam Medach agus nam Persach, nach feudar ordugh no reachd air bith, a dhaingnich an rìgh, a chaochladh.

16 An sin dh'àithn an rìgh, agus thug iad leo Daniel, agus thilg iad e do ghàraidh nan leòmhann: agus labhair an rìgh ri Daniel, ag ràdh, Do Dhia, d'am bheil thu a' deanamh seirbhis do ghnàth, ni esan do thearnadh.

17 Agus thugadh clach, agus leagadh air beul a' ghàraidh i, agus sheulaich an rìgh le 'sheula féin i, agus le seula a thighearnan; a chum nach biodh a chomhairle air a h-atharrachadh mu thimchioll Dhanieil.

18 An sin chaidh an rìgh d'a làchairt, agus chaith e 'n oidhche ri trasg: ni mò thugadh inneala ciuil na làthair, agus dh' imich a chadal uaith.

19 An sin dh'éirich an rìgh gu ro-mhoch anns a' mhaduinn, agus chaidh e gu luath gu gàraidh nan leòmhann.

20 Agus an uair a thàinig e chum na gàraidh, ghlaodh e le guth muldach ri Daniel; seadh labhair an rìgh, ag ràdh ri Daniel, O Dhanieil, òglaich an Dé bheo, am bheil do Dhia, d'am bheil thu a' deanamh seirbhis an còmhnuidh, comasach air do thearnadh o na leòmhannaibh.

21 An sin thuirt Daniel, O a rìgh mair beo gu bràth.

22 Chuir mo Dhia-sa nuas 'aingeal, agus dhruid e beoil nan leòmhann, air chor as nach d'rinn iad mo dhochann: do bhrìgh na fhianuis gu'n d'fhuaireadh neo-chiont annam, agus fòs a'd' fhianuis-sa, O a rìgh, cha d'rinn mi cron 'sam bith.

23 An sin bha an rìgh, ro aobhneach air a shon, agus dh'àithn e gu'n d'thugadh iad Daniel a nìs as

a' ghàraidh: mar sin thugadh Dàniel a nìos as a' ghàraidh, agus cha d'fhuaireadh gnè air bith dochainn air, a chionn gu'n do chreid e na Dhia.

24 Agus dh'àithn an rìgh, agus thug iad leo na daoine sin a rinn casaid air Daniel, agus thilg siad iad do ghàraidh nan leòmhann, iad féin, an clann, agus am mnathan; agus thug na leòmhainn buaidh orra, agus bhris iad an cnàmhan uile nam bloigridibh, mu'n d' ràinig iad ìochdar na gàraidh.

25 An sin sgrìobh Darius a chum nan uile shluagh, chinneach agus chànuinean a ta chòmhnuidh air an talamh uile, Gu robh sìth air a meudachadh dhuibh.

26 Tha mise a' toirt orduigh, anns gach uile thighearnas do m' rioghachd gu'm bi crith agus eagal air daoine roimh Dhia Dhaniël: oir is esan an Dia beo, agus bunaiteach gu bràth, agus a rioghachd-san cha sgriosar a chaoidh, agus 'uachdranachd tha gus a' chrìoch.

27 Saoruidh esan, agus tearnaidh e, agus oibrichidh e comharian agus mhorbhuilean air nèamh agus air talamh, neach a shaor Daniel o chumhachd nan leòmhann.

28 Mar so shoirbhich Daniel so ann an linn Dhàriais, agus ann an linn Chiruis am Persach.

## CAIB. VII.

**A**NN an ceud bhliadhna Bhelsasair rìgh Bhabiloin, chunnaic Dàniel brúadar, agus aisling a chinn air a leabaidh; an sin sgrìobh e am brúadar, agus dh'innis e suim nan nithe.

2 Labhair Daniel agus thubhairt e, Chunnaic mi ann am aisling anns an oidhche, agus feuch, ghleachd ceithir ghaotla nèimhe air an fhairge mhòr.

3 Agus thàinig ceithir beathaichean mòra nìos as an fhairge, eag-samhuil aon o chéile.

4 Bha a' cheud aon cosmhuil ri leòmhann, agus bha sgiathan iolair aige: agus dh'amhairc mi gus an do spionadh a sgiathan, agus thogadh suas o'n talamh e, agus thugadh air seasamh air a chasibh mar dhuine, agus thugadh dhia cridhe duine.

5 Agus feuch, beathach eile, an dara aon, cosmhuil ri math-ghamhainn, agus thog e suas e féin air aon taobh, agus bha aige trì giala na bheul, an taobh a stigh d'a fhiacian: agus a dubhradh ris mar so, Eirich, sluig mòran fèda.

6 Na dhéigh so dh'amhairc mi, agus feuch, aon eile amhuil liopard, aig an robh air a dhruim ceithir sgiathan

eoin; bha aig a' bheathach mar an ceudna ceithir chinn; agus thugadh dhia uachdranachd.

7 Na dhéigh so chunnaic mi ann an aislingibh na h-oidhche, agus feuch, ceathramh beathach; eagalach agus namhasach, agus ro làidir; agus bha fiacian mòra iarum aige: shluig e suas agus bhris e ann am bloigridibh, agus shaltair e'm fuighleach l'a chasaibh; agus bha e ea-cosmhuil ris na h-uile bheathaichean a bha roimhe: agus bha deich adhaircean air.

8 Thug mi fainear na h-adhaircean, agus feuch, thàinig a nìos nam measg adharc bheag eile, roimh an robh trè do na ceud adhaircibh air an spionadh a nìos as am freunhaibh: agus feuch, anns an adharc so bha sùilean mar shùilean duine, agus beul a' labhairt nithe mòra.

9 Dh'amhairc mi gus an robh na rìgh-chaithrichean air an suidheachadh, agus shuidh Aosda nan laithean, aig an robh a thrusgan geal mar shneachda, agus folt a chinn mar olainn ghlain; a chaithir-rioghail mar lasair theine, a rothan mar theine-loisgeach.

10 Bhrùchd sruth teinteach, agus thàinig e mach o làthair: bha mìle do mhlitibh a' frithealadh dha, agus sheas deich mìle uair deich mìle na fhianuis: shuidhicheadh am breitheanas, agus dh'fhosgladh, na leabhairichean.

11 Dh'amhairc mi'n sin, do bhrìgh guth nam briathran mòr a labhair an adharc: dh'amhairc mi gus an do mharbhadh am beathach, agus gus an robh a chorp air a sgrios, agus air a thoirt do'n lasair loisgich.

12 A thaobh na cuid eile do na beathaichibh, thugadh an uachdranachd air falbh: gidheadh shìneadh am beatha, rè tamuill agus aimsire.

13 Chunnaic mi ann an aislingibh na h-oidhche, agus feuch, thàinig neach cosmhuil ri mac an duine le neulaibh nèimh, agus thàinig e chum Aosda nan laithean, agus thug iad e dlù na làthair.

14 Agus thugadh dhia uachdranachd, agus glòir, agus rioghachd, a chum gu'n d'fhugadh na h-nìle shluagh, chinneacha, agus theanganna, dha seirbhis: 'uachdranachd is uachdranachd shìorruidh, nach sìubhail thairis i, agus a rioghachd cha sgriosar i.

15 Bha mise Daniel muldach ann am spiorad, ann am meadhan mo chuirp, agus rinn aislinge mo chinn mo bhuaireadh.

16 Thàinig mi am fagus do aon dhiubh-san a sheas dlù, agus dh'fhèdruich mi dheth brìgh an iomlain deth so: an sin dh'innis e dhomh,

agus thug e fios dhomh air brìgh nan nithe.

17 Na ceithir beathaiche mòra so, is ceithir rìghrean iad, a dh'èireas a mach as an talamh.

18 Ach glacadh naoimh an Tì a's airde an rioghachd, agus sealbhaichidh iad an rioghachd gu sìorruidh, eadhon gu saoghal nan saoghal.

19 An sin b' àill leam fios fhaotainn air seadh a' cheathramh beathaich, a bha eag-samhuil ri càch uile, an-bharr uamhasach, aig an robh 'fhiacra do iarunn, agus 'iongannan do phlais, a shluig suas, a bhris ann am bloighdibh, agus a shaltair am fuighleach le 'chasaibh.

20 *Seadh* fòs nan deich adharca bha na cheann, agus na h-aon eile a thàinig a nìos, agus roimh an do thuit tri, eadhon na h-adhairce sin aig an robh sùilean, agus beul a labhair nithe ro mhòr, aig an robh sealla ni bu chruadalaiche na càch.

21 Dh'amhairc mi, agus rinn an adharc cheudna cogadh ris na naoimh, agus bhuadhaich i nan aghaidh;

22 Gus an d' thàinig Aosda nan laithean, agus an d' thugadh breitheanas do naoimh an Tì a's airde; oir thàinig an t-àm anns an do sheabh-uich na naoimh an rioghachd.

23 Mar so thubhairt e, Is e an ceathramh beathach an ceathramh rioghachd a bhios air an talamh, a bhios eag-samhuil o na h-uile rioghachd, agus a shluigeas suas an talamh uile, agus a shaltras sìos e, agus a bhriseas e na bhloighdibh.

24 Agus na deich adhairceanas an rioghachd so, is deich rìghrean iad a dh'èireas suas: agus éiridh aon eile nan déigh, agus bidh e eag-samhuil o 'n cheud aon, agus ceann-suichidh e trì rìghrean.

25 Agus labhraidh e briathran an aghaidh an Tì a's airde, agus claidhidh e naoimh an Tì a's airde, agus bidh dùil aige aimsirean agus reachdan a chaochladh: agus bheirear iad d'a làimh gu aimsir, agus aimsirean, agus roinn aimsire.

26 Ach suidhidh am breitheanas, agus bheir iad air falbh a thighearnas, gu 'chaitheamh, agus gu a sgrios gu ruig a chrìoch.

27 Agus bheirear an rioghachd agus an uachdranachd, agus mòrachd na rioghachd fuidh nèimh uile, do mhuinntir naomh an Tì a's ro-airde, aig am lheil a rioghachd na rioghachd sìorruidh, agus bheir na h-uile thighearnais umhlachd agus géill da.

28 An so bha crìoch na cùise. Air mo shon-sa Daniel, rinn mo smaointe gu ro mhòr mo bhuairleadh, agus dh' atharruich mo ghnùis annam;

ach ghléidh mi a' chùis ann am chridhe.

## CAIB. VIII.

**A**NNS an treas bliadhna do linn rìgh Bhelsasar, chunnacas aisling leamsa, leamsa Daniel, an déigh na h-aisling sin a chunnacas leam an toiseach.

2 Agus chunnaic mi ann an aisling, (agus tharladh tra chunnaic mi, gu'n robh mi ann an Susan, anns an àros, a ta ann am mòr-roinn Elaim,) agus chunnaic mi ann an aisling, agus bhia mi aig abhainn Ulai.

3 An sin thog mi suas mo shùilean, agus chunnaic mi, agus feuch, sheas fa chomhair na h-aibhne reithe, aig an robh dà adhairc, agus bha an dà adhairc ard; ach aon ni b' airde nà 'u aon eile; agus thàinig an aon a b' airde nìos mu dheire.

4 Chunnaic mi an reithe a' pùrradh le 'adhaircibh an iar, agus mu thuath, agus mu dheas; air chor as nach feudadh beathach air bith seasamh fa chomhair, ni mò bha neach ann a b'urradh saoradh as a làimh, ach rinn e do réir a thoile, agus dh' fhàs e mòr.

5 Agus am feadh a bha mi a' beachdachadh, feuch, thàinig boc-gaibhre o'n aird an iar, air aghaidh na talmhainn uile, agus cha do bhean e do 'n làr: agus bhia adharc sìon-raicht' aig a' bhoc eadar a shùilean.

6 Agus thàinig e chum an reithe aig an robh dà adhairc, a chunnaic mi na sheasamh fa chomhair na h-aibhne, agus ruith e d'a ionnsuidh ann an cuthach a threise.

7 Agus chuunnaic mi e teachd teann air an reithe, agus dhùisg 'fhearg na aghaidh, agus bhuail e'n reithe, agus bhris e a dhà adhairc; agus cha robh cumhachd air bith aig an reithe gu seasamh roimhe, ach thlig e sìos a chum an làir e, agus shaltair e air: agus cha robh neach air bith a b'urradh an reithe a thearnadh as a làimh.

8. Air an aobhar sin dh'fhàs am boc-gaibhre ro-mhòr, agus 'nuair a bha e làidir, chaidh an adharc mhòr a bhriseadh; agus na h-àite thàinig a nìos ceithir adharca sònraichte, ri ceithir ghaothaibh nèimhe.

9 Agus a mach as aon diubh thàinig adharc bheag, a dh'fhàs anbharr mòr, ris an airde deas, agus ris an aird an ear, agus ris an tìr thaitnich.

10 Agus dh'fhàs i mòr gu ruig feachd nèimh, agus thilg i sìos cuid do 'n fheachd, agus do na reultaibh a chum an làir, agus shaltair i orra.

11 Seadh rinn i uail aisde féin an aghaidh prionnsa an fheachd, agus leatha thugadh air falbh an iobairt lathail, agus bha àite a naomh-ionaid air a thilgeadh sìos.



12 Agus thugadh feachd dh'i 'n aghaidh na h-ìobairt lathail, do bhrìgh ea-ceirt, agus thilg i sìos an fhirinn a chum an làir, agus dhealbha i innleachdan, agus shoirbhich i.

13 An sin chuala mi aon naomh a' labhairt, agus thuirt naomh eile ris an naomh àraid sin a labhair, Cia fhad a bhios an aisling mu thim-chioll na h-ìobairt lathail, agus a bheirear thairis ea-ceart gu mill-eadh agus a bhios an naomh-ionad agus am feachd air an saltairt fa chois?

14 Agus thuirt e rium, Gu dà mhìle agus trì cheud latha : an sin glanar an naomh-ionad.

15 Agus tharladh an uair a chunnaic mise, mise Daniel, an sealladh, agus a dh'iair mi air son na brìgh, an sin feuch, sheas fa 'm chomhair amhuil coslas duine.

16 Agus chuala mi guth duine eadar bhrùachan Ulai, a ghlaodh, agus a thubhairt, A Ghabriel, thoir air an fhear so an sealladh a thuigsinn.

17 Agus thàinig e dlù do'n àite 'san do sheas mi : agus 'nuair a thàinig e, bha eagal orm, agus thuit mi air m' aghaidh : ach thuirt e rium, Tuig, O mhic an duine, oir anns an aimsir dheireannaich bithidh an sealladh.

18 A nis, am feadh a bha e labhairt rium, bha mi ann an cadal trom, air m' aghaidh ris an talamh : ach bhean e dhomh, agus chuir e suas gu dreach mi.

19 Agus thubhairt e, Feuch, bheir mise fios duit ciod a thachras ann an crìch dheireannaich na dian-fheirge : oir anns an àm a shonraicheadh thig a' chrìoch.

20 An reithe a chunnaic thu, aig an robh dà adhairc, is iad sin rìgh-rean Mhedia agus Phersia.

21 Agus a' ghabhar ribeach is e sin rìgh na Greige, agus an adharc mhòr a ta eadar a shùilean, is e sin an ceud rìgh.

22 A nis, air dha sin briseadh, mar a sheas ceithir suas na àite, seasaidh ceithir rìoghachdan suas as a' chiunneach, ach cha 'n aon na neart-san.

23 Agus ann an aimsir dheireannaich an rìoghachd, 'nuair a bhios luchd-an easaontais air an coilionadh, seasaidh suas rìgh aig am bi aghaidh bhorb, agus a thuigeas briathran dorch.

24 Agus bidh a neart cumhachdach, ach cha 'n ann le 'threise féin : agus sgriosaidh e gu h-iongantach, agus soirbhichidh leis, agus bheir e gu crìch, agus millidh e na cumhachdaich agus an sluagh naomh.

25 Agus trid a sheòlachd fòs bheir e air ceilg soirbheachadh na làimh, agus ni e uail as féin na chridhe,

agus le foill sgriosaidh e mòran : seasaidh e fòs suas an aghaidh prionnsa nam prionnsachan, ach brisear e as eugmhais làimhe.

26 Agus tha aisling nan laithean a, a claidh innseadh, fìor : air an aobhar sin druid thusa suas an sealladh, oir bithidh e 'n ceann mhòran laithean.

27 Agus orm-sa Daniel thàinig fàilinn, agus bha mi tinn car laithean àraid ; na dhéigh sin, dh'éirich mi suas, agus rinn mi gnotiaichean ar rìgh, agus bha uamhas orm mu'n aisling, ge nach d'thug aon neach sin fainear.

## CAIB. IX.

ANN an ceud bhliadhna Dhariuis, mhic Ahasueruis, do shìol nam Medach, a rinneadh na rìgh os cionn rìoghachd nan Caldéach ;

2 Anns a' cheud bhliadhna d'a linn-san, thuig mise Daniel, le leabhraichean, àireamh nam bliadhnachan, mu'n d' thàinig focal an Tighearna gu Jeremiah am fàidh, gu'n coilionadh e deich agus trì fich-ead bliadhna 'sam biodh Ierusalem na làraichibh.

3 Agus chuir mi m' aghaidh ris an Tighearn Dia, d'a iarraidh le urnuigh agus le achuinge, le trasg, agus le eudach saic, agus le luaithre.

4 Agus rinn mi urnuigh ris an Tighearn mo Dhia, agus rinn mi m' aidmheil, agus thubhairt mi, O Thighearn, an Dia mòr agus uamhasach, a ta cumail coimhcheangail agus tròcair rìusan, a ghràdhaicheas e, agus do 'n dream, a choimhdeas 'aithteantan :

5 Pheacaich sinne, agus chuir sinn an guìoinh ea-ceart, agus rinn sinn gu h-aingidh, agus bha sinn ceann-airceach, eadhon le dealachadh ri d' àitheantaibh agus ri d' bhreitheanais.

6 Nì mòr dh'éisd sinn ri d' sheirbhisich na fàidhean, a labhair ann ad ainm-sa ri'r rìghrìbh, ri'r n-uachdaranaibh, agus ri'r n-aithrichibh, agus ri uile shluagh an fhearainn.

7 O Thighearn, buinidh fireantachd dhuit-sa, ach dhuinne nàire gnùise, mar air an là an diugh : do mhuinntir Iudah, agus do luchd-àiteachaidh Ierusalem, agus do uile Israel, am fagus agus fad as, feadh nan uile dhùchannan gus an d'fhògair thus' iad, air son am peacannan a pheacaich iad ann ad aghaidh-sa.

8 O Thighearn, dhuinne buinidh nàire gnùise, do 'r rìghrìbh, do 'r prionnsachan, agus do 'r n-aithrich-

\* an fheasgair agus na maidne. Eabh.

ibh, a chionn gu'n do pheacaich sinn ad aghaidh.

9 Do'n Tighearn ar Dia *buinidh* tròcairean agus maitheanais, ge do rinn sinne àr a mach na aghaidh.

10 Ni mò thug sin géill do ghuth an Tighearna ar Dia, a chum gluasad na reachdaibh a chuir e romhainn le 'sheirbhisich na fàidhean.

11 Seadh bhris Israel uile do reachd, eadhon le dol a thaoibh, a chum nach d'thugadh iad géill do d' ghuth; air an aobhar sin tha am mallachd air a dhòrtadh oirnn, agus an truaighe a ta sgrìobhta ann an lagh Mhaois òglaich Dhé, a chionn gu'n do pheacaich sinn na aghaidh.

12 Agus dhàingnich e a bhriathran, a labhair e'n ar n-aghaidh, agus an aghaidh ar breitheachan, a thug breith oirnn, le dòrainn mhòr a thoirt oirnn; oir fuidh nèamh uile cha d'rinneadh mar a rinneadh air Ierusalem.

13 Mar a ta e sgrìobhta ann an lagh Mhaois, tha an t-olc so uile air teachd oirnn; gidheadh cha d'rinn sinn ar n-urnuigh an làthair an Tighearna ar Dia, a chum gu'm bitheamaid air ar pilleadh o'r n-eaceartaibh, agus gu'n tuigeamiad d'fhirinn.

14 Uime sin rinn Dia faire air an olc, agus thug e oirnn e: oir tha an Tighearn ar Dia ceart na uile oibribh ata e deanamh: oir cha d'thug sinne géill d'a ghuth.

15 Agus a nis, O Thighearn ar Dia, a thug do shluagh a mach a talamh na h-Eiphit le làimh chumhachdaich, agus a shuair dhuit féin cliu, mar air an là an diugh, pheacaich sinne, rinn sinn gu h-aingidh.

16 O Thighearn, do réir d' uile fhìreantachd, guidheam ort, leig le d' chorruich agus le d'fheirg pilleadh air falbh do chathair Ierusalem, do shliabh naomh: a chionn, air son ar lochdan, agus air son aingidheachd an ar n-aithrichean, gu bheil Ierusalem agus do shluagh nam masladh do na h-uile mu'n cuairt duinn.

17 A nis, uime sin, O ar Dia, éisd urnuigh d'òglaich, agus 'achuinge, agus thoir air do ghnùis dealradh air d'ionad naomh a ta na làthraich air sgà an Tighearna.

18 O mo Thighearn, crom do chluas agus cluinn; fosgail do shùil-ean, agus faic ar sgaoileadh, agus a' chathair a ta air a gairm air d'ainm: oir cha'n 'eil sinn a taisbeanadh ar n-achuingean a'd' làthair air son ar n-ionracais, ach air son do mhòir thrècair féin.

19 O Thighearn, éisd, O Thighearn, maith, O Thighearn, cluinn agus dean, na dean maille, air do

shon féin, O mo Dhia: oir tha do chathair agus do shluagh air an gairm air d'ainm.

20 Agus am feadh a bha mi a' labhairt, agus ag urnuigh, agus ag aideachadh mo lochd, agus lochd mo shluaigh Israeil, agus a' taisbeanadh m'achuinge an làthair an Tighearna mo Dhia, air son sléibh naomha mo Dhé:

21 Seadh, am feadh a bha mi a' labhairt ann an urnuigh, an neach ceudna, a chunnaic mi anns an aisling air tùs, Gabriel air an d'thugadh itealuich gu luath, bhean rium mu àm na h-lobairt fheasgair.

22 Agus thug e fios dhomh, agus labhair e rium, agus thubhairt e, O Dhaniel, tha mise nis air teachd a mach a thoirt duit gliocais agus tuigse.

23 Aig toiseach d'achuinge thàinig an àithn' a mach, agus thàinig mise a dh'fheuchainn duit: oir tha thu air do ghràdhachadh gu ro mhòr: uime sin, tuig a' chùis, agus thoir faineas an aisling.

24 Tha deich agus trì fichead seachduin air an orduchadh air do shluagh, agus air a' chathair naomh, a chrìochnachadh ea-ceirt, agus a chur crìch air lochdan, agus a dhèanamh réite air son aingidheachd, agus a thoirt a steach fireantachd shiorruidh, agus a sheulachadh suas na h-aislinge agus na fàisneachd, agus a dh'ungadh an Tì a's ro naomha.

25 Aithnich uime sin, agus tuig, o dhiol a mach na h-àithne, gu Ierusalem aiseag agus a thogail suas, gu Mesiah am Prionnsa, gu'm bi seachd seachduinean, agus trì fichead agus dà sheachduin: togar an t-sràid a ris agus am balla, eadhon ann an aimsiribh carraideach.

26 Agus an ceann nan trì fichead agus dà sheachduin, gearrar Mesiah as, ach cha'n ann air a shon féin: agus sgriosaidh sluagh a' phrionnsa a thig a' chathair, agus an naomh-ionad, agus bidh a chrìoch sin le tuil, agus gu deireadh a' chogaidh tha léir-sgrios air a h-orduchadh.

27 Agus daingnichidh esan an coimhcheangal ri mbran car aon seachduin, agus ann an meadhon na seachduin bheir e air an lobairt agus air an tabhartas sgar; agus anns an teampull bidh gràinealachd an léir-sgrios, agus an coileanar an sgrios a dh'orduicheadh, air a làraich fhàsail.

## CAIB. X.

ANN an treas bliadhna Chiruis a rìgh Phersia, dh'fhoillsicheadh ni do Dhaniel, (do'm b'ainm Beltesasar,) agus bha an ni fìor, agus

mu thimchioll feachd mhòir : agus thuig e a' chòis, oir bha e edlach ann an sealladh.

2 Anns na laithibh sin bha mise Daniel ri bròn tri seachduinean iomlan.

3 Cha d'ith mi aran taitneach air bith, ni mò thàinig feoil no fion ann am bheul, ni mò dh'ung mi mi féin idir, gus an robh trì seachduinean iomlan air an coimhlionadh.

4 Agus air a' cheathramh là fheachd do'n cheud mhòs, an uair a bha mi ri taobh na h-aibhne mòire, Hìdecel ;

5 An sin thog mi suas mo shùilean, agus dh'amhairc mi, agus feuch, duine àraid ann an eudach lìn, aig an robh a leasruidh crioslaichte le òr grinn Uphais :

6 Bha a chorp fòs cosmhuil ri beril, agus a ghnùis mar dhreach dealanaich, agus a shùilean mar lùchra teine, agus a ghairdeanan agus a chasan cosmhuil ann an dath ri umha lìomhla, agus fuaim a bhriathran cosmhuil ri guth sluagh mhòir.

7 Agus chunnaic mise Daniel a mhàin an sealladh : oir cha 'n fhaca na daoine bha maille rium an sealladh : ach thuit crith mhòr orra, ionnus gu 'n do theich iad gu iad féin fhòlach.

8 Air an aobhar sin dh'fhàgadh mise ann am aonar, agus chunnaic mi an sealladh mòr so, agus cha d'fhan cumhachd air bith annam : oir dh' atharraicheadh annam mo mhaise gu duaichneachd, agus cha do mhair neart annam.

9 Gidheadh chuala mi fuaim a bhriathran : agus an uair a chuala mi fuaim a bhriathran, an sin bha mi ann an cadal trom air m' aghaidh, agus m' aghaidh ris an làr.

10 Agus feuch, bhean làmh rium, a chuir mi air mo ghluinibh, agus air basaibh mo làmh.

11 Agus thuirt e rium, O Dhaniel, a dhuine ro ionmhuinn, tuig na briathran a ta mis' a' labhairt riut, agus éirich ann ad sheasamh : oir do d' ionusuidh-sa tha mi nis air mo chur. Agus an uair a labhair e am focal so rium, sheas mi air chrith.

12 An sin thuirt e rium, Na biodh eagal ort, a Dhaniel ; oir o'n cheud là 'san do shuidhich thu do chridhe chum tuigsinn, agus chum thu féin irisleadh ann an làthair do Dhia, bha do bhriathran air an cluinntinn, agus tha mise air teachd air son do bhriathran.

13 Ach sheas prionnsa rioghachd Phersia ann am aghaidh là thar fhichead : ach feuch, thàinig Michael, aon do na h-ard phrionnsachan gu m' chòghnadh, agus dh'fhan mi an sin le righribh Phersia.

14 A nis tha mi air teachd a thoirt ort a thuigsinn ciod a thachras do d' shluagh anns na laithibh deireannaach : oir tha an sealladh fathasd rè mhòran laithean.

15 Agus an uair a labhair e 'n leithide so do bhriathraibh rium, chuir mi m' aghaidh ris an làr, agus bha mi ann am thòsd.

16 Agus feuch, bhean neach cosmhuil ri samhlaidh mhaca dhaoine ri m' bhilibh ; an sin dh'fhosgail mi mo bheul, agus labhair mi, agus thubhairt mi ris-san a sheas fa' m choinhair, O mo thighearn, leis an t-sealladh, tha m' amhlghar air pilltinn orm, agus threig mo neart mi.

17 Oir cionnus a dh'fheudas òglach an ti so mo thighearna labhairt ris an tiso mo thighearn ? oir air mo shon-sa, air ball cha d' fhan neart air bith annam, ni mò a dh'fhàgadh anail annam.

18 An sin thàinig a ris agus bhean rium, neach cosmhuil ri samhlaidh duine, agus neartuich e mi,

19 Agus thubhairt e, O dhuine ro ionmhuinn, na biodh eagal ort, sìth dhuit, bi làidir, seadh bi làidir. Agus an uair a labhair e rium, neartuicheadh mi, agus thubhairt mi, labhradh mo thighearn ; oir rinn thu mo neartachadh.

20 An sin thubhairt e, Am bheil fios agad : c' ar son a thàinig mi do d' ionnsuidh ? agus a nis pillidh mi gu cogadh ri prionnsa Phersia : agus an uair a theid mis' a mach, feuch, thig prionnsa na Gréige.

21 Ach nochdaidh mi dhuit an ni sin a' ta comharaicht' ann an sgriop-tur na firinn : agus cha 'n 'eil aon a chuireas leam-sa anns na nithe so ach Michael 'ur prionnsa-sa.

## C A I B. XI.

**A** GUS ann an ceud bliadhna Dhariuis a' Mhedich, sheas mise gu 'dhaingneachadh agus gu 'neartachadh.

2 Agus a nis foillsichidh mi dhuit an fhuirinn, Feuch, seasaidh suas fathasd tri righrean ann am Persia, agus bidh an ceathramh ni's beartaiche gu mòr na iad uile : agus le 'chumhachd, trid a bheartais, dùisgidh e suas na h-uile 'n aghaidh rioghachd na Gréige.

3 Agus seasaidh righ cumhachdach suas a riaghlas le tighearnas mòr, agus a ui do réir a thòile féin.

4 Agus an uair a sheas e suas, brisear a rioghachd, agus roinnear i ri ceithir ghaothaibh naimhe ; agus cha'n ann d'a shliochd, no do réir a thighearnais, leis an do riaghlaidh e : oir bidh a rioghachd air a spionadh a nìos, eadhon air son muinntir eile a bharrachd orra so.

5 Agus bidh rìgh na h-airde deas làidir, ach bidh aon do na prionnsachaidh eadhon ni 's làidire na esan; agus bidh aige tighearnas ni 's mò na 'thighearnas-san.

6 Agus an ceann bhliadhnachan ceanglaidh siad iad féin r'a chéile; oir thig nighean rìgh na h-airde deas a chum rìgh na h-airde tuath a dheanamh réite eatorra: ach cha ghléidh i cumhachd a ghairdein, ni mò sheasas i féin no a sliochd: ach bheirear ise seachad, agus iadsan a thug leo i, agus esan a ghin i, agus esan a neartuich i anns na h-aimsiribh so.

7 Ach a mach a meangan d'a freumh seasaidh aon suas na inbhe, a thig le feachd, agus a théid a steach gu daingneach rìgh na h-airde tuath, agus cuiridh e nan aghaidh, agus bheir e bnaidh:

8 Agus bheir e fòs nam braighdean do 'n Eiphit, an dée, maille ri 'm prionnsaibh, agus ri 'n soithichibh luachmhor airgid agus òir, agus buanaichidh e tuille bhliadhnachan na rìgh na h-airde tuath.

9 Mar sin thig rìgh na h-airde deas d'a rioghachd-san, agus pillidh e g'a dhùthaich féin.

10 Ach bidh a mhic air an dùsgadh suas, agus cruinnichidh iad sluaghl do fheachdaibh mòra: agus thig aon gu deimhin, agus sgaoilidh e thairis, agus imichidh e trid: an sin pillidh e, agus dùsgear suas e, gu ruig a' dhaingnich.

11 Agus honar rìgh na h-airde deas le feirg, agus thig e mach, agus cogaidh e ris, eadhon ri rìgh na h-airde tuath: agus cuiridh e mach sluagh mòr, ach bheirear am mòr-sluagh thairis d'a làimh-san.

12 Agus 'nuair a bheir e air falbh am mòr-sluagh, bidh a chridh' air a thogail suas, agus tilgidh e slos deich mìltean; gidheadh cha neartuichear e.

13 Oir pillidh rìgh na h-airde tuath, agus cuiridh e sluagh mòr a mach, a's mò na cheud sluagh, agus thig e gu cinnteach (an déigh bhliadhnachan àraid) le feachd mòr, agus le pailteas saibhreis.

14 Agus anns na h-aimsiribh sin seasaidh mòran suas an aghaidh rìgh na h-airde deas: mar an ceudna ni uchd-creachaidh mò shluaigh-sa iad féin ardachadh a chum an sealladha dhaingneachadh, ach tuitidh iad.

15 Mar sin thig rìgh na h-airde tuath, agus tilgidh e suas torr, agus glacadh e na bailtean a's làidire, agus chasas guirdeana na h-airde deas na aghaidh, no a shluagh taghta, ni mò bhios neart air bith a chuireas na aghaidh.

16 Ach ni esan a thig na aghaidh

do réir a thoile féin, agus cha seas neach air bith roimhe: agus seasaidh e 'san tìr ghlòr-mhoir, a bhios air a sgrios le 'làimh.

17 Suidhichidh e fòs 'aghaidh gu dol a steach le neart a rioghachd uile, agus daoine ionraic maille ris: mar so ni e; agus bheir e dha nighean uain ban d'a truailleadh: ach cha seas i air a thaobh-san, ni mò bhios i air a shon.

18 Na dhéigh so tionndaidhidh e 'aghaidh ris na h-rileanaibh, agus glacadh e mòran: ach bheir prionnsa air a shon féin fainear gu'n sguir am masladh a thug e uaith: gun mhasladh dha féin bheir e air pill-eadh airsan.

19 An sin tionndaidhidh e 'aghaidh ri daingneach a thìre féin: ach gheibh e tuisleadh agus leagadh, agus cha bhi e ri fhaotainn.

20 An sin seasaidh suas na àite aon a chuireas fear-togail chisean tharan rioghachd ghlòrmhoir; ach an ceann bheagan laithean sgriosar e, cha 'n ann an còrruich, no an cath.

21 Agus na àite-san seasaidh suas neach suarrach, do nach d'thoir iad onoir na rioghachd: ach thig e steach gu sìothchail, agus gheibh e 'n rioghachd le miodal.

22 Agus gairdeana na tuile bàthar as a làthair, agus brisear iad; seadh, fòs prionnsa a' choimhcheangail.

23 Agus an déigh na réite ris, buinidh e gu cealgach; agus thig e nìos, agus fàsaidh e làidir le sluagh beag.

24 Théid e steach gu sìothchail eadhon air na h-ionadan a's fearr do 'n mhòr-roinn, agus ni e an nì nach d'rinn 'aithrichean, no aithrichean 'aithrichean; sgapaidh e nam measg a' chreach, agus a' chobhartach, agus an saibhreas: agus dealbhaidh e 'innleachdan an aghaidh na daingnichean làidir, eadhon rè seal.

25 Agus dùsgidh e suas a chumhachd agus a chruadal, an aghaidh rìgh na h-airde deas le feachd mòr; agus bidh rìgh na h-airde deas air a dhùsgadh suas gu cath, le feachd ro mhòr agus cumhachdach; ach cha seas e: oir dealbhaidh iad innleachdan na aghaidh.

26 Seadh marbhaidh iadsan, a dh'itheas cuibhrionn d'a bhiadh, e, agus sgaoilidh 'fheachd a mach mar thuill: agus tuitidh mòran slos marbh.

27 Agus bidh cridheachan nan rìghrean so aron air aimhleas a dheanamh, agus labhraidh iad breugan air non bhòrd; ach cha soirbhich sin: oir fathasaidh a' chrìoch anns an àm a shonraicheadh.

28 An sin pillidh esan gu 'dhùth-aich le saibhreas mòr, agus bidh a chridhe 'n aghaidh a' choimhchean-



gail naomha: agus an déigh so a dheanamh, pillidh e gu 'thir féin.

29 Anns an àm a shonraicheadh pillidh e, agus thig e ris an airde deas; ach cha bhi na nithe ma dheire mar na ceud nithe.

30 Oir thig longa Chitim na aghaidh: air an aobharsin bidh doilghios air, agus pillidh e, agus bidh fearg air an aghaidh a' choimhcheangail naomha; mar sin ni e, eadhon pillidh e, agus cumaidh e bàigh riusan a thréigear an coimhcheangail naomh.

31 Agus seasaidh làmhnan air a thaobh, agus truaidhidh iad naomh-ionad an neirt, agus bheir iad air falbh an òbairt lathail, agus suidhichidh iad a' ghràinealachd a chuirceas fàs.

32 Agus a' mhuinntir a ni gu h-olc an aghaidh a' choimhcheangail truaidhidh e le sodal<sup>a</sup>: ach an sluagh aig am bheil edlas air an Dia, bidh iadsan làidir, agus ni iad gu treun.

33 Agus iadsan aig am bheil tuigse am measg an t-sluaigh, teagaisgidh iad mòran: gidheadh tuitidh iad leis a' chlàidheamh, agus leis an lasair, le bruid, agus le creich, rè mòrain laithean.

34 A nis 'nuair a thuiteas iad, cuideachar iad le beagan cuideachaidh: ach leanaidh mòran riu le mìodal.

35 Agus tuitidh cuid dhiubh-san aig am bheil tuigse, chum an dearbhadh, agus an glanadh, agus an deanamh geal, eadhon gu àm na crìche; a chionn gu bheil e fathas air son àm a shonraicheadh.

36 Agus ni an rìgh do réir a thoile féin, agus ardaichidh se e féin, agus togar e na mhòr-chuis os cionn gach dé, agus labhraidh e nithe iongantach an aghaidh Dhé nan dée, agus soirbhichidh leis gus an coimhionar a' chorruch: oir nithear an ni sin a dh' orduicheadh.

37 Ni mò bhios suim aige do dhia 'aithrichean, no do thoil bhan, no suim do dhia air bith: oir meudaichidh se e féin os cionn nan uile.

38 Ach na àite bheir e onoir do'n dia Mahusim: agus do dhia nach b' aithne d'a aithrichean bheir e onoir le h-òr agus airgid, agus clachaibh rìomlach, agus nithibh tàitneach.

39 Mar so ni e; do luchd-coimhid Mahusim, dhé choimhich, a ta esan ag aideachadh, bheir e onoir mhòr, agus bheir e orra riaghladh thar mòran; agus roinnidh e 'm fearann air son duaise.

40 Agus an àm na crìche ni rìgh na h-airde deas a phurradh, agus thig rìgh na h-airde-tuath na agh-

aith mar chuairt-ghaoith, le carbadaibh, agus le marcachaibh, agus le mòran longa; agus théid e steach do na dùchannaibh, agus sgaoilidh e mar thuil, agus siùblaidh e thairis.

41 Théid e fòs a steach do'n tìr ghlòrmhor, agus bidh in-dran dhùchannan air an tilgeadh bun os cionn; ach théid iad so as o 'làimh, Edom, agus Moab, agus rogha cloinne Amoin.

42 Sinidh e fòs a mach a làmh air na dùchannaibh, agus cha d'théid tìr na h-Eiphit as.

43 Ach bidh cumhachd aige os cionn nan ionmhasan òir agus airgid, agus os cionn uile nithe rìomhach na h-Eiphit: agus bidh na Libiaich agus na h-Etiopaich air a lorg.

44 Ach ni sgeul o'n aird an ear, agus o'n airde tuath a bluaireadh: air an aobhar sin théid e mach le corruich mhòir gu sgrìos, agus gu mòran a mhilleadh gu tur.

45 Agus suidhichidh e pailliuannan a lùchairte eadar na cuantan, anns an t-sliabh ghlòrmhor naomh; gidheadh thig e gu 'chrìch, agus cha chuidich neach air bith leis.

## CAIB. XII.

**A** GUS anns an àm sin seasaidh Michael suas, am prionnsa mòr a ta seasamh air son cloinne do shluaigh-sa, agus bidh aimsir carraid ann, mar nach robh riamh o bha cinneach ann, gus an uair sin féin: agus anns an àm sin saorar do shluaigh-sa, gach aon a gheibhear sgrìobhta 'san leabhar.

2 Agus dùisgidh mòran dhiubh-san a ta nan cadal ann an dslach na talmhainn, cuid gu beatha shìorruidh, agus cuid gu nàire agus maslachd bith-bhuan.

3 Agus dealraidh iadsan a ta glic mar shoilleireachd nan speur; agus iadsan a thionndas mòran gu fireantachd mar na reultan fad saoghail nan saoghal.

4 Ach thu-sa, O Dhaneil, druid suas na briathran, agus seulaich an leabhar, gu àm na crìche: ruithidh mòran sìos agus suas, agus bidh edlas air a mheudachadh.

5 An sin dh'amhairc mise Daniel, agus feuch, sheas dithis eile, aon air an taobh so do bhruaich na h-aibhne, agus aon air an taobh eile do bhruaich na h-aibhne.

6 Agus thuir neach ris an duine bha sgeudaichte le lion-eudach, a bha air uisgeachaibh na h-aibhne, Cia fhad a bhitheas gu crìch nan iongantas so?

7 Agus chuala mi an duine bha sgeudaichte le lion-eudach, a bha air uisgeachaibh na h-aibhne, 'nuair a thog e suas a làmh dheas agus a làmh chli gu nèamh, agus a mhion-

## H O S E A.

naich e air-sana ta beo gu sìorruidh, gu 'm bi e gu aimsir, agus aimsirean, agus leth aimsire : agus 'nuair a sguireas e do sgapadh feachd an t-sluaigh naomha, crìochnaichear na nithe so uile.

8 Agus chuala mi, ach cha do thuig mi : an sin thubhairt mi, O mo Thighearn, cìod a' chrìoch a bhios aig na nithe so ?

9 Agus thubhairt e, Imich romhad, a Dhanieil : oir tha na briathran air an druideadh suas, agus air an seulachadh gu àm na crìche.

10 Bidh mòran air an glanadh, agus air an deanamh geal, agus air an dearbhadh : ach nì na h-aingidh

gu h-olc ; agus cha tuig aon neach do na h-aingidh, ach tuigidh na daoine glìce.

11 Agus o'n àm an d'thoirear air falbh an ìobairt lathail, agus an cuir-eas suas a' ghràinealachd a nì léir-sgrìos, bidh mìle, dà cheud, ceithir fichead agus deich laithean.

12 Is beannuicht' esan a dh'fheith-eas, agus a thig gus am mìle trì cheud agus cùig deug thar fhichead latha.

13 Ach imich thusa romhad gus an d'thig a' chrìoch : oir gabhaidh tu fois, agus seasaidh tu ann ad chrann-chur aig crìch nan laithean :

## H O S E A.

### CAIB. I.

**F**OCAL an Tighearna a thàinig gu Hosea, mac Bheeri, ann an laithibh Usiah, Iotaim, Ahais, agus Hececiah, rìghrean Iudah ; agus annan laithibh Ieroboaim, mhic Iohais, rìgh Israeil.

2 Toiseach focail an Tighearna le Hosea. Agus thuirt an Tighearn ri Hosea, Imich, gabh chugad bean strìopachais : agus clann strìopachais : oir rinn am fearann strìopachas mòr ann an dealachadh ris an Tighearn.

3 Agus dh'imich e, agus ghabh e Gomer nighean Dhiblaim ; agus dh'fhàs i torrach, agus rug i mac dha.

4 Agus thuirt an Tighearn ris, Goir Iesreel mar ainm air ; oir fòs tamull beag, agus diolaidh mise fuil Iesreel air tigh Iehu, agus cuiridh mi cosgadh air rioghachd tìghe Israeil.

5 Agus tarlaidh air an là sin, gu 'm bris mise bogha Israeil ann an gleann Iesreil.

6 Agus dh'fhàs i torrach a rìs, agus rug i nighean ; agus thuirt Dia ris, Goir Lo-ruhamah, Cha dh'fhuair-eas tràcair, mar ainm oirre ; oir cha dean mise tràcair nì's mò air tigh Israeil, ach bheir mi gu tur air falbh iad.

7 Ach air tigh Iudah nì mi tràcair, agus tearnaidh mi iad leis an Tigh-

earn an Dia, agus cha 'n ann le bogha, no le claidheamh, a thearuas mi iad, no le cath, no le h-eachaibh, no le marcaich.

8 Agus chuir i o'n chìch Loruhamah, agus dh'fhàs i torrach, agus rug i mac.

9 An sin thuirt Dia, Goir Lo-ammi, *Sluagh nach lean-sa*, mar ainm air : oir cha sibh-se mo shluagh-sa, agus cha bhì mise ann am *Dhia dhuibhsa*.

10 Gidheadh bidh àireamh cloinne Israeil mar ghlaimeamh na fairge, nach feudar a thomhas no àireamh ; agus tarlaidh, anns an àite 'san dùbhradh riu, Cha sibh mo shluagh-sa, gu'n abrar riu, Is sibh mic an Dé bheo.

11 Agus bidh clann Iudah agus clann Israeil air an cruinneachadh le chéile, agus gabhaidh iad dhoibh féin aon cheann, agus thig iad a nìos as an tìr : oir is mòr a bhitheas là Iesreil.

### CAIB. II.

**A**BRAIBH-SE ri 'r bràithribh, Ammi, *Mo shluagh-sa*, agus ri 'r peathraichibh, Ruhamah, *Fhuair-eas tràcair*.

2 Tagraibh ri 'r màthair, tagraibh : oir cha 'n i mo bhean-sa, nì mò is mis' a fear-sa : cuireadh i air falbh uime sin a strìopachas as a sealladh, agus a h-adhaltrais o h-uchd :

3 Air eagal gu'n rùis mis' i lom-

nochd, agus gu 'n cuir mi i marannan an là 'san d' rugadh i, agus gu 'n dean mi i mar fhàsach, agus gu 'm fàg mi i mar fhearann tioram, agus gu marbh mi i le tart:

4 Agus nach gabh mi truas d'a cloinn, oir is clann strìopachais iad.

5 Oir rinn am màthair strìopachas: rinn ise a ghabh na broinn iad gu beag-narach: oir thubhairt i, theid mi an déigh mo luchd-gaoil, a ta toirt dhomh m' arain agus m' uisge, m' olainn agus mo lìn, m' oladh agus mo dhibhe.

6 Uime sin feuch, druididh mise suas a slighe le droighionn, agus dùinidh mi a callaid, air chor as nach àmais a i air a ceuma.

7 Agus leanaidh i 'n déigh a luchd-gaoil, ach cha bheir i orra; agus iarruidh i iad, ach cha 'n àmais i orra: an sin their i, Siùbhlaidh mi agus pillidh mi gu 'm cheud fhear, oir bha mi ni b'fhearr dheth an sin na 'n trà-sa.

8 Agus cha robh fios aice gu 'n d' thug mise dhi arbhar, agus fion, agus oladh, agus an t-airgid a rinn mi pailt dhi, agus an t-òr a thug iad mar thabhartas do Bhaal.

9 Uime sin pillidh mise, agus bheir mi m' arbhar leam na àm, agus m' fhìonn na àm, agus bheir mi leam m' olann agus mo lìon, a thugadh a chòmhdachadh a lòn-nochduiche.

10 Agus a nis leigidh mi ris a neoghloine ann an sealladh a luchd-gaoil, agus cha saor duine sam bith as mo làimh i.

11 Bheir mi fòs air a h-aighir uile egr; a ré nuadh, agus a sàbaid, agus a h-ard-fhéillean uile.

12 Agus millidh mi a fionain agus a crann-fige, mu 'n d' thubhairt i, Is iad so mo dhuais a fhuair mi o m' luchd-gaoil: agus ni mi fàidh dhiubh, agus ithidh beathaichean na machrach iad.

13 Agus agraiddh mi oirre laithean Bhaalim, anns an do loisg i tùis doibh, agus anns an do sgeudaich si i féin le a cluas-fhàinnibh agus le a seudaibh, agus anns an deachaidh i an déigh a leannan, agus anns an do dhi-chuimhnich i mise, deir an Tighearn.

14 Gidheadh feuch, bheir mise oirre mo leantuinn, agus bheir mi i do n' fhàsach, agus labhraiddh mi rithe gu cairdeil.

15 Agus assin bheir mi dhi a fion-lìosan, agus gleann Achoir mar dhorus dòchais, agus seinnidh i 'n sin, mar ann an laithibh a h-òige, agus mar anns an là 'san d' thàinig i nìos a tìr na h-Eiphit.

16 Agus tarlaiddh air an là sin, deir an Tighearn, gu 'n goir thu dhìom-sa, M'fhear, agus nach goir thu rium ni 's mò, Mo Bhaal.

17 Oir bheir mi ainmean Bhaalim a mach as a beul, agus cha 'n ainm-ichear ni 's mò iad air an ainm.

18 Agus anns an là sin ni mise coimhcheangal air an son, ri beathaichibh na machrach, agus ri eun-laith nèimhe, agus ri nithibh snàgach na talmhainn: agus am bogha, agus an claidheamh, agus an cath, brisidh mi a mach as an fhearann, agus bheir mi orra gu 'n luidh iad sìos an tèar-uinteachd.

19 Agus pòsaidh mi thu rium féin gu bràth; seadh, posaidh mi rium féin thu ann am fireantachd, agus ann an ceartas, agus ann an caoimhneas, agus ann an caomh-glhràdh;

20 Seadh, ni mi ceangal pòsaidh riut ann am firinn, agus gabhaidh tu eòlas air an Tighearn.

21 Agus tarlaiddh air an là sin, cluinidh mise, deir an Tighearn, cluinidh mise na nèamha; agus cluinidh iadsan an talamh;

22 Agus cluinidh an talamh an t-arbhar, agus am fion, agus an oladh; agus cluinidh iadsan les-reel.

23 Agus suidhichidh mi dhomh féin i anns an fhearann, agus ni mi tròcair oirre-sa, nach d'fhuair tròcair; agus their mi riu-san, nach robh nan sluagh dhomh, Is tu mo shluagh; agus their iadsan, Is tu mo Dhia.

CAIB. III.

**O**S-barr thubhairt an Tighearn rium, Imich a ris, gràdhaich bean, (ionmhuinn le a caraid, ged' tha i na ban-adhaltranaich,) do réir gràidh an Tighearna do chloinn Israeil, ged' tha iadsan ag amharc ri déibh eile, agus a' gràdhachadh chopana fiona.

2 Mar sin cheannuich mi dhomh féin i air chùig buinn deug airgid, agus homer eorna, agus leth homeir eorna.

3 Agus thuirt mi rithe, Fanaidh tu leamsa mòran laithean; chadean thu strìopachas, ni mò bhios tu aig fear eile, mar sin bidh mise mar an ceudna agad-sa.

4 Oir fanaidh clann Israeil mòran laithean gun rìgh, agus gun phrionn-sa, agus gun òbairt, agus gun òmh-aigh, agus gun ephod, agus gun tephaphim.

5 Na dhéigh sin pillidh clann Israeil, agus iarruidh iad an Tighearn an Dia, agus Daibhidh an rìgh, agus bidh eagal an Tighearna agus a mhaitheis orra, anns na laithibh deireanach.

## CAIB. IV.

**E**ISDIBH-SE focal an Tighearna, O chlànn Israeil : oir tha coistriaig an Tighearna ri luchd-àiteachaidh na tìre ; a chionn nach 'eil firinn, no trècair, no eòlas Dé, anns an fhearann.

2 Le mionnaibh, agus breugaibh agus marbhadh, agus goid, agus deanamh adhaltruis, bhris iad a mach ; agus tha fuil a' ruigheachd gu fuil.

3 Uime sin ni am fearann caoidh, agus seargaidh gach aon a ta chòmhnuidh ann, maille ri beathaichibh na machrach, agus ri eunlaith an athair ; seadh, bheirear iasga na fairge fòs air falbh.

4 Gidheadh cha 'n 'eil duine sam bith a' tagradh, agus cha 'n 'eil duine sam bith a' cronuchadh : oir tha mo shluagh mar dhream a ni strì ris an t-sagart.

5 Uime sin tuitidh tu 'san là, agus tuitidh am fàidh fòs leat anns an oidhche ; agus sgriosaidh mise do mhàthair.

6 Tha mo shluagh-sa air an sgrios le dìth eòlais. A chionn gu 'n do chuir thu cùl ri eòlas, cuiridh mise fòs cùl riut-sa, air chor as nach bi thu agam a' d' shagart : a chionn gu 'n do dhearmaid thu lagh do Dhia, dearmaididh mise fòs do chlànn-sa.

7 Amhluidh mar chaidh iad am meud, mar sin chiontaich iad a' m' aghaidh-sa : caochlaidh mise an glòir gu nàire.

8 Tha iad ag itheadh suas peacaidh a mo shluaigh-sa, agus a socrachadh an cridhe air an ea-ceart.

9 Agus amhuil a bhios an sluagh, mar sin bidh an sagart, agus smachdaichidh mise iad air son an sliheanna, agus diolaidh mi orra an deanadas.

10 Agus ithidh iad, ach cha bhi iad sàsuichte ; ni iad strìopachas, agus cha 'n fhàs iad lìonmhor : oir leig iad dhiubh bhì toirt aire do 'n Tighearna.

11 Bheir strìopachas, agus fìon, agus fìon nuadh air falbh an cridhe.

12 Tha mo shluagh-sa ag iarraidh comhairle air an crannaibh, agus tha an lorg a' deànamh foillseachaidh dhoibh : oir thug spiorad an strìopachais orra dol air seachran, agus chaidh iad le strìopachas air falbh o'n Dia.

13 Air mullaichibh nan sliabh tha iad ag òbradh, agus air na sléibhtibh tha iad a' lèsgadh tùise ; fo chrannaibh daraich, agus crithich, agus cuilinn, a chionn gu bheil an sgàile taitneach : air an aobhar sin tha 'ur

nigheana ri strìopachas, agus 'ur mnathan ri adhaltrus.

14 Nach smachduich mise bhuir nigheanan, a chionn gu bheil iad ri strìopachas ? agus 'ur mnathan a chionn gu bheil iad ri adhaltrus : a chionn gu bheil iad 'gan cur fèin air leth le strìopaichibh, agus ag òbradh le luchd-neo-ghloine : uimesin, an sluagh aig nach 'eil tuigse, tuitidh iad.

15 Ged' dhean thusa strìopachas, O Israeil, gidheadh na ciontaicheadh Iudah ; agus na d' thigibh-se gu Gilgal, ni mò théid sibh suas gu Bet-abhen ; ni mò mhionnaicheas sibh, Mar is beo an Tighearna.

16 Oir tha Israel a' clannadh air ais, mar agh cùl-sleamhnach : a nis biadhaidh an Tighearna iad mar uan ann an àite farsuing.

17 Tha Ephraim air a dhlù-cheangal ri Iodholaibh, leig leis :

18 Tha an deoch searbh : rinn a h-uachdarain strìopachas gun chlos ; ghràdhàich iad ni nàrach :

19 Cheangail a' ghaoth suas i na sgiathaibh ; agus bidh nàir' orra do thaobh an Iobairtean.

## CAIB. V.

**CLUINNIBH-SE** so, a shagartan ; agus thugaibh-se aire, O thigh Israeil ; agus thugaibh-se faineir, O thigh an rìgh ; oir tha breitheanas dlù dhuibh ; a chionn gu 'n robh sibh mar rìb air Mispah, agus mar lìon sgaoilte air Tabor.

2 Agus rinn na ceannaircich àr domhainn ; uime sin bheir mise smachdachadh air an iomlan diubh.

3 Is aithne dhomh-sa Ephraim, agus Israel cha 'n 'eil am folach orin : oir a nis rinn Ephraim strìopachas, tha Israel air a thruailleadh.

4 Cha dealbh iad an deanadas gu pilleadh a chum an Dé : oir tha spiorad strìopachais nam meadhon, agus air an Tighearna cha do ghabh iad eòlas.

5 Air an aobhar sin islichear uabhar Israeil fa chomhair a shùl ; agus Israel, agus Ephraim tuislichidh nan aingidheachd : tuislichidh fòs Iudah maille riu.

6 Le 'n treudaibh agus le 'm buaraidh, théid iad a du'iarraidh an Tighearna : ach cha 'n fhaigh iad e ; tharruing se e fèin uatha.

7 Bhuia iad gu fealtach an aghaidh an Tighearna ; oir ghin iad clann choimheach : a nis sluigidh mìos iad maille r' an cuibhriounaibh.

8 Séidibh-se an trompaid ann an Gibeah, am buabhull ann an Ramah : èighibh caismeachd chatha ann am Bet-abhen : an nàmhaid air do thoir, O Bheniamin.



9 Bidh Ephraim na fhàsach ann an là an achasain : am measg threubhan Israeil rinn mise aithnichte an nì sin, a thig gu crìch gu deimhin.

10 Bha prionnsachan Iudah cosmhuil riu-san a dh' atharruicheas an comhara-fearainn : dòirtidh mise mo chorruich a mach orra mar uisge.

11 Tha Ephraim sàruichte, briste ann am breitheanas; a chionn gu'n do ghluais e gu toileach an déigh na h-àithne.

12 Uime sin bidh mise mar leòmhann do Ephraim : agus mar lobhadh do thigh Iudah.

13 Tra chunnaic Ephraim a thinn-eas, agus Iudah a chreuchd, an sin chaidh Ephraim a chun an Asirian-aich, agus chuir e fios gu rìgh Iareb : gidheadh cha b'urradh e 'ur leigheas, ni mò shlànuch e 'ur creuchd.

14 Gu deimhin bidh mise mar leòmhann do Ephraim, agus mar leòmhann ùg do thigh Iudah : reubaidh mise, eadhon mise féin, agus inichidh mi romham; bheir mi leam, agus cha bhi aon neach ann a thearnas:

15 Imichidh mi, agus pillidh mi gu m' àite, gus an aidich iad an cionta, agus an iarr iad m' aghaidh; nan amlghar iarruidh iad mi gu moch.

## CAIB. VI.

**T**HIGIBH, agus pilleamaid ris an Tighearn: oir is esan a reub, agus is e ni ar leigheas; is e bliuail, agus ceanglaidh e suas sinn.

2 An ceann dà latha ni e ar n-ath-bheothachadh; air an treas là dùisgidh e suas sinn, agus bidh sinn beo nashealladh.

3 Agus bidh edlas againn, théid sinn air ar n-aghaidh a ghabhail edlais air an Tighearn: tha a dhol a mach air 'ullachadh mar a' mhaduinu; agus thig e chugainn mar an t-uisge; mar an t-uisge deireannach, agus an t-uisge toisich air an talamh.

4 Ciod a ni mi riut, O Ephraim? Ciod a ni mi riut-sa, O Iudah? oir tha 'ur maithneas mar neul maidne, agus mar an drùchd moch, a shiùbhlais air falbh.

5 Uime sin sgath mi sìos iad leis na fàidhean: mharbh mi iad le briathraibh mo bheoil; agus bha do bhrèitheanais mar an solus na dhol a mach.

6 Oir dh'iarr mise tràcair, agus ni h-e lobairt; agus edlas Dé ni 's mò na lobairtean loisgte.

7 Ach bliris iad an coimheangal mar Adhamh: an sin bhuin iad gu fealltach a'm' aghaidh-sa.

8 Is cathair luchd-deanamh ea-coraich Gilead; air a truailleadh le fuil.

9 Agus amhuil a dh'fheitheas buidheann air son duine, tha cuid-eachd nan sagart a' marbhadh anns an t-slighe gu Sechem a dh'aon-fheachd; oir rinn iad gu dàna aingidheadh.

10 Ann an tigh Israeil chunnaic mi ni ro ghràineil: an sin tha Ephraim ri strìopachas, tha Israel air a thruailleadh.

11 Air do shon-sa, mar an ceudna, O Iudah, tha foghara air a shònrachadh, an uair a philleas mise air a h-ais bruid mo shluaigh.

## CAIB. VII.

**A**N uair a b' àill leam-sa Israel a leigheas, an sin leigeadh ris aingidheadh Ephraim, agus eacart Shamaria: oir tha iad a' cur an gnìomh ceilge: seadh, tha an gaduiche a' dol a' steach; tha a' cheathairne ri creach a muigh.

2 Agus cha 'n 'eil iad a' toirt faineir nan cridhe gur cuimhne leams' an uile aingidheadh: a ni chuairtich an gnìomhara féin iad air gach taobh; tha iad fa chomhair m' aghaidh-sa.

3 Le'n aingidheadh tha iad a' deanamh an rìgh ait; agus nan uachdaran le'm breugaibh.

4 Is adhaltranuich iad uile; mar àmhuinn air a teasachadh leis an fluineadair, an tra sguireas fear-oibreachaidh na taoise d'a fuineadh gus am bi si air a gortachadh.

5 Air là féill ar rìgh, tra bha na prionnsachan air an teasachadh le fion, shìn esan a mach a làmh le luchd-fanoid.

6 Oir dh'ullaich iad an cridhe mar àmhuinn, am feadh a ta iad ri feall-fholach; fad na h-oidhche tha 'm fluineadair a' cadal; anns a' mhaduinn tha i losgadh mar theine lasrach.

7 Theasaich iad uile iad féin mar àmhuinn, agus shluig iad am breitheanluna; tha an rìghrean uile air tuiteam, cha 'n 'eil aon nam measg a ta gairm orm-sa.

8 Ephraim, mheasg esan e féin leis na cinnich; is aran nach deachaidh a thionndadh Ephraim.

9 Shluig coigrich suas a neart, agus cha 'n 'eil fios aig air: seadh tha fuitheanan liath air an sud agus an so, gidheadh cha 'n 'eil fios aig air.

10 Agus tha uabhar Israeil a' tabhairt fianuis fa chomhair a shul: gidheadh cha 'n 'eil iad a' pilleadh ris an Tighearn an Dia, no 'ga iarruidh air son so uile.

11 Tha Ephraim fòs mar choluman amaideach, gun edlas: tha iad a' glaochadh ris an Eiphit, tha iad a' triall gu Asiria.

12 An uair a thriallas iad, sgaoilidh mise mo lion tharta; mar eunlaith an athair bheir mi nuas iad: smachdaichidh mi iad an uair a dh' éisdeas iad ri 'n coimhthional.

13 Mo thruaighe iad, oir theich iad uam-sa: léir-sgrios dhoibh, oir chiontaich iad a'm' aghaidh-sa: ge do shaor mi iad, gidheadh labhair iad breugan ann am aghaidh.

14 Agus cha do ghlaodh iad rium-sa le 'n cridhe; ged' rinn iad donnal- aich air an leapaichibh air son arbhair agus fìona: tha iad a' cruinneachadh an ceann a' chéile, tha iad ag éirigh suas a'm' aghaidh-sa.

15 Seadh smachduich mi iad; neartuich mi fòs an gairdeanan; gidheadh tha iad a' dealbh aimhleis ann am aghaidh.

16 Tha iad a tionndadh an déigh ni gun bhuannachd: tha iad mar bhogha cealgach: tuitidh an uachd- arain leis a' chlaidheamh, air son nimh an teanga: so cùis am mas- laidh ann an tìr na h-Eiphit.

## CAIB. VIII.

**A**N trompaid ri d' bheul! mar iolair an aghaidh tighe an Tighearna *thig e*: a chionn gu 'n do bhris iad mo choimhcheangal-sa, agus gu 'n do chiontaich iad an aghaidh mo reachd.

2 Rium-sa glaodhaidh iad, O Dhia Israeil, is aithne dhuinne thu.

3 Chuir Israel uaith am fad an ni ta maith: ni nàmhaid a ruagadh.

4 Chuir iad suas rìghrean, ach cha 'n ann uam-sa: rinn iad uachdarain, agus cha robh agamsa fios air: d' an airgid agus d' an òr rinn iad dhoibh féin iodholan, a chum gu 'n gearrar às iad.

5 Cuir am fada uait do laogh, O Shamaria; tha mo chorruich-sa air lasadh nan aghaidh: cia fhad a bhios iad gun ruigheachd air neo-chionta?

6 Oir bha so fòs o Israel: dhealbh am fear-oibre e; agus cha Dia ta ann: oir brisear na bhloighdibh laogh Shamaria.

7 Oir chuir iad a' ghaoth: agus buainidh iad a' chuairt-ghaoth: cha 'n 'eil toradh air an déis; cha d' thoir i uaipe min; no ma bheir, sluigidh coigrich suas i.

8 Tha Israel air a shlugadh suas: a nis tha iad am measg nan cinneach, mar shoitheach anns nach 'eil tlachd air bith.

9 Oir chaidh iad suas gu Asiria: is asal fhiadhaich 'san aonach Ephraim; thuarasdalaich iad leannain.

10 Seadh, ge do thuarasdalaich iad am measg nan cinneach, a nis tion- aillidh mise iad le chéile, agus bidh

iad gu gairid air an cràdh le uallach an rìgh agus 'uachdarana.

11 A chionn gu 'n d' rinn Ephraim mòran altairean gu peacachadh, altairean gu peacachadh tha aige.

12 Sgrìobh mise chuige nithe mòra mo reachd; ach mheasadh iad mar ni nach buineadh dhoibh.

13 Tha iad ag ìobradh fèdla mar thabhartas dhomh-sa, agus 'ga hitheadh: *ach* cha ghabh an Tighearn riu: a nis cuimhnicidh e an aingidheachd, agus smachdaichidh e an lochdan: pillidh iad air an ais do 'n Eiphit.

14 Oir dhi-chuimhnich Israel a Chruithfhear, agus thog e teampuill: agus chuir Iudàh an Ìonmhoireachd cathraichean daingean: ach cuiridh mise teine air a chathraichean, agus loisgidh e a lùchairtean.

## CAIB. IX.

**N**A dean aoibhneas, O Israeil, na dean gairdeachas mar na cinn- ich: oir chaidh thu air strìopachas o d' Dhia; ghràdhaich thu duais air gach uile urlar arbhair.

2 An t-urlar arbhair agus an dabh- ach-fhìona cha dean am beathach- adh, agus meallaidh am fìon nuadh an dòchas.

3 Cha ghabh iad còmhnuidh ann am fearann an Tighearna: ach pillidh Ephraim do 'n Eiphit; agus ann an Asiria ithidh iad nithe neo- ghlan.

4 Cha 'n ìobair iad *tabhartais-* fhìona do 'n Tighearn, ni mò bhios iad taitneach dha: bidh an ìobairt- ean doibh mar aran luchd-bròin; bidh iadsan uil' a dh' itheas deth air an salachadh; gu dearbh cha d' thig an aran air son an anama gu tigh an Tighearna.

5 Ciod a ni sibh ann an latha na h-ard-fhéille, agus ann an latha féille an Tighearna?

6 Oir feuch dh' imich iad air falbh o làthair an fhir-mhillidh: tionail- idh an Eiphit iad, adhlaidh Mem- phis iad: na *h-ionada* taitneach a *cheannuich* iad le 'n airgid, seal- bhaichidh an ionntagach iad: nam pàillunaibh *fàsaidh* an droighionn.

7 Thàinig laithean an-smachdach- aidh, thàinig laithean na luigheachd: aithnichidh Israel gu'm b' amadan am fàidh, gu 'n robh fear an spioraid air boile; air son ro mheud d' aingidheachd, agus air son d' fhuath mhòir.

8 Tha fear-faire Ephraim le m' Dhia-sa: tha am fàidh *mar* lion an eunadair na uile shlighibh-san: *neartaich* iad am fuath an aghaidh tighe mo Dhé.

9 Thruaill iad iad féin, mar ann an laithibh -- Ghibeah; cuimhnichidh

esan an aingidheachd, smachdaichidh e an lochdan.

10 Mar dhearca-flona san fhàsach, fhuair mise Israel; mar am meas luath air a' chrann fhige na cleud àm, chunnaic mi 'ur n-aithrichean. Ach chaidh iad gu Baal-peor, agus dhealuich siad iad féin a chum an nì nàraich sin: agus dh'fhàs iad gràineil, mar chuspair an gràidh.

11 Air son Ephraim, itealaichidh an glòir air falbh mar eun; o'n bhreith, agus o'n bhroinn, agus o'n ghineamhuinn.

12 Seadh ged' àraich iad an clann, sgriosaidh mise iad o mheasg dhaoine; seadh is an-aobhinn doibh, an uair a dh' imicheas mise uatha.

13 Tha Ephraim, mar a chunnaic mi Tirus, air a shuidheachadh ann an ionad taitneach: ach bheir Ephraim a mach a chlann do'n fhear-mhillidh.

14 Thoir, O Thighearn. Ciod a bheir thu? thoir dhoibh brù chaillteach, agus clochan seasga.

15 Tha an cionta gu léir ann an Gilgal fa 'm chomhair: oir an sin thug mise fuath dhoibh: air son aingidheachd an deanadais iomainidh mi as mo thigh iad; cha d'thoir mi ni's faide gràdh dhoibh, tha am maithean uile cùl-sleamhnach.

16 Tha Ephraim buailte; thorm-aicheadh suas am freumh; cha ghiùlain iad a' bheag do thoradh: seadh, ge do bheireadh iad, gidheadh marbhaidh mise toradh gràdhach am bron.

17 Tìlgidh mo Dhia air falbh iad, a chionn nach d'éisd iad ris: agus bithidh iad nam fògaraich am measg nan cinneach.

CAIB. X.

**B'** FHIONAN thorrach Israel: thug e mach toradh dha féin: do réir pailteis a thoraidh, chuir e altairean an ònmhoireachd; do réin maitheis 'fhearainn rinn e dealbhan àluin.

2 Tha an cridhe air a roinn; a nis gheibhear ciontach iad: brisidh esan sìos an altairean: sgriosaidh e an dealbhan.

3 Oir a nis a deir iad, Cha'n 'eil rìgh air bith againn, a chionn nach robh eagal an Tighearna oirnn: ciod uime sin, a dheanadh rìgh dhuinn?

4 Labhair iad briathra faoine, 'nuair a bhionnaich iad; breugan an uair a rinn iad coimheangal: mar so tha breitheanas a' fàs a nìos, mar an iteotha ann an claisibh na machrach.

5 Air son laoiigh Bhet-abhein bidh eagal air luchd-àiteachaidh Sha-

maria; oir nì a shluagh caoidh os a chionn, agus a shagairt acain air a shon; air son a ghloire, oir dhealuich i ris.

6 Os-barr bheirear e féin gu Asiria, mar thabhartas do rìgh lareb: nì masladh greim air Ephraim, agus gabhaidh Israel nàire d'a chomhairle.

7 Air son Shamaria, ghearradh a rìgh as mar an cobhar air uachdar an uisge.

8 Sgriosar fòs ionada arda Abhein, cionta Israeil: thig an droighionn agus am foghannan a nìos air an altairean; agus their iad ris na sléibhtibh, Folaichibh sinn, agus ris na beanntaibh, Tuitibh oirnn.

9 O Israeil, chiontaich thu nì 's mò nà ann an laithibh Ghibeah: an sin sheas iad: nach d'fug an cath orra ann an Gibeah?

10 An aghaidh cloinne na h-aingidheachd thàinig mise, agus smachdaich mi iad. Agus cruinnichear na slòigh nan aghaidh-san tra smachduichear iad air son an dà chionta.

11 Agus bidh Ephraim na agh foghlumte, le 'm inìann a bhi saltair a mach an arbhair; ach chaidh mise thairis air a muineal sgiamhach. Bheir mi air Ephraim marcachd; treabhaidh ludah, brisidh lacoib fhòidean.

12 Cuiribh dhuibh féin ann am fireantachd, buainibh ann an toradh na trècair: brisibh suas 'ur fearann neo-threabhata: oir is mithich le-hobhadh iarruidh, gus an d'thig e; agus am fras e oirbh fireantachd.

13 Threabh sibh aingidheachd, bhuain sibh ea-ceart; dh'ith sibh toradh bhreugan: a chionn gu'n d'earb thu as do shlighe, a mòrchuideachd do dhaoine treuna;

14 Uime sin èirich buaireas am measg do shluaigh, agus bidh d' uile dhaingnichean air am milleadh, amhuil a' mhìll Salmòn Bet-arbel ann an là a chatha; ghearradh nam bloighdibh a' mhàthair agus a' chlann le chéile.

15 Is amhuil a nithear ruibh-se, O Bhetel, air son ro mheud 'ur n-aingidheachd: ann am maduinn gearrar as gu cinnteach rìgh Israeil.

CAIB. XI.

**'NUAIR** a bha Israel na leanabh, an sin thug mise gràdh dha; agus a mach as an Eiphit ghairm mi mo inlac.

2 'Nuair a ghairm iad orra, an sin dh' imich iadsan uatha: dh' iobair iad do Bhaalim, agus loisg iad tùis do dhealbhan snaigte.

3 Theagaisg mise fòs do Ephraim coiseachd, 'gau togail ann am ghaire-

enaibh; ach cha robh fios aca gu 'n do leighis mi iad.

4 Tharruing mi iad le cordaibh duine, le ceanglaichibh gràidh; agus bha mi dhoibh mar neach a thogas dhiubhl a' chuing air an gialaibh, agus chuir mi sìos biadh dhoibh.

5 Cha phill e gu tìr na h-Eiphit, ach bithidh an t-Asirianach na rìgh air, a chionn gu 'n do dhiùlt iad pill-eadh *rium-sa*.

6 Agus tuitidh an claidheamh gu trom air a bhàiltibh, agus caithidh e a gheugan; agus sluigidh e, air son an comhairlean.

7 Agus tha mo shluagh-sa an tì air cùl-sleamhnachadh uam; ge do ghlaodh iad ris an Tì a's airde, cha 'n ardaicheadh aon neach e.

8 Cionnus a bheir mi thairis thu, O Ephraim! cionnus a bheir mi seachad thu, O Israeil! cionnus a ni mi thu mar Admah! a chuireas mi thu mar Sheboim! tha mo chridhe 'n taobh a stigh dhìom air tionndadh; tha mi aithreachais air lasadh le chéile.

9 Cha chuir mi 'n gnìomh mo dhian-chorruich, cha phill mi a mhilleadh Ephraim; oir is Dia mise, agus cha duine; an Tì naomh ann ad mheadhon; gidheadh nach 'eil a' tathaich bhàltean.

10 Sìubhlaidh iad an déigh an Tighearna; beucaidh e mar leòmh-ann: an uair a bheucas e, an sin crithnichidh 'na mic o 'n aird an iar.

11 Itéaluidhidh iad mar eun as an Eiphit, agus mar choluman a tìr Asiria: agus suidhichidh mise nan tighibh iad, deir an Tighearn.

12 Tha Ephraim 'g am chuartaich-adh le breugaibh, agus tigh Israeil, agus Iudah le ceilg: ach fathast tha Iudah a' riaghladh maille ri Dia; agus tha e dìleas maille ris na naomhaibh.

## CAIB. XII.

**T**HA Ephraim ag ionaltradh air gaoith, agus ag imeachd an déigh na gaoith an ear: gach aon là tha e cur bhreng agus reubainn an Ìonmhòireachd; rinn iad fòs coimhcheangal ri Asiria, agus tha oladh 'ga giùlain do 'n Eiphit.

2 Tha consachadh fòs aig an Tighearn ri Iudah, agus ni e peanas air Iacob do réir a shligheana; do réir a dheanadais bheir e dha luigh-eachd.

3 Anns a' bhroinn ghlac e a bhràthair air shàil; agus le a neart bha cumhachd aige maille ri Dia.

4 Seadh bha cumhachd aige maille ris an aingeal; agus thug e buaidh:

\* *thig iad le cabhaig.*

ghuile, agus rinn e guidhe ris: shuair e ann am Betel e, agus an sin labhair e ris.

5 Eadhon Iehobhah Dia nan sluagh, is e Iehobhah a chnìmh-neachan.

6 Uime sin pill thusa ri d' Dhia: coimhid tròcair agus breitheanas; agus feith air do Dhia a ghuàth.

7 Is fear-malairt e: na làimh tha meigh na mealltoireachd; is toigh leis a bhì ri ain-neart.

8 Agus thubhairt Ephraim, Gu deimhin tha mi air fàs saibhir, shuair mi dhomh féin stòras: ann am shaothairibh uile cha 'n fhaigh iad ea-ceart air bith annam; bhiodh sin na chionta.

9 Agus mise Iehobhah do Dhia, a thug a nìos thu o thìr na h-Eiphit, bheir mi ort fòs còmhnuidh ghabhail ann am pàillunaibh, mar ann an laithibh na h-ard-shéille.

10 Labhair mi fòs leis na fàidhean, agus rinn mi Ìonmhòr seallana; agus le frithealadh nam fàidhean ghnàthuich mi cosalachdan.

11 Gu dearbh ann an Gilead tha ea-ceart; gu cinnteach is dìomhanas iad; tha iad ag ìobradh tharbh ann an Gilgal; seadh tha an altairean mar chàrna ann an claisibh na machrach.

12 Ach theich Iacob gu dùthaich Shìria; agus rinn Israel seirbhis air son mnà; agus air son mnà ghléidh e caoirich.

13 Agus le fàidh thug an Tighearn Israel a mach as an Eiphit; agus le fàidh thearnadh e.

14 Bhrosnuich Ephraim e chum feirge gu ro shearbh: uime sin fàgaidh a Thighearn 'fhuil air féin; agus pillidh e chuige féin a mhas-ladh.

## CAIB. XIII.

**A**N uair a labhair Ephraim le crith, dh' arduich se e féin ann an Israel; ach an uair a chiontaiche ann am Baal, bhàsaich e.

2 Agus a nis tha iad a' ciontachadh ni 's mò agus ni 's mò, agus rinn iad dhoibh féin dealbh leaghta d' an airgid: Ìodholan do réir an seòltachd féin; an t-ìomlan deth obair nam fear-ceirde: deir iad do 'n taobh, Deanadh a' mhuinntir a ta 'g ìobradh na laogh a phògadh.

3 Air an aobhar sin bidh iad mar neul na maidne; agus mar an drùchd moch a shiùbhlas air falbh: mar am moll air 'fhuadachadh le cuairt-ghaoith o 'n urlar-bhualaidh; agus mar thoit a mach as an luidheir.

4 Gidheadh is mise an Tighearn do Dhia, a thug a nìos thu o thìr na h-Eiphit, agus cha bli aithne agad air dia air bith ach mise; oir cha 'n 'eil slànwighear ann ach mi.



5 B' aithne dhomh-sa thu 'san fhàsach, ann am fearann an tarta mhòir.

6 Nan ionaltradh bha iad air an lìonadh: bha iad air an lìonadh, agus dh' arduicheadh an cridhe: air an aobhar sin dhi-chuimhnich iad mise.

7 Uime sin bidh mise dhoibh mar leòmhann: mar liopard anns an t-slighe bheir mi fainear iad.

8 Coinnichidh mi iad mar mhath-ghamhuinn o'n do bhuineadh a cuileanar, agus reubaidh mi sgairt an cridhe; agus an sin sluigidh mi iad mar leòmhann boirionn: ni fiadh-bheathach na machrach an reubadh.

9 O Israeil, sgrios thu thu féin, ach annam-sa tha do chobhair.

10 Bidh mise ann am rìgh dhuit: c' àit am bheil aon neach eile thearnas thu ann ad chathraichibh uile! agus do bhreitheachan uile ris an d' thubhairt thu, Thoir dhomh rìgh agus prionnsachan.

11 Thug mise rìgh dhuit ann am fheirg, agus thug mi air falbh e ann am chorruih.

12 Tha aingidheachd Ephraim air a carnadh suas: tha a chionta air a thasgaidh.

13 Thig ioghaana innà ri saothair air: is mac nach 'eil glic e so; no cha 'n fhanadh e fada ann an àite briseadh a mach na cloinne.

14 Fuasglaidh mis 'iad o chumhachd na h-uaighe: saoraidh mi iad o'n bhàs: O bhàis, bidh mis' a m' phlàigh dhuit; O uaigh, bidh mis' a m' sgrios duit; bidh aithreachas air 'Tholach o m' shùilibh.

15 Ge do bha e torrach an measg a bhràithrean, thig gaoth an ear, thig gaoth an Tighearna nìs o'n fhàsach, agus fàsaidh 'Thuaran tioram, agus tiormaichear suas a thobar: bidh ionmhas uile shoithichean taitneach air a chreachadh.

16 Bidh Samaria na fàsach, oir

rinn i ceannaire an aghaidh a Dé: tuitidh iad leis a' chlàidheamh, brisear an naoidheana nam bloighdibh; agus reubar suas am mnathan torrach.

## CAIB. XIV.

**P**ILL, O Israeil, ris an Tighearna do Dhia, oir thuit thu le d' aingidheachd.

2 Thugaibh leibh briathran, agus pillibh ris an Tighearna; abraibh ris, Thoir air falbh ar n-uile chionta, agus gabh ruinn gu gràsmhor: mar sin bheir sinn seachad laoih ar bilidh.

3 Cha dean Asur ar tearnadh, air eachaibh cha dean sinn marcachd; ni mò their sinn tuille ri obair ar làmh a féin, Is sibh-se ar dée: oir annad-sa gheibh an dilleachdan tròcair.

4 Leighisidh mise an cùl-sleamh-nachadh, gràdhaichidh mi iad gu saor: oir phill mo chorruih air falbh uaith.

5 Bidh mi mar an drùchd do Israeil: fàsaidh e mar an ligh, agus cuiridh e mach a fhreumha mar Lebanon.

6 Sgaoilidh a gheugan, agus bidh a mhaise mar an crann-oladh, agus 'fhàile mar Lebanon.

7 Pillibh iadsan a ta chòmhnuidh fo a sgàile: mar ant-arbhar bidh iad air an ath-bheothachadh; agus fàsaidh iad mar an fhìonain: bidh a bholadh mar fhìon Lebanon.

8 *Their* Ephraim, Ciod mo ghnothuch-sa tuille ri ìodholaibh? Chuala mise e; agus thug mi fainear e; is cosmhuil mi ri crann uaine giuthais; uam-sa tha do thoradh r'a fhaotainn.

9 Cò ta glic, agus tuigidh esan na nithe so? crionna, agus aithnichidh se iad? oir tha sligheanna an Tighearna ceart, agus gluaisidh na fireana anna: ach gheibh na ciontaich tuisleadh anna.

## I O E L.

## CAIB. I.

**F**OCAL an Tighearna a thàinig a chum Ioel, mhic Phetueil.

2 Cluinnibhse so, a sheann daoine; agus thugaibh-se fainear, uile luchd-àiteachaidh na tìre; an robh so 'nur

laithibh-se; no 'n laithibh 'ur n-aithrichean?

3 Innsibh-se do 'r cloinn e, agus innseadh 'ur clann do 'n cloinn-san, agus an clann-sa do ghinealach eile.

4 An ni sin a dh' fhàg a' phailm-

chluimh, dh' ith an locust; agus an nì a dh'fhàg an locust, dh' ith a' chnàmh-bheist; agus an nì sin a dh'fhàg a' chnàmh-bheist, dh' ith an caterpileir.

5 Dùisgibh, a mhisgearan, agus guilbhi; agus deanuibh-se caoidh, uile phòitearan fiona, air son an fhìon-nuadha, oir tha e air a ghearradh air falbh o' r beùl.

6 Oir tha cinneach air teachd a nìos air m' fhearann-sa, treun, agus thar àireamh; is fìaclan leòmhainn am fìaclan; agus tha fìaclan carbaid leòmhainn bhoirinn aca.

7 Dh' fhàg iad m' fhìonan-sa na fàsach, agus rùisg iad mo chrann-fìge: rùisg iad e gu buileach, agus thilg iad air falbh e, tha a gheugan air an deanamh geal.

8 Dean caoidh mar òighe criosluichte lè eudach-saic air son céile a h-òighe.

9 Tha an tabhartas-bìdh air a ghearradh air falbh, agus an tabhartas-dìbhe o thigh an Tighearna: deanaibh-se bròn, O shagarta, òg-lacha an Tighearna.

10 Tha a' mhachair na fàsach, tha an talamh ri caoidh; oir tha an t-arbhar air a mhilleadh; tha am fìon nuadh air seargadh, dh' fhàilnich an ola.

11 Gabhaibh nàire, O threabh-aichean: deanuibh-se caoidh, O luchd-deasaichidh na fìonain, air son a' chruineachd, agus air son an eorna: a chionn gu'n do mheath foghara na machrach.

12 Tha an fhìonan air tiormachadh suas, agus an crann-fìge air seargadh; tha 'm pomgranat, an crann-pailme fòs, agus an crann-abhail, eadhon uile chraobha na machrach, air seargadh: gu deimhin shearg aobhneas air falbh o chloinn nan daoine.

13 Criostuichibh sibh féin le eudach-saic, agus tuiribh, O shagarta: deanaibh ulartaich, a luchd-frithealaidh na h-altarach: thigibh, luidhibh fad na h-oidliche ann an eudach-saic, òglacha mo Dhé: oir tha an tabhartas-bìdh agus an tabhartas-dìbhe air a chumail air ais o thigh ar Dé.

14 Naomhaichibh-se trasg, gairmibh latha toirmisg, cruinnichibh na seanoirean, uile luchd-àiteachaidh na tìre, gu tigh an Tighearna ar Dé, agus glodhaibh ris an Tighearn.

15 Òch air son an là! oir thà là an Tighearna dlù, agus mar léir-sgrìos o' n Uile-chumhachdach thig e.

16 Nach 'eil ar lòn air a ghearradh as fa chomhair ar sùl? aobhneas agus luaghair o thigh ar Dé?

17 Lobh an sìol f' a fhòidibh;

dh'fhàgadh fàs na h-ionada-taisg; bhriseadh sìos ua saibhlean: a chionn gu'n do shearg an t-arbhar.

18 Cionnus a tha na beathaichean ag osnaich? tha na buailtean spréidhe ann an airc, a chionn nach 'eil ion-altradh aca; tha na treudan chaorach fòs air am milleadh.

19 Riut-sa, O Thighearn, glodhaidh mise: oir chaith an teine cluaintean an fhàsaich, agus loisg an lasair uile chraobha na machrach.

20 Tha beathaichean na machrach fòs a' glodhach riut-sa: oir thiormachadh suas na h-aibhnichean uisge, agus chaith an teine cluaintean an fhàsaich.

## CAIB. II.

**SEIDIBH-SE** an trompaid ann an Sion, agus éighibh caismeachd catha ann am shliabh naomh-sa: criothnaicheadh uile luchd-àiteachaidh na tìre: oir tha là an Tighearna a' teachd, oir tha e am fagus.

2 Là dorchadais agus ogluigh-eachd: là neul agus tiugh-dhorchadais; mar an doilleireachd air a sgaoileadh air na sléibhtibh, thig sluagh lìonmhor agus làidir; an leithide cha robh ann o shean, agus cha bhi ni 's mò nan déigh, eadhon gu bliadhnacha mhòran ghinealach.

3 Rompa tha teine ri sgrìos, agus nan déigh tha lasair a' losgadh: tha am fearann mar ghàradh Edein rompa, agus nan déigh na fhàsach uaigneach; seadh cha bhi dol as aig aon ni uatha.

4 Bìdh an coslas mar choslas each; agus mar mharcaichean is amhluidh a ruitheas iad.

5 Mar fharum charbad air mhuillach nam beann, leumaidh iad; mar thoirm lasrach theine a loisgeas an asbhuaìn: mar shluaigh làidir air an cur an ordugh catha.

6 Roimh an gnùis bìdh geur-ghoith air an t-sluagh: tionailidh na h-uile aghaidh dubhachas.

7 Ruithidh iad air an aghaidh mar dhaoine cumhachdach; streapaidh iad am balla mar luchd-cogaidh; agus sìobhlaidh iad gach aon air a shlighe, agus cha bhris iad an ordugh.

8 Ni mò theannaicheas aon air aon eile; coisichidh iad gach aon na cheum féin: agus ma thuiteas iad air a' chlaidheamh, cha bhi iad air an leònach.

9 Ruithidh iad air an ais agus air an aghaidh anns a' bhaile: ruithidh iad air a' bhalla: streapaidh iad suas do na tighean: théid iad a steach air na h-uinneagaibh mar mheirleach.

10 Bidh ball-chrith air an talamh rompa, criothnuichidh na nèamha : bidh a' ghrian agus a' ghealach dorchla, agus cumaidh na reultan air ais an dealradh.

11 Agus cuiridh an Tighearn a mach a ghuth fa chomhair 'theachd : oir tha a champ ro inhd; oir is treun esan a thoirt gu buil 'fhocail; oir tha là an Tighearna mòr agus ro uamhasach, agus cò dh'fheudas 'fhuilang?

12 Uime sin a nis mar an ceudna, deir an Tighearn, pillibh do m' ionnsuidh-sa le 'r n-uile chridhe, agus le trasg, agus le gul, agus le caoidh.

13 Agus reubaibh 'ur cridhe, agus ni h-e 'ur n-eudach; agus pillibh ris an Tighearn bhur Dia: oir tha e trècaireach agus iochdmhor, mall a chum feirge, agus làn do chaomhalachd, agus gabhaidh e aithreachas mu 'n olc.

14 Cò aig am bheil fios nach pill, agus nach gabh e aithreachas, agus nach fàg e beaùnachd na dhéigh, tabhartas-bidh agus tabhartas-dibhe do 'n Tighearn bhur Dia.

15 Séidibh an trompaid ann an Sion, naomhaichibh trasg, gairmibh là toirmisg.

16 Cruinnichibh an sluagh, naomhaichibh an coimhthional; gairmibh na seanòirean; tionailibh a' chlann, agus iadsan a ta deòbhal na cìche: rachadh am fear-nuadh-phòsda mach as a sheòmar, agus a' bhean-nuadh-phòsda mach as a seòmar uaigneach.

17 Deanadh na sagairt, seirbhlisich an Tighearna, gul eadar an sgàth-thigh agus an altair, agus abradh iad, Coigil, O Thighearn, do shluagh, agus na d'thoir d'òighreachd thairis gu masladh: a chum gu 'n riaghladh na cinnich os an cionn: c' uim' an abradh iad am measg nan cinneach, C' àit am bheil an Dia?

18 An sin bidh an Tighearn eudmhor m'a fhearann, agus gabhaidh e truas d'a shluagh.

19 Seadh freagraidh an Tighearn, agus their e r'a shluagh; Feuch, cuiridh mi d'urn-ionnsuidh arbarh, agus fion, agus oladh, agus bidh sibh air 'ur sàsachadh leo; agus cha dean mi sibh ni 's mò 'nur masladh am measg nan cinneach.

20 Ach atharraichidh mi am fad uaibh *feachd* na h-àirde tuath, agus fògraidh mi e gu fearann falamh fàsail, a thoiseach gus an fhairge 'n ear, agus a dheireadh gus an fhairge 'n iar; agus thig a bhréine nìos, agus éiridh a dhroch bholadh, a chionn gu 'n do mhaoidh e nithe mòra.

21 Na biodh eagal ort, O fhearainn,

bi luaghaireach agus ait: oir ni an Tighearn nithe mòra.

22 Na biodh eagal oirbh a bheathaiche na machrach: oir tha cluaintean an fhàsaich a' briseadh a nìos; oir tha a' chraobh a' giùlan a toraidh; tha an crann-sìge agus an fhionan a' toirt seachd a neirt.

23 Bithibh ait ma ta, O chlann Shioin, agus deanaibh gairdeachas anns an Tighearn bhur Dia; oir thug e dhuibh an t-uisge a's toisichè ann an ceart-thomhas; agus bheir e air frasaibh teachd a nuas chugaibh, an ceud uisge, agus an t-uisge deireannach amhuil roime so.

24 Agus bidh na h-urlair bhualaidh làn do chruineachd, agus cuiridh na dabhacha thairis le fion agus le h-oladh.

25 Agus aisigidh mise dhuibh na bliadhnachan a dh'ith an locust, a chnàmh-bheist, an cater-pileir, a phailm-chnuimh, m' flichead mòr, a chuir mi 'nur measg.

26 Agus ithidh sibh ann am pailteas, agus bithidh sibh sàthach, agus cliùthaichidh sibh ainm an Tighearna bhur Dia, a bhuin ruibh gu h-iongantach: agus cha nàraichear am feasd mo shluagh-sa.

27 Agus aithnichidh sibh gu bheil mise ann am meadhon Israeil, agus gur mi an Tighearn 'ur Dia, agus nach aon air bith eile: agus cha nàraichear am feasd mo shluagh.

28 Agus tarlaidh na dhéigh sin gu 'n dòirt mise mach mo spiorad air gach uile fheoil, agus ni 'ur mic agus 'ur nighcana fàisneachd, brudairidh 'ur seann daoine brudair, agus cli 'ur n-òganaich seallaidhean:

29 Agus fòs air na h-òglachaibh agus air na ban-òglachaibh, anns na laithibh sin, dòirtidh mi mach mo spiorad.

30 Agus nochdaidh mi iongantais anns na nèamhaibh, agus air an talamh; fuil, agus teine, agus smùidrich dheathaich.

31 Iompaichear a' ghrian gu dorchadas, agus a' ghealach gu fuil, mu 'n d'thig là mòr agus uamhasach an Tighearna.

32 Agus tarlaidh, ge b'e air bith a ghairmeas air ainm an Tighearna, tearnar e: oir ann an sliabh Shioin agus ann an Ierusalem bidh tearnadh, mar a thubhairt an Tighearn; eadhon am measg an iarmaid a ghairmeas an Tighearn.

## CAIB. III.

OIR feuch, anns na laithibh sin, agus anns an àm sin, trà bheir mise air a h-ais bruid Iudah, agus Ierusalem, *tarlaidh*,

2 Gu 'n cruinnich mi na h-uile

chinnich, agus bheir mi sìos iad gu gleann Iehosaphait, agus tagraidh mi riù an sin air son mo shluaigh, agus air son m' oighreachd Israeil, a sgap iad am measg nan cinneach; agus roinn iad mo dhùthaich.

3 Agus thilg iad croinn air son mo shluaigh; agus thug iad macan air son strìopaich, agus reic iad nìonag air son fìona, chum gu'n òladh iad.

4 Seadh, agus ciod 'ur gnothachsa rium-sa, O Thiruis, agus a Shidoin, agus uile chrìocha Phaleistin? an diòl sibh rium luigheachd? a nis na bheir sibh dhomh luigheachd, gu luath, gu grad dìolaidd mi 'ur luigheachd air 'ur ceann féin?

5 A chionn gu'n do ghabh sibh an' airgid agus m' òr, agus gu'n do ghluain sibh gu 'r teampuill mo nìthe luachmhor taitneach.

6 Clann Iudah fòs, agus clann Ierusalem reic sibh ris na Greugaich, a chum gu'n atharraicheadh sibh iad am fad o'n crìch féin.

7 Feuch togaidh mis' iad as an àite guis an do reic sibh iad; agus pillidh mi 'ur luigheachd air 'ur ceann féin.

8 Agus reicidh mi 'ur mic agus 'ur nigheana gu làimh cloinne Iudah; agus reicidh iadsan iad ris na Sabéich, ri sluagh fad as; oir labhair an Tighearn e.

9 Eighibh-se so am measg nan cinneach; ullaichibh cogadh, dùisgibh suas na cumhachdaich; thigeadh na fir-chogaidh uile am fagus, thigeadh iad a nìos.

10 Deanaibh claidhean do 'r coltraibh, agus sleaghan do 'r corraibh sgathaidh; abradh an lag, Tha mi làidir.

11 Cruinnichibh sibh féin, agus thigibh, a chinneacha gu léir, agus tionailibh o gach taobh mu'n cuairt: air sin bheir thu-sa air na cumhachdaich teachd a nuas, O Thighearn.

12 Dùisgeadh na cinnich, agus thigeadh iad a nìos gu gleann Ieho-

saphait; oir an sin suidhidh mise gu breith a thoirt air na cinnich uile mu 'n cuairt.

13 Sàthaibh an corran, oir tha 'm foghlara abnìch; thigibh, gabhaibh sìos, oir tha an t-amar-fìona làn, tha na dabhacha a' cur thairis: oir tha an aingidheachd mòr.

14 Mòr-chuideachda, mòr-chuideachda, ann an gleann a' ghearraidh; oir tha là an Tighearna dlù ann an gleann a' ghearraidh.

15 Dorchaichear a' ghrian agus a' ghealach, agus cumaidh na reultan air ais an dealradh.

16 Agus beucaidh an Tighearn a mach a Sion, agus o Ierusalem cuiridh e mach a ghuth, agus bidh crith air na nìamhaibh, agus air an talamh: ach bidh an Tighearn na ionad-dìein d'a shluaigh; agus na dhaingneach làidir do chloinn Israeil.

17 Mar sin aithnìdh sibh gur mise an Tighearn ur Dia, a ta cùmhnuidh ann an Sion, mo shliabh naomh: an sin bidh Ierusalem naomh, agus cha d'fhéid coigric d'a thrìd nì's mò.

18 Agus tarlaidh anns an là sin, gu'n sil na sléibhtean a nuas fionnuadh, agus sruthaidh na beannta le bainne; agus sruthaidh uile aibhnichean Iudah le h-uisgeachaibh; agus thig tobar a mach o thigh an Tighearna, agus uisgichidh e gleann Sluittim.

19 Bidh an Eiplit na nochd-làraich, agus bidh Edom na fuàsach uaigneach; air son an ain-neirt an aghaidh cloinne Iudah; a chionn gu'n do dhèirt iad fuil nan neo-chiontach nam fearann.

20 Ach gabhaidh Iudah cùmhnuidh gu sìorruidh, agus Ierusalem o linn gu linn.

21 Agus glanaidh mise am fuil-san, nach do ghlan mi; agus gabhaidh an Tighearn cùmhnuidh ann an Sion,

## A M O S.

### CAIB, I.

**B**RIATHRAN Amois, a bha am measg bhuachailleann Thecoa, a fhuair e mu thimchioll Israeil, ann

an laithibh Usiah, rìgh Iudah, agus ann an laithibh Ieroboaim, inihic Iohais, rìgh Israeil, dà bhliadhna roimh an chrith-thalmhainn.



2 Agus thùbhairt e; Beucaidh Iehobhah o Shion, agus o Ierusalem cuiridh e mach a ghuth; agus nì ionada-còmhnuidh nam buachaille bròn, agus seargaidh mullach Char-meil.

3 Mar so deir an Tighearn; Air son thri lochdan Dhamascuis, agus air son cheithir, cha phill mi air falbh a *pheanas*; a chionn gu 'n do bhuail iad Gilead le innealuibh-bualaidh iaruin.

4 Ach cuiridh mise teine air tigh Hasaail, a loisgeas lùchairtean Bhen-hadaid.

5 Brisidh mi fòs crann-druididh Dhamascuis, agus gearraidh mi as am fear-àiteachaidh o chòmhnard Abhein, agus esan a ghlacas an t-slat-rioghail o thigh Edein: agus sìubhlaidh sluagh Shiria ann am bruid gu Cir, deir an Tighearn.

6 Mar so deir an Tighearn; Air son thri lochdan Ghasa, agus air son cheithir, cha phill mi air falbh a *pheanas*; a chionn gu 'n d'thug iad a' bhruid uile air falbh am braighdeanas, a chum an toirt seachad do Edom.

7 Ach cuiridh mi teine air balla Ghasa, a sgriosas a lùchairtean.

8 Agus gearraidh mi am fear-àiteachaidh air falbh o Asdod, agus esan a ghlacas an t-slat-rioghail o Ascelon, agus tionndaidhidh mi mo làmh an aghaidh Ecroin: agus bàsaichidh fuigheall nam Philisteach, deir an Tighearn Iehobhah.

9 Mar so deir an Tighearn; Air son thri lochdan Thiruis, agus air son cheithir, cha phill mi air falbh a *pheanas*; a chionn gu 'n d'thug iad suas a' bhruid uile do Edom, agus nach do cluimhnich iad an coimh-cheangal bràthaireil.

10 Ach cuiridh mi teine air balla Thiruis, a loisgeas àrois rioghail.

11 Mar so deir an Tighearn; Air son thri lochdan Edoim, agus air son cheithir, cha phill mi air falbh a *pheanas*; a chionn gu 'n do ruaig e a bhràthair leis a' chlaideamh, agus gu 'n do thilg e uaith na h-uile h-ìochd, agus gu 'n do reub 'fhearg do ghnàth, agus gu 'n do ghléidh se a chiorruich an còmhnuidh.

12 Ach cuiridh mi teine air Teman, a loisgeas àrois Bhosrah.

13 Mar so deir an Tighearn; Air son thri lochdan chloinne Amoin, agus air son cheithir, cha phill mi air falbh a *pheanas*; a chionn gu 'n do reub iad suas mnathan torracha Ghileaid, a chum an crìocha féin a chur am farsuingeachd.

14 Ach fadaidh mise teine air balla Rabah, agus loisgidh e sìos àrois, le ìolaich ann an là a' chatha, le cuairt-ghaoith ann an là na doininne,

15 Agus imichidh an rìgh ann am braighdeanas, e féin agus a mlior-uaislean le chèile, deir an Tighearn.

## CAIB. II.

**M**AR so deir an Tighearn; Air son thri lochdan Mhoab, agus air son cheithir, cha phill mi air falbh a *pheanas*; a chionn gu 'n do loisg e cnàmhana rìgh Edoim gu h-aol.

2 Ach cuiridh mi teine air Moab, agus loisgidh e àrois Chirioit, agus bàsaichidh Moab le co-ghaoir, le ìolaich, le fuain na trompaid.

3 Agus gearraidh mi as am breith-eamh as a mheadhon, agus marblaidh mi 'uile phrionnsachan maille ris, deir an Tighearn.

4 Mar so deir an Tighearn; Air son thri lochdan Iudah, agus air son cheithir, cha phill mi air falbh a *pheanas*; a chionn gu 'n d' rinn iad di-meas air reachd an Tighearna, agus nach do choimhid iad àitheantan; agus thug an diadhan bréige orra dol air seachran, iad sin a chaidh an aithrichean air an déigh.

5 Ach cuiridh mi teine air Iudah, agus loisgidh e àrois Ierusalem.

6 Mar so deir an Tighearn; Air son thri lochdan Israeil, agus air son cheithir, cha phill mi air falbh a *pheanas*; a chionn gu 'n do reic iad am sìrean air son airgid, agus am bochd air son bhròg.

7 Tha iad a' saltairt sìos ceann nam bochd ann an duslach na talmhainn, agus a' fiaradh slighe nan daoine ciùine: agus tha duine agus 'athair a' dol a steach a chum na h-aon ghruagaiche, a thruaill-eadh m' ainm naomha-sa.

8 Agus tha iad 'gan sìneadh féin air eudaichibh a ghabhadh an geall, aig taobh gach altaire; agus tha iad ag òl sìona na muinntir, a dhèicheadh ann an tigh an dée.

9 Gidheadh sgrios mise an t-Amorach rompa, a bha ard mar airde nan seudar; agus làidir mar na daragaibh; gidheadh sgrios mis' a thoradh os a chionn, agus a fhreumha fuidhe.

10 Fòs thug mi sibhs a nìos o thalamh na h-Elphit, agus stiuir mi sibh tre 'n fhàsach dà fhichead bliadhna; a chum gu 'n sealbhaicheadh sibh fearann nan Amorach.

11 Agus thog mi suas cuid do 'r macaibh air son fhàidhean, agus do 'r n-òganachaibh ar son Nasarach. Nach ann mar so a ta e, O chlànn Israeil? deir an Tighearn.

12 Ach thug sibh do na Nasaraich sìon r'a òl, agus dh'àithn sibh do na fàidhean, ag ràdh, na deanaibh fàisneachd.

chinnich, agus bheir mi sìos iad gu gleann Iehosaphait, agus tagraidh mi riù an sin air son mo shluaigh, agus air son m' oighreachd Israèil, a sgap iad am measg nan cinneach; agus roinn iad mo dhùthaich.

3 Agus thilg iad croinn air son mo shluaigh; agus thug iad macan air son striopaich, agus reic iad nìonag air son fìona, chum gu'n òladh iad.

4 Seadh, agus ciod 'ur gnothach-sa rium-sa, O Thiruis, agus a Shidoin, agus uile chrìochia Phaleistin? an diol sibh rium luigheachd? a nis na bheir sibh dhomh luigheachd, gu luath, gu grad dìolaidd mi 'ur luigheachd air 'ur ceann féin?

5 A chionn gu'n do ghabh sibh m' airgid agus m' òr, agus gu'n do ghluain sibh gu 'r teampuill mo nìthe luachmhor taitneach.

6 Clann Iudah fòs, agus clann Ierusalem reic sibh ris na Greugaich, a chum gu'n atharraicheadh sibh iad an fad o'n crìch féin.

7 Fench togaidh mis' iad as an àite gus an do reic sibh iad; agus pullidh mi 'ur luigheachd air 'ur ceann féin.

8 Agus reicidh mi 'ur mic agus 'ur nigheana gu làimh cloinne Iudah; agus reicidh iadsan iad ris na Sabéich, ri sluagh fad as; oir labhair an Tighearn e.

9 Eighibh-se so am measg nan cinneach; ullaichibh cogadh, dùisgibh suas na cumhachdaich; thigeadh na fir-chogaidh nìle am fagus, thigeadh iad a nìos.

10 Deanaibh claidhean do 'r coltraibh, agus sleaghan do 'r corraibh sgathaidh; abradh an lag, Tha mi làidir.

11 Cruiunnichibh sibh féin, agus thigibh, a chinneacha gu léir, agus tionailibh o gach taobh mu'n cuairt: air sin bheir thu-sa air na cumhachdaich teachd a nnas, O Thighearn.

12 Dùisgeadh na cinnich, agus thigeadh iad a nìos gu gleann Ieho-

saphait: oir an sin suidhidh mise gu breith a thoirt air na cinnich uile mu 'n cuairt.

13 Sàthaibh an corran, oir tha 'm foghara abuich; thigibh, gabhaibh sìos, oir tha an t-amar-fìona làn, tha na dabhacha a' cur thairis: oir tha an aingidheachd mòr.

14 Mòr-chuideachda, mor-chuideachda, ann an gleann a' ghearraidh; oir tha là an Tighearna dlù ann an gleann a' ghearraidh.

15 Dorchaichear a' ghrian agus a' ghealach, agus cinnaidh na reultan air ais an dealradh.

16 Agus beucaidh an Tighearn a mach a Sion, agus o Ierusalem cuiridh e mach a ghluath, agus bidh crith air na nèamhaibh, agus air an talamh: ach bidh an Tighearn na ìonad-dèidin d'a shluaigh; agus na dhaingneach làidir do chloinn Israeil.

17 Mar sin aithnichidh sibh gur mise an Tighearn ur Dia, a ta chòmluinidh ann an Sion, mo shliabh naomh: an sin bidh Ierusalem naomh, agus cha d'théid coigrich d'a thrìd ni's mò.

18 Agus tarlaidh anns an là sin, gu'n sil na sléibhtean a nuas fion nuadh, agus sruthaidh na beannta le bainne: agus sruthaidh nìle aibhnichean Iudah le h-uisgeachaibh; agus thig tobar a mach o thigh an Tighearna, agus uisgichidh e gleann Shittim.

19 Bidh an Eiphit na nochd-làraich, agus bidh Edom na fuasach uaigneach; air son an ain-neirt an aghaidh cloinne Iudah; a chionn gu'n do dhèirt iad fuil nan neo-chiontach nam fearann.

20 Ach gabhaidh Iudah còmhnuidh gu sìorruidh, agus Ierusalem o linn gu linn.

21 Agus glanaidh mise am fuilsan, nach do ghlan mi; agus gabhaidh an Tighearn còmhnuidh ann an Sion.

## A M O S.

## CAIB, I.

**B**RIATHRAN Amois, a bha am measg bhuachaillean Thecoa, a fhuair e mu thimchioll Israèil, ann

an laithibh Usiah, rìgh Iudah, agus ann an laithibh Ieroboaim. mhuic Iohais, rìgh Israèil, dà bhliadhna roimh an chrith-thalmhainn.

2 Agus thubhairt e; Beucaidh Iehobhah o Shion, agus o Ierusalem cuiridh e mach a ghuth; agus nì ionada-còmhnuidh nam buachaille bròn, agus seargaidh mullach Charmeil.

3 Mar so deir an Tighearn; Air son thri lochdan Dhamascuis, agus air son cheithir, cha phill mi air falbh a *pheanas*; a chionn gu'n do bhuail iad Gilead le innealuibh-bualaidh iaruin.

4 Ach cuiridh mise teine air tigh Hasaail, a loisgeas lùchairtean Bhenhadaid.

5 Brisidh mi fòs crann-druididh Dhamascuis, agus gearraidh mi as am fear-àiteachaidh o chòmhnard Abhein, agus csan a ghlacas an t-slat-rioghail o thigh Edein: agus sìdhhlaidh sluagh Shiria ann am bruid gu Cir, deir an Tighearn.

6 Mar so deir an Tighearn; Air son thri lochdan Ghasa, agus air son cheithir, cha phill mi air falbh a *pheanas*; a chionn gu'n d'thug iad a' bhruid uile air falbh am braighdeanas, a chum an toirt seachad do Edom.

7 Ach cuiridh mi teine air balla Ghasa, a sgriosas a lùchairtean.

8 Agus gearraidh mi am fear-àiteachaidh air falbh o Asdod, agus esan a ghlacas an t-slat-rioghail o Ascelon, agus tionndaidhidh mi mo làmh an aghaidh Ecroin: agus bàsaichidh fuigheall nam Philisteach, deir an Tighearn Iehobhah.

9 Mar so deir an Tighearn; Air son thri lochdan Thiruis, agus air son cheithir, cha phill mi air falbh a *pheanas*; a chionn gu'n d'thug iad suas a' bhruid uile do Edom, agus nach do chuimhnich iad an coimhcheangal bràthaireil.

10 Ach cuiridh mi teine air balla Thiruis, a loisgeas 'àrois rioghail.

11 Mar so deir an Tighearn; Air son thri lochdan Edoim, agus air son cheithir, cha phill mi air falbh a *pheanas*; a chionn gu'n do ruaig e a bhràthair leis a' chlaidheamh, agus gu'n do thilg e uaiti na h-uile h-ìochd, agus gu'n do reub 'fhearag do ghnàth, agus gu'n do ghléidh se a chorrnich an còmhnuidh.

12 Ach cuiridh mi teine air Teman, a loisgeas 'àrois Bhosrah.

13 Mar so deir an Tighearn; Air son thri lochdan chloinne Amoin, agus air son cheithir, cha phill mi air falbh a *pheanas*; a chionn gu'n do reub iad suas mnathan torracha Ghileaid, a chum an crìocha féin a chur am farsuingeachd.

14 Ach fadaidh mise teine air balla Rabah, agus loisgidh e sìos 'àrois, le òlaich ann an a' chatha, le cuairt-ghaoith ann an là na doinne,

15 Agus imichidh an rìgh ann am braighdeanas, e féin agus a' mhòr-uaislean le chéile, deir an Tighearn.

## CAIB. II.

**M**AR so deir an Tighearn; Air son thri lochdan Mhoab, agus air son cheithir, cha phill mi air falbh a *pheanas*; a chionn gu'n do loisg e cnàmhann a rìgh Edoim gu h-aol.

2 Ach cuiridh mi teine air Moab, agus loisgidh e 'àrois Chirioit, agus bàsaichidh Moab le co-ghaoir, le òlaich, le fuain na trompaid.

3 Agus gearraidh mi as am breitheamh as a mheadhon, agus marblaidh mi 'uile phrionnsachan maille ris, deir an Tighearn.

4 Mar so deir an Tighearn; Air son thri lochdan Iudah, agus air son cheithir, cha phill mi air falbh a *pheanas*; a chionn gu'n d' rinn iad di-meas air reachd an Tighearna, agus nach do choimhid iad àitheantan; agus thug an diadhan bréige orra dol air seachran, iad sin a chaidh an aithrichean air an déigh.

5 Ach cuiridh mi teine air Iudah, agus loisgidh e 'àrois Ierusalem.

6 Mar so deir an Tighearn; Air son thri lochdan Israeil, agus air son cheithir, cha phill mi air falbh a *pheanas*; a chionn gu'n do reic iad am firean air son airgid, agus am bochd air son blòd.

7 Tha iad a' saltairt sìos ceann nam bochd ann an duslach na talmhainn, agus a' siaradh slighe nan daoine ciùine: agus tha duine agus 'athair a' dol a steach a chum na h-aon ghruagaiche, a thruaill-eadh m' ainm naomha-sa.

8 Agus tha iad 'gan sìneadh féin air eudaichibh a ghabhadh an geall, aig taobh gach altaire; agus tha iad ag òl fiona na muinntir, a dhèiteadh ann an tigh an dèe.

9 Gidheadh sgrios mise an t-Amorach rompa, a bha ard mar airde nan seudar; agus làidir mar na daragaibh; gidheadh sgrios mis' a thoradh os a chionn, agus a fhreumha fuidhe.

10 Fòs thug mi sibhs a nìos o thalamh na h-Eiphit, agus stiur mi sibh tre 'n fhàsach dà shichead bliadhna; a chum gu'n sealbhaicheadh sibh fearann nan Amorach.

11 Agus thog mi suas cuid do 'r macaibh air son fhàidhean, agus do 'r n-òganachaibh ar son Nasarach. Nach ann mar so a ta e, O chlann Israeil? deir an Tighearn.

12 Ach thug sibh do na Nasaraich fion r'a òl, agus dh'àithn sibh do na fàidhean, ag ràdh, na deanaibh fàisneachd.

24 Ach ruitheadh breitheanas sìos mar uisgeacha, agus fireantachd mar shruth laidir.

25 An do thairg sibh dhomh-sa lobairtean agus tabhartais anns an fhàsach rè dà fhichead bhliadhna, O thigh Israeil?

26 Ni h-eadh, ach ghiùlain sibh pàillinn 'ur Moloich, renl 'ur dé Chiuin, 'ur dealbhan, a rinn sibh dhuibh féin.

27 Uime sin bheir mis' oirbh imeachd am bruid taobh thall Dhamascuis, deir an Tighearn, do 'n ainm Dia nan sluagh.

CAIB. VI.

**I**S truagh dhoibh-san a ta gu suaimh each ann an Sion, agus ag earbsa a sliabh Shamaria; a ta 'gan ainmeachadh féin air tùs nan cinneach, gus am bheil imeachd tighe Israeil.

2 Siùbhtaibh thairis gu Calneh, agus faicibh; agus rachaibh as sin gu Hamat mòr: an sin rachaibh sìos gu Gat nam Philisteach: am fearr iadsan nà na rioghadhan so? no 'm bheil an crìocha ni 's mò nà 'ur crìoch-sa?

3 Is truagh dhoibh-san a ta cur an droch latha fada uatha, agus a' toirt am fagus àite-suidhe an fhoirneirt:

4 A ta luidhe air leapuichibh deud-clnàmh, agus 'gan sìneadh féin air an uirighibh; a ta 'g itheadh uan an trend, agus nan laogh a meadhon an tigh bhiadhaidh;

5 A ta seinn do fhuaim na clarsaich; a ta cosmhuil ri Daibhidh, a' dealbh dhoibh féin inneala-ciuil:

6 A ta 'g àl sìona ann an cuachaibh, agus 'g an ungadh féin le tagha gach oladh: ach nach 'eil doilich air son amhghair Ioseiph.

7 Air an aobhar sin a nis théid iad am bruid leis a' cheud chuid a dh' fhalbhas ann am braidheanas; agus bheirear air falbh cuirm na muinntir, a bha 'g an sìneadh féin.

8 Mhionnaich an Tighearn Iehobhah air féin, deir Iehobhah Dia nan sluagh; Is gràin leam òirdheirceas Iacob, agus is fuath leam a lùchairtean: uime sin bheir mi seachad am baile, agus gach ni ta ann.

9 Agus tarlaidh ma dh'fhanas deichnear fhear ann an aon tigh, gu faigh iad bas.

10 Agus togaidh caraid duine suas e, agus esan a loisgeas e, chum na cnàmhan a thoirt a mach as an tigh; agus their e ris-san a ta steach 'san tigh, am bheil aon neach fathasd leat? Agus their esan, Cha 'n 'eil: an sin their e, Bi ad thosd. A chionn nach 'eil iad, a' toirt luaidh air ainm Iehobhah.

11 Oir feuch, àithnidh an Tighearn, agus buidlidh e 'n tigh mòr le

bearnaibh, agus an tigh beag le scoltaibh.

12 An ruith eich air carraig? an treabhar i le daimh? oir thionndaidh sibh breitheanas gu domblas, agus toradh an ionracais gu iteodhas.

13 Sibh-se, a ta ri gairdeachas ann an ni a's neo-ni; a ta ag ràdh, Nach do ghabh sinn chugainn uachdranachd le 'r neart féin?

14 Agus feuch, dùisgidh mise suas cinneach 'n'ur n-aghaidh, O thigh Israeil, deir Iehobhah Dia nan sluagh; agus sàruichidh iad sibh o dhol a' steach. Hamait, gu ruig abhainn an fhàsaich.

CAIB. VII.

**M**AR so thaisbein an Tighearn Iehobhah dhomh-sa, agus feuch, dhealbh e locuist ann an toiseach teachd a nìos an fhàis mu dheire; agus feuch, b'e sin am fàs deiseannach, an déigh buain an righ.

2 Agus tharladh tra chuir iad crìoch air itheadh luibhean na tìre, gu 'n d' thubhairt mise, O Thighearna Iehobhah, maith, guidheam ort; co thogas suas Iacob? oir tha e ro bheag.

3 Ghabh an Tighearn aithreachas dheth so: Cha tachair so, deir an Tighearn.

4 Mar so thaisbein an Tighearn Iehobhah dhomh-sa; agus feuch, ghairm an Tighearn Iehobhah gu breitheanas le teine, agus loisg e 'n doimhne mhòr: agus shluig e suas earrann.

5 An sin thuir mise, O Thighearn Iehobhah, sguir, guidheam ort: co thogas suas Iacob? oir tha e ro bheag.

6 Ghabh an Tighearn aithreachas dheth so: Cha tachair so fòs, deir an Tighearn Iehobhah.

7 Mar so thaisbein e dhomh; agus feuch sheas an Tighearn air balla deanta le sreing-riaghailt, agus sreang-riaghailt na làimh.

8 Agus thuir an Tighearn rium; Ciod a tha thu faicinn, Amois? Agus thuir mise, Sreang-riaghailt. An sin thuir an Tighearn, feuch, cuiridh mise sreang-riaghailt ann am meadhon mo shluaigh Israeil, cha ghabh mi ni 's mò seachad orra tuille.

9 Agus cuirear ionadan arda Israeil fàs; agus nithear naomh-ionaid Israeil nan làraich sgaoilte, agus éiridh mise an aghaidh tighe Ieroboaim leis a' chlaidheamh.

10 An sin chuir Amosiah sagart Bheteil, fios gu Ieroboam righ Israeil, ag ràdh, Dhealbh Amos feall a'd' aghaidh ann am meadhon tighe Israeil: cha 'n urradh am fearann a bhriathran uile a ghiùlan.



11 Oir mar so deir Amos, Gheibh Ieroboam bàs leis a' chlàidheamh; agus bheirear Israel gu deimhin, air falbh ann am bruid as an tìr féin.

12 Thuir Amasiah mar an ceudna ri Amos; O thiosaiche, falbh, teich thusa gu tìr Iudah, agus ith aran an sin, agus an sin dean fàisneachd.

13 Ach na dean fàisneachd ni 's mò ann am Betel: oiris e sin naomh-ionad an rìgh, agus is e sin teach na rìghlachd.

14 An sin fhreagair Amos, agus thubhairt eri Amasiah, Cha b'fhàidh mise, ni mò bu mliac fàidhe mi; ach bu bhuachaille sprèidhe mi, agus fear-tionail meas sicamoir.

15 Agus thug an Tighearn mi o bhli leantuinn an trend; agus thuir an Tighearn rium, Falbh, dean fàisneachd do 'm phobull Israel.

16 A nis uime sin, cluinn thusa focal an Tighearna: tha thu 'g ràdh, Na dean fàisneachd an aghaidh Israel, agus na sìleadh d'fhocal an aghaidh tighe Isaac.

17 Air an aobhar sin, mar so deir an Tighearn, Bidh do bhean na strìopaich anns a' bhaile, agus tuitidh do mhiic agus do nigheana leis a' chlàidheamh; agus bidh d'fhearann air a roinn leis an t-sreing: agus gheibh thu bàs ann am fearann truailte, agus théid Israel gu deimhin air falbh ann am bruid, a mach as an dùthaich féin.

CAIB. VIII.

**M**AR so thaisbein an Tighearn Iehobhah dhomh-sa; agus feuch, cliabh do mheas samhraidh.

2 Agus thubhairt e, Ciod a tha thu faicinn, Anois? Agus thuir mise, Cliabh do mheas samhraidh. An sin, thuir an Tighearn rium; Tha a' chrìoch air teachd air mo shluagh-sa Israel, cha ghabh mise seachad orra ni 's mò.

3 Agus bidh òrain an' teampuill nan ulartaich anns an là sin, deir an Tighearn Iehobhah: bidh mòran do chorpa marbha anns gach ionad: tilgidh iad gu tosdach a mach iad.

4 Cluinnibh so, O sibh-se ta slugadh suas an ainnis, eadhon a thoirt air bochdan an fhearainn fàilneachadh.

5 Ag ràdh, C' uin' a théid a' ghealach ùr seachad, a chum gu 'n reiceamaid sìol? agus an t-sàbaid, a chum gu 'n d'thugamaid a mach cruineachd? A' deanamh an ephah beag, agus an t-seceil mòr; agus a' deanamh na meighe mearachdach le ceilg.

6 A' ceannach nam bochd air son àigid, agus an fheumannaich air son bhòg; a' reic fos deireadh a' chruineachd.

7 Mhionnuich an Tighearn air

oirdheirceas Iacob, Gu deimhin cha di-chuinnich mi gu bràth an uile oibre.

8 Nach criothnuich an fearann air son so? agus nach dean gach duine ta chòmhnuidh ann caoidh? agus nach éirich amhuil tuil thar an iomlan deth? nach tilgear a mach, agus nach bàllar e, mar gu 'm b' ann le abhainn na h-Eiphit.

9 Agus tarlaidh air an là sin, deir an Tighearn Iehobhah, gu 'n d'thoir mise air a' ghréin dol fuidh air mheadhon là, agus ni mi an talamh dorch 'san là shoilleir.

10 Agus tionndaidhidh mi 'ur féisdean gu bròn, agus 'ur n-òrain uile gu tuireadh; agus bheir mi air na h-uile leasraibh eudach-saic, agus air gach aon cheann maoile: agus ni mi e mar chumha air son aon mhic, agus a chrìoch mar latha searbh.

11 Feuch tha na laithean a' teachd, deir an Tighearn Iehobhah, 'san cuir mise gort anns an fhearann; cha 'n i gort dhith arain, no tart dhith nise, ach dhith éisdeachd fhocal an Tighearna.

12 Agus sìubhlaidh iad o fhairge gu fairge, agus o 'n airde tuath, eadhon gus an airde 'n ear, ruithidh iad air an ais agus air an aghaidh, a dh'iarraidh focal an Tighearna, agus cha 'n fhaigh iad e.

13 Anns an là sin fannaichidh na h-òighean maiseach, agus na h-ògan-ach le tart.

14 Iadsan a ta mionnachadh air peaca Shamaria, agus ag ràdh, Tha do Dhia-sa beo, O Dhain, agus tha cùis-aoraidh Bheer-seba beo; tuitidh eadhon iadsan, agus cha 'n éirich iad suas gu bràth tuille.

CAIB. IX.

**C**HUNNAIC mi 'n Tighearn na sheasamh air an altair, agus thubhairt e; Buail an t-ard dhorus, air chor as gu 'n criothnaich na h-urs-annan: oir gearraidh mise sa' cheann iad, an t-iomlan diubh; agus an sliochd marbhaidh mi leis a' chlàidheamh: an-tì theicheas dhiubh cha d'théid e as; agus an-tì ghabhas an ruaig dhiubh cha tearnar e.

2 Ged' chladhaich iad gu ruig an t-ionad lochdrach, as sin bheir mo làmh-sa nìos iad; ged' streap iad suas gu nìamh, as sin bheir mise nuas iad:

3 Agus ged' fholuich siad iad féin ann am inullach Charmeil, rannsuichidh mise, agus bheir mi mach as sin iad; agus ged' bhiodh iad air am folach o m' shealladh ann an lochdar na fairge, an sin bheir mi àithne do 'n nathair, agus ni i 'n teumadh.

4 Agus ged' rach iad gu daorsa roimh an naimhdean, an sin bheir mise àithne do 'n chlàidheamh, agus marblaidh e iad : agus leagaidh mi mo shùilean orra chum uile, agus ni h-ann a chum maith.

5 Oir is e 'n Tighearn Iehobhah Dia nan sluagh, a bheanas ris an fhearann, agus leagaidh e ; agus ni na h-uile ta chòmhnuidh ann caoidh ; agus éiridh e suas gu h-ìomlan mar thuil, agus bàthar e, mar gu 'm b' ann le abhainn na h-Eiphit.

6 Is esan a thogas 'ard-sheadmraichean anns na nèamhaibh, agus a shuidhicheas a thigh-taisg air an talamh ; an ti ghairmeas air uisgeacha na fairge, agus a dhòirteas iad a mach air aghaidh na talmhainn : is e Iehobhah 'ainm.

7 Nach 'eil sibh mar chloinn nan Etiopach dhomh-sa, O chlann Israeil ? deir an Tighearn. Nach d'thug mise Israel a tìr na h-Eiphit : agus na Philistich a Caphtor, agus na Siriaich a Cir ?

8 Feuch, tha sùilean an Tighearna Iehobhah air an rioglachd chiontaich, agus sgriosaidh mise bharr aghaidh na talmhainn i : a mhàin cha mhill mi gu tur tigh Iacoib, deir an Tighearn.

9 Oir feuch, bheir mise àithne, agus criathraidh mi tigh Israeil ann am measg nan uile chinneach, mar a

chriathrar sìol ann an criathar, gidheadh cha tuit an sìlein a's lugha dheth air an talamh.

10 Bàsaichidh uile pheacaich mo shluaigh-sa leis a' chlàidheamh, a ta 'g ràdh, Cha bheir an t-olc oirnn, agus clia gillac e sinn gu h-obann.

11 Anns an là sin togaidh mise suas pàillion Dhaibhidh a ta air tuit-eam, agus dùinidh mi suas a bhearn-an ; agus togaidh mi suas a làraichean, agus cuiridh mi suas e mar anns na laithibh o shean :

12 A chum gu 'n sealbhaich iad na mhaireas do Èdom, agus na h-uile chinnich a dh'ainmichear air m' ainm-sa, deir an Tighearn a ni so.

13 Feuch tha na laithean a' teachd, deir an Tighearn, anns am beir an treabhaiche air a bhunaiche, agus fear-bruthaidh nam fion-dhearc air fear cur an t-sil ; agus silidh na sléibhteann fion milis, agus leagaidh na h-uile chnuic.

14 Agus bheir mise air a h-ais a rìs bruid mo shluaigh Israeil, agus togaidh iad na bailtean fàs, agus ni iad an àiteachadh ; agus suidhichidh iad fion-liosan, agus òlaidh iad am fion ; ni iad fòs liosan, agus ithidh iad an toradh.

15 Agus suidhichidh mise iad nam fearann, agus cha bhi iad ni 's mò air an spìonadh a nìos as an fhearann a thug mise dhoibh, deir an Tighearn do Dhia-sa.

## O B A D I A H.

**SEALLADH** Obadiah. Mar so deir an Tighearn Iehobhah do thaobh Edoim. Chuala sinn aithris o 'n Tighearn, agus chuireadh teachdaire am measg nan cinneach, *ag ràdh*, Eiribhse, agus èireamaid-ne suas na h-aghaidh ann an cath.

2 Feuch rinn mise beag thu measg nan ciuneach : tha thu gu mòr air do chuir fo dhi-meas.

3 Mheall uabhar do chridhe thu, O thusa ta chòmhnuidh ann an sgeiribh nan creag, ann ad chòmhnuidh ard : a ta 'g ràdh ann ad chridhe, Cò bheir a nuas mi chum an làir ?

4 Ged' ardaich thu thu féin mar an ìolair, agus ged' shuidhich thu do nead am measg nan reultan, as sin bheir mise nuas thu, deir an Tighearn.

5 Ma thig meirlich chugad, ma thig gaduichean anns an oidhche, (cìonnus a ghearradh as thu !) nach goideadh iad gus am biodh gu leòr aca ? nan d'thigeadh luchd-tìonal nam fion-dhearc chugad, nach fàgadh iad dìolam do na dearcaibh ?

6 Cìonnus a ta Esau air iarraidh a mach ! a nìthe foluichte air an rann-sachadh !

7 Thug uile dhaoine do chomuinn a chum na crìche thu ; na daoine bha 'n sìth riut, a dh' ith aran leat, mheall iad thu, agus bhuadhaich iad ann ad aghaidh : leag iad rib fodhad : cha 'n 'eil tuigse sam bith annad.

8 Nach sgrios mise 'san là sin, deir an Tighearn, araon na daoine glìce

mach a h-Edom, agus tuigse a sliabh Esau ?

9 Agus claidhear do dhaoine treun-sa, O Themain; a chum gu 'n gearrar as gach duine do shliabh Esau le h-àr.

10 Air son d' ainneirt an aghaidh do bhràthar Iacoib, ni nàire do chòmhachadh, agus bidh tu air do ghearradh as gu bràth.

11 Anns an là 'san do sheas thu air an taobh eile, anns an là 'san d' thug na coimhich a shluagh am bruid, anns an deachaidh coigrich a steach air a gheatachan, agus anns an do thilg iad crannchur air Ierusalem, bha eadhon thusa mar aon diubh.

12 Ach cha bu chòir dhuit amharc *le sòlas* air là do bhràthar, anns an là 'san d' rinneadh coigreach dheth: ni mò bu chòir dhuit gairdeachas a dheanamh os cionn cloinne Iudah ann an là an léir-sgrìos; ni mò bu chòir dhuit labhairt gu h-uaihbheach ann an là an amhghair.

13 Cha bu chòir dhuit dol a steach air geata mo shluaigh-sa ann an là an amhghair, seadh cha bu chòir dhuit amharc *le sòlas* air an teann ann an là an airce; no làmh a chur air ain maoin ann an là an amhghair.

14 Ni mò bu chòir dhuit seasamh anns an t-slighe tharsuing, a ghearradh as na dream a chaidh as d'a mhuinntir; ni mò bu chòir dhuit iad-san a mhair d'a chuideachd a thoirt suas ann an là na dorainn.

15 Oir tha là an Tighearna dlù air na h-uile chinnich: mar a rinn thusa, nithear riut: pillidh do luigheachd air do cheann féin.

16 Oir amhuil a dh'òl sibh-se air mo shliabh naomh-sa, òlaidh na h-uile chinnich mu'n cuairt; seadh òlaidh, agus sluigidh iad sìos; agus bithidh iad, mar nach biodh iad idir ann.

17 Ach air sliabh Shioin bidh saorsa, agus bidh naomhachd; agus sealbhaichidh tigh Iacoib an sealbh féin.

18 Agus bidh tigh Iacoib na theine, agus tigh Ioseiph na lasair; agus tigh Esau na asbhuaire; agus lasaidh, agus loisgidh iadsan iad; agus cha bhi aon mairionn do thigh Esau; oir labhair an Tighearna.

19 Agus gabhaidh iadsan o dheas sealbh air sliabh Esau; agus iadsan o 'n chòmhnard air na Philistich; agus sealbhaichidh iad machair Ephraim, agus machair Shamaria; agus sealbhaichidh Benjamin Gilead.

20 Agus sealbhaichidh braidhean an t-sluaigh so chloinne Israeil, fearann nan Canaanach, eadhon gu Sarephat; agus sealbhaichidh braidhean Ierusalem, a ta 'n Sepharad, bailtean na h-airde deas.

21 Agus thig fir-shaoraidh nìos air sliabh Shioin, a thoirt breith air sliabh Esau; agus bidh an rioghachd leis an Tighearna.

## I O N A H.

### CAIB. I.

**A** NIS thàinig focal an Tighearna gu Ionah mac Amitai, ag ràdh; 2 Éirich, imich gu Ninebheh, am baile mòr sin, agus tog do ghuth na aghaidh; oir tha an aingidheachd air teachd a nìos a'm' làthair-sa.

3 Ach dh'éirich Ionah suas gu teicheadh do Tharsis o fhianuis an Tighearna; agus chaidh e sìos gu Jopa; agus fhuair e long a' dol gu Tarsis, agus phàigh e 'n luach-aisig, agus chaidh e sìos innte, gu dol leo gu Tarsis, o làthair an Tighearna.

4 Ach chuir an Tighearna a mach gaoth mhòr air an fhairge, agus bha onfha ro mhòr air an fhairge; ionn-

us gu 'n do shaoil iad gu 'm biodh an long air a briseadh.

5 An sin bha eagal air na maraichean, agus ghlaodh iad gach duine r'a dhia; agus thilg iad a mach am bathar a bha 'san luing do 'n fhairge, chum a h-eatromachadh: ach chaidh Ionah sìos gu taobhan na luinge; agus luidh e, agus bha e na shuain chadail.

6 An sin thàinig maighstir na luinge d'a ionnsuidh, agus thuirt e ris, Ciod is ciall duit, O thus' a tha 'n ad chadal? éirich, gairm air do Dhia; theagamh gu smaointich Dia oirnn, a chum nach bàsaich sinn.

7 Agus thubhairt iad, gach aon r'a

Chompanach, Thigibh, agus tilgeam-aid crainn, a chum gu'n aithnicheam-aid cò air son a ta 'n t-olc so air teachd oirnn. Mar sin thilg iad crainn, agus thuit an crannchur air Ionah.

8 An sin thuirt iad ris, Innis duinn, guidheamaid ort, ciod a b' aobhar do 'n olc so teachd oirnn; ciod is dreuchd<sup>a</sup> dhuit? agus cia as a thàinig thu? ciod is dùthaich dhuit? agus cò na daoine do 'm bheil thu?

9 Agus thuirt e riu, Is Eabhruidh-each mi, agus tha eagal an Tighearna Dia nèimh orm, an Ti a rinn an cuan agus an *talamh* tioram.

10 An sin bhà na daoine fo an-bharr eagail, agus thuirt iad ris, C'ar son a rinn thu so? (oir thug na daoine gu 'n do theich e o làthair an Tighearna; oir dh'innis e dhoibh.)

11 An sin thuirt iad ris, Ciod a ni sinn riut, a chum gu 'm bi an fhairge ciuin dhuinn? (oir bha onfha na fairge a fàs ni bu mhò 's ni bu mhò.)

12 Agus thuirt e riu, Togaibh suas mi, agus tilgibh a mach mi anns an fhairge; mar sin bidh an fhairge ciuin dhuibh-se: oir tha sìos agam gur ann air mo shon-sa tha 'n doinn-mhòr so oirbh.

13 Gidheadh dh'iomraim na daoine gu cruaidh, a chum pilleadh gu tìr, ach bha b'urradh iad; oir dh'fhàs onfha na fairge ni bu mhò 's ni bu mhò nan aghaidh.

14 Air an aobhar sin, ghlaodh iad ris an Tighearn, agus thubhairt iad, Guidheamaid ort, O Tighearn, na leig dhuinne bàsachadh air son anama an duine so, agus na leig oirnn fuil neo-chiontach: oir rinn thusa, O Tighearn, mar a b'àill leat féin.

15 An sin ghlac iad Ionah, agus thilg iad a mach e anns an fhairge, agus sguir an fhairge d'a boile.

16 An sin bha eagal an Tighearna gu ro mhòr air na daoine, agus dh'ìobair iad ìobairt do 'n Tighearn, agus thug iad bòidean.

17 A nis dh'ullaich an Tighearn iasg mòr chum Ionah a shlugadh suas; agus bha Ionah ann am broinn an éisg tri laithean agus tri oidhchean.

CAIB. II.

**A**N sin rinn Ionah urnaigh ris an Tighearn a Dhia, a broinn an éisg,

2 Agus thubhairt e; Ghlaodh mi do thaobh m' amhghair ris an Tighearn, agus dh'éisid e rium; a broinn na h-uaigne ghlaodh mi; chuala tusa mo ghuth.

3 Oir thilg thu mi 'san doimhne,

<sup>a</sup> mathas.

ann am meadhon na fairge; agus dh'iadh na tuiltean, mu m' thimchioll; chaidh do shumainnean agus do thonnan-sa uile tharum.

4 An sin thubhairt mi, Tha mi air mo thilgeadh a mach a fradharc do shùl; gidheadh seallaidh mi a ris ri do theampull naomh.

5 Dh'iadh na uisgeachan mu 'm thimchioll eadhon gu ruig an t-anam: chòmhdaich an doimhne mi mu 'n cuairt; bha mo cheann air a ribeadh anns an fheamainn.

6 Chaidh mi sìos gu h-ìochdar nan sléibhte; dhruid an talamh a crainn gu bràth orm: gidheadh thug thus' a nìos as an t-slochd mo bheatha, O Tighearn mo Dhia.

7 Tra lag air m'anam an taobh a stigh dhìom, chuimhnich mi air an Tighearn; agus thàinig m' urnaigh chugad, gu d' theampull naomh.

8 Iadsan a ta leanmhuinn air dlomhanasa breugach, tha iad a' trèisinn an trècair féin.

9 Ach ìobraidh mise dhuitse le guth buidheachais; locaidh mi an nì sin a bhòidich mi; is ann do 'n Tighearn a bhuineas slàinte.

10 Agus labhair an Tighearn ris an iasg, agus thilg e mach Ionah air an talamh thioram.

CAIB. III.

**A**GUSthàinig focal an Tighearna gu Ionah an dara uair, ag ràdh;

2 Eirich, imich gu Ninebheh, am baile mòr sin, agus labhair ris anns na briathraibh<sup>b</sup> a dh'àithneas mise dhuit.

3 Agus dh'éirich Ionah, agus chaidh e gu Ninebheh, do réir focail an Tighearna. (A nis bu bhaile ro mhor Ninebheh, astar thri laithean.)

4 Agus thoisich Ionah air dol tre an bhaile, astar aon latha; agus ghlaodh e, agus thubhairt e, Fathasd dà fhichead là, agus sgriosar Ninebheh.

5 Agus chreid muinntir Ninebheh Dia, agus dh'éigh iad trasg, agus chuir iad umpa eudach-saic, o'n aon bu mhò dhiubh gus an aon bu lugha.

6 Oir thàinig an sgeul gu rìgh Ninebheh, agus dh'éirich e o a rìgh-chaitheir, agus chuir e 'fhalluing uath, agus chòmhdaich se e féin le eudach-saic, agus shuidh e ann an luaithre.

7 Agus thug e fainear a ghlaodh-ach agus a chur an céill feadh Ninebheh, (le ordugh an rìgh agus 'uaislean,) ag ràdh; Na blaiseadh duine

<sup>b</sup> éigh ris an éigh. Eabh.

<sup>c</sup> throimh.



no beathach, buair no treud, aon ni; na h-ionaltradh iad, agus na h-dladh iad uisge.

8 Ach biodh duine agus ainmhidh air an còmh-dachadh le eudach-saic, agus glaothadh iad gu treun ri Dia: seadh, pilleadh iad gach aon o 'dhroch shlighe, agus o'n fhòirneart a ta nan làmhnan.

9 Cò aig am bheil fios nach pill Dia, agus nach gabh e aithreachas, agus nach pill e o 'dhian-chorruich; air chor as nach bàsaich sinn?

10 Agus chunnaic Dia an oibre, gu 'n do phill iad o 'n droch shlighe; agus ghabh Dia aithreachas mu'n olc a thubhairt e gu 'n deanadh e orra, agus cha d'rinn se e.

CAIB. IV.

**A** GUS mhi-thaitinn sin ri Ionah gu ro mhòr, agus bha fearg mhòr air.

2 Agus ghuidh e ris an Tighearn, agus thubhairt e, Guidheam ort, O Thighearn, nach dubhairt mise so, 'nuair a bha mi fathasd ann am dhùthaich féin? Uime sin theich mi roimhe so gu Tarsis: oir bha fios agam gur Dia gràsmhor thusa, agus trócaireach, mall a chum feirge, agus pailt ann an iochd, agus gu 'n gabh thu aithreachas mu olc.

3 Uime sin a nis, O Thighearn, buin, guidheam ort, m' anam uam; oir is fearr dhomh bhì marbh nà beo.

4 An sin thuirt an Tighearn, Am maith a thig dhuit fearg a bhì ort?

5 A nis bha Ionah air dol a mach

as a' bhaile, agus shuidh e air an taobh an ear do 'n bhaile, agus an sin rinn e dha féin bothan, agus shuidh e fuidhe 'san dubhar, gus am faiceadh e ciod a thachradh do 'n bhaile.

6 Agus dh'ullaich an Tighearn Dia luibh-sgàile, agus dh'fhàs i nìos os cionn Ionah, a chum gu 'm biodh i mar sgàile thar a cheann, d'a shaoradh o 'dhoilghios. Agus bha Ionah ro ait air son na luibh-sgàile.

7 Ach dh'ullaich Dia cnuimh an uair a dh'éirich a' mhaduinn air an ath là, agus bhuail ian luibh-sgàile, agus shearg i.

8 Agus tharladh tra dh'éirich a' ghrian, gu 'n do dheasuich Dia gaoth theath o 'n ear; agus bhuail a' ghrian air ceann Ionah, ionnuss gu 'n d' fhannuich e, agus ghuidh e ann féin bàs fhaotainn, agus thubhairt e, Is fearr dhomh bhì marbh nà beo.

9 Agus thuirt Dia ri Ionah, An ceart dhuit do chorruich a bhì air lasadh air son na luibh-sgàile? Agus thuirt esan, Is ceart domh a bhì ann an corruich gu bàs.

10 An sin thuirt an Tighearn, Choigleadh tusa an luibh-sgàile, air son nach do shaothairich thu, nì mò thug thu air fàs; a thàinig a nìos ann an oidhche, agus a chaidh seachad ann an oidhche.

11 Agus nach coiglinn-sa Ninebheh, am baile mòr sin, anns am bheil tuille as sè fichead mìle pearsa, do nach aithne an làmh dheas seach an làmh chli; agus mdran spréidhe?

M I C A H.

CAIB. I.

**F** O C A L an Tighearna, a thàinig gu Micah am Morastach, aon an laithibh Iotaim, Ahais, Heseciah, righrean Iudah; a chunnaic e do thaobh Shamaria agus Ierusalem.

2 Eisdibh, O shlighe, an t-iomlan dibh: thoir fainear, O thalaimh, agus na h-uile ta aunn; agus biodh an Tighearn Iehobhah na fhianuis 'nur n-aghaidh, an Tighearn a 'theampull naomh.

3 Oir feuch thig an Tighearn a mach as 'aite; agus thig e nuas, agus saltraidh e air ionadaibh arda na tal-nhainn.

4 Agus leaghar na sléibhtean fuidhe, agus sgoiltear na gleanta: mar chéir fa chomhair an teine, mar uisgeachan a dhòirtear thar bruaich chorraich.

5 Air son easontais Iacoib tha so uile, agus air son lochdan tighe Israeil. Ciod e easontas Iacoib? Nach e Samaria? agus ciod iad ionadan

arda Iudah? nach iad sin a ta 'n Ierusalem?

6 Uime sin ni mise Samaria na carn sa' mhachair, na h-ait air son suidheachaidh fhìon-lios; agus taomaidh mi sìos a clachan do 'n ghleann, agus leigidh mi ris a bun-aite.

7 Agus brisear a dealbhan snaighte gu léir nam bloighdibh, agus loisgear a tuarasdal gu léir le teine, agus an t-iomlan d'a h-ìodholaibh leigidh mise sìos nan làraich; oir do thuarasdal strìopaiche chruinnich i a h-ionnais; agus do thuarasdal strìopaiche pillidh iad.

8 Air an aobhar sin ni mise caoidh agus ard-ghul; sìubhlaidh mi rùisgte agus lomnochd: ni mi caoidh mar na dragoin, agus cumha mar nigheana na caillich-oidhche.

9 Oir tha a creuchd do-leigheas, oir thàinig i gu Iudah; thàinig i gu geata mo shluaigh-sa, gu Ierusalem.

10 Na cuiribh an céill e ann an Gat; na guilibh air aon chor; ann an tighl Aphrah aornagain thu féin 'san luathre.

11 Imich air falbh, a bhean-àiteachaidh Shaphir, le d' nàire air a leigeadh ris: cha deachaidh luchd-àiteachaidh Shanain a mach gu tuir-eadh: O Bheteseil, gheibh e uaibhse àite seasaimh.

12 Gu dearbh tha bean-àiteachaidh Mharoif a' feitheamh air son maith; gu dearbh thàinig olc a nuas o'n Tighearn gu geata Ierusalem.

13 Ceangail an carbad ris an each luath, O thusa ta 'g àiteachaidh La-cheis. B'ise bu toiseach peacaidh do nighean Shioin: oir annadsa fhuair-eadh easaontais Israeil.

14 Uime sin bheir thu tiolacan do Mhoretet-Gat: bidh tighen Achsib nam mealladh do righribh Israeil.

15 Agus bheir mise oighre chugadsa, O bhean-àiteachaidh Mhàresali; thig e gu Adulam, glòir Israeil.

16 Dean maol thu féin, agus dean do bhearradh air-son do chloinne àillidh; sgaoil, mar an iolair, do mhaoile: oir dh'fhalbh iad uait am braighdeuas.

#### CAIB. II.

**I**S truagh dhoibhsan a ta dealbh aingidheachd, agus a' cur an gnìomh uile air an leapuichibh; an uair a shoillsicheas a' mhaduinn tha iad 'g a dheanamh, a chionn gu bheil e 'n comas an làimhe.

2 Agus tha iad a sanntachadh mhachraichean, agus 'gan glacadh le fòirneart, agus thighean, agus tha iad 'gan toirt air falbh: mar sin tha iad a' sàrachadh duine agus a thighe; duine mhòir agus 'oighreachd.

3 Air an aobhar sin, mar so deir an Tighearn; Feuch, an aghaidh an

Teaghlach so tha mise a' dealbh uile, o nach buin sibh air falbh 'ur muin-eil, ni mò dh'imicheas sibh gu h-uaibhreach: oir is aimsir olc so.

4 Anns an là sin togar cosalachd 'nur n-aghaidh, agus nithear tuir-eadh le cumha brònach, ag ràdh; Tha sinn gu tur air ar creachadh; dh'atharruich e cuibhrionn mo shluaigh: cionnusa dh'atharruich e uam e? roinn e ar machraichean, a shaoil sinn a bhiodh air an aiseag dhuinn féin.

5 Gu dearbh cha bhi aon neach agad a shineas a mach sreang le crannchur ann an coimhthional an Tighearna.

6 Na deanuibh-se fàisneachd, O sibhse ta ri fàisneachd: cha dean iad fàisneachd dhoibh; cha d'thoir esan air falbh am masladh.

7 Am bheil tighl-Iacoib ag ràdh, Am bheil Spiorad an Tighearn air a chughannachadh? an iad so a ghnìomhara? nach 'eil mo bhriath-ransa a' deanamh maith do 'n neach a ghluaiseas gu h-ionraic?

8 Ach o chian fada dh'éirich mo shluagh suas mar nàmhaid: tha sibh a' spionadh na falluinge, maille ris an trusgan, o'n mhuinntir a ta 'g imeachd seachad gu tèaruinte, mar dhaoine gun spéis do chogadh.

9 Mnathan mo phobuill thilg sibh a mach o'n tighibh taitneach; o'n cloinn thug sibh air falbh mo ghlòir gu bràth.

10 Eiribh, agus imichibh, oir cha 'n i so 'ur còmhnuidh: a chionn gu bheil e air a shalachadh, sgriosar e; agus bidh an sgrios mòr.

11 Ma ni duine sam bith, ag im-eachd ann an spiorad bréige agus ceilg, fàisneachd dhuit air son fìona 's air son dibhe làidire, bidh eadhon esan na fhàidh do 'n t-sluagh so.

12 Cruinnichidh mi gu cinnteach, O Iacoib, an t-iomlandiotsa: cruinnichidh mi gu cinnteach, iarmad Israeil; cuiridh mi iad le chéile mar chaoirich Bhorsali, mar threud ann am meadhon am mànrach: ni iad farum mòr le lìonmhoireachd dhaoine.

13 Thàinig am fear-brisidh a nìos rompa: bhris iad an geata, agus chaidh iad troimhe; agus chaidh iad a mach d'a thrìd; agus sìubhlaidh an rìgh air an toiseach, eadhon an Tighearn air an ceann.

#### CAIB. III.

**A**GUS thubhairt mi, Eisdibh, guidheam oirbh, O cheannarda Iacoib, agus a phrionnsacha tìghe Israeil; nach buin duibhse fìos a bhì agaibh cìod a tha ceart?

\* an crò.

2 Sibh-se ta fuathachadh a' mhaith, agus a' gràdhachadh an uilc; a ta spionadh dhiubh an craicinn, agus am feòla bhàrr an cnàmh:

3 A ta fos ag itheadh feòla mo shluaigh-sa, agus a' fionnadh dhiubh an craicinn, agus a' briseadh an cnàmh, agus 'gan gearradh nam bioighdibh, mar fheoil air son na poite, agus mar bhiadh ann am meadhon a' choire.

4 An sin glaohdhaidh iad ris an Tighearn, ach cha chluinn e iad: folaichidh e fòs a ghnùis uatha 'san àm sin, mar a ghiùlain siad iad féin gu h-olc nan gnìomharaibh.

5 Mar so deir an Tighearn mu thimchioll nam fàidhean a tá toirt air mo shluagh-sa dol air seachran, a ta teumadh le 'm faclaibh, agus a' glaohdhach, Sìth: ach air son an ti nach cuir nam beul, tha iad ag ullachadh cogaidh na aghaidh.

6 Air an aobhar sin thig oidhche oirbh, air chor as nach faic sibh sealladh; agus thig dorchadas oirbh, air chor as nach dean sibh fàisneachd; agus théid a' ghrian sìos air na fàidhean, agus bidh an là os an cionn dorcha.

7 An sin bidh nàire air na fiosaichean, agus amhluidh air na fàidhean; seadh, còmhdaichidh iad uile am beul, oir cha 'n'eil freagradh air bith o Dhia.

8 Ach gu deimhin tha mise làn do chumhachd, do spiorad an Tighearna, agus do bhreitheanas, agus do neart; a leigeadh ris 'easaontais do Iacob, agus a pheacaidh do Israel.

9 Cluinnibh so, guidheam oirbh, a cheannarda tighe Iacob, agus a luchd-stiuraidh tighe Israeil; sibh-se aig am bheil fuath do bhreitheanas, agus a ta fàradh gach uile cheartaais:

10 A ta a' togail Shìoin snas le fuil, agus Ierusalem le do-bheart.

11 Tha an ceannardan a' toirt breith air son duaise, agus an sagairt a' teagasgair son tuarasdail, agus am fàidhean a' fàisneachd air son airgid; gidheadh leigidh iad an taice ris an Tighearn, ag ràdh; Nach 'eil an Tighearn 'nar meadhon? cha d'thig aon olc oirnn.

12 Uime sin, air 'ur son-sa bidh Sion air a treabhadh mar mhachair, agus bidh Ierusalem na carnaibh; agus sliabh an tighe mar ionada arda na frìthe.

#### CAIB. IV.

**A**CH farlaidh anns na laithibh deireannach gu 'm bi sliabh tighe an Tighearna air a dhaingneachadh air mullach nan sliabh, agus arduichear e os cionn nam

beann, agus sruthaidh na slòigh d'a ionnsuidh.

2 Agus théid mòran chinneach, agus their iad, Thigibh, agus rachamaid suas gu sliabh an Tighearna, agus gu tigh Dhé Iacob; agus teagaisgidh e dhuinn m'ashlighibh, agus gluaisidh sinne na cheumaibh: oir a Sion théid an lagh a mach, agus focal an Tighearna a Ierusalem.

3 Agus bheir e breith am measg mhòran shluagh, agus bheir e achasan do chinneachnaibh làidir fad as; agus buailidh iad an claidhean gu coltair, agus an sleaghan gu corranaibh-sgathaidh: cha tog cinneach claidheamh an aghaidh cinnich, agus cha'n fhoghlum iad cogadh ni 's mò.

4 Ach suidhidh iad, gach duine fuidh 'fhineamhuin, agus fuidh 'chrann-fige féin, agus cha chuir aon neach eagail orra: oir beul Iehobhah Dhia nan sluagh labhair e.

5 Oir gluaisidh na h-uile shluagh, gach aon ann an ainm a dhé féin; ach gluaisidh sinne ann an ainm Iehobhah ar Dé-ne, gu saoghal nan saoghal.

6 Anns an là sin, deir an Tighearn, cruinnichidh mi ise ta bacach, agus tionailidh mi ise ta air a fogradh a mach, agus ise a chuir mi fuidh amhghar.

7 Agus ni mi ise bha bacach na h-iarmad, agus ise bha air a tilgeadh air falbh, na cinneach làidir; agus riaghlaidh an Tighearn os an cionn ann an sliabh Shìoin, o so a mach, eadhon gu sìorruidh.

8 Agus thu-sa, O thùir an treud, a dhaingnich làidir nighinne Shìoin, thig d'am-sa; agus pillidh an t-sean uachdranachd, an riogbachd, gu nighinn Ierusalem.

9 A nis c' ar son a ta thu glaohdhach gu h-ard? am bheil rìgh air bith annad? an do bhàsaich d'fhear comhairle? oir ghlac ioghanna thu, mar mhnaoi ri saothair.

10 Bi ann an saothair, agus beir, O nighnean Shìoin, mar mhnaoi ri saothair: oir a nis théid thu mach as a' chathair, agus gabhaidh tu còmhluaidh anns a' mhachair, agus théid thu eadhon gu Babilon; an sin saorar thu; an sin fhasglaidh an Tighearn thu a làimh do naimhdean.

11 A nis fòs tha mòran chinneach air cruinneachadh a' d' aghaidh, a ta 'g ràdh, Biodh i air a truailleadh, agus faicadh ar sùil ar miann air Sion.

12 Ach cha'n aithne dhoibh so smaoine an Tighearna, ni no thuig-eas iad a chomhairle. oir ni e an cruinneachadh mar na sguaban a chum an urlair.

13 Eirich agus buail an t-arbhar, O nighean Shioin, oir nì mise d'adhar na h-iarunn, agus d'ionganna nan uirha; agus buailidh tu nam bloighdibh mòran chinneach; agus coisrigidh tu an ionmhas do 'n Tighearn; agus am maoin do Thriath na talmhainn uile.

## CAIB. V.

**A** NIS cruinnich, thu féin ann am baidhnichibh, O nighean bhuidhnichean: chuairtich iad le seachd sinn; bhuail iad le slait air a' ghial breitheamh Israel.

2 Agus thusa, a Bhetlehem-Ephratah, ged' tha thu beag am measg mhiltean Iudah; gidheadh arad thig a mach chugam-sa neach a bhios na tacadaran air Israel; aig an robh a chù a mach o shean, o laithibh na sèrruidheachd.

3 Air an aobhar sin bheir e thairis iad, gus an t-àm anns an d'thoir ise, ta gu leanabla a bhreth, dhachaidh clann; agus gus an iompaichear fuigheall am bràithrean, maille ri macaibh Israel.

4 Agus seasaidh e, agus ionaltraidh e a threud ann an neart an Tighearna; ann am mòrachd ainme an Tighearna a Dhia; agus bidh iadsan air an iompachadh: oir a nis bidh esan mòr gu ruig crìocha na talmhainn.

5 Agus bidh esan na shìth. 'Nuair a thig an t-Asirianach d'ar tìr, agus a shaltras e nar lùchairtibh, an sin togaidh sinn na aghaidh seachd buachaillean, agus ochd cinn-fheadhna sluaigh.

6 Agus cuiridh iad fearann Asiria fàs leis a' chlàidheamh, eadhon fearann Nimroid na dhol a steach: mar so saoraidh iad sinn o 'n Asirianach 'nuair a thig e chum ar fearainn, agus 'nuair a shaltras e 'n taobh a stigh d'ar crìochan.

7 Agus bidh fuigheall Iacoib am measg mhòran shluagh, mar an drùchd o'n Tighearn, mar na frasan air an fheur nach feith ri duine, 's nach fan ri macaibh dhaoine.

8 Agus bidh fuigheall Iacoib am measg nan cinneach, am meadhon mhòran shluagh, mar leòmhann am measg bheathaichean na frithe, mar chuilean leòmhainn am measg nan treuda caorach: e sin, na theid e roimhe, araon saltraidh sìos, agus reubaidh, agus cha tèaruinn aon neach.

9 Togar do làmh suas os cionn do naimhdean, agus bidh d' eascairdean gu léir air an gearradh as.

10 Agus tarlaidh anns an là sin, deir an Tighearn, gu'n gearr mise do chuid each a mach as do mheadhon, agus sgriosaidh mi do charbaid,

11 Agus gearraidh mi as bailtean d'fhearainn, agus tilgidh mi sìos d' uile dhaingnichean.

12 Agus gearraidh mi na druidhean a mach as do mheadhon, agus cha bhì fiosaichean air bith agad.

13 Do dhealbhan snaighte mar an ceudna gearraidh mi as, agus do dhealbhan seasmhach a mach as do mheadhon: agus cha d'thoir thu nì's mò aoradh do obair do làmh.

14 Agus spionaidh mi nìos do dhoireachan as do mheadhon: sgriosaidh mi fòs do naimhdean.

15 Agus nì mi dioghaltas, ann am feirg, agus ann an corruich, air na cinnich, ionnus nach cual iad a leithid.

## CAIB. VI.

**E**ISDIBH SE nis ciod a deir an Tighearn: Eirich, tagair fa chomhair nam beann, agus cluinn-cadh na cruic do ghuth.

2 Eisdibh-se, O shlèibhte coi-stri an Tighearna; agus sibh-se, a bhanaite làidir na talmhainn. Oir tha coi-stri 'aig an Tighearn 'a shluagh, agus tagraidh e ri Israel.

3 O mo shluagh, ciod a rinn mise ort? agus ciod anns an do sgìthich mi thu? tog fianuis am aghaidh.

4 Oir thug mi nìos thu a tìr na h-Eiphit; agus a tigh nan tràillean shaoir mi thu; agus chuir mi romhad Maais, Aaron, agus Miriam.

5 O mo shluagh, cuimhnich a nis ciod a' chomhairle ghàbh Balac rìgh Mhoab; agus ciod am freagradh a thug Balaam mac Bheoir dha, o Shitim gu Gilgal; a chum gu'n aithnich sibh fireantachd an Tighearna.

6 Ciod leis an d'thig mi ann am fianuis an Tighearna; leis an strìochd mi mi féin an làthair an Dia a's airde? an d'thig mi na fhianuis le lobairtibh-loisgte; le laigh a bhios bliadhna dh'aois?

7 Am bi an Tighearna toilichte le mìltibh do reitheachaibh, le deich mìltibh do shruthaibh ola? an d'thoir mi mo cheud-ghlin air son mo clionta; toradh mo chuirp air son cionta m' anama?

8 Dh'fheuch e dhuit, O dhuine, ciod a tha maith; agus ciod a tha an Tighearn ag iarraidh ort, ach ceartas adheanamh, tràcair ghràdhachadh, agus gluasad gu h-ìosal maille ri d' Dhia.

9 Tha guth an Tighearna glaothach ris a' bhaile, agus bheir an duine glic faineir d' ainm: eisdibh-se an t-slat, agus an Tì a dh'orduich i.

10 Am bheil fathasd ionmhasa na h-aingidheachd ann an tigh an

a bhailtean,



droch dhuine; agus an tomhas gann a ta gràineil?

11 Am meas mise glan i leis na meighibh eucorach, agus le màla nan cothroma cealgach?

12 Aig am bheil a daoine beartach làn ainneit: agus labhair a luchd-àiteachaidh breugan; agus tha an teanga cealgach nam beul.

13 Uimé sin tionsgnaidh mise air do bhuaidh, air do dhcanamh fàs air son do lochdan.

14 Ithidh tu, ach cha sàsuichear thu; agus bidh do leagadh ann ad inheadhion; agus gabhaidh tu greim, ach cha ghléidh thu: agus an ni sin a ghléidheas tu, bheir mise do 'n chlaidheamh.

15 Cuiridh tu, ach cha bhuain thu: bruthaidh tu meas a' chrainn-ola, ach cha 'n ung thu thu féin le h-ola; agus dearcann an fhìon-nuadh, ach cha 'n dìl thu fìon.

16 Oir choimhid thu reachdan Omri, agus uile oibre tighe Ahaib; agus tha sibh ag imeachd nan comhairlibh; a chum gu 'n deanuinn-se na h-ionad fàs i, agus a luchd-àiteachaidh nan sgeig; agus gu 'n giùlain sibh-se masladh mo shluaigh-se.

## CAIB. VII.

**M**O thruaighe mise! oir dh'fhàs mi mar luchd-tionail a' mheas shamhraidh; mar luchd-dioluim an fhìon-fhogharaidh: cha 'n 'eil aon bhaguide r'a itheadh: tha m'anam ag iarraidh a' cheud thoraidh.

2 Bhàsaich an t-ionracan as an fhearann, agus cha 'n 'eil neach treibhdhireach am measg dhaoine: tha iad uile a' gabhail fàth air son fala: tha iad, gach aon, a' sealg a bhràthar le lion.

3 A chum gu 'n dean iad olc le uile dhicheall an làmh: tha am prionnsa agus am breitheamh ag iarraidh duaise: agus tha an duine mòr a' foillseachadh a dhroch thograidh: mar sin tha iad 'ga phasgadh suas.

4 Tha 'n ti 's fearr dhiubh mar dhris; tha 'n ti 's ionraice nam measg mar phris dhoighinn; *is e so* là do luchd-faire; tha do smachdachadh air teachd; a nis bithidh iad ann an ìmcheist.

5 Na h-earbaibh a caraid; na cuiribh muinighinn ann am fear-ùil: o'n tè a luidheas ann ad uclh gléidh dorsa do bheòil.

6 Oir tha am mac a' toirt eas-onoir do'n athair; tha an nighean ag éirigh suas an aghaidh a màthar, bean a' mhic an aghaidh a màthar-chéile: is iad naimhdean duine muinntir a 'thighe féin.

7 Ach seallaidh mise ris an Tighearn: bidh mo dhòchas ann an Dia mo shlàinte: éisidh mo Dhia rium.

8 Na dean gairdeachas a' m' aghaidh, O mo nàmhaid; ged' thuit mi, éiridh mi; ged' shuidheam ann an dorchadas, bidh an Tighearn na shìolus dhomh.

9 Giùlainidh mi corruich an Tighearna, a chionn gu 'n do pheacaich mi na aghaidh; gus an tagair e mo chùis, agus an d'thoir e breith air mo shon: bheir e mach mi chum an t-soluis; chi mi 'fhèrantachd.

10 Agus chi mo nàmhaid sin, agus còmhdaichidh nàire ise thuirt rium, C'ait' am bheil an Tighearn do Dhia? chi do shùilean am mian oirre; a nis saltrar sìos i mar chlàbar nan sràidean.

11 Anns an là 'sam bi do bhall-achan air an togail; anns an là sin cuirear am fad uait an t-ordugh.

12 Anns an là sin fòs thig iad do d'ionnsuidh o Asiria, agus o na bailtibh daingnichte; agus o'n daingneach eadhon gus an abhainn; agus o fhainge gu fairge, agus o shliabh gu shliabh.

13 Gidheadh bidh an talamh na fhàsach, air son a luchd-àiteachaidh, air son toraidh an deanadais.

14 Beathaich do shluagh le d'luirg, treud d' oighreachd, a ta gabhail còmhnuidh gu h-uaigneach 'san fhrith; ann am meadhon Charmeil ionaltiradh iad, ann am Basan agus Gilead, mar anns na laithibh o shean.

15 Mar anns na laithibh 'san d' thàinig iad a mach a tìr na h-Eiphit, nochdaidh mise dhoibh nithe mìorbhuileach.

16 Chi na cinnich, agus bidh iad fo amhladh air son an uile chumhachd: cuiridh iad an làmh air am beul, bidh an cluasan bodhar.

17 Imlichidh iad an duslach mar nathair; gluaisidh iad a mach as an tuill mar chnuimhean na talmhainn: bidh eagal orra roimh an Tighearn ar Dia-ne, agus bidh iad fo gheilt air do shon-sa.

18 Cò a's Dia ann cosnuil riut-sa, a mhaithas aingidheachd, agus a ghabhas seachad air easaontas iarmaid 'oighreachd? cha ghléidh se a chiorruich gu sìorruidh, a chionn gur toigh leis trècàir.

19 Pillidh e a ris, gabhaidh e truas dinn: còmhdaichidh e ar n-easaontais: seadh tilgidh tu an uile lochdan ann an doimhneachdan na fairge.

20 Coimhlonaidh tu an fhìrinn do Jacob, agus an trècàir do Abraham, a mhiònnaich thu do 'r n-aithrichean o na laithibh o shean.

# N A H U M.

## CAIB. I.

**A**N fhàisneachd mu thimchioll Ninebheh. Leabhar seallaidh Nahuim an Elcosich.

2 Tha Dia eudmhor, agus ni an Tighearn dioghaltas, ni an Tighearn dioghaltas, agus tha e ann am feirg; ni an Tighearn dioghaltas air 'eas-cairdibh; agus taisgidh e *corruich* air son a naimhdean.

3 Tha 'n Tighearn mall a chum feirge, agus mòr ann an cumhachd, agus clia saor an Tighearn air chor air bith an *t-aingidh*. Anns a' chuairt-ghaoith agus anns an doinninn tha a shlighe, agus is iad na neoil luaithreadh a chas.

4 Bheir e achasan do 'n fhairge, agus nie tioram i; agus tiormaichidh e suas na h-aibhnichean uile: shearg Basan agus Carmel; agus tha blàth Lebanoin air crìonadh.

5 Criothnaichidh na sléibhteann roimhe-san, agus leaghaidh na cnuic; agus tha an talamh air a losgadli suas na làthair; an saoghal, agus 'uile luchd-àiteachaidh.

6 Cò a's urradh seasamh roimh 'fhearg-san? agus cò dh'fheudas fuireach ann an dian-theas a chorruich? tha a chorruich air a dòrtadh a mach mar theine, agus tha na creagan air an tilgeadh sìos leis.

7 Is maith an Tighearn, is daingneach làidir e ann an là na h-airce, agus is aithne dha iadsan a ta cur ann an dòchais.

8 Ach le tuil a' ruith thairis bheir e crìoch iomlan air an dream a dh' éireas na aghaidh; agus ruaigidh dorchadas a naimhdean.

9 Ciod a tha sibh a' smaointeachadh an aghaidh an Tighearna? ni e crìoch iomlan; cha 'n éirich amhghar suas an dara uair.

10 Oir am feadh a ta iad air am filleadh anns a' chéile mar sgith-each; agus mar gu 'm b' ann air mhisg le 'm fion, caithear iad mar asbhuain làn thioram.

11 Asad-sa chaidh aon a mach a dhealbhl olc an aghaidh an Tighearna; droch fhear-còmhairle.

12 Mar so deir an Tighearn, Ged' tha iad sàmhach, agus fòs lìonmhor, gidheadh gearrar as iad, agus siubhlaidh iad air falbh. Ge do rinn mi thu-sa chlaoidh, cha chlaoidh mi thu ni's mò.

13 Oir a nis brisidh mi a chuingsan dhìot, agus sgaoilidh mi as a' chéile do chuibhrichean.

14 Agus thug an Tighearn àithne mu d' thimchioll, nach froisear a mach d' ainm ni's mò. A mach a tigh do dhée gearraidh mise an ìomhaigh shnaighte, agus an ìomhaigh leaghta; orduichidh mi d' uagh, oir dh'fhàs thu gràineil.

15 Feuch air na sléibhtibh casan an ti a ta toirt deagh sgeoil leis, a ta craobh-sgaoileadh sìth: O ludah, gléidh d' ard fhéilleann; coimhlion do bhòidean: oir cha siubhail an t-aingidh ni's mò tromhad; tha e gu tur air a ghearradh as.

## CAIB. II.

**T**HA esan a phronnas ann am bloighdibh air teachd a nìos fa d' chomhair; gléidh an daingneach, cuir faire air an t-slighe, dean do leasraidh làidir, neartuich gu treun do chumhachd.

2 Oir aisigidh an Tighearn a rìs òirdheirceas Iacoib, mar òirdheirceas Israeil: oir mhill an luchd-millidh b' iad, agus sgrios iad an geugan.

3 Rinneadh sgiath a dhaoine cumhachdach dearg, tha na gaisgich ann an sgarlaid: bidh na carbaid mar leusa lasrach ann an là ulmhaichidh; agus crathar gu h-uamhasach na *sleaghan* gumhais.

4 Bidh na carbaid air boire anns na sràidibh, buailidh iad an aghaidh a' chéile anns na h-ionadaibh far-suing: bidh an dreach mar leòis, ruithidh iad mar dhealanaich.

5 Airmhidh e 'dhaoinne treun a rìs: leagaidh iad sìos nan imeachd: ni iad deifir a chum a bhallaidh, agus ulmhaichear an dèidin.

6 Fosgailear geatacha na h-aibhne, agus bidh an lùchairt air a sgaoileadh.

7 Agus bheirear Husab air falbh am bruid, bheirear suas i; agus a gruagaichean na co-imeachd mar le guth choluman, a' bualadh air an uchd.

8 Ach tha sruthan Ninebheh mar linne uisge; agus tha iadsan a' teicheadh. Seasuibh, seasuibh; ach clia seall aon neach na dhéigh.

9 Glacaibh-se a' chreach airgid, glacaibh á' chreach òir: oir cha 'n 'eil crìoch air an ionmhasghlòrmhor,

b dh'fholmhuich an luchd-folmhachaidh. Eabh.

leis gach uile sheòrsa do shoithichibh riomhach.

10 Tha i falamh, agus faoin, agus fàs, agus tha an cridhe a leaghadh, agus na glùinean a' bualadh air a' chéile; agus tha mòran cràidh anns na h-uile leasraibh; agus tha an aghaidhean gu léir a' tional dorchadais.

11 C' àit am bheil còmhnuidh nan leòmhann, agus àite beathachaidh nan leòmhann dga? far an do ghluais an leòmhann, an seann leòmhann, agus cuilean an leòmhainn, gun aon air bith a chur geilt orra.

12 Reub an leòmhann gu leòr air son a chuileanan, agus mharbh e air son a leòmhanna-boirionn, agus lìon e 'thuill le cobhartach, agus 'uaimh le creich.

13 Feuch tha mise ann ad aghaidh, deir Tighearn nan sluagh, agus loisgidh mi do charbadan 'san teine; agus ithidh an claidheamh do leòmhainn dga; agus gearraidh mise do chreach o'n talamh, agus cha chluinnear ni 's mòd guth do theachdairean.

### CAIB. III.

**I**S truagh do 'n chathair fhuiltich! tha i uile na ceilg, làn do reubainn; cha 'n 'eil sgur air a' chreich.

2 Fuaim slait-sgiùrsaidh, nan torman farum nan rothan, agus nan each meamnach, agus nan carbad leumnach!

3 Togaidh am marcach suas araon an claidheamh loinreach, agus an t-sleagh lìomhaidh; agus tha mòran do mhairbh ann, agus àireamh mòr do chorpaidh: cha 'n 'eil crìoch air an cairbhinnibh; tha iad a' tuisleachadh air an corpaibh:

4 Air son lìonmhoireachd strìopachais na strìopaiche maisich, ban-mhaighstir nan druidheachdan; a ta reic chinneach le a strìopachas, agus theaghlachan le a druidheachdan.

5 Fench, tha mis' a' d' aghaidh, deir Tighearn nan sluagh, agus leigidh mi ris do sgiortan air d' aghaidh, agus foillsichidh mi do na cinnich do lònnochduiche, agus do na rioghachdadh do mhasladh.

6 Agus tilgidh mi salchar gràineil ort, agus nì mi suarach thu, agus cuiridh mi thu mar bhall-amhairc.

7 Agus tarlaidh, iadsan uile dh' amhairceas ort, gu 'n teich iad uait, agus their iad, Rinneadh Ninebheh na fàsach, cò chaidheas i? cia as a dh' iarras mi luchd-cofhurtachd air do shon?

8 Am fear thusa nà No sluaghmhor, a bha air a suidheachadh am

measg nan aibhnichean; aig an robh na h-uisgeachan mu 'n cuairt di, aig an robh an fhairge mar dhùdein, agus a' mhuir mar bhalla?

9 B'e Etiopia a neart agus an Eiphit, agus bha sin an-bharr: b' iad Put agus Lubim a luchd-cuideachaidh.

10 Gidheadh thugadh air falbh i, dh'imich i ann am braighdeanas: bha a clann dè fòs air am pronnadh nam bloighdibh aig ceann nan uile shràidean: agus thilg iad crainn air son a daoine urramach, agus bha a daoine mòra gu léir air an ceangal ann an slabhruidhean.

11 Bidh tusa fòs air mhisg; fol-aichidh tu thu féin, iarruidh tu didein o 'n nàmhaid.

12 Bidh d'uile dhaingnichean làidir mar chrainn-fhìge leis na ceud fhligibh abuich: ma chrathar iad, tuitidh iad ann am beul an ti a dh'itheas iad.

13 Feuch, tha do dhaoine mar mhnathan ann ad mheadhon; sgaoilear gu farsuing do d' naimhidibh geatacha do thìre; caithidh an teine do chrainn-dhruididh.

14 Tarruing uisge dhuit féin air son an fheachda, neartuich do dhaingnichean làidir: rach a steach do 'n chriadh agus post an làthach; daingnich an àth-chriadha.

15 An sin nì an teine do chaith-eamh, gearraidh an claidheamh as thu: ithidh e suas thu mar a chlàmh-chnuimh: dean thu féin lìonmhor mar a' chlàmh-chnuimh, dean thu féin lìonmhor mar an locust:

16 Rinn thu do luchd-malairt lìonmhor thar reulta nèimhe: millidh a' chlàmh-chnuimh, agus sìubhlaidh i air falbh.

17 Tha iadsan a chrùnadh annad mar na locuist, agus do chinn-fheadhna mar na lìonnain-fheoir, a chòmhnucneas anns na barranaibh a 'san lathia fhuar; ach 'nuair a dh'èireas a' ghrian teichidh iad air falbh, agus cha 'n 'eil fios cia an t-àite 'm bheil iad.

18 Tha do bhuachaillean ri clòchadal, O rìgh Asiria: thad' uaislean nan tàmh: tha do shluagh air an sgapadh air na sléibhtean, agus cha'n 'eil aon neach ann d' an cruinneachadh.

19 Cha 'n 'eil leigheas air do bhruthadh: tha do lot nìmhneach: na h-uile chluinneas iomradh ort, buailidh iad am basan os do chionn; oir cò air nach do shiubhail d' ole an còmhnuidh?

\* callaidibh.

# H A B A C U C.

## CAIB. I.

**A**N fhàisneachd a chunnaic Habacuc am fàidh.

2 Cia fhad, O Thighearn, a ghlaodhas mi, agus nach éisd thu? a ghlaodhas mi riut air son fòirneirt, agus nach saor thu?

3 C' ar son a ta thu nochdadh dhomh aingidheachd, agus a' toirt orm sealltuinn air doilghios? oir tha creach agus fòirneart fa' m' chomh-air; agus luchd-dùsgaidh strì agus aimh-réite.

4 Air an aobharsin, tha an reachd air fàilneachaidh, agus cha'n 'eil breitheanas uair air bith a' dol a mach: oir tha an ciontach ag iadhadh mu thimchioll an fhàirein: uime sin tha breitheanas encorach a' dol air aghaidh.

5 Faicibh am measg nan cinneach, agus amhaircibh, agus gabhaibh iongantas gu mòr: oir ni mise obair 'nur làithibh, nach creid sibh ged' innsear i duibh.

6 Oir feuch, dùisgidh mi suas na Caldeich, an cinneach searbh agus easgaidh sin, a dh'imicheas trid leud an fhearainn, a ghabhail seilbh air na h-àiteacha-còmhnuidh nach leo féin.

7 Tha iad uamhasach agus eagalach: thig am breitheanas agus an dirdheirceas a mach uatha féin.

8 Tha 'n eich fòs ni 's luaithe na liopaírd, agus tha iad ni 's buirbe na madaidh-alluidh an anmoich: agus sgaoilidh am marcaichean iad féin, agus thig am marc-shluagh o iomachain: itealaichidh iad mar an iolair a dheifrìcheas gu itheadh.

9 Thig iad uile air son ainneirt: sgriosaidh iad rompa mar a' ghaoth an ear; agus cruinnichidh iad braighdean mar a' ghaineamh.

10 Agus ni iad sgeig air righribh, agus bidh prionnsachan nan dùismhagaidh dhoibh: ni iad fanoid air gach daingneach làidir; agus cruachaidh iad suas talamh, agus glacaidh iad e.

11 An sin caochlaidh an inntinn, agus sìubhlaidh iad air falbh, agus measar iad ciontach. Tha an neart so aca o an dia.

12 Nach 'eil thusa o shìorruidheachd, O Thighearn, mo Dhia-sa, m' Aon naomh? cha bhàsaich sinn. O Thighearn, dh'orduich thu iadsan air son breitheanas; agus O Dhé chumhachdaich, dhaingnich thu iad air son smachdachaidh.

13 Tha do shùile ni 's glaine na gu

'n seall thu air olc, agus cha'n fheud thu amharc air aingidheachd: c' uim' am bheil thu 'g amharc air luchd-ceannairc, agus a' fantuinn a' d' thosd an uair tha 'n t-aingidh a' slugadh suas an duine 's ionraice na e féin?

14 Agus c' uim' am bheil thu deanamh dhaoine mar iasga na fairge, mar na nithe snàgach aig nach 'eil aon fhear-riaghlaidh os an cionn?

15 Tha iad 'gan togail suas uile leis an dubhan; tha iad 'gan glacadh nan lìon, agus 'gan cruinneachadh nan eangaich; uime sin tha iad aoibhneach agus ait.

16 Air an aobhar sin tha iad ag òbradh d'an lìon, agus a' losgadh tùise d'an eangaich: a chionn leo sin gu bheil an cuibhrionn reamlar, agus an lòn pailte.

17 An dean iad air an aobhar sin an lìon salamh, agus nach coigil iad a bhàsior-mharbhadh nan cinneach?

## CAIB. II.

**S**EASAIIDH mi air m'fhaire, agus cuiridh mi mi féin air an tùr, agus feuchaidh mi ciod a their e riom, agus ciod a fhreagras mi 'nuair a chronuichear mi.

2 Agus fhreagair an Tighearn mi, ag ràdh; Sgrìobh an fhàisneachd, agus dean soilleir i air clàraibh, air chor as gu feud esan ruith, a leughas i.

3 Oir tha 'n fhàisneachd fathas air son aimsir shònraichte, ach air a' cheanu mu dheire labhraidh i, agus cha dean i breug: ged' dhean i maille, feith rithe; oir gu deimhin thig i, cha bhi i air dheire.

4 Feuch, cha'n 'eil 'anam-san, a ta air a thogail suas, ceart an taobh a stigh dheth: ach mairidh am firean beo le a chreideamh.

5 Seadh fòs mar dhuine theid as an rathad le lìon, tha e uaibreach, agus cha'n 'eil e gabhail fois; a' meudachadh a chlocais mar an uaigh; agus mar am bàs cha 'n fheudar a shàsachadh; agus tha e cruinneachadh chuide nan uile chinneach, agus a' tional dha féin nan uile shluagh.

6 Nach tog iad so uile suas cosalachd na aghaidh, agus gnàth-fìocal tàmailteach m'a thimchioll, ag ràdh, Is truagh dha-san a mheudaicheas an ni nach leis féin! cia fhad? agus dha-san a luchdaicheas e féin le cré thiugh.

\* esan a tha teachd, thig e, cha bhi e ro-anmoch.



7 Nach éirich iadsan gu grad suas a theumas thu ; agus nach dùisg iadsan a chuireas dragh ort ? agus nach bi thu a dhioibh mar chobhartach ?

8 A chionn gu 'n do chreach thu mòran chinneach, creachaidh uile iarmad nan cinneach thusa : airson fala dhaoine, agus sàruchaidh an fhearainn, na cathrach, agus a h-uile luchd-àiteachaidh.

9 Mo thruaighe esan a ta sann-tachadh droch shainnt d'a thigh ; a chum a nead a shuidheachadh gu hard ; gu e féin a shaoradh o chumhachd amhghair.

10 Dhealbhu thu nàire do d' thigh, le mòran shluagh a ghearradh as ; agus pheacaich thu 'n aghaidh d'anama féin.

11 Oir gladhaidh a' chlach a mach as a' bhalla ; agus freagraidh an t-sail as an fhiodh i.

12 Is an-aibhinn dha-san a thogas baile le fuil, agus a dhaingniches cathair le aingidheachd.

13 Feuch, nach ann o Thighearn nan sluagh a ta so, gu 'n saothairicheadh daoine anns an teine, agus gu 'n sgithicheadh slòigh iad féin air son ni faoin ?

14 Gu cinnteach lìonar an talamh le edlas glòire an Tighearna, mar a ta na h-uisgeachan a còmhachadh na fairge.

15 Is an-aibhinn dha-san a tha toirt air a choimhearsnach òl, a ta cur ris a' chopain, agus 'ga chur air mhisg mar an ceudna, chum gu 'n amhairceadh e air a lomnochduiche.

16 Tha thu air do lìonadh le nàire 'n àite glòire : òl thusa fòs, agus biodh do roimh-chraicinn air a leigeadh ris : riutsa piller cupan laimhe deise an Tighearna ; agus bidh sgeith nàrach air do ghloir.

17 Oir ni ainneart Lebanoin do còmhachadh, agus cuiridh sgrios ainmhidhean eagall ort ; air son fala dhaoine, agus air son sàruchaidh an fhearainn, na cathrach, agus a h-uile luchd-àiteachaidh.

18 Ciond an tairbhe tha 'san ìomhaigh shnàighte, gu 'n d' rinn am fear a dhealbhu i a snàigheadh : anns an ìomhaigh leaghta, agus ann am fear teagasg nam breug, gu 'n earbadh fear-deanaidh na h-oibre so aisde, a dheanamh iodhela balbha ?

19 Is truagh dha-san a deir ris an fhiodh, Dùisg : risa' chloich bhailbh, Eirich. An teagaisg i ? Feuch, tha i air a cur thairis le h-òr agus airgiod ; agus cha 'n 'eil anail air bith an taobh a stigh dh'i.

20 Ach tha an Tighearn na theampull naomh : bi d' thòsd na fhianuis, O thalamh uile.

## CAIB. III.

URNAIGH Habacuc, an fhàidh, air Sigionot.

2 O Thighearn, chuala mi do chaint ; bha eagall orm : O Thighearn, ath-bheothaich d'obair ann am meadhon nam bliadhnachan, ann am meadhon nam bliadhnachan dean aithnichte ; ann an corruich cuinhnich trècair.

3 Thàinig Dia o Theman, agus an Ti naomh o Shliabh Pharain. Selah. Chòmhdaich a ghloir na nàmh, agus bha an talamh làn d'a chliu.

4 Agus bha a shioilleireachd mar a' ghrian ; o a làimh shruth dèarsanna soluis ; agus an sin bha àite foluich a mhòrachd.

5 Roimh a ghnùis chaidh a' phlàigh ; agus chaidh eibhle teine mach o' chasaibh.

6 Sheas e, agus thomhais e 'n talamh : dh'amhairc e, agus sgap e na cinnich as a' chéile ; agus bha na sléibhte slorruidh air am briseadh ; chrom na cnuc bhi-bhuan ; tha a shlighe mairtheannach.

7 Chunnaic mi pàilliuna Chusain ann an amhghar : chrìothnuich brat-sgàile fearainn Mhidiain.

8 An robh corruich air an Tighearn ris na tuitibh ? an robh d'fhearg an aghaidh nan aibhnichean ? an robh do chorruich an aghaidh na fairge, gu 'n do mharcaich thu air d' eachaibh, agus air do charbadaibh slàinte ?

9 Rinneadh do bhogha glan-rùisgte, do réir nam mìonn do na treubhaibh, eadhon d'fhocail. Selah. Sgoilt thu an talamh le sruthaibh.

10 Chunnaic na sléibhteann thu agus chrìothnuich iad : ghabh tuil nan uisgeachan seachad : chuir an t-aigein a mach a ghuth, thog an doimhne suas a làmhan.

11 Sheas a' ghrian agus a' ghealach nan àite : nan solus shluabhail do shaighdean ; nan dealradh do shleaghan Ìomhaidh.

12 Dh'imich thu trid an fhearainn ann am fearg, bhuail thu na cinnich ann an corruich.

13 Chaidh thu mach air son tearnaidh do shluaigh, air son tearnaidh do mhuinntir ungta : bhuail thu 'n ceann o thigh an aingidh ; leig thu ris na bunaite gu ruig a' mhuineil. Selah.

14 Bhuail thu le d' shlait ceann a bhailtean. Ruith iad a mach mar chuairt-ghaoith gu ar sgapadh ; bha an gairdeachas mar gu 'n sluigeadh iad an bochd gu h-uaigneach.

15 Choisich thusa trid na fairge le d' eachaibh : trid cruinneachaidh nan uisgeacha mòra.

16 Tra chuala mi, chrìothnaich mo chom : bha mo bhile air chrith ro d'

ghuth : chaidh lobhadh a steach ann am chnàinhaibh, agus chrìochnaich mi ann am àite ; a chum gu'm biodh foisagam ann an là an amughair : tra théide suas an aghaidh an t-sluaigh, agus a chlaoidheas e iad le 'bhuidh-nichibh.

17 Ge nach d'thoir an crann-sige uaith blàth, agus ge nach fàs air an fhuìonan cigneas ; ged' fhàilnich meas a' chrainn-ola, agus ge nach d'thoir na machraichean uatha lòn ; ged'

ghearrar an treud as o'n mhainnir, agus ge nach bi buar air bith air na buailtibh ;

18 Gidheadh ni mise gairdeachas anns an Tighearn, ni mi aoibhneas ann an Dia mo shlàinte.

19 Is e 'n Tighearn Iehobhah mo neart, agus ni e mo chasan mar chasaibh éilde, agus bheir e orm coiseachd air m' ionadaibh arda. Do 'n ard-fhear-chiùil air m' inneal-aibh teudach.

## S E P H A N I A H.

### CAIB. I.

**F**OCAL an Tighearna a thàinig gu Sephaniah, mac Chusi, mhic Ghedaliah, mhic Amariah, mhic Hisciah, ann an laithibh Iosiah, mhic Amoin, rìgh Iudah.

2 Sgriosaidh mise gu tur na h-uile nithe bhàrr aghaidh an fhearainn, deir an Tighearn.

3 Sgriosaidh mi duine agus ainmhidh, sgriosaidh mi eunlaith an athair, agus iasga na fairge, agus na cip-thuislidh maille ris na h-aingidh : agus gearraidh mi as an duine bhàrr aghaidh an fhearainn, deir an Tighearn.

4 Sinidh mi fòs a mach mo làmh air Iudah, agus air uile luchd-àiteachaidh Ierusalem, agus gearraidh mi as fuigheail Bhaail o'n àite so ; ainm an luchd-lobraidh maille ris na sagairt ;

5 Agus iadsan a ta 'g aoradh do fheachd nèimh air mhullach nan tighean ; agus iadsan a ta 'g aoradh, agus a' mionnachadh air an Tighearn, agus fòs a' mionnachadh air Malcham ;

6 Agus iadsan a phill air an ais o'n Tighearn, agus iadsan nach d'iarr an Tighearn, agus nach d'fhiosraich dheth.

7 Bithibh tosdach an làthair an Tighearna Iehobhah, oir tha là an Tighearna dlù ; oir dh'ullaich an Tighearn lobairt, ghairm e 'aoidhean.

8 Agus tarlaidh ann an là lobairt an Tighearna gu 'n smachdaich mise na prìounsachan, agus clann nan rìghrean, agus na h-uile ta air an éideadh le culaidh choimhich.

9 Agus air an là cheudna smachdaichidh mi iadsan uile ta leum air a' stairnich, a ta lìonadh tighean am

maighstirean le ainneart agus le ceilg.

10 Agus tarlaidh air an là sin, deir an Tighearn, gu'm bi fuaim éighich o gheata 'n éisg, agus ulartaich o 'n dara baile, agus bruanadh mòr o na cnocaibh.

11 Ard-ghuilibh, a luchd-àiteachaidh Mhacteis, oir tha 'n luchd-malairt gu h-iomlan air an gearradh as ; tha uile luchd giùlain an airgid air am milleadh.

12 Agus tarlaidh anns an àm sin, gu 'n rannsuich mise Ierusalem le coinnlibh, agus smachdaichidh mi na daoine ta socair air an deasgainibh ; a ta 'g ràdh nan cridhe, Cha dean an Tighearn maith, ni mò ni e olc.

13 Air an aobhar sin bidh am maoin na chobhartach, agus an tigh-ean nam fàsach : agus togaidh iad tighean, ach cha 'n àitich iad ; agus suidhichidh iad sìon-lìosan, ach cha 'n òl iad am sìon.

14 Tha latha mòr an Tighearna dlù, tha e dlù, agus a' deifreachadh gu mòr : tha guth là an Tighearna searbh : guilidh an sin an cumhachdach.

15 Is là feirge an là sin, là trioblaid agus teanntachd ; là fàsalachd agus leir-sgrìos ; là dorchadais agus oghlùgheachd ; là neul agus tiughdhorchadais ;

16 Là trompaid agus iolaich an aghaidh nam bailtean daingnichte, agus an aghaidh nan tùr arda.

17 Agus bheir mise airc air daoine, ionnus gu 'n siubhail iad mar dhaill, a chionn gu 'n do pheàcaich iad an aghaidh an Tighearna : agus dèirtear a mach am fuil mar dhùslach, agus am feoil maraolach.

18 Ni mò dh' fheudas an airgid

no 'n òr an saoradh ann an là feirge an Tighearna; ach le teine 'eud-san loisgear am fearann uile: oir bheir e gu deimhin léir-sgrios obann air uile luchd-àiteachaidh na tìre.

## CAIB. II.

**CRUINNICHIBH** sibh féin le chéile, seadh cruinnichibh le chéile, O fhineadh gun iarraidh:

2 Mu 'n d'thig an t-ordugh gu buil, mu 'n siubhail 'ur là seachad mar mhol; mu 'n d'thig corruich gharg an Tighearna oirbh, mu 'n d'thig là feirge an Tighearna oirbh.

3 Iarruibh-se an Tighearn, uile dhaoine ciuine na talmhainn, a dh' oibrich a bhreitheanas; iarruibh fireantachd, iarruibh macantachd: feudaidh e blith gu 'n tearnar sibhse ann an là feirge an Tighearna.

4 Gu dearbh tréigear Gasa, agus cuirrear fàs Ascelon: fògraiddh iad a mach Asdod air mheadhon là; agus bidh Ecron air a sponadh a freumh.

5 Mo thruaighe luchd-àiteachaidh sliosa na fairge, cinneach nan Cereteach: tha focal an Tighearna 'n 'ur n-aghaidh. O Chanaain, a thìr nam Philisteach, sgriosaidh mise thu, ionnus nacl bi aon 'g ad àiteachadh.

6 Agus bidh taobh na fairge na bhothanaibh aig buachaillibh, agus na mhanraichibh aig treudan.

7 Agus bidh an slios aig iarmad tìge Iudah, ionaltraidh iad air: ann an tighibh Asceloin luidhidh iad sìos anns an anmoch: oir thig an Tighearn an Dia d' an amharc, agus bheir e air an ais am braighdean.

8 Chuala mise masladh Mhoib; agus ana-cainnt cloinne Amoin, leis an d'rinn iad mo shluagh-sa mhaslachadh, agus iad féin a mheudachadh an aghaidh an crìochan.

9 Air an aobhar sin mar is beo mise, deir Tighearn nan sluagh, Dia Israeil; gu deimhin bidh Moab mar Shodom, agus clann Amoin mar Ghomorrah, na fhàsach ionntagach, agus na phuill shaluinn, agus na léir-sgrios sìorruidh; nì fuigheall mo shluaigh-sa an creachadh, agus iarmad mo chinnich an sealbliachadh.

10 So gheibh iad air son an uabhair, a chionn gu 'n d'thug iad masladh, agus gu 'n do mheudaich siad iad féin an aghaidh cinnich Tighearna nan sluagh.

11 Bidh an Tighearn uamhasach nan aghaidh: oir bheir e gort air uile dhéibh na talmhainn; agus bheir iad aoradh dha-san, gach aon o 'àite féin, eadhon uile eileana nan cinneach.

12 Sibh-se, Etiopacha, mar an ceudna, marbhar sibh féin leis a' chhlaidheamh.

13 Agus sìnidh e mach a làmh an aghaidh na h-airde tuath, agus sgriosaidh e Asiria, agus nì e Ninebheh na làraich luim, tioram mar an fhàsach.

14 Agus luidhidh treudan sìos na meadhon, uile bheathaiche na talmhainn: gabhaidh am pelican agus a' ghràineag tàmh na h-ard-dhoruis: bidh am fuaim na h-ninneagaibh; bidh fàsalachd anns an sgà-thigh: oir leigidh e ris a h-obair sheudair.

15 So a' chathair luaghaireach a ghaoh còmluinidh gu tèaruinte; a thubhairt na cridhe, Tha mi, agus cha 'n 'eil ann ach mi. Cionnus a dh'fhàs i na fàsach, na h-àite air son bheathaichean gu luidhe sìos ann! sgeigidh gach aon a théid seachad oirre, crathaidh e a làmh.

## CAIB. III.

**I**S an-aoibhinn' dh'ise ta ceannairceach agus truaille, do 'n chathair a ta ri sàruchadh.

2 Cha d'thug i géill do 'n ghuth: cha do ghabh i cronachadh: cha d' earb i as an Tighearn: cha do tharruing i dlù d'a Dia.

3 Tha a prionnsachan an taobh a stigh dhi nan leòmhainn bheucach; is maduidh-alluidh an anmoich am breitheachan, cha 'n fheith iad gus a' mhaduinn gun na cnàimhean itheadh.

4 Is daoine eatrom fealltach' a fàidhean: thruaill a sagairt an tionad naomh: bhris iad an reachd.

5 Tha an Tighearn cothromach na meadhon: cha dean esan ea-ceart: gach maduinn bheir e breitheanas gu solus, cha 'n fhàilnich e: ach cha 'n 'eil eòlas aig an ea-corach air nàire.

6 Ghearr mi as na cinnich: tha an tùir uaigneach; rinne nì fàs an sràidean, air chor as nach 'eil aon 'gan imeachd: tha am bailtean air an sgrios, gun dnuie 'sam bith anna, gun aon neach 'gan àiteachadh.

7 Thubhairt mi, Gu deimhin bidh m' eagal ort, gabhaidh tu teagasg: mar sin cha bhiodh an àite-còmluinidh air a ghearradh as, cionnus air bith a smachdaichinn iad: ach dh'éirich iad gu moch, agus thruaill iad an uile dheanadas.

8 Uime sin feithibh-se riumsa, deir an Tighearn, gus an là 'san éirich mi suas a chum na creiche: oir is e mo rùn na cinnich a chruinneachadh, na rioghachdan a tharruing le chéile; a dhortadh orra mo chorruidh, uile theas m' fheirge: oir loisgear an talamh gu h-ìomlan le teine m' eud-sa.

9 Gu deimhin pillidh mi 'n sin air na slèigh teanga ghlan, gu gairm gu léir air ainm an Tighearna, gu seirbhis a dheanamh dha le aon rùn.

10 O thaobh thall aibhnichean Etiopia, bheir mo luchd-achuinge, am measg mo mhuinntir sgapta, tabhartas do m' ionnsuidh.

11 Anns an là sin cha nàraichear thu air son d' uile dheanadais, leis an do chioutaich thu ann am aghaidh-sa : oir an sin bheir mi air falbh as do mheadhon iadsan a ta ri gairdeachas ann ad uabhar; agus cha 'n arduich thu ni 's mò thu fèin ann am shliabh naomh-sa.

12 Fàgaidh mi fòs ann ad mheadhon sluagh anshocrach agus dìblidh; agus cuiridh iad an dòchas ann an ainm an Tighearna.

13 Cha dean iarmad Israeil ain-gidheachd, ni mo labhras iad breugan : ni mò gheibhear teanga chealgach na'm beul. Oir ionaltraidh agus luidhidh iad sìos, agus cha chuir aon neach eagal orra.

14 Seinn, O nighean Shioin; tog iolach, O Israeil; bi ait, agus dean gairdeachas le d' uile chridhe, O nighean Ierusalem.

15 Thug an Tighearn air falbh do bhreitheanais; phill Rìgh Israeil air falbh do naimhdean: tha 'n Tighearn

ann ad mheadhon; cha 'n fhaic thu olc ni 's mò.

16 Anns an là sin theirear ri Ierusalem, Na biodh eagal ort; agus ri Sion, Na biodh do làmhnan lag.

17 Tha 'n Tighearn Dia ann ad mheadhon cumhachdach; ni e do thearnadh; ni e gairdeachas os do chionn le luaghair; gabhaidh e fois na ghràdh; ni e gairdeachas os do chionn le seinn.

18 Cruinnichidh mi iadsan 'nad mheasg, a ta ri caoidh air son an ard-choimhthionail, do 'n robh a mhasladh na eallaich.

19 Feuch millidh mise d' uile luchd-sàruchaidh anns an àm sin, agus leighisidh mi ise ta bacach, agus cruinnichidh mi ise bha sgaoilte; agus gheibh mi dhoibh cliù agus deagh iomradh anns gach aon tìr anns an d' fhuair iad nàire.

20 Anns an àm sin bheir mi air 'ur n-ais sibh; agus anns an àm 'san cruinnich mi sibh, bheir mi gun amharus dhuibh ainm agus cliù ann am measg uile chinneacha na talmhainn, an uair a philleas mi air a h-ais 'ur bruid fa chomhair an sùlsan, deir an Tighearn.

## H A G A I.

## CAIB. I.

**A**NN an dara bliadhna Dhariuis an rìgh, anns an t-sèathamh mìos, air a' cheud là do 'n mhìos, thàinig focal an Tighearna le Hagai am fàidh gu Serubabel, mac Shealtieil, uachdaran Iudah, agus gu Iosuah, mac Iosedech, an t-ard-shagart, ag ràdh;

2 Mar so labhair Tighearn nan sluagh, ag ràdh, Thuirt an sluagh so, Cha d' thàinig an t-àm gu tigh an Tighearna a thogail.

3 An sin thàinig focal an Tighearna le Hagai, am fàidh, ag ràdh,

4 An àm dhuibh-se, O sibhse, comhnuidh ghabhail 'nur tighibh maiseach, agus an tigh so na fhàsach?

5 A nis ma ta, mar so deir Tighearn nan sluagh, Thugaibh fainear 'ur sligheachan.

6 Chuir sibh mòran, agus is beag a thug sibh a steach; tha sibh ag ith-eachd, ach cha 'n 'eil gu leòr agaibh;

tha sibh ag òl, ach cha 'n 'eil sibh sàthach: tha sibh 'gur n-éideadh, ach cha 'n 'eil aon neach blàth: agus esan a tha cosnadh tuarasdail; tha e 'ga chosnadh gu 'chur ann an sporan tolltach.

7 Mar so deir Tighearn nan sluagh, Thugaibh fainear 'ur sligheachan.

8 Rachaidh suas a chum an t-sléibhe, agus thugaibh leibh fiodh, agus togaibh an tigh; agus gabhaidh mise tlachd ann, agus bidh mi air mo ghlòrachadh, deir an Tighearn.

9 Bha sùil agaibh ri mòran, agus feuch, thàinig e gu beagan; agus 'nuair a thug sibh dhachaidh e, shéid mise air. C' ar son? deir Tighearn nan sluagh. Air son mo thighe ta fàs, agus sibh-se a' ruith gach duine g'a thigh féin,

10 Air an aobhar sin chum na nàmhla os 'ur cionn air ais an drùchd, agus ghléidh an talamh a thoradh.

11 Agus ghairm mise tart air an



shearann, agus air na sléibhtean, agus air an arbhar, agus air an fhìon nuadh, agus air an ola; agus air gach nì bheir an talamh a mach; agus air duine, agus air ainmhidh; agus air uile shaothair nan làmh.

12 An sin thug Serubabel, mac Shealtieil, agus Iosuah, mac Iosedeich, an t-ard-shagart, leis a' chuid eile do 'n t-sluagh uile, géill do ghuth an Tighearna an Dia, agus do bhriathraibh Hagai an fhàidh, (mar a chuir an Tighearna an Dia fios leis) agus bha eagal air an t-sluagh roimh an Tighearna.

13 An sin labhair Hagai, teachdaire an Tighearna, ann an teachdair-eachd an Tighearna, ris an t-sluagh, ag ràdh, Tha mise leibh, deir an Tighearna.

14 Agus dhùisg an Tighearna spiorad Sherubabeil, mhic Shealtieil, uachdarain Iudah, agus spiorad Iosua, mhic Iosedeich, an ard-shagairt, agus spiorad na cuid eile do 'n t-sluagh uile, agus thàinig iad, agus rinn iad obair ann an tigh Tighearna nan sluagh, an Dia:

15 Air a' cheathramh là fichead do 'n t-sèathamh mìos, ann an dara bliadhna Dhariuis an rìgh.

## CAIB. II.

**A**NNS an t-seachdamh mìos, air an aon là fichead do 'n mìos, thàinig focal an Tighearna leis an fhàidh Hagai, ag ràdh;

2 Labhair a nis ri Serubabel, mac Shealtieil, uachdarain Iudah, agus ri Iosuah mac Iosedeich an t-ard-shagart; agus ris a' chuid eile do 'n t-sluagh, ag ràdh,

3 Cò ta air 'fhàgail 'nur measg a chunnaic an tigh so na cheud ghloir? agus cionnus a tha sibh 'ga fhaicinn a nis? nach 'eil e 'n ur sùilbh, làmh ri sin, mar neo-ni?

4 Gidheadh a nis bi làidir, O She-rubabeil, deir an Tighearna, agus bi làidir, O Iosuah, mhic Iosedeich, ard-shagairt; agus bithibh-se làidir, uile shluagh an fhearainn, deir an Tighearna; agus deanaibh obair: oir tha mise leibh, deir Tighearna nan sluagh.

5 Do réir an fhocail a dhaingnich mi ruibh tra thàinig sibh a mach as an Eiphit, mar sin tha mo spiorad a' fantuinn 'nur measg: na biodh eagal oirbh.

6 Oir mar so deir Tighearna nan sluagh; Fathasd aon uair, ann an ùine bhig, crathaidh mise na nèamha, agus an talamh, agus an fhairge, agus am fearann tioram:

7 Agus crathaidh mi na h-uile chinnich, agus thig miann nan uile chinneach, agus ònaidh mi an tigh so le glòir, deir Tighearna nan sluagh.

8 Is leam-sa an t-airgiod, agus is leam-sa an t-òr, deir Tighearna nan sluagh.

9 Bidh glòir an tìghe dheireann-aich so nì's mò na glòir a' cheud thìghe, deir Tighearna nan sluagh: agus anns an àite so bheir mise sìth, deir Tighearna nan sluagh.

10 Air a' cheathramh là fichead do 'n naothamh mìos, ann an dara bliadhna Dhariuis, thàinig focal an Tighearna, le Hagai, am fàidh, ag ràdh;

11 Mar so deir Tighearna nan sluagh, Fedruich a nis do na sagart-aibh, mu 'n reachd, ag ràdh,

12 Ma gliùblaineas aon feoil naomh ann an zgiobul a thrusgain, agus gu 'm bean a thrusgan ri aran, no brochan, no fion, no ola, no biadh sam bith, am bi sin naomh? Agus fhreagair na sagairt, agus thubhairt iad, Cha bhi.

13 An sin thuir Hagai, Ma bheanas aon a ta neo-ghlan le corp marbh ri aon air bith do na nìthe so, am bi sin neo-ghlan? Agus fhreagair na sagairt, agus thubhairt iad, Bithidh e neo-ghlan.

14 An sin fhreagair Hagai agus thubhairt e, Is amhuil a bha an sluagh so, agus is amhuil a bha an cinneach so ann am làthair-sa, deir an Tighearna; agus is amhuil a bha uile obair an làmh; agus an tabhartas a thug iad seachad an sin bha e neo-ghlan.

15 Agus a nis, guidheam oirbh, thugaibh fainear; o 'n là an diugh, agus o sin suas, mu 'n do leagadh clach air cloich ann an teampull an Tighearna.

16 Tra thàinig aon gu cruaidh a fhichead tomhas, cha robh ann ach deich: tra thàinig aon gu amar-bruthaidh an fhìona, gu leth-cheud soitheach a tharruing a mach as an amar, cha robh ann ach fichead.

17 Bhuail mi sibh le seargadh agus le fuar-dhealt, agus le cloich-mheallainn, ann an uile shaothair 'ur làmh; gidheadh cha do phill sibh rium-sa, deir an Tighearna.

18 Thugaibh fainear a nis o 'n là an diugh, agus o sin suas, o 'n cheathramh là fichead do 'n naothamh mìos, agus o 'n là 'san do leagadh bunaite teampuill an Tighearna: thugaibh fainear.

19 Am bheil slòl fathasd anns an t-sabhal? seadh gu ruige so, cha d' thug an fhineamhuin, no a' chraobh-fhige, no a' phiomgranat, no an crann-ola, seachad toradh. Ach o 'n là so mach beannaichidh mise.

20 Agus thàinig focal an Tighearna ris gu Hagai, air a cheath-

ramh la fhead do 'n mhìos, ag ràdh;

21 Labhair ri Serubabel uachdaran Iudah, ag ràdh, Crathaidh mise na nèamha, agus an talamh;

22 Agus tilgidh mi caithir rioghachdan bun os cionn, agus sgrìosaich mi neart rioghachdan nan cinneach, agus tilgidh mi bun os cionn na carbaid, agus iadsan a ta marcachd

orra, agus tuitidh na h-eich agus am marcaichean sìos, gach aon le claidheamh a bhràthar.

23 Anns an là sin, deir Tighearn nan sluagh, gabhaibh mi thu-sa, O Sherubabeil, a mhic Shealtieil, m' òglaich, deir an Tighearn, agus mi mi thu mar sheula; oir roghnaich mise thu, deir Tighearn nan sluagh.

## SECHARIAH.

### CAIB. I.

**A**NNS an ochdamh mìos, ann an dara bliadhna Dhariuis, thàinig focal an Tighearna gu Sechariah, mac Bharachiah, mhic Ido, am fàidh, ag ràdh,

2 Bha corruich ro mhòr air an Tighearn ri 'r n-aithrichibh:

3 Agus abair thu-sa riu, Mar so deir Tighearn nan sluagh, Pillibh-se rium-sa, deir Tighearn nan sluagh; agus pillidh mise ruibh-se, deir Tighearn nan sluagh.

4 Na bithibh mar 'r n-aithrichean, ris an do ghlaodh na fàidhean a bh' ann roimhe so, ag ràdh; Mar so deir Tighearn nan sluagh; Pillibh-se nis o' r droch shlighibh, agus o' r droch dheanadais. Ach cha d' èisd iad, nì mò thug iad aire dhomh-sa, deir an Tighearn.

5 Ur n-aithrichean, c' àit am bheil iad? agus na fàidhean, am mair iad beo am feasd?

6 Ach mo bhriathran-sa, agus mo reachdan, a dh'àithn mi do m' òglaich na fàidhean, nach d' rinn iad greim air 'ur n-aithrichean? agus nach d' thubhairt iad, Amhuil mar a shaoil Tighearn nan sluagh a dheanamh ruinne, do réir ar sligheachan, agus do réir ar deanadais, mar sin rinn e ruinn.

7 Air a' cheathramh là fhead do 'n aon mhìos deug, (sin am mìos Sebat) ann an dara bliadhna Dhariuis, thàinig focal an Tighearna gu Sechariah, mac Bharachiah, mhic Ido, am fàidh, ag ràdh;

8 Chunnaic mi 'san oidhche, agus feuch duine a' marcachd air each ruadh, agus sheas e measg nan craobha-miortail, a bha e' ghleann, agus air a chùlaobh bha eich ruadh, bhreaca, agus bhàna,

9 An sin thubhairt mi, Ciod iad so, O mo thighearna? Agus thuir an t-aingear a labhair rium, Feuchaidh mise dhuit ciod iad so.

10 Agus fhreagair am fear a bha na sheasamh am measg nan craobha-miortail, agus thubhairt e, So iadsan a chuir an Tighearn gu siubhal sìos agus suas air feadh na talmhainn.

11 Agus fhreagair iad aingear an Tighearna, a sheas am measg nan craobha-miortail, agus thubhairt iad, Shiubhail sinne mìos agus sìos air feadh na talmhainn; agus feuch tha an talamh uile na thàmh, agus a' gabhail fois.

12 An sin fhreagair aingear an Tighearna, agus thubhairt e; O Thighearn nan sluagh cia shad a bhios tu gun tròcair a dheanamh air Ierusalem, agus air bailtibh Iudah, ris am bheil thu ann an corruich a nis deich agus trì fhead bliadhna?

13 Agus threagair an Tighearn an t-aingear a labhair rium-sa, le briathraibh maith, le briathraibh sòlasach.

14 Mar sin thuir an t-aingear a bha labhairt rium, Glaodh thu-sa, ag ràdh, Mar so deir Tighearn nan sluagh, Tha mise eudmhor air son Ierusalem, agus air son Shioin ie eud mòr:

15 Agus tha mi ann an corruich ro mhòr ris na cinnich a ta suainhneach: oir cha robh orm-sa ach corruich bheag, agus chuidich iadsan air a h-aghaidh an dòrainn.

16 Air an aobhar sin mar so deir an Tighearn; Phill mi ri Ierusalem le tròcairibh: bithidh mo thigh air a thogail ann, deir Tighearn nan sluagh, agus bidh sreang-thomnais air a sgaoileadh a mach air Ierusalem.

17 Glaoth fathasd, ag ràdh, Mar so deir Tighearn nan sluagh, Bidh mo bhailtean-sa fathasd air an sgaoil-eadh a mach le soirbheachadh, agus bheir an Tighearn fathasd co-fhurtachd do Shìon, agus roghnaichidh e fathasd Ierusalem.

18 An sin thog mi suas mo shùilean, agus clunnaic mi; agus feuch ceithir adhaircean.

19 Agus thuirt mi ris an aingeal a bha labhairt rium, Ciod iad so? Agus fhreagair esan mi, Is iad so na h-adhaircean, a sgap Iudah, Israel, agus Ierusalem.

20 Agus dh'fheuch an Tighearn dhomh ceithir fir-cheirde.

21 An siu thubhairt mi, Ciod a thàinig iad so gu dheanamh? Agus labhair-esan, ag ràdh; Is iad so na h-adhaircean a sgap Iudah, ionnus nach do thog aon duine suas a cheann: ach thàinig iad so chum eagal a cluir orra, a thilgeadh a mach adharca nan cinneach, a thog suas an adharc an aghaidh fearainn Iudah, chum a sgapadh.

## CAIB. II.

**T**HOG mi suas mo shùilean a ris agus dh' amhairc mi; agus feuch, fear le sreing-thiomhais na làimh.

2 An sin thuirt mise, C' àit am bheil thu dol? Agus thubhairt e rium, A thomhas Ierusalem, a dh' fheuchainn ciod e a leud, agus ciod e a fad.

3 Agus feuch chaidh an t-aingeal a labhair rium a mach, agus chaidh aingeal eile mach na chòdhail.

4 Agus thuirt e ris, Ruith, labhair ris an òganach sin, ag ràdh; Bidh Ierusalem air a h-àiteachadh mar bhailtean gun bhallachan, le lìon-mhoireachd nan daoine, agus na sprèidhe bhios innte.

5 Oir bidh mise, deir an Tighearn, ann am bhalla teine dhi mu 'n cuairt, agus bidh mi ann am ghloir na meadhon.

6 Ho! ho! *thigibh* agus teichibh o 'n tìr mu thuath, deir an Tighearn; oir ri ceithir ghaothaibh an athair sgaoil mise sibh a mach, deir an Tighearn.

7 Ho! a Shìoin, tòr as, O thusa ta chòmhnuidh maille ri nighinn Bhabìoin.

8 Oir mar so deir Tighearn nan sluagh; An déigh na glòire so chuir e mise chum nan cinneach a chreach sibh-se; oir an ti bheanas ruibh-se, beanaidh e ri cloich a shùla-san.

9 Oir feuch, crathaidh mise mo làmh orra, agus bidh iad nan cobh-artaidh d' an tràillibh: agus aith-nichidh sibhse gu'n do chuir Tighearn nan sluagh fios leam-sa.

10 Seinn, agus dean gairdeachas

O nighean Shìoin; oir feuch tha mise a' teachd, agus gabhaidh mi còmhnuidh ann ad mheadhon, deir an Tighearn.

11 Agus bidh mòran chinneach air an cur ris an Tighearn 'san là sin, agus bidh iad nan sluagh dhòmhsa: agus gabhaidh mise còmhnuidh ann ad mheadhon, agus bidh fios agad gu 'n do chuir Tighearn nan sluagh mise chugad.

12 Agus sealbhaichidh an Tighearn Iudah, a chuibhrionn, anns an fhearann naomh; agus roghnaichidh e a ris Ierusalem.

13 Bi tosdach, O uile fheoil, an làthair an Tighearna: oir tha e air a thogail suas o 'ionad-còmhnuidh naomh.

## CAIB. III.

**A**GUS thaisbein e dhomh Iosuah an t-ard-shagart, na sheasamh an làthair aingeil an Tighearna; agus Satan na sheasamh aig a làimh dheis, gu cur na aghaidh.

2 Agus thuirt an Tighearn ri Satan, Gu 'n deanadh an Tighearn do chronachadh, O Shatain; gu'n deanadh eadhon an Tighearn, a roghnaich Ierusalem, do chronachadh; nach aithinne e so, air a spìonadh as an teine?

3 A nis bha Iosuah air 'éideadh le h-eudach salach, agus sheas e an làthair an aingeil.

4 Agus fhreagair esan, agus labhair e riu-san a sheas na làthair, ag ràdh, Thugaibh dheth an t-eudach salach. Agus ris-san thubhairt e, Feuch, thug mi air d' aingidheachd imeachd uait, agus éididh mi thu le culaidh mhaistich.

5 Agus thubhairt e, Cuireadh iad ceann-eudach maiseach air a cheann: agus chuir iad ceann-eudach maiseach air a cheann, agus dh' éid iad e le falluingibh; agus sheas aingeal an Tighearna leo.

6 Agus dhearbh aingeal an Tighearna do Iosuah, ag ràdh,

7 Mar so deir Tighearn nan sluagh, Ma ghluaiseas tu ann an shligheibh-sa, agus ma choimhideas tu mo reachd; an sin bheir thu mar an ceudna breith air mo thigh, agus gléidhidh tu fòs mo chùrtean; agus bheir mi dhuit àiteacha coiseachd am measg na muinntir so nan seasamh leat.

8 Eisd a nis O Iosuah, ard-shagairt, thu féin agus do chompanaich a ta nan suidhe a'd' làthair: oir is daoine tha nan samhla iad: oir feuch, bheir mise mach m' òglach, Am MEANGAN.

9 Oir feuch, a' chlach a leag mise fa chomhair Iosuah: air aon chloich tha seachd sùilean. Feuch gearraidh mise a gearradh, deir Tighearn nan

sluagh, agus atharruichidh mi aingidheachd an fhearainn so ann an aon latha.

10 Anns an là sin, deir Tighearn nan sluagh, gairmidh sibh gach fear a choimhearsnach fo 'n fhineamhuin, agus fo 'n chrann-fhìge.

CAIB. IV.

**A** GUS thàinig an t-aingeal a labhair rium a ris, agus dhùisg e mi, mar dhuine air a dhùsgadh as a chadal.

2 Agus thuirt e rium, Ciod a tha thu faicinn? Agus thuirt mise, Dh' amhairc mi, agus feuch, coinnleir uile do òr, le 'chopan air a mhullach, agus a' sheachd lòchrainn air, agus seachd feadain gus na seachd lòchrain a ta air a mhullach.

3 Agus dà chrann-ola làimh ris, aon air taobh deas a' chopain, agus aon air a thaobh clì.

4 An sin fhreagair mi, agus labhair mi ris an aingear a bha ri còmh-radh rium, ag ràdh, Ciod iad so, mo thighearn?

5 Agus fhreagair an t-aingeal a bha labhairt rium, agus thubhairt e rium, Nach 'eil fios agad ciod iad so? Agus thuirt mise, Cha'n 'eil, mo thighearn.

6 An sin fhreagair e agus labhair e rium, ag ràdh, Is e so focal an Tigh-earna ri Serubabel, ag ràdh, Cha 'n ann le neart, no le cumhachd, ach le m' spiorad-sa; deir Tighearn nan sluagh.

7 Cò thusa, O shléibh mhòir? Roimh Sherubabel fàsaidh tu a' a' chòmhnard, agus bheir e mach a' chlach-chinn le h-iolaich, a glaothach, Gràs, gràs gu robh dhi.

8 Os-barr thàinig focal an Tigh-earna do m' ionnsuidh-sa, ag ràdh,

9 Leag làmhnan Sherubabeil stéidh an tighe so, ni a làmhnan fòs a chrìochnachadh; agus bidh fios agaibh gu 'n do chuir Tighearn nan sluagh mise do 'r n-ionnsuidh.

10 Oir cò rinn di-meas air là nan nithe beaga? ni eadhon iadsan gairdeachas, agus chi iad an t-sreang-thomhais an làimh Sherubabeil. Is iad an t-seachdnar so shùilean an Tighearna: tha iad a' ruith sìos agus suas air feadh na talmhainn uile.

11 An sin fhreagair mise, agus thuirt mi ris; Ciod iad an dà chrann-ola so air taobh deas a' choinnleir, agus air a thaobh clì?

12 Agus fhreagair mi a ris, agus thuirt mi ris, Ciod iad dà ghéig nan crann-ola, a ta làimh ris an dà fheadan òir a' taomadh na h-ola asda féin?

13 Agus fhreagair e mi, agus thubhairt e, Nach 'eil fios agad ciod

iad so? Agus thuirt mise, Cha'n 'eil, mo thighearn.

14 An sin thuirt esan, Is iad so an dithis ungta ta nan seasamh làimh ri Tighearn na talmhainn uile.

CAIB. V.

**A** GUS thog mi suas mo shùilean a ris agus dh' amhairc mi, agus feuch, rola ag itealuich.

2 Agus thuirt esan rium, Ciod a tha thu faicinn? Agus fhreagair mise, tha mi faicinn rola ag itealuich, fìchead làmh-choille air fad, agus deich làmh-choille air leud.

3 An sin thuirt e rium, Is e so am mallachd a ta dol a mach air aghaidh an fhearainn uile: agus gearrar as gach aon a ghoideas, mar air an taobh so dheth: agus gearrar as gach aon a mbionnaicheas, mar air an taobh sin deth.

4 Thug mise mach e, deir Tighearn nan sluagh, agus thèid e steach do thigh a' mheirlich, agus do thigh an ti a ta mionnachadh gu breugach air m' àinm-sa; agus fanaidh e ann am meadhon a thighe, agus sgriosaidh e, eadar fhiodh agus chloich e.

5 An sin chaidh an t-aingeal, a labhair rium, a mach, agus thuirt e rium, Tog suas a nis do shùilean, agus faic ciod so tha dol a mach.

6 Agus thuirt mise, Ciod e? Agus thuirt esan, So Ephah a ta dol a mach. Agus thubhairt e, Is i so an samhailudh anns an fhearann uile.

7 Agus feuch, bha tàlanta luaidhe air a thogail suas: agus feuch, bean na suidhe ann am meadhon na h-ephah.

8 Agus thubhairt e, Is i so Aingidheachd: agus thig e i ann am meadhon na h-ephah; agus chuir e 'n cothrom luaidhe air a beul.

9 An sin thog mi suas mo shùilean, agus dh' amhairc mi; agus feuch, thàinig a mach dà mhnaoi, agus a' ghaoth na man sgiathaibh, (oir bha sgiathan aca mar sgiathan corraglaise,) agus thog iad an ephah suas eadar an talamh agus na nèamha.

10 An sin thuirt mise ris an aingear, a labhair rium, C' àit am bheil iad so a' giulan na h-ephah?

11 Agus thuirt e rium, A thogail tighe dhi ann an tìr Shùinair; agus bidh i air a daingneachadh, agus air a suidheachadh an sin air a bonn.

CAIB. VI.

**A** GUS a ris thog mi suas mo shùilean, agus dh' amhairc mi; agus feuch, thàinig ceithir carbaid a mach o eadar dhà shliabh, agus bu shléibhtean umha na sléibhtean.

2 Ris a' cheud charbad bha eich ruadhla, agus ris an dara carbad eich dhubha,



3 Agus ris an treas carbad eich gheala, agus ris a' cheathramh carbad eich bhalla-dhearg.

4 An sin fhreagair mi, agus thuirt mi ris an aingeal, a bha labhairt rium, Ciod iad so, mo thighearn?

5 Agus fhreagair an t-aingeal, agus thuirt e rium, Is iad so ceithir spiorada nan n-èamha, a ta dol a mach o bhi nan seasamh an làthair Tighearna na talmhainn uile.

6 Théid na h-eich dhubha ta ann a mach do'n tìr mu thuath, agus théid na h-eich gheala mach nan déigh; agus théid na h-eich bhalla-dhearg a mach ris an tìr mu dheas.

7 Agus chaidh na h-eich bhalla-dhearg a mach, agus thairg iad im-eachd a chum gu 'n siùbhladh iad slos agus suas air feadh na talmhainn: Agus thubhairt e, Falbh-aibh, imichibh slos agus suas air feadh na talmhainn. Is amhuil a dh'imich iad slos agus suas air feadh na talmhainn.

8 An sin ghairm e orm, agus labhair e rium, ag ràdh; Feuch iad so a ta 'g imeachd gus an tìr mu thuath, chiuinich iad mo spiorad anns an tìr mu thuath.

9 Agus thàinig focal an Tighearna do m' ionnsuidh, ag ràdh,

10 Gabh dhiubh-san a ta do 'n bhruid, do theaghlach Heldaì, agus Thobiaì, agus Iedaiaì; agus falbhaidh tu air an là cheudna, agus théid thu steach do thigh Iosiaìh, mhic Shephaniaìh, a phill o Bhabilon.

11 Agus gabhaidh tu airgid agus òr, agus ni thu crùn, agus cuiridh tu e air ceann Iosuah, mhic Iosedeich, an ard-shagairt.

12 Agus labhraidh tu ris, ag ràdh; Mar so labhair Tighearn nan sluagh, ag ràdh; Feuch, an duine do 'n ainm Am MEANGAN; agus fàsaidh e nìos as 'àite, agus togaidh e teampull an Tighearna.

13 Togaidh eadhon esan teampull an Tighearna, agus gheibh e glòir, agus suidhidh e, agus riaghlaidh e air a rìgh-chaithir; agus bidh e na shagart air a rìgh-chaithir; agus bidh comhairle na sìth eatorra araon.

14 Mar chaidh crùn aig Helem, agus aig Tobiaìh, agus aig Iedaiaìh, agus aig Hen mac Shephaniaìh, mar chuimhneachan ann an teampull an Tighearna.

15 Agus thig iadsan a ta fad as, agus togaidh iad ann an teampull an Tighearna; agus bidh fios agaibh gu 'n do chuir Tighearn nan sluagh mise do 'r n-ionnsuidh. Agus thig sogu crìch, ma bheir sibh géill gu cùramach do ghuth an Tighearna 'ur Dia.

CAIB. VII.

AGUS tharladh ann an ceathramh bliadhna Dhariuis, gu 'n d' thàinig focal an Tighearna gu Sechariaìh, air a cheathramh là do 'n naothamh mìos, eadhon Chislen.

2 ('Nuair a chuir iad gu tigh Dhé, Seresar agus Regemelech, agus an daoine, a dh' fhiosrachadh an làthair an Tighearna;

3 A labhairt ris na sagairt a bha 'n tigh Tighearna nan sluagh, agus ris na fàidhean, ag ràdh; An dean mi gul agus a' chùigeamh mìos, 'gam dhealuchadh féin, mar a rinn mi 'n iomadh bliadhna so?)

4 An sin thàinig focal Tighearna nan sluagh do m' ionnsuidh-sa, ag ràdh,

5 Labhair ri uile shluagh an fhearainn, agus ris na sagairt, ag ràdh; 'Nuair a thrais agus a gluil sibh anns a' chùigeamh agus anns an t-seachdamh mìos, eadhon na deich agus trì fichead bliadhna so, an do thrais sibh idir air mo shon-sa, eadhon air mo shon-sa?

6 Agus an uair a dh' ith sibh, agus 'nuair a dh' òl sibh, nach d' ith sibh air 'ur son féin, agus nach d' òl sibh air 'ur son féin?

7 Nach iad so na briathran a dh' éigh an Tighearn leis na ceud fhàidhibh, tra bha Ierusalem air a h-àiteachadh, agus a' soirbheachadh, agus a bailtean mu 'n cuairt d'i; agus an taobh deas agus an còmhnard air an àiteachadh?

8 An sin thàinig focal an Tighearna gu Sechariaìh, ag ràdh;

9 Mar so labhair Tighearn nan sluagh, ag ràdh; Cuiribh an gnìomh ceart bhreitheanas, agus nochdaibh tròcair agus iocld gach duine d'a bhràthair;

10 Agus na sàruichibh a' bhant-rach, no an dilleachdan, an coigreach, no am bochd; agus na smaoinich-eadh neach air bith agaibh 'nur cridhe, oic an aghaidh a bhràthar.

11 Ach dhiùlt iadsan éisdeachd, agus tharruing iad a' ghualadh o'n chuing, agus dhruid iad an cluasan, a chum nach cluinneadh iad.

12 Seadh rinn iad an cridheachan mar chloich adamaint, mu 'n cluinneadh iad an lagh, agus na briathran a chuir Tighearn nan sluagh le a Spiorad, leis na fàidhean roimhe so: air an aobhar sin, thàinig corruich mhòr o Thighearn nan sluagh.

13 Agus thachair, amhuil a ghlaodh mise, agus nach d' éisd iadsan; mar sin ghlaodh iadsan, agus cha d' éisd mise; deir Tighearn nan sluagh.

14 Ach sgap mi iad le cuairt-ghaoith, am measg nan uile chinn-each nach b' aithne dhoibh: agus bha am fearainn fas nan déigh, air

chor as nach do shiubhail neach air bith d'a thrìd, air ais no air aghaidh : agus rinn iad an tìr thaitneach na fàsach.

## CAIB. VIII.

**A**GUS thàinig focal Tighearna nan sluagh do 'm ionnsuidh, ag ràdh ;

2 Mar so deir Tighearna nan sluagh ; Bha mise eudmhor air son Shìoin le eud mòr, agus bha mi eudmhor air a son le mòr chorruich.

3 Mar so deir Tighearna nan sluagh ; Phìll mise gu Sion, agus gabhaidh mi còmhnuidh ann an Ierusalem ; agus goirear ri Ierusalem, baile fìrinn, agus ri sliabh Tighearna nan sluagh, sliabh naomh.

4 Mar so deir Tighearna nan sluagh, Gabhaidh seann daoine, agus seana mhnanthan còmhnuidh fathasd ann an sràidibh Ierusalem, agus gach duine le a luirg na làimh le ro-aois.

5 Agus bidh sràidean a' bhaile làn do mhacanaibh agus do nìonaibh, a' cluicheadh na sràidibh.

6 Mar so deir Tighearna nan sluagh, Mabhios e iongantach ann an sùilibh iarmaid an t-sluaigh so anns na laithibh sin, am bi e iongantach ann am shùilibh-sa fòs, deir Tighearna nan sluagh ?

7 Mar so deir Tighearna nan sluagh, Feuch saoruidh mise mo shluaigh o'n tìr an ear, agus o'n tìr an iar.

8 Agus bheir mi air an ais iad, agus gabhaidh iad còmhnuidh ann an Ierusalem, agus bidh iad nan sluagh dhoimh-sa, agus bidh mise ann am Dhia dhoimh-sa, ann am fìrinn, agus ann an ceartas.

9 Mar so deir Tighearna nan sluagh, Biodh 'ur làmhnan làidir, sibhse ta cluinntinn anns na laithibh so nam briathran so a beul nam fàidhean, a ta'san là 'sam bheil stéidh tìghe Tighearna nan sluagh 'ga shuidheachadh. eadhon an teampull, a chum gu 'm biodh e air a thogail.

10 Oir roimh na laithean so, chà robh luach saothaireach air bith aig duine, no luach-saothaireach air bith aig ainmhidh ; ni mò bha sìth aig an tìr a rachadh a mach, no thigeadh à steach, leis an teinne ; oir chuir mise na h-uile dhaoine, gach aon an aghaidh a choimhearsnaich.

11 Ach a nis cha bhí mi do iarmad an t-sluaigh so mar anns na laithibh roimhe so, deir Tighearna nan sluagh.

12 Oir soirbhichidh an sìol, bheir an fhineamhuin seachad a meas, agus bheir an talamh seachad a thoradh, agus bheir na nèamha seachad an drùchd ; agus bheir mise air iarmad an t-sluaigh so na nithe so gu léir a shealbhadh.

13 Agus tarlaidh, mar a bha sibh

'nur mallachdham measg nan cinn-each, O thigh Iudah, agus a thigh Israeil, is amluila shaoras mise sibh, agus bithidh sibh 'nur beannachadh. Na biodh eagal oirbh, biodh 'ur lamhan làidir.

14 Oir mar so deir Tighearna nan sluagh, Mar a chuir mi romham olc a dheanamh oirbh, an uair a bhrosnuich 'ur n-aithrichean mi gu feirg, deir Tighearna nan sluagh, agus nach do ghabh mi aithreachas ;

15 Mar sin smaoinich mi a rìs, anns na laithibh so, maith a dheanamh do Ierusalem, agus do thigh Iudah. Na biodh eagal oirbh-se.

16 So na nithe a ni sibh, Labhraibh, gach neach an fàirinn r'a choimhearsnach : deanaibh breitheanas na fìrinn agus na sìth 'nur geatachaibh :

17 Agus na dealbhaibh 'nur cridhe, gach aon neach olc an aghaidh a choimhearsnaich, agus na gràdhaichibh mionnan bréige 'sam bith : oir na nithe so uile is fuathach leam-sa, deir an Tighearna.

18 Agus thàinig focal Tighearna nan sluagh do m' ionnsuidh, ag ràdh ;

19 Mar so deir Tighearna nan sluagh ; Trasg a' cheathramh mìos, agus trasg a' chùigeamh, agus trasg an t-seachdamh, agus trasg an deicheamh, bidh do thigh Iudah, nan aoibhneas agus nan gairdeachas, agus nam fèille subhach ; a mhàin gràdhaichibh-se fìrinn agus sìochainnt.

20 Mar so deir Tighearna nan sluagh, Fathasd tarlaidh gu 'n d'thig mòran dhaoine, agus luchd-àiteachaidh mhòrain bhaitean :

21 Agus théid luchd-àiteachaidh aon bhaile gu aon eile, ag ràdh, Rachamaid do rìreadh a dheanamh urnuigh an làthair an Tighearna, agus a dh' iarruidh Tighearna nan sluagh : théid mise mar an ceudna.

22 Seadh thig mòran shluaigh, agus cinnich chumhachdach a dh' iarruidh Tighearna nan sluagh ann an Ierusalem, agus a ghuidhe an làthair an Tighearna.

23 Mar so deir Tighearna nan sluagh, Anns na laithibh sin tarlaidh gu 'n dean deichnear greim, as uile chànnuibh nan cinneach, eadhon gu 'n dean iad greim air sgiort an tìr bhios na Iudhach, ag ràdh, Théid sinne leat, oir chuala sinn gu bheil Dia leibh.

## CAIB. IX.

**F**AISNEACHD focail an Tighearna. Air fearann Hadraich, agus air Damascus gabhaidh i tàmh : (oir tha sùil gach duine, agus uile threubhan Israeil, air an Tighearna.)

2 Agus fòs air Hamat a ta làimh ris; air Tirus agus air Sidon, ged' tha i ro-ghlic.

3 Ge do thog Tirus dhi féin daingneach làidir, agus ge do charn i suas airgid mar an duslach, agus òr fìor-ghlan mar pholl nan sràidean.

4 Feuch tilgidh an Tighearn mach i, agus buailidh e 'san fhairge a neart, agus sgriosar i le teine.

5 Chi Ascelon, agus bidh eagal oirre; Gasa fòs, agus bidh i ro blirònach; is amhuil a bhitheas Ecron, oir nàraicheadh a dòchas; agus bàsaichidh an rìgh o Ghasa, agus cha 'n àitichear Ascelon.

6 Agus gabhaidh clann dìolain còmhnuidh ann an Asdod; agus gearraidh mise as uabhar nam Philisteach.

7 Agus bheir mi air falbh 'fhuil as a bheul, agus a ghrànealachdan o eadar 'fhaiclan: ach an ti mhaireas, bidh esan air son ar Dé-ne, agus bidh e mar uachdaran ann an Iudah, agus Ecron mar an Iebusach.

8 Agus campaichidh mise timchioll mo thighe, 'g a dh'ionadh o 'n fheachd a bhios dol seachad, no a bhios a' pilltinn; ni mò théid am fear-sàruchaidh d' an trèd ni 's mò: oir a nis chunnaic mi le m' shùilibh.

9 Dean gairdeachas gu mòr, O nighean Shìoin; tog iolach, O nighean Ierusalem: feuch, tha do rìgh a' teachd do d' ionnsuidh; is firean, agus is Slànuighear e; irosal, agus a' marcachd air asail, agus air searrach, mac na h-asail.

10 Agus gearraidh mi as an carbad o Ephraim, agus an t-each o Ierusalem: agus gearrar as am bogha-cogaidh; agus labhraidh esan sìth ris na cinnich; agus bidh 'uachdranachd o mhuir gu muir, agus o 'n Abhuinn gu iomallaibh na tire.

11 Air do shon-sa fòs, le fuil do choimhcheangail, chuir mi mach do phrìosanaich as an t-slochd anns nach robh uisge 'sam bith.

12 Pillibh a chum an daingnich, O phrìosanaich an dòchais, eadhon air an là an diugh tha mi 'g innseadh gu 'n dìol mi dhuit beannachda dubailt.

13 Oir lùb mi dhomh féin Iudah, lòn mi am bogha le Ephraim; agus togaidh mi suas do mhic-sa, O Shìoin, an aghaidh do mhac-sa, O Ghréig, agus ni mi thu mar chlaidheamh duine chumhachdaich.

14 Agus chithear an Tighearn os an cionn, agus théid a shai ghead a mach mar an dealanach: agus séididh an Tighearn Iehobhah an trompaid, agus théid e mach le ioma-ghaothaibh na h-airde deas.

15 Ni Tighearn nan sluagh an

dìon: agus ithidh iad, agus ceannra suichidh iad le clacnaibh-tabhuill; agus òlaidh iad, agus ni iad iolach mar le fìon; agus lìonar iad mar chopain, ma oisinnibh na h-altarach.

16 Agus tearnaidh an Tighearn an Dia iad anns an là sin, mar threud a shluaigh; oir togar suas clachabuaidh an crùn air feadh am fear-ainn.

17 Oir cia mòr an soirbheachadh, agus cia mòr am maise! ni an t-arbhar na h-òganaich, agus am fionnuadh na h-òighean, subhach.

## CAIB. X.

**TARRUIBH-SE** air an Tighearn I uisge ann an àm an uisge dheireannach; ni an Tighearn dealanach, agus bheir e dhuibh pàiteas uisge; do gach aon fear anns an fhaiche.

2 Oir labhair na h-lodhola dìomhanas, agus chunnaic na fiosaichean breug, agus dh' innis iad aislinge faoine; is dìomhain an co-fhurtachd: uime sin dhi' imich iad air falbh mar threud; bhà iad air an claidh, a chionn nach robh buachail air bith ann.

3 An aghaidh nam buachaillean Ias mo chorruih-sa, agus na gabhair smachdaichidh mi. Ach dh' amhairc Tighearn nan sluagh air à threud, tigh Iudah; agus ni e iad mar each maiseach anns a' chath.

4 Uaith-san thig a mach a' chlach-oisinne, uaith-san an t-arann, uaith-san am bogha-catha, uaith-san gach uile uachdaran le chéile.

5 Agus bidh iad ann an cath còmhail ri gaisgich a shaltras air clàbar nan sràidean: agus cogaidh iad, a chionn gu bheil an Tighearn maille ri; agus cuirear marcaichean nan each gu nàire.

6 Agus neartaichidh mise tigh Iudah, agus tearnaidh mi tigh Ioseph; agus suidhichidh mi iad a ris; oir tha truas agam dhiubh; agus bithidh iad mar nach tilginn fada uam iad: oir is mise Iehobhah an Dia, agus éisdidh mi riu.

7 Agus bidh Ephraim mar ghaigeach; agus ni an cridhe gairdeachas, mar le fìon: seadh, chi an clann, agus bidh iad ait; ni an cridhe gairdeachas anns an Tighearn.

8 Gairmidh mise iad, agus cruinnichidh mi iad, oir shaor mi iad: agus meudaichidh iad, eadhon mar a mheudaigh iad.

9 Agus cuiridh mi iad mar shìol am measg nan cinneach; agus cuimhnichidh iad orm-sa ann an dùchan-naibh fad as; agus mairidh iad beo le 'n cloinn, agus pillidh iad a ris.

10 Agus bheir mi air an ais iad o thùr na h-Eiphit, agus cruinnichidh mi iad a mach a h-Asiria; agus bheir mi iad air an ais gu tìr Ghi-leaid agus Lebanoin; agus cha bhi àite ni 's leòr r'a fhaotuin doibh.

11 Agus thèid e trid na fairge, le dòrainn: agus buailidh e na tonnan anns an fhairge; agus tiorraichidh uile dhoimhneachdan na h-aibhne suas: agus bheirear a nuas uabhar Asiria, agus imichidh slat-rioghail na h-Eiphit seachad.

12 Agus neartaichidh mi iad anns an Tighearn, agus na ainm-san gluaisidh iad, deir an Tighearn.

CAIB. XI.

**F**OSGAIL do dhorsan, O Lebanoin, a chum gu'n loisg an teine do sheudair.

2 Guil gu h-ard, O chraobh ghiumhais, oir thuit an seudar; oir tha iadsan a b' airde air am mill-eadh: deanaibh gul, O dharaga Bhasain, oir ghearradh frith na cal-laide.

3 Guth ulartaich nam buachaille-ean! a chionn gu bheil an glòir air a milleadh: guth beucaich nan leòmhann dga! oir tha uabhar lordan air a chreachadh.

4 Mar so thuirt an Tighearn mò Dhia; Beathaich thu-sa treud a' chasgraidh;

5 A ta an sealbhadoirean a' marbhadh, agus 'gam meas féin neo-chiontach: agus tha iadsan a ta 'gan reic ag ràdh, Beannuichte gu'n robh an Tighearn, oir tha mi saibhir: agus cha 'n 'eil truas aig an aodh-airibh féin diubh.

6 Oir cha ghabh mise ni 's mò truas do luchd-àiteachaidh na tìre, deir an Tighearn: ach feuch, bheir mi thairis daoine, gach aon do làimh a choimhearsnaich, agus do làimh a rìgh; agus buailidh iad am fèaraun, agus cha saor mi as an làimh.

7 Agus beathaichidh mi treud a' chasgraidh, eadhon sibh-se, bochdan an treud: agus ghabh mi do m' ionnsuidh dà luirg; air aon diubh thug mi mar ainm Maise, agus air an aon eile thug mi mar ainm Cuibhrichean; agus bheathaich mi an treud.

8 Tri aodhairean fòs ghearr mi as ann an aon mhìos, agus bha gràin aig m' anam-sa dhiu-san, agus bha fuath aig an anam-sa dhomh-sa.

9 An sin thubhairt mi, Cha bheathaich mi sibh: an ni sin a bhàsaicheas, bàsaicheadh e; agus an ni sin a ta gu bhi air a ghearradh as, gearrar as e: agus itheadh a' chuid eile, gach aon fèil a' chéile.

10 Agus ghabh mi mo lorg, eadhon Maise, agus ghearr mi na bloighdibh i, chum gu'm brisinn mo choimh-

cheangal a rinn mi ris na slòigh uile.

11 Agus bhriseadh e 'san là sin: agus mar sin dh'aithnich bochdan an treud a thug ar aife dhomh, gu'm b'e sin focal an Tighearna.

12 Agus thuirt mi riu, Ma chith-ea ceart duibh, thugaibh dhomh mo luach; agus mar faicear, leigibh leis: mar sin thomhais iad air son mo luach, deich buinn fhichead airgid.

13 Agus thuirt an Tighearn rium, Tilg a chum a' Chrìadhadair e: luach ciatach leis an robh mise air mo mheas leo-san. Agus ghabh mi na deich buinn fhichead airgid, agus thilg mi iad ann an tigh an Tighearna, a chum a' chriadhadair.

14 Agus ghearr mi as a' chéile mo lorg eile, cadhon Cuibhrichean; a chum gu'm brisinn an bràithreachas eadar Iudah agus Israel.

15 Agus thuirt an Tighearn rium a ris: Gabh chugad fathasd inneala buachaille amaidich:

16 Oir feuch, togaidh mise suas buachaille 'san fhearann, nach seall an déigh an ni sin a ghearraras; nach iarr a' chuid a ta dè; agus nach leighis a' chuid a fhuair dòchann; ni mò bheathaicheas e a' chuid a sheas. ach ithidh e fèoil na cuid a ta reamhar, agus reubaidh e an crobhain nam bloighdibh.

17 Is truagh do'n droch bhuachaille a dh'fhàgas an treud: thig sgrìos air a ghairdean, agus air a shùil deas: seargaidh a ghairdean gu tur, agus dorchaidhear a shùil deas gu h-ìomlan.

CAIB. XII.

**F**AISNEACHD focail an Tighearna. Do thaobh Israeil, deir an Tighearn, ta sgaoileadh a mach nan nèamha, agus a' suidheachadh stéidh na talmhainn, agus a cruthachadh spioraid dhuine 'n taobh a stigh dheth.

2 Feuch ni mise Ierusalem na copan ball-chrith do na slòigh uile mu'n cuairt: air son Iudah mar an ceadna bithidh e, 'san fheachd an aghaidh Ierusalem.

3 Agus anns an là sin ni mi Ierusalem na cloich chudthromaich do na slòigh uile; na h-uile ghabhas i mar uallach orra féin, gearrar iad nam bloighdibh: agus na h-aghaidh bidh uile chionnich an domhain air an cruinneachadh le chéile.

4 Anns an là sin, deir an Tighearn, buailidh mise gach each le uamhas, agus a mharcach le cutlach; agus fosglaidh mi mo shùilean air tigh Iudah, agus gach aon each aig na slòigh buailidh mi le doille.

5 Agus their uachdarain Iudah nan cridhe; Is iad luchd-àiteachaidh



Ierusalem mo neart ann an 'Tigh-earna nan sluagh an Dia.

6 Anns an là sin ni mise uachdar-ain Iudah mar theallach teine ann am measg connaidh, agus mar leus teine ann an sguab; agus mar leus iad air an làimh dheis, agus air an làimh chli, na slòigh uile mu 'n cuairt: agus àitichear Ierusalem a ris, na h-ionad féin, ann an Ierusalem.

7 Saoruidh an Tighearn fòs pàill-iunnan Iudah, mar o shean; mu 'n dean glòir tìghe Dhaibhidh, no glòir luchd-àiteachaidh Ierusalem, iad féin ardachadh an aghaidh Iudah.

8 Anns an là sin dìonaiddh an Tighearn luchd-àiteachaidh Ierusalem, agus bidh esan a ta lag nam measg anns an là sin mar Dhaibhidh; agus tìgh Dhaibhidh mar Dhia, mar aingeal an Tighearna nan làthair.

9 Agus tarlaidh anns an là sin, gu 'n iarr mise na h-uile chinnich a thig an aghaidh Ierusalem a mhuill-eadh.

10 Agus dòirtidh mi air tìgh Dhaibhidh, agus air luchd-àiteachaidh Ierusalem, spiorad nan gràs agus nan achuingean; agus amhaircidh iad air-san a lot iad, agus ni iad caoidh air a shòn, mar a chaoidheas duine air son aon mhic: agus bidh an doilghios air a shon mar dhoilghios air son ceud-ghin.

11 Anns an là sin bidh cumha mhòr ann an Ierusalem, cosmhuil ri cumha Hadadrimoin, ann an gleann Mhegid-oin.

12 Agus ni 'm fearann caoidh, gach aon teaghlach air leth: teaghlach tìghe Dhaibhidh air leth, agus am mnathan air leth: teaghlach tìghe Natan air leth, agus am mnathan air leth.

13 Teaghlach tìghe Lebhi air leth, agus am mnathan air leth: teaghlach Shimeì air leth, agus am mnathan air leth.

14 Na h-uile theaghlaichean eile, gach teaghlach air leth, agus am mnathan air leth.

## CAIB. XIII.

**A** NNS an là sin bidh tobar air 'fhosgladh do thìgh Dhaibhidh, agus do luchd-àiteachaidh Ierusalem, air son peacaidh agus air son neo-ghloine.

2 Agus tarlaidh air an là sin, deir Tighearn nan sluagh, gu 'n gearr mise mach ainmeanna nan lodhola as an fhearann, agus cha chuimhnichear iad ni 's mò: agus fòs bheir mi air na fiosaichean, agus air na spioradaibh neo-ghlan siubhal a mach as an fhearann.

3 Agus tarlaidh, 'nuair a ni duine sam bith faisneachd, an sin gu 'n abair 'athair agus a mhàthair, a ghin

e, ris, Cha mhair thu beo; oir labhair thu breugan ann an ainm an Tighearna; agus ni 'athair agus a mhàthair, a ghin e, a bhuailidh trid tra ni e faisneachd.

4 Agus tarlaidh anns an là sin, gu 'm bi nàire air na fàidhean, gach aon d'a shealladh, tra ni e faisneachd: ni mò chuireas iad umpa falluinge molach gu mealladh.

5 Ach their gach aon, Cha 'n fhàidh mise, is treabhaiche mi; oir tha còir aig duine eile orm o m' òige.

6 Agus their aon ris, Ciod iad na lota sin ann ad làmhaidh? An sin freagraidh esan, Iad sin leis an do lotadh mi ann an tìgh mo chairdean.

7 Dèis, O chlaidheimh, an aghaidh mo bhuachaille, agus an aghaidh an duine ta na dhlu-chompanach dhomhsa, deir Tighearn nan sluagh. Buailidh mise am buachaille, agus bidh an treud air a sgapadh: agus tionndaidhidh mi mo làmh air a' mhuinntir bhig.

8 Agus tarlaidh anns an fhearann uile, deir an Tighearn, gu 'n gearr as dà thrian ann, agus gu 'm bàsaich iad; ach bidh an treas trian air 'fhàgail ann.

9 Agus bheir mise 'n treas trian trid an teine, agus glanaidh mi iad mar a ghlanar an t-airgiod, agus dearbhaiddh mi iad mar a dhearbhar an t-òr: gairmidh iad air m' ainm-se, agus èisidh mise riu; their mi, Is iad mo shluagh: agus their iad-san, Is e an Tighearn mo Dhia.

## CAIB. XIV.

**F** EUCH tha là an Tighearna a' teachd, agus roinneas do chreach ann ad mheadhon.

2 Oir cruinnichidh mise na h-uile chinnich an aghaidh Ierusalem gu cogadh, agus glacar am baile, agus creachar na tìghean, agus èignichear na mnathan; agus thèid leth a' bhaile air falbh am bruid; agus cha ghearrar a' chuid eile do 'n t-sluagh as o 'n bhaile.

3 Agus thèid an Tighearn a mach, agus cogaidh e 'n aghaidh nan cinn-each sin, mar a chog e ann an là a' chatha.

4 Agus seasaidh a chasan air an là sin air sliabh nan Oluidh, a ta fa chomhair Ierusalem air an taobh an ear: agus sgoiltidh shabh nan Oluidh na mheadhon, ris an aird an ear, agus ris an aird an iar, air chor as gu 'm bi gleann ro mhòr ann: agus gluaisidh leth an t-sleibhe ri tuath, agus an leth eile ri deas.

5 Agus teichidh sibh searathad glinn nan sliabh: oir ruigidh gleann nan sliabh gu h-Asal: seadh teichidh sibh mar a theich sibh roimh an chrith-

thalmhainn, ann an laithibh Usiah righ Iudah : agus thig an Tighearn mo Dhia-sa, agus a naoimh uile maille ris.

6 Agus tarlaidh anns an là sin, nach bi solus soilleir agus dorchadas ann ;

7 Ach bidh e na aon là, a bhios aithnichte do 'n Tighearn : cha là, agus cha 'n oidliche bhios ann : ach tarlaidh air trá feasgair gu 'm bi solus ann.

8 Agus tarlaidh air an là sin, gu 'n d'théid uisgeachadh beo a mach a Ierusalem : leth dhiubh ris an fhairge 'n ear, agus leth dhiubh ris an fhairge 'n iar : anns an t-samhradh agus anns a' gheamhradh bithidh e.

9 Agus bidh an Tighearn na righ os cionn na talmhainn uile : anns an là sin bidh aon Tighearn ann, agus 'ainm na aon.

10 Agus cuairtichidh e am fearann uile mar chòmhndard, o Gheba gu Rimon, mu dheas do Ierusalem : agus togar suas i, agus àitichear i na h-ionad, o gheata Bheniamin gu àit a' cheud gheata, agus gu geata na hoisinn, agus o thùr Hananceil gu fion-amair an righ.

11 Agus ni daoine còmhnuidh innte, agus cha bhi léir-sgrìos ann ni 's mò, ach bidh Ierusalem air a h-àiteachadh ann an tèaruinteachd.

12 Agus so a' phlàigh leis am buail an Tighearn na sloigh uile a chog an aghaidh Ierusalem : leaghaidh am feoil àir falbh am feadh a ta iad nan seasamh air an casaibh, agus leaghaidh an sùilean air falbh nan sluichd, agus leaghaidh an teanga air falbh nam beul.

13 (Agus tarlaidh anns an là sin gu 'm bi buaireas mòir o 'n Tighearn nam measg ; agus glacaidh iad greim, gach aon do làimh a choimhearsnaich ; agus éiridh a làmh suas an aghaidh làimh a choimhearsnaich.

14 Agus cogaidh Iudah fòs aig

Ierusalem ; agus cruinnichear le chéile maoin nan uile chinneach mu 'n cuairt, òr, agus airgiod, agus earradh, ann am pailteas mòr.)

15 Agus bidh plàigh an eich, na muileid, a' chàmhail, agus na h-asail, agus nan uile bheathaichean a bhios anns na campaibh so, mar a' phlàigh so.

16 Agus tarlaidh gu 'n d'théid gach aon a dh'fhàgar, do na h-uile chinnich a thàinig an aghaidh Ierusalem, suas o bhliadhna gu bliadhna gu aoradh a dheanamh do 'n Righ, Tighearn nan sluagh, agus a choimhead féisd nam pàilliunnan.

17 Agus tarlaidh, cò sam bith do uile theaghlaichibh na talmhainn nach d'théid suas gu Ierusalem, a dheanamh aoraidh do 'n Righ, Tighearn nan sluagh, eadhon orra sin cha d'thig uisge sam bith.

18 Agus mur d'théid teaghlach na h-Eiphit suas, agus mur d'thig iad ; orra-san bidh a' phlàigh sin leis am buail an Tighearn na cinnich nach d'théid suas a choimhead féisd nam pàilliunnan.

19 So peanas na h-Eiphit agus peanas nan uile chinneach nach d'théid suas a choimhead féisd nam pàilliunnan.

20 Anns an là sin, bidh air cluig nan each, NAOMHACHD DO 'N TIGHEARN : agus bidh an coireachan ann an tigh an Tighearna mar na cuachaibh fa chomhair na h-altarach.

21 Seadh bidh gach poit ann an Ierusalem, agus ann an Iudah, nan naomhachd do Thighearn nan sluagh : agus thig iadsan uile dh'obras, agus gabhaidh iad dhiubh, agus bruichidh iad anna : agus cha bhi ni 's mò an Canaanach a ann an tigh Iehobhah Dhia nan sluagh, 'san là sin.

\* ceannuiche.

## M A L A C H I.

### CAIB. I.

**F**AISNEACHD focail an Tighearna chum Israeil, le Malachi.

2 Ghràdhaich mise sibh, deir an Tighearn : Gidheadh tha sibh-se ag ràdh, Cìod 'san do ghràdhaich thu sian ? Nach b'e Esau bràthair Iacoib,

deir an Tighearn ? gidheadh ghràdhaich mise Iacob,

3 Agus dh'fhuathaich mi Esau ; agus chuir mi a shléibhtean fàs, agus tha 'dighreachd aig nathraichibh an fhàsaich.

4 Mar a ta Edom ag ràdh, Rinn-

eadh bochd sinn, ach pillidh sinn agus togaidh sinn na h-ionada sgaoilte; mar so deir Tighearn nan sluagh, Togaidh iadsan, ach tilgidh mise sìos; agus goirear riu, Crìoch na h-aingidheachd, agus an sluagh ris am bheil corruich aig an Tighearn gu slorruidh.

5 Agus chi 'ur sùilean-sa, agus their sibh, Bidh an Tighearn air 'ard-achadh thar crìochan Israeil.

6 Bheir mac onoir d'a athair, agus seirbhiseach d'a mhaighstir; ma 's athair mise ma ta, c' àit am bheil m' onoir? agus ma 's maighstir mi, c' àit am bheil m' eagail? deir Tighearn nan sluagh ruibh-se, O shagartan a ta deanamh tàir air m' ainm-sa; agus a deir sibh, Ciod anns an d' rinn sinne tàir air d' ainm?

7 Tha sibh a' toirt seachad arain thruaillte air m' altair; agus tha sibh ag ràdh, Ciod anns an d' rinn sinne do thruaillleadh? Le sibh a bhi 'g ràdh, Tha bord an Tighearna suarach.

8 A nis ma thairgeas sibh an ni ta dall mar lobairt, nach olc sin? agus ma thairgeas sibh an ni ta bacach agus tinn, nach olc sin? tairg e nis do d' uachdaran, am bi e toilichte leat, no 'n gabh e riut, deir Tighearn nan sluagh?

9 Agus a nis, guidheam oirbh, iarruibh aghaidh an Tighearna gu'm bi e trècaireach dhuinn. Is ann o'r làimh-sa thàinig seo; an gabh mise ri aon agaibh gu taitneach? deir Tighearn nan sluagh.

10 Gu cinnteach druidear na dorsan 'n 'ur n-aghaidh; agus cha 'n fhadaidh sibh teine air m' altair-sa gu dìomhain. Cha 'n 'eil tlachd air bith agam annaibh, deir Tighearn nan sluagh, ni mò ghabhas mi tabhartas air bith o' r làimh.

11 Oir, o éirigh na gréine gu ruig a dol sìos, bidh m' ainm-sa mòr am measg nan cinneach; agus anns gach àite tairgear tìs do m' ainm-sa, agus tabhartas fìor-ghlan: oir bidh m' ainm mòr am measg nan cinneach, deir Tighearn nan sluagh.

12 Ach thruaill sibh 'e, le sibh a bhi 'g ràdh, Tha bord an Tighearna truailhte; agus an tabhartas air, eadhon a bhìadh, tha e suarach.

13 Thubhairt sibh fòs, Cia mòr an sgòs e? agus shéid sibh uaibh e, deir Tighearn nan sluagh! agus thug sibh do m' ionnsuidh an ni bha reubta, agus bacach, agus tinn; mar so thug sibh tabhartas: an gabh mise sin o' r làimh, deir Tighearn nan sluagh?

14 Ach malluichte gu robh am mealltair, aig am bheil fìrionn na threud, agus a bhàidicheas agus a dh' iobras ni truailidh do 'n Tighearn:

oir is Rìgh mòr mise, deir Tighearn nan sluagh, agus tha m' ainm namhasach am measg nan cinneach.

## CAIB. II.

**A**GUS a nis dhuibh-se tha 'n àithne so, O shagartan.

2 Mur éisd sibh, agus mur cuir sibh an suim i, chum glòir a thoirt do m' ainm-sa, deir Tighearn nan sluagh, cuiridh mise eadhon mallachd oirbh; agus mallaichidh mi 'ur beannachdan: seadh mhallaich mi iad cheana, a chionn nach 'eil sibh 'g a chur an suim.

3 Feuch bheir mi air an t-sìol nach fàs e, agus tilgidh mi aolach 'n 'ur n-aghaidh, aolach 'ur n-ard-fhéillean; agus giùlainear sibh féin maille ris.

4 Agus aithnichidh sibh gu 'n do chuir mise chugaibh an àithne so, a chum gu maireadh mo choimhcheangal le Lebhi, deir Tighearn nan sluagh.

5 Bha mo choimhcheangal ris-san, mu thimchioll beatha agus sìth, agus thug mi dha iad, air son an eagail leis an robh eagail air romham, agus leis an robh geill air roimh m' ainm.

6 Bha lagh na fìrinn na bleul, agus cha d'fhuaireadh aingidheachd na bhilbh; ghluais e leam-sa ann an sìth agus ann an ionracas, agus phill e mòran air falbh o eaceart.

7 Oir bu chòir do bhilbh an t-sagairt eòlas a choimhead, agus bu chòir an reachd iarruidh as a bheul: oir is esan teachdaire Tighearna nan sluagh.

8 Ach chaidh sibh air seacharan o 'n t-slighe; thug sibh air mòran tuisleachadh air an reachd: thruaill sibh coimhcheangal Lebhi, deir Tighearn nan sluagh.

9 Uime sin rinn mise fòs sibh-se suarach agus tàireil ann an sealladh an uile shluaigh, do réir mar nach do choimhid sibh mo shligheanna, ach gu'n robh sibh leth-bhreitheach anns an lagh.

10 Nach 'eil aon athair againn uile? nach aon Dia a chruthaich sinn? c' uim' am bheil sinn a' bun-tainn gu fealltach, gach duine an aghaidh a bhràthar, le bhi briseadh coimhcheangail 'ur n-aithrichean?

11 Bhuin Iudah gu fealltach, agus chuireadh gràinealachd an gnìomh ann an Israel agus ann an Ierusalem: oir thruaill Iudah naomhachd Dhia a's ionmhuinn leis, agus phòs e nighean dè choimhlich.

12 Gearraidh an Tighearn as an duine ni so: am fear-faire, agus am fear-freagraidh, a mach a pàilliunn-aibh Iacòib; agus esan a bheir tabhartas do Thighearn nan sluagh.

13 Agus so fòs rinn sibh; chòmh-

daich sibh le deuraibh altair an Tigh-earna, le gul, agus le h-éigheach; ionnus nach 'eil suim aige do thabh-artas ni's mò, agus cha ghabh e le deagh-ghean o' r làimh e.

14 Gidheadh tha sibh ag ràdh, C' ar son? A chionn gu 'n robh an Tighearn na fhianuis eadar thu agus bean d' òige, ris an do bhuin thu gu fealltach: gidheadh b' i do bhana-chompanach i, agus bean do choimh-cheangail.

15 Agus nach d' riun e aon fheòil diubh? agus tha fuigheall an spioraid aige. Agus ciod a tha esan ag iarraidh? sìochd diadhaidh. Uime sin biodh faicill agaibh air 'ur spiorad, agus na buineadh neach air bith gu fealltach an aghaidh mnà 'oige.

16 Oir is fuath leam-sa esan a chuireas air falbh, deir an Tighearn Dia Israeil: agus esan a dh'fhol-aicheas ainneart le 'thruscan, deir Tighearn nan sluagh. Uime sin biodh faicill agaibh air 'ur spiorad, nach buin sibh gu fealltach.

17 Sgithich sibh an Tighearn le 'r briathraibh: gidheadh a deir sibh, Ciod anns an do sgithich sinne e? Le sibh a bh' g ràdh, Tha gach aon a ta deanamh uile taitneach ann an sealladh an Tighearna, agus tha tlachd aig anna: no, C' àit am bheil Dia a' bhreitheanas?

### CAIB. III.

**FEUCH** cuiridh mise mach mo theachdaire, agus ulmhaichidh e 'n t-slighe romham; agus thig an Tighearn a ta sibh ag iarraidh, g'a theampull gu grad: eadhon teachdaire a' choimh-cheangail, anns am bheil 'ur tlachd; feuch thig esan, deir Tighearn nan sluagh.

2 Ach cò dh'fheudas là a theachd a ghiùlan? agus cò sheasas an uair a dh'fhoillsichear e? oir is cosmhuil e ri teine 'n fhuir-leaghaidh, agus ri acuinn-ghlanaidh an fhir a nigheas eudach.

3 Agus suidhidh e, mar fhear-leaghaidh agus glanaidh airgid: agus glanaidh e mic Lebhi, agus saoraidh e o shàl iad, mar òr agus mar airgid, a chum gu 'm bi iad nan òglaich do 'n Tighearn, a' taig-seadh dha tabhartais ann am firean-tachd.

4 An sin bidh tabhartas Iudah agus Ierusalem taitneach do 'n Tighearn, mar anns na laithibh o shean, agus anns na bliadhnaibh roimhe so.

5 Agus thig mise dlù dhuibh gu breitheanas, agus bidh mi a' m' fhianuis luath an aghaidh fhiosaichean, agus an aghaidh adhaltranach, agus an aghaidh na muinntir a bheir mionnan-eithich, agus an aghaidh na muinntir a ta cumail air ais a thuarasdail o' n t-seirbhiseach, a'

sàruchadh na bantraich agus an dilleachdain, agus a' cur a' choigrich a thaoibh, agus air nach 'eil eagal romham-sa, deir Tighearn nan sluagh.

6 Oir is mise Iehobhah, cha chaochail mi: air an aobhar sin cha 'n 'eil sibh-se, O chlann Iacoib, air 'ur sgrios.

7 Eadhon o laithibh 'ur n-aithrichean chlaon sibh o m' reachdaibh-sa, agus cha do choimhid sibh iad; pillibh rium-sa, agus pillidh mise ruibh-se, deir Tighearn nan sluagh: Ach thuirt sibh-se, Ciod anns am pill sinn?

8 An spùinn duine Dia? gidheadh spùinn sibh-se mise: ach tha sibh ag ràdh, Ciod anns an do spùinn sinn thu? Ann an deachamh agus ann an tabhartasaibh.

9 Tha sibh malluichte le mallachd: oir spùinn sibh mise; eadhon an cinneach so uile.

10 Thugaibh an deachamh uile chum an tigh-thaisg, air chor as gu 'm bi biadh ann am thigh-sa; agus dearbhaibh mi nis leis an ni so, deir Tighearn nan sluagh, mur fosgail mi dhuibh uinneagan nan nèamh, a dhòrtadh a mach beannachd oirbh, agus nach bi àit ann 'ga chumail.

11 Agus cronaichidh mi am mill-tear air 'ur sgàth-sa, agus cha mhill e toradh 'ur fearainn, ni mò thilgeas 'ur fineamhuin a meas anabuich 'san fhaiche, deir Tighearn nan sluagh.

12 Agus goiridh na h-uile chinich beannuichte sibh<sup>b</sup>: oir bidh sibh 'n 'ur dùthaich thaitnich, deir Tighearn nan sluagh.

13 Bha 'ur briathran dalma<sup>c</sup> ann am aghaidh-sa, deir an Tighearn; gidheadh tha sibh ag ràdh, Ciod a labhair sinn a'd' aghaidh.

14 Thubhairt sibh, Is dùmhain seirbhis a thoirt do 'n Tighearn; agus ciod a' bhuannachd dhuinn gu 'n do choimhid sinn 'ordugh, agus gu 'n do ghluais sinn gu brònach an làthair Tighearna nan sluagh?

15 Agus a nis tha sinn a' meas nan uaibhreach sona: seadh tha iadsan a ta cur an gnìomh aingidheachd air an arduchadh: seadh tha iadsan a ta buaireadh Dhia, eadhon air an saoradh.

16 An sin labhair iadsan air an robh eagal an Tighearna, gach aon gu tric ri chéile, agus dh' éisd an Tighearn, agus chual' e, agus bha leabhair-cuimhne air a sgrìobhadh na làthair air son na muinntir air an robh eagal an Tighearna, agus a smaointich air 'ainm.

<sup>a</sup> An dean duine slodadh air Dia?

<sup>b</sup> beannuichidh na h-uile chinich dhuibh.

<sup>c</sup> dàna, treun.



17 Bidh iad leam-sa<sup>a</sup>, deir Tighearn nan sluagh anns an là sin anns an dean mi suas mo sheudan; agus coiglidh mi iad, mar a choigleas duine a mhac féin a ta deanamh seirbhis da.

18 An sin pillidh sibhse, agus chi sibh an dealachadh eadar am firean agus an t-aingidh: eadar an ti ta deanamh seirbhis do Dhia, agus an ti nach 'eil ri seirbhis da idir.

## CAIB. IV.

**O**IR feuch tha 'n là a' teachd, a loisgeas mar àmhuinn; agus bidh na li-uaibhreigh uile, seadh gach neach a ta ri aingidheachd, mar asbhuain; agus loisgidh an là ta teachd suas iad, deir Tighearn nan sluagh; oir cha 'n fhàg e bun no bàrr dhiubh.

2 Ach dhuibh-sa, air am bheil

<sup>a</sup> buinidh iad dhomh-sa.

eagal m' ainm-sa, éiridh Grian na fireantachd le slàinte na sgiathaibh, agus théid sibh a mach, agus fàsaidh sibh suas mar laoigh bhiadhta,

3 Agus saltraidh sibh sìos na h-aingidh: oir bidh iad mar luaithre fo bhonnaibh 'ur cos, anns an là 'san dean mise so, deir Tighearn nan sluagh.

4 Cuimhnichibh-sa lagh Mhaois m' òglaich, a dh' àithn mise dha ann an Horeb, air son Israeil uile, eadhon na reachdan agus na breitheanais.

5 Feuch cuiridh mise do 'r n-ionnsuidh Eliah am fàidh, roimh theachd là mhòir agus uamhasaich an Tighearna.

6 Agus tioundaidhidh esan cridhe nan aithrichean a chum na cloinne, agus cridhe na cloinne chum an aithrichean, eagal gu 'n d'thig mise, agus gu 'm buail mi am feara n le léir-sgrìos.

## C R I O C H.



# TIOMNADH NUADH

AR

TIGHEARNA AGUS AR SLANUIGHIR,

IOSA CRIOSD;

EADAR-THEANGAICHTE

O'N GHREUGAIS CHUM GAELIC ALBANNAICH.

---

London :

PRINTED FOR THE BRITISH AND FOREIGN BIBLE SOCIETY,

*Instituted in the Year 1804 ;*

FROM THE LAST CORRECTED EDITION OF THE SOCIETY IN  
SCOTLAND FOR PROPAGATING CHRISTIAN KNOWLEDGE.

---

1821.

ASTOR LENOX TILDEN FOUNDATION

1080110 1231

1080110 1231

THE NEW YORK PUBLIC LIBRARY

1080110 1231

1080110 1231

1080110 1231

1080110 1231

1080110 1231

1080110 1231

1080110 1231

1080110 1231



*Leabhraichean an Tiomnaidh Nuaidh.*

	<i>Caib.</i>		<i>Caib.</i>
<b>S</b> OISGEUL Mhata, anns am		2 Tesalonianach .....	3
bheil .....	28	1 Timoteuis .....	6
Soisgeul Mharcuis .....	16	2 Timoteuis .....	4
Soisgeul Lucais .....	24	Tituis .....	3
Soisgeul Eoin .....	21	Philemoin .....	1
Gnìomhara nan Abstol .....	28	Eabhruidheach .....	13
Litir Phoil chum nan Romh-		Litir Sheumais .....	5
anach .....	16	Litir 1 Pheadair .....	5
1 Corintianach .....	16	Litir 2 Pheadair .....	3
2 Corintianach .....	13	Litir 1 Eoin .....	5
Galatianach .....	6	Litir 2 Eoin .....	1
Ephesianach .....	6	Litir 3 Eoin .....	1
Philipianach .....	4	Litir Iudais .....	1
Colosianach .....	4	Taisbeanadh Eoin .....	22
1 Litir Phoil chum nan Tesalo-			
nianach .....	5		



# M H A T A.

## CAIB. I.

**L**E A B H A R ginealaich Iosa Criosd, mhic Dhaibhi, mhic Abrahaim.

2 Ghin Abrahaim Isaac, agus ghin Isaac Iacob, agus ghin Iacob Iudas agus a bhràithrean.

3 Agus ghin Iudas Phares agus Sara o Thamar, agus ghin Phares Esrom, agus ghin Esrom Aram.

4 Agus ghin Aram Aminadab, agus ghin Aminadab Naason, agus ghin Naason Salmon.

5 Agus ghin Salmon Boos o Rachab, agus ghin Boos Obed o Rut, agus ghin Obed Iese.

6 Agus ghin Iese Daibhi an rìgh, agus ghin Daibhi an rìgh Solomon o'n mhuaoi a bha aig Urias.

7 Agus ghin Solomon Roboam, agus ghin Roboam Abia, agus ghin Abia Asa.

8 Agus ghin Asa Iosaphat, agus ghin Iosaphat Ioram, agus ghin Ioram Osias.

9 Agus ghin Osias Ioatam, agus ghin Ioatam Ahas, agus ghin Ahas Esecias.

10 Agus ghin Esecias Manases, agus ghin Manases Amon, agus ghin Amon Iosias.

11 Agus ghin Iosias Iechonias agus a bhràithre, mu àm an giùlain do Bhabìlon.

12 Agus an déigh an toirt do Bhabìlon, ghin Iechonias Salatiel, agus ghin Salatiel Serobabel.

13 Agus ghin Serobabel Abiud, agus ghin Abiud Eliacim, agus ghin Eliacim Asor.

14 Agus ghin Asor Sadoc, agus ghin Sadoc Achim, agus ghin Achim Eliud.

15 Agus ghin Eliud Eleasar, agus ghin Eleasar Matan, agus ghin Matan Iacob.

16 Agus ghin Iacob Ioseph fear Mhuire, o'n d'rugadh Iosa, d'an ghoirear Criosd.

17 Uime sin na h-uile ghinealaich o Abraham gu Daibhi, is ceithir ginealaich deug iad; agus o Dhaibhi gu bruid Bhabìlon, ceithir ginealaich

deug; agus o bhruid Bhabìlon gu Criosd, ceithir ginealaich deug.

18 Agus mar so bha breith Iosa Criosd: oir an déigh do cheangal pósaidh bli air a dheanamh eadar a mhàthair Muire agus Ioseph, roimh dhoibh teachd cuideachd, fhuaradh torrach i o'n Spiorad Naomh.

19 Ach air bhi do Ioseph a fear 'na dhuine cothromach, agus gun toil aige ball-sampuill a dheanamh dh'i, bu mhiann leis a cur uaith os ìosal.

20 Ach ag smuaineachadh nan nithese dha, feuch, dh'fhoillsich aingeal an Tighearna e fein da am brúadar, ag radh, A Ioseph, a mhic Dhaibhi, na biodh eagal ort do bhean Muire a ghabhail ad'ionnsuidh: oir an ni a ta air a ghineamhuin innte, is ann o'n Spiorad Naomh e.

21 Agus beiridh i mac, agus bheir thu Iosa dh'ainm air; oir saoraidh a se a phobull fein o'm peacaibh.

22 (Agus rinneadh so nìle, chum gu coimhliontadh an nì a thubhairt an Tighearna leis an fhàidh, ag radh,

23 Fench, bithidh maighdean torrach, agus beiridh i mac, agus bheir iad Emanuel a dh'ainm air, 's ionann sin r'a radh, air eadar-theangachadh, Dia maille ruinn.)

24 Agus air mosgladh do Ioseph as a chodal, rinn e mar a dh'iarr aingeal an Tighearna air, agus ghabh e d'a ionnsuidh a bhean:

25 Agus cha d'aithnich e i gus an d'rug i a ceud-ghin mic; agus thug e Iosa dh'ainm air.

## CAIB. II.

**A**GUS an uair a rugadh Iosa am Betlehem Iudea, an laithibh Heroid an rìgh, feuch, thainig druidhean<sup>b</sup> o'n aird an ear gu Hierusalem,

2 Ag radh, C'ait am bheil rìgh sin nan Iudhach a ta air a bhreith? oir chunnaic sinne a reult san aird an ear, agus a ta sinn air teachd a thabhairt aoraidh e dha.

3 An uair a chual Herod an rìgh

<sup>a</sup> slànuichidh.

<sup>b</sup> daoine glic.

<sup>c</sup> onoir.

sin, bha e fuaidh thrìoblaid<sup>a</sup>, agus Hierusalem uile maille ris.

2 Agus air cruinneachadh nan ard shagart uile dha, agus scriobhuichean a' phobuill, dh' fheòraich e dhiubh c'ait an robh Criosd gu bhi air a bhreith.

5 Agus thubhairt iad ris, Am Betlehem Iudea : oir mar so scriobhadh leis an fhàidh ;

6 Agus thusa Bhetlehem an tìr Iuda, cha tu idir is lugha am measg phrionnsadh<sup>b</sup> Iuda : oir asadsa thig Uachdaran a stiùras mo phobull Israel.

7 An sin air do Herod na druidhean a ghairm os losal d'a ionnsuidh, gheur-fhiosruich e dhiubh cia an t-àm an d'fhoillsicheadh an reult.

8 Agus chuir e iad gu Betlehem, agus thubhairt e, Imichibh agus iarruibh gu dìchiollach<sup>c</sup> rnaoidhean, agus an dé rnaotainn e dhuibh, innsibh dhomhsa é, chum gu rachamsa fein, agus gu deanam aoradh dha.

9 Agus an uair a chual iad an righ, dh'imich iad : agus feuch, chaidh an reult a chunnaic iad san aird an ear rompa, gus an d'thainig i agus gu'n do stad i os cionn an ionaid an robh an naoidhean.

10 Agus an uair a chunnaic iad an reult, rinn iad gairdeachas le h-aobhneas ro mhòr.

11 Agus air dol a steach dhoibh do'n tigh, fhuair iad an naoidhean am fochair<sup>d</sup> a mhàthar Muire, agus thuit iad sìos, agus rinn iad aoradh dha : agus air fosgladh an ionmhas dhoibh, thug iad dha tiodhlac<sup>e</sup> ; or, agus<sup>f</sup> mis, agus mirr.

12 Agus air faotainn rabhaidh o Dhia am brудар, gun iad a philltinn<sup>g</sup> dh'ionnsuidh Heroid, chaidh iad d'an dèthaich fein air slighe eile.

13 Agus an uair a dh'imich iad air an ais, feuch, nochdadh aingeal an Tighearna do Ioseph ann am brудар, ag radh, Eirich, agus gabh an naoidhean agus a'mhàthair, agus teich do'n Eiphit, agus bi an sin gus an labhair mise ruit. oir iarruidh Herod an naoidhean g'a mhilleadh.

14 Agus dh'éirich e, agus ghabh e d'a ionnsuidh an naoidhean agus a mhàthair san oidheche, agus dh'imich e do'n Eiphit.

15 Agus bha e an sin gu bàs Heroid : a chum gu coimhliontadh an nì a labhair an Tighearna leis an fhàidh, ag radh, A mach as an Eiphit ghoir mi mo Mhac.

16 An sin an uair a chunnaic Herod gu'n d'rinn na druidhean fanoid air e, las e le feirg ro mhòir, agus chuir e luchd-millidh uaith, agus mharbh e na bha do leanabaibh mac am Betlehem, agus 'na crìochaibh uile, o aois d'hà bhliadhna agus fuaidh, a réir na h-aimsire a dh'fhòghluim e gu dìchiollach o na druidhibh.

17 An sin choimhlionadh an nì a labhradh le Ieremias am fàidh, ag radh,

18 Chualas guth an Rama, caoi, agus gul, agus bròn ro mhòr, Rachel a' caoineadh a cloinne, agus cha b'aill leatha sòlas a ghabhail, a chionn nach 'eil iad beo.

19 Ach an uair a dh'eug Herod, feuch, nochdadh aingeal an Tighearna am brудар do Ioseph san Eiphit,

20 Ag radh, Eirich, agus gabh an naoidhean agus a mhàthair, agus imich gu talamh Israeil : oir fhuair an dream a bha 'g iarraidh anama an leinibh bàs.

21 Agus dh'éirich esan, agus ghabh e an leanabh agus a mhàthair d'a ionnsuidh, agus thainig e gu talamh Israeil.

22 Ach an uair a chual e Archelaus a bhi 'na righ an tìr Iudea an ionad Heroid 'athar, bha eagal air dol an sin : ach, air faotainn da rabhaidh o Dhia am brудар, thionndaidh e gu crìochaibh Ghalile :

23 Agus thainig e agus ghabh e còmhnuidh am baile d'an goirear Nasaret, a chum gu coimhliontadh an nì a thubhradh leis na fàidh, Gu goirear Nasardha dheth.

### CAIB. III.

**A** GUS anns na laithibh sin thainig Eoin Baiste, a' searmonach am fàsach Iudea,

2 Agus ag radh, Gabhaibh aithreachas : oir a ta rioghachd nèimhe am fogus.

3 Oir is e so an tì ud mu'n do labhair Esaias am fàidh, ag radh, Guth an tì a ghlaodhas anns an fhàsach, Ullaichibh slighe an Tighearna, deanuibh a cheumanna dìreach.

4 Agus bha a chulaidh aig Eoin do fhionna chàmhail, agus crios leathair aige timchioll a leasraidh ; agus is e bu bhìadh dha locuist agus mìl fhiadhaich.

5 Chaidh Hierusalem a mach d'a ionnsuidh an sin agua Iudea uile, agus luchd àiteachaidh na dùcha timchioll Iordain uile.

6 Agus bhaisteadh iad leissan ann an Iordan, ag aidmheil am peacanna.

<sup>a</sup> air a bhuaireadh. <sup>b</sup> cheannard. <sup>c</sup> fhaghail. <sup>d</sup> maille ri.

<sup>e</sup> gu'n do mheall na druidhean e.



7 Ach an uair a chunnaic e mòran do na Phairisich, agus do na Sadusaich a' teachd a chum a bhaistidhsan, thubhairt e riu, A shìol nan nathraiche nimhe, cò a thug rabhadh dhuibhse teicheadh o'n fheirg a ta ri<sup>a</sup> teachd?

8 Air an aobhar sin thugaibh a mach toradh iomchuidh do'n aithreachas.

9 Agus na smuainichibh a radh annaibh fein, A ta Abraham 'na athair againn: oir a ta mi 'g radh ribh, gur comasach Dia air clann a thogail suas a dh' Abraham do na clochaibh sin.

10 Agus a nis a ta an tuadh air a cur ri freumh nan crann: air an aobhar sin, ge b'e crann nach toir a mach toradh maith, gearrar e, agus tilgear san teine e.

11 Gu deimhin ataimse 'gar baidteadh le h-uisge chum aithreachais; ach an ti a thig a'm' dhéigh, is cumhachdaich e na mi, agus cha'n fhu mise a bhrògan iomchar: baistidh esan sibh leis an Spiorad Naomh, agus le teine:

12 Aig am bheil a ghuit 'na laimh, agus glanaidh e gu ro bhaileach 'ùrlar bualaidh, agus cruinnichidh e a chruineachd d'a thaisg-thigh; ach loisgidh e am moll le teine nach feudar a mhùchadh.

13 An sin thainig Iosa o Ghalile gu Iordan a dh'ionnsuidh Eoin, chum gu'm biodh e air a bhaisteadh leis.

14 Ach bhac Eoin e, ag radh, A ta feum agamsa bli air mo bhaisteadh leatsa, agus am bheil thusa a' teachd do m' ionnsuidhse?

15 Agus fhreagair Iosa agus thubhairt e ris, Leig do'n chàis a bhi mar so a nis: oir mar so is iomchuidh dhuinn gach uile fhir-eantachd a choimhlionadh. An sin dh'fhulaing e dha.

16 Agus an uair a bhaisteadh Iosa, chaidh e air ball suas as an uisge; agus feuch, dh'fhosgladh nèamh dha, agus chunnaic e Spiorad Dè a' tuirling<sup>b</sup> mar choluman, agus a' teachd airasn:

17 Agus feuch, guth o nèamh, ag radh, Is e so mo Mhac gràdhach, am bheil mo mhòr thlachd.

## CAIB. IV.

**A**N sin thredruicheadh Iosa leis an Spiorad do'n fhàsach, chum gu'm biodh e air a bhuaireadh leis an diabhol.

2 Agus an uair a throisg e dà fhichead là agus dà fhichhead oidhche, an déigh sin bha ocras air.

3 Agus air teachd do'n bhuaireadair d'a ionnsuidh thubhairt e, Ma's tu Mac Dhé, thoir àithne do na clochaibh so a bhi 'nan aran.

4 Ach fhreagair esan agus thubhairt e, Ata e scriobhta, Cha'n ann le h-aran amhàin a bheathuichear duine, ach leis gach uile fhocal a thig o bheul Dé.

5 An sin thug an diabhol e do'n bhaile naomha, agus chuir e air binnein an teampuill e.

6 Agus thubhairt e ris, Ma's tu Mac Dhé, tilg thu fein sìos: oir a ta e scriobhta, gu toir e àithne d'a ainnglibh ad' thimchioll, agus togaidh iad suas thu 'nan lamhaibh, chum as nach buail thu uair air bith do chos air cloich.

7 Thubhairt Iosa ris a ris, Ata e scriobhta, Cha bhuaire<sup>c</sup> thu an Tighearna do Dhia.

8 Thug an diabhol e a ris chum beinne ro aird, agus nochd e dha uile rioghachdan an domhain, agus an glòir:

9 Agus thubhairt e ris, Iad so uile bheir mise dhuit, ma's e air tuiteam dhuit sìos gu'n dean thu aoradh dhomhsa.

10 An sin thubhairt Iosa ris, Imich uam, a Shatain: oir ata e scriobhta, Bheir thu aoradh do'n Tighearna do Dhia, agus dhasan 'na aonar. nì thu seirbhis.

11 An sin dh'fhàg an diabhol e; agus feuch, thainig aingil agus fhritheal iad da.

12 Ach an uair a chual Iosa gu'n do chuireadh Eoin an laimh, dh'imich e do Ghalile.

13 Agus air fàgail Nasaret da, thainig e agus rinn e còmhnuidh ann an Capernaum, a ta chois na fairge, ann an leth-iomall Shabuloin agus Nephtalim:

14 A chum gu'n coimhliontadh an nì a thubhradh le Esaias am fàidh, ag radh,

15 Talamh Shabuloin, agus talamh Nephtalim, slighe na fairge air an taobh thall do Iordan<sup>d</sup>, Galile nan Cinneach:

16 Am pobull a bha 'nan suidhe an dorchadas, chunnaic iad solus mòr; agus a ta solus air éfrigh do na daoineibh a bha 'nan suidhe an tìr agus an sgàil a' bhàis.

17 O sin a mach thòisich Iosa searmoin a dheanamh, agus a radh, Gabhaibh aithreachas, oir a tarioghachd nèimhe am fogus.

18 Agus ag imeachd do Iosa ri taobh fairge Ghalile, chunnaic e

dithis bhràithre, Simon d'an goirear Peadar, agus Andreas a bhràthair, a' tilgeadh lin san fhairge: (oir b'iasgairean iad.)

19 Agus thubhairt e riu, Leanaibh mise, agus ni mi iasgairean air daoineibh dhibh.

20 Agus air ball dh'fhàg iad na lionta, agus lean iad esan.

21 Agus air triall da sa sin, chunnaic e dithis eile bhràithre, Seumas mac Shebede, agus Eom a bhràthair, ann an luing maille r'an athair Sebede, a' càradhan lion: agus ghairm e iad.

22 Agus air ball dh'fhàg iad an long agus an athair, agus lean iad e.

23 Agus dh'imich Iosa timchioll Ghalile uile, a' teagasg 'nansionagogaibh, agus a' searmonachadh soisgeil nàrioghachd, agus a' slànuchadh gach gnè thinnis, agus gach gnè eucail am measg an t-sluaigh.

24 Agus chaidh a chliu feadh Shìria uile: agus thug iad d'a ionnsuidh iadsan uile a bha euslan, agus a bha air an cuibhreachadh le galaruibh, agus iomadh gnè phiantuibh, agus iadsan aig an robh deamhain anna, agus air an robh an tuiteamach<sup>a</sup>, agus luchd pairilise<sup>b</sup>; agus shlànuich e iad.

25 Agus lean cuideachd mhòr e o Ghalile, agus o Dhecapolis, agus o Hierusalem, agus o Iudea, agus o na crìochaibh a ta do'n taobh thall do Iordan.

#### CAIB. V.

**A**GUS an uair a chunnaic Iosa an sluagh, chaidh e suas air beinn. agus air suidhe dha, thainig a dheisciobuil d'a ionnsuidh.

2 Agus dh'fhosgail e a bheul, agus theagaisg e iad, ag radh,

3 *Is beannuicht' iadsan a ta bochd 'nan spiorad: oir is leo rioghachd nèimhe.*

4 *Is beannuicht' iadsan a ta ri bròn: oir gheibh iad sòlas.*

5 *Is beannuichte na daoine mac-antac, oir sealbhuchidh iad an talamh mar oighreachd.*

6 *Is beannuicht' an dream air am bhèil ocras agus tart na còrach<sup>d</sup>: oir sàsuichear iad.*

7 *Is beannuichte na daoine tròcaireach: oir gheibh iad tròcair.*

8 *Is beannuichte na daoine a ta glan 'nan cridhe: oir chi iad Dia.*

9 *Is beannuichte luchd dheanamh na sìth: oir goirear clann Dé dhiubh.*

10 *Is beannuicht' an dream a ta*

<sup>a</sup> tinneas na gealaich. <sup>b</sup> crith-ghalair, <sup>c</sup> cciuin, ceannsaich. <sup>d</sup> a' cheartais, na fireantachd.

fulang geur-leanmhuinn air son na còrach: oir is leo-san rioghachd nèimhe.

11 *Is beannuichte bhitheas sibh an uair a bheir daoine anacainnt dhuibh, agus a ni iad geur-leanmhuinn oirbh, agus a labhras iad gach uile dhroch fhocal ribh gu breugach air mo sgàthsa.*

12 *Deanuibh gairdeachas, agus bithibh ro shubhach: oir is mòr bhur duais air neamh: oir mar sin rinn iad geur-leanmhuinn air na fàidhibh a bha romhribh.*

13 *Is sibhse salann na talmhainn: gidheadh na chailleas an salann a bhlas, ciod leis an saillear e? cha 'n 'eil feum ann o sin suas, ach a thilgeadh mach, agus a shaltair fa chos-aibh dhaoine.*

14 *Is sibhse solus an t-saoghail. Cha'n fheudar haile a ta air a shuidheachadh air sliabh fhòlach.*

15 Agus cha las daoine coinneal, chum as gu'n cuir iad i fuidh shoith-each, ach ann an coinneir, agus ni i solus do na'm bheil a stigh.

16 Gu ma h-ann mar sin a dhealruicheas bhur solus an làthair dhaoine, chum as gu faic iad bhur deadh oibre, agus gu toir iad glòir do bhur n-Athair a ta air nèamh.

17 Na measaibh gu'n d'thainig mise a sgaoileadh an lagha no nam fàidh; ni h-ann e a sgaoileadh a thainig mi, ach a choimhlionadh.

18 Oir a deirim<sup>f</sup> ribh gu firinn-each, Gus an d'theid<sup>g</sup> nèamh agus talamh thairis, cha d'theid aon lide<sup>h</sup> no aon phunc do'n lagh thairis, gus an coimhlionar gach aon ni.

19 Air an aobhar sin ge b'e neach a sgaoileas aon do na h-àitheantaibh so a's lugha, agus a theagaisgeas daoine mar sin, goirear an duine is lugha dheth ann an rioghachd nèimhe: ach ge air bith neach a ni, agus a theagaisgeas iad, goirear duine mòr dheth ann an rioghachd nèimhe.

20 Oir a deirim ribh, Mur toir bhur fireantachd<sup>sa</sup> barrachd air fireantachd nan scrìobhuiche agus nam Phairiseach, nach d'theid sibh air chor air bith a steach do rioghachd nèimhe.

21 Chuala sibh, gu'n dubhradh ris na sinnsiribh, Na dean mortadh; agus ge b'e neach a ni mortadh; bithidh se an cunnart a' bhreitheanais.

22 Ach a deirimse ribh, Ge b'e neach aig am bi fearg r'a bhràthair gun aobhar, gu'm bi e an cunnart a'

<sup>e</sup> cha'n ann. <sup>f</sup> ta mi 'g radh, <sup>g</sup> theiream. <sup>h</sup> an téid. <sup>i</sup> aon iota.

bhreitheanais : agus ge b'e neach a their r'a bhràthair, Raca, gu'm bi e an cunnart na comhairle : ach ge b'e neach a their, Amadain, gu'm bi e an cunnart teine ifrinn.

23 Uime sin ma bheir thu do thabhartas<sup>a</sup> chum na h-altaire, agus gu'n cuimhnich thu an sin gu bheil nì air bith aig do bhràthair a'd' aghaidh ;

24 Fag do thabhartas an sin an làthair na h-altaire, agus imich, agus dean réite air tùs ri d' bhràthair, agus an déigh sin thig agus tabhair uait do thiodhlacadh.

25 Bi réidh ri d' eascaraid guluath, am feadh a bhios tu maille ris san t-slighe ; aireagal gu'n toir an t-eas-caradh thairis thu do'n bhreitheamh, agus gu'n toir am breitheamh thu do'n mhaor, agus gu tilgear am prìosun thu.

26 A deirim riut gu fìrinneach nach téid thu mach as sin, gus an òc thu an fheoirling dheireannach.

27 Chuala sibh gu'n dubhradh ris b na sinnsiribh, Na dean adhaltrannas.

28 Ach a deirimse ribh, Ge b'e neach a dh'amhairceas air mnaoi chum a miannachadh, gu'n d'rinneadh adhaltrannas leatla cheana 'na chridhe.

29 Agus ma bheir do shùil dheas aobhar tuislidh dhuit, spion a mach i, agus tilg uait i : oir is fearr dhuit gu sgriosar aon do d' bhallaibh, na do chorp uile bhi air a thilgeadh do ifrinn.

30 Agus ma bheir do lamh dheas oilbheum dhuit, gearr dhìot i, agus tilg uait i : oir is fearr dhuit gu sgriosar aon do d' bhallaibh, na do chorp uile bhi air a thilgeadh do ifrinn.

31 Agus thubhradh, Ge b'e chuireas a bhean phòsda air falbh, thugadh e litir dhealaich dh'i.

32 Ach a deirimse ribh, Ge b'e neach a chuireas air falbh a bhean phòsda fein, ach a mhàin air son striopachais, gu bheil e toirt oirre adhaltrannas a dheannamh : agus an ti a phòsas a' bhean sin a chuireadh air falbh, a ta e a' deanamh adhaltrannais.

33 Mar an ceudna, chuala sibh gu'n dubhradh ris na sinnsiribh, Na tabhair mionnan eitheich, ach coimhion do mhionna do'n Tighearna.

34 Ach a deirimse ribh, Na tugaibh mionnan idir : na tugaibh air nèamh, oir is e rìgh-chaithir Dhé e.

35 Na tugaibh air an talamh, oir is e stòl a chos e : na tugaibh air Hierusalem, oir is e baile an rìgh mhòire.

36 Na tabhair mionnan air do cheann, oir cha'n urrainn thu aon fhoiltean a dheanamh geal no dubh.

37 Ach gu ma h-e a's comhradh dhuibh, 'Seadh, 'seadh. Nì h-eadh, nì h-eadh ; oir ge b'e nì a bhios os cionn so, is ann o'n olc a ta e.

38 Chuala sibh gu'n dubhradh, Sùil air son sùla, agus fiacail air son fiacla.

39 Ach a deirimse ribh, Na cuiribh an aghaidh an uile : ach ge b'e neach a bhuaileas tu air do ghial deas, tionndaidh chuige an gial eile mar an ceudna.

40 Agus an ti le'm b'àill thusa a thagradh san lagh, agus do chòta a bhuin diot, leig leis t'fhalluing mar an ceudna.

41 Agus ge b'e bheir leis air feadh mìle a dhaindeoin thu, imich leis air feadh dhà mhìle.

42 Tabhair do'n ti a dh'iarraas ort, agus uathsan le'm bu mhianniasachd fhaotain uait, na pill air falbh.

43 Chuala sibh gu'n dubhradh, Gràdhaichidh tu do choinhearsnach, agus bitlidh fuath agad do d' nàmhaid.

44 Ach a deirimse ribh, Biodh gràdh agaibh do bhur naimhdebh, beannaichibh an droing a mhallaicheas sibh, deanaibh maith do na daoineibh air am beag sibh, agus deanaibh ùrnuigh air son na muinntir a tabuntuinn ribh gu naimhdeil, agus a ta 'g ar geur-leanmhuinn :

45 A chum gu'm bi sibh 'n ar cloinn aig bhur n-Athair a ta air nèamh, oir a ta esan a' tabhairt air a ghréin fein éirigh air na droch dhaoineibh, agus air na deadh dhaoineibh, agus a' cur uisge air na fireanaibh agus air na neo-fhireanaibh.

46 Oir mabhios gràdh agaibh do'n mhuinntir aig am bheil gràdh dhuibh, ciod an duais a gheibh sibh ? nach 'eil eadhon na cìs-mhaoir a deanamh an nì ceudna ?

47 Agus ma chuireas sibh fàilte air bhur bràithribh fein a mhàin, ciod a tha sibh a' deanamh thar chàch ? nach 'eil na cìs-mhaoir fein a' deanamh an nì ceudna ?

48 Air an aobhar sin bithibhse coimhlionta<sup>c</sup> mar a ta bhur n-Athair air a ta air nèamh coimhlionta.

-CAIB. VI.

**T**HUGAIBH an aire<sup>d</sup> nach toir sibh bhur déire am fianuis dhaoine, chum gu 'm faicear leo sibh : no cha 'n fhaigh sibh tuarasdal o bhur n-Athair a ta air nèamh.

2 Uime sin, an uair a bheir thu co

<sup>a</sup> thiodhlacadh.

<sup>b</sup> leis.

<sup>c</sup> foirfe, dìongmhatta.

<sup>d</sup> dean.

dhéirc, na toir fa'near galltomp a shéideadh romhad, mar a ni na cealgairean, anns na sionagogaibh, agus anns na sráidibh, chum as gu faigh iad glóir o dhaoinibh. Gu firinneach a deirimse ribh, gu bheil an tuarasdal aca.

3 Ach an uair a bheir thusa déirc, na biodh fíos aig do laimh chli ciod a ta do lamh dheas a' deanamh:

4 Chum gu'm bi do dhéirc am folach: agus bheir t'Athair a chi am folach, duais dhuitse os aird.

5 Agus an uair a ni thu ùrnuigh, na bi mar luchd an fhuar-chràbhaidh; oir sionmhuinn leo ùrnuigh a dheanamh sna sionagogaibh agus ann an coinneachadh nansràid nan seasamh, chum gu faicear le daoinibh iad. Gu deimhin a deirimse ribh, gu bheil an tuarasdal aca.

6 Ach thusa, an uair a ni thu ùrnuigh, imich a steach do d' sheomar, agus air dùnadh do dhoruis duit, dean ùrnuigh ri t'Athair a ta an uaignidheas, agus bheir t'Athair a chi an uaignidheas, duais dhuit gu follaiseach.

7 Ach ag deanamh ùrnuigh dhuibh, na gnàthaichibh ath-iarrtais dhèmhain, mar na Cinnich: oir saoilidh iadsan gu'n éisdear riu air son lìonmhoireachd am focla.

8 Uime sin na bithibhse cosmhuil riu: oir a ta fíos aig bhur n-Athair cia iad na nithe a ta dh'uireasbhuidh oirbh, mun iarr sibh air iad.

9 Air an aobhar sin deanaibhse ùrnuigh air a' mhòd so: Ar n-Athair a ta air nèamh, Gu naomhaichear t'ainm.

10 Thigeadh do rioghachd. Deanar do thoil air an talamh, mar a nithear air nèamh.

11 Tabhair dhuinn an diugh ar n-aran laitheil.

12 Agus maith dhuinn ar fiacha, amhuil mar a mhaitheas sinne d'ar luchd-fiach.

13 Agus na leig am buaireadh sinn, ach saor sinn o olc: Oir is leatsa an rioghachd, agus an eumhachd, agus a' ghlóir, gu sìorruidh. Amen.

14 Oir ma mhaitheas sibh an cionta do dhaoinibh, maithidh bhur n-Athair nèamhaidh dhuibhse mar an ceudna.

15 Ach mur maith sibh an cionta do dhaoinibh, cha mhò a mhaitheas bhur n-Athair dhuibhse bhur cionta.

16 Agus an uair a ni sibh trosgadh, na bitheadh gruaim air bhur gnùis, mar luchd an fhuar-chràbhaidh: oir cuiridh iadsan mi-dhreath air an agh-

aidh chum gu faicear le daoinibh iad a bhi trosgadh. Deirim ribh gu firinneach gu bheil an tuarasdal aca.

17 Ach thusa, an uair a ni thu trosgadh, cuir ola air do cheann, agus ionnail t'aghaidh b:

18 Chum nach faicear le daoinibh gu bheil thu a' deanamh trosgaidh, ach le t' Athair a ta an uaignidheas: agus bheir t' Athair a chi an uaignidheas, duais dhuit gu follaiseach.

19 Na taisgibh dhuibh fein ionmhais air an talamh, far an truaille an leomann agus a' mheirg e, agus far an cladhaich na meirlich a stigh agus an goid iad.

20 Ach taisgibh ionmhais dhuibh fein air nèamh, far nach truaille an leomann no a' mheirg, agus nach cladhaich agus nach goid na meirlich.

21 Oir ge b'e ball am bheil bhur n-ionmhas, is ann an sin a bhios bhur cridhe mar an ceudna.

22 Is i an t-shùil solus a' chuirp: uime sin ma bhios do shùil glan, bithidh do chorp uile làn soluis.

23 Ach ma bhios do shùil gu h-olc, bithidh do chorp uile dorch. Air an aobhar sin ma ta an solus a ta annad 'n a dhorchadas, cia mòr an dorchadas sin?

24 Cha'n urrainn neach air bith seirbhis a dheanamh do dhà Thigh-earna: oir an dara cuid bithidh fuath aige do neach aca, agus gràdh do neach eile; no gabhuidh e le neach aca, agus ni e tàir air neach eile. Cha 'n urrainn sibh seirbhis a dheanamh do Dhia agus do Mhamon.

25 Uime sin a deirimse ribh, Na biodh ro-chùram oirbh mu thimchioll bhur beatha, ciod a dh'itheas no dh'òlas sibh; no mu thimchioll bhur cuirp, ciod a chuireas sibh umaidh: an e nach mòr a' bheatha na 'm biadh, agus an corp na'n t-eudach?

26 Amhaircibh air eunlaith an athair: oir cha chuir iad sìol, agus cha bhuain iad, agus cha chruimich iad an saibhligh: gidheadh a ta bhur n-Athair nèamhaidhse 'g am beathachadh; an e nach fearr sibhse gu mòr na iadsan?

27 Agus cia agaibh le mòr chùram a dh'fheudas aon lamh-choille a chur r'a airde fein?

28 Agus c'ar son a ta sibh ro chùramach mu thimchioll bhur eulaidh? fòghlumaibh cionnus a ta na lileighean a' fàs sa' mhachair; cha saothraich iad, agus cha sniomh iad.

29 Gidheadh a deirimse ribh, Nach

b t'eudan. c mill. d an reudan.

a' mhiol chrìon. e bhann-lamh.



robh Solamh fein 'n a uile ghlòir, air eudachadh mar aon diubh so.

30 Air an aobhar sin, ma ta Dia marsina'sgeadachadh feoir na mach-aire, a ta an diugh ann, agus am màir-each air a thilgeadh san àmhunn, an e nach mò na sin a *sgeadaicheas* e sibhse a dhaoine airbheag creidimh?

31 Uime sin na bithibh làn do chùram, ag radh, Ciod a dh'itheas sinn? no ciod a dh'òlas sinn? no ciod a chuireas sinn umainn?

32 (Oir iad so uile iarraidh na Cinnich) oir a ta fios aig bhur n-Athair nèamhaidh gu bheil feum a-gaibhse air na nithibh so uile.

33 Ach iarraibh air tùs rioghachd Dhé, agus fhireantachdsan, agus cuirear na nithe so uile ribh.

34 Uime sin na bitheadh ro-chùram oirbh mu thimchioll an la màireach: oir bithidh a làn do chùram air an la màireach mu thimchioll a nithe fein; is leòr do 'n là 'òlc fein.

## CAIB. VII.

**N**A tugaibh breth, chum nach toir-ear breth oirbh:

2 Oir a réir na breth a bheir sibh, bheirear breth oirbh: agus leis an tomhas le'n tomhais sibh, tomhaisear dhaibh a ris.

3 Agus c'ar son a ta thu a' faicinn an smùirnein a ta an sùil do bhràth-ar, ach nach 'eil thu tabhairt fa' near an t-sail a ta ann do shùil fein?

4 No cionnus a their thu ri d' bhràth-air, Fulaing dhomh an smùirnein a spionadh as do shùil; agus feuch, an t-sail ann do shùil fein?

5 A chealgair, buin air tùs an t-sail as do shùil fein; agus an sin is léir dhuit gu maith an smùirnein a bhuntuinn a sùil do bhràthar.

6 Na tabhraibh an ni naomha do na madraibh, agus na tilgibh bhur neamhnuide am fianuis nam muc, air eagal gu saltair iad orra le'n cos-aibh, agus air pilltinn doibh gu reub iad sibh fein as a chéile.

7 Iarruibh, agus bheirear dhuibh: siribh<sup>c</sup> agus gheibh sibh: buailibh *an dorus*, agus fosgailear dhuibh.

8 Oir gach uile neach a dh'iarras, glacuidh e: agus ge b'e a shireas, gheibh e: agus do 'n ti a bhuaileas *an dorus*, fosgailear.

9 Oir cò an duine agaibhse, ma's e 's gu'n iarr a mhac aran, a bheir cloch dha?

10 Aghair ma's iasg a dh'iarras e, an tabhair e nathair dha?

11 Air an aobhar sin ma's aithne dhuibhse a ta olc, tiodhlacan maithe a thabhairt do bhur cloinn, nach mò

na sin a bheir bhur n-Athair a ta air nèamh nithe maithe dhoibhsan a dh'iarras air iad?

12 Uime sin gach uile ni bu mhiann leibh daoine a dheanamh dhuibhse, deanaibhse a leithid dhoibhsan mar an ceudna: oir is e so an lagh agus na fàidhean.

13 Imichibh a steach air an dorus chumhann; oir is farsaing an dorus, agus is leathan an t-slighe a ta treòrachadh chum sgrios, agus is lìon-mhor iad a ta dol a steach oirre:

14 Ach is<sup>d</sup> cumhann an dorus, agus is aimhleathan an t-slighe a ta treòrachadh chum na beatha, agus is tearc iad a ta 'g amas oirre.

15 Coimhidibh sibh fein o na fàidhibh bréige, a thig d'ar n-ionnsuidh ann an culaidhibh chaorach, ach a ta o 'n leth a stigh 'nam madraibh allta.

16 Air an toraibh aithnichidh sibh iad; an tionail daoine dearcan-fiona do dhrisibh, no figean do na foghannanaibh e?

17 Agus mar sin bheir gach uile chrann maith toradh maith: ach bheir an droch chrann droch thoradh.

18 Cha'n fheud a' chraobh mhaith droch thoradh iomchar, no an droch chraobh toradh maith a thabhairt.

19 Gach uile chrann nach iomchair toradh maith, gearrar sios e, agus tilgear san teine e.

20 Air an aobhar sin is ann air an toraibh a dh'aithnicheas sibh iad.

21 Ni h-e gach uile neach a their riumsa, A Thighearna, a Thighearna, a theid a steach do rioghachd nèimhe: ach an ti a ni toil m' Atharsa a ta air nèamh.

22 Is iomadh iad a their riumsa san là ud, A Thighearna, a Thighearna, nach d'rinn sinn a' t'ainmse fàidheadaireachd? agus a' t'ainmse nach do thilg sinn a mach deamhain? agus a't 'ainmse nach d'rinn sinn iomadh miorbhuile?

23 Agus an sin aidichidh mise os aird dhoibh, Cha b'aithne dhomh riamh sibh: imichibh nam, a luchd deanamh na h-eucorach.

24 Air an aobhar sin, gach uile neach a chluinneas na briathrasa agamsa, agus a ni iad, samhluchidh mi e ri duine glic, a thog a thigh air carraig.

25 Agus thuirling<sup>f</sup> an t-uisge, agus thainig na tuitte, agus shéid na gaotha, agus bhuaill iad air na tigh sin: agus cha do thuit e, oir bha a bhunadh suidhichte air carraig.

<sup>d</sup> do bhrigh gur.

<sup>e</sup> cluanaibh

<sup>f</sup> thainig a nuas.

<sup>a</sup> caimein.

<sup>b</sup> no.

<sup>c</sup> lorgaichibh.

26 Agus gach uile neach a chluinn-eas na briathra so agamsa, agus nach coimhlion iad, samhluichear e ri duine amaideach a thog a thigh air a' ghaineamh:

27 Agus thuirling an t-uisge, agus thainig na tuithe, agus shéid na gaotha, agus bhuail iad air an tigh sin: agus thuit e, agus bu mhòr a thuit-eam.

28 Agus tharladh a an uair a chrìochnaich Iosa na briathrasa, gu'n do ghabh am pobull iongantas r'a theagasgsan:

29 Oir theagaisg e iad mar neach aig an robh cumhachd<sup>b</sup>, agus ni h-ann mar na scriobhuichean.

#### CAIB. VIII.

**A**GUS air teachd a nuas o'n bheinn dha, lean cuideachd mhòr e.

2 Agus feuch, thainig lobhar agus thug e urram dha, ag radh, A Thighearna ma's àill leat, is comasach thu air mise a ghlanadh.

3 Agus shìn Iosa mach a lamh, agus bhean e ris, ag radh, Is àill leam; bi thusa glan. Agus air ball bha a loibhre air a glanadh.

4 Agus thubhairt Iosa ris, Feuch nach innis thu do dhuine sam bith, ach imich, taisbein thu fein do'n t-sagart, agus beir chuige<sup>c</sup> an tiodhlacadh a dh'àithn Maois, mar fhianuis dhoibh.

5 Agus air dol do Iosa steach do Chapernaum, thainig d'a ionnsuidh Caipitin-ceud, a' guidhe air.

6 Agus ag radh, A Thighearna, tha m'òglach 'na luidhe a stigh am pairilis, agus air a phianadh gu h-an-abarrach.

7 Agus thubhairt Iosa ris, Théid mise, agus slànuichidh mi e.

8 Agus air freagairt do'n Chaipitin-ceud, thubhairt e, A Thighearna, cha'n f'hiu mise thusa a theachd a steach fa m' chleith: ach a mhàin abair am focal, agus slànuichear m'òglach.

9 Oir is duine mise fein a ta suidh ùghdarras, aig am bheil saighdeara fum: agus a deirim ris an fhear so, Imich, agus imichidh e: agus ris an fhear so eile, Thig, agus thig e: agus ri m'shearbhant, Dean so, agus ni se e.

10 'Nuair a chual Iosa so, ghabh e iongantas, agus thubhairt e ris a' mhnintir a lean e, Gu fìrinneach a deirim ribh, ann an Israel fein nach d'fhuair mi creidimh co mòr as so.

11 Agus a deirim ribh, gu'n d'thig mòran o 'n àird an ear, agus o 'n àird

an ar, agus gu'n suidh iad maille ri Abraham, agus Isaac, agus Jacob, ann an rioghachd nèimhe;

12 Ach gu'n tilgear clann na rioghachd ann an dorchadas a ta 'n leth a muigh: bithidh an sin gul agus giosgand fhiacal.

13 Agus thubhairt Iosa ris a' chaipitin-ceud, Imich romhad, agus biodh dhuit a réir mar a chreid thu. Agus slànuicheadh 'òglach air an uair sin fein.

14 Agus an uair a thainig Iosa gu tigh Pheadair, chunnaic e màthair a mhnà 'na luidhe, agus i ann am fiabh-ruse.

15 Agus bhean e r'a laimh, agus dh'fhàg am fiabhrus i: agus dh'éirich i, agus rinn i frithealadh dhaf.

16 Agus an uair a bha am feasgar air teachd, thug iad d'a ionnsuidh mòran anns an robh deamhain: agus thilg e na spioraid a mach le fhocal, agus slànuich e iad uile a bha euslan:

17 A chum gu'n coimhliontadh<sup>z</sup> an ni a labhradh le Esaías am fàidh, ag radh, Ghabh esan ar n-anmhuinn-eachdan air fein, agus dh'ionchair e ar n-euslaintean.

18 Agus an uair a chunnaic Iosa sluagh mòr m'a thimchioll, dh'àithn e dol a sin do'n taobh eile.

19 Agus thainig scriobhuiche àr-aidh, agus thubhairt e ris, A mhaighstir, leanuidh mise thu, ge b'e taobh a théid thu.

20 Agus thubhairt Iosa ris, Ata tuill aig na sionnaich, agus nid aig eunlaith an athair<sup>h</sup>; ach cha'n'eil aig Mac an duine ionad anns an cuir e a cheann fuidh.

21 Agus thubhairt fear eile d'a dheisciobluibh ris, A Thighearna, leig dhomhsa imeachd air tùs agus m'athair adhlacadh.

22 Ach thubhairt Iosa ris, Lean mise, agus leig leis na mairbh am mairbh fein adhlacadh.

23 Agus air dol dhasan a steach do luing, lean a dheisciobuil e.

24 Agus feuch, dh'éirich stoirm mhòr air an fhairge, ionnus gu'n d'fholaich na tuinn an long: ach bha esan 'na chodal.

25 Agus thainig a dheisciobuil d'a ionnsuidh, agus dhùisg iad e, ag radh, A Thighearna, teasairg sinn: a ta sinn caillte.

26 Agus thubhairt e riu, C'ar son a ta sibh eagalach, sibhse air bheag creidimh? An sin dh'éirich e, agus

<sup>d</sup> snagardaich.

<sup>e</sup> an teasairch.

<sup>f</sup> doibh.

<sup>z</sup> Air chor as gu'n do

choimhlionadh.

<sup>h</sup> aidheir.

<sup>a</sup> thachair. <sup>b</sup> ùghdarras.

<sup>c</sup> thuige, d'a ionnsuidh,

chruaich e na gaothan agus an fhaire; agus bha ciuine mhòr ann.

27 Ach ghabh na daoine iongant-  
tas, ag radh, Creud<sup>a</sup> e ghnè dhuine  
so, gu bheil na gaotha fein agus an  
fhaire ùmhal dha?

28 Agus air teachd dha do'n taobh  
eile, gu tir na Gergeseneach<sup>b</sup>, thach-  
air dithis do dhaoinibh air, anns an  
robh deamhain, a' teachd a mach as  
na tuamaibh, agus iad ro gharg, ion-  
nus nach feudadh duine sam bith an  
t-slighe sin a ghabhail.

29 Agus feuch, ghlaodh iad, ag  
radh, Ciod e ar gnothuchne riut, Iosa  
a Mhic Dhé? An d'thainig thu  
an so g'ar pianadh roimh an àm?

30 Agus bha treud mòr mhuc am  
fad uatha, ag ionaltadh.

31 Agus dh'iarr na deamhain a  
dh'athchuinge aisan, ag radh, Ma  
thilgeas tu mach sinn, leig dhuinn  
dol san treud mhuc nd.

32 Agus thubhairt e riu, Imichibh.  
Agus air dol a mach dhoibh, chaidh  
iad anns an treud mhuc: agus feuch,  
ruith an treud mhuc nile gu dian sìos  
air ionad corrach<sup>c</sup>, do'n chuan; a-  
gus chailleadh sna h-uisgibh iad.

33 Agus theich na buachaillean,  
agus chaidh iad do'n bhaile, agus  
dh'innis iad na nithese uile, agus na  
thachair dhoibhsan anns an robh na  
deamhain.

34 Agus feuch, chaidh am bail'  
uile a mach a choinneachadh Iosa,  
agus an uair a chunnaic iad e,  
ghuidh iad air imeachd as an crìoch-  
aibhsan.

#### CAIB. IX.

**A** GUS air dol an luing dha, chaidh  
e thar an uisge, agus thainig e  
d'a bhaile fein.

2 Agus feuch, thug iad d'a ionn-  
suidh duine air an robh am pairilis,  
'na luidhe air leabaidh: agus an uair  
a chunnaic Iosa an creidimh, thubh-  
airt e ri fear na pairilis, Biodh deadh  
mhisneach agad, a mhic, a ta do  
pheacaidh air am maitheadh dhuit.

3 Agus fench, thubhairt dream à-  
raidh do na scriobhuichibh annta  
fein, A ta am fear so a labhairt toi-  
bheim<sup>d</sup>.

4 Agus air do Iosa an smuaintean  
fhaicinn, thubhairt e, C'ar son a ta  
sibh a' smuaineachadh uile ann  
bhur cridhibh?

5 Oir cia is usadh a radh, A ta do  
pheacaidh air am maitheadh dhuit? e  
no a radh, Eirich agus imich?

6 Ach a chum gu'n bi fios agaibh  
gu bheil cumhachd aig Mac an duine

peacaidh a mhaithheadh air an talamh  
thubhairt e an sin ri fear na pairilis  
Eirich, tog do leabaidh, agus imich  
do d' thigh.

7 Agus air éirigh dhasan, chaidh  
e d'a thigh fein.

8 Ach an uair a chunnaic am pe-  
bull so, ghabh iad iongantais, agus  
thug iad glòir do Dhia, a thug a  
leithid so a chumhachd do dhaoinibh.

9 Agus ag dol do Iosa as an àite  
sin, chunnaic e duine 'na shuidhe aig  
bòrd na cìse, d'am b'ainm Mata; a-  
gus thubhairt e ris, Lean mise. A-  
gus air éirigh dhasan, lean se e.

10 Agus tharladh, air suidhe do  
Iosa aig biadh san tigh, feuch, thainig  
mòran chis-mhaor agus pheacach,  
agus shuidh iad sìos, maille ris-san  
agus r'a dheisciobluibh.

11 Agus an uair a chunnaic na  
Phairisich so, thubhairt iad r'a dheis-  
ciobluibh, C'ar son a dh'itheas bhur  
maighistirse maille ri cìs-mhaoraibh  
agus peacachaibh?

12 Ach an uair a chual Iosa so,  
thubhairt e riu, Cha'n ann aig a'  
mhuinntir a ta slàn a ta feum air an  
lèigh, ach aig a' mhuinntir a ta eu-  
slan.

13 Ach imichibh agus fòghlumaibh  
ciod is ciall da so, Tròcair is àill  
leam, agus cha'n iobairt: oir cha  
d'thainig mise a ghairm nam firean-  
ach, ach nam peacach chum aith-  
reachais.

14 An sin thainig deisciobuil Eoin  
d'a ionnsuidh, ag radh, C'ar son a ta  
sinne agus na Phairisich a' trosgadh  
gu minic, ach ni 'm bheil do dheis-  
ciobnail's a' trosgadh?

15 Agus thubhairt Iosa riu, Am  
feud clann seomair an fhir-nuadh  
phòsdae bhi brònach, am feadh a  
bhitheas am fear-nuadh-pòsda 'n am  
fochair? Ach thig na laithean anns  
an tìnbhrar am fear-nuadh-pòsda  
uatha, agus an sin ni iad trosgadh.

16 Cha chuir duine sam bith mìr  
do eudach nuadh air sean eudach:  
oir buinidh an ni a chuireadh g'a  
lìonadh suas an endach, agus nith-  
ear an reubadh ni's measa.

17 Cha mhò a chuireas daoine fion  
nuadh ann an seann searragaibh<sup>f</sup>;  
no brisear nasearragan, agus dòirtear  
am fion, agus caillear na searragan:  
ach cuiridh iad fion nuadh ann an  
searragaibh nuadha, agus bithidh iad  
arann slàn.

18 'Nuair a bha e a' labhairt nan  
nithese riu, feuch, thainig uachdaran  
àraidh, agus thug e onoir dha; ag  
radh, Fluair mo nighean bàs air

<sup>a</sup> Ciod.  
<sup>c</sup> cas.

<sup>b</sup> Gadareneach.  
<sup>d</sup> dia-mhaslachaidh.

<sup>e</sup> fhir-na-bainnse. <sup>f</sup> bhuide ibh.

ball<sup>a</sup>: ach thigsa agus cuir do lamh oirre, agus bithidh si beo.

19 Agus dh'éirich Iosa, agus lean e fein agus a dheisciobuil e.

20 (Agus feuch, thainig bean, air an robh dortadh fola rè dhà bhliadhna dheug, air a chùlaobh, agus bhean i ri iomall eudaich.

21 Oir thubhairt i innte fein, Ma bheanas mi ach ri eudach, bithidh mi slàn.

22 Ach air tionndadh do Iosa m'an cuairt, chunnaic se i, agus thubhairt e, A nighean, biodh deadh mhisneach agad; shlànuich do chreidimh thu. Agus bha a' bhean slàn o'n uair sin.)

23 Agus an uair a thainig Iosa gu tigh an uachdarain, agus a chunnaic e an luchd ciuil, agus a' chuideachd a' deanamh toirm *bhròin*.

24 Thubhairt e riu, Imichibh roimhibh, oir cha'n 'eil an nìonag b marbh, ach 'na codal. Agus rinn iad gàire fochaid ris.

25 Ach an uair a chuireadh a' chuideachd a mach, chaidh e a steach, agus rug e air laimh oirre, agus dh'éirich an nìonag.

26 Agus chaidh iomradh sin a mach air feadh na tire sin uile.

27 Agus an uair a dh'imich Iosa as sin, lean dithis dhal e, ag éigh-each, agus ag radh, A Mhic Dhaibhi, dean trocair oirne.

28 Agus ann uair a thainig e steach do'n tigh, thainig na doill d'a ionnsuidh: agus thubhairt Iosa riu, Am bheil sibh a' creidsinn gur comasach mise so a dheanamh? Thubhairt iad ris, Ata, a Thighearn.

29 An sin bhean e r'an sùilibh, ag radh, Biodh e dhuibh a réir bhur creidimh.

30 Agus dh'fhosgladh an sùilean, agus bhagair Iosa gu geur iad c, ag radh, Faicibh nach faigh neach air bith fios air so:

31 Ach an uair a dh'imich iad a mach, sgaoil iad a chliù air feadh na dùcha sin uile.

32 Agus ag dol dhoibhsan a mach, feuch, thug iad d'a ionnsuidh duine balbh anns an robh deamhan.

33 Agus an déigh do'n deamhan a bhi air a thilgeadh a mach, labhair am balbhan: agus ghabh an sluagh iongantas, ag radh, Cha'n fhacas a leithid so ann an Israel riamh.

34 Ach thubhairt na Phairisich, Trid phrionnsaidh nan deamhan a ta se a' tilgeadh a mach dheamhan.

35 Agus ghabh Iosa mu chuairt

nan uile chathraiche agus bhailte d, a' teasgag 'nan sionagogaibh, agus a' searmonachadh soisgeil na rioghachd agus a' slànuchadh gach uile euslaint agus eucail am measg a' phobuill.

36 Ach an uair a chunnaic e an sluagh, ghabh e truas diubh, air son gu'n robh iad air fannuchadh, agus air an sgapadh o chéile, mar chaoraich aig nach 'eil buachaille e.

37 An sin thubhairt e r'a dheisciobluibh, Gu deimhin is mor am foghara, ach is tearc an luchd oibre.

38 Uime sin guidhibhse air Tigh-earn an fhogharaidh, luchd oibre chur a mach chum fhogharaidh fein.

## CAIB. X.

**A**GUS air gairm a dhà dheisciobul deng d'a ionnsuidh, thug e cumhachd dhoibh an aghaidh nan spiorad neoghlan, gu'n tilgeadh a mach, agus a shlànuachadh gach gnè euslainte, agus gach gnè eucail.

2 Agus is iad so ainmean an dà Abstol deug: an cend *fhear*, Simon d'an goirear Peadar, agus Aindreas a bhràthair, Seumas mac Shebede, agus Eoin a bhràthair.

3 Philip agus Bartolomeu, Tomas, agus Mata an cis-mhaor, Seumas mac Alpheuis, agus Lebeus d'an comhainm Tadeus,

4 Simon an Canaanach, agus Iudas Iscariot, an ti fos a bhrath e-san f.

5 Chuir Iosa an dà fhear dheug so a mach, a' tabhairt àithne dhoibh, ag radh, Na gabhaibh gu slighe nan Cinneach, agus na rachaibh a steach a dh'aon bhaile a bhuineas do na Samaraich z:

6 Ach gu ma fearr leibh dol a dh'ionnsuidh chaorach chaillte tighe Israeil.

7 Agus air imeachd dhuibh, searmonuichibh, ag radh, A ta rioghachd nèimhe am fagus.

8 Leighisibh an droing a ta tinn, glanuibh na lobhair, [dùisgibh na mairbh,] tilgibh amach na deamhain: a nasgaidh fhuaire sibh, a nasgaidh thugaibh uaibh.

9 Na solairibh òr, no airgiod, no umha ann bhur sporanaibh h;

10 No màla chum bhur turuis, no dà chòta, no brògan, no bataichean (oir is fìu am fear oibre a lòn i)

11 Agus ge b'e air bith cathair no baile d'an d'theid sibh a steach, feoraichibh cia a ta 'na dheadh airidh

d bhailte mdr agus beag. e aodhaire.  
f an ti a thug esan thairis. g Samaritans. Sasg.  
h criosaibh.  
i a bhiadh.

a a nis. b cailin. c thug Iosa sparradh geur doibh.



munte; agus fanaibh an sin gus am fàg sibh an t-àite sin.

12 Agus air dol a steach do thigh dhuibh, beannuichibh dha.

13 Agus ma's fiu an tigh sin e, thigeadh bhur sìothchaint air; ach mur fiu e, pilleadh bhur sìothchaint chugaibh féin a ris.

14 Agus ge b'e neach nach gabh ribh, agus nach éisd ri'r briathraibh; air dol a mach as an tigh, no as a' bhaile sin dhuibh, crathaibh dhibh duslach bhur cos.

15 Gu deimhin a deirim ribh, gur so-ìomchair'a bhitheas staid fearainn Shodoim agus Ghomorrah an là a' bhreitheanaid, na staid a' bhaile sin.

16 Feuch, cuireamsa sibhse mach mar chaoraich am measg mhadradh allta: air an aobhar sin bithibhse glic mar na nathraiche, agus neo-chronail mar na columain.

17 Ach bithibh air bhur faicill o dhaoineibh, oir bheir iad an laimh sibh do chomhairlibh, agus sguirsaidh iad sibh 'nan sìonagogaibh.

18 Agus bheirear sibh an làthair uachdaran agus rìgh air mo sgàthsa, mar fhianuis doibhsan agus do na Cinnich<sup>a</sup>.

19 Ach un uair a bheir iad an laimh sibh, na biodh e 'na ro-chàs oirbh cionnus no ciod a labhras sibh; oir bheirear dhuibh san uair sin fein an ni a labhras sibh.

20 Oir cha sibhse a labhras, ach Spiorad bhur n-Athar fein a labhras annaibh.

21 Agus bheir am bràthair a bhràthair fein suas chum bàis, agus an t-athair am mac: agus éiridh a' chlàra an aghaidh am pàrantan, agus bheir iad fa' near gu cuirear gu bàs iad.

22 Agus bithidh fuath aig na h-uile dhaoineibh dhuibh air son m'ainmese: ach ge b'e bhuaanaicheas gus a' chrìoch, is e so a shlànuichear.

23 Agus an uair a ni iad geur-leanmhuinn oirbh sa' bhaile so, teichibh gu baile eile; oir gu deimhin a deirim ribh, Nach imich sibh air feadh bhailtean Israeil mun d'thig Mac an duine.

24 Cha 'n'eil an deisciobul os cionn a mhaighstir, no an seirbhiseach os cionn a thighearna.

25 Is leòr do'n deisciobul a bhì mar a mhaighstir, agus do'n t-seirbhiseach a bhì mar a thighearna: ma ghoir iad Beelsebub do fhear an tìghe,

<sup>a</sup> 'nan aghaidhsan agus nan Geintileach.

nach mò na sin a ghoireas iad e d'a mhuinntir?

26 Uime sin na biodh eagal oirbh rompa: oir cha 'n'eil ni sam bith fo-laichte, nach foillsichear; agus an ceilt, nach aithnichear.

27 An ni a dh'innseas mise dhuibh san dorchadas, labhruibh e san t-solus: agus an ni a chluinneas sibh sa chlnais, searmonuichibh e air mullach nan tighean.

28 Agus na biodh eagal na muinntir sin oirbh a mharbhas an corp, ach aig nach 'eil comas an t-anam a mharbhadh: ach gu ma mò bhitheas eagal an Ti sin oirbh, a's urrainn an corp agus an t-anam a mhillleadh araon an ifrinn.

29 Nach 'eil dà ghealbhoon air an reiceadh air fheoiring? agus cha tuit a h-aon dinbh air an talamh as eugmhais *freasdail* bhur n-Atharsa.

30 Ach a ta eadhon fuilteine bhur cinn uile air an àireamh.

31 Air an aobhar sin na biodh eagal oirbh, is fearr sibhse na mòran ghealbhoon.

32 Uime sin ge b'e dh'aidicheas mise am fianuis dhaoine, aidichidh mise esan mar an ceudna am fianuis m'Athar a ta air nèamh.

33 Ach ge b'e dh'àicheadhas mise am fianuis dhaoine, àicheadhaidh mise esan am fianuis m'Athar a ta air nèamh.

34 Na measuibh gu'n d'thainig mise a chur sìothchaint air an talamh: cha 'n'aim a chur sìothchaint a thainig mi, ach a chur claidheimh.

35 Oir thainig mi a chur duine an aghaidh 'athar, agus na h-inghin an aghaidh a màthar, agus bean 'a mhic an aghaidh a màthar-chéile.

36 Agus is iad muinntir a theaghlach fein a bhitheas 'nan naimhdebh do dhuine.

37 An ti a ghràdhuicheas athair no màthair ni's mò na mise, cha'n airidh orm e b: agus an ti a ghràdhuicheas mac no nighean os mo chionnsa, cha'n airidh orm e:

38 Agus an ti nach glac a chrann-cusaidh, agus nach lean mise, cha'n fhu e mise.

39 An ti a gheibh anam, caillidh se e: ach an ti a chailleas 'anam air mo shonsa, gheibh se e.

40 An ti a ghabhas ribhse, gabhaidh e riumsa; agus an ti a ghabhas riumsa, gabhaidh e ris an ti a chuir uaith mi.

41 An ti a ghabhas ri fàidh an ainm fàidh, gheibh e duais fàidh;

b cha'n fhu e mise.

agus an ti a ghabhas ri firean an ainm firein, gheibh e duais firein.

42 Agus ge b'e bheir cupan a dh'uisge fuar a mhàin r'a òl dh'aon neach do na daoineibh beaga so, an ainm deisciobuil, gu deimhin a deirim ribh, nach cail e air chor sam bith a dhuais.

CAIB. XI.

**A**GUS tharladh, an uair a chrìoch- nuich Iosa àitheantan a thabh- airt d'a dhà dheisciobul deug, gu'n d'imich e as sin a theagasg agus a shearmonuchadh nam bailtibh.

2 A nis an uair a chual Eoin sa' phriosun gnìomhara Chrìosd, chuir e dithis d'a dheisciobluibh d'a ionn- suidh,

3 Agus thubhairt e ris, An tusa an ti ud a bha ri teachd, no am bi sùil aguinn ri neach eile?

4 Fhreagair Iosa agus thubhairt e riu, Imichibh agus innisibh do Eoin na nithean a ta sibh a' cluinntinn agus a' faicinn:

5 A ta na doill a faghail a an radhaire, agus na bacaich ag imeachd, a ta na lobhair air an glanadh, agus na' bochair a' cluinntinn, a ta na maibh air an dùsgadh, agus an soisgeul air a shearmonachadh do na bochdaibh.

6 Agus is beannuichte an ti nach faigh oilbheum annamsa.

7 Agus air imeachd dhoibhsan air falbh, thòisich Iosa air labhairtis an t-sluagh mu thimchioll Eoin, *ag radh*, Ciod e an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

8 Ach ciod e an ni a chaidh sibh a mach a dh'fhaicinn? *an e* duine air a sgeaduchadh ann an eudach min? feuch, a' mhuinntir a chaitheas eudach min, is ann an tighibh nan rìgh a ta iad.

9 Ach ciod e an ni a chaidh sibh a mach a dh'fhaicinn? *An e* fàidh? seadh, a deirim ribh, agus ni's mò na fàidh.

10 Oir is e so an ti mu'm bheil e sgrìobhta, Feuch, cuireamsa mo theachdaire roimh do ghnùis, a dh'nulluicheas do shlighe romhad.

11 Gu deimhin a deirim ribh, nam measgsan a rugadh le mnaibh, nach d'éirich neach a's mò na Eoin Baiste: gidhe'dh, an ti sin a's lugha an rioghachd nèimhe, is mò e na esan.

12 Agus o laithibh Eoin Baiste agus a nis, a ta rioghachd nèimhe a' fulang ainneart, agus luchd na hainneart 'ga glacadh le lamhachas- làidir.

13 Oir rinn na fàidhean uile, agus an lagh fàidheadaireachd gu àm Eoin.

14 Agus ma's toil leibh a ghabhail, is e so Elias a bha ri teachd.

15 Ge b'e aig am bheil cluasan chum éisdeachd, éisdeadh e.

16 Ach cia ris a shamhlucheas mise an ginealach so? Is cosmhuil e ri cloinn a shuidheas anns a' mharg- adh, agus ag éigheach r'an com- panachaibh,

17 Agus ag radh, Rinn sinne pìob- aireachd dhuibhse, ach cha d'rinn sibhse dannsa: rinn sinne tuirleadh dhuibhse, ach cha d'rinn sibhse gul.

18 Oir thainig Eoin ni h-ann ag itheadh no 'g òl, agus tha iad ag radh, A ta deamhan agè.

19 Thainig Mac an duine ag ith- eadh agus ag òl, agus tha iad ag radh, Feuch, duine geòcach agus pòiteir siona, caraid chis-mhaor agus pheac- ach: ach a ta gliocas air a firean- achadh leis a cloinn.

20 An sin thòisich e air achmhasan a thabhairt do na bailtibh anns am mò a rinneadh d'a oibribh cumhach- dacha, air sòn nach d'rinn iad aith- reachas.

21 Is anaoibhinn duit, a Chorasim; is anaoibhinn duit, a Bhetsaida: oir nam biodh na h-oibre cumhachdacha a rinneadh annuibhse, air an dean- amh ann an Tirus agus ann an Si- don, is fada o'n a dheanadh iad aith- reachas ann an saic-eudach agus an luaith.

22 Ach a deirim ribh, Gu'm b' staid Thirus agus Shìdoim ni's so- iomchair' ann an là a bhreitheanaïs, na bhithreas bhur staidse.

23 Agus thusa, a Chapernaum, a ta air do thogail suas gu nèamh, til- gear sìos gu h-frinn thu: oir nam biodh na h-oibre cumhachdacha a rinneadh annadsa, air an deanamh ann an Sodom; dh'fhanadh e gun a sgrìos gus an diugh.

24 Ach a deirim ribh, gur so-iom- chair' a bhithreas e do fhearam Shò- doim ann an là a bhreitheanaïs, na dhuitse.

25 Anns an àm sin fhreagair Iosa agus thubhairt e, Bheiream buidh- eachas dhuit, o Athair, a Thighearna nèimhe agus na talmhainn, air sòn gu d'fholuich thu na nithe so o dhaoin- ibh eagnuidh agus tuisgeach, agus gu d'fhoillsich thu iad do leanabaibh.

26 A seadh, Athair, do bhrìgh gu'm b'ann mar sin a bha do dheadh thoilsa.

27 A ta na h-uile nithe air an

tabhairt thairis dhomhsa o m' Athair: agus cha 'n aithne do neach air bith am Mac, ach do'n Athair: ni mò is aithne do neach air bith an t-Athair, ach do'n Mhac, agus do gach aon d'an àille leis a' Mhac fhoillseachadh.

28 Thigibh a m'ionnsuidhse, sibhse nìle a ta ri saothair, agus fuidh throm uallaich, agus bheir mise suaimhneas a dhuibh.

29 Gabhuibh mo chuing oirbh, agus foghlumaibh uam, oir a ta mise macant' agus iriosal b an cridhe: agus gheibh sibh fois d'ar n ana-maibh.

30 Oir a ta mo chuingse so-iom-chair, agus a ta m'uallach eutrom.

## CAIB. XII.

**C**HAIDH Iosa san àm sin air là na sàbaid troimh na h-achaibh arbhair, agus bha ocras air a dheisciobuil, agus thòisich iad air diasan arbhair a bhuaibh, agus itheadh.

2 Ach an uair a chunnaic na Phairisich so, thubhairt iad ris, Feuch, a ta do dheisciobuil a' deanamh an ni nach còir a dheanamh air là na sàbaid.

3 Agus thubhairt esan riu, Nach do leugh sibh ciod a rinn Daibhi an uair a bha ocras air fein, agus air a mhuinntir a bha maille ris?

4 Cionnus a chaidh e steach do thigh Dhé, agus a dh'ith e aran na fianuis d, nach robh ceaduichte dha fein itheadh, no dhoibhsan a bha maille ris, ach do na sagartaibh a mhàin?

5 No nach do leugh sibh san lagh, gu bheil na sagairt anns an teampull air laithibh na sàbaid a' briseadh na sàbaid, agus iad neo-chiontach?

6 Ach a deirimse ribh, gu bheil san ionad so neach a's mò na'n teampull.

7 Agus nam biodh fhios agaibh ciod is ciall da so, Tròcair is àill leam agus cha 'n lobairt, cha dìteadh sibh an dream a ta neo-chiontach.

8 Oir is e Mac an duine Tighearna na sàbaide.

9 Agus air dha imeachd as sin, chaidh e steach d'an sionagog.

10 Agus feuch, bha duine ann, aig an robh làmh sheargta: agus dh'fheòruich iad dheth, ag radh, Am bheil e ceaduichte leigheas a dheanamh air laithibh na sàbaid? chum gu'm biodh cùis dhùidh aca dha.

11 Agus thubhairt esan riu, Cia agaibhs' an duine, aig am bi aon chaora, agus ma thuiteas i ann an

slochd air là na sàbaid, nach beir e oirre, agus nach tog e nios i?

12 Nach mòr ma ta is fearr duine na caora? Uime sin a ta e ceaduichte maith a dheanamh air laithibh na sàbaid.

13 An sin thubhairt e ris an duine, Sin a mach do lamh: agus shìn e mach i; agus bha i air a h-aiseag slàn, mar an lamh eile.

14 Ach chaidh na Phairisich a mach, agus chum iad comhairle 'na aghaidh, cionnus a dh'fheudadh iad a mhillleadh.

15 Ach an uair a thuig Iosa so, dh'imich e as sin: agus lean slòigh mhòr e, agus leighis e iad uile.

16 Agus thug e sparradh dhoibh chum nach deanadh iad follus e:

17 A chum gu coimhliontadh an ni a labhradh le Esaías am fàidh, ag radh,

18 Feuch, mo sheirbhiseach fein a thagh mi, m'aon gràdhach anns am bheil tlachd aig m'anam: cuiridh mi mo Spiorad fein air, agus nochdaidh e breitheanas do na Cinneachaibh.

19 Cha dean e stri, agus cha ghlaodh e, ni mò a chluinneas neach air bith a ghuth air na sràidibh.

20 Cha bhris e a' chuile bhrùite, agus cha mhùch e an lìon as am bi deatach, gus an tabhair e mach breitheanas chum buaidh.

21 Agus is ann a ainmsan a bh' theas muinighin aig na Cinneachaibh.

22 An sin thugadh d'a ionnsuidh duine anns an robh deamhan, dall agus balbh: agus shlànuich se e, ionnus gu'n do labhair am balbhan agus gu'n robh an dall a' faicinn.

23 Agus ghabh am pobull uile iongantais, agus thubhairt iad, An e so Mac Dhaibhi?

24 Ach an uair a chuala na Phairisich so, thubhairt iad, Cha'n eil am fear so a' tilgeadh a mach dheamhan, ach trid Bheelsebub prionnsadh nan deamhan.

25 Agus thuig Iosa an smuaintean, agus thubhairt e riu, Gach rioghachd a ta roinnte 'na h-aghaidh fein, nith-ear 'na fàsach i: agus gach uile bhaile no tigh a ta roinnte 'na aghaidh fein, cha seas e.

26 Agus ma thilgeas Satan a mach Satan, a ta e roinnte 'na aghaidh fein; air an aobhar sin cionnus a sheasas a rioghachd?

27 Agus ma taimse trid Bheelsebub a' tilgeadh a mach dheamhan, trid cò am bheil bhar clannsa 'gan tilgeadh a mach? Uime sin, bithidh iad 'nam breitheanaibh oirbh:

a fois. b ùmhal. c tre, trid.  
d an t-aran taisbeanta.

e Nach e.

28 Ach ma's ann le Spiorad Dhé a ta mise a'tilgeadh a mach dleamhan, thainig rioghachd Dhé chugaibhse<sup>a</sup>.

29 No cionnus is urrainn neach dol do thigh duine làidir, agus arneis a thigh a chreachadh, mur ceangail e air tùs an duine làidir? agus an sin creachaidh e a thigh.

30 An ti nach 'eil leam, a ta se a'm' aghaidh: agus an tinach cruinnich leam, sgapuidh e.

31 Air an aobhar sin a deirim ribh, Gu maithear gach peacadh agus gach toibheum do dhaoineibh: gidbeadh cha mbaithear toibheum an aghaidh an Spioraid Naoimh do dhaoineibh.

32 Agus ge b'e neach a labhras focal an aghaidh Mhic an duine, maithear dha e: ach ge b'e neach a labhras an aghaidh an Spioraid Naoimh, cha mbaithear dha e, anns an t-saoghal so, no anns an t-saoghal a ta ri teachd.

33 An dara cuid deanuibh a' chraobh maith, agus a toradh maith; no deanuibh a' chraobh truailidh, agus a toradh truailidh: oir is ann air a toradh a dh'aithnichear a' chraobh.

34 A shliochd nan nathraiche nimhe, cionnus a dh'fheudas sibh nithe maith a labhairt, o ata sibh fein olc? oir is ann a pailteas a' chridhe a labhras am beul.

35 Bheir duine maith a mach nithe maith as a dheadh ionmhas<sup>b</sup>: agus bheir an droch dhuine mach droch nithe as a dhroch ionmhas.

36 Ach a deirim ribh, Gu'n tabhair daoine cunntas ann an là a' bhreitheanas air son gach focail dhìomhain a labhras iad.

37 Oir is ann as t'fhoclaibh a shaorathu, agus is ann as t'fhoclaibh a dhìtear thu.

38 An sin fhreagair dream àraidh do na scriobhuichean agus do na Phairisich, ag radh, A mhaighstir, bu mhiann leinn comhara fhaicinn uait.

39 Ach fhreagair esan agus thubhairt e riu, A ta ginealach olc agus adhaltrannach ag iarraidh comharaidh, agus cha tiubhrar comhara dhoibh, ach comhar' an fhàidh Ionais.

40 Oir mar a bha Ionas am broinn na muice-mara tri laithean agus tri oidhchean; is ann mar sin a bhitheas Mac an duine ann an cridhe na talmhainn tri laithean agus tri oidhchean.

41 Eiridh muinntir Ninebhe sa'

bhreitheanas maille ris a' ghinealach so, agus dèidh iad e; oir rinn iad aithreachas aig searmoin Ionais, agus feuch, a ta ni's mò na Ionas an so.

42 Eiridh ban-righinn na h-àirde deas sa' bhreitheanas maille ris a' ghinealach so, agus dèidh si e: oir thainig i o na h-aitibh a's iomallaich do'n talamh a dh'éisdeachd gliocais Sholaimh, agus feuch, a ta ni's mò na Solamh an so.

43 An dèigh do'n spiorad neo-ghlan dol a mach a duine, imichidh se troimh ionadaibh tiorma, ag iaruidh fois, agus cha 'n fhaigh e.

44 An sin their e, Pillidh mi do m' thigh as an d'thainig mi; agus air teachd dha, gheibh e falamh, sguabta, agus deadh-mhaiseach e.

45 Imichidh e an sin, agus bheir e leis seachd spioraid eile a's measana e fein, agus theid iad a steach agus gabhuidh iad còmhnuidh an sin: agus bithidh staid dheireannach an duine sin ni's measa na a tboiseach. Is ann eadhon mar sin a thachaireas do'n ghinealach aingidh so.

46 Agus air dha bhi fathast a labhairt ris a' phobull, feuch, sheas a mhàthair agus a bhràithrean a muigh, ag iarraidh labhairt ris.

47 An sin thubhairt neach eigin ris, Feuch, a ta do mhàthair, agus do bhràithrean 'nan seasamh a muigh, ag iarraidh labhairt riut.

48 Ach fhreagair esan agus thubhairt e ris an ti a dh'innis so dha, Cò i mo mhàthair? agus cò iad mo bhràithrean?

49 Agus air sineadh a laimhe chum a dheisciobul, thubhairt e, Feuch mo mhàthair, agus mo bhràithrean.

50 Oir ge b'e neach a ni toil m'Athars' a ta air nèamh, is e sin fein mo bhràthair, agus mo phiuthar, agus mo mhàthair.

#### CAIB. XIII.

AIR an là sin fein chaidh Iosa mach as an tigh, agus shuidh e ri taobh na fairge.

2 Agus chruinnich sluagh mòr d'a ionnsuidh, air chor as air dol a steach do luing dha, gu'n do shuidh e, agus sheas an sluagh uile air an tràigh.

3 Agus labhair e mòran do nithibh riu ann an cosamblachdaibh<sup>c</sup>, ag radh, Feuch, chaidh sloladair a mach a chur sìl.

4 Agus ag cur an t-sìl da, thuit cuid dheth ri taobh an ròid, agus thainig na h-eunlaith agus dh'ith, iad e.

<sup>a</sup> thugaibhse. <sup>b</sup> a deadh ionmhas. <sup>c</sup> parablaibh, comhadaibh.



5 Thuit cuid air ionadaibh creagach, far nach robh mòran talmhainn aige: agus air ball dh'fhàs e suas, do bhrìgh nach robh doimhneachd talmhainn aige.

6 Ach air éirigh do'n ghréin dhothadh e, agus do bhrìgh nach robh freumh aige, shearg e as.

7 Agus thuit cuid am measg droighinn: agus dh'fhàs an droighinn suas, agus mhùch se e.

8 Ach thuit cuid eile am fearann maith, agus thug e toradh a mach, cuid a cheud uiread, cuid a thri fichead, cuid a dheich thar fhichead uiread 's a chuireadh.

9 Ge b'e neach aig am bheil cluasa chum éisdeachd, éisdeadh e.

10 Agus thainig na deisciobuil, agus thubhairt iad ris, C'ar son a ta thu a' labhairt riu ann an cosamhlachdaibh?

11 Fhreagair esan agus thubhairt e riu, Do bhrìgh gu'n d'fhugadh dhuibhse eòlas a bhi agaibh air rùn dlomhair rioghachd nèimhe, ach dhoibhsan ni 'm bheil so air a thabhairt.

12 Oir ge b'e neach aig am bheil, dhasan bheirear, agus bithidh aige an tuilleadh pailteis: ach ge b'e neach aig nach 'eil, uaithsan bheirear eadhon an ni a ta aige.

13 Uime sin ataims' a' labhairt riu ann an cosamhlachdaibh, do bhrìgh air dhoibh faicinn nach faic iad, agus a' cluinntinn nach cluinn iad, agus nach tuig iad.

14 Agus anntasan a ta fàidheadoireachd Esaias air a coimhlionadh, a ta 'g radh, Le h-éisdeachd cluinidh sibh, agus cha tuig sibh; agus le h-amharc chi sibh, agus cha 'n aithnich sibh.

15 Oir a ta cridhe a' phobuill so air fàs reamhar, agus an cluasan mall chum éisdeachd, agus dhruid iad an sùilean; air eagal uair air bith gu'm faiceadh iad le'n sùilibh, agus gu'n cluinneadh iad le'n cluasaibh, agus gu'n tuigeadh iad le 'n cridhe, agus gu'm biodh iad air an iompachadh, agus gu'n slànuichinn' iad.

16 Ach is beannuichte bhur sùilese, oir a ta iad a' faicinn; agus bhur cluasa, oir a ta iad a' cluinntinn.

17 Oir a deirim ribh gu fìrinneach, Gu'm b'iomadh fàidh, agus firean leis am bu mhiann na nithese fhaicinn a ta sibhse a' faicinn, agus nach facsiad iad: agus na nithese chluinntinn a ta sibhse a' cluinntinn, agus nach cual iad.

18 Eisidibh air an aobhar sin ri cosamhlachd an t-sìoladair.

19 An uair a chluinneas neach air

bith focal na rioghachda, agus nach toir e fa'near e<sup>a</sup>, thig an droch spiorad, agus bheir e air falbh an ni a chuireadh 'na chridhe: is e so esan anns an do chuireadh an sìol ri taobh an ròid.

20 Ach esan a fhuair sìol ann an àitibh creagach<sup>b</sup>, is e so an ti a chluinneas am focal, agus a ghabhas e air ball le gairdeachas;

21 Gidheadh cha 'n'eil freumh aige ann fein, ach fanuidh se rè tamuill: agus an uair a thig trioblaid no geurleanmhuinn air son an fhocail, air ball gheibh e oibheum.

22 Eisan mar an ceudna a ghabh sìol am measg an droighinn, is e so an ti a ta cluintinn an fhocail: agus a ta ro-chùram an t-saoghailse, agus mealltaireachd beartais a' mùchadh an fhocail, agus bithidh e gun toradh.

23 Ach an ti ud a ghabh sìol ann an deadh fhearann, is e sin an neach a ta cluinntinn an fhocail, agus 'ga thoirt fa'near, neach mar an ceudna ta giùlan toraidh, agus a ta tabhairt a mach cuid a cheud uiread, cuid a thri fichead, agus cuid eile a dheich thar fhichead uiread 's a chuireadh.

24 Chuir e cosamhlachd eile mach dhoibh, ag radh, Is cosmbuil rioghachd nèimhe ri duine a chuir sìol maith 'na fhearann:

25 Agus an uair a bha daoine 'nan codal, thainig a nàmhaid agus chuir e cogal am measg a' chruineachd, agus dh'imich e roimhe.

26 Ach an uair a thainig an t-arbhar fuidh dhéis, agus a thug e mach a thoradh, dh'fhoillsich an cogal e fein mar an ceudna.

27 Agus air teachd do sheirbhisich fhir-an-tighe thubhairt iad ris, A Thighearna, nach do chuir thusa sìol maith ann a t'fhearann? c'àite ma seadh as an d'fhuair e an cogal?

28 Thubhairt esan riu, Rinn nàmhaid éigin so. Agus thubhairt na seirbhisich ris, Ann àill leat uime sin gu'n teid sinne agus gu'n cruinnich sinn r'a chéile iad?

29 Ach thubhairt esan, Cha'n àill; air eagal ag cruinneachadh a' chogail duibh, gu sìol sibh an cruinneachd maille ris.

30 Leigibh leo fàs araon gus an d'thig an foghara: agus an àm an f hogharaidh their mise ris an luchd-buanaidh, Cruinnichibh air tùs an cogal, agus ceangluibh e 'na cheanglachanaibh<sup>c</sup> chum a losgaidh: ach cruinnichibh an cruineachd do m' shabhal.

<sup>a</sup> nach tuig se e. <sup>b</sup> clochach. <sup>c</sup> thrusaichibh.

31 Chuire mach cosamhlachd eile dhoibh, ag radh, A ta rioghachd nheimhe cosmhuil ri gràinne do shìol mustaird, a ghabh neach agus a chuir e 'na fhearann.

32 Ni gun amharus a's lugha do gach uile phòra: gidheadh air fàs da, 'se a's mò do na luibheanaibh, agus fàsuidh e 'na chrann: ionnus gu'n d'thig eunlaith an athair, agus gu'n dean iad nìd 'na gheugaibh.

33 Cosamhlachd eile labhair e riu: Is cosmhuil rioghachd nheimhe ri taois ghoirt<sup>b</sup>, a ghabh bean agus a dh'fholaich i an tri tomhasaibh mine, gus an do ghoirticheadh an t-iomlan.

34 Na nithe sin uile labhair Iosa ris a' phobull an cosamhlachdaibh, agus gun chosamhlachd cha do labhair e riu:

35 A chum gu coimhliontadh an nì a' thubhradh leis an fhàidh, ag radh, Fosglaidh mi mo bheul an cosamhlachdaibh, cuiridh mi 'n céill nithe a bha folaichte o thoiseach an t-saoghailc.

36 An sin chuir Iosa am pobull air falbh, agus chaidh e steach do'n tigh: agus thainig a dheisciobuil d'a ionnsuidh, ag radh, Mìnich dhuinne cosamhlachd cogail an fhearainn.

37 Agus fhreagair esan agus thubhairt e riu, An ti a chuireas an sìol maith is e Mac an duine e:

38 'S e 'm fearann an domhan: agus is e an sìol maith clann na rioghachd: ach 's e an cogal clann an droch spioraid:

39 'S e an nàmhaid a chuir iad an diabhol: 's e am foghara deireadh an t-saoghail: agus is iad na buanaichean na h-aingil.

40 Agus amhuil mar a chruinnichear an cogal, agus a loisgear le teine e, is ann mar sin a bhitheas ann an deireadh an t-saoghail so.

41 Cuiridh Mac an duine aingil uaith, agus tionailidh iad as a rioghachd na h-uile nithe a bheir oilbheum, agus iadsan a ta dcanamh aingidh-eachd;

42 Agus tilgidh siad iad anns an àmhuinn air dearg-lasadh: an sin bithidh gul agus giosgan fhiacal.

43 An sin dealruichidh na fireana mar a' ghrian, ann an rioghachd an Athar fein. Ge b'e aig am bheil cluasa chum éisdeachd éisdeadh e.

44 A ris, a ta rioghachd nheimhe cosmhuil ri ionmhas air fhòlach am fearann: nì an déigh fhaotainn, a dh'fholaich duine, agus air sgàth a ghairdeachais air a shon, dh'imich e

agus reic e na bha aige uile, agus cheannuich e am fearann sinn.

45 A ris, is cosmhuil rioghachd nheimhe riceannuiche àraidh ag iarraidh neamhnuide mais each:

46 Agus air amas<sup>d</sup> da air aon neamhnuidro luachmhoir, dh'imiche agus reic e na bha aige, agus cheannuich e i.

47 A ris, a ta rioghachd nheimhe cosmhuil ri lion air a thilgeadh san fhaige, agus a chruinnich do gach uile sheòrta éisg:

48 Agus air dha bhi làn, tharruing na h-iasgyairean e chum na tràighe, agus air suidhe dhoibh, chruinnich iad na h-éisg mhaith e ann an soithichibh, ach thig iad na droch éisg amach.

49 Is ann mar sin a bhitheas ann an deireadh an t-saoghail: theid na h-aingil a mach, agus dealuichidh iad na droch dhaoine a measg nam fireanach;

50 Agus tilgidh siad iad san àmhuinn theintich: an sin bithidh gul agus giosgan fhiacal.

51 Thubhairt Iosa riu, An do thuig sibh na nithe so uile? thubhairt iad ris, Thuig, a Thighearna.

52 Agus thubhairt esan riu, Air an aobhar sin gach uile scriobhuiche a ta foghlumta chum rioghachd nheimhe, is cosmhuil e ri fear-tighe, a bheir a mach as ionmhas nithe nuadh agus sean.

53 Agus thachair an uair a chrìochnich Iosa na cosamhlachda so, gu'n d'imich e as sin.

54 Agus an uair a thainig e d'a dhùthaich fein, theagaisg e iad 'nan sionagag, ionnus gu'n do ghabh iad iongantais, agus gu'n dubhairt iad, C'ait an d'fhuair am fear so an gliocas so, agus na feartan ud?

55 Nach e so mac an t-saoir? nach e ainm a mhàthar Muire? nach iad a bhràithre, Seumas, agus Ioses, agus Simon, agus Iudas?

56 Agus a pheathraiche, nach 'eil iad uile maille ruin? c'ait uime sin an d'fhuair an duine so na nithe ud uile?

57 Agus fhuair iad oilbheum ann. Ach thubhairt Iosa riu, Cha'n 'eil fàidh gun urram, ach 'na dhùthaich fein, agus 'na thigh fein.

58 Agus cha d'rinn e mòran do oibribh cumhachdach an sin, air son am mi-chreidimh.

#### CAIB. XIV.

**F**A'N àm sin chual Herod an Tetrach cliu Iosa,

2 Agus thubhairt e r'a sheirbhìsich, Is e so Eoin Baiste, dh'éirich

e o na marbhuibh, is uime sin a ta feartan air an oibreachadh leis.

3 Oir air glacadh Eoin do Herod, cheangail se e, agus thilg e am prìosun e air son Herodiais, mnà Philip a bhràthar fein.

4 Oir thubhairt Eoin ris, Cha 'n' 'eil e dligeach dhuit a bi agad.

5 Agus an uair bu mhian leis a chur gu bàs, bha eagal a phobuill air, oir bha meas fàidh aca air.

6 Ach an uair a bha comhainm la-breithe Heroid air a chumail, rinn nighean Herodiais dannsa 'nan làth-air, agus thaitinn i ri Herod:

7 Ionnsu gu'n do gheall e le mion-naibh, gu tiubhradh e dh'i ge b'e air bith ni a dh'iarraidh i.

8 Agus air dh'ise bhi air a teagasg leis a màthair roimh laimh, thubhairt i, Tabhair dhomh an so ceann Eoin Baiste air mèis.

9 Agus bha 'n rìgh doilich: ach air son a mhionnan, agus na muinntir a bha 'nan suidhe aig biadh maille ris, dh'àithn e a thabhairt d'i.

10 Agus air cur *fir-marbhaidh* uaith, bhuin e a cheann a dh'Eoin anns a phrìosun.

11 Agus thogadh a cheann air mèis, agus thugadh do'n chailin e: agus thug ise d'a màthair e.

12 Agus thainig a dheisciobuil, agus thug iad an corp leo, agus dh'adhlac iad e, agus thainig iad agus dh'innis iad *sin* do Iosa.

13 An uair a chual Iosa so, chaidh e as sin air luing gu ionad fàisail air leth: agus an uair a chual am pobull *sin*, lean iad d'an cois e as na bailtibh.

14 Agus air dol a mach do Iosa, chunnaic e coimhthional mòr, agus ghabh e truas mòr dhiubh, agus shlànuich e an droing aca bha euslan.

15 Agus an uair a b'fheasgar e, thainig a dheisciobuil d'a ionnsuidh, ag radh, Is àite fàisail so, agus a ta an t-àm a nis air dol seachad; cuir an sluagh air falbh, chum as gu'n teid iad do na bailtibh, agus gu'n ceannuich iad biadh dhoibh fein.

16 Ach thubhairt Iosa riu, Cha ruig iad a leas falbh; thugaibhse dhoibh r'a itheadh.

17 Agus thubhairt iad ris, Cha 'n'eil againn an so ach cùig arain a, agus dà iasg.

18 Thubhairt esan *riu*, Thugaibh an so iad do m' ionnsuidh.

19 Agus dh'àithn e do'n t-sluagh suidhe sìos air an fheur, agus ghlac e na cùig arain, agus an dà iasg, agus air amharc dha suas gu nèamh, bheannuich agus bhris e, agus thug

e na h-arain d'a dheisciobluibh, agus thug na deisciobuil do'n t-sluagh iad.

20 Agus dh'ith iad uile, agus shàs-uicheadh iad: agus thog iad làn dà chliabh dheug do'n bhiadh bhriste, a bha dh'fhuigheach *aca*.

21 Agus bha iadsan a dh'ith mu thimchioll cùig mìle fear, thuilleadh air mnaibh agus air cloinn.

22 Agus air ball choimhéignich Iosa a dheisciobuil gu dol an luing, agus dol roimhe do'n taobh eile, gus an cuireadh esan an sluagh air falbh.

23 Agus an uair a leig e an sluagh uaith, chaidh e suas air beinn 'na aonar a dheanamh ùrnuigh: agus an uair a bha am feasgar air teachd, bha e an sin 'na aonar.

24 Ach bha an long fa 'n àm sin am meadhon na fairge, air a tilgeadh a null agus a nall leis na tonnaibh: oir bha' a ghaoth 'nan aghaidh.

25 Agus anns a cheathramh faire do'n oidhche, chaidh Iosa d'an ionnsuidh, ag imeachd air an fhairge.

26 Agus an uair a chunnaic na deisciobuil e 'g imeachd air an fhairge, bha iad fa bhuaireas, ag radh, Is spiorad a ta ann: agus ghlaodh b' iad a mach le h-eagal.

27 Ach labhair Iosa riu air ball, ag radh, Biodh misneach mhaith agaibh, is mise a ta ann, na biodh eagal oirbh.

28 Agus fhreagair Peadar e agus thubhairt e, A Thighearna, ma's tu a ta ann, iarr ormsa teachd a d'ionnsuidh air na h-uisgeachaibh.

29 Agus thubhairt esan, Thig. Agus an uair a bha Peadar air teachd a nuas as an luing, dh'imich e air na h-uisgeachaibh, chum teachd gu h-Iosa.

30 Ach an uair a chunnaic e a' ghaoth làidir, ghabh e eagal: agus an uair a thòisich e air dol fuidh, ghlaodh e, ag radh, A Thighearna, fòir orm.

31 Agus air ball shìn Iosa mach a làmh, agus rug e air, agus thubhairt e ris, O thusa air bheag creidimh, c'ar son a bha thu fuidh amharus?

32 Agus an uair a chaidh iad a steach do'n luing, choisg a' ghaoth.

33 An sin thainig iadsan a bha san luing, agus rinn iad aoradh dha, ag radh, Gu fìrinneach is tu Mac Dhé.

34 Agus an uair a chaidh iad do'n taobh eile, thainig iad gu talamh Ghenesaret.

35 Agus an uair a fhuair luchd an àite sin fiosrachadh uime, chuir iad fios air feadh na tìre sin uile air

gach taobh dhiubh, agus thug iad d'a ionnsuidh an droing sin uile a bha euslan.

36 Agus ghuidh iad air, gu feudadh iad beantuinn ri h-ìomall 'eu-daich amhàin: agus a mbèud dhiubh 's a bhean, shlànuicheadh gu h-ìomlan iad.

## CAIB. XV.

**A**N sin thainig scrìobhuichean agus Phairisich o Hierusalem gu h-Iosa, ag radh,

2 C'ar son a ta do dheisciobuil a dol an aghaidh gnàthuchaidh nan sinnsear? oir cha'n ionnlaid iad an lamhan an uair a dh'itheas iad aran.

3 Ach fhreagair esan agus thubhairt e riu, C'ar son a ta sibhse a' briseadh àithne Dhé le bhur gnàthuchadh fein?

4 Oir thug Dia àithne, ag radh, Tabhair onoir do t'athair agus do d'mhàthair: agus ge b'e mhalluicheas a' athair no mhàthair, cuirear gu bàs e.

5 Ach their sibhse, Ge b'e neach a their r'a athair no r'a mhàthair, Biodh e 'na thiodhlacadh do'n teampull gach ni leis am feudadh tu buannachd fhaotainn uamsa,

6 Nach feum e 'athair no mhàthair onoruchadh. Mar sin chuir sibhse an neo-brìgh àithne Dhé le bhur gnàthuchadh fein.

7 A chealgairean, is maith a rinn Esaias<sup>b</sup> fàidheadaireachd mu'r timchioll, ag radh,

8 A ta am pobull so a' dlùthachadh riumsa le'm beul, agus à' tabhairt onoir dhomh le'm bìlibh: ach a ta an cridhe fada uam.

9 Ach is ann an dìomhanas a ta iad a' deanamh aoraidh dhomhsa, a' teagasg àitheanta dhaoine mar theagsg.

10 Agus air gairm an t-slàigh dha, thubhairt e riu, Eisdibh agus tuigibh.

11 Cha'n e an ni a theid a steach sa' bheul a shaluicheas an duine: ach an ni a thig a mach as a' bheul, is e so a shaluicheas an duine.

12 An sin thainig a dheisciobuil, agus thubhairt iad ris, Am bheil fhios agad gu'n do ghabh na Phairisich oilbheum, an dèigh dhoibh na briathran ud a chluinntinn?

13 Ach fhreagair esan agus thubhairt e, Gach uile luibh nach do shuidhich m'Àthair nèamhaidh se, spionar a bhun e.

14 Leigibh leo: is cinn-ìuil dhall nan dall iad. Agus ma thredruicheas dall dall eile, tuitidh iad araon anns a chlais.

15 Agus fhreagair Peadar agus

thubhairt e ris, Minich dhuinn an cosamhlachd sin.

16 Agus thubhairt Iosa, Am bheil sibhse fathast mar an ceudna gun tuigse?

17 Nach 'eil sibh a' tuigsinn fathast, ge b'e ni a theid a steach sa' bheul, gu'n d'theid e sa' bhroinn, agus gu'n tilgeara mach do'n t-slochd shalchair e?

18 Ach na nithe sin a thig a mach as a' bheul, a ta iad a' teachd o'n chridhe, agus is iad sin a shaluicheas an duine.

19 Oir is ann as a' chridhe thig droch smuainte, mortadh, adhaltrannas, strìopachas, gaduigheachd, fianuis bhréige, toibheum.

20 Is iad so na nithe a shaluicheas an duine: ach itheadh le lamhaibh gun ionnlad, cha saluich sin an duine.

21 Agus air dol do Iosa as sin, chaidh e gu crìochuibh Thiruis agus Shidoin.

22 Agus feuch, thainig bean do mhuinntir Chanaain o na crìochuibh sin, agus ghlaodh i ris, ag radh, Dean tròcair orm, a Thighearn, a Mhic Dhaibhi; a ta mo nighean air a buaireadh gu truagh le deamhan.

23 Ach cha d'thug esan freagradh sam bith dh'i. Agus thainig a dheisciobuil d'a ionnsuidh, agus dh'iarr iad air, ag radh, Cuir air falbh i, oir tha i glaothaich 'nar dèigh.

24 Ach fhreagair esan agus thubhairt e, Cha do chuireadh mise, ach a chum chaorach chailte thighe Israeil.

25 An sin thainig ise agus rinn i aoradh dha, ag radh, A Thighearna, cuidich leam.

26 Ach fhreagair esan agus thubhairt e, Cha chòir aran ne cloinne a ghlacadh, agus a thilgeadh chum nan con.

27 Agus thubhairt ise, Is fìor, a Thighearna: ach ithidh na coin do'n sbruileach a thuiteas o bhord am maighstirean.

28 An sin fhreagair Iosa agus thubhairt e rithe, O bhean, is mòr do chreidimh: biodh dhuit mar is toil leat. Agus rinneadh a h-inghean slàn o'n uair sin a mach.

29 Agus air imeachd do Iosa as sin thainig e laimh re fairge Ghalile, agus an uair a chaidh e suas air beinn, shuidh e sìos an sin.

30 Agus thainig mòr shltaugh d'a ionnsuidh, agus aca maille riu bacadh, doill. balbhain, daoine ciuramach, agus mòran eile agus thilg

<sup>a</sup> chàineas.

<sup>b</sup> Isaiah.

<sup>c</sup> fòir orm.



iad sìos aig cosaibh Iosa iad, agus shlànuich e iad.

31 Ionnsu gu'n do ghabh an sluagh iongantais 'nuair a chunnaic iad na balbhain a' labhairt, na daoine ciurramach slàn, na bacaich ag imeachd, agus na doill a' faicinn : agus thug iad glòir do Dhia Israèil.

32 An sin ghairm Iosa a dheisciobuil d'a ionnsuidh, agus thubhairt e, A taim a' gabhail truais do 'n t-sluagh, oir dh'fhan iad maille rium a nis ré thri laithean, agus cha 'n eil ni air bith aca r'a itheadh : agus cha chuir mi uam 'nan trosg iad, air eagal gu fànuich iad air an t-slighe.

33 Agus thubhairt a dheisciobuil ris, Cia as a gheibheamaid na h-uireada dh'aran san fhàsach, as bu leoir a shàsachadh sloigh co mhòr?

34 Agus thubhairt Iosa riu, Cia lìon aran a ta agaibh? agus thubhairt iadsan, Seachd, agus beagan a dh'iasgaibh beaga.

36 Agus dh'àithn e do'n t-sluagh sùidhe sìos air an làr.

36 Agus air glacadh nan seachd aran agus nan iasg dha, agus air breith buidheachais, bhris e iad, agus thug e d'a dheisciobluibh, agus thug na deisciobuil do'n t-sluagh iad.

37 Agus dh'ith iad uile, agus shàs- uicheadh iad: agus thog iad do'n bhiadh bhriste a dh'fhàgadh làn sheachd bascaid.

38 Agus bha a' mbuinntir a dh'ith, ceithir mìle fear, thuilleadh air mnaibh agus air cloinn.

39 Agus air dha an sluagh a leig- eadh uaith, chaidh e air luing, agus thainig e gu crìochaibh Mhagdala.

#### CAIB. XVI.

**A** GUS air teachd do na Phairisich agus do na Sadusaich 'g a dhearbhadh a, dh'iarr iad air comhar a nochdadh dhoibh o nèamh.

2 Ach fhreagair esan agus thubhairt e riu, An uair is feasgar e, their sibh, *Bithidh* deadh aimsir ann; oir a ta an t-athar dearg.

3 Agus air maduinn, *Bithidh* droch aimsir ann an diugh; oir a ta an t-athar dearg agus dorch. Is aithne dhuibh breth a thoirt air gnòis an athair, agus nach 'eil e'n comas dhuibh comharan nan aimsir a thuigsinn?

4 A ta ginealach aingidh agus adhaltrannach ag iarraidh comharaidh, agus cha toirear comhara dhoibh, ach comharan fhàidh Ionais. Agus air dha am fàgail, dh'imich e as sin.

5 Agus an uair a thainig a dheis- ciobuil a dh'ionnsuidh na taoibh eile, dhi-chuimhnich iad aran a thabhairt leo.

6 Agus thubhairt Iosa riu, Thug- aibh an aire, agus gleidhibh sibh fein o thaois ghoirt nam Phairiseach, agus nan Sadusach.

7 Agus bha iad a' reusonachadh eatorra fein, ag radh, *Is ann* air son nach d'thug sinn aran leinn.

8 Agus air tuigsinn sin do Iosa, thubhairt e riu, O sibhse air bheag creidimh, c'ar son a ta sibh a' reusonachadh eadruibh fein, *gur ann* a chionn nach d'thug sibh aran leibh?

9 Nach 'eil sibh fathast a' tuigsinn, no cuimhneachadh nan cùig aran nan cùig mìle, agus cia lìon cliabh a thog sibh?

10 No nan seachd aran nan ceithir mìle, agus cia lìon bascaid a thog sibh?

11 Cionnus nach 'eil sibh a' tuig- sinn, nach ann mu aran a thubhairt mi ribh, sibh a bhi air bhuir faicill o thaois ghoirt nam Phairiseach, agus nan Sadusach?

12 An sin thuig iad cionnus nach d'iarr e orra bhi air am faicill o thaois ghoirt an arain, ach o theagasg nam Phairiseach, agus nan Sadusach.

13 Agus air teachd do Iosa gu crìochaibh Chesarea Philipi, dh'fheò- raich e d'a dheisciobluibh, ag radh, Cò a tha daoine ag radh is e Mac an duine?

14 Agus thubhairt iadsan, *Tha cuid ag radh* Eoin Baiste, cuid Elias, agus cuid eile Ieremias, no aon do na fàidhibh.

15 Thubhairt esan riu, Ach cò tha sibhse ag radh is mi?

16 Agus fhreagair Simon Peadar agus thubhairt e, Is tusa Crìosd, Mac an Dé bheo.

17 Agus fhreagair Iosa agus thubhairt e ris, Is beannuicht' thusa, a Shl- moin Bhar-Iona; oir cha d'fhoillsich fuil is feoil sin duitse, ach m'Athairs' a ta air nèamh.

18 Agus a deirimse riut, Gur tusa Peadar, agus air a' charraig<sup>b</sup> so tog- aidh mise m'eaglais : agus cha tabh- air geatan ifrinn buaidh oirre.

19 Agus bheir mi dhuit iuchraiche rioghachd nèimhe : agus ge b'e ni a cheanglas tusa air talamh, bithidh e ceangailte air nèamh; agus ge b'e ni a dh'fhuasglas tusa air talamh, bithidh e fuasgailte air nèamh.

20 An sin dh'àithn e d'a dheis- ciobluibh gun iad a dh'innseadh do

<sup>a</sup> 'ga fheuchainn, 'ga bhuaireadh.

<sup>b</sup> petra, Gr.

neach air bith, gu'm b'esan Iosa an Criosd.

21 O'n àm sin a mach thòisich Iosa air nochdadh d'a dheisciobluibh, gu'm b' éigin dasan dol suas gu Hierusalem, agus mòran do nithibh fhulang o na seanairibh, agus na h-ard shagartaibh, agus na scriobhuichibh, agus a bhi air a chur gn bàs, agus a bhi air a thogail suas air an treas là.

22 Agus ghabh Peadar e, agus thòisich e air aclmhasan a thabhairt dha, ag radh, Gu ma fada sin uaitse, a Thighearna; cha tachair sin duitse.

23 Ach air tionndadh dhasan, thubhairt e ri Peadar, Imich air mo chùl, a Shatain, is oilbheum dhomh thu: oir chia'n'eil spéis agad do nithibh Dhé, ach do nithibh dhaoine.

24 An sin thubhairt Iosa r'a dheisciobluibh, Ma's àill le neach air bith teachd a'm' dhéighse, àicheadhadh se e fein, agus togadh e air a chrann-ceusaidh, agus leanadh e mise.

25 Oir ge b'e neach le'm b'àill anam a ghleidheadh, caillidh se e; agus ge b'e neach a chailleas anam air mo sgàthsa, gheibh se e.

26 Oir ciod an tairbhe a ta ann do dhuine, ge do chosnadh e an saoghal uile, agus anam fein a chall? no ciod i a' mhalairt a bheir duine air son 'anama?

27 Oir thig Mac an duine ann an glòir 'Athar, maille r'a ainglibh; agus an sin bheir e do gach neach a rèir a ghnìomhara.

28 Gu deimhin a deirim ribh, Gu bheil cuid do'n droing a ta 'nan seasamh an so, nach blais bàs, gun am faic iad Mac an duine a' teachd 'na rioghachd fein.

#### CAIB. XVII.

**A** GUS an dèigh shea laithean, a ghabh Iosa Peadar, agus Seumas, agus Eoin a bhràthair, agus threòruich e iad air leth gu beinn ard,

2 Agus dh'atharraicheadh a chruth 'nan làthair, agus dhealraich aghaidh mar a' ghrian, agus rinneadh eudach geal mar an solus.

3 Agus feuch, chunncas leob Maois agus Elias a' comhradh ris.

4 An sin fhreagair Peadar, agus thubhairt e ri h-Iosa, A Thighearn, is maith dhuinne bhi 'n so: ma's àill leatsa, deanamaid trì bothainc an so; aon duitse, aon do Mhaois, agus aon do Elias.

5 Air dha bli fathast a' labhairt, feuch, thilg neul soillseach sgàile orra: agus feuch, guth as an neul, ag

radh, Is e so mo Mhac gràdhachsa, anns am bheil mo mhòr thlachd, éisdiibh ris.

6 Agus an uair a chuala na deisciobuil so, thuit iad air an aghaidh, agus ghabh iad eagal ro mhòr.

7 Agus thainig Iosa agus bhean e riu, agus thubhairt e, Eiribh, agus na biodh eagal oirbh.

8 Agus an uair a thog iad suas an sùilean, cha 'n fhac iad neach air bith, ach Iosa 'na aonar.

9 Agus an àm dhoibh teachd a nuas o'n bheinn, thug Iosa àithne dhoibh, ag radh, Na-innsibh do neach air bith an ni a chunnaic sibh, gus an éirich Mac an duine o na marbhaibh.

10 Agus dh'fhèoraich a dheisciobuil dheth, ag radh, C'ar son ma seadh a their na scriobhuichean, gur éigin Elias a theachd air tùs?

11 Agus fhreagair Iosa agus thubhairt e riu, Thig Elias gu fìrinneach air tùs, agus aisigidh e na h-uile nithe:

12 Ach a deirimse ribh Gu'n d'thainig Elias a cheana, agus cha d'aithnich iad e, ach rinn iad gach ni bu toil leo ris: is ann mar sin mar an ceudna a dh'fhulaingear Mac an duine uatha.

13 An sin thuig na deisciobuil gu'm b'ann mu Eoin Baiste a labhair e riu.

14 Agus an uair a thainig iad chum an t-sluaigh, thainig duine *àraidh* d'a ionnsuidh, a' tuiteam air a ghluinibh dha, agus ag radh,

15 A Thighearna, dean tròcair air mo mhac, oir a ta e gu tinn leis an tuiteamachd, agus is mòr an cràdh a ta e a' fulang: oir a ta e gu minic a' tuiteam san teine, agus gu tric san uisge.

16 Agus thug mi e dh'ionnsuidh do dheisciobul, agus cha b'urrainn iad a leigheas.

17 Agus fhreagair Iosa agus thubhairt e, A ghinealaich neo-chreidich, agus choirbte, cia fhad a bhitheas mi maille ribh? cia fhad dh'fhulaingearas mi sibh? thugaibh am' ionnsuidhs' an so e.

18 Agus chrònuich Iosa an deamhan, agus dh'imich e as: agus shlànuicheadh an leanabh o'n uair sin a mach.

19 An sin an uair a thainig na deisciobuil chum Iosa fa leth, thubhairt iad, C'ar son nach b'urradh sinne a thilgeadh a mach?

20 Agus thubhairt Iosa riu, Air son bhurmi-chreidimh: oir gu fìrin-

a iomlaid. b dh'fhoillsicheadh doibh. c pàilliuana.

neach a deirim ribh, Nam biodh aguibh creidimh mar ghràinne mustaird, theireadh sibh ris a' bheinn so. Atharruich as so an sud, agus dh'atharruicheadh i; agus cha bhiodh ni air bith eucomasach dhuibh.

21 Gidheadh, cha d'theid a' ghnè so mach, ach le h-ùrnuigh agus le trosgadh.

22 Agus am feadh a bha iad a' fantuinn ann an Galile, thubhairt Iosa riù, Bithidh Mac an duine air a bhrath thairis do lamhaibh dhaoine:

23 Agus marbhaidh siad e, ach an treas là éiridh e: Agus bha iadsan ro bhrònach.

24 Agus air teachd dhoibh do Chapernaum, thainig luchd togail na cise gu Peadar, agus thubhairt iad ris, Nach 'eil bhur maighstirse 'g iocadh na cise?

25 Thubhairt esan, A ta. Agus an uair a chaidh e steach do'n tigh, labhair Iosa ris air tùs, ag radh, Cìod i do bharails', a Shimoìn? cia uaith a ta rìghre na talmhainn a' togail càine no cìse? 'N ann o'n cloinn fein, no o choigreachaibh?

26 Thubhairt Peadar ris, O choigreachaibh. Thubhairt Iosa ris-san, Air an aobhar sin a ta a' chlann saor.

27 Gidheadh chum nach tugamaid oilbheum dhoibh, imichsa chum na fairge, agus tilg dubhan innte, agus tog an ceud iasg a thig a nìos: agus air fosgladh a bheoil duit, gheibh thu bonn airgid; sin gabh, agus tabhair dhoibh air mo shonsa, agus air do shon fein.

## CAIB. XVIII.

**A**NNS an àm sin fein thainig na deisciobuil chum Iosa, ag radh, Cò a's mò ann an rioghachd nèimhe?

2 Agus air do Iosa leanabh beag a ghairm chuige, chuir e 'nam meadhan e.

3 Agus thubhairt e, Gu frinneach a deirim ribh, Mur iompoichear sibh, agus mur bi sibh mar leanabana, nach d'theid sibh a steach do rioghachd nèimhe.

4 Air an aobhar sin ge b'e dh'islicheas e fein mar an leanaban so, 'se sin fein a's mò ann an rioghachd nèimhe.

5 Agus ge b'e ghabhas aon leanaban d'a leithid so ann am ainmse, gabhuidh e mise:

6 Ach ge b'e neach a bheir oilbheum dh'aon neach do'n mhuinntir bhig so a ta creidsinn annamsa, b'fhearr dha gu'm biodh cloch-mhui-

linn air a crochadh r'a mhuineal, agus gu'm biodh e air a bhàthadh ann an doimhne na fairge.

7 Is anaoibhinn do'n t-saoghal air son oilbheuman: oir is eigin do oilbheumaibh teachd; ach is anaoibhinn do'n duine sin trid an d'thig an t-oilbheum.

8 Uime sin ma bheir do lamh no do chos aobhar oilbheim<sup>b</sup> dhuit, gearr dhìot iad, agus tilg uait iad: is fearr dhuit dol a steach do'n bneatha air leth chois no air leth laimh, na dà laimh no dà chois a bhi agad, is tu bhi air do thilgeadh anns an teine shiorruidh.

9 Agus ma bheir do shùil aobhar oilbheim dhuit, spion asad i, agus tilg uait i: is fearr dhuit dol a steach chum na beatha air leth shùil, na dà shùil a bhi agad agus thu bhi air do thilgeadh ann an teine ifrinn.

10 Thugaibh an aire nach dean sibh tarcuais air aon neach do'n mhuinntir bhig so; oir a deirimse ribh, gu bheil an aingilsan air nèamh a' faicinn a ghnàth gnùis m' Atharsa, a ta air nèamh.

11 Oir thainig Mac an duine a shaoradh an ni sin a bha caillte.

12 Cìod is barail dhuibhse? ma bhitheas aig duine ceud caora, agus gu'n d'theid aon diubh air seacharan, nach fàg e na naoi caoraich dheug agus ceithir fichead air na beanntaibh, agus nach d'theid e dh'farruidh na caorach a chaidh air seacharan?

13 Agus ma tharlas da gu'm faigh e i, gu deimhin a deirim ribh, Gu'n dean e tuilleadh gairdeacha's air son na caorach sin, na air son nan naoi caorach dheug agus ceithir fichead, nach deachaidh air seacharan.

14 Mar so cha'n e toil bhur n-Athars' a ta air nèamh, gu'n rachadh aon neach do'n mhuinntir bhig so a chall.

15 Uime sin ma pheacuicheas do bhràthair a'd' aghaidh, imich agus innis a lochd dhac eadar thu fein agus esan a mhàin: ma dh'éisdeas e riut, choisinn thu do bhràthair.

16 Ach mur éisd e riut, tabhair leat aon no dithis eile, chum gu'm bi gach ni air a dheanamh<sup>d</sup> seasmhach am beul dithis no triuir a dh'fhianuisibh.

17 Agus ma dhiultas e iadsan éisdeachd, innis do'n eaglais e: ach ma dhiultas e'n eaglais éisdeachd, biodh e dhuit mar Gheintileach, agus mar chis-mhaor.

18 Gu deimhin a deirim ribh, Ge

<sup>b</sup> tuislidh. <sup>c</sup> spreig, tagair ris.

<sup>d</sup> a' chàis uile air a deanamh.

b'e air bith nithe a cheanglas sibhse air talamh, bithidh iad ceangailte air nèamh: agus ge b'e air bith nithe a dh'fhuasglas sibhse air talamh, bithidh iad fuasgailte air nèamh.

19 A ris a deirim ribh, Ma choird-eas dithis aguibh air talamh mu thimchioll aon ni a dh'iarras iad, nithear so dhoibh le m'Athairs' a ta air nèamh.

20 Oir ge b'e àit am bheil dithis no triuir air an cruinneachadh an ceann a chèile a'm' ainmse, a ta mise an sin 'nam meadhon.

21 Air dol do Pheadar d'a ionnsuidh san àm sin, thubhairt e, A Thighearna, ciaminica pheacuicheas mo bhràthair a'm' aghaidh, agus a mhaithas mi dha? An ann gu ruig an seachdamh uair?

22 Thubhairt Iosa ris, Ni abram riut, gus an seachdamh uair, ach gu deich agus tri fichead seachd uaire.

23 Air an aobhar sin is cosmhuil rioghachd nèimhe ri rìgh àraidh le'm b'aill cunntas a dheanamh r'a sheirbhishich.

24 Agus an uair a thòisich e air cunntas a dheanamh, thugadh aon d'a ionnsuidh air an robh aige deich mìle talann.

25 Ach do bhrìgh nach robh aige ni leis an dioladh e, dh'àithn a thighearn e fein, agus a bhean, agus a chlann, agus na h-uile nithe a bha aige a reiceadh, agus dioladh a dheanamh.

26 Air an aobhar sin thuit an seirbhiseach sin sìos, agus rinn e umhlachd dha, ag radh, A Thighearna, dean foighidin rium, agus iocaidh mi dhuit an t-ìomlan.

27 An sin air do thighearn an òg-laich sin tras mòr a ghabhail dheth, leig e a chead da, agus mhaith e na fiacha dha.

28 Ach an uair a chaidh an seirbhiseach sin fein a mach, fhuair e aon d'a choimh-sheirbhishich air an robh aige ceud peghinn: agus chuir e lamh ann, agus rug e air sgornan air, ag radh, Ioc dhomh na bheil agam ort.

29 Agus thuit a choimh-sheirbhishich sìos air a chosaibh, agus ghuidh o air, ag radh, Dean foighidin rium, agus iocaidh mi dhuit an t-ìomlan.

30 Agus cha b'aill leis-san sin: ach dh'ìmich e agus thilg e am prìosun e, gus an iocadh e na fiacha.

31 Agus an uair a chunnaic a choimh-sheirbhishich na nithe a rinn-eadh, bha iad ro dhoilich, agus thainig iad, agus dh'fhoillsich iad d'an tighearn gach ni a rinneadh.

32 An sin air d'a thighearn a ghairm,

thubhairt e ris, A dhroch sheirbhishich, mhaith mi dhuit na fiachan ud uile, do bhrìgh gu'n do chuir thu impidh orm.

33 Nach bu choir dhuitse mar an ceudna tròcair a dheanamh air do choimh-sheirbhiseach fein, amhuil mar a rinn mise tròcair ortsa?

34 Agus air gabhail feirge d'a thighearn, thug e do na ceusadairibh e, gus an iocadh e fhiachan uile dha.

35 Agus mar sin ni m'Athair nèamhuidh ribhse, mur maith gach aon agaibh o bhur cridhibh d'a bhràthair an cionta.

#### CAIB. XIX.

**A**GUS tharladh, an uair a chrìochnuich Iosa na briath-rasa, gu'n d'ìmich e o Ghalile, agus thainig e gu crìochaibh Iudea, air an taobh thall do Iordan:

2 Agus lean sluagh mòr e, agus shlànuich e iad an sin.

3 Thainig na Phairisich mar an ceudna d'a ionnsuidh 'ga dhearbhadh, agus ag radh ris, Am bheil e ceaduichte do dhuine a bhean a chur uaith air gach uile aobhar?

4 Agus fhreagair esan agus thubhairt e riu, Nach do leugh sibh, An ti a rinn air tùs iad, gu'n d'rinn e iad fear agus bean?

5 Agus thubhairt e, Air an aobhar so fàgaidh duine athair agus a mhàthair, agus dlùth-leanuidh e r'a mhnaoi; agus bithidh iad araon 'nan aon fheoil.

6 Air an aobhar sin cha dithis iad ni's mò, ach aon fheoil. Uime sin an ni a cheangail Dia, na sgaoileadh duine.

7 Thubhairt iad ris, C'ar son ma seadh a dh'aithn Maois litir-dhealach a thabhairt dh'i, agus a cur air falbh?

8 Thubhairt esan riu, Dh'fhulaing Maois dhuibhse air son cruais bhur cridhe, bhur mnai a chur uaibh: ach cha robh e mar sin o thùs.

9 Agus a deirimse ribh, Ge b'e chuireas uaith a bhean, ach air son strìopachais, agus a phòsas beaneile, a ta e 'a deanamh adhaltrannais: agus ge b'e neach a phòsas ise a chuireadh air falbh, e ta e a' deanamh adhaltrannais.

10 Thubhairt a dheisciobuil ris, Ma's e sin cor an fhir r'a mhnaoi, cha 'n'eil am pòsadh maith r'a dheanamh.

11 Ach thubhairt esan riu, Cha 'n'eil na h-uile dhaoine comasach air

a thachair.  
'ga bhuoireadh.

b 'ga fheuchainn,



a' chaint so a ghabhail, ach iad san d'an d'thugadh e.

12 Oir a ta cuid 'nan caillteanaich, a rugadh mar sin o bhroinn am màthar: agus a ta cuid do chaillteanaich ann, a rinneadh 'nan caillteanaich le daoineibh: agus a ta caillteanaich ann, a rinn iad fein 'nan caillteanaich air son rioghachd nèimhe. Ge b'e neach a ta comasach air a ghabhail chuige, gabhadh se e.

13 An sin thugadh clann bheag d'a ionnsuidh, chum gu cuireadh e a lamhan orra, agus gu'n deanadh e àrnuigh: agus chronuich na deiscio-buil iad.

14 Ach thubhairt Iosa, Fulaingibh do na leanabaibh, agus na bacaibh dhoibh teachd a m' ionnsuidh: oir is ann d'an leithidibh sin a ta rioghachd nèimhe.

15 Agus an déigh dha a lamhan a chur orra, dh'imich e as sin.

16 Agus feuch, thainig neach agus thubhairt e ris, A mhaighstir mhaith, ciod am maith a dheanam chum gu faigh mi a' bheatha mhaireannach?

17 Agus thubhairt esan ris, C'ar son a ghoireadh tu maith dhiomsa? cha 'n'eil aon neach maith ach a h-aon, eadhon Dia: ach ma's àill leat dol a steach chum na beatha coimhid a na h-àitheanta.

18 Thubhairt esan ris, Cia iad? agus thubhairt Iosa, Na dean mortadh. Na dean adhaltrannas. Na goid. Na toir fianuis bhréige.

19 Tabhair onoir do t'athair, agus do d' mhàthair: agus, Gràdhaich do choimhearsnach mar thu fein.

20 Thubhairt an t-òganach ris, Choimhid mi iad sin uile o m'òige: ciod a ta dh'uireasbhuidh orm faithast?

21 Thubhairt Iosa ris, Ma's àill leat bhi coimhlionta, imich, reic na bheil agad, agus tabhair do na bochdaibh, agus gheibh thu onmhas air nèamh: agus thig, agus lean mise.

22 Agus an uair a chual an t-òganach na briathra sin, dh'fhalbh e gu brònach: oir bha mòr shaibhbreas aige.

23 An sin thubhairt Iosa r'a dheisciobluibh, Gu fìrinneach a deirim ribh, gu bheil e cruaidh air duine saibhir dol a steach do rioghachd nèimhe.

24 Agus a ris a deirim ribh, Gur usadh do chàmhail dol tre b'chrò snàthuide, na do dhuine saibhir dol a steach do rioghachd Dhé.

25 Agus air cluinntinn so d'a dheisciobluibh, ghabh iad iongantais

mòr, ag radh, Cia ma seadh an neach a dh'fheudas a bhi air a shaoradh?

26 Ach air amharc do Iosa orra, thubhairt e riu, Do dhaoineibh a ta so eu-comasach, ach do Dhia a ta na h-uile nithe comasach.

27 An sin fhreagair Peadar, agus thubhairt e ris, Feuch, thréig sinne na h-uile nithe, agus lean sinn thusa; air an aobhar sin ciod a gheibh sinn?

28 Agus thubhairt Iosa riu, Gu deimhin a deirim ribh, sibhse a lean mise, anns an ath-ghineamhuinc, an trà shuidheas Mac an duine air caithir a ghloire fein, gu'n suidh sibhse mar an ceudna air dà chaithir dheug, a' tabhairt breth air dà threibh dheug Israeil.

29 Agus ge b'e neach a thréig tighean, no bràithrean, no peathraichean, no athair, no màthair, no bean phosda, no clann, no fearann air sgàth m'ainmese, gheibh e a' cheud uiread, agus a' bheatha mhaireannach mar oighreachd.

30 Ach a ta mòran air thoiseach a bhitheas air dheireadh; agus air dheireadh, a bhitheas air thoiseach.

## CAIB. XX.

OIR is cosmhuil rioghachd nèimhe ri fear-tighe, a chaidh a mach moch air mhaduinn a thuarasdalachadh luchd oibre d'a ghàradh fionad.

2 Agus an déigh dha cordadh ris an luchd oibre air pheghinn Romhan-aich san là, chuir e g'a ghàradh fiona iad.

3 Agus an uair a chaidh e mach timchioll na treas uaire, chunnaic e droing eile 'nan seasamh diomhanach air a' mhargadh.

4 Agus thubhairt e riu, Imichibhse mar an ceudna do'n ghàradh fhiona, agus ge b'e ni a bhitheas ceart, bheir mi dhuibh e. Agus dh'imich iad.

5 An uair a chaidh e mach a ris timchioll na seathadh agus na naothadh uaire, rinn e mar an ceudna.

6 Agus an uair a chaidh e mach mu timchioll na h-aon uair deug, fhuair e dream eile 'nan seasamh diomhanach, agus thubhairt e riu, C'ar son a ta sibh 'nar seasamh an so feadh an là diomhanach?

7 Thubhairt iad ris, A chiunnach do thuarasdaluich duine air bith sinn. Thubhairt esan riu, Imichibhse mar an ceudna do'n ghàradh fhiona, agus ge b'e ni a ta ceart, gheibh sibh e.

8 Agus air teachd do'n fheasgar, thubhairt tighearna' aghàridh fhiona sin r'a stiùbhard e, Gairm an luchd

c ath-ùrachadh, ath-chruthachadh.

a gleidh.

b trid, troimh.

d fhìon-tios.

e fhear-riaghlaidh.

obhre, agus tabhair dhoibh an tuaras-dal, a' toiseachadh o 'n droing a thainig fadheireadh gu ruig na ceud daoine.

9 Agus an uair a thainig iadsan a thuarasdaluicheudh mu thimchioll na h-aon uair deug, fhuair gach duine dhiubh peghinn.

10 Ach an uair a thainig an ceud dream, shaoil iadsan gu'm faigheadh iad ni bu mhò; ach fhuair gach aon dinnb mar an ceudna peghinn.

11 Agus air dhoibh fhaotainn, rinn iad gearan an aghaidh fhir-an-tighe.

12 Ag radh, An dream sin a thainig fa dheireadh, cha d'rinn iad obair ach aon uair, agus rinn thu iad ionann agus sinne, a dh'iomchair uallach a agus teas an là.

13 Ach fhreagair esan agus thubhairt e ri fear dhiubh, A charaid, cha 'n'eil mi a deanamh cucoir ort: nach do choird thu rium air pheghinn?

14 Tog leat do chuid fein, agus imich romhad: 's i mo thoils' a thabhairt do'n ti so a thainig fa dheireadh, mar a thug mi dhuitse.

15 Nach 'eil e ceadwichte dhomhsa an ni a's toil leam a dheanamh ri m' chuid fein? am bheil do shùils' olc, air son gu bheil mise maith?

16 Mar sin bithidh an droing dheirèannach air thoiseach, agus an droing a ta air thoiseach air dheireadh: oir a ta mòran air an gairm, ach beagan air an taghadh.

17 Agus ag dol do Iosa suas gu Hierusalem, thug e an dà dheisciobul deug leis fa leth anns an t-slighe, agus thubhairt e riu.

18 Feuch, a ta sinn a' dol suas gu Hierusalem, agus bithidh Mac an duine air a bhrath thairis do na h-ard shagartaibh, agus do na scriobhuichibh, agus dithidh iad chum bàis e.

19 Agus bheir iad thairis e do na Cinnich chum fanoid a dheanamh air, agus chum a sgiursadh, agus a cheusadh: ach an treas là éiridh e a ris.

20 An sin thainig d'a ionnsuidh màthair cloinne Shebede, maille r'a mic, a' tabhairt onoir dha, agus ag iarraidh ni àraidh air.

21 Agus thubhairt esan ris, Ciod a b' àill leat? Thubhairt i ris, Abair b' gu'n suidh iad so mo dhithis mhac, fear aca air do laimh dheis, agus fear eile air do laimh chli, a d' rioghachd.

22 Ach fhreagair Iosa agus thubhairt, e Cha 'n'eil fhios agaibh ciod a ta sibh ag iarraidh. An bheil sibh comasach air a' chupan sin òl a

dh'òlas mise, agus a bhi air bhur baisteadh leis a bhaisteadh leis am baistear mise? Thubhairt iad ris, A ta sinn comasach.

23 Agus thubhairt esan riu, Oluidh sibh gu deimhin do m' chupansa, agus baistear sibh leis a' bhaisteadh leis am baistear mise: ach suidhe air mo laimh dheis agus chli, cha leamsa sin a thabhairt, ach dhoibhsan d' am bheil e air ulluchadh le m' Athair-se.

24 Agus air cluinntinn deichnear, bha iad diombach air an dithis bhràithre.

25 Ach ghairm Iosa iad d'a ionnsuidh agus thubhairt e; A ta fhios agaibh gu bheil aig prionnsaibh nan Cinneach tighearnas orra, agus gu bheil aig an daoineibh mòra smachd orra.

26 Ach mar sin cha bhi e 'nar measgsa: ach ge b'e neach le'm b' àill a bhi mòr 'nar measg, biodh e dhuibh 'na fhear-frithealaidh.

27 Agus ge air bith le'm b' àill toiseach a bhi aige ann bhur measg, biodh esan 'na sheirbhiseach dhuibh.

28 Amhuil mar nach d' thainig Mac an duine chum gu'n deantadh frithealadh dha, ach a dheanamh frithealaidh, agus a thabhairt anama fein mar éiric air son mhòrain.

29 Agus ag dol a mach dhoibh a Iericho lean sluagh mòr e.

30 Agus feuch, dithis do dhaoineibh dalla, a bha 'nan suidhe ri taobh na slighe, 'nuair a chual iad gu'n robh Iosa a' dol seachad, ghlaodh iad, ag radh, Dean tròcair oirne, a Thighearn, a Mhic Dhaibhi.

31 Agus chronuich an sluagh iad, chum gu'm biodh iad 'nan tosd: ach is mòid a ghlaodh iadsan, ag radh, Dean tròcair oirnn, a Thighearn, a Mhic Dhaibhi.

32 Agus sheas Iosa, agus ghairm e iad, agus thubhairt e, Ciod is àill leibh mise a dheanamh dhuibh?

33 Thubhairt iadsan ris, A Thighearn, ar sùilean a bhi air am fosgladh.

34 Agus ghabh Iosa truas dhiubh, agus bhean e r'an sùilidh: agus air ballc thainig radharc d'an sùilibh, agus lean iad e.

#### CAIB. XXI.

AGUS an uair a dhruid iad ri Hierusalem, agus a thainig iad gu Betphage, gu sliabh nan crann-ola, an sin chuir Iosa, dithis d'a dheisciobluibh uaith,

2 Ag radh riu, Rachalbh do'n bhaile a ta thall fa'r comhair agus air ball gheibh sibh asal ceangailte ann,

agus loth maille rithe<sup>a</sup>: suasglaibh, agus thugaibh a m'ionnsuidhs' iad.

3 Agus ma labhras aon duine xi air bith ribh, abraibh, Gu bheil feum aig an Tighearn orra; agus cuiridh e uaith air ball iad.

4 Rinneadh na nithe so uile, chum gu 'n coimhliontadh an ni a thubhradh leis an fhàidh, ag radh,

5 Innsibh do nighean Shioin, Feuch, a ta do Rìgh a teachd a d'ionnsuidh gu ciuin, is e 'n a shuidhe air asail, agus air loth<sup>b</sup> mac na h-asail.

6 Agus dh'imich na deisciobuil, agus rinn iad mar a dh'àithn Iosa dhoibh,

7 Agus thug iad an asal agus an loth leo, agus chuir iad am falluingean orra, agus chuir iad *esan* 'na shuidhe air an muin.

8 Agus sgaoil mòr shluagh am falluingean air an t-slighe; agus ghearr droing eile geuga do na crannaibh, agus leag iad air an t-slighe iad.

9 Agus thog an sluagh a bha roimhe agus 'na dhéigh iolach, ag radh, Hosanna do Mhac Dhaibhi: beannuichte gu robh an Ti a thig ann an ainm an Tighearna; hosanna anns na h-ardaibh.

10 Agus air dol dhasan a steach do Hierusalem, ghluaiseadh am baile uile, ag radh, Cò e so?

11 Agus thubhairt an sluagh, Is e so Iosa am fàidh o Nasaret Ghalile.

12 Agus chaidh Iosa a steach do theampull Dé, agus thilg e mach iad-san uile a bha reic agus a ceannach anns an teampull, agus thilg e buird luchd malairte an airgid thairis, agus caithriche luchd reicidh nan columan.

13 Agus thubhairt e riu, A ta e scriobhta, Goirear tigh ùrnuigh do m' thigh-sa ach rinn sibhse 'na gharaidh luchd-reubainn e f.

14 Agus thainig na doill agus na bacaich d'a ionnsuidh anns an teampull, agus shlànuich e iad.

15 Agus an uair a chunnaic na h-ard shagairt agus na scriobhuichean na gnìomharan iongantach a rinn e, agus a chlann a glaothaich san teampull, agus ag radh, Hosanna do Mhac Dhaibhi, bha corruich mhòr orra.

16 Agus thubhairt iad ris, An cluinn thu ciod a ta a mhuinntir sin ag radh? Agus thubhairt Iosa riu,

A ta mi cluinntinn; nach do leugh sibhse riamh, As beul nan naoidh agus nan cìochran choimhion thu moladh?

17 Agus an uair a dh'fhàg e iad, chaidh e machas a bhaile gn Betani, agus dh'fhan e an sin.

18 Agus ag pilleadh dha chum a bhaile air mhaduinn, bha ocras air.

19 Agus air dha crann-tìge fhaicinn air an t-slighe, thainig e d'a ionnsuidh, agus cha d'fhuair e ni air bith air, ach duilleach a mhàin; agus thubhairt e ris, Nar fhàsadh toradh o so suas gu bràth ort. Agus chrion an crann-tìge air ball.

20 Agus an uair a chunnaic na deisciobuil e, ghabh iad iongantas, ag radh, Cia luath a shearg an crann-tìge as?

21 Agus fhreagair Iosa agus thubhairt e riu, Gu deimhin a deirim ribh, ma bhitheas creidimh agaibh, agus nach bi sibh fuidh amharus, cha 'n e mhàin gu'n dean sibh an ni a rinneadh do'n chrann-fhìge, ach mar an ceudna ma their sibh ris a bheinn so, Togar thu, agus tilgear san fhairege thu, bithidh e deanta:

22 Agus ge b'e air bith nithe a dh'iarras sibh ann blur n-ùrnuigh, ma chreideas sibh, gheibh sibh iad.

23 Agus an uair a thainig e do'n teampull, thainig na h-ard shagairt agus seanairean a phobuill d'a ionnsuidh, agus e a teagasg, ag radh ris, Ciod e an t-ùghdarras trid am bheil thusa a deanamh nan nithe? agus cò thug an cumhachd so dhuit?

24 Agus fhreagair Iosa agus thubhairt e riu, Feòruichidh mise mar an ceudna aon ni dhibhse, agus ma dh'innseas sibh dhomh e, innsidh mise dhuibhse air mhodh ceudna cia an t-ùghdarras trid an deanam na nithe.

25 Baisteadh Eoin, cia as a thainig e? O nèamh, no o dhaoineibh? Ach reusonuich iadsan 'nam measg fein, ag radh, Ma their sinn, O nèamh, their esan ruinn, C'ar son ma seadh nach do chreid sibh e?

26 Ach ma their sinn, O dhaoineibh, a ta eagal a phobuill oirnn; oir a ta meas fàidh aig gach uile dhuine air Eoin.

27 Agus fhreagair iad Iosa, agus thubhairt iad, Cha'n eil fhios againn. Agus thubhairt esan riu, Nì mò dh'innseas mise dhuibhse cia an t-ùghdarras trid an deanam na nithe so.

28 Ach ciod i bhur barailse? Bha aig duine àraidh dithis mhac, agus thainig e dh'ionnsuidh a' cheudmhic, agus thubhairt e, A mhic, imich,

<sup>a</sup> na fochair. <sup>b</sup> bioraiche.  
<sup>c</sup> eudach-uachdair. <sup>d</sup> a chathair.  
<sup>e</sup> iomlaid. <sup>f</sup> 'na uaimh chreachad-aircan, 'na shlochd mheirleach.

dean obair an diugh a'm' ghàradh fìona.

29 Agus fhreagair esan agus thubhairt e, Cha dean: ach 'na dhéigh sin, ghabh e aithreachas agus dh'imich e.

30 Agus thainig e gus an dara mac, agus thubhairt e mar an ceudna. Agus fhreagair esan agus thubhairt e, *Théid*, a Thighearn; gidheadh cha deachaidh e.

31 Cìo do'n dithis a rinn toil a-thar? Thubhairt iadsan ris, An ceud fhear. Thubhairt Iosa riu, Gu frinneach a deirimse ribh, gu'n dthéid na cìs-mhaoir agus na striopaichean do rioghachd Dhé roimhibh-se.

32 Oir thainig Eoin d'ar ionnsuidh an slighe na fireantachd, agus cha do chreid sibh e: ach chreid na cìs-mhaoir agus na striopaichean e. Agus ged a chunnaic sibhse so, cha do ghabh sibh aithreachas 'na dhéigh sin, a chum gu'n creideadh sibh e.

33 Eisdibh ri cosamhlachd eile: Bha fear-tighe àraidh ann, a phlann-duich fion-lios, agus chuir e gàradh a m'a thimchioll, agus chladhaich e ionad bruthaidh an fhìona ann, agus thog e tùr, agus shuidhich e air tuath e; agus chaidh e fein air choigrich.

34 Agus an trà dhruid *riu* am an toraidh, chuir e a sheirbhisich a dh'ionnsuidh na tuatha, a dh'fhaotainn a thoraidh.

35 Agus rug an tuath air a sheirbhisich, agus ghabh iad air fear dhiubh, agus mharbh iad fear eile, agus chlach iad fear eile.

36 A ris, chuir e seirbhisich eile uath, tuilleadh na sa' cheud *chuid-eachd*: agus rinn iad orrasan mar an ceudna.

37 Ach fa dheireadh, chuir e a mhac fein d'an ionnsuidh, ag radh, Bheir iad urram do m' mhac.

38 Ach an uair a chunnaic an tuath am mac, thubhairt iad eatorra fein, 'S e so an t-Oighre, thigibh, marbhamaid e, agus glacamaid oighreachd-san *dhuinn fein*.

39 Agus rug iad air, agus thilg iad a mach as an fhion-lios e, agus mharbh iad e.

40 Air an aobhar sin an uair a thig Tighearn an fhion-lios sin, cìod a nì e ris an tuath sin?

41 Thubhairt iad ris, sgriosaidh e gu truagh na droch dhaoine sin, agus suidhichidh e am fion-lios air tuath eile, a bheir a thoraidh dha 'nan aimsiribh fein.

42 Thubhairt Iosa riu, Nach do leugh sibh riamh anns na scriobtuir-

ibh, A chlach a dhiult na clachairean, rinneadh i 'na cloich-chinn na h-oisinn: 's e an Tighearn a rinn so, agus a ta e iongantach 'nar sùilibhne?

43 Uime sin a deirim ribh, Gu'n toirear rioghachd Dhé uaibhse, agus gu'n toirear do chinneach eile i, a bheir a toraidh uatha.

44 Agus ge b'e neach a thuiteas air a chloich so, brisear e; ach ge b'e air an tuit i, nì i mìn luaithre dheth.

45 Agus an uair a chuala na h-ard shagairt agus na Phairisich a chosamhlachda-san, thuig iad gu'm b'ann umpa fein a labhair e.

46 Ach an uair bu mhiann leo breith air b, bha eagal a phobuill orra, oir bha meas fàidh ac' aisans.

#### CAIB. XXII.

**A** GUS fhreagair Iosa, agus labhair e riu a ris an cosamhlachdaibh, ag radh,

2 Is cosmhuil rioghachd nèimhe ri rìgh àraidh, a rinn banais phòsaidh d'a mhac fein.

3 Agus chuir e a sheirbhisich a ghairm na muinntir a fhuair cuireadh chum na bainnse: ach cha b'àill leosan teachd.

4 A ris chuir e d'an ionnsuidh seirbhisich eile, ag radh, Abruibhse ris a' mhuinntir d'an d'thugadh cuireadh, Feuch, dheasuich mi mo dhinnèir: a ta mo dhaimh agus mo spréidh bhiadhta air am marbhadh, agus a ta na h-uile nithe ullamh: thigibh chum na bainnse.

5 Ach chuir iadsan an suarachas e, agus dh'imich iad rompa, fear dhiubh d'a fhearann, agus fear eile chum a cheannachd:

6 Agus rug a chuid eile dhiubh air a sheirbhisich, agus thug iad mas-ladh *Dhoibh*, agus mharbh siad iad.

7 Ach an uair a chual an rìgh so ghabh e fearg; agus chuir e armaithean uaithe, agus sgrios e an luchd mortaidh sin, agus loisg e am baile-san.

8 An sin thubhairt e r'a sheirbhisich, Gu frinneach a ta a bhanais ullamh, gidheadh an dream a fhuair cuireadh cha b'fhiu iad e.

9 Air an aobhar sin imichibhse gus na rathaidibh mòra, agus a lìon daoine 's a gheibh sibh, cuiribh iad chum na bainnse.

10 Agus chaidh na seirbhisich sin a mach air na rathaidibh, agus chruinnich iad gach uile neach a fhuair iad, eadar olc agus mhaith: agus lìonadh tigh na bainnse le muinntir a shuidh chum bidh.

b b'àill leo lamh a chur ann.

a alge, callaid.



11 Agus air dol a steach do'n rìgh a dh'fhaicinn nan aoidhean, chuonnaic e an sin duine aig nach robh truscan na bainne uime :

12 Agus thubhairt e ris, A chairaid, cionnus a thainig thusa steach an so, gun truscan na bainne umad ? Ach dh'fhan esan 'na thosd.

13 An sin thubhairt an rìgh ris na seirbhisich, Air a cheangal duibh eadar chosan agus lamhan, togaibh libh e, agus tilgibh e anns an dorchadas iomallach: an sin bithidh gul agus glosgan fhiacal.

14 Oir a ta mòran air an gairm, ach beagan air an tagbadh.

15 An sin dh'imich na Phairisich, agus ghabh iad comhairle cionnus a dh'fheudadh iad esan a ribeadh a 'na chaint.

16 Agus chuir iad d'a ionnsuidh an deisciobuil fein, maille ri luchd-leanmhuinn Heroid, ag radh, A mhaighstir, a ta fhios aguinn gu bheil thusa fìor, agus gu bheil thu teagasg slighe Dhé ann am fìrinn, agus nach 'eil suim agad do dhuine sam bith : oir cha 'n'eil thu ag amharc air pear-saibh<sup>b</sup> dhaoine.

17 Uime sin innis dhuinne do bharail, Am bheil e ceaduichte cìs a thubhairt do Cheasar, no nach 'eil ?

18 Ach air tuigsinn am mìoruin a dh' Iosa, thubhairt e, C'ar son a ta sibh ga m' bhuaireadh, a chealgair-ean ?

19 Nochduibh dhomh-sa airgiod na cìse. Agus thug iad d'a ionnsuidh peghinn<sup>c</sup>.

20 Agus thubhairt e riu, Cia dha a bhuineas an dealbh so, agus an scriobhadh a ta m'a thimchioll ?

21 Thubhairt iadsan ris, Do Cheasar. An sin thubhairt esan riu, Thugaibh uime sin do Cheasar na nithe a's le Ceasar; agus do Dhia, na nithe a's le Dia.

22 Agus an uair a chual iad so, ghabh iad iongantas, agus dh'fhàg iad e, agus dh'imich iad rompa.

23 Air an là sin fein thainig d'a ionnsuidh na Sadusaich, a their nach 'eil aiseirigh ann, agus chuir iad ceisd air,

24 Ag radh, A mhaighstir, thubhairt Maois, Ma gheibh duine bàs gun chlann aige, gur còir d'a bhràthair a bhean-san a phòsadh a dhlighe dàimhe, agus sliochd a thogail d'a bhràthair.

25 A nis bha seachdnar bhràithre 'nar measg-ne, agus air do'n cheud

fhear dhiubh beana phòsadh, fhuair e bàs, agus do bhrìgh nach robh sliochd aige, dh'fhàg e a bhean d'a bhràthair.

26 Agus thachair mar an cèudna do'n dara, agus do'n treas bràthair, gu ruig an seachdamh.

27 Agus 'nan déigh uile fhuair a bhean bàs mar an cèudna.

28 Air an aobhar sin anns an aiseirigh, cia do'n t-seachdnar d'am bean i ? Oir bha i ac' uile.

29 Agus fhreagair Iosa agus thubhairt e riu, A ta sibh air seacharan<sup>d</sup>, gun eòlas agaibh air na scriobtuiribh, no air cumhachd Dhé :

30 Oir anns an aiseirigh ni 'n dean iad pòsadh, ni mò a bheirear am pòsadh iad; ach a ta iad mar aingil Dhé air nèamh.

31 Ach mu thimchioll aiseirigh nam marbh, nach do leugh sibh an ni sin a labhradh ribh le Dia, ag radh,

32 Is mise Dia Abraham, agus Dia Isaac, agus Dia Iacoib ? cha'n e Dia, Dia nam marbh, ach nam beo.

33 Agus an uair a chual am pobull so, ghabh iad iongantas r'a 'theagasgsan.

34 Ach an uair a chuala na Phairisich gu'n do chuir e na Sadusaich 'nan tosd, chruinnicheadh iad an ceann a chèile.

35 An sin chuir neach àraidh dhiubh, a b'fhear teagaisg an lagha, ceisd air, 'ga dhearbhadh, agus ag radh,

36 A mhaighstir, cia i an àithne a's mò san lagh ?

37 Thubhairt Iosa ris, Gràdhuichidh tu an Tighearn do Dhia le d'uil chridhe, agus le d'uile anam, agus le d'uil<sup>e</sup> inntinn.

38 'Si so a cheud àithne agus an àithne mhòr.

39 Agus is cosmhuil an dara rithe so, Gràdhuichidh tu do choimhearsnach mar thu fein.

40 Air an dà àithne so tha'n lagh uile, agus na fàidhean an crochadh.

41 Ach air do na Phairisich bhi cruinn an ceann a chèile, dh'fheòraich Iosa dhiubh,

42 Ag radh, Cìod i bhur barailse mu thimchioll Chrìosd ? acò d'am mac e ? thubhairt iadsan ris, Do Dhaibhi.

43 Thubhairt esan riu, Cionnus ma seadh a ghoireas Daibhi san spiorad a Thighearna dheth, ag radh,

44 Thubhairt an Tighearn ri m' Thighearn, Suidh air mo laimh dheis,

<sup>a</sup> ghlacadh.

<sup>b</sup> gnùis Gr.

<sup>c</sup> b'ionann a pheghinn Romhanach agus 7<sup>ad</sup>.

agus an cuir mi do nainhde 'nan stòl fuidh d' chosaibh?

45 Air an aobhar sin ma ghoireas Daihhi a Thighearn dheth, cionnus is mac dha e?

46 Agus cha b'urrainn aon neach freagradh sam bith a thabhairt air; ni mò a bha chridh' aig aon neach o'n là sin suas ni air bith fheadraich dheth.

### CAIB. XXIII.

**A**N sinlabhair Iosaris an t-sluagh, agus r'a dheisciobluibh fein,

2 Ag radh, Ata na scriobhuichean agus na Phairisich 'nan suidhe ann an caithir Mhaois.

3 Air an aobharsin na h-uile nithe dh'iarras iad oirbhs' a choimheada, coimhidibh agus deanuibh iad; ach na deanuibh a réir an oibre: oir their iad, agus cha dean iad.

4 Oir ceanglaidh iad uallaiche b troma, agus do-ìomchar, agus cuiridh siad iad air guailnibh dhaoine, gidheadh cha charuich iad fein iad le h-aon d'am meuraibh.

5 Ach an oibre uile a ta iad a deanamh, chum am hi air am faicinn le daoineibh: ni iad am philacteridh leathan, agus iomall an eudaich mòr;

6 Agus is ìomhuinn leo na ceud ionada-suidhe anns na féisdibh, agus na ceud chaithriche anns na coimhthionaluibh.

7 Agus fàilte *fhaghail* air na margaibh, agus daoine a ghairm Rabbi, Rabbi dhiubh.

8 Ach na goirear Rabbi dhibhse: oir is aon ard mhaighstir a ta aguibh, Criosd; agus is bràithre sibh fein uile.

9 Agus na goiribh bhur n-athair do dhuine sam bith air talamh: oir is aon Athair a ta aguibh, a ta air nèamh.

10 Cha mhò ghoirear ard mhaighstirean dhibh: oir is aon ard mhaighstir a ta aguibh, Criosd.

11 Ach an ti a's mò 'nar measg, bithidh e 'na òglach aguibh.

12 Agus ge b'e neach a dh'ar-duicheas e fein, islichear e; agus ge b'e neach a dh'islicheas e fein, ar-duichear e.

13 Ach is anaobhinn dhuibhse, a scriobhuichean agus Phairiseacha, a chealgaircan, do bhrìgh gu bheil sibh a druidealh rioghadh nèimhe an aghaidh dhaoine: oir cha dtheid sibh fein a steach, agus cha'n fhuilang sibh do'n dream a ta dol a stigh dol ann.

14 Is anaobhinn dhuibh, a scriobh-

a ghlèidheadh:

b callacha.

uichean agus Phairiseacha, a chealgaircan; oir a ta sibh ag itheadh suas tighean bhantrach, agus air sgàth deadh choslais a deanamh ùrnuighean fàda; uime sin gheibh sibh an damnadh a's mò.

15 Is anaobhinn dhuibh, a scriobhuichean agus Phairiseacha, a chealgaircan; oir cuairtichidh sibh muir agus tìr chum aon duine a dheanamh d'ar creidimh fein, agus an uair a bhitheas e deanta, ni sibh mac ifrinn dheth dà uair ni 's mò na sibh fein.

16 Is anaobhinn dhuibh, a chinn-iuil c dhalla, a their, Ge b'e duine a bheir mionnan air an teampull, cha ni air bith sin: ach ge b'e bheir mionnan air òr an teampull, a ta e ceangailte d.

17 Amadana, agus a dhaoine dalla: oir cò ac' is mò an t-òr, no an teampull a ta naombachadh an òir?

18 Agus, ge b'e bheir mionnan air an altair, cha'n 'eil suim ann: ach ge b'e bheir mionnan air an tiodhlac a ta oirre, a ta e ceangailte.

19 Amadana, agus a dhaoine dalla: oir cò ac' is mò an tiodhlac, no'n altair a ta naombachadh an tiodhlaic?

20 Air an aobhar sin ge b'e mhionnuicheas air an altair, a ta e a mionnachadh oirre fein, agus air gach ni a ta oirre.

21 Agus ge b'e mhionnuicheas air an teampull, a ta e a' mionnachadh airsan, agus air an Tì a ta 'na chòmhluidh ann.

22 Agus ge b'e neach a mhionnuicheas air nèamh, a ta e a mionnachadh air rìgh-caithir Dhé, agus airsan a ta 'na shuidhe oirre.

23 Is anaobhinn dhuibh, a scriobhuichean agus Phairiseacha, a chealgaircan: oir a ta sibh a tabhairt an deachaimh as a mhiinnt, agus an anise, agus a chuimín, agus dhiobair sibh nithe cudthromach an lagha, cothrom, tròcair, agus firinn: bu chòir dhuibh iad so a dheanamh, agus gun iad sud fhàgail gun deanamh.

24 A chinn-iuil dhalla, a shìol-aidheas a' mhiòn-chuileag, agus a shluiogas an càmhail.

25 Is anaobhinn dhuibh, a scriobhuichean agus Phairiseacha, a chealgaircan; oir glanuidh sibh an taobh a muigh do'n chupan, agus do'n mhèis, ach a ta iad an taobh a stigh làn do reubainn, agus do eucoir f.

26 Phairisich dhoill, glan air tùs an taobh stigh do'n chupan agus

c a luchd-sedluidh, a thredraichean.  
d fuidh fhiachaibh.

e sgagas.

f dh'asabhara.

do'n mhèis, chumas gu'm bian taobh a muigh dhiubh glan mar an ceudna.

27 Is anaobhinn dhuibh, a scriobh-uichean agus Phairiseacha, a chealg-airean; oir is cosmhuil sibh ri-uighibh gealuichte, a ta deadh-mhaiseach air an taobh a muigh, ach air an taobh a stigh a ta làn do chnàmhaibh dhaoine marbha, agus do'n uile shalachar.

28 Mar an ceudna a ta sibhse an leth a muigh am fianuis dhaoine an coslas fhireana, ach san taobh a stigh làn ceilg, agus eusaontais.

29 Is anaobhinn dhuibh, a scriobh-uichean agus Phairiseacha, a chealg-airean; oir a ta sibh a togail àitean-adhlacaidh nam fàidh, agus a dean-amh leac-lithidb nam firean deadh-mhaiseach,

30 Agus ag radh, Nam bitheamaid ann an laithibh ar n-aithriche, cha bhitheamaid compàirteach riu am fuil nam fàidh.

31 Mar sin a ta sibh 'nar fianuisibh 'nar n-agaidd fein, gur sibh clann na muinntir a mharbh na fàidhean.

32 Mar sin lònuibhse suas tombas bbur n-aithriche.

33 A nathraiche, a shìol nan nathraiche nimhe, cionnus a dh'fheudar leibh dol as o dhamnadh ifrinn?

34 Air an aobhar sin feuch, cuir-eamsa d'ar ionnsuidh fàidhean, agus daoine glìce, agus scriobhuichean; agus cuid dhiubh marbhaidh agus ceusuidh sibh, agus cuid dhiubh sgiursaidh sibh ann bbur sionagogaibh, agus ni sibh geur-leammbuinn orra o bhaile gu baile:

35 Chum as gu'n d'thig oirbh gach uile fhuil fhìreanta, a dhòirteadh air an talamh, o fhuil Abeil fhìreanta, gu fuil Shachariais, mhic Bharachiais, a mharbh sibh eadar an teampull agus an altair.

36 Gu fìrinneach a deirim ribh, Gu'n d'thig na nithese uile air a ghinealach so.

37 A Ierusalem, a Ierusalem, a mharbhas na fàidhean, agus a ghabhas do chlacbaibh air an droinga chuinear a t'ionnsuidh, cia minic a b' àill leam do chlanna chruinneachadh r'a chéile mar a chruinnicheas cearc a h-eoin fuidh a sgiathaibh, agus cha b' àill leibh!

38 Feuch, fàgar bbur tigh aguibh 'na fhàsach.

39 Oir a deirimse ribh, nach faic sibh mise o so suas, gus an abair sibh, Is beannuichte an Tì a thig ann an ainm an Tighearna.

CAIB. XXIV.

**A**GUS chaidh Iosa mach, agus dh'imich e o'n teampull; agus

thainig a dheisciobuil d'a ionnsuidh, a nochdadh dha aitreabh an teampuill.

2 Agus thubhairt Iosa riu, Nach faic sibh iad so uile? gu fìrinneach a deirim ribh, Nach fàgar clach air muin cloiche an so, nach tilgear sìos.

3 Agus air suidhe dha air sliabh nan crann-ola, thainig a dheisciobuil d'a ionnsuidh os ìosal<sup>a</sup>, ag radh, Innis dhuinne, c'uin a thig na nithese gu crìch? agus ciod e comhara do theachd-sa, agus deiridh an t-saogh a il?

4 Agus fhreagair Iosa agus thubhairt, e riu, Thugaibh an aire nach meall aon neach sibh:

5 Oir thig mòran a'm' ainmse, ag radh, Is mise Crìosd; agus meallaidh iad mòran.

6 Agus cluinidh sibh coganna, agus tuairisgeul<sup>b</sup> choganna: thugaibh an aire nach bi sibh fa amhladh<sup>c</sup>: oir is éigin do na nithibhse uile teachd gu crìch<sup>d</sup>, ach cha 'n'eil an deireadh ann fathast.

7 Oir éiridh cinneach an aghaidh cinnich, agus rioghachd an aghaidh rioghachd: agus bithidh gorta agus plaighean agus criothana talmhainn am mòran a dh'aitibh.

8 Agus cha 'n'eil anna so uile ach toiseach thruaighean.

9 An sin bheir iad thairis sibh chum àmhghair, agus marbhaidh iad sibh: agus bithidh fuath aig gach uile chinneach dhuibh air sgàth m'ainmese.

10 Agus an sin gabhaidh mòran oilbheum, agus brathaidh iad a chéile, agus bithidh fuath aca d'a chéile.

11 Agus éiridh mòran a dh'fhàidhibh bréige, agus mealluidh iad mòran.

12 Agus do bhrìgh gu'm bi an eucuir air a meudachadh, fuaruichidh gràdh mhòrain.

13 Ach ge b'e bhitheas seasmach chum na crìche, s'e so a shlànuchear.

14 Agus bithidh soisgeul so na rioghachd air a shearmonachadh air feadh an domhain uile, mar fhianuis do na h-uile chinneachaibh; agus an sin thig an deireadh.

15 Air an aobhar so an uair a chi sibhse gràinealachd an léir-sgrìos, air an do labhair Daniel am fàidh, 'na seasamh ann an ionad naomha, (tuigeadh an tì a leughas)

16 An sin teicheadh iadsan a ta ann an Iudea, chum nam beann.

<sup>a</sup> an uaign'dheas.

<sup>b</sup> iomradh.

<sup>c</sup> bhuaireas.

<sup>d</sup> tachairt.

17 An ti a ta air mullach an tighe, na d'thigeadh e nuas a thabhairt nì sam bith leis as a thigh :

18 Agus an ti a ta air a m'fhachair, na pilleadh e air ais a thogail fhal-luinge leis.

19 Agus is an-aoibhinn do na mnaibh torrach, agus dhoibhsan a bheir cìoch uatha sna laithibh sin.

20 Ach guidhibhsegun bhurteich-eadh a bhi sa' gheamhradh, no air an t-sàbaid :

21 Oir anns an àm sin bithidh àmhghar mòr ann, amhuil nach robh ann o thùs an domhain gus a nis, agus nach mò a bhitheas a choidhch.

22 Agus mur biodh na laithean sin air an giorrachadh, cha bhiodh feoil sam bith air a tearnadh : ach air son nan daoine taghta bithidh na laithean sin air an giorrachadh.

23 An sin ma their aon duine ribh, Feuch, *a ta* Criosd an so, no an sud ; na creidibh e :

24 Oir éiridh Criosdan bréige, agus fàidhean bréige, agus nì iad comharan agus miorbhuilean mòra, ionnus gu mealladh iad, nam feudadh e bi, na daoine taghta fein.

25 Feuch, dh'innis mi dhuibh e roimh-laimh.

26 Uime sin ma their iad ribh, Feuch, a ta e san fhàsach, na rach-aibh a mach : feuch, *a ta* e sna seomraichibh uaigneach, na creidibh sin.

27 Oir a réir mar a thig an deal-anach o'n aird an ear, agus a dheal-ruicheas i gus an aird an iar ; mar sin mar an ceudna bhitheas teachd Mhic an duine.

28 Oir ge b'e ballam bi a chairbh a, is ann an sin a chruinnichear na h-iolairean.

29 Air ball an déigh trioblaid nan là ud, dorchuichear a ghrian, agus cha tabhair a ghealach a solus, agus tuitidh na reultan o nèamh, agus bithidh cumhachda nan nèamh air an crathadh.

30 Agus an sin foillsichear comh-ara Mhic an duine an nèamh : agus an sin nì uile threubha na talmhainn bròn, agus chii iad Mac an duine a teachd air neulaibh nèimhe, le cumhachd agus glòir ro mhòir.

31 Agus cuiridh e mach aingil le fuaime mhòir na galtruimp, agus cruinnichidh iad a shluagh taghta o na ceithir gaothaibh, o leth-iomall nèimhe gus an leth-iomall eile.

32 Ach fòghlumuibh cosamhlachd o'n chrann-fhige : an uair a bhitheas a gheug a nis maoth, agus a dh'fhàs-

as an duilleaca, aithnichidh sibh gur fagus an samhradh :

33 Agus mar an ceudna, an uair a chii sibhse na nithese uile, biodh fios agaibh gu bheil e am fagus, *eadhon* aig na dorsaibh.

34 Gu deimhin a deirim ribh, Nach d'theid an ginealach so fein thairis, gus an tachair na nithese uile.

35 Theid neamh agus talamh thairis, ach cha d'theid mo bhriath-rasa thairis a choidhch.

36 Ach cha 'n'eil fios an là no ná h-uair sin aig duine air bith, no fòs aig ainglibh nèimhe, ach aig m'Àthairs' a mhàin.

37 Ach amhuil *a bha* laithean Noe, mar sin mar an ceudna bithidh teachd Mhic an duine.

38 Oir mar a bha iad anns na laithibh roimh 'n tuil ag itheadh agus ag òl, a pòsadh agus u tabhairt am pòsadh, gus an là an deachaidh Noe a steach san àir,

39 Agus nach robh fhios aca gus an d'thainig an tuil, agus an do thog i leatha iad uile ; mar sin mar an ceudna bithidh teachd Mhic an duine.

40 An sin bithidh dithis air a mhachair ; gabhar fear aca, agus fàgar am fear eile.

41 Bithidh dithis bhan a meil-eadh<sup>b</sup> anns a mhuileann ; gabhar a h-aon aca, agus fàgar an aon eile<sup>c</sup>.

42 Uime sin deanuibhse faire, oir cha 'n'eil fhios agaibh cia an uair an d'thig bhur Tighearna.

43 Ach a ta fhios so agaibh, nam b'fhiosrach fear an tighe cia an uair an d'thigeadh an gaduiche, gu'n deanadh e faire, agus nach fulaing-eadh e gu 'm bristeadh a thigh trid.

44 Uime sin bithibhse ullamh mar an ceudna : oir is ann an uair nach saoil sibh, a thig Mac an duine.

45 Cò e ma seadh a ta 'na òglach firinneach agus glic, a chuir a Thighearn os cionn a mhuinntire, a thabhairt bidh dhoibh 'na àm fein ?

46 Is beannuichte an t-òglach sin, a gheibh a Thighearna ri àm dha teachd, a deanamh mar sin.

47 Gu deimhin a deirim ribh, gu'n cuir se e os cionn a mhaing u h-iomlan.

48 Ach ma their an droch sheirbhiseach ud 'na chridhe, A ta mo Thighearna a cur dàil 'na theachd,

49 Agus ma thòisicheas e air a choimh-sheirbhisich a bhualadh, agus air itheadh agus òl maille ri luchd misge ;



50 Thig Tighearn an òglaich sin ann an là nach 'eil sùil aige ris, agus ann an uair nach fìos da,

51 Agus gearraidh e 'na bhloigh-dibh e, agus bheir e a chuibhrionn da maille ris na cealgairibh: an sin bithidh gul agus giosgan fhiacal.

## CAIB. XXV.

**A**N sin samhluichear rioghachd nèimhe ri deich òghibh, a thug leo an lòchrain, agus a chaidh a mach an còdhail an fhir nuadh-phòsda.

2 Agus bha cùigear dhiubh glic, agus cùigear amaideach.

3 Thug iadsan a bha amaideach an lòchrain leo, ach cha d'thug iad ola leo.

4 Ach iadsan a bha glic, thug iad ola leo 'nan soithichibh maille r'an lòchranaibh.

5 Agus air deanamh moille do'n fhear nuadh-phòsda, thuit clò codail orra uile, agus suain b.

6 Ach anns a mheadhon-oidheche rinneadh glaoth, Feuch, a ta 'm fear nuadh-phòsda a teachd, rachaibh a mach g'a choinneachadh.

7 An sin dh'éirich na h-òighean ud uile, agus dheasuich iad an lòchrain.

8 Agus thubhairt na h-òighean amaideach rìusan a bha glic, Tabhairibh dhuinne cuid do bhur n-ola; oir a ta ar lòchrain a dol as.

9 Ach fhreagair iadsan a bha glic, ag radh, Air eagal nach bi na 's leoir ann dhuinn fein agus dhuibhse, gu ma fearr leibh dol a chum an luchd-reicidh, agus ceannuichibh dhuibh fein.

10 Agus am feadh a bha iad a dol a cheannach, thainig ann fear nuadh-phòsda, agus chaidh iadsan a bha ullamh a steach leis chum a phòsaidh, agus dhruideadh an dorus.

11 'Na dhèigh sin thainig mar an ceudna na h-òighean eile, ag radh, A Thighearn, a Thighearn, fosgail dhuinne.

12 Ach fhreagair esan agus thubhairt e, Gu deimhin a deirim ribh, nach aithne dhomh sibh.

13 Deanaibh faire air an aobhar sin, do bhrìgh nach aithne dhuibh an la no an uair, air an d'thig Mac an duine.

14 Oir is cosmhuil e ri duine a dol air choigrich, a ghoir a sheirbhisich, agus a thug dhoibh a mhaoin:

15 Agus do h-aon diubh thug e cùig talanna, agus do neach eile a dhà, agus do neach eile a h-aon; do

a fhir-na-bainnse. b rinn iad dùsal uile, agus choidil iad. c is cosmhuil rioghachd nèimlie.

gach aon fa leth a réir a chomais; agus air ball ghabh e a thurus.

16 Agus dh'imich esan a fhuair na cùig talanna, agus rinn e ceannachd lèò, agus bhuannaich e cùig talanna eile.

17 Agus mar an ceudna esan a fhuair a dhà, bhuannaich e dithis eile.

18 Ach an ti a fhuair a h-aon, dh'imich e agus chladhaich e san talamh, agus dh'fholaich e airgid a mhaighstir.

19 An déigh aimsir fhada thainig Tighearna nam seirbhisich sin, agus rinn e cunntas riu.

20 Agus thainig esan a fhuair na cùig talanna, agus thug e leis cùig talanna eile, ag radh, A Thighearna, thug thu dhomh-sa cùig talanna: feuch, bhuannaich mi cùig talanna eile thuilleadh orra.

21 Agus thubhairt a Thighearna ris, Is maith, a dheadh sheirbhisich fhìrinnich; bha thusa fìrinneach ann am beagan, cuiridh mise os cionn mhòrain thu; imich a steach do aoibhneas do Thighearna.

22 Agus air teachd dhasan a fhuair an dà thalann, thubhairt e, A Thighearna, thug thu dhomhsa dà thalann: feuch, bhuannaich mi dà thalann eile thuilleadh orra.

23 Thubhairt a Thighearna ris, Is maith, a dheadh sheirbhisich fhìrinnich; bha thusa fìrinneach ann am beagan do nithibh, cuiridh mise os cionn-mòrain do nithibh thu: imich a steach do aoibhneas do Thighearna.

24 Ach an uair a thainig esan a fhuair an t-aon talann, thubhairt e, A Thighearna, bha fhios agam gur duine cruaidh thu, a bhuaineas san àite nach do chuir thu, agus a thion-alas san ionad anns nach do sgaoil thu:

25 Agus air dhomh bhi fuaidh eagal, chaidh mi agus dh'fholaich mi do thalann san talamh: feuch, sin agad do chuid fein.

26 Fhreagair a Thighearn agus thubhairt e ris, A sheirbhisich uile agus leisg, bha fhios agad gu buain-imse san àit anns nach do chuir mi, agus gu tionalam as an ionad anns nach do sgaoil mi;

27 Bu chòir dhuit uime sin m'airgid a thabhairt do'n luchd malairt, agus air dhomh teachd gheibhinn mo chuid fein maille r'a riadh.

28 Buinibh uaith uime sin an talann, agus thugaibh dhasan e, aig am bheil na deich talanna.

29 (Oir do gach neach aig am bheil bheirear, agus bithidh aige gu pailt: ach uaith-san aig nach

'eil, bheirear eadhon an nì sin a ta aige :)

30 Agus tilgibh an seirbhiseach mi-tharbbach so do dhorchadas iomallach: an sin bithidh gul agus giosgan fhiacal.

31 An uair a thig Mac an duine na ghloir, agus na h-aingil naomba uile maille ris, an sin suidhidh e air caithir rìoghail a ghloire.

32 Agus cruinnichear 'na làthair na b-uile chinnich; agus sgaraidh e iad o chéile, amhuil a sgaras<sup>a</sup> buachaille na caoraich o na gabhairibh:

33 Agus cuiridh e na caoraich air a laimh dheis, ach na gabhair air a laimh chli.

34 An sin their an Rìgh rìusan air a dheis, Thigibh, a dhaoine bean- nuichte m' Atharsa, sealbhuichibh mar oighreachd an rìoghachd a ta air a deasachadh dhuibh o leagadh bunaitean an domhain:

35 Oir bha mi ocrach, agus thug sibh dhomh biadh: bha mi tartmhor<sup>b</sup>, agus thug sibh dhomh deoch: bha mi a'm<sup>c</sup> choigreach, agus thug sibh aoidheachd dhomh:

36 Lomnochd, agus dh'eudaich sibh mi: bha mi euslan, agus thainig sibh g'am amharc: bha mi am prìosun, agus thainig sibh a m'ionnsuidh.

37 An sin freagraidh na fireana e, ag radh, A Thighearna, c'uin a chunnaic sinn ocrach thu, agus a bheathaich sinn thu? no tartmhor, agus a thug sinn deoch dhuit?

38 No c'uin a chunnaic sinn a'd' choigreach thu, agus a thug sinn aoidheachd dhuit? no lomnochd, agus a dh'eudaich sinn thu?

39 No c'uin a chunnaic sinn euslan thu, no am prìosun, agus a thainig sinn a t'ionnsuidh?

40 Agus freagraidh an Rìgh, agus their e riu, Gu deimhin a deirim ribh, à mheud 's gu'n do rinn sibh e do n-aon do na bràithribh a's lugha agamsa, rinn sibh dhomh-sa e.

41 An sin their e mar an ceudna riu-san air an laimh chli, Imichibh uam, a shluagh malluichte, dh'ionnsuidh an teine shiorruidh, a dh'ul-luicheadh do'n diabol agus d'a ainglibh:

42 Oir bha mi ocrach, agus cha d'thug sibh dhomh biadh: bha mi tartmhor, agus cha d'thug sibh dhomh deoch:

43 Bha mi a'm<sup>c</sup> choigreach, agus cha d'thug sibh aoidheachd dhomh: lomnochd, agus cha d'eudaich sibh mi: euslan, agus am prìosun, agus cha d'thainig sibh g'am amharc.

<sup>a</sup> thearbaidheas. <sup>b</sup> lotmhor, pàiteach.

44 An sin freagraidh iadsan mar an ceudna e, ag radh, A Thighearna, c'uin a chunnaic sinne thu ocrach, no tartmhor, no d' choigreach, no lomnochd, no euslan, no am prìosun, agus nach do fhritheil sinn dhuit?

45 An sin freagraidh esan iad, ag radh, Gu deimhin a deirim ribh, a mheud 's nach d'rinn sibh e do'n neach a's lugha dhiubh so, cha d'rinn sibh dhomhsa e.

46 Agus imichidh iadsan chum peanais shiorruidh; acb na fireana chum na beatha maireannaich.

#### CAIB. XXVI.

**A**GUS tharladh, 'nuair a chrìochnaich Iosa na briathra so uile, gu'n dubhairt e r'a dheisciobluibh,

2 A ta fhios agaibh gu'm bbeil a chàis an deigh dà latha, agus a ta Mac an duine air a bhrath chum a cheusadh e.

3 An sin chruinnich uachdarain nan sagart, agus na scriobhuichean, agus seanairean a phobuill, gu talla an ard shagairt, d'an goirear Caiaphas.

4 Agus ghabh iad comhairle le chéile chum Iosa a ghluacadh le feall, agus a chur gu bàs.

5 Ach thubhairt iad, Na deanam-aid e san fhéist, air eagal gu'm bi buaireas am measg a phobuill.

6 Agus air do Iosa a bhi ann am Betani, ann an tigh Shimoin an lobhair.

7 Thainig bean d'a ionnsuidh aig an robh bocsa alabastair làn a dh'ola ro luach-mhoir, agus dhòirt i air a cheam e, agus e 'na shuidhe aig biadh.

8 Ach an uair a chunnaic a dheisciobuil sin, bha fearg orra, ag radh, Ciod is ciall do'n ana-caitheadh so?

9 Oir dh'fheudadh an ola so bhi air a reiceadh air mhòran, agus a bhi air a tabhairt do na bochdaibh.

10 Acb air aithneachadh so do Iosa, thubhairt e riu, C'ar son a ta sibh a cur dragha air a' mhnaoi? oir rinn i deadh obair dhomh-sa.

11 Oir a ta na bochdan agaibh a ghnàth maille ribh, ach cha 'n'eil mise agaibh a ghnàth.

12 Oir air dòrtadh na h-olasa dh'i air mo corp-sa, is ann fa chomhair in'adhlac a rinn i e.

13 Gu deimhin a deirim ribh, Ge b'e àit am bi an soisgeuls' air a shear-monachadh air feadh an t-saoghail gu h-ìomlan, aithrisear an nì a rinn a bhean so, mar chuimhne oirre.

14 An sin dh'imich aon do'n dà

<sup>c</sup> bheirear thairis Mac an duine gu bhi air a cheusadh.

fhear dheug, d'am b'ainm Iudas Is-  
cariot, chum nan ard shagart.

15 Agus thubhairt e, Cìod a bheir  
sibh dhomh-sa, agus brathaidh mi  
dhuibh e? Agus choird iad ris air  
dheich buinn fhichead airgid.

16 Agus o'n àm sin a mach dh'iarr  
e fàth<sup>a</sup> air esan a bhrath.

17 Agus air a cheud là dh'fhéist  
an arain neo-ghoirtichte, thainig na  
deisciobuil chum Iosa, ag radh ris,  
C'ait an àill leat sinne a dh'ulluch-  
adh dhuit, chum as gu'n ith thu a  
chaisg?

18 Agus thubhairt esan, Rachaibh  
do'n bhaile gu leithid so do dhuine,  
agus abraibh ris, Tha am maighstir ag  
radh, A ta m'am am fagus, cumaidh  
mi a chàisg aig do thigh-sa maille ri  
m' dheisciobluibh.

19 Agus rinn na deisciobuil mar a  
dh'orduich Iosa dhoibh, agus dheas-  
uich iad a chàisg.

20 Agus an uair a thainig am  
feasgar, shuidh e maille ris an dà  
fhear dheug.

21 Agus ag itheadh dhoibh, thubh-  
airt e, Gu deimhin a deirim ribh,  
gu' m brath fear dhibh mise.

22 Agus air dhoibh bhi ro bhrònach,  
thòisich gach aon aca fa leth air a  
radh ris, Am mise e, a Thighearna?

23 Agus fhreagair esan agus  
thubhairt e, An ti a thumas a lamh  
sa' mbeis maille rium-sa, brathaidh  
esan mi.

24 Gu deimhin a ta Mac an duine  
ag imeachd, a réir mar a ta e scribedhta  
m'a thimchioll: ach is an-aobhinn  
do'n duine sin, le'm brathar Mac an  
duine: bu mhaith do'n duine sin,  
mur beirte riamh e.

25 An sin fhreagair Iudas a bhrath  
e, Agus thubhairt e, A mhaighstir,  
am mise e? Thubhairt esan ris,  
Thubhairt thu.

26 Agus ag itheadh dhoibh, ghlac  
Iosa aran, agus air tabhairt buidh-  
eachais, bhris se e<sup>b</sup>, agus thug e do  
na deisciobluibh e, agus thubhairt  
e, Gabhaibh, ithibh; 's e so mo  
chorp-sa.

27 Agus air glacadh a chupain,  
agus air tabhairt buidheachais, thug  
e dhoibh e, ag radh, Oluibh uile  
dheth:

28 Oir is i so m'fhuilse na tiom-  
nac nuaidh, a dhòirtear airson mhò-  
rain chum maitheanais pheacanna.

29 Ach a deirim ribh, Nach òl mi  
a so suas do thoradh so na fionain<sup>d</sup>,  
gus an la sin an òl mi e nuadh

maille ribh ann an rioghachd  
m' Athar.

30 Agus air dhoibh laoidh a sheinn,  
chaidh iad a mach gu sliabh nan  
crann-ola.

31 An sin thubhairt Iosa riu,  
Gheibh sibh uile oibbheum annams'  
an nochd; oir a ta e scribedhta, Buail-  
idh mi am buachaille, agus sgapar  
caoraich an treuda.

32 Ach an déigh dhomh-sa éirigh  
a ris, theid mi roimhibh do Ghalile.

33 Agus fhreagair Peadar agus  
thubhairt e ris, Ged gheibh gach uile  
dhaoine oibbheum annad, cha'n  
fhaigh mise oibbheum gu bràth,

34 Thubhairt Iosa ris, Gu deimh-  
in a deirim riut, air an oidhche so  
fein mu'n goir an coileach, gu'n  
àicheadh thu mi tri uairean.

35 Thubhairt Peadar ris, Ged a  
b'éigin dhomh bàsachadh maille riut,  
cha'n àicheadh mi thu. Agus thubh-  
airt na deisciobuil uile mar an ceud-  
na.

36 An sin thainig Iosa maille riu  
gu ionad d'an goirear Getsemane, a-  
gus thubhairt e ris na deisciobluibh,  
Suidhibhs' an so, gus an d'theid mise  
a dheanamh ùrnuigh an sud.

37 Agus thug e Peadar leis, agus  
dithis mhac Shebede, agus thòisich e  
air a bhi brònach, agus ro dhoilgheas-  
ach.

38 An sin thubhairt e riu, A ta  
m'anam ro bhrònach, eadhon gu bàs:  
fanuibhs' an so, agus deanaibh faire  
maille rium-sa.

39 Agus dh'imich e beagan air  
adhart<sup>e</sup>, agus thuit e air aghaidh, a  
deanamh ùrnuigh, agus ag radh, O  
m' Athair, ma dh'fheudas e bhi,  
rachadh an cupan-sa seachad orm:  
gidheadh, na biodh e mar is aill  
leamsa, ach mar is toil leatsa.

40 Agus thainig e chum nan deis-  
ciobuil, agus fhuair e 'nan codal iad,  
agus thubhairt e ri Peadar, An ann  
mar sin, nach b' urradh sibh faire a  
dheanamh aon uair a mhàin maille  
rium-sa?

41 Deanaibh faire agus ùrnuigh,  
chum as nach tuit sibh am buaireadh:  
a ta gun amharus an spiorad  
togarach; ach a ta 'n fheoil  
amhunn<sup>f</sup>.

42 A ris an dara uair, dh'imich e  
agus rinn e ùrnuigh, ag radh, O  
m' Athair, mur feudar gu'nd'theid an  
cupan so seachad orm, gun mi 'ga  
òl, do thoilsa gu robh deanta.

43 Agus thainig e agus fhuair e  
iad a ris 'nan codal; oir bha an  
sùilean trom.

<sup>a</sup> cothrom. <sup>b</sup> agus bheannuich,  
agus bhris se e. <sup>c</sup> a' choimhcheangail.  
<sup>d</sup> fineamhain. Eir.

bhreitheanais, agus chruinnich iad a bhuidheann uile m'a thimchioll.

28 Agus air dhoibh a rùsgadh, chuir iad uime falluing scarlaid.

29 Agus air dhoibh crùn dhroigh-inn fhigheadh, chuir iad m'a cheann e, agus slat chuilce 'na laimh dheis: agus a lùbadh an glùin 'na làthair, rinn iad fanoid air, ag radh, Gu'm beannuichear thu, a Rìgh nan Iudhach.

30 Agus thilg iad smugaid air, agus ghlac iad an t-slat chuilce, agus bhuaill iad sa cheann e.

31 Agus an dèigh dhoibh fanoid a dheanamh air, thug iad an fhalluing dheth, agus chuir iad eudach fein uime, agus thug iad leo e chum a cheusadh.

32 Agus an uair a chaidh iad a mach, fhuair iad duine o Chirene, d'am b'ainm Simon: esan dh'èignich iad chum a chrann-ceusaidh-san a ghiùlan.

33 Agus an uair a thainig iad gu ionad d'an ainm Golgota, sin r'a radh, àite cloiginn.

34 Thug iad dha r'a òl fion geur, measgta le domblas: agus air dha a bhlasadh, cha'n òladh se e.

35 Agus an uair a cheus iad e, roinn iad a thruscan eatorra, a tilgeadh crannchuir: chum gu'n coimhliontadh an ni a thubhradh leis an fhàidh, Roinn iad m'eudach eatorra, agus chuir iad crannchur air mo bhrat.

36 Agus air suidhe dhoibh, rinn iad faire an sin:

37 Agus chuir iad a chùis-dhèididh scriobhta os a chionn, IS E SO IO-SA RIGH NAN IUDHACH.

38 An sin cheusadh maille ris dà ghaduiche b; fear air a laimh dheis, agus fear eile air a laimh chli.

39 Agus thug iadsan a bha d'ol seachad toibheum dha, a crathadh an ceann.

40 Agus ag radh, Thusa a leagas an teampull, agus a chuireas suas an trì laithibh e, fòir ort fein: ma 's tu Mac Dhé, thig a nuas o'n chrann-cheusaidh.

41 Mar an ceudna thubhairt na h-ard shagairt, maille ris na scriobhuichibh, agus na seanairibh, a fanoid air.

42 Shaor e daoin' eile, e fein a shaoradh ni 'n comasach e: ma 's e Rìgh Israeil, thigeadh e nis a nuas o'n chrann-cheusaidh, agus creididh sinn e.

43 Chuir e dhòigh an Dia; saor-

adh e a nis e, ma ta toil aige dha: oir thubhairt e, Is mise Mac Dhé.

44 Agus thug na gaduichean, a cheusadh maille ris, am beum ceudna dha.

45 A nis o'n t-seathadh uair bha dorchadas air an t-uir uile agus an naothadh uair.

46 Agus mu thimchioll na naothadh uaire dh'éigh Iosa le guth ard, ag radh, Eli, eli, lama sabachtani? 's e sin r'a radh, Mo Dhia, mo Dhia, car son a thréig thu mi?

47 Agus air cluinntinn sin do chuid diubhsan a bha 'nan seasamh an sin, thubhairt iad, A ta 'm fear so glaothaich air Elias.

48 Agus air ball ruith a h-aon diubh, agus ghabh e spong, agus lion e do fhion geur i, agus air dha a cur air slait chuilce, thug e dha r'a òl.

49 Ach thubhairt càch, Leig dha, faiceamaid an d'thig Elias g'a thearnadh.

50 Agus an uair a dh'éigh Iosa a ris le glaoth mòr, thug e suas a spiorad.

51 Agus fench, reubadh bratroinn an teampull 'na dhà chuid, o mhullach gu ìochdar; agus chrìochnuich an talamh, agus sgoilteadh na creagan.

52 Agus dh'fhosgladh na h-uaigh-ean, agus dh'èirich mòran do chorp-abli nan naomh, a bha 'nan codal.

53 Agus chaidh iad a mach as na h-uaighibh an dèigh aiseirigh-san, agus chaidh iad a steach do'n bhaile naomha, agus nochdadh iad do mhòran.

54 A nis an uair a chunnaic an ceannard-ceud, agus iadsan, a bha maille ris a coimhead e Iosa, a chrith-thalabainn, agus na nithe eile a rinneadh, ghabh iad eagail mòr, ag radh, Gu ìirinneach b'e so Mac Dhé.

55 Agus bha an sin mòran bhan (ag amharc am fad,) a lean Iosa o Ghalile, a frithealadh dha:

56 Am measg an robh Muire Magdalen, agus Muire màthair Sheumais agus Ioses, agus màthair cloinne Shebede.

57 Agus air teachd do'n fheasgar, thainig duine saibhir o Arimatea, d'am b'ainm Ioseph, a bha e fein 'na dheisciobul aig Iosa mar an ceudna:

58 Chaidh esan gu Pilat, agus dh'iarr e corp Iosa: an sin dh'àithn Pilat an corp a thubhairt da.

59 Agus ghlac Ioseph an corp, agus phaisg e ann an lìon-eudach fìor-ghlan e.

a eudach a thoirt dheth. b dà fhear-reubainn, dà chreacadair.

c gleidheadh.



60 Agus chuir se e 'na uaigh nuadh fein, a chladhaich e ann an carruig : Agus charuich e clach mhòr gu dorus na h-uaighe, agus dh'imich e roimhe.

61 Agus bha Muire Magdalen, agus a Mhuire eile 'nan suidhe fa chomhair na h-uaighe.

62 A nis air an la màireach, an la'n déigh an ulluchaidh, chruinnich-eadh na h-ard shagairt agus na Phairisich gu Pilat,

63 Ag radh, A thighearn, is cuimhne leinn an uair a bha am mealltair ud fathast beo, gu'n dubhairt e, Eiribh mi'n déigh thrilaithean.

64 Orduich uime sin an uaigh a bhi air a coimhead gu cinnteach gus an treas la, air eagal gu'n d'thig a dheisciobuil san oidhche, agus gu 'n goid iad leo e, agus gu 'n abair iad ris an t-sluagh, Dh'éirich e o na marbhaibh: agus mar sin bithidh am mearachd deireannach ni 's miosa na'n cend *mhearachd*.

65 Thubhairt Pilat riu, Tha faire agaibh; imichibh, deanaibh an uaigh co tearuinte 's is aithne dhuibh.

66 Agus dh'imich iad agus rinn iad an uaigh cinnteach, a cur seula air a' chloich, maille ri faire.

## CAIB. XXVIII.

**A**N déigh na sàbaid, aig briseadh na faire air a cheud là do'n t-seachdain, thainig Muire Magdalen agus a' Mhuire eile, a dh'fhaicinn na h-uaighe.

2 Agus feuch, bhacrith-thalmhainn mhòr ann: oir thainig aingeal an Tighearna nuas o nèamh, agus air teachd dha charuich e a chlach o'n dorus, agus shuidh e oirre.

3 Agus bha a ghnòis mar dhealanach, agus eudach geal mar shneachda.

4 Agus air eagal roimhe chrìothnuich an luchd coimhid a, agus chaidh iad an riochd mairbh.

5 Ach fhreagair an t-aingeal agus thubhairt e ris na mnaibh, Na biodh eagal oirbhse: oir a ta fhios agam gu bheil sibh ag iarraidh Iosa, a chaidh cheusadh.

6 Cha 'n'èil e 'n so; oir dh'éirich e, mar a thubhairt e: thigibh, faicibh an t-àit an robh an Tighearna 'na luidhe.

7 Agus imichibh gu luath, agus inn-sibh d'a dheisciobluibh gu'n d'éirich e o na marbhaibh: agus feuch, tha

e dol roimhibh do Ghalile, an sin chi sibh e, feuch, thubhairt mise ribh e.

8 Agus dh'imich iad gu luath o'n uaigh, le h-eagal agus mòr ghairdeachas, agus ruith iad a dh'innseadh d'a dheisciobluibh.

9 Agus ag imeachd dhoibh-san a dh'innseadh d'a dheisciobluibh, feuch, thachair Iosa fein orra, ag radh, Fàilte dhiubh. Agus thainig iad am fagus da, agus rug iad air a chosaibh, agus thug iad urram dha b.

10 An sin thubhairt Iosa riu, Na biodh eagal oirbh: imichibh, abraibh ri mi' bhràithribh iadsan a dhol do Ghalile, agus an sin chi iad mi.

11 Agus an uair a bha iadsan ag imeachd, feuch, thainig cuid do'n luchd faire do'n bhaile, agus nochd iad do na h-ard shagartaibh gach ni a thachair.

12 Agus air cruinneachadh dhoibh-san an ceann a chéile maille ris na seanairibh, agus air gabhail comhairle dhoibh, thug iad mòran airgid do na saighdearaibh,

13 Ag radh, Abraibhse gu'n d'thainig a dheisciobuil anns an oidhche, agus gu'n do ghoid iad e, an uair a bha sinne 'nar codal.

14 Agus machluinneas an t-nachdaran so, cuiridh sinne impidh air, agus ni sinn sibhse tearuinte.

15 Agus ghabh iad an t-airgid, agus rinn iad mar a theagaisgeadh dhoibh: agus a ta a chainnt so air a h-aithris am measg nan Iudhach gus an là'n diugh.

16 An sin chaidh an t-aon deisciobuil deug do Ghalile, do'n bheinn far an d'orduich Iosa dhoibh,

17 Agus an uair a chunnaic iad e, thug iad urram dha b: ach bha cuid aca fa amharus.

18 Thainig Iosa, agus labhair e riu, ag radh, Thugadh dhomhsa gach uile chunhachd air nèamh agus air talamh.

19 Uime sin imichibhse, agus deanaibh deisciobuil doc gach uile chinneach, 'gam baisteadh ann an ainm an Athar, agus a Mhic, agus an Spioraid naomh:

20 A teagasg dhoibh gach uile nithe a dh'àitha mise dhuibh a choimhead: Agus feuch, a ta mise maille ribh a ghnàth, gu deireadh an t-saoghail. Amen.

b rinn iad aoradh dha.  
poichibh, teagaisgibh.

c iom-

a luchd faire.

bhreitheanais, agus chruinnich iad a bhuidheann uile m'a thimchioll.

28 Agus air dhoibh a rùsgadh,<sup>a</sup> chuir iad uime falluing scarlaid.

29 Agus air dhoibh crùn dhroighinn fhigheadh, chuir iad m'a cheann e, agus slat chuilce 'na laimh dheis: agus a lùbadh an glùn 'na làthair, rinn iad fanoid air, ag radh, Gu'm beannuichear thu, a Rìgh nan Iudhach.

30 Agus thilg iad smugaid air, agus ghlac iad an t-slat chuilce, agus bhuaill iad sa cheann e.

31 Agus an déigh dhoibh fanoid a dheanamh air, thug iad an fhalluing dheth, agus chuir iad eudach fein uime, agus thug iad leo e chum a cheusadh.

32 Agus an uair a chaidh iad a mach, fhuair iad duine o Chirene, d'am b'ainm Simon: esan dh'éignich iad chum a chrann-ceusaidh-san a ghluilàn.

33 Agus an uair a thainig iad gu ionad d'an ainm Golgota, sin r'a radh, àite cloiginn.

34 Thug iad dha r'a òl fion geur, measgta le domblas: agus air dha a bhlasadh, cha'n òladh se e.

35 Agus an uair a cheus iad e, roinn iad a thruscan eatorra, a tilgeadh crannchuir: chum gu'n coimhliontadh an nì a thubhradh leis an fhlaidh, Roinn iad m'eudach eatorra, agus chuir iad crannchur air mo bhrat.

36 Agus air suidhe dhoibh, rinn iad faire an sin:

37 Agus chuir iad a chùis-dhèidh sgrìobhta os a chionn, IS E SO IO-SA RIGH NAN IUDHACH.

38 An sin cheusadh maille ris dà ghaduiche<sup>b</sup>; fear air a laimh dheis, agus fear eile air a laimh chli.

39 Agus thug iadsan a bha òl seachad toibheum dha, a crathadh an ceann.

40 Agus ag radh, Thusa a leagas an teampull, agus a chuireas suas an trì laithibh e, fòir ort fein: ma 's tu Mac Dhé, thig a nuas o'n chrann-cheusaidh.

41 Mar an ceudna thubhairt na h-ard shagairt, maille ris na sgrìobh-uichibh, agus na seanairibh, a fanoid air.

42 Shaor e daoine<sup>a</sup> eile, e fein a shaoradh ni 'n comasach e: ma 's e Rìgh Israeil, thigeadh e nis a nuas o'n chrann-cheusaidh, agus creididh sinn e.

43 Chuir e dhòigh<sup>a</sup> an Dia; saor-

adh e a nis e, ma ta toil aige dha: oir thubhairt e, Is mise Mac Dhé.

44 Agus thug na gaduichean, a cheusadh maille ris, am beum ceudna dha.

45 A nis o'n t-seathadh uair bha dorchadas air an tìr uile gus an naothadh uair.

46 Agus mu thimchioll na naothadh uaire dh'éigh Iosa le guth ard, ag radh, Eli, eli, lama sabachtani?<sup>a</sup> 's e sin r'a radh, Mo Dhia, mo Dhia, car son a thréig thu mi?

47 Agus air cluinntinn sin do chuid diubhsan a bha 'nan seasamh an sin, thubhairt iad, A ta 'm fear so glaothaich air Elias.

48 Agus air ball ruith a h-aon diubh, agus ghabh e spong, agus lìon e do fhion geur i, agus air dha a cur air slait chuilce, thug e dha r'a òl.

49 Ach thubhairt càch, Leig dha, faiceamaid an d'thig Elias g'a thear-nadh.

50 Agus an uair a dh'éigh Iosa a ris le glaoth mòr, thug e suas a spiorad.

51 Agus feuch, reubadh brat-roinn an teampuill 'na dhà chuid, o mhullach gu iochdar; agus chrìochnuich an talamh, agus sgoilteadh na creagan.

52 Agus dh'fhosglaadh na h-uaigh-ean, agus dh'éirich mòran do chorp-aibh nan naomh, a bha 'nan codal.

53 Agus chaidh iad a mach as na h-uaighibh an déigh aiseirigh-san, agus chaidh iad a steach do'n bhaile naomha, agus nochdadh iad do mhòran.

54 A nis an uair a chunnaic an ceannard-ceud, agus iadsan, a bha maille ris a coimhead<sup>c</sup> Iosa, a chrith-thalmhainn, agus na nithe eile a rinneadh, ghabh iad eagal mòr, ag radh, Gu òrinneach b'e so Mac Dhé.

55 Agus bha an sin mòran bhan (ag amharc am fad,) a lean Iosa o Ghalile, a frithealadh dha:

56 Am measg an robh Muire Magdalen, agus Muire màthair Sheumais agus Ioses, agus màthair cloinne Shebede.

57 Agus air teachd do'n fheasgar, thainig duine saibhir o Arimatea, d'am b'ainm Ioseph, a bha e fein 'na dheisciobul aig Iosa mar an ceudna:

58 Chaidh esan gu Pilat, agus dh'iarr e corp Iosa: an sin dh'àithn Pilat an corp a thabhairt da.

59 Agus ghlac Ioseph an corp, agus phaisg e ann an llong-eudach fionghlan e.

<sup>a</sup> eudach <sup>a</sup> thoirt dheth. <sup>b</sup> dà fhear-reubainn, dà chreacadair.

<sup>c</sup> gleidheadh.

60 Agus chuirse e 'na uaigh nuadh fein, a chladhaich e ann an carruig : Agus charuich e clach mhòr gu dorus na h-uaighe, agus dh'imich e roimhe.

61 Agus bha Muire Magdalen, agus a' Mhuire eile 'nan suidhe fa chomhair na h-uaighe.

62 A nis air an la màireach, an la'n déigh an ulluchaidh, chruinnich-eadh na h-ard shagairt agus na Phairisich gu Pilat,

63 Ag radh, A thighearn, is cuimhne leinn an uair a bha am mealltair ud fathast beo, gu'n dubhairt e, Eiribh mi'n déigh thri laithean.

64 Orduich uime sin an uaigh a bhi air a coimhead gu cinnteach gus an treas la, air eagal gu'n d'thig a dheisciobuil san oidhche, agus gu 'n goid iad leo e, agus gu 'n abair iad ris an t-sluagh, Dh'éirich e o na marbhaibh : agus mar sin bìthidh am mearachd deireannach ni 's miosa na'n ceud *mhearachd*.

65 Thubhairt Pilat riu, Tha faire agaibh ; imichibh, deanaibh an uaigh co tearuinte 's is aithne dhuibh.

66 Agus dh'imich iad agus rinn iad an uaigh cinnteach, a cur seula air a' chloich, maille ri faire.

## CAIB. XXVIII.

**A**N déigh na sàbaid, aig briseadh na faire air a cheud là do'n t-seachdain, thainig Muire Magdalen agus a' Mhuire eile, a dh'fhaicinn na h-uaighe.

2 Agus feuch, bhacri-thalmhainn mhòr ann : oir tbainig aingeal an Tighearna nuas o nèamh, agus air teachd dha charuich e a chlach o'n dorus, agus shuidh e oirre.

3 Agus bha a ghnùis mar dhealanach, agus eudach geal mar shneachda.

4 Agus air eagal roimhe chriothnuich an luchd coimhid a, agus chaidh iad an riochd mairbh.

5 Ach fhreagair an t-aingeal agus thubhairt e ris na mnaibh, Na biodh eagal oirbhse : oir a ta fhios agam gu bheil sibh ag iarraidh Iosa, a chaidh cheusadh.

6 Cha 'n'eil e 'n so ; oir dh'éirich e, mar a thubhairt e : thigibh, faicibh an t-àit an robh an Tighearna 'na luidhe.

7 Agus imichibh gu luath, agus inn-sibh d'a dheisciobluibh gu'n d'éirich e o na marbhaibh : agus feuch, tha

e dol roimhibh do Ghalile, an sin chi sibh e, feuch, thubhairt mise ribh e.

8 Agus dh'imich iad gu luath o'n uaigh, le h-eagal agus mòr ghairdeachas, agus ruith iad a dh'innseadh d'a dheisciobluibh.

9 Agus ag imeachd dhoibh-san a dh'innseadh d'a dheisciobluibh, feuch, thachair Iosa fein orra, ag radh, Fàilte dhiubh. Agus thainig iad am fagus da, agus rug iad air a chosaibh, agus thug iad urram dha<sup>b</sup>.

10 An sin thubhairt Iosa riu, Na biodh eagal oirbh : imichibh, abraibh ri m' bhràithribh iadsan a dhol do Ghalile, agus an sin chi iad mi.

11 Agus an uair a bha iadsan ag imeachd, feuch, thainig cuid do'n luchd faire do'n bhaile, agus nochd iad do na h-ard shagartaibh gach ni a thachair.

12 Agus air cruinneachadh dhoibh-san an ceann a chèile maille ris na seanairibh, agus air gabhail comhairle dhoibh, thug iad mòran airgid do na saighdearaibh,

13 Ag radh, Abraibhse gu'n d'thainig a dheisciobuil anns an oidhche, agus gu'n do ghoid iad e, au uair a bha sinne 'nar codal.

14 Agus machluinneas an t-nachdaran so, cuiridh sinne impidh air, agus ni sinn sibhse tearuinte.

15 Agus ghabh iad an t-airgid, agus rinn iad mar a theagaisgeadh dhoibh : agus a ta a chainnt so air a h-aithris am measg nan Iudhach gus an là'n diugh.

16 An sin chaidh an t-aon deisciobuil deug do Ghalile, do'n bheinn far an d'orduich Iosa dhoibh.

17 Agus an uair a chunnaic iad e, thug iad urram dha<sup>b</sup> : ach bha cuid aca fa amharus.

18 Thainig Iosa, agus labhair e riu, ag radh, Thugadh dhomhsa gach uile chumhachd air nèamh agus air talamh.

19 Uime sin imichibhse, agus deanaibh deisciobuil doc gach uile chinneach, 'gam baisteadh ann an ainm an Athar, agus a Mhic, agus an Spioraid naoimh :

20 A teagasg dhoibh gach uile nithe a dh'àitha mise dhuibh a choimhead : Agus feuch, a ta mise maille ribh a ghnàth, gu deireadh an t-saoghail. Amen.

<sup>b</sup> rinn iad aoradh dha.  
poichibh, teagaisgibh.

<sup>c</sup> iom-

<sup>a</sup> luchd faire.

## AN SOISGEUL A REIR MHARCUIS.

**T**OISEACH Soisgeil Iosa Criosd  
Mhic Dhé:

2 A réir mar a ta e scrìobhta anns na fàidhibh, Feuch, cuiream mo theachdaire roimh do ghnùis, a dh'ull-  
uicheas do shlighe romhad.

3 Guth an-ti a' dh'èigheas anns an fhàsach, Ulluichibh slighe an Tigh-  
earna, deanaibh a cheumanna dìr-  
each.

4 Bha Eoin a baisteadh anns an fhàsach, agus a searmonachadh baistidh an aithreachais, chum maitheanais pheacanna.

5 Agus chaidh a mach d'a ionn-  
suidh tìr Iudea uile, agus luchd-àit-  
eachaidh<sup>a</sup> Ierusalem, agus bhaist-  
eadh leis iad uile ann an amhuinn  
Iordain, ag aideachadh am peacanna.

6 Agus bha Eoin air eudachadh<sup>b</sup> le  
fionna chàmhail, agus crios leathair  
m'a leasruidh: agus bu bhiadh dha  
locuist agus mil fhiadhuich.

7 Agus shearmonaich e, ag radh, A  
ta neach a teachd a'm dhéigh a's  
cumhachdaiche na mise, neach nach  
airidh mise air cromadh sìos agus  
barr-iall a bhròg fhuasgladh.

8 Bhaist mise gu dearbh sibh le  
h-uisge: ach baistidh esan sibh leis  
an Spiorad Naomha.

9 Agus tharladh anns na laithibh  
sin, gu'n d'thainig Iosa o Nasaret  
Ghalile, agus bhaisteadh e le h-Eoin  
ann an Iordan.

10 Agus air ball an uair a chaidh e  
suas an uisge, chunnaic e na nèamh-  
an air am fosgladh, agus an Spiorad  
mar choluman a teachd a nuas air.

11 Agus thainig guth o nèamh,  
ag radh, Is tusa mo Mhac gràdhach,  
am bheil mo mhòr thlachd.

12 Agus air ball tharruing an  
Spiorad e do'n fhàsach.

13 Agus bha e'n sin san fhàsach  
dà fhichead latha air a bhuaireadh  
le Satan, agus bha e maille ris na  
fiadh bheathaichibh, agus fhrithheil  
na h-aingil dha.

14 Agus an déigh Eoin a chur am  
priosun, thainig Iosa do Ghalile, a  
searmonachadh soisgeil rioghachd  
Dhé.

15 Agus ag radh, Choimhlionadh  
an aimsir, agus a ta rioghachd Dhé  
am fagus: dcanaihbh-se aithreachas,  
agus creidibh an sgisgeul.

16 Agus air dha bhi 'g imeachd ri  
taobh fairge Ghalile, chunnaic e Si-

mon, agus Aindreas a bhràthair, a  
tilgeadh lìn san fhairge: (oir b'ias-  
gairean iad.)

17 Agus thubhairt Iosa riu, Thigibh  
a'm' dhéighse, agus ni mi 'nar ias-  
gairibh air daoineibh sibh.

18 Agus air ball dh'fhàg iad an  
lìonta, agus lean iad esan.

19 Agus an uair a chaidh e beagan  
air aghaidh as sin, chunnaic e Seum-  
as mac Shebede, agus Eoin a bhrà-  
thair, agus iad san luing a càradh  
an lìonta.

20 Agus air ball ghoir e iad, agus  
dh'fhàg iad Sebede an athair san  
luing maille ris an luchd tuarasdail,  
agus lean iad esan.

21 Agus chaidh iad a steach do  
Chapernaum, agus air ball air dha  
dol a stigh do'n t-sionagoc<sup>c</sup> air an  
t-sàbaid, theagaisg e.

22 Agus ghabh iad iongantas r'a  
theagasg: oir bha e 'gan teagasg  
mar neach aig an robh ùghdarras, a-  
gus cha b'ann mar na scrìobhuich-  
ean.

23 Agus bha 'nan sionagog-san  
neach anns an robh spiorad neo-  
ghlan, agus ghlaodh e,

24 Ag radh, Leig leinn; ciod ar  
gnothuch-ne riut, Iosa o'd Nasaret?  
an d'thainig thu g'ar sgrios-ne? Is  
aithne dhomh cò thu, aon naomha  
Dhé.

25 Agus chronuich Iosa e, ag radh,  
Bi d' thosd, agus thig a mach as.

26 Agus an uair a reub an spiorad  
neo-ghlan e, agus a ghlaodh e le  
guth ard, thainig e mach as.

27 Agus ghabh iad mòr iongantas  
uile, ionnus gu 'n robh iad a cur na  
ceiste so air a chéile, ag radh, Ciod e  
so? Ciod e an teagasg nuadh so?  
oir le h-ùghdarras a ta e toirt orduigh  
eadhon do na spioradaibh neo-  
ghlana, agus tha iad ùmhal dha.

28 Agus chaidh a chliu air ball a  
mach air feadh na tìre uile timchioll  
Ghalile.

29 Agus gun dàil, air dhoibh dol  
a mach as an t-sionagog, chaidh iad  
a steach do thigh Shimoin agus  
Aindrais, maille ri Seumas agus  
Eoin.

30 Ach bha màthair-chéile Shi-  
moin 'na luidhe ann am fiabhrus; a-  
gus ghrad labhair iad ris uimpe.

31 Agus thainig esan agus thog e  
i, a breith air laimh oirre; agus air

<sup>a</sup> luchd-àitich. <sup>b</sup> air a chòmhdach.

<sup>c</sup> tigh-aoraidh.

<sup>d</sup> bho, a.



ball dh'fhàg am fiabhrus i, agus fhritheil i dhoibh.

32 Agus an uair a bha 'm feasgar ann, air do'n ghréin dol fuidhe, thug iad d'a ionnsuidh iadsan uile a bha euslan, agus iadsan anns an robh deamhain.

33 Agus bha 'm baile uile air a chruinneachadh chum an doruis.

34 Agus leighis e mòran air an robh iomadh gnè eucaile, agus thilg e mach mòran dheamhan, agus cha d'fhulaing e do na deamhnaibh labhairt, airson gu'm b'aithne dhoibh<sup>a</sup> e.

35 Agus air dha éirigh sa' mhaduinn, fada roimh là, chaidh e mach, agus dh'imich e gu àite fàsail<sup>b</sup>, agus rinn e ùrnuigh an sin.

36 Agus lean Simon, agus an dream a bha maille ris e.

37 Agus air fhaotainn dhoibh thubhairt iad ris, A ta gach uile neach ga d'iarraidh.

38 Agus thubhairt esan riu, Rachamaid<sup>c</sup> a dh'ionnsuidh nam bailte eile laimh ruinn, chum as gu'n searmonaich mi an sin mar an ceudna: oir is ann a chum na crìche so thainig mise mach.

39 Agushearmonaich e 'nan sionagogaibh air feadh Ghalile uile, agus thilg e mach na deamhain.

40 Agus thainig Iobhar d'a ionnsuidh, a guidhe air, agus a'lùbadh a ghlùn da, agus ag radh ris, Ma's àill leat, tha thu comasach air mise a dheanamh glan.

41 Agus ghabh Iosa truas mòr dheth<sup>d</sup>, agus air sìneadh a mach a laimhe, bhean e ris, agus thubhairt e ris, Is àill leam, bi-sa glan.

42 Agus co luath 's a labhair e, air ball dh'fhalbh an loibhre<sup>e</sup> uaithe, agus rinneadh glan e.

43 Agus thug e geur ordugh dha, agus air ball chuir e air falbh e;

44 Agus thubhairt e ris, Feuch nach innis thu bheag do neach air bith: ach imich, nochd thu fein do'n t-sagart, agus tabhair mar lobairt air son do ghlanaidh na nithe a dh'àithn Maois, mar fhianuis dhoibh.

45 Agus air dhasan dol a mach, thòisich e air innseadh gu ro fhollaiseach, agus air a chùis a sgaoileadh m'an cuairt, air chor as nach feudadh Iosa dol tuilleadh gu follaiseach a steach do'n bhaile; ach bha e mach ann an àitibh uaigneach: agus thainig iad d'a ionnsuidh as gach aird.

<sup>a</sup> dhaibh.      <sup>b</sup> dlomhair, uaig-neach.  
<sup>c</sup> imicheamaid, theirig-eamaid.      <sup>d</sup> ris.      <sup>e</sup> muir.

## CAIB. II.

A GUS an déigh laithe an àraidh, chaidh e a ris a steach do Chapernaum; agus chualas esan a bhi san tigh.

2 Agus air ball chruinnicheadh mòran an ceann a chéile, air chor as nach robh àit a chumadh iad, eadhon timchioll an doruis: agus labhair e am focal riu.

3 Agus thainig iad, a tabhairt d'a ionnsuidh neach air an robh am pairilis, air a ghiùlan le ceathrar.

4 Agus a chionn nach b'urrainn iad teachd am fagus da leis an t-sluagh, rùisg iad mullach an tighe, anns an robh e: agus air dhoibh a tholladh, leig iad sìos an leabadh air an robh an neach, a bha tinn leis a phairilis 'na luidhe.

5 Air do Iosa an creidimh-san fhaicinn, thubhairt e ris an neach air an robh am pairilis, A mhic, tha do pheacaidh air am maitheadh dhuit.

6 Ach bha droing àraidh<sup>f</sup> do na scriobhuichibh 'nan suidhe an sin, agus iad a reusonachadh 'nan cridhibh fein:

7 C'arson a ta am fear so a labhairt toibheim mar so? Cò dh'fheudas peacaidh a mhaitheadh ach Dia a mhàin?

8 Agus air ball air aithneachadh do Iosa 'na spiorad fein gu'n robh iadsan a reusonachadh mar sin ionnta fein, thubhairt e riu, C'ar son a ta sibh a reusonachadh nan nithe sin ann bhur cridhibh?

9 Co aca is usadh a radh ris an neach air am bheil am pairilis, Tha do pheacaidh air am maitheadh dhuit, no a radh, Eirich, agus tog do leabadh, agus imich?

10 Ach a chum as gu'm bi fios agaibh gu bheil ùghdarras aig Mac an duine peacaidh a mhaitheadh air talamh, (thubhairt e ris an fhear air an robh am pairilis,)

11 A deirim riut, Eirich, agus tog do leabadh, agus imich do d' thigh.

12 Agus dh'éirich esan air ball, agus thog e an leabadh, agus chaidh e mach 'nam fianuis uile, ionnus gu'n robh mòr iongantach orra uile, agus gu'n do ghlòruich iad Dia, ag radh, Cha'n fhaca sinne riamh a leithid so.

13 Agus chaidh e mach a ris ri taobh namara, agus thainig an sluagh uile d'a ionnsuidh, agus theagaisg e iad.

14 Agus ag dol seachad da, chunnaic e Lebhi mac Alpheuis 'na shuidhe aig àite togail na clise, agus

thubhairt e ris, Lean mise. Agus dh'éirich e, agus lean se e.

15 Agus tharladh, 'nuair a shuidh Iosa chum bidh 'na thigh-san, gu'n do shuidh mòran chis-mhaor agus pheacach maille ri Iosa agus r'a dheisciobluibh: oir bha mòran ann, agus lean iad e.

16 Agus an uair a chumnaic na scriobhuichean agus na Phairisich e-san ag itheadh maille ri cis-mhaoraibh agus ri peacachaibh, thubhairt iad r'a dheisciobluibh, C'ar son a ta e ag itheadh agus ag òl maille ri cis-mhaoraibh agus ri peacachaibh?

17 Agus an uair a chuala Iosa so, thubhairt e riu, Cha 'n'eil feum acasan a ta slàn air an léigh, ach acasan a ta tinn: cha d'thainig mise aghairm nam firean, ach nam peacach chum aithreachais.

18 Agus bhuighnàth le deisciobluibh Eoin, agus nam Phairiseach a bhi trosgadh<sup>a</sup>: agus thainig iad, agus thubhairt iad ris, C'ar son a ta deisciobuil Eoin, agus nam Phairiseach ri trosgadh, agus nach 'eil do dheisciobuils' a' trosgadh?

19 Agus thubhairt Iosa riu, Am bheil clann seomair an fhir nuadh-phòsda<sup>a</sup> comasach air trosgadh a dheanamh, am feadh a bhitheas am fear nuadh-phòsda 'nam fochairb? am feadh a ta am fear nuadh-phòsda aca maille riu, cha'n fheud iad trosgadh a dheanamh:

20 Ach thig: na laithean auns an d'thoirear am fear nuadh-phòsda uatha: agus an sin ni iad trosgadh sna laithibh sin.

21 Agus cha 'n'eil duine sam bith a dh'fhuaigheas mir do eudach nuadh air sean eudach: no *ma dh'fhuaigheas*, buinidh am mir nuadh, a chuireadh g'a lìonadh suas, as an t-sean eudach, agus nithear an reubadh ni's miosa.

22 Agus cha chuir duine air bith fion ùr ann an seann searragaibh<sup>c</sup>; no brisidh am fion nuadh na searragan, agus dòirtear am fion, agus caillear na searragan: ach is còir fion nuadh a chur ann an searragaibh nuadha.

23 Agus tharladh gu'n deachaidh e troimh<sup>d</sup> na h-achaibh arbhair airlatha na sàbaid, agus thòisich a dheisciobuil, ag imeachd dhoibh, ris na diasan arbhair a spionadh,

24 Agus thubhairt na Phairisich ris, Feuch c'ar son a ta iad a deanamh an ni nach 'eil ceaduichte air latha na sàbaid?

25 Agus thubhairt esan riu, Nach do leugh sibhse riamh ciod a rinn Daibhidh, 'n uair a bha uireasbhuidh air, agus ocras air fein agus orrasan a bha maille ris?

26 Cionnus a chaidh e steach do thigh Dhé ann an laithibh Abiatair an ard shagairt, agus a dh'ith e aran na fianuis<sup>e</sup>, nach 'eil ceaduichte do neach air bith itheadh, ach do na sagartaibh, agus a thug e mar an ceudna do'n dream a bha maille ris?

27 Agus thubhairt e riu, Dh'òrduicheadh an t-sàbaid air son an duine, cha 'n e an duine air son na sàbaid:

28 Air an aobhar sin is Tighearna<sup>f</sup> Mac an duine air an t-sàbaid fein.

### CAIB. III.

**A**GUS chaidh e ris a steach do'n t-sionagog, agus bha an sin duine aig an robh làmh sheargta.

2 Agus rinn iad faire air, a dh'fheuchainn an leighiseadh se e airlatha na sàbaid, chum's gu'm biodh cùis dhithidh aca dha.

3 Agus thubhairt e ris an duine aig an robh an làmh sheargta, Eirich sa' mheadhon.

4 Agus thubhairt e riu, Am bheil e ceaduichte maith a dheanamh air laithibh na sàbaid, no olc? anam a thearmadh, no a sgrios? ach dh'fhan iadsan 'nan tosd.

5 Agus an uair a dh'amhairc e m'an cuairt orra le feirg<sup>g</sup>, air dha bhi doilich air son cruais an cridhe, thubhairt e ris an duine, Sin a mach do làmh. Agus shìn e mach i: agus riuneadh slàn i mar an làmh eile.

6 Agus chaidh na Phairisich a mach, agus ghabh iad comhairle air ball maille ri luchd-leamhuinn Heroid 'na aghaidh-san, cionnus a dh'fheudadh iad a sgrios<sup>h</sup>.

7 Ach chaidh Iosa maille r'a dheisciobluibh a leth chum na mara: agus lean sluagh mòr e o Ghalile, agus o<sup>i</sup> Iudea.

8 Agus o Ierusalem, agus o Idu-mea, agus o thaobh thall Iordain, agus iadsan a bha timchioll Thiruis agus Shidoin, thainig cuideachd mhòr dhiubh d'a ionnsuidh, 'nuair a chual iad cia mòr na nithe a rinn e.

9 Agus thubhairt e r'a dheisciobluibh, long bheag a bhi feitheamh air, air son an t-sluaigh, chum nach dòmhluicheadh iad e.

10 Oir leighis e mòran, ionnus

<sup>a</sup> trasgadh. <sup>b</sup> maille riu. <sup>c</sup> leathar-bhuidéaluibh. <sup>d</sup> trid, air feadh.

<sup>e</sup> an t-aran taisbeanta. <sup>f</sup> Maigh-stir. <sup>g</sup> diomb. <sup>h</sup> mhilleadh. <sup>i</sup> bho, ua.

gu'n do dhlu-theann iad ris, a mheud 's air an robh plàighean, chum as gu'n beanadh iad ris.

11 Agus na spiorada neo-ghlan, an uair a chunnaic iad e, shleuchd iad da, agus ghlaodh iad, ag radh, Is tusa Mac Dhé.

12 Agus thug e sparradh teann a dhoibh, nach deanadh iad aithnichte 'e.

13 Agus chaidh e suas gu beinn, agus ghairm e iadsan a b' àill leis : agus thainig iad d'a ionnsuidh.

14 Agus dh'orduich e dà fhear dheug, chum 's gu'm biodh iad maille ris, agus gu'n cuireadh e mach iad a shearmonachadh :

15 Agus gu'm biodh aca cumhachd aleigheas euslainte, agus a thilgeadh a mach dheamhan.

16 Agus air Simon thug e Peadar mar chomh-ainm :

17 Agus Seumas *mac* Shebede, agus Eoin bràthair Sheumais, (agus orra-san thug e Boanerges mar chomh-ainm, 's e sin re radh, Clann na tairneanaich.)

18 Agus Aindreas, agus Philip, agus Bartolomeus, agus Mata, agus Tomas, agus Seumas *mac* Alpheuis, agus Tadeus, agus Simon an Canaanach,

19 Agus Iudas Iscariot, an neach sin a bhrath e : Agus chaidh iad do thigh.

20 Agus chruinnicheadh an sluagh a ris, ionnus nach robh e 'n comas doibh uiread agus aran itheadh.

21 Agus an uair a chual a chairdean so, thainig iad a mach a bhreith air : oir thubhairt iad, Tha e air mhi-chéill.

22 Agus thubhairt na scriobhuichean a thainig a nuas o Ierusalem, A ta Beelsebub aige, agus is ann trid phrionnsaidh nan deamhan a ta e tilgeadh a mach dheamhan.

23 Agus air dha 'n gairm d'a ionnsuidh, thubhairt e riu ann an cosamhlachdaibh, Cionnus a dh'fheudas Satan Satan a thilgeadh a mach ?

24 Agus ma bhitheas rioghachd roinnte 'na h-aghaidh fein, cha'n urrainn an rioghachd sin seasamh.

25 Agus ma bhitheas tigh air a roinn 'na aghaidh fein, cha'n urrainn an tigh sin seasamh.

26 Agus ma dh'éireas Satan 'na aghaidh fein, agus gu'm bi e roinnte, cha 'n urrainn e seasamh, ach a ta crìoch aige.

27 Cha'n urradh neach air bith dol a steach do thigh duine làidir, agus 'airneis a thogail leis, mur ceang-

ail e 'n duine làidir an toiseach ; agus an sin creachaidh e a thigh.

28 Gu deimhin a deirim ribh, Gu maithear na h-uile pheacanna do chloinn nan daoine, agus gach toibheum a labhras iad.

29 Ach ge b'e labhras toibheum an aghaidh an Spioraid Naomh, cha'n fhaigh e maitheanas a choidhch, ach a ta e an cunnart peanaibh shiorruidh.

30 Air son gu'n dubhairt iad, Tha spiorad neo-ghlan aige.

31 An sin thainig a bhràithrean agus a mhàthair, agus air dhoibh seasamh a muigh, chuir iad fios d'a ionnsuidh, a gairm air.

32 Agus bha 'n sluagh 'nan suidhe m'a thimchioll, agus thubhairt iad ris, Feuch, ata do mhàthair agus do bhràithrean a muigh ga d' iarraidh.

33 Agus fhreagair e iad, ag radh, Co i mo mhàthair, no mo bhràithrean ?

34 Agus sheall e m'an cuairt orra-san a bha 'nan suidhe m'a thimchioll, agus thubhairt e, Feuch mo mhàthair agus mo bhràithrean.

35 Oir ge b'e neach a ni toil Dé, is esan mo bhràthair, agus mo phiuthar, agus mo mhàthair.

#### CAIB. IV.

**A** GUS thòisich e air teagasg a ris làimh ris a mhuir, agus chruinnicheadh sluagh mòr d'a ionnsuidh, ionnus gu'n deachaidh e steach do luing, agus gu'n do shuidh e air a mhuir ; agus bha 'n sluagh uile ri taobh na mara air tìr.

2 Agus theagaisg e dhoibh mòran do nithibh ann an cosamhlachdaibh, agus thubhairt e riu 'na theagasg,

3 Eisdibh, Feuch, chaidh fear-cuir c a mach a chur sùl :

4 Agus tharladh ag cur an t-sùl da, gu'n do thuit cuid deth ri taobh an rathaid, agus thainig eunlaith an athair, agus dh'ith iad suas e.

5 Agus thuit cuid eile dheth air fearann creagach, far nach robh mòr thalamh aige, agus air ball dh'fhàs e suas, do bhrìgh nach robh doimhne talmhainn aige.

6 Ach air do'n ghréin éirigh, loisg eadh e ; agus a chionn nach robh freumh d aige, shearg e as.

7 Agus thuit cuid eile am measg droighinn, agus dh'fhàs an droighionn suas, agus thachd se e, agus cha d'thug e toradh uaith.

8 Agus thuit cuid eile air talamh maith e, agus thug e toradh uaith a fàs suas agus a meudachadh ; agus

b damnaidh, breitheanais.

c sioladair. d freumhach. e math.

thug e mach, cuid a dheich uiread fhichead, agus cuid a thri fichead uiread, agus cuid a cheud uiread 's a chuireadh.

9 Agus thubhairt e riu, An ti aig am bheil cluasa chum éisdeachd, éisdeadh e.

10 Agus an uair a bha e 'na aonar, dh'fhiosrach iadsan, a bha 'na fhoch-air maille ris an dà fhear dheug, an cosamhlachd deth.

11 Agus thubhairt e riu, Dhuibhse thugadh eòlas a ghabhail air nithibh dlomhair rioghachd Dhé: ach dhoibhsan a ta 'n leth muigh nithear gach ni an cosamhlachdaibh:

12 Chum as ag faicinn doibh gu'm faic iad, agus nach aithnich iad, agus ag cluinntinn dhoibh gu'n cluin iad, agus nach tuig iad; air eagal àm air bith gu'm pilleadh iad, agus gu'm biodh am peacaidh air am maitheadh dhoibh.

13 Agus thubhairt e riu, Nach aithne dhuibh an cosamhlachd so? agus cionnus ma ta a thuigeas sibh gach uile chosamhlachd?

14 Tha 'm fearr-cuir a cur an fhocail.

15 Agus is iad so iadsan ri taobh an rathaid anns an cuirear am focal, an déigh dhoibh a chluinntinn, air ball a ta Satan a teachd, agus a togail leis an fhocail, a shìol-chuireadh 'nan cridhibh.

16 Agus is iad so iadsan mar an ceudna a chuireadh air fearann creagach; muinntir, an uair a chluinneas iad am focal, a ghabhas e air ball le gairdeachas:

17 Agus cha 'n'eil freumh aca ionnta fein, ach mairidh iad rè seal-ain; 'na dhéigh sin 'nuair a dh'éireas amhghar: no geur-leanmhuinn air son an fhocail, air ball a ta iad a gabhail oilbheim.

18 Agus is iad so iadsan a chuireadh am measg an droighinn, an dream a dh'éisdeas ris an fhocal;

19 Agus a ta ro chùram an t-saoghail so, agus mealltaireachd saibhreis, agus ana-mhianna nithe eile teachd a steach, agus a tachdadh an fhocail, agus nithear neo-thorach e.

20 Agus is iad so iadsan a chuireadh ann an talamh maith, an dream a chluinneas am focal, agus a ghabhas e, agus a bheir a mach toradh, cuid a dheich uiread fhichead, cuid a thri fichead uiread, agus cuid a cheud uiread 's a chuireadh.

21 Agus thubhairt e riu, An d'fhoirear coinneal chum gu'n cuir-

ear i fuidh bheul soithich, no fuidh leabaidh? nach ann a chum a cur ann an coinneir?

22 Oircha'n'eil ni air bith foluichte, nach foillsichear; agus cha robh ni air bith an cleith, nach d'thig os àird.

23 Ma ta cluasa chum éisdeachd aig neach air bith, éisdeadh e.

24 Agus thubhairt e riu, Thugaibh fa'near ciod a chluinneas sibh: leis an tomhas a thomhaiseas sibh, tomhaisear dhuibh fein; agus bheirear tuilleadh dhuibhse ta 'g éisdeachd.

25 Oir ge b'e neach aig am bheil, bheirear dha: agus ge b'e neach aig nach 'eil, bheirear uaith an ni sin fein a ta aige.

26 Agus thubhairt e, Is amhuil rioghachd Dhé, mar gu'n cuireadh duine sìol anns an talamh,

27 Agus gu'n coideadh e, agus gu'n éireadh e a dh'oidhch, agus a là, agus gu'n gineadh an sìol, agus gu'm fàsadh e suas, air dòigh nach fhios da.

28 Oir bheir an talamh a mach toradh uaith fein, air tùs am fochann, a ris an dias, an déigh sin an làn arbh-ar anns an déis.

29 Ach an uair a ta 'n toradh ab-aich, air ball cuiridh e an corran ann, a chionn gu bheil am fogharadh air teachd.

30 Agus thubhairt e, Ciod an ni ri 'n samhluich sinn rioghachd Dhé? no ciod e an cosamhlachd leis an coimhmeas sinn i b?

31 Is cosmhui i ri gràinne mustaird, ni, 'nuair a chuirear san talamh e, is lugha do na h-uile phòraibh a ta air talamh.

32 Ach an déigh a chur, fàsaidh e suas, agus cinnidh e ni 's mò na luibh sam bith eile, agus fàsaidh geugan mòra air, ionnus gu'm feud eunlaith an athair nid a dheanamh fuidh a sgàile.

33 Agus le iomadh d'a leithidibh sin do chosamhlachdaibh labhair e 'm focal riu, a réir mar a b'urrainn iad a chluinntinn.

34 Ach gun chosamhlachd cha do labhair e riu: Agus mhìnich e na h-uile nithe d'a dheisciobluibh fein air leth.

35 Agus thubhairt e riu air an là sin fein, air teachd do'n fheasgar, Rachamaid thairis do'n taobh eile.

36 Agus an uair a sgaoil iad an coimhbhional, thug iad leo esan anns an luing mar a bha e, agus bha longa beaga eile 'na fhochair mar an ceudna.

b an coibhearta ris an coibheartaich sinn i?



37 Agus dh'éirich stoirm mhòr ghaoith ann, agus leum na tonna a steach do'n luing, air chor as gu'n robh i nis làn.

38 Agus bha esan ann an deireadh na luinge, 'na chodal air clusaig<sup>2</sup>: agus dhùisgiad e, agus thubhairt iad ris, A mhaighstir, nach 'eil suim agad gu'n caillear sinn?

39 Agus dh'éirich e, agus chron-uich e ghaoth, agus thubhairt e ris an fhairge, Tosd, bi sàmhach. An sin luidh a ghaoth, agus bha fèath b mòr ann.

40 Agus thubhairt e riu, C'ar son a ta sibh co eagalach? cionnus nach 'eil creidimh agaibh?

41 Agus ghabh iad eagal ro mhòr, agus thubhairt iad r'a chéile, Ciod e an duine so, gu bheil a ghaoth, agus an fhairge féin ùmhal da?

## CAIB. V.

**A**GUS thainig iad gu taobh eile na mara, gu dùthaich nan Gadarach.

2 Agus an uair a chaidh e mach as an luing, air ball thachair air as na h-àitibh-adhlaic, duine anns an robh spiorad neo-ghlan,

3 Aig an robh a chòmhnuidh sna h-àitibh-adhlaic, agus cha b'urraim neach air bith a cheangal, eadhon le slabhraidhibh:

4 Oir chaidh a cheangal gu tric le geimhlibh agus le slabhraidhibh, agus tharruing e na slabhraidhean as a chéile, agus mhìn-bhris e na geimhlean: Agus cha b'urraim duine sam bith a cheannsachadh.

5 Agus bha e ghnàth, a là agus a dh'oidhche, 'sna beanntaibh, agus 'sna h-ionadaibh-adhlaic, a glaoth-aich, agus ga ghearradh fein le clachaibh.

6 Ach an uair a chunnaic e Iosa fada uaith, ruith e agus shleuchd e dha,

7 Agus ghlaodh e le guth mòr agus thubhairt e, Ciod moghnothuchsa riut, Iosa, a Mhic an Dé is ro airde? cuiream ort a h-uchd Dé, gun mo phianadh.

8 (Oir thubhairt e ris, Thig a mach as an duine, a spioraid neo-ghloin)

9 Agus dh'fhiosruich e dheth, Ciod is ainm dhuit? Agus fhreagair esan, ag radh, Legion is ainm dhomb: oir a ta sinn mòran ann.

10 Agus ghuidh e gu ro gheur air, gun e g'an cur a mach as an dùthaich sin.

11 Agus bha treud mòr mhuc an

sin, ag ionaltradh am fagus do'n bheinn c.

12 Agus ghuidh na deamhain uile air, ag radh, Cuir sinne dh'ionnsuidh nam muc, chum as gu'n rachamaid a steach ionnta.

13 Agus air ball thug Iosa cead doibh; agus air dol a mach do na spioradaibh neo-ghlana, chaidh iad a stigh anns na mucaibh, agus ruith an treud sìos gu dian le àite cas do'n fhairge, (bha iad mu thimchioll dà mhìle) agus thachdadh iad san fhairge.

14 Agus theich iadsan a bha 'g ionaltradh nam muc, agus dh'innis iad sin, araon anns a' bhaile, agus anns an tìr. Agus chaidh iad a mach a dh'fhaicinn ciod e an ni ud a thachair.

15 Agus thainig iad chum Iosa, agus chunnaic iad an ti anns an robh an deamhan, agus aig an robh an legion, 'na shuidhe, agus eudach uime, agus a chiall aige; agus ghabh iad eagal.

16 Agus dh'innis iadsan a chunnaic e dhoibh, cionnus a thachair do'n ti anns an robh an deamhan, agus mu thimchioll nam muc.

17 Agus thòisich iad ri guidhe air imeachd a mach as an crìochaibh.

18 Agus air dha dol a stigh san luing, ghuidh an ti anns an robh an deamhan air, gu'm feudadh e bhi maille ris.

19 Gidheadh cha do leig Iosa leis, ach thubhairt e ris, Imich dhachaidh dh'ionnsuidh do mhuinntir, agus innis dhoibh meud nan nithe a rinn an Tighearna dhuit, agus gu'n d'rinn e trècair ort.

20 Agus dh'imich esan, agus thòisich e ri chur an céill ann an Decapolis meud nan nithe a rinn Iosa dha: agus ghabh iad iongantais uile.

21 Agus air dol do Iosa a ris thairis anns an luing do'n taobh eile, chruinnicheadh sluagh mòr d'a ionnsuidh; agus bha e làimh ris a mhuir.

22 Agus feuch, thainig aon do uachdaranuibh nan sionagog, d'am b'ainm Iairus, agus an uair a chunnaic e esan, leig se e fein sìos aig a chosaibh.

23 Agus ghuidh e gu dùrachdach air, ag radh, A ta mo nighean bheag ann an cunnart grad bhàis; thig, guidheam ort, agus leag do lamhan oirre chum as gu'n slànuihear i, agus mairidh i beo.

24 Agus dh'imich Iosa maille ris,

agus lean sluagh mòr e, agus dhòmhluich iad e.

25 (Agus *bha* bean àraidh an sin, air an robh dòrtadh fola rè dhà bhliadhna dheug,

26 Agus dh'fhulaing i mòran o iomadh léigh, agus chaith i na bha aice, agus cha b'fheaird i bheag e, ach gu'm bu mheid;

27 'Nuair a chual i iomradh air Iosa, thainig i am measg an t-sluaigh o chùlaobh, agus bhean i r'a eudach:

28 Oir thubhairt i, Ma dh'fheudas mi beantuinn ach r'a endach, slàn- uichear mi.

29 Agus air ball thiormaicheadh tobar a fola: agus dh'aithnich i air a corp fein, gu'n do leighiseadh i o'n phlàigh sin.

30 Agus dh'aithnich Iosa air ball ann fein gu'n deachaidh cumhachd a mach as, agus, air dha tionndadh san t-sluagh, thubhairt e, Cò a bhean ri m' eudach?

31 Agus thubhairt a dheisciobuil ris, A ta thu faicinn gu 'm bheil an sluagh ga d' dhòmhlachadh, agus an abair thu, Cò a bhean rium?

32 Agus dh'amhairc e m'an cuairt g'a faicinn's a rinn so.

33 Ach air do'n mhnaoi bhi fa eag-al agus air chrith, air aithneachadh an ni a rinneadh innte, thainig i, agus leig si i fein sìos 'na làthair, agus dh'innis i 'n fhìrinn uile dha.

34 Agus thubhairt e rithe, A nigh-ea, shlànuich do chreidimh thu; imich an sìth, agus bi slàn o d' phlàigh.)

35 Am feadh a bha e fathast a labhairt, thainig *droing o thigh* uachdarain na sionagoige, ag radh, Fhuair do nighean bàs, c'ar son a chuireadh tu tuilleadh dragha air a mhaighstir?

36 Co luath 's a chual Iosa an comhradh so a labhradh, thubhairt e ri uachdaran na sionagoige, Na biodh eag-al ort, a mhàin creid.

37 Agus cha d'fhulaing e do neach air bith a leantuinn, ach Peadar, agus Seumas, agus Eoin bràthair Sheumais.

38 Agus thainig e gu tigh uachd-arain na sionagoige, agus chunnaic e 'n iomairt<sup>a</sup> agus iadsan a bha gul, agus a caoineadh gu mòr.

39 Agus air teachd a steach dha, thubhairt e riu, C'ar son a ta sibh ris an iomairt so, agus ri bròn? cha 'n'eil an nìonag marbh, ach 'na codal.

40 Agus rinn iadsan gàire fochaid ris: ach air dhasan an cur uile mach,

thug e leis athair agus màthair na h-inghin, agus iadsan a bha maille ris, agus chaidh e steach far an robh an nìonag 'na luidhe.

41 Agus air dha breith air an nìon-aig air laimh, thubhairt e rithe, Talitha cumi, 's e sin, air eadar-mhìneachadh, A chailiu, (a deirim riut) éirich.

42 Agus air ball dh'éirich an nìon-ag, agus dh'imich i; oir bha i dà bhliadhna dheug a dh'aois: agus ghabh iad iongantas anabarrach.

43 Agus thug e ordugh teann doibh, nach faigheadh duin' air bith fios air so; agus dh'àithn e càileigin a thoirt di r'a itheadh.

#### CAIB. VI.

**A**GUS chaidh e mach as sin, agus thainig e d'a dhùthaich fein, agus lean a dheisciobuil e.

2 Agus an uair a thainig an t-sà-baid, thòisich e air teagasg anns an t-sionagag: agus air do mhòran a chluinntinn, ghabh iad iongantas, ag radh, Cia uaith a ta na nithese aig an fhear so? Agus ciod e an gliocas so thugadh dha, gu bheil a leithid so do fheartaibh air an deanamh le lamh-aibh-san?

3 Nach e so an saor, mac Mhuire, bràthair Sheumais agus Ioseis, agus Iudais, agus Shimoin? Agus nach 'eil a pheathraiche an so 'nar foch-air? Agus fhuair iad oibheum annb

4 Ach thubhairt Iosa riu, Cha 'n'eil fàidh gun urram, ach 'na dhùthaich fein, agus am measg a chairdean, agus 'na thigh fein.

5 Agus cha robh e 'n comas da mìorbhuil air bith a dheanamh an sin, saor o gu 'n do chuir e a làmhan air beagan do mhuinntir a bha tinn, agus gu'n do leighis e iad.

6 Agus bha iongantas air, air son am mi-chreidimh. Agus chaidh e timchioll nam bailte, a teagasg.

7 Agus ghairm e chuige an dà fhear dheug, agus thòisich e air an cur a mach dithis agus dithis, agus thug e dhoibh cumhachd air spiorad-aibh neo-ghlana;

8 Agus dh'àithn e dhoibh gun ni air bith thoirt leo air son na slighe, ach lorg a mhàin; gun mhàla, gun aran, gun airgiod 'nan sporan:

9 Ach bonn-bhrògac *bhi* air an cosaibh, agus gun dà chòta bhi umpa.

10 Agus thubhairt e riu, Ge b'e ionad air bith anns an d'theid sibh a steach do thigh, an sin fanaibh gus am falbh sibh as an àite sin.

<sup>a</sup> am buaireas.

<sup>b</sup> ghabh iad oibheum ris. <sup>c</sup> cuarain.

11 Agus cò air bith iad nach gabh ribh, agus nach èisd ribh, air dhuibh imeachd as an àite sin, crathaibh an duslach a bhitheas f'ar cosaibh mar fhianuis 'nan aghaidh. Gu deimhin a deirim ribh, Gur so-ìomchairs a bhitheas e do Shodom agus do Ghomorrah ann an là a bhreitheanais, na do'n bhaile sin.

12 Agus chaidh iad a mach, agus shearmonaich iad gu'n deanadh daoine aithreachas.

13 Agus thig iad a mach moran dheamhan, agus dh'ung iad le h-ola mòran a bha tinn, agus leighis siad iad.

14 Agus chual Herod an rìgh uime, (oir chaidh ainm am follus) agus thubhairt e, A ta Eoin Baiste air èirigh o na marbhaibh, agus uime sin a ta feartan air an oibreachadh leis.

15 Thubhairt cuid eile, Gur e Elias a t'ann. Agus thubhairt cuid eile, Gur fàidh a t'ann, no mar aon do na fàidhibh.

16 Ach an uair a chual Herod so, thubhairt e, 'S e Eoin d'an do chuir mise an ceann, a th'ann; dh'èirich e o na marbhaibh.

17 Oir chuir Herod fein a mach, agus ghilac e Eoin, agus cheangail e ann am prìosun e, air son Herodias bean phòsda Philip, a bhràthar fein, do bhrìgh gu'n do phòs e i.

18 Oir thubhairt Eoin ri Herod, Cha 'n'eil e ceaduichte dhuit bean do bhràthar a bhì agad.

19 Uime sin bha dìomb mòr aig Herodias ris, agus bu mhiann leatha a chur gu bàs, ach cha b'urrainn i.

20 Oir bha eagal Eoin air Herod, air dha fios a bhì aige gu'm bu duine ceartagus naomh e, agus thug e fa'n-earc e, agus airt dha a chluinntinn, rinn e mòran do nithibh air a chomh-airle, agus dh'èisd e ris gu toileach.

21 Agus air teachd do là ìom-chuidh, rinn Herod, air comh-ainm an là an d'rugadh e, suipeir d'a uaislibh, agus d'a ard cheannardaibh, agus do mhaithibh Ghalile:

22 Agus an uair a chaidh nighean Herodias so steach, agus a rinn i dannsa, thaitinn i ri Herod agus riusan a shuidh maille ris, agus thubhairt an rìgh ris a chailin, Iarr ormsa ge b'e ni is àill leat, agus bheir mi dhuit e.

23 Agus thug e mionnan di, Ge b'e ni dh'iarras tu orm, bheir mi dhuit e, gu leth mo rioghachd.

24 Agus an uair a chaidh i mach

thubhairt i r'a màthair, Ciod a dh'iarras mi? Agus thubhairt ise, Ceann Eoin Bhaiste.

25 Agus chaidh i air ball le cabh-aig a steach a dh'ionnsuidh an rìgh, agus dh'iarr i, ag radh, Is àill leam gu'n d'thugadh tu dhomh gun dàil ceann Eoin Bhaiste air meis.

26 Agus bha 'n rìgh ro dhoilich; gidheadh air son a mhionnan, agus an dream a bha 'nan suidhe maille ris, cha robh toil aige a diultadh.

27 Agus air ball chuir an rìgh a mach fear-millidh, agus dh'aithn e a cheann a thoirt a steach: agus dh'imich esan agus thug e 'n ceann deth anns a phrìosun.

28 Agus thug e cheann leis air meis, agus thug e do'n chailin d'e: agus thug an cailin d'a màthair e.

29 Agus an uair a chual a dheisciobuil sin, thainig iad agus thog iad a chorp, agus chuir iad ann an uaigh e.

30 Agus chrùinnicheadh na h-Abstoil chum Iosa, agus dh'innis iad da na h-uile nithe, araon gach ni a rinn iad, agus gach ni a theagaisg iad.

31 Agus thubhairt e riu, Thigibhs' air leth do àit uaigneach, agus gabhaibh fois car tannuill bhig: Oir bha mòran a teachd agus a dol, agus cha robh ùine aca uiread as biadh itheadh.

32 Agus chaidh iad gu àite fàsail ann an luìng air leth.

33 Agus chunnaic an sluagh iad-san a falbh, agus dh'aithnich mòran e, agus ruith iad d'an cois as na bailtibh uile an sin, agus bha iad rompa, agus chrùinnicheadh iad d'a ionnsuidh.

34 Agus an uair a chaidh Iosa mach, chunnaic e sluagh mòr, agus ghabh e truas mòr dhiubh, a chionn gu'n robh iad mar chaoraich gun bhuachaille aca: agus thòisich e air mòran do nithibh a theagasg dhoibh.

35 Agus an uair a bha nis mòran do'n là air dol seachad, thainig a dheisciobuil d'a ionnsuidh, ag radh, A ta 'n t-àite so fàs, agus a ta nis mòran do'n là air dol thairis:

36 Leig air falbh iad, chum gu d'theid iad d'on tìr m' an cuairt, agus do na bailtibh, agus gu ceannaich iad biadh dhoibh fein: oir cha 'n'eil ni air bith aca r'a itheadh.

37 Ach fhreagair esan, agus thubhairt e rin, Thugaibhs' dhoibh r'a itheadh, Agus thubhairt iadsan ris, An d'theid sinn agus an ceannaich sinn luach dhà cheud peghinn a dh'aran,

a so-fhulaing.

b dìomb.

d ghruagaich, nìonaig.

e air

c choimhid se.

a chaitheadh.

chum gu d'thugamaid dhoibh ni r'a itheadh?

38 Ach thubhairt esan riu, Cia lion builinn<sup>a</sup> a ta agaibh? rachaibh agus faicibh. Agus air faotainn fios doibh, thubhairt iad, Cùig, agus dà iasg.

39 Agus dh'àithin e dhoibh a thoirt orra uile suidhe slos 'nan cuidheachdaibh air an fheur uaine.

40 Agus shuidh iad sìos, 'nan buidhnibh fa leth, 'nan ceudaibh, agus 'nan leth-cheudaibh.

41 Agus air dha na cùig builinn-ean agus an dà iasg a ghabhail, agus amharc suas gu nèamh, bheannuich, agus bhris e na builinnean, agus thug e d'a dheisciobluibh iad, chum gu'n cuireadh iad rompa iad; agus roinn e 'n dà iasg orra uile.

42 Agus dh'ith iad uile, agus shàsnicheadh iad.

43 Agus thog iad dà chliabh dheug làn do'n bhiadh bhriste, agus do na h-iasgaibh.

44 Agus b'iad an dream a dh'ith do na builinnibh cùig mìle fear.

45 Agus air ball choimh-éignich e a dheisciobuil gu dol anns an luing, agus dol roimhe dh'ionnsuidh na taoibh thall gu Betsaida, agus an cuireadh e an sluagh air falbh.

46 Agus an uair a chuir e air falbh iad, chaidh e gu beinn a dheanamh ùrnuigh.

47 Agus an uair a bha 'n t-anmoch ann, bha 'n lèng am meadhon na mara, agus esan 'na aonar air tìr.

48 Agus chunnaic e iadsan air am pianadh ag iomramh; oir bha ghaoth 'nan aghaidh: agus thainig e d'an ionnsuidh mu thimchioll na ceathramh faire do'n oidliche, ag imeachd air a mhuir, agus b'àill leis dol seachad orra.

49 Ach an uair a chunnaic iadsan e 'g imeachd air a mhuir, shaoil iad gu 'm bu tannasg a' bh'ann; agus ghlaodh iad.

50 (Oir chunnaic iad uile e, agus bha iad fa bhuaireas) Agus air ball labhair e riu, agus thubhairt e riu, Biodh misneach mhaith agaibh, is mise ta ann, na biodh eagal oirbh.

51 Agus chaidh e suas d'an ionnsuidh do'n luing, agus luidh a ghaoth: agus bha uamhas mòr thar tomhas orra, agus ghabh iad iongantais.

52 Oir cha d'thug iad fa'near m'orbhuil nam builinn; oir bha 'n cridhe air a chruadhachadh.

53 Agus an uair a chaidh iad

thairis, thainig iad gu talamh Ghene-saret, agus tharruing iad gu tìr.

54 Agus an uair a thainig iad a mach as an luing, air ball dh'aithnich iad e.

55 Agus ruith iad air feadh na tìre sin uile m'an cuairt, agus thòisich iad air an droing a bha tinn a ghiùlan m'an cuairt air leapaichibh, ge b'e àit an cual iad esan a bhi.

56 Agus ge b'e air bith bailte, no cathraiche, no dùthaich, an deachaidh e steach, chuir iad na daoine tinn air na sràidibh, agus ghuidh iad air gu'm feudadh iad beantuinn a mhàin ri iomall eudaich: agus a mheud 's a bhean ris, leighiseadh iad.

#### CAIB. VII.

**A**GUS chruinnicheadh na Phairisich d'a ionnsuidh, agus dream àraidh do na scrìobhuichibh a thainig o Ierusalem.

2 Agus an uair a chunnaic iad cuid d'a dheisciobluibh ag itheadh arain le làmhaibh salacha ('sin r'a radh neo-ionnlaidte,) fhuair iad cron doibh.

3 Oir cha 'n ith na Phairisich, agus na h-Iudhaich uile, biadh, mur ionnlaid iad an làmha gu minic, a coimhead beul-aithris nan seanair.

4 Agus air dhoibh teachd o'n mhargadh, mur tum' siad iad, cha 'n ith iad. Agus a ta mòran do nithibh eile a ghabh iad orra a choimhead, mar a ta nigheadh chupan, agus phota, agus shoithiche umhac, agus leapaichean d.

5 An sin dh'fheòraich na Phairisich agus na scrìobhuichean dheth, C'ar son nach 'eil do dheisciobuil ag imeachd a réir beul-aithris nan seanair, ach a ta iad ag itheadh arain le làmhaibh neo-ionnlaidte?

6 Ach fhreagair esan agus thubhairt e riu, Is maith a rinn Esaias fàidheadaireachd mu'r timchiolls', a chealgair ean, aréir mara ta e scrìobhta, A ta ean pobull so toirt onoir dhomh-sa le m'bilibh, ach a ta an cridhe fada uam.

7 Ach is ann gu dìomhanach a ta iad a toirt aoraidh dhomhsa, a teagasg àitheanta dhaoine mar theagasg.

8 Oir air dhuibh àithne Dhé a thréigsinn, a ta sibh a cumail orduchaidh dhaoine, mar a ta nigheadh phota agus chupan: agus mòran eile d'an leithidibh sin a ta sibh a deanamh.

9 Agus thubhairt e riu, Is maith a ta sibh a cur air cùl àithne Dhé,

b ionnlaid.

c prais.

d àiteacha-suidhe.

a aran.



chum gu'n coimhid sibh bhur ord-  
uchadh fein.

10 Oir thubhairt Maois, Thoir on-  
oir do t'athair, agus do d' mhàthair :  
agus, Ge b'e neach a mhalluicheas  
athair no màthair, cuirear gu cinnt-  
each gu bàs e.

11 Ach their sibhse, Ma their  
neach r'a athair, no r'a mhàthair,  
Biodh e 'na Chorban, sin r'a radh,  
na thiodhlacadh do'n teampull, ge  
b'e ni leis am faigheadh tu tairbhe  
nam-sa;

12 Nach leig sibh dha as sin suas  
ni sara bith a dheanamh air son  
athar, no a mhàthar;

13 A cur focail Dé an neo-bhrigh  
le bhur beul-aithris fein, a dh'aithris  
sibh: agus mòran d'an leithidibh  
sin do nithibh a ta sibh a deanamh.

14 Agus air gairm an t-sluaigh  
uile d'a ionnsuidh, thubhairt e riu,  
Eisdibh riums' uile, agus tuigibh.

15 Cha 'n'eil ni sam bith o'n taobh  
a muigh do'n duine, a theid a steach  
ann, d'am bheil e 'n comas a shalach-  
adh; ach na nithe ta teachd a mach  
as, is iad sin a ta salachadh an duine.

16 Ge b'e aig am bheil cluasa  
chum éisdeachd éisdeadh e.

17 Agus an uair a chaidh e steach  
do'n tigh o'n t-sluagh, chuir a dheis-  
ciobail ceisd air mu thimchioll a  
chosamlachd.

18 Agus thubhairt e riu, Am bheil  
sibhse mar so fathast gun tuigse?  
Nach 'eil fhios agaibh, ge b'e ni air  
bith a theid a steach 'san duine o'n  
leth a muigh nach 'eil e n comas da  
esan a shalachadh?

19 Do bhrigh nach d'theid e steach  
d'a chridhe, ach do'n bhroinn, is  
theid e mach do'n t-slochd shalchair,  
a glanadh gach uile bhìdh.

20 Agus thubhairt e. Is e an ni a  
thig a mach as an duine, a shaluich-  
eas an duine.

21 Oir is ann o'n taobh a stigh, a  
cridhe dhaoine, a thig a mach droch  
smuaintean, adhaltrannas, striopach-  
as, mortadh,

22 Goid, sannt, aingidheachd,  
mealltaireachd, macnus, droch  
shùil, toibheum, uabhar, amaid-  
eachd:

23 A ta na h-uile so uile a teachd  
a mach o'n taobh a stigh, agus a  
salachadh an duine.

24 Agus air dha éirigh as sin,  
chaidh e gu crìochaibh Thiruis agus  
Shidoin: agus an uair a chaidh e  
steach do thigh, cha b'àill leis fios a  
bhi aig neach sam bith air: gidh-  
eachd cha'n fheadadh e bhi'm folach.

25 Oir chuala bean uime, aig an  
robh nighean bheag, anns an robh  
spiorad neo-ghlan, agus thainig i a-  
gus thuit i aig a chosaibh:

26 (Agus bu Ghreugach a bhean,  
Bau-shiropheiseach a taobh cinn-  
ich) agus ghuidh i air gu 'n tilgeadh  
e an deamhan a mach as a h-inghin.

27 Ach thubhairt Iosa rithe, Fu-  
laing do'n chloinn air tùs a bhi air  
an sàsachadh: oir cha 'n'eil e iom-  
chuidh aran na cloinne a ghabhail,  
agus a thilgeadh chum nan con.

28 Agus fhreagair ise agus thubh-  
airt i ris, Is fìor sin, a Thighearn:  
gidheadh ithidh na coin fuidh 'n  
bhord do sbruileach na cloinne.

29 Agus thubhairt esan rithe, Air  
son na cainnte so fein, imich romhad,  
a ta an deamhan air dol a mach a d'  
nighinn.

30 Agus an uair a bha ise air  
teachd a dh'ionnsuidh a tighe, fhuair  
i an deamhan air dol a mach, agus a  
h-inghean air a cur 'na luidhe air  
an leabaidh.

31 Agus a ris air dha imeachd o  
chriochaibh Thiruis agus Shidoin,  
thainig e gu muir Ghalile, troimh  
mheadhon chrìoch Dhecapolis.

32 Agus thug iad d'a ionnsuidh  
duine bothar, aig an robh staduich  
'na chaint: agus ghuidh iad air  
gu'n cuireadh e a làmh air.

33 Agus thug e a leth o'n t-sluagh  
e, agus chuir e a mheoir 'na chluas-  
aibh, agus shìl eb, agus bhean e r'a  
theangaidh.

34 Agus air dha amharc suas gu  
nèamh, rinn e osna, agus thubhairt  
e ris, Ephphata, 'se sin r'a radh, Bi  
fosgailte.

35 Agus air ball dh'fhosgladh a  
chluasan, agus dh'fhuasgladh ceang-  
al a theanga, agus labhair e gu  
ceart.

36 Agus dh'àithn e dhoibh gun iad  
a dh'innseadh sin do neach air bith:  
ach mar is mò a thoirnisg esan  
doibh, bu mhòid gu ro mhòr a chuir  
iadsan an gnìomh os aird;

37 Agus bha iad gu ro mhòr air  
an lìonadh le h-iongantas, ag radh,  
Rinn e na h-uile nithe gu maith: tha  
e faraon a tabhairt air na bothair  
g'un cluinn iad, agus air na bailbh  
gu'n labhair iad.

## CAIB. VIII.

**A**NNS na laithibh sin ir do  
shluagh ro mhòr a bhi ann, a-  
gus gun ni air bith aca r'a itheadh,  
ghairm Iosa a dheisciobuil d'a ionn-  
suidh, agus thubhairt e riu,

2 A ta truas mòr agam do'n t-

sluagh, do bhrìgh gu'n d'fhan iad a nis trì laithean maille rium, agus nach 'eil ni air bith aca r'a itheadh;

3 Agus ma leigeas mi d'an tighibh fein 'nan trosge iad, fannuichidh iad air an t-slighe: oir thainig cuid aca am fad.

4 Agus fhreagair a dheisciobuil e, Cia as a dh'fheudas neach iad so a shàsachadh le h-aran an so 'san fhàsach?

5 Agus dh'fhiosraich e dhiubh, Cia lìon builinn a ta agaibh? Agus thubhairt iadsan, Seachd.

6 Agus thug e orduigh do'n t-sluagh suidhe sìos air an làr: agus ghlac e na seachd builinnean, agus air tabhairt buidheachais, bhris e, agus thug e iad d'a dheisciobuibh, chum gu'n cuireadh iad 'nan làthair iad: agus chuir iad sìos an làthair an t-sluaigh iad.

7 Agus bha aca beagan a dh'iasgaibh beaga: agus bheanuich e iad, agus dh'àithn e 'n cur sìos 'nan làthair mar an ceudna.

8 Agus dh'ith iad, agus shàsuidheadh iad: agus thog iad làn sheachd bascaid do'n bhiadh bhrìste, a bha dh'fhuighleach aca.

9 Agus bha iadsan a dh'ith mu thimchìoll cheithir mìle; agus leig e air falbh iad.

10 Agus air ball chaidh e steach an luìng maille r'a dheisciobuibh, agus thainig e gu crìochaibh Dhalmanuta.

11 Agus thainig na Phairisich a mach; agus thòisich iad ri ceisdean a chur air, ag iarraidh comharaidh uaith o nèamh, 'ga dhearbhadh.

12 Agus air deanamh osna dhasan 'na spioraid, thubhairt e, C'ar son a ta an ginealach so ag iarraidh comharaidh? gu deimhin a deirim ribh nach d'fhoirear comhara do'n ghinealach so.

13 Agus dh'fhàg e iad, agus air dha dol a steach do'n luìng a ris, chaidh e do'n taobh eile.

14 Agus dhi-chuimhnich na deisciobuil aran a thoirt leo; agus cha robh aca ach aon bhuilinn maille riu 'san luìng.

15 Agus dh'àithn e dhoibh, ag radh, Thugaibh an aire, bithibh air bhrì faicill an aghaidh taois ghoirt nam Phairiseach, agus taois ghoirt Heroid.

16 Agus bha iadsan a reusonachadh 'nam measg fein, ag radh, Is ann air son nach 'eil aran againn a ta e.

17 Agus air aithneachadh sin do Iosa, thubhairt e riu, C'ar son a ta sibh a reusonachadh do bhrìgh nach

'eil aran agaibh? Nach 'eil fhios agaibh fathast, agus nach 'eil sibh a tuigsinn? am bheil bhrì crìdhe fathast air a chruadhachadh?

18 Air dhuibh sùilean a bhi agaibh, nach faicsibh? agus air dhuibh cluasan a bhi agaibh, nach cluinn sibh? agus nach 'eil sibh a cuimhneachadh?

19 An uair a bhris mi na cùig builinnean am measg nan cùig mìle, cia lìon ciabh làn do bhiadh brìste a thog sibh? Thubhairt iadsan ris, A dha-dheug.

20 Agus an uair a bhris mi na seachd am measg nan ceithir mìle, cia lìon bascaid làn do bhiadh brìste a thog sibh? Agus thubhairt iadsan, Seachd.

21 Agus thubhairt e riu, Cionnus nach 'eil sibh a tuigsinn?

22 Agus thainig e gu Betsaida, agus thug iad d'a ionnsuidh duine dall, agus ghuidh iad air gu'm beanadh e ris.

23 Agus rug e air laimh an doill agus threòruich e mach as a bhaile e; agus air dha a shìleadh a chur air a shùilibh, agus a làmhnan a chur air, dh'fheòruich e dheth, an robh e faicinn ni air bith?

24 Agus dh'anlhairc esan snas, agus thubhairt e, A ta mi faicinn dhaoine mar chraobhan ag imeachd.

25 'Nadheigh sin, chuire a làmhnan a ris air a shùilibh, agus thug e air amharc suas: agus dh'aisigeadh a radharc dha, agus chunnaic e gach uile dhuine gu soilleir.

26 Agus chuir e dh'ionnsuidh a thighe fein e, ag radh, Na rach a steach do'n bhaile, agus na h-innis do neach air bith anns a bhaile e.

27 Agus chaidh Iosa agus a dheisciobuil a mach gu bailtìbh Chesarea Philipi: agus air an t-slighe chuir e ceisd air a dheisciobuibh, ag radh riu, Cò a tha daoine ag radh is mise?

28 Agus fhreagair iadsan, Eoin Baiste; agus cuid eile, Elias; agus cuid eile, Aon do na fàidhibh.

29 Agus thubhairt esan riu, Ach cò a tha sibhse ag radh is mi? Fhreagair Peadar agus thubhairt e ris, Is tu Crìosd.

30 Agus thug e sparradh, dhoibh gun iad a dh'innseadh so uime do neach sam bith.

31 Agus thòisich e r'an teagasg, gur éigin do Mhac an duine mòran do nithibh fhulang, agus a bhi air a dhiultadh leis na seanairibh, agus na h-ard-shagartaibh agus na scrìobhaibh, agus a bhi air a chur gu bàs, agus éirigh a ris an déigh thrì làithean.

32 Agus labhair e a' chainnt so os àird. Agus rug Peadar air, agus thòisich e r'a chionnachadh.

33 Ach air dhasan tionndadh m'an cuairt, agus amharc air a dheisciobluibh, chronuich e Peadar, ag radh, Imich air mo chùlaobh, a Shatain: oir cha 'n'eil spéis agad do nithibh Dhéa, ach do nithibh dhaoine.

34 Agus air gairm an t-sluaigh, agus a dheisciobuil d'a ionnsuidh, thubhairt e riu, Ge b'e neach leis an àill teachd a'm' dhé'ghse, àicheadh se e fein, agus t'eadh e a chrann-ceusaidh, agus leanadh e mise.

35 Oir ge b'e neach leis an àill anam fe'n a choimhead, caillidh se e: ach ge b'e neach a chailleas anam air mo shonsa agus air son an t-soisgeil, coimhididh esan e.

36 Oir ciod e an tairbhe do dhuine, ge do chosnadh e an saoghal gu h-ìom'an, agus anam a chall?

37 No ciod a bheir dhuine an éiric anama?

38 Oir ge b'e neach a ghabhas nàire dhiomsa, agus do m' fhoclaibh, anns a' ghinealach adhaltrannach agus olc-sa, dheth-san gabhuidh Mac an duine nàire, nuair a thig e an glòir Athar, maille ris na h-ainglibh naomha.

CAIB. IX.

**A**GUS thubhairt e riu, Gu deimhin a deirim ribh, gu'm bheil cuid dhiubhsan a ta 'nan seasamh an so, nach blais bàs, gus am faic iad rioghachd Dhé a' teachd le cumhachd.

2 Agus an ceann shea làithean, thug Iosa Peadar, agus Seumas, agus Eoin leis, agus threòruich e iad leo féin air leth gu beinn aird: agus dh'atharruicheadh a chruth 'nam fianuis.

3 Agus rinneadh eudach dealrach, ro gheal mar an *sneachda*; air mhodh nach robh e 'n comas do ghlanadair-eudaich sam bith air talamh a ghealachadh.

4 Agus dh'fhoillsicheadh dhoibh Elias maille re Maois: agus bha iad a' còmhradh ri h-Iosa.

5 Agus fhreagair Peadar agus thubhairt e re h-Iosa, A mhaighstir, is maith dhuinne bhí 'n so: air an aobhar sin deanamaid tri bothain; aon duitse, agus aon do Mhaois, agus aon do Elias.

6 Oir cha robh fhios aige ciod a theireadh e: oir bha iad fuidh eagal ro mhòr.

7 Agus thainig neul a chuir sgàile orra, agus thainig guth as an neul,

a cha 'n'eil d'aire air nithibh Dhé.

ag radh, Is e so mo Mhac gràdhach sa, éisdibh ris.

8 Agus air ball an uair a dh'amhairc iad mu'n timchioll, cha 'n fhac iad neach air bith as sin suas, ach Iosa 'na aonar maille riu.

9 Agus ag teachd dhoibh a nuas o'n bheinn, dh'àithn e dhoibh gun na nithe a chunnaic iad innseadh do neach sam bith, gus an éireadh Mac an duine a ris o na marbhaibh.

10 Agus ghleidh iad a' chainnt so aca fein, a' fiosrachadh d'a chéile ciod bu chiall do'n aiserigh o na marbhaibh.

11 Agus dh'fheòraich iad deth, ag radh, C'ar son a deir na scriobhuichean gur éigin Elias a theachd air tús?

12 Agus fhreagair esan agus thubhairt e riu, Thig Elias gu deimhin air tús, agus ais'gidh e na h-uile nithe, agus mar a ta e scriobhta mu Mhac an duine, gu 'm bheil e gu mòran do nithibh fhulang, agus a bhi air a chur an dimeas.

13 Ach a deirim ribh, gu bheil Elias d'a rìreadh air teachd, agus rinn iad ris gach ni a thogair iad, a réir mar a ta e scriobhta uime.

14 Agus air dha teachd chum a dheisciobuil, chunnaic e sluagh mòr m'an timchioll, agus na scriobhuichean a' deasboireachd riu.

15 Agus air ball bha 'n sluagh uile, 'nuair a chunnaic iad e, faumhas mòr, agus air dhoibh ruith d'a ionnsuidh, chuir iad fàilt' air.

16 Agus dh'fhiosruich e do na scriobhuichibh, Ciod e mu 'm bheil sibh a' deasboireachd riu?

17 Agus air freagairt do neach do'n t-sluagh, thubhairt e, A mhaighstir, thug mi mo mhac a t' ionnsuidh, anns am bheil spiorad balbh:

18 Agus ge b'e ionad sam bith an glac se e, a ta e 'ga tharruing as a chéile; agus a ta e cur cobhair as a *bheul*, agus a' giosgarnuich le fhiac-laibh, agus a ta e a' seargadh as: agus thubhairt mi re d' dheisciobluibh, iad g'a chur a mach, agus cha b' urradh iad.

19 Ach fhreagair esan, agus thubhairt e ris, O chinnich gun chreidimh, cia fhad a dh'fhuilgeas mi sibh? thugaibh e m' ionnsuidh.

20 Agus thug iad d'a ionnsuidh e: agus an uair a chunnaic se e, reub an spiorad air ball e, agus thuit e air an talamh, agus *bha e* 'ga aoirneagan b' féin, agus a' cur cobhair as a *bheul*.

21 Agus dh'fhiosruich e d'a athair,

b aoineagan, aonairt.

Cia fhad an aimsir o thainig so air? agus thubhairt e, O bha e 'na leanabh.

22 Agus gu minic thilg e san teine e, agus anns an uisge, chum gu milleadh se e: ach ma ta thusa comasach air ni sam bith a dheanamh, gabh truas dinn, agus cuidich leinn.

23 Ach thubhairt Iosa ris, Ma's urrainn thusa creidsinn, a ta gach aon ni comasach do'n neach a chreideas.

24 Agus ghlaodh athair an leinibh a mach air ball, agus thubhairt e le deuraibh, A ta mi creidsinn, a Thigh-earn; cuidich thusa le m' mhi-chreidimh.

25 Agus an uair a chunnaic Iosa an sluagh a' ruith cuideachd, chronuich e an spiorad neo-ghlan, ag radh ris, A spioraid bhailbh agus bhòthair, a ta mi 'g òrduchadh dhuit, Thig a mach as, agus na rach a a steach ann ni s' mò.

26 Agus ghlaodh an spiorad, agus reub e gu ro chràiteach e, agus chaidh e mach as: agus bha e 'n riochd mairbh, ionnus gu'n dubhairt mòran, Tha e marbh.

27 Ach air do Iosa a ghlacadh air làimh, thog e suas e, agus dh'éiriche.

28 Agus an uair a chaidh e steach do'n tigh, dh'fhiosruich a dheisciobuil deth os iosal, C'ar son nach b' urradh sinne a thilgeadh mach?

29 Agus thubhairt esan riu. Cha 'n 'eil e comasach gu'n d'theid a' ghnè so mach le ni air bith, ach le h-òrnuigh agus trosgadh.

30 Agus dh'imich iad as sin, agus chaidh iad tre Ghalile; agus cha b' àill leis fhios so bhi aig aon neach.

31 Oir theagaisg e a dheisciobuil fein, agus thubhairt e riu, A ta mac an duine air a thabhairt thairis do làmh aibh dhaoine, agus cuiridh iad gu bàs e, agus an dèigh a chur gu bàs, éiridh e ris an treas là.

32 Ach cha do thuig iad a' chainnt so, agus bha eagal orra fheòraich dheth.

33 Agus thainig e gu Capernaum, agus air bhi san tigh dha, dh'fhiosruich e dhiubh, Ciod e mu 'n robh sibh a deasboireachd eadruibh fein, air an t-slighe?

34 Ach dh'fhan iadsan 'nan tosd: oir air an t-slighe bha iad a' reusnachadh eatorra fein, co aca bu mhò a bhiodh.

35 Agus air suidhe dha, ghairm e 'n dà fhear dheug d'a ionnsuidh, agus thubhairt e riu, Ge b'e neach leis am miann a' bhi air thoiseach, bithidh

esan air dheireadh air chàch uile, agus 'na sheirbhiseach do na h-uile.

36 Agus ghabh e leanabh, agus chuir e 'nam meadhon e: agus an uair a thog e suas 'na uchd e, thubhairt e riu.

37 Ge b'e neach a ghabhas ri h-aon d'an leithidibh so do leanabailbh a'm<sup>2</sup> ainmse, a ta se a' gabhail riumsa: agus ge b'e neach a ghabhas riumsa, cha mhise ris am bheil e a' gabhail ach an Ti a chuir uaith mi.

38 Agus fhreagair Eoin e, ag radh, A mhaighstir, chunnaic sinne neach nach 'eil 'gar leanmhuinn, a' tilgeadh a mach dheamhan a'd ainmse; agus bhac sinn e, chionn nach 'eil e 'gar leantuinn fein.

39 Ach thubhairt Iosa, Na bacadh e; oir cha 'n 'eil neach sam bith a ni miorbhuil a'm<sup>2</sup> ainmse, d'am bheil e'n comas olc a labhairt gu h-ealamh umam.

40 Oir ge b'e neach nach 'eil 'narc n-aghaidh, a ta e leibh.

41 Oir ge b'e neach a bheir cup-an uisge dhuibhse r'a òl a'm<sup>2</sup> ainmse, chionn gur le Criosd sibh, gu deimhin a deirim ribh, nach càill e a dhuais.

42 Agus ge b'e bheir aobhar oilbheim dh'aon neach do na h-aonaibh beaga so, a ta creidsinn annamsa, b'fhearr dha gu'm biodh clach-mhuilinn air a crochadh m'a mhuineal, agus gu'm biodh e air a thilgeadh san fhairge.

43 Agus ma bheir do làmh aobhar oilbheim dhuit, gearr dhìot i: is fearr dhuit dol do'n bheatha air leth làimh, na dà làimh a bhi agad, agus dol gu h-ìfrinn, do'n teine nach mùchar a choidhch;

44 Far nach bàsaich an cnuimh, agus nach d'theid an teine as.

45 Agus ma bheir do chos aobhar oilbheim dhuit, gearr dhìot i: is fearr dhuit dol a steach do'n bheatha air leth chois, na dà chois a bhi agad, agus a bhi air do thilgeadh ann an ìfrinn, do'n teine nach mùchar a choidhch;

46 Far nach bàsaich an cnuimh, agus nach d'theid an teine as.

47 Agus ma bheir do shùil aobhar oilbheim dhuit, spion asad i: is fearr dhuit dol a steach do rioghachd Dhé air aon shùil, na dà shùil a bhi agad, agus a bhi air do thilgeadh ann an teine ìfrinn:

48 Far nach bàsaich an cnuimh, agus nach d'theid an teine as.

49 Oir saillear gach aon neach le teine, agus saillear gach aon lobairt le salann.



50 Is maith an salann: ach ma chailleas an salann a shailteachd, ciod leis an dean sibh deadhbhlada e? Biodh agaibh salann annaibh fein, agus bithibh sìochail r'a chéile.

## CAIB. X.

**A** GUS air éirigh dha as sin, thainig e gu crìochuibh Judea tre 'n dùthaich a ta air an taobh thall do Iordan: agus thainig sloigh d'a ionnsuidh a ris; agus mar bu ghnàth leis, theagaisg e iad a ris.

2 Agus air teachd do na Phairisich d'a ionnsuidh, dh'fhiosruich iad deth, Am bheil e ceaduichte do dhuine a bhean a chur air falbh? 'ga dhearbhadh.

3 Ach fhreagair esan agus thubhairt e riu, Ciod a dh'aithn Maois dhuibh?

4 Agus thubhairt iadsan, Thug Maois cead duinn litir-dhealaich a scriobhadh, agus a cur air falbh.

5 Agus fhreagair Iosa agus thubhairt e riu, Air son cruais bhur cridhe, scriobh e 'n àithne so dhuibh.

6 Gidheadh o thoiseach na cruith-eachd, rinn Dia iad fear agus bean.

7 Air an aobhar so fàgaidh duine athair agus a mhàthair, agus dlù-leanaidh e r'a mhnaoi phòsda;

8 Agus bithidh iad araon 'nan aon fheoil: ionnus nach dithis iad o sin suas, ach aon fheoil.

9 Air an aobhar sin an ni a chuir Dia cuideachd, na cuireadh duine o chéile.

10 Agus anns an tigh dh'fheòraich a dheisciobuil deth a ris mu thim-chioll an ni cheudna.

11 Agus thubhairt e riu, Ge b'e neach a chuireas air falbh a bhean féin, agus a phòsas bean eile, a ta e a' deanamh adhaltrannais 'na h-aghaidh:

12 Agus ma chuireas bean air falbh a fear fein, agus ma bhitheas i air a pòsadh ri fear eile, a ta i a' deanamh adhaltrannais.

13 Agus thug iad leanabana d'a ionnsuidh, chum as gu'm beanadh e riu; agus chronuich a dheisciobuil a' mhuinntir a thug leo iad.

14 Ach an uair a chunnaic Iosa sin, bha ero dhiombach, agus thubhairt e riu, Leigibh do na leanabanuibh teachd a m' ionnsuidh, agus na bacuibh iad: oir is ann d'an leithidibh a ta rioghachd Dhé.

15 Gu deimhin a deirim ribh, Ge b'e neach nach gabh rioghachd Dhé mar leanabh beag, nach d'théid e gu bràth a steach innte.

16 Agus ghlac e 'na uchd iad, agus chuir e a lamhan orra, agus bheannuich e iad.

17 Agus an uair a chaidh e mach air an t-slighe, thainig neach 'na ruith, agus leig se e fein air a ghlùinibh dha, agus dh'fheòraich e dheth, A mhaighstir mhaith, ciod a ni mi chum gu sealbhaich mi a' bheatha mhaireannach?

18 Agus thubhairt Iosa ris, C'ar son a ghoireas a tu maith dhiomsa? cha 'n eil neach sam bith maith, ach a h-aon, is e sin Dia.

19 Is aithne dhuit na h-àitheanta Na dean adhaltrannas, Na dean mort-adh, Na goid, Na toir fianuis bhréige, Na dean eucoir b, Thoir onoir do t'athair, agus do d' mhàthair.

20 Ach fhreagair esan agus thubhairt e ris, A mhaighstir, choimhid mi iad so uile o m'òige.

21 Agus air amharc do Iosa air, ghràdhaich se e, agus thubhairt e ris, A ta aon ni dh'uireasbhuidh ort: imich, reic na bheil agad, agus tabhair do na bochdaibh, agus bithidh agad ionmhas air nèamh; agus thig, tog an crann-cèusaidh, agus lean mise.

22 Agus bha doilghios air-san air son nam briathra sin, agus dh'fhalbh e gu tuirseach; oir bha mòran saibhris aige.

23 Agus air amharc do Iosa m'an cuairt, thubhairt e r'a dheisciobluibh, Cia deacair do'n mhuinntir sin aig am bheil mòr shaibhreas dol a steach do rioghachd Dhé!

24 Agus bha mòr uamhas air na deisciobluibh air son a bhriathra. Ach fhreagair Iosa a ris, agus thubhairt e riu, A chlann, cia deacair dhoibhsan a chuireas an dòigh ann an saibhreas, dol a steach do rioghachd Dhé!

25 Is usadh do chàmhach dol tre chrò na snàthaidhe, na do dhuine saibhir dol a steach do rioghachd Dhé.

26 Ach bha uamhas orrasan thar tomhas, ag radh eatorra fein, Cò ma seadh a dh'fheudas a bhiair a shaoradh?

27 Agus air do Iosa amharc orra, thubhairt e, Do dhaoinibh a ta so eu-comasach, ach cha 'n eil e do Dhia: oir do Dhia a ta na h-uile nithe comasach.

28 Agus thòisich Peadar air a radh ris, Feuch thréig sinne na h-uile nithe, agus lean sinn thusa.

29 Ach fhreagair Iosa, agus thubhairt e, Gu deimhin a deirim ribh, nach 'eil neach sam bith a dh'fhàg tigh, no bràithre, no peathraiche, no athair, no màthair, no bean-phòsda, no clann, no fearann, air mo shonsa agus air son an t-soisgeil.

a ghairmeas. b mealltaireachd.  
c doilich.

30 Nach faigh a cheud uiread san aimsir so féin, tighean agus bráithrean, agus peathraichean, agus máthraichean, agus clann, agus fearann, maille ri geur-leanmhuinn; agus anns an t-saoghal a ta ri teachd, a' bheatha mhaireannach.

31 Ach a ta móran air thùs, a bhitheas air dheireadh; agus air dheireadh, a bhitheas air thùs.

32 Agus bha iad air an t-slighe a' dol suas gu Hierusalem: agus bha Iosa ag imeachd rompa; agus ghabh uamhas iad, agus ag dhoibh *esan* a leanntuinn bha eagal orra. Agus thug e an dà fhear dheug air leth a ris, agus thòisich e air na n'ithe a bha gu tachairt dà innseadh dhoibh,

33 *Ag radh*, Feuch, a ta sinn a' dol suas gu Hierusalem, agus bithidh Mac an duine air a thoirt thairis do na h-ard shaghartaibh<sup>a</sup>, agus do na scriobhnichibh: agus dithidh iad chum bàis e, agus bheir iad thairis e do na Cinnich;

34 Agus ni iad fanoid air, agus sgiùrsaidh iad e, agus tilgidh iad smugaid air, agus cuiridh iad gu bàs e: agus air an treas la éiridh e ris.

35 Agus thainig d'a ionnsuidh Seumas agus Eoin, mic Shebede, ag ràdh, A mhaighstir, is àill leinn gu'n dean thu dhuinne ge b'e ni a dh'iarras sinn.

36 Agus thubhairt *esan* riu, Ciod is àill libh mise a dheanamh dhuibh?

37 Agus thubhairt iadsan ris, Deònuich dhuinne gu'n suidheamaid, a h-aon air do làmh dheis, agus am fear eile air do làmh chli ann do ghloir.

38 Ach thubhairt Iosa riu, Cha'n aithne dhuibh ciod a ta sibh ag iarruidh: an bheil sibh comasach air a' chnapan òl a dh'òlas mise? agus abhi air bhur baisteadh leis a' bhaisteadh, leis am baistear mise?

39 Thubhairt iadsan ris, A ta sinn comasach. Ach thubhairt Iosa riu, Oluidh sibhse gu deimhin an cupan a dh'òlas mise; agus baistear sibh leis a' bhaisteadh, leis am baistear mise:

40 Ach suidhe air mo làmh dheis, agus air mo làmh chli, cha leamsa sin r'a thubhairt, ach dhoibhsan d'an d'alluicheadh e.

41 Agus air chluinntinn *so* do'n deichnear, thòisich iad air mòr chorruidh a gabhail re Seumas agus Eoin.

42 Ach air do Iosa an gairm d'a ionnsuidh, thubhairt e riu, A ta fhios agaibh gu bheil aca-san, a ta air am meas mar uachdaran air na Cinnich, àrd thighearnas orra; agus gu bheil

aig an daoinibh mòra làn ùghdarras orra.

43 Ach cha bhi e mar sin 'nar measg-sa: ach ge b'e neach le'n àill a bhi mòr 'nar measg, bithidh e 'na òglach aguibh.

44 Agus ge b'e neach agaibh le'n àill toiseach a bhi aige, bithidh e 'na sheirbhiseach do na h-uile.

45 Oir cha d'thainig eadhon Mac an duine chum gu'n deantadh frith-ealadh dha, ach a dheanamh frithealaidh, agus a thoirt anama fein mar éiric air son mhòrain.

46 Agus thainig iad gu Iericho: agus air imeachd dhasan agus d'a dheisciobluibh, agus do shluagh mòr, a mach a Iericho, bha Bartimeus an dall, mac Thimeus, 'na shuidhe ri taobh na slighe, ag iarraidh déirce.

47 Agus air cluinntinn da gu'm b'e Iosa o Nasaret a bh'ann, thòisich e ri glaothaich, agus a ràdh, Iosa, Mhic Dhaibhidh, dean tròcair orm.

48 Agus chronuich mòran e, chum's gu'm biodh e 'na thosd: ach bu ro mhòid a ghlaodh *esan*, A Mhic Dhaibhidh, dean tròcair orm.

49 Agus sheas Iosa, agus dh'àithn e *esan* a ghairm d'a ionnsuidh: agus ghairm iad an dall, ag ràdh ris, Biodh misneach agad, éirich, tha e ga d'ghairm.

50 Agus air dhasan fhalluing b a thilgeadh uaith, dh'éirich e, agus thainig e gu h-Iosa.

51 Agus threagair Iosa, agus thubhairt e ris, Ciod is àill leat mise a dheanamh dhuit? Thubhairt an dall ris, A Thighearn, mi dh'fhaotainn mo radhaic.

52 Agus thubhairt Iosa ris, Imich; shlànuich do chreidimh thu. Agus air ball fhuair e a radharc, agus lean e Iosa san t-slighe.

#### CAIB. XI.

**A** GUS an uair a thainig iad am fagus do Hierusalem, gu Betphage, agus Betani, aig sliabh nan crann-ola, chuir e uaith dithis d'a dheisciobluibh.

2 Agus thubhairt e riu, Rachaibh do'n bhaile ud thall fa'r comhair; agus air ball an uair a thèid sibh a steach ann, gheibh sibh searrach ceangailte, air nach do shuidh aon duine riamh; fuasglaibh e, agus thugaibh leibh e.

3 Agus ma their neach air bith ribh, C'ar son a ta sibh a' deanamh so? abraibh, Gu'm bheil feum aig an Tighearn air; agus air ball cuiridh e'n so e.

4 Agus dh'imich iad, agus fhuair

<sup>a</sup> prìomh shagartaibh.

<sup>b</sup> eudach-uachdair.

iad an searrach òeangailt a muigh aig an doras, aig coinneachadh da shlighe; agus dh'fhuasgail iad e.

5 Agus thubhairt cuid dhiubh-san, a bha 'nan seasamh an sin, riu C'ar son a ta sibh a' fuasgladh an t-searraich?

6 Agus thubhairt iadsan riu mar a dh'aithn Iosa dhoibh: agus leig iad uatha iad.

7 Agus thug iad an searrach chum Iosa, agus chuir iad am fal uingean air; agus shuidh esan air.

8 Agus sgaoil mòran am falluingean féin air an t-slighe: agus ghearr cuid eile geugan do na craobhaibh, agus sgaoil iad air an t-slighe iad.

9 Agus ghlaodh iadsan a bha g'imeachd roimhe, agus iadsan a bha 'ga leantuinn, ag radh, Hosana, is beannuichte an ti a ta teachd ann an ainm an Tighearna.

10 Is beannuichte rioghachd ar n-Athar Daibhidh, a ta teachd ann an ainm an Tighearna; Hosana anns na h-àrdaibh.

11 Agus chaidh Iosa a steach do Hierusalem, agus do'n teampull; agus an uair a dh'amhairc e air gach ni m'an cuairt, agus a bha 'm feasgar a nis air teachd, chaidh e mach gu Betani maille ris an dà fhear dheug.

12 Agus air an là màireach, 'nuair a chaidh iad a mach a Betani, dh'fhàs e ocrach.

13 Agus air faicinn craobh-fhìge fada uath, air an robh duilleach, thainig e, dh'fheuchainn am faigh-eadh e ni sam bith oirre: agus air dha teachd d'a h-ionnsuidh, cha d'fhuair e ni sam bith ach duilleach; oir cha robh am tionail nam fige fashast ann.

14 Agus fhreagair Iosa agus thubhairt e rithe, Nar itheadh neach sam bith toradh dhiotsa o so suas a choidheh. Agus chual a dheisciobuil e.

15 Agus thainig iad gu Hierusalem: agus air do Iosa dol a steach do'n teampull, thòisiche air an dream a bha reiceadh agus a' ceannach san teampull a chur a mach, agus thilg e thairis bùird luchd malairt an airgid, agus caithriche na muinntir a bha reiceadh choluman:

16 Agus cha'n fhuilgeadh e gu 'n iomchaireadh neach sam bith soith-each triomha an teampull.

17 Agus theagaisg e, ag radh riu, Nach 'eil e scriobhta, Goirear tigh ùrnuigh do m' thighsa do na h-uile chinneachaibh? Ach rinn sibhse 'na gharaidh luchd-reubainn e.

18 Agus chual na scriobhuichean

agus na h-àrd shagairt<sup>c</sup> so, agus dh'fàrriad cionnus a dh'fheudadh iad esan a mhillleadh: oir bha eagal-san orra, do bhrìgh gu'n robh an sluagh uile fa iongantas mor r'a theagasg.

19 Agus an uair a bha 'm feasgar air teachd, chaidh e mach as a' chathair d.

20 Agus air mhaduinn, ag gabhail seachad dhoibh, chunnaic iad an crann-fìge air crìonadh o fhreumhaibh.

21 Agus air cuimhneachadh do Pheadar, thubhairt e ris, A mhaighstir, feuch, a ta chraobh-fhìge, a mhalluich thu, air crìonadh.

22 Agus fhreagair Iosa, agus thubhairt e riu, Biodh creidimh Dhé agaibh.

23 Oir gu deimhin a deirim ribh, ge b'e neach a their ris a' bheinn so, Togar thu, agus tilgear san fhairge thu, agus nach bi fa amharus 'na chridhe, ach a chreideas gu'n tachair na nithe a their e, thig gach ni a their e gu crìch dha.

24 Air an aobhar sin a deirim ribh, Ge b'e nithe air bith a dh'iarras sibh ann an ùrnuigh, creidibh gu'm faigh sibh, agus gheibh sibh.

25 Agus an uair a sheasas sibh a' dhear amh ùrnuigh, maithibh, ma ta ni air bith agaibh an aghaidh aon duine, chum gu maith bhur n-Athair a ta air nèamh bhur peacaidh féin dhuibhse.

26 Ach mur maith sibhse, cha mhò a mhaithas bhur n-Athair a ta air nèamh bhur peacaidh féin dhuibhse.

27 Agus thainig iad a ris gu Hierusalem: agus air bhi dhasan a' spaisdeireachd<sup>e</sup> anns an teampull, thainig d'a ionnsuidh na h-àrd shagairt<sup>f</sup> agus na scriobhuichean, agus na seanairean.

28 Agus a deir iad ris, Ciod e an t-ùghdarras le'm bheil thu a' deanamh nan nithe so? Agus cò thug dhuit an t-ùghdarras so chum na nithe dheanamh?

29 Agus fhreagair Iosa agus thubhairt e riu, Feòraichidh mise mar an ceudna aon ni dhibhse, agus freagraibh mi, agus ionnsuidh mise dhuibhse ciod e an t-ùghdarras le'n deanamh na nithe.

30 An ann o neamh, no o dhaoineibh a thainig baisteadh Eoin? freagraibh mi.

31 Agus bha iad a' reusonachadh eator a fein, ag radh, Ma their sin, O nèamh, their esan ruinn, C'ar son na seadh nach do chreid sibh e?

32 Ach matheirsinn, O dhaoineibh;

<sup>a</sup> tre. trld.

<sup>b</sup> leis.

<sup>c</sup> prìomh shagairt. <sup>d</sup> a' bhaile  
<sup>e</sup> sràideis. <sup>f</sup> prìomh shagairt.

bha eagal an t-sluaigh orra, oir b'è meas' gach uile air Eoin gu'm b'fhàidh e gu fìrinneach.

33 Agus air fhreagairt dhoibh, thubhairt iad re h-Iosa, Cha 'n'èil fhios aguinn. Agus fhreagair Iosa agus thubhairt e riu, Cha mhò a dh'innseas mise dhuibhse ciod e an t-ùgdarras le'n deanam na nithese.

## CAIB. XII.

**A** GUS thòisich e air labhairt riu ann an cosamhlachdaibh. Shuidhich duine *draidh* fìon-lios, agus chuir e gàradh m'an cuairt air, agus chladhaich e ionad bruthaidh nam fìon-dhearc agus thog e tùr, agus shuidhich e air tuath e, agus ghabh e thurus as a dhùthaich.

2 Agus san àm dhlighreach chuir e seirbhiseach chum na tuatha, chum's gu'm faigheadh e do thoradh an fhìon-lios o 'n tuath.

3 Ach air dhoibh-san esan a ghlacadh, bhuail iad e, agus chuir iad uatha falamh e.

4 Agus a rìs chuir e seirbhiseach eile d'an ionnsuidh; agus chlach iad e, agus reub iad a cheann, agus chuir iad uatha e le h-eas-urram.

5 Agus a rìs chuir e neach eile d'an ionnsuidh; agus esan mharbh iad; agus mòran eile, a' bualadh cuid dhubh, agus a' marbhadh cuid eile.

6 Fathast uime sin air dha aon Mhac a bhi aige, a b'ionmhuinn leis, chuire e esan mar an ceudna fadheoidh d'an ionnsuidh, ag radh, Bheir iad urram do m' Mhac.

7 Ach thubhairt an tuath sin 'nam measg fein, Is e so an t-oighre; thigibh, marbhamaid e, agus bithidh an oighreachd aguinn fein.

8 Agus rug iad air, agus mharbh iad e, agus thilg iad a mach as an fhìon-lios e.

9 Ciod e uime sin a ni Tighearn an fhìon-lios? Thig e agus sgrìosuidh e 'n tuath sin, agus bheir e 'm fìon-lios do dhaoibh eile.

10 Nach do leagh sibh an scriobtuir so? A' chlach a dhiult na clachairean, rinneadh ceann na h-oisinn dith.

11 Rinneadh so leis an Tighearn, agus is iongantach e 'nar sùilibhne.

12 Agus dh'iarr iad breith air, ach bha eagal an t-sluaigh orra; oir thuig iad gu'm b'ann 'nan aghaidh fein a labhair e an cosamhlachd; agus air fhàgail doibh, dh'imich iad rompa.

13 Agus chuir iad d'a ionnsuidh dream àraidh do na Phàirisich, agus doluchd-leanmhuinn Heroid, chum's gu'n glacadh iad e 'na chainnt.

14 Agus air dhoibh-san teachd, thubhairt iad ris, A' mhaighstir a ta

fhios aguinn gu bheil thusa fìrinneach, agus nach 'eil suim agad do neach air bith: oir cha 'n'èil thu ag amharc air gnùis dhaoine, ach a' teagasg slighe Dhè ann am fìrinn. Am bheil e ceaduichte, cìs a thoirt do Cheasar, no nach 'eil? an tabhair, no nach tabhair sinn i?

15 Ach air dhasan an cealg a thuigsinn, thubhairt e riu, C'ar son a ta sibh ga 'm bhuaireadh? thugaibh peghinn a m'ionnsuidh, chum's gu'm faic eam i.

16 Agus thug iad d'a ionnsuidh i, agus thubhairt e riu, Cò d'an lómhaigh so, agus cò d' am buin an scriobhadh so? Agus thubhairt iadsan ris, Do Cheasar.

17 Agus fhreagair Iosa, agus thubhairt e riu, Thugaibh do Cheasar na nithe a's le Ceasar agus do Dhia na nithe a's le Dia. Agus ghabh iad iongantais ris.

18 An sin thainig na Sadusaich d'a ionnsuidh, a deir nach 'eil aiseirigh ann; agus dh'fhebraich iad dèth, ag radh,

19 A mhaighstir, scriobh Maois dhuinne, Nam faigheadh bràthair duine air bith bàs, agus gu m' fàgadh e bean, agus nach fàgadh e clann, gu'n gabhadh a bhràthair a bhean d'a ionnsuidh, agus gu 'n togadh e sliochd d'a bhràthair.

20 A nis bha seachdnar bhràithrean ann: agus ghabh an ceud fhear dhiubh bean, agus an uair a dh'eug e, cha d'fhàg e sliochd.

21 Agus ghabh an dara fear i, agus fhuair esan bàs, agus cha mhò a dh'fhàg esan sliochd: agus an treas fear mar an ceudna.

22 Agus ghabh an t-seachdnar i, agus cha d'fhàg iad sliochd: 'nan deigh uile, chaochail a' bhean mar an ceudna.

23 Anns an aiseirigh uime sin, an uair a dh'éireas iad, cò dhiubh d'am bean i? oir bha i aig an t-seachdnar 'na mnaoi.

24 Agus fhreagair Iosa agus thubhairt e riu, Nach 'eil sibh uime sin ann am mearachd, do bhlirigh nach 'eile blas agaibh air na scriobtuiribh, no air cumhachd Dhé?

25 Oir an uair a dh'éireas iad o na marbhaibh, ni 'm pòs iad, ni mò a bheirear am pòsadh iad: ach a ta iad mar na h-àingil a ta air nèamh.

26 Ach mu thimechioll nam marbh, gu 'n éirich iad, nach do leugh sibh ann an leabhar Mhaois, cionnus a labhair Dia ris anns a' phreas, ag radh, Is mise Dia Abraham, agus Dia Isaac, agus Dia Iacoib?

27 Cha 'n e Dia nam marbh e,



ach Dia nam beo : tha sibhse uime sin ann am mearachd mòr.

28 Agus thainig neach do na scriobhuichibh, agus an uair a chual e iadsan a' deasboireachd r'a chéile, agus a thuig e gu'n do fhreagair e gu maith iad, chuir e ceist air, C'i a' cheud àithne do na h-àitheantaibh uile?

29 Agus fhreagair Iosa e, 'S i so a' cheud àithne do na h-àitheantaibh uile, Eisd, O Israel, an Tighearna ar Dia-ne, is aon Tighearn e;

30 Agus gràdhaichidh tu an Tighearn do Dhia le d'uile chridhe, agus le d'uile anam, agus le d'uil' inntinn, agus le d'uile neart: 's i so a' cheud àithne,

31 Agus is cosmhuil an dara àithne rithe so, Gràdhaichidh tu do choimhearsnach mar thu féin: cha 'n'eil àithne eile ann a's mò na iad so.

32 Agus thubhairt an scriobhuiche ris, Is maith, gu frinneach, a Mhaighstir, a thubhairt thu: oir a ta aon Dia ann, agus cha 'n'eil atharrach ann ach e féin.

33 Agus esan a ghràdhachadh leis an uile chridhe, agus leis an uile thuigse, agus leis an uile anam, agus leis an uile neart, agus neach a ghràdhachadh a choimhearsnaich mar e féin, is mò sin na na h-uile làn iobairte-loisgte, agus thabhartha-sa.

34 Agus air faicinn do Iosa gu 'n do fhreagair e gu tuigseach, thubhairt e ris, Cha 'n'eil thu fada o rioghachd Dhé. Agus cha robh a mhisnich aig neach air bith o sin suas ceist a chur air.

35 Agus fhreagair Iosa agus thubhairt e, a' teagasg anns an teampull, Cionnusa tha na scriobhuichean ag radh gur e Criosd Mac Dhaibhidh?

36 Oir thubhairt Daibhidh féin tre 'n Spiorad naomh, Thubhairt an Tighearn ri m' Tighearn-sa, Suidh air mo làimh dheis, gus an cuir mi do naimhde 'nan stòl fa d' chosaibh,

37 Air an aobhar sin a ta Daibhidh féin a' gairm a Thighearna dheth; cionnusa ma seadh is e mhac e? Agus dh'éisd am mòr shluagh ris gu tàitneach.

38 Agus thubhairt e riu 'na theagasg, Bithibh air bbur faicill o na scriobhuichibh, leis an ionmhuinn imeachd ann an culaidhibh fada, agus fàilte fhaotainn air na margaibh,

39 Agus na ceud chaithriche anns na sionagegaibh, agus na ceud àiteacha-suidhe aig na féisdibh:

40 A dh'itheas suas tighean bhantrach, agus air sgàth deadh choslais a ni àrnuighean fada; gheibh iad sin

an dèiteadh a a's mò.

41 Agus air do Iosa suidhe fa chomhair àite-coimhid an ionmhais, thug e fa' near cionnus a bha 'm pobull a' cur an airgid ann san ionmhas: agus chuir mòran do dhaoineibh saibhre mòran ann.

42 Agus air teachd do bhantraich bhochd, thilg i dà bhonn bheaga ann, a ni feoirlin.

43 Agus air dha a dheisciobuil a ghairm d'a ionnsuidh, thubhairt e riu, Gu deimhin a deirim ribh, gu'n do chuir a' bhantraich bhochd so tuilleadh 'san ionmhas, na iadsan uile a thilg ann.

44 Oir thilg iadsan uile ann d'am mòr phailteas; ach thilg ise as a gainne na bha aice uile, eadhon a beathachadh gu h-iomlan.

### CAIB. XIII.

**A** GUS an uair a bha e dol a mach as an teampull<sup>a</sup>, thubhairt neach d'a dheisciobuibh ris, A Mhaighstir, feuch ciod e a' ghnè chlach so, agus ciod e a' ghnè aitreibh so.

2 Agus fhreagair Iosa agus thubhairt e ris, Am faic thu 'n aitreabh mhòr so? cha'n fhàgar clach air muin cloiche, nach sgarar o chéile.

3 Agus air suidhe dha air sliabh nan crann-ola, fa chomhair an teampull, dh'fhebraich Peadar, agus Seumas, agus Eoin, agus Andreas os ìosal deth.

4 Innis duinne c'uin a bhitheas na nithe sinn, agus ciod e 'n comhara 'nuair a bhitheas na nithe sin gu léir air an coimhlionadh.

5 Agus fhreagair Iosa iad, agus thòisich e air a radh, Thugaibh an aire nach meall aon-neach sibh.

6 Oir thig mòran ann am ainmse, ag radh, Is mis e: agus meallaidh iad mòran.

7 Agus an uair a chluinneas sibh coganna, agus tuairisgeul<sup>b</sup> choganna, na biodh buaireas oirbh: oir is eigin iad so a theachd; ach cha 'n'eil an deireadh ann fathast.

8 Oir éiridh cinneach an aghaidh cinnich, agus rioghachd an aghaidh rioghachd: agus bithidh critheanna talmhainn ann an iomadh àit, agus bithidh gorta agus trioblaiden ann: 's iad sin toiseach dhòruinnean<sup>c</sup>.

9 Ach thugaibh an aire dhuibh féin: oir bheir iad thairis sibh do chomhairlibh: agus anns na sionagegaibh sgiùrsar sibh, agus cuirear sibh an làthair uachdarana agus righrean air mo shonsa, mar fhianuis dhoibhsan<sup>d</sup>.

<sup>a</sup> peanas, damnadh. <sup>b</sup> iomraidhean. <sup>c</sup> àmhghara. <sup>d</sup> 'nan aghaidhsan.

10 Agus is éigin air tús an soisgeul a bhí air a shearmonachadh do na h-uile chinneachaibh.

11 Ach an uair a bheir iad leo sibh, 'gar tabhairt thairis, na biodh e na ro-chúram oirbh ciod e a labhras sibh, agus na smuainichibh roimh-laimh air: ach ge b'e ni a bheirear dhuibh 'san uair sin féin, abraibh e: oir cha sibhse ta labhairt, ach an Spiorad naomh.

12 Agus, bheir am bráthair a bhráthair thairis chum báis, agus an t-athair a mhac: agus éiridh a' chlann suas an a' haidh am páraanta, agus bheir iad fa'near an cur gu bás.

13 Agus bithidh sibh air bhur fuathachadh leis na h-uile dhaoineibh air sgáth m'ainmese: ach an ti a bhuanaicheas chum na criche, 's e so a shaorar.

14 Ach an uair a chi sibh gráin-ealachd an léir-sgríos, air an do labhair Daniel am fáidh, 'n a seasamh anns an ionad nach bu choir dh'i (tuigeadh an ti a leughas) an sin teicheadh iadsan, a ta ann an tír Iudea, chum nam beann:

15 Agus na d'thigeadh esan a ta air mullach an tighe, a nuas do'n tigh, agus na rachadh e steach, a thoirt ní air bith as a thigh.

16 Agus an ti 'ta sa' mhachair, na pilleadh e air ais a thogail f'halluinge leis.

17 Ach mo thruaigh iad na mnái sin a ta torrach, agus iadsan a ta toirt clíche 'sna láithibh sin!

18 Agus guidhibhse gun bhur teicheadh a bhí sa' gheamhradh.

19 O'r bithidh ámhghar anns na láithibh sin, amhuil nach robh a leithid ann o thoiseach na cruith-eachd a chrut' aich Dia, gus a nis, agus nach mó a bhitheas.

20 Agus mur giorraicheadh an Tighearna na láithean ud, charachadh feoil air bith as: ach air son an t-sluaigh thaghta, a thagh e féin, ghiorraich e na láithean ud.

21 Agus an sin ma thair neach air bith ribh, Feuch, a ta Criosd an so, no, Feuch, a ta e 'n sin, na creidibh e.

22 Oir éiridh Criosdan bréige, agus fáidhean bréige, agus ní iad comharan, agus míorbhuilean, chum, nam bu chosamach e, na daoine taghta fein a mhealladh.

23 Ach thugaibh's an aire: feuch, roimh-innis mi dhuibh na h-uile nithe.

24 Ach anns na láithibh sin, an déigh an ámhghair ud, bithidh a'

ghrian air a dorchachadh, agus cha toir a' ghealach a solus uaipe a:

25 Agus tuitidh reulta nheimhe, agus bithidh na cumhachdan a ta 'sna néamhaibh air an crathadh.

26 Agus an sin chi iad Mac an duine a' teachd anns na neulaibh, maille ri mor chumhachd, agus glóir.

27 Agus an sin cuiridh e aingil a mach, agus cruinnichidh e r'a chéile a daoine taghta féin o na ceithir gaothaibh, o leth-iomall na talmhainn gu leth iomall nheimhe.

28 A nis fòghlumaibh cosamhlachd o'n chraoibh-fhige: an uair a bhith-eas a geug a nis maoth, agus a chuireas i mach a duilleach, a ta fhios agaibh gu bheil an samhradh am fagus:

29 Agus mar an ceudna sibhse, an uair a chi sibh na nithese tachairt, biodh fhios agaibh gu bheil e 'm fagus, eadhon aig na dorsaibh.

30 Gu deimhin a deirim ribh, nach d' theid an linn<sup>b</sup> so thairis, gus an coimhlionar na nithese uile.

31 Theid niamh agus talamh seach: ach cha d' theid m' fhocailse seach a choidhch.

32 Ach cha 'n'eil fios an là no na h-uaire sin aig neach air bith, cha 'n'eil aig na h-ainglibh. a ta air niamh, no aig a' Mhac, ach aig an Athair.

33 Thugaibh fa'near, deanaibh faire agus ùrnuigh: oir cha 'n'eil fhios agaibh c'uin a thig an t'am.

34 Oir a ta Mac an duine mar dhuine a cha'dh air thurus, agus a dh'fhàg a thigh fein, agus a thug d'a sheirbhisich cumhachd, agus obair féin do gach neach, agus a thug áithne do'n dorsair faire a dheanamh.

35 Uime sin deanaibhse faire, (oir cha 'n'eil fhios agaibh c'uin a thig maighstir an tighe; an ann air feasgar, no air mheadhon-oidhche, no aig gairm-choileach, no anns a' mhad-uinn,)

36 An t-eagal air teachd dha gu h-obann, gu'm faigh e sibh'nar codal.

37 Agus na nithe a deirim ribhse, a deirim ris na h-uile dhaoineibh, Deanaibh faire.

#### CAIB. XIV.

**A**GUS bha a' chàisg, agus féisd an ara'n neo-ghoirtichte an déigh dà latha: agus dh'iarr na h-àrd shagairt agus na scríobhuichean, cionnus a ghlacadh iad esan le feill, agus a chuireadh iad gu bás e.

2 Ach thubhairt iad, Cha 'n ann air an fhéisd, air eagal gu'n éirich buaireas am measg an t-sluaigh.

a uaithe.

b ginealach.

3 Agus air bhi dha ann am Betani, ann an tigh Shimoin an lobhair, an uair a bha e 'na shuidhe air bòrd, thainig bean, aig an robh bocsa alabastair do ola spicnaird, ro luach-mhoir; agus bhris i 'm bocsa, agus dhòirt i air a cheann e.

4 Agus bha cuid dinbh diombach anna fein, agus ag radh, C'ar son a rinneadh an t-ana-caitheadh so air an ola?

5 Oir dh'fheudadh i bhi air a reiceadh air son tuilleadh 's trichead peghinn, agus air a toirt do na bochdaibh. Agus rinn iad gearan 'na h-aghaidh.

6 Ach thubhairt Iosa, Leigibh leatha; c'ar son a ta sibh cur dragha oirre? rinn i obair mhaith ormsa.

7 Oir a ta na bochdan a ghnàth maille ribh, agus ge b'e uair is àill libh, feudaidd sibh maith a dheanamh dhoibh: ach cha 'n'eil mise a ghnàth agaibh.

8 Rinn i na dh'fheudadh i: thainig i roimh-laimh a dh'ùngadh mo chuirp chum adhlaic.

9 Gu deimhin a deirim ribh, Ge b'e ball air bith air feadh an domhain uile am bi an soisgeul so air a shear-monachadh, bithidh mar an ceudna an ni so a rinn i air innseadh, mar chumhne oirre.

10 Agus dh'imich Iudas Iscariot, aon do'n dà fhear dheug, chum nan àrd shagart, gu ean a bhrath dhoibh.

11 Agus air dhoibhsan so a chluinntinn, bha iad aoibhneach, agus gheall iad airgoid a thoirt da. Agus dh'iarr e cionnus a dh'fheudadh e gu h-iomchuidh esan a bhrath.

12 Agus air a' cheud là do fhéisd an arain neo-ghoirtichte, an uair bu ghnàth leo an t-uan càisge a mbarbhadh, a deir a dheisciobuil ris, C'ait an toil leat sinne dhòl a dh'ulluchadh, chum's gu'n itheadh tu chàisg?

13 Agus chuir e dithis d'a dheisciobluibh, agus a deir e riu, Rachaibh a steach do'n bhaile, agus coinnichidh duine sibh a' giùlan soithich uisge: leanaibh e.

14 Agus ge b'e àit an d' theid e stigh, a'braibhse ri fear-an-tighe. A deir am Maighstir, C'ait am bheil an seomar aoidheachd, anns an ith mi a' chàisg maille re m' dheisciobluibh?

15 Agus nochdaidh esan dhuibh seomar àrd, farsaing, na làn uidheam agus deasuichte: an sin ulluichibh dhuinn.

16 Agus chaidh a dheisciobuil a mach, agus thainig iad do'n bhaile, agus fhuair iad mar thubhairt e riu: agus dh'ulluich iad a' chàisg.

17 Agus air teachd do'n fheasgar, thainig esan maille ris an dà fhear dheug.

18 Agus an uair a bha iad 'nan suidhe, agus ag itheadh, thubhairt Iosa, Gu deimhin a deirim ribh gu'm brath aon agaibh-se, a ta 'g itheadh maille rium, mise.

19 Agus thòisich iad air abhi dubhach, agus aradh ris an déigh a chéile, Am mise e? agus fear eile, Am mise e?

20 Agus air freagairt dha-san thubhairt e riu, Is fear do'n dà fhear dheug e, a ta tumadh maraon riumsa sa' mhèis.

21 A ta Mac an duine gu deimhin ag imeachd, mar a ta e scriobhta uime, ach is an-aoibhinn do'n fhear sin le m' brathar Mac an duine: bu mhaith do'n duine sin mur beirte riamh e.

22 Agus ag itheadh dhoibh, ghlac Iosa aran, agus an déigh a bheannachadh, bhris e, agus thug e dhoibhsan e, agus thubhairt e, Gabhaibh, ithibh: is e so mo chorp-sa.

23 Agus air g'acadh a' chupain, agus air breith buidheachais, thug e dhoibhsan e: agus dh'òl iad uile as.

24 Agus thubhairt e riu, Is i so m'fhuilse na Tiomna'-nuaidh, a dhòirtear air son mhòrain.

25 Gu deimhin a deirim ribh, Nach òl mi ni's mò do thoradh na fionain? agus an là sin an òl mi nuadh e ann an rieghachd Dhè.

26 Agus air dhoibh laoidh a sheinn, chaidh iad a mach gu sliabh nan craun-ola.

27 Agus thubhairt Iosa riu, Gheibh sibh uile oilbheum annams' an nochd: oir a ta e scriobhta, Buailidh mi am buachaille, agns sgapar na caoraich.

28 Ach an déigh dhomh éirigh, théid mi roimhibh do Ghalile.

29 Ach thubhairt Peadar ris, Ge do gheibh iadsan uile oilbheum annad, gidheadh cha 'n fhaigh mise e.

30 Agus thubhairt Iosa ris, Gu deimhin a deirim riu, an diugh, air an oidhche so féin, mu'n goir an coileach dà uair, gu'n àicheadh thusa mi tri uairean.

31 Ach is ro mhòid a thubhairtesan, Ge do 's éigin domh am bàs fhulang maille riu, cha'n àicheadh mi choidhch thu. Agus mar sin thubhairt càch uile mar an ceudna.

32 Agus thainig iad gu ionad d'am b'ainm Getsemane; agus thubhairt e r'a dheisciobluibh, Suidhibh' an so, gus an dean mise ùrnuigh.

33 Agus thug e leis Peadar, agus Seumas, agus Eoin, agus thòisich e air a bhi fuidh namh-chrith, agus fuidh anabarra bròin.

34 Agus thubhairt e riu, Tha m'an-am ro bhrònach, eadhon gu bàs: fainibhs' an se, agus deanaibh faire.

35 Agus air dol beagan air aghaidh dha, thuit e air an talamh, agus rinn e ùrnuigh, nam bu chomasach e, gu'n rachadh an uair thairis air.

36 Agus thubhairt e, Abba, Athair, a ta gach ni so dheanta dhuitse, cuir an cupan so seachad orm: gidheadh, nìor b'e an ni a b'àill leamsa, ach an ni a's toil leatsa.

37 Agus thainig e, agus fhuair e iadsan 'nan codal, agus thubhairt e ri Peadar, A Shimoin, am bheil thu a'd' chodal? nach b'urrainn thu faire a dheanamh aon uair?

38 Deanaibh faire agus ùrnuigh, chum nach tuit sibh am buaireadh: a ta 'n spiorad gu deimhin togarrach, ach a ta 'n fheoil anmhunn a.

39 Agus air dha imeachd a ris, rinn e ùrnuigh, ag radh nam briathar ceudna.

40 Agus air pilltinn dha, fhuair e iad a ris 'nan codal, (oir bha 'n sùilean trom) agus cha robh fhios aca cionnus a bheireadh iad freagradh air.

41 Agus thainig e 'n treas uair, agus thubhairt e riu, Coidlibh roimibh a nis, agus gabhaibh fois: is leoir e, thainig an uair; feuch, a ta Mac an duine air a bhrath thairis do làmhaidh nam peacach.

42 Eiribh, imicheamaid; feuch, a ta 'n ti a bhrathas mise am fagus

43 Agus air ball, air dha bhi fathast a' labhairt, thainig Iudas, aon do'n dà fhear dheug, agus sluagh mòr maille ris le cloidhibh agus bataibh, o na h-àrd shagartaibh, agus na scriobhuichibh, agus na seanairibh.

44 Agus bha 'n ti a bhrath esan air toirt comharaidh dhoibh, ag radh, Ge b'e neach d'an d'thoir mise pòg is e sin e; glacaibh e, agus thugaibh libh e gu tèaruinte.

45 Agus air teachd dha, chaidh e air ball d'a ionnsuidhs', agus thubhairt e, Fàilte dhuit, a mhaighstir; agus phòg se e.

46 Agus chuir iadsan làmh ann, agus ghlac iad e.

47 Agus air tarrauing claidheimh a dh'fhear do na bha làthair, bhuail e òglach an àrd shagairt, agus ghearr e chluas deth.

48 Agus fhreagair Iosa agus thubhairt e riu, An d'thainig sibh a mach

gu m' ghlacadh-sa, mar gu b'ann an aghaidh fir-reubainn le cloidhibh agus le bataibh?

49 Bha mi gach là maille ribh 'san teampull, a' teagasg, agus cha do ghlac sibh mi: ach a ta so chum gu biodh na scriobtuirean air an coimh-lionadh.

50 Agus air do na h-uile a thréig-sinn, theich iad.

51 Agus lean òganach àraidh e, aig an robh lion-eudach air a chur m'a chorp lomnochd; agus rug na h-òganaich air.

52 Ach air dhasan an lìon-eudach fhàgail, theich e lomnochd uatha.

53 Agus thug iad leo Iosa chum an ard shagairt: agus chruinnich-eadh maraon ris na h-àrd shagairt uile, agus na seanairean, agus na scriobhuichean.

54 Agus lean Peadar e fada uatha, agus an deachaidh e steach do thalla an àrd shagairt: agus bha e 'na shuidhe maille ris na seirbhisich, 'ga gharadh ris an teine.

55 Agus dh'iarr na h-àrd shagairt, agus a' chomhairle uile fianuis an aghaidh Iosa, chum a chur gu bàs; agus cha d'fhuair iad.

56 Oir rinn mòran dhaoine fianuis bhréige 'na aghaidh, ach cha do chòird am fianuis r'a chéile b.

57 Agus air do dhream àraidh éirigh, thug iad fianuis bhréige 'na aghaidh, ag radh,

58 Chuala sinne e 'g radh, Leagaidh mi sìos an teampull so, a rinn-eadh le làmhaidh, agus an trì làithibh, togaidh mi teampull eile, neo-dheanta le làmhaidh.

59 Agus mar sin féin cha robh am fianuis a' teachd r'a chéile.

60 Agus air éirigh suas do'n ard shagart sa' mheadhon, chuir e ceisd air Iosa, ag radh, Nach d'thoir thu freagradh air bith uait? ciod sin mu bheil iad so a' toirt fianuis a'd' aghaidh?

61 Ach d'fhan esan 'na thosd, agus cha do fhreagair e ni sam bith. A ris dh'fheobraich an t-ard shagart deth agus thubhairt e ris, An tu Crìosd, Mac an Ti bheannuichte?

62 Agus thubhairt Iosa, Is mi: agus chi sibh Mac an duine 'na shuidhe air deas làimh cumbachd Dhé, agus a' teachd le neulaibh nèimhe.

63 An sin reub an t-àrd shagart eudach, agus thubhairt e, Ciod am feum a ta againn tu leadh air fianuisibh?

b cha robh am fianuis ionann, cha d'fhoghainn am fianuis.



64 Chuala sibh an toibheum: ciod i bhur barails? Agus thug iad uile breth 'na aghaidh gu'n do thoill e 'm bàs.

65 Agus thòisich cuid diubh air smugaid a thilgeadh air, agus aghaidh fhòlach, agus a bhualadh le 'n dorn-aibh, agus a radh ris, Dean fàidh-eadaireachd: agus ghabh na seir-bhisich le 'm basaibh air.

66 Agus air do Phèadar a bhi shìos anns an talla, thainig aon do bhan-oglaichaibh an àrd shagairt:

67 Agus air faicinn Pheadair 'ga gharadh, agus air dh'i beachdachadh air, thubhairt i ris, Bha thusa cuid-eachd maille ri h-Iosa o Nasaret.

68 Ach dh'àicheadh esan, ag ràdh, Cha'n àithne dhomh, agus cha 'n'eil mi tuigsinn ciod a ta thu 'g ràdh. Agus chaidh esan a mach do'n fhor-dhorus<sup>a</sup>; agus ghoir an coileach.

69 Agus air do bhan-oglaich fhaicinn a ris, thòisich i air a ràdh riu-san a bha 'nan seasamh a làthair, Is ann diubh a ta 'm fear so.

70 Agus dh'àicheadh e ris. Agus an ceann beagain 'na dhéigh sin, thubhairt iadsan a bha 'nan seasamh a làthair a ris ri Pèadar, Gu firinneach 's ann diubh sud thu: oir is Galiléach thu, agus is cosmhuil do chainnt riu.

71 Ach thòisich esan air mallachadh agus mìonnachadh, *ag ràdh*, Cha 'n aithne dhomh an duine so, mu 'm bheil sibh a' labhairt.

72 Agus ghoir an coileach an dara uair. Agus chuimhnich Pèadar am focal a thubhairt Iosa ris, Mu 'n goir an coileach dà uair, àicheadhaidh tu mi trì uairean. Agus an uair a smuainich e air, ghuil e.

# CAIB. XV.

**A** GUS air ball sa' mhaduinn chum na h-àrd shagairt maille ris na seanairibh, agus na scriobhaichibh, agus a' chomhairle gu h-ìomlan, comhairle, agus air dhoibh Iosa a cheangal, thug iad leo e, agus thug iad thairis e do Philat.

2 Agus dh'fhedraich Pilat deth, An tusa rìgh nan Iudhach? Agus air freagairt dha, thubhairt e ris, Thubhairt thu e.

3 Agus chuir na h-àrd shagairt mòran do nithibh as a leth: ach cha do fhreagair esan aon ni.

4 Agus chuir Pilat a ris ceist air, ag ràdh, Nach freagair thu mi sam bith? feuch cia lìon nithe air am bheil iad sin a' toirt fianuis a'd' aghaidh.

5 Ach cha do fhreagair Iosa ni

sam bith tuilleadh; air chor as gu'n do ghabh Pilat iongantas.

6 A nis air an fhéisd bu ghnàth leis aon phrìosunach, ge b'e air bith a dh'iarraidh iad, a leigeadh as doibh.

7 Agus bha *neach àraidh* d'am b'ainm Barabas, ceangailte maille r'a chompanachaibh ceannairce, muinntir a bha air deanamh mortaidh anns a' cheannairce.

8 Agus air glaochadh gu h-àrd do 'n t-sluagh, thòisich iad air iarraidh *àir*, a *dheanamh* dhoibh mar a rinn e 'n còmhnuidh.

9 Ach fhreagair Pilat iad, ag ràdh, An àill libh gu'n cuir mi rìgh nan Iudhach fa sgaoil duibh?

10 (Oir bha fhios aige gu'm b'ann tre fharmad a thug na h-àrd shagairt thairis e;)

11 Ach bhrosnaich na h-àrd shagairt an sluagh, chum as gu'm b'fhearr leis Barabas a chur fa sgaoil doibh.

12 Agus fhreagair Pilat, agus thubhairt e riu a ris, Ciod ma seadh is àill libh mi a dheanamh ris *an duine sin*, d' an goir sibh Rìgh nan Iudhach?

13 Agus ghlaodh iad a ris, Ceus e.

14 An sin thubhairt Pilat riu, C'ar son, ciod e 'n t-olc a rinn e? Ach bu ro mhòid a ghlaodh iadsan, Ceus e.

15 Agus air do Philat bhi toil-each gnìomh taitneach a dheanamh do'n t-sluagh, dh'fhuasgail e Barabas dhoibh, agus thug e thairis Iosa, an déigh dha a sgiùrsadh, chum a cheusaidh.

16 Agus thug na saighdearan leo e steach do'n talla, eadhon cùirt an uachdarain<sup>b</sup>: agus ghairm iad a' chuideachd uile an ceann a chéile.

17 Agus chuir iad uime eudach purpur, agus air dhoibh coron droighinn fhigheadh, chur iad air e.

18 Agus thòisich iad air beannachadh dha, *ag ràdh*, Fàilte dhuit, a Rìgh nan Iudhach.

19 Agus bhuail iad sa' cheann e le slait chuilce, agus thilg iad smugaid air, agus a' lùbadh an glùn, thug iad urram dha.

20 Agus an déigh dhoibh fanoid a dheanamh air, thug iad deth an *t-eudach* purpur, agus chuir iad eudach féin uime, agus thug iad a mach e chum's gu'n ceusadh iad e.

21 Agus dh'éignich iad *duine àraidh* bha dol seachad, Simon o Chirene (athair *Alecsandeir* agus Rufuis, a bha teachd as a' m'bachair,) chum a chrann-ceusaidh a ghiùlan.

22 Agus thug iad e gu ionad d'am

<sup>a</sup> ugh-dorus, sgàth-thìgh.

<sup>b</sup> pretorium.

<sup>c</sup> corcuir.

b'ainm Golgota, 's e sin air eadar-theangachadh, àite cloinn.

23 Agus thug iad da r'a òl, fion air a mheasgadh le mirr: ach cha do ghabh esan e.

24 Agus an uair a cheus iad e, roinn iad a thruscan, a' tilgeadh croinn air, ciod a' chuid a bhiodh aig gach duine dheth.

25 Agus bha 'n treas uair ann, agus cheus iad e.

26 Agus bha sgrìobhadh a chùis-dhithidh air a sgrìobhadh os a cheann RIGH NAN IU DHACH.

27 Agus cheus iad maille ris dà ghaduiche a; fear air a làimh dheis, agus fear air a làimh chlì.

28 An sin choimhlionadh an sgrìobhtuir, a thubhairt, Agus bha e air àireamh am measg nan ciontach.

29 Agus thug iadsan a bha dol seachad an-acainnt dà, a' crathadh an ceann, agus ag radh, O thusa a leagas an teampull, agus a thogas e ann an trì làithibh,

30 Foir ort fein, agus tàr b a nuas o'n chrann-cheusaidh.

31 Agus mar an ceudna thubhairt na h-àrd shagairt agus na sgrìobhuichean r'a chéile, a' fanoid air, Shaor e daoine eile, cha 'n 'eil e comasach air e féin a shaoradh.

32 Thigeadh a nis Criosd Righ Israeil a nuas o'n chrann-cheusaidh, chum's gu'm faic agus gu'n creid sinn. Agus thug iadsan a chaidh cheusadh maille ris, an-acainnt da.

33 Agus an uair a thainig an seathadh uair, bha dorchadas air an talamh uile, gu ruig an naothadh uair.

34 Agus air an naothadh uair dh'éigh Iosa le guth àrd, ag ràdh Eloi, Eloi, lama sebachdani; is e sin, air eadar-theangachadh, Mo Dhia, Mo Dhia, c'ar son a thréig thu mi?

35 Agus air cluinntinn sin do chuid diubhsan a bha 'nan seasamh a làthair, thubhairt iad, Feuch a ta e gairm Eliais.

36 Agus ruith fear diubh, agus air dha spòg a lìonadh do fhion geur agus a cur air slait chuilce, thug e deoch dha, ag ràdh, Leigibh leis; faiceamaid an d' thig Elias g'a thoirt a nuas.

37 Agus air do Iosa éigheach le guth àrd, thug e suas an deo.

38 Agus bha brat-roinn an teampuill air a reubadh 'na dhà chuid o mhullach gu ìochdar.

39 Agus an uair a chunnaic an

ceannard-ceud, a bha 'na sheasamh fa chomhair, gu'n d'thug e suas an deo, a' glaodhaich mar sin, thubhairt e, Gu fìrinneach b'e 'n duine so Mac Dhé.

40 Agus bha mar an ceudna mnàì am fad uatha ag amharc: 'nam measg sin bha Muire Magdalen, agus Muire màthair Sheumais bu lugh, agus Ioseis, agus Salome;

41 Muinntir a lean e mar an ceudna, an uair a bha e an Galile, agus a bha frithealadh dha; agus mòran eile do mhnaibh a chaidh suas maille ris gu Hierusalem.

42 Agus a nis air teachd do'n fheasgar. (do bhrìgh gu'm b'e là an ullachaidh e, eadhon an là roimh 'n t-sàbaid,)

43 Thainig Joseph o Arimatea, coimhairleach urramach, aig an robh mar an ceudna sùil ri rioghachd Dhé, agus chaidh e steach gu dàna dh'ionnsuidh Philait, agus dh'iar e corp Iosa.

44 Agus b'ìoghnadh le Pilat ma bha e cheana marbh: Agus air dha an ceannard-ceud a ghairm, dh'fheòraich e dheth, An robh fad o fhuaire e bàs.

45 Agus air dha fios fhaotainn o'n cheannard-ceud, thug e 'n corp do Joseph.

46 Agus cheannaich esan lìon-eudach grinn, agus thug e nuas e, agus phaisg e 'san lìon-eudach e, agus chuir se e ann an uaigh e, a chladhaicheadh a carraig, agus charuich e clach gu doras na h-uaighe.

47 Agus dh' amhairc Muire Magdalen, agus Muire màthair Ioseis, air an àit an do chuireadh e.

# CAIB. XVI.

A GUS air dol do'n t-sàbaid seachad, cheannaich Muire Magdalen, agus Muire màthair Sheumais, agus Salome, spìosraidh deadh bholuidh d, chum's air dhoibh teachd gu'n ùngadh iad e.

2 Agus thainig iad gu ro mhoch air maduinn a' cheud là do'n t-seachdain chum na h-uaighe, aig éirigh na gréine.

3 Agus thubhairt iad eatorra féin, Cò a charuicheas duinn a' chlach o dhorus na h-uaighe?

4 (Agus air doibh amharc, chunnaic iad gu'n robh a' chlach air a b-atharrachadh air falbh) oir bha i ro mhòr.

5 Agus air dhoibh dol a stigh do 'n àit-adhlacaidh, chunnaic iad òganach 'na shuidhe air an làimh dheis,

a dà chreachadair, dà fhear-reubainn.

c àit-adhlacaidh.

d luibhean

cùbhraidh.

uim' an robh truscan fada geal; agus bha eagal orra.

6 Agus thubhairt esan riu, Na biodh eagal oirbh: a ta sibh ag iarraidh Iosa o Nasaret, a chéusadh: dh'éirich e, cha'n'éil e 'n so: faicibh an t-àit anns an do chuir iad e.

7 Ach imichibh, innsibh d'a dheisciobluibh agus do Pheadar, gu 'm bheil e dol roimhibh do Ghalile: chi sibh an sin e, mar thubhairt e ribh.

8 Agus air dol a mach dhoibh, heich iad o'n uaigh; oir bha ballchrith agus uamhunn orra: agus cha dubhairt iad ni sam bith ri neach air bith; oir bha eagal orra.

9 Agus air éirigh do Iosa sa' mhaduinn air a' cèud là do'n t-seachduinn nochdadh e air tùs do Mhuire Magdalen, as an do thilg e seachd deamhain.

10 Agus air imeachd dh'ise, dh'innis i sin dhoibh-san a bha maille ris, agus iad ri èròn agus gul.

11 Agus iadsan, an uair a chual iad gu'n robh e beo, agus gu 'm facadh leatha-san e, cha do chreid iad.

12 'Na dhéigh sin, nochdadh e do dhithis diubh ann an cruth eile, ag imeachd dhoibh, agus iad a' dol do'n dùthaich.

13 Agus dh'imich iadsan agus

dh'innis iad e do chàch: agus cha mhò a chreid iad iadsan,

14 An déigh sin nochdadh e do 'n aon fhear deug, agus iad 'nan suidhe aig biadh, agus thilg e orra am mi-chreidimh, agus an cruas-cridhe, chionn nach do chreid iad iadsan a chunnaic e an déigh dha éirigh.

15 Agus thubhairt e riu, Imichibh air feadh an t-saoghail uile, agus searmonaichibh an soisgeul do gach dùil<sup>a</sup>.

16 Ge b'e chreideas agus a bhaistear, saor e, ach ge b'e nach creid, dètear e.

17 Agus leanaidh na comharan so'n dream a chreideas: Ann am ainmse tilgidh iad a mach deamhain, labhraidh iad le<sup>b</sup> teangaibh nuadha,

18 Togaidh siad nathraiche nimhe, agus ma dh'òlas iad ni air bith marbhtach, cha chiùrr e iad; cuiridh iad an làmhan air daoineibh tinne, agus bithidh iad gu maith.

19 Mar sin an déigh do 'n Tighearna labhairt riu, ghabhadh suas gu néamh e, agus shuidh e air deas làimh Dhé.

20 Agus air dhoibhsan dol a mach, shearmonaich iad anns gach àit, air bhi do 'n Tighearna a' comh-oibreachadh leo, agus a' daingneachadh an fhocail leis na comharaibh a lean e, Amen.

<sup>a</sup> creutair.

<sup>b</sup> ann an.

## AN SOISGEUL A REIR LUCAIS.

### CAIB. I.

**D**O bhrigh gu'n do ghabh mòran os làimh eachdraidh sgrìobhadh ann an ordugh air na nithibh sin a ta air an coimhlionadh c 'nar measgne.

2 A réirmar a dh'aithris na daoine sin dhuinne iad, a chunnaic iad o thùs le 'n sùilibh, agus a bha 'nan luchd frithealadh an fhocal:

3 Chunnas domhsa mar an ceudna, a Theophilus ro òirdheirc, air faotainn dearbh fhios nan uile nithe dhomh o'n fhìor thoiseach, sgrìobhadh a'd' ionnsuidhs' an ordugh.

4 Chum's gu'm biodh fios agad air cinnteachd nan nithe anns an deachaidh do theagasg.

5 **B**HA ann an làithibh Heroid rìgh Iudea, sagart àraidh d'am

<sup>c</sup> le làn dearbhadh air an creidsinn.

b'ainm Sacharias, do sheald Abia agus bha e a bhean do nigheanaibh Aaroin, agus b'ainm dh'i Elisabet.

6 Agus bha iad faraon ionraic am fianuis Dé, ag imeachd ann an uile àitheantaibh agus orduighibh an Tighearna, gu neo-lochdach.

7 Agus cha robh duine cloinne aca, do bhrigh gu'n robh Elisabet neo-thorach<sup>e</sup>, agus bha iad araon aosmhor.

8 Agus tharladh am feadh a bha esan a' frithealadh mar shagart an làthair Dhé ann an ordugh a sheala,

9 A réir gnàtha na sagartachd, b'e a chrannchur tùis a losgadh, air dha dol a steach do theampull an Tighearna.

10 Agus bha coimh-thional an

<sup>d</sup> chùrsa, roinn. <sup>e</sup> gun sliochd.

t-sluaigh uile a' deanamh ùrnuigh a muigh, ré àm na tùise.

11 Agus chunncas leis-san aingeal an Tighearna 'na sheasamh air taobh deas altaire na tùise.

12 Agus an uair a. chunnaic Sacharias e, bha e fuidh thrioblaid, agus thuit eagal air.

13 Ach thubhairt an t-aingeal ris, Na gabh eagal, a Shacharias; oir fhuair t-ùrnuigh éisdeachd, agus beiridh do bhean Elisabet mac dhuit, agus bheir thu Eoin mar ainm air.

14 Agus bithidh aoibhneas agus subhrachas ort, agus ni mòran gairdeachas r'a bhreith.

15 Oir bithidh e mòr an làthair an Tighearna, agus cha'n òl e fion no deoch làidir; agus bithidh e air a lionadh leis an Spiorad naomha, eadhon o bhroinn a mhàthar.

16 Agus pillidh e mòran do chloinn Israeil chum an Tighearna an Dé.

17 Agus théid e roimhe-san ann an spiorad agus ann an cumhachd Eliais, a thionndadh cridhe nan aithriche chum na cloinne, agus nan eas-umhal gu gliocas nam firean, a dh'fùllachadh pobuill deas do 'n Tighearn.

18 Agus thubhairt Sacharias ris an aingeal, Cionnus a bhios fhios so agam? oir is seann duine mise, agus a ta mo bhean aosmhor.

19 Agus fhreagair an t-aingeal agus thubhairt e ris, Is mise Gabriel a sheasas an làthair Dhé: agus chuireadh mi a labhairt riutsa, agus a dh'innseadh an naidheachd<sup>a</sup> mhaith so dhuit.

20 Agus feuch, bithidh tu balbh agus gun chomas labhairt, gus an là anns an d'thig na nithese gu crìch, chionn nach do chreid thu mo bhriathra-sa, a bhitheas air an coimhlionadh 'nan àm féin.

21 Agus bha 'm phobull a' feith-eamh ri Sacharias, agus b'iongantach leo a' mhoille a rinn e san teampull.

22 Agus air teachd a mach dha, cha b'urrainn e labhairt riu: agus thuig iad gu 'm fac e sealladh<sup>b</sup> n<sup>e</sup>amhaidh san teampull: oir bha e smèideadh orra, agus dh'fhan e 'na thosd.

23 Agus tharladh, an uair a choimhlionadh làithean a fhrithéalaidh, gu 'n deachaidh e d'a thigh féin.

24 Agus an déigh nan là sin dh'fhàs a bhean Elisabet torrach

agus dh'fholaich si i féin rè chùig mìos, ag ràdh,

25 Is ann mar so a rinn an Tighearna dhomh anns na làithibh an d'amhairc e orm, a thogail diom mo mhaslaidh am measg dhaoine.

26 Agus anns an t-seathadh mìos, chuireadh an t-aingeal Gabriel o Dhia, gu cathair do Ghalile, d'am b'ainm Nasaret,

27 Dh'ionnsuidh òigh a bha fa cheangal pòsaidh aig fear d'am b'ainm Ioseph, do thigh Dhaibhidh; agus b'e ainm na h-òigh Muire.

28 Agus air dol a steach do 'n aingeal d'a h-ionnsuidh, thubhairt e, Fàilte dhuit, o thusa d'an do nochdadh mòr dheadh-ghean, a ta 'n Tighearna maille riut: is beannuichte thu am measg bhan.

29 Agus an uair a chunnaic i e, bha i fa thrioblaid inntinn air son a chainnte, agus a' reusonachadh ciod a' ghnè altacha-beatha dh'fheudadh bhi 'n so.

30 Agus thubhairt an t-aingeal rithe, Na biodh eagal ort, a Mhuire: oir fhuair thu deadh-ghean o Dhia.

31 Agus feuch, gabhaidh tu a'd bhroinn, agus beiridh tu mac, agus bheir thu Iosa mar ainm air.

32 Bithidh e mòr, agus goirear Mac an Ti a's ro àirde dheth; agus bheir an Tighearna Dia dha righ-chaitheir athar féin Dhaibhidh.

33 Agus bithidh e 'na Rìgh air tigh Iacoib gu bràth, agus cha bhi crìoch air a rioghachd.

34 Agus thubhairt Muire ris an aingeal, Cionnus a bhitheas so, do bhrìgh nach 'eil aithne agam-sa air duine?

35 Agus fhreagair an t-aingeal agus thubhairt e rithe, Thig an Spiorad naomh ort, agus cuiridh cumhachd an Ti a's àirde sgàil ort: uime sin an ni naoinha sin a bheirear leat, goirear Mac Dé dheth.

36 Agus feuch, do bhan-charaid Elisabet, a ta ise féin torrach air mac 'na sean aois; agus 's e so an seathadh mìos dh'ise d'an goirteadh bean neo-thorach;

37 Oir cha 'n'eil ni sam bith do-dheanta do Dhia.

38 Agus thubhairt Muire, Feuch bann-oglach an Tighearna, biodh e dhomhsa réir t-fhocail. Agus dh'fhalbh an t-aingeal uaipc.

39 Agus air éirigh do Mhuire 'sna làithibh sin, chaidh i le cabhaig do dhùthaich nam bean, gu baile do Iuda.

40 Agus chaidh i steach do thigh

<sup>a</sup> nuaidheachd, noimheachd.

<sup>b</sup> taisbean.

c. uaithe.



Shachariais, agus chuir i fàilte air Elisabet.

41 Agus tharladh an uair a chual Elisabet beannachadh Mhuire, gu'n do leum an naoidhean 'na broinn: agus lìonadh Elisabet leis an Spiorad naomha.

42 Agus ghlaodh i mach le guth àrd, agus thubhairt i, *Is beannuicht' thu am measg bhan, agus is beannuichte toradh do bhronn.*

43 Agus cionnus a *dh'éirich* so dhomhsa, gu'n d'thigeadh màthair mo Thighearna a'm' ionnsuidh?

44 Oir feuch, co luath 's a thainig fuaim do bheannachaidh a'm' chluasaibh, bhriosg an naoidhean le h-aoibhneas ènn mo bhroinn.

45 Agus is beannuicht' ise a chreid: oir coimhlionar<sup>a</sup> na nithe a labhradh rithe leis an Tighearna.

46 Agus thubhairt Muire, A ta m'anam ag àrd-mholadh an Tigh-earna,

47 Agus a ta mo spiorad a' deanamh gairdeachais ann an Dia mo Shlanuighear:

48 Do bhrìgh gu'n d'amhairc e air staid iosail a bhan-oglaich: oir feuch, o so suas goiridh gach linn beannuichte dhìom.

49 Do bhrìgh gu'n d'rinn an Ti a ta cumhachdach nithe mòra dhomh, agus is naomha ainm.

50 Agus a ta a thròcair-san o linn gu linn, do'n droing d'an eagail e.

51 Nochd e neart le ghairdean, sgap e na h-uabhrich ann an smuaintibh an cridhe fein.

52 Thug e nuas na daoine cumhachdach o'n caithrichibh rioghail, agus dh'àrduich e iadsan a bha iosal.

53 Lìon e 'n droing a bha ocrach le nithibh maithe, agus chuir e uaith na daoine saibhre falamh.

54 Rinn e còmhnaidh<sup>b</sup> ri Israel òglach fein, ann an cuimhneachadh a thròcair.

55 Mar a labhair e r'ar n-aithrichibh, do Abraham agus d'a shliochd gu bràth.

56 Agus dh'fhan Muire maille rithe mu thimchioll thri mìos, agus phill i d'a tigh fein.

57 A nis thainig làn inbhe Elisabet, gu'm biodh i air a h-aisead; agus rug i mac.

58 Agus chual a coimhearsnaich agus a càirde mar a nochd an Tighearna mòr thròcair dh'i: agus rinn iad gairdeachas maille rithe.

59 Agus tharladh air an ochdamh

là gu'n d'thainig iad a thimchioll-ghèarradh an naoidhein; agus ghoir iad Sacharias deth, a réir ainme athar.

60 Agus fhreagair a mhàthair, agus thubhairt i, Ni h-eadh; ~~ach~~ goirear Eoin deth.

61 Agus thubhairt iad rithe, Cha 'n'eil aon neach do d' chàirdibh d'an goirear an t-ainm so.

62 Agus smèid iad air athair, ciod an t-ainm a b'àill leis thoirt air.

63 Agus air iarraidh clàir-seriobhaidh dhasan, scriobh e, ag ràdh, 'Se Eoin is ainm dha. Agus ghabh iad iongantais uile.

64 Agus air ball dh'fhosgladh a bheul, agus dh'fhuasgladh a theanga, agus labhair e, a' moladh Dhé.

65 Agus thainig eagail air an coimhearsnaich uile: agus dh'aithriseadh na nithe sin gu léir feadh dhùthaich àrd Iudea uile.

66 Agus iadsan uile a chuala na nithe sin, thaisg iad 'nan cridhe iad, ag ràdh, Ciod à' ghnè leinibh a bhitheas an so? Agus bha làmh an Tighearna maille ris.

67 Agus bha Sacharias athair air a lìonadh leis an Spiorad naomh, agus rinn e fàidheadaireachd, ag ràdh,

68 Gu ma beannuicht' an Tighearna Dia Israeil, air son gu'n d'fhiosraich e, agus gun d'thug e saorsa d'a phobull,

69 Agus gu'n do thog e suas dhuinne adharc slàinte, ann an tigh Dhaibhidh òglaich féin;

70 A réir mar a labhair e le beul fhàidhean naomha féin, a bhà ann o thoiseach an t-saoghail;

71 A thabhairt saorsa dhuinn o ar naimhidh, agus o làimh na muinntir sin uile le'm fuathach sinn:

72 A choimhlionadh na thròcair a gheall e d'ar n-aithrichibh, agus a chuimhneachadh a choimhcheangail naomha féin:

73 Na mionnan a mbionnaich e d'ar n-athair Abraham,

74 Gu'n d'thugadh e dhuinn, air bhi dhuinn air ar saoradh o làimh ar naimhde, gu'n deanamaid seirbhis dha as eugmhais eagail,

75 Ann an naomhachd agus an am fireantachd 'na làthair féin, uile làithean ar beatha.

76 Agus thusa, a leinibh, goirear dhiot Fàidh an Ti a's àirde: oir thèid thu roimh aghaidh an Tighearna, a dh'ulluchadh a' shlighe;

77 A thabhairt eblais na slàinte d'a phobull, ann am maitheanas am peacanna,

78 Tre thròcair ro mhòir ar Dé-

<sup>a</sup> a chreid gu'n coimhlionar.

<sup>b</sup> congnamh. Eir.

ne, leis an d'fhiosraich an ùr-mhad-uirn o'n ionad a's àirde sinn,

79 A thoirt soluis dhoibh-san a ta 'nan suidhe ann an sgàil a' bhàis, a threòrachadh ar cos air slighe na sìth.

80 Agus dh'fhàs an leanabh, agus neartaicheadh an spiorad e, agus bha e san fhàsach gu là fhoillseachaidh do Israel.

## CAIB. II.

**A**GUS tharladh 'sna làithibh sin, gu'n deachuidh ordugh a mach o Cheasar Augustus, an domhan uile a mheas<sup>a</sup>.

2 (Agus rinneadh an ceud mheas so 'nuair a bha Cirenus 'na uachdar-an air Siria;)

3 Agus chaidh iad uile chum a bhi air am meas, gach aon fa leth d'a bhaile féin.

4 Agus chaidh Ioseph mar an ceudna suas o Ghalile, a baile Nasaret, do Iudea, gu baile Dhaibhidh, d'an goirear Betlehem, (do bhrìgh gu'n robh e do thigh agus do shliochd Dhaibhidh,)

5 Chum gu biodh e air a mheas maille re Muire a bha fa cheangal pòsaidh dha, agus i mòr-thorrach.

6 Agus tharladh, am feadh a bha iad an sin, gu'n do choimhlionadh làithean a h-inbhe, chum i bhi air a h-aisead.

7 Agus rug i a ceud ghin mic, agus phaisg i e am brat-speilidh, agus chuir i 'na luidhe am prasaich e, do bhrìgh nach robh àit aca san tigh-dsda.

8 Agus bha anns an dùthaich sin buachaillan a' fantuinn a muigh, agus a' deanamh faire-oidheche air an treud.

9 Agus feuch, thainig aingeal an Tighearn' orra, agus dhealraich glòir an Tighearna m'an timchioll; agus ghabh iad eagal mòr.

10 Agus thubhairt an t-aingeal riu, Na biodh eagal oirbh: oir feuch, a ta mi 'g innseadh dhuibh deadh sgéil mhòir aoibhneis, a bhitheas do'n uile shluagh:

11 Oir rugadh dhuibh an diugh Slànuighear, ann an cathair Dhaibhidh<sup>b</sup>, neach is e Crìosd an Tighearna.

12 Agus bithidh so 'na chomhara dhuibh: Gheibh sibh an naoidhean paisgte ann am brat-speilidh, 'na luidhe am prasaich.

13 Agus air ball bha maille ris an aingeal cuideachd mhòr do armailltibh

nèimhe, a' moladh Dhé, agus ag ràdh.

14 Glòir do Dhia anns na h-àrd-aibh, agus air talamh sìth, deadh ghean do dhaoinibh.

15 Agus tharladh, 'nuair a dh'fhalbh na h-aingil uatha do nèamh, gu'n dubhairt na buachaill-ean r'a chèile, Rachamaid a nis eadhon do Bhetlehem, agus faiceamaid an ni so a rinneadh, a dh'fhoillsich an Tighearna dhuinne.

16 Agus thainig iad gu grad, agus fhuairead Muire agus Ioseph, agus an leanabh 'na luidhe sa' phrasaich.

17 Agus an uair a chunnaic iad sin, dh'aithris iad an ni a dh'innseadh dhoibh mu timchioll an leinibh so.

18 Agus ghabh gach neach a chuala so, iongantas ris na nithibh sin a dh'innseadh dhoibh leis na buachaillibh.

19 Ach ghleidh Muire na nithe sin uile, a' beachd-smuaineachadh orra<sup>c</sup> 'na cridhe.

20 Agus phill na buachaill-ean, a' tabhairt glòir' agus molaidh do Dhia air son nan nithe sin uile a chual agus a chunnaic iad, a réir mar a dubhradh riu.

21 Agus an uair a choimhlionadh ochd làithean chum an leanabh a thimchioll-ghearradh, thugadh IOSA mar ainm air, eadhon an t-ainm a ghoir an t-aingeal deth mun do ghabhadh sa' bhroinn e.

22 Agus an uair a choimhlionadh làithean ad glanaidh, a réir lagha Mhaois, thug iad esan gu Hierusalem, chum a thaisbeanadh do'n Tighearna,

23 (Mar a ta e scrìobhta ann an lagh an Tighearna, Gach ceud-ghin mic a dh'fòsglas a' bhrù, gairmear naomha do'n Tighearn e,)

24 Agus a thabhairt lobairt a réir mar a deirear ann an lagh an Tighearna, Paidhire thurtur, no dà chol-uman òga.

25 Agus feuch, bha duine ann an Hierusalem d'am b'ainm Simeon; agus bha'n duine so ionraic agus diadhaidh, agus bha dòil aige re sòlas Israeil: agus bha'n Spiorad naomh air.

26 Agus dh'fhoillsicheadh dha leis an Spiorad naomh, nach faiceadh e bàs gus am faiceadh e Crìosd an Tighearna.

27 Agus thainig e le treòrachadh an Spiorad do'n teampull: Agus an uair a thug ua pàrantan an leanabh Iosa a stigh, chum's gu'n deanadh

<sup>a</sup> an impireachd uile a scrìobhadh an clis-chlàr. <sup>b</sup> am baile Dhaibhidh.

<sup>c</sup> 'gan tomhas. Gr. <sup>d</sup> an. <sup>e</sup> Càraid.

iad air a shon a réir gnàthuchaidh an lagha,

28 An sin ghlac esan 'na uchd<sup>a</sup> e, agus dheannuich e Dia, agus thubhairt e,

29 A nis, a Thighearn, a ta thu leigeadh do d' sheirbhiseach siubhal an sìth, a réir t'fhocail;

30 Oir chunnaic mo shùile do shlàinte,

31 A dh'ulluich thu roimh ghnùis nan uile shluagh:

32 Solus a shoillseachadh nan Cinneach, agus glòir do phobuill Israeil.

33 Agus ghabh Ioseph agus a mhàthair iongantais mu na nithibh a labhradh uime.

34 Agus dheannuich Simeon iad, agus thubhairt e ri Muire a mhàthair, Feuch, chuireadh an *leanabh* so chum tuiteam agus aiseirigh mhòrain ann an Israel, agus 'na chomhar an aghaidh an labhrar:

35 (Agus théid claidheamh tre d' anam-sa féin) chum's gu'm foillsichear smuainte cridheacha mhòrain.

36 Agus bha Anna han-fhàidh, nighean Phanueil, do thréibh Aseir; bha i ro aosmhor, agus chaith i seachd bliadhna maille ri fear o àm dh'i bhi 'na h-òigh.

37 Agus bu bhantrach i mu thimchioll ceithir bliadhna agus ceithir fichead a dh'aois, nach deachaidh o'n teampull, a' deanamh seirbhis do *Dhia* a là agus a dh'oidhche le trosgadh agus le h-òrnuigh.

38 Agus air teachd dh'ise a stigh 'san uair sin féin, thug i moladh do'n Tighearn, agus labhair i m'a thimchioll riansan uile aig an robh sùil ri saorsa ann an Ierusalem.

39 Agus an uair a choimhlion iad na h-uile nithe a réir lagha an Tighearna, phill iad do Ghalile, d'am baile féin Nasaret.

40 Agus dh'fhàs an leanabh, agus neartuicheadh an spiorad e, air a lìonadh le gliocas; agus bha gràsa Dhé air.

41 Agus chaidh a plàranta gach bliadhna gu Hierusalem, aig féisd na càise.

42 Agus air bhi dha da bhliadhna dheug a dh'aois, chaidh iad suas gu Hierusalem, a réir gnàtha na féisde.

43 Agus air coimhlionadh nan là sin doibh, 'nuair a phill iadsan, dh'fhan an leanabh Iosa 'nan déigh ann an Hierusalem; agus cha robh fios aig Ioseph no aig a mhàthair air sin.

44 Ach air dhoibh a shaoilsinn gu'n robh e sa' chuideachd, dh'imich iad astar là; agus dh'iarr iad e measg an càirdean, agus an luchd eòlais.

45 Agus an uair nach d'fhuair iad e, phill iad gu Hierusalem, 'ga iarraidh.

46 Agus tharladh 'n déigh thri là, gu'n d'fhuair iad e 'san teampull, 'na shuidhe am meadhon an luchd-teagaisg, araon 'gan éisdeachd, agus a' cur cheist orra.

47 Agus ghabh a' mhuinntir a chual e uile iongantais r'a thuigse agus r'a fhreagraibh.

48 Agus air dhoibh fhaicinn, ghlac uamhas iad: agus thubhairt a mhàthair ris, A mhic, c'ar son a rinn thu mar so oirnn? feuch, bha t'athair agus mise gu brònach ga d'iarraidh.

49 Agus thubhairt esan riu, C'ar son a bha sìhh ga m'iarraidh? nach rohh fhios agaibh gu'm bu chòir dhomsa bhi ann an tigh m' Athar<sup>b</sup>?

50 Agus cha do thuig iadsan an ni a labhair e riu.

51 Agus chaidh e sìos maille riu, agus thainig e gu Nasaret, agus bha e ùmhal doibh: ach ghleidh a mhàthair na nithe sin uile 'na cridhe.

52 Agus thainig Iosa air aghaidh ann an gliocas agus am meudachd, agus ann an deadh-ghean aig Dia, agus aig daoineibh.

### CAIB. III.

**A**NIS anns a' chùigeadh bliadhna deug do impireachd Thiberius Cheasair, air bhi do Phontius Pilat 'na nachdaran air Iudea, agus Herod 'na Thetrarch air Galile, agus Philip a bhràthair 'na Thetrarch air Iturea agus dùthaich Thrachonitis, agus Lisanias 'na Thetrarch air Abilene.

2 An uair a bha Annas agus Caiaphas 'nan àrd shagartaibh, thainig focal Dé chum Eoin mhic Shachariais anns an fhàsach.

3 Agus thainig e do'n dùthaich uile timchioll Iordain, a' sea: monachadh baistidh an aithreachais, chum maitheanais pheacanna;

4 Mar a ta e scriobhtha ann an leabhar bhriathar an fhàidh Esaias, ag ràdh, Guth an ti a dh'éigheas anns an fhàsach, Ulluichibh slighe an Tighearna, deanaibh a cheumanna dìreach.

5 Bithidh gach gleann air a lìonadh, agus gach beinn agus cnoc air an ìsleachadh: agus bithidh na nithe cama air an deanamh dìreach, agus na slighean garbha air an deanamh rèidh;

<sup>a</sup> air a ghairdeinibh.

<sup>b</sup> mu ghnòthuichibh m' Athar.

6 Agus chi gach uile fheoil slàinte Dhé.

7 Uime sin thubhairt e ris an t-sluagh a thainig a mach chum bhi air am baisteadh leis, A shìol nan nathraiche nimhe, cò thug rabhadh dhuibhse teisheadh o'n fheirg a ta ri teachd?

8 Air an aobhar sin thugaibh a mach toradh iomchuidh an àithreachais, agus na tòisichibh air a ràdh annaibh fein, A ta Abraham 'na Athair againn: oir a deirim ribh, gur comasach Dia do na clachaibh so air clann a thogail suas do Abraham.

9 Agus a nis féin a ta 'n tuagh air a cur ri bun nan craobh: air an aobhar sin gach craobh nach toir a mach toradh maith, gearrar sìos i, agus tilgear 'san teine i.

10 Agus dh'fheòruich an sluagh dheth, ag ràdh, Ciod uime sin a ni sinne?

11 Agus fhreagair esan agus thubhairt e riu, An ti aig am bheil dà chòta, roinneadh e ris an ti aig nach 'eil; agus an ti aig am bheil biadh, deanadh e mar an ceudna.

12 Agus thainig mar an ceudna eis-mhaoir gu bhi air am baisteadh, agus thubhairt iad ris, A mhaighstir, ciod a ni sinne?

13 Agus thubhairt esan riu, Na deanaibh a ni air bith os cionn na dh'orduicheadh dhuibh.

14 Agus dh'fheòruich na saighdearan mar an ceudna dheth, ag ràdh, Agus ciod a ni sinne? Agus thubhairt e riu, Na deanaibh foirneart air neach sam bith, no casaid-bhréige, agus bithibh toilichte le'r tuarasdal.

15 Agus air bhi do'n phobull a' feitheamh, agus na h-uile dbaoine a' reusnachadh 'nan cridheachaibh féin mu thimchioll Eoin, am b'e Crìosd a bh'ann;

16 Fhreagair Eoin, ag ràdh riu uile, Tha mise gu dearb 'gar baisteadh le h-uisge; ach a ta neach a' teachd is cumhachdaiche na mise, agus cha'n airidh mise air barr-iall a bhròg fhuasgladh: baistidh esan sibh leis an Spiorad naomh, agus le teine.

17 Aig am bheil a ghuitb 'na làimh, agus ro-ghlanaidh e ùrlar, agus cruinnichidh e 'n cruineachd d'a thaig-thigh; ach loisgidh e am moll le teine nach fheudar a mhùchadh.

18 Agus ag earalachadh mòrain do nithibh eile, shearmonaich e do'n t-sluagh.

19 Ach air do Herod an Tetrarch bhi air a chronachadh 'eis air son Herodias bean a-bhràthar (Philip), agus air son gach olc a rinn Herod,

20 Chuir e so ris gach olc eile, gu'n do dhruid e Eoin am prìosun.

21 Agus tharladh, 'nuair a bha 'n sluagh uile air am baisteadh, air do Iosa mar an ceudna bhi air a bhaisteadh, agus e ri ùrnuigh, gu'n d'fhosgladh nèamh:

22 Agus gu'n d'thainig an Spiorad naomh a nuas air an coslas corporra, mar choluman, agus gu'n d'thainig guth o nèamh, ag ràdh, Is tusa mo Mhac gràdhach, am bheil mo mhìor thlachd c.

23 Agus thòisich Iosa féin air a bhi mu thimchioll deich bliadhna fichead a dh'aois, air dha bhi (réir barail dhaoine) 'na mhac do Ioseph, mac Heli,

24 Mhic Mhatait, mhic Lebhi, mhic Mhelchi, mhic Ianna, mhic Ioseph.

25 Mhic Mhatatais, mhic Amois, mhic Nauim, mhic Esli, mhic Nage,

26 Mhic Mhaait, mhic Mhattatais, mhic Shemei, mhic Ioseph, mhic Iudah,

27 Mhic Ioanna, mhic Rhesa, mhic Shorobabeil, mhic Shalatieil, mhic Neri,

28 Mhic Mhelchi, mhic Adi, mhic Choosaim, mhic Elmodaim, mhic Er,

29 Mhic Iose, mhic Elieseir, mhic Ioreim, mhic Mhatait, mhic Lebhi,

30 Mhic Shimeoin, mhic Iudaih, mhic Ioseph, mhic Ionain, mhic Eliacim,

31 Mhic Mhelea, mhic Mhainain, mhic Mhatata, mhic Natain, mhic Dhaibhidh,

32 Mhic Iese, mhic Obeid, mhic Bhoois, mhic Shalmoin, mhic Naas-oim.

33 Mhic Aminadaib, mhic Araim, mhic Esroim, mhic Phareis, mhic Iudaih,

34 Mhic Iacoib, mhic Isaac, mhic Abrahaim, mhic Thara, mhic Nach-oir,

35 Mhic Sharuich mhic Ragau, mhic Phaleic, mhic Ebeir, mhic Shala,

36 Mhic Chainain, mhic Arphasaid, mhic Shem, mhic Noe, mhic Lameich,

37 Mhic Mhatasala, mhic Enoich, mhic Iareid, mhic Mhaleeleil, mhic Chainain,

38 Mhic Enois, mhic Shet, mhic Adhaimh, mhic Dhé.

a togaibh. b inneal-fascnaidh.

c annadsa tha mi làn-toilichte.



## CAIB. IV.

**A** GUS air de Iosa bhi làn do'n Spiorad naomh, phill e air ais o Iordan, agus thèoraicheadh e leis an Spiorad do'n fhàsach,

2 Agus bha e air a bhuaireadh rè dhà fhichead là leis an diabhol; agus cha d'fith e ni sam bith anns na làithibh sin: agus air dhoibh bhi air an crìochnachadh, an sin dh'fhàs e oc-rach.

3 Agus thubhairt an diabhol ris, Ma's tu Mac Dhé, abair ris a' chloich so bhi 'na h-aran.

4 Agus fhreagair Iosa e, ag ràdh, A ta e scribedh, nach ann le h-aran a mhàin a thig duine beo, ach le gach uile fhocal Dé.

5 Agus air do'n diabhol a thabhairt gu beina àrd, nochd e dha uile rioghachdan an domhain ann am mionaid aimsire.

6 Agus thubhairt an diabhol ris, Bheir mise an cumhachd so uile dhuit, agus an glòir; oir thugadh dhomh-sa sin, agus bheir mi e do neach air bith is toil leam.

7 Uime sin ma ni thu aoradh dhomh-sa, is leat iad uile.

8 Agus fhreagair Iosa agus thubhairt e ris, Tàr air mo chùlaobh, a Shatain: oir a ta e scribedh, Ni thu aoradh do'n Tighearn do Dhia, agus dha-san 'na aonar ni thu seirbhis.

9 Agus thug se e gu Hierusalem, agus chuir e air binnein an teampuill e, agus thubhairt e ris, Ma's tu Mac Dhé, tilg thu féin sìos as so.

10 Oir a ta e scribedh, Bheir e àithne d'a ainglibh mu d' thimcheall, thusa a choimhead.

11 Agus togaidh iad suas thu 'nan làmhaidh, air eagal gu'm buail thu uair air bith do chos air cloich.

12 Agus air freagairt do Iosa, thubhairt e ris, A dubhradh, Na buair thusa an Tighearna do Dhia.

13 Agus an uair a chrìochnuich an diabhol am buaireadh uile, dh'imich e uaith ré tamuill.

14 Agus phill Iosa ann an cumhachd an Spioraid chum Ghalile; agus chaidh iomradhsan air feadh na dùcha m'an cuairt gu h-ìomlan.

15 Agus theagaisg e 'nan sionagogaibh, a' faghail glòir o na h-uile dhaoineibh.

16 Agus thainig e gu Nasaret, far an d'àraicheadh e: agus chaidh e steach, mar bu ghnàth leis, air latha na sàbaid do'n t-sionagog, agus dh'éirich e 'na sheasamh chum leughaidh.

*a Na dearbh.*

17 Agus thugadh dha leabhar an fhàidh Èsaiais; agus air fosgladh an leabhair dha, fhuair e 'n t-àit anns an robh e scribedh,

18 Tha Spiorad an Tighearna orm, do bhrìgh gu'n d'ùng e mi a shearmonachadh an t-soisgeil do na bochdaibh; chuir e mi a shlànuchadh, na muinntir aig am bheil an cridhe briste, a ghairm<sup>b</sup> fuasglaidh do na braighdibh, agus aiseag an radhaire do na dallaidh, a thoirt saorsa do'n mhuinntir a ta brùite,

19 A shearmonachadh bliadhna thaitnich an Tighearna.

20 Agus air dùnadh an leabhair dha, thug e do'n fhear-frithealaidh e, agus shuidh e: agus bha sùile na bha san t-sionagog uile a' geur-ambarc airsan.

21 Agus thòisich e air a ràdh riu, An diugh a ta 'n scribedh so air a choimhlionadh ann bhur cluasaibh-se.

22 Agus thug iad uile fianuis da, agus ghabh iad iongantas ris na briathraibh gràs-mhòr a thainig a mach as a' bheul. Agus thubhairt iad, Nach e so mac Ioseiph?

23 Agus thubhairt e riu, Gun amharus thubhairt sibh rium an gnàth-fhocal so, A léigh, leighis thu féin: ge b'e air bith iad na nithe a chuala sinna rinneadh leat an Capernaum, dean mar an ceudua iad an so a'd' dhùthaich féin.

24 Agus thubhairt e, Gu deimhin a deirim ribh, nach 'eil fàidh air bith taitneach 'na dhùthaich féin.

25 Ach gu fìrinneach a deirimse ribh, gu'n robh mòran bhantrach ann an Israel an làithibh Eliais, an uair a dhruideadh nèamh rè thrì bliadhna agus shea mios, agus a bha gorta mhòr air feadh na tìre uile:

26 Ach cha do chuireadh Elias dh'ionnsuidh aon diubh, ach gu Sarepta Sìdoin, chum mnà a bha 'na bantraich,

27 Agus bha mòran lobhar ann an Israel ri linn Eliseus an fhàidh; agus cha do ghlanadh a h-aon aca, ach Naaman an Sirianach.

28 Agus lionadh iadsan uile a bha san t-sionagog le feirg, an uair a chual iad na nithe sin,

29 Agus air éirigh suas doibh, thilg iad a mach as a bhaile e, agus thug iad leo e gu maluidh a' chnoic (air an robh am baile togtà) chum a thilgeadh sìos an coinneamh a chinu.

30 Ach air gabhail dhasan trid am meadhon, dh'fhalbh e:

*b a shearmonachadh.  
bhruach a' chnoic.*

*c beul-*

31 Agus chaidh e sìos gu Capernaum, baile do Ghalile, agus bha e 'gan teagasg air laithibh na sàbaid:

32 Agus ghabh iad iongantais r'a theagasg; do bhrìgh gu'n robh fhocal le cumhachd.

33 Agus bha anns an t-sionagag duine anns an robh spiorad deamhain neo-ghloin, agus ghlaodh e le guth mòr.

34 Ag ràdh, Leig leinn; ciod e ar gnothuchne riut, Iosa o Nasaret? an d'thainig thu g'ar sgrios? a ta fhios agam cò thu, Aon naomha Dhé,

35 Agus chronaich Iosa e, ag ràdh, Bi d' thosd, agus thig a mach as, Agus air do'n deamhan esan a thilgeadh sìos 'nam meadhon, thainig e mach as, gun chiurradh, sam bith a dheanamh air.

36 Agus thainig uamhas orra uile, agus labhair iad r'a chèile, ag ràdh, Ciod a' ghnè cainnte so? oir le h-ùghdarras agus cumhachd a ta e toirt orduigh do na spioradaibh neo-ghlana, agus tha iad a' teachd a mach.

37 Agus chaidh iomradh airsan a mach feadh gach àite do'n dùthaich m'an cuairt.

38 Agus dh'éirich e as an t-sionagag, agus chaidh e steach do thigh Shimoin: agus bha fiabhrus mòr air màthair chéile Shimoin: agus ghuidh iad air as a leth.

39 Agus air dha seasamh os a ceanna, chronaich e'm fiabhrus, agus dh'fhàg e i. Agus air éirigh dh'ise air ball, rinn i frithealadh dhoibh.

40 Agus ag dol fuidhe na gréine, iadsan uile a'gan robh daoine euslan le iomadh gnè tinnis, thug iad d'a ionnsuidh iad: agus air dha-san a làmhana a chuir air gach aon diubh, leighis e iad.

41 Agus chaidh mar an ceudna deamhain a mach amòran, a' glaothaich agus ag ràdh, Is tu Criosd Mac Dhé. Agus chronaich e iad, agus cha d'fhulaing e dhoibh labhairt: oir bha fhios aca gu'm b'esan Criosd.

42 Agus air teachd do'n là, chaidh e mach, agus dh'imich e gu àite fàsaid: agus bha'n sluagh 'ga iarraidh, agus thainig iad d'a ionnsuidh, agus b'àill leo a chumail, chum's nach rachadh e uatha.

43 Ach thubhairt esan riu, Is éigin domhsa rioghachd Dhe a shearmonachadh do bhailtibh eile mar an ceudna: oir is an chum so a chuireadh mi.

44 Agus shearmonaich e ann an sionagogaibh Ghalile.

# CAIB. V.

**A**GUS tharladh, 'nuair a bha 'm pobull a dùl-theannadh air, chum focal Dé éisdeachd, gu'n do sheas e làimh ri loch Ghenesaret,

2 Agus chunnaic e dà luing<sup>b</sup> 'nan seasamh ri taobh an locha: ach bha na h-iasgairean air dol a mach asda, agus a' nigheadh an lionta.

3 Agus air dha dol a steach do aon do na longaibh bu le Simon, dh'iarr e air dol a mach beagan o thìr: agus air suidhe dha, theagaisg e 'n sluagh as an luing.

4 A nis an uair a sguir e do labhairt, thubhairt e ri Simon, Cuir a mach chum na doimhne, agus leigibh sìos bhuir lionta chum tarruing.

5 Agus fhreagair Simon agus thubhairt e ris, A mhaighstir, shaothraich sinn feadh na h-oidheche uile, agus cha do ghlac sinn ni sam bith: ach air t'fhocal-sa leigidh misios an lion.

6 Agus an uair a rinn iad so, chuartich iad tuchdarc mòr éisg; ionnus gu'n do bhriseadh an lion.

7 Agus smèid iad air an companachaibh, a bha 'san luing eile, teachd agus còmhnaidh a dheanamh leo. Agus thainig iad, agus lìon iad an dà luing, ionnus gu'n robh iad an inbhe dol fuidhe.

8 'Nuair a chunnaic Simon Peadar so, thuit e sìos aig glùinibh Iosa, ag ràdh, Imich uamsa, a Thighearn, oir is duine peacach mi.

9 Oir ghlac uamhas e féin agus iadsan uile bha maille ris, air son an tarruing éisg a ghlac iad:

10 Agus mar an ceudna Seumas agus Eoin, mic Shebede, a bha 'nan companachaibh aig Simon. Agus thubhairt Iosa ri Simon, Na biodh eagail ort; as so suas glacaidh tu daoine.

11 Agus an uair a thug iad an longa gu tìr, air fàgail nan uile nithe dhoibh, lean iad esan.

12 Agus an uair a bha esan ann am baile àraidh, féuch, duine làn do loibhre: agus air dha Iosa fhaicinn, thuit e sìos air aghaidh, agus ghuidh e air, ag ràdh, A Thighearn, ma's toil leat, tha thu comasach air mise a ghlanadh.

13 Agus shìn e a làmh, agus bhean e ris, ag ràdh, Is toil leam; bi glan. Agus air ball dh'fhàg an loibhre e.

14 Agus dh'àithn e dha, gun inns-eadh do neach air bith: Ach imich,

a làimh rithe.

b bhàrc. c àireamh.

agus nochd thu féin do'n t-sagart, agus tabhair seachad air son do ghlanaidh, mar a dh'àithn Maois, mar fhianuis doibh.

15 Ach bu mhòid a sgaoileadh iomradh-san: agus thainig sluagh mòr an ceann a chéile chum éisd-eachd, agus a bhi air an slànuchadh leis o'n eucailibh.

16 Agus chaidh e air leth chum an fhàsaich, agus rinn e ùrnuigh.

17 Agus tharladh air latha àraidh, 'nuair a bha e a' teagasg, gu'n robh 'nan suidhe an sin Phairisich agus luchd-teagaisg an lagha, a thainig as gach uile bhaile do Ghailile, agus do Iudea, agus o Ierusa'em; agus bha cumhachd an Tighearn 'a làthair chum an slànuchadh.

18 Agus feuch, dh'iomchair daoine a' leabaidh duine air an robh am pairilis: agus dh'iarriad a thabhairt a steach, agus a chur 'na làthairsan.

19 Agus an uair nach d'ihuair iad seòl air am feudadh iad a thoirt a steach, le meud na cuideachd, chaidh iad suas air an tigh, agus leig iad sìos tre mhullach an tighe e fein agus a leaba, anns a' mheadhon an làthair Iosa.

20 Agus an uair a chunnaic e an creidimh, thubhairt e ris, A dhuine, tha do pheacaidh air am maitheadh dhuit.

21 Agus thòisich na scriobhuichean agus na Phairisich air reusonachadh, ag ràdh, Cò e so a ta labhairt toibheim? cò dh'fheudas peacaidh a mhaithheadh ach Dia a mhàin?

22 Ach air aithneachadh an smuainte do Iosa, fhreagair e agus thubhairt e riu, Ciod a ta sibh a' reusonachadh 'nar cridheachaibh?

23 Cò aca 's usadh a ràdh, Tha do pheacaidh air am maitheadh dhuit, no ràdh, Eirich agus imich?

24 Ach a chum's gu'm bi fios agaibh gu bheil cumhachd aig Mac an duine peacaidh a mhaithheadh air talamb, (thubhairt e ri fear na pairilis) A deirim riut, éirich, agus tog do leaba, agus imich do d' thigh.

25 Agus dh'éirich e air ball 'nan làthair, agus thog e an leaba air an robh e 'na luidhe, agus chaidh e d'a thigh féin, a' tabhairt glòir do Dhia.

26 Agus ghlac uamhas iad uile, agus thug iad glòir do Dhia, agus lìonadh le h-eagal iad, ag ràdh, Chunnaic sinne nithe do-chreidsinn a an diugh.

27 Agus an déigh nan nithe sin, chaidh e mach, agus chunnaic e cismhaor d'am b'ainm Lebhi, 'na

shuidhe aig àite togail na cìse: agus thubhairt e ris, Lean mise.

28 Agus air fàgail nan uile nithe dha, dh'éirich e, agus lean so e.

29 Agus rinn Lebhi féisd mhòr dha 'na thigh féin: agus bha cuid-eachd mhòr do chis-mhaoraibh, agus do mhuinntir eile a shuidh maille riu.

30 Agus rinn an scriobhuichean agus am Phairisich gearan anaghaidh a dheisciobul-san, ag ràdh, C'ar son a ta sibh ag itheadh, agus ag òl maille ri cis-mhaoraibh agus ri peacachaibh?

31 Agus fhreagair Iosa agus thubhairt e riu, Cha'n 'eil feum aca-san a ta slàn air an léigh ach aca-san a ta tinn.

32 Cha d'tbainig mise a ghairm nam firean, ach nam peacach chum aithreachais.

33 Agus thubhairt iadsan ris, C'ar son a ta deisciobuil Eoin gu tric ri trosgadh agus a' deanamh ùrnuigh, agus mar an ceudna deisciobuil nam Phairiseach; ach a ta do dheisciobuil-se 'g itheadh agus ag òl?

34 Agus thubhairt esan riu, Am feud sibh a thoirt air cloinn seomair an fhir nuadh-phòda trosgadh a dheanamh, am feadh a ta 'm fear nuadh-phòda maille riu?

35 Ach thig na laithean an uair a bheirear am fear nuadh-phòda uatha: an sin ni iad trosgadh anns na làithibh sin.

36 Agus labhair e mar an ceudna cosamhlachd riu, Cha chuir neach air bith mìr a dh'eudach nuadh air sean eudach: no, reubaidh an t-eudach nuadh e, agus cha d'thig am mìr do'n eudach nuadh ris an t-sean eudach.

37 Agus cha chuir duine sam bith fion nuadh ann an seann searragaibh; no, brisidh am fion nuadh na searragan, agus doirtear e féin, agus caill-e ar na searragan.

38 Ach is còir fion nuadh a chur ann an searragaibh nuadha; agus bithidh iad araon tèarainte.

39 Agus cha 'n'eil duine sam bith air dha sean fhìon òl, a dh'iarraas air ball fion nuadh: oir a deir é, 'Se 'n sean fhìon is fearr.

#### CAIB. VI.

**A**GUS tharladh air a' cheud latha a sàbaid an déigh an dara la do fhéisd na càisge, gu'n deachaidh e trid na h-achaibh arbhair: agus spìon a dheisciobuil na diasan arbh-

b trasgadh.

c air an dara latha sàbaid an déigh na ceud sàbaid.

a iongantach.

air, agus dh'ith iad, an déigh am bruathadh le'n làmhaidh.

2 Agus thubhairt cuid do na Phairisich riu, C'ar son a ta sibh a' deanamh an nì nach 'eil ceaduichte r'a dheanamh air laithibh na sàbaid?

3 Agus fhreagair Iosa iad, agus thubhairt e, Nach do leugh sibhse an nì so rinu Daibhidh, nuair a bha ocras air féin, agus orra-san a bha maille ris:

4 Cionnus a chaidh e steach do thigh Dhé, agus a ghabh e aran na fianuisa, agus a dh'ith e fein, agus a thug e mar an ceudna dhoibh-san a bha maille ris, nì nach 'eil ceaduichte itheadh, ach do na sagartaibh a mhàin?

5 Agus thubhairt e riu, Is Tigh-earna Mac an duine air an t-sàbaid féin.

6 Tharladh mar an ceudna air sàbaid eile, gu 'n deachaidh e steach do'n t-sionagog, agus gu'n do theagaisge; agus bha an sin duine, aig an robh a làmh dheas air seargadh.

7 Agus rin na scrìobhuichean agus na Phairisich faire a dh'fheuchainn an leighiseadh e air an t-sàbaid, chum's gu'm faigheadh iad cùis-dhèidhb 'na aghaidh.

8 Ach thug esan an smuaintean, agus thubhairt e ris an duine aig an robh an làmh sheargta, Eirich, agus seas a mach sa' mheadhon. Agus dh'éirich esan agus sheas e.

9 An sin thubhairt Iosa riu, Feòricibh mise aon nì dhibh, Am bheil e ceaduichte air laithibh na sàbaid maith a dheanamh, no olc? anam a shaoradh, no a sgrios?

10 Agus air a dha a mharc m'an cuairt orra uile, thubhairt e ris an duine, Sin a mach do làmh. Agus rinn e sin: agus dh'aisigeadh a làmh slàn da mar an làmh eile.

11 Agus lionadh iadsan do chuthach agus labhair iad r'a chéile, ciod a dheanadh iad ri h-Iosa.

12 Agus anns na laithibh sin chaidh esan gu beinn a dheanamh ùrnuigh agus bhuaich e rè na h-oidhche ann an ùrnuigh ri Dia c.

13 Agus air teachd do'n là, ghairm e d'a ionnsuidh a dheisciobuil: agus thag e dà fhear dheug asda, d'an do ghoir e Abstoil:

14 Simon (a dh'ainmich e mar an ceudna Peadar), agus Aindreas a bhràthair, Seumas agus Eoin, Philip agus Bartolomeus,

15 Mata agus Tomas, Seumas mac

Alpheus, agus Simon d'an goirear Selotes,

16 Iudas bràthair Sheumais, agus Iudas Iscariot, esana bha 'na fhear-brathaidh.

17 Agus thainig e nuas leo, agus sheas e air ionad còmhnaidh, agus coimhthional a dheisciobul, agus buidheann mhòr shluaigh o Iudea uile agus o Hierusalem, agus o chois lairge Thiruis agus Shidoin, muinntir a thainig g'a éisdeachd, agus gu bhi air an leigheas o'n euslaintibh;

18 Agus iadsan a bha air am pianadh le spioradaibh neo-ghlana: agus leighiseadh iad.

19 Agus dh'iarr an sluagh uile beantuinn ris: oir chaidh cumhachd a mach as, agus shlànuich e iad uile.

20 Agus thog e suas a shùilean air a dheisciobluibh, agus thubhairt e, Is beannuichte sibhse ta bochd: oir is libh rioghachd Dhé.

21 Is beannuichte sibhse ta ocrach a nis: oir sàsuichear sibh. Is beannuichte sibhse ta caoidh a nis: oir gairidh sibh.

22 Is beannuichte sibh 'nuair a bheir daoine fuath dhuibh, agus a chuireas iad as an cuideachd sibh, agus a bheir iad cainnt mhaslach dhuibh, agus a thilgeas iad a mach bhur n-ainm mar olc, air son Mhic an duine.

23 Deanaibhse gairdeachas, san là sin, agus leumaibh le h-aoibhneas: oir feuch, is mòr bhur duais air nèamh: oir is ann mar sin a rinn an aithriche air na fàidhibh.

24 Ach is an-aoibhinn duibhse ta saibhir: oir fhuair sibh bhur sòlas.

25 Is an-aoibhinn duibhse ta sàitheach: oir bithidh ocras oirbh. Is anaoibhinn duibhse ta gàireachdaich a nis: oir nì sibh bròn agus gul.

26 Is anaoibhinn duibhse 'nuair a labhras daoine d maith umaibh: oir is ann mar sinn a rinn an aithriche ris na fàidhibh bréige.

27 Ach a deirim ribhse ta 'g éisdeachd, Gràdhaichibh bhur naimhde, deanaibh maith orra-san le'mfuathach sibh:

28 Beannuichibh iadsan a ta 'gar mallachadh, agus deanaibh ùrnuigh air son na muinntir a ta buntuinn gu naimhdeil ribh.

29 Ris an ti a bhuaileas tu air aon ghial, cum an gial eile: agus do'n ti a bheir t'fhalluing dhìot, na bac do chòta mar an ceudna.

30 Tabhair do gach neach a

a an t-aran taisbeanta. b cùis-chasaid. c tigh ùrnuigh Dhé.

d na h-uile dhaoine.



dh'iarras ort, agus o'n neach a bheir uait do mhaoin, na iarr air ais i.

31 Agus mar a b'àill libh daoine dbeanamh dhuibh, deanaibhse mar an ceudna dhoibh-san.

32 Oir ma ghràdhaicheas sibh iad-san aig am bheil gràdh dhuibh, ciod am buidheachas a ta agaibh? oir gràdhaichidh peacaich fein an droing aig am bheil gràdh dhoibh.

33 Agus ma ni sibh maith do'n mhuinntir a ni maith dhuibh, ciod am buidheachas a ta agaibh? oir ni peacaich an ni so fein mar an ceudna.

34 Agus ma bheir sibh iasachd a dhoibh-san o'm bheil dùil agaibh ri fhaotainn a ris, ciod am buidheachas a ta agaibh? oir bheir peacaich fein iasachd do pheacachaibh, chum's gu'm faigh iad uiread a ris.

35 Ach gràdhaichibh-se bhur naimhde, agus deanaibh maith, agus thugaibh iasachd, gun dùil a bhi agaibh ri ni sam bith 'na éiric b: agus bithidh bhur duais mòr, agus bithidh sibh 'nar cloinn do'n Tì a's airde: oir a ta esau tabhartach dhoibh-san a ta mi-thaingeal agus ole.

36 Bithibh-se uime sin tròcaireach, mar a ta bhur n-Athair tròcaireach.

37 Agus na tugaibh breth, agus cha toirear breth orbh: na ditibh, agus cha ditear sibh: thugaibh maithneas, agus bheirear maithneas dhuibh.

38 Thugaibh uaibh, agus bheirear dhuibh; deadh thomhas, air a gheinneadh, agus air a chrathadh ri chéile, agus a' cur thairis, bheir daoine ann bhur n-uchd; oir leis an tomhas le'n tomhais sibh, toimhaisear dhuibh a ris.

39 Agus labhair e cosamhlachd riu, Am feud an dall dall a threòrachadh? nach tuit iad araon ann an slochd?

40 Cha 'n'eil an deisciobul os ceann a mhaighstir: ach ge b'e neach a ta coimhlionta, bithidh e mar a mhaighstir.

41 Agus c'ar son a ta thu faicinn an smùirnein a ta an sùil do bhràthar, agus nach 'eil thu toirt fainear an t-sail a ta ann do shùil féin?

42 No cionnus a dh'fheadas tu ràdh ri d' bhràthair, A bhràthair, leig dhomh an smùirnein a thoirt a d' shùil, agus nach 'eil thu toirt fainear an t-sail a ta ann do shùil féin? A

chealgair, tilg a mach air tùs an t-sail as do shùil féin, agus an sin is léir dhuith gu soillear an smùirnein a ta ann an sùil do bhràthar thoirt aisde.

43 Oir cha deadh chraobh a bheir a mach droch thoradh: agus cha droch chraobh a bheir a mach deadh thoradh.

44 Oir aithnichear gach craobh air a toradh: oir cha tionail daoine fìgean do dhroighionn, no caoran fìona do'n shearr-dhris.

45 Bheir duine maith ni maith a mach a deadh ionmhas a chridhe: agus bheir droch dhuine ni olc a mach a droch ionmhas a chridhe: oir is ann a pailteas a' chridhe a labhras a bheul.

45 Agus ca'r son a ghoireas sibh a Thighearn, a Thighearn, dhiom sa, agus nach dean sibh na nithe a deirim?

47 Gach neach a thig a m' ionnsuidh-se, agus a chluinneas mo bhriathra, agus a ni iad, feuchaidh mi dhuibh cia ris is cosmhuil e.

48 Is cosmhuil e ri duine a thog tigh, agus a chladhaich domhain, agus a chuir a bhunait air carraig: agus an uair a thainig an tuil, bhual an sruth gu dian air an tigh sin, agus cha b'urrainn e charachadh; oir bha e air a shuidheachadh air carraig.

49 Ach an ti a chluinneas, agus nach dean, is cosmhuil e ri duine a thog tigh air an talamh gun bhunait, air an do bhual an sruth gu dian, agus air ball thuit e; agus bu mhòr tuiteam an tìge sin.

#### CAIB. VII.

**A**NIS an uair a chrìochnaich e a bhriathra-san uile ann an éisd-eachd an t-sluaigh, chaidh e steach do Chapernaum.

2 Agus bha seirbhiseach ceannaird-ceud àraidh, a b'ionmhuin leis, gu tinn, agus ri h-uchd bàis.

3 Agus air cluinntin mu Iosa dha, chuir e seanairean nan Iudhach d'a ionnsuidh, a' cur impidh air gu'n d'thigeadh e, agus gu'n leighiseadh e a sheirbhiseach.

4 Agus an uair a thainig iad gu h-Iosa, ghuidh iad air gu dùrachdach, ag ràdh, Gu'm b'airidh e gu'n deanadh esan so dha:

5 Oir is toigh leis ar cinneach-ne, agus thog esan dhuinn sionagag.

6 Agus chaidh Iosa maille riu. Ach air dha bhi nis fagus do'n tigh, chuir an ceannard-ceud càirde d'a ionnsuidh, ag ràdh ris, A Thighearn,

na cuir dragh ort féin, oir cha'n airidh mise gu'n rachadh tu steach fa m' chleith

7 Uime sin cha mhò a mheas mi gu'm b'airidh mi féin air teachd a t'ionnsuidh: ach a mhàin abair am focal, agus slànuichear m' òglach.

8 Oir is duine mise féin air mo chur fa ùghdarras, aig am bheil saighdeara ùm, agus a deirim ris an fhear so, Imich, agus imichidh e: agus ri fear eile, Thig, agus thig e: agus ri m' sheirbhiseach, Dean so, agus ni se e.

9 Agus air cluinntinn nan nithe so do Iosa, ghabh e iongantas ris, agus air tionndadh dha, thubhairt e ris an t-sluagh a lean e, A deirim ribh, nach d'fhuair mi creidimh co mòr as so, ann an Israeil féin.

10 Agus air pilltinn air an ais do'n tigh a na teachdairibh a chuireadh d'a ionnsuidh, fhuair iad an seirbhis-each a bha tinn, slàn.

11 Agus tharladh an là 'na dhéigh sin, gu 'n deachaidh e clum baile d'an goirear Nain; agus chaidh a dheisciobuil a maille ris, agus sluagh mòr.

12 A nis an uair a thainig e 'm fagus do gheatadh a' bhaile, feuch, ghiùlaineadh a mach duine marbh, aon mhac a mhàthar, agus bu bhan-trach i: agus bha sluagh mòr do mhuinntir a' bhaile maille rihe.

13 Agus an uair a chunnaic an Tighearn i, ghabh e truas dith, agus thubhairt e rihe, Na guil.

14 Agus thainig e agus bhean e ris a' ghiùlan<sup>b</sup>, (agus sheas iadsan a bha 'ga iomchar) agus thubhairt e, Oganach, a deirim riut, éirich.

15 Agus dh'éirich an duine bha marbh 'na shuidhe, agus thòisich e air labhairt: agus thug e d'a mhàthair e.

16 Agus ghlac eagal iad uile: agus thug iad glòir do Dhia, ag ràdh, Dh'éirich fàidh mòr 'nar measg-ne; agus Dh'amhairc Dia air a shluagh féin.

17 Agus chaidh an t-ìomradh so mach a'rsan air feadh Iudea uile, agus na dùcha m'an cuairt uile.

18 Agus dh'innis a dheisciobuil do Eoin mu thimchioll nan nithe sin uile.

19 Agus ghairm Eoin d'a ionnsuidh dithis àraidh d'a dheisciobluibh, agus chuir e iad gu h-Iosa, ag ràdh, An tusa esan a bha ri teachd, no'm bi sùil againn ri neach eile?

20 Agus air teachd do na daoineibh

d'a ionnsuidh, thubhairt iad, Chuir Eoin Baiste sinne a'd' ionnsuidh, ag ràdh, An tusa 'n ti a bha ri teachd, no'm bi sùil againn ri neach eile?

21 Agns anns an uair sin féin leighis e mòran o 'n euslaintibh agus o'm plàighibh, agus odhrochspioradaibh, agus thug e'n radharc do mhòran a bha dall.

22 Agus fhreagair Iosa, agus thubhairt e riu, Imichibh-se agus innsibh do Eoin na nithe a chunnaic agus a chuala sibh, gu'm bheil na doill a' faicinn, na bacaich ag imeachd, na lobhair air an glanadh, na bodhair a' cluinntinn, na mairbh air an dùsgadh, an soisgeul air a shearmonachadh do na bochdaibh.

23 Agus is beanuicht' esan nach faigh oilbheum annam sa c.

24 Agus an uair a dh'fhalbh teachdairean Eoin, thòisich e air labhairt ris an t-sluagh mu thimchioll Eoin, Ciod an ni a chaidh sibh a mach do'n fhàsach a dh'fhaicinn? an i cuilc air a crathadh le gaoith?

25 Ach ciod e an ni chaidh sibh a mach a dh'fhaicinn? an e duine air a sgeadachadh ann an eudach min? feuch, iadsan a tasgeadaichte le eudach riombach, agus a' caitheadh am beatha gu sòghail, is ann an cùirtibh nan righ a ta iad.

26 Ach ciod e an ni chaidh sibh a mach a dh'fhaicinn? an e fàidh? seadh, a deirim ribh, agus ni 's mò na fàidh.

27 Is e so an ti mu'm bheil e scriobhta, Feuch, cuiream mo theachdaire roimh do ghnùis, a dh'ulluicheas do shlighe roimhad.

28 Oir a deirim ribh, 'Nam measg-san a rugadh le mnaibh, cha 'n'eil fàidh a's mò na Eoin Baiste: gidheadh an ti a's lugha annan rioghachd Dhé, is mò e na esan.

29 Agus dh'fhìreanaich am pobull uile a chual e, agus na cìs-mhaoir Dia, air dhoibh bhi air am baisteadh le baisteadh Eoin.

30 Ach chuir na Phairisich agus an luchd-lagha cùl ri comhairle Dhé d'an taobh féin, am feadh nach do bhaisteadh iad leis.

31 Agus thubhairt an Tighearna, Cò ris uime sin a shamblaicheas mi daoine a' ghinealaich so? agus cò ris a ta iad cosmhuil?

32 A ta iad cosmhuil ri cloinn a ta 'nan suidhe sa' mbargadh, agus a dh'éigheas r'a chéile, ag ràdh, Rinn sinne piobaireachd dhuibh-se, agus cha d'rinn sibhse dannsa: rinn sinne

<sup>a</sup> mòran d'a dheisciobluibh.

<sup>b</sup> chiste mhairbh.

<sup>c</sup> nach gabh oilbheum riumsa.

tuireadh dhuibhse, agus cha d'rinn sibhse gul.

33 Oir thainig Eoin Baiste, cha'n ann ag itheadh arain, no 'g òl fìona; agus their sibh, A ta deamhan aige.

34 Thainig Mac an duine ag itheadh 's ag òl; agus their sibh, Feuch duine geòcach agus pòitear-fìona, caraid chis-mhaor agus pheacach.

35 Ach a ta gliocas air a firean-achadh leis a cloinn uile.

36 Agus dh'iarr duine àraidh do na Phairisich air, gu'n itheadh e biadh maille ris. Agus chaidh e steach do thigh an Phairisich, agus shuidh a, e sìos chum bidh.

37 Agus feuch, an uair a fhuair bean anns a bhaile, a bha 'na peacach, fios gu 'n robh e 'na shuidhe aig biadh ann an tigh an Phairisich, thug i leatha bocsa alabastair làn do ola chùbhraidh.

38 Agus sheas i aig a chosaibh air a chùlaobh a' gul, agus thòisich i air a chosana fhliuchadh leis a deuraibh, agus thiormaich i iad le gruaig a cinn, agus phòg i a chosa, agus dh'ùng i leis an ola iad.

39 Agus an uair a chunnaic am Phairiseach, a thug cuireadh dha, so, labhair e ann fèin, ag ràdh, Nam b'fhàidh an duine so, bhiodh fhios aige cò i a' bhean so ta beantuinn ris, agus ciod is gné dh'i; oir is peacach i.

40 Agus fhreagair Iosa, agus thubhairt e ris, A Shimoin, a ta ni agam ri ràdh riut. Agus thubhairt esan, A mhaighstir, abair e.

41 Bha aige fear-fiacha àraidh dithis do fhéichneinibh: bha aige air aon fhear cùig ceud peghinn, agus air an fhear eile leth-cheud.

42 Agus do bhrìgh nach robh aca ni leis an dioladh iad, mhaith e gu saor dhoibh araon. Innis domhsa uime sin, cò aca 's mò a ghràdh-aicheas e?

43 Agus fhreagair Simon agus thubhairt e, 'S i mo bharail gur e an neach is mò d'an do mhaith e. Agus thubhairt e ris, Is ceart a thug thu breth.

44 Agus air tionndadh ris a' mhnaoi, thubhairt e ri Simon, Am faic thu bhean so? thainig mi steach do d' thigh, cha d'thug thu dhomh uisge chum mo chos; ach dh'ionnlaid ise mo chosa le deuraibh, agus thiormaich i iad le folt a cinn.

45 Cha d'thug thusa dhomh pòg: ach o thainig ise b' stigh, cha do sguir i a phògadh mo chos.

46 Cha d'ùng thusa mo cheann le h-ola: ach dh'ùng ise mo chosa le h-ola chùbhraidh.

47 Uime sin a deirim riut, Gu'm bheil a peacaidh a ta lìonmhor, air am maitheadh; air an aobhar sin c' ghràdhlaich i gu mòr: ach ge b'e neach d'am maithear beagan, bithidh a ghràdh beag.

48 Agus thubhairt e rithe, Tha do pheacaidh air am maitheadh.

49 Agus thòisich iadsan a bha 'nan suidhe aig biadh maille ris, air a ràdh anna fèin, Cò e so a ta eadhon a' maitheadh pheacanna?

50 Agus thubhairt e ris a' mhnaoi, Shlànuithe do chreidimh thu; imich an sìth.

#### CAIB. VIII.

**A** GUS tharladh an déigh sin, ag'n d'imich esan trid gach cathair agus baile, a' searmonachadh, agus a' cur an céill soisgeil rioghachd Dhé, agus an dà fhear dheug 'na fhochair.

2 Agus mnàì àraidh a leighis-eadh o dhroch spioradaibh agus o euslaintibh, Muire d'angoirear Magdalen, as an deachaidh seachd deamhan,

3 Agus Ioanna bean Chusa stiùbhaird Heroid, agus Susanna, agus mòran eile, a bha frithealadh dha le am maoin.

4 Agus an uair a chruinnich sluagh mòr, agus a thainig iad as gach baile d'a ionnsuidh, labhair e ann an cosamhlachd:

5 Chaidh fear-cuir amach a chur a shìl: agus ag cur da, thuit cuid ri taobh an rathaid, agus shaltradh sìos e, agus dh'ith eunlaith an athair suas e.

6 Agus thuit cuid eile air carraig, agus air fàs da, shearg e, do bhrìgh nach robh sùgh aige.

7 Agus thuit cuid eile am measg droighinn, agus air fàs do 'n droighinn maille ris, thachd se e.

8 Agus thuit cuid eile air talamh maith, agus dh'fhàs e suas, agus thug e toradh uath a cheud uiread 's a chuireadh. Agus air dha na nithe sin a ràdh, ghlaodh e, Ge b'e aig am bheil cluasa chum éisdeachd, éisd-eadh e.

9 Agus dh'fhiosraich a dheisciobail deith, ag ràdh, Ciod e an cosamhlachd so?

10 Agus thubhairt esan, Thugadh dhuibhse eòlas fhaotainn air rùn dlomhair rioghachd Dhé; ach do chàch an cosamhlachdaibh, ionnus ag faicinn doibh nach faiceadh iad,

agus ag cluinntinn doibh nach tuig-  
eadh iad.

11 Ach is e so an cosamhlachd :  
Is e 'n sìol focal Dé.

12 Iadsan ri taobh an rathaid, is  
iad sin a dh'éisdeas : 'na dhéigh sin  
a ta 'n diabol a' teachd, agus a'  
togail air falbh an fhocail as an cridh-  
eachaibh, air eagal gu'n creideadh  
iad agus gu'm biodh iad air an  
saoradh.

13 An dream air a' charraig, is  
iad sin iadsan, an uair a dh'éisdeas  
iad, a ghabhas am focal d'an ionn-  
suidh le gairdeachas ; ach cha 'n'eil  
aca so freumh, muinntir a chreideas  
rè tamuill, agus an àm buairidh a ta  
tuitèam air falbh.

14 Agus an ni a thuit am measg  
droighinn, is iad sin an dream a  
dh'éisdeas, agus air dhoibh dol a  
mach, a ta iad air an tachdadh le  
cùram, agus le saibhreas, agus le  
sàimhe na beatha so, agus cha 'n'eil  
iad a' toirt toraidh uatha chum foir-  
eachd.

15 Agus an ni a thuit san talamh  
mhaith, is iad sin iadsan, air dhoibh  
am focal éisdeachd, a ta 'ga choimh-  
ead ann an cridhe treibh-dhireach  
agus maith, agus a' toirt toraidh  
uatha le foighidín a.

16 Cha 'n'eil neach air bith, air  
dha coimneal a lasadh, a dh'fholuich-  
eas fa shoitheach i, no chuireas fa  
leabaidh i : ach cuiridh e ann an  
coinnleir i, chum's gu'm faic iadsan  
a thig a stigh an solus.

17 Oir cha 'n'eil ni sam bith fol-  
aichte, nach deanar follaiseach ; no  
uaigneach, nach aithnichear, agus  
nach d'thig os àird.

18 Air an aobhar sin thugaibh  
fa'nearcionnus a dh'éisdeas sibh : oir  
ge b'e neach aig am bheil, bheirear  
dha ; agus ge b'e neach aig nach 'eil,  
bheirear uath eadhon an ni sin a  
shaoilear a bhi aige.

19 An sin thainig d'a ionnsuidh a  
mhàthair agus a bhràithre, agus cha  
b'urrainn iad teachd am fagus da leis  
an dòmhlas.

20 Agus dh'innseadh dha le dream  
àraidh, a thubhairt, Thado mhàthair  
agus do bhràithre 'nan seasamh a  
muigh, ag iarraidh t'fhaicinn.

21 Agus fhreagairesan agus thubh-  
airt e riu, Is iad mo mhàthair agus  
mo bhràithrean iadsan a dh'éisdeas  
ri focal Dé, agus a ni e.

22 Agus tharladh air là àraidh,  
gu'n deachaidh e féin agus a dheis-  
ciobuil a stigh do luing ; agus thubh-  
airt e riu, Rachamaid thairis gu taobh

thall an locha. Agus chuir iad a  
mach o thìr.

23 Ach ag seòladh dhoibh, thuit  
codal airsan : agus thainig ànradh b  
gaoith a nuas air an loch, agus lìonadh  
iad le h-uisge, agus bha iad ann an  
gàbhadh.

24 Agus thainig iad d'a ionnsuidh,  
agus dhùisg iad e, ag ràdh, A mhaigh-  
stir, a mhaighstir, tha sinn caillte, An  
sin dh'éirich esan, agus chronuich e  
ghaath, agus onfa an uisge : agus  
sguir iad, agus thainig fèath e ann.

25 Agus thubhairt e riu, C'ait am  
bheil bhur creidimh ? agus air dhoibh  
bhí fa eagal, ghabh iad iongantas, ag  
ràdh, r'a chéile, Ciod a' ghné dhuine  
so ? oir a ta e toirt àithne do na  
gaothaibh, agus do'n uisge féin, agus  
a ta iad àmhala dha.

26 Agus thainig iad air tìr aig  
dùthaich nan Gadareneach, a ta thall  
fa chomhair Ghàile.

27 Agus an uair a chaidh e mach  
air tìr, choinnich duine àraidh as a'  
bhaile e, anns an robh deamhain rè  
aimsir fhada, agus aig nach biodh  
eudach uime, agus nach fanadh ann  
an tigh, ach anns na h-àitibh-adh-  
laic.

28 An uair a chunnaic e Iosa,  
ghlaoth e mach, agus thuite sios 'na  
làthair, agus thubhairt e le guth àrd,  
Ciod e mo ghnòthuchsa riut, Iosa, a  
Mhic an Dé a's ro àirde ? guidheam  
ort, na pian mi.

29 (Oir bha e air toirt àithne do'n  
spiorad neo-ghlan dol a mach as an  
duine. Oir bu tric a rug e gunaimh-  
deil air : agus cheangladh e le  
slabhruidhibh, agus choimhdeadhan  
geimhlibh e ; agus air briseadh a  
chuibhreacha dha, dh'iomaineadh e  
leis an deamhan do'n fhàsach.)

30 Agus dh'fheorach Iosa dheth,  
ag ràdh, Ciod is ainm dhuit ? agus  
thubhairt esan, Legion : do bhrìgh  
gu'n deachaidh mòran dheamhan a  
steach ann.

31 Agus ghuidh iad air, gun  
àithne thoirt doibh dol sìos do'n  
doimhneachd d.

32 Agus bha treud lìon-mhor  
mhuc an sin, ag ionaltradh air an  
t-sliabh : agus ghuidh iad air cead a  
thoirt doibh dol a steach annta.  
Agus thug e cead doibh.

33 An sin air dol do na deamhnaibh  
a mach as an duine, chaidh iad anns  
na mucaibh : agus ruith an treud  
mhuc gu dian sìos le bruthach e do'n  
loch, agus thachdadh f iad.

b doinionn, stoirm.

c ciuine.

d dubh-aigean.

e leathad, àite

corrach.

f bhàthadh.

a seasmhachd.



34 Agus an uair a chunnaic an dream a bha 'gam biadhachd an ni a rinneadh, theich iad, agus dh'innis a iad e anns a' bhaile agus anns an dùthaich.

35 Agus chaidh iadsan a mach a dh'fhaicinn an ni a rinneadh; agus thainig iad gu h-Iosa, agus fhuair iad an duine as an deachaidh na deamhain, 'na shuidhe aig cosaibh Iosa, air eudachadh, agus e 'na chéill: agus ghabh iad eagal.

36 Agus dh'innis an dream a chunnaic e dhoibh, cionnus a shlàn- uicheadh an duine san robh na deamhain.

37 An sin dh'iarr muinntir dùcha nan Gadareneach uile airsan, imeachd uatha; oir ghlacadh le h-eagal mòr iad: agus chaidh e san luìng, agus phill e air ais a ris.

38 A nis ghuidh an duine, as an deachaidh na deamhain air, e féin a bhi maille ris: ach chuir Iosa uaith e, ag ràdh,

39 Pill do d' thigh féin, agus cuir an céill meud nan nithe a rinn Dia dhuit. Agus dh'imich e roimhe, as an innseadh gu follaiseach air féadh a' bhaile uile, meud nan nithe a rinn Iosa dha.

40 Agus tharladh, an uair a phill Iosa air ais, gu'n do ghabh an sluagh *gu toileach* ris; oir bha iad uile 'ga fheitheamh.

41 Agus feuch, thainig duine da'm b'ainm Iairus, a bha 'na nachdaran air an t-sionag: agus thuit e aig cosaibh Iosa, agus ghuidh e air gu'n d'fhigeadh e d'a thigh:

42 Do bhrìgh gu'n robh aon-ghin nighinn aige, mu thimchioll dà bhliadhna dheug, agus i faotainn a' bhàis. (Ach air dha bhi 'g imeachd, bha'n sluagh 'ga theannadh.

43 Agus thainig bean air an robh dòrtadh fola dà bhliadhna dheug, agus a chaith a beathachadh uile ri léighibh, agus nach b'urradh bhi air a leigheas le neach air bith.

44 Thainig ise air a chùlaobh, agus bhean i ri h-ìomall eudaich: agus sguir a dòrtadh fola air ball.

45 Agus thubhairt Iosa, Cò bhean rium? Air àicheadh do na h-uile, thubhairt Peadar, agus iadsan a bha 'na fhochair, ris, A mhaighstir, tha 'n sluagh ga d' dhòhlachadh, agus ga d' theannadh, agus an abair thu, Cò bhean rium?

46 Agus thubhairt Iosa, Bhean neach éigin rium: oir mhothaich mi cumhachd a' dol asam.

47 Agus an uair a chunnaic a' bhean nach robh i'n ain-fhios<sup>b</sup>, thainig i air chrìth, agus a' sleuchdadh dha, chuir i'n céill da c'ar son a bhean i ris, an làthair an t-sluaigh uile, agus mar a shlànucheadh i gu grad.

48 Agus thubhairt esan rithe, A nighean, biodh misneach agad: shlànuch do chreidimh thu; imich an sith.)

49 An feadh 's a bha e fathaist a' labhairt, thainig neach o thigh Uachd-arain na sionagoige, ag ràdh ris, Tha do nighean marbh; na cuir dragh air a' mhaighstir.

50 Ach air cluinntinn so do Iosa, fhreagair se e, ag ràdh, Na biodh eagal ort: a mhàin creid, agus bithidh i air a slànuchadh.

51 Agus an uair a chaidh e do 'n tigh, cha do leig e le neach air bith dol a stigh, ach Peadar, agus Eoin, agus Seumas, agus athair agus màthair na h-inghin.

52 Agus bha iad uile a' gul, agus a' deanamh caoidh air a son: ach thubhairt esan, Na guilibh: cha 'n'eil i marbh, ach 'na codal.

53 Agus rinn iad gàire fanoid ris, do bhrìgh gu'n robh fhios aca gu'n robh i marbh.

54 Agus air dha an cur a mach uile, ghlace air làimh i, agus ghlaodh e, ag ràdh, A nighean, éirich.

55 Agus thainig a spiorad air ais, agus dh'éirich i air ball: agus dh'àithn e biadh a thoirt d'i.

56 Agus ghabh uamhas mòr a pàrantan: ach thug esan àithne dhoibh gun an ni a rinneadh innseadh do neach air bith.

## CAIB IX.

**A**GUS ghairm e an dà fhear a dheugd an ceann a chéile, agus thug e cumhachd agus ùghdarras doibh air na h-uile dheamhnaibh, agus a chum euslaintean a leigheas.

2 Agus chuir e mach iad a shear-monachadh rioghachd Dhé, agus a shlànuchadh nan euslan.

3 Agus thubhairt e riu, Na tugaibh ni air bith leibh chum na slighe, bat-aiche, no màla, no aran, no airgid; ni mò bhios dà chòta aig gach fear agaibh.

4 Agus ge b'e air bith tigh d'an d'théid sibh a steach, fanaibh an sin, agus as sin rachaibh a mach e.

5 Agus cò air bith iad nach gabh ribh, air dhuibh dol a mach as a'

<sup>b</sup> am folach. <sup>c</sup> a ginteirean.

<sup>d</sup> a dhà dheisciobul deug.

<sup>e</sup> fanaibh an sin gus am 'àg sibh n t-àit.

<sup>a</sup> theich iad, (agus chaidh iad,) agus dh'innis.

bhaile sin, crathaibh dhibh eadhon an duslach o bhuir cosaibh mar fhianuis 'nan aghaibh.

6 Agus chaidh iadsan a mach, agus ghabh iad tre na bailtibh, a' searmonachadh an t-soisgeil, agus a' leigheas anns gach àit.

7 Agus chual Herod an Tetrarch na h-uile nithe a rinneadh leis : agus bha e an imcheist, do bhrìgh gu'n dubhradh le cuid, gu'n robh Eoin air éirigh o na marbhaibh :

8 Agus le cuid, gu'n d'fhoillsich-eadh Elias : agus le cuid eile, gu'n robh aon do na sean fhàidhibh air éirigh a rìs.

9 Agus thubhairt Herod, Thug mis' an ceann a dh'Eoin : ach cò e 'm fear so mu'n cluinneam a leithid so do nithibh ? Agus dh'iarr e fhaic-inn.

10 Agus air pilltinn do na h-ab-stolaibh, dh'innis iad dha gach ni a rinn iad. Agus thug e leis iad, agus chaidh e fa leth gu àite fàsail a bhuineadh do'n bhaile d'an goirear Betsaida.

11 Agus an uair a fhuair an sluagh fios air, lean iad e : agus ghabh e d'aionnsuidh iad, agus labhair e rin mu thimchioll rioghachd Dhé, agus léighis e iadsan aig an robh feum air leigheas.

12 Agus an uair a thòisich an là air teireachdainn thainig an dà fhear dheug, agus thubhairt iad ris, Cuir air faibh an sluagh, chum 's gu'n d'théid iad do na bailtibh agus do'n tìr m'an cuairt, agus gu'n gabh iad tàmh agus gu'm faigh iad biadh : oir tha sinn an so an àite fàsail.

13 Ach thubhairt esan rin, Thug-aibhse dhoibh ni r'a itheadh. Agus thubhairt iadsan, Cha 'n'eil againn tuilleadh na cùig builinnean agus dà iasg : mur d'théid sinn agus biadh a cheannach do'n t-sluagh so uile.

14 Oir bha iad mu thimchioll cùig mìle fear. Agus thubhairt e r'a dheisciobluibh, Cuiribh nan suidhe iad, leth-cheud anns gach cnideachd.

15 Agus rinn iad mar sin, agus chuir iad 'nan suidhe iad uile.

16 Agus ghabh e na cùig builinn-ean agus an dà iasg, agus air amharc suas gu nèamh, bheannaich e iad, agus bhris e, agus thug e d'a dheisciobluibh iad gu'n cur an làthair an t-sluaigh.

17 Agus dh'ith iad, agus shàs-uaicheadh iad uile ; agus thogadh dà chliabh dheug do bhìadh briste, a bha dh'fhuigheach aca.

18 Agus thalladh, air dha bhi ri ùrnuigh fa leth, gu'n robh a dheisciobuil maille ris : agus dh'fheòraich

e dhiubh, ag ràdh, Cò their an sluagh is mise ?

19 Fhreagair iadsan agus thubhairt iad, Eoin Baiste : ach *their* cuid, Elias : agus cuid eile, gu bheil aon do na sean fhàidhibh air éirigh a rìs.

20 Thubhairt e rin, Ach cò their sibhse is mi ? Agus fhreagair Peadar, agus thubhairt e, Crìosd Dhé.

21 Agus air dha sparradh teann a thoirt doibh, dh'àithn e gun iad a dh'imiseadh so do neach sam bith,

22 Ag ràdh, Gur éigin do Mhac an duine mòran fhulang, agus a bhi air a dhiultadh leis na seanairibh, agus na scriobhuichibh, agus a bhi air a chur gu bàs, agus air a thogail suas air an treas là.

23 Agus thubhairt e rin uile, Ma's àill le neach air bith teachd a'm' dhéighse, àicheadhadh se e féin, agus togadh e chrann-ceusaidh gach là, agus leanadh e mise.

24 Oir ge b'e neach le'm b'àill anam a thearnadh, caillidh se e : ach ge b'e neach a chailleas anam air mò sgàthsa, saoraidh esan e.

25 Oir ciod e an tairbhe do dhuine, ge do chosnadh e 'n saoghal gu h-iomlan, agus e féin a chall, no bhi air a sgrios ?

26 Oir ge b'e neach a ghabhas nàire dhiomsa agus do m' bhriathraibh, gabhaidh Mac an duine nàire dheth-san, an uair a thig e 'naghloir féin, agus an glòir Athar, agus nan aingeal naomha.

27 Ach a deirimse ribh gu firinn-each, gu bheil cuid 'nan seasamh an so, nach blais bàs, gus am faic iad rioghachd Dhé.

28 Agus tharladh mu thimchioll ochd làithean an déigh nam briathar so<sup>a</sup>, gu'n d'thug e leis Peadar, agus Eoin, agus Seumas, agus gu'n deachaidh e suas gu beinn a dheanamh ùrnuigh.

29 Agus an uair a bha e ri ùrnuigh, bha dreach a ghnùise air atharrachadh, agus rinneadh eudach geal agus dealrach.

30 Agus feuch, bha dithis fear a' còmhradh ris, eadhon Maois agus Elias,

31 A nochdadh ann an glòir, agus a bha labhairt m'a bhas<sup>b</sup>, a bha esan gu choimhlionadh ann an Ierusalem.

32 Ach bha Peadar, agus iadsan a bha maille ris, trom 'nan codal : agus an uair a dhùisg iad, chunnaic iad a ghlòir, agus an dithis fear a bha 'nan seasamh maille ris.

33 Agus an uair a bha iadsan a'

<sup>a</sup> nan nithe so.      <sup>b</sup> m'a shiubhal.

dealachadh ris, thubhairt Peadar ri h-Iosa, A mhaighstir, is maith dhui-  
inne bhí 'n so, agus deanamaid tri  
bothain, aon duitse, agus aon do  
Mhaois, agus aon do Elias; gun  
fhios aige ciod a bha e 'g ràdh.

34 Am feadh a bha e ag ràdh so,  
thainig neul, agus chuir e sgàile  
orra: agus ghabh iad eagal an uair  
a bha iad a dol a stigh san neul.

35 Agus thainig guth as an neul,  
ag ràdh, Is e so mo Mhac gràdhachsa,  
èisidibh ris.

36 Agus an uair a rinneadh an  
guth so, fhuaradh Iosa 'na aonar:  
agus dh'fhan iadsan 'nan tosd, agus  
cha d'innis iad do neach air bith  
anns na làithibh sin aon ni do na  
chunnaic iad.

37 Agus tharladh, an là 'na dhéigh  
sin, an uair a thainig iad a nuas o'n  
bheinn, gu'n do thachair sluagh mòr  
air.

38 Agus feuch, ghlaodh duine àr-  
aidh do'n t-sluagh, ag ràdh, A  
mhaighstir, guidheam ort, amhairc  
air mo mhac, oir is e m'aon duine  
cloinne e<sup>a</sup>.

39 Agus feuch, a ta spiorad a'  
breith air, agus a ta e gu h-obann  
ag éigheach, agus a ta e 'ga tharruing  
as a chéile air chor 's gu bheil e cur  
cobhair a mach, agus an déigh a  
chomh-bhruthadh is gann a dh'fhàg-  
as se e.

40 Agus ghuidh mi air do dheis-  
ciobluibh gu'n cuireadh iad a mach  
é, agus cha b'urrain iad.

41 Agus fhreagair Iosa agus  
thubhairt e, O ghinealaich mhi-  
chreidich agus fhiair<sup>b</sup>, cia fhad  
a bhios mi maille ribh, agus a  
dh'fhuilgeas mi sibh? Thoir an so  
do mhac.

42. Agus am feadh a bha e fathast  
a' teachd, thilg an deamhan sìos e,  
agus reub se e: agus chrònuich  
Iosa an spiorad neo-ghlan, agus  
shlànuaich e 'n leanabh, agus thug  
e d'a athair e.

43 Agus ghabh iad uamhas uile  
ri mòr chumhachd Dhé. Ach air  
dhoibh uile bhí gabhail iongantais  
ris na h-uile nithibh a rinn Iosa,  
thubhairt e r'a dheisciobluibh,

44 Taisgibh na briathrasa ann  
bhur cluasaibh: oir tha Mac an  
duine gu bhí air a thoirt thairis do  
làmhaidh dhaoine.

45 Ach cha do thuig iadsan an  
còmhradh so, agus bha e folaichte  
uatha, air chor as nach b'aithne  
dhoibh e<sup>c</sup>; agus b'eagalach leo

ceisd a chur air mu thimchioll a'  
còmhraidh so.

46 An sin dh'éirich deasboireachd  
eatorra, cò aca bu mhò a bhitheadh.

47 Agus air do Iosa smuaintean  
an cridhe fhaicinn, ghabh e leanabh,  
agus chuir e làimh ris féin e,

48 Agus thubhairt e riu, Ge b'e  
ghabhas ris an leanabh so ann am  
ainmse, tha e a' gabhail riumsa:  
agus ge b'e neach a ghabhas riumsa,  
tha e gabhail ris an ti a chuir uaith  
mi: oir an neach a's lugha 'nar  
measgsa uile, bithidh esan mòr.

49 Agus fhreagair Eoin, agus  
thubhairt e, A mhaighstir, chunnaic  
sinne duine àraidh a' tilgeadh mach  
dheamhan a' t'ainmse; agus bhac  
sinn e, chion nach 'eil e 'gar lean-  
tuinn-ne.

50 Agus thubhairt Iosa ris, Na  
bacaibh e: oir ge b'e nach 'eil 'nar  
n-aghaidh, tha e leinn.

51 A nis an uair a choimhlionadh  
laithean a ghabhail suas, shuidhich  
e a ghnùis chum dol gu Hierusa-  
lem,

52 Agus chuir e teachdairean  
roimh a ghnùis: agus dh'imich iad,  
agus chaidh iad a steach do bhaile  
leis na Samaritanaich, a dh'ulluchadh  
air a shonsan.

53 Agus cha do ghabh iadsan ris,  
a chionn gu'n robh aghaidh mar  
gu'm biodh e dol gu Hierusalem.

54 Agus an uair a chunnaic a  
dheisciobuil Seumas agus Eoin so,  
thubhairt aid, A Thighearn, an àill  
leat gu'n abramaid<sup>d</sup> teine a theachd  
a nuas o nèamh, agus an losgadh,  
eadhon mar a rinn Elias?

55 Ach thionndaidh esan agus  
chrònuich e iad, agus thubhairt e,  
Cha 'n'eil fhios agaibh ciod a' ghné  
spioraid d'am bheil sibh:

56 Oir cha d'thainig Mac an duine  
a sgrios anama dhaoine, ach g'an  
saoradh. Agus chaidh iad gu baile  
eile.

57 Agus tharladh, an uair a bha  
iad ag imeachd air an t-slighe, gu'n  
dubhairt duine àraidh ris, A Thigh-  
earn, leanaidh mise thu ge b'e àit an  
d'théid thu.

58 Agus thubhairt Iosa ris, Tha  
tuill e aig na sìonnaich, agus nid aig  
eunlaith an athair, ach cha 'n'eil ait  
aig Mac an duine anns an cuir e  
cheann fuidhe.

59 Agus thubhairt e ri duine eile,  
Lean mise: ach thubhairt esan, A  
Thighearn, leig dhomh dol air tùs  
agus m'athair adhlac.

<sup>a</sup> is e m'aon ghin e. <sup>b</sup> choirbte.  
<sup>c</sup> chum nach mothaicheadh iad e.

<sup>d</sup> orduicheamaid.  
brocluidh.

<sup>e</sup> garaidh,

60 Ach thubhairt Iosa ris, Leig leis na mairbh am mairbh féin adhlac; ach imich thusa agus searmonaich rioghachd Dhé.

61 Agus thubhairt neach eile mar an ceudna, A Thighearn, leanaidh mise thu: ach leig dhomh air tús mo chhead a ghabhail diubhsan a ta aig mo thigh.

62 Ach thubhairt Iosa ris, Cha'n eil neach air bith, a chuireas a lámh ris a' chrann-araidh, agus a sheallas 'na dhéigh, iomchuidh air son rioghachd Dhé.

# CAIB. X.

**A**N déigh nan nithe sin, dh'ord-uich an Tighearna mar an ceudna deichnear agus tri fichead eile, agus chuire lion dithis is dithis roimh a ghnúis iad, do gach baile, agus áit, anns an robh e féin gu teachd.

2 Air an aobhar sin thubhairt e riu, *Tha* 'm foghara gu firinneach mór, ach *a ta* an luchd oibre tearc: guidhibh uime sin air Tighearn an fhogharaidh, luchd oibre chur a mach chum fhogharaidh féin.

3 Imichibh: feuch, a ta mise 'gar cur a mach mar uain am measg mhadradh alluidh.

4 Na iomchairibh sporan, nò mála, no brògan; agus na beannuichibh do neach air bith san t-slighe.

5 Agus ge b'e tigh d'an d'théid sibh a steach, abraibh air tús, *Sith do'n tigh so*.

6 Agus ma bhios mac na sith an sin, gabhaidh bhur sith còmhnuidh air: ach mur bi, pillidh *bhur sith* chugaibh a féin a ris.

7 Agus fanaibh anns an tigh sin, ag itheadh agus ag òl nan nithe a bheirear dhuibh: oir is fiu an t-oibriche a thuarasdál. Na rachaibh o thigh gu tigh.

8 Agus ge b'e baile d'an d'théid sibh a steach, agus san gabh iad ribh, ithibh na nithe sin a chuireas iad 'nar láthair.

9 Agus leighisibh a' mhuinntir a ta euslan ann, agus abraibh riu, *Tha* rioghachd Dhé air teachd am fagus duibh.

10 Ach ge b'e baile d'an d'théid sibh a steach, agus nach gabh iad ribh, air dhuibh dol a mach air a shráidibh, abraibh,

11 Eadhon duslach bhur baile a lean ruinn, tha sinne a' glanadh dhinn 'nar n-aghaidhse: gidheadh, biodh fhios so agaibh gu'n do dhruid rioghachd Dhé ribh.

12 Ach a deirimse ribh, gur so-

iomchair' a bhitheas e do Shodom san là ud, na do'n bhaile sin.

13 Is anaoibhinn duit, a Chorasín, is annoibhinn duit, a Bhetsaida; oir nam bitheadh na h-oibre cumhachdach a rinneadh annaibhse air an deanamh ann an Tirus agus ann an Sidon, is fad o'n a dheanadh iad aithreachas, 'nan snidhe ann an saic eudach agus ann an luaithre.

14 Ach bithidh e ni's so-iomchaireb do Thirus agus do Shidon anns a' bhreitheanas, na dhuibhse.

15 Agus thusa, a Chapernaum, a ta air t'ardachadh gu nèamh, tilgear sìos gu h-ifrinn thu.

16 Esan a dh'éisdeas ribhse, éisdidh e riumsa: agus esan a dhiultas sibhse, tha e ga m' dhiultadhsa: agus an neach a dhiultas mise, tha e a' diultadh an ti a chuir uaith mi.

17 Agus phill an deichnear agus an tri fichead le gairdeachas, agràdh, a Thighearn, a ta na deamhain féin fa smachd againne trid t'ainmsa.

18 Agus thubhairt e riu, Chunnaic mi Satan, mar dhealanach, a' tuiteam o nèamh.

19 Feuch, a ta mi tabhairt dhuibh cumhachd saltair air nathraichibh agus air scorpionaibh agus air uile neart an nàmhaid; agus cha ghoirtich ni air bith air aon dòigh sibh.

20 Gidheadh na deanaibh gairdeachas air son gu bheil na spioraid fa' smachd; ach deanaibh gairdeachas air son gu bheil bhur n-ainmeanna scriobhta anns na nèamhaibh.

21 Anns an uair sin féin rinn Iosa gairdeachas 'na spiorad, agus thubhairt e, Tha mi toirt buidheachais duit, O Athair, a Thighearna nèimhe agus talmhainn, air son gu'n d'fhol-aich thu na nithe se o *dhaoinibh* glíce agus tuigseach, agus gu'n d'fhoillsich thu iad do naoidheanaibh: seadh, Athair, oir is ann mar sin bu toil leatsa.

22 Tha na h-uile nithe air an tabhairt domhsa le m' Athair: agus cha'n aithne do neach air bith cò e am Mac, ach do'n Athair; no cò e an t-Athair, ach do'n Mhac, agus an neach d'an àill leis a' Mhac fhoillseachadh.

23 Agus air tionndadh r'a dheisciobluibh, thubhairt e riu os ìosal, Is beannuichte na sùilean a chi na nithe ta sibhse a' faicinn.

24 Oir a deirim ribh, Gu'm b'iomadhl fàidh agus rìgh, le'm bu mhiann na nithe fhaicinn a ta sibhse a' faicinn, agus nach fac iad; agus na



nithe a' chluinntinn, ta sibhse a' cluinntinn, agus nach cual iad.

25 Agus feuch, sheas fear-lagha àraidh suas, 'ga dhearbhadh a, agus ag ràdh, A mhaighstir, ciod a nì mi chum gu sealbhaich mi a' bheatha mhaireannach ?

26 Agus thubhairt e ris, Ciod a tha scriobhta san làgh ? cionnus a leughas tu ?

27 Agus ag freagairt dasan, thubhairt e, Gràdhaichidh tu an Tighearna do Dhia le d' uile chridhe, agus le d' uile anam, agus le d' uile neart, agus le d' uil' inntinn, agus do choimhearsnach mar thu féin.

28 Agus thubhairt esan ris, Is ceart a fhreagair thu : deansa so, agus bithidh tu beo.

29 Ach air dhasan toil a bhí aige e féin fhreanachadh, thubhairt e ri h-Iosa, Agus cò e mo choimhearsnach ?

30 Agus fhreagair Iosa, agus thubhairt e, Chaidh duine àraidh sìos o Hierusalem gu Iericho, agus thuit e am measg luchd-reubainn<sup>b</sup>, agus air dhoibh a rùsgadh agus a lotadh, dh'imich iad rompa, air fhàgail-san doibh leth-mharbh.

31 Agus tharladh gu'n d'imich sagart àraidh sìos air an t-slighe sin : agus an uair a chunnaic se e, ghabh e seachad air an taobh eile.

32 Agus mar an ceudna air do Lebhitheach bhí dlùth do'n ionad sin, thainig e agus dh'amhairc e air, agus ghabh e seachad air an taobh eile.

33 Ach air do Shamaritanach àraibh bhí gabhail an rathaid, thainig e far an robh esan : agus an uair a chunnaic se e, ghabh e truas mòr deth,

34 Agus thainig e d'a ionnsuidh, agus cheangail e suas a chreuchdan, a' dortadh ola agus fìona annta, agus chuir e air ainmhidh féin e, agus thug e gu tigh òsda e, agus ghabh e curam dheth.

35 Agus air an là màireach, 'nuair adhfhalbhe, thug e mach dà pheighinn *Romhanach*, agus thug e do fhear an tigh òsda iad, agus thubhairt e ris, Gabh cùram dheth ; agus ge b'e nì tuilleadh a chaitheas tu, an tràth philleas mise air m'ais, dìolaidh mi dhuit e.

36 Cò a nis do'n triur so, a shaoileas tu, bu choimhearsnach dhasan, a thuit am measg an luchd reubainn ?

37 Agus thubhairt esan, An ti a rinn tròcair air. An sin thubhairt Iosa ris, Imich thusa, agus dean mar an ceudna.

38 Agus ag imeachd dhoibh, chaidh e steach do bhaile àraidh ; agus ghabh bean àraidh, d'am b'ainm Marta, d'a tigh féin e.

39 Agus bha piuthar aice d'an goirte Muire, a suidh aig cosaibh Iosa, agus a bha 'g éisdeachd fhocail.

40 Ach bha Marta air a ro chùradh le mòran frithealaidh, agus air seasamh dhi 'na làthair, thubhairt, i, A Thighearna, nach 'eil suim agad gu'n d'fhàg mo phiuthar mise a'm aonar ri frithealadh ? uime sin abair rithe cuideachadh leam.

41 Agus fhreagair Iosa, agus thubhairt e rithe, a Mharta, a Mharta tha thusa lan cùrain, agus dragha mu thimchioll mòrain do nithibh :

42 Ach a ta aon nì feumail. Agus rinn Muire roghainn do'n chuid mhaith sin, nach d'fhoirear uaipe.

## CAIB. XI.

**A** GUS tharladh air dha bhì ann an ionad àraidh ri h-ùrnuigh, 'nuair a sgùir e, gu'n dubhairt neach àraidh d'a dheisciobluibh ris, A Thighearna, teagaisg dhuinne ùrnuigh dheanamh, mar a theagaisg Eoin d'a dheisciobluibh féin.

2 Agus thubhairt e riu, 'Nuair a nì sibh ùrnuigh, abraibh, Ar n-Ath-air a ta air neamh, Gu naomhaichear t'ainm. Thigeadh do rìoghachd. Deanar do thoil, mar air neamh, gu mu h-amhluidh sin air thalamh.

3 Tabhair dhuinn o là gu là ar n-aran lathail.

4 Agus maith dhuinn ar peacaidh : oir a ta sinne féin a' maitheadh do gach aon air am bheil fiachan againn. Agus na leig ann am buaireadh sinn, ach saor sinn o'n olc.

5 Agus thubhairt e riu, Cò agaibhse aig am bi caraid, agus a theid d'a ionnsuidh air mheadhon-oidheche, agus a their ris, A charaid, thoir dhomh tri buillinnean air iasachd ;

6 Oir thainig caraid dhomh a' m' ionnsuidh as a shlighe, agus cha 'n'eil nì agam a chuireas mi 'na làthair.

7 Agus gu'm freagair esan o'n taobh a stigh agus gu'n abair e, Na cuir dragh orn : tha 'n doras a nis air a dhùnadh, agus tha mo chlann maille rium san leabaibh ; cha'n fhaigh mi éirigh agus an toirt duit.

8 A deirim ribh, Ge nach éirich e agus nach toir e dha, air son gur e charaid e ; gidheadh air son a liosdachd, éiridh e agus bheir e dha mheud 's a ta dh'uireasbhuidh air

9 Agus a deirimse rihh, Iarraibh, agus bheirear dhuibh : siribh, agus gheibh sibh : buailibh an dorus, agus fosgailear dhuibh.

10 Oir gach neach a dh'iarras, glacaidh e : agus an ti a shireas, gheibh e : agus do'n ti a bhuaileas, fosgailear e.

11 Ma dh'iarras mac aran air aon neach agaibhse ta 'na athair, an toir e dha clach ? no ma dh'iarras e iasg, an toir e nathair dha an àit éisg ?

12 No ma dh'iarras e ubh, an toir e scorpion da ?

13 Air an aobhar sin ma 's aithne dhuibhse a ta olc, toidhlacan maithe a thoirt d'ar cloinn, nach mòr is mò na sin a bheir bhur n-Athair nèamhaidh an Spiorad naomh dhoibhsan a dh'iarras air e ?

14 Agus bha e tilgeadh a mach deamhain, agus bha e balbh. Agus air dol do'n deamhan, a mach, labhair am balbhan ; agus ghabh an sluagh iongantas.

15 Ach thubhairt cuid diubh, ls ann trid Bheelsebub prionnsadh a nan deamhan a ta e tilgeadh mach dheamhan.

16 Agus dh'iarr dream eile dhiubh, 'ga dhearbhadh, comhar air o nèamh.

17 Ach air dhasan an smuaintean a thuigsinn, thubhairt e riu, Gach rioghachd a ta roinnte 'na h-aghaidh féin, fàsaichear i ; agus gach tigh a ta roinnte 'na aghaidh féin, tuitidh e.

18 Agus ma ta Satan mar an ceudna air a roinn 'na aghaidh féin, cionnus a sheasas a rioghachd ? oir tha sibhse ag ràdh, gu bheil mise trid Bheelsebub a' tilgeadh mach dheamhan.

19 Agus ma 's ann tre Bheelsebub ataimse tilgeadh mach dheamhan, cò e trid am bheil bhur clann-sa 'gan tilgeadh mach ? uime sin bithidh iadsan 'nam breitheanaibh oirbh.

20 Ach ma 's ann le mèur Dhe ataimse a' tilgeadh mach dheamhan, tha rioghachd Dhé, gun teagamh, air teachd oirbhse.

21 'Nuair a ghleidheas duine làidir sa armaibh a thallab féin, tha na bhuineas da ann an sith.

22 Ach an uair a thig duine a's treise na e, agus a bheir e buaidh air, bheir e uaith armachd uile anns an robh a dhòigh, agus roinnidh e a chreach.

23 An neach nach 'eil leamsa, tha e a'm' aghaidh, agus an neach nach 'eil a' cruinneachadh leamsa, sgapaidh e.

a ceannard, ceann-feadhna. b a chùirt.

24 'Nuair a théid an spiorad neo-ghlan a mach a duine, imichidh e tre ionadaibh tiorma, 'g iarraidh fois : agus an uair nach faigh e sin, their e, Pillidh mi dh'ionnsuidh mo thighe as an d'thainig mi.

25 Agus air dha teachd, gheibh se e air asguabadh agus air a deanamh maiseach.

26 An sin imichidh e, agus bheir e leis seachd spioraid eile a's measa na e féin, agus air dhoibh dol a steach, gabhaidh iad còmhnuidh an sin : agus bithidh deireadh an duine sin ni 's measa na a thoiseach.

27 Agus an uair a bha e labhairt nan nithe so, thog bean àraidh do'n t-sluagh a guth, agus thubhairt i ris, Is beannuicht' a' bhrù a ghiùlain thu, agus na cìochan a dheoghail thu.

28 Ach thubhairt esan, Is mò gur beannuicht' iadsan a dh'éisdeas ri focal Dé, agus a choimhideas e.

29 Agus an uair a chruinnich an sluagh gu tiugh d'a ionnsuidh, thòisich e air a ràdh, Is droch ghinealach so : tha iad ag iarraidh comharaidh, agus cha toirear comhara dhoibh, ach comhara Ionais an fhàidh.

30 Oir mar a bha Ionas 'na chomhara do mhuinntir Ninebheh, is ann mar sin mar an ceudna bhios Mac an duine do'n ghinealach so.

31 Eiridh ban-righinn na h-àirde deas suas anns a' bhreitheanas maille ri daoineibh a' ghinealach so, agus dèidh si iad : oir thainig ise o iomall-aibh na talmhainn, a dh'éisdeachd ri gliocas Sholaimh ; agus feuch, a ta ni's mò na Solaimh an so.

32 Eiridh muinntir Ninebheh suas anns a' bhreitheanas maille ris a' ghinealach so, agus dèidh iad e : oir rinn iadsan aithreachas le searmoin Ionais : agus feuch, a ta ni's mò na Ionas an so.

33 Cha'n eil neach sam bith, air dha coinneal a lasadh, a chuireas am folach i, no fuidh shoitheach ; ach ann an coinneil, chum 's gu 'm faic an dream a thig a stigh an solus.

34 'S i an t-sùil solus a' chuirp : uime sin an uair a bhios do shùil glan bithidh do chorp uile làn soluis : ach an uair a bhios do shùil gu h-olc, bithidh do chorp mar an ceudna dorch.

35 Uime sin thoir an aire. nach bi 'n solus a ta annad 'na dhorchadas.

36 Air an aobhar sin ma bhitheas do chorp uile soillseach, gun chuid sam bith dheth dorch, bithidh e soillseach gu h-iomlan, mar an uair

a shoillsichead coinneal thu le dealradh.

37 Agus ag labhairt dhasan, dh'iarr Phairiseach àraidh air a dhinneir a ghabhail maille ris: agus chaidh e stigh, agus shuidh e chum bidh.

38 Agus an uair a chunnaic am Phairiseach sin, b'ìoghnadh leis nach d'ionnlaid se e féin roimh a dhinneir.

39 Agus thubhairt an Tighearna ris, A nis, Phairiseacha, glanaidh sibhse an taobh a muigh do'n chupan agus do'n mhèis: ach a ta 'n taobh a stigh dhibh làn do reubainn agus a dh'aingidheachd.

40 Amadana, an ti a rinn an ni a ta 'n taobh a muigh, nach do rinn e an ni a ta 'n taobh a stigh mar an ceudna?

41 Ach thugaibh uaibh déirc do na nithibh a ta agaibh: agus feuch, a ta na h-uile nithe glan duibh.

42 Ach is anaoibhinn duibh, Phairiseacha: oir a ta sibh a' toirt deachaimh a moinnt, agus a rù, agus as gach uile ghnè luibheanna, agus a' gabhail thairis air breitheanas agus air gràdh Dhé: bu chòir dhuibh iad so a dheanamh, agus gun iad sud fhàgail gun deanamh.

43 Is anaoibhinn duibh, Phairiseacha: oir is ionmhuinn libh na ceud àiteacha-suidhe anns na sion-agogaibh, agus fàilte *shaotainn* air na margaidh.

44 Is anaoibhinn duibh, a scrìobh-uichean agus Phairiseacha, a chealg-airean: oir a ta sibh mar a'ighean nach faicear, agus do nach toir na daoine a ta 'g imeachd thairis orra, an aire.

45 Agus fhreagair duine àraidh do'n luchd lagha, agus thubhairt e ris, A mhaighstir, le so a labhairt, tha thu toirt maslaidh dhuinne mar an ceudna.

46 Agus thubhairt esan, Is anaoibhinn duibhse mar an ceudna a luchd-lagha: oir a ta sibh a' cur uallacha troma do ghiùlan air daoineibh, agus cha bhean sibh féin ris na h-ullaichibh le h-aon d'ar mèuraibh.

47 Is anaoibhinn duibh: oir a ta sibh a' togail àitean-adhlaid nam fàidh, agus is iad bhur n-aithriche a mharbh iad.

48 Gu deimhin a ta sibh a' toirt fianuis gu bheil sibh ag aontachadh le gnìomharaibh bhur n-aithriche: oir mharbh iadsan gu deimhin iad, agus a ta sibhse a' togail an àitean-adhlaid.

49 Air an aobhar sin thubhairt gliocas Dé, Cuiridh mise fàidhean, agus abstoil d'an ionnsuidh, agus

*cuid* diubh marbhaidh iad, agus *cuid eile* geur-leanaidh iad:

50 Chum gu'n agrar air a' ghinealach so fuil nam fàidh uile, a dhòirt-eadh o thoiseach an domhain;

51 O fhuil Abeil gu fuil Shachar-iais, a mhilleadh eadar an altair agus an teampull: gu deimhin a deirim ribh gu'n agrar i air a' ghinealach so.

52 Is anaoibhinn duibh, a luchd-lagha: oir thug sibh air falbh iuchair an eòlais: cha deachaidh sibh féin a steach, agus an dream a bha dol a steach, bhac sibh iad.

53 Agus an uair a bha e labhairt nan nithe so rin, thòisich na scrìobh-uichean agus na Phairisich air a chur chuige gu dian, agus a tharruing gu labhairt air mòran do nithibh:

54 A deanamh feall-aire air, agus ag iarraidh ni eigin a ghlacadh as a bheul, chum gu'm biodh cùis dhàitidh acà 'na aghaidh.

### CAIB. XII.

**A**NNS an àm sin, an uair a bha sluagh gun àireamh air cruinneachadh, ionns gu 'n robh iad a' saltairt air a chéile, thòisich e air a ràdh r'a dheisciobluibh féin, Roimh gach ni bithibh air bhur faicill o thaois ghoirt nam Phairiseach, eadhon cealgairich.

2 Oir cha 'n'eil ni air bith foluichte, nach foillsichear; no uaigneach, air nach faighear fios.

3 Air an aobhar sin ge b'e ni a labhair sibh san dorchadas, cluinnear e san t-solus: agus an ni a labhair sibh 'sa chluais an seomraichibh uaigneach, gairmear e air mullach nan tighean.

4 Agus a deirim ribhse, mo chàirde, Na biodh eagal oirbh roimh 'n mhuinntir sin a mharbhas an corp, agus 'n na dhéigh sin aig nach 'eil ni tuilleadh dh'fheudas iad a dheanamh.

5 Ach nochdaidh mi dhuibh cò e roimh aa còir dhuibh eagal a bhi oirbh: Biodh eagal an Ti ud oirbh, aig am bheil cumhachd, an déigh neach a mharbhadh, a thilgeadh do ifrinn; seadh, a deirim ribh, Biodh eagal an Ti so oirbh.

6 Nach 'eil cùig gealbhoinn air an reiceadh air dhà fheoirling, agus cha 'n'eil aon diubh air dhearmad am fianuis Dé?

7 Ach a ta eadhon fuilteine bhur cinn uile air an àireamh. Uime sin na biodh eagal oirbh: is fearr sibhse na mòran ghealbhoinn.

8 Agus a deirimse ribh, Ge b'e neach a dh'aidicheas mise am fianuis dhaoiné, aidichidh Mac an duine

esan mar an ceudna an làthair aingle Dhé.

9 Ach ge b'e neach a dh'àicheadhas mise am fianuis dhaoine, àicheadhar esan am fianuis aingle Dhé.

10 Agus ge b'e neach a labhras focal 'an aghaidh Mhic an duine, maithear dha e : ach do'n ti a labhras toibheum an aghaidh an Spioraid naoimh, cha toirear maith-eanas.

11 Agus an uair a bheir iad sibh chum nan sionagog, agus nan uachdaran, agus nan daoine cumhachdach, na biodh e 'na ro-chùram oirbh cionnus no ciod a fhicagrais sibh, no ciod a their sibh :

12 Oir teagaisgidh an Spiorad naomha dhuibh anns an uair sin fein na nithe 's còir dhuibh a ràdh.

13 Agus thubhairt neach àraidh do'n t-sluagh ris, A mhaighstir, abair re m' bhràthair an oighreachd a roinn rium.

14 Agus thubhairt e ris, A dhuine, cò a chuir mise a'm' bhreitheamh, no a'm' fhear-roinn os bhur cionn ?

15 Agus thubhairt e riu, Thugaibh an aire, agus gleidibh sibh féin o shannt : oir cha 'n ann am mòr phailteas nannithe ta e seàlbhachadh tha beatha an duine.

16 Agus labhair e cosamhlachd riu, ag ràdh, Thug fearann duine shaibhir àraidh bàrr pailte uaith.

17 Agus smuainich e ann féin, ag ràdh, Ciod a ni mi, chionn nach 'eil agam àit anns an cruinnich mi mo thoraidh ?

18 Agus thubhairt e, Ni mi so : leagaidh mi mòr shaibhlean, agus togaidh mi *saibhlean* a's mòr ; agus cruinnichidh mi anna sin mo thoraidh uile, agus mo mhaoin.

19 Agus their mi ri m' anam, Anam, a ta agad mòran do nitheibh maithe air an tasgaidh fa chomhair mòrain bhliadhna ; gabh fois, ith, òl, is bi subhach.

20 Ach thubhairt Dia ris, Amadain, air an oidheche so féin iarrar t'anam uait : an sin cò dha a bhuineas na nithe sin a dh'ulluich thu ?

21 Is ann mar sin a ta 'n ti a thaisgeas ionmhas dha féin, agus nach 'eil saibhir a thaobh Dhé.

22 Agus thubhairt e r'a dheisciobluibh, Uime sin a deirimse ribh, na biodh ro-chùram oirbh mu thimchioll bhur beatha, ciod a dh'itheas sibh ; no mu thimchioll bhur cuirp, ciod a chuireas sibh umaibh.

23 Is mò a' bheatha na 'm biadh, a gus an corp na 'n t-eudach.

24 Thugaibh fianear na fithich : oir cha 'n'eil iadsan a' cur no buain ;

cha 'n'eil aca taisg-thigh no sabhal ; agus a ta Dia 'gam beathachadh : Cia mòr is fearr sibhse na 'n eunlaith ?

25 Agus cò agaibhse le ro-chùram is urrainn aon làmh-choille a chur r'a àirde féin ?

26 Mur 'eil sibh uime sin comasach air an ni a's lugha a dheanamh, c'ar son a ta sibh ro-chùramach mu nithibh eile ?

27 Thugaibh fianear na lilighean, cionnus a ta iad a' fàs : cha 'n'eil iad a' saothreachadh, no a' sniomh : gidheadh a deirim ribh, nach robh Solamh féin 'na ghloir uile, air a sgeadachadh mar aon diubh so.

28 Agus ma ta Dia mar sin a sgeadachadh an fheoir, a ta 'n diugh sa' mhachair, agus am maireach air a thilgeadh san àmhuinn ; nach mòr is mò a sgeadaicheas e sibhse, O dhaoine air bheag creidimh ?

29 Uime sin na iarraibhse ciod a dh'itheas sibh, na ciod a dh'òlas sibh, agus na bithibh amharusach.

30 Oir na nithe so uile ta Cinnich an t-saoghail ag iarraidh : ach a ta fhios aig bhur n-Athairse gu bheil feum agaibh air na nithibh sin.

31 Ach iarraibhse rioghachd Dhé, agus cuirear na nithe so uile ribh.

32 Na biodh eagal ort, a threud bhig ; oir is e deadh thoil bhur n-Athar an rioghachd a thoirt dhuibh.

33 Reicibh na bheil agaibh, agus thugaibh déire uaibh : deanaibh dhuibh féin sporain nach fàs sean, ionmhas nach teirig anns na nèamhaibh, far nach d'thig gaduiche am fagus, agus nach truail an reudant.

34 Oir ge b'e àit am bheil bhur n-ionmhas, an sin bithidh bhur cridhe mar an ceudna.

35 Biodh bhur leasruidh criosraichte m'an cuairt, agus bhur lòchrain air an lasadh ;

36 Agus sibh féin cosmhuil ri daoineibh a ta feitheamh an Tighearna, 'nuair a philleas e o'n phòsadh, chum air dha teachd agus bualadh, gu'n grad-fhosgail iad dha.

37 Is beannuichte na seirbhisich sin, a gheibh an Tighearna, 'nuair a thig e, ri faire ; gu deimhin a deirim ribh gu 'n criosraich se e féin m'an cuairt, agus gu'n cuir e 'nan suidhe iad chum bidh, agus gu'n d' thig e mach agus gu'n dean e frithealadh dhoibh.

38 Agus ma thig e san dara faire, no ma thig e san treas faire, agus gu'm faigh e iad mar sin, is beannuichte na seirbhisich sin.

39 Agus biodh cinnt agaibh air so,

a bhan-lamh.

b leomann.



nam biodh fhios aig fear an tighe cia an uair anns an d'thigeadh an gaduiche, gu'n deanadh e faire, agus nach fuilgeadh e a thigh a bhi air a tholladh trid.

40 Bithibhse uime sin deas mar an ceudna: oir thig Mac an duine 'nuair nach saoil sibh.

41 Agus thubhairt Peadar ris, A Thighearn, an ann ruinne ta thu labhairt, a' chosamchlachda so, no ris gach uile?

42 Agus thubhairt an Tighearn, Cò e uime sin an stiùbhard firinneach agus glic sin, a chuireas a Thighearn os cionn a theaghlaich, a thoirt doibh an cuibhrinn bidh 'na àm féin?

43 Is beannuichte an seirbhiseach sin; a gheibh a Thighearn an uair a thig e, a' deanamh mar sin.

44 Gu firinneach a deirim ribh, gu 'n cuir se e os cionn na bheil aige.

45 Ach ma their an seirbhiseach sin 'na chridhe, Tha mo Thighearn a' cur dàil 'na theachd; agus ma thòisicheas e air na h-òglaich agus na ban-òglaich a bhualadh, agus itheadh, agus òl, agus a bhi air mhisg:

46 Thig Tighearn an t-seirbhisich sin ann an là nach 'eil sùil aige ris, agus ann an uair nach fios da, agus gearraidh e 'na bhloighdibh e a, agus bheir e a chuibhrionn da maille ris na mi-chreidich.

47 Agus an seirbhiseach sin d'am b'aithne toil a mhaighstir, agus nach d'ulluich e féin, agus nach d'rinn a réir a thoile, buaillear e le mòran bhuillean.

48 Ach an tì da nach b'aithne, agus a rinn nithe a b'aithidh air buillibh, buaillear esan le beagan do bhuillibh. Oir gach neach d'an d'thugadh mòran iarrar mòran uaith: agus ge b'e ri 'n d'earbadh mòran, iarrar an tuilleadh air.

49 Thainig mise a chur teine air an talamh, agus ciod is àill leam, ma ta e cheana air fhadadh.

50 Ach a ta baisteadh agam ri bhi air mo bhaisteadh leis, agus cionnus a ta mi air mo theannadh gus an coimhlionar e!

51 Am bheil sibh a' saòilsinn gu'n d' thainig mise a thoirt sìth air an talamh? ni h-eadh, a deirim ribh, ach ainnh-reit.

52 Oir bithidh a so suas cùigear an aon tigh air an roinn, triuir an aghaidh dithis, agus dithis an aghaidh triuir.

53 Bithidh an t-athair air a roinn an aghaidh a' mhic, agus am mac

an aghaidh an athar; a' mhàthair an aghaidh na h-inghin, agus an nigh-ean an aghaidh na màthar; a' mhàthair-chéile an aghaidh mnà a mic, agus bean a' mhic an aghaidh a màthar-chéile.

54 Agus thubhairt e mar an ceudna ris an t-sluagh, 'Nuair a chi sibh neul ag éirigh san àirde 'n iar, air ball their sibh, a ta f. s. a' teachd; agus a ta e mar sin

55 Agus an uair a chi sibh a' ghaoth a deas a' séideadh, their sibh, Bithidh teas ann; agus a ta e tachairt.

56 A chealgairean, is aithne dhuibh breth a thoirt air aghaidh nan speur, agus na talnhaonn: ach cionnus nach 'eil sibh a toirt breth air an aimsir so?

57 Agus c'ar son nach 'eil sibh eadhon uaibh féin a' breithneachadh an ni sin a ta ceart?

58 'Nuair a théid thu maille ri d' eascaraidh chum an uachdarain, dean dìchioll san t-slighe air bhi air do shàoradh uaith; air eagal gu'n taruing e chum a' bhreitheimh thu, agus gu'n tabhair am breitheamh thairis do'n mhaor thu, agus gu'n tilg am maor am prìosun thu.

59 A deirim riut, nach d'théid thu mach as sin, gus an loc thu eadhon a' pheghinn dheireanach.

### CAIB. XIII.

**A** GUS bha làthair san àm sin daoine àraidh ag innseadh dha mu thimchioll nan Galiléach, muinntir a mheasg Pilat am fuil maille r'an lobairtibh.

2 Agus fhreagair Iosa agus thubhairt e riu, Am bheil sibh a' saòilsinn gu'n robh na Galiléach sin 'nam peacachaibh ni's mò na na Galiléach uile, air son gu'n d' fhulaing iad a leithid so?

3 Ni h-eadh, a deirim ribh: ach mur dean sibh aithreachas, sgriosar sibh uile mar an ceudna.

4 No na h-òchd fir dheug sin air an do thuit an tùr ann an Siloam, agus a mharbh iad, an saoil sibh gu'n robh iadsan 'nam peacachaibh os cionn nan uile dhaoine a bha 'nan còmhnuidh an Ierusalem?

5 Ni h-eadh, a deirim ribh: ach mur dean sibh aithreachas, sgriosar sibh uile mar an ceudna.

6 Labhair e mar an ceudna an cosamhlachd so: Bha aig deine àraidh crann-fige suidhichte 'na ghàradh fionaid: agus thainig e g'iarraidh toraidh air, agus cha d'fhuair e.

7 An sin thubhairt e ris a' ghàradair<sup>a</sup>, Feuch, a ta mi rè thri bliadhna a' teachd a' dh'iarraidh toraidh air a' chrann-fhlige so, agus cha 'n'eil mi faotainn a bheag: gearr sìos e, c'ar son a ta e fàsachadh an talmhainn?

8 Agus fhreagair esan agus thubhairt e ris, A Thighearna, leig leis air a' bhliadhna so mar an ceudna, gus an cladhaich mi ma thimchioll, agus gu'n cuir mi aolach<sup>b</sup> m'a bhun:

9 Agus ma ghiùlaineas e toradh, is maith sin: ach mur giùlain, 'na dhéigh sin gearraidh tu sìos e.

10 Agus bha e a' teagasg an aon do na sionagogaibh air an t-sàbaid.

11 Agus feuch, bha bean àraidh a làthair aig an robh spiorad anmhuinneachd rè ochd bliadhna deug, agus bha i air a cromadh ri chéile, agus gun chomas aice air chor sam bith i féin a dhìreachadh.

12 Agus an uair a chunnaic Iosa i, ghairm e d'a ionnsuidh i, agus thubhairt e rithe, A bhean, tha thu air d' fhuasgladh<sup>c</sup> o d' anmhuinneachd.

13 Agus chuir e a làmhan oirre: agus air ball d' rinneadh dìreach i, agus thug i glòir do Dhia.

14 Agus fhreagair uachdaran na sionagoige, agus e làn do fheirg air son gu'n d' rinn Iosa leigheas air latha na sàbaid, agus thubhairt e ris an t-sluagh, Tha sea làithean anns an coir<sup>d</sup> obair a dheanamh: orra so air an aobhar sin thigibh, agus bithibh air bhur leigheas, agus na b'ann air latha na sàbaid.

15 An sin fhreagair an Tighearn e, agus thubhairt e, A chealgair e, nach fuasgail gach aon agaibh a dhamh no asal o'n phrasaich, agus nach toir e gu uisge e air latha na sàbaid?

16 Agus nach bu chòir a' bhean so a ta 'na h-inghin do Abraham, a cheangail Satana nis rè ochd bliadhna deug, a bhi air a fuasgladh o'n chuibhreach so air latha na sàbaid?

17 Agus an uair thubhairt e na nithe sin, chuireadh a naimhdean uile gu nàire: ach rinn an sluagh uile gairdeachas, air son nan uile nithe glòrmhor a rinneadh leis.

18 An sin thubhairt e, Cia ris a ta rioghachd Dhé cosmhuil? agus cia ris a shamhlaicheas mi i?

19 Tha i cosmhuil ri gràinne do shìol mustaird, a ghabh duine, agus a chuir e 'na ghàradh, agus dh'fhàs

e, agus rinneadh craobh mhòr dheth: agus rinn eunlaith an athair nid 'na geugaibh.

20 Agus thubhairt e a ris, Cò ris a shamhlaicheas mi rioghachd Dhé?

21 Tha i cosmhuil ri taois ghoirt<sup>f</sup>, a ghabh bean agus a dh'fholaich i an tri tomhasaibh mine, gus an do ghoirticheadh an t-iomlan.

22 Agus chaidh e tres gach cathair agus baile beag, a' teagasg, agus a' gabhail na slighe gu Hierusalem.

23 An sin thubhairt neach àraidh<sup>g</sup> ris, A Thighearn, an tearc iad a shaorar? Agus thubhairt esan riu,

24 Deanaibh spairn chruaidh gu dol a stigh air a' gheata chumhann: oir a deirim ribh, gu'n iarr mòran dol a stigh, agus nach urrainn iad.

25 O'n uair a dh'éireas fear an tighe, agus a dhùineas e 'n dorus, agus a thòisicheas sibhse air seasamh a muigh, agus an dorus a bhualadh, ag radh, A Thighearn, a Thighearn, fosgail duinn; agus air dhasan freagairt their e ribh, Cha'n aithne dhomh sibh, cò as a ta sibh:

26 An sin tòisichidh sibh air a ràdh, Dh' itb sinn agus dh'òl sinn a'd' làthair, agus theagaisg thu 'nar sràidibh.

27 Ach their esan, A deirim ribh, cha 'n aithne dhomh sibh, cò as a ta sibh; imichibh uam uile, a luchd deanamh na h-eucorach.

28 An sin bithidh gul agus giosgan fhiacal, an uair a chi sibh Abraham, agus Isaac, agus Iacob, agus na fàidhean uile ann an rioghachd Dhé, agus sibh féin air bhur tilgeadh a mach.

29 Agus thig iad o'n àird an ear, agus o'n àirde 'n iar, agus o'n àirde tuath agus deas, agus suidhidh iad ann an rioghachd Dhé.

30 Agus feuch, a ta daoine air dheireadh a bhitheas air thoiseach, agus air thoiseach a bhitheas air dheireadh.

31 Air an là sin féin thainig Phairisich àraidh d'a ionnsuidh, ag radh ris, Gabh i a mach, agus imich as so: oir tha toil aig Herod do mharbhadh.

32 Agus thubhairt e riu, Imichibh agus innsibh do'n t-sionnach sin, Feuch, a ta mi tilgeadh mach dheamhan, agus a ta mi deanamh leigheas an diugh, agus am màireach, agus air an treas là bithidh mi air mo dheanamh foirfe.

33 Gidheadh, is éigin domh im-eachd an diugh agus am màireach,

<sup>a</sup> ghairdinear.

<sup>b</sup> inneir.

<sup>c</sup> air do shaoradh.

<sup>d</sup> san uair sin

<sup>f</sup> laibhin.

<sup>g</sup> troimh, trid.

féin.

<sup>e</sup> A cheatguirean.

<sup>h</sup> àraid.

<sup>i</sup> Theirig, Raçh.

agus an là 'na dhéigh sin: oir cha'n fheud e bhi gu'n cuirear fàidh gu bàs a mach a Ierusalem.

34 A Ierusalem, a Ierusalem, a mharbhas nasàidhean, agus a chlach-as an dream a chuirear ad' ionnsuidh: cia minic a b'àill leam do chlann a chruinneachadh, mar a chruinnicheas ceare a h-àlach fuidh a sgiathaibh, agus cha b'àill libh?

35 Feuch, dh'fhàgadh bhur tigh fas agaibh: agus gu deimhin a deirim ribh, nach faic sibh mise, gus an d'thig an t-àm, anns an abair sibh, Is beannuicht' an ti a thig an ainm an Tighearna.

## CAIB. XIV.

**A**GUS tharladh, an tràth chaidh e gu tigh uachdarain àraidh do na Phairisich a dh'itheadh bidh air latha na sàbaid, gu'n robh iad a' deanamh geur fhaire air.

2 Agus feuch, bha duine àraidh 'na làthair air an robh a' mheud-bhronn a.

3 Agus fhreagair Iosa, agus labhair e ris an luchd-lagha, agus ris na Phairisich, ag ràdh, Am bheil e ceaduichte leigheas a dheanamh air latha na sàbaid?

4 Ach dh'fhan iadsan 'nan tosd, Agus air dha breith air, leighis se e, agus leig e uaith e:

5 Agus fhreagair e iadsan b, ag ràdh, Cò agaibhse, ma thuiteas asal no a dhamh ann an slochd, nach tarruing a mach gu grad e air latha na sàbaid?

6 Agus cha b'urrainn iad a fhreagairt a ris anns na nithibh sin.

7 Agus labhair e cosamhlachd c rìusan a fhuair cuireadh, 'nuair a thug e fanear mar a thagh iad na ceud àiteacha-suidhe, ag ràdh riu,

8 'Nuair a gheibh thu cuireadh o neach air bith chum bainne, na suidh anns a' cheud àit: air eagal gu'n d'fhuair duine a's urramaiche na thusa cuireadh uaith;

9 Agus gu'n d'thig an ti a thug cuireadh dhuitse agus dhasan, agus gu'n abair e riut, Thoir àit do'n duine so; agus gu'n tòisich thusa an sin le nàire air suidhe anns an àit a's isle.

10 Ach an uair a gheibh thu cuireadh, imich agus suidh anns an àit a's isle; chum, 'nuair a thig esan a thug cuireadh dhuit, gu'n abair e riut, A charaid, suidh suas ni's àirde: an sin gheibh thu urram an làthair na muinntir a ta 'nan suidhe air bord maille riut.

11 Oir ge b'e neach a dh'àrdaich-

a *dropsy*. Sasg. b *labhair e riu*  
a *rìs*. c *comhad, parabol*.

eas e fèin, islichear e; agus ge b'e neach a dh'islicheas e fèin, àrdaichear e.

12 An sin thubhairt e ris an ti mar an ceudna a thug cuireadh dha, 'N uair a ni thu dinneir no suipeir, na gairm do chàirde, no do bhràithre, no do luchd-dàimh, no do choimh-earsnaich shaibhre; air eagal gu'm toir iadsan mar an ceudna cuireadh dhuitse a ris, agus gu'm faigh thu chomain cheudna.

13 Ach an uair a ni thu cuirm d, gairm na bochdan, na daoine ciurramach, na bacaich, na doill:

14 Agus bithidh tu beannuichte, chionn nach urrainn iad a' chomain cheudna thoirt duit: oir gheibh thu comain ann an aiseirigh nam firean.

15 Agus an uair a chual aon do na shuidh maille ris air bord na nithe sin, thubhairt e ris, Is beannuicht' an-ti sin a dh'itheas aran ann an rioghachd Dhé.

16 Ach thubhairt e an ris, Rinn duine àraidh suipeir mhòr, agus thug e cuireadh do mhòran:

17 Agus chuir e sheirbhiseach uaith an àm na suipeire a ràdh ris a' mhuinntir a fhuair cuireadh, Thigibh, oir a ta na h-uile nithe a nis ullamh.

18 Agus thòisich iad uile a dh'aon ghuth air an leithl-sgeul a ghabhail. Thubhairt an ceud fhear ris, Cheannaich mi fearann, agus is éigin domh dol a mach agus fhaicinn: guidheam ort, gabh mo leith-sgeul.

19 Agus thubhairt fear eile, Cheannaich mi cùig cuing' dhamh, agus a ta mi dol g'an dearbhadh: guidheam ort, gabh mo leith-sgeul.

20 Agus thubhairt fear eile, Phòs mi bean, agus air an aobhar sin cha 'nèil e 'n comas domh teachd.

21 Agus thainig an seirbhiseach sin, agus dh'innis e na nithe sin d'a thighearn. An sin air gabhail feirge do fhear an tìghe, thubhairt e r'a sheirbhiseach, Gabh a mach gu grad gu sràidibh agus gu caol-sràidibh a' bhaile, agus thoir a stigh an so na bochdan, agus na daoine ciurramach, agus na bacaich, agus na doill.

22 Agus thubhairt an seirbhiseach, A Thighearn, rinneadh mar a dh'òrd-uich thu, gidheadh tha àite *salamh* ann fathast.

23 Agus thubhairt an Tighearna ris an t-seirbhiseach, Gabh a mach gus na rathaidibh mòra agus na gàr-achaibh, agus coimh-éignich iad gu teachd a steach, chum's gu 'm bi mo thigh air a lionadh.

d *feisd*.

24 Oir a deirim ribh, nach blais aon do na daoineibh ud, a fhuair cuir-eadh, do m' shuipèirse.

25 Agus bha sluagh mòr ag imeachd maille ris: agus air dhà tionndadh, thubhairt e riu,

26 Ma thig neach air bith do m' ionnsuidhse, agus nach fuathaich e athair, agus a mhàthair, agus a bhean-phòsda, agus a chlann, agus a bhràithrean, agus a pheathraichean, seadh, agus a bheathlamaran ceudna, cha 'n'eil e 'n comas da bhi 'na dheisciobul domhsa.

27 Agus ge b'e neach nach giùlain a chrann-ceusaidh, agus nach lean mise, cha 'n'eil e 'n comas da bhi 'na dheisciobul domhsa.

28 Oir cò am fear aguibhse leis am miann tùr a thogail, nach suidh sìos air tùs, agus nach meas an costus, a dh'fheuchainn am bheil aige na chuireas crìoch air?

29 Air eagalan déigh dha a bhunadh a leagadh, agus gun bhi comas-ach air crìoch a chur air, gu'n thòisich na h-uile a chi e ri fànoid air,

30 Ag ràdh, Thòisich an duine so air tigh a thogail, agus cha b'urrainn e a chrìochnachadh.

31 No cò an rìgh, ag dha dol a mach gu cogadh an aghaidh rìgh eile, nach suidh sìos air tùs, agus nach gabh comhairle, a dh'fheuchainn an urrainn e le deich mìle coinneamh a thoirt dasan a ta teachd le fichead mìle 'n a aghaidh?

32 No air bhi dhasan fathast fad uaith, cuiridh e teachdaireachd a dh'iarraidh cumhachan sìth.

33 Mar sin mar an ceudna, gach neach agaibhse, nach tréig na h-uile nithe a ta aige, cha 'n'eil e 'n comas da bhi 'na dheisciobul domhsa.

34 Tha 'n salann maith: ach ma chailleas an salann a bhlas, ciod e leis an deanar deadh-bhlasda e?

35 Cha 'n'eil e iomchuidh chum na talmhainn, no chum an dùnain a; ach tilgidh daoine mach e. An ti aig am bheil cluasa chum éisdeachd, éisdeadh e.

#### CAIB. XV.

**A**N sin thainig na cìs-mhaoir uile agus na peacaich am fagus da, chum éisdeachd ris.

2 Agus rinn na Phairisich agus na scriobhuichean gearan, ag ràdh, Tha 'm fear so gabhail pheacach d'a ionnsuidh, agus 'ag itheadh maille riu.

3 Agus labhair esan an cosamhlachd so riu, ag ràdh,

4 Cò an duine dhibhse aig am

bheil ceud caora, ma chailleas e aon diubh, nach fàg an naoi deug agus an ceithir fichead anns an fhàsach, agus nach d'théid an déigh na caorach a chailleadh, gus am faigh e i?

5 Agus air dha a faotainn, cuiridh e air a ghuailibh i le gairdeachas.

6 Agus an uair a thig e dhachaidh, gairmidh e a chàirdean agus a choimhearsnaich an ceann a chéile, ag ràdh riu, Deanaibh gairdeachas maille riumsa, chionn gu'n d'fhuair mi mo chaora bha cailte.

7 Mar sin, a deirim ribh, gu'm bi aoibhneas air nàmh air son aon pheacaich a ni aithreachas, ni's mò na air son naoi deug agus ceithir fichead firean, aig nach 'eil feum air aithreachas.

8 No cò a' bhean aig am bheil deich buinn airgid, ma chailleas i aon bhonn diubh, nach las coinneal, agus nach sguab an tigh, agus nach iarr gu dìchiollach gus am faigh i e?

9 Agus air dh'i fhaotainn, gairmidh i a ban-chàirdean agus a banchoimhearsnaich an ceann a chéile, ag ràdh, Deanaibh gairdeachas leamsa, oir fhuair mi m' bonn a chaill mi.

10 Mar an ceudna a deirim ribh, A ta gairdeachas an làthair aingle Dhè, air son aon pheacaich a ni aithreachas.

11 Agus thubhairt e, Bha aig duine àraidh dithis mhac:

12 Agus thubhairt am mac a b'òige dhiubh r'a athair, Athair, thoir dhomhsa a' chuid-roinn a thig orm do d' mhaoin. Agus roinn e eatorra a bheathachadh.

13 Agus an déigh beagain do làthibh, chruinnich am mac a b'òige a chuid uile, agus ghabh e a thurus do dhùthaich fad air astar, agus an sin chaith e a mhaoin le beatha struidheasaich b.

14 Agus an uair a chaith e a chuid uile, dh'éirich gorta ro mhòr san tìr sin; agus thòisich e ri bhi ann an uireasbhuidh.

15 Agus chaidh e agus cheangail se e féin ri aon do shaor-dhaoineibh na dùcha sin: agus chuir e d'a fhearann e, a bhiadhach mhuc.

16 Agus bu mhiann leis a bhrù a lìonadh do na plaosgaibh d a bha na mucan ag itheadh; oir cha d'thug neach air bith dha.

17 Agus an uair a thainig e chuige e féin, thubhairt e, Cia lìon do luchd tuarasdail m'atharsa aig am bheil aran gu leoir f agus r'a sheachnadh,

b anacaithtich. c bhuachailleachd. d cochallaibh. e thuige, d'a

ionnsuidh. f leòr.

a òtraich.



'nuair a ta mise a' bàsachadh le gorta?

18 Eiridh mi, agus théid mi dh'ionnsuidh m'athar, agus their mi ris, Athair, pheacaich mi 'n aghaidh fhlaithéanais, agus a'd' làthairsa.

19 Agus cha 'n fhiu mi tuilleadh gu'n goirte do mhacsa dhiom: dean mi mar aon do d' luchd tuarasdail.

20 Agus dh' éirich e, agus chaidh e dh'ionnsuidh athar. Ach air dha bhi fathast fad uaidh, chunnaic athair e, agus ghabh e truas mòr *dheth*<sup>a</sup>, agus ruith e, agus thuit e air a mhuineal, agus phòg se e.

21 Agus thubhairt am mac ris, Athair, pheacaich mi an aghaidh fhlaithéanais, agus a'd' làthairsa, agus cha 'n fhiu mi tuilleadh gu'n goirte do mhac dhiom.

22 Ach thubhairt an t-athair r'a sheirbhisich, Thugaibh a mach a' chulaidh a's fearr, agus cuiribh uime i, agus cuiribh fàinne air a làimh, agus brògan air a chosaibh.

23 Agus thugaibh an so an laogh biadhtha, agus marbhaibh e; agus itheamaid agus biomaid subhach:

24 Oir bha mo mhac so marbh, agus tha e beo a ris; bha e cailte, agus fhuaradh e. Agus thòisich iad air bhi subhach.

25 A nis bha a mhac bu shine mach san fhearann: agus an uair a thainig e, agus a thàr<sup>b</sup> e 'm fagus do'n tigh, chual e 'n ceòl agus an danntsa.

26 Agus ghairm e chuige aon do na h-òglachaibh, agus dh'fheadraich e ciod bu chiall do na nithibh sin.

27 Agus thubhairt esan ris, Thainig do bhràthair; agus mharbh t'athair an laogh biadhtha, chionn gu'n d'fhuair e ris e slàn fallain.

28 Agus ghabh esan fearg, agus cha b' àill leis dol a stigh: air an aobhar sin thainig athair a mach, agus chuir e impidh air.

29 Ach fhreagairesan agus thubhairt e r'a athair, Feuch, a taims' a' deanamh seirbhis duit an uiread so do bhliadhnaibh, agus uair air bith cha do bhris mi t'àithne, gidheadh cha d'thug thu meann riamh dhomh, chum gu'm bithinn subhach maille ri m' chàirdibh.

30 Ach an uair a thainig do mhac so, a dh'ith suas do bheathachadh maille ri striopaichibh, mharbh thu 'n laogh biadhtha dha.

31 Agus thubhairt e ris, A mhic, tha thusa a ghnàth maille rium, agus na h-uile nithe a's leamsa, is leatsa iad.

32 Bu chòir dhuinn a bhi subh-

ach, agus aoibhneach: oir bha do bhràthair so mharbh, agus tha e beò a ris; agus bha e cailte, agus fhuaradh e.

## CAIB. XVI.

**A** GUS thubhairt e mar an ceud-na r'a dheisciobluibh, Bha duine saibhir àraidh ann aig an robh stiùbhard: agus chasaideadh ris e, mar neach a bha deanamh anacaidh idh air a mbaoin.

2 Agus ghairm se e, agus thubhairt e ris, Ciod so a ta mi cluinntinn a d' tlimchioll, thoir cunntas air do stiùbhardachd: oir cha'n fheud thu bhi ni 's faide a'd' stiùbhard.

3 An sin thubhairt an stiùbhard ann féin, Ciod a ni mi? oir a ta mo mhaighstir a' toirt na stiùbhardachd uam: cha'n urradh mi ruamhar a dheanamh, is nàr leam déire iarraidh.

4 A ta fhios agam ciod a ni mi, chum 'nuair a chuirear as an stiùbhardachd mi, gu'n gabh iad a steach d'an tighibh mi.

5 Agus air dha gach aon diubhsan air an robh fiachan aig a Thighearn a ghairm d'a ionnsuidh, thubhairt e ris a' cheud fhear, Cia meud a ta aig mo Thighearn ortsa?

6 Agus thubhairt esan; Ceud tomhasc ola. Agus thubhairt e ris, Gabh do scriobhadh, agus suidh sìos gu li-ealamh, agus scriobh leth cheud.

7 An sin thubhairt e ri fear eile, Agus cia meud a ta aig ortsa? Agus thubhairt esan, Ceud tomhas d' cruineachd. Agus thubhairt e ris, Gabh do scriobhadh, agus scriobh ceithir fichead.

8 Agus mhol an Tighearn an stiùbhard eucorach, do bhrìgh gu'n d'rinn e gu glic: oir a ta clann an t-saoghail so 'nan ginealach féin ni's glìce na clann an t-soluis.

9 Agus a deirmean ribh, Deanaibh dhuibh féin càirdean le Mamon na h-eucorach; chum 'nuair a shiubhlas sibh e, gu'n gabhar sibh do àitibh-còmhluaidh sìorruidh.

10 An ti a ta firinneach anns an ni a's lugha, tha e firinneach mar an ceudna ann am mòran: agus an ti a ta eucorach anns an ni a's lugha, tha e eucorach ann am mòran mar an ceudna.

11 Air an aobhar sin mur robh sibh firinneach anns an t-saibhreas eucorach, cò a dh'earbas ribh an saibhreas fìor?

12 Agus mur robh sibh firinneach

<sup>a</sup> bat.

<sup>d</sup> òmer.

e 'nuair is bàs duibh.

<sup>a</sup> ris.

<sup>b</sup> tharruing.

ann an cuid duine eile, cò a bheir dhuibh an nì a's libh féin?

13 Cha 'n'eil seirbhiseach sam bith comasach air seirbhis a dheanamh do dhà thighearn : oir an dara cuid fuathaichidh e aon diubh, agus bheir e gràdh do'n fhear eile ; nò gabhaidh e le aon diubh agus nì e tair air an fhear uile. Cha 'n'eil sibh comasach air seirbhis a dheanamh do Dhia agus do Mhamon.

14 Agus chuala na Phairisich, a bhà sanntach, na nithe sin uile : agus rinnt iad fanoid air.

15 Agus thubhairt e riu, Is sibhse an dream a ta 'gar fireanachadh féin am fianuis dhaoine ; ach is aithne do Dhia bhuir cridheacha : oir an nì sin a ta ro mheasail aig daoineibh, is gràineileachd e'm fianuis Dé.

16 Bha 'n lagh agus na fàidhean ann gu teachd Eoin : o sin tha rioghachd Dhé air a searmonachadh<sup>a</sup>, agus a ta gach duine a' dol le dian stri a steach innte.

17 Agus is usadh do nèamh agus do 'n talamh dol thairis, na do aon lide do'n lagh tuiteam.

18 Gach neach a chuireas uaith a bhean, agus a phòsas beaneile, tha e deanamh adhaltrannais : agus ge b'e neach a phosas a' bhean a chuireadh air falbh o a fear, tha e deanamh adhaltrannais.

19 Bha duine saibhir àraidh ann, a bha air a sgeadachadh le purpur agus lion-eudach grinn, agus bha e caitheadh a bheatha gach là gu sòghail le mòr ghreadhnàchas.

20 Agus bha duine bochd àraidh ann, d'am b'ainm Lasarus, a chuireadh 'na luidhe aig a dhorus, làn do chreuchdaibh,

21 Agus bu mhiann leis bhi air a shàsachadh leis an sbruileach a bha tuiteam o bhord an duine shaibhir : seadh, agus thainig na madraidh agus dh'imlich iad a chreuchda.

22 Agus tharladh gu'n d'fhuair an duine bochd bàs, agus gu'n do ghiùlaineadh leis na h-ainglibh e gu uchd Abraham ; fhuair an duine saibhir bàs mar an ceudna, agus dh'adhlaiseadh e.

23 Agus ann an ifrinn thog e suas a shùilean, air dha bhi ann-am piant-aibh, agus chunnaic e Abraham fad uaith, agus Lasarus 'na uchd.

24 Agus ghlaoth e, agus thubhairt e, Athair Abraham, dean trècair orm, agus cuir Lasarus, chum's gu'n tum e bàrr a mheoir ann an uisge, agus gu'm fuaraich e mo theanga ; oir a

ta mi air mo ro-phianadh san lasair so.

25 Ach thubhairt Abraham, A mhic, cuimhnich gu'n d'fhuair thusa do nithe maith e ri àm dhuit bhi beo, agus Lasarus mar an ceudna droch nithe ; ach a nis a ta esan a' faotainn solais agus a ta thusa air do phianadh.

26 Agus a bhàrr air so uile, tha doimhne mhòr air a cur eadar sinne agus sibhse, air chor agus iadsan leis am b' àill dol as so d'ar ionnsuidhse ; nach 'eil e 'n comas doibh, agus nach mòr tha e 'n comas do non neach teachd as sin d'ar n-ionnsuidhne.

27 An sin thubhairt e, Uime sin guidheam ort, athair, gu'n cuireadh tu e gu tigh m'athar :

28 Oir a ta cùigear bhràithrean agam ; chum's gu'n d'thoir e fianuis doibh, air eagal gu'n d'thig iadsan mar an ceudna do'n ionad ro phiantach so.

29 A deir Abraham ris, Tha Maois agus na fàidhean aca, éisdeadh iad riu-san.

30 Agus thubhairt esan, Nì h-eadh, Athair Abraham ; ach ma théid neach d'an ionnsuidh o na marbhaibh, nì iad aithreachas.

31 Agus thubhairt e ris, Mur éisd iad ri Maois agus ris na fàidhibh, cha mhò a chreideas iad, ge d'éireadh neach o na marbhaibh.

# CAIB. XVII.

A N sin thubhairt e r'a dheisciobluibh, Cha 'n fheudar nach d'thig oilbheuman : ach is anaoibhinn *dasan* tre 'n d'thig iad.

2 B'fhearr dha gu'm biodh clach-mhuilinn air a crochadh m'a mhuineal, agus gu'm biodh e air a thilgeadh san fhairge, na gu'n d'thugadh e oilbheum<sup>c</sup> dh'aon neach do'n mhuinntir bhig so.

3 Thugaibh an aire dhuibh féin : ma pheacaicheas do bhrathair a't' aghaidh cronaich e ; agus ma ghabhas e aithreachas, thoir maithneas da.

4 Agus ma pheacaicheas e a't' aghaidh seachd uairean san là, agus gu'm pill e riut, seachd uairean san là, ag ràdh, Tha aithreachas orm ; thoir maithneas da.

5 Agus thubhairt na h-abstoil ris an Tighearn, Meudaich ar creidimh.

6 Agus thubhairt an Tighearn, Nam biodh agaibh creidimh mar ghràinne do shìol mustaird, theireadh sibh ris a' chraoibh. Shicamin so, Bì air do spionadh as do fhreumhaibh, agus bì air do shuidheachadh sa<sup>a</sup> chuan : agus bhitheadh i ùmhha<sup>b</sup> dhuibh.

<sup>a</sup> soisgeulachadh. <sup>b</sup> gorm-dhearg, <sup>c</sup> aobhar tuislidh.

7 Ach cia agaibhse aig am bheil seirbhiseach a' treabhadh, no ri buachailleachd, a deir ris, an déigh dha teachd a steach ò'n fhearann, Thig air ball, agus suidh sìos chum bidh?

8 Agus anabhair e buidheachas do'n t-seirbhiseach sin do bhrìgh gu'n d'rinn e na nithe a dh'orduicheadh dha? ni'n saoillean gu'n tabhair.

10 Mar sin sibhse, 'nuair a ni sibh na h-uile nithe a dh'aitheadh dhuibh, abraibh, Is seirbhiseach neotharbhach sinn: oir rinn sinn a mhàin an ni bu dligheach dhuinn a dheanamh.

11 A nis, ag dol suas da gu Hierusalem, chaidh e tre mheadhon Shamarìa agus Ghalilea.

12 Agus an uair a bha e dol a stigh do bhaile àraidh, thachair deichnear dhaoine air a bha 'nan lobhair, a sheas fad uaith:

13 Agus thog iad suas an guth, ag ràdh, Iosa, a mhaighstir, dean tròcair oirnn.

14 Agus an uair a chunnaic e iad, thubhairt e riu, Imichibh, nochdaibh sibh féin do na sagartaibh. Agus ag imeachd dhoibh, ghlanadh iad.

15 Agus an uair a chunnaic aon diubh gu'n do leighiseadh e, phill e air ais, a' toirt glòire do Dhia le guth àrd,

16 Agns thuit e air aghaidh aig a chosaibh-san, a' toirt buidheachais da: agus bu Shamaritanach e.

17 Agus fhreagair Iosa agus thubhairt e, Nach do ghlanadh deichnear? ach an naoinear, c'ait am bheil iad?

18 Cha d'fhuaradh a phill a thoirt glòire da Dhia, ach an coigreach so.

19 Agus thubhairt e ris, Eirich, imich; shlànuich do chreidimh thu.

20 Agus an uair a dh'fheobraich na Phairisich dheth, c'nin a thigeadh, rioghachd Dhé, fhreagair e iad agus thubhairt e, Cha d'thig rioghachd Dhé air chor gu mothaichear dh'i.

21 Cha mhò a their iad, Fench an so, no, Feuch an sin: oir feuch, a ta rioghachd Dhé an taobh a stigh dhibh.

22 Agus thubhairt e ris na deisciobluibh, Thig na làithean anns am miannach libh aon do làithibh Mhic

an duine fhaicinn, agus cha'n fhaic sibh e.

23 Agus their iad ribh Feuch an so, no, Feuch an sud: na rachaibh, agus na leanaibh iad.

24 Oir mar a ta 'n dealanach a dhealraicheas o aon ionad fa nèamh, a' soillseachadh gus an ionad eile fa nèamh, mar sin a bhitheas Mac an duine mar an ceudna 'na là féin.

25 Ach is éigin da air tùs mòran do nithibh fhulang, agus a bhi air a dhiultadh leis a' ghinealach so.

26 Agus mar a bha e ann an làithibh Noe, mar sin mar an ceudna bithidh e ann an làithibh Mhic an duine.

27 Bha iad ag itheadh agus ag òl, a' pòsadh agus air an tabhairt am pòsadh, gus an là an deachaidh Noe a steach do'n àire: agus thainig an dilec, agus sgrios i iad uile.

28 Amhuil fòs mar a thachair ann an làithibh Lot: bha iad ag itheadh agus ag òl, a' ceannach agus a' reiceadh, a' planndachadh agus a' togail aitreabh:

29 Ach air an là sin féin anns an deachaidh Lot a mach a Sodom, fhrasadh teine agus pronnasc o nèamh, agus sgrios e iad uile:

30 Is ann mar sin a bhitheas anns an là am foillsichear Mac an duine.

31 Anns an là sin, an ti-bhios air mullach an tighe, agus airneis anns an tigh, na d'thigeadh e nuas gus a toirt leis: agus an ti a ta sa' mhachair, na pilleadh esan air ais mar an ceudna.

32 Cuimhnichibh bean Lot.

33 Ge b'e neach a dh'iarras a bheatha féin a thearnadh, caillidh e i; agus ge b'e neach a chailleas a bheatha, gleidhidh esan i.

34 A deirim ribh, anns an oidhche sin bithidh dithis dhaoine-san aon leabaidh; gabhar aon diubh, agus fàgar am fear eile.

35 Bithidh dithis bhan a' bleath & cuideachd; gabhar aon diubh agus fàgar a' bhean eile.

36 Bithidh dithis dhaoine anns a' mhachair; gabhar aon diubh agus fàgar am fear eile.

37 Agus fhreagair iadsan agus thubhairt iad ris, C'ait, a Thighearn? agus thubhairt esan riu, Ge b'e ball am bi'n corp, an sin cruinnichear na h-iolairean.

CAIB. XVIII.

**A** GUS labhair e cosamhlachd riu, a' nochdadh gur coir ùrnuigh a dheanamh a ghnàth, agus gun fhannachadh e.

<sup>a</sup> eadar Samaria agus Galile.

<sup>b</sup> cheana 'nar measg.

<sup>c</sup> tuil.

<sup>e</sup> sgìtheachadh.

<sup>d</sup> meileadh.

2 Ag ràdh, Bha breitheamh ann am baile àraidh, air nach robh eagal Dé, agus aig nach robh urram do dhuine.

3 Agus bha bantrach àraidh sa' bhaile sin, agus thainig i d'a ionnsuidh, ag ràdh, Cum còir rium an agbaidh mo nàmhaid.

4 Agus cha b' àill leis rè tamuill : ach 'na dhèigh sin thubhairt e ann féin, Ge nach 'eil eagal Dé orm, no urram agam do dhuine ;

5 Gidheadh air son gu bheil a' bhantrach so cur dragha orm, cumaidh mi còir rithe, air eagal leis a sìr-theachd gu'n sgithich i mi.

6 Agus thubhairt an Tighearn, Eisdibh ciod a deir am breitheamh eucorach.

7 Agus nach dean Dia dioghaltas air son a dhaoine taghta féin, a ta 'g éigheach ris a là agus a dh' oidhe, ge ta e fad-fhulangach mu'n timchioll ?

8 A deirim ribh gu'n dean e dioghaltas air an son gu luath. Gidheadh, an uair a thig Mac an duine, am faigh e creidimh air an talamh ?

9 Agus labhair e 'n cosamlachd so ri dream àraidh bha 'g earbsadh asda féin gu'n robh iad 'nam fireanaibh, agus a bha deanamh tàir air dream eile :

10 Chaidh dithis dhaoine suas do'n teampull a dheanamh ùrnuigh ; fear diubh 'na Phairiseach, agus an fear eile 'na chis-mhaor.

11 Sheas am Phairiseach leis féin, agus rinn e ùrnuigh mar so, A Dhé, tha mi toirt buidheachais duit nach 'eil mi mar a ta daoine eile, 'nan luchd-foireigin, eucorach, adhaltrannach, no eadhon mar an cis-mhaor so :

12 Tha mi a' trosgadh a dà uair san t-seachdain, tha mi toirt deachaimh as na h-uile nithibh a ta mi sealbhachadh.

13 Agus air seasamh do'n chis-mhaor fad air ais, cha b' àill leis fiu a shùl a thogail suas gu nèamh, ach bhual e uchd, ag ràdh, A Dhia, dean tròcair ormsa ta 'm pheacach.

14 A deirim ribh gu'n deachaidh am fear so sìos d'athigh air fhìreanachadh ni 's mò na'm fear ud eile : oir ge b'e neach a dh'ardaicheas e féin, islichear e ; agus ge b'e a dh'islicheas e féin, àrdaichear e.

15 Agus thug iad d'a ionnsuidh mar an ceudna naoidheana, chum's gu'm beanadh e riu : agus an uair a chunnaic na deisciobuil so, chronaich siad iad.

16 Ach air do Iosa an gairm d'a ionnsuidh, thubhairt e, Fuilgibh do nàleanabaibh teachda'm' ionnsuidh-se, agus na bacaibh iad ; oir is ann d'an leithidibh so ta rioghachd Dhé.

17 Gu deimhin a deirim ribh, ge b'e nach gabh rioghachd Dhé mar leanabh beag, nach d'théid e air chor sam bith a steach innte.

18 Agus dh'fhedraich uachdaran àraidh dheth, ag ràdh, A mhaighstir mhaith, ciod a ni mi chum gu sealbhaich mi a' bheatha mhaireannach ?

19 Agus thubhairt Iosa ris, C'ar son a ghoireas tu maith dhiomsa ? cha'n'eil neach sam bith maith ach a h-aon, eadhon Dia.

20 Is aithne dhuit na h-àitheanta, Na dean adhaltrannas, Na dean mortadh, Na goid, Na toir fianuis bhreige, Thoir onoir do t'athair agus do d' mhàthair.

21 Agus thubhairt esan, Choimhid mi iad sin uile o m' òige.

22 Agus air cluinntinn so do Iosa, thubhairt e ris, Tha aon ni fathast a dh'uireasbhuidh ort : reic na h-uile nithe ta agad, agus roinn air na bochdaibh, agus bithidh agad ionmhas air nèamh agus thig, agus lean mise.

23 Agus an uair a chual e so, bha e ro dhoilich : oir bha mòr bheartas aige.

24 Agus an uair a chunnaic Iosa gu'n robh e lan tuirse, thubhairt e, Cia deacair dhoibhsan c, aigam bheif saibheas, dol a steach do rioghachd Dhe !

25 Oir is usadh do chàmhail dol tre chrò snàthaide, na do dhuine saibhir dol a steach do rioghachd Dhé.

26 Agus thubhairt iadsan a chual a so, Cò ma seadh a dh'fheadas bhi air a shaoradh ?

27 Ach thubhairt esan, Na nithe a ta eucomasach do dhaoineibh, tha iad comasach do Dhia.

28 An sin thubhairt Peadar, Feuch, thréig sinne na h-uile nithe, agus lean sinn thusa.

29 Agus thubhairt esan rin, Gu deimhin a deirim ribh, nach 'eil aon neach a thréig tigh, no pàrantan, no bràithrean, no bean phòsda, no clann air son rioghachd Dhé,

30 Nach faigh mòran ni 's mò anns an aimsir so ta làthair, agus anns an t-saoghal a ta ri teachd a' bheatha mhaireanneach.

31. Agus ghabh e 'n dà fhear



dheug d'a ionnsuidh, agus thubhairt e riù, Feuch, a ta sinn a' dol suas gu Hierusalem, agus bithidh na h-uile nithe a ta scriobhta leis na fàidhibh mu Mhac an duine, air aon coimhliadh.

32 Oir bheirear thair's e do na Cinnich agus theid fanoid a dhean-amh air, agus masluichear e, agus tilgear smugaid air;

33 Agus sgiùrsaidh agus marbhaidh iad e: agus air an treas la éiridh e ris.

34 Agus cha do thuig iadsan aon ni dhiubh so: agus bha na briathra so folaichte orra, agus cha b'aithne dhoibh na nithe a dubhradh.

35 Agus tharladh, nuair a dhruid e ri Ierichò, gu'n robh dall àraidh 'na shuidhe ri taobh na slighe, ag iarraidh déirce.

36 Agus air cluinntinn an t-sluaigh a' dol seachad, dh'fheòraich e ciod e so.

37 Agus dh'innis iad da, gu'm b'e Iosa o Nasaret a bha gabhail seachad.

38 Agus ghlaodh e, ag ràdh, Iosa, Mhic Dhaibhidh, dean tròcair orm.

39 Agus chronaich iadsan a bha air thoiseach e, chum's gu'm biodh e 'na thosd: ach bu mhòid gu'mòr a ghlaodh esan, A Mhic Dhaibhidh, dean tròcair orm.

40 Agus air seasamh do Iosa, dh'aithn e a thoirt d'a ionnsuidh: agus an uair a thainig e 'm fagus da, dh'fheòraich e dheth,

41 Ag ràdh, Ciod is àill leat mise a dheanamh dhuit? agus thubhairt esan, A Thighearn, mi dh'fhaotainn mo radhairc.

42 Agus thubhairt Iosa ris, Gabh do radhairc: shlànuich do chreidimh thu.

43 Agus air ball fhuaire e a radhairc agus lean se e, a' toirt glòire do Dhia: agus thug an sluagh uile cliù do Dhia, 'nuair a chunnaic iad so.

## CAIB. XIX.

**A** GUS air do Iosa dol a steach, chaidh e tre Iericho.

2 Agus feuch, bha duine ann d'am b'ainm Sacheus, agus b'ard chismhaor esan, agus bha e saibhir:

3 Agus bha déidh aige air Iosa fhaicinn, cò e, agus cha b'urrainn e air son an t-sluaigh, chionn gu'n robh e iosal 'na phearsa.

4 Agus ruithe roimhe, agus streap e suas ann an craoibh Shicamoir, chum gu faicheadh se e; oir bha e agus an t-slighe sin a ghabhail.

5 Agus an uair a thainig Iosa chum an àite sin, air dha amharc suas, chunnaic se e, agus thubhairt

e ris, A Shacheuis, thig a nuas gu grad; oir is éigin domhsa stad an diugh aig do thigh.

6 Agus thainig e nuas le cabhaig, agus ghabh e ris gu subhach.

7 Agus an uair a chunnaic iad so, rinn iad uile gearan, ag ràdh, Gu'n deachaidh e steach air aoidheachd gu duine a ta 'na pheacach.

8 Agus sheas Sacheus agus thubhairt e ris an Tighearn, Feuch, a Thighearn, a ta mi toirt leth mo mhaoin do na bochdaibh: agus ma thug mi aon ni o neach air bith le casaid bhréige<sup>a</sup>, bheiream dha a cheithir uiread.

9 Agus thubhairt Iosa ris<sup>b</sup>, Thainig slàint' an diugh a dh'ionnsuidh an tighe so, do bhrìgh gur mac do Abraham esan mar an ceudna.

10 Oir thainig Mac an duine dh'iarraidh agus a thearnadh an ni sin a bha caillte.

11 Agus ag cluinntinn nan nithe sin dhoibh, chuir e ris, agus labhair e cosamhlachd, do bhrìgh gu'n robh e 'm fagus do Hierusalem, agus gu'n do shaoil iadsan gu'm biodh rioghachd Dhé air a grad fhoill-seachadh.

12 Air an aobhar sin thubhairt e, Chaidh duin' uasal àraidh do dhùthaich fad as a dh'fhaotainn rioghachd dha féin, agus a philltinn air ais.

13 Ach ghairm e a dheich seirbhisich<sup>c</sup>, agus thug e dhoibh deich puind, agus thubhairt e riù, Cuiribh gu buil iad, gu's an d'thig mise.

14 Ach bha fuath aig muinntir a dhùcha dha, agus chuir iad teachd-air eachd' na dhéigh, ag ràdh, Cha'n àill leinn an duine so bhi 'na rìgh oirnn.

15 A nis an uair a phill e air ais, an déigh dha an rioghachd fhaotainn, an sin dh'orduich e na seirbhisich ud bhi air an gairm d'a ionnsuidh, d'an d'thug e 'n t-airgiod, chum's gu'm biodh fhios aige ciod a bhuannaich gach aon diubh leis a bhuileachadh.

16 An sin thainig an ceud fhear, ag ràdh, A Thighearn, bhuidhinn do phund deich puind.

17 Agus thubhairt e ris, Is maith, a dheadh sheirbhisich: do bhrìgh gu'n robh thusa firinneach ann an ro-bheagan, biodh agadsa uachdaranachd air deich bailtibh.

18 Agus thainig an dara fear, ag ràdh, A Thighearn, rinn do phund cùig puind.

19 Agus thubhairt e risean, Bi-sa

a gu h-eucorach. b m'a thimchioll. c deichnear d'a sheirbhisich.

mar an ceudna os cionn chùig bailte.

20 Agus thainig fear eile, ag ràdh, a Thighearn, feuch, do phund, a bha agamsa taisgte ann an neapaicina :

21 Oir bha eagal orm romhad, do bhrìgh gur duine geur-theann thu : tha thu a' togail an nì nach do leag thu, agus a' buain an nì nach do chuir thu.

22 Agus thubhairt e ris, As do bheul féin bheiream breth ort, a dhroch sheirbhisich. Bha fhios agad gu'm bu duine geur-theann mi, a' togail an nì nach do leag mi, agus a' buain an nì nach do chuir mi :

23 Air an aobhar sin c'ar son nach do chuir thu m' airgiod do'n bhanc, agus air teachd dhomhsa thogainn e le riadh ?

24 Agus thubhairt e rìusan a bha 'nan seasamh a làthair, Thugaibh uaith am pund, agus thoiribh dhasan e aig am bheil na deich puind.

25 Agus thubhairt iad ris, A Thighearn, tha deich puind aige.

26 Oir a deirim ribh, Gu'n d'thoir-e ar do gach neach aig am bheil : ach uaithsan aig nach 'eil, bheirear eadhon an nì sin a ta aige.

27 Ach thugaibh an so na naimh-dean ud agamsa, leis nach b' àill mise bhì 'm rìgh os an ceann, agus marbh-aibh a'm' fhianuis iad.

28 Agus air dha so a ràdh, dh'im-ich e rompa, a' dol suas gu Hierusalem.

29 A nis an uair a dhruid e ri Betphage agus Betani, làimh ris an t-sliabh d'an goirear c sliabh nan crann-ola, chuir e dithis d'a dheisciobluibh uaith.

30 Ag ràdh, Imichibh do'n bhaile ta fa'r comhair ; anns am faigh sibh, air dol dhuibh a steach, searrach ceangailte, air nach do shuidh aon duine riamh : fuasglaibh, agus thug-aibh an so e.

31 Agus ma dh'fheòraicheas neach air bith dhibh, C'ar son a ta sibh 'g a fhuasgladh ? mar so a their sibh ris, A ta feum aig an Tighearn air.

32 Agus air imeachd dhoibhsan a chuireadh air falbh, fhuair iad mar thubhairt e riu.

33 Agus an uair a bha iad a' fuasgladh an t-searraich, thubhairt a shealbhadairean riu, C'ar son a ta sibh a' fuasgladh an t-searraich ?

34 Agus thubhairt iadsan, Tha feum aig an Tighearn air.

a bréid, lamh-anart. b nach d'thug thu m'airgiod do'n luchd-malairt. c d'an gairmear, ris an abrar.

35 Agus thug iad gu h-Iosa e : agus thilg iad am falluingean air an t-searrach, agus chuir iad Iosa air.

36 Agus ag imeachd dhasan, sgaoil iad an falluingean fuidhe air an t-slighe.

37 Agus an uair a thainig e 'm fagus, eadhon gu dol sìos sléibh nan crann-ola, thòisich mòr chuideachd nan deisciobul uile ri gairdeachas a dheanamh, agus moladh a thoirt do Dhia le guth àrd, air son nan uile oibre cumhachdach a chunnaic iad,

38 Ag ràdh, Ga ma beannuicht' an rìgh a ta teachd an ainm an Tighearna : sìth air nèamh, agus glòir anns na h-àrdaibh.

39 Agus thubhairt cuid do na Phairisich o mheasg an t-sluaigh ris, A mhaighstir, cronaich do dheisciob-uil.

40 Agus fhreagair esan, agus thubhairt e riu, A deirim ribh, nam fanadh iad sin 'nan tosd gu'n glaothadh na clacha féin.

41 Agus an uair a thainig e 'm fagus, chunnaic e 'm baile, agus ghuil e air a shon,

42 Ag ràdh, O gu'm b'aithne dhuit, eadhon dhuitse, air bheag sam bith ann ad latha so féin, na nithe a bhuineas do d' shìth ! ach a nis a ta iad folaichte o d' shùilibh.

43 Oir thig na làithean ort, anns an tilg do naimhde dig mu d' thimchioll, agus an iadh iad uma d'm'an cuairt, agus an druid iad a stigh air gach taobh thu,

44 Agus an leag iad co ìosal ris an làr thu, agus do chlann annad, agus nach fàg iad annad clach air muin cloiche ; do bhrìgh nach b'aithne dhuit aimsir t'fhiosrachaidh.

45 Agus chaidh e steach do'n teampull, agus thòisich e air an dream a bha reiceadh, agus a' ceannach ann a thilgeadh mach,

46 Ag ràdh riu, Tha e scriobhta, Is tigh àrnuigh mo thighsa ; ach rinn sibhse 'na gharaidh luchd-reubainne.

47 Agus bha e gach là a' teagasg san teampull. Ach dh'iarr na h-àrd shagairt agus na scriobhuichean, agus ceannardan a' phobuill esan a mhilleadh,

48 Gidheadh cha robh fhios aca ciod a dheanadh iad : oir bha 'm pobull uile ag éisdeachd ris le ro-aire.

# CAIB. XX.

A GUS tharladh air aon do na làithibh sin, an uair a bha e teagasg a' phobuill san teampull,

d Nam b'aithne dhuit.

agus a' searmonachadh an t-soisgeil, gu'n d'thainig na h-àrd shagairt agus na scrìobhuichean air, maille ris na seanairibh.

2 Agus labhair iad ris, ag ràdh, Innis duinn ciod e an t-ùghdarras leis am bheil thu a' deanamh nan nithe so? no còsan a thug an t-ùghdarras so dhuìt?

3 Agus fhreagair esan agus thubhairt e riu, Feòraichidh mise mar an ceudna aon ni dhibhse; agus freagraibh mi:

4 Baisteadh Eoin, an ann o nèamh a bha e, no o dhaoineibh?

5 Agus reusonaich iad eatorra féin, ag ràdh, Ma their sinn, O nèamh, their esan, C'ar son ma ta nach do chreid sibh e?

6 Ach ma their sinn, O dhaoineibh, clachuidh an sluagh uile sinn; oir is deimhin leo gu'm b'fhàidh Eoin.

7 Agus fhreagair iadsan, Nach robh fhios aca cia uaith a bha e.

8 Agus thubhairt Iosa riu, Ni mò a dh'inneas mise dhuibhse ciod e an t-ùghdarras tre 'n deanam na nithe so.

9 An sin thòisich e air a' chosamhlachd so a labhairt ris an t-sluagh: Phlannuich duine àraidh fion-lios, agus shuidh e air tuath e; agus chaidh e air choigrich rè aimsir fhada.

10 Agus anns an àm dhligheach chuir e seirbhiseach dh'ionnsuidh na tuatha, chum gu'n d'thugadh iad da do thoradh an fhion-lios: ach ghabh an tuath air, agus chuir iad uatha falamh e.

11 Agus a ris chuir e seirbhiseach eile uaith; agus ghabh iad a' sealltainn mar an ceudna agus mhaslach iad e, agus chuir iad uatha falamh e.

12 Agus a thuilleadh air sin chuir e 'n treas seirbhiseach uaith; agus lot iad esan mar an ceudna, agus thilg iad a mach e.

13 An sin thubhairt Tighearn an fhion-lios, Ciod a ni mi? cuiridh mi mho Mhac gràdhach d'an ionnsuidh: feudaich e bi, air fhaicinn doibh, gu'n d'thoir iad urram dha.

14 Ach an uair a chunnaic an tuath e, reusonaich iad eatorra féin, ag ràdh, Is e so an t-oighre: thigibh, marbhamaid e, chum's gu'm bi 'n oighreachd againn féin.

15 Agus thilg iad a mach as an fhion-lios e, agus mharbh iad e. Ciod òime sin a ni Tighearn an fhion-lios riu?

16 Thig e agus sgriosaidh e an tuath ud, agus bheir e 'm fion-lios do dhaoineibh eile. Agus an uair a

chual iad so, thubhairt iad, Nar leigeadh Dia.

17 Agus air dhasan amharc orra, thubhairt e, Ciod e so ma seadh a ta scrìobhta, A' chlach a dhiult na clachairean, rinneadh ceann na h-òisinn dith?

18 Ge b'e neach a thuiteas air a' chloich sin, brisear e: ach ge b'e neach air an tuit i, pronnaidh i gu luathreadh e.

19 Agus anns an uair sin féin dh'iarr na h-àrd shagairt agus na scrìobhuichean làmh a chur ann; ach bha eagal an t-sluaigh orra; oir thuig iad gu'm b'ann 'nan aghaidh féin a labhair e 'n cosamhlachd so.

20 Agus rinn iad geur fhaire air, agus chuir iad a mach luchd-feill, a leigeadh orra féin a bhi 'nam fireanaibh, chum's gu'n deanadh iad greim air fhoclaibh, air chor's gu'n d'thugadh iad thairis e do chumhachd agus do ùghdarras an uachdarain.

21 Agus dh'fheòraich iad deth, ag ràdh, A mhaighstir, tha fhios againn gu bheil thu a' labhairt agus a' teagasg gu ceart, agus nach 'eil suim agad do phearsa duine sam bith, ach gu bheil thu teagasg slighe Dhé a réir na fìrinn.

22 Am bheil e ceadaichte dhuinn cìs a thoirt do Cheasar, no nach 'eil?

23 Ach thuig esan an cuilbheartachd, agus thubhairt e riu C'ar son a ta sibh ga m' bhuaireadh?

24 Nochdaibh dhomh peghinn: cia leis an dealbh agus an scrìobhadh a ta oirre? Fhreagair iadsan agus thubhairt iad, Le Ceasar.

25 Agus thubhairt esan riu, Thug-aibhse, air an aobhar sin, do Cheasar na nithe 's le Ceasar, agus do Dhia na nithe 's le Dia.

26 Agus cha b'urrainn iad greim a dheanamh air fhoclaibh an fianuis an t-sluaigh: agus ghabh iad iongantais r'a fhreagradh, agus dh'fhan iad 'nan tosd.

27 An sin thainig d'a ionnsuidh dream àraidh do na Sadusaich (a ta 'g àicheadh gu bheil aiseirigh ann) agus dh'fheòraich iad deth,

28 Ag ràdh, A mhaighstir, scrìobh Maois dhuinn, Nam faigheadh bràthair duin' air bith bàs, agus bean-phòsda aige, agus gu'm faigheadh e bàs gun chlann, gu'n gabhadh a bhràthair a bhean, agus gu'n togadh e suas sliochd d'a bhràthair.

29 Air an aobhar sin, bha seachd-nar bhràithrean ann: agus ghabh an ceud fhear bean, agus fhuair e bàs gun chlann.

30 Agus ghabh an dara fear i mar

mhnai, agus fhuair esan bàs gun chlànn.

31 Agus ghabh an treas fear i; agus mar an ceudna an t-seachdnar. Agus cha d'fhàg iad clann, agus fhuair iad bàs.

32 Fa dheireadh uile fhuair a' bhean bàs mar an ceudna.

33 Anns an aiseirigh uime sin, co dhiubh d'am bean i? oir bha i aig an t-seachdnar 'na mnaoi.

34 Agus fhreagair Iosa, agus thubhairt e riu, Thaclann an t-saoghail so a' pòsadh, agus air an tabhairt am pòsadh:

35 Ach an droing sin a mheas gur airidh iad air an t-saoghal ud fhaghail, agus an aiseirigh o na marbhaibh, cha 'n'eil iad a pòsadh, no air an tabhairt am pòsadh.

36 Agus cha'n urrainn iad bàs fhaghail ni's mò; oir tha iad an coimh-inbhe ris na h-ainglibh, agus is iad clann Dé iad, air bhì dhoibh 'nan cloinn do'n aiseirigh.

37 Ach gu'n éirich na mairbh, nochd Maois fein aig a' phreas, an uair a ta e gairm do'n Tighearn, Dia Abraham, agus Dia Isaac, agus Dia Iacob.

38 A nis cha'n e Dia nam marbh e, ach nam beo: oir a ta iad uile beo dhasan.

39 An sin fhreagair dream àraidh do na scriobhuichibh, agus thubhairt iad, A mhaighstir, is maith a labhair thu.

40 Agus cha robh chridh' aca tuilleadh ni sam bith fheòraich dheth.

41 Agus thubhairt e riu, Cionnus a deir iad gur e Crìosd mac Dhaibhidh?

42 Agus a deir Daibhidh féin ann an leabhar nan Salm, Thubhairt an Tighearn re m' Thighearn Suidh air mo làmh dheis,

43 Gus an cuir mi do naimhde 'nan stòl fuaidh d' chosaibh.

44 Tha Daibhidh air an aobhar sin a' gairm a Thighearna dheth, cionnus ma seadh is e a mhac e?

45 An sin thubhairt e r'a dheis-ciobluibh, ann an éisdeachd an t-sluaigh uile,

46 Thugaibh an aire dhuibh féin o na scriobhuichibh, leis am miann imeachd ann an culaidhibh fada, agus leis an ionmhuinn fáilte fhaotainn air na margaibh, agus na caithrichean a's áirde anns na sionagogaibh, agus na ceud áiteacha-suidhe aig féisdibh;

47 A shluigear suas tighean bhant-rach, agus air sgàth deadh choslais a ni ùrnuighean fada: gheibh iad sin an dìteadh a's mò.

CAIB. XXI.

AGUS air dha aniharc suas, chunnaic e na daoine saibhre a' tilgeadh an tiodhlacan ann an àite coimhead an ionmhais.

2 Agus chunnaic e mar an ceudna bantrach bhochd àraidh a' tilgeadh dà leth-fheoirling an sin.

3 Agus thubhairt e, Gu firinneach a deirim ribh gu'n do chuir a' bhant-rach bhochd so ni's mò ann na iad uile.

4 Oir thilg iad so uile d'am pailteas a steach do thiodhlacaibh. Dhé: ach thilg ise d'a h-uireasbhuidh féin am beathachadh uile a bha aice.

5 Agus air do chuid diubh bhi labhairt mu'n teampull, mar a bha e air a dheanamh maiseach le clach-aibh sgiamhach, agus le tiodhlacaibh, thubhairt e,

6 A thaobh nan nithe so a chi sibh, thig na làithean, anns nach fàgar clach air muin cloiche dhiubh nach tilgear sìos.

7 Agus dh'fheòraich iadsan deth, ag ràdh, A mhaighstir, c'uin ma ta bhitheas na nithe so? agus ciod e an comhara 'nuair a bhios na nithe so gu teachd gu crìch?

8 Agus thubhairt esan, Feuchaibh nach meallar sibh; oir thig mòran ann am ainmse, ag ràdh, Is mise Crìosd; agus a ta'n t-àm am fagus: uime sin na leanaibh iad.

9 Ach an uair a chluinneas sibh mu chogannaibh, agus mu cheann-aircibh<sup>a</sup>, na biodh m'orgheilt oirbh: oir is éigin do na nithibh so tachairt air tùs, ach cha 'n'eil a' chrioch air bàll.

10 An sin thubhairt e riu, Eiridh cinneach an aghaidh cinnich, agus rioghachd an aghaidh rioghachd:

11 Agus bithidh criothanna mòra talmhainn ann an iomadh àit, agus gortaidh, agus plàighean, agus nithe uamhasach, agus comharan mòra o nèamh.

12 Ach rompa so uile cuiridh iad làmh annaibhse, agus geur-leanaidh iad sibh, 'gar tabhairt thairis do choimh-thionalaibh<sup>b</sup> agus do phrìosunaibh, 'gar tabhairt chum rìghrean agus uachdarana airsgàth m'ainmese.

13 Agus tachraidh so dhuibhse mar fhianuis.

14 Air an aobhar sin daingnichibh am bhur cridhibh, gun smuaineachadh roimh làmh, ciod a fhreagras sibh air bhur son féin:

15 Oir bheir mise dhuibh beul agus gliocas, nach bi bhur naimhdean

<sup>a</sup> bhuaireas, éirigh-mach.

<sup>b</sup> shionagogaibh.



uile comasach air labhairt no cur<sup>a</sup> 'na aghaidh.

16 Agus brathar sibh le'r pàrant-  
aibh agus le'r bràithribh, agus le'r  
luchd dàimhe agus le'r cairdibh;  
agus bheir iad fàinear *cuid* dhibh a  
chur gu bàs.

17 Agus bithidh fuath aig na  
h-uile dhaoineibh dhuibh air son  
m'ainmese.

18 Ach cha chaillear fuilteina<sup>a</sup> do  
ghruaig bhur cinn.

19 Ann bhur foighidin sealbhaich-  
ibh bhur n-anama féin.

20 Agus an uair a chi sibh Ierusa-  
lem air a cuairteachadh le armailt-  
ibh, an sin biodh fhios agaibh gu  
bheil a fàsachadh am fagus.

21 An sin teicheadh iadsan a ta  
ann Iudea chum nam beann, agus  
imicheadh iadsan a ta 'na meadhonsa  
mach aisde; agus na rachadh iadsan  
a ta sa' mhachair, a steach innte.

22 Oiris iad sinn làithean an diogh-  
altais, chum gu'n coimhlionar na  
h-uile nithe a ta scrìobhta.

23 Ach mo thruaigh na mnà a  
bhios torrach, agus iadsan a bhios a'  
toirt cìche anns na làithibh sin: oir  
bithidh teanntachd<sup>b</sup> mhòr san dùth-  
aich, agus fearg air a' phobull so.

24 Agus tuitidh iad le faobhar a'  
chlaidheimh, agus bheirear iad am  
braighdeanas chum nan uile chinn-  
each: agus bithidh Ierusalem air a  
saltairt sìos fuidh na Cinnich, gus an  
coimhlionar aimsire nan Cinneach.

25 Agus bithidh comharan anns a'  
ghréin, agus anns a' ghealaich, agus  
anns na reultaibh; agus air an tal-  
amh airc nan cinneach, ann an  
iomachomhairle, an cuan agus na  
tonnan a' beuchdaich;

26 Cridhe dhaoine 'gan tréigsinn  
trid eagal, agus feitheamh nan nithe  
sin a ta teachd air an domhan; oir  
bithidh cumhachda nan nèamh air an  
crathadh.

27 Agus an sin chi iad Mac an  
duine a' teachd ann an neul, le cumh-  
achd agus mòr ghloir.

28 Agus an uair a thòisicheas na  
nithe so air tachairt, an sin amhairc-  
ibh suas, agus togaibh bhur cinn;  
oir a ta bhur saorsa am fagus.

29 Agus labhair e cosamhlachd  
riu, Amhaircibh air a' chraoibh-  
fhìge, agus na craobhan uile:

30 'Nuair a bhios iad a cheana a'  
cur a mach an *dùillich*, air fhaicinn  
duibh, aithnichidh sibh uaihbh féin,  
gu bheil an samhradh a nis am  
fagus.

31 Agus mar an ceudna sibhse,  
a' ròinneag. b cruaidh-chàs.

'nuair a chi sibh na nithe so a' tach-  
airt, biodh fhios agaibh gu bheil  
rioghachd Dhé fagus do làimh.

32 Gu deimhin a deirim ribh, nach  
d'théid an linne so thairis, gus an  
coimhlionar na nithe so uile.

33 Théid nèamh agus talamh  
thairis: ach cha d'théid mo bhri-  
athrasa thairis a choidhch.

34 Agus thugaibh an aire dhuibh  
féin, ais eagal uair air bith gu'm bi  
bhur cridhe fuidh uallaich le geòc-  
air-eachd<sup>d</sup>, agus le misg<sup>e</sup>, agus le ro-  
chùram mu nithibh na beatha so,  
agus gu'n d'thig an là sin oirbh gu  
h-obann.

35 Oir mar ribe thig e air na  
h-uile dhaoineibh a ta 'g àiteachadh  
aghaidh na talmhainn uile.

36 Deanaibhse air an aobhar sin  
faire, a deanamh ùrnuigh gach àm,  
chum's gu measar gur airidh sibh  
air dol as o na nithibh sin uile a ta  
gu teachd, agus seasamh an làthair  
Mhic an duine.

37 Agus bha e san là a' teagasg  
san teampull, agus san oidhche  
chaidh e mach, agus dh'fhan e air  
an t-sliabh, d'an goirear *sliabh* nan  
crann-ola.

38 Agus thainig an sluagh uile gu  
moch d'a ionnsuidh san teampull, a  
dh'éisdeachd ris.

## CAIB. XXII.

**A**NIS dhruid *riu* féisd<sup>f</sup> an arain  
neo-ghoirtichte, d'an goirears  
a' chaisg.

2 Agus bha na h-àrd shaghairth  
agus na scrìobhuichean ag iarraidh  
cionnus a dh'fheudadh iad esan a  
chur gu bàs; oir bha eagal an  
t-sluaigh orra.

3 An sin chaidh Satan ann an  
Iudas d'an comh-ainm Iscariot, a  
bha do àireamh an dà fhir dheug.

4 Agus dh'imich e agus labhair e  
ris na h-àrd shagartaibh agus ri  
ceannardaibh an *teampull*, cionnus  
a bhrathadh se esan doibh.

5 Agus bha iad subhach, agus  
rinn iad coimhcheangal airgid a  
thabhairt da.

6 Agus gheall esan, agus dh'iarr e  
àm iomchuidh air a bhrath dhoibh  
gun an sluagh a bhi làthair.

7 An sin thainig là an arain neo-  
ghoirtichte, anns'am b'éigin an t-  
uan-càisge a mharbadh.

8 Agus chuir e uaith Peadar agus  
Eoin, ag ràdh, Imichibh, agus  
alluichibh dhuinn a' chàisg, chum  
gu'n ith sinn i.

c ginealach. d craos. e meisg,  
f féill. g gairmear.  
h prìomh shagairt.

9 Agus thubhairt iadsan ris, C'ait an àill leat sinn a dh'ulluchadh?

10 Agus thubhairt e riu, Feuch, air dhuibh dol a steach do'n bhaile, tachrai lù oirbh duine, a giùlan soithich uisge; leanaihb e do'n tigh anns an d'théid e steach.

11 Agus abruibh ri fear an tighe, A deir am maighstir riut, C'ait am bheil an seòmar aoidheachd anns an ith mi a' chàisg maille ri m' dheisciobluibh?

12 Agus feuchaidh e dhuibh àrd sheomar farsaing uìdhimichte: ulluichibh an sin.

13 Agus dh'imich iad agus fhuair iad mar thubhairt e riu: agus dh'ulluich iad a' chàisg.

14 Agus an tràth thainig an uair, shuidh e sìos, agus an dà abstol deug maille ris.

15 Agus thubhairt e riu, Le mòr thogradh mhiannaich mi a' chàisg so itheadh maille ribh roimh dhomh fulang:

16 Oir a deirim ribh, nach ith mi dhith tuilleadh, gus an coimhlionar i ann an rioghachd Dhé.

17 Agus ghlac e cupan, agus air dha buidheachas a thabhairt, thubhairt e, Gabhaibh so, agus roinnibh eadruibh féin e.

18 Oir a deirim ribh, nach òl mi do thoradh na fionain, gus an d'thig rioghachd Dhé.

19 Agus ghlac e aran, agus an déigh buidheachas a thabhairt, bhris e, agus thug e dhoibhsan e, ag ràdh, 'Se so mo chorpasa a ta air a thoirt air air bhur sonsa: deanuibh so mar chuimhneachan ormsa.

20 Agus mar an ceudna an cupan, an déigh na suipeir, ag ràdh, Is e'n cupan so an tiomnadh nuadh ann am fhuilse, a dhòirteadh air bhur sonsa.

21 Ach feuch, làmh an ti a bhrathas mise maille rium air a' bhòrd.

22 Agus gu firinneach a ta Mac an duine ag imeachd a réir mar a dh'orduicheadh: ach is anaobhinn do'n duine sin leis am brathar e.

23 Agus thòisich iadsan air fiosrachadh eatorra féin, co aca bha gus an ni so a dheanamh.

24 Agus bha mar an ceudna comh-stri eatorra, co aca bu mhò a bhiodh.

25 Ach thubhairt esan riu, A ta aig righribh nan Cinneach tighearnas orra; agus goirear daoine fial dhiubhsan, aig am bheil ùghdarras a orra.

26 Ach na bithibhse mar sin: ach

an neach a's mò 'nar measg, biodh e mar an neach a's òig<sup>b</sup>: agus an ti a's àirde, mar esan a ta ri frithealadh.

27 Oir co aca 's mò, an ti a shuidheas air bòrd, no esan a fhritheileas? nach e 'n ti a shuidheas; ach a ta mise 'nar measgsa mar fhear-frithealaidh.

28 Is sibhse iadsan a dh'fhan maille riumsa ann am dheuchainnibh<sup>c</sup>,

29 Agus a ta mise 'g orduchadh dhuibh rioghachd, mar a' dh'orduich m'Athair dhomhsa:

30 Chum's gu'n ith agus gu'n òl sibh air mo bhòrda ann am rioghachd, agus gu'n suidh sibh air caithrichibh rioghail, a' toirt breth air dà threibh dheug Israeil.

31 Agus thubhairt an Tighearn, A Shimoin, a Shimoin, feuch, dh'iarr Satan sibhse, chum bhur criaradh mar chrùineachd:

32 Ach ghuidh mise air do shonsa, nach dìobradh do chreidimh thu: agus an uair a dh'iompoichear thu<sup>d</sup>, neartuich do bhràithre.

33 Agus thubhairt esan ris, A Thighearn, tha mise ullamh gu dol maille riut araon chum prìosuìn, agus chum bàis.

34 Agus thubhairt esan, A deirim riut, a Pheadair, nach goir an coil-each an diugh, gus an àicheadh thu tri uairean gur aithne dhuit mi.

35 Agus thubhairt e riu, 'Nuair a chuir mi uam sibh gun sporan, agus gun mhàla, agus gum blòrgan, an robh uireasbhuidh ni sam bith oirbh? Agus thubhairt iad, Cha robh.

36 An sin thubhairt e riu, Ach a nis ge b'e aigam bheil sporan, togadh se e, agus mar an ceudna a mhàla: agus an ti aig nach 'eil claidheamh, reiceadh e fhalluing, agus ceannachadh e aon.

37 Oir a deirim ribh, gur éigin fathast anni so ta scriobhta a choimhlionadh annamsa. Agus bha e air àir-eamh am measg nan ciontach: oir a ta crìoch aig na nithibh ud, a ta mu m' thimchiollsa.

38 Agus thubhairt iadsan, A Thighearn, feuch, a ta dà chlaidheamh an so. Agus thubhairt esan riu, Is leoir e.

39 Agus air dha dol a mach chaidh e, mar bu ghnàth leis, gu sliabh nan crann-ola; agus lean a dheisciobuile.

40 Agus an uair a thainig e do'n àit, thubhairt e riu, Deanaibh ùr-

<sup>b</sup> a's lugha. <sup>c</sup> bhuaibh.  
<sup>d</sup> bhios tu air tionndadh.

<sup>a</sup> smachd, cumhachd.

nuigh, chum's nach tuit sibh ann am buaireadh.

41 Agus thairngeadh esan uatha mu thimchioll urchuir chloiche, agus leig se e féin air a ghlùinibh, agus rinn e ùrnuigh,

42 Ag ràdh, Athair, ma's toil leat cuir an cupan so tharum: gidheadh, na b'i mo thoilse, ach do thoilse gu robh deanta.

43 Agus dh'fhoillsicheadh dha aingeal o nèamh, 'ga neartachadh.

44 Agus air bhi dha ann an cruaidh ghleachd anama, rinn e ùrnuigh ni bu dùrachdaiche: agus bha fhallas mar bhraona mòra fola a' tuiteam sìos air an talamh.

45 Agus air dha éirigh o ùrnuigh, thainig e chum a dheisciobul, agus fhuair e 'nan codal iad tre thuirse.

46 Agus thubhairte riu, C'ar son a ta sibh 'nar codal? éiribh, agus deanaibh ùrnuigh, chum's nach tuit sibh ann am buaireadh.

47 Agus an uair a bha e fathast a' labhairt, feuch sluagh, agus dh'imich esan d'am b'ainm Iudas, aon do'n dà fhear-dheug, rompa, agus dhruid e ri h-Iosa, chum a phògadh.

48 Ach thubhairt Iosa ris, A Iudais, am bheil thu le pòig a' brath Mhic an duine?

49 Agus an uair a chunnaic iadsan a bha mu thimchioll-san an ni a bha gu tachairt, thubhairt iad ris, A Thighearn, am buail sinu leis a' chlàidheamh?

50 Agus bhuail aon diubh seirbhiseach an àrd shagairt, agus ghearr e deth a chluas dheas.

51 Agus fhreagair Iosa agus thubhairt e, Fulaingibh gu so. Agus bhean e r'a chluais, agus shlànuich e i.

52 An sin thubhairt Iosa ris na h-àrd shagartaibh agus ceannardaibh an teampull, agus na seanairibh, a thainig d'a ionnsuidh, An d' thainig sibh a mach le cloidhibh agus le bat-aibh, mar gu b'ann an aghaidh fir-reubainn?

53 'Nuair a bha mi gach là maille riibh san teampull, cha do shìn sibh a mach *bhur* làmhan a'm' aghaidh: ach 's i so bhur n-uairse, agus cumhachd an dorchadais.

54 An sin rug iad air agus thug iad leo e b' do thigh an àrd shagairt. Agus lean Peadar am fad uaith e.

55 Agus air dhoibh teine fhadadh ann am meadhon an talla, agus suidhe sìos am fochair a chéile, shuidh Peadar 'nam meadhon.

56 Ach chunnaic cailin àraidh e 'na shuidhe aig an teine, agus air dh'i ambarc gu geur air, thubhairt i, Bha'm fear so mar an ceudna maille ris.

57 Agus dh'àicheadh esan e, ag ràdh, A bhean, cha'n aithne dhomh e.

58 Agus beagan 'na dhéigh sin chunnaic neach eile e, agus thubhairt e, 'S ann diubh thusa mar an ceudna. Agus thubhairt Peadar, A dhuine, cha 'n ann.

59 Agus mu thimchioll ùine aon uaire 'na dhéigh sin, chatbaich e neach eile air, ag ràdh, Gu firinneach bha'm fear so mar an ceudna maille ris; oir is Galiléach e.

60 Agus thubhairt Peadar, A dhuine, cha 'n aithne dhomh ciod a ta thu 'g ràdh. Agus air ball am feadh a bha e fathast a' labhairt, ghoir an coileach.

61 Agus air tionndadh do'n Tigh-earn, dh'amhairc e air Peadar; agus chuimhnich Peadar focal an Tigh-earna, mar thubhairt e ris, Mun goir an coileach, àicheadh tu mi tri uair-ean.

62 Agus chaidh Peadar a mach agus ghul e gu goirt.

63 Agus rinn na daoine, a chum Iosa, fanoid air, 'ga bhualadh.

64 Agus an uair a dh'fholuich iad a shùilean, bhuail iad e san aghaidh, agus dh'fheòraich iad deth, ag ràdh, Dean fàidheadaireachd cò e a bhuail thu?

65 Agus labhair iad mòran do nithibh eile gu toibheumach 'na aghaidh.

66 Agus an uair a bha 'n là air teachd, chruinnich seanadh an t-sluaigh, agus na h-àrd shagairt agus na scriobhuichean an ceann a chéile, agus thug iad esan chum an comhairle,

67 Ag ràdh, An tusa Criosd? in-nis dhuinn. Agus thubhairt e riu, Ma dh'innseas mi dhuibh, cha chreid sibh.

68 Agus ma dh'fheòraicheas mi *ni air bith*, cha toir sibh freagradh dhomh, agus cha leig sibh as mi.

69 O'n àm so bithidh Mac an duine 'na shuidhe air deas làimh cumhachd Dhé.

70 An sin thubhairt iad uile, An tusa mi seadh Mac Dhé? Agus thubhairt e riu, A deir sibhse gur mi.

71 Agus thubhairt iad, Ciod tuilleadh am feum a ta againn air fianuis? oir chuala sinn féin i as a bheul féin.

<sup>a</sup> creachadair, meirlich.

<sup>b</sup> agus thug iad e.

<sup>c</sup> chòmhdach.

CAIB. XXIII.

**A**GUS air éirigh d'an cuideachd uile, thug iad e gu Pilat.

2 Agus thòisich iad air a chasaid, ag ràdh, Fhuair sinn am fear so a' claoonadh a' chinnich, agus a' bacadh cis a thoirt do Cheasar, ag ràdh, Gur e féin Crìosd an rìgh.

3 Agus dh'fhebraich Pilat deth, ag ràdh, An tusa rìgh nan Iudhach? agus fhreagair esan agus thubhairt e, A deir tu e.

4 An sin thubhairt Pilat ris na h-àrd shagartaibh agus ris an t-sluaigh, Cha 'n'eil mi faotainn coire air bith san duine so.

5 Agus bha iadsan ni bu ro dhéine, ag ràdh, Tha e buaireadh an t-sluaigh, a' teagasg tre Iudea uile, a' tòiseachadh o Ghalile gus an àit so.

6 'Nuair a chuala Pilat mu Ghalile, dh'fhebraich e'm bu Ghaliléach an duine.

7 Agus an nair a chual e gu'm b'ann fo uachdaranachd<sup>a</sup> Heroid a bha e, chuir se e gu Herod, a bha e féin an Ierusalem sna làithibh sin.

8 Agus an uair a chunnaic Herod Iosa, bha aoibhneas mòr air: oir bha déidh aige rè ùine fhada air esan fhaicinn, do bhrìgh gu'n cual e mòran uime; agus bha dùil b aige gu 'm faiceadh e miorbhuil éigin air a dheanamh leis.

9 An sin dh'fhebraich e mòran do cheisdibh dheth; ach cha d'thag e freagradh sam bith air.

10 Agus sheas na h-àrd shagairt agus na scriobhuichean 'ga chasaid gu dian.

11 Ach chuir Herod agus a luchd-cogaidh an neo-mheas e, agus rinn iad fanoid air, agus an déig<sup>a</sup> a sgeadachadh an eudach dealrach<sup>c</sup> chuir e air ais gu Pilat e.

12 Agus rinneadh Pilat agus Herod 'nan cairdibh d'a chéile san là sin; oir bha iad roimhe sin an naimhdeas r'a chéile.

13 Agus an uair a ghairm Pilat an ceann a chéile na h-àrd shagairt, agus na h-uachdarain, agus an sluaigh,

14 Thubhairt e riu, Thug sibh a'm' ionnsuidhs' an duine so, mar neach a ta tionndadh an t-sluaigh a thaobh; agus feuch, air dhomh a cheasnachadh ann 'bhur làthair, cha d'fhuair mi coire air bith san duine so, thaobh nan nithe sin mu'm bheil sibh a' deanamh casaid air;

15 No mar an ceudna Herod; oir

chuir mi d'a ionnsuidh sibh, agus feuch, cha d'rinneadh ni air bith leis do tolltainneach air bàs.

16 Uime sin, air dhomhsa a smachdachadh, leigidh mi as e.

17 Oir b'éigin da aon a leigeadh as doibh air an fhéisd.

18 Agus ghlaodh iad a mach dh'aon ghuth, ag ràdh, Beir uainn am fear so, agus leig air a chomas duinne Barabas:

19 (Neach, air son ceannairce àraidh a rinneadh anns a' bhaile, agus air son mòrtaibh, a thilgeadh am prìosun.)

20 Air an aobhar sin labhair Pilat riu a ris, air dha bhi toileach Iosa a chur fa sgaoil.

21 Ach ghlaodh iadsan, ag ràdh, Ceus e, ceus e.

22 Agus thubhairt e riu an treas uair, C'ar son, cìod an cron a rinn e? cha d'fhuair mise cùis bhàis air bith ann: uime sin, an déigh dhomh a smachdachadh, leigidh mi as e.

23 Agus luidh iadsan air le guthaibh mòra, ag iarraidh esan a cheusadh; agus bhuadhaich an guthanna-san, agus guthanna nan àrd shagart.

24 Agus thug Pilat breth gu'n deanta na dh'iarr iad.

25 Agus leig e mach dhoibh esan a thilgeadh am prìosun air son ceannairce agus mòrtaidh, an neach a dh'iarr iad; ach thug e thairis Iosa d'an toil.

26 Agus an tràth thug iad leo e, rug iad air Sìmon, duine àraidh o Chirene, a bha teachd o'n dùthaich, agus chuir iad an crann-ceusaidh air, g'a iomchar an déigh Iosa.

27 Agus lean cuideachd mhòr e do'n t-siuaigh, agus do mhnaibh, a bha mar an ceudna ri bròn<sup>e</sup> agus 'ga chaoineadhsan.

28 Ach air tionndadh do Iosa riu, thubhairt e, A nigheana Ierusalem, na guilibh air mo shonsa, ach guilibh air bhur son féin, agus air son bhur cloinne;

29 Oir feuch, a ta na làithean a' teachd, anns an aha<sup>r</sup> iad, Is beannuichte na mnà<sup>i</sup> sheasga<sup>f</sup>, agus na bronna nach do ghiùlain clann, agus na cìocha nach d'thug bainne.

30 An sin thòisichidh iad air a ràdh ris na beanntaibh, Tuitibh oirnne; agus ris na cnocaibh, Folaichibh sinn.

31 Oir ma nì iad na nithe so ris a' chrann ùr, cìod a nì iad ris a' chrìon-aich?

32 Agus thugadh mar an ceudna

<sup>a</sup> fo chumhachd, fa riaghladh.

<sup>b</sup> dòchas.

<sup>c</sup> ro gheul.

<sup>d</sup> dha.

<sup>e</sup> bas-bhualadh.

<sup>f</sup> neo-thorach, gun sliochd.



dithis eile a bha 'nan luchd droch-bheirt, chum bhi air an ceusadh maille ris.

33 Agus an uair a thainig iad do'n àit d'an goirear Calbharia, an sin cheus iad e féin, agus na droch dhaoine; fear dhiubh air a làimh dheis, agus am fear eile air a làimh chli.

34 An sin thubhairt Iosa, Athair, maith dhoibh; oir cha 'n'eil fhios aca ciod a ta iad a' deanamh. Agus ag roinn eudaich dhoibh, thilg iad crannchur air.

35 Agus sheas an sluagh ag amharc: agus rinn na h-uachdarain fanoid air maille rusan, ag ràdh, Shaor e daoine eile; saoradh se e féin, ma's e so Crìosd, aon taghta Dhé.

36 Agus rinn na saighdearan mar an ceudna fanoid air, a' teachd d'a ionnsuidh, agus a' tairgseadh fiongeur dha,

37 Agus ag ràdh, Ma's tu rìgh nan Iudhach, teasaig thu féin.

38 Agus bha sgrìobhadh mar an ceudna air a sgrìobhadh os a cheann, ann an litricheibh Gréigis, agus Laidin, agus Eabhra, IS E SO RIGH NAN IUDHACH.

39 Agus thug aon do na droch dhaoineibh a chrochadh, toibheum dha, ag ràdh, Ma's tu Crìosd, saor thu féin agus sinne.

40 Ach fhreagair am fear eile, agus chronaich se e, ag ràdh, Nach 'eil eagal Dé ort, agus gu bheil thu fuidh 'n aon dìteadh ris?

41 Agus sinne da rìreadh an ceartas: oir a ta sinn a' faotainn nan nithe sin a thoill ar gnìomharan: ach cha d'rinn an duine so cron air bith.

42 Agus thubhairt e ri h-Iosa, A Thighearn, cuimhnich e oimsa 'nuair a thig thu do d' rioghachd.

43 Agus thubhairt Iosa ris, Gu deimhin a deirim riut, gu'm bi thu maille riumsa 'n diugh ann am parras.

44 Agus bha e mu thimchioll na seathadh uaire, agus bha dorchadas air an talamh uile gus 'an naothadh uair.

45 Agus dhorchaicheadh a' ghrian, agus reubadh brat-roinn an teampuill 'na mheadhon.

46 Agus an uair a ghlaodh Iosa le guth mòr, thubhairt e, Athair, a ta mi tiomnadh mo spioraid a'd' làmh-aibhsa: agus an uair thubhairt e so, thug e suas an deo.

47 A nis an uair a chunnaic an ceannard-ceud ann a rinneadh, thug e glòir do Dhia, ag ràdh, Gu fìrinn-cach b'ionracan an duine so.

48 Agus an sluagh uile a chruinnich dh'ionnsuidh an t-seallaidh sin, an uair a chunnaic iad na nithe a rinneadh, phill iad airanais, a' bualadh an uchd.

49 Agus sheas a luchd eòlais uile, agus na mnà a lean e o Ghalile, am fad uaith, ag amharc air na nithibh sin.

50 Agus feuch, duine àraidh d'am b'ainm Ioseph, comhairleach, a bha 'na dhuine maith, agus 'na fhìrean,

51 (Cha d'aontaich an duine so d'an comhairle no d'an gnìomh) O Arimatea, baile leis na h-Iudhach-aibh, (neach mar an ceudna aig an robh suil ri rioghachd Dhé.)

52 Chaidh esan gu Pilat, agus dh'iarr e corp Iosa.

53 Agus air dha a thoirt a nuas, phaisg e ann an lìon-eudach e, agus chuir e ann an uaigh e a chladhaicheadh a carraig, anns nach do chuireadh aon duine riamh roimhe.

54 Agus b'e sin là an ulluchaidh, agus bha 'n t-sàbaid am fagus.

55 Agus lean na mnà a thaining maille ris o Ghalile, agus chunnaic iad an uaigh agus cionnus a chuireadh a chorp.

56 Agus phill iad, agus dh'ulluich iad spìosraidh b, agus ola deadh bholaidh; agus ghabh iad tàmh air là na sàbaid, a réir na h-àithne.

## CAIB. XXIV.

AN IS air a' cheud là do'n t-seachdain, gu ro mhoch air mhaduinn, thainig iad chum na h-uaighe, a' toirt leo nan spìosraidh a dh'ulluich iad, agus mnà àraidh eile maille riu.

2 Agus fhuaire iad a' chlach air a caruchadh o'n uaigh.

3 Agus air dhoibh dol a steach, cha d'fhuaire iad corp an Tighearna Iosa.

4 Agus am feadh a bha iad an iomacheist fa'n ni so, feuch, sheas dithis dhaoine làmh riu ann an eudaichibh dealrach.

5 Agus air bhi dhoibh fuaidh eagal, agus a' cromadh an aghaidh chum na talmhainn, thubhairt iad riu, C'ar son a ta sibh ag iarraidh an ti a ta beo am measg nam marbh?

6 Cha 'n'eil e 'n so, ach dh'éirich e: cuimhnichibh mar a labhair e ribh air dha bhi fathastann an Galile,

7 Ag ràdh, Is éigin do Mhac an duine bhi air a thabhairt thairis do làmh-aibh dhaoine peacach, agus a bhi air a cheusadh, agus éirigh a ris an treas là.

8 Agus chuimhnich iad a bhriathran.

9 Agus air dhoibh pilltinn o'n uaigh, dh'innis iad na nithe so uile do'n aen fhear deug, agus do chàch uile.

10 Agus b'i Muire Magdalen, agus Ioanna, agus Muire *màthair* Sheumais, agus mnà eile maille riu, a dh'innis na nithe so do na h-abstol-aibh.

11 Agus mheasadh am briathra leo-san mar sgeula faoin, agus cha do chreid siad iad.

12 An sin air éirigh do Pheadar, ruith e chum na h-uaighe, agus air dha cromadh sìos, chunnaic e'n lion-eudach 'na luidhe leis féin, agus dh'fhalbh e, a' gabhail iongantais leis féin mu'n ni so a rinneadh.

13 Agus feuch, bha dithis diubh a' dol air an là sin féin gu baile d'am b'ainm Emaus, a bha tri fichead stàid o Hierusalem.

14 Agus bha iad a' labhairt eatorra féin mu thimchioll nan nithe ud uile a thachair.

15 Agus an uair a bha iad a' còmhradh, agus a' coimh-reusonachadh, thainig Iosa e féin am fagus, agus dh'imich e maille riu.

16 Ach bha'n sùilean air an cumail, air chor as nach d'aithnich iad e.

17 Agus thubhairt e riu, Ciod e an còmhradh se air am bheil sibh a' teachd eadruibh féin, ag imeachd dhuibh, agus sibh dubhach?

18 Agus fhreagair fear diubh d'am b'ainm Cleopas, agus thubhairt e ris, Am bheil thus' a mhàin a' d'choigreach an Ierusalem, agus gun fhios agad air na nithibh a rinneadh innte anns na làithibh so?

19 Agus thubhairt e riu, Ciod na nithe? Agus thubhairt iadsan ris, Na nithe a thaobh Iosa o Nasaret, a bha 'na fhàidh cumhachdach ann an gnìomh agus ann am focal am fianuis Dé, agus an t-sluaigh uile:

20 Agus cionnus a thug na h-àrd shagairt agus ar n-uachdarain thairis chum dithidh bàis e, agus a cheus iad e.

21 Ach bha dùil againne gu'm b'esan an ti a bha gu Israel a shaoradh: agus a thuilleadh air so uile, 's e 'n diugh an treas là o rinneadh na nithe so.

22 Agus mar an ceudna, chuir muà àraidh dhinn féin, a chaidh gu moch a dh'ionnsuidh na h-uaighe, mòr ioghnadh a oirnn:

23 Agus an uair nach d'fhuair iad a chorp, thainig iad, ag ràdh, gu'm

fac iad sealladh do ainglibh, a thubhairt gu t'heil e beo.

24 Agus chaidh dream àraidh dhiubhsan a bha maille ruinn féin, chum na h-uaighe, agus fhuair iad eadhon mar thubhairt na mnà; ach cha'n fhac iad esan.

25 An sin thubhairt e riu, O dhaoine amaideach b, agus mall-chridheach a chreidsinn nan nithe sin uile a labhair na fàidhean!

26 Nach b'éigin do Chrìosd na nithe so fhulang, agus dol a steach d'a ghldoir?

27 Agus air dha tòiseachadh o Mhaois, agus o na fàidhibh uile dh'eadar-mhìnich e dhoibh anns na scriobtuiribh uile na nithe m'a thimchioll féin.

28 Agus dhruid iad ris a' bhaile, d'an robh iad a' dol: agus leig esan air gu'n rachadh e ni b'fhaide.

29 Ach choimhéignich iadsan e, ag ràdh, Fan maille ruinne, oir a ta e dlùth do'n fheasgar, agus tha deireadh an là ann. Agus chaidh e steach a dh'fhuireach maille riu.

30 Agus an uair a shuidh e gu biadh maille riu, air dha aran a ghlacadh, bheannuich se e, agus bhris se e, agus thug e dhoibh e.

31 Agus dh'fhosgladh an sùilean, agus dh'aithnich iad e; agus chaidh e as an t-sealladh.

32 Agus thubhairt iad r'a chéile, Nach robh ar cridhe a' lasadh ann-ainn, am feadh a bha e a' labhairt ruinn air an t-slighe, agus an uair a dh'fhosgail e dhuinn na scriobtuirean?

33 Agus dh'éirich iad air an uair sin féin, agus phill iad gu Hierusalem, agus fhuair iad an t-aon fhear deug cruinn an ceann a chéile, agus an dream a bha maille riu,

34 Ag ràdh, Dh'éirich an Tighearn darireadh, agus chunncas le Simone.

35 Agus dh'innis iad na nithe a rinneadh air an t-slighe, agus mar a dh'aithnicheadh leo e ann am briseadh an arain.

36 Agus ag labhairt nan nithe so dhoibh, sheas Iosa féin 'nam meadhon, agus a deir e riu, Sìth maille ribh.

37 Ach bha iadsan fuidh gheilt-chrith agus fuidh eagal, agus shaoil iad gur spiorad a chunnaic iad.

38 Agus thubhairt e riu, C'ar son a ta sibh fuidh bhuaireasc, agus c'ar son a ta smuaintean ag éirigh suas ann bhur cridhibh?

39 Feuchaibh mo làmhan agus mo chosan, gur mi féin a th'ann: laimh-

sieibh m, agus faicibh, oir cha 'n'eil aig spiorad feoil agus cnàmha, mar a chi sibh agamsa.

40 Agus an uair a thubhairt e so, nochd e dhoibh a làmhan agus a chosan.

41 Agus air bhi dhoibh fathast mi-chreideach tre aoibhneas, agus iad fuidh iongantas, thubhairt e riu, Am bheil biadh sam bith agaibh an so ?

42 Agus thug iad da mìr do iasg ròiste, agus do chìr-mheala.

43 Agus ghlac se e, agus dh'ith e 'nam fianuis.

44 Agus thubhairt e riu, 'S iad so na briathran a labhair mi ribh, 'nuair a bha mi fathast maille ribh, gur éigin do na h-uile nithibh a ta scriobhta ann an lagh Mhaois, agus anns na fàidhibh, agus anns na salm-aibh am thimchiollsa, bhi air an coimhlionadh.

45 An sin dh'fhosgail e an tuigse, chum gu'n tuigeadh iad na scriobtuirean.

46 Agus thubhairt e riu, Mar so a

ta e scriobhta, agus mar so b'éigin do Chrìosd fulang, agus éirigh o na marbhaibh an treas là :

47 Agus aithreachas agus maith-eanas peacaidh bhi air an searmonachadh 'na ainmsan, do na h-uile chinneachaibh, a' toiseachadh aig Ierusalem.

48 Agus is fianuisean sibhse air na nithibh so.

49 Agus feuch, cuireamsa gealladh m' Atbar oirbh : ach fanaibhse ann am baile Ierusalem, gus an sgeadaichear le cumhachd o na h-àrdaibh sibh.

50 Agus thug e mach iad co fhad as Betani: agus thog e suas a làmh-an, agus bheannuich e iad.

51 Agus am feadh a bha e 'gam beannuchadh, dhealaicheadh riu e, agus thogadh suas gu nèamh e.

52 Agus rinn iad aoradh dha, agus philliadh gu Hierusalem le gairdeachas mòr :

53 Agus bha iad a ghnàth anns an teampull, a' moladh agus a' beannuchadh Dhé. Amen.

## AN SOISGEUL A REIR EOIN.

### CAIB. I.

**A**NNS an toiseach bha am Focal, agus bha 'm Focal maille ri Dia, agus b'e 'na Focal Dia.

2 Bha e so air tùs maille ri Dia.

3 Rinneadh na h-uile nithe leis ; agus as eugmhais cha d'rinneadh aon ni a rinneadh.

4 Annsan bha beatha, agus b'i a bheatha solus dhaoine.

5 Agus tha 'n solus a' soillseachadh anns an dorchadas, agus cha do ghabh an dorchadas e.

6 Chuireadh duine o Dhia, d'am b'ainm Eoin.

7 Thainig esan mar fhianuis, chum fianuis a thoirt mu'n t-solus, chum gu'n creideadh na h-uile dhaoine tridsan.

8 Cha b'esan an solus sin, ach chuireadh e chum gu d'thugadh e fianuis mu'n t-solus.

9 B'e so an solus fìor a ta soillseachadh gach uile dhuine tha teachd chum an t-saoghail.

10 Bha e anns an t-saoghal, agus rinneadh an saoghal leis, agus cha d'aithnich an saoghal e.

11 Thainig e dh'ionnsuidh a

dhùcha fein, agus cha do ghabh a mhuinntir fein ris.

12 Ach a mhead 's a ghabh ris, thug e dhoibh cumhachd a bhi 'nan cloinn do Dhia, eadhon dhoibhsan a ta creidsinn 'na ainm :

13 A bha air an gineamhuin, cha'n ann o fhuil, no o thoil na feòla, no o thoil duine, ach o Dhia,

14 Agus rinneadh b am Focal 'na fheoil, agus ghabh e còmhnuidh 'nar measgne, (agus chunnaic sinn a ghloir, mar ghloir aoìn-ghin Mhic an Athar) lan gràis agus fìrinn.

15 (Thug Eoin fianuis uime, agus ghlaodh e, ag ràdh, 'S e so an ti mu'n do labhair mi, An ti a ta teachd a'm' dhéigh, tha toiseach aig orm : oir bha e romham).

16 Agus as a làn-san fhuair sinne uile, agus gràs air son gràis.

17 Oir thugadh an lagh le Maois, ach thainig an gràs agus an fhìrinn le Iosa Crìosd.

18 Cha'n fhaca neach air bith Dia riamh ; an t-aonghin Mic, a ta ann

a cuiridh mise na gheall m' Athair chugaibh. b dh'fhàs.

an uchdan Athar, is esan a dh'fhoillsich e.

19 Agus is i so fianuis Eoin: An uair a chuir na h-Iudhaich sagairt agus Lebhithich o Hierusalem, ehum gu'm feòraicheadh iad deth, Cò thusa?

20 Dh'aidich esan, agus cha d'àicheadh e; ach dh'aidich e, Cha mhi Criosd.

21 Agus dh'fheòraich iad deth, Ciod ma seadh? An tu Elias? Agus a deir e, Cha mhi. An tu am fàidh? Agus fhreagair e, Cha mhi.

22 An sin thubhairt iad ris, Cò thu? chum gu'n tabhair sinn freagradh dhoibhsan a chuir *uatha* sinn: ciod a tha thu 'g ràdh ad thimchioll féin?

23 Thubhairt e, *Is* mise guth an ti a ghlaodhas anns an fhàsach, Deanaibh dìreach slighe an Tigh-earna, mar thubhairt am fàidh Esaias.

24 Agus an dream a chuireadh leis an teachdaireachd, b'ann do na Phairisich iad.

25 Agus dh'fheòraich iad deth, agus thubhairt iad ris, C'ar son ma seadh a ta thu a' baisteadh, mur tu Criosd, no Elias, no 'm fàidh?

26 Fhreagair Eoin iad, ag ràdh, Ataims' a' baisteadh le h-uisge; ach a ta neach 'na sheasamh 'nar measg, nach aithne dhuibh.

27 'S e so an ti, a ta teachd a'm' dhéighse, aig am bheil toiseach orm, neach nach airidh mise air barr-iall a bhròige fhuasgladh.

28 Rinneadh na nithe so ann am Betanib air an taobh thall do Iordan, far an robh Eoin a' baisteadh.

29 Air an là màireach chunnaic Eoin Iosa a' teachd d'a ionnsuidh, agus a deir e, Feuch Uan Dé, a ta toirt air falbh peacaidh ant-saoghail!

30 Is e so an ti mu'n dubhairt mi, Tha fear a' teachd a'm' dhéigh, aig am bheil barrachd orm; oir bha e romham.

31 Agus cha robh aithne agamsa air: ach a chum gu'm bìtheadh e air fhoillseachadh do Israel, nime sin thainig mi a' baisteadh le h-uisge.

32 Agus thug Eoin fianuis, ag ràdh, Chunnaic mi 'n Spiorad a' teachd a nuas mar choluman o neamh, agus ghabh e còmhnuidh air.

33 Agus cha b'aithne dhomhsa e: ach an ti a chuir mi a bhaisteadh le h-uisge, thubhairt esan rium, Ge b'e

air am faic thu an Spiorad a' teachd a nuas agus a' gabhail còmhnuidh air, 's e sin an ti a bhaisteadh leis an Spiorad naomh.

34 Agus chunnaic mi, agus rinn mi fianuis, gur e so Mac Dhé.

35 Air an là màireach a ris sheas Eoin, agus dithis d'a dheisciobluibh:

36 Agus air dha amharc air Iosa agus e ag imeachd, a deir e, Feuch Uan Dhé!

37 Agus chual an dithis dheisciobul e a' labhairt, agus lean iad Iosa.

38 Agus air tionndadh do Iosa, chunnaic e iad 'ga leantuinn, agus a deir e riu, Ciod a tha sibh ag iarraidh? Thubhairt iadsan ris, Rabbi, (se sin r'a ràdh, air eadar-theangachadh, A mhaighstir) c'ait am bheil thu gabhail còmhnuidh?

39 A deir e riu, Thigibh agus faicibh. Thainig iad agus chunnaic iad c'ait an robh e gabhail còmhnuidh, agus dh'fhan iad maille ris an là sin: oir bha e mu thimchioll na deicheadh uaire.

40 B'e Aindreas, bràthair Shì-moin Pheadair, aon do 'n dithis a chual Eoin a' labhairt, agus a lean esan.

41 Fhuair esan air tùs a bhràthair féin Simon, agus thubhairt e ris, Fhuair sinne am Mesias, is e sin, air eadar-theangachadh, Criosd.

42 Agus thug e chum Iosa e, Agus an uair a dh'ambairc Iosa air, thubhairt e, Is tusa Simon mac Iona: goirear Cephas dhìot, is e sin air eadar-theangachadh, Peadare.

43 Air an là 'na dhéigh sin, bu toil le Iosa dol a mach do Ghalile, agus fhuair e Philip, agus a deir e ris, Lean mise.

44 A nis bha Philip o Bhetsaida, baile Aindreais agus Pheadair.

45 Fhuair Philip Natanael agus a deir e ris, Fhuair sinne an ti mu'n do scriobh Maois anns an lagh, agus na fàidhean, Iosá o Nasaret, mac Ioseiph.

46 Agus thubhairt Natanael, ris, Am feud ni maith air bith teachd a Nasaret? Thubhairt Philip ris, Thig agus faic.

47 Chunnaic Iosa Natanael a' teachd d'a ionnsuidh, agus a deir e uime, Feuch Israeleach da riveadh, anns nach 'eil cealg.

48 A deir Natanael ris, Cionnus is aithne dhuit mi? Fhreagair Iosa agus thubhairt e ris, Mun do ghairm Philip thu, 'nuair a bha thu fuaidh 'n

a *Is* mise esan aig am bheil a ghuth ag éigheach. b *Betabara*.

c a' sràid-imeachd. d *Christos* Gr. i. e. Aon ungta. e *Petros* Gr. i. e. carraig.



chrann-fhìge, chunnaic mise thu.

49 Fhreagair Natanael agus thubhairt e ris, Rabbi, is tusa Mac Dhé, is tu Rìgh Israeil.

50 Fhreagair Iosa agus thubhairt eris, A chionn gu'n dubhairt mi riut Chunnaic mi thu fuidh 'n chrann-fhìge, am bheil thu creidsinn? chi thu nithe a's mò na iad so.

51 Agus thubhairt e ris, Gu deimhin deimhin a deirim ribh, 'Na dhéigh so chi sibh nèamh fosgailte, agus aingil Dhé a' dol suas agus a' teachd a nuas air Mac an duine.

#### CAIB. II.

**A**GUS air an treas là bha pòsadh ann an Cana Ghalile; agus bha màthair Iosa an sin.

2 Agus fhuair Iosa mar an ceudna agus a dheisciobuil cuireadh chum a' phòsaidh.

3 Agus air teireachdainn do'n fhìon, thubhairt màthair Iosa ris, Cha 'n'eil fìon aca.

4 Thubhairt Iosa rithe, Ciod e mo ghnothuchsa riut, a bbean? cha d'thainig m'uirse fathast.

5 Thubhairt a màthair ris an luchd frithealaidh, Ge b'e ni a their e ribh, deanaibh e.

6 Agus bha sea soithichean uisge do chloich air an cur an sin, a rèir gnàtha glanaidh nan Iudhach, a ghabhadh dà fheircin no trì gach aon duibh.

7 Thubhairt Iosa riu, Lìonaibh na soithiche le uisge. Agus lìon siad iad gus am beul.

8 Agus thubhairt e riu, Tàirmgibh a nis, agus thugaibh chum uachdarain na cuirme<sup>a</sup>. Agus thug iad ann e.

9 'Nuair a bhlais uachdaran na cuirme an t-uisge a rinneadh 'na fhìon, (agus cha robh fhios aige cia as a thainig e; ach bha fhios aig an luchd frithealaidh a tharruing an t-uisge) ghoir uachdaran na cuirme am fear nuadh-pòsda b,

10 Agus thubhairt e ris, Cuiridh gach duine fìon maith a làthair air tùs; agus an uair a dh'òlas daoine gu leoir, an sin am fìon a's measa: ach ghleidh thus' am fìon maith gus a nis.

11 An toiseach so do mhìorbhuilbh rinn Iosa ann an Cana Ghalile, agus dh'fhoillsich e a ghloir; agus chreid a dheisciobuil ann.

12 An déigh so chaidh e sìos do Chapernaum, e féin, agus a màthair, agus a bhràithrean, agus a dheisciobuil, agus cha d'fhan iad ann mòran do làithibh.

13 Agus bha càisg nan Iudhach am fagus, agus chaidh Iosa suas gu Hierusalem.

14 Agus fhuair e 'nan suidhe anns an teampull luchd reicidh cruidh e, agus chaorach, agus choluman, agus luchd malairt an airgid:

15 Agus air deanamh sgiùrsaird dhà do chordaibh caola, dh'fhuadaich e mach as an teampull iad uile, agus na caoraich agus an crobh; agus dhòirt e mach airgid an luchd malairt, agus thilg e na buird thairis;

16 Agus thubhairt e riansan a bha reiceadh choluman, Togaibh iad sin as so; na deanaibh tigh m'Atharsa 'na thigh marsandachd.

17 Agus chuimhnich a dheisciobuil gu'n robh e scriobhta, Dh'ith eud e do thighe suas mi.

18 An sin fhreagair na h-Iudhaich, agus thubhairt iad ris, Ciod an comhara nochdas tu dhuinne, do bhrìgh gu bheil thu deanamh nan nithe sin?

19 Fhreagair Iosa agus thubhairt e riu, Leagaibh sìos an teampull so, agus an trì làithibh cuiridh mise suas e.

20 An sin thubhairt na h-Iudhaich, Sea bliadhna agus dà fhichead bha 'n teampull so 'ga thogail, agus an cuir thusa suas an trì làithibh e?

21 Ach labhair esan mu theampull a chuirp.

22 Uime sin an uair bha e air éirigh o na marbhaibh, chuimhnich a dheisciobuil gu'n dubhairt e so: agus chreid iad an scriobtuir, agus am focal a thubhairt Iosa.

23 A nis an uair a bha e an Ierusalem aig a' chàisg, air an fhéisd<sup>f</sup>, chreid mòran 'na ainm, an uair a chunnaic iad na mìorbhuilean a rinn e.

24 Ach cha d'earb Iosa e féin riu, do bhrìgh gu'm b'aithne dha na h-uile dhaoine,

25 Agus nach robh feum aige neach air bith a dheanamh fianuis air duine: oir bha fhios aige ciod a bha anns an duine.

#### CAIB. III.

**A**GUS bha duine do na Phairisich, d'am b'ainm Nicodemus, a bha 'na uachdaran air na h-Iudhaich:

2 Thainig esan chum Iosa san oidhche, agus thubhairt e ris, A mhaighstir, tha fhios againn gur fear-teagaisg thu a thainig o Dhia: oir cha'n urradh duin' air bith na mìorbhuile so dheanamh a ta thusa

<sup>a</sup> féisde.

<sup>b</sup> fear na bainnse.

<sup>c</sup> dhamh.  
<sup>e</sup> ro-chùram.

<sup>d</sup> cuipe.  
<sup>f</sup> an àm na féisde.

a' deanamh, mur bi Dia maille ris.

3 Fhreagair Iosa agus thubhairt e ris. Gu deimhin deimhin a deirim riut, mur beirear duine a risa, nach feud e rioghachd Dhé fhaicinn.

4 Thubhairt Nicodemus ris, Cionnus a dh'fheudas duine bli air a bhreith 'nuair a ta e aosda? am bheil e comasach air dol a stigh an dara uair do bhroinn a mbàthar, agus a bhi air a bhreith?

5 Fhreagair Iosa, Gu deimhin deimhin a deirim riut, mur bi duine air a bhreith o uisge, agus o'n Spiorad, cha 'n urraian e dol a steach do rioghachd Dhé.

6 An ni sin a ta air a bhreith o'n fheoil, is feoil e; agus an ni sin a ta air a bhreith o'n Spiorad, is spiorad e.

7 Na gabh iongantas gu 'n dubhairt mi riut, Is éigin duibh bhi air bhrur breith a ris.

8 Tha ghaoth a' séideadh far an àill leatha, agus tha thu a' cluinntin a fuaim ach cha 'n'eil fhios agad cia as a tha i teachd, no c' àit a tha i dol: is ann mar sin a tha gach neach a tha air a bhreith o'n Spiorad.

9 Fhreagair Nicodemus agus thubhairt e ris, Cionnus a dh'fheudas na nithe so bhi?

10 Fhreagair Iosa agus thubhairt e ris, Am bheil thusa a'd' fhear-teagaisg Israeil, agus nach aithne dhuit na nithe so?

11 Gu deimhin deimhin a deirim riut, gu bheil sinne a' labhairt an ni a's fìos duinn, agus a' toirt fianuis air an ni sin a chunnaic sinn; agus cha ghabh sibhse ar fianuis.

12 Ma dh'innis mi dhuibh nithe talmhaidh, agus nach creid sibh, cionnus a chreideas sibh ma dh'innseas mi dhuibh nithe nèamhaidh?

13 Agus cha deachaidh aon neach suas do nèamh, ach an ti a thainig a nuas o nèamh, Mac an duine a ta air nèamh.

14 Agus mar a thog Maois suas an nathair san fhàsach, is ann mar sin is éigin do Mhac an duine bhi air a thogail suas:

15 Chum's ge b'e neach a chreideas ann, nach sgriosar e b, ach gu'm bi a' bheatha mhaireannach aige.

16 Oir is ann mar sin a ghràdh-aich Dia an saoghal, gu'n d'thug e aon-ghin Mhic féin, chum's ge b'e neach a chreideas ann, nach sgriosar e, ach gu'm bi a' bheatha shiorruidh aige.

17 Oir cha do chuir Dia a Mhac

a o'n àirde.

b bi e caillte.

do'n t-saoghal, chum gu'n dèadh e 'n saoghal, ach a chum gu'm biodh an saoghal air a shaoradh tridsan.

18 An ti a chreideas ann, cha dèar e: ach an ti nach creid, tha e air a dhèadh cheana, chionn uach do chreid e an ainm aoin-ghin Mhic Dhé.

19 Agus is e so an dèadh, gu'n d'thainig an solus do'n t-saoghal, agus gu'n do ghràdhach daoine an dorchadas ni's mò na'n solus, a chionn gu'n robh an gnìomharan olc.

20 Oir gach neach a ta deanamh uile, tha e toirt fuath do'n t-solus, agus cha 'n'eil e teachd chum an t-soluis, air eagal gu'm biodh oibre air an cronachadh.

21 Ach an ti a ni 'n fhìrinn, thig e chum an t-soluis, chum's gu'm bi oibre follaiseach, gur ann an Dia a rinneadh iad.

22 An déigh sin thainig Iosa agus a dheisciobuil do thir Iudea, agus dh'fhan e 'n sin maille riu, agus bhaist e.

23 Agus bha Eoin mar an ceudna a' baisteadh ann an Enon, làimh ri Salim, do bhrìgh gu'n robh mòran uisgeachan an sin: agus thainig iad, agus bhaisteadh iad.

24 Oir cha robh Eoin fathast air a thilgeadh am prìosun.

25 An sin dh'éirich ceist eadar deisciobuil Eoin agus na h-Iudhaich, mu thimchioll glanaidh.

26 Agus thainig iad chum Eoin, agus thubhairt iad ris, A mhaighstir, an ti a bha maille riut an taobh thall do Iordan, d'an d'thug thu fianuis, feuch, tha esan a' baisteadh, agus tha na h-uile dhaoine a' teachd d'a ionnsuidh.

27 Fhreagair Eoin agus thubhairt e, Cha 'n'eil duine comasach air mi sam bith a ghabhail, mur bi e air a thoirt da o nèamh.

28 Tha sibhse féin a' toirt fianuis domhsa, gu'n dubhairt mi, Cha mhi Crìosd, ach gu'n do chuireadh roimhe mi.

29 An ti aig am bheil a' bhean nuadh-phòsda, 'se 'm fear nuadh-phòsda e: ach caraid an fhir nuadh-phòsda, a ta 'na sheasamh agus ag éisdeachd ris, tha e a' deanamh gairdeachais mhòir air son guth an fhir nuadh-phòsda: uime sin tha mo ghairdeachas so air a choimhlionadh.

30 Is éigin dasan fàs, ach dhomhsa bhi air mo lughdachadh.

31 An ti a thig a nuas, tha e os ceann nan uile: an ti a tha o'n talamh, tha e talmhaidh, agus labh-

raidh e air mhodh talmhaidh : an ti a thig o nèamh, tha e os ceann nan uile.

32 Agus an ni a chunnaic agus a chual e, air sin tha e toirt fianuis ; agus cha 'n'eil aon duine a' gabhail r'a fhianuis.

33 An ti a ghabh r'a fhianuis-san, chuir e a sheula ris, gu bheil Dia fìor.

34 Oir an ti a chuir Dia uaith, tha e a' labhairt bhriathar Dhé : oir cha'n ann a réir tombais a tha Dia a' toirt an Spioraid da.

35 Is toigh leis an Athair am Mac, agus thug e na h-uile nithe 'na làimh.

36 An ti a chreideas anns a Mhac, tha bheatha mhaireannach aige : ach an ti nach 'eil a' creidsinn anns a' Mhac, cha'n fhaic e beatha ; ach a ta fearg Dhé a' gabhail còmhnuidh air.

## CAIB. IV.

**A**IR an aobhar sin an uair a thuig Iosa gu'n cuala na Phairisich gu'n robh e a' deanamh agus a' baisteadh tuilleadh dheisciobul na Eoin,

2 (Ge nach do bhaist Iosa féin iad, ach a dheisciobuil)

3 Dh'fhàg e Iudea, agus chaidh e ris do Ghalile.

4 Agus b'éigin da dol tre Shamaria.

5 An sin thainig e gu baile a bhuineadh do Shamaria, d'an goirear Sichar, agus do'n fhearann a thug Iacob d'a mhac Ioseph.

6 A nis bha tobar Iacoib an sin. Uime sin air do Iosa bhi sgith leis a thurus, shuidh e mar sin làimh ris an tobar : agus bha e mu thimchioll na seathadh uaire.

7 Thainig bean o Shamaria a tharruing uisge : a deir Iosa rithe, Thoir dhomhsa deoch.

8 Oir bha a dheisciobuil air dol do'n bhaile a cheannach bidh.

9 An sin thubhairt a' bhean o Shamaria ris, Cionnus a ta thusa agus gur Indhach thu, ag iarraidh deoch uamsa, a ta a'm' Bhan-samaritanach ? oir cha 'n'eil commonn aig na h-Iudhaich ris na Samaritanaich.

10 Fhreagair Iosa agus thubhairt e rithe. Nam b'aithne dhuit tiodhlacadh a Dhé, agus cò e a ta 'g ràdh riut, Thoir dhomh deoch, dh'iarraidh tu airsan, agus bheireadh e uisge beo dhuit.

11 A deir a' bhean ris, A Thigh-earn, cha 'n'eil inneal tarruing agad, agus tha 'n tobar domhain : uime sin cia as a ta 'n t-uisge beo sin agad ?

12 Am mò thusa na ar n-athair Iacob, a thug dhuinne an tobar so, agus a dh'òl as e féin, agus a chlann, agus a spréidh ?

13 Fhreagair Iosa agus thubhairt e rithe, Ge b'e neach a dh'òlas do'n uisge so, bithidh tart b air a ris :

14 Ach ge b'e neach a dh'òlas do'n uisge a bheir mise dha, cha bhi tart gu bràth air : ach an t-uisge a bheir mise dha, bithidh e 'na thobar uisge ann, a' sruthadh suas chum na beatha maireannaich.

15 A deir a' bhean ris, A Thigh-earn, thoir dhomhsa an t-uisge so, chum's nach bi tart orm, agus nach d'thig mi an so a tharruing.

16 A deir Iosa rithe, Iuich, gairm t'fhear-pòsda, agus thig an so.

17 Fhreagair a' bhean agus thubhairt i, Cha 'n'eil fear agam. Thubhairt Iosa rithe, Is maith a thubhairt thu, Cha 'n'eil fear agam :

18 Oir bha cùigear fhear agad, agus esan a ta agad a nis, cha'n e t'fhear féin e : thubhairt thu so gu fìor.

19 A deir a' bhean ris, A Thigh-earn, tha mi faicinn gur fàidh thu.

20 Rinn ar n-aithriche aoradh san t-sliabh so ; agus a deir sibhse, gur ann an Ierusalem a ta 'n t-ionad anns an còir aoradh a dheanamh.

21 A deir Iosa rithe, A bhean, creid mise, gu bheil an uair a' teachd, anns nach dean sibh aoradh do'n Athair aon chuid san t-sliabh so, no ann an Ierusalem.

22 Tha sibh a' deanamh aoraidh do'n ni nach aithne dhuibh : tha sinne a' deanamh aoraidh do'n ni a's aithne dhuinn : oir is ann o na h-Iudhachaibh a ta slàinte.

23 Ach a ta 'n uair a' teachd, agus a ta i nis ann, anns an dean am fìor luchd-aoraidh aoradh do'n Athair ann an spiorad agus ann am fìrinn : oir a ta an t-Athair ag iarraidh an leithide so do luchd aoraidh.

24 Is Spiorad Dia, agus is éigin d'a luchd-aoraidh, aoradh a dheanamh dha an spiorad agus am fìrinn.

25 A deir a' bhean ris, Tha fhios agam gu bheil am Mesias a' teachd, d'an goirear Criosd : 'nuair a thig esan, innsidh e na h-uile nithe dhuinn.

26 A deir Iosa rithe, Is mise e, a ta labhairt riut.

27 Agus air a se thainig a dheisciobuil, agus b'iongantach leo gu'n robh e labhairt ri mnaoi : ach cha dubhairt aon neach, Ciod a tha thu 'g iarraidh ? no c'ar son a tha thu labhairt rithe ?

28 An sin dh'fhàg a' bhean a soitheach uisge, agus dh'fhalbh i do'n bhaile, agus a deir i ris na daoineibh,

29 Thigibh, faicibh duine a dh'innis dhomhsa na h-uile nithe a rinn mi riamh : an e so Crìosd ?

30 An sin chaidh iad a mach as a' bhaile, agus thainig iad d'a ionnsuidhsan.

31 San am sin féin ghuidh a deise-ciobuil air, ag ràdh, A mhaighstir, ith.

32 Ach thubhairt esan riu, Tha agamsa biadh r'a itheadh air nach 'eil fhios agaibhse.

33 Uime sin thubhairt na deise-ciobuil r'a chéile, An d'thug neach air bith *ni* d'a ionnsuidh r'a itheadh ?

34 Thubhairt Iosa riu, Is e mo bhiadhsa toil an ti a chuir uaith mi a dheanamh, agus obair a chrìoch-nachadh.

35 Nach abair sibhse, A ta *ùine* cheithir mìos annfathast, agus an sin thig am fogharadh ? feuch, a deirim ribh, Togaibh suas bhur sùilean, agus seallaibh air na h-achaibh ; oir a ta iad a cheana geal chum an fhogharaidh.

36 Agus an ti a bhuaineas tha e faotainn tuarasdail, agus a' cruinneachadh toraidh chum na beatha maireannaich ; chum's gu'n dean an ti a chuireas, agus an ti a bhuaineas, gairdeachas maraon<sup>a</sup>.

37 Agus an so tha 'n ràdh b'ud fìor, Gu bheil neach a' cur, agus neach eile a' buain.

38 Chuir mise sibhse a bhuain an ni sin nach do shaothraich sibh : shaothraich daoine<sup>b</sup> eile, agus chaidh sibhse steach 'nan saothair.

39 Agus chreid mòran do Samaritanaich a bhaile sin ann, air son cainnte na mnà, a thug fianuis *ag ràdh*, Dh'innis e dhomh na h-uile nithe a rinn mi riamh.

40 Uime sin an uair a thainig na Samaritanaich d'aionnsuidh, ghuidh iad air fantuinn maille riu : agus dh'fhuirich e 'n sin dà latha.

41 Agus chreid mòran tuilleadh air son fhocail féin :

42 Agus thubhairt iad ris a' mhnaoi, Tha sinn a' creidsinn, cha'n ann a so suas air son do chomhraidh-sa : oir chuala sinn féin e, agus a ta fhios againn gur e so da rìreadh Crìosd, Slànuighear an t-saoghail.

43 Agus an déigh dà latha dh'fhalbh e as sin, agus chaidh e do Ghalile :

44 Oir thug Iosa féin fianuis, nach 'eil urram aig fàidh 'na thir féin.

45 Uime sin an uair a thainig e do Ghalile, ghabh na Galiléaich ris, air dhoibh na nithe sin uile fhaicinn a rinn e ann an Ierusalem air an fhéisd : oir chaidh iadsan mar an ceudna chum na féisde.

46 An sin thaining Iosa a ris do Chana Ghalile, far an d'rinn e fìon do'n uisge. Agus bha duine cumhachdach<sup>c</sup> àraidh, aig an robh a mhac gu tinn ann an Capernaum.

47 'Nuair a chual esan gu'n robh Iosa air teachd a Iudea do Ghalile, chaidh e d'a ionnsuidh, agus ghuidh e air gu'n rachadh e sìos, agus gun slànucheadh e a mhac : oir bha e ri h-uchd bàis.

48 An sin thubhairt Iosa ris, Mur faic sibh comharan agus mìorbhuilean, cha chreid sibh.

49 Thubhairt an duine cumhachdach ris, A Thighearn, rach<sup>d</sup> sìos mum faigh mo leanaban bàs.

50 Thubhairt Iosa ris, Imich ; tha do mhac beo. Agus chreid an duine am focal a labhair Iosa ris, agus dh'imich e.

51 Agus am feadh a bha e fathast a' dol sìos, choinnich a sheirbhiseich e, agus dh'innis iad *da*, ag ràdh, Tha do mhac beo e.

52 An sin dh'fheadraich e dhiubh an uair anns an deachaidh e 'm feabhas : agus thubhairt iad ris, An dé air an t-seachdamh uair dh'fhàg am fiabhrus e.

53 An sin dh'aithnich an t-athair gu'm *b'i* an uair sin féin, anns an dubhairt Iosa ris, Tha do mhac beo ; agus chreid e féin, agus a theaghlach uile.

54 'Se so a ris an dara mìorbhuil a rinn Iosa, 'nuair a thainig e a Iudea do Ghalile.

# CAIB. V.

**N**A dhéigh so bha féisd nan Iudhach ann, agus chaidh Iosa suas gu Hierusalem.

2 A nis a ta ann an Ierusalem làimh ri *geatadh*<sup>f</sup> nan caorach, lochan, d'an goirear sa' chainnt Eabhruidhich, Betesda, aig am bheil cùig tighean-fasgaidh g.

3 Annta sin bha 'nan luidhe mòr bhuidheann do dhaoineibh euslan, dall, bacach, seargta, a' feitheamh ri caruchadh an uisge.

4 Oir chaidh aingeal sìos an àm àraidh san lochan, agus chuir e 'n t-uisge tre chéile : uime sin an

<sup>c</sup> mòr, ròghail. <sup>d</sup> theirig, <sup>e</sup> gu maith. <sup>f</sup> margadh. <sup>g</sup> sgàth-thighean.

<sup>a</sup> cuideachd, le chéile.

<sup>b</sup> an gnàth-fhocal.



ceud neach a rachadh sìos ann an dèigh cur tre chéile an uisge, rinn-each slàn e dh'aon tinneas a bhiodh air.

5 Agus bha duine àraidh an sin, a bha oclid bliadhna deug thar fhichead ann an euslaint.

6 'Nuair a chunnaic Iosa esan 'na luidhe, agus sìos aige gu'n robh e nis ùine fhada *mar sin*, a deir e ris, Am miann leat bhì air do dheanamh slàn?

7 Fhreagair an duine euslan e, A Thighearn, cha'n 'eil duin' agam, an uair a chuirear an t-uisge tre a chéile, a chuireas anns an lochan mi: ach am feadh a tha mise teachd, tha neach eile a' dol sìos romham.

8 A deir Iosa ris, Eirich, tog do leaba, agus imich.

9 Agus air ball rinneadh an duine slàn, agus thog e a leaba, agus dh'imich e; agus bha 'u t-sàbaid ann air an là sin.

10 Uime sin thubhairt na h-Iudhaich ris an ti a shlànuicheadh, Is i 'n t-sàbaid a ta ann; cha 'n'eil e dlìgheadh dhuit do leaba iomchar.

11 Fhreagair e iad, An ti a rinn slàn mi, thubhairt esan rium, Tog do leaba agus imich?

12 An sin dh'fheòraich iad deth, Cò an duine a thubhairt riut, Tog do leaba agus imich?

13 Agus cha robh fhios aig an ti a shlànuicheadh, cò e: oir chaidh Iosa as a shealladh, air do mhòr shluagh bhì anns an àit.

14 'Na dhéigh so fhuair Iosa e anns an teampull, agus thubhairt e ris, Feuch, rinneadh slàn thu: na peacuich ni's mò, air eagal gu'n tachair ni's measa dhuit.

15 Dh'imich an duine, agus dh'innis e do na h-Iudhachaibh gu'm b'e Iosa a rinn slàn e.

16 Agus air a shon so rinn na h-Iudhaich geur-leanmhuinn air Iosa, agus dh'iarr iad a mharbhadh, do bhrìgh gu'n d'rinn e na nithe so air an t-sàbaid.

17 Ach fhreagair Iosa iad, Tha m' Athair ag oibreachadh gus a nis, agus tha mise ag oibreachadh.

18 Uime sin bu mhòid a dh'iarr na h-Iudhaich a mharbhadh, a chionn nach e mhàin gu'n do bhris e 'n t-sàbaid, ach gu'n dubhairt e mar an ceudna gu'm b'e Dia Athairsan, 'ga dheanamh féin coimh-ionann ri Dia.

19 Air an aobhar sin fhreagair Iosa, agus thubhairt e riu, Gu deimhin deimhin a deirim ribh, nach 'eil am Mac comasach air 'ni sam bith a dheanamh uaith féin, ach an ni a chi

e 'n t-Athair a' deanamh: oir ge b'e nithe a ni esan, na nithe sin féin ni am Mac mar an ceudna.

20 Oir is ionmhuinn leis an Athair am Mac, agus a ta e a' foillseachadh dha nan uile nithe a tha e féin a' deanamh: agus foillsichidh e dha oibre a's mò na iad so, air chor as gu'm bi iongantais oirbhse.

21 Oir mar a ta 'n t-Athair a' dùsgadh, agus a' beothachadh nam marbh, is amhuil sin a ta am Mac a' beothachadh an dream a's àill leis.

22 Oir cha 'u'eil an t-Athair a' toirt breth air duine sam bith; ach thug e gach uile bhreitheanas do'n Mhac:

23 Chum's gu'n d'thugadh na h-uile dhaoine urram do'n Mhac, amhuil mar a ta iad a' toirt urrainn do'n Athair. An ti nach 'eil a' toirt urrainn do'n Mhac, cha 'n'eil e toirt urrainn do'n Athair a chuir uaith e.

24 Gu deimhin deimhin a deirim ribh, An ti a dh'éisdeas ri m' fhocalsa, agus a ta creidsinn anns an ti a chuir uaith mi, tha a' bheatha mhair-eannach aige, agus cha d'thig e chum dìtidh; ach chaidh e thairis o bhàs gu beatha.

25 Gu deimhin deimhin a deirim ribh, Gu bheil an uair a' teachd, agus gu bheil i nis ann, anns an cluinn na mairbh guth Mhic Dhé: agus an dream a chluinneas, bithidh iad beo.

26 Oir mar a ta aig an Athair beatha ann féin, is amhuil sin a thug e do'n Mhac beatha a bhì aig ann féin;

27 Agus thug e mar an ceudna dha ùghdarras chum breth a thabhairt, do bhrìgh gur e Mac an duine.

28 Na gabhaibh iongantais deth so: oir a ta 'n uair a' teachd, anns an cluinn iadsan uile a ta sna h-uaignibh a ghuthsan:

29 Agus théid iad a mach, iadsan a rinn-maith, chum aiseirigh na beatha; agus iadsan a rinn olc, chum aiseirigh an damnaidh.

30 Cha 'n'eil mise comasach air ni sam bith a dheanamh uam féin: mar a chluinneam, bheiream breth: agus a ta mo bhreitheanas ceart; do bhrìgh nach 'eil mi 'g iarraidh mo thoile féin, ach toil an Athar a chuir uaith mi.

31 Ma bheir mise fianuis a m' thimchioll féin, cha 'n'eil m' fhianuis fìor a.

32 Tha neach eile a' toirt fianuis a m' thimchioll, agus a ta fhios agam gur fìor an fhianuis a tha e deanamh mu m' thimchioll.

33 Chuir sibhse chum Eoin agus thug e fianuis do'n fhìrinn.

34 Ach cha 'n'eil mise a' gabhail fianuis o dhuine: ach a deirim na nithe so, chum gu 'm bi sibhse air bhur tearnadh.

35 B'e an an lèchran lasta a agus dealrach: agus bha sibhse toileach car tamuill gairdeachas a dheanamh 'na sholus.

36 Ach a ta agamsa fianuis a's mò na fianuis Eoin: oir na h-oibre a thug an t-Athair dhomhsa chum gu'n crìochnaichinn iad, tha na h-oibre sin fèin a tha mise a' deanamh, a' toirt fianuis a m' thimchioll, gu'n do chuir an t-Athair uaith mi.

37 Agus an t-Athair fèin a chuir uaith mi, thug e fianuis a m' thimchioll. Cha chuala sibh riamh a ghuth, ni mò a chunnaic sibh a choslas.

38 Agus cha 'n'eil fhocalsan agaibh a' gabhail còmhnuidh annaibh: oir an ti sin a chuir esan uaith, cha 'n'eil sibh 'ga chreidsinn.

39 Rannsaichibh b na scriobtuirean, oir a ta sibh a' saòilsinn gu bheil a' bheatha mhaireannach agaibh anntasan, agus is iad sin a ta toirt fianuis a m' thimchiollsa.

40 Gidheadh cha 'n'àill libh teachd a m' ionnsuidhse, chum gu'm faigh-eadh sibh beatha.

41 Cha 'n'eil mise gabhail urraim c o dhaoineibh.

42 Ach is aithne dhomh sibhse, nach 'eil gràdh Dhé agaibh annaibh.

43 Thainig mise an ainm m' Athar, agus cha 'n'eil sibh a' gabhail rium: ma thig neach eile 'na ainm fèin, gabhaidh sibh ris-san.

44 Cionnus a dh'fheudas sibh creidsinn, a ta gabhail urraim o chéile, agus nach 'eil ag iarraidh an urraim a thig o Dhia a mhàin?

45 Na saoilibh gu'n dean mise bhur casaid ris an Athair: tha aon a tha deanamh casaid oirbh, Maois, anns am bheil sibh a' cur bhur dòchais d.

46 Oir nan creideadh sibh Maois, chreideadh sibh mise: oir scriobh esan a m' thimchioll.

47 Ach mur creid sibh a scriobhadhsan, cionnus a chreideas sibh mo bhriathrasa?

#### CAIB. VI.

**N**A dhéigh sin chaidh Iosa thar muire Ghalile, no Thiberiais.

2 Agus lean sluagh mòr e, do

a lasrach.  
rannsachadh.  
a as am bheil sibh ag earbsadh.

b Tha sibh a'  
c glòire.  
e fairge.

bhrigh gu'm fac iad a mhòrbhuilean a rinn e air an dream a bha euslan.

3 Agus chaidh Iosa suas air beinn, agus shuidh e an sin maille r'a dheisciobluibh.

4 Agus bha chàisg, féisd nan Iudhach, am fagus.

5 An sin an uair a thog Iosa suas a shùilean, agus a chunnaic e gu'n d'thainig buidheann mhòr shluaigh d'a ionnsuidh, a deir e ri Philip, Cia 'n t-àit as an ceannaich sinn aran chum's gu'n ith iad so?

6 (Ach thubhairt e so 'ga dhearbhadhsan; oir bha fhios aige fèin ciod a dheanadh e.)

7 Fhreagair Philip e, Cha leoir dhoibh luach dhà cheud peghinn a dh'aran, chum's gu'n gabhadh gach aon diubh beagan.

8 Thubhairt aon d'a dheisciobluibh, Aindreas, bràthair Shimon Pheadair, ris,

9 Tha òganach an so, aig am bheil cùig buillinnean eòrna, agus dà iasg bheaga: ach ciod iad so am measg na h-uiread?

10 Agus thubhairt Iosa, Thugaibh air na daoineibh suidhe sìos. A nis bha mòran feoir anns an àit. Air an aobhar sin shuidh na daoine sìos, an àireamh timchioll chùig mìle.

11 Agus ghlac Iosa na buillinnean, agus air breith buidheachais da, roinn e air na deisciobluibh iad, agus na deisciobuil orra-san a shuidh: agus mar an ceudna do na h-iasgaibh beaga, mheud 's a b'àill leo.

12 'Nuair a shàsuicheadh iad, thubhairt e r'a dheisciobluibh, Cruinnichibh am biadh briste ta thuilleadh ann, chum's nach caillear a bheag.

13 Air an aobhar sin chruinnich iad e r'a chéile, agus lìon iad dà chliabh dheug do sbruileach na cùig builinn eòrna, a bha dh'fhuigh-eall aig a' mhuinntir a dh'ith.

14 An sin an uair a chunnaic na daoine sin am mòrbhuil a rinn Iosa, thubhairt iad, Gu fìrinneach is e so am fàidh a bha gu teachd chum an t-saoghail.

15 Uime sin an uair a thuig Iosa gu'n robh iad air t'f teachd agus breith air le làimh làidir, chum's gu'n deanadh iad righ dheth, dh'imich e ris do'n bheith 'na aonar.

16 Agus an uair a thainig am feasgar, chaidh a dheisciobuil sìos chum na mara.

17 Agus air dol an luing dhoibh, chaidh iad thar a' mhuir gu Capernaum.

f'run orra.

naum : agus bha 'n dorchadas a nis ann, agus cha robh Iosa air teachd d'an ionnsuidh.

18 Agus ag séideadh do ghaoith mhòir, dh'éirich a' mhuir.

19 Uime sin an uair a rinn iad iomramh timebioll cùig no deich thar fhichead do stàidibh, chunnaic iad Iosa ag imeachd air a' mhuir, agus a druideadh ris an luing, agus ghabh iad eagal.

20 Ach thubhairt esan riu, Is mise ta ann, na biodh eagal oirbh.

21 Uime sin ghabh iad gu toileach a teach do'n luing e : agus air ball ràinig an long an tìr gus an robh iad a' dol.

22 Air an là 'na dhéigh sin, an uair a chunnaic an sluagh a sheas air taobh eile na mara, nach robh longa eile an sin, ach an *long* sin anns an deachaidh a dheisciobuil a steach, agus nach deachaidh Iosa san luing maille r'a dheiscioblubh, ach *gu'n* d'fhalbh a dheisciobuil 'nan aonar;

23 (Gidheadh thainig longa beaga eile o Thiberias, làimh ris an àit san d'ith iad an t-aran, an déigh do'n Tighearn buidheachas a thoirt)

24 Uime sin an uair a chunnaic an sluagh nach robh Iosa an sin, no a dheisciobuil, chaidh iad féin mar an ceudna ann an longaibh, agus thainig iad gu Capernaum, ag iarraidh Iosa.

25 Agus air dhoibh fhaotainn air an taobh thall do'n mhuir, thubhairt iad ris, A mhaighstir, c'uin a thainig thu 'n so ?

26 Fhreagair Iosa iad agus thubhairt e, Gu deimhin a deirim ribh, A ta sibh ga m' iarraidh, cha 'n ann a chionn gu'm faca sibh na mìorbhuilean, ach a chionn gu'n d'ith sibh do na builinnibh, agus gu'n do shàsuich-eadh sibh.

27 Deanaibh saothair cha 'n ann air son a' bhìdh a theirgeas, ach air son a' bhìdh a mhaireas chum na beatha sìorruidh, a bheir Mac an duine dhuibh : oir esan sheulaich b Dia an t-Athair.

28 An sin thubhairt iad ris, Ciod a ni sinn, chum as gu'n oibrich sinn oibre Dhé ?

29 Fhreagair Iosa agus thubhairt e riu, Is i so obair Dhé, gu'n creid sibh anns an ti a chuir e uaith.

30 Uime sin thubhairt iad ris, Ciod an comhar a ni thusa ma ta, chum gu'm faic sinn, agus gu'n creid sinn thu ? ciod an obair a ni thu ?

31 Dh'ith ar n-aithriche mana san

fhàsach ; a reir mar a ta e scrìobhta, Thug e dhoibh aran o nèamh r'a ith-eadh.

32 An sin thubhairt Iosa riu, Gu deimhin deimhin a deirim ribh, nach d'thug Maois dhuibh an t-aran o nèamh ; ach a ta m'Athairse toirt dhuibh an arain fhìor o nèamh.

33 Oir is e sin aran Dhé a ta teachd a nuas o nèamh, agus a ta tabhairt beatha do'n t-saoghal.

34 An sin thubhairt iad ris, A Thighearn, tabhair dhuinne an t-aran so 'n còmhnuidh.

35 Agus thubhairt Iosa riu, Is mise aran na beatha : an ti a thig a m' ionnsuidhse, cha bhì ocras gu bràth air ; agus an ti a chreideas annamsa, cha bhì tart gu bràth air.

36 Ach mar a thubhairt mi ribh, ge do chunnaic sibh mi, cha 'n'eif sibh a' creidsinn.

37 Gach ni a bheir an t-Athair dhomhsa, thig e a m' ionnsuidh ; agus an ti a thig a m' ionnsuidh, cha tilg mi air chor sam bith a mach e.

38 Oir thainig mi nuas o nèamh, cha 'n ann chum gu'm deanainn mo thoil féin, ach toil an ti a chuir uaith mi.

39 Agus is i so toil an Athar a chuir uaith mi, nach caillinn a bheag sam bith do'n uile a thug e dhomh, ach gu'n togainn suas e ris air an là dheireannach.

40 Agus is i so toil an ti a chuir uaith mi, gu'm biodh a' bheatha mhaireannach aig gach neach a chi am Mac, agus a chreideas ann : agus togaidh mise suas e air an là dheireannach.

41 An sinn rinn na h-Iudhaich gearan uime, a chionn gu'n dubhairt e, Is mise an t-aran a thainig a nuas o nèamh.

42 Agus thubhairt iad, Nach e so Iosa mac Ioseiph, neach aig an aithne dhuinn athair agus a mhàthair ? cionnus ma seadh a deir e, Thainig mi nuas o nèamh ?

43 Air an aobhar sin fhreagair Iosa agus thubhairt e riu, Na deanaibh gearan 'nar measg féin.

44 Cha'n urradh neach air bith teachd a m' ionnsuidhse, mur tar-ruing an t-Athair a chuir uaith mise e : agus togaidh mise suas e air an là dheireannach.

45 Tha e scrìobhta sna fàidhibh, Agus bithidh iad uile air an teagasg o Dhia. Gach neach a chuala, agus a dh'fhòghluim o'n Athair, thig e m' ionnsuidhse.

46 Cha 'n e gu'm faca neach sam

a bàrc, bàt.

b ehomharaich, shonraich.

c [Uime sin] gach.

bith an t-Athair, ach an ti a ta o Dhia; chunnaic esan an t-Athair.

47 Gu deimhin deimhin a deirim ribh, An ti a ta creidsinn annamsa, tha bheatha mhaireannach aige.

48 Is mise aran na beatha.

49 Dh'ith bhuir n-aithriche mana san fhàsach, agus fhuair iad bàs.

50 Is e so an t-aran a tha teachd a nuas o nèamh, chum as gun ith neach dheth, agus nach faigh e bàs.

51 Is mise an t-aran beo, a thainig a nuas o nèamh: ma dh'itheas neach air bith do'n aran so, bithidh e beo gu sìorruidh: agus an t-aran a bheir mise uam, is e m'fheoil e, a bheir mi air son beatha an t-saoghail.

52 Air an aobhar sin bha connsachadh aig na h-Iudhaich r'a chéile, ag ràdh, Cionnus a dh'fheudas an duine so fheoil a thoirt duinn r'a itheadh?

53 An sin thubhairt Iosa riu, Gu deimhin deimhin a deirim ribh, mur ith sibh feoil Mhic an duine, agus mur òl sibh fhuil, cha 'n'eil beatha agaibh annaibh.

54 Esan a dh'itheas m' fheoilse, agus a dh'òlas m' fhuilse, a ta a' bheatha sìorruidha aige, agus togaidh mise suas e air an là dheireannach.

55 Oir is biadh gu fìrinneach m' fheoil, agus is deoch gu fìrinneach m' fhuil.

56 Esan a dh'itheas m' fheoilse, agus a dh'òlas m' fhuilse, tha e gabhail còmhnuidh annamsa, agus mise annsan.

57 Mar a ta'n t-Athair beo a chuir uaidh mise<sup>b</sup>, agus a thais<sup>c</sup> beo tre c<sup>d</sup> 'n Athair; is amhuil sin esan a dh'itheas mise, bithidh e mar an ceudna beo triomsa<sup>d</sup>.

58 Is e so an t-aran sin a thainig a nuas o nèamh; cha 'n e mar a dh'ith bhuir n-aithriche mana, agus fhuair iad bàs: esan a dh'itheas an t-aran so, bithidh e beo am fèasd.

59 Thubhairt e na nithe so anns an t-sionagag, an uair a bha e a' teagasg an Capernaum.

60 Uime sin air cluinntinn so do mhòran d'a dheisciobluibh, thubhairt iad, Is cruaidh a' chainnt so, cò a dh'fheudas éisdeachd rithe?

61 'Nuair a thuig Iosa ann féin gu'n robh a dheisciobuil ri gearan uime so, thubhairt e riu, Am bheil so a' toirt oilbheim dhuibh?

62 Agus ciod nam faiceadh sibh

Mac an duine a' dol suas do'n àit anns an robh e roimhe?

63 'S e 'n Spiorad a bheothaicheas, cha 'n'eil tairbhe air bith san fheoil: na briathran a tha mise a' labhairt ribh, is spiorad agus is beatha iad.

64 Ach a ta cuid dibhse nach 'eil a' creidsinn. (Oir b'aithne do Iosa o thùs, cò iad nach robh a' creidsinn, agus cò an ti a bhrathadh e.)

65 Agus thubhairt e, Air an aobhar sin thubhairt mi ribh, nach urradh neach air bith teachd a m' ionnsuidh, mur bi e air a thoirt da o m' Athair.

66 O'n àm sin chaidh mòran d'a dheisciobluibh air an ais, agus cha d'imich iad ni's mò maille ris.

67 An sin thubhairt Iosa ris an dà fhear dheug, An àill libhse falbh cuideachd.

68 An sin fhreagair Simon Peadar e, A Thighearn, cia dh'ionnsuidh an d'fhéid sinn? agadsa tha briathra na beatha maireannaich.

69 Agus a ta sinne a' creidsinn, agus a ta fhios againn gur tusa Crìosd e Mac an Dé bheo.

70 Fhreagair Iosa iad, Nach do thagh mise sibhse dà fhear dheug, agus a ta fear agaibh 'na dhiabhol?

71 Ach labhair e mu Iudas Iscariot, mac Shimoin: oir is e so an ti a bha gu esan a bhrath, air dha bhà 'na aon do'n dà fhear dheug.

#### CAIB. VII.

**A** GUS an déigh nan nithe sin, bha Iosa ag imeachd mu'n cuairt ann an Galile: oir cha b'àill leis a bhì 'g imeachd ann an Iudea, a chionna gu'n robh na h-Iudhaich ag iarraidh a mharbhadh.

2 Agus bha féisd nam Iudhach, eadhon féisd nam paillion, am fagus.

3 Uime sin thubhairt a bhràithre ris, Imich as so agus rach e do Iudea, chum as gu faic do dheisciobuil mar an ceudna t' oibre a tha thu a' deanamh.

4 Oir cha dean neach air bith aon ni am folach, a dh'iarras e féin a bhì am follush: ma ta thu a' deanamh nan nithe so, nochd thu féin do'n t-saoghal.

5 Oir cha do chreid a bhràithre féin ann.

6 An sin thubhairt Iosa riu, Cha d'fhainig m' àmsa fathast; ach a ta bhuir n-àmsa ghnàth deas.

7 Cha 'n'eil e 'n comas do'n t-saoghal sibhse fhuathachadh; ach fuathaichidh e mise, do bhrìgh gu

<sup>a</sup> deasboireachd, tagradh.

<sup>b</sup> Mar a chuir an t-Athair beo uaidh mise.

<sup>c</sup> troimh.

<sup>d</sup> tromham.

<sup>e</sup> an Crìosd, am Mesias.

<sup>f</sup> còmhnuidh a gabhail.

<sup>g</sup> theirig.

<sup>h</sup> bhì iomraideach.



bheil mi toirt fianuis m'a thimchioll gu bheil oibre olc.

8 Rachaidhse suas chum na féisde so: cha d'théid mise suas fathast chum na féisde so, do bhrìgh nach 'eil m'am fathast air a choimhlionadh.

9 'Nuair thubhairt e na nithe so riu, dh'fhan e an Galile.

10 Ach an uair a chaidh a bhràithre suas, an sin chaidh esan suas mar an ceudna chum na féisde, cha 'n ann os àird, ach mar gu b'ann os ìosal.

11 An sin dh'iarr na h-Iudhaich e air an fhéid, agus thubhairt iad, C'ait am bheil e?

12 Agus bha borbhan a mòr am measg an t-sluaigh m'a thimchioll: oir thubhairt cuid, Is duine maith e: ach thubhairt cuid eile, Nì h-eadh; ach a ta e mealladh an t-sluaigh.

13 Gidheadh cha do labhair neach sam bith gu follaiseach uime, air eagal nan Iudhach.

14 A nis mu mheadhon na féisde, chaidh Iosa suas do'n teampull, agus theagaisg e.

15 Agus ghabh na h-Iudhaich iongantais, ag ràdh, Cionnus is aithne do'n duine so litrichean, agus nach d'fhòghluim e.

16 Fhreagair Iosa iad, agus thubhairt e, Cha leam féin mo theagasg, ach leisean a chuir uaith mi.

17 Ma's àill le neach sam bith a thoilsan a dheanamh, bithidh fios aige mu'n teagasg, an ann o Dhia a ta e, no 'm bheil mise a labhairt uam féin.

18 An ti a labhras uaith féin, tha e 'g iarraidh a ghloire féin: ach ge b'e dh'iarras glòir an ti a chuir uaith e, tha esan firinneach, agus cha 'n 'eil eucoir air bith ann.

19 Nach d'thug Maois an lagh dhuibh, agus gidheadh cha 'n 'eil aon neach agaibh a' coimhlionadh an lagha? C'ar son a ta sibh ag iarraidh mise a mharbhadh?

20 Fhreagair an sluagh agus thubhairt iad, Tha deamhan agad: cò tha 'g iarraidh do mharbhadh?

21 Fhreagair Iosa agus thubhairt e riu, Rinn mise aon obair, agus a ta iongantais oirbh uile air an aobhar sin.

22 Thug Maois dhuibh an timchioll-ghearradh, (cha'n e gur ann o Mhaois a ta e, ach o na h-aithrichibh) agus timchioll-ghearradh sibhse duine air an t-sàbaid.

23 Ma tha duine air an t-sàbaid a' gabhail timchioll-ghearradh,

chum's nach bi lagh Mhaois air a bhriseadh; am bheil fearg agaibh riumsa, a chionn gu'n d'rinn mi duine uile slàn air an t-sàbaid?

24 Na tugaibh breth a réir coslais, ach thugaibh breth cheart.

25 An sin thubhairt cuid do mhuinntir Ierusalem, Nach e so esan a tha iad ag iarraidh a mharbhadh?

26 Agus feuch, tha e labhairt os àird, agus cha 'n 'eil iad ag ràdh nì sam bith ris: am bheil dearbh fhios aig na h-uachdarain gur e so da rir-eadh Criosd?

27 Gidheadh is aithne dhuinn an duine so cia as da: ach an uair a thig Criosd, cha 'n aithne do neach air bith cia as da.

28 An sin ghlaodh Iosa san teampull, agus e a' teagasg, ag ràdh, Is aithne e dhuibh araon mise, agus cia as domh: agus cha d'thainig mi uam féin, ach a ta esan fìor a chuir uaith mi, air nach 'eil eòlas agaibhse.

29 Ach a ta eòlas agams' air, oir is ann uaith a ta mi, agus chuir esan uaith mi.

30 An sin dh'iarr iad a ghlacadh: ach cha do chuir neach air bith làmh ann, a chionn nach robh uairsan fathast air teachd.

31 Agus chreid mòran do'n t-sluagh air, agus thubhairt iad, 'Nuair a thig Criosd, an dean e nì's mò do mhìorbhuilibh na iad sin a rinn an duine so?

32 Chuala na Phairisich gu'n robh an sluagh a' borbhanaich nan nithe so m'a thimchioll: agus chuir na Phairisich agus na h-àrd shagairt maor g'a ghlacadh.

33 An sin thubhairt Iosa d, Fathast tamull beag tha mise maille ribh, agus an sin a ta mi dol chum an ti a chuir uaith mi.

34 Iarraidh sibh mi, agus cha'n fhaigh sibh mi: agus do'n àit am bi mi, cha'n urradh sibhse teachd.

35 An sin thubhairt na h-Iudhaich eatorra féin, C'ait an d'théid am fear so, nach faigh sinn e? an d'théid e chum na muinntir a ta air an sgapadh am measg nan Greugaich, agus an teagaisg e na Greugaich?

36 Cìod i a' chainnt so a thubhairt e, Iarraidh sibh mi, agus cha'n fhaigh sibh mi: agus do'n àit am bheil mise, cha'n urradh sibhse teachd?

37 Air an là dheireannach, là mòr sin na féisde, sheas Iosa agus ghlaodh e, ag ràdh, Ma tha tart air neach sam bith thigeadh e m'ionnsuidhse, agus òladh e.

38 An ti a 'chreideas annamsa,

mar a deir an scriobtuir, sruthaidh as a bhroinn<sup>a</sup> aimhnichean do uisge beo.

39 (Ach labhair e so mu 'n Spiorad, a bha iadsan a chreideadh annsan gu fhaghal: oir cha robh an Spiorad<sup>b</sup> fathast air a thabhairt, do bhrìgh nach robh Iosa fathast air a ghlòrachadh.)

40 Uime sin an uair a chuala mòran do'n t-sluagh a' chainnt so, thubhairt iad, Gu fìrinneach is e so am fàidh.

41 Thubhairt cuid eile, 'S e so Criosd. Ach thubhairt dream eile, An ann o Ghalile a thig Criosd?

42 Nach dubhairt an scriobtuir, Gu'n d'thig Criosd do shìol Dhaibhidh, agus a Betlehem, am baile an robh Daibhidh?

43 Air an aobhar sin dh'éirich eas-aonachd<sup>c</sup> am measg an t-sluaigh air a shonsan.

44 Agus b'àill le cuid diubh a ghlacadh; ach cha do chuir duin' air bith làmh ann.

45 An sin thainig na maoir chum nan àrd shagart agus nam Phairis-each; agus thubhairt iadsan riu, C'ar son nach d'thug sibh libh e?

46 Fhreagair na maoir, Cha do labhair duine riann mar an duine so.

47 An sin fhreagair na Phairisich iad, Am bheil sibhse mar an ceudna air bhur mealladh?

48 An do chreid aon air bith do na h-uachdarain ann, no do na Phairisich?

49 Ach an sluagh so aig nach 'eil eòlas an lagha, tha iad malluichte.

50 A deir Nicodemus riu, (esan a thainig d'a ionnsuidh san oidhche, air dha bhi 'na aon diubh,)

51 Am bheil ar laghne toirt breth air duine sam bith gus an cluinn e uaith féin an toiseach, agus gus am bi fhios aige ciod a tha e a' deanamh?

52 Fhreagair iadsan agus thubhairt iad ris, Am bheil thusa mar an ceudna o Ghalile? Rannsaich, agus faic: oir a Galile cha d'éirich fàidh<sup>d</sup>.

53 Agus dh'imich gach aon d'a thig féin.

#### CAIB. VIII.

**A**CH chaidh Iosa chum sléibh nan crann-ola:

2 Agus gu moch air mhaduinn thainig e ris do'n teampull, agus thainig an sluagh uile d'a ionnsuidh; agus air suidhe dha, theagaisg e iad.

<sup>a</sup> a chom, a chliabh. <sup>b</sup> Spiorad naomh. <sup>c</sup> roinn, consachadh.

<sup>d</sup> Rannsaich agus faic nach éirich fàidh a Galile.

3 Agus thug na scriobhuichean agus na Phairisich bean d'a ionnsuidh a ghlacadh an adhaltrannas; agus air dhoibh a cur anns a' mheadhon,

4 A deir iad ris, A mhaighstir, ghlacadh a' bhean so anns a' ghnìomh féin, a deanadh adhaltrannais.

5 A nis dh'àithn Maois dhuinn san lagh, an leithide so a chlachadh: ciod ma seadh a deir thusa?

6 Thubhairt iad so 'ga dhearbhadh, chum gu'm biodh aca cùis-chasaid 'na aghaidh. Ach chrom Iosasios, agus scriobh e le mheur air an làr, mar nach biodh e 'gan cluinn-tinn.

7 Mar sin air dhoibh buanachadh a' feòraich dheth, thog se e féin suas agus thubhairt e riu, An neach a ta gun pheacadh agaibhse, tilgeadh e cheud chlach oirre.

8 Agus chrom e sìos a rìs agus scriobh e air an làr.

9 Agus an uair a chual iadsan so, (air dhoibh bhi air an agairt le'n coguis<sup>f</sup> féin) chaidh iad a mach an déigh a chéile, a' tòiseachadh aig an dream bu shine, gus an dream mu dheireadh: agus dh'fhàgadh 'na aonar Iosa, agus a' bhean 'na seasamh sa' mheadhon.

10 Agus air éirigh suas do Iosa, 'nuair nach fac e aon air bith ach a' bhean, thubhairt e rithe. A bhean, c'ait am bheil iad sud do luchd-casaid? an do dhìt duin' air bith thu?

11 Thubhairt ise, Cha do dhìt aon duine, a Thighearn. Agus thubhairt Iosa rithe, Cha mhò a tha mise ga d' dhitéadh: imich romhad, agus na peacuich ni's mò.

12 An sin labhair Iosa riu a ris, ag ràdh, Is mise solus an t-saoghail: an ti a leanas mise, cha siubhail e an dorchadas, ach bithidh solus na beatha aige.

13 Uime sin thubhairt na Phairisich ris, Tha thu toirt fianuis a d' thimchioll féin; cha 'n'eil t-fhianuis fìor.

14 Fhreagair Iosa, agus thubhairt e riu, Ge do tha mi toirt fianuis a m' thimchioll féin, gidheadh a ta m' fhianuis fìor: oir a ta fhios agam cia as a thainig mi, agus c'ait am bheil mi dol; ach cha 'n'eil fhios agaibhse cia as a thainig mi, no c'ait am bheil mi dol.

15 Tha sibhs' a' toirt breth a réir na feòla, cha 'n'eil mise a' toirt breth air aon duine.

16 Agus ma bheir mise breth, tha

<sup>e</sup> 'ga fheuchainn, 'ga bhuaireadh. <sup>f</sup> coimh-fhios, coinsiens.

mo bhreth firinneach: oir cha 'n'eil mi m'aonar, ach mise agus an t-Athair a chuir uaith mi.

17 Agus a ta e-scriobhta ann bhur lagh féin, gu bheil fianuis dithis dhaoine fíor.

18 Is aon mise a ta deanamh fianuis a m' thimchioll féin, agus a ta 'n t-Athair a chuir uaith mi, a' deanamh fianuis a m' thimchioll.

19 An sin thubhairt iad ris, C'ait am bheil t-Athair? Fhreagair Iosa, Cha 'n aithne dhuibhs' aon chuid mise no m' Athair: nam biodh eòlas agaibh ormsa, bhiodh eòlas agaibh air m' Athair mar an cèudna.

20 Labhair Iosa na briathra so an tigh-coimhead an ionmhais, ag teagasg dha san teampull: agus cha do chuir duin' air bith làmh ann, oir cha robh uair fathast air teachd.

21 An sin thubhairt Iosa riu a ris, Tha mise a' falbh, agus iarraidh sibh mi, agus bàsaichidh sibh ann bhur peacadh: cha 'n urradh sibhse teachd do'n àit am bheil mise a' dol.

22 An sin thubhairt na h-Iudhaich, Am marbh se e féin? do bhrìgh gu bheil e 'g ràdh, Far am bheil mis' a' dol, cha 'n urradh sibhse teachd.

23 Agus thubhairt e riu, Tha sibhse o shìos, tha mise o shuas: tha sibhse do'n t-saoghal so, cha 'n'eil mise do'n t-saoghal so.

24 Uime sin thubhairt mi ribh, Gu'm bàsaich sibh ann bhur peacaibh: oir mur creid sibh gur mise e, gheibh sibh bàs ann bhur peacaibh.

25 An sin thubhairt iad ris, Cò thusa? Agus thubhairt Iosa riu, An neach sin féin a thubhairt mi ribh o thùs.

26 Tha mòran agam ri ràdh, agus 'a bhreithneachadh m'ar timchiollsa: ach a ta 'n ti a chuir uaith mi fìrinn-each; agus a ta mise a' labhairt ris an t-saoghal nan nithe a chuala mi uaithsan.

27 Cha do thuig iad gu'm b'ann m' thimchioll an Athar a labhair e riu.

28 An sin thubhairt Iosa rin, 'Nuair a thogas sibh suas Mac an duine, an sin bithidh fios agaibh gur mise e, agus nach 'eil mi deanamh ni sam bith uam féin; ach mar a theagaisg m' Athair mi, gu bheil mi labhairt nan nithe so.

29 Agus tha 'n ti a chuir uaith mi maille rium: cha d'fhàg an t-Athair a'm' aonar mi, do bhrìgh gu bheil mi deanamh a ghnàth nan nithe sin a's taitneach leis.

30 An uair a bha e labhairt nan nithe so, chreid mòran ann.

31 An sin thubhairt Iosa ris na h-Iudhachaibh a chreid ann, Ma bhvanaicheas sibh ann am fhocalsa, bithidh sibh da rìreadh 'nar deisciobuil agam;

32 Agus bithidh eòlas agaibh air an fhìrinn, agus ni'n fhìrinn saor sibh.

33 Fhreagairiad e, Is sinne sliochd Abraham, agus cha robh sinn riann fuidh dhaorsa aig duine sam bith: cionnus a deir thusa, Bithidh sibh saor?

34 Fhreagair Iosa iad, Gu deimhin deimhin a deirim ribh, ge b'e ni peacadh, is seirbhiseach do'n pheacadh e.

35 Agus cha'n fhan an seirbhiseach san tigh gu bràth: ach fanaidh am mac gu bràth.

36 Uime sin ma ni am Mac saor sibh, bithidh sibh saor da rìreadh.

37 Tha fhios agam gur sibh sliochd Abraham; ach a ta sibh ag iarraidh mis' a mharbhadh, do bhrìgh nach 'eil àit aig m' fhocal annaibh.

38 Tha mise a labhairt an ni sin a chunnaic mi aig m' Athair: agus tha sibhse a' deanamh an ni a chunnaic sibh aig bhur n-athair féin.

39 Fhreagair iadsan agus thubhairt iad ris, 'Se Abraham ar n-athairne. A deir Iosa riu, Nam bu chlann do Abraham sibh, dheanadh sibh oibre Abraham.

40 Ach a nis tha sibh ag iarraidh mise a mharbhadh, duine a dh'innis duibh an fhìrinn, a chuala mi o Dhia: cha d'rinn Abraham so,

41 Tha sibhse a' deanamh oibre bhur n-athair féin. An sin thubhairt iad ris, Cha d'rugadh an striopachas, sinne; tha aon Athair againn, eadhon Dia.

42 An sin thubhairt Iosa riu, Nam b'e Dia bhur n' Athair, ghràdhaicheadh sibh mise: oir chaidh mise mach, agus thainig mi o Dhia: agus cha d' thainig mi uam féin, ach chuir esan uaith mi.

43 C'ar son nach 'eil sibh a' tuigsinn mo chòmhradh? do bhrìgh nach urradh sibh éisdeachd ri m' fhocal.

44 Tha sibhse o bhur n-athair an diabhol, agus is iad anamhianna bhur n-athair is toil libh a dheanamh: bha esan 'na mhortair b'o thùs, agus cha d'fhan e san fhìrinn, a chionn nach 'eil fìrinn ann. 'Nuair a labhras e breug, is ann uaith féin a ta e labhairt: oir is breugoire e, agus is e athair na bréige.

45 Agus do bhrìgh gu bheil mise 'g innseadh na firinn, cha 'n'èil sibh ga m' chreidsinn.

46 Cò agaibhse chuireas peacadh as mo lethse? agus ma ta mi 'g innseadh na firinn, c'ar son nach 'èil sibh ga m' chreidsinn?

47 An ti a ta o Dhia, éisdidh e ri briathraibh Dhé: uime sin cha 'n'èil sibhse 'g éisdeachd, a chionn nach ann o Dhia a ta sibh.

48 An sin fhreagair na h-Iudhaich, agus thubhairt iad ris, Nach maith a deir sinn gur Samaritanach thu, agus gu bheil deamhan agad?

49 Fhreagair Iosa, Cha 'n'èil deamhan agam; ach a ta mi toirt urraim do m' Athair, agus a ta sibhse toirt easurraim dhomhsa.

50 Agus cha 'n'èil mi 'g iarraidh mo ghloire féin: tha neach a ta 'g iarraidh agus a' toirt breth.

51 Gu deimhin deimhin a deirim ribh, Ma choimhideas neach m' fhocalsa cha 'n' fhaic e bàs am feasd.

52 An sin thubhairt na h-Iudhaich ris, A nis tha fhios againn gu bheil deamhan agad. Fhuair Abraham bàs, agus na fàidhean; gidheadh a deir thusa, Ma choimhideas duine m' fhocalsa, cha bhlais e bàs am feasd.

53 Am mò thusa na ar n-athair Abraham, a fhuair bàs? agus fhuair na fàidhean bàs: cò a tha thu deanamh dhìot féin?

54 Fhreagair Iosa, Ma ta mi toirt glòire dhomh féin, cha 'n'èil ach neo-ni a'm' ghloir: 's e m' Athair a ta toirt glòire dhomh, neach a deir sibhse gur e bhuir Dia e:

55 Gidheadh cha do ghabh sibh eblas air; ach a ta eòlas agams' air: agus nan abrainn, Nach aithne dhomh e, bhithinn cosmhuil ribhse a'm' bhreugoire: ach is aithne dhomh e, agus a ta mi coimhead a' fhocail.

56 Bha déidh b' mhòr aig Abraham bhurn-athairse air mòl-là-sa fhaicinn: agus chunnaic se e, agus rinn e gairdeachas.

57 An sin thubhairt na h-Iudhaich ris, Cha 'n'èil thu fathast lethcheud bliadhna dh'aois, agus am faca tu Abraham?

58 Thubhairt Iosa riu, Gu deimhin deimhin a deirim ribh, Mun robh Abraham ann, ATAIMSE.

59 An sin thog iadsan clachan chum an tilgeadh air: ach dh'fhol-aich Iosa e féin, agus chaidh e mach as an teampull, a' dol tre am meadhan, agus mar sin chaidh e seachad.

<sup>a</sup> gleidheadh. <sup>b</sup> togradh, gairdeachas.

## CAIB. IX.

**A** GUS ag gabhail seachad do Iosa, chunnaic e duine a bha dall o rugadh e.

2 Agus dh'fheòraich a dheisciobuill deth, ag ràdh, A mhaighstir, cò a pheacaich, an duine so, no a phàrantan, gu'n d'rugadh dall e?

3 Fhreagair Iosa, Cha do pheacaich aon chuid an duine so, no a phàrantan: ach a chum gu'm foillsichte oibre Dhé ann.

4 Is éigin domhsa oibre an ti a chuir uaith mi a dheanamh, am feadh is là e: tha 'n oidhche a' teachd, 'nuair nach urrainn aon duine obair a dheanamh.

5 Am feadh a ta mise san t-saoghail, is mi solus an t-saoghail.

6 'Nuair a thubhairt e na nithe so, chuir e sìle air an talamh, agus rinn, e criadh c' do'n t-sìle, agus sgaoil e a' chriadh air sùilibh an doill,

7 Agus thubhairt e ris, Imich, ionnlaid ann an lochan Shiloaim ('se sin air eadar-theangachadh, Air a chur.) Uime sin dh'imich e, agus dh'ionnlaid e, agus thainig e a' faicinn.

8 Uime sin thubhairt na coimhearsnaich, agus iadsan a chunnaic dall e roimhe sin, Nach e so esan a bha 'nashuidhe 'g iarraidh na déirce?

9 Thubhairt cuid, Is e so e; cuid eile, Tha e cosmhuil ris: thubhairt e féin, Is mise e.

10 Air an aobhar sin thubhairt iad ris, Cionnus a dh'fhosgladh do shùilean?

11 Fhreagair esan agus thubhairt e, Rinn duine d'an ainm Iosa criadh, agus sgaoil e air mo shùilibh i, agus thubhairt e rium, Imich gu lochan Shiloaim, agus ionnlaid: agus dh'imich mi agus dh'ionnlaid mi, agus fhuair mi mo radharc.

12 An sin thubhairt iad ris, C'ait am bheil e? Thubhairt esan, Cha'n aithne dhomh.

13 Thug iad chum nam Phairis-each esan a bha roimhe dall.

14 Agus b'i an t-sàbaid a bha ann an uair a rinn Iosa a' chriadh, agus a dh'fhosgail e shùilean.

15 An sin a ris dh'fheòraich na Phairisich dheth mar an ceudna cionnus a fhuair e a radharc. Agus thubhairt esan riu, Chuir e criadh air mo shùilibh, agus dh'ionnlaid mi, agus tha mi a' faicinn.

16 Uime sin thubhairt cuid do na Phairisich, Cha 'n'èil an duine so o Dhia, do bhrìgh nach 'èil e gleidh-

<sup>c</sup> làthach.



eadh na sàbaid. Thubhairt cuid eile, Cionnus a dh'fheudas duine a ta 'na pheacach, an leithide so do mlior-bhuilbh a dheanamh? Agus bha easaonachd a 'nam measg.

17 A deir iad a ris ris an duine dhall, Ciod a deir tu uime, thaobh gu'n dh'fhosgail e do shùilean? Agus thubhairt esan, Is fàidh e.

18 Ach cha do chreid na h-Iudhaich m'a thimchioll, gu'n robh e dall, agus gu'n d'fhuair e a radharc, gus an do ghairm iad pàrantan an ti a fhuair a radharc.

19 Agus dh'fheòraich iad dhiubh, agràdh, An e so bhur macsa, a deir sibh a rugadh dall? cionnus ma seadh a ta e nis a' faicinn?

20 Fhreagair a phàrantan iad agus thubhairt iad, Tha fhios againn gur e so ar mac, agus gu'n do rugadh dall e:

21 Ach cionnus a ta e nis a' faicinn, cha 'n'eil fhios againn; no cò a dh'fhosgail a shùilean, cha'n aithne dhuinn: tha e féin air teachd gu aois, feòraichibh dheth, labhraidh e air a shon féin.

22 Thubhairt a phàrantan na briathra so, a chionn gu robh eagal nan Iudhach orra: oir shuidhich na h-Iudhaich a cheana eatorra féin, Nan aidicheadh duine sam bith gu'm b'esan Criosd, gu'n rachadh a chur as an t-sionagog.

23 Air an aobhar sin thubhairt a phàranta, Tha e air teachd gu aois, feòraichibh dheth féin.

24 Air an aobhar sin ghairm iad an dara uair an duine a bha dall, agus thubhairt iad ris, Thoir glòir do Dhia: tha fhios againne gur peacach an duine so.

25 An sin fhreagair esan agus thubhairt e, Am peacach e ni h-aithne dhomh: air aon ni tha fhios agam, air dhomh bhi dall, gu bheil mi nis a' faicinn.

26 Ach thubhairt iad ris a ris, Ciod a rinn e dhuìt? cionnus a dh'fhosgail e do shùilean?

27 Fhreagair e iad, Dh'innis mi dhuibh a cheana, agus cha d'éisd sibh; c'ar son a b'àill libh a chluinntinn a ris? a bheil a' mhiann oirbhse bhi 'nar deisciobuil aige mar an ceudna?

28 An sin chàin iad e, agus thubhairt iad, Is tusa a dheisciobul; ach is sinne deisciobuil Mhaois.

29 Tha fhios againn gu'n do labhair Dia ri Maois: ach mu thimchioll an fhir so, cha 'n'eil fhios againn cia as da.

a roinn, sgaradh.

30 Fhreagair an duine agus thubhairt e riu, An so tha ni iongantach, nach 'eil fhios agaibh cia as da, agus gu'n d'fhosgail e mo shùilean;

31 Ach a ta fhios againn nach éisd Dia ri peacachaibh: ach ma ta neach air bith 'na fhear-aoraidh do Dhia, agus a' deanamh a thoile, ris-san éisdidh e.

32 O thoiseach an t-saoghail cha chualas gu'n d'fhosgail aon neach sùilean duine a rugadh dall.

33 Mur biodh an duine so o Dhia, cha b'urrainn e ni sam bith a dheanamh.

34 Fhreagair iadsan agus thubhairt iad ris, Rugadh thusa uile ann am peacaibh, agus am bheil thu 'gar teagasgne? agus thilg iad a mach e.

35 Chual Iosa gu'n do thilg iad a mach e; agus air dha fhaotainn, thubhairt e ris, Am bheil thu creidsinn ann am Mac Dhé?

36 Fhreagair esan agus thubhairt e, Cò e, a Thighearn, chum gu'n creid mi ann?

37 Agus thubhairt Iosa ris, Chunn-aic thu araon e, agus an ti a ta labhairt riut, is esan e.

38 Agus thubhairt esan, Tha mi creidsinn, a Thighearn. Agus rinn e aoradh dha.

39 Agus thubhairt Iosa, Is ann chum breitheanais a thainig mise chum an t-saoghail so, chum iadsan nach 'eil a' faicinn, gu'm faiceadh iad; agus gu'm biodh iadsan a ta faicinn, air an deanamh dall.

40 Agus chuala cuid do na Phairisich, a bha maille ris na nithe so, agus thubhairt iad ris, Am bheil sinne dall mar an ceudna?

41 Thubhairt Iosa riu, Nam bith-eadh sibh dall, cha bhiodh peacadh agaibh: ach a nis a deir sibh, Is léir dhuinn; uime sin tha bhur peacadh a' fantuinn.

#### CAIB. X.

**G**U deimhin deimhin a deirim ribh, An ti nach d'théid a stigh tre'n dorus do chrò nan caorach, ach a théid suas air sheòl eile, is gaduiche agus fear-reubainn esan.

2 Ach an ti a théid a steach air an dorus, is esan buachaille nan caorach.

3 Dhasan fosglaidh an dorsair; agus éisdidh na caoraich r'a ghuth: agus gairmidh e a chaoraich féin air an ainm, agus treòraichidh e mach iad.

4 Agus an uair a chuireas e mach a chaoraich féin, imichidh e rompa, agus leanaidh na caoraich e: oir is aithne dhoibh a ghuth.

5 Agus cha lean iad coigreach

ach teichidh iad uaith, do bhrigh nach aithne dhoibh guth choigreach.

6 An cosamhlachd so labhair Iosa riu: ach cha do thuig iadsan ciod iad na nithean a labhair e riu.

7 An sin thubhairt Iosa riu a ris, Gu deimhin deimhin a deirim ribh, gur mise dorus nan caorach.

8 Iadsan uile a thainig romhamsa, is gaduichean agus luchd-reubainn iad: ach cha d'éisd na caoraich riu.

9 Is mise an dorus: ma théid neach air bith steach triomsa, tearnar e, agus théid e steach agus a mach, agus gheibh e ionaltradh.

10 Cha d'thig an gaduiche ach a ghoid, agus a mharbhadh, agus a mhilleadh: thainig mise chum's gu'm biodh beatha aca, agus gu'm biodh i aca nì's pailte.

11 Is mise am buachaille maith: leigidh a am buachaille b maith anam sìos air son nan caorach.

12 Ach am fear-tuarasdail, agus an ti nach e am buachaille, agus nach leis féin na caoraich, chi e am madadh-alluidh a' teachd, agus fàgaidh e na caoraich, agus teichidh e: agus glacadh am madadh-alluidh iad, agus sgapaich e na caoraich.

13 Ach teichidh am fear-tuarasdail, a chionn gur fear-tuarasdail e, agus nach 'eil snim aige do na caoraich.

14 Is mise am brachaille maith, agus is aithne dhomh mo chaoraich féin, agus aithnichear le m'chaoraich féin mi.

15 Mas is aithne do'n Athair mise, agus is aithne dhomhsa an t-Athair: agus a ta mi leigeadh m'anama sìos air son nan caorach.

16 Agus a ta caoraich eile agam, nach 'eil do'n chrò so: is éigin domh iad sin mar an ceudna thoirt a stigh, agus éisdidh iad ri m'ghuth; agus bithidh aon treud ann, agus aon bhuachaille.

17 Air an aobhar so is ionmhuinn e leis an Athair mise, air son gu'n leig mi sìos m'anam, chum's gu'n glac mi e ris.

18 Cha 'n'eil neach air bith 'ga thoirt uam, ach a ta mi 'ga leigeadh sìos uam féin: tha cumhachd agam a leigeadh sìos, agus tha cumhachd agam a ghlacadh a ris. An aithne so fhuair mi o m'Athair.

19 Air an aobhar sin dh'éirich eas-aonachd a ris am measg nan Iudhach air son nam briathar so.

20 Agus thubhairt mòran diubbh, Tha deamhan aige, agus tha e air

boile d; c'ar son a tha sibh ag éisd-eachd ris?

21 Thubhairt cuid eile, Cha'n iad so briathra duine am bheil deamhan; am bheil deamhan comasach airsùile nan dall fhosgladh?

22 Agus bha féisd-chuimhne an ath-choisreagaidhe ann an Ierusalem, agus b'e 'n geamhradh a bha ann.

23 Agus bha Iosa a sràid-imeachd san teampull ann an sgàth-thigh f Sholaimh.

24 An sin chruinnich na h-Iudhaich mu thimchioll, agus thubhairt iad ris, Cia fhad a chumas tu ar n-anama ann amharus? ma's tu Criosd, innis dhuinn gu follaiseach.

25 Fhreagair Iosa iad, Dh'innis mi dhuibh, agus cha do chreid sibh: na h-oibre a ta mi deanamh an ainm m'Athar, tha iad sin a' toirt fianuis mu m' thimchioll.

26 Ach cha 'n'eil sibhse a' creidsinn; oir cha'n ann do m' chaoraich sibh, mar thubhairt mi ribh.

27 Tha mo chaoraichse ag éisd-eachd ri m' ghuth, agus is aithne dhomh iad, agus leanaidh iad mi:

28 Agus bheiream a' bheathamhair-cannach dhoibh, agus cha sgriosar e; iad am feasd, nì mò a splonas neach air bith as mo làimh iad.

29 M'Athair a thug dhomhsa iad, is mò e na na h-uile: agus cha'n urradh neach air bith an spionadh a làimh m'Athar.

30 Mise agus an t-Athair, is aon sinn.

31 Uime sin thog na h-Iudhaich clachan a ris chum a chlachadh.

32 Fhreagair Iosa iad, Nochd mi dhuibh mòran a dh'oibribh maith e m'Athair; cia do na h-oibribh sin air son am bheil sibh ga m' chlachadh?

33 Fhreagair na h-Iudhaich e, ag ràdh, Air son oibre maith cha 'n'eil sinn ga d' chlachadh; ach air son toibheim, agus air son, air bhi dhuitse a'd' dhuine, gu bheil thu deanamh Dé dhiot féin.

34 Fhreagair Iosa iad, Nach 'eil e scriobhta ann bhur laghsa, Thubhairt mi, Is dée sibh?

35 Ma thubhairt e dée riusan, dh'ionnsuidh an robh focal Dé, agus nach feudar an scriobtuir a bhriseadh h;

36 An abair sibh risean, a naomhaich an t-Athair, agus a chuir e chum an t-saoghail, Tha thu a' labhairt

a cuiridh.

b an t-aodhaire.

c toigh.

d mhi-chéill.

nuadhachaidh.

g chaillear.

e féill an ath-

f àileir.

h sgaoileadh.

toibheim; air son gu'n dubhairt mi,  
Is mi mac Dhé?

37 Mur dean mi oibre m'Athar,  
na creidibh mi.

38 Ach ma nì, ge nach creid sibh  
mise, creidibh na h-oibre, chum gu'm  
bi fios agaibh agus gu'n creid sibh  
gu bheil an t-Athair annamsa, agus  
mise annsan.

39 Uime sin dh'iarr iad a ris a  
ghlacadh: ach chaidh e as an làimh.

40 Agus chaidh e ris do'n taobh  
thall do Iordan, do'n ionad anns an  
robh Eoin air tùs ri baisteadh: agus  
rinn e còmhnuidh an sin.

41 Agus thainig mòran d'a ionn-  
suidh, agus thubhairt iad, Cha do  
rinn Eoin aon mhiorbhuil; ach bha  
na h-uile nithe thubhairt Eoin mu'n  
duine so fìor.

42 Agus chreid mòran san àit sin  
air.

### CAIB. XI.

**A**NIS bha duine àraidh gu tinn,  
d'am b'ainm Lasarus o Bhetani,  
baile Mhuire agus Mharta a peathar.

2 (B'i Mhuire sin a dh'ùng an  
Thighearn le ola luachmhoir, agus a  
thiormuich a chosa le a folt, aig an  
robh a bràthair Lasarus gu tinn.)

3 Uime sinn chuir a pheathraiche  
fios d'a ionnsuidh, ag ràdh, A Thigh-  
earn, feuch, tha 'n ti a's ionmhuinn  
leat tinn.

4 'Nuair a chual Iosa so, thubhairt  
e, Cha 'n'eil an tinneas so chum bàis,  
ach a chum glòire Dhé, chum gu'm  
bi Mac Dhé air a ghlorachadh d'a  
thaobh.

5 A nis b'ionmhuin le Iosa Marta,  
agus a piuthar, agus Lasarus.

6 Uime sin an uair a chual e gu'n  
robh esan tinn, dh'fhan e fathast dà  
latha anns an ionad an robh e.

7 'Na dhéigh sin thubhairt e r'a  
dheiscioblubh, Rachamaid a ris do  
Iudea.

8 Thubhairt a dheisciobuil ris, A  
Mhaighstir, a nis dh'iarr na h-Iudha-  
ich do chlachadh; agus am bheil  
thu dol a ris an sin?

9 Fhreagair Iosa, Nach 'eil dà  
uair dheug san là? Ma dh'imicheas  
duine anns an là, cha tuislich e, oir  
tha e faicinn soluis an t-saoghail so.

10 Ach ma dh'imicheas duine  
anns an oidhche, tuislichidh e, do  
bhrìgh nach 'eil an solus ann.

11 Na nithe so thubhairt e: agus  
'na dhéigh sin a deir e riu, Tha ar  
caraid Lasarus 'na chodal; ach a ta  
mise a dol chum's gu'n dùisg mi as  
a chodal e.

12 An sin thubhairt a dheisciobuil,  
A Thighearn, ma tha e 'na chodal,  
bithidh e slàn.

13 Gidheadh labhair Iosa m  
bhàs: ach shaoiliadsan gu'n do labh  
air e mu thimchioll fois codail.

14 An sin thubhairt Iosa riu gu  
soilleir, Fluair Lasarus bàs:

15 Agus a ta mi subhach air bhur-  
sonsa nach robh mi an sin (chum's  
gu'n creid sibh;) ach rachamaid d'a  
ionnsuidh.

16 An sin thubhairt Tomas, d'an  
goirear Didimus, r'a choimh-dheis-  
cioblubh, Rachamaidne mar an  
ceudna, chum's gu'm faigh sinn bàs  
maille ris.

17 An sin an uair a thainig Iosa,  
fhuair se e an déigh dha bhi cheana  
ceithir làithean san uaigh.

18 (A nis bha Betani fagus do  
Hierusalem, mu thimchioll cùig  
stàide deug uaith.)

19 Agus thainig mòran do na  
h-Iudhaich chum Mharta agus  
Mhuire, gu còmh-fhurtachd a thoirt  
doibh a thaobh am bràthar.

20 An sin an uair a chuala Marta  
gu'n robh Iosa a' teachd, chaidh i  
'na chòdhail: ach shuidh Muire san  
tigh.

21 An sin thubhairt Marta ri  
h-Iosa, A Thighearn, nam biodh  
tusa an so, cha 'n fhaigheadh mo  
bhràthair bàs.

22 Ach a ta fhios agam a nis féin,  
ge b'e air bith nithe a dh'iarras  
tu air Dia gu'n d'thoir Dia dhuit  
iad.

23 Thubhairt Iosa rithe, Eiridh  
do bhràthair a ris.

24 Thubhairt Marta ris, Tha fhios  
agam gu'n éirich e ris san aiseirigh  
air an là dheireannach.

25 Thubhairt Iosa rithe, Is mise  
an aiseirigh, agus a' bheatha: an ti a  
chreideas annamsa, ge do gheibheadh  
e bàs, bithidh e beo;

26 Agus ge b'e neach a ta beo,  
agus a' creidsinn annamsa, cha'n  
fhaigh e bàs am feasd. Am bheil  
thu creidsinn so?

27 Thubhairt i ris, Tha, a Thigh-  
earn: creideam gur tusa Criosd, Mac  
Dhé, a bha gu teachd chum an  
t-saoghail.

28 Agus air dh'i na nithe so ràdh,  
dh'fhalbh i, agus ghairm i a piuthar  
Muire os ìosal, ag ràdh, Thainig  
am Mhaighstir, agus tha e ga d'  
ghairm.

29 'Nuair a chual ise sin, dh'éir-  
ich i gu grad, agus thainig i d'a ionn-  
suidh.

30 A nis cha robh Iosa fathast air  
teachd do'n bhaile, ach bha e anns  
an àit an do choinnich Marta e.

31 An sin na h-Iudhaich a bha  
maille rithe san tigh, agus a' toirt

comh-fhurtachd dh'i, 'nuair a chunn-  
aic iad Muire gu'n d'éirich i gu grad,  
agus gu'n deachaidh i mach, lean  
iad i, ag ràdh, Tha i dol chum na  
h-uaigne, a chaoineadh an sin.

32 An sin an uair a thainig Muire  
do'n àit an robh Iosa, agus a chunn-  
aic i e, thuit i aig a chosaibh, ag  
ràdh ris, A Thighearn, nam biodh  
tusa an so, cha 'n fhaigheadh mo  
bhràthair bàs.

33 Uime sin an uair a chunnaic  
Iosa i a' gul, agus na h-Iudhaich a  
thainig maille rithe a' gul mar an  
ceudna, rinn e osna 'na spiorad, agus  
chuir se e féin fuidh àmhghara.

34 Agus thubhairt e, C'ait an do  
chuir sibh e? Thubhairt iad ris, A  
Thighearn, thig agus faic.

35 Ghuil Iosa.

36 An sin thubhairt na h-Iudha-  
ich, Feuch cionnus a ghràdaich  
se e?

37 Agus thubhairt cuid diubh,  
Nach feudadh an duine so a'  
dh'fhosgail sùilean an doill, a thoirt  
fainear nach faigheadh eadhon am  
fear so bàs?

38 Uime sin thainig Iosa ag os-  
naich a ris ann féin, chum na  
h-uaigne, Agus b'uaimh b i, agus  
bha clach air a cur oirre.

39 Thubhairt Iosa, Togaibh a'  
chlach. Thubhairt Marta, piuthar  
an duine mhairbh, ris, A Thighearn,  
tha nis droch bholadh dheth; oir is  
e so an ceathramh latha c.

40 A deir Iosa rithe, Nach dubh-  
airt mi riut, Ma chreideas tu, gu'm  
faic thu glòir Dhé?

41 An sin thog iad a' chlach o'n  
àit anns an robh an duine marbh air  
a chur. Agus thog Iosa suas a shùil-  
ean, agus thubhairt e, Athair, tha mi  
toirt buidheachais duit gu'n d'éisd  
thu rium.

42 Agus bha fhios agam gu bheil  
thu 'g éisdeachd rium a ghnàth: ach  
thubhairt mi e air son an t-sluaigh a  
tha 'nan seasamh a m' thimchioll,  
chum gu'n creid iad gu'n do chuir  
thusa uait mi.

43 Agus an uair a labhair e na  
nithe so, ghlaodh e le guth mòr, A  
Lasarus, thig a mach.

44 Agus thainig esan a bha marbh  
a mach, agus a chosan agus a làmhnan  
ceangailte leis an eudach mhairbh:  
agus bha aghaidh ceangailte m'an  
cuairt le neapaicin. A deir Iosa  
riu, Fuasglaibh e, agus leigibh leis  
imeachd.

45 An sin chreid mòran do na

h-Iudhachaibh ann, a thainig chum  
Mhuire, agus a chunnaic na nithe a  
rinn Iosa.

46 Ach dh'fhalbh cuid diubh chum  
nam Phairiseach, agus dh'innis iad  
dhoibh na nithe a rinn Iosa.

47 An sin chruinnich na h-àrd  
shagairt agus na Phairisich comh-  
airle, agus thubhairt iad, Ciod a  
tha sinn a' deanamh? oir a ta 'n  
duine so deanamh mòrain mhior-  
bhuile.

48 Ma leigeas sinn leis air an  
dòigh so, creididh na h-uile dhaoine  
ann; agus thig na Romhanaich d,  
agus sgriosaidh iad ar n-àit, agus  
ar cinneach.

49 An sin thubhairt fear àraidh  
dhiubh da 'm b'ainm Caiaphas, air  
dha bhi 'na àrd shagart air a'  
bhliadhna sin, riu, Cha'n aithne  
dhuibh ni sam bith,

50 Ni mò tha sibh a' toirt fainear  
gur iomchuidh dhuinne gu'm faigh-  
eadh aon duine bàs air son an  
t-sluaigh, agus nach biodh an cinn-  
each uile air a sgrios.

51 Ach cha b'ann uaith féin a  
labhair e so: ach air dha bhi 'na àrd  
shagart air a' bhliadhna sin, rinn e  
fàidheadaireachd gu'm faigheadh  
Iosa bas air son a' chinnich sin:

52 Agus ni h-ann air son a' chinn-  
ich sin a mhàin, ach a chum mar an  
ceudna gu'n cruinnicheadh e an  
ceann a chéile 'nan aon clann Dhé a  
bha air an sgapadh.

53 Uime sin o'n là sin a mach,  
chuir iad an comhairle r'a chéile  
chum esan a chur gu bàs.

54 Air an aobhar sin cha d'imich  
Iosa ni's mò os àird an measg nan  
Iudhach; ach chaidh e as sin do  
dhùthaich làimh ris an fhàsach, gu  
baile d'an goirear Ephraim, agus an  
sin ghabh e comhnuidh maille r'a'  
dheisciobluibh.

55 Agus bha càisg nan Iudhach  
am fagus: agus chaidh mòran suas  
as an dùthaich do Hierusalem roimh  
'n chàisg, chum iad féin a ghlanadh.

56 An sin dh'iarr iad Iosa, agus  
labhair iad r'a chéile 'nan seasamh  
san teampull, Ciod bhuir barailse?  
an e nach d'thig e chum na féisde?

57 A nis bha araon na h-àrd shag-  
airt agus na Phairisich air toirt  
àithne, nam biodh fhios aig neach  
air bith c'ait an robh e, gu'ninnseadh  
se e, chum's gu'n glacadh iad e.

#### CAIB XII.

**A**N sin thainig Iosa, sèa làithean  
roimh an chàisg, gu Betani, far



an robh Lasarus a bha marbh, neach, a thog esan o na marbhaibh.

2 Uime sin rinn iad suipeir dha an sin, agus bha Marta a' frithealadh: ach bha Lasarus 'na nòn diubhsan a shuidh air bord maille ris.

3 An sin ghabh Muire pund do ola spicnaird ro luachmhoir, agus dh'ùngi cosan Iosa, agus thiormuich i a chosan le a folt: agus lìonadh an tigh le fàile a cùbhruidh na h-ola.

4 An sin a deir aon d'a dheisciobluibh, Iudas Iscariot, *mac Shimoin*, a bha gu esan a bhrath,

5 C'ar son nach do reiceadh an ola sò air son tri cheud peghinn, agus nach d'thugadh do na bochdaibh e?

6 Thubhairt e so, cha b'ann a chionn gu'n robh suim aige do na bochdaibh: ach a chionn gu'm bu ghaduiche e, agus gu'n robh an sporan aige, agus gu'n do ghiùlain e na nithe a chuireadh ann.

7 An sin thubhairt Iosa, *Leig leatha: fa chomhair latha m' adhlac ghleidh i so.*

8 Oir tha na bochdan a ghnàth agaibh maille ribh, ach cha 'n'èil mise agaibh a ghnàth.

9 Agus bha fhios aig sluagh mòr do na h-Iudhachaibh gu'n robh e'n sin: agus thainig iad, cha 'n ann a mhàin air son Iosa, ach a chum gu'm faiceadh iad mar an ceudna Lasarus, a thog esan o na marbhaibh.

10 Ach ghabh na h-àrd shagairt comhairle, chum Lasarus mar an ceudna a mharbhadh;

11 Do bhrìgh air a shonsan gu'n d'imich mòran do na h-Iudhachaibh, agus gu'n do chreid iad ann an Iosa.

12 Air an là màireach, air cluinn-tinn do mhòr shluagh a thainig chum na fèisde, gu'n robh Iosa a' teachd gu Hierusalem.

13 Ghlac iad geuga pailme, agus chaidh iad mach 'na chòdhail, agus ghlaodh iad, *Hosana*, beannuichte gu robh Rìgh Israeil a tha teachd an ainm an Tighearna!

14 Agus, air do Iosa asal òg fhaotainn, shuidh e air: a réir mar a ta e scrìobhta.

15 Na biodh eagal, ort a nighean Shìpìn: feuch, a ta de Rìgh a' teachd, 'na shuidhe air loth asail.

16 Cha do thuig a dheisciobuil na nithe so air tùs: ach an uair a ghlòraicheadh Iosa, an sin chuimhnich iad gu'n robh na nithe so scrìobhta uime, agus gu'n d'rinn iad na nithe so dha.

17 Uime sin rinn an sluagh a bha maille ris fianuis, gu'n do ghairn e

Lasarus as an uaigh, agus gu'n do thog e o na marbhaibh e.

18 Air an aobhar sin mar an ceudna choinnich an sluagh e, do bhrìgh gu'n cuail iad gu'n d'rinn e am mìorbhuil so.

19 Thubhairt na Phairisich uime sin eatorra féin, Am faic sibh nach 'eil sibh a' buadhachadh bheag sam bith? feuch, tha 'n saoghal air dol 'na dhéigh.

20 Agus bha Greugaich àraidh am measg na muinntir a chaidh suas chum aoradh dheanamh aig an fhéisd:

21 Air an aobhar sin thainig iad-san gu Philip, a *bhu* o Bhetsaida Ghalile, agus dh'iarr iad air, ag ràdh, A Thighearn, bu mhiann leinn Iosa fbaicinn.

22 Thainig Philip agus dh'innis e do Aindreas: agus a ris dh'innis Aindreas agus Philip do Iosa.

23 Agus fhreagair Iosa iad, ag ràdh, Thainig an uair, chum gu'm biodh Mac an duine air a ghlòrachadh.

24 Gu deimhim deimhin a deirim ribh, Mar faigh an gràinne cruinneachid, a thuiteas anns an talamh, bàs, fanaidh e 'na aonar: ach ma gheibh e bàs, bheir e toradh mòr uaith.

25 Esan a ghràdhaicheas anam, caillidh se e; agus esana dh'fhuathaicheas anam anns an t'saoghal so, gleidhidh se e chum na beatha mair-eannaich.

26 Ma ni neach air bith seirbhis dhomhsa, leanadh e mi: agus ge b'e àit ann bi mise, an sin bithidh m' seirbhiseach mar an ceudna: ma ni neach seirbhis dhomhsa, bheir m' Athair onoir dha.

27 A nis tha m'anam fuaidh àmhghar b: agus ciod a their mi? Athair, saor mi o'n uair so; ach is an air a shon so a thainig mi chum na h-uair so.

28 Athair, glòraich t-ainm. An sin thainig guth o nèamh, Ghlòraich mi araon e, agus glòraichidh mi ris e.

29 Uime sin thubhairt an sluagh a sheas a làthair, agus a chuala so, Gu'n robh tairneanach ann: thubhairt cuid eile, Labhair aingeal ris.

30 Fhreagair Iosa agus thubhairt e, Cha'n ann air mo shonsa thainig an guth so, ach air bhuir sonsa.

31 A nis tha breitheanas an t-saoghail so ann: a nis tilgear uachdaran an t-saoghail so mach.

32 Agus mise, ma thògar suas o'n talamh mi, tairngidh mi na h-uile dhaoine a'm' ionnsuidh.

33 (Ach thubhairt e so, a' ciallachadh ciod a' ghuè bàis a gheibheadh e.)

34 Fhreagair an sluagh e, Chuala sinne as an lagh, gu'm fan Criosd gu siorruidh: agus cionnus a deir thusa, Gur éigin do Mhac an duine bhi air a thogail suas? cò e Mac an duine so?

35 An sin thubhairt Iosa riu, Fathast re tamuill bhig tha 'n solus maille ribh; gluaisibh am feadh 'sa ta 'n solus agaibh, chum nach beir an dorchadas oirbh: oir an ti a ta 'g imeachd an dorchadas, cha'n aithne dha c'ait am bheil e dol.

36 Am feadh 's a ta 'n solus agaibh, creidibh san t-solus, chum gu'm bi sibh 'nar cloinn do'n t-solus. Labhair Iosa na nithe so agus dh'fhalbh e, agus dh'fholaich se e féin uatha.

37 Ach ge do rinn e a choimhlon so do mhìorbhuilbh 'nan làthair, cha do chreid iad ann:

38 Chum gu'm biodh briathran an fhàidh Esais air an coimhlonadh, a thubhairt e, A Thighearn, cò a chreid ar n-aithrisne? agus cia dha a dh'fhoillsicheadh gairdean an Tighearna?

39 Air an aobhar so cha robh e'n comas doibh creidsinn, do bhrìgh gu'n dubhairt Esais a ris.

40 Dhall e an sùilean, agus chruaidhich e an cridhe, chum nach faiceadh iad le'n sùilibh, agus nach tuigeadh iad le'n cridhe, agus nach pilleadh iad, agus gu'n slànuichinn iad.

41 Thubhairt Esais na nithe so, 'nuair a chunnaic e a ghloirsan, agus labhair e uime.

42 Gidheadh chreid mòran do na h-Uachdaranaibh féin ann: ach air son nan Phairiseach cha d'aidich iad e, air eagal gu'n cuirte mach as an t-sionagag iad.

43 Oir b'annsa leo glòir dhaoine na glòir Dhé.

44 Agus ghlaodh Iosa, agus thubhairt e, An ti a ta creidsinn annamsa, cha'n ann annamsa tha e creidsinn, ach anns an ti a chuir uaidh mi.

45 Agus an ti a tha ga m' fhaicinnse, tha e faicinn an ti a chuir uaidh mi.

46 Thainig mi a'm' sholus chum an t-saoghail, chum ge b'e chreideas annam, nach fanadh e an dorchadas.

47 Agus ma chluinneas neach air bith mo bhriathransa, agus nach creid e, cha 'n'eil mise 'ga dhiteadh: oir cha d'thainig mi a dhiteadh an

t-saoghail, ach a shaoradh an t-saoghail.

48 An ti a tha cur cùil riumsa, agus nach 'eil a' gabhail ri m' bhriathraibh, tha aige neach a bheir breth air: am focal a labhair mi, bheir e sin breth air san là dheireannach.

49 Oir cha do labhair mi uam féin; ach an t-Athair a chuir uaidh mi, thug e àithne dhomh, ciod a theirinn, agus ciod a labhrainn.

50 Agus a ta fhios agam gur beatha mhaireannach àithnesan: air an aobhar sin na nithe tha mi a' labhairt, mar thubhairt an t-Athair rium, mar sin a ta mi a' labhairt.

#### CAIB. XIII.

**A**NIS roimh fhéisd na càisge, air do Iosà fios a bhi aige gu'n robh uair air teachd, anns an rachadh e as an t-saoghal so chum an Athair, air da a mhuinntir féin a bha anns an t-saoghal a ghràdhachadh, ghràdh-aich e gu crìch iad.

2 Agus an uair a bha 'n t-suipeir thairis b, (air do'n diabol a nis a chur an cridhe Iudais Iscariot, mhic Shimoìn, esan a bhrath.)

3 Air aithneachadh do Iosa gu'n d'thug an t-Athair na h-uile nithe 'na làmh-aibh, agus gur ann o Dhia a thainig e, agus gur ann a dh'ionnsuidh Dhé a bha e dol,

4 Dh'éirich e o shuipeir, agus chuir e dheth fhalluing c, agus ghlac e làmh-anart, agus cheangail e uime e.

5 'Na dhéigh sin, thaom e uisge ann an soitheach-ionnlaid, agus thòisich e air cosan nan deisciobul ionnlad, agus an tiormachadh leis an làmh-anart a bha ceangailte uime.

6 An sin thainig e gu Simon Peadar: agus thubhairt esan ris, A Thighearn, am bheil thusa 'g ionnlad mo chosana?

7 Fhreagair Iosa agus thubhairt e ris, An ni so ta mi deanamh cha 'n aithne dhuits' a nis; ach bithidh fios agad air an déigh so.

8 Thubhairt Peadar ris, Cha nigh thu mo chosansa gu bràth. Fhreagair Iosa e, Mur nigh mi thu, cha 'n'eil cuid agad maille rium.

9 A deir Simon Peadar ris, A Thighearn, ni h-iad mo chosan a mhàin, ach mar an ceudna mo làmh-an agus mo cheann.

10 A deir Iosa ris, An ti a ta air ionnlad, cha 'n'eil feum aige ach a chosan ionnlad, ach tha e gu h-ìomlan

b an uair a bha iad r'an suipeir.  
c eudach-uachdair.

glan: agus a ta sibhse glan, ach cha 'n'eil sibh uile glan.

11 Oir bha fhios aige cò a bhrathadh e; uime sin thubhairt e, Cha 'n'eil sibh uile glan.

12 An sin, an dèigh dha an cosan ionnlad, agus fhalluing a ghabhail d'a ionnsuidh, shuidh e a ris, agus thubhairt e riu, Am bheil fhios agaibh ciod a rinn mi dhuibh?

13 Tha sibh a' gairm Maighstir, agus Tighearn dhiomsa: agus tha sibh ag ràdh gu maith; oir is mi sin.

14 Uime sin ma dh'ionnlaid mise, bhur Tighearn agus bhur Maighstir, bhur cosansa, is còir dhuibhse mar an ceudna cosan a chéile ionnlad.

15 Oir thug mi eisiomplair dhuibh, chum's mar a rinn mise dhuibh, gu'n deanadh sibhse mar an ceudna.

16 Gu deimhin deimhin a deirim ribh, Cha mhò an t-òglach namhaighstir, agus cha mhò an teachdaire na 'n ti a chuir uaith e.

17 Ma's aithne dhuibh na nithe so, is beannuichte sibh ma ni sibh iad.

18 Cha 'n'eil mi labhairt oirbh uile; is aithne dhomh cò a thagh mi: ach is éigin an scriobtuir a choimhlionadh, An ti a ta 'g itheadh arain maille rium, thog e a shàil a'm' aghaidh.

19 A nis a deirim so ribh mun d'thig e gu crìch, chum 'nuair a tharlas e, gu'n creid sibh gur mise c.

20 Gu deimhin deimhin a deirim ribh, An ti a ghabhas ri neach sam bith a chuireas mise uam, gabhaidh e riumsa: agus an ti a ghabhas riumsa, gabhaidh e ris an ti a chuir uaith mi.

21 Air do Iosa na nithe so ràdh, bha e fuaidh thrioblaid 'na spiorad, agus rinn e fianuis, agus thubhairt e, Gu deimhin deimhin a deirim ribh, gu'm brath a h-aon agaibh mise.

22 An sin dh'amhairc na dheisciobuill air a chéile, fuaidh amharus cia uime a labhair e.

23 A nis bha aon d'a dheisciobuill 'na luidhe an uchd a Iosa, neach a b'ionnmhuinn le Iosa.

24 Air an aobhar sin smèid Simon Peadar airsan, gu'm fèdraicheadh e cia uime a labhair e.

25 An sin air dhasan aomadh ri uchd Iosa, a deir e ris, A Thighearn, cò e?

26 Fhreagair Iosa, Is e 'n ti sin e, d'an toir mise an greim, an dèigh dhomh a thumadh. Agus an uair a thum e 'n greim, thug se e do Iudas Iscariot, mac Shimoin.

a ag aomadh ri uchd.

27 Agus an sin an dèigh a' ghreama, chaidh Satan a steach annsan. An sin thubhairt Iosa ris, An ni a ta thu a' deanamh, dean gu grad e.

28 A nis cha do thuig a h-aon diubhsan, a bha 'nan suidhe air a' bhord, c'ar son a thubhairt e so ris.

29 Oir shaoil cuid diubh, do bhrìgh gu'n robh an sporan aig Iudas gu'n dubhairt Iosa ris, Ceannaich na nithe a ta dh'uireasbhuidh oirnn chum na féisde: no, gu'n d'thugadh e mi-éigin do na bochdaibh.

30 An sin an dèigh dhasan an greim a ghabhail, chaidh e mach air ball; agus bha'n oidhche ann.

31 Uime sin, 'nuair a chaidh esan a mach, thubhairt Iosa, A nis a ta Mac an duine air a ghlòrachadh, agus tha Dia air a ghlòrachadh ann.

32 Ma ta Dia air a ghlòrachadh ann, glòraichidh Dia esan mar an ceudna ann féin, agus air ball glòraichidh se e.

33 A chlann bheag, fathast ùine bheag tha mise maille ribh. Farraidh sibh mi: agus mar thubhairt mi ris na h-Iudhachaibh, Do'n àit an d'théid mise, cha 'n'eil e 'n comas dhuibhse teachd; mar sin a deirim ribhse nis.

34 Aithne nuadh bheiream dhuibh, Gu'n gràdhaich sibh a chéile; mar a ghràdhaich mise sibhse, gu'n gràdhaich sibh féin a chéile mar an ceudna.

35 Le so aithnichidh na h-uile dhaoine gur sibh mo dheisciobuilse, ma bhios gràdh agaibh féin d'a chéile.

36 A deir Simon Peadar ris, A Thighearn, c'ait a théid thu? Fhreagair Iosa e, Do'n àit an d'théid mi, cha'n urradh thusa nis mo leantuinn; gidheadh leanaidh tu mi 'na dhéigh so.

37 A deir Peadar ris, A 'Thighearn, c'ar son nach urradh mi do leantuinn a nis? Leigidh mi sìos m'anam air do shon.

38 Fhreagair Iosa e, An leig thu t'anam sìos air mo shonsa? Gu deimhin deimhin a deirim riut, Nach goir an coileach, gus an àicheadh thu mi tri uairean.

#### CAIB. XIV.

NA biodh bhur cridhe fuaidh thrioblaid: tha sibh a' creidsinn ann an Dia, creidibh annamsa mar an ceudna c.

2 Ann an tigh m'Atharsa tha iomadh àite-còmhnuidh: mur biodh

b bhuaireas. c creidibh ann an Dia, agus creidibh annamsa.

*e mar sin*, dh'innsinnse dhuibh: tha mi dol a dh'ulluchadh àite dhuibh.

3 Agus ma thèid mi agus gu'n ulluich mi àit dhuibh, thig mi ris, agus gabhaidh mi sibh a m' ionnsuidh féin, chum far am bheil mise, gu'm bi sibhse mar an ceudna.

4 Agus is aithne dhuibh c'àit am bheil mi dol, agus is aithne dhuibh an t-slighe.

5 A deir Tomas ris, A Thighearn, cha 'n'eil fhios againn c'àit am bheil thu dol, agus cionnus a dh'fheudas eòlas na slighe bhi againn?

6 A deir Iosa ris, Is mise an t-slighe, agus an fhirinn, agus a' bheatha: cha d'thig aon neach chum an Athar ach triomsa.

7 Nam b'aithne dhuibh mise, b'aithne dhuibh m'Athair mar an ceudna: agus a so suas is aithne dhuibh e, agus chunnaic sibh e.

8 A deir Philip ris, A Thighearn foillsich an t-Athair dhuinne, agus is foill leinn e.

9 A deir Iosa ris, Am bheil mise ùine co fhada maille ribh, agus nach aithne dhuit fathast mi, Philip? an ti a chunnaic mise, chunnaic e 'n t-Athair; agus cionnus a deir thu, Foillsich an t-Athair dhuinn?

10 'Nach 'eil thu creidsinn gu bheil mise anns an Athair, agus an t-Athair annamsa? na briathran a ta mi labhairt ribh, cha'n ann uam féin a ta mi 'gan labhairt: ach an t-Athair, a ta gabhail còmhnuidh annamsa, tha esan a' deanamh nan oibre.

11 Creidibh mise gu bheil mi anns an Athair, agus an t-Athair annamsa: no, creidibh mi air son nan oibre féin.

12 Gu deimhin deimhin a deirim ribh, An ti a chreideas annamsa, na h-oibre a ta mise a' deanamh, ni esan mar an ceudna, agus ni e oibre a's mò na iad so, do bhrìgh gu bheil mise dol chum m'Athar;

13 Agus ge b'e ni a dh'iarras sibh a'm' ainmse, ni mise sin: chum's gu'm bi an t-Athair air a ghèlachadh anns a' Mhac.

14 Ma dh'iarras sibh ni air bith a'm' ainmse, ni mise e.

15 Ma's toigh libh mise, coimhidibh m'aitheanta.

16 Agus guidhidh mise an t-Athair, agus bheir e dhuibh Comhfhortair eile, chum's gu fan e maille ribh gu bràth;

17 Spiorad na firinn, neach nach urrainn an saoghal a ghabhail, do bhrìgh nach 'eil e 'ga thaicinn, agus

nach aithne dha e: ach is aithne dhuibhse e, oir tha e fantuinn maille ribh, agus bithidh e annaibh.

18 Cha'n fhág mi sibh 'nar dill-eachdaibh; thig mi d'ar ionnsuidh.

19 Tamull beag fathast, agus cha'n fhaic an saoghal mi tuilleadh; ach chì sibhse mi: do bhrìgh gu bheil mise beo, bithidh sibhse beo mar an ceudna.

20 Anns an là sin bithidh fios agaibh gu bheil mise ann am Athair, agus sibhse annamsa, agus mise annaibhse.

21 An ti aig am bheil m'aitheantasa, agus a ta 'gan coimhead, is esan aig am bheil gràdh dhomhsa: agus an ti aig am bheil gràdh dhomhsa, gràdhachear le m'Athair e, agus gràdhachidh mise e, agus foillsichidh mi mi féin da.

22 A deir Iudas (cha'n e Iscariot) ris, A Thighearn, c'ar son a dh'fhoillsicheas tu thu féin dhuinne, agus nach dean thu sin do'n t-saoghal?

23 Fhreagair Iosa agus thubhairt e ris, Ma ghràdhachear neach mise, coimhididh e m'fhocal: agus gràdhachidh m'Athair esan, agus thig sinn d'a ionnsuidh, agus ni sinn còmhnuidh maille ris.

24 An ti nach gràdhach mise, cha choimhid e mo bhriathra: agus am focal a ta sibh a' cluinntinn, cha leamsa e, ach leis an Athair a chuir uaith mi.

25 Na nithe so labhair mi ribh, air dhomh bhi m' còmhnuidh maille ribh:

26 Ach an Comhfhurtair, an Spiorad naomh, a chuireas an t-Athair uaith a'm' ainmse, teagaisgidh esan dhuibh na h-uile nithe, agus cuiridh e 'n cuimhne dhuibh na h-uile nithe, a labhair mise ribh.

27 Tha mi fàgail sìth agaibh, mo shiths' a ta mi tabhairt duibh: cha'n ann mar a bheir an saoghal, a tha mise tabhairt duibh. Na biodh bhrìgh cridhe fuidh thrioblaid, agus na biodh eagal air.

28 Chuala sibh mar thubhairt mi ribh, Tha mi falbh, agus thig mi ris d'ar ionnsuidh. Nam biodh gràdh agaibh dhomhsa, bhiodh aoibhneas oirbh, a chionn gu'n dubhairt mi, Tha mi dol chum an Athar; oir is mò m'Athair na mise.

29 Agus a nis dh'innis mi dhuibh so roimh dha teachd gu crìch, chum 'nuair a thig e gu crìch, gu creideadh sibh.

30 A so suas cha labhair mi mòran ribh: oir a ta uachdaran an t-saogh-



ail so a' teachd, agus cha 'n'eil ni air bith aige annamsa.

31 Ach a chum's gu'm bi fios aig an t-saoghal gur ionmhuinn leam an t-Athair; agus mar a thug an t-Athair aithne dhomh, mar sin a ta mi a' deanamh. Eiribh, rachamaid as so.

## CAIB. XV.

**I**S mise an fhionain fhior, agus is e m'Athair an treabhaiche<sup>a</sup>.

2 Gach uile gheug annamsa nach 'eil a' giùlan toraidh, bheir e air falbh i: agus gach uile gheug a ta tabhairt toraidh, glanaidh e i, chum as gu'n giùlain i tuilleadh toraidh.

3 A nis a ta sibhse glan tre an fhocal a labhair mi ribh.

4 Fanaibh annamsa, agus mise annaibhse. Mar nach urrainn a' gheug toradh a thoirt uaip<sup>b</sup> e fein, mur fan i san fhionain, cha mhò is urrainn sibhse, mur fan sibh annamsa.

5 Is mise an fhionain, sibhse na geuga: an ti a dh'fhanas annamsa, agus mise annsan, bheir esan mòr thoradh uath: oir as m'eugmhais-se cha'n urradh sibh aon ni a dheanamh.

6 Mur fan neach annamsa, tha e air a thilgeadh a mach mar ghéig, agus air crìonadh<sup>c</sup>; agus tionailidh daoine iad, agus tilgidh iad san teine iad, agus loisgear iad.

7 Ma dh'fhanas sibh annamsa, agus ma dh'fhanas m'fhocailse annaibhse, iarraidh sibh gach ni a's àill libh, agus nithear dhuibh e.

8 An so tha m'Athairse air a ghilòrachadh, gu'n d'thoir sibhse mòr thoradh uaibh; agus bithidh sibh 'nar deisciobuil dhomhsa.

9 Mar a ghràdhaich an t-Athair mise, marsin ghràdhaich mise sibhse: fanaibh ann am ghràdh<sup>a</sup>.

10 Ma choimhideas sibh m'aitheanta, fanaidh sibh ann am ghràdh: mar a choimhid mise aitheanta m' Athar, agus a tha mi a' fantuinn 'na ghràdh.

11 Na nithe so labhair mi ribh, chum's gu fanadh mo ghairdeachas annaibh, agus gu'm biodh bhuir gairdeachas-sa làn.

12 Is i so m'aitheane, gu'n gràdhaich sibhse a chèile mar a ghràdhaich mise sibhse.

13 Gràdh a's mò na so cha 'n'eil aig neach air bith, gu'n leigeadh duine anam sìos air son a chairde.

14 Is sibhse mo chairdese, ma ni sibh gach ni a ta mi 'g aithneadh dhuibh.

15 A so suas cha ghoir mi seirbhisich dhibh; oir cha'n aithne do'n t-seirbhisich ciod a ta a Thighearn, a' deanamh: ach ghoir mi cairde dhibh; oir na h-uile nithe a chuala mi o m' Athair, thug mi fios duibhse orra.

16 Cha sibhse a thagh mise, ach is mise a thagh sibhse, agus dh'orduich<sup>d</sup> mi sibh, chum gu'n rachadh sibh, agus gu'n d'thugadh sibh a mach toradh, agus gu maireadh bhuir toradh: chum's ge b'e ni a dh'iarras sibh air an Athair ann am ainmse, gu'n tabhair e dhuibh e.

17 Tha mi 'g aithneadh nan nithe so dhuibh, chum's gu'n gràdhaich sibh a chèile.

18 Ma ta 'n saoghal 'gar fuathachadh, tha fhios agaibh gu'n d'fhuathaich e mise roimhibh.

19 Nam b'ann do'n t-saoghal sibh, ghràdhaicheadh an saoghal a chuid fein: ach do bhrìgh nach ann do'n t-saoghal sibh, ach gu'n do thagh mise sibh as an t-saoghal, uime sin tha fuath aig an t-saoghal duibh.

20 Cuimhnichibh am focal a thubhairt mi ribh, Cha 'n'eil an seirbhisich ni's mò na a Thighearn. Ma rinn iad geur-leanmhuinn ormsa, ni iad geur-leanmhuinn oirbhe mar an ceudna: ma choimhid iad m'fhocalsa, coimhididh iad bhuir focal<sup>a</sup>sa mar an ceudna.

21 Ach na nithe so uile ni iad oirbh air son m'ainnese, do bhrìgh nach aithne dhoibh esan a chuir uath mi.

22 Mur bithinnse air teachd, agus air labhairt riu, cha bhiodh peacadh aca; ach a nis cha 'n'eil leithsgeul am peacaidh aca.

23 An ti aig am bheil fuath dhomhsa, tha fuath aige do m'Athair mar an ceudna.

24 Mur bithinnse air deanamh nan oibre 'nam measg nach d'rinn aon neach eile, cha bhiodh peacadh aca: ach a nis chunnaic siad iad, agus dh'fhuathaich iad araon mise agus m'Athair.

25 Ach rinneadh so chum gu'n coimhliontadh am focal a ta scribedh<sup>a</sup> 'nan lagh fein, Dh'fhuathaich iad mi gun aobhar.

26 Ach an uair a thig an Comhfhurtair, a chuireas mise d'ar ionnsuidh o'n Athair, Spiorad na fìrinn, a tha teachd a mach o'n Athair, ni esan fianuis mu m' thimchiollsa.

27 Agus ni sibhse fianuis mar an ceudna, do bhrìgh gu bheil sibh maille rium o thùs.

<sup>a</sup> tuathanach.<sup>b</sup> uaithe.<sup>c</sup> mar ghéig a ta e air crìonadh.<sup>d</sup> shuidhich, shonraich.

## CAIB. XVI.

**N**A nithe so labhair mi ribh, chum nach faigheadh<sup>a</sup> sibh oilbheum.

2 Cuiridh iad as an t-sionagag sibh: seadh, thig an uair, ge b'e neach a mharbhas sibh, gu'n saoil e gu bheil e deanamh seirbhis do Dhia.

3 Agus ni iad na nithe sob, do bhrigh nach aithne dhoibh an t-Athair, no mise.

4 Ach dh'innis mi na nithe so dhuibh, chum 'nuair a thig an t-am, gu'n cuimhnich sibh gu'n d'innis mi dhuibh iad. Ach cha dubhairt mi ua nithe so ribh o thùs, do bhrigh gu'n robh mi maille ribh.

5 Ach a nis a ta mi dol chum an ti a chuir uaith mi, agus cha 'n'eil a h-aon agaibhs' a feòraich dhìom, C'ait tha thu dol?

6 Ach a chionn gu'n dubhairt mi na nithe so ribh, lòn do-bròn bhur cridhe.

7 Gidheadh a ta mi 'g innseadh dhuibh na firinn, Is buannachd dhuibh mise a dh'fhalbh: oir mur fhalbh mi, cha d'thig an Comhfhurtair d'ar ionnsuidhse; ach ma dh'fhalbhas mi, cuiridh mi esan d'ar ionnsuidh.

8 Agus an uair a thig esan, bheir e dearbh-shoilleireachd do'n t-saogh-al mu pheacadh, agus mu fhìreantachd, agus mu bhreitheanas.

9 Mu pheacadh, do bhrigh nach 'eil iad a' creidsinn annamsa;

10 Mu fhìreantachd, do bhrigh gu bheil mi dol a dh'ionnsuidh m'Athar, agus nach faic sibh ni's mò mi;

11 Mu bhreitheanas, a chionn gu bheil uachdaran an t-saoghail so air a dhìtheadh.

12 Tha mòran nithe agam fathast ri ràdh ribh, ach cha'n urradh sibh an giùlan an tràthsa.

13 Ach an uair a thig esan, Spiorad na firinn, treòraichidh e sibh chum gach uile fhìrinn: oir cha labhair e naith féin; ach labhraidh e na h-uile nithe a chluinneas e: agus foillsichidh e dhuibhse nithe a ta ri teachd.

14 Bheir esan glòir dhomhsa: oir gheibh e do m' chuidse, agus nochdaidh e dhuibhse e.

15 Na h-uile nithe a ta aig an Athair, is leamsa iad: air an aobhar so thubhairt mi, gu'm faigh e do m' chuidse, agus nochdaidh e dhuibhse e.

16 Tamull beag agus cha'n fhaic sibh mi; agus a ris, tamull beag agus chi sibh mi, do bhrigh gu bheil mi dol chum an Athar.

17 An sin thubhairt cuid d'a dheis-ciobluibh eatorra féin, Ciod e so a deir e ruinn, Tamull beag agus cha'n fhaic sibh mi: agus a ris, tamull beag agus chi sibh mi: agus, Do bhrigh gu bheil mi dol chum an Athar?

18 Air an aobhar sin thubhairt iad, Ciod e so a deir e, Tamull beag? Cha 'n'eil sinne a' tuigsinn ciod a deir e.

19 A nis dh'aithnich Iosa gu'm robh toil aca fheòraich dheth, agus thubhairt e riu, Am bheil sibh a' feòraich 'nar measg féin mar a thubhairt mi, Tamull beag agus cha'n fhaic sibh mi: agus a ris, tamull beag agus chi sibh mi?

20 Gu deimhin deimhin a deirim ribh, gu'n dean sibhse gul agus caoidh, ach ni'n saoghal gairdeachas: agus bithidh sibhse do-brònach, ach pillear bhur bròn gu gairdeachas.

21 'Nuair a bhios bean ri saothair-chloinne, bithidh i fa dhoilgheas, chionn gu bheil a h-uair air teachd: ach an uair a bheireas i 'n leanabh, cha chuimhnich i a h-àmghar ni's mò, tre aoibhneas gu'n d'rugadh duine chum an t-saoghail.

22 Agus a ta nis uime sinn doilgheas oirbhe: ach chi mise a ris sibh, agus ni bhur cridhe gairdeachas, agus bhur gairdeachas cha bhuin neach air bith uaibh.

23 Agus air an là sin cha'n fheòraich sibh ni air bith dhiomsa: Gu deimhin deimhin a deirim ribh, Ge b'e nithe dh'iarras sibh, air an Athair ann am ainmse, gu'n tabhair e dhuibh iad.

24 Gus a so cha d'iarr sibh ni air bith a'm' ainmse: iarraidh, agus gheibh sibh, chum as gu'm bi bhur n-aoibhneas lànd.

25 Na nithe so labhair mi ribh am briathraibh dorchae: ach thig an uair anns nach labhair mi ni's mò ribh am briathraibh dorchae, ach innsidh mi gu soilleir mu'n Athair dhuibh.

26 Anns an là sin iarraidh sibh a'm' ainmse: agus cha 'n'eil mi 'g ràdh ribh, gu'n guidh mi an t-Athair air bhur son:

27 Oir is toigh leis an Athair féin sibh, air son gu'n d'thug sibh gràdh dhomhsa, agus gu'n do chreid sibh gur ann o Dhia a thainig mi.

28 Thainig mi mach o'n Athair, agus tha mi air teachd chum an t-saoghail: a ris, tha mi fàgail an t-saoghail, agus a' dol chum an Athar.

c cha'n iarr sibh ni air bith ormsa.  
d coimhionta. e an comhadaibh.

a gabhadh. b na nithe so [dhuibh.]

29 A deir a dheisciobuil ris, Feuch, a nis tha thu labhairt gu soilleir, agus cha 'n'eil thu labhairt cosamhlachd air bith.

30 A nis tha fhios againn gur aithne dhuit na h-uile nithe, agus nach feum thu duine air bith a dh'fheòrachadh dhìot: air a shon so tha sinn a' creidsinn gur ann o Dhia a thainig thu.

31 Fhreagair Iosa iad, Am bheil sibh a nis a' creidsinn?

32 Feuch, thig an t-àm a, seadh, tha e cheana air teachd, anns an sgap-ar o chéile sibh, gach aon g'a ionad féin, agus am fàg sibh mise a'm' aonar: gidheadh cha 'n'eil mise a'm' aonar, oir tha an t-Athair maille rium.

33 Na nithe so labhair mi ribh, chum gu'm biodh sìth agaibh annamsa. Anns an t-saoghal bithidh àmhghar agaibh: ach biodh deadh mhiseach agaibh, thug mise buaidh air an t-saoghal.

## CAIB. XVII.

**L**ABHAIR Iosa na briathra so; agus thog e suas a shùilean gu nèamh, agus thubhairt e, Athair, thainig an uair; glòraich do Mhac, chum's gu'n glòraich do Mhac thusa mar an ceudna;

2 Chum mar a thug thu cumhachd dha air gach feoil, na h-uile a thug thu dha, gu'n d'thugadh esan dhoibh a' bheatha mhaireannach.

3 Agus is i so a' bheatha mhaireannach, eòlas a bhi aca ortsa an t-aon Dia fìor, agus air Iosa Crìosd a chuir thu uait.

4 Ghlòraich mise thusa air talamh: chrìochnaich mi 'n obair a thug thu dhomh r'a dheanamh.

5 Agus a nis, Athair, glòraich thusa mise maille riut féin<sup>b</sup>, leis a' ghlòir a bha agam maille riut mun robh an saoghal ann.

6 Dh'fhoillsich mise t'ainm do na daoineibh a thug thu dhomh as an t-saoghal: bu leatsa iad, agus thug thu dhomhsa iad; agus choimhid iad t'fhocal.

7 A nis thuig iad gur ann uait a tha na h-uile nithe, a thug thu dhomhsa.

8 Oir thug mi dhoibh na briathra a thug thusa dhomh; agus ghabh siad iad, agus thuig iad gu fìrinneach gur ann uaitse thainig mi, agus chreid iad gu'n do chuir thu uait mi.

9 Air an sonsan tha mi guidheadh: cha n'eil mi guidheadh air son an t-saoghail, ach air son na muinntir sin a thug thu dhomh, oir is leatsa iad.

10 Agus is leatsa na h-uile nithe a's leamsa, agus is leamsa na nithe a's leatsa, agus a ta mi air mo ghlòrachadh anna.

11 Agus a nis cha 'n'eil mise ni's mò anns an t-saoghal, ach a ta iadsan san t-saoghal, agus a ta mise a' teachd a' fionnsuidhsa. Athair naomha, coimhid iadsan tre t'ainm c, a thug thu dhomhsa, chum's gu'm bi iad 'nan aon, mar a ta sinne.

12 An feadh 's a bha mise maille riu anns an t-saoghal, choimhid mi iad tre t'ainmsa: gheidh mi a' mhuinntir a thug thu dhomh, agus cha do chailleadh a h-aon diubh, ach mac an sgrios; chum gu' biodh an scriobtuir air a choimhlionadh.

13 Agus a nis tha mi teachd a' fionnsuidhsa, agus tha mi labhairt nan nithe so anns an t-saoghal, chum gu'm biodh mo ghairdeachas aca air a choimhlionadh anna.

14 Thug mi t'fhocal dhoibh; agus thug an saoghal fuath dhoibh, air son nach ann do'n t-saoghal iad, mar nach 'eil mise do'n t-saoghal.

15 Cha 'n'eil mi guidheadh gu'n d'thugadh tu as an t-saoghal iad, ach gu'n coimhheadh tu o'n olc iad.

16 Cha 'n'eil iadsan do'n t-saoghal, mar nach 'eil mise do'n t-saoghal.

17 Naomhaich iad tre'n fhìrinn d: is e t'fhocalsa an fhìrinn.

18 Mar a chuir thusa mise chum an t-saoghail, mar sin chuir mise iadsan chum an t-saoghail.

19 Agus air an sonsan tha mise gam' naomhachadh féin, chum's gu'm bi iadsan mar an ceudna air an naomhachadh tre'n fhìrinn.

20 Agus cha 'n'eil mi guidheadh air an sonsan a mhàin, ach mar an ceudna air son na muinntir sin a chreideas annamsa tre am focalsan:

21 Chum's gu'm bi iad uile 'nan aon; chum mar a ta thusa, Athair, annamsa, agus mise annadsa, gu'm bi iadsan mar an ceudna 'nan aon annainne; chum's gu'n creid an saoghal gu'n do chuir thusa uait mi.

22 Agus thug mise dhoibhsan a' ghlòir a thug thusa dhomhsa, chum's gu'm bi iad 'nan aon, mar a ta sinne 'nar aon;

23 Mise annatas, agus thusa annamsa, chum's gu'n deanar coimhlionta iad ann an aon, agus a chum gu'm bi fios aig an t-saoghal gu'n do chuir thusa uait mi, agus gu'n do ghràdh-aich thu iadsan, mar a ghràdh-aich thu mise.

24 Athair, is àill leam an dream thug thu dhomh, gu'm bi iad maille

<sup>a</sup> an uair.<sup>b</sup> a' t' fhianuis.<sup>c</sup> ann ad ainm.<sup>d</sup> tre t'fhìrinn.

rium, far am bheil mi; chum's gu faic iad mo ghloir a thug thu dhomh: oir ghràdhaich thusa mi mun do leag-adh bunaite an domhain.

25 Athair chothromaich, cha b'aithne do'n t-saoghal thusa; ach b'aithne dhomhsa thu, agus thuig iad so gu'n do chuir thusa uait mi.

26 Agus dh'fhoillsich mise t'ainm dhoibh, agus foillsichidh mi e, chum's gu'm bi an gràdh leis an do ghràdhaich thu mise, anntasan, agus mise anna.

### CAIB. XVIII.

**N**UAIR a labhair Iosa na briathra so, chaidh e maille r'a dheisciobluibh thairis air sruth Chedroin, far an robh Iosa, anns and eachaidh e féin agus a dheisciobuil.

2 Agus b'aithne do Iudas, a bhrath esan, an t-àit: oir thainig Iosa gu tric an sin maille r'a dheisciobluibh.

3 An sin air do Iudas buidheann agus maoir fhaotainn o na h-àrd shagairt agus na Phairisich, thainig e do'n àit sin le leusaibh, agus lòch-ranaibh, agus armaibh.

4 Uime sin air do Iosa fìos a bhi aige air na h-uile nithibh a bha gu teachd air, chaidh e mach, agus thubhairt e riu, Cò tha sibh ag iarraidh?

5 Fhreagair iadsan e, Iosa o Nasaret. A deir Iosa riu, Is mise e, Agus sheas mar an ceudna Iudas, a bhrath esan, maille riu.

6 An sin co luath 's a thubhairt e riu, Is mise e, chaidh iad air an ais, agus thuit iad air an làr.

7 An sin dh'fheadraich e dhiubh a ris, Cò tha sibh ag iarraidh? Thubhairt iadsan, Iosa o Nasaret.

8 Fhreagair Iosa, Thubhairt mi ribh gu mise e. Uime sin ma's mise tha sibh ag iarraidh, leigibh leo sin falbh:

9 Chum gu'n coimhliontadh am focal a labhair e, An dream a thug thu dhomh, cha do chaill mi aon diubh.

10 An sin air do Shimon Peadar claidheamh a bhi aige, tharruing se e, agus bhuail e òglach an àrd shagairt, agus ghearr e a' chluas dheas deth. Agus b'e ainm an òglach Malchus.

11 An sin thubhairt Iosa ri Peadar, Cuir do chladheamh san truail: an cupan a thug m' Athair dhomhsa, nach òl mi e?

12 An sin rug a' bhuidheann, agus an ceannard, agus maoir nan Iudhach air Iosa, agus cheangail iad e.

13 Agus thug iad leo e air tùs gu Annas; (oir b'esan athair-céile

a gàradh.

Chaiaphais, a bha 'na àrd shagart air a' bhliadhna sin.)

14 A nis b'e Caiaphas a thug comhairle do na h-Iudhachaibh gu'm b'iomchuidh gu'm faigheadh aon duine bàs air son an t-sluaigh.

15 Agus lean Simon Peadar agus deisciobul eile Iosa. B'aithne do'n àrd shagart an deisciobul sin, agus chaidh e steach maille ri h-Iosa do chùirt an àrd shagairt.

16 Ach sheas Peadar aig an dorus an leth muigh. Uime sin chaidh an deisciobul sin eile, a b'aithne do'n àrd shagart a mach, agus labhair e ris a' bhan-dorsair, agus thug e Peadar a steach.

17 An sin thubhairt a' bhan-oglach, a bha gleidheadh an dorus, ri Peadar, Nach ann do dheisciobluibh an duine so thusa mar an ceudna? thubhairt esan, Cha'n ann.

18 Agus bha na seirbhisich agus na maoir 'nan seasamh, air dhoibh teine guail a chur suas, oir bha'm fuachd ann, agus bha iad 'gan garadh féin: agus bha Peadar 'na sheasamh maille riu, agus 'ga gharadh féin.

19 An sin dh'fhiosraich an t-àrd shagart do Iosa mu thimchioll a theagaisg.

20 Fhreagair Iosa e, Labhair mise os àird ris an t-saoghal; theagaisg mi a ghnàth anns an t-sionagog, agus anns an teampull, fàr am bheil na h-Iudhaich a' cruinneachadh as gach àit, agus am folach cha do labhair mi ni air bith.

21 C'ar son a ta thu fiosrachadh dhiomsa? Fiosraich dhiubhsan a chuala, ciod a thubhairt mi riu: feuch, a ta fhios acasan ciod a thubhairt mi.

22 Agus an uair a thubhairt e na nithe so, bhuail aon do na maoraibh, a bha 'na sheasamh a làthair, a bhas air Iosa, ag ràdh, An ann mar so a fheagras tu an t-àrd shagart?

23 Fhreagair Iosa e, Ma labhair mi gu h-òlc, dean fianuis air an òlc: ach ma's ann gu maith, c'ar son a ta thu ga m' bhualadh?

24 (A nis chuir Annas e ceangailte gu Caiaphas an t-àrd shagart.)

25 Agus bha Simon Peadar 'na sheasamh agus 'ga gharadh: Uime sin thubhairt iad ris, Nach aon d'a dheisciobluibh thusa mar an ceudna? Dh'àicheadh esan, agus thubhairt e, Cha mhi.

26 Thubhairt aon do sheirbhisich an àrd shagairt, (caraid do'n fhear do'n ghearr Peadar a chluas,) Nach faca mise thu san lios maille ris?

27 An sin dh'àicheadh Peadar a ris, agus air ball ghoir an coileach.



28 An sin thug iad Iosa o Chaiaphas gu àit a' bhreitheanais : agus b'i mhaduinn a bh'ann, agus cha deachaidh iad féin do àit a' bhreitheanais, chum's nach biodh iad air an salachadh ; ach gu'n itheadh iad a' chàisg.

29 An sin chaidh Pilat a mach d'an ionnsuidhsan, agus thubhairt e, Ciod a' chasaid a tha sibh a' toirt an aghaidh an duine so ?

30 Fhreagair iadsan agus thubhairt iad ris, Mur b'fhear droch-bheirt e, cha d'thugamaid thairis dhuitse e.

31 An sin thubhairt Pilat riu, Gabhaibhse e, agus thugaibh breth air a réir bhur lagha féin. An sin thubhairt na h-Iudhaich, ris, Cha 'n'eil e ceaduichte dhuinne neach air bith a chur gu bàs :

32 Chum gu'm biodh focal Iosa air a choimhlionadh, a labhair e, a' ciallachadh ciod a ghnè bàis a bha e gu faotainn.

33 An sin chaidh Pilat a steach a ris do àit a' bhreitheanais, agus ghairm e Iosa, agus thubhairt e ris, An tusa Rìgh nan Iudhach ?

34 Fhreagair Iosa e, Am bheil thu 'g ràdh so uait féin, no an d'innis daoib' eile dhuit e a 'm thimchiollsa ?

35 Fhreagair Pilat, An Iudhach mise ? Thug do chinneach féin, agus na h-àrd shagairt thairis dhomhsa thu : ciod a rinn thu ?

36 Fhreagair Iosa, Cha'n ann do'n t-saoghalsa tha mo rioghachd sa : nam b'ann do'n t-saoghalsa bhiodh mo rioghachd, dleanadh mo sheir-bhisich cogadh, chum nach d'thugta thairis do na h-Iudhachaibh mi : ach a nis cha nann o so a ta mo rioghachd.

37 Air an aobhar sin thubhairt Pilat ris, An rìgh thu ma seadh ? Fhreagair Iosa, A deir thusa gur rìgh mi. 'S ann chum na crìche so a rugadh mi, agus chum na crìche so thainig mi do'n t-saoghal, chum's gu'n deanainn fianuis do'n fhirinn. Gach neach a ta air taobh na fìrinn, éisidh e ri m' ghuthsa.

38 Thubhairt Pilat ris, Ciod i an fhirinn ? Agus air dha so a ràdh, chaidh e mach a ris chum nan Iudhach, agus a deir e riu, Cha 'n'eil mise a' faotainn coire air bith ann.

39 Ach a ta gnàth agaibhse, gu'n leiginn as duine dhuibh air a' chàisg : uime sin an àill libh mi a leigeadh rìgh nan Iudhach fa sgaoil duihb' ?

40 An sin ghlaodh iadsan uile a, ag ràdh, Cha'n e an duine so, ach Barabas. A nis b'fhear-reubainn Barabas.

## CAIB. XIX.

**A**N sin air an aobhar sin ghlaodh Pilat Iosa, agus sgiùrs se e.

2 Agus dh'fhigh na saighdearan crùn droighinn, agus chuir iad air a cheann e, agus chuir iad falluing phurpuir<sup>b</sup> uime.

3 Agus thubhairt iad, Fàilt' ort, a rìgh nan Iudhach : agus bhuail iad le<sup>m</sup> basaibh e.

4 An sin chaidh Pilat a mach a ris, agus a deir e riu, Feuch, a ta mise 'ga thoirt a mach d'ar ionnsuidh, chum's gu'm bi fios agaibh nach 'eil mise faotainn coire sam bith ann.

5 An sin thainig Iosa mach, agus an crùn droighinn air, agus an fhalluing phurpuir uime. Agus a deir Pilat riu, Feuch an duine.

6 Uime sin an uair a chunnaic na h-àrd shagairt agus na maoir e, ghlaodh iad, ag ràdh, Ceus e, ceus e, A deir Pilat riu, Gabhaibhse e, agus ceusaibh e : oir cha 'n'eil mise a' faotainn coire sam bith ann.

7 Fhreagair na h-Iudhaich e, Tha lagh againne, agus a réir ar laghane is còir a chur gu bàs, air son gu'n d'rinn e Mac Dhé dheth féin.

8 Uime sin an uair a chuala Pilat a' chainnt sin, bu mhòid a bha dh'eagal air ;

9 Agus chaidh e steach a ris a dh'àit a' bhreitheanais, agus a deir e rih-Iosa, Cia as duit ? ach cha d'thug Iosa freagradh air.

10 An sin a deir Pilat ris, Nach labhair thu riumsa ? nach 'eil fhios agad gu bheil cumhachd agamsa do cheusadh, agus gu bheil cumhachd agam do chur fa sgaoil ?

11 Fhreagair Iosa, Cha bhiodh cumhachd air bith agad a'm' aghaidhse, mur d'thugta dhuit o'n àird e : air an aobhar sin an ti a thug mise thairis dhuit, tha aige-san am peacadh a's mò.

12 Agus o sin suas dh'iarr Pilat a chur fa sgaoil : ach ghlaodh na h-Iudhaich, ag ràdh, Ma leigeas tu 'm fear so fa sgaoil, cha charaid do Cheasar thu : ge b'e neach a ta 'ga dheanamh féin na rìgh, tha e labhairt an aghaidh Cheasair.

13 Uime sin an uair a chuala Pilat a' chainnt sin, thug e mach Iosa, agus shuidh e air a' chaithir-bhreitheanais, annsan ionad d'an goirear an Leac-ùrlar, ach anns an Eabhraic, Gabata.

14 Agus b'e là-ulluchaidh na càisge e, agus mu thimchioll na seathadh uaire : agus a deir e ris na h-Iudhachaibh, Feuch bhur rìgh.

15 Ach ghlaodh iadsan a mach, Beir uainn, beir uainn, ceus e. A deir Pilat riu, An ceus mi bhur rìghse? Fhreagair na h-àrd shagairt, Cha'n eil rìgh againne ach Ceasar.

16 An sin air an aobhar sin thug e thairis dhoibh e, gu bhi air a cheusadh. Agus ghlac iad Iosa, agus thug iad leo e.

17 Agus chaidh e mach, a' giùlan a chrann-cheusaidh, do'n ionad d'an goirear àit a' chloiginn, d'an ainm san Eabhra, Golgota.

18 An sin cheus iad e, agus dithis eile maille ris, fear air gach taobh, agus Iosa sa' mheadhon.

19 Agus scriobh Pilat mar an ceudna tiodal, agus chuir e air a' chrann-cheusaidh e. Agus b'e an scriobhadh, **IOSA O NASARET RIGH NAN IUDHACH.**

20 Uime sin leugh mòran do na h-Iudhachaibh an tiodal so: oir bha'n t-àit anns an do cheusadh Iosa agus do'n bhaile: agus bha an scriobhadh an Eabhra, an Greugais, agus an Laidin.

21 An sin thubhairt àrd shagairt nan Iudhach ri Pilat, Na scriobh Rìgh nan Iudhach; ach gu'n dubhairt e féin, Is mi rìgh nan Iudhach.

22 Fhreagair Pilat, An ni a scriobh mi, scriobh mi e.

23 An sin an uair a cheus na saighdearan Iosa, ghlac iad a thruscan (agus rinn iad ceithir earrannan, earrann do gach saighdear) agus a chòta mar an ceudna: agus bha'n còta gun fhuaisgeal, air fhigheadh o bhràigh sìos gu h-jomlan.

24 Thubhairt iad uime sin eatorra féin, Na reubamaid e, ach tilgeamaid croinn air, cò aig a bhitheas e: chum gu'n coimhliontadh an scriobtuir, a deir, Roinn iad mo thruscan eatorra, agus thilg iad croinn air mo bhrat. Air an aobhar sin rinn na saighdearan na nithe so.

25 A nis sheas làimh ri crann-cheusaidh Iosa, a mhàthair agus piuthar a mhàthar, Muire bean Chleophaeis, agus Muire Magdalen.

26 Uime sin an uair a chunnaic Iosa a mhàthair, agus an deisciobul a b'ionmhuinn leis 'na sheasamh a làthair, thubhairt e r'a mhàthair, A bhean, feuch do mhac.

27 An sin a deir e ris an deisciobul, Feuch do mhàthair. Agus o'n àm sin a mach thug an deisciobul sin leis i d'a thigh féin.

28 An déigh so air do Iosa fios a bhi aige gu'n robh na h-uile nithe a nis air an crìochnachadh, chum gu'n coimhliontadh an scriobtuir, a deir e, Tha tart orm.

29 A nis bha an sin soitheach làn do fhion-geur: agus air dhoibhsan spong a lionadh do'n fhion-geur, agus a chur air hisop, shìn iad chum a bheoil e.

30 An sin an uair a ghabh Iosa am fion-geur, thubhairt e, Tha e crìochnaichte: agus air cromadh a chinn da, thug e suas a spiorad.

31 An sin chum nach fanadh an cuirp air a' chrann-cheusaidh air an t-sàbaid, a chionn gu'm b'e là an ullachaidh a bha ann, (oir bu latha mòr an latha sàbaid sin) dh'iarr na h-Iudhaich air Pilat gu'n rachadh an luirgne a bhriseadh, agus gu'n d'thugtadh air falbh iad.

32 An sin thainig na saighdearan, agus bhris iad luirgne a' cheud fhir, agus luirgne an fhir eile, a cheusadh maille ris.

33 Ach air dhoibh teachd chum Iosa, an uair a chunnaic iad gu'n robh e cheana marbh, cha do bhris iad a luirgnesan.

34 Ach lot fear do na saighdearaibh a thaobh le sleagh, agus air ball thainig a mach fuil agus uisge.

35 Agus thug an tì a chunnaic sin fianuis, agus a ta fhianuis firinneach: agus a ta fhios aige gu bheil e labhairt na firinn, chum gu'n creid-eadh sibhse.

36 Oir rinneadh na nithe so chum gu'n coimhliontadh an scriobtuir, Cha bhrisear cnàimh dheth.

37 Agus a ris a deir scriobtuir eile, Amhaircidh iad airesan a lot iad a.

38 'Na dhéigh so, dh'iarr Ioseph o Arimatea (a bha 'na dheisciobul aig Iosa, ach am folach air eagal nan Iudhach) air Pilat comas corp Iosa a thoirt leis: agus leig Pilat sin leis: Thainig e air an aobhar sin, agus thug e leis corp Iosa.

39 Thainig mar an ceudna Nicodemus, (a thainig air tùs gu Iosa san t-oidheche) agus thug e leis mu thimchioll ceud pund do mhirr agus do aloes air am measgadh feadh a chéile.

40 An sin ghabh iad corp Iosa, agus cheangail b iad e ann an lion-eudaichibh, maille ris an spioraidhe, mar is gnàth leis na h-Iudhachaibh adhlac a dheanamh d.

41 A nis bha lios anns an àit an do cheusadh e; agus anns an lios uagh nuadh, anns nach do chuireadh aon duine riamh.

42 Air an aobhar sin air son ullachaidh càisge nan Iudhach, do

a shàth iad trid. b phaisg.  
c maille ris na luibhibh cùbhraidh.  
d spòsraidh chur air corp; embalm.  
Sasg.

bhrigh gu'n robh an uaigh am fagus, chuir iad Iosa an sin.

## CAIB. XX.

**A**IR a' cheud là do'n t-seachdain thainig Muire Magdalen gu moch, agus an dorchadas fathast ann, chum na h-uaighe, agus chunnaic i a' chlach air a togail o'n uaigh.

2 Ruith i an sin, agus thainig i gu Simon Peadar, agus gus an deisciobul eile a b'ionmhuinn le h-Iosa, agus a deir i riu, Thug iad leo an Tighearn as an uaigh, agus cha 'n'eil fhios againn c'àit an do chuir iad e.

3 Uime sin chaidh Peadar a mach, agus an deisciobul sin eile, agus thainig iad chum na h-uaighe.

4 Agus ruith iad 'nan dithis maraon: agus ruith an deisciobul eile ni bu luaithe na Peadar, agus thainig e air tús chum na h-uaighe.

5 Agus air cromadh sìos da, chunnaic e 'n lìon-eudach 'na luidhe; gidheadh cha deachaidh e steach.

6 An sin thainig Simon Peadar 'ga leantuinn, agus chaidh e steach do'n uaigh a, agus chunnaic e 'n lìon-eudach 'na luidhe;

7 Agus an neapaicin a bha m'a cheann, cha'n ann 'na luidhe maille ris an lìon-eudach, ach air leth air fhilleadh ann an aon àit.

8 An sin chaidh a steach mar an ceudna an deisciobul sineile, athainig air tús chum na h-uaighe, agus chunnaic, agus chreid e.

9 Oir cha do thuig iad fathast an sriobtuir, gu'm b'èigin gu'n èireadh esan a ris o na marbhaibh.

10 An sin dh'imich na deisciobuil a ris chum an cuideachd féin.

11 Ach sheas Muire aig an uaigh a muigh, a' gul: agus ag gul dith, chrom i sìos, *ag amharc* a steach do'n uaigh.

12 Agus chunnaic i dà aingeal ann an *culaidhibh* geala, 'nan suidhe, fear aig a' cheann, agus fear aig na cosaibh, san àit an robh corp Iosa 'na luidhe;

13 Agus a deir iadsan rithe, A bhean, c'ar son a ta thu gul? A deir i riu, Air son gu'n d'thug iad mo Tighearn leo, agus nach 'eil fhios agam c'àit an do chuir iad e.

14 Agus an uair a thubhairt i so, phill i air a h-ais, agus chunnaic i Iosa 'na sheasamh, agus chad aithn-ich i gu'm b'e Iosa bha ann.

15 A deir Iosa rithe, A bhean, c'ar son a ta thu gul? cò ta thu 'g iarraidh? air saòilsinn d'ise gu'm b'e an gàradair a bh'ann, a deir i ris, A thighearn, ma thug thusa leat e,

innis dhomhsa c'àit an do chuir thu e, agus bheir mise leam e.

16 A deir Iosa rithe, A Mhuire, Air tionndadh dh'ise, thubhairt i ris, Rabboni, 'se sin r'a ràdh, A Mhaighstir.

17 A deir Iosa rithe, Na bean rium: oir cha deachaidh mi fathast suas chum m'Athar: ach imich chum mo bhràithre, agus abair riu, Tha mise dol suas chum m'Athar féin agus bhur n-Atharsa, agus *chum* mo Dhé féin agus bhur Dé-se.

18 Thainig Muire Magdalen agus dh'innis i do na deisciobluibh, gu'm fac i 'n Tighearn, agus gu'n dubhairt e na nithe so rithe.

19 Agus air teachd do'n fheasgar an là sin féin, air a' cheud là do'n t-seachdain, agus na dorsa dùinte, far an robh na deisciobuil cruinn air eagalan Iudbach, thainig Iosa agus sheas e sa' mheadhon, agus a deir e riu, Sìth dhuibh.

20 Agus air dha so a ràdh, nochd e dhoibh a làmhnan agus a thaobh. An sin bha aoibhneas air na deisciobluibh an uair a chunnaic iad an Tighearn.

21 An sin Thubhairt Iosa riu a ris, Sìth dhuibh: mar a chuir an t-Athair uaith mise, mar sin a ta mise 'gar cursa uam.

22 Agus air dha so a ràdh, shéid e orra, agus a deir e riu, Gabhaibhse an Spiorad naomh.

23 Cò air bith iad d'am maith sibh am peacaidh, tha iad maiththe dhoibh: agus cò air bith iad d'an cum sibh am *peacaidh gun am naitheamh*, tha iad air an cumail.

24 Ach cha robh Tomas, aon do'n dà fhear dheug, d'an goirear Didimus, maille riu 'nuair a thainig Iosa.

25 Uime sin thubhairt na deisciobuil eile ris, Chunnaic sinne an Tighearn. Ach thubhairt esan riu, Mur faic mise aileadh<sup>b</sup> nan tairngean 'na làmhnaibh, agus mur cuir mi mo mheur ann an aileadh nan tairngean, agus mur cuir mi mo làmh 'na thaobh, cha chreid mi.

26 Agns an ceann oched làithean 'na dhéigh sin, bha a dheisciobuil a ris a stigh, agus Tomas maille riu: thainig Iosa, agus na dorsa dùinte, agus sheas e sa' mheadhon, agus thubhairt e, Sìth dhuibh.

27 'Na dhéigh sin a deir e ri Tomas, Cuir an so domheur, agus feuch mo làmhnan; agus sin an so do làmh, agus cuir a'm thaobh i: agus na bi mi-chreideach, ach creideach.

28 Agus fhreagair Tomas, agus

<sup>a</sup> ait-adhlacaidh.

<sup>b</sup> lorg, àit.

thubhairt e ris, mo Thighearn agus mo Dhia.

29 A deir Iosa ris, Air son gu faca tu mi, a Thomais, chreid thu: is beannuichte iadsan nach faca, agus a chreid.

30 Agus rinn Iosa gu fìrinneach mòran do mhìorbhuilbhe eile am fianais a dheisciobuil, nach 'eil sgrìobhta san leabhar so.

31 Ach tha iad so sgrìobhta chum gu'n creideadh sibh gur e Iosa an Criosd Mac Dhé, agus ag creidsinn duibh, gu'm biodh agaibh beatha trid ainmsan.

### CAIB. XXI.

**A**N déigh nan nithe sin dh'fhoillsich Iosa e féin a ris d'a dheisciobluibh aig muir Thiberias; agus air an dòigh so nochd se e féin;

2 Bha maille r'a chéile Simon Peadar, agus Tomas d'an goirear Didimus, agus Natanael o Chana Ghalile, agus mic Shebede, agus dithis eile d'a dheisciobluibh.

3 A deir Simon Peadar riu, Tha mi dol a dh'iasgach. A deir iadsan ris, Tha sinne a' dol maille riut. Dh'imich iad a mach, agus chaidh iad a steach do luìng air ball; agus cha do ghlac iad ni air bith an oidhche sin.

4 Ach an uair a bha a' mhadninn a nis-air teachd, sheas Iosa air an tràigh a: gidheadh cha robh fhios aig na deisciobluibh gu'm b'e Iosa bha ann.

5 An sin a deir Iosa riu, A chlann, am bheil biadh air bith agaibh? Fhreagair iadsan e, Cha 'n'eil.

6 Agus thubhairt esan riu, Tilgibh an lìon air an taobh deas do'n luìng, agus gheibh sibh. Thilg iad uime sin, agus a nis cha b'urrainn iad a tharruing air son lìonmhoireachd an éisg.

7 Uime sin a deir an deisciobul sin a b'ionmhuinn le Iosa, ri Peadar, 'Se 'n Tighearn a ta ann. A nis an uair a chuala Simon Peadar gur e 'n Tighearn a bh'ann, cheangail e a chòt-uachdair uime, (oir bha e lom-nòchd) agus thilg se e féin sa' mhuir.

8 Thainig na deisciobuil eile ann an luìng bhig (oir cha robh iad fada o thìr, ach mu thimchioll dà chend lamh-choilleb) a' tarruing an lìn éisg.

9 Uime sin an uair a thainig iad air tìr, chunnaic iad grìosach an sin, agus iasg air a chur oirre, agus aran.

10 A deir Iosa riu, Thugaibh an so do'n iasg a ghlac sibh a nis.

11 Chaidh Simon Peadar suas, agus tharruing e 'n lìon gu tìr, làn

do iasgaibh mòra, ceud agus leth-cheud agus trì: agus ge do bha 'n uiread sin ann, cha do bhriseadh an lìon.

12 A deir Iosa riu, Thigibh, gabhaibh bhuir dinnèir. Agus cha robh a chridh'c aig a h-aon do na deisciobluibh fheòraich dheth, Cò thusa? oir dh'aithnich iad gur e 'n Tighearn a bha ann.

13 An sin thainig Iosa, agus ghlac e aran, agus thug e dhoibh e, agus iasg mar an ceudna.

14 'Si so a nis an treas uair a nochd Iosa e féin d'a dheisciobluibh, an déigh dha éirigh o na marbhaibh.

15 An sin an déigh dhoibh an dinnèir a ghabhail, a deir Iosa ri Simon Peadar, A Shìmoin *mhic* Ionais, am bheil barrachd gràidh agad dhomhsa orra sin? A deir e ris, Tha, a Thighearn; tha fios agad gur toigh leam thu. A deir esan ris, Beathaich m'uain.

16 A deir e ris a ris an dara uair, A Shìmoin *mhic* Ionais, an toigh leat mise? A deir e ris, Seadh, a Thighearn; tha fios agad gur toigh leam thu. A deir e ris, Beathaich mo chaoraich<sup>d</sup>.

17 A deir e ris an treas uair, A Shìmoin *mhic* Ionais, an toigh leat mise? Bha Peadar doilich a chionn gu'n dubhairt e ris an treas uair, An toigh leat mise? Agus thubhairt e ris, A Thighearn, is aithne dhuit na h-uilenithe; tha fhios agad gur toigh leam thu. A deir Iosa ris, Beathaich mo chaoraich.

18 Gu deimhin deimhin a deirim riut, an uair a bha thu òg, chrìosraich thu thu féin, agus dh'imich thu'n taobh bu mhiann leat: ach an uair a bhios tu aosmhor, sinidh tu mach do làmhnan, agus crìosraichidh neach eile thu, agus bheir e thu 'n taobh nach àill leat.

19 So thubhairt e, a' ciallachadh cìod a' ghnè bàis leis an d'thugadh e glòir do Dhia. Agus air dha so a ràdh, a deir e ris, Lean mise.

20 An sin air do Pheadar tionndadh, chunnaic e an deisciobul a b'ionmhuinn le Iosa, a' leantuinn; an ti mar an ceudna a luidh air uchd Iosa air a shuipeir, agus a thubhairt ris, A Thighearn, cò e a bhrathas thu?

21 Air do Pheadar esan fhaicinn, thubhairt e ri h-Iosa, A Thighearn, cìod a ni 'm fear so?

22 A deir Iosa ris, Ma's àill leam-sa e dh'fhantuinn gus an d'thig mi, cìod e sin duitse? Leansa mise.

c *mhìs-nìch.*

d *bi d'aodhaire air*

mo chaoraich.

a *a' chladach.*

b *bann-lamh.*



23 Uime sin chaidh an ràdh so mach am measg nam bràithre, nach faigheadh an deisciobul sin bàs: gidheadh cha dubhairt Iosa ris, nach faigheadh e bàs: ach, Ma's i mo thoilse e dh'fhantuinn gus an d'thig mi, ciod e sin duitse?

24 'Se so an deisciobul a ta deanamh fianuis air nanithibh so, agus a'

scriobh na nithe so: agus a ta fhios againne gu bheil fhianuis fìor.

25 Agus a ta mar an ceudna mòran do nithibh eile a rinn Iosa, agus nam biodh iad uile scriobhta, 's i mo bharail nach cumadh an saoghal féin na rachadh a scriobhadh do leabhruibh. Amen.

## GNIOMHARA NAN ABSTOL.

### CAIB. I.

**R**INN mi an ceud leabhar, a Theophiluis, mi thimchioll nan uile nithe a thionnsgain<sup>a</sup> Iosa a dheanamh agus a theagasg.

2 Gus an là an do thogadh suas e, an déigh dha, trid an Spioraid Naoimh, àitheantan a thabhairt do na h-abstolaibh a thagh e:

3 D'an d' rinn e mar an ceudna e féin a nochdadh beo an déigh fhulangais, le mòran do chomharaibh fìrinneach, air dha bhi air fhaicinn leo feadh dhà fhichead latha, agus e labhairt mu na nithibh sin a bhuineadh do rioghachd Dhé:

4 Agus air dha bhi maille riu, dh'àithn e dhoibh gun iad a dhol o Hierusalem, ach feitheamh ri gealladh an Athar, *ars' esan*, a chuala sibh uamsa.

5 Oir bhaist Eoin gu deimhin le uisge: ach baistear sibhse leis an Spiorad naomh, air bheag do làithibh an déigh so.

6 Uime sin air cruinneachadh dhoibh an ceann a chéile, dh'fheòraich iad deth, ag ràdh, A Thighearn, an aisig thu san àm so an rioghachd do Israel?

7 Ach thubhairt esan riu, Cha bhuin e dhuibhse fìos nan aimsir no nan àm fhaotainn, a chuir an t-Athair 'na chumhachd féin.

8 Ach gheibh sibhse cumhachd an uair a thig an Spiorad naomh oirbh: agus bithidh sibh 'nar fianuisibh dhomhsa, araon ann an Ierusalem, agus ann an Iudea uile, agus ann an Samaria, agus gu iomail na talmhainn.

9 Agus an uair a thubhairt e na nithe so, thogadh suas e, agus iadsan 'ga fhaicinn, agus thug neul as an sealladh e.

10 Agus am feadh a bha iadsan a' geur-amharc gu nèamh, agus esan a' dol suas, feuch, sheas dithis fhear làimh riu ann an eudach geal;

11 Agus thubhairt iad, Fheara Ghalile, c'ar son a ta sibh 'nar seasamh ag amharc gu nèamh? An t-Iosa so a thogadh suas uaibh gu nèamh, is amhtail sin a thig e, mar a chunn-aic sibh e a' dol gu nèamh.

12 Au sin phill iad gu Hierusalem, o'n t-sliabh d'an goirear *sliabh* nan crann-ola, a tha'm fagus do Hierusalem, astar latha sàbaid as.

13 Agus an uair a thainig iad a stigh, chaidh iad suas do sheomar uachdarach, far an robh a' fantuinn Peadar, agus Seumas, agus Eoin, agus Aindreas, Philip, agus Tomas, Bartolomeus, agus Mata, Seumas *mac* Alpheuis, agus Simon Selotes, agus Iudas *bràthair* Sheumais.

14 Bhunaich iad so uile a dh'aon inntinn ann an ùrnuigh agus an guidhe, maille ris na mnaibh, agus Muire màthair Iosa, agus maille r'a bhràithribh.

15 Agus anns na làithibh sin dh'éirich Peadar ann am meadhon nan deisciobul, agus thubhairt e, (b'e àireamh nan ainm a bha làthair, mu thimchioll ceud agus fichead.)

16 Fheara *agus* a bhràithre, b'éigin an scriobtuir so bhi air a choimhlionadh, a roimh-labhair an Spiorad naomh le beul Dhaibhidh timchioll Iudais, a bha 'na cheann-iuil b' aca-san a ghlac Iosa.

17 Oir bha e air àireamh maille ruime, agus fhuair e cuibhrionn do'n fhrithealadh so.

18 A nis cheannaich am fear so fearann le duais na h-eucorach; agus air dha tuiteam sìos air aghaidh e, sgain e sa' mheadhon, agus bhrùchd a mhionach uile mach.

19 Agus rinneadh so aithnichte do luchd-àiteachaidh Ierusalem uile; air chor as gu'n goirear do'n fhearann sin 'nan cainnt féin, Acel dama, sin ri ràdh, Fearann fola.

20 Oir a ta e scriobhta ann an leabhar nan Salm, Biodh àite-còmh-

nuidh 'na fhàsach, agus na gabhadh neach sam bith tàmh ann: agus, Glacadh neach eile a dhreuchda<sup>a</sup>.

21 Air an aobhar sin is còir aon do na daoineibh sin a bha maille ruinne, rè na h-aimsire sin uile anns an deachaidh an Tighearn Iosa steach agus a mach 'nar measgne.

22 A' toiseachadh o bhaisteadh Eoin, gus an là an do thogadh suas ainn e, bhi air a dheanamh 'na fhianuis air aiseirigh-san maille ruinne.

23 Agus shonraich iad dithis, Ioseph d'an goirear Barsabas, d'am bu chomh-ainm Iustus, agus Matias.

24 Agus air deanamh ùrnuigh dhoibh, thubhairt iad, Thusa a Thigh-earn, d'an aithne cridheachan an uile dhaoine, foillsich cò do'n dithis so a thagh thu,

25 A ghabhail cuibhrrinn do'n fhrithéaladh agus do'n abstolachd so, o'n do thuit Iudas le seachran<sup>b</sup>, gu dol g'a àit féin.

26 Agus thilg iad an crannchur; agus, thuit an crannchur air Matias, agus bha e air àireamh maille ris an aon abstol deug.

#### CAIB. II.

**A**GUS an uair a thainig là na cuingis<sup>c</sup>, bha iad gu léir a dh'aon inntinn ann an aon àit.

2 Agus thainig gu h-obann toirm o nèamh, mar sheideadh gaoithe ro thréin, agus lion i an tigh uile far an robh iad 'uan suidhe.

3 Agus dh'fhoillsicheadh dhoibh teanganna sgoilte, mar do theine, agus shuidh e air gach aon diubh fa leth.

4 Agus lionadh iad uile leis an Spiorad naomh, agus thòisich iad air labhairt le teangaibh eile, a réir mar a thug an Spiorad comas labhairt dhoibh.

5 Agus bha a' gabhail còmhnuidh ann an Ierusalem, Iudhaich, daoine cràbhach, do gach uile chinneach fuidh nèamh.

6 A nis an uair a sgaoileadh an t-iomradh so, thainig an sluagh an céann a chéile, agus bha iad fuidh ambluadh, do bhrìgh gu'n cuala gach aon iad a' labhairt 'nan cànan<sup>d</sup> fein.

7 Agus bha iad uile fuidh uamhas agus ghabh iad iongantais, ag ràdh r'a chéile, Feuch, nach Galiléich iad sin uile a ta labhairt?

8 Agus cionnus a ta sinne 'gan cluinntinn gach aon 'nar cànan fein, anns an d'rugadh sinn?

9 Partuich, agus Medich, agus Elamuich, agus luchd-àiteachaidh Mhesopotamia, Iudea, agus Chaphadocia, Phontuis, agus Asia,

10 Phrigia, agus Phamphilia, na h-Eiphit, agus chrìoch na Libia timchioll Chirene, agus coigrich o'n Ròimh, Iudhaich agus Proselitiche,

11 Muinntir Chrete, agus Arabia, tha sinn 'gan cluinntinn a' labhairt 'nar teangaibh féin gnìomhara mòral-acha Dhé.

12 Agus bha iad uile fuidh uamhas, agus ann an ioma-chomhairle, ag ràdh gach aon r'a chéile, Ciod is ciall da so?

13 Ach thubhairt droing eile a' fanoid, Tha na daoine so làn do fhìon ùr.

14 Ach air seasamh do Pheadar maille ris an aon fhear deug, thog e a ghuth, agus thubhairt e riu, Fheara Iudea, agus sibhse uile a luchd-àiteachaidh Ierusalem, biodh fios so agaibh, agus éisidibh ri m'bhriathraibhse:

15 Oir cha 'n'eil iad so air mhisg, mar a ta sibhs' a' meas, oir is i an treas uair do'n là<sup>f</sup> a ta ann.

16 Ach is e so an nì a dubhradh leis an fhàidh Ioel:

17 Agus tarlaidh z anns na làithibh deireannach, (arsa Dia) doirtidh mise do m' Spiorad air gach uile fheoil; agus nì bhur mic agus bhur nigheana fàidheadaireachd, agus chì bhur n-òganaich seallanna, agus brudaraidh bhur seann daoine brudaran<sup>h</sup>:

18 Agus doirtidh mise air m'òglachaibh, agus air mo bhan-òglachaibh do m' Spiorad anns na làithibh sin, agus nì iad fàidheadaireachd:

19 Agus nochdaidh mise iongantais anns na neamhaibh shuas, agus comharan air an talamh shìos; fuil, agus teine, agus duibh-neul deataich.

20 Iompoichear a' ghrian gu dorchadas, agus a' ghealach gu fuil, mun d'thig latha mòr agus comharichte sin an Tighearna.

21 Agus tarlaidh, ge b'e neach a ghairmeas air ainm an Tighearna, gu'n tearnar e.

22 Fheara Israeil, éisidibh ris na briathraibh so: Iosa o Nasaret, duine a dhearbhadh le Dia 'nar measgsa, le cumbachdaibh agus le miorbhuilb agus le comharaibh, a rinn Dia leis-san 'nar meadhonsa, mar a ta fhios agaibh féin:

e i. e. Geintilich a dh'iompoich-eadh gu creidimh nan Iudhach.

f i. e. an naothadh uair roimh mheadhon-là.

g tachairidh.

h chì bhur shean daoine aislingean.

<sup>a</sup> oifig. <sup>b</sup> a dh'fhàg Iudas.  
<sup>c</sup> an uair a choimhlionadh latha na cuingis. <sup>d</sup> cainnt.

23 An duine so, a thugadh thairis le comhairle chinntich agus roimh-eòlas Dé, ghlac sibhse, agus le làmh-aibh dhroch dhaoine<sup>a</sup> cheus agus mharbh sibh e<sup>b</sup>:

24 Neach a thog Dia suas, air dha piantan<sup>c</sup> a' bhàis fhuasgladh; do bhrìgh nach robh e'n comas gu'n cuintadh esan leis:

25 Oir a deir Daibhidh m'a thimchioll. Chunnaic mi an Tighearn romham a ghnàth, oir a ta e aig mo dheas làimh, chum nach gluaisteadh mi.

26 Air an aobhar so rinn mo chridhe gairdeachas, agus rinn mo theanga aoibhneas: tuilleadh fòs, gabhaidh m'fheoil còmhnuidh fhoisneach ann an dòchas d':

27 Do bhrìgh nach fàg thu m'anam shìos ann an ifrinne, ni mò a dh'fhuilingeas tu do d' naomh Aon fèin gu faic e truaillidheachd.

28 Dh'fhoillsich thu dhomhsa slighean na beatha; lìonuidh tu mi do shabhachas le d' ghnùis.

29 Fheara agus a bhràithre, leigibh leamsa labhairt gu dàna ribh mu'n phrìomh-àthair Daibhidh, araon gu'n d'fhuair e bàs, agus gu'n d'adhlaiceadh e, agus gu bheil uaigh maille ruinne gus an là 'n diugh:

30 Air an aobhar sin air dha bhi 'na fhàidh, agus fìosrach gu'n do mhionnaich Dia le mionnaibh dha, do thoradh a leasraidh, [a réir na feòla, gu togadh e suas Crìosd] gu suidhef air a rìgh-chaithir-san.

31 Air dhasan so a roimh-fhaicinn, labhair e mu aiseirigh Chrìosd, nach d'fhàgadh anam ann an ifrinne, agus nach fac fheoil truaillidheachd.

32 An t-Iosa so thog Dia suas, air am bheil sinne uile 'nar fianuisibh.

33 Uime sin air dha bhi air àrdachadh le h deas làimh Dhé, agus gealladh an Spioraid naoimh fhaotainn o'n Athair, dhòirt e mach an ni so, a tha sibhse nis a' faicinn agus a' cluinntinn.

34 Oir cha deachaidh Daibhidh suas chum nan nèamh: ach a deir e fèin, Thubhairt an Tighearn ri m' Thighearn, Suidh air mo làimh dheis,

35 Gus an cuir mi do naimhde 'nan stòl fuidh d' chosaibh.

<sup>a</sup> le làmh-an aingidh. <sup>b</sup> 'nuair a rinn sibh fanoid air, mharbh sibh e. <sup>c</sup> cuibhreach, boinn. <sup>d</sup> earbsa. <sup>e</sup> san uaigh. <sup>f</sup> gu'n suidhich-eadh e. <sup>g</sup> san uaigh. <sup>h</sup> aig.

36 Uime sin biodh fìos gu cinn-teach aig tigh Israeil uile gu'n d'rinn Dia 'na Thighearn agus 'na Chrìosd, an t-Iosa so fèin, a cheus sibhse.

37 A nis an uair a chual iad so, bha iad air am bioradh 'nan cridhe, agus thubhairt iad ri Peadar, agus ris a' chuid eile do na h-abstolaibh, Fheara agus a bhràithre, ciod a ni sinn?

38 An sin thubhairt Peadar riu, Deanaibh aithreachas, agus bithibh air bhuir basteadh gach aon agaibh ann an ainm Iosa Crìosd, chum maitheanais peacaidh, agus gheibh sibh tìodhlacadh an Spioraid naoimh.

39 Oir a ta 'n gealladh dhuibhse, agus d'ar cloinn, agus do na h-uile a ta fad o làimh, eadhon a mhead 'sa ghairmeas an Tighearn ar Dia.

40 Agus le mòran do bhriathraibh eile rinn e fianuis agus dh'earalaich e iad<sup>a</sup>, ag ràdh, Saoraibh sibh fèin o'n ghinealach fhiar<sup>b</sup> so:

41 An sin bhaisteadh iadsan a ghabh r'a fhocal gu toileach: agus an là sin fèin chuireadh riu timchioll trì mìle anam.

42 Agus bhunaich iad gu seasmhach ann an teagasg nan abstol, agus ann an comh-chomunn, agus ann am briseadh arain, agus ann an ùrnuighibh.

43 Agus thainig eagall air gach anam: agus rinneadh mòran do mhìorbhuilb agus do chomharaibh leis na h-abstolaibh.

44 Agus bha iadsan uile a chreid ann an aon àit, agus bha na h-uile nithe aca coitcheinn<sup>c</sup>.

45 Agus reic iad an seilbh agus am maoin, agus roinn iad air na h-uile iad, a réir mar a bha fèum gach neach.

46 Agus ag buanachadh dhoibh gach là a dh'aon inntinn anns an teampull, agus a' briseadh arain o thigh gu tigh, chaith iad am biadh le gairdeachas agus le aon-fhillteachd cridhe.

47 A' moladh Dhé, agus deadh-ghean aca o'n t-sluagh uile. Agus chuir an Tighearn gach là ris an eaglais an dream a shlànuichear.

#### CAIB. III.

**A** GUS chaith Peadar agus Eoin le chéile suas do'n teampull, aig uair na h-ùrnuigh, eadhon an naothadh uair d'.

2 Agus bha duine àraidh a bha na bhacach e o bhroinn a mhàthar air a

<sup>a</sup> chomhairlich e iad, ghuidh e orra. <sup>b</sup> olc. <sup>c</sup> ann an comh-pairt. <sup>d</sup> i. e. an treas uair an déigh mheadhon-là. <sup>e</sup> chrìoplach.

ghiùlan, neach a chuireadh gach là aig dorus sin an teampuill d'an goir-ear Sgiamhach, a dh'iarraidh déirce orrasan a bha dol a steach do'n teampull:

3 Agus an uair a chunnaic e Peadar agus Eoin air tì dol a steach do'n teampull, dh'iarr e déirc.

4 Agus air do Pheadar sealltuinn gu geur air, maille ri h-Eoin, thubhairt e, Amhairc oirne.

5 Agus thug esan aire dhoibh an dòchas gu'm faigheadh e ni éigin uatha.

6 An sin thubhairt Peadar, Airgiod no òr cha 'n'eil agam; ach an ni a ta agam, so bheiream dhuit: An ainm Iosa Criosd o Nasaret, éirich agus imich.

7 Agus air dha breith air a làimh dheis, thog e suas e; agus air ball neartaicheadh aobrunnan agus a throidhean.

8 Agus leum e suas, agus sheas, agus dh'imich e, agus chaidh e steach maille ri do'n teampull, ag imeachd, agus a' leumnaich, agus a' toirt cliu do Dhia.

9 Agus chunnaic an sluagh uile e ag imeachd, agus a' toirt cliu do Dhia.

10 Agus dh'aithnich iad esan gu'm b'e a bha 'na shuidhe aig geata Sgiamhach an teampuill ag iarraidh déirce: agus lìonadh iad le h-iongantas agus le h-uamhas air son an ni sin a thachair dha.

11 Agus ag cumail Pheadair agus Eoin do'n bhacach a chaidh leigh-eas, ruith an sluagh uile d'an ionnsuidh anns an sgàth-thigh a d'an goirear sgàth-thigh Sholaimh, làn iongantais.

12 Agus air faicinn so do Pheadar, fhreagair e 'n sluagh, Fheara Israeil, c'ar son a ta iongantas oirbh mu'n ni so? no c'ar son a ta sibh a' geur-amharc oirne, mar gu b'ann le'r cumhachd no ar naomhachd féin a thug sinn air an duine so imeachd?

13 Ghlòraich Dia Abraham, agus Isaac, agus Iacoib, Dia ar n-aithriche, a Mhac Iosa; a thug sibhse thairis, agus a dh'àicheadh sibh an làthair Philait, an uair a b'i a bhreth a chur fa sgaoil.

14 Ach dh'àicheadh sibhse an t-Aon naomha, agus am Fìrean, agus dh'iarr sibh mortair a thiodhlacadh bhuibh,

15 Agus mharbh sibh Prionnsadh c na beatha, a thog Dia o na marbh-aibh; air am bheil sinne 'nar fianuisibh.

a àileir, phòrsa. b thabhairt.  
c Ceann-uil, Ceannard.

16 Agus tre chreidimh 'na ainm neartaich e an tì so, a tha sibhse a' faicinn: agus a's aithne dhuibh: seadh, thug ainmsan agus an creidimh a ta tridsan, dhasan an t-slàinte iomlan so 'nar làthairse uile.

17 Agus a nis, a bhràithre, tha fhios agam gur ann tre aineolas a rinn sibh e, mar a rinn mar an ceudna bhur n-uachdarain.

18 Ach choimhlion Dia air an dòigh so na nithe sin a roimh-fhoillsich e le beul fhàidhean uile, gu'm fuilingeadh Criosd.

19 Air an aobhar sin deanaibhse aithreachas agus bithibh air bhur n-iompochadh, chum gu'm bi bhur peacaidh air an glanadh as, 'nuair a thig amanna fionnuaireachd o làthair an Tighearna.

20 Agus a chuireas e Iosa d Criosd d'ar ionnsuidh, a chaidh roimh-orduchadhe:

21 Neach is éigin do néamh a ghabhail; gu aimsiribh aisig nan uile nithe, air an do labhair Dia le beul fhàidhean naomha uile, o thoiseach an t-saoghail.

22 Oir gu firinneach thubhairt Maois ris na h-aithrichibh, Togaidh an Tighearn bhur Dia suas fàidh dhuibh, d'ar bràithribh, mar mise; ris-san éisdidh sibh anns na h-uile nithibh a labhras e ribh.

23 Agus tarlaidh, gach anam nach éisd ris an fhàidh sin, gu'n sgriosar a mach as an t-sluagh e.

24 Seadh, dh'fhoillsich na fàidhean uile o Shamuel, agus iadsan a lean o sin, a mheud diubh 's a labhair, roimh-làimh mu na làithibh so.

25 Is sibhse clann nam fàidh, agus a' choimh-cheangail a rinn Dia r'ar n-aithrichibh, ag ràdh ri Abraham, Agus ann ad shìochd sa bithidh uile theaghlaiche na talmhainn air am beannachadh.

26 Air do Dhia a Mhac Iosa thogail suas, chuir e d'ar n-ionnsuidhs' e air tús, chum as gu'm beannuicheadh e sibh, leis gach aon agaibh iompochadh o bhur lochdaibh.

## CAIB. IV.

A GUS am feadh 'sa bha iad a' labhairt ris an t-sluagh, thainig orra na sagairt, agus ceannard an teampuill, agus na Sadusaich.

2 Agus bha iad fuidh dhoilgheas gu'n robh iadsan a' teagasg an t-sluaigh, agus a' searmonachadh tre Iosa aiseirigh nam marbh.

d chum gu d'thig amanna fois o làthair an Tighearna, agus gu cuir e Iosa. e roimhe so a shearmonachadh dhuibh.



3 Agus chuir iad làmh annta, agus chuir iad am priosun iad gus an là maireach<sup>a</sup>: oir b'e nis am feasgar a bh'ann.

4 Gidheadh, chreid mòran diubhsan a chual am focal; agus b'e àir-eamh nan daoine timchioll chùig mìle.

5 Agus tharladh air an là maireach, gu'n chruinnicheadh an ceann a chéile an uachdarain, agus an seanairean, agus an scriobhuichean, ann an Ierusalem,

6 Agus Annas an t-àrd shagart, agus Caiaphas, agus Eoin, agus Alastair<sup>b</sup>, agus a mheud 's a bha do chinneach an àrd shagairt.

7 Agus air dhoibh iadsan a chur anns a' mheadhon, dh'fhiosraich iad, Ciod e an cumhachd, no ciod e an t-ainm anns an d'rinn sibh so?

8 An sin air do Pheadar bhi air a lìonadh leis an Spiorad naomh, thubhairt e riu, Uachdarana a' phobuill, agus a sheanairean Israeil,

9 Ma tha sinne an diugh air ar ceasnachadh mu'n deadh ghnìomh a rinneadh do'n duine euslan, cionnus a shlànuicheadh e;

10 Biodh e aithnichte dhuibhse uile, agus do phobull Israeil uile, gur ann tre ainm Iosa Crìosd o Nasaret, a cheus sibhse, a thog Dia o na marbhaibh, eadhon tridsan, a ta 'n duine so 'na sheasamh an so 'nar làthairse slàn.

11 'Si so a' chlach sin a dhiultadh libhse, a luchd-togail, a rinneadh 'na ceann na h-oisinn.

12 Agus cha 'n 'eil slàinte ann an neach air bith eile: oir cha 'n'eil ainm air bith eile fuidh nèamh air a thoirt am measg dhaoine, tre'm feud sinn bhi air ar slànuchadh c.

13 A nis an uair a chunnaic iad dānachd Pheadair agus Eoin, agus a thuig iad gu'm bu daoine gun fhòghlum agus cumanta iad, ghabh iad iongantas, agus dh'aithnich siad iad gu'n robh iadsan maille ri h-Iosa.

14 Agus air faicinn an duine a leighiseadh 'na sheasamh maille riu, cha robh ni air bith aca ri ràdh 'na aghaidh.

15 Agus an déigh dhoibh orduchadh dhoibhsan dol a mach as a' chomhairle, chuir iad an cinn cuid-eachd e,

16 Ag ràdh, Ciod a ni sinn ris na daoineibh so? Oir gu'n deachaidh

mìorbhuil aithnichte f dheanamh leo, a ta e follaiseach do luchd-àiteachaidh Ierusalem uile, agus cha'n urradh sinne àicheadh.

17 Ach a chum nach sgaoilear e ni's mò air feadh an t-sluaigh, bagramaid orragu geur, gun iad a labhairt ni's mò ri neach air bith anns an ainm so.

18 Agus air dhoibh an gairm, dh'àithn iad dhoibh gun iad a labhairt air chor sam bith, no a theagasg ann an ainm Iosa.

19 Ach fhreagair Peadar agus Eoin agus thubhairt iad riu, Am bheile ceart am fianuis Dé, éisdeachd ribhse roimh Dhia, thugaibh féin breth.

20 Oir cha 'n'eil e'n comas duinne gun na nithe a chunnaic agus a chuala sinn a labhairt.

21 Ach air dhoibhsan tuilleadh bagraidh a dheanamh orra, leig iad as iad, gun dòigh air bith fhaotainn air am feudadh iad peanas a dheanamh orra, air son an t-sluaigh: oir bha na h-uile a' toirt glòire do Dhia air son an ni a rinneadh.

22 Oir bha an duine air an d'rinneadh am mìorbhuil leighis so tuilleadh as dà fhichead bliadhna dh'aois.

23 Agus an uair a leigeadh as iad, thainig iad dh'ionnsuidh am muinntir féin, agus dh'innis iad na h-uile nithe a thubhairt na h-àrd-shagairt, agus na seanairean riu.

24 Agus an uair a chual iadsan so, thog iad suas a dh'aon inntinn an guth ri Dia, agus thubhairt iad, A Thighearn, is tusa an Dia a rinn nèamh agus talamh, agus an fhairge, agus na h-uile nithe a ta anna:

25 A thubhairt le beul Dhaibhidh do sheirbhisich, C'ar son a ghahh na Cinnich boil, agus a smuainich an sluagh nithe dìomhanach?

26 Sheas rìghre na talmhainn suas, agus chruinnicheadh na h-uachdarain an ceann a chéile, an aghaidh an Tighearna, agus an aghaidh a Chrìosd z.

27 Oir gu fìrinneach chruinnicheadh an ceann a chéile 'n aghaidh do Leinibh naomh Iosa, a dh'ùng thu, araon Herod agus Pontius Pilat, maille ris na Cinneachaibh, agus sluagh Israeil.

28 A dheanamh gach ni a roimh-orduich do làmh agus do chomhairle a bhi deanta.

29 Agus a nis, a Thighearn, amhairc air am bagraibh: agus deònaich

f soilleir.  
ungta-san.

z an aghaidh Aoin

<sup>a</sup> agus an la air na mhàireach.

<sup>b</sup> Aleksander.

<sup>c</sup> saoradh,

sàbhaladh.

<sup>d</sup> thug iad aire

dhoibh.

<sup>e</sup> an comhairle r'a

chéile.

do d' sheirbhisich féin, t'fhocal a labhairt leis gach uile dhànachd,

30 Le d' làimh a shineadh a mach chum leighis: agus gu'm bi comharan agus mìorbhuilean air an deanamh tre ainm do Leinibh naoimh Iosa.

31 Agus air dhoibh ùrnuigh a dheanamh, chrathadh an t-àit anns an robh iad cruinn; agus lìonadh iad uile do'n Spiorad naomh, agus labhair iad focal Dé le dhànachd.

32 Agus bha aig a' chuideachd a chreid aon chridhe, agus aon anam: agus ni mò a thubhairt neach air bith *dhiubh*, gu'm bu leis féin aon ni a shealbhaich e, ach bha na h-uile nithe coitichionn<sup>a</sup> aca.

33 Agus le mòr chumhachd thug na h-abstoil fianuis air aiseirigh an Tighearna Iosa: agus bha mòr ghràs orra uile.

34 Agus ni mò a bha aon neach uireasbhuidheach nam measg: oir a mheud 'sa bha 'nan sealbhadairibh fearainn, no thighean, air dhoibh an reiceadh, thug iad luach nan nithe a chaidh reiceadh leo,

35 Agus chuir iad aig cosaibh nan abstol e: agus roinneadh e air gach neach a réir fheuma.

36 Agus air do fhearann a bhi aig Ioses, d'an ghoireadh leis na h-abstolaibh Barnabas, (is e sin, air eadar-theangachadh, Mac na comhfhurtachd) Lebhitheach, d'am bu dùthaich Ciprus,

37 Reic se e, agus thug e 'n t-airgiod, agus chuir e aig cosaibh nan abstol e.

#### CAIB. V.

**A**CH reic fear àraidh d'am b'ainm Ananias, maille ra mhnaoi Saphira, sealbh fearainn,

2 Agus cheil e *cuid* do'n luach, le fios a mhnà, agus air dha cuid-eigin a thoirt leis, chuir e aig cosaibh nan abstol e.

3 Ach thubhairt Peadar, Ananiais, c'ar son a lìon Satan do chridhe a dheanamh bréige do'n Spiorad naomh, agus a cheiltinn *cuid* do luach an fhearainn?

4 Am feadh 's a dh'fhuirich e *gun reiceadh*, nach bu leat féin e? agus an déigh a reiceadh nach robh e a'd' chomas féin? c'ar son a smuainich thu ann do chridhe an gnìomh so? cha d'rinn thu breug do dhaoineibh, ach do Dhia.

5 Agus an uair a chuala Ananias na briathra so, thuit e sìos, agus chaidh an deo as: agus thainig eagal mòr air na h-uile, a chuala na nithe so.

6 Agus air éirigh do na h-òganachaibh, phaisg iad an eudach-mairbh e, agus air dhoibh a ghiùlan a mach, dh'adhlaid iad e.

7 Agus tharladh timchioll trì uaire 'na dhéigh sin, gu'n d'thainig a bhean a steach, gun fhios aice air an ni a rinneadh.

8 Agus fhreagair Peadar i, Innis dhomhsa an ann air an uiread so reic sibh an fearann? Agus thubhairt ise, Is ann, air son an uiread sin.

9 An sin thubhairt Peadar rithe, C'ar son a chomb-aontaich sibh Spiorad an Tighearna a dhearbhadh b? feuch, *tha* cosa na muinntir a dh'adhluid t'fhear aig an dorus, agus giùlainidh iad thusa mach.

10 An sin thuit i air ball aig a chosaibh, agus chaidh an deo aise: agus air do na h-òganachaibh teachd a steach, fhuair iad i marbh, agus air dhoibh a giùlan a mach, dh'adhluid iad làimh r'a fear i.

11 Agus thainig eagal mòr air an eaglais uile, agus air na h-uile a chuala na nithe so.

12 Agus rinneadh mòran eomh-arau agus mìorbhuilean am measg a' phobull le làmhaidh nan abstol; (agus bha iad uile dh'aon inntinn ann sgàth-thigh<sup>c</sup> Sholaimh:

13 Agus cha robh chridh' aig a h-aon do chàch e féin a cheangal riu:) ach bha mòr mheas aig a' phobull orra.

14 Agus is mòid a chuireadh creidmhidh ris an Tighearn, buidheann mhòr<sup>d</sup> araon do fhearaibh agus do mhnaibh:

15 Air chor as gu'n d'thug iad a mach a' mhuinntir euslan air na sràidibh, agus gu'n do chuir iad air leapaichibh agus air uirighibh<sup>e</sup> iad, chum ag teachd do Pheadar gu'n cuireadh fhaileus, mar bu lugha, sgàile<sup>f</sup> air neach eigin aca.

16 Agus thainig mar an ceudna mòr shluagh as na bailtibh m'an cuairt air Hierusalem, a' toirt leo muinntir euslain, agus dream a bha air am buaireadh le spioradaibh neo-ghlan: agus leighiseadh iad nìle.

17 An sin dh'éirich an t-àrd shagart, agus iadsan uile a bha maille ris, (eadhon luchd-bharail nan Sadusach) agus lìonadh iad le tnùthg.

18 Agus chuir iad làmh anns na h-abstolaibh, agus chuir iad sa' phriosun chumanta iad.

19 Ach dh'fhosgail aingeal an

b a bhuaireadh. c àileir, pòrsa.  
d sluagh mòr. e couches. Sasg.  
f dubhar. g eud.

Tighearna dorsan a' phriosuin san oidhche, agus thug e iadsan a mach, agus thubhairt e,

20 Imichibh, agus ag seasamh dhuibh labhraibh san teampull ris an t-sluagh, uile bhriathra na beatha so.

21 Agus an uair a chual iad so, chaidh iad gu moch a steach do'n teampull, agus theagaisg iad. Ach thainig an t-àrd shagart agus iadsan a bha maille ris, agus ghairm iad a' chomhairle, agus seanadh chloinn Israeil uile an ceann a chéile, agus chuir iad do'n phriosun chum gu'n d'thugtadh iadsan *d'an ionnsuidh*.

22 Ach an uair a thainig na maoir, cha d'fhuair iad sa' phriosun iad, agus air pilltinn dhoibh, dh'innis iad,

23 Ag ràdh, Fhuair sinne gu firinneach am prìosun dùinte gu ro thèaruinte, agus an luchd-coimhead 'nan seasamh a mach fa chomhair na dorus : ach an uair a dh'fhosgail sinn, cha d'fhuair sinn aon duine a stigh.

24 A nis an uair a chual an t-àrd shagart, agus ceannard an teampull, agus uachdarain nan sagart na briathra so, bha iad fuidh amharus m'an timchioll ciod gus an d'thig-eadh so.

25 An sin thainig neach *d'raidh* agus dh'innis e dhoibh, ag ràdh, Feuch, a ta na daoine a chuir sibh sa' phriosun, 'nan seasamh san teampull, agus a' teagasg a phobuil.

26 An sin dh'imich an ceannard maille ris na maoraibh, agus thug e leis iad gun ainneart : (oir bha eagal orra roimh an t-sluagh, gu'm biodh iad air an clachadh *leo*.)

27 Agus an uair a thug iad leo iad, chuir iad ann am fianuis na comhairle *iad* : agus dh'fheòraich an t-àrd shagart diubh,

28 Ag ràdh, Nach d'thug sinne geur ordugh dhuibh, gun teagasg a dheanamh san ainm so ? agus feuch, lion sibh Ierusalem le 'r teagasg, agus is àill libh fuil an duine so a tharruinga oirne.

29 An sin fhreagair Peadar agus na h-abstoil *eile*, agus thubhairt iad, Is còir géill a thoirt do Dhia ni's mò na do dhaoineibh.

30 Thog Dia ar n-aithriche Iosa, a mharbh sibhse agus a chroch sibh air crann.

31 Esan dh'ardaich Dia le a dheas làimh 'na Cheannard agus 'na Shlànuighear, a thoirt aithreachais agus maitheanais peacaidh do Israel.

32 Agus tha sinne 'nar fianuisibh dha air na nithibh so : agus mar an

ceudna an Spiorad naomh, a thug Dia dhoibhsan, a ta ùmhal dba.

33 Agus an uair a chual iadsan so, bha iad air an gonadh c, agus ghabh iad comhairle an cur gu bàs.

34 An sin dh'éirich Phairiseach àraidh anns a' chomhairle, d'am b'ainm Gamaliel, fear-teagaisg an lagha, air an robh meas aig an t-sluagh uile, agus dh'orduich e na h-abstoil a chur a mach rè tamuill,

35 Agus thubhairt e ri, Fheara Israeil, thugaibh aire dhuibh féin, ciod a ta roimhibh a dheanamh mu thimchioll nan daoine sin.

36 Oir roimh na làithibh se dh'éirich Teudas suas, ag ràdh gu'm bu neach éigin mòr e féin, agus cheangail àireamh dhaoine, timchioll ceithir cheud, iad féin ris : mharbhadh esan, agus a mheud 'sa dh'aontaich leis, sgaoileadh iad uile as a chéile, agus chaidh iad gu neo-ni.

37 An déigh an fhir so dh'éirich Iudas an Galiléach suas, ann an làithibh na cis-mheasaidh, agus tharruing e mòran sluagh 'na dhéigh : sgriosadh esan mar an ceudna, agus a mheud 'sa ghéill dad, sgapadh iad uile.

38 Agus a nis a déirim ribh, Fan-aibh o na daoineibh so, agus leigibh leo : oir ma's ann o dhaoineibh a ta a' chomhairle so, no'n obair so, thig i gu neo-brìgh e :

39 Ach ma's ann o Dhia a ta i, cha'n urradh sibhs' a cur gu neo-brìgh : air eagal gu'n tarladh gu'm faighear sibh eadhon a' cogadh an aghaidh Dhé.

40 Agus dh'aontaich iad leis-san : agus an uair a ghairm iad na h-abstoil, agus a ghabh iad orra, dh'orduich iad dhoibh gun labhairt ann an ainm Iosa, agus leig iad as iad.

41 Agus dh'imich iadsan o làthair na comhairle, le gairdeachas, a chionn gu'n do mheasadh gu'm b'fhiu iad eas-urram fhulang air son ainmesan.

42 Agus gach là anns an teampull, agus o thigh gu tigh, cha do sguir iad a bhi teagasg, agus a' searmonachadh Iosa Crìosd.

#### CAIB. VI.

**A**GUS anns na làithibh sin, an uair a bha àireamh nan deisciobul a' meudachadh, dh'éirich gearan am measg nan Greugach an aghaidh nan Eabhrach, a chionn gu'n do dhearmaideadh am bantraichean san fhrithéaladh laitheal.

2 An sin ghairm an dà fhear dheug mòr chuideachd nan deisciobul d'an

c chas iad am fìacla.

d dh'earb as.

e thèid as dìth.

a thoirt.

b Phrionnsadh.

ionnsuidh, agus thubhairt iad, Cha 'n'eil e iomchuidh sinne dh'fhàgail focail Dé, agus a fhrithéaladh do bhordaibh.

3 Uime sin, a bhràithre, iarraibh a mach 'nar measg seachdnar dhaoine fuidh dheadh iomradh, làn do'n Spiorad naomh agus do ghliocas, a chuireas sinne os cionn an dreuchd so<sup>a</sup>.

4 Ach buanaichidh sinne a ghnàth ann an ùrnuigh, agus am ministreil-eachd an fhocail.

5 Agus bha chainnt so taitneach an làthair na mòr chuideachd uile: agus thagh iad Stephan, duine làn do chreidimh agus d'on Spiorad naomh, agus Philip, agus Prochorus, agus Nicanor, agus Timon, agus Parmenas, agus Nicolas proseliteach do mhuinntir Antioch.

6 Chuir iad iadsan an làthair nan abstol: agus air deanamh ùrnuigh dhoibh, chuir iad an làmhnan orra.

7 Agus dh'fhàs focal Dé; agus mheudaicheadh àireamh nan deisciobul gu ro mhòr ann an Ierusalem; agus bha cuideachd mhòr do na sagartaibh ùmhál do'n chreidimh.

8 Agus rinn Stephan, làn do chreidimh agus do chumbhachd, mìorbhuilean agus comharan mòra am measg an t-sluaigh.

9 An sin dh'éirich dream àraidh do'n t-sionagag d'angoirear *sionagag* nan Libertineach<sup>b</sup>, agus nan Cirenianach, agus mhuinntir Alecsandria, agus na droinge o Chìlicia, agus o'n Asia, a' deasboireachd ri Stephan.

10 Agus cha b'urrainn iad cur an aghaidh a' ghliocais agus an spioraid leis an do labhair e.

11 An sin thug iad a steach os ìosal daoine a thubhairt, Chuala sinne e labhairt bhriathar toibheumach an aghaidh Mhaois, agus Dhé.

12 Agus dhùisg iad suas an sluagh, agus na seanairean, agus na sgrìobh-uichean, agus thainig iad air agus ghlac iad e, agus thug iad an làthair na comhairle e.

13 Agus chuir iad suas fianuisean bréige, a thubhairt, Cha 'n'eil an duine so a' sgur dol labhairt bhriathar toibheumach<sup>c</sup> an aghaidh an ionaid naomha so, agus an lagha.

14 Oir chuala sinn e ag ràdh, gu'n sgrios an t-Ìosa so o Nasaret an t-àit so, agus gu'n caochail e nad ghnàth-anna a thug Maois dhuinne.

15 Agus air dhoibhsan uile a bha 'nan suidhe sa' chomhairle amharc

gu geur air, chunnaic iad aghaidh mar aghaidh aingil.

## CAIB. VII.

**A**N sin thubhairt ant-àrd shagart, Am bheil ma ta na nithe so mar so?

2 Agus thubhairt esan, Fheara, a bhràithre, agus aithriche, éisdibh, Dh'fhoillsicheadh Dia na glòire d'ar n-athair Abraham, 'nuair a bha e ann am Mesopotamia, mun do ghabh e còmhnuidh ann an Charran,

3 Agus thubhairt e ris, Rach a mach a d' thìr féin, agus o d' chinn-each, agus thig chum na tìre a nochdas mise dhuit.

4 An sin chaidh esan a mach a talamh nan Caldéach, agus ghabh e còmhuidh ann an Charran: agus as sin, an déigh bàis athar, dh'atharraich se e do'n fhearann so, anns am bheil sibhse nis 'nar còmhnuidh.

5 Agus cha d'thug e dha oigh-reachd *sam bith* ann, cha d'thug *fiu* leud troidhe: gidheadh gheall e gu'n d'thugadh e mar sheilbh e dha féin agus d'a shliochd 'na dhéigh, ge nach robh fathast duine cloinne aige.

6 Agus labhair Dia air an dòigh so, Gu'm biodh a shliochd air chuairt ann an dùthaich choigrich, agus gu'n deanadh iad tràillea diubh, agus gu'm buineadh iad gu h-olc *riu* ré ceithir cheud bliadhna.

7 Agus air a' chinneach sin d'am bi iadsan fuidh dhaorsa, bheir mise breth, arsa Dia: agus an déigh nan nithe sin thig iad a mach, agus ni iad seirbhis dhomhsa anns an àit so.

8 Agus thug e dha coimhcheangale an timchioll-ghearraidh: agus mar sin ghin Abraham Isaac, agus thimchioll-ghearr se e air an ochd-amh là: agus ghin Isaac Iacob, agus Iacob an dà phrìomh-athair dheug.

9 Agus a' gabhail farmaid reic<sup>f</sup> na prìomh-aithriche Ioseph do'n Eiphit: ach bha Dia maille ris,

10 Agus shaor se e as a thrioblaidibh uile, agus thug e deadh-ghean<sup>g</sup> agus gliocas da an làthair Pharaoh rìgh na h-Eiphit; agus chuir se e'na uachdaran air an Eiphit, agus air a theaghlach féin uile.

11 Nis thainig gorta agus àmhghar mòr air an Eiphit uile, agus air talamh Chanaain; agus cha d'fhuair ar n-aithriche teachd-an-tìr<sup>h</sup>.

12 Ach an uair a chuala Iacob gu'n robh arbhar san Eiphit, chuir e mach ar n-aithriche air tùs.

<sup>a</sup> na h-oibre so.

<sup>b</sup> Saoirsineach.

<sup>c</sup> maslach.

cleachdan. orduighean.

<sup>e</sup> cùnradh, cùmhnant.

<sup>f</sup> chreic.

<sup>g</sup> bàigh, fàbhor.

<sup>h</sup> biatachd.



13 Agus air an dara uair rinneadh Ioseph aithnichte d'a bhràithribh; agus rinneadh cinneach Ioseph follaiseach do Pharaoh.

14 An sin chuir Ioseph *fios* uaith, agus ghairm e d'a ionnsuidh Iacob athair, agus a luchd dàimhe uile, cùig anama deug agus tri fichead.

15 Agus chaidh Iacob sìos do'n Eiphit, agus fhuair e bàs, e féin agus ar n-aithriche.

16 Agus ghiùlaineadh thairis iad gu Sichem, agus chuireadh iad auns an àit-adhlacaidh a cheannaich Abraham air suim airgid ò mhic Eموير athar Shicheim.

17 Ach an uair a dhruid àm a' gheallaidh, a mhionnaich Dia do Abraham, dh'fhàs an sluagh agus rinneadh iad lionmhòr san Eiphit,

18 Gus an d'éirich rìgh eile, do nach b'aithne Ioseph.

19 Bhuin esan a gu cuilbheirteach r'ar cinneach, agus rinn e olc air ar n-aithrichibh, air chor as gu'n d'thug e orra an naoidheana a thilgeadh mach, chum nach sìolaicheadh iad b.

20 Anns an uair a bha e dà fhichead bliadhna iomlan a dh'aois, thainig e 'na chridhe a bhràithre clann Israeil fhiosrachadh e.

21 Agus an uair a thilgeadh a mach e, thognighean Pharaoh leatha e, agus dh'altrum c i e mar mhac dh'i féin.

22 Agus dh'fhòghlumadh d Maois ann an uile ghliocas nan Eiphiteach, agus bha e cumhachdach am briathraibh agus an gnìomharaibh.

23 Agus an uair a bha e dà fhichead bliadhna iomlan a dh'aois, thainig e 'na chridhe a bhràithre clann Israeil fhiosrachadh e.

24 Agus air dha duine àraidh *dhiubh* fhaicinn a' fulang eucoir, theasairg se e, agus air bualadh an Eiphitich dha, rinn e dioghaltas do'n fhear air an d'rinneadh an eucoir:

25 Oir shaoil e gu'n tuigeadh a bhràithre, gu'n d'thugadh Dia le a làimhsan saorsa dhoibh; ach cha do thuig iadsan.

26 Agus air an là 'na dhéigh sin nochd se e féin doibh agus iad a' comhstriibh, agus b'àill leis sìth a dheanamh eatorraf, ag ràdh, A dhaoine, is bràithre sibh féin, c'ar son a ta sibh a' deanamh eucoir air a chéile?

<sup>a</sup> Ghiùlain se e fein. <sup>b</sup> nach fàsadh sliochd orra, nach maireadh iad beo. <sup>c</sup> dh'oil.

<sup>d</sup> dh'ionnsuicheadh. <sup>e</sup> dol a shealltuinn a bhràithre cloinn Israeil. <sup>f</sup> an cur réidh.

27 Ach chuir am fear a rinn an eucoir air a chòimhearsnach uaithe e, ag ràdh, Cò a rinn thusa a' d' uachdaran agus a' d' bhreitheamh oirne?

28 Am miann leat mise a mharbhadh, mar a mharbh thu an t-Eiphiteach an dé?

29 An sin theich Maois air son an fhocail so, agus bha e 'na choigreach ann an dùthaich Mhadiain, far an do ghin e dithis mhac.

30 Agus an uair a choimhlionadh dà fhichead bliadhna, dh'fhoillsicheadh dha ann am fàsach beinne Shina, aingeal an Tighearna ann an làsair theine ann am preas.

31 Agus an uair a chunnaic Maois so, ghabh e iongantais mu'n t-sealladh: agus air dha teachd am fagus gu beachdachadh air, thainig guth an Tighearna d'a ionnsuidh,

32 Is mise Dia t'aithriche, Dia Abraham, agus Dia Isaaic, agus Dia Iacob. An sin chrìochnaich Maois, agus cha robh chridh' aige amharc z.

33 An sin thubhairt an Tighearn ris, Fuasgail do bhrògan o d' chos-aibh: oir is talamh naomh an t-àit am bheil thu d' sheasamh.

34 Chunnaic mi gu cinnteach àmhghar mo phobuill a ta san Eiphit, agus chuala mi an osnaidh, agus thainig mi nuas g'an saoradh. Agus a nis thig, cuiridh mi do'n Eiphit thu.

35 Am Maois so féin a dhiùlt iadsan, ag ràdh, Cò rinn uachdaran agus breitheamh dhiotsa? esan chuir Dia gu bhi 'na uachdaran agus 'na fhear-saoraidh le làimh an aingil a dh'fhoillsicheadh dha sa phreas.

36 Thug esan a mach iad an déigh dha mìorbhuilean, agus comharan a dheanamh ann an talamh na h-Eiphit, agus anns a' mhuir ruaidh, agus anns an fhàsach rè dhà fhichead bliadhna.

37 'S e so am Maois ud a thubhairt ri cloinn Israeil, Togaidh an Tighearn bhuir Dia suasfàidh dhuibh d'ar bràithribh, cosmhuil riumsa; ris-san éisidh sibh.

38 So esan a bha san eaglais anns an fhàsach, maille ris an aingeal a labhair ris annam beinne Shina, agus maille r'ar n-aithrichibhne: neach a fhuair briathra na beatha h chum an tabhairt dhuinne:

39 Da nach b'àill le'r n-aithrichibh bhi ùmhal, ach chuir iad uatha e, agus 'nan cridhe phill iad air an ais do'n Eiphit,

40 Ag ràdh ri Aaron, Dean

z aire a thabhairt.

h na beo bhriathra.

dhuinne dèe a thèid romhainn : oir mu thimchioll a' Mhaois so, a thug a mach sinn a tìr na h-Eiphit, cha 'n'èil fhios againn cìod a dh'èirich dha.

41 Agus rinn iad laogh sna làithibh sin, agus thug iad iobairt do'n dealbh, agus rinn iad gairdeachas ann an oibribh an làmh a féin.

42 An sin phill Dia, agus thug e thairis iad chum aoradh a dheanamh do armailt nèimhe, a réir mar a ta e scribedha ann an leabhar nam fàidh, An d'thug sibh dhomhsa beathaichean marbhta, agus iobairte rè dhà fhichead bliadhna anns an fhàsach, O a thigh Israeil ?

43 Seadh, thog sibh suas pàillion Mholoich, agus reult bhur dé Remphain, dealbhan a rinn sibh chum aoraidh dhoibh : uime sin atharraichidh mi sibh an taobh thall do Bhabilon.

44 Bha paillion na fianuis aig ar n-aithricibh san fhàsach, a réir mar a dh'àithn an ti a labhair ri Maois, gu'n deanadh se e a reir an t-samhlachais a chunnaic e.

45 An ni a thug mar an ceudna ar n-aithriche a bha 'nan déigh, a steach maille ri h-Iosa do sheilbh nan Cinneach, a thilg Dia a mach roimh ghnùis ar n-aithriche, gu làithibh Dhaibhidh ;

46 Neach a fhuair deadh-ghean am fianuis Dhé, agus a dh'iarr paillion fhaotainn do Dhia Iacoib.

47 Ach thog Solamh tigh dha.

48 Gidheadh cha 'n'èil an ti a's àirde a' gabhail còmhnuidh ann an teamplaibh làmh-dheanta ; mar a deir am fàidh,

49 'Se nèamh mo rìgh-chaithir, agus an tagamh stòl mo chos : cìod an tigh a thogas sibh dhomh ? a deir an Tighearn : no cìod e ionad mo thàimh ?

50 Nach do rinn mo làmh na nithe so uile ?

51 A dhaoine cruaidh-mhuineal-acha, agus nec-thimchioll-ghearrta ann an cridhe agus ann an clusaibh, tha sibh a' ghnàth a' cur an aghaidh an Spioraid naomh : mar a rinn bhur n-aithriche, mar sin a ta sibhse a' deanamh.

52 Cò do na fàidhibh air nach d'rinn bhur n-aithriche geur-leanmhuinn ? agus mharbh siad iadsan a roimh-fhoillsich teachd an Fhirein ud ; air an robh sibhse a nis 'nar luchd-brathaidh, agus 'nar mortairibh :

53 Sibhse a fhuair an lagh le frith-ealadh nan aingeal, agus nach do choimhid e.

a an t-saimpleir.

54 'Nuair a chual iad na nithe sin, bha iad air an gonadh 'nan cridhe, agus chas iad am fiacra ris.

55 Ach air dhasan bhi làn do'n Spiorad naomh, dh'amhairc e geur suas gu nèamh, agus chunnaic e glòir Dhé, agus Iosa 'na sheasamh air deas làimh Dhé.

56 Agus thubhairt e, Feuch, tha mi faicinn nan nèamh fosgailte, agus Mac an duine 'na sheasamh air deas làimh Dhé.

57 An sin ghlaodh iadsan le guth mòr, agus dhruid iad an cluasan, agus leum iad air a dh'aon inntinn,

58 Agus air dhoibh a thilgeadh a mach as a' chathair e, chlach iad e : agus thilg na fianuis an eudach sìos aig cosaibh òganaich, d'am b'ainm Saul.

59 Agus chlach iad Stephan, agus e a' gairm air Crìosd, agus ag ràdh, A Thighearn Iosa, glac mo spiorad.

60 Agus air dha a leigeadh féin air a ghlùinibh, ghlaodh e le guth mòr, A Thighearn, na cuir am peacadh so as an leth. Agus air dha so a ràdh, choidil e.

#### CAIB. VIII.

A GUS bha Saul ag aontachadh leis a bhàs-san. Agus dh'èirich anns an àm sin geur-leanmhuinn mhòr an aghaidh na h-eaglais, a bha ann an Ierusalem ; agus bha iad uile air an sgapadh air feadh tìre Iudea agus Shamaria, ach na h-abstoil a mhàin.

2 Ach ghiùlain daoine diadhaidh e Stephan chum adhlaid, agus rinn iad caoidh mhòr air a shon.

3 Ach bha Saul a' fàsachadh na h-eaglais a' dol a steach do gach tigh, agus ag tarruing a mach fhear agus bhan, chuir e am prìosun iad.

4 Uime sin dh'imich an droing a sgapadh, feadh gach àite, a' searmònachadh an fhocail.

5 An sin chaidh Philip sìos do bhaile Shamaria, agus shearmonaich e Crìosd doibh.

6 Agus thug an sluagh a dh'aon toil aire do na nithibh a labhradh le Philip, ag éisdeachd rise, agus a' faicinn nam mìorbhuile a rinn e.

7 Oir chaidh spiorada neo-ghlan a mach a mòran anns an robh iad, a' glaothaich le guth mòr : agus chaidh mòran air an robh am pairilis f, agus a bha 'nam bacaich, a shlànuchadh.

8 Agus bha gairdeachas mòr sa' bhaile sin.

9 Ach bha roimhe sin duine araidh sa' bhaile sin d'am b'ainm Simon,

b dhùin, stop.

c a' bhaile.

d cràbhach.

e riu.

f crith-ghalar ; palsy. Sasg.

a ghnàthaich druidheachd, agus a mheall<sup>a</sup> muinntir Shamaria, ag ràdh gu'm bu neach mòr éigin e féin.

10 Dhasan thug iad uile aire o'n bheag gus a' mhòr, ag ràdh, 'Se 'n duine so cumhachd mòr Dhé.

11 Agus thug iad an aire dha, a chionn gu'n do mheall e iad ré ùine fhada leis a dhruidheachd.

12 Ach an uair a chreid iad Philip, a' searmonachadh nan nithe a bhuineas do rìoghachd Dhé, agus do ainm Iosa Crìosd, bhaisteadh iad eadar fheara agus mhnai.

13 An sin chreid Simon féin mar an ceudna: agus an uair a bhaisteadh e, dh'fhan e maille ri Philip, agus a' faicinn nan comhara agus nam feart a rinneadh, ghabh e iongantas ro mhòr.

14 Agus an uair a chuala na h-abstol a bha ann an Ierusalem, gu'n do ghabh Samaria focal Dhé, chuir iad d'an ionnsuidh Peadar agus Eoin:

15 Agus air dol sìos dhoibh, ghuidh iad air an son gu'm faigheadh iad an Spiorad naomh.

16 (Oir cha d'thainig e fathast a nuas air a h-aon aca: ach a mhàin bhaisteadh iad ann an ainm an Tighearna Iosa.)

17 An sin chuir iad an làmhan orra, agus fhuair iad an Spiorad naomh.

18 Agus an uair a chunnaic Simon gu'n robh an Spiorad naomh air a thubhairt tre làmhan nan abstol a chur orra, thairg e airgid dhoibh.

19 Ag ràdh, Thugaibh dhomhsa mar an ceudna an cumhachd so, ge b'e neach air an cuir mi mo làmha, gu'm faigh e an Spiorad naomh.

20 Ach thubhairt Peadar ris, Gu rachadh t'airgid am mugha maille riut féin, a chionn gu'n do mheas thu gu'm feudadh tiodhlac Dhé a cheannach le h-airgid.

21 Cha 'n'eil agad cuid no erannchur sa' chùis so: oir cha 'n'eil do chridhe dìreach b' am fianuis Dhé.

22 Gabh aithreachas uime sin do t'olc so, agus guidh air Dia, ma dh'fheudar gu maithear dhuit smuaineadh do chridhe.

23 Oir a ta mi 'gad fhaicinn ann an domhlas na seirbhe, agus fuidh chuibhreach na h-eucorach.

24 An sin fhreagair Simon, agus thubhairt e, Guidhibhse an Tighearn air mo shon, nach d'thig aon do na nithibh sin a thubhairt sibh orm.

25 An sin air dhoibhsan fianuis a

dheanamh agus focal an Tighearna a labhairt, phill iad gu Hierusalem, agus shearmonaich iad an soisgeul ann am mòran do bhailtibh nan Samaritanach.

26 Agus labhair aingeal an Tighearna ri Philip, ag ràdh, Eirich agus imich chum na h-àirde deas, chum na slighe a ta dol sìos o Hierusalem gu Gasa, a ta 'na fhàsach c.

27 Agus dh'éirich e, agus dh'imich e: agus feuch duine àraidh, caillteanach o Etiopia, aig an robh mòr ùghdarras fuidh Chandace ban-rìghinn na h-Etiopia, agus a bha os cionn a h-ionmhais uile, agus a bha air teachd gu Hierusalem chum aoradh a dheanamh,

28 Bha e a' piltinn air ais, agus 'na shuidhe 'na charbad, agus bha e a' leughadh an fhàidh Esaiais.

29 An sin thubhairt an Spiorad ri Philip, Imich am fagus, agus druid ris a' charbad so.

30 Agus ruith Philip d'a ionnsuidh, agus chuala se e a' leughadh an fhàidh Esaiais, agus thubhairt e, Am bheil thu a' tuigsinn nan nithe a tha thu a' leughadh?

31 Agus thubhairt esan, Cionnus is urradh mi, mur seòl neach éigin mi? Agus dh'iarr e air Philip teachd a nìos, agus shuidhe maille ris.

32 A' chuibhrionn do'n scribeituir a bha e leughadh, b'i so i, Thugadh e mar chaora chum marbhaidh, agus mar uan a ta 'na thosd am fianuis an fhir-lomairt, mar sin cha d'fhosgail e a bheul:

33 'Na isleachadh thugadh a bhreitheanas air falbh: agus cò a nochdas a ghinealach? oir thogadh a bheatha o'n talamh.

34 Agus fhreagair an caillteanach, agus thubhairt e ri Philip, Guidheam thu, cia uime deir am fàidh so? uime féin, no mu neach éigin eile?

35 An sin dh'fhosgail Philip a bheul, agus a' toiseachadh o'n scribeituir sin, shearmonaich e Iosa dha.

36 Agus an uair a dh'imich iad air an t-slighe, thainig iad gu h-uisge àraidh: agus thubhairt an caillteanach, Feuch, uisge; ciod a ta bacadh mise bhi air mo bhaisteadh?

37 Agus thubhairt Philip, Ma ta thu a' creidsinn le d' uile chridhe, feudaidh tu. Agus fhreagair e agus thubhairt e, Tha mi a' creidsinn gur e Iosa Crìosd Mac Dhé.

38 Agus dh'àithn e 'n carbad a sheasamh: agus chaidh iad sìos le chéile do'n uisge, araon Philip agus an caillteanach; agus bhaist se e.

<sup>a</sup> a chuir uamhas air, a chuir 'nam breathal. <sup>b</sup> ceart, treibhdhireach.

<sup>c</sup> troimh 'n fhàsach.

39 Agus an uair a thainig iad a nios as an uisge, thug Spiorad an Tighearna Philip leis, agus cha'n fhac an caillteanach tuilleadh e: agus dh'imich e air aghaidh le gairdeachas.

40 Ach fhuaradh Philip ann an Asotos: agus shearmonaich e anns na bailtibh uile, a' dol tre 'nduthaich, agus an d' thainig e gu Cesarea.

CAIB. IX.

**A**GUS air do Shaul bhi fathast a' séideadh bagraidh, agus àir an aghaidh dheisciobul an Tighearna, chaidh e chum an àrd shagairt.

2 Agus dh'iarr e litrichean uaith gu Damascus chum nan sionagog, chor nam faigheadh e aon neach do'n t-slighe so, co aca b'fhlir no mnai iad, gu'n d'thugadh e leis ceangailte gu Hierusalem iad.

3 Agus ag imeachd dha, tharladh b gu'n do dhruid e ri Damascus: agus dhealraich gu h-obann mu'n cuairt air solus o nèamh.

4 Agus air tuiteam dha air ann talamh, chual e guth ag ràdh, ris, A Shaul, a Shaul, c'ar son a ta thu 'gam gheur-leanmhuinnse?

5 Agus thubhairt esan, Cò thu, a Thighearn? Agus thubhairt an Tighearn, Is mise Iosa a tha thusa a geur-leanmhuinn: is cruaidh dhuitse breabadh an aghaidh nan dealg.

6 Agus air dhasan bhi air chrith agus làn uamhainn, thubhairt e, A Thighearn, ciod is àill leat mise a dheanamh? Agus thubhairt an Tighearn ris, Eirich, agus rach e a steach do'n bhaile, agus innsear dhuit ciod is còir dhuit a dheanamh.

7 Agus sheas na daoine bha 'g imeachd maille ris 'nan tosd, a cluinntinn a' ghutha, ach gun neach air bith fhaicinn.

8 Agus dh'éirich Saul o'n talamh, agus air fosgladh a shùl dha, cha'n fhac e neach air bith: ach air dhoibh breith air a làimh, threòraich iad e gu Damascus.

9 Agus bha e tri làithean gun radharc, agus cha d'ith agus cha d'òl e ni air bith.

10 Agus bha deisciobul àraidh ann an Damascus, d'am b'ainm Ananias, agus thubhairt an Tighearn ris ann am foillsicheadhe, Ananias. Agus thubhairt esan, Feuch a ta mi 'n so, a Thighearn.

11 Agus thubhairt an Tighearn ris, Eirich, agus imich do'n t-sràid, d'an goirear Direach, agus iarr ann

an tigh Iudais, duine o Tharsus d'an goirear Saul: oir feuch, a ta e ri ùrnuigh.

12 Agus chunnaic e ann am foillseachadh duine d'an ainm Ananias, a' teachd a steach, agus a' cur a làimhe air, chum gu'm faigheadh e a radharc.

13 An sin fhreagair Ananias, A Thighearn, chualami o mhòran mu'n duine so, cia lion olc a rinn e do d'uaomhaibh ann an Ierusalem:

14 Agus a ta an so ùghdarras aige o uachdaranaibh nan sagart, iadsan uile a cheangal, a ta gairm air t'ainm-saf.

15 Ach thubhairt an Tighearn ris, Imich; oir is soitheach taghta dhomhsa e, chum m'ainm a ghiulan am fianuis nan Cinneach, agus righrean, agus chloinn Israeil.

16 Oir nochdaidh mise dha cia mòr na nithe a's éigin da fhulang air sgàth m'ainmese.

17 Agus dh'imich Ananias, agus chaidh e steach do'n tigh; agus ag cur a làmh air, thubhairt e, A Shaul, a bhràthair, chuir an Tighearn (eadhon Iosa, a dh'fhoillsicheadh dhuitse anns an t-slighe air an d'thainig thu) mise chum gu'm faigheadh tu do radharc, agus gu'm biodh tu air do lionadh leis an Spiorad naomh.

18 Agus air ball thuit o shùilibh mar gu'm biodh lannan; agus dh'aisigeadh a radharc dha gun dàil, agus air dha éirigh, bhaisteadh e.

19 Agus air gabhail bìdh dha, neartaicheadh e. An sin bha Saul làithean àraidh maille ris na deisciobuibh a bha ann an Damascus.

20 Agus air ball shearmonaich e Iosa anns na sionagogaibh, gur esan Mac Dhé.

21 Ach bha na h-uile a chual e fa uamhas, agus thubhairt iad, Nach e so esan a bha sgrios ann an Ierusalem iadsan a bha gairm air an ainm so, agus a thainig an so chum na criche so, gu'n d'thugadh e ceangailte iad dh'ionnsuidh uachdarana nan sagart?

22 Ach bu mhòid a neartaicheadh Saul, agus chuir e gu h-amhladh na h-Iudhaich a bha chomhnuidh ann an Damascus, a' dearbhadh gur e so an Crìosd.

23 Agus air dol do mhòran làithean seachad, rinn na h-Iudhaich comhairle r'a chèile esan a inharbhadh.

24 Ach thugadh fìos do Shaul air am feillh: agus bha faire aca air na

a marbhaidh.      b thachair.      f a tha air an gairm air t'ainm.  
c theirig, gabh.      d ni.      e sealladh.      g Crìosd.      h cèilg.



geataibh a là agus a dh'oidhche chum a mharbhadh.

25 An sin ghabh na deisciobuil e san oidhche, agus chuir iad a mach thar a' bharaidh e, agus leig iad sìos ann an cliabh e.

26 Agus an uair a thainig Saul gu Hierusalem, dh'fheuch e ri e féin a cheangal ris na deiscioblubh: ach bha eagal orra uile roimhe, agus cha do chreid iad gu'm bu deisciobul e.

27 Ach ghabh Barnabas d'a ionnsuidh e, agus thug e chum nan abstol e, agus chuir e'n céill doibh cionnus a chunnaic e'n Tighearn anns an t-slighe, agus gu'n do labhair e ris, agus cionnus a shearmonaich e gu dàna ann an Damascus an ainm Iosa.

28 Agus bha e maille ri u a' teachd a steach, agus a' dol a mach ann an Ierusalem.

29 Agus labhair e gu dàna an ainm an Tighearna Iosa, agus rinn e deasboireachd an aghaidh nan Greugach: ach chuir iadsan rompa esan a mharbhadh.

30 Ach an uair a thuig na bràithre so, thug iad sìos e gu Cesarea, agus chuir iad air falbh gu Tarsus e.

31 An sin bha fois aig na h-eaglaisibh tre Iudea uile, agus Ghalile, agus Shamaria, agus air dhoibh bhi air an togail suas, agus a' siubhal ann an eagal an Tighearna, agus ann an comhfhurtachd an Spioraid naomh, mhendaicheadh gu mòr iad.

32 Agus tharladh, air do Pheadar imeachd tre gach àite, gu'n deachaidh e sìos mar an ceudna chum nan naomh a bha gabhail còmhnuidh ann an Lida.

33 Agus fhuair e an sin duine àraidh d'am b'ainm Eneas, a bha rè ochd bliadhna air a leabaidh, agus e gu tinn leis a' phairilis b.

34 Agus thubhairt Peadar ris, Eneais, tha Iosa Crìosd ga d' leigh-eas: éirich agus dean do leaba. Agus air ball dh'éirich e.

35 Agus chunnaic iadsan uile e, a bha còmhnuidh ann an Lida, agus ann an Saron, agus phill iad chum an Tighearna.

36 A nis bha ban-deisciobul àraidh ann an Iopa d'am b'ainm Tabita, 'se sin, aireadar-theangachadh, Dorcas: bha a' bhean so làn do dheadh oibribh, agus do dhéircibh a rinn i.

37 Agus tharladh anns na làithibh sin, air dh'i bhi gu tinn gu'n d'fhuair i bàs: Agus air dhoibh a h-ionnladh,

a còmhnaidh, cuideachadh.  
b chrith-ghalar.

chuir iad ann an seòmar uachdar-ach i.

38 Agus air do Lida bhi fagus do Iopa, agus air cluinntinn do na deiscioblubh gu'n robh Peadar an sin, chuir iad dithis dhaoine d'a ionnsuidh, a' guidheadh air e theachd d'an ionnsuidh gun dàil.

39 An sin dh'éirich Peadar, agus chaidh e maille ri u. Agus an uair a bha e air teachd, threòraich iad suas e do'n t-seòmar uachdarach: agus sheas na bantraichean uile làimh ris a' caoineadh, agus a' nochdadh nan còta agus nan truscan a rinn Dorcas am feadh a bha i maille ri u.

40 Ach air do Pheadar an cur a mach uile, leig se e féin air a ghlùinibh agus rinn e ùrnuigh, agus air dha tionndadh ris a' chorp, thubhairt e, A Thabita, éirich. Agus dh'fhosgail ise a sùilean: Agus air dh'i Peadar fhaicinn, dh'éirich i 'na suidhe.

41 Agus thug e a làmh dh'i, agus thog e 'na seasamh i; agus an uair a ghairm e na naoimh agus na bantraichean, chuir e 'nan làthair beo i.

42 Agus fhuaradh fios air so tre Iopa uile; agus chreid mòran anns an Tighearna.

43 Agus tharladh gu'n d'fhan e mòran do làithibh ann an Iopa maille ri Simon àraidh fear-deasachaidh leathair.

#### CAIB. X.

**A** GUS bha duine àraidh ann an Cesarea, d'am b'ainm Cornelius, ceannard-ceud do'n chuideachd d'an goirear a' chuideachd Eadailteach,

2 Duine cràbhach, agus air an robh eagal Dé maille r'a thigh uile, a bha toirt mòrain déirce do'n t-sluagh, agus a' deanamh ùrnuigh ri Dia a ghnàth.

3 Chunnaic e ann an sealladh e gu soilleir, mu thimchioll na naothadh uaire do'n là, ainmeal Dé a' teachd a stigh d'a ionnsuidh, agus ag ràdh, A Chornelius.

4 Agus air dhasan amharc gu geur air, ghabh e eagal, agus thubhairt e, Cìod e, a Thighearn? Agus thubhairt e ris, Chaidh t'ùrnuighean agus do dhéircean suas mar chuimhneach-an ann am fianuis Dé.

5 Agus a nis cuir daoine gu Iopa, agus cuir fios air Simon, d'an comh-ainm Peadar:

6 Tha e air aoidheachd maille ri Simon àraidh fear-deasachaidh leathair, aig am bheil a thigh làimh ris an fhaire: innsidh esan duit cìod is còir dhuit a dheanamh.

c foillseachadh, taisbeanadh.

7 Agus an uair a dh'fhalbh an t-aingeal a labhair ri Cornelius, ghairm é d'a ionnsuidh dithis do mhuinntir a thighe, agus saighdear cràbhach do'n dream a bha ghnàth a' feitheamh air :

8 Agus an uair a chuir e an t-iomlan an céill doibh, chuir e iad gu Iopa.

9 Agus air an là màireach, 'nuair a bha iadsan air an turus, agus a' teachd am fagus do'n bhaile, chaidh Peadar suas air mullach an tighe a dheanamh ùrnuigh, mu thimchioll na seathadh uaire a.

10 Agus dh'fhàs e ro ocrach, agus bu mhiann leis *biadh* itheadh : ach am feadh a' bha iadsan ag ulluchadh, thuit e ann an neul.

11 Agus chunnaic e nèamh fosgailte, agus soitheadh àraidh a' teachd a nuas d'a ionnsuidh, mar bhraith-lìnb mhòir, ceangailte air a ceithir beannaibh e, agus air a leigeadh sìos air an talamh :

12 Anns an robh gach uile ghnè bheathaiche ceithir-chosach na talmhainn, agus bheathaiche allta, agus bhiasda snàigeach, agus eunlaith an athair.

13 Agus thainig guth d'a ionnsuidh, Eirich, a Pheadair ; marbh agus ith.

14 Ach thubhairt Peadar, Ni h-eadh, a Thighearn ; oir cha d'ith mi riamh aon ni coitcheionn<sup>d</sup> no neoighlan.

15 Agus *thubhairt* an guth ris a ris an daradh uair, Na nithe sin a ghlan Dia, na gairm thusa coitcheionn.

16 Agus rinneadh so trì uairean : agus thogadh an soitheadh a ris suas gu neamh.

17 A nis an uair a bha Peadar fuidh amharus an fèin ciod bu chiall do'n t-sealladh a chunnaic e, feuch, bha na daoine a chuireadh o Chornelius, an déigh dhoibh tigh Shimoin iarraidh, 'nan seasamh aig an dorus.

18 Agus air gairm dhoibh, dh'fheòraich iad an robh Simon d'an comh-ainm Peadar, air aoidheachd an sin.

19 Am feadh a bha Peadar a' smuaineachadh air an t-sealladh, thubhairt an Spiorad ris, Feuch, tha triuir dhaoine ga d' iarraidh.

20 Uime sin éirich, agus gabh sìos, agus imich maille riu, gun amharus air bith a bhi ort : oir is mise a chuir uam iad.

21 Agus chaidh Peadar sìos chum nan daoine [a chuireadh d'a ionnsuidh o Chornelius ;] agus thubhairt e, Feuch, is mise an ti a tha sibh ag iarraidh : ciod e an t-aobhar mu'n d'thainig sibh ?

22 Agus thubhairt iadsan, Fhuair Cornelius an ceannard-ceud, duine cothromach, air am bheil eagal Dé, agus fuidh dheadh ainm e aig cinn-each nan Iudhach uile, rabhadh o Dhia le aingeal naomha, fios a chur ortsa d'a thigh, agus briathran a chluinntinn uait.

23 An sin ghairm e steach iad, agus thug e aoidheachd *dhoibh*. Agus air an latha màireach dh'imich Peadar maille riu, agus chaidh dream àraidh do na bràithribh o Iopa maraon ris.

24 Agus air an là màireach chaidh iad a steach do Chesarea : agus bha Cornelius a' feitheamh riu, agus air gairm a luchd-dàimh agus a chàirde dìsle an ceann a chéile.

25 Agus an uair a bha Peadar a' dol a steach, choinnich Cornelius e, agus thuit e sìos aig a chosaibh, agus rinn e aoradh *dha*.

26 Ach thog Peadar suas e, ag ràdh, Seas suas ; is duine mise mar an ceudna.

27 Agus ag còmhradh ris, chaidh e steach, agus fhuair e mòran cruinn.

28 Agus thubhairt e riu, Tha fios agaibh gu bheil e mi-dhligheach do dhuine a tha 'na Iudhach, comhludhar a chumail ri neach a tha do chinn-each eile, -no teachd am fagus da : ach nochd Dia dhomhsa, gun duine air bith a ghairm coitcheionn no neo-ghlan.

29 Uime sin thainig mise 'nuair a chuireadh fios orm, gun aon ni a ràdh 'na aghaidh : air an aobhar sin tha mi feòraich c'ar son a chuir sibh fios orm.

30 Agus thubhairt Cornelius, O'n cheathramh là gus an uair so bha mi a' deanamh trosgaidh, agus air an naothadh uair bha mi deanamh ùrnuigh ann mo thigh, agus feuch, sheas duine a'm' làthair ann an eudach dealrach f.

31 Agus thubhairt e, A Chornelius, dh'éisdeadh t'ùrnuigh, agus tha do dheircean air an cuimhneachadh am fanuis Dé.

32 Uime sin cuir gu Iopa, agus cuir fios air Simon, d'an comh-ainm Peadar ; tha e air aoidheachd ann an tigh Shimoin fear-deasachaidh leath-

a i. e. meadhon-là.

eudach.  
d cumanta.

b llong-

c oisnibh.

e air am bheil deadh theistcas.

f ro-gheal.

air, làimh ris a' mhuir; neach 'nuair a thig e, a labhras riut.

33 Uime sin chuir mi air ball fios ort; agus is maith a rinn thu teachd. Air an aobhar sin tha sinne uile an so a làthair am fianuis Dé, a dh'èisd-eachd nan uile nithe a tha air an àithneadh dhuitse le Dia.

34 An sin dh'fhosgail Peadar a bheul, agus thubhairt e, Gu firinneach tha mi 'g aithneachadh nach 'eil Dia ag amharc air pearsaibh seach a chéile:

35 Ach anns gach uile chinneach a ta an neach air am bheil eagalsan, agus a ta 'g oibreachadh fireantachd, taitneach aige.

36 Am focal a chuir Dia gu clann Israeil, a' searmonachadh sith tre Iosa Criosd (neach is e Tighearna nan uile,)

37 Am focal sin is aithne dh'uibh, a sgaoileadh air feadh tìre Iudea uile, agus a thòisich o Ghalile, an déigh a' bhaistidh a shearmonaich Eoin:

38 Cionnus a dh'ùng Dia Iosa o Nasaret leis an Spiorad naomh, agus le cumhachd; neach a chaidh m'an cuairt a' deanamh maith, agus a' slànuchadh nan uile a bha air am foireigneachadh<sup>a</sup> leis an diabhol: oir bha Dia maille ris.

39 Agus tha sinne 'nar fianuisibh air na h-uile nitheibh a rinn e, araon ann an tìr nan Iudhach, agus ann an Ierusalem; neach a mharbh iad, 'ga cìrochadh air creim:

40 Esan thog Dia suas air an treas là, agus nochd se e gu follaiseach,

41 Cha'n ann do'n t-sluagh uile, ach do fhianuisibh, a thaghadh le Dia roimh-làimh, *eadhon* dhuinne, a dh'ith agus a dh'òl maille ris, an déigh dha éirigh o na marbhaibh.

42 Agus dh'aitm e dhuinne searmonachadh do'n t-sluagh, agus fianuis a d'beanamh gur esan a dh'orduicheadh le Dia 'na bhreitheamh air bheothaibh agus air mharbhaibh.

43 Dhasan tha na fàidhean uile a' toirt fianuis, gu'm faigh gach neach, a chreideas ann, maithanas 'nam peacadh trid ainnsan.

44 Am feadh a bha Peadar fathast a' labhairt nam briathar sin, thuirling<sup>b</sup> an Spiorad naomh orrasan uile a chual am focal.

45 Agus ghabh na creidmheich do'n timchioll-ghearradh, a mheud diubh 'sa thaining maille ri Peadar, iongantasmòr, do bhrìgh gu'n do dhòirt-

eadh air na Cinneachaibh mar an ceudna tiodhlac an Spiorad naoimh.

46 Oir chuala siad iad a' labhairt le teangaibh, agus ag àrd-mholadh Dhé. An sin fhreagair Peadar,

47 Am feud neach sam bith uisge a thoirmeasg, chum nach rachadh iad so a bhaisteadh, a fhuair an Spiorad naomh, co maith ruinne?

48 Agus dh'orduich e iad a bhi a' am baisteadh ann an ainm an Tighearna. An sin ghuidh iad air fann-tuinn *maille ri*u làithean àraidh.

#### CAIB. XI.

**A**GUS chuala na h-abstoil agus na bràithrean, a bha ann an Iudea, gu'n do ghabh na Cinnich mar an ceudna ri focal Dé.

2 Agus an uair a chaidh Peadar suas gu Hierusalem, rinn iadsan a bha do'n timchioll-ghearradh conspoid ris,

3 Ag ràdh, Chaidh thu steach a dh'ionnsuidh dhaoine nach robh air an timchioll-ghearradh, agus dh'ith thu maille ri.

4 Agus thòisich Peadar, agus chuir e'n t-iomlan an céill doibh an ordugh, ag ràdh,

5 Bha mi am an cathair<sup>c</sup> Iopa ri ùrnuigh; agus ann an neul chummaic mi sealladh, soitheach àraidh a' teachd a nuas, mar bhraith-lìn mhoir, air a leigeadh a nuas o nèamh air a ceithir beannaibh<sup>d</sup>; agus thainig i a'm' ionnsuidhse.

6 Agus air dhomh beachdachadh gu gear oirre, thug mi fainear, agus chummaic mi beathaiche ceithir-chosach na talmhainn, agus na fiadh-bheathaiche, agus na biasda snàigeach, agus eunlaith an athair.

7 Agus chuala mi guth ag ràdh rium, Eirich, a Pheadair; marbh agus ith.

8 Ach thubhairt mise, Ni h-eadh, a Thighearn: oir cha deachaidh riamh aon ni coitcheinn no neo-ghlan a steach do m' bheul.

9 Ach fhreagair an guth mi an daradh uair o nèamh, Na nithe a gh'an Dia na meas thusa neo-ghlan e.

10 Agus rinneadh so tri uairean: agus thogadh an t-iomlan a ris suas gu nèamh.

11 Agus feuch, air ball bha triuir dhaoine air teachd chum an tighe anns an robh mi, a chuireadh o Chesarea do m' ionnsuidh.

12 Agus thubhairt an Spiorad rium do' maille rin, gun amharas air bith a bhi orm. Agus chaidh mar

<sup>a</sup> thugadh fuidh cheannsal.

<sup>b</sup> thuit.

<sup>c</sup> baile.

<sup>d</sup> oisnibh.

<sup>e</sup> coitcheinn.

an ceudna an t-seathnar bhràithre so maille riom, agus chaidh sinn a steach do thigh an duine :

13 Agus nochd e dhùinn cionnus a chunnaic e aingeal 'na sheasamh 'na thigh, a thubhairt ris, Cuir daoine gu Iopa, agus cuir fios air Simon, d'an comb-ainm Peadar :

14 Neach a labhras briathra riut, leis an saorar thu féin agus do thigh uile.

15 Agus an uair a thòisich mi air labhairt, thuirling<sup>a</sup> an Spiorad naomh orrasan, mar oirne air tùs.

16 An sin chuimhnich mise focal an Tighearna, mar a thubhairt e, Bhaist Eoin gun amharus le h-uisge; ach baistear sibhse leis an Spiorad naomh.

17 Uime sin ma thug Dia dhoibhsan a choimh-ionann tiodhlaca ruinne, a chreid anns an Tighearna Iosa Crìosd, cò mise gu'm bithiun comasach bacadh a chur air Dia.

18 Agus an uair a chual iad na nithe so, thosd iad, agus thug iad glòir do Dhia, ag ràdh, Thug Dia ma seadh mar an ceudna do na Cinneachaibh aithreachas chum na beatha.

19 A nis chaidh iadsan a sgapadh a mach leis an àmhghar<sup>b</sup> a dh'èirich air son Stephain, gu ruig Phenice, agus Cyprus, agus Antioch, gun am focal a labhairt ri aon neach, ach ris na h-Iudhachaibh a mhàin.

20 Agus bha cuid diubh o Chiprus, agus o Chirene, dream air dhoibh dol a steach do Antioch, a labhair ris na Greugachaibh, a' searmonachadh an Tighearna Iosa.

21 Agus bha làmh an Tighearna maille riu : agus chreid àireamh-mhòr, agus phill iad chum an Tighearna.

22 Agus thainig sgeula air na nithibh sin gu cluasaibh na h-eaglais a bha ann an Ierusalem : agus chuir iad Barnabas uatha, chum gu'n rachadh e gu h-Antioch.

23 Neach an uair a thainig e, agus a chunnaic e grasa Dhé, a rinn gairdeachas, agus a dh'earail orra uile, gu'n dlùth-leanadh iad ris an Tighearn le rùn cridhe.

24 Oir bha e 'na dhuine maith, agus làn do'n Spiorad naomh, agus do chreidimh. Agus chuireadh sluagh mòr ris an Tighearn.

25 An sin chaidh Barnabas gu Tarsus, a dh'iarraidh Shaul.

26 Agus a' dha fhàotainn, thug e leis e gu h-Antioch. Agus tharladh, gu'n robh iad rè bliadhna iom-

lain air an cruinneachadh maille ris an eaglais, agus gu'n do theagaisg iad sluagh mòr; agus gu'n do ghoir-eadh Crìosdaidhean do na deisciobluibh air tùs ann an Antioch.

27 Agus anns na làithibh sin thainig fàidhean o Hierusalem gu h-Antioch.

28 Agus air seasamh suas do aon diubh d'amb'ainm Agabus, dh'fhoillsich e tre an Spiorad, gu'm biodh gorta mhòr air feadh an domhain uile : ni mar an ceudna a thachair ri linn Chlaudius Cheasair.

29 An sin chuir gach aon do na deisciobluibh roimhe, a réir a chomais, còmhnaidh a chur chum nam bràithrean, a bha còmhnuidh ann an Iudea.

30 Ni mar an ceudna a rinn iad, agus chuir iad e chum nan seanair le làimh Bharnabais agus Shaul.

#### CAIB. XII.

**A**NIS mu'n àm sin, shìn Herod an rìgh a làmhann, a dheanamh uile air dream àraidh do'n eaglais.

2 Agus mharbh e Seumas bràthair Eoin leis a' chlaidheamh.

3 Agus an uair a chunnaic e gu'n do thaitinn sin ris na h-Iudhachaibh, chaidh e air aghaidh a ghlacadh Pheadair mar an ceudna. (Agus b'ia<sup>d</sup> làithean an arain neo-ghoirtichte a bh'ann.)

4 Agus ghlac e agus chuir e'm prìosun<sup>e</sup>, agus thug se e r'aghleidheadh do cheithir cheathrar shaighdear, fa rùn a thoirt a mach do'n t-sluagh an déigh na càisge.

5 Air an aobhar sin ghleidheadh Peadar anns a' phrìosun : ach bha bith-ùrnuigh<sup>d</sup> air a deanamh leis an eaglais ri Dia air a shon.

6 Agus an uair a b'ail le Herod a thoirt a mach, san oidhche sin féin bha Peadar 'na chodal eadar dithis shaighdear, ceangailte le dà shlabh-ruidh : agus bha'n luchd-faire fa chomhair an doruis a' coimhead a' phrìosuin.

7 Agus feuch, thainig aingeal an Tighearna air, agus dhealraich solus anns a phrìosun : agus air bualadh taoibh Pheadair dha, dhùisg se e, ag ràdh, Eirich gu grad. Agus thuit a cheanglaiche d'a làmhaidh.

8 Agus thubhairt an t-aingeal ris, Crìosraich thu féin, agus ceangail ort do bhonn-bhrògan<sup>e</sup> : agus rinn e mar sin. Agus a deir e ris, Tilg t'fhalluing<sup>f</sup> umad, agus lean mise.

<sup>c</sup> na tìre uile. <sup>d</sup> gnàth-ùrnuigh, slor-ùrnuigh. <sup>e</sup> chuarain.

<sup>f</sup> do bhrat, t'eudach-uachdeir.



9 Agus chaidh e mach, agus lean se e, agus cha robh fhios aige gu'n robh e fìor an ni a rinneadh leis an aingeal: ach shaoil e gu'm bu tais-beana a chuanaic e.

10 Agus air dhoibh dol tre 'n cheud agus an dara faire, thainig iad chum a' gheataidh iaruma, a ta treòrachadh do'n bhaile, a dh'fhosgail doibh leis féin: agus air dol a mach dhoibh, chaidh iad air an aghaidh tre aon sràid, agus air ball dh'fhalbh an t-aingeal uath.

11 Agus an uair a thainig Peadar chuige féin, thubhairt e, A nis tha fhios agam gu firinneach gu'n do chuir an Tighearn aingeal uath agus gu'n do shaor e mi o làimh Heroid, agus o uile dhùil pobuil nan Iudhach.

12 Agus an uair a smuainich e air a' chùis, thainig e gu tigh Mhuire màthar Eoin, d'an comh-ainm Marcus, far an robh mòran cruinn, agus iad ri ùrnuigh.

13 Agus an uair a bha Peadar a' bualadh doruis a' gheataidh, thainig gruagach d'am b'ainm Rhoda a dh'èisdeachd.

14 Agus an uair a dh'aithnich i guth Pheadair, tre aoibhneas cha d'fhosgail i'n geata, ach ruith i stigh, agus dh'innis i gu'n robh Peadar 'na sheasamh aig a gheata.

15 Ach thubhairt iad rithe, Tha thu air mhi-chéill. Ach bha ise toirt dearbh-chinntib gu'n robh e mar sin. An sin thubhairt iad, 'Se 'aingeal a ta ann.

16 Ach bhannaich Peadar a' bualadh an doruis: agus an uair a dh'fhosgail iad, agus a chuanaic iad e, bha iad làn uamhais.

17 Ach air dhasan smèideadh orra le a làimh iad a bhi 'nan tosd, chuir e'n céill doibh cionnus a thug an Tighearn as a' phriosun e. Agus shubhairt e, Innsibh na nithe so do na bràithribh. Agus air dol a mach dha, chaidh e gu àit eile.

18 Agus air teachd do'n là, bha iomairte nach bu bheag am measg nan saighdear, ciod a thachair do Pheadar.

19 Agus air do Herod iarraidh, agus gun fhaotainn, rannsaich e an luchd-coimhead, agus dh'orduich e an toirt air falbh chum peanais. Agus chaidh e sìos o Iudea gu Cesarea, agus rinn e còmhnuidh an sin.

20 Agus bha fearg mhòr aig Herod ri muinntir Thiruis agus Shidoin: ach thainig iadsan a dh'aon inntinn d'a ionnsuidh, agus air dhoibh Blast-

us seomradair an rìgh a thoirt air an crann, dh'iarr iad sìth; do bhrìgh gu'n robh an tìr air a beathachadh le tìr an rìgh.

21 Agus air là orduichte, air do Herod bhi airasgèndachadh le eudach rìoghail, agus ua shuidhe air a rìgh-chathair, labhair e gu deas-bhriathrach riud.

22 Agus rinn an slagh gaire, *ag ràdh, Is guth Dé so, agus cha ghuth duine.*

23 Agus air ball bhuaile aingeal an Tighearn' e, do bhrìgh nach d'thug e a' ghloir do Dhia: agus dh'itheadh le cnuimhibh e, agus chaidh an deo as.

24 Ach dh'fhàs focal an Tighearna agus mheudaicheadh e.

25 Agus phill Barnabas agus Saul o Hierusalem, air dhoibh am minis-treileachd a choimblionadh, a' toirt leo mar an cendna Eoin, d'an comh-ainm Marcus.

### CAIB. XIII.

**A**NIS bha anns an eaglais a bha aig Antioch, fàidhean, agus luchd-teagaisg àraidh; mar a ta Barnabas, agus Simeon d'an goirear Nìger, agus Lucius o Chirene, agus Manaen, combalta Heroid an Tetrarch, agus Saul.

2 Agus air bhi dhoibh ri ministreil-eachd do'n Tighearn, agus a' trosgadh, thubhairt an Spiorad naomh, Cuiribh a leth dhomhsa Barnabas agus Saul, chum na h-oibre gus an do ghairm mi iad.

3 An sin air dhoibh trosgadh agus ùrnuigh a dheanamh, agus an làmhan a chur orra, leig iad uatha iad.

4 Mar sin air dhoibhsan a bhi a' cur a mach leis an Spiorad naomh, chaidh iad sìos gu Seleucia; agus o sin sheòl iad gu Cìprus.

5 Agus air bhi dhoibh ann an Salamis, shearmonaich iad focal Dé ann an sionagogaibh nan Iudhach: agus bha mar an cendna Eoin aca mar fhear-frithealaidh.

6 Agus an uair a chaidh iad tre'n eilean gu Paphos, fhuair iad druidh àraidh, fàidh bréige, Iudhach, d'am b'ainm Bariesus:

7 Neach a bha maille ri Sergius Paulus an t-uachdaran, duine tuigseach; air dhasan Barnabas agus Saul a ghairm d'a ionnsuidh, dh'iarr e focal Dé a chluinntinn.

8 Ach chuir Elimas an druidh (oir is ann mar so a dh'eadar-theangaich-e ar ainm) 'nan aghaidh, ag iarraidh an t-uachdaran a thionndadh o'n chreidimh.

9 An sin air bhi do Shaul (da'n goirear Pòl) làn do'n Spiorad naomh, agus ag amharc gu geur air,

10 Thubhairt e, O thusa a ta làn do'n uile cheilg, agus do'n uile dhroch-bheirt, a mhic an diabhoil, a nàmhaid na h-uile fhìreantachd, nach sgair thu do fhìaradh shlighean dìreach an Tighearna?

11 Agus feuch a nis, *tha* làmh an Tighearna ort, agus bithidh ta dall, gun a' ghrian fhaicinn rè tamuill. Agus air ball thuit ceò agus dorchadas air; agus a' tionndadh m'an euaire, dh'iarr e dream a thredraicheadh air làmh e.

12 An sin an uair a chumhaic an t-uachdaranan ni a rinneadh, chreid e; air dha bhi làn iongantais mu theagasg an Tighearna.

13 Agus air gabhail luinge do Phòl agus d'a chuideachd o Phaphos, thainig iad gu Perga na Pamphilia: agus air do Eoin am fàgail, phill e gu Hierusalem.

14 Agus air dhoibhsan imeachd o Pherga, thainig iad gu Antioch na Pisidia, agus chaidh iad a steach do'n t-sionagog air latha na sàbaid, agus shuidh iad.

15 Agus an déigh lughadh an lagha agus nam Fàidh, chuir uachdaran na sionagoige d'an ionnsuidh, ag ràdh, Fheara *agus* a bhràithre, ma tha focal earail agaibh do'n t-sluagh, abraibh e.

16 An sin an uair a sheas Pòl suas agus a smèid e orra le làimh, thubhairt e, Fheara Israeil, agus sibhse air am bheil eagal Dé, éisdibh.

17 Thagh Dia a phobuill so Israel ar n-aithriche, agus dh'ardaich e'm pobull 'nuair abha iad air choigrich ann an talamh na h-Eiphit, agus le làimh àrd thug e iad a mach aise.

18 Agus mu thimchioll ùine dhà fhichead bliadhna ghiùlain e le'm beusaibh anns an fhàsach.

19 Agus an uair a sgrios e seachd cinnich ann an tìr Chanaain, roinn e am fearann orrasan le crannchur.

20 Agus 'na dhéigh sin mu thimchioll ceithir cheud agus leth-cheud bliadhna, thuge *dhoibh* breitheamhna, gu Samuel am fàidh.

21 Agus 'na dhéigh sin dh'iarr iad rìgh: agus thug Dia dhoibh Saul mac Chis, duine do thréibh Bheniamin, rè dha fhichead bliadhna.

22 Agus air dha esan atharrachadh, thog e suas Daibhidh gu bhi 'na rìgh dhoibh; d'an d'thug e mar an ceudna fianuis, ag ràdh, Fhuair mi Daibhidh *mac Iese*, duine a réir mo chridhe féin, a ni m'uile thoil.

a dh'altrum e iad.

23 Do shliochd an duine so thog Dia suas do Israel a réir *agheallaidh*, Slànuighear, *eadhon* Iosa:

24 Air do Eoin, roimh a theachd-san, baisteadh an aithreachais air tùs a shearmonachadh do phobull Israeil uile.

25 Agus mar a choimhlion Eoin a thrialb, thubhairt e, An ti a ta sibh a' saoilseinn is mise, cha mhi e. Ach feuch, a ta neach a' teachd a'm' dhéigh, nach fìu mi brògan a chos fhuasgladh.

26 Fheara *agus* a bhràithre, a chlann fine Abràhaim, agus a mheud agaibh air am bheil eagal Dé, 's ann chugaibhs' a chuireadh focal na slàinte so:

27 Oir iadsan a ta chòmhnuidh ann an Ierusalem, agus an uachdaran, air dhoibh bhi aimeolach airsan, agus air foclaibh nam Fàidh a ta air an leughadh gach sàbaid, le *esan* a dhiteadh choimhlion siad iad.

28 Agus ge nach d'fhuair iad coire bàis air bith *ann*, dh'iarr iad air Pilat gu'n cuirteadh esan gu bàs.

29 Agus an uair a chomhlion iad na h-uile nithe bha scriobhta mu thimchioll, thug iad a nuas o'n chrann e, agus chuir iad ann an uaigh e.

30 Ach thog Dia suas o na marbhaibh e:

31 Agus chunneas e rè mòrain làithean leo-sa a chaidh suas maille ris o Ghalile gu Hierusalem, dream a ta 'nam fianuisibh dhasan do'n t-sluagh.

32 Agus a ta sinne a' soisgeulachadh dhuibhse a' gheallaidhe, a rinneadh do na h-aithrichibh,

33 Gu'n do choimhlion Dia so dhuinne an clann, air dha Iosa thogail suas; mar a ta e scriobhta mar an ceudna san dara Salm, Is tu mo Mhacsa, an diugh ghin mi thu.

34 Agus mar dhearbhadh gu'n do thog e suas e o na marbhaibh, gun e a philltinn air ais tuilleadh chum truailidheachd, thubhairt e mar so, Bheir mise dhuibh tròcaire cinnteach Dhaibhidh.

35 Uime sin a deire mar an ceudna ann an *Salm* eile, Cha'n fhuiling thu do d'Aon naomha gu'm faice truailidheachd.

36 Oir an déigh do Dhaibhidh a ghinealach féin a riarachadh a réir toil Dhé, choidil e, agus chuireadh e chum aithriche, agus chunnaic e truailidheachd:

37 Ach an ti a thog Dia suas, cha'n fhac e truailidheachd.

b a thurus, a chùrsa.

c ag innseadh deadh sgéil duibhse, eadhon a' gheallaidh.

38 Uime sin biodh fhios agaibhse, fheara agus a bhràithre, gur ann tre'n duine so a ta maithanas peacaidh air a shearmonachadh dhuibh:

39 Agus tridsan a ta gach neach a chreideas air a shaoradh o na h-uile nithibh, o nach robh e'n comas duibh bhi air bhur saoradh le lagh Mhaois.

40 Thugaibh aire uime sin, nach d'thig oirbh an ni a ta air a ràdh anns na Fàidhibh,

41 Feuchaibh, a luchd-tarcuis, agus gabhaibh iongantans, agus rachadh as duibh a: oir oibricheamsa obair ann bhur làithibhse, obair nach creid sibh idir, ge do chuireadh duine an éicill duibh e.

42 Agus an uair a chaidh na h-Iudhaich a mach as an t-sionagog, gluaidh na Cinnich gu'n rachadh na briathra so a labhairt riu féin an t-sàbaid 'na dhéigh sin.

43 A nis an uair a sgaoil an coimhthional, lean mòran do na h-Iudhaich agus do na proselitich chràbhach Pòl agus Barnabas: agus labhair iadsan riu, agus chuir iad impidh orra fuireach ann an gràs Dhé.

44 Agus air an latha sàbaid a b'fhaigse, is beag nach do chruinnich am baile gu h-iomlan a dh'éisdeachd ri focal Dé.

45 Ach an uair a chunnaic na h-Iudhaich na sloigh, lionadh iad le h-eud b, agus labhair iad an aghaidh nan nithe sin a labhradh le Pòl, a' labhairt 'nan aghaidh agus a' tabhairt toibheim.

46 An sin dh' fhàs Pòl agus Barnabas dàna, agus thubhairt iad, B'éigin focal Dé bhi air a labhairt ribhse air tùs: ach do bhrìgh gu'n do chuir sibh cùl ris, agus gur i bhur breth oirbh féin nach fhu sibh a' bheatha mhaireannach, feuch, a ta sinne a' pilltinn chum nan Cinneach.

47 Oir is ann mar sin a dh'àithn an Tighearna dhuinn, *ag ràdh*, Chuir mi thu mar sholas do na Cinnich, chum gu'm bitheadh tu mar shlàinte gu iomall na talmhainn.

48 Agus an uair a chuala na Cinnich so, rinn iad gairdeachas, agus ghlòraich iad focal an Tighearna: agus chreid a mheud 'sa bha orduichte c chum na beatha mair-eannaich.

49 Agus sgaoileadh focal an Tighearna feadh na tire uile.

50 Ach bhrosnaich na h-Iudhaich na mnà eibràbhach agus urramach, agus daoine uaisle na cathrach,

a *rachaibh as an t-sealladh.*

b *tnùth.* c *air an cur an ordugh.*

d *prìomh dhaoine.*

agus thog iad geur-leanmhuinn air Pòl agus Barnabas, agus thilg iad a mach as an crìochaibh iad.

51 Ach chrath iadsan duslach an cos dhiubh 'nan aghaidh, agus thainig iad gu Iconium.

52 Agus bha na deisciobuil air an lìonadh le h-aoibhneas, agus leis an Spiorad naomh.

#### CAIB. XIV.

**A** GUS tharladh ann an Iconium, gu'n deachaidh iad araon a steach do shionagog nan Iudhach, agus gu'n do labhair iad air chor as gu'n do chreid cuideachd mhòr do na h-Iudhaich, agus mar an ceudna do na Greugachaibh.

2 Ach bhrosnaich na h-Iudhaich mhi-chreideach, agus lion iad do dhroch rùn inntinn nan Cinneach an aghaidh nam bràithre.

3 Uime sin dh'fhan iad aimsir fhada a' labhairt gu dàna mu thimchioll an Tighearna, a rinn fianuis do fhocal a ghràis, agus a thug faineas comharan agus mìorbhuilean a bhi air an deanamh le'n làmh-aibhsan.

4 Ach bha sluagh a' bhaile air an roinn: agus bha cuid diubh leis na h-Iudhaich, agus cuid eile leis na h-abstolaibh.

5 Agus an uair a thugadh ionnsuidh araon leis na Cinneachaibh, agus mar an ceudna leis na h-Iudhaich, maille r'an uachdaranaibh, chum iadsan a mhaslachadh agus a chlachadh,

6 'Nuair a thuig iadsan so, theich iad gu Listra agus Derbe, bailte do Licaonia, agus chum na dùcha m'an cuairt.

7 Agus bha iad a' searmonachadh an t-soisgeil an sin.

8 Agus bha ann an Listra duine àraidh gun lùth 'na chosaibh 'na shuidhe, a bha bacach o bhroinn a mhàthar, neach nach d'imich riamh.

9 Chual esan Pòl a' labhairt: neach air dha amhare gu geur air, agus a thuigsinn gu robh creidimh aige chum a leigheas,

10 Thubhairt e le guth àrd, Seas suas gu dìreach air do chosaibh. Agus leum esan agus dh'imich e.

11 Agus an uair a chunnaic an sluagh an ni a rinn Pòl, thog iad an guth, ag ràdh ann an cànan Licaonia, Tha na Déa air teachd a nuas an cos-las dhaoine d'ar n-ionnsuidhne.

12 Agus ghoir iad do Bharnabas, Iupiter; agus do Phòl, Mercurius, do bhrìgh gu'm b'e am prìomh fhear-labhairt e.

13 An sin thug sagart Iupiteir a bha fa chomhair an cathrachsan

tairbh agus blàth-fhleasgaidh a chum nan geata, agus b'aill leis lobairt a dheanamh maille ris an t-sluagh.

14 Ach an uair a chuala na h-abstoil Barnabas agus Pòl so, reub iad an eudach, agus ruith iad a steach am measg an t-sluaigh, ag éigheach,

15 Agus ag ràdh, A dhaoine, c'ar son a ta sibh a' deanamh nan nithe so? oir is daicne sinne cosmhuil ribh féin thaobh fulangais b, a' searmonachadh dhuibhse, pilltinn o na nithibh diomhain sin chum an Dé bheo, a rinn nèamh, agus an talamh, agus an cuan, agus na h-uile nithe a ta ann ta :

16 Neach anns na linnibh a chaidh seachad, a dh'fhuiling do na h-uile Chinneachaibh imeachd nanslighibh féin.

17 Gidheadh, cha d'fhàg se e féin gun fhianuis, a' deanamh maith, agus a' toirt dhuinn uisge o nèamh, agus aimsire tarbach, a' lìonadh ar cridheach a le biadh agus le subhachas.

18 Agus ag ràdh nan nithe so dhoibh, is gann a chum iad an sluagh gun lobairt a dheanamh dhoibh.

19 Agus thainig Iudhaich o Antioch agus o Iconium, agus chomh-àrlich iad an sluagh, agus air dhoibh Pòl a chlachadh, tharruing iad a mach as a' bhaile c, a' saolsinn gu robh e marbh.

20 Ach air seasamh do na deiscioblubh m'a thimchioll, dh'éirich e, agus chaidh e steach do'n bhaile : agus air an là maireach dh'imich e maille ri Barnabas gu Derbe.

21 Agus an uair a shearmonaich iad an soisgeul do'n bhaile sin, agus a rinn iad mòran dheisciobul, phill iad gu Lистра, agus Iconium, agus Antioch,

22 A' neartachadh anama nan deisciobul, agus ag eòrailc orra buanachadh sa' chreidimh, agus a' teagasg gur enn tre icmadh àmhghar is éigin duinn dol a steach do rìoghachd Dhé.

23 Agus an uair a dh'orduich iad seanairean dhoibh anns gach eaglais, agus a rinn iad ùrnuigh maille ri trosgadh, dh'earb siad iad ris an Tighearn, anns an do chreid iad.

24 Agus an déigh dhoibh dol tre Phisidia, thainig iad gu Pamphilia.

25 Agus air dhoibh am focal a labhairt ann am Perga, chaidh iad sìos gu Atalia :

26 Agus shebl iad as sin gu Antioch, an t-àit o'n d'earbadh iad ri gràs Dhé, chum na h-oibre a choimhlion iad.

27 Agus an uair a thainig iad, agus a chruinnich iad an eaglais an ceann a chéile, dh'aithris iad meud nan nithe a rinn Dia leo, agus gu'n d'fhosgail e dorus creidimh do na Cinneachaibh.

28 Agus dh'fhan iad an sin aimsir nach bu bheag maille ris na deiscioblubh.

# CAIB. XV.

A GUS theagasg dream àraidh a thainig a nuas o Iudea, na bràithre, ag ràdh, Mur timchioll-ghearrar sibh a réir gnàtha Mhaois, cha 'n'eil e'n comas duibh bhi air bhar slànuchadh.

2 Uime sin air do Phòl, agus do Bharnabas connsachadh agus deasboireachd nach bu bheag a bhi aca riu, dh'orduich iad Pòl agus Barnabas, agus dream àraidh eile dhiubh féin, a dhol suas chum nan abstoil agus nan seanair gu Hierusalem ma thimchioll na ceisde so.

3 Agus air dhoibh bhi air an toirt air an aghaidh leis an eaglais, chaidh iad tre Phenice, agus Shamaria, a' cur an céill iompochaidh nan Cinneach : agus thug iad aoibhneas mòr do na bràithribh uile.

4 Agus an uair a thainig iad gu Hierusalem, ghabhadh riu leis an eaglais, agus na h-abstolaibh, agus na seanairibh, agus dh'innis iad meud nan nithe a rinn Dia leo-san.

5 Ach dh'éirich dream àraidh do bharrail nam Phairiseach a bha 'nan creidmhigh, ag ràdh, Gur còir an timchioll-ghearradh, agus àithneadh dhoibh lagh Mhaois a choimhead.

6 Agus thainig na h-abstoil agus na seanairean, an ceann a chéile a dh'fheuchainn mu'n chùis so.

7 Agus an déigh mòrain deasboir-eachd, dh'éirich Peadar agus thubhairt e riu, Fheara agus a bhràithre, tha fhios agaibh o chionn fhada gu'n do ròghnuich Dia 'nar measgne, o m' bheulsa gu'n cluinneadh na Cinnich focal an t-soisgeil, agus gu'n creideadh iad.

8 Agus rinn an Dia, d'an aithneadh an cridhe, fianuis dhoibh, a' tabhairt an Spioraid naoimh dhoibh, mar a thug e dhuinne ;

9 Agus cha d'rinn e eadar-dhealachadh eadar sinne agus iadsan, a' glanadh an cridhe le creidimh.

10 C'ar son uime sin a nis a ta sibh a' cur cathachaidh air Dia d, le cuing a chur air muineal nan deisciobul, nach robh aon chuid ar n-aithriche no sinne comasach air a giùlan ?

11 Gidheadh a ta sinn a' creidsinn,

a lus-chrùna. b aig am bheil comh-aighe ribh féin. c guidheadh.



tre ghràs an Tighearna Iosa Criosd, gu saorar sinn anhuill mar iadsa.

12 An sin dh'fhan a' chuideachd uile 'nan tosd, agus thug iad éisdeachd do Bharnabas agus do Phòl, ag innseadh meud nan comhar agus nam mìorbhuile a rinn Dia leo san am measg nan Cinneach.

13 Agus an déigh dhoibh bhi 'nan tosd, fhreagair Seumas, ag ràdh, Fheara agus a bhràithre, éisdibh riumsa.

14 Chuir Simeon an céill cionnus a dh'fhiosraich Dia na Cinnich air tùs, le pobull a ghabhail as am measg d'a ainm féin.

15 Agus da so tha briathra nam fàidha' coimh-fhreagairt; a réir mar a ta e scribedhta,

16 An déigh so pillidh mi, agus togaidh mi suas a ris pàillinn Dhaibhidh, a ta air tuiteam: agus togaidh mi a ris an ni a thuit deth, agus cuiridh mi suas e:

17 Chum gu'n iarr fuigheall nan daoine an Tighearn, agus na h-uile Chinnich, air an goirear m'ainmse, a deir an Tighearn, a ta deanamh nan nithe sin uile.

18 Tha fios oibre féin uile aig Dia o thoiseach an t-saoghail.

19 Uime sin is i mo bhrethse, nach cuir sinn mi-shuaimhneas orra-san do na Cinnich, a ta air pilltinn chum Dhé:

20 Ach gu'n scriobh sinn d'an ionnsuidh, iad a sheachnadh truaidheachd iodhola, agus striopachais, agus ni tachdta, agus fola.

21 Oir a ta aig Maois o na linnibh cian anns gach baile daoine a ta 'ga shearmonachadh, air dha bhi air a leughadh gach latha sabaid anns na sionagogaibh.

22 An sin chunncas do na h-abstol-aibh, agus do na seanairibh, maille ris an eaglais uile, daoine taghta dhoibh féin a chur gu Antioch, maille ri Pòlagus Barnabas; eadhon, Iudas d'an comh-ainm Barsabas, agus Silas, daoine inbheach am measg nam bràithre:

23 Agus scriobh iad litriche leo air an dòigh so, Tha na h-abstoil, agus na seanairean, agus na bràithrean a' cur beannachd chum nam bràithre do na Cinnich a ta ann an Antioch, agus ann an Siria, agus ann an Cilicia.

24 Do bhrìgh gu'n cuala sinne, gu'n do chuir dream àraidh, a chaidh uainne, mi-shuaimhneas oirbh le briathraibh, ag atharrachadh bhur inntinn, ag ràdh, Gur còir dhuibh bhi air bhur timchioll-ghearradh, agus

a dragh. b a cur bhur inntinn os cionn.

an lagh a choimhead; do nach d'thug sinne a leithid sin a dh'àithne:

25 Chunncas duinne, air dhuinn bli cruinn a dh'aon toil, daoine taghta a chur d'ar ionnsuidhse, maille r'ar bràithribh gràdhach Barnabas agus Pòl;

26 Daoine a thug an anama féin air son ainme ar Tighearna Iosa Criosd.

27 Chuir sinn uime sin Iudas agus Silas uainn, a dh'innseas duibh na nithe ceudna le caiant bheoil.

28 Oir chunncas do'n Spiorad naomh, agus dhuinne, gun ni air bith tuilleadh a chur oirbh a dh'uallaich, ach na nithe feumail so;

29 Sibh a sheachnadh nithe a chaidh iobradh do iodholaibh, agus fola, agus ni tachdta, agus striopachais: uatha so ma choimhideas sibh sibh féin, ni sibh gu maith. Slàn libh.

30 Uime sin an uair a leigeadh uatha iad, thainig iad gu h-Antioch: agus air cruinneachadh an t-sluaigh dhoibh, thug iad seachad an litir.

31 Agus an uair a leugh iad sin, rinn iad gairdeachas air son na comhfhurtachd.

32 Agus air bhi do Iudas agus do Shilas 'nam fàidhibh iad féin, le mòran bhriathraibh dh'earailich, agus neartaich iad na bràithre.

33 Agus air fuireach rè ùine dhoibh, leigeadh air falbh an sith iad o na bràithribh chum nan abstol.

34 Gidheadh chunncas do Shilas comhnuidh a dheanamh an sin.

35 Dh'fhan Pòl mar an ceudna agus Barnabas ann an Antioch, a' teagasg agus a' searmonachadh maille re mòran eile mar an ceudna, focail an Tighearna.

36 Agus an déigh làithean àraidh, thubhairt Pòl ri Barnabas, Pilleamaid agus faiceamaid ar bràithre, anns gach baile anns an do shearmonaich sinn focal an Tighearna, cionnus a ta iad.

37 Agus b'aill le Barnabas iad a thoirt Eoin, d'an comh-ainm Marcus leo.

38 Ach cha do mheas Pòl gu'm bu chòir dhoibh esan, a dh'fhalbh uatha o Phamphilia, agus nach deachaidh maille riu chum na h-oibre, a thoirt leo.

39 Dh'éirich uime sin conspoid eatorra co dian, as gu'n do sgaradh o chéile iad: agus mar sin thug Barnabas leis Marcus, agus chaidh e air luing gu Ciprus;

40 Ach thagh Pòl Silas, agus dh'imich e, air dha bhi air earbsadh ri gràs Dé leis na bràithribh.

41 Agus shiubhail e tre Shiria agus Chilicia, a' neartachadh<sup>a</sup> nan eaglais.

## CAIB. XVI.

**A**N sin thainig e gu Derbe agus Lистра: agus feuch, bha deis-ciobul àraidh an sin, d'am b'ainm Timoteus, mac mnà àraidh do'n chinneach Iudhach, a bha 'na creid-mheach; ach bu Ghreugach a b'ath-air dha:

2 A bha fa dheadh ainm aig na bràithribh, a bha ann an Lистра agus ann an Iconium.

3 Bha toil aig Pòl am fear so a dhol a mach maille ris; agus ghabh e agus thimchioll-ghearr se e, air son nan Iudhach a bha anns na h-àitibh sin: oir bha fios ac' uile gu'm bu Ghreugach athair.

4 Agus mar a shiubhail iad tre na bailtibh, thug iad doibh na h-orduigh-ean r'an coimhead, a dh'orduicheadh leis na h-abstolaibh agus na seanairibh a bha ann an Ierusalem.

5 Agus mar sin bha na h-eaglais-ean air an daingneachadh anns a' chreidimh, agus mheudaicheadh iad gach là an àireamh.

6 A nis an uair a chaidh iad tre Phrìgia, agus tìr Ghalat<sup>a</sup>, agus a bhacadh dhoibh leis an Spiorad naomh am focal a labhairt san Asia.

7 An déigh dhoibh teachd gu Misia, dh'fheuch iad ri dol gu Bitinia: ach cha do leig an Spiorad<sup>b</sup> leo.

8 Agus air dhoibh gabhail seachad air Misia, chaidh iad sìos gu Troas.

9 Agus chumcas sealladh<sup>c</sup> le Pòl san oidhche: Sheas duine àraidh o Mhacedonia, agus ghuidh e air, ag ràdh, Thig thairis gu Macedonia, agus cuidich leinne.

10 Agus an uair a chunnaic e an sealladh, air ball dh'iarr sinn dol thairis gu Macedonia, a' dearbhtuigsinn gu'n do ghairm an Tighearna sinn chum an soisgeul a shearmonachadh dhoibh.

11 Uime sin air dhuinn long a ghabhail o Throas, thainig sinn gu dìreach gu Samotracia, agus air an là<sup>d</sup> 'na dhéigh sin gu Neapolis:

12 Agus o sin gu Philipi, ceud<sup>d</sup> bhaile na cuid sin do Mhacedonia, agus b'ùr-threabhachas<sup>e</sup> e: agus bha sinn a chomhnuidh anns a' bhaile sin làithean àraidh.

13 Agus air là na sàbaid chaidh sinn a mach as a' bhaile ri taobh aimhne, far am b'àbhaist ùrnuigh a

dheanamh<sup>f</sup>; agus air dhuinn suidhe, labhair sinn ris na mnaibh a chruinnicheadh an sin.

14 Agus dh'éisd bean àraidh ruifn d'am b'ainm Lidia, bean-reicidh purpùir, o chathair Thiatira, a bha deanamh aoraidh do Dhia; aig an d'fhosgail an Tighearna a cridhe, ionnas gu'n d'thug i aire do na nitibh a labhradh le Pòl.

15 Agus an uair a bhaisteadh i, agus a teaghlach: ghuidh i oirnn, ag ràdh, Ma mheas sibh mise bhi dìleas do'n Tighearna, thigibh a steach do m' thigh, agus deanaibh comhnuidh ann. Agus choimh-éignich i sinn.

16 Agus tharladh, ag dol dhuinne chum ùrnuigh, gu'n do thachair oirnn ban-tràill àraidh, aig an robh spiorad fiosachd, a thug mòr bhuannachd d'a m'ighstiribh le fiosachd a dheanamh:

17 Lean ise Pòl agus sinne, agus ghlaodh i, ag ràdh, 'S iad na daoine so seirbhiseich an Dé a's ro-àirde, a ta a' nochdadh dhuinne slighe na slàinte.

18 Agus rinn i so rè mòrain do làithibh. Ach air do Phòl a bhf doilich, thionndaidh e agus thubhairt e ris an Spiorad, A ta mi toirt orduigh dhuist ann an ainm Iosa Crìosd dol a mach aisde. Agus chaidh e mach air an uair sin féin.

19 Agus an uair a chunnaic a maighstirean gu'n d'fhalbh dochas<sup>h</sup> am buannachd, rug iad air Pòl agus air Silas, agus tharruing iad do'n mhargadh iad, chum nan nachdaran.

20 Agus air dhoibh an toirt chum luchd-riaghlaidh a' bhaile, thubhairt iad, Tha na daoine so a' buaireadh ar baile gu ro mhòr, air dhoibh bhi 'nan Iudhachaibh.

21 Agus a ta iad a' teagasg ghnàth-anna nach 'eil ceaduichte dhuinne a ghabhail no leantuinn, do bhrìgh gur Romhanaich sinn.

22 Agus dh'éirich an sluagh dh'aon-fheachd 'nan aghaidh: agus reub na h-uachdarain an eudach diubh, agus dh'àithn iad an sgiùrsadh le slataibh.

23 Agus an déigh dhoibh iomadh buille a leagadh orra, thilg iad am prìosun iad a' toirt sparraidh do fhear-coimhead a' phrìosun an gleidheadh gu tèaruinte.

24 Neach air dha an àithne sin fhaotainn, a thilg iad do'n phrìosun a b'fhaide a stigh, agus a dhaingnich an cosa sa' cheap.

25 Agus mu mheadhon-oidhche air do Phòl agus do Shilas ùrnuigh a dheanamh, sheinn iad laoidh-mhol-

z corcuir.

h earbsa.

<sup>a</sup> a' daingneachadh. <sup>b</sup> Spiorad Iosa. <sup>c</sup> taisbean. <sup>d</sup> prìomh.

<sup>e</sup> cholaighuinn; colony. Sasg.

<sup>f</sup> do thigh ùrnuigh a bhi.

aith do Dhia; agus chuala na prìos-  
unaich iad.

26 Agus gu h-obann bha crith-  
thalmhainn mhòr ann, air chor as  
gu'n do chrathadh bunaitean a'  
phrìosuin: agus air ball dh'fhosg-  
ladh na dorsan uile, agus dh'fhuasg-  
ladh cuibhreacha gach neach *aca*.

27 Agus air do fhear-coimhead a  
phrìosuin dùsgadh a codal, agus air  
faicinn dorsa a phrìosuin fosgailte,  
tharruing e a chlaidbeamh, air tì a e  
fèin a mharbhadh, a' saoil sinn gu  
robh na prìosunaich air teicheadh.

28 Ach ghlaodh Pòl le guth àrd,  
ag ràdh, Na dean cron sam bith ort  
fèin; oir tha sinn uile an so.

29 Agus air gairm soluis dasan,  
leum e steach, agus thainig e air  
chrith, agus thuit e sìos an làthair  
Phòil agus Shilais;

30 Agus air dha an tabhairt a  
mach, thubhairt e, A mhaighstirean,  
cìod is còir domh dheanamh chum gu  
saorar b' mi?

31 Agus thubhairt iadsan, Creid  
anns an Tighearn Iosa Crìosd, agus  
saorar thu fèin, agus do thigh.

32 Agus labhair iad focal an Tigh-  
earna ris, agus rìusan uile a bha 'na  
thigh.

33 Agus air dha an toirt leis air an  
uair sin fèin do'n oidhche, nigh e an  
creuchdan; agus bhaisteadh e fèin,  
agus a mhuinntir uile, gun dàil.

34 Agus an uair a thug e d'a thigh  
iad, chuir e bord rompa, agus rinn e  
gairdeachas maille r'a theaghlach  
uile, a' creidsinn ann Dia.

35 Agus air teachd do'n là, chuir  
an luchd-riaghlaidh na maoir uatha,  
ag ràdh, Leig air an comas na daoine  
sin.

36 Agus dh'innis fear-coimhead a'  
phrìosuin na briathra so do Phòl,  
Gu'n do chuir an luchd-riaghlaidh  
fios uatha sibhse a leigeadh as: uime  
sin rachaibh a mach, agus imichibh  
an sìth.

37 Ach thubhairt Pòl ri, an déigh  
dhoibh ar sgiùrsadh gu follaiseach  
gun ar dìteadh, agus gur Romhan-  
aich sinn, thilg iad am prìosun sinn;  
agus a nis am b'aill leo ar cur a mach  
os ìosal? ni h-eadh gu deimhin; ach  
thigeadh iad fèin agus thugadh iad  
a mach sinn.

28 Agus dh'innis na maoir na  
briathra sin do na h-uachdaranaibh:  
agus ghabh iad eagal an uair a chual  
iad gu'm bu Romhanaich iad.

59 Agus thainig iad agus chuir  
iad impidh orra, agus air dhoibh an  
toirt a mach, ghuidh iad orra imeachd  
a mach as a' bhaile.

40 Agus air dol a mach as a  
phrìosun doibh, chaidh iad a steach  
do thigh Lidia: agus an uair a  
chunnaic iad na bràithre, thug iad  
comhfhurtachd dhoibh, agus dh'im-  
ich iad rompa.

## CAIB. XVII.

**A**NIS air dhoibh imeachd tre  
Amphipolis, agus Apolonia,  
thainig iad gu Tesalonica, far an robh  
sionagag aig na h-Iudhachaibh.

2 Agus mar bu ghuàth le Pòl,  
chaidh e steach d'an ionnsuidh, agus  
air trì làithibh sàbaid reusonaich e e  
riu as na scrìobtuiribh,

3 'Gam fosgladh agus a' dearbhadh  
gu'm b'èigin do Chrìosd fulang, agus  
éirigh a ris o na marbhaibh: agus  
gur e an t-Ìosa so a ta mise a' sear-  
monachadh dhuibh, Crìosd.

4 Agus chreid cuid diubh, agus  
lean iad ri Pòl agus ri Silas: agus do  
na Greugaich chràbhach buidhean  
mhòr, agus do na mnaibh inbheach  
àireamh nach bu bheag.

5 Ach air do na h-Iudhachaibh  
mi-chreideach bhi air am brosnach-  
adh le tnuàth d, ghabh iad d'an ionn-  
suidh droch-dhaoine àraid do na corr-  
aibh-margaidh e, agus air tionall  
cuideachd mòire dhiubh, chuir iad  
am baile uile thar a chèile, agus  
chuaireadh iad tigh Iasoin, agus  
dh'iarr iad an toirt a mach chum an  
t-sluaigh.

6 Agus an uair nach d'fhuair siad  
iad, tharruing iad Iason, agus bràith-  
rean àraidh chum uachdaran a'  
bhaile, ag éigheach, Tha na daoine  
so a chuir an saoghal bun os cionn,  
air teachd an so mar an cènn;

7 D'an d'thug Iason aoidheachd:  
agus a ta iad so uile a' cur an  
aghaidh orduigh Cheasair, ag ràdh,  
Gu bheil rìgh eile ann, *eadhon*  
Ìosa.

8 Agus chuir iad buaireas f'ò'n  
t-sluaigh, agus fo uachdaran a' bhaile,  
'nuair a chual iad na nithe so.

9 Agus air gabhail urraisg dhoibh  
o Iason, agus o chàch, leig iad uatha  
iad.

10 Agus air ball chuir na bràithre  
Pòl agus Silas san oidhche gu Berea:  
agus air teachd dhoibhsan an sin,  
chaidh iad a steach do shionagag nan  
Iudhach.

11 Bha iad sin ni b'uaisle na  
muinntir Thesalonica, oir ghabh iad  
am focal d'an ionnsuidh leis an uile  
thogradh, a' rannsachadh nan scrìob-  
tuir gach aon là, a dh'fheuchainn an  
robh na nithe sin mar so.

<sup>c</sup> thagair.

<sup>d</sup> farmad, eud.

<sup>e</sup> do'n ghràisg. <sup>f</sup> tuairgne, gluasachd.

<sup>g</sup> daingneachaidh.

<sup>a</sup> fa rùn. <sup>b</sup> tearnar, slànuichear.

12 Uime sin chreid mòran diubh : agus mar an ceudna do mhnaibh uaisle do na Greugaich, agus do fhearaibh àireamh nach bu bheag.

13 Ach an uair a thuig na Iudhaich o Thesalonica gu'n do shearmonaich eadhadh focal Dé le Pòl am Be-rea, thainig iad an sin mar an ceudna, a' brosnachadh an t-sluaigh.

14 An sin air ball chuir na bràithrean uatha Pòl, chum gu'n rachadh e mar gu b'ann chum na mara : ach dh'fhan Silas agus Timoteus an sin fathast.

15 Agus thredraich luchd-coimheadachd Phòil e gu baile na h-Aithne<sup>a</sup>; agus air faghail àithne dhoibh gu Silas agus Timoteus, iad a-theachd d'a ionnsuidhsan mar bu luaithe, dh'imich iad rompa.

16 A nis am feadh a bha Pòl a' feitheamh riu san Aithne, bha a spiorad air a bhrosnachadh ann, do bhrìgh gu'm fac e am baile làn ìodhol-aoraidh.

17 Air an aobhar sin rinn e deasboireachd ris na h-Iudhaich, agus ris na daoineibh cràbhach anns an t-sionagog, agus air a' mhargadh gach là riu-san a thachair air.

18 An sin thug feallsanaich e àraidh do na h-Epicuraich, agus do na Stoicich, aghaidh air; agus thubhairt cuid, Ciod a b'àill leis an fhear bhith-bhriathrach so a ràdh? thubhairt cuid eile, Is cosmhail gu bheil e a' searmonachadh dhèe coimheach; do bhrìgh gu'n do shearmonaich e dhoibh losa, agus an aiseirigh.

19 Agus rug iad air, agus thug iad leo e gu Areopagus, ag ràdh, Am feud sinn fios fhaotainn ciod e an teagasg nuadh<sup>d</sup> so, a labhrar leat?

20 Oir a ta thu toirt nithe àraidh neo-ghnàthach chum ar cluas : b'àill leinn uime sin fios fhaotainn ciod is ciall doibh sin.

21 (Oir cha do chaith muinntir na h-Aithne uile agus a' choigrich a bha air chuairt nam measg, an ùine ri ni air bith eile, ach ri inseadh, no ri cluinntinn noimheachd éigin.)

22 An sin air seasamh do Phòl am meadhan Areopagus, thubhairt e, A mhuinntir na h-Aithne, tha mi faeinn gu bheil sibh anns na h-uile nithibh cràbhach thar tomhas :

23 Oir air dhomh bhi dol seachad, agus ag amharc air bhur nithibh naomha, fhuair mi altair air an robh an se obhadh so, DO'N DIA NEO-ATHNICHTE. Uime sin

esan d'am bheil sibh a' deanamh aoraidh gun eòlas agaibh air, is e a ta mise a' searmonachadh dhuibh.

24 An Dia a rinn an saoghal, agus na h-uile nithe a ta ann, do bhrìgh gur e féin Tighearna nèimhe agus na talmhainn, cha 'n'eil e gabhail còmh-nuidh ann an teamp-laibh làmh-dheanta :

25 Ni mò a bheirear aoradh dha le làmh-aibh dhaoine, mar gu'm biodh uireasbhuidh ni sam bith air; oir is e féin a ta tabhairt do na h-uile beatha, agus anail, agus nan uile nithe :

26 Agus rinn e dh'aon fhuil uile chinnich dhaoine, chum iad a ghabhail còmh-nuidh air aghaidh na talmhainn uile, agus shonraich e e na h-amanna roimh-orduichte, agus crìochanna an àite-còmh-nuidh;

27 Chum gu'n iarraidh iad an Tighearn, dh'fheuchainn an tarladh dhoibh, le min-rannsachadh, gu'm faigheadh iad e, ge nach 'eil e fada o gach aon againn :

28 Oir annsan tha sinn beo, agus a' gluasad, agus tha ar bith againn; mar a thubhairt mar an ceudna dream àraidh d'ar bàraibh féin, Oir is sinne fòs a ghizealsan.

29 Uime sin do bhrìgh gur sinn gineal Dé, cha chòir dhuinn a shaoil-sinn gu bheil an Diadhachd cosmhail ri h-òr, no ri h-airgid, no ri cloich, nithe a ghearradh<sup>f</sup> le h-eal-adhain agus innleachd dhaoine.

30 A nis air do Dhia amharc thairis air aimsiribh an aineolais so, tha e nis ag àithneadh do na h-uile anns gach àit aithreachas a dheanamh :

31 Do bhrìgh gu'n do shuidhich e là anns an toir e breth air an t-saoghal am fìreantachd, tre'n duine sin a dh'orduich e; agus air so thug e dearbhadh do na h-uile dhaoineibh, le esan a thogail suas o na marbhaibh.

32 Agus an uair a chual iad mu aiseirigh nam marbh rinn cuid diubh fanoid : ach thubhairt cuid eile, Eisdidh sinn riut a ris mu'n ni so.

33 Agus mar sin chaidh Pòl a mach as am meadhan.

34 Gidheadh, lean cuid do dhaoineibh ris, agus chreid iad. Nam measg so bha Dionisius an t-Areopagach, agus bean d'am b'ainm Damaris, agus dream eile maille riu.

CAIB. XVIII.

A N déigh nan nithe so, dh'fhàg Pòl baile na h-Aithne, agus thainig e gu-Corintus;

2 Agus fhuair e Iudach àraidh d'am b'ainm Aculla, a rugadh am

<sup>a</sup> Athens. Sasg. <sup>b</sup> bhuaireadh.

<sup>c</sup> daoine fòghlumta, eagnuidhean.

<sup>d</sup> nomha..

<sup>e</sup> shuidhich.

<sup>a</sup> ghràbhaladh.

<sup>f</sup> a dhualadh,



Pontus, air ùr-theachd as an Eadailt, maille r'a mhnaoi Priscilla, (a chionn gu'n d'orduich Claudius do na h-Iudhachaibh uile an Ròimh fhàgail) agus thainig e d'an ionnsuidh.

3 Agus a chionn gu'n robh e a dh'aon cheird riu, dh'fhan e maille riu, agus bha e ag obair; (oir bu cheird doibh bhi deanamh phàilliuana.)

4 Agus thagair e anns an t-sionagag gach aon là sàbaid, agus chuir e impidh air Iudhaich agus Greugach.

5 Agus an uair a thainig Silas agus Timoteus o Mhacedonia, bha Pòl air a theannadh na spiorad, agus rinn e fianuis do na h-Iudhaich, gu'm b'e Iosa an Crìosd.

6 Agus an uair a chuir iad 'na aghaidh, agus a labhair iad toibheum, chrath é eudach, agus thubhairt e riu, *Biodh* bhuir fuil air bhuir ceann féin; *tha* mise glan: a so suas théid mi chum nan Cinneach.

7 Agus chaidh e as sin, agus thainig e gu tigh duine àraidh, d'am b'ainm Iustus, a bha deanamh aoraidh do Dhia, agus aig an robh a thigh làimh ris an t-sionagag.

8 Agus chreid Crispus, prìomh uachdaran na sionagoige anns an Tighearna, maille r'a theaghlach uile: agus chreid mòran do na Corintianaich, air dhoibh éisdeachd ris, agus bhaisteadh iad.

9 An sin thubhairt an Tighearn ri Pòl ann an sealladh san oidhche, Na biodh eagail ort, ach labhair, agus na bi d' thosd:

10 Oir a ta mise maille riut, agus cha toir duine sam bith ionnsuidh ort, chum do chron a dheanamh: oir a ta mòr shluagh agamsa anns a' bhaile so.

11 Agus dh'fhan e bliadhna agus seamiosan, a' teagasg focail Dé 'nam measg,

12 Agus an uair a bha Gallio 'na uachdaran air Achaia, dh'éirich na h-Iudhaich a dh'aon inntinn an aghaidh Phòil, agus thug iad e gu caithir a' bhreitheanaich,

13 Ag ràdh, Tha'n duine so a' comhairleachadh dhaoine aoradh a dheanamh do Dhia an aghaidh an lagha.

14 Agus an uair a bha Pòl dol a dh'f hosgladh a bhéil, thubhairt Gallio ris na h-Iudhaich, Nam b'eucoir no droch ghnìomh a bhiodh ann, O Iudhacha, bu reusonta gu'n giùlain inn leibh:

15 Ach ma's ceisd a ta ann tim-

chioll fhocla agus ainmeanna, agus bhuir lagha féin, ambaircibh féin air sin; oir cha'n àill leamsa bhi m' bhreitheamh air an leithidibh sin do nithibh.

16 Agus dh'fhuadaich e iad o chaithir a' bhreitheanaich.

17 An sin rug na Greugaich uile air Sostenes, uachdaran na sionagoige, agus ghabh iad air an làthair caithir a' bhreitheanaich: agus cha do ghabh Gallio suim do nì sam bith dhiubh sin.

18 Agus dh'fhan Pòl fathast ùine mhaith sa' bhaile sin, agus an sin an déigh a chead a ghabhail do na bràithribh, chaidh e air luing o sin gu Siria, agus maille ris-san Priscilla agus Acula; an déigh a cheann a bhearradh ann an Cenchrea: oir bha mòid air.

19 Agus thainig e gu h-Ephesus, agus dh'fhàg e iadsan an sin: ach chaidh e féin a steach do'n t-sionagag, agus reusonaich e ris na h-Iudhachaibh.

20 Agus an uair a dh'iarr iad air fuireach maille riu nì b'fhaide, cha d'aontaich e.

21 Ach ghabh e a chead diubh, ag ràdh, Is éigin domh air gach aon chor an fhéide so a ta teachd a choimhead ann an Ierusalem: ach pillidh mi a ris d'ar ionnsuidhse, ma's toil le Dia. Agus sheòl e o Ephesus.

22 Agus thainig e tìr aig Cesairea, agus air dha dol suas agus fàilt a chur air an eaglais, chaidh e sìos gu h-Antioch.

23 Agus an uair a dh'fhan e rè tamull an sin, dh'imich e, agus chaidh e an ordugh f're thir Ghalaatia uile agus Phrìgia, a' neartachadh nan deisciobul uile.

24 Agus thainig gu h-Ephesus Iudhach àraidh d'am b'ainm Apollos, a rugadh an Alecsandria, duine deas-bbriathrach, agus camhachdach anns na scriobtuiribh.

25 Bha'n duine so air a theagasg ann an slighe an Tighearna; agus air dha bhi dianz 'na spiorad, labhair agus theagaisg e gu dìchiollach na nithe a bhuineadh do'n Tighearn, agus gun eòlas aige ach air baisteadh Eoin.

26 Agus thòisich e air labhairt gu dàna san t-sionagag. Agus air do Acula agus do Phriscilla a chluinntinn, ghabh iad d'an ionnsuidh e, agus mhinich iad dha slighe Dhé nì bu choimhionta.

d a lomadh.  
f an eagar

e an fhéill.  
g teth.

a reusonaich. b àrd. c taisbean.

27 Agus an uair bu mbiann leis dol gu Achaia, an déigh a chomhairleachadh, scriobh na bráithre chum nan deisciobul iad a ghabhail ris: neach, air dha teachd, a rinn còmharradh<sup>a</sup> mòr riu-san a chreid tre ghràs.

28 Oir le mòr dhìchioll rinn e deasboireachd<sup>b</sup> ris na h-Iudhaich gu follaiseach, a' dearbhadh leis na scriobtuiribh, gur e Iosa an Crìosd.

CAIB. XIX.

**A** GUS tharladh, 'nuair a bha Apollos ann an Corintus, air do Phòl dol tre na crìochaibh uachd-arach, gu'n d'fhainig e gu Ephesus. Agus air faotainn dheisciobul àraidh,

2 Thubhairt e riu, An d'fhuair sibh an Spiorad naomh o chreid sibh? Agus thubhairt iadsan ris, Cha chuala sinn uiread as am bheil Spiorad naomh ann.

3 Agus thubhairt e riu, Ciod ma seadh anns an do bhaisteadh sibh? Agus thubhairt iadsan, Am baisteadh Eoin.

4 An sin thubhairt Pòl, Bhaist Eoin gu deimhin le baisteadh an aithreachais, ag ràdh ris an t-sluagh, iadsan a chreidsinn anns an neach a bha gu teachd 'na dh'èighsan, sin r'a ràdh, ann an Iosa Crìosd.

5 Agus an uair a chual iad so, bhaisteadh iad ann an ainm an Tighearna Iosa.

6 Agus air do Phòl a làmh an a' chur orra, thainig an Spiorad naomh orra; agus labhair iad le teangaibh, agus rinn iad fàidheadaireachd.

7 Agus bha ann uile timchioll dà fhear dheng.

8 Agus chaidh ean a steach do'n t-sionagag, agus labhair e gu dàna rè thri mìosa, a' deasboireachd agus a' comhairleachadh nan nithe a bhuineas do rìoghachd Dhé.

9 Ach an uair a chruadhaicheadh euid, agus nach do chreid iad, ach a labhair iad olc mu'n t-slighe sin an lathair an t-sluaigh, dh'fhàg e iad, agus sgar e na deisciobul uatha, agus bha e gach là a' deasboireachd ann an scoil neach àraidh d'am b'ainm 'Tirannus.'

10 Agus rinneadh so rè dhà bhliadhna; air chor as gu'n cuala luchd-àiteachaidh na h-Asia uile, eadar Iudhaich agus Ghreugaich, focal an Tighearna Iosa.

11 Agus rinn Dia mòrbhuilean nach bu bheag le làmh aibh Phòil:

12 Air chor as gu'n d'thugadh o chorpsan chum nan daoine tinne,

neapaicinne no aprain, agus gu'n d'fha'bh an euslaintean uatha, agus gu deachaidh na droch spioraid a mach asda.

13 Agus ghabh dream àraidh do na h-Iudhaich, a bha 'g imeachd o àit gu h-àit, a' cur spiorada fa gheasaibh<sup>c</sup>, os làimh ainm an Tighearna Iosa ainmeachadh os ceann na muinntir sin anns an robh droch spioraid, ag ràdh, Cuireamaid fa gheasaibh sibh tre Iosa a ta Pòl a' searmonachadh.

14 Agus bha aig Scebhia Iudhach àraidh, aon do na h-àrd shagartaibh, seachdnar mhac a bha deanamh so.

15 Agus fhreagair an droch spiorad, agus thubhairt e, Tha eòlas agam air Iosa, agus is aithne dhomh Pòl; ach cò sibh<sup>e</sup>?

16 Agus leum an duine agus an robh an droch spiorad orra, agus air dha làmh an uachdar fhaotainn orra, thug e buaidh orra, air chor as gu'n do theich iad a mach as an tigh sin lomnochd agus reubta.

17 Agus fhuair na h-Iudhaich uile agus mar an ceudna na Greugaich a bha thàmh ann an Ephesus fios air so; agus thuit eagal orra uile, agus bha ainm an Tighearna Iosa air àrdachadh.

18 Agus thainig mòran diubhsan a chreid, ag aideachadh, agus ag innseadh an gnìomhara.

19 Agus thug mòran diubhsan a bha gnàthachadh dhroch innleachda, an leabhraiche leò, agus loisg siad iad ann fìanuis nan uile; agus dh'àireamh iad an luach, agus fhuair iad e 'na leth-chuid mìle bonn airgid.

20 Mar sin le cumhachd dh'fhàs agus bhuadhaich focal an Tighearna.

21 Agus an uair a choimhlionadh na nithe so, chuir Pòl roimhe 'na spiorad, an déigh dha imeachd tre Mhacedonia, agus Achaia, dol gu Hierusalem, ag ràdh, An déigh dhomh bhi an sin, is éigin domh an Ròimh fhaicinn mar an ceudna.

22 Agus air dha dithis dhiubhsan a bha frithealadh dha, Timoteus, agus Erastus, a chur do Mhacedonia, dh'fhan e féin rè tamuill san Asia.

23 Agus dh'éirich mu'n àm sin iomaire<sup>d</sup> nach bu bheag mu thimchioll na slighe sin.

24 Oir bha ceard-airgid àraidh d'am b'ainm Demetrius ann, a bha deanamh theampull airgid<sup>e</sup> do Dhi-ana, agus a thug buannachd nach bu bheag do'n luchd-ceirde.

<sup>c</sup> a' cur spiorada fo mhionnaibh, a' tilgeadh a mach spiorada.

<sup>d</sup> buaireas. <sup>e</sup> dealbh-theampull.

<sup>a</sup> còghnath, congnamh.

<sup>b</sup> le mòr sbairn theagair e.

25 Agus air dha iadsan a chruinn-eachadh an ceann a chèile, agus a' mhuinntir eile, a bha dh'aon cheird ri, thubhairt e, Fheara, tha fhios agaibh gur ann o'n cheird so a ta ar beartas a againne :

26 Os barr, tha sibh a' faicinn agus a' cluinntinn gu bheil am Pòl so le chomhairle air tionndadh air falbh sluaigh mhòir, cha'n e mhàin ann an Ephesus, ach cha mhòr san Asia uile, ag ràdh, Nach dée iad a nithear le làmhaidh :

27 Air chor as nach e mhàin gu bheil e'n cunnart gu'n deanar tàir air ar ceird ; ach mar an ceudna gu cuir-ear teampull na bain-dé mòire Diana an neo-pris, agus gu claidhear a mbrachdsa, d'am bheil an Asia uile, agus an domhan a' deanamh aoraidh.

28 Agus an uair a chual iadsan so, lionadh le feirg iad agus ghlaodh iad, ag ràdh, Is mòr Diana nan Ephesianach.

29 Agus bha am baile uile air a lionadh le mi-riaghailt : Agus ruith iad a dh'aon toil chum àite-crùinnich an t-sluaigh, a' tarruing leo Ghaiuis agus Aristarchus Macedonaich, luchd comb-thruis Phòil.

30 Agus an uair a b' àill le Pòl dol a steach chum an t-sluaigh, cha do leig na deisciobuil leis.

31 Agus mar an ceudna chuir cuid do nachdaranaibh na h-Asia, a bha 'nan càirdibh dha, fios chuige, a' guilleadh air nach rachadh e gu àite-crùinnich an t-sluaigh.

32 Ghlaodh uime sin cuid diubh aon ni, agus caid ni eile : oir bha an coimhthional tre a chèile, agus cha robh fios aig a' chuid bu mhòr c'ar son a thainig iad cuideachd.

33 Agus tharruing iad a mach Alecsander as an t-sluaigh, air bhi do na h-Iudhachaidh 'ga iomain rompa. Agus smèid Alecsander le làmh, agus b' àill leis a leithsgeul aghabhail ris an t-sluaigh.

34 Ach an uair a thuig iad gu'm b'Iudhach e, rinneadh àrd iolach leo uile mu thimchioll uime dhà uair, a' glaothaich, Is mòr Diana nan Ephesianach.

35 Agus an uair a chiùnaich an cléireach e an sluaigh, thubhairt e, Fheara Ephesus, cò an duine aig nach 'eil fios gu bheil cathair nan Ephesianach a' deanamh aoraidh do'n bhain-dia mhòir Diana, agus do'n dealbh a thuit a nuas o Iupiter?

36 Air an aobhar sin do bhrigh

nach fheadar cur an aghaidh nan nithe so, is còir dhuibhse bhi ciùin, agus gun ni sam bith a dheanamh gu h-obann.

37 Oir thug sibh an so na daoine so, ge nach 'eil iad a' creachadh theampull, no a' toirt toibheim d'ar bain-dia.

38 Uime sin ma ta aig Demetrius agus aig an luchd-ceird a ta maille ris, cùis an aghaidh neach air bith, tha'n lagh réidh dhoibh, agus tha uachdarain ann ; agradh iad a chèile.

39 Ach ma ta ceisd sam bith agaibh mu nithibh eile, réitichear sin ann an coimhthional dligeach.

40 Oir tha sinn an cunnart bhi air ar n-agairt air son ceannaire air an là'n diugh, do bhrigh nach 'eil cùis sam bith againn a dh'fheudas sinn a thoirt seachad mar aobhar a' chruinneachaidh so.

41 Agus air dha so a ràdh, sgaoil e an coimhthional.

#### CAIB. XX.

**A** G U S an déigh do'n chomh-ghàire sgar, ghairm Pòl na deisciobuil d'a ionnsuidh, agus air dha a chead a ghabhail diubh, thriall e gu dol do Mhacedonia.

2 Agus air dha dol tre na crìochaidh sin, agus mòr earail a dheanamh orra, thainig e do'n Ghréig.

3 Agus dh'fhan e an sin trì mìosan : agus an uair a bha na h-Iudhaich ri feall-fholach air a shon, agus e air tih dol air luing do Shiria, chuir e roimhe pilltinn tre Mhacedonia.

4 Agus chaidh 'na chuideachd gu h-Asia, Sopater o Bherea ; agus do mhuinntir Thesalonica, Aristarchus agus Secundus ; agus Gaius o Dherbe, agus Timoteus ; agus do mhuinntir na h-Asia, Tichicus agus Trophimus.

5 Air dhoibh so imeachd romhainne, dh'fheith iad ruinn ann an Troas.

6 Agus sheòl sinn o Philipi, an déigh làithean an arain neo-ghoirtichte, agus thainig sinn d'ann ionnsuidhsan gu Troas ann an cùig làithibh, far an d'fhan sinn seachdain.

7 Agus an ceud là do'n t-seachdain, air do na deisciobluibh cruinneachadh an ceann a chèile a bhriseadh arain, shearmonaich Pòl doibh, air bhi fuidhe i imeachd uatha

e bhuaireas.

f an glucadh

a saibhreas. b air bheag nithe.

'na uchd.

g a luidhe am fot-

c Cléireach-scrìobhaidh a' bhaile.

ach, am plaid.

h a rùn air.

d baile.

i agus a rùn air.

air an là màireach, agus lean e air labhairt gu meadhon-oidhche.

8 Agus bha mòran lòchran anns an t-seomar uachdarach, far an robh iad cruinn.

9 Agus bha òganach àraidh, d'am b'ainm Eutichus, 'na shuidhe ann an uinneig, air tuiteam gu trom 'na chodal: agus air do Phòl bhi rè fad a' searmonachadh, shàruicheadh leis a' chodal e, agus thuit e sìos o'n treas lobhta, agus thogadh marbh e.

10 Agus chaidh Pòl sìos, agus thuit e air, agus air dha a glacadh 'na uchd, thubhairt e, Na biodh trioblaid a oirbh; oir a ta anam ann.

11 Agus air dol suas da a ris, bhris e aran agus dlùth e, agus labhair e riù rè ùine fhada, eadhon gu teachd na maidne, agus mar sin dh'fhalbh e.

12 Agus thug iad leo an t-oganach agus e beo, agus rinn iad gairdeachas nach bu bheag.

13 Agus air dhuinne imeachd air thoiseach chum na luinge, sheòl sinn gu Asos, fa rùn Pòl a ghabhail a steach an sin; oir is ann mar sin a dh'orduich e, a' cur roimhe gu'n imicheadh e féin d'a chois.

14 Agus an uair a choinnich e sinn aig Asos, ghabh sinn a steach e, agus thainig sinn gu Mitilene.

15 Agus air seòladh dhuinn as sin, thainig sinn air an là màireach fa chomhair Chiois; agus air an latha 'na dhéigh sin thainig sinn gu Samos, agus dh'fhan sinn aig Trogiillum; agus air an latha b'fhaisge thainig sinn gu Miletus.

16 Oir chuir Pòl roimhe seòladh seach Ephesus, chum nach tarladh dha moille a dheanamh anns an Asia: oir bha deifir air b, chum nam feudadh e, bhi ann an Ierusalem air latha na Cuingeis.

17 Agus air cur fios o Mhiletus gu b-Ephesus, ghairm e d'a ionnsuidh seanairean na h-eaglais.

18 Agus an uair a thainig iad d'a ionnsuidh, thubhairt e riù, Tha fhios agaibh, cionnus a bha mi 'nar measg anns an uile aimsir, o'n cheud là a thainig mi do'n Asia.

19 A' deanamh seirbhis do'n Tigh-earn leis gach uile irioslachd inntinn, agus maille ri mòran dheur, agus dheuchainnean, a thachair dhomh le ceilg nan Iudhach:

20 Agus cionnus nach do ghleidh mi ni sam bith am folach a bha feumail dhuibhse, gun a nochdadh dhuibh, agus gun sibhse a theagasg am follas, agus o thigh gu tigh.

21 A' deanamh fianuis araon do

na h-Iudhaich, agus do na Greug-aich, mu aithreachas a thaobh Dhé, agus mu chreidimh a thaobh ar Tigh-earna Iosa Criosd.

22 Agus a nis feuch, a ta mi dol gu Hierusalem ceangailte san Spiorad, gun fhios agam ciod iad na nithe a tharlas dhomh an sin:

23 Ach a mhàin gu bheil an Spiorad naomh a' deanamh fianuis anns gach baile, ag ràdh, Gu bheil geimhlichean agus trioblaiden a' feitheamh orm.

24 Ach cha 'n'eil suim agam do mí air bith, ni mò mheasam m'anam féin luachmhor dhomh, chuun gu crìoch-naich mi mo thurusd le h-aobhneas, agus gu coimhion mi a' mhinistreibh eachd a fhuair mi o'n Tighearna Iosa, a dheanamh fianuis do shoisgeul gràis Dhé.

25 Agus a nis feuch, a ta fhios agam nach faic sibhse uile, measg an d'imich mise a' searmonachadh rioghachd Dhe, mo ghnùis ni's mò.

26 Uime sin a ta mi a' deanamh fianuis duibh e air an là'n diugh, ga bheil mise glan o fhuil nan uile.

27 Oir cha do sheachainn mi uile chomhairle Dhé fhoillseachadh dhuibh.

28 Air an aobhar sin thugaibh aire dhuibh féin, agus do'n treud uile, air an d'rinn an Spiorad naomh luchd-coimheadf dhuibh, a bheathachadh eaglais Dhé, a cheannaich e le fhuil féin.

29 Oir a ta fhios agamsa air so, an déigh m' imeachdsa gu'n d'thig madruidh-allaidh gharga 'nar measg, nach caomhain an treud.

30 Agus éiridh daoine dhuibh féin, a labhras nithe siara, chum deisciobuil a thharuing 'nan déigh féin.

31 Uime sin deanaibh faire, a' cuimhneachadh nach do sguir mise rè tìri bliadhna, a chomhairleachadh gach aon agaibh a là agus a dh'oidhche le deuraibh.

32 Agus a nis, a bhràithre, earbham sibh ri Dia, agus ri focal a ghràis, a ta comasach air bhur togail suas, agus oighreachd a thoirt duibh ara measg na muinntir sin uile, a ta air an naomhachadh.

33 Cha do shanntaich mi airgid, no òr, no eudach duine sam bith.

34 Seadh, is aithne dhuibh féin, gu'n do fhrithheil na làmhnan so do m'uireasbhuidh féin, agus do'n mhuinntir sin a bha maille rium.

c àmhghair. d thriall, chùrsa.  
e gabham sibhse mar fhiannuisibh.  
f easbuigean. g eaglais an Tighearna.



35 Nochd mi na h-uile nithe dhuibh, gur ann le sàothrachadh mar so is coir dhuibh còmhnaidh a dheanamh riu-san a ta aumhunn<sup>a</sup> : agus focail an Tighearna Iosa a chuimhneachadh, mar a thubhairt e, *The e nì's beannuichte nì a thabhairt na ghabhail.*

36 Agus air dha na briathra so a ràdh, leig se e fein air a ghluinibh, agus rinn e ùnuigh maille riu uile.

37 Agus ghuid iad uile gu goirt, agus thuit iad air muineal Phòil, agus phòg iad e.

38 Air dhoibh bhi gu h-àraidh brònach air son nam briathar so a thubhairt e, Nach faiceadh iad a ghnùis-san nì's mò. Agus thug iad còimheadachd dha chum na luinge.

## CAIB. XXI.

**A** GUS air dhuinn dealachadh riu-san, sheòl sinn romhainn, agus thainig sinn gu dìreach gu Coos, agus air an là màireach gu Rhodos, agus as sin gu Patara.

2 Agus air dhuinn long fhaotainn, a bha a' gabhail thairis gu Phenicia, chaidh sinn air bord, agus sheòl sinn romhainn.

3 Agus air dhuinn teachd an sealladh Chipruis, agus fhàgail air an làmh chli, sheòl sinn gu Siria, agus thainig sinn tìr aig Tirus : oir is ann an sin a bha an long gus a luchd a chur a mach.

4 Agus air dhuinn deisciobuil fhaotainn, dh'fhan sinn an sin seachd làithean : muinntir a thubhairt ri Pòl tre'n Spiorad, gun e dhol suas gu Hierusalem.

5 Agus an uair a chrìochnaich-eadh na làithean sin, chaidh sinn a mach, agus thrial sinn romhainn, agus thainig iadsan uile maille ri mnaibh agus ri cloinn 'nar cuid-seachd, amachas a' bhaile : agus leig sinn air ar gluinibh sinn air an tràigh agus rinn sinn ùrnuigh.

6 Agus an dèigh dhuinn ar cead a ghabhail d'a chèile, chaidh sinn do'n lning; agus phill iadsan d'an tighibh fein.

7 Agus an uair a chrìochnuich sinn ar turas<sup>b</sup> o Thirus, thainig sinn gu Ptolemais, agus chuir sinn fàilte air na bràithribh, agus dh'fhan sinn aon latha maille riu.

8 Agus air an là màireach, air dhuinne, a bhad e chuideachd Phòil, imeachd, thainig sinn gu Cesarea; agus chaidh sinn a steach do thigh Philip an t-soisgeulaiche, (a bha do'n t-seachdnar) agus dh'fhan sinn aige.

9 Agus bha ceathrar nighean aigesan, òighean, a bha ri fàidhead-aireachd.

10 Agus ag fantuinn duinn mòran do làithibh an sin, thainig a nuas o Iudea fàidh àraidh, d'am b'ainm Agabus.

11 Agus air teachd dha d'ar ionn-suidhne, ghabh e crios Phòil, agus cheangail e a làmhnan agus a chosan fein, agus thubhairt e Mar so a deir an Spiorad naomh, Is ann mar so a cheanglas na h-Iudhaich ann an Ierusalem an duine d'am buin an crios so, agus bheir iad thairis e do làmh-aibh nan Cinneach.

12 Agus an uair a chuala sinne na nithe so, ghuidh sinn fein agus muinntir an àite air, gun e dhol suas gu Hierusalem.

13 An sin fhreagair Pòl, Ciod is ciall duibh a' gul, agus a' briseadh mo chridhe? oir a ta mise ullamh cha'n e mhàin gu bhi air mo cheangal, ach eadhon gu bàsachadh ann an Ierusalem air son ainme an Tighearna Iosa.

14 Agus an uair nach gabhadh e comhairle, sguir sinne, ag ràdh, Deanar toil an Tighearna.

15 Agus an dèigh nan làithean so air dhuinn bhi ullamh e, chaidh sinne suas gu Hierusalem.

16 Agus chaidh mar an ceudna maille ruinn cuid do na deisciobluibh o Chesarea, a 'toirt leo Mhna-soin o Chiprus, seann deisciobul àraidh aig an robh sinn gu bhi air aoidheachd.

17 Agus an uair a thainig sinn gu Hierusalem, ghabh na bràithre ruinn gu subhach.

18 Agus air an ath là, chaidh Pòl maille ruinne dh'ionnsuidh Sheumais; agus bha na seanairean uile a làthair.

19 Agus air dhasan fàilte chur orra chuir e'n céill doibh fa leth na nithe a rinn Dia le mhinistireil-eachdsan am measg nan Cinneach.

20 Agus an uair a chual iadsan so, thug iad glòir do'n Tighearn d, agus thubhairt iad ris-san, Tha thu faicinn, a bhràthair, cia lìon mìle do'na h-Iudhachaibh a ta creidsinn, agus tha iad uile ro eudmhor mu'n lagh.

21 Agus chual iad umadsa, gu bheil thu teagasg do na h-Iudhachaibh uile a ta measg nan Cinneach, Maois a thrèigsinn, ag ràdh riu, Nach coir dhoibh an clann a thim-

<sup>a</sup> lag. <sup>b</sup> triall, taisdeal, cùrsa.

<sup>c</sup> thog sinn ar n-airneis, agus &c. <sup>d</sup> do Dhia.

chioll-gherradh, no gluasad a réir nan gnáth<sup>a</sup>.

22 Ciod uime sin a nithear? Gun teagamh 's éigin do'n t-sluagh cruinneachadh; oir cluinnidh iad gu'n d'thainig thu.

23 Uime sin dean so a deir sinne riut: Tha ceathrar fhear maille ruinne, air am bheil moid:

24 Beir iadsan leat, agus bi air do ghlanadh maille riu, agus dean costus<sup>b</sup> leo, chum gu bearr<sup>c</sup> iad an cinn: agus gu'm bi fhios aig na h-uile nach 'eil ach neo-ni anns na chual iad mu d' thimchiollsa, ach gu bheil thu féin mar an ceudna ag im-eachd gu riaghailteach, agus a coimhead an lagha.

25 Ach mu thimchioll nan Cinn-each a chreid, scriobh sinne agus b'i ar breth, gun iad a ghleidheadh a h-aon do na nithibh sin, ach a mhàin iad féin a choimhead o nithibh a chaidh iobradh do iodholaidh, agus o fhuil, agus o ni tachdta, agus o strìopachas.

26 An sin ghabh Pòl na daoine; agus air an là maireach air dha bhi air a ghlanadh maille riu, chaidh e steach do'n teampull, a' foillseachadh coimhlionaidd làithean a ghlanaidh, gus an d' thugtadh tabhartas air son gach aon aca.

27 Agus an uair a bha na seachd làithean air bheag nith<sup>d</sup> air an coimhlionadh, air do na h-Iudhach-aibh o'n Asia esan fhaicinn san teampull, bhrosnaich iad am pobull uile, agus chuir iad làmh ann,

28 Ag éigheach, Fheara Israeil, cuidichibh: is e so an duine a ta teagasg nan uile dhaoine anns gach àit an aghaidh a' phobuill, agus an lagha, agus an àite so: agus os barr, thug e steach Greugaich do'n teampull, agus shalaich e'n t-ionad naomha so.

29 (Oir chunnaic iad Trophimus an t-Ephesianach roimhe sin anns a' bhaile maille ris, agus shaoil iad gu'n d'thug Pòl a steach do'n teampull e.)

30 Agus ghluaiseadh am baile gu h-ìomlan, agus ruith an sluagh cuid-eachd: agus air dhoibh breith air Pòl, tharruingiad a mach as an teampull e: agus air ball dhùineadh na dorsa.

31 Agus an uair a b'àill leo a mharbhadh, chaidh sgeula dh'iom-suidh àrd cheannaird na cuideachd, gu'n robh Ierusalem uile thar a chéile<sup>e</sup>.

32 Neach air ball a thug leissaigh-dearan, agus ceannardan-cheud, agus a ruith sìos d'an ionnsuidh: Agus an uair a chunnaic iadsan an t-àrd cheannard agus na saighdearan, sguir iad do bhualadh Phòil.

33 Ansin thainig an t-àrd cheannard am fagus agus rug e air, agus dh'àithn e a cheangal le dà shlabh-raidh; agus dh'fhiosraich e, Cò e, agus ciod a rinn e.

34 Agus ghlaodh aon chuid am measg an t-sluaigh aon ni, agus cuid eile ni éile: agus an uair nach robh e an comas da cinnteachd na cùise a thuigsinn air son na h-àrd bhruidhne, dh'orduich e esan a thoirt do'n chaisteal.

35 Agus an uair a thainig e chum na staidhreach, tharladh gu'n do ghiùlaineadh e leis na saighdearaibh, air son foireigin an t-sluaigh.

36 Oir lea<sup>f</sup> am mòr shluagh e, a' glaochadh, Beir uainn e.

37 Agus an uair a bha Pòl gu bhi air a thoirt a steach do'n chaisteal, thubhairt e ris an àrd cheannard, An cead domhsa ni a labhairt riut? agus thubhairt esan, An labhair thu Greigis?

38 Nach tusa an t-Eiphiteach sin, a thog ceannaire roimh na làithibh so, agus a thug leat do'n fhàsach ceithir mìle fear, a bha 'nan luchd-mortaidd?

39 Ach thubhairt Pòl, Is duine mise a tha m' Iudhach gun anharas o Tharsus, saor dhùine do bhaile ro inbheach am an Cilicia: agus guidheam ort, thoir cead domh labhairt ris an t-sluagh.

40 Agus an uair a thug e cead da, Air do Phòl seasamh air an staidhir, sméid e le làmh air an t-sluagh, ag iarraidh éisdeachd: agus air fantuinn ro thosdach dhoibhsan, labhair e riu sa' chànain Eabhruidhich, ag ràdh,

## CAIB. XXII.

**I**NHEARA, a bhràithre, agus aithriche, éisdibhse ri m' dhion-chainnt<sup>f</sup> ribh a nis:

2 (Agus an uair a chual iadsan gu'n do labhair e riu sa' chànain Eabhruidhich, bu mhòid a thosd iad: agus thubhairt esan,)

3 Is Iudhach mise do rìreadh, a rugadh ann an Tarsus na Cilicia, ach a dh'oileadh e sa' bhaile so, aig cos-aibh Ghamaliel, agus a theagaisg-eadh gu coimhlionta a réir gnàtha lagha nan aithriche, agus bha mi eudmhor a thaobh Dhé, mar a ta sibhse uile an diugh.

4 Agus rinn mi geur-leanmhuinn

<sup>a</sup> a réir gnàthanna [an lagha.]

<sup>b</sup> caitheamh, cosgus. <sup>c</sup> lom.

<sup>d</sup> cha mhòr. <sup>e</sup> fa bhuaireas.

<sup>f</sup> mo leithsgeul. <sup>g</sup> thogadh suas.

gu bàs air an t-slighe so, a' ceangal fhear agus bhan, agus 'gan tarruing gu prìosun :

5 Mar a nì an t-àrd shagart mar an ceudna fianuis domh, agus comhairle nan seanair uile ; o'n d'fhuair mise mar an ceudna litriche chum nam bràithre, agus chaidh mi gu Damascus, chum an dream a bha'n sin a thoirt ceagailte gu Hierusalem, chum gu deantadh peanas orra.

6 Agus tharladh, air dhomh bhì 'g àrceachd, agus a' druideadh ri Damascus mu mheadhon-là, gu'n do dhealraich gu h-obann o nèamh solus mòr mu'n cuairt orm.

7 Agus thuit mi air an talamh, agus chuala mi guth ag ràdh, A Shaul, a Shaul, c'ar son a ta thu 'gam gheur-leanmhuinnse?

8 Agus fhreagair mise, Cò thu, a Thighearn? Agus thubhairt e rium, is mise Iosa o Nasaret, air am bheil thus a' deanamh geur-leanmhuinn.

9 Agus chunnaic na daoine a bha maille rium an solus gu deimhin, agus ghabh iad eagal ; ach cha chual iad guth an ti a labhair riumsa.

10 Agus thubhairt mise, Ciod a nì mi, a Thighearn? Agus thubhairt an Tighearn rium, Eirich, agus imich gu Damascus, agus an sin labhrar riut mu thimchioll nan nìthe sin uile a dh'orduicheadh dhuits' a' dheanamh.

11 Agus an uair nach bu léir dhomh tre ghlòir an t-soluis sin, air dhomh bhì air mo threòrachadh air làimh leosan a bha maille rium ; thainig mi gu Damascus.

12 Agus air do dhuine àraidh *d'am b'ainm* Ananias, a bha cràbhach a réir an lagha, agus air an robh deadh theisteach aig na h-Iudhachaibh uile a bha chòmhnuidh an sin,

13 Teachd an' ionnsuidh, agus seasamh làimh rium, thubhairt e rium, A Shaul a bhràthair, gabh do radharc Agus air an uair sin féin dh'amhairc mi suas air.

14 Agus thubhairt esan, Thagh Dia ar n-aithriche roimh-làimh thusa, chum gu'n gabhadh tu eòlas air a thoil, agus gu'm faicheadh tu an t-Aon-òthromach sin, agus gu'n cluinn-eadh tu guth as a bheul.

15 Oir bithidh tu a't'fhianuis aige chum nan uile dhaoine, air na nithibh a chunnaic agus a chuala tu.

16 Agus a nis c'ar son a ta thu a' deanamh moille? Eirich, agus bi air do bhaisteadh, agus ionnlaid uait do pheacanna, a' gairm air ainm an Tighearna.

17 Agus tharladh, 'nuair a phill mise gu Hierusalem, agus a bha mi

a' deanamh ùrnuigh san teampull, gu'n deachaidh mi ann an neul,

18 Agus gu'm faca mi esan ag ràdh rium, Dean deifir, agus imich gu grad a Hierusalem ; oir cha ghabh iad ri d' theisteach mu m' thimchiollsa.

19 Agus thubhairt mise, A Thighearn, tha fhios aca gu robh mise a' tilgeadh am prìosun, agus a' sgiùrsadh anns gach sionagog iadsan a chreid annadsa.

20 Agus an uair a dhòirteadh fuil do mhairtirich<sup>a</sup> Stephain, bha mise mar an ceudna a'm<sup>b</sup> sheasamh a làthair, agus ag aontachadh leis a mharbhadh, agus a' coimhead eudaich na muinntir a mharbh e.

21 Agus thubhairt e rium, Imich : oir cuiridh mise thu am fad chum nan Cinneach.

22 Agus dh'éisd iad ris gus an fhocal so, agus thog iad an sin an guth gu h-àrd, ag ràdh, Beir o'n talamh a leithid so do dhuine ; oir cha chòir e bhì beo.

23 Agus an uair a bha iadsan ag éigheach, agus a' tilgeadh dhiubh an eudaich, agus a' tilgeadh luathrean atharb<sup>b</sup>.

24 Dh'àithn an t-àrd cheannard esan a thoirt do'n chaisteal, ag orduchadh a cheasnachadh le a sgiùrsadh ; chum gu faigheadh e fios ciod i a' choire mu'n robh iad a' glaodhaich mar sin 'na aghaidh.

25 Agus an uair a bha iad 'ga cheangal le iallaibh, thubhairt Pòl ris a' cheannard ceud a sheas a làthair, Am bheil e ceaduidhte dhuibhse duine a ta 'na Romhanach a sgiùrsadh, agus gun e air a dhèteadh?

26 Agus an uair a chual ann ceannard-ceud so, dh'imich e agus dh'innis e do'n àrd cheannard, ag ràdh, Thoir fainear ciod a nì thu ; oir is Romhanach an duine so.

27 An sin air teachd do'n àrd cheannard d'a ionnsuidh, thubhairt e ris, Innis dombsa, an Romhanach thu? Agus thubhairt esan, Is mi.

28 Agus fhreagair an t-àrd cheannard, Is mòr an t-suim air an do cheannaich mise an t-saorsa so. Agus thubhairt Pòl, Ach rugadh mise saor.

29 An sin dh'imich iadsan uaithe air ball a bha gus a cheasnachadh ; agus ghabh an t-àrd cheannard mar an ceudna eagal 'nuair a thuig e gu'm bu Romhanach e, agus a chionn gu'n do cheangail se e :

30 Agus air an là màireach, air dha bhì togarrach air fios cinnteach

<sup>a</sup> t' fhianuis-se.

<sup>b</sup> aidhear.

fhaotainn ciod i a' choire a bha na h-Iudhaich a' curas a leth, dh'fhuasgail se e o a chuibhreachaibh, agus dh'aithn e do na h-àrd shagairt a bh agus d'an comhairle uile teachd a làthair, agus air dha Pòl a thoirt sìos, chuir e 'nam fianuis e.

CAIB. XXIII.

**A** GUS air dearcadh do Phòl air a' chomhairle, thubhairt e, Fheara agus abhràithre, anns an uile dheadh choguis chaith mise mo bbeatha a thaobh Dhé gus an là'n diugh.

2 Agus dh'aithn an t-àrd shagart Ananias dhoibhsan a bha 'nan seasamh làimh ris, a bhualadh air a bheul.

3 An sin thubhairt Pòl ris, Buailidh Dia thusa, a bhalla ghealaichte: oir am bheil thusa a'd' shuidhe a thoirt breth ormsa a réir an lagha, agus an aghaidh an lagha ag ordughadh mo bhualadh?

4 Agus thubhairt iadsan a sheas làimh ris, Am bheil thusa a' toirt anacainnta do àrd shagart Dhé?

5 An sin thubhairt Pòl, Cha robh fhios agam, a bhràithre, gu'm b'e an t-àrd shagart e: oir a ta e sgrìobhta, Na labhair olc mu uachdaran do phobuill.

6 Ach an uair a thuig Pòl, gu robh cuid diubh 'nan Sadusaich, agus a' chuid eile 'nam Phairisich, ghlaodh e anns a' chomhairle, Fheara agus a bhràithre, is Phairiseach mise, mac Phairisich: is ann a leth dòchais agus aiseirigh nam marbh, a tha mi air mo thoirt am breitheanas.

7 Agus air dhasan so a labhairt, dh'éirich comhstriobh eadar na Phairisich agus na Sadusaich: agus roinneadh an coimhthional an aghaidh a chéile.

8 Oir a deir na Sadusaich nach 'eil aiseirigh, no aingeal, no spiorad ann; ach a ta na Phairisich ag aideachadh gach aon diubh e.

9 Agus dh'éirich gàird mhòr: agus air seasamh suas do na sgrìobhuichibh, a bha air taobh nam Plairiseach, chathaich iad 'nan aghaidh, ag ràdh, Cha 'n'eil sinne faotainne cron air bith san duine so: ach ma labhair spiorad no aingeal ris, na cogamaid an aghaidh Dhé.

10 Agus an uair a dh'éirich cònsachadh mor eatorra, air do'n àrd cheannard bhi fa eagal gu'n rachadh Pòl a tharruing as a chéile leo, dh'aithn e do na saighdearaibh dol sìos, agus esan a thogail leis an

làimh làidir as an meadhon, agus a thoirt do'n chaisteal.

11 Agus air an oidhche 'na dhéigh sin, sheas an Tighearn làimh ris, agus thubhairt e, Biodh misneach mhaith agad, a Phòil; oir mar a rinn thu fianuis a'm' thimchiollsa ann an Ierusalem, is amhuil sin is éigin dait fianuis dheanamh anns an Roimh.

12 Agus air teachd do'n là, chruinnich dream àraidh do na h-Iudhaich aibh an ceann a chéile, agus chuir siad iad féin fa mhallachadh, ag ràdh, nach itheadh agus nach oladh iad gus am marbhadh iad Pòl.

13 Agus bha iad os cionn dà fhichead fear, a rinn an coimh-mhionnachadh so.

14 Agus thainig iad chum nan àrd shagart, agus nan seanair, agus thubhairt iad, Chuir sinn sinn féin fa àrd mhallachadh, nach blaiseamaid ni sam bith gus am marbhamaid Pòl.

15 A nis uime sin iarraibh se maille ris a' chomhairle air an àrd cheannard, gu'n d'thugadh e d'ar ionnsuidhs' e am màireach, mar gu biodh a rùn oirbh fios fhaotainn ni bu choimhionta air ni éigin m'a thimchioll: agus tha sinne deas chum esan a mharbhadh, mu'n d'thig e'm fagus duibh.

16 Agus an uair a chuala mac peathar Phòil am feall-fholach so, thainig e, agus air dha dol a steach do'n chaisteal, dh'innis e sin do Phòl.

17 An sin ghairm Pòl d'a ionnsuidh aon do na ceannardaibh-cheud, agus thubhairt e, Thoir an t-òganach so chum an àrd cheannard; oir a ta ni àraidh aige r'a innseadh dha.

18 An sin thug e leis e, agus thredraich se e chum an àrd cheannard, agus thubhairt e, Ghairm Pòl am prìosunach mise d'a ionnsuidh, agus ghuidh e orm an t-òganach so thoirt a t'ionnsuidhse, aig am bheil ni-eigin r'a innseadh dhuit.

19 An sin rug an t-àrd cheannard air a làimh, agus chaidh e a leth-taobh an uaigneas maille ris, agus dh'fhiosraich e dheth, Ciod a tha agad r'a innseadh dhomhsa?

20 Agus thubhairt esan, Rinn na h-Iudhaich comhairle iarraidh ortsa, gu'n d'thugadh tu Pòl am màireach do'n chomhairle, mar gu'm biodh iad gu rannsachadh ni's géire a dheanamh air ni-eigin m'a thimchioll.

21 Ach na aontaich thusa leo: oir a ta os cionn dà fhichead fear dhiubh

a càineadh. b Cha d'thug mi fainear. c 'gan aideachadh le chéile. d iolach. e faghail, faghainn.

f rinn dream àraidh do na h-Iudhaich comh-bhann r'a chéile. g plaid-luidhe.



ri feall-fholach 'na aghaidh, a chuir iad féin fa mhallachadh, nach ith agus nach òl iad gus am marbh iad e: agus a nis tha iad ullamh, a feitheamh re gealladh uaitse.

22 An sin leig an t-àrd cheannard uaith an t-òganach, agus dh'àithn e dha, ag ràdh, *Feuch*, nach innis thu do neach sam bith, gu'n d'fhoillsich thu na nithe so dhomhsa.

23 Agus ghairm e d'a ionnsuidh dà cheannard-ceud, agus thubhairt e, Ulluichibh dà cheud saighdear a théid gu Cesarea, agus deich agus tri fichead marcach, agus dà cheud fear-sleadha, air an treas uair do'n oidhche.

24 Agus ulluichibh eich, chum air dhoibh Pòl a chur orra, gu'n toir iad e gu tèaruinte chum an uachdarain Felics.

25 Agus scrìobh e litir air a' mhodh so:

26 Beatha agus slàinte o Chlaudius Lisias, chum an uachdarain ro oirdheirc Felics.

27 Ghlacadh an duine so leis na h-Iudhachaibh, agus an uair a bha iad air tì a mharbhadh, thainig mise orra le saighdearaibh, agus thug mi dhiubh e, a' tuigsinn gu'm bu Romh-anach e.

28 Agus air dhomh bhi toileach air fios an aobhair fhaotainn, air son an d'agair iad e, thug mi sìos e chum an comhairle-san:

29 Agus thug mi gu'n robh e air agairt mu cheisdibh d'an lagh féin, gun ni sam bith air a chur as a leth a b'airidh air bàs no air ceanglaichibh.

30 Ach an uair a dh'innseadh dhomh gu'n robh na h-Iudhaich gu feall a chaitheadh air an duine, air ball chuir mi a' t'ionnsuidhs' e, agus thug mi àithne mar an ceudna d'a luchd-casaid, gach cuis a bha aca 'na aghaidh a chur an céill a'd' làthairse. Slàn leat.

31 An sin air do na saighdearaibh Pòl a ghabhail, a réir mar a dh'àithneadh dhoibh, thug iad san oidhche e gu Antipatris.

32 Agus air an là maireach leig iad do'n mharc-shluagh dol leis, agus phill iad féin do'n chaisteal.

33 Agus an uair a chaidh iad a stigh do Chesarea, agus a thug iad an litir do'n uachdaran, chuir iad mar an ceudna Pòl 'na fhianuis.

34 Agus an uair a leugh an t-uachdaran an litir, dh'fhiosraich e cò an dùthaich o'n robh e. Agus an uair a thuig e gur ann o Chìlicia bha e.

35 Thubhairt e, Eisdidh mi riut, 'nuair a thig do luchd-casaid mar an

ceudna. Agus dh'àithn e esan a choimhead ann an talla-breitheanais Heroid.

## CAIB. XXIV.

**A** GUS an ceann chùig làithean 'na dhéigh sin, chaidh Ananias an t-àrd-shagart sìos maille ris na seanairibh, agus ri Tertullus fear-tagraidh a àraidh, muinntir a nochd iad féin an làthair an uachdarain an aghaidh Phòil.

2 Agus an uair a ghairmeadh a mach e, thòisich Tertullus air a chasaid, ag ràdh, Do bhrìgh gu bheil sinn tridsa a' mealtuinn mòr shìochaint, agus gu'n d'rinneadh iomadh deadh ghlomh do'n chianeach so tre do ghliocas-sa.

3 Tha sinne gabhail ri so, anns gach àm agus gach àit, Fhelics ro oirdheirc, maille ris gach uile bhuidheachas.

4 Ach, chum nach cuirinn mòr mhoille ort, guidheam ort, do d' shuarceas gu'n éisd thu rinn gu h-athghaoraid.

5 Oir fhuair sinn am fear so 'na phlàigh, agus a' dùsgadh<sup>b</sup> nan Iudhach uile gu ceannaire air feadh an domhain, agus 'na cheann-feadhna do luchd saobh-chreidimh nan Nasarenach.

6 Neach mar an ceudna a thogair an teampall a shalachadh; agus a ghlac sinne, agus b'àill leinn breth a thoirt air a réir ar lagha féin.

7 Ach air teachd do Lisias an t-àrd cheannard oirn, thug é le mòr ainneart as ar làmbaibh e,

8 Ag àithneadh d'a luchd-casaid teachd a'd' ionnsuidhs; neach o'm feud thu le a cheasnachadh, fios fhaotinn air na h-uile nithibh a tha sinne a' cur as a leth.

9 Agus dh'aontaich na h-Iudhaich mar an ceudna, ag ràdh, Gu'n robh na nithe sin mar sin.

10 An sin air do'n uachdaran sméideadh air Pòl e a labhairt, fhreagair esan, Is mòid mo mhisneach gu freagairt air mo shon féin, gu bheil fhios agam gu robh thusa rè mòrain bhliadhna a'd' bhreith-eamh air a' chinneach so:

11 Oir feudaidh tu fios fhaotainn, nach mòr na dà latha dheug o chaidh mi suas gu Hierusalem a dheanamh aoraidh.

12 Agus cha d'fhuair iad mi a' deasboireachd ri aon neach san teampull, no a' brosnachadh an t sluaigh gu ceannaire, aon chuid sna sionagogaibh, no anns a bhaile.

13 Ni mòr is urrainn iad na nithe

a cainnt-fhear. b brosnachadh.

sin a dhearbhadh a tha iad a' cur as mo leth.

14 Ach aidicheam so dhuitse, gur ann a réir na slighe sin ris an abair iadsan saobh-chreidimh, a dheanamsa aoradh do Dhia m'aithriche, a' creidsinn nan uile nithe a ta scriobhta san lagh agus anns na fàidhibh:

15 Agus a ta dòchas agam an Dia, ris am bheil sùil mar an ceudna aca féin, gu'n d'thig aiseirigh nam marbh, nam fìrean araon agus nan neo-fhìrean.

16 Agus an so saothraicheam a ghnàth coguis a neo-lochdach a bhi agam thaobh Dhé, agus a thaobh dhaoine.

17 A nis an déigh mòrain bhliadha, thainig mi a thoirt déirce chum mo chinnich, agus thabhartas.

18 Air a so fhuair Iudhaich àraidh o'n Asia mi air mo ghlanadh san teampull, gun sluagh, gun bhuair-eas.

19 Muiantir d'am bu chòir bhi'n so a'd' làthairse, agus m'agairt, nam biodh ni sam bith aca a'm' aghaidh.

20 No abradh iad so féin, ma fhuair iad eucoir<sup>b</sup> sam bith annamsa, 'nuair a sheas mi an làthair na comhairle.

21 Mur h-ann a mhàin air son an aon fhocail so, a ghlaodh mi a'm' sheasamh 'nam measg, Gur ann air son aiseirigh nam marbh, a ta mi air mo thoirt gu breitheanas leibhse an diugh.

22 Agus an uair a chuala Felics na nithe so, air dha eòlas ni bu dìongmhalta bhi aige air an t-slighe sin, chuir e air dàil iad, ag ràdh, 'Nuair a thig Lias an t-àrd cheannard a nuas, làn-rannsaichidh mi c' bhuir cùis.

23 Agus dh'àithne e do cheannard-ceud Pòl a ghleidheadh, agus e bhi fuasgailt' aige, agus gun neach d'a mhuantir féin a bhacadh o fhrith-ealadh dha, no téachd d'a ionnsuidh.

24 Agus an déigh làithean àraidh, 'nuair a thainig Felics maille r'a mhnai Drusilla, a bha 'na Ban-Iudhach, chuir e fios air Pòl, agus dh'éisde ris mu thimchioll a' chreidimh<sup>d</sup> ann an Crìosd.

25 Agus air dhasan bhi a' reusonachadh mu fhìreantachd, stuaim e, agus breitheanas ri teachd, ghabh Felics eagal mòr, agus fhreagair e,

Imich romhad an tràth-sa; 'nuair a bhios ùine agam, cuiridh mi fios ort.

26 Bha dùil aige mar an ceudna gu rachadh airgiod a thoirt da le Pòl, chum gu'm fuasgladh se e: uime sin chuir e fios air ni bu trice, agus labhair e ris.

27 Ach air do dhà bhliadna bhi air an coimhlionadh, thainig Porcius Festus an àit Fhelics: agus air do Fhelics bhi toileach comain a chur air na h-Iudhachaibh<sup>f</sup>, dh'fhàg e Pòl ceangailte.

#### CAIB. XXV

**A**NIS 'nuair a thainig Festus do'n mhòr-roinn<sup>g</sup>, an ceann trì làithean chaidh e suas o Chesarea gu Hierusalem.

2 Agus nochd an t-àrd shagart agus maithean nan Iudhach iad féin 'na làthair an aghaidh Phòil, agus chuir iad impidh air.

3 Ag iarraidh fàbhoir 'na aghaidh, gu'n cuireadh e fios air gu Hierusalem, agus iad a' dheanamh feall-fholach h chum esan a mharbhadh air an t-slighe.

4 Ach fhreagair Festus, Gu'm bu chòir Pòl a ghleidheadh ann an Cesarea, agus gu'n rachadh e féin an sin gu h-aithghearr.

5 Uime sin, ars' esan, rachadh iadsan 'nar measg a dh'fheudas, sìos maille riumsa, agus ma ta coire air bith san duine so, cuireadh iad sin as a leth.

6 Agus air dha fantuinn 'nam measg os cionn deich làithean, chaidh e sìos do Chesarea, agus air an là maireach shuidh e air a' chaithir-bhreitheanais, agus dh'àitlm e Pòl a thoirt a làthair.

7 Agus an uair a thainig esan, sheas na h-Iudhaich a thainig a nuas o Hierusalem m'a thimchioll, a' cur choireanna lìonmhora agus mòra a leth Phòil, nach b'urrainn iad a dhearbhadh:

8 Nuair a fhreagair esan 'ga sbaoradh féin, Cha d'rinn mi cionta sam bith an aghaidh lagha nan Iudhach, no'n aghaidh an teampull, no'n aghaidh Cheasair.

9 Ach air bhi do Fhestus togarrach air toileachas-inntinn a thoirt do na h-Iudhachaibh, fhreagair e Pòl, agus thubhairt e, An àill leatsa dol suas gu Hierusalem, agus an sin dol fa bhreitheanas thaobh nan nithe sin ann mo làthairse?

10 An sin thubhairt Pòl, Tha mi m' sheasamhaig caithir-breitheanais

<sup>a</sup> coimh-fhios, coinsiens.

<sup>b</sup> mi-ghnòmh.

<sup>c</sup> bithidh làn

fhios agam air.

<sup>d</sup> na creidimh.

<sup>e</sup> measarrachd.

<sup>f</sup> gnòmh taitneach a dheanamh da na h-Iudhachaibh.

<sup>g</sup> earrainn;

province. Sasg.

<sup>h</sup> pluid-luidhe.

Cheasair, far an coir breth a thoirt orra : air na h-Iudhachaibh cha d'rinn mi eucoir sam bith, mar is maith a ta fios agadsa.

11 Oir ma tha mi deanamh eucoir, agus ma rinn mi ni sam bith a thoill bàs, cha 'n eil mi diultadh bàs fhulang ; ach mur 'eil ni sam bith dhiubh sin *fìor* a tha iad so a' cur as mo leth, cha'n fheud duine sam bith mo thoirt thairis doibh<sup>a</sup>. Tha mi togail mo chùis gu Ceasar.

12 An sin an déigh do Fhestus labhairt ris a' chomhairle, fhreagair e, An do thog thu do chùis gu Ceasar ? Gu Ceasar théid thu.

13 Air dol do làithibh àraidh seachad, thainig Agripa an rìgh agus Bernice gu Cesarea a chur fàilte air Festus.

14 Agus air dhoibh mòran làithean a chaitheadh an sin, chuir Festus cùis Phòil an céill do'n rìgh, ag ràdh, Dh'fhàgadh duine àraidh le Felices 'na phrìosunach.

15 Air-san, an uair a bha mise ann an Ierusalem, rinn na h-àrd shagairt agus seanairean nan Iudhach casaid *rium*, ag iarraidh binne<sup>b</sup> 'na aghaidh.

16 D'an d'thug mise am freagradh so, Cha'n e gnàth nan Roinhanach duine sam bith a thoirt thairis chum millidh<sup>c</sup>, gus am bi aig an neach a tha air agairt, a luchd-casaid aghaidh ri h-aghaidh, agus gu'm bi cothrom aige air a féin a shaoradh o'n choire a chuireadh as a leth.

17 Uime sin an uair a thainig iad araon an so, gun mhoille sam bith shuidh mi air an là màireach sa' chaithir-bhreitheanais, agus dh'àithn mi'n duine a thoirt a làthair.

18 Agus an uair a sheas a luchd-tagraidh m'a thimchioll, cha do chuir iad coire air bith as a leth do na nithibh a shaoil mise :

19 Ach thug iad ceisdean àraidh 'na aghaidh mu thimchioll an creidimh<sup>d</sup> féin, agus mu thimchioll Iosa àraidh, a fhuair bàs, neach a thubhairt Pòl a bhì beo.

20 Agus a chionn gu robh mise amharusach mu thimchioll an leithid sin do cheisdeibh, dh'fheòrach mi dhethe am b'àill leis dol suas gu Hierusalem, agus an sin dol fa bhreitheanas mu na nithibh so.

21 Ach an uair a dh'iarr Pòl a choimhead gus am fiosraichteadh a

<sup>a</sup> cha'n fheud duine sam bith an toileachadh le mise a thoirt thairis doibh. <sup>b</sup> ditidh. <sup>c</sup> bàis.

<sup>d</sup> an saobh-chreidinnh.  
e thubhairt mi ris.

chùis-san le Augustus, dh'àithn mi e bhì air a ghleidheadh gus an cuirinn gu Ceasar e.

22 An sin thubhairt Agripa ri Festus, B'àill leamsa féin an duine so chluinntinn. Am maireach, a deir esan, cluinidh tu e.

23 Uime sin air an là màireach, 'nuair a thainig Agripa, agus Bernice, le mòr ghreadhnachas, agus a chaidh iad a steach 'maille ris na h-àrd cheannardaibh agus prìomh-dhaoibh na cathrach do'n ionad éisdeachd, air do Fhestus àithne a thoirt, thugadh Pòl a làthair.

24 Agus thubhairt Festus, A rìgh Agripa, agus sibhse a dhaoine uile a ta làthair an so maille ruinn, tha sibh a' faicinn an duine so, mu'n do chuir sluagh nan Iudhach uile impidh ormsa, araon ann an Ierusalem, agus an so, a' gladdhaich nach bu chòir e bhì ni b'fhaide beo.

25 Ach an uair a thuig mise nach d'rinn e ni sam bith a thoill bàs, agus a chionn gu'n do thog e féin a chùis gu Augustus, shoirraich mi a chur d'a ionnsuidh.

26 Mu nach 'eil ni sam bith cinnteach agam r'a scriobhadh chum mo Thighearna. Uime sin thug mi mach e d'ar ionnsuidhse, agus gu h-àraidh a'd' ionnsuidhse, a rìgh Agripa, chum an déigh rannsachadh a dheanamh, gu'm biodh agam ni eigin r'a scriobhadh.

27 Oir is mi-reusonta a 'm' bheachdsa prìosunach a chur uam, agus gun na cùisean a ta 'na aghaidh ainmeachadh.

## CAIB. XXVI.

**A**N sin thubhairt Agripa ri Pòl. Tha cead agad labhairt air do shon féin. An sin shin Pòl a mach a làmh, agus fhreagair e air a shon féin,

2 Ataim 'gam mheas féin sona, a rìgh Agripa, do bhrìgh gu bheil mi gu freagairt air mo shon féin an diugh a'd' làthairsa, thaobh nan nithe sin uile a ta air an cur as mo leth leis na h-Iudhachaibh :

3 Gu h-àraidh, a chionn gu bheil thusa eòlach<sup>f</sup> air gach gnàth agus ceisd a tha am measg nan Iudhach : uime sin guidheam ort, éisd rium gu foighidneach.

4 Tha mo bheathasa o m' òige, a chaitheadh air tùs am measg mo chinnich féin ann an Ierusalem, aithnichte do na h-Iudhachaibh uile.

5 D'am b'aithne mi o thùs, (nam b'àill leo fianais a dheanamh) gu'n

<sup>f</sup> [gur aithne dhomh] gu bheil thusa eòlach.

do chaith mi mo bheathaa'm' Phairiseach, a réir an luchd comh-bhairail a's teinne d'ar creidimhne.

6 Agus a nis tha mi m' sheasamh fa bhreitheanas air son dòchais a' gheallaidh a rinneadh le Dia d'ar n-aithrichibh:

7 Chum an bheil dùil aig ar dà thréibh dheugne teachd, a' deanamh seirbhis do *Dhia* a là agus a dh'oidhche do ghnàth; agus air son an dòchais so tha mise, a rìgh Agripa, air m'agairt leis na h-Iudhaich.

8 C'ar son 'a mheasara leibhse mar ni do-chreidsinn, gu'n dùisgeadh Dia na mairbh?

9 Gu deimhin mheas mise annam féin, gu'm bu chòir dhomh mòran nithe a dheanamh an aghaidh ainme Iosa o Nasaret.

10 Ni mar an ceudna a rinn mi ann an Ierusalem: agus air faotainn ùghdarras o na h-àrd shagartaibh, dhruid mi mòran do na naoimh am prìosunaibh; agus an uair a chuir eadh gu bàs iad, thug mi mo ghuth 'nan aghaidh.

11 Agus a' deanamh peanais orra gu minic anns gach sionagog, choimhéignich mi iad gu toibheumb a labhairt; agus air dhomh bhi gu ro mhòr air boile 'nan aghaidh, rinn mi geur-leanmhuinn orra, eadhon gu bailtibh coigreach.

12 Air a so 'nuair a bha mi dol gu Damascus, le cumhachd agus barantas o na h-àrd shagartaibh;

13 Mu mheadhon-là, O a rìgh, chunnaic mi air an t-slighe solus o nèamh, bu shoilleire na solus na gréine, a' dealrachadh mu'n cuairt orm, agus orrasan a bha 'g imeachd maille rium.

14 Agus air tuiteam dhuinn uile air an talamh, chuala mi guth a' labhairt rium, agus ag ràdh anns a' chainnt Eabhruidhich, A Shaul, a Shaul, c'ar son a ta thu ga m' gheur-leanmhuinn? Is cruaidh dhuitse bhi breabadh an aghaidh nan dealg.

15 Agus thubhairt mise, Cò thu, a Thighearn? Agus thubhairt esan, Is mise Iosa a tha thusa a' geur-leanmhuinn.

16 Ach éirich, agus seas air do chosaibh; oir dh'fhoillsich mi mi féin duit chum na crìche so, gu'n orduichinn thu a'd' mhinisteir agus a'd' fhiannais araon air na nithibh sin

a chunnaic thu, agus na nithibh anns am foillsich mi mi féin duit;

17 Ga d' shaoradh o'n t-slagh, agus o na Cinneachaibh, chum am bheil mi nis ga d' chur,

18 A dh'fhosgladh an sùl, chura gu tionndaidh iad o dhorchadas gu solus, agus o chumhachd Shatain gu Dia; chum gu faigh iad maith-eanas peacaidh, agus oighreachd maille ris a' mhuinntir sin, a ta air an naomhachadh tre'n chreidimh a ta annamsa.

19 Uime sin, a rìgh Agripa, cha robh mi eas-ùmhail do'n taisbean nèamhaidh:

20 Ach shearmonaich mi air tùs dhoibhisan ann an Damascus, agus ann an Ierusalem, agus air feadh tìre Iudea uile, agus an sin do na Cinneachaibh, iad a dheanamh aithreachais agus pilltinn ri Dia, a' deanamh oibre iomchuidh an aithreachaise.

21 Air son nan nithe so ghlac na h-Iudhaich mi san teampull, agus b' àill leo mo mharbhadh f.

22 Uime sin air dhomh còmlinadh fhaotainn o *Dhia*, bhunaich mi gu an là'n diugh, a' deanamh fianuis do'n bheag agus do'n mhòr, gun ni air bith 'a labhairt ach na nithe sin a thubhairt na fàidhean agus Maois, a bha gu teachd:

23 Gu robh Crìosd gu fulang, agus gu robh e gu éirigh an ceud neach o na marbhaibh, agus gu'm foillsicheadh e solus do'n phobull, agus do na Cinneachaibh.

24 Agus air dha bhi labhairt nan nithe so air a shon féin, thubhairt Festus le guth àrd, Tha thu air mhi-chéillz a Phòil: tha mòr fhòghlum ga d' chur air boile.

25 Ach thubhairt esan, Cha 'n'eil mi air boile, Fhestuis ro oirdheirc; ach labhram briathra na fìrinn agus na céille.

26 Oir a ta fhios aig an rìgh, roimh am bheil mise labhairt ga saor, air na nithibh so: oir tha cinnt agam nach 'eil a h-aon do na nithibh so an ain-fhios da; oir cha'n ann an cùil a rinneadh so.

27 Am bheil thu creidsinn nam fàidh, a rìgh Agripa? tha fhios agam gu bheil thu 'g an creidsinn.

28 An sin thubhairt Agripa ri Pòl, Is beag nach 'eil thu 'gam aomadh gu bhi'm Chrìosdaidh.

29 Agus thubhairt Pòl, B'e mo

d agus gu'n tionndadh.

e cubhaidh do aithreachas, airidh air aithreachas. f làmh a chur annam. g air a chuthach.

a C'ar son? an measar.

b gu beum a thubhairt do ainm Iosa.

c ùghdarras, comas.



ghuidhe air Dia, gu'm biodh cha'n e mhàin thusa, ach mar an ceudna iadsan uile a tha 'g èisdeachd rium an diugh, ann am beag agus am mòr, mar a ta mise, saor o na geimhlibh so.

30 Agus air dha na briathra so a labhairt, dh'èirich an rìgh, agus an t-uachdaran, agus Bernice, agus an dream a shuidh maille riu.

31 Agus air dol a leth-taobh dhoibh, labhair iad r'a chèile, ag ràdh, Cha 'n'eil an duine so a' deanamh ni air bith toillteannach air bàs, no air geimhlibh.

32 An sin thubhairt Agripa ri Festus, Dh'fheudta an duine so a leigeadh as, mur bhiodh gu'n do thog e a chùis gu Ceasar.

# CAIB. XXVII.

**A**GUS an uair a thugadh breth sinne a sheòladh do'n Eadailt, thug iad Pòl thairis maille ri prìosanaich àraidh eile, do cheannard-ceud d'am b'ainm Iulius, do chuid-eachd Augustuis.

2 Agus air dhuinn dol air luing le Adramitium, thog sinn ar seòil, a' cur romhainn seòladh seachad air crìochaibh na h-Asia, air do Aristarchus Macedonach o Thesalonica bhi maille ruinn.

3 Agus air an là maireach, thainig sinn gu Sidon. Agus air do Iulius buntainn gu suairce a ri Pòl, leig e dha dol a dh'ionnsuidh a chàirde chum comhfhurtachd fhaotainn.

4 Agus air dhuinn stiùradh as sin, sheòl sinn fuaidh Chiprus, a chionn gu robh na gaotha b 'nar n-aghaidh.

5 Agus air seòladh dhuinn tre'n fhairge ta làimh ri Cilicia agus Pamphilia, thainig sinn gu Mira cathair e do Licia.

6 Agus fhuair an ceannard-ceud long an sin o Alecsandria, a bha seòladh do'n Eadailt, agus chuir e sinn a steach innte.

7 Agus an uair a sheòl sinn gu mall ré mòrain do làithibh, agus a thainig sinn air éigin fa chomhair Chniduis, a chionn nach do leig a' ghaoth leinn, sheòl sinn fuaidh Chrete, fa chomhair Shalmone :

8 Agus air dhuinn seòladh air éigin seachad air, thainig sinn gu ionad àraidh d'an goirear, Na calaidh sgiabhach, am fagus d'an robh baile Lasea.

9 Agus air do mhòran ùine dol seachad, nuair a bha seòladaireachd a nis cunnartach, a chionn gu'n

deachaidh an trosgadh a cheana seachad, chomhairlich Pòl iad,

10 Ag ràdh riu, Fheara, tha mi faicinn gu'm bi an t-seòladaireachd so le dochann agus call mòr, cha'n e mhàin do'n luchd agus do'n luing, ach d' ar n-anamaibh féin.

11 Gidheadh, is mò chreid an ceannard-ceud an seòladair agus maighstir na luinge, na na nithe a labhradh le Pòl.

12 Agus a chionn gu'n robh an cala neo-iomchuidh gus an gearhradh a chaitheadh ann, b'i comhairle na cuid bu mhò seòladh as sin mar an ceudna, agus nam feudadh iad air chor sam bith teachd gu Phenice, cala do Chrete a ta 'g amharc chum an iar-dheas, agus an iar-thuath, agus fantuinn rè a' gheamhraidh an sin.

13 Agus an uair a shéid a' ghaoth a deas gu ciuin, shaoil iad gu d'fhuair iad an rùn, agus ag togail an seòil dhoibh, stiur iad ri taobh Chrete.

14 Ach an ceann beagain 'na dhéigh sin, shéid gaoth stoirmeil e 'na h-aghaidh f, d'an goirear Eucroclidon.

15 Agus air bhi do'n luing air a fuadachadh, agus gun chomas di dol an aghaidh na gaoithe, leig sinn ruith dh'i.

16 Agus air dhuinn ruith a stigh fuaidh eilean beag àraidh d'am b'ainm Clauda, is ann le éigin a ràinig sinn air a' bhàta :

17 Agus air dhoibh a thogail suas, ghnàthaich iad gach gleus còmhnaidh, a' criosadh na luinge fuisse ; agus air dhoibh bhi fo eagal gu'n tuiteadh iad sa' bheo-ghaineamh, leig iad an seòil sìos, agus mar sin dh'iomaineadh iad.

18 Agus air dhuinne bhi gu ro mhòr air ar luasgadh s leis an stoirm, air an là 'na dhéigh sin thilg iad a mach an luchd ;

19 Agus air an treas là thilg sinn le'r làmhaibh féin a mach acfuinn na luinge.

20 Agus an uair nach robh a' ghrian no na reulta r'am faicinn rè mòrain do làithibh, agus a luidh stoirm nach bu bheag oirnn, thugadh an sin uainn gach uile dhòchas gu teasairgteadh sinn.

21 Ach air dhuinn bhi fada 'nar trosg, an sin air seasamh do Phòl 'nam meadhon, thubhairt e, Fheara, bu chòir dhuibh mo chomhairle se ghabhail, agus gun fhuasgladh o

d trasgadh.

f 'nar n-aghaidh.

thonn gu tonn.

e anrathach.

g séideadh o

a caoimhneil.

b an soirbheas.

c baile.

Chrete, agus an dochann agus an call so a sheachnadh.

22 Agus a nis guidheam oirbh, biodh misneach mhaith agaibh: oir cha bhi call anama sam bith 'nar measg, ach a *mhàin* na luinge.

23 Oir air an oidhche nochd sheas làimh riumsa aingeal an Dè sin, d'am buin mi, agus d'an deanam seirbhis.

24 Ag ràdh, A Phòil, na biodh eagail ort; is éigin duit bhi air do thoirt an làthair Cheasair: agus feuch, thiodhlaic a Dia dhuit iadsan uile a ta seoladh maille riut.

25 Uime sin, fheara, biodh agaibh deadh mhisneach: oir a ta mi creidsinn Dhé, gu'n tachair ceart mar a labhradh rium.

26 Ach is éigin duinn bhi air ar tilgeadh air eilean àraidh.

27 Agus an uair a bha an ceathramh oidhche deug air teachd, air dhuinne bhi air ar seideadh chuige agus uaith ann an *cuan* Adria, mu mheadhon-oidhche b'i barail nam maraichean gu robh iad am fagus do thìr éigin:

28 Agus air leigeadh na luaidhe sìos doibh b, fhuair iad an *doimhne* fichead aitheamh: agus an uair a chaidh iad beagan air an aghaidh, leig iad sìos an luaidh a rìs, agus fhuair iad i 'na cùig aitheamh deug.

29 An sin air bhi dhoibh fo eagail gu'm buaileadh iad air ionadaibh garbha, thilg iad ceithir acraichean a deireadh na luinge, agus ghuidh iad an là a theachd.

30 Agus an uair a bha na maraichean air tìr teicheadh a mach as an luing, agus a leig iad sìos am bàta do'n fhairge, a' gabhail orra bhi tilgeadh a mach acraichean a toiseach na luinge,

31 Thubhairt Pol ris a' cheannard-ceud, agus ris na saighdearaibh, Mur fan iad sin san luing, cha 'n'eil e'n comas duibh bhì ar bhur teasairginn.

32 An sin ghearr na saighdearan cuird a' bhàtaidh, agus leig iad leis tuiteam sìos.

33 Agus am feadh a bha an là a' teachd, thug Pòl a chomhairl' orra uile biadh a ghabhail, ag ràdh, Is e so an ceathramh là deug dhuibh a' feitheamh, agus a' fantuinn 'nar trosg, gun bhiadh sam bith a ghabhail.

34 Uime sin guidheam oirbh biadh a ghabhail: oir a ta so chum bhur slàinte: oir cha chaillear d' foiltean a ceann a h-aon agaibh.

35 Agus air dha na nithe so labhairt, agus aran a ghlacadh, thug e buidheachas do Dhia 'nan làthair uile, agus air dha a bhriseadh, thòisich e ri itheadh.

36 An sin ghlac iad uile misneach ebuca, agus ghabh iadsan biadh mar an ceudna.

37 Agus bha sinn a dh'anamaibh uile anns an luing, dà cheud agus sè deug agus trì fichead.

38 Agus an uair a shàsuicheadh iad le biadh, dh'eutromaich iad an long, agus thilg iad a mach an cruineachd san fhairge.

39 Agus an uair a bha 'n là air teachd, cha d'aithnich iad am fearann: ach thug iad an aire do luib àraidh aig an robh tràigh, anns an robh mhiann orra, nam b'urrainniad, an long a chur gu tìr.

40 Agus air togail nan acraichean doibh, leig iad ris an fhairge i, agus an uair a dh'fhuasgail iad ceanglaichean na stiùire, agus a thog iad am prìomh sheòl f'ris a' ghaoith, sheòl iad chum na tràighe.

41 Agus air tuiteam dhoibh ann an ionad àraidh far an do choinnich dà fhairge a chéile, bhuail iad an long air grund; agus air sàthadh d'a toiseach sa' ghrund, dh'fhan e gun charachadh, ach bhriseadh a deireadh le ainneart nan tonn.

42 Agus b'i comhairle nan saighdear gu marbhadh iad na prìosunaich, air eagail gu'n snàmhadh neach sam bith dhiubh a mach, agus gu rachadh iad as.

43 Ach air bhi do'n cheannard-ceud toileach Pol a theasairginn, chum e air ais o'n comhairle iad, agus dh'aithn e dhoibhsan d'am b'aithne snàmh iad fèin a thilgeadh sa' chuan air tùs, agus dol a mach air tìr:

44 Agus do chàch dh'aithn e, cuid diubh dhol air clàraibh, agus cuid eile air *mìribh briste* do'n luing: agus mar sin tharladh gu'n deachaidh iad uile tèaruinte gu tìr.

#### CAIB. XXVIII.

**A** GUS an uair a thearnadh iad, a thuing iad an sin gu'm b'e Melita ainm an eilein.

2 Agus nochd an sluagh borb caoimhneas nach bu bheag dhuinn: oir air fadadh teine dhoibh, ghabh iad ruinn uile, air son an uisge a bha ann, agus air son an fhuachd.

3 Agus air do Phòl dorlach bhioran a thional, agus an cur air teine, thainig nathair nimhe mach as an teas, agus sbàs i 'na làimh.

4 Agus an uair a chunnaic an

a dheònuich. b grunnachadh dhoibh. c fonn. d tuit.

e an seòl mòr.

sluagh borb a' bhéisd an crochadh r'a lámh, thubhairt iad r'a chéile, Gu cinnteach is mortair an duine so, da nach fuiling dioghaltas bhi beo, ge do theasairgeadh o'n fhaige e.

5 Agus air dhasan a' bhéisd a chrathadh dheth anns an teine, cha d'fhulaing e dochann sam bith.

6 Ach bha iadsan a' feitheamh c'uin a dh'atadh e, no a thuiteadh e sìos marbh gu h-obann: ach an uair a dh'fheith iad ùine fhàda, agus nach fac iad dochann sam bith a' teachd air, air caochladh an inntinn dhoibh, thubhairt iad gur Dia e.

7 Agus bha mu thimchioll an àite sin fearann aig prìomh dhuine an eilein, d'am b'ainm Publius, a ghabh ruinne agus a thug rè thri làithean soidheachd dhuinn gu càirdeil.

8 Agus tharladh gu robh athair Phubliuis 'na luidhe gu tinn le fiabhras a, agus gearrthach fola: air do Phòl dol a steach d'a ionnsuidh, rinn e òrnuigh, agus air dha a lámhan a clur air, leighis se e.

9 Agus an uair a rinneadh so, thainig mar an ceudna muinntir eile, a bha euslan san eilean, d'a ionnsuidh, agus leighiseadh iad:

10 Muinntir mar an ceudna a thug mòr urram dhuinn; agus ag falbh dhuinn, chur iad na nithe sinn leinn a bha feumail dhuinn.

11 Agus an déigh thri mìosa sheòl sinn ann an luing o Alecsandria, a chaith an gearhradh san eilean, d'am bu shuaitheantas Castor agus Pollux.

12 Agus air teachd tìr dhuinn aig Siracuse, dh'fhan sinn an sin trì làithean.

13 Agus air seòladh dhuinn timchioll as sin, thainig sinn gu Rhegium: agus an ceann latha 'na dhéigh sin shéid a' ghaoth a deas, agus thainig sinn an t-ath là gu Puteoli:

14 Air dhuinn bràithrean fhaotainn an sin, chuireadh impidh oirnn leo fantuinn seachd làithean maille ri: agus mar sin thriall sinn chum na Ròimhe.

15 Agus as sin, air faotainn ar sgéil do na bràithribh, thainig iad 'nar coinneamh gu Appii-forum, agus na Tri tighibh-bèda; agus an uair a chunnaic Pòl iad, thug e buidheachas do Dhia, agus ghabh e misneach.

16 Agus an uair a thainig sinn do'n Ròimh, thug an ceannard-ceud thairis na prìosunaich do cheannard an fhreiceadain: ach thugadh comas

do Phòl a bhi leis féint, maille ri aon saighdear, a bha 'gaghleidheadh.

17 Agus tharladh, an déigh thri làithean, gu'n do ghairm Pòl maith-eanc nan Iudhach an ceann a chéile. Agus an uair a chruinnicheadh iad, thubhairt e ri, Fheara agus a bhràithre, ge nach d'rinn mise ni sam bith an aghaidh a' phobuill, no ghnàthanna nan aithriche, thugadh thairis mi a'm' phrìosunach o Hierusalem do lánhaibh nan Romhanach.

18 Muinntir, an déigh dhoibh mo cheasnachadh, leis am bu mbiann mo leigeadh as, a chionn nach robh coire bàis sam bith annam.

19 Ach an uair a bha na h-Indhaich a' labhairt an aghaidh so, b'éigin domh mo chàis a thogail gu Ceasar; cha'n e gu bheil coire sam bith agam r'a chur a leth mo chinnich.

20 Air an aobhar so, uime sin, chuir mi sìos oirbhse, chum gu faicinn sibh, agus gu'n labhrainn ribh: oir is ann air son dòchais Israeil a ta mi ceangailte leis an t-slabhraidh so.

21 Agus thubhairt iadsan ris, Cha d'fhuair sinne litriche sam bith a Iudea mu d' thimchioll, cha mhò a dh'fhoillsich no dh'innis a h-aon do na bràithribh, a thainig, oir sam bith umad.

22 Ach bu mhaith leinn a chluinntinn uaitse ciod i do bhàil: oir mu thimchioll na gnè-chreidimh so, tha fhios againn gu'n labhrar sgach àit 'na h-aghaidh.

23 Agus air suidheachadh là ris, thainig mòran d'a ionnsuidh chum a cheithreanna; d'an do mhìnich e rioghachd Dhé, a' deanamh fianuis uimpe, agus a' cur impidh orra thaobh nan nithe a bhuineas do Iosa, araon a lagh Mhaois, agus as na fàidhibh, o'mhochthrath gu feasgar.

24 Agus chreid cuid na nithe a labhradh, agus cha do chreid cuid eile dhiubh.

25 Agus air dhoibh bhi an aghaidh a chéile, sgaoil iad, air do Phòl aon fhocal a ràdh, Is maith a labhair an Spìorad naomh tre'n fhàidh Esaias, r'ar n'aithrichibh,

26 Ag ràdh, Imich chum a' phobuill so, agus abair, Le cluinntinn cluimidh sibh, agus cha tuig sibh; agus le faicinn chi sibh, agus cha'n aithnich sibh.

27 Oir a ta cridhe a' phobuill so air fàs reamhar, agus tha iad a' cluinntinn gu trom le'n clusaibh, agus chaogf iad an sùilean; air eag-

b far am bu toil leis. c uaislean, prìomh dhaoine. d cha léir dhuibh. e mull. f dhruid.

al gu faiceadh iad le'n sùilb, agus gu'n cluinneadh iad le'n cluasaibh, agus gu'n tuigeadh iad le'n cridhe, agus gu'm pilleadh iad, agus gu'n slànùichinn' iad.

28 Uime sin biodh fhios agaibhse, gu'n do chuireadh slàinte Dhé chum nan Cinneach, agus éisdidh iadsan.

29 Agus an uair thubhairt e na briathra so, dh'imich na h-Iudhaich

rompa, agus bha mòr reusonachadh aca eatorra féin.

30 Agus dh'fhan Pòl dà bhliadhna iomlan 'na thigh-màil<sup>b</sup> féin, agus ghabh e ris na h-uile dhaoineibh, a thainig d'a ionnsuidh, §

31 A' searmonachadh rioghachd Dhé, agus a' teagasg nan nithe a bhuineas do'n Tighearn Iosa Criosd, leis an uile dhànachd, gun toirmeasg.

## LITIR AN ABSTOIL PHOIL CHUM NAN ROMHANACH.

### CAIB. I.

**P**OL seirbhiseach Iosa Criosd, a ghairmeadh 'na abstol a chuireadh air leth e chum Soisgeil Dè,

2 (A roimh-gheall e le fhàidhibh féin anns na scriobtuiribh naomha.)

3 Mu thimchioll a Mhic Iosa Criosd ar Tighearna, a rinneadh do shìol Dhaibhidh, a réir na feòla,

4 A dhearbhadh<sup>d</sup> bhi 'na Mhac do Dhia le cumhachd, a réir Spioraid na naomhachd, trid aiseirigh o na marbhaibh :

5 Tre an d'fhuair sinne gràs agus abstolachd chum umhlachd a' chreidimh an measg nan uile chinneach air sgàth ainmesan :

6 Am measg am bheil sibhse mar an ceudna air bhur gairm le Iosa Criosd.

7 Chum nan uile a ta san Ròimh, air an gràdhachadh le Dia, air an gairm 'nan naoimh : Gràs gu robh dhuibhse, agus sìothchaint o Dhia ar n-Athair, agus o'n Tighearn Iosa Criosd.

8 Air tùs, tha mi toirt buidheachais do m' Dhia trid Iosa Criosd, air bhur sonsa uile, do bhrìgh gu bheil bhur creidimh iomraideach air feadh an domhain uile.

9 Oir is e Dia m'fhanuis, d'am bheil mi a' deanamh seirbhis le m' spiorad ann an soisgeul a Mhic, gu bheil mi gun sgur a' deanamh iomraidh oirbh,

10 A ghnàth a' guidhe 'ann am ùrnuighibh (nam feudainn a nis fadheoidh air aon chor le toil Dé turus soirbheasach fhaotainn) ri teachd d'ar ionnsuidhse.

11 Oir a ta deidhe agam air sibhse fhaicinn, ionnas gu pàirtich mi tiodh-

lacadh àraidh spioradail ribh, chum bhur neartachadh;

12 Sin ri ràdh, chum gu faigh mi comhfhurtachd annaibhse<sup>f</sup>, trid chreidimh a chéile, bhur creidimhse, agus mo chreidimhse.

13 Agus cha'n àill leam, a bhràithre, e bhi'n ain-fhios duibhse gu'n do chuir mi rombam gu minic teachd d'ar n-ionnsuidh, (ach bhacadh mi gus a so) chum gu faighinn toradh éigin 'nar measgsa fòs, mar am measg nan Cinneach eile.

14 Oir a ta mi fuaidh fhiachaibh faraon do na Greugachaibh, agus do na daoineibh borba, araon dhoibhsan, a ta glic, agus dhoibhsan, a ta neo-ghlic.

15 Uime sin, mheud 's a ta 'n comas domh, tha mi ullamh chum an soisgeul a shearmonachadh dhuibhse mar an ceudna, a ta san Ròimh.

16 Oir cha nàr leamsa soisgeul Chriosd : oir is e cumhachd Dhé e chum slàinte, do gach neach a chreideas, do'n Iudhach air tùs, agus mar an ceudna do'n Gheugach.

17 Oir a ta fireantachd Dhé air a' foillseachadh ann tre chreidimh gu creidimh: mar a ta e scrìobhta, Bithidh am firean beo tre chreidimh.

18 Oir a ta fearg Dhé air a' foillseachadh o nàmh an aghaidh gach uile mhi-dhiadbuidheachd, agus eucòir dhaoine, a tha bacadh na fìrinn ann an neo-fhireantachd.

19 Do bhrìgh gu bheil an ni air am feudar fios fhaotainn a thaobh Dhé follaiseach anna-san<sup>h</sup>; oir rinn Dia follaiseach dhoibh e.

20 Oir riamh o chruthachadh an t-saoghail a ta a nithe-sannach feudar fhaicinn, eadhon a chumhachd

a dheasboireachd.

b réidh.

c sgaradh.

d dh'orduicheadh.

e togradh.

f maraon ribhse.

g cumail.

h 'nam measg.



siorruidh agus a Dhiadhachd, air am faicinn gu soilleir, air dhoibh bhi so-thuigsinn o na nithibh a rinneadh; chum gu biodh<sup>a</sup> iad gun leithsgeul aca:

21 Do bhrìgh 'nuair a b'aitlne dhoibh Dia, nach d'thug iad glòir dha mar Dhia, agus nach robh iad taingeil, ach gu'n d'fhàs iad dìomhain 'nan reusonachadh féin, agus gu'n do dhorchaidheadh an cridhe amaidheach;

22 Ag ràdh gur daoine glìce iad féin, rinneadh amadain diubh:

23 Agus chaochail<sup>b</sup> iad glòir an Dé neo-thruaillidh gu dealbh a rinneadh cosmhuil ri duine truailidh, agus eunlaith, agus ainmhidhibh ceithir - chosach, agus bhéisdibh snáigeach.

24 Uime sin, thug Dia thairis iad mar an ceudna, tre anamhiannaibh an cridhe féin, chum neo-ghloine, a thoirt casurraim d'an corpaibh féin eatorra féin:

25 Muinntira chaochail firian Dé gu bréig, agus a thug aoradh agus a rinn seirbhìs do'n chreutair ni's mò na do'n Chruithear, a ta beannuichte gu siorruidh. Amen.

26 Air a shon so thug Dia thairis iad do anamhiannaibh gràineile: oir chaochail eadhon am mnà an gnàthachadh nàdurra chum a' ghuàtha, a ta'n aghaidh nàduir.

27 Agus mar an ceudna na fir, air trèigsinn doibh gnàthachadh nàdurra na mnà, loisgeadh iad le'n togradh d'a chéile, firionnaich ri firionnaich ag oibreachadh gràineileachd<sup>c</sup> agus iad a' faotainn dìol-thuarasdail an seacharain annta féin, mar bu chòir.

28 Agus amhuil mar nach bu taitneach leo eòlas Dé a chumail, thug Dia thairis iad doinntinn mhi-chéillidh, a dheanamh nithe nach robh iomchuidh:

29 Air dhoibh bhi air an lìonadh do'n uile eucoir, strìopachas, olc, shannt, mhi-run: làn do fharmad, do mhòrtadh, do chonnsachadh<sup>d</sup>, do cheilg, do dhroch-bheusaibhe; nan luchd cogarsaich,

30 Nan luchd-anacainnt<sup>f</sup>, 'nan luchd-fuath air Dia, 'nan luchd-tarcuis, uaibhreach, 'nan luchd-ràiteachais<sup>g</sup>, 'nan luchd-cumadh uile, eas-ùmhail do phàrantaibh,

<sup>a</sup> ionnas gu bheil. <sup>b</sup> dh'atharraich. <sup>c</sup> an ni sin a ta mi-chiatach. <sup>d</sup> chomhstri.

<sup>e</sup> anamèineachd, eascaoineachd.

<sup>f</sup> 'Nan luchd cùl-chàineadh.

<sup>g</sup> bòstail.

31 Ea-céillidh, 'nan luchd-brisidh coimhcheangail, gun ghràdh nàdurra, do-réiteachaidh, neo-thruacanta:

32 Muinntir d'an aithne ceartas Dé, (gu bheil iadsan a ni an leithide sin do nithibh toillteannach air bàs) gidheadh ni h-e mhàin gu bheil iad féin 'gan deanamh, ach a ta mar an ceudna tlachd aca do'n mhuinntir a ni iad.

## CAIB. II.

UIME sin, a ta thu gun leithsgeul, O a dhuine, cia air bith thu a tha toirt breth: oir an uair a tha thu toirt breth air neach eile, tha thu ga d' dhiteadh féin; oir thusa a ta toirt breth, tha thu deanamh nan nithe sin féin.

2 Ach a ta fios againne gu bheil breitheanas Dé a réir firinn, an aghaidh na muinntir, a tha deanamh an leithide sin.

3 Agus an saoil thusa so, O a dhuine, a tha toirt breth orra-san, a ni an leithide sin, agus a ta 'gan deanamh thu féin, gu'n d'théid thu as o bhreitheanas Dé?

4 No'n dean thu tarcuis air saibhreas a mhaithes, agus fhoighidin, agus fhad-fhulangais, gun fhios bhi agad gu bheil maithes Dé ga d' threòrachadh chum aithreachais?

5 Ach a réir do chruais agus do chridhe neo-aithreachail, a ta thu càrnadh<sup>h</sup> suas feirge dhuìt féin fa chomhair là na feirge, agus foillseachaidh ceart bhreitheanas Dé;

6 A bheir do gach aon a réir a ghnìomhara;

7 Dhoibhsan, a ta le buanachadh gu foighidneach ann an deadh obair, ag iarraidh glòire, agus onoir, agus neo-bhàismhorachd, a' bheatha mhaireannach:

8 Ach dhoibhsan, a ta conspoid-each, agus nach 'eil ùmhail do'n fhirinn, ach a ta ùmhail do'a eucoir, dìom agus fearg;

9 Amhghar agus teanntachd air gach anam duine a ta deanamh uile, do'n Iudhach air tùs, agus mar an ceudna do'n Ghreugach.

10 Ach glòir, agus onoir, agus sìth, do gach duine a ni maith, do'n Iudhach air tùs, agus do'n Ghreugach mar an ceudna:

11 Oir cha 'n'eil spéis aig Dia do phearsa seach a chéile.

12 Oir a mheud 'sa pheacaich gun an lagh, sgriosar iad gun an lagh: agus a mheud 's a pheacaich fuaidh 'n lagh, dìtear iad leis an lagh:

13 (Oir cha'n iad luchd-éisdeachd an lagha, a ta 'nam fireanaibh am

<sup>h</sup> tasgaidh.

fanuis Dé. ach bithidh luch-dean-  
amh an lagha air am fireanachadh<sup>a</sup>.

14 Oir an uair a ta na Cinnich aig  
nach 'eil lagh, a thaobh nàduir a'  
deanamh nan nithe a ta san lagh, air  
dhoibhsan a bhi gun lagh tha iad  
'nan lagh dhoibh féin:

15 Muinntir a ta nochdadh obair  
an lagha scriobhta 'nan cridheach-  
aibh, air bhi d'an coguis a' deanamh  
fanuis leo. agus an smuaintean eat-  
orra féin 'gan agairt, no a' gabhail  
an leithsgeil.)

16 San là anns an tabhair Dia  
breth air nithibh uaigneach dhaoine,  
a réir mo shoisgeilse, trid Iosa  
Criosd.

17 Fench goirear Iudhach dhio-  
ta, agus tha thu cur dòigh san lagh,  
agus a' deanamh uailh a Dia;

18 Agus is aithne dhuit a thoil,  
agus a ta thu a' dearbhadh nan  
nithe a's fearr, air dhuit bhi air do  
theagasg as an lagh.

19 Agus a ta thu dòchasach gur  
ceann-innle thu féin do na dallaibh,  
solus dhoibhsan a ta an dorchadas.

20 Fear-fòghluim do dhaoineibh  
neo-eagnaidh, fear-teagaisg do lean-  
abaibh, aig am bheil samhladh an  
eòlais agus na fìrinn a ta san lagh.

21 Thusa, uime sin, a ta teagasg  
neach eile, nach 'eil thu ga d' theag-  
asg féin? thusa a ta searmonachadh  
gun ghoid a dheanamh, am bheil thu  
ri goid?

22 Thusa a deir gun adhaltrannas  
a dheanamh, am bheil thu deanamh  
adhaltranais? thusa le'n gràin iodhi-  
ola<sup>d</sup>, am bheil thu ri naomh-ghòid?

23 Thusa a ta deanamh uailh as an  
lagh, an tabhair thu, le briseadh an  
lagha, easurram do Dhia?

24 Oir a ta ainm Dhé a' faotainn  
toibheim d'ar taobhsa am measg nan  
Cinneach, mar a ta e scriobhta.

25 Oir a ta tairbhe gu fìrinneach  
anns an timchioll-ghearradh, ma  
ghleidheas tu an lagh: ach ma's  
fear-brisidh an lagha thu, tha do thim-  
chioll-ghearradh na neo-thimchioll-  
gearradh dhuit.

26 Uime sin, ma ghleidheas an  
neo-thimchioll-ghearradh firean-  
tachd an lagha, nach measar a neo-  
thimchioll-ghearradhsan mar thim-  
chioll-ghearradh?

27 Agus nach dlt an neo-thim-  
chioll-ghearradh thaobh nàduir, a ta  
a' coimhlionadh an lagha, thusa a

tha tre'n litir agus tre'n timchioll-  
ghearradh a'd' fhear-brisidh an  
lagha?

28 Oir cha'n Iudhach esan, a tha  
mar sin o'n leth muigh; agus cha 'n  
e sin an timchioll-ghearradh, a tha  
gu follaiseach san fheoil.

29 Ach is Iudhach esan, a tha mar  
sin san taobh a stigh<sup>f</sup>; agus is e sin  
an timchioll-ghearradh a tha sa'  
chridhe, agus san spiorad, cha'n ann  
san litir, aig am bheil a chliu cha'n  
ann o dhaoineibh, ach o Dhia.

### CAIB. III.

**C**IOD e uime sin barrachd an  
Iudhaich? no ciod e tairbhe an  
timchioll-ghearraidh?

2 Is mor sin air gach dòigh: air  
tùs, do bhrìgh gur ann riu-san a  
dh'earbadh briathrag Dhé.

3 Oir ciod e sin ge nach do chreid  
cuid? an dean am mi-chreidimhsan  
fìrinn Dhé gun eiseachd?

4 Nar leigeadh Dia: ach biodh  
Dia fìor, agus gach duine 'na bhreug-  
oire; a réir mar a ta e scriobhta,  
Chum gu bi thu ceart ann do  
bhriathraibh, agus gu'n tabhair thu  
buaidh 'nuair a bheirear breth ort.

5 Ach ma mholas ar n-eucoirne  
fìreantachd Dhé, ciod a deir sinn?  
am bheil Dia eucorach a tha dean-  
amh dioghaltais? (labhran mar  
dhuine.)

6 Nar leigeadh Dia: no cionnus a  
bheir Dia breth air an t-saoghal?

7 Oir ma ta fìrinn Dhé tre mo  
bhréigse air a meudachadh cha'm a  
ghlòiresan; c'ar son a ta mise air  
mo dhiteadh mar pheacach?

8 Agus c'ar son nach dean sinn  
ole, chum gu'n d'thig maith as?  
(mar a labhrar gu toibheumach um-  
ainne, agus mar a deir cuid gu bheil  
sinn ag ràdh) *muinntir* a tha an dit-  
eadh a réir ceartais.

9 Ciod uime sin? am bheil barr-  
achd againne? cha 'n'eil air aon  
chor: oir dhearbh sinn roimhe gu  
bheil ar aon na h-Iudhaich agus na  
Cinnich uile fuidh pheacadh;

10 Mar a ta e scriobhta, Cha 'n'eil  
ionracan ann, cha 'n'eil fìu a h-aon:

11 Cha 'n'eil neach ann a thuig-  
eas, cha 'n'eil neach ann a tha 'g  
iarraidh Dhé.

12 Chlaon iad uile as an t-slighe,  
tha iad uile mi-tharbhach, cha 'n'eil  
neach a tha deanamh maith, cha  
'n'eil fìu a h-aon.

13 Is uaigh fhosgailte an scòrn-  
ach; labhair iad cealg le'n teang-  
aibh; tha nimh nan nathracha nimhe  
fuidh 'm bilibh:

f san ionad fholaichte. z oracla.

<sup>a</sup> air an saoradh, air an glanadh  
o chionta.

<sup>b</sup> a' gabhail tlachd

do na nithibh. <sup>c</sup> fear-seòlaidh.

<sup>d</sup> dealbhan. <sup>e</sup> esan a tha neo-

thimchioll-ghearrta.

14 Aig am hheil am beul làn do mhallachadh agus do sheirbhe.

15 Tha an cosa luath a dhòrtadh fola.

16 Tha léir-sgrìos agus truaighe 'nan slighibh:

17 Agus slighe na sìth cha b' aithne dhoibh.

18 Cha 'n eil eagal Dé fa chomhair an sùl.

19 A nis tha fhios againn ge b' e nithe 'ta'n lagh a' labhairt, gur ann riu-san a ta fuidh 'n lagh a thae 'gan labhairt: chum gu druideargach uile bheil, agus gu'm bi an saoghal uile buailteach do dhìtheadh Dhé<sup>a</sup>.

20 Uime sin, cha bhi feòil air bith air a fìreanachadh<sup>b</sup>, 'na fhianuis-san, tre oibribh an lagha: oir is ann tre an lagh a ta eòlas peacaidh.

21 Ach a nis tha fireantachd Dhé air a foillseachadh as eugmhais an lagha, a' faotainn fianuis o'n lagh agus o na fàidhibh;

22 Eadhon fireantachd Dhé tre chreidimh Iosa Crìosd, do na h-uile, agus air na h-uile a chreideas; oir cha 'n eil eadar-dhealachadh ann:

23 Oir pheacaich na h-uile, agus tha iad air teachd gearr<sup>c</sup> air glòir Dhé;

24 Air dhoibh bhi air am fìreanachadh gu saor le a ghràs, tre an t-saorsa a ta ann an Iosa Crìosd:

25 Neach a shònraich Dia 'na iobairt-réitich, trid creidimh 'na fhuil, chum fireantachd fhoillseachadh le maitheanas nam peacadh a chaidh seachad, tre fhad-fhulangas Dé;

26 A dh'fhoillseachadh, *deiream*, fhìreantachdsan san àm a ta làthair; chum gu'm biodh e cothromach, agus gu'm fìreanachaidh e an ti, a chreideas ann an Iosa.

27 C'ait uime sin *am bheil* uail? Dhruideadh a mach i. Ciod e an lagh *leis an do dhruideadh a mach i?* an e lagh nan oibre? Ni h-e; ach tre lagh a' chreidimh.

28 Tha sinn uime sin a' meas gu bheil duine air fhìreanachadh tre chreidimh as eugmhais oibre an lagha.

29 An e Dia nan Iudhach a mhàin<sup>d</sup>? Nach e mar an ceudna Dia nan Cinneach? Gu deimhin nan Cinneach mar an ceudna:

30 Do bhrìgh gur aon Dia, a dh'fhìreanaicheas<sup>d</sup> an timchioll-ghearradh o chreidimh, agus an neo-

timchioll-ghearradh tre chreidimh.

31 Am bheil sinn uime sin a' cur an lagha an neo-brìgh tre'n chreidimh? Nar leigeadh Dia: ach a ta sinne a' neartachadh e an lagha.

## CAIB. IV.

**C**IOD ma ta a deir sinn a fhuair ar n-athair Abraham a réir na feòla?

2 Oir ma dh'fhìreanaicheadh Abraham le oibribh, tha aobhar uail aige, ach cha'n ann a thaobh Dhé.

3 Oir ciod a deir an scriobtur? Chreid Abraham Dia, agus mheasadh sin da mar fhìreantachd.

4 A nis do'n ti a ui obair cha'n ann mar ghean-maith<sup>f</sup> a mheasar an tuarasdal, ach mar fhiachaibh.

5 Ach do'n ti nach dean obair, ach a ta creidsinn anns an ti a dh'fhìreanaicheas an duine mìdhìadhaidh, measar a chreidimh mar fhìreantachd.

6 Amhuil mar a ta Daibhidh a' cur an céill beannachadh an duine sin d'am meas Dia fireantachd as eugmhais oibre, ag ràdh,

7 Is beannuichte iadsan a fhuair maitheanas 'nan euceirtibh, agus aig am bheil am peacaidh air am folach.

8 Is beannuichte an ti nach cuir an Tighearn peacadh as a leth.

9 Am bheil ma ta am beannachadh so *teachd* air an timchioll-ghearradh a mhàin, no mar an ceudna air an neo-thimchioll-ghearradh? Oir deireamaid gu'n do mheasadh creidimh do Abraham mar fhìreantachd.

10 Cionnas ma ta a mheasadh *dha* e? An ann an uair a bha e san timchioll-ghearradh, no san neo-thimchioll-ghearradh? Cha'n ann san timchioll-ghearradh, ach san neo-thimchioll-ghearradh.

11 Agus fhuair e comhar an timchioll-ghearraidh, seula fireantachd a' chreidimh a bha aige san neo-thimchioll-ghearradh, chum gu'm biodh e 'na athair acasan uile a ta creidsinn san neo-thimchioll-ghearradh, chum gu measadh fìreantachd dhoibhsan mar an ceudna:

12 Agus 'na athair an timchioll-ghearraidh dhoibhsan, a ta ni a mhàin do'n timchioll-ghearradh, ach mar an ceudna a ta 'g imeachd ann an ceumaibh a' chreidimh sin an n-Athar Abraham, a bha aige san neo-thimchioll-ghearradh.

13 Oir cha b'ann tre'n lagh a thugadh an gealladh do Abraham no d'a shìol, Gu'm biodh e 'na oighre air

<sup>a</sup> ciontach am fianuis Dé.

<sup>b</sup> saoradh, glanadh.

<sup>c</sup> fa dheir-

<sup>d</sup> a shaoras,

<sup>e</sup> a' daingneachadh.

<sup>f</sup> mar fhàbhor.

an t-saoghal, ach tre fhìreantachd a' chreidimh.

14 Oir ma ta iad-san a bhuineas do'n lagh 'nan oighreachaibh, tha creidimh air a dheanamh dìomhain, agus an gealladh gun bhrìgh:

15 A chionn gu bheil an lagh ag oibreachadh feirge: oir far nach 'eil lagh, cha'n 'eil an sin briseadh lagha.

16 Uime sin is ann o chreidimh a ta 'n oighreachd, ionnas gu'm biodh i tre ghràs: chum gu'm biodh an gealladh daingean do'n t-sìol uile, ni h-ann a mhàin dhoibhsan, a bhuineas do'n lagh, ach mar an ceudna dhoibhsan, a bhuineas do chreidimh Abraham, neach is e ar n-athairne uile,

17 (A réir mar a ta e sgrìobhta, Dh'orduich mi thu a'd' athair mhòrain chinneach) 'na làthaire anns an do chreid e, eadhon Dia, a ta beothachadh nam marbh, agus a ta gairm nan nithe sin nach 'eil idir ann mar gu'm biodh iad ann:

18 Neach an aghaidh dòchais a chreid an dòchas, chum gu'm biodh e na athair mhòrain chinneach; a réir mar a dubhradh, Mar so bithidh do shliochd.

19 Agus air dha gun bhi anmhunn an creidimh, cha do chuir e an suim gu robh a chorp féin a nis marbh, air dha bhi timchioll ceud bliadhna dh'aois, no mairbhe bronn Shara.

20 Agus cha do chuir e an amharus gealladh Dhé le mi-chreidimh; ach bha e làidir an creidimh, a' tabhairt glòire do Dhia:

21 Agus bha làn-deimhin a'ge, an ti a thug an gealladh, gur comasach esan air a choimhlionadh.

22 Agus uime sin mheasadh so dhasan mar fhìreantachd.

23 A nis cha b'ann air a shonsan a mhàin a sgrìobhadh, gu'n do mheasadh so dha;

24 Ach air ar soinne mar an ceudna, d'am measar e, ma chreideas sinn annsan, a thog suas Iosa ar Tighearn o na marbhaibh,

25 A thugadh thairis air son ar ciontaidh, agus a thogadh suas a ris air son ar fireanachaidh.

#### CAIB. V.

UIME sin, air dhuinne bhi 'air ar fireanachadh tre chreidimh, tha sìth againn ri Dia, trid ar Tighearn Iosa Crìosd.

2 Tre'm bheil againn mar an ceudna slighe tre chreidimh chum a' ghràis so anns am bheil sinn 'nar seasamh, agus a ta sinn a' deanamh

gairdeachais an dòchas b' glòire Dhé.

3 Agus cha'n e so a mhàin, ach a ta sinn mar an ceudna a' deanamh uaill ann an trioblaidibh, do bhrìgh gu bheil fios againn gu'n oibrich trioblaid e foighidin;

4 Agus foighidin, dearbhadh d; agus dearbhadh, dòchas:

5 Agus cha nàraich an dòchas, do bhrìgh gu bheil gràdh Dhé air a dhòrtadh a mach ann ar cridheach-aibh, tre'n Spiorad naomh a thugadh dhuinne.

6 Oir air dhuinne bhi fathast gun neart, an àm iomchuidh bhàsaich Crìosd air son nan daoine neo-dhiadhaidh.

7 Oir e is gann a dh'fhuilingeas duine bàs air son duine chothrom-aich; ach theagamh gu'm biodh aig neach eigin do mhisnich eadhon bàs fhulang air son duine mhaith.

8 Ach a ta Dia a' moladh a ghràidh féin duinne, do bhrìgh an uair a bha sinn fathast 'nar peacachaibh gu'n d'fhuiling Crìosd bàs air son.

9 Is mòris mò, uime sin, air dhuinn a nis bhi air ar fireanachadh tre fhuil, a shaorar f tridsan o fheirg sinn.

10 Oir ma 'se, air bhì dhuinn 'nar naimhde, gu'n d'rinneadh réidh ri Dia sinn tre bhàs a Mhic; is mòr is mò, air dhuinn bhi air ar deanamh réidh, a shaorar tre a bheatha sinn.

11 Agus ni h-e mhàin sin, ach a ta sinn a' deanamh gairdeachais an Dia, trid ar Tighearna Iosa Crìosd, trid an d'fhuair sinn a nis an réite.

12 Uime sin mar a thainig peacadh a steach do'n t-saoghal tre aon duine, agus bàs tre'n pheacadh; mar sin mar an ceudna thainig bàs air na h-uile dhaoineibh, do bhrìgh gu'n do pheacaidh iad uile.

13 Oir gus an lagh, bha peacadh anns an t-saoghal: ach cha chuirear peacadh a leth dhaoine far nach 'eil lagh.

14 Gidheadh, rioghaich am peacadh o Adhamh gu Maois, eadhon air an dream nach do pheacaich a réir coslais easumhlachd Adhaimh; neach is e samhladh an ti ud a bha ri teachd:

15 Ach cha'n ann mar a' choire, a tha'n saor thiodhlaic. Oir ma fhuair mòran bàs tre choire aoin, is mòr is mò na sin a tha gràs Dhé, agus an tiodhlaic tre ghràs a ta trid aon

b earbsa, dùil.

c àmhgar.

d fìdreachadh, fein-fhiosrachadh.

e A nis. f thearnar, shabhalair.

g samhlaichas, comh-choslas, dealbh.

a saoradh, glanadh o chionta.



duine, Iosa Criosd, pailte do mhòran.

16 Agus ni h-ann mar tre aon duine a pheacaidh <sup>a</sup>, mar sin a tha'n tabhartas: oir bha am breitheanas tre aon *choire*, chum dithidh: ach a ta'n saor thabhartas o mhòran chiontaibh chum fireanachaidh.

17 Oir ma's e is tre choire aon duine, gu'n do rioghaich am bàs tre h-aon, is mòr is mò na sin a rioghaicheas iadsan, a gheibh pailteas gràis, agus tabhartais na fireantachd, ann am beatha tre aon, *eadhon* Iosa Criosd.

18 Uime sin, mar trid aon chionta <sup>b</sup> a thainig breitheanas air na h-uile dhaoinibh chum dithidh, is amhuil sin mar an ceudna trid aon fhìreantachd <sup>c</sup>, thainig an saor *thiodhlac* air na h-uile dhaoinibh chum fireanachaidh na beatha.

19 Oir mar trid eas-umhlachd aon duine a rinneadh mòran 'nam peacachaibh, is amhuil sin trid ùmhlachd aon duine a nithear mòran 'nam fireanaibh.

20 Ach thainig an lagh a steach, chum gu meudaichte a' choire: ach far an do mheudaicheadh am peacadh, bu ro-mhò a mheudaicheadh gràs.

21 Chum as mar a rioghaich am peacadh chum bàis, mar sin gu'n rioghaicheadh gràs tre fhìreantachd chum na beatha maireannaich, trid Iosa Criosd ar Tighearn.

## CAIB. VI.

**C**IOD ma ta a deir sinn? Am buanaich sinn am peacadh, chum gu meudaichear gràs?

2 Nar leigeadh Dia: cionnus a dh'fheudas sinne a ta marbh do'n pheacadh, ar beatha a chaitheadh ni's faide ann?

3 Nach 'eil fhios againh, a mheud againn is a bhaisteadh ann an Iosa Criosd, gu'n do bhaisteadh chum a bhàis sinn?

4 Air an aobhar sin dh'adhlacaidh sinn maraon ris tre'n bhaisteadh chum hàis: ionnas mar a thogadh Criosd suas o na marbhaibh le glòir d'an Athar, mar sin gu gluaisemaidne mar an ceudna ann an nuadhachd beatha.

5 Oir ma chaidh ar suidheachadh maraon ann an coslas a bhàis, bithidh sinn mar an ceudna air ar suidheachadh ann an coslas aiseirigh.

6 Air fhios so a bhi againn, gu bheil ar seann duine air a cheusadh maraon ris, ionnas gu'm biodh corp

a pheacaidh air a sgrìos, chum a so suas nach deanamaid seirbhis do'n pheacadh.

7 Oir an ti a fhuair bàs, rinneadh saor e o'n pheacadh.

8 A nis ma fhuair sinn bàs maraon ri Criosd, tha sinn a' creidsinn gu'm bi sinn beo maille ris mar an ceudna:

9 Air dhuina fios a bhi againn, air do Chriosd éirigh o na marbhaibh, nach bàsaich e ni's mò; cha 'n'eil tighearnas aig a' bhàs ni's mò air.

10 Oir a mheud gu'n d'fhuair e bàs, is ann do'n pheacadh a fhuair e bàs aon uair a mhàin: ach a mheud gu bheil e beo, is ann do Dhia a ta e beo.

11 Mar sin mar an ceudna measaibhse gu bheil sibh féin gu deimhin marbh do'n pheacadh, ach beo do Dhia trid Iosa Criosd ar Tighearn.

12 Air an aobhar sin na rioghaicheadh am peacadh ann bhur corp hàsmhor, air choras gu'n d'thugadh sibh ùmhlachd dha 'na anamhiannaibh.

13 Agus na tugaibh bhur buill 'nan armaibh eucorach do'n pheacadh; ach thugaibh sibh féin do Dhia, mar dhroing a ta beo o na marbhaibh, agus bhur buill 'nan armaibh fireantachd do Dhia.

14 Oir cha bhi aig a' pheacadh tighearnas oirbh: oir cha 'n'eil sibh fuidh 'n lagh, ach fuidh ghràs.

15 Ciod uime sin? am peacaich sinn, do bhrìgh nach 'eil sinn fuidh 'n lagh ach fuidh ghràs? Nar leigeadh Dia.

16 Nach 'eil fhios againh, an ti d'an toir sibh sibh féin mar sheirbhisich chum ùmhlachd, gur seirbhisich sibh do'n ti d'an dean sibh ùmhlachd; ma's ann do'n pheacadh chum bàis, no do ùmhlachd chum fireantachd.

17 Ach buidheachas do Dhia, an déigh dhuibh a bhi 'nar seirbhisich do'n pheacadh, gu'n d'thug sibh o bhur cridhe ùmhlachd do'n chumadh teagaisg sin, d'an d'thugadh sibh thairis e.

18 Air dhuibh ma ta bhi air bhur deanamh saor o'n pheacadh, rim sibh seirbhis do'n fhìreantachd.

19 Tha mi lahairt mar dhuine, air son anmhuinneachd bhur feòla-sa: oir mar a thug sibh bhur buill mar sheirbhisich do neo-ghloine, agus do euceart chum euceirt, amhuil sin a nis thugaibh bhur buill mar sheirbhisich do'n fhìreantachd, chum naomhachd.

<sup>a</sup> tre aon pheacadh.

<sup>b</sup> trid

chionta aon duine.

<sup>c</sup> trid fhìr-

eantachd aoin.

<sup>d</sup> cumhachd.

<sup>e</sup> ris an do chomh-chumailh sibh, a thugadh dhuibh.

20 Oir an uair a bha sibh 'nar seirbhisich do'n pheacadh, bha sibh saor o'n fhìreantachd.

21 Air an aòbhar sin ciod an toradh a bha agaibh an sin anns na nithibh sin, a ta nis a' cur nàire oirbh? oir is e crìoch nan nithe sin am bàs.

22 Ach a nis air dhuibh bhi saor o'n peacadh, agus 'nar seirbhisich do Dhia, tha bhur toradh agaibh chum naomhachd, agus a' chrìoch a' bheatha mhaireannach.

23 Oir is e tuarasdail a pheacaidh am bàs: ach is e saor thiodhlacadh a Dhé a' bheatha mhaireannach, trid Iosa Crìosd ar Tighearna.

### CAIB. VII.

**N**AACH 'eil fhios agaibh, a bhràithre, (oir is ann rìusan d'an aithne an lagh a ta mi labhairt) gu bheil tighearnas aig am lagh air duine, am fad is beo e?

2 Oir a' bhean a ta pòsda ri fear, tha i ceangailte leis an lagh r'a fear am fad is beo e: ach ma gheibh a fear bàs, tha i fuasgailte o lagh a fir.

3 Uime sin am feadh is beo a fear, ma phòsar i ri fear eile, goirear ban-adhaltranach dhith: ach ma gheibh a fear bàs, tha i saor o'n lagh sin, air eòr as nach ban-adhaltranach i, ge do robh i aig fear eile.

4 Air an aobhar sin, mo bhràithre, tha sibhse mar an ceudna marbh do'n lagh tre chorp Crìosd; ionnas gu'm biodh sibh pòsda ri fear eile, eadhon ris-san a thogadh o na marbhaibh, chum gu'n tugamaid toradh a mach do Dhia.

5 Oir an uair a bha sinn san fheòil, bha miannam nam peacadh, tre'n lagh, ag oibreachadh ann ar ballaibh, chum toradh a thoirt a mach gu bàs.

6 Ach a nis tha sinn air ar deanamh saor o'n lagh, air dha sin a bhi marbh leis 'na chumadh sinn; chum gu'n deanamaid seirbhis ann an nuadhachd spiorad, agus ni h-ann an seanaclid na litreach.

7 Ciod uime sin a deir sinn? am bheil an lagh 'na pheacadh? Nar leigeadh Dia. Ni h-eadh, cha b'aithne dhomh peacadh, ach tre'n lagh: oir cha bhiodh eòlas agam air sannt, mur abradh an lagh. Na sannt-uich e.

8 Ach air do'n pheacadh fàth d a ghlacadh, tre'n aithne dh'oiobrich e annam gach uile ghnè an-tograidh: oir as eugmhais an lagha bha'm peacadh marbh.

9 Oir bha mise beo as eugmhais an

lagha uair-eigin: ach air teachd do'n aithne, dh'ath-bheothaich am peacadh agus fhuair mise bàs.

10 Agus an aithne a dh'orduich-eadh chum beatha, fhuaradh dhomh-sa chum bàis i.

11 Oir, air do'n pheacadh fàth a ghlacadh, tre'n aithne mheall e mi, agus le sin mharbh e mi.

12 Air an aobhar sin tha'n lagh naomha; agus a ta'n aithne naomha, agus cothromach, agus maith.

13 Uime sin an d'rinneadh an ni sin, a bha maith, 'na bhàs domhsa? Nar leigeadh Dia. Ach am peacadh, chum gu faicte gur peacadh e, ag oibreachadh bàis annamsa, leis an ni sin a ta maith; chum tre'n aithne gu'm fàsadh am peacadh ro pheacach.

14 Oir a ta fhios againne gu bheil an lagh spioradail: ach a ta mise feòlmhor, air mo reiceadh fuidh'n pheacadh.

15 Oir an ni a ta mi deanamh, cha taitneach leam e: oir an ni a b'ail leam, cha'n e a dheanam; ach an ni a's fuathach leam, is e sin a ta mise a' deanamh.

16 Uime sin ma ta mi deanamh an ni nach b'ail leam, tha mi 'g aontachadh leis an lagh, gu bheil e maith.

17 A nis ma ta cha mhise ni's mò a tha deanamh so, ach am peacadh, a tha gabhail còmhnuidh annam.

18 Oir a ta fhios agam, annamsa (sin ri ràdh, ann am fheòil) nach 'eil maith sam bith a' gabhail còmhnuidh: oir tha'n toil a làthair maille rium, ach dòigh sam bith chum maith a dheanamh ni faigheam.

19 Oir ni'n deanam am maith bu mhiann leam: ach an t-olc nach b'ail leam, is e sin a ta mi a' deanamh.

20 A nis ma ta mi a' deanamh an ni nach b'ail leam, cha mhise ni's mò a ta deanamh so, ach am peacadh, a tha gabhail còmhnuidh annam.

21 Uime sin tha mi faotainn lagha, 'n uair a b'ail leam am maith a dheanamh, gu bheil an t-olc a làthair agam.

22 Oir a ta tlachd agam an lagh Dhé, a réir an duine an taobh a stigh.

23 Ach tha mi faicinn lagha eile a'm' bhallaibh a' cogadh an aghaidh lagha m'inntinn, agus ga m' thabhairt am bruid do lagh a' pheacaidh, a ta ann am bhallaibh.

24 Ocl is duine truagh mi! cò a shaoras mi o chorp a' bhàis so?

25 Tha mi toirt buidheachais do Dhia f, trid Iosa Crìosd ar Tighearna.

a ghibht.  
bàsachadh san ni.

d cothrom.

b air dhuinn  
c miannuich.

e leigte ris.

f Ghràs Dhé.

Uime sin, tha mise féin leis an inn-tinn a' deanamh seirbhis do lagh Dhé, ach leis an fheòil do lagh a' pheacaidh.

## CAIB. VIII.

**A**IR an aobhar sin cha 'n 'eil a nis dìteadh sam bith do 'n dream sin, a tha ann an Iosa Crìosd, a tha gluasad a ni h-ann a réir na feòla, ach a réir an Spioraid.

2 Oir shaor lagh Spioraid na beatha, ann an Iosa Crìosd, mise o lagh a' pheacaidh agus a' bhàis.

3 Oir an ni nach robh an comas do 'n lagh a dheanamh, do bhrìgh gu robh e anmhunn tre 'n fheòil, ag cur a Mhic féin do Dhia an coslas feòla peacaich, agus 'na òbairt air son peacaidh, dhìt e am peacadh san fheòil :

4 Chum gu'm biodh fìreantachd an lagha air a coimhlionadh annainne, a tha gluasad cha 'n ann a réir na feòla, ach a réir an Spioraid.

5 Oir an dream a ta a réir na feòla, tha an aire air na nithibh sin a bhuineas do 'n fheòil ; ach an dream a ta a réir an Spioraid, air na nithibh sin a bhuineas do 'n Spiorad.

6 Oir an inntinn fheòlmhor is bàs i ; ach an inntinn spioradail is beatha agus sìothchaint i :

7 Do bhrìgh gur naimhdeas an inntinn fheòlmhor an aghaidh Dhé ; oir cha 'n 'eil i ùmlal do lagh Dhé, is cha mhò a tha 'n comas d'i bhi.

8 Uime sin, cha'n urrainn iadsan, a tha san fheòil, Dia a thoileachadh.

9 Ach cha 'n 'eil sibhsan fheòil, ach san Spiorad, ma tha Spiorad Dhé a' gabhail còmhnuidh annaibh. A nis mar 'eil Spiorad Chrìosd aig neach, cha bhuin e dha.

10 Agus ma tha Crìosd annaibh, tha'n corp marbh gu deimhin a thaobh peacaidh ; ach is beatha an spiorad a thaobh fìreantachd.

11 Ach ma tha Spiorad an ti a thog Iosa o na marbhaibh, a' gabhail còmhnuidh annaibh, an ti a thog Crìosd o na marbhaibh, beothaichidh e mar an ceudna bhuir cuirp bhàsmhor-sa, tre a Spioradsan, a ta còmhnuidh annaibh.

12 Uime sin, a bhràithre, tha sinn fo fhiachaibh, cha'n ann do 'n fheòil, chum ar beatha a chaitheadh a réir na feòla.

13 Oir ma chaitheas sibh bhuir beatha a réir na feòla, gheibh sibh bàs : ach ma mharbhas sibh tre 'n Spiorad gnìomhara na colla, bithidh sibh beo.

14 Oir a mheud 'sa ta air an treòrachadh le Spiorad Dhé, is iad mic Dhé.

15 Oir cha d'fhuair sibh Spiorad na daorsa a rìs chum eagail ; ach fhuair sibh Spiorad na h-uchd-mhacachd, tre an glaoch c sinn, Abba, Athair.

16 Tha an Spiorad féin a' deanamh fianuis maraon r'ar spioradne, gur sinn clann Dhé.

17 Agus ma's clann, is oighreachan ; oighreachan air Dia, agus comh-oighreachan maille ri Crìosd : ma 'se 's gu'm fuiling sinn maille ris, chum gu glòraichear maraon ris sinn mar an ceudna.

18 Oir measam, nach fiu fulangais na h-aimsir a talàthair an coimhmeas ris a' ghloir a dh'f'hoillsichear annainn.

19 Oir a ta dùil dhùrachach a' chruthachaidh a' feitheamh ri foill-seachadh cloinne Dhé.

20 Oir chuireadh an cruthachadh fuidh dhìomhanas, cha'n ann le thoil, ach tridsan a chuir fuidh dhìomhanas e ;

21 An dòchas gu 'n saorar an cruthachadh féin fòs o dhaorsa na truailleidheachd, gu saorsa glòrmhor cloinne Dhé.

22 Oir a ta fhios againne gu bheil an cruthachadh uile e 'g osnaich, agus am péin gu léir, mar mhnai ri saothair, gus an àm so :

23 Agus cha 'n e so a mhàin, ach sinn féin mar an ceudna, aig am bheil ceud thoradh an Spioraid, tha eadhon sinne ag osnaich annainn féin, a' feitheamh ris an uchd-mhacachd, eadhon saorsa ar cuirp.

24 Oir is ann le dòchas a shaorar sinn : ach dòchas a chithear, cha dòchas e ; oir c'ar son a bhios dòchas aig duine ris an ni a ta e faicinn ?

25 Ach ma ta dòchas f'againn ris an ni nach 'eil sinn a' faicinn, feithidh sinn gu foighidneach ris.

26 Tha an Spiorad féin mar an ceudna a' deanamh còmhnaidh le'r n-anmhuineachd : oir cha'n aithne dhuinn ciod a ghuidheamaid mar bu chòir dhuinn : ach a ta an Spiorad féin a' deanamh eadar-ghuidhe g air ar son le osnaibh do-labhairt.

27 Agus is aithne dhasan a ta rannsaichadh nan cridheachan ciod i inntinn an Spioraid, do bhrìgh gu bheil e a' deanamh eadar-ghuidhe air son nan naomh a réir toil Dé.

28 Agus a ta fhios againn gu'n

a a' siubhail, ag imeachd.  
b trid, air sgàth.

c eigh, gairm.

e gach uile chreutair.

g guidhe.

d a' chreutair.

f sùil.

comh-oibrich na h-uile nithe chum maith, do'n dream aig am bheil gràdh do Dhia, *eadhon* dhoibhsan, a ghairmeadh a réir a rùin.

29 Oir an dream a roimh-aithnich e, roimh-orduich e iad mar an ceudna *chum bhi* comh-chosmuil ri dealbh a Mhic, chum gu'm biodh esan 'na cheud-ghin am measg mòrain bhràithre.

30 Agus an dream a roimh-orduich e, ghairm e iad mar an ceudna : agus an dream a ghairm e, dh'fhìreanaich e mar an ceudna : agus an dream a dh'fhìreanaich e, ghloirach e mar an ceudna.

31 Ciod uime sin a deir sinn ris na nithibh sin ? Ma ta Dia leinn, cò dh'fheudas bhi 'nar n-aghaidh ?

32 An ti nach do chaomhain a Mhac féin, ach a thug thairis e air ar soin-ne uile, cionnus maille ris-san nach tabhair e mar an ceudna dhuinn gu saor na h-uile nithe ?

33 Cò chuireas coire sam bith a leth daoine taghta Dhé ? 'Se Dia a dh'fhìreanaicheas a.

34 Cò a dhìteas ? 'Se Crìosd a fhuair bàs, seadh tuilleadh fòs, a dh'èirich a ris, agus a ta air deas làimh Dhé, neach a ta mar an ceudna a' deanamh eadar-ghuidhe air ar soinne.

35 Cò sgaras sinn o ghràdh Chrìosd ? an dean trioblaid, no àmhghar, no geur-leanmhuinn, no gorta, no lomnochduigh, no cunpart, no claidheamh ?

36 (A réir mar a ta e scrìobhta, Air do shonsa mharbhadh sinn rè an là ; mheasadh sinn mar chaoraich chum marbhaidh.)

37 Ni h-eadh, ach anns na nithibh sin uile tha sinn a' toirt tuilleadh agus buaidh, tridsan a ghràdhach sinn.

38 Oir a ta dearbh-bheachd agam, nach bi bàs, no beatha, no aingil, no uachdaranachda, no cumhachda, no nithe a ta làthair, no nithe a ta ri teachd,

39 No àirde, no doimhne, no creut-air sam bith eile, comasach air sinne a sgaradh o ghràdh Dhé, a ta ann an Iosa Crìosd ar Tighearn.

#### CAIB. IX.

**A** DEIREAM an fhìrinn ann an Crìosd, nìor dheanam breug, (air bhi do m' choguis a' deanamh nanuis domh san Spiorad naomh.)

2 Gu bheil doilgheas mòr orm, agus cràdh air mo chridhe an comh-nuidh.

3 Oir ghuidhinn mi féin a bhi

dealaichte e o Chrìosd, air son mo bhràithre, mo luchd-dàimh a thaobh na feòla :

4 A ta 'nan Israelich ; d'am buin an uchd-mhacachd agus a' ghlòir, agus na coimh-cheangail, agus tabhairt an lagha, agus seirbhis Dé, agus na geallanna ;

5 D'am buin na h-aithriche, agus o'm bheil Crìosd a thaobh na feòla, neach is e Dia os ceann nan uile, beannuichte gu sìorruidh. Amen.

6 Cha 'n e gu bheil focal Dé gun éifeachd. Oir cha 'n Israelich iadsan uile, a ta o Israel :

7 Agus ni mò do bhrìgh gur sìochd do Abraham iad, a ta iad uile 'nan cloinn : ach ann an Isaac ainmichear do shìol.

8 Is e sin ri ràdh, Cha 'n iad clann na feòla clann Dhé : is iad clann a' gheallaidh a mheasar mar shìol.

9 Oir is e so focal a' gheallaidh, A réir an àm so d thig mi, agus bithidh mac aig Sara.

10 Agus cha 'n e mhàin so, ach Rebeca mar an ceudna 'nuair a thoirrcheadh i o aon, *eadhon* Isaac ar n-athairne.

11 (Oir mun do rugadh na naoidh-eana, agus mun d'rinn iad maith no olc, chum gu'm biodh rùn Dé a réir an taghaidh seasmach, cha 'n ann o oibribh, ach o'n ti a ghairmeas.)

12 A dubhradh rithe, Ni an neach a's seine seirbhis do'n neach a's òige.

13 A réir mar a ta e scrìobhta, Ghràdhach mi Iacob, ach dh'fhuathaidh mi Esau.

14 Ciod a deir sinn ma ta ? an bheil eucoir maille ri Dia ? Nar leigeadh Dia.

15 Oir a deir e ri Maois, Ni mi tròcair, air an neach air an dean mi tròcair, agus gabhaidh mi truas do'n neach d'an gabh mi truas.

16 Uime sin cha 'n ann o'n ti leis an àill, no o'n ti a ruitheas, ach o Dhia a ni tròcair.

17 A deir an scriobtuir ri Pharaoh, Is ann chum na crìche so féin a thog mi suas thu, chum gu'm foillsichinn mo chumhachd annad, agus chum gu'm biodh m'ainm iomraideach air feadh na talmhainn uile.

18 Uime sin, ni e tròcair air an ti a's àill leis, agus an ti a's àill leis cruaidhichidh se.

19 A deir tu ma ta rium, C'ar son a ta e ma seadh n' faghail croin ? oir cò a chuir an aghaidh a thoile ?

20 Ni h-eadh ach, O a dhuine,

a a shaoras, a ghairmeas glan o chionta.

b dealaichteas.

c malluichte.

d Air an àm so.



cò thusa a ta tagradh an aghaidh Dhé? An abair an nì a chumadh ris an ti a chum e, C'ar son a rinn thu mi mar so?

21 Nach 'eil cumhachd aig a' chriadh-fhear a air a' chriadh, ionnas gu'n deanadh e do'n aon mheall aon soitheach chum onoir, agus soith-each eile chum eas-ònoir.

22 Cìod ma's e, air bhi do Dhia toileach fhearg a nochdadh, agus a chumhachd a dheanamh aithnichte, gu'n d'fhuiling b e le mòr fhad-fhulangas soithiche na fèirge air an ulluchadh chum sgrìos:

23 Agus chum gu'n deanadh e aithnichte saibhreas a ghloire air soithichibh na tròcair, a dh'ulluich e roimh-làimh chum glòire?

24 Eadhon sinne a ghairm e, cha'n e mhàin do na h-Iudhachaibh, ach mar an ceudna do na Cinneachaibh.

25 Mar a deir e mar an ceudna ann an Osee, Goiridh mi mo phobull diubhsan nach robh 'nam pobull domh; agus *bean* ghràdhach dh'ise, nach robh gràdhach.

26 Agus tarlaidh, anns an ionad san dubhradh riu, Cha sibh mo phobull-sa, an sin gu'n goirear Clann an Dé bheo dhiubh.

27 Tha Esaias mar an ceudna ag éigheach mu thimchioll Israeil, Ge do tha àireamh chloinn Israeil mar ghaineamh na fairge, is fuigheall a thearnar.

28 Oir crìochnaichidh e an obair, agus gearraidh e goiridh an ceartas: do bhrìgh gu'n dean ad Tighearn obair ghoiridh air an talamh.

29 Agus mar a thubhairt Esaias roimhe, Mur fàgadh Tighearn nan sluagh sìol againne, dheantadh sinn mar Shodom, agus bhitheamaid cosmhuil ri Gomorrha.

30 Cìod a deir sinn ma seadh? Gu'n d'ràinig na Cinnich, nach robh a' leantuinn fireantachd, air fireantachd, eadhon an fhìreantachd a ta o chreidimh:

31 Ach cha do ràinig Israel, a bha leantuinn lagha na fireantachd, air lagh na fireantachd.

32 C'ar son? A chionn nach ann o chreidimh, ach mar gu'm b'ann o oibribh an lagha a dh'iarr iad i: oir thuislich iad air a' chloich-thuislidh sin;

33 Mar a ta e scribedhta, Feuch, cuiream ann an Sion clach-thuislidh, agus carruig oibheim: agus gach neach a chreideas anusan, cha chuirear gu nàir e.

A BHRAITHRE, is e dùrachd d mo chridhe, agus m'òrnuigh ri Dia air son Israeil, gu'm biodh iad air an tearnadh.

2 Oir a ta mi deanamh fianuis doibh, gu bheil eude aca thaobh Dhé, ach cha'n ann a réir eòlais.

3 Oir air dhoibh bhi aineolach air fireantachd Dhé, agus ag iarraidh am fireantachd féin a chuir air chois, cha do strìochd iad do fhìreantachd Dhé.

4 Oir is e Crìosd crìoch an lagha, chum fireantachd do gach neach a chreideas.

5 Oir a ta Maois a' cur an céill na fireantachd a ta o'n lagh, eadhon an duine a ni na nithe sin, gu'm bi e beo leo.

6 Ach mar so deir an fhìreantachd a ta o chreidimh. Na abair ann do chridhe, Cò thèid suas air nèamh? (sin r'a ràdh, a thoirt Chrìosd anuas;)

7 No, Cò a thèid sìos do'n doimhne? (sin r'a ràdh, a thoirt Chrìosd a ris air ais o na marbhaibh;)

8 Ach cìod a deir i? Tha 'm focal am fagus duit, ann do bheul, agus ann do chridhe: 'se sin focal a' chreidimh, a tha sinne a' searmonachadh,

9 Madh'aidicheas tula d' bheul an Tighearn Iosa, agus ma chreideas tu ann do chridhe, gu'n do thog Dia o na marbhaibh e, gu'n saorar thu.

10 Oir is ann leis a' chridhe a chreidear chum fireantachd, agus leis a' bheul a dh'aidichear cham slàinte.

11 Oir a deir an scriobtuir, Ge b'e neach a chreideas anusan, cha nàraichear e.

12 Oir cha 'n'eil eadar-dhealachadh eadar an t-Iudhach agus an Greugach: oir an t-aon Tighearn a ta os cionn nan uile, tha e saibhir do na h-uile, a ghairmeas air.

13 Oir ge b'e neach a ghairmeas air ainm an Tighearna, tearnar e.

14 Ach cionnus a ghairmeas iad aisan anns nach do chreid iad? agus cionnus a chreidas iad anns an ti air nach cual iad *iomradh*? agus cionnus a chluinneas iad gun searmonuiche?

15 Agus cionnus a ni iad searmoin, murcuirear iad? mar a ta e scriobhta, Cia sgiamhach cosa na muinntir sin, a ta searmonachadh soisgeil nasith, a ta toirt sgéil aoibhneich air nithibh maithé!

16 Ach cha robh iad uile ùmhal

a fear deanamh shoithiche creadha.  
b gu'n do ghiùlain. c fireantachd.

d làn toil.  
e ghéill.

e teas-ghràdh.  
z soisgeulachadh.

do'n t-soisgeul. Oir a deir Esaias, A Thighearn, cò a chreid ar n-aithris-ne a?

17 Uime sin, is ann o éisdeachd a thig creidimh, agus éisdeachd tre fhocal Dé.

18 Ach a deiream, Nach cual iad? Chuala gu deimhin, chaidh fnaim air feadh gach tìre a mach, agus am briathra gu iomallaibh an domhain.

19 Ach a deiream, Nach robh fios aig Israel? Air tùs, a deir Maois, Cuiridh mi eud oirbh le Cinneach nach 'eil 'nan Cinneach, agus le Cinneach neo-thuigseach cuiridh mi fearg oirbh.

20 Ach a ta Esaias ro dhàna, agus a deir e, Fhuaradh mi leo-san nach d'iarr mi; dh'fhoillsicheadh mi dhoibhsan, nach d'fhiosraich air mo shon.

21 Ach ri Israel a deir e, Shìn mi mach mo làmhnan rè an là gu h-iomlan ri pobull eas-ùmhail, agus a labhras a'm' aghaidh.

# CAIB. XI.

**A** DEIREAM ma seadh, An do thilg Dia a phobull uaith? Nar leigeadh Dia. Oir is Israeleach mise féin mar an ceudna, do shliochd Abraham, do thréibh Bheniamin.

2 Cha do thilg Dia uaith a phobull a roimh-aithnich e. Nach 'eil fhios agaibh ciod e a deir an scriobtuir mu Elias? cionnus a te e a' deanamh eadar-ghuidhe b ri Dia an aghaidh Israeil, ag ràdh,

3 A Thighearn, mharbh iad t'fhàidean, agus leag iad sìos t'altairean; agus dh'thàgadh mise a'm' sonar, agus tha iad ag iarraidh m'anama.

4 Ach ciod a deir freagradh Dé ris, Dh'fhàg mi dhomh féin seachd mìle fear, nach do lùb an glùn do dhealbha Bhaail.

5 Agus mar sin mar an ceudna tha san àm so a làthair fuigheall a réir taghaidh a' ghràis.

6 Agus ma's ann tre ghràs, cha'n ann o oibribh ni's mò: no cha ghràs a sin suas gras. Ach ma's ann o oibribh, cha'n ann o ghràs a sin suas: no cha'n obair a sin suas obair.

7 Ciod ma seadh? An ni sin a ta Israel ag iarraidh, cha do ràinig e air; ach ràinig an taghadh air, agus chaidh a' chuid eile a dhalladh:

8 Mar a te e scriobhta, Thug Dia dhoibh spiorad na suaine, sùile chum nach faiceadh iad, agus cluasa chum nach cluinneadh iad, gus an là an diugh.

9 Agus a deir Daibhidh, Biodh am

bord mar ribe, agus mar inneal-glacaidh, agus mar cheap-tuislidh, agus mar dhiol-thuarasdal dhoibh.

10 Biodh an sùilean air an dorchachadh, chum nach faic iad; agus crom-sa an druim an còmhnuidh.

11 A deiream uime sin, An do thuislich iad ionnas gu'n tuiteadh iad? Nar leigeadh Dia: ach tre an tuiteamsan tha slàinte air teachd chum nan Cinneach, chum iadsan a bhrosnachadh gu h-eud.

12 Ma's e an tuiteamsan saibhreas an domhain, agus an lughdachadh saibhreas nan Cinneach; cia's mò na sin a bhitheas an lànachd?

13 Oir is ann ribhse a labhran, a Chinneacha; do bhrìgh gur mi abstol nan Cinneach, tha mi toirt urraim do m' dhreuchd.

14 Ma dh'fheudas mi air chor sam bith mo choimh-fheòil a bhrosnachadh gu h-eud, agus gu'n tearuinn mi dream àraidh dhiubh.

15 Oir ma's e'n tilgeadhsan air falbh réiteachadh an domhain; ciod e an ath-ghabhail, ach beatha o na marbhaibh?

16 Oir ma ta an ceud-thoradh naomha, tha am meall naomha mar an ceudna: agus ma ta an fhreumh naomha, tha na geuga mar sin mar an ceudna.

17 Agus ma ta cuid do na geugaibh air am briseadh dheth, agus gu bheil thusa, a bha a'd' chrann-ola fiadhaich, air do shuidheachadh 'nam measg, agus maille riu a' faotainn comh-pairt do fhrèimh agus do reambrachd a' chroinn-ola;

18 Na dean uaill an aghaidh nan geug: ach ma ni thu uaill 'nan aghaidh, cha tusa a dh'iomchaires an fhreumh, ach an fhreumh thusa.

19 A deir tu uime sin, Bhrieadh dheth na genga, chum gu suidhichte mise 'nan àit.

20 Ro mhaith; air son am mi-chreidimh bhrieadh iadsan dheth, agus a ta thusa a' seasamh tre chreidimh. Na bi àrd inntinneach, ach fa eagal.

21 Oir mur do chaomhain Dia na geuga nàdurra, biodh eagal ort nach caomhain e thusa mar an ceudna.

22 Feuch uime sin maitheas agus geur cheartas Dé: geur cheartas d'an taobhsan a thuit; ach do d' thaobhsa, maitheas, ma bhuaicheas tu 'na mhaicheas; agus mur buanaich, gearrar dheth thusa mar an ceudna.

23 Agus suidhichear iadsan mar an ceudna, mur buanaich iad 'nam

mi-chreidimh : oir a ta Dia comasach air an suidheachadh a ris.

24 Oir ma ghearradh thusa as a' cbrann-ola, a bha fiadhaich a thaobh nàduir, agus gu'n do shuidhicheadh ann an deadh cbrann-ola thu an aghaidh nàduir; cia mòr is mò na sin a shuidhichear na *geuga* nàdurra 'nan crann-ola féin?

25 Oir cha b' àill leam, a bhràithre, sibhse bhi aineolach air an rùndiomhair so (chum nach biodh sibh glie 'nar barail féin) gu'n do tharladh doille ann an cuid do Israel, gus an d'thig iomlanachd nan Cinneach a steach.

26 Agus mar sin bithidh Israel uile air an slànuchadh : mar a ta e scriobhta, Thig an Fear-saoraidh o Shion, agus tionndadhaidh e mi-dhiadhachd o Iacob.

27 Oir is e so mo chomh-cheangal riu, 'ruair a bheir mi air falbh am peacanna.

28 Thaobh an t-soisgeil, is naimhdean iad air bhur sonsa: ach a thaobh an taghaidh, *tha iad* gràdhachtaiche air son nan aithriche.

29 Oir a ta tiodhlacan agus gairm Dhé gun aithreachas.

30 Oir mar a bha sibhse roimhe so eas-ùmhail do Dhia, ach a nis a fhuair sibh tròcair trid am mi-chreidimhsan :

31 Amhuil sin a ta iadsan san àm so eas-ùmhail, chum trid bhur tròcairse gu 'm faigh iad tròcair mar an ceudna.

32 Oir dhruid Dia iad uile ann am mi-chreidimh, chum trocair a dheanamh air na h-uile.

33 O doimhne saibhris araon gliocais agus eòlais Dé! Cia dorannsaichaidh a bhreitheanais, agus do-lorgachaidh a shlighean!

34 Oir cò aig an robh fios inntinn an Tighearna, no cò bu chomhairleach dha?

35 No cò thug dha air tùs, agus a làn-diolar a ris dha e?

36 Oir is ann uathesan agus trid-san, agus air a shonsan a ta na h-uile nithe : dhasan *gu robh* glòir gu siorruidh. Amen.

### CAIB. XII.

**A**IR an aobhar sin guidheam oirbh, a bhràithre, tre thròcairibh Dhé, bhur cuirp a thabhairt 'nam beo-iobairt, naomha, thaitneach do Dhia, *ni a's e* bhur seirbhis ceusonta.

2 Agus na bithibh air bhur cumadh ris an t-saoghal so : ach bithibh

air bhur cruth-atharrachadh tre athnuadhachadh bhur n-inntinn, chum gu'n dearbh sibh ciod i toil nbaith, thaitneach, agus dbiongmhalta sin Dhé.

3 Oir a deiream, trid a' ghràis a thugadh dhomhsa, ris gach neach 'nar measg, gun smuaineachadh *uime féin* ni's àirde na 's còir dha smuaineachadh; ach smuaineachadh am measarrachd, a réir mar a roinn Dia ris gach neach tomhas a' chreidimh.

4 Oir mar a ta mòran bhall againn ann an aon chorp, agus nach e'n t-aon ghnìomhe a th'aig gach ball :

5 Amhuil sin ge do tha sinne 'nar mòran, is aon chorp ann an Crìosd sin, agus is buill sinn gach aon fa leth d'a chéile.

6 Uime sin, air bhi do thiodhlac-aibh againn, eadar-dhealaichte f a réir a' ghràis a thugadh dhuinn, ma's fàidheadaireachd, *deanamaid fàidheadaireachd* a réir tomhais a' chreidimh :

7 No ma's frithealadh, *thugamaid aire* d'ar frithealadh; no an ti a theagaisgeas, *thugadh e aire* d'a theagasg;

8 No an ti a bheir earail, *thugadh e aire* d'a earail : an ti a roinneas an *déire*, *roinneadh e i* an treibh-dhìreachd; an ti a riaghlas, *deanadh se e* maille ri dùrachd; an ti a ni tròcair, *deanadh se e* gu suilbhir.

9 Biodh bhur gràdh gun cheilg. Biodh gràin agaibh do'n olc, lean-aibh gu dlùth ris an ni a tha maith.

10 Bithibh teo-chridheach d'a chéile le gràdh bràthaireil, ann an urram a toirt toisich gach aon d'a chéile :

11 Gun bhi leasg ann an gnoth-uichibh : dùrachdach i 'nar spiorad; a' deanamh seirbhis do'n Tighearna :

12 A' deanamh gairdeachais an dòchas : foighidneach an trioblaid; maireannach ann an ùrnuigh :

13 A' comh-roinn ri uireasbhuidh nan naomh; a' gnàthachadh aoidheachd.

14 Beannuichibh an dream a ta deanamh geur-leanmhuinn oirbh : beannuichibh, agus na mallachibh.

15 Deanaibh gairdeachas maille rìusan, a ta ri gairdeachas, agus caoidh maille rìusan, a ta ri caoidh.

16 Bithibh a dh'aon rùn' d'a chéile. Na biodh bhur cion air nith-

d stuaim.

c obair, oifig.

f eagsamhuil.

g comhairle.

h aon-fhillteachd.

i beothail, faobharach.

l inntinn, toil.

a cha do chreid iadsan.

b easumhlachd.

c aoradh.

ibh àrd<sup>a</sup>, ach cuiribh sibh féin an comh-inbhe riu-san a ta iosal. Na bithibh glic 'nar barail féin.

17 Na locaibh olc air son uile do dhuine sam bith. Ulluichibh nithe ciatafach am fianuis nan uile dhaoine.

18 Ma dh'fheudas e bhi, mheud 's a ta e'n comas duibh, bithibh an sìth ris na h-uile dhaoineibh.

19 A chàirde gràdhach, na dean-aibh dioghaltas air bhur son féin, ach thugaibh àit do'n fheirg: oir a ta e scrioblta, Is leansa an dioghaltas: iocaidh mi, deir an Tighearn.

20 Uime sin, ma bhios do nàmhaid ocrach, thoir biadh dha; ma bhios e tartmhorb, thoir deoch dha: oir le so a dheanamh càrnaidh tu eibhle teine air a cheann.

21 Na d'thugadh an t-olc buaidh ort, ach beir-sa buaidh air an olc leis a' mhaith.

### CAIB. XIII.

**B**IODH gach anamc ùmhal do na h-àrd chumhachdaibh. Oir cha 'n'eil cumhachd ann ach o Dhia: agus na cumhachdan a ta ann, is ann le Dia d a dh'orduicheadh iad.

2 Air an aobhar sin ge b'e air bith a chuireas an aghaidh a' chumhachd, tha e cur an aghaidh orduigh Dhé: agus iadsan a chuireas 'na aghaidh, gheibh iad breitheanas e dhoibh féin.

3 Oir cha 'n'eil uachdarain 'nan aobhar eagail do dheadh oibribh, ach do dhroch oibribh. Uime sin am miann leat bli gun eagal an uachdarain ort? dean am maith, agus gheibh thu cliu uaith.

4 Oir is esan seirbhiseach Dhé chum maith dhuit. Ach ma ni thu an t-olc, biodh eagal ort; oir cha'n ann gu dìomhain a tha e giùlan a' chlàidheimh: oir is e seirbhiseach Dhé e, 'na dhioghaltair feirge air an ti, a ni olc.

5 Uime sin, is éigin bhi ùmhal, ni h-ann a mhàin air son feirge, ach mar an ceudna air son coguis.

6 Oir air an aobhar so tha sibh mar an ceudna a' toirt cùis dhoibh: oir is iad seirbhiseach Dhé iad, a slor-fheitheamh air an ni so féin.

7 Air an aobhar sin thugaibh do gach neach an dlighe féin: càin dhasan d'an dlighear càin, cis dhasan d'an dlighear cis, eagal dhasan d'an dlighear eagal, agus urram dhasan d'an dlighear urram.

8 Na biodh fiacha sam bith aig aon neach oirbh, ach a mhàin a chèile

a ghràdhachadh: oir an ti aig am bheil gràdh do neach eile, choimhlion e an lagh.

9 Oir an ni so, Na dean adhal-trannas, Na dean mortadh, Na goid, Na dean fianuis bhréige, Na sanntaich, agus ma ta àithne sam bith eile ann, tha i air a cur sìos gu h-aithghearr fuidh 'n fhocal so, Gràdhach do choimhearsnach mar thu féin.

10 Cha dean gràdh lochd do choimhearsnach: air an aobhar sin is e an gràdh coimhlionadh an lagha.

11 Agus so, air dhuibh fios na h-aimsir a bhi agaibh, gur mithich dhuinn a nis mosgladh o chodal: oir a ta ar slàinte nis ni's faisge na 'nuair a chreid sinn.

12 Tha cuid mhòr do'n oidhche air dol tharuing, tha an là am fagus: uime sin cuireamaid dhinn oibre an dorchadais, agus cuireamaid umaoin armachd f an t-soluis.

13 Gluaiseamaid gu cubhaidh mar anns an là; cha'n ann an ruidhteir-eachd e agus am misg, no an seomradaireachd agus am macnus, no an aisth agus am farmad.

14 Ach cuiribh umaibh an Tighearn Iosa Criosd, agus na deanaibh ulluchadh air son na feòla, chum a h-anamhianna a choimhlionadh.

### CAIB. XIV.

**G**ABHAIBH ris an neach a ta anmunn<sup>h</sup> sa' chreidimh, ach ni h-ann chum deasboireachd amharusach.

2 Oir a ta h-aon a' creidsinn gu'm feud e na h-uile nithe itheadh: ach a ta esan a ta anmunn ag itheadh luibheanna.

3 Na deanadh esan, a ta 'g itheadh, tàir airsan nach 'eil ag itheadh; agus na tugadh esan, nach 'eil ag itheadh, breth air an ti a dh'itheas: oir ghabh Dia ris.

4 Cò thusa a ta toirt breth air seirbhiseach duin'eile? d'a mhaighstir féin seasaidh, no tuitidh e: seadh, cumar suas e; oir is comasach Dia air a chumail 'na sheasamh.

5 Tha meas aig neach air lài thor là: agus tha meas aig neach eile air gach là mar a chèile. Biodh làn-dearbhadh aig gach duine 'na inn-tinn féin.

6 An ti aig am bheil suim do'n là, is ann do'n Tighearn a tha suim aige dha; agus an ti aig nach 'eil suim do'n là, is ann do'n Tighearn nach 'eil suim aige dha. An ti a ta 'g itheadh, is ann do'n Tighearn a tha e 'g itheadh, oir tha e toirt buidheach-

<sup>a</sup> Na bithibh àrd-inntinneach.

<sup>b</sup> totmhor. <sup>c</sup> gach neach.

<sup>d</sup> fuidh Dhia. <sup>e</sup> dìteadh.

<sup>f</sup> éididh. <sup>g</sup> anabharr. <sup>h</sup> lag.

<sup>i</sup> suim aig neach do là.



ais do Dhia; agus an ti nach 'eil ag itheadh, is ann do'n Tighearn nach ith e, agus bheir e buidheachas do Dhia.

7 Oir cha 'n'eil a h-aon againn beo dha féin, agus cha 'n'eil a h-aon againn a' básachadh dha féin.

8 Oir ma's beo dhuinn, is ann do'n Tighearn a tha sinn beo: agus ma's bàs duinn, is ann do'n Tighearn a tha sinn a' básachadh: uime sin ma's beatha no bàs dhuinn, is leis an Tighearn sinn.

9 Oir is ann chum so a fhuair Criosd bàs, agus a dh'éirich e, agus a tha e beo a ris, chum g'um biodh e 'na Thighearn air na beothaibh, agus air na marbhaibh.

10 Ach c'ar son a ta thusa a' toirt breth air do bhràthair? no c'ar son a ta thusa a' deanamh tarcuis air do bhràthair? oir seasaidh sinn gu léir am fianuis càthir-breitheanais Chriosd.

11 Oir a ta e scrìobhta, *Mar is beo mise*, a deir an Tighearn, lùbaidh gach glùn demhsa, agus aidichidh gach teanga do Dhia.

12 Air an aobhar sin bheir gach aon againn cuantas uime féin do Dhia.

13 Uime sin, na tugamaid breth air a chéile ni's mò: ach gu ma fearr libh a' bhreth so thoirt, gun aobhar-tuiteam, no oilbheim a thoirt do bhràthair.

14 Oir a ta fhios agam, agus is dearbh leam aas an Tighearn Iosa, nach 'eil ni sam bith neo-ghlan dheth féin: ach do'n ti a mheasas ni sam bith neo-ghlan, dhasan a te e neo-ghlan.

15 Ach ma bhios doilgbeas air do bhràthair air son bith, a nis cha 'n'eil thu a' gluasad a réir a' ghràidh. Na sgrios a le d' bhiadh esan air son an d'fhuiling Criosd bàs.

16 Air an aobhar sin na labhrar olc mu bhuir maith.

17 Oir cha bhiadh agus deoch rioghachd Dhé, ach fireantachd, agus sìth, agus aoibhneas san Spiorad naomh.

18 Oir ge b'e ni seirbhis do Chriosd anns na nithibh so, tha e taitneach do Dhia, agus tha e dearbhta do dhaoineibh.

19 Uime sin leanamaid na nithe a bhios chum sìthe, agus na nithe a bhios chum togail suas a chéile.

20 Na sgrios obair Dhé air son bith. Gu deimhin tha na h-uile nithe glan; ach is olc do'n duine sin a dh'itheas le h-oilbheum.

21 Is maith an ni gun fheòil itheadh, no fion òl, no ni air bith a dheanamh leis am faigh do bhràthair tuisleadh no oilbheum, no leis an deanar lag e.

22 Am bheil creidimh agad? Biodh e agad dhuit féin am fianuis Dé: Is beannuichte an duine sin nach dìt e féin anns an ni sin a mheasas e ceaduichte.

23 Ach esan a ni eadar-dhealachadh tha e air a dhèadhadh ma dh'itheas e, a chionn nach ann o chreidimh a tha e 'g itheadh: oir gach ni nach 'eil o chreidimh, is peacadh e.

## CAIB. XV.

UIME sin, is còir dhuinne a ta làidir, giùlan le amhuinn-eachd na muinntir sin a ta lag, agus gun sinn féin a thoileachadh.

2 Toilicheadh gach aon againn a choimhearsnach g'a mhaith chum a thogail suas.

3 Oir cha do thoilich eadhon Criosd e féin; ach a réir mar a ta e scrìobhta, Thuit toibheum e na muinntir sin, a thug toibheum dhuit, ormsa.

4 Oir ge b' iad nithe air bith a scrìobhadh roimhe so, is ann chum ar teagaisgne a scrìobhadh iad; chum trid foighidin agus comh-fhurtachd nan scrìobtuir gu'm biodh dòchas f againne.

5 A nis gu tugadh Dia na foighidin agus na comh-fhurtachd dhuibhse bhi dh'aon inntinn a thaobh a chéile, a réir Iosa Criosd:

6 Chum gu'm feud sibh a dh'aon inntin, agus le aon bheul glòir a thoirt do Dhia, eadhon Athair ar Tighearna Iosa Criosd.

7 Uime sin gabhaibhse r'a chéile, eadhon mar a ghabh Criosd ruinne, chum glòire Dhé.

8 A nis a deirim, Gu robh Iosa Criosd 'na mhinisteir an timchioll-ghearraidh air son fìrinn Dhé, chum geallanna nan aithriche a dhaingneachadh:

9 Agus chum gu'n tugadh na Cinnich glòir do Dhia air son a thròcair; a réir mar a ta e scrìobhta, Air an aobhar so aidicheam thu z am measg nan Cinneach agus seinnidh mi cèd do d' ainm.

10 Agus a ris a deir e, Dcanaihb gairdeachas, a Chinneacha, maille r'a phobullsan.

11 Agus a ris, Molaibh an Tighearn, a Chinneacha uile, agus thugaibh cliu dha, a shlòigh uile.

d a ta fuidh amharus. e masladh.  
f dùil, earbsa. g aidicheam  
dhuit, bheiream cliu dhuit.

a cuir am mugha. b ar.

c a stiùras chum sìochaint.

12 Agus a ris deir Esaias, Bitidh freumh Iese ann, agus an ti a dh'éireas suas chum uachdaranachd bhi aige air na Cinneachaibh, annsan cuiridh na Cinnich an dòchas.

13 A nis gu'n lìonadh Dia an dòchais sibhse do'n uile aoibhneas agus shìothlachaint ann an creidsinn, chum gu'm bi sibh pailt ann an dòchas, tre clumbachd an Spioraid naomh.

14 Agus a ta cinnt agamsa féin d'ar taobhsa, mo bhràithre, gu bheil sibhse làn do mhaithreas, air bhur lìonadh leis an uile eòlas, agus comesach mar an ceudna air a chéile a chomhairleachadh a.

15 Gidleadh, a bhràithre, sèriobh mi d'ar ionnsuidh leis an tuilleadh dānadais, an cail-eigin, mar gu cuirinn an cuimhne sibh, air son a' ghràis a thugadh dhomhsa o Dhia,

16 Ionnas gu'm bitinn a'm' mhinisteir aig Iosa Crìosd do na Cinneachaibh, a' frithealadh soisgeil Dé, chum gu'm biodh tabhartas b nan Cinneach taitneach, air a naomhachadh leis an Spiorad naomh.

17 Uime sin tha aobhar uail agam trid Iosa Crìosd, anns na nithibh sin a bhuineas do Dhia.

18 Oir cha bhi dānachd agam labhairt air a' bheag do na nithibh sin, uach d'oibrich Crìosd leam, chum na Cinnich a dheanamh ùmhal am focal agus an gnìomh.

19 Le cumhachd chomharan agus mhiorbhuilean, le cumhachd Spioraid Dé; ionnas o Hierusalem agus mu'n cuairt gu Iliricum, gu'n do làn - shearmonaich mi soisgeul Chrìosd.

20 Seadh, mar sin bha ro-dhéidh agam air an t-soisgeul a shearmonachadh, cha'n ann san ionad san robh Crìosd air ainmeachadh, chum nach togainn m'obair air bunait neach eile:

21 Ach a réir mar a ta e sèriobhta, Chi iadsan ris nach do labhradh uime: agus tuigidh iadsan, nach cuala.

22 Uime sin, mar an ceudna chuireadh gu minic bacadh orm o theachd d'ar ionnsuidhse.

23 Ach a nis do bhrìgh nach 'eil agam ionad nì's mò anns na crìochaibh so, agus gu bheil mòr thogradh agam o cheann mòrain bhliadhnaibh teachd d'ar ionnsuidhse;

24 Ge b'e uair a thriallas mi do'n Spàinn, thig mi d'ar ionnsuidhse: oir tha dùil agam sibhse fhaicinn san

dol seachad, agus bhi air mo thoirt air m'aghaidh libhse chum an ionaid sin, ma bhios mi air tùs an cail-eigin air mo lìonadh le'r comhludarsa.

25 Ach a nis tha mi dol gu Hierusalem, a' frithealadh do na naomhaibh.

26 Oir bu toil leo-san ann am Macedonia, agus ann an Achaia, comh-roinn àraidh a dheanamh ris na naomhaibh bochda, ta ann an Ierusalem.

27 Bu toil leo gu deimhin, agus tha iad fa fhiachaibh dhoibh. Oir ma rinneadh na Cinnich 'nan lachd comhpairt d'an nithibh spioradail-san, is còir dhoibh ministreileachd a dheanamh dhoibhsan sna nithibh a bhuineas do'n choitinn d.

28 Uime sin air dhomh so a chriochnachadh, agus an uair a sheulaicheas mi an toradh so dhoibh, gabhaidh mi d'ar taobhsa do'n Spàinn.

29 Agus a ta fhios agam, air dhomh teachd d'ar ionnsuidhse, gu'n d'thig mi ann an lànachd beannachaidh soisgeil Chrìosd.

30 A nis guidheam oirbh, a bhràithre, air sgàth an Tighearna Iosa Crìosd, agus air son gràidh an Spioraid, gu'n dean sibh gleachd a' maraon riumsa ann an ùrnuighibh air mo shon ri Dia;

31 Chum gu saorar mi uatha-san, nach 'eil a' creidsinn ann an Iudea; agus chum gu'm bi mo sheirbhis air son Hierusalem, taitneach do na naomhaibh:

32 Chum's gu'n d'thig mi d'ar ionnsuidhse le h-aoibhneas tre thoirt Dé, agus gu faigh mi suaimhneas maille ribh.

33 A nis gu robh Dia na sìth maille ribh uile. Amen.

# CALB. XVI.

**E**ARBAM ribh h Phebe ar piuthar, a ta 'na searbhanta do'n eaglais, a tha ann an Cenchrea:

2 Chum's gu'n gabh sibh rithe anns an Tighearn, mar is cubhaidh do naomhaibh, agus gu'n dean sibh còmhnuadh rithe anns gach gnothuch, agus am bi feum aice oirbh: oir rian i féin còmhnuadh ri mòran, agus riumsa mar an ceudna.

3 Cuiribh fàilte air Priscilla agus Acila, mo chomh-oibrichean ann an Iosa Crìosd:

4 (Muinntir a leag sìos am muineal féin air son m'anamasa: d'am bheil a' toirt buidheachais cha'n e

d fèdlnhor.

e bhur ròd-sa.

f spairn.

g thaobk.

h Molam dhuibh.

a theagasg. b ofrail, labairt. c Le comharaibh agus miorbhuilibh treun.

mhain mise, ach mar an ceudna eaglaisean nan Cinneach uile.)

5 Mar an ceudna cuiribh fàilte air an eaglais a tha 'nan tighsan. Cuiribh fàilte air Epenetus a's ionmhuinn leamsa, neach is e ceud thoradh Achais do Chrìosd.

6 Cuiribh fàilte air Muire, a rinn saothair mhòr air ar soinne b.

7 Cuiribh fàilte air Andronicus agus Iunias mo luchd-dàimh, agus mo chomh-phrìosunaich, a tha cliùit-each am measg nan abstol, agus a bha ann an Crìosd romhamsa.

8 Cuiribh fàilte air Amplias, a's ionmhuinn leamsa san Tighearn.

9 Cuiribh fàilte air Urbanus ar comh-oibriche ann an Crìosd, agus air Stachis fear mo ghràidhse.

10 Cuiribh fàilte air Apelles a tha dearbhta ann an Crìosd. Cuiribh fàilte orrasan a tha do *theaghlach* Aristobulus.

11 Cuiribh fàilte air Herodion mo clàraid. Cuiribh fàilte orrasan do *theaghlach* Narcisuis, a tha san Tighearn.

12 Cuiribh fàilte air Triphena agus Triphosa, *mnà* a tha saothreachadh san Tighearn. Cuiribh fàilte air Persis a's ionmhuinn leam, bean a shaothraich gu mòr anns an Tighearn.

13 Cuiribh fàilte air Rufus, a tha taghta san Tighearn, agus air a mhàthair agus mo mhàthairse.

14 Cuiribh fàilte air Asincritus, Phlegon, Hermas, Patrobas, Hermes, agus na bràithribh a tha maille riu.

15 Cuiribh fàilte air Philologus, agus Iulia, Nereus, agus a phiuthar, agus Olimpas, agus na naoimh uile, a tha maille riu.

16 Cuiribh fàilte air a chéile le pòig naomha. Tha eaglaisean Chrìosd e a' cur fàilte oirbh.

17 A nis guidheam oirbh, a bhràithre, comharaichibh iadsan a tha togail roinnean d agus a' toirt

oibheim, an aghaidh an teagaisg a dh'fhòghluim sibh; agus seachnaibh iad.

18 Oir cha 'n'eil an leithide so a' deanamh seirbhis d'ar Tighearn Iosa Crìosd, ach d'am broinn féin; agus a ta iad le briathraibh mìlse agus le mìodal a' mealladh cridheacha na muinntir sin nach 'eil olc e.

19 Oir a ta bhur n-ùmh-lachd sa f air teachd chum nan uile dhaoine. Uime sin a ta mise a' deanamh gairdeachais d'ar taobhsa: gidheadh b'àill leam sibhse bhì glie chum a' mhaith, ach aon-fhillte thaobh an uile.

20 Agus bruthaidh Dia na sìoth-chaint Satan f'ar cosaibh gu h-aithghearr. Gràsag ar Tighearna Iosa Crìosd *gu robh* maille ribh. Amen.

21 Tha Timoteus mo chomh-oibriche cur fàilte oirbh, agus Lucius agus Iason agus Sosipater, mo luchd-dàimhe.

22 Tha mise Tertius, a sgrìobh an litir so, a' cur fàilte oirbh san Tighearn.

23 Tha Gaius, a tha toirt aoidheachd dhomhsa agus do'n eaglais uile, a' cur fàilte oirbh. Tha Erastus stiùbhard a' bhaile a' cur fàilte oirbh, agus Cuartus bràthair.

24 Gràsa ar Tighearna Iosa Crìosd *gu robh* maille ribh uile. Amen.

25 A nis dhasan, a tha comasach air sibhse a dhaingneachadh a réir mo shoisgeilse, agus searmonachaidh Iosa Crìosd, (a réir foillseachaidh an rùn-dìomhair, a bha'm foilach o thoiseach an domhain,

26 Ach a dh'fhoillsicheadh a nis, agus tre sgrìobtuiribh nam fàidh a réir àithne an Dé bhith-bhuain, a tha air a dheanamh aithnichte do na h-uile chinneachaibh chum ùmh-lachd a' chreidimh.)

27 Do Dhia a tha mhàin glie, *gu robh* glòir trid Iosa Crìosd gu sìorraidh. Amen.

a Asia. b air bhur sonsa. c eaglaisean Chrìosd (uile). d sgaradh, aimhréite, chonnsaichean.

e a ta neo-lochdach.

f cliu bhur n-ùmh-lachd sa.

g Deadh-ghean.

# CEUD LITIR AN ABSTOIL PHOIL CHUM NAN CORINTIANACH.

## CAIB. I.

**P**OL a ghairmeadh *gu bhi* 'na abstol do Iosa Crìosd, tre thoil Dé, agus Sostenes ar bràthair,

2 Chum eaglais Dé, a ta ann an Corintus, chum na droinge a tha air an naomhachadh ann an Iosa Crìosd, air an gairm *gu bhi* 'nan naoimh, maille riusan uile, a tha gairm air ainm ar Tighearna Iosa Crìosd anns gach àit, an Tighearna-san, agus ar Tighearna-ne.

3 Gràsa dhuibhse, agus sìth o Dhia, ar n-Athair, agus o'n Tighearna Iosa Crìosd.

4 Tha mi toirt buidheachais do Dhia a ghnàth d'ar taobhsa, air son gràsa Dhé a thugadh dhuibhse ann an Iosa Crìosd;

5 Air son gu'n d'rinneadh saibhir leis-san sibh anns gach uile ni, anns gach ùr-labhradh, agus anns gach eòlas:

6 A réir mar a dhaingnicheadh fianuis Chrìosd annaibh:

7 Ionnas nach 'eil sibh an déidhlàimh ann an tiodhlac sam bith; a' feitheamh ri foillseachadh ar Tighearna Iosa Crìosd,

8 Neach mar an ceudna a dhaingnicheas sibh gus a' chrìch, *chum's gu'm bi sibh* neo-lochdach ann an là ar Tighearna Iosa Crìosd.

9 Tha Dia firinneach, leis an do ghairmeadh sibh chum comh-chomuinn a mhic Iosa Crìosd ar Tighearna.

10 A nis guidheam oirbh, a bhràithre, trid ainme ar Tighearna Iosa Crìosd, gu'n labhair sibh uile an t-aon ni, agus nach bi roinnean a' nar measg; ach gu'm bi sibh ceangailte r'a chéile gu dìongalta ann an aon inntinn, agus ann an aon bharailb.

11 Oir nochdadh dhomhsa, a bhràithre, mu'r timchiollsa, leo-san a tha do theaghlach Chloe, gu bheil comhstri c' nar measg.

12 A nis a deiream so, gu'n abair gach aon agaibh, Is le Pòl mise, agus is le Apollos mise, agus is le Cephas mise, agus is le Crìosd mise.

13 Am bheil Crìosd air a roinn? an e Pòl a cheusadh air blur son?

no an ann an ainm Phòil a bhaisteadh sibh?

14 Tha mi toirt buidheachais do Dhia, nach do bhaist mi h-aon agaibh, ach Crispus agus Gaius:

15 Air eagal gu'n abradh neach, gu'n do bhaist mi a'm' ainm féin.

16 Agus bhaist mi mar an ceudna teaghlach Stephanais: a thuilleadh air so, ni'm fios domh an do bhaist mi aon neach eile.

17 Oir cha do chuir Crìosd mi a bhaisteadh, ach a shearmonachadh an t-soisgeil; cha'n ann an gliocas focail, chum nach cuirte crann-ceusaidh Chrìosd an neo-brigh.

18 Oir a ta searmonachadh a' chroinn-cheusaidh 'na amaideachd dhoibhsan, a chaillear; ach dhuinne, a shlànuichear, is e cumhachd Dhé e.

19 Oir a ta e scrìobhta, Sgrìosaidd mi gliocas nan daoine glìce, agus cuiridh mi air cùl tuigse nan daoine tuigseach.

20 C'ait am bheil an duine glìc? c'ait am bheil an scrìobhuiche? c'ait am bheil deasboir an t-saoghail so? Nach do rinn Dia gliocas an t-saoghail so amaideach?

21 Oir an uair, ann an gliocas Dé, nach b'aithne do'n t-saoghal so Dia tre ghliocas, bu toil le Dia le amaideachd an t-searmonachaidh iadsan a shlànuchadh e a ta creidsinn.

22 Oir a ta na h-Iudhaich ag iarraidh comharaidh, agus a ta na Greugach a' sireadh gliocais:

23 Ach a ta sinne a' searmonachadh Chrìosd air a cheusadh, 'na cheap-tuislidh do nah-Iudhachaibh, agus do na Greugachaibh 'na amaideachd;

24 Ach dhoibhsan a ta air an gairm, araon Iudhaich agus Greugach, Crìosd cumhachd Dhé, agus gliocas Dhé:

25 Do bhrìgh gur glìce amaideachd Dhé na daoine, agus gur treise anmhuinnachd Dhé na daoine.

26 Oir chi sibh féin blur gairm, a bhràithre, nach iomadh iad *dhibh*, a ta glìc a thaobh na feòla, nach iomadh cumhachdach, nach iomadh uasal.

27 Ach roghnaich Dia nithe am-aideach an t-saoghail so, chum gu'n cuireadh e nàire air na daoineibh glìce; agus roghnaich Dia nithe an-

a easaonachda, sgaraidh.

b bhreth. c connsachadh.

d Is deisciobul do Phòl mise.

e a shaoradh, a thearnadh.



mhunna an t-saoghail, chum gu'n cuireadh e gu nàire na nithe cumhachdach ;

28 Agus nithe an-uasal an t-saoghail, agus nithe tarcuiseach ròghnaich Dia, agus na nithe nach 'eil ann, chum gu'n cuireadh e na nithe a ta ann, an neo-brìgh :

29 Ionnas nach deanadh feòil sam bith uail 'na fhianais.

30 Ach uaitheas a ta sibhlse ann an Iosa Criosd, neach a rinneadh dhuinne le Dia 'na ghliocas, 'na fhìreantachd, 'na naomhachd, agus 'na shaorsa :

31 Ionnas, a réir mar a ta e scrìobhta, An ti a ni uail, deanadh e uail anns an Tighearn.

## CAIB. II.

**A**GUS an uair a thainig mise d'ar ionnsuidhse, a bhràithre, cha b'ann le oirdheirceas cainnte, no gliocais a thainig mi, a' cur an céill duibh teisteis Dhé.

2 Oir chuir mi romham gun eòlas a ghabhail air ni sam bith 'nar measg, ach air Iosa Criosd, agus esan air a cheusadh.

3 Agus bha mi 'nar measg ann an amhuinneachd, agus ann an eagal, agus am mòr chrith.

4 Agus cha robh m'fhocal agus mo shearmonachadh ann am briathraibh milse<sup>b</sup> gliocais daonna, ach ann an làn dearbhadh an Spioraid, agus a' chumhachd :

5 Chum gu'm biodh bhrìgh creidimhse ni h-ann an gliocas dhaoine, ach an cumhachd Dhé.

6 Ach gidheadh tha sinn a' labhairt gliocais am measg nan daoine iomlan : ach cha'n e gliocas an t-saoghail so, no uachdarana an t-saoghail so, a thèid an neo-brìgh.

7 Ach tha sinn a' labhairt gliocais Dé ann an rùn-diomhair a' ghliocais sin a bha folaichte, a dh'ordnich Dia roimh an t-saoghail chum ar glòir-ne.

8 An gliocas nach b'aithne do aon neach do uachdaranaibh an t-saoghail so : oir nam b'aithne dhoibh e, cha cheusadh iad Tighearn na glòire.

9 Ach a réir mar a ta e scrìobhta, Cha'n fhaca sùil, agus cha chuala cluas, agus cha d'fhainig ann an cridhe duine, na nithe a dh'ulluich Dia dhoibhsan, aig am bheil gràdh dha.

10 Ach dh'fhoillsich Dia dhuinne iad le a Spiorad féin : oir tha an

a aithne a bhi agam.

b tairngeach, drùiteach.

c roimh na linnibh.

Spiorad a' rannsachadh nan uile nithe, eadhon, nithe doimhne Dhé

11 Oir cò an duine d'an aithne nithe duine, ach do spiorad an duine a ta ann? mar sin cha 'n'eil fios aig neach sam bith air nithibh Dhé, ach aig Spiorad Dhé.

12 A nis fhuair sinne, cha'n e spiorad an t-saoghail, ach an Spiorad a ta o Dhia; chum gu'm biodh fios nan nithe sin againn a thugadh dhuinn gu saor o Dhia.

13 Nithe mar an ceudna a ta sinn a' labhairt, cha'n ann am briathraibh a theagaisgeas gliocas dhaoine, ach am briathraibh a theagaisgeas an Spiorad naomh; a' coimh-meas nithe spioradail ri nithibh spioradail.

14 Ach chaghabh an duine nàdurra ri nithibh Spioraid Dé : oir is am-aideachd leis iad; agus cha 'n'eil e'n comas da eòlas a ghabhail orra, do bhrìgh gurann air mhodh spioradail a thnigear iad.

15 Ach bheir an duine spioradail breth air na h-uile nithibh, gidheadh cha 'n'eil e féin fuaidh bhreth duine sam bith.

16 Oir cò d'am b'aithne inntinn an Tighearna, agus a theagaisgeas e? ach tha inntinn Chrìosd againne.

## CAIB. III.

**A**GUS, a bhràithre, cha'n fheudainnse labhairt ribhlse mar ri daoineibh spioradail, ach mar ri daoineibh feòlmhor, amhuil ri naoidheanaibh ann an Crìosd:

2 Bheathaich mi le bainne sibh, agus cha'n ann le biadh : oir fathast chà b'urradh sibh a ghabhail, agus a nis féin cha'n urradh sibh.

3 Oir a ta sibh fathast feòlmhor : oir a thaobh gu bheil farmad 'nar measg, agus stri, agus aimhréite, nach 'eil sibh feòlmhor, agus ag imeachd mar dhaoine?

4 Oir an uair a deir neach, Is le Pòl mise, agus neach eile, Is le Apollos mise, nach 'eil sibh feòlmhor?

5 Cò e ma seadh Pòl, agus cò e Apollos, ach ministirean tre'n do chreid sibh, eadhon mar a thug an Tighearn do gach aon?

6 Shuidhic mise, dh'uisgich Apollos : ach 'se Dia a thug am fàs.

7 Uime sin ma seadh, cha'n'eil anns an ti a shuidhicheas, no anns an ti a dh'uisgicheas, brìgh sam bith; ach ann an Dia a ta toirt an fhàis.

8 An ti a shuidhicheas, agus an

d a' mìneachadh nithe spioradail am briathraibh spioradail.

e bhrèithnichear, mhothaichear.

ti a dh'ùisgicheas, is aon iad : agus gheibh gach aon a dhuais féin, a reir a shaothair féin.

9 Oir is comh-luchd-oibre do Dhia sinne : is sibhse treabhachas <sup>a</sup> Dhé, is sibh aitreabh Dhé.

10 A réir grais Dé a thugadh dhomhsa, mar fhear-togail-aitreabh glic leag mi am bunadh, agus a ta neach eile a'togail air, ach thugadh gach neach an aire cionnus a thogas e air.

11 Oir bunait<sup>b</sup> eile cha'n urradh duine sam bith a chur, ach *am bunait* a chuireadh a *cheana*, eadhon Iosa Criosd.

12 A nis ma thogas neach air a' bhunadh so, òr, airgiod, clachaluach-mhor, fiodh, fear, connlach ;

13 Nithear obair gach aon duine follaiseach : oir nochdaidh an là i, do bhrìgh gu'm foillsichear i le teine ; agus dearbhaidh an teine obair gach aon, ciod is gnè dh'i.

14 Ma dh'fhanas obair neach sam bith a thog e air, gheibh e duais.

15 Ma loisgear obair neach sam bith, fuilgidh e call : ach saorar e féin ; gidheadh mar tre theine.

16 Nach 'eil fhios agaibh gur sibh teampull Dé, agus gu bheil Spiorad Dé 'na chòmhnuidh annaibh ?

17 Ma thruaileas neach air bith teampull Dhé, sgriosaidh Dia an ti sin : oir a ta teampull Dhé naomha, agus is sibhse e.

18 Na mealladh neach air bith e féin : ma shaoileas neach air bith 'nar measg e féin bhi glic san t-saoghal so, biòdhe 'na amadan, chum's gu'm bi e glic.

19 Oir is amaideachd aig Dia gliocas an t-saoghail so : oir a ta e scriobhta. Glacaidh e na daoine glice 'nan inleachdaibh féin.

20 Agus a ris, Is aithne do'n Tighearn smuaintean nan daoine glice, gur dìomhain iad.

21 Uime sin na deanadh neach air bith uail a daoineibh : or is leibhse na h-uile nithe :

22 Ma 'se Pòl, no Apollos, no Cephas, no an saoghal, no beatha, no bàs, no nithe a ta làthair, no nithe a ta ri teachd ; is leibhse iad uile ;

23 Agus is le Criosd sibhse ; agus is le Dia Criosd.

CAIB. IV.

**B**IODH a shamhuil so do mheas aig duine dhinne, mar mhinist-eiribh Chrìosd, agus *mar stiùbhard-aibh* c rùna-dìomhair Dhé.

<sup>a</sup> *tuathanachd.*

<sup>b</sup> *bunachar, bonn.*

<sup>c</sup> *luchd-frithealaidh air.*

2 Os bàrr iarrar ann an stiùbhard-aibh, gu faighear neach dileas.

3 Ach agamsa is ro-bheag an ni gu'n d'thugadh breth orm leibhse, no le breitheanas duine : seadh, cha 'n'eil mi toirt breth orm féin.

4 Oir cha 'n fhios domh ni sam bith do m' thaobh féin, gidheadh cha 'n'eil mi le so air m'fhearanachadh : Ach is e an Tighearn an ti, a bheir breth orm.

5 Uime sin na tugaibh breth air mi sam bith roimh an àm, gus an d'thig an Tighearn, neach faraon a bheir gu soilleireachd nithe folaichte an dorchadais, agus a dh'fhoillsicheas comhairlean nan cridheacha : agus an sin gheibh gach neach cliù o Dhia.

6 Agus, a bhràithre, ghabh mi na nithe so a'm' ionnsuidh féin, agus a dh'ionnsuidh Apollos ann an samh-ladhd, air bhur sonsa : chum gu foghlumadh sibh nainne, gun bharail a bhi agaibh *air daoineibh* os ceann na bheil scriobhta, chum nach biodh a h-aon agaibh air a shéideadh suas air son aon duine an aghaidh duir' eile.

7 Oir cò tha deanamh eadar-dhealachaidh ortsa o *neach eile* ? Agus ciod e a ta agad nach d'fhuair thu ? a nis ma fhuair thu e, c'ar son a ta thu deanamh uail mar nach faigheadh tu e ?

8 A nis tha sibh sàitheach, a nis rinneadh saibhir sibh, rioghaich sibh as ar n-eugmhaisne : Agus b'fhearr leam gu'm bu rìghre sibh, chum gu'm biodhmaidne 'nar rìghribh maille ribh.

9 Oir is i mo bharail gu'n do chuir Dia sinne na h-abstoil a mach fa dheireadh, mar dhroing a ta air an orduchadh chum bàis. Oir rinneadh sinn 'nar ball-amhairc do'n t-saoghal, agus do ainglibh, agus do dhaoineibh.

10 Is amadain sinne air son Chrìosd, ach a ta sibhse glic ann an Criosd : *tha sinne lag*, ach a ta sibhse làidir : a ta sibhse ann an urram, ach sinne ann an eas-urram.

11 Gus an uair so féin, tha sinn araon ocrach, agus iomhor, agus iomnochd, agus air ar bualadh do dhornaibh, agus gun aon àite-còmh-nuidh seasmhach againn ;

12 Agus ri saotlair, ag oibreachadh le'r làmhaibh féia : Air fulang anacainnt dhuinn, tha sinn a' beanaachadh : 'nuair a gheur-leanar sinn, tha sinn 'ga fhulang :

13 Air faghail toibheim dhuinn,

<sup>d</sup> *coslas.*

<sup>e</sup> *sealladh, speuclair.*

tha sinna'guidheadh: rinneadh sinn mar shalachar an t-saoghail, mar anabas nan uile nithe gus an là'n diugh:

14 Nì'n scriobham na nithe so a chur nàire oirbh, ach mar mo chloinn ghràdhach a ta mi 'gar comhairleachadh.

15 Oir ma ta deich mìle luchd-teagaisg agaibh ann an Crìosd gidheadh cha 'n'eil agaibh mòran aithriche: oir ann an Iosa Crìosd ghin mise sibh trid an t-soisgeil.

16 Uime sin guidheam oirbh, bithibh 'nar luchd-leanmbuinn orm-sa.

17 Chum na criche so chuir mi Timoteus d'ar ionnsuidh, neach a ta 'na mhac gràdhach dhomh, agus dileas san Tighearna, neach a chuir-eas an cuimhne duibh mo shligh-eansa, a ta ann an Crìosd, a réir mar a ta mi teagasg anns gach àit anns gach eaglais.

18 A nis a ta cuid air an séideadh suas mar nach d'thiginn d'ar ionnsuidh.

19 Gidheadh thig mi d'ar ionnsuidh gu h-aithghearr, ma's toil leis an Tighearna, agus bithidh fios agam, cha'n ann air cainnt na muinntir a ta air an séideadh suas, ach air an cumhachd.

20 Oir cha'n ann am focal a ta rioghachd Dhé, ach ann an cumhachd.

21 Ciod is àill leibh? An d'thig mi d'ar ionnsuidh le slait, no ann an gràdh, agus ann an spiorad na mac-antachd b?

#### CAIB. V.

**T**HA e air aithris gu coitcheinne gu bheil neo-ghloine<sup>d</sup> 'nar measg, agus a leithid sin do neo-ghloine, nach 'eil uiread as air ainm-eachadh am measg nan Ciuneach, gu'm biodh aig neach bean athar.

2 Agus a ta sibh air bhur séideadh suas, agus cha d'rinn sibh bròn mar bu chòir, chum gu tugtadh air falbh uaibh am fear a rinn an gnìomh so.

3 Oir gu deimhin air dhomhsa bhi uaibh an corp, ach a làthair agaibh an spiorad, thug mi breth cheana, mar gu bithinn a làthair, air an neach a rinn so mar so;

4 An ainm ar Tighearna Iosa Crìosd, air dhuibhse, agus do m' spioradsa bhi cruinn an ceann a chéile, maille ri cumhachd ar Tighearna Iosa Crìosd,

5 A shamhuil so do dhuine a thoirt thairis do Shatan chum sgrios na feòla, chum gu'm bi an spiorad air a shaoradhe ann an là an Tigh-earna Iosa.

6 Cha 'n'eil bhur n-uail maith: nach 'eil fhios agaibh gu'n goirtich f beagan do thaois ghoirtz an meall uile?

7 Glanaibh a mach uime sin an t-seann thaois ghoirt, chum gu'm bi sibh 'nar meall nuadh, mar a ta sibh neo-ghoirtichte. Oir a ta eadhon Crìosd ar n-uan càisge air lobradh air ar son.

8 Uime sin cumamaid an fhéillh, na b'ann le seann thaois ghoirt, no le taois ghoirt a' mhioruin agus an uile; ach le aran neo-ghoirtichte an treibhdhireis agus na f'irinn.

9 Scriobh mi d'ar ionnsuidh ann an litir, gun chomhludair a bhi agaibh ri luchd neo-ghloine i.

10 Gidheadh ni h-ann gu h-uile ri luchd-neo-ghloine an t-saoghail so, no ri luchd-sainnt, no luchd-foireigne<sup>1</sup>, no luchd-lodhol-aoraidh; oir an sin b'éigin duibh dol a mach as an t-saoghal.

11 Ach a nis scriobh mi d'ar ionnsuidh, gun chomhludair a ghleidheadh, ma ta neach air bith d'an goirear bràthair 'na fhear-neo-ghloine, no saintach, no 'na fhear-lodhol-aoraidh, no 'na fhear-ana-cainnt, no 'na mhisgeir, no 'na fhear-foireigne, maille r'a leithid so do dhuine gun uiread as biadh itheadh.

12 Oir ciod e mo ghnòthuchsa breth a thoirt orrasan a ta am muigh? nach 'eil sibhse a' toirt breth air an droing a ta stigh?

13 Ach a ta Dia a' toirt breth orrasan a ta 'n leth muigh. Uime sin cuiribh air falbh an droch dhuine sin as bhur meadhon féin m.

#### CAIB. VI.

**A**M bheil a chridh' aig aon neach agaibh, aig am bheil cùis an aghaidh duin' eile, dol fuidh bhreitheanas nan daoine eucorach, agus ni h-ann fuidh bhreitheanas nan naomh?

2 Nach 'eil fhios agaibh gu'n toir na naoimh breth air an t-saoghal? agus ma bheirear breth air an t-saoghal leibhse, an e nach fìu sibh bhi 'nar breithibh air na cùisibh a's lugha?

e shàbhaladh, thearnadh.

f geuraich.

g gheur-thaois.

h an fhéisd.

i strìopachais.

1 reubainn, ana-cothrom.

m as bhur cuideachd.

a air m'eisiomplairse.

b ceannsachd.

c cumanta.

d strìopachas.

3 Nach 'eil fhios agaibh gu'n toir sinne breth air ainglibh? cia m'òna sin air nithibh a bhuineas do'n bheatha so?

4 Uime sin ma ta breitheanais a agaibh mu thimchioll nan nithe sin a bhuineas do'n bheatha so, cuiribh nan suidhe *chum breitheanais* an dream a's lugha meas anns an eaglais.

5 Chum bhur nàire labhram. An ann mar sin nach 'eil aon duine glic nar meas? *nach eil* fiu a h-aon a's urradh breth a thoirt eadar a bhràithre?

6 Ach a ta bràthair a' dol gu lagh le bràthair, agus so'an làthair nan anacreideach.

7 A nis uime sin a ta gu cinnteach luchd nar meas, do bhrìgh gu bheil sibh a' dol gu lagh r'a chéile: c'ar son nach fearr leibh eucoir fhulang? c'ar son nach fearr leibh calldach a ghabhail?

8 Gidheadh a ta sibh a' deanamh eucoir agus diobhail b, agus sin air bhur bràithribh?

9 Nach 'eil fhios agaibh nach sealbhaich luchd-deanamh na h-eucorach rioghachd Dhé? Na meallar sibh: cha sealbhaich luchd-striopachais, no luchd-ìodhol-aoraidh, no luchd-adhaltrannais, no luchd-macnuis, no na daoine a ta ciontach do neo-ghloine mhi-nàdura,

10 No gaduichean, no daoine sanntach, no misgeirean, no luchd-anacainnt, no luchd-foreign, rioghachd Dhé.

11 Agus mar so bha cuid dibhse: ach a ta sibh air bhur n-ionnlad, ach a ta sibh air bhur naomhachadh; ach a ta sibh air bhur fireanachadh ann ainm an Tighearna Iosa, agus tre Spiorad ar Dé-ne.

12 Tha na h-uile nithe ceadachte dhomhsa, ach cha 'n'eil na h-uile nithe ìomchuidh c: tha na h-uile nithe ceadachte dhomh, ach cha chuirear mi fuidh chumbachd ni sam bith.

13 Tha am biadh air son na bronn, agus a' bhrù air son a' bhìdh: ach sgriosaidh Dia faraon so agus sud. A nis cha 'n ann do neo-ghloine a tha an corp, ach do'n Tighearn: agus an Tighearn do'n chorp.

14 Agus thog Dia faraon an Tighearn suas, agus togaidh e sinne suas trid a chumbachd féin mar an cendna.

15 Nach 'eil fhios agaibh, gur

iad bhur cuirp buill Chrìosd? uime sin an gabh mise buill Chrìosd, agus an dean mi buill striopaiche dhuibh? Nar leigeadh Dia.

16 An e nach 'eil fios agaibh, an ti sin a tha ceangailte ri striopaich, gur aon chorp *rithe* e? Oir (a deir e) bithidh dithis 'nan aon fheòil.

17 Ach an ti a tha ceangailte ris an Tighearn, is aon Spiorad *ris* e.

18 Teichibh o striopachas. Tha gach aon pheacadh a ni duine an leth muigh do'n chorp: ach an ti a ni striopachas, tha e peacadhadh an aghaidh a chuirp féin.

19 An e nach 'eil fhios agaibh gur e bhur corp teampull an Spioraid naoimh a ta annaibh, a ta agaibh o Dhia, agus cha leibh féin sibh?

20 Oir cheannachadh le luach sibh: uime sin thugaibh glòir do Dhia le bhur corp, agus le bhur spiorad, a's le Dia.

# CAIB. VII.

**A** NIS a thaobh nan nithe mu'n do scriobh sibh a m' ionnsuidh: Is maith do fhear gun bheantuinn ri mnaoi.

2 Gidheadh, chum striopachas a sheachnadh, biodh a bhean féin aig gach fear, agus aig gach mnaoi a fear féin.

3 Thugadh am fear an deadh-ghean dligheach do'n mhnaoi; agus a' bhean mar an ceudna do'n fhear.

4 Cha 'n'eil comas a cuirp féin aig a' mhnaoi, ach aig an fhear: agus mar an ceudna cha 'n'eil comas a chuirp féin aig an fhear, ach aig a' mhnaoi.

5 Na cumaibh bhur dlighe o chéile, ach le toil a chéile rè tamuill, chum sibh féin a thoirt do throsgadh agus do ùrnuigh, agus thigibh cuid-eachd a ris, chum nach buair Satan sibh air son bhur neo-gheamnuidh-eachd.

6 Ach labhram so mar ni ceadachte d, agus cha'n ann mar àithne.

7 Oir bu mhiann leam gu'm biodh na h-uile dhaoine mar mi féin: gidheadh a ta a thiodhlac féin aig gach duine o Dhia, aig aon neach mar so, agus aig neach eile mar sud.

8 Uime sin a deiream ris an droing nach 'eil pòsda agus ris na bantrachaibh, Is maith dhoibh na dh'fhanas iad eadhon mar a ta mise.

9 Gidheadh mur fheudar leo iad féin a ghleidheadh *geamnuidh*, posadh iad: oir is fearr pòsadh na losgadh.

10 Agus dhoibhsan a ta pòsda àithneam, *gidheadh* cha mhise, ach

a caithriche-breitheanais.

b diùbhail. c tarbhach.

d mar chomhairle.



an Tighearn, gun a bhean a dhealachadh r'a fear :

11 Ach ma dhealaicheas i, fanadh i gun phòsadh, no biodh i réidh r'a fear: agus na cuireadh am fear uaith a bhean.

12 Ach ris a' chuid eile a deireamsa, cha'n e an Tighearn, Ma bhios aig bráthair sam bith bean ana-creideach a, agus gu bheil i toil-each còmhnuidh a ghabhail maille ris, na cuireadh e uaith i.

13 Agus a' bhean aig am bheil fear ana-creideach, agus gu bheil e san toileach còmhnuidh a ghabhail maille rithe, na cuireadh i uaipe e b.

14 Oir a ta am fear anacreideach air a naomhachadh leis a' mhnaoi c, agus a ta a' bhean anacreideach air a naomhachadh leis an fhear d: no bhiodh bhur clann neo-ghlan; ach a nis a ta iad naomha.

15 Ach ma dh'fhalbhas am fear anacreideach, falbhadh e. Cha 'n'eil bráthair no piuthar fa dhaorsa 'nan leithidibh sin do chàsaibh: ach ghairm Dia sinne chum sìth.

16 Oir ciod am fios a ta agadsa, Obhean, nach slànuich e thu t'fhear? no ciod am fios a ta agadsa, O fhir, nach slànuich thu do bhean?

17 Ach a réir mar a roinn Dia ris gach duine, mar a ghairm an Tighearn gach aon, mar singluaiseadh e: agus mar sin a ta mise 'g orduchadh anns na h-eaglaisibh uile.

18 An do ghairmeadh neach sam bith agus e timchioll-ghearrta? na deanar neo-thimchioll-ghearta: an do ghairmeadh neach sam bith gun e bhi timchioll-ghearrta? na timchioll-ghearrar e.

19 Cha 'n'eil éifeachd san timchioll-ghearradh, agus cha 'n'eil éifeachd san neo-thimchioll-ghearradh, ach ann an coimhead àitheanta Dhé.

20 Fanadh gach aon anns a' ghairm anns an do ghairmeadh e.

21 An do ghairmeadh thu a'd' thràill? na biodh suim agad dheth; ach ma dh'fheudas tu bhi saor, gu ma h-e sin do ròghainn.

22 Oir an ti a ghairmeadh san Tighearn 'na thràill, is duine saor an Tighearna e: mar an ceudna an ti a ghairmeadh agus e saor, is e seirbhiseach z Chrìosd e.

a mhi-chreidmheach, gun chreidimh.

b na fàgadh i e.  
c sa' mhnaoi. d san fhear  
e saor, sàbhail. f a' d' dheor-  
èglach, a' d' sheirbhiseach.  
z daor-èglach.

23 Cheannachadh air luach sibh; na bithibh 'nar tràillibh do dhaoibh.

24 A bhràithre, san staid anns an do ghairmeadh gach neach, an sin fanadh e malle ri Dia.

25 A nis a thaobh òighean, cha 'n'eil àithne agam o'n Tighearn: gidheadh bheiream mo bhreth, mar neach a fhuair tròcair o'n Tighearn gu bhi dleas.

26 Measam uime sin gu bheil so-maith air son na teanntachd a ta làthair, a deiream, gu bheil e maith do dhuine bhi mar sin.

27 Am bheil thu ceangailte ri mnaoi? na iarr fuasgladh. Am bheil thu fuasgailte o mhnaoi? na iarr bean.

28 Ach ma phòsas tu, cha do pheacaich thu; agus ma phòsas òigh, cha do pheacaich i: gidheadh, bithidh aig an leithidibh so trioblaid san fheoil; ach caomhnam sibh.

29 Ach a deiream so, a bhràithre, gu bheil an aimsir goirid sna bheil ri teachd: ionnas faraon gu'm bi iad-san aig am bheil muai, mar nach biodh muai aca;

30 Agus iadsan a ta ri caoidh, mar nach biodh iad ri caoidh; agus iadsan a ta ri gairdeachas, mar mhuinntir nach 'eil ri gairdeachas; agus iadsan a ta ri ceannachd, mar dhaoine nach 'eil a' sealbhachadh:

31 Agus iadsan a ta gnàthachadh an t-saoghail so, mar dhroing nach 'eil 'ga mhi-ghnàthachadh b: oir théid sgiamh c an t-saoghail so seachad.

32 Ach b'àill leam sibhse bhi gun-ro-chùram. An ti nach 'eil pòsda, bithidh cùram 'nan nithe sin a bhuineas do'n Tighearn air, cionnus a thoilicheas e an Tighearn:

33 Ach an ti a ta pòsda, bithidh cùram nithe an t-saoghail air, cionnus a dh'fheudas e a bhean a thoil-eachadh.

34 Tha mar an ceudna eadar-dhealachadh eadar bean agus òigh: tha cùram oirre-se nach 'eil pòsda mu nithibh an Tighearna, chum's gu'm bi i naomha, faraon 'na corp agus 'na spiorad; ach bithidh cùram air a' mhnaoi a ta pòsda mu nithibh an t-saoghail, cionnus a dh'fheudas i toil a fir a dheanamh.

35 Agus so labhran chum bhur-tairbhe féin, cha'n ann chum gu'n cuirinn ribe d oirbh, ach a chum an ni sin a ta ciatfach e, agus gu'm

a na h-éigin, a' chruaidh-chais.  
b 'ga chaitheadh. c dreach,  
cumadh. d riabh. e cubhaidh,  
tlachdmhor.

feitheadh sibh air an Tighearn gun bhuaireadh.

36 Ach ma shaoileas duine sam bith gu bheil e 'ga ghiùlan fèin gu mi-chiatfach thaobh a mhaighdin, ma chaidh blàth a h-ainisir thairis, agus gur coir a dheanamh mar sin, deanadh e na's àill leis, cha 'n'eil e a' peacachadh : pòsadh iad.

37 Gidheadh, an ti sin a tha suidhichte gu daingean 'na chridhe, agus gun èigin sam bith air, ach aig am bheil cumhachd air a thoil féin, agus a chuir roimhe 'na chridhe a mhaighdean a choimhead, tha e a' deanamh gu maith.

38 Uime sin ma seadh, a ta an ti a bheir seachad am pòsadh i, a' deanamh gu maith ; ach a ta an ti nach tabhair ann am pòsadh i, a' deanamh ni's fearr.

39 Tha bhean ceangailte leis an lagh rè na h-uime a's beo d'a fear : ach ma gheibh a fear bàs, tha i saor gu pòsadh ri aon neach a's toil leatha ; a mhàin anns an Tighearn.

40 Ach tha i ni's sona, ma dh'fhanas i mar s'n, a réir mo bhreithse : agus is i mo bharailse a gu bheil Spiorad Dhé agam.

CAIB. VIII.

**A**NIS a thaobh nithe a dh'ìobradh do ìodholaibh, tha fhios againn gu bheil eòlas againn uile. Atuidh an t-eòlas suas, ach bheir gràdh fòghlam.

2 Agus ma ta aon duine a' saoil-sinn gu bheil eòlas ni sam bith aige, cha'n aithne dha aon ni fathast mar bu chòir dha aithneachadh.

3 Ach ma ta gràdh aig duine sam bith do Dhia, tha esan b' air aithneachadh leis.

4 Uime sin, mu thimchioll itheadh nan nithe sin a dh'ìobradh do ìodholaibh, tha fhios againne nach ni air domhan ìodhol, agus nach 'eil Dia sam bith eile ann ach a h-aon.

5 Oir ge do tha iad ann d'an goirear Dé, ma's ann air nèamh no air talamh (amhuil mar a ta iomadh Dia, agus iomadh Tighearn ann.)

6 Gidheadh dhuinne cha 'n'eil ach aon Dia, an t-Athair, o'm bheil na h-uile nithe, agus sinne air a shonsan ; agus aon Tighearn Iosa Criosd, trid am bheil na h-uile nithe, agus sinne tridsan.

7 Gidheadh cha 'n'eil an t-eòlas so anns na h-uile dhaoineibh : oir tha cuid le coguis thaobh an ìodhoil gus an àm so, ag itheadh a bhàdh mar ni a dh'ìobradh do ìodhol ; agus air d'an

coguis a bhi anmhunn, tha i air e salachadh.

8 Ach cha mhol biadh sinn do Dhia : oir ma dh'itheas sinn, ni'm feirrd sinn e ; ni mo mur ith sinn, is misd sinn e.

9 Ach thagaibh an aire nach bi an comas do a ta agaibh air aon dòigh 'na aobhar oilbheum do'n dream a ta lag.

10 Oir ma chi neach thusa aig am bheil eòlas a' suidhe chum bìdh ann an teampull ìodhoil, nach neartuichear coguis an' ti sin a ta lag chum na nithe sin a dh'ìobradh do ìodholaibh itheadh :

11 Agus tre t'eòlas-sa an d'théid do bhràithair lag am mugha e, air son an d'fhuir Criosd bàs ?

12 Ach le peacachadh dhuibh mar sin an aghaidh nam bràithre, agus leis an coguis anmhunn a lotadh, tha sibh a' peacachadh an aghaidh Chrìosd.

13 Uime sin ma bheir biadh aobhar oilbheim do m' bhràithair, cha'n ith mi feòil a choidhch', chum nach tabhair mi aobhar oilbheim do m' bhràithair.

CAIB. IX.

**N**Ach abstol mise ? nach 'eil mi saor ? Nach fhaca mi Iosa Criosd ar Tighearn ? nach sibhse m'obair san Tighearn ?

2 Mur 'eil mi a'm' abstol do dhaoineibh eile, gidheadh gu cinnteach tha mi dhuibhse ; oir is sibhse seula m' abstolachd anns an Tighearn.

3 Is e so mo fhreagradh do'n droing a ehureas ceisd orm,

4 Nach 'eil againne comas f' itheadh agus òl ?

5 Nach 'eil againne comas piuthar, bean-phòda a thoirt leinn mu'n cuairt, amhuil mar na h-abstoil eile, agus bràithrean an Tighearna, agus Cephas ?

6 No am bheil mise agus Barnabas a mhàin, gu'n chomas againn bhi saor o obair ?

7 Cò a théid chum cogaidh uair air bith air a chostus féin ? cò a shuidhicheas g' fion-lios, agus nach ith d'a thoradh ? no cò a bheathaicheas treud, agus nach blais do bhainne an treud ?

8 An ann mar dhuine a labhràm na nithe so ? no nach abair an lagh na nithe so mar an ceudna ?

9 Oir a ta e sriobhta ann an

d a' chòir, an cumhachd. e an sgriosar, an caillear do bhràithair lag. f cumhachd, eòir. g phlanndaicheas.

a tha mi cinnteach.

b an duine so. c annsan.

lagh Mhaois, Na cuir ceangal air beul an daimh a tha saltair<sup>a</sup> an arbhair. Am bheil cùram nan damh air Dia?

10 No nach ann gu h-àraid<sup>b</sup> air ar soinne a deir e so? gu deimhin is ann air ar soinne tha e scriobhta: chum gur ann an dòchas is còir do'n treabhaiche treabhadh; agus a chum an neach a bhuaileas ann an dòchas, gu'm bi e 'na fhear comhpairt d'a dhòchas.

11 Ma chuir sinne nithe spioradail dhuibhsec, an ni mòr e ma bhuaineas sinn bhur nithe feòlmhor-sa?

12 Ma tha muinntir eile 'nan luchd-comhpairt do'n chumbachd<sup>d</sup> so tharuibh, nach mò is còir dhuinne bhi? Gidheadh, cha do chuir sinn an cumhachd so an cleachda; ach a ta sinn a' fulang nan uile nithe, chum nach cuireamaid bacadh air soisgeul Chrìosd.

13 Nach 'eil fhios agaibh gu bheil iadsan, a ta saoitbreachadh mu thim-chioll nithe naomha, air am beathachadh o'n teampull? agus iadsan a ta frithealadh do'n altair, gu bheil comhroinn e aca ris an altair?

14 Agus mar sin dh'orduich an Tighearn mar an ceudna dhoibhsan, a ta searmonachadh an t-soisgeil, an teachd-an-tir fhaotainn o'n t-soisgeul.

15 Ach cha do ghnàthaich mise a h-aon diubbh so, agus cha do scriobh mi na nithe so, chum gu'n deantadh mar sin dhomh: oir b'fhearr dhomh am bàs fbaghail, na gu'n cuireadh neach air bith m'uaill an neo-brìgh.

16 Oir ge do shearmonaich mi an soisgeul, cha 'n'eil aobhar uail agam: oir a ta éigin air cur orm; seadh, is anaoibhinn domh, mur searmonaich mi an soisgeul.

17 Oir ma's ann gu toileach a ta mi deanamh so, tha duais agam: ach ma's ann an aghaidh mo thoile a tha ministreileachd<sup>f</sup> air a h-earbsadh rium,

18 Ciod i mo dhuais ma seadh? eadhon so, chum ag searmonachadh an t-soisgeil domh, gu'n suidhichinn e soisgeul Chrìosd gun chostus, chum nach mi-ghnàthaichinn mo chumhachd san t-soisgeul.

19 Oir ge do tha mi saor o na h-uile dhaoineibh, gidheadh rinn mi mi féin a'm' sheirbhiseach<sup>h</sup> do na

h-uile, chum gu'n cosnainn an tuilleadh.

20 Agus rinneadh mi do na h-Iudhachaibh mar Iudhach, chum gu'n cosnainn na h-Iudhaich; dhoibhsan a ta fuaidh 'n lagh, mar dhuine fuaidh 'n lagh, chum gu'n cosnainn iadsan a ta fuaidh 'n lagh;

21 Dhoibhsan a ta gun lagh, mar dhuine gun lagh, (ge nach 'eil mi gun lagh do Dhia, ach fuaidh lagh do Chrìosd) chum gu'n cosnainn iadsan a ta gun lagh.

22 Rinneadh mi dhoibhsan a ta anmhunn<sup>a</sup> mar dhuine anmhunn, chum gu'n cosnainn an droing a ta anmhunn: Bha mi san uile chruth do na h-uile, chum air gach uile dhòigh gu'n slànuchinn<sup>b</sup> cuid éigin.

23 Agus so deanam air son an t-soisgeil, chum gu'm bi mi a'm' fhear comh-roinne dheth<sup>c</sup>.

24 Nach 'eil fhios agaibh iadsan a ta ruith anns a' bhlàr-réise, gu'n ruith iad uile, ach is aon duine a gheibh an duais<sup>d</sup>? gu ma h-amhuil a ruitheas sibhse, ionnas gu'n gl'ac sibh an duais.

25 Agus a ta gach uile ghleachd-air measarra anns na h-uile nithibh: a nis a ta iadsan a' deanamh sin chum's gu'm faigh iad crùn truailidh, ach sinne air son crùn neohruailidh.

26 Uime sin is amhuil a ruith-eamsa, ni h-ann mar gu neo-chinnt-each<sup>e</sup>: is amhuil a chuiream cath, ni h-ann mar neach a bhuaileas an t-athar:

27 Ach trom-bhuaileam mo chorp, agus cuiream fuaidh smachd e: an t-eagal air chor sam bith an déigh dhomh searmonachadh<sup>f</sup> do dhroing eile, gu'n cuirear mi féin air cùls.

## CAIB. X.

**O**S bàrr, a bhràithre, cha b'ail leamsibhse a bhi aineolach, gu robh ar n-aithriche uile fuaidh 'n neul, agus gu'n deachaidh iad uile tro'n mhuir;

2 Agus gu'n do bhaisteadh iad uile do Mhaois san neul, agus anns a' mhuir:

3 Agus gu'n d'ith iad uile an t-aon bhiadh spioradail;

4 Agus gu'n d'òl iad uile an t-aon deoch spioradail: (oir dh'òl iad do'n charruig spioradail sin a lean iad: agus b'i a' charruig sin Crìosd.)

<sup>a</sup> lag. <sup>b</sup> saorainn, tearnuinn, sàbhaidinn. <sup>c</sup> gu'm bi comhpairt agam dheth maille ribhse. <sup>d</sup> geall. <sup>e</sup> mar neach nach 'eil am follas. <sup>f</sup> gairm a thoirt. <sup>g</sup> gu diàltar, gu tilgear mi féin.

<sup>a</sup> a' bualadh, briseadh.

<sup>b</sup> gu h-uile. <sup>c</sup> annaibhse.

<sup>d</sup> chomas. <sup>e</sup> comhpairt.

<sup>f</sup> frithealadh, cùram.

<sup>g</sup> deanainn. <sup>h</sup> a'm' thràill.

5 Ach le mòran diubh cha robh Dia toilichte<sup>a</sup>: oir sgriosadh san fhàsach iad.

6 A nis bha na nithe sin 'nan saimpleiribh<sup>b</sup> dhuinne, chum nach miannaicheamaid droch nithe, eadhon mar a mhiannaich iadsan.

7 Agus na bitlibhse 'nar luchd-iodhol-aoraidh, mar a bha cuid diubhsan; a réir mar a ta e scrìobhta, Shuidh am pobull sìos a dh'itheadh agus a dh'òl, agus dh'éirich iad a ehluicheadh.

8 Agus na deanamaid striopachas, mar a rinn cuid diubhsan, agus a thuit diubh an aon là trì mìle fichead.

9 Agus na dearbhamaid<sup>c</sup> Criosd<sup>d</sup>, mar a dhearbhadh cuid diubhsan, agus a sgriosadh iad le nathraichibh nimhe.

10 Agus na deanaibhse gearan, mar a rinn cuid diubhsan gearan, agus a sgriosadh iad leis an sgriosadair e.

11 A nis thachair na nithe so uile dhoibhsan mar eiseimpleiribh: agus scrìobhadh iad chum teagaisg<sup>f</sup> dhuinne, air am bheil deireadh an domhain<sup>g</sup> air teachd.

12 Uime sin an ti a shaoileas a bhi 'na sheasamh, thugadh e aire nach tuit e.

13 Cha do thachair deuchainn<sup>h</sup> air bith ribh, ach nì a ta coitchionn<sup>i</sup> do dhaoinibh: ach tha Dia dileas, nach leig dhuibh bhi air bhuir feuchainn thar bhuir comas; ach a nì maille ris an deuchainn slighe dol as mar an an ceudna, chum gu'm bi sibh comasach air a giùlan.

14 Air an aobhar sin, a mhuinntir mo ghràidh, teichibh o iodhol-aoradh.

15 Labhram mar ri daoinibh tuigseach: thugaibhse breth air an nì a deiream.

16 Cupan a' bheannachaidh a ta sinne a' beannachadh, nach e comunn fòla Chrìosd e? An t-aran a ta sinn a' briseadh, nach e comunn cuirp Chrìosd e?

17 Oir ge do tha sinne 'nar mòran, is aon aran<sup>l</sup>, agus aon chorp sinn: oir a ta againn uile comhpairt do'n aon aran.

18 Thugaibh fainear Israel a réir na feòla: nach 'eil aca-san a ta 'g

<sup>a</sup> cha do thaitinn mòran diubh<sup>i</sup> ri Dia. <sup>b</sup> sgàilibh, samhlachasaidh. <sup>c</sup> buaireamaid. <sup>d</sup> Dia. <sup>e</sup> mhilltear. <sup>f</sup> rabhaidh. <sup>g</sup> nan linn. <sup>h</sup> buaireadh, cruaidh-fheuchainn, dearbhadh. <sup>i</sup> cumanta. <sup>l</sup> bhuilinn.

itheadh nan iobairt comh-roinn ris an altair?

19 Ciod a deiream uime sin? gu bheil brìgh air bith anns an iodhol, no gu bheil brìgh air bith san nì a dh'ìobradh do iodholaibh?

20 Ach a deiream, na nithe a ta na Cinnich ag ìobradh, gur ann do dheamhnaibh a tha iad 'gan ìobradh, agus nach ann do Dhia: agus cha b'ail leam comunn a bhi agaibhse ri deamhnaibh.

21 Cha 'n'eil e an comas duibh cupan an Tighearna òl, agus cupan dheamhan. Cha 'n'eil e an comas duibh comh-roinn a bhi agaibh do bhord an Tighearna, agus do bhord dheamhan.

22 Am broснаich sinn an Tighearn gu feirg? an treise sinn na esan?

23 Tha na h-uile nithe ceadachite dhomh, ach cha 'n'eil na h-uile nithe iomchuidh<sup>a</sup>: tha na h-uile nithe ceadachite dhomh, agus cha tabhair na h-uile nithe foghlum.

24 Na iarradh neach air bith an nì sin a bhuineas dha féin: ach iarradh gach aon an nì sin, a thig ri maith neach eile.

25 Ithibh gach nì a reicear am margadh na feòla, gun cheisd air bith fheòraich<sup>b</sup> air son coguis.

26 Oir is leis an Tighearn an talamh, agus a làn.

27 Ma bheir aon neach dhiubhsan, nach 'eil 'nan creidmhich, cuireadh dhuibh, agus gur toil leibh dol maille ris; ithibh gach nì a chuirear roimhibh, gun nì sam bith fheòruich air son coguis.

28 Ach ma deir duine sam bith ribh, Dh'ìobradh an nì so do iodholaibh, naithibh, air a shonsan a nochd dhuibh e, agus air son coguis<sup>c</sup>. Oir is leis an Tighearn an talamh, agus a làn.

29 Air son coguis deiream, cha'n i do choguis féin, ach coguis an neach ud eile: oir c'arson a bheirar breth air<sup>d</sup> mo shaorsasa le coguis duin' eile?

30 Oir, ma tha comhpairt biddh agamsa tre ghràs, c'ar son a labhrar olc umam a thaobh an nì sin air son am bheil mi a' toirt buidheachais?

31 Uime sin, cò aca dh'itheas no dh'òlas sibh, no ge b'e nì a nì sibh, deanaibh na h-uile nithe chum glòire Dhé.

32 Na tugaibh aobhar oilbheim do

<sup>a</sup> tarbhach <sup>b</sup> fharraid. <sup>c</sup> coimh-fhios, coinsiens. <sup>d</sup> a dh'itear.



na h-Iudhachaibh, no do na Greug-  
achaibh, no do eaglais Dé.

33 A réir mar a ta mise a' dean-  
amh toile nan uile dhaoine anns na  
h-uile nithibh, gun bhi 'g iarraidh  
mo bhuannachd féin, ach *buanachd*  
mhórain, chum gu slánuichear iad.

## CAIB. XI.

**B**ITHIBHSE 'nar luchd-lean-  
mhuinn ormsa<sup>a</sup>, amhuil mar a  
ta mise air Criosd.

2 A nis molam sibh, a bhráithre,  
do bhrìgh gu bheil cuimhne agaibh  
ormsa anns na h-uile nithibh, agus  
gu bheil sibh a' coimhead nan ord-  
uighean, mar a thug mise dhuibh  
iad.

3 Ach bu mhiann leam fios a bhi  
agaibh, gur e Criosd ceann gach fìr,  
agus gur e am fear ceann na mnà,  
agus gur e Dia ceann Chriosd.

4 Gach fear a ta deanamh ùrnuigh  
no fàidheadaireachd, agus folach air  
a cheann, tha e toirt eas-urraim d'a  
cheann.

5 Ach gach bean a ta deanamh  
ùrnuigh no fàidheadaireachd gun  
fholach air a ceann, tha i toirt eas-  
urraim d'a ceann: oir is ionann sin  
agus ge do bhiodh i air a bearr-  
adh.

6 Oir mar bi folach air ceann na  
mnà, bearrar i mar an ceudna: ach  
ma's grannda<sup>b</sup> do mhnaoi i bhi air a  
bearradh no air a lomadh, cuireadh i  
folach oirre.

7 Oir gun amharus cha chòir do  
fhear a cheann a chòmhdachadh<sup>c</sup>,  
do bhrìgh gur h-e ìomhaigh agus  
glòir Dhé; ach is i a' bhean glòir an  
fhir.

8 Oir cha 'n'eil am fear o'n mhnaoi,  
ach a' bhean o'n fhear.

9 Agus nìor chruthaicheadh am  
fear air son na mnà, ach a' bhean air  
son an fhir.

10 Uime sin, is còir do'n mhnaoi  
cumhachd<sup>d</sup> a bhi aice air a ceann,  
air son nan aingeal.

11 Gidheadh, cha 'n'eil am fear as  
eugmhais na mnà, no a' bhean as  
eugmhais an fhir anns an Tighearn.

12 Oir mar a ta a' bhean o'n  
fhear, is amhuil sin a ta 'm fear tre'n  
mhnaoi mar an ceudna: ach is ann  
o Dhia ta na h-uile nithe.

13 Measaibh annaibh féin: am  
bheil e ciatfach do mhnaoi ùrnuigh a  
dheanamh ri Dia gun fholach air a  
ceann.

14 Nach 'eil nadur féin a' teagasg

dhuibh, ma bhios gruag fhada air  
fear, gur nàr dha e?

15 Ach ma bhios gruag fhada air  
mnaoi, is glòir dh'i e: oir thugadh a  
gruag dh'i air son còmhdaich e.

16 Ach ma bhios neach air bith  
connspoideach, cha 'n'eil a leithid sin  
do ghnàthachadh againne, no aig  
eaglaisibh Dhé.

17 A nis anns an ni so a chuiream  
an céill *duibh*, cha mhol mi *sibh*, do  
bhrìgh gu bheil sibh a' teachd an  
ceann a chéile cha'n ann chum an ni  
a's fearr, ach an ni a's measa.

18 Oir air tùs, air cruinneachadh  
dhuibh an ceann a chéile san eaglais,  
tha mi cluinntinn gu bheil roinnean<sup>f</sup>  
'nar measg; agus tha mi an cuid 'ga  
chreidsinn.

19 Oir is éigin saobh-chreidimh<sup>g</sup>  
a bhi eadaruibh, chum gu'n deanar  
follaiseach an dream, a ta dearbhta  
'nar measg.

20 Uime sin an uair a thig sibh an  
ceann a chéile do aon àit, cha'n e sin  
suipeir an Tighearna itheadh.

21 Oir ithidh gach aon air tùs a  
shuipeir féin, agus a ta neach ocrach,  
agus neach eile air mhisg.

22 An e nach 'eil tighean agaibh  
chum itheadh agus òl anna? no am  
bheil sibh a' deanamh tàir' air eaglais  
Dé, agus a' nàrachadh na muinntir  
air nach 'eil? Ciod a deiream ribh?  
Am mol mi sibh anns a' chàis so?  
cha mhol.

23 Oir fhuair mise o'n Tighearn  
an ni mar an ceudna a thug mi  
dhuibhse, Gu'n do ghlac an Tigh-  
earn Iosa aran, anns an oidheche an  
do bhrathadh e:

24 Agus air breith buidheachais,  
bhris se e, agus thubhairt e, Gabh-  
aibh, itibh; is e so mo chorpsa, a  
ta air a bhriseadh<sup>h</sup> air bhur sonsa:  
deanaibh so chum cuimhne ormsa<sup>i</sup>.

25 Agus air a' mhodh cheudna an  
cupan, an déigh na suipeir, ag ràdh,  
Is e an cupan so an coimhcheangal  
nuadh ann am fhuilse: deanaibhse  
so, cia minic as a dh'òlas sibh e,  
chum cuimhne ormsa.

26 Oir cia minic as a dh'itheas  
sibh an t-aran so, agus a dh'òlas sibh  
an cupan so, tha sibh a' foillseach-  
adh bàis an Tighearna gus an  
d'thig e.

27 Uime sin, ge b'e neach a  
dh'itheas an t-aran so, agus<sup>m</sup> a  
dh'òlas cupan so an Tighearna gu

e folaich.

f eas-aonachda,

sgaraidh.

g saobh-bharuilean,

éiriceachd.

h air a thabhairt.

i mar chuimhneachan ormsa.

l tiomnadh.

m no.

<sup>a</sup> air m'eisimplairse. <sup>b</sup> grànna.  
<sup>c</sup> fholach. <sup>d</sup> 'se sin r'a radh  
folach, a leigeil fhaicinn gu bheil i  
fa chumhachd a fìr.

neo-ìomchuidh, bithidh e ciontach do chorp agus do fhuil an Tigh-earna.

28 Ach ceasnuicheadh a duine e fein, agus mar sin itheadh e do'n ar an so, agus òladh e do'n chupan so :

29 Oir ge b'e dh'itheas agus a dh'òlas gu neo-ìomchuidh, tha e 'g itheadh agus ag òl breitheanas dha féin, do bhrìgh nach 'eil e a' deanamh aithneadh air corp an Tigh-earna <sup>b</sup>.

30 Air a shon so, *tha mòran* 'nar measg lag agus tinn, agus *tha mòran* 'nan codal.

31 Oir nan d'thugamaid breth oirnn fein, cha d'thègtadh breth oirnn.

32 Ach an uair a bheirear breth oirnn, tha sinn air ar smachdachadh leis an Tighearn, chum nach bitheamaid air ar dìteadh maille ris an t-saoghal.

33 Uime sin, mo bhràithre, 'nuair a thig sibh an ceann a chéile, chum itheadh, fanaibh r'a chéile.

34 Agus ma bhios ocras air aon neach, itheadh e aig an tigh; chum nach d'thig sibh an ceann a chéile gu breitheanas <sup>c</sup>. Agus cuiridh mise gach ni eile an ordugh 'nuair a thig mi.

CAIB. XII.

**A** NIS a thaobh *nithe* <sup>d</sup> spioradail, a bhràithre, cha'n àill leam sibh bhi aineolach.

2 Tha fios agaibh gu robh sibh 'nar Cinnich, air bhuir tarruing gu ìodholaibh balbha, a réir mar a thèoraicheadh sibh.

3 Uime sin, tha mi toirt fios duibh, nach abair duine sam bith a tha labhairt o Spiorad Dé, gu bheil Iosa mallachte: agus nach urradh duine sam bith a ràdh gur e Iosa an Tigh-earn, ach trid an Spioraid naomh.

4 A nis tha eadar-dhealachadh thiodhlaca ann, ach *cha* 'n'eil ach aon Spiorad ann.

5 Agus tha eadar-dhealachadh frithealaidhe ann, gidheadh *cha* 'n'eil ach aon Tighearn ann.

6 Agus tha eadar-dhealachadh oibreachaidh ann, ach is é an t-aon Dia a tha 'g oibreachadh nan uile *nithe* anns na h-uile.

7 Ach a ta foillseachadh an Spioraid air a thoirt do gach neach, chum tairbhe.

<sup>a</sup> dearbhadh.

<sup>b</sup> deanamh

eadar-dhealachaidh eadar corp an Tighearna agus biadh eile.

<sup>c</sup> chum dlùidh.

<sup>d</sup> thiodhlaca.

<sup>e</sup> mhinistireilachd, dhreuchd.

8 Oir do aon duine tha focal a' ghliocais air a thoirt leis an Spiorad; agus do dhuin' eile focal an eòlais leis an Spiorad cheudna;

9 Do neach eile creidimh leis an Spiorad sin féin; do dhuin' eile tabhartas leighis trid an Spioraid cheudna;

10 Do neach eile oibreachadh mhìorbhuile; do neach eile fàidhead-aireachd; do neach eile aithneachadh spiorad; do neach eile *iomadh* gnè theanga; agus do neach eile eadar-mhìneachadh theanga.

11 Ach na nìthe sin uile tha an t-aon Spiorad ceudna ag oibreachadh, a' roinn ris gach aon fa leth, a réir mar is àill leis.

12 Oir mar is aon an corp, agus mòran do bhallaibh aige, agus a ta uile bhuill an aon chuirp sin, ge h-ìomadh iad, 'nan aon chorp; mar sin a ta Crìosd.

13 Oir trid aon Spioraid bhaisteadh sinn uile do aon chorp, ma's Iudhaich sinn no Greugaich, ma's daor no saor sinn; agus thugadh dench r'a h-òl duinn uile chum aon Spioraid.

14 Oir cha'n aon bhall an corp, ach mòran.

15 Ma deir a' chos, Do bhrìgh nach mi an làmh, cha'n ann do'n chorp mi; nach 'eil i do'n chorp air a shon sin?

16 Agus ma deir a' chluas, Do bhrìgh nach mi an t-sùil, cha'n ann do'n chorp mi; nach ann do'n chorp i air a shon sin?

17 Nam *biodh* an corp uile 'na shùil, c'ait am *biodh* a' chlaisteachd? Nam *biodh* e uile 'na chlaisteachd, C'ait am *biodh* am boladh?

18 Ach a nis shuidhich Dia na buill gach aon diubh sa chorp, mar bu toil leis.

19 Agus nam *biodh* iad uile 'nan aon bhall, c'ait am *biodh* an corp.

20 Ach a nis *tha iad* 'nam mòran bhall, ge nach 'eil ann ach aon chorp.

21 Agus cha'n urradh an t-sùil a radh ris an làmh, Cha 'n'eil feum agam ort: no a ris, an ceann ris na cosaibh, Cha 'n'eil feum agam oirbhe.

22 Ach gu ro mhòr ni's mò tha na buill sin do'n chorp, a's anmhuinne<sup>f</sup> thaobh coslais, feumail.

23 Agus air na buill sin do'n chorp a's lugha urram 'nar meas-ne, tha sinna' cur an tuilleadh urrainn, agus na buill sinn dhinn a's lugha maise, tha aca sin gu ro mhòr an tuilleadh maise.

<sup>f</sup> laige.

24 Oir air na buill mhaiseach againn cha 'n'eil uireasbhuidh : ach rinn Dia an corp a chomh-chumadh r'a chéile, air dha an tuilleadh urraim gu mòr a thoirt do'n chuid air an robh uireasbhuidh :

25 Chum nach biodh easaonachd air bith sa' chorp ; ach gu'm biodh an t-aon chàran aig na buill d'a chéile.

26 Agus ma dh'fhuilgeas aon bhall, comb-fhuilgidh na buill uile : no ma gheibh aon bhall urram, ni na buill uile gairdeachas maraon ris.

27 A nis is sibhsé corp Chrìosd, agus is buill sibh fa leth.

28 Agus chuir Dia dream àraidh san eaglais, air tùs abstòla, san dara àit fàidhean, san treas àit luchd-teagaisg, a ris miorbhuilean, 'na dhéigh sin tabhartais leighis, luchd-cuideachaidh, uachdaranachda, iomadh gnè theanga.

29 Am bheil na h-uile 'nan abstòlaibh ? Am bheil na h-uile 'nan fàidhibh ? Am bheil na h-uile 'nan luchd-teagaisg ? Am bheil na h-uile 'nan luchd-deanamh mhiorbhuile ?

30 Am bheil aig na h-uile tabhartais leighis ? An labhair na h-uile le teangaibh ? An dean na h-uile eadar-theangachadh ?

31 Ach biodh miann dùrachdach nan tiodhlac a's fearr oirbh : agus gèidheadh nochdamsa dhuibh slighe a's ro-fhearr.

## CAIB. XIII.

**G**E do labhrainn le teangaibh dhaoine, agus aingeal, agus gun ghràdh a agam, tha mi a'm' umhab a ni fuaim, no a'm' chiombal a ni gleangarsaich.

2 Agus ge do robh agam fàidheadaireachd, agus ge do thuiginn na h-uile rùna-diomhair, agus gach uile eòlas ; agus ge do bhiodh agam gach uile ghné creidimh, iomas gu'n atharraichinn sléibhte, agus mi gun ghràdh agam, cha 'n'eil annam ach neo-ni.

3 Agus ge do chaithinn mo mhaoin uile chum na bochdan a bheathachadh, agus ge do bheirinn mo chorp chum a losgaidh, agus gun ghràdh agam, cha 'n'eil tairbhe sam bith dhomh ann.

4 Tha an gràdh fad-fhulangach, agus caoimhneil ; cha ghabh an gràdh farmad ; cha dean an gràdh ràiteachas, cha 'n'eil e air a shéid-eadh suas,

5 Cha giùlain se e féin gu mi-chiatfach, cha'n iarr e na nithe sin a bhuineas da féin, cha 'n'eil e so-

bhrosnachaidh chum feirge, cha smuainich e olc sam bith.

6 Cha dean e gairdeachas san eucoir, ach ni e gairdeachas san fhirinu :

7 Fuilgidh e na h-uile nithe, creididh e na h-uile nithe, bithidh sùild aige ris na h-uile nithibh, giùlainidh e na h-uile nithe.

8 Cha d'théid an gràdh air cùl a choidhch : ach ma's fàidheadaireachda ta ann, théid iad air cùl ; ma's teangaidh, sguiridh iad ; ma's eòlas, cuirear air cùl e.

9 Oir a ta eòlas againn ann an cuid, agus tha sinn ri fàidheadaireachd ann an cuid.

10 Ach an uair a thig an ni a ta iomlan, cuirear air cùl an ni sin nach 'eil ach ann an cuid.

11 'Nuair a bha mi a'm' leanaban, labhair mi mar leanaban, thuig mi mar leanaban, reusonaich e mi mar leanaban : ach air fàs domh a'm' dhuine, chuir mi na nithe leanabaidh air cùl.

12 Oir tha sinn a'faicinn san àm so gu dorch a tre ghloin ; ach an sin chi sinn aghaidh ri h-aghaidh : san àm so is aithne dhomh ann an cuid ; ach an sin aithnichidh mi eadhon mar a ta aithneadh orm.

13 Agus a nis fanaidh creidimh, dòchas, gràdh, na tri nithe so ; ach is e'n gràdh a's mo dhiubh so.

## CAIB. XIV.

**L**EANAIBH gràdh, agus biodh mòr mhiannh thiodhlaca spioradail oirbh, ach gu ma mò bhuir togradh gu'n deanadh sibh fàidheadaireachd.

2 Oir an ti a labhras an an teangaidh choimhich, ni h-ann ri daoineibh a labhras e, ach ri Dia : oir cha 'n'eil neach sam bith 'ga thuigsinn ; ge do tha e anns an Spiorad a' labhairt rùna-diomhair.

3 Ach an ti a tha deanamh fàidheadaireachd, tha e a' labhairt ri daoineibh chum togail suas<sup>1</sup>, agus chum earail, agus chum combhfurtachd.

4 An ti a ta labhairt an teangaidh choimhich, tha e 'ga thogail féin suas : ach an ti a ni fàidheadaireachd, tha e togail suas na h-eaglais.

5 Bu mhaith leam gu labhradh sibh uile le teangaibh, ach b'fhearr leam sibh a dheanamh fàidheadaireachd, oir is mò an ti a ni fàidhead-

c còmhdaichidh, folaichidh.

d dòchas, earbsa.

f ann an sgàthan.

h dhéidh, iarrtus.

<sup>1</sup> foghlaim, teagaisg.

e smuainich,

g earbsa.

i choigrich.

a seirc.

b phrais.

aireachd, na an ti a labhras le teangaibh, mureadar-theangaich <sup>e a</sup>, chum gu faigheadh an eaglais foghlum.

6 A nis a' bhràithre, ma thig mi d'ar ionnsuidh a' labhairt le teangaibh, ciod an tairbhe a ni mi dhuibh, mur labhair mi ribh am foillseachadh, no an eòlas, no am fàidheadair-eachd, no teagasg?

7 Air an doigh cheudna na nithe gun anam a ni fuaim, ma's plob no clàrsach, mur dean iad eadar-dhealachadh 'nam fuaimibh, cionnus a thuigear an ni a sheinnear air a' phìob no air a' chlàrsaich?

8 Oir ma bheir a' ghall-tromp fuaim neo-chinnteach uaipe <sup>b</sup>, cò a dh'ulluicheas e féin chum a' chatha?

9 Is amhuil sin sibhse, mur labhair sibh leis an teangaidh briathra so-thuigsinn, cionnus a dh'aithnìhear an ni a labhrar? oir is ann ris an athar a labhras sibh.

10 Tha, feudaidd e bi, an uiread do ghuthannaibh <sup>c</sup> san t-saoghal, agus cha n'èil a h-aon diubh gun bhlagh <sup>d</sup>.

11 Uime sin, mur tuig mi brigh a' ghutha, bithibh mi do'n ti a labhras borbe; agus bithidh an ti a labhras, borb dhomhsa.

12 Mar sin mar an ceudna sibhse, do bhrigh gu bheil déigh agaibh air *tìodhlacaibh* spioradail, iarraibh sibh féin a thoirt barrachd chum togail suas <sup>f</sup> na h-eaglais.

13 Uime sin, an ti a labhras ann an teangaidh *choimhich*, guidheadh e gu'n deanadh e eadar-theangachadh.

14 Oir ma ni mise ùrnuigh ann an teangaidh *choimhich*, tha mo spiorad a' deanamh ùrnuigh, ach tha mo thuigse neo-tharbhach.

15 Ciod ma seadh? ni mi ùrnuigh leis an spiorad, agus ni mi ùrnuigh leis an tuigse mar an ceudna: seinnidh mi leis an Spiorad, agus seinnidh mi leis an tuigse mar an ceudna.

16 No 'huair a bheannuicheas tu leis an spiorad, cionnus a deir an ti a tha ann an àit an duine gun fhòghlum, Amen ri d' bhrèith-buidheachais, o hach aithne dha an ni a deir tu?

17 Oir gu deimhin a ta thusa toirt buidheachais gu maith, gidheadh cha n'èil an neach eile air a thogail suas <sup>g</sup>.

18 Bheiream buidheachas do m'

Dhia, gu'n labhram le teangaibh tuilleadh na sibh uile:

19 Ach b'fhearr leam cùig focal a labhairt san eaglais le m' thuigse, chum gu teagaisginn daoine eile mar an ceudna, na deich mìle focal ann an teangaidh *choimhich*.

20 A bhràithre, na bithibhse 'nar leanabaibh an tuigse: gidheadh, ann am mìorun <sup>h</sup> bithibh 'nar leanabaibh, ach ann an tuigse bithidh 'nar daoine foirfe.

21 Tha e scriobhta san lagh, Labhraidh mi ris a' phobull so ann an teangaibh eile, agus am bìlibh eile: gidheadh an déigh sin uile cha'n éisd iad rium, a deir an Tigh-earn.

22 Uime sin a ta teanganna *coimheach* 'nan comhara, ni h-ann do'n droing, a ta creidsinn, ach dhoibhsan, a ta mi-chreideach: ach a ta fàidheadaireachd ni h-ann air an sonsan nach eil a' creidsinn, ach air an sonsan, a tha creidsinn.

23 Uime sin, ma chruinnicheas an eaglais uile san aon àit, agus ma labhras iad uile le teangaibh *coimheach* agus gu'n d'thig droing a ta gun fhòghlum a steach, no daoine mi-chreideach, nach abair iad gu bheil sibh air a' chnathach?

24 Ach ma ni iad uile fàidheadaireachd, agus gu'n d'thig duine gun chreidimh a steach, no neach a ta gun fhòghlum, cronuichear <sup>i</sup> e leis na h-uile, agus bheirear breth air leis na h-uile:

25 Agus mar sin a ta nithe fol-aichte a chridhe air am foillseachadh; agus mar sin, air dha tuiteam air aghaidh, ni e aoradh do Dhia, ag aithris <sup>m</sup> gu bheil Dia gu fìrinneach annaibhse.

26 Ciod e sin ma ta, a bhràithre? air teachd an ceann a chéile dhuibh, tha salm, tha teagasg, tha teanga, tha foillseachadh, tha eadar-theangachadh, aig gach aon agaibh. Deanar na h-uile nithe chum foghlum <sup>n</sup>.

27 Ma labhras aon neach ann an teangaidh *choimhich*, labhradh dithis, no air a' chuid a's mò triuir, agus sin an déigh a chéile; agus deanadh a h-aon eadar-theangachadh.

28 Ach mur bi éadar-theangair ann, fanadh e' na thosd san eaglais; no labhradh e ris féin, agus ri Dia.

29 Labhradh dithis no triuir do na fàidhibh, agus thugadh a' chuid eile breth.

<sup>a</sup> mur eadar-theangaich neach.

<sup>b</sup> uaithe. <sup>c</sup> chainntibh, chà-

<sup>d</sup> nìb. <sup>e</sup> bhrìgh, seadh.

<sup>f</sup> fiadhaich, bàrbarra.

<sup>g</sup> foghlum. <sup>h</sup> air fhòghlum.

<sup>i</sup> droch-mhèin, olc

<sup>j</sup> chéill, air boile.

<sup>k</sup> comhairlichear.

<sup>l</sup> foillseachadh.

<sup>m</sup> ag innseadh, <sup>n</sup> togail suas.



30 Ach ma dh'fhoillsichear *ni* do neach eile, a tha 'na shuidhe, biodh an ceud *dhuine* 'na thosd.

31 Oir feudaidd sibh uile fàidhead-aireachd a dheanamh gach aon an déigh a chéile, chum's gu faigh na h-uile fòghlum, agus na h-uile combhfhurtachd.

32 Agus a ta spiorada<sup>a</sup> nam fàidh ùmhal do na fàidhibh.

33 Oir cha'n e Dia *ùghdair* na mi-riaghailt<sup>b</sup>, ach na sìth, mar ann an eaglaisibh nan naomh uile.

34 Biodh bhuir mnàì 'nan tosd sna h-eaglaisibh; oir cha 'n'eil e cead-aichte dhoibh labhairt: ach is *còir dhoibh* bli ùmhal, mar a deir an lagh mar an ceudna.

35 Agus ma's miann leo nì sam bith fhòghlum, feòraicheadh iad d'am fearaibh féin aig an tigh e: oir is mi-chiatfach do mhnàibh labhairt san eaglais.

36 An ann naibhse thainig focal Dé a mach? no an ann d'ar n-ionnsuidhse a mhàin a thainig e.

37 Ma shaoileas duine sam bith c gnr fàidh, no gur duine spiorad uil e féin, aidicheadh e na nithe a scriobhamsa d'ar n-ionnsuidh, gur h-ìad àitheantan an Tighearna.

38 Ach ma ta neach sam bith aineolach, biodh e aineolach.

39 Uime sin, a bhràithre, biodh rothogradh agaibh air fàidheadaireachd a dheanamh, agus na bacadh labhairt le teangaibh.

40 Deanar na h-uile nithe gu deadh-mhaiseach, agus a réir ord-uigh.

## CAIB. XV.

**O**S barr, a bhràithre, cuiream an céill duibh an soisgeul a shearmonaich mi dhuibh, ris an do ghabh sibhse mar an ceudna, agus anns am bheil sibh 'nar seasamh;

2 Trid mar an ceudna am bheil sibh air bhuir tearnachd, ma chumas sibh gu daingean<sup>d</sup> an nì a shearmonaich mi dhuibh, mur do chreid sibhse gu dìomhain.

3 Oir thug mi dhuibh air tùs an nì a fhuair mi mar an ceudna, Gu'n d'fhuair Crìosd bàs air son ar peacaidh a réir nan scriobtuir:

4 Agus gu'n d'adhlaicheadh e, agus gu'n d'éirich e a ris air an treas là a réir nan scriobtuir.

5 Agus gu facas e le Cephas, 'na dhéigh sin leis an dà fhear dheug.

6 'Na dhéigh sin, chunncas e le

tuilleadh as cùig ceud bràthair air aon àm; d'am bheil a' chuid a's mò beo gus a nis, ach a ta cuid *dhiubh* 'nan codal.

7 'Na dhéigh sin, chunncas e le Seumas; agus a ris leis na h-abstol-aibh uile.

8 'Nan déigh uile chunncas leamsa e mar an ceudna, mar neach a rugadh ann an-àm.

9 Oir is mi a's lugha do na h-abstol-aibh, nach fìu abstol a ghairm dhiom, do bhrìgh gu'n robh mi a' geur-leanmhuinn eaglais Dé.

10 Ach tre ghràs Dé is mi an nì a's mi: agus cha robh a ghràs, a *bhuilicheadh* orm, gun bhrìgh; ach shaothraich mi nì's pailte na iad uile; gidheadh cha mhise, ach gràs Dé, a bha maille rium.

11 Uime sin, cò air bith iad *dhinn*, mìse no iadsan, is ann mar so a tha sinne a' searmonachadh, agus is ann mar so a chreid sibhse.

12 A nis ma shearmonaichear Crìosd gu'n d'éirich e o na marbh-aibh, cionnus a deir cuid 'nar measg-sa, Nach 'eil aiseirigh nam marbh ann?

13 Ach mur 'eil aiseirigh nam marbh ann, nì mò a dh'éirich Crìosd.

14 Agus mur d'éirich Crìosd, gu deimhin is dìomhain ar searmoin-ne, agus is dìomhain bhuir creidimhse mar an ceudna.

15 Seadh fhuaradh sinne 'nar fianuisibh bréige air Dia; do bhrìgh gu'n d'rinn sinn fianuis a thaobh Dhé gu'n do thog e suas Crìosd: neach nach do thog e suas, mur éirich na marbh.

16 Oir mur éirich na marbh, nì mò a dh'éirich Crìosd:

17 Agus mur d'éirich Crìosd, *tha* bhuir creidimhse dìomhain; *tha* sibh fathast am bhuir peacaibh.

18 Mar sin mar an ceudna *tha* an droing a choidil ann an Crìosd caillte.

19 Ma's anns a bheatha so a mhàin a tha dòchas againn ann an Crìosd, is sinn a's truaighe do na h-uile dhaoinibh.

20 Ach a nis *tha* Crìosd air éirigh o na marbh-aibh, agus rinneadh an ceud thoradh dhuibhsan, a choidil deth.

21 Oir mar is ann tre dhuine *thainig* am bàs, is ann tre dhuine *thig* aiseirigh nam marbh mar an ceudna.

22 Oir mar ann an Adhamh, a ta na h-uile a' faghail a' bhàis, is amhuil sin mar an ceudna a nithear na h-uile beo ann an Crìosd.

<sup>a</sup> *tiodhlaca spioradail.*

<sup>b</sup> *eas-orduigh, tuairgne.*

<sup>c</sup> *Ma tha duine sam bith cinnteach.*

<sup>d</sup> *ma ghleidheas sibh air chuimhne.*

23 Ach gach uile dhuine 'na ordugh féin : Criosd an ceud thoradh, 'na-dhéigh sin iadsan a's le Criosd aig a theachd.

24 An sin *bithidh* a' chrìoch dheireannach, 'nuair a bheir e suas an rioghachd do Dhia, eadhon an t-Athair; 'nuair a chuireas e as do<sup>a</sup> gach uile uachdaranachd, agus gach uile ùghdarras, agus chumhachd.

25 Oir is éigin gu'n rioghaich e, agus an cuir e a naimhdean uile fa chosaibh.

26 Sgriosar an nàmhaid deireannach, am bàs.

27 Oir chuir e na h-uile nithe fa chosaibh. Ach an uair a deir e gun do chuir e na h-uile nithe fuidh, is nì follaiseach gu bheil esan, a chuir na h-uile nithe fuidh, an leth muigh *d'fheth so*.

28 Agus an uair a chuirear na h-uile nithe fuidh, an sin bithidh am Mac féin fuidh 'n ti a chuir na h-uile nithe fuidh-san, chum gu'm bi Dia 'na uile anns na h-uile.

29 No ciod a nì iadsan, a bhaistear air son nam marbh, mur éirich na mairbh air aon dòigh? c'ar son ma seadh a bhaistear iad air son nam marbh?

30 Agus c'ar son a ta sinne an gàbhadh sgach uair?

31 Air bhuir gairdeachas-sa<sup>b</sup> a tha agam ann an Iosa Criosd ar Tigh-earn, tha mi faghail a' bhàis gach là.

32 Ma chòmhraig<sup>c</sup> mi mar dhuine<sup>d</sup> ri fiadh-bheathaichibh ann an Ephesus, ciod i mo thairbhe, mur éirich na mairbh? itheamaid agus olamaid, oir am maireach gheibh sinn bàs.

33 Na meallar sibh : truaillidh droch chomhludair<sup>e</sup> deadh bheusa.

34 Dàisgibh chum fireantachd<sup>f</sup>, agus na deanaibh peacadh; oir cha 'n'èil eòlas Dé aig cuid : chum bhuir nàire labhram so.

35 Ach a deir neach éigin, Cionnus a dh'éireas na mairbh? agus ciod a' ghne cuirp leis an d'thig iad?

36 Amadain, an nì 'sin a chuireas tu, cha bheothaichear e, mur bàsaich e air tùs.

37 Agus an nì a chuireas tu, cha'n e an corp a bhitheas a ta thu cur, ach gràinne lom, feudaidd e bi do chruinneachd, no do *shedrta* éigin eile.

38 Ach a ta Dia a' toirt cuirp dha

<sup>a</sup> a chuireas e slos.

<sup>b</sup> a' ghairdeachas air bhuir sonsa.

<sup>c</sup> chog mi, chuir mi cath.

<sup>d</sup> a réir gnàtha dhaoine.

<sup>e</sup> droch chòmhradh.

<sup>f</sup> gu ceart, gu cubhaidh.

mar bu toil leis, agus do gach uile shìol a chorp féin.

39 Cha'n aon fheòil gach uile fheòil : ach a ta feòil air leth aig daoinibh, agus feòil eile aig ainmhidhibh, *feòil* eile aig iasgaibh, agus feòil eile aig eunlaithibh.

40 Agus a ta cuirp nèamhaidh ann, agus cuirp thalmhaidh : gidheadh a ta glòir air leth aig na corp-aibh nèamhaidh, agus glòir eile aig na corp-aibh talmhaidh.

41 Tha aon ghloir aig a' ghréin, agus glòir eile aig a' ghealaich, agus glòir eile aig na reultaibh; oir a ta eadar-dhealachadh cadar reult agus reult thaobh glòire.

42 Agus is ann mar sin a bhios aiseirigh nam marbh. Cuirear ann an truaillidheachd e, togar ann an neo-thruaillidheachd e.

43 Cuirear e ann an eas-urram, togar ann an glòir e : cuirear ann an anmhuinneachd e, éiridh e ann an cumhlachd:

44 Cuirear e 'na chorp nàdurra, éiridh e 'na chorp spioradail. Tha corp nàdurra ann, agus corp spioradail.

45 Agus mar so tha e scribedhta, Rinneadh an ceud dhuine Adhamh 'na anam beo, an t-Adhamh deireannach 'na Spiorad a bheothaicheas.

46 Gidheadh cha'n e an nì spioradail a bha ann air tùs, ach an nì nàdurra; agus 'na dhéigh sin an nì spioradail.

47 An ceud duine o'n talamh, talmhaidh : an dara duine, an Tighearn o nèamh.

48 Mar an duine talmhaidh, is amhuil sin iadsan a tha talmhaidh : agus mar a ta an duine nèamhaidh, is ann mar sin iadsan a ta nèamhaidh.

49 Agus mar a ghiùlain sinn dealbhs an duine thalmhaidh, giùlainidh sinn mar an ceudna dealbhs an duine nèamhaidh.

50 A nis so a deiream, a bhràithre, nach feudar le feòil agus fuil rioghachd Dhé a shealbhachadh mar oighreachd; nì mò a shealbhaicheas truaillidheachd neo-thruaillidheachd.

51 Feuch, labhram nì dìomhair ribh; Cha chòidil sinn uile, ach caochlaidhear sinn uile,

52 Ann an tiota<sup>h</sup>, am priobadh na sùl, ri *guth na* trompaide deireannaich, (oir séididh an trompaid) agus éiridh na mairbh neo-thruaillidh, agus caochlaidhear sinne.

53 Oir is éigin do'n chorp thruail-

<sup>g</sup> òmhhaigh, dreach, coslas,

<sup>h</sup> plathe, mionaid.

idh so neo-thruaillidheachd a chur uime, agus do'n *chorp* bhàsmhor so neo-bhàsmhorachd a chur uime.

54 Agus an uair a chuireas an *corp* truailidh so neo-thruaillidheachd uime, agus a chuireas an *corp* bàsmhor so neo-bhàsmhorachd uime, an sin coimhlionar am focal a ta scriobhta, Shluigeadh suas am bàs le buaidh.

55 O bhàis, c'àit am bheil do ghath? O uagh, c'àit am bheil do bhuaidh?

56 Is e am peacadh gath a' bhàis; agus is e neart a' pheacaidh an lagh.

57 Ach buidheachas do Dhia, a tha toirt dhuinne na buadha, trid ar Tighearna Iosa Crìosd.

58 Uime sin, mo bhràithre gràdhach, bithibhse daingean, neo-ghluasadach, a' sir-mheudachadh ann an obair an Tighearna, air dhuibh fios a bhi agaibh nach 'eil bhur saothair dìomhain anns an Tighearna.

## CAIB. XVI.

**A** NIS a thaobh an tionail air son nan naomh, mar a dh'orduich mi do eaglaisibh Ghalatia, mar sin deanaibhse mar an ceudna.

2 Air ceud là gach seachduin, cuireadh gach aon agaibh ni leis féin anns an ionmhas<sup>a</sup>, a réir mar a shoirbhich leis, chum nach bi tionail r'an deanamh 'nuair a thig mise.

3 Agus an uair a thig mi, cò air bith iad a mholas sibh le'r litrichibh, cuiridh mi iadsan a ghiùlan bhur tabhartais gu Hierusalem.

4 Agus ma's iomchuidh mise a dhol mar an ceudna, théid iadsan a'm' chuideachd.

5 Agus thig mi d'ar n-ionnsuidhse, 'nuair a théid mi tre Mhacedonia: (oir tha mi dol tre Mhacedonia.)

6 Agus feudaidh e bi gu'm fan mi, no eadhon gu'n caith mi an geambradh maille ribh, chum's gu'n d'thoir sibh air m'aghaidh mi, ge b'e àit d'an d'théid mi.

7 Oir cha'n àill leam bhur faicinn a nis san dol seachad, ach tha dùil agam fantuinn rè tamuill maille ribh, ma leigeas an Tighearn dhomh.

8 Ach fanaidh mi ann an Ephesus gu Cuingeis.

9 Oir dh'fhosglaidh dorus mòr agus éifeachdach dhomhsa, agus tha mòran eascairdean<sup>b</sup> ann.

<sup>a</sup> taisgeadh gach aon agaibh làimh ris ann an stòr. <sup>b</sup> luchd cur an aghaidh an t-soisgeil.

10 A nis ma thig Timoteus, feuch aibh gu'm bi e gun eagal maille ribh: oir tha e a' saothreachadh ann an obair an Tighearna, mar a ta mise.

11 Uime sin, na deanadh neach sam bith tàir air: ach thugaibh air aghaidh e an sìth, chum's gu'n d'thig e a'm' ionnsuidhse: oir tha sùil agam ris maille ris na bhràithribh.

12 Mu thiméhioll ar bràthar Apollois, ghuidh mi gu dùrachdach air teachd d'ar n-ionnsuidhse maille ris na bràithribh: ach cha b'i a thoil air chor sam bith teachd san àm so; ach thig e 'nuair a gheibh e àm iomchuidh.

13 Deanaibh faire, seasaibh gu daingean sa' chreidimh, bithibh fearailc, bithibh làidir<sup>d</sup>.

14 Biodh bhur n-uile nithe air an deanamh le gràdh.

15 Agus guidheam oirbh, a bhràithre, (o's aithne dhuibh teaghlach Stephanais, gur h-iaid ceud thoradh Achaia, agus gu'n d'thug siad iad féin chum frithealaidh do na naomhaibh.)

16 Gu'm bi sibh ùmhal d'an leithidibh sin, agus do gach aon a ni obair agus saothair maille ruinne.

17 Tha mi subhach ri teachd Stephanais, agus Fhortunatus, agus Achaicus: oir rinn iad suas an ni sin a bha dh'uireasbhuidh d'ar taobhsa.

18 Oir thug iad snaimhneas e do m' spioradsa, agus d'ar spioradsa: uime sin biodh meas agaibh air an leithidibh sin<sup>f</sup>.

19 Tha eaglaisean na h-Asia a' cur fàilte oirbh. Tha Acuala agus Priscilla, maille ris an eaglais a tha 'nan tigh, a' cur mòr fhàilte oirbh anns an Tighearn.

20 Tha na bràithrean uile a' cur fàilte oirbh. Cuiribhse fàilte air a chéile le pòig naomha.

21 Fàilte uamsa Pòl le m' làimh féin.

22 Ma tha neach sam bith nach gràdhaich an Tighearn Iosa Crìosd, biodh e 'na Anatema, Maranata<sup>g</sup>.

23 Gu robh gràs an Tighearna Iosa Crìosd maille ribh.

24 Mo ghràdhsa maille ribh uile ann an Iosa Crìosd. Amen.

<sup>c</sup> duineil. <sup>d</sup> neartaichibh sibh féin. <sup>e</sup> fois. <sup>f</sup> aithnichibh an leithide sin. <sup>g</sup> biodh e maille uichte gu bràth.

# DARA LITIR AN ABSTOIL PHOIL CHUM NAN CORINTIANACH.

## CAIB. I.

**P**OL abstol Iosa Criosd tre thoil Dé, agus Timoteus ar bràthair, chum eaglais Dé, a ta an Corintus, maille ris na h-uile naoimh a ta ann an Achaia uile :

2 Gràs dhuibhse, agus sìothchaint o Dhia ar n-Athair, agus o'n Tigh-earn Iosa Criosd.

3 Beannuichte gu robh Dia eadhon Athair ar Tighearna Iosa Criosd, Athair nan tròcair, agus Dia na h-uile chomh-fhurtachd ;

4 A tha toirt comh-fhurtachd dhuinne 'nar n-uile àmhghara, chum sinne bhi comasach air comhfhurtachd a thoirt dhoibhsan a ta ann an àmhghar sam bith, trid na comh-fhurtachd leis am bheil sinn féin a' faotainn comhfhurtachd o Dhia.

5 Oir mar a ta fulangais Chriosd b' pàirt annainne, is amhuil sin a ta ar eomh-fhurtachd mar an ceudna pailte tre Chriosd.

6 Agus ma tha sinn fuidh àmhghar, is ann air son bhur comhfhurtachd agus bhur slàintese, a tha air a h-oibreachadh le sibh a dh'fhulang nam fulangas ceudna, a tha sinne a' fulang ; no ma's comh-fhurtachd dhuinn, is ann chum bhur comh-fhurtachd agus bhur slàintese.

7 Agus a ta ar dòchas daingean d'ar taobhsa, do bhrìgh gu bheil fios againn, mar a ta sibh 'nar luchd-comhpairt do na fulangasaibh, gu'm bi sibh mar an ceudna do'n chomh-fhurtachd.

8 Oir cha b' àill leinn, a bhràithre, sibhse bhi ain-fhiosrach mu thimchioll ar n-àmhghair a thachair dhuinnesan Asia, gu'n do bhruthadh sinn gu ro mhòr thar ar neart, ionnas gu robh sinn fuidh amharus eadhon mu'r beatha :

9 Ach bha againn binn c ar bàis annainn féin, chum nach biodh againn doigh annainn féin, ach ann an Dia, a dhùisgeas na mairbh :

10 Neach a shaor sinne o bhàs co mòr, agus a ta 'gar saoradh ; anns am bheil ar dòchas gu'n saor e sinn fathast :

11 Air dhuibhse bhi a' comh-oibreachadh le chèile ann an ùrnuigh air ar soinne, chum gu tugar buidh-

eachas le mòran air ar soinne, a leth an tiodhlaic, a thugadh dhuinne, tre mhòran.

12 Oir is e so ar gairdeachasne, fianuis ar coguis, gur ann an aon-fhillteachd d agus an tréibhdhíreas diadhaidh e, agus cha'n ann an glòsas feòlmhor, ach ann an gràs Dé, a chaith sinn ar beatha san t-saoghaí, agus gu h-àraidh d'ar taobhsa.

13 Oir cha 'n'eil sinn a' scriobhadh nithe sam bith eile d'ar n-ionnsuidhse, ach na'n nithe a ta sibh a' leughadh f, no a ta sibh ag aideachadh, agus a ta dùil againn a dh'aidicheas sibh gus a' chrìoch ;

14 Amhuil mar a dh'aidich sibh an càil, gur sinne bhur gairdeachas, mar is sibhse mar an ceudna ar gairdeachasne ann an là an Tighearna Iosa.

15 Agus anns a' mhuinighin so, b' àill leamsateachd d'arn-ionnsuidh air tùs, ionnus gu faigheadh sibhse ath-ghràs g :

16 Agus gabhail uaibhse h gu Macedonia, agus teachd o Mhacedonia a rís d'ar n-ionnsuidhse, agus a bhi air mo thoirt air m'aghaidh leibshe san t-slighe gu Iudea.

17 Uime sin, an uair a chuir mi so romham, an do ghnàthaich mi eutruimeachd i? no an ann a réir na feòla a ta mi cur romham na nithe, a chuiream romham, ionnus gu biodh againn seadh, seadh, agus mi h-eadh, ni h-eadh ?

18 Ach mar a ta Dia fìrinneach, cha b'e ar còmhradh ribhse seadh, agus ni h-eadh :

19 Oir Mac Dhé Iosa Criosd, a shearmonuicheadh 'nar measga leinne, eadhon leamsa, agus le Silvanus, agus le Timoteus, cha robh e 'na sheadh agus 'na ni h-eadh, ach annsan bha seadh.

20 Oir geallanna Dhé uile annsan is seadh iad, agus annsan is amen iad, chum glòire Dhé d'ar taobhne.

21 A nis an ti a dhaingnicheas sinne maille ribhse ann an Criosd, agus a dh'ùng sinn, is e Dia :

22 Neach mar an ceudna a chuir

d siompluidheachd. e an tréibhdhíreas a's mò ; tréibhdhíreas Dhé. Gr. f a's aithne dhuibh. g ath-thiodhlacadh. h dol bhur rathadsa. i iomluas.

a thrioblaid.  
son Chriosd.

b fulangais air  
c breth.



seula oirne, agus a thug dhuinn geall-daingnich<sup>a</sup> an Spiorad ann ar cridhibh.

23 Ach goiream Dia mar fhianuis air m'anam<sup>b</sup>, gur ann chum sibhse a chaomhnadh nach d'fhainig mi fathast gu Corintus.

24 Cha'n e gu bheil againne tigh-earnas air bhur creidimhse, ach is luchd-cuideachaidh sinn d'ar n-aoibhneas: oir is ann tre chreidimh a sheasas sibh.

## CAIB. II.

**A**CH chuir mi so romham annam féin, gun teachd a ris fuidh dhoilgheas d'ar n-ionnsuidh.

2 Oir ma ni mise doilich sibhse, cò e ma ta nìsubhach mise, ach an ti air an do chuireadh doilgheas leam?

3 Agus scriobh mi an nì so féin d'ar n-ionnsuidh, chum air dhomh teachd, nach cuirte doilgheas orm leis a' mhuinntir sin o'm bu chòir dhomh aoibhneas fhaotainn, air dhomh bhi muinghinneach asaibh uile, gur e m'aoibhneas bhur n-aoibhneas nìle.

4 Oir a tr'oblaid mhòir agus cràdh cridhe, scriobh mi d'ar n-ionnsuidh le iomadh deur; cha'n ann chum gu'm biodh doilgheas oirbh, ach chum gu'm biodh fios agaibh air a' ghràdh, a ta agam gu ro-phailte dhuibh.

5 Ach ma thug neach sam bith aobhar doilgheis, cha do chuir e doilgheas ormsa, ach an càil: chum nach cuirinn ro-uallach oirbh uile.

6 Is leoir d'a leithid sin do dhuine am peanas so, a leugadh air le mòran.

7 Ionns air an làimh eile, gur mò is còir dhuibh maitheanas agus comhfhurtachd a thoirt da, air eagal gu'm biodh a leithid so do dhuine air a shlugadh suas le anabarra doilgheis.

8 Uime sin, guidheam oirbh, gu'n daingnicheadh sibh bhur gràdh dha.

9 Oir is ann chum na crìche so a scriobh mi d'ar n-ionnsuidh, chum gu'm biodh fios bhur dearbhaidh agam, am bheil sibh ùmhal anns na h-uile nithibh.

10 Ge b'e neach d'an toir sibh maitheanas ann an nì sam bith, bheireamsa mar an ceudna: oir ma thug mise maitheanas ann an nì sam bith, ge b'e d'an d'thug mi am maitheanas, is ann air bhur sonsa thug mi e, am fianuis Chriosd<sup>c</sup>;

11 Air eagal gu faigheadh Satan an cothrom oirnnle chuilbheartachd:

<sup>a</sup> earlus.

<sup>b</sup> an aghaidh m'anama.

<sup>c</sup> am pearsa.

oir cha 'n'eil sinn aineolach air inn-leachdaibh.

12 Os bàrr, 'nuair a thainig mi gu Troas chum soisgeul Chriosd a shearmonachadh, agus a dh'fhosgladh dorus dhomh leis an Tighearn,

13 Cha robh fois agam ann mo spiorad, do bhrìgh nach d'fhuair mi Titus mo bhràthair: ach air gabhail mo chad duibh, dh'imich mi o sin do Mhacedonia.

14 A nis buidheachas do Dhia, a taghnath a' toirt oirne buadbachadh ann an Criosd, agus a ta foillseachadh deadh àile eolais féin leinne anns gach àit.

15 Oir tha sinne do Dhia 'nar n-àile cùbhruidh Chriosd, anns an droing a shlànuchear, agus anns an droing a sgriosar<sup>d</sup>.

16 Do'n aon droing tha sinn 'nar boltrach bàis chum bàis; agus do'n droing eile, 'nar boltrach beatha chum beatha: agus cò a ta foghainteach chum nan nìthe so?

17 Oir cha 'n'eil sinne mar mhòran, a thruailleas focal Dé: ach mar o thrèibhdhireas, ach mar o Dhia, tha sin a' labhairt am fianuis Dé ann an Criosde.

## CAIB. III.

**A**N tòisich sinn a ris air sinn féin a mholadh? no am bheil feum againn, mar aig dream àraidh, air litrichibh molaidd d'ar n-ionnsuidhse, no air litrichibh molaidd uaibh?

2 Is sibhse ar litirne a ta scriobhta 'nar<sup>e</sup> cridhibh, air a h-aithneachadh agus air a leughadh leis na h-uile dhaoinibh:

3 Air dha bhi follaiseach gur sibh litir Chriosd, a fhrithealadh leinne, a tha air ar scriobhadh cha'n ann le dubh, ach le Spiorad an Dé bhèo; cha'n ann air clàraibh cloiche, ach air clàraibh feòlmhor a' chridhe.

4 Agus tha a leithid so dh'earbsas againne tre Chriosd thaobh Dhé.

5 Cha'n e gu bheil sinn foghainteach uainn féin chum nì sam bith a smuainteachadh<sup>h</sup> mar uainn féin: ach is ann o Dhia a ta ar foghainteachd;

6 A rinn sinne mar an ceudna 'nar ministreibh foghainteach na tiomna-nuaidh<sup>i</sup>, cha'n ann do'n litir, ach do'n Spiorad: oir marbhaidh an litir, ach bheir an Spiorad beatha.

7 Ach ma bha ministreileachd<sup>l</sup> a bhàis, annan scriobhadh air a ghearr-

<sup>d</sup> a chaillear.

<sup>e</sup> mu Chriosd.

<sup>f</sup> ann bhur.

<sup>g</sup> do dhèchàs.

<sup>h</sup> a mheas, a reusonachadh.

<sup>i</sup> a' choimheachguil nàidh.

<sup>l</sup> frithealadh.

adh<sup>a</sup> air clachaibh, glòrmhor, ionnus nach b'urradh clann Israeil amharc gu geur air gnùis Mhaois, air son glòire a ghnùise, a chuireadh air cùl;

8 Cionnus nach mò na sin a bhios ministreileachd an Spioraid glòrmhor?

9 Oir ma bha ministreileachd an dithidh glòrmhor, is ro mhò na sin a bheir ministreileachd na firéantachd barrachd ann an glòir.

10 Oir eadhon an ni a rinneadh glòrmhor, cha robh glòir sam bith aige sa<sup>a</sup> chàs so, thaobh na glòire a tha toirt barrachd.

11 Oir ma bha an ni a chuireadh air cùl glòrmhor, is ro mhò na sin a ta an ni a bhunaicheas glòrmhor.

12 Uime sin, do bhrìgh gu bheil againn a shamha<sup>l</sup> so do dhòcas<sup>b</sup>, tha sinn a' cleachdadh mòr dhànachd<sup>c</sup> cainnte.

13 Agus cha'n 'eil sinn mar Mhaois, a chuir folach air aghaidh, chum nach amhairceadh clann Israeil gu geur gu crìch an ni a chuireadh air cùl.

14 Ach dhalladh an inntinn: oir gus an là an diugh ann an leughadh na seann-tiomnaidh<sup>d</sup>, tha'm folach ceudna a' fantuinn gun atharrachadh, ni a chuireadh air cùl ann an Crìosd.

15 Ach eadhon gus an là'n diugh 'nuair a leughar Maois, tha'am folach air an cridhe.

16 Gidheadh 'nuair a philleas e chum an Tighearna, togar am folach dheth.

17 A nis 'se an Tighearn an Spiorad sin: agus far am bheil Spiorad an Tighearna, tha saorsa an sin.

18 Ach air bhi dhuinne uile le aghaidh gun fholach, ag amharc mar aon an sgàthan air glòir an Tighearna, tha sinn air ar n-atharrachadh chum na h-ìomhaighe ceudna, o ghlòir gu glòir, mar le Spiorad an Tighearna.

CAIB. IV.

UIME sin, air do'n mhinistireil-eachd so bhi againn, a réir mar a fhuair sinn tròcair, cha 'n'eil sinn a' fannachadh<sup>f</sup>:

2 Ach chuir sinn cùl ri nithibh folaichte na nàire<sup>g</sup>, gun sinn bhi a' stiubhal ann an cèilg, no a' truailleadh focal Dé, ach le foillseachadh na firinn, 'garmoladh féin do choguis

nan uile dhaoine ann an sealladh Dhé.

3 Ach ma ta ar soisgeulne folaichte<sup>h</sup>, is ann doibhsan a ta caillte<sup>i</sup> tha e folaichte:

4 Anns an do dhall dia an t-saoghail so inntinn na droinge nach 'eil 'nan creidmhigh, air eagal gu'n dealraicheadh orra solus soisgeil ghlòrmhoir Chrìosd, neach a's e ìomhaigh Dhé.

5 Oir cha 'n'eil sinne 'gar searmonachadh féin, ach Iosa Crìosd an Tighearn; agus sinn féin 'nar seirbhisich dhuibhse air son Iosa.

6 Oir is e Dia a thubhairt ris an t-solus soillseachadh a dorchadas, a dhealraich ann an cridhibhne, a thoirt soluis eòlais glòire Dhé, ann an gnùis Iosa Crìosd.

7 Ach a ta an t-ionmhas so againn ann an soithichibh creadha, chum gu'm bi oirdheirceas a' chumhachd o Dhia, agus cha'n ann uainne.

8 Tha sinn fuidh thrioblaid air gach taobh, gidheadh cha 'n'eil sinn ann an teanntachd<sup>l</sup>; tha sinn ann an ìom-chomhairle, gidheadh gun sin ann an ea-dòchas;

9 Air ar geur-leanmhuinn, gidheadh gun sinn air ar tréigsinn; air ar tilgeadh sìos, gidheadh gun sinn air ar sgrios;

10 A' giùlan a ghnàth bàsachaidh an Tighearna Iosa mu'n cuairt, anns a' chorp, chum gu biodh beatha Iosa mar an ceudna air a deanamh follaiseach ann an corpne.

11 Oir tha sinne a tha beo, a ghnàth air ar toirt chum bàis air son Iosa, chum gu biodh mar an ceudna beatha Iosa air a deanamh follaiseach 'nar feoil bhàsmhoirne.

12 Uime sin, tha bàs ag oibreachadh annainne, ach beatha annaibhse.

13 Air dhuinn an spiorad creidimh sin féin a bhi againn, a réir mar a ta e scribedhta, chréid mi, agus uime sin labhair mi: tha sinne a' creidsinn mar an ceudna, agus uime sin tha sinn a' labhairt;

14 Air dhuinn fios a bhli againn, an ti a thog suas an Tighearna Iosa, gu'n tog e sinne suas mar an ceudna trid Iosa, agus gu'n cuir e 'na làthair sinn maille ribhse.

15 Oir tha na h-uile nithe air bhuirsonsa, chum gu biodh an gràs a tha saibhir, tre bhuidheachas mhòrain, ro phailte chum glòire Dhé.

16 Uime sin, cha 'n'eil sinn a' fannachadh, ach ge do thruaillear ar duine o'n leth muigh, gidheadh tha

<sup>a</sup> ghrèbhaladh.

<sup>b</sup> earbsa.

<sup>c</sup> shoilleireachd.

<sup>d</sup> an t-seanntiomnaidh.

<sup>e</sup> an dealbha, an riochda.

<sup>f</sup> a' lugachadh.

<sup>g</sup> a' mhaslaidh, na h-easonoir.

<sup>h</sup> fa fholach.

<sup>i</sup> a tha 'gan

sgrios féin.

<sup>l</sup> cumhaingeachd.

an duine o'n leth stigh air ath-nuadh-achadh o là gu là.

17 Oir a ta ar n-àmghar eutrom, nach 'eil ach rèsealain<sup>a</sup>, ag oibreachadh dhuinne trom chudthrom glòire a ta ni's ro anabharraich agus sìormhaireannach;

18 Air dhuinn bhi ag amharc cha'n ann air na nitibh, a tha r'am faicinn, ach air na nithibh, nach 'eil r'am faicinn: oir tha na nithe a chithear, aimsireil; ach tha na nithe nach faicear, sìorruidh.

## CAIB. V.

OIR a ta fios againn, nan sgaoilteadh o chéile ar tigh talmhaidh a' phàilliun so, gu bheil againn aitheann o Dhia, tigh, nach do thogadh le làmhaidh, sìorruidh anns na nèamhaidh.

2 Oir a ta sinn ri osnaich an so, a' miannachadh bhi air ar n-eudachadh b' le ar tigh o nèamh:

3 O air dhuinn bhi air ar n-eudachadh, nach faighear lomnochd sinn.

4 Oir tha sinne a tha anns a' phàilliun so ri osnaich, air dhuinn bhi fuidh uallaich? ni h-e air son gum bu mhiann leinn bhi air ar rùsgadh, ach air ar n-eudachadh, chum gu bi bàsmhorachd air a slugadh suas le beatha.

5 A nis an ti a dh'oibrich sinne chum so féin, is e Dia e, a thug dhuinne mar an ceudna geall-daingnich e an Spioraid.

6 Uime sin, tha sinn a' ghnàth deadh-mhisneachail, air dhuinn fios a bhi againn an feadh a ta sinn aig an tigh sa' choluinn, gu bheil sinn air choigrich o'n Tighearn:

7 (Oir a ta sinn a' gluasad d a réir creidimh, agus cha'n ann a réir seallaidh.)

8 Tha deadh mhisneach againn, agus bu ròghnuiche leinn gu mòr bhi air choigrich as a' choluinn, agus a bhi làthair maille ris an Tighearn.

9 Uime sin, a ta sinn a' deanamh ar dìchill, chum cò aca bhios sinn a làthair no air choigrich, gu'm bi sinn taitneach dhasan.

10 Oir is éigin duinn uile bhi air ar nochdadh an làthair caithir-breitheanais Chrìosd; chum gu faigh gach neach na nithe a rinn e sa' choluinn, a réir an ni a rinn e, ma's maith no olc e.

11 Uime sin, air dhuinn fios a bhi againn air uamhas an Tighearna, tha sinn a' cur impidh air daoineibh;

ach a ta sinn follaiseach do Dhia, agus tha dòchas agam mar an ceudna gu bheil sinn air ar deanamh follaiseach ann bhur coguisibhse.

12 Oir cha 'n'eil sinn 'gar moladh féin a ris dhuibhse, 'ach a ta sinn a' toirt fàthe uail dhuibh d'ar taobh, chum gu bi freagradh agaibh dhoibhsan a tha deanamh uail ann an gnùis, agus ni h-ann an cridhe.

13 Oir ma tha sinn a dh'easbhuidh céille, is ann do Dhia: agus ma ta ar ciall againn, is ann duibhse.

14 Oir a ta gràdh Chrìosd 'gar coimh - éigneachadh, air dhuinn breithneachadh mar so, ma fhuair a h-aon bàs air son nan uile, gu'n robh na h-uile marbh:

15 Agus gu'n d'fhuair e bàs air son nan uile, chum iadsan a ta beo, nach biodh iad a so suas beo dhoibh féin, ach dhasan a dh'fhuiling am bàs air an son, agus a dh'éirich a ris.

16 Uime sin, cha'n aithne dhuinne a so suas aon duine a réir na feòla: seadh, ge b'aithne dhuinn Chrìosd a réir na feòla, gidheadh a nis cha'n aithne dhuinn e ni's mò.

17 Uime sin, ma ta neach sam bith ann an Chrìosd, is creutair nuadh e: chaidh na seann nithe seach, feuch, rinneadh na h-uile nithe nuadh.

18 Agus is ann o Dhia a ta na h-uile nithe, neach a rinn sinne rèidh ris féin tre Ìosa Chrìosd, agus a thug dhuinn ministreileachd na réite;

19 Eadhon, gu robh Dia ann an Chrìosd a' deanamh an t-saoghail rèidh ris féin, gun bhi a' meas an cionta dhoibh; agus dh'earb e ruinne f focal na réite.

20 Uime sin, is teachdairean sinn air son Chrìosd, mar gu cuireadh Dia impidh leinne: tha sinne a' guidheadh oirbh as uchd Chrìosd, bithibh rèidh ri Dia.

21 Oir rinn se esan da nach b'aithne peacadh, 'na iobairt pheacaidh air ar soinne; chum gu bitheamaid air ar deanamh 'nar fireantachd Dhé annsan.

## CAIB. VI.

UIME sin, tha sinn mar chomhoibrichean leis-san, a' guidheadh oirbh, gun sibh a' ghabhail gràis Dé an diomhanas:

2 (Oir a deir e, Ann an àm taitneach dh'éisd mi riut, agus ann an là slàinte rinn mi comhnadh leat; feuch, a nis an t-àm taitneach; feuch, a nis là na slàinte.)

3 Gun bhi tabhairt aobhair oilbheim air bith ann an aon ni, chum

<sup>a</sup> tiota, mionaid. <sup>b</sup> cluth-eudachadh, còmhachadh. <sup>c</sup> earlas.

<sup>d</sup> a' gluasachd, ag imeachd, a' sìubhal.

<sup>e</sup> còthrom.

<sup>f</sup> chuir e annainne. Gr.

<sup>g</sup> air son, an àit.

nach faigheadh a' mhinistireileachd a mi-chliu :

4 Ach anns gach ni 'gar dearbhadh féin mar mhinistearibh Dhé, ann am mòr fhoighidin, ann an àmhgharaibh, ann an uireasbhuidh, ann an teanntachdaibh,

5 Ann am buillibh, ann am prìosunaibh, ann an luasgadh o àit gu h-àit, ann an saothair, ann am faire, ann an trosgaibh,

6 Ann am fìor-ghloine, ann an eòlas, ann am fad-fhulangas, ann an caoimhneas, anns an spiorad naomh, ann an gràdh gun cheilg,

7 Ann am focal na fìrinn, ann an cumhachd Dhé, le airm na fireantachd air an làimh dheis agus chli.

8 Tre urram agus eas-urram, tre mhi-chliu agus dheadh-chliu : mar mhealltairibh, gidheadh fìrinneach ;

9 Mar dhroing nach aithnìhear, gidheadh air am bheil deadh aithne ; mar dhroing a ta faghail a' bhàis, gidheadh feuch, tha sinn beo ; mar dhroing a smachdaichear, agus gun am marbhadh ;

10 Mar dhroing a ta brònach, gidheadh a ghnàtha' deanamh gairdeachais ; mar dhaoine bochda, gidheadh a ta deanamh mòrain saibhir ; mar dhaoine aig nach 'eil ni sam bith, gidheadh a' sealbhachadh nan uile nithe.

11 Tha ar beul-ne fosgailte dhuibhse, O a Chorintianacha, tha ar cridhe air a dheanamh farsuing.

12 Cha 'n'eil sibh ann an cumhangachd annainne, ach tha sibh ann an cumhangachd ann bhur n-innibh féin.

13 A nis mar ath-dhioladh san ni sin féin, (labhram mar ri m' chloinn) bithibhse farsuing mar an ceudna.

14 Na cuing-cheanglar gu neo-chothromach sibh maille ri mi-chreidmich : oir ciod e caidreabh na fìreantachd ri neo-fhìreantachd ? agus ciod e commun an t-soluis ris an dorchadas ?

15 Agus ciod an réite a ta aig Criosd ri Belial ? no ciod i cuid a' chreidmich, maille ri anacreideach ?

16 Agus ciod a' choimh-réite a ta aig teampull Dé ri h-iodholaibh ? oir is sibhse teampull an Dé bheo : a réir mar a thubhairt Dia, Gabhaidh mise còmhnuidh annata, agus gluaisidh mi 'nam measg ; agus bithidh mise a'm' Dhia acasan, agus bithidh iadsan 'nan sluagh agamsa.

17 Uime sin, thigibh a mach as

am meadhon, agus dealaichibh *riu*, deir an Tighearn, agus na beanaibh ris an ni neo-ghlan : agus gabhaibh mise a m' ionnsuidh sibh,

18 Agus bithidh mi a'm' Athair dhuibh, agus bithidh sibhse 'nar mic agus 'nar nigheanaibh dhomhsa, deir an Tighearn uile-chumhachdach.

CAIB. VII.

UIME sin, a mhuinntir mo-ghràidh, air dhuinn na geallanna so bhi againn, glanamaid sinn féin o gach uile shalachar feòla agus spioraid, a' còmhlonadh naomhachd ann an eagall Dé.

2 Gabhaibh ruinne : cha d'rinn sinn eucoir air aon duine, cha do thruaill sinn aon duine, cha do mheall sinn aon duine.

3 Cha'n ann chum bhur dìtidh a labhram so : oir thubhairt mi roimhe, gu bheil sibh ann ar cridhibhne chum bàsachadh maille *ribh*, agus a bhi beò maille *ribh*.

4 Is mòr mo dhànachd cainnte d'ar taobhsa, is mòr m'uail as bhur leth : lionadh le comhfhurtachd mi, tha mi thar tomhas aoibhneach ann ar n-uile àmhghar-ne.

5 Oir an uair a thainig sinn gu Macedonia, cha d'fhuair ar feòil fois sam bith, ach bha sinn fuidh àmhghar air gach taobh ; an leth am muigh *bha* còmhraig, an leth a stigh *bha* eagall :

6 Ach, an Dia a bheir comhfhurtachd doibhsan a tha air an leagadh sìos, thug e comhfhurtachd dhuinne le teachd Thituis :

7 Agus ni h-e le a theachd-san a mhàin, ach mar an ceudna leis a' chomhfhurtachd, a fhuair esan uaibhse, 'nuair a chuir e an céill duinn bhur dian-thogradh, bhur caoidhe, bhur teas-ghràdh dhomhsa ; air chor as gur mòid a rinn mi gairdeachas.

8 Oir ge do chuir mi doilgheas oirbh leis an litir, cha 'n'eil aithreachas orm, ge do bha aithreachas orm : oir tha mi faicinn gu'n do chuir an litir sin doilgheas oirbh, ge nach do rinn i so ach rè tamuill.

9 A nis tha gairdeachas orm, cha'n ann air son sibh a bhi doilich, ach gu robh sibh doilich chum aithreachais : oir bha doilgheas oirbh air mhodh diadbuidh, chum nach d' thigeadh call oirbh ann an aon ni d'ar taobhne.

10 Oir oibrichidh am bròn diadhaidh aithreachas chum slàinte do nach gabhar aithreachas : ach oibrichidh doilgheas an t-saoghail bàs.

11 Oir feuch, an ni so féin doil-

a [ar] ministireileachd, [ar] frith-ealadh. b leis an Spiorad naomh. c dealbhaibh.

d uamhunn.

e bròn.

f atharrachadh inntinn.



gheas diadhuidh bhi oibh, ciod e meud an dùrachd a' dh'oibrich e annaibh, seadh, *ciod* an glanadh oirbh féin, seadh, *ciod* an ro-dhiom, seadh, *ciod* an t-eagal, seadh, *ciod* an dian-thogradh, seadh, *ciod* an t-eud, seadh, *ciod* an togradh dioghaltais ? anns gach ni dhearbh sibh sibh féin bhi glan sa' chùis so.

12 Uime sin, ge do scriobh mi d'ar n-ionnsuidh, cha b'ann air a shonsan a rinn an eucoir, no air a shonsan air an d'rinneadh an eucoir, ach a chum gu foillsichte dhuibh ar cùramne mu'r timchioll's an fianuis Dé.

13 Uime sin, fhuair sinn comh-fhurtachd air son bhuir comh-fhurtachd sa: seadh, bu ro mhò a rinn sinn gairdeachas, air son gairdeachais Thituis, do bhrigh gu'n d'fhuair a spiorad suaimhneas uaibhse uile.

14 Oir ma rinn mi bòsd b sam bith risean asaibhse, cha 'n'eil nàire orm; ach mar a labhair sinn na h-uile nithe am fìrinn ribhse, is amhuil sin a fhuaradh fìrinneach ar bòsd asaibhse ri Titus.

15 Agus a ta dùrachd a chridhesan ni's pailte d'ar taobhsa, air dha bhi a' cuimhneachadh bhuir n-ùmhachd uile, mar a ghabh sibh ris le h-eagal agus ball-chrith.

16 Uime sin, tha gairdeachas orm gu bheil dànachd agam asaibh anns gach ni.

## CAIB. VIII.

**A** NIS, a bhràithre, tha sinn a' toirt fios duibh air gràs Dé, a thugadh do eaglaisibh Mhacedonia:

2 Eadhon gu'n robh, ann am mòr dhearbhadh àmhghair, pailteas an aoibhneis, agus doimbne am bochd-ninn, ro phailte chum saibhris am fialuidheachd c.

3 Oir (bheiream fianuis) *gu robh* iad uatha féin toileach a réir an comais, seadh, thar an comas:

4 A' guidheadh oirne gu dùrachdach, gu'n gabhamaid an tiodhlac, agus comh-roinn an fhrith-ealaidh do na naomhaibh.

5 Agus ni h-ann mar a shaoil sinne d, ach thug siad iad féin air tùs do'n Tighearn, agus 'na dhéigh sin dhuinne a réir toil Dé:

6 Air chor as gu'n do chuir sinn impidh air Titus, a réir mar a thòisich e roimhe, mar sin gu'n crìochnaicheadh e annaibhse an gràs e sin féin mar an ceudna.

7 Uime sin, mar a ta sibh pailte

anns gach uile ni, ann an creidimh, ann an ùr-labhradh, agus ann an eòlas, agus ann an uile dhìchioll, agus ann bhuir gràdh dhuinne, bithibh pailte anns a' ghràs so mar an ceudna.

8 Ni'n labhram so mar àithne, ach a thaobh dùrachd dhaoine eile, agus a dhearbhadh tréibhdhireis bhuir gràidhse.

9 Oir is aithne dhuibh gràs ar Tighearna Iosa Crìosd, ge do bha e saibhir, gidheadh gu'n d'rinneadh bochd e air bhuir sonsa, chum gu biodh sibhse saibhir trid a bhochd-uinn-san.

10 Agus anns an *ni* so bheiream mo chomhairle: oir a ta so tarbhach dhuibhse, a thòisich roimhe, cha'n e mhàin air deanamh, ach air a bhi togarrach o ckeam bliadhna.

11 A nis air an aobhar sin coimh-lionaibh an gnìomh; ionnus mar a bha sibh ullamh chum na toile, mar sin gu'm bi sibh ullamh chum coimh-lionaidh as na bheil agaibh.

12 Oir ma bhios air tùs inntinn thoileach ann, gabhar ris a réir mar a ta aig neach, agus ni h-ann a réir nan nithe nach 'eil aige.

13 Cha'n ann chum gu'm biodh saoir aig daoine eile, agus àmhghar agaibhse.

14 Ach a' thaobh coimh-cheartais, chum san àm so nis gu'm bi bhuir pailteas-sa' na choimh-leasachadh air an uireasbhuidhsan, agus mar an ceudna chum gu'm bi am pailteas-sa' na choimh-leasachadh air bhuir n-uireasbhuidhse, air chor as gu'm bi coimh-cheartas eadruibh.

15 A réir mar a ta e scriobhta, An ti a thionail mòran, cha robh ana-barr aige; agus an ti a thionail beagan, cha robh easbuidh air.

16 Ach buidheachas do Dhia, a chuir an cùram dùrachdach sin féin d'ar taobhsa ann an cridhe Thituis.

17 Oir gu deimhin ghabh e ris an impidh, ach air dha bhi ni bu togarr-aiche, chaidh e d'a thoil féin d'ar n-ionnsuidh.

18 Agus chuir sinne maille ris am bràthair, aig am bheil a chliu san t-soisgeul, feadh nan eaglais uile:

19 (Agus cha'n e so a mhàin, ach thaghadh e leis na h-eaglaisibh mar an ceudna mar chompanach turais dhuinne, leis an tiodhlac so a fhrith-ealadh leinne chum glòire an Tighearna sin féin, agus chum foillseachaidh bhuir n-inntin ullamhsa.)

20 A' seachnadh so, nach tugadh neach air bith mi-chliu dhuinne

a an saoradh, an leithsgeul.

b uail, mordhail.

c an daonna-achda.

d a bha dòchas againne.

e tiodhlacadh.

f iomchubhaidh.

g an deanamh.

thaobh a' phailteis so, a fhrithealadh leinne :

21 Air dhuinn bhi solarachadh nithe ciattach, cha'n e mhàin am fianuis an Tighearna, ach mar an ceudna am fianuis dhaoine.

22 Agus chuir sinn maille ri u ar bràthair, a dhearbhadh sinn gu minic dùrachdach am mòran do nithibh, ach a nis ni's ro dhùrachdaiche, thaobh an ro-earbsa ta aige a asaihbse.

23 Ma dh'fhiosraichear ni sam bith mu Thitus, is e mo chompanachsa e, agus mo chomh-oibriche d'ar taobhsa: no mu thimchioll nam bràithre, is iad teachdairean nan eaglais, agus gloir Chrìosd.

24 Uime sin, nochdaibh dhoibhsan, agus am fianuis nan eaglais, dearbhadh bhur gràidhsa, agus ar n-uallne d'ar taobh.

## CAIB. IX.

**O**IR a thaobh frithealaidh do na naomhaibh, is neo-fhenmail dhionnha sgrìobhadh d'ar n-ionnsuidh.

2 Oir is aithne dhomh togarrachd bhur n-inntinn, as leth an deanam uall asaihbse ris na Macedonaich, ag ràdh, Gu robh Achaia ullamh o cheann bliadhna; agus bhrosnaich bhur n-eudsa ro-mhòran.

3 Gidheadh chuir mi na bràithre d'ar n-ionnsuidh, air eagal gu'm biodh ar uallne asaihbh diomhain sa' chùis so; chum, mar a thubhairt mi, gu'm biodh sibh ullamh:

4 Air eagal ma thig na Macedonaich maille rium, agus gu'm faigh iad sibhse neo-ullamh, gu'm bi naire oirne (gun a ràdh oirbhse) a dàndas na h-uall so.

5 Uime sin, bhreithnich mi gu'm b'fheumail impidh chur air na bràithribh, iad a dhol air tùs d'ar n-ionnsuidhse, agus bhur tabhartas, air an do labhradh ribh roimhe, a dheanamh deas, chum gu'm biodh sin ullamh, mar thiodhlac b, agus cha'n ann mar ni a dh'aindeoin.

6 Ach so deir eam, An ti a chuireas gu gann, buainibh e gu gann mar an ceudna; agus an ti a chuireas gu pailte, buainidh e gu pailte mar an ceudna.

7 Thugadh gach duine seachad a réir rùin a chridhe; na b'ann an doilgheas, no le h-éigin: oir is toigh le Dia an neach a bheir seachad gu suilbhir.

8 Agus is comasach Dia air gach gràs a dheanamh ro phailte dhuibhse, chum, air dhuibh anns gach uile

ni làn leoir a bhi agaibh a ghnàth, gu'm biodh sibh pailte chum gach deadh oibre.

9 (A réir mar a ta e sgrìobhta, Sgaoil e a chuid; thug e do na bochdaidh: mairidh fhìreantachd a choidhch.)

10 A nis an ti a bheir sìol do'n fhear-cuir e, agus aran chum bìdh, gu tugadh e agus gu meudaicheadh e bhur curachd sa, agus gu tugadh e do thoradh bhur fireantachd fàs.)

11 Air dhuibh bhi air bhur deanamh saibhir anns gach uile ni chum gach uile thabhartais, ni a dh'oirbheas leinne breith-buidheachais do Dhia.

12 Oir a ta frithealadh na seirbhis so, cha'n e mhàin a' leasachadh uireasbhuidh nan naomh, ach a ta e mar an ceudna pailte tre mhòran breith-buidheachais do Dhia;

13 (Air dhoibh bhi tre dhearbhadh an fhrithealaidh-sa a' toirt glòire do Dhia air son bhur n-ùmhachd do shoisgeul Chrìosd a réir bhur n-aidmheil, agus air son bhur tabhartais dhaonnachdaich dhoibhsan, agus do na h-uile dhuoinibh.)

14 Agus trid an ùrnuigh air bhur sonsa, aig am bheil mòr dhéidh oirbh air son gràis Dé, a ta ro phailte annaibh.

15 Buidheachas do Dhia air son a thiodhlaic do-labhairt e.

## CAIB. X.

**A**NIS tha mise féin Pòl a' guidh-eadh oirbh, tre mhacantas agus shèimheadh Chrìosd, neach air dhomh a bhi làthair a ta iosal 'nar measg, ach air dhomh a bhi uaibh a ta dàna oirbh.

2 Ach iarram oirbh dh'athchuinge, gun sibh a thoirt orm an uair a bhios mi làthair, bhi dàna, leis a mhuinighin leis an saoillear mi bhi dàna 'n aghaidh droinge àraidh, a tha toirt meas oirne, mar gu bitheamaid ag imeachd a réir na feòla.

3 Oir ge do tha sinn ag imeachd s anns an fheòil, cha'n ann a réir na feòla ta sinn a' cogadh:

4 (Oir ar n-airm chogaidh ni'm feòlmhor iad, ach cumhachdach o Dhia chum daingnichean a leagadh.)

5 A' tilgeadh sìos reusonachaidh, agus gach ni àrd a dh'ardaicheas e féin an aghaidh eòlais Dé, agus a' toirt am braighdeanas gach smuainteach chum ùmhachd Chrìosd:

6 Agus dioghaltas ullamh againn r'a dheanamh air gach uile easumh-

c do'n t-sìoladair.

d fhialuidh.

e do-chur-an-céill.

f mhisnich,

urrasachd.

g gluasad, siubhal.

lach l, 'nuair a choimhlionar bhur n-ùmhlaichda.

7 An amhaire sibh air nithibh a réir an coslais? ma tha dochas a aig aon neach as féin, gur le Críosd e, smuainicheadh e so a ris uaith féin, mar is le Críosd esan, gur le Críosd sinne mar an ceudna.

8 Oir ge do dheanainn cáileigin ní's mò dh'uaill as ar cumbachdne, (a thug an Tighearna dhuinn chum foghlaimb, agus cha'n ann chum bhur sgrios-sa) cha bhiodh náire orm:

9 Chum nach measar mi mar gu'm bithinn a' cur eagail oirbh le litrichibh.

10 Oir a ta a litrichean (a deir iadsan) cudthromach agus láidir, ach a ta a láthaireachd chorporra an-mhunn, agus a chainnt táireil.

11 Smuainicheadh a leithidsin do dhuine so, mar a ta sinne ann am focal tre litrichibh, agus sinn as láthair, mar sin gu'm bi sinn ann an guíomh air dhuinn a bhi láthair.

12 Oir cha 'n'eil a dhánadas d againne sinn féin a chur an àireamh, no a choimeas ri dream àraidh a mholas iad féin: ach air dhoibhsan bhi 'gan tomhas féin eatorra féin, agus 'gan coimeas féin riua féin, cha 'n'eil iad glic.

13 Ach cha dean sinne uaill a nithibh a tha thar ar tomhas, ach a réir tomhais na riaghaile a roinn Dia dhuinne, eadhon tomhas a ruigeas oirbhse.

14 Cha 'n'eil sinne 'gar sineadh féin thar ar tomhas, mar nach ruigeamaid sibhse; oir thainig sinn eadhon chugaibhse f, le soisgeul Chríosd:

15 Gun sinn a bhi deanamh uaill a nithibh a ta thar ar tomhas, eadhon a saothairibh dhaoín' eile; ach a ta dochas againn, 'nuair a mheudaichear bhur creidimhse, gu'm faigh sinn farsaingeachd gu pailte annaibh a réir ar riaghailte,

16 Chum an soisgeul a shearmonachadh anns na h-ionadaibh an taobh thall duibhse, agus cha'n ann chum uaill a dheanamh ann an riaghail duín' eile, a nithibh a ta ullamh a cheana.

17 Ach an ti a ni uaill, deanadh e uaill anns an Tighearn.

18 Oir cha'n e an ti a mholas e féin a tha ionmholtas, ach an ti a mholas an Tighearn.

B'FHEARR leam gu'n giùlain eadh sibh beagan le m'amaid-eachd; agus da rìreadh giùlainibh leam.

2 Oir a ta mi eudmhor umaibh le h-eud diadhuidh: oir rinn mi ceangal pòsaidh eadar sibh agus aon fhear, chum bhurcur mar oigh fhìor-ghlòin an làthair Chríosd.

3 Ach a ta eagal orm, air dòigh sam bith, mar a mheall an nathair Eubha leis a cuilbheartachd, mar sin gu'n truaillear bhur n-inntinnse o'n aon-fhillteachd a ta ann an Críosd.

4 Oir nan deanadh an neach a thig Iosa eile a shearmonachadh nach do shearmonaich sinne, no nam faigh-eadh sibhse spiorad eile, nach d'fhuair sibh, no soisgeul eile ris nach do ghabh sibh, dh'fheadadh sibh gu maith giùlan leis.

5 Oir is i mo bharailse nach robh mi a bheag goirid air na h-abstolaibh a b'áirde.

6 Ach ge do tha mi neo-fhòghluimte ann an cainnt, gidheadh cha 'n'eil mi mar sin ann an eòlas; ach rinneadh sinn làn fhollaiseach anns na h-uile nithibh 'nar measga.

7 An d'rinn mi cionta le mi féin isleachadh chum gu'm biodh sibhse air bhur n-àrdachadh, no a chionn gu'n do shearmonaich mi soisgeul Dé a nasgaidh dhuibh?

8 Chreach mi eaglaisean eile, a' gabhail tuarasdail uatha, chum seirbhis a dheanamh dhuibhse.

9 Agus an uair a bha mi làthair maille ribhse agus uireasbhuidh orm, cha do leig mi mo throm air duine sam bith: oir leasaich na bràithrean, a thainig o Mhacedonia, m'uireasbhuidh: Agus anns na h-uile nithibh choimhid mi mi féin o m' throm a leigeadh oirbhse, agus coimhididh.

10 Mar a ta fìrinn Chríosd ann-am, cha chumar an uaill so uam ann an crìochaibh na h-Achaia.

11 C'ar son? An ann a chionn nach 'eil gràdh agam dhuibh? Tha fios aig Dia.

12 Ach an ni a ta mi deanamh, ni mi fathast e. chum gu toirh mi air falbh cionfàthi uathasan le'm bu mhiann cionfàth fhaotainn, chum anns an ni as am bheil iad a' deanamh uaill, gu faighear iad eadhon mar sinne.

13 Oir is ann d'an leithidibh sin a ta abstola bréige, luchd-oibre cealgach, 'gan cur féin ann an cosamhlachd abstola Chríosd.

14 Agus cha'n iongantach sin:

a earbsa.

b togail suas.

c tug.

d a mhisnich.

e rioghailt.

f thugaibhse.

g dearbhtu.

h gearr.

i cothrom.

oir cuirear Satan féin an cruth a aingil soilse.

15 Uime sin, cha ní mor e ge do chuirear a mhinisteirean mar an ceudna ann an cruth mhinisteirean na fireantachd; aig am bí an críoch dheireannach a réir an oibre.

16 A deiream a ris, Na measadh aon neach gur amadan mi; no fòs, gabhaibh rium mar amadan féin, chum gu'n dean mi beagan uaill asam féin.

17 An ní a labhram, ní h-ann a réir an Tighearna a labhram e, ach mar gu b'ann gu h-amaideach anns an dānadas uaille so.

18 Do bhrigh gu bheil mòran a' deanamh uaill a réir na feòla, ní mise uaill mar an ceudna.

19 Oir giùlainidh sibh gu toileach le amadanaibh, do bhrigh gu bheil sibh féin glic.

20 Oir fuilgidh sibh ma bheir neach an daorsa sibh, ma dh'itheas b neach sibh, ma bheir neach bhur cuid dhíbh, ma dh'ardaicheas neach e féin, ma bhuaileas neach air an aghaidh sibh.

21 Labhram thaobh eas-urraim, mar gu'm bitheamaid amhunn: ach, ge b'e ní anns a' bheil neach air bith dāna, (labhram gu h-amaideach) a ta mise dana ann mar an ceudna!

22 An Eabhruich iad? *mar sin tha* mise mar an ceudna: An Israel-ich iad? *mar sin tha* mise mar an ceudna: An sliocht do Abraham iad? *mar sin tha* mise mar an ceudna:

23 Am ministeirean do Chríod iad? (labhram mar dhuine mi-chéillidh) ataimse os an ceann *san ní so*: annan saothairibh ní's pailte, ann am buillibh ní's ro mhòc, am prìosunaibh ní's trice, am bàsaibh gu minic.

24 Fhuair mi o na h-Iudhachaibh cùig uairean dà fhichead buille ach a h-aon.

25 Ghabhadh le slataibh orm trì uairean, chlachadh mi aon uair, dh'fhuiling mi long-bhriseadh trì uairean; lá agus oidhche bha mi san doimhne:

26 Ann an turusaibh gu minic, ann an gàbha aimhnichean, ann an cunnartaibh fhear-reubainn, ann an cunnartaibh o'm' chinneach féin, ann an cunnartaibh o na Cinneachaibh, ann an cunnartaibh sa bhaile, ann an cunnartaibh san fhàsach, ann an cunnartaibh san fhairste, ann an cunnartaibh am measg bhràithre breugachd.

a riochd.

b chlaoidheas.

c thar tomhas.

d fallsa, mealltach.

27 Ann an saothair agus sgiosc, am fairibh gu minic, ann an ocra agus tart, an trosgaibh gu minic, am fuachd agus an lomnochdaidh.

28 A bhàrr air na nithibh a ta an leth muigh, an ní a ta teachd orm gu lathail, ro-chùram nan eaglais uile.

29 Cò a ta lag, agus nach 'eil mise lag? cò a ta faotainn oilbheim, agus nach 'eil mise a' losgadh?

30 Ma's éigin domh uaill a dheanamh, is ann as na nithibh a bhuineas do m' anmhuinneachd a ní mi uaill.

31 Tha fios aig Dia, eadhon Athair ar Tighearna Iosa Críod, a tha beannuichte gu sìorruidh, nach 'eil mi deanamh bréige.

32 Ann an Damascus chuir uachdaran a phobuill fuidh Aretas an rìgh, freiceadan air baille nan Damasceneach, ann an rùn mise a ghlacadh:

33 Ach tre uinneig leigeadh sìos ris a' bhalla mi ann an cliabh, agus chaidh mi as a làmbaibh.

# CAIB. XII.

GU deimhin cha 'n'eil e iom-chuidh dhomhsa uaill a dheanamh: ach thig mi chum seallanna agus taisbeana an Tighearna.

2 B'aithne dhomh duine ann an Críod ceithir-bliadhna-deug roimhe so; (ma's anns a' choluinn, ní'm fios domh; no as a choluinn, ní'm fios domh; aig Dia a ta fios;) a leithid sin do dhuine thogadh chum an treas nèamh.

3 Agus b'aithne domh a leithid sin do dhuine (ma's anns a' choluinn, no as a' choluinn, ní'm fios domh: aig Dia a ta fios:)

4 Gu'n do thogadh suas e gu pàrras, agus gu'n cuàl e briathra do-labhairt nach feud duine a' labhairt f.

5 Ma' leithid sin do dhuine ní mi uaill: ach asam féin cha dean mi uaill, mur dean mi a m' anmhuinneachdaibh g.

6 Oir ge do b'àill leam uaill a dheanamh, cha bhí mi a'm' amadan; oir labhaird mi an fhirinn: gidheadh a ta mi a' cumail orm féin, air eagal gu'm bí meas aig duine dhìomthar mar a ta e 'gam fhaicinn, no a' cluinntinn umam.

7 Agus air eagal gu'm b'fhinn air m'ardachadh thar tombas, tre ro-mheud nan taisbean, thugadh dhomh sgolb san fheoil, teachdaire Shatain chum gu'm buaileadh e mih,

e sglos-agus briseadh-cridhe.

f nach urradh duine a labhairt.

g laigsibh.

h chum gabhail

le dornaibh orm.



air eagal gu'm bithinn air m'ardachadh thar tombas.

8 Air a shon so ghuidh mi an Tighearn tri uairean, gu'n imicheadh so uam.

9 Agus thubhairt e rium, Is leoir mo ghràs-sa dhuit: oir a ta mo chumhachd air a dheanamh foirfe ann an amhuinneachd. Uime sin, is ro thoiliche a ni mi uail a' m' amhuinneachdaibh, chum gu'n gabh cumhachd Chrìosd còmhnuidh orm.

10 Uime sin, tha mi gabhail tlachd ann an amhuinneachdaibh, an maslaibh, ann an uireasbhuidhibh, ann an geur-leamhuinnibh, ann an teanntachdaibh a' air son Chrìosd: oir an uair a ta mi lag, an sin a ta mi làidir.

11 Rinneadh a'm' amadan mi le uail a dheanamh; dh'èignich sibhse mi: oir bu chòir dhomh bhi air mo mholadh leibhse: oir cha robh mi bheag sam bith fuidh na h-abstolaibh a's àirde, ge nach 'eil annam ach neo-ni.

12 Gu deimhin dh'oibricheadh comharan abstoil ann bhur measgsa anns gach uile fhoighidin, ann an comharaibh agus an iongantasaibh, agus an cumhachdaibh b.

13 Oir ciod an ni anns an robh sibh ni bu lugha na eaglaisean eile, mur e nach do leig mi féin mo throm oirbh? thugaibh maitheanas domh san eucoir so.

14 Feuch, a ta mi ullamh anis an treas uair gu teachd d'ar n-ionnsuidh; agus cha chuir mi mo throm oirbh; oir cha'n e bhur cuid a tha mi 'g iarraidh, ach sibh féin: oir cha 'n'eil e dh'fhiachaidh air a' chloinne iomhas a chruinneachadh fa chomhair nam pàranta, ach air na pàrantaibh fa chomhair na cloinne.

15 Agus is ro thogarrach a ni mise caitheadh, agus a chaithear mi air son bhur n-anamasa, ge mar is ro phailte a ta gràdh agam dhuibh, gur lugha bhur gràdh sa dhomh.

16 Ach biodh e mar sin, nach do chuir mi trom oirbh: gidheadh air dhomh bhi innleachdach, ghlac mi le seòltachd sibh.

17 An d'rinn mise trid aon neach dhiubhsan a chuir mi d'ar n-ionnsuidh buannachd dhibh?

18 Ghuidh mi air Titus *dol d'ar n-ionnsuidh*, agus chuir mi bràthair maille ris: an d'rinn Titus buannachd dhibh? nach do ghluais sinn

san aon spiorad? agus anns na h-aon cheumaibh?

19 A ris, am bheil sibh a' saòilsinn gu bheil sinne gabhail ar leithsgeil ribh? tha sinn a' labhairt am fianuis Dé ann an Crìosd: ach *a ta* an t-iomlan, a chàirde, chum bhur fòghluimse c.

20 Oir is eagal leam, air dhomh teachd, nach faigh mi sibh mar is miann leam, agus gu faighear mise dhuibhse mar nach bu mhiann leibh: air eagal gu'm bi connsachadh, far-mad, fearg, comhstri, cùl-chàineadh, cogarsaich, ardain d, ceannairce 'nar measg:

21 An t-eagal, air teachd dhomh a ris, gu'n islich mo Dhia mi 'nar measg, agus gu dean mi caoidh air son mòrain do'n droing a pheacaich a cheana, agus nach do ghabh aithreachas do'n neo-ghloine, agus striopachas, agus mhacnus, a rinniad.

## CAIB. XIII.

**I**S i so an treas uair a ta mi a' teachd d'ar n-ionnsuidh: am beul dithis no triuir do fhianuisibh bithidh gach focal seasnach.

2 Dh'innis mi cheana, agus tha mi roimh-làimh ag innseadh dhuibh mar gu'm bithinn a làthair an daradh uair, agus a nis air dhomh bhi as bhur làthair, scriobham chum na droinge a pheacaich roimhe so, agus chum chàich uile, ma thig mi a ris, nach caomhain mi:

3 O tha sibh ag iarraidh dearbhaidh air Chrìosd a' labhairt annamsa, neach d'ar taobhsa nach 'eil amhunn, ach a ta cumhachdach annaibh.

4 Oir ge do cheusadh e trid amhuinneachd, gidheadh a ta e beo tre chumhachd Dhé: oir a ta sinne mar an ceudna amhunn annsan, gidheadh bithidh sinn beo maille ris tre chumhachd Dhé d'ar taobhsa.

5 Ceasnuichibh sibh féin, am bheil sibh sa' chreidimh; dearbhaibh sibh féin: nach aithne dhuibh sibh féin, gu bheil Iosa Chrìosd annaibh, mur daoine a chuireadh air cùl e sibh?

6 Ach tha dòchas agam gu'm bi fhios agaibh nach daoine a chuireadh air cùl sinne.

7 A nis tha mi guidheadh air Dia gun sibhse a dheanamh uile air bith; cha'n ann chum gu'm faicear sinne bhi dearbhta, ach chum gu'n deanadh sibhse an ni sin a ta maith f, ge do robh sinne mar dhaoine a chuireadh air cùl.

c bhur togail suas. d àrd-inntinn-eachd, aithmoireachd. e daoine neo-dhearbhta. f ciatfach.

8 Oir cha'n urradh sinn ni air bith a dheanamh an aghaidh na firian, ach air son na firinn.

9 Oir tha sin subhach an uair a tha sinn féin annhunn, agus sibhse làidir: agus tha sinn a' guidheadh so mar an ceudna, sibhse bhi dìongmhalta.

10 Is ann uinne so a scriobh mi na nithe so d'ar n-ionnsuidh air dhomh bhi as bhur làthair, chum air dhomh bhi làthair nach bithinn garg, a réir a' chumhachd a thug an Tighearna dhomh chum foghlaim<sup>a</sup>, agus ni h-ann chum sgrìos.

11 Fa-dheoidh, a bhràithre, slàn leibh: bithibh dìongmhaltach, bithibh subhach, bithibh a dh'aon iuntinn, bithibh sìothchail; agus bithidh Dia a' ghràidh agus na sìothchaint maille ribh.

12 Cuiribh fàilte air a chéile<sup>c</sup> le pòig naomha.

13 Tha na naoimh uile a' cur beannachd d'ar n-ionnsuidh.

14 Gràs an Tighearna Iosa Crìosd, agus gràdh Dhé, agus comh-chomunn an Spioraid naoimh, gu robh maille ribh uile. Amen

## LITIR AN ABSTOIL PHOIL CHUM NAN GALATIANACH.

### CAIB. I.

**P**OL abstol (cha'n ann o dhaoimibh, no tre dhuine, ach tre Iosa Crìosd, agus tre Dhia an t-Athair, a thog suas e o na marbhaibh.)

2 Agus na bràithrean uile a tha maille rium, chum eaglaisean Galatia:

3 Gràs duibh, agus sìth o Dhia an t-Athair, agus o ar Tighearna Iosa Crìosd,

4 A thug e féin air son ar peacaidhne, chum gu'n saoradh e sinn o'n droch-shaoghal a ta làthair, a réir toile Dé agus ar n-Atharne:

5 Dhasan gu robh gblir gu saoghal nan saoghal. Amen.

6 Is iongnadh leam gu'n d'thugadh thairis<sup>d</sup> sibh co luath uaithsan a ghairm sibh trid<sup>e</sup> gràis Chrìosd, gu soisgeul eile:

7 Ni nach soisgeul eile; ach a ta dream àraidh 'gar buaireadh, le'n àill soisgeul Chrìosd a thilgeadh bun os cionn f.

8 Ach nan deanamaidne, no aindeal o nèamh, soisgeul eile a shearmonachadh dhuibh, ach an soisgeul a shearmonach sinne dhuibh, biodh e mallaichte.

9 Ambuil mar a thubhairt sinn roimhe, deireams' a nis a ris mar an ceudna, Ma shearmonaicheas neach sam bith soisgeul eile dhuibh, ach an soisgeul a ghabh sibh, biodh e mallaichte.

10 Oir am bheil mi nis a' cur

impidh air<sup>s</sup> daoimibh, no air Dia? no am bheil mi 'g iarraidh dhaoine a thoileachadh? oir nam bithinn fathast a' toileachadh dhaoine, cha bhithinn a'm' sheirbhiseach aig Crìosd.

11 Ach a ta mi toirt fios duibh, a bhràithre, an soisgeul a shearmonaicheadh leamsa, nach ann a réir duine a ta e.

12 Oir cha b'ann o dhuine a fhuair mi e, ni mò a theagaisgeadh dhomh e, ach trid fhoillseachaidh Iosa Crìosd.

13 Oir chuala sibh mo chaitheadh-beatha-sa<sup>s</sup> san aimsir a chaidh seachad, ann an creidimh nan Iudhach, gu'n d'rinn mi thar tomhas geur-leannhuinn air eaglais Dé, agus gu'n d'fhàsaich mi i:

14 Agus gu'n d'thainig mi air m'aghaidh ann an creidimh nan Iudhach thar mòran do m' chomh-aoisibh am measg mo chinnich féin, air dhomh bhi ni bu ro eudmhoire mu ghnàthannaibh mo shìonsir-eachd.

15 Ach an uair a b'i deadh thoil Dé, a sgar o bhroinn mo mhàthar mi, agus a ghairm mi trid a ghràis,

16 A Mhac féin fhoillseachadh annam i, chum gu searmonaichinn e am measg nan Cinneach; air ball cha do chuir mi comhairle ri feòil agus fuil:

17 Ni mo chaidh mi suas gu Hierusalem, chum na muinntir sin

<sup>a</sup> togail suas.

<sup>b</sup> foirfe, iomlan.

<sup>c</sup> Altaichibh beatha a chéile.

<sup>d</sup> gu'n d'atharraicheadh.

<sup>e</sup> chum.

<sup>f</sup> fhiaradh, chlaon-thruaillleadh.

<sup>g</sup> a' cur m'earbsa a.

<sup>h</sup> mo ghiulan.

<sup>i</sup> leam.

a bha 'nan abstolaibh romham; ach chaidh mi gu h-Arabia; agus a ris thainig mi air m'ais gu Damascus.

18 An déigh sin an ceann thri bliadhna chaidh mi suas gu Hierusalem, a dh'fhaicinn Pheadair, agus dh'fhan mi maille ris eùig làithean deug.

19 Ach neach air bith eile do na h-abstolaibh cha'n fhaca mi, ach Seumas bràthair an Tighearna.

20 A nis anns na nithibh a scriobham dhuibh, feuch, an làthair Dhé, cha 'n'eil mi deanamh bréige.

21 'Na dhéigh sin thainig mi gu crìochaibh Shiria agus Chìlicia;

22 Agus cha robh eòlas orm a thaobh m' fhaicinn aig eaglaisibh Iudea, a bha ann an Crìosd:

23 Ach a mhàin chual iad, An ti anns an àm a chaidh seachad, a bha 'gar geur-leanmhuim, gu bheil e nis a' searmonachadh a' chreidimh, a bha e a' sgrios roimhe so<sup>a</sup>.

24 Agus thug iad glòir do Dhia air mo shonsa.

## CAIB. II.

**A**N sin an ceann cheithir bliadhna deug chaidh mi a ris suas gu Hierusalem, maille ri Barnabas, a' toirt Thituis leam mar an ceudna.

2 Agus chaidh mi suas a réir foillseachaidh, agus chuir mi an ceill dhoibh an soisgeul, a ta mi a' searmonachadh am measg nan Cinneach, ach ann an uaigneas dhoibhsan d'an robh meas, an t-eagal air chor sam bith gu'n ruithinn, no gu'n do ruith mi an diombhas.

3 Ach cha b'éigin do Thitus féin, a bha a'm' chuideachd, bhi air a thimchioll-ghearradh, ge bu Ghreugach e:

4 Agus sin air son bhràithre bréige, a ghoid a steach<sup>b</sup> 'nar measg, a thainig a steach os Iosal a dh'fhaicinn ar saorsa, a ta againn ann an Iosa Crìosd, chum ar toirt fa dhaorsa.

5 Do nach do ghéill sinn eadhon rè naire; chum gu'm buanaicheadh e firinn an t-soisgeil maille ribhse.

6 Ach o'n droing sin, a mheasadh gu'm bu ni éigin iad, (cìod air bith a bha iad roimhe, cha 'n'eil suim ann domhsa: cha 'n'eil meas aig Dia do phearsa duine) oir iadsan a mheasadh gu'm bu ni éigin iad, cha do phàirtich iad le'n còmhradh bheag sam bith riumsa.

7 Ach air an làimh eile, 'nuair a chunnaic iad gu'n d'earbadh soisgeul an neo-thimchioll-ghearraidh

riumsa, mar a dh'earbadh soisgeul an timchioll-ghearraidh ri Peadar;

8 (Oir an ti a dh'oibribh gu h-éifachdach<sup>d</sup> ann am Peadar chum abstolachd an timchioll-ghearraidh, dh'oibrich e gu cumhachdach ann-amsa mar an ceudna chum nan Cinneach.)

9 Agus an uair a thuig Seumas, agus Cephas, agus Eoin, a tha air ain meas 'nam postaibh, an gràs a thugadh dhomh, thug iad dhomhsa agus do Bharnabas deas làmh a' chomuin; ionnas gu rachamaid chum nan Cinneach, agus iad féin chum an timchioll-ghearraidh.

10 A mhàin b'aill leo gu'm bith-eamaid cuimhneach air na bochdaibh; ni mar an ceudna a bha ro-thoil e agam féin a dheanamh.

11 Ach an uair a thainig Peadar gu h-Antioch, sheas mi 'na aghaidh as an eudan, a chionn gu'n robh e r'a choireachadh.

12 Oir roimh do dhream àraidh teachd o Sheumas, dh'ith e biadh maille ris na Cinnich: ach an uair a thainig iadsan, chaidh e a thaobh agus thearbaidh se e féin, air eagal na muinntir a bha do'n timchioll-ghearradh.

13 Agus rinn na h-Iudhaich eile gnùis-mhealladh maille ris mar an ceudna; ionnas gu'n d'thugadh Barnabas mar an ceudna a thaobh le'n cluainf.

14 Ach an uair a chunnaic mise nach do ghluais iad san t-slighe dhùrich, a réir firinn an t-soisgeul, thubhairt mi ri Peadar 'nam fianuis uile, Ma tha thusa, a tha a'd' Iudhach, a' caitheadh do bheatha a réir nan Cinneach, agus cha'n ann a réir nan Indhach, c'ar son a ta thu 'g éigneachadh nan Cinneach am beatha chaithheadh mar na h-Iudhaich?

15 Air dhuinne, a tha 'nar n-Iudhaich a thaobh nàduir, agus cha'n ann 'nar peacaich do na Cinneachaibh,

16 Fios a bhi againn nach 'eill duine air fhìreanachadh o oibribh an lagha, ach tre chreidimh Iosa Crìosd, chreid sinne féin ann an Iosa Crìosd; chum gu'm bitheamaid air ar fireanachadh o chreidimh Chriosd, agus cha'n ann o oibribh an lagha: oir o oibribh an lagha cha bhi feòil sam bith air a fireanachadh.

17 Ach air dhuinn bhi 'g iarraidh bhi air ar fireanachadh tre Chriosd, ma gheibhear 'nar peacaich sinn

<sup>a</sup> uair-eigin.

<sup>b</sup> a thugadh steach os Iosal.

<sup>c</sup> fanadh.

<sup>d</sup> gu brìoghmhor. <sup>e</sup> ro-thogradh.

<sup>f</sup> gnùis-mhealladh, ceilg.

<sup>g</sup> gu trèibhdhireach.

féin, *am bheil* uime sin Criosd 'na mhinisteir peacaidh? Nar leigeadh Dia.

18 Oir ma thogas mi a ris suas na nithe a leag mi, tha mi deanamh ciontach dhiom féin.

19 Oir a ta mise tre'n lagh marbh do'n lagh, chum gu'm bithinn beo do Dhia.

20 Tha mi air mo cheusadh maille ri Criosd: gidheadh a ta mi beo; ach cha mhise, ach Criosd a ta beo annam: agus a' bheatha a ta mi nis a' caitheadh san fheòil, caitheam i tre chreidimh Mhic Dhé, a ghràdh-aich mi, agus a thug e féin air mo shon.

21 Cha 'n'eil mi a' cur gràis Dé an neo-brìgh: oir ma tha fireantachd tre'n lagh, is ann gun aobhar a fhuair Criosd bàs.

### CAIB. III.

**O**a Ghalatianacha amaideach, cò a chuir druidheachd oirbh, ionnas nach biodh sibh ùmhail do'n fhlrinn, d'an robh Criosdair a nochdadh gu soilleir<sup>b</sup> fa chomhair bhur sùl, air a cheusadh 'nar measg?

2 So a mhàin b' àill leam fhòghlum uaibh, An ann o oibribh an lagha a fhuair sibh an Spiorad, no o éisdeachd a' chreidimh?

3 Am bheil sibh co amaideach as sin? air dhuibh tòiseachadh san Spiorad, am bheil sibh a nis air bhur deanamh foirfe leis an fheòil?

4 An d'fhuiling sibh na h-uiread sin do nithibh gu dlomhain? ma's ann da rìreadh gu diomhain.

5 An ti uime sin a tha frithealadh dhuibh an Spioraid, agus ag oibreachadh mhiorbhuile 'nar measg, an ann trid oibre an lagha, no trid éisdeachd a' chreidimh a ni e so?

6 Amhuil mar a chreid Abraham Dia, agus a mheasadh sin dha mar fhìreantachd.

7 Uime sin, biodh fhios agaibh, an droing a tha do'n chreidimh, gur iad sin clann Abraham.

8 Oir air fhaicinn roimhe do'n scriobtuir gu'm fireanaicheadh Dia na Cinnich tre chreidimh, shearmonaich e an soisgeul roimh-làimh do Abraham, *ag ràdh*, Beannuichear na h-uile Chinnich annadsa.

9 Uime sin, tha an droing a tha do'n chreidimh, air am beannachadh maille ri Abraham, fìor chreid-mheach.

10 Oir a mheud 's a ta do oibribh an lagha, tha iad fuaidh'n mhallachadh: oir a ta e scriobhta, *Is mall-*

uichte gach neach nach buanaich e anns na h-uile nithibh a ta scriobhta ann an leabhar an lagha chum an deanamh.

11 Ach is ni follaiseach, nach fireanaichear neach sam bith tre'n lagh am fianuis De: oir, bithidh am firean beo tre chreidimh.

12 Agus cha 'n'eil an lagh o chreidimh: ach, An duine a ni iad gheibh e bheatha anna<sup>d</sup>.

13 Shaor Criosd sinne o mhallachadh an lagha, air dha bhi air a dheanamh 'na mhallachadh air ar son: oir a ta e scriobhta, *Is malluichte* gach aon, a chrochar air crann:

14 Chum gu'n d' thigeadh beannachadh Abraham air na Cinnich trid Iosa Criosd; ionnas gu faigheamaid gealladh an Spioraid tre chreidimh.

15 A bhràithre, labhran mar dhuine; ge nach bi ann ach coimh-cheangale duine, ma tha e air a dhaingneachadh, cha chuir neach air bith air cùl e, agus cha chuirear ni sam bith ris.

16 A nis is anna do Abraham a thugadh<sup>f</sup> na geallauna agus d'a shìol. Ni'n abaire, Agus do shìoltaibh, mar gu'm biodh e *labhairt* mu mhòran; ach mar mu aon, Agus do d' shìolsa, neach a's e Criosd.

17 Agus a deiream so, nach fliudar gu'n cuir an lagh, a thugadh an ceann sheithir cheud agus dheich bliadhna fichead 'na dhéigh, an coimh-cheangal an neo-brìgh, a dhaingnicheadh roimhe le Dia ann an Criosd, ionnas gu'n cuireadh e an gealladh air cùl.

18 Oir ma's ann o'n lagh a ta an oighreachd, cha 'n'eil i ni's mò o'n ghealladh: ach thug Dia gu saor i do Abraham tre ghealladh.

19 C'ar son uime sin a thugadh an lagh? thugadh e air son eusaontais, gus an d' thigeadh an sìol, d'an d' rinneadh an gealladh; air orduchadh le ainglìbh an làimh eadar-mheadhonair.

20 A nis an t eadar-mheadhonair, cha'n ann air son aoin a ta e 'na eadar-mheadhonair; ach is aon Dia.

21 Uime sin, *am bheil* an lagh an aghaidh gheallanna Dé? Nar leigeadh Dia: oir nam biodh lagh air a thabhairt a bhiodh comasach air beatha thoirt uaith, gu deimhin is ann o'n lagh a bhiodh fireantachd.

22 Ach dh'fhàg an scriobtuir na h-uile *dhaoine* dùinte sa' pheacadh, chum gu'm biodh an gealladh tre

c fan.

d leo.

e cunradh, cùmhnant.

f làbh, dh, rinneadh.

a air cùl.

b gu dealbhach.



chreidimh Iosa Criosd air a thoirt dhoibhsan a ta creidsinn.

23 Ach mu'n d'thainig an creidimh, choimhheadh sinn fuidh'n lagh, air ar druidealh a steach chum a' chreidimh, a bha gu bhi air fhoillseachadh.

24 Uime sin, b'e an lagh ar n-oid-fhòghluim a *g'ar treòrachadh* gu Criosd, chum gu bitheamaid air ar fireanachadh tre chreidimh.

25 Ach air teachd do'n chreidimh, cha 'n'eil sinn ni's mò fuidh oid-fhòghluim.

26 Oir is sibhse uile mic Dhé tre chreidimh ann an Iosa Criosd.

27 Oir a mheud agaibh 'sa bhaisteadh do Chriosd, chuir sibh umaibh Criosd.

28 Cha 'n'eil Iudhach no Greugach, cha 'n'eil saor no daor, cha 'n'eil firionn no bainionn ann: oir is aon sibh uile ann an Iosa Criosd.

29 Agus ma's le Criosd sibh, is sibh siol Abrahaim gun amharus, agus is oighreacha sibh a réir a' gheallaidh.

#### CAIB. IV.

**A** NIS a deiream, am feadh a bhios an t-oighre 'na leanabh, nach 'eil eadar-dhealachadh sam bith eadar e agus seirbhiseach, ge d'is e Tighearn nan uile;

2 Ach a ta e fuidh luchd-coimhid e agus fuidh luchd-riaghluidh, gu teachd na h-aimsire a dh'orduich an t-athair.

3 Agus mar an ceudna sinne, 'nuair a bha sinn 'nar leanabaibh, bha sinn ann an daorsa fuidh cheud fhòghlum an t-saoghail:

4 Ach an uair a thainig coimh-ionadh na h-aimsire, chuir Dia a Mhac féin uaith a ghineadh o mhnai, a rinneadh fuidh'n lagh,

5 Chum gu'n saoradh e iadsan a bha fuidh'n lagh, ionnas gu faigheamainde uchd-mhacachd na cloinne.

6 Agus do bhrìgh gur mic sibh, chuir Dia Spiorad a Mhic féin ann bhur cridhibh, ag éigheach, Abba, Athair.

7 Uime sin, cha seirbhiseach thu nis mò, ach mac; agus ma's mac, is oighre mar an ceudna air Dia tre Chriosd.

8 Gidheadh, an uair nach b'aithne dhuibh Dia, rinn sibh seirbhìs dhoibhsan, nach 'eil 'nan dée thaobh nàduir.

9 Ach a nis air dhuibh Dia aithneachadh, no' mar is fearr a dh'fheudar a ràdh, bhi air bhur n-aithneachadh

le Dia, cionnus a ta sibh ag ath-philleadh chum nan ceud-thoiseach anmhunn uireashuidheach d, d'am miann leibh bhi a ris fuidh dhaorsa?

10 Tha sibh a' coimhead làithean, agus mhìosan, agus amisirean, agus bhliadhanan.

11 Tha eagal orm d'ar taobh, gu'n do chaith mi gu diomhain mo shaoth-air oirbh.

12 Guidheam oirbh, a bhràithre, bithibh mar a ta mise, oir a ta mise mar sibhse; cha d'rinn sibh eucoir sam bith orm.

13 Tha fhios agaibh gu'm b'ann trid anmhuinneachd na feòla, a shearmonaich mi dhuibh an soisgeul air tùs.

14 Agus air mo bhuaireadh, a bha ann am fheòil, cha d'rinn sibh tar-cuis, agus cha do ghabh sibh gràin diome; ach ghabh sibh rium mar aingeal f Dé, mar Iosa Criosd.

15 Ciod e ma seadh an sonas sin, a bha agaibh? oir a ta mi deanamh fianuis duibh, nam bu chomasach e, gu'n spionadh sibh amach bhur sùile féin, agus gu'n d'thugadh sibh dhomhsa iad.

16 Uime sin, an d'rinneadh nàmhaid duibh dhiom, air son mi dh'inns-eadh na firinn duibh?

17 Tha iadsan eudmhor umaibh, ach cha'n ann gu maith; ach b'àill leo sinne dhruidealh a mach, chum gu'm biodh sibhse eudmhor umpa féin.

18 Ac' 's maith a bhi eudmhor ann an mi maith a ghnàth, agus cha'n e mhàin an uair a ta mise a làthair maille ribh.

19 Mo chlann bheag, air am bheil mi a ris ri saothair, gus an dealbhar Criosd annaibh,

20 B'àill leam bhi nis a làthair maille ribh, agus moghuth a chaochladh, oir a ta mi fuidh amharus umaibh.

21 Innsibh dhomh, sibhse le'm miann bhi fuidh'n lagh, nach cluinn sibh an lagh?

22 Oir a ta e scriobhta, gu robh aig Abraham dithis mhac; aon ri ban-oglaich h, agus am mac eile ri mnaoi shaoir.

23 Agus esan a bh'aige ris a' bhan-oglaich, ghineadh a réir na feòla e: ach esan a bh'aige ris a' mhnai shaoir, tre ghealladh.

24 Na nithe so is samhladh iad i;

d anmhunn agus bochd.

e cha do chuir sibh cùl ris.

f theachdaire. g C'ait am bheil.

h mnaoi dhaoir, ban-tràill.

asda so tha ni eile r'a thuigsinn.

a ar maighstir-scoile.

b boirionn. c thuiteiribh.

oir is iad so an dà choimh-cheangala; aon diubh o bheinn Shinai, a ta a' breith chum daorsa, a's i Agar.

25 Oir is i Agar beinn Shinai ann an Arabia, agus tha i a' coimh-fhreagradh do Ierusalem a tha nis ann, agus tha i fuaidh dhaorsa maille r'a cloinn.

26 Ach a taan Ierusalem a tashuas saor, agus is màthair dhuinn uile i.

27 Oir a ta e scriobhta, Dean gairdeachas, a bhean neo-thorach b nach 'eil a' breith cloinne; bris a mach agus glaoth, thusa nach 'eil ri saothair: oir is liomhoire clann na mnà aonaranaichec nà na mnà aig am bheil fear.

28 A nis, a bhràithre, is sinne, mar a bha Isaac, clann a' ghealaidh.

29 Ach mar a rinn esan a rugadh réir na feòla, san àm sin geur-leanmhuinn airsan a rugadh a réir an Spioraid, is amhuil sin a ta nis mar an ceudna.

30 Ach ciod a deir an scriobtuir? Tilg a mach a' bhan-oglach agns a mac: oir cha bhi mac na ban-oglaich na oighre maille ri mac na mnà saoire.

31 Uime sin, a bhràithre, cha sinne clann na ban-oglaich, ach na mnà saoire.

#### CAIB. V.

UIME sin, seasaibh gu daingean anns an t-saorsa leis an d'rinn Criosd saor sinn, agus na bithibh a ris air bhur cuibhreachadh le cuing na daorsa.

2 Feuch, a deireamsa Pòl ribh, ma thimchioll-ghearrad sibh, nach bi tairbhe air bith dhuibh ann an Criosd.

3 Oir a ta mi a ris a' deanamh fanuis do gach uile dhuine a thimchioll-ghearrad, gu bheil adh fhiach-aibh air an lagh gu h-iomlan a choimhlionadh.

4 Cha 'n'eil tairbhe sam bith ann an Criosd dhuibhse d a ta air bhur fireanachadh tre'n lagh; thuit sibh o ghràs.

5 Oir a ta sinne tre'n Spiorad a' feitheamh ri dòchas fireantachd o chreidimh.

6 Oir ann an Iosa Criosd, cha 'n'eil éifeachde sam bith ann an timchioll-ghearradh, no ann an neo-thimchioll-ghearradh, ach ann an creidimh, a dh'oibriceas tre ghràdh.

7 Is maith a ruith sibh; cò a bhac sibh o bhi ùmhal do'n fhirinn?

8 Cha d'thainig an impidh so o'n ti a ghairm sibh.

9 Goirtichidh a beagan do thaois ghoirt am meall uile.

10 Tha muinghin agam asaibh san Tighearn, nach bi sibh dh'aon dòigh air atharrachadh inntinn: ach an ti a ta cur dragha oirbh, giùlainidh e a bhreitheanas, cò air bith e.

11 Agus mise, a bhràithre, ma shearmonaicheas mi fathast an timchioll-ghearradh, c'ar son a nithear fathast geur-leanmhuinn orm? an sin bhiodh oilbheum a' chreinn-cheusaidh air a chur air cùl?

12 B'fhearr leam gu'm biodh iad-san a ta cur mi-shuaimhneas b oirbh eadhon air an gearradh uaibh c.

13 Oir, a bhràithre, ghairmeadh chum saorsa sibh; a mbàin na dean-aibh an t-saorsa na cion-fàth do'n fheòil, ach le gràdh deanaibh seirbhis d'a chéile.

14 Oir tha an lagh uile air a choimhlionadh ann an aon fhocal, eadhon an so; Gràdhaichidh tu do choimhearsnach mar thu féin.

15 Ach ma bhios sibh a' teumadh agus ag itheadh a chéile, thugaibh aire nach claidhear leis a chéile sibh.

16 A deircam ma seadh, Gluaisibh d san Spiorad, agus cha choimhlion sibh ana-mhian na feòla.

17 Oir a ta an fheòil a' miannachadh an aghaidh an Spioraid, agus an Spiorad an aghaidh na feòla: agus a ta iad sin an aghaidh a chéile; ionnas nach faigh sibh na nithe bu mhiann leibh a dheanamh.

18 Ach ma threòraichear leis an Spiorad sibh, cha 'n'eil sibh fuaidh'n lagh.

19 A nis tha oibre na feòla follaiseach, a's iad so, adhaltrannas, striopachas, neo-ghloine, macnuc e.

20 Iodhol-aoradh, druidheachd f, naimhdeas, connsachadh, co-fharpuis g, fearg, comh-stri, aimhreite, saobh-chreidimh h,

21 Farmad, mortadh, misg, ruidhteireachd i, agus an leithide sin: mù bheileam ag innseadh dhuibh roimhlàimh, mar a dh'innis mi dhuibh a cheana mar an ceudna, nach sealbh-aich iad-san, a ni an leithide sin, rioghachd Dhé mar oighreachd.

22 Ach is e toradh an Spioraid gràdh, aoibhneas, sìth, fad-fhulang-

a Geuraichidh. b dragha.

c air an gearradh as bhur comunn.

d siubhluibh, imichibh.

e mi-

nàire.

f buitscachas.

g comortus.

h éiriceachd.

i anabharr, geocaireachd, craos.

a chumhnant.

b sheasg, gun

stiochd.

c tréigte.

d rin-

neadh Criosd gun tairbhe dhuibh.

e abhrigh, nearl.

as, caomhalachd, maitheas, creidimh <sup>a</sup>.

23 Macantas <sup>b</sup>, stuaim: an aghaidh an samhail sin cha 'n'eil lagh.

24 Agus iadsan a's le Criosd, cheus iad an fheòil, maille r'a h-an-tograibh agus a h-ana-mhiannaibh.

25 Ma's beo dhuinn san Spiorad, gluaiseamaid san Spiorad mar an ceudna.

26 Na bitheamaid déidheil air glòir dhiomhainc, a' brosnachadh a' chéile, a' gabhail farmaid r'a chéile.

# CAIB. VI.

**A** BHRAITHRE, ma ghlacar neach ann an coire air bith gu h-obann, sibhse a ta spioradail, tog-aibh suas a shamhuil sin do dhuine, ann an spiorad na macantachd <sup>d</sup>; a' toirt aire dhuit féin, nach buairear thu mar an ceudna.

2 Giùlainibh uallachae a chéile, agus mar sin coimhlionaibh lagh Chriosd.

3 Oir ma shaoileas duine gur ni éigin e féin, gun bhi ann ach neo-ni, tha e 'ga mbealladh féin.

4 Ach dearbhadh gach neach obair féin, agus an sin bithidh aobhar gairdeachais <sup>f</sup> aige d'a thaobh féing a mhàin, agus ni h-ann a thaobh neach eile.

5 Oir giùlainidh gach neach uallach féin.

6 Comh-roinneadh an neach, a ta air a theagasg san fhocal, ris an neach, a ta 'ga theagasg, anns na h-uile nithibh maithe.

7 Na meallar sibh; cha deanar fanoid air Dia: oir ge b'e ni a shìol-chuireas duine, an ni ceudna buainidh e.

8 Oir an ti a chuireas d'a fheòil féin, buainidhe o'n fheòil truailidh-eachd: ach an ti a chuireas do'n

Spiorad, buainidh e o'n Spiorad a' bheatha shuthainn.

9 Agus na sgithicheamaid do mhaith a dheanamh: oir ann an àm iomchuidh buainidh sinn, mur fannaich sinn.

10 Uime sin, a réir mar a ta fàth i againn, deanamaid maithe do na h-uile dhaoineibh, ach gu h-àraid dhoibhsan, a ta do theaghlach a' chreidimh.

11 Tha sibh a' faicinn meud na litreach a scriobh mi dhuibh le m' làimh féin.

12 A mheud le'm miann iad féin a thaisbeanadh gu sgiamhach san fheòil, tha iad 'gar n-éigneachadh chum bhi air bhur timchioll-ghearradh; a mhàin chum nach deantadh geur-leanmhuinn orra air son crann-ceusaidh Chriosd.

13 Oir cha 'n'eil iadsan féin, a tha air an timchioll-ghearradh a' coimhead an lagha: ach is àill leo sibhse bhi air bhur timchioll-ghearradh, chum as gu dean iad uail ann bhur feòil.

14 Ach nar leigeadh Dia gu deanainnse uail, ach ann an crann ceusaidh ar Tighearna Iosa Criosd, tre'm bheil an saoghal air a cheusadh dhomhsa, agus mise do'n t-saoghal.

15 Oir ann an Iosa Criosd cha 'n'eil éifeachd air bith ann an timchioll-ghearradh, no ann an neo-timchioll-ghearradh, ach ann an cruthachadh <sup>l</sup> nuadh.

16 Agus a mheud 's a shiubhlas a réir na riaghail so, sìth orra, agus tròcair, agus air Israel Dé.

17 O so a mach na cuireadh neach sam bith dragh orm; oir a ta mi giùlan comharan an Tighearna Iosa ann mo chorp.

18 A bhràithre, *gu robh* gràs ar Tighearna Iosa Criosd maille r'ar spiorad. Amen,

## LITIR AN ABSTOIL PHOIL CHUM NAN EPHESIANACH.

### CAIB. I.

**P**OL abstol Iosa Criosd tre thoil Dé, chum nan naomh a ta ann an Ephesus, agus nan creidmheach ann an Iosa Criosd.

2 Gràs dhuibh, agus sìth o Dhia ar n-Athair, agus o'n Tighearn Iosa Criosd.

3 Beannuichte *gu robh* Dia eadhon Athair ar Tighearna Iosa Criosd, a

<sup>a</sup> firinn.

<sup>b</sup> ciuineas.

<sup>c</sup> eallacha.

<sup>f</sup> uail.

<sup>i</sup> cothrom.

<sup>e</sup> earraghloir:

<sup>g</sup> ann féin.

<sup>l</sup> creutair.

<sup>d</sup> a' chiùineis.

<sup>h</sup> lagaich.

bheannuich sinne leis gach uile bheannachadh spioradail ann an *ion-adaibh* nèamhaidh<sup>a</sup> ann an Crìosd:

4 A réir mar a thag e sinne annsan, mun do leagadh bunaite an domhain, chum gu'm bitheamaid naomha, agus neo-choireach 'na làthairsan ann an gràdh:

5 A roimh-orduich sinne chum uchd-mhacachd na cloinne tre Iosa Crìosd dhaféin, a réir deadh-ghean a thoile,

6 Chum cliu glòire a ghràis, tré an d'rinn e sinne taitneach<sup>b</sup> ann a *Mhac* gràdhach:

7 Anns am bheil againne saorsac tre fhuilsan, maitheanas nam peacadh, réir saibhreis a ghràis;

8 Anns an robh e ro phailte dhuinne san uile ghliocas, agus thuigse:

9 A dh'fhoillsich dhuinn rùndiomhair a thoile, réir a dheadh-ghean féin, a rùnaich e ann féin:

10 Chum ann am frithealadh coimhlionaidd nan aimsir, gu'n cruinnicheadh e ann an aon na h-uile nithe ann an Crìosd, arann na nithe, a ta air nèamh, agus na nithe, a ta air talamh, *eadhon* annsan:

11 Anns an d'fhuair sinne mar an ceudna oighreachd, air dhuinn bhi air ar roimh-orduchadh a réir rùn an ti, a ta 'g oibreachadh nan uile-nithe réir comhairle a thoile féin;

12 Ionnas gu'm bitheamaidne a chuir air tùs dòchas ann an Crìosd, chum cliu a ghlòire-san.

13 Anns an do chuir sibhse mar an ceudna *dòchas*, air dhuibh focal na firinn a chluinntinn, *eadhon* soisgeul bhur slàinte: neach an deigh dhuibh creidsinn ann, chuireadh seula oirbh le Spiorad naomha sin a' gheallaidh,

14 Neach is e geall-daingnich<sup>d</sup> ar n-oighreachdne, gu teachd saorsa na seilbhe a cheannachadh e, chum cliu a ghlòire.

15 Uime sin, air chluinntinn domhsa mar an ceudna bhur creidimhse anns an Tighearn Iosa, agus bhur gràidh do na naoimh uile,

16 Ni'n sguiream do bhi toirt buidheachais air bhur son, a' luadh oirbh ann am ùrnuighibh;

17 Gu'n d'thugadh Dia ar Tighearna Iosa Crìosd, Athair na glòire, spiorad gliocais agus foillseachaidh<sup>f</sup> dhuibh, ann an eòlas airsan g;

18 Sùile bhur n-inntinn<sup>h</sup> bhi air an soillseachadh, chum fios a bbi agaibh ciod e dòchas a ghairmesan, agus ciod e saibhreas glòire oighreachd-san anns na naomhaibh,

19 Agus ciod e ro-mheud a chumhachd d'ar taobhne, a ta creidsinn, a réir oibreachaidh a thréin neirt;

20 A dh'oibrich e ann an Crìosd, 'nuair a thog e o na marbbaibh e, agus a chuir e 'na shuidhe air a dheas-làimh fein e anns na h-ionadaibh nèamhaidh,

21 Gu ro àrd os ceann gach uile uachdaranachd, agus cumhachd, agus neirt, agus tighearnais, agus gach ainme a dh'ainmichear, cba'n e mhàin san t-saoghal so, ach san t-saoghal ri teachd mar an ceudna.

22 Agus chuir e na h-uile nithe fuidh a chosaibh, agus thug se e gu bhi 'na cheann os ceann nan uile-nithe do'n eaglais,

23 A ta 'na corp aige, lànachd an ti, a ta lionadh nan uile-nithe anns na h-uile.

## CAIB. II.

**A**GUS bheothaich e sibhse, a bha marbh ann an euceartaibh, agus ann am peacaibh,

2 Anns an do ghluais sibh sna h-amannaibh a chaidh seachad, a réir gnàthai an t-saoghail so, a réir uachdarain<sup>l</sup> cumhachd an athair, an spiorad a tha nis ag oibreachadh ann an cloinn na h-easumhlachd.

3 Am measg an robh againn uile mar an ceudna ar caitheadh-beatha roimhe so, ann an ana-mhiannaibh ar feòla, a' deanamh toil na feòla, agus nan smuaintean<sup>m</sup>; agus bha sinn a thaobh nàduir 'nar cloinn na feirge, eadhon mar chàch.

4 Ach Dia, a ta saibhir ann an tròcair, air son a mhòr ghràidh, leis an do ghràdhaich e sinn,

5 Eadhon air dhuinn a bhi marbh ann am peacaibh, chomh-bheothaich e sinn maille ri Crìosd, (le gràs a ta sibh air bhur slànuchadh<sup>n</sup>.)

6 Agus chomh-thog, agus chomh-shuidhich e sinn ann an *ionadaibh* nèamhaidh ann an Iosa Crìosd:

7 Chum gu'm foillsicheadh e anns na linnibh ri teachd saibhreas ro phailt a ghràis, ann an caoimhneas d'ar taobhne trid Iosa Crìosd.

8 Oir is ann le gràs a ta sibh air bhur slànuchadh, tre chreidimh;

<sup>a</sup> nithibh nèamhaidh. <sup>b</sup> trid an do nochd e dhuinne mòr dheadh-ghean. <sup>c</sup> fuasgladh. <sup>d</sup> earlas. <sup>e</sup> dh'fhuasgladh. <sup>f</sup> taisbeanadh. <sup>g</sup> chum esan aideachadh.

<sup>h</sup> Anns an robh sibh ag imeachd. <sup>i</sup> gnàthachaidh. <sup>l</sup> prionnsaidh. <sup>m</sup> na h-inntin, a' chridhe. <sup>n</sup> tearnadh, saoradh, sàbhaladh.



agus cha 'n ann uaibh féin: is e  
tíodhlacadh a Dhé e:

9 Cha'n ann o oibribh, chum nach  
deanadh neach air bith uail:

10 Oir is sinne obairsan, air ar  
cruthachadh ann an Iosa Críod  
chum dheadh oibre, air son an d'ul-  
luich Dia roimh-láimh sinn, chum  
gu'n gluaiseamaid anna.

11 Uime sin, cuimhnichibh; air  
dhuibh a bhi san aimsir a chaidh  
thairis 'nar Cinnich san fheoil, d'an  
goirear an neo-thimchioll-ghearradh  
leosan d'an goirear an timchioll-  
ghearradh lámh-dheanta san fheoil;

12 Gu robh sinn san am sin as  
eugmhais Chríod, 'nar coimhich do  
chomh-fhlaitheachd<sup>b</sup> Israeil, agus  
'nar coigrich do choimh-cheanglaibh  
a' gheallaidh, as eugmhais dóchais,  
agus gun Dhia anns an t-saoghal:

13 Ach a nis ann an Iosa Críod,  
tha sibhse, a bha roimhe so fad o  
láimh, air bhur toirt am fagus tríd  
fola Chríod.

14 Oir is esan ar sìothchaintne, a  
rinn aon dhinn araon, agus a bhris  
sìos balla meadhonach an eadar-  
dhealachaidh;

15 Air dha an naimhdeas a chur  
air cùl tre fheoil féin, eadhon lagh  
nan àitheanta, a' chuireadh sìos ann  
an orduighibh, chum gu'n deanadh e  
ann féin do dhithis aon duine nuadh,  
a' deanamh sìth.

16 Agus gu'n deanadh e réidh far-  
aon iad ri Dia ann anaon chorp tríd  
a' chroinn-cheusaidh, air dha an  
naimhdeas a mharbhadh le sin:

17 Agus thainig e agus shearmon-  
aich e sìothchaint dhuibhse, a bha  
am fad, agus dhoibhsan, a bha am  
fagus.

18 Oir tridsan tha araon slighe  
againn gu dol a steach tríd aon  
Spioraid chum an Athar.

19 A nis uime sin cha 'n'eil sibh  
ni's mò 'nar coigrich agus 'nar coimh-  
ich, ach 'nar luchd aon bhaile ris na  
naomhaibh, agus 'nar muinntir-  
teaghlach Dhé;

20 Agus tha sibh air bhur togail  
suas air bunait nan abstol agus nam  
fàidh, air bhi do Iosa Críod féin  
'na chloich-chinn na h-oisinn;

21 Anns am bheil an aitreabh uile,  
ceangailte gu ceart r'a chéile, a' fàs  
suas chum bhi 'na teampull naomha  
san Tighearn:

22 Anns am bheil sibhse mar an  
ceudna air bhur comh-thogail suas  
chum bhi 'nar tigh-còmhnuidh do  
Dhia tríd an Spioraid.

## CAIB. III.

AIR an aobhar so, tha mise Pòl  
a'm' phriosunach Iosa Críod,  
air bhur sonsa, a Chinneacha;

2 O chualac sibh mu fhrithéaladh  
gràis Dé, a thugadh dhomhsa air  
bhur sonsa d:

3 G'un d'rinn e aithnichte dhomh  
tre fhoillseachadh an rùn-diomhair;  
(mar a scriobh mi roimhe gu h-aith-  
ghearr,

4 Leis am feud sibh air dhuibh a  
leughadh, m'èolas ann an rùn-diomh-  
air Chríod a thuigsinn.)

5 Nì ann an linnibh eile air nach  
d'thugadh fios do chloinn nan daoine,  
mar a ta e nìs air fhoillseachadh d'a  
abstolaibh naomha agus d'a fhàidh-  
ibh tríd an Spioraid;

6 Gu'm biodh na Cinnich 'nan  
comh - oighreachaibh, agus 'nan  
comh-chorp, agus nan Inlch-comh-  
pairt d'aghealladhsan ann an Críod,  
tríd an t-soisgeil:

7 Air an d'rinneadh mise a'm'  
mhinisteir, a réir tíodhlaic gràis Dé,  
a thugadh dhomh, a réir oibreach-  
aidh éifeachdaich a chumhachdsan.

8 Dhomhsa, a's lugha na'n ti a's  
lugha do na naomhaibh uile, thugadh  
an gràs so, saibhreas Chríod nach  
feudar a rannsachadh a shearmon-  
achadh am measg nan Cinneach;

9 Agus gu'n deanainn soilleir do  
nona h-uile dhacoinibh, cìod e comunn  
an rùn-diomhair sin, a bha folaichte  
ann an Dia o thoiseach an t-saoghail,  
a chruthaich na h-uile nithe tríd Iosa  
Críod;

10 Chum gu'n deantadh aithnichte  
nis do na h-uachdaranachdaibh agus  
do na cumhachdaibh ann an ionad-  
aibh nèanahaidh, leis an eaglais,  
gliocas eagsanhuil<sup>f</sup> Dhé,

11 A réir an rùn shìorruidh, a  
rùnaich e ann an Iosa Críod ar Tigh-  
earn:

12 Anns am bheil againn dànachd  
agus slighe gu dol a steach ann am  
muinghin tríd a chreidimhsan.

13 Uime sin, iarram nach lagaich  
sibh a leth mo thrioblaideansa air  
bhur son, nì a's e bhur gloirse.

14 Air an aobhar so lùbam mo  
ghlùine do Athair ar Tighearna Iosa  
Críod,

15 Air an ainmichear an teaghlach  
uile air nèamh agus air talamh,

16 Gu'n deonaicheadh e dhuibh, a  
réir saibhreis a ghlòire, bhi air bhur  
neartachadh gu treun<sup>h</sup>, tríd a

c Ma chuala. d d'ar taobhsa.  
e thaisbean. f iomadh-gnètheach.  
g A réir roimh-shuidheachaidh nan  
linn h le cumhachd.

a saor thabhartas.

b comh-chomunn.

Spioraidsan anns an duine an leth stigh;

17 Ionnas gu'n gabh Crìosd còmh-nuidh ann bhur cridhe tre chreidimh; chum air dhuibh bhì air bhur freumh-achadh, agus air bhur stéidheachadh ann an gràdh.

18 Gu'n bi sibh comasach, maille ris na naomhaibh uile, air a thuigsinn cìod e leud, agus fad, agus doimhne, agus àirde;

19 Agus air gràdh Chrìosd aithn-eachadh, a chaidh thar gach uile eòlas, chum as gu'm bi sibh air bhur lìonadh le uile lànachd Dhé.

20 A nis dhasan d'an comas na h-uile nithe a dheanamh gu h-ana-barrach ro phailt thar gach ni a's urradh sinne iaruidh, ro smuain-eachadh, a réir a' chumhachd a ta 'g oibreachadh gu h-éifeachdach annainn,

21 Dhasan gu robh glòir anns an eaglais trid Iosa Crìosd, air feadh gach uile linn, gu saoghal nan saoghal. Amen.

CAIB. IV.

UIME sin, tha mise prìosunach an Tighearna, a' guidheadh oirbh gu'n gluais sibh gu cubhaidh do'n ghairm leis an do ghairmeadh sibh;

2 Leis gach uile irioslachd inntinn agus mliacantas, le fad-fhulangas, a' giùlan le chéile ann an gràdh;

3 A' deanamh dìchill air aonachd an Spioraid a choimhead ann an ceangal c na sìth.

4 Is aon chorp agus aon Spiorad a ta ann, amhuil mar an ceudna a ghairmeadh sibh ann an aon mhuin-ghin bhur gairme;

5 Aon Tighearna, aon chreidimh, aon bhaisteadh,

6 Aon Dia agus Athair nan uile, a tha os ceann nan uile, agus tre na h-uile, agus annaibhse uile.

7 Ach thugadh gràs do gach aon againn a réir tomhais tìodhlaic Chrìosd.

8 Uime sin a deir e, Air dol suas da an àird', thug e bruid am braighd-eanas, agus thug e tìodhlacan do dhaoibh.

9 (A nis gu'n deachaidh e suas, cìod e ach gu'n deachaidh e air tùs sìos gu ionadaibh ìochdrach na tal-mhainn?)

10 An ti a chaidh sìos, is e sin féin e, a chaidh suas mar an ceudna gu ro àrd os ceann nan uile nèamh, chum gu'n lìonadh e na h-uile nithe.)

a bonn-shuidheachadh.

b imich, siubhail.

c còmh-bhann.

11 Agus thug e droing àraidh gu bhì nan abstolaibh; droing eile, gu bhì 'nam fàidhibh; agus droing eile, gu bhì 'nan soisgeulaichibh; agus droing eile, gu bhì 'nan aodhairibh, agus 'nan luchd-teagaisg;

12 Chum na naoimh a dheasach-adhe chum oibre na ministreileachd, chum togail suas cuirp Chrìosd:

13 Gus an d'thig sinn uile ann an aonachd a' chreidimh, agus eòlais Mhic Dhé, chum duine iomlan, chum tomhais àirde lànachd Chrìosd:

14 Chum as nach bi sinn a so suas 'nar leanabaibh, air ar tonn-luasg-adh, agus air ar giùlan mu'n cuairt leis gach uile ghaoith teagaisg, le cleasachd dhaoine, agus seòltachd cealgach, leis am bheil iad gu h-inn-leachdach ri feall-fholach chum meallaidh:

15 Ach a' labhairt na fìrinn ann an gràdh, gu'm fàs sinn suas anns na h-uile nithibh chuigesan f, a's e an ceann, eadhon Crìosd:

16 O'm bheil an corp uile, air a cheangal gu ceart, agus air a dhlùth-achadh trid an ni sin, a tha gach alt a' toirt uaith, a réir oibreachaidh éif-eachdaich ann an tomhas gach buill, a' faghail fàs cuirp, chum a thogail féin suas ann an gràdh.

17 So uime sin a deiream, agus guidheam am fianuis an Tighearna, gun sibh a dh'imeachd a so suas mar a ta na Cinnich eile ag imeachd, ann an dìomhanas an inntinn féin;

18 Aig am bheil an tuisge air a dorchachadh, air dhoibh bhì 'nan coimhich do bheatha Dhé, thaobh an aineolais a ta annta, tre chruas an cridhe:

19 Muinntir, air dhoibh am moth-achadh a chall, a thug iad féin thairis do mhi-nàireg, chum gach uile neo-ghloine chur an gnìomh le cìocras.

20 Ach cha d'fhòghluim sibhse Crìosd mar so;

21 O chuala h sibh e, agus o theag-aisgeadh leis sibh, mar a ta an fhir-inn ann an Iosa:

22 Gu'n cuir sibh dhibh, thaobh a' cheud chaitheadh-beatha, an seann duine, a tha truailidh a réir nan anamhiann cealgach:

23 Agus gu'm bi sibh air bhur n-ath-nuadhbachadh ann an spiorad bhur n-inntinn:

24 Agus gu'n cuir sibh umaibh an nuadh dhuine, a tha air a chruth-

d buachaillibh.

e a dheanamh iomlan, a cheangal gu dìongalta r'a chéile.

f annsan.

g mhacnus.

h Ma chuala.

achadh a réir Dhé am fireantachd agus am fíor naomhachd.

25 Uime sin air dhuibh a' bhreug a chur uaibh, labhraibh an fhirinn gach neach r'a choimhearsnach: oir is buill sinn d'a chéile.

26 Biodh fearg oirbh, agus na peacaichibh: na luidheadh a' ghrian air bhur corruich:

27 Agus na tugaibh àit do'n diabol.

28 An ti a ghoid, na goideadh e nì's mò: ach gu ma fearr leis saoth-air a dheanamh, ag oibreachadh an nì a ta maith le a làmhaibh, chum's gu'm bi aige nì r'a phàirteachadh ris an neach, air am bheil uireas-bhuidh.

29 Na d'thigeadh cainnt thruaillidh air bith a mach as bhur beul, ach an nì sin a ta maith chum deadh-fhògh-luim, ionnas gu'n toir e gràs do'n luchd-èisdeachd.

30 Agus na cuiribh doilgheas air Spiorad naomha Dhé, leis an do chuireadh seula oirbh gu là na saorsa.

31 Biodh gach uile sheirbhe, agus corruich, agus fearg, agus garr-thach a agus toibheum<sup>b</sup> air an togail uaibh, maille ris gach uile mhiorun.

32 Agus bithibh caoimhneil teo-chridheach d'a chéile, a' tabhairt maithenais d'a chéile, eadhon mar a thug Dia maitheanas dhuibhse ann an Crìosd.

## CAIB. V.

**U**IME sin, bithibhse 'nar luchd-leanmhuinn air Dia, mar chloinn ghràdhaich;

2 Agus gluaisibh ann an gràdh, eadhon mar a ghràdhaich Crìosd sinne, agus a thug se e féin air ar son, 'na thabhartas agus 'na ìobairt deadh-bholaidh do Dhia.

3 Ach na biodh striopachas, agus gach uile neo-ghloine, no sannt, uir-eas as air an ainmeachadh 'nar measg, mar is cubhaidh do naomhaibh,

4 No draosdachd<sup>c</sup>, no còmhradh amaideach, no hao-shùgradh, nithe nach 'eil iomchuidh: ach gu ma fearr leibh breith-buidheachais.

5 Oir a ta fios agaibh air so, nach 'eil aig fear-striopachais air bith, no aig neach neo-ghlan, no aig duine sanntach, (a tha 'na fhear-ìodhol-aoraidh) oighreachd ann an rioghachd Chrìosd agus Dhé.

6 Na mealladh neach air bith sibh le briathraibh diomhain: oir air son

nan nithe sin tha fearg Dhé a' teachd air cloinn na h-easumhlachd.

7 Na bithibhse, uime sin, 'nar luchd-comhpairt riu.

8 Oir bha sibh uair-eigin 'nar dorchadas, ach a nis tha sibh 'nar solus san Tighearn: gluaisibh mar chloinn an t-soluis,

9 (Oir a ta toradh an Spioraid<sup>d</sup> anns an uile mhaitheas, agus ion-racas, agus fhirinn.)

10 A' dearbhadh ciod an nì a tha taitneach do'n Tighearn.

11 Agus na biodh comh-chomunn agaibh ri oibribh neo-tharbhach an dorchadais, ach gu ma fearr leibh an cronachadh.

12 Oir is gràineil, eadhon r'an inns-eadh, na nithe a ta air an deanamh leo os ìosal.

13 Ach a ta na h-uile nithe, a tha air an cronachadh, air an deanamh follaiseach leis an t-solus: oir gach uile nì a nì soilleir, is solus e.

14 Uime sin a deir e, Mosgail, thusa a tha d'chòdal, agus éirich o na marbhaibh, agus bheir Crìosd solus duit.

15 Feuchaibh, uime sin, gu'n gluais sibh gu faicilleach, cha'n ann mar amadain, ach mar dhaoine glìce,

16 Ag ath-cheannache na h-aimsire, do bhrìgh gu bheil na làithean olc.

17 Air an aobhar sin na bithibhse neo-ghlic, ach a' tuigsinn ciod i toil an Tighearna.

18 Agus na bithibh air mhisg le fìon, anns am bheil anabarr; ach bithibh air bhur lìonadh do'n Spiorad:

19 A' labhairt ribh féin<sup>f</sup> ann an salmaibh, ann an laoidhibh, agus ann an dànaibh spioradail, a' seinn agus a' deanamh ciuil 'nar cridhe do'n Tighearn,

20 A' toirt buidheachais a ghnàth air son nan uile nithe do Dhia eadhon an t-Athair, ann an ainm ar Tighearn Iosa Crìosd;

21 Air dhuibh bhì ùmhal d'a chéile ann an eagal Dé.

22 A mhnà, bithibh ùmhal d'ar fearaibh féin, mar do'n Tighearn.

23 Oir is e am fear ceann na mnà, eadhon mar is e Crìosd ceann na h-eaglais: agus is esan Slànuighear a' chuirp.

24 Uime sin, mar a ta'n eaglais ùmhal do Chrìosd, mar sin biodh na mnà d'am fearaibh féin mar an ceudna anns gach nì:

25 Fheara, gràdhaichibh bhur

<sup>a</sup> àrd ghlaodhaich.

<sup>b</sup> anacainnt.

<sup>c</sup> graosdachd, cainnt shalach,

<sup>d</sup> an t-soluis. <sup>e</sup> a' fuarsaladh.

<sup>f</sup> 'nar measg féin, r'a chéile.

mnàì féin, eadhon mar a ghràdhach  
Criosd an eaglais, agus a thug se e  
féin air a son;

26 Chum gu naomhaicheadh, agus  
gu'n glanadh e i le ionnlad an uisge  
trid an fhocail,

27 Chum gu'n cuireadh e 'na  
làthair féin i 'na h-eaglais ghlor-  
mhoir, gun smal, gun phreasadh, no  
ni air bith d'an leithidibh sin; ach  
chum gu'm biodh i naomha, agus  
neo-lochdaobh.

28 Is amhluidh sin is coir do na  
fearaibh am mnàì féin a ghràdhach-  
adh, mar an cuirp féin: an ti a  
ghràdhacheas a bhean, tha e 'ga  
ghràdhachadh féin.

29 Oir cha d'thug duine air bith  
riamh fuath d'a fheoil féin; ach al-  
trumaidh agus eiridnuidh e i, eadh-  
on mar a ta an Tighearn a' deanamh  
do'n eaglais:

30 Oir is buill sinn d'a chorp, d'a  
fheoil, agus d'a chnàmhaibhsan.

31 Air an aobhar so fàgaidh duine  
athair agus a mhàthair, agus dlùth-  
leanaidh e r'a mhnaoi, agus bithidh  
an dithis 'nan aon fheoil.

32 Is dìomhaireachd mhòr so: ach  
labhram mu Chriosd agus an eag-  
lais.

33 Gidheadh, thugadh gach aon  
agaibhse fa leth gràdh d'a mhnaoi  
amhuil mar dha féin; agus *feuchadh*  
a' bhean gu'n d'thoir i urram d'a  
fear.

#### CAIB. VI.

**A**CHLANN, bithibh ùmhail d'ar  
pàrantaibh féin san Tighearn:  
oir a ta so ceart.

2 Thoir onòir do t' athair agus  
do d' mhàthair, (is i so a' cheud  
àithne le gealladh.)

3 Chum gu'n éirich gu maith  
dhuit, agus gu'm bi thu fad-shaogh-  
alach air an talamh.

4 Agus aithriche, na brosnachibh  
bhur clann chum feirge: ach tog-  
aibhe iad ann an oilean agus ann an  
teagas an Tighearna.

5 A sheirbhiseacha, bithibh ùmhail  
d'ar maighstiribh a réir na feòla, le  
h-eagall agus crith, ann an tréibh-  
dhìreas bhur cridhe, mar do Chriosd:

6 Cha'n ann le sùil-sheirbhìs, mar  
dhroing a ni toil dhaoine, ach mar  
sheirbhìsich Chriosd, a' deanamh toil  
Dé o'n chridhe;

7 Le deadh thoil a' deanamh  
seirbhìs, mar do'n Tighearn, agus  
cha'n ann do dhaoineibh:

8 Air dhuibh fios a bhi-agaibh, ge

b'e maith air bith a ni aon neach,  
gu'm faigh e an ni so féin o'n Tigh-  
earn, ma's saor no daor e.

9 Agus a mhaighstirean, dean-  
aibhse na nithe ceudna dhoibhsan, a'  
leigeadh dhiibh bagraidh: air dhuibh  
fios a bhi agaibh gu bheil bhur  
maighstir féin air nèamh mar an  
ceudna, agus nach 'eil gnùis-bhreth  
maille ris.

10 Fa-dheoidh, mo bhràithre, bith-  
ibh làidir san Tighearn, agus ann an  
neart a chumhachdsan.

11 Cuiribh umaibh uil' armachd  
Dhé, chum's gu'm bisibh comasach  
air seasamh an aghaidh cuilbheirt-  
ean an diabhoil.

12 Oir cha 'n'eil sinn a' gleachd-  
adh a mhàin ri fuil agus feoil, ach  
ri uachdaranachdaibh, ri cumhachd-  
aibh, ri riaghlairibh dorchadais an  
t-saoghail so, ri aingidheachd spior-  
adail s ann an ionadaibh àrda h.

13 Uime singlaibh d'ar n-ionns-  
uidh uile armachd Dhé, chum's  
gu'm bisibh comasach air seasamh  
an aghaidh a' bhuaireadh san droch  
là, agus air dhuibh na h-uile nithe  
a dheanamh, chum seasamh.

14 Seasaidh uime sin, air bhi d'ar  
leasraidh air an crìoslachadh i le  
fìrinn, agus uchd-éididh na firean-  
tachd umaibh;

15 Agus ulluchadh soisgeil na  
sith, mar bhrògan agaibh air bhur  
cosaibh;

16 Thar gach uile ni, a' glacadh  
chugaibh sgéith a' chreidimh, leis an  
bi sibh comasach air uile shaighdean  
teinteach an droch Spioraid a  
mhùchadh.

17 Agus glacaibh clogaid na  
slàinte, agus claidheamh an Spior-  
aid, ni a's e briathar Dhé;

18 A' deanamh ùrnuigh a ghnàth  
leis gach uile ghnè ùrnuigh agus  
asluchaidh san Spiorad, agus a' dean-  
amh faire chum an ni so féin maille  
ris gach uile bhuanachadh, agus  
ghuidheadh air son nan naomh uile;

19 Agus air mo shonsa, chum gu  
tiubhtar dhomh comas labhairt, le  
fosgladh mo bheoil ann an dànachd,  
chum gu foillsich mi rùn-dìomhair  
an t-soisgeil:

20 Air son am bheil mi a'm'  
theachdaire ann an geimhlibh: chum  
gu labhair mi gu dàna uime, mar is  
coir dhomh labhairt.

21 Ach a chum gu'm bi fhios  
agaibhse mar an ceudna air na nith-  
ibh a bhuineas domhsa, agus ciod a

a chasadh.

b gun ghò.

g droch spioradaibh.

c giullaichdidh.

d urram.

h nèamhaidh.

i crìosrachadh.

e altrumaidh.

f faitcheas.

l an ionracais.

m gathan.



tha mi a' deanamh, foillsichidh Tich-icus, bràthair gràdhach agus ministeir fìrinneach san Tighearn, na h-uile nithe dhuibh.

22 Neach a chuir mi d'ar n-ionnsuidh air son an aobhair so féiu, chum gu'm biodh fios nan uithe a bhuineas duinne agaibh, agus gu'n d'thugadh e comh-thurtachd d'ar cridhe.

23 Sìth *gu robh* do na bràithribh, agus gràdh maille ri creidimh o Dhia an t-Athair, agus an Tighearn Iosa Crìosd.

24 *Gu robh* gràs maille rìusan uile, a ta gràdhachadh ar Tighearna Iosa Crìosd ann an tréibhdhìreas. Amen.

## LITIR AN ABSTOIL PHOIL CHUM NAM PHILIPIANACH.

### CAIB. 1.

**P**OL agus Timoteus seirbhisich Iosa Crìosd, chum nan naomh uile ann an Iosa Crìosd, a tha ann am Philipi, maille ris na h-easbuigibh a agus na deaconaibh b :

2 Gràs duibh agus sìothchaint o Dhia ar n-Athair, agus o'n Tighearn Iosa Crìosd.

3 Tha mi toirt buidheachais do m' Dhia gach uair a chuimhnichas mi oirbh,

4 (A ghnàth ann am uile ùrnuighibh air bhur sonsa uile, le gairdeachas a' deanamh guidheadh.)

5 Air son bhur comh-roinn do'n t-soisgeul, o'n cheud là gus a nis ;

6 Air dhomh bhi dearbhta as an ni so féin, eadhon an ti a thòisich deadh obair annaibh, gu'n coimhlion e i gu là Iosa Crìosd :

7 Eadhon mar is còir dhomh so a smuainteachadh umaibh uile, do bhrìgh gu bheil sibh agam ann mo chridhe, agus gu bheil sibh uile 'nar luchd comh-roinn do m' ghràs-sa, faraon ann mo gheimhlibh, agus ann an seasamh air son, agus ann an daingneachadh an t-soisgeil.

8 Oir is e Diam'fhianuis, cia mòr mo dhéigh oirbh uile, ann an innibh Iosa Crìosd.

9 Agus ma ta mi a' guidheadh so, gu'm biodh bhur gràdhsa air a mheudachadh ni's mò agus ni's mò ann an èòlas, agus ann an uile thuigse :

10 Chum's gu'n dearbh sibh na nithe a's fearr c; chum's gu'm bi sibh

tréibhdhìreach, agus gun tuisleadh d gu là Chrìosd ;

11 Air bhur lìonadh le toraibh na fìreantachd, a *tha* trid Iosa Crìosd chum glòire agus cliù Dhé.

12 Ach is àill leam, a bhràithre, fios a bhi agaibh, na nithe a *tharladh* dhomhsa, gur mò a dh'èirich leo an soisgeul a chur air aghaidh :

13 Ionnas gu bheil mo gheimh-leansa ann an Crìosd iomraideach anns an lùchairt uile, agus anns gach àit eile ;

14 Agus gu bheil mòran do na bràithribh san Tighearn a' gabhail misnich o m' gheimhlibh, leis an tuilleadh mòr dànachd a' labhairt an fhocail e gun'eagal.

15 Tha cuid gu dearbh a' searmonachadh Chrìosd tre fharmaid agus stri, agus cuid eile tre dheadh thoil.

16 Tha aon dream a' searmonachadh Chrìosd tre chonspoid, cha'n ann gu tréibhdhìreach, a' saòilsinn àmhghar a chur ri m' gheimhlibhse :

17 Ach an dream eile o ghràdh, air dhoibh fios a bhi aca gu'n do chuireadh mise gu seasamh air son an t-soisgeil.

18 Ciod ma ta? gidheadh air gach aon chor, co aca is ann an coslas a mhàin, no da rìreadh, a ta Crìosd air a shearmonachadh ; agus air a shon so tha mise a' deanamh gairdeachais, seadh, agus ni mi gairdeachas.

19 Oir a ta fhios agam gu'n d'thig so chum slàinte f dhomhsa tre bhur n-ùrnuighse, agus tre fhrithealadh Spioraid Iosa Crìosd,

a *luchd-coimhid*.  
frithealaidh, fòirfeachaidh.  
c a tha eadar-dhealaichte.

b *luchd-*

d *gun bhi 'nar n-aobhar oibheim*,  
e *focail [Dé.]*  
f *saorsa*.

20 A réir mo ro-dhùil a, agus mo dhòchais, nach cuirear nàire orm ann an ni air bith, ach leis an uile dhàn-achd labhairt, mar a ghnàth, gu'm bi Criosd a nis mar an ceudna air àrd-achadh a'm<sup>c</sup> chorpas, ma's ann tre bheatha, no tre bhàs.

21 Oir dhomhsa bhi beo is e sin Criosd, agus bàs fhaghail b<sup>c</sup> is buannachd dhomh so.

22 Ach ma's beo dhomh san fheòil, 's e so toradh m'oire: ach ciod d'an deanainn roghuinn, ni'm fios domh.

23 Oir tha mi air mo theannachadh eadar dhà ni, air dhomh bhi togarrach air siubhal, agus bhi maille ri Criosd; oir is e so a's ro fhearr:

24 Gidheadh, 's e mi dh'fhantuinn san fheòil, a's feumail dhuibhse.

25 Agus air dhomh bhi cinnteach dheth so, tha fhios agam gu'm fuirich mi agus gu'n còmhnuich mi maille ribh uile, chum bhur cur-sa air bhur n-aghaidh, agus chum gairdeachais a' chreidimh<sup>c</sup>:

26 Chum gu'm bi bhur gairdeachas ni's pailte ann an Iosa Criosd do m' thaobhsa, air son mi bhi a ris a làth-air maille ribh.

27 A mhàin caithibh bhur beatha gu cubhaidh do shoisgeul Chrìosd: chum cò-aca a thig mi agus a chi mi sibh, no a bhios mi as làthair, gu'n cluinn mi mu'r timchioll, gu bheil sibh a' seasamh gu daingean ann an aon spiorad, le aon inntinn, a' gleacadh le chèile air son-creidimh a' t-soisgeil;

28 Gun gheilt<sup>d</sup> ann an ni sam bith oirbh o bhur naimhdibh: ni a ta dhoibhsan 'na chomhara cinnteach air sgrios, ach dhuibhse air slàinte, agus sin o Dhia.

29 Oir thiodhlaiceadh e dhuibhse air son Chrìosd, cha 'n emhàin creid-sinn ann, ach mar an ceudna fulang-air a shon;

30 Air dhuibh an còmhrag ceudna bhi agaibh, a chunnaic sibh annamsa, agus a tha sibh a nis a' cluinntinn a bhi annam.

## CAIB. II.

**U**IME sin, ma tha comhfhurtachd air bith ann an Criosd, ma tha solas air bith gràidh, ma tha comh-chomunn air bith an Spioraid, ma tha truas f'air bith agus tròcaire;

2 Coimhlionaibh mo ghairdeach.

a m'earbsaidh. b fhaotainn.  
c chum cur air aghaidh bhur creid-  
imh, agus bhur gairdeachais.  
d uamhas, eagal, ghiorag.  
e thugadh gu saor. f tiom-  
chridheachd.

as, gu'm bi sibh a dh'aon inntinn, a dh'aon ghràdh, a dh'aon toil, a dh'aon bhreithneachadh a.

3 Na deanar aon ni tre chonspoid, no tre ghloir dhìomhain, ach ann an irioslachd inntinn measadh gach aon gur fearr neach eile na e féin.

4 Na seallaibh gach aon air na nithibh-sin a bhuineas da féin, ach gach aon air na nithibh a bhuineas do dhaoineibh eile mar an ceudna.

5 Uime sin, biodh an inntinn cheudna annaibhse, a bha ann an Iosa Criosd:

6 Neach air bhi dha ann an cruth Dhé, nach do mheas e 'na' reubainn e féin bhi coimh-ionann ri Dia:

7 Ach chuir se e féin ann an dìmeas<sup>b</sup>, a' gabhail air féin dreach seirbhisich; air a dheanamh ann an coslas dhaoine:

8 Agus air dha bhi air fhaghail ann an cruth mar dhuine, dh'irios- laich se e féin, agus bha e ùmhail gu bàs, eadhon bàs a' chroinn-cheus-aidh.

9 Air an aobhar sin dh'ardaich Dia e gu ro àrd mar an ceudna, agus thug e dha ainm os ceann gach uile ainme:

10 Chum do ainm<sup>c</sup> Iosa gu'n lùbadh gach glùn, do nithibh a ta air nēamh, agus do nithibh a ta air tal- amh, agus do nithibh a ta fo'n tal- amh;

11 Agus gu'n aidicheadh gach teanga gur e Iosa Criosd an Tigh-earn; chum glòire Dhé an Athar.

12 Uime sin, a mhuinntir mo ghràidh, mar a bha sibh ùmhail a ghnàth, ni a mhàin a'm<sup>c</sup> làthairse, ach a nis ni's ro mhò as mo làthair, làn-oibrichibh bhur slàinte féin le h-eagal agus ball-chrith.

13 Oir is e Dia a dh'oibricheas annaibh, faraon an toil agus an gnìomh<sup>d</sup> a réir a dheadh-ghean féin.

14 Deanaibh na h-uile nithe gun ghearan e agus gun deasboireachd:

15 Chum as gu'm bi sibh neo-choireach, agus neo-chronail<sup>f</sup>, 'nar cloinn do Dhia, neo-lochdach, am meadhon ginealaich fhiar agus chrosda<sup>g</sup>, measg am bheil sibhse a' dealrachadh mar lòchrain sholuis san t-saoghal:

16 A' cumail a mach<sup>h</sup> focail na beatha; chum gu'n deanamsa uail

a toirt aire do'n aon ni.

b dh'f holamhuich se e féin.

c ann an ainm. d an deanamh.

e mhonmhor. f glan, neo-

thruaillidh. g tharsuing.

h os àird.

ann an là Chrìosd, do bhrìgh nach do ruith mi gu dìomhain, agus nach do shaothraich mi gu dìomhain.

17 Seadh agus ma iobrar mi air iobairt agus seirbhis fhollaiseach bhur creidimhse, tha aoibhneas orm, agus deanam gairdeachas maraon ribhse uile.

18 Air an dòigh cheudna biodh aoibhneas oirbhse, agus deanaibh gairdeachas maraon riumsa.

19 Ach a ta dòchas agam anns an Tighearn Iosa, Timoteus a chur gu goirid d'ar n-ionnsuidh, chum as gu'm bi mise mar an ceudna ann an deadh mhisnich, air dhomh fios fhaghail cìod is cor dhuibhse.

20 Oir cha 'n'eil duine air bith agam coimh-ionunn inntinn *ris-san*, air am bi cùram nan nithe a bhuineas dhuibhse gu dùrachdach.

21 Oir tha na h-uile ag iarraidh nan nithe, a bhuineas doibh féin, cha'n iad na nithe, a bhuineas do Iosa Crìosd.

22 Ach is aithne dhuibh a dhearbhadhsan, mar mhac d'a athair, gu'n d'rinn e seirbhis maille riumsa anns an t-soisgeul.

23 Uime sin, tha dùil agam esan a chur d'ar n-ionnsuidh air ball, co luath as a chi mi cìod is cor dhomh féin.

24 Ach tha earbsadh agam anns an Tighearn, gu'n d'thig mi féin d'ar n-ionnsuidh gu h-aithghearr mar an ceudna.

25 Gidheadh mheas mi gu'm b'fheumail Epaphroditus, mo bhràthair, agus mo chomh-oibriche, agus mo chomh-shaighdear, ach bhur teachdoirese, agus an ti a fhrithail do m' uireasbhuidh, a chur d'ar n-ionnsuidh.

26 Oir bha déidh mhòr aige oirbh uile, agus bha e làn tuirse, do bhrìgh gu'n cuala sibhse gu'n robh e tinn.

27 Agus gu deimhin bha e tinn fagus do'n bhàs: gidheadh rinn Dia tròcair air; agus cha b'ann airsan a mhàin, ach ormsa mar an ceudna, chum nach biodh doilgheas air muin doilgheis orm.

28 Uime sin, bu togarraiche a chuir mi d'ar n-ionnsuidh e, chum air dhuibh fhaicinn a ris, gu'm biodh aoibhneas oirbh, agus gu'm bu lugh-aide mo dhoilgheas-sa.

29 Air an aobhar sin gabhaibh ris san Tighearn leis an uile aoibhneas, agus biodh meas mòr agaibh air an leithidibh sin:

30 Do bhrìgh air son oibre Chrìosd gu robh e dlùth do'n bhàs, agus nach robh suim aige d'a

bheatha<sup>a</sup> féin, chum gu'n deanadh e suas uireasbhuidh bhur seirbhis-se do m' thaobhsa.

CAIB. III.

**O**S bàrr, mo bhràithre, deanaibh gairdeachas san Tighearn. Gu deimhin cha leas<sup>b</sup> b'leamsa na nithe ceudna a scriobhadh d'ar n-ionnsuidh, ach dhuibhse tha so tèar-uinnt<sup>c</sup>.

2 Bithibh air bhur faicill o mhad-raibh, bithibh air bhur faicill o dhroch luchd-oibre, coimhidibh sibh féin o'n chomh-ghearradh.

3 Oir is sinne an timchioll-ghearradh, a ta deanamh aoraidh do Dhia san Spìorad, agus a' deanamh gairdeachais ann an Iosa Crìosd, agus nach 'eil a' cur muinghin san fheoil:

4 Ge do dh'fheadainnse mar an ceudna muinghin bhi agam san fheoil. Ma shaoileas aon neach eile gu'm feud e muinghin a chur san fheoil, is mò *na sin a dh'fheadas* mise:

5 Air mo thimchioll-ghearradh air an ochdamh là, do chinneach Israeil, do thréibh Bheniamin, a'm' Eabh-ruidheach do na h-Eabh-ruidheach-aibh; a réir an lagha, a'm' Phairis-each;

6 A thaobh eud, a' deanamh geur-leanmhuinn air an eaglais; a réir na fireantachd a ta san lagh, neo-choir each.

7 Ach na nithe a bha 'nam buann-achd dhomh, mheas mi iad sin 'nan call air son Chrìosd.

8 Seadh gun amharus, agus meas-am na h-uile nithe 'nan calldach, air son ro-oirdheirceis<sup>d</sup> eòlais Iosa Crìosd mo Tighearna: air son an d'fhuiling mi call nan uile nithe, agus measam gur aolach iad chum gur e mo bhuannachd<sup>e</sup> Crìosd,

9 Agus gu faighear annsan mi, gun m'fhìreantachd féin agam, a ta o'n lagh, ach *an fhìreantachd* sin a ta tre chreidimh Chrìosd, an fhìreantachd a ta o Dhia tre chreidimh:

10 Chum eòlas a bhi agam airsan, agus air cumhachd aiseirighsan, agus air comh-chomunn fhulangais, air bhi dhomh air mo chur ann an cos-las crutha r'a bhàs<sup>f</sup>;

11 Dh'fheuchainn am feudainn air aon chor teachd chum na h-aiseirigh o na marbhaibh.

12 Cha'n e gu'n d'ràinig mi cheana, no gu bheil mi cheana

<sup>a</sup> anam.

<sup>b</sup> chruaidh, doilich.

<sup>c</sup> sàbhalta.

<sup>d</sup> ro-phrìseileachd.

<sup>e</sup> gu cosnainn.

<sup>f</sup> air mo

*dheanamh a réir a bhàis.*

foirfe: ach tha mi a' leanmhuinn, dh'fheuchbainn am faigh mi greim do'n ni sin féin air son an do ghahhadh greim dhiom le h-Iosa Crìosd.

13 A bhràithre, ni measam gu'n do ghlac mi greim: ach aon ni a dheanam, air dhomh na nithe a ta air mo chùl a dhi-chuimhneachadh, agus bhi 'g am shineadh fein chum nan nithe a ta romlam,

14 Tha mi a' dian-ruith dh'-ionnsuidh a' chomharaidh, chum duaise a' àrd ghairme Dhé ann an Iosa Crìosd.

15 Uime sin, mheud dhinne 's a ta dìongalta, biodh an inntinn so againn: agus ma tha sibh ann an ni sam bith air atharrachadh inntinn, foillsichidh Dia an ni so féin duibh.

16 Gidheadh, an ni air an d'ràinig sinn a cheana, gluaiseamaid a réir aon riaghail, bitheamaid a dh'aon inntinn.

17 A bhràithre, bithibhse le chéile 'nar luchd-leanmhuinn ormsa, agus thugaibh an aire dhoibhsan, a tha gluasad air an dòigh sin, mar a ta sinne 'nar eisempleir agaibh.

18 (Oir a ta mòran a' gluasad, mu'n dubhairt mi gu minic ribh, agus mu'm bheil mi nis, eadhon a' gul, ag ràdh ribh, gur naimhdean iad do chrann-ceusaidh Chrìosd:

19 D'an deireadh bhi air an sgrios, d'an dia am brù: agus aig am bheil an glòir 'nan nàire, aig am bheil an aire air nithibh talmhaidh.)

20 Oir a ta ar caithheadh-beathanne h air nèamh, an t-ionad as am bheil dùil againn fòs ris an t-Slànuighear, an Tighearn Iosa Crìosd:

21 A chruth-atharraicheas ar corp diblidh, chum gu'n deanar e comh-chosmhùil r'a chorp glòrmhor féin, a réir an oibreachaidh, leis am bheil e comasach air na h-uile nithe a chur fa cheannsal féin.

#### CAIB. IV.

UIME sin, mo bhràithre gràdhach, agus air am bheil mo dhéidh, m'aoibhneas agus mo chròn, seasaibh mar so gu daingean san Tighearn, a mhuinntir mo ghràidh.

2 Guidheam air Euodias, agus guidheam air Sintiche, iad a bhi dh'aon inntinn san Tighearn.

3 Agus iarram ortsa mar an ceudna, a chompanaich dhileis, dean comhnadh ris na mnàibh sin, a rinn saothair maille riumsa san t-soisgeul, maille ri Clemens, agus a' chuid eile do m' chomh-oibrichibh, aig am bheil an ainmean ann an leabhar na beatha.

4 Deanaibh gairdeachas san Tighearn a ghnàth: a ris deiream, Deanaibh gairdeachas.

5 Biodh bhuir measarrachd follaiseach do na h-uile dhaoineibh. Tha'n Tighearn am fagus.

6 Na biodh ro-chùram ni sam bith oirbh: ach san uile ni le h-àrnuigh agus asluchadh maille ri breith-buidheachais, biodh bhuir n-iarrtais air an deanamh aithnichte do Dhia.

7 Agus coimhididh sìth Dhé, a ta thar gach uile thuigse, bhuir cridhe agus bhuir n-inntinn ann an Iosa Crìosd.

8 Fa-dheoidh, a bhràithre, ge b'e nithe ta fìor, ge b'e nithe ta urramachd, ge b'e nithe ta ceart, ge b'e nithe ta fìor-ghlan, ge b'e nithe ta ion-ghràidhe, ge b'e nithe ta ion-mholta; ma tha deadh-bheus f'air bith ann, ma tha moladh air bith ann, smuainichibh air na nithibh sin.

9 Na nithe sin araon a dh'fhòghluim, agus a ghabh sibh, agus a chual agus a chunnaic sibh annamsa, deanaibh: agus bithibh Dia na sìothchaint maille ribh.

10 Ach rinn mi gairdeachas gu mòr san Tighearn, do bhrìgh gu'n d'ath-draicheadh nis fa dheireadh bhuir cùram umamsa; ni mar an ceudna anns an robh sibh cùramach, ach cha robh cothrom agaibh.

11 Ni h-e gu'n labhran a thaobh uireasbhuidh: oir dh'fhòghluim mi, ge b'e staid am bheil mi, bhi toilichte.

12 Is aithne dhomh bhi ìosal, agus is aithne dhomh mar an ceudna pailteas a mhealtuinn: anns gach àit, agus anns na h-uile nithibh theagaisgeadh mi, araon a bhi sàthach agus ocrach, araon pailteas a shealbhadh agus uireasbhuidh fhulang.

13 Is urradh mi na h-uile nithe a dheanamh tre Chrìosd, a neartaicheas mi.

14 Gidheadh, is maith a rinn sibh gu'n do chomh-phàirtich sibh ri m' thrioblaid.

15 Agus anis biodh f'hiòs agaibhse, a Philipianacha, ann an toiseach an t-soisgeul, 'nuair a dh'fhàg mi Macedonia, nach do roinn eaglais air bith riumsa, thaobh tabhairt agus gabhail, ach sibhse a mhàin.

16 Oir eadhon ann an Tesalonica chuir sibh aon uair agus a ris a m' ionnsuidh leasachadh do m' uireasbhuidh.

17 Ni h-e gu bheil mi ag iarraidh tabhartais: ach a ta mi ag iarraidh

<sup>c</sup> cothrom, <sup>d</sup> ciutfach.

<sup>e</sup> a ta gràdhach, <sup>f</sup> cairdeil.

<sup>f</sup> subhaile.

<sup>a</sup> gill.

<sup>b</sup> giùlan, conbhersaid.



toraidh, a bhios pailte chum bhur cunntais-se.

18 Ach a ta mi sealbhachadh nan uile nithe, agus tha pailteas agam: lìonadh mi, air dh'omh na nithe fhaotainn o Epaphroditus a *chuireadh* uaibhse, àileadh deadh-bholuidh, iobairt thaitneach, anns am bheil tlachd aig Dia.

19 Ach leasaichidh mo Dhia-sa bhur n-uireasbhuidh uile, a réir a shaibhreis ann an glòir, trid Iosa Crìosd.

20 A nis do Dhia agus ar n-Ath-airne *gu robh* glòir gu saoghal nan saoghal. Amen.

21 Cuiribh fàilte air gach uile naomh ann an Iosa Crìosd. Tha na bràithrean, a tha maille rium, a' cur fàilte oirbh.

22 Tha na naoimh uile a' cur fàilte oirbh, gu h-àraid iadsan a tha do theaghlach Cheasair.

23 Gràs ar Tighearna Iosa Crìosd *gu robh* maille ribh uile. Amen.

## LITIR AN ABSTOIL PHOIL CHUM NAN COLOSIANACH.

### CAIB. I.

**P**OL abstol Iosa Crìosd tre thoil Dé, agus Timoteus ar bràthair, 2 Chum nan naomh agus nam bràthar dìleas ann an Crìosd, a tha ann an Colose: Gràs *gurobh* dhuibh, agus sìth o Dhia ar n-Athair agus o'n Tighearn Iosa Crìosd.

3 Tha sinn a' toirt buidheachais do Dhia, agus Athair ar Tighearna Iosa Crìosd, a' sir-dheanamh ùrnuigh air bhur sonsa:

4 O chuala sinn iomradh bhur creidimh ann an Iosa Crìosd, agus *bhur* gràidh do na naomhaibh uile:

5 Air son an dòchais a ta air a thasgaidh fa'r comhair air nèamh, air an cuala sibh iomradh roimhe ann am focal firinn an t-soisgeil:

6 A thainig d'ar n-ionnsuidhse, mar anns ant-saoghal uile, agus a tha tabhairt toraidh uaith, mar a ta e *deanamh* mar an ceudna 'nar measg-sa, o'n là anns an cuala sibh e, agus san d'fhuair sibh eòlas air gràs Dhé ann am firinn.

7 A réir fòs mar a dh'fhòghluim sibh o Epaphras ar coimh-sheirbhiseach gràdhachne, a tha air bhur sonsa 'na mhinisteir dìleas do Chrìosd:

8 A chuir an céill dhuinne mar an ceudna bhur gràdh-sa anns an Spiorad.

9 Air an aobhar so, cha 'n'eil sinne mar an ceudna a' sgar, o'n là a chuala sinn, e, do dheanamh ùrnuigh air bhur sonsa, agus a ghuidheadh gu'm biodh sibh air bhur lìonadh le eòlas a thoile, san uile ghliocas agus thuigse spioradail:

10 Chum gu'n gluaiseadh sibh gu

cubhaidh do'n Tighearn chum gach uile thoileachaidh<sup>b</sup>, a' toirt toraidh uaibh san uile deadh obair, agus a' fàs ann an eòlas Dé;

11 Air bhur neartachadh leis an uile neart a réir a chumhachd ghìormhoirsan, chum an uile fhoighidín agus fhad-fhulangais maille ri gairdeachas;

12 A' tabhairt buidheachais do'n Athair, a rinn sinne iomchuidh chum bhi 'nar luchd comh-pairt do oighreachd nan naomh san t-solus:

13 A shaor sinn o chumhachd an dorchadais, agus a dh'atharraich sinn chum rioghachd Mic a ghràidhsan:

14 Anns am bheil againn saorsa trid fhola-san, *eadhon* maitheanas nam peacadh.

15 Neach a's e iomhaigh<sup>c</sup> an Dé neo-fhaicsinnich, ceudghin a' chruthachaidh uile d:

16 Oir is ann leis-san a chruthaicheadh na h-uile nithe, a ta air nèamh, agus a ta air talamh, faicsinn-each agus neo-fhaicsinneach, ma's àrd-chathrichean *iad*, no tighearnais, no uachdaranachda, no cumhachda; is ann leis-san agus air a shon a chruthaicheadh na h-uile nithe.

17 Agus tha esan roimh na h-uile nithibh, agus tridsan tha na h-uile nithe a' comh-sheasamh.

18 Agus is e ceann a' chuirp, *eadhon* na h-eaglaise: neach a's e an toiseach, an ceud-ghin o na marbhaibh; chum gu'm biodh aige àrd-cheannas anns na h-uile.

19 Oir b'e deadh thoil an Athar,

<sup>b</sup> chum a thoileachadh sna h-uile nithibh. <sup>c</sup> coslas, riochd.

<sup>d</sup> nan uile chreutair

a annaibse

gu'n còmhnuicheadh gach uile iomlanachd annsan;

20 Agus gu'm biodh na h-uile air an deanamh réidh ris féin tridsan, air dha sith a- dheanamh trid fola a chroinn-cheusaidhsan; tridsan *deir-eam*, ma's nithe *iad* a ta air talamh, no nithe a ta air nêamh.

21 Agus sibhse a bha uair-eigin 'nar coimheachaidh, agus 'nar naimhdibh ann *bhur* n-inntinn thaobh dhroch oibre, nis rinn e réidh ris féin.

22 Ann an corp fheòla féin tre'n bhàs, chum sibhse a chur naomha, agus neo-lochdach, agus neo-choir-each, 'na làthairsan:

23 Ma dh'fhanas sibh anns a' chreidimh bunaiteach a agus daingean, gun bhi air bhur n-atharrachadh o dhòchas an t-soisgeil, a chuala sibh, agus a shearmonaicheadh do gach uile chreutair a ta fuidh nêamh; air an d'rinneadh mise Pòl a'm' mhinisteir.

24 Tha mi nis a' deanamh gairdeachais ann am fhulangasaibh air bhur sonsa, agus a' coimhlionadh mbeud 's a ta dhéidh-làimh do àmhgharaibh Chrìosd ann am fheòil, air son a chuirpsan, eadhon na h-eaglaise:

25 D'an d'rinneadh mise a'm' mhinisteir a réir stiubhardachd Dhé, a thugadh dhomh air bhur sonsa, a choimhlionadh focail Dè;

26 Eadhon an rùn-diomhair, a bha folaichte o na linnibh, agus o na ginealachaidh a *chaidh seachad*, ach a nis a tha air fhoillseachadh d'a naomhaibhsan:

27 D'am bu toil le Dia fhoillseachadh ciod e saibhreas glòire an rùn-diomhair so am measg nan Cinneach; neach a's e Crìosd ann-aibhse, muinghin na glòire;

28 Neach a ta sinne a' searmonachadh, a' toirt rabhaidh do gach duine, agus a' teagasg gach uile dhuine anns an uile ghliocas; chum gu nochd sinn gach uile dhuine 'na làthairsan iomlan ann an Iosa Chrìosd:

29 An ni chum a bheileamsa mar an ceudna a' saothreachadh, a' deanamh sbairn a réir oibreachaidhsan, a tha 'g oibreachadh annam gu cumhachdach.

## CAIB. II.

**O**IR b'aill leam fios a bhi agaibh ciod e meud mo chòmhraig air bhur sonsa, agus air son na droinge, a ta ann an Laodicea, agus

a stéidhichte.

air son a mheud nach fhaca m'aghaidh anns an fheòil:

2 Ionuas gu'm faigheadh an cridhe solas, air dhoibh bhi air an dlùth cheangal r'a cbéile ann an gràdh, agus chum uile shaibhris an làn-dearbhbheachd tuigse, chum eòlais b rùn-diomhair Dhé, eadhon an Athar, agus Chrìosd;

3 Anns am bheil uile ionmhais a' ghliocais, agus an eòlais folaichte.

4 Agus so deiream, air eagal gu meallaidh neach air bith sibh le briathraibh tairngeach c.

5 Oir ge do tha mi uaibh san fheòil, gidheadh a ta mi maille ribh, san Spiorad, a' deanamh gairdeachais d agus a' faicinn bhur n-orduigh, agus seasmhachd e bhur creidimh ann an Crìosd.

6 Uime sin, mar a ghabh sibh chugaidh an Tighearn Iosa Chrìosd, gluaisibh ann:

7 Air dhuibh bhi air bhur freumhachadh agus air bhur togail suas annsan, agus air bhur daingneachadh sa' chreidimh, a réir mar a theagaisgeadh sibh, a' meudachadh ann le breith-buidheachais.

8 Thugaibh an aire nach dean neach air bith foirneart oirbh f trid fheallsanachd e agus mealltoireachd dhiomhain, a réir beul-aithris h dhaoine, a réir ceud-thoiseacha an t-saoghail, agus cha'n ann a réir Chrìosd:

9 Oir annsan tha uile iomlaine i na diadhachd a' gabhail còmhnuidh gu corporra.

10 Agus tha sibhse coimhlionta annsan, neach a's e ceann gach uile uachdranachd agus chumhachd;

11 Anns am bheil sibh mar an ceudna air bhur timchioll-ghearradh leis an timchioll-ghearradh, nach d'rinneadh le làmbaibh, ann an cur dhibh cuirp pheacanna na feòla, le timchioll-ghearradh Chrìosd:

12 Air dhuibh bhi adhlainte maraon ris ann am baisteadh, agus am bheil sibh mar an ceudna air bhur togail suas maraon ris tre chreidimh oibreachaidh Dhé, a thog suas esan o na marbhaibh.

13 Agus sibhse, a bha marbh 'nar n-euceartaibh, agus ann neo-thimchioll ghearradh bhur feòla, bheothaich e maraon ris, a' maitheadh dhuibh nan uile euceart;

b aidmheil.

c seòlta, drùiteach.

d aoibhneis.

e daingneachd.

f cobhartach dhibh.

g fhògh-

lum saoghalta. h teagasg dhaoine o làimh gu làimh, seachadais.

i lànachd.

14 A' dubhadh a mach làmh-scriobhaidh nan orduighean d'ar taobhne, a bha 'nar n-aghaidh<sup>a</sup>, agus thug e as an t-slighe i, air dha a sparradh ris a chraon-ceusaidhsan:

15 Air dha uachdranachdan agus cumhachdan a chreachadh<sup>b</sup>, riun e ball-sampann diubh gu follaiseach, a' deanamh buaidh-chaitheirm os an ceann tre'n chrann ud féin.

16 Uime sin, na d'thugadh aon neach breth oirbh air son bith, no dibhe, no thaobh là féille, no geal-aich nuaidh, no shabaide:

17 A ta 'nan sgàile air na nithibh a ta ri teachd; ach is le Criosd an corp.

18 Na mealladh aon neach bhur duais uaibh le irioslachd thoileil<sup>c</sup>, agus aoradh do ainglibh, a' foirneadh a steach gu dàna chum nan nithed nach fac e, gu dìomhain air a shéideadh suas le inntinn fhèdlimhoir féin;

19 Agus gun an ceann a chumail, o'm bheil an corp uile, air dha bhi air a bheathachadh trid altan agus bhannan, agus air a dhlùth-cheangal r'a chéile, a' fàs le fàs Dé.

20 Uime sin, ma fhuair sibh bàs maille ri Criosd o cheud thoiseach-aibh an t-saoghail, c'ar son, mar dhaoine a ta beo san t-saoghal, a tha sibh fuidh orduighibh,

21 (Na bean ri, na blais, na laimh-sich:

22 Nithe a théid uile a neo-ni le'n gnàthachadh) a réir àitheantan agus teagasga dhaoine?

23 Nithe gun amharus aig am bheil samhladh gliocais ann an aoradh féin thoile agus irioslachd, agus mi-chaoimhnadh a' chuirp, ni h-ann an onoir sam bith chum sàsachaidh na feòlae.

### CAIB. III.

UIME sin, ma dh'éirich sibh maille ri Criosd, iarraibh na nithe a ta shuas, far am bheil Criosd 'na shuidhe aig deas làmh Dhé.

2 Suidhichibh bhur n-aighe air na nithibh a ta shuas, agus ni h-ann air na nithibh, a ta air an talamh.

3 Oir a ta sibh marbh, agus a ta bhur beatha folaichte maille ri Criosd ann an Dia.

4 Nuair a dh'fhoillsichear Criosd, neach a's e ar beathane, an sin bithidh sibhse mar an ceudna air bhur

foillseachadh maraon ris ann an glòir.

5 Uime sin claidhibh<sup>f</sup> bhur buill a ta air an talamh, striopachas, neo-ghloine, fonn-collaidh, anamhianna, agus saunt, ni a's iodhol-aoradh:

6 Nithe air son am bheil fearg Dhé a' teachd air cloinn na h-easumhlachd.

7 Anns an robh sibhse mar an ceudna a' gluasad uair-eigins, 'nuair a bha sibh a' caitheadh bhur beatha 'nam measg<sup>h</sup>.

8 Ach a nis cuiribhse uaibh na nithe so uile; fearg, corruch, mìor-un, toibheum, cainnt shalach, as bhur beul.

9 Na deanaibh breug d'a chéile, do bhrìgh gu'n do chuir sibh dhibh an seànn duine maille r'a ghnìomhar-aibh,

10 Agus gu'n do chuir sibh umaibh an duine nuadh, a tha air athnuadhachadh ann an eòlas, a réir ìomhaigh an ti, a chruthaich e.

11 Far nach 'eil Greugach no Iudhach, timchioll-ghearradh, no neo-thimchioll-ghearradh, duine borbi, Scitianach, daor no saor: ach is e Criosd na h-uile, agus anns na h-uile.

12 Uime sin, cuiribhse umaibh (mar dhaoine taghta Dhé naomha agus ionmhuinn) innigh<sup>l</sup> thròcaire, caomhalachd, irioslachd - inntinn, macantas<sup>m</sup>, fad-fhulangas;

13 A' giùlan le chéile, agus a' maitheadh d'a chéile, ma tha cùis ghearain aig neach an aghaidh neach: mar a thug Criosd maith-eanas dhuibhse, mar sin deanaibhse mar an ceudna.

14 Agus thar na nithibh so uile, cuiribh umaibh gràdh<sup>n</sup> ni a's e coimhcheangal na foirfeachd.

15 Agus biodh sìth Dhé a' riaghladh ann bhur cridhe, chum am bheil sibh mar an ceudna air bhur gairm ann an aon chorp; gus bithibh taingeil.

16 Gabhadh focal Chriosd còmh-nuidh annaibh gu saibhir san uile ghliocas; a' teagasg agus a' còmh-airleachadh a chéile le salmaibh, agus laoidhibh, agus dànaibh spior-adail, a deanamh ciuil do'n Tighearn le gràs ann bhur cridhe.

17 Agus gach ni air bith a ni sibh ann am focal no ann an gnìomh, deanaibh iad uile ann an ainm an Tighearna Iosa, a' toirt buidheach-

<sup>a</sup> a bha gabhail romhainn.

<sup>b</sup> fhaobhachadh, chur as an arm-aibh. <sup>c</sup> dheonach.

<sup>d</sup> 'ga shàthadh fein sna nithibh.

<sup>e</sup> ach gun fheum sam bith chum sàsachaidh na feòla.

<sup>f</sup> marbhaibh.

<sup>g</sup> roimhe.

<sup>h</sup> annla.

<sup>i</sup> fiadhaich, barbarra.

<sup>l</sup> tiom-chridhe.

<sup>m</sup> ciuineas.

<sup>n</sup> seirc, carthannachd.

ais do Dhia eadhon an t-Athair tridsan.

18 A mhnàì, bithibh ùmhal d'ar fearaibh féin, mar is cubhaidh, agus an Tighearn.

19 Fheara-pòsda, gràdhachibh bhur mnàì, agus na bithibh searbh a 'nan aghaidh.

20 A chlann, bithibh ùmhal d'ar pàrantaibh anns na h-uile nithibh: oir a ta so taitneach do'n Tighearn.

21 Aithriche, na brosnachibh bhur clann chum feirge, air eagal gu'n caill iad am misneach.

22 A sheirbhiseacha, bithibh ùmhal d'ar maighstiribh a réir na febla, anns na h-uile nithibh; cha'n ann le seirbhis-sùl, mar dhroing a ta toilleachadh dhaoine, ach ann an tréibh-dhireas<sup>b</sup> cridhe, ann an eagal Dé:

23 Agus ge b'e air bith ni a ni sibh, deanaibh o bhur cridhe e, mar do'n Tighearn, agus ni h-ann do dhaoineibh;

24 Air dhuibh fios a bhi agaibh, gu'm faigh sibh o'n Tighearn duais na h-oighreachd: oir is ann do'n Tighearn Crìosd a tha sibh a' deanamh seirbhis.

25 Ach an ti a ni eucoir, gheibh e toillteanas na h-eucorach a rinn e: agus cha 'n eil leth-bhreth ann.

#### CAIB. IV.

**A** Mhaighstirean, thugaibh d'ar seirbiseachaibh an ni sin, a tha ceart agus cothromach, air dhuibh fios a bhi agaibh gu bheil agaibh féin maighstir mar an ceudna air nèamh.

2 Buanaichibh ann an ùrnuigh, a' deanamh faire innte le breith-buidheachais;

3 Ag ùrnuigh mar an ceudna air ar soinne, chum gu fosgladh Dia dhuinn dorus na h-ùr-labhraidh, a labhairt rùn-diomhair Chrìosd, air son am bheileamsa ann an cuibhreachaibh;

4 Chum gu foillsich mi e, mar is còir dhomh labhairt.

5 Gluaisibh ann an gliocas thaobh na droinge sin a ta 'n leth muigh, ag ath-cheannach<sup>c</sup> na h-aimsire.

6 Biodh bhur còmhradh a ghnàth ann an gras<sup>d</sup>, air a dheanamh blasda le salann, chum gu'm bi fhios agaibh

cionnus is còir dhuibh gach neach a fhreagairt.

7 Foillsichidh Tichicus, bràthair gràdhach, agus ministear dileas, agus coimh-sheirbhiseach san Tighearn, gach ni dhuibh a'm' thimchiollsa:

8 A chuir mi d'ar n-ionnsuidh chum na criche so féin, gu'm biodh fios bhur staide-se aige, agus gu'n d'thugadh e comhfhurtachd d'ar cridhibh.

9 Maille ri Onesimus, bràthair dìleas agus gràdhach, a tha dhihb e féin. Ni iad aithnichte dhuibh na h-uile nithe a tha an so.

10 Tha Aristarchus, mo choimh-phriosunach, a' cur fàilte oirbh, agus Marcus mac peathar do Bharnabas, (mu'n d'fhuair sibh àitheanta; ma thig e d'ar n-ionnsuidh, gabhaibh ris.)

11 Agus Iosa, d'an goirear Iustus, muinntir a tha do'n timchiollghearradh. 'S iad sin a mhàin mo chomh-oibrichean chum rioghachd Dhé, a bha 'nan comh-fhurtachd dhiomh.

12 Tha Epaphras, a tha dhihb féin, seirbhiseach Chrìosd, a' cur fàilte oirbh, a ghnàth a' deanamh sbàirn dhùrachdaich air bhur son ann an ùrnuighibh, chum gu seas sibh foirfe, agus coimhlionta ann an uile thoil Dhé.

13 Oir tha mi deanamh fianuis dha, gu bheil aige mòr theas-ghràdh dhuibhse, agus dhoibhsan a tha ann an Laodicea, agus do'n mhuinntir a tha ann an Hierapolis.

14 Tha Lucas, an léigh gradhach, agus Demas, a' cur fàilte oirbh.

15 Cuiribh fàilte air na bràithribh, a tha ann an Laodicea, agus air Nimphas, agus air an eaglais a tha 'na thigh.

16 Agus an uair a leughar an litir so 'nar measgsa, thugaibh fainear gu'n leughar i ann an eaglais nan Laodiceanach mar an ceudna; agus gu'n leugh sibhse cuideachd an litir o Laodicea.

17 Agus abraibh ri Archipus, Thoir an aire do'n mhinistireileachd, a fhuair thu san Tighearn, gu'n coimhlion thu i.

18 Fàilte uamsa Pòl le m' làimh féin. Cuimhnichibh mo chuibhreacha. Gràs gu robh maille ribh. Amen.

<sup>a</sup> garg.

<sup>b</sup> aon-fhillteachd.

<sup>c</sup> a' fuasgladh.

<sup>d</sup> le gràs, gràsail.

<sup>e</sup> uaibh.



# CEUD LITIR AN ABSTOIL PHOIL CHUM NAN TESALONIANACH.

## CAIB. I.

**P**OL, agus Siluanus, agus Timoteus chum eaglais nan Tesalonianach, *a tha* ann an Dia an t-Athair, agus *anns* an Tighearn Iosa Crìosd: gràs duibh, agus sìth o Dhia ar n-Athair, agus o'n Tighearn Iosa Crìosd.

2 Tha sinn a' toirt buidheachais do Dhia a ghnàth air bhursonsa uile, a toirt iomraidh oirbh ann ar n-ùrnuighibhne.

3 A' cumhneachadh gun sgur obair bhur creidimh, agus saothair *bhur* gràidh, agus foighidin bhur dòchais 'nar Tighearn Iosa Crìosd, am fianuis Dé, agus ar n-Atharne:

4 Air dhuinn fios a bhi againn, a bhràithre gràdhachichte le Dia, air bhur taghadhsa.

5 Oir cha d'thainig ar soisgeulne d'ar n-ionnsuidhse ann am focal a mhàin, ach mar an ceudna ann an cumhachd, agus anns an Spiorad naomh, agus ann am mòr lan dearbhachd; mar is aithne dhuibh ciod a' ghnè dhaoine bha annainn 'nar measg air bhur sonsa.

6 Agus rinneadh sibh 'nar luchd-leamhuinn oirne, agus air an Tighearn, 'nuair a ghàbh sibh ris an fhocal ann am mòr àmhghar, le h-aobhneas an Spioraid naomh:

7 Ionnas gu robh sibh 'nar n-eis-impleiribh b' dhoibhsan uile, a tha creidsinn an am Macedonia agus ann an Achaia.

8 Oir uaibhse chaidh fuaim focail an Tighearna mach, cha'n ann a mhàin ann am Macedonia, agus ann an Achaia, ach mar an ceudna anns gach àit tha bhur creidimh ann an Dia air a sgaoileadh a mach, ionnas nach 'eil feum air sinne a labhairt ni air bith.

9 Oir a ta iad féin a' foillseachadh mu'r timchiollne, ciod a' ghnè dol a steach a bha againn d'ar n-ionnsuidhse, agus cionnus a phill sibh chum Dhé o ìodholaibh, a dheanamh seirbhis do'n Dhia bheo agus fhior,

10 Agus gu feitheamh r'a Mhac o nèamh, a thog e suas o na marbh-aibh, *eadhon* Iosa a shaor sinne o'n fheirg, a ta ri teachd.

a air bhur taghadhsa le Dia.

b samhachasaidh.

c a shaoras.

## CAIB. II.

**O**IR is aithne dhuibh féin, a bhràithre, ar dolne a steach d'ar n-ionnsuidh, nach robh e ann an dìomhanas.

2 Ach fòs air dhuinn fulang roimhe, agus an déigh ar maslachaidh ann am Philipi, mar is aithne dhuibh, bha dànachd againn ann ar Dia-ne soisgeul Dé a labhairt ribhse maille ri gleachda mòr.

3 Oir cha robh ar n-earailne o mhealltoireachd, no o neo-ghloine, no ann an ceilg:

4 Ach mar a mheasadh sinne le Dia mar dhroing a b'iomchuidh an soisgeul earbsadh ruinn, is amhuil sin a labhramaid, ni h-ann mar dhroing, a tha toileachadh dhaoine, ach Dhé, a tha dearbhadh ar cridheacha.

5 Oir cha do ghnàthaich sinn uair air bith briathra mìodalach, mar is aithne dhuibh, no leithsgeul sainnt; 's e Dia ar fianuis.

6 Ni mò dh'iarr sinn urram d o dhaoineibh, no uaibhse, no o dhaoineibh eile, ge d'fheudamaid ar trom a leagadh oirbhse, mar abstola Chrìosd.

7 Ach bha sinn caomh 'nar measg-sa, amhuil a dh'altrum as e banaltrum a clann féin:

8 Mar sin, air bhi dhuinne ro dhéidheil oirbhsef, bu toileach leinn cha'n e mhàin soisgeul Dhé a phàirt-eachadh ri sibh, ach mar an ceudna ar n-anama féin, do bhrìgh gu robh sibh ro ionmhuinn leinn.

9 Oir is cuimhne leibh, a bhràithre, ar saothair agus ar sgios-ne: oir air dhuinn bhi ri h-obair a dh'oidhch' agus a là, chum nach cuireamaid trom air neach sam bith aghaibh, shearmonaich sinn duibh soisgeul Dé.

10 Is fianuisean sibhse, agus Dia, cia naomha, agus cia cothromach h, agus neo-lochdach a ghiùlain sinne sinn féin 'nar measg-sa, a ta creidsinn:

11 Mar is aithne dhuibh, cionnus a dh'earailich sinn, agus a thug sinn comhfhurtachd, agus a chuir sinn impidh air gach aon agaibh fa leth, (mar a ni Athair d'a chloinn.)

d gloir. e dh'eiridneas.

f ro dleotlasach umaibhse.

g a chomh-roinn.

h h-ionraic.

12 Gu'n gluaisèadh sibh gu cubhaidh do Dhia, a ghairm sibh chum a rioghachd agus a ghloire féin.

13 Uime sin, a ta sinne mar an ceudna a' toirt buidheachais do Dhia gun sgar, do bhrìgh 'nuair a ghabh sibh ri focal Dé, a chualasibh uainne, gu'n do ghabh sibh ris cha'n ann mar fhocal dhaoine, ach (mar is e gu fìrinneach) focal Dé, a tha 'g oibreachadh gu h-éifeachdach ann-aibhe, a ta creidsinn.

14 Oir rinneadh sibhse, a bhràithre, 'nar luchd-leanmhuinn air eaglaisibh Dhé ann an Iudea, a tha ann Iosa Crìosd: oir dh'fhuiling sibhse na nithe ceudna o bhur luchd-dùthcha féin, mar a dh'fhuiling iadsan o na Iudhachaibh:

15 A chuir araon an Tighearn Iosa, agus am fàidhean féin gu bàs, agus a rinn geur-leanmhuinn oirne; agus nach 'eil a' toileachadh Dhé, agus a tha'n aghaidh nan uile dhaoine:

16 A tha bacadh dhinne labhairt ris na Cinneachaibh, chum gu'm biodh iad air an slànuchadh, chum sir-lìonaidh suas am peacaidh: oir thainig an fhearg orra fa-dheireadh<sup>a</sup>.

17 Ach air dhuinne, a bhràithre, bhi air ar dealachadh uaibhse rè tamuill bhig am pearsa, ach cha'n ann an cridhe, is ro mhòid a rinn sinn dìchioll air bhur n-aghaidh fhaicinn le mòr thogradh.

18 Uime sin, bu mhiann leinn teachd d'ar n-ionnsuidh, (eadhon leamsa Pòl) uair no dhà: ach bhac Satan sinn:

19 Oir ciod e ar dòchasne, no ar n-aoibhneas, no ar crùn-uaille? nach sibhse féia e am fianuis ar Tighearna Iosa Crìosd aiga theachd?

20 Oir is sibhse ar glòirne agus ar n-aoibhneas.

### CAIB. III.

**A**IR an aobhar sin, an uair nach b'urradh sinn cumail oirn féin ni b'fhaide, bu taitneach leinn bhi air ar fàgail 'nar n-aonar am baile na h-Aithne:

2 Agus chuir sinn Timoteus, ar bràthair, agus ministeir Dhé, agus ar comh-oibriche ann an soisgeul Chrìosd, chum sibhse a dhaingneachadh, agus comhfhurtachd a thoirt duibh nu thimchioll bhur creidimh;

3 Chum nach gluaisteadh<sup>b</sup> neach air bith agaibh leis na trioblaidibh so; oir a ta fhios agaibh féin gu'n d'orduicheadh sinn chuige so.

4 Oir gu deimhin an uair a bha sinn maille ribh, dh'innis sinn duibh roimh-làimh, gu robh sinn gu àmhghar c'fhulang; eadhon mar a thach-air, agus is aithne dhuibh.

5 Air an aobhar so, 'nuair nach robh mise comasach air cumail orm féin ni b'fhaide, chuir mi a dh'fhagail fios mu'r creidimh, an t-eagal air chor sam bith gu'n do bhuair am buaireadair sibh, agus gu'm biodh ar saothairne dìomhain.

6 Ach a nis an uair a thainig Timoteus uaibhse d'ar n-ionnsuidhne, agus a thug e deadh sgeul duinn mu'r creidimh agus bhur gràdh, agus gu bheil cuimhne mhaith agaibh oirne a ghnàth, a' miannachadh gu mòr sinne fhaicinn, amhuil a ta sinne mar an ceudna sibhse fhaicinn.

7 Uime so, a bhràithre, fhuair sinne comhfhurtachd d'ar taobh ann ar n-uile àmhghar, agus theinn tre bhur creidimhse:

8 Oir a ta sinne beo a nis, ma sheasas sibhse gu bunaiteach san Tighearn.

9 Oir ciod am buidheachas a dh'fheudas sinn iocadh do Dhia as bhur lethse, air son an aoibhneis sin uile, leis am bheil sinn ri gairdeachas d'ar taobh am fianuis ar Dé-ne,

10 A dh'oidhche agus a là a' guidheadh gu ro dhùrachdach gu faiceamaid bhur n-aghaidhse, agus gu leasaicheamaid uireasbbuidh bhur creidimh?

11 A nis gu deanadh Dia féin eadhon ar n-Athair, agus ar Tighearn Iosa Crìosd ar slighene a threòrachadh d'ar n-ionnsuidhse.

12 Agus gu d'thugadh an Tighearn oirbh fàs, agus bhi ro phailt ann an gràdh d'a chèile, agus do nah-uile dhaoineibh, mar a ta sinne dhuibhse:

13 Chum gu daingnich e bhur cridheacha neo-choireach ann an naomhachd am fianuis Dé, eadhon ar n-Atharne, aig teachd ar Tighearna Iosa Crìosd maille r'a naomhaibh<sup>d</sup> uile.

### CAIB. IV.

**O**S bàrr ma ta, a bhràithre, cuir-eamaid a dh'impidh, agus a dh'athchuinge oirbh tre'n Tighearn Iosa, mar a fhuair sibh uainne cionnus is còir dhuibhimeachd, agus Dia athoileachadh, gu meudaicheadh sibh mar sin ni's mò agus ni's mò.

2 Oir a ta fhios agaibh ciod iad na h-aitheantan a thug sinne dhuibh tre'n Tighearn Iosa.

3 Oir is i so toil Dhé, eadhon bhur

<sup>a</sup> agus a' chuid a's faide.

<sup>b</sup> gluaisfeadh.

<sup>c</sup> trioblaid.

<sup>d</sup> maille r'a ainglibh naomha.

naomhachadhsa, sibh a sheachnadh striopachais :

4 Gu'm b'aithne do gach aon agaibh a shoitheach féin a shealbhachadh ann an naomhachd, agus ann an onoir ;

5 Cha'n ann ann am fonu ana-mhiannach, mar a ni na Cinnich, aig nach 'eil eòlas air Dia :

6 Gun neach air bith a dheanamh eucoir, no mealltaireachd sa' chùis air a bhràthair ; do bhrìgh gur e'n Tighearn a ni dìoghaltas air an uile leithidibh sin, a rèir mar a dh'innis sinne mar an ceudna duibh roimhe, agus a rinn sinn fianuis.

7 Oir cha do ghairm Dia sinne gu neo-ghloine, ach gu naomhachd.

8 Uime sinn, an neach a ni tàir, cha'n ann air duine tha e deanamh tàir, ach air Dia, a thug dhuinne a Spiorad naomha féin.

9 Ach a thaobh gràidh bràthaireil, cha'n 'eil feum agaibh mise a sgrìobhadh d'ar n-ionnsuidh : oir a ta sibh féin air bhur teagasg o Dhia gràdh a thoirt d'a chèile.

10 Agus gu deimhin tha sibh a' deanamh so thaobh nam bràthar uile, a tha ann am Macedonia gu h-iomlan : ach guidheamaid oirbh, a bhràithre, sibh a mheudachadh ni's mò agus ni's mò ;

11 Agus gu'n dean sibh bhur dìchioll a bhi ciuin, agus bhur gnothuiche féin a dheanamh, agus saothreachadh le'r làmbaibh féin, (amhuil a dh'àithn sinne dhuibh.)

12 Chum gu'n gluais sibh gu cubhaidh thaobh na muinntir sin, a ta'n leth muigh, agus nach bi uireasbhuidh ni sam bith oirbh.

13 Ach cha b'àill leam, a bhràithre, sibh a bhi aingeolach thaobh na muinntir sin, a tha 'nan codal, chum nach dean sibh bròn, eadhon mar dhaoine eile aig nach 'eil dòchas.

14 Oir ma chreideas sinn gu'n d'fhuaire Iosa bàs, agus gu'n d'éirich e ris, amhuil sin mar an ceudna an droing a choidil ann an Iosa, bheir Dia maille ris.

15 Oir so a deireamaid ribh ann am focal an Tighearna, nach bi againne, a tha beo agus a dh'fhàgar gu teachd an Tighearna, toiseach orrasan, a tha 'nan codal.

16 Oir thig an Tighearn féin a suas o nèamh le àrd-iolaich a, le guth an àrd-ingeil, agus le trompaid Dhé : agus éiridh na mairbh ann an Crìosd air tùs :

17 Andéigh sin sinne, a bhios beo agus a dh'fhàgar, togar suas sinn

maille rìusan anns na neulaibh, an còdhail an Tighearna san athar : agus mar sin bithidh sinn gu sìorruidh maille ris an Tighearn.

18 Uime sin, thugaibh comhfhurtachd d'a chèile leis na briathraibh so.

## CAIB. V.

**A**CH mu thimchioll nan aimsir, agus nan àm cha 'n'eil feum agaibhse, a bhràithre, mise a sgrìobhadh d'ar n-ionnsuidh.

2 Oir a ta sàr fhios agaibh féin gu'n d'thig là an Tighearna mar ghaduiche san oidhche.

3 Oir an uair a deir iad, Sìothchaint agus tèaruinteachd, an sin thigsgrios obann orra, mar shaothair air mnaoi thorraich ; agus cha d'théid iad as.

4 Ach cha'n 'eil sibhse, a bhràithre, san dorchadas, ionnas gu'm beireadh an là sin oirbh mar ghaduiche.

5 Is sibhse uile clann an t-soluis, agus clann an là : cha'n ann do'n oidhche, no do'n dorchadas sinn.

6 Uime sin, na coidleamaid mar dhaoine eile ; ach deanamaid faire, agus bitheamaid stuama<sup>b</sup>.

7 Oir an dream a choidleas, is anns an oidhche choidleas iad : agus an dream a tha air mhisg, is anns an oidhche tha iad air mhisg.

8 Ach bitheamaidne a tha do'n là stuama, a' cur oirnn uchd-éididh a' chreidimh agus a' ghràidh, agus mar chlogoide, dòchas c na slàinte.

9 Oir cha d'orduich<sup>d</sup> Dia sinn chum feirge : ach chum slàinte fhaotainn trid ar Tighearna Iosa Crìosd,

10 A fhuair bàs air ar son, chum co aca is codal, no faireach dhuinn, gu'm bitheamaid beo maraon ris.

11 Uime sin thugaibh comhfhurtachd d'a chèile, agus togaibh suas gach aon a chèile, eadhon mar a ta sibh a' deanamh.

12 Agus guidheamaid oirbh, a bhràithre, aithne bhi agaibh air an dream a tha saothreachadh 'nar measg, agus a tha os bhur ceann san Tighearn, agus a tha 'gar comhairleachadh ;

13 Agus meas mòr a bhi agaibh dhiubh ann an gràdh air son an oibre. Bithibh sìothchail 'nar measg féin.

14 A nis guidheamaid oirbh, a bhràithre, thugaibh rabhadh dhoibhsan a tha mi-riaghailteach, thugaibh comhfhurtachd dhoibhsan, a tha lag-chridheach, cumaibh suas iadsan a

<sup>b</sup> measarra.

<sup>c</sup> earbsa.

<sup>d</sup> cha do shonraich.

<sup>a</sup> gair.

fa anmhunna, bithidh foighidneach a thaobh nan uile dhaoine.

15 Feuchaibh nach ioc neach olc air son uile do dhuine sam bith : ach leanaihs' a ghnàth an ni a ta maith, araon d'ar taobh féin, agus a thaobh nan uile dhaoine.

16 Deanaibh gairdeachas a ghnàth.

17 Deanaibh ùrnuigh gun sgar.

18 Anns gach uile ni, thugaibh buidheachas ; oir is i so toil Dé ann an Iosa Crìosd d'ar taobh.

19 Na mùchaibh an Spiorad.

20 Na deanaibh tàir air fàidhead-aireachd.

21 Dearbhaibh na h-uile nithe : cumaibh gu daingean an ni sin a ta maith.

22 Seachnaibh gach uile choslas uile.

23 Agus gu deanadh Dia na sìoth-chaint féin naomha sibh gu h-iomlan ; agus *gu dednaicheadh Dia* gu'm bi bhur n-uile spiorad agus anam agus chorp air an gleidheadh gun neo-choir-each gu teachd ar Tighearna Iosa Crìosd.

24 Is fìrinneach an ti a ta 'gar gairm, neach mar an ceudna a ni e.

25 A bhràithre, deanaibh ùrnuigh air ar soin-ne.

26 Cuiribh fàilte air na bràithribh uile le pòig naomha.

27 Sparram oirbh a h-uchd an Tighearna, gu'n leughar an litir so do na bràithribh naomha uile.

28 *Gurobh* gràs ar Tighearna Iosa Crìosd maille ribh. Amen.

## DARA LITIR AN ABSTOIL PHOIL CHUM NAN TESALONIANACH.

### CAIB. I.

**P**OL agus Siluanus, agus Timoteus, chum eaglaise nan Tesalonianach, ann an Dia ar n-Athair, agus *anns* an Tighearn Iosa Crìosd :

2 Gràs *gu robh* dhuibh, agus sìth o Dhia ar n-Athair, agus o'n Tighearn Iosa Crìosd :

3 Tha dh'fhiachaibh oirne buidheachas a thoirt do Dhia a ghnàth air bhur sonsa, a bhràithre, maris cubhaidh, do bhrìgh gu bheil bhur creidimh a' fàs gu ro mhòr, agus gu bheil gràdh gach aon agaibh uile a' meudachadh d'a chéile :

4 Ionnas gu bheil sinne féin a' deanamh uaille asaibhse ann an eaglaisibh Dhé, air son bhur foighidin agus bhur creidimh ann bhur n-uile gheur-leanmhuinnibh, agus àmhgharaibh a tha sibh a' fulang :

5 *Ni ata* 'na chomhara follaiseach air ceart bhreitheanas Dé, chum gu measar gur airidh sibhse air rioghachd Dhé, air son am bheil sibh a' fulang :

6 Do bhrìgh gur ceart an ni do Dhia, àmhghar iocadh dhiobhsan, a ta cur àmhghair oirbh ;

7 Agus dhuibhse a ta fa àmhghar, fois maraon ruinne, 'nuair a dh'fhoillsichear an Tighearn Iosa o

nèamh, maille r'a aibglibh cumhachdach,

8 Ann an teine lasarra, a' deanamh diogbaltais air an droing, aig nach 'eil eòlas air Dia, agus nach 'eil ùmhal do shoisgeul ar Tighearna Iosa Crìosd :

9 Muinntir air an deanar peanas le sgrìos sìorruidh o làthair an Tighearna, agus o ghlòir a chumhachd ;

10 'Nuair a thig e gu bhi air a ghlòrachadh 'na naomhaibh, agus chum gu'n deanar iongantach e ann-ta-san uile, a ta creidsinn san là sin ; (do bhrìgh gu'n do chreideadh ar fianuisne 'nar measgsa.)

11 Air an aobhar so tha sinne mar an ceudna a' deanamh sìr-ùrnuigh air bhur sonsa, chum gu meas ar Dia-ne gur fìu sibhse an gairm so, agus gu'n coimhlion e uile dheadh-ghean a mhaitheis, agus obair a' chreidimh le cumhachd :

12 Chum gu'm bi ainm ar Tighearna Iosa Crìosd air a ghlòrachadh annaibhse, agus sibhse annsan, a réir gràis ar Dé-ne, agus an Tighearna Iosa Crìosd.

### CAIB. II.

**A**NIS guidheamaid oirbh, a bhràithre, thaobh teachd ar Tighearna Iosa Crìosd, agus ar comh-chruinneachaidhne d'a ionnsaidh,

a deanaibh cùl-taic dhoibhsan, a ta lag. b coisgibh.

c trid.



2 Gun sibh bhi h-ealamh air bhur crathadh<sup>a</sup> 'nar n-inntinn, no fa bhuaireas<sup>b</sup>, le spiorad, no le focal, no le litir, mar uainne, mar gu'm biodh là Chrìosd am fagus.

3 Na mealladh reach sam bith sibh air aon chor: oir cha d'*thig an là sin* mur d'*thig* air tùs tréigeadh-creidimh, agus *mur* foillsichear duine sin a' pheacaidh, mac an sgrios;

4 A tha cur an aghaidh agus 'ga àrdachadh féin os cionn gach ni d'an goirear Dia, no d'an deanar aoradh c; ionnas mar Dhia gu bheil e 'na shuidhe ann an teampull Dhé, 'ga nochdadh féin gur Dia e.

5 Nach cuimhne leibh, air dhòmh bhi fathast maille ribh, gu'n d'innis mi na nithe so dhuibh?

6 Agus is aithne dhuibh ciod a tha bacadh nis e bhi air fhoillseachadh 'na àm féin.

7 Oir a ta rùn-diomhair na h-aindiadhachd ag oibreachadh cheana, a mhàin gus an toirear air falbh an ti, a ta' nis a' bacadh d.

8 Agus an sin foillsichear an t-aingidh sin, a chlaoidheas an Tighearn le h-anaile a bheoil féin, agus d'an cuire asle dealradh a theachd:

9 *Eadhon esan* aig am bheil a theachd a réir oibreachaidh Shatain, maille ris an uile chumhachd, agus chomharaihbh, agus iongantasaibh breugach,

10 Agus maille ri uile mhealltair-eachd na h-eucorach anntasan a chaillear; a chionn nach do ghabh iad gràdh na fìrinn, chum gu slàn-ùichteadh iad.

11 Agus air a shon so cuiridh Dia treun oibreachadh meallaidh d'an ionnsuidh, ionnas gu'n creid iad a' bhreug.

12 Chum gu'm bi iad uile air an diteadh, nach do chreid an fhìrinn, ach aig an robh tlachd anns an eucoir.

13 Ach a ta dh'fhiachaibh oirne buidheachas a thoirt do Dhia agnàth air bhur sonsa, a bhràithre, jon-mhuinn do'n Tighearn, do bhrìgh gu'n do thagh Dia sibh o thùs chum slàinte, tre naomhachadh an Spioraid, agus creidsinn na fìrinn:

14 Chum an do ghairm e sibh trid ar soisgeilne, chum sibh a dh'fhaotainn glòire ar Tighearna Iosa Crìosd.

15 Uime sin, a bhràithre, seasaibh gu daingean, agus cumaibh na teag-

asgan, a thugadh dhuibh, co dhiubh is ann le focal, no le'r litirne.

16 A nis gu'n tugadh ar Tighearn Iosa Crìosd e féin, agus Dia, eachdon ar n-Athairne, a ghlràdhaich sinn, agus a thug *dhuinn* sòlas sìorruidh, agus dòchas maith tre ghràs,

17 Comhfhurtachd d'ar cridhese, agus gu daingnicheadh e sibh anns gach uile dheadh fhocal agus ghnìomh.

## CAIB. III.

**I**NA-dheoidh, a bhràithre, deanaibh ùrnuigh air ar soinne, chum gu'n ruith focal an Tighearna, agus gu'm bi e air a ghlòrachadh mar ann bhur measgsa;

2 Agus chum gu saorar sinne o dhaoineibh mi-reusonta agus olc: oir cha'n ann aig na h-uile a ta creidimh.

3 Ach a ta an Tighearn dileas, a dhaingnicheas agus a choimhlideas o'n olcf sibh.

4 Agus a ta earbsa againn san Tighearn d'ar taobhsa, gu bheil sibh araon a' deanamh agus gu'n dean sibh na nithe, a tha sinn ag àithneadh dhuibh.

5 Agus gu seòladh an Tighearn blur cridheacha chum gràidh Dhé, agus chum foighidin Chrìosd.

6 A nis àithneamaid dhuibh, a bhràithre, ann an ainm ar Tighearna Iosa Crìosd, sibh féin a dhealachadh ris gach uile bhràthair, a tha 'g imeachd gu mi-riaghailteach, agus ni h-ann a réir an teagaisg a fhuair e uainne.

7 Oir a ta fhios agaibh féin cionnus is còir dhuibh ar lorgne leantuinn: oir cha do ghiùlain sinn sinn féin gu mi-riaghailteach 'nar measg;

8 Ni mò a dh'ith sinn aran duine sam bith a nasgaidh: ach le saothair agus anshocair, a dh'oidliche agus a là ri h-obair, chum nach cuireamaid ar trom air a h-aon agaibh:

9 Cha'n e nach 'eil comas ag-ainn, ach a chum gu'n deanamaid sinn féin 'narn-eisempleir dhuibhse, gu ar leantuinn.

10 Oir an uair a bha sinn maille ribh, thug sinn an àithne so dhuibh, mur àill le neach obair a dheanamh, gun e dh'itheadh *bìdh*.

11 Oir tha sinn a' cluinntinn gu bheil daoine àraidh ag imeachd gu mi-riaghailteach 'nar measg, nach 'eil a' deanamh oibre sam bith, ach a' gabhail gnothuich ri nithibh nach buin doibh.

f o'n droch spiorad.

g feitheamh gu foighidneach ri Crìosd.

h ùghdarras, còir.

<sup>a</sup> fauideal.

<sup>b</sup> mhaoim,

<sup>c</sup> ghioraig.

<sup>c</sup> a ta urramach.

<sup>d</sup> a mhàin an nì a ta cur bacaidh a nis, bacaidh e gus an toirear air falbh e.

<sup>e</sup> spiorad.

12 A nis tha sinn a' toirt àithne d'an leithidibh sin, agus ag earail orra trid ar Tighearna Iosa Criosd, le saothreachadh gu ciuin, gu'n ith iad an aran féin.

13 Agus sibhse, a bhràithre, na sgithichibh do dheanamh maith.

14 Agus ma ta neach sam bith nach toir ùmhlaichd d'ar focalne trid an litir so, comharaichibh esan, agus na biodh comhludar agaibh ris, chum gu'm bi nàire air.

15 Gidheadh na measaibh e mar nàmhaid, ach thugaibh comhairle air mar bhràthair.

16 A nis gu'n d'thugadh Tighearna na sith féin sith dhuibhse a ghnàth, air gach aon chor. *Gu robh an Tighearn maille ribh uile.*

17 Fàilte uamsa Pòl le m' làimh féin, ni a's e an comhara anns gach uile litir : mar so scriobham.

18 Gràs ar Tighearna Iosa Criosd *gu robh maille ribh uile. Amen.*

## CEUD LITIR AN ABSTOIL PHOIL CHUM THIMOTEUIS.

### CAIB. I.

**P**OL abstol Iosa Criosd, a réir àithne Dhé ar Slànuighir, agus an Tighearna Iosa Criosd, *neach a's e ar dòchas;*

2 Chum Thimoteuis m'fhìor mhac anns a' chreidimh: gràs, tròcair, agus sith o Dhia ar n-Athair, agus o Iosa Criosd ar Tighearn.

3 Mar a dh'iarr mi ort fantuinn ann an Ephesus, 'nuair a chaidh mi do Mhacedonia, chum gu'n d'thugadh tu ordugh do dhream àraidh gun atharrachadh teagaisg a thoirt uatha;

4 Agus gun aire a thoirt do sgeulachdaibh, agus do shloinnteachd neo-chrìochnaich, a bheir aobhar do cheisdibh, ni's mò na do fhòghlum diadhaidh, a tha tre chreidimh: *dean mar sin.*

5 A nis 's e's crìoch do'n àithne, gràdh a cridhe glan, agus a coguis mhaith, agus a creidimh neo-chealgach:

6 Nithe air do dhream àraidh claonadh uatha, chaidh iad a thaobh chum diomhanais cainnte;

7 A' miannachadh bhi 'nan luchd-teagaisg an lagha, *agus* gun iad a' tuigsinn ciod a deir iad, no ciod iad mu'm bheil iad a' toirt cinnte.

8 Ach tha fhios againn gu bheil an lagh maith, ma ghnàthaicheas neach gu dligeach e:

9 Air do fhios so a bhi aige, nach ann do dhuine fireanach a dh'ord-uicheadh an lagh, ach do dhaoineibh neo-dhligheach agus eas-ùmhal, dhoibhsan a ta mi-dhiadhaidh agus do pheacachaibh, do dhaoineibh mi-naomba, agus neo-chràbhach, do luchd-marbhaidh aithriche agus do luchd-marbhaidh, mhàithriche, do luchd-mortaigh,

10 Do luchd-strìopachais, do luchd-anamhianna mi-nàdurra, do luchd-goid dhao'ne, do bhreugairibh, do luchd-eithich, agus ma tha ni sam bith eile a tha'n aghaidh teagaisg fhallain,

11 A réir soisgeil ghlòrmhoir an Dé bheannuichte, a dh' earbadh riumsa,

12 Agus bheiream buidheachas do Iosa Criosd ar Tighearn, a neartaich mi, do bhrìgh gu'n do mheas e mi dìleas, 'gam chur sa' mhinistreachd;

13 A bha roimhe a'm' fhear-labhairt toibheim, agus a'm' fhear-geur-leanmhuinn, agus a'm' dhuine eucorach. Ach fhuair mi tròcair, do bhrìgh gu'n d'rinn mi so tre aineolas, ann am mi-chreidimh:

14 Agus bha gràs ar Tighearna thar tomhas ro-phailte *dhomh*, maille ri creidimh, agus ri gràdh, a ta ann an Iosa Criosd.

15 Is fìor an ràdh so, agus is fìu e air gach aon chor gabhail ris, gu'n d'thainig Iosa Criosd do'n t-saoghal a thearnadh pheacach; d'am mise an ceud-fhear.

16 Gidheadh, air a shon so fhuair mi tròcair, chum gu'm foillsicheadh Criosd annamsa air tùs an uile fhad-fbulangas, mar shaimpleir a dhoibhsan, a chreideadh ann an déigh so, chum na beatha maireannaich.

17 A nis do'n Rìgh shiorruidh, neo-thruaillidh, neo-fhaicsinneach, do'n Dia a ta mhàin glic, *gu robh* onoir agus glòir, gu saoghal nan saoghal. Amen.

18 An àithne so earbam riut Thimoteuis a mhic, a réir nam fàidheadaireachd, a rinneadh umad roimhe

a shc *mhlachas.*

so, chum tridsan gu'n cogadh tu deadh chogadh,

19 A' coimhead credimh agus deadh choguis; nì air do chuid do dhaoineibh a chur uatha, rinn iad long-bhriseadh thaobh a' chreidimh.

20 D'am bheil Himeneus agus Alecsander; muinntir a thug mise thairis do Shatan, chumle'n smachdachadh gu'm fòghlumadh iad gun toibheum a labhairt.

## CAIB. II.

TARRAM uime sin, roimh na h-uile nithibh, gu'n deanar ath-chuinge, ùrnuighean, eadar-ghuidheadh, agus breith-buidheachais air son nan uile dhaoine:

2 Air son rìghrean, agus air son nan uile a tha ann an ùghdarras: chum gu'n caith sinn ar beatha gu foisneach agus gu sìothchail, anns an uile dhiadhachd agus chiatfachd.

3 Oir tha so maith agus taitneach am fianuis Dé ar Slànuighir:

4 Neach leis an àill na h-uile dhaoine bhi air an slànuchadh a, agus iad a theachd chum eòlais na fìrinn.

5 Oir is aon Dia a ta ann, agus aon eadar-mheadhonair eadar Dia agus daoine, an duine losa Crìosd:

6 A thug e féin 'na éirich air son nan uile, mar fhianuis ann an àm iomchuidh:

7 Chum an d'orduicheadh mise a'm shearmonaiche, agus a'm' abstol, (labhram an fhìrinn ann an Crìosd, nì'n deanam breug) a'm' fhear-teagaisg nan Cinneach ann an creidimh, agus ann am fìrinn.

8 Uime sin is àill leam na fìr a dheanamh ùrnuigh sgach àit, a' togail suas làmhha naomha, gun fheirg, gun amharus;

9 Air an dòigh cheudna, na mnà a chureudaich iomchuidh umpa, 'gan sgeadachadh féin le nàisneachd agus stuaim: cha'n ann le casadh an gruaige, no le h-òr, no le neamhnuidibh, no le culaidhibh luachmhor;

10 Ach (mar is cubhaidh do mhnàibh, a tha 'g aideachadh diadhachd) le deadh oibribh.

11 Fòghlumadh a' bhean ann an ciuineas leis an uile ùmhachd.

12 Ach nì'n ceadaicheam do mhnàoi teagasg a thoirt uaiphe, no ceannas a ghlacadh air an fhear, ach i bhi 'na tosd.

13 Oir is e Adhamh a chruthaich eadh air tùs, agus 'na dhéigh sin Eubha.

14 Agus chab'e Adhamh amheall-

a tearnadh, saoradh.

b luach-  
c uaithe.

adh, ach air do'n mhnàoi bhi air a mealladh, bha i sa' chionta.

15 Gidheadh tearnar i tre bhreith cloinne, ma bhuanacheas iad ann an creidimh, agus ann an gràdh, agus ann an naomhachd, maille ri stuaim.

## CAIB. III.

IS ràdh fìor so, Ma tha togradh aig aon duine chum dreuchd easbuig<sup>d</sup>, tha e miannachadh deadh oibre.

2 Uime sin is còir do easbuig bhi neo-lochdach, 'na fhear aon mhnà, faireil, crìonna<sup>e</sup>, deadh-bheusach, daonnachdach, ealamh gu teagasg;

3 Gun bhi 'na phòitearf, gun bhi buaillteach, gun bhi deidheil air buannachd shalaich: ach macanta, neo-thuasaideach<sup>g</sup>, neo-shanntach;

4 'Na dhuine a riaghlas a thigh féin gu maith, aig am bheil a chlann fuidh smachd maille ris an uile shuidheachadh-inntinn<sup>h</sup>.

5 (Oir mur aithne do dhuine a thigh féin a riaghlachadh, cionnus a ghabhas e cùram do eaglais Dhé?)

6 Gun bhi 'na nuadh-chreideach, an t-eagal, air dha bhi air atadh le h-uabhar, gu'n tuit e ann an dìteadh an diabhoil.

7 Is còir dhamar an ceudna deadh theisteach bhi aige uathasan, a ta'n leth muigh; air eagal gu'n tuit e ann an aithis<sup>i</sup>, agus an ann ribe an diabhoil.

8 Mar an ceudna is còir do na deaconaibh<sup>k</sup> bhi suidhichte, gun an teagadh bhi leam leat, gun bhi cionail<sup>l</sup> air mòran fìona, gun bhi deidheil air buannachd shalaich,

9 A' cumail rùn-diomhair<sup>a'</sup> a' chreidimh ann an coguis ghloin.

10 Agus biodh iadsan mar- an ceudna air an dearbhadh an toiseach; agus an sin gnàthaicheadh iad dreuchd deacoin<sup>m</sup>, air dhoibh bhi air am faghail neo-choireach.

11 Is amhuil sin is còir do na mnaibh<sup>n</sup> bhi suidhichte, gun bhi 'nan luchd-tuailleis<sup>o</sup>; ach bhi measarra, ionraic sna h-uile nithibh.

12 Biodh na deacon 'nam fìr aon mhnà, a' riaghlachadh an cloinne, agus an tighe féin gu maith.

13 Oir an droing a ghnàthaich dreuchd deacoin gu maith, tha iad a' cosnadh deadh cheum dhoibh féin,

d oifig fìr-coimhid. e ciallach, stuama. f trom air fìon.

g neo-charroideach. h chudthromachd, fhonnmhoireachd. i scainnil. k do'n luchd-frithealaidh.

l ceistil, deidheil. m fritheileadh iad. n d'am mnaibh. o luchd-càineadh

agus dànachd mhòr sa' chreidimh, a tha ann Iosa Crìosd.

14 Scriobham na nithe so chugad, an dòchas teachd gu grad a' t'ionnsuidh:

15 Ach ma ni mi moille, chum gu'm bi fhios agad cionnus is còir dhuit thu féin a ghiùlain ann an tigh Dhé, ni a's e eaglais an Dé bheo, post agus stéidh-dhaingnich a na firinn.

16 Agus gun amharus is mòr rùndiomhair na diadhachd: dh'fhoillsicheadh Dia san fheòil, dh'fhirean-àicheadh e san spiorad, chunnacas le ainglibh e, shearmonaicheadh e do na Cìnneachaibh, chreideadh ann air an t-saoghal, ghabhadh suas e chum glòire.

#### CAIB. IV.

**A**NIS a deir an Spiorad gu soilleir, anns na h-aimsiribh deir-eannach<sup>b</sup> gu'n tréig dream àraidh an creidimh, a' toirt aire do spioraidibh mealltach agus do theagasgaibh dheamhan;

2 Trid ceilge bhreugaireanc, air bhi d'an coguisibh air an losgadh le iarunn dearg;

3 A' toirmeasg pòsaidh, agus ag iarraidh bidheanna a sheachnadh, a chruthaich Dia chum an gabhail maille ri breith-buidheachais leosan a ta creidsinn, agus aig am bheil eòlas na firinn.

4 Oir is maith gach ni a chruthaich Dia, agus cha'n ion ni sam bith a dhiùltadh, a ghabhar le breith-buidheachais:

5 Oir a ta e air a naomhachadh le focal Dé agus le h-ùrnuigh.

6 Ma chuireas tu na nithe so an cuimhne do na bràithribh, bithidh tu a'd dheadh mbinisteir do Iosa Crìosd, air t'altrum suas ann am briathraibh a' chreidimh, agus an deadh theagaisg, air an do ghabh thu eòlas d,

7 Ach diùlt sgeulachdami-dhiadhuidh shean bhan, agus cleachd thu féin chum diadhachd.

8 Oir a ta an cleachda corporrà tarbhach chum beag-nithe; ach a ta'n diadhachd tarbhach chum nan uile nithe, aig am bheil gealladh na beatha a ta làthair, agus a chum teachd.

9 Is ràdh firinneach so, agus is fiu e air gach aon chor gabhail ris.

10 Oir is ann uime so a ta siun maraon ri saothair, agus a' fulang maslaidh, do bhrìgh gu bheil dòchas e

againn san Dia bheo, neach a's e Slànuighear nan uile dhaoine, gu h-àraid nan creideach.

11 Aithn agus teagaisg na nithe so.

12 Na deanadh duine sam bith tarcuis air tòige; ach bi thusa a'd eiseimpleir<sup>f</sup> do na creidich, ann am focal, ann an caitheadh-beatha, ann an gràdh, ann an spiorad, ann an creidimh, ann am fìor-ghloine.

13 Gus an d'thig mi, thoir an aire do leughoireachd, do earail, do theagasg.

14 Na dearmad an tiodlac a ta annad, a thugadh dhuit tre fhàidh-eadaireachd, maille ri leagadh làmh na seanaireachd ort.

15 Smuaintich air na nithibh sin, thoir thu féin gu tur dhoibh, chum gu'm bi do theachd air t'aghaidh follaiseach do na h-uile.

16 Thoir aire dhuit féin, agus do d' theagasg; buanaich anna: oir le so a dheanamh, saoraidh tu araon thu féin, agus iadsan, a tha 'g éisd-eachd riut.

#### CAIB. V.

**N**A garg-chronaich seanair, ach cuir impidh air mar athair, agus air na h-òig-fhir mar bhràithribh;

2 Na mnàì aosda mar mhàithrichibh, na mnàì òga mar pheathraichibh, maille ris an uile fìor-ghloine.

3 Thoir urram do bhantrachaibh, a tha 'nam bantrachaibh da rìreadh.

4 Ach ma tha bantrach air bith aig am bheil clann no oghachan, foghlumadh iad air tùs bhi dleasd-anach 'nan tighibh féin agus ath-dhiol a thoirt d'am pàrantaibh: oir a ta so maith agus taitneach am fianuis Dé.

5 A nis cuiridh ise a ta 'na bantraich da rìreadh, agus air a fàgail 'na h-aonar, a dòchas ann an Dia, agus buanaichidh si a là agus a dh-oidhe an ann an athcheuingibh, agus ann an ùrnuighibh.

6 Ach ise a tha caitheadh a beatha am macnus<sup>h</sup>, air dh'i bhi beo, tha i marbh.

7 Uime sin aithn na nithe so dhoibh, chum gu'm bi iad neo-lochdach.

8 Ach mar dean duine solar air son a chuideachd féin, agus gu h-àraid air son muinntir a theaglaich, dh'aicheadh e'n creidimh, agus is mìosa e na anaicreideach.

9 Nagabhar bantrach san àireamh a bhios fuidh thri fichead bliadhna dh'aois, a bha 'na mnaoi aon fhìr,

f shamhlachas. g Gabh cùram do. h gu sòghail.

a bunait. b na h-aimsiribh ri teachd. c A' labhairt bhreug ann an ceilg. d air an d'ràinig thu. e earbsa.



10 Air am bheil teisteach a thaobh dheadh oibre; ma dh'oilib clann, ma thug i aoidheachd uaipe, ma dh'ionnlaid i cosa nan naomh, ma dh'fhòir i air luchd-amhghair, ma lean i gu dìchiollach gach deadh obair.

11 Ach diùlt na bantraich òga: oir an uair a dh'fhàsas iad mear an aghaidh Chrìosd, is miann leo pòsadh;

12 Muinntir a ta fuidh dhìtheadh, a chionn gu'n do thréig iad an ceud chreidimh.

13 Agus os bàrr, fòghlumaidd iad bhì diomhanach, a' dol mu'n cuairt o thigh gu thigh; agus cha'n e mhàin diomhanach, ach mar an ceudna gabhannach, agus a' gabhail gnoth-uich ris na nithibh nach buin doibh, a' labhairt nithe nach bu chòir dhoibh.

14 Is àill leam uime sin na *mundi* òga a phòsadh, iad a bhreith cloinne, a stiùradh an tighe, agus gun chion-fath air bith a thoirt do'n eascaraid labhairt gu toibheumach.

15 Oir a ta cuid a cheana air dol a thaobh an déigh Shàtain.

16 Ma tha aig creideach no aig ban-chreideach bantracha, fòireadh iad orra, agus na biodh an trom air an eaglais; chum's gu'n dean i cabhair errasan, a tha 'nam bantrach-aibh da rìreadh.

17 Measar gur fiu na seanairean, a riaghlaicheap gu maith, urram dùbailte, gu h-àraid iadsan a tha saothreachadh san fhocal agus ann an teagasg.

18 Oir a deir an scriobtuir, Na ceangail beul an daimh, a tha saltairt an arbhair: agus, Is fiu an t-oibriche a thurasdal.

19 Na gabh casaid an aghaidh seanaire, ach le dithis no triuir a dh'fhianuisibh.

20 Iadsan a tha peacachadh cron-aich an làthair nan uile, chum gu'n gabh càch eagal mar an ceudna.

21 Sparram ort am fianuis Dé, agus an Tighearna Iosa Crìosd, agus nan aingeal taghta, gu'n coimhid thu na nithe so gun aon a chur roimh neach eile, gun ni air bith a dheanamh le claon bhreth.

22 Na leag do làmba gu h-obann air duine sam bith, agus na biodh comhpairt agad do pheacaibh dhaoine eile: coimhid thu féin glan.

23 Na h-òl uisge ni's mò, ach cleachd beagan fìona air son

do ghoile, agus t'anmhuinneachd mhinic.

24 Tha peacanna cuid do dhaoine, ibh follaiseach roimh-làimh, a' dol rompa chum breitheanaid; agus tha peacanna dhream àraidh 'gan lean-tuinn.

25 Mar an ceudna tha deadh oibre cuid follaiseach roimh-làimh; agus na h-oibre a ta air ghleus eile, cha'n fheudar am folach.

## CAIB. VI.

**M**EASADH a' mhend 's a ta fuidh'n chuing 'nan seirbhisich, gur fiu am maighstirean féin an uile urram; chum's nach faigh ainm Dhé, agus a theagasg tòibheum.

2 Agus iadsan aig am bheil maighstirean creideach, na deanadh iad tarcuis orra, air son gur bràithrean iad: ach gu mafearr léo seirbhis a dheanamh dhoibh, do bbrìgh gu bheil iad creideach agus ionmhuinn, 'nan luchd comhpairt do thiodhblac a' ghràis. Na nithe so teagaisg agus earailich.

3 Ma bheir aon neach atharrachadh teagaisg uaith, agus nach aont-aiche do bhriathraibh fallain, eadhon do bhriathraibh ar Tighearna Iosa Crìosd, agus do'n teagaisg, a ta réir na diadhachd:

4 Tha e uaibhreach gun eòlas aige air ni sam bith, ach e as a chèill mu thimchioll cheisdean, agus bhriatharachonnsachadhe, o'n d'thig farmad, comh-stri, annacaint, droch amharusan,

5 Fiar-dheasboireachd dhaoine 'gam bheil inntinn thruaillidh, agus as eugmhais na firian, a' meas gur buannachd an diadhachd: dealaich ris an leithidibh sin.

6 Ach is buannachd mhòr an diadhachd maille ri toileachas-inntinn.

7 Oir cha d'thug sinn ni air bith leinn do'n t-saoghal, agus is soilleir nach urradh sinn ni sam bith thoirt as.

8 Uime sin air dhuinn biadh agus eudach a bhi againn, bitheamaid toilichte leo sin.

9 Ach an dream le'n àill bhi beartach, tuitidh iad ann am buaireadh, agus ann an ribe, agus ann an iomad-anamhiann amaideach agus ciurrailg, a bhàthas daoine ann am milleadh agus ann an sgrios.

10 Oir is e gaol an airgid freumh gach uile: ni-am feadh a mhiann-aich dream àraidh, chaidh iad air

a fianuis.

b thog i suas.

c stri mu fhoclaibh.

f tairbhe:

d bualadh.

d gleidh.

g diubhhalach, dosgainneach, doch-annach.

## II. T I M.

seacharan o'n chreidimh, agus throimh-lot siad iad féin le iomadh crádh.

11 Ach thusa, O òglaich Dhé, teich o na nithibh sin: agus lean fireantachd, diadhachd, creidimh, grádh, foighidin, ceannsachd.

12 Còmhraig deadh chòmhrag a' chreidimh, gabh greim do'n bheatha mhaireannaich, chum mar an ceudna an do ghairmeadh thu, agus dh'aidich thu deadh aidmheil an làthair mòrain fhianuisean.

13 Sparram ort ann am fianuis Dé, a bheothaicheas na h-uile nithe, agus am fianuis Iosa Criosd, a rinn fianuis air deadh aidmheil an làthair Phontius Pilat;

14 Thu choimhead na h-àithne so gun smal, gun lochd, gu teachd ar Tighearna Iosa Criosd:

15 Ni ann a àmaibh féin a dh'fhoillsicheas an ti a ta beannuichte, agus a mhàin cumhachdach, Rìgh nan rìgh agus Tighearna nan tighearna;

16 Neach 'na aonar aig am bheil neo-bhàsmhorachd, a ta 'na chòm-

nuidh san t-solus, dh'ionnsuidh nach feudar teàchd, neach nach faca duine sam bith, agus nach mò dh'fheudas e fhaicinn: dhasangu robh onoir agus cumhachd siorruidh. Amen.

17 Thoir àithne do na daoineibh a ta saibhir san t-saoghal so, gun iad a bhi àrd-inntinneach, agus gun dòchas a chur ann an saibhreas neo-chinnteach, ach anns an Dia bheo, a tha toirt duinn nan uile nithe gu saibhir r'am mealtuinn:

18 Iad a dheanamh maith, iad a bhi saibhir ann an deadh oibribh, ealamh gu roinn b, comh-pàirteach;

19 A' tasgaidh suas doibh féin deadh bhunait fa chomhair an àm ri teachd, chum's gu'n dean iad greim air a' bheatha mhaireannaich.

20 O a Thimoteuis, coimhid an nìsin a dh'earbadh riut, a' seachnadh faoin-chomhraidh mi-naomha, agus comh-chogadh eolais d'an tiubhrar gu breugach an t-ainm sinc.

21 Ni air bhi do dhream àraidh ag aidmheil, chaidh iad air seacharan thaobh a' chreidimh. Gràs gu robh maille riut. Amen.

## DARA LITIR AN ABSTOIL PHIOL CHUM THIMOTEUIS.

### CAIB. I.

**P**OL abstol Iosa Criosd tre thoil Dé, a réir geallaidh na beatha, a tha ann an Iosa Criosd;

2 Gu Timoteus mo mhac gràdhach: gràs, tròcair, agus sìothchaint o Dhia an t-Athair, agus o Iosa Criosd ar Tighearn.

3 Bheiream buidheachas do Dhia, d'an deanam seirbhis o'm' shinnsiribh le coguis ghloin, gu bheil agam cuimhne ortsa a ghnàth a là agus a dh'oidhche ann am ùrnuighibh:

4 Air dhomh bhi ro-thogarrach air thusa fhaicinn, a' cuimhneachadh do dheura, chum gu'm bi mi air mo lionadh le gairdeachas:

5 'Nuair a cuimhnichas mi an creidimh neo-chealgach a tha annad-sa, a chòmhnuidh air tùs a d'd shean-mhàthair Lois, agus a d' mhàthair Eunice; agus is deimhin leam a tha annadsa mar an ceudna.

6 Air an aobhar so cuiream an cuimhne dhuit, thu dh'ath-bheoth-

achadh tiodhlaic Dhé, a tha annad tre chur mo làmhsa ort:

7 Oir cha d'thug Dia dhuinne spiorad na geilt; ach spiorad a' chumhachd, agus a' ghràidh, agus na h-inntinn fhallain.

8 Uime sin, na gabhsa nàire do fhianuis ar Tighearna, no dhiomsa a phriosunach: ach biodh do chuid àgad do àmhghar an t-soisgeil, a réir cumhachd Dhé;

9 A shaor sinne, agus a ghairm sinn le gairm naomha, cha'n ann a réir ar n-oibre, ach a réir a rùin féin agus a ghràis, a thugadh dhuinne ann an Iosa Criosd, roimh thoiseach an t-saoghail,

10 Ach a dh'fhoillsicheadh a nis tre theachd ar Slànuighir Iosa Criosd, a chuir as do'n bhàs, agus a thug beatha agus neo-bhàsmhorachd chum soluis, trid an t-soisgeil;

11 Chum an d'orduicheadh mise a'm' shearmonuiche, agus a'm'

b easguidh a thoirt an cuid uatha.  
c i. e. ainm eolais.

a Cuir deadh chath.

abstol, agus a'm' fhear-teagaisg nan Cinneach.

12 An t-aobhar fa'm bheil mi mar an ceudna a' fulang nan nithe so; gidheadh cha n'eil nàire orm: oir a ta fhios agam co ann a chreid mi, agus is dearbh leam gu bheil esan comasach air an ni sin, a dh'earb mi ris, a choimhead fa choinnar an là sin.

13 Cum gu daingean samhladh fìrinneach nam briathar fallain, a chuala tu uamsa, ann an creidimh agus ann an gràdh, a ta ann an Iosa Criosd.

14 Coimhid an taisgeach maith sin a dh'earbadh riut, trid an Spioraid naomh a tha chòmhnuidh annainn.

15 Tha fhios so agad, gu'n do phill iadsan uile a tha san Asia uamsa: d'am bheil Phigellus agus Hermogenes.

16 Gu'n d'thugadh an Tighearn tròcair do theaghlach Onesiphorus; oir is minic a thug e solas dhomhsa, agus cha do ghabh e nàire do m' shlabhraidh.

17 Ach an uair a bha e san Ròimh dh'iarr e mach mi gu dìchiollach, agus fhuair e mi.

18 Gu deònaicheadh an Tighearn dhasan gu'm faigh e tròcair o'n Tighearn san là sin: agus a ta sàr-fhios agad, cia lion nithe anns an d'rinn e frithealadh dhomhsa ann an Ephesus.

#### CAIB. II.

**U**IME sin bi-sa, a mhic, làidir anns a' ghràs a ta ann an Iosa Criosd.

2 Agus na nithe a chuala tu uamsa am measg mhòrain fhianaisean, earb thusa na nithe sin féin ri daoineibh fìrinneach, a bhios iomchuidh gu daoine eile a theagasg mar an ceudna.

3 Fuiling thusa uime sin cruaidh-chas, mar dheadh shaighdear Iosa Criosd.

4 Cha dean neach sam bith a leanas an cogadh e féin a ribeadh ann an gnothuichibh na beatha so: chum's gu'n toilich e an ti a thagh e gu bhi 'na shaighdear.

5 Agus mar an ceudna ge do ni fear air bith sbairn<sup>b</sup>, cha chrùnar e mur dean e sbairn gu dligeach.

6 Is còir do'n treabhaiche a shaoithricheas air tùs, combroinn fhaotainn do'n toradh.

7 Smuaintich air na nithibh a deir-eam; agus gu d'thugadh an Tighearnna dhuit tuigse anns na h-uile nithibh.

8 Cuimhnich gu'n do thogadh o

na marbhaibh Iosa Criosd, do shìol Dhaibhidh, a réir mo shoisgeilse.

9 Air son an bheil mise a' fulang mar fhear droch-bheirt, eadhon gu geimhlìbh; ach cha n'eil focal Dé ceangailte.

10 Uime sin iomchaiream na h-uile nithe air son nan daoine taghta, chum gu'm faigh iadsan mar an ceudna an t-slàinte a tha ann an Iosa Criosd, maille ri glòir shiorruidh.

11 Is ràdh fìor so, Ma bhàsaicheas sinn maille ris, gu'm bi sinn beo mar an ceudna maille ris:

12 Ma dh'fhuilgeas sinn, riogh-aichidh sinn mar an ceudna maraon ris: ma dh'àicheadhas sinn e, àicheadhaidh esan sinne mar an ceudna:

13 Ge nach creid sinn e, gidheadh tha esan a' fantuinn fìrinneach; cha n'eil e'n comas d'a e féin àicheadh.

14 Cuir na nithe sin an cuimhne dhoibh, a' cur sparraidh orra am fianuis an Tighearna, gun iad a bli comsachadh mu fhoclaibh, anns nach 'eil tairbhe sam bith, ach a thilgeas bun os ceann an luchd-éisdeachd.

15 Dean dìchioll air thu féin a nochdadh dearbhata do Dhia, a'd' shaoithraiche nach ruig a leas nàire a ghabhail, a roinn focal na fìrinneach gu ceart.

16 Ach seachain faoin-chainnt mhinnaomha; oir theid iad air aghaidh chum an tuilleadh mi-dhiadhachd.

17 Agus ithidh am focal mar chnàmhuinn; d'am bheil Himeneus agus Philetus;

18 Muinntir thaobh na fìrinneach a chaidh air seacharan, ag ràdh gu'n deachaidh an aiseirigh cheanaseach; agus a ta tilgeadh creidimh dream àraidh bun os ceann.

19 Gidheadh, a ta bunait Dhé a' seasamh daingean, aig am bheil an seula<sup>d</sup> so, Is aithne do'n Tighearn an droing sin a's leis. Agus, Gach neach a tha 'g ainmeachadh ainm Chriosd, tréigeadh e eucoir.

20 Ach ann an tigh mòr cha'n e mhàin gu bheil soithichean òir, agus airgid, ach mar an ceudna soithiche fiodha, agus creadhae; agus cuid diubh chum ònoir, agus cuid eile chum easonoir.

21 Uime sin ma ghlanas neach e féin uatha so, bithidh e 'na shoith each chum ònoir, air a naomhachadh, agus iomchuidh chum feim a'mhaighstir, deas chum gach uile dheadh oibre.

22 Teich uime sin o anamhiannaibh na h-òige: ach lean fìreantachd,

c Ge nach 'eil sinne fìrinneach.

a a chur an sàs. b gleachda, stri.

d scrìobhadh.

c criadha.

M

241

creidimh, gràdh, sìothchaint maille rìusan a ta gairm air an Tighearn o chridhe glan.

23 Ach seachain ceisdean amaid-eachagus neo-fhoghlumte, air dhuit fios a bhi agad gu'n tog iad conn-saichean a.

24 Agus cha'n fheud òglach an Tighearna bhi conspoideach; ach ciuin ris na h-uile dhaoineibh, ealamh chum teagasg, foighidneach,

25 Ann an ceannsachd a' teagasg na droinge a sheasas 'na aghaidh; dh'fheuchainn an d'thoir Dia uair air bith aithreachas dhoibh, chum aidmheil na firinn;

26 Agus air mosgladh dhoibh gun d'théid iad as o ribe an diabhoil, aig am bheil iad air am beo-ghlacadh chum a thoile.

### CAIB. III.

**A**CH biodh fhios so agad, gu'n d'thig anns na làithibh deir-eannach b' aimsire cunnartach.

2 Oir bithibh daoine féin-spéis-eil, sanntach, ràiteachail, uaibhreach, toibheumach, easumhal do phàrant-aibh, mi-thaingeil, mi-naomha,

3 Gun ghràdh nàdarra, 'nan luchd-brisidh comh-cheangail, tuaileasach, neo-gheamnuidh, borb, gun ghaol do'n mlaith,

4 Fealtach, ceann-laidir, àrdan-ach, aig am bheil barr gràidh do shaimh, na ta aca do Dha.

5 Aig am bheil coslas diadhachd, ach a ta 'gàicheadh a cumhachd; o'n leithidibh sin tionndas c' air falbh.

6 Oir is ann diùbh so a ta 'n droing sin a dh'èalaidheas d' a steach do thighibh, agus a bheir leo am braighdeanas mnaì shuarach air an uallachadh le peacaibh, air an iom-main le iomadh gnè anamhianna,

7 A' sìr-fhoghlum, agus gun chomas doibh gu bràth teachd chum eòlais na firinn.

8 Agus mar a chuir Iannes agus Iambres an agbaidh Mhaois, mar sin tha iadsan a' cur an agbaidh na fir-inn: daoine aig am bheil inntinn thruaillidh, gun tuigse thaobh a' chreidimh.

9 Ach cha d'théid iad ni's faide air an aghaidh: oir bithidh am mi-chiall follaiseach do na h-uile dhaoineibh, mar a bha am mi-chiall-san mar an ceudna

10 Ach a ta làn-fhios agad air mo theagasga, mo ghnè beatha, mo rùn, mo chreidimh, m'fhad-fhulangas, mo sheirc, m'fhoighidin,

11 Mo gheur-leamhuinnibh, m'fhulangais a thainig orm ann an Antioch, ann an Iconium, ann an Lистра; ciod e meud nan geur-leamhuinn a ghiùlain mi: ach asda uile shaor an Tighearn mi.

12 Seadh, fuilgidh iadsan uile, leis an àill am beatha a chaitheadh gu diadhaidh ann an Iosa Crìosd, geur-leamhuinn.

13 Ach fàsaidh droch dhaoine agus mealltairean ni's miosa agus ni's miosa, a' mealladh, agus air am mealladh.

14 Ach buanaich thusa anns na nithibh a dh'fhoghlum thu, agus air an d'rinneadh thu dearbh-fhiosrach f, air dhuit fios a bhi agad cia uaith a dh'fhoghlum thu iad;

15 Agus o bha thu a'd' leax-abh gu'm b'aithne dhuit na scriob-tuire naomha, a tha comasach air do dheanamh glic chum slàinte, tre'n chreidimh a ta ann an Iosa Crìosd.

16 Thu an scriobtuir uile air a dheachdadh le Spiorad Dé, agus tha e tarbhach chum teagasg, chum spreige, chum leasachaidh, chum oilein ann am fireantachd:

17 Chum gu'm bi òglach Dhé coimhlionta, làn deas chum gach uile dheadh oibre.

### CAIB. IV.

**S**PARRAM ort uime sin, am fian-uìs Dé, agus an Tighearna Iosa Crìosd, a bheir breth air na beothaibh agus air na marbhaibh, aig a' theachd dealrach agus ann a rioghachd:

2 Searmonaich am focal, bi dùrachdach ann an àm, is ann an an-àm: spreigs, cronaich, earailich leis an uile fhad-fhulangas agus theagasg.

3 Oir thig an t-àm anns nach bi fulang aca air teagasg fallain; ach air do chluasaibh tachasach bhi aca, càrnaidh iad suas dhoibh féin luchd-teagasg a réir an anamhianna.

4 Agus tionndaidh iad an cluasan o'n fhirinn, agus iompoichear iad chum sgeulachda faoine.

5 Ach dean thusa faire anns na h-uile nithibh, fuiling cruaidh-chas, dean obair soisgeulaiche, coimhlion h do mhinistireileachd.

6 Oir tha mi nis gu bhi air m'lob-radh, agus tha àm mo shiubhail am fagus.

7 Chòmhraig mi an deadh chòmh-rag, chrìochnaich mi mo thurus i, gbléidh mi an creidimh.

8 O so a mach taisgear fa m'

a tuasaidean. b làithibh ri  
teachd. c pill-sa. d ghoideas.  
e ghràdh.

f a dh'earbadh riut. g tagair,  
dearbh. h thoir lan dearbhadh air.  
i mo cheimhliong, mo réis.



chombair crùn sireantachd, a bheir an Tighearn, am breitheamh cothromach, dhomh san là ud: agus cha'n ann dhomhsa a mhàin, ach dhoibhsan uile mar an ceudna leis an ion-mhuinn a theachdsan<sup>a</sup>.

9 Dean do dhìchioll air teachd a m' ionnsuidh gu luath.

10 Oir thréig Demas mi, air dha an saoghal so ta làthair a ghràdhachadh, agus chaidh e do Thesalonica; Crescens do Ghalatia, Titus do Dalmatia.

11 Tha Lucas 'na aonar maille rium. Gabh Marcus agus thoir leat e: oir tha e feumail dhomhsa chum na ministreileachd.

12 Ach chuir mi Tichicus gu h-Ephesus.

13 An fhalluing a dh'fhàg mi ann an Troas aig Carpus, 'nuair a thig thu, thoir leat, agus na leabhraichean, ach gu h'àraid na meambrana b.

14 Rinn Alecsander an ceard-umha ionad oile orm: gu tugadh e an Tighearn dha a réir a ghnìomhara.

15 Bi thusa mar an ceudna air t'fhaicill uaith, oir chuir e gu mòr an aghaidh ar briatharne.

16 Aig mo cheud fhreagrachd cha robh aon neach leam, ach thréig na h-uile mi: nar agrar orra e.

17 Gidheadh, sheas an Tighearn làimh rium, agus neartaich e mi; chum triomsa gu'm biodh an searmonachadh air a làn-fhoillseachadh d, agus gu'n cluinneadh na Cinnich uile e: agus shaoradh mi a beul an leomhain.

18 Agus saoraidh an Tighearn mi o'gach uile dhroch obair, agus gleidhidh e mi chum a rioghachd nèamhaidh féin: dhasan gu robh glòir gu saoghal nan saoghal. Amen.

19 Cuir fàilte air Prisca, agus Acula, agus air teaghlach Onesiphorus.

20 Dh'fhan Erastus ann an Corinthus: àch dh'fhàg mi Trophimus gu tinn ann am Miletum.

21 Deandìchioll air teachd roimh'n gheamhradh. Tha Eubulus, agus Pudens, agus Linus, agus Claudia, agus na bràithrean uile a' cur fàilte ort.

22 Gu robh an Tighearn Iosa Crìosd maille ri d' spiorad. Gràs maille ribh. Amen.

## LITIR AN ABSTOIL PHOIL CHUM THITUIS.

### CAIB. I.

**P**OL seirbhiseach Dhé, agus abstol Iosa Crìosd, a réir creidimh e dhaoine taghta Dhé, agus aidmheil na firinn, a ta réir diadbachd:

2 Ann an dòchas na beatha mair-eannaich, a gheall Dia do nach comasach f breug a dheanamh, roimh chruthachadh an t-saoghail g;

3 Ach dh'fhoillsich e fhocal féin, ann an àm iomchuidh tre shearmonachadh, a dh'earbadh riumsa, a réir àithne Dhé ar Slanuighir:

4 Chum Thituis mo dhearbhadh mhac féin a réir a' chreidimh choitchionn: Gràs, tròcair, agus sìth o Dhia an t-Athair, agus o'n Tighearn Iosa Crìosd ar Slanuighear.

5 Air a shon so dh'fhàg mi thu ann an Crete, chum gu'n cuireadh tu'n ordugh na mìthe a dh'fhàgadh gun deanamh, agus gu'n suidhich-

eadh tu seanairean anns gach baile, a réir mar a dh'àithn mise dhuit.

6 Ma tha neach sam bith neo-lochdach, 'na fhear aon mhna, aig am bheil a chlann creideach, nach 'eil fuidh mhi-chliu thaobh ana-caitheimh, no easumhal.

7 Oir is còir do easbuig a bhi neo-choireach, mar stiùbhard Dhé; gun bhi féin-thoileil, no feargach, no òlmhar, no buailteach, no cionail air buannachd neo-ghloin;

8 Ach aoidheil, déidheil air daoineibh maithe, ciallach, cothromach, naomha, measarra;

9 A' cumail an fhocail fhìor gu daingean, a réir teagaisg chum gu'm bi e comasach le teagasg fallain, araon earail a thabhairt, agus an dream a sheasas 'na aghaidh chur as am harail.

10 Oir a ta mòran ann a tha mi-

<sup>a</sup> fhoillseachadh-san. <sup>b</sup> parchments. Sasg. <sup>c</sup> bheir. <sup>d</sup> air a dheanamh aithnichte, air a choimhlionadh. <sup>e</sup> air son creidimh. <sup>f</sup> aithne. <sup>g</sup> roimh amannan nan linn. <sup>h</sup> chumanta.

riaghaiteach, a labhras gu dìomhain agus a tha 'nam mealltairibh, gu h-àraidh iadsan a tha do'n timchioll-ghearradh:

11 Muinntir a's còir am beul a dhruideadh, droing a tha tionndadh thighean iomlan bun os ceann, a' teagasg nan nithe nach còir, air ghaol buannachd shalaidh.

12 A thubhairt neach àraidh dhiubh féin, eadhon fàidh dhiubh féin, *Is breugoirean a ghnàth na Cretich*, droch fhiadh-bheathaichean, builg mhall.

13 Tha an fhianuis so fìor: air an aobhar sin, spreig a gu geur iad, chum gu'm bi iad fallain sa' chreidimh;

14 Gun bhi tabhairt aire do fhaoin-sgeulachdaibh Iudhach, agus do àitheantaibh dhaoine, a thionndaidheas o'n fhirinn.

15 Oir gu deimhin tha na h-uile nithe glan do'n droing a ta glan: ach dhoibhsan a ta salach, agus mi-chreideach, *cha 'nèil* aon ni glan; ach tha an inntinn agus an coguis b' féin air an salachadh.

16 Tha iad a' gabhail orra eòlas a bhi aca air Dia; ach ann an oibribh tha iad 'ga àicheadh, air dhoibh bhi gràineil, agus easumhal, agus a fhaobh gach deadh oibre as eugmhais tuigse.

## CAIB. II.

**A**CH labhair thusa na nithe a thig ri teagasg fallain:

2 Eadhon na daoine aosda bhi aireach, suidhichte, measarra, fallain sa' chreidimh, ann an gràdh, ann an foighidin:

3 Mar an ceudna na mnàì aosda bhi 'nan giùlan mar is cublaidh do naomhachd, gun bhi 'nan luchd-tuail-eis, gun bhi trom air fìon, bhi 'nan luchd-teagaisg air nithibh maith;e.

4 Chum's gu'n teagaisg iad na mnàì òga bhi ciallach, gràdhach air am fearaibh, gràdhach air an cloinn,

5 Bhi eagnuidh, geamnuidh, fau-tuinn aig an tigh, bhi maith, ùmhal d'am fearaibh, chum nach saigh focal d'è mi-chliu.

6 Cuir impidh air na daonibh òga mar an ceudna, iad bhi ciallach.

7 Anns na h-uile nithibh 'gad nochdadh féin ann ad eisempleir dheadh oibre: ann an teagasg a' nochdadh neo-thruaillidheachd, suidheachadh intinn, tréibhdhireis.

8 Cànnt fhallain nach fhodar a

<sup>a</sup> cronaich. <sup>b</sup> coimh-fhios, coinsiens.

<sup>c</sup> mi-ghleusda, neo-icm-

chuidh chum gach deadh oibre.

<sup>d</sup> na seanairean. <sup>e</sup> fonnmhor.

dhiteadh; chum's gu'm bi nàire air an neach a ta 'nar n-aghaidh, a chionn nach 'eil droch ni sam bith aige r'a labhairt umaibh.

9 Earailich scribedh bhi ùmhal d'am maighstiribh féin, agus an deadh-thoileachadh anns na h-nile nithibh: gun bhi a' labhairt 'nan aghaidh,

10 Gun bhi a' ceileachadh aon ni d'an cuid, ach a' nochdadh gach uile dheadh thairisneachd; chum gu'n dean iad teagasg Dhé ar Slànuighir maiseach anns na h-uile nithibh.

11 Oir dh'fhoillsicheadh gràs slàinteil Dhé do na h-uile dhaoimibh,

12 A' teagasg dhuinn gach mi-dhiadhachd agus anamhianna saogh-alta àicheadh, agus ar beatha a chaitheadh gu stuama, go cothromach, agus gu diadhaidh anns an t-saoghal so làthair;

13 Air dhuinn sùil a bhi againn ris an dòchas bheannuichte sin, eadhon f'foillseachadh glòire an Dé mhòir, agus ar Slànuighir Iosa Crìosd,

14 A thug e féin air ar son, chum gu'n saoradh e sinn o gach aingidheachd, agus gu'n glanadh e dha féin sluagh sonraichte, eudmhor mu dheadh oibribh.

15 Na nithe so labhair agus earailich, agus cronaich leis an uile ùghdarras. Na deanadh duine sam bith tàir ort.

## CAIB. III.

**C**UIR an cuimhne dhoibh bhi ùmhal do uachdaranachdaibh agus do chumhachdaibh, freagarrach do luchd-riaghlaidh, ullamh chum gach uile dheadh oibre,

2 Gun olc a labhairt mu neach air bith, bhi neo-thusaideach, min, a' taisbeanadh an uile cheannsachd do na h-uile dhaoimibh.

3 Oir bha sinne féin uair-eigin ea-céillidh, easumhal, air seacharan, a' deanamh seirbhis do iomadh gnè do anamhiannaibh agus do an-toilb, a' caitheadh ar beatha ann an mìorun agus am farnad, fuath-thoilteanach, agus a' toirt fuath d'a chèile.

4 Ach an uair a dh'fhoillsicheadh coimhneas agus gràdh Dhé ar Slànuighir do dhaoimibh,

5 Cha'n ann o oibribh fireantachd, a rinn sinne, ach a réir a thròcair féin shaor e e sinn tre ionnlad na h-ath ghineamhuinn, agus athnuadhachadh an Spioraid naoimh:

6 A dhòirt e oirne gu saibhir, trid Iosa Crìosd ar Slànuighir;

7 Chum air dhuinn bhi air ar

<sup>f</sup> agus.

<sup>g</sup> shlànùich.

fireanachadh trid a ghràis-sàn, gu'm bitheamaid air ar deanaibh 'nar n-oighreachaibh a réir dòchais na beatha maireannaich.

8 Is fíor an ràdh so, agus is àill leam thu thoirt dearbh-chinnté air na nithibh sin, chum gu'm biodh iad-sa, a chreid ann an Dia, cùramach air toiseach à bhí aca ann an deadh oibribh: oir tha na nithe so maith agus tarbhach do dbaoibh.

9 Ach seachain ceisdean amaid-each, agus sloinnteachd, agus conspoidean, agus consachadh mu'n lagh: oir tha iad gun fairbhe agus dìomhain.

10 Duine a ta 'na shaobh-chreid-each, an déigh na ceud agus an dara combairle, diùlt:

11 Air do fhios bhí agad gu bheil a leithid sin do dhuine air a chur bun os ceann, agus gu bheil e a'

peacachadh, air dha bhí air fhéin-dhiteadh.

12 'Nnair a chuireas mi Artemas a d' ionnsuidh, no Tichicus, dean diùlt air teachd a m' ionnsuidh gu Nicopolis: oir is ann an sin a chuir mi romham an geamhradh a chaith-eadh.

13 Thoir Senas am fear-lagha, agus Apollos air an aghaidh san t-slighe gu dùrachdach, chum nach bi mi air bith dh'nireasbhuidh orra.

14 Agus foghlumadh ar muinntir-ne mar an ceudna deadh oibre a dheanaibh gu dùrachdach fa chomh-air ghnàthachadh feumail, chum nach bi iad neo-tharbhach.

15 Tha'n droing a ta maille rium uile a' cur fàilte ort. Cuir fàilte orrasan le'n ionmhuinn sinne sa' chreidimh. Gràs maille ribh uile. Amen.

## LITIR AN ABSTOIL PHOIL CHUM PHILEMOIN.

### CAIB. I.

**P**OL priosunach Iosa Crìosd, agus Timoteus ar bràthair, chum Philemoin a's ionmhuinn leinn, agus ar comh-shaothraiche,

2 Agus chum Apphia ionmhuinn, agus Archipuis ar comh-shaighdear, agus chum na h-eaglais a ta ann do thigh:

3 Gràs gu robh dhuibh, agus sìth o Dhia ar n-Athair, agus o'n Tighearn Iosa Crìosd.

4 Bheiream buidheachas do m' Dhia, a' sir-thoirt luadh' ortsa ann am ùrnuighibh,

5 Air dhomh bhí cluinntinn mu d' ghràdh, agus chreidimh, a tha agad a thaobh an Tighearna Iosa, agus a thaobh nan uile naomh;

6 Chum gu'm bi comh-chomunn do chreidimh éifeachdach ann an aidmheil an uile mhaith, a tha ann-aibh ann an Iosa Crìosd.

7 Oir tha subhachas ro mhòr agus comhfhurtachd againne ann do ghràdhsa, do bhrìgh gu bheil innigh b nan naomh air faotainn suaimhneis c trid-sa, a bhràthair.

8 Uime sin ge d'fheadainn bhí ro dhàna ann an Crìosd, chum an nì a ta ionchuidh àithneadh dhuitse.

9 Gidheadh is fearr leam air son

gràidh impidh chur ort d, air bhí dhomh mar Phòl aosda, agus a nis mar an ceudna a m' phriosunach air son Iosa Crìosd.

10 Guidheam ort air son mo mhic Onesimuis, a ghin mi ann am gheimhlibh:

11 Neach a bha uair-eigin neo-tharbhach dhuitse, ach a nis a tha tarbhach dhuitse agus dhomhsa:

12 Neach a chuir mi air ais: uime sin gabhsa ris mar ri m' innigh féin.

13 Neach bu mhiann leam a chumail maille rium féin, chum gu'n deanadh e frithealadh dhomh ann ad ionadsa, ann an geimhlibh an t-sois-geil.

14 Ach as eugmhais t'inntinnse cha bu toil leam nì sam bith a dhean-anh; chum nach biodh do mhaithse mar gu b'ann a dh'aindeoin, ach o d' thoil féin.

15 Oir theagamh gur ann air a shon so a dh'fhàg e thu e rè tamail, chum gu'm faigheadh tu e gu sìor-ruidh;

16 Cha'n ann a so suas mar sheirbhiseach, ach os ceann seir-bhisich, 'na bhràthair gràdhach gu h-àraid dhomhsa, agus nach m' na

a eiriceach. b cridhe. c fois.

d guidheadh ort. e a dhealaich-eadh e uait.

sin dhuitse, aron anns an fheòil, agus anns an Tighearn?

17 Uime sin ma mheasas tu mise mar fhear comh-roinne, gabh ris-san mar rium féin.

18 Agus ma rinn e eucoir ort, no ma dhligheas ea ni sam bith dhuit, cuir sin as mo lethse.

19 Scriobh mise Pòl le m' làimh féin e, agus diolaidh mi e: ge nach abram riut, gu'n dlighear leat thu féin os bàrr dhomh.

20 Seadh, a bhràthair, faigheam gairdeachas uait san Tighearn: dean suaimhneach mo chridhe san Tigh-earn.

21 Air dhomh bhi earbsach a d'ùghl-chd scriobh mi a t'ionnsuidh, oir tha fhios agam gu'n dean thusa mar an ceudna ni's mò na a deiream.

22 Ach maille ri so ulluich mar an ceudna faddeach fa m' chomhair: oir tha dòchas agam, trid bhur n-ùrn-uigheansa, gu'n tiubhrar<sup>b</sup> mi dhuibh.

23 Tha Epaphras mo chomh-phriosunach ann an Iosa Criosd,

24 Marcus, Aristarchus, Demas, Lucas, mo chomh-luchd-oibre, a' cur fàilte ort.

25 Gràs ar Tighearna Iosa Criosd gu robh maille ri'r spioradsa. Amen.

## LITIR AN ABSTOIL PHOIL CHUM NAN EABHRUIDHEACH.

### CAIB. I.

**D**IA, a labhair o shean e gu minic, agus air iomadh dòigh ris na h-aithrichibh leis na fàidhibh,

2 Labhair e anns na làithibh deireannach so ruinne trid a Mhac, a dh'orduich e 'na oighre air na h-uile nithibh, tre'n do chruthaich e fòs na saoghal.

3 Neach air bhi dha 'na dhealradh a ghloire-san, agus 'na fhìor iomhaigh<sup>d</sup> a phearsaidh, agus a' cumail suas nan uile nithe le focal a chumhachd, 'nuair a ghlan e ar peacaidhne do thrìd féin, shuidh e air deas làimh na mòrachd anns na h-èrdaibh:

4 Air dha bhi air a dheanamh ni's ro òirdheirce na na h-aingil, mheud gu'n d'fhuair ee mar oighreachd ainm bu ro fhearr na iadsan.

5 Oir cò do na h-aingil ri's an dubhairt e nair air bith, Is tu mo Mhacsa, an diugh ghin mi thu? agus a ris, Bithidh mise a'm' Athair dhasan, agus bithidh esan 'na Mhac dhomhsa?

6 Agus a ris, 'nuair a tha e a tabhairt a' cheud-ghin a steach do'n t-saoghal, a deir e, Agus deanadh uile aingil Dé aoradh dha.

7 Agus a thaobh nan aingeal a deir e, Neach a ta deanamh aingle 'nan spioradaibh<sup>f</sup>, agus a mhinisteir-ean nan lasa'r theine.

8 Ach ris a Mhac a deir e, Tha do rìgh-chaithir, a Dhé, gu saoghal nan saoghal; is slat-rioghail ro chothromach slat do rioghachd sa:

9 Ghràdhaich thu fireantachd, agus thug thu fuath do aingidheachd; uime sin dh'ùg Dia, do Dhia-sa, thu le h-oladh aoibhneis os ceann do chompanacha.

10 Agus, Leag thusa, a Thighearn, bunaite na talmhainn air tùs; agus is iad na n-eamha oibre do làmh.

11 Teirgidh iadsan, ach mairidh tusa: agus fàsaidh iad uile sean mar endach;

12 Agus fillidh tu iad mar bluat, agus caochlaidhear iad: ach is tusa an ti ceudna, agus cha'n fhàilnich do bhliadhnan.

13 Ach cò do na ainglibh ris an dubhairt e nair air bith, Suidh air mo dheas-làimh, agus an cuir mi do naimhde 'nan stòl-chos fuidh d'chos-aibh?

14 Nach spiorada frithealaidh iad uile, air an cur a mach chum frith-ealaidh dhoibhsan, a bhios 'nan oighreachaibh air slàinte?

### CAIB. II.

**U**IME sin is còir dhuinn an ro thuilleadh aire a thoirt do na nithibh a chuala sinn, air eagal nair sam bith gu'n leigeamaid ruith leo.

2 Oir ma bha am focal a labhradh le h-ainglibh seasmach, agus gu'n

<sup>a</sup> ma tha e am fachaibh.  
<sup>b</sup> h-àmaibh a chaidh seachad.  
<sup>c</sup> na h-aingil as a fhuair e.

<sup>d</sup> dednuichear, tiodhlaicear.  
<sup>e</sup> dhealbh, riochd.  
<sup>f</sup> a theachdoirean 'nan gaothaibh.



d'fhuair gach uile bhriseadh agus easumhlachd diol-thuarasdal dlìgh-each;

3 Cionnus a théid sinne as, ma ni sinn dimeas air sláinte co mòr, a thòisich an tús air bhi air a labhairt leis an Tighearn, agus a rinneadh dearbhta dhuinne leosan a chual e;

4 Air bhi do Dhia a' deanamh comh-fhianuis leo, araon le comhar-aibh agus le h-iongantasaibh, agus le feartaibh eagsambla a, agus le tiodhlacaibh an Spioraid naomh, a réir a thoile féin?

5 Oir cha do chuir e fuaidh cheannsal ran aingeal an saoghail ri teachd, mu'm bheil sinn a labhairt.

6 Ach rinn neach fianuis ann an ionad àraidh, ag ràdh, Ciod e an duine gu'n cuimhnichheadh tu air? no mac an duine gu'm fiosraicheadh tu e?

7 Rinn thu e rè tamuill bhig nì's isle na na h-aingil; chrùn thu e le glòir agus le h-onoir, agus chuir thu e os cean oibre do làmh.

8 Chuir thu na h-uile nithe sìos fuaidh a chosaibh. Oir ann an cur nan uile nithe fuaidhe dha, cha d'fhàg e ni air bith gun chur fuaidhe. Ach a nis cha 'n'eil sin a' faicinn nan uile nithe fathast air an cur fuaidh a cheannsal.

9 Ach chi sinn Iosa, a rinneadh rè ùine bhig ni b'isle na na h-aingil, chum tre ghràs Dé gu'm blaiseadh e bàs air son gach uile dhuine, tre fhulang a' bhàis air a chrùnadh le glòir agus le h-onoir.

10 Oir b'iomchuidh dhasan, air son am bheil na h-uile nithe, agus tre'm bheil na h-uile nithe, ann an tabhairt mhòrain mhac chum glòire, ceannard an sláinte a dheanamh foirfe tre fhulangasaibh.

11 Oir a ta araon an ti a naomhaicheas, agus iadsan a naomhaichear, uile o aon: air an aobhar sin cha nàr leis bràithrean a ghairn diubh,

12 Ag ràdh, Cuiridh mi t-ainm an céill do' m' bhràithribh, ann am meadhon na h-eaglais seinnidh mi cliù dhuit.

13 Agus a ris, Cuiridh mi mo dhòchas ann. Agus a ris, Feuch mise, agus a' chlann a thug Dia dhomh.

14 Uime sin, mheud gu bheil aig a' chloinn comh-roinn do fheòil agus do fhuil, ghabh csan mar an ceudna roinn d'ubh sin: chum tre'n bhàs gu'n claoidheadh e esan, aig am bheil cumhachd a' bhàis, 'se sin, an diabhol;

15 Agus gu'n saoradh e iadsan a bha trid eagail a' bhàis rè am beatha uile fuaidh dhaorsa.

16 Oir gu deimhin cha do ghabh e nàdur nan aingeal air; ach ghabh e sìol Abraham air.

17 Uime sin b'fheumail da anns na h-uile nithibh bhi air a dheanamh cosmhuil r'a bhràithribh; chum gu'm biodh e 'na àrd shagart trècaireach agus dileas ann an nithibh a thaobh Dhè, chum réite dheanamh air son pheacanna an t-sluaigh:

18 Oir a mheud gu'n d'fhuiling e féin, air dha bhi air a bhuaireadh, is comasach e air cabhair a dheanamh orrasan a ta air am buaireadh.

## CAIB. III.

UIME sin, a bhràithre naomha, a ta 'nar luchd-comh-pairt do'n ghairm nèamhaidh, thugaibh fàinear Iosa Crìosd, abstol agus àrd shagart ar n-aidmheil;

2 A bha dileas dhasan a dh'orduich e, amhuil a bha Maois mar an ceudna 'na thighsan uile.

3 Oir mheasadh gu'm b'fhiu an Ti so glòir bu mhò na Maois, mheud gu bheil tuilleadh urraim aig an neach a thog an tigh, na aig an tigh féin.

4 Oir tha gach uile thigh air a thogail le aon eigin; ach an ti, a thog na h-uile nithe, is e Dia.

5 Agus gu deimhin bha Maois dìlcas 'na thighsan uile mar sheir-bhiseach, chum fianuis air na nithibh sin, a bha gu bhi air an labhairt an déigh sin;

6 Ach Crìosd mar Mhac os ceann a thighe féin: agus is sinne a thighsan, ma chumas sinn dànachd, agus gairdeachas an dòchais, gu daingean gus a' chrìoch.

7 Uime sin mar a deir an Spiorad naomha. An diugh, ma chluinneas sibh a ghuth,

8 Na cruaidhichibh bhur cridhe: mar anns a' bhrosnachadh, ann an latha a' bhuaireadh san fhàsach:

9 Far an do bhuaireadh bhur n-aithriche mi, agus a dhearbhadh iad mi, agus a chumhaic iad m'òibre rè dha fhichead bliadhna.

10 Uime sin bha diom orm ris a ghinealach sin, agus thubhairt mi, Tha iad a ghnàth air seacharan 'nan cridhe; agus cha do ghabh iad eolas air mo shligheibhse.

11 Ionnas gu'n d'thug mi mo mhionnan a'm fheirg, Nach d'théid iad a steach do m' shuaimhneas.

12 Thugaibh an aire, a bhràithre,

b'cha do ghabh e greim do na h-aingilbh.

air eagal gu'm bi ann an aon neach  
agaibh droch cridhe mi-chreidimh,  
anns an Dia bheo a thréigsinn.

13 Ach earaillichibh a chéile gach  
aon là, am feadh a ghoirear An latha  
'n diugh dheth; air eagal gu'n  
cruaidhichear neach air bith agaibh  
tre mhealltoireachd a' pheacaidh.

14 Oir rinneadh sinne 'nar luchd-  
cemh-pairt do Chrìosd, na chumas  
sinn toiseach ar muinghin gu daing-  
ean gus a' chrìoch;

15 Am feadh a deirear, An diugh,  
ma chluinneas sibh a ghuth, na  
cruaidhicibh bhur cridhe, mar anns  
a' bhrosnachadh.

16 Oir air do dhream àraidh  
cluinntinn, bhrosnaich iad: ach nì'm  
b'iadsan uile a thainig a mach as an  
Eiphit le Macis.

17 Ach cò ris a bha diom air  
rè dhà fhichead bliadhna, nach ann  
riusan a pheacaidh, muinntir a thuit  
an coluinn anns an fhàsach?

18 Agus cò iad d'an d'thug e a  
mhionnan nach rachadh iad a steach  
d'a shuaimhneas<sup>a</sup>, ach dhoibhsan  
nach do chreid<sup>b</sup>?

19 Mar so chi sinn nach b'urrainn  
iad dol a steach air son mi-chreidimh.

#### CAIB. IV.

**U**IME sin biodh faicheadh<sup>c</sup> oirnn,  
air eagal air bhi do gkealladh  
dol a steach d'a shuaimhneas air  
fhàgail againn, gu'n d'thigeadh aon  
neach agaibh<sup>d</sup> a dhéidh-làimh air.

2 Oir shearmonaicheadh an sois-  
geul, duinne, amhuil a rinneadh  
dhoibhsan: ach cha robh tairbhe  
dhoibh anns an fhocal, a chaidh  
shearmonachadh, do bhrìgh nach  
robh e air a mheasgadh le creidimh  
anns an droing a chual e.

3 Oir tha sinne a chreid a' dol a  
steach do shuaimhneas, amhuil a  
thubhairt e, Mar a thug mi mo  
mhionnan a'm' fheirg, Nach d'théid  
iad a steach do m' shuaimhneas: ge  
do bha na h-oibre crìochnaichte o  
thoiseach an t-saoghail.

4 Oir labhair e ann an ionad àraidh  
mu'n t-seachdamh là air an dòigh  
so, Agus ghabh Dia fois air an  
t-seachdamh là o oibribh uile.

5 Agus anns an ionad so a ris,  
Nì'n d'théid iad a steach do m'  
shuaimhneas.

6 Do bhrìgh uime sin gu'n tuig-  
ear uaith so gu'n d'théid dream  
àraidh a steach ann, agus nach  
deachaidh an dream d'an do shear-  
monaicheadh e air tùs, a steach air  
son am mi-chreidimh;

7 A ris, tha e suidheachadh là  
àraidh, ag ràdh ann an Daibhidh, An  
diugh, an déigh aimsir co fhada;  
mar a deirear, An diugh, ma chluinn-  
eas sibh a ghuth, na cruaidhicibh  
bhur cridhe.

8 Oir nam biodh Iosuae air toirt  
suaimhneis dhoibh, cha labhradh e  
an déigh sin mu là eile.

9 Uime sin dh'fhàgadh fois fa  
chomhair sluaigh Dé.

10 Oir an ti a chaidh steach d'a  
shuaimhneas-san, ghabh esan tàmh  
o oibribhsan, amhuil a ghabh Dia o  
oibribh féin.

11 Deanamaid dìchioll uime sin  
air dol a steach do'n t-suaimhneas  
sin, air eagal gu'n tuit aon neach  
a réir eisempleir cheudna a' mhi-  
chreidimh<sup>f</sup>.

12 Oir tha focal Dé beo agus  
cumhachdach, agus nì's géire na  
claidheamh dà-fhaobhair air bith, a'  
ruigheachd eadhon chum eadar-sgar-  
aidh an anama agus an spioraid, agus  
nan alt agus nan sinear, agus a' toirt  
breth air smuaintibh agus rùnaibh<sup>g</sup>  
a' chridhe.

13 Agus cha 'n'eil creutair sam  
bith nach 'eil follaiseach 'na làthair-  
san: ach a ta na h-uile nithe lom-  
nochd, agus fosgailte do shùilibh an  
ti, d'am feum sinn cunntas a thabh-  
airth.

14 Do bhrìgh uime sin gu bheil  
againn àrd shagart mòr, a chaidh a  
steach do na nèambaibh, Iosa Mac  
Dhé, cumamaid gu daingean ar  
n-aidmheil.

15 Oir cha 'n'eil àrd shagart  
againn nach 'eil comasach air comh-  
fhulangas a bhiaiger<sup>h</sup> arn-anmhuinn-  
eachdaibh; ach a bhuaireadh sna  
h-uile nithibh air an dòigh cheudna  
ruinne, ach as eugmha<sup>i</sup> peacaidh.

16 Thigearmaid uime sin le dànachd  
gu rìgh-chaithir nan gràs, chum gu  
faigh sinn tròcair, agus gu'n amais  
sinn air gràs chum cabhair ann an  
àm feuma.

#### CAIB. V.

**O**IR tha gach uile àrd shagart,  
air a thoirt o mheasg dhaoine,  
air orduchadh air son dhaoine ann an  
nithibh a thaobh Dhé, chum gu'n  
toir e suas aracon tiodhlacan agus  
ìobairtean air son pheacanna:

2 Neach a ta comasach air truas a  
ghabhail ris an droing a taaineolach,  
agus air seacharan; do bhrìgh gu  
bheil e féin mar an ceudna air a  
chuartachadh le h-anmhuinneachd:

<sup>c</sup> Iosa.

<sup>f</sup> easumhlachda.

<sup>g</sup> breithneachaibh.

<sup>h</sup> ris am bheil

ar gnothuchne.

<sup>i</sup> gu'm faigh sinn.

<sup>a</sup> fhois.

<sup>b</sup> a bha easumhal.

<sup>c</sup> eagal.

<sup>d</sup> dhinn.

3 Agus air a shon so, is còir dha iobradh air son peacaidh, mar as leth an t-sluaigh, is amhuil sin as a leth féin mar an ceudna.

4 Agus cha ghabh aon duine an onoir so dha féin, ach an ti a ta air a ghairm o Dhia, mar bha Aaron :

5 Is amhuil sin, cha do ghlòraich Criosd e féin, gu bhi air a dheanamh 'na àrd shagart; ach an ti a thubhairt ris, Is tu mo Mhac, an dingh ghin mi thu.

6 A réir mar a deir e mar an ceudna ann an ionad eile, Is sagart thu gu sìorruidh a réir orduigh<sup>a</sup> Melchisedeic.

7 Neach ann an làithibh fheòla, an déigh dha ùrnuighean agus ath-chuingean, maille ri h-àrd éighich agus deuraibh, dh'ìobradh suas do'n ti a bha comasach air a shaoradh o'n bhàs, agus dh'éisdeadh ris thaobh an ni romh an robh eagal air.<sup>b</sup>

8 Ge bu Mhac e, dh'fhoghlum e ùmhlachd o na nithibh a dh'fhuiling e :

9 Agus air dha bhi air a dheanamh foirfe, rinneadh e 'na ùghdar slàinte shìorruidh dhoibhsan uile, a bhios ùmhal dha;

10 Air a ghairm le Dia 'na àrd shagart, a réir orduigh Mhelchisedeic.

11 Mu'm bheil mòran againn r'a labhairt, agus cruaidh r'am mìneachadh; do bhrìgh gu bheil sibh mall 'nar n-éisdeachd.

12 Oir ge d' bu chòir dhuibh a réir na h-aimsir bhi 'nar luchd-teagaisg, tha feum agaibh gu'n teagaisgeadh neach dhuibh a ris cìod iad cend-thoiseacha bhriathar<sup>c</sup> Dhé; agus tha sibh air teachd chum na h-inbhe sin, gur mò a ta bainne dh'uireashuidh oirbh, na biadh làidir.

13 Oir gach neach a ta gnàthachadh bainne, tha e neo-theòmadh<sup>d</sup> air focal na fireantachd: oir is naoidhean e.

14 Ach is ann do dhaoineibh foirfe a bhuineas biadh làidir, aig an bheil an ceudfaidh, tre ghnàthachadh fada, air an cleachdadh ri eadar-dhealachadh chur eadar maith agus olc.

#### CAIB. VI.

**U**IME sin air fàgail duinn ceud-thoiseacha teagaisg Chriosd, rachamaid air ar n-aghaidh chum foirfeachd; gun bhi ris a' suidheachadh bunaite aithreachais o oibribh marbha, agus creidimh thaobh Dhé,

<sup>a</sup> coslais. <sup>b</sup> thugadh fuasgladh dha o eagal. <sup>c</sup> oracla. <sup>d</sup> neo-iùlmhar.

2 Bunaite teagaisg nam bàsde agus leagaidh nan làmh, agus aiseirigh nam marbh, agus breitheanaibh shìorruidh.

3 Agus ni sinn so, ma cheadaicheas Dia.

4 Oir is eucomasach an droing sin, a chaidh aon uair a shoillseachadh, agus a bhlais an tiodhlac nèamhaidh, agus a rinneadh 'nan luchd-comh-pairt do'n Spiorad naomh,

5 Agus a bhlais deadh fhocal Dé, agus cumhachdan an t-saoghail ri teachd e,

6 Agus a thuit air falbh, ath-nuadhachadh chum aithreachais: do bhrìgh gu bheil iad a' ceusadh Mhic Dhé a ris dhoibh féin, agus 'ga chur gu nàire fhollaisich f.

7 Oir an talamh a dh'òlas a steach an t-uisge, a tha teachd gu minic air, agus a bheir uaith luibheanna iom-chuidh do'n droing leis an saothraichear e, gheibh e beannachadh o Dhia:

8 Ach an talamh sin a bheir uaith droighionn agus drisean, tha e air a chur air cùl, agus fagus do mhallachadh; d'an deireadh bhi air a losgadh.

9 Ach is dearbh leinn nithe a's fearr mu'r timchiollsa, a mhuinntir ionmhuinn, agus nithe a tha dlùth do shlàinte, ge do tha sinn a' labhairt mar so.

10 Oir cha'n'eil Diama-chothromach, gu'n di-chuimhuicheadh e obair agus saothair bhur gràidh, a nochd sibh a thaobh ainmesan, am feadh gu'n d'rinn sibh frithealadh do na naomhaibh, agus gu bheil sibh a' frithealadh.

11 Agus is miann leinne gu'n dean gach aon agaibh an dùrachd ceudna a nochdadh, chum làn-dearbhaidh an dòchais gus a' chrìoch:

12 Chum nach bi sibh leasg, ach 'nar luchd-leanmhuinn orrasan, a tha tre chreidimh agus fhoighidin a' sealbhachadh nan geallanna.

13 Oir an nair a thug Dia gealladh do Abraham, do bhrìgh nach feudadh e mionnan a thoirt air neach bu mhò, thug e mionnan air féin.

14 Ag ràdh, Gu firinneach, beannuichidh mi gu mòr thu, agus ni mi ro lìonmhor thu.

15 Agus mar sin an déigh dhasan feitheamh gu foigaidneach, fhuair e sealbh air a' ghealladh.

16 Oir gu deimhin bheir daoine

e na linn ri teachd.

f a' deanamh ball-magaidh dheth.

g a' beannachadh beannuichidh mi thu.

mionnan air an neach a's mò : agus dhoibhsan is crìoch air gach uile chonnasachadh mionnan chum daingneachaidh.

17 Uime sin air bhi do Dhia toileach air neo-chaochluidheachd a chomhairle fheuchainn ni's pailte do oighbreachaibh a' ghealladh, dhearbhadh e le mionnaibh e :

18 Chum tre dhà ni neo-chaochluidheach, anns an robh e eucomasach gu'n deanadh Dia breug, gu'm biodh againne comhfhurtachd làidir, a theich chum dèidin gu greim a dheanamh air an dòchas a chuireadh romhainn :

19 Ni a tha againn mar acair an anama, araon cinnteach agus daingean, agus a theid a steach do'n ionad sin, a ta'n taobh stigh do'n bhrat-roinn,

20 Far an deachaidh an roimh-ruith-fhear a steach air ar soinne, eadhon Iosa, a rinneadh 'na àrd-shagart gu sìorruidh a réir orduigh Mhelchisedeic.

## CAIB. VII.

OIR b'e am Melchisedeic so rìgh Shaleim, sagart an Dé a's ro àirde, neach a'choinnich Abraham a' pilltim o àra nan rìgh, agus a bheannuich e ;

2 D'an d'thug Abraham eadhon deachamh do'n uile : neach a's e air tùs, air na eadar-theangachadh, rìgh na fireantachd, agus 'na dhéigh sin mar an ceudna, rìgh Shaleim, 'se sin, rìgh na sìth ;

3 Gun athair, gun mhàthair, gun sinnsirachd, gun toiseach làithean, gun deireadh beatha aige ; ach air a dheanamh cosmhuil ri Mac Dhé, tha e faotainn 'na shagart gu sìorruidh b.

4 A nis thugaibh an aire cia mòr an duine so, d'an d'thug eadhon am prìomh-athair Abraham an deachamh do'n chreigh.

5 Agus gu deimhin iadsan do chloinn Lebhi, a tha faotainn na sagartachd, tha àithne aca-deachamh a thogail o'n t-sluagh a réir an lagha, sin r'a ràdh, o'm bràithribh fèin. ge do tha'nig iad a mach a leasraidh Abraham :

6 Ach an ti nach 'eil air a shloinneadh natha-san, fhuair e deachamh o Abraham, agus bheannuich se esan aig an robh na geallanna.

7 Agus gun agadh sam bith, bean-nuichear an ti a's lugha leis an ti a's fearr.

8 Agus an se tha daoine a gheibh bàs a' faotainn deacha'mh : ach an

sin an ti aig am bheil fianuis gu bheil e beo.

9 Agus mar a dh'fheudas mi ràdh, fhuaradh ann an Abraham deachamh o Lebhi fèin, a thogas an deachamh :

10 Oir bha e fathast ann an leasraidh athar, an nair a'choinnich Melchisedeic e.

11 A nis nan d'thigeadh foirfeachd tre shagartachd nan Lebhitheach (oir is ann r'a linn a thugadh an lagh do'n t-sluagh) ciod am feum a bha air sagart eile éirigh a réir orduigh Mhelchisedeic, agus nach biodh e air a ghairm a réir orduigh Araoin ?

12 Oir air do'n t-sagartachd bhi air a h-atharrachadh, is éigin an lagh bhi air atharrachadh mar an ceudna.

13 Oir an ti air an labhrar na nithe sin, buinidh e do thréibh eile, do nach d'rinn aon neach frithealadh aig an altair.

14 Oir is soilleir gur ann o Iuda dh'éirich ar Tighearn, treubh air nach do labhair Maois ni air bith thaobh sagartachd.

15 Agus tha e fathast ni's ro-shoilleire, am feadh gu'n d'éirich sagart eile a réir coslas Mhelchisedeic,

16 A' rinneadh 'na shagart, cha'n ann a réir lagha àithne fheòlmhoir, ach a réir cumhachd beatha gun chrìoch.

17 Oir tha e deanamh fianuis, Gur sagart thu gach linn a réir orduigh Mhelchisedeic.

18 Oir gu deimhin tha an àithne roimhe air a cur air cùl, air son i bhi anmhunn agus neo-tharbhach.

19 Oir cha d'rinn an lagh ni sam bith foirfe, ach rinn toirt a steach dòchais a's fearr e ; tre'm bheil sinn a' teachd am fagus do Dhia.

20 Agus a mhead nach d'rinneadh sagart deth gun mionnaibh,

21 (Oir rinneadh sagarta dhiubhsan as eugmhais mhiannan : ach dhethsan le mionnaibh, tre'n ti a thubhairt ris, Mhionnaich an Tighearn, agus cha ghabh e aithreachas, Is sagart thu gu sìorruidh, a réir orduigh Mhelchisedeic.)

22 Is co mòr as sin a rinneadh Iosa 'na urras air coimh-cheangal a's fearr.

23 Agus bha gu deimhin mòran diubhsan 'nan sagartaibh, do bhrìgh gu'n do bhacadh dhoibh leis a' bhàs bhi mairtheann.

24 Ach an duine so, do bhrìgh gu mair e gu sìorruidh, tha sagartachd neo-chaochluidheach aige.

25 Air an aobhar sin tha e mar an

a mharbhadh.  
rè a bheatha.

b a ghnàth,  
c àrd-athair.

d tiomnadh.



ceudna comasach air an droing a thig a dh'ionnsuidh Dhé tridsan a shlàn-uchadh gu h-ìomlan<sup>a</sup>, do bhrìgh gu bheil e beo gu sìorruidh gu eadar-ghuidhe dheanamh air an son.

26 Oir bha shamhuil sin do àrd shagart iomchuidh dhuinne, a bha naomha, neo-lochdach, neo-thruaillidh, air a dhealachadh b' o pheacach-aibh, agus a rinneadh ni's àirde nà na nèamha;

27 Nach feum gach là mar na h-àrd shagairt ud iobairtean thoirt suas, air tùs air son a pheacanna féin, agus an déigh sin air son pheacanna an t-sluaigh: oir rinn e so aon uair, san àm a thug se e féin mar iobairt.

28 Oir tha an lagha' deanamh àrd shagarta do dhaoibh aig am bheil anmbuinneachd; ach focal nam mionnan a bha an déigh an lagha, a' deanamh àrd shagairt do'n Mhac, a tha air a dheanamh iomlan c gu sìorruidh.

## CAIB. VIII.

**A**NIS is e so suim nan nithe a labhair sinn: Tha shamhuil sin do àrd shagart againn, a tha air suidhe air deis rìgh-chaitheach na mòrachd anns na nèamhaibh;

2 Ministear nan ionad naomh, agus an fhìor phàilluin, a shuidhich an Tighearn, agus cha bu duine.

3 Oir tha gach uile àrd shagart air orduchadh chum tiodhlacan agus iobairtean a thabhairt suas: uime sin b' éigin gu'm biodh aig an duine so mar an ceudna ni-eigin r'a thabhairt suas.

4 Oir nam biodh e air thalamh, cha bhiodh e 'na shagart, do bhrìgh gu bheil sagairt ann a tha tabhairt suas thiodhlac a réir an lagha:

5 Muinntir a tha deanamh seirbhìs le samhachas agus sgàile nan nithe nèamhaidh, a réir mar a dh'orduicheadh do Mhaois le Dia 'nuair a bha e air tì am pàillion a chur suas. Oir feuch (a deir e) gu'n dean thu na h-uile nithe réir an t-saimpleir a nochdadh dhuibh san t-sliabh.

6 Ach a nis fhuair e ministreil-eachd a's ro-fhearr, a mhead gu bheil e mar an ceudna 'na eadar-mheadhonair air coimh-cheangal a's fearr, a chaidh dhaingeachadh air geallaibh a's fearr.

7 Oir nam biodh an ceud choimh-cheangal sin gun uireasbhuidh<sup>d</sup>;

<sup>a</sup> agus a' chuid a's faide, gu sìorruidh.

<sup>b</sup> air a sgaradh.

<sup>c</sup> air a c'oisrigeadh.

<sup>d</sup> lochd, chron.

cha'n iarrtadh àit do'n dara coimh-cheangal.

8 Oir a' faotainn croin doibh, a deir e, Feuch thig na làithean, (a deir an Tighearn,) anns an dean mi coimhcheangal nuadh ri tigh Israeil, agus ri tigh Iuda:

9 Cha'n ann a réir a' choimh-cheangail a rinn mi r'an aithrichibh, auns an là a rug mi air làimh orra chum an trebrachadh a mach a talamh na h-Eiphit; do bhrìgh nach d'fhan iad ann am choimh-cheangal, agus chuir mise suarach iadsan, a deir an Tighearn.

10 Oir is e so an coimh-cheangal a ni mi ri tigh Israeil an déigh nau là ud, a deir an Tighearn; Cuiridh mi mo reachda 'nan inntinn, agus scriobhaidh mi iad air an cridhibh; agus bithidh mi a'm' Dhia dhoibh, agus bithidh iadsan 'nan sluagh dhomhsa.

11 Agus cha teagaisg iad gach aon a choimhearsnach, agus gach aon a bhràthair, ag ràdh, Gabh eòlas air an Tighearn: oir bithidh eòlas aca uile orm, o'n neach a's lugha gas an neach a's mò dhiubh.

12 Oir bithidh mise tròcaireach d'an euceartaibh, agus am peacanna agus an aingidheachd cha chuimhnich mi ni's mò.

13 Am feadh a deir e, Coimh-cheangal nuadh, rinne'n ceud choimh-cheangal sean. A nis an ni a ta aosda agus air fàs sean, tha e fagus do dhol as an t-sealladh.

## CAIB. IX.

**B**HA ma seadh gu dearbh aig a' cheud phàillion orduighean e a thaobh seirbhìs Dé, agus naomh-ionad saoghalta.

2 Oir dheasaicheadh an ceud phàillion, anns an robh an coinnleir, agus am bord, agus aran na fianuis ris an abrar an t-ionad naomba.

3 Agus an taobh a stigh do'n dara roinn-bhrat, am pàillion d'an goirear an t-ionad a's ro naomba:

4 Anns an robh an tùiseir òir, agus àir a' choimh-cheangail air a comhdachadh<sup>f</sup> mu'n cuairt le h-òr, auns an robh a' phoit òir auns an robh am mana, agus slat Aaroin a bha fuidh bhlàth, agus clàir a' choimh-cheangail;

5 Agus os a ceann, cheruban na glòire, a' cur sgàile air caithir na trècair; mu nach urradh sinn a nis labhairt fa leth.

6 A nis an uair a bhà na nithe so air an cur an ordugh mar so, chaidh na sagairt a ghnàth a steach do'n

<sup>e</sup> reachdan.

<sup>f</sup> folach.

cheud phàillion, a' coimhlionadh seirbhis *Dé*:

7 Ach do'n dara phàillion *chaidh* an t-àrd shagart 'na aonar a *steach* aon uair sa' bhliadhna, cha b'ann as eugmhais fola, a thug e suas air a shon féin, agus *air son* seacharain an t-sluaigh.

8 Air bhi do'n Spiorad naomh a' nochdadh so, nach robh fathast an t-slighe chum an ionaid bu naomha air a foillseachadh, am feadh a bha an ceud phàillion fathast 'na sheasamh:

9 Ni a bha 'na shamhladh do'n aimsir a ta làthair, anns an robh ar-aon tiodhlacan agns iobairtean air an toirt suas, nach robh comasach air an ti a bha deanamh na seirbhis sin a dheanamh coimhlionta, thaobh a choguis,

10 An t-seirbhis a bha mhàin ann am biadhaibh agus ann an deoch-aibh, agus ann an iomadh gnè ionnlaid, agus deas-ghnàthachaidh a thaobh na feòla a chuireadh mar uallaich orra gu àm an leasachaidh.

11 Ach air teachd do Chrìosd 'na àrd shagart nan nithe maithe, a bha ri teachd, tre phàillion bu mhò agus bu dìongmhailta, nach d'rinneadh le làmh-aibh, sin r'a ràdh, nach robh do'n togail so;

12 Agus cha b'ann tre fhuil ghabhar agus laogh, ach tre fhuil féin a chaidh e steach aon uair do'n ionad naomha, air dha saorsa shiorruidh fhaotainn *dhuinne*.

13 Oir ma ni fuil tharbh, agus ghabhar, agus luaithre aighe air a crathadh air an droing a bha neo-ghlan, an naomhachadh chum glan-aidh na feòla;

14 Cia mòr is mò ni fuil Chrìosd, a thug e féin suas tre'n Spioraid shiorruidh<sup>a</sup> gun lochd do Dhia, bhrur coguis-se ghlanadh o oibribh marbha chum seirbhis a dheanamh do'n Dia bheo?

15 Agus air a shon so is esan eadar-mheadhonair an tiomnaidh nuaidh<sup>b</sup>, ionnas tre fhulangas a' bhàis, chum saorsa<sup>c</sup> nan euceart a bha fuidh'n cheud thiomnadh a *chosnadh*, gu'm faigheadh iadsan a ta air an gairm gealladh na h-oigh-reachd shiorruidh.

16 Oir far am bheil tiomnadh, is éigin bàs an tiomnaidh-fhir a bhi ann mar an ceudna.

17 Oir a ta tiomnadh daingean an déigh bàis dhaoine: ach cha 'n'eil

brigh sam bith ann am feadh 's a ta'n tiomnaidh-fhear beo.

18 A réir sin, ni mò bha'n ceud *thiomnadh* air a choisreagadh<sup>d</sup> as eugmhais fola.

19 Oir an uair a labhradh gach uile àithne réir an lagha ris an t-sluaigh uile le Maois, air da fuil laoghagus ghabhar a ghabhail, maille ri h-uisge, agus oluinn scarlaide, agus hisop, chrath e iad araon air an leabhar agus air an t-sluaigh uile,

20 Ag ràdh, 'Si so fuil an tiomnaidh<sup>f</sup>, a dh'àithn Dia dhuibh.

21 Os-bàrr, chrath e mar an ceudna an fhuil air a' phàillion, agus air soithichibh na naomh-sheirbhis uile.

22 Agus is beagnach 'eil na h-uile nithe air an glanadh le fuil a réir an lagha; agus as eugmhais dòrtaidh fola cha 'n'eil maitheanas r'a fhaotainn.

23 B'fheumail uime sin gu'm biodh samhlaidh nan nithe a ta sna nèamhaibh air an glanadh leo so; ach na nithe nèamhaidh féin le iobairtibh a b'fhearr na iad so:

24 Oir cha deachaidh Crìosd a steach do na h-ionadaibh naomha làmh-dheanta, nithe a's iad samh-lachais nam fìor ionad; ach do nèamh féin, chum a nis e féin a' nochdadh ann am fianuis Dé air ar soinne:

25 No fòs chum e féin iobradh gu minic, mar a théid an t-àrd shagart gach bliadhna steach do'n ionad naomha, le fuil nach leis féin.

26 (Oir mar sin b'fheumail e dh'fhulang gu minic o thoiseach an t-saoghail;) ach a nis dh'fhoillsich-eadh e aon uair ann an deireadh an t-saoghail<sup>g</sup>, chum peacadh a chur air cùl trid e féin iobradh.

27 Agus amhuil a ta e air orduchadh do dhaoineibh bàs fhaotainn aon uair, ach 'na dhéigh so breitheanas:

28 Mar sin thugadh Crìosd suas aon uair a thoirt air falbh peacaidh mhòrain, ach an dara uair as eugmhais peacaidh foillsichear e dhoibh-san aig am bheil sùil ris, chum slàinte.

CAIB. X.

UIME sin air bhi aig an lagh sgàile nithe maithe ri teachd, agus cha'n e fìor-dhealbh nan nithe féin, ni'n comasach dha an droing a thig d'a ionnsuidh a choidhich a dheanamh coimhlionta, leis na h-iobairtibh sin, a bha iad a' toirt suas o bhliadhna gu bliadhna a ghnàth.

2 Oir an sin nach sguireadh iad do bhi 'gan toirt suas<sup>h</sup> do bhrigh

<sup>a</sup> tre'n spiorad naomh.

<sup>b</sup> a' choimh-cheangail nuaidh.

<sup>c</sup> fuasglaidh. <sup>d</sup> air a dhaigneachadh.

<sup>e</sup> corcuir. <sup>f</sup> a' choimh-cheangail.

<sup>g</sup> nan linn.

nach biodh aig luchd-deanamh na naomh-sheirbhis tuilleadh coguis air bith peacaidh, air dhoibh bhì aon uair air an glanadh.

3 Ach anns na *h-ìobairtibh* sin *nithear* ath-chuimhneachadh air na peacaidh gach bliadhna.

4 Oir cha 'n'eil e'n comas gu tugadh fuil tharbh agus ghabhar peacanna air falbh.

5 Uime sin ag teachd dha do'n t-saoghal, a deire, Iobairt agus tabhartas ni'm b'aill leat, ach dh'ulluich thu corp dhomhsa:

6 Ann an ìobairtibh loisgte, agus ann an ìobairtibh air son peacaidh cha robh tlachd agad:

7 An sin thubhairt mise, Feuch, tha mi a' teachd (ann an rola an leabhair tha sud scribedha orm) chum do thoilse a dheanamh, O Dhé.

8 Air dha a ràdh roimhe sin, Iobairt, agus tabhartas, agus ìobairte-loisgte, agus ìobairt air son peacaidh ni'm b'aill leat, agus ni robh do thlachd anna, (a tha air an toirt suas a réir an lagha.)

9 An sin thubhairt e, Feuch, ataim a' teachd a dheanamh do thoilse, O Dhé. Tha e cur air cùl a' cheud ni, chum gu'n daingnich e an dara ni.

10 Leis an toil so tha sinne air ar naomhachadh, trid toirt suas cuirp Iosa Crìosd aon uair.

11 Agus tha gach uile shagart a' seasamh gach là, a' frithealadh agus a' toirt suas nan ìobairt cheudna gu minic, nithe do nach 'eil e'n comas a chòidhch peacanna thoirt air falbh:

12 Ach an duine so, an déigh dha aon ìobairt a thoirt suas air son peacaidh, shuidh e a chòidhch tuilleadh air deas làimh Dhé;

13 A' feitheamh o sin suas gus an cuirear a naimhde 'nan stòl-chos fuidh chosaibh.

14 Oir le aon ìobairt rinn e chòidhch fòirfe iadsan a ta air an naomhachadh.

15 Agus tha an Spiorad naomh mar an ceudna a' deanamh fianuis duinne air na *nitheibh* so: oir an déigh dha ràdh roimhe,

16 Is e so an coimh-cheangal a ni mi riu 'n déigh nan là ud, deir an Tighearn, Cuiridh mi mo reachdan 'nan cridhe, agus scriobhaidh mi iad air an inntinn:

17 [A deir e] agus am peacanna agus an eucearta cha chuimhnich mi ni's mò.

18 A nis, far am bheil maitheanas nan nithe so, cha 'n'eil tabhartas a air son peacaidh ann ni's mò.

19 Uime sin, a bhràithre, do bhrìgh gu bheil dànachd againn chum dol a steach do'n ionad a's naomha tre fhuil Iosa,

20 Air slighe nuaidh agus bheo a choisrig e dhuinne, tre'n roinn-bhrat, sin r'a ràdh, tre fheòil féin.

21 Agus do bhrìgh gu bheil againn àrd shagart os ceann tighe Dhé,

22 Thigeamaid am fagus le cridhe fìor, ann an làn dearbh-beachd a' chreidimh, le'r cridheachaibh air an crath-glanadh o dhroch coguis, agus le'r cuirp air an nigheadh le h-uisge glan.

23 Cumamaid gu daingean aidmheil ar dòchais gun chlaonadh, (oir is fìrinneach an ti a gheall.)

24 Agus thugamaid an aire d'a chéile chum ar brosnachadh gu gràdh, agus deagh oibribh:

25 Gun bhì leigeadh dhinn sinn féin a chruinneachadh an ceann a chéile, mar is gnàth le dream àraidh, ach a' comhairleachadh *chéile*: agus gu ma mòid *a ni sinn* so, gu bheil sibh a' faicinn an là a' tarruing am fagus.

26 Oir ma pheacaicheas sinn d'ar toil féin an déigh dhuinn eòlas na fìrinn fhaotainn, cha'n fhàgar tuilleadh dhuinn ìobairt air son peacaidh,

27 Ach dùil eagalach ri breitheanas, agus fearg theinnteach, a sgriosas na h-eascairdean.

28 An ti a rinn tàir air lagh Mhaois, khàsaich e gun tròcair, fuidh dhithis no thriuir a dh'fhanuisibh:

29 Cia mòr is measa na sin am peanas a shaoileas sibh air am measar esan toillteanach, a shaltair fuidh chosaibh Mac Dhé, agus a mheas mar ni mi-naomha fuil a' choimh-cheangail, leis an do naomhaicheadh e, agus a rinn tarcuis air Spiorad nan gràs?

30 Oir is aithne dhuinn an ti a thubhairt, *Is leamsa an dioghaltas*, agus bheir mi dioladh uam, deir an Tighearn: agus a ris, Bheir an Tighearn breth air a shluagh.

31 *Is* ni eagalach tuiteam ann an làmhaibh an Dé bheo.

32 Ach biodh ath-chuimhne agaidh air na làithibh a chaidh seachad, anns an d'fhuiling sibh, an déigh dhuibh bhì air bhrì soillseachadh, gleachda mòr fulangais;

33 Ann an cuid am feadh a rinn-eadh sibh 'nar ball-amháirec, araon tre mhaslaibh agus thrioblaidibh; agus ann an cuid, am feadh a rinn-

eadh sibh 'nar companaich dhoibh-san ris an do bhuineadh mar sin.

34 Oir bha comh-shulangas agaibh riamsa ann am gheimhlibh, agus ghabh sibh le luathghair ri creachadh bhur maoin, air dhuibh fios a bhi agaibh annaibh féin gu bheil agaibh air nèamh maoin a's fearr, agus a ta maireannach.

35 Uime sin na tilgibh uaibh bhur muinghin, aig am bheil mòr dhiol-thuarasdal.

36 Oir a ta feum agaibh air fóigh-idin; chum an déigh dhuibh toil Dé a dheanamh, gu'm faigh sibh an gealladh.

37 Oir fathast sealan beag, agus an ti a ta ri teachd thig e, agus cha dean e moille.

38 A nis bithidh am firean beo tre chreidimh: ach ma philleas e air ais, cha bhi aig m'anamsa tlachd ann.

39 Ach cha 'n'eil sinne do'n dream sin a philleas air an ais chum sgrios; ach do'n dream a chreideas, chum slànuchaidh an anama.

#### CAIB. XI.

**A**NIS is e creidimh brìgh nan nithe ri'm bheil dòchas, dearbhadh nan nithe nach faicear.

2 Oir is ann trid so a fhuair na sinnsir ùeadh theisteachas.

3 Tre chreidimh tha sinn a' tuigsinn gu'n do chruthaicheadh na saoghail tre fhocal Dé, air chor as nach d'rinneadh na nithe a chithear do nithibh a bha r'am faicinn.

4 Tre chreidimh thug Abel suas do Dhia lobairt ni b'fhear na Cain, trid an d'thugadh teisteachas dha gu'n robh e 'na fhrean, air bhi do Dhia a' deanamh fianuis d'a thìodhlacaibh: agus tre sin, air dha bhi marbh, tha e fathast a' labhairt.

5 Tre chreidimh dh'atharraicheadh Enoch chum nach faiceadh e bàs; agus cha d'fhuaradh e, do bhrìgh gu'n d'atharraich Dia e: oir roimh atharrachadh thugadh fianuis da, Gu'n do thaitinn e ri Dia.

6 Ach as eugmhais creidimh cha 'n'eil e'n comas a thòileachadh: oir is éigin do'n ti a thig a dh'ionnsuidh Dhé a chreidsinn gu bheil e ann, agus gur neach e a bheir duais do'n droing a dh'iarras gu dìchiollach.

7 Tre chreidimh air do Noe rabhadh fhaotainn o Dhia mu thimchioll nithe, nach robh idir r'am faicinn, agus eagal a ghabhail, dh'ulluich e àire chum tearnaidh a theaghlach; tre'n do dhìt e an saoghal, agus rinneadh e 'na oighre air an fhìreantachd a ta thaobh creidimh.

8 Tre chreidimh, 'nuair a ghairm-

eadh Abraham gu dol a mach do ionad a bha e gus fhaotainn an déigh sin mar oighbreachd, fhreagair e; agus dh'imich e mach gun fhios a bhi aige c'ait an robh e dol.

9 Tre chreidimh bha e air chuairt ann an tìr a' gheallaidh, mar ann an tìr choimhich, a' gabhail comhnuidh ann am pàilliunaibh maille ri h-Isaac agus Jacob, comh-oighreachan a' gheallaidh cheudna.

10 Oir bha sùil aige ri baile le bunaitibh, air am bheil Dia 'na fhear-dealbhaidh agus 'na fhear-togail.

11 Tre chreidimh mar an ceudna fhuair Sara féin neart gu shìochd a ghabhail 'na bròinn, agus rug i leanabh an déigh dh'i dol thar aois cloinne, do bhrìgh gu'n do mheas i gu'n robh esan fìrinneach, a thug an gealladh.

12 Uime sin ghineadh o aon a mhàin, agus esan ionann agus marbh, sìochd mar reulta nèimhe thaobh lìonmhoireachd, agus mar a' ghain-eamh air tràigh na fairge do-àir-eamh.

13 Fhuair iad so uile bas ann an creidimh, gun na gealanna<sup>a</sup> fhaotainn, ach air dhoibh am faicinn fad o làimh, (agus an creidsinn,) ghabh iad riu, agus dh'aidich iad gu'm bu choigrich agus luchd-cuairt air an talamh iad féin.

14 Oir an droing a deir na nithe sin, tha iad a' nochdadh gu soilleir gu bheil iad ag iarraidh dùthcha.

15 Agus gu fìrinneach nam biodh iad cuimhneachail air an dùthaich sin, as an d'thainig iad a mach, dh'fheudadh iad am iomchuidh fhagail air pilleadh:

16 Ach a nis tha déidh aca air dùthaich a's fearr, eadhon dùthaich nèamhaidh: uime sin cha nàr le Dia, gu'n goirear an Dia-san dheth: oir dh'ulluich e dhoibh baile.

17 Tre chreidimh dh'ìobair Abraham, air dha bhi air a dhearbhadh, a mhac Isaac; agus thug an ti a fhuair na gealanna suas aonghin mhic:

18 Ris an dubhradh<sup>b</sup>, Ann an Isaac goirear do shìochd:

19 A' breithneachadh<sup>c</sup> gu'm bu chomasach Dia air a thogail eadhon o na marbhaibh; o'n d'fhuair se e eadhon ann an-cosamhlachd.

20 Tre chreidimh bheannuich Isaac Jacob agus Esau mu thimchioll nithe, a bha ri teachd.

21 Tre chreidimh bheannuich Jacob, ag faghail bàis da, dithis mbac

<sup>a</sup> na nithe a ghealladh.

<sup>b</sup> Mu'n dubhradh.

<sup>c</sup> a' reusonachadh, a' meics.



Ioseph; agus rinn e aoradh, a' leigeadh a chudthrom air bàrr a bhataidh.

22 Tre chreidimh rinn Ioseph, ri am faghail a' bhàis da, iomradh air dol a mach chloinn Israeil; agus thug e àithne mu thimchioll a chnàmh.

23 Tre chreidimh an uair a rugadh Maois, dh'fholaicheadh e trì mìosan le phàrantaibh, do bhrìgh gu'm fac iad gu'm bu leanabh tlachdmhor e; agus cha robh eagal orra roimh àithne an rìgh.

24 Tre chreidimh air teachd gu h-aois do Mhaois, dhiùlt e bhi air a ghairm 'na mhaic do nighinn Pharaoh;

25 A' ròghnachadh àmbghar fhulang maraon ri sluagh Dhé, roimh skolas a' pheacaidh a mhealtuinn rè seal;

26 A' meas gu'm bu mhò an saibheas masladh Chrìosd na ionmhuis na h-Eiphit: oir bha sùil aige ris an luach-saoithreach.

27 Tre chreidimh thréig e'n Eiphit, gun eagal a bhi air roimh chorruih an rìgh: oir bha e làidir 'na inntinn mar neach a bha faicinn an ti a ta neo-fhaicisinnach.

28 Tre chreidimh ghlèidh e chàisg, agus an dòrtadh fola, chum nach beanadh an ti a sgiòs na ceud-ghin rìusan.

29 Tre chreidimh chaidh iad trid na mara ruaidh mar tre thalamh tioram: ni 'nuair a thug na h-Eiphitich ionnsuidh air a dheanamh, bhàthadh iad.

30 Tre chreidimh thuit ballacha Jericho, an déigh bhi air an cuartachadh rè sheachd làithean.

31 Is ann tre chreidimh nach do sgriosadh Rahab an strìopach maraon rìusan nach do chreid, 'nuair a ghabh i ris an luchd-brathaidh an sìothchaint.

32 Agus cìod tuilleadh a deiream? oir theirgeadh an ùine dhomh ann an labhairt mu Ghedeon, Bharac agus Shampson, agus Iephthae, Dhaiblidh mar an ceudna agus Shamuel, agus na fàidhibh:

33 Muinntir tre chreidimh a cheannsaich rioghachdan, a dh'oibrich fireantachd, a fhuair geallanna a dhruid beoil leòmhan,

34 A mhùch neart teine, a chaidh as o fhaobhar a' chlàidheimh, o an-mhuinneachd a rinneadh neartmhor, a dh'fhàs treun ann an cath, a chuir air theicheadh armailte nan coimheach.

35 Fhuair mnàil am mairbh air an togail a ris gu beatha: agus chràidh-phianadh dream eile, gun iad a ghabhail ri sorsa; chum gu faigheadh iad aiseirigh a b'fhearr.

36 Fhuair dream eile feuchainn do fhanoidibh, agus do sgiùrsaibh, seadh fòs, do gheimhlibh agus do phriosun.

37 Chlachadh iad, shàbhadh as a chéile iad, bhuaireadh iad, chuireadh gu bàs leis a' chlàidheamh iad: chaidh iad 'nam fògaraich mu'n cuairt ann an croicnibh chaorach agus ghabhar, ann an uireasbhuidh, ann an trioblaidibh, ann an cràdh:

38 (Dream air nach b'airidh an saoghal) a' dol air seacharan ann am fàsaichibh, agus air sleibhtibh, agus ann an uamhaibh, agus ann an slochdaibh na talmhainn.

39 Agus air dhoibh so nìle deadh theistean fhaotainn tre chreidimh, cha d'fhuair iad na gealladh:

40 Air do Dhia nì éigin a's fearr a sholar dhuinne, ionnas nach biodh iadsan air an deanamh foirfe as ar n-eugmhaisne.

## CAIB. XII.

UIME sin, air dhuinne bhi air ar cuartachadh le neul co mòr a dh'fhianuisibh, cuireamaid dhinn gach lethtrom, agus am peacadh a ta gu furas-ag iadhadh umhinn, agus ruitheamaid le fòigidin a' choimhliong b, a chuireadh romhainn,

2 Ag amharc air Iosa ceannard c agus fear-crìochnaich ar creidimh, neach air son an aoibhneis a chuireadh roimhe, a dh'fhuiling an crann-ceusaidh, a' cur na nàire an neo-shuim, agus a shuidh air deis rìgh-chaitheach Dé.

3 Uime sin thugaibh fainear esan a dh'fhuiling a shamhuil sin do acaicinnt o pheacachaibh 'na aghaidh féin, air eagal gum bi sibh sgith agus lag ann bbur n-inntinnibh.

4 Cha do sheas sibh fathast gu fuil, a' cathachadh an aghaidh peacaidh.

5 Agus dhi-chuimhnich d sibh an earail a ta labhairt ribh mar ri cloinn, A mhic, na cuir suarache smachdachadh an Tighearna, agus na fann-aich f 'nuair a chrònaichear leis thu:

6 Oir an ti a's ionmhuinn leis an Tighearna, smachduichidh se e, agus sgiùrsaidh e gach mac ris an gabh e.

7 Maghiùlaineas sibh smachdachadh, tha Dia a' buntuin ribh mar nì

b an réis. c ùghdair. d an do dhi-chuimhnich. e an neo-shuim, an neo-prìs. f lagaich.

cloinn : oir cò am mac nach smachd-  
aich an t-Athair ?

8 Ach ma tha sibh as eugmhais  
smachd-schaidh, d'am bheil na h-uile  
'nan luchd-comh-pairt, an sin is  
clann diolain sibh, agus cha chlann  
dligheach.

9 Os-bàrr, bha againn aithriche  
thaobh na feòla, a smachdaich sinn,  
agus thug sinn urram dhoibh : nach  
mòr is mò *is còir dhuinn* bhi ùmhàl  
do Athair nan spiorad, agus a bhi  
beo ?

10 Oir gu deimhin smachduich  
iadsan sinn rè beagain do làithibh a  
réir an toile féin<sup>a</sup>; ach esan chum ar  
leasa, ionnas gu'm bithéamaid 'nar  
luchd-comh-pairt d'a naomhachd.

11 Ach cha mheasar smachdach-  
adh air bith am feadh 's a ta e làth-  
air sòlasach, ach doilgheasach : gidh-  
eadh, 'na dhéigh sin bheir e uaith  
toradh siothchail na fireantachd,  
do'n droing a ta *gu dligheach* air an  
cleachdadh ris.

12 Uime sin, togaibh suas na  
làmban a ta air tuiteam sìos, agus  
*neartaichibh* na glùine laga.

13 Agus deanaibh cos-cheuma  
direach d'ar cosaibh, air eagal gu'm  
bi an ni sin a ta bacach air a thionn-  
dadh as an t-slighe, ach gu ma mò  
bhiodh e air a shlànuchadh.

14 Leanaibh sìth maille ris na  
h-uile dhaoineibh, agus naomhachd,  
ni as eugmhais nach faic neach air  
bith an Tighearn :

15 A' toirt an ro-aire, air eagal  
gu'n d'thig neach sam bith a dhéidh-  
làimh air gràs Dé<sup>b</sup>; air eagal air  
fàs suas do fhrèimh seirbhe sam  
bith, gu'n cuir e dragh oirbh, agus  
le so gu'm bi mòran air an salach-  
adh :

16 Air eagal gu'm bi fear striop-  
achais ann, no neach mi-naomha sam  
bith, mar Esau, a reic air son aon  
ghreim bidh e còir a cheud-bhreithe.

17 Oir a ta fhios agaibh 'nuair a  
b' àill leis an déigh sin am beannach-  
adh a shealbhachadh, gu'n do dhiùlt-  
adh e : oir cha d'fhuair e àit aith-  
reachais, ge do dh'iarr se e gu dùr-  
achdach le deuraibh.

18 Oir cha d'thainig sibh chum an  
t-sleibh ris am feudta beantuinn,  
agus a bha losgadh le teine, no  
chum duibhre, agus dorchadais, agus  
doininn,

19 Agus fuaim na trompaide, agus  
guth nam briathar, ionnas gu'n do  
ghuidh an droing a chual e nach

labhairteadh am focal riu tuill-  
eadh :

20 (Oir cha b'urrainn iad an ni sin  
a chaidh àithneadh dhoibh iomchar.  
Agus ma bheanas fìu ainmhidh ris an  
t-sliabh, clachar e, no cuirear sleagh  
a mach trid.)

21 Agus bu co uamhasach an  
sealladh, as gu'n dubhairt Maois,  
tha eagal ro mhòr agus crith orm :

22 Ach tha sibh air teachd gu  
sliabh Shìoin, agus gu cathair an Dé  
bheo, an Ierusalem nèamhaidh, agus  
cuideachd do-àireamh do ainglibh,

23 Gu làn choimhthional agus  
eaglais nan ceud-ghin, a thascriobhta  
sna nèamhaibh, agus gu Dia breith-  
eamh nan uile, agus gu spioradaibh  
nam firean air an deanamh foirfe,

24 Agus gu h-Iosa eadar-mheadh-  
onair a' choimh-cheangail nuaidh,  
agus chum fola a' chrathaidh, a tha  
labhairt nithe a's fearr na *fuil* Abeil.

25 Thugaibh an aire nach diùlt  
sibh esan a ta labhairt : oir mur  
deachaidh iadsan as a dhiùlt an ti a  
labhair o *Dhia riu* air talamh, is mòr  
is lugha na sin a *théid sinne as*, ma  
thionndaidheas sinn air falbh uaithe-  
san, a ta *labhairt* o nèamh.

26 Neach aig an do chrath a ghuth  
an talamh an sin : ach a nis gheall e,  
ag ràdh, Aon uair eile fathast crath-  
am cha'n e an talamh a mhàin, ach  
nèamh mar an ceudna.

27 Agus a ta *am focal* so, Aon  
uair eile, a' ciallachadh atharrach-  
aidh nan nithe sin a chrathar, mar  
nithe a rinneadh, chum gu fanadh  
na nithe nach gabh crathadh.

28 Uime sin air dhuinne rioghachd  
fhaotainn nach feudar a ghluasad,  
biodh againn gràs e, leis an dean sinn  
seirbhis gu taitneach do Dhia, le  
h-urram agus eagal diadhaidh.

29 Oir is teine dian-loisgeach ar  
Dia-ne.

### CAIB. XIII.

**F**ANADH gràdh bràthaireil  
agaibh.

2 Na dearmadaibh aoidheachd a  
thabhairt do choigreach; oir leis so  
thug dream àraidh aoidheachd do  
ainglibh gun fhios doibh.

3 Bithibh cuimhneachail orrasan a  
tha ceangailte, mar gu'm biodh sibh  
ceangailte maraon riu; agus air an  
droing a tha fulang anshocair, mar  
mhuinntir a tha sibh féin mar an  
ceudna anns a' choluinn.

4 Tha'm pòsadh urramach anns  
na h-uile<sup>f</sup>, agus an leabadh neo-

<sup>a</sup> mar lu taitneach le o.      <sup>b</sup> gu'n  
claon neach sam bith o ghràs Dé.  
<sup>c</sup> lèin.

<sup>d</sup> nach feudar a chrathadh.  
<sup>e</sup> deanamaid greim do ghràs.  
<sup>f</sup> am measg nan uile.

shalach: ach air luchd-striopachais agus adhaltrannais bheir Dia breth.

5 *Bioth bbur* caitheadh-beatha gun sannt; agus bithibh toilichte leis na nithibh, a tha làthair agaibh: oir thubhairt e, Cha'n fhàg, agus cha tréig mi am feasd thu.

6 Ionnas gu'm feud sinn a ràdh gu dàna, 'S e'n Tighearn m'fhearcuidich, agus cha'n eagal leam aon ni a dh'fheudas duine dheanamh orm.

7 Bithibh cuimhneachail air bbur cinn-iuil, a labhair ribh focal Dé; leanaibh an creidimhsan, a' beachdachadh air crìch an caitheadh-beatha.

8 Iosa Criosd an dé, agus an dingh, agus gu sìorruidh an ti ceudna.

9 Na bithibh air bbur giùlan mu'n cuairt le teagasgaibh eagsamhla coimheacha: oir is maith an ni an oridhe bhi air a dhaingneachadh le gràs, cha'n ann le biadhaidh, nithe nach d'fhag tairbhe do'n droing a ghnàthaich iad.

10 Tha altair againne dheth nach 'eil còir acasan a bheag itheadh, a tha deanamh seirbhis do'n phàillinn.

11 Oir a ta cuirp nan ainmhidh sin, aig am bheil an fuil air a toirt a steach air son peacaidh do'n ionad naomba leis an àrd shagart, air an losgadh an leth muigh do'n champ.

12 Uime sin chum gu'n deanadh Iosa an sluagh a naomhachadh le fhuil féin, dh'fhuiling e mar an ceudna an taobh a muigh do'n gheata.

13 Air an aobhar sin rachamaid a mach d'a ionnsuidhsan an taobh a muigh do'n champ, a' giùlan a' mhaslaidhsan.

14 Oir an so cha 'n'eil againn baile a mhaireas, ach ta sinn ag iarraidh aoin a ta ri teachd.

15 Uime sin trèdsan thugamaid

snas iobairt buidheachais do Dhia a ghnàth, 'se sin, toradh ar bilean, a' toirt molaidh d'a ainm.

16 Ach na dì-chuimhnicibh maitli a dheanamh, agus comh-roinn a thoirt uaibh: oir a ta an leithide sin do iobairtibh taitneach do Dhia.

17 Bithibh ùmhail d'ar cinn-iuil, agus thugaibh géill doibh: oir tha iad ri faire air bbur n-anamaibh, mar mhuinntir d'an éigin cunntas thoirt uatha: chum gu'n dean iad e le gairdeachas, agus ni h-e le doilgheas: oir tha so neo-tharbhach dhuibhse.

18 Deanaibh ùrnuigh air arsoinne: oir is dòigh leinn gu bheil deadh choguis againn, air dhuinn bhi toil-each ar beatha a chaitheadh gu cubhaidh anns na h-uile nithibh.

19 Ach is mòid a ghuidheam oirbh so a dheanamh, chum gur luathaid' a dh'aisigear mise dhuibh.

20 A nis gu deanadh Dia na sìoth-chaint, a thug airfais o na marbhaibh ar Tighearn Iosa, àrd bhuachaille nan caorach, tre fhuil a' choimh-cheangail sìorruidh,

21 Sibhse coimhllionta anns gach uile dheadh obair, chum sibh a dheanamh, a thoilesan, ag oibreachadh annaibh an ni a ta taitneach 'na làthair-san, tre Iosa Criosd; dhasan *gu robh* glòir gu saoghal nan saoghal. Amen.

22 Agus guidheam oirbh, a bhràithre, sibh a ghiùlan focal na h-eoralach; oir scrìobh mi gu h-aithghearra d'ar n-ionnsuidh.

23 Biodh fhios agaibh, gu'n do chuireadh ar bràthair Timoteus air a chomas; maille ris-san, ma thig e gu goirid, chi mi sibh.

24 Cuiribh fàilte orrasan uile a tha 'nan cinn-iuil duibh, agus air na naomh uile. Tha muinntir na Eadailt a' cur fàilte oirbh.

25 Gràs *gu robh* maille ribh uile. Amen.

## LITIR CHOITCHIONN AN ABSTOIL SHEUMAIS.

### CAIB. I.

**T**HA Senmas seirbhiseach Dhé, agus an Tighearna Iosa Criosd, a' cur beannachd chum an dà thréibh dheug, a tha air an sgapadh o chéile.

2 Mo bhràithre, measaibh mar an uile ghairdeachas 'nuair a thuiteas sibh ann an iomadh gnè dheuch-ainnibh<sup>2</sup>;

*a bhuaibh.*

3 Air dhuibh fios so bhi agaibh, gu'n oibrich dearbhadh bbur creidimh foighidin.

4 Ach biodh aig an fhoighidin a h-obair dhiongmhalta féin, chum gu'm bi sibh dìongmhalta agus iomlan, gun uireasbhuidh ni sam bith.

5 Ma tha aon neach agaibh a ch'uireasbi lla gliocais, iarradh e o

Dhia, a bheir do gach neach gu pailt, agus nach dean maoidheamh<sup>a</sup>; agus bheir a dh a e.

6 Ach iarradh e le creidimh, gun bhì fuidh amharus sam bith: oir an ti a tha fuidh amharus, is cosmhuil e ri tonn na fairge, a shéidear le gaoith, agus a tha air a luasgadh<sup>b</sup> chuiqe agus uaith.

7 Oir na saoiladh an duine sin gu'm faigh e nì air bith o'n Tighearn.

8 Tha fear na h-inntinn dùbailte c neo-sheasmhach 'na uile shlighibh.

9 Deanadh am bràthair a tha ìosal gairdeachas 'na àrdachadh:

10 Ach an duine saibhir, 'na is-leachadh: do bhrìgh mar bhlàth an fheoir gu'n d'théid e seachad:

11 Oir air éirigh do'n ghréin le dian theas, crìonaidd i am fear, agus tuitidh a bhlàth, agus théid maise a dhreach am mughad<sup>d</sup>; is amhuil sin mar an ceudna a sheargas an duine saibhir 'na shlighibh.

12 Is beannuichte an duine a ghiùlaineas buireadh: oir 'nuair a dhearbhar e, gheibh e crùn na beatha, a gheall an Tighearn do'n droing a ghràdhaicheas e.

13 Na abradh neach sam bith 'nuair a bhuairear e, Tha mi air mo bhuaireadh le Dia: oir nì'n comasach Dia a bhuaireadh le h-olc, nì mò bhuaireas e neach sam bith.

14 Ach tha gach duine air a bhuaireadh, 'nuair a thairgear, agus a thàlaidhear e le anamhiann féin.

15 An sin air bhì do'n anamhiann torrach, beiridh e peacadh: agus air do'n pheacadh bhiair a chriochnachadh, beiridh e bàs.

16 Na bithibh air bhur mealladh, mo bhràithre gràdhach.

17 Tha gach uile dheadh thabhartas, agus gach uile thiodhlac iomlan o'n àirde, a' teachd a nuas o Athair na soillse, maille ris nach 'eil atharrachadh, no sgàile tionndaidh.

18 O thòil féin ghin e sinn le focal na firinn chum gu'm bitheamaid 'nar gnè chend-toraidh d'a chreutairibh.

19 Uime sin, mo bhràithre gràdhach, biodh gach duine ealamh chum éisdeachd, mall chum lathairt, mall chum feirge:

20 Oir cha'n oilbrich fearg duine fireantachd Dhé.

21 Uime sin cuiribh uaibh gach

uile shalachar, agus anabharr miò-ruin, agus gabhaibh d'ar n-ionnsuidh le macantas<sup>f</sup> am focal, a tha air a shuidheachadh annaibh, a tha comasach air bhur n-anaman a shlànuchadh.

22 Ach bithibhse 'nar luchd-chur an gnìomh an fhocail, agus nì b'ann 'nar luchd-éisdeachd a mhàin, 'gar mealladh féin.

23 Oir ma tha neach air bith 'na fhear-éisdeachd an fhocail, agus nì h-ann 'na fhear-deanamh d'a réir, is cosmhuil e ri duine a tha 'g amharc air aghaidh nàdurra féin ann an sgàthan:

24 Oir bheachdaich e air féin, agus dh'imich é roimhe, agus dhi-chuimhnich e air ball cìod an coslas duine a bh'ann féin.

25 Ach ge b'e bheachdaicheas gu dùrachdach air lagh dìongmbalta na saorsa, agus a bhuanicheas ann, gun e bhì 'na fhear-éisdeachd dearmadach, ach 'na fhear-deanamh na h-oibre, bithidh an duine so beannuichte 'na dheanadas.

26 Ma shaoileas neach air bith 'nar measg gu bheil e diadhuidh, gun bhì cur sréin r'a theangaidh, ach a' mealladh a chridhe féin, is diomhain diadhachd an duine so.

27 'Si so an diadhachd fhìor-ghlan agus neo-shalach am fianuis Dé agus an Athar, dileachdan agus bantracha fhiosrachadh 'nan trioblaid, agus neach 'ga choimhead féin gun smal o'n t-saoghal.

## CAIB. II.

**M**O bhràithre, na biodh agaibh creidimh ar Tighearna Iosa Crìosd, Tighearna na glòires, maille ri gnòis-blireth<sup>h</sup>.

2 Oir ma thig a steach d'ar coimhthional duine air am bheil fàinne òir, ann an eudach dealrach, agus gu'n d'thig a steach mar an ceudna duine bochd ann an eudach suarach i;

3 Agus gu'n ambaire sibh le meas air an duine sin air am bheil an deadh thrusgan, agus gu'n abair sibh ris, Suidh thus' an so ann an àit inbheach<sup>i</sup>; agus gu'n abair sibh ris an duine bhochd, Seas thus' an sin, no suidh an so fuidh stòl mo chos:

4 Nach 'eil sibh mar sin leth-bhretheach annaibh féin, agus nach d'rinneadh sibh 'nar breitheannaibh d'broch smuainte?

<sup>a</sup> nach cuir nàire.

<sup>b</sup> fhuadachadh.

<sup>c</sup> fear an dà inntinn.

<sup>d</sup> maise a dhreach.

<sup>e</sup> ribear.

<sup>d</sup> théid as

<sup>e</sup> bhreugar,

<sup>f</sup> ceannsachd.

<sup>g</sup> creidimh glòire

ar Tighearna Iosa Crìosd.

<sup>h</sup> meas air pearsa seach a chéile.

<sup>i</sup> salach.

<sup>j</sup> urramach.



5 Eisidibh, mo bhràithre gràdhach, nach do thagh Dia bochdan an t-saoghail so, saibhir ann an creidimh, agus 'nan oighreachaibh air an rioghachd, a gheall c dhoibhsan a ghràdhaicheas e?

6 Ach thug sibhse masladh do'n bhoichd. Nach 'eil na daoine saibhir ri ain-tighearnas oirbh<sup>a</sup>, agus 'gar tarruing gu caithrichibh-breitheanas<sup>c</sup>?

7 Nach 'eil iad a' toirt toibheimh do'n ainm òirdheirc<sup>c</sup>, a dh ainmichear oirbh?

8 Ma choimhlionas sibh an lagh rioghail a réir an scriobtuir, Gràdhach do choimhearsach mar thu féin, is maith a ni sibh.

9 Ach ma ni sibh leth-bbreth air daoinibh, tha sibh a' deanamh peacaidh, agus tha sibh air bhur fàgail shìos leis an lagh mar a luchd-brisidh.

10 Oir ge b'e neach a choimhid-eas an lagh uile, agus a thuislicheas ann an aon àithne<sup>d</sup>, tha e ciontach do'n iomlan.

11 Oir an ti a thubhairt, Na dean adhaltrannas, thubhairt e mar an ceudna, Na dean mortadh. A nis ge nach dean thu adhaltrannas, gidheadh ma ni thu mortadh, rinneadh fear-brisidh an lagha dhìot.

12 Gu ma h-amhluidh sin a lubhras sibhse, agus gu ma h-amhluidh a ni sibh, mar iadsan air an d'théid breth a thoirt le lagh na saorsa.

13 Oir gheibh esan breitheanas gun tròcair, nach d'rinn tròcair; agus ni tròcair gairdeachas an aghaidh breitheanais.

14 Ciod an tairbhe, mo bhràithre, ge do their aon neach gu bheil creidimh aige, agus gun oibre bhi aige? an urradh creidimh a shlànuchadh?

15 Ma bhios bràthair no piuthar lomnochd, agus a dh'uireasbhuidh teachd-an-tìr lathail;

16 Agus gu'n abair neach agaibhse riu, Imchibh an sìothchaint, bithibh air bhur garadh, agus bithibh air bhur sàsachadh: gidheadh nach tabhair sibh dhoibh na nithe sin a tha feumail do'n chorp; ciod an tairbhe ta ann?

17 Is amhuil sin creidimh mar an ceudna, mur bi oibre aige, tha e marbh, air dha bhi leis féin.

18 Ach a deir neach àraidh, Tha creidimh agadsa, agus tha oibre agamsa: nochd dhomhsa do chreid-

imh as eugmhais t'oibre<sup>c</sup>, agus nochdaidh mise dhuitse mo chreidimh le m' oibrìbh.

19 Tha thu creidsinn gu bheil aon Dia ann; is maith a ni thu: tha na deamhain a' creidsinn mar an ceudna, agus tha iad a' criothnuchadh.

20 Ach, O dhuine dhìonhain, an àill leat fios fhaotainn, gu bheil creidimh as eugmhais oibre marbh?

21 Nach deachaidh ar n-athair Abraham fhìreanachadh le oibrìbh, 'nuair a thug e suas a mhac Isaac air an altair?

22 Nach léir dhuit gu'n do chomh-oibrich creidimh le gnìomharaibh, agus gu'n d'fìneadh creidimh iomlan le oibrìbh?

23 Agus choimhlionadh an scriobtuir a deir, Chreid Abraham Dia, agus mheasadh sin da mar fhìreanachadh: agus gboireadh caraid Dé dheth.

24 Chi sibh uime sin gu'm fìreanaichear duine le oibrìbh, agus cha'n ann le creidimh a mbàin.

25 Amhuil sin mar an ceudna, nach robh Rahab an strìopach air a fìreanachadh le oibrìbh, 'nuair a ghabh i ris na teachdoiribh, agus a chuir i mach air slighe eile iad?

26 Oir mar a ta 'n corp marbh as eugmhais an spioraid, mar sin mar an ceudna tha creidimh marbh as eugmhais oibre.

## CAIB. III.

**M**O bhràithre, na bithibh 'nar mòran mhaighstirean<sup>f</sup>, air dhuibh fios a bhi agaibh gu'm faigh sinn an tuilleadh breitheanais.

2 Oir ann am mòran nithe tha sinn uile ciontach. Mur 'eil duine ciontach ann am focal, is duine iomlan an ti sin, comasach mar an ceudna air srian a chur ris a' chorp uile.

3 Feuch, tha sinn a' cur shrian an beul nan each, chum's gu'm bi iad ùmhail dhuinn; agus tionndaidh sinn an corp uile mu'n cuairt.

4 Feuch mar an ceudna na longa, ge do tha iad co mòr, agus ge do shéidear iad le garbh ghaothaibh, gidheadh iompoichear mu'n cuairt iad le stiùir ro bhig, ge b'e àird gus am miann leis an stiùradair.

5 Is amhuil sin is ball beag an teanga, agus ni i mòr uairs. Feuch, cia meud an connadh a lasas teine beag!

6 Agus is teine an teanga, saoghail do aingidheachd: mar sin tha an teanga air a suidheachadh am measg

<sup>a</sup> a' deanamh fòirneart oirbh, 'gar sàrachadh.

<sup>b</sup> maslaidh.

<sup>c</sup> urramach.

<sup>d</sup> bhriseas aon phonc.

<sup>e</sup> le t' oibrìbhse.

<sup>f</sup> fhear-teagaisg.

<sup>g</sup> ràiteachais.

ar ball, ionnas gu'n salaich i'n corp gu h-ìomlan, agus gu'n las i cùrsa an nàduir; agus i féin air a lasadh o ifrinn.

7 Oir a ta gach uile gné fhiadh-bheathaiche, agus eunlaith, agus nithe snàigeach, agus nithe san fhainge, air an ceannsachadh; agus cheannsaicheadh iad leis a' chiunneadh-daonna:

8 Ach ni'n comasach do dhuine air bith an teanga cheannsachadh; is olc do-chasgaidh i, làn do nimh marbhtach.

9 Leatha-sa, tha sinn a' beannachadh Dhé, eadhon an Athar; agus leatha-sa tha sinn a' mallachadh dhaoine, a rinneadh a réir cosamhlachd Dhé.

10 As an aon bheil tha beannachadh agus mallachadh a' teachd a mach. Mo bhràithre, cha chòir do na nithibh so bhi mar so.

11 An cuir tobar a mach as an aon sùil *uisge* milis agus searbh?

12 Am feud craobh-fhige, mo bhràithre, dearcan ola a thoirt uaibe? no a' chraobh-ihiona, fìgean? mar sin cha'n fheud tobar sam bith sàile agus uisge milis a thoirt uaith araon.

13 Cò a ta 'na dhuine glic agus aig am bheil còlas 'nar measg? nochdadh e a deadh chaitheadh-beatha oibre féin le ceannsachd gliocais.

14 Ach ma tha eud searbh agus comh-stri agaibh 'nar cridhe, na deanaibh uail, agus na deanaibh breug an aghaidh na fìrinn.

15 Cha'n ann o'n àirde tha 'n gliocas so a' teachd a nuas, ach tha e talmhaidh, collaidh, diabhlaidh.

16 Oir far am bheil farmad agus comh-stri, an sin tha buaireas, agus gach uile dhroch ghnìomh.

17 Ach a ta an gliocas, a tha o'n àirde, air tùs glan; an déigh sin sìoth-chail, ciuin, agus so-chomhairlich, làn do thòrcair agus do dheadh thòraibh, gun leth-bhreth agus gun cheilg.

18 Agus tha toradh na fìrcantachd air a chur ann an sìth do luchd-deanamh na sìth.

#### CAIB. IV.

**C**LA as a ta coganna agus còmh-raga a' teachd 'nar measg? nach ann as a so, eadhon o bhur n-anamhiannaibh, a tha cogadh ann blur ballaibh?

2 Tha sibh a' miannachadh, agus cha 'n'eil agaibh: tha sibh a' marbh-

adh, agus a' dian-shaantachadh, agus ni'n comas duibh ni fhaotainn: tha sibh a' cathachadh agus a' cogadh, gidheadh cha 'n'eil agaibh, do bhrìgh nach 'eil sibh ag iarraidh.

3 Tha sibh ag iarraidh, agus cha 'n'eil sibh a' faotainn, do bhrìgh gu bheil sibh ag iarraidh gu h-olc, chum's gu'n caith sibh e air blur n-anamhiannaibh.

4 Adhaltrannaichean, agus adhaltrannaichean, nach 'eil fhios agaibh gur naimhdeas an aghaidh Dhé càirdeas an t-saoghail? ge b'e air bith neach, uime sin, leis an àill bhi 'na charaid do'n t-saoghal, tha e 'na nàmhaid do Dhia.

5 Am bheil sibh a' smuaineachadh gu bheil an scriobtuir gu dìomhanach a' labhairt? Am bheil an spiorad a tha còmhnuidh annainn a' togairte gu farmad?

6 Ach bheir e gràs a's mò uaith: uime sin a deir e, Tha Dia a' cur an aghaidh nan uaibhreach, ach a' toirt gràis dhoibhsan, a ta ìriosal.

7 Uime sin ùmhlaidhibh sibh féin do Dhia; cuiribh an aghaidh an diabhoil, agus teichidh e uaibh:

8 Dlùthaichibh ri Dia, agus dlùthaichidh e ribh: glanaibh *bhur* làmhnan, a phacacha, agus glanaibh *bhur* cridhe, sibhse aig am bheil an inntinn dhùbailte.

9 Bithibh ann an àmhghar, agus deanaibh caoi, agus gul: biodh *bhur* gàire air a thionndadh gu bròn, agus *bhur* n-aobhncas gu tuirse.

10 Ìrioslaichibh sibh féin am fianuis an Tighearna, agus àrdaichidh e sibh.

11 Na labhraibh olc mu chéile, a bhràithre. An ti a tha labhairt uile m'a bhràthair, agus a' tabhairt breth air a bhràthair, tha e labhairt uile mu'n lagh, agus a' toirt breth air an lagh: ach ma tha thu toirt breth air an lagh, cha'n fhear-coimblionaidh an lagh thu, ach breitheamh.

12 Tha aon fhear-tabhairt lagha ann, a's urrainn saoradh agus sgrios; co thus' a tha toirt breth air neach eile?

13 Imichibh a nis, sibhse a deir, Theid sinn an diugh no màireach gus a' leithid so do bhaile, agus fanuidh sinn an sin rè bliadhna, agus ni sinn ceannachd, agus gheibh sinn buannachd.

14 'Nuair nach 'eil fhios agaibh ciod a tharlas air a' màireach: oir

a triall na beatha; cuairt an domhain.

b nathraiche.

c an-riagha ilt.

d Tha an spiorad.

e mlannachadh.

f dhà-fhillte.

g marsandachd.

ciod i bhur beatha? is deatach i a chithear rè ùine bhig, agus an déigh sin a théid as an t-sealladh.

15 An àit *gu'm bu chòir* dhuibh a ràdh, Ma's toil leis an Tighearn, bithidh sinn beo, agus ni sinn so, no sud.

16 Ach a nis tha sibh a' deanamh uail as bhur ràiteachas féin: is olc gach uile shamhuil sin do uail.

17 Uime sin dhasan d'an aithne maith a dheanamh, agus nach dean e, is peacadh e dha.

## CAIB. V.

**I**MICHIBH a nis a dhaoine saibhre, deanaibh gul agus caoidh air son bhur n-àmhghar, a tha teachd oirbh.

2 Tha bhur saibhreas air truailleadh, agus bhur n-eudach air itheadh leis an leomann a.

3 Tha bhur n-òr agus bhur n-airgid air meirgeadh; agus bithidh am meirg-san 'na fhianuis 'nar n-aghaidh, agus ithidh i bhur feòil mar theine: thaisg sibh ionmhas fa chomhair nan là deireannach.

4 Feuch, tha tuarasdail an luchd-oibre, a bhuain sios bhur n-achaidh, ni a chunnadh uatha leibhse le feill, ag éigheach: agus tha glaothaich na muinntir a bhuain, air dol a stigh chum cluasa Tighearna nan sluaigh.

5 Chaith sibh bhur beatha ann an dògh air talamh, agus bha sibh mear; dh'altrum sibh bhur cridheacha, mar ann an là a' mharbhadh e.

6 Dh'it agus mharbh sibh am fireand, agus cha 'n'eil e cur 'nar n-aghaidh.

7 Uime sin, a bhràithre, bithibh foighidneach gu teachd an Tighearna. Feuch, feithidh an treabhaiche e, ri toradh luachmhor an talmhainn, agus fanaidh e gu foighidneach ris, agus am faigh e an ceud uisge agus an t-uisge deireannach.

8 Bithibhse foighidneach mar an ceudna; socraichibh bhur cridheacha: oir tha teachd an Tighearna am fagus.

9 Na deanaibh gearan an aghaidh

a an reudan, mhiad-chrìon.

b nam buanaiche. c an àir.

d an t-ionracan.

e an tuathanach.

a chéile, a bhràithre, chum nach dètar sibh: feuch, tha am breith-eamh 'na sheasamh aig an doras.

10 Gabhaibh, mo bhràithre, na fàidhean, a labhair ann an ainm an Tighearna, 'nan eisempleir air an-shocair fhulang, agus air foighidin.

11 Feuch, measarsonaleinniasan a dh'fhuilingeas. Chuala sibh iomradh air foighidin Iob, agus chunnaic sibh crìoch an Tighearna; gu bheil an Tighearna ro thiom-chridheacha agus tròcaireach.

12 Ach roimh na h-uile nìthe, mo bhràithre, na tugaibh mionnan, aon chuid air nèamh, no air an talamh, no air aon mhionnan eile: ach gu'm bu h-e bhur còmhradh seadh, seadh, agus ni h-eadh, ni h-eadh; air eagall gu'n tuit sibh ann an dìteadh.

13 Am bheil neach sam bith a' fulang uile 'nar measg? deanadh e ùrnuigh. Am bheil neach sam bith subhach? canadh e sailm.

14 Am bheil neach sam bith tinn 'nar measg? cuireadh e fios air sean-airibh na h-eaglais; agus deanadh iad ùrnuigh os a cheann, 'ga ùngadh le h-ola an ainm an Tighearna:

15 Agus slànuichidh ùrnuigh a' chreidimh an t-euslan, agus togaidh an Tighearn suas e; agus mar rinn e peacanna, maithear dha iad.

16 Aidichibh bhur lochda d' a chéile, agus deanaibh ùrnuigh air son a chéile, chum gu'n slànuichear sibh: tha mòr éifeachd ann an ùrnuigh dhùrachdaich an fhìreinn.

17 Bu duine Elias aig an robh comh-aighe ruinne, agus ghuidh e gu dùrachdach gun uisge bhi ann: agus cha d'fhainig uisge air an talamh rè thri bliadhna agus shea mìos.

18 Agus rinn e ùrnuigh a ris, agus thug nèamh uisge uath, agus thug an talamh a mach a thoradh.

19 A bhràithre, mathéid aon neach agaibhse air seacharan o'n fhìrinn, agus gu'n iompoich neach e;

20 Biodh fhios aige, an duine, a dh'iompoicheas peacach o sheacharan a shlighe, gu'n saor e anam o bhàs, agus gu'm folaich e mòran pheacanna.

f ro iochdmhor.

g tèarvinn.

# CEUD LITIR CHOITCHIONN AN ABSTOIL PHEADAIR.

## CAIB. I.

**P**EADAR abstol Iosa Crìosd, chum nan coigreach, a tha air an sgapadh tre Phontus, Ghalatia, Chapadocia, Asia, agus Bhitinia,

2 A thaghadh a réir roimh-eòlais Dhé an Athar, tre naombachadh an Spioraid, chum ùmhlachd, agus crathadh fola Iosa Crìosd: Gràs agus sìothchaint gu robh air am meudachadh dhuibhse.

3 Gu ma beannuichte gu robh Dia agus Athair ar Tighearna Iosa Crìosd, neach a réir a mhòr thrèadair, a dh'ath-ghin sinne gu beo dhòchas, tre aiseirigh Iosa Crìosd o na marbhaibh.

4 Chum oighreachd neo-thruaillidh, agus neo-shalaich, agus nach searg as, a tha air a coimhead sna nèamhaibh dhuibhse,

5 A tha air bhur coimhead le cumhachd Dhé tre chreidimh chum slàinte, a tha ullamh r'afoilseachadh san àmsir dheireannaich.

6 Ni anns am bheil sibh a' deanamh mòr ghairdeachais, ge do tha sibh a nis rè ùine bhig (ma's feumail e) fuidh thuirse tre iomadh buair-eadh.

7 Chum gu faighear dearbhadh bhur creidimh, ni's luachmhoire gu mòr na òr a théid am mugha a, ge do dhearbhar le teine e, chum cliù, agus urrainn, agus glòir aig foillseachadh Iosa Crìosd;

8 D'am bheil sibh a' toirt gràidh, genant faca sibh e; agus air dhuibh bhi creidsinn ann ge nach 'eil sibh a nis 'ga fhaicinn, tha sibh a' deanamh mòr ghairdeachais le h-aoibhneas air dol thar labhairt, agus làn do ghlòir:

9 A' faotainn crìche bur creidimh, slàinte *bhur* n-anaman:

10 Slàinte mu'n d'fhiosraich na fàidhean, agus mu'n d'rinn iad geurransachadh, muinntir a rinn fàidheadaireachd mu'n ghràs, a bha gu teachd d'ar-ionnsuidhse;

11 A' rannsachadh cìod i, no cìod a' ghnè aimsir a bha Spiorad Chrìosd anntasan a' foillseachadh<sup>b</sup>, 'nuair a rinn e fianuis roimh-laimh air fulangasaibh Chrìosd, agus a' ghlòir a bha gu'n leantuinn.

12 Muinntir d'ann d'fhoillsich-eadh, nach b'ann doibh féin, ach dhuinne a fhrithheil iad na nithe a tha nis air an cur an céill duibh leo-

san a shearmonaich an soisgeul duibh, leis an Spiorad naomh a chuireadh a nuas o nèamh; nithe air am miann leis na h-ainglibh beachdachadh.

13 Uime sin cìosraichibh leasraidh bhur n-inntinn, bithibh measarra, agus biodh dòchas dìongmhalta agaibh as a' ghràs<sup>c</sup>, a bheirear dhuibh aig foillseachadh Iosa Crìosd;

14 Mar chloinn ùmhail, gun bhi 'gar comh-chumadh féin ris na h-anamhiannaibh, a bha agaibh roimhe ann an am bhur n-aineolais:

15 Ach a réir mar a ta esan a ghairm sibh naomha, bithibhse naomha mar an ceudna 'nar n-uile chaitheadh-beatha:

16 Do bhrìgh gu bheil e scrìobhta, Bithibhse naomha, oir ataimse naomha.

17 Agus ma ghoireas sibh air an Athair, a bheir breth a réir oibre gach neach gun ehlaon bhàigh ri neach seach a chéile<sup>d</sup>, caithibh aimsir bhur cuairt an so le h-eagal<sup>e</sup>:

18 Air dhuibh fios a bhi agaibh nach do shacradh sibh le nithibh truailidh, mar a ta a' giod agus òr, o bhur caitheadh-beatha dìombain, a thugadh dhuibh o bhur sinnsireachd:

19 Ach le fuil luachmhoir Chrìosd, mar *fuil* Uain gun chron, gun smal:

20 Neach gu deimhin a roimh-orduicheadh roimh chruthachadh an t-saoghail, ach a dh'fhoillsicheadh anns na h-aimsiribh deireannach air bhur sonsa;

21 Muinntir tridsan a ta creidsinn ann an Dia a thog esan o na marbhaibh, agus a thug glòir dha, chum gu'm biodh bhur creidimh agus bhur muinghin ann an Dia.

22 Do bhrìgh gu'n do ghlan sibh bhur n-anama le ùmhlachd a thoirt do'n fhirinn tre 'n Spiorad, chum gràidh neo-chealgaich do na bràithribh; *feuchaibh* gu'n toir sibh gràdh d'a chéile a cridhe glan gu dùrachdach:

23 Air dhuibh bhi air bhur n-ath-ghineamhuin, cha'n ann o shìol truailidh, ach neo-thruailidh, le focal an Dé bheo, agus a mhaireas gu sìorruidh.

24 Oir tha gach uile fheòil mar

<sup>c</sup> sùil gus a' chrìch agaibh ris a' ghràs.

<sup>d</sup> gun urram do neach seach a chéile.

<sup>e</sup> faitcheas.

a a neo-ni.

b ciallachadh.



fheur, agus uile ghlòir dhaonna mar bhlàth an fhebir. Seargaidh am fear, agus tuitidh a bhlàth dheth:

25 Ach fanaidh focal an Tighearna gu siorruidh. Agus is e so am focal, a shearmonaicheadh dhuibhse anns an t-soisgeul.

## CAIB. II.

**U**IME sin a' cur uaibh gach uile mhioruin, agus gach uile mhealltoireachd, agus chealg, agus fharmada, agus gach uile anacainnt, 2 Mar naoidheana air an ùr-bhreith, iarraibh bainne fìor-ghlan an fhocail, chum as gu fàs sibh leis;

3 Ma 's e s' gu'n do bhlais sibh a gu bheil an Tighearn gràsmhor.

4 A' teachd d'a ionnsuidhsan, mar gu cloich bheo, a dhiùltadh gu deimhin le daoineibh, ach air a taghadh o Dhia agus luachmhor:

5 Tha sibhse mar an ceudna mar chlochaibh beotha, air bhrur togail suas 'nar tigh spioradail, 'nar sagart-achd naomha chum iobairte spioradail a thoirt suas, taitneach do Dhia trid Iosa Criosd.

6 Uime sin tha so mar an ceudna air a chur sìos anns an scriobtuir, Feuch, cuiream ann an Sion prìomh chlach-oisinne<sup>b</sup>, taghta, luachmhor: agus an ti a chreideas ann<sup>c</sup>, cha chuirear gu nàire e.

7 Dhuibhse uime sin a chreideas tha e d luachmhor: ach dhoibhsan a tha easumhal, a' chlach a dhiùlt na clachairean, rinneadh ceann na h-oisinne dìth,

8 Agus clach-thuislidh, agus carruig oilbheim, dhoibhsan a thuislicheas air an fhocal, air dhoibh bhi easumhal, chum mar an ceudna an d'orduicheadh iad.

9 Ach is ginealach taghta sibhse, sagartachd rioghail, cinneach naomha, sluagh sonraichte<sup>e</sup>; chum gu'n cuireadh sibh an cèill feartan<sup>f</sup> an ti a ghairm a dorchadas sibh chum a sholuis iongantach fèin.

10 Nach robh uair-eigins 'nar sluagh, ach a nis is sibh sluagh Dhé: dream nach d'fhuair trècair, ach a nis a tha air faotainn trècair.

11 A mhuinntir mo ghràidh, guidheam oirbh, mar choigrich agus luchd-cuairt, sibh a sheachnadh anamhianna fèimhor, a tha cogadh an aghaidh an anama:

12 Air dhuibh deadh chaitheadh-beatha bhi agaibh am measg nan

Cinneach; chum an àit olc a labhairt umaibh mar luchd mi-ghnìomh, gu'n dean iad o bhrur deadh oibribh a chi iad, Dia a ghlòrachadh ann an là an fhiosrachaidh.

13 Uime sin bithibhse ùmhal do gach uile riaghailth dhaoine air son an Tighearna: ma's ann do'n rìgh, mar an ti a's àirde inbhe;

14 No do uachdaranaibh, mar do'n mhuinntir a chuireadh uaith chum dioghaltais air luchd-dheanamh an uile, ach chum cliu dhiobhsan a ni maith.

15 Oir is i toil Dé gu'n cuireadh sibhse le deadh dheanadas tosd air aineolas dhaoine amaideach:

16 Mar dhaoine saor, agus gun bhrur saorsa a ghnàthachadh mar bhrat-folaich do'n olc i, ach mar sheirbhisich Dhé.

17 Thugaibh urram do na h-uile dhaoine. Gràdhaichibh na bràithre. Biodh eagal Dé oirbh. Thugaibh urram do'n rìgh.

18 A sheirbhisreacha, bithibh ùmhal d'ar maighstiribh maille ris an uile eagal, ni h-e mha'n dhoibhsan a tha maith agus ciuin, ach mar an ceudna dhoibhsan a tha anamèineach<sup>l</sup>.

19 Oir a ta so cliu-thoillteannach, ma dh'iomchaireas neach sam bith doilgheas air son coguis a thaobh Dhé, a' fulang gu h-eucorach.

20 Oir ciod an t-aobhar molaidh a ta ann, ma's e an uair a ghabhar oirbh airson bhrur ciontaidh, gu'n giùlain sibh gu foighidneach<sup>e</sup>? ach ma's e 'nuair a ta sibh a' deanamh maith, agus a' fulang air a shon, gu'n giùlain sibh e gu foighidneach, tha so taitneach do Dhia.

21 Oir is ann chuire so a ghairm-eadh sibh: do bhrigh gu'n d'fhuiling Criosd mar an ceudna air bhrur son m, a' fàgail eisempleir agaibh<sup>n</sup>, chum gu leanadh sibh a cheumanna:

22 Neach nach d'rinn peacadh, ni mò a fhuaradh cealg 'na bheul:

23 Neach 'nuair a chàineadh e, nach do chàin aris; 'nuair a dh'fhuiling e, nach do bhagair; ach a dh'earb e fèin, ris-san a bheir breth cheart:

24 Neach a ghiùlain ar peacanna e fèin 'na chorp fèin air a' chrann, chum air dhuinn bhi marbh do'n pheacadh o, gu'm bitheamaid beo do fhìreantachd: neach a tha sibh air bhrur slànuchadh le a bhuillibh.

25 Oir bha sibh mar chaoraich a' dol air seacharan; ach philleadh sibh

<sup>a</sup> Do bhrigh gu'n do bhlais sibh.

<sup>b</sup> clach-oisinne àraidh.

<sup>c</sup> a dh'earbas aisde. <sup>d</sup> i.

<sup>e</sup> dileas, àraid. <sup>f</sup> subhailcean,

buaidhean, cliu. <sup>g</sup> roimhe.

<sup>h</sup> ordugh, shuidheachadh. <sup>i</sup> do

mhiorun. <sup>l</sup> reasgach, crosda.

<sup>m</sup> air ar soinn-ne. <sup>n</sup> againn.

<sup>o</sup> air ar saoradh o pheacaibh.

a nis chum Buachaille agus Easbuig a bhur n-anaman.

## CAIB. III.

**M**AR an ceudna, a mhnà, *bithibh* ùmhal d'ar fearaibh féin, chum ma tha droing air bith easùmh-al do'n fhocal, gu'm bi iadsan mar an ceudna, as eugmhais an fhocail, air an cosnadh le deadh chaitheadh-beatha nam ban.

2 'Nuair a bheachdaicheas iad air bhur caitheadh-beatha ghcanmnaidh maille ri h-eagal.

3 Na b'i bhur breaghachd, figh-eadh an fhuilt agus a' cur òir oirbh, agus dheadh thrusgan umaibh, a' *bhreaghachd sin* o'n leth muigh:

4 Ach duine folaicht' a' chridhe, ann an neo-thruaillidheachd spioraid mhacanta agus chiuin, ni a tha ro luach-mhor ann an sealladh Dhé.

5 Oir b'aun mar so a rinn na mnà naomha o shean, aig an robh am muinghin ann an Dia, iad féin breagha, air dhoibh bhì ùmhal d'am fearaibh féin;

6 Ambuil a thug Sara ùmblachd do Abraham, a' gairm tighearna dheth: d'an nigheana sibhse am feadh a ni sibh gu maith, agus gun gheilt oirbh le h-uabhas sam bith.

7 Mar an ceudna, fheara, gabh-aibhse còmhnuidh maille riu a réir eòlais, a' tabhairt urrainn do'n mhnàoi mar an soitheach a's anmhuinne, agus mar mhuinntir a tha 'nan comh-oighreachaibh air gràs na beatha; chum nach cuirear bacadh air bhur n-ùrnuighibh.

8 Fa dheoidh, *bithibh* uile a dh'-aon inntinn, biodh comh-fhulangas agaibh r'a chéile b, gràdhachibh a chéile mar bhràithre, *bithibh* truacanta, càrdeil:

9 Na locaibh olc air son uile, no càineadh air son càinidh: ach 'na aghaidh sin, beannichibh; air dhuibh fios bhì agaibh gur ann chuige so a ghaimeadh sibh, chum gu'n sealbhaicheadh sibh beannachadh mar oighreachd:

10 Oir ge b'e le'm b'àill beatha a ghràdhachadh, agus làithean maith e fhaicinn, cumadh e theanga o olc, agus a bhilean o labhairt ceilg.

11 Seachnadh e olc, agus deanadh e maith; iarradh e sìth, agus leanadh e i.

12 Oir *tha* sùilcan an Tighearn air na fireanaibh, agus a chluasa fosgailte r'an ùrnuigh: ach *tha* gnùis an Tighearna an aghaidh na muinntir a ni olc.

13 Agus cò e a ni olc oirbh, ma bbios sibh 'nar luchd-leanmhuinn air an nìc sin a ta maith?

14 Ach eadhon ma dh'fhuilingeas sibh air sgàth fireantachd, *is* sona sibh: agus na biodh fiamh an eagail-san oirbh, agus na bithibh mi-shuaimhneach;

15 Ach naomhaichibh an Tighearn Dia ann bhur cridhibh: agus *bithibh* ullamh a ghnàth chum freagradh a thoirt maille riceannsaich agus eagal, do gach uile dhuine a dh'iarras oirbh reuson an dòchais a tha annaibh:

16 Air dhuibh deadh choguis a bbi agaibh; chum 'nuair a tha iad a' labhairt uile 'nar n-aghaidh mar luchd-mi-ghnìomh, gu'n gabh iadsan nàire a tha toirt toibheim d'ar deadh chaitheadh-beatha ann an Criosd.

17 Oir *is* fearr, ma's e sin toil Dé, sibh a dh'fhulang air son maith a dheanamh, na air son olc a dheanamh.

18 Oir dh'fhuiling Criosd féin aon nair air son peacaidh, am firean air son nan neo-fhirean, (chum gu'n d'thugadh e sinne gu Dia) air dha bhì air a chur gu bàs san fheòil, ach air a bheothachadh trid an Spioraid:

19 Leis an deachaidh e mar an ceudna, agus an do shearmonaich e do na spioradaibh aon am priosun;

20 A bha o shean easumhal, 'nuair a dh'fheith fad-fhulangas Dé aon uair ann an làithibh Noe, am feadh a bha àire 'ga h-ullachadh, anns an robh beagan, sin r'a ràdh, ochd a-aman, air an tearnadh trid uisge.

21 Tha'm baisteadh, mar shamhlachas a tha coimh-fhreagradh dha so (cha'n e cur dhinn sal na feòla, ach freagradh deadh choguis thaobh Dhé) nis 'gar tearnadhne, trid aiseirigh Iosa Criosd:

22 Neach air dha dol gu nèamh, a tha air deas làimh Dhé, air do ainglibh, agus do uachdranachdaibh, agus do chumhachdaibh bhì air an cur fuidh chearnsalsand.

## CAIB. IV.

**U**IME sin o dh'fhuiling Criosd air ar soinne san fheòil, armaichibhse mar an ceudna sibh féin leis an inntinn cheudna: oir an ti a dh'fhuiling anns an fheòil, sguir e do pheacadh;

2 Chum nach caitheadh e fuigheall aimsire anns an fheòil, a réir anamhianna dhaoine, ach a réir toile Dé.

3 Oir *is* leoir dhuinn a' chuid a chaidh seachad do aimsir ar beatha

a *fir-coimhid, fir-amhaire thairis.*

b *bithibh iochdmhor r'a chéile.*

c *an Ti.*

d *a mharasglachd.*

e *a smachd.*

gu toil nan Cinneach a dheanamh, nuair a shiubhail sinn ann am macnus<sup>a</sup>, ann an anamhiannaibh, ann an anabharra fiona, ann an geòcaireachd<sup>b</sup>, ann am pòiteireachd, agus ann an lodbol-aoradh an-dlìgh-each<sup>c</sup>:

4 Nì anns am bheil iad a' gabhail iongantais, do bhrìgh nach 'eil sibhse a' ruith maraon rin anns an neomheasarrachd cheudna gun tomhas, a' labhairt uile *umaibh*:

5 Muinntir a bheir cunntas dhasan, a tha ullamh gu breth a thoirt air na beothaibh, agus air na marbhaibh.

6 Oir is ann chum na crìche so a shearmonaicheadh an soisgeul dhoibhsan, a tha marbh mar an ceudna, chum gu'n d'fhagadhl breth orra a réir dhaoine san fheoil, ach gu'm biodh iad beo a réir Dhé san Spiorad.

7 Ach a ta crìoch nan uile nithe am fagus: uime sin bithibh measarra<sup>d</sup>, agus deanaibh faire chum ùrnuigh.

8 Agus roimh na h-uile nithibh biodh agaibh teas-ghràdh d'a chéile; oir cuiridh gràdh folach air moran pheacanna.

9 Fhugaibh aoidheachd d'a chéile gun ghearan.

10 A réir mar a fhuair gach aon an tiodhlac, *mar sin* deanaibh frith-ealadh d'a chéile, mar dheanadh stiùbhardaibh air gràs eagsamhuil Dé.

11 Ma labhras neach sam bith, *labhradh e* mar bhriathraibh e Dhé; ma tha neach sam bith ri frith-ealadh, *deanadh se e* mar o'n chomas a bheir Dia *dha*; chum gu'm bi Dia air a ghlòrachadh anns na h-uile nithibh trid Iosa Chrìosd: dhasan gu robh glòir agus cumhachd gu saoghal nan saoghal. Amen.

12 A muinntir mo ghràidh, na biodh iongantais oirbh thaobh na deuchainn theintich, a thig oirbh chum bhur dearbhadh, mar gu'n tarladh ni-eigin neo-ghnàthach dhuibh:

13 Ach do bhrìgh gu bheil sibh 'nar luchd-comh-pairt do fhulangasaibh Chrìosd, deanaibh gairdeachas; chum mar an ceudna, ann an àm foillseachaidh a ghloire, gu'n dean sibh gairdeachas le h-aoibhneas ro mhòr.

14 Ma mhaslaichear sibh air son ainme Chrìosd, *is sona sibh*; oir a ta Spiorad na glòire, agus Dhé a' gabhail comhruidh oirbh; d'an taobhsan gu deimhin tha e faotainn toibheim,

ach d'ar taobhsa tha e air a ghlòrachadh.

15 Ach na fuilingeadh aon agaibh mar mhortair, no *mar* ghaduiche, no *mar* fhear droeh-bheirt, no *mar* neach a ghabhas gnothuch re nithibh nach buil da.

16 Gidheadh ma *dh'fhuilingeas duine* mar Chrìosduidh, na biodh nàire air: ach thugadh e glòir do Dhia as a leth so.

17 Oir *thainig* an t'àm anns an toisich bre theanas aig tigh Dhé: agus ma thòisicheas e againne, ciod is crìoch dhoibhsan, a tha easumhal do shoisgeul Dé?

18 Agus ma's ann air éigin a thearnar am firean, c'ait an taisbein an duine mi-dhiadhaidh agus am peacach e féin?

19 Uime sin, an dream a dh'fhuilingeas a réir toile Dé, earbadh iad an anama *ris-san* ann an deanamh maith, mar ri Cruithear dileas.

## CAIB. V.

**N**A seanairean a tha 'nar measg earalaicheam, air bhi dhomh féin a'm' sheanair mar an ceudna, agus a'm' fhianuis air fulangasaibh Chrìosd, agus mar an ceudna a'm' fhear comhpairt do'n ghloir sin a tha gu bhi air a foillseachadh:

2 Beathaichibh treud Dhé a tha 'nar measg, a' gabhail cùram *dheth*, nì h-ann a dh'aindeoin, ach gu deònach; nì h-ann air son buannachd shalaich, ach le h-inntinn ealaimb;

3 Nì mò mar thighearnaibh os ceann oighreachd *Dhé*, ach mar dhronng a tha 'nan eisempleiribh do'n treud.

4 Agus an uair a dh'fhoillsichear an t-àrd bhuachaille<sup>f</sup>, gheibh sibh crùn na glòire nach seargas.

5 Mar an ceudna, dhaoine oga, bithibh ùmhal do na seanairibh: seadh, bithibh nìle ùmhal d'a chéile, agus bithibh air bhur sgeadachadh le h-irioslachd: oir tha Dia a' cur an aghaidh nan uaibhreach, ach a' toirt gràis dhoibhsan a tha iriosal.

6 Uime sin islichibh sibh féin fuaidh làimh chumhachdaich Dhé, chum as gu'n àrduich e sibh ann an àm iomchuidh:

7 A' tilgeadh bhur n-uile chùraims airsan, oir a ta cùram aige dhibh.

8 Bithibh stuama, deanaibh faire; do bhrìgh gu bheil bhur nàmhaid an diabhol, mar leòmhnan beuchdach, ag imeachd mu'n cuairt, a' sìreadh cò a dh'fheudas e shlugadh suas.

9 Cuiribhse na aghaidh, air dhuibh

<sup>a</sup> truissealachd. <sup>b</sup> craos.

<sup>c</sup> gràineil. <sup>d</sup> stuama. <sup>e</sup> oracla.

<sup>f</sup> an t-àrd acdu're. <sup>g</sup> ro-chùraim.

bhi daingean sa' chreidimh, agus fhios a' hi agaibh gu bheil na fulangais cheudna air an coimhlonadh ann bhar bràithribh, a tha san t-saoghal.

10 Ach gu deanadh Dia féin nan uile ghràs, a chairm sinne chum a ghloire shiorruidh trid Iosa Crìosd, an déigh dhuibh fulang rè uine bhig, iomlan sibh; gu daingnicheadh, gu neartaicheadh, gu socraicheadh e sibh.

11 Dhasan gu robh glòir agus cumhachd, gu saoghal nan saoghal. Amen.

12 Le Silvanus bràthair dileas (a réir mo bharailse) scrìobh mi chug-aibh a gu h-aithghearr, a' teagasg, agus a' deanamh fianuis, gur e so fear ghràs Dé anns am bheil sibh 'nar seasamh.

13 Tha'n *caglais* ann am Babilon, a thaghadh maraon ribhse, a' cur fàilte oirbh, agus Marcus mo mhac.

14 Cuiribh fàilte air a chéile le pòig ghràidh. Sith gu robh maille ribh uile, a tha ann an Iosa Crìosd. Amen.

## DARA LITIR CHOITCHIONN AN ABSTOIL PHEADAIR.

### CAIB. I.

**S**IMON Peadar, seirbhiseach agus abstol Iosa Crìosd, dhoibhsan a fhuair creidimh co luachmhor ruinne, trid fireantachd ar Dé agus an Slànuighir Iosa Crìosd:

2 Gu robh gràs agus slothchaint air am meudachadh dhuibh, trid eòlais Dé, agus Iosa ar Tighearna,

3 A réir mar a dheònuich achumhachd diad' uidhsan dhuinne na nìhe sin uile, a bhuineas do bheatha agus do dhiadhachd, trid eòlais an tì sin a ghairm sinn chum glòire, agus cruadaile:

4 Trid an d'thugadh dhuinn geall-annan omhòr agus luachmhor chum tridsan gu'm biodh sibhse air bhar deanamh 'nar luchd-coimh-pàirt do nàdur na diadhachd, air dhuibh dol as o'n truailidheachd, a ta anns an t-saoghal trid anamhiann.

5 Agus a thuilleadh air so d' air deanamh an uile dhìchill duibhse, cuiribh r'ar creidimh cruadal: agus ri cruada, eòlas;

6 Agus ri h-eòlas, stuaim; agus ri stuaim, foighidin; agus ri foighidin, diadhachd;

7 Agus ri diadhachd, gràdh bràthaireil; agus ri gràdh bràthaireil, seirct.

8 Oir ma bhios na nìhe so ann-aibh, agus pailte, bheir iad oirbh gun bhi leasg, no mi-thorrach ann an eòlas ar Tighearna Iosa Crìosd.

9 Ach an tì aig nach 'eil na nìhe sin, tha e dall, agus gearr-sheall-

achg, a' dì-chuimhneachadh gu'n do gblanadh e o a sheann pheac-aibh.

10 Uime sin, a bhràithre, deanaibh tuilleadh dìchill chum bhar gairm agus bhar taghadh a dheanamh cinnteach: oir ma nì sibh na nìhe so, cha tuit sibh a choidhch:

11 Oir mar sin frithealar gu pailt dhuibh slìche a steach do rioghachd shiorruidh ar Tighearna agus ar Slànuighir Iosa Crìosd.

12 Uime sin cha dearmad mi na nìhe so ghnàth-chur an cuimhne dhuibh, ge d' is aithne dhuibh iad, agus ge do tha sibh air bhar dàingneachadh san fhìrinn a làthair.

13 Ach measam gur còir, am feadh's a ta mi sa' phàilliuin so, sibhse a bhrosnachadh le'r cur an cuimhne:

14 Air dhomh fios a bhiagam gur fagus dhomh àn cur dhìom me phàilliuin so, amhuil a dh'fhoillsich ar Tighearna I sa Crìosd dhomh.

15 Ach nì mise dìchioll, chum an déigh dhomh siubha', gu'm bhi agaibh-se gnàth-chuimhne air na nìthibh so.

16 Oir cha do lean sinne faoin-sgeulachd a dhealbhadh gu h-innleachdach, 'nuair a chuir sinn an céill duibh cumhachd agns teachd ar Tighearna Iosa Crìosd, ach rinneadh sinn 'nar sùil-fhianuisibh air a mhòrachdsan.

17 Oir fhuair e o Dhià an t-Athair onoir agns glòir, 'nuair a thainig a' shamhuil so do ghuth d'a ionnsuidh

a thugaibh, do'r n-ionnsuidh.

c subhailc, deadh-bheus.

f gràdh, carthanachd.

b fireantachd Dhé agus ar Slànuighir.

d chum na crìche so.

e fa dhoill'-ean.

c measarrachd

b bhothan.



o'n ghlòir oirdheirca, Is e so mo  
Mhac gràdhachsa, le'm bheil mi làn-  
toilichte.

18 Agus chuala sinne an guth so  
a thainig o nèamh, 'nuair a bha sinn  
maille ris air an t-slabh naomha.

19 Tha againn mar an ceudna  
focal fàidheadair eachd a's ciuntiche;  
d'am marh a ni sibh aire a thoirt,  
mar do lochran a tha toirt solais  
uaith ann an ionad dorchais, gus an  
soillsich an là, agus an éirich an  
reult-mhaidne 'nar crìcheachaibh:

20 Air dhuibh fhios so a bhi  
agaibh air tùs, nach 'eil fàidheadair-  
eachd air b' th do'n scriobtuir o thog-  
radh dhaoine féin.

21 Oir chad' thainig an fhàidhead-  
air eachd a réir toil duine o shean:  
ach labhair daoine naomha Dhé mar  
asheòladh iad leis an Spiorad naomh.

## CAIB. II.

**A**CH bha fàidhean bréige mar an  
ceudna am measg an t-sluaigh,  
amhuil a bhios eachd-teagaisg bréige  
'nar measgsa, droing a bheir a steach  
os iosalsaoibh-chreid mh' b millteach,  
eadhon ag aicheadh an Tigheana a  
cheannaich iad, agus a bheir sgrios  
obunn orra féin.

2 Agus leanaidh mòran an sligh-  
eacha millteach, trid am faigh slighe  
na firinn mi-cbliu.

3 Agus tre shannt ni iad ceann-  
achd oirbh le briathraibh mealltach:  
dream nach 'eil am breitheanas a  
nis o chian a' deanamh moille, agus  
cha 'n'eil an sgrios a' turr-chod-  
alc.

4 Oir mar do chaomhain Dia na  
h-aingil a pheacaich, ach air dha an  
tilgeadh sìos do ìfhrinn, gu'a d'thug e  
thairis iad gu bhi air an coimhead  
ann an slabhraidhibh dorchadais, fa  
chomhair breitheanais;

5 Agus nach do chaomhain e an  
seann saoghal ach gu'n do shaor e  
Noe an t-ochdamh *pearsa*, searmon-  
aiche fireantachd, air dha an dillinn d  
a thoirt air saoghal na daoine mi-  
dhiadhaidh;

6 Agus a' tionndadh cathraiche  
Shodoim agus Ghemorra gu luath-  
rec, gu'n do dh'ite te léir-sgrios iad,  
'gan deanamh 'nam ball-sampuill  
dhoibhsan a bhiodh mi-dhiadhaidh  
an déigh sin;

7 Agus gu'n do shaor e Lot am  
firean, a bha fa champaraz le caith-  
eachd-beatha neo-ghloin nan aingidh:

a ard-urrnaisich.

b dò-bharaitlean.

c clò-chodal. d dille, tuil.

e luath. f 'nan samhlauchas.

g air a shàrachadh.

8 (Oir chràidh an t-ionracan sin,  
agus e gabhail cùmhnuidh 'nam  
measg, anam fireanta o là gu là, le  
bhi faicinn agus a' cluinninn an  
gnìomharan an-dligheach:)

9 Is aithne do'n Tighearn na  
daoine diadhaidh a shaoradh o  
bhuairleadh, agus na daoine' eucorach  
a choimhead gu là a bhreitheanais  
chum peanas a dheanamh orra:

10 Ach gu h-àraid iadsan a lean-  
as an theoil ann an anamhiann na  
neo-ghloine, agus a ni tàir air  
uachdaranachd: Air dhoibh bhi an-  
dàna, féin-thoilcil, cha'n eagal leo  
enacaint a thoirt dhoibhsan, a tha  
ann an àrd inbhe:

11 An uair nach toir aingil a's  
mò ann an neart, agus ann an cumh-  
achd, casaid thoibheumach 'nan agh-  
aidh i am fànais an Tighearna.

12 Ach iadsan, mar ainmhidhean  
nàdura ea-céillidh, a rinneadh gu  
bhi air an glacadh agus an sgrios, air  
dhoibh bhi labhairt gu toibheumach  
mu na nithibh nach tuig iad, sgriosar  
iad 'nan truallidheachd féin;

13 Agus gheibh iad tuarastal na  
h-eucort, mar dhream a mheasas  
mar shubhachas soghk san là: is  
smala iad agus aobhar-maslaidh l,  
a' gabhail toileachas inntinn 'nam  
mealltoireachd féin, am fearh's a ta  
iad air cuirmibh maille ribh;

14 Aig am bheil an sùilean làn do  
adhaltrannas, agus do nach 'eil e'n  
comas sgar do pheacadh, a' mealladh  
anam an neo-shuidhichte; aig am  
bheil an cridhe air a chleachdadh ri  
guilomharaibh sanntach; clann nam  
mallachd,

15 A t-réig an t-slighe di-ireach,  
agus a chaidh air seacharan, a' lean-  
tuinn slighe Bhalaaim mhic Bhos-  
oirn, a ghràdhaich duais na h-eucor-  
ach;

16 Ach a fhuair achmhasan air  
son aingidheachd: oir labhair an asal  
bhalbh le cainnt duine, agus thoirm-  
isg i mi-chiall an fhàidh.

17 Is tobair gun uisge iad so,  
neòil air an iomain le h-ionghaoith,  
fa chomhair am bheil duibhne an  
dorchadais air a tha-gaidh gu sìorr-  
uidh.

18 Oir an uair a labhras iad  
briathran atmhor a diomhanais,  
meallaidh iad trid anamhianna na

h olc a labhairt umpasan.

i breth mhaslach an aghaidh a  
chéile.

k deadh-ghleus, deadh theachd-an-  
tir.

l aineamha, sal.

m féisdibh.

n Bkeoir.

o ceo.

a uaibhreach.

feòla, trid mhaicneis, a' iadsan a chaidh gu glan b' as uathasan, a tha caitheadh am beatha ann an seacharan :

19 A' gealltuinn saorsa dhoibh, agus gun annta féin ach tràillean na truaidheachd : oir ge b'e ni le'm buadhaichear air duine, do'n ni sin féin tha e air a chur fuidh dhaorsa.

20 Oir an déigh dhoibh dol as o shalchraibh an t-saoghail trid eòlas an Tighearna agus an t-Slànuighir Iosa Crìosd, ma bhios iad a ris air an ribeadh anna, agus air an cur fuidh ghéill, tha an deireadh aca nì's measa na an teiseach.

21 Oir b' fhearr dhoibh gun eòlas a bhì aca air slighe na fireantachd, nà an déigh a h-eòlas fhaotainn, pilleadh o'n àithne naomh a thugadh dhoibh.

22 Ach thachair dhoibh a réir an t-sean-fhocal fhirinnich, Phìll am madadh air ais chum a sgeith féin; agus, A' mhuc a chaidh nigheadh, chum a h-aoirreagan e san làthaich d.

### CAIB. III.

**A**N dara lùir so, a mhuinntir mo ghràidh, scriobham chugaibh a nis; anna *le chèile* tha mi a' brosnachadh bhur n-intinn fhìor-ghloin le'r cur an cuimhne :

2 Chum gu'm bi sibh cuimhneach air na briathraibh a labhradh roimhe leis na fàidhibh naomha, agus air ar n-àithne-ne, absta'la an Tighearna agus an t-Slànuighir :

3 Air dhuibh fhios so bhi agaibh air thùs, gu'n d' thig anns na làithibh deireannach luchd fèachda, ag im-eachd a réir an anamhiann féin,

4 Agus ag ràdh, C'ait am bheil gcalladh a theachd? oir o choidil na h-aithriche, tha na h-uile nìthe a' fantuinn mar a bha iad o thoiseach a' chruthachaidh.

5 Oir tha iad aineolach air so d'an deoin, gu'n robh ra nèamha ann o chian, agus an talamh 'na sheasamh as an uisge, trid fhòcail Dé :

6 Tre'n deachaidh an saoghal a bha'n sin ann a sgrios, air teachd do'n dilinn air.

7 Ach tha na nèamha agus an talamh a tha nis ann, leis an fhocal sin féin air an tasgaidh suas, agus air an gleidheadh sa chomhair teine air chionn là a' bhreitheanais, agus sgrios dhaoine ain-diadhaidh.

8 Ach, a mhuinntir mo ghràidh, na bithibhse aineolach air an aon nì

so, Gu bheil aon là aig an Tighearna mar mhìle bliadhna, agus mìle bliadhna mar aon là.

9 Cha 'n' eil an Tighearna mall a thaobh a' gheallaidh, (mar a mbeasas dream àraidh moille,) ach tha e fad-flulangach d'ar taobhne, gun toil aige dream sam bith a bhì air an call, ach na h-uile dhaoine theachd gu h-aithneachas.

10 Ach thig là an Tighearna mar ghadoiche san oidliche; anns an d' theid na nèamha thairis le toirm mhòir, agus anns an leagh na dùile le dian theas; agus bithibh an talamh mar an ceudna agus na h-cibre, a ta air, air an losgadh suas.

11 Uime sin do bhrìgh gu'm bi na nìthe so uile air an sgaoileadh as a chèile, ciod a' ghnè dhaoine bu choir a bhi annaibh, ann an caitheadh-beatha naomha, agus diadhachd,

12 Le sùil a bhi agaibh ri, agus luathachadh f chum teachd là Dhé, anns am bi na nèamha, a' r dhoibh bhì ri theine, air an sgaoileadh o chèile, agus anns an leaghar na dùile le dian theas?

13 Gidheadh tha dùil againne ri nèamhaibh nuadh agus talamh nuadh, a réir a gheallaidh, anns an comhnuich fireantachd.

14 Uime sin, a mhuinntir ion-mhuinn, o tha dùil agaibh ris na nìtibh sin, deanaibh bhur dìchioll chum gu faighear leis-san ann an sìothchaint sibh, gun smal agus neo-lochdach :

15 Agus measaibh gur slàinte fad-flulangas ar Tighearna; amhuil a scriobh mar an ceudna ar bràthair gràdbach Pòl. a réir a ghliocais a thugadh dha, d'ar n-ionusuidh;

16 Amhuil mar 'na litricheibh uile a' labhairt anna mu na nìtibh so anns am bheil euid do n' thibh do-thuigsinn, a tha an droing a tha neo-fhòghlumta agus neo-sheasmhach a' fàradh, amhuil mar na scriobtuirean eile, chum an sgrios féin.

17 Ach sibhse, a mhuinntir mo ghràidh, o'saithne dhuibh na nìthe so roimh-làimh, thug a bhaire an t-eagal air dhuibhse mar an ceudna bhì air bhur tarruing air falbh le seacharan nan daoine ain-diadhaidh, gu'n tuit sibh o bhur seasmhachd féin.

18 Ach fàsaibh ann an gràs, agus ann an eòlas ar Tighearna agus ar Slànuighir Iosa Crìosd. Dhasan gu robh glòir a nis agus gu sìorruidhs. Amen.

a *thruisealachd.*

b *car tannuìl bhig.*

c *a h-aonairt, a h-eabradh.*

d *sa' chlàbar.* e *fanoid, sgeige.*

f *greasadh, cabkag a dheanamh*  
g *gu là na sìorruidheachd.*

## CEUD LITIR CHOITCHIONN AN ABSTOIL EOIN.

### CAIB. I.

**A**N ní a bha ann o thús, an ní a chuala sinne, a chunnaic sinn le'r súilibh, air an d'amhaire sinn, agus a lámhsich ar lámha thaobh focal na beatha;

2 (Oir dh'fhoillsicheadh a' bheatha, agus chunnaic sinne i, agus tha sinn a' deanamh fianais, agus a' cur an céill dhuibhse na beatha maireannaich ud, a bha maille ris an Athair, agus a dh'fhoillsicheadh dhuinne.)

3 An nia chunnaic agus a chuala sinn, tha sinn a' cur an céill dhuibhse, chum gu'm bi agaibhse mar an ceudna comunn ruinne: agus gu firinn-each tha ar comunn-ne ris an Athair, agus r'a Mhac Iosa Críod.

4 Agus tha sinn a' scríobhadh nan nithe so d'ar n-ionnsuidh, chum gu'm bi bhur gairdeachas coimhionta.

5 Agus is i so an teachdoireachd a chuala sinn uaithsan, agus a tha sinn a' cur an céill dhuibhse, Gur solus Dia, agus nach 'eil dorchadas air bith annsan.

6 Ma their sinn gu bheil comunn againn ris a, agus sinn a' gluasad ann an dorchadas, tha sinn a' deanamh bréige, agus cha 'n'eil sinn a' deanamh na firinn:

7 Ach ma ghluaiseas sinn anns an t-solus, mar a tha esan san t-solus, tha comunn againn r'a chéile, agus glanaidh fuil Iosa Críod a Mhac sinn o gach uile pheacadh.

8 Ma their sinn nach 'eil peacadh againn, tha sinn 'gar mealladh féin, agus cha 'n'eil an fhírinn annainn.

9 Ma dh'aidicheas sin ar peacanna, tha esan firinneach agus ceart, chum ar peacanna a mhaitheadh dhuinn, agus a glanadh o gach uile neo-fhirentachd.

10 Ma their sinn nach do pheacaich sinn, tha sinn a' deanamh breugaire d'heathsan, agus cha 'n'eil fhocal annainn.

### CAIB. II.

**M**O chlann bheag, na nithe so scríobham d'ar n-ionnsuidh, chum nach peacaich sibh. Agus ma pheacaicheas neach air bith, tha fear-tagraidh againn maille ris an Athair, Iosa Críod am firean:

2 Agus is esan an iobairt-réitich

a caidreabh againn ris.

air son ar peacaidhne; agus cha'n e air son ar peacaidhne mháin, ach mar an ceudna air son *peacaidh* an t-saoghail uile.

3 Agus le so tha fhios againn gur aithne dhuinn e, ma choimhideas sinn áitheanta.

4 An ti a their, Is aithne dhomh e, agus nach 'eila' coimhead áitheanta, is breugaire e, agus cha 'n'eil an fhírinn ann.

5 Ach ge b'e choimhideas fhocal, annsan gu deimhin tha grádh Dhé air a choimhlionadh: le so is aithne dhuinn ghu bheil sinn annsan.

6 An ti a their gu bheil e fantuinn annsan, is coir dhasan mar an ceudna glnasad, eadhon mar a ghluais esan.

7 A bhráithre, ní'n scríobham áithne nuadh chugaibh, ach seann áithne, a bha agaibh o'n toiseach: 's i 'n t-seann áithne am focal a chuala sibh o thús.

8 A ris, scríobham áithne nuadh chugaibh, ní a ta fíor annsan agus annaibhse: do bhrígh gu'n d'imich an dorchadas thairis, agus gu bheil a nís an solus fíor a dealrachadh.

9 An ti a their gu bheil e san t-solus, agus a tha fuathachadh a bhráthar, tha e san dorchadas gu a nís.

10 An ti aig am bheil grádh d'a bhráthair, tha e 'na chomhnuidh san t-solus, agus cha 'n'eil aobhar oilbheim air bith ann.

11 Ach an ti a ta fuathachadh a bhráthar, tha e anns an dorchadas, agus ag imeachd anns an dorchadas, agus cha'n aithne dha c'áit am bheil e dol, do bhrígh gu'n do dhall an dorchadas a shúilean.

12 Scríobham d'ar n-ionnsuidh, a chlann bheag, do bhrígh gu bheil bhur peacanna air am maitheadh dhuibh air sgáth ainme-san.

13 Scríobham d'ar n-ionnsuidh, aithriche, do bhrígh gu'm b'aithne dhuibh esan *ata* o thús. Scríobham d'ar n-ionnsuidh, óganacha, do bhrígh gu'n d'thug sibh buaidh air an droch aon. Scríobham d'ar n-ionnsuidh, a chlann bheag, do bhrígh gu'm b'aithne dhuibh an t-Athair.

14 Scríobh mi d'ar n-ionnsuidh, aithriche, do bhrígh gu'm b'aithne dhuibh an ti a ta ann o thús. Scríobh mi d'ar n-ionnsuidh, óganacha, do bhrígh gu bheil sibh láidir, agus gu bheil focal Dhé 'na chomh-

nuidh annaibh, agus gu'n d'thug sibh buaidh a' r an droch aon.

15 Na gràdhaichibh an saoghal, no na nithe *a ta* san t-saoghal. Ma ghràdhaicheas neach air bith an saoghal, cha 'n'eil gràdh an Athair ann.

16 Oir na h-uile a *ta* anns an t-saoghal, anamhiann na feola, agus anamhiann nan sùl, agus uabhar na beatha, cha'n ann o'n Athair a tha iad, ach o'n t-saoghal.

17 Agus siubhlaidh an saoghal seachad, agus anamhiann: ach an ti a ni to' l Dé, mairidh e choidhech.

18 A chlann bheag, 's i 'n aimsir dheireannach a tha ann: agus mar a chualasibh gu'n d'thig an t-anacriosd, is ann mar sin a ta nis iomad anacriosd ann; o'm bheil sinn a' tuigsinn gur i'n aimsir dheireannach a ta ann.

19 Chaidh iad a mach uainne, ach cha robh iad dhinn: oir nam biodh iad dhinn, gu deimhin dh'fhanadh iad maille ruinn: ach *chaidh iad a mach*, chum gu dea tadh follaiseach iad, nach robh iad uile dhinn.

20 Ach tha agaibhse ùngadh o'n ti naomha, agus is aithne dhuibh na h-uile nithe.

21 Cha do scriobh mi d'ar n-ionnsuidh, do bhrìgh nach aithne dhuibh an fhìrinn; ach do bhrìgh gur aithne dhuibh i, agus nach 'eil breug air bith o'n fhìrinn.

22 Cò a tha 'na bhreugaire, ach esan a dh'àich adhas gur e Iosa an Crìosd? 's e so an t-anacriosd, a tha 'g àichendh an Athar agus a' Mhic.

23 Ge b'e neach a dh'àicheadhas am Mac, cha n'eil an t-Athair aige: [ach an ti adh'aidicheas am Mac, tha an t-Athair aige mar an ceudna.]

24 Uime sin fànadh an ni sin annaibhse a chualasibh o thùs. Ma dh'fhanas an ni a chualasibh o thùs annaibh, fanaidh sibhse mar an ceudna anns a' Mhac, agus anns an Athair.

25 Agus is e so an gealladh a gheall e dhuinn, *eadhon* a' bheatha mhaireannach.

26 Scriobh mi na nithe so d'ar n-ionnsuidh, mu thimchioll na droinge a tha 'gar mealladh.

27 Ach tha an t-ùngadh, a fhuair sibh uathsan, a' fantuinn annaibh: agus cha 'n'eil feum agaibh gu'n teagaisgeadh aon neach sibh: Ach, mar a ta an t-ùngadh so féin 'gar teagasg mu thimchioll nan uile nithe, agus a ta e fìr, agus nach breug e, eadhon mar a theagaisg e sibh, fanaibh ann.

28 Agus a nis, a chlann bheag,

fanaibh annsan; chum 'nuair a dh'fhoillsichear e, gu'm bi dànachd aga'n, agus nach bi nàire oirnn 'na làthair aig a theachd.

29 Ma tha fhios agaibh gu bheil esan fireanta, tha fhios agaibh gu bheil gach neach a ni fireantachd, air a ghineamhuinn uathsan.

### CAIB. III.

**F**EUCHAIBH, ciod a' ghné ghràidh a thug an t-Athair dhuinne, gu'n goirteadh clann Dé dhinn! uime sin cha'n aithne do'n t-saoghal sinn, do bhrìgh nach b'aithne dha esan.

2 A mhuinntir mo ghràidh, a nis is sinne mic Dhé, agus cha 'n'eil e soilleir fathast ciod a bhitheas sinn: ach a ta fhios againn, 'nuair a dh'fhoillsichear esan, gu'm bi sinn cosmhuil ris; oir chi sinn e mar a ta e.

3 Agus gach neach aig am bheil an dochas so ann, glanaidh se e féin, mar a ta esan glan.

4 Ge b'e neach a ni peacadh, tha e mar an ceudna a' briseadh an lagha: oir is e am peacadh briseadh an lagha.

5 Agus tha fhios agaibh gu'n d'fhoillsicheadh esan chum ar peacanna thoirt a' falbh; agus cha 'n'eil peacadh sam bith annsan.

6 Gach neach a dh'fhanas annsan, cha dean e peacadh: ge b'e air bith a pheacaicheas, cha 'n fhaic e esan, agus cha robh eòlas aige air.

7 A chlann bheag, na mealladh neach air bith sibh: an ti a ni fireantachd is firean e, mar is firean esan:

8 An ti a ni peacadh, is ann o'n diabol a ta e: oir tha an diabol a' peacadhadh o thùs. Is ann chum na crìche so a dh'fhoillsicheadh Mac Dhé, chum gu'n sgriosadh e oibre an diabhoil.

9 Ge b'e neach a ghineadh o Dhia, cha dean e peacadh: oir a ta a shùil an a' fantuinn ann: agus cha 'n'eile'n comas da peacadh a dheanamh, do bhrìgh gu'n do ghineadh o Dhia e.

10 An so tha clann Dé, agus clann an diabhoil follaiseach: Ge b'e neach nach dean fireantachd, cha'n ann o Dhia a tha e, no an ti nach gràdhaich a bhràthar.

11 Oir is i so an teachdoireachd a chualasibh o thùs, sinn a thoirt gràidh d'a chèile:

12 Cha'n ann mar Chain, a bha o'n droch aon, agus a mharbh a bhràthair: Agus c'ar son a mharbh

a air a bhreith.



se e? A chionn gu'n robh oibre féin  
ele, agus oibre a bhràthar fireanta.

13 Na biodh ioghnadh oirbh, mo  
bhràithre, ge do dh'fhuthaicheas an  
saoghal sibh.

14 Tha fhios againn gu'n deach-  
aidh sinn thairis o bhàs gu beatha,  
do bhrìgh gu bheil gràdh againn do  
na bràithribh: an ti nach gràdhaich  
a bhràthair, fanuidh e ann am bàs.

15 Gach neach a dh'fhuathaicheas  
a bhràthair, is morta ra e; agus tha  
fhios agaibh nach 'eil aig mortair  
sam bith a' bheatha mhaireannach  
a' fànuinn ann.

16 Le so is aithne dhuinn gràdh  
Dhé, do bhrìgh gu'n do chuir esan  
sìos anam féin air ar soinne: agus  
is eòir dhuinne ar n-anama féin a  
chur sìos air son nam bràithre.

17 Agus ge b'e neach aig am  
bheil maoin an t-saoghail so, agus a  
chi a bhràthair ann an uireasbhuidh,  
agus a dhruideas a chridhe 'na agh-  
aidh, cionnus a tha gràdh Dhé a  
gabhail còmhnuidh ann?

18 Mo chlann bheag, na gràdh-  
aicheamaid ann am focal, no ann an  
teangaidh, ach ann an gnìomh agus  
ann am fìrinn.

19 Agus le so is aithne dhuinn gu  
bheil sinn do'n fhìrinn, agus bheir  
sinn dearbh-beachd d'ar cridhibh  
'na làthair.

20 Oir ma dhiteas ar cridhe sinn,  
is mò Dia na ar cridhe, agus is  
aithne dha na h-uile nithe.

21 A mhuinntir mo ghràidh, mur  
dèit ar cridhe sinn, tha dànachd  
againn a thachb Dhé.

22 Agus ge b'e ni a dh'iarraas sinn,  
gheibh sinn uaith e, do bhrìgh gu  
bheil sinn a' coimhead aitheantan,  
agus a' deanamh nan nithe a tha  
taitneach 'na fhianuis-san.

23 Agus is i so aithne-san, gu'n  
creideamaid ann an ainm a Mhic  
Iosa Criosd, agus gu'n gràdhaich-  
eamaid a chéile, mar a thug esan  
aithne dhuinn.

24 Agus an ti a choimhideas  
aitheanta-san, tha e gabhail còmh-  
nuidh ann, agus esan annsan: agus  
le so is aithne dhuinn gu bheil esan  
a' fuireach annan, o'n Spiorad a  
thug e dhuinn.

## CAIB. IV.

**A** MHUINNTIR ionmhuinn, na  
creidibh gach uile spiorad, ach  
dearbhaidh na spioradan, an ann o  
Dia a tha iad: do bhrìgh gu bheil  
mòran do fhàidhibh bréige air dol a  
mach do'n t-saoghal.

a duin'-mharbhaiche.

b cinnteachd.

2 Le so aithnichibh Spiorad Dhé  
gach uile spiorad adh'aicheas gu'n  
d'fhainig Iosa Criosd san fheoil, is  
ann o' Dhia a tha e.

3 Agus gach uile spiorad nach  
aidich gu bheil Iosa Criosd air teachd  
san fheoil, cha'n ann o' Dhia a tha  
e: agus is e so spiorad sin an ana-  
criosd, neach a chuala sibh e bhì  
teachd, agus a nis tha e cheana anns  
an t-saoghal.

4 A chlann bheag, tha sibhse o  
Dia, agus thug sibh buaidh orras-  
an: do bhrìgh gur mò esan a ta  
annaibhse nà'n ti, a ta anns an  
t-saoghal.

5 Tha iadsan o'n t-saoghal: uime  
sin tha iad a' labhairt mu'n t-saoghal,  
agus cha'n saoghal ag éisdeachd riu.

6 Tha sinne o' Dhia: an ti aig am  
bheil eolas air Dia, éisdidh e ruinne;  
an ti nach 'eil o' Dhia, cha'n éisd e  
ruinn. O so aithnichidh sinn spiorad  
na fìrinn, agus spiorad an t-seachar-  
ain.

7 A mhuinntir ionmhuinn, gràdh-  
aicheamaid a chéile: oir is ann o  
Dia tha'n gràdh; agus gach neach  
a ghràdhaicheas, ghineadh o' Dhia e,  
agus is aithne dha Dia.

8 An ti nach gràdhaich, cha'n  
aithne dha Dia; oir is gràdh Dia.

9 An so dh'fhoillsicheadh gràdh  
Dhé dhuinne, do bhrìgh gu'n do  
chuir Dia aon-ghnì Mhic do'm  
t-saoghal, chum gu'm bitheamaid  
beo trid-san.

10 An so a ta gràdh, cha'n e gu'n  
do ghràdhaich sinne Dia, ach gu'n  
do ghràdhaich esan sinne, agus gu'n  
do chuir e a Mhac féin *gu bhi* 'na  
iobairt-réitich air son ar peacaidh.

11 A mhuinntir ionmhuinn, ma  
ghràdhaich Dia sinne mar sin, tha  
dh'fhaicibh oirne chéile a ghràdh-  
achadh mar an ceudna.

12 Cha'n fhaca neach air bith Dia  
riamh. Ma ghràdhaicheas sinn a  
chéile, tha Dia 'na còmhnuidh  
annainn, agus tha a ghràdh air a  
choimhlionadh annainn.

13 O so is aithne dhuinn gu bheil  
sinne 'nar còmhnuidh annsan, agus  
esan annainne, do bhrìgh gu'n d'fhug  
e dhuinn d'a Spiorad.

14 Agus chunnaic sinn agus tha  
sinn a' deanamh fianais, gu'n do  
chuir an t-Athair am Mac uaith *gu  
bhi* 'na Shlànuighear an d'fhainig.

15 Ge b'e neach a dh'aicicheas  
gur e Iosa Mac Dhé, tha Dia 'na  
còmhnuidh annsan, agus esan ann  
an Dia.

16 Agus dh'aithnich sinne agus  
chreid sinn an gràdh a tha aig Dia  
dhuinn. Is gràdh Dia; agus an ti a

tha fannuinn ann an gràdh, tha e 'na chòmhnuidh ann an Dia, agus Dia annsan.

17 An so tha ar gràdhne air a dheanamh coimhlionta, chum gu'm bi aga na d'anachd ann an là a' bhreitheanaidh: do bhrìgh mar a tha esan, gur amhuil sin a tha sinne anns an t-saoghal so.

18 Cha 'n'eil eagal ann an gràdh; ach tilgidh gràdh dìongmhalta a an t-eagal a mach; do bhrìgh gu bheil pian san eagal: an ti a tha eagalach, cha d'rinneadh coimhlionta ann an gràdh e.

19 Tha gràdh againne dhasan, do bhrìgh gu'n do ghràdhaich esan sinne an toiseach.

20 Ma tha their neach, Tha gràdh agam do Dh'a, agus fuath aige d'a bhràthair, is breuga're e: oir an ti nach gràdhaich a bhràthair a chum-aic e, cionnus a dh'fheudas e Dia, nach fac e, a ghràdhachadh?

21 Agus an àithne so tha againn uaith-san. An ti a ghràdhaicheas Dia, gu'n gràdhaich e a bhràthair mar an ceudna.

#### CAIB. V.

**G**E b'e neach a chreideas gur e Iosa an Crìosd, ghineadh o Dhia e; agus ge b'e ghràdhaicheas an ti a ghin, gràdhaichidh e mar an ceudna an ti a ghineadh leis.

2 O so is aithne dhuinn gu bheil gràdh againn do chloinn Dé, 'nuair a ghràdhaicheas sinn Dia, agus a choimhideas sinn àitheanta.

3 Oir is e so gràdh Dhé, sinn a choimhead àitheanta: agus cha 'n'eil àitheanta-san trom b.

4 Oir gach uile ni a ghinear o Dhia, bheir e buaidh air an t-saoghal: agus is i so a' bhuaidh a bhuaidhaicheas air an t-saoghal, eadhon ar creidimhne.

5 Cò an ti a bhuaidhaicheas air an t-saoghal ach esan a tha creidsinn gur e Iosa Mac Dhé?

6 Is e so esan a thainig trid uisge agus trid fhuil, Iosa Crìosd; ni h-e trid uisge mhàin, ach trid uisge agus fuil: agus is e'n Spiorad a ni fianuis, do bhrìgh gur fìrinn an Spiorad.

7 O'r tha triuir a tha deanamh fianuis air nèamh, an t-Athair, am Focal, agus an Spiorad naomh: agus an triuir sin is a n iad.

8 Agus tha triuir a tha deanamh

a iomlan, fairfe.

b do-dheanta.

fianuis air an talamh, an Spiorad, agus an t-uisge, agus an fhuil: agus thig an triuir sin r'a chèile ann an aon.

9 Ma ghabhas sinn ri fianuis dhaoine, 'si fianuis Dé a's mò: oir is i so fianuis Dé, a thug e mu thimchioll a Mhic.

10 An ti a chreideas ann am Mac Dhé, tha 'n fhianuis aige ann fèin: an ti nach creid Dia, rinn e breugaire dheth, do bhrìgh nach do chreid e an fhianuis a rinn Dia mu thimchioll a Mhic.

11 Agus is i so an fhianuis, gu'n d'thug Dia dhuinn beatha mhair-eannach: agus tha a' bheatha so 'na Mhac.

12 An ti aig am bheil am Mac, tha beatha a'ge: an ti aig nach 'eilt Mac Dhé, cha 'n'eil beatha aige.

13 Na nithe so scriobh mi d'ar n-ionnsuidh a tha creidsinn ann an ainm Mic Dhé; chum gu'm bi fios agaibh gu bheil a' bheatha mhair-eannach agaibh, agus chum as gu'n creid sibh ann an ainm Mic Dhé.

14 Agus is e so an dochas a ta againn annsan, ma dh'iarras sinn ni sam bith a réir a thoile, gu'n éisd e ruinn.

15 Agus ma ta fhios againn gu'n éisd e ruinn, ge b'e ni a dh'iarras sinn, tha fhios againn gu bheil ar n-iarrtais a dh'iarr sinn air againn.

16 Ma chi neach sam bith a bhràthair a' peacachadh peacaidh nach 'eil a chum bàis, iarraidh e, agus bheir e beatha dha, dhoibhsan nach 'eil a' peacachadh chum bàis. Tha peacadh chum bàis ann: a thaobh sin, ni'n abram gur còir dha guidheadh.

17 Is peacadh gach uile eucoir: agus tha peacadh ann nach 'eil a chum bàis.

18 Tha fhios againn ge b'e neach a ghineadh le Dia, nach peacaich e; ach an ti a ghineadh o Dhia, coimhididh se e fèin, agus cha bhean an droch aon ris.

19 Tha fhios againn gur ann o Dhia a tha sinne, agus tha'n saoghal uile na luidhe san olc.

20 Agus tha fhios againn gu'n d'thainig Mac Dhé, agus gu'n d'thug e tuisge dhuinn, chum gu'm b'aithne dhuinn esan a ta fìor: agus tha sinne annsan a ta fìor, ann a Mhac Iosa Crìosd. Is e so an Dia fìor, agus a' bheatha mhair-eannach.

21 A chlann bheag, coimhidibh sibh fèin o ìodholaibh. Amen.

## DARA LITIR AN ABSTOIL EOIN.

### CAIB. I.

**A**N seanair chum na bain-tighearn na taghta, agus chum a cloinne, a's ionmhuinn leamsa anns an fhìrinn; agus cha'n ann leamsa mhàin, ach leo-san uile mar an ceudna a ghabh eòlas air an fhìrinn;

2 Air son na fìrinn a tha 'na còmhnuidh annainne, agus a bhios maille ruinn gu bràth:

3 Gràs, tròcair, agus sìth gu robh maille ribh o Dhia an t-Athair, agus o'n Tighearn Iosa Crìosd, Mac an Athair, ann am fìrinn agus ann an gràdh.

4 Bha gairdeachas mòr orm, do bhrìgh gu'n d'fhuair mi *cuid* do d' chloinnsa ag imeachd anns an fhìrinn, a rèir mar a fhuair sinne àithne o'n Athair.

5 Agus a nis guidheam ort, a bhain-tighearn, cha'n e mar gu'n scriobhainn àithne nuadh chugad, ach *an àithne* a bha againn o thùs, gu'n gràdhaicheamaid a chèile.

6 Agus is e so an gràdh, gu'n imicheamaid a rèir àitheanta-sa. 'S i so an àithne, mar a chuala sibh o thùs, gu'n imicheadh sibh innte.

7 Oir tha mòran mhealltairean air

teachd a steach do'n t-saoghal, nach 'eil ag aideachadh gu bheil Crìosd air teachd san fheòil. Is mealltair so agus anacrisd.

8 Thugaibh aire dhuibh féin, nach caill sinn a nanithe sin a shaothraich sinn, ach gu faigh sinn làn duais.

9 Ge b'e neach a bhriseas *an lagh*, agus nach an ann an teagasg Chrìosd, cha 'n'eil Dia aige: an ti a dh'fhanas ann an teagasg Chrìosd, tha araon an t-Athair agus am Mac aige.

10 Ma thig neach air bith d'ar n-ionnsuidh, agus nach toir e an teagasg so leis, na gabhaibh e steach d'ar tigh, agus na abraibh ris, Ge ma subhach dhuit.

11 Oir ge b'e neach a their ris, Gu ma subhach dhuit, tha comhpairt aige d'a dhroch oibribh.

12 Air dhomh mòran a bhi agam r'a scriobhadh chugaibh, cha b'èill leam *scriobhadh* le paipeir agus dubh; ach tha dòchas agam teachd d'ar n-ionnsuidh, agus labhairt beul ri beul, chum gu'm bi ar gairdeachas coimhlionta.

13 Tha clann do pheathar taghta a' cur fàilte ort. Amen.

## TREAS LITIR AN ABSTOIL EOIN.

### CAIB. I.

**A**N seanair chum Ghaisg ghràdh-aich, a's ionmhuinn leam san fhìrinn.

2 A bhràthair ghràdhaich, 'se mo ghuidheadh thaobhd gach uise ni gu'n soirbhicheadh leat agus gu'm biodh tu slàn, mar a ta soirbheachadh le t' anam.

3 Oir rinn mi gairdeachas gu mòr 'nuair a thainig na bràithrean, agus a rinn iad fianuis do'n fhìrinn a tha annadsae, mar a ta thusa 'g imeachd san fhìrinn.

4 Cha 'n'eil gairdeachas agam a's mò na bhi cluinntinn gu bheil mo ehlann ag imeachd san fhìrinn.

5 A bhràthair ghràdhaich, is dileas

a ni thu gach ni a ta thu deanamh do na bràithribh, agus do claoigrich;

6 Muinntir a rinn fianuis air do ghràdh an làthair na h-eaglaise: na bbeir thu air an aghaidh iad 'nam slighe mar is cubhaidh do Dhia, is maith a ni thu:

7 Oir chaidh iad a mach air sgàth ainme-san, gun ni air bith a ghabhail o na Cinnich.

8 Uime sin tha dh'fhuachaibh oirne gabhail r'an leithidibh sin, chum gu'm bitheamaid 'nar comh-shaothraichibh do'n fhìrinn.

9 Scriobh mi t'chum na h-eaglaise: ach cha ghabh Diotrephes, leis am miann àrd-cheannas a bhi aige 'nam measg, ruinne.

a sibh.

b bhuanruich sibh.

c Gu'n soirbhichear leat.

d roimh

e do t'fhìrinn-sa.

f Scriobhainn.

10 Uime sin ma thig mi, cuiridh mi an cuimhne a oibre a ta e d' an-amh; a' bith-labhairt 'nar n-aghaidh le briathraibh aingidh b: agus cha leoir leis sin, ach ni mò a tha e féin a' gabhail ris na brathribh, agus tha e a' bacadh na droinge leis am b'aill, agus 'gan tilgeadh mach as an eaglais.

11 A bhràthair ghràdhaich, na lean an ni a ta olc, ach an ni a ta maith. An ti a ni maith, is ann o Dhia a ta e: ach an ti a ni olc, cha'n fhac e Dia.

12 Tha deadh theistcas air Demetrius o na h-uile, agus o'n fhìrinn féin: agus tha sinne mar an ceudna a' deanamh fianuis, agus tha fios agaibh gu bheil ar fianuisne fìor.

13 Bha mòran agam r'a scriobhadh, ach cha'n àill leam scriobhadh le dubh agus peann a' t'ionnsuidh:

14 Ach tha dòchas agam t'fhaicinn gun dàil, agus labhraidh sinn beul ri beul. Siothchaint maille riut. Tha ra càirdean a' cur fàilte ort. Cuir fàilte air na càirdibh air an ainm.

## LITIR CHOITCHIONN AN ABSTOIL IUDAIS.

### CAIB. I.

**I**UDAS seirbhiseach Iosa Crìosd, agus bràthair Sheumais, chum na droinge a tha air an naomhachadh le D'a an t-Athair, agus air an coimhead le Iosa Crìosd, air an gairm:

2 Gu robh trècair, agus sìth, agus gràdh air am meudachadh dhuibhse.

3 A mhuinntir ionmhuinn, air dhomh an uile chablag e a dheanamh chum scriobhadh d'ar n-ionnsuidh mu thimchioll na slànte choitchionn, b'fheumail domh scriobhadh d'ar n-ionnsuidh, 'garn-eagalachadh sibh a chathachadh gu dìchiollach air son a' chreidimh, a thugadh aon uair do na naoimh.

4 Oir dh'eulaigh daoine àraidh a steach, a dh'orduicheadh roimhe g o shean chum an dithid so, daoine midh-adhaidh, a' tionndadh gràis ar Dène gu macnus, agus ag àicheadh Dhé, a's aon Uchdaran ann, agus ar Tighearna Iosa Crìosd.

5 Uime sin is àill leam bhur cur an cuimhne, ge do bha fhios agaibh aon nairh air so, cionnus an déigh do'n Tighearn em pobull a shaoradh a tìr na h-Eiphit, a sgrìos e an déigh sin an droing nach do chréid.

6 Agus na h-aingil nach do ghleidh an ceud inbhe, ach a dh'fhàg an àite-còmhnaidh féin; choimhid e ann an geimhlibh sìorruidh fuidh dhorchadas, fa chomha'r breitheanais an là mhàir.

7 Amhuil a ta Sodom agus Gomorra, agus na bailte mu'n cuairt orra, a thug iad féin thairis do striopachas air a' mhodh cheudna, agus a bha leantuinn feòla coimhich, air an cur suas 'nam ball-sampuill a' fulang dioghaltais teine shiorruidh.

8 Mar an ceudna fòs tha an luchd-bruadair sin a' salachadh na feòla, a' deanamh tàir air uachdaranachd, agus a' labhairt gu toibheumach a' àrd-inbhibh.

9 Gidheadh cha do ghabh Michael an t-àrd-aingeal, 'nuair a chathaich e 'n aghaidh an daibheil, agus a rinn e deasboireachd mu chorp Mhaois, dånadas air casaid thobheumach a thoirt 'na aghaidh, ach thubhairt e, Gu cronuicheadh an T ghearn thu!

10 Ach tha'n droing sin a' labhairt gu toibheumach air na nithibh nach aithne dhoibh: ach na nithe sin a's aithne dhoibh air mhodh nàdurra mar ainmibh dhoibh gun reuson, tha iad 'gan truailleadh féin anna.

11 Is anaoibhinn doibh! oir dh'imich iad ann an slighe Chain, agus ruith iad gu togarrach ann an seacharan Bhalaa'm air ghaol tuaradail, agus sgrìosadh iad ann an anacaint cheannarcaich Chore.

12 Is smela iad sin ann blur cuirmibh gràidh, 'nuair a tha iad air cuirmibh maille ribh, 'gam beathachadh féin gun eagail: is neoil iad gun uisge, a' an glùlan mu'n cuairt le gaothaibh; craobhan

a cuimhnichidh mi.

b naimhdeil, mòrunach.

c dhìchioll d chumantia.

e a' cur impidh oirbh. f ghoid.

g a scriobhadh roimhe. h roimhe.

i 'nan samhlachas.

k luchd-bruadair neo-ghlan.

l gu tàir-chainnteach, maslach.

m labhairt uile mu na nithibh.



searg-mheasach, gun toradh; da uair marbh, air an spionadh as am freumhaibh;

13 Garbh thonna<sup>a</sup> na fairge, a sgeitheas an nàire féin mar chobhar; reulta seachranach, d'am bheil thuibhre an dorchadais gu siorruidh air a thasgaidh

14 Agus rinn Enoch mar an ceudna, an seachdamb *pearsa* o Adhamh, fàidheadaiveachd orra sin, ag ràdh, Feuch, tha'n Tighearn a' teachd le dheich mìlteibh naomha<sup>b</sup>,

15 A dheanamh breitheanais air na h-uile, agus chum iadsan uile a thamh-dh'adhaidh 'nam measg thàgail ris, a thaobh an uile ghuimhara mi-dhiadhaidh a rinn iad gu mi-dhiadhaidh, agus a thaobh an uile *bhriathar* cruaidh, a labhair peacaich mi-dhiadhaidh 'na aghaidh.

16 Is luchd-cànran agus gearain an droing so, a tha 'g imeachd a réir an anamhiann féin; agus tha'm beul a' labhairt *bhriathar* atmhore, agus iad a' gabhail iongantais<sup>d</sup> do phearsaibh dhaoine air sgàth buannachd.

17 Ach cuimhnichibhse, a mhuinntir mo ghràich, na focail a labhradh roimhe le abstolaibh ar Tighearna Iosa Crìosd:

18 Mar a thubhairt iad ribh, gu'm

biodh anns an aimsir dheireannaich luchd-fanoid, a ghluaiseadh a réir an anamhianna mi-dhiadhaidh féin.

19 'S iad sin an dream a sgaras iad féin o *chàch*, colladh e, gun an Spiorad aca.

20 Ach air bhi dhuibhse, a mhuinntir ionmhuinn, 'gar togail féin suas ann bhur creidimh ro naomha, a' deanamh ùrnuigh san Spiorad naomh,

21 Coimhidibh sibh féin ann an gràdh Dhé, le sùil ri tròcair ar Tighearna Iosa Crìosd chum na beatha maireannaich.

22 Agus gabhaibh truas do dhream àraidh, a' deanamh eadar-dhealachaidh:

23 Agus tearnaibh dream eile le h-eagal, 'gan spionadh as an teine; a' fuathachadh eachon an eudaich, air am bheil smal na feola<sup>f</sup>.

24 A nis dhasan a tha comasach air bhur gleidheadh o thuisleadh, agus *bhur* cur gu neo-lochdach an làthair a ghlòire le h-aoibhneas ro mhòr,

25 Do'n Dia ta mhain glic, ar Slànuighear, *gu robh* glòir agus mòralachd, neart<sup>g</sup> agus cumhachd, a nis agus air feadh nan uile linn. Amen.

## TAISBEANADH EOIN AN DIADHAIR.

### CAIB. I.

**T**AISBEANADH Iosa Crìosd, a thug Dia dha, a dh'fheill-seachadh d'a sheirbhisich nithe a's éigin teachd gu crìch ann an aithghearr: agus chuir e teachdoireachd uath, agus le aingeal féin dh'fhoillsich e iad d'a sheirbhisich Eoin:

2 A rin fianuis air focal Dé, agus air teisteanas Iosa Crìosd, agus air gach ni a chunnaic e.

3 Is beannuichte an ti a leughas, agus iadsan a dh'éisdeas ri briathraibh na fàidheadaiveachd so, agus a chòmhideas an nithe a tha scrìobhta ionte: oir tha'n t-am ann fagus.

4 **E** OIN chum nan seachd eaglais, a ta san Asia: Gràs dhuibh, agus sìth o'n ti a ta, agus a

bha, agus a ta ri teachd; agus o na seachd spioraiddaibh a tha'm fianuis a rìgh-chathreachsan;

5 Agus o Iosa Crìosd, an fhianuis fhìor, an ceud-ghin o na marbhaibh agus uachdaran rìghre na talmhainn: Dhasan a ghràdhaich sinn, agus a dh'ionnlaid sinn o ar peacaibh 'na fhuil féin.

6 Agus a rinn rìghre dhinn agus sa arta do Dhia agus d'a Athairsan; dhasan *gu robh* glòir agus cumhachd gu saoghal nan saoghal. Amen.

7 Feuch, tha e teachd le neulaibh; agus chi gach sùil e, agus iadsan mar an ceudna a lot e<sup>h</sup>: agus ni uile threubha na talmhainn caoidh air a shòsan: gu ma h-amhluidh a bhitheas, Amen.

<sup>a</sup> Fiadh thonna.  
<sup>b</sup> mìlteibh d'a naomhaibh.

<sup>c</sup> uaibreach.

<sup>d</sup> a' toirt mòr nheas.

<sup>b</sup> le de'ch

<sup>c</sup> nàdurra

shalachadh leis an fhèidil.

<sup>g</sup> tighearnas, uachdaranachd.

<sup>h</sup> a throimh-lot, a shàth e trid.

8 Is mise Alpha agus Omega, an toiseach agus an deireadh, a deir an Tighearna, a ta, agus a bha, agus a ta ri teachd, an t-Uile-chumbhachdach.

9 Bha mise Eoin, bhur dearbhbhràtha'r, agus bhur companach ann an àmhghar, agus ann an rioghachd agus am foighidin Iosa Criosd, anns an eilean a d'an goirear Patmos, air son focail Dé, agus air son fianuis Iosa Criosd.

10 Bha mi san Spiorad air là an Tighearna, agus chuala mi air mo chulach guth mòr, mar *ghuth trompaide*,

11 Ag ràdh, Is mise Alpha agus Omega, an ceud neach agus an neach deireannach: agus, Scriobhsa ann an leabhar an ni a chi thu, agus cuir e chum nan seachd eaglais, a tha san Asia; chum Ephesus, agus chum Smirna, agus chum Phergamois, agus chum Thiatira, agus chum Shardis, agus chum Philadelphia, agus chum Laodicea.

12 Agus thionndaidh mi a dh'fhaicinn a ghutha a labhairium. Agus air tionndadh dhomh, chunnaic mi seachd coinnleirean òir;

13 Agus am meadhon nan seachd coinnleir, *neach* cosmhail ri Mac an duine, air an robh eudach a rainig sìos gu shàilibh, agus crioslaichte b le crios òir mu chlochaibh.

14 Bha a cheann agus fholt geal mar cluinn ghil, mar shneachda; agus a shùilean mar lasair theine;

15 Agus a chosa cosmhail ri umhac fìor-ghlan, mar gu'm bitheadh iad a' dearg-ìosgadh ann an àmhunn; agus a ghuth mar thoirm mhòrain uisgeacha.

16 Agus bha aige 'na làimh dheis seachd reulta: agus claidheamh geur dà fhaobhair a' teachd a mach as a bheul: agus *bha* ghnùis mar a' ghrian a' dealrachadh 'na làn neart.

17 Agus an uair a chunnaic mi e, thuit mi sìos aig a chosaibh an riochd mairbh: agus chuir e a làmh dheas orm, ag ràdh riun, Na biodh eagal ort: is mise an ceud neach agus an neach deireannach.

18 Is mi an ti a ta beo, agus a bha marbh; agus feuch, tha mi beo gu saoghal nan saoghal, Amen; agus tha iuchraiche ifrinnd agus a' bhàis agam.

19 Scriobh na nithe a chunnaic thu, agus na nithe a ta ann, agus na nithe a bhitheas an déigh so:

20 Rùn-dìomhair nan seachd reult

a chunnaic thu ann am làimh dheis, agus nan seachd coinnleir òir. Is iad na seachd reulta, aingil nan seachd eaglais: agus is iad na seachd coinnleirean a chunnaic thu, na seachd eaglaisean.

## CAIB. II.

**C**HUM aingil eaglaise Ephesus, Scriobh, is iad so na nithe a deir an ti, a tha cumail nan seachd reult 'na làimh dheis, a tha 'g imeachd ann am meadhon nan seachd coinnleir òir;

2 Is aithne dhomh t'òibre, agus do shaothair, agus t'fhoighidin, agus nach urrainn thu giùlan leo-san a tha olc; agus gu'n do dhearbhu thu iadsan a their gur abstoil iad féin, agus nach eadh, agus gu'n d'fhuair thu iad breugach;

3 Agus gu'n do ghiùlain thu, agus gu bheil foighidin agad, agus air sgàth m'ainme-se gu'n d'riun thu saothair, agus nach d'thug thu thairis.

4 Gidheadh, tha agam a' t'aghaidh, gu'n do thréig thu do cheud ghràdh.

5 Cuimhnich uime sin cia uait a thuit thu, agus gabh aithreachas, agus dean na cend òibre; no thig mi ort gu grad, agus atharraichidh mi do choinnleir as àit, mur gabh thu aithreachas,

6 Ach a ta so agad, gur faathach leat òibre nan Nicolaitach, nithe mar an ceudna a's fuathach leamsa.

7 An ti aig am bheil cluas, éisdeadh e ciod a their an Spiorad ris na h-eaglaisibh; Do'n ti a bhuadhaicheas bheir mise r'a itheadh do chraoibh na beatha, a tha ann am meadhon phàrrais Dé.

8 Agus chum aingil eaglaise Smirna, scriobh, Na nithe so a their esan a's e'n ceud neach agus an neach deireannach, a bha marbh, agus a tha beo;

9 Is aithne dhomh t'òibre, agus t'àmhghar, agus do bhoichdainn, (gidheadh a ta thu beartach) agus is aithne dhomh toibheum na muinntir a their gur Iudhaich iad féin, agus nach eadh, ach sionagag Shatain.

10 Na biodh eagal ort roimh aon do na nithibh sin a dh'fhuilingeas ta: feuch, tilgidh an diabhol cuid dhibh ann am prìosun, chum gu'n dearbhar sibh; agus bithidh àmhghar z agaibh rè dheich làithean: bi-sa fìrinneach gu bàs, agus bheir mise dhuit crùn na beatha.

11 An ti aig am bheil cluas, éisdeadh e ciod a their an Spiorad ris na

a oilean, innis. b criosraichte.

c prais. d na h-uaigne, an

t-saoghail ri teachd.

e theachdoire.

f saibhir.

g trioblaid.

h-eaglaisibh: An ti a bheir buaidh, tha chiurrar leis an dara bàs e.

12 Agus chum aingil na h-easglaise, a ta ann am Pergamos, scriobh, Na nithe so deir esan, aig am bheil an olaidheamh gear dà fhaobhair:

13 Is aithne dhomh t'òibre, agus e'ait am bheil thu a'd' chòmhnuidh, eadhon far am bheil caithir Shàtain: agus a ta thu a' cumail m'ainme-se gu daingean, agus cha d'àicheadh thu mo chreidimh, eadhon anns na làithibh sin anns an robh Antipas 'na fhianuis a fhìrinneach dhomh, a mharbhadh 'nar measg, far am bheil Sàtan 'na chòmhnuidh.

14 Gidheadh, tha beagan agam a' t'aghaidh, do bhrìgh gu bheil agad an sin an droing a tha cumail teagaisg Bhalaaime, a theagaisg do Bhalac ceap-tuislidh a chur roimh chloinn Israeil, chum nithe a dh'ìobradh do ìodholaibh itheadh, agus strìopachas a dheanamh.

15 Is amhuil sin a ta agad mar an ceudna an dream a tha cumail teagaisg nan Nicolaiteach, nia's fuathach leamsa.

16 Dean aithreachas, no thig mi a' t'ionnsuidh gu grad, agus cogaidh mi 'nan aghaidh leclaidheamh mobheoil.

17 An ti aig am bheil cluas, éisd eadh e ciod a their an Spiorad ris na h-eaglaisibh: Do'n ti a bhuadh-aicheas bheir mi r'a itheadh do'n mhana fholuichte, agus bheir mi dha clach gheal, agus air a' chloich ainm nuadh scriobhta, nach aithne do neach air bith, ach do'n ti a gheibh i.

18 Agus chum aingil na h-easglaise a ta ann an Tiatira, scriobh, Na nithe so deir Mac Dhé, aig am bheil a shùilean mar lasair theine, agus a fhiosan mar umha fìor-ghlan;

19 Is aithne dhomh t'òibre, agus do ghràdh, agus do fhrith-ealadh, agus do chreidimh, agus t'fhoighidin, agus t'òibre deireannach, gu bheil iad ni's mò na do cheud oibre.

20 Gidheadh, tha agam beagan do nithibh a' t'aghaidh, gu bheil thu a' fulang do'a mhnaoi sin Iesebel, a their gur ban-fhàidh i féin, mo sheirbhisich a theagasg agus a mhealladh chum strìopachas a dheanamh, agus nithe a dh'ìobradh do ìodholaibh itheadh.

21 Agus thug mi dhi ùine gu aithreachas a ghabhail d'a strìopachas, agus cha do ghabh i aithreachas.

22 Feuch, tilgidh mi i ann an leabaidh, agus iadsan a tha deanamh

adhaltrannais rithe ann an àmhghar mòr, mur gabh iad aithreachas d'an gnìomhairaibh.

23 Agus marbhaidh mi a clann leis a' bhàs; agus bithidh fhios aig na h-eaglaisibh uile gur mise an ti sin a sgrùdas na h-àirnean agus na cridheachan: agus bheir mi do gach aon agaibhse a réir bhur n-oibre.

24 Ach ribhse a deiream, agus ris a' chuid eile ann an Tiatira, Mheud aig nach 'eil an teagasg so, agus do nach b'aithne doimhne Shàtain, mar a their iad, cha chuir mi uallach eile oirbh,

25 Ach cumaibh gu daingean an ni a ta agaibh, gus an d'thig mi.

26 Agus an ti a bhuaithaicheas, agus a ghleidheas m'òibre gus a' chrìoch, dhasan bheir mi cumhachd os ceann nan Cinneach:

27 (Agus riaghlaidh e iad le slait iarum: mar shoithichibh creadh a brisear 'nam bloighdibh iad) amhuil a fhuair mise o m' Athair.

28 Agus bheir mi dha reult na maidne.

29 An ti aig am bheil cluas, éisd eadh e ciod a their an Spiorad ris na h-eaglaisibh.

### CAIB. III.

**A** GUS chum aingil na h-easglaise a ta ann an Sardis, scriobh, Na nithe so deir an ti aig am bheil seachd spiorada Dhé, agus na seachd reulta; Is aithne dhomh t'òibre, gu bheil ainm agad, gu bheil thu beo, gidheadh a ta thu marbh.

2 Bifaireil, agus neartaich a' chuid eile a ta ullamh gn bàsachadh: oir cha d'fhuair mi t'òibre coimblionta am fianuis Dé.

3 Cuimhnich uime sin cionnus a fhuair agus a chualatu, agus gleidhe, agus gabh aithreachas. Uime sin mur dean thu faire, thig mi ort mar ghaduiche, agus cha bhi fios agad ciod i an uair anns an d'thig mi ort.

4 Tha beagan ainmeanna agad eadhon ann an Sardis, nach do shal-aich an endach; agus imichidh iad maraon riumsa ann an *culaidhibh* geala: oir is airidh iad.

5 An ti a bheir buaidh, sgeadaichear e ann an eudach geal; agus cha dubh mi mach ainm a leabhar na beatha, ach aidichidh mi ainmsan am fianuis m' Athar, agus am fianuis ainglesan.

6 An ti aig am bheil cluas, éisdeadh e ris an ni a deir an Spiorad ris na h-eaglaisibh.

7 Agus chum aingil na h-easglaise ann am Philadelphia, scriobh, Na

<sup>a</sup> 'na mhairtireach.

<sup>b</sup> sheirbhis, mhinistireileachd.

<sup>c</sup> coimhid, eum gu teann.

<sup>d</sup> flu.

nithe so deir an ti uacmha, an ti fìor,  
an ti aig am bheil iuchair Dhaibhidh,  
an ti a dh'fhosgla, agus cha dùin  
neach air bith; agus a dhùineas, agus  
cha'n fhosgail neach air bith:

8 Is aithne dhomh t'òibre: feuch,  
chuir mi dorus fosgailte romhad,  
agus cha'n urradh neach air bith a  
dhùnadh: oir a ta neart beag agad,  
agus ghlèidh thu m'fhocal, agus cha  
d'aicheadh thu m'ainm.

9 Feuch, bheir mise orrasan do  
shionagor Shàtain (a theigr gur Iudh-  
aich iad féin, agus nach eadh, ach a  
ta deanamh bréige) feuch, bheir mise  
orra gu'n d' thig iad agus gu'n dean  
iad aoradh aig do chosaibh, agus gu'm  
bifios acagu'n do ghràdhaich mise thu.

10 A chionn gu'n do ghlèidh thu  
focal m'fhoighidinn, glèidhidh mise  
thusa mar an ceudna o uair a'  
bhuaireadh, a thig air an t-saoghal  
uile, a dhearbhadh na muinntir sin, a  
tha 'nan comhruidh air an talamh.

11 Feuch, tha mi a' teachd gu  
gràd: dean greim daingean air na  
bheil agad, chum nach glac neach  
air bith do chròn.

12 An ti a bheir buaidh, ni mi e  
'na phost ann an teampull mo Dhé,  
agus cha d'fhéid e ni's mò a mach  
as: agus scriobhaidh mi ainm mo  
Dhé air, agus ainm caithreach mo  
Dhé, a's i Ierusalem nuadh, a thig  
a nuas o nèamh o m' Dhia: agus  
scriobhaidh mi m'ainm nuadh féin air.

13 An ti aig am bheil cluas,  
éisd eadha e ciod a deir an Spiorad  
ris na h-eaglaisibh.

14 Agus chum aingil na h-eag-  
laise ann an Laodicea, scriobh, Na  
nithe so deir an Amen, an fliannais  
dhileas agus fhirinneach, toiseach  
cruthachaidh Dhé;

15 Is aithne dhomh t'òibre, nach 'eil  
thu aon chuid fuar no teth: b'fhearr  
leam gu'm bitheadh tu fuar no teth.

16 Uime sin do bhrìgh gu' bheil  
thu meagh-bhlàth, agus nach 'eil  
thu aon chuid fuar no teth, sgeith-  
idh mi thu mach as mo bheil.

17 Do bhrìgh gu' bheil thu, ag  
ràdh, Tha mi beartach, agus air fàs  
saibhir, agus gun fheum agam air  
ni sam bith; agus gun fhios agad  
gu' bheil thu dòruineach, agus  
truagh, agus bochd, agus dall, agus  
lomnochd.

18 Comhairlicheam dhuit or a  
cheannach uamsa, air a dhearbhadh  
san teine, chum as gu'm bi thu  
saibhir; agus eudach geal, chum  
gu'n comhdaichear thu, agus nach

bi nàire d' dò lomnochduidh follais-  
each; agus ùng do shùile le sàbh-  
shùile, chum gur léir dhuit.

19 Mheud as is ionmhuinn leam,  
cronaicheam agus smachdaicheam;  
uime sin biodh agadsa teas-ghràdh,  
agus dean aithreachas.

20 Feuch, tha mi a'm' sheasamh  
aig an dorus, agus a' bualadh: ma  
dh'éisdeas neach sam bith ri m'  
ghuth, agus gu'm fosgail e'n dorus,  
thig mi a steach d'a ionnsuidh, agus  
gabhadh ni mo shuipèir maille ris,  
agus esan maille riumsa.

21 Do'n ti a bhuaidhaicheas bheir  
mi comas suidhe maille riu-rasa air  
mo rìgh-chaithir, amhuil fòs a  
bhuaidhaich mise, agus a shuidh mi  
maille rim' Athair air a rìgh-chaithir-  
san.

22 An ti aig am bheil cluas, éisd-  
ea h e ris an ni a deir an Spiorad  
ris na h-eaglaisibh.

#### CAIB. IV.

**A**N déigh so dh'amhairc mi, agus  
feuch, bha dorus fosgailte air  
nèamh; agus bha an ceud ghuth a  
chuala mi, mar fhuaim trompaid  
a' labhairt rium, ag ràdh, Thig a  
nìos an so, agus nochdaidh mise  
dhuit nithe a's éigin tachairt an déigh  
so.

2 Agus air ball bha mi san Spiorad:  
agus feuch, bha rìgh-chaithir air a  
suidheachadh air nèamh, agus bha  
neach 'na shuidhe air an rìgh-  
chaithir.

3 Agus bha an ti a shuidh, r'a  
amharc air, cosmhuil ri cloich Iaspir,  
agus Shardis: agus bha bogha-frois f  
timchioll na rìgh-chaithreach mu'n  
cuairt, cosmhuil, r'a fhacinn, ri  
Emerald.

4 Agus timchioll na rìgh-chaith-  
reach mu'n cuairt bha ceithir chaith-  
riche sìchead; agus air na caithrich-  
ibh chunnaic mi ceithir seanaire  
sìchead 'na suidhe, air an sgeadach-  
adh ann an culaidhibh geala; agus  
bha aca air an cinn coronas òir.

5 Agus chaidh a mach as an rìgh-  
chaithir dealanaich, agus tairnean-  
aich, agus guthanna: agus bha seachd  
lòchraibh theine a' dearg-lasadh an  
fianuis na rìgh-chaithreach, a's iad  
seachd spiorada Dhé.

6 Agus roimh an rìgh-chaithir bha  
fairge ghloine cosmhuil ri criostal:  
agus ann am meadhon na rìgh-  
chaithreach, agus mu'n cuairt do'n  
rìgh-chaithir, bha ceithir bheathaiche

d gràineileachd.

e fobhair-shùil, sùil-leigheas.

f bogha-uisge. z crùna.

h lumps. Sasg.

a 'na charragh. b baile.

c iargunach, àmbgharach.



làn do shùilibh air am benlaobh agus air an cùlaobh.

7 Agus bha an ceud bheathach cosmhuil ri leòmhann, agus an dara beathach cosmhuil ri laogh, agus bha aig an treas beathach aghaidh mar dhuine, agus bha an ceathramh beathach cosmhuil ri iolair ag iteal- aich.

8 Agus aig na ceithir bheathaichibh, aig gach aon diubh fa leth, bha sea sgiathan mu'n cuairt da, agus bha iad làr do shùilibh an taobh a stigh; agus cha sguir iad a làr no dh'oidhche, ag ràdh, Naomha, naomha, naomha, an Tighearn Dia uile-chumhachdach, a bha, agus a ta, agus a bhitheas.

9 Agus an uair a thug na beathaiche sin glòir, agus urram, agus buidheachas do'n tì, abha 'nashuidhe air an rìgh-chaithir, a ta beo gu saoghal nan saoghal.

10 Thuit na ceithir seanaire fìchead sìos an làthair an tì a bha 'na shuidhe air an rìgh-chaithir, agus rinn iad aoradh dhasan, a ta beo gu saoghal nan saoghal, agus thilg iad sìos an corona an làthair na rìgh-chaithreach, ag ràdh,

11 Is airidh thusa, a Thighearn, air glòir, agus urram, agus cumhachd fhaotainn; oir chruthaich thu na h-uile nìthe, agus air son do thoilesathaid agus chruthaicheadh iad.

#### CAIB. V.

**A** GUS chunnaic mi air làimh dheis an tì a shuidh air an rìgh chaithir, leabhar scribedh san taobh a stigh dheth agus air a chùlaobh, air a sheulachadh le seachd seulaibh.

2 Agus chunnaic mi aingeal treun a' gairm le guth àrd, Cò a's airidh air an leabhar fhosgladh; agus air a sheulachan fhuasgladh?

3 Agus cha robh aon neach air nèamh, no air talamh, no fuaidh'n talamh comasach air an leabhar fhosgladh, no sealltainn air.

4 Agus ghluil mi gu mòr, do bhrìgh nach d'fhuaradh aon neach a b'airidh air an leabhar fhosgladh, agus a leughadh, no sealltainn air.

5 Agus thubhairt aon do na sean-airibh rium, Na guil: feuch, bhuaidh aich an Leòmhann a tha do thréibh Iuda, Freumh Dhaibhidh, air an leabhar fhosgladh, agus a sheachd seulachan fhuasgladh.

6 Agus dh'amhairc mi, agus feuch, ann am meadhon na rìgh chaithreach, agus nan ceithir bheathaich,

agus ann am meadhon nan seanair, Uan 'na sheasamh mar gu'm biodh e ar a mharbhadh, aig an robh seachd adhaircean, agus seachd sùilean, a's iad seachd spiorada Dhé, a chuireadh a mach chum na talmhainn uile.

7 Agus thainig e, agus ghlac e an leabhar a deas làimh an tì a bha 'na shuidhe air an rìgh-chaithir.

8 Agus an uair a ghlac e'n leabhar, thuit na ceithir bheathaichean, agus na ceithir seanaire fìchead sìos an làthair an Uain, agus aig gach aon diubh clàrsaichean, agus tùis-shoitichean òir làn do nithibh deadh-bholaidh, nìthe a's iad ùr-nuighean nan naomh.

9 Agus chan iad òran nuadh, ag ràdh, Is airidh thusa air an leabhar a ghlacadh, agus a sheulachan fhosgladh, do bhrìgh gu'n do mharbhadh thu, agus gu'n do shaor thu sinne do Dhia le t'fhuil féin, as gach uile thréibh, agus theangaidh, agus shluagh, agus chinneach;

10 Agus gu'n d'rinn thu rìghre dhinn agus sagarta d'ar Dia: agus rìghaichidh sinn air an talamh.

11 Agus dh'amhairc mi, agus chuala mi guth mhòrain aingeal timchioll na rìgh-chaithreach, agus nam beathach, agus nan seanair; agus b'e an àireamh deich mìle uair deich mìle, agus mìlte do mhìlteibh;

12 Ag ràdh le guth àrd, Is airidh an t-Uan, a chaidh mharbhadh, air cumhachd, agus saibhreas, agus gliocas, agus neart, agus urram, agus glòir, agus moladh fhaotainn.

13 Agus chuala mi gach uile chreutair a ta air nèamh, agus air an talamh, agus fuaidh'n talamh, agus a ta air a chuan, agus na h-uile nìthe a ta anna, ag ràdh, Moladh agus urram, agus glòir, agus cumhachd, gu robh dhasan a ta 'na shuidhe air an rìgh-chaithir, agus do'n Uan gu saoghal nan saoghal.

14 Agus thubhairt na ceithir bheathaiche, Amen. Agus thuit na ceithir seanaire fìchead sìos, agus rian iad aoradh dhasan, a ta beo gu saoghal nan saoghal.

#### CAIB. VI.

**A** GUS chunnaic mi, 'nuair a dh'fhosgail an t-Uan aon do na seulaibh, agus chuala mi aon do na ceithir bheathaichibh ag ràdh, mar le fuaim fairneamaich, Thig agus faic.

2 Agus chunnaic mi, agus feuch, each geal; agus bha aig an tì a shuidh a' r, bogha: agus thugadh dha crùn, agus chaidh e mach a' bhuaidh-

achadh, agus chum gu buadhaicheadh e.

3 Agus an uair a dh'fhosgail e'n dara seula, chuala mi an dara beathach ag ràdh, Thig, agus faic.

4 Agus chaidh each eile mach, a bha dearg; agus thugadh *cumhachd* dhasan a shuidh air, chum sith a thoirt o'n talamh, ionnas gu marbhadh iad a chéile: agus thugadh claidheamh mor dha.

5 Agus an uair a dh'fhosgail e an treas seula, chuala mi an treas beathach ag ràdh, Thig, agus faic. Agus dh'amhairc mi, agus feuch, each dubh, agus bha aig an ti a shuidh air, meidha 'na làimh.

6 Agus chuala mi guth ann am meadhan nan ceithir bheathach ag ràdh, Tomhas cruineachd air son peghinn, agus tri tomhasan eòrna air pheghinn; agus na dean cron air an ola, no air an fhion.

7 Agus an uair a dh'fhosgail e'n ceathramh seula, chuala mi guth a' cheathramh beathaich ag ràdh, Thig, agus faic.

8 Agus dh'amhairc mi, agus feuch, each glas b; agus b'e ainm an ti a shuidh air, am Bàs, agus leanisfrinn c 'na chuideachd: agus thugadh dhoibhsan cumhachd chum marbhaidh air a cheathramh cuid do'n talamh, le claidheamh, agus le gorta, agus le bàs d, agus le fiadh bheathaichibh na talmhainn.

9 Agus an uair a dh'fhosgail e an cùigeach seula, chunnaic mi fuidh 'n altair, anama na muinntir sin a mharbhadh air son focail Dé, agus air son na fianuis a chum iad.

10 Agus ghlaodh iad le guth mòr, ag ràdh, Cia fhad a bhitheas, o Thighearna naomha agus i hirinnich, gus an dean thu breitheanas, agus an diol thu ar fuilne errasan a ta 'nan còmhnuidh air an talamh?

11 Agus thugadh do gach aon diubh truscana fada geala, agus a dubhlradh riu, iad a ghabhail fois fathast rè ùine bhig, gus an biodh an comh-sheirbhisch mar an ceudna, agus am bràithrean a rachadh a mharbhadh mar a chaidh iadsan, air an coimhlionadh.

12 Agus dh'amhairc mi 'nuair a dh'fhosgail e an seathadh seula, agus feuch, bha crith mhòr thalmhainn ann, agus dh'fhàs a' ghrian dubh mar shaic-eudach ròin, agus dh'fhàs a' ghealach mar fhuil.

13 Agus thuit reulta nèimhe air

an talamh, mar a thilgeas craobh-fhige a figean anabaich, 'nuair a chrathar i le gaoith mhoir:

14 Agus chaidh nèamh thairis mar rola leabhair air f'hileadh air a chéile; agus dh'atharraicheadh gach beinn agus eilean as an ionadaibh féin:

15 Agus dh'fholaich rìghre na talmhainn, agus na daoine mòra, agus na daoine saibhre; agus na h-àrd cheannardan, agus na daoine cumhachdach, agus gach tràille, agus gach duine saor, iad féin ann an uamhaibh agus ann an creagaibh nam beann;

16 Agus thubhairt iad ris na sléibhtibh agus ris na creagaibh, Tuitibh oirne, agus folaich bh sinn o ghndis a ti a tha 'na shuidhe air an rìgh-chaitir, agus o fheirg an Uain?

17 Oir thainig latha mòr fheirgesan; agus cò a dh'fheudas seasamh?

#### CAIB. VII.

**A** GUS an déigh nan nithe sin chunnaic mi ceithir aingil 'nan seasamh air ceithir oisinnibh na talmhainn, a' cumail ceithir gaothanna na talmhainn, chum nach séideadh, a' gaoth, air an talamh, no air an fhairge, no air aon chràobh.

2 Agus chunnaic mi aingeal eile ag èirigh o'n àird an ear, aig an robh seula an Dé bheo: agus ghlaodh e le guth mòr ris na ceithir aingil, d'an d'thugadh *cumhachd* cron a dheanamh air an talamh agus air an fhairge,

3 Ag ràdh, na deanaibh dochann do'n talamh, no do'n fhairge, no do na craobhaibh, gus an cuir sinn seula air seirbhisich ar Dé air claraibh an eadain.

4 Agus chuala mi àireamh na droinge a sheulaicheadh: ceud agus dà fhichead agus ceithir mìle, a sheulaicheadh do uile threubhaibh chloinn Israeil.

5 Sheulaicheadh dà mhìle dheug do thréibh Iuda. Sheulaicheadh dà mhìle dheug do thréibh Reubin. Sheulaicheadh dà mhìle dheug do thréibh Ghad.

6 Sheulaicheadh dà mhìle dheug do thréibh Aseir. Sheulaicheadh dà mhìle dheug do thréibh Nephtalim. Sheulaicheadh dà mhìle dheug do thréibh Mhanaseis.

7 Sheulaicheadh dà mhìle dheug do thréibh Shimeoin. Sheulaicheadh dà mhìle dheug do thréibh Lebhi. Sheulaicheadh dà mhìle dheug do thréibh Isachair.

a toimhsean.

b uaine.

c an uaigh.

d plàigh bhàsmhoir.

e daor-dglach.

8 Sheulaicheadh dà mhìle dheug do thréibh Shabuloin. Sheulaicheadh dà mhìle dheug do thréibh Ioseiph. Sheulaicheadh dà mhìle dheug do thréibh Bheniamin.

9 An dèigh so dh'amhaire mi, agus feuch, sluagh mòr, nach robh neach sam bith comasach air àireamh, do na h-uile chinneachaibh, agus thruubhaibh, agus shluaghaibh, agus theangaibh 'nan seasamh an làthair na rìgh-chaitheach, agus an làthair an Uain, air an sgeadachadh le truscan- aibh fada geala, agus pailin aca 'nan làmbaibh;

10 Agus ghlaodh iad le guth àrd, ag ràdh, Slàinte d'ar Dia-ne a ta 'na shuidhe air an rìgh-chaitheir, agus do'n Uanb.

11 Agus sheas na h-aingil uile timchioll na rìgh chaitheach, agus nan seanair, agus nan ceithir bheath- ach, agus thuit iad air an aghaidh an làthair na rìgh-chaitheach, agus rinn iad aoradh do Dhia.

12 Ag ràdh, Amen: Moladh, agus glòir, agus gliocas, agus baidh- eachas, agus urram, agus cumhachd, agus neart *gu robh* d'ar Dia-ne gu saoghal nan saoghal. Amen.

13 Agus fhreagair aon do na seanairibh, ag ràdh rium. Cò iad sin a ta air an sgeadachadh le truscan- aibh fada geala? agus cia as a thain- ig fada?

14 Agus thubhairt mi ris, -A Thighearn, tha fhios agadsa. Agus thubhairt e rium, Is iad so iadsan a thainig a h-àmhghar mòr; agus nigh iad an truscan, agus rinn iad geal iad ann am fuil an Uain.

15 Uime sin tha iad an làthair rìgh-chaitheach Dhé, agus a dean- amh aoraidh dha a là agus a dh'oidhche 'na theampull: agus gabhaidh an t-àtha 'na shuidhe air an rìgh-chaitheir còmhnuidh 'nam measg.

16 Cha bhi ocras orra tuileadh, no tart ni's mò; cha mhò a thuiteas a' ghrian orra d, no teas air bith.

17 Oir beathaichidh an t-Uan a tha am meadhan no rìgh-chaithe- reach iad, agus trebraichidh e iad gu tobraichibh do uisge na beatha: agus tiormaichidh Dia gach deur o'n sùilibh.

## CAIB. VIII.

**A**GUS an uair a dh'fhosgail e an seachdamh seula, bha tosd air nèamh mu thimcioll leth-uaire.

2 Agus chunnaic mi na seachd

aingil a sheas am fianuis Dé; agus thugadh dhoibhsan seachd trompaid- ean.

3 Agus thainig aingeal eile, agus sheas e aig an altair, agus tùiseir òir aige; agus thugadh cha mòran tùise, chum gu'n d'fhugadh se e maille ri ùrnuighibh nan uile naomh air an altair òir, a bha 'na làthair na rìgh-chaitheach.

4 Agus chaidh deatach na tùise suas maille ri ùrnuighibh nan naomh, o làmh an aingil, an làthair Dhé.

5 Agus ghlac an t-aingeal an tùis- eir, agus lion se e le teine na h-al- taire, agus thilg e air an talamh e: agus bha guthanna, agus tairnean- aich, agus dealanaich, agus crith- thalmhainn ann.

6 Agus dh'ulltich na seachd aingil aig an robh na seachd tromp- aidan iad féin, chum an séideadh.

7 Agus shéid an ceud aingeal, agus bha clocha-meallain fann, agus teine air am measgadh le fuil, agus thilgeadh air an talamh iad; agus loisgeadh an treas cuid do na craobh- aibh, agus am fear glas uile.

8 Agus shéid an dara aingeal, agus thilgeadh mar gu'm bu bheinn mhòr a' losgadh le teine anns an fhairge: agus dh'fhàs an treas cuid do'n fhairge 'na fuil:

9 Agus fhuair an treas cuid do na creutairibh, a bha anns an fhairge, aig an robh anam, bàs; agus mhill- eadh an treas cuid do na longaibh.

10 Agus shéid an treas aingeal, agus thuit reult mhòr o nèamh, a' dearg-lasadh mar lochranh, agus thuit i air an treas cuid do na h-aimh- nibh, agus air na tobraichibh uisge:

11 Agus is e an t-ainm a ghoir- ear do'n reult Burmaid: agus rinn- eadh an treas cuid do na h-uisgibh 'nam burmaid; agus fhuair mòran dhaoine bàs leis na h-uisgibh, do bhrìgh gu'n d'rinneadh searbh iad.

12 Agus shéid an ceathramh aing- eal, agus bhuaileadh an treas cuid do'n ghréin, agus an treas cuid do'n ghealaich, agus an treas cuid do na reultaibh; ionnas gu'n d'rinneadh an treas cuid diubh dorchas, agus nach do dhealraich an là rè an treas cuid dheth, no an oidhche air a' mhodh cheudna.

13 Agus dh'amhaire mi, agus chuala mi aingeal ag itealaich ann am meadhon nèimhe, ag ràdh le guth àrd, Is truagh, truagh, truagh, do luchd-àitheachaidh natalmhainn, air

<sup>a</sup> o ar Dia-ne.

<sup>b</sup> o'n Uan.

<sup>c</sup> gu'n ofraileadh se e.

<sup>c</sup> trioblaid.

<sup>d</sup> a bhuaileas, a

<sup>f</sup> cloich-shneachd.

<sup>g</sup> sgriosadh.

loisgeas a ghrian iad.

<sup>h</sup> leus.

<sup>i</sup> aon aingeal.

son guthanna eile trompaide nan tri aingeal a tha fathast 'u séideadh!

## CAIB. IX.

**A** GUS shéid an cùigeadh aingeal a thrompaid, agus chunnaic mi reult a' tuiteam o nèamh chum na talmhainn: agus thugadh dha iuch-air sluicid an dubh-aigein a.

2 Agus dh'fhosgail e slochd an dubh-aigein, agus dh'éirich deatach as an t-slochd, mar dheataich àmh-uinn mhòir *theintich*; agus rinneadh a' ghrian agus an t-athar dorch, le deataich an t-sluicid.

3 Agus thairig a mach as an deataich air an talamh locuist; agus thugadh cumhachd dhoibh, a réir mar a tha cumhachd aig scorpion-aibh na talmhainn.

4 Agus a dubhradh riu gun iad a dheanamh dochan b' air fear na talmhainn, no air ni sam bith glas, no air craobh sam bith, ach air na daoineibh sin a mhàin aig nach 'eil seula Dhé a' r clar an eudain.

5 Agus thugadh dhoibh, cha'n e gu marbhadh siad iad. ach gu'm biodh iad air am pianadh rè chùig mìosa: agus *bha* am pian cosmhuil ri péin scorpoin, 'nuair a bhuaileas e duine.

6 Agus anns na làithibh sin iarraidh daoine am bàs, agus cha'n fhaigh iad e; agus bithich déidh aca air bàsachadh, agus teichidh am bàs uatha.

7 Agus *bha* cruth nan locust cosmhuil ri h-eachaibh air an ulluchadh chum catha; agus *bha* a' an cinn mar gu'm biodh crùn cosmhuil ri h-òr, agus *bha* an aghaidhean cosmhuil ri h-aghaidh bh dhaoine.

8 Agus *bha* folt orra cosmhuil ri folt bhan, agus *bha* am fìacla mar *fhiacla* leòmhann.

9 Agus *bha* aca uchd-éididhean, mar uchd-éididhean iaruis; agus *bha* fuaim an sgiathan mar fhuaim charbada mhòrain each a' ruith chum catha.

10 Agus *bha* earbuill aca cosmhuil ri scorpion-aibh, agus *bha* guthanna 'nan earblaibh: agus *b'e* an cumhachd da ìne a chiurradh rè chùig mìosa.

11 Agus *bha* rìgh aca os an cienn, *eadhùn* aingcal an dubh-aigein, agus *se's* ainm dha san Eabhra Abaddon, ach anns a' Ghréigis 'se's ainm dha Apolion.

12 Chaidh aon trèaighe thairis; feuch, tha dà thrèaighe ri teachd fathast an déigh so.

13 Agus shéid an seathadh aingcal a thrompaid, agus chuala mi guth o cheithir adha-caibh na h-altair òir, a tha'm fianais Dé,

14 Ag ràdh ris an t-seathadh aingcal aig an robh an trompaid, Fuasgail na ceithir angil, a tha ceangailte aig an amhuinn mhoir E-phrates.

15 Agus dh'fhuasgladh na ceithir aingil, a bha ulluichte fa chomhair uaire, agus là, agus mìos, agus bliadhna, chum gu'm marbhadh iad an treas cuid do dhaoineibh.

16 Agus *b'e* àireamh armailtean a' mharc-shluaigh fichead mìle do dheich mìlteibh: agus chuala mi an àireamh.

17 Agus mar so chunnaic mi na h-eich anns an taisbeanadh, agus iadsan a shuidh orra, aig an robh uchd-éididhean do theine, agus do h'acint, agus do phronnusc<sup>d</sup>: agus *bha* einn nan each mar chinn leòmhann; agus as am beoil thainig a mach teine, agus deatach, agus pronnusc.

18 Leis na trì *plàighibh* so mharbhadh an treas cuid do dhaoineibh, leis an teine, agus leis an deataich, agus leis a' phronnusc, a chaidh a mach as am beoil.

19 Oir tha an cumhachda 'nan beul, agus 'an earblaibh: oir *bha* an earbuill cosmhuil ri nathraichibh nimhe agus *bha* e nn aca, agus leo sin ni iad dochanne.

20 Agus cha do ghabh a' chuid eile do na daoineibh, nach do mharbhadh leis na plàighibh sin, a threachas do oibribh an làmh, ionnas nach deanadh iad aoradh do dheamhnaibh, agus do dhealbhaibh òir, agus airgid, agus umha, agus cloiche, agus fiodha; nach urradh faicinn, no cluinntinn, no imeachd:

21 Agus cha mho a ghabh iad aithreachas d'am mòraibh, no d'an strìopachas, no d'an gadachdaibh.

## CAIB. X.

**A** GUS chunnaic mi aingcal cumhachdach eile a' teachd a nuas o nèamh, air a sgeadachadh le neul agus bogha-froisf air a cheann, agus aghaidh mar a' ghrian, agus a chos a mar phostaibh teine.

2 Agus *bha* aige 'na laimh leabhra fosgailte: agus chuir e a chos dheas air an fhainge, agus a chos chli air an talamh,

3 Agus ghlaodh e le guth àrd, mar a bheuchdas leòmhann: agus an uair a ghlaodh e, labhair seachd tairncanaich an guthanna féin.

<sup>a</sup> an t-sluic gun aigeal.

<sup>b</sup> dochoir, cron. <sup>c</sup> a ghortuchadh.

<sup>d</sup> phronustal.

<sup>f</sup> bogha-uisge.

<sup>e</sup> cron.

<sup>z</sup> dh'éigh.



4 Agus an uair a labhair na tairneanaich an guthanna féin, bha mi dol a scríobhadh: agus chuala mi guth o nêamh, ag ràdh rium. Seulaich na nithe a labhair na seachd tairneanaich, agus na scríobh iad.

5 Agus thog an t-aingeal, a chunnaic mi 'na sheasamh air a' mhuir, agus air an talamh, a làmh gu nêamh,

6 Agus mbionnaich e a'rsan a tha beo gu saoghal nan saoghal, a chruthaich nêamh agus na nithe a ta ann, agus an talamh agus na nithe a ta ann, agus an fhairge agus na nithe a ta innte, Nach bi aimsir ann ni's mo a;

7 Ach ann an làithibh gutha an t-seachdamh ingil, 'nuair a thòisicheas e air séideadh, an sin gu'm biodh rùn-dìomhair Dhé air a chrìochnachadh, mar a dh'innis e d'a she'rbhisich na fàidhean.

8 Agus labhar an guth, a chuala mi o nêamh, rium a ris, agus thubhairt e, Imich, glac an leabhran a tha fosgaile ann an làmh an aingil, a tha 'na sheasamh air an fhairge, agus air an talamh.

9 Agus chaidh mi dh'ionnsuidh an aingil, agus thubhairt mi ris, Thoir dhomhsa an leabhran: agus a deir esan rium, Glac, agus ith suas e; agus ni e do bhroinn searbh, ach bithidh e ann do bheul milis mar mhill.

10 Agus ghlac mi an leabhran a làmh an aineil, agus dh'ith mi suas e; agus bha e ann mo bheul milis mar mhill: agus an uair a dh'ith mi e, rinneadh mo bhrù searbh.

11 Agus thubhairt e rium, Is éigin duit a ris fàidheadaireachd a dheanamh an fianais shìlegh, agus chianeach, agus theanga, agus rìghre lìonmhor.

## CAIB. XI.

**A**GUS thugadh dhomh cuile cosmbuil ri slait: agus sheas an t-aingeal, ag ràdh, Eirich, agus tombais teampull Dhé, agus an altair, agus iadsan, a tha deanamh aoraidh ann.

2 Ach fàg a mach a' chùirt a tha'n taobh a muigh do'n teampull, agus 'na tombais i; oir thugadh i do na Cinnich. agus saltraidh iad fuidh'n cosaibh a' chathair b naomha rè dhà mhìos agus dhà fhichead.

3 Agus bheir mise *cumhachd* do m' dhit is fhianuisean, agus bi iad fàidheadaireachd ré mìle agus dà

cheud agus trì fichead là, eudaichte ann an saic-eudach.

4 Is iad so an dà chrann ola, agus an dà choinnleir, a' t' a 'nan seasamh an làthair Dhé na talmhainn.

5 Agus ma chi urras neach air bith iad, thèid teine a mach as am beul, agus claidhidh e an naimhdean: agus ma chi urras neach air bith iad, is éigin da bhi air a mharbhadh mar so.

6 Tha cumhachd aca so nêamh a dhùpach ionnas nach bi uisge ann, ann an làithibh am fàidheadaireachd: agus tha cumhachd aca air uisgibh chum an tionndadh gu fuil, agus an talamh a bhualadh leis an uile phlàigh, co minic 's is toil leo.

7 Agus an uair a chrìochnaicheas iad am fianais, ni am fiadh-bheathach e, a dh'éireas as an t-slochd gun aigead, cogadh 'nan aghaidh, agus bheir e buaidh orra, agus marbhadh e iad.

8 Agus *bithidh* an cuirp mharbha 'nan *luidhe* ann an sràid na cathracha mòire, d'an goirear gu spioradail Sodom agus an Eiphit, far mar an ceudna an do cheusadh ar Tigh-ea n.

9 Agus chi *cuid* do na slnaghaibh, agus do threubhaibh, agus do theangaibh, agus do chinneachaibh, an cuirp mharbha rè thri làithean gu leth, agus cha leig iad an cuirp mharbha a chur ann an uaighibh.

10 Agus 'ni luchd-àiteachaidh na talmhainn gairdeachas os an ceann, agus bithidh iad subhach, agus cuiridh iad tiòdhlacan e dh'ionnsuidh a chèile; do bhrìgh gu'n do phian an dà fhàidh so iadsan, a bha chomhnuidh air an talamh.

11 Agus an déigh thri làithean gu leth, chaidh Spiorad na beatha o Dhia a steach anna, agus sheas iad air an cosaibh, agus thuit eagal mòr orrasan a chunnaic iad.

12 Agus chual iad guth mòr o nêamh, ag ràdh riu. Thigibh a nìos an so. Agus chaidh iad suas do nêamh air neul, agus chunnaic an naimhdean iad.

13 Agus anns an uair sin féin bha crith mhòr thalmhainn ann, agus thuit an deicheamh cuid do'n chathair, agus mharbhadh seachd mìle pearsa sa' chrith-thalmhainn: agus ghabh a' chuid eile eagal, agus thug iad glòir do Dhia nêimhe.

14 Chaidh an dara truaighe thairis;

c am héisd.

d gun ghrund.

e gibhtean.

f bhaile.

g leis a' chrith-thalmhainn.

a Nach bi'n aimsir ann fathast,

b am baile.

euch, thig an treas truaighe gu h-aithghearr.

15 Agus shéid an seachdamh aing-eal a thrompaid, agus bha guthanna mòra air nèamh, ag ràdh, Rinneadh rioghachdan an t-saoghail 'nan *rioghachdaibh* d'ar Tighearn, agus d'a Chrìodsan, agus bithidh e 'na Rìgh gu saoghal nan saoghal.

16 Agus thuit na ceithir seanaire ùichead, a bha 'nan suidhe air an caithrichibh am fìanuis Dé, sìos air an aghaidh, agus rinn iad aoradh do Dhia,

17 Ag ràdh, Bheireamaid buidheachas duitse, O Thighearna Dhé uile-chumhachdaich, a ta, agus a bha, agus a bhitheas; air son gu'n do ghabh thu do chumhachd mòr a t'ionnsuidh, agus gu'n do rioghaich thu.

18 Agus bha fearg air na cinnich, agus thainig t'fheargsa, agus àm nam marbh gu'n d'thugadh breth orra, agus gu'n d'thugadh tusa duais do d' sheirbh'sich na fàidhean, agus do na naoimh, agus dhoibhsan air am bheil eagal t'a'ime, do na big agus do na mòir, agus gu sgrìosadh tu iadsan a sgrìosasa a talamh.

19 Agus dh'fhosgladh teampull Dé air nèamh, agus chunncas ann a theampull àire a' choimh-cheangail: agus bha dealanaich, agus guthanna, agus tairnean a'ich, agus crith-thalmhainn, agus clocha-meallain mòra ann.

## CAIB. XII.

**A** GUS chunncas iongantas mòr air n' amh-bean air a sgeadachadh leis a' ghréin, agus a' ghealach fuidh a' coisibh, agus air a ceann crùn do dhà reult dheug.

2 Agus air dhi bhi torrach, ghlaodh i, ri saothair-chloinne, agus bha i air a pianadh chum a h-aisead.

3 Agus chunncas iongantas eile air nèamh, agus fench, dragon mòr dearg, aig an robh seachd cinn, agus deich adhaircean, agus air a chinn seachd crùn.

4 Agus tharruing earball an treas euid do reultaibh nèimhe, agus thig e iad chum na talmhainn: agus sheas an dragon fa chomhair namná, a bha ullamh gu bhi air a h-aisead, chum a leanabh a shlugadh suas 'nuair a bheireadh i e.

5 Agus rug i leanabh mic, a bha gu na cinnich uile a riaghladh le slait iaruin: agus thogadh a leanabh suas chum Dhé, agus chum a rìgh-chaithreachsan.

6 Agus theich a' bheando'n fhàsach,

far am bheil aicé ionad air ullachadh le Dia, chum gu'm biodh i air a beathachadh an sin rè mìle agus dà cheud agus trì fichead là.

7 Agus bha cogadh air nèamh; rinn Michael agus aingil cogadh an aghaidh an dragoin, agus chog an dragon agus aingil féin;

8 Agus cha d'thug iad buaidh, cha mhò a fhuaradh an àite ni's mò air nèamh.

9 Agus thilgeadh a mach an dragon mòr an t-seann nàthair sin, d'an goirear an diabhol agus Sataù, a tha mealladh an t-saoghail uile: thilgeadh a mach e chum na talmhainn, agus thilgeadh a mach aingil maille ris.

10 Agus chuala mi guth mòr ag ràdh air nèamh, A nis tha slàinte agus neart, agus rioghachd ar Dé-ne, agus cumhachd a Chrìod air teachd; oir thilgeadh sìos fear-casaid ar bràithre, a bha 'gan casaid an làthair ar Dé-ne a là agus a dh'oidhche.

11 Agus thug iad buaidh air tre fhuil an Uain, agus tre fhocal am fìanuis-san; agus cha do ghràdhaich iad an anama féin gu bàs.

12 Uime sin biodh gairdeachas oirbh, o a nèamha, agus oirbhse a tha 'nar còmhnuidh anna. An-aoibhinn do luchd-àiteachaidh na talmhainn, agus na fairge! oir thainig an diabhol a nuas d'ar n-ionnsuidh, agus fearg ro mhòr air, do bhrìgh gur fiosrach e nach 'eil aige ach ùine ghearr.

13 Agus an nair a chunnaic an dragon gu'n do thilgeadh e chum na talmhainn, rinn e geur-leànmuinn air a' mhnaoi, a rug an *leanabh* mic.

14 Agus do'n mhnaoi thugadh dà sgéith ìolaire mòire, chum gu'n rachadh i air itealaich leo do'n fhàsach, chum a h-ionaid féin; far am bheil i air a h-altrum ré aimsir, agus aimsirean, agus leth-aimsir e, o aghaidh na nathrach.

15 Agus thilg an nathair as a beul uisge mar thuil, an déigh na mná, chum gu'n d'thugadh i oirre bhi air a giùlan air falbh leis an t-sruth.

16 Agus rinn an talamh còmh-nadh ris a' mnaoi, agus dh'fhosgail an talamh a bheul, agus shluig e suas an tuil, a thilg an dragon as a bheul.

17 Agus bha fearg air an dragon ris a' mhnaoi, agus cha'dh e d'bean-amh cogaidh ris a' chuid eile d'a sliochd, a tha coimhead d' àitheanta

<sup>c</sup> àm, agus amanna, agus leth-àm.

<sup>d</sup> gleidheadh.

<sup>a</sup> thruailleas.

<sup>b</sup> uabheist.

Dhé, agus aig am bheil fianuis Iosa Criosd.

## CAIB. XIII.

**A** GUS sheas mi air gaineamh na faire, agus chunnaic mi fiadh-bheathach<sup>a</sup> ag éirigh suas as an fhaire, aig an robh seachd cinn, agus deich adhaircean, agus air adharcaibh deich crùin, agus air a chinn ainm toibheim b.

2 Agus bu chosmhuiil am fiadh-bheathach a chunnaic mi ri leopard, agus bha a chosan mar *chosaibh* mathghamhna, agus a bheul mar bheul leomhein: agus thug an dragon a neart, agus a chaithiric, agus cumhachd mòr dha.

3 Agus chunnaic mi aon d'a cheannuibh mar gu'm biodh e air a lotadh gu bàs; agus leighiseadh a chneadh bhàsmhor: agus ghabh an talamh uile iongantais an dèigh an fhiadh-bheathaich.

4 Agus rinn iad aoradh do'n dragon, a thug a chumhachd do'n fhiadh-bheathach: agus rinn iad aoradh do'n fhiadh-bheathach, ag ràdh, Co a ta cosmhuiil ris an fhiadh-bheathach? Co a ta comasach air cogadh a dheanamh 'na aghaidh?

5 Agus thugadh dha beul a' labhairt nithe mòra, agus thoibheum; agus thugadh cumhachd dha cogadh a dheanamh rè dhà mhìos agus dà fhichead.

6 Agus dh'fhosgail e bheul ann an toibheum an aghaidh Dhé, chum toibheum a thoirt d'a ainm, agus d'a phàilluind, agus do'n dream a ta 'nan comhnuidh air nèamh.

7 Agus thugadh dha cogadh dheanamh an aghaidh nan naomh, agus buaidh a thoirt orra: agus thugadh dha cumhachd os ceann gach uile thrèibh, agus theangaidh, agus chinnich.

8 Agus nu' iadsan uile a tha 'nan comhnuidh air an talamh aoradh dha, aig nach 'eil an ainmeanna scriobhta ann an leabhar beatha an Uain, a mharbhadh o thoiseach an t-sagbail.

9 Ma ta cluas aig neach air bith, éisdeadh e.

10 Ma bheir neach air bith am braighdeanas, théid e am braighdeanas: ma mharbhas neach air bith leis a' chlaidheamh, is éigin e féin bhi air a mharbhadh leis a' chlaidheamh. Is ann an so a ta foighidin agus creidimh nan naomh.

11 Agus chunnaic mi fiadh-bheath-

ach eile ag éirigh as an talamh; agus bha aige dà adhairc cosmhuiil ri uan, agus labhair e mar dhragon.

12 Agus tha e a' cur an gnìomh cumhachd a' cheud fhiadh-bheathaich uile 'na fhianuis, agus tha e toirt air an talamh, agus orrasan a tha 'nan comhnuidh ann, aoradh dheanamh do'n cheud fhiadh-bheathach, aig an robh a lot bàsmhor air a leigheas.

13 Agus tha e a' deanamh chomh-ara mòra, ionnas gu bheil e toirt air teine teachd a nuas o nèamh air an talamh, ann am fianuis dhaoine.

14 Agus tha e a' mealladh na droinge a tha nan comhnuidh air an talamh, leis na comharaibh sin a thugadh dha a dheanamh an làthair an fhiadh-bheathaich, ag ràdh ri luchd-àiteachaidh na talmhainn, dealbh a dheanamh do'n bheathach aig an robh an lot claidheimh, agus a bha beo.

15 Agus thugadh cumhachd dha beathach a thoirt do dhealbhan an fhiadh-bheathaich, ionnas gu'n labhara h dealbh an fhiadh-bheathaich, agus gu'n d'thugadh e fairear gu'm biodh a mheud as nach deanadh aoradh do dhealbhan an fhiadh-bheathaich, air am marbhadh.

16 Agus tha e toirt air na h-uile dhaoine, ar aon beag agus mòr, saibhir agus daibhir, saor agus daor, comhar a ghabhail air an làimh dheis, no air clàr an eudain;

17 Agus nach feudadh neach sam bith ceannach no reic, ach esan aig am biodh an combara, no ainm an fhiadh-bheathaich, no àireamh ainme.

18 An so tha gliocas. An ti aig am bheil tuigse, àirmheadh e àireamh an fhiadh-bheathaich: oir is àireamh duine e; agus is e àireamh sea ceud agus trì fichead agus sea.

## CAIB. XIV.

**A** GUS dh'amhairc mi, agus feuch, Uan 'na sheasamh air sliabh Shioin, agus maille ris ceud, agus dà fhichead agus ceithir mìle, aig an robh ainm Atharsan scriobhta air clàr an eudain.

2 Agus chuala mi guth o fhlaith-eanas, mar fhuaim mhorain uisgeacha, agus mar fhuaim tairneanaich mhòir; agus chuala mi fuaim chlarsairean, a' deanamh ciuil le'n clàrsaichibh féin.

3 Agus chan iad mar gu'm b'òran nuadh e an làthair na rìgh-chaithreach, agus an làthair nan ceithir bheathach, agus nan seanair: agus cha b'urradh neach sam bith an t-òran sin fhòghlum, ach an ceud

<sup>a</sup> béist.

<sup>b</sup> ainmean Dia-mhaslachaidh.

<sup>c</sup> a rìgh-chaithir. <sup>d</sup> thabernacal.

<sup>e</sup> spiorad. <sup>f</sup> lochd. <sup>g</sup> cunntadh

agus dà fhichead agus na ceithir  
mìle, a shaoradh a' n' talamh.

4 Is iad so an dream nach do  
shalaicheadh le mnàibh; oir is òigh-  
ean iad: is iad so an dream a tha  
leantuinn an Uain ge b'e àit an  
d'théid e: sha-radh iad so o mheasg  
dhaoine, 'nan ceud thoradh do Dhia,  
agus do'n Uan.

5 Agus 'nam beul cha d'fhuaradh  
cealg: oir tha iad gun lochd b an  
làthair rìgh-chaitheach Dhé.

6 Agus chunnaic mi aingeal eile  
ag itealaich ann am meadhon nèimhe,  
aig an robh an soiseul sìorruidh r'a  
shearmonachadh dhoibhsan, a tha  
'nan còmhaidh air an talamh, agus  
do gach uile chinneach, agus thréibh,  
agus theanaidh, agus shluagh.

7 Ag ràdh le guth àrd, Biodh  
eagal Dé oirbh. agus thugaibh glòir  
dha; oir thainig uair a bhreitheanais:  
agus deanaidh aoradh dhasan a rinn  
nèamh, agus talamh, agus an fhairge,  
agus an tobair uisge.

8 Agus lean aingeal eile; ag ràdh,  
Thuit. thuit Babilon, a' chathair  
mhòr e sin, do bhrìgh gu'n d'thug  
i air gach uile chinneach òl do fhìon  
feirge a striopachais.

9 Agus lean an treas aingeal iad,  
ag ràdh le guth àrd. Ma ni neach air  
bith aoradh do'n fhiadh-bheathach,  
agus d'a dhealbh, agus ma ghabhas  
e a chomhara air clàr cudain, no air  
a làimh,

10 Olaidh esan do fhìon feirge  
Dhé, a tha air a dhòrtadh gun  
mheasgadh, ann an cupan fheirge-  
san; agus bithidh e air a phianadh  
le teine agus pronnusc, am fianuis  
nan aingeal naomha, agus am fian-  
uis an Uain.

11 Agus bithidh deatach am  
péinesan ag éirigh suas gu saoghal  
nan saoghal: agus cha 'n'eil fois  
sam bith a là no dh'oidhche aca-san,  
a ni aoradh do'n fhiadh-bheathach  
agus d'a dhealbh, no aig neach air  
bith a ghabhas comhara ainmesan.

12 An so tha foighidin nan  
naomh: an so tha'n dream a choimh-  
ideas àith anta Dhé, agus creidimh  
Iosa.

13 Agus chuala mi guth o nèamh,  
ag ràdh rium, Scriobh, Is beannuichte  
na mairbh a gheibh bàs san Tigh-  
earn, a so a mach: seadh, a deir an  
Spiorad, chum gu faigh iad fois o'n  
saothair; agus leanaidh an oibre iad.

14 Agus dh'amhairc mi, agus  
feuch, neul geal, agus air an neul  
neach 'na shuidhe cosmhuil ri Mac

an duine; aig an robh cròn òir air a  
cheann, agus corran geur 'na làimh.

15 Agus thainig aingeal eile mach  
as an teampull, a' glasdhaich le guth  
àrd ris an ti, a bha 'na shuidhe air an  
neul, Sàth a steach do chorrann, agus  
buain: oir thainig am dhuit buain;  
oir tha foghara na talmhainn abuich.

16 Agus shàth an ti a bha 'na  
shuidhe air an neul, a chorrann san  
talamh; agus bhuaineadh an talamh.

17 Agus thainig aingeal eile mach  
as an teampull a ta air nèamh, agus  
corran geur aige-san mar an ceudna.

18 Agus thainig aingeal eile mach  
o'n altair, aig an robh cumhachd os  
cionn teine, a' us ghlaodh e le glaoth  
àrd ris an ti aig an robh an corran  
geur, ag ràdh, Sàth a steach do chorr-  
an geur, agus cnuasaich baguidean  
fìonain na talmhainn: oir a ta a  
fìon-dhearcan làn abuich.

19 Agus shàth an t-aingeal a chorr-  
an san talamh, agus cnuasaich e  
fìonain na talmhainn, agus thilg e i  
ann am fìon-amar mòr feirge Dhé.

20 Agus shaltradh am fìon-amar  
an taobh a muigh do'n chathair, agus  
thainig fuil a mach as an fhìon-  
amar, gu sréin nan each, feadh  
mhìle agus shea ceud stàide.

CAIB. XV.

A GUS chunnaic mi comhara eile  
air nèamh, mòr agus iongant-  
ach, seachd a ngil aig an robh na  
seachd plàighean deireannach; oir  
annta so tha fearg Dhé air a coimh-  
lionadh.

2 Agus chunnaic mi mar gu'm  
b'fhaighe ghloine, air a measgadh le  
teine; agus iadsan, a thug buaidh  
air an fhiadh-bheathach, agus air a  
dhealbh, agus air a chomhara, agus  
air a' reamh ainme, 'nan seasamh air  
an fhairge ghloine, agus clàrsaiche  
Dhé aca.

3 Agus tha iad a' cantuinn òrain  
Mhaois f'òglach Dhé, agus òrain an  
Uain, ag ràdh, Is mòr, agus is iong-  
antach t'oibre, a Thighearna Dhé  
uile-chumhachdaich; is ceart agus  
is fìor do shligheansa, a Rìgh nan  
naomh.

4 Cò air nach biodh eagal romhad,  
O Thighearn, agus nach d'thugadh  
glòir do t ainm? oir is tusa mhàin a  
ta naomha: oir thig na h-uile chin-  
neach, agus ni iad aoradh ann do  
làthair; do bhrìgh gu bheil do  
bhreitheanais air an deanamh foll-  
aiseach.

5 Agus an déigh so dh'amhairc

d trionuill. e i. e. an t-òchdamh  
cuid do mhìle-fearainn.

f chan iad laoidh Mhaois.

a cheannuicheadh. b gun sma  
c am baile mòr.



mi, agus feuch, dh'fhosgladh team-pull pàilliuin na fìanuis air nèamh.

6 Agus thainig a mach as an team-pull na seachd a ngil, aig an robh na seachd plàighean air an gheadachadh le lìon-eudach glan agus dealrach a, agus air an crioslachadh b mu'n uchd le criosaibh òir.

7 Agus thug aon do na ceithir bheathaichibh do na seachd aingil seachd soithichean òir, làn do fheirg an Dé a ta beo gu saoghal nan saoghal.

8 Agus lìonadh an teampull le deataich o ghloir Dhé, agus o chumhachdsan; agus cha b'urradh neach sam bith dol a stigh do'n teampull, agus am biodh seachd plàighean nan seachd aingeal air an còmhlonadh.

## CAIB. XVI

**A**GUS chuala mi guth mòr as an teampull, ag ràdh ris na seachd aingil, Imichibh, agus taomaibh soithiche feirge Dhé air an talamh.

2 Agus dh'imich an ceud aingeal, agus thaom e a shoitheach air an talamh; agus dh'éirich droch neas-gaid nimhneach air na daoineibh sin aig an robh comhara an fhiadhbheathaich, agus orrasan a rinn aoradh d'a dhealbh.

3 Agus thaom an dara aingeal a shoitheach san fhairge; agus rinneadh i mar fhuil duine mhairbh: fhuair gach anam beo bàs anns an fhairge.

4 Agus thaom an treas aingeal a shoitheach anns na h-aimhneachibh agus anns na tobraichibh uisge; agus rinneadh iad 'nam fuil.

5 Agus chuala mi aingeal nan uisgeacha ag ràdh, Is cothromach thu, O Thighearn, a ta, agus a bha, agus a bhithas, do bhrìgh gu'n d'thug thu breth air an dòigh seo:

6 Oir dhòit iadsan fuil naomh agus fhàidhean, agus thug thusa dhoibh fuil r'a h-òl; oir is toillteanach iad.

7 Agus chuala mi reach eile o'n altair ag ràdh, Seadh, a Thighearna Dhé uile-chumbachdaich, is fìor agus cothromach do bhreitheanaibh.

8 Agus thaom an ceathramh aingeal a shoitheach air a' ghrein; agus thugadh cumhachd dha daoine a phianadh le h-aiteas teine.

9 Agus bha daoine air an losgadh le teas mòr, agus thug iad toibheum do ainm Dhé, aig am bheil cumhachd air na plàighibh sin: agus cha d'riinn iad aithreachas, chum glòir a thoirt dhasan.

10 Agus thaom an cùigeadh aing-

a geal. b air an criosrachadh.

eal a shoitheach air rìgh-chaitheir an fhiadhbheathaich; agus rinneadh a rìoghachd dorchas, agus chagainn daoine an teanga tre phéin,

11 Agus thug iad toibheum do Dhia nèimhe air son an pianta agus an creuchda, agus cha do ghabh iad aithreachas d'an gnìomharan bh.

12 Agus thaom an seathadh aingeal a shoitheach air an amhuinn mhòir Euphrates; agus thiormaicheadh a h-uisge, chum gu'n ulluichteadh slighe rìghrean na h-àirde 'n ear.

13 Agus chunnaic mi teachd a mach a beul an dragoin, agus a beul an fhiadhbheathaich, agus a beul an fhàidhbhréire, trì spiorada neoghlana, coshail ri losguinn.

14 Oir is iad sin s' spiorada dheamhan, a' deanamh chomhara, a tha dol a mach chum rìghre na talmhainn, agus an domhain uile, gu'n cruinneachadh chum catha là mhòir sin an Dé uile-chumbachdaich.

15 Feuch, ataim a' teachd mar ghaduiche. Is beannuichte esan a nì faire, agus a ghleidheas eudach, chum nach imich e lònnochd, agus nach faic daoine a nàire.

16 Agus chruinnich e iad r'a chèile chum ionaid d'an goirear san Eabhra, Armagedon.

17 Agus thaom an seachdamh aingeal a shoitheach san athar; agus thainig guth mòr a mach a teampull nèimhe, o'n rìgh-chaitheir, ag ràdh, Tha e deanta.

18 Agus bha guthanná, agus tairneanaich, agus dealanaich ann; agus bha crith mhòr thalmhainn ann, nach robh a leithid ann o bha daoine air an talamh, a samhail do chrith-thalmhainn co mòr.

19 Agus bha a' chatbair mhòre air a roinn 'na trì-earannaibh, agus thuit cathraiche nan cinneach: agus thainig Babilon mhòr an cuimhne an làthair Dhé, a thoirt di copan fìona fraoich fheirgef.

20 Agus theich gach uile eilean as, agus cha d'fhuaradh na beamta.

21 Agus thainig clacha-meallain mòra a nua o nèamh a' r' daoineibh, gach clach co throm ri talann: agus thug daoine toibheum do Dhia, air son plàigh nan clacha-meallain; oir bha am plàighsan ro mhòr.

## CAIB. XVII.

**A**GUS thainig aon do na seachd aingil aig an robh na seachd soithichean, agus labhair e rium, ag

c masladh. d aithhear.  
e an baile mòr. f fheirge ro gharg.  
g cloich-shneachd mhòr.

ràdh rium, 'Thig an so; nochdaidh mi dhuit breitheanas na strìopaiche mòire, a tha 'na suidhe air mòran uisgeacha:

2 Ris an d'rinn rìghre na talmhainn strìopachas, agus aig an do chuireadh luchd-àiteachaidh na talmhainn air mhisg le fìon a strìopachais.

3 Agus 'thug e leis mi anns an spiorad do'n fhàsach: agus chunnaic mi bean 'na suidhe air fìadh-bheathach air dhath scarlaid, làn do ainmibh toibheim<sup>a</sup>, air an robh seachd cinn agus deich adhaircean.

4 Agus bha bhean air a sgèadachadh ann am purpur, agus ann an scarlaid, agus air a deanamh breagha le h-òr agus clachaibh luachmhor agus neamhnuidibh, agus copan òir aice 'na làimh, làn do ghràineil-eachd agus do neo-ghlòine strìopachais.

5 Agus air clàr a h-eudain *bha* ainm sgrìobhta, RUN-DIOMHAIR, BABILON MHOR, MATHAIR NAN STRIOPACH AGUS GHRAINEILEACHDA NA TALMHAINN.

6 Agus chunnaic mi a' bhean air mhisg le fuil nan naomh, agus le fuil fhianuisean<sup>b</sup> Iosa: agus an uair a chunnaic mi i, ghabh mi iongantàs le h-iongantàs mòr.

7 Agus thubhairt an t-aingeal rium, 'Car son a ghabh thu iongantàs? Innsidh mise dhuit rùn-dìomhair na mnà, agus an fhìadh-bheathaich a tha 'ga giùlan, air am bheil na seachd cinn agus na deich adhaircean.

8 Am fìadh-bheathach a chunnaic thu, bha e, agus cha 'n'èil e ann; agus èiridh e suas a slochd an dubh-aigein<sup>c</sup>, agus thèid e am mughad: agus gabhaibh luchd-àiteachaidh na talmhainn (aig nach 'èil an ainm-eanna sgrìobhta ann an leabhar na beatha o thoiseach an t-saoghail) iongantàs, 'nuair a chi iad am fìadh-bheathach e a bha, agus nach 'èil, agus a bhitheas ann<sup>f</sup>.

9 An so ta an inntinn aig am bheil glòcas: Na seachd cinn is seachd sléightean iad, air am bheil a' bhean 'na suidhe.

10 Is seachd rìghrean iad mar an ceudna: tha cùig *dhiubh* air tuiteam, agus a ta h-aon ann: cha d'thainig am fear eile fathast, agus an uair a

thig e, is éigin da fantuinn rè ùine bhig.

11 Agus am fìadh-bheathach a bha, agus nach 'èil ann, is esan an t-ochdamh, agus tha e o'n t-seachd-nar, agus thèid e am mugha.

12 Agus na deich adhaircean, a chunnaic thu, is deich rìghrean iad, nach d'fhuair rìoghachd fathast, ach a ta faotainn cumhachd mar rìghrean rè aon uaire maille ris an fhìadh-bheathach.

13 Tha aca sin aon inntinn, agus bheir iad an nèart agus an cumhachd do'n fhìadh-bheathach.

14 Ni iad sin cogadh an aghaidh an Uain, agus bheir an t-Uan buaidh orra: oir is esan Tighearna nan Tighearna, agus Rìgh nan Rìgh; agus *tha* an dream a tha maille ris, air an gairm, agus air an taghadh, agus dìleas.

15 Agus a deir e rium, Na h-uisgeachan a chunnaic thu, faram bheil an strìopach 'na suidhe, is sléigh, agus coimhthionail, agus cinnich, agus teanganna iad.

16 Agus na deich adhaircean a chunnaic thu air an fhìadh-bheathach, bheir iad sin fuath do'n strìopach, agus ni iad fàs i, agus lomnochd, agus ithidh iad a fèoil, agus loisgidh iad i le teine.

17 Oir chuir Dia 'nan cridhe a thoil a choimhlionadh, agus a bhi dh'aon chomhairle, agus an rìoghachd a thoirt do'n fhìadh-bheathach, agus an coimhlionar briathraa Dhe.

18 Agus is i a bhean a chunnaic thusa, a' chaitheir mhòr<sup>h</sup> sin, a tha rìoghachadh os cionn rìghre na talmhainn.

## CAIB. XVIII.

**A** GUS an déigh nan nithe so chunnaic mi aingeal eile teachd a suas o nèamh, aig an robh cumhachd mòr; agus dhealraich an talamh le ghloir.

2 Agus ghlaodh<sup>i</sup> e gu làidir le guth mòr, ag ràdh, Thuit, thuit Babilon mhòr, agus rinneadh i 'na h-àite-còmhnuidh dheamhan, 'na prìosun mdo gach spiorad neo-ghlan, na h-ionad cumail do'n gach eun neo-ghlan agus fuathmhor.

3 Oir dh'òl na h-uile chinnich do fhìon feirge a strìopachais, agus rinna rìgre na talmhainn strìopachas rithe, agus rinneadh saibhir ceannaich-

<sup>a</sup> Dia-mhaslachaidh.

<sup>b</sup> mhairtireach.

<sup>c</sup> as an-t-slochd gun ghrunn.

<sup>d</sup> sgriosar e. <sup>e</sup> am bèist.

<sup>f</sup> gideadh a ta ann.

<sup>g</sup> san aon uair ris.

<sup>h</sup> am baile mòr.

<sup>i</sup> aig am bheil uachdaranachd.

<sup>l</sup> dh'èigh. <sup>m</sup> gaintir.

<sup>n</sup> 'na h-eunagan.

ean na talmhainn le pailteas a sògha<sup>a</sup>.

4 Agus chuala mi guth eile o nèamh, ag ràdh, Thigibh a mach aisde, mo phobull, chum nach bi sibh comh-pairteach d'a peacaibh, agus nach faigh sibh *cuid* d'a plàighibh;

5 Oir tha a peacanna air ruigh-eachd<sup>b</sup> suas gu nèamh, agus chuimhnich Dia a h-eucearta.

6 Thugaibh ath-dhiol di mar a dhiol ise ribh, agus thugaibh dhi a dhà uiread, a rèir a h-oibre: anns a' chupan a lion i, lionaibh a dhà uiread di.

7 A' mheud as a ghlòraich si i féin, agus a chaith i a beatha gu sòghail, co mòr as sin thugaibh dhi do pheanas agus do bhron: oir a deir i 'na cridhe féin, Tha mi a'm' shuidhe a'm' bhan-righinn, agus cha bhantrach mi, agus cha'n fhaic mi bròn.

8 Uime sin ann an aon là thig a plàighean, bàs, agus bròn, agus gorta; agus loisgear i gu tur le teine: oir is neartmhor an Tigh-earna Dia a bheir breth oirre.

9 Agus ni rìghre na talmhainn a rinn striopachas, agus a chaith am beatha gu sòghail maille rithe, gul, agus caoidh air a son, 'nuair a chi iad deatach a losgaidh,

10 A' seasamh fad as, tre eagal a peanais, ag ràdh, Mo thruaighe, mo thruaighe, a' chathair mhòr<sup>c</sup> sin Babilon, a' chathair threun sin! oir ann an aon uair thainig do bhreith-eanas.

11 Agus ni ceannaichean na talmhainn gul agus caoidh air a son; oir cha cheannaich neach sam bith am bathard<sup>d</sup> ni's mò.

12 Bathar òir, agus airgid, agus chlach luachmhor, agus neamhnuid-ean, agus lion eudaich ghrinn, agus phurpuir, agus shìde, agus scarlaid, agus gach uile ghnè fhiodha thiine, agus gach uile ghnè shoithiche do fhiacraibh elephant, agus gach uile ghnè shoithiche do fhiodh ro luachmhor, agus do umha, agus do iarunn, agus do marmor,

13 Agus canal, agus nithe deadh-bholaidh, agus ol'-ungaidh, agus tùis, agus fion, agus ola, agus min mhìn<sup>e</sup>, agus cruineachd, agus ainmhidhean, agus caoraich, agus eich, agus carbada, agus tràillea, agus anama dhaoine.

14 Agus dh'imich na toraidh, air

an robh mòr dhéidh t'anama, uait, agus dh'imich [na h-uile nithe annasach agus maiseach uait, agus cha'n fhaigh thu iad ni's mò.

15 Seasaidh ceannaichean nan nithe so, a rinneadh saibhir leatha, am fad, air eagal a peanais, a' gul agus a caoidh,

16 Agus ag ràdh, Is truagh, is truagh, a' chaithir mhòr sin, a bha air a sgeadachadh le lion-eudach grinn, agus purpur, agus scarlaid, agus a bha air a deanamh breagha<sup>f</sup> le h-òr, agus le clachaibh luachmhor, agus le neamhnuidibh!

17 Oir ann an aon uair thugadh saibhreas co mor gu neo-ni. Agus sheas gach uile long-mhaighstir<sup>g</sup>, agus gach uile chuideachd a théid air longaibh, agus na seòladairean, agus a mheud 's a ni gnothuichean air faire, am fad,

18 Agus ghlaodh iad, an uair a chunnaic iad deatach a losgaidh, ag ràdh, C'i a' chaithir a's cosmhuil ris a' chathair mhòir so?

19 Agus thig iad duslach air an cinn, agus ghlaodh iad, a' gul agus a' caoidh, ag ràdh, Is truagh, is truagh, a' chathair mhòr sin, anns an d'rinneadh saibhir iadsan uile aig an robh longa air an faire, trid a greadhnachais-san! oir ann an aon uair dh'fhàsaicheadh i.

20 Dean gairdeachas os a cionn, o a nèamh, agus sibhse abstola naomha agus fhàidhean; oir dhiol Dia sibhse oirre.

21 Agus thog aingeal treun clach mar chloich-mhuilinn mhòir, agus thilg e san fairege i, ag ràdh, Is ann mar so le neart a thilgear sìos a' chathair mhòr sin Babilon, agus cha'n fhaighear i ni's mò.

22 Agus cha chluinnear annad ni's mò fuaim chlàrsaichean, agus luchd-ciùil, agus phìobaichean, agus thrompadaichean; agus cha'n fhaighear annad ni's mò fear-ceird, do ghnè ceirde sam bith; agus cha chluinnear fuaim cloiche-muilinn annad ni's mò;

23 Agus cha soillsich solus coinnle<sup>h</sup> annad ni's mò; agus cha chluinnear annad ni's mò guth fir-bainnse no mnà bainnse: oir b'iad do cheannaichean daoine mòra na talmhainn; agus le d' dhruidheachd bha na h-uile chiunnich air am mealladh:

24 Agus fhuaradh innte fuil fhàidhean, agus naomh, agus nan

<sup>a</sup> a sàimhe. <sup>b</sup> air leantuinn.

<sup>c</sup> am baile mòr.

<sup>d</sup> am marsandachd, an earradh.

<sup>e</sup> plùr mìn.

<sup>f</sup> air a h-òradh.

<sup>g</sup> fhear-stiùraidh.

<sup>h</sup> lòchrain.

uile *dhaoine*, a mharbhadh air an talamh.

## CAIB. XIX.

**A**GUS an déigh nan nithe so, chuala mi guth árd mhóir shluaigh air nêamh, ag ràdh, Aleluia; slàinte, agus glòir, agus onoir, agus cumhachd do'n Tighearn ar Dia-ne:

2 Oir is fìor agus is cothromach a bhreitheanais; oir thug e breth air an strìopaich mhòir, a thruaill an talamh le a strìopachas, agus dhìol e fuil a sheirbhiseach féin air a làimh.

3 Agus aris thubhairt iad, Aleluia. Agus chaidh a deatach suas gu saoghal nan saoghal.

4 Agus thuit na ceithir seanaire fìchead, agus na ceithir bheathaiche sìos, agus rinn iad aoradh do Dhia, a bha 'na shuidhe air an rìgh-chaithir, ag ràdh, Amen; Aleluia.

5 Agus thainig guth a mach o'n rìgh-chaithir, ag ràdh, Molaibh ar Dia-ne, sibhse uile a's seirbhisich dha, agus air am bheil eagal-san, eadar bheag agus mhòr.

6 Agus chuala mi mar ghuth mòr shluaigh, agus mar fhuaim mhòrain uisgeacha, agus mar thoirm tairnean-ach chumhachdaich, ag ràdh, Aleluia: oir a ta an Tighearna Dia uile-chumhachdach, a' rioghachadh.

7 Bitheamaid aoibhinn agus deanamaid gairdeachas, agus thugamaid glòir dhasan: oir thainig pòsadh an Uain, agus dh'ulluich a bhean i féin.

8 Agus thugadh dhi gu'm biodh air a sgeadachadh le lìon-eudach grinn, glan agus dealrach: oir is e an lìon-eudach grinn fìreantachd nan naomh.

9 Agus a deir e rium, Scriobh, Is beannuichte iadsan a tha air an cuireadh gu suipeir-bhainnse an Uain. Agus a deir e rium, Is iad so briathra fìrinneach Dhé.

10 Agus thuit mi sìos aig a chos-aibh chum aoradh dheanamh dha: agus thubhairt e rium, Feuch nach dean thu e: is comh-sheirbhiseach dhuit féin mise, agus do d' bhràithribh aig am bheil fianuis Iosa: dean aoradh do Dhia; oir is i fianuis Iosa spiorad na fàidheadaireachd.

11 Agus chunnaic mi nêamh air fhosgladh, agus fench, each geal; agus ghoireadh do'n ti a shuidh air Dileas agus Fìor; agus ann am fìreantachd tha e deanamh breitheanais agus cogaidh.

12 Agus bha a shùilean mar lasair theine, agus air a cheann bha mòran chrùn; agus bha ainm aige scriobhta,

nach b'aithne do neach sam bith ach e féin;

13 Agus bha e air a sgeadachadh le truscan a tumta am fuil: agus is e'n t-ainm a ghoirear dheth, FOCAL DE.

14 Agus lean na h-armailtean a bha air nêamh e air eachaibh geala, air an sgeadachadh le lìon-eudach grinn, geal agus glan.

15 Agus as a bheil tha claidheamh geur a' dol amach, chuim gu'm buail eadh e na cinnich leis: agus riaghlaidh se iad le slait iarunn: agus tha e a' saltradh lìon-anair fraoich feirge an Dé uile-chumhachdaich.

16 Agus tha aige air a thruscan agus air a leis ainm scriobhta, Rìgh NAN Rìgh, AGUS TIGHEARNA NAN TIGHEARNA.

17 Agus chunnaic mi aingeal àraidh 'na sheasamh sa' ghréin; agus ghlaodh e le guth árd, ag ràdh ris an eunlaith uile a bha 'g itealaich ann am meadhan nêimhe, Thigibh, agus cruinnichibh sibh féin chum suipeir an Dé mhòir;

18 Chum gu'n ith sibh feòil rìghre, agus feòil árd-cheannard, agus feòil dhaoine cumhachdach, agus feòil each agus na muinntir a shuidheas orra, agus feòil nan uile *dhaoine*, araon shaor agus dhaor, araon bheag agus mhòr.

19 Agus chunnaic mi am fiadh-bheathach, agus rìghrean na talmhainn, agus an armailtean air an cruinneachadh, a dheanamh cogaidh an agaidh an ti a bha 'na shuidhe air an each, agus an aghaidh armailte-san.

20 Agus glacadh am fiadh-bheathach, agus maille ris-san am fàidh-bréige a rinn miorbhuilean 'na làthair, leis an do'mheall e an droing a ghabh orra comhara an fhiadh-bheathaich, agus iadsan a rinn aoradh d' a dhealbh. Thilgeadh iad sin 'nan dithis beo ann an loch teine a' dearg-lasadh le pronnusc.

21 Agus mharbhadh a chuid eile le claidheamh an ti, a bha 'na shuidhe air an each, a thainig a mach as a bheil: agus bha an eunlaith uile air an lìonadh le'm feòil.

## CAIB. XX.

**A**GUS chunnaic mi aingeal a' teachd a nuas o nêamh, agus iuchairsluichd an dubh-aigein aige, agus slabhraidh mhòr 'na làimh.

2 Agus rug e air an dragon an t-seann nathair nimhe sin, a's e an

a *falluing*, eudach-uachdair.

b *feirge ro gharq.*

c *an t-sluichd gun aigeal.*



diabhol agus Sàtan, agus cheangail se e rè mhìle bliadhna.

3 Agus thilg se e do shlochd an dubh-aigein, agus dhùin e stigh e, agus chuir e seula air, chum nach mealladh e na cinnich tuilleadh, gus an crìochnaicheadh a amhàile bliadhna: agus an dèigh sin, 's éigin gu fuasgailear e rè ùine bhig.

4 Agus chunnaic mi rìgh-chaithirichean, agus shuidh iad orra, agus thugadh breitheanas doibh: agus chunnaic mi anamauna na muinntir d'an do chuireadh an cinn air son fianuis Iosa, agus focail Dé, agus nach d'rinn aoradh do'n fhiadhbheathach, no d'a dhealbh, agus nach do ghabh a chomhara air clàr an eudain, no air an làmhaidh; agus bha iad beo, agus rioghaich iad maille ri Crìosd rè mhìle bliadhna.

5 Ach cha d'ath-bheothaicheadh a' chuid eile do na mairbh gus an robh amhàile bliadhna air an crìochnachadh. Is i so a' cheud aiseirigh.

6 Is beannuichte agus is naomha an ti aig am bheil cuid anns a' cheud aiseirigh: orra so cha 'n eil cumhachd aig an dara bàs; ach bithidh iad 'nan sagartaibh do Dhia, agus do Crìosd, agus rioghaichidh iad maille ris mìle bliadhna.

7 Agus an uair a chrìochnaichear amhàile bliadhna, fuasgailear Sàtan as a phrìosun.

8 Agus thèid e mach a mhealladh nan ciùneach, a tha ann an ceithir chearnaibh na talmhainn, Gog agus Magog, chum an cruinneachadh gu cath; muinntir a tha ann an àireamh mar ghaineamh na fairge.

9 Agus chaidh iad suas air leud na talmhainn, agus chuairtich iad camp nan naomh, agus a' chathair ionmhuinn: agus thainig teine nuas o Dhia a nèamh, agus chuir e as doibh.

10 Agus thilgeadh an dia'hol, a mheall iad, san loch theine agus phronnusc, far am bheil am fiadhbheathach, agus am fàidh-bréige, agus bithidh iad air am pianadh a là agus a dh'oidheche, gu saoghal nan saoghal.

11 Agus chunnaic mi rìgh-chaithir mhòr gheal, agus an ti a shuidh oirre, neach a theich nèamh agus talamh o a ghnòis, agus cha d'fhuaradh àite dhoibh.

12 Agus chunnaic mi na mairbh, beag agus mòr, 'nan seasamh am fianuis Dé; agus dh'fhosgladh na leabhraichean: agus dh'fhosgladh leabhar eile, eadhon leabhar na

beatha: agus thugadh breth a'r na mairbh as na nithibh sin a bha scriobhta sna leabhraichibh, a réir an gnìomhara.

13 Agus thug an fhairge uaipé b na mairbh, a bha innte; agus thug am bàs agus an uaigh<sup>c</sup> uatha na mairbh a bha anna: agus thugadh breth orra gach aon a réir an gnìomhara.

14 Agus thilgeadh am bàs agus ifrinn do'n loch theine: Is e so an dara bàs.

15 Agus ge b'e air bith nach d'fhuaradh scriobhta ann an leabhar na beatha, thilgeadh e san loch theine.

## CAIB. XXI.

**A**GUS chunnaic mi nèamh nuadh, agus talamh nuadh: oir chaidh an ceud nèamh agus an ceud talamh thairis; agus cha robh fairge ann ni's mò.

2 Agus chunnaic mise Eoin a' chaithir naomha, Ierusalem nuadh, a' teachd a nuas o Dhia a nèamh, air a h-ulluchadh mar bhean-bainnse air a sgeadachadh fa chomhair a fir.

3 Agus chuala mi guth mòr a nèamh, ag ràdh, Feuch, tha pàillion Dhé maille ri daoineibh, agus ni esan còmhnuidh maille riu, agus bithidh iadsan 'nan sluagh aige, agus bithidh Dia féin maille riu, agus 'na Dhia dhoibh.

4 Agus tiormaichidh Dia gach deur o'n sùilibh; agus cha bhì bàs ann ni's mò, no bròn, no éighich<sup>d</sup>, agus cha bhì pian ann ni's mò: oir chaidh na ceud nithe thairis.

5 Agus thubhairt an ti a bha 'na shuidhe air an rìgh-chaithir, Feuch, deanam na h-uile nithe nuadh. Agus thubhairt e rium, Scriobh, oir tha na briathra so fìrinneach agus dìleas.

6 Agus thubhairt e rium, Tha e deanta. Is mise Alpha agus Omega, an toiseach agus an deireadh: bheir mi dhasan air am bheil tart, do thobair uisge na beatha gu saor.

7 Sealbhaichidh an ti a bheir buaidh na h-uile nithe mar oighe, agus bithidh mise a'm' Dhia dhasan, agus bithidh esan 'na mhac dhomhsa.

8 Ach aig an dream sin a ta gealtach, agus mi-chreidmheach, agus gràineil, agus aig luchd-mortaidh, agus striopachais, agus druidheachd, agus iodhol-aoraidh, agus aig na h-uile bhreugairibh, bithidh an cuibhrionn anns an loch a ta dearg-lasadh le teine agus pronnusc; ni a's e'n dara bàs.

9 Agus thainig a'm' ionnsuidh aon

do na seachd aingil, aig an robh na seachd soithichean làn do na seachd plaighibh deireannach, agus labhair e rium, ag ràdh, Thig an so, nochd-aidh mise dhuit a' bhean-nuadh-phosda, bean an Uain.

19 Agus thug e leis mi ànns an spiorad gu beinn mhòir agus àrd, agus dh'fheuch e dhomh a' chathair mhòra sin, Ierusalem naomha, a' teachd a nuas a nèamh o Dhia,

11 Aig an robh glòir Dhé: agus bha a soillse<sup>b</sup> cosmhuil ri cloich ro luachmhoir, mar chloich Iaspis, soilleir mar chriostal;

12 Agus bha balla mòr agus àrd aice, air an robh dà gheata dheug, agus aig na geataibh da aingeal dheug, agus ainmeanna scribedhta orra, eadhon ainmeanna dà thréibh dheug chloinn Israeil.

13 Air an taobh an ear, trì gheata-acha; air an taobh thuath, trì gheata-acha; air an taobh deas, trì gheata-acha; agus air an taobh an iar, trì gheata-acha.

14 Agus bha aig balla na cathrach dà bhunait dheug, agus anntasan ainmeanna dà abstol deug an Uain.

15 Agus bha aig an ti a labhair rium, cuile-shlat òir, chum gu'n tomhaiseadh e a' chathair, agus a geata-acha, agus a balla.

16 Agus thà a' chathair 'na luidhe ceithir-chearnach, agus tha a fad co mòr r'a leud: agus thomhais e a' chathair leis a' cuile-shlait, dà mhìle dheug stàide: is ionunn fad, agus leud, agus àirde dhi.

17 Agus thomhais e a balla, ceud agus dà fhichead agus ceithir lāmha-coille<sup>c</sup>, a réir tomhais duine; eadhon, an aingil.

18 Agus bha a balla air a thogail do chloich iaspis; agus b'òr fìor-ghlan a' chathair<sup>d</sup>, cosmhuil ri gloin shoilleire.

19 Agus bha bunaitan<sup>f</sup> balla na cathrach air an deanamh sgiamhach leis gach uile ghnè chlocha luachmhor. *Bu* iaspis an ceud bhunait; *bu* shaphir, an dara; *bu* chaledon, an treas; *b'* emerald, an ceathramh bunait;

20 *Bu* shardonics, an cùigeadh; *bu* shardius, an seathadh; *bu* chrisolit, an seachdamh; *bu* bheril, an t-ochdamh; *bu* topas, an naothadh; *bu* chrisoprasus, an deicheamh; *bu* hiacint, an t-aon deug; *b'* ametist, an dara bunait deug.

a am baile mòr. b solus, dealradh.  
c hann-lamha. d am baile.  
e trid-shoillseach, tre'n dealraich an solus.  
f buinn, bunachuir.

21 Agus *bu* dà neamhnuid deug an dà gheata-dheug; bha gach aon fa leth do na geataibh air a dheanamh do aon neamhnuid: agus b'òr fìor-ghlan sràid na cathrach, mar ghloin shoilleir.

22 Agus cha'n fhaca mi teampull innte: oir is e'n Tighearna Dia uile-chumhachdach, agus an t-Uan a's teampull di.

23 Agus cha'n'eil feum aig a' chathair air a' ghréin, no air a' ghealaich a dhealachadh innte: oir shoillsich glòir Dhé i, agus is e an t-Uan a's solus di.

24 Agus gluaisidh cinnich na muinntir sin a shaorar 'na solus: agus bheir rìghre na talmhainn an glòir agus an urram d'a h-ionnsuidh.

25 Agus cha dùinear a geata-acha san là: oir cha bhi oidheche an sin.

26 Agus bheirear glòir agus urram nan cinneach d'a h-ionnsuidh.

27 Agus cha d'fhéid air chor sam bith a steach innte 'ni air bith a shalaicheas, no a dh'oibricheas gràineileachd, no a 'ni breug: ach iadsan a mhàin a tha scribedhta ann an leabhar beatha an Uain.

#### CAIB. XXII.

**A** GUS dh'fheuch e dhomh amh-uinn fhìor-ghlan do uisge na beatha, soilleir mar chriostal, a' teachd a mach a rìgh-chaithir Dhé, agus an Uain.

2 Ann am meadhon sràide na cathrach, agus air gach taobh do'n amhuinn, bha craobh na beatha, a' giùlan dà ghnè dheug thoraidh, agus a' toirt a toraidh uaipe gach uile mhìos; agus bha duilleadh na craoibhe chum leighis nan cinn-each.

3 Agus cha bhi mallachd air bith ann 'ni's mò: ach bithidh rìgh-chaithir Dhé agus an Uain innte: agus 'ni a sheirbhisich seirbhis da.

4 Agus chi iad aghaidh; agus bithidh ainmsan air clàr an eudain.

5 Agus cha bhi oidheche an sin, agus cha 'n'eil feum aca air coinnill, no air solus na gréine; oir bheir an Tighearna Dia solus doibh: agus rioghaichidh iad gu saoghal nan saoghal.

6 Agus thubhairt e rium, Tha na briathra so dileas agus firinneach. Agus chuir an Tighearna, Dia nam fàidh naomha, aingeal féin a nochdadh d'a sheirbhisich na nithe sin a's éigin tachairt gu h-aithghearr.

7 Feuch, thigeam gu luath: is beannuicht' an ti a choimhideas briathra fàidheadaireachd an leabhair so.

8 Agus chunnaic mise Eoin na

nithe so, agus chuala mi iad: agus an uair a chuala agus a chunnaic mi *iad*, thuit mi sìos a' deanamh aoraidh roimh chosaibh an aingil, a nochd na uithe so dhomh.

9 An sin a deir e rium, Feuch, nach *dean thu e*: oir is comh-sheirbhiseach dhuit mise, agus do d' bhràithribh na fàidhean, agus dhoibh-san a choimhideas briathran an leabhair so: dean aoradh do Dhia.

10 Agus a deir e rium, Na seulaich focail fàidheadaireachd an leabhair so: oir tha an t-àinm am fagus.

11 An ti a ni eucoir, deanadh e eucoir a ghnàth: agus an ti a tha salach, biodh e salach a ghnàth: agus an ti a tha 'na fhìrean, biodh e 'na fhìrean a ghnàth: agus an ti a tha naomha, biodh e naomha a ghnàth.

12 Agus feuch, thigean gu h-aithghearr; agus a ta mo luach-saoithreach maille rium, a thabhairt do gach aon fa leth a réir mar a bhith-eas a ghnìomhara.

13 Is mise Alpha agus Omega, an toiseach agus a' chrìoch, an ceud *neach* agus an *neach* deireannach.

14 Is beannuichte iadsan a ni àitheanta-san, chum gu'm bi còir aca air craoibh na beatha, agus gu'n d'théid iad a stigh tre na geataibh do'n chathair.

15 Oir an taobh a muigh *tha*

madraidh, agus luchd druidheachd, agus luchd-strìopachais, agus luchd-mortaidh, agus luchd-lodhol-àoraidh, agus gach neach a ghràdhaicheas agus a ni breug.

16 Chuir mise Iosa m'aingeal a dheanamh fianuis duibhse air na nithibh so anns na h-eaglaisibh. Is mise freumh agus gineal Dhaibhidh, an reult dhealrach agus mhaidne.

17 Agus a deir an Spiorad agus a bhean-nuadh-phòsda, Thig. Agus abradh an ti a chluinneas, Thig. Agus thigeadh an neach air am bheil tart. Agus ge b'e neach leis an àill, gabhadh e uisge na beatha gu saor.


18 Oir tha mi deanamh fianuis do gach uile neach a chluinneas briathra fàidheadaireachd an leabhar so, Ma chuireas neach air bith ris na nithibh so, cuiridh Dia airsan na plàighean a tha sgrìobhta anns an leabhar so:

19 Agus ma bheir neach air bith o bhriathraibh leabhair na fàidheadaireachd so, bheir Dia a chuibh-rionn-san a leabhar na beatha, agus as a chathair naomha, agus as an nithibh a tha sgrìobhta anns an leabhar so.

20 A deir an ti a tha toirt fianuis air na nithibh so, Gu deimhin ataim a' teachd an aithghearr. Amen. Seadh, thig, a Thighearna Iosa.

21 Gràs ar Thighearna Iosa Crìosd *gu robh* maille ribh uile. Amen.

## C R I O C H.







*Handwritten text, possibly a signature or name, appearing upside down.*

*Handwritten mark or signature.*

*Handwritten text, possibly a date or reference number.*

*Handwritten text, possibly a date or reference number.*

17	8	3/4	100
4	8	1	100
	13	3	100
- 11		3	100
- 11		3	100
			4









